

ጌሻ ማጻፋ



The Holy Bible in the Dawro language of Ethiopia

ጌሻ ማጻፋ

**The Holy Bible in the Dawro language of Ethiopia**

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Contributor: The Word for the World International

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Dawro

© 2011-2024, Wycliffe Bible Translators, Inc. and The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

---

PDF generated using Haiola and XeLaTeX on 2 May 2025 from source files dated 1 May 2025  
585b63ca-b8e6-55c8-bfef-10bdc95ad69c

Contents

ደመሳ . . . . .	1
ከሳ . . . . .	58
ዎጋ . . . . .	107
ፓይዲዋ . . . . .	141
ዛረሱዋ . . . . .	187
ኢያሳ . . . . .	227
ዳናቴዋ . . . . .	254
ኡሩቶ . . . . .	282
1 ሳሜላ . . . . .	286
2 ሳሜላ . . . . .	321
1 ካጋቴዋ . . . . .	352
2 ካጋቴዋ . . . . .	388
1 ኦዲዋ . . . . .	423
2 ኦዲዋ . . . . .	457
እዘራ . . . . .	496
ናህዎያ . . . . .	508
አሰትሮ . . . . .	526
አዮባ . . . . .	535
ማዝሙርያ . . . . .	563
ሊምሱዋ . . . . .	702
ኤራንቻ . . . . .	725
ሲቁዋ ሳባ . . . . .	735
ኢሰያሳ . . . . .	744
ኤርማሳ . . . . .	802
ኤርማሳ ሴላ . . . . .	863
ሀዝቄላ . . . . .	869
ዳኔላ . . . . .	925
ሆሰ . . . . .	942
አዩኤላ . . . . .	952
አሞጸ . . . . .	956
አብድዩ . . . . .	964
ዮናሳ . . . . .	966
ሚክያሳ . . . . .	969
ናሆማ . . . . .	975
አምባቆማ . . . . .	978
ሶፎናሳ . . . . .	981
ሃገ . . . . .	984
ዛካራሳ . . . . .	986
ሚልክያሳ . . . . .	996
ማቶሳ ሞሽራቹዋ . . . . .	1000
ማርቆሳ ሞሽራቹዋ . . . . .	1045
ሉቃሳ ሞሽራቹዋ . . . . .	1073
ዮሃንሳ ሞሽራቹዋ . . . . .	1119

ኪቴዳዎንቴ እሱዋ . . . . .	1151
ሮጦ . . . . .	1190
1 ቆሮንቶሳ . . . . .	1209
2 ቆሮንቶሳ . . . . .	1226
ጋላትያ . . . . .	1237
ኤፈሶና . . . . .	1244
ፕልጵስቶሳ . . . . .	1251
ቆላሰያሳ . . . . .	1256
1 ተሰሎንቆ . . . . .	1260
2 ተሰሎንቆ . . . . .	1264
1 ጽሞቶሳ . . . . .	1267
2 ጽሞቶሳ . . . . .	1272
ቲቶ . . . . .	1276
ፕልሞና . . . . .	1279
አብራጭ . . . . .	1281
ያቆባ ኪታ . . . . .	1295
1 ጳጳሮሳ ኪታ . . . . .	1300
2 ጳጳሮሳ ኪታ . . . . .	1305
1 ዮሃንሳ ኪታ . . . . .	1308
2 ዮሃንሳ ኪታ . . . . .	1313
3 ዮሃንሳ ኪታ . . . . .	1314
ይሁዳ ኪታ . . . . .	1315
ዮሃንሳ ሳፃ . . . . .	1317

### ደመሳ ማጻፋ ገሉዋ

ሀ ማጻፋይ “ደመሳ” ገተቲደ ጸሰቲዳ ጋሱ የወዋ ኡባ ደመሳ በሰያ ድራሳ።

ደመሳባ ገተትያ ማጻፋይ ሀ አላሚ ዋት መጠቲደንቶ፡ ሳሎቲነ ሳእይ መጠቲደ መጠቲደ፡ አሳ ዛሪ ዬዳ ዩሳባ፡ ናጋራነ ናጋራ ማርታባ፡ አንጁነ ሸቃይ ደመቲዳ ደመሳባ፡ ጸሳናነ አሳ ዛራቲዋና ደእያ ጋከተሳባ ኦዳ። ደመሳባይ ላኡ ሁጳ ገሹዋን ሻከቲደ ጸሊታናዉ ዳንዳዬ።

ሸምቸዋ አቲዋፕ ሲደ ታማነ አቲዋ ጋካናዉ ደእያ ሳእይ፡ ሳሉነ ሳእይ መጠቲደ መጠቲደ፡ አሳ ዛርያ ኮይሮ ታርክያ ኦዳ። አዳመነ ሄዋን ታርኪ፡ ቃዬላነ አቢላ ታርኪ፡ ኖሄነ ባሻ ሃሳ ታርኪ፡ ሄዋዳንካ ባብሎነ ግምቢያ ታርኪ ደእያዌ ሀ ሻኩዋና።

ሸምቸዋ ታማነ ላኡዋፕ ሲደ አሻታሙዋ ጋካናዉ ደእያ ሳእይ አሰራኤልያ አሳዉ በነ ማይዛ አዎቲዋ ታርክያ ኦዳ። አንቲቲ ግዳዋን ኮይሮ ባረ አማኑዋንነ ጸሳዉ አዛዘትያ ሀናታን ኤረቲዳዌ አብራሃማ። ሄዋፕ ቃይ አ ናአ ይሳቃ፡ አ ናአ ናአ ያቆባነ ያቆባ ናና ታማነ ላአቲዋ ታርኪ ካሌዳ። ሀዋንቲ ያቆባ ናናይ ታማነ ላአቲ፡ ታማነ ላኡ አሰራኤልያ ዛረቶ አኖ ግዳዳዋንታ። ሀዋንቲ ሀ ታማነ ላኡ አሰራኤልያ ናናቲዋ ግደንካ ዮሴፋ ዲማዬደ፡ ሄዋዳንካ ቃይ ያቆባነ አ ናና የንኩቲዋ ኡንቲቲ ጎላ አሳና ግብጹ ጋድያ አፌዳ ሀናታቲዋ ምንሲደ ጸሌ።

ሀ ማጻፋይ አሳ ታርክያ ኦድያዋ ግደፕነ፡ ኡባፕ አሊደ እ ኦድያዌ ጸሳይ ኦሌዳ ኡሱዋባ። ጸሳይ ሳሎቲዋን ሳእ መጴዳ ታርክያ ኦዳዋ ደሚደ ጸሳይ ባረ አሳዉ ቆፕያዋ አገናዋ ኦድያ ሀደታን ፖሌ። ሀ ማጻፋ ግደን ሀ ጋጸፕ ያ ጋጸ ጋካናዉ ኦደትያ ታርክያ ሳዳይ፡ ባላባ ሀንያዋንታ ፕርድያዌነ መርያዌ፡ ባረ አሳ ካለሌያዌነ ማድያዌ፡ አንቲቲ ታርክያ ታንጉዋካ ገግሰያዌ ባረ ሁጲያን ጸሳ። ሀዌ በነ ማጻፋይ ጸፈቲዳዌ አሳ አማኑዋ ታርክያ ማዘጋቢደ ኦይቃናሳነ ሄ አማኑካ ፓጸ ደአናዳን ኦሳናሳ።

#### ሸምቸዋ ኡባቶ አመቲዳ ቃንሳ ቆፋቲዋ

- መጠቲደ ደመሳባ 1:1—2:3
- ኤደን ገነትያባ 2:4-25
- ናጋራነ ናጋራ ማርታባ 3:1-24
- አዳማፕ ኖሀ ጋካናዉ 4:1—5:32
- ኖሀነ ባሻ ሃሳ 6:1—10:32
- ባብሎና ግምቢያ 11:1-9
- ሴማፕ አብራማ ጋካናዉ 11:10-32
- አብራማ፡ ይሳቃነ ያቆባ ታርክያ 12:1—35:29
- ኤሳ የለታ 36:1-43
- ዮሴፋነ እ አሻቲዋ 37:1—45:28
- አሰራኤላቲ ግብጹ ጋድያን 46:1—50:26

መጠቲደ ደመሳባ (1:1—2:3)

- 1 ጸሳይ ሳሎቲዋን ሳእ ኮይሮ መጴዳ።
- 2 ሄ ዋደ ሳእይ ገግቤናነ አያይነ ባይና መላ፤ ጨሙዋ ቦላን ጴማይ ደኤ፤ ጸሳ አያናይ \* ሃላፕ ቦላና ማይ ኡቲዳ።
- 3 ጸሳይ ሄዋፕ ጉየ ሀዋዳን ያገደ ሃሳዬዳ፤ “ፖኡ ሀኖ” ያጌዳ፤ ፖኡካ ሀኔዳ።
- 4 ፖኡ ሎኦ ግዳዳዋ ጸሳይ በኤዳ፤ ያቲደ ፖኡዋ ጴማፕ ሻኪዳ።
- 5 ጸሳይ ፖኡዋ “ጋላሳ” ገደ ሱንሌዳ፤ ጴማ “ቃማ” ገደ ሱንሌዳ። ሳእይ ቃሚዳነ ዋንቲዳ፤ ሄዋካ ኮይሮ ጋላሳ።
- 6-7 ጸሳይ ሄዋፕ ጉየ ሀዋዳን ያገደ ሃሳዬዳ፤ “ቦላና ደእያ ሃሳ ጋርሳና ደእያ ሃላፕ ሻክያ ሳሎዋ ጉፋንሎ ሀኖ” ያጌዳ፤ ገተቶዋዳንካ ሀኔዳ። ጸሳይ ሳሎቲ ጉፋንሎዋ ገግሰደ፡ ሳሎቲ ጉፋንሎዋፕ ቦላና ደእያ ሃሳ ጋርሳና ደእያ ሃላፕ ሻኪዳ።
- 8 ጸሳይ ሄ ጉፋንሎዋ “ሳሎዋ” ገደ ሱንሌዳ። ሳእይ ቃሚዳነ ዋንቲዳ፤ ሄዋካ ላኤንሎ ጋላሳ።
- 9 ጸሳይ ሄዋፕ ጉየ ሀዋዳን ያገደ ሃሳዬዳ፤ “ሳሎዋፕ ጋርሳና ደእያ ሃላይ አትሳን ኤሎ፤ መላ ሳእይ ቆንጮ” ያጌዳ፤ ሄዋፕ ጉይያን ሀኔዳ።

\* 1:2 ጸሳ አያናይ- ጸሳ ዋልቃ፤ ጸሳፕ ግዳዳ ጫርኩዋ። 1:3 2 ቆር. 4:6 1:6-7 2 ጸጸ. 3:5

10 ጸሳይ ሄ መላ ሳኦ “ቢታ” ጊደ ሱንጡዳ፤ ቃይ እት ሳኦን ኤሌዳ ሃላ “አባ” ጊደ ሱንጡዳ። ምቲደ ጸሳይ ሄዌ ሎኦ ግዴዳዋ በኤዳ።

11 ሄዋጥ ሰሚደ ጸሳይ፤ “ቢታይ ሞላ ማታ ደልሶ፤ ዘረላ አይፊ ደእያ ካላን ዘረላ አይፍያና ደእያ ቴርያ ሞላ ደልሶ” ያጊዳ፤ ሄዌካ ሀኔዳ።

12 ቢታይ፤ ሞላ ማታ ኦ ቆሙዋን ቆሙዋን ደሌዳ። ጸሳይ ሄዌ ሎኦ ግዴዳዋ በኤዳ።

13 ሳኦይ ቃሜዳን ዋንቴዳ፤ ሄዌን ሄዘንሉ ጋላሳ።

14 ጸሳይ ሄዋጥ ጉየ ሀዋዳን ያጊደ ሃሳዬዳ፤ “ጋላሳ ቃማጥ ሻካናዉ ፖኦቱ ሳሉዋ ጉፋንሉዋን ሀንና፤ ኡንቴቱ ጋላሳ፤ ዋድያን ላይላ ኤርሳናዉ ማላ ግድና፤

15 ሳኦ ሰላን ፖኦሳና ማላ ኡንቴቱ፤ ሳሉዋ ጉፋንሉዋን ፖኦሳ” ያጊዳ፤ ሄዋጥ ጉይያን ሀኔዳ።

16 ጸሳይ ላኡ ዋልቃማ ፖኦቱዋ፤ ዳርያዌ ጋላሳ ሞዳናዳንን ቄራእያዌ ቃማ ሞዳናዳን መዴዳ፤ ጸልንተቱዋካ ኦ መዴዳ።

17-18 ጸሳይ ኡንቴቱ ሀ ሳኦ ሰላን ፖኦሳና ማላ፤ ጋላሳን ቃማ ሞዳና ማላን ፖኦሳ ጸማጥ ሻካና ማላ፤ ሳሉዋ ጉፋንሉዋን ኡንቴንታ ዋዴዳ። ምቲደ ጸሳይ ሄዌ ሎኦ ግዴዳዋ በኤዳ።

19 ሳኦይ ቃሜዳን ዋንቴዳ፤ ሄዌን ኦይደንሉ ጋላሳ።

20 ጸሳይ ሄዋጥ ጉየ ሀዋዳን ያጊደ ሃሳዬዳ፤ “ደኡዋን ደእያ ዳማ ዳማ መጋታቱ ሃላን ዳርና፤ ካፋካ ሳኦጥ ሰላናን ሳሉዋ ጉፋንሉዋጥ ጋርሳና ፓሎ” ያጊዳ።

21 ምቲደ ጸሳይ አባን ደእያ ዋልቃማ ደኡቱዋ፤ ሃላ ግድን ዋጽ ቃጽያ መጋታ ኡባን ቀፍያና ደእያ ካፋዋ ኡባ ኦ ቆሙዋን ቆሙዋን መዴዳ። ጸሳይ ሄዌ ሎኦ ግዴዳዋ በኤዳ።

22 ጸሳይ ኡንቴንታ፤ “የለትተ፤ ጮርተ፤ አባ ሃላ ኩምተ፤ ካፋካ ቢታ ሰላን ጮራቶ” ያጊደ አንጃዳ።

23 ሳኦይ ቃሜዳን ዋንቴዳ፤ ሄዌን እጅሽንሉ ጋላሳ።

24 ጸሳይ ሄዋጥ ጉየ ሀዋዳን ያጊደ ሃሳዬዳ፤ “ደኡዋን ደእያ መጋታቱ ባረንቴ ቆሙዋን ቆሙዋን፡ መሄቱ፤ ቢታና ጎሽትያ መጋታቱን ደኡቱ ባረንቴ ቆሙዋን ቆሙዋን ቢታ ሰላን ከሰና” ያጊዳ፤ ሀኔዳ።

25 ጸሳይ ደኡቱዋ ኡንቴንቴ ቆሙዋን ቆሙዋን፤ መሄቱካ ኡንቴንቴ ቆሙዋን ቆሙዋን፤ ቢታና ጎሽትያ መጋታቱዋካ ኡባ ኡንቴንቴ ቆሙዋን ቆሙዋን መዴዳ። ጸሳይ ሄዌ ሎኦ ግድያዋ በኤዳ።

26 ሄዋጥ ሰሚደ ጸሳይ፤ “አሳ ኑ ለምሱዋን ኑና ማላትሲደ አን መዴይተ፤ ኡንቴንቴ አባ ሞልያ፤ ሳሉዋ ካፋዋ፤ ቢታ ሰላ ዋጽ ቃጽያ መጋታ ኡባ ሞድና” ያጊዳ።

27 ሀዋዳን ጸሳይ አሳ ባረ ለምሱዋን መዴዳ፤ እ አሳ ጸሳ ለምሱዋን መዴዳ፤ እ ኡንቴንታ ኡቱማ አሳን ማጫ አሳ ኦልደ መዴዳ።

28 ጸሳይ ኡንቴንታ ሀዋዳን ያጊደ አንጃዳ፤ “የለትተ፤ ጮርተ፤ ሀ ሳኦ ኩምተን ሞድተ፤ አባ ሞልያ፤ ሳሉዋ ካፋዋን ቢታ ሰላ ዋጽ ቃጽያ፤ ደኡዋን ደእያ መጋታ ኡባ ሞድተ” ያጊዳ።

29 ሄዋጥ ሰሚደ ጸሳይ፤ “በእተ! ታን ሀ ቢታ ኡባ ሰላን ዘረላ አይፊያና ደእያ ካላ ኡባን ዘረላ አይፊያና ደእያ ቴርያ ሞላ ኡባ ሀንተንቶ እማድ፤ ኡንቴንቴ ሀንተንቶ ቁማ ግዳና።

30 ቃይካ ሀ ሳኦን ደእያ መሀያዉን ደኡ ኡባዉ፤ ሳሉዋ ካፋዋ ኡባዉ፤ ቢታና ጎሽትያ መጋታ ኡባዉን ሽምጥዋና ደእያ መጋታ ኡባዉ ሞያዋ ግዳናዳን፤ አርጸ ሞላን ማታ እማድ” ያጊዳ፤ ሀኔዳ።

31 ጸሳይ ባረ መዴዳ ኡባባካ ጸሌዳ፤ ዳር ሎኦ ግዴዳዋ በኤዳ። ሳኦይ ቃሜዳን ዋንቴዳ፤ ሄዌን ኡሱፑንሉ ጋላሳ።

## 2

1 ሳሉቱን ሳኦይ ኡንቴንቴን ደእያዌ ኡባባይ ሀዋዳን መጋታ ፖለቲዳ።

2 ጸሳይ ባረ ኡጹዳ ኡሱዋ ኡሱፑንሉ ጋላሳ ፖሊደ፤ ባረ ኡጹዳ ኡሱዋ ኡባጥ ላፑንላ ጋላሳ ሽምጥዳ።

3 ቃይ ጸሳይ ላፑንላ ጋላሳ አንጃዳን ጌሻ ኡጹዳ፤ እያዉ ጎጥ፤ ጸሳይ ባረ ኡጹዳ ኡሱዋ ዉርሲደ ሽምጥዳዌ ሄ ጋላሳና።

### ኤደን ገንትያባ (2:4-25)

4 ሳሉን ሳኦይ መጋታቱዳዌ ሀዋዳና።

መድና ጎዳይ ጸሳይ ሳኦን ሳሉዋን መዴዳ ዋደ፤

5 ሳኦ ሰላን ሞላይን ማታይ ደልቢና፤ ጮርሻይን ጮርቤና፤ እያዉ ጎጥ፤ መድና ጎዳይ ጸሳይ ኡሱ ቡክሰቤና፤ ቃይ ቢታ ኡጹዳ አሳይካ ባዋ።

6 ግድጥን ሳኦጥ ሃሳይ ፑደ ከሲደ፤ ቢታ ኡባ አርጽሴ።

7 ሄዋጥ ጉዮ፣ መጅና ጎዳይ ጸሳይ ቢታ ባናጥ እት እሳ \* መጂደ እ ሲጅያን ደኡዋ ሸምጥዋ ሸምጥ ገልሴዳ፤ ያትና ብታኒ ደኡዋን ደእያ እሳ ግዴዳ።

8 መጅና ጎዳይ ጸሳይ አዋይ ደልያ ባጋና ኤደነ ግያ ሳኒን ገነትያ ቶኪዳ፤ ያን ባረ መጂዳ ብታንያ ዋሌዳ።

9 መጅና ጎዳይ ጸሳይ ጸላና ማናወካ ማልእያ ኡባ ቆዋ ሞላ ቢታጥ ደልሴዳ። ገነትያ ግዴዋን ደኡዋ ሞላን ሎኡዋን ኢታ ኤርሰያ ሞላ ዋሌዳ።

10 ገነትያ ኡሸያ ሻፋ ሃላይ ኤደነጥ ጎኑ። ኤደነጥ ከሴዳዋጥ ጉዮ፣ ኦይዲ ሻፋ ከሰ ሻከቴ።

11 ከይር ሻፋ ሱንላይ ፕሶና፤ ፕሶን ዋርቃይ ደእያ ኤወላጸ ግያ ቢታ ኡባ ቦላን ጎኑ።

12 ሄ ቢታ ዋርቃይ ጌሻ ዋርቃ፤ ቃይ አልኦ ሸቱን ሎይላ ሎእያ ሹቻይ ያን ደኤ።

13 ላኤንሳ ሻፋ ሱንላይ ግዮና፤ ግዮን ቶጵያ † ቢታ ኡባ ቦላን ጎኑ።

14 ሄዘንሳ ሻፋ ሱንላይ ጸግርሳ፤ ጸግርሳ አሶረጥ አዋይ ደልያ ባጋና ጎኑ። ቃይ ኦይደንሳ ሻፋይ ኤፍራጺሳ።

15 ብታኒ ኤደነ ገነትያ ኦላና ማላን ናጋና ማላ፣ መጅና ጎዳይ ጸሳይ እ አፊደ ዋሌዳ።

16 መጅና ጎዳይ ጸሳይ ብታንያ፣ “ገነትያ ሞላ ቴራ ኡባጥ ኔን ማና ጎጥ ማ፤

17 ሸን ሎኡዋን ኢታ ኤርሰያ ሞላ ቴራጥ ዋጋ፤ እያወ ጎጥ፣ ኔን አጥ ሜዳ ጋላሰ ቴሙ ሀይቃና” ያገደ እዛዜዳ።

18 ሄዋጥ ጉዮ መጅና ጎዳይ ጸሳይ፣ “ብታኒ ባረካ ደእያዋ ሎኦ ግደና፤ ታን አወ እንጀትያና፤ እ ማድያና መላና” ያጌዳ።

19 መጅና ጎዳይ ጸሳይ መሄቱዋ ኡባ፣ ደአቱዋ ኡባን ሳሉዋ ካፎቱዋ ኡባ ቢታጥ መጂዳ፤ ቃይ ብታኒ ኤንቱንታ ዋግ ሱንላንቶን በእናወ እኮ አሄዳ፤ ብታኒ ደኡዋን ደእያ መጋታ ኡባ ሱንሴዳ ሱንላይ ኤንቱንቱ ሱንላ ግዴደ አቴዳ።

20 ሄዋዳን ብታኒ መሄቱዋ ኡባ፣ ሳሉዋ ካፎቱዋን ባዙዋ ደአቱዋ ኡባ ሱንሴዳ፤ ሸን አደማወ † እንጀትያን እ ማድያና ቤትቤና።

21 ሄዋ ድራወ መጅና ጎዳይ ጸሳይ ብታንያ ገምእሹዋ ካይሮዬዳ፤ እ ገምእሹዋ ካይሮት ደእሸን፣ እ ምይያ መቀላጥ፤ እቱዋ እኪደ፣ ሄ ሳኦ እሹዋ ኩንሴዳ።

22 መጅና ጎዳይ ጸሳይ ብታንያጥ እኪዳ መቀላ ማጫውኖ ኦሌዳ፤ ያቲደ እዘ ብታንያኮ አሄዳ።

23 ያትና ብታኒ፣ “ሀያናሸ! ሀ መቀላታ ታ መቀላጥ፣ ሀ እሻታካ ታ እሹዋጥ እከቴዳውኖ፤ እዛካ እቱማ እሳጥ \* እከቴዳ ድራወ፣ ማጫውኖ ጌተቱ” ያጌዳ።

24 ሄዋ ድራወ እሳይ ባረ አወዋን ባረ አቶ አገደ፣ ባረ ማቻትና እትጥ ደእና፤ ኤንቱንቱ ላኤ እት እሸ ግደናዋንታ።

25 ብታኒን እ ማቻታን ላአቱካ ካሎ ጺራ ደእና፤ ሸን እቱ እቶ ዬላትክና።

### 3

#### ናጋራን ናጋራ ማርታባ

(3:1-24)

1 ሸሻይ መጅና ጎዳይ ጸሳይ መጂዳ ደእ ኡባጥ እጅዳ ገናንቻ። እት ጋላሰ ሸሻይ ሄ ሞሸራቶ፣ “ጸሳይ ቴሙ ሀንተንታ፣ ገነትያን ደእያ ሞላ ቴራ ኡባጥ ሞጥተ” ጌዳ?” ያገደ ኦቼዳ።

2-3 ሞሸራታ ሸሻወ ዛራደ፣ “ቱይት፣ ጸሳይ ሀዋዳን ግቤና፤ ኮን ገነትያን ደእያ ሞላቱዋ ቴራ ማናወ ደንደዬቶ፤ ሸን ጸሳይ ኦና፣ ገነትያ ግዴዋን ደእያ ሞላ ቴራ ሞጥተ፤ ቦቾጥተ፤ ሄዌ ላዮጥ ሀንተንቱ ሀይቃንታ ጌዳ” ያጋደ።

4 ሸሻይ ሞሸራቶ፣ “ቱይት፣ ሀንተንቱ እይነ ሀይቁክታ፤

5 ጸሳይ ሄዋ ጌዳዌ፣ ሄ ሞላ ቴራ ሀንተንቱ ሞጥ፣ ሀንተንቱ እይፊ ደዮትና፣ ሎኡዋን ኢታ ጸሳዳን \* ሀንተንቱ ኤራናዋ እ ኤርያ ድራሳ” ያጌዳ።

6 ሞሸራታ ሄ ሞላ ቴራይ ማናወ ማልእያዋ፣ ጸላናወ ሎእያዋ፣ ቃይ አሳይ እጅዳ ኤራ ደማናወ እሞይያዋ ግድያዋ በእዲ፤ ሄ ሞላ ቴራጥ እካደ ማዲ፤ ቃይ ባረናና ደእያ ባረ አሰናወካ ሄዋጥ እምና፣ እካ ሜዳ።

\* 2:7 እሳ፣ “እሳ” ጉሳይ እብራዋቱዋ ቃላን “አዳማ” ጌተቱ፤ “አዳማ” ጉሳይ “ቢታ” ጉሳይ ሄዋ ላኤ ቃላቱ እቱ እቱዋ ማላቲና። 2:9 ሳን 2:7፤ 2:2፣ 14 † 2:13 ቶጵያ፡ እብራዋቱዋ ማጻጻን “ኩሸ” ጌተቱ፤ ሄዌካ ግብጹ ጋድያ ዲገሃ፣ ሀእ ደእያ ቶጵያ ጋድያን ሱዳን ጋድያ ጉሳ። ‡ 2:20 አዳማ፡ እብራዋቱ ቃላን “አዳማ” ግያ ሱንላይ “እሳ” ግያዋ። § 2:21 ምይያ መቀላጥ፡ አዳማ ሞዮ እሹዋጥ እከቴዳዋ ጉሳ። \* 2:23 እቱማ እሳ፣ ጉሳይ እብራዋቱዋ ቃላን “እሸ” ጌተቱ፤ “ማጫ እሳ” ጉሳይ “እሻሀ” ጌተቱ፤ ሄዋ ላኤ ቃላቱ እቱ እቱዋ ማላቲና። 2:24 ማቶሳ 19:5፤ ማር. 10:7-8፤ 1 ቆር. 6:16፤ ኤፈ. 5:31 3:1 ሳን 12:9፤ 20:2 \* 3:5 ጸሳዳን፡ ጸሳቱዋዳን።

7 ሃዋጥ ኢንቴንቴ ላኦቶ እይፊካ ደየቴዳ፤ ያትና ኢንቴንቴ ባረንቶ ካሎ ጸራ ደእያዎ ኤሬድና፤ ባላሲያ ግያ ሞላ ሀይላ ስኪድ፤ ባረንቶ ቃንጎን ዳንጩድና።

8 ሳእይ ኦማርሴዳ ዎድ፤ ገነትያ ግዲዋን መድና ጎዳይ ጸሳይ ሀመትሸን፤ እ ኮሻ ብታኒነ እ ማቻታ ሰሴድና፤ ኢንቴንቴ ገነትያ ሞላ ግደን መድና ጎዳ ጸሳይ ፍሰቴድና።

9 ሸን መድና ጎዳይ ጸሳይ ብታንያ ጸሴድ፤ “አዳማ፤ ሀቃን ደእይ?” ያጌዳ።

10 ብታኒ፤ “ገነትያ ግዲዋን ነ ኮሻ ሰሳይ፤ ታን ካሎ ደእያ ድራው፤ ያያደ ፍሰታድ” ያጌዳ።

11 መድና ጎዳይ ጸሳይ እ፤ “ ኔን ካሎ ደእሳን ገደ ነዉ ኦዲዳዌ ኦኔ? ታን ኔና፤ ‘ሞጋ’ ጋደ አዛዜዳ ሞላ ቴራጥ ማድዬ?” ያጌደ ኦቼዳ።

12 ሸን እ፤ “ታናና ደእናዳን ኔን እሚዳ ማጫውና ሃ ሞላ ቴራጥ ታዉ እምና ማድ” ያጌዳ።

13 መድና ጎዳይ ጸሳይ ሃዋጥ ጉየ ማቻቶ፤ “ኔን ሃዎ እያዉ ኦላድ?” ያጌደ ኦቼዳ። ሞሸራታ፤ “ታና ሸሻይ ጭምና ማድ” ያጋዴ።

**ጸሳ ገርዳ**

14 መድና ጎዳይ ጸሳይ ሃዋጥ ጉየ ሸሻ፤ “ኔን ሀዎ ኦሌዳ ድራው፤ መሀያ ኡባን ደእ ኡባ ጋርሳን ነ ጸላላይ ሸቀቴዳዎ! ኔን ነ ኡሉዋን ቢታና ገሸታና፤ ነ ደኡዎ ላይላ ኡባን ባና ላጫና።

15 ታን ኔናን ሞሸራቶ፤ ነ ዘረሳነ እዝ ዘረሳ፤ ሞርከ ከሳና፤ እ ነ ሀ-ጸያ ፍጻና፤ ኔንካ እ ግንድያ ዲካናሳ” ያጌዳ።

16 ሞሸራቶካ መድና ጎዳይ ጸሳይ፤ “ነ ሻሃር ዎደ ዳር ተጋታና፤ ቃይ ኔን ዎልቃማ ኦይላን ናና የላና። ግደጥነ ኔን ነ አሰናና ደእናዉ እሞታና፤ እ ኔና ሞዳና” ያጌዳ።

17 ብታንያካ መድና ጎዳይ ጸሳይ ሀዋዳን ያጌዳ፤ “ኔን ነ ማቻቶ ኦዲዎ ሰሴዳ ድራውን ታን ኔና፤ ‘ሃ ሞላ ቴራ ሞጋ’ ጋደ አዛዜዳ ሞላ እይፍያ ኔን ሚዳ ድራው፤ ቢታይ ነ ጋሱዋን ሸቀቴዳዎ ግደ! ኔን ነ ደኡዎ ላይላ ኡባን ዎልቃማ ዳቡራን ቢታ ገሻደ ማና።

18 ቢታይ ነዉ አንጎላነ ካሸያ ዶላና፤ ኔን ዎራን ዶሌዳዎ ማና።

19 ኔን ቢታዉ ሰማና ጋካናዉ፤ ዳቡራን ነ ሰምእ ጫዋትና ኦሌዳ ነ ቁማ ማና፤ እያዉ ጎጥ፤ ኔን ቢታጥ አከታዳ፤ ኔን ባና፤ ኔን ባናዉ ሰማና” ያጌዳ።

20 አዳመ ባረ ማቻቶ ሃዋና ፤ ገደ ሱንሌዳ፤ እያዉ ጎጥ፤ እዛ ደኡዋን ደእያ አሳ ኡባዉ አቶ።

21 መድና ጎዳይ ጸሳይ አዳማዉን እ ማቻቶዉ ጫላ ገግሲደ ኢንቴንገታ ማይዜዳ።

22 ሃዋጥ ጉየ መድና ጎዳይ ጸሳይ፤ “ሰም አሳይ ኑጥ አቱዋዳን ሎኡዋን ኢታ ኤርያዎ ግዳዳ። እ ባረ ኩሸያ የዲደ፤ ደኡዎ ሞላጥ አኪደ፤ ቃይ ሜና ማላነ መድናዉ ደኡዋን ደኡና ማላ ተኤታናዉ ኮሺ” ያጌዳ።

23 ሃዎ ድራው፤ እ ባረ አከቴዳ ቢታ ኦላና ማላ፤ መድና ጎዳይ ጸሳይ ኤደነ ገነትያጥ እ ከሴዳ።

24 እ ከሰ ድጊደ፤ ደኡዎ ሞላኮ አፍያ ኦግያ ናጋና ማላ፤ ክርቤላ ግያ ኪታንቻቱዋን አድ አድ ዎድያ ታማ ላጩዎ ማሻ ኤደነ ገነትያጥ አዋይ ዶልያ ባጋና ዎዳዳ።

**አዳማጥ ናሀ ጋካናዉ**

**4**

(ደመዳ 4:1—5:32)

**ቃዬላነ አቤላ**

1 አዳም ባረ ማቻቶ ሃዋንና አቄዳ፤ እዛ ሻሃር ዎደ አቱማ ናኣ የላዴ፤ “መድና ጎዳይ ታና ማድና፤ አቱማ ናኣ ደማድ” ጋደ እ ቃዬላ \* ሱንላዴ።

2 ቃይ እ አሻ አቤላ የላዴ።

3 አቤል ድርሳ ሃሚ፤ ቃይ ቃዬል ቢታ ገሸ።

4 ኤንደና ዎድያጥ ጉየ፤ ቃዬል ባረ ጋደን ዶልያ ካላጥ መድና ጎዳዉ ያርሹዎ ያርሹዳ፤

5 ሸን አቤል ባረ ድርሳ ዉድያ ግደን ባይራ የለቴዳ ማራቱዋጥ እክ ሹኪደ፤ ኢንቴንገቱ አሹዋጥ ሞድያዎ ያርሹዳ። መድና ጎዳይ አቤላነ እ ያርሹዋ አኬዳ፤

6 ሸን ቃዬላነ እ ያርሹዋ እክቤና። ሃዎ ድራው፤ ቃዬል ሎይላ ይሎቴዳ፤ ባረ ዳሙዋካ ጳምሴዳ።

7 ያትና መድና ጎዳይ ቃዬላ፤ “እያዉ ይሎታይ? ነ ዳሙካ እያዉ ጳሚዳ?

8 ኔን ሎኦባ ኦላዎ ግድንቶ፤ ነ ሰምእ ፓሸከኔ? ሸን ኔን ሎኦባ ኦላና ጳዮጥ፤ ናጋራይ ደእዳን ነ ጥንግያን ሙጌ፤ እ ኔና ሞዳና ኮዬ፤ ሸን ኔን እ ጸናና ቢሴ” ያጌዳ።

3:13 2 ቆር. 11:31 1 ጽዋ. 2:14 † 3:15 እዝ ዘረሳ፡- ኢንቴንገቱ ዘረሳ፡- 3:15 ሳፃ 12:17 3:17 እብራ. 6:8  
‡ 3:20 ሃዋና፡ ሀ ሱንላ ብለላይ “ደእያና” ግያዎ፡- \* 4:1 ቃዬላ፡ እብራዌሶ ቃላን “ቃይን” ጌተቴ፡ ብለላይ “ደማድ” ግያዎ፡- 4:4 እብራ. 11:4 † 4:7 ነ ሰምእ ፓሸከኔ፡- ታ ነ ያርሹዋ አካናሸን፡-



- 8 ሄዋጥ ጉዮ፣ ቃይል ባረ እሻ አቤላ፣ “አነ ደሞባ ቦይተ” ያጌዳ። ኤንቲንቱ ደሞባን ደእሸን፣ ቃይል ባረ እሻ አቤላ ቦላ ደንዲደ ዋዴዳ።
- 9 መድና ጎዳይ ቃይላ፣ “ነ እሻይ አቤል ሀቃኔ?” ያጌደ ኦቹዳ።
- 10 ቃይል ዛሪደ፣ “ታን ኤርከ፤ ታ እሻ ናግያዌ ታኔየ?” ያጌዳ።
- 10 መድና ጎዳይ ቃይላ፣ “ሀዋ እያዉ ኦላድ? በእ፤ ነ እሻ ሱላይ ቢታጥ ታኮ ዋሴ።
- 11 ነ ኩሽያጥ ነ እሻ ሱላ አኪደ፣ ምታናዉ ሀንጌዳ ቢታጥ ሀእ ኔን ሸቀቴዳዋ።
- 12 ኔን ጎሽናካ ቢታይ ነዉ አይፈና፤ በትያዳን ኔን ሳኣ ቦላን ቶይላካታናሳ” ያጌዳ።
- 13 ቃይል መድና ጎዳ፣ “ፖራ! ኔን ታና ሙርያ ሙራይ ታን ኡባካ ዳንዳየናዋ።
- 14 ሄኮ ኔን ታና ሀቹ ሀ ቢታጥ የደርሳሳ፤ ታን ነ ሰንሳጥ ቆሰታና፤ በትያዳን ታን ሳኣ ቦላን ቶይላካታና፤ ታና ደሞዌ ኦንነ ዋዳና” ያጌዳ።
- 15 መድና ጎዳይ እ፣ “ኔና ኦንነ ዋርና፤ ዋዳጥ፣ ነ ሀሉዋ እን ላፑን ኩሽያ ከሳና” ያጌዳ። ሄዋ ድራዉ፣ ደሞዌ ኦንነ እ ዋርናዳን መድና ጎዳይ አ ቦላ ማላታ ዋሌዳ።
- 16 ቃይል መድና ጎዳ ሰንሳጥ ከሲደ፣ ኤደነ ባጋጥ አዋይ ድልያ ባጋና ደልያ ኖዳ ቢታን ደኤድና።

**ቃይላ የለታ**

- 17 ቃይል ባረ ማቻትና አቁዳ፤ እዛ ሻሃር ዋደ ሄኖካ የላደ። ቃይል ካታማ ሄ ዋደ ኬዲደ፣ ሄ ካታማ ባረ ናኣ ሱንሳን “ሄኖካ” ጊደ ሱንሌዳ።
- 18 ሄኖክ እራዳ የሌዳ፤ እራድ ማሁያኤል የሌዳ፤ ማሁያኤል ማቲሻኤል የሌዳ፤ ማቲሻኤል ላሜካ የሌዳ።
- 19 ላሜክ አደነ ጸሌ ግያ ላኤ ማቻቱዋ ዳዉላ አኪዳ።
- 20 አደ ያባላ የላደ፤ ያባል መሀያ ሞድያ፣ ዲንካንያን ደእያ አሳቱዋ አዉዋ።
- 21 አ እሻ ሱንሳይ የባል ቃይ ዲላ ዲድያን ኡልዲድያ ፑንያ አሳቱዋ ኡባ አዉዋ፤
- 22 ጸላ ቃይ ቱባልቃይና ግያ ናኣ የላደ፤ ቱባልቃይን ናሃሰያጥነ ብራታጥ ዲማ ዲማ ሚሻቱዋ ቆጵያዋ። ስ ቱባልቃይና ሞቻታ ናእሞ።
- 23 እት ጋለሰ ላሜክ ባረ ማቻቱዋ፣ “እዴ፣ ጸሌ፣ ሰሰተ፤ ታ ማቻቶ፣ እነ ታን ኦድያዋ ሀይዘተ። እት ብታኒ ታና ደቼዳ ድራዉ፣ ታን አ ዋዳድ፤ ኤ፣ ታን ሄ ታና ማሰንሌዳ ዋዳላ ዋዳድ።
- 24 ቃይላ ሀሉዋ ከሳናዉ ላፑን ኩሺ ኩሻጥ፣ ላሜካ ሀሉዋ ከሳናዉ ላፑን ታማነ ላፑን ኩሺ ኩሻ” ያጌዳ።

**ሴታን ሄኖሳ**

- 25 እዳመ ባረ ማቻትና ግሰና ሀራ ናኣ የላደ፣ “ቃይል ዋዴዳ አቤላ ድራዉ ጸሳይ ታዉ ሀራ ናኣ እሚዳ” ጋደ፣ አ ሴታ \* ጋደ ሱንሳዳ።
- 26 ሴትካ አቱማ ናኣ የሌዳ፤ አ “ሄኖሳ” ጊደ ሱንሌዳ። አሳይ መድና ጎዳ ሱንሳ ዴሲደ ጎይንያዋ ሄ ዋደ ደሚዳ።

**5**

**አዳማ የለታ**

(1 ኦዲዋ 1:1-4)

- 1 አዳማ የለታይ ሀዋጥ ካሊደ ጸፈቲዳ። ጸሳይ አሳ መዴዳ ጋለሰ ባረና ማላትሲደ መዴዳ።
- 2 አ አቱማ አሳነ ማጫ አሳ ኦላ መዲደ፣ ኤንቲንታ አንጃዳ። ኤንቲንታ መዲደ አሳ \* ጊደ ሱንሌዳ።
- 3 አዳሞ 130 ላይላ ደኢደ፣ ባረና ማላትያ አቱማ ናኣ የሌዳ፤ አ “ሴታ” ጊደ ሱንሌዳ።
- 4 አዳሞ ሴታ የሌዳዋጥ ጉዮ፣ 800 ላይላ ደኤዳ፤ ሀራ አቱማ ናናን ማጫ ናና የሌዳ።
- 5 አዳሞ ሙላ 930 ላይላ ደኢደ ሀይቄዳ።
- 6 ሴት 105 ላይላ ደኢደ፣ ሄኖሳ የሌዳ፤
- 7 ሴት ሄኖሳ የሌዳዋጥ ጉዮ፣ 807 ላይላ ደኤዳ፤ ሀራ አቱማ ናናን ማጫ ናና የሌዳ።
- 8 ሴት ሙላ 912 ላይላ ደኢደ ሀይቄዳ።
- 9 ሄኖሰ 90 ላይላ ደኢደ፣ ቃይናና የሌዳ፤
- 10 ሄኖሰ ቃይናና የሌዳዋጥ ጉዮ፣ 815 ላይላ ደኤዳ፤ ሀራ አቱማ ናናን ማጫ ናና የሌዳ።

---

4:8 ማጥሳ 23:35፤ ሉቃሳ 11:51፤ 1 ዮሃ. 3:12    4:10 እብራ. 12:24    † 4:16 ናድ፡- ሀ ሱንሳ ብርሸላይ “ቶይላካትያ ሳኣ” ግያዋ ግያ ጋድያን ደኤዳ።    § 4:22 ናሃሰያጥነ ብራታጥ ዲማ ዲማ ሚሻቱዋ ቆጵያዋ፡- እት በን ቱርጉሚ ብራታ ቆጵያዋንቱ ኡባ ማይዛ አዉዋ ያጌ።    \* 4:25 ሴታ፡- ሀ ሱንሳ ብርሸላይ “እሚዳ” ግያዋ።    5:1 ደመሳ 1:27-28  
 \* 5:2 አሳ፡- እብራዌል ቃላን “አሳ” ጉሳይ “አዳማ” ግያዋ።

- 11 ሄኖስ ሙሉ 905 ላይላ ደኢደ ሀይቄዳ።
- 12 ቃይናን 70 ላይላ ደኢደ፣ ማላልኤላ የሌዳ፤
- 13 ቃይናን ማላልኤላ የሌዳዋ ጉየ፣ 840 ላይላ ደኢዳ፤ ሀራ ኦቲማ ናናን ማጫ ናና የሌዳ።
- 14 ቃይናን ሙሉ 910 ላይላ ደኢደ ሀይቄዳ።
- 15 ማላልኤል 65 ላይላ ደኢደ፣ ያራዳ የሌዳ፤
- 16 ማላልኤል ያራዳ የሌዳዋ ጉየ፣ 830 ላይላ ደኢዳ፤ ሀራ ኦቲማ ናናን ማጫ ናና የሌዳ።
- 17 ማላልኤል ሙሉ 895 ላይላ ደኢደ ሀይቄዳ።
- 18 ያራድ 162 ላይላ ደኢደ፣ ሄኖካ የሌዳ፤
- 19 ያራድ ሄኖካ የሌዳዋ ጉየ፣ 800 ላይላ ደኢዳ፤ ሀራ ኦቲማ ናናን ማጫ ናና የሌዳ።
- 20 ያራድ ሙሉ 962 ላይላ ደኢደ ሀይቄዳ።
- 21 ሄኖክ 65 ላይላ ደኢደ፣ ማቴሳ የሌዳ፤
- 22 ማቴሳ የሌዳዋ ጉየ፣ ሄኖክ 300 ላይላ ጸሳና ሀመቲደ ደኢዳ፤ ሀራ ኦቲማ ናናን ማጫ ናና የሌዳ።
- 23 ሄኖክ ሙሉ 365 ላይላ ደኢዳ፤
- 24 አ ጸሳና ሀመቲደ ቆዬዳ፤ አያዉ ጎጥ፣ ጸሳይ አ አፊዳ።
- 25 ማቴሳ 187 ላይላ ደኢደ፣ ላሜካ የሌዳ፤
- 26 ማቴሳ ላሜካ የሌዳዋ ጉየ፣ 782 ላይላ ደኢዳ፤ ሀራ ኦቲማ ናናን ማጫ ናና የሌዳ።
- 27 ማቴሳ ሙሉ 969 ላይላ ደኢደ ሀይቄዳ።
- 28 ላሜክ 182 ላይላ ደኢደ፣ ኦቲማ ናና የሌዳ።
- 29 “ሀ ናኦይ መፅና ጎዳይ ሸቄዳ ቢታ ቦላን ኑና ኑ ኩሽያ ኦቲዋ ዳቡራጥ ሸምጥሳና” ጊደ ፍሀ † ሱጉዳ።
- 30 ላሜክ ፍሀ የሌዳዋ ጉየ፣ 595 ላይላ ደኢዳ፤ ሀራ ኦቲማ ናናን ማጫ ናና የሌዳ።
- 31 ላሜክ ሙሉ 777 ላይላ ደኢደ ሀይቄዳ።
- 32 ፍሄ 500 ላይላ ደኢደ፣ ሴማ፣ ካማን ያፌታ የሌዳ።

### ፍሀን ባሻ ሃላ

## 6

(6:1—10:32)

#### አሳ ኢታተላ

- 1 አሳይ ሳኦ ቦላን ዳራዳ ዋደ፣ ኡንቲንቶ ማጫ ናናይ የለቴድና፤
- 2 “ሳሉዋ መጋታቱ”\* ጌተትያዋንቲ ሀ አሳ ማጫ ናናይ ማላ ሎአ ግድያዋ በኤድና፤ ያቲደ ኡንቲንቲ ባረንቶ ድራዳዋንታ አኬድና።
- 3 መፅና ጎዳይ፣ “ታ አያናይ አሳን መፅናዉ ደኤና፤ አያዉ ጎጥ፣ አሳይ ሀይቄያዋ፤ አ ላይላቲካ አት ጾታን ላታማ ግዳና” ያጌዳ።
- 4 ሄ ዋደን ሄዋጥ ጉየ ሳሉዋ መጋታቲ አሳ ማጫ ናና አክና፣ ናናይ የለቴዳ ዋደ፣ ዋጋ አዳሳ አሳቲ ሳኦ ቦላን ደኤድና። ኡንቲንቲ በን ዋደ ኦላዉ ሞናን ኤሪቲዳ አሳ።
- 5 መፅና ጎዳይ ሄ ዋደ ሳኦ ቦላን ደኢያ አሳ ኢታተላይ ዳራዳዋን ኡንቲንቲ ዋዛናይ ቆጥያባይ ኡባይ ኡባ ዋደን ኢታ ጸላላ ግዳዳዋ በኤዳ፤
- 6 መፅና ጎዳይ አሳ ሀ ሳኦ ቦላን መጴዳዋ ካዮቴዳ፤ ባረ ዋዛናን ሎይል ሴለቴዳ።
- 7 ሄዋ ድራዉ መፅና ጎዳይ፣ “ታን መጴዳ አሳ ሀ ሳኦ ቦላጥ ሙሉ ቆይሳና፤ አሳ፣ መሀያ፣ ዶኦ፣ ቢታና ጎሽትያ መጋታቲዋን ሳሉዋ ካፎቲዋ ቆይሳና፤ አያዉ ጎጥ፣ ታን ኡንቲንታ መጴዳዋ ካዮታድ” ያጌዳ።
- 8 ሸን ፍሄ መፅና ጎዳ ሰንላን ናሸቴዳ።

#### ፍሀ

- 9 ፍሄ ሀኔዳባይ ሀዋጥ ካሊደ ጸፈቴዳ። ፍሄ ጽሎ አሳ፤ አ ባረ ዋድያን ደኤዳ አሳ ግደን ሱረ አሳ፤ ፍሄ ጸሳና ሀመቲዳ።
- 10 ፍሄ ሴማ፣ ካማን ያፌታ ግያ ሄዙ ኦቲማ ናና የሌዳ።
- 11 ሄ ዋደ ቢታይ ሳኦይ ጸሳ ሰንላን ቲኔዳ፤ ሳኦይ ኡባይ ማካላን ኩሜዳ።
- 12 ጸሳይ ሀ ሳኦ ጸሌዳ፤ ሳኦይ ቲኔዳዋ በኤዳ፤ አያዉ ጎጥ፣ ሳኦን ደኢያ አሳይ ኡባይ ባረ ኦግያ ቲንስ ዋሌዳ።

5:24 እብራ. 11:5፤ ይሁዳ 14 † 5:29 ፍሀ፡ ሀ ሰንላይ “ሸምጥሴዳ” ግያዋ ማላቲ። 6:1 አያባ 1:6፤ 2:1 \* 6:2 ሳሉዋ መጋታቲዋ፡ ጸሳ ናናቲዋ፤ ጸሳቲዋ ናናቲዋ። 6:5 ማቶሳ 24:37፤ ሉቃሳ 17:26፤ 1 ጳጵ. 3:20 6:10 2 ጳጵ. 2:5

13 ሄዋ ድራው፡ ጸሳይ ኖህ ሀዋዳን ያጊደ እዛዜዳ፤ “ታን እሳ ኡባ ጳይሳና ሀናይ፤ እንቱንቱ ጋሱዋን ሳእይ ማካላን ኩሚዳ ድራው፡ ታን ቱሙፕ እሳካ ሳእካ ጳይሳና።

14 ሄዋ ድራው፡ ምኖ ምሳፕ ነው ማርካብያ ኬጻ፤ ሄ ማርካብያ ግደን ጮራ ቆልአቱዋ ከሳ፤ ያታይ ሱናን ካረና ሸድያን ባራ።

15 ማርካብያ ሀዋዳን ያታይ ኬጻ፤ እድሳተላ ሄዙ ጾቱ ዋጻ፡ ጎምፓ እሻታሙ ዋጻ፡ ጌሳ ሀታሙ ዋጻ ኦላ፤

16 ማርካብያው ካራ ተ መጻ፤ ካራፕን ጎዳፕ ግዲዋን እት ዋጻ ግድያ ሳ ካሎ አጋ ባሻ፤ ፐንግያ ማርካብያው ምይያና ከሳ፤ ማርካብያ ሄዙ ፖቅያ ከሳይ ኬጻ።

17 “ታን ሳሉዋፕ ጋርሳን ደኡዋ ሸምፑዋና ደእያ መጋታ ኡባ ጳይሳናው፡ ሀ ሳእ ቦላን ባሻ ሃላ ያዳና፤ ሀ ሳእን ደእያባይ ኡባይ ጳያና።

18 ሸን ታን ታ ቃላ ጫቀዋ ኔናና ጫቀታና። ኔን ነ ማቻቶ፡ ነ እቱማ ናናን ነ እቱማ ናና ማቻቱዋ ኔና እካይ ማርካብያ ግደ ገላ።

19 እንቱንቱ ኔናና ሸምፑዋና አታና ማላ፡ ሸምፑ ደእያ መጋታ ኡባፕ ቆሙዋን ቆሙዋን እቱማዋን ማጫዋ ላኡዋ ላኡዋ እካይ፡ ማርካብያ ግደ ገላሳ።

20 ዲማ ዲማ ቆሞ ካፋዋፕ፡ ዲማ ዲማ ቆሞ መሀያፕን ቢታና ጎሸትያ ዲማ ዲማ ቆሞ መጋታቱዋ ኡባፕ ላኡዋ ላኡዋ ግዲይ፡ ሸምፑዋና አታና ማላ ኔኮ ያና።

21 ቃይ ኔንን ኔናና ደእያዋንቱ ማናው፡ ዲማ ዲማ ቆሙ ምያ ካላ አፋይ፡ ማርካብያ ግደን ቆላ” ያጌዳ።

22 ኖሄ ኡባባካ ጸሳይ እዛዜዳዋዳን ኦሌዳ።

### 7

1 መጵና ጎዳይ ሄዋፕ ገዮ ኖህ ሀዋዳን ያጌዳ፤ “ኔን ነ ሶ እሳ ኡባና ማርካብያ ግደ ገላ፤ አያው ጎፕ፡ ታን ሀ ዎድያ የለታ ግደን ኔን ጽሎ ግዴዳዋ ቦእድ።

2-3 ኔን ጌሻ ግዴዳ መሀያን ደእ ኡባፕ አ ቆሙዋፕ ቆሙዋፕ አቱማዋን ማጫዋ ላፑኑዋ ላፑኑዋ፡ ጌሻ ግደና መሀያን ደእ ኡባፕ አ ቆሙዋፕ ቆሙዋፕ እት አቱማዋን እት ማጫዋ፡ ቃይ ሳሉዋ ካፋዋፕ አ ቆሙዋፕ ቆሙዋፕ አቱማዋን ማጫዋ ላፑኑዋ ላፑኑዋ ኦላይ፡ ሳእ ኡባ ቦላን ዲማ ዲማ ዘረላይ ሸምፑዋና አታና ማላ ኔናና እካይ ገላ።

4 አያው ጎፕ፡ ላፑን ጋላሳፕ ገዮ፡ ታን ኦይታሙ፡ ጋላሳን ኦይታሙ፡ ቃማ ሀ ሳእ ቦላን እራ ቡክሳና፤ ያታይ ታን መጲዳ መጋታ ኡባ ሳእ ቦላፕ ጳይሳና” ያጌዳ።

5 ኖሄ መጵና ጎዳይ አ እዛዜዳ ኡባባ ኦሌዳ።

6 ባሻ ሃላይ ሀ ሳእ ቦላ ዬዳ ዎድ፡ ኖሄ ላይላይ ኡሱፑን ጾታ።

7 ኖሄ፡ አ እቱማ ናናይ፡ አ ማቻታን አ ናና ማቻቱ ባሻ ሃላፕ አታናው ማርካብያ ግደ ገሊድና።

8 ጌሻ መሀያፕን ደእፕ፡ ጌሻ ግደና መሀያፕን ደእፕ፡ ካፋዋፕን ቢታና ጎሸትያዋንቱ ኡባፕ

9 ጸሳይ ኖህ እዛዜዳዋዳንካ አቱማዋን ማጫዋ ላኡዋ ላኡዋ ግድ፡ ኖሄኮ ዪደ ማርካብያ ግደ ገሊድና።

10 ላፑን ጋላሳፕ ገዮ፡ ባሻ ሃላይ ሀ ሳእ ቦላን ዬዳ።

11 ኖሄ ኡሱፑን ጾቱ ላይላ ደእና፡ ላኤንሳ አግናን፡ ታማን ላፑንሳ ጋላሳን፡ ሄ ጋላሳን ቢታ ግደን ደእያ ዎልቃማ ጪማ ፑልቱዋ ኡባይ ጻቂ አኔዳ፤ ሳሉዋን ደእያ ሃላ ፐንገቱካ ደየት ዎጴድና፤

12 እራይ ሀ ሳእ ቦላን ኦይታሙ፡ ጋላሳን ኦይታሙ፡ ቃማ ቡኪዳ።

13 ሄ ጋላሳን ኖሄን አ እቱማ ናናይ፡ ሴመ፡ ካመን ያፌት፡ ኖሄ ማቻታን አ ናና ሄዛቱዋ ማቻቱ እትፕ ማርካብያ ግደ ገሊድና።

14 እንቱንቱን ደእ ኡባፕ ባረ ቆሙዋን ቆሙዋን፡ መሀያ ኡባፕ ባረ ቆሙዋን ቆሙዋን፡ ሳእና ጎሸትያዋንቱ ኡባፕ ባረ ቆሙዋን ቆሙዋን፡ ካፋዋ ኡባፕ ባረ ቆሙዋን ቆሙዋን፡ እንቱንቱና እትፕ ገሊድና።

15 ደኡዋ ሸምፑዋና ደእያዋንቱ ኡባይ ላኡዋ ላኡዋ ግድ፡ ኖሄኮ ዪደ ማርካብያን ገሊድና፤

16 ጸሳይ ኖህ እዛዜዳዋዳን፡ መጋታ ኡባፕ አቱማዋን ማጫዋ ግዲይ፡ ማርካብያ ግደ ገላ ሰሞዋን፡ መጵና ጎዳይ ማርካብያ ፐንግያ ጎርዴዳ።

17 ባሻ ሃላይ ኦይታሙ፡ ጋላሳ ሳእ ቦላን ቡኪደ ጋምኤዳ፤ ሃላይ ዳሪደ፡ ማርካብያ ቢታፕ ፑደ ደንሴዳ።

18 ሃላይ ቢታ ቦላን ሎይሳ ዳርና፡ ማርካቢ ሃላ ቦላን ቶከቱዳ።

19 ሳሉዋፕ ጋርሳና ደእያ ቆቃ ደረቱ ኡባይ ምተታና ጋካናው፡ ሃላይ ሀ ሳእ ቦላን ሎይሳ ዎልቃፕ ዳራዳ።

20 ሃላይ ደረቱዋ ጸራፕ እጲይ፡ ታማን እቼሹ ዋጻ ጋካናው ቶኪዳ።

- 21 ያትና ሳኦ ሶላን ሸምጥጥና ቃጽያ መጠታቱ ኡባይ፡ ካፋ፥ መሄ፥ ደኦይ፥ ሳኦ ሶላን ሸምኦ ገያ መጠታ ኡባይን አሳይ ኡባይ ሀይቄዳ፡፡
- 22 ኦ፥ መላ ቢታ ሶላን ደኦይ፥ ባረ ሲፎያን ደኡጥ ሸምጥጥ ሸምጥያ ኡባይካ ሀይቄዳ፡፡
- 23 ሀ ሳኦን ገጽ ደኦይባይ ኡባይ፡ አሳይ፥ መሄን ደኦይ፥ ቢታና ጎሽቸያ መጠታቱን ሳሉጥ ካፎቱ ኡባይካ ሳኦጥ ጳዬድኖ፡፡ ኖሄ ጸላላይን አናና ማርካብያ ግደን ደኦይጥንቱ አቴድኖ፡፡
- 24 ሄ ሃላይ ጸታን እሻታሙ ጋላሳ ጋካናጫ ሳኦ ሶላን ጋምኤዳ፡፡

### 8

#### ባሻ ሃላይ ሾራዳ

- 1 ሸን ጸሳይ ኖሀ፥ አናና ማርካብያ ግደን ደኦይ ደኦ ኡባን መሀያ ኡባ ቆጥዶ፤ ሳኦ ሶላን ጫርኩጥ ጫርከሴዳ፤ ሄ ሃላይ ዋጵ ዋጵ ቤዳ፡፡
- 2 ቃይ ቢታ ግዲጥን ደኦይ ጨሙጥ ፑልቱን ሳሉጥን ደኦይ ሃላ ፐንገቱ ጎርድቴድኖ፤ እራይካ ሳሉጥን ኤቄዳ፡፡
- 3 ያትና ሃላይ ዋጵ ዋጵ ቤዳ፡፡ ሄ ጸታን እሻታሙንጎላ ጋላሳጥ ጉዮ፥ ሃላይ ዋጵዳ፡፡
- 4 ሃላይ ዋጵና ማርካብ ላፑንጎላ አግና፡፡ ታማን ላፑንጎላ ጋላሳን አራራተ ግያ ደረቱጥ ቦላ ኤቴዳ፡፡
- 5 ሃላይ ታማንጎላ አግናይ ጋካናጫ ዋጵ ዋጵ ቤዳ፤ ታማንጎላ አግናጫ ኮይሮ ጋላሰ ደረቱ ጸራይ ቤቱዳ፡፡
- 6 ኦይታሙ ጋላሳጥ ጉዮ፥ ኖሄ ባረ ኬጼዳ ማርካብያ ማሰኩትያ ደዬዳ፤
- 7 ያቲደ እት ቁሩጥ ካረ የድና፤ ቁሩ ሃላይ ቢታ ሶላጥ መላና ጋካናጫ፥ ያን ሃን ፓሊደ ጋምኤዳ፡፡
- 8 ቃይ ኖሄ ሃላይ ቢታ ሶላጥ ዋጵ ጫረደንቶን በአናጫ እት ሀራጳቶ ካረ የዴዳ፤
- 9 ሸን ሄ ሀራጳታ ሃላይ ቢታ ኡባ ሶላን ሀኦካ ደኦይ ድራጫ፥ ሸምጥያ ሳኦ ደማበይኩ፡፡ ሄጥ ድራጫ ሰማደ፥ ማርካብያ ግደን ደኦይ ኖሄኮ ያዲ፤ እ ባረ ኩሸያ የዲደ፥ ባረኮ ማርካብያ ግደ አኩዳ፡፡
- 10 ሄጥጥ ጉዮ፥ ሀራ ላፑን ጋላሳ ጋምኤዳ፥ ደጎማቶ ዛሪይካ ማርካብያ ግደጥ ከሲደ የዴዳ፡፡
- 11 ሄ ሀራጳታ ሳኦይ ኦማርሰያ ምደ እኮ ሰማደ ያዲ፤ ግጋራ ማላትያ ሞላጥ ዱጼዳ አርጸ ሀይላ ባረ ደናን ሳኦ አካይ ያዲ፡፡ ሄጥ ድራጫ፥ ሃላይ ቢታ ሶላጥ ዋጵዳጥ ኖሄ ኤራዳ፡፡
- 12 ቃይ ኖሄ ሀራ ላፑን ጋላሳ ጋምኤዳ፥ ሄ ሀራጳቶ ዛረሊደ የዴዳ፤ ሸን ሄ ሀራጳታ እኮ ሰማደ ያበይኩ፡፡
- 13 ኖሄ ኡሱፑን ጸታን እት ላይላ ደኦና፥ ኮይሮ አግናን ኮይሮ ጋላሰ፥ ሃላይ ቢታ ሶላጥ ጽኤዳ፤ ኖሄ ማርካብያ ቁምኤዳ ደይ ጸሊደ፥ ቢታይ ጽኤዳጥ በኤዳ፡፡
- 14 ላኦንጎላ አግናን ላታማን ላፑንጎላ ጋላሳ፡፡ ቢታይ ሙላ መሊዳ፡፡
- 15 ጸሳይ ሄ ምደ ኖሀ ሀጥዳን ያጊደ አዛዜዳ፤
- 16 “ኤን ነ ማቻቶ፥ ነ አቴማ ናናን ነ ናና ማቻቱጥ አካደ ማርካብያ ግደጥ ከሳ፡፡
- 17 እንቱንቱ የለቲደ፥ ሳሪደ ጮራና ማላ፥ ሸምጥ ደኦይ መጠታ ኡባጥ ኔናና ደኦይጥንታ፡ ካፎቱጥ፥ መሄቱጥ፥ ደአቱጥን ቢታና ጎሽቸያ ኡባ ኔናና ከሳ” ያጊደ፡፡
- 18 ኖሄ ባረ አቴማ ናናቱጥና፥ ባረ ማቻቶናን ባረ ናና ማቻቱጥና ማርካብያ ግደጥ ከሲዳ፡፡
- 19 መሀያን ደኦ ኡባይ፥ ቢታና ጎሽቸያ መጠታ ኡባይ፥ ካፋጥ ኡባይን ሳኦ ሶላን ምጽ ቃጽያባ ኡባይ ባረ ቆሙጥን ቆሙጥን ማርካብያ ግደጥ ከሲድኖ፡፡
- 20 ኖሄ መጵና ጎዳጫ ያርሸያ ሳኦ ግምቤዳ፤ ጌሻ መሀያን ደኦ ኡባጥን ጌሻ ካፋጥ ኡባጥ እኩደ፥ ያርሸያ ሳኦን ጸጊደ ያርሼዳ፡፡
- 21 ያትና መጵና ጎዳይ ያርሹጥ ፔኑጥ ሳሚጥ ሰንጊደ፥ ባረ ምዛናን ሀጥዳን ያጊደ፤ “ናአተላጥ ደምና፥ አሳይ ምዛናን ቆጥያባይ ኡባይ ኢታ ግደጥ፤ ታን አሳ ድራጫ ጋይ ላኦንጎላ ኡባካ ሀ ሳኦ ሸቀክ፡፡ ቃይ ታን ሀኦ ኦጼዳጥናን ገጽ ደኦይ መጠታ ኡባ ላኦንጎላ ኡባካ ጳይሰክ፡፡
- 22 ሀ ሳኦይ ደኤዳ ከሻ ኡባን፥ ዘርያ ምዲን ጫክያ ምዲ፥ ሜጉን ሆምቤ፥ ቦኒን ባልጉ፥ ጋላሳይን ቃማይ ኡባደካ ደኦና” ያጊደ፡፡

### 9

#### ጸሳይ ኖሄና ገሌዳ ቃላ ጫቁጥ

- 1 ጸሳይ ኖሀን እ አቴማ ናና ሀጥዳን ያጊደ እንጄዳ፤ “የለትተ፤ ጮርተ፤ ሳኦ ኡባ ኩምተ፡፡
- 2 ሳኦ ደአቱ ኡባይ፥ ሳሉጥ ካፋቱ ኡባይ፥ ጋድያን ምጽ ቃጽያባ ኡባይን አባን ደኦይ ሞለቱ ኡባይ ሀንተንቶ ያይኖን ዳጋምኖ፡፡ እንቱንቱ ሀንተንቶ አጲደ እመቴድኖ፤
- 3 ታን ሞክያ ዲማ ዲማ ካላቱጥ ሀንተንቶ አሚዳጥዳንካ፥ ሸምጥ ደኦይ ምጽ ቃጽያ መጠታ ኡባይ ሀንተንቶ ቁማ ግዳና፡፡

4 ሽን ሱላ ግደን ሸምፑ ደእያ ድራሬ ሱላይ እ ግዲዋን ደእያ እሹዋ ሞጥተ።

5 ታን ህንተንቱ ሸምፑዋና ደእያ ህንተንቱ ሱላ ደእ ኡባጥ ቱሙ እቻና፤ ቃይ አሳ ኡባጥ፤ እ ማላ አሳ ሱላ አቻና።

6 ጸሳይ አሳ ባረና ማላትሲደ መዴዳ ድራሬ፤ አሳ ሱላ ጉሰያ ኦናን ግደጥ፤ እ ሱላይካ አሳ ኩሽያን ጉካናዋ።

7 ህንተንቱ የለትቱ፤ ጮርተ፤ ሳእን ዳርቱ፤ እን ጮርተ። ያጌዳ።

8 ሄዋጥ ጉዩ፤ ጸሳይ ኖህን አናና ደእያ እ አቱማ ናና።

9-10 “ሰማ ሀእ፤ ታን ታ ጫቁዋ ህንተናና፤ ህንተጥ ጉዩ ህንተንቱ ዘረላናን ገጽ ኔናና ደእያ መጋታ ኡባና ጫቁታይ፤ ኤ፤ ታን ታ ጫቁዋ ካፋዋና፤ መሀያና፤ ሳእ ደእ ኡባና፤ ማርካብያጥ ህንተናና ከሴዳ፤ ሸምፑዋና ደእያ መጋታ ኡባና ጫቁታይ።

11 ታን ህንተናና ታ ጫቁዋ ጫቁታይ፤ ሀዋጥ ሰንላን ሸምፑ ደእያባይ ኡባይ ባሻ ሃላን ኡባካ ባየና፤ ሀ ሳእ ባይዘያ ሃላይ ሀዋጥ ሰንላን ኡባካ ደኤና” ያጌዳ።

12 ቃይካ ጸሳይ፤ “ታን ታጥን ህንተጥ፤ ህንተናና ደእያ ገጽ መጋታቱዋ ኡባጥ ግዲዋን ያና የለታ ኡባና ጫቁትያ ጫቁዋ ማላታይ ሀዋ፤

13 ታን ታ ዙሉዋ ሻርያን ኤሳድ፤ እ ታጥን ሀ ሳእጥ ግዲዋን ደእያ ጫቆ ማላ ግዲና።

14 ታን ሳእጥ ቦላን ሻርያ አሄዳ ዋይን ሻርያን ዙሉ ቤቱዳ ዋደ፤

15 ታጥን ህንተጥ ሸምፑ ደእያ ዲማ ዲማ ቆዋ መጋታ ኡባጥ ግዲዋን ጫቁቱዳ ታ ጫቁዋ ሀሳያና፤ ገጽ ደእያዋ ኡባ ቆይሳናዉ ሀዋጥ ሰንላን ኡባካ ባሻ ሃላይ ዬና።

16 ዙሉ ሻርያን ቤቱዳ ዋደ አዉደ፤ ታን እ በእና፤ ታጥ ጸሳይን ሀ ሳእ ቦላን ሸምፑዋና ደእያ ዲማ ዲማ ቆዋ መጋታ ኡባጥ ግዲዋን ጫቁቱዳ መቋና ጫቁዋ ታን ሀሳያና” ያጌዳ።

17 ጸሳይ ኖህ፤ “ታን ታጥን ሀ ሳእ ቦላን ሸምፑዋና ደእያዋ ኡባጥ ግዲዋን ጫቁቱዳ ጫቁዋ ማላይ ሀዋ” ያጌዳ።

ኖህን እ ናና

18 ማርካብያጥ ከሴዳ ኖሄ አቱማ ናናይ ሴማ፤ ካማን ያፌታ፤ ካመ ካናን አዉዋ።

19 ሀዋንቱ ሄዙካ ኖሄ ናና፤ ሳእን ኡባን ደእያ አሳይ ኡንቱንቱጥ የለቱዳ።

20 ኖሄ ጎሻንቻ፤ እ ዋይንያ ቱራ ቶከላ ደሜዳ።

21 እት ጋላሰ እ ሄ ዋይንያ ኤሳ ኡሺደ ማሳቱዳ፤ ባረ ዲንካንያ ግደን ካሎ ጸራ ግሴዳ።

22 ካናን አዉዋ ካመ ባረ አዉዋ ካሉዋ በኤዳ፤ ካረ ከሲደ፤ ባረ ላኡ እሻቶ ኦዴዳ።

23 ሽን ሴምን ያፌት አኖላ አቱዋ አኪደ፤ ላአቱካ ባረንቱ ሀሽያና ሀሽያና ጋሳ ኦይቂደ፤ ጉዩጉላን ሀመት ገሊደ፤ ባረንቱ አዉዋ ካሉዋ ካሜድና፤ ኡንቱንቱ ባረንቱ አዉዋ ካሉዋ በኤና ማላ ባረንቱ ዲሙዋ ዋራ ዛሬድና።

24 ኖሄ ማሉ አድና ቤንቲደ፤ እ ናእይ ኡባጥ ቱፋይ እ ኡሌዳዋ ኤሬዳ።

25 እ፤

“ካናን ሸቀቱዳዋ ግደ፤  
እ ባረ እሻቶ ዉርሰላ አይልያ ግደ” ያጌዳ።

26 ቃይካ ኖሄ፤

“መቋና ጎዳይ፤ ሴማ ጸሳይ ጋላተቶ፤

ካናን ሴማ አይልያ ግደ፤

27 ጸሳይ ያፌታ \* ቢታ አሶ።  
ያፌታ ዛሬቱ ሴማ ዛሬቱዋ ግደን ደእና፤

ካናን ያፌታ አይልያ ግደ” ያጌዳ።

28 ባሻ ሃላጥ ጉዩ፤ ኖሄ 350 ላይላ ደኤዳ።

29 ኖሄ ሙላ 950 ላይላ ደኤደ ሀይቄዳ።

# 10

## ኖሄ ናናቱዋ የለታ

(1 ኦዲዋ 1:5-23)

1 ኖሄ ናና፤ ሴማ፤ ካማን ያፌታ የለታይ ሀዋጥ ካሊደ ጸፈቲዳዋ፤ ባሻ ሃላጥ ጉዩ፤ ኡንቱንቶ አቱማ ናናይ የለቱድና።

## ያፌታ ናና

9:4 ደመላ 17:10-14፤ ዋጋ 19:26፤ ዛረ. 12:16፤ 23፤ 15:23    9:6 ደመላ 1:26፤ ከሳ 20:13    9:7 ደመላ 1:28  
\* 9:27 ያፌታ- ኡባራዌሉዋን ሀ ሰንላ ብለላይ፤ “ጉጃ” ግያዋ ማላቱ።

- 2 ያፌታ አቲማ ናናይ፡ ጎመራ፣ ማጎጋ፣ ማዳያ፣ ያዋና፣ ቱባላ፣ መሸካነ ቲራሳ።
- 3 ጎመራ አቲማ ናናይ፡ እሸካናዛ፣ ሪፋታነ ቶጋርማ።
- 4 ያዋና አቲማ ናናይ፡ ኤሊሻ፣ ታርሴስ፣ ክቲማነ ሮዳ።
- 5 ሀዋንቱፕ አባ ዶናን ደእያ እሳይ ኡባይ ባረ ጋድያን ጋድያን፣ ባረ ቃላን ቃላን፣ ባረ ያራን ያራን፣ ባረ ካወተላን ካወተላን ሻከቲድና።

ካማ ናና

- 6 ካማ አቲማ ናናይ፡ ኩሻ፣ ሞጽራይማ፣ ፑጸነ ካናና።
- 7 ኩሻ አቲማ ናናይ፡ ሳባ፣ ኤወላጸ፣ ሳብታ፣ ራእማነ ሳብታካ።
- 8 ራእማ አቲማ ናናይ፡ ሳባነ ዳዳና።
- 9 መድና ጎዳ ሰንላንካ እ ዋልቃማ ሻንካንቻ ግዴዳ፤ “ናሞራዳዳነ መድና ጎዳ ሰንላን ዋልቃማ ሻንካንቻ ግዴዳ” ጉሳይ ሄዋ ድራሳ።
- 10 እ ካወተላይ ኮይር ካታማት ሳናኦረ ጋድያን ደእያ ባብሎነ፣ ኤሬካ፣ እካዳነ ካልና።
- 11-12 እ ሄ ቢታፕ እሶረ ቢደ፣ ነነዌ፣ ርሀቦታነ ካላሀ ኬጾዳ፤ ቃይ ናናዌፕነ ካላሀፕ ግዴዋን ደእያ ረሰና ግያ ዋልቃማ ካታማካ ኬጾዳ።
- 13-14 ሞጽራይመ ለደቱዋ፣ እናማዋቱዋ፣ ላሃበቱዋ፣ ናፍቱሄቱዋ፣ ፓትሮሳቱዋ፣ ካሰሉሄቱዋነ ፕልሰጸማቱዋ ዘረላቱዋ የሌዳ ካፍቶረቱዋ የሌዳ።
- 15 ካናነ ባረ ባይራ ናእ ሲዶናነ ሄታ የሌዳ፤ ቃይ ካናነ ያቡሳ እሳ፣ እሞረ እሳ፣ ገርጌሰ እሳ፣ ሄዌ እሳ፣ እርቀ እሳ፣ ሲና እሳ፣ እርዋደ እሳ፣ ጸማረ እሳነ ሀማታ እሳ የሌዳ።
- ሄዋፕ ጉዮ፣ ካናነ ዛራቱ ላለትና።
- 19 ካናነ ቢታ ዛዋይ ሲድናፕ ደሚደ፣ ጌራራናነ ጋዛና እጂደ፣ ሶዶማነ ጋሞራ፣ እዳማነ ጸባይማ ቢደ፣ ላሻእን ዛዋቱ።
- 20 ካመ አቲማ ናናይ ባረንቱ ያራን ያራን፣ ባረንቱ ቃላን ቃላን፣ ባረንቱ ቢታን ቢታንነ ባረንቱ ካወተላን ካወተላን ጸፈቲዳዋንቱ ሀዋንታ።

ሴማ ናና

- 21 ሴማው ናናይ የለቲድና፤ እ ያፌታዉ ባይራ እሻነ ኤቦራ ናና ኡባዉ ማይዛ እዉዋ።
- 22 ሴማ አቲማ ናናይ፡ ኤላማ፣ እሶራ፣ እርፋክሳዳ፣ ሉዳነ አራማ።
- 23 አራማ አቲማ ናናይ፡ ኡጸ፣ ሁላ፣ ገቱራነ መሸካ።
- 24 እርፋክሳድ ሸላሀ የሌዳ።
- ሸላሀ ኤቦራ የሌዳ።
- 25 ኤቦራው ላኡ አቲማ ናናይ የለቲድና። እቱዋ ሱንላይ ፔሌጋ፤ እያዉ ጎፕ፣ ሳእን ደእያ እሳይ አ ዋድያን ሻከቲዳ፤ እ እሻ ሱንላይ ዮቅጸና።
- 26 ዮቅጸን ናና የሌዳ። አንቱንቱነ፡ አልሞዳዳ፣ ሸሌፋ፣ ሀጸርማዌታ፣ የራሀ።
- 27 ሀደራማ፣ ኡዛላ፣ ዲቅላ፣
- 28 አባላ፣ አብማኤላ፣ ሳባ፣
- 29 ኦፊራ፣ ሀዋላነ ዮባባ። ሀዋንቱ ኡባይካ ዮቅጸና አቲማ ናና።
- 30 አንቱንቱ ደኤዳ ሄራይ ሚሻፕ ቢደ እዋይ ዶልያ ባጋና ደእያ ደሪ ዳርያ ጋድያን ሳፋራ ጋኬ።
- 31 ሴማ አቲማ ናናይ ባረንቱ ያራን ያራን፣ ባረንቱ ቃላን ቃላን፣ ባረንቱ ጋድያን ጋድያንነ ባረንቱ ካወተላን ካወተላን ጸፈቲዳዋንቱ ሀዋንታ።
- 32 ሀዋንቱ ባረንቱ ያራን ያራንነ ባረንቱ ካወተላን ካወተላን ጸፈቲዳ ኖሄ አቲማ ናና ዛራቱዋ። ባሻ ሃላፕ ሰሚደ፣ ካወተላቱዋ ሀዋንቱፕ ሳእ ኡባዉ የለት እኬድና።

# 11

ባብሎና ግሞቢያ (11:1-9)

- 1 ሳእ ቦሳን ደእያ እሳይ ኡባይ ኮይር እት ዶናነ እት ቃላ ሃሳዪና።
- 2 እሳቱ እዋይ ከሰያ ባጋ ሰሚደ ቤዳ ዋደ፣ ሳናኦረ ግያ ጋድያን ደምባ እቱዋ ደሚደ ያን፣ ኡቲድና።
- 3 አንቱንቱ እቱ እቱዋ፣ “ሃ ዪተ፤ ጸብያ መጂደ፣ ታማን ጸጎይተ” ያጌድና። አንቱንቱ ሹቻ ድራዉ ጸብያ፣ ኡርቃ ድራዉ ሸድያ እኬድና፤
- 4 “ሃ ዪተ፤ ኑ ሱንላ ጸሰሳናዉነ ቃይ ኑን ሀ ሳእ ኡባ ቦሳን ላለተናን አታናዉ እት ዋልቃማ ካታማነ ጸራራ ሳሉዋ ጋክያ እት ፖቅያ ኑዉ ኬጸይተ” ያጌድና።
- 5 ሸን ጎዳይ እሳቱ ኬጾዳ ዋልቃማ ካታማነ ፖቅያ በአናዉ ዲጎ ዋዴዳ፤

6 መድና ጎዳይ “ሄኮ ኡንቴንቴ እት አሳይ፤ ቃይ ኡንቴንቴ ኡባይካ እት ቃላን ሃሳዪኖ፤ ኡንቴንቴ ሀእ ሀዋ ኦላናዉ ደዋዋጥ ጉዮ፣ ኡንቴንቴ ባረንቶ ኦላናዉ ቆፖዋ ኡንቴንቶ ዳንዳየተናዌ እያይነ ባዋ።

7 ሃ ዪተ፤ ዱገ ዎዲደ ኡንቴንቴ እቱ ሃሳይያ ቃላ እቱ ኤረና ማላ፣ ኡንቴንቴ ቃላ ዱማየይተ” ያጌዳ።

8 መድና ጎዳይ ኡንቴንጎ ሄዋጥ ሳኦ ኡባ ቦላን ላልና፣ ኡንቴንቴ ሄ ዎልቃማ ካታማ ኬጽያዎ አገሼድኖ።

9 መድና ጎዳይ ሳኦ አሳ ቃላ ያን ዱማዬዳ ድራዉ፣ ሄ ካታማይ ባቤላ \* ጌተቴዳ። ጎዳይ ኡንቴንጎ ሄዋጥ ሳኦ ኡባ ቦላን ላሌዳ።

ሴማጥ አብራማ ጋካናዉ  
(11:10-32)

10 ሴማ የለታይ ሀዋጥ ካሊደ ጸፈቴዳዎ። ባሻ ሃላጥ ጉዮ፣ ላኡ ላይላ ግድና፣ ሴማ ላይላይ 100 ግዴዳ ዎደ፣ ሴም አርፋክሳዳ የሌዳ።

11 ሴም አርፋክሳዳ የሌዳዋጥ ጉዮ፣ 500 ላይላ ደኤዳ፤ ሀራ አቱማ ናናካ ማጫ ናናካ የሌዳ። 12 አርፋክሳዳ 35 ላይላ ደኤዳ፣ ሸላሀ የሌዳ፤

13 አርፋክሳዳ ሸላሀ የሌዳዋጥ ጉዮ፣ 403 ላይላ ደኤዳ፤ ሀራ አቱማ ናናካ ማጫ ናናካ የሌዳ። 14 ሸላሀ 30 ላይላ ደኤዳ፣ ኤቦራ የሌዳ፤

15 ሸላሀ ኤቦራ የሌዳዋጥ ጉዮ፣ 403 ላይላ ደኤዳ፤ ሀራ አቱማ ናናካ ማጫ ናናካ የሌዳ። 16 ኤቦር 34 ላይላ ደኤዳ፣ ፔሌጋ የሌዳ፤

17 ኤቦር ፔሌጋ የሌዳዋጥ ጉዮ፣ 430 ላይላ ደኤዳ፤ ሀራ አቱማ ናናካ ማጫ ናናካ የሌዳ። 18 ፔሌጋ 30 ላይላ ደኤዳ፣ ራኦ የሌዳ፤

19 ፔሌጋ ራኦ የሌዳዋጥ ጉዮ፣ 209 ላይላ ደኤዳ፤ ሀራ አቱማ ናናካ ማጫ ናናካ የሌዳ። 20 ራኦ 32 ላይላ ደኤዳ፣ ሳሩጋ የሌዳ፤

21 ራኦ ሳሩጋ የሌዳዋጥ ጉዮ፣ 207 ላይላ ደኤዳ፤ ሀራ አቱማ ናናካ ማጫ ናናካ የሌዳ። 22 ሳሩጋ 30 ላይላ ደኤዳ፣ ናኮራ የሌዳ፤

23 ሳሩጋ ናኮራ የሌዳዋጥ ጉዮ፣ 200 ላይላ ደኤዳ፤ ሀራ አቱማ ናናካ ማጫ ናናካ የሌዳ። 24 ናኮር 29 ላይላ ደኤዳ፣ ታራ የሌዳ፤

25 ናኮር ታራ የሌዳዋጥ ጉዮ፣ 119 ላይላ ደኤዳ፤ ሀራ አቱማ ናናካ ማጫ ናናካ የሌዳ። 26 ታር 70 ላይላ ደኤዳ፣ አብራማ፣ ናኮራነ ሃራና የሌዳ።

ታራ የለታ

27 ታራ የለታይ ሀዋጥ ካሊደ ጸፈቴዳዎ። ታር አብራማ፣ ናኮራነ ሃራና የሌዳ፤ ሃራን ሎጸ የሌዳ። 28 ሃራን ባረ ኦዉ ታር ፓጻ ደኤሸን፣ ባረ የለቴዳ ካላዳዌቱዋ ጋድያን፣ ኡራ ግያ ዎልቃማ ካታማን ሀይቄዳ።

29 አብራማን ናኮርን ላእቱካ እኬድኖ፤ አብራም ማቻት ሱንሳይ ሳር፤ ቃይ ናኮራ ማቻት ሱንሳይ ሞልኮ፤ ሞልካ ሃራና ናቶ፤ ሃራን ሞልክዉን ይሰካካዉ አዉዋ።

30 ሳራ ማንሳቶ፤ እዘዉ ናኦ ባዋ።

31 ታር ባረ ናኦ አብራማ፣ ባረ ናኦ ሃራና ናኦ ሎጸን፣ ባረ ናኦ አብራም ማቻቶ ሳር ኢኪደ ከሰና፣ ኡንቴንቴ እትጥ ካናን ጋድያ ባናዉ ኡር ግያ ካላዳዌቱዋ ካታማጥ ደንዴድኖ፤ ሸን ኡንቴንቴ ካራን ግያ ካታማ ጋካናዉ ቢደ፣ ያን ኡቴድኖ።

32 ታር 205 ላይላ ደኤዳ፣ ካራነን ሀይቄዳ።

**አብራማ፣ ይሳቃነ ያቆባ ታርክያ**

**12**

(12:1—35:29)

አብራም ጼሳ

1 መድና ጎዳይ አብራማ ያጌዳ፤ “ኔን ነ ጋድያጥ፣ ነ ዳቦቱዋጥን ነ አዉዋ ጎላ አሳጥ ሻከታደ፣ ታን ኔና በሰያ ጋድያ ባ።

2 ታን ኔና ዎልቃማ ካዉተላ ኦላና፤ ቃይ ታን ኔና አንጃና፤ ታን ነ ሱንሳ ግታያና፤ ያትና ኔን አንጃ ግዳና፤

\* 11:9 ባቤላ- አብራዌሉዋን ሀ ሱንሳ ብላላይ ዋላከቱዳዋ ግያዎ ማላቴ። 12:1 ከታ 7:2-3፤ አብራ. 11:8

3 ታን ኔና እንጅያዋንታ እንጃና፤ ቃይ ኔና ሸቂያዋንታ ታን ሸቃና፤ ሀ ሳኣ ቦላን ደእያ አሳይ ኡባይ ነ ባገና እንጀታና።\* ያጌዳ።

4 አብራሙ መጅና ጎዳይ እው ኦዴዳዋዳን ደንዲደ ቤዳ፤ ሎጸካ እናና ቤዳ፤ አብራሙ ካራነፕ ቤዳ ዋደ፤ እው ላይላይ ላፑን ታማነ እቸሻ።

5 አብራሙ ባረ ማቻቶ ሳር። ባረ እሻ ናኣ ሎጸ፤ ያን ሸሺዳ ባረንቱ ማጸዋ ኡባነ፤ ካራንን ኡንቱንቱ ደሜዳ ቆማቱዋ እኪደ፤ ካናን ጋድያ ባረው ደንዳዳ፤ ቢደ ኡንቱንቱ ካናን ጋድያ ጋኬድና።

6 አብራሙ ሄ ጋድያን ሰከማ ግያ ሳኣን ደእያ ሞረ ግያ ዋልቃማ ዋላ ጋካናው ሀመቲደ ቤዳ። ሄ ዋደ ካናን አሳቱ ሄ ጋድያን ደእና።

7 ሸን መጅና ጎዳይ አብራማው ቆንጩደ እ። “ሀ ጋድያ ታን ነ ዘረሳው እማና” ያጌዳ። እ ባረው ቆንጩዳ መጅና ጎዳው ሄ ሳኣን ያርሸያ ሳኣ ኬዲደ ጎይኔዳ።

8 ሄዋፕ ደንዲደ፤ ቤቱለፕ አዋይ ዶልያ ባገና ደእያ ደረትያ ሳኣ ቢደ፤ ሄዋን ቤቱለ አዋይ ውልያ ባገ አጊደ፤ ቃይ እይ አዋይ ዶልያ ባገ አጊደ፤ ግዳዋን ባረ ዱንካንያ ቶጌዳ፤ ሄዋን መጅና ጎዳው ያርሸያ ሳኣ ኬዲደ፤ መጅና ጎዳ ሱንሳ ጸሴዳ።

9 ሄዋፕ ጉዩ፤ አብራሙ ያፕ ደንድ ቢደ ኔጌባ ባዙዋ ጋኬዳ።

**አብራሙ ግብጹ ቤዳ**

10 ሄ ዋደ ሄ ጋዲ ኮሻቱዳ፤ ኮሻይ ጸጽ ደእያ ድራው፤ አብራሙ እማራዳ ዋድያ ደእናው ዱን ግብጹ ዋዴዳ።

11 ግብጹ ገላና ሀንሸን፤ አብራሙ ባረ ማቻቶ ሳር ሀዋዳን ያጌዳ፤ “ሰሳ፤ ኔን ሎይላ ማላ ሎኦ ማጫ አሳ ግድያዋ ታን ኤራይ።

12 ግብጹ አሳቱ ኔና በእያ ዋደ ኡንቱንቱ፤ «ሀና አ ማቻቶ» ያጊደ ኡንቱንቱ ታና ዋላና፤ ሸን ኔና ፓጸ አገና።

13 ሰሞ ኡንቱንቱ ታው ነ ጋሱዋን ኬካና ማላ፤ ቃይ ታን ሀይቀናን ነ ጋሱዋን አታና ማላ ኔን፤ ታን እ ሞቻቶ» ያጋ” ያጌዳ።

14 አብራሙ ግብጹ ቢታ ገሌዳ ዋደ፤ ግብጹ አሳቱ ሄ ሞሸራታ ዳር ማላ ሎኦ ማጫ አሳ ግድያዋ በኤድና።

15 ቃይ ግብጹ ካትያው አልያ ካፓቱካ እዞ በኤዳ ዋደ፤ ካትያ ሰንሳን እዞ ናሼድና፤ ያቲደ እዞ ካትያ ጎለ አፌድና።

16 ያትና እዞ ጋሱዋን ካቲ አብራማ ሎኦ አይፍያን ጸሌዳ፤ አብራማው ደርሳቱዋን ቦራቱዋ፤ አቱማ ሀረቱዋን ማጫ ሀረቱዋ፤ አቱማ ቆማቱዋን ማጫ ቆማቱዋ፤ ጋሉዋ እማዳ።

17 ሸን መጅና ጎዳይ አብራሞ ማቻቶ ሳር ጋሱዋን ግብጹ ካትያ ቦላን አ ሶ አሳ ቦላ ዳር ካእያ ሀርግያ የዴዳ።

18 ያትና ካቲ አብራማ ጸሴደ፤ “ኔን ሀዋ እያው ታ ቦላ ኦላድ? እዞ ነ ማቻቶ ግዴዳዋ እያው ታው ኦዳበይኪ?

19 ኔን እዞ፤ «እዞ ታ ሞቻቶ» ጋደ ታው እያው ኦዳዳ? ታን እዞ ታው ማቼ ኦላናው እኬዳዋ ሄዋ ድራሳ። ሰሞ ሀእ ነ ማቻቶ ሀር በእ፤ እዞ እካደ ባ” ያጌዳ።

20 ባረ አሳ አዛዝና፤ ኡንቱንቱ አብራማ አ ማቻትናን እው ደእያ ኡባባና ከሲደ የዴድና።

**13**

**አብራምን ሎጸ ሻከቲድና**

1 ሄዋ ድራው አብራሙ ባረ ማቻትናን፤ ባረው ደእያዋ ኡባና ግብጸፕ ነጌባ ባዙዋ ቤዳ፤ ሎጸካ እናና ቤዳ።

2 አብራሙ ሄ ዋደ ሚዛ፤ ብራንን ዋርቃን ዳሪ ዱረቱዳ።

3 እ ነጌባፕ ደንዲደ ቤቱለ ጋካናው ቤዳ፤ ሄ ሳኣይን ቤቱለፕን አይፕ ግዳዋን እ ኮይር ባረ ዱንካንያ ቶጌዳ ሳኣን

4 ያርሸያ ሳኣ እ ኮይር ኬጼዳ ሳኣ። ያን አብራሙ መጅና ጎዳ ሱንሳ ጸሴዳ።

5 አብራሙና ዩይያ ሎጸውካ ሚዛይ፤ ደርሳ ዉዲን ዱንካኒ ደኤ።

6 ሸን ኡንቱንቱ እትፕ ደእናው ኡንቱንቶ ቢታይ ግድቤና፤ ኡንቱንቶ ዳር መሄ ደእያ ድራው፤ ኡንቱንቱ እትፕ ደእናው ዳንዳይበይክና።

7 ሄዋ ጋሱዋን አብራሞ ዉድያ ሄምያዋንቱ ግድንን ሎጸ ዉድያ ሄምያዋንቱ ግድን ዋላሳይ ከሴዳ። ሄ ዋደ ካናናቱን ፓርዘቱ ሄ ጋድያን ደእና።

12:3 ጋላ. 3:8 \* 12:3 ነ ባገና እንጀታና- ኔና እንጅዋዳ እንጃና ማላ ኡባይ ዋሳና። 12:7 ኪታ 7:5፤ ጋላ. 3:16 12:13 ጭጫ 20:2፤ 26:7



8 ያንና አብራሙ ሎጾ፥ “ኑን እሻቱዋ ግድያ ድራሜ፥ ታ ግደንነ ነ ግደን፥ ታ ዉድያ ሄምያዋንቱ ግደንነ ነ ዉድያ ሄምያዋንቱ ግደን ዋላሳ ከሰጋ።

9 ቢታ ኡባይ ነ ሰንላን ደኤኔ? እነ ኑን ሻከቶይተ፤ ኔን ሀድርሳ ባጋ ቦፕ፥ ታን ኡሸቻ ባጋ ባና፤ ኔን ኡሸቻ ባጋ ቦፕ፥ ታን ሀድርሳ ባጋ ባና” ያጌዳ።

10 ሎጾ ዩይ እጅ ጴሊደ፥ ዮርዳኖሳ ሻፋ ዋምባይ ኡባይ ቢደ ዞኣሪ ጋካናዉ፥ መጅና ጎዳ ገነትያ \* ዋይ ግብጹ ቢታ ማላ ዳር ሃላይ ደእያዋ ግድያዋ በኤዳ። (ሄዋነ መጅና ጎዳይ ሶደማነ ጋሞራ ጌተትያ ካታማቶ ጳይሳናፕ ካሰ)።

11 ሄዋ ድራሜ ሎጾ ባረገዉ ዮርዳኖሳ ዋምባ ኡባ ደሪደ፥ አዋይ ዶልያ ባጋ ቤዳ፤ ያትና ኡንቱንቱ እቱ እትዋፕ ሻከቱድኖ።

12 አብራሙ ካናነ ጋድያን ደኤዳ፤ ሸን ሎጾ ዋምባን ደእያ ዋልቃማ ካታማቱዋ ግዳዋን ኡቲደ፥ ሶደማ ካታማ ማታን ባረ ዲንካንያ ጅጌዳ።

13 ሄ ዋይ ሶደማ አሳቱ ኢታነ መጅና ጎዳ ቦላ ፓላ ናጋራ ኦልያዋንታ።

14 ሎጾ አብራሙፕ ሻከቱዳዋፕ ጉዮ፥ መጅና ጎዳይ አብራሙ ሀዋዲን ያጌዳ፤ “ጶቁ ጋደ ኔን ደኢያሳፕ አዋይ ዶልያ ባጋነ አዋይ ዉልያ ባጋ፥ ቃይ ሀጸሳ ባጋነ ገድሳ ባጋ ጴላ።

15 ሀ ኔን ጴልያ ቢታ ኡባ ታን ነዉነ ነ ዛርያዉ መጅናዉ እማና፤

16 ታን ነ ዛርያ ሳኣ ሻፍያዳን ዳርሳና፤ ኡንነ ሳኣ ሻፍያ ፓይዳና ዳንዳዮፕ፥ ነ ዛሪካ ፓይደታና።

17 ደንዳ፤ ቢታ ጎምፓን ፑደነ ዲገነ ሀንነ ሃነ ሀመታደ በእ፤ እያዉ ጎፕ፥ ታን ሀ ቢታ ነዉ እማና” ያጌዳ።

18 አብራሙ ባረ ዲንካንያ ሾዲደ፥ ከብርነ ካታማን ደእያ ማምረ ዋላቱዋ ዋጋቱዋ ማታን ደኣናዉ ቤዳ። ሄዋን መጅና ጎዳዉ ያርሸያ ሳኣ ኬጴዳ።

# 14

## አብራሙ ሎጾ ዋል እኬዳ

1 ሄ ዋይ ሳናኦሪ ካቲ አምራፌል፥ ኤላሳራ ካቲ አርዮክ፥ ኤላማ ካቲ ካድርላኦመርነ ጎይማ ካቲ ትድኣል ኦይዱ።

2 ሶደማ ካትያ ቤራኣራ፥ ጋሞራ ካትያ ብርሻራ፥ አዳማ ካትያ ሸንአባራ፥ ጸቦይማ ካትያ ሸመቤራራነ (ጸኣር ጌተትያ) በላኣ ካትያና ኦላዉ ሳልፔድኖ።

3 ሀዋንቱ እቼሹ ካተቱ ጋከቲደ እት ዋልቃ ግዲደ፥ (ማጽነ አባ ግያ) ሲድማ ዋምባን ቪቁድኖ።

4 ኡንቱንቱ ካሰ ታማነ ላኡ ላይላ ካድርላኦመራዉ ሞደቲድኖ፤ ሸን ታማነ ሄዘንላ ላይላን አዉ ማካሊድኖ።

5 ታማነ ኦይደንላ ላይላን ካድርላኦመርነ አናና ዘፕቲዳ ካተቱ ባረንቱ ኦላንቻቱዋ እክ ቢደ፥ አሰታርት ጸርናይማን ደእያ ራፋዮታ፥ ሃማን ደእያ ዙዘታን ሻዌቅርታይማን ደእያ ኤመታ ኦሊደ ጸኔድኖ።

6 ሆራ ቢታ አሳቱዋካ ሰኢራ ደርያን ኦሊደ፥ ባዙዋ ማታን ደእያ ኤልፓራና ግያ ሳኣ ጋካናዉ የደርሴድኖ።

7 ሄዋፕ ጉዮ ሰሚደ፥ እይን-ምሸፓጾ ዬድኖ። (ሀእ ሄ ሳኣይ ቃዳሳ ጌተቱ።) ኡንቱንቱ አማሌቃቱዋ ቢታ ኡባነ ቃይ ሀጸጸነ ታማራ ግያ ሳኣን ደእያ አምረቱዋ ኦሊደ ጸኔድኖ።

8 ሄዋፕ ሰሚደ፥ ሶደማ ካቲ፥ ጋሞራ ካቲ፥ አዳማ ካቲ፥ ጸቦይማ ካቲነ (ጸኣር ጌተትያ) በላኣ ካቲ ደንዳድኖ፤ ሲድማ ዋምባን ሳልፔድኖ።

9 ሀዋንቱ ኡባይ ኤላማ ካትያና፥ ጎይማ ካትያና፥ ሳናኦሪ ካትያና ኤላሳራ ካትያና (ሀ እቼሹ ካተቱ ኦይዱ ካተቱዋና) ኦላቲድኖ።

10 ሲድማ ዋምባን ሄ ዋይ፥ ሸድያዳን ኦይቁያባይ ኩሜዳ ኦላይ በሴዳ፤ ሶደማ ካቲነ ጋሞራ ካቲ ባረንቱ ኦላንቻቱዋና ኦላፕ ባቃትሸን፥ ኡንቱንቱፕ አማራዳዋንቱ ሄ ኦላቱዋን ኩንዴድኖ፤ ሸን እቲዳዋንቱ ደርያ ባቃቲድኖ።

11 ኦይዱ ካተቱ ሶደማነ ጋሞራ ካታማቱዋ ማጹዋ ኡባነ ኡንቱንቱ ቁማ ኡባ ቦንቁደ እኬድኖ።

12 አብራሙ እሻ ናኣይ ሎጾ ሶደማን ደእያ ድራሜ፥ እካ ነ ማጹዋካ እኬድኖ።

13 ሄዋፕ ጉዮ፥ እት ብታኒ ባቃት ዩደ አብራሚያ አብራማዉ ሀዋ ኦይዳ። አብራሙ ሄ ዋይ፥ ኤሸኮላነ እኔራ እሻ አሞርያ ማምረ ዋላ ማታን ደኤ። ኡንቱንቱ ኡባይካ ኦላ ዛራናዉ አብራሙና ጫቁዋ ጫቀት ኡቲድኖ።

14 አብራሙ ባረ ዳቡ ኦሞደቲዳዋ ሰሴዳ ዋይ፥ ኦላ ኤርያ ባረ ሶን የለቲዳ 318 አሳ ደንጴዳ፤ ሄ ኦይዱ ካተቱዋ ካሊደ ዳን ግያ ካታማ ጋካናዉ ቤዳ።

\* 13:10 መጅና ጎዳ ገነትያ- ኤደነ ገነትያ በሰያዋ። 13:10 ደመላ 2:10 13:15 ኪታ 7:5

15 ቃማን ባረ አሳ ጨጉዋን ጨጉዋን ሻክ። ባረ ሞርከቱዋና ኦለቲደ ኤንቱንታ ጸኔዳ። ደማሰቆፕ ሁጹሳ ባጋና ደእያ ሆባ ግያ ሳኣ ጋካናዉ የደርሴዳ።

16 ማጸዋ ኡባ፣ ቃይ ባረ ዳቡዋ ሎጸን ኦ ማጸዋ። ማጫ አሳን ሀራ አሳ ዋል አኬዳ።

17 አብራሙ ካደርላአሙራ፣ አናና ዙፕቲዳ ካተቱዋ ጸኒደ ሰሜዳዋፕ ጉዩ፣ ሶደማ ካቲ፣ (ካተቱዋ ዋሞባ ግያ) ሻዊሀ ዋሞባን ኦ ሞካናዉ ከሴዳ።

**ማልካ-ጸደቂ አብራማ አንጃዳ**

18 ሄ ዋደ፣ ሳለሙ ካቲ ማልካ-ጸደቂ ኡክላን ዋይንያ ኤሳ አኪደ ዬዳ፤ እ ኡባፕ ቶቂያ ጸሳ ቂሲያ።

19 እ አብራማ ሀዋዳን ያጊደ አንጃዳ፤

“ኡባፕ ቶቂያ ጸሳይ፣

ሳሉዋን ሳኣ መጫዳዌ አብራማ አንጃ።

20 ቃይ ኡባፕ ቶቂያ ጸሳይ፣

ነ ሞርከቱዋ ነ ኩሽያን

አል አሜዳዌ ጋላተቶ” ያጌዳ።

አብራሙ ኡባፕ አሰራታ ከሲደ፣ ማልካ-ጸደቃዉ እማዳ።

21 ሶደማ ካቲ አብራማ፣ “አሳ ታዉ እማደ፣ ማጸዋ ነዉ አካ” ያጌዳ።

22 ሽን አብራሙ ሶደማ ካትያ፣ “ታን መጅና ጎዳዉ፣ ኡባፕ ቶቂያ ጸሳዉ፣ ሳሉዋን ሳኣ መጫዳዎ፣ ታ ኩሽያ ደንላደ ጫቃድ።

23-24 ታ አሳይ ማዳዋፕን ታናና ቤዳ አኔራ፣ ኤሽኩላን ማምሪ ጋክያዋፕ አትና፣ ኔን፣ ‘አብራማ ታን ዱረያድ’ ኡባካ ገና ማላ፣ ታን ነዋፕ ሀራይ አቶ ቁንጨትያ ዋይ ጫማ ቃችያዋን አክከ። ኤንቱንቲ ባረና ጋክያዋ አክኖ” ያጌዳ።

# 15

**መጅና ጎዳይ አብራሙና ጫቀቲዳ**

1 ሄዋፕ ጉዩ፣ መጅና ጎዳ ቃላይ ሳጸን አብራሙኮ ዪደ፣ “አብራማ፣ ያዮፓ! ታን ነዉ ጎንዳለ፤ ነ ጋቲ ሎይል ዳራ” ያጌዳ።

2 አብራሙ፣ “አቤት ኡባ ዋድያ መጅና ጎዳዉ፣ ታዉ ኡባካ ናአ ባይና ድራዉ፣ ኔን እምያ ጋቲ ታዉ አይሴ? ደማሰቆ ኤልኤዛር ታና ላታና ሽን”\* ያጌዳ።

3 ቃይካ አብራሙ፣ “ኔን ታዉ ናአ እማባካ፤ ሄዋ ድራዉ ታ ሶን ደእያ ቆማይ ታና ላትያዋ” ያጌዳ።

4 መጅና ጎዳ ቃላይ አኮ ዪደ፣ “ሀ ቆማይ ኔና ላተና፤ ሽን ነ ጉልባታፕ ከሰያዌ ኔና ላታና” ያጌዳ።

5 ሰሚደ ካረ አ ከሲደ፣ “ሳሉዋ ፑደ ዪላ፤ ኔን ጸልንተቱዋ ፓይዳናዉ ዳንዳዮፕ ፓይዳ፤ ነ ዘረላይካ ሀዋ ኬሻ ግዳና” ያጌዳ።

6 አብራሙ መጅና ጎዳ እማኔዳ፤ መጅና ጎዳይ ሄዋ አዉ ጽሎተላዳን ፓይዳዳ።

7 መጅና ጎዳይ ቃይካ አ፣ “ታን ኔን ሀ ቢታ ላታና ማላ ነዉ እማናዉ ኡር ግያ ካላዳዌቱዋ ካታማፕ ኔና ከሳ አሄዳ መጅና ጎዳቱ” ያጌዳ።

8 ሽን አብራሙ አ፣ “አቤት ኡባ ዋድያ መጅና ጎዳዉ፣ ታን ሀ ቢታ ላታናዋ አያን ኤር?” ያጌዳ።

9 መጅና ጎዳይ አ፣ “ሄዙ ላይላ ኡሳ፣ ሄዙ ላይላ ዳሻ፣ ሄዙ ላይላ ደርሳን ላኡ ቆሞ ሀራጸቱዋ ታዉ አካደ ያ” ያጌዳ።

10 እ ሀዋንታ ኡባ አዉ አፊዳ፤ ኤንቱንታ ጳልቂደ ላኡ ከሴዳ፤ ላኡዋ ከሴዳዋ አቱዋ አቱዋ ባጋን ዋጹዳ፤ ሽን ካፎቱዋ ላኡ ከሰ ጳልቂቤና።

11 ሄ ዋደ አንኮቲ ሄ አሹዋ ቦላ ዋጫድና፤ ሽን አብራሙ ኤንቱንታ የደርሴዳ።

12 እዋይ ዉልያ ዋደ አብራማ ዋልቃማ ገሞእሹ ኦይቄዳ፤ ጅጽ ጌዳ ጭማይ አ ቦላ ዋጫዳ።

13 ያትና መጅና ጎዳይ አ፣ “ነ ዘረላይ ሀራ ጋድያን በተ ግዳደ ደእናዋ ኔን ቱሙፕ ኤራ፤ ኤንቱንቲ አይለቲደ ኦይዱ ጸቲ ላይላ ናቀታና።

14 ሽን አይለዪደ ኤንቱንታ ዋድያ ካዉተላ ታን ሙራና፤ ሄዋፕ ጉዩ፣ ኤንቱንቲ ዳር አቁዋና ሄ ቢታፕ ከሳና።

15 ኔና ግደፕ፣ ኔን ነ ማይዛ እዋቱዋኮ ሳርተላን ባና፤ ኔን ሎይላ ጭማይ ሀይቃናን ሞገታና።

14:18 እብራ. 7:1-10 \* 15:2 ኤልኤዛር ታና ላታና- እብራዌላዋን ቆንጫ ግድና። 15:5 ሮሙ 4:18፤ እብራ. 11:12 15:6 ሮሙ 4:3፤ ጋላ. 3:6፤ ያቆባ 2:23 15:12 እዮባ 4:13፤ 14 15:13 ከሳ 1:1-14፤ ኪታ 7:6 15:14 ከሳ 12:40-41፤ ኪታ 7:7

16 ሽን ኦይደንሉ የለታን ነ ዘረላይ ሀ ጋድያ ሰማና፤ እያዉ ሳጥ፡ አሞረቱ ናጋራይ ብሮ ልክያ ጋክብና” ያጌዳ።

17 አዋይ ዉልና ሳእይ ጳሜዳ፤ ጮጭያ ጨዋይነ ታማ ላጩ እኩከናን ቤቲደ፡ ሄ ላኡ ከሰ ጳልቀቲዳዋንቱጥ ግዲዋና አጫዳ።

18 ሄ ጋላሰ መጵና ጎዳይ አብራሙና ሀዋዳን ያጊደ ጫቁዋ ጫቀቲዳ፤ “ግብጌ ሻፋጥ ደሚደ ሌፍራጺሳ ግያ ዋልቃማ ሻፋ ጋካናዉ፡ ሀ ቢታ ታን ነ ዘረላዉ እማድ፤

19-21 ሀ ቢታይ ቁናቱዋ፡ ቀኒዘቱዋ፡ ቃድሞነቱዋ፡ ሂተቱዋ፡ ጋርዘቱዋ፡ ራፋየቱዋ፡ አሞረቱዋ፡ ካናነቱዋ፡ ገርጌሰቱዋን ያቡሳቱዋ ቢታ” ያጌዳ።

# 16

## አጋርነ እሰማኤላ

1 አብራሞ ማቻታ ሳራ አዉ ናአ የላበይኩ፤ ሽን እዘዉ ግብጌጥ ዬዳ አጋር ግያ እት አይላታ ደእዉ።

2 ሄዋ ድራዉ ሳራ አብራማ ጸሳደ፡ “በእ፡ መጵና ጎዳይ ታዉ የሉዋ ድጌዳ። ኔን ባደ፡ ታ አይላትና ግሳ፤ እን ኤሪ፡ ታን እዘ ባጋና ናአ ዳዮ ግዳነንቶን” ያጋዳ። አብራሙ ሳር ቃላ ስሲደ ማዬዳ።

3 አብራሙ ካናን ጋድያን ታሙ ላይላ ኡቲዳዋጥ ጉዮ፡ አብራሞ ማቻታ ሳራ ግብጌጥ አሄዳ ባረ አይላቶ አጋር፡ ባረ አሰና አብራማዉ ማቼተላዉ እማዳ።

4 አጋር እኬዳ፤ እዛ ሻሃራዳ። እዛ ባረዉ ሻሃራይ አቲዳዋ ኤራዳ ዋደ፡ ባረ ጎዳቶ ካጵያ ደማዳ።

5 ሄ ዋደ ሳራ አብራማ፡ “ታና ሀ ናቁዋ ናቁሰያዌ ኔና፤ \* ታን ታ አይላቶ ነዉ እምና፡ እዛ ሀእ ባረዉ ሻሃራይ አቲዳዋ ኤራደ፡ ታና ካቆዉ። ነባነ ታባ መጵና ጎዳይ ፕርዶ” ያጋዳ።

6 አብራሙ ሳር፡ “ሀሆ በእ፤ ነ አይላታ ነ ኩሽያና፤ ኔን እዘ ነዉ ሎኦዋ ኦላ” ያጌዳ። ሄዋጥ ጉዮ፡ ሳራ አጋር ናቁና፡ እዛ ከሳደ ኢጥ ባቃታዳ።

7 መጵና ጎዳ ኪታንቻይ ፑልቱዋ ማታን ዋራን አጋር ደሜዳ፤ ሄ ፑልቱ ሹራ ግያ ጋድያ አፍያ ኦግያ ማታና።

8 እ አጋር፡ “ሀነ ሳር አይላቲ አጋራ፡ ሀቃጥ ያድ? ቃይ ሀቃ ባይ?” ያጊደ ኦቼዳ። እዛ፡ “ታን ታ ጎዳት ሳርጥ ባቃታይ” ያጋዳ።

9 መጵና ጎዳ ኪታንቻይ እዘዉ፡ “ኔን ነ ጎዳትኮ ጉዮ ሰማደ ባ፤ እዘዉ ሞደታ” ያጊደ ኦዴዳ።

10 ቃይካ መጵና ጎዳ ኪታንቻይ እዘ፡ “ነ ካሪ ፓይዳናዉ ዳንዳየተናዋ ከና ታን ጮርሳና” ያጌዳ።

11 ቃይካ መጵና ጎዳ ኪታንቻይ እዘ፡ “ሀእ ኔን ሻሃራ፤ ኔን አቲማ ናአ የላና፤ እ እሰማኤላ † ጋደ ሱንሳና፤ እያዉ ሳጥ፡ መጵና ጎዳይ ነ ዋሱዋ ስሴዳ።

12 እ ዋራን የዳ ደእያ ሀርያ ማላ አሳ ግዳና፤ አሳ ኡባና እ ኤቀታና፤ ቃይ አሳይ ኡባይካ እናና ኤቀታና፤ እ ባረ እሻቱዋ ኡባና እጸ ግዲደ ደእና” ያጌዳ።

13 አጋራ፡ “ታን ታና በእያዋ በእደ ፓጸ አታኔ?” ያጋዳ፤ እዛ ባረዉ ሃሳዬዳ መጵና ጎዳ፡ “ኔን ታና በእያ ጸሳ” ያጋደ ሱንሳዳ።

14 ሄዋ ድራዉ ሄ ፑልቱዋ አላይ፡ “ታና በእያ ደኡዋ ጸሳ ፑልቱዋ” ጌተቲዳ፤ ሄ ኦላይ ሀሮ ጋካናዉ ቃዳሰጥነ ባራዳጥ ግዲዋን ደኤ።

15 አጋራ አብራማዉ አቲማ ናአ የላዳ፤ አብራሙ አጋራ የሌዳ ናአ እሰማኤላ ጊደ ሱንሴዳ።

16 አጋራ እሰማኤላ አብራሙዉ የሌዳ ዋደ፡ አብራሞ ላይላይ ሆሰፑን ታማነ ኡሰፑና።

# 17

## ቃጸራ፡ ጫቁዋ ማላ

1 አብራሞ ላይላይ ኡዲፑን ታማነ ኡዲፑና ግድያ ዋደ፡ መጵና ጎዳይ እዉ ቆንጩደ እ፡ “ታን ኡባ ዳንዳይያ ጸሳ፤ ኔን ታ ሰንሳን ሀመታ፤ ሱረ ግዳ።

2 ታን ታጥነ ኔጥ ግዲዋን ታ ጫቁዋ ዋሳይ፤ ታን ኔና ሎይላ ጮርሳና” ያጌዳ።

3 አብራሙ ባረ ደሙዋን ዳግ ጉፋኔዳ፤ ጸሳይ እዉ ሀዋዳን ያጌዳ፤

4 “ሰም፡ ታን ኔናና ጫቀትያ ጫቁ ሀዋ፤ ኔን ዳር ካዉተላ እዉዋ ግዳና።

15:18 ኪታ 7:5 \* 16:5 ታና ሀ ናቁዋ ናቁሰያዌ ኔና፡ ኔን ታ ቦላ ኦሎዌ ነ ቦላ ፔሶ ጉሳ። † 16:11 እሰማኤላ፡ ሀ ሱንሳ ብለላይ ጸሳይ ስሴዳ ጉሳ። 16:15 ጋላ 4:22

5 ሀዋጥ ደሚደ ነ ሱንሳይ አብራሚ ጌተተና፤ ሸን ነ ሱንሳይ አብራሃም \* ግዳና። አያው ጎጥ። ታን ኔና ዳር ካወተላ አወዋ አላድ።

6 ታን ኔና ሎይላ ጮርሳና፤ ታን ኔጥ ካወተላቱዋ መፅና፤ ካተቱካ ኔጥ ከሳና።

7 ታን ታጎጎ ኔጥ፤ ኔጥ ጉየ ነ ዘረሳጥን ግዳዋን። የለታጥ የለታ ጋካናወ ታ ጫቁዋ ጫቀታይ፤ ሀ ጫቁ ታን ነወነ ኔጥ ጉየ ነ ዘረሳወ ጸሳ ግዳና ማላ መፅና ጫቁዋ።

8 ሀእ ኔን በተ ግዳደ ደእያ ካናን ቢታይ ኡባይ ነወነ ኔጥ ጉየ ነ ዘረሳወ መፅናወ ላታ ግዳና ማላ ታን አማና፤ ቃይ ታን ኡንቱንቱ ጸሳ ግዳና” ያጌዳ።

9 ቃይካ ጸሳይ አብራሃም። “ኔና ግዳጥ። ኔን ታ ጫቁዋ ናጋ፤ ኔንካ ኔጥ ጉየ ነ ዘረሳይካ። የለታጥ የለታ ጋካናወ ናግተ።

10 ታጎጎ ኔጥ፤ ኔጥ ጉየ ነ ዘረሳጥ ግዳዋን ሀንተንቱ ናጋና ታ ጫቁ ሀዋ፤ ሀንተንቱ ግዳዋን ደእያ አቱማዌ ኡባይ ቃዳረቶ።

11 ሀንተንቱ አቱማተላ ሸኩዋ ቃዳረቲታ፤ ሄዌ ታጎጎ ሀንተጥ ግዳዋን ደእያ ጫቆ ማላ ግዳናዋ።

12 ሀንተንቱ ግዳን ሰንሳጥ የለታና አቱማ ናናይ ኡባይ የለቲዳ ሆሰፑጥላ ጋላሳን ቃዳረታናወ ኮሺ። ነ ሱን የለቲዳዋንታ ግዳና። ዋይ አላጋጥ ሻሉዋን ሻመቲዳ አይለቱዋ ግዳና። ነ ዘረሳ ግዳናዋንታካ አቱማዋንታ ቃዳረታናወ ኮሺ።

13 ነ ሱን የለቲዳዋንቱ ነ ሻሉዋን ሻመቲዳዋንቱ ቃዳረቲና። ሀዌ ሀንተንቱ አሹዋን ደእያ ታ ጫቁ መፅና ጫቁዋ ግዳና።

14 ቃዳረቲቤና። ባረ ሸኩዋና ደእያ አቱማ አሳይ ኡባይ ባረ አሳጥ ዱጻና፤ አያው ጎጥ። አ ታ ጫቁዋ መንጩዳ” ያጌዳ።

15 ቃይካ ጸሳይ አብራሃም። “ሰም። ነ ማቻት ሳር ሱንሳ ሳራይ ጎጥ፤ ሀዋጥ ሰንሳወ አዝ ሱንሳይ ሳር። †

16 ታን አዘ አንጃና፤ ታን አገ ነወ አቱማ ናአ ቱሙ አማና። አዘ ታን አንጃና፤ አዘ ካወተላቱዋ አቶ ግዳና፤ አሳ ካተቱ አገ ያና” ያጌዳ።

17 አብራሃም ባረ ዴሙዋን ጉፋኔዳ፤ አ ሚጨደ ባረ ዋዛናን። “ጹቱ ላይላ አሳይ ቱሙ ናአ የላኔ? ቃይ ኡዱፑን ታሙ ላይላ ግዳዳ ሳራ ናአ የላኔ?” ያጌደ ቆፔዳ።

18 አብራሃም ጸሳ። “አስማኤል ታና ላትያዋ ግዳናወ ዳንዳየኔ?” ያጌዳ።

19 ሸን ጸሳይ። “ቱይታ። ነ ማቻታ ሳራ ነወ አቱማ ናአ ቱሙጥ የላና፤ ኔን ይሳቃ ‡ ጋደ አ ሰንሳና። አገ ጉየ። አ ዘረሳወ መፅና ጫቁዋ ግዳና ማላ። ታን አናና ታ ጫቁዋ ጫቀታና።

20 ቃይ አስማኤላ ግዳጥ። ኔን ኦቼዳዋ ታን ሰሳድ፤ ታን አካ አንጃና፤ ታን አ አንጃና፤ አ ዘረሳ ሎይላ ጮርሳና፤ አ ታማነ ላኡ የለታቱዋ የላና፤ ታን አ ዘረሳ ዋልቃማ ካወተላ አላና።

21 ሸን ታን ታ ጫቁዋ ላይላ ሀናደ ሳራ ነወ የልያ ይሳቃና ጫቀታና” ያጌዳ።

22 ጸሳይ አብራሃምና ሃሳዪደ ዉርሴዳዋጥ ጉየ። አብራሃምጥ ሻከቲደ ፑደ ቤዳ።

23 ሂ ጋላሳን አብራሃም ባረ ናአ አስማኤላ። ባረ ሱን የለቲዳ ኡባይ። ባረ ሻሉዋን ሻሚዳዋንታ ኡባይ። ባረ ሱን ደእያ አቱማ አሳ ኡባይ። ጸሳይ አወ ኡዱዳዋን ኡንቱንቱ አቱማተላ ቃዳራዴ።

24 አብራሃም ባረ አቱማተላ ቃዳረቲያ ዋደ። ኡዱፑን ታማነ ኡዱፑን ላይላ አሳ፤

25 አ ናአይ አስማኤል ባረ አቱማተላ ቃዳረቲያ ዋደ። ታማነ ሄዘ ላይላ ናአ።

26 አብራሃምነ አ ናአይ አስማኤል ላአቲካ ሄ ጋላሰ ቃዳረቲድና።

27 አብራሃም ሱን ደእያ አቱማ አሳይ ኡባይ። አ ሱን የለቲዳዋንቱን ሻሉዋን ሻሚዳዋንቱ ኡባይ አናና ቃዳረቲድና።

# 18

## ሄዘ አማሳቱዋ

1 አብራሃም ማምረ ዋላቱዋ ዋጋቱዋ ጋርሳን ባረ ዳንካንያ ጥንግጥን ሴታ ጋላሰ ኡት ደእሸን። መፅና ጎዳይ አወ ቆንጮዳ።

2 አብራሃም ቆቁ ገደ ጸሊደ ሄዘ አሳቱ አ ማታን ኤቆዳዋንታ በኤዳ፤ ኡንቱንቱና ጋከታናወ ባረ ዳንካንያ ጥንግጥጥ ደንድ ዋዳዳ፤ ጋከደ። ገድያን ሆከደ። ኡንቱንቱ ሰንሳን ጎይኔዳ።

3 ሰሚደ አ። “አቤት ታ ጎዳወ። ታን ነ ሰንሳን ናሸቲዳዋ ግዳጥ። ታና ነ ቆማ አጋደ አቆጥ።

4 ሀያና ጉላ ሃላይ ዮ፤ ሀንተንቱ ገዳ ሚጨቲና። ሀ ሞላ ኩዋን ሸሞጥ አክተ።

5 ሀንተንቱ ሀእ ታኮ ሀንተንቱ ቆማኮ ዬዳ ድራወ። ካምእ ገደ ሀንተንቱ ብያሳካ ባና ማላ። ታን ሀንተንቶ ሞያዋ አሀይ” ያጌዳ።

ኡንቱንቱ። “ዳር ሎእ፤ ኔን ግያዋዳን ኦላ” ያጌድና።

\* 17:5 አብራሃም- ሀ ሱንሳ ብለላይ ዳር ካወተላወ አወዋ ግያዋ ማላቲ። 17:5 ርመ 4:17 17:7 ሎቃ 1:55 17:8 ኪታ 7:8 17:10 ኪታ 7:8፤ ርመ 4:11 † 17:15 ሳር- ሀ ሱንሳ ብለላይ ካወተላ አቶ ጉሳ። ‡ 17:19 ይሳቃ- ሀ ሱንሳ ብለላይ አ ሚጨዳ ግያዋ። 18:2 አብራ. 13:2

6 አብራሃም ዲንካንያ ግደ ሳርኮ ኤሌል ቢደ፣ “ኤሌላደ ሊቆ ጳልያፕ ሄዙ ከረ ግድያዎ አካ ሙናቃደ ኡክላ ኡካ” ያጌዳ።

7 ቃይ፣ አብራሃም ባረ መሀያኮ ዎጽ ቢደ፣ ሎኦ ቦልትቦልታ ቦልትቦልታ ማራ ዶሪደ፣ እት ቆማዉ እምና፣ እ ኤሌል ሹኪደ ጊግሱዳ።

8 ያትና አብራሃም መኤዳ ማላነ ጊግሱዳ ማራ አሹዎ እማላቱዎ ሰንላ አሌዳ፤ ኡንቱንቱ ሚሸን፣ እ ሄ ሞላ ጋርሳን ኡንቱንቱ ማታን ኤቁዳ።

9 ኡንቱንቱ እ፣ “ነ ማቻታ ሳራ ሀቃይ?” ያጌደ ኦቹድኖ።

እዛ፣ “ህን ዲንካንያ ግደዎን ደእጧ” ያጌዳ።

10 መድና ጎዳይ እ፣ “ታን ላይሰ ሀናደ ቱሙ ኔኮ ሰማና፤ ሄ ዎደ ነ ማቻታ ሳራ አቱማ ናእ የላና” ያጌዳ።

ሳራ ሄ ዎደ አፕ ጉየ ባጋና ደእያ ዲንካንያ ፕንግያን ደእያና ሄዎ ሰሳዳ።

11 አብራሃምነ ሳራ ባረንቱ ላይላ ሎይሰ ሱጊደ ጭሚድኖ። ሳርጧ ፕላይ ይያዎ አጌዳ።

12 ሄዎ ድራጧ ሳራ ባረ ዎዛናን፣ “ታን ሀእ ጭማ ጧራ ክቸዋፕ ጉይያንነ ታ ጎዳይ ጭዋዋፕ ጉየ፣ ሀእ ታጧ አቱማ አሳና ጋከትያዎ ዋን ሀናኔ?” ያጋደ ሚጫዳ።

13 መድና ጎዳይ አብራሃም ሄ ዎደ፣ “ ታን ጭማ ክቸዋፕ ጉየ፣ ቱሙ ናእ የላንታየ?” ጋደ፣ ሳራ እያጧ ሚጫደ?

14 መድና ጎዳጧ ዳንዳየተናባይ ቱሙ ደእ? ላይሰ ሀናደ ታን ኔኮ ሰማና፤ ሄ ዎደ ሳራ አቱማ ናእ የላና” ያጌዳ።

15 ሳራ ሎይላ ያዬዳ ድራጧ፣ “ታን ሚጫበይከ” ያጋደ ላካዳ።

ሸን እ፣ “ኤ፣ ኔን ቱሙ ሚጫዳ” ያጌዳ።

**አብራሃም ሰዶማ ድራጧ ጋናቴዳ**

16 ሄዋፕ ጉየ አሳቱ ደንዲደ ብ፣ ሰዶማ ካታማ ዲገ ዛር ጸሌድኖ፤ አብራሃምነ ኡንቱንታ ዋይዚደ ኡንቱንቱና ቤዳ።

17 መድና ጎዳይ ሄ ዎደ፣ “ታን ታ አሳናጧ ሀንያባ አብራሃምፕ ቆሰከ።

18 አብራሃም ቱሙፕ ግታን ዎልቃማ ካጧተላ ግዳና፤ ሀ ሳኣ ካጧተላቱ ኡባይ እ ባጋና እንጀታና።

\*

19 እያጧ ሳፕ፣ ጽሎተላነ ፕርዳ ኦሌደ፣ መድና ጎዳ ኦግያ ናጋናዳን ባረ ናናን ባረፕ ጉየ፣ ባረ ሰ አሳ እ ዙሪና ማላ፣ ታን እ ዶሪድ፤ ሄዋነ መድና ጎዳይ አብራሃምጧ እማና ጌዳዎ ኡባ ፖላናሳ” ያጌዳ።

20-21 መድና ጎዳይ አብራሃም፣ “ሰዶማፕነ ጋዋራፕ ዋሰያ ዋሱ ሎይሰ ዳራዳ ድራጧነ ኡንቱንቱ ናጋራይ ሎይሰ ዳዶዳ ድራጧ፣ ኡንቱንቱ ኡሌዳባይ ታኮ ጋኬዳ ዋሱዎ ኬሻ ኢተንቶነ በአናጧ እነ ታን ዲገ ዎቆይ፤ ሄዎ ማላ ኢታ ግዳና ቆይንቶነ ኤራና” ያጌዳ።

22 ሄዋፕ ጉየ፣ ላኤ አሳቱ ሰዶማኮ ሰሚደ ቤድኖ፤ ሸን አብራሃም መድና ጎዳ ሰንላን ዎሰ ደኤ።

23 ሄ ዎደ አብራሃም መድና ጎዳኮ ሸቂደ ያጌዳ፤ “ቱሙ ኔን ጽሎቱዎ ኢታቱዋና ቆይሳይ?

24 ሄ ዎልቃማ ካታማን አሻታሙ ጽሎቱ ደእንቶካ፣ ኔን ቆይሳይ? ኔን እን ደእያ አሻታሙ ጽሎቱዎ ድራጧ ሄ ካታማ አሸከ?

25 ሄዎ ኔፕ ሃኮ፤ ጽሎቱዎ ኢታቱዋና ዎድያዌነ ጽሎቱዋነ ኢታቱዎ እት አይፍያን ጸልያዌ ኔፕ ሃኮ። ሀ ሳኣ ኡባ ፕርድያዌ ጽሎቱ ፕርድኔየ?” ያጌዳ።

26 መድና ጎዳይ፣ “ሄ ሰዶማ ካታማን አሻታሙ ጽሎቱ ደአፕ፣ ሄ ሳኣ ኡባ ኡንቱንቱ ድራጧ ታን አሻና” ያጌዳ።

27 ሄዋፕ ጉየ አብራሃም፣ “ታን ቢታነ ብድንላ ግዳደ ታ ጎዳና ጸላደ ሃሳያናጧ ሰዎ ዶማ ክቻድ፤

28 አሻታሙ ጽሎቱዋፕ አቸሹ ፓጭንቶ፣ ኔን ሄ አቸሻቱዎ ድራጧ ሄ ካታማ ኡባ ቆይሳይ?” ያጌዳ።

መድና ጎዳይ፣ “ታን ያን አይታማነ አቸሹ ጽሎቱዎ ደምንቶ፣ ሄ ካታማ ቆይሰከ” ያጌዳ።

29 አብራሃም ዛረላደካ፣ “ያን አይታሙ ጸላላይ በትንቶ ሸን?” ያጌዳ።

እ፣ “ታን ሄ አይታማቱዎ ድራጧ፣ ሄ ካታማ ቆይሰከ” ያጌዳ።

30 ሄዋፕ ጉየ እ፣ “ሀይ ጎዳይ ታጧ ሀንቀቶፖ፤ ታን ጉጃደካ ሃሳያይ። ያን ሀታሙ ጸላላይ ቤትንቶ ሸን?” ያጌዳ።

መድና ጎዳይ፣ “ታን ያን ሀታሙዎ ደምንቶ፣ ሄ ካታማ ቆይሰከ” ያጌዳ።

18:10 ሮሙ 9:9 18:12 1 ጳጵ. 3:6 18:14 ሉቃሳ 1:37 \* 18:18 ካጧተላ ኡባይ እ ባጋና እንጀታና- ካጧተላይ ኡባይ ኔና እንጀታዳን ባረናካ እንጀርዳን ታና ዎሳናዋንታ ግያዋ።

31 አብራሃም ቃይካ፣ “ታን ጎዳና ጸላይ ሃሳብናዎ ደማ ክቻድ፤ ያን ላታሙዋ ጸላላይ ቤትንቶ ሸን?” ያጌዳ።

መድና ጎዳይ፣ “ሄ ላታማቱዋ ድራሬ ታን አ ጳይሰከ” ያጌዳ።

32 ሄዋጥ ጉዩ አብራሃም፣ “ሀይ ጎዳይ ታወ ሀንቀቶ፣ ታን ሙጽ እት ገደ ሃሳይይ፤ ያን ታሙ ጸላላይ ቤትንቶ ሸን?” ያጌዳ።

መድና ጎዳይ፣ “ሄ ታማቱዋ ድራሬ ታን ሄ ካታማ ጳይሰከ” ያጌዳ።

33 መድና ጎዳይ አብራሃምና ሃሳብ ወርሴዳዋጥ ጉዩ ቤዳ፤ አብራሃምካ ባረ ሶ ሰሜዳ።

# 19

## ሶዶማ ናጋራ

1 ሄ ላኡ ከታንቻቱ አማርሰ ሶዶማ ካታማ ጋኬድና፤ ሄ ዋደ ሎጸ ሄ ካታማ ጥንግያን ኡቲዳ። ሎጸ ኡንቲንታ በእነ ኡንቲንቲና ጋከታናወ ኤቂይ ቤዳ፤ ባረ ዳሙዋ ሳኣ ጋሊደ ጎይኔዳ፤

2 “ታ ጎዳቶ፣ ሀንተንቱ ቆማ ሶ ሰሜርክቲ፤ ሀንተንቱ ገድያ ማጨቲደ ቃማ አቅተ፤ ጉራን ደንዲደ ሀንተንቱ ብያሳኣ ባንታ” ያጌዳ።

አንቲንቲ፣ “ቱይት፤ ኑን ሀ ካታማ ዳባባን አቃና” ያጌድና።

3 ሸን አ ኡንቲንታ ሎይሰ ሸቤዳ ድራሬ፣ እናና ቢደ አ ሶ ገሊድና፤ አ ኡንቲንቶ ቁማ ካሊደ፣ ጫለና ኡክሳ ኡኪደ አሊና፣ ኡንቲንቲ ሜድና።

4 ኡንቲንቲ ግሰናን ደእሸን፣ ሶዶማ ካታማ አቱማ አሳይ ኡባይ፣ ናናቱዋጥ ጭማ ጋካናወ፣ አቲነ አተናን ዪደ፣ ጎልያ ዩይ አድ ዶዴድና።

5 ሎጸ ጸሲደ ያጌድና፤ “ሀቼ ቃማ ነ ሶ ዬዳ አቱማ አሳቱ ሀቃን ደእኔ? ኑን ኡንቲንቲና ሻርሙጸና ማላ ኡንቲንታ ኑኮ ካረ ከሳ” ያጌድና።

6 ሎጸ ኡንቲንቲና ጋከታናወ ካረ ከሲደ፣ ካርያ ጉዩ ጎርዳዳ፤

7 አንቲንታ ሀዋዳን ያጌዳ፤ “ታ አሻቶ፣ ሀ ኢታ ኦሱዋ ኦሶፕተ።

8 ሰሞ ታወ ላኡ ማጫ ናናይ፣ አቱማ አሳ ኤርቤና ዋድራቱ ደእኔ፤ ታን ኡንቲንታ ሀንተንቶ ካረ ከሳይ፤ ሀንተንቲ ኡንቲንታ ሀንተወ ሎኦዋዳን ኦላና ዳንዳዪታ። ሸን ሀ አሳቱዋ ቦላ አይነ ኦሶፕተ፤ እያወ ጎፕ፣ ኡንቲንቲ ታ ጎል ገሊደ ታ ካራ ጋርሳን ደእኔ” ያጌዳ።

9 አሳቱ አ፣ “ኦ ሰንሳፕ ክቻ!” ያጌድና፤ ቃይካ ኡንቲንቲ፣ “ሀ ብታኒ ሀ ጋድያን በተ ግድ ዪደ፣ ሀአ ኑ ቦላ ፕርዳናወ ካጃሌዳ! ሀአ ኑን ኔና ኡንቲንቲ ቦላ ኦላናወ ቆፕዳዋጥ ኢታ ኦላና!” ያጌድና። ኡንቲንቲ ሎጸ ጉዩ ሱግ የጊደ ጥንግያ ሙንሳናወ ሸቂድና።

10 ሸን ሄ ላኡ አሳቱ ባረንቱ ኩሸያ ካረ የዲደ፣ ሎጸ ሶ ጎች ገሊሲደ ጥንግያ ጎርዳዳና።

11 ሄዋጥ ጉዩ፣ ኡንቲንቲ ጎል ጥንግያን ደእያ አሳ፣ ጉሳፕ ግታ ጋካናወ ቆቅሴድና። ያትና ኡንቲንቲ ጥንግያ ደማናወ ኮዪደ ዳቡሬድና።

## ሎጸ ሶዶማፕ ከሲደ ቤዳ

12 ሄ ላኡ አሳቱ ሎጸ፣ “ሳወ ሀዋን ነ ማጫ ናና ገግሴዳዋንቱ፣ ነ አቱማ ናናይ ዋይ ነ ማጫ ናናይ ዋይ ነግ ግዴዳ አሳይ ኦና ግድፕን ሀ ካታማን ደእኔ? ኡንቲንታ ሀዋጥ ከሳ ድጋ።

13 እያወ ጎፕ፣ ኑን ሀ ሳኣ ጳይሳና ሀኔቶ፣ ኡንቲንቲ ዋሰያ ዋሱ ጎዳ ሰንሳን ሎይሰ ዳሬዳ ድራሬ፣ መድና ጎዳይ ኦና ሀ ካታማ ጳይሳናወ ኪቲዳ” ያጌድና።

14 ሄዋ ድራሬ ሎጸ ከሲደ፣ ባረ ማጫ ናና ገግሴዳዋንቲቱ ቢደ ኡንቲንታ፣ “ኤሌል ደንዲደ ሀዋጥ ከሰተ፤ እያወ ጎፕ፣ መድና ጎዳይ ሀ ካታማ ጳይሳና ሀኔ” ያጌዳ። ሸን አ ማጫ ናና ገግሴዳዋንቱ አ ቅጴዳ ገደ ቆፕድና።

15 ሳኣይ ዋንታናወ ሆልጆጅ ዘእያ ዋደ፣ ሄ ከታንቻቱ ሎጸ፣ “ደንዳ! ነ ማቻቶን ሀዋን ደእያ ነ ላኡ ማጫ ናና አካደ ኤሌላ ከሳ! ሄዌ ጳዮፕ፣ ሀ ካታማይ ፕርደትያ ዋደ ኔንካ ጳያሳ” ያጌደ ድርቢሴድና።

16 ሸን ሎጸ ያት ገና፣ ሄ አሳቱ አ ኩሸያ፣ አ ማቻት ኩሸያን አ ማጫ ናና ላኡዋ ኩሸያ ኦይቂደ፣ ሄ ካታማፕ ኡንቲንታ ከሲድና፤ እያወ ጎፕ፣ መድና ጎዳይ ኡንቲንቶ ቃረቲዳ።

17 ከታንቻቱ ኡንቲንታ ካታማፕ ከሲዳ ሳናካ፣ ሄ ከታንቻቱዋጥ አቱ ያጌዳ፤ “ሀንተንቲ ሸሞዋዋ አኪደ ባቃትተ! ጉዩ ጸሎፕተ! ቃይ ሀ ዋሞባን ሀቃንካ ኤቆፕተ! ደርያኮ ባቃትተ! ሀንኮደ ሀንተንቲ ጳያና” ያጌዳ።

18 ሸን ሎጸ ኡንቲንቶ ያጌዳ፤ “ቱይት! ሀይ ታ ጎዳቶ፣ ያጎፕተ።

19 ታን ሀንተንቲ ቆማይ ሀንተንቲ ሰንሳን ናሸቲዳዋ ድራሬ፣ ታና አሻናወ ታወ ዳርፕ ሎይሰ ማዴድታ። ሸን ታን ደርያኮ ባቃታናወ ዳንዳይከ፤ ሀዌ ባሻይ ጋኪደ ታና ሙካናን ታንካ ሀይቃና።

20 ይልተ፤ ሀዋን እት ካታማይ ደኤ፤ እ ዋጸናዉ ማታን ጉላ ካታማ። ታን ያ ባቃቶ? እ ቄር ጉላ ካታማ ግደኔ? ታ ሸምፑ ያን አታናዎ” ያጌዳ።  
 21 ከታንቻይ፡ “ኤ፡ ታን ነ አሻ ሰሳና፤ ታን ኔን ግያ ካታማ ላይሰከ።  
 22 ሸን ያ ኤሌላ ባቃታ፤ እያዉ ጎጥ፡ ኔን ያ ጋካናዉ፡ ታን እይን አሳናዉ ዳንዳይከ” ያጌዳ። ሄዋ ድራዉ ሄ ካታማ ሱንላይ ዘላር \* ጌተቲዳ።

ሶድማን ጋሞራ ካታማቱ ላይድና

23 ሎጸ ጸላር ጋከዳ ዋይ፡ ብር ጸልቂ ደሌዳ።  
 24 መፅና ጎዳይ ሄ ዋይ ታማን ኤጸያ ዲንያ ሶድማን ጋሞራ ቦላን መፅና ጎዳ ማታጥ ሳሉዋጥ ቡኪደ ባይዜዳ።  
 25 ሄዋዳን ኦሊደ መፅና ጎዳይ ሄ ካታማታ፡ ሄ ዋሞባ ኡባ፡ ሄ ካታማቱዋ ግደን ደእያ ኡባን ሄ ጋድያን ደእያ ሞላ ማታ ላይሰዳ።  
 26 ሸን ሎጸ ማቻታ ጉየ ጸላደ ማጸን ቱሳ ግዳዲ።  
 27 ዋንተላ ጋላሰ ዋንታ ጉራን አብራሃሙ ደንዲደ፡ መፅና ጎዳ ሰንላን ካሰ እ ኤቄዳ ሳአ ሰሚደ ቤዳ።  
 28 እ ሶድማን ጋሞራ ሄ ዘንጋራን ደእያ ቢታ ኡባ ዲገ ጸሌዳ፤ ሄ ዋይ ጩዋይ ጩጭያ ታማ ጩዋዳን ሄ ቢታጥ ደንድያዋ ቢኤዳ።  
 29 ጸላይ ሄ ዘንጋራ ካታማቱዋ ላይሰዳ ዋይ፡ አብራሃሙ ሀሳዬዳ፤ ሎጸ ደኤዳ ካታማቱዋ ላይሰደ ሎጸ ባሻጥ ከሴዳ።

ሎጸ የለታ

30 ሎጸ ዘላራን ኡታናዉ ያዬዳ ድራዉ፡ ባረ ማጫ ናና ላኡዋና ደርያ ከሴዳ፤ ጎንጎሎ ግደን ባረ ላኡ ማጫ ናናቱዋና ኡቲዳ።  
 31 እት ጋላሰ ባይራ ናታ ቲፋቶ፡ “ኑ አዉ ጭሚዳ፤ ሳአ ኡባን † ደእያ ዎጋዳን ኑናና ግሳናዉ ሀ ጋድያን ኡባካ አቲማ አሳይ ባዋ።  
 32 ሄያ፤ ዋይንያ ኤሳ ኑ አዉዋ ኡሺደ፡ አናና ግሲደ፡ ኑ አዉዋጥ ኑ ዛርያ ቲራ አሾይተ” ያጋዲ።  
 33 ሄ ጋላሰ ቃማ ባረንቱ አዉዋ ዋይንያ ኤሳ ኡሺድና፤ ባይራታ ገላደ አናና ግሳዲ፤ እዛ አናና ግሰያ ዋይካ ደንድያ ዋይካ እ ኤርቤና።  
 34 ዋንተላ ጋላሰ ባይራታ ቲፋቶ፡ “ሰሳ፤ ዝኖ ታን ታ አቡና ግሳድ፤ ሀቼ ቃማ ቃይ ዋይንያ ኤሳ ኡሸና፡ ኔንካ ገላደ አናና ግሳ፤ ያቲደ ኔን ኑ አዉዋጥ ኑ ዛርያ ቲራ አሾይተ” ያጋዲ።  
 35 ሄ ጋላሰ ቃማ ቃይካ ዋይንያ ኤሳ ኡሺድና፤ ቲፋታካ ገላደ አናና ግሳዲ፤ እዛ አናና ግሰያ ዋይካ ደንድያ ዋይካ እ ኤርቤና።  
 36 ያቲደ ሎጸ ማጫ ናናይ ላአቲካ ባረንቱ አዉዋጥ ሻሃራድና።  
 37 ባይራታ አቲማ ናአ የላዲ፤ እ ሱንላ ሞኣባ ‡ ጋይ ሱንላዲ፤ እን ሀቼ ጋካናዉ ሞኣባቱዋ አዉዋ።  
 38 ቃይ ቲፋታካ አቲማ ናአ የላዲ፤ እ ሱንላ በንኣማ § ጋይ ሱንላዲ፤ እን ሀቼ ጋካናዉ አሞናቱዋ አዉዋ።

20

አብራሃሙን አብመሊካ

1 አብራሃሙ ማሞረጥ ደንዲደ፡ ነጌባ ግያ ጋድያ ቤዳ፤ ቃዳሳን ሹራ ግያ ካታማቱዋጥ ግዳዋን ደኤዳ፤ ጎራራንካ አማራዳ ዋይያ ታከዳ።  
 2 ያን አብራሃሙ ባረ ማቻቶ ሳር፡ “ኣ ታ ሞቻቶ” ያጌዳ። ጋራራ ካቲ አብመሊክ ከቲደ ሳር አፌዳ።  
 3 ሸን ጸላይ እት ቃማን እኩሙዋን አብመሊከኮ ዪደ፡ እ ሀዋዳን ያጌዳ፤ “ኔን አሄዳ ማቻቶ ጋሱዋን ሀይቃሳ፤ እያዉ ጎጥ፡ እዛ አሳ ማቻቶ” ያጌዳ።  
 4 ሸን አብመሊክ እኩ ሸቅቤና። ያቲዳዉ፡ “ጎዳዉ፡ ኔን ጽሎ ካዉተላ ላይሳሲየ?  
 5 እ፡ “እዛ ታ ሞቻቶ” ግቤነየ? ቃይ እዛ፡ “ኣ ታ እሻ” ጋበይኪ? ታን ታ ዋዛና ሱረተላንን ታ ኩሸያ ጌሻተላን ሀዋ ኦላድ” ያጌዳ።

\* 19:22 ዘላር፡ ሀ ሱንላ ብላላይ አብራዌሉዋ ቃላን “ጉላ” ግያዋ ማላቲ። 19:24 ማቶሳ 10:15፤ 11:23-24፤ ሉቃሳ 10:12፤ 17:29፤ 2 ጳጳ. 2:6፤ ይሁዳ 7 19:26 ሉቃሳ 17:32 † 19:31 ሳአ ኡባን- ሀ ቢታን ግያዋ። ‡ 19:37 ሞኣባ- ሀ ሱንላ ብላላይ አብራዌሉዋን “ታ አዉዋጥ ግያዋ ማላቲ” § 19:38 በንኣማ- ሀ ሱንላ ብላላይ አብራዌሉዋን “ታ አሳቱዋ ናአ ግያዋ”። 20:2 ደመላ 12:13፤ 26:7

6 ሄዋጥ ጉዮ፣ ጸሳይ እኩሙዋን አ ያጌዳ፤ “ኤ፣ ኔን ነ ዋዛና ገሻተላን ኦሌዳዋ ታን ኤራድ፤ ሄዋ ድራው፣ ኔን እዝ ቦቼና ማላነ ታ ሰንላን ናጋራ እርግ ማላ ኔና ታን ተአድ።

7 ሀእ ሀ ብታንያ ማቻቶ ዛራ፤ እያው ጎጥ፣ እ ትምቢትያ ኦድያዋ፤ እ ነው ጸሳ ዋሳና፤ ኔን ፓጻ ደአና። ሸን እዝ ዛራና ጻዮጥ፣ ኔን ነው ደአያባይ ኡባይ ሀይቂያዋ ቱሙጥ ኤራ” ያጌዳ።

8 አብመሌክ ዋንተላ ጋላሰ ዋንታ ባረ ካውተላ ካፓቱዋ ኡባ ዴሴዳ፤ ሀ የወዋ ኡባ ኡንቱንቶ ኦድና፣ ኡንቱንቱ ሎይሰ ዳሮ ያዬድና።

9 ያትና አብመሌክ አብራሃማ፤ ጴሲድ፣ “ኔን እያ ኑ ቦላ ኦላዳ? ኔን ታ ቦላነ ታ ካውተላ ቦላ ዋልቃማ ናጋራ እሀናው ታን ነው እይ ኢታባ ኦላድታ? ኔን ታ ቦላ ኦላታናው በሰናባ ኦላዳ” ያጌዳ።

10 ቃይካ አብመሌክ አብራሃማ፣ “ኔና ሀዋ ኦሰሴዳዌ አዬ? ” ያጌደ ኦቼዳ።

11 አብራሃማ ያጌዳ፤ “ ጸሳው ያይያ እት አሳይነ ሀ ሳአን ባዋ፣ ጋደ ቆፔዳ ድራሳነ፣ ታ ማቻት ጋሱዋን ኡንቱንቱ ታና ዋሳና፣ ጋደ ቆፔዳ ድራሳ።

12 ሄዋ ቦላ እዛ ቱሙካ ታ ሞቻቶ፤ ታ እት ናቶ ግዴኩጥ እትን፣ ታ አቡ ናቶ፤ ቃይ እዛ ታ ማቻቶ ግዳዲ።

13 ጸሳይ ታና ታ እወዋ ጎልያጥ ከሴዳ ዋደ ታን እዝው፣ ናን ቤዳ ጋድያን ኡባን ኔን ታው ኦላና ከካተላይ ሀዋ፤ “እ ታ እሻ” ጋደ ታባ ሃሳያ፣ ያጋድ” ያጌዳ።

14 ሄዋጥ ጉዮ አብመሌክ ደርሳ፣ ማህያ፣ ማጫ አይለቱዋን አቱማ አይለቱዋ አሂደ፣ አብራሃማው እሚዳ፤ ቃይ አ ማቻቶ ሳር እወ ዛሬዳ።

15 አብመሌክ፣ “ሰም ታ ቢታይ ነ ሰንላና፤ ኔና ሎኦሳን ደአ” ያጌዳ።

16 ሳርካ፣ “ታን ነ እሻው እት ሻእ ጸጋራ ብራ \* እማይ፤ ሀዌ ሰም ኔናና ደአያ ኡባ ሰንላን ኔን ጸላቶ ግድያዋን ኔን ሻትሜዳዋ ኤርሰያዋ ግደ” ያጌዳ።

17 ጠድና ጎዳይ አብራሃማ ማቻት ሳር ጋሱዋን አብመሌክ ጎላ አሳ ኡባ ቃንላ ማይንሰ ዋሌዳ ድራው፣ አብራሃማ ጸሳ ዋሰና፣ አብመሌክ፣ እ ማቻታን አ ማጫ ቆማቱዋ ናኣ የላና ማላ ጸሳይ ኡንቱንታ ፓሌዳ።

## 21

### ይሳቅ የለቴዳ

- 1 ጸሳይ ባረ ኦዳዳዋዳን ሳርኩ ዬዳ፤ ጸሳይ ሳር ባረ ጌዳዋዳን ኦሌዳ።
- 2 ሳራ ሻሃራድ፣ ጭሚዳ አብራሃማው ጸሳይ ጌዳ ዋዲ ጋክና፣ አቱማ ናኣ የላዲ።
- 3 ሳራ አው የሌዳ ባረ ናኣ ሱንሳ አብራሃማ “ይሳቃ” ያጌደ ሱንሌዳ።
- 4 አብራሃማ ባረ ናኣ ይሳቃ ጸሳይ እዛዜዳዋዳን ሆሰፑንሳ ጋላሳን ቃጸራዳ።
- 5 እ ናኣ ይሳቅ አው የለቴዳ ዋደ፣ አብራሃማ ላይሳይ ጵታ።
- 6 ሳራ፣ “ጸሳይ ታው ሚቻ \* እሚዳ፤ ቃይ ሀዋ ሰሰያዌ ኡባይ ታናና ሚጫና” ያጋድ።
- 7 ቃይካ ሳራ፣ “አብራሃማው ሳራ ናኣ ቆንላና ጌዳዌ ኦኔ? ግደጥን ታን ሀእ አው እ ጭሚዳ ዋድያን ናኣ የላድ” ያጋድ።

### እጋራ ከሰማኤል የደርሰቲድና

- 8 ጉላ ናኦይ ድጩደ፤ ቆንላ ዳሌዳ፤ አብራሃማ ይሳቅ ቆንላ ዳሌዳ ጋላሰ ዋልቃማ ባላ ከሴዳ።
- 9 ሸን ግብጾጥ ዬዳ እጋራ አብራሃማው የሌዳ ናኦይ ይሳቃና ካእያዋ ሳራ በኣዳ።
- 10 አብራሃማ፣ “ሀ አይላት ናኦይ ታ ናኣ ይሳቃና ኡባካ ላተና ድራው፣ አይላቶን እዝ ናኣ ከሳ የዳ” ያጋድ።
- 11 ሀ የው ባረ ናኣ ቦቻያ ድራው፣ አብራሃማ ሎይሰ መቶቲዳ።
- 12 ሸን ጸሳይ አብራሃማ፣ “ናኦይ ነ እይላትው ሎይላ መቶቶገ፤ ሳራ ነው ኦድያዋ ኡባ ሰሳ፤ አያው ጎጥ፣ ነ ዘርላይ ይሳቃ ባጋና ጴሰታናዋ።
- 13 ቃይ አይላት ናኣ ታን ካውተላ ከሳና፤ እያው ጎጥ፣ እካ ነ ዛረ” ያጌዳ።
- 14 ዋንታ ጉራን አብራሃማ ደንዴዳ፤ ቁማን ኦጎረዋን ሃላ አኪደ፣ አጋር ሀሸያን ቶሲደ፣ እዝ ናኦይ እዝው አሚደ ከሰ የዴዳ። እዛ ባደ፣ በርሳበሄ ግያ ዋራን ቶይላካታው።
- 15-16 ሃላይካ ኦጎረዋን ወሬዳ ዋደ እዛ፣ “ናኦይ ሀይቂሸን፣ ኡታደ በእከ” ያጋደ፣ ናኣ እት ቡራ ጋርሳን ዋላደ፣ ላኡ ጵቲ ዋቆ ግድያዋ ከሻ ባደ ኡታድ። ማታን ኡታደ፣ ባረ ቃላ ቶቂሳደ ዬካዳ።
- 17 ጸሳይ ናኣ ዋሱዋ ሰሴዳ፤ ጸሳ ከታንቻይ አጋር ሳሎዋጥ ጴሲደ፣ “አጋራ፣ ዋናዳ? ጸሳይ ናኦይ ግሴዳ ሳአን ቀሰያዋ ሰሴዳ ድራው ያዮገ፤
- 18 ደንዳ ኤቃ፤ ናኣ ነ ኩሸያን ደንላ፤ እያው ጎጥ፣ ታን አ ዋልቃማ ካውተላ ኦላና” ያጌዳ።

\* 20:16 እት ሻእ ጸጋራ ብራ- ሀዌ ታማነ እታን ባካ ከሎ ግራመ ዳዴ። 21:3 አብራ. 11:11 21:4 ጾመላ 17:12፤ ከታ 7:8 \* 21:6 ማቻ- ሀ ሱንሳ ብላላይ “እ ሚጫ” ግያዋ (ጉጅ ጴላተ 17:17-19) 21:10 ጋላ. 4:29-30 21:12 ሮመ 9:7፤ አብራ. 11:18



- 19 ጸሳይ እዝ አይፍያ ደይና፤ ሃላ ኦላ በእዲ፤ ባደ ኦጎሩዋን ሃላ ኩንላዲ፤ ናኣካ ኡሻዲ።
- 20 ናኣይ ድጭያ ዋይ፤ ጸሳይ እናና ግዴዲ፤ እ ዋራን ደኢይ፤ ዋንዳፍያ ዲክያ እሳ ግዴዲ።
- 21 እ ፓራና ግያ ዋራን ደእሸን፤ እ ዳያ ግብጾፕ አዉ ማቻቶ ደማዲ።

አብራሃሙፕን አብመሌከፕ ግዲዋን ዋሌዳ ጫቁዋ

- 22 ሄ ዋይ፤ አብመሌክ ባረ ዋታዳራቱዋ ካፕዋ ፕኮላና አብራሃሙኮ ቢደ፤ “ኔን ኦላያ ኡባባን ጸሳይ ኔናና ደኤ።
- 23 ኔን ታ ቦላ ዋይ ታ ናና ቦላ ዋይ ታ ዘረላ ቦላ ገነባ ኦ□ና ማላ፤ ሀእ ሀዋን፤ ጸሳ ሰንላን ታዉ ጫቃ፤ ታን ነዉ ከኬዳዋዳን፤ ኔንካ ታዉን ኔን እማላተላን ደኢያ ሀ ቢታዉ ሎኦ” ያጌዳ።
- 24 አብራሃሙ፤ “ታን ጫቃይ” ያጌዳ።
- 25 ሄ ዋይ፤ አብራሃሙ አብመሌካ ቆማቱ እኬዳ ሃላ ኦላባ አብመሌካዉ ማጋኔዳ።
- 26 ሸን አብመሌክ፤ “ሄዋ ኦን ኦሌደንቶ ታን ኤርከ፤ ኔንካ ቃይ ታዉ ኦዳባካ፤ ታን ሀቼ ጋካናዉ ሄዋ ሰሳባይከ” ያጌዳ።
- 27 ሄዋፕ ጉዮ አብራሃሙ ደርሳን ማዛቱዋ አሂደ፤ አብመሌካዉ እምና፤ ኡንቱንቱ ላኤ ጫቁዋ ጫቁቲድና።
- 28 አብራሃሙ ላፑን ማጫ ደርሳ ማራቱዋ ዉድያፕ ሻኬዳ፤
- 29 አብመሌክ አብራሃሙ፤ “ሀ ኔን ዲማ ሻካ ዋሌዳ ላፑን ማጫ ደርሳ ማራቱዋ እያዉ ሻካዲ?” ያጌደ ኦቹዳ።
- 30 አብራሃሙ፤ “ታን ሀ ሃላ ኦላ ቦኬዳዋ ማርካ ግዳና ማላ፤ ሀ ላፑን ማጫ ደርሳ ማራቱዋ ታ ኩሸያፕ አካ” ያጌዳ።
- 31 ሄዋን ሄ ላኤ አሳቱ ጫቁቲዳ ድራዉ፤ ሄ ሳኣይ በርሳበሄ ተ ጌተቲዳ።
- 32 በርሳበሄን ጫቁዋ ጫቁቲዳዋፕ ጉዮ፤ አብመሌከን እ ዋታዳራቱ ካፕዋ ፕኮል ደንዲደ፤ ፕልሰጾማ ቢታ ሰሚድና።
- 33 አብራሃሙ በርሳበሄን ታማርሰከ ጌተትያ ምላ ቶኬዳ። ሄዋን ጎዳ፤ መቋና ጸሳ፤ ሰንላ ጴሴዳ።
- 34 አብራሃሙ ፕልሰጾማ ጋድያን ዳር ዋድያ ደኤዳ።

22

ይሳቃ ባረዉ ያርሻናዲን ጸሳይ አብራሃሙ እዛዜዳ

- 1 ሄዋፕ ሰሚደ፤ ጸሳይ አብራሃሙ ፓጩዳ፤ እ እ፤ “አብራሃሙ” ያጌደ ጴሴዳ።
- እ፤ “አቤ” ያጌደ ኮዬዳ።
- 2 ጸሳይ፤ “ኔን ሰቅያ ነ መጽ እት ናኣ ይሳቃ አካይ፤ ሞርያ ግያ ጋድያ ባ፤ ያን ታን ነዉ ኦድያ እት ደርያ ቦላን እ ጹግያ ያርሹዋ ኦላይ ታዉ ያርሻ” ያጌዳ።
- 3 ዋንተላ ጋላሰ አብራሃሙ ጉራን ደንዲደ፤ ባረ ሀርያ ጫኤዳ፤ ባረ ቆማቱዋፕ ላኤዋን ባረ ናኣ ይሳቃ ባረና እከደ፤ ጹግያ ያርሹዋ ምላ ጳልቁ እከደ፤ ጸሳይ አዉ ኦዳዳ ሳኣ ባናዉ ደንደዳ።
- 4 ቢደ ሄዘንላ ጋላሰ አብራሃሙ ቶቁ ጌደ፤ ሄ ሳኣ ሃኩዋን በኤዳ።
- 5 አብራሃሙ ባረ ቆማቱዋ፤ “ሀ ሀርያና ሀዋን ደእሸተ፤ ታንን ታ ናኣይ ያ ቢደ ጸሳዉ ጎይኒደ፤ ሀንተንቱኮ ሰማና” ያጌዳ።
- 6 አብራሃሙ ያርሹዋ ምላ ደንሊደ፤ ባረ ናኣ ይሳቃ ቶሴዳ፤ ታማን ማሻ እ ባረዉ ኦይቁዳ።
- እንቱንቱ ላኤ እትፕ ቢሸን፤
- 7 ይሳቅ ባረ አዉዋ አብራሃሙ፤ “ታ አዎ” ያጌዳ።
- አብራሃሙ፤ “አቤ፤ ታ ናኣዉ” ያጌዳ።
- እ፤ “ታማይን ምላይ ሀዌሸ፤ ሸን ጹጌደ ያርሸያ ደርሳ ማራይ ሀቃኔ?” ያጌዳ።
- 8 አብራሃሙ፤ “ታ ናኣዉ፤ ጹጌደ ያርሸያ ደርሳ ማራ ጸሳይ ገግሳና” ያጌዳ። ኡንቱንቱ ላኤ እትፕ ቢድና።
- 9 እንቱንቱ ጸሳይ አዉ ኦዳዳ ሳኣ ጋኬዳ ዋይ፤ አብራሃሙ ያርሹዋ ያርሸያ ሳኣ ያን ግምቢደ፤ ምላ ማር ዮጌዳ፤ ባረ ናኣ ይሳቃ ቃቻደ፤ ሄ ምላ ቦላን ግሰሴዳ።
- 10 አብራሃሙ ባረ ናኣ ሹካናዉ ባረ ኩሸያ ዮዲደ ማሻ እኬዳ።
- 11 ሸን መቋና ጎዳ ከታንቻይ ሳሉዋፕ እ፤ “አብራሃሙ፤ አብራሃሙ” ያጌደ ጴሴዳ።
- እ፤ “አቤ” ጌደ ኮዬዳ።
- 12 እ፤ “ናኣ ቦላን ነ ኩሸያ ዋላፕ፤ እ እይን አላፕ፤ ኔን ነ መጽ እት ናኣካ ታና ድጋቤና ድራዉ፤ ኔን ጸሳዉ ያይያዋ ግድያዋ ታን ሀእ ኤራይ” ያጌዳ።

21:22 ጾመላ 26:26 † 21:31 በርሳበሄ- ሀ ሰንላ ብላላይ፤ “ጫቁዋ ሃላ ኦላ” ዋይ “ላፑን ሃላ ኦላ” ግያዋ (ጉጅ ጸልተ 26:33) 22:1 አብራ. 11:17-19 22:2 2 ኦዲዋ 3:1 22:9 ያቆባ 2:21

13 አብራሃም ጾቁ ግ ጸሌደ፣ ሄዋን ድርሳ እቴ ካጪ ቡራን ገል ቃጸት ኡቴዳዎ በኤዳ። አብራሃም ቢደ ሄ ድርሳ እኪደ፣ ባረ ናአ ድራው ጸግያ ያርሹዎ ኦሲደ ያርሸ ባሼዳ።

14 ሄዋ ድራው አብራሃም። “መድና ጎዳይ እማና”\* ያገደ ሄ ሳአ ሱንሴዳ፤ ሆቼ ጋካናሰካ፣ “መድና ጎዳ ደርያን እመታና” ገተቴ።

15 መድና ጎዳ ኪታንቻይ ሳሉዋፕ ላኤንሴደ አብራሃም ጸሊደ ያገደ፤

16 “መድና ጎዳይ፣ ሳሁዳን ያገደ ነው ታን ታ ሁጲያን ጫቃይ፤ ነን ሆዎ ኦሴዳ ድራውን ነ መጽ እት ናአካ ታና ድጋቤና ድራው።

17 ታን ኔና ቱመ፣ እንጃና፤ ነ ዘረላካ ታን ሳሉዋ ጸልንትያ ኪና ነባ ደና ሻፍያ ኬና ኦሳደ ጮርሳና። ነ ዘረላቱ ባረንቴ ሞርከቱዋ ካታማቱዋ ላታና።

18 ኔን ታው አዛዘቴዳ ድራው፣ ሀ ሳአ ካውተላቱ ኡባይ ነ ዘረላ ባገና እንጀታና ያገ” ያገደ።

19 ሄዋፕ ጉዩ፣ አብራሃም ባረ ቆማቱዋኮ ሰሚደ፣ ኤንቴንቴ ኡባይ እትፕ በርሳባሄ ደንዲደ ቤድና። አብራሃም በርሳባሄን ደኤዳ።

**ናኮራ የለታ**

20 ሄዋፕ ሰሚደ አብራሃም። “ሞልካ ነ እሻ ናኮራው ናና የላዱ፤

21 እንቴንቴን ባይራይ ኡጻ፤ ኡጻ እሻቴ ቡዛ፣

22 እራማ አውዋ ቃመኤላ፣ ኪሳደ፣ ሃዘ፣ ፕልዳሻ፣ ይድላፋን ባቱኤላ።

23 ሆዋንታ ሀ ሆሰፑን ናናካ ሞልካ አብራሃም እሻ ናኮራው የላዱ፤ ባቱኤል ርብቆ የሌዳ።

24 ራኡማ ግያ አ ቆማታ ቃይ ጸባሀ፣ ጋሃማ፣ ታሃሻን ማእካ የላዱ” ያገደ ኦዴድና።

**23**

**ሳር ሀይቆዋ**

1 ሳራ ጸታን ላታማን ላፑን ላይላ ደአዱ።

2 ሄዋፕ ጉዩ እዛ ካናን ጋድያን ደእያ (ከብርን ግያ) ቅርያት-አርባአ ካታማን ሀይቃዱ። አብራሃም ሳርው ዬካናውን ካዮታናው ቤዳ።

3 ዬክ ሰሚደ፣ አብራሃም ባረ ማቻት እሃ ማታፕ ደንድ ቢደ፣ ሂተቱዋ ሆዳን ያገደ፤

4 “ታን ሀንተንቴ ግደን በተን እማላ፤ ታ ማቻት እሃ ሞጋናው ታው ሀንተንቴ ጋድያፕ ዲፋዋ ዘልኤርክቴ!” ያገደ።

5-6 ሂተቱ እው፣ “ጎዳው፣ ኑን ኦድያዎ ሰሳ፤ ኔን ኑ ግደን ሞልቃማ ካዋዋ፤ ኔን ነ ማቻት እሃ ኑ ዲፋዋፕ ነው ሎኤዳዋን ሞጋ፤ ኔን ነ ማቻት እሃ ሞጋናው ባረ ዲፋዋ ኦንን ኔና ድገና” ያግ ዘራድና።

7 ያግና አብራሃም ደንድ ኤቂደ፣ ሂተቱዋ ሰንላን ጎይኔዳ።

8-9 እ እንቴንቴ፣ “ሀንተንቴ ታና፣ ሳ ማቻት እሃ ሞጋ” ጎፕ ሰሰተ፤ ጸሃራ ናአ ኤፍሮናው አ ጋድያ ጋጸን ደእያ ማክጶላ ግያ ጎንጎሉዋ ታው ዲፋዋ ከሳናው ዘልእና ማላ ኩመንላ ጋትያን ኑና ዘልእሲርክተ” ያገደ።

10 ሂትያ ኤፍሮን ሄ ዎደ ካታማ ፕንግያን ሸቄዳ ባረ አሳ ግደን ኡቴዳ፤ ሂተቱ ኡባይ ሰሰሸን፣ አብራሃምው ያገደ።

11 “ሄዋዳን ግደና፤ ታ ጎዳው፣ ታ ኦድያዎ ሰሳ፤ ታን ጋድያካ አ ግደን ደእያ ጎንጎሉዋካ ነው እማይ፤ ታን ነው አ ታ አሳ ሰንላን እማይ፤ ኔን ነ ማቻት እሃ ሞጋ” ያገደ።

12 አብራሃም ሄ ጋደ አሳ ሰንላን ዘረላ ጎይኔዳ፣

13 አሳይ ሰሰሸን ኤፍሮና፣ “ታ ኦድያዎ ሰሳርኪ! ታን ሄ ጋድያ ጋትያ ጭጋና፤ ኔን ታፕ አካርኪ! ሄዋን ታን ታ ማቻት እሃ ሞጋና” ያገደ።

14-15 ኤፍሮን አብራሃምው ዘራደ፣ “ታ ጎዳው፣ ታን ኦድያዎ ሰሳ፤ ጋዱ ኦይዱ ጾቱ ጸጋራ ብራ \* ከሰዎ፤ ሸን ሄዌ ነ ግደንን ታ ግደን እይን ግደና፤ ነ ማቻት እሃ ሞጋ” ያገደ።

16 አብራሃም ሂተቱ ሰሰሸን፣ ኤፍሮን ጌዳ ጋትያ ማዬዳ፤ ሄ ዎደ ሻሉዋን ኦይዱ ጾቱ ጸጋራ ብራ ኤፍሮናው እሚዳ።

17 ማምረ ካታማ ማታን ማክጶላን ደእያ ኤፍሮና ጋዳ፣ ሄዋን ደእያ ጎንጎሉን ሄ ጋድያን ደእያ ሞላ ኡባይ።

18 ካታማ ፕንግያን ሸቄዳ ሂተቱዋ ኡባ ሰንላን ሀግያን አብራሃም ጋደ ግዴዳ።

19 ሄዋፕ ጉዩ፣ አብራሃም ባረ ማቻቶ ሳር ካናን ጋድያን (ከብርን ግያ) ማምረ ካታማ ማታን ደእያ ማክጶላ ግያ ጋደ ጎንጎሉዋን ሞጌዳ።

\* 22:14 መድና ጎዳይ እማና- መድና ጎዳይ ጸሌ። 22:16 አብራ. 6:13-14 22:17 አብራ. 11:12 22:18 ኪታ 3:25 23:4 አብራ. 11:9፣ 13፣ ኪታ 7:16 \* 23:14-15 ኦይዱ ጾቱ ጸጋራ ብራ- ሀዌ ኦይዱ ኪሎ ግራመን ባካ ዴጹ።

20 ሃዋ ድራወ ሄ ጋዲነ ሄዋን ደእያ ጎንጎሎ ሂተቱዋ ሰንገላን ሀግያን አብራሃመወ ዲፋዋ ግዴዳ።

# 24

## ይሳቃወ ማቻታ ኦሽታዲ

1 አብራሃመ ሎይሳ ላይሳ ሱጊደ ጭሚዳ፤ መድኛ ጎዳይ አ ኡባባንካ እንጃዳ።

2 አብራሃመ ባረ ቆማ፣ ባረ ሶ አሳ ኡባወ ካፖትያ፣ ባረ አሳ ኡባወ ጎዳትያዋ ሀዋዳን ያጌዳ፤

“ነ ኩሽያን ታ ጉልባታ ኦይቃ፤ \*

3 ታን ኡንቱንቱ ግደን ደእያ ካናንቱዋ ማጫ ናናቱዋ፣ ታ ናአወ ማቻቶ ኦቼና ማላ፣ መድኛ ጎዳን፣ ሳሉዋ ጸሳንነ ሳአ ጸሳን ታን ኔና ጫቀሳይ፤

4 ሸን ኔን ታ የለቲዳ ቢታ፣ ታ ዳቦቱዋኮ ባደ፣ ታ ናአ ይሳቃወ ማቻቶ ኦቻ” ያጌዳ።

5 አ ቆማይ፣ “ማጫውና ታናና ያናወ ደሰናባ ግደ፣ ነ ናአ ኔን ዬዳ ጋድያ ጉየ አፎ፣” ያጌደ ኦቻዳ።

6 አብራሃመ፣ “ታ ናአ ያ አፈናዳን ኔና ኤራ!

7 መድኛ ጎዳይ፣ ሳሉዋ ጸሳይ፣ ታና ታ አወዋ ሶፐን ታ የለቲዳ ቢታ፣ ከሴዳዌ ታወ፣ ና ሳርያወ ታን ሀ ቢታ እማና ያጌደ ጫቁዳዌ፣ ኔን ታ ናአወ ያፐ ማቻቶ ደማና ማላ፣ አ ባረ ኪታንቻ ኔፐ ሰንገላወ ኪታና።

8 ሞሽራታ ኔናና ጉየ ያናወ ደሰናባ ግደ፣ ሀ ታን ኔና ጫቀሌዳ ጫቀ ነወ ሳመተና፤ ሸን ታ ናአ ያ ጉየ ኡባካ አፎ፣” ያጌዳ።

9 ቆማይ ባረ ጎዳ አብራሃመ ጉልባታ ኦይቁዳ፤ ሀ የዋ ጫቁዳ።

10 ሃዋፐ ጉየ፣ ቆማይ ባረ ጎዳ ጋሎቱዋፐ ታሙዋ አኪደ፣ ባረ ና ሚሻፐካ ሙሩታ ሙሩታ አኪደ ቤዳ፤ ማሰጸጸምያ ግያ ጋድያን ናኩራ ካታማ ጋኬዳ።

11 አማርሰ፣ ማጫ አሳይ ሃላ ትካናወ ይያ ዋድያን፣ ካታማፐ ጋጸን ሃላ ኦላ ማታን ባረ ጋሎቱዋ ጉልባትሴዳ።

12 ያፐደ አ ሀዋዳን ያጌደ ዋሴዳ፤ “መድኛ ጎዳወ፣ ታ ጎዳ አብራሃመ ጸሳወ፣ ሀቼ ታን ቆፓደ ዬዳባ ታወ እንጃያ፤ ቃይ ታ ጎዳ አብራሃመወ ሎኦባ ኦላ።

13 በአ! ታን ሀ ሃላ ፑልትያ ማታን ኤቃይ፤ ሀ ካታማ አሳ ማጫ ናናይ ሃላ ትካናወ ሃ ያና።

14 ታን፣ ናአ ኦቱዋ ሆክሳደ ታና ሃላ ኡሻ፣ ግያ ዋደ፣ አዛካ፣ ናሄይ ኡሻ፤ ቃይ ነ ጋሎቱ ታን ኡሻና ያግያና፣ ሄና ነ ቆማ ይሳቃወ ኔን ደራዳዳ ግዳ፤ ኔን ታ ጎዳወ ሎኦባ ኦሌዳዋ ታን ሄዋን ኤራና” ያጌዳ።

15 ብር አ ዋሳ ወርሰናን ደእሸን፣ ርብቃ ሃላ ኦቱዋ ቶካደ ፑቱ ጋዳ። አዘ ባቲኤል የሌዳ፤ ባቲኤል ሞልካ ናአ፤ ሞልካ አብራሃመ እሻ ናኩራ ማቻቶ።

16 ርብቃ ሎይሳ ፑላንቻን ኦቱማ አሳይ ቦቹቤና ዋድራቶ። ፑልቱዋ ዱገ ዋዳደ፣ ባረ ኦቱዋ ኩንጎዳይ ከሳዳ።

17 ሄ ቆማይ ኢኮ ዋጽ ቢደ እዘ፣ “ነ ኦቱዋፐ ታና ጉላ ሃላ ኡሻርኪ!” ያጌዳ።

18 እዘ፣ “ኤና ታ ጎዳወ፣ ኡሽኪ” ያጌዳ። ኤሌላደ ኦቱዋ ባረ ሀሸያፐ ዋላደ፣ ገደ ዛራ ኦይቃደ አ ኡሻዳ።

19 አ ኡሽዳዋፐ ጉየ፣ “ነ ጋላቱዋካ አላና ጋካናወ ታን ኡንቱንቶ ሃላ ዲቃና” ያጌዳ።

20 አቴዳ ሃላ ኡሌላ ዋንግርያን ትጋደ፣ ሀራ ሃላ ዲቃናወ ኦላ ዋጸዴ፤ ጋላቱ ኡባይ አላና ጋካናወ፣ ሃላ ኦላፐ ዲቃ ዲቃደ እሃደ ዋንግርያን ትጋደ ኡሻዳ።

21 አ ቆፐደ ዬዳ ቆፋ መድኛ ጎዳይ እንጃዬደ ደእንቶ ኤራናወ ብታኒ ጮኡ ጊደ እዘ ጸሌ።

22 ጋሎቱ ሃላ ኡሽ ሰሚና፣ ብታኒ እቺሹ ግራመን ባካ ግዴዳ ዋርቃ ሞግዳዋ፣ ጴታነ ታሙ ግራመ ግዴዳ ላኡ ዋርቃ ሳጋየቱዋ ከሴዳ፤

23 እዘ፣ “ኔን ኦ ናት? አነ ታወ ኦዳ፤ ነ አወዋ ሶን ኦወ አቅያ ሳአይ ደአይ?” ያጌዳ።

24 እዘ፣ “ታን ባቲኤላ ናቶ፤ ባቲኤል ሞልካ ናኩራወ የሌዳ ናአ።

25 ኦዋን ግድያ ዳላይን ባሱ ደኤ፤ ቃይ ሀንተንቱ አቃናወካ ሳአይ ደኤ” ያጌዳ።

26 ብታኒ ጉልባት መድኛ ጎዳወ ጎይኒደ።

27 ሀዋዳን ያጌዳ፤ “ታ ጎዳወ ኬክያዋን አማነትያዋ አግቤና መድኛ ጎዳይ፣ ታ ጎዳ አብራሃመ ጸሳይ ጋላተቶ! ታን ዩሸን፣ መድኛ ጎዳይ ታና ታ ጎዳ ዳባቱዋ ሶይ ካለሌዳ” ያጌዳ።

28 ናታ ዋጸ ባደ፣ ባረ አት ሶን ደእያ አሳወ ሀኔዳባ ኦዳዳ።

29 ርብቃወ ላባና ግያ እሻይ ደኤ፤ ላባን ካረ ከሲደ፣ ሃላ ፑልቱዋ ማታን ደእያ ብታንያኮ ዋጴዳ።

\* 24:2 ነ ኩሽያን ታ ጉልባታ ኦይቃ- ሀዋ ጉሳይ ጫቁ ፖሎ ላመተናዋ በሴ።

30 ምግዳዊን ባረ ምቻት ኩሽያን ደእያ ሳጋየቱዋ በኤዳሳና ርብቃ ብታኒ ባረና ጌዳዋ ኦድና ሰሰሳና፡ ከሲደ ብታንያንብ ብ በኤዳይ ብታንያ ጋሎቱዋና ፑልቱዋ ማታን ኤቁዳዋ ደሚዳ።

31 እ፡ “መጅና ጎዳይ ኔና እንጃዳዎ፡ ሃያ! ኔን ሀዋን ካረን እያዉ ኤቃይ? ታን ነዉ ጎልያን ጋሎቱካ ሳኣ ገግሳድ?” ያጌዳ።

32 ብታኒ ሶ ገሌዳይ፤ ላባን ጋሎቱዋ ጫና ብሌዳይ፤ ዳላነ ባሱዋ ጋሎቶ የጌዳ። ገድያ ማጫናዉ እሰነ እናና ደእያ አሳቶ ሃላ አሄዳይ፤

33 ቆማይካ እ ሰንላ አይዳ። ሸን እ፡ “ታን ታና አሄዳባ ሀንተንቶ ኦድናን ደኣደ ቁማ ማከን” ያጌዳ።

ላባን፡ “ያቶፕ ኦዳ” ያጌዳ።

34 ሄዋ ድራዉ እ፡ “ታን አብራሃሙ ቆማ።

35 መጅና ጎዳይ ታ ጎዳ ሎይላ እንጅና፡ እ ዱረቱዳይ፤ ዶርሳ፡ ማዛ፡ ብራ፡ ዋርቃ፡ አቱማ ቆማቱዋ፡ ማጫ ቆማቱዋ፡ ጋሎቱዋን ሀረቱዋ እዉ እሚዳ።

36 ታ ጎዳ ማቻታ ሳራ ባረ ጨማተላ ላይላን እዉ አቱማ ናኣ የላዱ፤ እ ባረዉ ደእያዋ ኡባ እዉ እሚዳ።

37 ታ ጎዳይ ታና ሀዋዳን ጫቁሴዳይ፤ ታን ደእያ ካናን ቢታ ማጫ ናናቱዋፕ ታ ናእዉ ማቻቶ አቾፓ፤

38 ሸን ታ እዉዋ አሳኮ፡ ታ ዛራቱዋኮ ባደ፡ ታ ናእዉ ማቻቶ አቾ፡ ያጌዳ።

39 ታን ታ ጎዳ፡ “ናታ ታናና ያናዉ ዶሰናን አሳፕ ሸን?” ያጌዳ።

40 እ፡ “መጅና ጎዳይ፡ ታን እ ሰንላን ሀመቱዳዌ ኔናና ባረ ኪታንቻ ኪታና፤ ኔን ታ ናእዉ ታ አዉዋ አሳፕ፡ ታ ዛራቱዋፕ ማቻቶ ደማና ማላ፡ ነ ብያሳካ እንጅያና።

41 ኔን ታ ዛራቱዋኮ ቢና፡ ኤንቱንቱ ነዉ እዞ አመናን አጸፕ፡ ሄ ዋደ ነዉ ጫቁ ጎመተና” ያጌዳ።

42 “ታን ሀቼ ሀ ፑልቱዋኮ ዬዳ ዋደ ያጌድ፤ “መጅና ጎዳዉ፡ ታ ጎዳ አብራሃሙ ጸሳዉ፡ ነ ሸነ ግደፕ፡ ታን ብያ የዉዋ እንጅያ።

43 በእ፤ ታን ሀ ፑልቱዋ ማታን ኤቃይ፤ ወዶራታ እትና ሃላ ትካናዉ ዮፕ፡ ታን እዞ፡ “ታና ነ ኦቱዋፕ ጉላ ሃላ ኡሻርኪ!” ያጌዳ።

44 እዞ ታና፡ “ኤኖ ኡሻ፤ ቃይ ነ ጋሎቶካ ታን ሃላ ዱቃና” ያግያና፡ መጅና ጎዳይ ታ ጎዳ ናእዉ ደራጃዳ ግዱ” ያጌዳ።

45 “ታን ታ ዋዛናን ዋሰያዋ ወርሰናን ደእሸን፡ ርብቃ ባረ ኦቱዋ ቶካ አካደ፡ ፑቱ ጋዱ፤ ፑልቱዋ ዱገ ዋዳደ ሃላ ዱቃዱ፤ ታን እዞ፡ “ታና ሃላ ኡሻርኪ” ያጌዳ።

46 “እዞ ኤሌላ ባረ ሀሸያፕ ኦቱዋ ዋሳደ፡ “ሄኮ ኡሻ፤ ቃይ ታን ነ ጋሎቱዋ ኡሻና” ያጌዱ። ታን ኡሻድ፤ ቃይ ታ ጋሎቱዋ እዞ ኡሻዳ።

47 “ታን እዞ፡ “ኔን ኦ ናት?” ያጌዳ።

“እዞ፡ “ታን ባቱኤላ ናቶ፤ ባቱኤል፡ ምልካ ናኮራዉ የሌዳ ናኣ” ያጌዱ።

“ታን እዞዉ ምግዳዊ አላድ፤ እዞ ኩሽያንካ ሳጋየቱዋ ዋሳድ።

48 ሄዋፕ ጉየ ታን ጉልባታደ፡ መጅና ጎዳዉ ጎይናድ፤ ታን መጅና ጎዳ፡ ታ ጎዳ አብራሃሙ ጸሳ፡ ታ ጎዳ እሻ ናኣ ናቶ አ ናእዉ አካናዉ ታና ልከ ኦግያ ካለሌዳዋ ጋላታይ።

49 ሀእካ ሀንተንቱ ታ ጎዳዉ ከካናባነ አማነታናዋ ግደፕ፡ ታዉ ኦድተ፤ ግዳና ዳይንቶነ ኦድተ፤ ሄዋፕ ሰንላን ታን ሀናናዋ ኤራና” ያጌዳ።

50 ላባንን ባቱኤል ዛሪደ ያጌድድ፤ “ሀ የዉ መጅና ጎዳፕ ዬዳይ ኦን ነዉ ያ ሃ ጋናዉ ዳንዳዮኮ።

51 ርብቆ ሀኖ በእ፤ አካደ ባ፤ መጅና ጎዳይ ጌዳዋዳን ነ ጎዳ ናእዉ ማቻቶ ግዱ” ያጌድድ።

52 አብራሃሙ ቆማይ ኤንቱንቱ ግያዋ ሰሴዳ ዋደ፡ ሳኣን ጉልባቱ መጅና ጎዳዉ ጎይኔዳ።

53 ቆማይ ብራ አሌቁዋን ዋርቃ አሌቁዋ፡ ማዩዋካ ከሲደ፡ ርብቅዉ እሚዳ፤ ቃይ አልኦ ሚሻቱዋ እዞ እሻዉን እዞ አትዉ እሚዳ።

54 ሄዋፕ ጉየ፡ እነ እናና ደእያዋንቱ ሜድናን ኡሽድና፤ ያቲደ ያን አቁድና፤ ኤንቱንቱ ጉራን ደንደደ፡ “ታና ታ ጎዳኮ የድተ” ያጌዳ።

55 እዞ እሻይን እዞ አታ፡ “ናታ እት ታሙ፡ ጋሳሳ ኬሻ ኦናና ታኩ፤ ሄዋፕ ጉየ እዞ ባና” ያጌድድ።

56 ሸን እ፡ “መጅና ጎዳይ ታን ዬዳዋ እንጅይ ድግና፡ ሀንተንቱ ታና ጋምኤልተ፤ ታን ታ ጎዳኮ ባና ማላ ታና ሞይዘተ” ያጌዳ።

57 ኤንቱንቱ፡ “ናቶ ጸሲደ እነ እዞ አቾይተ” ያጌድድ።

58 ርብቆ ጸሲደ፡ “ሀ ብታንያና ባኒ?” ያጌደ ኦቼድና።

እዞ፡ “ኤ፤ ታን ባና” ያጌዳ።

59 ኤንቱንቱ ባረንቱ ምቻቶ ርብቆ፡ እዞ ድቾያንና፡ አብራሃሙ ቆማናን እ አሳቱዋና ሞይዜድና።

60 ኤንቱንቱ ርብቆ፡

“ኦ ምቻቶ ርብቆ፡ ሻኣፕ ሻኣ ጋካናዉ ጮራታ።

ነ ዛሬቱ ባረንቱ ሞርከቱዋ ካታማቱዋ ላትኖ” ያጊደ እንጂድኖ።

61 ሄዋጥ ጉዮ፣ ርብቃነ እዝ ዳንጋጽረቱ ደንዲደ፣ ጋሎቱዋ ቶጊደ፣ ብታንያና ቤድኖ። ያትና ቆማይ ርብቆ እኪደ ቤድ።

62 ሄ ዋደ ይሳቅ። “ታና በእያ ደኡዋ ጸላ ፑልቱዋ” ግያ ፑልቱዋ ማታ ቢደ፣ ኔጌባ ዋራን ደኤ።

63 እት ጋላሰ ኦማርሰ ይሳቅ ባረ ዋዛናን ቆፒደ ደምባ ከሲደ ዩዩ፤ እ ጾቁ ጊደ ጾልያ ዋደ፣ ጋላቱ ይያዋንታ በኤዳ።

64 ርብቃካ ጾቁ ጋደ ጾልያ ዋደ፣ ይሳቅ በኤዳ፤ ጋሎጥ ዋዳድ።

65 ቆማ፣ “ሀ ኑናና ጋከታናዉ ደምባና ይያ ብታኒ ኦኔ?” ያጋድ።

ቆማይ፣ “እ ታ ጎዳቱ” ያጌዳ። እዛ ባረ ሻሽያ እካደ ጉሎታድ።

66 ቃይ ቆማይ ባረ ኦልዳዋ ኡባ ይሳቅዉ ኦዳዳ።

67 ይሳቅ ርብቆ ባረ እት ሳር ዱጎካንያ አፊዳ። እዝ እኪዳ፤ እዛካ አዉ ማቻቶ ግዳዳ። ያትና እ እዝ ሲቄዳን ባረ እት ሀይቁዋን ካዮትያዋጥ ምነቱዳ።

## 25

### አብራሃም ሀራ ናና የሌዳ

(1 ኦዲዋ 1:32-33)

1 ቃይ አብራሃም ቃጾር ጌተትያ ሀራ ማቻቶ እኪዳ።

2 እዛ ዘምራና፣ ዮቅሻና፣ ማዳና፣ ምድያማ፣ ይሽባቃነ ሹሀ እዉ የሌዳ።

3 ዮቅሻን ሳባነ ዳዳና የሌዳ። ዳዳን አሾረታ፣ ለጹሸታነ ለአማታ የሌዳ።

4 ምድያማ ናናይ አፋ፣ አፋደ፣ ሆኖካ፣ አቢዳእነ ኤልዳእ። ሀዋንቱ ኡባይካ ቃጾር ናና።

5 አብራሃም ባረዋ ኡባ ይሳቅ ላትሴዳ።

6 ሸን እ ብር ፓጸ ደኤደ፣ ባረ ሀራ ማቻቱዋጥ የሌዳ ናናቶ ባረዉ ደእያዋጥ ዋይቱዳ። ባረ ናኣ ይሳቃጥ ኡንቱንታ ሻክ፣ አዋይ ዶልያ ባጋ ቢታዉ የዴዳ።

### አብራሃም ሀይቁዋ

7 አብራሃም ሙላ እት ጴታነ ላፑን ታማነ እቼሹ ላይላ ደኤዳ።

8 አብራሃም ዳር ዋድያ ደኤደ፣ ሎኦ ጭሚደ ሀይቁዳ፤ ባረ ማይዛቱዋና ጋከቱዳ።

9 እ ናናይ ይሳቅነ እሰማኤል እ ማክጾላ ግያ ጎንጎሎ ዱፋዋን ሞጌድኖ፤ ሄ ጎንጎሎ ማምረ ማታን፣ ሂትያ ጸሃራ ናኣ ኤፍርና ጋድያን ደኤ።

10 ሄዌነ አብራሃም ሂተቱዋጥ ሻሚዳ ጋድያ። አብራሃም ባረ ማቻታ ሳራ ሞገቱዳ ሳኣን ሞገቱዳ።

11 አብራሃም ሀይቁዳዋጥ ጉዮ፣ ጸሳይ እ ናኣ ይሳቅ እንጂዳ። ሄ ዋደ ይሳቅ፣ “ታና በእያ ደኡዋ ጸላ ፑልቱዋ” ግያ ፑልቱዋ ማታን ደኤ።

### እሰማኤል የለታ

12 ሳር አይላታ፣ ግብጾጥ ዬዳ አጋራ፣ አብራሃምዉ የሌዳ ናኣ እሰማኤል የለታይ ሀዋጥ ካሊደ ጻፈቱዳዋ።

13 እሰማኤል ናናይ ባረንቱ ሱንሳንነ ባረንቱ የለታ ማራን ሀዋንታ፤ ሄዋንቱነ፣ ናባዮታ፣ ቄዳራ፣ እድብኤላ፣ ሞብሳማ።

14 ሞሽማእ፣ ዲማ፣ ማሳ።

15 ሀዳዳ፣ ቱማ፣ ይጸራ፣ ናፊሻነ ቄድማ።

16 እሰማኤል ናናይ ሀዋንታ፤ ኡንቱንቱ ሱንሳይ ኡንቱንቱ ሞላንነ ደእያ ሳኣን ሀዋ። ኡንቱንቱ ባረንቱ ያራን ታማነ ላኡ ካፓቱዋ።

17 እሰማኤል ሙላ ጴታነ ሀታማነ ላፑን ላይላ ደኤደ፣ ሀይቁዳ፤ ባረ ማይዛቱዋና ጋከቱዳ።

18 እሰማኤል ዛሬቱ ግብጾጥ አዋይ ዶልያ ባጋን ደእያ ሀዋላፒን ሹራጥ ግዴዋን፣ አሶራ አፍያ ኦግያ ማታን ደኤድኖ። ኡንቱንቱ ባረንቱ እሻቱዋ ኡባና ሞርክያን ደኤድኖ።

### ያቆብነ ኤሳይ የለቱዳ

19 አብራሃም ናኣ ይሳቅ የለታይ ሀዋጥ ካሊደ ጻፈቱዳዋ። አብራሃም ይሳቅ የሌዳ።

20 ይሳቅዉ ላይላይ ኦይታሙዋ ግዴዳ ዋደ፣ ርብቆ እኪዳ፤ እዛ ማሰጸጸምያን ደእያ ሶርያ ባቱኤላ ናትዉነ ሶርያ ላባና ሞቻቶ።

21 ይሳቅ ባረ ማቻታ ማንሳቶ ግዴዳ ድራዉ፣ እዝዉ መቅና ጎዳ ዋሴዳ፤ መቅና ጎዳይ እ ዋሳ ሰሴዳ። ያትና እ ማቻታ ርብቃ ሻሃራዳ።

22 ሸን እዝ ኡሎ ግደን ደእያ ናናይ ማንተ ግድ ኡቲደ፣ እቱ እቱዋና ሰጉቲድኖ፤ ያትና እዛ፣ “ሀዋ ታዉ እያዉ ሀኒ?” ያጋድ። ሄዋ ድራዉ መቅና ጎዳ ኦቻናዉ ባዴ።

- 23 መድኅና ጎዳይ እዘው፤  
 “ነ ኡሉዋን ላኡ ካውተላይ ደኤ፤  
 ቃይ ነ ግዴዋን ደእያ ላኡ ጋደ እሳቱ እቱ እቱዋጥ ሻከታና፤  
 እት ጋደ እሳቱ ህንኩቱዋጥ ሞናና፤  
 ቃይ ባይራይ ቱፋው እዛዘታና” ያጌዳ።
- 24 እዛ የልያ ዋዲ ጋክና፡ እዝ ኡሉዋን ማንተ እቱማ ናናይ ደእና።
- 25 ኮይሮ የለቲዳዌ አርሳ፤ እ ቦላ ኡባ እስኪ ማዬዳ፤ ሄዋ ድራው ኡንቱንቱ እ ኤሳው \* ጊደ ሱንጤድና።
- 26 ሄዋጥ ጉየ፡ እ ከሻይ የለቲዳ፤ እ ባሪ ኩሽያን ኤሳው ግንድያ ኦይቂ ኡቲዳ፤ ሄዋ ድራው እ ያቆባ † ጊደ ሱንጤድና። ርብቃ ኡንቱንታ የሌዳ ዋደ፤ ይሳቃው ኡሱፑን ታሙ ላይላ ግዴዳ።
- 27 ናናይ ድጤድና፤ ኤሳይ ሻንካ ሂላ ኤርያ ባዘዋ እሳ ግዴዳ፤ ሽን ያቆብ ዲንካንያን ደእያ ዋጋ እሳ ግዴዳ።
- 28 ይሳቅ ኤሳ ሲቁዳ፤ እያው ጎጥ፡ እ ሻንካቲዳባጥ ማናው ደሴዳ፤ ሽን ርብቃ ያቆባ ሲቃዱ።
- 29 እት ገደ ያቆብ ዋጽያ ካልሸን፡ ኤሳይ ኮሻይ ዋዴዳዌ፡ ዋራጥ ዬዳ።
- 30 ኤሳይ ያቆባ፡ “ታና ሀ ዘኦ ዋጽያጥ ሞዛ፤ ታና ኮሻይ ዋዴዳ” ያጌዳ። (ሄዋ ድራው ቃይ እ ሱንጤዳ ኤድማ ‡ ትተቲዳ)።
- 31 ያቆብ እ፡ “ኮይሮ ታው ነ ባይራተላ ዛልእ” ያጌዳ።
- 32 ኤሳይ፡ “በእ! ታን ሀይቃና ሀርይ፤ ሀ ባይራተላይ ታው እያ ጎእ ደእ?” ያጌዳ።
- 33 ያቆብ ዛሪደ፡ “እነ ታው ኮይሮ ኔን ጫቃ” ያጌዳ።  
 እ ጫቁዳ፤ ባሪ ባይራተላ ያቆባው ዛልኤዳ።
- 34 ያቆብ ኤሳው ሲላዋን ሞሰርያ ዋጽያ እሜዳ፤ እ ሜዳን ኡሽዳ፤ ሄዋጥ ጉየ ደንዲደ ቤዳ።  
 ኤሳይ ባሪ ባይራተላ ሀዋዳን ካዴዳ።

## 26

### ይሳቃን አብመሊካ

- 1 ሃ ጋድያን ካሰ አብራሃሙ ዋድያን ደእያ ኮሻ ቦላ ሀራ ኮሻይ ደንዴዳ፤ ያትና ይሳቅ ፕልሰጾማ ካትያ አብመሊክኮ ጋራራ ቤዳ።
- 2 መድኅና ጎዳይ ይሳቃው ቆንጩደ ሀዋዳን ያጌዳ፤ “ግብጾ ጋድያ ዲገ ቦጋ፤ ታን ነው ኦዴዳ ጋድያን ደእ።
- 3 ሀ ጋድያን እማራዋዋ ታካሻ፤ ታን ኔናና ግዳና፤ ኔና እንጃና፤ እያው ጎጥ፡ ሀ ቢታ ኡባ ታን ነውነ ነ ዘርላው እማና፤ ታን ነ እውዋ አብራሃሙው ጫቁዳ ጫቁዋ ሞንጎና።
- 4 ነ ዘርላ ሳሉዋ ጸልንትያዳን ዳርሳና፤ ሀ ቢታ ኡባ ታን ኡንቱንቱ እማና፤ ሳኦ ካውተላ ኡባይ ነ ዘርላ ባጋና እንጀታና።
- 5 እያው ጎጥ፡ አብራሃሙ ታ ቃላ ሰሴዳ፤ ታ ፕርዳቲዋን ታ እዛዘዋ፡ ታ አዋጥቲዋን ታ ሀግያ ናጌዳ” ያጌዳ።
- 6 ሄዋ ድራው ይሳቅ ጋራራን ኡቲዳ።
- 7 ሄ ቢታ እሳይ ርብቅባ ደንገሊደ ይሳቃ፡ “ሀና ነው እዬ?” ያጌደ ኦቹዳ።  
 እ፡ “ሀና ታው ሞቻቶ” ያጌዳ። እያው ጎጥ፡ እ ርብቃ ዳር ፑላንቻ ግድያ ድራው፡ “ታን፡ ላዛ ታ ማቻቶ ጎጥ፡ ሀ ጋደ እሳይ እዝ ጋሱዋን ታና ዋቆንጎቶን” ያግ ቆጊደ ያዬዳ።
- 8 ይሳቅ ሄዋን ዳር ዋድያ ደእዋጥ ጉየ፡ ፕልሰጾማ ካቲ አብመሊክ ማሰኮትያና ዲገ ጸሊደ፡ ይሳቅ ባሪ ማቻት ርብቅና ጋከትሸን በኤዳ።
- 9 ሄዋ ድራው አብመሊክ ይሳቃ ጸሲደ፡ “ሄኮ እዛ ቱሙ ነ ማቻቶ! ኔን እያው፡ ላዛ ታ ሞቻቶ ጋዲ?” ያጌደ ኦቹዳ።  
 ይሳቅ፡ “ ላዛ ታ ማቻቶ ጎጥ፡ እዝ ጋሱዋን እሳይ ታና ዋቆንጎቶ ጋደ ጋድ” ያጌዳ።
- 10 አብመሊክ፡ “ሀዌ ኔን ኑ ቦላን ኡጤዳባይ እዬ? ታ አሳጥ እት እሳይ ነ ማቻትና ግሰ ድጌዳሸን፤ ኔን ኑ ቦላን ጎምያ እሃዳሸን” ያጌዳ።
- 11 ሄዋ ድራው አብመሊክ ባሪ እሳ ኡባ፡ “ሀ ብታንያ ዋይ እ ማቻቶ ቦቻያ ኦንነ ቱሙ ሀይቃና” ያጌደ እዛዜዳ።
- 12 ይሳቅ ሄ ጋድያን ካላ ዘሪደ፡ ሄ ላይላን ጾቱ ኩሽያ ጫኤዳ፤ እያው ጎጥ፡ መድኅና ጎዳይ እ እንጃዳ።

25:23 ርመ 9:12 \* 25:25 ኤሳው፡ ሀ ሱንጤ ብለላይ፡ “ላሰካማ” ግያዋ። † 25:26 ያቆብ፡ ሀ ሱንጤ ብለላይ፡ ግንድያ ኦይቁዋ ግያዋ። ‡ 25:30 ኤድማ፡ ሀ ሱንጤ አብራዌላዋን፡ “ዘእዋ” ግያዋ። 25:33 አብራ. 12:16 26:3 ጾመላ 22:16-18 26:7 ጾመላ 12:13፤ 20:2

13 እ ዲራቲዳ፤ ዲረታ ቦላ ዲረታይ እዉ ዳር ዳር ቤዳ።

14 ይሳቃዉ ደርሳ ዉዲ፣ ሚዛ ዉዲ፤ ቆማቱ ሎይሌ ዳራዳ ድራዉ፣ ፕልሰጾማ አሳቱ እ ቃናቲድኖ።

15 ሄዋ ድራዉ፣ እ እዉዋ አብራሃም ዎድያን፣ እ እዉዋ ቆማቱ ቦኬዳ ሃላ ኦላ ኡባ ፕልሰጾማ አሳቱዋ ቢታ ዛሪደ ባራድኖ።

16 ሄ ዎደ እብመሌክ ይሳቃ፣ “ኑፕ ሻከታደ ባ፤ ኔን ኑፕ እፋ ዎናዳ” ያጌዳ።

17 ይሳቅ ሄዋፕ ደንዲደ፣ ጋራራ ዎዋባ ቢደ ያን ኡቲዳ።

18 ይሳቅ ባረ እዉዋ አብራሃም ዎድያን ቦከቲዳ ሃላ ኦላቱዋ፣ አብራሃም ሀይቄዳዋፕ ጉዮ፣ ፕልሰጾማ አሳቱ ባራዳዋንታ ዛር ቦክ ከሲደ፣ እ እዉ ሱንሌዳ ሱንላን ኡንቲንታ ጸሴዳ።

19 ይሳቃ ቆማቱ ዎዋባን ቦኪደ፣ ፑልትያ ሃላ ኦላ ያን ደሚድኖ።

20 ሸን ጋራራ ሄንላንቻቱ ይሳቃ ሄንላንቻቱዋና፣ “ሃላይ ኑዋ” ያጌደ ዋላቀቲድኖ። ኡንቲንታ እናና ፓሉመቲዳ ድራዉ፣ ይሳቅ ሄ ሃላ ኦላ፣ “ፓሉዎያ” ጌደ ሱንሌዳ።

21 ሄዋፕ ጉዮ፣ ኡንቲንታ ሀራ ሃላ ኦላካ ቦኪድኖ፤ ሸን ኡንቲንታ ሄ ሃላ ኦላ ጌዲዋን ዋላቀቲድኖ፤ ሄዋ ድራዉ እ ሄ ሃላ ኦላ “ዋርከቲታ” ጌደ ሱንሌዳ።

22 ሄዋፕ ጉላ ዛርዳኢደ፣ ሀራ ሃላ ኦላ ቦክሴዳ፤ እ ጋሱዋን ኦንን ዋላቀትቤና፤ “ጸሳይ ሀእ ኑዉ እሴዳ፤ ኑን ሀ ጋድያን ጮራና” ጌደ እ፣ “አኮ ሳእ” ጌደ ሱንሌዳ።

23 ሄዋፕ ደንዲደ፣ ፑደ በርሳባሄ ቤዳ።

24 ሄ ቤዳ ጋላሰ ቃማ መቲና ጎዳይ እዉ ቆንጨደ እ፣ “ታን ነ እዉዋ አብራሃም ጸሳ፤ ታን ኔናና ደእያ ድራዉ፣ ኔን ያዮፓ፤ ታን ኔና እንጃና፤ ታ ቆማ አብራሃም ድራዉ ነ ዘረላ ታን ጮርሳና” ያጌዳ።

25 ይሳቅ ሄዋን ያርሸያ ሳእ ኬጲደ፣ መቲና ጎዳ ሱንላ ጸሴዳ። ያን እ ባረ ዳንካንያ ቶጌዳ፤ ቃይ ያን እ ቆማቱ ሃላ ኦላ ቦኪድኖ።

26 ሄዋፕ ጉዮ፣ አብመሌክ ባረና ዘርያ እሁዛታን ባረ ዎታዳራቲዋ ካፑዋ ፕኮላ እኪደ፣ ጋራራፕ ይሳቃኮ ዬዳ።

27 ይሳቅ ኡንቲንታ፣ “ሀንተንቲ ካሰ ታና እጲደ፣ ሀንተንቲ ቢታፕ ከሰ የዴድታ፤ ሀእ ቃይ ታኮ እያ አካና የድቲ?” ያጌዳ።

28-29 ኡንቲንታ እ፣ “መቲና ጎዳይ ኔናና ደእያዋ ኑን ቆንጭያን በኤደ። ሄዋ ድራዉ ጫቆ ጫቁ ኑ ግደን ነ ግደን ደእና ኮሼ ያገቶ። ኑን ኔና ቦቾበይኮ፤ ሸን ኑን ነዉ ኬካተላ ጸላላ ኦላደ፣ ኔና ሳርተላን ዎደዝ የዴደ። ሄዋዳንካ ኔን ኑ ቦላ ኢታባ ኦፍ ማላ፣ እነ ኔናና ጫቁዋ ጫቀቶይተ። ሀእ ኔን መቲና ጎዳይ እንጃዳዋ” ያጌድኖ።

30 ሄ ዎደ ይሳቅ ኡንቲንቶ ባላ ገግሰና፣ ሜድኖን ኡሼድኖ።

31 ዎንተላ ጋላሰ ዎንታ ጉራን ደንዲደ፣ ኡንቲንታ እቲ እቲዋና ጫቀቲድኖ። ይሳቅ ኡንቲንታ ዋይዝና፣ ኡንቲንታ አፕ ሳር ሻከቲደ ቤድኖ።

32 ሄ ጋላሰ ይሳቃ ቆማቱ ዪደ፣ ባረንቲ ቦኪዳ ሃላ ኦላባ እዉ ኦዴድኖ፤ “ኑን ሃላ ደሚደ” ያጌድኖ።

33 እ ሄ ሃላ ኦላ ሳባሀ ጌደ ሱንሌዳ፤ ሄዋ ድራዉ ሄ ካታማ ሱንላይ ሀቼ ጋካናዉ በርሳባሀ \* ጌተቲ።

ኤሳይ ሂተቲዋ ማቻቲዋ እኪዳ

34 ኤሳ ላይላይ ኦይታሙዋ ግድያ ዎደ፣ ሂትያ ብኤዶ ናቶ ዮድቶን ሂትያ ኤሎና ናቶ ባሰማቶ እኪዳ።

35 ኡንቲንታ ይሳቃ፤ ርብቆ ካዮዪደ ደኤድኖ።

27

ይሳቅ ያቆባ እንጃዳ

1 ይሳቅ ጭዎና፣ እ እይሬ ጾላ እጾዳ ዎደ፣ ባረ ባይራትያ ናእ ኤሳ ጸሴደ እ፣ “ታ ናእዉ” ያጌዳ።

እ፣ “አቤ” ጌደ ኮዬዳ።

2 እ፣ “በእ፣ ሀእ ታን ጭማድ፤ ታን ሀይቃና ጋላሳ ኤርከ።

3 ያትያ ድራዉ፣ ሀእ ነ ሻንካትያ ዎንዳፍያን ዙቢያ እካደ፣ ባዙዋ ባ፤ ደእ ታዉ ሻንካታደ፣ እሹዋ እካደ ያ።

4 ማልኦ ቁማ፣ ታን ደሰያዋ ካላደ አላ፤ ሄዌን ታን ሀይቃናፕ ካሰ ኔና እንጃና” ያጌዳ።

26:26 ደመገ 21:22 \* 26:33 በርሳባሄ- ሀ ሱንላ ብላይ አብራዌሉዋን፣ “ጫቁዋ ሃላ ኦላ” ግያዋ (ጉጃ ጸላ 21:31)

5 ርብቃ ይሳቅ ባረ ናእ ኤሳው ኦድያ ዋደ ሰሳዱ። ኤሳይ ዶእ ሻንካቲደ እሀናዉ ባዙዋ ቤዳዋጥ ጉዮ።

6 ርብቃ ባረ ናእ ያቆባ። “ነ እዉ ነ እሻ ኤሳው።

7 ፍዳእ ሻንካታ አሃደ። ታዉ ማልኦ ቁማ ታን ማናዉ ካላ፤ ሄዌነ ታን ሀይቃናጥ ካሰታደ። ሙድና ጎዳ ሰንሳን ኔና አንጃናሳ” ያግያዋ ታን ሰሳድ።

8 ታ ናእዉ። ሀእ ታን ኔና አዛዝያዋ ሎይሳደ ሰሳ።

9 ዉድያ ጋርሳ ባደ። ላኡ ቦልትቦልታ ዴሻ ማራቴዋ ታዉ አካደ ያ፤ ታን ነ አቦው ማልኦ ቁማ እ ደሰያዋደን ካላና።

10 ነ እዉ ሚደ ሀይቃናን ካሰቲደ ኔና አንጃና ማላ። እዉ አላሳ” ያጋዱ።

11 ሽን ያቆብ ባረ አቶ ርብቆ። “ታ እሻ ኤሳ ቦላን እሰኪ ደኤ፤ ሽን ታ ቦላይ ሊቆ።

12 ታ እዉ ታና ኦይቂ በአጥ ሽን? ታን አ ጭምያዋ አዉ ማላትና። ታን አንጃዋ ድራዉ ሸቃ ታ ቦላ አሀነንቶን” ያጌዱ።

13 እ ዳያ እ። “ታ ናእዉ። ሄ ሸቃይ ታና ጋኮ። ታን ነዉ ኦድያዋ ኦላ፤ ባደ ዴሻ ማራቴዋ ታዉ አካደ ያ” ያጋዱ።

14 ብ አሃደ ባረ ዳይዉ እሚዳ፤ እ ዳያ ማልኦ ቁማ እ አዉ ደሰያዋደን ካላዱ።

15 ሄዋጥ ጉዮ። ርብቃ ሶን ባረ ማታን ደእያ ባረ ባይራ ናእ ኤሳ ማዩዋ ሎኡዋ አሃደ። ባረ ቴፋ ናእ ያቆሳ ማይዛዱ።

16 ቃይ ሄ ዴሻቴዋ ጋልባ እ ኩሽያን እ ሊቆ ቆድያ ማይዛዱ።

17 ባረ ካሌዳ ማልኦ ቁማን ኡክላ ባረ ናእ ያቆሳ ኩሽያን ዋላዱ።

18 ያትና እ ባረ አዉዋኮ ቢደ ገሊደ። “ታ አዎ” ያጌዱ።

እ። “እቤ! ታ ናእዉ። ኔን ኦኔ?” ያጌዱ።

19 ያቆብ ባረ አዉዋ። “ታን ነ ባይራ ናእ ኤሳ፤ ኔን ታና አዛዘዳዋደን ታን ኦላድ፤ ደንዳ፤ ደንዳ ኡታደ። ታን ሻንካጥ አሃደዋ ማ፤ ያታደ ታና አንጃ” ያጌዱ።

20 ይሳቅ ባረ ናእ። “ታ ናእዉ። ዋታ ኤሌላ ደማድ?” ያጌደ ኦቹዳ።

እ። “ሙድና ጎዳይ ነ ጸሳይ ታና ማዴዳ” ያጌዱ።

21 ይሳቅ ያቆባ። “ታ ናእዉ። ኔን ቱሙ ታ ናእ ኤሰንቶን ታን ኦይቃ በአናዉ እነ ታኮ ሺቃ” ያጌዱ።

22 ያቆብ ባረ አዉዋ ይሳቃኮ ሺቅና ኦይቂ በኢደ። “ሀ ቃላይ ያቆሳ ቃላ፤ ሽን ኩሺ ኤሳ ኩሽያ” ያጌዱ።

23 እ ኩሺ እ እሻ ኤሳ ኩሽያደን እሰክያና ደእያ ድራዉ። ኤርቤና፤ እ ኤርናን እ አንጃዱ።

24 እ። “ቱሙ ኔን ታ ናእ ኤሰዬ?” ያጌደ ኦቹዳ።

እ። “ኤ። ታናቴ” ያጌዱ።

25 እ። “ታ ናእዉ። ታን ኔን ሻንካቲዳዋ ማናዉ ሃ አላ፤ ማደ ታን ኔና አንጃና” ያጌዱ። ያቆብ አላና። እ ሚዳ፤ ቃይ እ አዉ ዋይንያ ኤሳ አሀና ኤሽዱ።

26 ሄዋጥ ጉዮ እ አዉዋ ይሳቅ። “ታ ናእዉ። ሃያ፤ ሸቃደ ታና ዮራ” ያጌዱ።

27 ያቆብ ሸቅደ እ ዮራዳ፤ ይሳቅ እ ማዩዋ ሰንግ ሰሲደ። ሀዋዋን ያጌደ አንጃዳ፤ “ታ ናእ ፔኑ ሙድና ጎዳይ አንጃዳ ጎሻዳን ሳቄ።

28 ጸሳይ ሳሉዋ ጮኩዋን ሳእ ሸጫ። ካላን ኦራላ ዋይንያ ኤሳ ዳርሲደ ነዉ አዎ።

29 ካዉተላቱ ነዉ ሞይትና፤ አሳቱ ነዉ ጉልባትና። ኔን ነ እሻቶ ጎዳ ግዳ፤ ነ አት ዛራቱ ነዉ ጉልባትና። ኔና ሸቅያዋ ሸቅቴዳዋ ግዳ፤ ኔና አንጃያዋ አንጀቴዳዋ ግዳ” ያጌዱ።

30 ይሳቅ ያቆሳ አንጅ ዉርሴዳዋጥ ጉዮ። ያቆብ ባረ አዉዋ ይሳቃ ሰንሳጥ ከሶዋን ኤሳይ ሻንካጥ ፑቱ ጌዳ።

31 እካ ቃይ ማልኦ ቁማ ካሊደ። ባረ አዎ አሌዳ። እ። “ታ አዎ። ደንዳ፤ ደንዳ ኡታደ። ታን ሻንካቲዳዋጥ ማ፤ ያታደ ታና አንጃ” ያጌዱ።

32 እ አዉ ይሳቅ እ። “ኔን ኦኔ?” ያጌደ ኦቹዳ።

እ። “ታን ነ ናእ። ነ ባይራ ናእ ኤሳ” ያጌዱ።

33 ይሳቅ ዳጋሚደ ኮኮሪደ፤ “ያትና ዶእ ሻንካቲዳዋ አኪደ ታዉ አሌዳዬ ኦኔ? ታን ሀእ ኔን ያና ሰንሳን ማደ። እ አንጃ ድጋድ፤ ቱሙካ እ አንጀቴዳዋ ግዳናዎ” ያጌዱ።

34 ኤሳይ ባረ አዉዋ ቃላ ሰሲዳ ዋደ። ባረ ቃላ ጶቁ ኦሊደ። ዳር ይባታ ዬኩዋ ዬኪደ ባረ አዉዋ። “ታና አንጃ፤ ታ አዎ። ታናካ አንጃ!” ያጌዱ።

35 ሽን እ። “ነ እሻይ ዪደ ጭሚደ። ነ አንጃዋ እክ ድጌዳ” ያጌዱ።



36 ኤሳይ፡ “አ ኤሪደ ያቆባ \* ሱንጤዳ፤ እ ታና ጭምድ፤ ሀዌ ላእንሱዋ፤ እ ታ ባይራተላ እኬዳ፤ ቃይ ሀእ ታ እንጂዋ እኬዳ” ያጌዳ። ቃይ እ፡ “ኔን ታዉ እንጂዋጥ እያን እሻቢይኪ?” ያጌደ እቼዳ።

37 ይሳቅ ኤሳ፡ “ታን እ ነዉ ጎዳ ኦሳድ፤ እ እሻቱዋ ኡባካ እ ቆማቱዋ ኦሳድ፤ ቃይ ታን ካሳንን ኡራላ ዋይንያ ኤሳን እ ምንሳድ። ያትና፡ ታ ናእዉ፡ ነዉ ታን እያ ኦሳ?” ያጌዳ።

38 ኤሳይ ባረ እዉዋ፡ “ታ እዋ፡ ነዉ እት እንጅ ጸላላይ ደኢ? ታ እዋ፡ ታናካ ቃይ እንጅ” ያጌዳ። ሄዋጥ ጉዮ፡ ኤሳይ ባረ ቃላ ጶቁ ኦሊደ ዬኬዳ።

39 እ እዉዋ ይሳቅ ዛሪድ፡ “ነ ደእያ ሀ ሳእ ዱረተላጥ ሃካደ ደእና፤ ሳሉዋ ጮኩካ ነዉ ዋ□ና፤

40 ኔን ነ ማሻን አቃና፤ ኔን ነ እሻዉ ሞደታና።

ሸን ኔን እናና ኤቀትያ ሞደ፡ እ ሞርገ ምሳ ነ ሞርገያጥ ኦላና” ያጌዳ።

41 ያቆባ እ እዉ እንጅዳ ድራዉ፡ ኤሳይ ባረ ኡሉዋን እ ሞርኬዳ፤ እ ባረ ዋዛናን፡ “ታ እዉ ሀያና ማቲዳ፤ ታን እዉ ካዮታ ሰማደ፡ ታ እሻ ያቆባ ሞፋና” ያጌዳ።

42 ሸን ርብቃ ሀ ባረ ባይራ ናእ ኤሳ ቃላ ሰሴዳ ድራዉ፡ ባረ ቴፋ ናእ ያቆባ ጼሰሳ እሃደ ሀዋዳን ያጋዲ፤ “ነ እሻይ ኤሳይ ኔና ሞጲደ ሀሉዋ ከሳናዉ ሀልቼዳ።

43 ሀያና ታ ናእዉ፡ ታን ነዉ ኦደዋ ኦሳ። ደንዳ! ካራነን ደእያ ታ እሻ ላባናኮ ባቃታ!

44 ያታደ ነ እሻ ሀንቁ ዶቻና ጋካናዉ፡ አማራዳ ዋድያ እናና ደእሻ።

45 ነ እሻይ ነዉ ሀንቀትያዋ አግያ ሞደን፡ ኔን እ ቦላ ኦሉዳዋ እ ደግያ ሞደ፡ ታን ኪታደ ኔና ያጥ አሀሳና። ታን እት ጋለሰ ሀንተንቱ ላኡዋጥ ሙላ ከሳና ኮይከ” ያጋዲ።

**ይሳቅ ያቆባ ላባናኮ የዴዳ**

46 ሄዋጥ ጉዮ ርብቃ ይሳቃ፡ “ኤሳይ እኬዳ ሂተቱዋ ማጫ ናና ጋሱዋን ታን ታ ደኡዋ ሸንታድ፤ ቃይ ያቆብካ ሀዋንቱ ማላ ሂተቱዋ ማጫ ናናቱዋጥ ማቻቶ አኮጥ፡ ታን ሰሞ ሀይቃናዉ ኮያድ” ያጋዲ።

**28**

1 ሄዋ ድራዉ፡ ይሳቅ ያቆባ ጼሰደ ሀዋዳን እንጅዳን አዛዜዳ፤ “ካናን ጋድያ ማጫ ናናቱዋጥ ነዉ ማቻቶ አኮጥ።

2 ደንዳ! ነ ዳይ አዉዋ ባቱኤላኮ፡ ማሰጸጸምያ ጋድያ ባደ ያጥ ነ ዳይ እሻ ላባና ማጫ ናናቱዋጥ እትና ነዉ ማቻቶ ኦሳደ አካ።

3 ኡባ ዳንዳይያ ጸሳይ ኔና እንጅ፤ እ ኔ የለታ እሶ፤ ኔን እት ደረ አሳ ከና ጋካናዉ ኔና ጮርሱ።

4 ኔን ሀእ በተተላን ኡቴዳ ሀ ቢታ ነዋ ኦሳና ማላ ነዉን ነ ዘረሳዉ ጸሳይ አብራሃሙ እንጂዋ አዋ” ያጌዳ።

5 ይሳቅ ያቆባ የዴዳ፤ ያቆብ ማሰጸጸምያ ጋድያ ላባናኮ ቤዳ። ላባን ያቆባን ኤሳ የሌዳ እት ርብቃ እሻን ሶርያ ባቱኤላ ናና።

**ኤሳይ ሀራ ማቻያ ጉጂደ እኬዳ**

6 ይሳቅ ያቆባ እንጅዳዋን፡ ያጥ ማቻቶ አካናዉ ማሰጸጸምያ ጋድያ እ የዴዳዋ፡ ቃይ እ ያቆባ እንጅዳ ዋደ፡ “ካናን ማጫ አሳ አኮጥ” ያጌደ አዛዜዳዋን።

7 ያቆብ ባረ አዉዋን ባረ አቶን አዛዘቲደ፡ ማሰጸጸምያ ጋድያ ቤዳዋ ኤሳይ ኤራዴ።

8 ኤሳይ ሄዋን ካናን ቢታ ማጫውና ባረ አዉዋ ይሳቃ እይ ከሻ እትንቶ እኬኬዳ።

9 ሄዋ ድራዉ ኤሳይ አብራሃሙ ናእ እሰማኤላኮ ቢደ፡ እ ናቶ ማሀላቶ ባረ ማቻቱዋ ቦላ ጉጂደ እኬዳ። እዛ ናባዮታ ሞቻቶ።

**ያቆብ ቤቴለን በኤዳ አኩሙዋ**

10 ያቆብ በርሳብሂጥ ካራነ ባናዉ ደንዳዳ።

11 እ እት ሳእ ጋክና አዋይ ጧልና፡ ያን ቃማ እቁዳ። ሄ ሳእን ደእያ ሹቻቱዋጥ አቱዋ አኪደ፡ ባረ ሀጺዶን ቦርኮቲደ ሄ ሳእን ገምእሼዳ።

12 እ አኩሙዋ አኩሙቲዳ፤ ሄ አኩሙዋን ጋይያ እቱ ቢታን ኤቂና፡ አዉ ጼራይ ሳሉዋ ጋክያዋን፡ ጸሳ ኪታንቻቱ ግእሺናን ዋድሸን በኤዳ፤

\* 27:36 ያቆባ፡ ሀ ሱንላ ብለላይ እብራዌላዋን፡ “ጭሜዳ” ግያዋ። 27:38 እብራ. 12:17 27:39 እብራ. 11:20 27:40 ደመላ 36:8፤ 2 ካታ. 8:20 28:4 ደመላ 17:4-8 28:12 ዮሃ. 1:51

13 ጋይያው ቦላ ጸራን መድና ጎዳይ ኤቁደ እ፥ “ታን መድና ጎዳ፥ ነ እወዋ አብራሃማ ጸሳ፥ ይሳቃ ጸሳ። ሀ ኔን ግሴዳ ቢታ ነወነ ነ ዘረሳዉ እማና፤

14 ነ ዘረሳይ ሳኣ ሻፍያዳን ዳራና፤ ኔን አዋይ ወልያ ባጋና፥ አዋይ ዶልያ ባጋና፥ ሀጸሳናን ሀርክ ባጋና ደእያ ሳኣ ጋካናወ አካና፤ ሳኣ ቦላን ደእያ አሳይ ኡባይ ነ ባጋናን ነ ዘረሳ ባጋና \* እንጀታና

15 ታን ኔናና ደእይ፤ ኔን ብያሳኣ ኡባን ታን ኔና ናጋና፤ ቃይ ታን ኔና ሀ ጋይያ ጉዮ ዛራደ እሀና፤ ታን ነወ ኦላና ጌዳዋ ኦላና ጋካናወ ኔና የግከ” ያጌዳ።

16 ያቆብ ገምእሹዋፕ ሴንቲዳ ዎደ፥ “መድና ጎዳይ ቱሙ ሀ ሳኣን ደእይ፤ ታን ኤራብይከፕ አትን” ያጌዳ።

17 አ ያዪደ፥ “ሀ ሳኣይ ዎት ያሺ! ሀ ሳኣይ ጸሳ ጎልያፕ አትን፥ እይን ሀራ ሳኣ ግደና፤ ሀዌ ሳሉዋ ፕንግያ” ያጌዳ።

18 ዎንተሳ ጋላሰ ዎንታ ጉራን ያቆብ ደንዲደ፥ ባረ ቦርኮቲዳ ሹቻ እኪደ፥ ቱሳዳን ኤሲደ፥ ጸሳወ ዲማናናወ አ ቦላ ዛይትያ ትጌዳ።

19 ያቆብ ሄ ሳኣ ቤቲለ † ጌደ ጸሴዳ፥ ሸን ሄ ካታማይ ሄዋፕ ካሰ ሎዛ ጌተቲ።

20-21 ያቆብ ሀዋዳን ያጌደ ሸቄዳ፤ “ታ እወዋ ሶ ታን ሳሮ ሰማና ማላ ጸሳይ ታናና ግደፕ፥ ታን ብያ ሀ ቡሳን ታና ናጎፕን ታዉ ምያ ቁማን ማይያ ማዩዋ እዋፕ፥ መድና ጎዳይ ታ ጸሳ ግዳና፤

22 ታን ቱሳዳን ኤሴዳ ሀ ሹቻይ ጸሳ ጎልያ ግዳና። ኔን ታዉ እምያዋ ኡባፕ ታሙዋፕ አቲዋ ታን ነወ እማና” ያጌዳ።

### 29

#### ያቆብ ላባና ሶ ጋኪዳ

1 ሄዋፕ ጉዮ፥ ያቆብ ደንድ ቢደ፥ አዋይ ዶልያ ባጋ አሳቲዋ ጋይያ ጋኪዳ።

2 አት ሃላ ኦላይ ደምባን ደእያዋ በኤዳ፤ ሄዙ ደርሳ ወዲ ቃይ ሄ ኦላ ማታን ግሴድና። እያወ ጎፕ፥ ወዲ ኡባይ ሃላ ኡሸያዋ ሄ ኦላፕ። ሄ ሃላ ኦላ ደናን ደእያ ሹቻይ ዎልቃማ።

3 ደርሳ ወዲ ኡባይ ሄዋን ዳጋቲዳ ዎደ፥ ሄ ወድያ ሄምያዋንቲ ሃላ ኦላ ደናፕ ሄ ሹቻ ጎንደርሲደ ደርሳ ኡሸና። ሄ ሹቻ ኦላ ደናን ዛራደ ዎልቃ።

4 ያቆብ አንቲንታ፥ “ታ እሻቶ፥ ሀንተንቲ ሀቃፕ የድተ?” ያጌደ ኦቼዳ።

5 እ፥ “ናጉራ ናኣ ናኣ ላባና ሀንተንቲ ኤራተየ?” ያጌዳ።

6 ያቆብ አንቲንታ፥ “ኡ፥ አ ኡራቶ” ያጌድና።

7 ያቆብ አንቲንታ፥ “አ ሎኦ ደኢ?” ያጌደ ኦቼዳ።

8 ሹቻ አንቲንታ፥ “ወዲ ኡባይ ሸቃና ጋካናወ፥ ሹቻ ሃላ ኦላ ደናፕ ጎንደርሳና ጋካናወ፥ ኦን ኡሻናወ ዳንዳዮኩ፥ ሄዋፕ ጉዮ፥ ኦን ደርሳ ኡሻና” ያጌድና።

9 እ ብሮ ሃሳይሸን፥ ላባና ናታ ራሄላ ባረ እወዋ ደርሳቲዋ ላጋ አካደ ጋካዳ፤ እያወ ጎፕ፥ እዛ ደርሳ ሄንሳንቻ።

10 ያቆብ ባረ አት እሻ ላባና ናቶ ራሄሎ በኤዳ ዎደን፥ ባረ አት እሻ ላባና ደርሳ በኤዳ ዎደ፥ ቢደ ኦላ ደናፕ ሹቻ ጎንደርሲዳ፤ ባረ አት እሻ ደርሳቲዋ ሃላ ኡሹዳ።

11 ያቆብ ራሄሎ የሪደ፥ ናሸቻወ ባረ ቃላ ቋቋሲደ ዬኪዳ።

12 ያቆብ እዝወ እወዋ ዳቦን ርብቅ ናኣ ግድያዋ ራሄልወ ኦዴዳ። ሄዋ ድራወ እዛ ዎጸ ባደ ባረ አዋ ኦዳዳ።

13 ላባን ባረ ምቻት ናኣ ያቆባ ዋርያ ሰሴዳ ሳናካ፥ እናና ጋከታናወ ዎጾዳ። አ እድም የሪደ፥ ባረ ሶ አፊዳ። ያን ያቆብ ሀኔዳዋ ኡባ ላባናወ ኦዴዳ።

14 ላባን እ፥ “ኔን ቱሙ ታ እሸን ታ ሱላ” ያጌዳ። ያቆብ እናና አት እግና ኩሙንሳ ኡቲዳ።

#### ያቆብ ራሄል ድራወን ልያ ድራወ ላባወ እሴዳ

15 ሄዋፕ ጉዮ ላባን እ፥ “ኔን ታዉ ዳቦ ግዴዳ ድራወ፥ ታዉ ጮ መላ ኦላንዬ? አን ነወ እያ ጭጋናወ በሰንቶ ታዉ ኦዳ” ያጌዳ።

16 ላባናወ ላኡ ማጫ ናናቲ ደእና፤ ባይራት ሱንሳይ ልዮ፥ ቲፋትዋ ራሄሎ።

17 ልያ እይፍያና ጩጫ፤ ሸን ራሄላ ጌሳንቻን ማላ ሎእ።

18 ያቆብ ራሄሎ ሲቁደ እ፥ “ታን ነ ቲፋ ናት ራሄል ድራወ ነወ ላፑን ላይላ ኦላና” ያጌዳ።

28:13 ደመዳ 13:14-15 \* 28:14 ነ ባጋና ነ ዘረሳ ባጋና- ሳኣ ቦላን ደእያ አሳይ ኡባይ ኔና ነ ዘረሳ እንጀዋዳን እንጅና ማላ ታና ዎሳና ጉሳ። † 28:19 ቤቲለ- ሀ ሱንሳ ብለሳይ እብራዌላዋን፥ “ጸሳ ጎልያ” ግያዎ።

19 ላባን፡ “እዘ ሀራ አሳወ እማናፕ ነዉ እምያዌ ሎእ፤ ኔን ታናና ሀዋን ደእ” ያጌዱ።

20 ሄዋ ድራዉ ያቆብ ራሄሎ አካናዉ ላፑን ላይላ ኦሌዳ፤ ሸን እ እዘ ሲቅያ ድራዉ፡ እዉ እማራዳ ጋላሳ ማላቴዳ።

21 ሄዋፕ ጉዮ ያቆብ ላባና፡ “ታ ማቻቶ ታዉ እማ፤ ታ ዋዲ ፖለቴዳ፤ ታን እዘ አካናዉ ኮያድ” ያጌዱ።

22 ሄዋ ድራዉ ላባን ሄዋን ደእያ አሳ ኡባ ዴሲደ፡ ቡላቻ ከሲደ።

23 ሸን ሳእይ ቃምና፡ እ ባረ ናቶ ልዮ አራደ ያቆባዉ እማዳ። ያቆብ እዘ እኩዳ።

24 ቃይ ላባን ባረ ቆማቶ ዝልፖ ባረ ናት ልይዉ ዳንጋጽረ ግዳናዳን እማዳ።

25 ሳእይ ዋንትና ዴልያ ዋደ፡ ሄኮ ልዮ! ያትና ያቆብ ላባና፡ “ሀዌ ኔን ታ ቦላ ኦሌዳዌ እዬ? ታን ነዉ ኦሌዳዌ ራሄል ድራሳ ግደኔየ? ታና እያዉ ጭማድ?” ያጌዱ።

26 ላባን እ፡ “ኑ ቢታን ባይራታ ደእሸን፡ ቴፋቶ አሰናዉ እምያዌ ዋጋ ግደና።

27 ነ ምሽራ ሳምንታ ዉርሳ፤ ቃይ ቴፋትያናካ ኑን ነዉ እማና፤ ሄዋፕ ጉዮ፡ ሀራ ላፑን ላይላ ታዉ ኦላሳ” ያጌዱ።

28 ያቆብ ሄዋዳን ሀኒደ ሄ ሳምንታ ዉርሲዳ፤ ሄዋፕ ጉዮ፡ ላባን ባረ ናቶ ራሄሎ እዉ እማዳ።

29 ቃይ ላባን ባረ ቆማቶ ባሎ ባረ ናት ራሄልዉ ዳንጋጽረ ግዳናዳን እማዳ።

30 ያቆብ ራሄሎ እኩዳ። ራሄሎ ልይፕ አሉደ ሲቁዳ። ሀራ ላፑን ላይላ ላባናዉ ኦሌዳ።

**ያቆባዉ ናናይ የለቴድኖ**

31 መድና ጎዳይ ልያ ሲቀታቢናዋ በእደ፡ እዝዉ የልያ ኡሉዋ ዶዶዳ፤ ሸን ራሄላ ማንሳቶ።

32 ልያ ሻሃራደ አቴማ ናኣ የላዱ። እ ሱንሳካ ርቤላ \* ሱንሳዳ፤ እያዉ ጎፕ እዛ፡ “መድና ጎዳይ ታ መቴዋ በኤዳ፤ ሀእ ቴሙ” ታና ታ አሰናይ ሲቃና” ያጋዱ።

33 እዘ ሀራካ ሻሃራደ አቴማ ናኣ የላዱ። እዛ፡ “መድና ጎዳይ ታን ሲቀታቢናዋ ሰሲዳ ድራዉ፡ ታዉ ሀዋካ ጉጃዳ” ያጋደ፡ እ ሰሞና † ሱንሳዳ።

34 እ ሀራካ ሻሃራደ አቴማ ናኣ የላዱ። እዛ፡ “ታን አዉ ሄዙ አቴማ ናና የሌዳ ድራዉ፡ ታ አሰናይ ሀእ ታናና ዋጸታና” ያጋደ፡ እ ሌዌ ‡ ሱንሳዳ።

35 እ ሀራካ ሻሃራደ አቴማ ናኣ የላዱ። እዛ፡ “ሀቕዋን ታን መድና ጎዳ ጋላታና” ያጋደ። ሄዋ ድራዉ እ ይሁዳ § ሱንሳዳ። ሄዋፕ ጉዮ የሉዋ ኤሳዳ።

**30**

1 ራሄላ ያቆባዉ ናና የለቤናዋ በኤዳ ዋደ፡ ባረ ምቻቶ ቃናታዳ፤ ሄዋ ድራዉ ያቆባ፡ “ታዉ ናና እማ፤ ሄዌ ቆፕ፡ ታን ሀይቃና” ያጋደ።

2 ያቆብ ራሄሎ ሀንቀቲደ፡ “ታና ነዉ የሉዋ ድጌዳ ጸሳ ጋድየ?” ያጌዱ።

3 እዛ፡ “ታ ዳንጋጽራቶ ባሎ ሀኖ በእ፤ እዘ ታ ድራዉ የላና ማላ ኔን እዘ አካ፤ ያቶፕ እዝ ባጋና ታንካ ናኣ ዳዮ ግዳና” ያጋደ።

4 ባረ ዳንጋጽራቶ ባሎ ማቻቶ ኦሌደ አካና ማላ፡ አዉ እማዳ፤ ያቆብ እዘ እኩዳ።

5 ባላ ሻሃራደ አቴማ ናኣ ያቆባዉ የላዳ።

6 ያትና ራሄላ፡ “ጸሳይ ታዉ ዳናቴዳ፤ ታ ዋሳካ ሰሲደ፡ ታዉ አቴማ ናኣ እማዳ” ያጋደ። ሄዋ ድራዉ እ ዳና \* ሱንሳዳ።

7 ራሄል ዳንጋጽራታ ባላ ሀራ ሻሃራደ፡ ያቆባዉ ላኤንሎዋ አቴማ ናኣ የላዳ።

8 ራሄላ፡ “ታን ታ ምቻትና ዋልቃማ ባጸያ ባጸታደ ጸናድ” ያጋደ። ሄዋ ድራዉ እ ንፍታሌማ † ሱንሳዳ።

9 ልያ ባረዉ የሉ ኤቁዳዋ በእደ፡ ባረ ዳንጋጽራቶ ዝልፖ አፋደ ያቆብ እዘ አካና ማላ እማዳ።

10 ልያ ዳንጋጽራታ ዝልፓ አቴማ ናኣ ያቆባዉ የላዳ።

11 ልያ፡ “ላ ሀዌ እያ ሎኦ ካጩ!” ያጋደ። ሄዋ ድራዉ ጋዳ ‡ ሱንሳዳ።

12 ልያ ዳንጋጽራታ ዝልፓ ያቆባዉ ላኤንሎዋ አቴማ ናኣ የላዳ።

13 ልያ፡ “ታን እይ ኬሻ ናሽታይታሻ! ማጫ አሳይ ታና ናሽትያና ጋና” ያጋደ። ሄዋ ድራዉ እ አሲራ § ሱንሳዳ።

\* 29:32 ርቤላ- ሀ ሱንሳ ብርሻላ፡ “ሀሹ! አቴማ ናኣ!” ዋይ “ታ መቴዋ በኤዳ” ግያዋ። † 29:33 ሰሞና- ሀ ሱንሳ ብላይ እብራዌላዋን፡ “ሰሲዳ” ግያዋ። ‡ 29:34 ሌዌ- ሀ ሱንሳ ብላይ እብራዌላዋን፡ “ዋጸታና” ግያዋ። § 29:35 ይሁዳ- ሀ ሱንሳ ብላይ እብራዌላዋን፡ “ጋላታ” ግያዋ። \* 30:6 ዳና- ሀ ሱንሳ ብላይ እብራዌላዋን፡ “ጸሳይ ታዉ ዳናቴዳ” ግያዋ። † 30:8 ንፍታሌማ- ሀ ሱንሳ ብላይ እብራዌላዋን፡ “ባጸያ” ግያዋ። ‡ 30:11 ጋዳ- ሀ ሱንሳ ብላይ እብራዌላዋን፡ “ሎኦ ካጫ” ግያዋ። § 30:13 አሲራ- ሀ ሱንሳ ብላይ እብራዌላዋን፡ “ናሽቻ” ግያዋ።

14 ዛርጋ ጫክያ እግርና ርቤል ጋደ ቢደ፣ እነኮይያ ግያ ትማትምያ ማላትያ ቴራ ደሚደ፣ ባረ አት ልይዉ አሄደ። ራሄላ ልዮ፣ “ነ ናእ እነኮይያፕ ታዉ እማ” ያገደ።

15 ሸን ልያ፣ “ታ አሰና ኔን ዋላ እኬዳዌ ግደናን እጽና፣ ቃይ ታ ናእ እነኮይያ \* አካይ?” ያገደ።

ራሄላ፣ “ያቶ፣ ነ ናእ እነኮይያ ድራዉ ያቆብ ሆቼ ቃማ ኔናና አቆ” ያገደ።

16 ሄ ጋላሳ ኦማርሰ ያቆብ ዋራፕ ዬዳ ዋደ፣ ልያ እ ሞካናዉ ከሳደ እ፣ “ኔን ታናና አቃና ኮሺ፤ እያዉ ጎፕ፣ ታን ታ ናእ እነኮይያን ኔና ከራዉ አካ ድጋድ” ያገደ። ሄዋ ድራዉ እ ሄ ጋላሳ ቃማ እከና አቄደ።

17 ጸሳይ ልያ ዋሳ ሰሲዳ፤ እዛ ሻሃራደ፣ እቼሻጎላ እቲማ ናእ ያቆባዉ የላደ።

18 ልያ፣ “ታን ታ ዳንጋጽራቶ ታ አሰናዉ እሚዳ ድራዉ፣ ጸሳይ ሄዋ ከራ ታዉ ጭጌዳ” ያገደ። ሄዋ ድራዉ እ ይሳኮራ † ጋደ ሱጎላደ።

19 ልያ ሀራካ ሻሃራደ፣ ኡሱፕጎላ እቲማ ናእ ያቆባዉ የላደ።

20 ልያ፣ “ጸሳይ ታዉ አልእ አሞታ እሚዳ፤ ታን ታ አሰናዉ ኡሱፕጎ ናና የሌዳ ድራዉ፣ ሀእ እ ታና ቦንቻናዋ” ያገደ። ሄዋ ድራዉ እ ዛብሎና ‡ ሱጎላደ።

21 ሄዋፕ ገዮ እት ማጫ ናቶ የላደ፤ እዛ ዲና ሱጎላደ።

22 ጸሳይ ራሄሎ ሀሳዬዳ፤ እዛ ዋሳ ሰሲደ እዛ የልያ ኡሎዋ ደዬዳ።

23 እዛ ሻሃራደ እቲማ ናእ የላደ፤ “ጸሳይ ታ ዬላ ቃራደ።

24 መቋና ጎዳይ ታዉ ሀራ እቲማ ናእካ ጉጂረኔሻ” ያገደ። ሄዋ ድራዉ እ ዮሴፎ § ሱጎላደ።

ያቆብ ላባና ድርጉዋን ፓሌመቲዳ

25 ራሄላ ዮሴፋ የሌዳዋፕ ገዮ፣ ያቆብ ላባና፣ “ታን ታ አዉዋ ጋድያ ሰማና ማላ፣ ታና ሞይዛ።

26 ታን ኤንቱንቱ ድራዉ ነዉ አሌዳ ታ ማቻቱዋን ታ ናና ሀማ፤ ታን ባና፤ እያዉ ጎፕ፣ ታን ነዉ አይ ኬሻ ኡሱዋ አሌደንቶ ኔን ኤራሳ” ያጌደ።

27 ሸን ላባን እ፣ “ታን ነዉ እትባ ኦዳይ፤ መቋና ጎዳይ ነ ጋሱዋን ታና እንጂዳዋ ታን በእድ።

28 ነ ድርጉዋ ታዉ ኦዳ፤ ታን ነዉ ጭጋና” ያጌደ።

29 ያቆብ፣ “ታን ነዉ ዋታ አሌደንቶ፣ ነ መሂካ ዋን የለቲደንቶ ኔን ኤራሳ።

30 ታን ያናፕ ካሰ ነዉ ደእያ ጉላይ ሀእ ሎይሳ ዳራደ፤ መቋና ጎዳይ ኔና ታን አዴዳ ሳእን ኡባን እንጂዳ። ሸን ሀእ፣ ታን ታ ሱ እሳዉ አሳናዌ አዉደ?” ያጌደ።

31 ላባን፣ “ታን ነዉ እያ እሞ?” ያጌደ እ ኦቼዳ።

ያቆብ፣ “ታዉ እይን እሞፕ፤ ሸን ኔን ታዉ እትባ አላ፣ ታን ነ ዉድያ ቃይካ ሄማና ናጋና።

32 ታን ሆቼ ነ ዉድያ ኡባ ግዲዋና አላና፤ ሄዋን ነ ድርሳፕ ፑንጫርያ ዋይ ጋዛ ኡባ፣ ካረሳ ደርሳ ማራ ኡባን ዳሻፕ ጋዛ፤ ፑንጫርያ ኡባ ታን ሻካና፤ ኤንቱንቱ ታ ድርጉዋ ግዳና።

33 ሄዋ ድራዉ ታ ጸሎተላይ ኔን ታዉ ጭጌዳ ድርጉዋ ፓይዳዉ ሰንሳፕ ይያ ዋደ፣ ታዉ ማርካታና፤ ታ ዳሻፕ ጋዛ ዋይ ፑንጫረ ግደናዌ ዋይ ካረሳ ግደና እይ ደርሳ ማራይን ታ ማታን ቤትንቶ፣ ዉኤቲዳዋዳን ፓይደታና” ያጌደ።

34 ላብ፣ “ማያድ፤ ኔን ጌዳዋዳን ግደ” ያጌደ።

35 ሸን ሄ ጋላሳን ላብ ዳንጫ ዋይ ጋዛ ግዴዳ እቲማ ዳሻ ኡባ፣ ፑንጫረ ዋይ ጋዛ ግዴዳ ማጫ ዳሻ ኡባ፣ ቦላ ግዴዳ ኡባን ካረሳ ደርሳ ማራ ኡባ ከሲደ፣ ባረ እቲማ ናና ሄንሌዳ።

36 ያቲደ ሄ ዉድያና ሄዙ ጋላሳ ኦግያ ያቆባፕ ሃኪደ ቤዳ። ሸን ያቆብ እቲዳ ላባና ዉድያ ሄሚዳ።

37 ያቆብ ዳሻ ሎምያ፣ ጉማርያፕ ኢንቃርሳፕ ቃየ ጋትማ ከሲደ፣ ፖቁዋ ፖቁ ፖቁደ፣ ግደ ቦላ ባጋ ቃራደ ጋዛዬዳ።

38 ዉዲ ሃላ ኤሻናዉ ይያ ሳእ ኡባን፣ ዋንግርያን፣ ዉድያ ሰንሳን ፖቁዳ ጋትማቱዋ ዋሌዳ። ካሆዋንቱ ሃላ ኤሻናዉ ዪደ፣

39 ሄ ጋትማቱዋ ሰንሳን ብራሴድና፤ ኤንቱንቱ ዳንጫ፣ ፑንጫረን ጋዛ ማራቱዋ የሌድና።

40 ያቆብ ማራቱዋ ዉድያፕ ሻሽ ዳማ ዋሌዳ፤ እቲዳ ዉድያ ዳንጫን ካረሳ ግዴዳ ላባና መሀያ ሰንሳ ዛራዳ። ያቲደ ባረዉ ዉድያ ዳማዬዳ፤ ላባና መሄቱዋና ኤንቱንታ ጋሰቢና።

41 ፓጸን ምሮ ማጫዋንቱ ካህያ ዋደ አዉደን፣ ኤንቱንቱ ሄ ጋትማቱዋ ማታን ብራሳና ማላ፣ ያቆብ ሄ ጋትማቱዋ ሃላ ዋንግርያን፣ ሚዛቱዋ ሰንሳን ዋሌ።

42 ሸን መሄቱ ላፋ ግደ፣ ኤንቱንቱ ሰንሳን ጋትማቱዋ ዋ□ና። ሄዋ ድራዉ ላፍያ መሄቱ ላባዋ ግደና፣ ዳርያዋንቱ ያቆባዋ ግዴድና።

\* 30:15 እነኮይያ- የሉዋን ሰቁዋ እሚ ጌደ ቆፈትያ ሞላ። † 30:18 ይሳኮራ- ሀ ሱጎላ ብለላይ እብራዌላዋን፣ “ከራ ታዉ ጭጌዳ” ግያዋ። ‡ 30:20 ዛብሎና- ሀ ሱጎላ ብለላይ እብራዌላዋን፣ “ቦንቻዋ” ግያዋ። § 30:24 ዮሴፎ- ሀ ሱጎላ ብለላይ እብራዌላዋን፣ “ጉጂ” ዋይ “ቃራደ” ግያዋ።

43 ሀዋዳን ሀኒደ፣ ያቆብ ሎይሰ ዱረቲደ፣ ዳር ዉድያ፣ ማጫ ቆማቱዋን ኦቲማ ቆማቱዋ፣ ዳር ጋሎቱዋን ሀረቱዋ ሞዴዳ።

# 31

ያቆብ ላባጥ ባቃቲደ ቤዳ

1 ያቆብ ላባና ናናይ ባረና፣ “ያቆብ ኑ እወዋ ኡባ እክ ድጌዳ፤ ሀ ዱረታ ኡባ ኑ እወዋጥ ደማዳ” ግያዋ ሰሴዳ።

2 ያቆብ ላባና ሶምእ ባረዉ ካሰዋ ማላ ግደናዋ በኤዳ።

3 ሄ ዋደ መድና ጎዳይ ያቆባ፣ “ኔን ነ እዋቱዋ ጋድያ፣ ነ ዳቦቱዋኮ ጉዩ ሰማ፤ ታን ነናና ግዳና” ያጌዳ።

4 ያቆብ ራሄሎን ልዮ ባረ ዉዲ ደእያ ሳኣ ደምባ ያና ማላ ከቲደ ዳሰሴዳ።

5 እ ኡንተንታ፣ “ህንተንታ እወዋ ሶምእ ታዉ ካሰዋ ማላ ግደናዋ ታን በእይ፤ ሽን ታ እወዋ ጸሳይ ታናና ደኤ።

6 ታን ታ ዋልቃ ኡባን ህንተንታ እዉ እሴዳዋ ህንተንታ ኤራታ፤

7 ሽን ህንተንታ እዉ ታና ጭሚደ፣ ታ ድርጉዋ ታሙ ገደ ላማዳ። ግደገን ጸሳይ ታና እ ቆሄናዳን ድጌዳ።

8 እ፣ “ፑንጫረቲ ነ ድርጉዋ ግዳና፣ ገና፣ ዉዲ ኡባይ ፑንጫርያ የሌዳ፤ ቃይ እ፣ ሻቻቱ ነ ድርጉዋ ግዳና፣ ገና፣ ዉዲ ኡባይ ሻቻ የሌዳ።

9 ጸሳይ ሀዋዳን ህንተንታ እወዋ መሀያ ዋሕ እኪደ ታዉ እማዳ።

10 “መሄቲ ካህያ አግናን፣ ታን እት እኩሙዋ እኩሙታድ፤ ሄ እኩሙዋን ታን ዴልያ ዋደ፣ ዉድያ ብራሰያ ዳሻ ኮለቱ ዳንጫ፣ ፑንጫረን ጋዛ።

11 ጸሳ ኪታንቻይ እኩሙዋን ታና፣ ያቆባን ያጌዳ፤ ታን፣ እቤ ያገደ ኮያድ።

12 ታና እ፣ ቶቁ ጋደ ዉድያ ጸልያ ዳሻ ኮልያ ኡባ ሻቻ፣ ፑንጫርያን ጋዛ በእ፤ እያዉ ጎጥ፣ ላብ ነ ቦላ ኦሳያዋ ኡባ ታን በእድ።

13 ኔን ኤሴዳ ሹቻ ኦካደ፣ ታዉ ሸቀቲዳ ቤቴለ ጸሳይ ታና ሀእ ደንዳ፤ ሀ ቢታጥ ከሳ፤ ጉዩ ነ የለታ ጋድያ ሰማ ያጌዳ።” ያጌዳ።

14 ሄዋጥ ጉዩ፣ ራሄላን ልያ ሀዋዳን ያጌደ ዛሬድና፤ “ኑ እወዋጥ ኑና ጋካናባይ እዩ?

15 እ ኑና አላጋዳን ጸሌ ግደኔ? እ ኑና ዛልእ እኪዳ፤ ዛልእደ እኪዳዋካ ም ጳይሴዳ።

16 ጸሳይ ኑ እወዋጥ ዋሕ እኪዳ ማጹ ኡባይ ቱሙካ ኑዋን ኑ ናናዋ። ሄዋ ድራዉ ጸሳይ ነዉ ኦዴዳዋ ኡባ ኦላ” ያጌድና።

17-18 ያቆብ ካናን ጋድያን ደእያ ባረ እወዋ ይሳቃኮ ባናዉ ደንዴዳ፤ እ ባረ ናናን ባረ ማቻቱዋ ጋሉዋ ቶግሴዳ፤ ዉድያ ኡባ ባረጥ ሰንሳና ላጊደ፣ ማሰጸጸምያን ደኢደ እ ሺሼዳ ማጹዋ ኡባ እኪደ ቤዳ።

19 ላባ ባረ ድርሳቱዋ እሰክያ ቃንጸናዉ ብድጌደሽን፣ ራሄላ ባረ እወዋ ሶ ምሰለቱዋ ዉእዱ።

20 ቃይ ያቆብ ሶርያ ላባናዉ ባረ ባቃትያዋ ኦደናን ጭሚዳ።

21 እ ባረዉ ደእያዋ ኡባ እኪደ ባቃቲዳ፤ ኤፍራጺሳ ሻፋ ፕኒደ፣ ጋላኣደ ግያ ገዝያኮ ሰሚደ ቤዳ።

ላብ ያቆባ ካሌዳ

22 ሄዘንሳ ጋላሳን፣ ላብ ያቆብ ባቃት ብ ክቼዳዋ ሰሴዳ።

23 ባረ ዳቦቱዋ ባረናና እኪደ፣ ላፑን ጋላሳ ኦግያ ያቆባ ጌዳዋ ካሊደ፣ ጋላኣደ ገዝያን እ ጋኪዳ።

24 ሄ ዋደ ጸሳይ ቃማ ሶርያ ላባናኮ እኩሙዋን ዪደ እ፣ “ኔን ያቆባ ቦላ ኢታ ግድና፣ ሎእ ግድና፣ እይን ሃሳየናዳን ነና ኤራ!” ያጌዳ።

25 ላብ ጋክያ ዋደ፣ ያቆብ ጋላኣደ ገዝያን ዲንካኒደ ኡቲዳ፤ ቃይ ላብን እ ዳቦቲ ያን ዲንካኔድና።

26 ሄዋጥ ጉዩ ላብ ያቆባ፣ “ኔን ሀዋዳን እያዉ ኦላዲ? ኔን ታና ጭማደ፣ ታ ማጫ ናና ኦላን ኦምድቲዳዋዳን ላጋደ ከሳዳ።

27 ኔን እያዉ ቆሱዋን ታጥ ከሳ እካደ፣ ታና ጭማዲ? ታን ነና ናሽቻንን የላን፣ ካራቡዋንን ዲላን ሞይዛና ማላ ታዉ እያዉ ኦዳበይኪ?

28 ኔን ሀራይ እቶ፣ ታ ናና ናናን ታ ማጫ ናና ታን የራ እከና ማላ ድጋዳ። ኔን ኤያባ ኦላዳ።

29 ታን ነና ገናናዉ ታዉ ዋልቃይ ደኤ፤ ሽን ነ እወዋ ጸሳይ ዝና ቃማ ታና፣ ያቆባ ቦላ ኢታ ግድና፣ ሎእ ግድና፣ እይን ሃሳየናዳን ነና ኤራ!” ያጌደ ታዉ ኦዴዳ።

30 ሀእ ግደገን፣ ኔን ነ እወዋ ሶ ባናዉ ሎይሳ ላሞቲዳ ድራዉ ከሳዳ። ሽን ታ ሶ ምሰለቱዋ ኔን እያዉ ዉእዲ?” ያጌዳ።

31 ያቆብ ላባና፡ “ኔን ነ ናና ታፕ ዋልቃን ዋላ አካንንቶን ጋደ ቆፔዳ ድራውን ያዬዳ ድራው፡ ሀዋዳን አሳድ።”

32 ሸን ነ ሶ ምስለቱዋ ኦይቄዳ አሳ ኦናን ኔን ደሞፕ፡ ሄ ኡራይ ሲፈቶ! ነዋ ግዴዳዌ ታ ማጎን ቤትንቶ፡ ኑ ዳባቱዋ ሰንሳን ኮያ፤ ነዋ ግደፕ አካ” ያጌዳ፤ እያው ጎፕ፡ ያቆብ ራሄላ ሄ ሶ ምስለቱዋ ወኤዳዋ ኤርቤና።

33 ሄዋ ድራው ላብ ያቆባ ዲንካንያ ግደ፡ ልያ ዲንካንያ ግደን ላኡ ቆማቱዋ ዲንካንያ ግደ ገሌዳ፤ ሸን አይን ደምቤና። ልያ ዲንካንያፕ ከሲደ፡ ራሄል ዲንካንያ ገሌዳ።

34 ራሄላ ሶ ምስለቱዋ አካደ፡ ጋሉዋ ኮራ ጋርሳን ቆሳደ፡ አ ቦላ ኡታዲ። ላብ ዲንካንያን ደእያዋ ኡባ ቡሉቄ ኮዬዳ፤ ሸን አይን ደምቤና።

35 ራሄላ ባረ አወዋ፡ “ታ ጎዳው፡ ታና ሀንቀሶፕ፤ ታን ነወ ኤቃና ዳንዳይከ፤ ታወ ፒላይ ይ ኡቲዳ” ያጋዲ። አ ኮዬዳ፤ ሸን ሶ ምስለቱዋ ደምቤና።

36 ያቆብ ላባና ሀንቀቲደ ዋቃሴዳ፤ ያቆብ ላባና፡ “ታን አያ ባይዛድታ? ሀዋ ኔን ታና ካላናው፡ ታን ኦሌዳ ናጋራይ እዬ?”

37 ሀእ ኔን ታ ሚሻ ኡባ ቡሉቃደ ኮያዳ፤ ነ ሶ ሚሻፕ አያ ደማድ? ኡንቱንቱ ኑ ላኡዋ ግዲዋን ፕርዳና ማላ፡ ታ ዳባቱዋ ሰንሳን ነ ዳባቱዋ ሰንሳን ሀዋን ዋላ።

38 “ታን ኔናና ላታሙ ላይላ ኩሙንላ ደእድ፤ ነ ዶርሳይካ ነ ዴሻይካ ቦሽቲቤና፤ ዋይ ነ ዉድያፕ ጸቦትያ ማቦይከ።

39 ደአይ ሙንሌዳዋን ነወ አሀበይከ፤ ሸን ሄዋ ታናን ፓይዳድ። ጋላስ ወኤቲዳዋ ዋይ ቃማ ወኤቲዳዋ ታና ጭግሳዳ።

40 ጋላሳ ሱሉ፡ ቃማ ሜጉ ታና ቆሄዳ፤ ገምእሹ ታፕ ቆይዳ።

41 ታን ሀዋዳን ነ ሶን ላታሙ ላይላ ደእድ፤ ታማን አይዲ ላይላ ነ ላኡ ማጫ ናና ድራውን ኡሱፕን ላይላ ነ ዉድያ ድራው ነወ አሳደ ደእድ፤ ሸን ኔን ታ ድርጉዋ ታሙ ገደ ላማዳ።

42 ታ አወዋ ጸሳይ፡ አብራሃሙ ጸሳይ፡ ይሳቅ ያዬዳዌ ታናና ግደቤናዋ ግድንቶ፡ ስ ሳይናን ኔን ታና ሙላ ኩሽ ከሳ የዳዳ፤ ሸን ጸሳይ ታ ቱጋነ ታ ኩሽያ ኡሱዋ በአደ፡ ዝና ቃማ ኔና ሴሬዳ” ያጌዳ።

**ያቆብን ላብ ጫቀቲዳ ጫቀዋ**

43 ላብ ያቆባ፡ “ማቻቱ ታ ማጫ ናና፤ ናናይካ ታ ናና፤ ዉዲካ ታ ዉድያ፤ ኔን በእያ ኡባይ ታዋ። ሀቼ ሀ ማጫ ናና ታዋንቱ ቦላን ኡንቱንቱ የሌዳ ናና ቦላ አያ አሳናው ዳንዳይታ?”

44 ሀእ ሃያ፤ ኔንጎ ታን ጫቀዋ ጫቀቶይተ፤ ሄዌ ኔፕን ታፕ ግዲዋን ማርካ ግደ” ያጌዳ።

45 ሄዋ ድራው ያቆብ አት ሹቻ አኪደ ቱሳዳን ኤሴዳ።

46 አ ባረ ዳቦቱዋ፡ “ሹቻ ሹሸተ” ያጌዳ፤ ኡንቱንቱ ሹቻ ሹሺደ ኬሌድኖ፤ ሄ ኬላ ላንቄያን ማድኖ።

47 ላብ ሄ ኬላ፡ ይጋር-ሳሃዲታ\* ገደ ሱንሌዳ፤ ቃይ ያቆብ አ ጭሚዳ ገደ ሱንሌዳ።

48 ላብ፡ “ሀ ኬላይ ኔፕን ታፕ ግዲዋን ሀቼ ማርካ” ያጌዳ። ሄዋ ድራው አ ሱንሳይ ጭሚዳ ጌተቲዳ።

49 ቃይ እ ሄ ሹቻ ቱሳ ምጽጳ † ገደ ሱንሌዳ፤ እያው ጎፕ፡ ላብ፡ “ኑን እቱ አቱዋፕ ሃኪደ ደእያ ዋደ፡ ሙድና ጎዳይ ነ ግዲዋንን ታ ግዲዋን ግዲደ ናን።

50 ኔን ታ ማጫ ናና ናቆፕ፡ ዋይ ኔን ታ ማጫ ናና ቦላ ሀራ ማቻቱዋ አከፕ፡ ኑናና ሀእ ኦን ካይናዋ ግደፕ ነ ግዲዋንን ታ ግዲዋን ጸሳይ ማርካ ግድያዋ ሀሳያ” ያጌዳ።

51 ላብ ቃይካ ያቆባ፡ “ኡለቲዳ ሹቻይ ሀዌሸ፤ ቃይ ታን ነ ግዲዋንን ታ ግዲዋን ኤሴዳ ሹቻ ቱሳይ ሀዌሸ።

52 ታን ሀ ኬላፕ ኔና ገናናው ኔኮ አ ስናዳን፡ ኔንካ ታና ገናናው ሀ ኬላፕን ሀ ሹቻ ቱሳፕ አ ስናዳን፡ ሀ ኬላይን ሀ ሹቻ ቱሳይ ማርካ።

53 አብራሃሙ ጸሳይ፡ ናኮራ ጸሳይ፡ ኡንቱንቱ አወዋ ጸሳይ፡ ኑ ግዲዋን አ ፕርደ” ያጌዳ። ያቆብ ባረ አወ ይሳቅ ያዬዳዋ ሱንሳን ጫቄዳ።

54 ያቆብ ደርያ ቦላን ያርሹዋ ያርሹዳ፤ ባረ ዳቦቱዋካ ቁማ ማናው ጸሴዳ። ኡንቱንቱ ሚደ ደርያ ቦላን አቄድኖ።

55 ዋንተላ ጋላስ ጉራን ላብ ደንዲደ፡ ባረ ናና ናናን ባረ ማጫ ናና የሬዳ፤ ቃይ ኡንቱንታ አንጄዳ። ባረ ሶ ስማዳ።

\* 31:47 ይጋር-ሳሃዲታ- ሀ ሱንሳ ብላይ አራማይስጸ ቃላን፡ “ማርካተላ ኬላ” ግያዋ። † 31:49 ምጽጳ- ሀ ሱንሳ ብላይ አብራሄላዋን፡ “ናግያ ሳኦ” ግያዋ።

# 32

## ያቆብ ኤሳና ጋከታናዉ ጊኤዳ

1 ያቆብ ደንዲደ ባረ ኦግያ ቢሸን፣ ጸሳ ኪታጎቻቱ እናና ጋከቲድና።

2 ያቆብ ኡንቲጎታ በኤዳ ዎደ፣ “ሀዌ ጸሳይ አቅያ ሳእ” ያጊደ፣ ሄ ሳእ ማህናይማ \* ጊደ ሱንሱዳ።

3 ያቆብ ስእራ ግያ ሳእን፣ ኤደማ ቢታጎ ደእያ ባረ እሻ ኤሳኮ ኪታ ባረጥ ስንሳዉ ከቲዳ።

4 እ ኡንቲጎታ ሀዋዳን ያጊደ አዛዜዳ፤ “ሀንተንቲ ታ ጎዳ ኤሳዉ ጋናዌ ሀዋ፤ ና ቆማይ ያቆብ፣ “ታን ላባና ማታን ደእደ ሀና ጋካናዉ ጋምእድ።

5 ታዉ ሚዛይን ሀሪ፣ ድርሳይን ዳሻይ፣ አቲማ ቆማቲ ማጫ ቆማቲ ደእና፤ ሀእ ታን ሀ ኪታ ታ ጎዳ ስንሳን ናሸታና ማላ ከታድ። ያጊደ ያግተ” ያጊዳ።

6 ከተቲዳዋንቲ ያቆባኮ ስሚደ እ፣ “ኑን ነ እሻ ኤሳኮ ቤደ፤ ሀእ እ ቃይ ኔናና ጋከታናዉ ዬ፤ እናና ኦይዱ ጾቲ አሳይ ደእ” ያጊድና።

7 ያቆብ ያዩደ ባትባቲዳ፤ ባረናና ደእያ አሳ ላእ ጭታን ሻኪዳ፤ ቃይ ባረ ድርሳ፣ ዳሻ፣ ሚዛን ጋሉዋ ላእ ጭታን ሻኪዳ።

8 እ፣ “ኤሳይ ዩደ እት ጭታ ኦልያዋ ግደጥ፣ አቲዳ ጩጉ ከሰ አኮጥን” ያጊደ ቆፔዳ።

9 ሄ ዎደ ያቆብ ሀዋዳን ያጊደ ዎሴዳ፤ “እቤት ሙድና ጎዳዉ፣ ታ አወዋ አብራሃህም ጸሳዉ፣ ታ አወዋ ይሳቃ ጸሳዉ፣ ታና፣ ና ጋድያ፣ ነ ዳቦቲዋኮ ስማ፤ ታን ነዉ ሎኦባ ኦላና፣ ጊዳዎ፣

10 ኔን ነ ቆማዉ ኦሌዳ ኬክተላዉን ቲማተላዉ ኡባዉ ታን በሰናዎ። ታን ሀ ዮርዳኖሳ ሻፋ ጥኔዳ ዎደ፣ ታዉ እት ጸምእ ጸላላይ ደኤ፤ ሸን ሀእ ታን ላእ ጩጎ ግዳድ።

11 ታን ኔና ዎሳይ፤ ታ እሻ ኤሳ ኩሸያጥ ታና እሻ፤ እያዉ ጎጥ፣ እ ዩደ፣ ታናን ማጫዋንታ ኡንቲጎታ ናናቲዋካ ጳይሳናዌንቶን ጋደ ያያድ።

12 ሸን ኔን ታና፣ “ታን ነዉ ቱሙ ሎኦባ ኦላና፤ ታን ነ ዘረላን ገይዳናዉ ዳንዳየተና አባ ሻፍያ ኬሻ ኦላና፣ ጊዳዋ ቆገ” ያጊዳ።

13 ሄ ጋላሳ ቃማ እ ያን አቁዳ፤ ባረዉ ደእያዋ ኡባጥ ባረ እሻ ኤሳዉ እምያዋ ቆሪደ ከሴዳ፤

14-15 እ ከሴዳዋንቲ ላእ ጾቲ ማጫ ዳሻቲዋን ላታሙ ዳሻ ኮለቲዋ፣ ላእ ጾቲ ማጫ ድርሳቲዋን ላታሙ ድርሳ ኮለቲዋ፣ ሀታሙ ቆንሳያ ጋሎቲዋ ኡንቲጎታ ማራቲዋና፣ ኦይታሙ ማጫ ሚዛቲዋ፣ ታሙ ኮራሚ ቦራቲዋ፣ ላታሙ ማጫ ሀረቲዋን ታሙ አቲማ ሀረቲዋ።

16 ሀዋንታ ዉድያን ዉድያን ሻክ፣ ባረ ቆማቲዋ ኩሸያን ዎሊደ፣ ባረ ቆማቲዋ፣ “ታጥ ስንሳዉ ቢደ፣ ዉድያ ዉድያጥ ሃኩዋን ሃኩዋን ላግተ” ያጊዳ።

17 ስንሳን ካለሳያዎ፣ “ታ እሻይ ኤሳይ ኔናና ጋከቲደ ኔና፣ ናን ኦሴ? ኔን ሀቃ ባይ? ነ ስንሳን ደእያ ሙሀያ ኡባይ ኦሴ?” ያጊደ ኦቅያ ግደጥ።

18 ኔን አዉ፣ “ሀዋንቲ ነ ቆማ ያቆባዊ፤ ኡንቲጎታ ታ ጎዳ ኤሳዉ እማናዉ የዳዳዋንታ፤ ቃይ እካ ኑጥ ጉየና ይደኤ” ያጊደ እዛዜዳ።

19 ቃይ እ ላእንሳ ሄዛንሱዋን ዉድያ ካልያ ሀራቲዋ ኡባቲዋ ሀዋዳን እዛዜዳ፤ “ሀንተንቲ ኤሳና ጋከትያ ዎደ፣ ሀንዳንካ ጊታ፤

20 ና ቆማ ያቆብ ኑጥ ጉየና ይደኤ” ገናን አጎጥተ” ያጊዳ። እያዉ ጎጥ እ፣ “ታን ታጥ ስንሳዉ እማናዉ ከቲዳዋን እ ደሸሳና፤ ኦን ኤሪ፣ ሄዋጥ ጉየ ታን እናና ጋከትያ ዎደ፣ እ ታና ሞክ እካንቶን” ያጊደ ቆፔዳ።

21 ሄዋ ድራዉ ባረ እምያዋ ባረጥ ስንሳዉ የዳዳ። ሸን እ ባረ ሁጲያዉ ሄ ጋላሰ ቃማ ያን አቁዳ።

## ያቆብ ጸሳና ባጸቴዳ

22-23 ሄ ጋላሰ ቃማ ያቆብ ደንዲደ፣ ባረ ላእ ማቻቲዋ፣ ባረ ላእ ቆማቲዋን ባረ ናና ታማን አታቲዋ አኪደ፣ ያቦቃ ግያ ጥኑዋ ጋኪዳ፤ እ ኡንቲጎታ ሻፋ ጥንሱዳ፤ ባረዉ ደእያዋ ኡባካ ጥንሱዳ የዳዳ፤

24 ሸን ያቆብ ባረካ አቲዳ።

ሄ ዎደ እት አሳይ ሳእይ ዎንታና ጋካናዉ እናና ባጸቴዳ።

25 ሄ አሳይ እ ጸናናዉ ዳንዳይቤናዋ በኤዳ ዎደ፣ ያቆባዉ ሙቁቻ ሙቁሳ ቦቹዳ፤ እ ሙቁቻ ሙቁሳይ ከሰ ዎዴዳ።

26 ያትና ብታኒ እ፣ “ሳእይ ዎንቲዳ ድራዉ፣ ታና የዳ” ያጊዳ።

ሸን ያቆብ እ፣ “ኔን ታና አንጀናን ታን ኔና የድከ” ያጊዳ።

27 ብታኒ እ፣ “ና ሱንሳይ ኦኔ?” ያጊደ ኦቹዳ።

\* 32:2 ማህናይማ- ሀ ስንሳ ብለላይ እብራዌሳዋን፣ “ላእ ጩጎ አቅያ ሳእ” ግያዎ። 32:12 ደመላ 22:17 32:24 ሆሰ 12:3-4

እ፥ “ያቆባ” ያጊደ ዛሬዳ።  
 28 ብታኒ እ፥ “ሀዋጥ ሰንገላው ነ ሱንገላይ እስራኤልያ ተ ጌተቶጥ አትና፥ ያቆባ ጌተቶገ፤ እያው ጎጥ፥ ኔን ጸሳናን አሳና ባጸታደ ጸናዳ” ያጊደ።  
 29 ያቆብ አ፥ “ሳ ሱንገላይ ኦኔ?” ያጊደ ኦቼዳ።  
 ሸን ብታኒ፥ “ኔን ታ ሱንገላ እያው ኦቻይ?” ያጊደ ጊደ አ ኦንጃዳ።  
 30 ሄዋ ድራው ያቆብ ሄ ሳአ ጲንኤላ ቶ ጊደ ሱንገላዳ፤ እያው ጎጥ እ፥ “ታን ጸሳ ባዙዋን ጸሊድ፤ ግደጥን ታን ፓጻ አታድ” ያጊደ።  
 31 እ ጲንኤላጥ ደንድያ ዋደ፥ አ ቦላ ጸልቁ ደሌዳ። አ ባረ ሙቁቻ መቀላ ድራው ደጊ።  
 32 ያቆባ ሙቁቻ አሹዋ ማታን ቦሹቲዳ ድራው፥ እስራኤልያ አሳይ መሀያ ሙቁቻ አሹዋ ሀቼ ገካናው ማና።

### 33

#### ያቆብ ኤሳና ጋከቲዳ

1 ያቆብ ቶቁ ግ ጸሊደ፥ ኤሳይ ባረ ኦይዱ ጾቱ አሳና ይያዋ በኤዳ። ሄዋ ድራው ናና ልይዉ፥ ራሄላውን ላኤ ቆማቱዋኮ ሻኪዳ።  
 2 ቆማቱዋኮ ኤንቲንቲ ናና ሰንገላን፥ ልዮን አ ናና ኤንቲንቲ ጌዱዋን፥ ራሄሎን ዮሴፋ ዉርሰላን ዋሉዳ።  
 3 ሸን አ ባረ ሀጸያው ሰንገላው አጲደ፥ ባረ አሻኮ ማቲደ፥ ሳአ ጋክ ጋኪደ ላፑን ካላ ጎይኔዳ።  
 4 ሸን ኤሳይ አናና ጋከታናው ዋጺደ፥ አ ቆጵያ ቆም ዮራዳ። ኤንቲንቲ ዬኬድና።  
 5 ያትና ኤሳይ ቶቁ ግ ጸሊደ፥ ማቻቱዋኮ ናና በኤዳ፤ እ፥ “ሀ ኔናና ደእያዋንቲ ኦኔ?” ያጊደ ኦቼዳ።  
 ያቆብ፥ “ኤንቲንቲ ጸሳይ ነ ቆማው ከካተላን እሜዳ ናና” ያጊደ።  
 6 ቆማቲ ባረንቲ ናናቱዋና ሸቂደ ጎይኔድና።  
 7 ሄዋጥ ጉዮ፥ ልያነ እክ ናናይ ዪደ ጎይኔድና፤ ዉርሰላን ዮሴፎን ራሄላ ዪደ ጎይኔድና።  
 8 ኤሳይ፥ “ሀ ሰንገላን ታናና ጋከቲዳ ዉዲ ኡባይ ቃይ እዬ?” ያጊደ ኦቼዳ።  
 እ፥ “ታ ጎዳው፥ ሄዋ ታን ነ ሰንገላን ናሽታናሳ” ያጊደ።  
 9 ሸን ኤሳይ፥ “ታ አሻው፥ ታዉ ዳርባይ ደኤ፤ ነዌ ኔሳ ግደ” ያጊደ።  
 10 ያቆብ፥ “ቱይት፥ ሀእ ታን ነ ሰንገላን ናሽቲዳዋ ግደጥ፥ ሀ ታን እምያዋ ታጥ አካ። ኔን ታና ሞካ አኪዳ ድራው፥ ታን ነ ዳሙዋ በእያዌ ጸሳ ዳሙዋ በእያዋ ማላ።  
 11 ታን ነዉ እሄዳ ሀ እሙዋ አካ፤ እያው ጎጥ፥ ጸሳይ ኬኪደ እምና፥ ታዉ በሴዳ” ያጊደ።  
 ያቆብ ሹብያ ቶሌዳ ድራው፥ ኤሳይ ሄዋ አኪዳ።  
 12 ሄዋጥ ጉዮ ኤሳይ፥ “እነ ደንዳ፤ ኑ ኦግያ ቦይተ፤ ታን ኔናና አትጥ ባና” ያጊደ።  
 13 ሸን ያቆብ አ፥ “ታ ጎዳው፥ ናናይ ሹጋ ግድያዋ ኤራሳ፤ ቃይ ታን ባረንቲ ጋሎ ማራቲዋ ቆንላያ ደርሳቲዋን ማዛ ናጋና ኮሺ፤ አሳይ ኤንቲንቲ አት ጋላሳ ድርብሰ ላጎጥ፥ መሀያ ኡባይ ሀይቃና።  
 14 ሄዋ ድራው፥ ታ ጎዳው፥ ነ ቆማጥ ሰንገላታደ ባ፤ ታን ሰኢራን ታ ጎዳ ጋካናው፥ ታ ሰንገላን ደእያ መሀያ ሄመታ ከናን ናና ሄመታ ከና ሎዳን ካላና” ያጊደ።  
 15 ኤሳይ አ፥ “ያቶጥ ታን ታ አሳጥ አማራዳዋ ነዉ አሻይ” ያጊደ።  
 ሸን ያቆብ አ፥ “ሄዋ አይሴ? ታን ታ ጎዳ ሰንገላን ናሽቲያዋ ታዉ ግዳና” ያጊደ።  
 16 ሄዋ ድራው ኤሳይ ሄ ጋላሰ ኦግያን ገሊደ፥ ሰኢራ ሰሜዳ።  
 17 ሸን ያቆብ ሱኮታ ቤዳ፤ ያን ባረው ጎልያ ኬጾዳ፤ ባረ መሄቶካ ዳሰያ ዳሴዳ። ሄዋ ድራው ሄ ሳአ ሱኮታ \* ጊደ ሱንገላዳ።  
 18 ያቆብ ማሰጸጸምያጥ ሰሜዳ ዋደ፥ ካናን ቢታን ደእያ ሰኪመ ግያ ካታማ ሳርተላን ጋኪዳ፤ አ ሄ ካታማዉ ባዙዋን ኡቲዳ።  
 19 ባረ ዲንካንያ ጶጌዳ ጋድያ ሸኪማ አዉዋ ሀዋራ ናናቲዋጥ ጾቱ ጸጋራ ብራን ሻሜዳ።  
 20 ያን ያርሽያ ሳአ ኬጲደ እ፥ “ጸሳ፥ እስራኤልያ ጸሳ” ጊደ ሱንገላዳ።

### 34

#### ሸኪመ ዲና ሆራዳ

1 ልያ ያቆባዉ ዮሊዳ ናታ ዋና፥ ሄ ዋደ ሄ ጋድያ ማጫዋንታ በአናዉ ከሳዲ።  
 2 ሄ ጋድያ ሞድያ ሀውያ ሀዋራ ናአ ሸኪመ እዞ በኢደ፥ እዞ ሆር አፊደ ባይዜዳ።

† 32:28 እስራኤልያ፡- ሀ ሱንገላ ብላላይ እብራዌላዋን፥ “ጸሳና ባጸቲዳ” ግያዋ። 32:28 ደመዓ 35:10 32:29 ዳና. 13:17-18 ‡ 32:30 ጲንኤላ፡- ሀ ሱንገላ ብላላይ እብራዌላዋን፥ “ጸሳ ዳሙዋ” ግያዋ። \* 33:17 ሱኮታ፡- ሀ ሱንገላ ብላላይ እብራዌላዋን፥ “ዳሰያ” ግያዋ። 33:19 ኤያሳ 24:32፤ ዮሃ. 4:5



3 እ ዋዛናይ ያቆባ ናቶ ዲኖ አሞቴዳ፤ እ እዞ ሲቄዳ፤ እዘዉ ሎሊያዎ ሃሳዬዳ።

4 ሸኬመ ባረ አዉዎ ሀሞራ። “ታዉ ሀ ናቶ ማቼተላዉ እቻርክ” ያጌዳ።

5 ያቆብ ባረ ናታ ዳና ባዬዳዎ ሰሰያ ዎደ። አ አቱማ ናናይ ዎራን መሀያና ደእና፤ ሄዎ ድራዉ እንቱንቱ ጋካናዉ ጮኦ ጌዳ።

6 ሄዎፕ ጉዮ፣ ሸኬማ አዉዎ ሀሞር ያቆባና ሃሳያናዉ ዬዳ።

7 ያቆባ አቱማ ናናይ ሄዎ ሰሴዳ ሳና ዎራፕ ዬድና፤ እንቱንቱ ካዮቴድና፤ ሀንቀቴድና፤ እያዉ ጎፕ፣ ሸኬመ ያቆባ ናቶ ሆር አፊደ ባይዝያዎ፣ እሰራኤልያ ቦላ ፖጉባ፣ ኦሳናዉ በሰናባ ኦሌዳ።

8 ሸን ሀሞር እንቱንታ፣ “ታ ናእይ ሸኬመ ሀንተንቱ ናትዉ ዳርሰ ዳጋሚዳ፤ ሀያና እዞ አዉ ማቼተላዉ እሚርክቱ!

9 ኑናና እከትተን ገለትተ፤ ሀንተንቱ ማጫ ናና ኑዉ እሞተ፤ ኑ ማጫ ናና፤ ሀንተንቶ እክተ።

10 ሀንተንቱ ኑ ግደን ኡታናዉ ዳንዳዪታ፤ ቢታይ ሎይል እካ፤ እን ደእተ፤ ዛልእተ፤ እን ማጹዎ ደሞተ” ያጌዳ።

11 ሄ ዎደ ሸኬመ ዲን አዉዋን እ እሻቱዎ፣ “ታን ሀንተንቱ ሰንላን ናሸቶ፣ ሀንተንቱ ኦቾያዎ እያ ግደፕን እማና።

12 ሀንተንቱ ሞሸራ ናትዉ እምያዋን ጭሎሻ ሀንተንቱ ኮዮዎ ኪሻ ዳርሲደ ታና ኦቾተ፤ ታን ሀንተንቱ ታና ኦቾዳዎ እያን እማና፤ ሸን ታን እካናዳን ናቶ ታዉ እሚርክቱ!” ያጌዳ።

13 ባረንቱ ሞቻቶ ዲኖ ሸኬመ ቱንሴዳ ድራዉ፣ ያቆባ አቱማ ናናይ ሸኬማዉን እ አዉዎ ሀሞራዉ ዎርዲዎ ኦዳድና፤

14 እንቱንታ ሀዎዲን ያጌድና፤ “ኑን ሄዎ ማላ ኦላና ዳንዳዮ፤ ኑን ኑ ሞቻቶ ቃጸረትቤና አሳዉ እሞኮ፤ ሄዎ ኑና ካዉሸያዎ።

15 ኑን ሀንተንቱ እትባ አላፕ ሀንተንቶ፣ “ኤኖ ጋና፤ ሄዌ እዬ ጎፕ፣ ሀንተንቱ ጋድያ አቱማ አሳይ ኡባይ ቃጸረቲደ ኑናዳን ሀናፕ።

16 ኑን ኑ ማጫ ናና ሀንተንቶ እማናዉ “ኤኖ ጋና፤ ሀንተንቱ ማጫ ናናካ ኑዉ እካና። ኑን ሀንተንቱ ግደን ኡቲደ፣ ሀንተናና እት አሳ ግዳና።

17 ሸን ሀንተንቱ ቃጸረታናዉ ኤኖ ጌናዎ ግደፕ፣ ኑን ኑ ሞቻቶ እኪደ ባና” ያጌድና።

18 እንቱንቱ ጌዳዎ ሀሞራዉን እ ናእ ሸኬማዉ ሎኦ ማለቲዳ።

19 ሄ ዎዳላይ፣ ባረ አዉዎ ጎለን ደእያ ኡባፕ አቲ ቦንቼቲዳዎ፣ ያቆባ ናትን ናሸቲዳ ድራዉ፣ እንቱንቱ ጌዳዎ ኦላናዉ ጋሞእቤና።

20 ሄ ዎደ ሀሞርን እ ናእይ ሸኬመ ባረንቱ ካታማ ጉታራ ቢደ፣ ባረንቱ ካታማ አሳዉ ሀዎዲን ያጌደ ኦዳድና፤

21 “ሀ አሳቱ ኑናና ሰጋ፤ እንቱንቱ ኑ ቢታን ደእኖን ዛልእኖ፤ ቢታይ ሎይል እካ። እንቱንቱ ማጫ ናናካ ኑን እካና፤ እንቱንቱካ ኑ ማጫ ናና እካና።

22 ሸን ኑናና እንቱንቱ እት አሳዳን ደእናዉ ኑን እትባ ማየታናዉ ኮሼ፤ ሄዌን፣ እንቱንቱ ቃጸረቲዳዎዲን ኑ አቱማ አሳይ ኡባይ ቃጸረታናዎ።

23 ኑን ሄዎዲን አላፕ፣ እንቱንቱ ሚዛይ፣ እንቱንቱ ማጹን እንቱንቱ ሀራ መሄ ኡባይ ኑዎ ግደን? ሄዎ ድራዉ እነ ኑን እንቱንቱ ግያዎ ኤኖ ጎይተ፤ እንቱንቱካ ኑ ግደን ደእና” ያጌድና።

24 ካታማ ጉታራ ሸቄዳ አሳቱ ኡባይ ሀሞራዉን እ ናእ ሸኬማዉ፣ “ኤኖ” ጌድና። ያትና ሄ ካታማ አቱማ አሳቱ ኡባይ ቃጸረቲዳዎ።

25 ሄዘንሶ ጋላሰ፣ እንቱንቱ ኡባይ ባረንቱ ቃጸራ ማዲላን ሳከት ደእሸን፣ ያቆባ አቱማ ናናቱዎፕ ላኡ፣ ሰሞን ለዌ፣ ዲን እሻቱ፣ ባረንቱ ማሻ እኪደ፣ ኑን ኡረናን ካታማ ገሊደ፣ አቱማ አሳቱዎ ኡባ ዎዳድና።

26 ሀሞራን እ ናእ ሸኬማ ማሻን ዎዳደ፣ ባረንቱ ሞቻቶ ዲኖ ሸኬማ ጎልያፕ እኪደ እፊድና።

27 ያቆባ አቱማ ናናይ ሄ እሃቱዎ ቦላ ገሊደ፣ ባረንቱ ሞቻቶ ዲኖ ቱንሴዳ ካታማ ቦንቄድና።

28 እንቱንቱ ደርሳ ዉድያ፣ ሚዛ ዉድያ፣ ሀርያ፣ ካታማ ግደን ደእያዋን ጋጸን ደእያዎ ኡባ እኪድና።

29 እንቱንቱ ማጹዎ ኡባ፣ እንቱንቱ ናና ኡባን ማቻቱዎ ኡባ አሞዳድና፤ ጎለን ደኤዳዎ ኡባ ቦንቄድና።

30 ያቆብ ሰሞናን ለዌያ፣ “ሀንተንቱ ታ ቦላ መቱዎ እሀ ክቼድታ፤ ሀ ጋድያን ደእያ ካናናቱን ፓርክቱ ታና እጻናዋንታ፤ ኑን ፓይዲዎን ጉላ፤ እንቱንቱ እትፕ ግዲደ ታ ቦላ ደንደፕ፣ ታንን ታ ስ አሳይ ዳያና” ያጌዳ።

31 ሸን እንቱንቱ፣ “ያትና እ ኑ ሞቻቶ ሻርሙጻዳን ኦላና በሲ?” ያጌድና።

1 ጸሳይ ሄዋጥ ጉዮ ያቆባ፡ “ደንዳደ ጉደ ቤቴለ ባደ ያን ደእ። ነን ነ እሻ ኤሳጥ ባቃትያ ዎደ ነጠ ቆንጩዳ ጸሳይ ያን ያርሽያ ሳኣ ኬጻ” ያጌዳ።

2 ያቆብ ባረ ሶ ኦሳን ባረናና ደእያዋንታ ኡባ፡ “ህንተንቱ ግዲዋን ደእያ አላጋ ጸሳይዎ ሞሰለቱዎ ድግተ፤ ህንተንቱ ቦላ ጌሽተ፤ ህንተንቱ ማዩዋን ላሞተ።

3 እነ ደንዳደ፣ ጉደ ቤቴለ ቦይተ፤ ታ ሙቱዎ ጋላሰ ታና ሰሴዳ፣ ታን ቤዳ ሳኣን ኡባን ታናና ግዲዳ ጸሳይ፣ ታን ያን ያርሽያ ሳኣ ኬጻና” ያጌዳ።

4 ሄዎ ድራሬ ኤንቱንቱ ባረንቶ ደእያ አላጋ ጸሳይዎ ሞሰለቱዎ ኡባን ባረንቱ ሀይላን ደእያ ጉድቻ ኡባ ያቆባጠ እሜድና፤ ያቆብ ሄዋንታ ሰኬማን ደእያ ዎላ ጋርሳን ሞጌዳ።

5 ሄዋጥ ጉዮ፡ ያቆብን እ አቱማ ናናይ ደንዳደ ቢሸን፣ እት ኡራይነ ኤንቱንታ ኦይቃናጠ ካልቤና፤ አያጠ ሳጥ፣ ኤንቱንቱ ቢሸን፣ ኤንቱንቱ ዩሹዋን ደእያ ካታማ አሳ ኡባ ቦላ ጸሳ ዳጋማይ ዎጯዳ።

6 ያቆብን አናና ደእያ አሳይ ኡባይ ካናን ጋድያን ደእያ (ቤቴለ ግያ) ሎዛ ጋኬድና።

7 ያን እ ያርሽያ ሳኣ ኬጻዳ፤ እ ሄ ሳኣ ኤል-ቤቴለ ጊደ ሱንሌዳ፤ አያጠ ሳጥ፣ እ ባረ እሻጥ ባቃቲደ ብያ ዎደ፣ ጸሳይ አጠ ቆንጩዳ ሳኣይ ሄዎ።

8 ርብቆ ድኻያ ደቦራ ያን ሀይቃዳ፤ ቤቴለጥ ሀርክና ደእያ ዎላ ጋርሳን እዛ ሞገታዲ፤ ሄዎ ድራሬ ሄ ሞላ ሱንሳይ ዩኩዎ ዎላ ጌተቲዳ።

9 ያቆብ ማሰጸጸምያጥ ሰሜዳዎጥ ጉዮ፡ ጸሳይ አጠ ዛረሳ ቆንጩዳ፣ እ እንጃዳ፤

10 ጸሳይ እ፣ “እ ሱንሳይ ያቆባ፤ ሸን ሀዋጥ ሰንሳናጠ ነን ኡባን ያቆባ ጌተታካ፤ ነ ሱንሳይ አሰራኤልያ ግዳና” ያጌደ እ እ አሰራኤልያ ሱንሌዳ።

11 ቃይ ጸሳይ ያቆባ፣ “ታን ኡባ ዳንዳይያ ጸሳ፤ ነን የለታ፤ ጮራታ፤ ካጠተላቱ፤ ካጠተላ አሳይ ኔጥ ከሳና፤ ካተቲካ ነ ጉልባታጥ ከሳና።

12 ታን አብራሃሙጠን ይሳቃጠ እሜዳ ቢታ፣ ቃይ ነጠ እማይ፤ ኔጥ ጉዮና ታን ሀ ቢታ ነ ዘረሳጠ እማና” ያጌዳ።

13 ሄዋጥ ጉዮ፡ ጸሳይ አናና ሃሳዬዳ ሳኣጥ ጉደ ከሴዳ።

14 ያቆብ ጸሳይ ባረናና ሃሳዬዳ ሳኣን ሹቻ ኤሴዳ፣ እ ቦላ ኡሻ ያርሹዎ ትጌዳ፤ ዛይትያካ ቦላ ትጌዳ።

15 ያቆብ ጸሳይ ባረናና ሃሳዬዳ ሳኣ “ቤቴለ” ጊደ ሱንሌዳ።

**ራሄልን ይሳቃ ሀይቆዎ**

16 ኤንቱንቱ ሄዋጥ ጉዮ፡ ቤቴለጥ ደንዳድና። ኤንቱንቱ ኤፍራታ ጋካናጠ ላፋ እሸያ ዎደ፣ ራሄሎ የሉ ኦይቁዳ፤ የሉዋን እዛ ሎይላ ዎየታዲ።

17 የሉ እዞ ዎይሴዳ ዎደ እዞ የልሰያና፣ “ያዮፓ፤ ሀዌካ አቱማ ናኣ” ያጋዲ።

18 ሸን እዛ ሀይቃዳ፣ ሸሞዮ ከሰሸን፣ ባረ ናኣ ቤንኦና \* ሱንሳዳ፤ ሸን እ አጠ እ ቢንያማ † ሱንሌዳ።

19 ሄዋጥ ጉዮ፡ ራሄላ ሀይቃ ባሻዲ፤ ቤተሊሙ ግያ ኤፍራታ አፍያ ኦግያ ደናን ሞገታዲ።

20 ያቆብ እዝ ዲፋዎን ሀሙልትያ ሹቻ ኤሴዳ፤ ሄ ሀሙልቲ ሀቼ ጋካናጠ ራሄል ዲፋዎ ኤርሴ።

21 አሰራኤሊ ሄዋጥ ደንዳዳ፣ ኤደራ ግሞቢያጥ ሄፍንሳን ባረ ዲንካንያ ቶኬዳ።

22 አሰራኤሊ ሄ ጋድያን ደእሸን፣ ርቤል ቢደ፣ ባረ አዎ የሌዳ ቆማቲ ባልና ግሴዳ። አሰራኤሊ ሀ የወዋ ሰሴዳ።

ያቆባ አቱማ ናናይ ታማን ላኣ።

23 ልያ ናናይ ያቆባ ባይራ ናኣ ርቤላ፣ ሰሞና፣ ሌዋ፣ ይሁዳ፣ ይሳኮራን ዛብሎና።

24 ራሄል አቱማ ናናይ ዮሴፋን ቢንያማ።

25 ራሄል ዳንጋጽራት ባል አቱማ ናናይ ዳናን ንፍታሊማ።

26 ልያ ዳንጋጽራት ዝልጥ አቱማ ናናይ ጋዳን አሴራ። ሀዋንቱ ማሰጸጸምያን ያቆባጠ የለቲዳ እ አቱማ ናና።

27 ያቆብ (ከብርና ግያ) ቅርያት-አርባአ ማታን ማሞረን ደእያ፣ ባረ አጠዎ ይሳቃ ሶ ዬዳ፤ ሄ ሳኣይ ካሰ አብራሃሙን ይሳቅ ደኤዳ ሳኣ።

28 ይሳቅ ጴታን ሆሰፑን ታሙ ሳይላ ደኤዳ፤

29 እ ዳር ዎድያ ደኢደ፣ ሎኦ ጭም ሀይቂደ ባረ ማይዛን ጋከቲዳ። እ ናናይ ኤሳይን ያቆብ እ ሞጌድና።

35:1 ጸዕጳ 28:11-17    35:10 ጸዕጳ 32:28    35:11 ጸዕጳ 17:4-8    35:14 ጸዕጳ 28:18-19    \* 35:18 ቤንኦና- ሀ ሱንሳ ብለላይ አብራዌልዋን፣ “ታ ሙቱዎ ናኣ” ግያዎ።    † 35:18 ቢንያማ- ሀ ሱንሳ ብለላይ አብራዌልዋን፣ “ታ ኤሸቻ ኩሸያ ናኣ” ግያዎ።    35:22 ጸዕጳ 49:4    35:27 ጸዕጳ 13:18

36

ኤሳ የለታ

(36:1-43፤ 1 ኦዲዋ 1:34-37)

- 1 ኤደማ ግያ ኤሳ የለታይ ሀዋጥ ካሊደ ጻፈቲዳዋ።
- 2 ኤሳይ ካናነ ቢታ ማጫ ናናቱዋ ሳረገው ማቼቱዋ አኬዳ፤ ኤንቱንቱነ ሂትያ ሌሎና ናቶ አድ።
- 3 እስማኤላ ናቶ፣ ናባዮታ ሞቻቶ ባሰማቶ።
- 4 አደ ኤሳው ኤልፋዛ የላዲ፤ ባሰማታካ ራኡኤላ የላዲ፤
- 5 ኦሆሊባማ ያኤቫ፣ ያእላማነ ቆራሀ የላዲ፤ ካናነ ጋድያን ኤሳው የለቲዳ አቲማ ናናይ ሀዋንታ።
- 6 ኤሳይ ባረ ማቼቱዋ፣ ባረ አቲማ ናናነ ማጫ ናና፣ ባረ ሶ አሳ ኡባ፣ ባረ ሚዛቱዋነ ባረ መሀያ ኡባ ካናነ ጋድያን እ ሞዴዳዋ ኡባ አኪደ፣ ባረ እሻ ያቆባጥ ሃክያ ጋድያ ቤዳ።
- 7 ኤንቱንቱ ማጹ ዳሬዳ ድራው፣ ኤንቱንቱ እትጥ ደእናው ዳንዳይበይክኖ፤ ኤንቱንቱ መሂ ዳሬዳ ድራው፣ ኤንቱንቱ ደእያ ቢታይ ኤንቱንቱ መሀያው ግዳናው ዳንዳይበና።
- 8 ያትና ኤደማ ግያ ኤሳይ ሰኢራ ግያ ገዝያን ኡቲዳ።
- 9 ሰኢራ ገዝያን ደኤዳ ኤደማቱዋ አወዋ ኤሳ የለታይ ሀዋጥ ካሊደ ጻፈቲዳዋ።
- 10 ሀዌ ኤሳ አቲማ ናና ሱንሳ፤ ሄዋንቱነ ኤሳ ማቻት አድ ናኣ ኤልፋዛነ ኤሳ ማቻት ባሰማት ናኣ ራኡኤላ።

- 11 ኤልፋዛ ናናይ ተማና፣ አማራ፣ ጻፋ፣ ጋእታማነ ቃናዛ።
- 12 ቃይ ትሞናኣ ኤሳ ናኣ ኤልፋዛው ቆማቱዋ፤ እዛ ኤልፋዛው አማሌቃ የላዲ። ሀዋንቱ ኤሳ ማቻት አድ ናኣ ናና።
- 13 ራኡኤላ አቲማ ናናይ ናሃታ፣ ዛራሀ፣ ሻማነ ሚዛ፤ ሀዋንቱ ኤሳ ማቻት ባሰማት ናኣ ናና።
- 14 ጽባኦና ናኣይ እን የሌዳ ኦሆሊባማ አቲማ ናናይ ሀዋንታ፤ እዛ ኤሳው ያኤቫ፣ ያእላማነ ቆራሀ የላዲ።
- 15 ኤሳ የለታ ካጋቱ ሀዋጥ ካሊደ ጻፈቲዳዋንታ። ኤሳው ባይራ ናኣ ኤልፋዛ አቲማ ናናይ፣ ካጋቱ ግዴዳዋንቱ ተማና፣ አማራ፣ ጻፋ፣ ቃናዛ።
- 16 ቆራሀ፣ ጋእታማነ አማሌቃ፤ ኤደማ ቢታን ኤልፋዛ የሌዳ ካጋቱ ሀዋንታ፤ ሀዋንቱ ኡባይ አድ ናኣ ናና።
- 17 ኤሳ ናኣ ራኡኤላ አቲማ ናናይ፣ ካጋቱ ግዴዳዋንቱ ናሃታ፣ ዛራሀ፣ ሻማነ ሚዛ፤ ኤደማ ቢታን ራኡኤላ የሌዳ ካጋቱ ሀዋንታ፤ ኤንቱንቱ ኤሳ ማቻት ባሰማት ናኣ ናና።
- 18 ኤሳ ማቻት ኦሆሊባማ አቲማ ናናይ፣ ካጋቱ ግዴዳዋንቱ ያኤቫ፣ ያእላማነ ቆራሀ፤ ኤንቱንቱ እና ናት፣ ኤሳ ማቻት ኦሆሊባምጥ የለቲዳ ካጋቱዋ።
- 19 ኤደማ ግያ ኤሳ አቲማ ናናይ ሀዋንታ፤ ኤንቱንቱ ካጋቱካ ሀዋንታ።

ሰኢራ የለታ

(1 ኦዲዋ 1:38-42)

- 20 ኤደማ ጋድያን ደእያ ሆርያ ሰኢራ አቲማ ናናይ ሀዋጥ ካሊደ ጻፈቲዳዋንታ፤ ሄዋንቱካ ሎጻና፣ ሾባላ፣ ጽባኦና፣ አና፣
- 21 ድሾና፣ ኤዲራነ ድሻና፤ ሄዋንቱ፣ ኤደማ ጋድያን ደእያ ሰኢራ አቲማ ናናይ፣ ሆረቱዋ ካጋቱዋ።
- 22 ሎጻና አቲማ ናናይ ሆራነ ሄማማ፤ ሎጻና ሞቻታ ትሞናኦ።
- 23 ሾባላ አቲማ ናናይ አልዋና፣ ማናሃታ፣ ኤባላ፣ ሾፋነ አናማ።
- 24 ጽባኦና አቲማ ናናይ እያነ አና፤ ሀዌ እን ዋራን ባረ አወዋ ጽባኦና ሀረቱዋ ሄሚደ ሃላ ቦልኡዋ ደሜዳዋ።
- 25 አና ናኣይ ድሾና፤ ናታ ቃይ ኦሆሊባም።
- 26 ድሾና አቲማ ናናይ ሄምዳና፣ ኤሽባና፣ ይትራናነ ካራና።
- 27 ኤጼራ አቲማ ናናይ ብልሃና፣ ዛእዋናነ አቃና።
- 28 ድሻና አቲማ ናናይ ኡጻነ አራና።
- 29 ሆረቱዋ ካጋቱ ሀዋንታ፤ ሎጻና፣ ሾባላ፣ ጽባኦና፣ አና፣
- 30 ድሾና፣ ኤዲራነ ድሻና። ሀዋንቱ ሰኢራ ቢታን ባረንቱ ያራን ያራን ሻከቲዳ ሆረቱዋ ካጋቱዋ።

ኤደማ ካተቱዋ

(1 ኦዲዋ 1:43-54)

- 31 እሰራኤላን ካቲ ካወታናጥ ካሰ ኤደማ ቢታን ካተቲዳ ካተቲ ሀዋጥ ካሊደ ጻፈቲዳዋንታ።
- 32 ባኦራ ናኣይ በላእ ኤደማን ካተቲዳ፤ እ ካታማ ሱንሳይ ድናባ ጌተቲ።
- 33 በላእ ሀይቂና፣ ቦጽራጥ ዬዳ ዛራሀ ናኣይ ዮባብ ካተቲዳ።

- 34 ዮባብ ሀይቅና፣ ተማና ቢታገገ ዬዳ ሁሻሞ ካተቲዳ።
- 35 ሁሻሞ ሀይቅና፣ ባዳዳ ናአይ ሀዳድ፣ ምድያማ እሳ ሞእበ ጋድያን ጸኔዳዌ ካተቲዳ፤ እ ካታማ ሱንሳይ አዌታ ጌተቲዳ።
- 36 ሀዳድ ሀይቅና፣ ማሰሬቃገ ዬዳ ሳሞል ካተቲዳ።
- 37 ሳሞል ሀይቅና፣ ሻፋ ማታን ደእያ ራሆቦታገገ ዬዳ ሻኡል ካተቲዳ።
- 38 ሻኡል ሀይቅና፣ አክቦራ ናአይ ባአልሀናን ካተቲዳ።
- 39 አክቦራ ናአ ባአልሀናን ሀይቅና፣ ሀዳር ካተቲዳ፤ እ ካታማ ሱንሳይ ፓኡ ጌተቲ፤ እ ማቻታ ሙዘሃባ ናታ ማጽሬዳ የሌዳ ማሄጻብኤሎ ጌተታው።
- 40 ኤሳ የለታ ካፓቱ ባረንጉ ያራን፣ ባረንጉ ሳአን ኤላካ ባረንጉ ሱንሳን ሱንሳን ሀሞንታ፤ ትምናእ፣ አልዋ፣ የቲታ።
- 41 አሆሊባማ፣ ኤላ፣ ፒኖና።
- 42 ቃናዛ፣ ተማና፣ ሞብጸራ።
- 43 ማግድኤላን አራማ። ሀሞንጉ ባረንጉ ሞድያ ቢታን፣ ባረንጉ ደእያ ሳአን ደእያ ሳአን ኤደማ ካፓቱዋ። ሀዌ ኤሳይ፣ ኤደማቱዋ አዉዋ።

### 37

#### ዮሴፋን እ እሻቱዋ (37:1—45:28)

- 1 ያቆብ ባረ አዉ ደኤዳ ካናን ቢታን ኡቲዳ።
- 2 ያቆባ ናናይ ሀኔዳባይ ሀሞገ ካሊደ ጸፈቲዳዋ።
- ዮሴፎ ታማን ላፑን ሳይላ ናአ ግዴዳ ዋይ፣ ባረ አዋ ሀራ ማቼቱዋገ፣ ባልገን ዘልገገ የለቲዳ ባረ እሻቱዋና ዉድያ ሄሙ። ሃ ዋይ እ ባረ አዋ ኤንቲንጉ ኦሌዳ አታባ ኦዴዳ።
- 3 አሰራኤሊ ዮሴፋ ጭሚደ የሌዳ ድራዉ፣ ባረ ሀራ አቲማ ናና ኡባገ አሊደ ሲቄ። እ አዉ አሊቄዳ ማዩዋ ገግሲዳ።
- 4 እ እሻቱ ባረንጉ አዉ እ ኡንቲንጉገ አሊደ ሲቅያዋ በኤዳ ዋይ፣ ኡንቲንጉ እ አጸደ፣ ሎኦ ቃላ አዉ ሃሳያናዉ ዳንዳይበይክኖ።
- 5 ዮሴፎ እኩሙዋ እኩሙቲደ፣ ባረ እሻቶ ኦዴዳ፤ ኡንቲንጉ እ ያ ዳርሲደ እጾድና።
- 6 እ ኡንቲንታ፣ “ታን እኩሙቲዳ እኩሙዋ ሰሰተ።
- 7 ኑን ጋይን ፖችያ ቃችሽን፣ ታ ምርቄ እት ኩሳን ደንዲደ ሰት ግ ኤቂሽና፣ ሀንተንጉ ምርቀቲ ዩይ አጺደ ታ ምርቄያዉ ጎይኔድና” ያጌዳ።
- 8 እ እሻቱ አ፣ “ኔን ኑ ቦላን ካተታና ሀናይዬ? ዋይ ኑና ቱሙ ሞዳና ሀናይዬ?” ያጌድና። ኡንቲንጉ እ እኩሙዋ ድራዉን እ ኡዳዋ ድራዉ፣ ያ ዳርሲደ እጾድና።
- 9 ቃይ ዮሴፎ ሀራ እኩሙዋ እኩሙቲደ፣ ባረ እሻቶ ኦዴዳ፤ “ሰሰተ፤ ታን ሀራ እኩሙዋካ እኩሙታድ። ሄ እኩሙዋን አዋይ፣ አግናይን ታማን እት ጸልንተቲ ታዉ ጎይኒኖ” ያጌዳ።
- 10 ባረ አዋን ባረ እሻቶ ሄ እኩሙዋ ኦዴዳ ዋይ፣ እ አዉ አ፣ “ሀዌ ኔን እኩሙቲዳዌ እያ እኩሜ? ቱሙ ታን፣ ነ ዳያን ነ እሻቱ ዩደ፣ ነ ሰንሳን ሳአን ጉፋኒደ ነዉ ጎይናየ?” ያጌደ ሴራዳ።
- 11 እ እሻቱ እ ቃናቲድኖ፤ ሽን እ አዉ ሀ የዉዋ ባረ ዋዛናን ዋሌዳ።

#### እሻቱ ዮሴፋ ዛልኤድኖ

- 12 እት ጋሳስ እ እሻቱ ሰኪማ ማታን ባረንጉ አዉዋ ደርሳ ሄማናዉ ቤድና።
- 13 አሰራኤሊ ዮሴፋ፣ “እ እሻቱ ሰኪማን ዉድያ ሄምያዋ ኤራሳ። ሃያ፤ ታን ኔና ኡንቲንጉኩ ከታና” ያጌዳ።
- ዮሴፎ፣ “ኤኖ” ያጌዳ።
- 14 እ አ፣ “ባ፤ ነ እሻቱዋን ዉዲ ሳራ ግድያዋ በእ፤ ኡንቲንጉባ ታዉ ኦዳሳ” ያጌዳ። እ ከብርና ድልባገገ ከቲዳ።
- እ ሰኪማ ቤዳ።
- 15 ያን ደምባ ግድን ያ ስሙረትሸን፣ እት አሳይ እ ደሚደ፣ “ላ እያ ኮያይ?” ያጌደ ኦቼዳ።
- 16 አ፣ “ታ እሻቱዋ ኮያይ፤ ኡንቲንጉ ዉድያ ሄምያ ሳአይ ሀቃንገቶ ሀያና ታዉ ኦዳርኪ!” ያጌዳ።
- 17 ብታኒ፣ “ሀሞገ ደንድ ከቼድኖ፤ ኡንቲንጉ፣ ኑን ደታና በቶ፣ ገሸን ሰሳድ” ያጌዳ። ሄዋ ድራዉ፣ ዮሴፎ ባረ እሻቱዋ ጌዴዋ ቢደ፣ ኡንቲንታ ደታናን ደሚዳ።
- 18 ሽን እ ሃኩዋን ደእሸን፣ ኡንቲንጉ እ በኤድኖ፤ እ ኡንቲንጉኩ ጋከናን ደእሸን፣ ኡንቲንጉ እ ዋቆናዉ እ ቦላ ማቀቲድኖ።
- 19 እቲ እቲዋ፣ “በእተ! እኩሙዋው የ።

20 ሃይተ፤ አ ዋጂድ፤ ሀ ኦላቱዋጥ እቱዋ ግድ የጎይተ። ሄዋጥ ጉዮ፤ ሄታ ደአይ አ ሜዳ፤ ያጋና፤ ያቲድ አ እኩሙ አህያዋ በአና” ያኔድና።

21 ርቤል ሃዋ ሰሴዳ ዋድ፤ ኡንቱንቱ ኩሽያጥ አ አሻናወ ኮዪድ፤ “አ ዋ□ናን አጎይተ።

22 ሱላ ጉሶፕተ፤ አ ሀንተንቱ ዋራን ደአያ ሀ ኦላ ግድ አልተ፤ አ ቦላ ኩሽያ ዋሶፕተ” ያኔድ። ርቤል ሀዋ አ ኡንቱንቱ አሺድ ጉዮ አ እወዋኮ የዳናወ ጌዳ።

23 ዮሴፎ ባረ እሻቱዋኮ ጋኬዳ ዋድ፤ አ ማዬዳ አለቄዳ ማዩዋ አጥ ቃር አኬድና፤

24 አ አፊድ ሃላይ ባይና ሙላ ኦላን የጌድና።

25 ኡንቱንቱ ባረንቱ ቁማ ማናወ ኡት ደአሽን፤ አሰማኤላ አሳቱ ግብጹ ባናወ ጋላአይጥ ይያዋንታ ቶቁ ጊድ በኤድና፤ ኡንቱንቱ ባረንቱ ጋሉዋን ሳወዋ፤ ባላሳን ግያ ቆሰያን ካርቢያ ጫን ዋጮድና።

26 ይሁዳይ ባረ እሻቱዋ፤ “ኑን ኑ እሻ ዋጂድ አ ሱላ ቆሰያዋ ግድጥ ኑና አያ ጎኢ?

27 ሃይተ፤ አ አሰማኤላቶ ዛልአይተ፤ አ ቦላ ኑ ኩሽያ ዋሶፕተ፤ አያወ ጎጥ፤ አ ኑ እሻ፤ ኑ እሹዋ” ያኔድ። አ እሻቱ ማየቲድና።

28 ሄዋ ድራወ ምድያማ ቢታ ዛልአንቻቱ ሄዋና አድሽን፤ አ እሻቱ ዮሴፋ ኦላጥ ከሲድ፤ አሰማኤላ አሳቶ ላታሙ ጸጋራ ብራን ዛልኤድና። ኡንቱንቱ ዮሴፋ ግብጹ ጋድያ አፊድና።

29 ርቤል ኦላኮ ሰሚድ፤ ዮሴፎ ያን ባይናዋ በኤዳ ዋድ፤ ካዮቲድ ባረ ማዩዋ ፖሼዳ።

30 አ ጉዮ ባረ እሻቱዋኮ ቢድ፤ “ናአይ ያን ባዋ፤ ሀአ ታን ሀቃ ቦሻ!” ያኔድ።

31 ሄዋጥ ጉዮ ኡንቱንቱ ዮሴፎ ማዩዋ አኪድ፤ ዴሻ ኦርግያ ሹቫ!” ያኔድ። ሄ ሱላን ናቄድና።

32 አለቄዳ አ ማዩዋ ባረንቱ እወዋኮ አፊድ አ፤ “ኑን ሀዋ ደሚድ፤ ሀዋ ነ ናአ ማየንቶን አነ ጼላ” ያኔድና።

33 ማዩዋ አ ኤሪድ፤ “ሀዌ ታ ናአ ማዩዋ! ዋራ ደአይ አ ሞ ድጌዳ። ዮሴፎ ቱሙካ ዲጸረት ክቼዳ” ያኔድ።

34 ያቆብ ካዮቲድ፤ ባረ ማዩዋ ፔጴዳ፤ ባረ ጼሳን ዋሩዋ ዳንጪድ፤ ባረ ናአወ ዳር ጋላሳ ዩኬዳ።

35 አ አቱማ ናናይን ማጫ ናናይ ኡባይ አ ምን□ሳናወ ዬድና፤ ሽን አ ምነናን አጸደ፤ “ቱይት፤ ታን ዩካድ ታ ናአኮ ባድ፤ ዲፋዋን ገላና” ያኔድ፤ አ አወ አወ ዩኬዳ።

36 ሄ ዋድ ሚድያማ ቢታ አሳቱ ዮሴፋ ግብጹ ካትያ ኦሳንቻ ጸጸፋራወ ግብጹን ዛልኤድና፤ አ ናግያዋንቱ ካፑዋ።

### 38

1 ሄ ዋድ ይሁዳይ ባረ እሻቱዋጥ ሻከቲድ፤ አዲላማ ግያ ካታማን ደአያ ሄራ ግያ ብታንያና ደአናወ ቤዳ።

2 ያን ይሁዳይ ሹአ ግያ ካናን ናትና ጋከቲዳ፤ አ አዛ አኬዳ።

3 አዛ አወ ሻሃራድ አቱማ ናአ የላዲ፤ አ ኤራ ሱንላዲ።

4 ቃይካ ሻሃር ዋድ አቱማ ናአ የላዲ፤ አ ኦናና ሱንላዲ።

5 ቃይ ጉጃደካ አቱማ ናአ የላዲ፤ አ ሹላ ሱንላዲ። አዛ የሌዳዌ አክዚባ ግያ ቢታና።

6 ይሁዳይ ባረ ባይራ ናአ ኤራወ ትእማሮ ግያ ማቻቶ እሚዳ።

7 ይሁዳይ ባይራ ናአይ፤ ኤር፤ ሙድና ጎዳ ሰንላን ኢታ አሳ ግድያ ድራወ፤ ሙድና ጎዳይ አ ዋጮዳ።

8 ይሁዳይ ኦናና፤ “ነ እሻ ማቻትኮ ገላድ፤ አዛ አካ፤ ነ እሻወ ናአ የላድ አ ጼሰሳ” ያኔድ።

9 ሽን ኦናን የለትያ ናናይ ባረዋንታ ግድናዋ ኤሬዳ፤ ሄዋ ድራወ ባረ እሻ ማቻትና ግሰያ ዋድ አወደን፤ ባረ እሻወ ናአ የለተና ማላ፤ ባረ ዘረፋ ቢታን ጉሴ።

10 አ ኦሌዳባይ ሙድና ጎዳ ሰንላን ኢታ ግዳዳ ድራወ፤ ሙድና ጎዳይ አካ ዋጮዳ።

11 ሄዋጥ ጉዮ፤ ይሁዳይ ባረ ናአ ማቻቶ ትእማሮ፤ “ታ ናአይ ሹል ድጫና ጋካናወ ነ እወዋ ሶ ባድ፤ አምኤተላን ደአሻ” ያኔድ። ሄዋ አ አያወ ጌድ ጎጥ፤ አካ ባረ እሻቱዋዳን ሀይቃንቶን ጊድ ህርጌዳ ድራሳ። ሄዋ ድራወ ትእማሮ ባድ ባረ እወዋ ሶን ደአዳ።

12 ዋድ ዋድያጥ ጉዮ ይሁዳይ ማቻቶ፤ ሹአ ናታ ሀይቃዳ። ይሁዳይ ባረ ካዩዋጥ ምነቲዳ ዋድ፤ ባረ ድርሳ አሰክያ ሚድያ አሳቱዋኮ ትምና ከሴዳ፤ ቃይ አ ላገ፤ አዲላምያ ሂር አናና ቤዳ።

13 አሳይ ትእማሮ፤ “በአ፤ ነ ቦላ ይሁዳይ፤ ባረ ድርሳቱዋ አሰክያ ሚዳናወ ትምና ከሴዳ” ያኔድ። አዲዳ።

14 አዛ ባረ አምኤተላ ማዩዋ ቃራዲ፤ ባረና ባለላናወ ሻሽያ አካድ ጉሎታዲ። ትምና አፍያ ኦግያ ድናን ደአያ ኤናይማ ካታማ ጥንግያን ኢታዳ። ሄዋ አዛ ኦሌዳዋ፤ ሹል ድጭ ጋክንካ አዛ አወ ማቻቶ ግዳናወ እመታቤናዋ ኤሬዳ ድራሳ።

15 ይሁዳይ አዛ በኤዳ ዋድ፤ ሻርሙጻቶ ጊድ ቆፔዳ፤ አያወ ጎጥ፤ አዛ ባረ ዴሙዋ ጉሎታ ኡታዲ።

16 ባረ ናኣ ማቻቶ ግድያዎ ኤረናን ደኢደ፤ ኦግያ ጋጸ ኢኮ ሸቁደ እዞ፤ “ታናና ግሳርኪ!” ምጌዳ።

እዞ፤ “ታን ኔናና ግሶፕ፤ ኔን ታዉ እያ እማኒ?” ምጋደ ኦቻድ።

17 እ፤ “ታን ታ ዉድያፕ እኮ ዴሻ ማራ ነዉ የዳና” ምጌዳ።

እዞ፤ “ኔን ሄዎ ታዉ የዳና ጋካናዉ እያ ኦላኒ?” ምጋድ።

18 እ፤ “ኣያ ኦላ?” ምጌዳ።

እዞ፤ “ኣ ማታፋ ዎልያ ምግዳዎ፤ እ እልያ ሳቁያን ነ ኩሽያን ደእያ ጋትማ ኦይላ” ምጋድ። እ ሄዎንታ እሚደ፤ እዝና ግሰና፤ እዞ እዉ ሻሃራድ።

19 እዞ ሄዎፕ ደንዳደ ቤዳዎፕ ጉየ፤ ባረ ጉሎላ ሻሽያ ቃራደ፤ ባረ እምኤተላ ማዩዎ ማያድ።

20 ይሁዳይ ባረ እይጱዳዎ ሄ ምሽራትፕ ዛር እካናዉ ዴሻ ማራ ባረ ላግያ እዱላማ ቦላ እዝዉ ከቲዳ፤ ሸን እ እዞ ደምቤና።

21 እ ሄ ቢታ እሳ፤ “ኣናይማ ካታማን፤ ኦግያ ደናን ኡቴዳ ሻርሙጻ ምሽራታ ሀቃኔ?” ምጊደ ኦቻድ።

እሳይ፤ “ሻርሙጻ ማጫውና ሀዋን ኡባካ ባዎ” ምጌዳ።

22 እ ይሁዳኮ ሰሚደ እ፤ “ታን እዞ ደማበይከ፤ ሄዎ ቦላካ ሄ ቢታ እሳይ፤ ‘ሻርሙጻ ማጫውና ሀዋን ኡባካ ባዎ’ ምጌዳ።” ምጌዳ።

23 ይሁዳይ፤ “ባረ ኦይቁዳዎ ባረዉ እኩ፤ ሄዎ ቆየፕ፤ እሳይ ኑና ሚጫና። ሰዎ ታን እዝዉ ዴሻ ማራ የዳድ፤ ሸን ኔን እዞ ደማበይካ” ምጌዳ።

24 ሄዞ እግና ኬሻፕ ጉየ እሳይ፤ “ኣ ናኣ ማቻታ ትእማራ ሻርሙጻደ ሻሃራድ” ምጊደ ይሁዳዉ ኦይዳ።

ይሁዳይ፤ “እዞ ካረ ከሲደ ታማን ጸግተ” ምጌዳ።

25 እዞ ካረ ከሲያ ዎደ፤ “ታን ሻሃራዳዎ ሀ ሚሻ ጎዳሳ፤ በእ፤ ሀ ማታፋ ዎልያ ምግዳ፤ እ እልያ ሳቁን ጋትማይ ኦዌንቶ ኤረናና ዳንዳየፕ ኤራ” ምጋደ ባረ ቦሎ ከታ ከታድ።

26 ይሁዳይ ሄ ሚሻቲዎ ኤሪደ፤ “ታፕ እዞ ጸላ፤ እያዉ ጎፕ፤ ታን እዞ ታ ናኣ ሸላዉ እማበይከ” ምጌዳ። ሄዎፕ ጉየ፤ እ እዝና ዛር ግሰቤና።

27 እዞ የላና ሀንያ ዎደ፤ እዞ ኡሎዋን ማንተ አቲማ ናናይ ደእና።

28 እዞ የልሽን፤ ኡንቲንቲ እቲ ባረ ኩሽያ ከሴዳ፤ ማርሰያና፤ “በእተ፤ ሀዎ ኮይሮ ከሴዳ” ጋናዉ ዞኦ ቁንጨትያ እካይ እ ኩሽያን ቃቻድ።

29 ሸን እ ባረ ኩሽያ ጉየ እኩዳ ዎደ፤ እ እሻይ ከሴዳ፤ እዞ፤ “ኔን ዋና ፖርሉ ጋይ ከሳዲ!” ምጋድ። ሄዎ ድራዉ፤ ፓሪሳ \* ጋይ እ ሱንላድ።

30 ሄዎፕ ጉየ፤ እ ኩሽያን ዞኦ ቁንጨቲ ደእያ እ እሻይ ከሴዳ፤ እ ሱንላይ ዛሪሀ † ጌተቲዳ።

### 39

#### የሱላን ጸጽፋራ ማቻቶ

1 እሰማኤላ እሳቲ የሱላ ግብጹ ኤና ዎልድና። ግብጻዊ ጸጽፋር፤ ካትያ ኦሳንቻቲዎፕ እቲ፤ ናግያዋንቲ ካፑ የሴፎ እሰማኤላቲዎፕ ሻሚዳ።

2 መድና ጎዳይ የሴፎና ደኤ፤ ሄዎ ድራዉ፤ እ ኦልያዎ ኡባ እዉ እንጀዬዳ፤ ያትና ባረ ጎዳ፤ ግብጻዊያ ሶን ደኤዳ።

3 መድና ጎዳይ እናና ደእያዎን መድና ጎዳይ እ ኦልዳዎ ኡባ እዉ ሱርሰያዎ ጸጽፋር በኤዳ ዎደ፤

4 የሴፎ እ ሰንሳን ናሽቲዳ፤ እ እዉ ከተቲዳ። ጸጽፋር እ ባረ ጎላ ኦሳ ቦላ ሱንሴዳ፤ ባረዉ ደእያዎ ኡባ እ ኩሽያን ዎልድ።

5 ጸጽፋር ባረ ጎላን ደእያዎ ኡባ ቦላን ባረ ማጹዎ ኡባ ቦላ ሱንሴዳ ዎድያፕ ደሚደ፤ መድና ጎዳይ ግብጹ ብታንያ ጎላያ የሴፎ ድራዉ እንጂዳ። መድና ጎዳ እንጂ ጸጽፋራ ሶን ጋይን ደኤዳ ኡባ ቦላ ዎይዳ።

6 ሄዎ ድራዉ ባረዉ ደእያ ኡባ ባረ የሴፎዉ ሼዴዳ፤ እ ባረ ምያ ቁማፕ አትና፤ እይን ቆፕና።

የሴፎ ጌሳንቻን ማላ ሎኦ እሳ።

7 እማሪዳ ዎድያፕ ጉየ፤ እ ጎዳ ማቻታ የሱላ ዴላ በእደ፤ “ሃያ፤ ታናና ግሳ” ምጋድ።

8 ሸን እ እጾዳ። ባረ ጎዳ ማቻቶ፤ “በእ፤ ታ ጎዳይ ታዉ ሼዴደ ባረ ሶን ደእያባዉ እያዉን ሀርገና፤ ባረዉ ደእያዎ ኡባ ታ ኩሽያን ዎልድ።

9 ሀ ሶን ታፕ ግታትያዎ ኦን ባዎ። ኔን እ ማቻቶ ግድያ ድራዉ ነ ጸላላፕ አትና፤ ታ ጎዳይ ታዉ እምቤናባይ ባዎ። ያትና ታን ሞታደ ሀዎ ማላ ዳሮ ኢታባ ሀናይ ጸሳ ቦላ ናጋራ ኦላ?” ምጌዳ።

10 እዞ ሀ የዉዎ ሀቼ ሀቼ የሴፎዉ ኦደፕ፤ እ እዝና ግሰናን ዎይ እዝ ማታን ኡተናን እጾዳ።

\* 38:29 ፓሪሳ- ሀ ሱንላ ብለላይ እብራዌልዋን፤ “ፖርሉ ጌዳ” ግያዎ። † 38:30 ዛሪሀ- ሀ ሱንላ ብለላይ እብራዌልዋን፤ “ዞኦ” ግያዎ። 39:2 ከታ 7:9

- 11 እት ጋላሰ እ ባረ ኦሱዋ ኦላናው ሶ ገልያ ዋደ፣ ሶ ቆማቱዋጥ ኦንነ ሶን ባዋ።
- 12 እዛ ዮሴፎ እፍላ ኦይቃደ፣ “ታናና ግሳ” ያጋዱ። ሸን እ ባረ እፍላ እ ኩሽያን የጊደ፣ ሶጥ ካረ ዋደደ ከሴዳ።
- 13 ዮሴፎ ባረ እፍላ እ ኩሽያን የጊደ፣ ሶጥ ካረ ዋጽ ከሶዋ እዛ በኤዳ ዋደ።
- 14 ባረ ሶ ቆማቱዋ ዴሳደ ኦንቱንታ፣ “በእተ፤ ታ አሰናይ አሄዳ ሀ እብራዌ ብታኒ ታና ባለሐ ድጊደ እሹዳ፤ እ ታናና ግሳናው ሀዋ ገሌዳ፤ ሸን ታን ታ ኮሻ ቆቆሳደ ዋሳድ።
- 15 ታን ዋሰና ሰሴዳ ዋደ፣ እ ባረ እፍላ ታ ማታን የጊደ፣ ሶጥ ካረ ዋደደ ከሴዳ” ያጋዱ።
- 16 እ ጎዳይ ሶ ያና ጋካናው እዛ ዮሴፎ እፍላ ባረ ማታን ዋሳድ።
- 17 ሄዋጥ ጉዮ፣ እዛ እዉ ሀዋዳን ያጋደ ኦዳዳ፤ “ሄዌ ኔን ኦዉ አሄዳ እብራዌ አይሊ ታናና ግሳናው ታኮ ገሌዳ፤
- 18 ሸን ታን ታ ቃላ ቆቆሳደ ዋሶዌ፣ ባረ እፍላ ታ ማታን የጊደ፣ ሶጥ ካረ ዋደደ” ያጋዱ።
- 19 እ ጎዳይ ባረ ማታን፣ “ኅ እይሊ ታና ሀዋዳን ኦሌዳ” ያጋደ ኦዳዳ ቃላ ሰሴደ፣ ሀንቁዋን ጥንቱዳ።
- 20 ዮሴፋ እ ጎዳይ አፊደ፣ ካትያ ቃሹዋ ሳእይ ደእያ ቃሹ ጎለን የጌዳ።
- 21 ሸን ዮሴፎ ያን ቃሹ ጎለን ደእያ ዋደ፣ መፅና ጎዳይ አናና ደኤ። እ አዉ ተረቱዳ፤ ቃሹ ጎለ ካጥዋ ሰንሳን እዉ ናሹዋ እሚዳ።
- 22 ያትና ቃሹ ጎለ ካጥ ቃሹዋ አሳ ኡባ ዮሴፎ ኩሽያን ዋሌዳ፤ ሄዋን ኦሰትያዋ ኡባ ኦላያዋ እ።
- 23 ቃሹ ጎለ ካጥ ዮሴፎ ኩሽያን ደእያባዉ እያዉነ ሀርገና፤ እያዉ ጎጥ፣ መፅና ጎዳይ አናና ደኤ፤ እ ኦላያዋካ ኡባ አዉ እንጀዬዳ።

### 40

#### ዮሴፎ ቃሹዋ አሳቱዋ እኩሙዋ ብሊዳ

- 1 እማራዳ ዋድያጥ ጉዮ፣ ግብጹ ካትያው ኤሳ ትግያዌነ ኡክላ ኡክያዌ ባረንቱ ጎዳ ግብጹ ካትያ ናቂድና።
- 2 ካቲ ኤሳ ትግያዋንቱ ካጥዋን ኡክላ ኡክያዋንቱ ካጥዋ ላኡዋካ ሎይሐ ሀንቀቱዳ።
- 3 ዮሴፎ ቃሹቲዳ ቃሹ ጎለን፣ ናግያዋንቱ ካጥዋ ሶን ኡንቱንታ ዋሌዳ።
- 4 ናግያዋንቱ ካጥ ኡንቱንታ ዮሴፎዉ ሹዴዳ፤ እ ኡንቱንቶ ኦሌ። ኡንቱንቱ ቃሹ ጎለን እማራዳ ዋድያ ኡቲድና።
- 5 ግብጹ ካትያው ኤሳ ትግያዌነ ኡክላ ኡክያዌ፣ ቃሹ ጎለን ደእያ ላእቱካ፣ እት ቃማ ዳማ ዳማ እኩሙዋ እኩሙቲድና። ቃይ እኩሞቶ ሀ-ጲያን ሀ-ጲያን ኡንቱንቱ ብለላይ ደኤ።
- 6 ዮሴፎ ዋንታ ኡንቱንቱኮ ገሌዳ ዋደ፣ ካዮት ኡቲዳዋንታ በኤዳ።
- 7 ሄዋ ድራዉ ባረ ጎዳ ሶን ባረናና ቃሹ ጎለን ደእያ ካትያ ኡሳንቻቱዋ፣ “ሀቼ ሀንተንቱ ደሙ እያዉ ጳሚዳ?” ያጊደ ኦቹዳ።
- 8 ኡንቱንቱ እ፣ “ኅን ላኡ እኩሙዋ እኩሙቲደ፤ ሸን ኦዉ ብለያዌ ጳዬዳ” ያጌድና። ዮሴፎ ኡንቱንታ፣ “እኩሙዋ ብለላይ ጸሳዋ ግደኔየ? ሀንተንቱ እኩሙዋ ታዉ ኦድተ” ያጌዳ።
- 9 ኤሳ ትግያዋንቱ ካጥ ባረ እኩሙዋ ዮሴፎዉ ሀዋዳን ያጊደ ኦዳዳ፤ “ታን ታ እኩሙዋን እት ዋይንያ ቱራ ታ ሰንሳን በእድ።
- 10 ቃይ ሄ ዋይንያ ቱራዉ ሄዙ ታሽ ደኤ። እ ማራ የሊደ፣ ጨሻ ጨሽደ፣ ዉርጨዋ ዉርጨዳ፤ ዉርጨነ ቲራዳ።
- 11 ካትያ ዋንጫይ ታ ኩሽያን ደኤ፤ ታን ዋይንያ ቱራ እካደ፣ ካትያ ዋንጫን ጉምእደ፣ ሄ ዋንጫ እ ኩሽያን ዋላድ” ያጌዳ።
- 12 ዮሴፎ፣ “ሄዋ ብርሸላይ ሀዋ፤ ሄዙ ታሸቱ ሄዙ ጋላሳቱዋ።
- 13 ሄዙ ጋላሳ ግዳዋን ካቲ ኔና ደንላና፤ እ ኔና ካሰ ነ ሰንሳተላዉ ዛራና፤ ካሰ ኔን ኤሳ ትግያ ዋደ ኦሌዳዋዳን፣ ኔን ካትያ ዋንጫ እ ኩሽያን ዋላና።
- 14 ሸን ነዉ ሳእይ ሎኤዳ ዋደ ታና ደጎገ፤ ታዉ ሎእ፤ ታባ ካትያዉ ኦዳደ፣ ሀ ቃሹ ጎልያጥ ታና ከሰሳ፤
- 15 እያዉ ጎጥ፣ ታና እብራዌቱዋ ቢታጥ ግዲደ አሄድና፤ ሀራይ አቶ ሀዋንካ ታና ቃሸሰያዋ አይነ ኦላበይኮ” ያጌዳ።
- 16 ኡክላ ኡክያዋንቱ ካጥ ዮሴፎ እኩሙዋ ሎይሐ ብሊዳዋ በኤዳ ዋደ ዮሴፎ፣ “ታንካ እኩሙዋ እኩሙታድ፤ ታ ሀ-ጲያን ሄዙ ሳምጥ ኡክላይ ደኤ፤
- 17 ቦላ ባጋ ሳምጥን ግብጹ ካትያዉ ኡከቲዳ ኡባ ቆዋ ኡክላይ ደኤ። ሸን ካፋ ሄዋ ታ ሀ-ጲያን ደእያ ሳምጥጥ ሚ” ያጌዳ።
- 18 ዮሴፎ፣ “ሄዋ ብርሸላይ ሀዋ፤ ሄዙ ሳምጥቱ ሄዙ ጋላሳቱዋ።

19 ህዙ ጋላሳ ግደን ካቲ ኔና ደንላና፤ ነ ቆድያ ሙጭሲደ ሞላን ካቅሳና፤ ነ እሹዋካ ካፋ ማና” ያጌዳ።

20 ህዘንላ ጋላሳን ግብጹ ካቲ ባረ የለቴዳ ጋላሰ ባረ ኦሳንቻቱዋ ኡባዉ ባላ ጊግሴዳ። ኤሳ ትግያዋንቱ ካፍዋን ኡክላ ኡክያዋንቱ ካፍዋ ደንሲደ። ባረ ኦሳንቻቱዋ ግደን ኤሴዳ።

21 ኤሳ ትግያዋንቱ ካፍዋ እ ሰንላተላዉ ዛርና። እ ካትያ ኩሽያን ዋንጫ ዋሴዳ።

22 ሸን ካቲ ኡክላ ኡክያዋንቱ ካፍዋ ኡንቱንቱ እኩሙዋ ብለላ ዮሴፎ ኡዳዳዋደንካ ካቅሴዳ።

23 ሸን ኤሳ ትግያዋንቱ ካፍ ዮሴፎ ሀሳይቤና፤ ደጊሼዳ።

# 41

## ዮሴፎ ግብጹ ካትያ እኩሙዋ ብሊዳ

1 ላኡ ላይላ ኩሙንላይ እዴዳ ዎደ። ግብጹ ካቲ እኩሙዋ እኩሙቲዳ፤ እኩሙዋን እ ናይለ ሻፋ ድናን ኤቄዳ፤

2 ላፑን ኦርደን ሞቶ ሚዛቱ ናይለ ሻፋፕ ከሰ ዎፊደ። ማቃ ግዳዋን ምያዋንታ በኤዳ።

3 ኡንቱንቱፕ ሰሚደ። ሀራ ላፑን ማላ ኢታ፤ ግልቃ ሚዛቱ ናይለ ሻፋፕ ከሲድና፤ ሻፋ ድናን ደእያ ሀራ ሚዛቱ ማታን ኤቄድና።

4 ሄ ማላ ኢታ፤ ግልቃ ሚዛቱ ላፑን ኦርደን ሞቶ ሚዛቱዋ ሚድና። ሄዋፕ ጉዮ ካቲ ቤጎቲዳ።

5 እ ዛረሳ ገምእሺደ። ላኡንላ እኩሙዋካ እኩሙቲዳ፤ ላፑን ሎእነ ሙሩታ ትሻቱ እት እኩዋን ድጩድና።

6 ኡንቱንቱፕ ሰሚደ። ጩጩዳነ እዋይ ዶልያ ባጋ ጫርኩዋን ሹሌዳ ሀራ ላፑን ትሻቱ ከሲድና።

7 ሄ ጩጩዳ ትሻቱ ሎእነ ሙሩታ ትሻቱዋ ሞቲድና። ሄዋፕ ጉዮ ካቲ ቤጎቲዳ። እኩሙዋ ግድያዋ ኤራዳ።

8 ሳእይ ዎንትና። እ ዎዛናይ ሻቢራቲዳ፤ ሄዋ ድራዉ ግብጹን ደእያ ብትያዋንቱ ኡባዉን እዴዳ ኤራንቻቱዋ ኡባዉ ከቲደ ደሰሴዳ፤ ካቲ ኡንቱንቶ ባረ እኩሙዋ ኦዳዳ፤ ሸን እዉ ሄ እኩሙዋ ብርሽያዊ ቋዬዳ።

9 ኤሳ ትግያዋንቱ ካፍ ሄ ዎደ ግብጹ ካትያ ሀዋደን ያጌዳ፤ “ታን ታ ባይዙዋ ሀቼ ሀሳያይ።

10 እት ገደ ካቲ ባረ ቆማቶ ሀንቀቲደ። ታና ኡክላ ኡክያዋንቱ ካፍዋ ቃሾ ጎለን ዮኤዳ።

11 ያን ደእደ ኡን ሀጲያን ሀጲያን እኩሙዋ እኩሙቲዳ፤ እኩዋ ዳማ ዳማ ብርሽላ ደኤ።

12 ሄ ዎደ ትግያዋንቱ ካፍ። ቆማይ። እብራዌ ዎዳላይ ኑናና ቃሾ ጎለን ደኤ። ነን ኦ እኩሙዋ አዉ ኦዳዳ፤ እ ኦዉ ሀጲያን ሀጲያን እኩሙዋ ብርሼዳ።

13 ያንና ሄ ዮዋቱ እ ኦዉ ብሌዳዋደንካ ሀኔድና። ሄዌ እዬ ጎፕ። ታን ታ ሰንላተላዉ ሰማድ፤ ሀንኩ ብታኒ ካቀቲዳ” ያጌዳ።

14 ግብጹ ካቲ ዮሴፎዉ ከቲደ ደሰሴዳ። ኡንቱንቱ እ ቃሾ ጎልያፕ ኤላካ አሄድና። እ ሜደቲደ ባረ ማየዋ ላሚደ። ካትያኩ ገሊዳ።

15 ካቲ ዮሴፎ። “ታን እኩሙዋ እኩሙታድ፤ ሸን እ እቲነ ብላናዉ ዳንዳይቤና። ሸን ታን። ‘ዮሴፎ እኩሙዋ ሰሶፕ። ብላናዉ ዳንዳይ’ ግያዋ ሰሳድ” ያጌዳ።

16 ዮሴፎ። “ታን ሄዋ ዳንዳይከ፤ ሸን ጸሳይ ካትያዉ ልክ ብርሽላ እማና” ያጌዳ።

17 ካቲ። “ታን ታ እኩሙዋን ናይለ ሻፋ ድናን ኤቃ ደእሸን።

18 ላፑን ኦርደን ሞቶ ሚዛቱ ናይለ ሻፋፕ ከሲደ። ማቃ ግዳዋን ሚና።

19 ኡንቱንቱፕ ሰሚደ። ሀራ ላፑን ማላ ኢታ፤ ግልቃነ ላፋ ሚዛቱ ከሲድና፤ ታን ሄዋ ማላ ማላ ኢታ ሚዛ ግብጹ ጋድያን ኡባካ በእ ኤርከ።

20 ማላ ኢታ፤ ላፋ ሚዛቱ ኮይርዋንታ። ላፑን ሞቶ ሚዛቱዋ ሚድና።

21 ሸን ኡንቱንታ ሚዳዋፕ ጉዮና። ኡንቱንቱ ሚዳዋ ኡን ኤራናዉ ዳንዳይቤና፤ እያዉ ጎፕ። ኡንቱንቱ ማላይ ካሰዋደንካ እት ኡቲዳ። ሄዋፕ ጉዮ ታን ቤጎታድ።

22 “ታን ታ እኩሙዋን ቃይ ላፑን ሎእነ ሙሩታ ትሻቱዋ እት እኩዋን ድጩዳዋንታ በእድ።

23 ኡንቱንቱፕ ሰሚደ። ጩጩዳነ እዋይ ዶልያ ባጋ ጫርኩዋን ሹሌዳ ሀራ ላፑን ትሻቱ ከሲድና።

24 ሄ ጩጩዳ ትሻቱ ላፑን ሎእ ትሻቱዋ ሞቲድና። ታን ሀ እኩሙዋ ብትያዋንቶ ኦዳዳ፤ ሸን ታዉ እኩሙዋ ብልያዌ ቤትቤና” ያጌዳ።

25 ሄዋፕ ጉዮ ዮሴፎ ግብጹ ካትያ። “ካትያ እኩሞቱ እቱዋ። ጸሳይ ባረ ኡላና ሀንያዋ ካትያዉ ቆንጭሴዳ።

26 ሄ ላፑን ሎእ ሚዛቱ ላፑን ላይላቱዋ፤ ቃይ ላፑን ሎእ ትሻቱ ላፑን ላይላቱዋ፤ ሀ እኩሙ እቱዋ።



27 ሄ ላፑን ማላ ኢታን ላፋ ሚዛቱ ላፑን ላይላቱዋ፤ ቃይ አዋይ ዶልያ ባጋ ጫርኩዋን ሹሌዳ፤ ጩጩ ላፑን ትሻቱ ላፑን ኮሻ ላይላቱዋ።

28 “ታን ካትያዉ ኦዴዳዋዳንካ፤ ጸሳይ ባረ ኦላና ሀንያዋ ካትያዉ በሴዳ።

29 ላፑን ዳሮ ካሎ ላይላቱ ግብጹ ቢታዉ ኡባዉ ያና፤

30 ሸን ላፑን ኮሻ ላይላይ ሄዋ ካላና። ሄ ዋይ ግብጹ ካሉ ኡባይ ደገታና፤ ኮሻይ ቢታ ጸዳና።

31 ሄ ቢታ ካሉ ሀሳየተናን አታናዋ፤ እያዉ ጎፕ። ሄዋ ካሉዳ ኮሻይ ሎይላ ሱላና።

32 ላኡ ኡግያን ካትያዉ ሄ አኩሙ በቴዳዌ እያሴ ጎፕ። ሀ የወዋ ጸሳይ ምንሲደ ቃቾ ድራሳ፤ ጸሳይ ሄዋ ኤላካ ኦላና።

33 “ሀእ ሰም። ካቲ እዴዳ ኤራንቻን ጭንጫ እሳ ኮዪደ፤ ግብጹ ቢታን ሱንሶ።

34 ካቲ ቢታን ሱንሳቱዋ ላፑን ካሎ ላይላን በኩያ ካላፕ እቼሹ ኩሸያፕ እቱዋ ሸሻናዉ ሱንሶ።

35 ኡንቱንቱ ይያ ካሎ ላይላቱዋን ካላ ሸሺደ፤ ካትያ አዋተላን ምንጅና፤ ሄ ካላ ካታማቱዋን ናግሮ።

36 ቢታይ ኮሻን ጳየና ማላ። ሀ ካላይ ግብጹ ቢታን ላፑን ላይላን ደንዳና ኮሻዉ ምንጅቲደ ደኡ” ያጌዳ።

**ካቲ ዮሴፋ ግብጹ ቢታ ኡባ ቦላን ሱንሶዳ**

37 ሀ የዉ ግብጹ ካትያዉን እ ኦሳንቻቶ ሎእ ግዲደ በቴዳ።

38 ሄዋ ድራዉ ካቲ ኡንቱንታ። “ኩን ጸሳ እያናና ደእያ ሀዋ ማላ ሀራ አሳ ደማኔየን?” ያጌደ እቼዳ።

39 ሄዋፕ ጉየ ካቲ ዮሴፎ። “ጸሳይ ሀዋ ኡባ ኔና ኤርሴዳ ድራዉ። ነ ማላ እዴዳ ኤራይን ጭንጫተሳይ ደእያዌ ኡንን ባዋ።

40 ታን ኔና ታ ጎለን ሱንሳይ፤ ታ አሳይ ኡባይ ነዉ እዛዘታና፤ ታን ኔፕ እድያዌ ታ ካዉተላ አራታ ጸላላና ግደ” ያጌዳ።

41 ሄዋ ድራዉ ካቲ ዮሴፎ። “በእ፤ ታን ኔና ግብጹ ጋድያ ኡባ ቦላን ሱንሳድ” ያጌዳ።

42 ሄዋፕ ጉየ። ካቲ ባረ ጋራምያ ምግዳዋ ባረ ብራድያፕ ከሲደ፤ ዮሴፎ ብራድያን ዋሌዳ። ታልባፕ ደዲቲዳ ማየዋ እ እ ማይዚደ፤ እ ቆድያንካ ዋርቃ ሳንሳላታ አሌዳ።

43 ካቲ ባረ ላኡንሶ ጋራ ጋርያ ዮሴፋ ቶግሴዳ፤ ቆማቱ። “ጎይንተ! ጎይንተ!” ያጌደ አፕ ሰንሳና ሀመቴድና። ሀዋዳን ኡሊደ፤ ካቲ እ ግብጹ ቢታ ኡባ ቦላን ሱንሶዳ።

44 ሄዋፕ ጉየ ካቲ ዮሴፎ። “ታን ካትያ፤ ሸን ኔን ደንሶ ጌናን ግብጹ ቢታ ኡባን ኡንን ኩሸያ ዋይ ገድያ ደንፍ” ያጌዳ።

45 ካቲ ዮሴፋ። “ጸፍናት-ፓእናሀ” ገደ ሱንሶዳ፤ እ እዉ ኦና ግያ ካታማ ቄሰያ ጸጽፋራ ናቶ አሰናቶ ማቼ ኦላ እሜዳ። ያትና ዮሴፎ ግብጹ ቢታ ኡባ ሳና እዴዳ።

46 ዮሴፎ ግብጹ ካትያዉ ኦላናዉ ደምያ ዋይ። እዉ ላይላይ ሀታማ። ቃይ ዮሴፎ ካትያ ሰንሳፕ ከሲደ፤ ግብጹ ቢታ ኡባ ግዲዋ ሀመቴዳ።

47 ሄ ላፑን ካሎ ላይላቱዋን ቢታይ ዳሮ ካላ ደሌዳ።

48 ዮሴፎ ግብጹ ቢታን ሄ ላፑን ካሎ ላይላ ካላ ኡባ ሸሺደ፤ ካታማቱዋን ምንጅዳ። እት እት ካታማ የሹዋን ደእያ ጎሻ ካላ ኡባ ሄ ካታማቱዋን ምንጅዳ።

49 ዮሴፎ አባ ሻፍያ ኬሻ ዳሮ ካላ ምንጅዳ፤ ካላይ ዳርና፤ ማካናዉ ዳንዳይቤና ድራዉ። ማክ ማክ ቆልያዋ አግ ባሸዳ።

50 ኮሻ ላይላይ ያናፕ ካሰ። ኦና ካታማ ቄሰያ ጸጽፋራ ናት አሰናትፕ ዮሴፎ ላኡ አቱማ ናና የሌዳ።

51 ዮሴፎ ባረ ባይራ ናእ ምናሳ \* ሱንሶዳ።

52 ላኡንሶ ናእ ኤፍራማ † ሱንሶዳ።

53 ግብጹ ቢታን ደእያ ሄ ላፑን ካሎ ላይላቱ ዉራድና።

54 ቃይ ዮሴፎ ኦዴዳዋዳን ላፑን ኮሻ ላይላቱ ደሜድና። ሀራ ቢታን ኡባን ኮሻይ ደንዴዳ፤ ሸን ግብጹ ቢታ ኡባን ካላይ ደኢ።

55 ግብጹ ቢታይ ኡባይ ኮሻቱዳ ዋይ። አሳይ ካላዉ ካትያ ዋሴዳ። ካቲ ግብጹ አሳ ኡባ። “ዮሴፎኮ ቢቲ፤ እ ኦድያዋ ኦላተ” ያጌዳ።

56 ኮሻይ ግብጹ ቢታ ኡባ ጋኬዳ ዋይ። ዮሴፎ ካላ ምንጅዳ ጎልያ ኡባ ደደደ። ካላ ግብጹ አሳዉ ዛልኡዳ፤ እያዉ ጎፕ። ግብጹን ኮሻይ ፐንቱዳ።

57 ሳእ ኡባን ኮሻይ ጸጸ ደእያ ድራዉ። ሳእን ደእያ አሳይ ኡባይ ካላ ዮሴፎፕ ዋምናዉ ግብጹ ዬዳ።

41:40 ከታ 7:10      41:42 ዳኦላ 5:29      \* 41:51 ምናሳ፦ እብራዌላዋን ጸሳይ ታ ሙቱዋ ኡባን ታ አዉዋ ሶ አሳ አባ ደግሴዳ ግያዋ።      † 41:52 ኤፍራማ፦ ሀ ሰንሳ ብላላይ እብራዌላዋን “ጸሳይ ታን ቱጋቲዳ ቢታን ታና ነይፍሴዳ” ያግያዋ።  
41:54 ከታ 7:11      41:55 ዮሃ. 2:5

# 42

## የሱሮ እሻቱ ግብጹ ቤድኖ

1 ያቆብ ግብጹን ካላይ ደለያዎ ሰሴዳ ዎይ፣ ባረ አቱማ ናና፣ “ህንተንቱ እቱ እቱዎ አያው ጸሊቱ?

2 በአተ! ግብጹን ካላይ ደለያዎ ታን ሰሳድ፤ ያ ዱገ ቢይ፣ ኑን ሀይቀናን ፓጾ ደእና ማላ፣ ያፕ አማራዳዎ ኑዉ ዎምተ” ያጌዳ።

3 የሱሮ እሻቱ ታማቱ ካላ ዎማናዉ ዱገ ግብጹ ቤድኖ።

4 ሽን ያቆብ የሱሮ እሻ ቢንያማ አ እሻቱዎና የድቤና፤ አያው ጎፕ፣ አ ቆሃታንንቶን ገይ ቆፔዳ።

5 ካናን ቢታን ዎልቃማ ኮሻይ ደለያ ድራው፣ ካላ ዎማናዉ ዬዳዎንቱና አሰራኤልያ አቱማ ናናይ ግብጹ ገሌድኖ።

6 ሄ ዎይ የሱሮ ሄ ቢታ አይሰያዎንታን ቢታን ደለያ አሳዉ ኡባዉ ካላ ዛልእያዎ፤ ሄዎ ድራዉ የሱሮ እሻቱ ጋኬዳ ዎይ፣ ባረንቱ ዳሙዎ ሳአ ጋሊደ አዉ ጎይኔድኖ።

7 የሱሮ ባረ እሻቱዎ በኑ ሳን ኤር አኔዳ፤ ሽን አ ኡንቱንታ ኤረናዎዳን ላሙቱዳ፤ አ ኡንቱንታ፣ “ህንተንቱ ሀቃፕ ዬድቱ?” ያጌደ ኦቹዳ።

አንቱንቱ፣ “ካላ ዎማናዉ፣ ካናን ቢታፕ ዬደ” ያጌድኖ።

8 የሱሮ ባረ እሻቱዎ ኤራዳ፤ ሽን ኡንቱንቱ አ ኤርበይክኖ።

9 ሄዎፕ ጉዮ፣ የሱሮ ኡንቱንቱዎ አኩሙቱዳ ባረ አኩሙዎ ሀሳዪደ ኡንቱንታ፣ “ህንተንቱ ጌድ ጸልያ አሳ፤ ህንተንቱ ኑ ቢታን ናፕ ለፕያ ባጋይ ሀቃዌንቶ በአናዉ ዬድታ” ያጌዳ።

10 ኡንቱንቱ፣ “ቱይት፣ ኑ ጎዳዉ፣ ኑን ጌድ ጸልያ አሳ ግደኮ፤ ኑን ነ ቆማቱ ካላ ዎማናዉ ዬደ።

11 ኑን ኡባይካ አት አዉዎ ናና። ኑን ነ ቆማቱ አማነትያ አሳ” ያጌድኖ።

12 የሱሮ ኡንቱንታ፣ “ቱይት፤ ህንተንቱ ኑ ቢታን ናፕ ለፕያ ባጋይ ሀቃዌንቶ በአናዉ ዬድታ” ያጌዳ።

13 ሽን ኡንቱንቱ፣ “ኑን ነ ቆማቱ ታማነ ላኡ እሻቱዎን ካናን ቢታን ደለያ አት ብታንያ ናና። ዉርሰላ ጳንላ ዱሱ ሀአ ኑ አቡና ደኤ፤ እቱ ጳዬዳ” ያጌድኖ።

14 የሱሮ ኡንቱንታ፣ “ታን ህንተንቶ ኦዳዳዎዳንካ ህንተንቱ ቢታ ጌድያዎንታ።

15 ቃይ ህንተንቱ ፓጩታናዎ ሀዋና፤ ቱሙዋፕ ካቲ ሀይቆ፤ ህንተንቱ ዉርሰላ ቱፋ እሻይ ሀዋ ያና ጳዮፕ፣ ህንተንቱ ሀዋፕ ቢክታ።

16 ህንተንቱ ኦድያዌ ቱማ ግድያዎ ፓጫናዉ፣ ህንተፕ እቱዎ ከትተ፤ አ ህንተንቱ እሻ አኪደ ዮ፤ አቱዳዎንቱ ቃሾ ጎለን ጋምኢታ። ሄዎ ግዳና ጳዮፕ፣ ካቲ ሀይቆ፤ ህንተንቱ ቢታ ጌድያዎንታ” ያጌዳ።

17 ኡንቱንታ ሄዙ ጋሳዉ ቃሾ ጎለን ዮጌዳ።

18 ሄዘንላ ጋላሳን የሱሮ ኡንቱንታ፣ “ታን ያሳዉ ያይያ አሳ፤ ህንተንቱ እትባ ኦሎፕ፣ ፓጾ ደእና።

19 ህንተንቱ ቱሙካ አማነትያ አሳ ግደፕ፣ ህንተንቱ እሻቱዋፕ እቱ ሀዋን ቃሾ ጎለን ደኤ፤ አቱዳዎንቱ ኮሻትያ ህንተንቱ ሶ አሳዉ ካላ አኪደ አፍተ፤

20 ሽን ህንተንቱ ቃላ ቱማያና ማላ ህንተንቱ ሀይቀና ማላ ህንተንቱ ህንተንቱ ዉርሰላ ቱፋ እሻ ታኮ አሀና ኮሺ” ያጌዳ። ኡንቱንቱን ሀ ዮዉዎ ማዬድኖ።

21 ኡንቱንቱ እቱ እቱዎ፣ “ቱሙ ኑን ነ እሻዉ ኦልዳባይ ኑና ካኤ። አ ባረ ሽምፖ ሀንያባይ አጽና፣ ኑዉ ዋትዋትያ ዎይ፣ ኑን ሰሲደ እጾዳ፤ ሀ ዋዪ ኑና ጋኬዳዌ ሄዎ ድራሳ” ያጌድኖ።

22 ርቤል፣ “ታን ህንተንታ፣ ናአ ቦላ ናጋራ ኦሎፕተ” ጋይ ኦዳበይክታ? ሽን ህንተንቱ ሰሰናን አጾድታ። ሰም ሀአ፣ አ ሱላይ ኑና አቹ” ያጌዳ።

23 ኡንቱንቱ ግያባ የሱሮ ኤራዳዎ ኡንቱንቱ አኬክበይክኖ፤ አያው ጎፕ፣ አ ኡንቱንቱና ዎካልያን ሃሳይያ ድራሳ።

24 አ ኡንቱንቱፕ ዎራ ሰሚደ ዬኬዳ፤ ሽን ቃይ ኡንቱንቱኮ ሰሚደ፣ ኡንቱንቶ ጉጂደ ሃሳዬዳ። አ ሰዋና ኡንቱንቱፕ ዱላ አሺደ ኡንቱንቱ በአሽን ቃቹዳ።

## የሱሮ እሻቱ ካናን ቢታ ሰሚድኖ

25 የሱሮ ባረ ቆማቱዎ፣ “ካላ ኡንቱንቱ ኦጎሩዎ ኩንላተ፤ ኡንቱንቱ ብራካ ዛሪደ፣ ኡንቱንቱ ኦጎሩዎን ኦጎሩዎን ዎላተ፤ ቃይ ኡንቱንቱ ኦግያዉ ሽንቃ አምተ” ያጌደ አዛዜዳ።

26 አ ጌዳዎዳን ኦልዳዎፕ ጉዮ፣ የሱሮ እሻቱ ካላ ባረንቱ ሀረቱዎን ጫኒደ፣ ደንዲደ ቤድኖ።

27 ኡንቱንቱ ቃማ አቃናዉ ሰሚድኖ ኡንቱንቱፕ እቱ ባረ ሀርያዉ ካላፕ ዮጋናዉ ባረ ኦጎሩዎ ብሊደ፣ ሄ ኦጎሩዎ ድናን ደለያ ባረ ብራ በኤዳ።

28 አ ባረ እሻቱዎ፣ “ታ ብራይ ታዉ ሰሚዳ፤ ቱሙ ሀዋ በአተ! ታ ኦጎሩዎን ደኤ” ያጌዳ።

እንቱንቱ ዋዛርይ ዳጋምና፣ ኮኮሪደ እቱ እቱዋኮ ስሚደ፣ “ጸሳይ ኑ ቦላ ኦሌዳባይ ሀዌ እዬ?” ያጌድኖ።

29 እንቱንቱ ካናነ ቢታን ደእያ ባረንቱ አወዋ ያቆባኮ ዬዳ ዋደ፣ ባረና ጋኬዳዋ ኡባ አወ ኦዴድኖ።

30 እንቱንቱ አወ፣ “ሄ ቢታዉ ጎዳ ግዴዳ ብታኒ ኑና ሀንቀቲዳ። ሄዋፕ ጉዮ፣ እ ኑና ሄ ቢታ ገድያዋደን ጎዳቲዳ።

31 ሸን ኑን እ፣ ኑን እማነትያ አሳ፤ ቢታ ጌድያዋንታ ግድኮ።

32 ኑን ታማነ ላኡ እሻቱ እት አወዋ ናና፤ እቱ ቆዬዳ፤ ወርሰላ ቴፋይ ካናነ ቢታን ሀእ ኑ እቡና ደኤ’ ያጌድኖ።

33 ሄ ቢታዉ ጎዳ ግዴዳ ብታኒ ኑና፣ ህንተ እማነትያ አሳ ግድያዋ ታን ሀዋን ኡራና፤ ህንተንቱ እሻቱዋፕ እቱዋ ሀዋን ታ ማታን የጊደ፣ ኮሻትያ ህንተንቱ ሶ አሳዉ ካላ እኪደ ቢተ።

34 ህንተንቱ ቢታ ጌድያዋንታ ግድና፣ እማነትያ አሳ ግድያዋ ታን ኡራና ማላ፣ ህንተንቱ ወርሰላ ቴፋ እሻ ታኮ እክ ዪተ። ያቶፕ ታን ሃን አቴዳ ህንተንቱ እሻ ህንተንቶ ዛራደ እማና፤ ህንተነ ሀ ቢታን ዛልኢታ ጌዳ” ያጌድኖ።

35 እንቱንቱ ባረንቱ ኦጎሩዋፕ ካላ ቆሊደ፣ ባረንቱ ኦጎሩዋን ኦጎሩዋን ባረንቱ ብራ ቃሹዋና ኡቴዳዋ ደማድኖ። ኡንቱንቱ፣ ኡንቱንቱ አወ ሄ ቃሹዋና ደእያ ብራ በእደ ያዬድኖ።

36 ኡንቱንቱ አወዋ ያቆብ ኡንቱንታ፣ “ህንተንቱ ታና ታ ናናቱዋፕ ማላ ከሴድታ፤ የሴፎ ባዋ፣ ሰሞን ባዋ፤ ቃይ ህንተንቱ ቢንያማ አፋና ኮዪታ። ኡባባይ ታዉ ትራን ስት ጌዳ” ያጌድኖ።

37 ሄዋፕ ጉዮ ርቤል ባረ አወዋ፣ “ታን ቢንያማ ነዉ ዛራደ አሀና ቆዮፕ፣ ታ አቴማ ናና ላኡዋካ ዋጻ፤ ታና እማነታደ አ ታ ኩሸያን ዋጻ፤ ቃይ ታን አ ዛራደ አሀና” ያጌድኖ።

38 ሸን ያቆብ ኡንቱንታ፣ “ታ ናኦይ ህንተና ያ ዲገ ቢና፤ እ እሻይ ሀይቁና፣ አቴዳዋ አ ጸላላ፤ ህንተንቱ አፍሸን፣ ኦገያን ኢታባይ አ ጋክያዋ ግድፕ፣ ህንተንቱ ታ ፑሉንላ ሁጲያ ካዩዋን ዲፋዋን የጊታ” ያጌድኖ።

### 43

የሴፎ እሻቱ ቢንያማና ስሚደ ግብጹ ቤድኖ

1 ሀእነ ኮሻይ ካናነ ቢታን ዋልቃሚዳ።

2 ያትና ኡንቱንቱ ግብጹፕ አሄዳ ካላ ኡባ ሞ ወርሰ ድግና፣ ኡንቱንቱ አወ፣ “ቃይካ ጉዮ ቢደ ኑዉ እማራዳ ካላ ዋምተ” ያጌድኖ።

3 ሸን ይሁዳይ እ፣ “ሄ ብታኒ ኑና፣ ህንተ እሻይ ህንተናና ያና ቆዮፕ፣ ታ ዴሙዋ ዛር በእክታ” ያጌድኖ ሎይሳ ኦዴዳ።

4 ኔን ኑ እሻ ኑናና የደፕ፣ ኑን ዲገ ቢደ ነዉ ካላ ሻማና።

5 ሸን ኔን አ የደናዋ ግድፕ፣ ኑን ዲገ ቦኮ፤ አያዉ ጎፕ፣ ሄ ብታኒ ኑና፣ ህንተ እሻይ ህንተናና ያና ቆዮፕ፣ ህንተንቱ ታ ዴሙዋ ዛር በእክታ” ጌዳ” ያጌድኖ።

6 አሰራሌ፣ “ህንተንቱ፣ ኑዉ ሀራ እሻይ ደኤ’ ጊደ ኦዲደ ሀ መቲዋ ታ ቦላ አያዉ አሄድቲ?” ያጌድኖ።

7 ኡንቱንቱ እ፣ “ሄ ብታኒ ኑባነ ኑ ሶ አሳባ ሎይሳ ኦቴዳ። እ ኑና፣ ህንተ አዉ ሀእካ ፓጻ ደኢ? ህንተንቶ ሀራ እሻይ ደኢ?” ያጌደ ኦቴዳ። ኑን አ ኦቴዳዋ አዉ ዛራደ። እ ኑና፣ ህንተ እሻ ዲገ ሃ አሀተ” ጋናዋ ኑን አያን ኡራኔ?” ያጌድኖ።

8 ይሁዳይ ባረ አወዋ አሰራሌልያ፣ “ኑንካ ኔንካ ኑ ናናይካ ፓጻ ደእና ማላነ ሀይቀናን አታና ማላ፣ ናኦ ታናና የዳ፤ ኑን ኤለካ ባና።

9 ናኦ ታ ዋሰተላን እማ፤ አባን ታና ኦቻ፤ ታን አ ነዉ ሳር ዛራደ አሀና ቆዮፕ፣ ታ ደኤዋ ኡባን ነ ሸቃይ ታና ጋኮ!

10 ኑን ጋምአቢናዋ ግድንቶ፣ ሀናደ ላኡንሉዋ ያ ጋኪደ ስማና ሸን” ያጌድኖ።

11 ሄዋፕ ጉዮ ኡንቱንቱ አዉ አሰራሌል ኡንቱንታ፣ “ሄዋ ግድፕ፣ ያትተ፤ ሄ ብታንያዉ ኩሸያ ገንሐያዋ ሀ ቢታን ዶሊዳዋ ኡባፕ ሎእያዋ ዶርተ፤ ሄዋነ ባላሳነ ግያ ቆልያ፣ ኡሳ፣ ሳዉዋ፣ ካርቢያነ ታዋር ላዉዝያ ግያ ሞላቲዋ ቴራ ህንተንቱ ኦጎሩዋን የጊደ እክ ቢተ።

12 ህንተንቱ ኦጎሩዋ ዶናን ስሜዳ ብራይ ባለሌዳዋ ግዳናዉ ዳንዳይያ ድራዉ፣ ብራካ ላኡ ኩሸ ኦላደ እክ ቢተ።

13 ቃይ ህንተንቱ እሻነ እኪደ፣ ሄ ብታንያኮ ኤለካ ጉዮ ቢተ።

14 እ ህንኮ ህንተንቱ እሻ የዳና ማላ፣ ቢንያመነ ህንተናና ያና ማላ፣ ኡባ ዳንዳይያ ጸሳይ ሄ ብታኒ ህንተንቶ ቃረታናደን እ። ታና ግድፕ፣ ታ ናናቱዋፕ ማላ አቶፕነ አታድ” ያጌድኖ።

15 ሄዋ ድራዉ ሄ አሳቲ እምታን ላኡ ኩሸ ብራነ ቃይ ቢንያማነ እኬድኖ። ኡንቱንቱ ዲገ ግብጹ ቢደ፣ የሴፎ ሰንላ ሸቆድኖ።

16 የሴፎ በጊንማ እንቅጥጥና በኤዳ ዋደ፣ ባረ ጎለ ካቸዋ፣ “ሄ አሳ ታ ሶ አካደ ባ፤ እት መሀያ ሹካደ ገገሳ፤ እንቅጥጥ ሴታ ጋላሳን ላጸ ታናና ሚኖ” ያጊደ አዛዜዳ።

17 ያትና እ የሴፎ ሰ በዳ ድራው፣ ያዬድና፤ እንቅጥጥ፣ “ኮን ሀዋ ዬዳዌ ኮይሮ ኦጎራዋና ሰሚደ ቤዳ ብራ ድራሳ፤ እ ኦና ዋጳፎ፣ እይላተላን ሞዳናውን ኑ ሀረቱዋ አካናወ ሀኔዳ” ያጊደ ቆፔድና።

18 ሄዋ ድራው እንቅጥጥ የሴፎ ጎለ ገንግያ ጋኪደ፣ ጎልያ ካቸዋ ሃሳይሴድና፤

19 “ታ ጎዳው፣ ኮን ኮይሮ ካሳ ዋማናወ ሀዋ ዬድ፤

20 ሰሚደ ኮን ቃማ እቅያ ሳኒን ኦጎራዋ ብሊደ፣ ሀጺያን ሀጺያን ኑ ብራይ ፓጩናን ኑ ኦጎራዋ ደናን ደእያዋ ደሜዳ፤ ሄዋ ድራው ሀእ ኮን እ ገዮ እኪደ ዬድ።

21 ቃይ ኮን ካሳ ዋማናወ ሀራ ብራካ እሄድ። ኑ ብራ ኑ ኦጎራዋ ኦጎራዋ ደናን እን ዋልደንቶን ኤርኮ” ያጊድና።

22 እ እንቅጥጥ፣ “ሄዌ እይን ባዋ፤ ያዮፕተ! ሀንተንቱ ጸሳይ፣ ሀንተንቱ አወዋ ጸሳይ፣ ሀንተንቱ ኦጎራዋ ግደን ሀንተንቶ ብራ እሚዳ፤ ታን ሀንተንቱ ብራ አካድ” ያጊድ። ሄዋጥ ጉዮ፣ እ ሰሞና እንቅጥጥ ከሴዳ።

23 ሄ ብታኒ ሄ አሳ የሴፎ ሰ አወደ፣ እንቅጥጥ ገድያወ ሃላ እይና፣ ባረንቱ ገድያ ሚጨቴድና። እንቅጥጥ ሀረቶ ሀርቁዋ ያጊድ።

24 የሴፎ ሴታ ጋላሳ የኔ ለማናው፣ እንቅጥጥ ባረንቱ እሞታ አወ ገገሴድና፤ እያወ ጎጥ፣ እንቅጥጥ ያን ማናዋ ሰሰ ኡቴድና።

25 የሴፎ ባረ ሰ ገሌዳ ዋደ፣ እንቅጥጥ ሰ እሄዳ ባረንቱ እሞያዋ ሰን አወ እሚድና፤ እንቅጥጥ አ ሰጎላን ሳኦ ጋኪደ ጎይኔድና።

26 እ እንቅጥጥ ሳሮተላ ኦኾ ሰሚደ፣ “ሀንተንቱ ታወ ኦዴዳ ሀንተንቱ አወ ጭማይ ሎኤ? ሀእካ እ ፓጻ ደእ?” ያጊድ።

27 እንቅጥጥ፣ “ኤ፣ ነ ቆማይ፣ ኑ አወ ሀእካ ፓጻ ደእ፤ እ ሎእ” ያጊደ ሆኪደ አወ ጎይኔድና።

28 እ ባረ እት ናኦ በጊንማ በኤዳ ዋደ እንቅጥጥ፣ “ሀንተንቱ ኦዴዳ ወርሰላ ቴፋ ሀንተንቱ እሻይ ሀዌ?” ያጊድ። ቃይ እ በጊንማ፣ “ታ ናኦው፣ ኔና ሳሳይ ከጎጆ” ያጊድ።

29 የሴፎ አ እሻይ አወ ጎሞፓይ ሞሽቴዳ ድራው፣ ዬካናወ እት ሳኦ ላወሀ ጌዳ። እ ባረ ዲማ ቆልኦዋ ገሊደ ያን ዬኬዳ።

30 እ ባረ ዲማ ሚጨፍዋጥ ጉዮ ከሲደ፣ ባረና ሞንግሲደ፣ “ቆማ አላተ” ያጊድ።

31 እንቅጥጥ አወ ዲማ፣ ሄ እሻቶ ዲማ፣ ሄዋን አናና ሞን ግብጼ አሳቶ ዲማ አሌድና፤ እያወ ጎጥ፣ ግብጼ አሳቱ አብራዌ አሳቱዋና እትጥ ሚክና። ሄዋ ግብጼ ቢታ እሳ ሸጎይያዋ።

32 እንቅጥጥ የሴፎ ሰጎላን ባይራይ ባረ ባይራተላዳን፣ ቴፋይ ባረ ቴፋተላዳን ማራን ኡቴድና። እንቅጥጥ እቱ እቱዋ ዴሊደ፣ እንቅጥጥ ዋት ኡትሴድናንቶ በኪደ ማላላቴድና።

33 የሴፎ ማደገ እንቅጥጥ ቆማ ግሸያ ዋደ፣ በጊንመወ ጋኪደዋ ሀራቱዋጥ እቸሹ ኩሸያ ዳራ፤ ያትና እንቅጥጥ ናሸቴደ አናና ሚድና፤ ኡሼድና።

# 44

## የሴፎ ብራ ዋንጫ

1 የሴፎ ባረ ጎለ ካቸዋ፣ “ኔን ሀ አሳቱዋ ኦጎራ አክያዋ ኬሻ ካሳ እንቅጥጥ ኩንላ፤ እንቅጥጥ ኡባ ብራካ እንቅጥጥ ኦጎራዋ ኦጎራዋ ደናን ዋላ፤

2 ያታደ ወርሰላ ቴፋ ኦጎራዋ ደናን ታ ብራ ዋንጫን እ ካሳ ብራ ዋላ” ያጊደ አዛዜዳ፤ እ የሴፎ ጌዳዋዳን ኦሌዳ።

3 ሳኦይ ዋንትና ሄ አሳቱ ባረንቱ ሀረቱዋ እኪደ ባናወ ሞይዘቴድና።

4 እንቅጥጥ ሄ ካታማጥ ከሲደ ሃክ ቤናን ደእሸን፣ የሴፎ ባረ ጎለ ካቸዋ፣ “ደንዳ! ሀ አሳቱዋ ጌዳዋ ካሳ፤ ኔን እንቅጥጥ ጋኪደ ዋደ እንቅጥጥ፣ ሀንተ እያወ ከጎጆ እንቅጥጥ” ያጊድና።

5 ሀዌ ታ ጎዳይ ኡሸያን ቃይ ጸራባ ደሞያ ዋንጫ ግደን? ሀዌ ሀንተንቱ ኦሌዳባይ ባላባ ያጋ” ያጊድ።

6 እ እንቅጥጥ ጌዳዋ ጋኪደ፣ ሀ ጌዳዋዳንካ እንቅጥጥ ኦዴዳ።

7 ሸን እንቅጥጥ፣ “ታ ጎዳይ ሀዋ ማላ ቃላ እያወ ሃሳዬ? ሄዋ ማላ ኦሌዳዌ ኑጥ ነ ቆማቱዋጥ ሃኮ!

8 ኮን ሀራይ እቶ ኑ ኦጎራዋ ደናጥ ደሚዳ ብራ ካናን ቢታጥ ጉዮ ነወ ዛር እሄድ።

9 ነ ጎዳ ጎልፕጥ ኮን ዋርቃ ዋደ ብራ ዋት ወሌቶ? ነ ቆማቱዋ ግደን ሄ ዋንጫይ ቤቴዳ ኡራይ ሀይቆ፤ ቃይ አቴዳ ኮን ነ ጎዳወ እይላ ግዳና” ያጊድና።

10 እ እንቅጥጥ፣ “ሄዋ ግደጥ ሎእ፤ ሀንተንቱ ጌዳዋዳን ዋንጫ እኬዳ ኦንን ታ አይላ ግዳና፤ ሀንኮ አቴዳ ሀንተንቱ ቦርያጥ ሳሮ አታና” ያጊድ።

11 ሄዋጥ ጉዩ፣ ኤንቱንቱ ኤለካ ባረንቱ ኦጎሩዋ ኦጎሩዋ ሳእን ዎሊደ ብሌድኖ።

12 ሄ ካፍ ኡባጥ ባይራትያዋ ኦጎሩዋጥ ደሚደ ወርሰላ ቴፋ ጋካናወ ኮዬዳ፤ ሄ ዋንጫ ቢንያማ ኦጎሩዋ ግደጥ ደሚደ።

13 ሄዋን ኤንቱንቱ ካዮቲደ፣ ባረንቱ ማዩዋ ፔዴድኖ፤ ባረንቱ ኦጎሩዋ ባረንቱ ሀረቱዋን ጫኒደ፣ ጉዩ ካታማ ሰሚድኖ።

14 ይሁዳይ ባረ እሻቱዋና ዮሴፎጥ ገልያ ዎደ፣ ዮሴፎ ሶን ደኤ፤ ኤንቱንቱ እ ሰንላን ሳእን ጉፋኔድኖ።

15 ዮሴፎ ኤንቱንታ፣ “ሀንተንቱ እያ ኢታባ ኦሴድተ? ታ ማላ አሳይ ጸራባ ደምያዋ ኤርክቲየ?” ያጌዳ።

16 ይሁዳይ፣ “ታ ጎዳወ ኮን እያ ጋኔ? ኮን እያ ሃሳያኔ? ዎይ ኮን ጽሉዋ ግድያዋ ዎት በሳኔ? ጸሳይ ነ እይለቱዋ ባይዙዋ ቆንጭሰ ድጌዳ። ሰም ኮንካ ሄ ዋንጫይ አጥ ቤቱዳዌካ ታ ጎዳወ እይለ ግዴዳ” ያጌዳ።

17 ሸን ዮሴፎ፣ “ሀዋ ማላ ኦሳዎቹ ታጥ ሃኮ፤ ታ ዋንጫይ አጥ ቤቱዳ ብታንያ ጸላላይ ታ እይለ ግዳና። ሀንኮ ሀንተንቱ ሀንተንቱ አወዋኮ ጉዩ ሳር ሰምተ” ያጌዳ።

18 ይሁዳይ እኮ ሸቆደ እ፣ “ታ ጎዳወ፣ ታን እት ቃላ ሃሳያና ማላ ኔና ዎሳይ፤ ታና ነ እይለያ ሀንቀቶገ፤ እያወ ጎጥ፣ ኔን ካትያ ማላ።

19 ኔን ታ ጎዳይ ኮና ነ እይለቱዋ፣ ሀንተንቶ አወ ደእያ ዎይ እሻይ ደኤ?” ያጋደ ኦቻዳ።

20 ኮንካ፣ ኑወ ጭሚዳ አወ ደኤ፤ እ ጭም ክቺደ የሌዳ ቴፋ ናኤይካ ደኤ፤ ሄ ናኤ እሻይ ሀይቆዳ፤ ባረ አትወ እት እ ጸላላይ አቲዳ፤ እ አወ እ ሲቁ ያጌዳ።

21 “ኔን ነ እይለቱዋ፣ ታን እ በእና ማላ ታወ አሀተ” ያጋዳ።

22 ኮን ታ ጎዳ፣ ሄ ናኤ ባረ አወዋጥ ሻከታናወ ዳንዳየና፤ ሻከቶጥ እ አወ ሀይቆንታ” ያጌዳ።

23 ሸን ኔን ነ እይለቱዋ፣ ሀንተ ቴፋ እሻይ ሀንተናና ዲገ ያና ቆየጥ፣ ላኤንሉዋ ታ ዳሙዋ በእክታ” ያጋዳ።

24 ኮን ነ እይለቱ ኑ አወዋኮ ሰሚደ ቤዳ ዎደ፣ ታ ጎዳይ ጌዳዋ አወ ኦዴድ።

25 “ኑ አወ፣ ጉዩ ቢደ እማራዳ ካሳ ዎምተ” ያግና።

26 ኮን እ፣ ኑ ቴፋ እሻይ ኑናና ቦጥ አትን፣ ዲገ ባናወ ዳንዳየኮ፤ እያወ ጎጥ፣ ኑ እሻይ ቴፋይ ኑናና ቤናዋ ግደጥ፣ ኮን ሄ ብታንያ ዳሙዋ በእናወ ዳንዳየኮ” ያጌዳ።

27 “ኑ አወ ነ እይለ ኑና፣ ታ ማቻታ ራሂላ ታወ ላኡ አቲማ ናና የሌዳዋ ሀንተንቱ ኤሪታ፤

28 ኤንቱንቱጥ እቲ ታጥ ሻከቲደ ቢና፣ “ቴሙ እ ደኤይ ፑዘራላ ሜዳ” ያጋድ፤ ሀቺ ጋካናወ ታን እ በእበይከ።

29 ሀዋ ቃይ ሀንተንቱ ታጥ ሻከ አፍና፣ ኢታባይ እ ጋኮጥ፣ ሀንተንቱ ታ ፑሉንላ ሁጲያ ካዩዋን ዱፋዋን የጋና” ያጌዳ።

30-31 “ሄዋ ድራወ፣ ሀእ ታን ጉዩ ነ እይለያ ታ አወዋኮ ብያ ዎደ፣ ታ አወ፣ ናኤ ባረ ሸምጥዳን ሲቆያዎ፣ ናኤይ ኑናና ባይናዋ በኦጥ ሀይቂ አጋና። ኮን ነ እይለቱ ኑ አወዋ ፑሉንላ ሁጲያ ካዩዋን ዱፋዋን የጌቶ።

32 ታን ነ እይለ ናኤ ታ ዋስተላን አካድ፤ ታን እ፣ ታ አዎ፣ ታን እ ነወ ሳር ዛራደ አሀና ቆየጥ፣ ታ ደኤዋ ኡባን ነ ሸቃይ ታና ጋኮ!” ያጋ ዎላድ።

33 “ያቴዳ ድራወ፣ ታን ነ እይለ ታ ጎዳወ ናኤ ድራወ እይለታደ፣ ሀዋን አትና፣ ናኤይ ባረ እሻቱዋና ጉዩ ሰሞ።

34 ናኤይ ባይናን ታን ዋናደ ጉዩ ታ አወዋኮ ሰማኔ? ቲይት፣ ታና ታ አወ ሴለታና ሴላ በሶጋ” ያጌዳ።

# 45

## ዮሴፎ ባረና ባረ እሻቶ ኤርሴዳ

1 ሄ ዎደ ዮሴፎ ሄ አሳ ኡባ ሰንላን ገንጫና ዳንዳይቤና፤ “አሳ ኡባ ታ ሰንላጥ ከሰተ” ያጌደ ዋሴዳ። ሄዋ ድራወ ዮሴፎ ባረና ባረ እሻቶ ኤርሴዳ ዎደ፣ አናና ኦንካ ባዋ።

2 እ ባረ ቃላ ቶቂሲደ፣ ግብጾቹ እ ሰሳና ጋካናወ ሎይሳ ዬኩዳ። ካትያ ሶ አሳይ ሄ ዎርያ ሰሴዳ።

3 ዮሴፎ ባረ እሻቶ፣ “ታን ዮሴፋቲ! ታ አወ ሀና ጋካናወ ፓጻ ደኤየ?” ያጌደ ኦቹዳ። ሸን እ እሻቱ ሎይሳ ዳጋሜዳ ድራወ፣ አወ ዛራና ዳንዳይቤይክኖ።

4 ያትና ዮሴፎ ባረ እሻቱዋ፣ “ታኮ ሃ ሸቅተ” ያጌዳ። ኤንቱንቱ እኮ ሸቆዳኖ፤ እ ኤንቱንታ፣ “ታን ሀንተንቱ እሻ ዮሴፋ፤ ሀንተንቱ ግብጾ ቢታወ ዛልኤዳዋ።

5 ቃይ ህንተንቱ ታና ሀዋ ዛገሉዳ ድራጫ፣ ቁምኤቶፕተነ ካዮቶፕተነ እያዉ ጎፕ፣ ጸሳይ ታና ህንተፕ ሰንሳዉ ኪቲዳዌ እሳ ሸምፑዋ አሻናሳ።

6 ሀ ቢታ ኮሻይ ገሎደፕ ላእነሱ ላይሳ፤ ቃይ ይያ እቼሹ ላይሳቱዋን እሳይ ጎሸና ዎይ ጫከና።

7 ሸን ታን ሳእን ህንተንቱ ዘርላ እሻና ማላን ህንተንቱ ደኤዋ ዳርሳ እሻና ማላ፣ ጸሳይ ታና ህንተፕ ሰንሳዉ ኪቲዳ።

8 ሰም ታና ሀ ሳእ ኪቲዳዌ ጸሳ ግድያዋፕ አትና፣ ህንተንታ ግድክታ። እ ታና ግብጼ ካትያዉ አወዋ፣ እዉ ደእያዋ ኡባዉ ጎዳን ግብጼ ቢታ ሞድያዋ ሌሌዳ።

9 “ሀእ ኤሌል ጉዮ ት እዉዋኮ ቢደ እ፣ ሳና ናእይ ዮሴፎ ሀዋዳን ያጌ፤ “ጸሳይ ታና ግብጼ ቢታ ኡባ ሶሳን ጎዳ ከሴዳ፤ ኔን ታኮ ዲገ ሃያ፤ ጋምኦፕ።

10 ኔን ገሴመ ቢታን ኡታሳ፤ ቃይ ኔን፣ ነ ናናይ፣ ነ ናና ናናይ፣ ነ ደርሳ ዉዲ፣ ነ ሚዛ ዉዲን ነዉ ደእያባይ ኡባይ ታ ማታን ደኢታ።

11 ብር እቼሹ ኮሻ ላይሳቱ አቲድና፤ ኔና፣ ነ ሶ እሳን ነ መሀያ ኮሻይ ኦይቀና ማላ፣ ታን ኔና ሞዛና” ያጌዳ፣ ያግተ” ያጌዳ።

12 ቃይካ ዮሴፎ ኡንቲንታ፣ “ህንተካ ታ እሻ ቢንያመካ፣ ሀ ህንተናና ሃሳይያዌ ቱሙ ታና ዮሴፋ ግድያዋ ህንተንቱ አይፍያን በኢታ።

13 ታዉ ግብጼ ቢታን ደእያ ቦንቹዋ ኡባን ህንተንቱ በኤዳዋ ኡባ ታ እዋ ኦድተ፤ ታ እዉዋን ኤላካ ሃ ዲገ እክ ዪተ” ያጌዳ።

14 ባር እሻ ቢንያማ ቆፊያ ቆም ዩኬዳ፤ ቢንያመካ ባር እሻ ቆም ዩኬዳ።

15 ዮሴፎ ባር እሻቱዋ ኡባ የሪደ፣ ኡንቲንቱ ሶሳንካ ዩኬዳ። ሄዋፕ ጉዮ፣ እ እሻቱ አናና ሃሳይድና።

16 ዮሴፎ እሻቱ ዬዳ ዎር ካትያ ጎላ ጋኬዳ ዎደ፣ ካቲን እ ኦሳንቻቱ ናሸቲድና።

17 ካቲ ዮሴፎ፣ “ሄን ነ እሻቱዋ ያትታ ጋ፤ ህንተ መሀያ ጫኒደ፣ ካናን ጋድያ ሰምተ፤

18 ህንተንቱ እዉዋን ህንተንቱ ሶ እሳ እኪደ፣ ጉዮ ታኮ ሃ እህተ። ታን ህንተንቱ ግብጼ ቢታን ኡባ ሳአፕ ሎእያ ሳእ እምና፣ ህንተንቱ ሀ ቢታ ሞፉዋ ካሻና” ያጋ።

19 ቃይካ ኔን ነ እሻቱዋ፣ ፓራ ጋርያ ህንተንቱ ናናቱዋን ህንተንቱ ማጫ እሳቱዋ እህያዋንታ ግብጻፕ እኪደ ቢተ፤ ህንተንቱ እዉዋን እኪደ ዪተ።

20 ግብጼ ቢታን ደእያ ኡባፕ እቲ ሎእያዌ ህንተሳ ግድያ ድራጫ፣ ህንተንቱ ማጸዋ ቆፖፕተ” ያጋደ ኦዳ” ያጌዳ።

21 እሰራኤልያ አቲማ ናናይ ጌዳዋዳን ኦሌድና። ዮሴፎ ካቲ እዛዜዳዋዳን ፓራ ጋርቲዋን ኦግያዉ ሸንቃ ኡንቲንቱ አሜዳ።

22 ኡንቲንቱ ኡባዉካ ሁጲያን ሁጲያን ኦራላ ማዩዋ አሜዳ፤ ሸን ቢንያመዉ ሄዙ ጸቱ ጸጋራ ብራን እቼሹ ኩመንሳ ማዩዋ አሜዳ።

23 እ ባር እዋ የይዳዌ ሀዋ፤ ግብጻን ደእያ ኡባፕ ሎእያዋ ታሙ ሀርያን ጫኒደ፣ ቃይ ኦግያዉ ካላ፣ ኡክሳሳ ሀራ ሸንቃ ታሙ ማጫ ሀርቲዋን ጫኒደ የዳዳ።

24 ዮሴፎ ባር እሻቱዋ ሞይዜዳ። ኡንቲንቱ ቢሸን እ ኡንቲንታ፣ “ኦግያን ቢደ ዋሳቀቶፕተ” ያጌዳ።

25 ኡንቲንቱ ግብጻፕ ከሲደ ቤድና፤ ካናን ቢታ ቢደ፣ ባርንቱ እዉዋ ያቆባክ ጋኬድና።

26 ኡንቲንቱ እዉ ሀዋዳን ያጊደ ኦዳድና፤ “ዮሴፎ ፓጸ ደኤ! እ ሄዋፕን ግብጼ ቢታ ኡባ ሞድያዋ” ያጌድና፤ ያቆባ ዳጋማይ ዎዛና ባይዜዳ ድራጫ፣ ኡንቲንታ አማንቤና።

27 ሸን ኡንቲንቱ ዮሴፎ ባርንቱ ኦዳዳዋ ኡባ እዉ ኦድና ኦ እክ እህና ማላ ዮሴፎ ኪቲዳ ፓራ ጋርቲቱዋ በ እአና፣ ኡንቲንቱ እዉዋ ያቆባ ሸምፑ ሰሜዳ።

28 እሰራኤሊ፣ “ሄዌ ታዉ ግዴ፤ ታ ናእ ዮሴፎ ሀና ጋካናዉ ፓጸ ደኤ! ታን ሀይቃናፕ ካሳ ባደ፣ እ በእና” ያጌዳ።

### እሰራኤላቱ ግብጼ ጋድያን

## 46

(46:1—50:26)

ያቆብን እ ሶ እሳይ ዲገ ግብጼ ቤድና

1 እሰራኤሊ ባርዉ ደእያዋ ኡባ እክ ደንዲደ፣ በርሳብሀ ጋኬዳ፤ እ ባር እዉዋ ይሳቃ ጸሳዉ ያርሹዋ ያርሹዳ።

2 ጸሳይ ቃማ እኩሙዋን እ፣ “ያቆባ፣ ያቆባ” ያጌዳ።

እ፣ “እቤ” ጊደ ኮዬዳ።

3 እ፣ “ታን ጸሳ፣ ነ እዉዋ ጸሳ፤ ኔን ዲገ ግብጼ ባናዉ ያዮፕ፤ እያዉ ጎፕ፣ ታን ኔና ያን ዎልቃማ ካዉተሳ ከሳና።

4 ታን ኔናና እትጥ ግብጹ ባና፤ ቃይ ታን ነ ዘረላ ስጥ ከሳና። ዮሴፍ ባረ ኩሽያን ነ እይፍያ ሸሻና። ያጌዳ።

5 ሄዋጥ ጉዮ፣ ያቆብ በርሳብሄጥ ደንዳዳ፤ እሰራኤልያ እቲማ ናናይ ባረንቱ እወዋ ያቆባ፣ ባረንቱ ናናን ባረንቱ ማቻቱዋ ግብጹ ካቲ ኤንቱንቶ ኪቲዳ ፓራ ጋርያን ዋሊደ እፌድና።

6 ኤንቱንቱ ካናን ቢታን ሞዴዳ ማጹዋን መሀያ ኡባ እፌድና። ያቆብን እ ዘረላ ኡባይ እናና ግብጹ ቤድና።

7 እ ባረ እቲማ ናናን ባረ ናና እቲማ ናና፣ ባረ ማጫ ናናን ባረ ናና ማጫ ናና፣ ሄዋን ባረ ዘረላ ኡባ ባረናና ግብጹ እፌዳ።

**ያቆባ የለታ**

8 እሰራኤልና ግብጹ ጋድያ ቤዳ እሰራኤልያ ናና ሱንሳይ ሀዋጥ ካሊደ ጻፈቲዳዋ።

ያቆባ ባይራ ናኦይ ሮቤላ፤

9 ሮቤላ እቲማ ናናይ ሀኖካ፣ ፓሉ፣ ሄጽሮናን ካርማ።

10 ሰዋና እቲማ ናናይ ይሙኤላ፣ ያሚና፣ ኦሃዳ፣ ያኪና፣ ጸሃራን ካናን ሞሽራት ናኦ ሻኤላ።

11 ሊዊ እቲማ ናናይ ገርሾና፣ ቃሃታን ማራራ።

12 ይሁዳ እቲማ ናናይ ኤራ፣ ኦናና፣ ሹላ፣ ፓራሳን ዛራሀ፤ ሸን ኤርነ ኦናን ካናን ቢታን ሀይቁድና።

ፓራሳ እቲማ ናናይ ሄጽሮናን ሀሙላ።

13 ይሳኮራ እቲማ ናናይ ቶላኦ፣ ጥዋ፣ ያሹባን ሸሞሮና።

14 ዛብሎና እቲማ ናናይ ሰራዳ፣ ኤሎናን ያህላኤላ።

15 ሀዋንቱ ልያ ማሰጸጸምያን ያቆባዉ የሌዳ እቲማ ናና፤ እ ማጫ ናታ ዲና። ሀዋንቱ እ ናናይን ናና ናናይ ሙሊ ሀታማን ሄዛ።

16 ጋደ እቲማ ናናይ ጸሮና፣ ሀጋ፣ ሹና፣ ኤጽቦና፣ ኤር፣ አሮዳን አርኤላ።

17 እሴራ እቲማ ናናይ ይምና፣ ይሸዋ፣ ይሸዋሀን ባሪኦ፤ ኤንቱንቱ ሞቻታ ሰራሆ። ባሪኦ እቲማ ናናይ ሄቤራን ማልክኤላ።

18 ላባን ባረ ናት ልዮ እሚዳ ዘልፓ ያቆባዉ የሌዳ ናናይ ሀዋንታ፤ ኤንቱንቱ ሙሊ ታማን ኡሱጥና።

19 ያቆባ ማቻት ራሄል እቲማ ናናይ ዮሴፍን ቢንያማ።

20 ኦና ካታማ ቄሰያ ጸጽፋራ ናታ እሰናታ ዮሴፍዉ ግብጹን ምናሳን ኤፍሬማ የላዲ።

21 ቢንያማ ናናይ በላኦ፣ በኬራ፣ አሸቤላ፣ ጌራ፣ ናኦማና፣ ኤሀ፣ ሮሻ፣ ሙፒማ፣ ሁፒማን አራዳ።

22 ያቆባዉ የለቲዳ ራሄል እቲማ ናናይ ሀዋንታ፤ ኤንቱንቱ ሙሊ ታማን ኦይዳ።

23 ዳና እቲማ ናኦይ ሁሸማ።

24 ንፍታሌማ እቲማ ናናይ ያህጽኤላ፣ ጉና፣ የጼራን ሺሊማ።

25 ላባን ባረ ናት ራሄልዉ እሚዳ ባላ ያቆባዉ የሌዳ ናናይ ሀዋንታ፤ ኤንቱንቱ ሙሊ ላፑና።

26 ያቆባና ግብጹ ቤዳ፣ እ ጉልባታጥ የለቲዳዋንቱ፣ እ ናና ማቻቱዋ ጉጅናን፣ ሙሊ ኡሱጥና ታማን ኡሱጥና።

27 ግብጹን ዮሴፍዉ የለቲዳ ላኡ ናና ጉጅና፣ ግብጹ ቤዳ ያቆባ ሶ አሳይ ሙሊ ላፑን ታማ።

**ያቆብን እ ሶ አሳይ ግብጹን ደኤድና**

28 ገሴመ ቢታን ሞካና ማላ፣ ያቆብ ይሁዳ ባረጥ ሰንሳዉ ዮሴፍኮ ኪቲዳ፤ ኤንቱንቱ ገሴመ ጋኬዳ ዋደ።

29 ዮሴፍ ባረ ፓራ ጋርያ ገግሲደ፣ ባረ እወዋ እሰራኤልና ጋከታናዉ ገሴመ ቤዳ። ዮሴፍ ባረ እወዋ ደሜዳ ሳናካ እ ቆዶያን ጸጸት ቆም፣ ዳር ዋድያ ዬኬዳ።

30 እሰራኤሊ ዮሴፍ፣ “ኔን ፓጻ ደእሸን፣ ታን ነ እይፍያ በኤዳ ድራዉ፣ ሀኦ ታን ሀይቁንቶን እይን ባዋ” ያጌዳ።

31 ሄዋጥ ጉዮ፣ ዮሴፍ ባረ እሻቱዋን ባረ እወዋ ሶ አሳ፣ “ታን ግብጹ ካትያኮ ባና፤ እዉ፣ ካናን ቢታን ደእያ ታ እሻቱዋን ታ እወዋ ሶ አሳይ ታክ ዬድና።

32 ኤንቱንቱ ደርሳ ሃንሳንቻ፤ ኤንቱንቱ መሀያ ሄምና፤ ኤንቱንቱ ባረና ባረንቱ ደርሳቱዋ፣ ባረንቱ ሞያቱዋን ባረንቶ ደእያዋ ኡባ እኪደ ዬድና፣ ያጋና።

33 ካቲ ህንተንታ ጸሰሲደ፣ ህንተ ኪታይ እዬ? ያጌደ ኦቾጥ።

34 ህንተንታ እዉ፣ ናን ነ ቆማቱ ናከተሳጥ ደሚደ፣ ኑ እዋቱዋዳን መሀያ ሄሜቶ ያግተ። እ ህንተንታ ገሴመ ጋድያን ዋሳናዋ፤ እያዉ ሳጥ፣ ደርሳ ሃንሳንቻ ኡባይ ግብጹ አሳን ካቲቲዳዋ” ያጌዳ።

### 47

1 የሱፎ ገሊደ ግብጹ ካትያዉ ሀዋዳን ያገደ ኦዴዳ፤ “ታ አዉነ ታ እሻቱ፣ ባረንቱ ዶርሳ ዉድያና፣ ባረንቱ ምያ ዉድያና፣ ባረንቱ ደእያዋ ኡባና ካና፣ ቢታገጥ ዪደ፣ ሀእ ገሴመ ቢታገ ደእና” ያጌዳ።

2 እ ባረ እሻቱዋጥ እሻቱዋዋ ዶሪደ ካትያ ሰንላ አሌዳ።

3 ካቲ ሄ እሻቱዋ፣ “ሀንተንቱ ከታይ አይ?” ያገደ ኦሻዳ።

አንቱንቱ ካትያዉ፣ “ኡን ነ ቆማቱ ኑ አዋቱዋዳንካ ዶርሳ ዉድያ ሄሜቶ” ያገደ ዛሬድና።

4 ቃይ አንቱንቱ አዉ፣ “ካና፣ ቢታገ ኮሻይ ጲጽ ደእያ ድራዉነ ነ ቆማቱዋ መሀያዉ ምያባይ አይነ ባይና ድራዉ፣ ኑን ሀዋን አማሬዳ ዋድያ ደእናዉ ዬደ፤ ሀያና ኑና ነ ቆማቱዋ ገሴመን ዋሳርከ!” ያጌድና።

5 ካቲ የሱፎ፣ “ነ አዉነ ነ እሻቱ ኔኮ ዬድና።

6 ሰም ግብጹ ቢታይ ነ ኩሽያን ደኤ፤ ሀ ጋድያን ኡባ ሳጥ አጂደ ሎኢያሳን ነ አዉዋን ነ እሻቱዋ ዋላ፤ አንቱንቱ ገሴመ ቢታገ ደእና። ኔን ኦርና፣ አንቱንቱ ግዶጥ ዱማ ኡራተላይ ደእያዋንቱ ደኡጥ፣ ሄዋንታ ታ መሀያ ቦላ ሱንላ” ያጌዳ።

7 ሄዋጥ ጉዮ፣ የሱፎ ባረ አዉዋ ያቆባ ገልሲደ፣ ካትያ ሰንላ አሌዳ። ያቆብ ግብጹ ካትያ እንጂዳዋጥ ጉዮ።

8 ካቲ ያቆባ፣ “ነዉ ዋይሳ ላይሌ?” ያገደ ኦሻዳ።

9 ያቆብ ካትያ፣ “ታገ ዩያደ ደኤዳ ላይላይ ጴታን ሀታማ፤ ታ ላይላይ በን ታ አዋቱ ዩዪደ ደኤዳ ላይላቱዋጥ ጉላነ መቱ ዳሬዳዋ” ያጌዳ።

10 ሄዋጥ ጉዮ፣ ያቆብ ካትያ እንጂደ፣ አ ሰንላጥ ካረ ከሴዳ።

11 የሱፎ ባረ አዉዋን ባረ እሻቱዋ ግብጹ ቢታገ ዋሌዳ፤ ካቲ አዛዜዳዋዳን ግብጹ ቢታገ ራዋሳ ግያ ካታማ ማታገ ደእያ፣ ኡባ ሳጥ አጂደ ሎኢያ ጋድያ አንቱንቱ አማዳ።

12 የሱፎ ቃይ ባረ አዋ፣ ባረ እሻቱን ባረ አዉዋ ሶ አሳ ኡባዉ አንቱንቱ ናና ፓይዳዋዳን ካላ አማዳ።

#### ግብጹን ኮሻይ ሱሌዳ

13 ግዶጥን ኮሻይ ጲጽ ደእያ ድራዉ፣ ሄ ቢታ ኡባን ካላ ባዋ። ሄ ኮሻን ግብጹን ካና፣ ቢታይ ላአቱካ ቆሃቲድና።

14 የሱፎ ግብጹ ካላ ዛልኢደ፣ ግብጹን ካና፣ ቢታቱዋን ደእያ ሚሻ ኡባ ሺሼዳ፤ ግብጹ ካትያ ጎላ ገልሲደ።

15 ግብጹን ካና፣ ሻሉ ዉሬዳ ዋደ፣ ግብጹ አሳይ ኡባይ የሱፎኩ ዪደ አ፣ “ኑዉ ካላ አማ፤ ኑ ሻሉ ዉሬዳ ድራዉ፣ ኑን ነ ሰንላን አያዉ ሀይቁቶ?” ያጌድና።

16 የሱፎ አንቱንታ፣ “የቶጥ ሀንተንቱ መሀያ አክ ዪተ፤ ሀንተንቱ ሻሉ ዉር ክቼዳዋ ግዶጥ፣ ታገ ካላ ሀንተንቱ መሀያና ላማና” ያጌዳ።

17 ሄዋ ድራዉ አንቱንቱ ባረንቱ መሀያ የሱፎዉ አሄድና። የሱፎ አንቱንቱ ፓራ፣ ዶርሳ፣ ዳሻ፣ ምያን ሀርያ ካላና ላማዳ፤ አ ሄ ላይላ አንቱንቱ መሀያ ኡባና ካላ ላማደ አንቱንታ ምዝ ሻቼዳ።

18 ሄ ላይላይ ዉርና፣ አንቱንቱ ላኢንላ ላይላን አኮ ዪደ አ፣ “ኡን ኑ ጎዳጥ ቆሰያባይ ባዋ፤ ኑ ሚሻ ኡባይ ዉር ድግና፣ ኑ መሀያካ ነዉ ሺሺደ፣ ኑ ቦላጥን ኑ ጋድያጥ አትን፣ ኑ ጎዳዉ አቲዳባይ ሀራባይ ባዋ።

19 ኡን ነ ሰንላን አያዉ ሀይቁቶ? ኑ ጋዳካ አያዉ ቆዩ? ኑናካ ኑ ጋድያካ ካላን ሻማ፤ ኑን ካትያዉ አይለታና፤ ኑ ጋዳካ አዋ ግዶ፤ ኑን ፓጻ አታና ማላ፣ ሀይቀና ማላ፤ ኑ ጋዳካ አጻና ማላ፣ ዘረላ ኑዉ አማ” ያጌድና።

20 የሱፎ ግብጹ ቢታ ኡባ ካትያዉ ሻማዳ። ግብጹቱ ኡባይ ኮሻይ ጲጽ ደእያ ድራዉ፣ ባረንቱ ጋድያ ዛልኤድና፤ ጋዲ ካትያዋ ግዴዳ።

21 የሱፎ አሳ ኡባ ግብጹዉ ሀ ጋጾጥ ዶማደ ሀን ጋጻ ጋካናዉ ካትያዉ አይላ ከሴዳ።

22 ግዶጥን አ ቁሳቱ ዋ ጋድያ ሻምቤና፤ አያዉ ጎጥ፣ ካቲ ቁሳቶ ካላ አማዳ። ሄዋ ድራዉ ባረንቱ ጋድያ ዛልአበይከና።

23 የሱፎ አሳ፣ “ሰም ሀቼ ታገ ሀንተና፣ ሀንተንቱ ጋድያ ካትያዉ ሻማድ። ዘረላ አፊደ፣ ጋደን ዘርተ።

24 ሸን ካላ ጫክ ገልሲያ ዋደ፣ አይፊዳዋጥ እቼሹ ኩሽያጥ እት ኩሽያ ካትያዉ አምተ። እቼሹ ኩሽያጥ አቲዳ ኦይዱ ኩሽ ሀንተንቱ ጋድያ ዘረላን ሀንተንቶ፣ ሀንተንቱ ሶ አሳዉን ሀንተንቱ ናናዉ ቁማ ግደ” ያጌዳ።

25 አንቱንቱ፣ “ኔን ኑና እሻዳ! ኑ ጎዳ ሰንላን ኑን ሳባ ደሚርኮሻ፤ ኑን ካትያዉ አይለታና” ያጌድና።



26 ሄዋ ድራው፣ የሴፎ ግብጽን ቢታገ ለይፊዳዋጥ እቺሹ ኩሽያጥ እቱዋ ካትያወ እምያዋ ሀግያ ከሴዳ። ሄ ሀገ ሀቼ ጋካናዉ እቁደ ደኤ። ካትያዋ ግድቤና ጋዲ ቁሳቱዋ ጋድያ ጸላላ።

27 እስራኤላቱ ግብጽ ቢታገ ገሴመ ግያ ሳን ኡቴድኖ፤ ኡንቱንቱ ያን ማጸዋ ደሜድኖ፤ ኡንቱንቱ የለቲድኖን ዳር ጮራቴድኖ።

28 ያቆብ ግብጽ ቢታገ ታማነ ላፑን ላይላ ደኤዳ። ያቆብ ደኤዳ ላይላይ ዴታነ ኦይታማነ ላፑና።

29 እስራኤላ ሀይቂያ ዎዲ ማታትና፣ ባረ ናእ የሴፋ ጸሰሲደ ሀዋዳን ያጌዳ፤ “ታን ነ ሰንላን ሳብቲዳዋ ግድገ፣ ነ ኩሽያ ታ ጉልባታን ዎላድ\* እነ ገፓ።

30 ሽን ታን ታ ማይዛን ጋከትያ ዎድ፣ ታና ግብጸጥ አፋደ፣ ኡንቱንቱ ሞገቴዳ ሳኣን ሞጋ” ያጌዳ።

የሴፎ፣ “ታን ኔና ኔን ጌዳዋዳን ኦላና” ያጌዳ።

31 ያቆብ አ፣ “እነ ታወ ጫቃ” ያጌዳ። የሴፎ አወ ጫቁዳ፤ ሄዋጥ ጉዮ፣ እስራኤላ ባረ ሂጸን ጉፋኒደ፣ ጸሳወ ጎይኔዳ።

# 48

## ምናሳነ ኤፍሬማ

1 ሄዋጥ ጉዮ አሳይ የሴፎዉ፣ “ሳ አወ ሳከቴዳ” ያጌደ ኦይዳ። እ ባረ ላኡ እቱማ ናና ምናሳነ ኤፍሬማ አኪደ ቤዳ።

2 አሳይ ያቆባ፣ “በእ፤ ነ ናእይ የሴፎ ኔኮ ዬዳ” ያጌዳ፤ እስራኤላ ምነቲደ ባረ ሂጸን ኡቴዳ።

3 ያቆብ የሴፎ፣ “ኡባ ዳንዳይያ ጸሳይ ካናን ቢታገ ሎዛ ግያ ሳኣን ታወ ቆንጨደ፣ ያን ታና አንጃዳ።

4 አ ታና፣ “ታን ኔና የለትሳናነ ጮርሳና፤ ታን ኔና ዳሮ ደረ ኦላና። ሀ ቢታ ታን ኔጥ ጉዮ፣ ነ ዘረላወ ሙድና ላታ ኦላደ እማና” ያጌዳ።

5 “ሰሞ ሀእ፣ ነ ላኡ እቱማ ናናይ፣ ታን ኔኮ ሀዋ ያናጥ ካሰ ግብጽን ነዉ የለቲዳዋንቱ ታዋንታ፤ ኤፍሬማን ምናሰ ታወ ሮቤላነ ሰሞና ማላ።

6 ኡንቱንቱጥ ጉዮ ነዉ የለቲዳዋንቱ ነዋንታ፤ ኡንቱንቱ ላታና ቢታይ ኤፍሬማን ምናሳ ሱንላን ግድ።

7 ታን ማሰጸጸምያጥ ሰምሽን፣ ኤፍራታ ጋካናወ ላፋ አሽያ ዎድ፣ ራሂላ ካናን ቢታገ ሀይቃዳ። ታን አዘ ቤተሌመ ግያ ኤፍራታ አፍያ ኦግያ ዳናን ሞጋድ” ያጌዳ።

8 እስራኤላ የሴፎ እቱማ ናና ላኡቱዋ በኤዳ ዎድ፣ “ሀዋንቱ ኦኔ?” ያጌደ ኦቼዳ።

9 የሴፎ ባረ አወዋ፣ “ሀዋንቱ ጸሳይ ታወ ሀዋን እሜዳ ታ ናና” ያጌዳ።

እስራኤላ፣ “ታን ኡንቱንታ አንጃና ማላ፣ ኡንቱንታ ታኮ ሄ ሺሻ” ያጌዳ።

10 እስራኤላ ጭምና አ እይፊ ላባኔዳ ድራዉ፣ ጼላናወ ዳንዳዮና። ሄዋ ድራወ የሴፎ ባረ እቱማ ናና አኮ ሺሽና፣ አ አወ ኡንቱንታ እድሚደ የሬዳ።

11 እስራኤላ የሴፋ፣ “ታን ነ ዴሙዋ በእና ጋደ ቆፓበይከ፤ ሽን ጸሳይ ሄኮ ነ ናናካ ታና በሴዳ” ያጌዳ።

12 የሴፎ ኡንቱንታ አ ጉልባታጥ ደንሊደ፣ ባረ ዴሙዋ ሳኣ ጋሊደ ጎይኔዳ።

13 የሴፎ ባረ ላኡ እቱማ ናና፣ ኤፍሬማ ባረ ኡሽቻ ባጋን እስራኤልያወ ሀድርሳ ባጋና፣ ምናሳ ባረ ሀድርሳ ባጋን እስራኤልያወ ኡሽቻ ባጋና አኪደ፣ አኮ ሺሹዳ።

14 ኤፍሬማ ቴፋ ግድገ፣ እስራኤላ ባረ ኡሽቻ ኩሽያ የዳደ አ ሁጲያን ዎሌዳ፤ ቃይ ምናሰ ባይራ ግድገ፣ እስራኤላ ባረ ኩሽያ የዳደ፣ ባረ ሀድርሳ ኩሽያ ምናሰ ሁጲያን ዎሌዳ።

15 ሄዋጥ ጉዮ፣ ያቆብ የሴፋ ሀዋዳን ያጌደ አንጃዳ፤

“ታ አዎቱ አብራሃሙን ይሳቅ  
አ ሰንላን ሄመቴዳ ጸሳይ፣

ታ ደኡዋ ኡባን ሀቼ ጋካናወ  
ታና ሄሜዳ ጸሳይ፣

16 ኢታባ ኡባጥ ታና አሺዳ ኪታንቻይ፣  
ሀ ናና አንጃ።

ታ ሱንሳይነ

ታ አዎቱዋ አብራሃሙን ይሳቅ ሱንሳይ ኡንቱንቱን ጸሰቶ።

ኡንቱንቱ ሳኣ ቦላን ጮራትኖ” ያጌደ አንጃዳ።

\* 47:29 ነ ኩሽያ ታ ጉልባታን ዎላድ። ሀዋ ጉሳይ ታና ግብጽን ሞገዳናን ገፓ ግያዋ። 47:29 ደመላ 49:29-32፤ 50:6 48:3 ደመላ 28:13-14 48:7 ደመላ 35:16-19

17 የሴሬ ባረ አው ባረ ኡሸቻ ኩሸቻ ኤፍሬማ ሁጲያን ዋሌዳዋ በኤዳ ዋደ ደሰቤና። ሄዋ ድራው፣ ኤፍሬማ ሁጲያ፣ ደንሰ፣ ሞናሰ ሁጲያን ዋላናው ባረ አውዋ ኩሸቻ ኦይቄዳ።

18 የሴሬ ባረ አውዋ፣ “ታ አዎ፣ ሄዋ ግደና፤ ባይራይ ሀዋተ፤ ነ ኡሸቻ ኩሸቻ ሀዋ ቦላ ዋላ” ያጌዳ።

19 ሸን አ አው አጸደ አ፣ “ታን ኤራይ፤ ታ ናአው፣ ታን ኤራይ፤ አካ ዋልቃማ ደረ ግደና። ግደ፣ አ ቴፋ አሻይ አ፣ አጽ ግታታና፤ አ ዘረላይካ ዳሪ ዋልቃማ ካውተላ ግደና” ያጌዳ።

20 አ ሄ ጋላሰ ኡንቱንታ አንጂዳ፣  
“አሰራኤላቱ አንጅያ ዋደ፣  
‘ጸሳይ ሀንተንታ ኤፍሬመዳን ሞናሰዳን አሉ’  
ያጌደ ሀንተንታ ሱንላን አንጅና” ያጌዳ።  
ኤፍሬማ ሞናሰ፣ ሰንላዬዳ።

21 ሄዋ፣ ግደ ስላሰራኤላ የሴሬ፣ “ታን ሀያና ሀናይ፤ ሸን ጸሳይ ሀንተናና ግደና፤ ቃይ አ ሀንተንታ አዋቱዋ ጋድያ ሀንተንታ ጉየ ዛራና።

22 ቃይ ኔና ነ አሻቱዋና ጋዘያ ቢታ፣ አት ሳማ ዳርሳደ ነው አማይ፤ ሄዋን ታን አዋራቱዋ፣ ታ ማሻን፤ ታ ዋንዳፍያን አኬዳ ቢታ” ያጌዳ።

### 49

#### ያቆብ ባረ ናና አንጂዳ

1 ሄዋ፣ ግደ፣ ያቆብ ባረ አቱማ ናና ጸሰሲደ ሀዋዳን ያጌዳ፤ “ሰንላ፣ ሀንተንታ ሀናና ታን ሀንተንታ ኡዳና ማላ ሸቅተ።”

2 “ሀንተንታ ያቆባ ናናቶ፣  
አት፣ ሸቅደ ሰሰተ፤  
ሀንተንታ አው አሰራኤላ ሀንተንታ ኡዳያዋ ሀይዘተ።

3 “ሮቤላ፣ ታ ባይራ ናአው፣  
ኔን ታ ዋልቃ፤  
ታ ሞኖተላው ኮይሩዋ።  
ኔን ቦንቹዋንካ ዋልቃንካ ኡባ፣ አጽያዋ።

4 ኔን ድኡዋ ማላ፤ ኤቆሳኒን ደአካ፤  
ኔን ኡባ፣ አጽያዋ ግዳካ።  
አያው ጎ፣ ኔን ነ አውዋ ግሱዋ ከሳዳ፤  
ነ አውዋ ግሱዋ ቱንሳዳ።

5 “ሰሞን ሌዋ አሻቱዋ፤  
ኡንቱንታ ማሻይ ማካላተላው ኦላ ማሻ።

6 ታን ኡንቱንታ ዞረታን ገልከ፤  
ታን ኡንቱንታ ሸቁዋንካ ኡትከ፤  
አያው ጎ፣ ኡንቱንታ ባረንቱ ሀንቁዋን  
አሳ ዋዴድኖ ባረና አካ አካ ገና፣  
ቦራቱዋ ቃንጾድኖ።

7 ኡንቱንታ ሱሎ ሀንቁ  
ኡንቱንታ ሙቀላ ኢታተላይን ሸቅቱዳዋ ግደ፤  
ታን ኡንቱንታ ያቆባ አሳ ግደዋን ላላና፤  
አሰራኤልያ ቢታን ትሰክ ኦላና።

8 “ሮሁዳው፣ ነ አሻቱ ኔና ጋላታና።  
ነ ኩሸ ነ ሞርከቱዋ ፕላንትያ ኦይቃና።  
ነ አውዋ ናናይ ነው ሆኪደ ጎይናና።

9 ሮሁዳው፣ ኔን ዋዳላ ጋዋ።  
ታ ናአው፣ ኔን ሻንካ፣ ዋድ ሰሚደ፣  
ጮሳቲደ ግሱዳ ጋሙዋ ማላ።  
ኔን አሳ ቦሸረላናው ኮየና ማጫ ጋማት ማላ።

10 አይሰያዌ ያና ጋካናው።

ካውተላ ጸምአይ ይሁዳ፣  
ደርያ አይሰያዋንቱ ጋትማይ እ ገድያ ግደፕ ሻከተና።  
ቃይ ደርያ አሳይ አው አዛዘታና።

- 11 እ ባረ ሀርያ ወይንያ ኦሳዋን፣  
ባረ ሀረ ማራ ሙሩታ ወይንያ ቱራን ቃቻና።  
እ ባረ አፍላ ወይንያ ኤሳን፣  
ባረ ማዳዋ ሱላ ማላትያ ወይንያ ኤሳን ሜጫና።
- 12 እ አይፊ ወይንያ ኤሳፕ አድ ዞአና፤  
እ አቻይካ ማላፕ አድ ቦጻና።

- 13 “ዘብሎን አባ ዶናን ደአና፤  
እ አባ ዶናን ማርካባቱ ኤቂያ ሳእ ግዳና፤  
እ ዛዋይ ሲዶና ጋካናዋ።

- 14 “ይሳኮሪ ሞኖ ሀርያ፤  
ጫንያ ላኡ ዶንያቱዋ ግዴዋን ግሰ ባሽ
- 15 እ ባረ ሸሞፕያሳ ሎኦ ግድያዋን  
ባረ ቢታይ ናሽቻያዋ ግድያዋ በእያ ወደ፣  
ጫና ትካናዉ ባረ ሀሽያ ሆክሲዶ፣  
አይለተላ ኦሱዋ ኦሳና።

- 16 “ዳን አሰራኤልያ ዛራቱዋፕ  
እቱዋ ግዴዳ ባረ አሳ ቦላ ዳናታናዋ።

- 17 ዳን ኦግያ ዶናን ደአያ ሸሻ፤  
ፓራ ቶጌዳዌ ጉዮ ኩንዳና ማላ  
ፓራ ግንድያ ዱክያ፣  
ኦግያን ደአያ ሀሱዋ።

- 18 አሴት መድና ጎዳዉ፣ ታን ኔን አሻናዳን ናጋይ።

- 19 ጋድ ቦንቁያዋንቱን ደሸታናዋ፤  
ሸን እካ ኡንቱንቱ ቃታማ ካሊደ  
ኡንቱንታ ቦንቃናዋ።

- 20 አሴራ ኡክሳይ ኦርዱዋ፤  
ካትያዉ እ ሎኦ ቁማ አማና።

- 21 ንፍታሌመ ቃሸተናን የዳ ደአያ፣  
ሎኦ ማራቱዋ የልያ ገንአያ።

- 22 ዮሴፎ አይፍያና ዮንዶዴዳ ወይንያ ቱራ።  
እ ፑልቱዋ ማታን ዮንዶዴ አይፍያና ደአያ፣  
ዳሻይካ ጎዳፕ ቦላና ዛአያ ወይንያ ቱራ።

- 23 ዋንዳፍያ ዱክያዋንቱ  
እ ቦላ ዶዴድና፤  
ባረንቱ ዋንዳፍያንካ፣  
ዱኬድናን ማይትሴድና።

- 24 እ ዋንዳፊ ምን ኡቱዳ፤  
እ ዋልቃይካ ምኒደ ጋሞኤዳ።  
ሄዌካ ያቆባ ጸሳ ዋልቃማ ኩሽያ ጋሱዋና፣  
ነ ሄንሳንቻ፣ አሰራኤልያ ዛላ ጋሱዋና፣

- 25 ኔና ማድያ ነ አዎቱዋ ጸሳ ጋሱዋን፣  
ኔና ቦላ ሳሉዋ አንጂዋን፣  
ጋርሳ ጪማ አንጂዋን፣ ቆንሳ አንጂዋን፣  
የልያ ኡሉዋ አንጂዋን አንጅያ፣  
ኡባ ዳንዳይያ ጸሳ ጋሱዋና።

- 26 ነ አዉዋ አንጂ በን ደረቱዋ አንጂዋፕካ  
መድናፕ ደአያ አንጂዋፕካ አዴ።  
ሀዌ ኡባይ ዮሴፎ ሀጺያን፣  
ባረ አሻቱዋ ግዴዋን ካቱዋ ግድያዋ ሊጺያን ሸሞፕ።

27 ቢንያሙ ቦንቂያ ዋልያ።

ባረ ሻንካቲዳዋ ዋንታ ሜ፤  
ባረ ኦሞዴዳዋ ኦማርሰ ሻኪ” ያጌዳ።

28 ሀዋንቱ ታማነ ላኡ እስራኤልያ ዛራቱዋ፤ ቃይ ኡንቱንቱ እዉ ኡንቱንታ ሁጲያን ሁጲያን ኡንቱንቶ በሰያ አንጂዋ አንጂዳ ኡንቱንቶ ጌዳዌ ሀዋ።

**ያቆባ ሀይቁዋ**

29 ሄዋጥ ጉዮ፣ እ ኡንቱንታ ሀዋዳን ያጊደ እዛዜዳ፤ “ታን ታ ማይዛ እሳቱዋን ጋከታናዉ ሀናይ፤ ታና ሂትያ ኤፍርና ጋደን ደእያ ጎንጎሉዋን፣ ታ አዎቱዋና ሞግተ።

30 ሄዌካ ካናን ቢታን፣ ማግሪ ማታን ደእያ፣ ማክጾላ ግያ ጎንጎሉዋ፤ ሄዌ አብራሃሙ ሂትያ ኤፍርናጥ እ ጋድያና ሻሜዳ ጎንጎሉዋ።

31 አብራሃሙን እ ማቻታ ሳራ ያን ሞገቲድና፤ ይሳቅነ እ ማቻታ ርብቃ ያን ሞገቲድና፤ ታን ቃይ ልዮ ያን ሞገድ።

32 ሄ ጋዲነ እን ደእያ ጎንጎሉ ሂተቱዋጥ ሻሙቲዳዋ” ያጌዳ።

33 ያቆብ ባረ ናናዉ እዛዙዋ ዉርሴዳ ዋደ፣ ባረ ገድያ ጉደ ባረ ሂጻዉ ሺሽ እኪደ፣ ሀይቁ አጌዳ፤ ባረ ማይዛን ጋከቲዳ።

**50**

1 ዮሴፎ ባረ አዉዋ እሃ ቦላ ኩንዲደ፣ ዬኬዳነ እ የራዳ።

2 ሄዋጥ ጉዮ፣ ዮሴፎ ጳልያ ሺሽያ ባረ ኦሳንቻቱዋ ባረ አዉዋ እስራኤልያ እሃ ሳዊያ ሸቱዋ ኦኪደ ሙልሳና ማላ እዛዜዳ፤ ኡንቱንቱ ኦኪደ ሙልሴድና።

3 ሸቱዋ ኦኪያዌ ኦይታሙ። ጋላሳ ኩሙንሳ ዉርሴዳ፤ እያዉ ሳጥ፣ ሄዌ ጋድያ ዋጋን ኦይታሙ ጋላሳ እኬዳ። ግብጼ አሳቱ እዉ ላፑን ታሙ። ጋላሳ ዬኬድና።

4 ዬኩዋ ጋላሳቱ እዲዳ ዋደ፣ ዮሴፎ ግብጼ ካትያ ጎላ አሳ፣ “ታን ሀንተንቱ ሰንላን ናሽቲዳዋ ግደጥ፣ ሀንተንቱ ካትያዉ ሀዋዳን ያጊደ ኦድተ፤

5 “ታ አዉ ታና እት ጫቁዋ ጫቁሴዳ፤ እ ታና፣ “ታን ሀያና ሀናይ፤ ታን ታዉ ካናን ቢታን ቦኬዳ ጎንጎሉ ዱፋዋን ታና ሞጋ” ያጌዳ። ሄዋ ድራዉ ሀእ ታን ጉደ ባደ ታ አዉዋ ሞጋና ማላ የዳርኪ፤ ሄዋጥ ጉዮ ታን ሰማና” ያግተ” ያጌዳ።

6 ካቲ፣ “እ ኔና ጫቁሴዳዋዳን ጉደ ባደ ነ አዉዋ ሞጋ” ያጌዳ።

7 ዮሴፎ ባረ አዉዋ ሞጋናዉ ጉደ ቤዳ። ካትያ ኦሳንቻቱ ኡባይ፣ እ ካትያ ጎላን ደእያ ዋልቃማ አሳይ ኡባይን ግብጼ ቢታን ደእያ ዋልቃማ አሳይ ኡባይ ዮሴፋ ካሊደ ቤድና።

8 ቃይ ዮሴፎ ሶ አሳይ ኡባይ፣ እ እሻቱዋን እ አዉዋ ሶ አሳይ ቤድና፤ ኡንቱንቱ ናናይ፣ ኡንቱንቱ ሚዛይን ኡንቱንቱ ዶርሳ ዉዲ ጸላላይ ገሴሙን አቲዳ።

9 ፓራ ጋረቲካ ፓራ አሳቲካ አናና ጉደ ቤድና፤ እ ካሊደ ቤዳ አሳይ ሎይሰ ዳራ።

10 ኡንቱንቱ ዮርዳኖሳ ሻፋ ማታን ደእያ አጸደ ግያ ኡዳማ ጋኪደ፣ ባረንቱ ቃላ ጶቁ ኦሴደ፣ አዉ ዘላሌድና፤ ዬኬድና፤ ያን ዮሴፎ ባረ አዉዋ ዬኩዋን ላፑን ጋላሳ አቲዳ።

11 ሄ ቢታን ደእያ ካናን አሳቱ አጸደ ግያ ኡዳማን ሄ ዬኩዋ በኬዳ ዋደ፣ “ግብጾቱ እያ ይባታ ዬኩዋ ዬክና!” ያጌድና። ሄዋ ድራዉ ዮርዳኖሳ ማታን ደእያ ሄ ሳእይ፣ እቤል-ሞጽራይማ ጌተቲዳ።

12 ያቆባ ናናይ ባረንቱ እዉ ኡንቱንታ እዛዜዳዋዳን ኦሴድና፤

13 ኡንቱንቱ እ እሃ ካናን ጋድያ አፊደ፣ ማግሪ ማታን ደእያ ማክጾላ ግያ ጎንጎሉዋን፣ አብራሃሙ ሂትያ ኤፍርናጥ ሞጎ ሻሜዳ ጋድያን እ ሞጌድና።

14 ዮሴፎ ባረ አዉዋ ሞጌዳዋጥ ጉዮ፣ ባረ እሻቲዋናን እ አዉዋ ሞጋናዉ አናና ቤዳ ሀራ አሳቲዋ ኡባቲዋና ግብጼ ሰሜዳ።

**ዮሴፎ ባረ እሻቲዋ ዋጥሴዳ**

15 ኡንቱንቱ እዉ ሀይቁ ድጌዳዋ በኪደ፣ ዮሴፎ እሻቲ ባረንቱ ግዴዋን፣ “ኡን ኤሪ ዮሴፎ ኑና ባረ ኡሉዋን ሞርኮጥን ኑን እዉ ኦሴዳ ኢታባ ኡባዉ ሀሉዋ ስሳና ኮዮጥ፣ ኑን ዋናኔ?” ያጌድና።

16 ሄዋ ድራዉ ዮሴፎኩ ሀዋ ማላ ኪታ ኪቲድና፤ “ነ አዉ ሀይቃናጥ ካሰ፤

17 ሀንተ ዮሴፎ፣ “ኔን ነ እሻቲዋ ናጋራን ኡንቱንቱ ኔና ናቁዳ ኢታ ናፍዋ ሀያና አቶ ያጋ” ያጌዳ ጊደ ኦድተ” ያጌዳ። ሄዋ ድራዉ ሀእ ሀያና፣ ኑ ናጋራ፣ ነ አዉዋ ጸሳ ቆማቲዋ ናጋራ አቶ ያጋ” ያጌዳ። ኪታይ ባረኮ ጋኪዳ ዋደ፣ ዮሴፎ ዬኬዳ።

18 ሄዋጥ ጉዮ እ እሻቲ ባረንቱ ሁጲያዉ እኮ ዪደ፣ እ ሰንላን ጉፋኒደ፣ “ኑን ነ እይለቲዋ” ያጌድና።

19 ሸን የሴፎ ኡንቱንታ፡ “ያዮፕተ፤ ታና ህንተንቶ ጸሳ ጌድተየ?

20 ህንተንቱ ታዉ ኢታናዉ ኦሴድታ፤ ሸን ሀቼዋዳን ዳሮ አሳይ ሀይቀናን አታና ማላ፡ ጸሳይ ሎኦተላዉ ሀዋ ኦሴዳ።

21 ሄዋ ድራዉ ሰም ህንተንቱ ያዮፕተ፤ ታን ህንተናን ህንተንቱ ናና ሞዛና” ያጊደ፡ እ ኡንቱንታ ሞን። ለድ ቃላ ሃሳዬዳ።

**የሴፎ ሀይቁዋ**

22 የሴፎ ባረ አዉዋ ሶ አሳ ኡባና ግብጾን ጋምኤዳ፤ እ ጾታን ታሙ ላይላ ደኤዳ፤

23 ኤፍሬማ ናና፡ ሄዘንላ የለታ በኤዳ፤ ቃይ ሞናሰ ናኦ ማኪና ናናን እ ባረ ናና ኦሴዳ።

24 ሄዋፕ ጉየ የሴፎ ባረ አሻቱዋ፡ “ታን ሀያና ሀናይ፤ ሸን ጸሳይ ህንተንታ ማዳናዉ ቱሙ ጸሞሳና፤ እ ህንተንታ ሀ ቢታፕ ከሲደ፡ አብራሃመዉ፡ ይሳቃዉን ያቆባዉ እማና ጊደ ጫቄዳ ቢታ አፋና” ያጊደ።

25 የሴፎ እሰራኤልያ ናና፡ “ጸሳይ ህንተንታ ማዳናዉ ቱሙ ጸሞሰያ ዋደ፡ ህንተንቱ ታ መቀላ ሀ ቢታፕ ፑደ አኪደ ቢተ” ያጊደ ጫቄሴዳ።

26 የሴፎ ጾታን ታሙ ላይላ ደኤደ ሀይቁዳ፤ ኡንቱንቱ ሸቱዋን እ አሃ ኦኪደ መልሴዳዋፕ ጉየ፡ ግብጹ ቢታን ሳጽንያን የጌድና።

# ከሳ ማጻፋፋ ገሌቆ

ከሳ ማጻፋፋ “ከሳ” ገተቶዌ እስራኤልያ አሳይ ግብጾ ጋድያ አይለተላገ ከሴዳ ድራሳ።  
U ማጻፋፋዉ አይዲ ሁጸ ሻካቱ ደኢኖ።

1. እብራዌቱ አይለተላገ ከሴዳዎን ሲና ደርያ ኢንቱንቱ ቤዳ ቡሳሳ ኦዴ።
2. ጸሳይ ባረ አሳና ቃላ ጫቆጥ ገሌዳዎ፣ ኢታን ኬነ ሻክ ኤርሰያ ህግያ፣ አሳይ ካላናዉ በሰያ ህጋቱዎን አማኑዋ ህግያ እ ኢንቱንቶ አሜዳዋ ኦዴ።
3. እስራኤልያ አሳዉ፣ ቆሳቱዋ ኦሱዋሰን ጸሳዉ ጎይንያ ጎይናዉ እመቴዳ ህገቱዋዋ ኦዴ።
4. ጸሳ ዲንካንያ ቶሳ ዋጋን ጎይኑዋ ማራባ ኦዴ።

ኡባባገ አሊደ ህ ማጻፋፋይ ጸሳይ አይለተላገ ደኢያ ባረ አሳ ከሰ ሰሚደ፣ ኢንቱንቱ ዋደናዉ ህደታይ ደኢያ አሳ ግዳናደን፣ እ ኢንቱንታ ዋት ኦፊደንቶ ኦዴ።

U ማጻፋጎ ዳርያ ባጋ ታርክያ ጎዳ ግዲደ ሸቆዳ አሳይ ባረ አሳ ግብጾገ ከሳና ማላ፣ ጸሳይ ደራዳዌ ሙሳ። ማጻፋ ግደን ዳርገ ኤረቴዳ ሸሞፑ ታሙ አዛዛቱ ጻፈቴዳ ላታማንሎ ሸሞፑዋ።

## ሸሞፑቱዋ ኡባቶ እመቴዳ ቃንሳ ቆፋቱዋ

እስራኤልያ አሳይ ግብጾገ ከሱሳ 1:1—15:21

ሀ. ግብጾን አይለተላገ 1:1-22

ለ. ሙሴ የለቶዎን ድቻ 2:1—4:31

ሐ. ሙሴን አርነ ፓርና ሰንሳን 5:1—11:10

መ. ፓሰጋን ግብጾገ ከሱሳ 12:1—15:21

ዞኦ አባገ ሲና ደርያ ጋካናዉ 15:22—18:27

ህግያን ቃላ ጫቆጥ 19:1—24:18

ጌሻ ዲንካንያን ጎይና ዋጋ 25:1—40:38

## እስራኤልያ አሳይ ግብጾገ ከሱሳ

(1:1—15:21)

ግብጾን አይለተላገ

(1:1-22)

1 ያቆሳና ግብጾ ቤዳ እስራኤልያ አቱማ ናና ሱንሳይ ህዋገ ካሊደ ጻፈቴዳ፤ ኢንቱንቱ ኡባይካ ባረንቱ ሶይ አሳ አኪደ ቤድኖ።

2 ሃዋንቱካ፡ ርቢላ፣ ሰሞና፣ ሌዋ፣ ይሁዳ፣

3 ይሳኮራ፣ ዛብሎና፣ ቢንያማ፣

4 ዳና፣ ንፍታሊማ፣ ጋዳን አሴራ።

5 ያቆሳ ዘረሳቱ ኡባይ ላፑን ታማ፤ ዮሴፎ ካሰካ ግብጾ ብ ኡቱዳ።

6 ዮሴፎ፣ እ አሻቱን ሄ የለታ ኡባይ ሀይቄዳ፤

7 ሸን እስራኤልያ ዘረሳይ አይፌድኖን ሎይሎ ዳሬድኖ፤ ሄ ቢታ ኩማና ጋካናዉ ኢንቱንቱ ሎይሎ ጮራቴድኖ።

8 ሃዋገ ጉይያን፣ ዮሴፎ ኤረና ኦራሳ ካቲ ግብጾ ጋድያን ደንዴዳ።

9 እ ባረ አሳ፣ “በአተ፤ ሀ እስራኤላቱ ኑገ ሎይሎ ጮራቴድኖን ዋልቃሚድኖ።

10 ሃ ዪተ፣ እነ ኑን ኢንቱንታ ሄላን አይቆይተ፤ ሄዌ ቆየገ ኢንቱንቱ ካሰዋገ ያ ዳራና። ኑን ኤር ኦላይ ደንደፕ፣ ኢንቱንቱ ኑ ሞርከቱዋና ዳንሊደ፣ ኑና ኦላናን ጋድያ የገደ ከሰ አኪደ ባናዋንታ” ያጌዳ።

11 ሃዋ ድራዉ፣ ዴጾ ኪታን ኢንቱንታ ቱጋያና ማላ፣ ኢንቱንቱ ቦላ መቀሰ ባይና ካፖቱዋ ሱንሌድኖ። ኢንቱንቱ ካትያዉ ፒቶማን ራምሳ ጌተቶያ ሚሻ ምንጅያ ካታማቱዋ ኬጼድኖ።

12 ሸን ግብጾቱ ኢንቱንታ ኢንኡዋ ዳርያ ዋደ፣ ኢንቱንቱ ጮራት የለቴድኖን ቢታ ጋኬድኖ። ሃዋ ድራዉ፣ ግብጾቱ እስራኤላቶ ያዬድኖ፤

13 ቃረታይ ባይና ሀኖታን አይለተላገ ኪትሴድኖ።

14 ቃረታይ ባይና ዋልቃማ ኪታን፣ ሰሞንቱዋን ጹብያ መቆዋን፣ ቃይ ሾይቃን ኦሳያ ኡባ ቆዋ ኪታን፣ ኢንቱንቱ ደኡዋ ጫምሴድኖ።

15 ግብጾ ካቲ እብራዌ ማጫዋንታ ማርሰያ ጽፓርነ ፑሆ ጌተትያ ላኡ ማጫዋንታ ሀዋዳን ያጌዳ፤

- 16 “እብራዊ ማጫ አሳቱ የልያ ዎደ ህንተንቱ ማርሲድ፡ የልሶዌ አቱማ ናአ ግደፕ፡ ዎድተ፤ ሸን ማጫ ናቶ ግደፕ ዎድፕተ” ያጌዳ።
- 17 ሸን ማርሲያዎንቱ ጸሳው ያዪድ፡ ግብጹ ካቲ ኡንቱንታ አዛዜዳዎዳን ኦለበይክና። ኡንቱንቱ አቱማ ናና ሸምፑዋና አሺድና።
- 18 ሄዋፕ ጉይያን ግብጹ ካቲ ሄ ማርሲያዎንታ ጸሲድ፡ “ህንተንቱ አያዉ ሀዋዳን ኦሊቱ? አቱማ ናና አያዉ ሸምፑዋና አገቱ?” ያጌደ ኡንቱንታ አቼዳ።
- 19 ማርሲያዎንቱ ዛሪድ፡ “እብራዊ ማጫ አሳቱ ግብጹ ማጫዎንቱ ማላ ግድክና፤ ኡንቱንቱ ሞና ግድያ ድራው፡ ማርሲያዎንቱ ጋካናፕ ካሰቲደ የል ድጊና” ያጌድና።
- 20 ሄዋ ድራው፡ ጸሳይ ማርሲያዎንቶ ኬኬዳ። አሳ ፓይዲካ ጉጅ ጉጅ ቢድ፡ ካሰዋፕ ያ ጮራቱዳ።
- 21 ቃይ ማርሲያዎንቱ ጸሳው ያዬዳ ድራው፡ ጸሳይ ኡንቱንቶ ሎኦባ ኦሌዳ። እቶ አቶካ ሶ አሳ አሜዳ።
- 22 ሄዋፕ ጉይያን ካቲ ባረ አሳ ኡባ፡ “እብራዊቱዋፕ የለትያ አቱማ ናና ኡባ ናይለ ሻፋ ሃላን ኦልተ፤ ሸን ማጫ ናናይ የለቶፕ፡ ሸምፑዋና አግ ባሸተ” ያጌደ አዛዜዳ።

## 2

### ሙሴ የለታነ ድቻ (2:1—4:31)

- 1 ሄ ዎደ እት ሊዊያ ቆሞ ግዴዳ ብታነ ሊዋዌ ማጫውኖ አኬዳ፤
- 2 እዛ ሻሃራደ አቱማ ናአ የላዳ። ናአይ ማላ ሎኦ ናአ ግድያዎ እዛ በአድ፡ ሄዙ አግና ቆሳዲ።
- 3 ሸን እዛ ሄዋፕ ዳሩዋ ቆሳናው ዳንዳየናዋ ኤራድ፡ ጫርያፕ ቁንአ እው ዳዳዲ፤ ያታደ ሃላይ ገለና ማላ ሸድያን ማራጋድ፡ ናአ አ ግድን ዋሳዲ፤ ናይለ ሻፋ ጌተትያ ሃላ ድናን ጫርያ ግድን ዋሳዲ።
- 4 አ ሞቻታ እ ሀንያባ በአናው ሃኩዋን ኤቃዲ።
- 5 ግብጹ ካትያ ናታ ቦላ ሚጩታናው ናይለ ግያ ሻፋ ዎዳዲ፤ እዝ ማጫ ቆማቱ ሃላ ድናን ያነ ሃነ ሀመቲና፤ እዛ ቁንአ ጫርያ ግድን በአድ፡ ባደ አካ ያና ማላ ባረ ቆማቶ ኪታዲ፤
- 6 ቁንአ ፖካደ፡ በእተ ሀዋን ቁር ናአይ ዩክ ደኤ፤ እዛ እው ቃረታደ፤ “ሀዌ እብራዌቱ ቁር ናናቱዋፕ አቱዋ” ያጋዲ።
- 7 ሄ ዎደ አ ሞቻታ ካትያ ናቶ፡ “ኅዉ ሀ ናአ ቆንሳናው እብራዌ ማጫ አሳፕ እትኖ ጸሳናው ቦ?” ያጋደ ኦቻዲ።
- 8 እዛ፡ “ኢ፡ ባ” ያጋዲ። ናታ ባደ፡ ሄ ናአ ዳዮ አሃዲ።
- 9 ካትያ ናታ ሄ ሞሽራቶ፡ “ሀ ናአ አፋድ፡ ታው ቆንሳሻ፤ ታን ነው ድርጉዋ ጭጋና” ያጋዲ። ሞሽራታ ናአ አፋድ፡ ቆንሳዳ።
- 10 ናአይ ድጭና፡ ካትያ ናትኮ አ አሃዲ፤ እ እዝው ናአ ግዴዳ፤ “ታን ሃላፕ አ ከሳድ” ጋደ፡ ሙሳ ጋ ሱንሳዲ።

### ሙሴ ሚድያማ ቢታ ባቃቲዳ

- 11 ሙሴ ድጭ ዎጋ ግዲድ፡ እት ጋላሰ ባረ አሳይ ደእያ ሳአ ቢደ፤ ኡንቱንቱ ዴጸ ኪታ ኪተትሸን ጸሌዳ። ግብጹ ቢታ አሳ እቱ፡ እሻቱዋ ግዴዳ እብራዊቱዋፕ አቱዋ ዎድሸን በኤዳ።
- 12 አ ያ ሃ ጸልና፡ ኡንነ ባይናዋ በኢድ፡ ሄ ግብጹ ብታንያ፤ ዎዲደ ሻፍያ ግድን ቆሴዳ።
- 13 ሞንተላ ጋላሰ ከሲድ፡ በእተ፤ ሀቼ ቃይ ላኡ እብራዌቱ ዋቢቲና። ናቁዳዋ እ፡ “ኔን ነ እሻ ግዴዳ እብራውያ አያው ደቻደ?” ያጌደ ኦቼዳ።
- 14 ሄ ብታነ፡ “ኔና ኑ ቦላ ሞድያዎነ ዳና ኦሳ ሱንሌዳዌ ኦኔ? ኔን ሄ ግብጹ ብታንያ ዎዲደዋዳን፡ ታናካ ዎዳናው ቆፓደ?” ያጌዳ። ሙሴ ሄ ዎደ፡ “ታን ኦሌዳባይ ኤረት ድጌዳ” ያግ ቆፒደ ያዬዳ።
- 15 ካትካ ሀዋ ሰሴዳ ዎደ፡ ሙሳ ዎዳናው ኮዬዳ፤ ሸን ሙሴ ካትያፕ ባቃቲድ፡ ሚድያማ ጋድያን ደአናው ቢደ ሃላ ኦላ ድናን ኡቱዳ።
- 16 ሄ ዎደ ሚድያማ ቁሳቱዋፕ እቶ ላፑን ማጫ ናናይ ደእና፤ ኡንቱንቱ ባረንቱ እውዋ ደርሳቱዋ ሃላ ኡሻናው ዎንግርያን ሃላ ዱቁ ከንሳናው ዬድና።
- 17 ሄንሳንቻቱ ዪደ ማጫ ናና የደርሴድና፤ ሸን ሙሴ ደንደ ኤቁድ፡ ኡንቱንታ አሺዳነ ኡንቱንቱ ደርሳቱዋ ሃላ ኡሺዳ።
- 18 ኡንቱንቱ ባረንቱ እውዋ ዮቶረኮ ዬዳ ዎደ፡ “ሀቼ ዋን ኤላካ ዬድቱ?” ያጌደ ኦቼዳ። \*
- 19 ኡንቱንቱ ዛሪድ፡ “ግብጹ ጋደ አሳ እቱ ኑና ሄንሳንቻቱዋፕ አሺዳ፤ እ ኑው ሃላካ ዱቁደ ደርሳ ዉድያ ኡሺዳ” ያጌድና።

1:22 ኪታ 7:19    2:10 ኪታ 7:21    2:11 እብራ. 11:24    2:11 ኪታ 7:23-28    2:15 ኪታ 7:29፤ እብራ. 11:27 \* 2:18 ዮቶረ ሙሴ ቦሉዋ፤ እው ሀራ ሱንሳይ ራኡኤላ።

20 እ ባረ ማጫ ናና፡ “ያትና እ ሀቃን ደኢ? ህንተንቱ ሄ ብታንያ አያዉ አግ ባሼድቱ? እነ እ ጼሴደ፡ ምያባ ሾቢተ” ያጌዳ።

21 ሙሴ ሄ ብታንያና ያን ደአናዉ ማየቱዳ፤ ብታኒካ ባረ ናቶ ጽፓሮ ሙሴዉ ማቻቶ ኦሊደ አሚዳ።

22 ጽፓራ አቱማ ናኣ የልና፡ ሙሴ እ፡ “ታን አሳ ጋድያን በተ ግዳድ” ያጌደ፡ ገርሾማ ግ ሱንሴዳ።

23 ጮራ ላይላፕ ጉይያን፡ ግብጼ ካቲ ሀይቄዳ። እስራኤላቱ ባረንቱ አይለተላፕ ኡንኤቲደ ዋሴድኖ፤ ኡንቱንቱ ዋሴዳ ዋሱ ፑደ ዳሳኮ ጋኬዳ።

24 ጳሳይ ኡንቱንቱ ኡንአ ዋሱዋ ሰሲደ፡ እ አብራሃሙና፡ ይሳቃናን ያቆባና ጫቄዳ ጫቄዋ ሀሳዬዳ።

25 ሄዋ ድራዉ፡ ጳሳይ እስራኤላቱዋ ጸሊደ ኡንቱንቱ ድራዉ ቆፔዳ። †

### 3

#### ጳሳይ ሙሳ ጼሴዳ

1 እት ዋደ ሙሴ ሚድያማ ጋደ ቄሰያ፡ ባረ ቦሉዋ የቶራ ደርሳቱዋ ሄሜ፤ እ ሄ ዉድያ ላግ አኪደ መላ ቢታ ጋጾ ጋካናዉ አፊደ ጳሳ ደርያ ሲና ጋኬዳ።

2 ሄ ሳኣን መቅና ጎዳ ከታንቻይ አጫን፡ ኤጾያ ታማ ላጩዋ ግደን አዉ ቤቱዳ፤ አጫይ ታማን ጸገትንቶካ፡ ታማይ አጫ ማናዋ ሙሴ በኤዳ።

3 ሄዋ ድራዉ፡ ሙሴ፡ “ታን ያ ባደ፡ አጫይ አያዉ ታማን ማተትቤንንቶ ሀ ኦራላባ እነ በአና” ያጌደ ቆፔዳ።

4 እ በአናዉ ያ ቤዳዋ መቅና ጎዳይ በኢደ አጫ ግደፕ ጳሳይ እ፡ “ሙሴ! ሙሴ!” ያጌደ ጸሴዳ።

ሙሴ፡ “አቤ” ጌደ ኮዬዳ።

5 ጳሳይ እ፡ “ሄ ሺቆፓ፡ ኔን ኤቄዳ ቢታይ ጌሻ ግድያ ድራዉ፡ ነ ገድያን ደአያ ጫማ ከሳ” ያጌዳ።

6 ቃይካ ጳሳይ እ፡ “ታን ነ አዉዋ ጳሳ፡ አብራሃሞ ጳሳ፡ ይሳቃ ጳሳ፡ ያቆባ ጳሳ” ያጌዳ። ሙሴ ጳሳ ጸላናዉ ያዬዳ ድራዉ፡ ባረ ደሙዋ ገንሴዳ።

7 መቅና ጎዳይ ቃይካ ሀዋዳን ያጌዳ፤ “ታን ግብጼ ጋድያን ታ አሳይ ቱጋትያ ቱጋ ጌሻ በአደ፡ ኡንቱንቱ ባረንቱ ካፖቱዋፕ ዋሰያ ዋሱዋ ሰሳደ፡ ታን ኡንቱንቱ መቱዋ ኡባ ጳሻድ።

8 ሄዋ ድራዉ፡ ታን ኡንቱንታ ግብጼ ጋድያ አሳቱዋ ኩሽያፕ አሻናዉን ሄ ጋድያፕ ኡንቱንታ ከሳደ፡ አኮነ ሎኦ ጋድያ አሀናዉ ዋቋድ። ሄ ጋዲ ማላይነ ኤሳይ ጎግያ ቢታ፤ ሄ ጋድያን ካናንቱ፡ ሂተቱ፡ አሞራዋናቱ፡ ፓርዛዋናቱ፡ ሂዋቱን ያቡሳዋናቱ ሀእ ደአኖ።

9 ሀእ እስራኤላቱዋ ዋሱ ታኮ ጋኬዳ፤ ግብጼ ጋድያ አሳቱ ኡንቱንታ ናቄያ ናቄዋ ታን በአድ፤

10 ሄዋ ድራዉ፡ ሀእ ባ፤ ታ አሳቱዋ፡ እስራኤላቱዋ ግብጾፕ ከሳና ማላ፡ ግብጼ ካትያኮ ታን ኔና ከታይ” ያጌዳ።

11 ሸን ሙሴ ጳሳ፡ “ካትያኮ ባናዉን እስራኤላቱዋ ግብጾፕ ከሳናዉ ታን ኦኔ?” ያጌዳ።

12 ጳሳይ እ፡ “ታን ኔናና ግዳና፤ ቃይ ታን ኔና ከቱዳዋ ማላይ ሀዋ፡ ኔን ሄ አሳ ግብጾፕ ከሴዳ ዋደ፡ ሀ ደርያ ቦላን ህንተንቱ ጳሳዉ ጎይናንታ” ያጌዳ።

13 ሙሴ ጳሳ፡ “ግደ ሸን፡ ታን እስራኤላቱዋኮ ባደ፡ ኡንቱንታ፡ ህንተ አዋቱዋ ጳሳይ ታና ህንተንቱኮ ከቱዳ፡ ማገና፡ ኡንቱንቱ ታና፡ ኦኦ ሱንሳይ ኦኔ?” ያጌደ ኦቾፕ፡ ሄ ዋደ ታን ኡንቱንቶ ዋጋ ኦደ?” ያጌዳ።

14 ጳሳይ ሙሳ፡ “ታን ታና፤ ኔን እስራኤላቶ፡ ታና ጌተትያዌ ህንተንቱኮ ታና ከቱዳ፡ ያጋ” ያጌዳ።

15 ጳሳይ ሙሳ ቃይ፡ “ኔን እስራኤላቶ፡ ሙቅና ጎዳይ ህንተንቱ አዋቱዋ ጳሳይ፡ አብራሃሞ ጳሳይ፡ ይሳቃ ጳሳይ፡ ያቆባ ጳሳይ፡ እ ታና ህንተንቱኮ ከቱዳ፡ ያጋ፤ ሀዌ የለታፕ የለታይ ጋካናዉ ታን ሀሳየትያ መቅናዉ ታ ሱንሳ።

16 “ሰም፤ ባደ እስራኤልያ ጭማቱዋ ሸሻደ፡ ሙቅና ጎዳይ ህንተንቱ አዋቱዋ ጳሳይ፡ አብራሃሞ፡ ይሳቃን ያቆባ ጳሳይ ታዉ ቆንጩደ፤ ታና፡ ታን ህንተንታ ጸሞሳድ፤ ግብጾን ህንተንቱ ቦላ ኦሰቱዳዋካ ታን በአድ።

17 ታን ህንተንታ ግብጼ ጋድያ ቱጋፕ ከሳደ፡ ማላይነ ኤሳይ ጎግያ ካናንቱዋ፡ ሂተቱዋ፡ አሞራዋናቱዋ፡ ፓርዛዋናቱዋ፡ ሂዋቱዋን ያቡሳዋናቱዋ ጋድያ አፋና ጋ ኡታድ።”

2:24 ደመሳ 15:13-14 † 2:25 ኡንቱንቱ ድራዉ ቆፔዳ፡ እት በን ብለላይ ኡንቱንቶ ባረና ቆንጭሴዳ ያጌ። 3:2 ከታ 7:30-34 3:13 ከሳ 6:2-3 3:14 ሳን 1:4፣ 8



18 “እስራኤልያ ጭማቱ ነ ቃላ ስሳናዋንታ፤ ሄዋጥ ጉይያን ነንነ ሄ ጭማቱ ግብጼ ካትያኩ ቢደ እ፥ ሙድና ጎዳይ፥ እብራዌቱዋ ጸሳይ፥ ኑናና ጋከቱዳ፥ ሀእ ኑን ሄከ ጋላሳ ኦገያ መላ ቢታ ሀመት ቢደ፥ መድና ጎዳ፥ ኑ ጸሳው፥ ያርቩዋ ያርቫና ማላ ኑና ዩዳ፥ ያግተ።

19 ሸን ዋልቃማ ኩሽ፥ እ፥ ዋልቃን የድሳና ቆዮ፡፡ ግብጼ ካቲ ሀንተንታ የደናዋ ታን ኤራይ።

20 ሄዋ ድራው፥ ታን ታ ኩሽያ የዳደ፥ ኡንቱንቱ ግደን ታን ኦልያ ታ ማላታቱዋ ኡግን ግብጹቱዋ ሾጫና። ሄዋጥ ጉይያን እ ሀንተንታ የዳናዋ።

21 “ቃይ ታን ግብጹቱዋን ሀ እሳ ሳቢሳና፤ ያቶጥ ሀንተንቱ ከሰያ ዋደ ኩሽ መላ ከሰክታ።

22 እብራዌ ማጫውና ኡባታ ባረ ግብጼ ሾራትኩነ ባረ ሶን ደእያ ግብጼ ማጫ እሳ ኑናን ግደጥ እኩ ቢደ፥ ብራ ሚሻቱዋ፥ ዋርቃ ሚሻቱዋን እቱማ ናናይነ ማጫ ናናይ ማያና ማዮቱዋ ላምተ፥ ጊደ ኦቻናዋንታ። ሄዋዳን ኦሊደ ሀንተንቱ ግብጹቱዋ ማጹዋ ቦንቃንታ” ያጌዳ።

### 4

#### ሙሴው ጸሳይ እሚዳ ማላታቱዋ

1 ሙሴ ዛሬደ፥ “ኡንቱንቱ ታና አማነናን እጸጥ፥ ዋይ ታን ኦድያዋ ሰሰናን እጸደ፥ ሙድና ጎዳይ ነው ቆንጭቤናን ጎጥ ዋና?” ያግ ዛሬዳ።

2 መድና ጎዳይ እ፥ “ሄ ነ ኩሽያን ደእያዋ እዬ?” ያጌደ ኦቼዳ። እካ “ጸምእ” ያጌዳ።

3 መድና ጎዳይ እ፥ “እነ ሄ ጸምእ ሳእን ኦላ” ያጌዳ። ሙሴ ሄ ጸምእ ሳእን ኦሊዳ ዋደ ሾሻ ግዳዳ፤ ያትና፥ ሙሴ እጥ ዋዬዳ።

4 ሄዋጥ ጉይያን መድና ጎዳይ እ፥ “ነ ኩሽያ የዳደ፥ እ ዱፍያ ኦይቃ” ያጌዳ። ሙሴ የዳደ ሾሻ ኦይቁና፥ ሾሻይ እ ኩሽያን ሰሚደ፥ ጸምእው ላመቱዳ።

5 መድና ጎዳይ፥ “ሀዌ ሀኔዳዌ፥ መድና ጎዳይ ነ እዋቱዋ ጸሳይ፥ እብራሃማ ጸሳይ፥ ይሳቃ ጸሳይነ ያቆባ ጸሳይ ነው ቆንጩዳዋ ኡንቱንቱ አማናናዳና” ያጌዳ።

6 ሄዋጥ ጉይያን መድና ጎዳይ እ፥ “ነ ኩሽያ ነ ሾጵያን ዩዳ” ያግና፥ ሙሴ ባረ ኩሽያ ሾጵያን የዳዳ፤ እ ከሰ ጸሊደ፥ “ታ ኩሽ ኦሎቲደ ሻቻዳን ቦጼዳ” ያጌዳ።

7 ጸሳይ እ፥ “ነ ኩሽያ ነ ሾጵያን ዛራደ ዩዳ” ያጌዳ። ሙሴ ባረ ኩሽያ ባረ ሾጵያን ዛር የዳደ ከሰያ ዋደ፥ “ታ ኩሽ ሰሚደ ሀንኩ ቦላ ማላ ግዳዳ” ያጌዳ።

8 ቃይካ መድና ጎዳይ እ፥ “ኡንቱንቱ ኔና አማነናን ቆዮ፡፡ ኩይሮ ማላታ አማነናን እጸጥ፥ ላኤንላ ማላታ ኡንቱንቱ አማናናዋንታ።

9 ሸን ኡንቱንቱ ሀ ላኤ ማላታቱዋ አማነናን ቆዮ፡፡ ዋይ ኔን ኦድያዋ ሰሰናን እጸጥ፥ ናይላ ሻፋጥ ሃላ እካደ፥ መላ ቢታን ጉሳ፤ ኔን ሻፋጥ እኩዳ ሃላይ ቢታን ሱላ ግዳናዋ” ያጌዳ።

10 ሙሴ መድና ጎዳይ፥ “እቤት መድና ጎዳው፥ ታን ሀዋጥ ካሰካ፥ ዋይ ኔን ነ ቆማው ሃሳዮጥ ደምና ታን ሃሳያናው ዳንዳይከ፤ ታን ዴታይ ሃሳያይ፤ ቃይ ታ እንጸርሳይካ ሉፋ” ያጌዳ።

11 መድና ጎዳይ እ፥ “እሳው ደና መዴዳዌ ኦኔ? እ ዱደ፥ ዋይ ቱላ ኦልያዌ ኦኔ? ጸልያዋን ቆቃ ኦልያዌ ኦኔ? ታና መድና ጎዳ ግድክታየ?”

12 ኔን ሀእ ባ፤ ታን ኔና ሃሳያናዳን ማዳና፤ ኔን ጋናባ ታን ኔና ታማርሳና” ያጌዳ።

13 ሸን ሙሴ፥ “እቤት ጎዳው፥ ሀያና፥ ሀዋ ኦላናው ሀራ እሳ ከታርከ!” ያጌዳ።

14 ሄዋጥ ጉይያን መድና ጎዳይ ሙሴው ሎይሳ ሀንቀቲደ እ፥ “ላዊያ ግዳዳ ነ እሻ እርኔ? እ ሎኦ ሃሳያና ዳንዳይያዋ ታን ኤራይ፤ ሀእ እ ኔናና ጋከታናው ዪደ ኦገያ ቦላን ደኤ፤ እ ኔና ቢእያ ዋደ እ ዋዛናይ ናሽታናዋ።

15 ኔን፥ “ያጋ፤ ያጋ” ጋደ እው ኦዳና፤ ታን ሀንተንታ ላኤዋካ ሃሳያናው ማዳና፤ ሀንተንቱ ኦላናባ ታማርሳና።

16 እ እሳው ነ ድራ ሃሳያናዋ፤ ሄዋካ፥ እ ነው ደና ማላ ግዳናዋ፥ ኔን እው ጸሳ ማላ ግዳናሳ ግያዋ።

17 ሸን ማላታቱዋ እን ኦላናው፥ ኔን ሀ ጸምእ እካደ ባ” ያጌዳ።

#### ሙሴ ግብጼ ሰሚዳ

18 ሄዋጥ ጉይያን ሙሴ ባረ ቦሎዋ ዮቶረኩ ሰም ቢደ፥ “ሀሮ ጋካናው ሸምፑዋና ደእያ እሳይ ደኦጥ በእናው፥ ታን ጉየ ታ እሳኩ ግብጼ ቦ?” ያጌዳ። ዮቶረ ሙሳ፥ “ኤ ባ፤ ሳር ጋካ” ያጌዳ።

19 ሙሴ ሚድያማ ጋድያን ደእሸን መድና ጎዳይ እ፥ “ኔና ዋላናው ኮዬዳ እሳቱ ኡባይ ሀይቁ ድጌዳ ድራው፥ ጉየ ግብጼ ጋድያ ሰማደ ባ” ያጌዳ።

20 ሙሴ ባረ ማቻቶነ ባረ እቱማ ናና ሀርያ ቶግሰ እኪደ፥ ጉየ ግብጼ ሰሙሳ ደሚዳ፤ ሙሴ ጸሳ ጸምእ ባረ ኩሽያን ኦይቁደ ቤዳ።

21 መጅና ጎዳይ ሙሳ፣ “ኔን ግብጹ ሰማደ ብያ ዋደ፣ ታን ነዉ እሚዳ ዋልቃን ኔን ኦላና ማላታቱዋ ኡባ ግብጹ ካትያ ሰንላን ኔን ኦላናዋ ባሎፓ። ያትናካ እሳ እ የደና ማላ፣ ታን እ ዋዛና ደንጭልሳና።

22 ሄ ዋደ ታን መጅና ጎዳይ፣ ግያዋ ካትያዉ ሀዋዳን ያገደ ኦዳ፤ ‘ ‘እስራኤሊ ታ ባይራ ናኦ።

23 እ ታዉ ጎይናና ማላ፣ ታ ናኦ ኔን የዳና ማላ፣ ታን ነዉ ኦዳድ፤ ሸን ኔን እ የደናን እጻዳ፤ ሄዋ ድራዉ፣ ታን ነ ባይራ አቱማ ናኦ ዋቆና” ያገደ ኦዳ” ያገደዱ።

24 ኦግያን ሸምፕያሳን መጅና ጎዳይ ሙሴና ጋከቲዳ፤ እ ዋቆና ሀኔዳ።

25 እ ማቻታ ጽፓራ ሳልያ አካደ፣ ባረ ናኦ ቃጻራዱ። ሄ ሹኩዋን ሙሴ ገድያ \* ቦቻዱ። እዛ ሙሳ፣ “ኔን ታዉ ቱሙ ሱላ ሞሽራ” ያገደዱ።

26 መጅና ጎዳይ ሄዋ ድራዉ እ ዋቆናን እገዳ። ሄ ዋደ ቃጻራ ማላታናዉ እ፣ “ኔን ታዉ ሱላ ሞሽራ” ያገደዱ።

27 መጅና ጎዳይ አሮና፣ “ኔን ሙሴና ጋከታናዉ መላ ቢታ ባ” ያገደዱ። እ ቢደ፣ ሙሴና ጸሳ ደርያን ጋከቲደ እ የራዳ።

28 ሄዋፕ ጉይያን ሙሴ መጅና ጎዳይ ባረ ቦላ ከቲዳ ቃላ ኡባን ኦላና ማላ፣ ባረና አዛዜዳ ኦራላ ማላታቱዋ ኡባ አሮናዉ ኦዳዳ።

29 ሙሴን አሮን ቢደ፣ እስራኤሊቱዋ ጭማቱዋ ኡባ ሸሺድና።

30 እሮን መጅና ጎዳይ ሙሴዉ ኦዳዳ ቃላ ኡባ ኤንቲንቶ ኦዳዳ። ማላታቱዋካ ሄ እሳ ሰንላን ኦዳዳ።

31 ኤንቲንቲካ አማኔድና። መጅና ጎዳይ ኤንቲንቶ ቆፔዳዋን ኤንቲንቲ ቱጋ በኤዳዋ ሰሴዳ ዋደ፣ ኤንቲንቲ ጉፋኒደ ጎይኔድና።

### 5

#### ሙሴን አሮን ፓሮና ሰንላን (5:1-11:10)

1 ሄዋፕ ጉይያን ሙሴን አሮን ግብጹ ካትያኩ ዪደ እ፣ “መጅና ጎዳይ፣ እስራኤልያ ጸሳይ ሀዋዳን ያገ፤ ‘ታ አሳይ ታዉ መላ ቢታን ባላ ቦንቻና ማላ፣ ኤንቲንታ የዳ’ ያገ።” ያገደድና።

2 ካቲ፣ “ታን እዉ አዛዘታደ እስራኤልያ የዳናዉ ሄ መጅና ጎዳይ ኦኔ? ታን መጅና ጎዳ ኤርከ፤ እስራኤልያካ የድከ” ያገደዱ።

3 ሄዋፕ ጉይያን ኤንቲንቲ፣ “እብራዌቱዋ ጸሳይ ኦናና ጋከቲዳ። ሀእ ኦን መጅና ጎዳ፣ ኦ ጸሳዉ፣ ያርሹዋ ያርሻናዉ ሄዙ ጋላሳ ኦግያ መላ ቢታ ግደ ባናዉ ኦና የዳርከ፤ ሄዌ ቆዮፕ፣ እ ኦና ኢታ ሀርግያን ዋይ ኦላን ዋቆናዋ” ያገደድና።

4 ሸን ግብጹ ካቲ ያገደዱ፤ “ሙሴ! አሮና! እሳ እያዉ ከታ ድገቲ? ሀንተንቲ ከታዉ ሰሚደ ቢ።” ያገደዱ።

5 ካቲ ሄ ዋደ፣ “በአተ፣ ሀ ጋድያን አሳይ ጮራቲዳ፤ ቃይ ሀንተንቲ ኤንቲንታ ከታ ድገታ” ያገደዱ።

6 ካቲ ሄ ጋላሰ ግብጹቱዋ ካፖቱዋን እስራኤሊቱዋ ዳጉዋ ሰንላቱዋ አዛዜደ።

7 “ሀርደዋዳን ጸብያ መጅና ኡቲላ አሳዉ አዋፕተ፤ ኤንቲንቲ ኡቲላ ባረንቶ ቢደ ሸሸና፤

8 ሸን ኤንቲንቲ ፓይዳዋን ካሰዋ ከኻ ጸብያ መጳደ፣ ሸቆናዳን አዛዘተ፤ ሄ ፓይዳዋፕ ፓጭሶፕተ፤ እያዉ ጎፕ፣ ኤንቲንቲ አዛላ፤ ኤንቲንቲ፣ ‘ኦን ኦ ጸሳዉ ያርሹዋ ያርሻና ማላ፣ ኦና የዳርከ’ ያገደ ዋሰያዌ ሀዋሳ።

9 ኤንቲንቲ ከታን ሹካና ማላን ዋርዲዋ ሃሳያ ሰሰናን አጋና ማላ፣ ኤንቲንቶ ኦሱዋ ዳጽሰተ” ያገደ አዛዜዳ።

10 ሄዋፕ ጉይያን፣ ሄ ካፖቲ ሄ ሱንላቲ ከሲደ አሳ፣ “ካቲ ሀዋዳን ያገ፤ ‘ሰም ታን ሀንተንቶ ኡባካ ኡቲላ እምከ፤

11 ሀንተንቲ ኡቲላ ደማና ዳንዳይያሳፕ ሀንተንቲ ሀጺያዉ ሸሸተ፤ ሸን ሀንተንቲ ሹድያ ጸብያ ፓይዳ ኡባካ ፓጨና ያገደዱ” ያገደድና።

12 አሳይ ኡቲላዉ ሀንያዋ ሸሸናዉ ግብጹ ቢታ ኡባን ላለቲዳ።

13 ግብጹቱዋ ካፖቲ ኤንቲንታ፣ “ሀንተንቶ ኡቲላ እምያ ዋደ ሀንተንቲ ሀቼ ሀቼ ኦልያዋ ከኻ አለተ” ያገደ ኤንቲንታ ጎደቲድና።

14 ግብጹቱዋ ካፖቲ እስራኤሊቱዋ ዳጉዋ ሰንላቱዋ ዋጳደ፣ “ሀንተንቲ ካሰ ኦልያዋ ከኻ ጸብያ ዝና ዋይ ሀቼ እያዉ ኦል ዉርሰበይክቲ?” ያገደ ኦቼድና።

4:23 ከሳ 12:29 \* 4:25 ጌድያ፦ ሀዋ ጉሳይ “እ ኡቲንላ ቦቻዱ” ጉሳ።

15 ሄዋጥ ጉይያን እስራኤልያ ሱንሳቱ ቢደ ካትያው ማጋኔድና፤ ኡንቱንቱ ባረንቱ መቱዋጥ ደንደዋን እ፥ “ኔን ነ ቆማቱዋ ሀዋዳን እያው ኦሳይ?

16 ነ ቆማቶ ኡቱላ እምክና፤ ሽን፥ ‘ጹብያ መፅተ” ያጊና፤ ኑና ነ ቆማቱዋ ዋፏና፤ ሽን ባላይ ነ አሳ ቦላና” ያጊድና።

17 ሽን ካቲ ኡንቱንታ፥ “ሀ እዛላቱ! ህንተንቱ እዛላ! ሄዋ ድራው፥ ህንተንቱ ዛር ዛሪደ፥ ጹን መፅና ጎዳው ያርሻና ባናው ኑና የዳርከን” ያጊታ።

18 ሀእ ቢተ፤ ኡላተ፤ ኡንቱንቱ ህንተንቶ እይ ኡቱላካ እምክና፤ ሽን ህንተንቱ ካሰዋ ኬሻ ጹብያ መፅታ” ያጊድና።

19 እስራኤላቱዋ ሱንሳቱ፥ “ህንተንቱ ሆቼ ሆቼ መፅና ጹብያ ፓይዳዋ ካሰዋጥ ፓጮሶጥተ” ጌዳ ዋደ፥ ኡንቱንቱ መቱዋን ገሌዳዋ እኬኬድና።

20 ኡንቱንቱ ካትያ ማጋጥ ከሲደ፥ ሙሴን እርነ ኡንቱንቱና ጋከታናው ናግያዋንታ ደሜድና።

21 ኡንቱንቱ፥ “ህንተና መፅና ጎዳይ ዴሎ! ህንተንቱ ቦላ እ ፕርደ! ህንተንቱ ኑና ካትያና ነ ኦሳንቻቱዋን እጽሴድታ፤ ቃይ ኡንቱንቱ ኑና ዋፏና ማላ፥ ማሻ ኡንቱንቱ ኩሽያን ዋፊድታ” ያጊድና።

**ሙሴ ጸሳው ማጋኔዳ**

22 ሙሴ መፅና ጎዳኩ ሰሚደ፥ “እቤት ጎዳው፥ ኔን ሀ አሳ ቦላ መቱዋ እያው አሃዲ? ኔን ታና ኪቲዳዋ ሀዋሴ?

23 ታን ነ ሱንሳን ካትያው ሃሳናው ቤዳ ዋደጥ ደምና፥ እ ሀ አሳ ቦላ መቱዋ አሃዲ። ቃይ ኔንካ ነ አሳ ሙላ አሻባካ” ያጊድና።

**6**

1 ሄዋጥ ጉይያን መፅና ጎዳይ ሙሳ፥ “ታን ግብጹ ካትያ ኦላናባ ኔን ሀእ በእና፤ ታ ዋልቃማ ኩሽያ ጋሱዋን እ ኡንቱንታ የዳናዋ፤ ታ ዋልቃማ ኩሽያ ጋሱዋን እ ኡንቱንታ ባረ ጋድያጥ ላጊደ ከሳና” ያጊድና።

**ሙሴ ጸሳ**

2 ጸሳይ ቃይካ ሙሳ፥ “ታን መፅና ጎዳ፤

3 ታን እብራሃመው፥ ይሳቃውን ያቆባው ኡባ ዳንዳይያ ጸሳ ግዳደ ቆንጫድ፤ ሽን ታን፥ መፅና ጎዳ ግያ ታ ሱንሳን፥ ታናተሳ ኡንቱንታ ኤርሳበይከ።

4 ቃይ ታን ኡንቱንቶ ኡንቱንቱ በተ ግዳደ ደኤዳ ካና ነ ጋድያ እማናው ታ ቃላ ጫቁዋ ኡንቱንቱና ጫቃታድ።

5 ቃይካ ግብጹ አሳቱ አይለይያ እስራኤላቱዋ ኦልያ ታን ሰሳደ፥ ታ ቃላ ጫቁዋ ሀሳያድ።

6 “ሄዋ ድራው፥ ኔን እስራኤላቱዋ፥ ታን መፅና ጎዳ፤ ታን ህንተንታ ግብጹቱዋ ናቁዋጥ ከሳና፤ ታን ህንተንታ ኡንቱንቱ አይለተላጥሳ ላእ ከሳና፤ ቃይ ታን ታ ዋልቃማ ዋልቃን ግብጹቱዋ ቦላ ኢታ ፕርዳ አሃደ ህንተንታ ዋዛና።

7 ታን ህንተንታ ታ ሁጳ አሳዳን እካናን ታን ህንተንቱ ጸሳ ግዳና። ሄ ዋደ ህንተንቱ ታን መፅና ጎዳ ህንተንቱ ጸሳ ህንተንታ ግብጹቱዋ አይለተላጥ ከሴዳዋ ግድያዋ ኤራና።

8 ቃይ ታን እብራሃመው፥ ይሳቃውን ያቆባው እማናው ጫቁዳ ቢታው አሀና፤ ሄ ጋድያ ታን ህንተንቶ ጋደ ኦሳደ እማና፤ ታን መፅና ጎዳ ያጋ” ያጊድና።

9 ሙሴ ሀዋ እስራኤላቶ ኦዴዳ፤ ሽን ኡንቱንቱ አያናይ መኤዳ ጋሱዋን መቀላ ባይና አይለተላ ጋሱዋን እ ቃላ ሰሰበይክና።

10 ሄዋጥ ጉይያን መፅና ጎዳይ ሙሳ፥

11 “ባደ ግብጹ ካትያ፥ ‘እስራኤላቱዋ ነ ጋድያጥ ከሳደ የዳ፥ ያጋደ ኦዳ” ያጊድና።

12 ሽን ሙሴ መፅና ጎዳ፥ “ሀራይ አቶ እስራኤላቱ ታባ ሰሰናን እጹድና ሽን ታን ዴድትያ እንጻርሳን ሃሳይያዋ ካቲ ዋት ሰሳኔ?” ያጊድና።

13 መፅና ጎዳይ ሙሳን አርና፥ “ቢደ፥ ህንተንቱ እስራኤልያ አሳ ግብጹጥ ከሳና ማላ፥ ታን ህንተንታ የዴዳዋ እስራኤልያ አሳውን ግብጹ ካትያው ኦድተ” ያጊደ አዛዜዳ።

**ሙሴን እርነ የለታ**

14 ኡንቱንቱ ሶይ ሶይ ማይዛ እዋቱ ሀዋንታ። እስራኤልያው ባይራ ናእ ርቤላ እቱማ ናናይ፥ ሄናካ፥ ፓሉ፥ ሄጽሮናን ካርማ፤ ሀዋንቱ ርቤላ ያራቱዋ።

15 ሰሞና እቱማ ናናይ፥ ይሙኤላ፥ ያሚና፥ ኦሃዳ፥ ያኪና፥ ጸሃራን ካናን ጋደ ሞሽራትጥ የለቲዳ ሻኡላ፤ ሀዋንቱ ሰሞና ያራቱዋ።

16 ሌዊያ አቱማ ናናይ ባረንጉቱ የለታ ማራዳን ገርሾና፣ ቃሃታን ማራራ። ሌዊ ጴጥን ሆታ ላቱን ላይሳ ደኤዳ።

17 ገርሾና አቱማ ናናይ ባረንጉቱ ያራን ያራን ሊብናን ሸምአ ጌተቲኖ።

18 ቃሃተ አቱማ ናናይ አምራማ፣ ይጽሃራ፣ ከብርናን ኡዝኤላ። ቃሃተ ጴጥን ሆታ ላይሳ ደኤዳ።

19 ማራራ አቱማ ናናይ ማህላን ሙሻ ግያዋንታ።

20 ባረንጉቱ የለታ ማራን ሆዋጥ ቆሞና ጸገቱዳ ሌዊያ ያራቱ ሆዋንታ።

21 አምራመ ባረ አወዋ ምቻቶ ኮከቤዶ አኬዳ። እዛ አርናን ሙሳ አወ የላዴ። አምራመ ጴጥን ሆታ ላቱን ላይሳ ደኤዳ።

22 ይጽሃራ አቱማ ናናይ፣ ቆራሁ፣ ነፊጋን ዚክራ።

23 ኡዝኤላ አቱማ ናናይ፣ ምሻኤላ፣ ኤልጸፋናን ሲትራ።

24 አርናን አምናዳባ ናቶ፣ ናኣሶና ምቻቶ ኤልሼቦ አኬዳ። ያትና እዛ አወ ናዳባ፣ አቢሁ፣ ኤልአዛራን አታማራ ጌተትያ አቱማ ናና የላዴ።

25 ቆረ አቱማ ናናይ፣ አሲራ፣ ኤልቃናን አብያሳፋ፤ ሆዋንቱ ቆረ ያራቱዋ።

26 አርና ናአይ ኤልአዛሪ ፑትኤላ ናናቱዋጥ እትኖ አኬዳ፤ እዛ አወ ፒንሃሳ የላዴ።

27 ሆዋንቱ ባረንጉቱ ያራን ያራን ሌዋቱዋ ጎልያ ማይዛ አሳቱዋ።

28 መድና ጎዳይ፣ “ግብጼ ጋድያጥ አሰራኤላቱዋ ኦላወ ጊን ጨጉዋዳን ጨጉዋዳን ከሰተ” ያጌዳዌ ሆ ሙሳን አርና።

29 አሰራኤላቱዋ ግብጼ ጋድያጥ ከሰያዋ ግብጼ ካትያወ ሃሳዬዳዋንቱ ኤንቱንታ። ሄዋንቱካ ሙሳን አርና።

30 መድና ጎዳይ ግብጹን ሙሴወ ሃሳዬዳ ዋደ እ፣

31 “ታን መድና ጎዳይ ታን ነወ ኦድያዋ ኡባ ኔን ግብጼ ካትያወ ኦዳ” ያጌዳ።

32 ሸን ሙሴ መድና ጎዳይ፣ “ታን ዳድትያ እንጻርሳን ሃሳይያዋ ግድሸን፣ ካቲ ታን ኦድያዋ ዋት ሰሳኔ?” ያጌዳ።

### 7

1 ሄዋጥ ጉይያን መድና ጎዳይ ሙሳ፣ “በእ፤ ታን ኔና ግብጼ ካትያወ ጸሳ ማላ ኦላድ፤ ነ እሻይ አርና ነ ናብያዳን ግዳናዋ፤

2 ታን ኔና አዛዜዳ ኡባ ኔን አወ ኦዳሳ፤ ነ እሻ አርና አሰራኤላቱዋ ባረ ጋድያጥ ከሰ የዳና ማላ፣ ካትያወ ኦዳ።

3 ሸን ታን ካትያ ዋዛና ቆልሳና፤ ታን ግብጼ ጋድያን ታ ጮራ ማላታን ማላልሰያባ ዳርሳደ አልንቶካ።

4 እ ሀንተንቱ ኦድያዋ ሰሰና። ሄ ዋደ ታን ታ ኩሽያ ግብጹቱዋ ቦላ ደንሳና፤ ታን ታ ጨጉዋ፣ ታ አሳ አሰራኤልያ፣ ግብጹ አሳ ቦላን ዋልቃማ ፕርዳ አሃደ ከሳና።

5 ሄዋጥ ጉይያን ግብጹቱ፣ ታን ታ ኩሽያ ግብጹ ቦላ ደንሳደ፣ አሰራኤላቱዋ ኤንቱንቱ ግድጥ ከሴዳ ዋደ፣ ታን መድና ጎዳ ግድያዋ ኤንቱንቱ ኤራናዋንታ” ያጌዳ።

6 ሙሴን አርና ልክ መድና ጎዳይ ኤንቱንታ አዛዜዳዋዳን ኦልድኖ።

7 ኤንቱንቱ ካትያወ ኦድያ ዋደ፣ ሙሴ ሆሰፑን ታሙ ላይሳ አሳ፤ አርና ቃይ ሆሰፑን ታማን ሄዙ ላይሳ አሳ።

#### አርና ጸምአይ ሸሻ ግዳዳ

8 መድና ጎዳይ ሙሳን አርና ሆዋዳን ያጌዳ፤

9 “ካቲ ሀንተንታ፣ ናሳሳይ አልያ ማላታ ታና በሰተ” ግያ ዋደ፣ ኔን አርና፣ ና ጸምአ አካደ፣ ካትያ ሰንሳን ኦላ ያጋ፤ ያቶጥ እ ሸሻ ከሳና” ያጌዳ።

10 ሙሴን አርና ካትያኮ ገሊደ መድና ጎዳይ ኤንቱንታ አዛዜዳዋዳን ኦልድኖ፤ አርና ባረ ጸምአ ካትያ ሰንሳን እ ኦሳንቻቱዋ ሰንሳን ኦልና ሸሻ ከሴዳ።

11 ሄዋጥ ጉይያን ካቲ ኤራንቻቱዋን ብትያዋንታ ጸሰሰና ኤንቱንቱካ፣ ሆ ግብጹቱዋ ሻራቾቱ ባረንጉቱ ቆማሹዋን ሄዋዳን ኦልድኖ።

12 ኤንቱንቱ ኡባይካ ባረንጉቱ ጸምአ ጸምአ ኦልና፣ ጸምአቱ ሸሻ ከሴድኖ፤ ሸን አርና ጸምአይ ኤንቱንቱ ጸምአቱዋ ሞቱዳ።

13 ግድጥ መድና ጎዳይ ኦዳዳዋዳንካ ካትያ ዋዛናይ ደንጭሌዳ፤ እ ኤንቱንቱ ኦዳዋ ሰሰናን እጴዳ።

#### ሃሳይ ሱላወ ላመቲዳ

14 መጅና ጎዳይ ሙሳ፡ “ካትያ ዎዛናይ ደንጭሌዳ፤ እሳ እ የደናን እጹዳ፡፡

15 ካቲ ሃላኮ ብያ ዎይ፡ ጉራይ ኔን እኮ ባይ እናና ጋከታናው ናይለ ሻፋ ደናን ኤእ፤ ሸሻው ላመቲዳ ጸምእ ኦይቃ አካይ ባ፡፡

16 ኔን እ፡ “መጅና ጎዳይ፡ እብራዌቱዎ ጸሳይ ኔና፡ መላ ቢታን ታው ጎይናና ማላ፡ ታ እሳ የዳ ያጊድ፡ ታና ኔኮ ኪቲዳ፤ ሸን ሆኖ ጋካናው ኔን ሰሳበይካ፡፡

17 መጅና ጎዳይ፡ ታን መጅና ጎዳ ግድያዎ ኔን ሆዋን ኤራና፡፡ ታን ናይለ ሻፋ ሃላ ታ ኩሸያን ደእያ ጸምእን ሸጭና ሃላይ ሱላው ላመታናዎ፡፡

18 ናይለ ሻፋ ሞላኪ ሀይቃናዎ፤ ሻፋይካ ጽንቃናዎ፤ ግብጹቱ ሄ ሻፋ ሃላ ኡሻናው ዳንዳይክና’ ያጋይ ኦዳ” ያጌዳ፡፡

19 መጅና ጎዳይ ሙሳ ሆዋዳን ያጌዳ፤ “ኔን እርና፡ ና ጸምእ ኦይቃይ ግብጹ ሃላቱዎ ቦላ፡ ሻፋቱዎ ቦላ፡ ዜራቶ ሃላቱዎ ቦላ፡ ድኡዎ ኦላ ቦላን ነ ኩሸያ ምጫ’ ያጋ፤ እ ምጭና ኡንቲንቲ ሱላው ላመታናዎ፤ ግብጹ ቢታ ኡባን፡ ሀራይ እትና፡ ምላጥን ሹቻጥ ዎጪደ ከሴዳ ሃላ ትግያ ሚሻ ኡባ ጋርሳን ደእያ ሃላይ ሱላው ላመታና” ያጌዳ፡፡

20 ሙሴን እርን መጅና ጎዳይ አዘዜዳዎዳን ኦፊድና፡፡ ካትያ ሰንሳን እ አሳንቻቱዎ ሰንሳን እ ባረ ጸምእ ደንሴድ፡ ሻፋ ሃላ ሸጭና ሃላ ኡባይ ሱላው ላመቲዳ፡፡

21 ሄ ሻፋ ሃላ ግዲዎን ደእያ ሞላቱ ሀይቄድና፤ ሻፋ ሃላይ ሎይል ዜኤዳ ድራው፡ ግብጹ እሳይ ኡሻናው ዳንዳይቤና፡፡ ግብጹ ኡባ ሳን ሱላይ ኩሚዳ፡፡

22 ግብጹ ሻራቸቲካ ባረንቲ ቆማሹዎን ሄዎዳን ኦፊድና፤ መጅና ጎዳይ ኦዳዳዎዳንካ ካትያ ዎዛናይ ደንጭልና፡ ሙሴን እርን ኦዳዳዎ ሰሰናን እጹዳ፡፡

23 ሄዎጥ ጉይያን ካቲ ሆዎ እይን ሀርገናን ባረ ሶ ሰሚይ ቤዳ፡፡

24 ግብጹ እሳይ ኡባይ ናይለ ሻፋ ሃላ ኡሻናው ዳንዳይቤና ድራው፡ ኡሸያ ሃላ ደማናው ናይለ ሻፋ ጋጸን ኦላ ቦኬድና፡፡

25 መጅና ጎዳይ ሃላ ሸጮደጥ ላፑን ጋላሳ ግዴዳ፡፡

# 8

## ሸጅያ

1 ሄዎጥ ጉይያን መጅና ጎዳይ ሙሳ፡ “ባ፤ ግብጹ ካትያኮ ባይ፡ “መጅና ጎዳይ ሆዋዳን ያጌ፤ “ታው ጎይናና ማላ፡ ታ እሳ የዳ፡፡

2 ኔን ኡንቲንታ የደናን እጸጥ፡ ታን ነ ቢታ ኡባን ሸጅያ ኩንሳና፡፡

3 ናይለ ሻፋን ሸጂ ሸሀካታና፡፡ ኡንቲንቲ ሸሀካት ከሲደ ነ ሱ፡ ነ ሰርጻ፡ ነ ግሱዎ ግድ፡ ነ ኡሳንቻቱዎ ጎልያ ግድ ገላና፤ ነ እሳ ቦላ ከሳና፤ ነ ጮጭያን ነ ጂልያ ዎልያ ከርያን ገላና፡፡

4 ሸግቲ ነ ቦላ፡ ነ እሳ ቦላን ነ ኡሳንቻቱዎ ኡባ ቦላ ከሳና” ያጌ’ ያጋይ ኦዳ” ያጌዳ፡፡

5 ሄዎጥ ጉይያን መጅና ጎዳይ ሙሳ፡ “ኔን እርና፡ ና ጸምእ ኦይቃይ፡ ሻፋቱዎ ቦላ፡ ዜራቶ ሃላቱዎ ቦላን ድኡዎ ኦላ ቦላ ነ ኩሸያ ምጫይ ሸግቲ ግብጹ ጋድያ ቦላን ከሳናዳን ኦላ’ ያጋይ ኦዳ” ያጌዳ፡፡

6 እርን ግብጹ ሃላቱዎ ቦላ ባረ ኩሸያ ምጭና ሸግቲ ከሲደ፡ ግብጹ ጋድያ ማጫድና፡፡

7 ሻራቸቲካ ባረንቲ ቆማሹዎን ሄዎዳን ኦፊድና፤ ኡንቲንቲካ ግብጹ ጋድያን ሸጂ ከሳናዳን ኦፊድና፡፡

8 ካቲ ሙሳን እርና ጸሰሲደ፡ “ሀ ሸግቲዎ ታጥን ታ እሳጥ ድጋና ማላ፡ መጅና ጎዳ ህንተንቲ ዎሰተ፤ ያቶጥ መጅና ጎዳይ ያርሹዎ ያርሻና ማላ፡ ታን እሳ የደና” ያጌዳ፡፡

9 ሙሴ ካትያ፡ “ካትያው ሸግቲ ኔጥን ነ ሶጥ ቆያና ማላን ናይለ ሻፋ ጸላላን አታና ማላ፡ ታን ነው፡ ነ ኡሳንቻቶን ነ እሳው ዎሳና ዎድያ ኔን ኬራ” ያጌዳ፡፡

10 ካቲ፡ “ዎንታ” ያጌዳ፡፡ ሙሴ፡ “መጅና ጎዳ ኦ ጸሳ፡ ማላይ ኡንን ባይናዎ ኔን ኤራና ማላ፡ ኔን ጌዳዎዳን ሀናናዎ፡፡

11 ሄ ሸግቲ ኔጥ፡ ነ ጎልያጥ፡ ነ ኡሳንቻቱዎጥን ነ እሳጥ ቆያናዎንታ፤ ኡንቲንቲካ ናይለ ሻፋ ጸላላን አታናዎንታ” ያጌዳ፡፡

12 ሙሴን እርን ካትያ ማጥጥ ከሴድና፤ ካትያ ቦላ መጅና ጎዳይ እሄዳ ሸግቲዎባ ሙሴ መጅና ጎዳኮ ዎሴዳ፡፡

13 መጅና ጎዳይ ሙሴ ኦፊዳዎዳን ኦፊድና፤ ሸግቲ ሶን ካረንን ደምባን ሀይቄድና፡፡

14 ግብጹ እሳይ ኡንቲንታ ሸሸ ሸሸደ ደሬድና፤ ቢታይ ሄዎ ጽንቁዋን ዜኤዳ፡፡

15 ሸን ካቲ ሸግቲ ባይናዎ ቤኤዳ ዎይ ኦ ዎዛናይ ደንጭሌዳ፤ መጅና ጎዳይ ኦዳዳዎዳንካ፡ እ ሙሴን እርን ኦዳዳ ኦዳዎ ሰሰናን እጹዳ፡፡

## ጩቻ

16 መድና ጎዳይ ሄዋጥ ጉይያን፣ ሙሳ “ኔን አሮና፣ ኅ ጸምእ ሞጫይ፣ ቢታ ባና ሾጫ፣ ያጋደ ኦዳ። ግብጹ ቢታ ኡባን ባናይ ጨቻ ከሳናዋ” ያጌዳ።

17 ኡንቱቱ ሄዋዳን ኦፊድኖ፣ አሮን ጸምእ ኦይቂደ ባረ ኩሽያ ሞጫይ፤ ባረ ጸምእን ቢታ ባና ሾጫና አሳ፣ መሀያ ቦላ ጨቻይ ዬዳ። ግብጹ ጋድያን ሀ ጋጸጥ ያ ጋጸ ጋካናዉ፣ ባና ኡባይ ጨቻ ከሴዳ።

18 ሻሪቻቱካ ባረንቱ ማሸጡን ሄዋዳን ኦፊናዉ ባጸቱድኖ፤ ሽን ዳንዳይቢይክና። ጨቻይ አሳ ቦላ፣ መሀያ ቦላ ኩሚዳ።

19 ሻሪቻቱ ካትያ፣ “ሀዌ ጸሳ ኦሱዋ” ያጌድኖ። ሽን ካትያ ዋዛናይ ደንጭሌዳ፤ ጸሳይ ጌዳዋዳንካ፣ እ ኡንቱንቱ ኦድያዋ ሰሰናን እጹዳ።

**ዱክያ ኡዲንጽያ**

20 መድና ጎዳይ ሙሳ፣ “ጉራን ደንዳይ፣ ካቲ ሻፋ ቢሸን አናና ጋከታደ ኔን እ፣ ‘መድና ጎዳይ ያጌ፤ ‘ታዉ ኦፊና ማላ፣ ታ አሳ የዳ፤

21 ኔን ታ አሳ የደናን እጸጥ፣ ታን ነ ቦላ፣ ነ ኦሳንቻቱዋ ቦላ፣ ነ አሳ ቦላ፤ ነ ጎለቱዋ ግደ ኡዲንጽያ ዉድያ የዳና፣ ግብጹቱዋ ጎለን ኡንቱንቱ ደእያ ቢታ ኡባን ኡዲንጸ ኩማናዋ።

22 ሸን ሄ ጋላሰ ታ አሳይ ቦተ ግዳዲ ደእያ ጎሽና ጋድያን ኡዲንጸ ኩመናዳን ታን ተአይ፣ ኡንቱንቱ ቢታ ሻካና፣ ታን መድና ጎዳይ፣ ሀ ጋድያ ኡባን ደእያዋ ኔን ሄዋን ኤራና።

23 ታን ታ አሳ፤ ነ አሳ ሻካና፤ ሀ ዋልቃማ ማላታይ ዋንት ሀናና” ያጌ፣ ያጋደ ኦዳ” ያጌዳ።

24 መድና ጎዳይ ሄዋጥ ጉይያን፣ ጌዳዋዳን ኦፊዳ፤ ካትያ ሶን እ ኦሳንቻቱዋ ሶን ዳር ኡዲንጽያ ዉዲ ዬዳ፤ ግብጹ ጋድያ ኡባ ባይዜዳ።

25 ሄ ዋደ ካቲ ሙሳ፤ አሮና ጸሰሲደ፣ “ቢተ፤ ሀ ጋድያን ህንተንቱ ጸሳዉ ያርሸተ” ያጌዳ።

26 ሸን ሙሴ፣ “ሄዌ ልከ ግደና፤ ኔን መድና ጎዳ ኑ ጸሳዉ ሸሽያ ያርሾቱ ግብጹቱዋ ሸንይያዋ ግዳናዋ፤ ኔን ኡንቱንታ ሸንይያ ያርሾቱዋ ኡንቱንቱ ጸልሸን ያርሾጥ፣ ኡንቱንቱ ኑና ሹቻን ጫድክና፣

27 ኔን መድና ጎዳ፣ ኑ ጸሳዉ፣ ያርሾቱዋ ሸሻናዉ እ ኑና አዛዝያዋዳን፣ ሄዙ ጋላሳ አግያ መላ ቢታ ባና ኮሺ” ያጌዳ።

28 ካቲ፣ “መድና ጎዳዉ፣ ህንተንቱ ጸሳዉ፣ ህንተንቱ መላ ቢታ ቢደ ያርሻና ማላ፣ ታን ህንተንታ የዳና፤ ሸን ህንተንቱ ሃኪደ ቦጥተ፤ ታዉ ሀእ ዋሰተ” ያጌዳ።

29 ሙሴ፣ “ታን ነ ማታጥ ከሶ ጎአናካ መድና ጎዳ ዋሳና፤ ሀ ኡዲንጽያ ዉዲ ዋንት ካትያጥ፣ እ ኦሳንቻቱዋጥን እ አሳጥ ክቻናዋ። ሸን መድና ጎዳዉ ያርሻናዉ አሳ የደናን እጸናዉ ካቲ ኑና ዛር ጭመና ማላ እኪኮ” ያጌዳ።

30 ሄዋጥ ጉይያን ሙሴ ካትያ ማታጥ ከሲደ፣ መድና ጎዳ ዋሴዳ።

31 መድና ጎዳይ ሙሴ ኦቼዳዋዳን ኦፊዳ፤ ኡዲንጸያ ካትያጥ፣ እ ኦሳንቻቱዋጥን እ አሳጥ እቱነ አተናን ክቼዳ።

32 ሸን ሀእካ ቃይ ካትያ ዋዛናይ ደንጭልና፣ አሳ የደናን እጹዳ።

**9**

**መሀያ ቦላ ቦሻይ ዋጴዳ**

1 መድና ጎዳይ ሙሳ ሀዋዳን ያጌዳ፤ “ግብጹ ካትያኮ ባደ፣ ‘መድና ጎዳይ፣ እብራዌቱዋ ጸሳይ ኔና፣ ‘ኡንቱንቱ ታዉ ጎይናና ማላ ታ አሳ የዳ” ያጌ።

2 ኔን የደናን እጸደ፣ ኡንቱንታ ኦይቃ ኡትያዋ ግደጥ።

3 መድና ጎዳ ኩሺ ደርያን ደእያ ነ መሀያ ቦላ፣ ፓራቱዋ ቦላ፣ ሀረቱዋ ቦላ፣ ጋሎቱዋ ቦላ፣ ዋያ ቦላ፣ ደርሳቱዋ ቦላ፤ ዳሻቱዋ ቦላ ሀዋዳዋ ቦላ ዋልቃማ ኢታ ሀርግያ የዳና።

4 ሸን ታን መድና ጎዳይ እስራኤልያ መሀያ ግዳዋን፤ ግብጹቱዋ መሀያ ግዳዋን ሻኮታ መዳና። እስራኤላቱ መሀያጥ እቱነ ሀይቀና፣ ያጋ” ያጌዳ።

5 መድና ጎዳይ ዋድያ ኬሪደ፣ “ታን ዋንት ሀዋ ሀ ጋድያ ቦላን ኦፊና” ያጌዳ።

6 ዋንተሳ ጋላሰ መድና ጎዳይ ሄዋ ኦፊዳ። ግብጹ አሳ መሀያ ኡባይ ሀይቄዳ፤ ሸን እስራኤልያ አሳ መሀያጥ እቱነ ሀይቄቤና።

7 ካቲ ሀ የወዋ ፓጫናዉ አሳ ከቲደ፣ እስራኤላቱዋ መሀያጥ፣ ሀራይ እቶ፣ እቱነ ሀይቄቤናዋ ኤራዳ። ግደጥን ካትያ ዋዛናይ ደንጭሎ ሳአጥ ሰመናን እጸና፣ አሳ የደናን ድጌዳ።

**ጸባ**

8 ሜድና ጎዳይ ሄዋጥ ጉይያን፣ ሙሳ፤ አሮና፣ “ህንተንቱ ኩሽያ ኩንሊደ ጮጭያጥ ብድንሳ ኡጭተ፤ ሙሴ ካቲ ጸልሸን፣ ሄዋ ፑደ ጫርኮ ላሎ፤

9 ሃዌ ግብጹ ቢታ ኡባ ቦላ ሊቆ ባና ግዳናዋ፤ ግብጹ ቢታ ኡባን አሳ ቦላነ መሀያ ቦላ ጊይያ ጸባይ ዋዳናዋ” ያጌዳ።

10 አንቱንቱ ጮጭያ፣ ጠጥሮ ጠጥሮ እኪድ፣ ካትያ ሰንገላን ኤቁድና፤ ሙሴ ሃዋ ዩደ ጫርኩዋን ላልና፣ አሳ ቦላነ መሀያ ቦላ ጊይያ ጸባይ ዋድ አጌዳ።

11 ሻሬቻቱካ አንቱንቱ ቦላነ ግብጹ አሳ ኡባ ቦላ ዋዴዳ ጸባይ ኤሱዋ ድግና፣ ሙሴ ሰንገላን ኤቃናዉ ዳንዳይበይክና።

12 ሽን መድኛ ጎዳይ ሙሴዉ ጌዳዋዳንካ፣ ካትያ ዋዛና ደንጭልሴዳ ድራዉ፣ ሙሴነ አርነ ኦድያዋ ካቲ ሰሰናን እጹዳ።

**ሻቻ**

13 ሃዋ፣ ጉይያን መድኛ ጎዳይ ሙሳ፣ “ጉራን ደንዳ ባደ፣ ካትያና ጋከታደ እ፣ ‘መድኛ ጎዳይ፣ አብራዌቱዋ ጸሳይ ነና፣ ‘ታዉ ጎይናና ማላ ታ አሳ የዳ።

14 ሃዌ ጸዮ፣ ነ ቦላ፣ ነ አሳንቻቱዋ ቦላነ ነ አሳ ቦላ ታ ቦሻዉ ደእያ ኩመንጎላ ዋልቃ ታን ኪታና፤ ሳኳን ኡባን ታ ማል ባይናዋ ኔን ሃዋን ኤራናሳ።

15 ታን ሀናደ ታ ኩሽያ የዳደ፣ ነናነ ነ አሳ አታ ሀርግያን ሀ ሳኳ ቦላ፣ ምልጽ ኡዳናሽን።

16 ታን ኔና ታ ዋልቃ በሳናዉነ ታ ሱንጎይ ሳኳ ኡባ ቦላን ኦደታናዉ፣ ሃዋ ታን ኔና ካተ ኦላደ ዋሳድ።

17 ኔን ሀእካ ኦቶሪታደ፣ ታ አሳ የደናን እጸዳ።

18 ሃዋ ድራዉ፣ ታን ዋንት ሀናደ ግብጹ ግብጹ ግደደ፣ ሀቼ ጋካናዉ ኡባካ ዋድ ኤሪና፣ ዳሪ ዋልቃማ ሻቻ ቡክሳና።

19 ሀእ ኔን ነ መሀያን ጋደን ነዉ ደእያዋ ኡባ ኤላካ ሶ ገልሳናደን አዛዛ፤ እያዉ ጎ፣ ሶይ ገለናን ብር ጋደን ደእያ አሳ ኡባ ቦላነ መሀያ ኡባ ቦላ ሻቻይ ዋዳናዋ፤ አንቱቱ ሀይቃና” ያጌ ያጌ።

20 ካትያ አሳንቻቱዋ፣ መድኛ ጎዳ ቃላዉ ያዬዳዋንቱ ባረንቱ አይለቱዋን ባረንቱ መሀያ ኤሌሊደ ሶይ ገልሴድና።

21 ሽን መድኛ ጎዳ ቃላ ካዴዳዋንቱ ባረንቱ አይለቱዋን ባረንቱ መሀያ ጋደን አግ ባሽድና።

22 ሃዋ፣ ጉይያን መድኛ ጎዳይ ሙሳ፣ “ግብጹ ቢታ ኡባ ቦላ፣ አሳ ቦላ፣ መሀያ ቦላነ ግብጹ ጎሻቱዋን ድጭያባ ኡባ ቦላ ሻቻይ ዋዳናዳን፣ ነ ኩሽያ ሳሉዋ ደንጎ” ያጌዳ።

23 ሙሴ ባረ ጋትማ ሳሉዋ ዛሪደ ደንጎዳ ዋደ፣ ጸሳይ ጉጉንጎላን ሻቻ የዳደ፤ ዋልቃንጎይካ ዳገ ሳእዉ ዋልቃሜዳ። ጸሳይ ግብጹ ጋድያን ሻቻ ያት ቡክሴዳ።

24 ሻቻይ ዋዴዳ፤ ዋልቃንጎይ ያነ ሃነ ዋልቃሜዳ፤ ግብጹ ጋድያን ካቲ ካተቶደ፣ ደምና፣ ግብጹ ቢታ ኡባን ዋዴዳ ሻቻ ኡባ፣ ሃዌ አድያ አታ ሻቻ።

25 ሃ ሻቻይ ግብጹ ቢታ ኡባ ጋደን ደእያ ኡባ፣ አሳካ መሀያካ ሾጩዳ፤ ጋደን ደሌዳባ ኡባ ዳገ ዛሪደ ብደዬዳ፤ ምላ ኡባ መንገጫዳ።

26 ሻቻይ ዋዴቤና ጋደ እሰራኤላቱ ኤቴዳ ጎሽና ጋድያ ጸላላ።

27 ካቲ ኪት ሙሳነ አርና ጸሰሲደ፣ “ሀእ ሰም፣ ታን ናጋራ ኦላድ፤ መድኛ ጎዳይ ቱማንቻ፤ ታንነ ታ አሳይ ባይዛንቻ።

28 ኡዉ ጉጉንጎይን ሻቻይ ዳራዳ ድራዉ፣ መድኛ ጎዳ ዋሰተ። ታን ሀንተንታ የዳና፤ ሰም ሀዋ፣ ሰንገላን ሀንተንቱ ሀዋን ጋምእክታ” ያጌዳ።

29 ሙሴ እ፣ “ታን ሀ ካታማ፣ ከሴዳ ዋደ፣ ታን ዋሳናዉ ታ ኩሽያ መድኛ ጎዳኩ ምጫና፤ ያቶ፣ ጉጉንጎይ አገናዋ፤ ቃይ ሻቻ ዋልቃይ ኤቃና፤ ሳኳይ መድኛ ጎዳዋ ግድያዋ ኔን ሃዋን ኤራና።

30 ሽን ኔን ነ አሳንቻቱ መድኛ ጎዳዉ ጸሳዉ ሀእካ ያየናዋ ታን ኤራይ” ያጌዳ።

31 ታልባይ ጫሼዳ ድራዉነ ባንጋይ ትሼዳ ድራዉ፣ ታልባይን ባንጋይ ሻቻን ባይድና።

32 ሽን ዛርጋይን ሞርገ ምላይ ካእያ ዋዴ ብራ ግዳዳ ድራዉ፣ ሻቻን ባይበይክና።

33 ሃዋ፣ ጉይያን ሙሴ ካትያ ማታ፣ ደንዲደ፣ ካታማ፣ ጋጾ ከሴዳ። ባረ ኩሽያ መድኛ ጎዳኩ ምጫና፤ ያትና ጉጉንጎይን ሻቻይ አጌዳ፤ አራይካ ቢታ ቦላን ዳገ ትገትያዌ ኤቁዳ።

34 ሽን ካቲ አራይ፣ ሻቻይን ጉጉንጎይ አጌዳዋ በኤዳ ዋደ ዛሪደካ ናጋራ ኦላድ፤ እካ አ አሳንቻቱካ ባረንቱ ዋዛና ደንጭልሴድና።

35 መድኛ ጎዳይ ሙሴ ድናን ሃሳዬዳዋንካ ካትያ ዋዛናደ ደንጭልና፣ እሰራኤላቱዋ እ የደናን እጹዳ።

1-2 ሃዋጥ ጉይያን ሙሳ መድና ጎዳይ ሀዋዳን ያጌዳ፤ “ግብጹ ካትያኮ ባ፤ እያወ ጎጥ፣ ታን ግብጹቱዋ ግደን ማላን ዋልቃማ ማላታ ታ ዋታ ኦፊደንቶ ህንተንቱ ህንተንቱ ናናወን ህንተንቱ ናና ናናቶ ኦዳና ማላ፣ ቃይ ህንተንቱካ ታን መድና ጎዳ ግደያዋ ኤራና ማላ፣ ታ ዋልቃማ ማላታ ኤንቱንቱ ግደን ኦላናወ አ ዋዛናን አ ኦሳንቻቱዋ ዋዛና ታን ደንጭልሳ ዋሳድ” ያጌዳ።

3 ሙሴን አሮና ካትያኮ ገሊደ እ፣ “መድና ጎዳይ፣ አብራዌቱዋ ደሳይ ኔና ሀዋዳን ያጌ፤ ሄን ታወ አዘዘተናን አወደ ጋካናወ እጸይ? ታወ ጎይናና ማላ ታ አሳ የዳ።

4 ኔን ኤንቱንታ የደናን እጸጥ፣ ነ ቢታ ቦላ ታን ዋንት ቦልያ አሀና፤

5 ቦሊ ኦንነ ቢታ ደማናወ ዳንዳየናዳን ቢታ ካማናዋ። ህንተንቶ ሻቻጥ አቴዳ ጉላባ፣ ጋደን ድጭያ ሞላይካ አተናን ኡባ ማናዋ።

6 ነ ጎሊን ነ ሰንሳቱዋ ጎሊንን ግብጹ አሳ ኡባ ጎሊን ኤንቱንቱ ኩማናዋንታ፤ ሄዌ ነ አዋቱዋ፣ ዋይ ነ ማይዛ አዋቱ ሀ ቢታን ኡቶደጥ ሀሮ ጋካናወ ሙላ በአቢናባ፣ ያጌ” ያጌድና። ሃዋጥ ጉይያን ሙሴ ካትያ ሰንሳጥ ከሲደ ቤዳ።

7 ካትያ ሰንሳቱ ካትያ፣ “ሀ ብታን ኑወ አወደ ጋካናወ መቱዋ ጋሶ ግዳናዋ? ኤንቱንቱ መድና ጎዳወ፣ ባረንቱ ደሳወ፣ ጎይናና ማላ፣ ኔን አሳ የዳ፤ ግብጹ ቢታይ ባዌዳዋ ኔን ሀአካ ከኪከኪ?” ያጌድና።

8 ሃዋ ድራወ፣ ካቲ ሙሳን አሮና ጉየ ዛሪደ፣ “ቢተ፤ መድና ጎዳወ፣ ህንተንቱ ደሳወ ጎይንተ፤ ሽን ብያዋንቱ እና ኦኔ?” ያጌዳ።

9 ሙሴ፣ “ኡን ኑ ጭማ አሳን ኑ ጉላ ናናቱዋና፣ ኑ ድርሳ ወደቱዋናን ሚዛ ወደቱዋና እትጥ ባና፤ እያወ ጎጥ፣ ኑን ብያሳን መድና ጎዳ ባላ ቦንቻናወ ኮሼ” ያጌዳ።

10 ካቲ፣ “ታን ህንተንታ ህንተንቱ ናናን ህንተንቱ ማቹቱዋ የድያዋ ግደጥ፣ መድና ጎዳይ ህንተንታ ናናናወ ኮሼ። ሽን በአተ፤ ህንተንቱ ህንተንቱ ዋዛናን ኢታባ ቆፔዳዌ ቆንጭያን ኤረቱ።

11 ቱይቱ፣ ህንተንቱ፣ ‘ደሳወ ጎይናና’ ጊደ ኦቻያዋ ግደጥ፣ አቱማ አሳ ደላላይ ቢደ መድና ጎዳወ ጎይንተ” ያጌዳ። ሃዋጥ ጉይያን ሙሴን አሮና ካትያ ሰንሳጥ የደርሰቲደ ከሲድና።

12 መድና ጎዳይ ሙሳ፣ “ቦሊ ግብጹ ጋድያን ከሳናዳን፣ ሻቻጥ አቴደ ጋደን ድጭያባ ኡባ ልምእ ኦላና ማላ፣ ነ ኩሽያ ግብጹ ጋድያ ቦላን ምጫ” ያጌዳ።

13 ሙሴ ባረ ጋትማ ግብጹ ጋድያ ቦላን ምጭና፣ መድና ጎዳይ አዋይ ደልያ ባጋ ጫርኩዋ ሄ ጋላሳን ቃማ ኡባ ሄ ጋድያ ቦላን ጫርኩዳ፤ ምንቲዳ ዋይ ሄ ጫርኩ ቦልያ አሄዳ።

14 ቦሊ ግብጹ ቢታ ኡባ ቦላ ሻምእ ጊደ፣ ቢታ ኡባ ሳን ከሰ ኡቱዳ። ሀዋ ኪሻ ቦልያ ቦሻይ ሄ ቢታን ሀዋጥ ካሰና ሀንቢና፤ ዋይ ሀዋጥ ሰንሳወን ዛረሊደ ሀንና።

15 ቢታይ ካረጸና ጋካናወ ቦሊ ቢታ ኡባ ካሜዳ። ሄ ቦሊ ሻቻጥ አቴደ ጋደን ድጭያባ ኡባን ሞላ ቦላን ደእያ እይፍያ ኡባ ሞልጽ ኡሌዳ። ያትና ሞላ ቦላን እርጸ ሀይሳይ፣ ዋይ ጋደን አታክልቲ ግብጹ ቢታ ኡባን እያይነ አትቤና።

16 ካቲ ሙሳን አሮና ኤላካ ደሰሲደ፣ “መድና ጎዳ ህንተንቱ ደሳን ህንተንታ ታን ናቃድ፤

17 ሰም ህንተንቱ ታወ ታ ናጋራ ሀ እት ገደ ደላላወ አቶ ጊተ፤ ሀ ዋድያ ቦሻ ታጥ ድጋና ማላ፣ መድና ጎዳ ህንተንቱ ደሳ ዋሰተ” ያጌዳ።

18 ሙሴ ካትያ ማታጥ ከሲደ፣ መድና ጎዳ ዋሰና፤

19 መድና ጎዳይ ሄ ጫርኩዋ አዋይ ወልያ ባጋ ዋልቃማ ጫርኩ ላምና ቦልያ ቶክ፣ ዞኦ አባኮ አፊዳ። ግብጹ ቢታ ኡባን እት ቦሊን አትቤና።

20 ግደጥ፣ መድና ጎዳይ ካትያ ዋዛና ደንጭልሴዳ ድራወ፣ እስራኤላቱዋ የደናን እጸዳ።

**ባራ ጭማ**

21 መድና ጎዳይ ሙሳ፣ “ግብጹ ጋድያን አሳይ ቦቻ በአናወ ዳንዳይያ ኪሻ ጭማይ ጭማና ማላ፣ ነ ኩሽያ ሳሉዋ ደንላ” ያጌዳ።

22 ሙሴ ባረ ኩሽያ ሳሉዋ ደንሌዳ፤ ግብጹ ቢታ ኡባን ሄዙ ጋላሳ ኩሙንላ ባራ ጭማይ ጭማዳ።

23 ሄ ሄዙ ጋላሳቱዋን አሳይ ኦንነ እቱ እቱዋ በእናን፣ ዋይ ባረ ሳአጥ ደንዳደ ቤናን ታኩዳ። ሽን እስራኤላቱ ደእያ ሳአን ኡባን ኤንቱንቶ ፖኡ ደኤ።

24 ካቲ ሙሳ ደሰሲደ፣ “ቢተ፤ መድና ጎዳወ ጎይንተ፤ ህንተንቱ ማቹቱካ ህንተንቱ ናናይካ ህንተናና ባናወ ዳንዳይና፣ ህንተንቱ ድርሳ ወድያን ህንተንቱ ሚዛ ወድያ ደላላ የጊደ ቢተ” ያጌዳ።

25 ሽን ሙሴ እ፣ “ኡን ያርሹዋን ጸጊደ ያርሹያ ያርሹዋ መድና ጎዳ፣ ኑ ደሳወ፣ ሽሻናወ፣ መሀያ ኑወ እማደ የድያዌ ኔና ጉሳካ?”



26 ኑ መሃ ኡባይካ ኑናና ባናወ ኮሼ፤ ቅንጫፍለ እቱነ ጉዮ እተና። መድና ጎዳ፣ ኑ ጸሳወ፣ ጎይንያ ጎይናወ ሄ መሀያፕ ዶሪዶ እካናወ ኮሼ፤ ኑን ያ ጋከናን ደኢደ፣ መሀያፕ ሀቃዎ ሀቃዎ መድና ጎዳወ ያርሻነንቶ ኤራናወ ዳንዳዮኮ” ያጌዳ።

27 ሸን መድና ጎዳይ ካትያ ዋዛና ዶንጭልሰና እ ኡንቱንታ የዳናወ ኮይቤና።

28 ሄዋፕ ጉይያን ካቲ ሙሳ፣ “ታ ማታፕ ክቻ! ላኤንሶ ታ ሰንሳን ለምእ ጋይ ኔና ኤራ! ኔን ታ እይፍያ ታ ዴሙዋ በኤዳ ጋላሳይካ ነወ ሀይቆ” ያጌዳ።

29 ሙሴ እ፣ “ቱማካ፤ ኔን ጌዳዋዳን ታን ኔና ላኤንሶ ኡባካ በእከ” ያጌዳ።

# 11

## ባይራ የለቲዳዋንቱ ቦላ ዬዳ ቦሻ

1 ሙሴወ መድና ጎዳይ፣ “ታን ግብጹ ካትያ ቦላነ እ አሳ ቦላ እት ሀራ ቦሻ የዳና፤ ሄዋፕ ጉይያን እ ሀንተንታ ሀ ጋድያፕ ከሰ የዳናዋ፤ እ ሀንተንታ እቱነ አተናን ኡባካ የደርሳናዋ።

2 እስራኤልያ አሳይ፣ ማጫዌ አቱማዌ ባረ ሾርቱዋፕ ብራፕን ዋርቃፕ መጠቲዳ ሚሻቱዋ ኦቻና ማላ፣ ኡንቱንቶ ኦዳ” ያጌዳ።

3 መድና ጎዳይ እስራኤልያ አሳቱ ግብጹቱዋ ሰንሳን ናሽታናዳን ኦሌዳ። ቃይ ሙሴ ባረ ሀ-ጸያወካ ግብጹ ጋድያን ካትያ ኡሳንቻቱዋንነ አሳን ሎይሰ ዳር ቦንቼቲዳ አሳዳን ጸለቲዳ።

4 ሙሴ ካትያ ሀዋዳን ያጌዳ፤ “መድና ጎዳይ ሀዋዳን ያጌ፤ ቃማ ግዶ ብላህያን ታን ግብጹ ግዳዋና አዳና።

5 ግብጹ ጋድያን ደእያ ባይራ አቱማ ናናይ ኡባይ፣ ካወተላ ላይድያን ኡትያ ካትያ ባይራ ናአፕ ደሚደ፣ ዋዳን ጋጭያ ቆማት ባይራ ናአ ጋካናወ ባይራ የለቲዳ መሃካ እተናን ኡባይ ሀይቃናዋ።

6 ግብጹ ቢታ ኡባን ሀዋፕ ካሰ ባጋን ሀንቤናን ሰንሳፕካ ሀነና ዋልቃማ ዬኩ ዬከታናዋ።

7 ሸን እስራኤላቱ ግዳዋን፣ አሳ ቦላ ዋይ መሀያ ቦላ ካናይን ቦጨና” ያጌ። ሄ ዋይ መድና ጎዳይ ግብጹቱዋንነ እስራኤልያ ግዳዋን ሻኩታ መድያዋ ኔን ኤራናዋ።

8 ሀ ኑ ኡሳንቻቱ ኡባይ ታኮ ዬደ፣ ታ ሰንሳን ጉፋን ጎይኒደ፣ ሳሳይ ባርከ! ኔና ካልያ አሳይ ኡባይካ ቦ!፣ ጋናዋንታ። ሄዋፕ ጉይያን ታን ባና” ያጌዳ። ሄዋፕ ጉይያን ሙሴ ሀንቁዋን ኡጸተደ፣ ካትያ ሰንሳፕ ከሲደ ቤዳ።

9 ሙሴወ መድና ጎዳይ ኮይሮ፣ “ታ ማላልሰያ ማላታይ ግብጹ ጋድያን ዳራና ማላ፣ ካቲ ሀንተንታ ኦድያዋ ሰሰናን እጸናዋ” ያግ ዋሌዳ።

10 ሙሴነ አርነ ሀ ማላልሰያ ማላታ ኡባ ካትያ ሰንሳን ኦሌድና፤ ሸን መድና ጎዳይ ካትያ ዋዛና ዶንጭልሴዳ፤ ያትና እ እስራኤላቱዋ ባረ ጋድያፕ የደናን እጸዳ።

# 12

## ፓሰጋን ግብጹፕ ከሱሳ (12:1—15:21)

1 መድና ጎዳይ ግብጹ ጋድያን ሙሳነ አርና ሀዋዳን ያጌዳ፤

2 “ሀ አግናይ ሀንተንቶ ላይላወ ኮይሮ አግና ግዳ፤

3 እስራኤልያ አሳወ ኡባወ ሀዋ ኦድተ፤ ሀ አግናይ ገሌዳ ታማንላ ጋላሳን፣ እት አሳይ ባረ ሶይ አሳወ እት ኮልያ ዶርሳ ዋይ እት ኮልያ ዳሻ አሆ።

4 ሄ ጎላ አሳ ጋይዳ ሄ ዶርሳ ወርሰ ማናወ ጉጾፕ፣ እነ እወ ኡባፕ ማታትያ ሾሩ ባረንቱ ሶ አሳ ፓይዲደ እት እት አሳይ ማናወ ዳንዳይያ ኬሻ እኬኪደ፣ ሄ መሀያ ሹኪደ እትፕ ሚና።

5 ሀንተንቱ ዶር አክያ መሃ የለቶደፕ እት ላይላ ግዳዳዋ፣ እ ቦላን አይ ፓጫይነ ባይና አቱማዋ ግድ። ሀንተንቱ ዶርሳፕ ዋይ ዳሻፕ አካናወ ዳንዳዪታ።

6 ሀ አግናወ ታማነ ኦይደንሶ ጋላሳ ጋካናወ ኡንቱንታ ሄምተ፤ ሄ ጋላሰ ኦማርሰ እስራኤልያ አሳይ ኡባይ ኡንቱንታ ሹካናወ ኮሼ።

7 ያቲደ ሱሳፕ አማራዳዋ እኪደ፣ ኡንቱንቱ ምያ ጎላወ ላኡ ማቃንያን ጉባንያ ኦክና፤

8 እሹዋ ሄ ጋላሰ ቃማ ታማን ጸ.ጸ.ጸደ፣ ጫምያ ቦንጭያናን ኡኪዳ ኡክላና ሚና።

9 እሹዋ ቃይያ ዋይ ዶይሲደ ሞፕተ፤ ሀ-ጸያካ ገደቱዋካ ቃንላ ግዶ እሹዋካ ኡባ ቃንጸናን ሙምያ ጸ.ጸተ፤

10 ሄ እሹዋፕ ሳአይ ዋንታና ጋካናወ እይነ አሹፕተ፤ ሸን አማራዳዋ አቶፕ፣ ሄዋ ጸ.ጋናወ ኮሼ።

11 ሙሳ ሚደ፣ ኡግያወ ጊግያ ማዩዋ ማዩደ፣ ሀንተንቱ ጫማ ሀንተንቱ ገድያን ዋሌደ፣ ሀንተንቱ ጋትማ ሀንተንቱ ኮሹያን ኦይቂደ ሚታ። ኤሌል ኤሌል ሚተ፤ ሀዋ መድና ጎዳ ፓሰጋ።

12:1 ዋጋ 23:5፣ ፓይ. 9:1-5፣ 28:16፤ ዛረ. 16:1-2

12 “ታን ሄ ጋላሰ ቃማና ግብጾን አቆደ ባይራ የለቴዳ ኡባ፣ አሳካ፣ መሀያካ ዋፋና፣ ግብጹ ኤቃቱዋ ኡባ ቦላካ ታን ፕርዳና፤ ታን መጅና ጎዳቱ።

13 ሄ ሱላይ ሀንተንቱ ደእያ ጎልያ ኤርሰያ ማላ ግዳናዎ። ታን ሄ ሱላ በኦ ዋደ፣ ሀንተንታ አጋደ አቆና፣ ታን ግብጹ ጋድያ ቦሻን ሾጭያ ዋደ፣ ሀንተንታ አይ ቦሻይካ ቦቼና።

14 “ሀ ጋላሳይ ሀንተንቶ ቆፕ ቆፕ ቦንቾያ ጋላሳ ግደ፤ ሀንተንቱ የለታይ ኡባይ መጅና ጎዳ ባላ ቦንቾተ፤ ሀዋ ዋጋ ኦሲደ ኡባ ዋደ ቦንቾተ።

**እርሹ ገልቤና ኡክላ ባላ**

15 “ላፑን ጋላሳይ ጋካናው እርሹዋ የግቤና ኡክላ ሚተ፤ ሽን ኮይሮ ጋላሰ እርሹዋ ሀንተንቱ ሶፕ ድግተ። ሄ ኮይሮ ጋላሳፕ ደሚደ ላፑንላ ጋላሰ ጋካናው፣ እርሹዋና ደእያ ኡክላ ምያ አሳይ አሰራኤልያ አሳ ግደፕ ቦሄቶ። \*

16 ኮይሮ ጋላሰ ጌሻ ሸቆዋ ሸቅተ፤ ሀራ ጌሻ ሸቆዋ ቃይ ላፑንላ ጋላሳን ሸቅተ፤ አሳይ ማናው ቁማ ካፋናዋፕ አትና፣ ሀ ጋላሳ ኡባን አይነ ኦሎፕተ፤ ሀንተንቱ ኦላናባይ ሄዋ ጸላላ።

17 “እርሹ ገልቤና ኡክላ ባላ ቦንቾተ፤ እያው ጎፕ፣ ታን ሀንተንቱ ጩንቆ ግብጹ ጋድያፕ ከሴዳዌ ሄ ጋላሳና። ሄ ጋላሳ፣ የለታፕ የለታይ ጋካናው ፕን ከሰያ ዋጋ ኦሲደ ቦንቾተ።

18 ኮይሮ አግናን፣ ሄ አግናው ታማነ ኦይደጎሶ ጋላሳ ኦማርሳፕ ደሚደ፣ ላታማነ እትጎሎዋ ኦማርሰ ጋካናው እርሹ ገልቤና ኡክላ ሚተ።

19 ላፑን ጋላሳይ ጋካናው እርሹ ሀንተንቱ ሶን ቤቶፖ፤ እርሹ ገሌዳዋ ምያ አሳይ በተ ግድና ዋይ ሄ ቢታ አሳ ግድና፣ አሰራኤልያ ግደፕ ቦሄቶ።

20 እርሹ ገሌዳዋ አያነ ሞፕተ፤ ሀንተንቱ ደእያ ሳኣን ሀቃንካ እርሹ ገልቤና ኡክላ ማናው ኮሼ” ያጌዳ።

**ኮይሮ ፓሰጋ**

21 ሄዋፕ ጉይያን ሙሴ አሰራኤልያ ጭማቱዋ ኡባ ጸሰሲደ ኡንቱንታ ሀዋዳን ያጌዳ፤ “ሀንተንቱ ኤለካ ቢደ፣ ሀንተንቱ ሶ አሳው ፓሰጋው ኮልያ፣ ደርሳ ዋይ ደሻ ሹክተ።

22 ሀሶጵያ ጌተቻ ሀይላፕ ዳንክ አኪደ፣ ከርያን ደእያ ሱላን ናቂ ከሲደ፣ ሄ ሱላ ላኡ ማቃንያንን ጉባንያ ኦክተ፤ ሀንተንቱፕ እት አሳይን ሳአይን ጋካናው ሰሪ ጎልያ ፕንፕፕፕ ካረ ከሰፖ።

23 መጅና ጎዳይ ግብጹቱዋ ሾጭ ዋፋናው ሄ ቢታና አጅያ ዋደ፣ ሱላ ጉባንያንን ላኡ ማቃንያን በአና፤ ያቲደ ካረና አቆና፤ ዋጅያዌ ሀንተንቱ ሶ ገሊደ፣ ሀንተንታ ዋፒናዳን አ ሀንተንቱ ሶ ገልሰና።

24 “ሀንተንቱ ሀ አዛዙዋ ሀንተንቶን ሀንተንቱ ዘረላው ኡባ ዋደ ዋጋ ኦሲደ አዛዘትተ።

25 መጅና ጎዳይ ካሰ እማና ጌዳዋዳን አ እምያ ቢታ ሀንተንቱ ገልያ ዋደ፣ ሀ ዋጋ ናግተ።

26 ሀንተንቱ ናናይ ሀንተንታ፣ «ሀ ቦንቾ ባላ ብርሸሳይ አይ?» ያጌደ ኦቻያ ዋደ።

27 ሀንተንቱ ኡንቱንታ፣ «ሀዌ ጸሳ ቦንቻናው ያርሽያ ፓሰጋ ያርሹዋ፤ እያው ጎፕ፣ መጅና ጎዳይ ግብጹ ጋድያን አሰራኤልያ አሳ ጎልያ አግ አጅ ቢደ፣ ግብጹቱዋ ዋጂደ፣ ኑና አሼዳ ድራሳን ያግተ” ያጌዳ።

ሄዋፕ ጉይያን አሳይ ጉልባቲደ ጎይኔዳ።

28 አሰራኤላቱ መጅና ጎዳይ ሙሳነ እርና አዛዜዳዋዳን ኦሌድና።

**ግብጹቱዋ ባይራ የለታፕ ሀይቂ ዉርባ**

29 ቃማ ግደ ብላህያን መጅና ጎዳይ ግብጹን ባይራ የለቴዳ ኡባ፣ ካውተላ ኦይድያን ኡቴዳ ካትያ ባይራ ናአፕ ደሚደ፣ ቃሾ ጎላን ደእያ ኦዋደቱዳዋንቱ ባይራ ናአ ጋካናው፣ ቃይ ባይራ የለቴዳ መሀያ ኡባ ድፕ ኦሌዳ።

30 ካቲ፣ አ ኦሳንቻቱ ኡባይን ግብጹ ጋድያ አሳይ ኡባይ ቃማ ደንጫድና። ግብጹ ጋድያን አሳይ ሀይቂቤና ጎሊ ኡባካ ባይና ድራው፣ አሳይ ኮሻ ቋቁ ኦሲደ ዋልቃማ ዩኩዋ ዩኬዳ።

31 ሄ ጋላሰ ቃማ ካቲ ሙሳነ እርና ጸሰሲደ፣ “ደንድተ! ሀንተንቱ አሰራኤልያ አሳይካ ታ አሳ ግዳዋፕ ከሰ ቢደ ሀንተንቱ ኦቼዳዋዳንካ መጅና ጎዳው ጎይንተ!

32 ሀንተንቱ ጌዳዋዳንካ ሀንተንቱ ደርሳ ዉድያን ሀንተንቱ መሀያ ዉድያ አኪደ ቢተ! ቃይ ታዉካ ዋሰተ” ያጌዳ።

33 ግብጹ አሳይ አሰራኤላቱ ጋድያፕ ኤለካ ከሳና ማላ ድርቢሴድና። እያው ጎፕ፣ ኡንቱንቱ፣ “ሄዌ ጸፍፕ፣ ኑን ኡባይካ ዉራቶ” ያጌድና።

34 ሄዋ ድራው፣ አሰራኤልያ አሳቱ ባረንቱ እርሹ ገልቤና ሙናቃ ከርያን ከንሲደ፣ ባረንቱ ማዳዋን ጸጺደ፣ ሀሽያን ቶኬድና።

12:14 ከሳ 23:15፤ 34:18፤ ዋጋ 23:6-8፤ ፓይ. 28:17-25፤ ዛረ. 16:3-8 \* 12:15 ቦሄቶ- ግያዌ ሀይቁዋካ በሴ።  
12:23 አብራ. 11:28 12:29 ከሳ 4:22-31

35 እስራኤላቱ ሙሴ እንቱንታ አዛዜዳዋዳን፣ ግብጾቱዋ ብራ ሚሻቱዋ፣ ዋርቃ ሚሻቱዋን ማየዋ፣ “እምተ” ጊደ ኦቼድኖ።

36 መድና ጎዳይ ግብጾቱዋ ሰንሳን ሄ አሳይ ሳበታናዳን ኦልና፣ ግብጾቱ እንቱንቱ ኦቼዳዋ አሜድኖ። ሄዋዳን ያቲደ እንቱንቱ ግብጾ አሳቱዋ ማጾዋ ቦንቄ እኪደ ቤድኖ።

**እስራኤላቱ ግብጾፕ ከሴድኖ**

37 እስራኤላቱ ራምሳ ገተትያ ካታማፕ ደንዲደ ሱኮታ ገተትያ ሳኣ ገድያን ሀመቲደ ቤድኖ። አሳይ ናናን ማጫዋንታ ጉጀናን ፓይድና፣ ኡሱፑን ጾቱ ሻእ።

38 ቃይ እንቱንቱና ሀራ ዳሮ አሳይ፣ ዳሮ መሃን ደርሳ ዳሻ ዉዲ ላገቲደ ቤዳ።

39 ግብጾፕ እንቱንቱ እኪደ ከሴዳ ሙናቃ እርሹ ገልቤና ኡክሳ ኡኬድኖ፤ እያዉ ጎፕ፣ እንቱንቱ ግብጾፕ ድርባን ከሴድኖ፤ ባረንቶ ሸንቃ ካፋናዉካ፣ ሙናቃይ ደንድና ኡካናዉካ እንቱንታ ጋልቤና።

40 እስራኤላቱ ግብጾ ጋድያን ደኤዳ ላይሳይ ኦይታን ሀታማ።

41 ሄ ኦይዲ ጾታን ሀታሙ ላይሳይ ዉርያ ሄ ዉርሰሳ ጋላሳን፣ መድና ጎዳ ጩኑ ኡባይ ግብጾ ጋድያፕ ከሴዳ።

42 መድና ጎዳይ ባረ አሳ ናጊደ፣ ግብጾ ጋድያፕ ከሰያ ዋደ ሳይይ ቃማ፤ ሄ ቃማይ የለታፕ የለታ ጋካናዉ፣ እስራኤልያ አሳይ ቤጎቲደ ናጊደ አቅያ፣ መድና ጎዳዉ ዲማቴዳ ቃማ።

**ፓሰጋ ጋላሳ ቦንቻያ ዋጋ**

43 መድና ጎዳይ ሙሳን አርና፣ “ፓሰጋ ጋላሳ ቦንቻያ ዋጋይ ሀዋ፤ በተ አሳይ አፕ ኡባካ ዋፖ።

44 ሀንተንቱ ሻሉዋን ሻሚዳ አይሊ ሀንተንቱ አ ቃጻርዋፕ ጉይያን አፕ ዋ።

45 ሸን እማላተላን ሀንተናና ጋምእያ እማላይን ከራ ኦልያ እማላይ አፕ ኡባካ ዋፖ።

46 “ሀ ፓሰጋ ሀንተንቱ እት ጎሊን ሚቴ፤ ሀንተንቱ ሄ እሹዋፕ አያን ካረ ከሶፕተ። መቀላቱዋፕ አቱዋን መንፍፕተ።

47 እስራኤልያ ማባራይ ኡባይ ፓሰጋ ቦንቻናዉ ኮሼ።

48 “በቲ ዪደ ሀንተንቱ ግደን ደእያ አሳይ መድና ጎዳ ፓሰጋ ቦንቻናዉ ኮየፕ፣ ኮይሮ ሄ አቱማ አሳይ ኡባይ ቃጻረቶ። ሄዋፕ ጉይያን አ ሄ ቢታን የለቲዳ አሳሳይ ሸቁደ፣ ፓሰጋ ቦንቻናዉ ዳንዳዬ። ሸን ቃጻረትቤና አሳይ ኡባካ አፕ ዋፖ።

49 ሀንተንቱ ቢታን የለቲዳዋካ ሀንተንቱ ግደን በተ ግዲደ ደእያዋዉካ ሄ ዋጋይ አቱዋ” ያጊዳ።

50 እስራኤላቱ ኡባይ መድና ጎዳይ ሙሳን አርና አዛዜዳዋዳንካ ኦልድኖ።

51 ሄ ጋላሰካ መድና ጎዳይ እስራኤላቱዋ እንቱንቱ ጩጉዋን ጩጉዋን ግብጾ ጋድያፕ ከሴዳ።

**13**

**ባይራ የለቲዳ ኡባይ ጸሳዉ ዲማቴዳ**

1 መድና ጎዳይ ሙሳ ሀዋዳን ያጊዳ፤

2 “ባይራ የለቲዳ አቱማዋ ኡባ ታዉ ዲማያ። እስራኤልያ አሳ ግደን ኡሉዋፕ የለቲዳ ባይራ ኡባይ፣ መሀያ ግድና አሳ ግድና፣ ኡባይካ ታዋ” ያጊዳ።

**እርሹ ገልቤና ኡክሳ ባላ**

3 ሄዋፕ ጉይያን ሙሴ አሳ፣ “ግብጾፕ፣ አይለተላ ጋድያፕ ሀንተንቱ ከሴዳ ጋላሳ፣ ሀ ጋላሳ ሀሳይቱ፤ እያዉ ጎፕ፣ መድና ጎዳይ ባረ ዋልቃማ ኩሸያን ሀንተንታ ከሴዳ፤ ሄዋ ድራዉ፣ እርሹ ገሊዳዋ ኡባካ ዋፕተ።

4 ሀንተንቱ ሀቼ፣ ላይሳዉ ኮይሮ ግዳዳ እቢባ አግናን ከሲታ።

5 መድና ጎዳይ ካናንቱዋ፣ ሂተቱዋ፣ አምራዋናቱዋ፣ ሂዌቱዋን ያቡሳዋናቱዋ ጋድያ ሀንተንታ ጋልያ ዋደ፣ ሀንተንቱ ሀ ፓሰጋ ሀ አግናን ቦንቹታ። ሄ ቢታይ ጸሳይ ሀንተዉ እማና ማላ፣ ካሰ ሀንተንቱ አዋቶ ጫቄ ዋልዳ ቢታ። ሄ ቢታይ ማላይን ኡሳይ ጎግያ ቢታ።

6 ሀንተንቱ ላፑን ጋላሳይ ጋካናዉ እርሹ የገትቤና ኡክሳ ማንታ፤ ላፑንሳ ጋላሳይ መድና ጎዳ ባላ ግዳናዋ።

7 ሄ ላፑን ጋላሳቱዋን እርሹ የገትቤና ኡክሳ ሀንተንቱ ማና፤ ሀንተንቱ ግደን እርሹዋና ደእያባይ እያይን ቤቶፖ፤ ነ ቢታ ዛዋን ሀቃንን እርሹ ቤቶፖ።

8 “ሄ ጋላሰ ነን ነ ናአዉ፣ ታን ሀዋ ኡልያዌ፣ ታን ግብጾፕ ከሰያ ዋደ፣ መድና ጎዳይ ታዉ ኡልዳዋ ሀሳያናሳ” ያጋደ ኦዳ።

9 መድና ጎዳይ ህንተንታ ባረ ዋልቃማ ኩሽያን ግብጾፕ ከሴዳ ድራው። መድና ጎዳ ዋጋይ ህንተንቱ ዶናፕ ዋግኛዳን። ሀ ቦንቼትያ ጋላሳይ ነ ኩሽያን ቃቼዳን ነ ዳሙዋን ዋጬዳ ሀሳይሰያዋ ማላ ግዳና።

10 ሄዋ ድራው። ህንተንቱ ሀ ዋጋ ላይላን ላይላን አ ዋድያን ቦንቼት።

**ባይራ ናኦ**

11 “መድና ጎዳይ ህንተንቱን ህንተንቱ ማይዛ አዋቶ እማናወ ጫቄዳዋዳን። አ ህንተንታ ካናንቱዋ ጋድያ ገልሲድ። ሄ ጋድያ ህንተንቶ እምያ ዋድ።

12 ኡሉዋፕ ባይራ የለቲዳ ኡባ መድና ጎዳዉ ዴማያ፤ ነ ሚዛ ባይራ የለትያ አቱማዋ ኡባይ መድና ጎዳዋ።

13 ባይራ የለትያ ሀርያ ኡባ ዶርሳ ማራን ዋዛ አካ። ዋዘናዋ ግዶፕ። አ ሞርግያ መንላ፤ ነ አቱማ ናና ግዶን ባይራ የለቲዳዋንታ ኡባ ዋዛ።

14 ሰንላና ያና ዋድያን ነ ናኦይ ኔና። ‘ሀዌ አዬ?’ ያጊደ ኦቾፕ። ኔን አ። ‘መድና ጎዳይ ኑና ዋልቃማ ኩሽያን ግብጾፕ። አይለተላ ጋድያፕ ከሴዳ፤

15 ግብጾ ካቲ ዶንጭሊደ ኑና የደናን እጽና። መድና ጎዳይ ግብጾ ጋድያን ደእያ ባይራ ኡባ። አሳፕ ዶሚደ መሀያ ባይራ ጋካናወ ዋጴዳ። ታን አት ኡሉዋፕ ኮይር የለቲዳ አቱማዋ ኡባ መድና ጎዳዉ ያርሽያዌን ታ ባይራ አቱማ ናና ታን ዋዘያዌ ሄዋሳ’ ያጋ።

16 መድና ጎዳይ ኑና ባረ ዋልቃማ ኩሽያን ግብጾፕ ከሴዳዋ። ሀዌ ህንተንቶ ኩሽያን ቃቼዳን ዳሙዋን ዋጬዳ ማላ ማላ ግዳናዋ” ያጌዳ።

**ጳሳይ ባረ አሳ ካለላ ሀናታ**

17 ካቲ አሳ የዴዳ ዋድ። ጳሳይ አንቱንታ ፕልሰጾማ ቢታና አእያ ኦጊ ማታ ግዶፕን ሄ ኦግያና ካለላቤና፤ አያወ ሳፕ። ጳሳይ። “አሳይ ኦላ በኦፕ። ባረ ቆፋ ላሚድ። ጉየ ግብጾ ሰመናዳን” ያጊደ ቆፔዳ።

18 ሄዋ ድራው። ጳሳይ አሳ መላ ቢታ ኦግያና የሽደ። ዞኦ አባኮ ካለሌዳ። አሰራኤላቲ ግብጾ ጋድያፕ ኦላወ ገጊደ ፑደ ከሴድና።

19 ዮሴፎ አሰራኤልያ አሳ ጫቀላ ዋጬዳ ድራው። ሙሴ አ መቀላ ባረናና አኪደ ቤዳ፤ ዮሴፎ አንቱንታ። “ጳሳይ ቱሙፕ ህንተንታ ማዳናወ ያናዋ፤ ሄ ዋድ ህንተንቱ ታ መቀላ ሀ ሳኦፕ ፑደ ህንተናና አኪደ ቢተ” ያጊደ ኦድ ዋጬዳ።

**ታማነ ሻርያ ቱሳ**

20 አንቱንቱ ሱኮተፕ ደንዲደ መላ ቢታ ዶናን ደእያ ኤታማን ኡቲድና።

21 መድና ጎዳይ አንቱንቱ ጋላሰን ቃማ ሀመታና ማላ። ጋላሳን አንቱንታ ኦግያ በሳናወ ሻርያ ቱሳን። ቃማን አንቱንቶ ፖአሳና ማላ ታማ ቱሳን አንቱንታ ካለሌዳ።

22 ጋላሰ ሻርያ ቱሳይ ዋይ ቃማ ታማ ቱሳይ አሳ ሰንላፕ ክቾቤና።

# 14

**ዞኦ አሳ ፕኔድኖ**

1-2 ሄዋፕ ጉይያን ሙሳ መድና ጎዳይ፤ “አንቱንቱ ጉየ ሰሚደ ሞግዶላፕን አባፕ ግዴዋን። ፕሃሀርታ ማታን ኤታናዳን ኦዳ፤ አንቱንቱ አባ ላንቄያን ባኦል-ጸፎና ሰንላ መላ ቢታን ኤትኖ ያጌዳ።

3 ካቲ። ‘አሰራኤላቲ መላ ቢታይ ጎርድና። ሀንያባ ጳዪደ ቢታን ጮ ቶይላካቲኖ’ ያጊደ ቆፕናዋ።

4 ታን ካትያ ዋዛና ደንጭልሳና፤ አ አንቱንታ የደርሳና፤ ታን ካትያን አ ኦላንቻቱዋ ኡባን ቦንቼት፤ ግብጾቱካ ታን መድና ጎዳ ግድያዋ ኤራና” ያጌዳ። አሰራኤላቲ አ ኦዴዳዋዳን ኦሌድና።

**አሰራኤላቲዋ ካትያ ፓራይ ካሌዳ**

5 አሳይ ባቃት ድጌዳዋ ግብጾ ካትያወ ኦድና። አነ አ ሰንላቱ አሰራኤላቶ ቆፔዳ ባረንቱ ቆፋ ላሚደ። “ኑን ሀዋ ዋቲቶ? ኑን አሰራኤላቲዋ የዲደ። አንቱንቱ ኑወ አእያ ዋልቃፕ መላ አቲዶ” ያጌድና።

6 ሄዋ ድራው። አ ባረ ፓራ ጋርያ ኮሪደ። ባረ ኦላንቻቱዋ ባረናና አኪደ ደንዴዳ።

7 አ ኡሱፑን ጴቲ ዶረቲዳ ፓራ ጋረቱዋ። ግብጾ ጋድያን ደእያ ሀራ ጋረቱዋ ኡባና። አንቱንቱ ኡባወ ካፑዋ ካፑዋ ሱንሳደ አኪደ ቤዳ።

8 መድና ጎዳይ ግብጾ ጋደ ካትያ። ዋዛና ቆልሰና። ጳሳ ዋልቃን ከሳ ቦላ ደእያ አሰራኤልያ አሳ የደርሴዳ።

9 ሄዋጥ ጉይያን ግብጹ አሳቱ፣ ካትያ ፓራቱ ኡባይን ፓራ ጋርቱ፣ ፓራ አሳቱን ኦላንቻቱ አሰራኤላቱዋ ካሊደ የደርሴድኖ። አባ ድናን ባኣል-ጻፎና ሰንላ ባዙዋን ደእያ ጥሃሀርታ ማጎን ኤንቱንቱ ኡቲዳዋንታ ደሚድኖ።

10 ካቲ ማት ድግና፣ አሰራኤላቱ ቋቁ ግ ጸልያ ወደ፣ ግብጹቱ ኤንቱንቱ ጌዱዋ ካሊደ ዬዳዋ በኤድኖ፤ ያቲደ ዳርጥ ያዩደ፣ መጅና ጎዳኮ ዋሴድኖ።

11 ኤንቱንቱ ሙሳ፣ “ኔን ኑና ግብጹን ዱፋ ቋይና መላ ቢታን ሀይቃናዳን ከሳዲየ? ኑና ግብጹጥ እያዉ አሃድ?”

12 ግብጹን ደእደ ኡን፣ ሓና አጋ ባሻ፤ ኑን ግብጹቶ ሞደታና ያጊደ ነዉ ኦድበይኮየ? መላ ቢታን ሀይቃናጥ ኤንቱንቱ ሞደትያዌ ኑዉ ሎኦ ሸን” ያጊድኖ።

13 ሸን ሙሴ አሳ፣ “ያዮፕተ፤ ሞን ኤቂተ፤ መጅና ጎዳይ ሀቼ ሀንተንታ አሸያ አሸዋ ሀንተንቱ በእና። ሀቼ ሀንተንቱ በእያ ግብጹቱዋ ላኤንሶ ኡባካ በእክታ።

14 ሀንተንቱ ድራዉ መጅና ጎዳይ ኦላታናዋ፤ ሀንተንቱጥ ኮየትያዌ ሙኤ ጉሳ ጸላላ” ያጊድ።

15 መጅና ጎዳይ ሙሳ፣ “ኔን ታኮ እያዉ ዋሳይ? አሰራኤላቱ ሰንላዉ ሀመታና ማላ ኦዳ።

16 ነ ጸሞኣ ደንላደ አባ ቦላ ምጫ፤ ሃላይ ላኡ ከሲደ ሻከታናዋ፤ አሰራኤላቱካ መላ ቢታና አባ ጥጊደ ባናዋንታ።

17 ታን ግብጹቱዋ ዋዛና ደንጭልሰና፣ ኤንቱንቱ ሀንተንቱ ጌዱዋ ካሊደ አባን ገላናዋንታ። ታን ካትያን አ ኦላንቻቱዋ ኡባ ቦላን፣ አ ፓራ ጋርቱዋን አ ፓራ አሳቱዋ ቦላን ቦንቹዋ ታዉ ደማና።

18 ታን ካትያ ቦላን፣ አ ፓራ ጋርቱዋ ቦላን አ ፓራ አሳቱዋ ቦላን ታዉ ቦንቹዋ ደሚዳ ወደ፣ ታን መጅና ጎዳ ግድያዋ ግብጹቱ ኤራናዋንታ” ያጊድ።

19 ሄዋጥ ጉይያን ጸሳ ኪታንቻይ፣ አሰራኤልያ ኦላንቻቱዋጥ ሰንላና ሀመትያዌ፣ ጉየ አጂደ ኤንቱንቱጥ ጉየና ሀመቱዳ። ሻርያ ቱሳይካ ኤንቱንቱ ሰንላን ደእያ ሳአጥ ጉየ ባጋ ዩዩደ።

20 ግብጹቱዋ ኦላንቻቱዋጥን አሰራኤላቱዋ ኦላንቻቱዋጥ ግዲዋን ኤቄዳ። ሄ ሻሪ ቃማ ኡባን አት ባጋና ቋሞሲድ፣ ሀንኮ ባጋና ፖአሴዳ፤ ያትና ቃማ ኡባ አቱ አቱዋኮ ሸቅበይክኖ።

21 ሄዋጥ ጉይያን ሙሴ አባ ቦላን ባር ኩሸያ ምጩዳ፤ መጅና ጎዳይ ሄ ጋላሰ ቃማ ኡባን አዋይ ደልያ ባጋጥ ዋልቃማ ጫርኩዋ የዲደ፣ አባ ጉየ ዛሪደ መላ ቢታ ከሴዳ። ሃላይ ሻከቱዳ።

22 አሰራኤላቱ አባ ግዲዋና መላ ቢታን ሀመቲደ፣ ሃላይ ኤንቱንቱ ኡሸቻናን ሀድርሳና ጎዳዳን ኤቄና ቤድኖ።

23 ግብጹቱ ኤንቱንታ የደርሴድኖ፤ ካትያ ፓራ ኡባቱ፣ አ ፓራ ጋርቱን አ ፓራ አሳቱ ኤንቱንታ ካሊደ፣ አባ ግድ ገሌድኖ።

24 ብር ዋንታ ባካሊ ደላናጥ ካሰቲደ፣ መጅና ጎዳይ ታማነ ሻርያ ቱሳጥ ዲገ ዛሪደ፣ ግብጹቱዋ ኦላንቻቱዋ ጸሌዳ፤ ኤንቱንቱ ዋዛና ባይዜዳ።

25 ላጋይ ኤንቱንታ ዋይሳና ማላ፣ መጅና ጎዳይ ኤንቱንቱ ፓራ ጋርቱዋ ጎማ ቃሉዋ ድግና ግብጹቱ፣ “መጅና ጎዳይ ኤንቱንታ ማዲደ ግብጹ ኦልያ ድራዉ፣ እነ ኑን አሰራኤልያ አሳጥ ባቃቶይተ” ያጊድኖ።

26 መጅና ጎዳይ ሙሳ፣ “ሃላይ ግብጹቱዋ ቦላ፣ ኤንቱንቱ ፓራ ጋርቱዋ ቦላን ኤንቱንቱ ፓራ አሳቱዋ ቦላ ጉየ ጎጋና ማላ፣ ነ ኩሸያ አባ ቦላን ምጫ” ያጊድ።

27 ሙሴ ባር ኩሸያ አባ ቦላን ምጩዳ፤ ሳእይ ዋንትሸን፣ አባይ ባር ካሰ ሳአ ጉየ ሰሜዳ፤ ግብጹቱ ያ አ ግድ ባቃትሸን፣ መጅና ጎዳይ ግብጹቱዋ አባ ግዲዋን አሉ የጌዳ።

28 ሃላይ ጉየ ሰሚደ፣ ፓራ ጋርቱዋ ፓራ አሳቱዋና አሰራኤላቱዋ ካሊደ አባ ገሌዳ ካትያ ኦላንቻቱዋ አባ ሞት ባሾዳ፤ ኤንቱንቱጥ አቱን አትቤና።

29 ሸን አሰራኤላቱ አባ ግዲዋና መላ ቢታን ሀመቲደ፣ ሃላይ ኤንቱንቱ ኡሸቻናን ሀድርሳና ጎዳዳን ኤቄና ቤድኖ።

30 መጅና ጎዳይ ሄ ጋላሰ አሰራኤልያ አሳ ግብጹቱዋ ኩሸያጥ ሀዋዳን አሾዳ። ቃይ አሰራኤላቱ ግብጹቱ ሀይቂደ ግሴዳዋንታ አባ ድናን በኤድኖ።

31 አሰራኤላቱካ መጅና ጎዳይ ግብጹቱዋ ቦላ በሴዳ ዋልቃማ ዋልቃ በኤዳ ወደ፣ አሳይ መጅና ጎዳዉ ያዩደ አካ አ ቆማ ሙሳካ አማኔዳ።

# 15

## ሙሴ የሳ

1 ሄ ዋደ ሙሴን አሰራኤልያ አሳይ ሀ የሳ መጅና ጎዳዉ የጸድኖ፤ “ቦንቹዋን ሎይሶ ቋቁ ቋቁ ጌዳ ድራዉ፣ ታን መጅና ጎዳዉ ማዝሙርያ የጻና። ፓራን ፓራ ጋርያን ቶጌዳዋንታ አባን ኦሌዳ።

- 2 መድና ጎዳይ ታ ዋልቃነ ታ ማዘመርያ፤  
 እ ታና አሸያዋ ግዴዳ።  
 እ ታ ጸሳ፤ ታን እ ሳባና።  
 እ ታ አወዋ ጸሳ፤  
 ታን እ ጾቁ ጾቁ ኦላና።
- 3 መድና ጎዳይ ኤረቴዳ አላንቻ፤  
 እ ሱንሳይካ መድና ጎዳ።
- 4 ግብጾ ካትያ ፓራ ጋረቱዋን  
 እ አላንቻቱዋ አባን ኦሌዳ።  
 ግብጾ ካትያ ካፓቱ።  
 ኡባፕ አድ ሎአያዋንቱ ዘኦ አባን መከቴድና።
- 5 ጨዋ ሃሳይ አንቱንታ ካሜዳ፤  
 አንቱንቱ ሹቻዳን ጨመዋን ሞተቴድና።
- 6 “አቤት መድና ጎዳዉ፣ ነ ኡሸቻ ኩሺ  
 ዋልቃን ጎቤዳዋ፤  
 መድና ጎዳዉ፣ ነ ኡሸቻ ኩሺ  
 ሞርክያ መንግሥቱ።
- 7 ነ ቦንቹዋ ግታተላን  
 ኔናና ጋዳቴዳዋንታ አላዳ።  
 ነ ኤጵያ ሀንቁዋ ኔን የድና፣  
 እ አንቱንታ ዳላዳን ሜዳ።
- 8 ነ ሲድያና ከሰያ ሸምፑዋን  
 ሃሳይ ደረቴዳ።  
 ጎግያ ሃሳይካ ጎዳዳን ምን ኤቁዳ፤  
 ጨዋ ሃሳይ አባ ጎምፓን እርኪደ ምኔዳ።
- 9 “ሞርክ፣  
 ናታን አንቱንታ የደርሳደ ኦይቃና።  
 ታን አንቱንቱ ማጸዋ ሻካደ፣  
 ታ ኮዬዳዋ ኡባ አካና።  
 ታን ታ ማሻ ሸዳደ፣  
 አንቱንታ ጳይሳና’ ያጊደ ጨቀቴዳ።
- 10 “ሸን ነ ፔኑዋን ፑንና፣  
 አባይ አንቱንታ ካሜዳ።  
 አንቱንቱ ዋልቃማ ሃላን  
 ብራታይ ሞተትያዋዳን ሞተቴድና።
- 11 አቤት መድና ጎዳዉ፣ ጸሳቱዋ ግደን  
 ነ ማላይ ኦኔ?  
 ጌሻተላን ቦንቹትያዋ፣  
 ቦንቹዋን ያየትያዋ፣  
 ማላልያባ አልያዋ ነ ማላይ ኦኔ?
- 12 ኔን ነ ኡሸቻ ኩሺያ ምጭና፣  
 ቢታይ አንቱንታ ሞቴዳ።
- 13 “ኔን ዋዜዳ ነ አሳ  
 አገና ነ ሲቁዋን ካለላዳ።  
 ኔን ነ ዋልቃን  
 አንቱንታ ኔን ደአያ ጌሻ ሳኦ ገልሳዳ።
- 14 ካወተላቱ ሄዋ ሰሲደ  
 ኮኮሬድና።  
 ፕልሰጾማ ጋድያ አሳቱካ  
 የሉ ኦይቁዳዋዳን አንኤቴድና።

- 15 ህ ዋደ ኤደማ ጋደ ካፓቱ ዳጋሜድኖ።  
 ሞአበ ጋድያ ሞድያዋጎታ  
 ያሻይ ኮኮርሴዳ።  
 ካናነ አሳቱዋ ሸኒ ሀይቁዳ።
- 16 አቤት መድና ጎዳዉ ዳጋማይነ ያሻይ ኡንቱንታ ኦይቁና።  
 ኡንቱንቱ ነ ዋልቃ ግታተላ በኢደ።  
 ነ አሳይ አቆና ጋካናዉ።  
 ኔን ዋዜዳ አሳይ አቆና ጋካናዉ።  
 ሹቻዳን ሙሚደ ኤቁኖ።
- 17 አቤት መድና ጎዳዉ ኔን ኡንቱንታ አሃደ።  
 ነ ቡዞ ጋደን ደእያ ደርያ ሁጲያን ቶከቲዳ ሞላዳ ዋላ።  
 ሄ ሳአይ  
 ኔን ነዉ ደአናዉ ኦሴዳ ሳአ።  
 ሄ ጌሻ ሳአይ ኔን ነ ኩሸያን ሞንሳደ ኤሴዳ ሳአ።
- 18 መድና ጎዳይ መድናፕ መድናዉ ካዉታናዋ።”  
 19 ግብጹ ካትያ ፓራቱ፣ አ ፓራ ጋረቱን አ ፓራ አሳቱ አባን ገሌዳ ዋደ፣ መድና ጎዳይ ኡንቱንቱ  
 ቦላ አባ ሃላ ኑዮ ዛሪደ ኡንቱንቱ ቦላ አሄዳ፤ ሸን አሰራኤላቱ አባ ግዱዋና መላ ቢታን ሀመቲደ  
 ቤድኖ ያግ ዩዬድኖ።

**ማይራሞ የላ**

20 አርና ሞቻታ፣ ናባታ ማይራማ ዳርቢያ አካዴ፤ ማጫ አሳይ ኡባይ ዳርቢያ ባቂደነ የጸደ  
አዘ ካሌድኖ።

21 ማይራማ ኡንቱንቶ የላ የጸደ፣

“መድና ጎዳይ ሎይስ ቶቁ ቶቁ ጌዳ ድራዉ፣

አዉ የጽተ።

ፓራን ፓራ ቶጌዳዋ

አ አባን ኦሌዳ” ያጋደ የጸደ።

**ዘኑ አባፕ ሲና ደርያ ጋካናዉ**

(15:22—18:27)

**ጫሞያ ሃላነ ሎኦ ጮራ ፑልቱዋ**

22 ሄዋፕ ጉይያን ሙሴ አሰራኤልያ ዘኑ አባፕ ካለለና፣ ኡንቱንቱ ሱር ጌተትያ መላ ቢታ  
ቤድኖ። ሄ መላ ቢታን ኡንቱንቱ ሃላ ደመናን ሄዙ ጋላሳ ሀመቲድኖ።

23 ኡንቱንቱ ማራ ግያ ሳአ ጋከዳ ዋደ፣ ማራ ሃላይ ጫሞ ግዳዳ ድራዉ፣ ኡሻናዉ ዳንዳይባይክና፤  
ሄዋ ድራዉ፣ ሄ ሳአይ ማራ \* ጌተቲዳ።

24 ሄዋ ድራዉ፣ አሳይ፣ “ኑን እያ ኡሻኔ?” ያገደ ሙሴ ቦላ ዙዙሚዳ።

25 ሙሴ መድና ጎዳዉ ዋሴዳ፤ መድና ጎዳይ አ እት ሞላ በሴዳ፤ ሙሴ ሄ ሞላ ሃላ ግደ ኦልና፣  
ሃላይ ማልኤዳ። መድና ጎዳይ ኡንቱንቶ ካለሰትያ ዋጋ እሚዳ፤ ያን ጸሳይ ኡንቱንታ ፓጩዳ።

26 አ ኡንቱንታ ሀዋደን ያጌዳ፤ “መድና ጎዳይ ህንተንቱ ጸሳይ ኦድያዋ ሞንሲደ ሰሰፕነ አ  
አይፍያ ሰንላን ልከባ ኦሎፕ፣ ህንተንቱ አ አዛዙዋ ሀይዘፕነ አ ዋጋ ኡባ ናፕፕ፣ ታን ግብጹቱዋ  
ቦላ አሄዳ ሀርግፕፕ እቱዋነ ህንተንቱ ቦላ አህከ፤ እያዉ ጎፕ፣ ታን ህንተንታ ፓልያ መድና ጎዳቱ”  
ያጌዳ።

27 ሄዋፕ ኡንቱንቱ ኤላማ ጋድያ ዬድኖ፤ ያን ታማነ ላኡ ሃላ ፑልቶቲነ ላፑን ታሙ ዛምባ  
ሞላቱ ደእና። ኡንቱንቱ ያን ሃላ ዶናን ኡቲድኖ።

**16**

**መድና ጎዳይ ማናነ አካቱዋ ቡክሴዳ**

1 ግብጹፕ ከሴዳ ላኤንላ አግናን፣ ታማነ አቼሻንላ ጋላሳን አሰራኤልያ አሳ ኩመንላይ ኤላማፕ  
ደንዳደ፣ ኤላማፕነ ሰናፕ ግዱዋን ደእያ “ሲን” ጌተትያ መላ ቢታ ዬዳ።

2 አሰራኤልያ አሳ ኡባይ መላ ቢታን ሙሴ ቦላነ አርና ቦላ ዙዙሚድኖ።

3 አሰራኤላቱ ኡንቱንታ፣ “ኑን ግብጹ ጋድያን መድና ጎዳ ኩሸያን ሀይቁደ ግደርኮሻ! ያን ኑን  
ኑዋ አሸዋ ከርያ ዩይ አቲ ኡቲደ፣ ኑን ኮዮ ቁማ ኡባ ሚዳ፤ ሸን ህንተንቱ ኑና ከሲደ፣ ኡባቱዋ  
ኮሻን ዋቆናዉ መላ ቢታ አሄድቲ?” ያጌድኖ።

\* 15:23 ማራ- ሀ ሰንላ ብለላይ አብራዌላዋን “ጫሙዋ” ግያዋ።

4 መጅና ጎዳይ ሙሳ፣ “ታን ህንተንቶ ሳሉዋጥ ኡክላ ቡክሳና፤ አሳይ ኡባ ጋላሰካ ከሲድ፣ ሆቼ ሆቼዉ ግድያዎ ጸላላ ማጻናዉ ኮሼ። አሳይ ታ አዛዙዎ ካልንቶ ካለነንቶ ታን ኡንቱንታ ሄዋን ፓጫና።

5 ኡሱፑንላ ጋላሰ ኡንቱንቱ ሀርደ ማጽያዎ ላኡ ኩሽያ ማጸደ፣ ካልኖ” ያጌዳ።

6 ሄዎ ድራዉ፣ ሙሴን አሮን እስራኤልያ አሳ ኡባዉ፣ “ህንተና ግብጹ ጋድያጥ ከሴዳ መጅና ጎዳ ግድያዎ ኦማርሰ ህንተንቱ ኤራና፤

7 ቃይ መጅና ጎዳ ቦንቹዋ ዋንታ ህንተንቱ በአና፤ እያዉ ሳጥ፣ አ ቦላ ህንተንቱ ዙዙሚዳዎ እ ሰሴዳ፤ ህንተንቱ ኑ ቦላ ዙዙሚናዉ ኑን ኦኔ?” ያጌድኖ።

8 ሄዋጥ ጉይያን ሙሴ፣ “እ ህንተንቶ ማናዉ ኦማርሰ አሹዋ እሚናን ህንተንቱ ኮይያ ኡክላ ኡባ ህንተንቶ ዋንታ እምና፣ እ መጅና ጎዳ ግድያዎ ህንተንቱ ሄዋን ኤራና። እያዉ ሳጥ፣ ህንተንቱ አ ቦላ ዙዙሚዳዎ እ ሰሴዳ። ኑን ኦኔ? ህንተንቱ ኑ ቦላ ዙዙሚክታ፤ ህንተንቱ መጅና ጎዳ ቦላ ዙዙሚታ” ያጌዳ።

9 ሙሴ አሮና፣ “ኔን እስራኤልያ አሳ ኡባ፣ ‘መጅና ጎዳይ ህንተንቱ ዙዙንላ ሰሴዳ ድራዉ፣ መጅና ጎዳ ሰንሳ ሃ ሸቅተ’ ያጋ” ያጌዳ።

10 አሮን እስራኤልያ አሳ ኡባዉ ኦድያ ዋደ፣ ኡንቱንቱ መላ ቢታኮ ሰሚደ ጸሌድኖ፤ ሄዋን መጅና ጎዳ ቦንቹ ሻርያ ግደን ቆንጭያዎ በኤድኖ።

11-12 መጅና ጎዳይ ሙሳ፣ “ታን እስራኤላቱ ዙዙንላ ሰሳድ፤ ኔን ኡንቱንቶ፣ ኦማርሳን አሹዋ ህንተንቱ ማና፤ ዋንታ ኡክላ ህንተንቱ ካላና፤ ሄ ዋደ ህንተንቱ ታን መጅና ጎዳ ህንተንቱ ጸሳ ግድያዎ ኤራና ያጋደ ኦዳ” ያጌዳ።

13 ሄ ጋላሰ ኦማርሳን አሹ ሜትትያ ካፎቱ ዪደ፣ እስራኤልያ አሳይ ደእያ ሳኣ ማዬድኖ፤ ቃይ ዋንታ ኡንቱንቱ ዲንካነቱዋ የሹዋን ከተርሳይ ኩም ኡቱዳ።

14 ከተርሳይ ጽኤዳ ዋደ፣ ሳኣን ዋዲዳ ሻቻ ማላትያ ሱፓ ፖቁ መላ ቢታ ቦላን ቤቱዳ።

15 እስራኤላቱ ሄዋ በኤዳ ዋደ፣ ኡንቱንቱ እቱ እቱዋ፣ “ሀዌ እዬ?” ያጌድኖ። እያዉ ሳጥ፣ ኡንቱንቱ አ እየንቶ ኤርበይክኖ።

ያትና ሙሴ ኡንቱንታ፣ “ህንተንቶ ማናዉ መጅና ጎዳይ እሚዳ ኡክላይ ሀዋ።

16 መጅና ጎዳይ ሀዋደን ያጌደ አዛዜዳ፤ ሳላ አሳዉ አዋትያዋ፣ አቶ አቶ ማናዉ ኮሽያዎ ከሻ ሸሽ፤ ህንተንቱ ዲንካንያ ግደን ደእያ አሳይ ሁጲያን ሁጲያን ላኡ ጸሳ ግድያዎ አክተ’ ጌዳ” ያጌዳ።

17 እስራኤላቱ ሙሴ ኡንቱንቶ ኦዳዳዋዳን ኦፊድኖ፤ እቱ ዳርሲደ፣ እቱ ላፈልደ ሸሼድኖ።

18 ኡንቱንቱ ጸሳን ማኬዳ ዋደ፣ ዳርሲደ ሸሼዳዎ ፓላሀቤና፤ ላፋ ሸሼዳዎ ፓጭቤና፤ ኡባይካ ሁጲያን ሁጲያን ባረዉ ምያዎ ኬሻ ሸሼዳ።

19 ሄዋጥ ጉይያን ሙሴ ኡንቱንታ፣ “ኦንነ አጥ ዋንትዉ አሸፖ” ያጌዳ።

20 ግደ ሸን ኡንቱንቱጥ እቱ እቱ ሙሴ ኦድያዎ አከናን አገደ፣ ሄዋ ዋንታ ጋካናዉ ዋፊድኖ፤ ሄዌ ጉጹኒደ ጽንቁዳ። ሄዋ ድራዉ፣ ሙሴ ኡንቱንታ ሀንቀቱዳ።

21 ዋንታ ዋንታ አሳይ ኡባይ ባረዉ ኮሽያዎ ሸሼዳ፤ አዋይ ሆእያ ዋደ ሳኣን እቱዳዌ ሲል አጌዳ።

22 ኡሱፑንላ ጋላሳን ኡንቱንቱ ካሰዋጥ ላኡ ኩሽያ ሸሼድኖ። ያትና ኡንቱንቱ ካፓቱ ኡባቱ ዪደ ሄዋ ሙሴዉ ኦዳድኖ።

23 እ ኡንቱንታ፣ “መጅና ጎዳይ አዛዜዳዌ ሀዋ፤ ዋንት ኪታይ ባይና ሸምፖ ጋላሳ፣ መጅና ጎዳዉ ጌሻ ሳምባታ። ሄዋ ድራዉ፣ ህንተንቱ ኡክያዎ ኡክተ፤ ህንተንቱ ደይሰያዋን ደይሰተ፤ ፓላሄዳዎ ዋንትዉ አሸተ” ያጌዳ።

24 ሄዋ ድራዉ፣ ኡንቱንቱ ሙሴ አዛዜዳዋዳን ዋንትዉ ዋጻና ጽንቁቤና ዋይ ጉጹንቤና።

25 “ሀቼ ሚተ፤ እያዉ ሳጥ፣ ሀቼ መጅና ጎዳ ሳምባታ፤ ህንተንቱ አ ሀቼ ደምባን ደምክታ።

26 ህንተንቱ ኡሱፑን ጋላሳን አ ሸሻናዉ ዳንዳዪታ፤ ሸን ላፑንላ ጋላሳይ ሳምባታ። ሳምባታን አያይን ደኤና” ያጌዳ።

27 ላፑንላ ጋላሳን እት እት አሳይ ሸሻናዉ ከሴዳ፤ ሸን ኡንቱንቱ እይን ደምባይክኖ።

28 መጅና ጎዳይ ሙሳ፣ “ታ አዛዛቱዋን ታ ህግያ ናግያዎ እዉደ ጋካናዉ እጸቱ?”

29 መጅና ጎዳይ ህንተንቶ ሳምባታ እሚዳዎ አኬክተ፤ ኡሱፑንላ ጋላሳን አ ህንተንቶ ላኡ ጋላሳ ኡክላ እምያዌ ሄዋ ድራሳ። ላፑንላ ጋላሰ ኡባይ ባረ ደእያ ሳኣን ደእያ ሳኣን ጋምኦ፤ ኦንነ ካረ ከሰፖ” ያጌዳ።

30 ሄዋ ድራዉ፣ አሳይ ላፑንላ ጋላሳን ሸምፔዳ።



31 እስራኤልያ አሳይ ሄ ኡክላ ማና \* ጊደ ሱንጤዳ። ማናይ ዴቡዋ አይፍያዳን ቦላ፤ ኤሳና ኡኩዳ ኡክላዳን ማልኤ።

32 ሙሴ እስራኤልያ አሳ፣ “መድና ጎዳይ አዛዜዳዌ ሀዋ፤ ታን ሀንተንታ ግብጹ ጋድያፕ ከሱዳ ዋደ፣ ዋራን ሞዜዳ ኡክላ ኡንቲንቲ በአና ማላ፣ ማናፕ ላኡ ጸሳ ግድያዋ ሀንተንቲ ያና የለታው አሽ ዋሳተ። ያጊደ አዛዜዳ” ያጌዳ።

33 ሙሴ አርና፣ “አት ጸናዋ አካደ ላኡ ሊትሮ ኩመንሳ ማና አን ቆላ፤ ያታደ ያና የለታው ሞንጀታና ማላ፣ መድና ጎዳ ስንሳን ዋላ” ያጌዳ።

34 መድና ጎዳይ ሙሳ አዛዜዳዋዳን ሞንጀታና ማላ፣ አርነ ማና ጸሳ ስንሳን ዋሌዳ።

35 እስራኤላቲ ባረንቲ ደአያ ጋደ ያና ጋካናዉ ኮይታሙ ላይሳ ማና ሜድና፤ ኡንቲንቲ ካናን ጋደ ባጋ ጋካናዉ ማና ሚደ ደኤድና።

36 አሳይ ማክያ ኤረቲዳ ቁንአይ ላኡ ጸሳፕ ታሙ ዳኩዋ ዳራ።

# 17

## ዛገጥ ሃላይ ፑልቲዳ (ፓይ. 20:1-13)

1 እስራኤላቲዋ ማባራ ኡባይ መድና ጎዳይ አዛዜዳዋዳን፣ እት ሳአፕ ሀራ ሳአ ዩዩደ፣ ሲን መላ ቢታፕ ደንድ ቢደ፣ ራፍዳማ ጌተትያ ሳአን ኡቲድና። ሸን አሳይ ኡሻናዉ ሃላይ ሄ ሳአን ጳዬዳ።

2 ኡንቲንቲ ሙሴና ዋላቀቲደ አ፣ “ኑዉ ኡሻናዉ ሃላ አማ” ያጌድና።

ሙሴ ዛሪደ፣ “ሀንተንቲ ታናና አያዉ ዋላቀቲቲ? መድና ጎዳ ሀንተንቲ አያዉ ፓጩቲ?” ያጌዳ።

3 ሸን አሳይ ያን ሃላ ሳመቲደ፣ ሙሴ ቦላ ዙዙሜድና። ኡንቲንቲ አ፣ “ኔን ኑና፣ ኑ ናናን ኑ መሀያ ሳሙዋን ዋጻናዉ ግብጾፕ ከሳደ ፑደ አያዉ አሃድ?” ያጌድና።

4 ሙሴ፣ “ታን ሀ አሳ ዋቶ? ኡንቲንቲ ታና ሹቻን ጫዳና ሀኒና” ያጊደ መድና ጎዳኩ ዋሴዳ።

5 መድና ጎዳይ ሙሳ፣ “ኔን አሳፕ ስንሳዉ ሀመታ፤ እስራኤልያ አሳ ጭማቲዋፕ ኔናና አፋ፤ አን ኔን ናይላ ሻፋ ሃላ ሹጩዳ ጸምአ ነ ኩሽያን ኦይቃደ ባ።

6 ታን ሲና ደርያ ዛላ ቦላ ነ ስንሳን ኤቃና፤ ኔን ሄ ዛላ ሹጫ፤ አሳይ ኡሻናዉ አፕ ሃላይ ከሳናዋ” ያጌዳ። ሙሴ እስራኤልያ ጭማቲዋ ስንሳን ሄዋዳን ኦሌዳ።

7 እስራኤላቲ፣ “መድና ጎዳይ ኑ ግደን ደአዩ ባዌ?” ያጊደ ዋላቀቲዳ ድራዉን መድና ጎዳ ፓጩዳ ድራዉ፣ ሄ ሳአይ ማሳሀን ማሪባ ጌተቲደ ሱንቲዳ።

### እስራኤላቲ አማሌቃቲዋ ጸኔድና

8 አማሌቃቲ ዩደ፣ ራፊድማን እስራኤላቲዋና ኦላ ጋከቲድና።

9 ሙሴ ኢያሳ፣ “ኔን ኑዉ አሳ ዶራደ፣ ከሳደ አማሌቃቲዋና ኦለታ፤ ታን ዋንት ጸሳ ጸምአ ኦይቃደ፣ ዙዝያ ሀጺያን ኤቃና” ያጌዳ።

10 ሄዋፕ ጉዩ ኢያሱ ሙሴ ጌዳዋዳን፣ አማሌቃቲዋና ኦለቲዳ። ሙሴ፣ አርነክ ሀር ዙዝያ ሀጺያ ከሴድና።

11 ሙሴ ባረ ኩሽያ ደንሳ ጋምኤዳ ኩናን ኡባን እስራኤላቲ ጸኔና፤ ሸን አ ባረ ኩሽያ ዳገ ዋሌዳ ዋደ አማሌቃቲ ጸኔና።

12 ሙሴ ኩሽ አርጋጩዳ ዋደ፣ ኡንቲንቲ ሹቻ አክ ዩደ፣ ሙሳ አ ቦላ ኡትሴድና። አርነክ ሀር አቲ አት ባጋና አቲ ሀንኮ ባጋና ግዲደ፣ አ ኩሽያ ስት ኦሌደ ኦይቲድና። ያትና አዋይ ዉላና ጋካናዉ አ ኩሽ ስት ጊደ ታኩዳ።

13 ሄዋ ድራዉ፣ ኢያሱ አማሌቃቲዋ ኦላንቻቲዋ ማሻን ጸኔዳ።

14 ሄዋፕ ሰምና፣ ሙሳ መድና ጎዳይ ሀዋዳን ያጌዳ፤ “ሀዌ ኡባ ገደ ቆፊታና ማላ ሀዋ ማጸፋን ጸፋ። ያታደ ኢያሳ ሰሰናን አጎፓ፤ አያዉ ጎፕ፣ ሳላዋፕ ጋርሳን ታን አማሌቃ አሳቲዋ ዛር ቆፊተናዳን ጭራና ጳይሳና” ያጌዳ።

15 ሙሴ ያርሹዋ ያርሸያ ሳአ ኬጺደ፣ “መድና ጎዳይ ታዉ ጸኑዋ አሜ” ጊደ ሱንጤዳ።

16 አ ሀዋዳን ያጌዳ፤ “ኩሽቲ ፑደ መድና ጎዳ ካዉተሳ አራታኮ ደንዴድና፤ የለታፕ የለታ ጋካናዉካ መድና ጎዳይ አማሌቃቲዋና ኦለታናዋ” ያጌዳ።

# 18

## ዮቶረ ሙሳ ጸሞሴዳ

\* 16:31 ማና፡- ሀ ቃላ ብለላይ አብራዌሉዋን “ሀዌ አዬ” ግያዋ። 16:33 አብራ. 9:4 16:35 ኢያሳ 5:12 17:14 ዛረ. 25:17-19፤ 1 ሳሜላ 15:2-9

1 ሚድያማ ጋደ ቁሴ፣ ሙሴ ሶሎ የቶረ፣ ጳጳሪ ሙሴውን እና አሳ እስራኤልያዊ ኦሎሳዊ ስራን ማድረግ አለበት።

2-3 ሄ ዋደ ሙሴ ሶሎ፣ የቶረ፣ ሙሴ እኮ የዲደ ቤዳ እ ማቻቶ ጽጋርን እዝ ላኤ ናና አሄዳ። ኤንቲንቲ እቲዋ ሱንሳይ ገርሾማ፤ \* አያወ ጎጥ፣ ሙሴ፣ “ታን አሳ ጋድያን በተ ግዳድ” ያጌዳ።

4 ላኤንሱዋ ሱንሳይ ኤልአዛራ፤ † አያወ ጎጥ፣ እ፣ “ታ አወዋ ጳጳሪ ታና ማደዳዋ፤ እ ታና ግብጹ ካትያ ማሻገጥ አሾዳ” ያጌዳ።

5 ሙሴ ሶሎ የቶረ እ አቲማ ናናን እ ማቻትና ጳጳሪ ደርያ ማታን ደእያ ሙሴኮ መላ ቢታ ዬዳ።

6 እ ሙሳ፣ “ታን፣ ነ ሶሎ የቶረ፣ ነ ማቻትናን እዝ ላኤ ናናቲዋና ነኮ ያይ” ያጌደ እኮ ከት ዋሌዳ።

7 ሄዋ ድራው፣ ሙሴ ባረ ሶሎዋና ጋከታናወ ከሰደ፣ አወ ጎይኔዳ፣ እ የራዳ። ኤንቲንቲ እቲ አቲዋ ሳርሊደ፣ ዲንካንያ ግደ ገሌድና።

8 መድና ጎዳይ እስራኤልያ አሳ ድራው፣ ካትያ ሶላን ግብጹቲዋ ሶላ ኦሎሳዊ ኤባ፣ ኤግያን ኤንቲንቲ ጋከዳ ዲቡራባ ኤባን መድና ጎዳይ ኤንቲንቲ አሾዳዋ ሙሴ ባረ ሶሎ ኦዳዳ።

9 እስራኤልያ አሳ ግብጹቲዋ ኩሽያጥ አሻናወ መድና ጎዳይ ኦሎሳ ሎኦ ኦሶቲዋባ ኤባ ሰሰደ፣ የቶረ ናሽቲዳ።

10 ያቲደ “ህንተና ግብጹቲዋ ኩሽያጥን ካትያ ኩሽያጥ አሾዳ መድና ጎዳይ፣ ግብጹቲዋ ኩሽያጥ አሳ ከሰ እኬዳዋ፣ እ ጋላተቶ።

11 መድና ጎዳይ ሀራ ጳጳሪዋጥ ኤባጥ ዋልቃማ ግድያዋ ታን ሀእ ኤራድ፤ አያወ ጎጥ፣ እ ሀ እስራኤልያ አሳ ሶላ ኦተረቲዳ ግብጹ ጳጳሪዋ ሶላ ሀዋ ኦሎሳ” ያጌዳ።

12 ሄዋጥ ጌይያን የቶረ፣ ሙሴ ሶሎ፣ ሹከቲደ ፖሎ ጸገትያ እት መሀያ ያርሾዋን ሀራ ያርሾ ሹከቲዳ እሹ ማተትያ መሀያ ያርሾዋ ጳጳሪ አሄዳ፤ አሮንን እስራኤልያ ጭማቲ ኤባይ ጳጳሪ ስንሳን ሙሴ ሶሎዋና ቁማ ማናወ ዬድና።

ዳናቲ ሱንቲድና (ዛረ. 1:9-18)

13 ዋንተሳ ጋላሰ ሙሴ አሳወ ፕርዳናወ ኡቲዳ፤ አሳይ ሙሴ የሹዋን ዋንታጥ ኦማርሰ ጋካናወ ኤቁዳ።

14 ሙሴ ሶሎ ሙሴ አሳወ ኦሎዋ ኤባ በእደ፣ “ኔን ሀ አሳወ ኦሎዋ ሀዋ እዬ? አሳይ ኤባይ ዋንታጥ ደሚደ ኦማርሰ ጋካናወ ነ የሹዋን ኤቁደእሽን፣ ኔን ኔረካ ዳናዳን አያወ ኤታድ?” ያጌዳ።

15 ሙሴ ባረ ሶሎዋ፣ “አሳይ ጳጳሪ ሸንያ ኦቻናወ ታኮ ይያ ድራሳ።

16 ኤንቲንቲ የወ ደእጥ ታኮ ዪና፤ ታን እት ኡራ ግዳዋንን እ ሾረዋ ግዳዋን ፕርዳይ፤ ጳጳሪ አዛዘዋን ዋጋ ኤንቲንቲ ኤርሳይ” ያጌዳ።

17 ሙሴ ሶሎ፣ “ሀዋ ኔን ኦሎዋይ ሎኤና።

18 ኔንን ኔናና ደእያ አሳይ ዲቡራ ዳላላ ግዳታ፤ ሀ ከታይ ነወ ሎይሰ ዳጾ፤ ኔን ሀዋ ኔረካ ኦሳናወ ዳንዳያካ።

19 እነ ሀእ ታን ኦድያዋ ሰሳ፤ ታን ኔና ዙራና፤ ጳጳሪ ኔናና ግደ። ኔን ሀ አሳ ድራው ጳጳሪ ስንሳ አቆ፤ ኔን ኤንቲንቲ የወዋ ጳጳሪ አህ።

20 አዛዘዋን ዋጋ ኤንቲንቲ ኔን ታማርሳ፤ ኤንቲንቲ ደእና ማራን ኦሳና ኡሶዋ ኤባ ኤንቲንቲ በሳ።

21 ቃይ አሳ ኤባ ግደን ዳንዳይያ አሳቲዋ፣ ጳጳሪ ያይያዋንታ፣ ኦማንቲዳዋንታን ማጋንጸ ሞያዋ እጽያዋንታ ድራደ ኤንቲንቲጥ አሳወ ሻእ ካጋቲዋ፣ ጾቲዋ ካጋቲዋ፣ እሻታሙዋ ካጋቲዋን ታሙዋ ካጋቲዋ ሱንሳ።

22 ኤንቲንቲ ኤባ ዋደ አሳወ ፕርድና፤ ሸን ዋይሰያ የወዋ ኤባ ኔኮ አህና፤ ዋይሰና የወዋ ኤባ ኤንቲንቲ ወርሰና። ኤንቲንቲ ኔናና ሻከትያ ድራው፣ ቶኩ ነወ ካወሻናዋ።

23 ኔን ሄዋዳን ኦሎዋን ሀዋ ጳጳሪ አዛዘ ግደጥ፣ ኔን ዳንዳያና። ቃይ ሀ አሳይ ኤባይካ ባረ አላላ ፖለትና፣ ባረ ሶ ባረ ሶ ባናዋ” ያጌዳ።

24 ሙሴ ባረ ሶሎዋ ቃላ ሰሴዳ፤ እ ጌዳዋ ኤባካ ኦሎሳ።

25 ሙሴ እስራኤልያ ኤባ ግደጥ ዳንዳይያ አሳቲዋ ድራደ አሳ ካለሰያ ሻእ ካጋቲዋ፣ ጾቲዋ ካጋቲዋ፣ እሻታሙዋ ካጋቲዋን ታሙዋ ካጋቲዋ ሱንሳዳ።

26 ኤንቲንቲ አሳወ ኤባ ዋደ ፕርዳድና፤ ኤንቲንቲ ባረና ደጾዳ የወዋ ሙሴኮ አሄድና፤ ሸን ዳጾና የወዋ ኤባ ኤንቲንቲ ወርሴድና።

\* 18:2-3 ገርሾማ- ሀ ሱንሳ ብለላይ እብራዌላዋ ቃላን “በትያ” ግያዋ። 18:2-3 ከሳ 2:21-22 † 18:4 ኤልአዛራ- ሀ ሱንሳ ብለላይ እብራዌላዋ ቃላን “ጳጳሪ ታና ማደ” ግያዋ።

27 ሃዋጥ ጉይያን ሙሴ ባረ ቦሉዋ ሞይዘና ዮቶረ ባረ ጋድያ ስሜዳ።

**ሀግያነ ቃላ ጫቁዋ**

**19**

(19:1—24:18)

ጸሓይ ሲና ደርያን ቆንጩዳ

1 እስራኤልያ አሳይ ግብጾፕ ከሴዳ ሄዘገላ አግናን ሄ ኮይሮ ጋላሳን ሲና ሙላ ቢታ ጋኬድና።

2 ኢንቲንቱ ራፊድመፕ ደንዲደ ሲና ሙላ ቢታ ቢደ፣ ሄዋን ደእያ ደርያ ሰንሓ ሙላ ቢታን ኡቴድና።

3 ሙሴ ጸሓኩ ፑደ ደርያ ሁጲያ ከሰና፣ መጅና ጎዳይ ደርያ ሁጲያን እ ጸሲደ፣ “ኔን ያቆባፕ የለቴዳ እስራኤልያ አሳዉ ሀዋዳን ያጋደ ኦዳ፤

4 ታን ግብጾቱዋ ቦላ እያ ኦላድታንቶን ቃይ አርጋንሓ ቀፍያን ታን ሀንተንታ ዋታ ቶካደ ታኮ እሃድታንቶን ሀንተንቱ ሀንተንቱ ሁጲያዉ በኤድታ።

5 ሰም ሀእ ሀንተንቱ ታዉ ሎይሐ እዛዘቶፕን ታ ቃላ ጫቁዋ ናፕ፣ አሳ ኡባ ግደን ሀንተንቱ ታዉ ቡዞ ግዳና። ኩመንሳ ሳእይ ታዋ ግደፕን

6 ሀንተንቱ ታ ካዉተሓ ቁሳቱዋን ጌሻ አሳ ግዳና፣ ያጋ፤ ኔን እስራኤላቶ ኦዳና ቃላይ ሀዋ” ያጌዳ።

7 ሙሴ ጉየ ሰም ቢደ፣ አሳ ካለልያዋንታ ጸሐ ሺሺደ፣ መጅና ጎዳይ ኦዳ ጌዳ ሀ ቃላቱዋ ኡባ ኢንቲንቶ ኦዳዳ።

8 አሳይ ኡባይ እት ዶና ግዲደ፣ “መጅና ጎዳይ ጌዳዋ ኡባ ኦን ኦላና” ያጌድና። ሙሴካ ኢንቲንቱ ጌዳዋ መጅና ጎዳኩ አፊዳ።

9 መጅና ጎዳይ ሙሳ፣ “ታን ኔናና ሃሳይሽን አሳይ ሰሳናዳንን ኢንቲንቱ ኔናን ኡባ ዋደካ አማነታናዳን፣ ታን ኔኮ ዋልቃማ ሻርያ ግዲዋና ያና” ያጌዳ። ሃዋፕ ጉይያን ሙሴ አሳይ ጌዳዋ መጅና ጎዳዉ ኦዳዳ።

10 መጅና ጎዳይ ሙሳ፣ “ኔን አሳኮ ባደ ሀቴን ዋንት ኢንቲንቱ ጌያናዳን ኦዳ። ኢንቲንቱ ባረንቱ ማዩዋ ሜጪደ፤

11 ሄዘገላ ጋላሳዉ ጊግና። አያዉ ጎፕ፣ ሄዘገላ ጋላሳን አሳይ ኡባይ በእሽን፣ መጅና ጎዳይ ሲና ደርያ ቦላን ዋቆናዋ።

12 ኔን ሀ ደርያ የሹዋን አሳዉ ዛዋ ዋላደ ኢንቲንቶ፣ ‘ደርያ ፑደ ከሰናዳን ዋይ ደርያ ጸጸዋ ቦቛናዳን ሀንተንታ ኤርተ። ደርያ ቦቛዳ ኦንን ቱመፕ ሀይቃናዋ።

13 ሄ ኡራይ ሹቻን ጫደቲደ ዋይ ዋንዳፍያን ጫደቲደ ሀይቆፕ አትን፤ እ ኩሽያን ቦሽቶፕ። ሙሄ፣ ዋይ አሳ ግደፕን እ ሽምፑዋና አተና፣ ያጋ። ማላካታይ ፑነትያ ዋደ፣ ሄ ዋደ ኢንቲንቱ ደርያ ፑደ ከሳና ጎፕ ከሰና” ያጌዳ።

14 ሙሴ ደርያፕ አሳኮ ዱገ ዋጂዳዋፕ ጉይያን ኢንቲንታ ጌያናዳን ኦድና፣ ኢንቲንቱ ባረንቱ ማዩዋ ሜጪድና።

15 ሃዋፕ ጉይያን አሳ እ፣ “ሄዘገላ ጋላሳዉ ጊግተ፤ ማኝቶና አቆፕተ” ያጌዳ።

16 ሄዘገላ ጋላሰ ዋንታ ጉጉንሓ ጉንሓይ ሰሰቴዳ። ዋልቃንሓይን ዋልቃማ ሻሪ ደርያ ማዬደ ቤቴዳ፤ ማላካታይካ ፑነትያ ዋልቃማ ኮሻይ ሰሰቴዳ። ሄዋ ድራዉ፣ ባረ ደእያ ሳንን አሳይ ኡባይ ኮኮሬዳ።

17 ሃዋፕ ጉይያን ሙሴ አሳ ጸሓና ጋላናዉ ኢንቲንቱ ደእያ ዱንካንያፕ ከሴዳ፤ ኢንቲንቱ ደርያ ጋርሳ ደምባን ኤቁድና።

18 መጅና ጎዳይ ሲና ደርያ ቦላን ታማና ዋጂዳ ድራዉ፣ ሲና ደሪ ጩዋን ካመቴዳ። ዋልቃማ ጉዲዋፕ ጩዋይ ከሰምዳን፣ አፕ ጩዋይ ፑደ ከሴዳ። አሳይ ኡባይ ሎይሐ ኮኮሬዳ።

19 ማላካታ ፑኮ ሎይሐ ዳር ዳር ቤዳ ዋደ፣ ሙሴ ሃሳይና፣ ጸሳ ኮሻይ አዉ ዛሪደ ሃሳይዳ።

20 መጅና ጎዳይ ሲና ደርያ ኪክያን ዋጂደ፣ ሙሳ ፑደ ደርያዉ ኪክያ ጸሰና ሙሴ ፑደ ከሴዳ።

21 መጅና ጎዳይ እ፣ “ኔን ዱገ ባደ አሳይ መጅና ጎዳ በእና ጊደ፣ ዛዋ እ□ናዳንን ኢንቲንቱፕ ዳና ሀይቀናዳን አሳ ሴራ።

22 ሀራይ አቶ መጅና ጎዳ ማታ ሺቅያ ቁሳቱካ ባረና ጌሻናዉ ኮሺ፤ ሄዌ ቆዮፕ፣ መጅና ጎዳይ ኢንቲንታ ሙራና” ያጌዳ።

23 ሙሴ መጅና ጎዳ፣ “አሳይ ደርያ ፑደ ያናዉ ዳንዳየና፤ አያዉ ጎፕ፣ ኔን ሀ ሁጲያዉ፣ ‘ሀ ሳእ ጌሻዳን ዳማዬደ፣ ሀ ደርያ የሹዋን ዛዋ ዋሐተ’ ጋደ ኦዉ ኦዳ ዋላዳ” ያጌዳ።

24 መጅና ጎዳይ እ፥ “ኔን ዳገ ባደ እርና ኔናና ፑደ አካደ ያ፥ ቁሳቱዋን እሳ መጅና ጎዳይ መረርናዳን፥ ኤንቱንጌ ዛዋ አጲደ ፑደ መጅና ጎዳኮ ዮፕኖ” ያጌዳ።  
 25 ሄዋ ድራሬ፥ ሙሴ ዳገ አሳኮ ዎጲደ፥ ጳሳይ ጌዳዋ ኤንቱንጌ ጉዳዳ።

## 20

### ታሙ አዛዛቱዋ

1 ጳሳይ ሀ ቃላቱዋ ኡባ ሀዋዳን ያጌደ ሃሳዬዳ፤  
 2 “ኔና ግብጾፕ አይለተላ ጋድያፕ ከሴዳ መጅና ጎዳይ ነ ጳሳይ ታና።  
 3 “ታፕ አትና፥ ሀራ ጳሳዉ ጎይኖፕ።  
 4 “ቦላ ሳሉዋን ደእያ፥ ዎይ ጋርሳ ሳኣን ደእያ፥ ዎይ ሳአፕ ጋርሳን ሃላ ግድን ደእያ እያነ ማለትሳደ ነዉ ጎይንያ ምሰለቱዋ አሳፕ።  
 5 ኤንቱንጌ ሆኮፕ ዎይ ኤንቱንጌ ጎይኖፕ። እያዉ ጎፕ፥ ታን፥ መጅና ጎዳይ ነ ጳሳይ ቃናታንቻ ጳሳ፤ ታና እጵያዎንታ አዎቱዋ ናጋራ ድራሬ፥ ናና ሄዘንሶ የለታነ ኦይደንሶ የለታ ጋካናዉ ሙርያዎ።  
 6 ቃይ ታና ሲቅያነ ታ አዛዙዋ ናግያዎንቶ ሻእ የለታይ ጋካናዉ ላመተና ሲቁዋ በሰያ መጅና ጎዳ።  
 7 “መጅና ጎዳ ነ ጳሳ ሱንላ ጮ ደንሶፕ፤ እያዉ ጎፕ፥ ጳሳይ ባረ ሱንላ ጮ ደንሶያዎ ሙራና።  
 8 “ጌሻ አላደ፥ ሳምባታ ጋላሳ ናፕ።  
 9 ኔን ኦሳያ ኦሱዋ ኡባ ኡሱፑን ጋላሳቱዋን ኦላ።  
 10 ሸን ላፑንላ ጋላሳይ መጅና ጎዳ ነ ጳሳዉ ሳምባታ። ሄ ጋለሰ እይ ኦሱዋን አሳፕ፤ ኔን፥ ዎይ ነ አቱማ ናአይ፥ ዎይ ነ ማጫ ናና፥ ዎይ ነ ማጫነ አቱማ ቆማቶ፥ ዎይ ነ ሚዛይ፥ ዎይ ሀንተንቱና ደእያ እሰራኤልያ ግድና አሳይ ሄ ጋላሳን እይ ኪታካ ኪተኛፕ።  
 11 እያዉ ጎፕ፥ ኡሱፑን ጋላሳ ግድን መጅና ጎዳይ ሳሉዋን፥ ሳኣ፥ አባነ ኤንቱንጌ ግድን ደእያ ኡባ መጲዳ፤ ሸን ላፑንላ ጋላሳን ሸምፔዳ። ሄዋ ድራሬ፥ መጅና ጎዳይ ሳምባታ ጋላሳ እንጂዳነ ጌሼዳ።  
 12 “መጅና ጎዳይ ነ ጳሳይ ነዉ እምያ ቢታን ነ ላይሳይ አዲቃና ማላ፥ ነ አባነ ነ ዳዮ ቦንቻ።  
 13 “አሳ ዎጲ።  
 14 “ዎሹዋፕ።  
 15 “ዉኤፕ።  
 16 “ነ ሾሩዋ ቦላን ዎርዲዋ ማርካቶፕ።  
 17 “ነ ሾሩዋ ጎልያ አሞቶፕ፤ ነ ሾሩዋ ማቻቶ፥ ዎይ አ ቆማ፥ ዎይ አ ቆማቶ፥ ዎይ አ ቦራ፥ ዎይ አ ሀርያ፥ ዎይ አዉ ደእያዎ እያነ አሞቶፕ” ያጌዳ።

### እሳ ያሻ (ዛረ. 5:22-33)

18 እሳይ ኡባይ ጉጉንሳይ ጉጉምያዋን ዋልቃንሳይ ዋልቃምያዋ በኤዳ፤ ማላካታ ዋሱዋ ሰሴዳ፤ ቃይ ደሪ ጨዋትያዋካ በኤዳ፤ እሳይ ያሻን ኮኮሪደ፥ ሃኩዋን ኤቄዳ።  
 19 ኤንቱንጌ ሙሳ፥ “ኔን ኦዉ ሃሳያ፤ ኦን ሰሳና፤ ሸን ኦን ሀይቃናዳን፥ ጳሳይ ኦዉ ሃሳዮፕ” ያጌድና።  
 20 ሙሴ እሳ፥ “ጳሳይ ሀንተንታ ፓጫናዉ፥ ናጋራ ሀንተንቱ ኦፍ ማላ፥ አ ያሻይ ሀንተንቱ ዎዛና ጸአናዳን፥ እ ዬዳ ድራሬ ያዮፕ።” ያጌዳ።  
 21 እሳይ ሃክ ኤቄደእሸን፥ ጳሳይ ደእያ ሳኣ ዎልቃማ ጲማኮ ሙሴ ሸቄዳ።

### ያርሸያ ሳኣቱዋን ጎኤትያ ዎጋቱዋ

22 ሄዋፕ ጉይያን፥ መጅና ጎዳይ ሙሳ፥ “አሰራኤልያ አሳዉ ሀዋዳን ያጋደ ጉዳ፤ ታን ሳሉዋፕ ሀንተንቶ ሃሳዬዳዋ ሀንተንቱ ሀንተንቱ ሀጲያዉ በኤድታ።  
 23 ታ ማታን እይ ኤቃነ አሳፕተ፤ ብራ ኤቃ ዎይ ዎርቃ ኤቃ ሀንተንቶ አሳፕተ።

20:4 ከሳ 34:17፤ ዎጋ 19:4፤ 26:1፤ ዛረ. 4:15-18፤ 27:15    20:5 ከሳ 34:6-7፤ ፓይ. 14:18፤ ዛረ. 7:9-10  
 20:7 ዎጋ 19:12    20:8 ከሳ 16:23-30፤ 31:12-14    20:9 ከሳ 23:12፤ 31:15፤ 34:21፤ 35:2፤ ዎጋ 23:3  
 20:11 ደመላ 2:1-3፤ ከሳ 31:17    20:12 ዛረ. 27:16፤ ማቶላ 15:4፤ 19:19፤ ማር. 7:10፤ 10:19፤ ሉቃስ 18:20፤ ኤፈ. 6:2፤ 7:3    20:13 ደመላ 9:6፤ ዎጋ 24:17፤ ማቶላ 5:21፤ 19:18፤ ማር. 10:19፤ ሉቃስ 18:20፤ ሮሞ 13:9፤ ያቆ 2:11    20:14 ደመላ 9:6፤ ዎጋ 24:17፤ ማቶላ 5:21፤ 19:18፤ ማር. 10:19፤ ሉቃስ 18:20፤ ሮሞ 13:9፤ ያቆ 2:11  
 20:15 ዎጋ 19፤ 11፤ ማቶላ 19:18፤ ማር. 10:19፤ ሉቃስ 18:20፤ ሮሞ 13:9    20:16 ከሳ 23:1፤ ማቶላ 19:18፤ ማር. 10:19፤ ሉቃስ 18:20    20:17 ሮሞ 7:7፤ 13:9    20:18 ለብራ. 12:18-19

24 “ ሌን ታወ ያርሹዋ ያርሽያ ሳኣ ኡርቃጥ መጻይ ነ ጸግያ ያርሹዋ፡ ነ እትጥተላ ያርሹዋ፡ ነ ደርሳቱዋ ነ ዳሻቱዋጥ ነ ሚዛቱዋ ኣ ቦላ ያርሻ። ታ ሰንሳይ ቆፊታና ማላ ኦፊዳ ሳኣ ኡባን፡ ታን ሀንተንቱቦ ያደ፡ ሀንተንታ እንጃና።

25 ኔን ታወ ያርሹዋ ያርሽያ ሳኣ ሹቻጥ መጶጥ፡ ማሰቴዳ ሹቻጥ መጶጥ፤ ኣያወ ጎጥ፡ ኔን ማሰያ ሚሻን ኣ ቦቻጥ፡ ነ ኣ ቱንሳሳ።

26 ታ ያርሹዋ ሳኣ ጉይ ጋይያን ከሶጋ፤ ኣያወ ጎጥ፡ ኔን ከሰያ ዋይ፡ ነ ካሉ ቤተ፡ ያጋደ ኦዳ።

# 21

## አይለቱዋ ኦይቁያ ዋጋ (ደመላ 15:12-18)

1 “ኔን ኣንቱንቶ ኣማና ዋጋይ ሀዋ።

2 ኔን ኣብራዌ አይልያ ሻዋጥ፡ ኣ ነወ ኡሱፑን ላይላ ኦሎ፤ ሸን ላፑንላ ላይላን ኣ ኣይነ ቃንጸናን፡ አይለተላጥ ጮ ከሲደ ቦ።

3 ኣ ባረካ ዬዳዋ ግደጥ ባረካ ቦ፤ ባረ ማቻትና ዬዳዋ ግደጥ፡ ኣ ማቻታካ ኣናና ቦ።

4 ኣ ጎዳይ አወ ማቻቶ ኣሚዳዋ ግደጥ፤ ማቻታ አወ አቱማ ናና ዋይ ማጫ ናና የሌዳዋ ግደጥ፡ ሄ ማቻታን ኣዘ ናናይ ኣ ጎዳዋ፤ ኣ ባረካ ከሲደ ቦ።

5 ሸን ሄ አይሊ፡ ታን ታ ጎዳ፡ ታ ማቻቶን ታ ናና ሲቃይ፤ ታን አይለተላጥ ከሰከ ጎጥ።

6 ኣ ጎዳይ ኣ ፕርድያዋንቱ ሰንሳ አሎ፤ ሄዋጥ ጉይያን ጥንገ ዋይ ጥንገ ማቃንያቦ ኣ አፊደ፡ ኣ ሀይላ ጎላን ሉኮ። ሰም ኣ ባረ ደኡዋ ሳይላ ኡባን አወ አይልያ ግዳናን።

7 “አሳይ ባረ ማጫ ናቶ አይለተላወ ዛልኣጥ፡ አቱማ አይለቱ አይለተላጥ ከሰያዋዳን ኣዘ ከሱፑ።

8 ኣዘ ባረና ማቹተላወ ደሪደ አፊዳ ጎዳወ ሎኣና ጻዮጥ፡ ጎዳይ ኣዘ ዋዘሳናወ ኮሼ። ኣ ኣዘወ ኣማነትቤና ድራወ፡ ኣዘ አላጋወ ዛልኣናወ አወ ማታይ ባዋ።

9 ኣ ኣዘ ባረና ናአወ ኣማናወ ደሮጥ፡ ማጫ ናትወ በሰያዋ ኣዘወ ኦሎ።

10 ኣ ባረካ ሀራ ማቻቶ አኮጥ፡ ኮይሮ ማቻትወ ቁማ፡ ማዩዋ ዋይ አሰናተላን ማቹተላ ማታ ገጭሶግ።

11 ኣ ሀ ሄዘባቱዋ ኣዘወ ኣማና ጻዮጥ፡ አይነ ሻሉዋ ጭገናን አይለተላጥ ከሳደ ቦ።

## ኢታቱ ሙረትያ ዋጋ

12 “አሳ ሸጪደ ዋጵያ አሳ ቱሙጥ ዋጻናወ በሲ።

13 ሸን ኤሪይ ግደናን ኣ ዋጵያ ዋይ፡ ታን፡ ጸሳይ ጮኤ ጌዳዋ ግደጥ፡ ኣ ባቃታና ሳኣ ኣንቱንቶ ታን ገግሳና።

14 ሸን ኦነ ቆፐደ ኤሪይ ሀራ ብታንያ ዋጶጥ፡ ሄ ኡራ ታ ያርሹዋ ሳኣጥ ድጋይ፡ ሀራ ሳኣን ዋጻ።

15 “ባረ አባ ዋይ ባረ ዳዮ ደኻያ ኡራይ ኦንነ ቱሙጥ ሀይቆ።

16 “አሳ ዋልቃን ኦይቁደ ዛልኣያ ኡራይ ዋይ ዋልቃን ኦይቁዳ አሳይ ኣ ኩሽያን ቤቴዳ አሳይ ቱሙጥ ሀይቃናወ በሲ።

17 “ባረ አባ ዋይ ባረ ዳዮ ሸቁያዋ ቱሙጥ ሀይቆ።

18-19 “ላኡ አሳቱ ዋላቀቶጥ፡ አቱ የንኩዋ ሹቻን ጫደጥ ዋይ ቦክሶጥ፡ ሄ ደሸቴዳዊ ሀይቀናን ኣቶዋ ግደጥ፤ ሀርጊደ ግሱዋን ጋምኦጥ፡ ደንዲደ ጉፍያና ካረ ሄራን ሀመቶጥ፡ ሄ ደቼዳዊ ሀይቀጥጥ አቱ፤ ግደጥን ኣ ኣ ኪታ ድጌዳ ድራወ፡ ሻሉዋ ጭጋታናን ኣ ፓላናወ ማዳና ኮሼ።

20 “አሳይ ባረ አቱማ አይልያ ዋይ ማጫ አይላቶ ጸምኣን ሸጮጥን ሄዋ ጋሱዋን ሄ ኡራይ ሄ ጎዳ ኩሽያን ሀይቁንቶ፡ ሸጮጭዳዊ ቱሙጥ ሙረታናወ በሲ።

21 ሸን ሄ ደሸቴዳዊ ኣት ዋይ ላኡ ጋላሳን ደንደጥ፡ ሄ አይሊ ኣ ሚሻ ግድያ ድራወ፡ ኣ ሙረተና።

22 “ላኡ አሳቱ አቱ አቱዋና ዋጋቲደ ሻሃራ ምሽራቶ ደቸጥን ኣዘ ቦሸቶጥ፡ ሄዋጥ ሀራ ኢታ ደሸላይ ጻዮጥ፡ ሄ ምሽራት አሰናይ ኦቼዳዋን ዳናቱ ፕርዳዳዋ ኣያን ጭጎ።

23 ሸን ኣዘወ ደሸላይ ዳሮጥ፡ ሸምፑ ሀይቁንቶ ሸምፑዋ፡

24 አይፍያ ድራወ አይፍያ፡ አቻ ድራወ አቻ፡ ኩሽያ ድራወ ኩሽያ፡ ገድያ ድራወ ገድያ፡

25 ጸገላ ድራወ ጸገላ፡ ማዳላ ድራወ ማዳላ፡ ቆኤዳ ድራወ ቆኤዳ ኣካናወ ኮሼ።

26 “አት አሳይ ባረ አቱማ አይልያወ ዋይ ማጫ አይላትወ አይፍያ ባቁደ ቶይሶጥ፡ ሄ አይፍያ ድራወ አይለተላጥ ከሰ የደ።

27 ሄዋዳንካ፣ ባረ አይልያ አቻ ዋይ ባረ አይላት አቻ መንገጥ፣ ሄ አቻ ድራው አይለተገጥ ከሰ የደ።

መሀያ ጎዳቱ ፖሊያባቱዋ

28 «ቦራይ ማጫ አሳ ዋይ አቱማ አሳ ቃይጨደ ዋዶ፣ ሄ ቦራይ ሹቻን ጫደተደ ሀይቆ፤ አ አሹ ሚተቶ። ሽን ቦራ ጎዳይ ሙረቶ።

29 ሽን ቦራይ ካሰካ ቃይጭን ማዚ ደእያዋ ግዲና፣ አሳይ አ ጎዳው ኦድ ዋሰና፣ አ ጎዳይ ቃቼናን እጽና፣ ቦራይ አቱማ አሳ ዋይ ማጫ አሳ ዋዶ፣ ሄ ቦራይ ሹቻን ጫደተደ ሀይቆ፤ ቃይ አ ጎዳይካ ሀይቆ።

30 ሽን አ ባረና ዋዛናዳን አሸቶ፣ ኡንቱንቱ ኦቼዳዋ እያን ጭገደ፣ ባረ ሸዋዋዋ ዋዞ።

31 ቦራይ አቱማ ናአ ዋይ ማጫ ናቶ ቃይጨደ ዋዶ፣ ፐርዳይ እት ማላ ግደ።

32 ቦራይ አቱማ አይልያ ዋይ ማጫ አይላቶ ቃይጨደ ዋዶ፣ ቦራ ጎዳይ አይልያ ጎዳው ሀታሙ ብራ ሳንትዎያ ጭጎ። ቦራይ ሹቻን ጫደተደ ሀይቆ።

33 «እት አሳይ ኦላ ቁዎእያ ፖኪደ፣ ዋይ ኦላ ቦኪደ ቁዎኤናን አሳ፣ ቦራይ ዋይ ሀሪ ሄ ኦላን ከጎደ፣

34 ሄ ኦላ ጎዳይ መሀያ ጋትያ ጭጎ። አ አ ጎዳው ጋትያ ጭገደ፣ ሀይቁዳ መሀያ ባረው አኮ።

35 «እት አሳ ቦራይ ሀሪ ቦራ ቃይጨደ ዋዶ፣ ፓጻ ቦራ ዘልኢደ፣ አ ጋትያን ሀይቁዳ ቦራ ልክያን ሻክ እክኖ።

36 ሽን ሄ ቦራይ ቃይጭንዋ ግድያዋ ካሰት ኤረትሽን፣ አ ጎዳይ አ ቃቼናን አጌዳዋ ግደ፣ አ ጎዳይ ቦራ ጭጎ። ያቲደ ሄ ሀይቁዳዋ ባረው አኮ።

## 22

አሳይ ባረው ደእያዋ ናግያ ዋጋ

1 «እት አሳይ ቦራ ዋይ ድርሳ ዉኢደ ሹኮ፣ ዋይ ዘልኦ፣ ቦራ ድራው እቼሹ ቦራ፣ ድርሳ ድራው አይዱ ድርሳ ጭጎ።

2 «ካይሱ ጎልያ ቦኪደ አይቀቶ፣ ሸጩተደ ሀይቁንቶ፣ ሸጩዳዌ ሱላ ጉሴዳዎ አሸተና።

3 ሽን ሄዌ ጸልቁ ዶል ክቸና ሆር፣ አ ሄ ጉኬዳ ሱላ አጩዋን አሸቱ። ካይሱ ባረ ዉኢዳዋ ዘር፤ ሽን አዉ እያይን ቆዮ፣ ባረ ዉኢዳዋ ዘራናው አ ዘልኡቶ።

4 አ ዉኢዳ መሂ ፓጻ ደኢደ አ ኩሽያን ቤትንቶ፣ ቦራ፣ ዋይ ሀርያ፣ ዋይ ድርሳ ግደ፣ አ ባረ ዉኢዳዋ ላኡ ኩሽያ አሊደ ጭጎ።

5 «እት አሳይ ባረ መሀያ ደዎባን ዋይ ዋይንያ ቱራ ግደን ሄዎሽን፣ መሂ ሀራ አሳ ሸይቃ፣ ሞ፣ አ ባረ ሸይቃ፣ ዋይ ባረ ዋይንያ ቱራ ኡባ፣ ሎእያዋ አፍላማ ጭጎ።

6 «ጸራጋይ ደንዲደ አጉንሳ ቡራና ላኢደ፣ ድርያን ደእያ ካላ፣ ዋይ ኤቁዋን ደእያ ካላ፣ ዋይ ጎሻ ኡባ ዎያዋ ግደ፣ ኮይሮ ጸራጋ ኦይሊዳ ብታኒ አጫ ጭጎ።

7 «እት አሳይ ብራ ዋይ ሀራ ሚሻ ናግሳናው ባረ ሸር ሀዳድ እምና፣ ሸሩዋ ሶፕ ሄ ሚሻይ ዉኢቶ፣ ካይሱ አይቀትንቶ፣ ካይሱ ሄ ሚሻው ላኡ ኩሽያ አሊደ ጭጎ።

8 ሽን ካይሱ ቤተናን ቆዮ፣ ጎልያ ጎዳይ ፐርድያዋንቱኮ ሸቁደ ባረ ሸሩዋ ሚሻ ቦላ ባረ ኩሽያ ዋሰኔናዋ ጫቆ።

9 «አሳይ አይ ሞቱዋንካ፣ ቦራ ጋሱዋን፣ ዋይ ሀርያ ጋሱዋን፣ ዋይ ድርሳ ጋሱዋን፣ ዋይ ማደዋ ጋሱዋን፣ ዋይ ሀራ ባይዳዋ ጋሱዋን፣ ሀዌ ታዋ፣ ገደ ሞተቶ፣ ላኡ ባጋይካ ባረንቱ ሞቱዋ ፐርድያዋንቱ ሰንሳ አላኖ፤ ፐርድያዋንቱ ባይዳዋን ጌዳ ኡራይ ባረ ሸር ላኡ ኩሽያ አሊደ ጭጎ።

10 «አሳይ ባረ ሸር ሀርያ፣ ዋይ ቦራ፣ ዋይ ድርሳ፣ ዋይ ሀራ መሀያ ናግሳናው ሀዳድ እምና ሀይቁንቶ፣ ዋይ ደሸትንቶ፣ ዋይ ኦንነ በኤናን ቦንቃንቻይ አፎ፣

11 ሀዳድ ናግያዋ ባረ ሸሩዋ መሀያ ቦላ ባረ ኩሽያ ዋሰኔናዋ መድና ጎዳ ሰንሳን ጫቁና፣ ኡንቱንቱ ግደን ደእያ የዉ ማየቶ። ሄ መሀያ ጎዳይ ጫቁዋ አኮ፤ ጭጋ እማናው ኮሸና።

12 ሽን መሂ ሸሩዋ ዉኢቱዳዋ ግደ፣ እዛዎ ጭጎ።

13 ሄ መሀያ ደእይ መካጋራሊደ ሚዳዋ ግደ፣ ማርካ ግዳናዳን ደእይ ሚሽን አቴዳዋ፣ አኪደ የ፤ ያቲደ መኤረቴዳ መሀያ ድራው ጭጎ።

14 «አሳይ ባረ ሸሩዋ መሀያ ጋርጸ፣ አ ጎዳይ ባይና ሳኦን ሄ መሂ ደሸቶ፣ ዋይ ሀይቆ፣ ሄ መሀያ ጭጎ።

15 ሽን አ ጎዳይ አናና ደኦ፣ ጋርጹዳዌ ጭጎ፣ ከራው እኩዳዋ ግደ፣ ከራው ጭግ ሻሎ አጩዋ ጭጌዳ።

- 16 “እት አሳይ አሰናዉ ገጋቤና ዋድራቶ ጭሚድ፣ እዝና ግሰያዋ ግደፕ፣ እዞ ጭሎሺደ ባረዉ ማቻቶ ኦሉ።
- 17 እዝ እቡ እዞ እዉ እማናዉ እጸፕ፣ ዋድራቶ እክያ ኡራይ ጭሎሺያዋ ኪሻ ብራ እ እቦ እሞ።
- 18 “ብትያ ሞሽራቶ ፓጸ ዋሉ።
- 19 “መሀያና ግሰያ ኦነነ ቱሙፕ ሀይቆ።
- 20 “መድና ጎዳ ጸላላሳፕ አትና፣ ሀራ ጸሳዉ ያርሽያዌ ኦነነ ሙላ ጸዮ።
- 21 በፒቲይ ዬዳ አሳ ቆሆፕፕ ቀይ ኡንኦፕፕ፣ እያዉ ጎፕ፣ ሀንተንቲካ ግብጹ ጋድያን በተ ግዲደ ደኤድ።
- 22 አሰናይ ሀይቄዳ እምኦቶነ እዉ ሀይቄዳ ሀይሳ ኡንኦፕ።
- 23 ሀንተንቲ ኡንቲንጎ ኡንኤሉና፣ ኡንቲንቲ ታኮ ዋሰፕ።
- 24 ታን ኡንቲንቲ ዋሰፕ ቱሙፕ ሰሳና፣ ሄ ዋይ ታ ሀንቁ ሀንተንቲ ቦላ ደንዳና፣ ታን ሀንተንጎ ማሻን ዉርሳና፣ ሀንተንቲ ማቻቲ እምኤ ሀንተንቲ ናናይካ እዉ ሀይቆዋንጎ ግዳናዋንጎ።
- 25 “ሀንተንቲ ግደን ደእያ ታ አሳፕ አት ሀይሳዉ ሻሉዋ ታሌፕ፣ ሻሉዋ ድቻዉ እምያ አሳዳን ሀናፕፕ፣ ኔን ድቻ እ አቸ።
- 26 ኔን አጩዋ ድራዉ ነ ላግያ ማደዋ ኦይቆፕ፣ አዋይ ዉላናን ደእሽን እዉ ዛራ፣
- 27 እያዉ ጎፕ፣ እ ባረ ቦላ ካምያዌ ሄን ጸላላና፣ ሀራባ እያ ማደደ አቃናዉ ዳንዳዪ? እ ታዉ ዋሰፕ፣ ታን ቃረትያዋ ግድያ ድራዉ፣ ሰሳና።
- 28 “ጸሳ ቦላ ሸቃ ቃላ ሃሳዮፕ፣ ዋይ ነ ደርያ ሞድያዋ ሸቆ።
- 29 ነ ካላ ጴራፕ ነ ዋይንያ ጉምኤላ ኩሙንሳፕ ታዉ ያርሹዋ ሺሻ።
- 30 “ኔን ነ አቲማ ናና ግደን ባይራትያ ናኦ ታዉ እማናዉ ኮሺ።
- 31 ሚዛፕካ ደርሳፕካ ሄዋዳን ኦላ። ኡንቲንቲ ላፕን ጋላሳይ ጋካናዉ፣ ባረንቲ አዮቱዋና አዮቱዋና ጋምእና፣ ሆሰፕንላ ጋላስ ኡንቲንጎ ታዉ እማ።
- 32 “ሀንተንቲ ታዉ ገሻ አሳ ግዳናዉ ኮሺ፣ ሄዋ ድራዉ፣ ባዙዋ ደእይ መንግሥቲ ዋድዳ መሀያ እሹዋ ሞፕፕ፣ ሄዋ ካናዉ አልተ።

## 23

### ሱረ ፕርዳ

- 1 “ዋርደ ኦዳዋ ፑኮፕ፣ ዋርዳዋ ማርካ ግዳደ፣ ኢታ አሳ ማደ።
- 2 ኢታባ ኦላናዉ ጮራ አሳ ካሎፕ፣ ፕርዳ ጌላያናዉ ጮራ አሳና ኢታ ግዳደ ማርካቶ።
- 3 ሀይሳይ ፕርዳዉ ሸቆፕ፣ ሞቱዋን እ መቱዋ ጴላደ ማደ።
- 4 “ኣ ሞርክያ ቦራይ ዋይ ሀሪ ባይዳዋ ደሞፕ፣ ዛራደ እዉ አፋ።
- 5 ኔና እጸሰያ ብታንያ ሀሪ ጫናና ኩንዴዳዋ በአፕ፣ ሄዋን አጎፕ፣ ማዳደ እናና ደንሳ።
- 6 “ፕርዳ ዳባባን ማዳደ፣ ሀይሳ አሳ ፕርዳ ጌላዮ።
- 7 ዋርደ የወዋ ኡባፕ ሃካ፣ ገሻ ዋይ ጸሉዋ ዋድ። ስያዉ ጎፕ፣ ኮባ ኦሌዳዋ ታን ሳር የድከ።
- 8 ማታይያ (ማጋንጸ) እኮፕ፣ እያዉ ጎፕ፣ ማታዪ ጴልያዋንቲ አይፍያ ቆቅሱ ኦላቱዋ ቃላ ሞርቄ።
- 9 “ብትያ ናቆፕ፣ በተ ግድያዌ እይ ኪሻ ካዮይንቶ ኤሪታ፣ እያዉ ጎፕ፣ ሀንተንቲ ሀንተንቲ ሁጲያዉ በተ ግዲደ ግብጹ ጋድያን ደኤድ።

### ላፕንላ ላይላን ላፕንላ ጋላሳ

- 10 “ኔን ነ ጋድያ ኡሱፑን ላይላዉ ጎሻደ፣ ዘራደ ካላ ቆይጫ እካ።
- 11 ላፕንላ ላይላን ጋድያ ጎሸናን ሻቻ፣ ያቶፕ፣ ነ አሳ ግደን ደእያ ሀይሳቲ ሄዋፕ ምያባ ደማና፣ ቃይ ኡንቲንቲ አትያዋ ደአቲ ማና። ኔን ነ ዋይንያ ቲራካ ነ ዋጋራካ ሄዋዳን ኦላ።
- 12 ኡሱፑን ጋላሳ ነ ኪታ ኪተታ፣ ነ ቦራይን ነ ሀሪ ሸምፕና ማላን ነ ሶን የለቲዳ አይሊን በቲ፣ ሸምፕና ማላ፣ ላፕንላ ጋላስ ኡሱዋ አሉ።
- 13 “ታን ሀንተንጎ ጌዳዋ ኡባ ሞንሲደ ኦሉ፣ ሀራ ጸሳቲዋ ሱንላ ጴሶፕ፣ ሀንተንቲ እንጸርሳፕ ሄዋ ሰሰቶ።

ዋልቃማ ባላቲዋ  
(34:18-26፣ ዛረ. 16:1-17)

---

22:16 ዛረ. 22:28-29    22:18 ዛረ. 18:10፣ 11    22:19 ዋጋ 22:19፣ 20:15-16፣ ዛረ. 27:21    22:20 ዛረ. 17:2-7    22:21 ከሳ 23:9፣ ዋጋ 19:33-34፣ ዛረ. 24:17-18፣ 27:19    22:25 ዋጋ 25:35-38፣ ዛረ. 15:7-11፣ 23:19-20    22:26 ዛረ. 24:10-13    22:28 ኪታ 23:5    22:31 ዋጋ 17:15    23:1 ከሳ 20:16፣ ዋጋ 19:11-12፣ ዛረ. 5:20    23:3 ዋጋ 19:15    23:4 ዛረ. 22:1-4    23:6 ዋጋ 19:15፣ ዛረ. 16:19    23:9 ከሳ 22:21፣ ዋጋ 19:33-34፣ ዛረ. 24:17-18፣ 27:19    23:10 ዋጋ 25:1-7    23:12 ከሳ 20:9-11፣ 31:15፣ 34:21፣ 35:2፣ ዋጋ 23:3፣ ዛረ. 5:13-14

14 “ላይላን ሄዙ ገደ ህንተንቱ ታዉ ባለ ቦንችተ።

15 ማጋገ ኡክላ ባለ ቦንችተ፤ ታን ህንተንታ አዛዚዳዋዳን፣ ላፑን ጋላሳ እርሹዋ የግቤና ኡክላ ማቲ፤ ህንተንቱ አቢባ ጌተትያ አግናን ኬሬዳ ጋላሳቱዋን ሀ ባለ ቦንችተ፤ እያዉ ጎፕ፣ ህንተንቱ ግብጸገ ከሴዳዌ ሄ አግናና።

“ህንተተ እት አሳይነ ታ ሰንላን ሙላ ኩሽ ቤቶ።

16 “ቃይ ህንተንቱ ህንተንቱ ጋደን ዘርና፣ ኮይሮ ጋኬዳ ካላ ጫክያ ዋደ፣ ካላ ጫክያ ባለ ቦንችተ።

“ቃይካ ላይላ ዉርሰላን፣ ካላ እይፍያ ጋደፕ ሸሽያ ዋደ፣ ሸሹዋ ባለ ቦንችተ።

17 እቱማ አሳይ ኡባይ ኡባ ዋድያ መድና ጎዳ ሰንላን ላይላን ሄዙ ገደ ቤቶ።

18 “ኔን ያርሹዋ ሱላ ታዉ ሸሻደ፣ እርሹዋ የጊደ ኡኬዳ ኡክላና ሸሾፓ። ታ ባለ ቦንችያ ጋላሰ ያርሸቱዳ ሞጱዋፕ ዋንታዉ አይነ አቶ።

19 ነ ጋደን ባይራ ካኬዳ ካላፕ ኡባፕ ሎእያዋ መድና ጎዳ ሱ፣ ነ ጸሳ ሱ አሀ። ዳሻ ማራ አ ዳይ ማላን ዳይሶፓ።

**ሀደታ ቃላቱዋን ካልያ ዋጋቱዋ**

20 “ሳ ኦግያን ኔና ናጋና ማላነ ታን ነዉ ገግሴዳ ሳኣ ኔና አፋና ማላ፣ ታን ኪታንቻ ነ ሰንላን ኪታና።

21 እ ኦድያዋ ሀይዛ አዉ አዛዘታ፤ እ ቦላ ማካሎፓ፤ ታ ሰንላይ እ ቦላ ደእያ ድራዉ፣ ህንተንቱ ናጋራ ኦልያዋ ግደፕ፣ ህንተንቶ እ አቶ ጌና።

22 እ ኦድያዋ ህንተንቱ ሞንሲደ ሀይዘፕን ታን ኦድያዋ ኡባ ኦላፕ፣ ህንተንቱ ሞርከቱዋ ታን ሞርካና፤ ህንተናና ኤቀትያዋንቱና ታንካ ኤቀታና።

23 ታ ኪታንቻይ ህንተፕ ሰንላና ቢደ፣ ህንተንታ አሞራዋናቱዋ ጋድያ፣ ሂተቱዋ ጋድያ፣ ፓርዘዋናቱዋ ጋድያ፣ ካናነቱዋ ጋድያ፣ ሂዌቱዋ ጋድያን ያቡሳዋናቱዋ ጋድያ አሀ። ታን ኡንቱንቱ ኡባ ጳይሳና።

24 ኡንቱንቱ ጸሳቱዋ ሰንላን ሆኩፕ፣ ዋይ ጎይናፕተ፣ ዋይ ኡንቱንቱ ሁቱዋ ቁሎፕተ። ህንተንቱ ኡንቱንቱ ጸሳቱዋን ኡንቱንቱ ሹቻ ሞሰለቱዋ መንግጫላናዉ ኩሸ።

25 ሙድና ጎዳ፣ ህንተንቱ ጸሳዉ፣ ጎይንተ፤ ያቶፕ፣ እ ህንተንቱ ቁማነ ህንተንቱ ሃላ አንጃናዋ፤ ታን ሀርግያ ህንተንቱ ግደፕ ድጋና።

26 ህንተንቱ ቢታን እይ ማጫ አሳይነ ቦሽተና፤ ማይነና። ታን ህንተንቱ ደእና ላይላ ፓይዱዋ አዲሳና።

27 “ታን ታ ያሻ ህንተንቱ ሰንላን የዳና፤ ህንተናና ጋከትያ ካዉተላ ኡባ ዳጋንላና፤ ህንተንቱ ሞርከቱ ኡባይ ህንተንቶ ዘኪያ ዛሬደ፣ ባቃታናዳን ታን ኦላና።

28 ታን ህንተፕ ሰንላዉ ዱክያ ካጅያ የዳና፤ ሂዌቱዋ፣ ካናነቱዋን ሂተቱዋ ህንተንቱ ሰንላፕ ላጋደ ከሳና።

29 ሸን ቢታይ ሙላ አተናዳንነ ባዙዋ ዶእይ ህንተንታ ዋይሰናዳን፣ እት ላይላን ኡንቱንታ የደርሰከ።

30 ሸን ህንተንቱ ፓይዱዋን ዳሪደ፣ ሄ ጋድያ ላታና ጋካናዉ፣ ታን ኡንቱንታ ላፋ ላፋ ላጋደ ህንተንቱ ሰንላፕ ከሳና።

31 ታን ህንተንቱ ዛዋ ዘኣ አባፕ ፕልሰጾማ አባ፣ ሙላ ቢታፕ ኤፍራጺሳ ሻፋ ጋላና። ሄ ጋድያን ደእያ ኡባ ታን ህንተንቱ ኩሸያን አላደ እማና፤ ህንተንቱካ ኡንቱንታ ህንተንቱ ሰንላፕ ላጊደ ከሳና።

32 ኡንቱንቱና ዋይ ኡንቱንቱ ጸሳቱዋና ጫቁዋ ዋላፕተ።

33 ኡንቱንታ ህንተንቱ ጋድያን ዋላፕተ፤ ሄዌ ጳዮፕ ኡንቱንቱ ህንተንታ ታ ቦላ ናጋራ ኦሰሳዋንታ፤ እያዉ ጎፕ፣ ኡንቱንቱ ጸሳቶ ጎይንያዌ ቱሙፕ ህንተንቶ ጸረ ግዳናዋ” ያጌዳ።

**24**

**ጸሳይ ባረ አሳዉ ገሌዳ ቃላ ጫቁዋ ሞንሴዳ**

1 ሄዋፕ ጉዮ መድና ጎዳይ ሙሳ፣ “ኔን፣ አርነ፣ ናዳበ፣ አቢህነ እሰራኤልያፕ ላፑን ታሙ ጭማ አሳቲ መድና ጎዳኮ ደርያ ሁጺያ ፑደ ከሲደ ሃኩዋን ጎይንተ።

2 ሸን ሙሴ፣ ኔን ኔረካ መድና ጎዳኮ ሸቃ፤ ሀራ ጭማቱ ታ ማታ ዮፕና። ቃይ አሳይካ ኔናና ፑደ ከሶፖ” ያጌዳ።

3 ሙሴ ዪደ፣ መድና ጎዳ ቃላ ኡባን እ ዋጋ ኡባ አሳዉ ኦድና አሳይ ኡባይ እት ቃላን፣ “መድና ጎዳይ ኦዳዳዋ ኡባ ኩን ኦላና” ያጌድና።



- 4 ሙሴ መድና ጎዳይ ኦዲዳዋ ኡባ ጸፊዳ።
- 5 ሞንተላ ጋለሰ ሞንታ ጉራን ደንዲደ፣ ደርያ ጸጹዋን ያርሸያ ሳኦ ግምቢደ እሰራኤልያ እሳ ያራ ታማነ ላኡዋ ሰንላን፣ ታማነ ላኡ ሹቻ ቱሳ ኤሴዳ።
- 6 እ እሰራኤላቱዋፕ ያላጋ አቱማ አሳ ከትና፣ ኡንቱንቱ ቢደ ጸግያ ያርሹዋ ሺሼድና፣ ቃይ እትፕተላ ያርሹ ኩራማቱዋ መድና ጎዳዉ ያርሹድና።
- 7 ሙሴ ሱላፕ ባጋ አኪደ ከርያን ትጌዳ፣ አቱዳ ባካ ሱላ እ ያርሸያ ሳኦን ጫጫፊዳ።
- 8 ሄዋፕ ጉይያን ቃላ ጫቁዋ ማጸፋ አኪደ፣ አሳዉ ናባቤዳ፣ ኡንቱንቱ፣ “መድና ጎዳይ ኦዲዳዋ ኡባ ኩን ኦላና፣ ኩን አዛዘታና” ያጌድና።
- 9 ሄዋፕ ጉይያን ሙሴ ሄ ሱላ አኪደ፣ አሳ ቦላ ጫጫፊደ ኡንቱንታ፣ “በአተ፣ መድና ጎዳይ ሀ ቃላ ኡባን ህንተናና ዋሌዳ ቃላ ጫቁዋ ሱላይ ሀዋ” ያጌድና።
- 10 ሙሴ፣ አርነ፣ ናዳቤ፣ አቢህነ እሰራኤልያ ጭማቱዋፕ ላፕን ታሙ ዩደ ከሴድና።
- 11 እሰራኤልያ ጸሳ በኤድና፣ አ ገድያፕ ጋርሳና ሳሉዋዳን ጌዬዳ ሳምፔርያ ጌተትያ ጸልያ ሹቻፕ እሰቱዳዋ ማላትያ ወይግያ ማላባይ ደኤ።
- 12 ሸን ጸሳይ እሰራኤልያ እሳ ካፕቱዋ ዋድቤና። ኡንቱንቱ ጸሳ በኤድና፣ አ ሰንላን ሜድናን ኡሼድና።

ሙሴ ሲና ደርያ ሁጺያ ቦላ

- 12 መድና ጎዳይ ሙሳ፣ “ኔን ደርያ ዩደ ሃ ታኮ ከሳደ፣ ሀዋን ጋምእ፣ ያቶፕ ኔን ኡንቱንታ ታማርሳና ማላ፣ ታን ዋጋነ አዛዘዋ ጸፊዳ ሹቻ ነዉ አማና” ያጌድና።
- 13 ሄዋፕ ጉይያን ሙሴ ባረ ቆማ ኢያሱና ባናዉ ደንዲዳ፣ ሙሴ ጸሳ ደርያ ዩደ ከሴዳ።
- 14 እሰራኤልያ አሳ ጭማቱዋ እ፣ “ኔን ህንተንቱኮ ሰማናዉ ሀዋን ደአሸተ፣ አርነን ሁር ሀዋን ህንተናና ደአኛ፣ የዉ ደአያ ኦንነ ኡንቱንቱኮ ቦ” ያጌድና።
- 15 ሙሴ ደርያ ዩደ ከሴዳ ዋደ፣ ሻሪ ደርያ ካሜዳ።
- 16 ቃይ መድና ጎዳ ቦንቹ ሲና ደርያ ቦላን ኡቱዳ፣ ሄ ሻሪ ኡሱቡን ጋላሳ ማዬዳ፣ ላፕንላ ጋላሳን ሄ ሻርያ ግደፕ መድና ጎዳይ ሙሳ ጸሴዳ።
- 17 እሰራኤላቶ መድና ጎዳ ቦንቹ ደርያ ሁጺያን ጸግያ ታማ ማላቲደ ቤቱዳ።
- 18 ሄዋፕ ጉይያን ሙሴ ሄ ሻርያ ግደ ገሊደ፣ ደርያ ዩደ ከሲደ ደርያ ሁጺያን ኦይታሙ ጋላሳን ኦይታሙ ቃማ ጋምኤዳ።

**ጌሻ ዲንካንያነ ጎይና ዋጋ**

**25**

(25:1—40:38)

ጸሳ ዲንካንያ ቶካናዉ አመቲዳ አሞታ

(ከሳ 35:4-9)

- 1 መድና ጎዳይ ሙሴዉ ሀዋዳን ያጌዳ፤
- 2 “ታዉ አሞያዋ አሀናዳን ኔን እሰራኤላቶ ኦዳ፣ ታዉ አማናዉ አ ዋዛናይ አ አማ አማ ግያ አሳ ኡባ አሞታ ኔን ታዉ አካ።
- 3 ህንተንቱ ኡንቱንቱፕ አካና አሞታይ ሀዋ፣ ዋርቃ፣ ብራ፣ ናሃሰያ ብራታ፣
- 4 ሳሉዋ ማላትያ፣ ኦቻ ቱራ ማላትያ፣ ዞኦ ሊቆ ቃጭና፣ ዴሻ አሰክያ፣
- 5 ደርሳ ኦርግያ ጋልባ ዞኦ ቃላሞያን የግ ከሴዳዋ፣ ሀራ ጋልባ፣ ኦደሩዋ፣
- 6 ጸሞፕያዉ ዋጋሪ ዛይትያ፣ ኦክያ ዛይትያን አጸና ሳዌልያ ቅማምያ፣
- 7 ቄሳቱዋ ካፕዋ ኤፋድያንነ ትራን ዋልያዋን የግያ ማርግድያ ጌተትያ ሹቻቱዋን ሀራ ጸልያ አልኦ ሹቻቱዋ አሆ።
- 8 “ያቲደ ታን ኡንቱንቱ ግደን አቃናዳን፣ ኡንቱንቱ ታዉ ጌሻ ሳኦ ገግሰና።
- 9 ልከ ታን ኔና በሴዳ ለምሴዋ ኡባዳን ጸሳ ዲንካንያነ አ ግደን ደአያ ሚሻቱዋ ኦአተ።

ቃላ ጫቁዋ ታቦታ

(37:1-9)

- 10 “ኡንቱንቱ ኦደሩዋ ሞላፕ አድሳተላይ ላኡ ዋቆነ ባጋ፣ ጎምፓይ እት ዋቆነ ባጋ፣ ጌሳይ ቃይ እት ዋቆነ ባጋ ግዴዳ ታቦታ መድና።
- 11 ሰያነ ካርያ ዋላካይ ባይና ዋርቃን ሺሻ፤ አ ዩሹዋካ ዋርቃ ትገላን ዩሻ አላ።
- 12 ሄ ታቦታዉ ኦይዱ ዋርቃ ሳጋየቱዋ ትጋደ ኦይዱ ገደቱዋን እት ባጋና ላኡ ሳጋየቱዋ፣ ቃይ የንኮ ባጋና ላኡ ሳጋየቱዋ አላ።

- 13 ህዋጥ ጉይያን ኦደሩዋጥ ካሱዋ ከሳይ ዋርቃን ሼሻ።
- 14 ታቦታ ቶካናዉ፡ ታቦታ ምይያን ደእያ ሳጋየቱዋን ካሱዋ አላ።
- 15 ቶክያ ካሱቱ ታቦታ ሳጋየቱዋ ግደን ደእኖ፤ ኡንቴንቴ ህዋጥ ኡባካ ከሶጥኖ።
- 16 ታቦታ ግደን ታን ነዉ እምያ፡ ታሙ አዛዛቱ ጸፈት ኡቴዳ ላኡ ማሰቴዳ ማርካተላ ሹቻቱዋ ዋላ።
- 17 “ዋላካይ ባይና ዋርቃጥ ላኡ ዋላን ባጋ ኡዱቂያ፡ እት ዋላን ባጋ እክያ አቶ ግያ ሳኣ ቁምእያ ሙቋ።
- 18 ቁምእያዉ ዉርሰላ ላኡ ባጋ ጋጸን ላኡ ክሩቤልያ፡ ቆጶቴዳ ዋርቃጥ ሙቋ።
- 19 እት ክሩብያ እት ባጋ ጋጸን፡ ላኡንላ ክሩብያ የንኮ ባጋ ጋጸን ላኡዋካ ቁምእያና ጋላ ኦይላይ ሙቋ።
- 20 ክሩብቱ ባረንቴ ቀፍያ ደንሊደ፡ አቶ ግያ ሳኣ ቁምእያ ባረንቴ ቀፍያን ኩዋይ ዋሰኖ፤ ቃይ አቱ እቱዋኮ ሰም ኡቲደ፡ ቁምእያ ጸልኖ።
- 21 ቁምእያ ታቦታዉ ቦላ ባጋን ዋላ፤ ቃይ ታን ነዉ እምያ አዛዛቱ ጸፈቲደ ማሰቴዳ ሹቻቱዋ ታቦታ ግደን ዋላ።
- 22 ማርካተላ ታቦታ ቦላ ቁምእያ ቦላ ደእያ ላኡ ክሩብቱዋጥ ግዱዋን ታን ኔናና ጋከታደ እሰራኤልያ አሳዉ ታን እምያ አዛዘዋ ኡባ ያን ነዉ እማና።

**ኡክላ ዋሰያ ጸርጴዛ**  
(37:10-16)

- 23 “ኡደሩዋ ምላጥ አዲሳተላ ላኡ ዋላ፡ ጎምጋይ እት ዋላ፡ ጌሳይ ቃይ እት ዋላን ባጋ ግድያ እት ጸርጴዛ ሙቋ።
- 24 ያታደ ዋላካይ ባይና ዋርቃን ሼሻ፤ ቃይ አ የሹዋን ዋርቃ ትገላ ዩሻ አላ።
- 25 ህዋዳንካ፡ ቃይ ጎምጋይ ታካ፤ ግዴዳ ሻሽያ አ ቦላ ዩሻ አላ። ያታደ አ ቦላ ዋርቃ ትገላ ዩሻ።
- 26 ህ ጸርጴዛዉ ኦይዱ ዋርቃ ሳጋየቱዋ ሙቋይ፡ ጸርጴዛ ገደቱ ደእያ ኦይዱ ጋጸን ዋላ።
- 27 ጸርጴዛ ቶካናዉ ካሱዋ አላያ ሳጋየቱ ጸርጴዛዉ ሻሽያ ጋጸን ሼቂደ ደእኖ።
- 28 ህ ቶክያ ካሱዋ ኦደሩዋጥ ከሳይ፡ ዋርቃን ኡንቴንጋ ሼሻ።
- 29 ህዋዳንካ፡ ቃይ ሻታቱዋን ጭልጋቱዋ፡ ዱቂያባቱዋን ጸአቱዋ ዋላካይ ባይና ዋርቃጥ ሙቋ።
- 30 ታ ሰንላ አላያ ጌሻ ኡክላይ ኡባ ዋደካ ጸርጴዛ ቦላ ቆየ።

**ጸምጥያ ዋሰያ ባላ**  
(37:17-24)

- 31 “ጸምጥያ ዋሰያ ባላ ቆጶቴዳ ዋላካይ ባይና ዋርቃጥ ሙቋ፤ ህ ባላይ ኤቂያ ገዲካ፡ ቃይ ግዶ ቶማይካ ኡባይ ቆጶቴዳ ዋርቃጥ ኦሰታናዉ ኮሼ። አ ዋንጫቱ፡ አ ኩኩሞቱ አ ጨሻቱ ኡባይ አናና እትጥ ኦይቀት ሙጋታናዉ ኮሼ።
- 32 ምይያና ኡሱፑን ማራቱ አዉ ከሰኖ፤ ማራቱዋጥ ሄዛቱ እት ባጋና፡ ቃይ ሄዛቱ የንኮ ባጋና ደእኖ።
- 33 ኡሱፑን ማራቶካ ሁጲያን ሁጲያን ሄዙ ሄዙ ኩኩሙን ጨሻይ ደእያ ላዉዝያ ጨሻ ማላትያ ዋንጫይ ደእ።
- 34 ጸምጥያ ዋሰያ ባላዉ ግዶ ቶማይ፡ ኩኩሞቱዋ ጨሻቱ ደእያ ላዉዝያ ጨሻ ማላትያ ኦይዱ ዋንጫይ ደእ።
- 35 ላኡ ላኡ እትጥ ዋላን ደእያ ሄዙ ማራቱዋጥ ጋርሳና እት እት ኩኩሙ ደእ።
- 36 ኩኩማቱን ማራቱ ኡባይ ጸምጥያ ዋሰያ ባላና እትጥ፡ ኦይቀት እቱዋ ግዲደ፡ ዋላካይ ባይና ዋርቃጥ ቆጶቴደ ሙጋታና።
- 37 “ህዋጥ ጉይያን ጸምጥያ ዋሰያ ባላዉ ላፑን ጸምጥቱዋ ገግሳደ፡ ኡንቴንቴ ሰንላ ግደዉ ፖአና ማላ ጶቁ ኦላደ ዋላ።
- 38 ጸምጥያ ቶይሰያ ቃጶቱዋን ኡንቴንጋ ዋሰያዋንጋ ዋላካይ ባይና ዋርቃጥ ሙቋ።
- 39 ጸምጥያ ዋሰያ ባላይ፤ እን ጎኡትያ ሚሻ ኡባይ ሀታሚን እፔሹ ኪሎ ግራሙ ግዴዳ ዋላካይ ባይና ዋርቃጥ ሙጋታና።
- 40 አኬካ፤ ታን ኔና ደርያ ሁጲያን በሴዳዋዳን ኪተታ።

- 1 “ቃይ ሊቆ ፑቱዋፕ ሳሉዋ ማላትያ፡ ኦቻ ቴራ ማላትያን ሾሎላ ዘኦ ቃጭናፕ ደደቲዳ ታሙ ጋርዳቲዋ ጸሳ ዲንካንያ ገገሳ፡ ሄ ጋርዳቲዋን እት ሂላን ክሩበቱዋ ሞሰልያ ደድሳ፡
- 2 ጋርዳቲ ኡባይ እት ልከ ግድኖ፤ ጌሳይ ላታማን ሆሰፑን ዋቋ፤ ጎምፓይ ኦይዱ ዋቋ ግደ፡፡
- 3 እቼሹ ጋርዳቲዋ እትፕ ጋላደ ሰካ፤ የንኮ ኦቲዳ እቼሹ ጋርዳቲዋካ ኦንቲቱዋዳን ከተታ፡፡
- 4 እትፕ ጋከቲደ ሰከቲዳ ጋርዳቲዋፕ እት ጋርዳቲዋ ወርሰሳ ጋጸን ሳሉዋ ማላትያ ጫርቁያፕ ማጫራ መቋ፤ ቃይ እትፕ ጋከት ሰከቲዳ የንኮ ጋርዳቲዋንካ ሄዋዳን ከተታ፡፡
- 5 እትፕ ጋከቲዳ እት ጋርዳቲዋ ሰላ እሻታሙ ማጫራ፡፡ ቃይ እትፕ ጋከቲዳ የንኮ ጋርዳቲዋ ሰላካ እሻታሙ ማጫራ መቋ፤ ሄ ማጫራቲ ኡባይካ እቲ እቶ ማራን ደእኖ፡፡
- 6 ሄዋፕ ጉይያን ዋርቃፕ እሻታሙ ኦይቁያዋንታ መቋደ ጸሳ ዲንካኒ ኦቲዋ ግዳና ማላ፡ ሄ ጋርዳቲዋ ጋጸ ጋጸ ሄ ኦይቁያዋንቱን ኦይላ፡፡
- 7 “ቃጭናፕ መጠቲዳ ጸሳ ዲንካንያ ሰላና ካማና ማላ፡ ታማን እት ጋርዳቲዋ ዴሻ እሰክያፕ ደደደ፡፡ እት ዲንካንያ መቋ፡፡
- 8 ታማን እት ጋርዳቲዋ እት ልከ ግድኖ፤ እት እት ጋርዳቲዋ ጌሳይ ሀታሙ ዋቋ፡ ጎምፓይ ኦይዱ ዋቋ ግደ፡፡
- 9 እቼሹ ጋርዳቲዋ እት ባጋና፡ ኡሱፑን ጋርዳቲዋ ቃይ የንኮ ባጋና ጋላደ ሰካ፡፡ ኡሱፑንሳ ጋርዳቲ ዳኮቲደ፡፡ ዲንካንያዉ ሰንሳ ባጋና ደቡለቶ፡፡
- 10 ጋላ ሰኩዳ ጋርዳቲዋፕ እት ጋርዳቲዋ ጋጸን እሻታሙ ማጫራ መቋ፤ ቃይ ጋላ ሰኩዳ የንኮ ጋርዳቲዋፕ ጋጸን እሻታሙ ማጫራ መቋ፡፡
- 11 እሻታሙ ናሃሰያ ኦይቁያዋ መቋደ፡፡ ማጫራቲዋ ግደ ገልሳ፤ ያታደ ዲንካንያ እትፕ ጋላ ኦይላ፡፡ ያቶፕ ሀ ላኡ ኦይቀቲዳ ካምያዋንቱ እቲዋ ግዳና፡፡
- 12 ሀ ዲንካንያ ጋርዳቲዋፕ ፓላሄዳ ባጋ ጋርዳቲዋ ጸሳ ዲንካንያዉ ጉየና ካቀቶ፡፡
- 13 ዲንካንያ ጋርዳቲ ላኡ ባጋናካ እት እት ዋቋ ኬሻ ፓላህኖ፤ ሄ ፓላሄዳዋንቱ ጸሳ ዲንካንያ ካማና ማላ፡ ላኡ ባጋ ሞይያና ካቀቶና፡፡
- 14 “ዴሻ እጎዛፕ መጠቲዳ ዲንካንያ ሰላና ካማናዉ ደርሳ ኦርግያ ጋልባ ዘኦ ቃላምያን የግ ከሴዳዋ ገገሳ፤ ቃይ እ ሰላና ካማናዉ ቁምእያ ሀራ ጋልባፕ ገገሳ፡፡
- 15 “ጸሳ ዲንካንያ ጸጋግያዋንታ ሰት ጌዳ ኦደሩዋፕ ከሳ፡፡
- 16 እት እት ጸጋግያዉ ጌሳይ ታሙ ዋቋ፡ ጎምፓይ እት ዋቋን ባጋ ግደ፡፡
- 17 እት እት ጸጋግያዉ እቲዋ እቲዋና ጋላ ኦይልያ ላኡ ፖላ መቋ፡፡ ጸሳ ዲንካንያ ጸጋገቱዋ ኡባካ ሄዋዳን ከተታ፤
- 18 ጸሳ ዲንካንያዉ ገድሳ ባጋና ላታሙ ጸጋግያዋ መቋ፡፡
- 19 እት እት ጸጋግያዉ ላኡ ፖላይ ገልያ ኦይታሙ ሉኩዋ፡ ኡባካ ብራፕ ገገሳ፡፡
- 20 ጸሳ ዲንካንያዉ ሁጸሳ ባጋና፡ ላታሙ ጸጋግያዋ መቋ፡፡
- 21 እት እት ጸጋግያዉ ላኡ ገደቱ፡ ሙላ ኦይታሙ ገደቱ፡ ብራፕ ገገኖ፡፡
- 22 ቃይ ጸሳ ዲንካንያዉ ጉየ ጋጸን ኦዋይ ዉልያ ባጋና ኡሱፑን ጸጋግያ መቋ፡፡
- 23 ጉየን ደእያ ጋጸቶ ላኡ ጸጋግያ ገገሳ፡፡
- 24 ሄዋ ድራዉ፡ እት ጸጸዋን ላኡ ፖላ ጌጋ ጸራ ጋካናዉ እታ ግድ ሞጎዲዋን ኦይቀታናዉ በሴ፡፡ ላኡ ጋጸ ኦይልያ ጸጋገቱካ ሀራ ጸጋጊ ኦሰቶዋዳን ኦሰታናዉ በሴ፡፡
- 25 ሄዋ ድራዉ እት እት ጸጋግያዉ ጋርሳና ላኡ ላኡ ፖላይ ገልያ ሉካቲ ደእኖ፤ ኡባና ሆሰፑን ጸጋገቱን ብራፕ ኦሰቲዳ ታማን ኡሱፑን ፖላይ ገልያ ሉካቲ ደእኖ፡፡
- 26 “ቃይ ኦደሮቱዋፕ ቱቁመትያ ሜጋ ከሳ፡፡ ጸሳ ዲንካንያዉ እት ባጋ ሞይያን ደእያ ጸጋገቶ እቼሹ ቱቁመትያ ሜጋ፡፡
- 27 ቃይ የንኮ ባጋ ሞይያን ደእያ ጸጋገቶ እቼሹ ቱቁመትያ ሜጋቲዋ ገገሳ፡፡ ሄዋዳንካ፡ ጸሳ ዲንካንያዉ ጉየ ኦዋይ ዉልያ ባጋና ዉርሰሳ ጋጸን ደእያ ጸጋገቶ እቼሹ ቱቁመትያ ሜጋ መቋ፡፡
- 28 ግደ ቱቁመትያ ሜጋይ ጸጋገቶ ግደ ሄራና ሀ ጋጸፕ ያ ጋጸ ጋካናዉ ፕን ከሳናዉ ኮሺ፡፡
- 29 ጸጋገቱዋ ዋርቃን ሹሻደ፡ ቱቁመትያ ሜጋቲ ኦይያ ሳጋየቱዋ ዋርቃፕ መቋ፤ ቃይ ቱቁመትያ ሜጋቲዋካ ዋርቃን ሹሻ፡፡
- 30 ጸሳ ዲንካንያ ታን ኔና ደርያ ሰላን በሴዳዋዳን ኦላደ ቶካ፡፡
- 31 “ሳሉዋ ማላትያ፡ ኦቻ ቴራ ማላትያን ሾሎላ ዘኦ ቃጭናፕን ሊቆ ሊኩዋፕ እት ጋርዳቲ ከተታ፤ ሄ ጋርዳቲዋ ሰላ እት ሂላን ክሩበቱዋ ሞሰልያ ሰክሳ፡፡
- 32 ያታደ ዋርቃን ሹሹዳ ኦይዱ፡፡ ኦደሩዋ ቲሳቲዋን ደእያ ዋርቃፕ ኦሰቲዳ ካቁያዋን ካቃ፡፡ ሄ ኦይዱ ቲሳቲ ብራፕ መጴዳ ኦይዱ ፖላይ ገልያሳን ገልኖ፡፡
- 33 ሄ ጋርዳቲዋ ጸሳ ዲንካንያ ካራን ደእያ ኦይቁያዋንቱፕ ጋርሳና ካቁዳ፡ ቃላ ጫቁዋ ታታፕ ጋርዳቲዋ ጉየ ባጋን ዋላ፤ ያቶፕ ሄ ጋርዱ ጌሻ ሳኦ ኡባፕ ኦይዱ ጌሻ ሳኦ ሻካና፡፡

34 እቶ ግያ ሳእ ቁምእያ ኡባጥ አዴዳ ጌሻ ሳእን ደእያ ቃላ ጫቁዋ ታቦታ ቦላ ዋላ።

35 ጸርጼዛ ጋርዴዋጥ ካረና፣ ጸሳ ዲንካንያን ጌሻ ሳእ ግዴዋን ሁጺሳ ባጋን ዋላ፤ ጸምጥያ ዋሳያ ባላ ቃይ አ ባጋን ገድሳ ባጋና ዋላ።

36 “ዲንካንያ ገልያ ጥንግያው ሳሉዋ ማላትያ፣ ኦቻ ቴራ ማላትያን ሾሎላ ዘኦ ቃጭናጥን ሊቆ ሊኦዋጥ ጽልጥንን አሊቅሰያዋን ኦስቴዳ ጋርዴዋ መቆ።

37 ጋርዴዋ እቸሹ ቱሳቱዋ ኦደሮቱዋጥ ከሳደ፣ ዋርቃን ሺሻ፤ ካቂያዋንቱካ ዋርቃጥ ኦስቴዳዋንታ ግድና፤ ቱሳቶ ናሃሰያ ብራታጥ ትጋደ እቸሹ ፖላቱ ገልያዋ መቆ።

## 27

### ጹግያ ያርሹዋ ያርሽያ ሳእ

(38:1-7)

1 “ኦደራዋጥ ያርሽያ ሳእ ኬጸ። ሄ ያርሽያ ሳእው ጌሳይ እቸሹ ዋቆ ግደ፤ ጎምጋይን እት ለከ፣ እቸሹ እቸሹ ዋቆ፤ ቆቃተላይ ሄዙ ዋቆ፣ ኦይዱ ጋጸና ደኦ።

2 ዉርሰላ ጋጸን ጋጸን እት እት ካጭያ መቆ፤ ካጨቱ ያርሽያ ሳእና እትጥ ኦይቀቲደ መፍትሔ።

3 እን ጎኤትያ ሚሻቱዋ፣ ብድንላ ከሰያ ባልደቱዋ፣ እካፋቱዋ፣ ሱላ ትግያ ኩይጸርቱዋ፣ ቃጺያ፣ ሴልያባ ኦይቂያ ሚሻ ናሃሰያ ብራታጥ መቆ።

4 ያታደ ናሃሰያ ብራታጥ ዛዘርያ መቆ፤ ቃይ አ ኦይዱ ጋጸን ኦይዱ ሳጋዮቱዋ መቆ።

5 ያታደ ያርሽያ ሳእው ግደ ባጋን ኦይላደ ዋላ

6 ኦደራዋጥ ያርሽያ ሳእው ካሶቱዋ ከሳደ፣ ናሃሰያ ብራታጥ ሺሻ።

7 ያርሽያ ሳእ ቶክያ ዋደ ማዳና ማላ፣ ሄ ካሱዋ ላኡ ሞይያና ደእያ ሳጋዮቱዋን አላ።

8 ታን ኔና ደርያ ቦላን በሴዳዋዳን፣ ያርሽያ ሳእ ጸዉላጥ መቆደ፣ ጎምጋ መላ ከሰና።

### ጸሳ ዲንካንያው ዳባባ የሹዋ

(38:9-20)

9 “ጸሳ ዲንካንያው አሳይ ሸቅያ ዳባባ ገግሳ። ዳባባይ ገድሳ ባጋና ጴቱ ዋቆ አዲቆ፤ ሄ ዳባባው ሊቆ ሊኦዋጥ ዳደቲዳ ጋርዳቱዋ ገግሳ።

10 አው ናሃሰያ ብራታጥ ላታው ቱሳቱዋን ቱሳቱ ኤቂያ ላታው ፖላይ ገልያ ሉኩዋ ኦላ፤ ኡንቲንቲ ሁጺያን ቃይ ብራጥ ካቂያዋንታን ቱሳቱዋ ሁጺያን ቃቶያዋንታ አላ።

11 ሄዋዳንካ፣ ዳባባው ሁጺሳ ባጋና ጴቱ ዋቆ አዲቆ፤ ቃይ ላታው ቱሳቱዋና ሄ ቱሳቶ ላታው ናሃሰያ ፖላይ ገልያ ሉኩቱዋና ደእያ ጋርዱ ደኦ። ያቲደ ብራጥ ኦስቴዳ ካቂያዋንቲን ቱሳቱዋ ሁጺያን ቃቶያዋንቲ ዳባባው ደእና።

12 “ዳባባው አዋይ ዉልያ ባጋ ጎምጋይ እሻታው ዋቆ እኩ፤ ታው ቱሳቲ፣ ቱሳቶ ታው ፖላይ ገልያ ሉካቲ ደእያ ጋርዳቲ አው ደእና።

13 ቃይ አዋይ ዶልያ ባጋ ዳባባ ጎምጋይካ እሻታው ዋቆ ግደ።

14 ዳባባ ገልያ ሳእጥ አዋይ ዶልያ ባጋና ታማን እቸሹ ዋቆ አዲቂያ ጋርዳቲ ደእና፤ ኡንቲንቶ ሄዙ ቱሳቲን ሄዙ ፖላይ ገልያ ሉኩቲ ደእና።

15 ሄዋዳንካ፣ ሀንኩ ባጋና ጋርዳቲ ታማን እቸሹ ዋቆ አዲቂያ ጋርዳቲ ደእና፤ ኡንቲንቶ ሄዙ ቱሳቲን ቱሳቶ ሄዙ ፖላይ ገልያ ሉኩቲ ደእና።

16 “ዳባባ ገልያ ሳእው ላታው ዋቆ አዲቂያ ጋርዳቲ ገግሳ፤ ሄዌካ ሳሉዋ ማላትያ፣ ኦቻ ቴራ ማላትያ፣ ሾሎላ ዘኦ ቃጭናጥን ሊቆ ሊኦዋጥ ዳደቲዳዋ፣ ጽልጥንን አሊቅሰያዋን ገግሳ። ኦይዱ ቱሳቲዋን ቱሳቶ ኦይዱ ፖላይ ገልያ ሉኩቱዋ ገግሳ።

17 ዳባባ የሹዋን ደእያ ቱሳቲዋ ኡባው ብራጥ ኦስቴዳ ቃቶያዋንቲን ካቂያዋንቲ፣ ናሃሰያጥ ኦስቴዳ ፖላይ ገልያ ሉኩቲ ደእና።

18 ዳባባይ አዲሳተላይ ጴቱ ዋቆ፣ ጎምጋይ እሻታው ዋቆ ግደ፤ ፑድያ እቸሹ ዋቆ ቆቂያ ሊቁዋን ዳደቲዳ ሊኦዋጥ ኦስቴዳ ጋርዳቲ ደእና፤ ያቲደ ቱሳቲዋ ናሃሰያጥ ኦስቴዳ ፖላይ ገልያ ሉኩቲ ግድና።

19 “ጸሳ ዲንካንያን ኦላያ ኦስ ጎኤትያ ሚሻ ኡባይ፣ ኡንቲንቲ ጎኤይ እያ ግደጥ፣ ጸሳ ዲንካንያ ቆገቱ ኡባናን ዳባባ ቆገቱ ኡባናን ጉጅና፣ ናሃሰያ ብራታጥ መፍትሔ።

### ጸምጥያ ዛይትያ

(ዋጋ 24:1-4)

20 “ጸምጥ ቶኤናን ኤጲደ ደእና ማላ፣ አው ኮሽያ ጽሎ ዛይትያ ዋጋራ ቴራ ጫዲደ ጉምእና ከሴዳዋ ነው እሀና ማላ፣ እሰራኤላቱዋ አዛዛ።

21 እርዥን አ ናናይ፣ ጸምፒ ጸሳ ስንሳን ቃሜዳ ሳአይ ዋንታና ጋካናው ፖሎና ማለ፣ መጅና ጎዳ ዳንካንያ ግደን፣ ማርካተላ ታቦታ ስንሳን ደእያ ጋርዱዋፕ ካረና ኤል። ሀዌ እስራኤልያ አሳው መጅናው ዋሶ ዋጋ ግዲደ ደእ።

## 28

### ቄሳቱዋ ካፓቱዋ ማዩዋ (39:1-7)

- 1 “ነ እሻ እርናን አ ናና ናዳባ፣ አቢሀ፣ ኤልአዛራን እታማራ ኔኮ አሃደ፤ ኡንቱንቱ ቄሳቱዋ ግዲደ ታው አሳና ማለ፣ እስራኤልያ አሳ ግደፕ ኡንቱንታ ዲማያ።
- 2 እው ቦንቹዋን ዮላ እማና ማለ፣ ነ እሻ እርናው ቄሳተላ ማዮቱዋ ገግሳ።
- 3 ታን አይዳ ኤራ እሜዳ ኩሽያ ሂላ ኤርያ አሳ ኡባ ዳሳደ፣ እርናው ማዮቱዋ ገግሳና ማላ ኦዳ፤ አ ቄሴ ግዲደ፣ ታው አሳናው ዲማታናዋ።
- 4 ኡንቱንቱ ገግሳና ማዮቱካ ሀዋንታ፡ ትራን ዋልያዋ፣ ኤፋድያ፣ አዲሳ ማዩዋ፣ አለቀቲደ ዳደቱዳ አዲሳ ሻምጭያ፣ ሻሽያን ሀራ ዳንጨቱ። ነ እሻይ እርዥን አ ናናይ ቄሳቱዋ ግዲደ ታው ኦልደ ጌሻ ማዮቱዋ ማያና ማለ፣ ስክያዋንቱ ገግሲና።
- 5 ኩሽያ ሂላ ኤርያዋንቱካ ሀ ማዮቱዋ ገግሳናው ዋርቃ፣ ሳሉዋ ማላትያ፣ ኦቻ ቱራ ማላትያን ሾሎላ ዘኦ ቃጭናን ሊቆ ሊኦዋ ጎኤትና።

### ኤፋድያ

- 6 “ኤፋድያ ጌተትያ ማዩዋ ዋርቃ፣ ሳሉዋ ማላትያ ቃጭና፣ ኦቻ ቱራ ማላትያ ቃጭና፣ ሾሎላ ዘኦ ቃጭና፣ ሊቆ ሊኦዋ ቃጭና፣ ኩሽያ ሂላንቻቱ አለቁሲደ ገግሲና።
- 7 ላኡ ባጋይ ጋከቲደ አቱዋ ግዳና ማለ፣ ላኡ ሀሽያ ቦላ ጋልደ ኦይልያ ጫርቂ ደኦ።
- 8 ሂላንቻይ አለቁሲደ ዳዳዳ ደንጨካ ኤፋድያና እታ ግዲደ፣ ዋርቃ፣ ሳሉዋ ማላትያ፣ ኦቻ ቱራ ማላትያን ሾሎላ ዘኦ ቃጭና፣ ሊአሰ ባቄዳ ሊኦዋፕ ኦሰቶ።
- 9 “ማርግድያ ጌተትያ ላኡ ሹቻቱዋ አሃደ፣ እስራኤልያ ናናቱዋ ስንሳ ኡንቱንቱ ቦላ ዋጫደ ጻፋ።
- 10 ኡንቱንቱ የለታ ማራዳን እት ሹቻ ቦላ ኡሱፑን ስንሳ፣ ሀንኮ ሹቻ ቦላ ቃይ አቱዳ ኡሱፑናቱዋ ስንሳ ዋጫደ ጻፋ።
- 11 ማታፋ ቦላ ስንሳ ዋጫደ ጻፍያዋዳን፣ ሄ ላኡ ሹቻቱዋ ቦላ እስራኤልያ ናናቱዋ ስንሳ ዋጫደ ጻፋ፤ ሄ ሹቻቱዋ ዋርቃ፣ መዴዳ ሹቻ ኦይቂያዋ ቦላ ዋላ።
- 12 ያታደ ታማን ላኡ እስራኤልያ ዘረሳ ሀሳይያዋ ግዳና ማለ፣ ሀ ላኡ ሹቻቱዋ ኤፋድያና ኦይልያ ሀሽያ ጫርቂያን ዋላ፤ ያቶፕ መጅና ጎዳ ስንሳን ኡባደ ቆፈታና ማለ፣ ሀ ስንሳቱዋ እርዥ ባረ ሀሽያን ቶኮ።
- 13 ሄ ሹቻቱዋ ኦይቂያዋ ዋርቃ፣ መዳ።
- 14 ቃይ ዋላካይ ባይና ዋርቃ፣ ዋደራዋዳን ደቄዳ ላኡ ሳንሳላታቱዋ ገግሳደ፣ ሄ ላኡ ሹቻ ኦይቂያዋንቱና ጋላ ኦይላ።

### ትራን ዋልያዋ (39:8-21)

- 15 “ጸሳ ሸኒ አሃንቶ ኦቹደ ኤርያ ትራን ዋልያዋ ኩሽያ ሂላንቻን ኦሰሳ። ሄ ትራን ዋልያዋ ኤፋድያ ዳዳዳዋዳን፣ ዋርቃ፣ ሳሉዋ ማላትያ፣ ኦቻ ቱራ ማላትያን ሾሎላ ዘኦ ቃጭና፣ ሊቆ ሊኦዋፕ ዳዳ።
- 16 እው ኦይዱ ጋይደ ደኤ፤ ጌሳይካ ጎምፓይ እት እት ታካ  ግዲደ ዳኮቶ።
- 17 ሄዋፕ ጉይያን አ ቦላ ኦይዱ ማራን አልኦ ሹቻቱዋ ዋላ፤ ኮይር ማራን ዋልዳ ሹቻይ፣ ሳርድና፣ ቶጻዝዮንያን ጸልያ እንቁዋ።
- 18 ላኤንሶ ማራን ባሉርያ፣ ሳምፔርያን አልማዝያ ግያ አልኦ ሹቻቱዋ፤
- 19 ሄዘንሶ ማራን ያክንትያ፣ ከልቀድንያን አመተሰጽኖሲያ፤
- 20 ኦይደንሶ ማራን ብራል፣ ማርግድያ፣ ያሰጲድያ። ሀዋንቱ ኡባይ ዋርቃ፣ ኦሰቱዳ ሹቻ ኦይቂያዋ ቦላ ኡትና።
- 21 እስራኤልያ ናናቱዋ ስንሳ ፓይዳዋዳን፣ ሹቻቱዋ ፓይዳካ ታማን ላኡዋ ግድና፤ አቱ አቱ ማታፋዳን ዋጫቲደ፣ ታማን ላኡ ዛራቱዋ ስንሳይ ሄ ሹቻቱዋን ጻፈቶ።
- 22 “ትራን ዋልያዋ ዋደራዋዳን ደቀቱዳ ሳንሳላታ ዋላካይ ባይና ዋርቃ፣ መዳ።
- 23 ላኡ ዋርቃ ምግዳቱዋ መዳደ፣ ትራን ዋልያዋ ቆዎ ጋጾ ጋሳደ ኦይላ ዋላ።
- 24 ሄ ላኡ ዋርቃ ሳንሳላታቱዋ ትራን ዋልያዋ ጋጾን ደእያ ምግዳቱዋና ጋሳደ ኦይላ።

25 ሄ ሳንሳላታቶ የንኮ ባጋ ዴራ ቃይ ኤፋድያወ ሰንላ ባጋና፡ ሀሽያ ጫርቂያን ደእያ ሹቻ ኦይቂያዋንቱና ጋላ ቃቻ።

26 ቃይካ ላኡ ዋርቃ ሞግዳቱዋ መዳደ፡ ኤፋድያፕ ጋርሳን ካሊደ ደእያ ትራን ዋልያዎ ሶ ባጋና ደእያ ላኡ ጋዳ ዴራን አላ።

27 ሄዋዳንካ፡ ዋርቃፕ ሀራ ላኡ ሞግዳቱዋ መዳደ፤ ኤፋድያወ ሰንላ ባጋና፡ ሀሽያ ጫርቂያፕ ጋርሳ ባጋና፡ ኤፋድያ ዴሳን ቃቻያዋፕ ቆሞና፡ ሰኩ፡ ጋከቲዳ ሳኦ ማታን ካረና ኡንቲንታ ኦይላ።

28 ትራን ዋልያዋን ደእያ ሞግዳቱዋ ኤፋድያን ደእያ ሞግዳቱዋና ጋልደ፡ ሳሉዋ ማላትያ ባቀላን ቃቻ፤ ያቶ፡ ትራን ዋልያዌ ዴሳፕ ቆሞና ደእያ ድራወ፡ ቃሹ ሾልኤና።

29 “አርነ ጌሻ ሳኦ ገልያ ዋደ፡ ሀ ትራን ዋልያ መድና ጎዳ ሸንያ በሰያዌ ደእያ አሰራኤልያ ዛራቱዋ ሱንላቱዋ ቶኩ። ያቶፕ ታን መድና ጎዳይ ኡባደ ታ አሳ ሀሳያና።

30 ቃይ ኤሪምያን ቱሚምያ ጌተትያዋንታ ትራን ዋልያዋን የጋ። አርነ መድና ጎዳ ሰንላ አዲደ፡ ባረ ትራን ዋል አኪደ ገሎ። ታ ሸኒ አየንቶ አሰራኤልያ አሳ ኤርሳና ማላ፡ እ ታ ሰንላን ኦላናወ ገልያ ዋደ ኡባን ባረ ትራ ኪሰያፕ ዳይሰፖ።

**ሀራ ቄሳቱዋ ካፕዋ ማየዋን ቄሳቱዋ ማየዋ (39:22-31)**

31 “ኤፋድያፕ ጋርሳና ማይያ አዲሳ ማየዋ ኡባ ሳሉዋ ማላትያ ጫርቂያፕ ገግሳ።

32 ሄ አዲሳ ማየ ቆድያ አልያ ሳኦ መዳ። ሄ ሳኦይ ፔፍተዳና፡ የሻ አላደ ጉጂ ጉጂ ስካ።

33 አዲሳ ማየዋ ዲገ ባጋ ማጫራ የሹዋን ሳሉዋ ማላትያ፡ ኦቻ ቴራ ማላትያን ሹሎላ ዞኦ ሮማንያ አይፍያ ቴራ ሞሰለቱዋ መዳ። ያታደ ኡንቲንቲ ግዴዋን ዋርቃፕ አሰቴዳ ዳዋላቱዋ ዋላካን ኦላ።

34 ዋርቃ ዳዋላቱን ሮማንያ ቴራ ሞሰለቲ ሄ አዲሳ ማየዋ ዲገ ባጋ ዴራወ የሹዋን ዋላካን አድኖ።

35 አርነ ቄሳተላን አልያ ዋደ፡ ሀ አዲሳ ማየዋ ማየ፤ መድና ጎዳ ሰንላ ጌሻ ሳኦ ገልያ ዋደን ከሰያ ዋደ፡ ዳዋላይ ዋሳና። ሄዋ ድራወ እ ሀይቀና።

36 “ዋላካይ ባይና ዋርቃፕ እት አሌቁዋ መዳደ ማታፋ ቦላ ዋጭያዋዳን፡ እ ቦላ ዋጫደ፡ ‘መድና ጎዳወ ጌሻ ግዴደ ዲማቴዳ’ ያጋደ ዳፋ።

37 ሀዲያን ጸጸና ሻሽያፕ ዳደና ዴሙዋን ቃቻና ማላ፡ ሳሉዋ ማላትያ ባቀላ እን አላ።

38 አርነ አ ሳረ ዳሙዋን ዋል፤ ሄዋን አሰራኤልያ አሳይ መድና ጎዳወ ጌሻ ያርሾ አምያዋን ፓጫይ ደኦ፡ ሄ ባይዙዋ አርነ ቶኪ። አሳይ አህያዋ ኡባ መድና ጎዳይ አካና ማላ፡ እ ሄዋ ኡባ ገደካ ባረ ደሙዋን ዋላናወ ኮሺ።

39 “አርና አዲሳ ሻምጭያ ሊቆ ሊኦፕፕ ዳዳ፤ ሀዲያን ጸጸና ሻሽካ ሊኦፕፕ ገግሳ። ቃይ ዳንጩዋ ጽልፕያን አሌቆሰያዋን ሰከሳ።

40 አርና ናናወ ቦንቾን አሌቆ ግዳና ማላ፡ አዲሳ ሻምጭያ፡ ዳንጩቱዋን ሀዲያን ጸጸና ሻሽቱዋ ገግሳ።

41 ኔን ሀ ማየቱዋ ነ እሻ አርናን አ ናና ማይዜዳዋፕ ጉይያን፡ ኡንቲንታ ቄሰተላን ሱንላደ ታዉ ኦላና ማላ ኦካደ ዲማያ።

42 “ኡንቲንቲ ካሉ ካመታና ማላ ጋርሳና ማይያ ማየዋ፡ ዴሳፕ ቢደ ዋድርያ ጋካናወ ካምያዋ፡ ሊቆ ሊኦፕ ቃጭናፕ ዳዳደ ገግሳ።

43 አርነ አ ናናይ ዳሳ ዲንካንያ ገልያ ዋደ፡ ዋይ ያርሹዋ ያርሸያ ጌሻ ሳኦን ቄሳተላን ኦላናወ ሸቶያ ዋደ፡ ሀ ማየቱዋ ማይኖ። ሄዋዳን ሀሮ፡ ኡንቲንቲ ባረንቲ ቦላ ባይዙዋን ሀይቁዋ አህክና።

“ሀዌ አርናወን አ ዛረቶ መድናወ ዋጋ ግደ።

**29**

**ቄሳተላ ሱንላ እሚደ ፖልያ ዋጋቱዋ (ዋጋ 8:1-36)**

1 “አርነ አ ናናይ ቄሳቱዋ ግዴደ ታዉ ኦላና ማላ፡ ኔን ኡንቲንታ ዲማያናወ ሀዋዳን ኦላ፤ ትላ ቦላና ደእያ እት ኮሩማ፡ ላኡ ደርሳ ኮላቱዋ አካ፤

2 ሙሩታ ዛርጋ ዲልያ አካደ፡ እርሹዋ የገናን ኡክላ ኡካ፤ ቃይ እርሹዋ የገናን ዛይትያን ኮምቱዋ ኮምፓ፤ ሄዋዳንካ፡ እርሹዋ የገናን ሌኦ ኡክላ ኡካደ፡ ዛይትያ አካ።

3 ኔን ኡንቲንታ ሳምፓን ዋላደ፡ ኮሩማናን ላኡ ደርሳ ኮላቱዋና እትፕ ታዉ ሸሻ።

4 “ያታደ አርናን አ ናና ዳሳ ዲንካንያ ፐንገ አሃደ፡ ሃላን ኡንቲንታ ማጫ።

5 ሄዋጥ ጉይያን ማየቱዋ እካደ፣ አዲሳ ሻምጭያ፣ ኤፋድያ ጋርሳና ማይያ አዲሳ ማየቱ፣ ኤፋድያን ትራን ዋሳያዋ እርና ማይዛደ ኤፋድያ ሂላን ዳደቲዳ ዳንጩዋን ዳንጭሳ።

6 ሻሽያካ እ ሁጲያን ጸጸደ፣ ጸላሳው ጌሻ ግዲደ ዲማቲዳ፣ ያግያዌ ጸፈቲዳ አሌቁዋ ሰንላ ደሙዋን ሻሽያ ምይያን አላ።

7 እክያ ዛይትያካ እካደ፣ እ ሁጲያን ትጋደ እካ።

8 እ ናናካ እሃደ አዲሳ ሻምጭያ ማይዛ።

9 ሻሽያካ ኤንቱንቱ ሁጲያን ጸጸ። ሄዋጥ ጉይያን እርናን እ ናና ዳንጩዋ ዳንጭሳ። ቄሳተላይ ኤንቱንቱ መፅና ዋጋ ግደ። ሰም እርናን እ ናና ታደ ቄሳቱዋ ኦላሳ።

10 “ኮሩማ፣ ጸላ ዲንካንያ ሰንላ ኔን አህና፣ እርነን እ ናናይ እ ሁጲያን ባረንቱ ኩሽያ ዋሴ።

11 ኮሩማ፣ መፅና ጎዳ ዲንካንያ ገልያ ጥንግያን መፅና ጎዳ ማጋን ሹካ።

12 ኮሩማ ሱላጥ አማራዳዋ ነ ብራጅያን እካደ፣ ያርሽያ ሳኣ ቦላ ደእያ ካጩቱዋ ኦክሽን አቲዳዋ ያርሽያ ሳኣጥ ጋርሳ ባጋና ጉሳ።

13 ሄዋጥ ጉይያን ቃንላ አሹዋ ካሚዳ ሞጅያ ኡባ፣ ትርያ ጼራ ቦላ ደእያ ሞጅያ፣ ላኡ ክላሆቱዋን ኤንቱንታ ካሚዳ ሞጅያ እካደ፣ ያርሽያ ሳኣ ቦላ ጹጋ።

14 ሽን ኮሩማ አሹዋ፣ እ ጋልባን እ ማራጭያን ደእያ ቶጪያ አሳይ ኡቶ ሄራጥ ሃሳደ ጹጋ፤ ሄዌ ርጋራ ድራሄ ያርሽያ ያርሹዋ።

15 “ላኡ ድርሳ ኮላቱዋጥ እቱዋ ኔን እክና፣ እርነን እ ናናይ ባረንቱ ኩሽያ እ ሁጲያን ዋሳና።

16 ያቶጥ ድርሳ ኮልያ ሹካደ፣ ሱላ ያርሽያ ሳኣ ምይያን ኡባ ሳኣን ፑሻካ።

17 ድርሳ ኮልያ አሹዋ ቃንጸራላደ፣ ቃንላ አሹዋካ ገድያ ማጫደ ሁጲያ ቦላን ሀራ ቆሞ አሹዋዋ ቦላ ኤንቱንታ ዋሳ፤

18 ሄዋጥ ጉይያን፣ ድርሳ ኮልያ ኡባና ያርሽያ ሳኣን ጹጋ፤ ሄዌ መፅና ጎዳው ጹጉትያ ያርሹዋ፣ ሳወዋ ቶሽኩ ግያ ያርሹዋን መፅና ጎዳው ታማን ያርሽያ ያርሹዋ።

19 “ቃይ የንኮ ድርሳ ኮልያ እርነን እ ናናይ ባረንቱ ኩሽያ እ ሁጲያን ዋሳና ማላ ኔን አህ።

20 ሄ ድርሳ ኮልያ ሹካደ፣ እ ሱላጥ አማራዳዋ እካደ፣ እርናውን እ ናናው ኡሽቻ ሀይላቱዋ ጼራ፣ ኤንቱንቱ ኡሽቻ ኩሽቻ ዋጋ ብራቅቱዋን ኤንቱንቱ ኡሽቻ ገደቶ ዋጋ ብራቅቱዋ ኦካ፤ ሄዋጥ ጉይያን፣ እቲዳ ሱላ ያርሽያ ሳኣ ምይያን ኡባ ሳኣን ፑሻካ።

21 ያርሽያ ሳኣን ደእያ ሱላጥ አማራዳዋን ትግያ ዛይትያጥካ አማራዳዋ እካ፣ እርና ቦላን እ ማየቱ ቦላ፣ እ ናናቱዋ ቦላን ኤንቱንቱ ማየቱ ቦላ ፑሻካ። እን እ ናናይ፣ ኤንቱንቱ ማየ ጸላ ኦሶ ዲማጋናዋ።

22 “ሀ ድርሳ ኮልያጥ ሞፉዋ፣ ናሰያ፣ ቃንላ አሹዋ ቦላ ደእያ ሞጅያ፣ ትርያ ጼራ ቦላ ደእያ ሞጅያ፣ ላኡ ክላሆቱዋ፣ ኤንቱንታ ካሚዳ ሞጅያን ኡሽቻ ባጋና ደእያ ጉየ ገድያ እካ፤ ሀዌ ቄሳተላ ሱንላ እምያ ዋደ ሹክያ ድርሳ።

23 መፅና ጎዳ ሰንላን ዋሴዳ እርሹ ገልቤና ኡክላ፣ ሳምጋጥ ዛይቲ ዋላከትቤና ኡክላ፣ ዛይትያና ኡኬዳ እት ኮምፑዋን እት ሌኦ ኡክላ እካ።

24 ኔን ሀ ቆማ ኡባ እርና ኩሽያንን እ ናናቱዋ ኩሽያን ዋሴደ ወጸካናዳን ኦላ። ኤንቱንታ መፅና ጎዳ ሰንላን ፑደን ዲንካ ቃላና።

25 ሄዋጥ ጉይያን ኤንቱንቱ ኩሽያጥ ሀዋንታ እካደ፣ ያርሽያ ሳኣ ቦላ ዋላደ፣ ጹግያ ያርሹዋና ጋላደ፣ መፅና ጎዳው ሳወዋ ቶሽኩ ጋናዳን፣ ያርሽያ ሳኣ ቦላ ታማን ጹጋ።

26 እርነን ቄሳ ግዲደ ሱንግታዎ ዋደ ሹኬዳ ድርሳ ኮልያ እንጎሱዋ እካደ፣ መፅና ጎዳ ሰንላን ቃላያ ያርሹዋዳን ቃላ፤ ሄዌ ኔና ጋክያ ነ ምያ ግሹዋ ግዳናዋ።

27 “ሄ ሹኬዳ ድርሳ አሹዋ ቆሞቱዋጥ፣ ያርሹዋ ኡላደ ቃሌዳ እንጎሱዋን ጸላ ሰንላን ፑደ ቶኬዳ ገድያ ጌሻ፤ ሄዋንቱ እርናውን እ ናናው ግሹዋ ግዳናዋን።

28 እሰራኤላቱ መፅና ጎዳው እምያ እትተላ ያርሹዋጥ ቃላያ ባጋው ዋጋይ፣ ኡባ ገደካ እሰራኤልያ አሳጥ ሸቆደ እርናውን እ ናናው ጋክያ ግሹዋ ግደ።

29 “እርና ቄሳተላ ጌሻ ማየ እ ሀይቁዋጥ ጉይያን እ ዛርቶ ደኤ፤ ኤንቱንቱ ቄሳቱዋ ካፑዋ ግድያ ዋደ ሀ ማየቱ ኦከታናውን ዲማጋናው ማይያ።

30 እ ናናቱዋጥ እ ሳኣን ቄሳቱዋ ግዲደ፣ ጌሻ ሳኣን ኦላናው ጸላ ዲንካንያ ይያ ናኣይ፣ ሄ ማየቱ ላፑን ጋላሳው ማየ።

31 “እርነን እ ናናይ ቄሳቱዋ ግዲደ ሱንግታዎ ዋደ ሹከቲዳ ድርሳ ኮልያ አሹዋ እካደ፣ ጌሻ ሳኣን ደይሳ።

32 እርነን እ ናናይ ድርሳ ኦርግያ አሹዋካ ማሶፍያን ደእያ ኡክላ ጸላ ዲንካንያ ገልያ ጥንግያን ማረ።

33 እንቱንቱ ቄሳቱዋ ግዲደ ሱንታናወን ዲማታናወ ናጋራይ አቶ ጌተታናዳን ያርሸቱዳ ሀ ያርሸቱዋ ሚኖ። ሸን ሄ ያርሸቱ ጌሻ ግዴዳ ድራወ። ሀራ አሳይ እነ ዋፖ።

34 ቄሱያ ግዲደ ሱንታናወ ዋይ ሹኬዳ ድርሳ ኮልያ አሹዋጥ ዋይ ኡክላጥ ዋንታ ኃካናወ ፓላሂደ አቆጥ። ታማን ጸገቶ፤ ጌሻ ግዴዳ ድራወ ሜተቶ።

35 “አሮነ ኦ ናናይ ቄሳቱዋ ግዲደ ሱንታናወ ዋይ ዋልያ ዋጋ ለከ ታን ኔና አዛዜዳዋዳን ኦላደ። ላፑን ጋላሳ ጋርሳን ፖላ።

36 ናጋራይ አቶ ጌተታናዳን ሀቼ ሀቼ ናጋራ ያርሸቱዳን እት ኮሩማ ያርሻ። ሄዋን ያርሸያ ሳኦ ጌሻ፤ ያታደ ያርሸያ ሳኦ ዲማያናወ እካ።

37 ያርሸያ ሳኦ ናጋራ አቶ ግያ ዋጋ ላፑን ጋላሳን ፖላደ። አ ዲማያ። ያቶጥ ያርሸያ ሳኦይ ጌሻ ኡባጥ አቱዋ ግዴዳ ጌሻ። አ ቦቶያ ኡባይካ ጌያና።

**ሀቼ ሀቼ ሸሸያ ያርሸቱዋ**  
**(ፓይ. 28:1-8)**

38 “ያርሸያ ሳኦን ኔን ሀቼ ሀቼ ሸሻና ያርሹ ሀዋ። የለቶደጥ እት ላይላ ግዴዳ ላኡ ድርሳ አርገቱዋ ያርሻ።

39 ድርሳ ኮለቱዋጥ አቱዋ ዋንታ። ቃይ ላኤንሱዋ ኦማርሰ ያርሻ።

40 ኮይሮ ድርሳ ማራና እት ኪሎ ግራመ ግዴዳ ሙሩታ ዛርጋ ጿልያ እት ሊትሮ ጉምኤቱዳ ዛይትያን ሙናቃይ ያርሻ፤ እት ሊትሮ ዋይንያ ኤሳካ ኡሻ ያርሸቱዋ ኦላደ ያርሻ።

41 ላኤንሱ ድርሳ አርግያ ኦማርሰ ያርሻደ ዋንታዋ ኪሻ። ጿልያ። ዛይትያን ዋይንያ ኤሳ ሸሻ። ሄዋ መድና ጎዳወ ታማን ያርሸትያ። ሳወዋ ቶሽኩ ግያ ያርሸቱዋ ግዳናዋ።

42 “ሀ ጸግያ ያርሹ ይያ የለታ ኡባን ጸሳ ዲንካንያ ገልያ ጥንግያን መድና ጎዳ ሰንላን ፓጭ ባይናን ያርሸታናወ ኮሹ። ታን ያን ሀንተንቱና ጋከታደ። ኔናና ሃሳያና።

43 ቃይ ያን ታን እሰራኤላቱዋና ጋከታናወ። ታ ቦንቹካ ሄ ሳኦ ዲማ ሳኦ ከሳና።

44 “ሄዋ ድራወ። ታን ጸሳ ዲንካንያን ያርሸያ ሳኦ ዲማያና፤ ኤንቱንቱ ታወ ቄሳቱዋ ግዲደ ታወ ኦላና ማላ። አሮነ ኦ ናና ታን ዲማያና።

45 ያታደ ታን እሰራኤላቱዋ ግደን ደአና፤ ቃይ ታን ኤንቱንቱ ጸሳ ግዳና።

46 ታን ኤንቱንቱ ግደን ደአና ማላ። ግብጻጥ ኤንቱንታ ከሴዳ መድና ጎዳ ኤንቱንቱ ጸሳ ግደናዋ ኤንቱንቱ ኤራና። ኤ። ታን መድና ጎዳ ኤንቱንቱ ጸሳ።

**30**

**እጻና ጨዋይያ ሚሻ**  
**(37:25-28)**

1 “እጻና ጨዋይያ ሚሻ ኦደሮቱዋጥ መጻ፤

2 አወ ኦይዱ ጋጸይ ደኤ፤ አዲሳተላይ እት ዋጻ። ጎምፓይ እት ዋጻ። ጌሳይ ላኡ ዋጻ ግደ፤ ካጨቱካ እናና አቱዋ ግዲደ ኦይቀት መታና።

3 አወ ቦላ ድና። ኦይዱ ባጋ ኡባን አ ካጨቱዋ ዋላካይ ባይና ዋርቃን ሸሻ፤ አ የሹዋንካ ዋርቃ ትገላ የሻ አላ።

4 ሄ ዋርቃ ትገላጥ ጋርሳና እጻና ጨዋይያ ሳጽንያወ ዋርቃጥ ላኡ ሳጋየቱዋ መጻ፤ ያታደ ያ ባርገና ሀ ባርገና ላኡዋ ላኡዋ ኦይላ። ሄዋንታ ቶክያ ዋይ ካሱዋ አሳናወ ማዳናሳ።

5 ካሱቱዋ ኦደሮቱዋጥ ከሳደ። ኤንቱንታ ዋርቃን ሸሻ።

6 ሀ ያርሸያ ሚሻ ቃላ ጫቁዋ ታሰታ ሰንላን ካቀቱዳ ጋርዲዋጥ ካረ ባርገና። ሄዋካ ታን ኔናና ጋከትያ ቃላ ጫቁዋ ታሰታ ቦላ ደአያ አቶ ግያ ሳኦ ቁምእያ ሰንላን ዋላ።

7 “አሮነ ዋንታ ዋንታ ጸምጥቱዋ ገግሳናወ ይያ ዋይ። ሳዊያ እጻና ያርሸያ ሳኦን ጨዋዮ።

8 አሮነ ኦማርሰ ጸምጥቱዋ ፖአሰያ ዋይ። ዛረሊደካ እጻና ጨዋዮ፤ ያቶ፤ እጻናይ መድና ጎዳ ሰንላን ይያ የለታወ ኡባደ ጨዋታና።

9 ሀ እጻና ጨዋሱያ ሚሻን ሀራ አይ እጻናን። ዋይ ጸግያ ያርሸቱዋ። ዋይ ካላ ያርሸቱዋ ያርሸፓ፤ ኡሻ ያርሸቱዋካ አ ቦላ ትገፖ።

10 አሮነ ላይላጥ እት ገደ ናጋራጥ ማረታናወ ሹክያ መሀያ ሱላ አኪደ። ሄ ያርሸያ ሳኦ ቦላ ደአያ ካጨቱዋ ቦላ ዋላ። ያቲደ ጌሸያ ዋጋ ፖሎ። ሀ ዋጋይ ሰንላና ያና ዋይቱዋ ኡባን ላይላን ላይላን ፖላቶ። ሀ እጻናይ ጨዋሱያ ሚሻይ መድና ጎዳወ ዲማት ሎይላ ጌዬዳዋ ግደ” ያጌዳ።

**ዲንካንያወ ሸቅያ ሚሻ**

11 ሄዋጥ ጉይያን መድና ጎዳይ ሙሳ ሀዋዳን ያጌዳ፤



12 “ኔን እስራኤልያ አሳ ገይዲዋን አካናዉ ኡንቱንታ ገይድያ ዎይ፣ እት እት ኡራይ ገይደቲድ፣ ባረ ሸዎፑዎ ዎዛናዉ መጵና ጎዳዉ ሻሉዎ ጭጎ። ኔን ኡንቱንታ ገይድያ ዎይ፣ ኡንቱንቱ ቦላ ቦሻይ ዬና።

13 ገይዲዋን ገልያ አሳይ ሁጲያን ሁጲያን ዲንካንያን ኤረትያ ሚዛና ልክያን ብራ ጭጎ። እት እት ኡራይ ሀዎ መጵና ጎዳዉ አሞታ ኦሊደ አሞ።

14 ገይዲዋን ገልያ አሳይ ላይላይ ላታሙ ኩሚዳዊን ሄዋፑ ቦላ ኡባይ፣ መጵና ጎዳዉ አሞያዎ አሆ።

15 ህንተንቱ ህንተንቱ ናጋራፕ ማረታናዉ መጵና ጎዳዉ አሙዎ አሞሽን፣ ዲሪካ ማንቁካ እት ልክያ አማናፕ አትና፣ ዲሪ ዳርሲደ ዎይ ማንቁ ላፈሊደ አሞፕ።

16 ናጋራፕ ማረታናዉ ጭግያ ሻሉዎ እስራኤልያ አሳፕ አካደ፣ መጵና ጎዳ ዲንካንያ ግደ ኦሶ ፔሻ። ሀ ሻሉ ህንተንቱ ናጋራፕ ማረታናዉ፣ መጵና ጎዳ ሰንላን እስራኤልያ አሳዎ ሀሳይያዎ ግዳናዎ” ያጌዳ።

**ሜቻ ከርያ**

17 ሄዋፕ ጉይያን መጵና ጎዳይ ሙሳ ሀዎዳን ያጌዳ፤  
18 “ሜቻ ከርያን አ ዎልያዎ ናሃሰያፕ መጳደ ጸሳ ዲንካንያፕን ያርሸያ ሳአፕ ግዳዋን ዎላ፤ አን ሃሳ ትጋ።

19 አርነን አ ናናይ ባረንቱ ኩሸያን ባረንቱ ገድያ ሜጨታና።  
20 ኡንቱንቱ ሀይቀና ማላ፣ ጸሳ ዲንካንያ ገልያ ዎይ፣ አዉደን ሄ ሃላን ሜጨትና። ቃይ መጵና ጎዳዉ ታማን ያርሹዎ ያርሻናዉ ያርሸያ ሳአ ማታ ሸቁዳ ዎይ፣

21 ኡንቱንቱ ሀይቀና ማላ፣ ባረንቱ ኩሸያን ባረንቱ ገድያ ሜጨትና። ሀዌ አርናዉን አ ዛረቶ፣ ይያ ላታ ኡባዉ መጵናዉ ዎጋ ግዳናዎ” ያጌዳ።

**አከትያ ዛይትያ**

22 መጵና ጎዳይ ሙሳ ሀዎዳን ያጌዳ፤  
23 “ሙሩታ ቅማመቱዎ፣ ሄዋንቱካ፣ ኡሱፑን ኪሎ ግራመ ጉክያ ካርቢያ፣ ሄዙ ኪሎ ግራመ ሳዊያ ቃራፋ፣ ሄዙ ኪሎ ግራመ ሳዊያ ጉንጨቻን

24 ኡሱፑን ኪሎ ግራመ ዝሞባኑዎ አካ። ሀ ኡባይካ ዲንካንያን ኤረትያ ሚዛና ልክያን ግድ። ሄዎ ቦላካ ኦይዲ ሊትሮ ዎጋራ ዛይትያ ጉጅ።

25 ሀዋንታ ሸቱዎ ኦልያ ኤራን ዎላካደ፣ ሳዊያ ጌሻ ኦክያ ዛይተ ከሳ።  
26 ያታደ ጸሳ ዲንካንያ፣ ቃላ ጫቁዎ ታቦታ፣

27 ጳርጴዛን አ ቦላ ዎልያ ሚሻ ኡባ፣ ጸሞፕያ ዎልያ ባላን አ ሚሻቱዎ፣ አጻና ጨዎይያ ሚሻ፣  
28 ጸግያ ያርሹዎ ያርሸያ ሳአን አን ደአያ ኡባ ሚሻቱዎ፣ ሜቻ ከርያን አ ዎልያዎ አካ።

29 ኡንቱንቱ ሎይል ጌሻ ግዳና ማላ፣ ኔን ኡንቱንታ ዲማያ፤ ኡንቱንታ ቦቻያዌ ኡባይካ ጌሻ ግዳናዎ።

30 “ሄዋፕ ጉይያን አርነን አ ናናይ ቁሳቱዎ ግዲደ ታዉ ኦላና ማላ፣ ኡንቱንታ ኦካደ ዲማያ፤  
31 እስራኤልያ አሳዉ ሀዎዳን ያጋደ ኦዳ፤ ሀዊ ይያ የለታዉካ ኦከትያ ታ ጌሻ ዛይተ ግድ፤

32 ሀ ዛይትያ አሳ ቦላን ጉሶፕ፤ ቃይ አይ ዛይቲካ ሄዎ ኦሎዳ ልክያን ኦሶፕ። አ ጌሻ ግዳዳ ድራዉ፣ ህንተንቱካ አ ጌሻባዳን ቆፕ።

33 ሀዎ ማላ ሸቱዎ ግገሰያ ኡራይን ቁሳቱዎ ግደና ሀራ አሳ ኦክያ ኡራይ ኦንን ባረ አሳ ግድፕ ቦሄቶ” ያጌዳ።

**እጻናባ**

34 ሄዋፕ ጉዮ መጵና ጎዳይ ሙሳ ሀዎዳን ያጌዳ፤ “ሳዊያ ቅማመቱዎ፣ ሞሳ ጮሻ፣ ጳጵያ ጎለን ደአያ ሸቱዎ፣ ሳዊያ ሸድያን ሳዊያ ጌሻ አጻና አካ፤ ኡንቱንቱ ኡባ ደዱካ እት ልክ ግድ።

35 ሸቱዎዳን ዎላከቱዳ እጻና ኦላደ፣ ኡንቱንቱን ጎኤታ፤ ዎላካይ ባይናዋን ጌሻ ግዳናዳን፣ አን ማጽንያ የጋ።

36 አፕ አማራዳዎ አካደ ሊቅሳደ ጫዳ፤ ያታደ ታን ኔናና ጋከትያ ጸሳ ዲንካንያ ግደን ቃላ ጫቁዎ ታቦታ ሰንላን ዎላ፣ አ ነዉ ሎይል ጌሻ ግዳናዎ።

37 ሀዎ መጳዳዎ ልክያን ሀራ እጻና መጶፕ። ሄዌ መጵና ጎዳዉ ዲማ ጌሻ ግድያዎ ኤርተ።  
38 ሀዎ ማላትያዎ መጳደ፣ አ ሳዉዎ ሰንጊደ ናሸታናዉ ኮይያ ኡራይ ደአፕ፣ አ ባረ አሳ ግድፕ ቦሄቶ” ያጌዳ።

# 31

## ባጸልኤላን ኦሆልኣባ (35:30—36:1)

- 1 መድኛ ጎዳይ ሙሳ ሀዋዳን ያጌዳ፤
- 2 “በእኔ ታን ይሁዳ ዛረ ግዴዳ ሁራ ናኣ ናኣ፡ ኡራ ናኣ፡ ባጸልኤላ ደራድ።
- 3 እ ታን ጸሳ እያናጎ፡ ሂላን፡ እከካንን ኦሱዋ ኡባ ኦልያ ኤራን ኩንላድ፤
- 4 ሃዌካ ሂላን ኪታ ሀልቸዋ ከሲድ፡ ዋርቃ፡ ብራፕን ናሃሰያ፡ ዲማ ዲማባ እ ኦሳናሳ።
- 5 ሃዋዳንካ፡ ቮቻ ማሲደ ገገሳናዳን፡ ሞላ ማሳናዉ ሀራ ኦሱዋ ኡባ እ ኦሳናሳ።
- 6 “ሃዋ ቦላካ ቃይ እ ማዳና ማላ፡ ዳና ዛረ ግዴዳ እህሳማካ ናኣ ኦሆልኣባ ሱንላድ። ታን ኔና እዛዜዳዋ ኡባ ኡንቱንቱ ኦሳና ማላ፡ ኩሽያ ሂላ ኤርያዋንቶ ኡባቶ ኤራ እማድ።
- 7 ኡንቱንቱ ኦሳናዉ፡ ጸሳ ዲንካንያ፡ ቃላ ጫቁዋ ታቦታ፡ እ ቦላ ዋልያ እቶ ግያ ሳኣ ቁምእያ፡ ጸሳ ዲንካንያ ግደን ጎኤትያ ሚሻ ኡባ፡
- 8 ጸርጴዛን እ ሚሻቱዋ፡ ጸምፕያ ዋልያ ባላ ዋላካይ ባይና ዋርቃ፡ ኦሱቲዳዋን እ ሚሻ ኡባና፡ እጻና ጨውሰያ ሚሻ፡
- 9 ጸ-ግያ ያርሹዋ ያርሽያ ሳኣን እ ሚሻ ኡባና፡ ሜጨትያ ከርያን እ ዋልያዋና፡
- 10 ዳደቲዳ ማዩዋ፡ ቁሳቱዋ ኡባቱዋ ካቸ እርን ማያና ጌሻ ቁሳተላ ማዮቱዋን እ እቲማ ናናይ ቁሳተላ ኦሲደ ማያና ማዩዋ፡
- 11 ቃይ ኦከትያ ዛይትያን ጌሻ ሳኣዉ ሳዉዋ ቶሽኩ ግያ እጻና፡ ኡንቱንቱ ሀዋ ኡባ ታን ኔና እዛዜዳዋን ኦሳና” ያጌዳ።

### ሳምባታ

- 12 ሃዋ፡ ጉይያን መድኛ ጎዳይ ሙሳ ሀዋዳን ያጌደ እዛዜዳ፤
- 13 “እስራኤልያ እሳ ኔን፡ ታ ሳምባታ ቦንቸተ። ሃዌ ታን መድኛ ጎዳይ ህንተንታ ታዉ ጌሻ ኦላደ ደራዳዋ በሰያዋ ግዲደ፡ ያና የለታ ኡባዉ ታፕን ህንተ፡ ግዲዋን ማለታ ግዳናዋ።
- 14 ህንተንቶ እ ጌሻ ግድያ ድራዉ፡ ሳምባታ ቦንቸተ። እ ቱንሰያዌን ሄ ታላሳን ኦልያ እሳይ ኡባይ እሳ ግደ፡ ሀይቁዋን ቦሃቶ።
- 15 ኡሱቸን ታላሳቱዋን ኔን ኡሱዋ ኦላ፤ ሸን ላቸንላ ታላሳይ መድኛ ጎዳዉ ዲማቲዳ ሸምፖ ሳምባታ፤ ሳምባታ ታላሳን እይ ኦሱን ኦልያ ኦንን ሀይቆ።
- 16 እስራኤላቱ ሀ ሳምባታ ታላሳ የለታ፡ የለታዉ መድኛ ቃላ ጫቁዋ ኦሲደ ቦንቸና።
- 17 መድኛ ጎዳይ ኡሱቸን ታላሳቱዋን ሳሉዋን ሳኣ መዴዳ ድራዉን ቃይ ላቸንላ ታላሳን ታን ከታ አገደ ሸምፔዳ ድራዉ፡ ታ ግዲዋን እስራኤላቱ ግዲዋን ሀዌ መድኛዉ ማለታ ግዳና ያፓ” ያጌዳ።
- 18 መድኛ ጎዳይ ሙሴዉ ሲና ደርያ ቦላን ሃሳይያዋ ዉርሴዳ ዋደ፡ ጸሳይ ባረ ብራድያን ጸፊዳ ታሙ እዛዙዋ ኦይቂደ ላኤ ማሰቲዳ ቃላ ጫቁዋ ቮቻቱዋ ሙሴዉ እሚዳ።

# 32

## ዋርቃ፡ መጠቅሳ ማራ (ዛረ. 9:6-29)

- 1 እሳይ መሴ ደርያ፡ ዋርቃን ሎይላ ጋምኤዳዋ በኤዳ ዋደ፡ እርና የሹዋን ሸቂደ፡ “ሃያ፤ ኔን ኦና ካለልያ ጸሳቱዋ ኦዉ መቆ። ግብጾ ጋድያ፡ ኦና ከሴዳ ሙሳ ግደ፡ እ ዋኔደንቶን ኦን ኤርኩ!” ያጌድና።
- 2 እርን ኡንቱንታ፡ “ህንተንቱ ማቻቱዋ ሀይላንን ህንተንቱ እቲማ ናናን ማጫ ናናቱዋ ሀይላን ደእያ ዋርቃ ከሲደ፡ ታዉ እኪደ እህተ” ያጌዳ።
- 3 ሃዋ፡ ጉይያን እሳይ ኡባይ ባረ ሀይላ ዋርቃ ከሲደ፡ እርናዉ እሂድና።
- 4 እ ሃዋ ኡንቱንቱ ኩሽያ፡ ከኪደ፡ ሲልሴዳዋ፡ ጉይያን ቆጵያባን ቆጵደ፡ ማራ ማላትያ ኤቃ ኦሲደ መዴዳ።
- 5 እሳይ፡ “እስራኤላቶ፡ ህንተንታ ግብጾ ጋድያ፡ ከሴዳ ህንተንቱ ጸሳቱ ሀዋንታ” ያጌዳ።
- 6 እርን ሀዋ በኤዳ ዋደ፡ ሄ ማራ ስንላን ያርሽያ ሳኣ ግምቢደ፡ “ሞንታ መድኛ ጎዳ ባላ ታላሳ ግዳናዋ” ያጌደ ኤርሴዳ።
- 6 ሃዋ ድራዉ፡ ዋንተላ ታላሰ እሳይ ጉራን ደንዲደ፡ ጸ-ግያ ያርሹዋ ሸሼዳ፤ እትተላ ያርሹዋካ ያርሹዳ። ያቲደ እሳይ ማናዉን ኡሻናዉ ኡቲዳ። ሞ ኡሽ ሰሚደ፡ ቃይ ዲራናዉ ደንዴዳ።

7 ያንና መጅና ጎዳይ ሙሳ፣ “ኔን ኤላካ ዲገ ዋቋ፤ እያው ጎጥ፣ ነ ሐሳይ፣ ኔን ግብጾፕ ከሳደ አሄዳዌ ናጋራ ኦሊደ፣ ባረገቴ ሁጸጸያ ቱንሲድና።

8 ታን ኤንቱንታ አዛዜዳ ኦግፕፕ ኤንቱንቱ ኤላካ ሸርእ ጌድና። ዋርቃ ሲልሴዳ ማራ ማላትሲደ፣ ባረገቶ ኤቃ መጂደ አው ጎይኔድና፤ አው ያርሺድና። ኤንቱንቱ፣ ኦሰራኤላቶ፣ ህንተንታ ግብጾ ጋድያፕ ከሴዳ ህንተንቱ ጸሳቱ ሀዋንታ” ያጌድና።

9 መጅና ጎዳይ ሙሳ፣ “ታን ሀ አሳ በእድ፤ ኤንቱንቱ ሞርጊ ቆሌፋቴዳ አሳ።

10 ሀእ ታ ሀንቁ ኤንቱንቱ ቦላ ኤጵ ከሰና፣ ታን ኤንቱንታ ባይዛናዋ ኔን ታና ድጎፕ። ያታደ ታን ኔና ዋልቃማ ካውተላ ኦሳና። ያጌድና።

11 ሸን ሙሴ መጅና ጎዳ ባረ ጸሳ ሀዋዳን ያጌደ ዋሴዳ፤ “አቤት መጅና ጎዳው ኔን ነ ዋልቃማ ዋልቃንን ነ ምኖ ኩሸያን ግብጾፕ ከሳደ አሄዳ ነ አሳ ቦላ ነ ሀንቁ እያው ኤጵ ከሰ?

12 ግብጾቱ፣ ጸሳይ ኤንቱንታ ደረቱዋ ሰላን ዋቋናውን ጋድያፕ ፕት ቆይሳናው፣ ኢታ ሀልቸዋን ከሴዳ፣ እያው ግና? ነ ያሸያ ሀንቁዋፕ ሰማ፤ ነ አሳ ቆይሳናው ቆፖዋ አጋ ባሻ።

13 ነ አይላቱዋ አብራሃማ፣ ይሳቃን ያቆባ ሀሳያ፤ ኔን ኤንቱንቶ፣ ታን ህንተንቱ ዛርያ ሳሉዋ ጸልንተቱዋዳን ዳርሳና፤ ሀ ታን ህንተንቶ እማና ጌዳ ጋድያ ኡባካ ህንተንቱ ዛርያው እማና፤ ኤንቱንቱ ሄ ጋድያ መጅናው ላታና፣ ጋይ ነ ሁጸያን ኔን ጫቄዳ ቃላ ሀሳያ” ያጌድና።

14 ሄዋ ድራው፣ መጅና ጎዳይ ባረ አሳ ቦላ ኢታባ አሀናው ኦዴዳዋ አገደ፣ ኤንቱንታ ማራዳ።

15 ሄዋፕ ጉይያን ሙሴ ታሙ አዛዛቱ ኤንቱንቱን ጸፈት ኦቲዳ ላኤ ማርካተላ ሹቻቱዋ ባረ ኩሸያን ኦይቂደ፣ ደርያፕ ዱገ ዋቋዳ። ሄ ሹቻቱ ላኤ ባጋናካ ጸፈቲድና።

16 ሄ ማሰቲዳ ሹቻቱዋ ግግሴዳዌ ጸሳ፤ ሹቻ ቦላ ዋጪደ ጸፈዳዌካ ጸሳ።

17 ኢያሱ አሳ ጫቡዋ ሰሴዳ ዋደ፣ ሙሳ ሀዋዳን ያጌዳ፤ “ዲንካኔዳ ሳካን ኦላ ዋሱ ሰሰቱ” ያጌዳ።

18 ሙሴ ዛሪደ፣ “ታን ሰሰያዌ ሀዌ የላፕ አትና፣ ጸኔዳዋንቱ ኮሻ ዋይ ጸነቲዳዋንቱ ኮሻ ግድና” ያጌዳ።

19 ሙሴ ዲንካኔዳ ሳካ ማቴዳ ዋደ፣ ማራን ዱራዋ በኢደ ሎይሳ ሀንቀቲደ ባረ ኩሸያን ኦይቆ ማርካተላ ሹቻቱዋ ደርያ ጸጴዋን ኦሊደ መንግራፊዳ።

20 ኤንቱንቱ መጂዳ ማራካ እኪደ፣ ታማን ጸጌዳ፤ ሄዋፕ ጉይያን ሊቃና ጋካናው ጋጠደ ሃላ ቦላ ላሊደ፣ አሰራኤልያ አሳይ ኤሻናዳን ኦሊደ።

21 ሄዋፕ ጉይያን፣ ሙሴ አርና፣ “ሀ አሳይ ኔና ዋትኔ ኔን ኤንቱንታ ሀዋ ማላ ዋልቃማ ናጋራው ካሊልዳዌ?” ያጌዳ።

22 አርካካ ዛሪደ፣ “ታ ጎዳው፣ ሀንቀቶፕ፤ ሀ አሳይ ኢታ ኦሳናው እይ ኬሻ ኮይንቶ ኔን ኤራሳ።

23 ኤንቱንቱ ታና፣ ኦኑ ካለሰያ ጸሳቱዋ ኦው መቆ። እያው ጎጥ፣ ሀ ኦና ግብጾፕ አሄዳ ሙሴ አ ዋኔደንቶን ኦን ኤርኮ!” ያጌድና።

24 ታን ኤንቱንታ፣ ህንተ ቦላ ደእያ ዋርቃ ከሲደ፣ ሀዋተ፣ ያጋድ። ሄዋፕ ጉይያን ኤንቱንቱ ታው አሜዳ ዋርቃ ታን ታማን የግና፣ ሀ ማራይ ከሴዳ” ያጌዳ።

25 አርካካ አሳ ገደ ጮ የድ አግና፣ አሳይ ባረ ሞርከቱዋ ሰንሳን ካውሺደ ካግቲዳዋ ሙሴ በኤዳ።

26 ሄዋ ድራው፣ ሙሴ ዲንካኔዳ ሳካ ገልያ ፕንግያን ኤቂደ ሀዋዳን ያጌዳ፤ “መጅና ጎዳ ባጋ ግዴዳ አሳይ ኦንን ታኮ የ!” ያጌዳ። ሊዋቱ ኡባይ አኮ ሸቂድና።

27 ሄዋፕ ጉይያን አ ኤንቱንታ፣ “መጅና ጎዳይ አሰራኤልያ ጸሳይ ሀዋዳን ያጌ፤ ኦሳይ ኡባይ ማሻ ባረ ጸሳን ጸሳን ዳንጮ፤ ዲንካኔዳ ሳካን ጋጾፕ ጋጾ ጋካናው፣ ጉየውን ሰንሳውን ሰመረቶ፤ እቱ እቱ ባረ አሻ፣ ባረ ላግያን ባረ ሾረዋ ዋቋ ያጌ” ያጌዳ።

28 ሊዋቱ ሙሴ አዛዜዳዋዳን ኦሊድና፤ ሄ ጋላሰ አሳፕ ሄዙ ሻካ ከሻይ ሀይቄዳ።

29 ሄዋፕ ጉይያን ሙሴ ሊዋቱዋ፣ “ሀቼ ህንተንቱ ጸሳው ዲማቴድታ፤ እያው ጎጥ፣ ህንተንቱ ህንተንቱ ናና፤ ህንተንቱ አሻቱዋ ዋቋናውካ አዛዘቲድታ፤ ሀቼ መጅና ጎዳይ ህንተንታ ኤንጃና” ያጌዳ።

**ሙሴ አሰራኤልያ አሳው ዋሴዳ**

30 ዋንትሳ ጋላሰ ሙሴ አሳ፣ “ህንተንቱ ዋልቃማ ናጋራ ኦሊድታ፤ ሸን ሀእ ታን መጅና ጎዳኮ ፑደ ደርያ ከሳና፤ ህንተንቱ ናጋራ ታን አቶ ገሳንታንቶን” ያጌዳ።

31 ያትና ሙሴ መጅና ጎዳኮ ሰዎ በደ ሀዋዳን ያጌዳ፤ “ሀ አሳይ ዋልቃማ ናጋራ ኦሊድ፤ ኤንቱንቱ ባረገቶ ዋርቃፕ ጸሳቱዋ መጂድና።

32 ሸን ሀያና፣ ሀእ ኤንቱንቱ ናጋራ አቶ ያጋ፤ ሄዌ ቆየፕ፣ ኔን ጸፊዳ ማዘጎብያፕ ታና ቁጫ” ያጌዳ።

- 33 መድኛ ጎዳይ ዛሬው ሙሳ፣ “ታን ታ ማዘጋገጥ ቁጫናዌ ታ ቦላ ናጋራ ኦሌዳ አሳቱዋ ሱንላ።
- 34 ሀሊ ባደ፣ ሀ አሳ ታን ነዉ አዳዳ ሳእ ካለላ፤ ታ ከታንቻይካ ኔና ካለላና፤ ሽን ታን ሙራናዉ ዋዲ ጋክና፣ ኡንቱንታ ኡንቱንቱ ናጋራ ድራዉ ሙራና” ያጌዱ።
- 35 እርን ዋርቃጥ ማራ ሞሰልያ መዳናዳን አሳይ ኦሌዳ ድራዉ፣ መድኛ ጎዳይ አሳ ቦላ ዋልቃማ ቦሻ የዳዱ።

### 33

- 1 ሄዋጥ ጉይያን መድኛ ጎዳይ ሙሳ ሀዋዳን ያጌዱ፤ “ኔንነ ኔን ግብጾጥ ከሴዳ አሳይ ሀ ሳእጥ ደንድተ፤ ታን ሀንተንቱ ያራቶ አማና” ያጋደ ዋሌዳ ጋድያ ቢተ። ሄ ጋዲ ታን አብራሃመዉ፣ ይሳቃዉን ያቆባዉ እማና ያጋደ ጫቃ ዋሌዳ ጋድያ።
- 2 ታን ሀንተንቱ ስንላን ከታንቻ ከታደ፣ ካናነቱዋ፣ አሞረቱዋ፣ ሂተቱዋ፣ ፓርዘቱዋ፣ ሂዌቱዋን ያቡሳቱዋ የደርሳና።
- 3 ማላይን ኤሳይ ጎግያ ሄ ጋድያ ቢተ። ሽን ሀንተንቱ ሞርጊ ጭሌፋቶ አሳ ግዳዳ ድራዉ፣ ታን ሀንተንታ ኦግያን ጳይሳናዉ፣ ሀንተናና ቢከ” ያጌዱ።
- 4 አሳይ ሄ ያሽያ ኦዲዋ ሰሲደ ሎይል ዩኬዳ። ሄ ዋድያጥ ዶሚደ ኡባይካ ባረ አሌቁዋ አለያዋ አግ ባሹዳ።
- 5 እያዉ ጎጥ፣ መድኛ ጎዳይ ሙሳ ሀዋዳን ያግ ዋሌዳ፤ “አሰራኤልያ ሀዋዳን ያጋ፤ ህንተ ሞርጊ ጭሌፋቶ አሳ። ታን ሀንተናና ሀራይ አቶ ጉላ ዋድያ ብንቶካ፣ ታን ሀንተንታ ጳይሳና። ሀሊ ሰሞ ሀንተንቱ አሌቁዋ ከሰ ድግተ፤ ያቶጥ ታን ሀንተንታ ኦላናባ ቃቻና” ያጋ” ያጌዱ።
- 6 አሰራኤላቱ ሲና ደርያጥ ዶሚደ ባረንቱ አሌቆቱዋ ከሰ ዋሌድና።

#### ጋክትያ ዲንካንያ

- 7 ሙሴ ዲንካንያ እክ አዕደ፣ አሳይ ዲንካኖ ሳእጥ ካረና ሃሲደ ቆጌዳ። ሄ ዲንካኒ፣ “ጋክትያ ዲንካንያ” ጌተቲደ ጸሰቲዳ። መድኛ ጎዳ ኦቻናዉ ኮይያ ኡባይ ዲንካኖ ሳእጥ ካረና ደእያ ጋክትያ ዲንካንያ ቤ።
- 8 ሙሴ ሄ ዲንካንያ ቤዳ ዋደ፣ አዉደነ አሳይ ኡባይ ደንዲደ፣ ባረ ዲንካንያ ጥንግያን ጥንግያን ኤቄ፤ ሙሴ ሄ ዲንካንያ ገላና ጋካናዉ አ ጸሌ።
- 9 ሙሴ ጋክትያ ዲንካንያ ግደ ገሌዳ ዋደ፣ ሻርያ ቱሳይ ደገ ዋዴ፤ መድኛ ጎዳይ ሙሴና ሻርያጥ ሃሳይሸን፣ ሄ ዲንካንያ ጥንግያን ጋምኤ።
- 10 ሻርያ ቱሳ ሄ ዲንካንያ ገልያ ጥንግያን በኤዳ ዋደ ኡባን፣ አሳይ ኡባይ ባረ ዲንካንያ ጥንግያን ጥንግያን ጸሳዉ ጎይኔ።
- 11 አሳይ ባረ ሳግያና ሃሳይያዋዳን መድኛ ጎዳይ ሙሴና ስንላን ኤቄደ፣ ሃሳይ። ሄዋጥ ጉይያን ሙሴ አሳይ ዲንካኔዳ ሳእ ጉየ ሰሜ፤ ሽን አ ማድያ ያላጋይ፣ ነዌ ናኦ ኢያሱ፣ ጋክትያ ዲንካንያጥ ሻከተና።

#### ሙሳን መድኛ ጎዳ ቦንቸዋ

- 12 ሙሴ መድኛ ጎዳ ሀዋዳን ያጌዱ፤ “ኔን ታና፣ ህ አሳ ካለላ” ያጋዳ፤ ሽን ታናና ኔን ኦና ከታንቶ፣ ታና ኤርሳቤይካ። ኔን፣ ታን ኔና ሱንላን ኤራይ፤ ቃይካ ኔን ታናን ናሽታዳ” ያጋዳ።
- 13 ኔን ታና ናሽዳዋ ግደጥ፣ ታን ኔና ኤራና ማለ፤ ስንላዉካ ኔና ናሽታዳ ደእና ማላ፣ ነ ኦግያ ታና ቦሳ፣ ሀ አሳይ ነ አሳ ግድያዋ ሀሳያ” ያጌዱ።
- 14 መድኛ ጎዳይ ዛሬደ፣ “ታን ኔናና ባና፤ ታን ኔና ሸሞጥሳና” ያጌዱ።
- 15 ያትና ሙሴ እ፣ “ኔን ኦናና ቤናዋ ግደጥ፣ ሀዋጥ ኦና የደጋ።
- 16 ኔን ኦናና ቤናን ጳዮጥ፣ ታናን ነ አሳን ኔን ናሽታዳዋ አሳይ ኡባይ ዋት ኤራናዌ? ቢታ ኡባን ደእያ ሀራ አሳ ኡባጥ ታናን ነ አሳ ዴማይያዌ ሀራባይ አዩ?” ያጌዱ።
- 17 መድኛ ጎዳይ ሙሳ፣ “ታን ኔናን ናሽታዳ ድራዉን ኔና ነ ሱንላን ኤርያ ድራዉ፣ ኔን ታና ኦቻዳ ሀ የወዋ ታን ኦላና” ያጌዱ።
- 18 ያትና ሙሴ፣ “ነ ቦንቸዋ ታና ቦሳርኪ?” ያጌዱ።
- 19 መድኛ ጎዳይ፣ “ታን ታ ሎኦተላ ኡባ ነ ስንላና አላና፤ ታ ጌሻ ሱንላካ ነ ስንላን አዋያና። ታን መድኛ ጎዳ፤ ታን ሎእናዉ ኮይያዋንቶ ሎእና፤ ቃይ ቃረታናዉ ኮይያዋንቶካ ቃረታና።
- 20 ሽን ኔን ታ ዳሙር በእካ፤ እያዉ ጎጥ፣ ኦንነ ታና በኢደ ሸሞጥና ደኢና” ያጌዱ።
- 21 ሄዋጥ ጉይያን መድኛ ጎዳይ፣ “ኔን ዛላ ቦላ ኤቃናዉ ሀዋን ታ ማጋን ሳእይ ደኤ።
- 22 ታ ቦንቸ እድያ ዋደ፣ ታን ኔና ጸልቀቲዳ ዛላ ግደን ዋላና፤ ታን አቆና ጋካናዉ፣ ታ ኩሽያን ኔና ካማና።
- 23 ሄዋጥ ጉይያን ታን ታ ኩሽያ ድግና፣ ኔን ታ ዘኪያ በእናሳ፤ ሽን ታ ሶምእ በኤተና” ያጌዱ።

# 34

## ለእንሱዋ መጠቅላ ማሰቴዳ ሹቻቱዋ (ዘረ. 10:1-5)

- 1 መድና ጎዳይ ሙሴ ሀዋዳን ያጌዳ፤ “ኮይሮዋንታ ማላትያ ላኡ ሹቻቱዋ ማሳደ ገግሳ፤ ያቶጥ ታን ሄ ማሰቴዳ ሹቻቱዋ ቦላ ካሰ ኔን መንጩዳ ሹቻቱዋ ቦላን ደእያ ቃላቱዋ ጸፋና።
- 2 ዋንታ ዋንታ ፑደ ሲና ደርያ ከሳናዉ ጊጋ፤ ያታደ ታና ያን ደርያ ሁጲያን ኤቃ ናጋ።
- 3 ኔናና ኦን ከሶፖ፤ ዋይ ደርያ ቦላ ሀቃንካ ቤቶፖ፤ ሀራይ እቶ ደርሳ ዉዳ ዋይ መሀያ ዉዲካ ደርያ ሰንላን ሄመቶፖ” ያጌዳ።
- 4 ሄዋ ድራዉ፤ ሙሴ ኮይሮ ሹቻቱዋ ማላትያ ላኡ ሹቻቱዋ ማሰደ መድና ጎዳይ አዘዜዳዋዳን፤ ሹቻቱዋ ባረ ኩሽያን ኦይቂደ፤ ዋንታ ጉራና ፑደ ሲና ደርያ ከሴዳ።
- 5 መድና ጎዳይ ሻርያን ዲገ ዋጲደ፤ እናና ያን ኤቁዳ፤ “ታን መድና ጎዳ” ያጌደ ባረ ሱንላ አዋዬዳ።
- 6 መድና ጎዳይ ሙሴ ሰንላና ሀዋዳን ያጌደ አዋዬደ አጴዳ፤ “ታን መድና ጎዳ፤ ታን መድና ጎዳ፤ ቃረታይን ማርተሳይ ኩሜዳ ጸሳ፤ ዳንዳያንቻ፤ እገና ሲቁ ዳራዳዋን ዳራ አማነትያዋ።
- 7 ታን ታ አገና ሲቁ ሻእቶ ናግያዋ፤ ኢታተላ፤ ማካላን ናጋራ እቶ ያግያዋ። ግደፕካ፤ ባይዘዋ መራራን እገናዋ፤ አዋቱዋ ናጋራ ድራዉ ናናን ናናቱዋ ናና፤ ሄዘንላ የለታን ኦይደንላ የለታ ጋካናዉ መርያዋ” ያጌደ አዋዬዳ።
- 8 ሄዋጥ ጉየ ሙሴ ኤላካ ቢታን ጉፋኒደ ጎይኔዳ፤
- 9 “አቢት ጎዳዉ፤ ኔን ታናን ናሽቴዳዋ ግደፕ፤ ኮናና እትጥ ደንዳ። ሀዋ አሳይ ሞርጊ ጭሌፋቱዳዋ ግደፕ፤ ኮ ኢታተላን ኮ ናጋራ እቶ ያጋደ፤ ኮና ነ አሳ ኦላ” ያጌዳ።

## ቃላ ጫቁ ኦራዴዳ (ከሳ 23:14-19፤ ዘረ. 7:1-5፤ 16:1-17)

- 10 ያትና መድና ጎዳይ ሀዋዳን ያጌዳ፤ “ታን ሀንተናና ቃላ ጫቁዋ ገላድ፤ ሀዋጥ ካሰ ሳኦ ኡባን ደእያ ካዉተላ ኡባን ሀን ኤሪና ማላልሰያባ ነ አሳ ኡባ ሰንላን ኦላና፤ ታን መድና ጎዳይ፤ ሀንተንቶ ኦላያ ከታይ አይ ኬሻ ማላልሰያባንቶ ኔን ኤንቱንቱ ግደን ደእያ አሳይ ኡባይ በአና።
- 11 ሀቼ ታን ሀንተንታ አዘዘዋ አዘዘዋ ናግተ፤ ሀንተንቱ ሰንላጥ አዋርቲዋ፤ ካናንቱዋ፤ ሂተቱዋ፤ ጋርዘቱዋ፤ ሄዋቱዋን ያቡሳቱዋ ታን የደርሳና።
- 12 ኤንቱንቱ ሀንተንቶ ጸረ ግደና ማላ፤ ሀንተንቱ ብያ ጋድያን ደእያ አሳና ቃላ ጫቁዋ ገሎፕተ።
- 13 ኤንቱንቱ ያርሽያ ሳኦ ኮላተ፤ ኤንቱንቱ ጎይንያ ሹቻቱዋካ መንጠሬላተ፤ ቃይ አሽር ጌተትያ ኤንቱንቱ ማጫ ጸሳት ካሻ ቃንጸራላ ኦላተ።
- 14 ታን መድና ጎዳይ ቃናትያ ጸሳ ግድያ ድራዉ፤ ታጥ ሀራ ጸሳቶ ጎይኖፕተ።
- 15 “ሄ ጋድያን ደእያ አሳቱዋና አያ ቃላ ጫቁዋካ ገሎፕተ፤ አያዉ ጎፕ፤ ኤንቱንቱ ታናን አማነተናን እጲደ ባረንቱ ጸሳቱዋ ካልያ ዋደን ኤንቱንቱ ያርሽያ ዋደ፤ ኤንቱንቱ ሀንተናካ ሾባና፤ ሀንተንቱ ኤንቱንቱ ያርሾቱዋ ማና።
- 16 ቃይ ሀንተንቱ ኤንቱንቱ ማጫ ናናቱዋጥ ደራደ፤ ሀንተንቱ አቱማ ናናቶ አማና፤ ሄ ዋደ ሄ ማጫ ናናይ ታናን አማነተናን እጲደ፤ ባረንቱ ጸሳቱዋ ካሊደ፤ ሀንተንቱ አቱማ ናናካ ባረንቱዋዳን ኤሰሳዋንታ።
- 17 “ሀንተንቶ ጎይንያ ጸሳቱዋ አያፕካ ሲልሲደ መጽፕተ።
- 18 “ማጋገ ኡክላ ባላ ቦንቾተ፤ ታን ሀንተንታ አዘዘዳዋዳን፤ ላፑን ጋላሳዉ እርሹ ገለናን ኡከቲዳ ኡክላ ሚተ፤ ሄዋካ ሀንተንቱ ግብጻፕ ከሴዳ አቢባ አግናን ኦላተ።
- 19 “እት ኡሉዋፕ ባይራ የለትያ አቱማ ናኦ ኡባይ ታዋ፤ ሀንተንቱ መሀያ ኡባጥ ቦራ ግድና፤ ዋይ ደርሳ ግድና፤ ባይራይ ታዋ፤
- 20 ኮይሮ የለቲዳ ሀርያ ማራ ደርሳ ማራና ላማደ ዋዛ፤ ዋዛና ቆየፕ፤ አ ቆድያ መንላደ ዋቆ። ነ ናናቱዋጥ ባይራ የለቲዳ አቱማ ናኦ ኡባ ዋዛ።  
“ኦንን አምያዋ ኦይቀናን፤ መላ ኩሽያና ታ ሰንላን ቤቶፖ።
- 21 “ኡሱፑን ጋላሳ ኦላተ፤ ሽን ላፑንላ ጋላሳን ሸሞፕተ፤ ጎሽያ ዋድያን ቃይ ካላ ጫክያ ዋድያን ላፑንላ ጋላሳን ሸሞፕተ።
- 22 “ባይራ ዘረቲዳ ዛርጋ ሀንተንቱ ጫክያ ዋደ፤ ሳሞንታቱዋ ባላ ቦንቾተ፤ ላይላ ዉርሰላ ካላ ሸሽያ ዋደካ፤ ሸሹዋ ባላ ቦንቾተ።

---

34:6 ከሳ 20:5-6፤ ገይ. 14:18፤ ዘረ. 5:9-10፤ 7:9-10    34:13 ዘረ. 16:21    34:17 ከሳ 20:4፤ ዋጋ 19:4፤ ዘረ. 5:8፤ 27:15    34:18 ከሳ 12:14-20፤ ዋጋ 23:6-8፤ ገይ. 28:16-25    34:19 ከሳ 13:2    34:20 ከሳ 13:13  
34:21 ከሳ 20:9-10፤ 23:12፤ 31:15፤ 35:2፤ ዋጋ 23:3፤ ዘረ. 5:13-14    34:22 ዋጋ 23:15-21፤ ገይ. 28:26-31

23 ላይላን ሄዙ ገደ እስራኤልያ አቱማ አሳይ ኡባይ ኡባ ሞድያ ጸሳ፣ እስራኤልያ መድና ጎዳ ሰንላን ቤትኖ።

24 ካወተላቱዋ ታን ህንተንቱ ሰንላጥ የደርሳደ ከሳና፤ ያታደ ህንተንቱ ዛዋ ታን አሳና። መድና ጎዳ ህንተንቱ ጸሳ ሰንላን ህንተንቱ ላይላን ሄዙ ገደ ቤታናዉ ዩደ ከሰያ ዋደ፣ እንነ ህንተንቱ ጋድያ አሞተና።

25 “ህንተንቱ ታዉ ሱላ ያርሹዋ ያርሸያ ዋደ፣ እርሹዋ የገደ ኡኩዳ ኡክላና ያርሹፕተ። ፓሰጋ ቦንቾያ ጋላሳዉ ያርሹዳ ያርሹዋፕ ሞንትዉ እያይነ አቶፖ።

26 “ህንተንቱ ጋደን ባይራ ካኤዳ ካላፕ ኮይሮ ሙሩታ መድና ጎዳ ህንተንቱ ጸሳ ጎልያ አህተ።

“ዴሻ ማራ እ እት ማላን ደይሶፕተ” ያጌዳ።

27 መድና ጎዳይ ሙሳ፣ “ታን ኔናነ እስራኤልያ አሳና ቃላ ጫቁዋ ገልያዌ ሀ ቃላቱ ግያ ማራና ግደያ ድራዉ፣ ሀ ቃላቱዋ ጸፋ” ያጌዳ።

28 ሙሴ ቁማ ማናንነ ሃላ ኡሸናን፣ ኦይታሙ ጋላሳነ ኦይታሙ ቃማ መድና ጎዳና ያን ጋምኤዳ፤ ቃላ ጫቁዋ ቃላቱዋ፣ ታሙ አዛዙዋ ማሰቴዳ ሹቻን ጸፈዳ።

**ሙሴ ሶምኢ ፖኤዳ**

29 ሙሴ ጸሳና ሃሳዪደ ጋምኤዳ ድራዉ፣ ሄ ላኤ ማርካተላ ሹቻቱዋ እ ባረ ኩሸያን ኦይቂደ ሲና ደርያፕ ዱገ ዋዴዳ ዋደ፣ እ ሶምኢ ፖኤዳ፤ ሽን እ ሄዋ ኤርቤና።

30 እርነ እስራኤልያ አሳይ ኡባይ ሙሳ ጸሊደ፣ እ ሶምኢ ጸልያዋ በኤድኖ፤ ኡንቱንቱ እኮ ሸቃናዉ ያዬድኖ።

31 ሽን ሙሴ ኡንቱንታ ጸሰና እርነ ሸቁዋ ካለልያ ካፓቱ ኡባይ እኮ ሰሜድኖ፤ እ ኡንቱንታ ሃሳይሴዳ።

32 ሄዋፕ ጉይያን እስራኤልያ አሳይ ኡባይ እኮ ሸቅና መድና ጎዳይ አዉ ሲና ደርያን እሜዳ አዛዙዋ ኡባ እ ኡንቱንቶ እሜዳ።

33 ሙሴ ኡንቱንቶ ኦይያዋ ዉርሴዳ ዋደ፣ ባረ ዴሙዋ ናጸላን ካሜዳ።

34 ሽን ሙሴ መድና ጎዳ ሰንላ አናና ሃሳያናዉ ገልያ ዋደ አዉደነ ከሳና ጋካናዉ፣ ናጸላ ባረ ሶምኤዋፕ ቃር ድጌ። ሄዋፕ ከሲደ፣ መድና ጎዳይ አዛዙዳዋ እስራኤልያ አሳዉ ኦዴ።

35 ኦድያ ዋደ፣ ኡንቱንቱ እ ሶምኢ ጸልያዋ በኤድኖ። ሄዋ ድራዉ፣ ሙሴ መድና ጎዳና ሃሳያናዉ ባና ጋካናዉ፣ ባረ ዴሙዋ ዛረሊደካ ናጸላን ካሜ።

**35**

**ሳምባታ ቦንቾያ ዋጋ**

1 ሙሴ እስራኤልያ አሳ ሸቁዋ ኡባ ሸሺደ ሀዋዳን ያጌዳ፤ “ህንተንቱ ኦላና ማላ፣ መድና ጎዳይ አዛዙዳዌ ሀዋ።

2 ሳምባታ ግደን ኡሱፑን ጋላሳ ከታ ከተትተ፤ ሽን ላፑንላ ጋላሳይ ህንተንቶ ጌሻ ጋላሳ፤ መድና ጎዳዉካ ሸምፖ ሳምባታ። ሄ ጋላሳን እይ ኦሶነ ኦልያ ኡራይ እንነ ሀይቃናዉ በሴ።

3 ሳምባታ ጋላሳን ህንተንቱ ሶን ሶን ታማ ኤልፕተ” ያጌዳ።

**ጸሳ ዲንካንያ ኦሶ ሸሸያ ሚሻ (25:1-9)**

4 ሙሴ እስራኤልያ ማባራዉ ሙልያዉ ሀዋዳን ያጌዳ፤ “መድና ጎዳይ ሀዋዳን ያጌደ አዛዙዳ።

5 ህንተንቶ ደእያዋፕ መድና ጎዳዉ እምያዋ አህተ፤ መድና ጎዳዉ እምያዋ አህናዉ ኮይያ ኦንነ ዋርቃ፣ ብራ፣ ናሃሰያ።

6 ሳሉዋ ማላትያ ቃጭና፣ ኦቻ ቴራ ማላትያ ቃጭና፣ ሾሎላ ዞኦ ቃጭናነ ሊቆ ሱፍያ፣ ዴሻ ጋልባ።

7 ደርሳ ኮልያ ጋልባ ዞኦ ቃላምያን የግ ከሴዳዋ፣ ቁምእያ፣ ኦደሩዋ፣

8 ጸምፕያዉ ዋጋራ ዛይትያ፣ ኦክትያ ዛይትያነ እጸና ሳዌልያ ቅማምያ፤

9 ኤፋድያንነ ትራን ዋልያዋን የግያ ማርግድያ ጌተትያ ሹቻቱዋነ ሀራ ጸልያ አልኦ ሹቻቱዋ አሆ።

**ጸሳ ዲንካንያ ኦላናዉ እመቲዳ አዛዙዋ (39:32-43)**

10 “ህንተንቱ ግደን ደእያ ኩሸያ ሃላ ኤራንቻ ኡባቱ ዪደ፣ መድና ጎዳይ አዛዙዳ ኡባ ኦልኖ።

- 11 መድና ጎዳ ዲንካንያ፡ እ ካምያ ዲንካንያን እ ካምያም፡ ኦይቂያም፡ ጸጋገቱም፡ ሸካላቱም፡ ቱሳቱምን ኤንቱንቱ ኤቂያ ለኮቱም፡
- 12 ታቦታን እ ቶክያ ካሱም፡ እቶ ግያ ሳኣ ቁምእያምን ታቦታ ገንልያ ጋርዲያ፤
- 13 ጸርጸዛነ እ ቶክያ ካሱም፡ እ ሚሻቱም ኡባነ ጸሳ ሰንላን ዋልያ ገሻ ኡክላ፤
- 14 ጸምፕያ ዋልያ ባላነ እን ማራና ደእያ ጸምፕቱም፡ ሚሻቱም፡ ጸምፕያ ዛይትያ፡
- 15 እጸና ጨቀይያ ሳጽንያን እ ቶክያ ካሱም፡ ኦክትያ ዛይትያን ሳቂያ እጸና፡ ጸሳ ዲንካንያ ፐንግያ ጋርዲያ፤
- 16 ጸግያ ያርሹቀ ያርሸያ ሳኣነ እ ናሃሲያ ዛዘርያ፡ እ ቶክያ ካሱምን እ ሚሻቱም ኡባ፡ ናሃሲያፕ ኦሰቱዳ ሚቻ ከርያን እ ዋልያም፤
- 17 ሰይ ዳባባ ጎዳ ጋርዲያቱም፡ ቱሳቱምን ኤንቱንቱ ገደቱም፡ ዳባባ ሶ ግደ ገልያ ፐንግያ ጋርዲያ፤
- 18 ጸሳ ዲንካንያ ጸግያ ሸካላቱም፡ ዳባባ ግደ ጸገቱም ኤንቱንቱ ዋደርቱም፤
- 19 ገሻ ሳኣን ኦላደ ጎኤታናዉ ዳደቱዳ ማየቱም፡ ቂሲ ኦርነ ማይያ ገሻ ማዩቀ እ ናናይ ቂሰተላ ከታ ኦላደ ማይያ ማዩቀ መድኖ” ያጌዳ።

**አሳይ እሂዳ እምታ**

- 20 ሄዋፕ ጉይያን እሰራኤልያ ማባራይ ኡባይ ሙሴ ሰንላፕ ከሴዳ።
- 21 እማናዉ ኮዬዳዋንቱን ኤንቱንቱ ዋዘናይ ኤንቱንታ እማ እማ ጌዳዋንቱ ኡባይ ዬድና፤ መድና ጎዳ ዲንካንያዉ፡ እ ግደን ኦልያ ኦሱቀ ኡባዉን ገሻ ማየ ኮሽያዋ ኡባ እሂድና።
- 22 እማና ኮዬዳ አቱማዋ ኡባይን ማጫዌ ኡባይ ዬደ፡ ዋርቃፕ መዴዳ አሊቂያዋንታ፡ ሀይላ ጉድቻቱም፡ ምግዳቱም፡ ሀራ ዋርቃ አሊቂያዋንታ እሂደ መድና ጎዳዉ እምታ ኦላደ እሚድና።
- 23 ሳሊቀ ማላትያ ቃጭናይ፡ ኦቻ ቱራ ማላትያ ቃጭናይ፡ ሹሎላ ዘኦ ቃጭናይ፡ ዋይ ሊኦቀ ጌተትያ ሊቆ ቃጭናይ፡ ዋይ ዳሻ አጎዛ፡ ዶርሳ ኦርግያ ጋልባ ዘኦ ቃላምያን የግ ከሴዳዌ፡ ዋይ ማንቻላይ ደእያ አሳይ ኡባይ እሂዳ።
- 24 ብራ ዋይ ናሃሲያ እማናዉ ዳንዳይያ ኡባይ ባረንቱ እሙቀ መድና ጎዳዉ እሚድና፤ ቃይ ኦዶሩ ደእያ አሳይ ኡባይ ዳማ ዳማ ኦሶ ኦዶሩዋ እሂዳ።
- 25 ኩሽያ ሂላ ኤርያ ማጫ አሳይ ኡባይ ባረንቱ ኩሽያን ሱቄዳ ሳሊቀ ማላትያ ቃጭና፡ ኦቻ ቱራ ማላትያ ቃጭና፡ ሹሎላ ዘኦ ቃጭናን ሊቆ ሊኦቀ እሂድና።
- 26 ቃይካ እሙቀ እማናዉ ኮዬዳ ማጫ አሳይ ኡባይ ዳሻ አጎዛ ዳደድና።
- 27 ካፓቱ ኤፋድያንን ትራን ዋልያምን ዋልያ ማርግድያን ሀራ ቦንቹቲዳ ሹቻቱዋ እሂድና።
- 28 ኤንቱንቱ ቃይካ ጸምፕያዉ፡ ሳቂያ እጸናዉን ኦካናዉ ሀንያ ዋጋራ ዛይትያን ቅማምያ እሂድና።
- 29 እሰራኤላቱ አሳይ ኡባይ፡ አቱማዌን ማጫዌ፡ ኤንቱንቱ ኦሳናዲን መድና ጎዳይ ሙሴ ባጋና አዘዘዳ ኦሶ ሀንያ እሙቀ ኡባ ባረንቱ ሸንያን መድና ጎዳዉ እሂድና።

**ጸሳ ዲንካንያ ኦልያ ኩሽያ ሂላንቻቱዋ (31:1-11)**

- 30 ሙሴ እሰራኤልያ አሳ ሀዋዳን ያጌዳ፤ “በእተ፤ መድና ጎዳይ ይሁዳ ዛርያፕ ሀራ ናኣ ናኣ፡ ኡራ ናኣ፡ ባጸልኤላ ደዳደ።
- 31 መድና ጎዳይ እ ጸሳ እያናን፡ ሂላን፡ አኩካንን ኦሱቀ ኡባ ኦልያ ኤራን ኩንሌዳ።
- 32 ሄዌካ ሂላን ከታ ሀልቼዋ ከሲደ፡ ዋርቃፕ፡ ብራፐን ናሃሲያፕ ዳማ ዳማባ እ ኡዳናሳ።
- 33 ሄዋዳንካ፡ አልኦ ሹቻ ማሲደ ገግሳናሳ፤ ምላ ማሳናሳን ኡባ ቆሞ ኦሱቀ ሂላን ኦሳናሳ።
- 34 ሄዋ ቦላካ ቃይ አሰን ዳና ዛርያ አህሳማካ ናኣ አሆልኦባዉ፡ ሀራ አሳ ታማርሲያ ኤራ እሚዳ።
- 35 ኤንቱንቱ ኡባ ቆሞ ኦሱቀ ኦሳናዲን፡ ሂላን ኦልያዋንታ፡ ኦሱቀ ሀልቼዋ ከሰያዋንታ፡ ሳሊቀ ማላትያ ቃጭናን፡ ኦቻ ቱራ ማላትያ ቃጭናን፡ ሹሎላ ዘኦ ቃጭናን ሊኦቀ ቃጭናን አሊቂዋ ዳድያዋንታን ሸማይነቱዋ ግዳናዲን፡ ጸሳይ ኤንቱንቱ ኤራተላን ኩንሌዳ። ኤንቱንቱ ኡባይካ ኡባ ቆሞ ኦሱቀ ሉጲደ ኤርያ ኤራንቻ ግደድና።

**36**

1 “ሄዋ ድራዉ፡ ባጸልኤል፡ አሆልኦብን መድና ጎዳ ዲንካንያ ኬጸና ማላን ኦሶ ግድያ ኤራ መድና ጎዳይ እምና፡ ሉጲደ አሳይ ኡባይ መድና ጎዳይ አዘዘዳዋዲን ኡባባ ኦሳና” ያጌዳ።

**አሳይ እሚዳ እምታ ጮራተላ**

- 2 ሄዋፕ ጉይያን ሙሴ ባሳልኤላ፡ አሆልኦባን መድና ጎዳይ ዳማ ኤራ እሚዳዋንቱ ኦሱቀ ኦሳናዉ ያና ኮይያ ኡባ ጸሲደ ሺሼዳ።
- 3 እሰራኤልያ አሳይ ጸሳ ዲንካንያ ኦሳናዉን ኦሶ ግድያ እምታ ኡባ ሙሴፕ አኩካና። ቃይ አሳይ ባረ ሸንያን ጮ እምያ እምታ ዋንታ ዋንታ ጉጅ ጉጂደ አህያዋ አገባና።
- 4 ያትና ጸሳ ዲንካንያ ኦልያ ኤራይ ኩሚዳ አሳይ ኡባይ ባረንቱ ኦሱቀ አግ ባሺደ።

5 ሙሳ ሀዋዲን ያጌድኖ፤ “አሳይ መድና ጎዳይ አዛዜዳ ኦሶ ኮሽያዋጥ ሎይል ዳርያዋ አሂደ ደእ” ያጌድኖ።

6 ሙሴ ዲንካኔዳ ሳእን ደእያ አሳወ ሀዋዲን ያጌደ አዛዜዳ፤ “ላእንሎ አይ አቱማ አሳይካ አይ ማጫ አሳይካ ጸሳ ዲንካንያ ኦሶ እምያዋ እማናወ አሆፖ” ያግና፤ አሳይ እህያዋ አግ ባሺዳ።

7 አያወ ጎፕ፣ ኡንቱንቱ አሂዳ አዋታይ ኦሱዋ ኡባ ኦሳናወ ግዲደ ፓላሂ።

ጸሳ ዲንካንያ ኦሱዋባ  
(26:1-37)

8 ኦሱዋ ኦሳያዋንቱ ግደጥ ሂላ ዳርያዋንቱ ኡባቱ ሊቆ ሊኦዋፕን ሳሉዋ ማላትያ፣ ኦቻ ቱራ ማላትያን ሾሎላ ዘኦ ቃጭናፕ ዳደቱዳ ታሙ ጋርዲቱዋጥ ጸሳ ዲንካንያ ገግሴድኖ። ሄ ጋርዲቱዋን እት ሂላይ ክሩበቱዋ ምስልያ ዳዴዳ።

9 ጋርዲቱ ኡባይ እት ልከ ግዲደ፣ ጌሳይ ላታማን ሆሰፑን ዋቆ፤ ጎምፓይ ኦይዲ ዋቆ።

10 እቼሹ ጋርዲቱዋ እትጥ ጋሏደ ሰኬድኖ፤ ቃይ የንኮ አቱዳ እቼሹ ጋርዲቱዋካ ኡንቱንቱዋዳን አሌድኖ።

11 እትጥ ጋሏደ ሰኬዳ ጋርዲቱዋጥ እት ጋርዲዋ ወርሰሳ ጋጸን ሳሉዋ ማላትያ ጫርቂያፕ ማጫ ሙጄድኖ። ቃይ እትጥ ጋከት ሰከቱዳ የንኮ ጋርዲዋንካ ሄዋዳን አሌድኖ።

12 ኡንቱንቱ እትጥ ጋከቱዳ እት ጋርዲዋ ቦላ እሻታሙ ማጫራ፣ ቃይ እትጥ ጋከቱዳ የንኮ ጋርዲዋ ቦላካ እሻታሙ ማጫራ ሙጄድኖ። ሄ ማጫራቱ ኡባይካ አቱ እቶ ማራን ደእና።

13 ሄዋጥ ጉይያን፣ ዋርቃፕ እሻታሙ ኦይቂያዋ ሙጄድኖ። ዲንካኒ አቱዋ ግዳና ማላ፣ ሄ ጋርዲቱዋ ጋጸ ጋጸ ሄ ኦይቂያዋንቱን ኦይሌድኖ።

14 ጸሳ ዲንካንያ ቦላና ካምያ ዲንካንያወ ታማን እት ጋርዲቱዋ ዳሻ እጎዛፕ ዳዴድኖ።

15 ታማን እት ጋርዲቱካ እት ልከ፤ እት እት ጋርዲዋ ጌሳይ ሀታሙ ዋቆ፤ ጎምፓይ ኦይዲ ዋቆ።

16 እቼሹ ጋርዲቱዋ እት ባጋና፣ ኡሱፑን ጋርዲቱዋ ቃይ የንኮ ባጋና ጋሏደ ሰኬድኖ።

17 ሄዋጥ ጉይያን ጋሏ ሰኬዳ ጋርዲቱዋጥ እት ጋርዲዋ ጋጸን እሻታሙ ማጫራ ሙጄድኖ። ቃይካ ጋሏ ሰኬዳ የንኮ ጋርዲቱዋጥ ወርሰሳ ጋርዲዋ ጋጸን እሻታሙ ማጫራ ሙጄድኖ።

18 ላኡ ባንጋ ደእያ ጋርዲቱዋ ጋሏደ እት ዲንካኒ ኦሳናወ ናህሰፕ እሻታሙ ኦይቂያዋ ሙጄድኖ።

19 ሄዋጥ ጉይያን ዲንካንያ ካማናወ ደርሳ ኦርግያ ጋልባ ዘኦ ቃላምያን የግ ከሴዳዋ ገግሴድኖ፤ ቃይ አ ቦላና ካማናወ ቁምእያ ገግሴድኖ።

20 ጸሳ ዲንካንያ ጸጋግያዋንታ ሰት ጌዳ ኦደርቱዋጥ ከሴድኖ።

21 እት እት ጸጋግያወ ጌሳይ ታሙ ዋቆ፤ ጎምፓይ እት ዋቆ፤ ባጋ።

22 እት እት ጸጋግያወ አቱዋ አቱዋና ጋሏ ኦይልያ ላኡ ፖላቱዋ ሙጄድኖ። ጸሳ ዲንካንያ ጸጋገቱዋ ኡባካ ሄዋዳን አሌድኖ።

23 ጸሳ ዲንካንያወ ገድሳ ባጋና ላታሙ ጸጋገቱዋ ሙጄድኖ።

24 እት እት ጸጋግያወ ላኡ ገደቱዋ፣ ኡባና ኦይታሙ ፖላይ ገልያ ሉካቱዋ ብራፕ ገግሴድኖ።

25 ጸሳ ዲንካንያወ ሁጲሳ ባጋና ላታሙ ጸጋገቱዋ ሙጄድኖ።

26 እት እት ጸጋግያወ ላኡ ፖላይ ገልያ ሉካቱዋ፣ ኡባና ኦይታሙ ፖላይ ገልያ ሉካቱዋ ብራፕ ገግሴድኖ።

27 ጸሳ ዲንካንያወ ጉየ ጋጸን አዋይ ወልያ ባጋና ኡሱፑን ጸጋገቱዋ ሙጄድኖ።

28 ጸሳ ዲንካንያ ጉየ ጋጸን ደእያ ጋጸቶ ላኡ ጸጋገቱዋ ገግሴድኖ።

29 ሀ ላኡ ጋጸቱዋን ደእያ ጸጋገቱዋ ጸጸዋፕ ጸራ ጋካናወ ዳቡላ ግድ ቢደ፣ ጸራን እት ሳጋይያን ገል ኦይቅቱድኖ። ኡንቱንቱ ላኦቱካ ሄዋዳን ሀኒድኖ።

30 ሄዋ ድራወ፣ እት እት ጸጋግያወ ጋርሳና ላኡ ላኡ ገደቱ ደእና፤ ኡባና ሆሰፑን ጸጋገቱን ብራፕ አሰቱዳ ታማን ኡሱፑን ገደቱ ደእና።

31 ቃይ ኡንቱንቱ ኦደርቱዋጥ ሽካላቱዋ ከሴድኖ፤ ጸሳ ዲንካንያወ እት ባጋ ምይያን ደእያ ጸጋገቶ እቼሹ ሽካላቱዋ።

32 ቃይ የንኮ ባጋ ምይያን ደእያ ጸጋገቶ እቼሹ ሽካላቱዋ ገግሴድኖ። ሄዋዳንካ፣ ጸሳ ዲንካንያወ ጉየ እዋ ወልያ ባጋና ወርሰሳ ጋጸን ደእያ ጸጋገቶ እቼሹ ሽካላቱዋ ሙጄድኖ።

33 ግደ ሽካሊ ጸጋገቶ ግደ ሄራና፣ ሀ ጋጸፕ ያ ጋጸ ጋካናወ ፕን ከሳናዳን አሌድኖ።

34 ጸጋገቱዋ ዋርቃን ሺሺደ፣ ሽካላቱ እድያ ሳጋገቱዋ ዋርቃፕ ሙጄድኖ፤ ቃይ ሽካላቱዋካ ዋርቃን ሺሺድኖ።

35 ሳሉዋ ማላትያ፣ ኦቻ ቱራ ማላትያን፣ ሾሎላ ዘኦ ቃጭናፕን ሊቆ ሊኦዋፕ እት ጋርዲዋ አሌድኖ። ሄ አ ቦላ እት ሂላይ ክሩበቱዋ ምስልያ ሰኬዳ።

36 ጋርዲዋ ኦይዲ ቱሳቱዋ ኦደርቱዋ ገግሴደ፣ ዋርቃን ሺሺድኖ። ያቲደ ዋርቃ ካቂያዋንታ ኡንቱንቶ ገግሴድኖ። ቃይ ቱሳቱዋ ኤሰያ ኦይዲ ገደቱዋ ብራፕ ሙጄድኖ።



37 ጸላ ዲንካንያ ገልፆ ገንገያወ ሳሎዋ ማላትያ፡ ኦቻ ቴራ ማላትያን ሸሎላ ዘኦ ቃጭናጥን ሊቆ ሊኑዋጥ ዲደቱዳዋ፡ ጽልጥያ አሊቅሰያዋን ጋርዲዋ ጊግሴድና።  
 38 ቃይ ኤንቱንታ ካቂያ እቼሹ ቱሳቱዋ፡ ካቂያ ባላና ደእያዋንታ መጴድና። ቱሳቱ ጉምቦቱዋን ቃቻያዋንታ ዋርቃን ሼሼድና። ቃይ ኤንቱንቱ ፖላይ ገልፆ ሉኩቱዋ እቼሻቱዋካ ናሃሰያጥ መጴድና።

### 37

ታቦታ ኦሱዋባ  
 (25:10-22)

1 ባጻልኤል ኦደሩዋ ምሳጥ ታቦታ ጊግሴድ። ሄ ታቦታይ አዲሳተላይ ላኡ ዋቆን ባጋ አዲቄ፤ ጎምጋይ እት ዋቆን ባጋ እኬ፤ ጌሳይካ እት ዋቆን ባጋ ጶቄ።  
 2 ሄ ታቦታ ጊግሴድ፡ ሶያን ካርያ ዋላካይ ባይና ዋርቃን ሼሼዳ፤ ዩሹዋካ ዋርቃ ትገላን ዩሽ አሌዳ።  
 3 ቃይ ኦይዱ ዋርቃ ሳጋየቱዋ ትገደ፡ ታቦታወ ኦይዱ ገደቱዋን፡ እት ባጋና ላኡ ሳጋየቱዋ፡ ቃይ ዩንኮ ባጋና ላኡ ሳጋየቱዋ አሌዳ።  
 4 ያቲደ ኦደሮቱዋጥ ካሱዋ ከሲደ ኤንቱንታካ ዋርቃን ሼሼዳ።  
 5 ታቦታ ቶካናወ፡ ታቦታ ምይያን ደእያ ሳጋየቱዋን ካሱዋ አሌዳ።  
 6 ዋላካይ ባይና ዋርቃጥ ላኡ ዋቆን ባጋ አዲቄያ፡ እት ዋቆን ባጋ እክያ አቶ ግያ ሳኦ ቁምእያ መጴዳ።  
 7 ቁምእያወ ወርሰላ ላኡ ባጋ ጋጸን ላኡ ክሩቤላቱዋ ቆጶቲዳ ዋርቃጥ መጴዳ።  
 8 እት ክሩብያ እት ባጋ ጋጸን፡ ላኤንሶ ክሩብያ ዩንኮ ባጋ ጋጸን፡ ላኡዋካ ቁምእያና ጋሐ ኦይሊደ መጴዳ።  
 9 ክሩብቱ ባረንቱ ቀፍያ ደንሊደ፡ አቶ ግያ ሳኦ ካምያ ቁምእያ ባረንቱ ቀፍያን ኩዋይ ዋጭድና፤ ቃይ እቱ እቱዋኮ ሰም ኡቲደ፡ ቁምእያ ጴሊና።

ጸርጴዛ  
 (25:23-30)

10 ቃይ አዲሳተላይ ላኡ ዋቆ፡ ጎምጋይ እት ዋቆ፡ ጌሳይካ እት ዋቆን ባጋ ግዴዳ ጸርጴዛ ኦደሩዋጥ መጴዳ።  
 11 ዋላካይ ባይና ዋርቃን ሼሼዳ። ዩሹዋካ ዋርቃ ትገላ ዩሽ አሌዳ።  
 12 ሄዋዳንካ፡ ጎምጋይ ታካ፤ ግዴዳ ሻሽያ አ ቦላ ዩሽ አሌዳ። ያቲደ አ ቦላ ዋርቃ ትገላ ዩሽዳ።  
 13 ኦይዱ ዋርቃ ሳጋየቱዋ መጴደ ኦይዱ ገደቱ መጠቲዳ ኦይዱ ጋጶቲዋና ኦይሌዳ።  
 14 ጸርጴዛ ቶካናወ ካሱዋ አላያ ሳጋየቱ ጸርጴዛወ ሻሽያ ጋጶን ሸቂደ መጠቲድና።  
 15 ጸራጴዛ ቶክያ ካሶቱዋካ ኦደሩዋጥ ከሲደ፡ ዋርቃን ሼሼዳ።  
 16 ሄዋዳንካ፡ ጸርጴዛ ቦላ ዋላያ ዲማ ዲማ ሚሻቱዋ ዋላካይ ባይና ዋርቃጥ መጴዳ፤ ሄዋንቱካ ሳንቱዋን ጭልጋቱዋ፡ ቃይ ኡሻ ያርሹዋ ትግያ ከረቱዋን ጸኦቱዋ።

ጸምጥያ ዋላያ ባላ  
 (25:31-40)

17 ሄዋጥ ጉይያን አ ጸምጥያ ዋላያ ባላ ቆጶቲዳ ዋላካይ ባይና ዋርቃጥ መጴዳ፤ ሄ ባላ ኤሰያ ገድያካ፡ ግደ ቶማካ ቆጶዳ ዋርቃጥ መጴዳ። አ ኩኩሞቱዋ፡ አ ልጮቱዋን አ ጨሻቱዋ ኡባ አናና እትጥ ጸምጥደ መጴዳ።  
 18 ምይያና ኡሱፑን ማራቱዋ መጴዳ፤ ማራቱዋ ሄዛቱዋ እት ባጋና፡ ቃይ ሄዛቱዋ ዩንኮ ባጋና ከሴዳ።  
 19 ኡሱፑን ማራቶካ ሁጲያን ሁጲያን ሄዙ ሄዙ ኩኩሙን ጨሻቱ ደእያ ላወዝያ ጨሻ ማላትያ ዋንጫ መጴዳ፤  
 20 ጸምጥያ ዋላያ ባላወ ግደ ቶማይ፡ ኩኩሞቱዋ ጨሻቱ ደእያ ጨሻ ማላትያ ኦይዱ ዋንጫን አሊቀት ኡቲዳ።  
 21 ላኡ ላኡ እትጥ ዋላን ደእያ ሄዙ ማራቱዋጥ ጋርሳና እት እት ኩኩማይ መጠቲ ኡቲዳ ኡባይካ ኡሱፑን ኩኩሞ።  
 22 ኩኩማቲን ማራቱ ኡባይ ጸምጥያ ዋላያ ባላና እትጥ ኦይቀት እቱዋ ግዲድ፡ ዋላካይ ባይና ዋርቃጥ ቆጶቲደ መጠቲድና።  
 23 አ ቃይ ጸምጥያ ዋላያ ባላወ ላፑን ጸምጥቱዋ፡ ጸምጥያ ቶይሰያ ቃጶቲዋን ኤንቱንታ ዋላያዋንታ ዋላካይ ባይና ዋርቃጥ መጴዳ።

24 ጸምጥያ ዋልያ ባላነ እን ጎኤትያ ሚሻ ኡባ መጻናዉ ሀታማነ እቼሹ ኪሎ ግራሙ ግዴዳ ዋላካይ ባይና ዋርቃ ዉርሴዳ።

**እጻና ጨዋሰያ ሳጽንያ**

(30:1-5)

25 ቃይ እጻና ጨውሰያ ሳኣ ኦደረዋጥ መጴዳ። እዉ ኦይዱ ጋጾይ ደኤ፤ አድሳተላይ እት ዋቆ፤ ሳምጋይ እት ዋቆ፤ ጌሳይ ላኡ ዋቆ። እ ካጨቱካ እናና እቱዋ ግዲደ ኦይቀት መጠቲዳዋንታ።

26 እዉ ቦላ ደና። ኦይዱ ባጋ ኡባነ እ ካጨቱዋ ዋላካይ ባይና ዋርቃን ሸሺደ። እ ዩሹዋካ ዋርቃ ትገላ ዩሽ አሌዳ።

27 ሄ ዋርቃ ትገላጥ ጋርሳና እጻና ጨውሰያ ሳጽንያ ዋርቃጥ ላኡ ሳጋየቱዋ መጴዳ፤ ያቲደ ያ ባጋና፤ ሀ ባጋና ላኡዋ ላኡዋ ኦይሌዳ። ሄዋንቱ ቶክያ ዋይ ካሱዋ አላናዉ ማዳናዳና።

28 ካሱቱዋ ኦደረዋጥ ከሲደ። ኡንቱንታ ዋርቃን ሸሺዳ።

**ዛይትያነ እጻና**

(30:22-38)

29 ቃይ ጌሻ ኦክትያ ዛይትያነ ሳዉዋ ቶሽኩ ግያ ሎኦ እጻና ሸቱዋ ኦልያ ኤራን ጊግሴዳ።

**38**

**ጹግያ ያርሹዋ ያርሽያ ሳኣ**

(27:1-8)

1 አደረዋጥ ጹግያ ያርሹዋ ያርሽያ ሳኣ ኬጼዳ። ሄ ያርሽያ ሳኣዉ ጌሳይ ሄዙ ዋቆ። ሳምጋይነ አድሳተላይ እት ልከ። እቼሹ እቼሹ ዋቆ ግዲደ። ኦይዱ ጋጾና ደእያዋ ኦሌድና።

2 ኦይዱ ጋጾቱዋ ዉርሰሳ ጋጾን ጋጾን እት እት ካጭያ መጴዳ። ሄ ካጨቱ ያርሽያ ሳኣና እትጥ ኦይቀቲደ ኦሰቴድና። ያትና ያርሽያ ሳኣ ናሃሰያ ብራታን ሸሺዳ።

3 እን ጎኤትያ ኡባ ሚሻቱዋ። ባልደቱዋ። እካፋቱዋ። ብድንላ ሸሺያ ኩይጻርቱዋ። እሹዋ ኦይቂያ ዛምቤልያነ ታማ ጮጨቱዋ ኡባ ናሃሰያ ብራታጥ መጴዳ።

4 ያቲደ ናሃሰያ ብራታጥ ዛዘርያ ያርሽያ ሳኣዉ ዲን ግዶ ባጋን ደእያ ሻሽያ ቦላ ዋሌዳ።

5 ናሃሰያ ብራታጥ መጴዳ ዛዘርያዉ ኦይዱ ጋጾን ካሱዋ አላናዉ ኦይዱ ሳጋየቱዋ መጴዳ።

6 አደረዋጥ ያርሽያ ሳኣዉ ካሱዋ ከሲደ። ናሃሰያ ብራታን ሸሺዳ።

7 ያርሽያ ሳኣ ቶክያ ዋይ ማዳና ማላ። ሀ ካሱዋ ላኡ ምይያና ደእያ ሳጋየቱዋን አሌዳ። ያርሽያ ሳኣ ግዲዋ ኩፋ ከሲደ። ጸዉላጥ መጴዳ።

**ሜቻ ከርያ**

(30:18)

8 ናሃሰያ ብራታጥ ሜቻ ከርያነ አ ዋልያዋ መጴዳ፤ ሄ ብራታይ ጋከላ ዲንካንያ ጥንግያን ኦልያ ማጫ አሳቱ እሄዳ ሄረጋገጥ አከቴዳ።

**ጸሳ ዲንካንያ ዳባባ**

(27:9-19)

9 ሄዋጥ ጉይያን ዳባባ ጊግሴዳ። ዳባባዉ ገድሳ ባጋ አድሳተላዉ ጸቱ ዋቆ ኦሌደ። ሊቆ ሊኦዋጥ ዳደቲዳ ጋርዳቱዋ ጊግሴዳ።

10 እዉ ናሃሰያ ብራታጥ ላታሙ። ቱሳቱዋን ቱሳቱ ኤቂያ ናሃሰያ ሉካቱዋ ኦሌዳ፤ ኡንቱንቱ ሁጲያን ቃይ ብራጥ መጠቲዳ ካቂያዋንታን ቱሳቱዋ ሁጲያን ቃቕያዋንታ አሌዳ።

11 ዳባባዉ ሁጲሳ ባጋ አድሳተላይ ጸቱ ዋቆ አድሳ፤ ቃይ ላታሙ። ቱሳቱን ሄ ቱሳቶ ላታሙ። ናሃሰያ ገደቱ ደእኖ። ያቲደ ብራጥ መጠቲዳ ካቂያዋንታን ቱሳቱዋ ሁጲያን ቃቕያዋንታ ደእኖ።

12 አዋይ ዉልያ ባጋ ዳባባ ሳምጋይ እሻታሙ ዋቆ እካ ግዲደ። ታሙ። ቱሳቱን ቱሳቶ ታሙ። ገደቱ ደእያ ጋርዳቱዋ ጊግሴዳ፤ ሄ ቱሳቱዋ ሁጲያን ብራጥ መጠቲዳ ካቂያዋንታን ቱሳቱዋ ሁጲያን ቃቕያዋንታ አሌዳ።

13 ቃይ አዋይ ዶልያ ባጋ ዳባባ ሳምጋይ እሻታሙ ዋቆ እካ።

14 ዳባባ ገልያ ሳኣጥ እት ባጋና ታማነ እቼሹ ዋቆ አዲቂያ ጋርደቱ። ሄዙ ቱሳቱን ቱሳቶ ሄዙ ገደቱ ደእኖ።

15 ሄዋዳንካ። ዳባባ ገልያ ሳኣጥ ህንኮ ባጋና። ታማነ እቼሹ ዋቆ አዲቂያ ጋርደቱ። ኡንቱንቱን ሄዙ ቱሳቱን ቱሳቶ ሄዙ ገደቱ ደእኖ።

16 ዳባባ ዩሹዋን ደእያ ጋርደቱ ኡባይ ሊቆ ሊኦዋጥ ዳደቲዳዋንታ።

17 ሄ ቱሳቱዋ ገደቱ ናሃሰያ፡ ካቂያዋንቲ ቱሳቱዋ ሁጲያን ቃችያዋንቲ ብራፕ ኦሰቴድኖ፤ ኦንቲንቲ ሁጲ ብራፕ ሸሸቴዳ። ሄዋ ድራው፡ ዳባባ የሹዋን ደእያ ቱሳቱዋ ኡባ ሁጲያን ብራፕ ኦሰቴዳ ቃችያዋንቲ ደእኖ።

18 ዳባባ ገልያ ሳኣን ካቂያ ጋርዱ ሳሉዋ ማላትያ ኦቻ ቴራ ማላትያን ሾሎላ ዘኦ ቃጭናፕን ሊቆ ሊኦዋፕ ደድያዋ ጽልፕያን ኦሊቁሰያዋን ገግሴዳዋ። ኦዉ ኦዲሳተሳይ ላታሙ ዋቋ፤ ገሳይ ዳባባ ጋርዳቱዋ ልከ። ኦቼሹ ዋቋ።

19 ናሃሰያ ብራፕፕ ኦሰቴዳ ኦይዱ ቱሳቲን ቱሳቶ ኦይዱ ገደቱ ደእኖ። ኦንቲንቲ ካቂያዋንቲ ቱሳቱዋ ሁጲያን ቃችያዋንቲ ብራፕ ሙፍቴድኖ፤ ኦንቲንቲ ሁጲቲካ ብራፕ ሸሸቴድኖ።

20 ጸሳ ዲንካንያ ሸካላቲ ኡባይን ኦ የሹዋን ደእያ ዳባባ ሸካላቲ ኡባይ ናሃሰያ ብራፕፕ ሙፍቴዳዋንታ።

**ጸሳ ዲንካንያን ጎኤትያ ሚሻቱዋ**

21 ጸሳ ዲንካንያው፡ ሄዋካ ቃላ ጫቁዋ ዲንካንያው፡ ጎኤቲዳ ሚሻቱዋ ሊዋቱ ፓይዴድኖ። ሄ ሚሻቱዋ ቁሰያ ኦርና ናኦ ኦታማራ ካፖተላ ጋርሳን ደእያ ሊዋቱ ማዘጋባን ጸፋናዳን ሙሴ ኦዛዜዳ።

22 ይሁዳ ዛረ ግዴዳ ሆራ ናኦ ናኦ፡ ኡራ ናኦ፡ ባጸልኦል ሙድና ጎዳይ ሙሳ ኦዛዜዳ ኡባ ኦሴዳ።

23 ዳና ዛረ ግዴዳ ኦህሳማካ ናኦ ኦሆልኦብ ኦርና ደእኤ፤ ኦ ኡሽያ ሂላንቻን ኦልያባዉ ኮይር ሀልቼዋ ከሰያዋ፤ ቃይ ሳሉዋ ማላትያ፡ ኦቻ ቴራ ማላትያን ሾሎላ ዘኦ ቃጭናፕን ሊቆ ሊኦዋን ዳዲደ፡ ጽልፕያን ኦሊቁሰያ ኦሳ።

24 ጸሳ ዲንካንያ ኦሶ ጸሳዉ ኦሙቴዳ ዋርቃይ ጸሳ ዲንካንያን ኤረትያ ሚዛናን ዋልና፡ ኦት ሻኦ ከሊሎ ግራምያ ዴጾዳ።

25 ፓይዳዋን ደእያ ማባራ ኦሳፕ ቤቴዳ ብራይ ጸሳ ዲንካንያን ኤረትያ ሚዛናን ዋልና፡ 3,430 ከሊሎ ግራምያ ዴጾዳ።

26 ኦሳ ፓይድያ ዋይ ፓይደቲዳ ኦቲማ ኦሳይ ኡባይ ሁጲያን ሁጲያን ጸሳ ዲንካንያን ኤረትያ ሚዛናን ዋልና፡ ኡሱዋን ግራሙ ከሻ ኦሜዳ። ፓይደቲዳ ኦሳይ ላታሙ ላይላ ኡሜዳዋን ላታሙዋፕ ቦላና ደእያዋ ኡባይ 603,550.

27 ጸሳ ዲንካንያ ጋርዲዋ ኤሴዳ ጾቲ ፖላይ ገልያ ሉኮቲ 3,400 ከሊሎ ግራሙ ብራፕ ኦሰቴድኖ። ሄዋካ ኦት ኦት ገድያዉ ሀታማን ኦይዱ ከሊሎ ግራሙ ብራ።

28 ኦቲዳ ሀታሙ ከሊሎ ግራሙ ትግያ ብራ ቱሳቲዋን ካቂያዋንታ ሙቋናው፡ ቱሳቲዋ ሁጲያን ሸሻናውን ኦንቲንቲ ሁጲያን ቃችያዋንታ ሙቋናው ጎኤቲድኖ።

29 ሄዋዳንካ፡ ኦሳይ ጸሳዉ ኦሃሰያ ብራፕፕ 2,425 ከሊሎ ግራሙ።

30 ሄ ናሃሰያ ብራፕፕ ጸሳ ዲንካንያ ገልያ ሳኣን ኡቂያ ቱሳቲዋ ገደቱ፡ ናሃሰያ ያርሸያ ሳኦ ግያ ያርሸያ ሳኦይ፡ ኦ ግደን ሂጾዳ ናሃሰያ ዛዘሪኦ ኦ ግደን ጎኤትያ ዳማ ዳማ ሚሻ ኡባይ ሙፍቴ።

31 ሄዋዳንካ፡ ቃይ ዳባባ የሹዋን ደእያ ድርሳን ገልያ ሳኦ ፕንገ ኡቂያ ገደቱ፡ ቃይ ጸሳ ዲንካንያ ኦ የሹዋን ደእያ ዳባባ ድርሳይ ቶገቲዳ ሸካላቲ ኡባይ ሄ ናሃሰያ ብራፕፕ ሙፍቴድኖ።

**39**

**ቁሳቲ ማይያ ማዩዋ (28:1-14)**

1 ቁሳቲ ጸሳ ዲንካንያን ኦልያ ዋይ ጎኤትያ ማዩዋ፡ ሳሉዋ ማላትያ፡ ኦቻ ቴራ ማላትያን ሾሎላ ዘኦ ቃጭናፕ ዳዴድኖ። ኦርን ማይያ ገሻ ቁሳተላ ማዩዋካ ሙድና ጎዳይ ሙሳ ኦዛዜዳዋዳን ኦሴድኖ።

**ኤፋድያ**

2 ኦ ኤፋድያ፡ ዋርቃፕ፡ ሳሉዋ ማላትያ፡ ኦቻ ቴራ ማላትያን ሾሎላ ዘኦ ቃጭናፕን ሊቆ ሊኦዋፕ ዳዴዳ።

3 ኦንቲንቲ ዋርቃ ቆጶደ፡ ሊኦያ ዩቻዳ፡ ኦፕ ቃራር ቃራራደ፡ ቃጭና ከሴድኖ። ያቲደ ሳሉዋ ማላትያ፡ ኦቻ ቴራ ማላትያን ሾሎላ ዘኦ ቃጭናን ሊቆ ሊኦዋ ጋሊደ፡ ኡሽያ ሂላንቻቲ ዳዴድኖ።

4 ላኡ ባጋይ ጋከቲደ ኦቲዋ ግዳና ማላ፡ ላኡ ሀሽያ ቦላ ጋሊደ ኦይልያ ጫርቂያ ገግሴድኖ።

5 ሙድና ጎዳይ ሙሳ ኦዛዜዳዋዳን፡ ሂላይ ኦሊቁሲደ ዳዴዳ ዳንጩካ ኤፋድያና ኦቻ ግዲደ፡ ዋርቃፕ ሳሉዋ ማላትያ፡ ኦቻ ቴራ ማላትያን ሾሎላ ዘኦ ቃጭናፕን ሊቆ ሊኦዋፕ ዳዴቲድ።

6 ኢንቴንቲ ማርግናያ ጌተትያ ላኤ ሹቻቱዋ ጊግሲደ፣ ዋርቃጥ መጪዳ ሹቻ ኦይቂያዋ ቦላ ማራና ዋሌድና። ማታፋ ቦላ ስንሳ ዋጪደ ጸፍያዋዳን፣ ሄ ሹቻቱዋ ቦላ ታማነ ላኤ አስራኤልያ ናናቱዋ ስንሳ ዋጪደ ጸፊድና።

7 ጸሳይ ሙሳ አዛዜዳዋዳን፣ ታማነ ላኤ አስራኤልያ ዘርላ ሀሳይያዋ ግዳና ማላ፣ ሀ ሹቻቱዋ ኤፋድያና ኦይሌዳ ሀሽያ ጫርቂያን ዋሌዳ።

**ትራን ዋሳያዋ**  
**(28:15-30)**

8 እ ትራን ዋሳያዋ ኩሽያ ሂላንቻን ኦሲሴዳ። ሄ ትራን ዋሳያዋ ኤፋድያ ዋርቃጥ ዳዴዳዋዳን፣ ሳሉዋ ማላትያ፣ ኦቻ ቴራ ማላትያን ሾሎላ ዘኦ ቃጭናጥነ ሊቆ ሊኦዋጥ ዳድሴዳ።

9 አዉ ኦይዳ ጋጾይ ደኤ፤ ጌሳይነ ጎምጋይ እት እት ታካ፤ ግዴዳዋ ዳኮዬድና።  
10 ሄዋጥ ጉይያን እ ቦላ ኦይዳ ማራን አልኦ ሹቻቱዋ ዋሌድና፤ ኮይር ማራን ዋሌዳ ሹቻይ፣ ሳርድናና፣ ቶጳዝዮንያን ጸልዶ እንቁዋ፤

11 ላኤንሳ ማራን ባሉራ፣ ሳምፔርያን አልማዝያ ጌተትያ አልኦ ሹቻቱዋ፤  
12 ሄዘንሳ ማራን ያክንትያ፣ ከልቀድንያን አመተሰጽናሰያ፤  
13 ኦይደንሳ ማራን ብራል፣ ማርግናያን ያሰጸድያ። ሄዋንታ ኡባ ዋርቃጥ ኦሲቴዳ ሹቻ ኦይቂያዋ ቦላ ዋሌድና።

14 አስራኤልያ ናናቱዋ ስንሳ ጋይዳዋዳን፣ ሹቻቱዋ ጋይዳካ ታማነ ላኤዋ፤ እቱ እቱ ማታፋዳን ዋጪቲደ፣ ታማነ ላኤ ዛራቱዋ ስንሳይ ሄ ሹቻቱዋን ጸፈቲዳ።

15 ትራን ዋሳያዋ ዋደራዋዳን ደቀቴዳ ሳንሳላታ ዋላካይ ባይና ዋርቃጥ መጪድና።  
16 ላኤ ዋርቃጥ መጪዳ ሹቻ ኦይቂያዋንታ ኦሌድና፤ ያቲደ ላኤ ዋርቃ ምግዳቱዋ መጪዳዋንታ፣ ትራን ዋሳያዋ ቆዋ ጋጾ ጋጾቱዋና ጋሲደ ኦይሰሌድና።

17 ሄ ላኤ ዋርቃ ሳንሳላታቱዋ ትራን ዋሳያዋ ጋጾቱዋን ደእያ ምግዳቱዋና ጋሳ ኦይሌድና።  
18 ሄ ሳንሳላታቶ ህንኮ ባጋ ጼራ ቃይ ኤፋድያዉ ስንሳ ባጋና፣ ሀሽያ ጫርቂያን ደእያ ሹቻ ኦይቂያዋንቱና ጋሳ ቃቺድና።

19 ቃይካ ላኤ ዋርቃ ምግዳቱዋ መጪደ፣ ኤፋድያጥ ካሊደ ደእያ ትራን ዋሳያዋ ሶይ ባጋና ደእያ ላኤ ጋጾቱዋ ጼራን አሌድና።

20 ሄዋዳንካ፣ ዋርቃጥ ሀራ ላኤ ምግዳቱዋ መጪደ፣ ኤፋድያዉ ስንሳ ባጋና፣ ሀሽያ ጫርቂያጥ ጋርሳ ባጋና ኤፋድያ ጼሳን ቃቸያዋጥ ቆዋና፣ ስኩ ጋከቴዳ ሳኦ ማታን ካርና ኢንቴንታ ኦይሌድና።

21 ሙጵና ጎዳይ ሙሳ አዛዜዳዋዳን፣ ትራን ዋሳያዋን ደእያ ምግዳቱዋ ኤፋድያን ደእያ ምግዳቱዋና ጋሲደ፣ ሳሉዋ ማላትያ ባቀላን ቃቸና ትራን ዋሳያዋ ጼሳጥ ቆዋና ደእያ ድራሬ፣ ቃሹ ሾልኤና።

**ቂሳቱ ማይያ ሀራ ማዮቱዋ**  
**(28:31-43)**

22 ኤፋድያጥ ጋርሳና ማይያ አዲሳ ማዮዋ እ ሳሉዋ ማላትያ ጫርቂያጥ ጊግሴዳ፤ ሄዌ ሸማይንያ ኦሱዋ።

23 ሄ አዲሳ ማዮ ቆጵያ አሳያ ሳኦ መጪድና፤ ሄ ሳኦይ ፔተናዳን፣ ዩሽ አሌደ ጉጅ ጉጅ ስኬድና።

24 ኢንቴንቲ ኢዲሳ ማዮዋ ዲገ ባጋ ማጫራ ዩሹዋን ሳሉዋ ማላትያ፣ ኦቻ ቴራ ማላትያን ሾሎላ ዘኦ ደቀቴዳ ሮማንያ ቴራ ምስለቱዋ መጪድና።

25 ኢንቴንቲ ቃይ ዋርቃጥ ዳላቱዋ መጪደ፣ አዲሳ ማዮ ዲገ ባጋ ጋጾ ዩሽ አሌደ፣ ሮማንያ ምስለቱዋ ግዴዋን፣ ዋላካን አሌድና።

26 አርነ ሄ ማዮ ዲገ ባጋ ማጫራ ዩሽ አሌደ፣ ዳላነ ሮማንያ ቴራ ምስልያ ዋላኪደ አሌድና። ሄዌ ሙጵና ጎዳይ ሙሳ አዛዜዳዋዳን፣ ኢንቴንቲ ጸሳ ዲንካንያ ኦሱዋ ኦሌደ ማያናሳ።

27 ኢንቴንቲ አርናዉን እ ናናዉ ሸማይንያ ሊኦዋጥ አዲሳ ሻምጭያ ጊግሴድና።  
28 ቃይ አርነ ሀጺያን ጸጽያ ሻሽያ፣ አ ናናዉ ቆቤቱዋን ጋርሳና ማይያ ማዮቱዋ ሊቆ ሊኦዋጥ ዳዲደ ጊግሴድና።

29 ኢንቴንቲ ሙጵና ጎዳይ ሙሳ አዛዜዳዋዳን ሳሉዋ ማላትያ፣ ኦቻ ቴራ ማላትያን ሾሎላ ዘኦ ቃጭናጥነ ሊቆ ሊኦዋጥ ዳዲደ፣ ኩሽያ ሂላን አሌቂሲደ፣ ዳንጩዋ ጊግሴድና።

30 ኢንቴንቲ ጌሻ አለቁዋ ምስልያ ዋላካይ ባይና ዋርቃጥ መጪደ፣ ማታፋ ቦላ ዋጭያዋዳን፣ አ ቦላ፣ “ሙጵና ጎዳይ ጌሻ ግሲደ ዲማቴዳ” ያግያዋ ዋጪደ ጸፊድና።

31 ሄዋጥ ጉይያን ሀጺያን ሻሽያጥ ጸደን ቃቻናዳን፣ ሙጵና ጎዳይ ሙሳ አዛዜዳዋዳን ሳሉዋ ማላትያ ባቀላ እን አሌደ ቃቺድና።

ሙሴ ኦሱጥ ኡባ ጸምሴዳ

(35:10-19)

32 ጸሳ ዲንካንያ ኪታይ ኡባይ ፖላቲዳ። እስራኤላቱ ኡባባካ መድና ጎዳይ ሙሳ አዛዜዳዋዳን ኦሌድኖ።

33 ሄዋጥ ጉይያን ኡንቲንቲ ጸሳ ዲንካንያ ሙሴኮ እሄድኖ፤ ሄዋካ፡ ዲንካንያን አ ሚሻ ኡባ፡ ጋሕ ኦይሰያዋ፡ ጸጋገቱዋ፡ ሸካላቱዋ፡ ቱሳቱ ኤቂያ ሳጽንቱዋ፡

34 ቦላ ካማይ ድርሳ ኦርግያ ጋልባ ዞኦ ቃላምያን የግ ከሴዳዋ፡ ሀራ ጋልባጥ መጫዳ ቁምእያ፡ ታቦታ ገንሰያ ጋርዲዋ፡

35 ቃላ ጫቁዋ ታቦታ፡ አ ቶክያ ካሶቱዋን አቶ ግያ ሳኦ ቁምእያ፡

36 ጸርጶዛነ አ ሚሻ ኡባ ጸሳ ሰንላን ዋሰያ ጌሻ ኡክሳ፡

37 ዋላካይ ባይና ዋርቃጥ ኦሰቲዳ ጸምጥያ ዋሰያ ባላነ እን ማራን ደእያ ጸምጥቲዋ፡ ኡንቲንቲ ሚሻቲዋ ኡባነ ጸምጥያ ዛይትያ፡

38 እጸና ጨዋይያ ዋርቃ ሳጽንያ፡ ኦክትያ ዛይትያ፡ ሳዊያ እጸና፡ ጸሳ ዲንካንያ ጥንግያ ጋርዲዋ፡

39 ናሃሰያጥ ኦሌዳ ያርሸያ ሳኦ፡ አ ናሃሰያ ዛዝሪያና፡ አ ቶክያ ካሶቱ፡ አ ሚሻቲዋ ኡባ፡ ሚቻ ከርያነ አ ዋሰያዋ፡

40 ዳባባ ገንሰያ ጋርዳቲዋ፡ አ ቲሳቲዋ፡ ኡንቲንቲ ኤቂያ ሳጽንቲዋ፡ ዳባባ ገልያ ጥንገቲዋ ጋርዲዋ፡ ዳባባ ዋድሮቲዋን ሸካላቲዋ፡ ጸሳ ዲንካንያ መቆናዉ ኮሽያ ሚሻቲዋ ኡባ፤

41 ቁሳቲ ጌሻ ሳኦን ኦሊድ ጎኤታናዉ ዳይቲዳ ማዮቲዋ፡ አርነ ጌሻ ማዮዋን አ ናናይ ቁሳተላ ኦሊድ ማይያ ማዮቲዋ።

42 እስራኤላቲ ኦሱጥ ኡባካ መድና ጎዳይ ሙሳ አዛዜዳዋዳን ኡባባ ኦሌድኖ።

43 ሙሴ ኦሱጥ ኡባ ጸምሰ ጴሊድ፡ ኡንቲንቲ መድና ጎዳይ አዛዜዳዋዳን ኦሌዳዋ በኤዳ። ሄዋ ድራዉ፡ ሙሴ ኡንቲንታ እንጂዳ።

### 40

ጸሳ ዲንካንያ ቶክሳ

1 ሄዋጥ ጉይያን መድና ጎዳይ ሙሳ፡

2 “ኮይሮ አግናዉ ኮይሮ ጋላሰ፡ ኔን መድና ጎዳ ዲንካንያ ቶክ።

3 ቃላ ጫቁዋ ታቦታ አ ግደን ዋሳ፤ ሄ ታቦታ ጋርዲዋን ካማ።

4 ጸርጶዛ ገልሳድ፡ አ ቦላ ዋቆናዉ ኮሽያባ ኡባ ገግሳድ አ ቦላ ዋሳ። ያታደ ጸምጥቲዋ ዋሰያ ባላ ሶ ገልሳድ፡ አ ቦላ ጸምጥቲዋ ኤሳ።

5 እጸና ጨዋይያ ዋርቃ ሳጽንያ ቃላ ጫቁዋ ታቦታጥ ሰንላና ዋሳድ፡ ጸሳ ዲንካንያ ገልያ ጋርዲዋ ሶታ።

6 “ጸግያ ያርሹዋ ያርሸያ ሳኦ ጸሳ ዲንካንያጥ ሰንላና ዋሳ።

7 ሚቻ ከርያ ጸሳ ዲንካንያጥን ያርሸያ ሳኦጥ ግዲዋን ዋሳድ፡ እን ሃላ ትጋ።

8 ጸሳ ዲንካንያጥ ካረና የሻ አላደ ዳባባ ገግሳድ ዳባባ ገልያ ሳኦን ጋርዲዋ ሶታ።

9 “ኦክያ ዛይትያ አካድ፡ ጸሳ ዲንካንያን አ ግደን ደእያ ኡባባ ኦካ፤ እነ አ ግደን ጎኤትያ ሚሻ ኡባ ዲማያ፤ ያቶጥ አ ጌሻ ግዳናዋ።

10 ሄዋጥ ጉይያን ጸግያ ያርሹዋ ያርሸያ ሳኦን አዉ ጎኤትያ ሚሻ ኡባ ኦካ፤ ያርሸያ ሳኦ ዲማያ፤ ያቶጥ አ ኡባጥ አቲያ ጌሻ ግዳናዋ።

11 ሚቻ ከርያን አ ኡትሰያ ሚሻ ኦካደ ኡንቲንታ ዲማያ።

12 “ኔን አርናን አ ናና ጸሳ ዲንካንያ ገልያ ጥንገ አሃድ፡ ሃላን ኡንቲንታ ሚጫ።

13 ሄዋጥ ጉይያን ቁስተላ ጌሻ ማዮዋ አርና ማይዛድ፡ አ ታዉ ቁስተላን ኦላናዳን፡ አ ኦካደ ዲማያ።

14 አ አቲማ ናናካ አሃድ ሻምጭያ ማይዛ።

15 ኡንቲንቲ ታዉ ቁስተላን ኦላናዳን፡ ኡንቲንቲ አዉዋ ኦኬዳዋዳን፡ ኡንቲንታካ ኦካ። ኡንቲንቲ ኦካይ ኡንቲንታካ ኡንቲንቲ ሰንላ የለታ ኡባ ቁሳቲዋ ኦሰያዎ” ያጌዳ።

16 ሙሴ ኡባባካ ጸሳይ ባረና አዛዜዳዋዳን ኦሌዳ።

17 ሄዋ ድራዉ፡ ግብጾጥ ኡንቲንቲ ከሴዳ ላኤንላ ላይላን፡ ኮይሮ አግናዉ ኮይሮ ጋላሳን ጸሳ ዲንካንያ ቶክቲዳ።

18 ሙሴ ጸሳ ዲንካንያ ኤሰያ ዋድ፡ ሳጽንቲዋ ኡንቲንቲ ሳኦን ሳኦን ዋሌዳ፤ ጸጋገቲዋን ቲሳ አሌዳ፤ ሸካላቲዋን ገልሴዳ።

19 ሄዋጥ ጉዮ ሙሴ መድና ጎዳይ አዛዜዳዋዳን፡ ሀ ኤሴዳዋ ቦላን ዲንካንያ ቶጌዳ፤ ሄ ኤሱዋ ቦላን ካሙዋ ካሚዳ።

20 ያተደ ታሙ አዛዛቱ ጸፈቴዳ ማርካተላ ቃላ እፊደ፣ ታቦታ ግደን ዋሌዳ፤ ቶክያ ካሱዋ ታቦታን አሌዳ፤ አቶ ግያ ሳኣ ቁምእያ ታቦታ ቦላ ዋሌዳ።

21 ሄዋጥ ጉይያን ታቦታ ጸሳ ዲንካንያ ገልሴዳ፤ ገንሰያ ጋርዱዋ ሶቲደ፣ መጅና ጎዳይ አዛዜዳዋደን ቃላ ጫቁዋ ታቦታ ካሚዳ።

22 መጅና ጎዳይ ሙሳ አዛዜዳዋደን፣ ሙሴ ጸርጴዛ መጅና ጎዳ ዲንካንያን ገልሴደ፣ ጋርዱዋጥ ካረና ሁጲሳ ሳጋና ዋሌዳ።

23 አ ቦላ መጅና ጎዳ ሰንሳን ዋሰያ ጌሻ ኡክላ ገግሴዳ።

24 መጅና ጎዳይ ሙሳ አዛዜዳዋደን፣ ጸምጥያ ዋሰያ ባላ ጸሳ ዲንካንያ ግደ ገልሴደ፣ ጸርጴዛ ሄፍንሳና፣ ጸሳ ዲንካንያው ገጅሳ ሳጋና ዋሌዳ፤

25 ቃይ ጸምጥቴዋ መጅና ጎዳ ሰንሳን ኦይሌዳ።

26 መጅና ጎዳይ አዛዜዳዋደን፣ እጻና ጩዋይያ ዋርቃ ሳጽንያ ጸሳ ዲንካንያ ግደን ጋርዱዋ ሰንሳ ሳጋና ዋሌዳ፤

27 አ ቦላ ሳዊያ እጻና ጩዋዬዳ።

28 ሄዋጥ ጉይያን ጸሳ ዲንካንያ ጥንግያን ጋርዱዋ ሶቲዳ።

29 ጹግያ ያርሹዋ ያርሽያ ሳኣ ጸሳ ዲንካንያ ገልያ ጥንግያ ምይያን ዋሌዳ፤ አ ቦላ ጹግያ ያርሹዋን ካላ ያርሹዋ መጅና ጎዳይ አዛዜዳዋደን ያርሹዳ።

30 ጸሳይ ሙሳ አዛዜዳዋደን፣ ሜቻ ከርያ ጸሳ ዲንካንያጥን ያርሽያ ሳኣጥ ግዱዋን ዋሌዳ። ያተደ ሜጨታናው ሃሳ እን ትጌዳ።

31 ሙሴ፣ እርንነ አ ናናይ ባረንቱ ኩሽያን ገድያ እን ሜጨቲኖ።

32 መጅና ጎዳይ ሙሳ አዛዜዳዋደን፣ ኡንቱንቱ ጸሳ ዲንካንያ ገሌዳ ዋደ ዋይ ያርሽያ ሳኣኩ ሸቄዳ ዋደ አዉደን ሜጨቲኖ።

33 ጸሳ ዲንካንያን ያርሽያ ሳኣ ያሽ አሊደ ዳባባ ከሴዳ፤ ሄ ዳባባ ጥንግያን ጋርዱዋ ሶቲዳ። ሄዋደን ኦሊደ፣ ሙሴ ኦሱዋ ፖሌዳ።

ጸሳ ቦንቹ ጸሳ ዲንካንያ ኩሜዳ

(ፓይ. 9:15-23)

34 ሄዋጥ ጉይያን ሻሪ ጸሳ ዲንካንያ ካሚዳ፤ መጅና ጎዳ ቦንቹክ አ ኩሜዳ።

35 ሻሪ ጸሳ ዲንካንያ ቦላ ኡቴዳ ድራውን መጅና ጎዳ ቦንቹ አ ግደን ኩሜዳ ድራው፣ ሙሴ አ ግደ ገላናው ዳንዳይቤና።

36 እስራኤላቱ ባረንቱ ኦግያ ኡባን፣ ሄ ሻሪ ጸሳ ዲንካንያጥ ደንድያ ዋደ አዉደን አ ካሊደ ሀመታ ደምኖ።

37 ሸን ሄ ሻሪ ደንድና ጳዮጥ፣ አ ደንድያ ጋሳሳይ ጋካናው ኡንቱንቱካ ቃጽክኖ።

38 ኡንቱንቱ ኦግያ ኡባን መጅና ጎዳ ሻሪ እስራኤልያ እሳይ ኡባይ በእሸን፣ ጋላሰ ጋላሰ ጸሳ ዲንካንያ ካሜን ቃማ ቃማ ቃይ ታማይ ሄ ሻርያ ግደን ኤጼ።

# ዎጋ ማጻፋ ገሉዋ

“ዎጋ ማጻፋይ” በን እስራኤልያ ጋድያን ደእያ ገይና ዎጋን አማኑዋ ትምርትያን አሳይ አቅያ ማራቱዋ ኦዴ። ሄዋዳንካ ቃይ ሀ ዎጋቱዋን ሀ ማራቱዋ ኦሱዋን ፔሽያ አዋተላይ ደእያ ቄሳቱዋባ ኦዴ።

ማጻፋው ሁጻ ቆፋይ ጸሳ ጌሻተላ ኦድያዎ። ቃይካ ጸሳው ያርሹዋ አይሳን ጸሳና ደእያ እትተተላ ናጊደ። ጸሳውን ኤንቴንቶ ደእያ ጫቁዋና ኦይቀቱዳ ብለላይ ደእያ ዎጋ አሞዋ በሲ። ጉጂደካ ጸሳ አሳይ ሀ ጌሻ ግዴዳ እስራኤልያ ጸሳና ኤንቴንቶ ማታ ጋከላይ ደእና ማላ። ኤንቴንቱ ዋኒደ አው ጎይናናዉ በሰንቶ ኦዴ።

ማጻፋ ግደን ዳር ኤሪቲዳ አዛዙ። የሱስ ላእንላ ዎልቃማ አዛዙዋ ጊደ ሱንጤዳ አዛዙዋ። ሄዋይ ሸምፕዋ 19 ጋይዲዋ 18 ቤትያዋ፤ እካ። “አሳ ኡባ ነ ሁጲያዳን ደሳ” ያግያዎ።

## ሸምፓቱዋ ኡባቶ እመቴዳ ቃንሳ ቆፋቱዋ

አሞታን ያርሹዋ 1:1—7:38

አርነን አ ናናቱ ቄሰ ግድይያ ዎጋን ኤንቴንቱ ኦሱዋ 8:1—10:20

ጌይያ ዎጋን ጌሻ ግድያዋን ግደናዋ ሻኩሳ 11:1—15:33

ናጋራይ እቶ ጌተትያ ጋላሳ 16:1-34

ደኤዋ ጌሻተላን ጎይኑዋ ዎጋ 17:1—27:34

## አሞታን ያርሹዋ

(1:1—7:38)

### ጸግያ ያርሹዋ

1 መጅና ጎዳና ጋከትያ ዳንካንያ ግደፕ መጅና ጎዳይ ሙሳ ጸሲደ። ሀዋዳን ያጊደ ሃሳዬዳ፤ 2 “እስራኤልያ አሳው ሀዋዳን ያጋደ ኦዳ፤ ህንተተ ኦንን መጅና ጎዳው ያርሹዋ ሺሽያ ዎደ። ሃ ባረ ሺሽያ ያርሹዋ ባረ መሀያፕ ዎይ ባረ ደርሳ ዎይ ዴሻ ዉድያፕ አሆ።

3 ሄ ያርሹ መሀያ ዉድያፕ ጸግያ ያርሹዋ ግደፕ። አቱማዋ ግዲደ። ትላ ቦላና ደእያዋ ግደ። መጅና ጎዳይ እካና ማላ። አ ሄ ያርሹዋ መጅና ጎዳ ዳንካንያ ገልያ ፕንግያን ያርሹ።

4 ያርሹዋ ሺሽያ ብታኒ ጸጊደ ያርሻናዉ አሄዳ ባረ መሀያ ሁጲያን ባረ ኩሽያ ዎላ። ሄዋ አ ናጋራ እቶ ጋናዉ ጸሳይ አኩዳ ያርሹዋ ግዳናዎ።

5 አ ኮራማ መጅና ጎዳ ሰንሳን ሹክና፤ አርና ናናይ ቄሳቱ ሄ ሱላ አሂደ። መጅና ጎዳ ዳንካንያ ገልያ ፕንግያን ደእያ ያርሹያ ሳኦ ምይያ ኡባን ጉሰና።

6 ሄዋፕ ጉይያን። አ ጸግያ ያርሹ መሀያ ጋልባ ቃር፤ አሹዋ አ ቆሙዋን ቆሙዋን ከሶ።

7 ቄሲያ አርና ናናይ ያርሹያ ሳኦ ምይያ ኡባን ጉሰና።

8 ሄዋፕ ጉይያን። አርና ናናይ ቄሳቱ ሄ ከሴዳ አሹዋ ሁጲያን ሞጵዋ ጉጂደ። ያርሹያ ሳኦ ቦላን ታማን ደእያ ሞላ ቦላን ማሪይ ዎላና።

9 ሸን ሄ ብታኒ ቃንሳ አሹዋን ገደቱዋ ሃላን ማጮ። ያቲደ ቄሲ ሄዋ ኡባካ አሂደ። ያርሹያ ሳኦ ቦላ ጸጎ፤ ሄዋ መጅና ጎዳው ታማን ጸግያ። ሳዉዋ ቶሹኩ ግያ ያርሹዋ ግዳናዎ።

10 “ ጸግያ ያርሹ አ እምያ እሙ ደርሳ ዉድያፕ ዎይ ዴሻ ዉድያፕ አከትያዋ ግደፕ። አቱማዋ ግዲደ። ትላ ቦላና ደእያዋ ግደ።

11 ሄ መሀያ ያርሹያ ሳኦ ሁጲሳ ባጋና መጅና ጎዳ ሰንሳን ሹኩ። አርና ናናይ ቄሳቱ አ ሱላ አኪደ። ያርሹያ ሳኦ ምይያ ኡባ ቦላን ጉሰና።

12 ሄዋፕ ጉይያን። ሄ ብታኒ አ ቆሙዋን ከሴዳ አሹዋ ኡባ ቄሲ አኪደ። ሁጲያን ሞጵዋ ጉጂደ። ያርሹያ ሳኦ ቦላን ታማን ደእያ ሞላ ቦላን ዎላ።

13 ሸን ቃንሳ አሹዋን ገደቱዋ ሃላን ማጮ። ያቲደ ቄሲ ሄዋ ኡባ አሂደ ያርሹያ ሳኦ ቦላን ጸጎ፤ ሄዋ መጅና ጎዳው ታማን ጸግያ። ሳዉዋ ቶሹኩ ግያ ያርሹዋ ግዳናዎ።

14 “ ሙጅና ጎዳው ያርሹያ ጸግያ ያርሹ ካፋዋ ግደፕ። ሀራጵያ ማራ። ዎይ ደጎሙዋ አሆ።

15 ቄሲ ሄዋ አኪደ። ቆጵያ ምርቆ፤ ያቲደ ያርሹያ ሳኦ ቦላን ደእያ ታማን ጸጎ። አ ሱላይ ያርሹያ ሳኦ ቦላፕ ምይያና ደጎ ጎግ ጭንጎ፤

16 ኡሎ ግዲዋ ባለቱዋና ከሲደ። ያርሹያ ሳኦፕ አዋይ ደልያ ባጋና። ብድንሳ ቆልያ ሳኦን ኡሎ።

17 አ ሄ ካፋዋ ቀፊቱዋ ኦይቁደ ጳልቆ። ሸን ኡባና ዳኮፕ። ሄዋፕ ጉይያን። ቄሲ ያርሹያ ሳኦ ቦላን ደእያ ታማን ዎላደ ጸጎ፤ ሄዋ መጅና ጎዳው ታማን ጸግያ። ሳዉዋ ቶሹኩ ግያ ያርሹዋ ግዳናዎ።

# 2

## ካላ ያርሹዋ

- 1 “ ሕንገ ካላ ያርሹዋ መድና ጎዳዉ ሺሽያ ዎደ፣ ሄ ያርሹ ሊቆ ጂልያ ግደ፤ እ ቦላ ዎጋራ ዛይትያን እጻና ጉጅ።
- 2 ሄዎ እ አርና ናናቱዋኮ ቁሳቱዋኮ እሆ፤ ቁሳቱ ሄ ሊቆ ጂልያ፤ ዛይትያ፤ እት ኩሽያ ኩንሳ እኪደ፣ እጻና ኡባና እክ፣ ሀሳይሰያዋ ኦሊደ፣ ያርሽያ ሳእ ቦላ ታማን ጸጎ። ሄዎ መድና ጎዳዉ ታማን ጸጎ፤ ሳዉዎ ቶሹኩ ግያ ያርሹዋ ግዳናዎ።
- 3 ካላ ያርሹዋ፤ እትቲዳዌ እርናሳን እ ናናቱዋሳ። ሄዎ መድና ጎዳዉ ታማን ጸጎትያ ገሻ ያርሹዋ ኡባ፤ እትዋ ግዳዳ ገሻ ያርሹዋ።
- 4 “ ያርሹ ሺሽያ ኡክላይ ጮጭያን ካኤዳዎ ግደ፤ ዛይትያን ሙናቄዳ ሊቆ ጂልያ፤ ኡክቲዳ እርሹ ያገትቤና ኮዎ። ዎይ ዛይትያን ኡክቲዳ፣ እርሹ ያገትቤና ሊኦ ኡክላ ግደ።
- 5 “ ያርሹ ሺሽያ ኡክላይ ባሽያን ኡክቲዳዎ ግደ፤ ዛይትያን ሙናቄዳ፣ እርሹ ባይና፣ ሊቆ ጂልያ፤ ጊኤዳዎ ግደ።
- 6 እ መንሊደ እ ቦላ ዛይትያ ትጎ፤ ሄዎ ካላ ያርሹዋ ኦሊደ ሺሹ።
- 7 “ ሳ ያርሹ ሺሽያ ካላ ያርሹ ድሰትያን ካኤዳዎ ግደ፤ ዛይትያን ሙናቄዳ ሊቆ ጂልያ፤ ካኤዳዎ ግደ።
- 8 ሀዎዳን ጊግሌዳ ካላ ያርሹዋ መድና ጎዳዉ እሆ፤ ቄሰያዉ እማ። ቄሲ ሄዎ እኪደ ያርሽያ ሳእ ሺሹ።
- 9 ቄሲ ሄ ካላ ያርሹዋ፤ እኪደ፣ ሀሳይሰያዎ ኦሊደ፣ ያርሽያ ሳእ ቦላን ጸጎ፤ ያርሹዋዳን ታማን ጸጎ፤ ሄዎ መድና ጎዳዉ ታማን ጸጎ፤ ሳዉዎ ቶሹኩ ግያ ያርሹዋ ግዳናዎ።
- 10 ካላ ያርሹዋ፤ እትቲዳዌ እርናሳን እ ናናቱዋሳ። ሄዎ መድና ጎዳዉ ታማን ጸጎደ፣ ገሻ ያርሹዋ ኡባ፤ እትዋ ግዳዳ ገሻ ያርሹዋ።
- 11 “ ጸሳዉ ሀንተ እሆን እይ ካላ ያርሹኑ እርሹዋና ደእያዎ ግደ፤ እያዉ ጎፕ ኔን እርሹዋ ዎይ ኤሳ እልሉዋ ጸሳዉ ጸሳዉን ጸጎ፤ ያርሹዋ ሳእ ሰሊደ፣ ጸሳዉ እሆናዉ ዳንዳዳ፤ ሽን ሄዎ ሳዉዎ ቶሹኩ ግያ ያርሹዋ ኦሊደ፣ ጸሳዉ ያርሽያ ሳእ ቦላን ጸጎ፤ ተና።
- 12 ሀንተ ላይላን ላይላን ጮክትያ ካላ፤ ጸጎ ጸጎ ከሲደ፣ ጸሳዉ እሆናዉ ዳንዳዳ፤ ሽን ሄዎ ሳዉዎ ቶሹኩ ግያ ያርሹዋ ኦሊደ፣ ጸሳዉ ያርሽያ ሳእ ቦላን ጸጎ፤ ተና።
- 13 ኔን ሺሽያ ካላ ያርሹዋ ኡባን ማጽጎን ህገ፤ እያዉ ጎፕ፣ ነ ጸሳ ቃላ ጮቁዎ ማጽጎን እጎ። ሄዎ ድራዉ ነ ካላ ያርሹዋ ኡባ ማጽጎን ማልኤላ።
- 14 ኔን ኮይር ካላ፤ ጸጎ ከሳደ መድና ጎዳዉ እሆን ዎደ፣ ሄ ካላይ ጸጸቲደ ሀርጸቲዳ ትሻ ካላ ግዳናዉ ኮሺ።
- 15 እ ቦላ ዛይትያ ትጎ፤ እጻናካ እን ዎላ፤ ሄዎ ካላ ያርሹዋ።
- 16 ቄሲ ሄ ዛይት ትገቲዳ ሀርጸቲዳ ካላ፤ ሻኩዋ እኪደ፣ እጻና ኡባናካ ሀሳይሰያዎ ኦሊደ ታማን መድና ጎዳዉ ጸጎ።

# 3

## እትተላ ያርሹዋ

- 1 “ ሕንገ እሳይ እትተላ ያርሹ ባረ ዉድያ፤ ማጫዎ ግድና እትማዎ ግድና እት መሀያ ሺሽያ ዎደ፣ ሄ መሃ ትላ ቦላና ደእያዎ መድና ጎዳ ሰንሳን ሺሹ።
- 2 ያርሹዋ እሄዳ መሀያ ሁጲያን ባረ ኩሽያ ዎሊደ፣ ጸሳ ዲንካንያ ፕንግያን ሹኩ። ሄዎ፤ ፕቲ ፕቲያን፣ ቁሳቱ አርና ናናይ ሱላ ያርሽያ ሳእ ምይያ ኡባ ቦላን ጉሱ።
- 3 እትተላ ያርሹዋ፤ ታማን ጸጎ፤ ያርሹዋ ኦሊደ መድና ጎዳዉ ሺሹ፤ ሄዎካ ቃንላ እሹዋ ማዌዳ ሀንዳ ኡባይን እናና ጋሳያ ሀንዳይ።
- 4 ላኡ ክላሆቲዋ፣ ኡንቲንቲ ቦላ ደእያ ሀንዳ፣ ጋይልያ ማታን ደእያ ሀንዳን ትርያ ጸጎ ቦላ ደእያ ሀንዳ ክላሆቲዋና ጋሊደ እኩ።
- 5 አርና እትማ ናናይ ሄዎ ሀራ ጸጎ፤ ያርሹዋና ያርሽያ ሳእ ቦላ ደእያ ዎላ ቦላ ዎሊደ ጸጎ፤ ሄዎ መድና ጎዳዉ ታማን ጸጎ፤ ሳዉዎ ቶሹኩ ግያ ያርሹዋ ግዳናዎ።
- 6 “ መድና ጎዳዉ እትተላ ያርሹዋ ሺሽያ ኡራይ ደርሳ ግድና ዴሻ፣ ማጫዎ ግድና እትማዎ ትላ ቦላና ደእያዎ ሺሹ።
- 7 እት ኡራይ ደርሳ ማራ ያርሽያዎ ግደ፤ መድና ጎዳ ሰንሳን ሺሹ፤
- 8 ባረ ኩሽያ እ ሁጲያን ዎሊደ፣ ዲንካንያ ሰንሳን ሹኩ። ሄዎ፤ ፕቲ ፕቲያን፣ አርና እትማ ናናይ ሱላ እይቄደ፣ ያርሽያ ሳእ ምይያ ኡባ ቦላን ጉሰና።
- 9 እትተላ ያርሹዋ፤ ታማን ጸጎ፤ ያርሹዋ ኦሊደ፣ መድና ጎዳዉ ሺሹ፤ ሄዎካ፣ ዚዝያ፤ ቃንዴዳ ናሰያ፣ ኡሎ ግደ እሹዋ ማዌዳ ሞድያን ሀዎንታ ጋሳ ኦይልያ ሞድያ ኡባ።



- 10 ላኢ ክላሆቱዋ፡ ኤንቱንቱ ቦላ ደእያ ሀንዳን ጋይልያ ማታን ደእያ ሞቲያ፡ ትርያ ጼራ ቦላ ደእያ ሞቲያ ክላሆቱዋና ጋሊደ እኪ።
- 11 ቄሲ ሄ ቆማ ያርሹዋ መቲና ጎዳዉ ታማን ጸግያ ያርሹያ ሳኣ ቦላ ዋሊደ ጸጎ።
- 12 “ ሳኣ ያርሹ ዴሻ ግደፒ፡ እ ሄዋ መቲና ጎዳ ሰንላን ሺሾ።
- 13 ያቴደ እ ሁጲያን ባረ ኩሽያ ዋሊደ፡ ጸሳ ዲንካንያ ሰንላን ሹኩ። ሄዋፒ ጉይያን፡ አርና ኦቲማ ናናይ ሱላ ኦይቂደ፡ ያርሹያ ሳኣ ዩሹዋን ኡባን ጉሲኖ።
- 14 እ ሄ ያርሹያዋፒ እኪደ፡ ታማን ጸግያ ያርሹዋ ኦሊደ መቲና ጎዳዉ ሺሾ፤ ሄዌካ ቃንላ እሹዋ ማዬዳ ሀንዳ ኡባን ሄ ሀንዳ ጋላ ኦይልያ ሀራ ሀንዳ፡
- 15 ላኢ ክላሆቱዋ፡ ኤንቱንቱ ቦላ ደእያ ሀንዳን ጋይልያ ማታን ደእያ ሞቲያን ትርያ ጼራ ቦላ ደእያ ሞቲያ ክላሆቱዋና ጋሊደ እኪ።
- 16 ቄሲ ሄ ቆማ ታማን ጸግያ፡ ሳዉዋ ቶሹኩ ግያ ያርሹዋ ኦሊደ ያርሹያ ሳኣ ቦላ ጸጎ። ሀንዳ ኡባን መቲና ጎዳሳ።
- 17 “ ሳህንዳን ሱላ ሀንተ ደእያ ሳኣን ሀቃን ሞፕተ። ሀዌ ሀንተንቶን ሀንተ የለታዉ መቲናዉ ናገትያ ዎጋን ያጋደ ኦዳ” ያጌዳ።

### 4

#### ቆፕናን ኦሊዳ ናጋራ ያርሹዋ

- 1 መቲና ጎዳይ ሙሳ ሀዋዳን ያጌዳ፤
- 2 “ኣን እሰራኤልያ አሳዉ ሀዋዳን ያጋደ ኦዳ፤ ሳኣን ቆፕናን ናጋራ ኦሎፕን፡ መቲና ጎዳ አዛዙቱዋፒ እቱዋ ሀቃዋን መንሎፒ፡ ሀዋፒ ካሊደ ደእያ ዎጋ ናጎ።
- 3 “ ቄሲያ ካፑ ናጋራ ኦሎፕን ሄ ናጋራይ አሳ ባይዛንቻ ከሰያዋ ግደፒ፡ እ ባረ ኦሊዳ ናጋራ ድራዉ፡ ትላ ቦላና ደእያ ኮሩማ መቲና ጎዳዉ ናጋራ ያርሹዋ ኦሊደ አሆ።
- 4 ሄ ኮሩማ መቲና ጎዳ ዲንካንያ ፒንገ አሊደ፡ ኮሩማ ሁጲያን ባረ ኩሽያ ዋሊደ፡ መቲና ጎዳ ሰንላን ሹኩ።
- 5 ቄሲያ ካፑ ኮሩማ ሱላፒ አማራዳዋ እኪደ፡ መቲና ጎዳ ዲንካንያ አፎ።
- 6 ባረ ኩሽያ ብራቲያ ሱላን ቱሽ ቱሽ ከሲደ፡ መቲና ጎዳ ዲንካንያ ጋርዱዋ ሰንላን መቲና ጎዳ ሰንላን ላፑ ገደ ዲኩ።
- 7 ሄዋፒ ጉይያን፡ ቄሲያ ካፑ አማራዳ ሱላ እኪደ፡ መቲና ጎዳ ዲንካንያ ግደን መቲና ጎዳ ሰንላን ሳዊያ እጻና ጨውሰያ ሳጸንያ ቦላ ደእያ ካጨቱዋ ቦላ ጸክሶ። አቲዳ ሱላ ቃይ ጸሳ ዲንካንያ ገልያ ሳኣ ባጋና ደእያ ጸግያ ያርሹዋ ያርሹያ ሳኣፒ ጋርሳ ባጋና ደእያ ሳኣን ጉሶ።
- 8 ናጋራ ያርሹ ሹኩቲዳ ሀ ኮሩማ ሞቆዋ ኡባ፡ ቃንላ እሹዋ ማዬዳ ሀንዳን ኤንቱንታ ጋላ ኦይልያ ሞቆዋ፡
- 9 ላኢ ክላሆቱዋ፡ ኤንቱንታ ማዬዳ ሀንዳን ጋይልያ ማታን ደእያ ሞቲያን ትርያ ጼራ ቦላ ደእያ ሞቲያ ክላሆቱዋና እትፒ ከሲደ እኩ።
- 10 እትፒተላ ያርሹ ሹኩቲዳ ኮሩማፒ እኪዳ ሞቆዋዳን እኩ። ቄሲያ ካፑ ጸግያ ያርሹዋ ያርሹያ ሳኣ ቦላን ጸጎ።
- 11 ሽን ኮሩማ ጋልባ፡ እ እሹዋ ኡባ፡ እ ሁጲያን፡ እ ገደቱዋ፡ ቃንላ እሹዋ፡ ቶጭያ፡
- 12 ኮሩማ እሹዋፒ እቲዳዋ ኡባ ዲንካንያ ሳኣፒ ካረ ከሲደ፤ ብራኒላ ቆልያ ዎጋዳን ጌሻ ግዳዳ ሳኣ አፎ፤ ያን ሞላ ታማን ጸጎ።
- 13 “ ሳኣሰራኤልያ ማባራይ ኡባይ ቆፕናን ናጋራ ኦሎፕን፡ መቲና ጎዳ አዛዙቱዋፒ እቱዋ ሀቃዋን መንሎፒ፡ ኤንቱንቱ ባይዛንቻ ግዳደ ጋይደታና።
- 14 ኤንቱንቱ ኦሊዳ ናጋራይ ኤረቶያ ዎደ፡ ናጋራ ያርሹ ሀንያ ኮሩማ ጸሳ ዲንካንያ ሰንላ አሆኖ።
- 15 ሄ ማባራ ጭማቱ መቲና ጎዳ ሰንላን ባረንቱ ኩሽያ ኮሩማ ሁጲያ ቦላን ዋሊደ፡ ሄ ኮሩማ መቲና ጎዳ ሰንላን ሹክኖ።
- 16 ሄዋፒ ጉይያን፡ ቄሲያ ካፑ ኮሩማ ሱላፒ ጉላ እኪደ፡ ጸሳ ዲንካንያ ግደ ገሎ፤
- 17 እ ባረ ኩሽያ ብራቲያ ሱላን ቱሽ ቱሽ ከሲደ፡ ጋርዱዋ ሰንላ ባጋና መቲና ጎዳ ሰንላን ላፑ ገደ ዲኩ።
- 18 ቃይ አማራዳ ሱላ እኪደ፡ መቲና ጎዳ ዲንካንያ ግደን ሰንላን እጻና ጨውሰያ ሳጸንያ ቦላ ደእያ ካጨቱዋ ቦላ ጸክሶ። አቲዳ ሱላ ቃይ መቲና ጎዳ ዲንካንያ ገልያ ሳኣ ባጋና ደእያ ጸግያ ያርሹዋ ያርሹያ ሳኣፒ ጋርሳ ባጋና ደእያ ሳኣን ጉሶ።
- 19 ሞቆዋ ኡባ እኪደ፡ ያርሹያ ሳኣ ቦላን ጸጎ።
- 20 ናጋራ ያርሹ ሹኩቲዳ ኮሩማ ኦሊዳዋዳን ሀ ኮሩማካ ኦሎ። ሄዋዳን ኦሊደ፡ ቄሲ ናጋራ እቶ ጊሰያ ዎጋ ፖላና፤ አሳይካ ናጋራፒ ማረታናዋ።

21 ህዋጥ ጉይያን፣ ኮሩማ ዲንካኔዳ ሳኣጥ ካረ ከሲደ፣ ካሰ ኮሩማ ጹጌዳዋዳን ኦካ ጹጎ፤ ሀዋ ማባራ ናጋራው ያርሽያ ያርሹዋ።

22 “ ሳኣ ካለላያ ሰንገላቱዋጥ እቱ ቆጥናን ናጋራ ኦፍጥን መድና ጎዳይ እ ጸሳይ እ አዛዜዳ አዛዙዋጥ እቱዋ ሀቃዋን መንፈጥ፤ ሄ ኡራይ ባይዛንቻ።

23 እ ባረ ኦሌዳ ናጋራ ኤራዳዋጥ ጉይያን፣ ትላ ቦላና ደእያ እት ዳሻ ኦርግያ እሆ።

24 ሄ ዳሻ ኦርግያ ሀጺያን ባረ ኩሽያ ዋሊደ ጹግያ ያርሹ መድና ጎዳ ሰንገላን ሹከትያ ሳኣን ሹኩ፤ ሄዋ ናጋራ ያርሹዋ።

25 ቁሲያ ካፑ ናጋራ ያርሹዋ ሱላ ግደ ባረ ኩሽያ ብራድያ ቱሽ ቱሽ ከሲደ፣ ጹግያ ያርሹዋ ያርሽያ ሳኣ ቦላ ደእያ ካጨቱዋ ቦላ ጸክሶ፤ እቱዳ ሱላ ቃይ ጹግያ ያርሹዋ ያርሽያ ሳኣጥ ጋርሳ ባጋና ደእያ ሳኣን ጉሶ።

26 ሞጱዋ ኡባ እትጥተላ ያርሹዋ ሞጱዋ ያርሽያዋዳን ያርሽያ ሳኣ ቦላን ያርሹ። ሀዋዳን ኦሊደ፣ ቁሲ ብታንያ ናጋራ እቶ ገሲ፤ ብታኒካ ባረ ናጋራጥ ማረታናዋ።

27 “ ሳኣ ማባራ ኣጎጥ እቱ ቆጥናን ናጋራ ኦፍጥን መድና ጎዳ አዛዙዋጥ እቱዋ ሀቃዋን መንፈጥ፤ ሄ ኡራይ ባይዛንቻ ግዲደ ፓይደ።

28 እ ባረ ኦሌዳ ናጋራይ አዉ ኤራቲዳዋጥ ጉይያን፣ ትላ ቦላና ደእያ ማጫ ዳሻቶ ባረ ናጋራው አሆ።

29 ባረ ኩሽያ ናጋራ ያርሹዋ ኦሊደ ሹክያ ዳሻት ሀጺያን ዋላ፤ ያቲደ ጹግያ ያርሹዋ ያርሽያ ሳኣን ናጋራ ያርሹዋ ኦሊደ ሹኩ።

30 ህዋጥ ጉይያን፣ ቁሲያ ካፑ ሄ ዳሻት ሱላጥ ባረ ኩሽያ ብራድያን አኪደ፣ ጹግያ ያርሹዋ ያርሽያ ሳኣ ቦላ ደእያ ካጨቱዋ ቦላ ጸክሶ፤ እቱዳ ሱላ ኡባ ያርሽያ ሳኣጥ ጋርሳ ባጋና ደእያ ሳኣን ጉሶ።

31 ሞጱዋ ኡባ እትጥተላ ያርሹ ሹኩዳ መሀያጥ ከሲያዋዳን፣ ሄ ዳሻት ሞጱዋካ ቆሪደ ከሲ አኪደ፣ ያርሽያ ሳኣ ቦላ ዋሊደ፣ መድና ጎዳው ሳዉዋ ቶሹኩ ግያ ያርሹዋ ግዳና ማላ ጹጎ። ሄዋዳን ኦሊደ፣ ቁሲ ሄ ብታንያ ናጋራ እቶ ገሲ፤ ብታኒካ ባረ ናጋራጥ ማረታናዋ።

32 “ ሳኣ ብታኒ ባረ ናጋራ ያርሹ ደርሳ ሺሻናዉ ኮዮጥ፣ ትላ ቦላና ደእያ ማጫውና አሆ።

33 እ ባረ ኩሽያ ሄ ደርሳት ሀጺያን ዋሊደ ጹግያ ያርሹ ሹክያ መሄ ሹከትያ ሳኣን አዙ ሹኩ።

34 ህዋጥ ጉይያን፣ ቁሲ ናጋራ ያርሹዋ ግዲዳ ሄ ደርሳት ሱላን ባረ ብራድያ ቱሽ ቱሽ ከሲደ፣ ጹግያ ያርሹዋ ያርሽያ ሳኣ ቦላ ደእያ ካጨቱዋ ቦላ ጸክሶ፤ እቱዳ ሱላ ቃይ ያርሽያ ሳኣጥ ጋርሳ ባጋና ደእያ ሳኣን ጉሶ።

35 እትጥተላ ያርሹ ሹከቲዳ ሞጱዋ ቃሪደ ከሲያዋዳን፣ ሄ ደርሳት ሞጱዋካ ቃሪደ ከሶ። ያቲደ፣ ያርሽያ ሳኣ ቦላ መድና ጎዳው ታማን ጹግያ ያርሹዋ ቦላ ዋሊደ ጹጎ። ሀዋዳን ኦሊደ፣ ቁሲ ሄ ብታንያ ናጋራ እቶ ገሲ። ብታኒካ ባረ ናጋራጥ ማረታናዋ።

### 5

#### ናጋራ ያርሹ ሺቅያ ጋሱዋ

1 “ ሳኣይ አሳይን ማርካዉ ጸሰቲደ ባረ በኤዳዋ ዋይ ባረ ኤራዳዋ ጉታራን ማርካተናን እጸጥ፣ ሄዋ አዉ ናጋራ፤ ሄዋ ድራዉ እ ባረ ናጋራን ኦሽቲ።

2 “ ሳኣይ አሳይን ኤረናን ደእደ ተናባ፣ ደእ ባኩታ ዋይ መሀያ ባኩታ ዋይ ሳኣና ጎሽትያ ደአቱዋ ባኩታ ቦቾጥ፣ ቱና ግድያዋ እ ኤራዳ ዋድያጥ ደሚደ ባይዛንቻ ግዲዳ።

3 “ ሳኣይ አሳይን ኤረናን ደእደ፣ አሳ ቦላጥ ጎግያ ቱንሲያባ እያ ግድናካ ቦቾጥ፣ ሄዋ ቱና ግድያዋ እ ኤራዳ ዋድያጥ ደሚደ ባይዛንቻ ግዲዳ።

4 “ ሳኣይ አሳይን ኤረናን ደእደ፣ አሳ ቦላጥ ጎግያ ቱንሲያባ እያ ግድናካ ቦቾጥ፣ ሄዋ ቱና ግድያዋ እ ኤራዳ ዋድያጥ ደሚደ ባይዛንቻ ግዲዳ።

5 “ ሳኣይ አሳይን ሀ ኦድቲዳ ባይዛቱዋጥ እቱዋ ኦሌዳዋ ግደጥ፣ ባረ ኦሌዳ ናጋራ ፓጾ።

6 እ ባረ ኦሌዳ ናጋራ ድራዉ መድና ጎዳው ባረ ዉድያ ግደጥ ማጫ ደርሳ ዋይ ማጫ ዳሻ ናጋራ ያርሹዋ ኦሊደ ሹኩ። ቁሲ አኪደ፣ ሄ ብታንያ ናጋራ እቶ ገሳናዋ።

7 “ ሳኣይ ባረ ኦሌዳ ናጋራው ያርሻናዉ፣ ደርሳ ዋይ ዳሻ ሻማናዉ አዉ ሻሊ ግዳና ጳዮጥ፣ ላኡ ሀራጸቱዋ፣ ዋይ ላኡ ደጎማቱዋ፣ እቱዋ ናጋራ ያርሹዋ ኦሊደ፣ ቃይ እቱዋ ጹግያ ያርሹዋ ኦሊደ መድና ጎዳው አሆ።

8 እ ኡንቲንታ ቁሲያዉ አዋ። ቁሲ ላኡ ሀራጸቱዋጥ እትንዉ ቆድያ ሙጨናን ጮ ሞርቂደ፣ ናጋራ ያርሹዋ ኦሊደ ያርሹ።

9 ያቲደ ሄ ናጋራ ያርሹዋ ሱላጥ አማራዳዋ አኪደ፣ ያርሽያ ሳኣ ሞይያን ጫጫፎ፤ እቱዳ ሱላ ያርሽያ ሳኣጥ ጋርሳ ባጋና ጉሶ፤ ሄዋ ናጋራ ያርሹዋ።

10 የንኮ ሀራጳቶ ቃይ ህጊ አዛዝያዎዳን፣ ጸግያ ያርሹዋ አሊደ ጸጎ። ቄሲ ሄዎዳን አሊደ፣ ብታኒ አሊደ ናጋራ አቶ ጊሳናዉ ያርሹዋ ያርሼ፤ ብታኒካ ባረ ናጋራጥ ማረታናዎ።

11 “ ተሽን እት ኡራዉ ላኡ ዎጋ ደጎማቱዋ ዎይ ላኡ ሀራጳቱዋ አህናዉ ሻሊ ግዳና ቆየጥ፣ ላኡ ኪሎ ግራመ ሊቆ ጴልያ ባረ ናጋራዉ ሽሽያ ያርሹዋ አሊደ አህ። ሄ ጲሊ ናጋራ ያርሹዋ ግድያ ድራዉ፣ ዎጋራ ዛይቲ ዎይ አጻናይ እን ጉጅቶ።”

12 እ ሄዎ አሂደ ቄሲያዉ እዋ፤ ቄሲ ሄ ጴልያጥ እት ኩሽያ ኩክሳ አኪደ፣ መድና ጎዳዉ ሽሽያ ሀራ ያርሹዋ ቦላ ዎሊደ፣ ሀሳይሰያዎ አሊደ ያርሽያሳን ደእያ ታማነን ጸጎ፤ ሄዎ ናጋራ ያርሹዋ።

13 ሀ ጌተቱዋግንቲ ሀቀዋን ግደ ብታኒ ኦሌዳ ናጋራዉ ቄሲ ሀዋዳን አሊደ፣ ብታኒ ኦሌዳ ናጋራ አቶ ጊሴ፤ ብታኒካ ባረ ናጋራጥ ማረታናዎ። ካሳ ያርሹዋዳንካ አቲዳዎ ቄሲ እኮ ያጋደ ኦዳ” ያጌዳ።

**ናቁዋ ያርሹዋ**

14 መድና ጎዳይ ሙሴዉ ሀዋዳን ያጊደ ኦዳዳ፤

15 “እንነ መድና ጎዳዉ ጌሽ ዎሌዳ ሚሻቱዋ ቦላ አማነተናን ቆየጥ ቃይ ኤረናን ናጋራ ኦሎጥ፣ ባረ ናቆ ባረ ዉድያ ግደጥ ትላ ቦላና ደእያ እት ደርሳ ኦርግያ መድና ጎዳዉ አህ። አ ታቲካ መድና ጎዳ ዲንካንያን ኤረትያ ሚዛናን ዎሰና ኤረቶ፤ ሄዎ ናቁዋ ያርሹዋ።”

16 መድና ጎዳዉ ዲማይ ዎሌዳ ሚሻቱዋ ቦላ አ ናጋራ ኦሌዳ ድራዉ፣ አ ሄ ሚሻቱዋ ትትያ ጭጎ፤ ካሰ ትትያ ቦላ ጴቱዋጥ ላታሙ ኩሽያ ጉጂደ ቄሲያዉ እዋ። ቄሲ ሄ ናቁዋ ያርሹ ለሄዳ ደርሳ ያርሼደ፣ ብታንያ ናጋራ አቶ ጊሴ፤ ብታኒካ ባረ ናቁዋጥ ማረታናዎ።

17 “አይ አሳይነ ኤረናን ደእደ፣ መድና ጎዳይ፣ ‘ኦሎጥ’ ጊደ አዛዜዳዎጥ እቱዋ ኦሊደ ናጋራን ገሎጥ፣ አ ኤራና ቆየጥ ባይዛንቻ ግድያ ድራዉ፣ ባረ ናጋራን አሸቲ።”

18 አ ባረ ዉድያጥ ትላ ቦላና ደእያ እት ደርሳ ኦርግያ ናቁዋ ያርሹ ቄሲያኮ አህ። ሄ ደርሳይ ናቆ ጭግያ ትትያ ከሰያዎ ግደ፤ ያቶጥ ቄሲ ሄ ደርሳ ያርሼደ፣ ብታንያ ናቁዋ አቶ ጊሴ፤ ብታኒካ ባረ ናቁዋጥ ማረቲ።

19 ሄዎ ናቁዋ ያርሹዋ። አ ቱሙካ መድና ጎዳ ናቁዳ።” ያጌዳ።

**6**

1 መድና ጎዳይ ሙሴዉ ሀዋዳን ያጌዳ፤

2 “መድና ጎዳይ እንነ ናጋራ ኦሊደ ባረ ሾሩዋ ዎርዶቲደ ጭዋጥ ሀዋጥ ካሊደ ደእያ ህገቱዋ እማዳ፣ ሾሩዋ ማታን ሀዳራ ዎሳባ ዎይ ኦይሊደ ታልኤዳባ ካደጥ፣ ዎይ አሳዋ ቦንቆጥ፣ ዎይ ባረ ሾሩዋ ቦላን ሱገላ ኦሎጥ።

3 ዎይ ባይዳዎ ደማደ ታ በአበይከ ጎጥነ ዎርዳዎን ጫቆጥ፣ ሀዋንታ ማላትያዋንቲቲ እቱዋ ኦሎጥ።

4 እ ሀቃዋን ግደ፣ አሊደ፣ ሄዎን ናጋራንቻ ግደጥ፣ ባረ ቦንቁ እኩዳዎ፣ ዎይ ኦይሰና ካዲደ እኩዳዎ፣ ዎይ ሀዳራ እማዳዎ ዎይ፣ ባይና ደማዳዎ።

5 ዎይ ዎርዳዎን ጫቁ እኩዳዎ ኡባካ አ ጎዳዉ ዛር። ቃይ ባረ ናቁዋ ያርሹዋ ያርሽያ ጋላሰ ባረ እኩዳዎ ቦላ ጴቱዋጥ ላታሙ ኩሽያ ጉጂደ አ ጎዳዉ እዋ።

6 ቃይካ ባረ ናቁዋ ድራዉ መድና ጎዳዉ ያርሽያ ያርሹ ባረ ዉድያ ግደጥ ትላ ቦላና ደእያ እት ደርሳ ኦርግያ ቄሲያኮ አህ። ሄ ደርሳ ታቲ ሱረ ቆልቲዳዎ ግደ።

7 ቄሲ ሄ ደርሳ መድና ጎዳ ሰንሳን ያርሼደ፣ ብታንያ ናቁዋ አቶ ጊሴ፤ ብታኒካ ባረ ናቁዋ ኡባጥ ማረታናዎ” ያጌዳ።

**ዉርሰ ጸግያ ያርሹዋ**

8 መድና ጎዳይ ሙሴዉ ሀዋዳን ያጊደ ኦዳዳ፤

9 “አርናን አ እቲማ ናናቱዋ ሀዋዳን ያጋደ አዛዛ፤ ‘ጸግያ ያርሹ ደእያ ዎጋይ ሀዋ፣ ጸግያ ያርሹ ቃማይ ዎንታን ታካናዉ ያርሽያ ሳእን ደኡ። ታማይካ ያርሽያ ሳእን ኡባ ዎደ ኤዲደ ደኡ።”

10 ቄሲ ሊኡዋጥ ዳደቲዳ ቃዎሽያን ሱርያ ማዬደ፣ ጸግያ ያርሹዋ ታማይ ዎ ሰዎና አቲዳ ብድንሳ ደንሊደ፣ ያርሽያ ሳ ዎይያን ላሎ።

11 ሄዋጥ ጉይያን፣ ሄ ማዬዎ ቃር ዎሰ ሀራ ማዬዎ ማዬደ፣ ሄ ብድንሳ ዲንካኔዳ ሳአጥ ጋጾ አፊደ፣ ሀግያዳን ጌዬዳ ሳእን ቆሎ።

12 ያርሽያ ሳእ ቦላ ደእያ ታማይ ቶኤናን ኡባ ዎደ ኤዲደ ደኡ። ቄሲ ዎንታ ዎንታ ዎሳ እን ጉጅ ጉጂደ ዎሎ። ጸግያ ያርሹዋካ ሄ ዎሳ ቦላ ማራን ዎሊደ፣ እትጥሳ ያርሹዋ ሀንዳ አ ቦላ ጸጎ።

13 ታማይ ያርሽያ ሳእ ቦላ ኡባ ዎደ ኤዲደ ደኡ፤ ቶኤናዉ ኮሸና።

**ካላ ያርሹዋ**

14 “ ካላ ያርሹ እመቲዳ ዎጋይ ሀዋ፡ እርና እቲማ ናና ግድያ ቄሳቲ ያርሽያ ሳኣጥ ሰንላ ባጋና መድና ጎዳ ሰንላን ሺሽኖ።

15 ቄሲ ሎኦ ጂልያፕ ኮጵያዎን ዛይትያ እኪደ፣ ካላ ያርሹዋ ቦላ ደእያ እጻና ኡባካ ደንሲደ፣ መድና ጎዳዉ ሳወዋ ቶሹኩ ግያ ያርሹዋ ኦሊደ፣ ሀሳይሰያዋ ግዳናዳን ያርሽያ ሳኣ ቦላ ጹጎ።

16 ሄዋጥ አቲዳዋ እርንጎን እ እቲማ ናናይ ሚኖ፤ ሄዋ ኡንቲንቲ እርሹ የገትቤና ኡክላ ኦላ ኡኪደ፣ ዲንካንያ ዳባባ ግድን ደእያ ገሻ ሳኣን ሚኖ።

17 ሄ ኡክላይ እርሹዋ የገናን ኡከቶ። ሄዋ ታማን ጹግያ ያርሹዋጥ ኡንቲንታ ጋክያዋ ታን ኡንቲንቶ እማድ። ናጋራ ያርሹዋዳንጎ ናቁዋ ያርሹዋዳን እካ ሎይሊደ ገሻ።

18 መድና ጎዳዉ ታማን ጹግያ ያርሹዋጥ ኡንቲንታ ጋክያዋ ግድያ ድራዉ፣ ይያ ላይላቲዋንካ እርና ዛረ ግድያ አቲማዋንቲ ኡባይ ሄዋ ሚኖ። ሄ ያርሹዋ ቦችያ እያይጎ ገሻ ግዳና ያጋ” ያጌዳ።

**ቄሰያ ካፑዋ ሱንላያ ዎደ ያርሸትያ ካላ ያርሹዋ**

19 መድና ጎዳይ ቃይካ ሙሴዉ ሀዋዳን ያገደ ኦዴዳ፤

20 “እርንጎን እ እቲማ ናናቲዋጥ ቄሳተላ ካፖተላዉ ኦከትያ ጋላሰ ላኡ ኪሎ ግራመ ግድያ ሎኦ ጂልያ ካላ ያርሹዋ ኦሊደ መድና ጎዳዉ አህኖ። ሄዋጥ ባጋ ዎንታ፣ ባጋ ኦማርሰ ያርሽኖ።

21 ሄ ጂሊ ዛይትያን ሙናቀት ሎኦ ዋላከቲደ ባሽያን ኡከቶ፤ ቡንቻደ፣ ሳወዋ ቶሹኩ ግያ ካላ ያርሹዋ ኦላደ መድና ጎዳዉ ሺሽኖ።

22 ቃይ እርና እቲማ ናናቲዋጥ እ ቄሰተላ ካፖተላ ኦሶ ኦከትያ ኡባይካ ሄ ዎጋ ኦላኖ። ሄዋ መድና ጎዳዉ ኡባ ገደ ያርሽያ ያርሹዋ ግዲደ ኡባና ጹጎቶ።

23 ቄሲ ሺሽያ ካላ ያርሹዋጥ ጉየ አተናን ዉር ጹጎቶ፤ አጥ እያይጎ ሚተቶ።” ያጌዳ።

**ናጋራ ያርሹዋ ዎጋ**

24 መድና ጎዳይ ሙሴዉ ሀዋዳን ያገደ ኦዴዳ፤

25 “እርናሳን እ እቲማ ናናቶ፣ ሀዋዳን ያጋ፤ “ናጋራ ያርሹዋ ዎጋይ ሀዋ፡ መድና ጎዳዉ ጹግያ ያርሹ ሺሽያ መሂ ሹከትያ ሳኣን ናጋራ ያርሹ ሺሽያ መሂካ ሄዋን ጸሳ ሰንላን ሹከቶ፤ እካ ገሻ ያርሹዋ ኡባጥ አቲዋ ግዴዳ ገሻ ያርሹዋ።

26 ሄ ያርሹዋ ያርሽያ ቄሲ ዲንካንያ ዳባባ ግድን ደእያ ገሻ ሳኣን ሞ።

27 ሄ እሹዋ ቦችያ እያይጎ ገሻ ግዳናዋ፤ ቃይ ሹክሺን እይ ማዩዋ ቦላን ሱላይ ጳጩቶ፣ ሄ ማዩ ገሻ ሳኣን ሜጩቶ።

28 እሹ ደይሰቲዳ ኡርቃ ሚሻይ መኦ፤ ማዳብያ ብራታ ድሰትያን ደይሴዳዋ ግደ፣ ሄ ድሰትያ ቃጩደ ሃላን ሹክ ድጋናዉ ኮሺ።

29 ቄሳቲዋ ዛርያፕ አቲማ አሳ ግዴዳ ኦንጎ ሄ እሹዋ ሞ፤ ሄ እሹ ገሻ ኡባጥ አቲዋ ግዴዳ ሎይሊ ገሻ።

30 ግደ ሸን ገሻ ሳኣን ናጋራ አቶ ገሳናዉ እ ሱላ እኪደ፣ ዲንካንያ ግደ ገልሴዳ እይ መሀያ እሹዋን ማናዉ ኮሸና፤ እ ታማን ጹጎታናዉ ኮሺ።

**7**

**ናቁዋ ያርሹዋ**

1 “ ናቁዋ ያርሹዋ ዎጋይ ሀዋ፡ እካ ገሻ ኡባጥ አቲዋ ግዴዳ ገሻ ያርሹዋ።

2 ጹግያ ያርሹ ሺሽያ መሀያ ሹክያ ሳኣን ናቁዋ ያርሹዋ መሀያካ ሹክና፤ እ ሱላካ ያርሽያ ሳኣ ሞየቲዋን ጳጭኖ።

3 ቃይ እ ሀንዳ ኡባ፡ ሄዋካ ናሰያ ሀንዳ፣ ቃንላ እሹዋ ማዬዳ ሀንዳ፣

4 ላኡ ክላሆቲዋ፣ ሸንጭያ ማታን ደእያ ኡንቲንቲ ማዬዳ ሀንዳን ትርያ ጴራ ቦላ ደእያ ሞድያ ክላሆቲዋና እትጥ ያርሹዋ ኦሊደ ሺሽኖ።

5 ታማን ጹጉደ መድና ጎዳዉ ያርሽያ ያርሹዋዳን፣ ሄ ሺቄዳ ሀንዳ ቄሲ ያርሽያ ሳኣ ቦላን ጹጎ፤ ሄዋ ናቁዋ ያርሹዋ።

6 ቄሰያ ዛረ ግዴዳ አቲማ አሳይ ኡባይ ሄ ያርሹዋ እሹዋ ሞ። ሄ ያርሹ ገሻ ያርሹዋ ኡባጥ አቲዋ ግድያ ድራዉ፣ ገሻ ሳኣን ሞ።

7 “ ናቁዋ ያርሹ ናጋራ ያርሹዋካ ማላ፤ ኡንቲንቲ ላኡዋ ዎጋይ አቲዋ። ሄዋን ያርሸቲዳ መሀያ አሹ ናጋራ አቶ ገሳናዉ ያርሹዋ ያርሹዳ ቄሰያዉ እመቲ።

8 ኦንጎ ጹግያ ያርሹዋ አሆፕ ያርሹዋ ቄሲ ሄ መሀያ ጋልባ ባረዉ እኮ።

9 ጮጭያን ኮምፕቲዳ ካላ ያርሹዋ ኡባይጎ አቲዋን ደይሰቲዳ ዎይ ባሽያን ኡከቲዳ ኡባይካ ሄ ያርሹዋ ያርሹዳ ቄሰያዉ እመቲ።

10 ቃይ ዛይትያን ሙናቀቲዳ ዎይ ሙናቀትቤና ካላ ያርሹዋ ኡባይ እርና እቲማ ናናቶ ኡባዉ እመቲ፤ ኡንቲንቲ ሄዋ ቃራን ግሽ እክኖ።

**እትተተላ ያርሹዋ**

11 “ ሓሳይ እትተተላ ያርሹዋ መፅና ጎዳዉ ያርሹዎ ዎይ እዉ ደእያ ዎጋይ ሀዋ።

12 እ ሺሽያ እትተተላ ያርሹ ይላታ ያርሹዋ ግደ። ሄ ያርሹዋና እትተ ዛይትያን ሙናቁዳ፣ እርሹዋ የገናን ኡኩዳ ኡክላ፣ ዛይትያን ኡክቲዳ፣ እርሹ ገልቤና ሌኦ ዳቡዋን ዛይትያን ሎይላ ሙናቁዳ፣ ሊቆ ጳጳያ፣ ኡክቲዳ ኮዎፎዋ ሺሹ።

13 ሄ ይላታዉ ሺሽያ እትተተላ ያርሹዋና እትተ እርሹዋ የጌዳ ሙናቃ፣ ኡክቲዳ ኡክላካ እዋታ ኦሊደ ሺሹ።

14 ቃይ ሄ ኡባ ቆዋ ኡክላቱዋ፣ እ እቲዋ እቲዋ ደንሊደ፣ መፅና ጎዳዉ ያርሹዋ ኦሊደ እሆ። ሄዎ እትተተላ ያርሹዋ ሱላ ጫጫፊዳ ቂሰያዉ እመቶ።

15 ሄ መሀያ እሹ ይላታዉ ሺቅያ እትተተላዉ ያርሹቲዳ ይላሰ ማተቶ፤ ዎንታዉ እያይን አቶ።

16 “ ሸን እ ያርሹ ሸቂዳዋ ይላያ ዎይ ባረ ደቡዋን ጮ እዎያ ያርሹዋ ግደ። ሄ ያርሹዋ እሹ ሄ ያርሹዳ ይላሰ ማተቶ፤ እፕ እትያዎ ቃይ ዎንተላ ይላሰካ ማተቶ።

17 ሄ ያርሹዋ እሹዋ፣ ፓላሂደ ሄክንላ ይላሳ ይላሰካ ማተቶ።

18 እት አሳይ ሺሹዳ እትተተላ ያርሹዋ እሹዋ፣ ሀቃዌን ሄክንላ ይላሰ ማተቶ። እ ያርሹ እክተና፤ እ ያርሹዳዋዳንካ ይይደተና። ሄ ያርሹ ቱና፤ እፕ ሜዳ ኡንካ ባረ ናጋራን ኦሸቲ።

19 “ ጭናባ እያን ቦቼዳ እሹ ማተቶ፣ እ ታማን ጸገታናዉ ኮሼ። እሹ ጌሻ እሹዋ ግደ። ዎጋን ጌሻ ግድያ አሳይ ኡንካ ማና ጎፕ ዋ።

20 ሸን እት አሳይ ቱና ግድ ኡቲደ፣ መፅና ጎዳዉ ሺሹዳ እትተተላ ያርሹዋ እሹዋ፣ ዎያዎ ግደ። ሄ አሳይ ባረ አሳ ግደ፣ ሰሄቶ።

21 ቃይ እት አሳይ ቱናባ እያን ቦቾ፣ እሳ ቱናተላ ግድና ዎይ ቱና መሀያ ግድና፣ ዎይ ሀራ ሸንይያ ቱናባ ቦቾ፣ ሰሚደ መፅና ጎዳዉ ያርሹዳ እትተተላ ያርሹዋ እሹዋ፣ ሀፕ፣ ሄ ኡራይ ባረ አሳ ግደ፣ ሰሄቶ፣ ያጋ” ያጌዳ።

**ሱላን ሞፊዋ ሙሳይ ድገቲዳ**

22 መፅና ጎዳይ ሙሴዉ ሀዋዳን ያገደ ኦዳዳ፤

23 “እስራኤልያ አሳዉ ሀዋዳን ያጋ፤ ጥሩማ ዎይ ዶርሳ ዎይ ዴሻ እሹዋን ሞፊዳ ዛዋ ሙላካ ሞፕተ።

24 ሀይቁዳ መሀያ ዎይ ዶአይ ዎጂዳ መሀያ ሞፊዳካ ሀራባዉ ጎኡትተ፣ እትና፣ እፕ እያን ሞፕተ።

25 እያዉ ጎፕ፣ መፅና ጎዳዉ ታማን ጸገያ ያርሹ ሺሽያ መሀያ ሞፊዳ ዎያ ኡንካ ባረ አሳ ግደ፣ ሰሄቶ።

26 ህንተ ደእያ ሳእን ሀቃን ግደ፣ ካፋዋ ሱላ፣ መሀያ ሱላ ዎይ ሀራባ እያ ሱላን ሞፕተ።

27 ሱላ ዎያ እይ አሳይ፣ ሄ አሳይ ባረ አሳ ግደ፣ ሰሄቶ፣ ያጋ” ያጌዳ።

**ቂሰያ ጋክያ ግሹዋ**

28 መፅና ጎዳይ ሙሴዉ ሀዋዳን ያገደ ኦዳዳ፤

29 “እስራኤልያ አሳዉ ሀዋዳን ያጋ፤ “መፅና ጎዳዉ እትተተላ ያርሹዋ ሺሽያ እይ አሳይን ሄ እትተተላ ያርሹዋ፣ ሻኪደ፣ ባረ ሁጳ እዋታ ዳማደደ መፅና ጎዳዉ ሺሹ።

30 ሄዋ እ መፅና ጎዳዉ ታማን ጸገያ ያርሹዋ ኦሊደ፣ ባረ ኩሽያን እኪደ እሆ፤ ቃይ ሞፊዳካ እንጎሱዋና እሆ፤ እንጎሱዋ ዉጻክያ ያርሹዋ ኦሊደ፣ መፅና ጎዳ ሰንላን ቃላ።

31 ቂሴ ያርሹዎ ሳእ ቦላን ሞፊዳ ጸጎ፤ ሸን እንጎሱ እርናሳን እ እቲማ ናናቶ እመቶ።

32 ህንተ እትተተላ ያርሹዋ፣ ኡሸቻ ገድያ እዋታ ኦሊደ ቂሰያዉ እዋተ።

33 ሄዎ ኡሸቻ ገዲ እርና እቲማ ናናቱዋ፣ እትተተላ ያርሹዋ ሱላን ሞፊዳድ ያርሹዎ እ ጋክያ እ ግሹዋ።

34 ታን እስራኤልያ አሳ እትተተላ ያርሹዋ፣ ቃላድ እንጎሱዋን ያርሹ ሺሹዳ ገድያ እካደ፣ ቂሰያ እርናሳን እ እቲማ ናናቶ እመቶ፤ ሄዎ ኡንቲንታ ጋክያ ኡንቲንቲ ግሹዋ ግድያ ድራሬ፣ እስራኤልያ አሳይ መፅናዉ ሄዋ ኡንቲንቶ እሚደ ደእና፣ ያገደ ኦዳ” ያጌዳ።

35 እርን እ እቲማ ናናቶ ቂሰያ ግዲደ፣ መፅና ጎዳዉ ኡላናዉ ሰንቲዳ ይላሰ መፅና ጎዳዉ ሺሹዳ ታማን ጸገያ ያርሹዋ፣ ሄዎ ኡንቲንቶ ግሹዋ ግዲደ እመቲዳ።

36 መፅና ጎዳይ ኡንቲንቲ ቂሰተላዉ ኡክቲዳ ይላሰ፣ ሄዎ ኡንቲንቶ እመቶ ማላ፣ እስራኤልያ አሳ ኡባ እዛዜዳ፤ ሰንላ የለታን ኡባንካ ሀዋ ዎጋ ግዲደ ኦሰቲ።

37 ስም ሀዋንቱ፣ ጸግያ ያርሾ፣ ካላ ያርሾ፣ ናጋራ ያርሾ፣ ናቁዋ ያርሾ፣ ቁሳተላዉ ኦከትያ ዎደ ያርሸያ ያርሸን እትተላላ ያርሾ እመቲዳ ዎጋቱዋ።

38 ሀ ዎጋቱ እስራኤልያ ከሳይ ሲና መላ ሳኣን ባረንቱ ያርሹዋ መቲና ጎዳዉ ያርሻና ማላ መቲና ጎዳይ እዛዜዳ ጋለሰ፣ ሲና ደርያ ቦላን መቲና ጎዳይ ሙሳ እዛዜዳ ዎጋቱዋ።

### 8

እሮንን እ ናናቱ ቄሰያ ግድያ ዎጋን ኤንቱንቱ ኦሱዋ  
(8:1—10:20፤ ከሳ 29:1-37)

1 መቲና ጎዳይ ሙሴዉ ሀዋዳን ያገደ ኦዳዳ፤

2 “እሮንን እ ኦቲማ ናናቱዋ ቃይ ኤንቱንቱና እትተ፣ ቁሳተላ ማዌዋ፣ ኦክያ ዛይትያ፣ ናጋራ ያርሾ ሹክያ ኮሩማ፣ ላኡ ደርሳ ኦርገቱዋ፣ እርሹዋ የገናን ኡኬዳ ኡክላ ዎሌዳ ማሰፍያ እካደ ያ።

3 ቃይ እስራኤልያ ከሳ ኡባካ ጸሳደ፣ ዲንካንያ ካረ ሸሻ” ያጌዳ።

4 ሙሴ መቲና ጎዳይ እዛዜዳዋዳን ኦሌዳ፤ እሳይካ ኡባይ ዲንካንያ ካረን ሸቄዳ።

5 ሙሴ እሳዉ፣ “ኡላና ማላ መቲና ጎዳይ እዛዜዳዌ ሀዋ” ያጌዳ።

6 ሙሴ እሮንን እ ኦቲማ ናናቱዋ እሂደ፣ ሃላን ሜጨዳ።

7 እሮና ቃዎሽያ ማይዜዳ፤ ዳንጨዋካ ዳንጭሴዳ። ቃይ ኦዲሳ ቃዎሽያ ማይዚደ፣ እ ቦላን ኤፋድያ ማይዜዳ። ኤፋድያ ሂላተደ ዳዳዳ ሳቄያን እሮናና ጋሊደ ቃቼዳ።

8 ቃይ ትራን ዎሳያዋ እሮና ቦላን አሊደ፣ እ ግድን ኡሪዎምን ቱሚዎም ዎሌዳ። 9 ቃይካ እሮና ሁጲያን ሻሽያ ኤንጨርሳ ዎሌዳ። መቲና ጎዳይ ሙሳ እዛዜዳዋዳን ሄ ኤንጨርሳ ቦላን ሰንሳ ባገና ዋርቃ ማዳልያ፣ ዋርቃጥ መጴዳ ካላቻ ሞሰልያ ዎሌዳ።

10 ያቶዋጥ ጉይያን ሙሴ ኦክያ ዛይትያ እኪደ፣ ዲንካንያን ዲንካንያ ግድን ደእያ ሚሻ ኡባ ኦኪዳ፤ ኤንቱንታ ጌሹዳ።

11 ቃይ ሄ ዛይትያጥ እኪደ፣ ያርሸያ ሳኣ ቦላ ላፑ ገደ ጫጫፊዳ፤ ያርሸያ ሳኣ፣ እ ሚሻቱዋ፣ ሚቻ ከርያን እ ዎሳያዋ፣ ጌሻናዉ ሄ ዛይትያን ኦኪዳ።

12 ቃይ ሄ ኦክያ ዛይትያጥ እማራ እሮና ሁጲያን ትገደ፣ እ ጌሹዳ።

13 መቲና ጎዳይ ሙሳ እዛዜዳዋዳን፣ ሙሴ እሮና ኦቲማ ናናቱዋ ሰንሳዉ አሊደ፣ ቃዎሽያ ማይዜዳ፤ ዳንጨዋን ዳንጭሴዳ። ኤንቱንቱ ሻሽያ ኤንጨርሳ ዎሌዳ።

14 ሄዋጥ ጉይያን፣ ናጋራ ያርሾ ኮሩማ ሙሴ አሌዳ፤ እሮንን እ ኦቲማ ናናይ ሄ ኮሩማ ሁጲያን ባረንቱ ኩሽያ ዎሌድና።

15 ሙሴ ሄ ኮሩማ ሹኪዳ፤ እ ሱላጥ ባረ ብራድያን እኪደ፣ ያርሸያ ሳኣ ካጨቱዋ ኦኪደ፣ ያርሸያ ሳኣ ጌሹዳ፤ ቃይ ያርሸያ ሳኣ ናጋራ እቶ ገሳናዉ እቲዳ ሱላ አጥ ጋርሳና ጉሲደ፣ ጸሳዉ ጌሹዳ።

16 ቃንላ አሹዋ ካሜዳ ሀንዳ ጉባ፣ ትርያ ጸራ ቦላ ደእያ ሞቲያ፣ ላኡ ክላሆቱዋን ኤንቱንታ ካሜዳ ሀንዳ እኪደ፣ ሙሴ ያርሸያ ሳኣ ቦላን ዎሊደ ጸጌዳ።

17 ሽን መቲና ጎዳይ ሙሳ እዛዜዳዋዳን፣ ጋልባ፣ ኮሩማጥ እቲዳዋን ቶጭያ ዲንካኔዳ ሳኣጥ ጋጸ ከሲደ፣ ታማን ጸጌዳ።

18 ያት ሰሚደ ሙሴ ጸግያ ያርሾ ሀንያ ደርሳ ኦርግያ እሄዳ፤ እሮንን እ ኦቲማ ናናይ ሄ ደርሳ ኦርግያ ሁጲያን ባረንቱ ኩሽያ ዎሌድና።

19 ሙሴ ሄ ደርሳ ኦርግያ ሹኪዳ፤ እ ሱላ ያርሸያ ሳኣ ሞይያ ኡባን ጉሴዳ።

20 ቃይ ደርሳ ኦርግያ አሹዋካ እ ቆሙዋን ቆሙዋን ቃንጾዳ፤ ቃንጸላ፣ ሁጲያን ሞቲያ ያርሸያ ሳኣ ቦላ ዎሊደ ሙሴ ጸጌዳ።

21 ቃንላ አሹዋን ገቲቱዋ ሃላን ማጮዋጥ ጉይያን፣ ደርሳ ኡባና መቲና ጎዳዉ ታማን ጸግያ፣ ሳዉዋ ቶሹኩ ግያ ያርሹዋ አሊደ፣ መቲና ጎዳይ ሙሳ እዛዜዳዋዳን ያርሸያ ሳኣ ቦላን ዎሊደ ጸጌዳ።

22 ሄዋጥ ጉይያን፣ ቁሳተላዉ ኦከትያ ዎደ ሸሽያ ላኤንሳ ደርሳ ሙሴ እሄዳ፤ እሮንን እ ኦቲማ ናናይ ሄ ደርሳ ሁጲያን ባረንቱ ኩሽያ ዎሌድና።

23 ሙሴ ሄ ደርሳ ሹኪዳ፤ እ ሱላጥ እኪደ፣ እሮናዉ ኡሽቻ ሀይላ ጸራ፣ ኡሽቻ ኩሽያ ዎጋ ብራድያን፣ ኡሽቻ ገድያ ዎጋ ብራድያ ኦኪዳ።

24 ቃይ ሙሴ እሮና ኦቲማ ናናቱዋካ ሰንሳዉ እሂደ፣ ሄ ሱላጥ እኪደ፣ ኤንቱንቱ ኡሽቻ ሀይላ ጸራ፣ ኤንቱንቱ ኡሽቻ ኩሽያ ዎጋ ብራድያን ኤንቱንቱ ኡሽቻ ገድያ ዎጋ ብራድያ ኦኪዳ። ሄዋጥ ጉይያን፣ ሙሴ እቲዳ ሱላ ያርሸያ ሳኣ ሞይያ ኡባን ጉሴዳ።

25 ያተደ ሞጴዋ፣ ናሰያ፣ ቃንላ አሹዋ ማዬዳ ሞቲያ፣ ትርያ ጸራ ቦላ ደእያ ሞቲያ፣ ላኡ ክላሆቱዋን ኤንቱንታ ማዬዳ ሀንዳን ኡሽቻ ገድያ እኪዳ።

26 ቃይ እርሹዋ የገናን ኡኬዳ ኡክላ ዋልያ መድና ጎዳ ሰንላን ደእያ ማሰፍያፕ እት ከምጥቀ፡ ዛይትያና ኡኬዳ እት ኡክላን እት ሌኦ ኡክላ እኪደ፡ ሀዋገታ ሞድያ ቦላን ኡሸቻ ገድያ ቦላን ዋሊዳ።

27 እ ሀ ቁማ ኡባ እርና ኩሸያንን እ እቱማ ናናቱዋ ኩሸያን ዋሊዳ፤ ኡንቱንቱ መድና ጎዳ ሰንላን ቃልያ ያርሹዋ ኦሊደ ቃሊድና።

28 ሄዋጥ ጉይያን፡ ሙሴ ሄ ቁማ ኡንቱንቱ ኩሸያፕ እክ፡ ጹግያ ያርሹዋና ጋሊደ፡ ቁሰተላዉ ኦከትያ ዋደ መድና ጎዳዉ ታማን ጹጊደ ሺሸያ፡ ሳዉዋ ቶሹኩ ግያ ያርሹዋዳን፡ ያርሸያ ሳእ ቦላን ዋሊደ ጹጊዳ።

29 ቃይ ሙሴ እንጎሱዋ እኪደ፡ ቃልያ ያርሹዋ ኦሊደ መድና ጎዳ ሰንላን ቃሊዳ፤ መድና ጎዳይ ሙሳ አዛዜዳዋዳን፡ ቁሳተላዉ ኦከትያ ዋደ ያርሸያ ዶርሳ ኦርግያ እሹዋፕ ሄዌ ሙሳ ጋክያ እ ግሹዋ።

30 ሙሴ ኦክያ ዛይትያፕን ያርሸያ ሳእ ቦላን ደእያ ሱላፕ እኪደ፡ እርና ቦላን እ ማዌዋ ቦላ፡ ቃይ እ እቱማ ናናቱዋ ቦላን፡ ኡንቱንቱ ማዌዋ ቦላካ ጫጫፌዳ፤ ያቲደ እርናን እ ማዌዋ ቃይ እ ናናቱዋን እ ናናቱዋ ማዌዋካ ገሪሺዳ።

31 ሙሴ እርናን እ እቱማ ናናቱዋ ሀዋዳን ያጌዳ፤ “እሹዋ ጋክትያ ዲንካንያ ካረን ደይሰተ፤ ሓርንን እ ናናይ ሄዋ ሚና፣ ያጋደ ታን አዛዜዳዋዳን፡ ቁሳተላዉ ኦከትያ ዋደ ሺሸያ ያርሹዋ ዋልያ ማሰፍያ ግድን ደእያ ያርሹዋ ኡክላና ሄዋን ሚተ።

32 ሄ እሹዋፕን ኡክላፕ ፓላሄዳዌ ደእፕ ታማን ጹግተ።

33 ቁሳተላዉ ኦክያ ዋጋይ ላፑን ጋላሳ አክያ ድራዉ፡ ሄ ህንተ ቁሳተላዉ ኦከትያ ላፑን ጋላሳይ ዉራናዉ፡ ዲንካንያ ፕንገፕ ካረ ከሶፕተ።

34 ሀ ሆቻ ኦሰቱዳዌ መድና ጎዳይ አዛዝና፡ ህንተ ናጋራ አቶ ገሳናዉ ኦሰቱዳ።

35 ዲንካንያ ፕንግያን ላፑን ጋላሳ ኩመንላ ጋላሰን ቃማን ታክተ፤ መድና ጎዳ ዋጋካ ናግተ፤ እጸፕ ህንተ ሀይቃና። ታና መድና ጎዳይ አዛዜዳዌ ሀዋ” ያጌዳ።

36 እርንን እ ናናይ መድና ጎዳይ ሙሴ ባጋና አዛዜዳዋ ኡባ ኦሊድና።

### 9

#### እርን ዳሳዉ ሺሸያ ያርሹዋ

1 ሆሰፑንላ ጋላሳን ሙሴ እርናን እ ናናቱዋ፡ ቃይ እሰራኤልያ ጭማቱዋካ ጹሴዳ።

2 እርና ሀዋዳን ያጌዳ፤ “ናጋራ ያርሹ እት ኮራማ፡ ቃይ ጹግያ ያርሹ እት ዶርሳ ኦርግያ መድና ጎዳ ሰንላ ሺሸ። መሄቱ ላኡካ ትላ ቦላና ደእያዋገታ ግድና።

3 ቃይ እሰራኤልያ አሳ ሀዋዳን ያጋ፤ “መድና ጎዳይ ህንተንቶ ቆንጭያ ድራዉ፡ መድና ጎዳ ሰንላን ያርሻናዉ፡ ናጋራ ያርሹ እት ዳሻ ኦርግያ፡ ጹግያ ያርሹ ትላ ቦላና ደእያ እት ላይላ ማራን እት ላይላ ዶርሳ አሆ።

4 እትፕተላ ያርሹ እት ኮራማ፡ እት ዶርሳ ኦርግያን ዛይትያን ሙናቀቱዳ ካላ ያርሹዋ አህተ ያጋ” ያጌዳ።

5 ኡንቱንቱ ሙሴ አዛዜዳዋ ኡባ ዳሳ ዲንካንያ ሰንላ አሄድና፤ ያቲደ ማባራ ኡባይ ሺቂደ፡ መድና ጎዳ ሰንላን አቂድና።

6 ሙሴ ኡንቱንታ፡ “መድና ጎዳ ቦንቹ ህንተንቶ ቆንጫና ማላ፡ ህንተ ኦላናዳን መድና ጎዳይ ህንተና አዛዜዳዌ ሀዋ” ያጌዳ።

7 ቃይ ሙሴ እርናዉ ሀዋዳን ያጌዳ፤ “ያርሸያ ሳኩ ሃ ሺቃ፤ ነ ናጋራ ያርሹዋን ነ ጹግያ ያርሹዋ ያርሻ፤ ያታደ ነ ሁጰ ናጋራን ነ አሳ ናጋራካ አቶ ገሳ። ቃይ መድና ጎዳይ አዛዜዳዋዳን፡ አሳይ ሺሸያ ያርሹዋ ያርሻደ፡ ኡንቱንቱ ናጋራካ አቶ ገሳ” ያጌዳ።

8 እርን ያርሸያ ሳኩ ዪደ፡ ባረ ሁጰ ናጋራዉ ያርሹዋ ኦላ ሺሸዳ ኮራማ ሹኬዳ።

9 እርና እቱማ ናናይ ሱላፕ እኪደ አዉ አሄድና፤ እ ባረ ኩሸያ ብራድያ ሄ ሱላን የድ ከሲደ፡ ያርሸያ ሳካ ካጨቱዋ ቦቹዳ፤ አቱዳ ሱላካ ያርሸያ ሳክፕ ጋርሳ ባጋና ጉሴዳ።

10 መድና ጎዳይ ሙሳ አዛዜዳዋዳን፡ ቃይ ሄ ናጋራ ያርሹዋ እሹዋፕ ሞዱዋ፡ ክላሆቱዋን ትርያ ጹራ ቦላ ደእያ ሞድያ ያርሸያ ሳካ ቦላን ዋሊደ ጹጊዳ።

11 ሸን አቱዳ እሹዋን ጋልባ ዲንካኔዳ ሳክፕ ካረ ከሲደ ጹጊዳ።

12 ሄዋጥ ጉይያን፡ እርን ጹግያ ያርሹዋ ሹኬዳ፤ እ ናናይ ሱላ እኪደ አዉ አሄድና፤ እ ያርሸያ ሳካ ሞይያ ኡባን ጉሴዳ።

13 ቃይ ኡንቱንቱ ጹግያ ያርሹዋ ቆሙዋን ቆሙዋን ከሲደ፡ ሁጰያናካ አዉ አሄድና፤ እ ያርሸያ ሳካ ቦላን ዋሊደ ጹጊዳ።

14 ቃጎላ እሹዋን ገድቱዋካ ሃላን ሜጪደ፣ ያርሽያ ሳኣ ቦላን ደእያ ጸግያ ያርሹዋ ቦላን ዋሊደ ጸጊዳ።

15 ሃዋጥ ጉይያን፣ እርን አሳ ያርሹዋ ሺሼዳ፤ እ አሳ ናጋራ ያርሹ ግድያ ዴሻ ኦርግያ አኪደ ሹኩዳ፤ ካሰ ባረዋዳንካ ኡንቱንቱ ናጋራው ያርሹዳ።

16 ቃይ እ ጸግያ ያርሹዋ መሀያ አሂደ፣ ዎጋይ አዛዝያዋዳን ኦሊደ ያርሹዳ።

17 ካሳ ያርሹዋካ ሺሼዳ፤ እጥ እት ኮጵያ ግድያዋ አኪደ፣ ዋንታ ዋንታ ጸግያ ያርሹዋጥ ሀራ እ ቦላን ዋሊደ ጸጊዳ።

18 እርን ቃይካ አሳ እትተጥጥ ያርሹ ኮሩማን ድርሳ ኦርግያ ሹኩዳ፤ እ አቱማ ናናይ ሱላ አው አሂድኖ፤ እ ሂ ሱላ አኪደ፣ ያርሽያ ሳኣ ሞይያ ኡባ ጉሴዳ።

19 ቃይ ኮሩማን ድርሳ ኦርግያ እሹዋጥ ሞጵዋ፣ ናሰያ፣ ቃጎላ እሹዋ ማዬዳ ሀንዳ፣ ክላሆቱዋን ትርያ ጸራ ቦላ ደእያ ሞጵያ እርና ናናይ አው አሂድኖ።

20 ኡንቱንቱ ሂ ሀንዳ አንሰብዋ ቦላ ዋሳና፣ እርን ያርሽያ ሳኣ ቦላን ሄዋ ጸጊዳ።

21 ሸን ሙሴ አዛዜዳዋዳን፣ እርን አንሰብቱዋን ኡሸቻ ገድያ ቃልያ ያርሹዋ ኦሊደ፣ መጵና ጎዳ ሰንላን ቃሌዳ።

22 ሃዋጥ ጉይያን፣ እርን ባረ ኩሽያ አሳኩ ዘር ደንሊደ ኡንቱንታ ኡንጃዳ። እ ናጋራ ያርሹዋ፣ ጸግያ ያርሹዋን እትተጥጥ ያርሹዋ ያርሹዋጥ ጉይያን፣ ያርሽያ ሳኣጥ ዲገ ዎጵዳ።

23 ሙሴን እርን መጵና ጎዳ ዲንካንያ ግድ ገሊድኖ፤ ኡንቱንቱ ሃዋጥ ከሴዳ ዋደ፣ አሳ አንጃድኖ። ያትና መጵና ጎዳ ቦንቹ አሳ ኡባው ቤቱዳ።

24 መጵና ጎዳ ሰንላጥ ታማይ ዎጵደ፣ ያርሽያ ሳኣ ቦላን ደእያ ጸግያ ያርሹዋን ሞጵያ ሜዳ። አሳይ ኡባይ ሃዋ ቤኤዳ ዋደ አልሌዳ፤ ቃይ ኡንቱንቱ ባረንቱ ሶምኡዋን ሳኣ ቦቺደ ጉፋኔድኖ።

# 10

## ናዳብን አብሁ ኦሊዳ ናጋራ

1 እርና አቱማ ናናይ፣ ናዳብን አብሁ፣ ባረንቱ እጻና ጩውሰያ ሚሻ አኪደ፣ እ ቦላን ታማ ዎሊድኖ፤ ታማ ቦላ ቃይ እጻና ቆሊድኖ፤ ያቲደ፣ መጵና ጎዳይ ኡንቱንታ አዛዝቤና፣ ሀራ ታማ መጵና ጎዳ ሰንላን ሺሼድኖ።

2 ሃዋ ጋሱዋን መጵና ጎዳ ሰንላጥ ታማይ ዪደ፣ ኡንቱንታ ሜዳ፤ ኡንቱንቱካ መጵና ጎዳ ሰንላን ሀይቁድኖ።

3 ሃዋጥ ጉይያን፣ ሙሴ እርና፣ “መጵና ጎዳይ፣

“ ታን ታ ማታ ሸቅያዋንታ  
ታ ገሻተጥ በሳና።

ቃይ አሳ ኡባ ሰንላን  
ታን ቦንቹታና ”

ገደ ሃሳዬዳዋ በእ ሀዋ ያጊዳ። እርን ጮኡ ጌዳ።

4 ሙሴ እርና አውዋ እሻ ኡዝኤላ አቱማ ናናቱዋ፣ ሞሻኤላን ኤልጻፋና ጸጊደ፣ “ሃ ዪተ፤ ሀንተ አውዋ እሻ ናናቱዋ አሃ ጸሳ ዲንካንያ ሰንላጥ ደንሊደ፣ ዲንካኔዳ ሳኣጥ ጋጾ ከሰተ” ያጊዳ።

5 ሃዋ ድራው ኡንቱንቱ ዪደ፣ ሙሴ አዛዜዳዋዳን፣ ባረንቱ ቁሰተጥ ማዩዋና ኡንቱንቱ አሃ ቶኪደ፣ ዲንካኔዳ ሳኣጥ ጋጾ ከሴድኖ።

6 ሃዋጥ ጉይያን፣ ሙሴ እርና እ አቱማ ናናቱዋ፣ ኤልአዛራን አታማራ ሀዋዳን ያጊዳ፤ “ሀንተ ሀይቀና ማላ፣ መጵና ጎዳይ ማባራ ኡባ ቦላን ሀንቀተና ማላ፣ ሀንተ ሁጲያ ሜድሶጥተ፤ ሀንተ ማዩዋካ ፔጶጥተ። ሸን ሀንተ እሻቱ፣ እሰራኤልያ አሳቱ፣ መጵና ጎዳይ ባረ ኤሌዳ ታማን ጸጊዳዋንቶ ዬካና ጎጥ ኡንቱንቱ ዬክና።

7 ቃይካ ሀንተ ዲንካንያ ጥንግያጥ ካረ ከሰጥ ሀንተ ሀይቀና፤ እያው ጎጥ ጸሳይ አክያ ዛይቲ ሀንተ ቦላን ደኤ” ያጊዳ። ኡንቱንቱካ ሙሴ ጌዳዋዳን ኦሊድኖ።

## ቁሳቱዋ ዎጋ

8 መጵና ጎዳይ እርና ሀዋዳን ያጊዳ፤

9 “ሀንተ ሀይቀና ማላ፣ ዲንካንያ ግድ ገልያ ዋደ፣ ኔንካ ነ ናናይካ ዎይንያ ኤሳ ዎይ ሀራ ማላይያ ኡሻ ኡሻጥተ፤ ሃዋ ሰንላጥ ያና የለታውካ መጵናው ህገ ግዲደ ደእና።

10 ሀንተ ገሻን ገሻ ግድናባ ቃይ ቱናን ቱና ግድናባ ሻኪደ ኤርተ።

11 መጵና ጎዳይ ሙሴ ባገና ኦዴዳ ዎጋ ኡባካ እሰራኤልያ አሳ ታማርሰተ” ያጊዳ።



12 ሙሴ እርናን አቴዳ አ አቴማ ናናቱዋ ኤልእዛራን አታማራ ሀዋዳን ያጌዳ፤ “መጅና ጎዳዉ ታማን ጸግያ ያርሹዋፕ አቴዳ ካላ ያርሹዋ አኪደ፤ እርሹዋ የገናን ኡክተ፤ ያቴደ አ ሎይል ጌሻ ግድያ ድራዉ። ያርሸያ ሳኣ ማታን አ ሚተ።

13 መጅና ጎዳዉ ታማን ጸግያ ያርሹዋፕ ሄዋ ኔናን ነ አቴማ ናናቱዋ ጋክያ ህንተ ግሹዋ ግድያ ድራዉ። ሄዋ ህንተ ጌሻ ሳኣን ሚተ፤ እያዉ ጎፕ። ጸሳይ ታና ሄዋዳን ኦላና ማላ አዛዜዳ።

14 ሸን ቃሌዳ አንጎሱዋን ሸቄዳ ገድያ ኔን፤ ነ አቴማ ናናይን ነ ማጫ ናናይ ዎጋዳን ጌሻ ሳኣን ሚተ። እያዉ ጎፕ። ሄዋ እሰራኤልያ አሳይ ሺሸያ እትፕተላ ያርሹዋፕ ኔናን ነ አቴማ ናናቱዋ ጋክያ ህንተ ግሹዋ።

15 መጅና ጎዳዉ ያርሹዳ ገድያን ቃሌዳ አንጎሱዋ አሳይ ታማን ጸግያ ሞጅናና እትፕ ጋሌደ። መጅና ጎዳ ሰንላን ቃልያ ያርሹዋዳን ቃላናዉ አሀና። መጅና ጎዳይ አዛዜዳዋዳን፤ ሄዋ ነዉን ኔናና ደእያ ነ አቴማ ናናት መጅናዉ ህንተና ጋክያ ህንተ ግሹዋ ግዳናዋ” ያጌዳ።

16 ሙሴ ናጋራ ያርሹዋ ዴሻይ ዋይደንቶን ኤራናዉ ኮዪደ ኦፔዳ፤ አ ጸጉት ድጌዳዋ ኤሬዳ ዎደ፤ አቴዳ እርና አቴማ ናናቱዋ፤ ኤልእዛራን አታማራ ሀንቀቴዳ፤ አንቱንቱ።

17 “ናጋራ ያርሹ ሎይል ጌሻ ግዴዳዋንቱ ግዴዋፕ አቴዋ ግዴዳ ጌሻ፤ ቃይ ሄዌካ አሳ ናጋራ መጅና ጎዳ ሰንላን አት ገሳና ማላ ህንተንቶ አመቱዳ፤ ያትና ህንተ አ ሎይል ጌሻ ሳኣን እያዉ ሞበይክቴ?

18 ሄ መሀያ ሱላይ መጅና ጎዳ ዲንካንያ ግዶ ገልቤናዋ ግዶደ፤ ታን ህንተና አዛዜዳዋዳን፤ ህንተ አ ሄ ጌሻ ሳኣን ማናዉ በሲ፤ ሸን አኔድታ” ያጌዳ።

19 እርን ሙሳ፤ “በእ፤ አሳቱ ሀቕ ባረንቱ ናጋራ ያርሹዋን ጸግያ ያርሹዋ መጅና ጎዳ ሰንላ አሄድኛ፤ ግድፕን ቃይ ሀዋ ማላባይ ታ ቦላ ጋኬዳ። ያትና ዎን ታን ናጋራ ያርሹዋ ሀቕ ሜዳዋ ግድንቶን፤ መጅና ጎዳይ ናሸታናዋ ሸን አቴዳሻ?” ያጌዳ።

20 ሙሴ ሄዋ ሰሴዳ ዎደ፤ ሄ ዛሩ አ አሌዳ።

### ጌይያ ዎጋን ጌሻ ግድያዋን ግድናዋ ሻኩሳ

## 11

(11:1—15:33)

ማናዉ በሰያ መጋታቱዋ

(ዛረ. 14:3-21)

- 1 መጅና ጎዳይ ሙሳን እርና ሀዋዳን ያጌዳ፤
- 2 “አሰራኤልያ አሳዉ ሀዋዳን ያጌደ ኦድተ፤ ብታ ቦላን ደእያ መሀያ ኡባፕ ህንተ ማና መሄቱን ደአቴ ሀዋንታ።
- 3 ጸጉንላይ ዉር ጳልቀቴዳዋንታን ሞሞትያ መሄቱዋ ኡባ ሚተ።
- 4 ሸን ሞሞ ጸላላ ሞሞትያዋንታ ዎይ ቃይ ጸጉንላ ጸላላይ ጳልቀቴዳዋንታ ሞፕተ። ጋሌ ሞሞቴ ሸን ጸጉንላይ ጳልቀትቤና ድራዉ አ ህንተንቶ ቴና።
- 5 ጉፓሊ ሞሞቴ ሸን ጸጉንላይ ጳልቀትቤና ድራዉ አ ህንተንቶ ቴና።
- 6 ሀርባይን ሞሞቴ ሸን ሞፕተ፤ እያዉ ጎፕ። አ ሞሞትያዋ ግድፕን፤ አዉ ጸጉንላይ ጳልቀላ ግድና ድራዉ። አ ህንተንቶ ቴና።
- 7 ጉዲንላካ ሞፕተ፤ እያዉ ጎፕ። አዉ ጸጉንላይ ጳልቀላ ግድፕን፤ ሞሞተና ድራዉ። አ ህንተንቶ ቴና።
- 8 ህንተ ሀዋንቱ አሹዋ ሞፕተ፤ አንቱንቱ ባኩታካ ቦቾፕተ፤ አንቱንቱ ህንተንቶ ቴና።
- 9 “ ሃላ ግድን ደእያ መጋታቱዋ ኡባፕ ህንተ ማናዋንቱ ሀዋንታ። አባ ግድን ግድና ዎይ ቃይ ጎግያ ሃላ ግድን ግድና ደእያ ኡባፕ ሞልያ ማላ ቀፊን ፖቁ ደእያ ኡባ ሚተ።
- 10 ሸን አባ ግድን ዎይ ሻፋን ሻሞአሻሞእያ መጋታቱዋፕን ሸሞፕ ደእያ፤ ቃጽያ መጋታቱዋፕ ሞልያ ማላ ቀፊን ፖቁ ባይና ኡባይ ህንተንቶ ቴና።
- 11 ሀዋንቱ ህንተንቶ ቴና፤ አንቱንቱ አሹዋ ሞፕተ፤ አንቱንቱ ባኩታካ ቦቾፕተ።
- 12 ቀፊን ፖቁ ባይና ሃላ ግድን ደእያ መጋታቱ ኡባይ ህንተንቶ ቴና።
- 13 “ ሳኩፎቱዋፕ ቴና ግድያ ድራዉ ህንተ ሜናዋንቱ ሀዋንታ። አርጋንላ፤ ባዙዋ አንኩዋ፤ ካረላ አንኩዋ።
- 14 ጸንግልያ፤ ቆል ዛርያ ኡባ፤
- 15 ቁሩዋ ዛርያ ኡባ፤
- 16 ሶጎንያ፤ ሀዛዝያ፤ ሃላ ካፋዋ፤ ጋጭያ ዛርያ ኡባ፤
- 17 ቄር ጉቱዋ፤ ብዩዋ፤ ዎጋ ጉቱዋ፤

- 18 ሃላ ኩቱዋ፣ ሞልያ ካፋዋ፣ ባኩታ ምያ እንኩዋ፣
- 19 ሸማላነ ሳቢሳ ግያ ሃላ ካፎቱዋ ዛርያ ኡባ፣ ጅንጅላትያነ ሻልያ።
- 20 “ ቀፍኖና ደእያ አይዱ ገድያን ሀመትያ ቁር መፍታቱ ኡባይ ህንተንቶ ቱና።
- 21 ግደጉን፣ ቀሬ ደእያ አይዱ ገድያን ሀመትያዋንቱ፣ ኤንቲንቱ ገድያጥ ቦላና ጉጉናዉ ማድያ ገዲ ደእያዋንታ ሚተ።
- 22 ሄዋንቱካ፣ ቦልያ ዛርያ ኡባ፣ ኡኩቦ ዛርያ ኡባነ ቡምቡራላ ዛርያ ኡባ።
- 23 ሸን ሀራ ቀፍኖና ደእያ አይዱ ገዲ ደእያ መፍታቱ ኡባይ ህንተንቶ ቱና።
- 24 “ ሀዋንቱ ህንተና ቱንሳና፤ ኤንቲንቱ ባኩታ ቦችያ ኡባይ አማርሰ ጋካናዉ ቱና ግዳናዋ።
- 25 ሀዋንቱ ባኩታ ደንሰያ ኦንነ ባረ ማዩዋ ሜጮ፤ ሸን ግደጉን አማርሰ ጋካናዉ እ ቱና።
- 26 ጸጉንሳይ ደኢደ ጳልቀላ ግድናዋንታ ዋይ ቃይ፣ ዋሞተናዋንቱ ኡባይ ህንተንቶ ቱና፤ ኤንቲንቱ አሃ ቦችያ ኦንካ ቃይ ቱና።
- 27 ኦይዱ ገደቱዋን ሀመትያ መሀያ ኡባጥ ኡዳንቱዋ ግንድያ ማላ ግንድያን ሀመትያዋንቱ ህንተንቶ ቱና፤ ቃይ ኤንቲንቱ ባኩታ ቦችያ ኦንካ አማርሰ ጋካናዉ ቱና።
- 28 ሄዋንቱ ባኩታ ደንሰያ ኦንነ ባረ ማዩዋ ሜጮ፤ ሸን ግደጉን አማርሰ ጋካናዉ እ ቱና። ኤንቲንቱካ ህንተንቶ ቱና።
- 29 “ ሳእና ሀመትያዋንቱ፣ ህንተንቶ ቱና፣ ኦጮ፣ ኦጮሬ፣ ዲማ ዲማ ቆሞ ዛሪ፣
- 30 ጌግ፣ ሀይላሹ፣ ኩርቹ፣ ዋካላይነ ሻቃንቻይ።
- 31 ሳእና ሀመትያ ኡባቲዋጥ ህንተንቶ ቱና ግድናዋንቱ ሄዋንታ፤ ኤንቲንቱ፣ ሀይዳዋ ቦችያ ኡባይ አማርሰ ጋካናዉ ቱና።
- 32 ኤንቲንቱ፣ ሀይቁዳዌ እያ ቦላ ኩንደጥካ ሄ ኤንቲንቱ እ ቦላ ኩንደዳ ሚሻይ ቱና፤ ሞላ ሚሻ ዋይ ማዩዋ ዋይ ገልላ ዋይ ኬሻቲዋ ግድናካ፣ ጎኤትያ ሚሻ ኡባ ሃላ ግደን ዋሐተ፤ ሄዋ አማርሰ ጋካናዉ ቱና፤ ሄዋጥ ጉይያን፣ ጌሻ ግዳናዋ።
- 33 ሀ ሳእና ሀመትያዋንቱ፣ እቲዋ ባኩታይ አይ ኡርቃ ሚሻ ግደን ኩንደጥካ፣ እ ግደን ደእያባይ ኡባይ ቱና፤ ሄ ሚሻ መንሐተ።
- 34 ሄ ሚሻ ግደን ደእያ ሃላጥ ሚተትያ አይ ቁማ ቦላ ጸኩጥካ፣ ሄ ቁማይ ቱና፤ ቃይ ኡሸያባ አያነ ግደ፣ ሄ ሚሻ ግደን ደእጉ፣ እካ ቱና።
- 35 ሀዋንቱ አሃይ እ ቦላ ኩንደያባይ እያ ግደጥካ ቱና። ጮጭያ ዋይ ካልያ ኡርቃ ሚሻ ግደጥካ መንሐተ፤ ኤንቲንቱ ህንተንቶ ቱና።
- 36 ሀዋንቱ ባኩታይ ቦችያባይ ኡባይ ቱና ግደጉን፣ ፑልቲነ ሃላ አላይ ጌሻ።
- 37 ኤንቲንቱ ባኩታጥ እቲ ዘራናዉ ዋሌዳ ዘራላ ካላ ቦላ ኩንደጥ፣ ሄዋ ቲናና።
- 38 ሸን ሄ ዘራላ ቦላ ሃላይ ጉክ ሰምና፣ ኤንቲንቱ ባኩታጥ እቲ እ ቦላ ኩንደጥ፣ ሄ ዘራላይ ህንተንቶ ቱና።
- 39 “ ቃይ ህንተ ምያ መሄቲዋጥ እቲ ሀይቁና፣ እ ባኩታ ቦችያ ኦንነ አማርሰ ጋካናዉ ቱና።
- 40 ኦንነ ሄ መሀያ ባኩታጥ ሞጥ፣ ባረ ማዩዋ ሜጮ፤ አማርሰ ጋካናዉ እ ቱና፤ ቃይ ኦንነ እ ባኩታ ቶኪደ ደንሐጥ፣ ባረ ማዩዋ ሜጮ፤ አማርሰ ጋካናዉ እ ቱና።
- 41 “ ሳእና ጎሽትያ መፍታቱ ኡባይ ህንተንቶ ቱና፤ እ ሞጥተ።
- 42 ኡሎዋን ጎሽትያዋ ግድና፣ ዋይ ኦይዱ ገድያን ሀመትያዋ ግድና፣ ዋይ ቃይ ዳር ገዲ ደእያዋ ግድናካ፣ ሳእና ጎሽትያ መፍታቱ ኡባይ ቱና ግድያ ድራዉ እ ሞጥተ።
- 43 ሳእና ጎሽትያ መፍታቲዋ ኡባን ሚደ ህንተ ሁጺያዉ ቲናጥተ፤ ቃይ ኤንቲንቱን ህንተ አሳተላ ቱንሰጥተ።
- 44 ታን፣ መፎና ጎዳይ፣ ህንተ ጸሳ፣ ታን ጌሻ ግድያ ድራዉ፣ ህንተካ ህንተና ዲማዪደ፣ ጌሻ ግድገ፣ ሳእና ጎሽትያዋንቱን ህንተ አሳተላ ቱንሰጥተ።
- 45 አያዉ ጎጥ፣ ታን ህንተ ጸሳ ግዳናዉ፣ ህንተና ግብጺ ጋድያጥ ከሴዳ መፎና ጎዳ። ሄዋ ድራዉ፣ ታን ጌሻ ግድያ ድራዉ፣ ህንተካ ጌሻ ግድገ ምግተ ያጌድ።
- 46 “ ምሄቲዋ፣ ካፎቲዋ፣ ሃላ ግደን ገጸ ቃጵያ መፍታቲዋ ኡባቲነ ሳእና ሀመትያ መፍታቲዋ ኡባቲዋ ዋጋይ ሀዋ።
- 47 ሄዋነ ህንተ ቱናነ ጌሻ፣ ቃይ ሸሞጥ ደእያ መፍታቲዋጥ ምያዋንታን ሜናዋንታ ሻኪደ ኤራናሳ።።

### 12

ማጫ አሳይ የል ስሚደ ጌይያ ዎጋ  
 1 መፎና ጎዳይ ሙሳ ሀዋዳን ያጌዲ፤

2 “እስራኤልያ አሳወ ሀዋዳን ያገደ ኦዳ፤ ላኦት ማጫወና ሻሃራደ አቱማ ናኣ የሎፕ፣ ባረ ፒላይ ዬዳ ዎደ እዛ ቱና ግድያዎዳንካ፣ ሄዎዳን እዛ ላፑን ጋላሳይ ጋካናወ ቱና ግዳና።

3 ሆሰፑንግ ጋላሳ ናኣይ ቃጸረታናወ ኮሼ።

4 ሄዎፕ ጉይያን፣ ማጫወና ባረ ፒላ ሱላይ ጽእና ጋካናወ፣ ሀታማነ ሄዙ ጋላሳ ጋምኤ፤ ቃይ ባረ ጌይያ ጋላሳቱ ወራና ጋካናወ፣ ጌሻባ እያነ ቦቹቹ፤ ጸሳ ጌሻ ሳኣካ ገሉቱ።

5 “ ሸን እት ማጫወና ማጫ ናቶ የሎፕ፣ ባረ ፒላይ ዬዳ ዎደ እዛ ቱና ግድያዎዳንካ፣ ሀዋዳን ላኤ ሳምንታ ጋካናወ፣ እዛ ቱና ግዳና፤ ሄዎፕ ጉይያን፣ ባረ ፒላ ሱላይ ጽእና ጋካናወ ኡሱፑን ታማነ ኡሱፑን ጋላሳ ጋምኤ።

6 “ ማጫወና አቱማ ናኣ ግድና ማጫ ናኣ ግድና የላደ፣ ባረ ጌይያ ዎድያ ወርሶዋፕ ጉይያን፣ ጸግያ ያርሾ እት ላይላ ዶርሳነ ናጋራ ያርሾ ቃይ እት ሀራጽያ ማራ ዎይ እት ማራ ዶሳሙዋ ጸሳ ዲኅካንያ ፕንግያን ደእያ ቁሰያኮ አሁ።

7 ቁሲ ሄዎ መጽና ጎዳ ሰንላን ያርሼደ፣ እዝ ናጋራ አቶ ጌሴ፤ ያቶፕ እዛ ባረ የሎዋ ሱላ ጎገላፕ ጌያወ። አቱማ ናኣ ዎይ ማጫ ናኣ የልያ ማጫወን ዎጋይ ሄዎ።

8 “ ሸን እት ላይላ ዶርሳ ኦርግያ አሁናወ እዝወ ሻሉ ግዳና ጸፍፕ፣ ላኤ ማራ ዶሳማቱዋ ዎይ ላኤ ማራ ሀራጸቱዋ አሁ፤ አንቱንቱፕ እቱ ጸግያ ያርሹዋሳ፤ እቱ ቃይ ናጋራ ያርሹዋሳ፤ ያቶፕ ቁሲ ሄዎንታ ያርሼደ፣ እዝ ናጋራ አቶ ጌሴ፤ እዛካ ጌሻ ግዳዎ ያጋ” ያጌዳ።

### 13

#### ጋልባ ሀርግያ ጸልያዎን ከሴዳ ሀገቱዋ

1 መጽና ጎዳይ ሙሳነ አርና ሀዋዳን ያጌዳ፤

2 “አይ አሳ ቦላነ ጋፋ ቤቶፕ፣ ዎይ ቆሳ ማዲላይ ዎይ እላሁ ከሶፕነ ቃይ ሄዌካ አ ጋልባን ዎልቃማ ጋልባ ሀርግያወ ላመቶፕ፣ ሄ ብታንያ ቁሰያ አርናኮ ዎይ ቁሰያ ግድያ አ አቱማ ናናቱዋፕ እቱዋኮ አሁና።

3 ቁሲ አ ጋልባ ቦላነ ደእያ ማዲላ በኤ። ሄ ማዲዴዳ ሳኣን ደእያ እስኪ ቦጸፕ፣ ማዲላይካ ኦላቶፕ፣ ሄዌ ዎልቃማ ጋልባ ሀርግያ። ቁሲ ሄዎ በኢደ፣ ሄ ብታነ ቱና ግድያዎ ኤርሶ።

4 ሸን አ ጋልባ ቦላነ ደእያ ሻቱ ቦጽንቶካ፣ ጋልባፕ ሉኪደ ኦላትቦናዎ ግደፕነ ሄ ማዲላ ቦላነ ደእያ እስኪ ቦጽቦናዎ ግደፕ፣ ቁሲ ሄ ብታንያ ዲማ ክፍልያን ላፑን ጋላሳ ጎርዲደ ዎል።

5 ላፑንግ ጋላሳን ቁሲ አ ዛረሊደካ በኤ፤ አ በእያ ዎደ ማዲላይ ብታንያ ጋልባ ቦላነ አከናን ካሰዋዳንካ ደኦፕ፣ ቁሲ ሄ ብታንያ ላኤንሎዋካ ዲማ ክፍልያን ላፑን ጋላሳ ጎርዲደ ዎል።

6 ቃይካ ላፑንግ ጋላሳን ቁሲ አ፤ በእያ ዎደ ማዲላይ አክያዎ አገደ ቆይ ቆይ ቦፕነ ቆዋፕ፣ ቁሲ አ ጌሻ ግድያዎ ኤርሶ። ሄዌ ሻቱዋፕ አትና ሀራባ ግደና፤ ሄዎ ድራወ፣ አ ባረ ማዩዋ ሜጨደ ጌሻ ግደ።

7 ሸን አ ጌያናወ ባረና ቁሰያ በሴዳዋፕ ጉይያን፣ ሄ ሻቱ አ ጋልባ ቦላነ ያ እክ እክ ቦፕ፣ አ ላኤንሎዋ ባረና በሳናወ ቁሰያኮ ቦ።

8 ቁሲካ አ በኤ፤ ሄ ሻቱ ብታንያ ጋልባ ቦላነ ያ እክ እክ ቦፕ፣ ቁሲ አ ቱና ግድያዎ ኤርሶ፤ እያወ ጎፕ ሄዌ ዎልቃማ ጋልባ ሀርግያ።

9 “ኦናነ ዎልቃማ ጋልባ ሀርጌ ኦይቆፕ፣ ቁሰያኮ አ አሁና።

10 ቁሲ አ በኤ፤ በእያ ዎደ አ ጋልባ ቦላነ ቦላ ጋፋ ደኦፕ፣ ሄ ጋፋ እስክያካ ቦላወ ላዋፕነ ሄ ጋፋዋ ግደን አሹ ሙን ኡቲዳዋ ግደፕ።

11 ሄዌ አ ጋልባ ቦላነ ጋምኤዳ ዎልቃማ ጋልባ ሀርግያ ግድያ ድራወ፣ ቁሲ አ ቱና ግድያዎ ኤርሶ። አ ቱና ግድያዎ ኤርሶ ድጌዳ ድራወ፣ አ ዲማ ክፍልያን ጎርዳናወ ኮሸና።

12 “ቃይ ዎልቃማ ጋልባ ሀርጌ ብታንያ ጋልባ ቦላነ እኪደ፣ ሀ-ጸያፕ ገድያ ጋካናወ ኡባን ማዬዳዋ ግደፕ፣ ቁሲ በኤ።

13 ሄ ዎልቃማ ጋልባ ሀርጌ አ ቦላ ኡባ ማዮፕ፣ ቁሲ አ ጌሻ ግድያዎ ኤርሶ፤ አ ቦላይ ኡባናካ ላመቲደ ቦላ ግዴዳ ድራወ፣ አ ጌሻ።

14 ሸን ሄ ማዲላ ግደን ሙኔዳ አሹ ቤቶፕ አ ቱና።

15 ቁሲ ሄ ሙኔዳ አሹዋ፤ በኢደ ሄ ብታነ ቱና ግድያዎ ኤርሶ። ሄ ሙኔዳ አሹ ዎልቃማ ጋልባ ሀርግያ ግድያ ድራወ፣ አ ቱና።

16 ሸን ሄ ሙኔዳ አሹ ቃይካ ላመቲደ ቦጸፕ፣ ሄ ብታነ ቁሰያኮ ዮ።

17 ቁሲ አ በኤ፤ አ ማዲላይ ቦጸዳዋ ግደፕ፣ ሄ ብታነ ጌሻ ግድያዎ ቁሲ ኤርሶ፤ ያቶፕ አ ጌሻ ግዳናዎ።

18 “እት አሳ ቦላ ማዲላይ ዎዲደ ፓጽና፣

19 አ ሳኣን ቦላ ጋፋ ቤቶፕ ዎይ ዞኤዳ እላሁ ከሶፕ፣ ሄ ኡራይ ባረና ቁሰያ በሶ።

20 ቁሲ እ በኦ፤ ሄ ማዲላይ ኦላቶፕ ማዲላ ሶላን ደእያ እስኪካ ላመቲደ ሰጸፕ፣ ሄ ብታኒ ቱና ግድያዎ ቁሲ ኤርሶ። ሄዌ ማዲላና ዶሜዳ ዋልቃማ ጋልባ ሀርግያ።

21 ሸን ቁሲ በእያ ዎደ፣ እስኪ ሰጸቤናዎ ግድፕ ማዲላይካ ጋልባ ሉኪደ ኦላትቤናዎ ግድፕ፣ ቃይ ቆይ ቆይ ሰፕ፣ ቁሲ እ ዶማ ክፍልያን ላፑን ጋላሳ ጎርዲደ ዎላ።

22 ሄዌ እ ጋልባ ሶላን እክ እኪደ ሰፕ፣ ሄ ብታኒ ቱና ግድያዎ ቁሲ ኤርሶ፤ እያወ ጎፕ፣ ሄዌ ጋልባ ሀርግያ።

23 ሸን ሄ እላሁ እክ እክ ቤናን እትሳ ጸላላን ደኦፕ፣ ሄዌ ማዲላይ ፓጾዳ ማላ ግድያ ድራወ፣ ሄ ብታኒ ጌሻ ግድያዎ ቁሲ ኤርሶ።

24 «እት እሳ ጋልባ ታማይ ዋፕን ሄ ሜዳ ሳኣን ሰጾዳ ዎይ ዘኤዳ እላሁ ከሶፕ፣

25 ቁሲ ሄ ሳኣ በኦ፤ እ ሳኣን ደእያ እስኪ ሰጸፕ ማዲላይካ ሉኪደ ኦላቶፕ፣ ሄዌ ዋልቃማ ጋልባ ሀርግያ። እ ታማይ ሜዳሳና ከሴዳ፤ ሄዎ ድራወ ቁሲ እ ቱና ግድያዎ ኤርሶ።

26 ሸን ቁሲ በእያ ዎደ፣ ሄ እላሁዎ ሶላን ደእያ እስኪ ሰጸቤናዎ ግድፕ ማዲላይካ ጋልባ ሉኪደ ኦላትቤናዎ ግድፕ፣ ቃይ ቆይ ቆይ ቤዳዎ ግድፕ፣ ቁሲ እ ዶማ ክፍልያን ላፑን ጋላሳ ጎርዲደ ዎላ።

27 ላፑንላ ጋላሳን ቁሲ እ በኦ፤ ሄ ዎደ ሄ ሳኣይ እክ እክ ሰፕ፣ እ ቱና ግድያዎ ቁሲ ኤርሶ። ሄዌ ዋልቃማ ጋልባ ሀርግያ።

28 ሸን ሄ እላሁ ጋልባ ሶላን እከናን አጊደ እት ሳኣን ኡቶፕን ኡባ ቃይ ቆይ ቆይ ሰፕ፣ ሄዎ ታማይ ሜዳሳን አቱዳ ማላ ግድያ ድራወ፣ እ ጌሻ ግድያዎ ቁሲ ኤርሶ።

29 «እት አቱማ አሳወ ዎይ ማጫ አሳወ ሁጲያ ዎይ ጋጩዎ ሶላን ማዲላይ ከሶፕ፣

30 ቁሲ ሄ ማዲላ በኦ። እ በእያ ዎደ ማዲላይ ጋልባ ሉኪደ ኦላቶፕን እ ሶላን ደእያ እስኪካ አድልያ ጨሻ ማላትያ ለኦ ግድፕ፣ ሄ ብታኒ ቱና ግድያዎ ቁሲ ኤርሶ። ሄዌ ሁጲያ ዎይ ጋጩዎ ሶላን ከሰያ ቃጩቸዎን ዋልቃማ ጋልባ ሀርግያ።

31 ቃይ ቁሲ ሄ ሀርግያ በእያ ዎደ፣ እ ጋልባ ሉኪደ ኦላትቤናዎ ግድፕን ካረላ እስኪካ እ ሶላ ጳዮፕ፣ ሄ ቃጩቸዎ ሀርግያና ደእያ ብታንያ ቁሲ ዶማ ክፍልያን ላፑን ጋላሳ ጎርዲደ ዎላ።

32 ላፑንላ ጋላሳን ቁሲ ሄ ሀርግያ፤ በእያ ዎደ ቃጩቸዎ ሀርጊ እከናዎ ግድፕ፣ እ ሶላን አድልያ ጨሻ ማላትያ እስኪ ባይናዎ ግድፕን፣ እካ ጋልባ ሉኪደ ኦላትቤናዎ ግድፕ፣

33 ሄ ብታኒ ሄ ማዲላ ዩቹዋን ደእያ እስኪያ ሜዳ፤ ቃጩቸያ ሳኣን ደእያ እስኪያ ማታ ሜዳ። ቁሲ ሄ ብታንያ ዶማ ክፍልያን ሀራ ላፑን ጋላሳ ጎርዲደ ዎላ።

34 ላፑንላ ጋላሳን ቁሲ ሄ ቃጩቸያ ሳኣ በእያ ዎደ፤ ሄዌ ብታንያ ጋልባ ሶላን እካና ጳዮፕ ጋልባ ሉኪደ ኦላታና ጳዮፕ፣ ሄ ብታኒ ጌሻ ግድያዎ ቁሲ ኤርሶ። ብታኒካ ባረ ማዩዎ ሜጪደ፣ ጌሻ ግድ።

35 ሸን እ ጌዬዳዋፕ ጉይያን፣ ቃጩቸያዌ ሄ ብታንያ ጋልባ ሶላን እክ እክ ሰፕ፣

36 ቁሲ እ በእያ ዎደ ሄ ቃጩቸያዌ እኪዳዎ ግድፕ፣ ቁሲ አድልያ ጨሻ ማላትያ እስኪያ ኮዮፖ፤ እያወ ጎፕ፣ ሄ ብታኒ ቱኔዳ።

37 ሸን ቁሲ በእያ ዎደ፣ ሄ ቃጩቸያሳይ እክቤናዎ ግድፕን ካረላ እስኪካ እ ሶላ ደላዳዎ ግድፕ፣ ሄ ቃጩቸያሳይ ፓጾዳ። ሄ ብታኒካ ጌሻ ግድያ ድራወ፣ እ ጌሻ ግድያዎ ቁሲ ኤርሶ።

38 «እት አቱማ አሳ ዎይ ማጫ እሳ ጋልባ ሶላ ሶላ እላሁ ከሶፕ፣

39 ቁሲ እ፤ በእያ ዎደ ሄ ኡንቲንቲ ጋልባ ሶላን ደእያ እላሁ ሾሎላ ሶላ ግድፕ፣ ሄዌ ጋልባ ሶላን ሙ ከሴዳዎ፤ ሄ ብታኒካ ጌሻ።

40 «እት አሳወ ሁጲያ ብናናይ ቆቆፈቶ፣ እ ሶኣ፤ ግድፕ እትና እ ጌሻ።

41 ቃይ እት አሳወ ሁጲያ ብናናይ ሰንላና ሰኣቶ፣ እ ቲሻይ ሜዳ፤ ግድፕ እትና እ ጌሻ።

42 ሸን እ ሶኣ ዎይ እ ቲሻይ ሜዳሳ ሶላን ዘኦ ዎይ ሶላ ማዲላይ ከሶፕ፣ ሄዌ እ ሶኣን ዎይ ቲሻይ ሜዳሳን ከሴዳዎ ዋልቃማ ጋልባ ሀርግያ።

43 እ ቁሲ፤ በእያ ዎደ እ ሶኣ ዎይ ቲሻይ ሜዳሳ ሶላን ደእያ ማዲላይ ጋልባ ሶላን ከሰያ ዋልቃማ ጋልባ ሀርግያዳን ዘኦ ግድፕ፣

44 ሄ ብታኒ ቱሙካ ዋልቃማ ጋልባ ሀርጊ ሳክያ ሀርጋንቻ። እ ቱና ግድያ ድራወ እ ቱና ግድያዎ ቁሲ ኤርሶ፤ እያወ ጎፕ ሀርጊ እ ሁጲያን ደኤ።

45 «ዋልቃማ ጋልባ ሀርጊ ኦይቄዳ አሳይ ፔ፡፡ቱዳ ማዩዎ ማዮ፤ ባረ ሁጲያ ፕጸፖ፤ ባረ መተርሻካ ካዋ፤ ያቲደ፣ ባረ ቃላ ቶቄ ኦሲደ፣ ‘ታን ቱና፣ ታን ቱና!’ ያን።

46 ሄ ሀርጊ እ ሶላ ደኤዳ ኬሻን ኡባን እ ቱና። እ ቱና ግድያ ድራወ፣ አሳፕ ሻከቲደ ዲንካኔዳ ሳኣፕ ካረና ባረካ ደኤ።

ሳላይ ከሰያ ዎደ ኦልያ ዎጋ

47 «ኣይ ማዩዎ ሶላን ሶርቄዳ ሳላይ ቤቶ፣ ሄ ማዩ ሱፊ ግድና ዎይ ሊኖ ግድና፣

48 ቃጭናጥ ዎይ ሻሎዋጥ ዳደቲዳ ሊኖ ዎይ ሱፊ ግድና፣ ጋልባ ዎይ ጋልባጥ ኦስቲዳ ማየዋ ግድና፣

49 ሄ ማየዋ ቦላ ከሲደ ቦርቁ ማጋ ማላትያ ዎይ ዘኦ ማላ በሰጥ፣ እ ቃጭናጥ ዎይ ሻሎዋጥ ዳደቲዳዋ ግድና፣ ጋልባ ዎይ ጋልባጥ ኦስቲዳ ማየዋ ግድናካ፣ ሄዌ ቦርቁ ከሴዳ ድራው፣ ሄዋ ቁስያ በሳናው ኮሺ።

50 ቁሲ ሄ ቦርቁዋ በኢደ፣ ሄ ቦርቁዋና ደኢያ ማየዋ ዳሙ ክፍልያን ላፑን ጋላሳ ጎርዲደ ዎል።

51 ላፑንላ ጋላሳን ቁሲ ሄ ማየዋ በኢያ ዎደ፤ ሄ ማየዋ ቦላን እክ እክ ቦጥ፣ እ ቃጭና ዎይ ሻሎ ማየዋ ግድና፣ ጋልባ ዎይ ጋልባጥ ኦስቲዳ ማየ ግድናካ፣ ሄዌ እቲዋጥ እቲዋ ኦይቂያ ቦርቆ ግድያ ድራው፣ ሄ ማየ ቱና።

52 ቃይ ሄ ማየ ቃጭና ዎይ ሻሎ ማየ ግድና፣ ሊኖ ዎይ ሱፊ ግድና፣ ጋልባጥ ኦስቲዳዋ እያ ግድናካ፣ ቁሲ እ ጸጎ፣ ሄዌ እቲዋጥ እቲዋ ኦይቂያ ቦርቆ ግድያ ድራው፣ እ ጸጎጋናው በሲ።

53 “ቃይካ ቁሲ በኢያ ዎደ፣ ሄ ቦርቁ ማየዋ ቦላ እክበናዋ ግድገጥ፣ እ ቃጭና ዎይ ሻሎ ማየ ዎይ ጋልባጥ ኦስቲዳዋ እያ ግድናካ፣

54 ሄ ቦርቁ ደኢያ ማየዋ ሚጫናዳን ቁሲ እዛዘ። ሄዋጥ ጉይያን፣ ሄ ማየዋ ዳሙ ክፍልያን ሀራ ላፑን ጋላሳ ጎርዲደ ዎል።

55 ሄ ቦርቆ ሳኦይ ደኢያ ማየዋ ሚጫዋጥ ጉይያን፣ ቃይካ ቁሲ በኢያ ዎደ ሄ ቦርቆ ባረ ማላ ላምቤናዋ ግድገጥ፣ እ እክ እክ ባና ጸጎጋካ ቲና። ሄ ቦርቆ ሳኦይ ማየ ጉየ ባጋና ዎይ ሰጎላ ባጋና ደኢካ፣ ሄ ማየ ታማን ጸጎጋናው ኮሺ።

56 ሽን ሄ ማየዋ ሚጫ ሰምና ቁሲ በኢያ ዎደ ቦርቁ ጳይ ጳይ ቦጥ፣ እ ጋልባ ግድና፣ ቃጭና ዎይ ሻሎ ማየ ግድናካ፣ ሄ ቦርቁ ደኢያ ሳኦ ቁሲ ዳኪደ ከሰ ድጎ።

57 ሄዋጥ ጉይያን፣ ማየዋ ቦላ ሰሚደካ ከሰጥ፣ ሄ ማየ ቃጭና ዎይ ሻሎ ማየ ግድና፣ ጋልባጥ ኦስቲዳዋ እያ ግድናካ፣ ሄዌ እክ እክ ብያ ቦርቆ ሳ ግድያ ድራው፣ ሄ ቦርቁ ደኢያ ማየ ታማን ጸጎጋናው በሲ።

58 ሽን ሚጫቲዳ ማየ ቃጭና ዎይ ሻሎ ማየ ግድና፣ ዎይ ጋልባጥ ኦስቲዳ እያ ማየ ግድናካ፣ ቦርቆ ሳኦይ እ ቦላጥ ጸጎጋ፣ ሄ ማየ ላእንሎዋ ሚጫቶ፤ ሄዋጥ ጉይያን፣ እ ጌሻ ግድ።

59 “እት ማየ ሱፊ ዎይ ሊኖ ግድና፣ ቃጭና ዎይ ሻሎ ማየ ግድና፣ ዎይ ቃይ ጋልባጥ ኦስቲዳዋ ግድናካ፣ ሄ ማየዋ ጌሻ ዎይ ቱና ጊሳናው ዳንዳይያ ቦርቆ ሳኦ ዎጋይ ሀዋ” ያጌዳ።

# 14

## ጋልባ ሀርግያጥ ፓጽያ አሳይ ጌይያ ዎጋ

1 መቋና ጎዳይ ሙሴው ሀዋዳን ያጊደ ኦይዳ፤

2 “ዎልቃማ ጋልባ ሀርጊ ኦይቄዳ ብታጊ ጌይያ ጋላሰ ኦላናው ኮሽያ ዎጋይ ሀዋ። ሄ ብታንያ ቁስያኮ ኦላናው ኮሺ።

3 ቁሲ አሳይ ዳንካኔዳ ሳኦጥ ጋጸ ከሲደ፣ እ ሀርግያ በኦ። ሄ ዎደ ዎልቃማ ጋልባ ሀርጊ ብታንያ ቦላጥ ጳዬዳዋ ግድገጥ፣

4 ቁሲ ፓጸ ደኢያ ላኦ ጌሻ ካርቲዋ፣ ጽድያ ምላ፣ ዘኦ ቃጭናን ሀሰጽያ ቦንጭያ ሄ ዎልቃማ ጋልባ ሀርግያጥ ጌይያ ብታንያ ድራው አሀናዳን ኦንቱንጋ አዛዘ።

5 ሄዋጥ ጉይያን፣ ቃይ ቁሲ ላኦ ካርቲዋጥ እቲዋ ከርያን ደኢያ ፑልቶ ሃላ ቦላ ሹካናዳን አዛዘ።

6 ፓጸ ደኢያ ካፋዋ፣ ቃይ ዝጋና፣ ዘኦ ቃጭናን ሀሰጽያ ቦንጭያና እክ አዕደ፣ ከርያን ደኢያ ፑልቶ ሃላ ቦላ ሹካኦ ካፋዋ ሱላ ግድ ናቆ።

7 ከሴዳ ሱላ ሄ ዎልቃማ ጋልባ ሀርግያጥ ፓጽያ ብታንያ ቦላ ላፑ ገደ ጫጫፎ፤ ያቲደ ሄ ብታጊ ጌሻ ግድያዋ ኤርሶ፤ ፓጸ ደኢያ ካፋዋ ገደ ደምባ ዩደ።

8 “ሄ ሀርግያጥ ጌዬዳ ብታጊ ባረ ማየዋ ሚጫ፤ ባረ ቦላን ደኢያ አሰክያ ኡባ ሚደቶ፤ ባረ ቦላካ ሚጫቶ፤ ያቶጥ እ ጌሻ ግድናዋ። ሄዋጥ ጉይያን፣ እ ዳንካኔዳ ሳኦ ዮ፤ ሽን ግድገጥ ባረ ዳንካንያ ገላናን ላፑን ጋላሳ ካረና ጋምኦ።

9 ላፑንላ ጋላሳን ባረ ሀጸያ፣ ቡቶ፣ ጎማን ባረ ቦላን ደኢያ ሀራ አሰክያ ኡባ ሚደቶ፤ ቃይ ባረ ማየዋ ሚጫ፤ ባረ ቦላካ ሚጫቶ፤ ሄዋጥ ጉይያን፣ እ ጌሻ ግድናዋ።

10 “ሆሰፑንላ ጋላሳን ትላ ቦላና ደኢያ ላኦ ድርሳ ማራቲዋን እት ላይላ ግድዳ እት ድርሳቶ አሆ፤ ቃይ ካሳ ያርሾ ዛይትያን ሙናቀቲዳ ኡሱፑን ኪሎ ግራመ ጲልያን እት ሊትር ዎጋራ ዛይትያው ሄዘንላ ኮሽያ አሆ።

11 እ ጌሽያ ቁሲ ብታንያ እ አሄዳዋንቲና አትጥካ መቋና ጎዳ ዳንካንያ ጥንገ መቋና ጎዳ ሰጎላ ሺሾ።

12 “ቄሲካ ላኢ ደርሳ ማራቱዋጥ እቱዋ እኪደ፡ ሊትሮ ሄዘጎል ኩሽያ ዛይትያና እትጥ ናቁዋ ያርሹዋ ኦሊደ ሺሾ፤ ሄ ሺሹዳዋ ቃይ ቃልያ ያርሹዋ ኦሊደ መድና ጎዳ ሰጎላጎ ቃል።

13 ያቲደ እ ሄ ደርሳ ማራ ናጋሪ ያርሹዋጎ ጸግያ ያርሹዋ ሹክያ ጌሻ ሳኣጎ ሹኩ፤ ናጋሪ ያርሹዋዳጎ ናቁዋ ያርሹዋ ቄሰያዉ እመቲ፤ እካ ሎሎ፤ ጌሻ።

14 ቄሲ ናቁዋ ያርሹዋ ሱላጥ ጉላ እኪደ፡ ሄ ጌይያ ብታጎያዉ ኡሸቻ ባጋ ሀይላ ጸራ፡ ኡሸቻ ኩሽያዉ ዎጋ ብራድያጎ ኡሸቻ ገድያዉ ዎጋ ብራድያ ኦኩ።

15 ሄዋጥ ጉይያጎ፡ ቄሲ ዎጋሪ ዛይትያጥ ጉላ እኪደ፡ ባረ ሀድርሳ ኩሽያ ጎምጥጎ ትጎ።

16 “ሄ ሀድርሳ ኩሽያ ጎምጥጎ ደእያ ዎጋሪ ዛይትያጎ ባረ ኡሸቻ ኩሽያ ብራድያ ናቁደ፡ መድና ጎዳ ሰጎላጎ ላፑ ገደ ጫጫር።

17 ያት ሰሚደ ባረ ኩሽያ ጎምጥጎ እቲዳ ዛይትያጥ እኪደ፡ ጌይያ ብታጎያዉ ኡሸቻ ሀይላ ጸራ፡ ኡሸቻ ኩሽያዉ ዎጋ ብራድያጎ ኡሸቻ ገድያዉ ዎጋ ብራድያ ካሰ ናቁዋ ያርሹዋ ሱላ ኦኩቲዳ ሳኣጎ ኦኩ።

18 ቃይ ባረ ኩሽያ ጎምጥጎ እቲዳ ዛይትያ ቄሲ ጌይያ ብታጎያ ሁጲያጎ ጉሶ፤ ያቲደ መድና ጎዳ ሰጎላጎ ሄ ብታጎያ ናጋሪ ኦቶ ጊሶ።

19 “ሄዋጥ ጉይያጎ ቄሲ ባረ ቲናተላጥ ጌይያ ብታጎያ ናጋሪ ኦቶ ጊሳናዉ ናጋሪ ያርሹ ሺሹዳ መሀያ ሹኩ፤ ሄዋጥ ሰሚደ ቃይ ጸግያ ያርሹ ሺሹዳ መሀያ ያርሹ።

20 ቃይ ቄሲ ሄ ጸግያ ያርሹዋ ካላ ያርሹዋና እትጥ ያርሹያ ሳኣ ቦላጎ ዎሊደ ጸጌ፤ ያቲደ ብታጎያ ናጋሪ ኦቶ ጊሶ፤ ብታጎካ ጌሻ ግዴ።

21 “ሸጎ ብታጎ ሄዋ ኡባ እሀናዉ ዳጎዳዮና ማጎቆ ግድጥ፡ ጸሳ ሰጎላጎ ቃሊደ እ ናጋሪ ኦቶ ጊሳናዉ፡ ባረ ናቁዋ ያርሹ እት ደርሳ ማራ እሆ። ቃይ ካላ ያርሹካ ዎጋሪ ዛይትያጎ ሙናቀቲዳ ላኢ ከሎ ግራመ ሎኦ ጳልያጎ እት ሊትሮ ሄዘጎል ኩሽያ ዛይትያ እትጥ እሆ።

22 ቃይካ ባረዉ ዳጎዳዬዳዋዳጎ ላኢ ማራ ሀራጸቱዋ ዎይ ላኢ ማራ ደጎማቱዋ፡ እቱዋ ናጋሪ ያርሹ፡ እቱዋ ቃይ ጸግያ ያርሹ እሆ።

23 “ሆሰፑጎላ ጋላሳጎ ባረ ናጋሪጥ ጌያናዉ ብታጎ ሀዋጎታ ቄሰያኩ መድና ጎዳ ዳጎካጎያ ጥጎጎ መድና ጎዳ ሰጎላጎ እሆ።

24 ቄሲ ናቁዋ ያርሹ እሄዳ ደርሳ ማራጎ ልትሮ ሄዘጎል ኩሽ ዛይትያ እኪደ፡ ቃልያ ያርሹዋ ኦሊደ መድና ጎዳ ሰጎላጎ ቃል።

25 ያቲደ ናቁዋ ያርሹ እሄዳ ደርሳ ማራ ሹኪደ ሄ ናቁዋ ያርሹዋ ሱላጥ ጉላ እኪደ፡ ሀ ጌይያ ብታጎያዉ ኡሸቻ ሀይላ ጸራ፡ ኡሸቻ ኩሽያዉ ዎጋ ብራድያጎ ኡሸቻ ገድያዉ ዎጋ ብራድያ ኦኩ።

26 ቃይ ቄሲ ዛይትያጥ ጉላ ባረ ሀድርሳ ኩሽያ ጎምጥጎ ትጎ።

27 ሄ ሀድርሳ ኩሽያ ጎምጥጎ ደእያ ዛይትያጥ ኡሸቻ ኩሽያ ጸራጎ ጉላ እኪደ፡ መድና ጎዳ ሰጎላጎ ላፑ ገደ ጫጫር።

28 ቃይካ ቄሲ ባረ ኩሽያ ጎምጥጎ ደእያ ዛይትያጥ ጉላ እኪደ፡ ጌይያ ብታጎያዉ ኡሸቻ ሀይላ ጸራ፡ ኡሸቻ ኩሽያዉ ዎጋ ብራድያጎ ኡሸቻ ገድያዉ ዎጋ ብራድያ ካሰ ናቁዋ ያርሹዋ ሱላ ኦኩቲዳ ሳኣጎ ኦኩ።

29 ቃይ መድና ጎዳ ሰጎላጎ ብታጎያ ናጋሪ ኦቶ ጊሳናዉ፡ ቄሲ ባረ ኩሽያጎ እቲዳ ዛይትያ ጌይያ ብታጎያ ሁጲያጎ ኦኩ።

30 ሄዋጥ ጉይያጎ፡ ሄ እዉ ባረዉ ዳጎዳዬዳዋዳጎ ሀራጵያ ማራ ግድና ዎይ ማራ ደጎሙዋ ግድና፡

31 እቱዋ ናጋሪ ያርሹ ላኢጎላዋ ቃይ ጸግያ ያርሹ ካላ ያርሹዋና እትጥ ያርሹ። ቃይ ቄሲካ ሄ ጌይያ ብታጎያዉ መድና ጎዳ ሰጎላጎ እ ናጋሪ ኦቶ ጊሶ።

32 ባረ ቦላጎ ደእያ ዎልቃማ ጋልባ ሀርግያጥ ጌያናዉ ኩሽያ ዎጋ ፖላናዉ ማጎቆታይ ድጌዳ ኡራዉ ደእያ ዎጋይ ሰም ሀዋ። ያጌዳ።

**ጎልያ ቦላ ከሰያ ቦርቁዋ**

33 መድና ጎዳይ ሙሳጎ እርና ሀዋዳጎ ያጌዳ፡

34 “ታጎ ህጎተጎቶ እቆ ኦላደ እዎያ ካናጎ ቢታ ህጎተ ገልያ ዎደ፡ ቃይ ሄ ጋድያጎ ደእያ ህጎተ ከላጥ እቲዋጎ ታጎ ቦርቁዋ የድያ ዎደ፡

35 ሄ ጎልያዉ ቄሰያኩ ቢደ፡ ‘ታ ሶጎ እያ ቦርቁጎቶ ደኤ’ ያጌደ ዶድ።

36 ጎልጎ ደእያባይ ኡባይ ቱና ጌተተናዳጎ፡ ቄሲ ቦርቁዋ በእናዉ ገላናጥ ካሰቲደ፡ ሶጎ ደእያዎ ኡባ ካረ ከሳናዳጎ እዛዘ፤ ያት ሰምና ቄሲ በእናዉ ጎል ገሎ።

37 ሄዋጎ በእያ ዎደ፡ ቦርቆ ሳኣይ ጎዳ ቦላጎ ማታ ማላትያ፡ ዎይ ዘኦ ማላ በሶጥጎ ቃይ ጎዳጥ ኦላቲደ ግድ ገሎጥ፡

38 ቄሲ ጎልጥ ካረ ከሲደ፡ ጎልያ ላፑጎ ጋላሳ ጋካናዉ ጎርደ።

39 ላፑጎላ ጋላሳጎ ቄሲ ሄ ጎልያ ዛረሊደ፤ ጸልያ ዎደ ሄ ቦርቁ ጎልያ ጎዳ ቦላጎ እኩጥ፡

40 ቦርቁ ደእያ ሹቻቱዋ ኡባ ጎዳጥ ሹዲደ፡ ካታማጥ ጋጾ ያ ቲኔዳ ሳኣዉ ኦላናዳጎ እዛዘ።

- 41 ቃይ ጎዳ ዱፌዳ ኡርቃ ሶ ባጋና ቦክሽን፣ የሽ እሊደ ቆቆፋናዳን ኦሎ፤ ያቲደ ሄ ቆቆፌዳ ኡርቃ ካታማጥ ጋጸን ደእያ ቱና ሳእን ኦልፍ።
- 42 ሄዋጥ ጉይያን፣ ሄ ሾዴዳ ሹቻቱ ሳእን ሀራ ሹቻቱዋ ዋሰና፤ ቃይ ሀራ ኡርቃንካ ጎልያ ዱፍና።
- 43 “ሹቻቱዋ ሾድ ደግና፣ ቃይ ኡርቃካ ቆቆፊደ ሀራ ኡርቃ ዱፊ ሰምና፣ ላኢንሱዋ ሰሚደ ቦርቁ ጎልያ ግዶን ኢኮጥ።
- 44 ቁሲ ሄዋ በእያ ዎደ፤ ቦርቁ ሄ ጎልያ ግዶን ኢኮጥ፣ ሄዋ እቱዋጥ እቱዋ ያይቂያ ቦርቆ ግድያ ድራፊ፣ ሄ ጎሊ ቱና።
- 45 ሄዋ ድራፊ እ ሄ ጎልያ፣ እ ሹቻ፣ እ ሞላ፤ እ ዱፊቴዳ ኡርቃ ኡባ ኮሎ፤ ሄዋንታ ካታማጥ ጋጸ እፊደ፣ ቱና ሳእን ኦሎ።
- 46 ቃይ ሄ ጎሊ ጎርዳን ታክያ ዎድያን እ ግደ ገልያ ኦን ሳእይ ቃማና ጋካናፊ ቱና።
- 47 ሄ ጎልያን ግሰያ ኡራይ ዎይ ቁማ ሞያ ኡራይ ባረ ማየዋ ሚጮ።
- 48 “ሽን ቁሲ ዪደ ዪልያ ዎደ፣ ጎሊ ዱፊት ሰምና ላኢንሱዋ ሰሚደ እካና ቆጥጥ፣ ቦርቁ ቆጥዳ ድራፊ፣ ሄ ጎሊ ጌሻ ግድያዋ ቁሲ ኡርሶ።
- 49 ጎልያ ጌሻናፊ ላኡ ካሮቱዋ፣ ጽድያ ሞላ፣ ዘኦ ቃጭናን ሀሰጵያ ቦንጭያ አሆ።
- 50 ካሮቱዋጥ እቱዋ ከርያን ደእያ ፑልቱዋ ሃሳ ቦላን ሹኮ።
- 51 ሄዋጥ ጉይያን ጽድያ፣ ሀሰጵያ ቦንጭያ፣ ዘኦ ቃጭናን ጋጸ ደእያ ካፋዋ እትጥ እኪደ፣ ከርያን ደእያ ሹኪዳ ካፋዋ ሱላን ፑልቱዋ ሃሳን የግ ከሲደ፣ ላፑ ገደ ሄ ጎልያ ጫጫፎ።
- 52 ያቲደ ሄ ጎልያ ቁሲ ካፋዋ ሱላን፣ ፑልቱዋ ሃሳን፣ ጋጸ ደእያ ካፋዋን፣ ጽድያን፣ ሀሰጵያ ቦንጭያንን ዘኦ ቃጭናን ጌሹ።
- 53 ቃይ ጋጸ ደእያ ካፋዋ ካታማጥ ጋጸ ህን ደምባ የድ። ሄዋዳን ኦሊደ፣ ጎልያ ጌሽያ ዎጋ ፖሊ፤ ጎሊካ ጌሻ ግዴ።
- 54 “እይ ዋልቃማ ጋልባ ሀርገ ግደጥካ ሀዌ ዎጋ፤ ቃጩኝያዋ ግድና፣
- 55 ማየዋ ቦላን ዎይ ጎልያ ቦላን ከሰያ ቦርቆ ግድና፣
- 56 ጋፋዋ ግድና፣ ቆሳ ማዲሳ ግድና ዎይ እላሁዋ ግድናካ፣
- 57 እትባይ ቱና ግድያዋን ጌሻ ግድያዋ ኤርሳናፊ ዋልቃማ ጋልባ ሀርገያን ቦርቁዋ ዎጋይ ሀዋ” ያጌዳ።

# 15

## አሳ ቦላጥ ጎግያ ቱንሰያባ

- 1 መድና ጎዳይ ሙሳን አርና ሀዋዳን ያጌዳ፤
- 2 “እሰራኤልያ አሳፊ ሀዋዳን ያጌደ ኦድተ፤ ኣይ አሳ እቱንሳጥ እያይኔካ ጎንጥ፣ ሄ ጎግያባይ ቱና።
- 3 ሄ ጎግያዋጥ ደንዴዳዋን ሄ ኡራይ ቱና ግድያ ዎጋይ ሀዋ፣ ሄ ጎግያባይ አገናን ጎግናካ ዎይ ቃይ ጎግያዋ አግንቶካ ሄ እ ግደን ደእያባይ እ ቱንሴ።
- 4 “ ኣ ቦላጥ እያይኔካ ጎግያ አሳይ ግሰያ እይ ግሱካ ቱና፤ ቃይ እ ኡትያባይ እያ ግደጥካ ቱና።
- 5 እ ግሱዋ ቦኝያ ኦን ሳረ ማየዋ ሚጮ፤ ባረ ቦላካ ሚጩቶ፤ ቃይ ኦማርሰ ጋካናፊ እ ቱና።
- 6 ጎግያዋና ደእያ አሳይ ኡቴዳዋ ቦላ ኡትያ ኦን ሳረ ማየዋ ሚጮ፤ ባረ ቦላካ ሚጩቶ፤ ቃይ ኦማርሰ ጋካናፊ እ ቱና።
- 7 “ ኣጎግያባይ ደእያ አሳ ቦላ ቦኝያ ኦን ሳረ ማየዋ ሚጮ፤ ባረ ቦላካ ሚጩቶ፤ ቃይ ኦማርሰ ጋካናፊ እ ቱና።
- 8 “ ኣጎግያባይ ደእያ አሳይ ጌሻ አሳ ቦላ ጩቸጥ፣ ሄ አሳይ ባረ ማየዋ ሚጮ፤ ባረ ቦላካ ሚጩቶ፤ ቃይ ኦማርሰ ጋካናፊ እ ቱና።
- 9 “ ቃይ ጎግያባይ ደእያ አሳይ ኡትያ እይ ኮራይካ ቱና።
- 10 ባረጥ ጋርሳና ደእያዋ እያን ግደጥካ ቦኝያ ኦን ኦማርሰ ጋካናፊ ቱና፤ ቃይ ሄዋንታ ማላትያዋንታ ቶክያ ኦን ሳረ ማየዋ ሚጮ፤ ባረ ቦላካ ሚጩቶ፤ ቃይ ኦማርሰ ጋካናፊ እ ቱና።
- 11 “ ኣጎግያዋና ደእያ አሳይ ባረ ከሽያ ሚጩተናን ደኢደ ቦኝያ አሳይ ኦን ሳረ ማየዋ ሚጮ፤ ባረ ቦላካ ሚጩቶ፤ ቃይ ኦማርሰ ጋካናፊ እ ቱና።
- 12 “ ቃይ ጎግያባይ ደእያ አሳይ ቦኝያ ኡርቃ ሚሻ ኡባ መንሐተ፤ ሞላጥ ኦሰቴዳ ሚሻ ኡባይ ቃይ ሃላን ሚጩቶ።
- 13 “ ኣጎግያባይ ደእያ አሳይ ሄ ጎግያዋጥ ጌይያ ዎደ፣ ባረፊ ላፑን ጋላሳ ጋይደ። ባረ ማየዋ ሚጮ፤ ባረ ቦላካ ፑልቱዋ ሃሳን ሚጩቶ፤ ያቲደ እ ጌሻ ግዴ።
- 14 ሆሰፑንሳ ጋላሰ ላኡ ማራ ሀራጵቱዋ ዎይ ላኡ ማራ ደጎማቱዋ እኪደ፣ መድና ጎዳ ዱንካንያ ጥጎግያ መድና ጎዳ ሰንሳ ዪደ፣ ቁሰያፊ ኡንቱንታ እዋ።

- 15 ቄሲ ሀራጳቱዋጥ እቱዋ ናጋራ ያርሾ፣ ላኤንሉዋ ቃይ ጸግያ ያርሾ ያርሾ፤ ያቲደ ቄሲ ብታንያ ቦላጥ ጎግያዋ ድራዉ መጅና ጎዳ ሰንላን እ ናጋራ አቶ ጊሴ።
- 16 “ ላይ እቱማ አሳይን ባረ እቱማተላጥ ዘረሳይ ጉኮጥ፣ ባረ ኩመንላ ቦላ ሃላን ሜጨቶ፤ ቃይ ኦማርሰ ጋካናዉ እ ቱና።
- 17 እቱማተላጥ ጉኬዳ ዘረሳይ ቦቹዳ ማዩዋ ኡባይ ዋይ ጋልባ ኡባይ ሃላን ሜጨቶ፤ ቃይ ኦማርሰ ጋካናዉ እ ቱና።
- 18 ቃይ እት እቱማ አሳይ ማጫ አሳና ግሰና፣ እ እቱማተላጥ ዘረሳይ ጉኮጥ፣ ላኤካ ሃላን ሜጨቶና፤ ቃይ ኦማርሰ ጋካናዉ ኤንቱንቱ ቱና።
- 19 “ ማጫ አሳዉ እግናን አግናን ይያ ፒላይ ዮጥ፣ ላፑን ጋላሳ ጋካናዉ እዛ ቱና፤ ቃይ እዛ ቦቻያ ኦንን ኦማርሰ ጋካናዉ ቱና።
- 20 “ ሢ ፒላ ዋይ እዛ ግሰያዊ ኡባይ ቱና፤ ቃይ እዛ ኡትያዌ ኡባይካ ቱና።
- 21 እዛ ግሰያ ግሱዋ ቦቻያ ኡባይ ባረ ማዩዋ ሜጮ፤ ሃላንካ ሜጨቶ፤ ኦማርሰ ጋካናዉ እ ቱና።
- 22 እዛ ኡትያዋ ቦቻያ ኡባይ ባረ ማዩዋ ሜጮ፤ ባረ ቦላካ ሜጨቶ፤ ቃይ ኦማርሰ ጋካናዉ እ ቱና።
- 23 እዛ ግሰያ ግሱዋ ግድናካ ዋይ እዛ ኡትያዋ ቦቻያ ኦንን ኦማርሰ ጋካናዉ ቱና።
- 24 “ ላይ እቱማ አሳይን ሄ ፒላ ዋይ እናና ግሶጥ፣ ሄ ፒላይ ቃይ እ ቦቻጥ፣ ላፑን ጋላሳ ጋካናዉ እ ቱና፤ እ ግሰያ ግሱ ኡባይካ ቱና።
- 25 “ ላት ማጫ ሞሽራትዉ እዛ ፒላ ዋይና ግድናን ሀራ ዋይናን ሱላይ ጎጥ፣ ዋይ ቃይ እዛ ፒላይካ ባረ ዋይናጥ አሊደ ኤቀናን እጺደ ጎጥ፣ እ ኤቃና ጋካናዉ እዛ ቱና። ባረ ፒላ ዋይናን ቱና ግድናዋዳን፣ ሄ ዋይካ እዛ ቱና።
- 26 ሄ ሱላይ እጥ ጎግያ ዋይናን እዛ ግሴዳ ግሱ ኡባይ፣ ባረ ፒላ ዋይ እዛ ግሴዳ ግሱዋካ ማላ ቱና፤ ቃይ እዛ ኡትያባይ ኡባይካ ባረ ፒላ ዋይ እዛ ኡትያባይ ቱና ግድናዋዳን ቱና።
- 27 ቃይ ሄ ቱኔዳባቱዋ ቦቻያ ኦንን ቱና፤ እ ባረ ማዩዋ ሜጮ፤ ባረ ቦላካ ሜጨቶ፤ ቃይ ኦማርሰ ጋካናዉ እ ቱና።
- 28 “ ላዘጥ ጎግያባይ ኤቆጥ፣ እዛ ሄ ዋይናጥ ደማደ ላፑን ጋላሳ ፓይዱ፤ ሄዋጥ ጉይያን፣ እዛ ገሻ ግዳና።
- 29 ሆሰፑንላ ጋላሳን እዛ ላኤ ማራ ሀራጳቱዋ ዋይ ላኤ ማራ ደጎማቱዋ እካደ፣ ጸሳ ዲንካንያ ጥንግያ ቄሰያኮ አሁ።
- 30 ቄሲ ሀራጳቱዋጥ እቱዋ ናጋራ ያርሾ እቱዋ ቃይ ጸግያ ያርሾ ያርሾ። ያቲደ ቄሲ እጥ ጎግያዋ ቱናተላ ድራዉ መጅና ጎዳ ሰንላን እ ናጋራ አቶ ጊሴ።
- 31 “ ሳረንቱ ግደን ደእያ ጸሳ ዲንካንያ ቱንሲደ እሰራኤልያ አሳይ ሀይቀናዳን፣ ኔን ሀዋዳን ኦላይ ኡንቱንቱ ባረና ቱንሰያዋጥ ሻከቲደ ደእናዳን ናጋ።
- 32 “ ላ ቦላጥ እያይኔካ ጎግያ አሳዉን እ እቱማተላጥ ጉኬዳ ዘረሳን ቱንያ አሳዉ።
- 33 ቃይ ባረ ፒላ ጋሱዋን ቱንያ ማጫ አሳዉ፣ እቱማ ግድና ማጫዋ ግድና ጎግያባይ ደእያ አሳዉን ቱኔዳ ማጫ አሳና ግሰያ እቱማ አሳዉ እመቲዳ ዋጋይ ሄዋ፣ ያግተ” ያጌዳ።

# 16

## ናጋራይ አቶ ጌተትያ ጋላሳ (16:1-34)

- 1 እርና እቱማ ናናይ ላኤ መጅና ጎዳ ሰንላ ሸቂደ ሀይቁዳዋጥ ጉይያን፣ መጅና ጎዳይ ሙሳ ሀዋዳን ያጌዳ።
- 2 “መጅና ጎዳይ ሙሳ፣ ነ እሻይ እርን ታቦታ ቦላን ደእያ አቶ ግያ ሳኦ ቁምእያ ሰንላን ጋርዳዋጥ ጉዮ ባጋና ደእያ ኡባጥ አዲዳ ገሻ ሳኦ ኡባ ዋይ ጮ ገላናዳን አዉ ኦዳ። ጮ ገሎጥ እ ሀይቃና፤ እያዉ ጎጥ፣ ታን ሻርያ ግድና አቶ ግያ ሳኦ ቁምእያ ቦላን ቆንጫይ።
- 3 እርን ናጋራ ያርሾ እት ኮሩማን ቃይ ጸግያ ያርሾ እት ድርሳ ኦርግያ እኪደ፣ ሄ ኡባጥ አዲዳ ገሻ ሳኦ ገሎ።
- 4 “እርን ሊቲዋጥ ኦስቲዳ ገሻ ቃምሸያን ሊቲዋጥ ኦስቲዳ ጋርሳና ማይያ ማዩዋ ማዩ። ቃይ ሊቲዋጥ ኦስቲዳ ዳንጮዋ ዳንጮ፤ ሄዋዳንካ ቃይ ባረ ሀጺያን ሊቲዋጥ ኦስቲዳ ሻሽያ ኤንጨርሳ ዋጥ። ሀዋንቱ ገሻ ማዩቱዋ ግድና ድራዉ፣ እ ባረ ቦላ ሃላን ሜጨት ክቺደ ማዩ።
- 5 “እሰራኤልያ አሳ ማባራይ ናጋራ ያርሾ ላኤ ዴሻ ኮላቱዋ፣ ጸግያ ያርሾካ እት ድርሳ ኮልያ አርናዉ እይና።
- 6 እርን ባረ ናጋራን ባረ ሶ አሳ ናጋራ አቶ ጊሳናዉ ኮሩማ ያርሾ።



7 ሄዋጥ ጉይያን፣ ላኡ ዴሻ ኮለቱዋ አፊደ፣ መድኅን ጎዳ ዲንካንያ ጥንግያን መድኅን ጎዳ ሰንገላን ኤሶ።

8 ያቲደ ሄ ላኡ ዴሻቱዋን ሳማ የግና እቱ መድኅን ጎዳሳ፤ እቱ ቃይ ባዙዋ የድያዋ ግዴ።

9 አሮን መድኅን ጎዳው ሳማይ ከሴዳ ዴሻ እሂደ፣ ናጋራ ያርሾ አላደ ያርሾ።

10 ሸን ባዙዋ የድያ ሳማይ ከሴዳ ዴሻ ገጽ ደእሸን መድኅን ጎዳው ሺሾ፤ ባዙዋ እ የደርሰያ ዋደ፣ አሳ ናጋራ አቶ ጊሴ።

11 “አሮን ባረ ናጋራን ባረ ሶ አሳ ናጋራ አቶ ጊሳናው፣ እት ኮሩማ ናጋራ ያርሹዋ አላደ ሺሾ። ያቲደ ባረ ናጋራ ያርሾ ሄ ኮሩማ ሹኮ።

12 ቃይ መድኅን ጎዳ ሰንገላን ደእያ ያርሸያ ሳአጥ እጻና ጨውሰያ ሚሻ ኩመንጎ ሲንቀዋ፣ ሊቅ ጋጨቲዳ ላኡ ከጵያ ሳዊያ እጻና እኪደ፣ ጋርዱዋ ግዴ አሆ።

13 እ ሀይቀናዳን፣ እጻና ጠቆይ ታሶታ ሶላን ደእያ አቶ ግያ ሳኣ ቁምእያ ካማና ማላ፣ እጻና መድኅን ጎዳ ሰንገላን ደእያ ታማን ዋላ።

14 ቃይ ሄ ኦርግያ ሱጎጥ ጉላ እኪደ፣ ባረ ብራድያ እን ናቂደ፣ አቶ ግያ ሳኣ ቁምእያው ሰንጎ ሳጋ ጫጫፎ፤ ቃይ አቶ ግያ ሳኣ ቁምእያጥ ሰንጎ ሳጋና ደእያ ሳኣካ ላፑ ገደ ጫጫፎ።

15 “ሄዋጥ ጉይያን አሳ ናጋራ ያርሾ ግድያ ዴሻ ሹኪደ፣ እ ሱላ ጋርዱዋ ግዴ አሆ፤ ኮሩማ ሱላ ጫጫፊዳዋዳን፣ አቶ ግያ ሳኣ ቁምእያ ሰንገላን አቶ ግያ ሳኣ ቁምእያጥ ሰንጎ ሳጋና ደእያ ሳኣ ጫጫፎ።

16 ያቲደ ኡባጥ አዴዳ ጌሻ ሳኣ እሰራኤልያ አሳ ቱናተላጥን ናጋራጥ ጌሹ። ቃይ ኤንቱንቱ ቱናባ ኦሳሸን፣ ኤንቱንቱ ግድን ደእያ ጸሳ ዲንካንያካ ሄዋዳን አላደ ጌሹ።

17 እ ኡባጥ አዴዳ ጌሻ ሳኣ ገሊደ፣ ባረ ናጋራ፣ ባረ ሶ አሳ ናጋራን ኩመንጎ እሰራኤልያ አሳ ናጋራ አቶ ጊሴደ ከሳና ጋካናው፣ እን ጸሳ ዲንካንያ ግድን ደእጉ።

18 “ሄዋጥ ጉይያን እ መድኅን ጎዳ ሰንገላን ደእያ ያርሸያ ሳኣ ዪደ እ ናጋራ አቶ ጊሴ። ኮሩማ ሱላጥን ዴሻ ሱላጥ ጉላ ጉላ እኪደ፣ ያርሸያ ሳኣ የሹዋን ደእያ ካጨቱዋ ኦኮ።

19 ቃይ ሄ ሱላጥ ጉላ ባረ ብራድያን እኪደ፣ ላፑ ገደ ያርሹዋ ሳኣ ሶላ ጫጫፊደ፣ እሰራኤልያ አሳ ቱናተላጥ ሄ ያርሹዋ ሳኣ ጌሹ።

**ዋራ የድያ ዴሻ**

20 “አሮን ኡባጥ አዴዳ ጌሻ ሳኣ፣ ጸሳ ዲንካንያን ያርሸያ ሳኣ ጌሸያ ዎጋ ጉሌዳዋጥ ጉይያን፣ ገጽ ደእያ ዴሻ ሺሾ።

21 አሮን ባረ ላኡ ኩሸቱዋ ገጽ ደእያ ዴሻ ሀጺያን ዋላደ፣ እሰራኤልያ አሳ ናቁዋ ኡባ፣ ኤንቱንቱ ማካላ ኡባ፣ ኤንቱንቱ ናጋራ ኡባ ገጽ፤ ያቲደ ሄ ዴሻ ሀጺያን ሄዋ ቶሲደ ሄ ዴሻ አፋናዳን ጊግሴዳ አሳ ሶላን ባዙዋ የደ።

22 እ ዴሻ ባዙዋ የድና፣ ዴሻይ ኤንቱንቱ ናጋራ ኡባ ቶኪደ፣ አሳይ ባይና ሳኣ ባዙዋ ሶ።

23 “ሄዋጥ ጉይያን፣ አሮን ጸሳ ዲንካንያ ቢደ ኡባጥ አዴዳ ጌሻ ሳኣ ገሊዳ ዋደ፣ ካሰ ባረ ማዬዳ ሊኮዋጥ አሰቲዳ ማዬዳ ቃሪደ ሄዋን ዋላ።

24 ጌሻ ሳኣን እ ባረ ሶላ ሃላን ሚጨቲደ፣ ሀራ ማዬዳ ማዬደ ከሶ፤ ያቲደ ጸግያ ያርሹዋ ባረዋን አሳዋ ያርሺደ፣ ባረ ናጋራን አሳ ናጋራ አቶ ጊሴ።

25 ቃይ ሄዋዳንካ ናጋራ ያርሹዋ ሀንዳ ያርሸያ ሳኣ ሶላን ዋላደ ጸጎ።

26 “ዋራ የድያ ዴሻ አፊዳ ብታኒኪ ባረ ማዬዳ ሚጨ፤ ባረ ሶላካ ሃላን ሚጨቶ። ያት ሰሚደ ዲንካኔዳሳ ዮ።

27 “ናጋራ አቶ ጊሳናው አሮን ኡባጥ አድያ ጌሻ ሳኣ ገሊዳ ዋደ፣ ናጋራ ያርሹዋ ኮሩማ ሱላን ዴሻ ሱላ እኪደ ገሊዳ፤ ሀእ ህንተ ሄ ኮሩማን ሄ ዴሻን ዲንካኔዳ ሳአጥ ገጽ ከሰተ። ኤንቱንቱ ጋልባ፣ ኤንቱንቱ አሹዋን ኤንቱንቱ ቶጭያ ታማን ጸግተ።

28 ሄዋ ታማን ጸጌዳ ብታኒኪ ባረ ማዬዳ ሚጨ፤ ባረ ሶላካ ሃላን ሚጨቶ፤ ሄዋጥ ጉይያን፣ ዲንካኔዳ ሳኣ ዮ።

**ናጋራ አቶ ጊሴን ጋላሳ ሲንቆዎ**

29 “ሀዌ ህንተንቶ መድኅናዉካ ዎጋ ግዴ፣ ላፑንጎ አግናይ ገሊዳ ታሙንጎ ጋላሳን ህንተ ሀጺያ ካዉሸተ፤ እሰራኤልያ አሳ ግድና ዋይ ቃይ ህንተ ግድን ደእያ ሀራ ቢታ አሳ ግድናካ፣ እይ ኦሶን ኦሶጥተ።

30 እያዉ ሳጥ፣ ህንተና ጌሻናው፣ ህንተ ናጋራ አቶ ጊሴን ጋላሳይ ሄ ጋላሳ። ህንተካ መድኅን ጎዳ ሰንገላን ህንተ ናጋራ ኡባጥ ጌያና።

31 ሄዌ ህንተ ዋና ሸምቲዋ ሸምጥያ ሳምባታ ጋላሳ። ሄ ጋላሳን ህንተ ሀጺያ ካዉሸተ፤ ሄዌ ህንተንቶ መድኅናዉካ ዎጋ ግዴ።

32 ቃይ ባረ አወዋ ኮታን ቄሰ ግዳናዳን ኦከትያዌን ዲማትያ አሳይ ጌሻ ግዳዳ ሊኦፕፕ ዲድቲዳ ማዩዋ ማዩደ፣ ናጋራ አቶ ጊሰያ ዎጋ ፖሎ።

33 እ ኡገጥ እድያ ጌሻ ሳእ፣ ጸሳ ዲንካንያ፣ ያርሽያ ሳእ፣ ቄሳቱ ዋነ እሰራኤልያ አሳ ኡባ ጌሾ።

34 እሰራኤልያ አሳ ናጋራ ኡባ አቶ ጊሰያ ዎጋ ህንተ ላይላን ላይላን እት ገደ ኦላናዳን፣ ሀዌ ህንተንቶ መድናወካ ዎጋ ግደ። ያጌዳ። ሙሴ መድና ጎዳይ አዛዜዳዋዳን ኦሌዳ።

### ደኡዋ ጌሻተሳነ ጎይኑዋ ዎጋ

## 17

(17:1—27:34)

ሱላይ ሜተተናዳን ድገቱሳ

1 መድና ጎዳይ ሙሳ ሀዋዳን ያጌዳ፤

2 “እረናወ አ ኦቱማ ናናቶነ እሰራኤልያ አሳ ኡባወ ሀዋዳን ያጋደ ኦዳ፤ «መድና ጎዳይ አዛዜዳዌ ሀዋ።

3 እሰራኤልያ አሳጥ ኦነነ ቦራ ዎይ ደርሳ ዎይ ዴሻ ዲንካኔዳ ሳእን ዎይ ዲንካኔዳ ሳእጥ ጋጸና ሹኪደ።

4 መድና ጎዳወ እዋታ ኦሌደ እማናወ መድና ጎዳ ዲንካንያ ፕንግያ መድና ጎዳ ሰንላ አሀና ማፕ፣ ሄ ሱላን እ ኦሸቲ፤ ሄ አሳይ ሱላ ጉሴዳ። ሄዋ ድራወ እ ባረ አሳ ግደፕ ቦሄቶ።

5 ሄዋ ድራወ እሰራኤልያ አሳይ ባረንቱ ያርሹዋ መሀያ ጮ ደምባን ሹክያዋ አጊደ፣ ሄ መድና ጎዳኮ፣ መድና ጎዳ ዲንካንያ ፕንግያን ደእያ ቄሰያኮ አሀና። ቄሲ ሄዋ አኪደ፣ መድና ጎዳወ እትጥተላ ያርሹዋ ኦሌደ ሹኮ።

6 ቃይ ቄሲ መድና ጎዳ ዲንካንያ ፕንግያን ደእያ መድና ጎዳወ ያርሽያ ሳእ ቦላን ሄ ሱላ ጫጫፎ፤ ሀንዳካ መድና ጎዳወ ሳወዋ ቶሹኩ ግያ ያርሹዋ ኦሌደ ጸጎ።

7 እሰራኤልያ አሳይ ጸሳ ካልያዋ አጊደ ካሌዳ ጸላሄቶ ላኡኔን ባረንቱ ያርሹዋ ያርሹፕ። ሀዌ ኡንቱንቶ ሳይያ የለጋ ኡባወ መድናወ ዎጋ ግደ፣ ያጋ።

8 “ኡንቱንታ ሀዋዳን ያጋ፤ እሰራኤልያ አሳጥ ግድና ዎይ ኡንቱንቱ ግደን ደእያ ሀራ ቢታ አሳጥ ግድናካ፣ ኦነነ ጸግያ ያርሹዋ ዎይ ሀራ ያርሹዋ ሺሽያ ዎደ።

9 መድና ጎዳወ ያርሻናወ መድና ጎዳ ዲንካንያ ፕንግያ አሀና ማፕ፣ ሄ አሳይ ባረ አሳ ግደፕ ቦሄቶ።

10 “እሰራኤልያ አሳጥ ዎይ ኡንቱንቱ ግደን ደእያ ሀራ ቢታ አሳጥ ኦነነ ሱላ ሞፕ፣ ሄ ሱላ ምያ አሳ ቦላን ታን ታ ዴሙዋ ቱካና፤ ታን ሄ ብታንያ አሳ ግደን ቦሀና።

11 እያወ ጎፕ አሹዋ ማዬዳ ኡባ ደኡ አ ሱላ ግደን ደእ፤ ሱላይካ ቃይ ደኡዋ ሸምፑ አ ግደን ደእያዋፕ ደንዴዳዋን ናጋራ አቶ ጊሰያዋ ግድያ ድራወ፣ ህንተ ናጋራ አቶ ጊሳናዳን፣ ታን ህንተንቶ ያርሽያ ሳእ ቦላን ያርሻናዳን እማድ።

12 ሄዋ ድራወ ታን እሰራኤልያ አሳ፣ “ህንተፕ ዎይ ህንተ ግደን ደእያ ሀራ ቢታ አሳጥ ኦነነ ሱላ ሞፕ።” ያጋድ።

13 “እሰራኤልያ አሳጥ ዎይ ኡንቱንቱ ግደን ደእያ ሀራ ቢታ አሳጥ ኦነነ ምያ ደአ ዎይ ካፋዋ ሻንካቲደ ዎዶፕ፣ አ ሱላ ሳእን ጉሴደ፣ ቢታ ካሞ።

14 እያወ ጎፕ አሹዋ ማዬዳ ኡባ ሸምፑ አ ሱላ ግድና። ሄዋ ድራወ ታን እሰራኤልያ አሳ፣ “አሹዋ ማዬዳ መጋታ ኡባ ሸምፑካ አ ሱላ ግደን ደእያ ድራወ፣ ሱላ ሞፕተ፤ ቃይ ምያ ኦነነ ባረ አሳ ግደፕ ቦሄቶ።” ያጋድ።

15 “እሰራኤልያ አሳ ግድና ዎይ ኡንቱንቱ ግደን ደእያ ሀራ ቢታ አሳ ግድና፣ ኦነነ ባኩታ ዎይ ደአይ ኦይቂደ ዎዶዳ አሹዋ ሞፕ፣ ባረ ማዩዋ ሜጮ፤ ባረ ቦላካ ሜጮቶ፤ ያቲደ ኦማርሰ ጋካናወ አ ቱና። ሄዋፕ ጉይያን፣ አ ጌሻ።

16 ባረ ማዩዋ ሜጮና ማፕ፣ ባረ ቦላካ ሜጮታና ማፕ፣ አ ባረ ናጋራን ኦሸቱ፣ ያጋ።” ያጌዳ።

## 18

ድገቲዳ ማጫነ ኦቱማ አሳ ግሱዋ

1 መድና ጎዳይ ሙሳ ሀዋዳን ያጌዳ፤

2 “እሰራኤልያ አሳ ሀዋዳን ያጋ፤ ‘ታን፣ መድና ጎዳይ፣ ህንተ ጸሳ።

3 ህንተ ካሰ ደኡዳ ግብጹ ቢታ አሳይ ኦሌያዋዳን ኦላፕተ፤ ዎይ ሀእ ታን ህንተና አፍያ ካናን ቢታ አሳይ ኦሌያዋዳንካ ኦላፕተ፤ ኡንቱንቱ ዎጋካ ካሎፕተ።

- 4 ህንተ ታ አዛዙዋ እሳተ፤ ታ ዎጋካ ናግተ፤ ቃይ እን ቢተ። ታን፣ መድና ጎዳይ፣ ህንተ ጸሳ።
- 5 ሄዋ ድራሬ ታ አዛዙዋን ታ ዎጋ ናግተ፣ ህንተ ገጸ ደእና። ታን መድና ጎዳ።
- 6 “ ህንተጥ ኦንን እሹዋ አሙዋ ፖላናዉ ባረ ማታ ዳቡዋና ግሶፓ። ታን ጸሳ።
- 7 ነ እሹዋ አሙዋ ፖላናዉ ነ ዳይና ግሶፓ፤ ነ አዉዋ ካዉሾፓ። እዛ ነ ዳዮ፤ እናና ግሶፓ።
- 8 ነ እሹዋ አሙዋ ፖላናዉ ነ አዉዋ ማቻትና ግሶፓ፤ ነ አዉዋ ካዉሾፓ።
- 9 “ ሳ እሹዋ አሙዋ ፖላናዉ ነ ምቻትና ግሶፓ፤ ዋይ ቃይ ሶን የለቴዳ ዋይ ካረን የለቴዳ ነ አዉዋ ዋይ ነ ዳይ ናትናካ ግሶፓ።
- 10 “ ሳ እሹዋ አሙዋ ፖላናዉ ነ ናአ ናትና ዋይ ነ ናት ናትና ግሶፓ። ነ ሁጲያዉ ኔና ካዉሻሳ።
- 11 ነ እሹዋ አሙዋ ፖላናዉ ነ አዉዋ ማቻት ናትና ግሶፓ፤ እዛ ነ ምቻቶ ግድያ ድራሬ እናና ግሶፓ።
- 12 ነ እሹዋ አሙዋ ፖላናዉ ነ አዉዋ ምቻትና ግሶፓ። እዛ ነ አዋ ማታ ዳቦ።
- 13 እሹዋ አሙዋ ፖላናዉ ነ ዳይ ምቻትና ግሶፓ፤ እዛ ነ ዳይዉ ማታ ዳቦ።
- 14 ነ አዉዋ እሻ ካሉዋ ቃራደ ነ እሹዋ አሙዋ ፖላናዉ አ ምቻትና ግሶፓ፤ እዛ ነ አዉዋ እሻ ማቻቶ።
- 15 ነ እሹዋ አሙዋ ፖላናዉ ነ ናአ ማቻትና ግሶፓ፤ እዛ ነ ናአ ማቻቶ ግድያ ድራሬ፣ እናና ግሶፓ።
- 16 ነ እሹዋ አሙዋ ፖላናዉ ነ እሻ ማቻትና ግሶፓ፤ ግሶፓ ነ እሻ ካዉሻሳ።
- 17 “ ሳ እሹዋ አሙዋ ፖላናዉ ምሽራትና ነ ናትናን ላኡዋና ግሶፓ። እ ናት ናትና ዋይ ቃይ እ ናአ ናትናካ ግሶፓ፤ ኡንቴንቴ እዘዉ ማታ ዳቦ ግድያ ድራሬ፣ ሄዋ ሻርሙጸ።
- 18 “ ሳ ማቻታ ገጸ ደእሸን፣ ነ ማቻት ምቻቶ አካደ ነ እሹዋ አሙዋ ፖላናዉ እናና ግሶፓ።
- 19 “ ሳ እሹዋ አሙዋ ፖላናዉ ፒላይ ዪና ቴና ኡቴዳ ምሽራትና ግሶፓ።
- 20 “ ሳን ቴነናዳን ነ ሾፈዋ ማቻትና ግሶፓ።
- 21 “ ሳ ጸሳ ሱንሳ ቴንሳናዉ ነ ናናቴዋፕ እቴዋን ታማን ጸጊደ፣ ሞሎካ ግያ ኤቃዉ ያርሻናዳን አዋፓ። ታን መድና ጎዳ።
- 22 “ ማጫ እሳና ግሰያዋዳን እቴማ እሳና ግሶፓ፤ ሄዋ ሸነይያባ።
- 23 “ ሳን ቴነናዳን እይ መሀያናን ግሶፓ፣ ቃይ ማጫ እሳይካ መሀያና ግሳናዉ መሀያ ሰንላ አጾፖ። ሄዋ ዎጋይ ባይናዋ።
- 24 “ ሳን ህንተ ሰንላፕ የደርሰያ ካዉተላቴ ሀ ኦሶቴዋን ቴኔዳ ድራሬ፣ ህንተ ሀዋንታ ማላትያዋቴዋን ቴኖፕተ።
- 25 ሀራይ አቶ ኡንቴንቴ ቢታይካ ቴኔዳ ድራሬ፣ አ ናጋራዉ ታን አ ሙራድ፤ ቢታይካ ባረናን ደእያዋንታ ጩቼዳ።
- 26 ሸን ህንተ ታ ሀግያን ታ አዛዙዋ ናግተፕ እትና፣ እሰራኤልያ አሳ ግድና ዋይ ህንተ ግድን ደእያ ሀራ ቢታ አሳፕ ኦንን ሀዋ ማላ ቴና ኦሶቴዋ አላፕተ።
- 27 “ ህንተፕ ካሰ ሀ ጋድያን ደኤዳ አሳቴ ሀዋ ማላ ቴናባ ኦጼዳ ድራሬ፣ ቢታይ ቴኔዳ።
- 28 ህንተ ሀ ቢታ ቴንሶፕ፣ ህንተፕ ካሰ ደኤዳ ካዉተላቴዋ ሀ ቢታይ ጩቼዳዋዳን፣ ህንተናካ ጩቼዳዳን ናግተተ።
- 29 ሄዋንታ ማላትያ ቴና ኦሶቴዋፕ እቴዋን ኦጼያ አሳይ ደእፕ፣ ሄ አሳይ ባረ አሳ ግድፕ ቦሄቶ።
- 30 “ ሄዋ ድራሬ ህንተፕ ካሰ ደኤዳ አሳቴ ኦጼዳ ቴና ኦሶቴዋ ኡባ ኦጼደ ህንተ ቴነናዳን፣ ህንተ ታ አዛዙዋ ናግተ፤ ታን፣ መድና ጎዳይ፣ ህንተ ጸሳ፣ ያን፣ ያጌዳ።

# 19

## ጌሻተሳነ ልክ ፕርዳ ህገቱዋ

- 1 መድና ጎዳይ ሙሳ ሀዋዳን ያጌዳ፤
- 2 “እሰራኤልያ አሳዉ ኡባዉ ሀዋዳን ያጋደ ኦዳ፤ ሳን፣ መድና ጎዳይ፣ ህንተ ጸሳይ ጌሻ ግድያ ድራሬ፣ ህንተካ ጌሻ ግድተ።
- 3 “ ህንተፕ እቴነ አተናን ባረ እባነ ባረ ዳዮ ቦንቾ፤ ታ ሳምባታቴዋካ ቦንቾተ። ታን፣ ጸሳይ፣ ህንተ ጸሳ።

---

18:5 ናህ. 9:29፤ ህዝ. 18:9፤ 20:11-13፤ ሉቃሳ 10:28፤ ሮሙ 10:5፤ ጋላ. 3:12    18:8 ዎጋ 20:11፤ ዛረ. 22:30፤ 27:20    18:9 ዎጋ 20:17፤ ዛረ. 27:22    18:12 ዎጋ 20:19-20    18:15 ዎጋ 20:12    18:16 ዎጋ 20:21  
 18:17 ዎጋ 20:14፤ ዛረ. 27:23    18:19 ዎጋ 20:18    18:20 ዎጋ 20:10    18:21 ዎጋ 20:1-5    18:22 ዎጋ 20:13  
 18:23 ከሳ 22:19፤ ዎጋ 20:15-16፤ ዛረ. 27:21    19:2 ዎጋ 11:44-45፤ 1 ጳጵ. 1:16    19:3 ከሳ 20:8፤ 12፤ ዛረ. 5:12፤ 16

4 “ ታና እጊደ ኤቃቶ ጎይኖፕተ፤ ዎይ ቃይ ብራታፕ ሲልሴዳ፣ ጸሳቱዎ ህንተንቶ መጵፕተ። ታን፣ መጵና ጎዳይ፣ ህንተ ጸሳ።

5 “ ህንተ እትፕተሳ ያርሹዎ መጵና ጎዳው ያርሹዎ ዎይ፣ ሄ ያርሹ ህንተ ድራው አከታናዳን፣ በሰዎዎዳን ያርሹተ።

6 ሄ ያርሹ ህንተ ያርሹዳ ጋላሳን ዎይ ዎንተላ ጋላሳን ሜተቶ፤ ሄዘንላ ጋላሳይ ጋካናው አቴዳዌ ደአፕ ሄዌ ጸገቶ።

7 ሄዘንላ ጋላሳን አ ሞፕ፣ ሄዌ ሸነይያባ፤ ታን ሄዎ አክከ።

8 ሄዎ ሞያ ኦንነ ባረ ናጋራን ኦሽቴ፤ እያው ጎፕ፣ አ መጵና ጎዳው ገሻ ግዳዳዎ ቱንሴዳ። ሄ አሳይ ባረ አሳ ግደፕ ቦሄቶ።

9 “ ህንተ ጋድያን ሞኬዳ ካላ ህንተ ጫክያ ዎይ፣ ጋድያ ጋጸ ጋካናው ጫኮፕተ፤ ቃይ ጫካፕ ሰሞና ደእያ ቃርሞያካ ቃርሞፕተ።

10 ነ ዎይንያ አይፍያ ሙላ ማጸደ ሞላ ካሎኖፕ፤ ሳኦን ዎጴዳ ዎይንያ አይፍያካ ማጸፕ፤ ሄዎ ሀይሳቶነ በተቶ አፓ። ታን፣ መጵና ጎዳይ፣ ህንተ ጸሳ።

11 “ ህንተ ወአፕተ።  
“ ሞርዶቶፕተ።

12 “ ላቱ እቱዎ ጭሞፕተ።

13 “ ታ ሱንላን ዎርዱዎን ጫቆፕተ፤ ያቴደ ህንተ ጸሳ ሱንላ ቱንሶፕተ። ታን መጵና ጎዳ።

14 “ ና ሸሩዎ ሱጎፕ፤ ዎይ ቦንቆፕ።

15 “ ከራ ኦላያ ብታንያ ድርጉዎ ድጋይ፣ እት ቃማነ ነ ማታን አይሶፕ።

16 “ ቴልያ ሸቆፕ፤ ዎይ ቃይ ቆቆያ ሰንላን ጹቢያዎ ዎላፕ፤ ሸን ኔን ጸሳው ያያ። ታን መጵና ጎዳ።

17 “ ፕርዳ ፕርዳደ ደሸሶፕ፤ ሀይሳ አ ሀይሳተላ ድራው ማዳደ ፕርደፕ፤ ዱርያካ አ ዱረተላ ድራው ያያደ አጎፕ። ሸን ነ ሸር ቱማተላን ፕርዳ።

18 “ ና አሳ ግድን ኢታ ዘግርሳ አካደ ዩኖፕ።  
“ ና ሸሩዎ ዎጵያዎ አያነ ኦላፕ። ታን መጵና ጎዳ።

19 “ ና እሻ ነ ዎዛናን እጸፕ።  
“ ና ሸሩዎ ጋሱፕ፤ ኔን ናጋራ ኦፍ ማላ፣ አ ሴራ።

20 “ ከሹሸያ ጭጎፕ፤ ቃይ ነ አሳፕ እቶነ ኡሎዎን ቅምያ ኦይቆፕ። ሸን ነ ሸሩዎ ነ ሁጲያዳን ሲቃ። ታን መጵና ጎዳ።

21 “ ታ አዛዘቱዎ ናፓ።  
“ ና መሀያፕ እት ቆሞ መሀያ ሀራ ቆሞ ዲማ መሀያን ብራሰሶፕ።

22 “ እት ሸይቃን ላኡ ቆሞ ዘረላ ዘርፕ።  
“ ቃይ ላኡ ቆሙዎፕ ዳደቱዳ ማየዎ ማኖፕ።

23 “ ላት አሳይ ሀራ አሳ ገላናው ጊጋ ኡቴዳ ዳንጋጽራትና ግሶፕ፣ ቃይ ሄ ዳንጋጽራታካ ባረ ዳንጋጽራተላፕ ዎዘታቢናኖ ግደፕ፣ ኤንቱንቱ ሙረታናው በሴ፤ ሸን አዛ ባረ ዳንጋጽራተላፕ ዎዘታቢና ድራው፣ ኤንቱንታ ዎቆናው ኮሸና።

24 ፕደፕ ነ ህ ብታኒ ባረ ናቁዎ ያርሹ ግድያ ደርሳ ኦርግያ ጸሳ ዲንካንያኮ መጵና ጎዳ ሰንላ አሆ።

25 ቄሲ ሄ ናቁዎ ያርሹዎ ደርሳ አኪደ፣ ብታኒ ኦሌዳ ናጋራ መጵና ጎዳ ሰንላን አቶ ጊሴ፤ አ ኦሌዳ ናጋራይካ አቶ ጌተታና።

26 “ ህንተ ካናን ቢታ ገልያ ዎይ፣ አይፍያ ሞያ አይ ቆሞ ሞላ ቶኮፕካ፣ ሄ ሞላ አይፍያ ማተተናዎዳን ፓይድተ፤ ሄዙ ላይሳይ ወራናው ሄ ሞላ አይፊ ማተተና፤ አ ሞፕተ።

27 አይደንሎ ላይላን ሄ ሞላ አይፊ ኡባይ መጵና ጎዳው ጋላታ ሸሸያ ገሻ ያርሹዎ ግዳናዎ።

28 ሸን ሄ ሞላ አይፊ ህንተንቶ ሎይሎ ዳራና ማላ፣ እቴሸንሎ ላይላ አይፍያ ማተ። ህንተ ሀዎዳን ኦላፕ፣ ህንተ ሞላ አይፊ ዳራና። ታን መጵና ጎዳይ ህንተ ጸሳ።

29 “ ሱላይ አ ግድን ደእያ አይ አሹዎካ ሞፕተ።  
“ ካኖፕተ ዎይ ሸራቾፕተ።  
30 “ ህንተ ሁጲያ ሰናና ጋርሳና ዩሽ አሊደ ቃንጸፕተ፤ ቃይ ህንተ ቡቻካ ዩሽ አሊደ ቃንጸፕተ።

19:4 ግጋ 26:1፤ ከሳ 20:23፤ 34:17፤ ዛረ. 27:15 19:9 ግጋ 23:22፤ ዛረ. 24:19-22 19:11 ከሳ 20:15፤ 16፤ ዛረ. 5:19፤ 20 19:12 ከሳ 20:7፤ ዛረ. 5:11፤ ማቶሳ 5:33 19:13 ዛረ. 24:14-15 19:14 ዛረ. 27:18 19:15 ከሳ 23:6-8፤ ዛረ. 16:19 19:18 ማቶሳ 5:43፤ 19:19፤ 22:39፤ ማር. 12:31፤ ሉቃሳ 10:27፤ ሮሙ 13:9፤ ጋላ. 5:14፤ ያቆሳ 2:8 19:19 ዛረ. 22:9-11 19:26 ደሙሳ 9:4፤ ግጋ 7:26-27፤ 17:10-14፤ ዛረ. 12:16፤ 23፤ 15:23፤ 18:10 19:27 ግጋ 2:5፤ ዛረ. 14:1

- 28 “ ሳይቁዳ አሳ ድራሬ ህገተ ቦላ ቃንጸሬልጥተ፤ ዎይ ጫቻ ማላታ ህገተ ቦላን ከሶጥተ። ታን መጅና ጎዳ።
- 29 “ ቢታይ ዎዳላ ቱናተላን ኩሜዳዎ ግደና ማላ፣ ነ ናቶ ሻርሙጻ ኦሶ አላ እማደ ቱንሶጋ።
- 30 “ ታ ሳምባታቱዎ ቦንቾተ፤ ታዉ ጎይንያ ሳኣካ ቦንቾተ። ታን መጅና ጎዳ።
- 31 “ ሞይትልያ ሃሳይሰያዋንቴኮነ ሻሬቾቱዋኮ ቦጥተ፤ ህገተ ቱና ማላ ኡንቴንታ ኮኖጥተ። ታን፣ መጅና ጎዳይ፣ ህገተ ጸሳ።
- 32 “ ጥሌሜዳ አሳነ ጭሜዳ አሳ በእያ ዎደ ኡቴዳ ሳአጥ ደንዳ ኤቃ፤ ኡንቴንታ ቦንቻ፤ ነ ጸሳዉ ያያ። ታን መጅና ጎዳ።
- 33 “ ህገተ ጋድያን ህገተናና ደእያ በተቱዎ ቦላን ሱገላባ ኦሶጥተ።
- 34 ህገተ ጋድያን ህገተናና ደእያ በተ አሳ ህገተ ቢታ አሳዳን ጾልተ፤ አ ህገተ ሁጲያዳን ሲቅተ። እያዉ ጎጥ፣ ህገተካ ካሰ ግብጾ ጋድያን በተ ግዲደ ደኤድታ። ታን፣ መጅና ጎዳይ፣ ህገተ ጸሳ።
- 35 “ ህገተ ጌሳ ልክያባን፣ ሚዛናን ዎሌደ ልክያባንን ማክያባን ዎርዶቶጥተ።
- 36 ህገተ ኪሎዎ ሚዛናይ፣ ህገተ ማክያባይን ልክያ ሚሻቱ ኡባይ ልከ ግድኖ። ታን ህገተና ግብጾ ጋድያጥ ከሳደ እሄዳ መጅና ጎዳ ህገተ ጸሳ።
- 37 ህገተ ታ ህግያን ታ አዛዙዎ ኡባ ናግተነ ኦሶተ። ታን መጅና ጎዳ ያጋ ” ያጌዳ።

## 20

### አዛዘተናን እጽና ጋክያ ሙራ

- 1 መጅና ጎዳይ ሙሳ ሀዋዳን ያጌዳ፤
- 2 “እስራኤልያ አሳዉ ሀዋዳን ያጋደ ኦዳ፣ እስራኤልያ አሳጥ ግድና፣ ዎይ በቲደ ዪደ እስራኤልያ ግደን ደእያ ሀራ ቢታ አሳጥ ግድናካ፣ ኡንነ ባረ ናናቱዎጥ አቱዎ ሞሎካ ግያ ኤቃዉ አሊደ እዎጥ፣ ሄ አሳይ ሀይቆ፤ ሄ ቢታ አሳይ አ ሹቻን ጫዲደ ዎዶ።
- 3 ታን ሄ ብታንያ እጻና፤ አ አሳ ግደጥ ሾዳደ አ ቆይሳና። እያዉ ጎጥ፣ አ ባረ ናናቱዎጥ አቱዎ ሞሎካ ግያ ኤቃዉ እዎያዋን፣ ታ ዲንካንያ ቱንሴዳ፤ ታ ጌሻ ሱንሳካ ካዉሸሴዳ።
- 4 ሄ ብታኒ ባረ ናናቱዎጥ አቱዎ ሞሎካዉ እዎያ ዎደ፣ ሄ ቢታ አሳይ በእደ፣ ሸነኮ ጎጥ፣ ቃይ ብታንያካ ዎ፻ናን አጎጥ።
- 5 ታን ታ ሁጲያዉ ሄ ብታንያን ሄ ሶ አሳ እጻና፤ ሞሎከና ሻርሙጻናዉ አ ካልያ ኡባቱዎ ኡንቴንቱ አሳ ግደጥ ቦህተ።
- 6 “ ኣይ አሳይነ ታናን እማነተናን እጲደ፣ ሞይትልያ ሃሳይሰያዋንታን ሻሬቾቱዎ ኦቻናዉ ቦጥ፣ ታን አ እጻና፤ አ አሳ ግደጥካ ቆይሳና።
- 7 “ ታን፣ መጅና ጎዳይ፣ ህገተ ጸሳ ግድያ ድራሬ፣ ሰም ህገተ ህገተና ዲማይተ፤ ቃይ ጌሻ ግድተ።
- 8 ታ ህግያ ናግተነ ኦሶተ። ታን ህገተና ጌሸያ መጅና ጎዳ።
- 9 “ ኣይ አሳይነ ባረ እዉዎ ዎይ ባረ ዳኖ ሸቆጥ ሀይቆ። አ ባረ እዉዎ ዎይ ባረ ዳኖ ሸቆዳ ድራሬ፣ አ ሱላ እጩ አ ቦላና።
- 10 “ ኣት አሳይ ባረ ሾሩዎ ማቻትና ግሶጥ፣ ሄ ግሴዳ ብታኒን ሞሸርታ ላኡካ ሀይቁኖ።
- 11 ባረ እዉዎ ማቻትና ግሴዳ አሳይ ባረ እዉዎ ካዉሸሴዳ፤ ኡንቴንቱ ላኡካ ሀይቁኖ። ኡንቴንቱ ሱላ እጩ ኡንቴንቱ ቦላና።
- 12 እት አሳይ ባረ ናኣ ማቻትና ግሶጥ፣ ኡንቴንቱ ላኡካ ሀይቁኖ። ኡንቴንቱ ቱናባ ኦሌድኖ። ኡንቴንቱ ሱላ እጩ ኡንቴንቱ ቦላና።
- 13 “ ኣት አቱማ አሳይ ማጫ አሳና ግሰያዋዳን አቱማ አሳና ግሶጥ፣ ኡንቴንቱ ላኡካ ቱናባ ኦሌዳ ድራሬ ሀይቁኖ። ኡንቴንቱ ሱላ እጩ ኡንቴንቱ ቦላና።
- 14 እት አሳይ ናቶን እቶን እትጥ እክያዎ ግደጥ፣ ሄዌ ቱናባ፤ ህገተ ግደን ቱናተሳይ ደኤና ማላ፣ እነ ኡንቴንቱን ታማን ጸገትና።
- 15 “ ኣት አሳይ መሀያና ግሶጥ፣ አ ሀይቆ፤ ሄ ማጫ መሀቶካ ዎዶተ።
- 16 እት ማጫ አሰ መሀያና ግሶጥ ሄ ሞሸራቶን ሄ መሀያ ላኡዋካ ዎዶተ፤ ኡንቴንቱ ሀይቁኖ። ኡንቴንቱ ሱላ እጩ ኡንቴንቱ ቦላና።

---

19:29 ዛረ. 23:17    19:30 ዎጋ 26:2    19:31 ዛረ. 18:11፤ 1 ሳሜላ 28:3፤ 2 ካታ. 23:4፤ እሳ. 8:19  
 19:33 ከሳ 22:21፤ ዛረ. 24:17-18፤ 27:19    19:35 ዛረ. 25:13-16፤ ለም. 20:10፤ ህዝ. 45:10    20:9 ከሳ 21:17፤ ማቶሳ 15:4፤ ማር. 7:10    20:10 ከሳ 20:14፤ ዎጋ 18:20፤ ዳ. 5:18    20:11 ዎጋ 18:8፤ ዛረ. 22:30፤ 27:20    20:12 ዎጋ 18:15    20:13 ዎጋ 18:22    20:14 ዎጋ 18:17፤ ዛረ. 27:23    20:15 ከሳ 22:19፤ ዎጋ 18:23፤ ዛረ. 27:21

17 “ ጻት አሳይ ባረ ምቻቶ ባረ አወዋ ናትና ወይ ባረ ዳይ ናትና ግሶፕ፣ ሄዌ ፖኮባ። ኢንቴንቴ ባረንቴ አሳ ግደፕ ቦሄትና። እ ባረ ምቻቶ ካወሺዳ ድራወ። እ ባረ ናጋራን ኦሽቴ።

18 እት አሳይ ፒላይ ዬዳ ማጫን ካሉዋ ቃሪደ እናና ግሶፕ፣ ኢንቴንቴ ላኡካ ባረንቴ አሳ ግደፕ ቦሄትና። እያወ ጎፕ እ እዝ ሱላይ ጎግያ ፑልቴዋ ካሎዬዳ፤ እዛካ ባረ ሱላይ ጎግያ ፑልቴዋ ካሎያዱ።

19 “ ሳ ዳይ ምቻትና ወይ ነ አወዋ ምቻትና ግሶፕ፤ እያወ ጎፕ፣ ሄዋ አልያዌ ባረ ማታ ዳቡዋ ካወሽያዋ። ህንተ ላኡካ ህንተ ናጋራን ኦሽጋና።

20 እት አሳይ ባረ አወዋ እሻ ማቻትና ግሶፕ፣ እ ባረ አወዋ እሻ ካወሽሴዳ። ኢንቴንቴ ባረንቴ ናጋራን ኦሽጋና፤ ኢንቴንቴ ላኡካ ናኣ የለናን ሀይቃና።

21 እት አሳይ ባረ እሻ ማቻቶ አኮፕ፣ ሄዌ ቴናተላ። እ ባረ እሻ ካወሽሴዳ፤ ኢንቴንቴ ላኡካ ናኣ የልከና።

22 “ ሳም ህንተ ደእናዳን፣ ታን ህንተና ገልሲያ ቢታይ ህንተና ጩቹና ማላ፣ ህንተ ታ ሀግያነ ታ አዛዘዋ ናግተነ አላት።

23 ታን ህንተ ስንላፕ ጳይሲያ አሳቴዋ ደኤዋ ግጋ ካሎፕተ። ኢንቴንቴ ሀዋ ኡባ ኦፊዳ ድራወ፣ ታን ኢንቴንቴ ሽነታድ።

24 ሸን ታን ህንተና፣ “ኢንቴንቴ ቢታ ህንተ ላታና፤ ህንተ ሄ ቢታ ህንተዋ አላናዳን፣ ሄ ማላይነ ኡሳይ ጎግያ ቢታ ታን ህንተንቶ እማና” ያጋድ። ታን ህንተና ሀራ አሳቴዋፕ ዱማያ ከሴዳ መጵና ጎዳ ህንተ ጸሳ።

25 “ ሄዋ ድራወ ህንተ ጌሻ ግዴዳ መሄቴዋነ ካፎቴዋ ጌሻ ግደናዋንቴ ሻኪደ ኤርተ። ታን ሀዋንቴ ህንተንቶ ቴና ጋ ዎሌዳ መሄቴዋን፣ ካፎቴዋንነ ሳኣን ቃጸረትያባቴዋን ኡባን ህንተ ሁጲያ ቴንሶፕተ።

26 ታን መጵና ጎዳይ ጌሻ ግዴዳ ድራወነ ህንተ ታዋ ግዳና ማላ ህንተና ሀራ አሳፕ ዱማዬዳ ድራወ፣ ህንተካ ታወ ጌሻ ግድፕ።

27 “ ጻት አቴማ አሳይ ወይ ማጫ አሳይ ሞይትልያና ሃሳይያዋ ወይ ሻራቾ ግደፕ፣ ኢንቴንቴ ሀይቃናወ በሰ። ኢንቴንቴ ቩቻን ጫደትና። ኢንቴንቴ ሱላ አጩ፤ ኢንቴንቴ ቦላና” ያጋ” ያጌዳ።

# 21

## ቄሳቴዋ ጌሻተላ

1 መጵና ጎዳይ ሙሳ ሀዋዳን ያጌዳ፣ “ቄሲያ ግድያ አርና አቴማ ናናቶ ሀዋዳን ያጋደ ኦዳ፤ ህንተፕ አንነ

2 ባረ ማታ ዳቦ፣ ባረ ዳይ፣ ባረ አወዋ፣ ባረ አቴማ ናኣ፣ ባረ ማጫ ናት፣ ባረ እሻ፣

3 ወይ አሰና ገለናን፣ ደእያ ባረ ምቻት እሄ ግዳና ጳዮፕ፣ ሀይቄዳ አሳ እሄ ኦዋነ ቦቹደ፣ ባረና ቴንሶፕ።

4 ቃይ አኩዋንነ ገሉዋን ዳቦቴዳ አሳ እሄ ቦቹደካ ባረና ቴንሶፕ።

5 “ ቄሳቴ ሀይቄዳዋ ካዮታናወ ባረንቴ ሁጲያ ሜደቶፕና፤ ባረንቴ ቡቻካ ቃንላን ቃንጸፕና፤ ወይ ቃይ ባረንቴ ቦላካ ቃንጸራፕና።

6 ኢንቴንቴ ባረንቴ ጸሳወ ጌሻ ግድፕ፤ ቃይ ባረንቴ ጸሳ ሱንላካ ቴንሶፕና። እያወ ጎፕ ኢንቴንቴ መጵና ጎዳወ ታማን ጸጌደ ያርሸያ፣ ቁማ ያርሹዋ ሺሸያዋንታ፤ ሄዋ ድራወ፣ ኢንቴንቴ ጌሻ ግዳናወ በሰ።

7 “ ቃይካ ቄሳቴ ሻርሙጸ ማጫ አሳ፣ ዎደርተላይ አከት ድጌዳ ማጫ አሳ፣ ወይ አሰናይ የዴዳ ማጫ አሳ አኮፕና። እያወ ጎፕ፣ ቄሳቴ ባረንቴ ጸሳወ ጌሻ።

8 ቄሲ ህንተ ጸሳወ ቁማ ያርሹዋ ሺሸያዋ ግድያ ድራወ፣ እ ሀራ አሳፕ ዱማቶ። ታን ህንተና ጌሸያ ህንተ መጵና ጎዳይ ጌሻ ግድያ ድራወ፣ እካ ጌሻ ግድ።

9 እይ ቄሲያ ናቶ ግደፕካ ሻርሙጸደ ባረና ቴንሶፕ፣ ሄና ባረ አወዋ ካወሻዱ። እዛ ታማን ጸጌታደ ሀይቄ።

10 “ ቄሲያ ኡባቴዋ ካፕ፣ እ ሁጲያን አከትያ ዛይቲ ጉኪዳ ድራወነ እ ቄሲተላ ማዌዋ ማያናወ ዱማቴዳ አሳ ግድያ ድራወ፣ ባረ ሁጲያ ብናና ካሎ ዎልፕ፤ ወይ ባረ ማዌዋካ ፔሉፕ።

11 እይ እሄ ግደፕካ፣ ደእያ ሳኣ እ ገሎፕ፤ ሀራይ አቶ ባረ አወዋ ወይ ባረ ዳይ እሄ ግደፕካ፣ ባረና ሄዋን ቴንሶፕ።

12 እ ጌሻናወ ኦክያ ጸሳ ዛይቲ እ ቦላን ደእያ ድራወ፣ ቄሲ ጸሳ ዱንካንያፕ ከሶፕ፤ ጸሳ ዱንካንያካ ቴንሶፕ። ታን መጵና ጎዳ።

13 “ ቄሲ ዎደር ማጫ ናቶ እኮ።

- 14 እስናይ ሀይቄዳ ምሽራቶ፣ ዋይ እስናይ የዱዳ ምሽራቶ፣ ዋይ ዋሹማ ምሽራቶ አኮፖ። ሽን ባረ አሳ ግደፕ ዋደር ማጫ ናቶ ዶሪደ አኮ።
- 15 ያናና ጳዮፕ፣ እ ባረ አሳ ግደን ባረ ዘርላ ግድያ ባረ ናናቱዋ ቱንሳ። ታን እ ጌሽያዌ፣ መድና ጎዳ ያጋ። ” ያጌዳ።
- 16 መድና ጎዳይ ሙሳ፣ ሀዋዳን ያጌዳ፤
- 17 “ኔን አርናወ ሀዋዳን ያጋይ ኦዳ፤ ሰንሃና ይያ ነ ዘርላፕ ቦላይ ትላ ግደና አሳይ ኦንን ቁማ ያርሹዋ ታወ አማናወ ሺቆፖ።
- 18 እያወ ጎፕ ቦላይ ትላ ግደና አሳይ ኦንን ሺቃናወ በሰና። ቆቃ፣ ዋይ ዋባ፣ ዋይ ደሙ ናርጸቱዳ፣ ዋይ ፓጫ ቦላይ ደእያ አሳይ፣
- 19 ዋይ ቁናይ፣ ዋይ ድንከ፣ ዋይ አይፊ ሳክያ አሳይ፣ ዋይ ፑሱ ኦይቄዳ አሳይ፣ ዋይ አላሁ ኦይቄዳ አሳይ፣ ዋይ ጎይር ግድናካ ቦላይ ትላ ግደና አሳይ፣ ኦንን ሺቆፖ።
- 21 ቁሰያ አርና ዛርያፕ ቦላይ ትላ ግደና አሳይ ኦንን መድና ጎዳወ ታማን ጸግያ ያርሹዋ ሺኻናወ ሺቆፖ። እወ ቦላይ ትላ ግደናዋ ግደዋፕ ህን ባጋን፣ ባረ ጸሳወ ቁማ ያርሹዋ ሺኻናወ እ በሰና።
- 22 እ ጌሻ ቁማን ቃይ ጌሻ ኡባፕ አቱዋ ግዳዳ ጌሻ ያርሹዋ ባረ ጸሳ ቁማካ ማናወ ዳንዳዬ።
- 23 ሽን እወ ቦላይ ትላ ግደና ድራወ፣ እ ታ ዱንካንያ ድንሰናዳን፣ ጋርዱዋፕ ዋይ ያርሽያ ሳካኮ ሺቆፖ። እያወ ጎፕ፣ ኡንቱንታ ጌሽያዌ ታን መድና ጎዳ ያጋ። ” ያጌዳ።
- 24 ሙሴ አርናወ፣ እ አቱማ ናናወን እስራኤልያ አሳወ ኡባወ ሀዋ ዳዳዳ።

## 22

### አዋታ ጌሻተላ

- 1 መድና ጎዳይ ሙሳ ሀዋዳን ያጌዳ፤
- 2 “ታ ጌሻ ሱንላ ኡንቱንቱ ቱንሰና ማላ፣ እስራኤልያ አሳይ ታወ ዱማዬዳ አዋታ አርንን እ አቱማ ናናይ ቦንቹዋን አከደ፣ ጌሻተላን ናጋና ማላ፣ ኡንቱንቶ ኦዳ። ታን መድና ጎዳ።
- 3 “ኡንቱንቶ ሀዋዳን ያጋ፤ ሰንሃና ይያ የለታ ኡባን ህንተ ዛርያፕ ኦንን ቱን ኡቲደ፣ እስራኤልያ አሳይ መድና ጎዳወ ዱማዬዳ ጌሻ ያርሹዋ ሺቆፖ፣ ሄ አሳይ ታ ሰንሃፕ ቦሃቶ። ታን መድና ጎዳ።
- 4 “ አርና ዛርያፕ ዋልቃማ ጋልባ ሀርጊ ደእያ፣ ዋይ ቦላፕ አያይኔካ ጎግያ ኦንን ጌያና ጋካናወ፣ ጌሻ ያርሹዋፕ ዋፖ። እሃ ቦቹደ ቱዴዳዋ ዋይ እ አቱማተላፕ ዘርሳይ ጉኩዳ ኡራ ቦችያ ኦንን ቱና።
- 5 ዋይ ቃይ ሳና ጎሽቶያ፣ ቱንሰናዋንታ፣ ዋይ እይ ማላ ቱናተላ ግደፕን ቱንሰያ አሳ ቦችያ ኡራይ፣
- 6 ዋይ ሄዋ ማላባ አያን ቦችያ አሳይ፣ ኦማርሰ ጋካናወ እ ቱና፤ ባረ ቦላ ሃላን ሜጨተናን ደኢደ፣ ሄ ጌሻ ያርሹዋፕ እ ማናወ ኮሸና።
- 7 አዋይ ወልልያ ዋደ እ ጌሻ ግዳ፤ ሄዋፕ ጉይያን፣ ሄ ጌሻ ያርሹዋፕ ባረና ጋክያዋ ዋ ጋሱካ ሄዋ እ ቁማ።
- 8 ባረወ ሀይቄዳዋ ዋይ ደእይ ዋዴዳ መህያ አሹዋ ዋፖ፤ ሄዋ ቱንሰያባ። ታን መድና ጎዳ።
- 9 “ ቁሳቱ ታ ዋጋ፤ ናገናን እጸፕ፣ ኡንቱንቱ እ ቱንሲደ እ ናጋራን ሀይቃና። ኡንቱንታ ጌሽያዌ ታና መድና ጎዳ።
- 10 “ ሄ ጌሻ ያርሹዋ ቁሰያ ሶ አሳፕ አትና፣ ሀራ አሳይ ዋፖ፤ ቁሰያ ሶ ዬዳ አማላ ግድና፣ ዋይ ቃዳረቲደ ኦልያ ቆማ ግድናካ ዋፖ።
- 11 ሽን ቁሰ ባረ ብራን ሻሜዳ አይልያ ዋይ እ ሶን የለቱዳ አይሊ ሄ ቁማፕ ዋ።
- 12 ቁሰያ ግደና ሀራ አሳ ገራዳ ቁሰያ ናታ ሄ ጌሻ ያርሹዋፕ ሙፑ።
- 13 ሽን ቁሰያ ናታ እስናይ ሀይቄና፣ ዋይ እስናይ የድና፣ ናእ የለናን ካሰ ባረ ዋደርተላን ደእያዋዳን ሰማደ ባረ አወዋ ጎላ ፑፕ፣ እ ባረ አወዋ ጋክያ ቁማፕ ሙ። ሽን ሀራ አሳይ ኦንን ሄዋፕ ዋፖ።
- 14 “ ኣት አሳይ ኤርናን ደኢደ ጌሻ ያርሹዋፕ ዋፕ፣ ሄ እ ሜዳ ቁማ ጋትያ ቦላ ጸቱዋፕ ላታሙ ኩሽያ ጉጂደ ቁሰያወ አዋ።
- 15 እስራኤልያ አሳይ መድና ጎዳወ ያርሽያ ጌሻ ያርሹዋ ቁሳቱ ቱንሰና።
- 16 ኡንቱንቱ ባረንቱ እሄዳ ጌሻ ያርሹዋ ባረወ ሚደ፣ ባረንቱ ናጋራን አሽታናዳን፣ ቁሳቱ ኦላናወ ኮሸና። እያወ ጎፕ፣ ኡንቱንታ ጌሽያዌ፣ ታን መድና ጎዳ ያጋ። ” ያጌዳ።

### አከተና ያርሹቱዋ

- 17 መድና ጎዳይ ሙሳ ሀዋዳን ያጌዳ፤
- 18 “አርናወ፣ እ ናናቶን እስራኤልያ አሳ ኡባወ ሀዋዳን ያጋይ ኦዳ፤ ‘እስራኤልያ አሳፕ ግድና ዋይ ኡንቱንቱ ግደን ደእያ በትያፕ ኦንን መድና ጎዳወ ጸግያ ያርሹዋ ባረ ዶሱዋን ጮ አምያ ዋይ ባረ ሺቆዋ ጋላናወ ያርሽያ ዋይ፣
- 19 ሄ ያርሹ አከታና ማላ፣ ኩራማፕ ዋይ ደርሳፕ ዋይ ዴሻፕ ትላ ቦላና ደእያ አቱማዋ ግደ።

20 ቦላይ ትላ ግደናዌ እያ ግደጥነ አከተና ድራው። ሄዋ ሺሸገገ።

21 “ ቃይ ኦና ግደጥነ ባረ ሺቆዋ ጋላናው እትጥተላ ያርሹዋ ጸሳው ያርሸያ ዋደ። ዋይ ባረ መሀያጥ ባረ ደሱዋን ጮ እምያ እምታ መድና ጎዳው ሺሸያ ዋደ። ሄዋ አከታና ማላ እ ትላ ቦላና ደእያዋ ግደ።

22 ህገተ መሀያጥ ቆቅያ። ዋይ መኡዋ። ዋይ ጉንዳ። ዋይ ጊይያ ማይላይ። ዋይ ዮሱ። ዋይ እላሁ ደእያዋ መድና ጎዳው ያርሹጥተ፤ ቃይ ታማን ጹግያ ያርሹዋ ኦሊደካ ያርሸያ ሳኦ ቦላን መድና ጎዳው ሺሸገገ።

23 እ ቦላን ገጫ መጋታይ ዋይ ገጫባይ ደእያ ኮሩማ ዋይ ደርሳ እት አሳይ ባረ ደሱዋን ጮ እምያ ያርሹ ሺሻናው ዳንዳዬ፤ ሸን ሺቆ ጋላ ግደጥ። ሄዋ አከተና።

24 ሳንግሰቲዳዋ ዋይ ቆጻቴዳዋ ዋይ ካላይ ማይቲዳዋ ዋይ ቃንጸቲዳዋ መድና ጎዳው ያርሹጥተ። ህገተ ጋድያን ሄዋ ማላባ እሳጥተ።

25 ህገተ ግደን ደእያ አላጋ አሳቲዋጥ እኩዳ ሄዋ ማላ መሀያካ ህገተ ጸሳው ቁማ ኦሊደ ሺሸገገ። ኡንቲንቲ ቦላይ ትላ ግደናዋ ጋሱዋን ኡንቲንቲን ፖኩ ደእያ ድራው። ኡንቲንቲ ህገተ ድራው እከትክና፣ ያጋ” ያጌዳ።

26 ቃይካ መድና ጎዳይ ሙሳ ሀዋዳን ያጌዳ።

27 “ሚካ ማራይ ዋይ ደርሳ ማራይ ዋይ ዳሻ ማራይ የለትያ ዋደ። ላጉን ጋላሳ ባረ ዳይና ጋምኦ። ሆሰጉንላ ጋላሳጥ ደሚደ። መድና ጎዳው ታማን ጹጊደ ሺሸያ ያርሹ ኦሊደ ሺሻናው ዳንዳየቲ።

28 ዋያቶ፣ ደርሳቶ፣ ዋይ ዳሻቶ እ ማራና እት ጋላሰ ሹኮጥተ።

29 “ህገተ ጋላታ ያርሹዋ መድና ጎዳው ሺሸያ ዋደ። ህገተ ያርሹ አከታናዳን ያርሸተ።

30 ሄ ያርሹ ሄ ጋላሰካ ማተታናው ኮሺ፤ አጥ እያን ዋንትው አሸጥተ። ታን መድና ጎዳ።

31 “ታ እዛዙዋ ናግተነ አሳተ። ታን መድና ጎዳ።

32 ቃይ ታ ጌሻ ሱንላ ህገተ ቲንሰጥተ፤ እስራኤልያ አሳ ግደን ታን ጌሻ ግድናዋ ኤረታናው በሴ። ህገተና ጌሸያዋ፣ ታን መድና ጎዳ።

33 ህገተው ጸሳ ግዳናው። ህገተና ግብጹ ጋድያጥ ከሴዳዋ ታና። ታን መድና ጎዳ” ያጌዳ።

## 23

### እማኑዋ ባላ ቦንቻያ ማራ

1 መድና ጎዳይ ሙሳ ሀዋዳን ያጌዳ፤

2 “እስራኤልያ አሳው ሀዋዳን ያጋደ ኦዳ፤ ጌሻ ሺቆዋ ግ አዋዪደ። ህገተ ቦንቻናው በሰያ ከረቲዳ መድና ጎዳ ባላቲ ሀዋንታ።

3 “ ህገተ ኡሱጉን ጋላሳ ኡሱዋ ኦሊታ፤ ሸን ላጉንላ ጋላሰ ህገተ ሸምጥያ ሳምባታ ጋላሳ፤ ሄ ጋላሳን ጌሻ ሺቆዋ ሸቅተ፤ እያ ኦሶነ ኦሳጥተ፤ ህገተ ደእያ ሳኦን ኡግን ሄዋ መድና ጎዳው ሳምባታ።

### ገሰጋ ባላን ማጋገ ኡክላ ባላ

(ፓይ. 28:16-25)

4 “ ኡንቲንቲ ዋድያን ዋድያን ጌሻ ሺቆዋ ኦላ አዋዪደ። ህገተ ቦንቻናው በሰያ መድና ጎዳ ባላቲ ሀዋንታ።

5 ኮይሮ አግናን ታማን ኦይደንላ ጋላሰ ሳኦይ ኦማርሰያ ዋደ። መድና ጎዳ ገሰጋይ ደሚ።

6 “ ቃይ ሄ አግናንካ ታማን እቼሸንላ ጋላሳይ መድና ጎዳ ማጋገ ኡክላ ባላ ጋላሳ፤ ሄዋ ድራው ላጉን ጋላሳቲዋን አርሹ ገልቤና ኡክላ ሚተ።

7 ሄ ጋላሳቲዋጥ ኮይሮ ጋላሳን ጌሻ ሺቆዋ ሸቅተ፤ ዳቡርሰያ ኡሱዋ እያን ኦሳጥተ።

8 ላጉን ጋላሳ ኡግ መድና ጎዳው ታማን ጹግያ ያርሹዋ ሺሸተ፤ ላጉንላ ጋላሳን ቃይ ጌሻ ሺቆዋ ሸቅተ፤ ዳቡርሰያ ኡሱዋ እያን ኦሳጥተ” ያጋ” ያጌዳ።

### ባይራ ካላ

9 መድና ጎዳይ ሙሳ ሀዋዳን ያጌዳ፤

10 “እስራኤልያ አሳው ሀዋዳን ያጋደ ኦዳ፤ ታን ህንተንቶ እምያ ቢታ ገሊደ። ህገተ ካላ ጫክያ ዋደ። ሄ ካላው ኮይሮ እይፍያ ምርቂያ ቁሰያኮ አክ ዪተ።

11 መድና ጎዳይ ህንተዋ አካና ማላ። ሳምባታ ዋንተላ ጋላሰ ቁሲ ሄ ምርቂያ ጸሳ ሰንላን ቃላ።

12 ሄ ህገተ ምርቂያ ቃላዳ ጋላሰ ትላ ቦላና ደእያ እት ላይላ ደርሳ ኦርግያ ጹግያ ያርሹዋ ኦሊደ መድና ጎዳው ሺሸተ።

22:20 ዛረ. 17:1    23:3 ከሳ 20:8-10፤ 23:12፤ 31:15፤ 34:21፤ 35:2፤ ዛረ. 5:12-14    23:5 ከሳ 12:1-13፤ ዛረ. 16:1-2    23:6 ከሳ 12:14-20፤ 23:15፤ 34:18፤ ዛረ. 16:3-8



13 ሄ ያርሹዋና እትጥ ዎጋራ ዛይትያን ሙናቀቲዳ ላኢ ኪሎ ግራመ ሎኦ ጂልያ ካላ ያርሹዋ ኦሊደ ሺሸት፤ ሄዌ መጅና ጎዳዉ ታማን ጸግያ፡ ሳዉዋ ቶሹኩ ግያ ያርሹዋ ግዳናዋ፤ ሄዋናካ ቃይ እትጥ እት ሊትሮ ግድያ ዎይንያ ኤሳ ሺሸት።

14 ሀ ያርሹዋ ሀንተ ሀንተ ጸሳዉ ሺሸያ ጋላሳይ ጋካናዉ፡ ኦራላ ጋኬዳ ካላጥ ኦክላ፡ ዎይ ጸጸ ግድና፡ ቃይያ ግድናካ ዋጥተ። ሀዌ ሀንተ ደእያ ሳኣን ኡባን ሰንሳና ይያ የለታዉ ኡባዉ መጅናዉ ዎጋ።

ሳምንታቱዋ ባላ  
(ገይ. 28:26-31)

15 “ ህንተ ቃልያ ያርሹዋ ሞርቂያ አሄዳ ሳምባታ ዎንተላጥ ደሚደ፡ ላፑን ሳምንታ ኩመንላ ገይድተ።

16 ላፑንላ ሳምባታ ዎንተላ ጋላሳይ ጋካናዉ፡ እሻታሙ፡ ጋላሳ ገይዲደ፡ ኦራላ ጋኬዳ ካላ ያርሹዋ መጅና ጎዳዉ ሺሸት።

17 ሀንተ እቅያ ሳኣጥ ላኢ ኪሎ ግራመ ግድያ ሎኦ ጂልያጥ እርሹዋ የጊደ ኡኬዳ ላኢ ኡክላ ቃላናዉ አክ ደተ። ሄዌ ኮይሮ ጋኬዳ ካላ እይፍያጥ መጅና ጎዳዉ ያርሹዋ ግዴ።

18 ሄ ኡክላና እትጥ ትላ ሶላና ደእያ እት ላይላ ግዴዳ ላፑን ደርሳ ማራቱዋ፡ እት ኮሩማን ላኢ ደርሳ ኦርገቴዋ ሺሸት። ካላ ያርሹዋና ኡሻ ያርሹዋና እትጥ መጅና ጎዳዉ ታማን ጸግያ፡ ሳዉዋ ቶሹኩ ግያ ያርሹዋ ኦሊደ ያርሸት።

19 ቃይ እት ዳሻ ኦርግያ ናጋራ ያርሹ፡ እት ላይላ ግዴዳ ላኢ ደርሳ ኦርገቴዋካ እትጥላ ያርሹ ሺሸት።

20 “ ቁሲ ሄ ኮይሮ ጋኬዳ ካላ እይፍያ ኡክላን ሄ ላኢ ደርሳቱዋ ቃልያ ያርሹዋ ኦሊደ፡ መጅና ጎዳ ሰንሳን ቃል፤ ሄዎንቱ መጅና ጎዳዉ ጌሻ፤ ቃይ ቁሲያዉካ ግሹዋ።

21 ሄ ጋላሰካ አዎዪደ ጌሻ ሸቆዋ ሸቅተ፤ ዳቡርሲያ ኦሶ እያን ኦላፕተ። ሀዌ ሀንተ ደእያ ሳን ኡባን ሰንሳና ይያ የለታዉ ኡባዉ መጅናዉ ዎጋ።

22 “ ህንተ ጋድያን ሞኪዳ ካላ ሀንተ ጫክያ ዎይ፡ ሀንተ ሸይቃ ጋጸ ጋካናዉ ጫኮፕተ፤ ጫክሸን እትያ ቃርሞያካ ቆርጥተ፤ ሄዎ ሀይሳቶን በተቶ አግ ባሸተ። ታን፡ መጅና ጎዳይ፡ ሀንተ ጸሳን ያጋ” ያጌዳ።

ማላካታ ፑንያ ባላ  
(ገይ. 29:1-6)

23 መጅና ጎዳይ ሙሳ ሀዋዳን ያጌዳ፡

24 “እሰራኤልያ አሳዉ ሀዋዳን ያጋደ ኦዳ፤ ላፑንላ አግናን ኮይሮ ጋላሳ ሸሞፖ ጋላሳ ኦሊደ ቦንቶተ፤ ሀሳይሱዋ ማላካታይካ ፑንትያ ዎይ፡ ጌሻ ሸቆዋ ሸቅተ።

25 ሄ ጋላሳን መጅና ጎዳዉ ታማን ጸግያ ያርሹዋ ሺሸተጥ እትና፡ ዳቡርሲያ ኦሱዋ እያን ኦላፕተ” ያጋ” ያጌዳ።

ናጋራ አቶ ጊሲያ ጋላሳ  
(ገይ. 29:7-11)

26 መጅና ጎዳይ ሙሳ ሀዋዳን ያጌዳ፡

27 “ሀ ላፑንላ አግናዉ ታማንላ ጋላሳይ ናጋራ አቶ ጊሲያ ጋላሳ፤ ሄ ጋላሰ ጌሻ ሸቆዋ ሸቅተ፤ ቃይ ሀንተ ሁጲያ ካዉሸተ፤ ያቲደ መጅና ጎዳዉ ታማን ጸግያ ያርሹዋ ሺሸት።

28 ሄ ጋላሳይ መጅና ጎዳ ሀንተ ጸሳ ሰንሳን ሀንተ ናጋራይ አቶ ጌተታና ማላ፡ ሀንተ ናጋራ አቶ ጊሲያ ጋላሳ ግድያ ድራዉ፡ ሄ ጋላሰ እይ ኦሱዋን ኦላፕተ።

29 ሄ ጋላሰ ባርናተላ ካዉሸና አሳይ ኦንነ ባር አሳ ግደጥ ቦሃቶ።

30 ሄ ጋላሰ እያ ኦሱዋ ግደጥን ኦልያ አሳ ታን ኦ አሳ ግደጥ ጃይሳና።

31 ሄ ጋላሰ እይ ኦሱዋን ኦላፕተ። ሀዌ ሀንተ ደእያ ሳን ኡባን ሰንሳና ይያ የለታዉ ኡባዉ መጅናዉ ዎጋ።

32 ሄዌ ሀንተ ዋና ሸሞፑዋ ሸሞፕያ ሳምባታ ጋላሳ፡ ሄ ጋላሳን ሀንተ ሁጲያ ካዉሸተ። ሄ አግናን ኡዲፑንላ ጋላሳን ኦማርሳጥ ደሚደ፡ ታማንላ ጋላሳ ኦማርሳይ ጋካናዉ፡ ሀንተ ሳምባታ ቦንቶተ” ያጌዳ።

ዳሲያ ባላ  
(ገይ. 29:12-40)

33 መጅና ጎዳይ ሙሳ ሀዋዳን ያጌዳ፡

34 “እስራኤልያ አሳወ ሀዋዳን ያገደ ኦዳ፤ ላህ ላገንሳ አገናን ታማነ እቼሽንሶ ጋላሳጥ ደሚደ፤ ላገን ጋላሳይ መድና ጎዳወ ዳሰያ ባላ።

35 ሄ ጋላሳቱዋጥ ኮይሮ ጋላሳን ጌሻ ሸቆዋ ሸቅተ፤ ዳቡርሰያ ኦሱዋ እያነ ኦሎጥተ።

36 ላገን ጋላሳን ኡባን መድና ጎዳወ ታማን ጸግያ ያርሹዋ ሸሽተ፤ ሆሰፑንሳ ጋላሳን ቃይ ጌሻ ሸቆዋ ሸቅተ፤ መድና ጎዳወ ታማን ያርሸያ ያርሹዋካ ሸሽተ። ሄ ጋላሳይ ህንተ ሸቆዋ ፖልያ ጋላሳ ግድያ ድራወ፤ ዳቡርሰያ ኦሱዋ እያነ ኦሎጥተ።

37 “ ታማን ጸግያ ያርሹዋን ካላ ያርሹዋ፣ ቃይ ሀራ ያርሹቱዋ ኡባን ኡሻ ያርሹዋ፣ ኮሽያዋ ከና ከራዳ ጋላሳን መድና ጎዳወ ሸሻናወ፤ ህንተ ጌሻ ሸቆዋ ኦሊደ እዋያና መድና ጎዳ ባላቱ ሀዋንታ።

38 ሀ ባላቱ መድና ጎዳ ሳምባታቱዋ፣ ህንተ እዋታ ኦሊደ መድና ጎዳወ እምያዋንቱ፣ ሸቆዋ ጋልያዋንቱን ህንተ ህንተ ደሱዋን ሌግ እምያወንቱጥ ዳማ።

39 “ ላገንሳ አገናን ታማነ እቼሽንሶ ጋላሳን ህንተ ጋድያን ሞኬዳዋ ጫኪደ ሸሽዳዋጥ ጉይያን፣ መድና ጎዳ ባላ ላገን ጋላሳ ቦንቶ፤ ኮይሮ ጋላሳይን ሆሰፑንሳ ጋላሳይ ህንተንቶ ዋና ሸምፖ ጋላሳ።

40 ኮይሮ ጋላሳን ሎኦ ሞላ አይፍያ፣ ዛምባ ታሸያ፣ እርጸ ሀይላና ደእያ ሞላ ታሸያጥን ሻፋ ማታን ድጭያ ለኦ ታሸያጥ አኪደ፤ መድና ጎዳ ህንተ ጸሳ ሰንሳን ናሸቲደ፤ ላገን ጋላሳ ባላ ቦንቶ።

41 ሄ ባላ ላይላን ላይላን ላገን ጋላሳ መድና ጎዳወ ቦንቶተ። ሄዌ ሰንሳና ይያ የለታወ ኡባወ መድናወ ዎጋ። ህንተ ሄዋ ላገንሳ አገናን ቦንቶተ።

42 ሄ ላገን ጋላሳ ህንተ ዳሰያን ደአተ፤ እስራኤልያ ቢታ አሳ ግድያ ኡባይ ዳሰያን ደአተ።

43 ሄዌ ሰንሳና ይያ የለታይ ኡባይ እስራኤልያ አሳ ታን ግብጸጥ ከሴዳ ዎደ፤ ኡንቱንቱ ዳሰያን ደአናዳን ኡሊዳዋ ኤራናሳ። ታን መድና ጎዳ ህንተ ጸሳ ያጋ” ያጌዳ።

44 ሄዋዳን ኦሊደ፣ ሙሴ መድና ጎዳ ባላቱዋ ቦንቶያ ዎጋ እስራኤልያ አሳወ ኦዳዳ።

## 24

### ጸምጥቱዋ ናጉዋ (ከሳ 27:20-21)

1 መድና ጎዳይ ሙሳ ሀዋዳን ያጌዳ፤

2 “ጸምጥ ቶኤናን ኤጲደ ደአና ማላ፣ አሳይ ኮሽያ ዛይትያ ዎጋራ ቲራ ጫዲደ ጉምእና ከሰያ ጌሻ ገወ እሆና ማላ፣ እስራኤላቱዋ እዛዛ።

3 መድና ጎዳ ዲንካንያ ግደን ደእያ ማርካተላ ጋርዲዋጥ ካረ ባጋና፣ ኦማርሳጥ ዎንታ ጋካናወ፣ አሮን መድና ጎዳ ሰንሳን ሄ ጸምጥያ አሳ ዎደ ኤሎ። ሰንሳና ይያ የለታወ ኡባወ ሄዌ መድናወ ዎጋ።

4 ጸምጥያ ዎልያ፣ ዋላካይ ባይና ዎርቃ ባላ ቦላ ደእያ ጸምጥቱ መድና ጎዳ ሰንሳን ኡባ ዎደ ኤጲናዳን አሮን ናጉ።

### ጸሳወ ሸሽያ ኡክላ

5 “ላታማነ ኦይዴ ከሎ ግራመ ግድያ ሊቆ ቋልያ አካደ ታማነ ላኡ ኡክላ ኡካ።

6 ሄ ኡክላቱዋ ኡሱፑናቱዋ እቱዋ እቱዋ ቦላ ኡሱፑናቱዋ እቱዋ እቱዋ ቦላን መድና ጎዳ ሰንሳን ደእያ ዋላካይ ባይና ዎርቃ ጸራጸዛ ቦላን ዎላ።

7 መድና ጎዳወ ታማን ጸጋናወ ሸሽዳ ቆማ ያርሹዋ ግድያዋ ኤርሳናወ፣ ላኡ ማራቱዋ ማታን ማታን ጌሻ አጻና ሀሳይሰያዋ ኦላደ ዎላ።

8 ሀ ኡክላ ሳምባታን ሳምባታን ኡባ ዎደ አሮን መድና ጎዳ ሰንሳን እስራኤልያ አሳ ድራወ ዎሎ። ሄዌ እስራኤልያ አሳይ ኡባ ዎደ ኦላናወ ኮሽያ ቃላ ጫቆዎ።

9 ሄዌ አሮናወን እ እቱማ ናናቶ እመቶ፤ እ መድና ጎዳወ ታማን ጸግያ ያርሹዋጥ ዎጋዳን አሮናን እ ናናቱዋ ጋክያ ኡባጥ ጌሻ ግዳዳ ያርሹዋጥ እቱዋ ግድያ ጌሻ ያርሹዋ ግድያ ድራወ፣ ኡንቱንቱ ሄዋ ጌሻ ሳካን ሚና” ያጌዳ።

### ልከነ ሱረ ፕርዳ ለምሱዋ

10 አታ እስራኤልያ አሳ፣ አወ ቃይ ግብጸ አሳ ግድያ እት ብታኒ ደኤ። እት ጋላሰ እ ሀራ እስራኤልያ አሳ ግድያ እቱዋና ዲንካኔዳ ሳካን ዋጭቱዳ።

11 ሀ አወ አታ እስራኤልያ አሳ ግዳዳ ብታኒ ዋጭታ ግድን ጸሳ ሱንሳ ሸቁዳ። ያትና እ ሙሴኮ አሄድና። ሄ ብታንያ አታ ዳና ያራ ግድያ ጲብራ ናቶ። እ ሱንሳይካ ሻሎሚቶ።

12 ሀ ብታንያ ዋታንንቶ መድና ጎዳ ሸሊ ኡንቱንቶ ቆንጫና ጋካናው፣ ኡንቱንቱ አ ቃሾ ጎልያን ዋሴድና።

13 መድና ጎዳይ ሙሳ ሀዋዳን ያጌዳ፤

14 “ሄ ሸቀዳ ብታንያ ዲንካኔዳ ሳኣጥ ጋዳ ከሳ፤ እ ሸቅሸን ሰሴዳ አሳይ ኡባይ ባረንቱ ኩሸያ አ ሁዲያ ቦላን ዋሰና፤ ያቶጥ አሰራኤልያ አሳ ማባራይ ኡባይ አ ሹቻን ጫዲደ ዋድ።

15 አሰራኤልያ አሳው ሀዋዳን ያጋደ ኦዳ፤ እይ አሳይን ባረ ጸሳ ሸቆጥ፣ እ ባረ ናጋሪን አሸቱ።

16 መድና ጎዳ ሱጎላ ሸቂያ አሳይ ሀይቆ፤ አሰራኤልያ አሳ ማባራይ ኡባይ አ ሹቻን ጫድ። በተደ ዬዳዋ ግድና ዋይ ቢታ አሳ ግድናካ መድና ጎዳ ሱጎላ ሸቆጥ ሀይቆ።

17 “ አሳ ዋድያ አሳይ ሀይቆ።

18 አሳ መሀያ ዋድያ አሳይ ኡንጎ ባረ ዋዴዳ መሀያ ድራው ጋዳ መሀያ ጭጎ።

19 አት አሳይ ባረ ሾሩዋ ቆሆጥ፣ እ ኦሴዳዋዳን አ ቦላንካ ኦሰቶ።

20 መንገጥ መኣ፤ አይፍያ ድራው አይፍያ፤ አቻ ድራው አቻ። አሳ ቦላን ቆሁዋ ጋሴዳ ኡንካ አ ጋሴዳ ቆሁዋ ማላይ አ ቦላንካ ጋኩ።

21 መሀያ ዋዴዳ አሳይ መሀያ ጭጎ፤ ሸን አሳ ዋዴዳ አሳይ ሀይቆ።

22 በትያውካ አሰራኤልያ አሳው ሀጊ አት ማላ ግድ፤ እያው ጎጥ ታን መድና ጎዳ ሀንተ ጸሳ ያጋ” ያጌዳ።

23 ሄዋ ኡባ ሙሴ አሰራኤልያ አሳው ኡባው ኦዴዳ፤ ኡንቱንቱ ሄ ሸቀዳ ብታንያ ዲንካኔዳ ሳኣጥ ጋዳ ከሰደ፣ ሹቻን ጫዲደ ዋዴድና። ያተደ አሰራኤልያ አሳይ መድና ጎዳይ ሙሳ አዛዜዳዋን ኦሴድና።

## 25

### ሳምባታ ላይላ (ዛረ. 15:1-11)

1 ሲና ደርያ ቦላን መድና ጎዳይ ሙሴው ሀዋዳን ያጌዳ፤

2 “ኔን አሰራኤልያ አሳው ሀዋዳን ያጋደ ኦዳ፤ ታን ሀንተንቶ እምያ ቢታ ሀንተ ገልያ ዋደ፣ ቢታይካ መድና ጎዳ ሳምባታ ቦንቾ።

3 ኡሱፑን ላይላ ኩመንላ ሀንተ ሾይቃን ዘርተ፤ ቃይ ኡሱፑን ላይላ ኩመንላካ ሀንተ ዋይንያ ቱራ ጼራ ጸንቁተ፤ አ አይፍያካ ማጽ አክተ።

4 ሸን ለፑንላ ላይላይ ቢታው ሸም ሳምባታ፤ ሄዋ መድና ጎዳውካ ሳምባታ። ሄ ለፑንላ ላይላን ሀንተ ሾይቃን ዘርተ፤ ሀንተ ዋይንያ ጸራካ ጸንቆጥተ።

5 ሀንተ ጋድያን አዛባ ግዲደ ሞክያዋካ ጫኮጥተ፤ ቃይ ጸንቀናን ደአሸን ጮ አይፊዳ ዋይንያካ ሺሾጥተ። ሄ ላይላይ ቢታው ኡባና ሸምጥ ላይላ ግድ።

6-7 ሄ ሳምባታ ላይላን ቢታይ ኦሰታና ቆሮጥ ሀንተንቶ፣ ሀንተ ማጫን አቱማ ቆማቶ፣ ሀንተንቶ ከራ ኦሳዎዋንቶ፣ በተደ ዪደ ሀንተናና ደአያዋንቶ፣ ሀንተ መሀያውን ሀንተ ጋድያን ደአያ ደአቶ ግድና ቁማ እማና፤ ቢታይ ሞክያባይ ኡባይ ሜተቶ።

### ማርተሳ ላይላ

8 “ ላይላቱዋ ግድን ደአያ ለፑን ሳምባታቱዋ ጋይዳ፤ ለፑን ሳምባታቱዋ ላይላ ጋይዳ ለፑ ገደ ለፑና፤ ሄዋካ ኦይታማን ኡዲፑን ላይላ።

9 ሄዋጥ ጉይያን፣ ለፑንላ አግናን፣ ታማንላ ጋላሳን ቦንቼትያ ናጋራ አቶ ጊሰያ ጋላሳን ማላካታ ፑንያ አሳ ሀንተ ጋድያን ኡባን ከትተ።

10 አሻታማንላ ላይላ ዲማዪደ፣ ሄ ጋድያን ደአያ ኡባው ላአተላ አዋይተ። ሄዋ ሀንተንቶ አሻታማንላ ላይላ ባላ። ሄ ዋድያን ሀንተ ኡባይካ ሀንተ ጋድያውን ሀንተ ያራው ያራው ሰምተ።

11 ሄ ላይላይ ሀንተንቶ አሻታማንላ ላይላ ባላ። ሄ ላይላን ዘርተ፤ አዛባ ግዲደ ሞክዳዋካ ጫኮጥተ፤ ቃይ ሀንተ አ ጼራ ጸንቀናን አይፊዳ ዋይንያ አይፍያካ ሺሾጥተ።

12 ሄዋ አሻታማንላ ላይላ ባላ ግድና ድራው፣ እ ሀንተንቶ ጌሻ፤ ጎሸናን ጮ ደምባን ሞክዳዋ ሚተ።

13 “ ሀ አሻታማንላ ላይላ ባላ ዋደ አሳይ ኡባይ ባረ ጋድያ ሰሞ።

14 “ ሀንተ ሀንተ ሾሩዋጥ ጋድያ ሻዋጥ፣ ዋይ ቃይ እው ዛልአጥ፣ እቱ እቱዋ ጭሞጥተ።

15 ሀንተ አሻታማንላ ላይላ ባላጥ ጉይያን ደአያ ላይላቱዋ ጋይዳዋዳን ሀንተ ሾሩዋጥ ሻምተ፤ ሀንተ ሾሩካ ቃይ ጋዲ ካላ ሞካናው ደአያ ላይላቱዋ ጋይዳዋዳን ዛልአ።

16 ላይላቱዋ ጋይዳ ዳላ ግድና፣ ጋቱ ዳሬ፤ ላይላቱዋ ጋይዳ ጉጸጥ፣ ጋቲካ ጉጸ። እያው ጎጥ፣ ሀንተ ጫካና ካላ ጫካ ጋይዳዋዳን ሀንተ ሾሩ ሀንተንቶ ዛልአ።

17 ህንተ እቱ እቱዋ ጭጥፕተ፤ ሸን ህንተ ህንተ ጸሳዉ ያይተ። ታን መድና ጎዳይ፣ ህንተ ጸሳ።

**ላፑንሳ ላይላ መቱዋ**

18 “ ታ ኣዛዙዋ ኣላተ፤ ታ ህግያካ ናግተነ ኣላተ፤ ያቶፕ ህንተ ሀ ጋድያን ሳርተላን ደእና።  
19 ቢታይ ባረ ኣይፍያ ህንተንቶ እማና፤ ህንተ ካላና ጋካናዉ ማና፤ ቃይ ሄ ቢታንካ ህንተ ሳርተላን ደእና።

20 ህንተ፣ “ኣን ዘራና ቆየፕ፣ ቃይ ካላካ ጫኪደ ሺሻና ቆየፕ፣ ላፑንሳ ላይላን እያ ማኔ?” ጎፕ።

21 ታን ኡሱፑንሳ ላይላን ታ እንጂዋ ህንተ ቦላን ኪታና፤ ያቶፕ ቢታይ ሄዙ ላይላዉ ግድያ ኣይፍያ ኣይፋና።

22 ሆሰፑንሳ ላይላን ህንተ ህንተ ጋድያን ዘርያ ዋደካ፣ ካሰ ሻቻ ካላ ማና፤ ቃይ ህንተ ዘርያ ካላ ኣይፍያ ኡዲፑንሳ ላይላን ሺሻና ጋካናዉካ፣ ሻቻ ካላ ማና።

**እቁዋ ዘርያ ዎጋ**

23 “ ቢታይ ታዋ ግድያ ድራዉነ ህንተካ ሀ ጋድያን እማላን በተ ግዲደ ደእያ ድራዉ፣ ቢታ ላኢንሳ ሰመናዳን ባይዘፕተ።

24 ህንተ ኣይቁዳ ጋድያን ኡባን ደእያ ጋድያ ጎዳቱ ዋዘና ማላ፣ ኣንቱንቱ ማታ ናጋናዉ ኮሼ።  
25 “ ና ኣሻይ ህይሲደ ባረ ጋድያፕ ዘልአፕ፣ እዉ ማታትያ ዳቡ ዪይ፣ ሄ ጋድያ እዉ ዎዞ።  
26 እዉ ሄ ጋድያ ዎዞያ ዳቡ ቆየፕ፣ ቃይ እካ ሰዎ ዲረተደ ዎዞያ ሚሻ ደዋፕ፣  
27 ባረ ዘልኤዳ ዋድያፕ ደሚደ ደእያ ላይላ ፓይዲይ፣ ኣቴዳ ላይላ ሚሻ ሻሚዳዎ ዘር፤ ያተደ እ ባረ ጋድያዉ ሰዋ።

28 ሸን እዉ ሄ ጋድያ ዎዘናዉ ግድያ ሻሉ ቆየፕ፣ ኣሻታማንሳ ላይላ ባላይ ጋካናዉ ጋዲ ሻሚዳ ብታንያ ኩሸያን ጋዎኣ፤ ኣሻታማንሳ ላይላ ባላ ዋደ፣ ኣ ጋዲ እዉ ሰዋ፤ እካ ባረ ጋድያዉ ሰዋ።

29 “ ግምበት ኡቴዳ ካታማ ግድን እት ኣሳይ ደእያ ጎልያ ሀራ ኡራዉ ዘልአፕ፣ እ ዘልአሳፕ ቢደ እት ላይላ ጋካናዉ ደእያ ዋድያን ዛሪደ ዎዘናዉ እዉ ማታይ ደኤ።

30 እት ላይላ ኩሙንሳ ግድን ዎዘና ቆየፕ፣ ሄ ግምበትዳ ካታማ ግድን ደእያ ጎሊ ሻሚዳዎ ናኣ ናኣዉ መድናዉ እዋ ግዴ። ኣሻታማንሳ ላይላ ባላ ዋደካ ሰመና።

31 ሸን ግምበትቤና ሄራቱዋን ደእያ ጎሊቴ ሾይቃ ማላ። ኣንቱንቱ ዎዞቲና፤ ኣሻታማንሳ ላይላ ባላ ዋደካ ዘልኤዳዎ ሰሚና።

32 “ ግደፕን ሊዋቱዋ ካታማቱዋን ደእያ ባረንቱ ጎልያ ሊዋቱ ባረንቱ ኮዬዳ ዋድያን ዎዞ ኣካናዉ ዳንዳዪና።

33 ሊዋቱዋፕ እት ኣሳይ ኣንቱንቱ ካታማ ግድን ደእያ ጎልያ ዘልኢደ ዎዘና ቆየፕ፣ ሄ ኣንቱንቱ ካታማ ግድን ደእያ ጎሊ ኣሻታማንሳ ላይላ ባላ ዋደ ሰሚ። ኣያዉ ጎፕ፣ ሊዋቱዋ ካታማ ግድን ደእያ ጎሊቴ እሰራኤልያ ኣሳ ግድን ሊዋቶ ኣቆ።

34 ሸን ኣንቱንቱ ካታማ ዩሹዋን ኣንቱንቱ ኡባዉ እትፕ ደእያ ቢታይ ኣንቱንቶ መድናዉ እቆ ግድያ ድራዉ ዘልኤተና።

**ማንቁዳ ኣሳዉ ታልእያዎ**

35 “ ቃይ ኣን ኣሻይ ህይሲደ ባረና ዳንዳያና ቆየፕ፣ እማላዳንነ በትያዳን ኣ ኔናና ደእና ማላ፣ ኔን ኣ ማዳ።

36 ኣን ኣሻ ኔናና ዎላናዉ እፕ ድቻ ኣኮፓ፤ ዎይ ዎድያ ዎፓ። ሸን ኔን ኣ ጸሳዉ ያያ።  
37 ኣ ብራ እዉ ድቻዉ ታልእፓ፤ ኣ ቁማካ እዉ ዎድያን ዘልአፓ።  
38 ህንተዉ ካናን ቢታ እማናዉነ ህንተ ጸሳ ግዳናዉ፣ ህንተና ግብጹ ጋድያፕ ከሴዳዌ፣ ታን መድና ጎዳይ፣ ህንተ ጸሳ።

**እይላቱ እይላተላፕ ከሰያዎ**

39 “ ናዉ ዳቦ ግድያ እሰራኤልያ ኣሳይ ማንቁዳ፣ ባረና ነዉ እይላተላዉ ዘልአፕ፣ ኔን ኣ ኣይልያዳን ኦሰሶፓ።

40 እ ከራ ኦልያ ኣሳዳንነ በትያዳን ኔናና ደኣ፤ ኣሻታማንሳ ላይላ ባላይ ጋካናዉ እ ነዉ ኣሉ።  
41 ሄ ዋደ እ ባረ ናናቱዋናካ እትፕ ኣ ጎሊፕ ከሲደ ባረ ጎልያ ኣሳኮ ቦ፤ ባረ ኣዉዋ ጋድያኮካ ሰዋ።

42 እሰራኤላቱ ታን ግብጹ ጋድያፕ ከሴዳ ታ እይላቱዋ ግድያ ድራዉ፣ ኣንቱንቱ እይላተላዉ ዘልኤቶፕና።

43 ኔን ኣንቱንቶ መቀላ ኢታደ ሞደፓ፤ ሸን ኔን ኣ ጸሳዉ ያያ።  
44 “ ናዉ ኣቴማን ማጫ እይላቱ ደእና ማላ ኮየፕ፣ ኣ ዩሹዋን ደእያ ካዉተላቱዋፕ ሻማ።

45 ቃይ ህንተ ጋድያን ደእያ በተቱዋጥጥ ህንተ ጋድያን ደእሸን የለቲዳ ኡንቲንቲ ሶ አሳጥ ሻማናዉ ዳንዳዪታ፤ ኡንቲንቲ ህንተንቶ አቆ ግድና።

46 ህንተጥ ጉይያን ህንተ ናናይ ኡንቲንታ መድናዉ ላታና ማላ፤ ህንተ ናናዉ እምተ። ህንተ ኡንቲንቲጥ ኡባ ዋደካ አይልያ ሻማናዉ ዳንዳዪታ፤ ሸን ህንተ አሻ ግድያ እሰራኤልያ አሳ መቀላ አሲደ ዋደጥተ።

47 “ ሳ ማታን ደእያ እማላ ዋይ በተ አሳይ ዱረትና፤ ቃይ እ ማታን ደእያ ነ አሻይ ማንቂደ፤ ሄ ነ ማታን ደእያ እማላዉ ዋይ በትያዉ ዋይ እማላ ብታንያ ዛርያጥ አቶ ባረና ዛልአጥ።

48 እ ዛልኤት ሰምና እ ዋዛናዉ ዳንዳዪቲ፤ እ አሻቱዋጥ እቲ እ ዋዛ።

49 ዋይ እ አዉዋ አሻይ፤ ዋይ እ አዉዋ አሻ ናእይ እ ዋዛ፤ ዋይ እ ሃራጥ አዉ ማታ ዳቦ ግድያ አሳይ እ ዋዛ፤ ዋይ ቃይ እ ባረ ሁጺያዉ ዱረቶጥ እ ባረና ዋዛ።

50 እ ባረና ሻማዳ ብታንያና አትጥ ግዳደ፤ እ ባረና ዛልኤዳ ላይላጥ ደሚደ አሻታማንሎ ላይላ ባላይ ጋዛናዉ ደእያ ላይላ ገይዶ፤ እ ብልያ ጋቲ ሄ ላይላ ገይዶዋ ኬሻ ግድ። እ ባረና ሻማዳዋና ጋምኤዳ ዋድያ ጋቲ እት አሳይ ከራ ኦላደ ደምያ ሚሻ ኬሻ ግድ።

51 አሻታማንሎ ላይላ ባላይ ጋዛናዉ ብር ዳር ላይላይ አቲዳዋ ግደጥ፤ ባረ ዛልኤቲዳ ጋትያጥ ሄ ላይላ ገይዶዋን ባረና ዋዛያ ጋትያ ጭጎ።

52 ቃይ አሻታማንሎ ላይላ ባላይ ጋዛናዉ አቲዳ ላይላይ ጉላ ግደጥ፤ ባረና ሻማዳዋና አትጥ ገይዶደ፤ ሄ ላይላ ገይዶዋን ባረና ዋዛያ ጋትያ ጭጎ።

53 እ ላይላን ላይላን ከራ ኦላያ አሳዳን ባረና ሻማዳዋና ደአጥ አትና፤ ህንተ ጸሊደ እሰራኤልያ አሳ ግድያ ብታንያ መቀላ አሲደ ዋደጥተ።

54 “ ሸን እ ሄዋ ማላ ኦግያን ዋዛታና ጳዮጥ፤ አሻታማንሎ ላይላ ባላይ ጋዛያ ዋደ እነ አ ናናይ ቆማትላጥ ከሰና።

55 አያዉ ጎጥ፤ እሰራኤልያ አሳይ ታ ቆማቱዋቲ፤ ታን ግብጹ ጋድያጥ ከሴዳ ታ ቆማቱዋ። ታን፤ መድና ጎዳይ፤ ህንተ ጸሳ፣ ያጋ” ያኚዳ።

## 26

### አዛዘትና ቤትያ እንጂዋ

(ዛረ. 7:12-24፤ 28:1-14)

1 መድና ጎዳይ ሀዋዳን ያኚ፤ “ህንተ ኡንቲንቶ ጎይናናዉ ኤቃቱዋ መጽጥተ፤ ቃይ ሀዉልትያ፤ ማሰቲዳ ሞሰልያ ዋይ ማሰቲዳ ሹቻ ኤሰጥተ። ታን፤ መድና ጎዳይ፤ ህንተ ጸሳ።

2 ታ ሳምባታቱዋ ናግተ፤ ታ ዱንካንያ ቦንቶተ፤ ታን መድና ጎዳይ።

3 “ህንተ ታ ህግያን ቦጥ፤ ታ አዛዘቱዋካ ናጎጥነ ኦሎጥ።

4 ታን ህንተንቶ አራ ዋድያን ቡክሳና፤ ቢታይካ ካላ ዳርሲደ ሞካና፤ ደምባ ሞላቲካ አይፍያ አይፋና።

5 ህንተ ካላ ቡክያ ዋድያጥ ቢደ ዋይንያ አይፍያ ማጽያ ዋደ ጋዛናዉ ካላ ቆጻና፤ ቃይ ዋይንያ አይፍያ ማጽካ ቢደ ካላ ዘርያ ዋደ ጋዛናዉ ዉረና። ህንተ ካላና ጋዛናዉ ቁማ ማና፤ ቃይ ህንተ ህንተ ቢታንካ ሳሩዋን ደእና።

6 “ታን ቢታዉ ሳርተላ አማና፤ እንነ ያሸሰናን ህንተ ግሳና። ኤታ ደአቱዋ ታን ጋድያጥ ጳይሳና፤ ህንተ ጋድያን ላኤንሎ ኦላይ ደንደና።

7 ህንተ ሞርከቱዋ ህንተ የደርሳና፤ ህንተ ሰንላን ኡንቲንቲ ማሻን ሀይቃና።

8 ህንተጥ አቼቹ ጾቱዋ የደርሳና፤ ቃይ ጾቱ ታሙ ሻእ የደርሳና። ህንተ ሞርከቱ ህንተ ሰንላን ማሻን ሀይቃና።

9 “ታን ታ ዳሙዋ ህንተኮ ዛራና፤ ህንተና አይፍሳና፤ ህንተና ዳርሳና። ቃይ ታን ታ ጫቁዋ ህንተናና ሞንሳና።

10 ህንተ ሻቻ ካላ ማና፤ ቃይ ሀ ላይላ ካላ ዋላናዉ፤ ሻቻ ካላ ድጊደ ሳእ ከሳና።

11 ታን ታ ደእያ ሳእ ህንተ ግደን ኦላና፤ ታን ህንተና ሻትከ።

12 ታን ህንተ ግደዋን ሀመታና፤ ቃይ ህንተ ጸሳ ግዳና፤ ህንተካ ታ አሳ ግዳንታ።

13 ህንተ ግብጹቶ አይልያ ግድዳን፤ ግብጹ ጋድያጥ ህንተና ከሴዳዌ ታን መድና ጎዳይ ህንተ ጸሳ። ታን ህንተ አይለተላ ሞርገ ሞላ መንሳድ፤ ቃይ ህንተካ ጾቁ ጊደ ሄመታናዳን ኦላድ።

### አዛዘትናን እጽና ጋዛያ ሙራ

(ዛረ. 28:15-68)

14 “ሸን ህንተ ታን ግያዋ ሰሰናን እጸጥነ፤ ሀ አዛዘቱዋ ኡባካ ኦግናን እጸጥ።

15 ታ ግጋ ህንተ ካጶጎ፡ ቃይ ታ አዛዙቱፍ ኡባ ኦፍን እጺደ ታ ጫቁፍ መንፍናዉ ህንተ ታ ሀግያ ሻቶ፡

16 ሄ ዎደ ታን ህንተ ቦላ ሀዋ ኦፍና፡ ህንተ እኩከናን ደእሸን ያሻ፡ ግልቃተ፡ ህንተ እይፍያ ጆልሰያ ህንተና ሎይል ሀርግሰያ ሞሹቱፍ ህንተ ቦላ አሀና፡ ህንተ ዘረፋ ዘራና፤ ሸን እ ሀዳ፤ እያዉ ጎ፡ ሄዋ ህንተ ሞርከቱ ማና፡

17 ታን ታ ሶምኡፍ ህንተ ቦላ ቱካና፤ ህንተ ሞርከቱፍ ሰንፋን ህንተ ኩንዳና፤ ህንተና እጺያፍንቱ ህንተና ሞዳና፤ ቃይ ኦን የደርሰናን ህንተ ባቃታና፡

18 «ሀዋ ኡባ አፍናካ ህንተ ታና ሰሰናን እጾ፡ ታን ህንተ ናጋራ ድራዉ ህንተ ሙራ ላፑን ዳኩፍ ጉጃና፡

19 ህንተ ሞልቃ ኦቶሩፍ ታን መንፍና፤ ሳሉፍ ብራታ ማላ ኦፍና፤ ህንተ ቢታካ ናሃሰያ ግያ ብራታ ማላ ኦፍና፡

20 ህንተ ሞልቃይ ሀዳሳን ዉራና፤ እያዉ ጎ፡ ህንተ ቢታይ ካፋ ሞከና፤ ጋድያን ደእያ ሞላቱካ እይፍያ እይፍክና፡

21 «ህንተ ታዉ እጾደ ጎ፡ ታን ግያፍካ ሰሰናን እጾ፡ ህንተ ናጋራ ከኻ ላፑን ዳኩፍ ቦሻ ታን ህንተ ቦላን አሀና፡

22 ታን ህንተ ቦላ ባዙፍ ደእቱፍ የዳና፤ ኡንቱንቱ ህንተ ናናቱፍ ቦንቃና፤ ህንተ መሄቱፍ ጳይሳና፤ ህንተ ፓይዱፍካ ጉፋና፤ ሄዋ ጋሱፍን ህንተ ሀመቅያ ኦፊ ባዙፍ ግዳናፍ፡

23 «ሀ ኡባ ሙራንካ ህንተ ታኮ ሰመናን እጾድ ጊደ ቦ፡

24 ሄ ዎደ ታንካ ህንተንቶ እጾድ ጋና፤ ቃይ ህንተ ናጋራ ድራዉ ታን ታ ሁጺያዉ ህንተና ላፑን ዳኩፍ ሙራና፡

25 ታ ጫቁፍ መንፍዳ ሀሉፍ ከሰያ ማሻ ታን ህንተ ቦላ አሀና፤ ህንተ ህንተ ካታማቱፍን ሸቆፊ፡ ታን ህንተ ቦላን ኢታ ሀርግያ የዳና፡ ቃይ ህንተካ ህንተ ሞርከቱፍ ኩሸያን እጺደ አመታና፡

26 ህንተ ካፋ ታን ጳይሰያ ዎደ፡ ታሙ ማጫ አሳቱ እት ባሸያን ኡክፋ ኡካና፤ ሄዋካ ሚዛናን ልኪደ ሻካና፤ ህንተ ሄዋ ማና፡ ሸን ካልክታ፡

27 «ሀ ኡባንካ ህንተ ታን ግያፍ ሰሰናን እጾድ ጊደ ቦ፡

28 ሄ ዎደ ታንካ ህንተ ቦላ ህንቁፍን ደንዳና፤ ህንተ ናጋራ ድራዉ ታን ታ ሁጺያዉ ህንተና ላፑን ዳኩፍ ሙራና፡

29 ህንተ ህንተ እቱማ ናናቱፍን ህንተ ማጫ ናናቱፍ አሹፍ ማና፡

30 ህንተ ጎይንያ ጶቃ ሳእ ታን ኮላና፤ ህንተ እጾና ያርሸያ ሳእካ ጳይሳና፡ ታን ህንተ አሃ ህንተ ኡቃቱፍ አሃ ቦላን ኦላና፤ ታን ህንተና ሙላ ሻታና፡

31 ታን ህንተ ካታማቱፍ መላ ኦፍና፤ ህንተ ጎይንያ ሳእቱፍካ ኮለሬፋና፤ ህንተ ሳዊያ ያርሹፍካ ሰንግከ፡

32 «ታን ህንተ ቢታ ጳይሳና፤ ያቶፊ ሄ ህንተ ጋድያን ዪደ ኡትያ ሞርከቱካ ሄዋን ማለላታና፡

33 ታን ህንተና ካዉተፋቱፍ ግደን ላላና፤ ህንተ ቦላንካ ታ ማሻ ሹዳና፡ ህንተ ቢታይ ባያና፤ ህንተ ካታማቱካ መላ ግዳና፡

34 ሄ ህንተ ህንተ ሞርከቱፍ ጋድያን ደእያ ዎደ፡ ባዪደ ጮ ደእያ ህንተ ቢታይ ባረ ሳምባታቱፍ ቦንቹደ ናሸታና፡ ሄ ዎደ ህንተ ቢታይ ሸምፓናን ባረ ሳምባታቱፍ ቦንቹደ ናሸታና፡

35 ህንተ ሄ ጋድያን ደኡዳ ዎድያን ኡባን ህንተ ሳምባታቱፍን ደምቤና ሸምፑፍ ሀእ ባዪደ ጮ ደእያ ዎድያን ደማና፡

36 «ህንተ ህንተ ሞርከቱፍ ጋድያን ደእያ ዎደ፡ ህንተፊ ሻከቲደ ጉየ አቲደ ደእያፍንቱ ዎዛናን ታን ያሻ የዳና፤ ጫርኩ ቃልያ ቦንጭያ ኮሻይ ኡንቱንታ ሻቢራና፤ ኡንቱንቱ ማሻፊ ባቃትያዎዳን ባቃታና፤ ቃይ ኡንቱንቱ ኦን የደርሰናን ኩንዳና፡

37 ህንተና የደርሰያዌ ባይናን ደእሸን፡ ህንተ ኦላፊ ባቃትያዎዳን እቱ እቱፍና ጱቢታና፤ ቃይ ህንተ ህንተ ሞርከቱፍ ሰንፋን ኡቃናዉካ ህንተንቶ እያ ሞልቁን ደኡና፡

38 ህንተ ካዉተፋቱፍ ግደን ባያና፤ ህንተ ሞርከቱፍ ቢታይካ ህንተና ሞታና፡

39 ህንተፊ ሻከቲደ ህንተ ሞርከቱፍ ጋድያን እቱዳፍንቱ ባረንቱ ናጋራ ጋሱፍን ባረንቱ አዎቱፍ ናጋራ ጋሱፍን ግልቃና፡

40 «ሸን ኡንቱንቱ ታን ኡንቱንቶ እጾዳ ጋናዳንካ ኡንቱንቱ ሞርከቱፍ ቢታዉ ኡንቱንታ የዳናዳን ኡጳዳ ባረንቱ ናጋራ፡ ባረንቱ ማይዛ አዎቱፍ ናጋራ፡ ኡንቱንቱ ታና ጭሜዳ ጭሙፍን ኡንቱንቱ ታዉ እጾድ ጌዳፍ ገጾ፡

41 ሄዋን ቃይ ኡንቱንቱ አዛዙተና ዎዛናይካ ዝቂ ጎ፡ ኡንቱንቱ ባረንቱ ናጋራ ሙራ አኮ፡

42 ሄ ዎደ ታን ያቆባና ጫቀቱዳ ታ ጫቁፍ ሀሳያና፤ ቃይ ይሳቃናን አብራሃመና ጫቀቱዳ ታ ጫቁፍ ሀሳያና፤ ቢታካ ሀሳያና፡

43 ኢንቴንጥ ጳይ ድግር፣ ኢንቴንጥ ቢታይ መላ ክታር፤ ሄ ኢንቴንጥ ጳይና ባይያዎ ግዲደ ጮ ደእያ ዎድያን ቢታይ ባረ ሳምባታቱዎ ቦንቺደ ናሽታና። ኢንቴንጥ ታ ኢዛዙዎ ካዴዳ ድራውን ኢንቴንጥ ሸምቸካ ታ ዎጋ ሻቴዳ ድራው፣ ኢንቴንጥ ባረንጥ ናጋራ ሙራ ከካና።

44 “ግደጥን ኢንቴንጥ ባረንጥ ሞርከቱዎ ጋድያን ደእያ ዎድ፣ ኢንቴንጥ ኡባና ጳይና ጋካናውን ኢንቴንጥና ደእያ ታ ጫቁዎካ መንግሥት ጋካናው፣ ታን ኢንቴንጥ ኦልከ፤ ቃይ ሻትከ። ታን፣ መድና ጎዳይ፣ ኢንቴንጥ ጸሳ።

45 ታን ኢንቴንጥ ጸሳ ግዳናው፣ ካውተጥቴ ጸልሸን፣ ግብጹ ጋድያጥ ከሴዳ ኢንቴንጥ ማይዛ አዎቱዎና ታን ጫቁቴዳ ጫቁዎ ኢንቴንጥ ድራው ሀሳባና። ታን መድና ጎዳይ።

46 “መድና ጎዳይ ሲና ደርያ ቦላን ሙሴ ባጋና ባረጥን እስራኤልያ አሳጥ ግዲዎን ዎሌዳ ዎጋቱ፣ ኢዛዙን ሀገቱ ሀዎንታ” ያጌዳ።

# 27

## ጸሳው እምያዎ ሺሽያ ዎጋ

1 መድና ጎዳይ ሙሳ ሀዎዳን ያጌዳ፤

2 “እስራኤልያ አሳው ሀዎዳን ያጋደ ኦዳ፤ ላኦት አሳይ መድና ጎዳው እማናው ሺቆጥ፣ ኔን ቆጥያዎዳን ሄ አሳ ድራው ሚሻ ጭጎ።

3 ሄዌን ላታሙ ላይሳጥ ቢደ ኡሱፑን ታሙ ላይሳ ጋካናው ደእያ አቱማዎ ኡሱፑን ጾቱ ግራምያ ዴጽያ ጸጋራ ብራ ጭጎ።

4 ማጫ አሳ ግደጥ ቃይ ሀታሙ ጸጋራ ብራ ጭጎ።

5 ቃይ አቺሹ ላይሳጥ ቢደ ላታሙ ላይሳ ጋካናው ደእያ አቱማዎ ላታሙ ጸጋራ ብራን ማጫገው ታሙ ጸጋራ ብራ ጭጎ።

6 ቃይካ እት አግናጥ ቢደ አቺሹ ላይሳ ጋካናው ደእያ አቱማዎ አቺሹ ጸጋራ ብራን ማጫገው ሄዙ ጸጋራ ብራ ጭጎ።

7 ሄዎዳንካ ቃይ ኡሱፑን ታሙ ላይሳን ሄዎጥ ቦላና ደእያ አቱማዎ ታማን አቺሹ ጸጋራ ብራን ማጫገው ታሙ ጸጋራ ብራ ጭጎ።

8 ቃይ ሸቁዳ ብታኒ ኔን ቆጥዳዎ ጭጋናው ዳንዳየና ዳር ማንቆ ግደጥ፣ እ ባረ ሸቁዎ ጋላናው እሚዳ አሳ አሂደ ቁሰያ ሰንገላን ኤሶጥ ሸቁዳ ብታኒ ጭጋናው ዳንዳይያዎ ከና ቆጥደ ቁሰ ጋማቶ።

9 “ ላኦ ሸቁቴዳዎ አሳይ መድና ጎዳው ያርሽያ ሳኦ ማላ መሀያ ያርሻናው ግደጥ፣ ሄዎ ማላ አሳይ መድና ጎዳው እምያ መሄ ኡባይ ጌሻ።

10 እ ሄ መሀያ ድራው ሀራ መሀያ አሞግ፤ ዎይ እ ሀራ መሀያና ላሞግ። ሎኡዎ ኢታና ዎይ ቃይ ኢታካ ሎኡዎና ላሞግ፤ ሸን እ ላሞጥ፣ ኮይሮ መሀያን ላምያ እሚዳ መሄ ላኡካ ጌሻ።

11 እ ሸቁቴዳ መሄ መድና ጎዳው ያርሹዎ ኦሊደ ሸሻናው ጌሻ ግደና መሀያ ግደጥ፣ ሄ ብታኒ ሄ መሀያ ቁሰያ ሰንገላ አሆ።

12 ሎኡ ግደና ኢታ ግደ፣ ቁሲ ሄ መሀያ ጋማቶ፤ ያቶጥ ቁሲ ጋማቴዳዎ እ ጋትያ ግደ።

13 ሸን ሄ መሀያ ጎዳይ እ ዛሪደ ዎዛናው ኮዮጥ፣ ሄ መሀያ ጋትያ ቦላ ጾቱዎጥ ላታሙ ኩሽያ ጉጆ።

14 “ ላኦት አሳይ ባረ ጎልያ ጌሻ ግዳናዳን መድና ጎዳው ዳሚዮጥ፣ ሎኡ ግደና ኢታ ግደና፣ ቁሲ ሄ ጎልያ ጋማቶ። ያቶጥ ቁሲ ጋማቴዳዎዳን እ ጋቲ ሄዎዳንካ ግደ።

15 ቃይ ባረ ጎልያ ጸሳው ጌሻ ኦሊ ዳሚዮዳ አሳይ ዛሪሊደ ዎዛናው ኮዮጥ፣ ሄ ጎልያ ጋትያ ቦላን ጾቱዎጥ ላታሙ ኩሽያ ጉጆ፤ ያቶጥ ጎሊ አሳ ግደ።

16 “ ላኦት አሳይ ባረ ላታ ጋድያጥ ሻኪደ ጌሻ ኦሊ መድና ጎዳው ዳሚዮጥ፣ ሄ ጋድያ ጋቲ እን ዘርያ ዘረላን ቆፈቶ። ሄዌን ላታሙ ኪሎ ግራመ ባንጋ ዘርያ ኬሻ ሾይቃ ግደጥ፣ ታሙ ጸጋራ ብራ ጭጎ።

17 እ ባረ ጋድያ እሻታማንሳ ላይሳ ባላጥ ደሚደ ጌሻ ኦሊ ጸሳው ዳሚዮጥ፣ ሄ ጋድያው ኩመንጎላ ጋትያ ጭጎ።

18 ሸን እ ባረ ጋድያ እሻታማንሳ ላይሳ ባላይ አድ ሰምና ጌሻ ኦሊ ጸሳው ዳሚዮጥ፣ ካሊደ ደእያ እሻታማንሳ ላይሳ ባላይ ጋካናው ደእያ ዎድያ ቁሲ ጋይደ፤ ያቶጥ እ ኩመንጎላ ጋትያጥ ዎዴ።

19 ሄ ጋድያ ጌሻ ኦሊ ጸሳው ዳሚዮዳ አሳይ ዛሪሊ ዎዛናው ኮዮጥ፣ እ ጋማተቴዳ ሚሻ ቦላ ጾቱዎጥ ላታሙ ኩሽያ ጉጆ፤ ያቶጥ ጋዲ ሰሚደ አዎ ግደ።

20 ሸን እ ጋድያ ዛሪሊደ፣ ዎዛናጥ ካሰቲደ ሀራ አሳው ዛልአጥ፣ ሄ ጋድያ ዎዛናው ዳንዳየና።

21 እሻታማንሳ ላይሳ ባላይ ጋካና ጋዲ የደቲያ ዎድ፣ ሄ ጋዲ ላኤንሳ ጉዮ አካናዎዳን መድና ጎዳው ጌሻ ግደ። ሄ ግሹ ቁሰያሳ።

22 “ ላኦት አሳይ ሀራ አሳጥ ሻሚዳ ጋድያ ጌሻ ኦሊ መድና ጎዳው ዳሚዮናው ኮዮጥ፣

23 ካልያ እሻታማንሉ ላይላ ባላይ ጋካናው ደእያ ጋትያ ቄሲ ጋማቶ፤ ብታኒ ሄ ጋላሰካ ሄ ግሞትያ ጭሳ፤ ሄ ሚሻይ መጅና ጎዳው ዲማቴዳ ሚሻ ግዳናዋ።

24 እሻታማንሉ ላይላ ባላይ ጋክያ ዋይ፣ ሄ ጋዲ ኮይሮ ላታን እኪደ ዛልኤዳ ብታንያው ሰሜ።

25 “ ላጎ ጋቲ ጸሳ ዲንካንያን ኤሪቲያ ሚዛናን ጋማተቴ።

26 “ ሳሽን ኦንን ባይራ የለቴዳ መሀያ መጅና ጎዳው ዲማዬደ ሺሻናው ዳንዳየና፤ እያው ጎጥ፣ እ ካሰካ መጅና ጎዳሳ። ሚዛ ማራ ግድና ዋይ ዶርሳ ማራ ግድናካ እ መጅና ጎዳዋ።

27 ሄ መሂ ጌሻ ግዳና ጳዮፕ፣ ነ ጋማቴዳ ጋትያ ቦላ ጴቱዋፕ ላታሙ ኩሽያ ጉጂደ እ ጎዳይ ዛረሲደ ዋዞ። እ ዋዛና ጳዮፕ፣ ነ ጋማቴዳ ጋትያን ሀራ እሳው ዛልኤቴዳ።

28 “ ላት እሳይ ባረዋፕ መጅና ጎዳው እሚዳዌ እያ ግድፕካ፣ እሳ ግድና መሀያ ግድና፣ ዋይ እ ላታን ጋኪዳ ጋይ ግድናካ፣ ዛልኤተናን ዋዘተና። ዲማዬዳዌ ኡባባይ መጅና ጎዳው ጌሻ ኡባፕ እቱዋ ግዳዳ ጌሻ ያርሹዋ።

29 እሳ ግድፕ ሻከቲደ ጳያናዳን እመቴዳ እሳይ ዋዘቶፕ፤ ሄ እሳይ ሀይቆ።

30 “ ሳታ እሰራታይ ኡባይ ጋድያፕ ዋኬዳ ካላ ግድና ዋይ ዋላ አይፍያ ግድናካ መጅና ጎዳሳ። ሄዌ መጅና ጎዳው ጌሻ።

31 እት እሳይ ባረ እሰራታ ዋዛናው ኮዮፕ፣ እ ጋትያ ቦላን ጴቱዋፕ ላታሙ ኩሽያ ጉጂ።

32 ሚዛ እሰራታ ግድና፣ ዶርሳ እሰራታ ግድና፣ ዋይ ዴሻ እሰራታ ግድናካ፣ ሄንላንቻ ጋትማፕ ጋርሳና እጅያ ሀቃዌን ታሙንሉ መጅና ጎዳው ጌሻ።

33 ታሙንላ መሀያ ኢታ ግድና ሎኦ ግድናካ ዶርፕ፤ ዋይ እ ሀራና ላሞፕ። ላሞፕን ኮይሮዌን ላምያ እሚዳዌን ላኡካ ጸሳው ጌሻ ግዲናፕ እትና፣ ዛሪደ ዋዛናው ዳንዳየና ያጋ” ያጌዳ።

34 ሲና ደርያ ቦላን መጅና ጎዳይ ሙሴ ባጋና እሰራኤልያ እሳ እዛዜዳ እዛዛቱ ሀዋንታ።



# ገዴዲቀ ማጻፋ ገሉቀ

ገዴዲቀ ጌተቲዳ ሀ ማጻፋይ፣ እስራኤልያ አሳ ያራቱቀ ሙሴ ገዴዲቀ በሰያ ድራሳ። ሲና ደርያፕ ደንዴዳ ዋድያፕ ደሚደ፣ ጸሳይ ኤንቲንቶ እማና ጌዳ፣ ሀይታ ቢታዉ አዋይ ዉልያ ባጋ ዛዋ ጋካና ጋካናዉ፣ ኦይታሙ ላይላ ኤንቲንቲ ደኤዳ ታርክያ ኦዴ። ማጻፋ ሰንሳይ፣ ግደን ደእያ ታርክቱዋፕ ዳርያ ክፍልያ በሰ። ሄዋነ እስራኤልያ አሳይ ሲና ደርያፕ ደንዴዳ ባናፕ ካሰቲደ፣ ቃይ እት የለታፕ ሰምና ዮርዳኖሳ ሻፋፕ አዋይ ዶልያ ባጋና ሞኦበን፣ ሙሴ አሳ ገዴዲቀ ገዴዲቀ ባሰ። ላኦ ገዴዲቱዋፕ ግዴዋን ደእያ ዋደቱዋን እስራኤልያ አሳይ ካናፕዉ ገድሳ ባጋ ዛዋ ግድያ ቃዴሳ-ባርነ ጋክ ኡቲዳ። ግደፕነ ኤንቲንቲ ሄዋና ሀይታ ቢታ ገላናዉ ዳንዳይበይክና። ሄዋ ድራዉ፣ ኤንቲንቲ ሄዋ ሄራን ዳር ላይላ አሊደ፣ ጉየፕ ዮርዳኖሳ ሻፋፕ አዋይ ዶልያ ባጋና ደእያ ቢታ ቤድና። ኤንቲንቲፕ ባጋይ ያን ደእናዉ ቆፋ ቃቾና፣ አቲዳ አሳይ ዮርዳኖሳ ፕኒደ፣ ካና ባናዉ ባርና ጊግሴዳ።

ገዴዲቀባይ ዳር መቱ ጋክያ ዋደ ያይያን ሀይታ ቃንጽያ አሳቲ ታርክያ፣ ጸሳ ቦላነ ኤንቲንታ ካለላና ማላ ጸሳይ ኤንቲንቶ ዶራዳ ሙሴ ቦላ ማካሊደ ደንዴዳ አሳቲ ታርክያ ኦይቲዳዋ። አሳይ ዳቡራንቻን ቲባ ግደፕነ ጸሳይ ኤንቲንቶ እማነትያዋ ግዲደ፣ ኤንቲንታ ካቦዪደ ዋፌዳዋ ታርኪ ዳዴ። ሄዋዳንካ ሙሴ እት እቶደን ገንጫ ቆየፕ፣ አዉ ምና እማኑ ደእያዌ ጸሳዉን አሳዉ እማነቲደ ኦፌዳ አሳ አ ግድያዌ ቤቲዳ።

## ሸምፓቲዋ ኡባቶ እመቲዳ ቃንሳ ቆፋቲዋ

እስራኤላቲ ሲና ደርያፕ ባናዉ ጊጉሳ 1:1—9:23

ሀ. ኮይር አሳ ገዴዲቀ 1:1—4:49

ለ. ዲማ ዳማ ሀግያን ዋጋ 5:1—8:26

ሐ. ላኤንሶ ፓሰጋ 9:1-23

ሲና ደርያፕ ሞኦበ ቡሳ 10:1—21:35

ሞኦበን ኦሰቲዳ ሀናታቲዋ 22:1—32:42

ግብጾፕ ሞኦባ ጋካናዉ ደእያ ሀመሳይ ቃንሳን 33:1-49

ዮርዳኖሳ ፕናናፕ ካሰት እመቲዳ እዛዙዋ 33:50—36:13

## እስራኤላቲ ሲና ደርያፕ ባናዉ ጊጉሳ

(1:1—9:23)

ኮይር እስራኤልያ አሳ ገዴዲቀ

(1:1—4:49)

1 ሲና መላ ቢታ፣ መቲና ጎዳ ዳንካንያ ግደን፣ እስራኤልያ አሳይ ግብጾ ጋድያፕ ከሴዳ ላኤንሶ ላይላን፣ ላኤንሶ አገናን፣ ሄ አገናዉ ኮይር ጋላሳን፣ መቲና ጎዳይ ሙሳ ሀዋዳን ያጌዳ፤

2 “እስራኤልያ አሳ ኡባ ኤንቲንቲ ያራን ያራን ጎልያን ጎልያን ገዴዲደ፣ አቲማ አሳ ኤንቲንቲ ሱንሳን ሱንሳን ጻፋ።

3 ኔንነ አርን የለቶደፕ ላታሙ ላይላነ ሄዋፕ ቦላና ደእያ እስራኤላቲዋ፣ ኦላ ባናዉ ዳንዳይያዋንታ ኡባቲዋ፣ ኤንቲንቲ ጭታን ጭታን ገዴድተ።

4 ዛርያፕ ዛርያፕ እት እት አሳይ ባር ጎልያ አሳዉ ካቲዋ ግዲደ፣ ሀንተና ማዶ።

5 ሀንተና ማዳና አሳቲ ሱንሳይ ሀዋፕ ካሊደ ደእያዋ።

ዛርያ ጎልያ አሳ ካቲዋ

ርቤላ ሻደኡራ ናኦ ኤሊጹራ፣

6 ሰሞና ጹሪሻዳያ ናኦ ሻሉምኤላ፣

7 ይሁዳ አምናዳባ ናኦ ናኦሶና፣

8 ይሳኮራ ጸኦራ ናኦ ናታንኤላ፣

9 ዛብሎና ሄሎና ናኦ ኤልካባ፣

10 ዮሴፎ ናናፕ ኤፍሬማ እምሁዳ ናኦ ኤልሻማኦ፣

ምናሰ ፓዳጹራ ናኦ ጋምልኤላ፣

11 ቢንያማ ጊድኦና ናኦ ኡብዳና፣

12 ዳና አምሻዳያ ናኦ አህኤዘራ፣

13 ኦሴራ ኦክራና ናኦ ፓግኤላ፣

- 14 ጋዳ ዳኡኤላ ናኣ ኤልያሳፋ፤
- 15 ንፍታሌማ ኤናና ናኣ አሀራኣ፤
- 16 ሀ አሳቱ ባረንቱ አዎቱዋ ጎልያ አሳቱዋ፤ ካለፋናው፣ ዶረቱዳዋንታ፤ ኡንቱንቱ እስራኤልያ ያራቶ ካፓቱዋን” ያጌዳ።
- 17 ሙሴን እርን ሱንጻይ ዴሰቲዳ ሀ አሳቱዋ አፌድና።
- 18 ለኡንጻ አግናን ኮይሮ ጋላሰ ኩሙንጻ ማባራ ዴሲዶ፣ እትፕ ሺጆድና። አሳይ ባረ ያራን ያራንን ባረ ጎልያን ጎልያን ኡዲዶ፣ የለቶደፕ ላታሙ ላይላን ሄዋፕ ቦላና ደኣያ አቱማ አሳቱዋ ኡባ ሱንጻይ ኡባና ጻፈቴዳ።
- 19 መድና ጎዳይ ኣ አዛዜዳዋዳን፣ ሙሴ ኡንቱንታ ሲና መላ ቢታን ገይዲዳ።
- 20-21 ኦላው ባናው ዳንዳይያ አቱማ አሳቱ ኡባይ፣ ላታሙ ላይላን ሄዋፕ ቦላና ደኣያዋንቱ ገይዲቲዶ፣ ሁጲያን ሁጲያን ጻፈቴዳና። ኡንቱንቱ ባረንቱ ያራን ያራንን ባረንቱ ጎልያን ጎልያን ሻከቲዶ፣ ሀዋፕ ካሊዶ ደኣያ ገይዲቆን ማዘገብቴዳና።
- ዛርያ ኦላንቻቱዋ ገይዲቆ፤
- ሮቤላ (እስራኤልያ ናኣ ባይራ) 46,500
- 22-23 ሰሞና 59,300፤
- 24-25 ጋዳ 45,650፤
- 26-27 ይሁዳ 74,600፤
- 28-29 ይሳኮራ 54,400፤
- 30-31 ዛብሎና 57,400፤
- 32-33 ዮሴፎ ናኣ ኤፍሬማ 40,500፤
- 34-35 ዮሴፎ ናኣ ሞናሳ 32,200፤
- 36-37 ቢንያማ 35,400፤
- 38-39 ዳና 62,700፤
- 40-41 አሴራ 41,500፤
- 42-43 ንፍታሌማ 53,400፤
- 44 ሙሴ፣ እርንን ታማን ላኡ እስራኤልያ ዛራቱ ካፓቱ ገይዲዳ አሳይ ሀዋ።
- 45 ኦላው ባናው ዳንዳይያ አቱማ አሳቱ ኡባይ ላታሙ ላይላን ሄዋፕ ቦላና ደኣያዋንቱ ባረንቱ አውዋ ጎልያን ጎልያን ገይዲቲዶና።
- 46 ሄዋንቱ ኡባና 603,550.
- 47 ሽን ሊዊያ ዛራቱ ሀ ገይዲቲዳ አሳና ገይዲቲብይክና።
- 48 አያው ጎፕ፣ መድና ጎዳይ ሙሳ ሀዋዳን ያጌዳ፤
- 49 “ሊዊያ ዛራቱዋ ገይዲቲ፤ ኡንቱንታ አቲዳ እስራኤላቲዋ ገይዲቆን የጎፓ።
- 50 ሊዋቱዋ ጸሳ ዲንካንያ ቦላንን አ ግዶን ደኣያ ሚሻቱዋ ኡባ ቦላን ካፕዋ ኦላዶ ሱንጻ። ኡንቱንቱ ሄ ዲንካንያን አ ግዶን ደኣያ ሚሻቱዋ ቶክና፤ ኡንቱንቱ አ ግዶን ኦላናን አ የሹዋን ዲንካንና።
- 51 ጸሳ ዲንካን ሸደትያ ዎዶ ሊዋቱ ሸድና፤ ጸሳ ዲንካን ኤቂያ ዎዶካ ሊዋቱ ኤሰና። ኡንቱንቱፕ ሀራይ ኦንን እኮ ሺቆፕ፣ ሀይቆ።
- 52 እስራኤልያ አሳቱ ኡባይ ባረንቱ አርማን አርማንን ባረንቱ ጭታን ጭታን ሻከቲዶ፣ ባረንቱ ዲንካንያ ዲንካንና።
- 53 ሽን ጸሳ ሀንቁ እስራኤልያ ማባራ ቦላ ዋ□ና ማላ፣ ሊዋቱ ጸሳ ማርካተሳ ዲንካንያ የሹዋን ባረንቱ ዲንካንያ ዲንካንና፤ ሊዋቱ ጸሳ ዲንካንያን አዎትና” ያጌዳ።
- 54 እስራኤላቲ ሀዋ ኡባ መድና ጎዳይ ሙሳ አዛዜዳዋዳን ኦላድና።

## 2

### እት እት ሻኩ ዲንካናና ሳኣ በሰያዋ

- 1 መድና ጎዳይ ሙሳን እርና ሀዋዳን ያጌዳ፤
- 2 “እስራኤልያ አሳይ ባረንቱ ባጋ ባጋ ኤርሰያ አርማን ባረንቱ ያራ ያራ ኤርሰያ ባንድራ ካሊዶ፣ ጸሳ ዲንካንያፕ ጉሳ ሃኪዶ፣ አ የሹዋን ዲንካንና።
- 3-4 “አዋይ ዶልያ ባጋና ይሁዳ ባጋይ ባረንቱ አርማ ካሊዶ ዲንካንና። ኡንቱንቱ ዛራቱዋ ሱንጻይ፣ ዛራቱዋ ካፓቱዋ ሱንጻይን ኦላንቻቱዋ ገይዲ ሀዋፕ ካሊ።
- ይሁዳ አሞናዳባ ናኣ ናኣሰና 74,600፤
- 5-6 ይሳኮራ ጸ-ኣራ ናኣ ናታንኤላ 54,400፤
- 7-8 ዛብሎና ሄሎና ናኣ ኤልኣባ 57,400፤

9 ይሁዳ ባጋጥ ገይደቲዳ ኦላንቻቱ ኡባና 186,400. ሀራ ሳኦ ብያ ዎደ ኡንቱንቱ ኮይር ከሰያዋንታ።

10-11 “ቃይ ዲገሃ ባጋና ርቤላ ባጋይ ባረንቱ አርማ ካሊደ ዲንካንና። ኡንቱንቱ ዛራቱ ሱንላይ፣ ዛራቱዋ ካፓቱዋ ሱንላይን ኦላንቻቱዋ ገይዲ ሀዋጥ ካሊ።

ርቤላ ሻደኡራ ናኣ ኤሊጹራ 46,500፤

12-13 ሰዋና ጸራሻዲያ ናኣ ሻሎምኤላ 59,300፤

14-15 ጋዳ ረኡኤላ ናኣ ኤልያሳፋ 45,650።

16 ርቤላ ባጋጥ ገይደቲዳ ኦላንቻቱ ኡባና 151,450 ሀራ ሳኦ ብያ ዎደ ኡንቱንቱ ላኤንሎ ከሰያዋንታ።

17 “ሄዋጥ ጉይያን፣ ጸሳ ዲንካንን ሌዊያ ዛራቱ ኮይር ከሲደ ላኤ ባጋጥን ጉዋጥ ከሰያ ላኤ ባጋጥ ግዲዋን ከሰና፤ ያቲደ ባረንቱ ዲንካኔዳ ማራን ማራንን ባረንቱ ባንድራ ባንድራ ካሊደ ከሰና።

18-19 “ቃይ አዋይ ዉልያ ባጋና ኤፍራማ ባጋይ ባረንቱ አርማ ካሊደ ዲንካንና። ኡንቱንቱ ዛራቱዋ ሱንላይ፣ ዛራቱዋ ካፓቱዋ ሱንላይን ኦላንቻቱዋ ገይዲ ሀዋጥ ካሊ።

ኤፍራማ አምሁዳ ናኣ ኤልሻማኣ 40,500፤

20-21 ሞናሳ ፓዳጹራ ናኣ ጋማልኤላ 32,200፤

22-23 ቢንያማ ጊድኦና ናኣ ኡብዳና 35,400፤

24 ኤፍራማ ባጋጥ ገይደቲዳ ኦላንቻቱ ኡባና 108,100። ሀራ ሳኦ ብያ ዎደ፣ ኡንቱንቱ ሄዘንሎ ከሰያዋንታ።

25-26 “ቃይካ ሁጲሳ ባጋና ዳና ባጋይ ባረንቱ አርማ ካሊደ ዲንካንና። ኡንቱንቱ ዛራቱዋ ሱንላይ፣ ዛራቱዋ ካፓቱዋ ሱንላይን ኦላንቻቱዋ ገይዲ ሀዋጥ ካሊ።

ዳና አምሻዲያ ናኣ አህኤዘራ 62,700፤

27-28 አሴራ ኦክራና ናኣ ፓግኤላ 41,500፤

29-30 ጎፍታሌማ ኤናና ናኣ አህራኦ 53,400፤

31 ዳና ባጋጥ ገይደቲዳ ኦላንቻቱ ኡባና 157,600፤ ሀራ ሳኦ ብያ ዎደ ኡንቱንቱ ዉርሰላን ባረ ባንድራን ከሰያዋንታ” ያጌዳ።

32 ባረ ያራን ያራን ሻከቲደ ገይደቲዳ እስራኤልያ ኦላንቻቱ ኡባና 603,550.

33 ሽን መቋና ጎዳይ ሙሳ አዛዜዳዋዳን፣ ሌዋቱ ሀራ እስራኤላቱዋና ገይደቲባይክና።

34 እስራኤላቱ መቋና ጎዳይ ሙሳ አዛዜዳዋ ኡባባ ኦፊድና። ሰዎ ኡንቱንቱ ባረንቱ ባንድራ ካሊደ፣ ሄዋዳን ዲንካኔድና፤ ቃይ ባረንቱ ያራ ያራን ባረንቱ ሶ አሳ አሳ ካሊደ፣ ሄዋዳን ከሴድና።

### 3

#### አርና አቱማ ናናቱዋ

1 መቋና ጎዳይ ሲና ደርያ ቦላን ሙሴና ሃሳዬዳ ዎደ ደላያ አርናን ሙሴ ጎልያ አሳይ ሀዋጥ ካሊደ ጸፈቱዳዋ።

2 አርና አቱማ ናናቱዋ ሱንላይ ባይራይ ናዳባ፣ አቢሀ፣ ኤልኦዛራን እታማራ።

3 ሄ አርና አቱማ ናናይ ኡባይ ቄሰ ግዲደ ኦላናዉ ኦከቲደ ሱንቲድና።

4 ሸን ኡንቱንቱ ግደጥ ናዳብን አብሀ ሲና መላ ቢታን ጸሳይ አዛዜቤና ታማ ያርሺደ፣ መቋና ጎዳ ሰንላን ሀይቄድና፤ ኡንቱንቶ ናኣ ባዋ። ሄዋ ድራዉ፣ ኡንቱንቱ አዉ አርን ፓጻ ደኤዳ ላይላ ኡባን ኤልኦዛራን እታማራ ጸላላይ ቄሰ ግዲደ ኦፊድና።

#### ሌዋቱ ቄሳቱዋ ማዳናዉ ሱንቲድና

5 መቋና ጎዳይ ሙሳ ሀዋዳን ያጌዳ፤

6 “ሌዋቱዋ ሃ አካ ያደ ቄሰያ አርና ማዳና ማላ፣ ኡንቱንታ አ ሰንላ ሸሻ።

7 ኡንቱንቱ አርናዉን እስራኤልያ ማባራዉ ኡባዉ ጸሳ ዲንካንያ ሰንላን ዲማ ዲማ ኡሱዋ ኦፊና።

8 ኡንቱንቱ ጸሳ ዲንካንያን ደላያ ሚሻ ኡባ አዎተላ አክና፤ እስራኤልያ አሳ ድራዉ ጸሳ ዲንካንያን ኦሶ ኡባ ኡንቱንቱ ኦፊና።

9 ኔን ሌዋቱዋ አርናን አ አቱማ ናናቱዋ ማዳናዳን ሱንላ፤ ኡንቱንቱ እስራኤልያ ግደጥ ኡባና አርናዉ እመቲድና።

10 አርናን አ አቱማ ናናቱዋ ቄሰ ኦላደ ሱንላ። ኡንቱንቱጥ ሀራ አሳይ ኦንን ጸሳ ዲንካንያኮ ሸቆጥ፣ ሀይቆ” ያጌዳ።

11 ቃይ መቋና ጎዳይ ሙሳ ሀዋዳን ያጌዳ፤

12 “ታን እስራኤላቱዎ ማጫ አሳይ ባይራ የልያ አቱማ ናናቱዎ ኡባ ድራጫ እስራኤላቱዎ ግደጥ ሊዋቱዎ አካድ። ሊዋቱ ታዋ፤  
 13 እያወ ሳጥ፣ ባይራ የለቲዳ ኡባይ ታዋ። ታን ግብጹ ጋድያን ባይራ የለቲዳዎ ኡባ ዎዴዳ ጋላሳን፣ እስራኤላቱዋን ባይራ የለቲዳዎ ኡባ፣ አሳ ግድና፣ መሀያ ግድና፣ ታወ ዲማያድ፤ ኡንቱንቱ ታዋ ግድና። ታን መድና ጎዳ” ያጌዳ።

**ሊዋቱዎ ገይዲቆ**

14 ቃይካ መድና ጎዳይ ሙሳ ሲና መላ ቢታን።  
 15 “ኔን ሊዋቱዎ ኡንቱንቱ ሶ አሳን አሳንን ኡንቱንቱ ያራን ያራን ገይዳ፤ የለቶደጥ እት አግናን ሄዋጥ ቦላና ደእያ አቱማዋንታ ኡባ ገይዳ” ያጌዳ።  
 16 መድና ጎዳይ አዛዚዳዋዳን፣ ሙሴ ኡንቱንታ ገይዳዳ።  
 17 ሊዋድ አቱማ ናናይ ገርሾና፣ ቃሃታን ማራራ።  
 18 ገርሾና አቱማ ናናይ ሊብናን ሸምኡ።  
 19 ቃሃታ አቱማ ናናይ አምራማ፣ ይጽሃራ፣ ከብርናን ኡዝኤላ።  
 20 ማራራ አቱማ ናናይ ቃይ ማህላን ሙሻ። ሊዋቱዎ ማይዛ አዋቱ ሀዋንታ።  
 21 ሊብና ያራቱን ሸምኦ ያራቱ ገርሾና ዛራቱዋ።  
 22 ኡንቱንቱጥ ገይድና፣ የለቶደጥ እት አግናን ሄዋጥ ቦላና ደእያ አቱማዋንቱ ኡባና 7,500.  
 23 ገርሾና ያራቱ ጸሳ ዲንካንያጥ ጉየ አዋይ ወልያ ባጋና ዲንካኒና።  
 24 ገርሾና ያራቱ ሶ አሳ ካፕ ላኤላ ናኦ ኤልያሳ።  
 25 ገርሾና ያራቱ ጸሳ ዲንካንያ፣ ዲንካንያ ካምያዋንታ ገልያሳ ጋርዲዋ።  
 26 ዳባባ ጋርዲቱዋ፣ ጸሳ ዲንካንያን ያርሽያ ሳኦ የሹዋን ደእያ ዳባባ ገልያሳን ጋርዲዋ፣ ዎደሮቱዋን ኡንቱንቱ ጎኦና ጋከትያባቱዎ ኡባባ አዎተላ አኪና።  
 27 አምራማ ያራቱ፣ ይጽሃራ ያራቱ፣ ከብርና ያራቱን ኡዝኤላ ያራቱ ቃሃታ ዛራቱዋ።  
 28 የለቶደጥ እት አግናን ሄዋጥ ቦላና ደእያ አቱማዋንቱ ኡባና 8,600. ቃሃታ ያራቱ ጸሳ ዲንካንያ አዎተላ አኪና።  
 29 ቃሃታ ያራቱ ጸሳ ዲንካንያጥ ገድሳ ባጋና ዲንካኒና።  
 30 ቃሃታ ያራቱዎ ሶ አሳ ካፕ ኡዝኤላ ናኦ ኤልያሳ።  
 31 ኡንቱንቱ ታቦታ፣ ጸራዳዛ፣ ጸምጥያ ዎልያ ባላ፣ ያርሽያ ሳኦ፣ ኦልያ ዎደ ጎኤትያ ጸሳ ዲንካንያ ሚሻቱዋ፣ ጋርዲዋን ኡንቱንቱ ጎኦና ጋከትያባቱዎ ኡባባ አዎተላ አኪና።  
 32 ሊዋቱዎ ካጋቱዎ ካፕ ዌሰያ አርና ናኦ ኤልአዛራ፤ ጌሻ ሳኦ አዎትያዋንቱ ቦላ እ ሱንጃቲዳ።  
 33 ማህላ ያራቱን ሙሻ ያራቱ ማራራ ዛራቱዋ።  
 34 ኡንቱንቱጥ ገይድና፣ የለቶደጥ እት አግናን ሄዋጥ ቦላና ደእያ አቱማዋንቱ ኡባና 6,200.  
 35 ማራራ ያራቱዎ ሶ አሳ ካፕ አብሀይላ ናኦ ጸራኤላ። ማራራ ያራቱ ጸሳ ዲንካንያጥ ሀዲሳ ባጋና ዲንካኒና።  
 36 ማራራ ያራቱ ዲንካንያ ጸጋገቱዋ፣ ኩልቦቱዋ፣ ቱሳቱዋ፣ ገይቱዋ፣ ሄ ኦሶ ኮሽያ ሚሻቱዎ ኡባን ኡንቱንቱ ጎኦና ጋከትያባቱዎ ኡባ አዎተላ አኪና።  
 37 ሄዋ ቦላካ ጉጂደ፣ የሹዋን ደእያ ዳባባ ቱሳቱዋን ኡንቱንቱ ገይቱዋ፣ ሸካልያን ዎደሮቱዎ አዎተላ አኪና።  
 38 ቃይ ጸሳ ዲንካንያጥ ሰንላ አዋይ ደልያ ባጋና ሙሴ፣ አርናን አ አቱማ ናናይ ዲንካኒና። ኡንቱንቱ እስራኤላቱዎ ድራጫ ጸሳ ዲንካን ግድን ኦልያ ኦሱዋ አዎተላ አኪና። ሀራ አሳይ ጸሳ ዲንካንያኩ ሸቆጥ፣ ሀይቆ።  
 39 መድና ጎዳይ አዛዝና፣ ሙሴን አርና ገይዳዳ አቱማ ሊዋቱ፣ የለቶደጥ እት አግናን ሄዋጥ ቦላና ደእያ አቱማዋንቱ ኡባና 22,000.

**ባይራ የለቲዳ እስራኤላቱዎ ኮታ ሊዋቱ አከቲድና**

40 መድና ጎዳይ ሙሳ፣ “እስራኤላቱዎ ባይራ አቱማ ናናቱዋ፣ የለቶደጥ እት አግናን ሄዋጥ ቦላና ደእያዋንታ ኡባ ገይዳዳ ኡንቱንቱ ሱንላ ጸፋ።  
 41 እስራኤላቱዋን ባይራ የለቲዳ ኡባ ኮታወ ሊዋቱዎ ታወ አካ፤ ቃይ እስራኤላቱዎ መሀያን ባይራ የለቲዳ ኡባ ኮታወ ሊዋቱዎ መሀያ ታወ አካ። ታን መድና ጎዳ” ያጌዳ።  
 42 ሙሴ መድና ጎዳይ አዛዚዳዋዳን፣ እስራኤላቱዋን ባይራ የለቲዳ ኡባ ገይዳዳ።  
 43 የለቶደጥ እት አግናን ሄዋጥ ቦላና ደእያ ባይራ የለቲዳ አቱማዋንቱ፣ ሱንላይካ ጸፈቲዳዋንቱ ኡባና 22,273.  
 44 መድና ጎዳይ ሙሳ ቃይካ ሀዋዳን ያጌዳ፤  
 45 “ሊዋቱዎ እስራኤልያ አቱማዋንቱ ኡባ ኮታወ አካ፤ ሊዋቱዎ መሄቱዎ እስራኤላቱዎ መሀያ ኮታወ አካ፤ ሊዋቱ ታዋ ግዳናዋንታ። ታን መድና ጎዳ።

- 46 ሊዋቱዋ ፓይዲቀ፣ ጥርፍ 273 ባይራ ግዲደ የለቲዳ እስራኤልያ እቲማ ናናቱዋ ዋዛናዉ፤
- 47 እቶ እቶ እቶቹ ጸጋራ ብራ ጸሳ ዲንካንያን ኤሪቲያ ሚዛንያ ልክያን እካ፤ እት ጸጋራ ብራይ ላጋሙ ጌራ ኪሻ።
- 48 ፓላሄዳ እስራኤላቱዋ ዋዛያ ሄ ሚሻ እርናዉን ኦ እቲማ ናናዉ እማ። ያጌዳ።
- 49 ሙሴ፡ ሊዋቱዋን ዋዛቲዳዋንቲ፣ ፓላሄዳዋንታ ዋዛያ ሚሻ ሺሼዳ።
- 50 ባይራ የለቲዳ እስራኤላቱዋ፣ 1,365 ጸጋራ ብራ ጸሳ ዲንካንያን ኤሪቲያ ሚዛንያ ልክያን ኦ ሺሼዳ፤
- 51 መጵና ጎዳይ እዛዜዳ እዛዙዋዳን፡ ሙሴ ዋዛያ ሚሻ እርናዉን ኦ እቲማ ናናዉ እማዳ።

### 4

#### ቃሃታ ያራ ግድያ ሊዋቱዋ ኦሱዋ

- 1 መጵና ጎዳይ ሙሳን እርና ሀዋዳን ያጌዳ፤
- 2 “ሊዋያ ዛራቱዋን ቃሃታ ያራቱዋ ኤንቲንቲ ዳቡዋን ዳቡዋንን ኤንቲንቲ ሶ ኦሳን ኦሳን ሻካደ ፓይዳ፤
- 3 የለቶይ፣ ላይሳይ ሀታሙዋ፣ ቢደ እሻታሙዋ ጋኬዳ እቲማ ኦሳ ኡባ፡ ጸሳ ዲንካንያ ግደን ኦሳናዉ ይያዋንታ ፓይዳ።
- 4 ቃሃታ ያራቲ ጸሳ ዲንካንያ ግደን ኦሳና ኦሱ ሀዋ፡ ኤንቲንቲ ኡባ፣ እጭዳ ጌሻ ሚሻቲዋን አዋቲና።
- 5 “ኦሳይ ዲንካንያ ሳፕ ባናዉ ሀንያ ዋደ፡ እርንን ኦ እቲማ ናናይ ጸሳ ዲንካንያ ግደ ገሊደ፡ ታቦታ ሰንሳ ጋርዲዋ ካቁዋ፣ ዋሳና፤ ሄ ጫቁዋ ታቦታ እን ካምና።
- 6 ሄ ካሚዳዋ ቦላካ ዋጵያ እርባንያ ካምና፤ ሄዋ ቦላካ ቃይ ጉጂደ፡ ሳሉዋ ማላትያ ጫርቂያ ካምና፤ ቶክያ ካሶቲዋ ኤንቲንቲ ሳጋዮቲዋን አሳና።
- 7 “ጸሳ ሰንሳ ሺሽያ ኤክሳ ዋሳያ ጸራጸዛ ቦላን ሳሉዋ ማላትያ ጫርቂያ ሂጽና፤ ኦ ቦላ ሳንቲዋ፡ ጭልፓቲዋ፡ ጸኡቲዋን ኤሻ ያርሾ ጎኤትያ ኦቶቲዋ ዋሳና፤ ቃይ ኤክሳይ ኡባ ዋደካ ኦ ቦላ፣ ጸጎ።
- 8 ሄዋ ቦላን ዞኦ ጫርቂያ ሂጸደ፡ እርባንያ ቃይ ኦ ቦላ ካምና፤ ቶክያ ካሶቲዋ ሳጋዮቲዋን አሳና።
- 9 “ኤንቲንቲ ሳሉዋ ማላትያ ጫርቂያ እኪደ፡ ጸምፕያ ዋሳያ ባላቲዋ ጸምፕቲዋና፡ ቶይሰያ ቃጸቲዋና፡ ኤንቲንታ ዋሳያባቲዋናን ዛይትያ ትግያ ጸርቲዋናካ ኡባ ካምና።
- 10 ያቲደ እካ ሚሻቲዋ ኡባካ እርባንያን ካሚደ፡ ቶክያ ሻንቻማ ቦላን ዋሳና።
- 11 “እጸና ጨውሰያ ዋርቃ ሳጽንያ ቦላን ሳሉዋ ማላትያ ጫርቂያ ሂጸዳዋ ቃይ እርባንያን ካምና፤ ቶክያ ካሶቲዋ ኤንቲንቲ ሳጋዮቲዋን አሳና።
- 12 ሄዋዳንካ፡ ቃይ ጸሳ ዲንካንያ ግደን ጎኤትያ ሚሻቲዋ ኡባ እኪደ፡ ሳሉዋ ማላትያ ጫርቂያን ጸጽና፤ እርባንያን ካሚደ፡ ቶክያ ሻንቻማ ቦላን ዋሳና።
- 13 “ያቲደ ናሃሰያ፣ ጸጭ ያርሾን ሳኦ ቦላ ደእያ ብደንጎላ ድጊደ ኦ ቦላ ኦቻ ቴራ ማላትያ ጫርቂያ ሂጽና።
- 14 ኦ ቦላ ያርሾን ጎኤትያ ሚሻቲዋ ኡባ፡ ታማ ጮጫቲዋ፡ እሹዋ ቃጸያ ቃጸቲዋ፡ ኦካፋቲዋን ካሽያ ኩይጸርቲዋ ዋሳና። እርባንያን ካምና፤ ቶክያ ካሶቲዋ ኤንቲንቲ ሳጋዮቲዋን አሳና።
- 15 “እርንን ኦ እቲማ ናናይ፡ ጌሻባቲዋን ጌሻ ሚሻቲዋ ኡባ ካሚደ ማኮፕን ዲንካንያ ሳኦ፣ ደንድያ ዋዲ ጋኮ፣ ሄዋ ኡባ ቶካናዉ ቃሃታ ያራቲ ዪና። ሽን ጌሻ ሚሻቲዋ ኤንቲንቲ ቦቾ፣ ሀይቂና። ጸሳ ዲንካንያ ግደን ደእያ ሄ ሚሻ ቃሃታ ያራቲ ቶካና።
- 16 “ቁሰያ እርና ናኦይ ኤልኦር ጸምፕያ ዛይትያዉ፡ ሳዊያ እጸናዉ፡ ሀቾ ሀቾ ያርሾን ካሳ ያርሹዋን ኦክያ ዛይትያዉ፡ ቃይ ጸሳ ዲንካንያ ሙልያን ኦ ግደን ደእያ ዲማ ጌሻ ሚሻቲዋ ኡባ ቦላ አዋቶ” ያጌዳ።
- 17 ቃይ መጵና ጎዳይ ሙሳን እርና ሀዋዳን ያጌዳ፤
- 18 “ቃሃታ ያራቲ ሊዋያ ዛራቲዋ፣ ሀይቂደ ጸጎና ማላ ጸልቲ።
- 19 ኡባ፣ እጭዳ ጌሻ ሚሻ ማታ ሸቆያ ዋደ፡ ኤንቲንቲ ሀይቂናን ፓጸ እቲደ ደእና ማላ፡ ኤንቲንቶ ሀዋዳን አሳቲ፡ እርንን ኦ እቲማ ናናይ ጸሳ ዲንካንያ ግደ ገሊደ ቃሃታ ያራቲ ኡባይ ሀጺያን ሀጺያን ኦሳና ኦሱዋን ቶካና ቶኩዋ ሻክ ሻኪደ ግሸና።
- 20 ቃሃታ ያራቲ ሀይቂናዳን፡ ኡባ፣ እጭዳ ጌሻቲዋ ቂሳቲ ጸጸሽን በእናዉ ግዲዋ ገሎፕና” ያጌዳ።

#### ገርሾና ያራ ግድያ ሊዋቱዋ ኦሱዋ

- 21 መጵና ጎዳይ ሙሳ ሀዋዳን ያጌዳ፤
- 22 “ገርሾና ያራቲዋካ ኤንቲንቲ ዳቡዋን ዳቡዋንን ኤንቲንቲ ሶ ኦሳን ኦሳን ሻካደ ፓይዳ፤

23 የለቶደፐ ላይላይ ሀታሙዋፐ ሲደ እሻታሙዋ ጋኬዳ አቱማ አሳ ኡባ፣ ጸሳ ዲንካንያ ግደን አላናዉ ይያዋንታ ፓይዳ።

24 “ገርሾና ያራቱ ኦልያ ኦሱነ ቶክያ ቶኩ ሀዋ።

25 ኡንቱንቱ ጸሳ ዲንካንያ ጋርዳቱዋ፣ ጸሳ ዲንካንያ፣ እ ካምያባቱዋን ቦላና ካምያ እርባንያ፣ ጸሳ ዲንካንያ ገልያሳን ሶትያ ጋርዲቆ ቶክኖ፤

26 ቃይ ጸሳ ዲንካንያን ያርሽያ ሳኣ ዩይ አዴዳ ዳባባ ጋርዳቱዋ፣ ዳባባ ገልያሳ ጋርዲቆ፣ ዋደርቱዋን ኡንቱንቱ ጎእያ ሚሻቱዋ ኡባ ቶክኖ። ገርሾና ያራቱ ሀ ሚሻቱዋን ኦላናዉ በሰያ ኦሱዋ ኡባ አላኖ።

27 ቶክያዋ ግድና፣ ሀራ ኦሱዋ ግድናካ ኡንቱንቱ ኦልያ ኦሱዋ ኡባይ አርንነ እ አቱማ ናናይ ኡንቱንታ አዛዝና ኦሰትኖ። ኔን ኡንቱንቱ ቶካናዉ በሰያባቱዋ ኡባ ኡንቱንቱ አዋተላ አዋተላዳን ኡንቱንቶ ግሻ።

28 ጸሳ ዲንካንያ ግደን ገርሾና ያራቱ ኦላና ኦሱ ኡባይ ሀዋ። ኡንቱንቱ ኦላና ኦሱዋ ኡባይ ቄሰያ አርና ናኣ አታማራ አዋተላ ጋርሳና ግዳናዋ።

**ማራራ ያራ ግድያ ሊዋቱዋ ኦሱዋ**

29 “ማራራ ያራቱዋ ኡንቱንቱ ዳቡዋን ዳቡዋን ኡንቱንቱ ሶ አሳን አሳን ሻካደ ፓይዳ፤

30 የለቶደፐ ላይላይ ሀታሙዋፐ ሲደ እሻታሙዋ ጋኬዳ አቱማ አሳ ኡባ፣ ጸሳ ዲንካንያ ግደን አላናዉ ይያዋንታ ፓይዳ።

31 “ኡንቱንቱ ጸሳ ዲንካንያ ግደን ኦላና ኦሶቱ ሀዋንታ፡ ኡንቱንታ ዲንካንያ ጸጋገቱዋ፣ ኩልቦቱዋ፣ ቱሳቱዋን ገደቱዋ፣

32 ቃይካ ዳባባ ዩሹዋን ኤቂያ ቱሳቱዋ፣ ሄ ቱሳቱ ገደቱዋ፣ ቶልያ ጸጋገቱዋ፣ ዋደርቱዋ፣ ሄዋንቶ ኮሽያ ሚሻቱዋ ኡባነ ሄ ሚሻቱዋና ጋከትያባቱዋ ኡባ ቶክኖ። እት እት ኡራዉ እ ቶካናዋ ሻካደ ግሻ።

33 ጸሳ ዲንካንያ ግደን ማራራ ያራቱ ኦላና ኦሱ ኡባና ሀዋ። ኡንቱንቱ ኦላና ኦሱ ኡባይ ቄሰያ አርና ናኣ አታማራ አዋተላ ጋርሳና ግዳናዋ” ያጌዳ።

**ሊዋቱዋ ፓይዲዋባ**

34 ሙሴ አርንነ ማባራ ካፓቱ ቃሃታ ያራቱዋ አቱማ አሳ ኡንቱንቱ ዳቡዋን ዳቡዋን ኡንቱንቱ ሶ አሳን አሳን ሻኪደ ፓይዳድኖ።

35 የለቶደፐ ላይላይ ሀታሙዋፐ ሲደ እሻታሙዋ ጋኬዳ አቱማ አሳቱ ኡባቱ፣ ጸሳ ዲንካንያ ግደን አላናዉ ይያዋንቱ።

36 ኡንቱንቱ ሶ አሳን አሳን ፓይድና ኡባና 2,750.

37 ቃሃታ ያራቱዋን ጸሳ ዲንካንያ ግደን ኦልዳ አሳ ፓይዲ ሀዋ። መድና ጎዳይ ሙሴ ባጋና አዛዜዳዋዳን፣ ሙሴነ አርን ኡንቱንታ ፓይዳድኖ።

38 ገርሾና ያራቱካ ባረንቱ ዳቡዋን ዳቡዋን ባረንቱ ሶ አሳን አሳን ሻከቲደ ፓይደቲድኖ።

39 የለቶደፐ ላይላይ ሀታሙዋፐ ሲደ እሻታሙዋ ጋኬዳ አቱማ አሳቱ ኡባቱ፣ ጸሳ ዲንካንያ ግደን አላናዉ ይያዋንቱ።

40 ኡንቱንቱ ሶ አሳን አሳን ፓይድና ኡባይ 2,630.

41 ገርሾና ያራቱዋን ጸሳ ዲንካንያ ግደን ኦልዳ አሳ ፓይድና ሀዋ። መድና ጎዳይ ሙሴ ባጋና አዛዜዳዋዳን፣ ሙሴነ አርን ኡንቱንታ ፓይዳድኖ።

42 ማራራ ያራቱካ ቃይ ዳቡዋን ዳቡዋን ባረንቱ ሶ አሳን አሳን ሻከቲደ ፓይደቲድኖ።

43 የለቶደፐ ላይላይ ሀታሙዋፐ ሲደ እሻታሙዋ ጋኬዳ አቱማ አሳቱ ኡባቱ፣ ጸሳ ዲንካንያ ግደን አላናዉ ይያዋንቱ።

44 ኡንቱንቱ ሶ አሳን አሳን ፓይድና ኡባይ 3,200.

45 ማራራ ያራቱዋ ፓይዲ ሀዋ። መድና ጎዳይ ሙሴ ባጋና አዛዜዳዋዳን፣ ሙሴነ አርን ኡንቱንታ ፓይዳድኖ።

46 ሄዋ ኦሊደ ሙሴ፣ አርንነ እሰራኤልያ ካፓቱ ሊዋቱዋ ኡባ፣ ኡንቱንቱ ያራን ያራን ኡንቱንቱ ሶ አሳን አሳን ሻኪደ ፓይዳድኖ።

47 የለቶደፐ ላይላይ ሀታሙዋፐ ሲደ እሻታሙዋ ጋኬዳ አቱማ አሳቱ ኡባቱ፣ ጸሳ ዲንካንያ ግደን ኦሱዋ ኦላናዉን እዉ ጎእያ ሚሻቱዋ ኡባ ቶካናዉ ዬዳዋንቱ

48 ኡባይ 8,580.

49 መድና ጎዳይ ሙሴ ባጋና አዛዜዳዋዳን፣ ኡንቱንቱ ሀጺያን ሀጺያን ኦላና ኦሱ ዋይ ቶካና ቶኩካ ኡንቱንቶ ኦደቲዳ። መድና ጎዳይ ሙሴ አዛዜዳዋዳን፣ ኡንቱንቱ ኡባይካ ፓይደቲድኖ።

**ዲማ ዲማ ሀግያነ ዋጋ**

5

(5:1—8:23)

ጌይቤና አሳ

1 መድና ጎዳይ ሙሳ ሀዋዳን ያጌዳ፡-

2 “ኔን እስራኤላቱዋ፡ ህጎት ግደን ዋልቃማ ጋልባ ሀርጊ ኦይቄዳ ኡራ፡ ዋይ ቦላፕ አያይኔካ ጎግያ ኡራ፡ ዋይ አሃ ኦይቄይ ቱኔዳ ኡራ ኦናካ ህጎት ዲንካኔዳ ሳኣፕ ከሰ ድግጉ፣ ያገደ እዛዛ።

3 ሄዌ ማጫዋ ኦቱማዋ ግድናካ ከሰና። ታን ኡንቱንቱ ግደዋን ደእያ ኡንቱንቱ ዲንካኔዳሳ ሄዋንቱ ቱንሰና ማላ፡ ኡንቱንቱ ዲንካኔዳ ሳኣፕ ከሳ የዳ” ያጌዳ።

4 መድና ጎዳይ ሙሳ እዛዜዳዋዳን፡ እስራኤላቱ ኡንቱንቱ ኡባ ዲንካኔዳ ሳኣፕ ከሲደ የዴድና።

ናቁዋ አጫ

5 ሄዋፕ ጉይያን፡ መድና ጎዳይ ሙሳ ሀዋዳን ያጌዳ፤

6 “ኔን እስራኤላቱዋ ሀዋዳን ያገ፤ ላት ኦቱማ አሳይ ዋይ ኦት ማጫ አሳይ እይ ኦግያንን ሀራ አሳ ናቆፕን ሄዋን መድና ጎዳዉ አማነተናን እጸፕ፡ ሄ ኡራይ ባይዛንቻ።

7 ሄዋ ድራዉ፡ እ ባሪ ኦሌዳ ናገራ ፓጾ፤ ባሪ ባይዜዳዋ ኩመንላ ዛሪደ ጭጎ፤ ሄዋ ቦላካ እቼሽጎሶ ኩሽያ ጉጂደ፡ ባሪ ናቁዳ ኡራዉ አጮ።

8 ሽን ሄ ናቁቲዳ ኡራይ ሀይቄዳዋ ግድፕ፡ አጫ እካናዉ እዉ ማታ ደቡ ቆየፕ፡ ሄ አጫይ መድና ጎዳሳ። ሄ አጭያ አጫይ ናቁዳ ኡራይ ማረታናዉ ያርሾ እምያ ድርሳ አርግና ኦትፕ ቁሰያዉ እመቶ።

9 ቃይ እስራኤላቱ ቁሰያዉ እምያ ጌሻ እሙዋ ኡባይ ሄ ቁሰያሳ።

10 እት እት አሳይ እምያ እሞታይ ሄ እሚዳ ኡራባ፤ ሽን ቁሰያዉ እ እምያ እሞታይ ሄ ቁሰያሳ ያገ” ያጌዳ።

ባሪ አሰናን ሰጋትያ ማቻትባ

11 ሄዋፕ ጉይያን መድና ጎዳይ ሙሳ፡

12 “ኔን እስራኤላቱ ሀዋዳን ያገደ ኦዳ፤ ላት ኡራ ማቻታ ካሪ ሀመታደ፡ አዉ አማነተናን እጸደ፡

13 ሀራ ኦቱማ አሳና ግሶፕ፡ ቃይ ሄዋ እዛ ባሪ አሰናፕ ቆሶፕ፡ ማርካይ ባይናዋ ግድፕ፡ እዛ ሻርሙጸደ ኦይቀተናን አቶ።

14 እዛ ቱኔዳ ድራዉ፡ እ ጎልያዉ እዛ ሰድያዋ ግዳናዉ ዳንዳይ፤ ዋይ እዛ ቱኔናን ደእሽን፡ እ ባሪ ማቻቶ ሰድያዋ ግዳናዉ ዳንዳይ።

15 ያቶፕ፡ ሄ ብታኒ ባሪ ማቻቶ ቁሰያኮ አፎ፤ ቃይ እዛ ድራዉ ያርሻናዉ እት ኪሎ ግራመ ባንጋ ጂልያ አፎ። ሽን ጂልያ ቦላ ዛይትያ ትጎፕ፡ ዋይ አጻና ኦ ቦላ ዋሶፕ፤ አያዉ ጎፕ፡ ሄ ጂሊ እ ባሪ ማቻቶ ሰዴዳ ድራዉ ያርሽያ ካሳ ያርሾ፤ ቃይ ሄዌ ባይዙዋ ቆንጭሰያ ያርሹዋ።

16 “ ሄዋፕ ጉይያን፡ ቁሲ ሄ ሞሽራቶ ሺሺደ፡ መድና ጎዳ ሰንሳን ኤሶ።

17 እንጅቲዳ ሃላ ኩይጸረዋን እኩ። ሄዋፕ ጉይያን፡ ጸሳ ዲንካንያ ዉይግያን ደእያ ባና እኪደ፡ ሄ ሃላን ጉጂ።

18 ሄ ሞሽራቶ መድና ጎዳ ሰንሳን ኤሶ፤ ሄዋፕ ጉይያን፡ ሄ ሞሽራት ሀጺያ ብሎ፤ ሰዴዳ ድራዉ ያርሽያ እዛ ባይዙዋ ቆንጭሰያ ካሳ ያርሹዋ እዛ ኩሽያን ዋሶ፤ ቃይ ሄ ቁሲ ባሪ ኩሽያን ሸቃ አህያ ጫዋ ሃላ ኩይጸረዋና ኦይቆ።

19 ሞሽራቶ ሀዋዳን ያጌደ ጫቀሶ፤ “ኔን ሀራ ኦቱማ አሳና ግሳቤናዋ ግድፕ፡ ነ አሰና አገደ ካሪ ሀመታደ ቱናቤናዋ ግድፕ፡ ሸቃ አህያ ሀ ጫዋ ሃላይ ነዉ ጎመቶ።

20 ሽን ኔን ነ አሰና አገደ ካሪ ሀመታደ ቱኔዳዋ ግድፕ፡ ሀራ ኦቱማ አሳና ግሳይዋ ግድፕ፡

21 መድና ጎዳይ ነ የሉዋ ጎልያ ጉንድሰያዋን ነ ኡሉዋካ ጋፍሰያዋን፡ ነ አሳን ኔና ሸቅሶ።

22 ሀ ሸቃ አህያ ሃላይ ነ ኡሎ ግድ ገሊደ ነ ኡሉዋ ጋፍሶ፤ ነ የሉዋ ኬላካ ጉንድሶ” ያጌደ ጫቀሶ።

“ ሞሽራታካ፡ “አመንእ፤ አመንእ” ያጌ።

23 “ ሄዋፕ ጉይያን፡ ቁሲ ሀ ሸቃቱዋ ጸጸቲዳ ማጸፋን ጸፎ፤ ሸቃቱዋ ጫዋ ሃላ ግድ ሚጮ።

24 ያቲደ ሸቃ አህያ ሄ ጫዋ ሃላ ሞሽራቶ ኡሾ፤ ሸቃ አህያ ሃላይ ሞሽራት ኡሉዋን ገሊደ፡ እዛ ጫዋ ሳኩዋ ሳካና።

25 ቁሲ ሞሽራት ኩሽያፕ ሰዴዳ ድራዉ ያርሽያ ካሳ ያርሹዋ እኪደ፡ ሄ ያርሹዋ መድና ጎዳ ሰንሳን ቃሊደ፡ ያርሽያ ሳኣ አሆ።

26 ቁሲ ካሳ ያርሹዋፕ ኮጵያዋ እኪደ ባይዛንቻ ግደከንቶ ቆንጭሰያ ያርሹዋ ኦሊደ፡ ያርሽያሳን ጸጎ። ሄዋፕ ጉይያን፡ ሞሽራቶ ሄ ሃላ ኡሾ።

27 ሃሳ እዞ ኡሼዳዋጥ ጉይያን፣ ሀዋዳን ሀርና፣ እዛ ባረ እሰናወ አማነታና ጳያይ ቱኔዳዋ ግድገ፣ ሸቃ አህያ ሃላይ እ ኡሉዋን ገሊደ፣ እዞ ጫሞ ሳኩዋ ሳካና፤ እዞ ኡሉካ ጋፋና፤ እዞ የሉዋ ጎሊካ ጉንዳና። እዛ ባረ አሳን ሸቀቱዳኖ ግድገ።

28 ሸን እዛ ቱናቤና ጽሎ ማጫ አሳ ግድገ፣ እ ሳር አታይ ናናቱዋ የላና።

29-30 “ ኣት አሳይ ባረ ማቻቶ ሰድያ ዋይ ኦላና ዋጋይ ሀዋ። እዛ ካረ ሀመታይ ቱናገ፣ ዋይ እት አሳይ ባረ ማቻቶ ሰድገ፣ መድና ጎዳ ሰንሳን እዞ ኤሲይ ቄሲ ሀ ዋጋ ኡባ እዞ ቦላ ገሎ።

31 እሰናይ ባይዙዋ ኡባጥ ሳር አታና፤ ሸን ማጫውኖ ባረ ናጋራ ጋሱዋን ይያዋ ቶካና ያጋ” ያጌዳ።

### 6

#### ናዝራዌተሳ ሀግያ

1 መድና ጎዳይ ሙሳ ሀዋዳን ያጌዳ፣

2 “ኔን እሰራኤልያ አሳወ ሀዋዳን ያጋይ ኦዳ፤ ኣኩጭ አሳይ ዋይ ማጫ አሳይ ናዝራዌ ግዲደ፣ ባረና መድና ጎዳዉ ዲማያናዉ ገገገ።

3 ዋይንያ ኤሳን ሀራ ማላይያ ኡሻ ኡሾገ፤ ዋይንያ እይፍያጥ አገትያ ጫላባን ማላይያን ኡሾገ፤ ዋይንያ ቲራ ጉሞኤዳዋ ኡሾገ። ዋይ ዋይንያ ቲራ ሸጉዋ ግድና፣ መላ ግድናካ ሞገ፤

4 እ ባረና ዲማዬዳ ዋድያን ኡባን፣ ዋይንያ ቱራጥ ቤትያዋ ኡባ፣ ዋይንያ ዘረላ ግድና፣ ዋይ ዋይንያ ፖቁዋ ግድናካ ሞገ።

5 “ ኣእ ባረና መድና ጎዳዉ ዲማያናዉ ገፔዳ ዋድያን ኡባን፣ እ ሀጲ ሚደቶገ ዋይ ቃንጸቶገ። እ ባረ ሀጲያ ብናናካ አዲሲይ ድኞ። እ ባረና መድና ጎዳዉ ዲማዬዳ ዋዲ ፖለታና ጋካናዉ፣ ጌሻ ግዳናዉ ኮሺ።

6 “ ኣእ ባረና መድና ጎዳዉ ዲማዬዳ ዋድያን ኡባን እሃኮ ሸቆገ።

7 ሀራይ እትና እ እዉ፣ ዋይ እ ዳና፣ ዋይ እ እሻይ፣ ዋይ እ ሞቻታ ሀይቆገካ፣ እ ባረና ቱንሶገ። እያዉ ጎገ፣ እ ባረና ጸሳዉ ዲማዬዳዋ ኤርሰያዊ ባረ ሀጲያና።

8 እ ባረና ጸሳዉ ዲማዬዳ ዋድያን ኡባን እ መድና ጎዳዉ ጌሻ።

9 “ ኣሳይ እ ማታን እኩከናን ሀይቁና፣ ጸሳዉ ዲማዬዳ እ ሀጲ ቱናገ፣ ላፑን ጋሳ ጋምኢደ፣ ባረ ጌይያ ሄ ላፑንሳ ጋሳን ባረ ሀጲያ ሚደቶ።

10 ሆሰፑንሳ ጋሳን ላኡ ሀራጸቱዋ ዋይ ላኡ ማራ ሀራጸቱዋ ጸሳ ዲንካንያ ጥንገ ቄሰያዉ አሆ።

11 ቄሲ ሀራጸቱዋጥ እቱዋ ናጋራ ያርሾ፣ እቱዋ ቃይ ጸግያ ያርሾ ያርሾ። እያዉ ጎገ፣ እሃይ እ ማታ ሸቄዳ ባይዙዋ ድራዉ፣ እዉ አቶ ጌሳናሳ። ሄ ጋሳን እ ባረ ሀጲያ ዋጋዳን ጌሾ፤

12 እ ባረና ካሰ ገፔዳ ዋድያ ኬና ባረና ጸሳዉ ዲማያናዉ ኮሺ። ያቲይ የለቶይጥ እት ላይላ ግድያ አቱማ ድርሳ ናቆ እምያ ያርሹዋ ኦሊይ ያርሾ። ሸን ሄዋጥ ካሰ እ ባረና ጸሳዉ ዲማዬዳ ጋሳሳቱ ገይደትክኖ፤ እያዉ ጎገ፣ እ ባረና ዲማዬዳ ሄ ዋድቱዋ ግድን ባረና ቱንሰ ድጌዳ።

13 “ ኣባረ ገፋ ዋድያ ወርሴዳ ዋይ ባረና ጸሳዉ ዲማዬዳ ናዝራዌያ ዋጋይ ሀዋ፣ ጸሳ ዲንካንያ ጥንገ እ ሸቆ፤

14 መድና ጎዳዉ ትላ ቦላና ደእያ እት ላይላ አቱማ ድርሳ ጸግያ ያርሾ፣ ትላ ቦላና ደእያ እት ላይላ ድርሳቶ ናጋራ ያርሾን ትላ ቦላና ደእያ ድርሳ ኦርግያ እትጥተላ ያርሾ ሄ ሳኣ አሆ።

15 ቃይ ካሳ ያርሹዋን ኡሻ ያርሹዋን ኡንቱንቱና እትጥ ያርሻናዉ አሆ፤ ሄ ካሳ ያርሹ እርሹ ገልቤናዋ ግድ፤ ቃይ ዛይትያን ሙናቄዳ ሊቆ ጲልያ ኮሞገቱዋን ዛይትያ ኦኩቱዳ ሌኡ ኡክላቱዋ ማሶፍያን አሆ።

16 “ ጭሲ ሄዋ ኡባ ሸሺደ፣ ናጋራ ያርሹዋን ጸግያ ያርሾ ኦሊደ፣ መድና ጎዳዉ እ ድራዉ ያርሾ።

17 ቄሲ ድርሳ ኦርግያ፣ እርሹ ገልቤና ኮሞገቱዋን ኡክላቱዋ እትጥተላ ያርሹዋ ኦሊደ፣ መድና ጎዳዉ ያርሾ። ቃይ ሄዋና እትጥ ካሳ ያርሹዋን ኡሻ ያርሹዋ ያርሾ።

18 ሄዋጥ ጉይያን፣ ናዝራዌ ጸሳዉ ዲማዬዳ ባረ ሀጲያ ጸሳ ዲንካንያ ጥንግያን ሚደቶ፣ ሚደቱዳ ብናና ኦጌደ፣ እትጥተላ ያርሹዋጥ ጋርሳ ባጋና ደእያ ታማን የጎ።

19 “ ኣባረና ጸሳዉ ዲማዬዳ ናዝራዌ ባረ ሀጲያ ሚደቱዳዋጥ ጉይያን፣ ቄሲ ደይሰቲዳ ድርሳ ኦርግያ ሞሳ፣ እርሹ ገልቤና እት ኮሞፑዋን እት ሌኦ ኡክላ አኪደ፣ ሀ ናዝራውያ ኩሸያን ዋላ።

20 ቄሲ ኡንቱንታ ቃልያ ያርሹዋ ኦሊደ፣ መድና ጎዳ ሰንሳን ቃላ። ያቶጥ ሄዋንቱ ወጸኪዳ እንሰሉዋናን ያርሹዳ ገድያና ጌሻን ቄሰናሳ። ሄዋጥ ጉይያን፣ መድና ጎዳዉ ባረና ዲማዬዳ ናዝራዌ ዋይንያ ኤሳ ኡሻና ጎጥ ኡሾ።



21 “ ሳሞ ጸሳው ባረና ዲማያናው ገፄዳ ናዝራውያው ዋጶ ዋጋይ ሀዋ፡ ባረና መጅና ጎዳው ያርሻናው ኮሽያ ያርሹቱዋፕ እጅያዋ እማናው ገፄዳዋ ግደፕ፡ እ ባረ ገፄዳ ገፋ ኬና ጋሳናው ኮሽያ ያጋ” ያጌዳ።

**ቁሳቱ እንጅና እንጅዋ**

22 መጅና ጎዳይ ሙሳ ሀዋዳን ያጌዳ፤

23 “እሮናውን እ አቱማ ናናቶ ሀዋ ኦዳ፤ ላሰራኤልያ አሳ ህንተ ሀዋዳን ያጌደ እንጅተ፡-

24 “መጅና ጎዳይ ህንተና እንጅን ህንተና ናን፤

25 መጅና ጎዳይ ህንተንቶ ባረ ሰሞኤዋ ፖእሶን ህንተንቶ ቃረቶ፤

26 መጅና ጎዳይ ህንተና ባረ ኬካ አይፍያን ጸሎን ህንተንቶ ሳርተላ እሞ”

ያጌደ እንጅተ” ያጋ።

27 “ሀዋዳን ኤንቱንቱ እሰራኤልያ አሳ ቦላ ታ ሱንላ ዋሳና፡ ታን ኤንቱንታ እንጅና” ያጌዳ።

# 7

**ካፖቱ እሄዳ እሞታ**

1 ሙሴ ጸሳ ዲንካንያ ቶሊደ ማኬዳ ዋደ፡ ሄ ዲንካንያን እ ሚሻ ኡባ ኦኪደ ጌሼዳ፤ ቃይ ያርሽያ ሳን እ ሚሻ ኡባካ ኦኪደ ጌሼዳ።

2 ሄዋፕ ጉይያን፡ እሰራኤልያ አሳ ካለፌዳዋንቱ፡ ሄዋንቱን ዛራቱዋ ገይዴዳ ሶ አሳ ካፖቱ እሞታ እሄድና።

3 መጅና ጎዳው እሞታ ሺሴድና፤ ሄዋንቱካ ካመቱዳ ኡሱፑን ጋረቱዋ፡ ታማን ላኤ ቦራቱዋ፡ ካፑዋን ካፑዋን እት እት ቦራን ላኤ ላኤ ካፖቱ እት እት ጋርያ ጸሳ ዲንካንያ እሄድና።

4 መጅና ጎዳይ ሙሳ ሀዋዳን ያጌዳ፤

5 “ጸሳ ዲንካንያ ኦሶ ጎሳና ማላ፡ ኔን ሄዋንታ ኤንቱንቱ፤ አካደ፡ ሌዋቶ ኤንቱንቱ ኦሶ ኦሶ ኮሽያዋዳን ሻካደ እማ” ያጌዳ።

6 ሙሴ ጋረቱዋን ቦራቱዋ አኪደ፡ ሌዋቶ እሚዳ።

7 ገርሾና ያራቶ ኤንቱንቱ ኦሶ ኮሽያዋዳን ሻኪደ፡ ላኤ ጋረቱዋን ኦይዳ ቦራቱዋ እሚዳ።

8 ቃይ ማራራ ያራቶ ኤንቱንቱ ኦሶ ኮሽያዋዳን ሻኪደ፡ ኦይዳ ጋረቱዋን ሆሰፑን ቦራቱዋ እሚዳ። ኤንቱንቱ ኡባይካ ቁሰያ አሮና ናኣ እታማራ አዋተላ ጋርሳና።

9 ሽን ሙሴ ቃሃታ ያራቶ ሄዋፕ እያን እሞቤና፤ እያው ጎፕ፡ ኤንቱንቱ አዋተላን ደእያ ጌሻ ሚሻቱ ባረንቱ ሀሽያን ቶካናው ኮሽያዋንታ ግድያ ድራሳ።

10 ያርሽያ ሳ ሙሴ ኦኪደ ጌሼዳ ጋሳሳን፡ ካፖቱ ያርሽያ ሳኣ እንጅሳናው ባረንቱ እሙዋ አኪደ፡ ሄ ያርሹዋ ሳኣ ሰንላ እሄድና።

11 መጅና ጎዳይ ሙሳ ካሰ፡ “እት እት ጋላሰ እት ካፑ ያርሽያ ሳኣ እንጅናው ባረ እሙዋ ጸሳው እሞ” ያግ ዋሌዳ።

12 ኮይሮ ጋላሰ ባረ እሙዋ እሄዳዊ ይሁዳ ዛርያፕ አምናዳባ ናኣ ናኣሶና።

13 ናኣሶን እሄዳ እሙ ኤረቲዳ ሚዛናን ዋሳና፡ እት ኪሎ ግራመን ባጋ ዴጽያ ብራፕ መጴዳ እት ከርያን ሆሰፑን ጸቱ ግራመ ዴጽያ ብራፕ መጴዳ እት ኩይጻፍዋ፡ ላኤካ ካላ ያርሹዋ ያርሻናው ሊቆ ጳሊ ዛይትያን ሙናቁዳዊ ኩሚዳዋንታ፤

14 ቃይ እት ጴታን ታሙ ግራመ ዴጽያ ዋርቃፕ መጴዳ፡ እጻናይ ኩሚዳ ሻታ፤

15 ጸግያ ያርሹ፡ እት ኮሩማ፡ እት ድርሳ ኦርግያን እት ላይላይ ኩሚዳ አቱማ ድርሳ፤

16 ናጋራ ያርሹ እት ዳሻ እርግያ፤

17 እትፕተላ ያርሹ ላኤ ኮሩማቱዋ፡ እቼሹ ድርሳ ኦርገቱዋ፡ እቼሹ ጋኬዳ ዳሻ ኦርገቱዋን እት ላይላይ ኩሚዳ እቼሹ አቱማ ድርሳቱዋ፡ አምናዳባ ናኣይ ናኣሶን እሄዳ እሙ ሀዋ።

18 ላኤንላ ጋላሰ ይሳከራ ዛራቱ ካፑ፡ ጸኣራ ናኣይ ናጋንኤል ባረ እሙዋ እሄዳ።

19 ናጋንኤል እሄዳ እሙ ኤረቲዳ ሚዛናን ዋሳና፡ እት ኪሎ ግራመን ባጋ ዴጽያ ብራፕ መጴዳ እት ከርያን ሆሰፑን ጸቱ ግራመ ዴጽያ ብራፕ መጴዳ እት ኩይጻፍዋ፡ ላኤካ ካላ ያርሹዋ ያርሻናው ሊቆ ጳሊ ዛይትያን ሙናቁዳዊ ኩሚዳዋንታ፤

20 ቃይ እት ጴታን ታሙ ግራመ ዴጽያ ዋርቃፕ መጴዳ፡ እጻናይ ኩሚዳ ሻታ፤

21 ጸግያ ያርሹ እት ኮሩማ፡ እት ድርሳ ኦርግያን እት ላይላይ ኩሚዳ አቱማ ድርሳ፤

22 ናጋራ ያርሹ እት ዳሻ እርግያ፤

23 እትፕተላ ያርሹ ላኤ ኮሩማቱዋ፡ እቼሹ ድርሳ ኦርገቱዋ፡ እቼሹ ጋኬዳ ዳሻ ኦርገቱዋን እት ላይላይ ኩሚዳ እቼሹ አቱማ ድርሳቱዋ። ጸኣራ ናኣይ ናጋንኤል እሄዳ እሙ ሀዋ።

- 24 ሄዘንላ ጋላሰ ዛብሎና ዛራቱ ካቸ፡ ሄሎና ናአይ ኤልኣብ ባረ እሙቀ እሄዳ።
- 25 ኤልኣብ እሄዳ እሙ ኤረቲዳ ሚዛናን ዎሰና፡ እት ኪሎ ግራሙን ባጋ ዴጽያ ብራፕ መዴዳ እት ከርያን ሆሰቸን ጴቲ ግራሙ ዴጽያ ብራፕ መዴዳ እት ኩይጻሩቀ፡ ላኡካ ካላ ያርሹቀ ያርሻናሙ ሊቆ ጂሊ ዛይትያን ሙናቁዳዌ ኩሚዳቀን፤
- 26 ቃይ እት ጴታን ታሙ ግራሙ ዴጽያ ዎርቃፕ መዴዳ፡ እጻናይ ኩሚዳ ሻፓ፤
- 27 ጸግያ ያርሹ እት ኮሩማ፡ እት ድርሳ ኦርግያን እት ላይላይ ኩሚዳ እቲማ ድርሳ፤
- 28 ናጋራ ያርሹ እት ዴሻ ኦርግያ፤
- 29 እትተላ ያርሹ ላኡ ኮሩማቲቀ፡ እቼሹ ድርሳ ኦርገቲቀ፡ እቼሹ ጋኪዳ ዴሻ ኦርገቲቀን እት ላይላይ ኩሚዳ እቲማ ኦርሳቲቀ። ሄሎና ናአይ ኤልኣብ እሄዳ እሙ ሀቀ።
- 30 ኦይደንላ ጋላሰ ርቤላ ዛራቱ ካቸ ሻደኡራ ናአይ ኤሊጶር ባረ እሙቀ እሄዳ።
- 31 ኤሊጶር እሄዳ እሙ ኤረቲዳ ሚዛናን ዎሰና፡ እት ኪሎ ግራሙን ባጋ ዴጽያ ብራፕ መዴዳ እት ከርያን ሆሰቸን ጴቲ ግራሙ ዴጽያ ብራፕ መዴዳ እት ኩይጻሩቀ፡ ላኡካ ካላ ያርሹቀ ያርሻናሙ ሊቆ ጂሊ ዛይትያን ሙናቁዳዌ ኩሚዳቀን፤
- 32 ቃይ እት ጴታን ታሙ ግራሙ ዴጽያ ዎርቃፕ መዴዳ፡ እጻናይ ኩሚዳ ሻፓ፤
- 33 ጸግያ ያርሹ እት ኮሩማ፡ እት ድርሳ ኦርግያን እት ላይላይ ኩሚዳ እቲማ ድርሳ፤
- 34 ናጋራ ያርሹ እት ዴሻ ኦርግያ፤
- 35 እትተላ ያርሹ ላኡ ኮሩማቲቀ፡ እቼሹ ድርሳ ኦርገቲቀ፡ እቼሹ ጋኪዳ ዴሻ ኦርገቲቀን እት ላይላይ ኩሚዳ እቲማ ኦርሳቲቀ። ሻደኡራ ናአይ ኤሊጶር እሄዳ እሙ ሀቀ።
- 36 እቼሻንላ ጋላሰ ሰቀ፡ ዛራቱ ካቸ፡ ጸራሻዲያ ናአይ ሻሉምኤል ባረ እሙቀ እሄዳ።
- 37 ሻሉምኤል እሄዳ እሙ ኤረቲዳ ሚዛናን ዎሰና፡ እት ኪሎ ግራሙን ባጋ ዴጽያ ብራፕ መዴዳ እት ከርያን ሆሰቸን ጴቲ ግራሙ ዴጽያ ብራፕ መዴዳ እት ኩይጻሩቀ፡ ላኡካ ካላ ያርሹቀ ያርሻናሙ ሊቆ ጂሊ ዛይትያን ሙናቁዳዌ ኩሚዳቀን፤
- 38 ቃይ እት ጴታን ታሙ ግራሙ ዴጽያ ዎርቃፕ መዴዳ እጻናይ ኩሚዳ ሻፓ፤
- 39 ጸግያ ያርሹ እት ኮሩማ፡ እት ድርሳ ኦርግያን፡ እት ላይላይ ኩሚዳ እቲማ ድርሳ፤
- 40 ናጋራ ያርሹ እት ዴሻ ኦርግያ፤
- 41 እትተላ ያርሹ ላኡ ኮሩማቲቀ፡ እቼሹ ድርሳ ኦርገቲቀ፡ እቼሹ ጋኪዳ ዴሻ ኦርገቲቀን እት ላይላይ ኩሚዳ እቲማ ኦርሳቲቀ። ጸራሻዲያ ናአይ ሻሉምኤል እሄዳ እሙ ሀቀ።
- 42 ኤሱቸንላ ጋላሰ ጋዳ ዛራቱ ካቸ፡ ረኡኤላ ናአይ ኤልያሳፍ ባረ እሙቀ እሄዳ።
- 43 ኤልያሳፍ እሄዳ እሙ ኤረቲዳ ሚዛናን ዎሰና፡ እት ኪሎ ግራሙን ባጋ ዴጽያ ብራፕ መዴዳ እት ከርያን ሆሰቸን ጴቲ ግራሙ ዴጽያ ብራፕ መዴዳ እት ኩይጻሩቀ፡ ላኡካ ካላ ያርሹቀ ያርሻናሙ ሊቆ ጂሊ ዛይትያን ሙናቁዳዌ ኩሚዳቀን፤
- 44 ቃይ እት ጴታን ታሙ ግራሙ ዴጽያ ዎርቃፕ መዴዳ እጻናይ ኩሚዳ ሻፓ፤
- 45 ጸግያ ያርሹ እት ኮሩማ፡ እት ድርሳ ኦርግያን እት ላይላይ ኩሚዳ እቲማ ድርሳ፤
- 46 ናጋራ ያርሹ እት ዴሻ ኦርግያ፤
- 47 እትተላ ያርሹ ላኡ ኮሩማቲቀ፡ እቼሹ ድርሳ ኦርገቲቀ፡ እቼሹ ጋኪዳ ዴሻ ኦርገቲቀን እት ላይላይ ኩሚዳ እቲማ ኦርሳቲቀ። ረኡኤላ ናአይ ኤልያሳፍ እሄዳ እሙ ሀቀ።
- 48 ላቸንላ ጋላሰ ኤፍራሚ ዛራቲቀ ካቸ እምሁዳ ናአይ ኤልሻማኦ ባረ እሙቀ እሄዳ።
- 49 ኤልሻማኦ እሄዳ እሙ ኤረቲዳ ሚዛናን ዎሰና፡ እት ኪሎ ግራሙን ባጋ ዴጽያ ብራፕ መዴዳ እት ከርያን ሆሰቸን ጴቲ ግራሙ ዴጽያ ብራፕ መዴዳ እት ኩይጻሩቀ፡ ላኡካ ካላ ያርሹቀ ያርሻናሙ ሊቆ ጂሊ ዛይትያን ሙናቁዳዌ ኩሚዳቀን፤
- 50 ቃይ እት ጴታን ታሙ ግራሙ ዴጽያ ዎርቃፕ መዴዳ እጻናይ ኩሚዳ ሻፓ፤
- 51 ጸግያ ያርሹ እት ኮሩማ፡ እት ድርሳ ኦርግያን፡ እት ላይላይ ኩሚዳ እቲማ ድርሳ፤
- 52 ናጋራ ያርሹ እት ዴሻ ኦርግያ፤
- 53 እትተላ ያርሹ ላኡ ኮሩማቲቀ፡ እቼሹ ድርሳ ኦርገቲቀ፡ እቼሹ ጋኪዳ ዴሻ ኦርገቲቀን እት ላይላይ ኩሚዳ እቲማ ኦርሳቲቀ። እምሁዳ ናኣ ኤልሻማኦ እሙ ሀቀ።
- 54 ሆሰቸንላ ጋላሰ ሞናሰ ዛራቲ ካቸ ፓዳጶራ ናአይ ጋማልኤል ባረ እሙቀ እሄዳ።
- 55 ጋማልኤል እሄዳ እሙ ኤረቲዳ ሚዛናን ዎሰና፡ እት ኪሎ ግራሙን ባጋ ዴጽያ ብራፕ መዴዳ እት ከርያን ሆሰቸን ጴቲ ግራሙ ዴጽያ ብራፕ መዴዳ እት ኩይጻሩቀ፡ ላኡካ ካላ ያርሹቀ ያርሻናሙ ሊቆ ጂሊ ዛይትያን ሙናቁዳዌ ኩሚዳቀን፤
- 56 ቃይ እት ጴታን ታሙ ግራሙ ዴጽያ ዎርቃፕ መዴዳ እጻናይ ኩሚዳ ሻፓ፤
- 57 ጸግያ ያርሹ እት ኮሩማ፡ እት ድርሳ ኦርግያን፡ እት ላይላይ ኩሚዳ እቲማ ድርሳ፤
- 58 ናጋራ ያርሹ እት ዴሻ ኦርግያ፤
- 59 እትተላ ያርሹ ላኡ ኮሩማቲቀ፡ እቼሹ ድርሳ ኦርገቲቀ፡ እቼሹ ጋኪዳ ዴሻ ኦርገቲቀን እት ላይላይ ኩሚዳ እቲማ ኦርሳቲቀ። ፓዳጶራ ናአይ ጋማልኤል እሄዳ እሙ ሀቀ።
- 60 ኤዲቸንላ ጋላሰ ቢንያማ ዛራቲ ካቸ ጊድኦና ናአይ ኡብዳን ባረ እሙቀ እሄዳ።

61 እብዳን አሄዳ እሙ ኤረቴዳ ሚዛናን ዋሰና፤ እት ኪሎ ግራሙን ባጋ ዴጽያ ብራጥ መጴዳ እት ከርያን ሆሰፑን ጹቱ ግራሙ ዴጽያ ብራጥ መጴዳ እት ኩይጸሩዋ፤ ላኡካ ካላ ያርሹዋ ያርሻናዉ ሊቆ ጳሊ፤ ዛይትያን ሙናቄዳዊ ኩሚዳዋንታ፤

62 ቃይ እት ጴታነ ታሙ ግራሙ ዴጽያ ዋርቃጥ መጴዳ፤ እጻናይ ኩሚዳ ሻታ፤

63 ጹግያ ያርሹ እት ኩሩማ እት ድርሳ ኦርግያን፤ እት ላይላይ ኩሚዳ አቱማ ድርሳ፤

64 ናጋራ ያርሹ እት ዴሻ ኦርግያ፤

65 እትጥተላ ያርሹ ላኡ ኩሩማቱዋ፤ እቼሹ ድርሳ ኦርገቱዋ፤ እቼሹ ጋኬዳ ዴሻ ኦርገቱዋን፤ እት ላይላይ ኩሚዳ እቼሹ አቱማ ድርሳቱዋ። ጊድኦና ናአይ እብዳን አሄዳ እሙ ሀዋ።

66 ታማን ጋላ ጋላሰ ዳና ዛራቱ ካፑ እምሻዳያ ናአይ እህኤዘር ባረ እሙዋ አሄዳ።

67 እህኤዘር አሄዳ እሙ ኤረቴዳ ሚዛናን ዋሰና፤ እት ኪሎ ግራሙን ባጋ ዴጽያ ብራጥ መጴዳ እት ከርያን ሆሰፑን ጹቱ ግራሙ ዴጽያ ብራጥ መጴዳ እት ኩይጸሩዋ፤ ላኡካ ካላ ያርሹዋ ያርሻናዉ ሊቆ ጳሊ፤ ዛይትያን ሙናቄዳዊ ኩሚዳዋንታ፤

68 ቃይ እት ጴታነ ታሙ ግራሙ ዴጽያ ዋርቃጥ መጴዳ፤ እጻናይ ኩሚዳ ሻታ።

69 ጹግያ ያርሹ እት ኩሩማ፤ እት ድርሳ ኦርግያን፤ እት ላይላይ ኩሚዳ አቱማ ድርሳ፤

70 ናጋራ ያርሹ እት ዴሻ ኦርግያ፤

71 እትጥተላ ያርሹ ላኡ ኩሩማቱዋ፤ እቼሹ ድርሳ ኦርገቱዋ፤ እቼሹ ጋኬዳ ዴሻ ኦርገቱዋን እት ላይላይ ኩሚዳ እቼሹ አቱማ ድርሳቱዋ። እምሻዳያ ናአይ እህኤዘር አሄዳ እሙ ሀዋ።

72 ታማን እተንላ ጋላሰ እሱራ ዛራቱ ካፑ ኦክራና ናአይ ፓግኤል ባረ ያርሹዋ አሄዳ።

73 ፓግኤል አሄዳ እሙ ኤረቴዳ ሚዛናን ዋሰና፤ እት ኪሎ ግራሙን ባጋ ዴጽያ ብራጥ መጴዳ እት ከርያን ሆሰፑን ጹቱ ግራሙ ዴጽያ ብራጥ መጴዳ እት ኩይጸሩዋ፤ ላኡካ ካላ ያርሹዋ ያርሻናዉ ሊቆ ጳሊ፤ ዛይትያን ሙናቄዳዊ ኩሚዳዋንታ፤

74 ቃይ እት ጴታነ ታሙ ግራሙ ዴጽያ ዋርቃጥ መጴዳ ሻታ፤ እጻናይ ኩሚዳዋ፤

75 ጹግያ ያርሹ እት ኩሩማ፤ እት ድርሳ ኦርግያን እት ላይላይ ኩሚዳ አቱማ ድርሳ፤

76 ናጋራ ያርሹ እት ዴሻ ኦርግያ፤

77 እትጥተላ ያርሹ ላኡ ኩሩማቱዋ፤ እቼሹ ድርሳ ኦርገቱዋ፤ እቼሹ ጋኬዳ ዴሻ ኦርገቱዋን እት ላይላይ ኩሚዳ እቼሹ አቱማ ድርሳቱዋ። ኦክራና ናአይ ፓግኤል አሄዳ እሙ ሀዋ።

78 ታማን ላኡካ ጋላሰ ጎፍታላማ ዛራቱ ካፑ ኤናና ናአይ እህራእ ባረ እሙዋ አሄዳ።

79 እህራእ አሄዳ እሙ ኤረቴዳ ሚዛናን ዋሰና፤ እት ኪሎ ግራሙን ባጋ ዴጽያ ብራጥ መጴዳ እት ከርያን ሆሰፑን ጹቱ ግራሙ ዴጽያ ብራጥ መጴዳ እት ኩይጸሩዋ፤ ላኡካ ካላ ያርሹዋ ያርሻናዉ ሊቆ ጳሊ፤ ዛይትያን ሙናቄዳዊ ኩሚዳዋንታ፤

80 ቃይ እት ጴታነ ታሙ ግራሙ ዴጽያ ዋርቃጥ መጴዳ እት ሻታ፤ እጻናይ ኩሚዳዋ፤

81 ጹግያ ያርሹ እት ኩሩማ፤ እት ድርሳ ኦርግያን እት ላይላይ ኩሚዳ አቱማ ድርሳ፤

82 ናጋራ ያርሹ እት ዴሻ ኦርግያ፤

83 እትጥተላ ያርሹ ላኡ ኩሩማቱዋ፤ እቼሹ ድርሳ ኦርገቱዋ፤ እቼሹ ጋኬዳ ዴሻ ኦርገቱዋን እት ላይላይ ኩሚዳ እቼሹ አቱማ ድርሳቱዋ። ኤናና ናአይ እህራእ አሄዳ እሙ ሀዋ።

84 ያርሽያ ሳአይ ኦክቴዳ ዋድ፤ እሱራኤላቱዋ ካፓቱ ያርሽያ ሳአ እንጀናዉ አሄዳ እምታይ ኡባና ሀዋንታ። ብራጥ መጴዳ ታማን ላኡ ከረቴዋ፤ ብራጥ መጴዳ ታማን ላኡ ኩይጸሩቱዋን ዋርቃጥ መጴዳ ታማን ላኡ ሻተቱዋ፤

85 ብራጥ መጴዳ እት እት ከሪ እት ኪሎ ግራሙን ባጋ ዴጾ፤ ብራጥ መጴዳ እት እት ኩይጸሩ ሆሰፑን ጹቱ ግራሙ ዴጾ፤ ብራጥ መጴዳ ከርያን ኩይጸሩ ኤረቴዳ ሚዛናን ዋሰና፤ ኡባና ላታማን ሆሰፑን ኪሎ ግራሙ ኬና ዴጸኖ።

86 ታማን ላኡ ዋርቃ ሻታቱ ኤረቴዳ ሚዛናን ዋሰና እቱ እቱ እት ጴታነ ታሙ ግራሙ፤ ኡባና እት ክሎን ሄዙ ጹቱ ግራሙ ዴጸኖ። ኡንቱንቱን እጻናይ ኩሞ ኡቴዳ።

87 ካላ ያርሹዋና እትጥተላ ያርሹ አሄዳ ኡባና ታማን ላኡ ኩሩማቱዋ፤ ታማን ላኡ ድርሳ ኦርገቱዋን እት ላይላይ ኩሚዳ ታማን ላኡ አቱማ ድርሳቱዋ። ኡንቱንቱ ናጋራ ያርሹ አሄዳ ዴሻ ኦርገቱ ኡባና ታማን ላኡ።

88 ኡንቱንቱ እትጥተላ ያርሹ አሄዳ መሃ ኡባና ላታማን ኦይዱ ኩሩማቱዋ፤ ኡሱፑን ታሙ ድርሳ ኦርገቱዋ፤ ኡሱፑን ታሙ ጋኬዳ ዴሻ ኦርገቱዋን እት ላይላይ ኩሚዳ ኡሱፑን ታሙ አቱማ ድርሳቱዋ። ያርሽያ ሳአይ ኦክቴዳዋጥ ጉይያን፤ እንጅ አሄዳ እምታይ ሀዋንታ።

89 ሙሴ መጵና ጎዳና ሃሳዳዉ ጸሳ ዴንካንያ ገልያ ዋድ፤ ማርካተላ ታቦታ ቦላን ደእያ አቶ ግያ ሳአ ቁምኡዋ ቦላን፤ ላኡ ክሩብቱዋጥ ግዲዋና መጵና ጎዳይ ሃሳይያ ኮሻ ሰሴዳ፤ እካ አናና ሃሳዬዳ።

# 8

## ጸምጥቴቀ ኡትሰሱቀ

1 መድና ጎዳይ ሙሳ፡

2 “ኔን አርናወ ሀዋዳን ያገደ ኦዳ፤ ኔን ላፕን ጸምጥቴቀ ዋልያ ዋደ ጸምጥቴ ጸምጥያ ዋልያ ባላቴቀጥ ሰንላ ባገና ደእያ ሄራቴቀ ፖኢኖ ያጋ” ያጌዳ።

3 እ ጌዳዋዳን አርን ኦልዳ። መድና ጎዳይ ሙሳ አዛዜዳዋዳን፡ አርን ጸምጥቴቀ ዋልያ ባላቴቀጥ ሰንላ ባገና ደእያ ሄራቴቀ ፖኢኖዳን ኦልዳ፡ ባላቴቀን ዋልዳ።

4 ጸምጥያ ዋልያዌ ጋርሳ ገድያጥ ቦላ ጨሻና አሌቀቴዳ ባላቴቀ ጼራ ጋካናወ ቆጵቴዳ ዋርቃጥ መጠቴዳ። ጸምጥያ ዋልያ ባላይ መድና ጎዳይ ሙሳ በሴዳ ለምሱቀዳን ኦሰቴዳ።

## ለዋቴ ጸሳወ ዲማቴድኖ

5 ቃይ መድና ጎዳይ ሙሳ፡

6 “ሀራ እሰራኤልያ አሳ ግዲቀጥ ለዋቴቀ አካደ፡ ኡንቴንጎ ዋጋዳን ጌሻ።

7 ኔን ኡንቴንጎ ጌሻናወ ሀዋዳን ኦላ፡ ጌሽያ ሃላ አካደ ኡንቴንጎ ፑሻካ፤ ኡንቴንጎ ባረንጉ ቦላ ኡባ ሜደትኖ፤ ባረንጉ ማዩቀካ ሜጫኖ፤ ያቴደ ኡንቴንጎ ዋጋዳን ጌሻ ግዳና።

8 ሄዋጥ ጉይያን፡ ኡንቴንጎ ጉሩማ አቴቀን ሊቆ ጲልያ ዛይትያን ሙናቄዳዋ ካላ ያርሾ አክኖ፤ ኔን ቃይ ላኡንላ ጉሩማ ናጋራ ያርሾ አካ።

9 ያጎደ ለዋቴቀ ጸሳ ዲንካንያ ሰንላ ኦያ፤ እሰራኤልያ አሳ ማባራ ኡባ ሺሻ።

10 ኔን ለዋቴቀ መድና ጎዳ ሰንላ፡ አህና እሰራኤልያ አሳይ ኡንቴንጎ ቦላ ባረንጉ ኩሽያ ዋልኖ።

11 ለዋቴ መድና ጎዳ ኡሱቀ ኦላናወ ገጋና ማላ፡ አርን እሰራኤልያ አሳጥ ለዋቴቀ ቃልያ ያርሹቀ ኦልዳ፡ መድና ጎዳ ሰንላ ሺሻ።

12 “ለዋቴ ባረንጎ ኩሽያ ጉሩማቴ ሀጺያን ዋልኖ፤ አቴቀ ናጋራ ያርሹቀ ኦላደ፡ አቴቀ ቃይ ለዋቴ አቶ ጌተጎና ማላ፡ ጸግያ ያርሹቀ ኦላደ መድና ጎዳወ ያርሻ።

13 ለዋቴቀ አርናን አ አቴማ ናናቴ አዋተላ ጋርሳን ዋላ፤ ያጎደ ኡንቴንጎ ቃልያ ያርሹቀ ኦላደ፡ መድና ጎዳ ሰንላ ሺሻ።

14 ሄዋዳን ኦላደ ለዋቴቀ ሀራ እሰራኤልያ አሳጥ ዲማያ፤ ዲማዮጥ ለዋቴ ታዋ ግዳና።

15 “ኔን ለዋቴቀ ጌሹዳዋጥን ቃልያ ያርሹቀ ኦላደ ሺሹዳዋጥ ጉይያን፡ ጸሳ ዲንካንያን ባረንጎ ኡሱቀ ኦላናወ ዪኖ።

16 እሰራኤልያ አሳ ግዲቀጥ ኡንቴንጎ ታወ ኡባና እመቴድኖ፤ እሰራኤልያ ማጫ አሳጥ የላቴዳ ባይራ አቴማዋንጎ ኡባ ድራወ ታን ለዋቴቀ ታወ አካድ።

17 እሰራኤልያ አሳ ግዲቀን ባይራ የላቴዳዌ አሳ ግድና፡ መሀያ ግድናካ ኡባይ ታዋ። ታን ግብጼ ጋድያን ባይራ ኡባ ዋዴዳ ጋላሳን፡ ኡንቴንጎ ታወ ዲማያድ።

18 እሰራኤልያ ባይራ አቴማዋንጎ ኡባ ድራወ ታን ለዋቴቀ አካድ።

19 እሰራኤልያ አሳ ኡባ ግዲቀጥ ታን ለዋቴቀ አርናወን አርና አቴማ ናናወ እመቀ ኦላደ እማድ። እሰራኤልያ አሳይ ጋከትያ ዲንካንያ ሺቅያ ዋደ፡ ቦሻይ ኡንቴንጎ ቦቼና ማላ፡ ለዋቴ እሰራኤልያ አሳ ግሻ ጋከትያ ዲንካንያን ባረንጎ ኡሱቀ ኦልኖ፤ ኡንቴንጎ ድራወ አቶ ጌተትኖ” ያጌዳ።

20 መድና ጎዳይ ሙሳ ለዋቴቀ ዲማያናወ አዛዜዳዋዳን ሙሴ፡ አርን እሰራኤልያ አሳ ማባራይ ኡባይ ኦልድኖ።

21 ለዋቴ ባረና ጌሹድኖ፤ ባረንጎ ማዩቀካ ሜጫድኖ። አርን ኡንቴንጎ ቃልያ ያርሹቀ ኦልዳ፡ መድና ጎዳ ሰንላ ሺሻዳ፤ ኡንቴንጎ ጌሻናወ ኡንቴንጎ አቶ ጌሴዳ።

22 ሄዋጥ ጉይያን፡ ለዋቴ አርናን አርና አቴማ ናናቴ አዋተላ ጋርሳን፡ ጋከትያ ዲንካንያ ግደን ባረንጎ ኡሱቀ ኦላናወ ዪኖና። መድና ጎዳይ ሙሳ ለዋቴቀ ዲማያናወ አዛዜዳዋዳን ኡንቴንጎ ኦልድኖ።

23 ቃይካ መድና ጎዳይ ሙሳ ሀዋዳን ያጌዳ፤

24 “ሀዌ ለዋቴቀ ጸልያ ዋጋ፡ ላይላይ ላታማን እቼሻን ሄዋጥ ቦላና ደእያ አቴማዋንጎ ኡሱቀ ኦላናወ ጋከትያ ዲንካንያ ዪኖ።

25 ሸን ኡንቴንጎ ላይላይ እሻታመቀ ግድያ ዋደ ኡንቴንጎ ባረንጎ ኡሱቀጥ ጸራታ ከሰኖ፤ ሰሚደ ላኡንላ ኦላፕኖ።

26 ኡንቴንጎ ጋከትያ ዲንካንያን ኦልያ ባረንጎ እሻቴቀ ኦላ ማዳና ጎጥ ማድኖጥ አትና፡ ኡንቴንጎ ባረካ አይ ኦሶን ኦላፕኖ። ሰም ኔን ለዋቴቀ ኡሱቀ ሀዋዳን ኦሰሳሳ” ያጌዳ።

# 9

## ላኤንላ ፓሰጋ (9:1-23)

- 1 እስራኤልያ አሳይ ግብጻፕ ከሴዳ ላኤንላ ላይላን ኮይሮ አገናን ሲና መላ ቢታን መድና ጎዳይ ሙሴው ሀዋዳን ያጊደ ሃሳዬዳ፤
- 2 “እስራኤልያ አሳይ ፓሰጋ ባላ ኬራዳ ጋላሳን ቦንቾ።
- 3 ሀ አገናን ታማነ ኦይደንላ ጋላሳን፣ ኦ ኬራዳ ዋደ፣ አዋይ ወላና ሀንያ ዋደ፣ ኦ ዋጋ ኡባዳንን ኦ አዛዞ ኡባዳን ቦንቾ” ያጊደ።
- 4 ሙሴ እስራኤልያ አሳይ ፓሰጋ ባላ ቦንቾና ማላ፣ ኡንቱንቶ ኦዳዳ።
- 5 ኮይሮ አገናን ታማነ ኦይደንላ ጋላሳ፣ አዋይ ወላና ሀንያ ዋደ ሲና መላ ቢታን ኡንቱንቱ ፓሰጋ ባላ ቦንቾድና። እስራኤልያ አሳይ መድና ጎዳይ ሙሳ አዛዞዳዋዳን ኡባባ ኦሌዳ።
- 6 ሽን ኡንቱንቱፕ አማራዳዋንቱ ሀይቁዳ አሳ አሃ ቦቹደ ቱኔዳ ድራው፣ ሄ ጋላሰ ፓሰጋ ባላ ቦንቾናው ዳንዳይበይክና። ሄዋ ድራው፣ ኡንቱንቱ ሙሴኮነ አርናኮ ሄ ጋላሰ ዪደ።
- 7 ሙሳ፣ “ኡን ሀይቁዳ አሳ አሃ ቦቹዳ ድራው ቱኔዳ፤ ሽን ኬራዳ ዋድያን ሀራ እስራኤልያ አሳና መድና ጎዳው ያርሹዋ ሺሸዋዋ ኑን አያው ድገቱቶ?” ያጊድና።
- 8 ሙሴ ኡንቱንታ፣ “መድና ጎዳይ ህንተዋ ታው አዛዞያዋ ታን ሰሳና ጋካናው ህንተ ታክሸተ” ያጊዳ።
- 9 ሄዋፕ ጉይያን መድና ጎዳይ ሙሳ፣
- 10 “ኡን እስራኤልያ አሳ ሀዋዳን ያጋ፤ ህንተፕ ዋይ ህንተ ዛራቱዋፕ ኦንነ አሃ ቦቹደ ቱናፕ፣ ዋይ ማንዳራዳዋ ግደፕ፣ ኦ መድና ጎዳው ፓሰጋ ባላ ቦንቾ፤
- 11 ላኤንላ አገናን ታማነ ኦይደንላ ጋላሰ አዋይ ወላና ሀንያ ዋደ ፓሰጋ ባላ ቦንቾ። ፓሰጋ ደርሳ አርሹ ገልቤና ኡክላናን ጫዋ ቦንጭያና ሞ።
- 12 ሳአይ ዋንታናው ሄ ደርሳፕ ኦንነ አሸፕ፤ ቃይ ኦ መቀሳፕካ ኦቱዋን መንላፕ። ፓሰጋ ባላው ኦ ዋጋ ኡባ ኦላ።
- 13 ሽን ማንዳርቤና ጌሻ አሳይ ፓሰጋ ቦንቾናን አጸፕ፣ ሄዋፕ ሰንላው ኦ ታ አሳ ግደፕ ቦሄቶ። አያው ጎፕ፣ መድና ጎዳ ያርሹዋ ኬራዳ ዋድያን ኦ ሺሸቤና። ሄ አሳይ ባረ ናጋራይ አሄዳ መቱዋ ኦካናው በሰ።
- 14 “ ህንተ ግዳዋን ደአያ በተ አሳይ ፓሰጋ ባላ መድና ጎዳው ቦንቾና ኮኖፕ፣ ፓሰጋ ዋጋዳን ቦንቾ። በትያውካ ጋይ አሳውካ ኦት ማላ ዋጋይ ደኡ ያጋ” ያጊዳ።

## ታማዳን ፖኤዳ ሻርያ (ከሳ 40:34-38)

- 15 ዲንካኒ ቶለቲዳ ጋላሰ ሻሪ ማርካተላ ዲንካንያ ማዬዳ፤ ኦማርሳፕ ደሚደ፣ ዋንታና ጋካናው ዲንካንያፕ ቦላና ደአያ ሻሪ ታማ ማላቱ።
- 16 ሄዋዳን ኡባ ዋደ ጋላሰ ጋላሰ ሻሪ ማዬ፤ ቃማ ቃማ ሄ ሻሪ ታማዳን ፖኤ።
- 17 ሄ ሻሪ ዲንካንያ ቦላፕ ደንድያ ዋደ አውደነ እስራኤላቱ ባረንቱ ዲንካኔዳ ሳአፕ ደንዲና፤ ቃይ ሄ ሻሪ ዋድያ አይ ሳአንነ እስራኤላቱ ዲንካኒና።
- 18 እስራኤላቱ መድና ጎዳ አዛዞዋን ደንድና፤ ሄዋዳንካ፣ መድና ጎዳ አዛዞዋን ዲንካኒና። ሻሪ ዲንካንያ ቦላን ጋምኦያ ዋደ ኡባን ባረንቱ ዲንካኔዳሳን ጋምኦና።
- 19 ሻሪ ዲንካንያ ቦላን ዳር ጋላሳ ጋምኦፕ፣ እስራኤላቱ መድና ጎዳ አዛዞዋ ናጊናፕ ኦትና፣ ሀቃን ቢክና።
- 20 ኦት ኦት ገደ ሻሪ ዲንካንያ ቦላን ኦማራዳ ጋላሳ ጋምኤ። መድና ጎዳ አዛዞዋን ኡንቱንቱ ዲንካኒና፤ ቃይ ሄዋዳንካ፣ ዳሳ አዛዞዋን ኡንቱንቱ ደንድና።
- 21 ኦት ኦት ገደ ሻሪ ኦማርሳፕ ዋንታና ጋካናው ጸላላ ጋምኤ፤ ዋንታና ሻሪ ደንድያ ዋደ ኡንቱንቱካ ደንድና። ጋላሳ ግድና፣ ቃማ ግድና፣ ሻሪ ደንድያ ዋደ ኡንቱንቱካ ደንድና።
- 22 ሻሪ ዲንካንያ ቦላን ላኡ ጋላሳ ጋምኦና፣ ዋይ ኦት አገና፣ ዋይ ኦት ላይላ ጋምኦና፣ እስራኤላቱ ባረንቱ ዲንካኔዳሳን ጋምኦናፕ ኦትና ቢክና። ሽን ሻሪ ደንድያ ዋደ ኡንቱንቱካ ደንድና።
- 23 ኡንቱንቱ መድና ጎዳ አዛዞዋን ዲንካኒና፤ ቃይ መድና ጎዳ አዛዞዋን ደንድና፤ መድና ጎዳይ ሙሴ ባጋና አዛዞዳዋዳን፣ ኡንቱንቱ መድና ጎዳ አዛዞዋ ናጊና።

## ሲና ደርያፕ ሞኢበ ቡሳ

# 10

## (10:1—21:35)

ብራጥ ኦሰቴዳ ጸሩምባቱቀ

- 1 መድና ጎዳይ ሙሳ ሀዋዳን ያጌዳ፤
- 2 “ላኦ ጸሩምባቱቀ ብራጥ ቆጶደ ኦሳ፤ ያታደ አሳ ሺቆ ጴጋናዉኒ ቃይ ዲንካኔዳ ሳፕ ደንዳናዉ ደንግሳናዳን ፑና።
- 3 ሀ ላኦ ጸሩምባቱ ፑንትያ ዋደ፣ አሳይ ኡባይ ጋከትያ ዲንካንያ ፐንጊ ኔኮ ሺቆ።
- 4 ሸን እት ጸሩምባ ጸላላይ ፑንቶ፣ እስራኤልያ ዛራቱቀ ካፓቱ ነ ሰላላ ሺቆና።
- 5 ኔን ጸሩምባ ቆቁ ኦሳደ ፑንያ ዋደ፣ አዋይ ዶልያ ባጋና ዲንካኔዳ ዛራቱ ደንድና።
- 6 ጸሩምባ ላኤንላ ቆቁ ኦሳደ ፑንያ ዋደ፣ ገድሳ ባጋና ዲንካኔዳ ዛራቱ ደንድና። ጸሩምባይ ቆቁ ግ ፑንትያዊ ደንዳናዉ ማላ ግደ።
- 7 ያአዉ አሳ ሺቫናዉ ጸሩምባ ፑና፤ ሸን ኮቫ ቆቁ ኦሳደ ፑና።
- 8 እሮና ናናይ ቆሳቱ ጸሩምባ ፑንና። ሀዋ ነዉኒ ይያ የለታ ኡባዉ መድና ዋጋ ግደ።
- 9 “ሀንተ ጋድያን መቱቀ ደንሐያ ሀንተ ሞርክያና ሀንተ ኦለታናዉ ከሰያ ዋደ፣ ሄ ጸሩምባቱቀ ቆቁ ኦሳደ ፑንተ። ሄዋን መድና ጎዳይ ሀንተ ጸሳይ ሀንተና ሄ ዋደ ሀሳዪደ፣ ሀንተ ሞርክያፕ ሀንተና እቫና።
- 10 ሄዋዳንካ፣ ቃይ ሀንተ ናሽትያ ጋላሰ፣ ባላ ቦንቻናዉ ሀንተ ኬሬዳ ጋላሰኒ አገናይ ጴርያ ባላን፣ ሀንተ ጸግያ ያርሹቀ ያርሸያ ዋደን ሀንተ እትተላ ያርሹቀ ያርሸያ ዋደ ሄ ጸሩምባቱቀ ፑንተ፤ ሄዋ ጸሳ ሰንሳን ሀንተና ሀሳይሰያዋ ግዳና። ታን መድና ጎዳ፣ ሀንተ ጸሳ” ያጌዳ።

እስራኤላቱ ሲናፕ ቤድና

- 11 ላኤንላ ላይላን ላኤንላ አገናን ላታማንላ ጋላሰ፣ ቫሪ ማርካተላ ዲንካንያ ቦላፕ ደንዴዳ።
- 12 ሄዋፕ ጉይያን፣ እስራኤልያ አሳይ ሲና መላ ቢታፕ ደንዴዳ፤ ቫሪ ፓራና ግያ መላ ቢታ ጋኪደ ዋዴዳ።
- 13 ኤንቱንቱ ሀ ኮይሮ ቡሳዉ መድና ጎዳይ ሙሴ ባጋና አዛዜዳዋዳን ደንዴድና።
- 14 ይሁዳ ዛራቱቀና ዲንካኔዳ ባጋይ ባረንቱ አርማ ኦይቁደ ኮይሮ ደንዴድና። ይሁዳ ዛራቱ ካፕ አምናዳባ ናኣ ናአሰና፤
- 15 ይሳኮራ ዛራቱ ካፕ ጸኢራ ናኣ ናታንኤላ፤
- 16 ዛብሎና ዛራቱ ካፕ ሄሎና ናኣ ኤልኣባ።
- 17 ሄዋፕ ጉይያን፣ ዲንካንያ ሾድና፣ ገርሾና ያራቱነ ማራራ ያራቱ ቶኪደ ደንዴድና።
- 18 ካሊደ ሮቤላ ዛራቱቀና ዲንካኔዳ ባጋይ ባረንቱ አርማ ኦይቁደ ደንዴዳ። ሮቤላ ዛራቱ ካፕ ቫደኤራ ናኣ ኤሊጶራ፤
- 19 ሰሞና ዛራቱ ካፕ ጸራሻዳያ ናኣ ሻሉምኤላ፤
- 20 ጋዳ ዛራቱ ካፕ ረኡኤላ ናኣ ኤልያሳ።
- 21 ሄዋፕ ጉይያን፣ ቃሃታ ያራቱ ጌሻ ሚሻቱቀ ቶኪደ ደንዴድና። ኤንቱንቱ ጋካናፕ ካሰቲደ፣ ዲንካኒ ቶለት ኡቲዳ።
- 22 ካሊደ ኤፍሬማ ዛራቱቀና ዲንካኔዳ ባጋይ ባረ አርማ ኦይቁደ ደንዴዳ። ኤፍሬማ ዛራቱ ካፕ አምሁዳ ናኣ ኤልሻማኣ፤
- 23 ሞናሰ ዛራቱ ካፕ ፓዳጶራ ናኣ ጋማልኤላ፤
- 24 ቢንያማ ዛራቱ ካፕ ገድኦና ናኣ አብዳና።
- 25 ዉርሰላን፣ ሀ ጨጉቀ ኡባዉ ጉየ ባጋን ናግያ ዳና ዛራቱቀና ዲንካኔዳ ባጋይ ባረ አርማ ኦይቁደ ደንዴዳ። ዳና ዛራቱ ካፕ አምሻዳያ ናኣ አሀኤዘራ፤
- 26 አሴራ ዛራቱ ካፕ ኦክራና ናኣ ፓግኤላ፤
- 27 ንፍታሌማ ዛራቱ ካፕ ኤናና ናኣ አሀራኦ።
- 28 እስራኤልያ አሳይ ባረ ባጋን ባጋን ደንዴደ ብያ ማራይ ሀዋዳና።
- 29 ሙሴ ሞድያማ አሳ ግድያ ባረ ቦሉቀ ረኡኤላ ናኣ ሆባባ፣ “ኑን መድና ጎዳይ፣ ታን ሀንተንቶ እማና፣ ጌዳ ሳኣ ቢቶ፤ መድና ጎዳይ እስራኤልያዉ ሎኦባ ኦላና ጌዳ ድራዉ፣ ኔን ኑናና ደንዳ። ኑን ነዉ ሎኦባ ኦላና” ያጌዳ።
- 30 ሆባባ፣ “ቱይት፣ ታን ቢከ፤ ታን ቢታ ታ አሳኮ ባና” ያጌዳ።
- 31 ሙሴ ኣ፣ “ሀያና፣ ኑና የጋደ ቦፓርኪ! መላ ቢታን ኑን ዲንካናናዉ በሰያሳ ኔን ኤራሳ፤ ኔን ኑ ብያ ኦግያ ኑና ካለላናዉካ ዳንዳያሳ።
- 32 ኔን ኑናና ቦፐ፣ መድና ጎዳይ ኑዉ እምያ አንጃቀ ኡባ ኑን ኔናና ሻካና” ያጌዳ።
- 33 ያቶና ኤንቱንቱ መድና ጎዳ ደርያፕ ደንዴደ፣ ሄዙ ጋላሳ ኬሻ ኦግያ ቤድና። መድና ጎዳ ጫቀቀ ታንታይ ኤንቱንቱ ሸምፕያ ሳኣ ደማናዉ ሄ ሄዙ ጋላሳን ኤንቱንቱ ሰንሳዉ ቤዳ።
- 34 ኤንቱንቱ ዲንካኔዳ ሳኣፕ ደንድያ ዋደ ኡባን፣ መድና ጎዳ ቫሪ ጋላሰ ጋላሰ ኤንቱንቱፕ ቦላና ደኤ።

35 ታቦታይ ደንድያ ዋደ ኡባን ሙሴ፡ “አቤት መድና ጎዳዉ፡ ደንዳ! ነ ሞርከቱ ላለትኛ፤ ኔና እጽዋንቱካ ነ ሰንገጥ ባቃትኛ” ያጌ።  
 36 ታቦታይ ሸሞጥያ ዋደ ኡባን ሙሴ፡ “አቤት መድና ጎዳዉ፡ ሀ ዳሮ ሻእን ገይደትያ እሰራኤልያ አሳኮ ኔን ሰማ” ያጌ።

# 11

## ጸሓፊ ደጋግታ

1 እሳይ ባረ መቶ መድና ጎዳ ቦላ ዙዙሜዳ፤ ኡንቱንቱ ዙዙሚና ጸሓይ ሰሲደ፡ ሀንቁዋ ኤጽ ከሴዳ። ያትና መድና ጎዳ ታማይ ኡንቱንቱ ግዲዋን ኤጲደ፡ ኡንቱንቱ ዲንካኔዳ ሳእዉ እት እት ገጸ ባገ ሜዳ።

2 ያትና እሳይ ሙሴዉ ዋሰና፡ ሙሴ መድና ጎዳ ዋሴዳ። ታማይ ቶኤዳ።

3 መድና ጎዳ ታማይ ኡንቱንቱ ግዲዋን ኤጲዳ ድራዉ፡ ሄ ሳእይ ታብኤራ \* ኌተት ጸሴቲዳ።

## ሙሴ ላገን ታሙ ካፓቱዋ ደራዳ

4 እሰራኤላቱዋና ደእያ ዲማ ዲማ ጋደ እሳይ ሀራ ቁማ ሎይላ እሞቲዳ። እሰራኤልያ እሳይካ ቃይ ሀዋዳን ያጌደ ዩኩዋ ደሜዳ፤ “ላ ኑን እሹዋ ሀቃጥ ደማኔ?”

5 ኑን ግብጹ ጋድያን ሚሻ ጭገናን ጮ ሞልያ ሀሳዬቶ፤ ቃይ ቃይያ ሞያ ፓራንጅያ ሎክያ፡ ዘልደ ሌኪያ ማላትያ ማልእያ ሃላይ ኩሜዳ ሜሎንያ፡ አዲሳ ፓራንጅያ ሰንቁራትያን ቱሙዋ ሀሳዬቶ።

6 ሸን ሀእ ኑ ቆጴ ጎርደቲዳ፤ ኑ አይፊካ ሀ ማናጥ አትና፡ ሀራባ አይነ በኤና” ያጌድኛ።

7 ማናይ ዳቡዋ አይፍያ ማላቲ፤ አ ማላይ ቦጵያ ሞላ ጮሻ ማላቲ።

8 እሳይ ዩይ ዩይ አ ቆሬ፤ ሞጻን ጋጩ፡ ዋይ ኡዲላን ጫዴ፤ ኡንቱንቱ አ ኦቱዋን ጥንትሲደ፡ ባሽያን ኮሞፐኛ። አ ዘይትያን ሙናቁይ ኡኪዳ ኡክላዳን ማልኤ።

9 ቃማ ዲንካኔዳሳን ጸሓይ ዋድያ ዋደ፡ ማናይ አናና ዋዴ።

10 እሳይ ባረ ዲንካንያ ፐንግያን ፐንግያን ዩክሸን፡ ሙሴ ሰሴዳ። መድና ጎዳ ሀንቁ ኤጽ ከሴዳ ድራዉ፡ ሙሴ ኡንኤቲዳ።

11 ሄዋ ድራዉ፡ ሙሴ መድና ጎዳ ሀዋዳን ያጌደ ኦቼዳ፤ “ኔን ታ ቦላ ነ ቆማ ቦላ እያዉ ሀ መቱዋ አሃዲ? ኔን ታንን እያዉ ናሽጋቦይኪ? ኔን ሀ አሳ ኡባ ቶኩዋ ታ ቦላ እያዉ ዋላዲ?”

12 ሀ አሳ ኡባ ታን ሻሃራድታየ? ዋይ ኡንቱንታ ታን የላድታ? ኔን ኡንቱንቱ ማይዛ እዋቶ፡ “ታን ሀንተንቶ እማና” ጋደ ጫቁዳ ቢታ ጋላናዉ፡ ናናቱዋ ድቶናያ ቆንሻያ ናኣ ባረ ክዉዋን እድምያዋዳን፡ ኔን ኡንቱንታ ነ ክዉዋን እድማ፡ ያጋይ ታዉ እያዉ ኦይይ?

13 ሀ አሳዉ ኡባዉ ታን አሹዋ ሀቃጥ ደማኔ? ኡንቱንቱ ታና፡ ሞያ እሹዋ ኑዉ እማ፡ ያጌደ ዩኪኛ።

14 ታን ሀ አሳ ኡባ ታረካ ቶካና ዲንዳይኪ፤ ቶኩ ታዉ ሎይላ ዳጹ።

15 ሰሞ ኔን ታና ሀዋዳን መቶታናዳን ኦላናዋጥ ታዉ ቃረታደ ታና ሀእ ዋጻ ባሻ፤ ያቶፐ፡ ታን መቱዋጥ ሸሞጥኛ” ያጌዳ።

16 መድና ጎዳይ ሙሳ፡ “እሰራኤልያ ጭማቱዋጥ ካለሰዋንታን ካፓቱዋ ግድያ፡ ኔን ኤርያ ላገን ታሙ ጭማቱዋ ታዉ ሸሻ፤ ኡንቱንቱ ኔናና ያን ኤቃና ማላ፡ ጸሓ ዲንካንያኩ፡ ኡንቱንታ ኔን እያ።

17 ታን ዲገ ዋጻደ ኔናና ያን ሃሳያና፤ ታን ኔናን ደእያ እያናጥ አካደ፡ ሄ እያና ኡንቱንቱ ቦላ ዋላና። ኔን ኔረካ ቶከና ማላ፡ ኡንቱንቱ አሳ ቶኩዋ ቶኪደ፡ ኔና ማዳና።

18 “ኔን አሳዉ ሀዋዳን ጋደ ኦዳ፡ ሞንትዉ ሀንተና ጌሸፐ፤ ያቲደ ሀንተ እሹዋ ማና። ሀንተ፡ “ላ ኑን እሹዋ ሀቃጥ ደማኔ? ኑዉ ግብጹ ጋድያን ሳእይ ሎክ ሸን!” ያጌደ ዩኪዳዋ መድና ጎዳይ ሰሴዳ። መድና ጎዳይ እሹዋ ሀእ ሀንተንቶ እማና፤ እምና ሀንተ ማና።

19-20 ሀንተ ግዲዋን ደእያ መድና ጎዳ ሀንተ ካጴዳ ድራዉነ ሀንተ፡ “ኑን ግብጹ ጋድያጥ እያዉ ከሴዳ?” ያጌደ አ ሰንገላን ዩኪዳ ድራዉ፡ ሀንተ እት ጋላሳ፡ ዋይ ላኤ ጋላሳ፡ ዋይ እቼሹ ጋላሳ፡ ዋይ ታሙ ጋላሳ፡ ዋይ ላታሙ ጋላሳ ጸላላ አሹዋ ሚክታ፤ ሸን ሀንተንቶ ሲድያና ከሳና ጋካናዉ፡ ሀንተና ሳለላና ጋካናዉ፡ እት አግና ኩሙንጎ ሀንተ እሹዋ ማና፡ ያጋ” ያጌዳ።

21 ሸን ሙሴ ጸሓ፡ “በእኔ፡ ታን ኡሱፐን ጸቱ ሻእ ግድያ አሳ ግዲዋን ደእይ፤ ኔን፡ ላት አግና ኩሙንጎ ኡንቱንቱ ማናዉ ኡንቱንቶ ታን እሹዋ እማና፡ ያ።

22 ሚዛ ዉድያን ድርሳ ዉድያ ኡንቱንቶ ሹክና ካልሳኔ? አባን ደእያ ሞልያ ኡባ ሸሸያዋ ግድንቶ፡ ኡንቱንቶ ግዳኔ?” ያጌዳ።

- 23 መድና ጎዳይ ሙሳ፡ “መድና ጎዳ ኩሺ ቃንሌየ? ታን ነዉ ግያባይ ቱመንቶነ ዋርደንቶ ኔን ሀእ በእና” ያጌዳ።
- 24 ሙሴ ካረ ከሲደ፡ መድና ጎዳይ ጌዳዋ አሳዉ ኦዳዳ። እ አሰራኤልያ ጭማቱዋጥ ላፑን ታሙ አሳ ሺሺደ፡ ዲንካንያ የሹዋን ኤሴዳ።
- 25 መድና ጎዳይ ሻርያን ዲገ ዋዲደ፡ እናና ሃሳዬዳ፤ ያቲደ እ ቦላን ደእያ እያናጥ አኪደ፡ ሄ ላፑን ታሙ ጭማቱዋ ቦላ ዋሌደ። እያናይ ኤንቱንቱ ቦላን ሸምፔዳ ዋደ፡ ኤንቱንቱ ትምቢትያ ኦዳድና። ሸን ሄዋጥ ጌይያን፡ ዛረሊደ ትምቢትያ ኦድቢይክና።
- 26 ሄ ላፑን ታሙ ጭማቱዋና ማዘንብያን ጸፈቴዳ አሳቱ ኤልዳዳነ መዳዳ ግያ ላእቱ ዲንካኔዳሳን አቲድና፤ ዲንካንያኮ ይበይክና፤ ሸን ኤንቱንቱ ቦላካ እያናይ ዋድና፡ ዲንካኔዳሳን ትምቢትያ ኦዳድና።
- 27 እት ዋዳላይ ዋጽ ዪደ፡ ሙሳ፡ “ኤልዳዳነ መዳድ ዲንካኔዳሳን ትምቢትያ ኦዳድ” ያጌደ ኦዳዳ።
- 28 ባረ ያላጋተጥ ደሚደ፡ ሙሳ ማድያ ኔዌ ናአይ ኢያሱ ሙሳ፡ “ታ ጎዳዉ ሙሴ፡ ኔን ኤንቱንታ ተእ” ያጌዳ።
- 29 ሸን ሙሴ እ፡ “ታ ግሻታ ነ ምሸታይ? መድና ጎዳ አሳይ ኡባይ ትምቢትያ ኦድያዋነ መድና ጎዳይ ባረ እያና ኤንቱንቱ ቦላ ዋልያዋ ግዴሪኔሻ!” ያጌዳ።
- 30 ሄዋጥ ጌይያን፡ ሙሴን አሰራኤልያ ጭማቱ ዲንካኔዳሳ ሰሚድና።
- 31 ሄዋጥ ጌይያን፡ መድና ጎዳይ ጫርኩዋ ደንሰና፡ አባ ባጋጥ አካ አሳይ ዲንካኔዳሳ ኡባ የሹዋኮ ጫርኩ አሄዳ፤ ሄ ካርቱ ሳእ ዶናና ጋድያጥ ፑደ ላኤ ዋቆ ኬሻን ፓሌድና። ዪደ ኤንቱንቱ ዲንካኔዳሳ ኡባጥ ጋጸና፡ እት ጋላሳ ኦገ ከና ሳእን ኡቲድና።
- 32 ሄ ጋላሳ ኡባን፡ ሄ ቃማ ኡባንን ዋንተላ ጋላሳ ኡባን አሳይ ካረ ከሲደ፡ ሀ አካቱዋ ኦይቁደ ሺሹዳ፤ ኤንቱንቱጥ ኦን እት ሻእ ኪሎ ግራመጥ ጉላ ሺሸቤና። ኤንቱንቱ ሄዋጥ ጌይያን፡ ዲንካኔዳሳ የሹዋ ኡባን መልሳናዉ ምጩድና።
- 33 ሸን አሹ ብር ኤንቱንቱ ማታን ደእሸን፡ ኤንቱንቱ ጮሚደ ምተናን ደእሸን፡ መድና ጎዳ ሀንቁ አሳ ቦላ ኤጽ ከሲደ፤ ያትና መድና ጎዳይ አሳ ዋልቃማ ቦሻን ሸጩድና።
- 34 ያትና ሄ ሳእይ ክብርት ሀታባ (አሙዋ ዲፉዋ) ጌተት ሱንጃቲዳ፤ እያዉ ጎጥ፡ አሹዋ አሞቴዳ አሳ ኤንቱንቱ ሄ ሳእን ሞጌድና።
- 35 አሳይ ሄዋጥ ደንዳደ ሀጸርታ ግያሳ ቢደ፡ ያን ዲንካኔዳ።

## 12

### ሚርያማነ አሮን ሙሳ ኤቀቲድና

- 1 ሙሴ ቶጵያ ቢታ ምሽራቶ አኬዳ። እ አኬዳ ቶጵያ ማጫን ድራዉ፡ ሚርያማነ አሮን ሙሳ ቦራድና።
- 2 ኤንቱንቱ፡ “መድና ጎዳይ ሙሴ ባጋ ጸላላና ሃሳዬደየ? ቃይ እ ኑ ባጋና ሃሳይቤኔየ?” ያጌድና። መድና ጎዳይ ሄዋ ሰሴዳ።
- 3 ሙሴ ጋድያን ሳእን ኡባን ደእያ እሳ ኡባጥ አድያ አሸከ አሳ።
- 4 መድና ጎዳይ ኤላካ ሙሴዉ፡ አሮናዉን ሚርያምዉ፡ “ሀንተ ሄዙካ ጋከትያ ዲንካንያኮ ከሰተ” ያጌዳ፤ ኤንቱንቱ ሄዙካ ከሲድና።
- 5 ጸሳይ ሻርያ ቱሳን ዲገ ዋዳዳ፤ ዲንካንያ ጥንግያን ኤቁደ፡ አሮናን ሚርያም ጸሴዳ። ኤንቱንቱ ላኤካ እ ሰንላ ሸቅና።
- 6 እ ኤንቱንታ፡ “ታ ኦድያዋ ሰሰተ፡ ሀንተ ግዲዋን ትምቢትያ ኦድያዋ ደአጥ፡ ታን መድና ጎዳይ ታና አዉ ሳጸን ቆንጭሳይ፤ ታን አዉ አኩሙዋን ኦዳይ።
- 7 ሸን ታ ቆማ ሙሴና ሄዋዳን ግደና፤ እ ታ ጎልያ ኡባን አማነቲዳዋ።
- 8 ታን ሙሴና ሰንላ ሰንላን ሃሳያይጥ አትና፡ ለምሱዋን ሃሳይከ። እ መድና ጎዳ ማላ በኤ። ያትና ታ ቆማ ሙሳ ቦራናዉ ሀንተ እያዉ ያይቢይክቲ?” ያጌዳ።
- 9 መድና ጎዳ ሀንቁ ኤንቱንቱ ቦላ ኤጽ ከሲደ፤ መድና ጎዳይ ቢዳ።
- 10 ሻር ዲንካንያ ቦላጥ ደንዳዳ ዋደ፡ ሚርያማ ዋልቃማ ጋልባ ሀርግያን ምልጽ ጋደ ቦጻዳ።
- 11 አሮን እሱ ሰሚደ ጸልያ ዋደ፡ ዋልቃማ ጋልባ ሀርግያን ኤቀቲዳና በኤዳ።
- 11 ያትና እ ሙሳ፡ “ሀይ ታ ጎዳዉ፡ ኑን ኤያተላን ኦሌዳ ናጋራዉ ኑና ሙርጋ።
- 12 ባረ ዳይ ኡሉዋጥ ከሰያ ዋደ፡ እ አሹዋጥ ባጋይ ሚተት ክቅና፡ ሀይቁ ክቺደ የለቴዳ ጋጭና ናእ ማላ ግድጋሪኬ” ያጌዳ።
- 13 ሙሴ፡ “ሀይ ጸሳዉ፡ እዘ ፓላርኪ!” ያጌደ መድና ጎዳዉ ዋሴዳ።



14 መድና ጎዳይ ሙሳ፡ “እ ኦሞ እ ሰምእያን ጨቻ ጨቹዳዎ ግድንቶነ፡ ላፑን ጋላሳ እዛ ዬላ ማያደ ኡታና ግደኪየ? ሄዎ ድራው፡ ኔን እዙ ላፑን ጋላሳ ዱንካኔዳ ሳኣፕ ጋዳ ሳጋና ዱማ ሳኣን ኡትሳ፤ ሄዎፕ ጉይያን፡ ሰማደ ዩ” ያጌዳ።

15 ያትና ማርያማ ለሳይ ዱንካኔዳ ሳኣፕ ጋዳ ከሳይ ላፑን ጋላሳ ኡታዱ። እ ሰማና ጋካናው እሳይ ባናው ደንድቤና።

16 ሄዎፕ ጉይያን፡ እሳይ ሀጸሮታ ግያ ሳፕ ደንዲደ፡ ፓራና መላ ቢታ ዱንካኔዳ።

### 13

ካናን ቢታ ዎቻናው ቤዳ አሳቱዎ (ዘረ. 1:19-33)

1 መድና ጎዳይ፡ ሙሳ፡

2 “ታን እስራኤላቶ እምያ ካናን ቢታ ዎቻና ማላ፡ እማሬዳ እሳ ኪታ፤ ኡንቱንቱ ዛረ ኡባፕ እት እት ካፑዎ ኪታ” ያጌዳ።

3 ሙሴ መድና ጎዳ እዛዙዎን ፓራና መላ ቢታፕ ኡንቱንታ ኪቱዳ። ኡንቱንቱ ኡባይካ እስራኤልያ እሳ ካፕቱዎ።

4 ኡንቱንቱ ሱንሳይ ሀዋፕ ካሊደ ጸፈቱዳዎ፡ ዛርያ ካፑዎ ሮቤላ ዛኩራ ናኣ ሻሙእ፤

5 ሰሞና ሆራ ናኣ ሻፋጸ፤

6 ይሁዳ ይፋን ናኣ ካሊባ፤

7 ይሳኩራ ዮሴፎ ናኣ ይግኣላ፤

8 ኤፍሬማ ኔዌ ናኣ ሆሼእ፤

9 ቢንያማ ራፋ ናኣ ፓልጻ፤

10 ዛብሎና ሶዳ ናኣ ጋድኤላ፤

11 ዮሴፎ ናኣ ሞናሳ ሱሳ ናኣ ጋዳ፤

12 ዳና ጋማላ ናኣ እምኤላ፤

13 እሴራ ሞካኤላ ናኣ ሳቱራ፤

14 ንፍታሌማ ዋፍሳ ናኣ ናህባ፤

15 ጋዳ ማካ ናኣ ገኡኤላ።

16 ሄ ቢታ ዎቻና ማላ፡ ሙሴ ኪቱዳ አሳቱ ሱንሳይ ሀዋፕ ቆሞና ደእያዎ። ሙሴ ኔዌ ናኣ ሆሼእ ሱንሳ ኢያሳ ያጊደ ሱንሴዳ።

17 ኡንቱንቱ ካናን ቢታ ዎቻና ማላ፡ ሙሴ ኡንቱንታ ኪትያ ዎደ ሀዋዳን ያጌዳ፤ “ሀዋፕ ኔቤባ መላ ቢታ ፑደ ከሲደ፡ ያፕ ሁጲሳ ሳጋን ደእያ ገዘ ቢታ ቢተ።

18 ቢታይ እይ ማላ ቢተንቶን በእተ፤ ሄ ጋድያን ደእያ አሳይ ሞንንቶን ላፈንቶ፡ ጉሌንቶን ዳረንቶ፡

19 ኡንቱንቱ ደእያ ቢታይ ሎኢንቶን ኢተንቶ፡ ኡንቱንቱ ደእያ ካታማይን እይ ማላ ካታማንቶ፡ ግምቢያን ድረት ኡቱደንቶ ድረትቤንንቶ፡

20 ቢታይ እይ ማላ ቱኡንቶን ላደንቶ፡ ሄ ጋድያን ሞላይ ደእንቶን ባዌንቶ በእተ። ሞንተ! ሄ ጋድያን ሞኪዳዎ እይፍያፕ እከናን ዮፕተ” ያጌዳ። ሄ ዎዲ ዎይንያ ቱራይ ኮይሮ እይፍያ እይፍያ ዎደ።

21 ኡንቱንቱ ፑደ ከሲደ፡ ጸና ግያ መላ ቢታፕ ደሚደ፡ ቢደ ሀማታ ፕኑዎ ማታን ደእያ ራሆባ ጋካናው ሄ ቢታ ዎቹድኖ።

22 ኔቤባ ፑደ ከሲደ፡ ከብሮና ጋኪድኖ፤ ሄዋን እሀማና፡ ሸሻያን ታልማያ ጌተትያ አናቀ ዛራቱ ደእኖ። ከብሮን ግብጹን ደእያ ጸኣን ካታማፕ ላፑን ላይሳ ካሰት ኪጸቱዳ።

23 ሄዋና አዲደ፡ ኡንቱንቱ ኤሽኮላ ግያ ዛንጋራ ቢደ ጋኪዳ ዎደ፡ ዎይንያ ቱራ እቱዋፕ እት ዉርጨዋና ደእያ እት ታሽያ ቃንጹድኖ፤ ኡንቱንቱፕ ላኡ ካሱዋ ግዱዋን ገልሰ ቶኪድኖ። ሄዋና ሮማንያን ባላሰያ ግያ ሞላቱዎ እይፍያ አሄድኖ።

24 እስራኤልያ አሳቱ ሄዋፕ ቃንጹዳ ዎይንያ ቱራ ዉርጨዋ ድራው፡ ሄ ሳኣ ኤሽኮላ \* ዛንጋራ ጊደ ዴሴድኖ።

25 ኡንቱንቱ ሄ ቢታ ዎቹደ፡ ኦይታሙ ጋላሳፕ ጉይያን ሰሜድኖ፤

26 ፓራና መላ ቢታን ቃዳሳ ግያ ሳን ደእያ ሙሴኮ፡ አርኮኮን እስራኤልያ እሳ ማባራ ኡባኮ ዬድኖ። ባረንቱ በኤዳዎ ኡንቱንቶዉን እሳ ኡባዉ ኦዴድኖ፤ ሄ ጋድያን እይፍያ እይፍያካ ኡንቱንታ በሴድኖ።

12:14 ገደ. 5:2-3 \* 13:24 ኤሽኮላ- ሀ ሱንሳ ብላላይ እብራዌላዎን፡ “ዳር ዎይን ደእያ ሳኣ” ግያዎ።

27 ኢንቲንጥ ሙሴው ሀዋዳን ያገደ ኦዴድኖ፤ “ኔን ኑና ከቲዳ ቢታ ኑን ቤዶ፤ ሄ ጋድያን ማሳይን ኦሳይ ጎጌ። እን እይፍያ እይፍያካ ሀዋ በእ።  
 28 ሸን ሄ ጋድያን ደእያ ኦሳይ ዋልቃማ፤ ኢንቲንጥ ካታማይካ ግምቢያ ድርሳን ድርት ኡቲዳዋን ዋልቃማ። ኑን ቃይ እናቀ ዛራቱዋ ያን በኤድ።  
 29 ኔጌባ እማሌቃ አሳቲ ደእኖ፤ ገዘያን ሂተቱ፤ ያቡሳቲክ እሞራቲ ደእኖ፤ ቃይ ካናጥ ሜድተራን አባ ዶናን ሶርዳኖሳ ሻፋ ጋጸን ደእኖ” ያጌድኖ።  
 30 ካሌብ አሳ ሙሴ ሰንሳን ጮኤ ጊሲደ። “ኑን ቱሙ ጸናናው ዳንዳይያ ድራው። ፑደ ሀእ ከሲደ፤ ሄ ቢታ ኦሊደ እን ኦይቆይተ” ያጌድኖ።  
 31 ሸን ካሌብና ፑደ ቤዳ አሳቲ። “ሄ ቢታ ኦሳይ ኑፕ ሞንያ ድራው። ኑን ኢንቲንጥ ጸናናው ዳንዳዮኩ” ያጌድኖ።  
 32 ኢንቲንጥ ዩይ ዋቹዳ ቢታ እሰራኤልያ አሳው ሀዋዳን ገደ። ኢታ ኦዲዋ ኦዴድኖ። “ኑን ዋቹዳ ቢታይ ባረናን ደእያ አሳካ ሞያዋ፤ አሳይ ኡባይካ ሎይል አዳሳ።  
 33 ኑን ባጋ አዳሳ አሳቲ ያራ ግድያ እናቀ ዛራቱዋ ያን በኤድ፤ ኑን ኑ እይፍያን ኑና ጾልያ ዋይ ቡሞቡራላ ማላቲቶ፤ ቃይ ኑን ኢንቲንጥ እይፍያን ሄዋካ ማላ” ያጌድኖ።

# 14

## አሳ ማካላ

1 ሄ ጋላሳ ቃማ ማባራይ ኡባይ ባረንቲ ቃላ ቆቂሲደ ዩኬድኖ።  
 2 እሰራኤልያ አሳይ ኡባይ ሙሴ ቦላን እርና ቦላ ዙዙሚድኖ። ማባራይ ኩሙንሳይ ኢንቲንጥ። “ኑን ግብጾ ጋድያን ደእያ ሀይቁዳዋ ግዴርኩ! ዋይ ኑን ሀ ሙላ ቢታን ሀይቁዳዋ ግዴርኩ!  
 3 ማሻን ኑና ዋቹ ወርሳናው መጵና ጎዳይ ሀ ቢታ ኑና እያው አሂ? ኑ ማቹቲ ኑናናይ አሞዶታና። ሄዋፕ ጉዮ ግብጾ ቢታ ሰምያዋ ኑው ኬከኔየ?” ያጌድኖ።  
 4 ቃይ ኢንቲንጥ እቲ እቲዋ። “ኑን ካለልያዋ ዶሪደ። ጉዮ ግብጾ ሰሚቶ” ያጌድኖ።  
 5 ሙሴን እርን ሄዋን ሸቁዳ እሰራኤልያ አሳ ማባራ ኡባ ሰንሳን ሰምኡዋ ሳንን ጋሊደ ጉፋኔድኖ።  
 6 ሄ ቢታ ዋቹዳ አሳቲ ግደፕ ኔዩ ናኦይ ኢያሱን ዩፋን ናኦይ ካሌብ ባረንቲ ማዩዋ ፔጴድኖ።  
 7 እሰራኤልያ አሳ ማባራ ኡባው። “ኑን ካንል ከሲደ ዋቹዳ ቢታይ ሎይል ዳር ሎእ።  
 8 መጵና ጎዳይ ኑናን ናሸትያዋ ግደፕ። ማሳይን ኡሳይ ጎገያ ሄ ቢታው ኑና እ ገልሳና፤ ሄ ቢታ ኑው እ እማና።  
 9 ሄዋ ድራው። መጵና ጎዳ ቦላ ማካላ ማካሎፕተ። ሄ ቢታ አሳው ያዮፕተ፤ ኢንቲንጥ ኑው ሃላ ኡሻካ ጋክክና። ኢንቲንጥ አምቦምያዌ ባዋ፤ ሸን መጵና ጎዳይ ኑናና ደእ። ሀንተ ኢንቲንጥ ያዮፕተ!” ያጌድኖ።  
 10 ማባራይ ኡባይ ኢንቲንጥ ሹቻን ጫዳናው ሃሳይድኖ።  
 11 ሄ ዋይ መጵና ጎዳ ቦንቹ ጋክትያ ዲንካንያን እሰራኤልያ አሳ ኡባው ቆንጩዳ።  
 12 መጵና ጎዳይ ሙሳ። “ሀ አሳይ አውደ ጋካናው ታና ካቆ፤ ታን ኢንቲንጥ ግዲዋን ኦሌዳ ማላታ ኡባ በእደ። አውደ ጋካናው ኢንቲንጥ ታናን እማናን እጸይ?  
 12 ታን ኢንቲንጥ ኢታ ሀርግያን ሾጫደ ቆይሳና፤ ታንታ ታን ኔና ኢንቲንጥ ዳርያን ሞንያ ካውተሳው አወዋ ኦላና” ያጌድኖ።

## ሙሴ አሳ ድራው ዋሴዳ

13 ሙሴ መጵና ጎዳ ሀዋዳን ያገደ ዋሴዳ፤ “ኔን ነ ዋልቃን ሀ አሳ ግብጾፕ ፑደ ከሴዳዋ ኤርያ ግብጾቲ ሀዋ ሰሶፕ። ኢንቲንጥ ዋጋኔ?  
 14 ኢንቲንጥ ሀ ጋድያን ደእያዋንቶካ ሄዋ ኦዳና። እቤት መጵና ጎዳው። ኔን ሀ አሳ ግዲዋን ደእያዋ ኢንቲንጥ ሰሴድኖ። እቤት መጵና ጎዳው። ኑን ኔና በኤዳዋ ኢንቲንጥ ኤሬድኖ፤ ነ ሻሪ ኢንቲንጥ ቦላና ታክያዋን ጋላሰ ሻርያ ቱሳን። ቃማ ታማ ቱሳን ኔን ኢንቲንጥ ሰንሳን ብያዋ በኤድኖ።  
 15 ሀእ ኔን ሀ አሳ ኡባ እት ኩሳን ዋቹያዋ ግደፕ። ነ ካሰ ኦሌዳዋ ሰሴዳ ካውተላቲ።  
 16 መጵና ጎዳይ ሀ አሳ። “ህንተው እማና ገደ ጫቁዳ ቢታ ኢንቲንጥ አፋናው ዳንዳይቤና ድራው። ሙላ ቢታን ኢንቲንጥ ዋቹዳ ያገደ ሃሳያና።  
 17-18 “ሄዋ ድራው። ጎዳው። ኔን ነ ዋልቃ ኑና በሳ፤ ኔን ጋይ። “መጵና ጎዳይ ዳንዳያንቻን እገና ሲቁዋን ኩሚዳዋ፤ ናጋራን ማካላ አቶ ግያዋ፤ ግደፕ። ባይዘንቻ ሙርናን እገናዋ፤ እዋቲዋ ናጋራ ድራው ናናቲዋ ሄዘንሳን ኦይደንሶ የሰታ ጋካናው ሙርያዋ” ጋይ ኦዳ ዋሌዳዋ ፖላ።  
 19 ሀ አሳይ ግብጾፕ ከሶደፕ ደማይ ሀቶ ጋካናው ኔን አቶ ጌዳዋዳን። ነ እገና ሲቁዋ ዳናዋን ሀ አሳ ናጋራ አቶ ጋርኪ!” ያጌድኖ።

20 መጅና ጎዳይ ሙሳ፡ “ኔን ኦፕዳዋዳን ታን ኡንቱንቶ ኦቶ ጋድ።

21 ሸን ታ ደኡዋን ጫቃይ፤ መጅና ጎዳ ቦንቹ ሳኦ ኡባ ኩዋምዋዳን፤

22-23 ሀ ኦሳፕ እቱነ ሄ ቢታ በኤና። ታ ቦንቹዋን ግብጹ ቢታን፤ መላ ቢታ ታን ኦሌዳ ማላታ ሀ ኦሳቱ በኤድና፤ ሸን ኡንቱንቱ ታሙ ገደ ታና ፓጩድና፤ ታ ቃላ ሰሰናን እጹድና። ሄዋ ድራው፡ ታን ኡንቱንቱ ማይዞ አዋቶ እማና ጋደ ጫቁዳ ቢታ ታና ካጴዳዋንቱፕ እቱነ ሙላካ በኤና።

24 ሸን ታ ቆማይ ካሌብ ኡንቱንቱፕ ዲማትያ ድራውነ እ ታና ፖሎ ዋዛናፕ ካሌዳ ድራው፡ ታን እ ካሰ ቤዳ ቢታ እ ጋላና፤ እ ዘረሳይ ሄ ቢታ ላታና።

25 ሸን ሀእ አማሌቃቱነ ካናቱ ዛንጋራን ደኡያ ድራው፡ ዋንት ጉዩ ሰሚደ፡ ዞኦ አባኮ ኦፍያ ኦግያ ኦይቂደ መላ ቢታ ቢተ” ያጌዳ።

**ጳሳይ ዙዙሜዳ አሳ ሙራዳ**

26 ቃይ መጅና ጎዳይ ሙሳነ አርና ሀዋዳን ያጌዳ፤

27 “ሀ ኢታ አሳይ ታ ቦላ አውደ ጋካናው ዙዙማኔ? ታን እሰራኤልያ አሳ ዙዙንሳ ኡባ ሰሳድ።

28 ሄዋ ድራው፡ ኔን ኡንቱንቶ ሀዋዳን ያጋደ ኦዳ፤ ታ ደኡዋን ጫቃይ፤ ታን ሀንተ ሃሳይሸን ታ ሀይላን ሰሴዳዋ ሀንተንቶ ኦላና። ታን መጅና ጎዳይ ሄዋ ኦዳይ።

29 ሀንተ አሃይ ሀ መላ ቢታን ኩንዳና፤ እያው ሳፕ፡ አሳ ፓይድያ ዋደ ፓይደቲዳ ላታሙ ላይላነ ሄዋፕ ቦላና ደኡያ አሳይ ኡባይ ታ ቦላ ዙዙሜዳታ።

30 ይፋነ ናኦ ካሌባፕነ ኔዌ ናኦ ኢያሱፕ ኦትና፤ ሀንተፕ ኦንነ ታን ሀንተና ዋላናው ጫቁዳ ሄ ቢታ ገለና።

31 ሀንተ፡ “ኑ ናናይ ኦዋደታና” ጌዳ ሀንተ ጉላ ናናቱዋ ሄ ሀንተ ካጴዳ ቢታ ገልሳና፤ ቢታይካ ኡንቱንቱሳ ግዳናዋ።

32 ሸን ሀንተና ግደፕ፡ ሀንተ አሃይ ሀ መላ ቢታን ኩንዳና።

33 ሀንተ አማነትቢና ድራው፡ ሀንተ ወርሰሳ አሃይ ሀ መላ ቢታ ወላና ጋካናው፡ ሀንተ ናናይ ዋዩቲደ፡ ሀ መላ ቢታ ኦይታሙ ላይላ ሄንሳንቻ ግዲደ ዩያና።

34 ሀንተ ሄ ቢታ ዋቻዳ ሄ ኦይታሙ ጋላሳ ፓይዲዋን፡ እት ጋላሳው እት ላይላ፡ ሄዋነ፡ ኦይታሙ ላይላው ሀንተ ናጋራ ድራው ሀንተ ዋዩታና፤ ታን ሀንተ ቦላ ደንድያዋ ሀንተ ኡራና” ያጋ ኦዳ።

35 ታን መጅና ጎዳይ ሀዋ ኦዳይ። ታ ቦላ ሸቅ ኡቲዳ ሀ ኢታ ማባራ ቦላ ሀዋዳን ቱሙ ኦላና፡ ኡንቱንቱ ሀ መላ ቢታን ዉራና፤ ሀዋን ኡንቱንቱ ሀይቃና” ያጌዳ።

36 ሄ ቢታ ዋቻና ማላ፡ ሙሴ ኡንቱንታ ከትና ቢደ ሰሜዳ አሳቱ፡ ሄ ቢታ ኢታ ኦዲዋ ኦዲደ፡ ሙሴ ቦላ አሳይ ኡባይ ዙዙማና ማላ ኡሌዳዋንቱ።

37 ሄ ኢታ ኦዲዋ ኦዲዳ አሳቱ፡ መጅና ጎዳ ሰንሳ ቦሻን ሀይቁድና።

38 ሄ ቢታ ዋቻናው ቤዳ አሳቱዋፕ ይፋነ ናኤይ ካሌብነ ኔዌ ናኤይ ኢያሱ ጳላላይ ፓጻ ኡቲድና።

**እሰራኤልያ አሳይ ቢታ ቦላ ዋራጃናው ኮይር ደንዴዳ  
(ዛረ. 1:41-46)**

39 ሙሴ ሀዋ እሰራኤልያ አሳው ኡባው ኦዲዳ ዋደ፡ አሳይ ሎይሰ ዩኩዳ።

40 ዋንተላ ጋላሰ ዋንታ ጌራን ኡንቱንቱ ደንዲደ፡ ዩደ ገዘ ቢታ ከሲደ፡ “ኡን ናጋራ ኡሌዳ፤ ሸን ሀእ ጳሳይ ኦው እማና ጌዳ ሳኦ ዩደ ከሳና” ያጌድና።

41 ሸን ሙሴ ኡንቱንታ፡ “መጅና ጎዳ አዛዙዋ ሀንተ እያው መንሰቲ? ሀንተው ሀነና።

42 መጅና ጎዳይ ሀንተናና ደኡና ድራው፡ ዩደ ከሰፕተ፤ ሀንተ ዋርከቱ ሀንተና ጸናና።

43 አማሌቃ አሳቱዋና ካና ኦሳቱዋና ሀንተ ኦላታና፤ ሀንተ ማሻን ሀይቃና። መጅና ጎዳፕ ሀንተ ዋራ ሰሜዳ ድራው፡ መጅና ጎዳይ ሀንተናና ደኡና” ያጌዳ።

44 ሸን ኡንቱንቱ መጅና ጎዳ ጫቁዋ ታቦታይነ ሙሴነ ዲንካኔዳ ሳኦፕ ደንዳና ቆዩፕካ፡ ገዘ ቢታ ከሳናው ጸሊደ ደንዴድና።

45 ገዘ ጋድያን ደኡያ አማሌቃ አሳቱ ካና ኦሳቱ ዋቋደ ኡንቱንቱ ኦላይ ጸኒደ፡ ሆርማ ጋካናው ኡንቱንታ የደርሴድና።

**ያርሹዋ ሸሻናው እመቲዳ ሀግያ**

1 መጅና ጎዳይ ሙሳ ሀዋዳን ያጌዳ፤

2 “እሰራኤልያ አሳው ሀዋዳን ያጋ፤ ህንተ ደኡና ማላ፡ ታን ሀንተንቶ እምያ ቢታ ገልያ ዋደ፡

3 መሀያፕ ዋይ ደርሳፕ፡ ጸግያ ያርሹቀ ግድና፡ ዋይ ሺቆዋ ጋላናወ ያርሸያ ያርሹቀ ግድና፡ ዋይ መጵና ጎዳይ ከሬዳ ባላ ጋላሳቱዋን ህንተ ደሱቀን ጮ እምያ ያርሹቀ ግድና፡ መጵና ጎዳወ ታማን ጸግያ፡ ሳወዋ ቶሹኩ ግያ ያርሹቱዋ ያርሸተ።

4 ግያርሹቀ ሺሸያ ኡራይ ካላ ያርሹ እት ኪሎ ግራመ ጲልያ እት ሊትሮ ዋጋራ ዛይትያን ሙናቄዳዋካ መጵና ጎዳወ እሆ።

5 ቃይ ጸግያ ያርሹ፡ ዋይ ሀራ ያርሹ እህያ እት እት ደርሳና እት ሊትሮ ዋይንያ ኤሳ ኡሻ ያርሹቀ ኦሊደ ገግሰተ።

6 “ ደርሳ ኦርግያ ያርሻናወ ሺሸያ ዋይ፡ ካላ ያርሹ ላኡ ኪሎ ግራመ ጲልያ እት ሊትሮካ ባጋ ዋጋራ ዛይትያን ሙናቄዳዋን

7 እት ሊትሮካ ባጋ ዋይንያ ኤሳ ኡሻ ያርሹ እህተ። መጵና ጎዳወ ሳወዋ ቶሹኩ ግያ ያርሹቀ ያርሸተ።

8 “ ጻት ኮሩማ ጸግያ ያርሹቀ፡ ዋይ ሺቆዋ ጋልያ ያርሹቀ፡ ዋይ እትተላ ያርሹቀ ኦሊደ ያርሻናወ መጵና ጎዳወ እህያ ዋይ፡

9 ኮሩማና እትተ ካላ ያርሹ ሄዙ ኪሎ ግራመ ጲልያ ላኡ ሊትሮ ዋጋራ ዛይትያን ሙናቄዳዋን

10 ኡሻ ያርሹ ላኡ ሊትሮ ዋይንያ ኤሳካ እህተ። መጵና ጎዳወ ሳወዋ ቶሹኩ ግያ ያርሹቀ ታማን ያርሸተ።

11 “ ጻት እት ኮሩማ ቦራ፡ ዋይ እት እት ደርሳ ኦርግያ፡ ዋይ ያላጋ ዳሻ ኦርግያ፡ ዋይ ኦቱማ ደርሳ ማራ ያርሻናወ ሺሸያ ዋይ፡ ካላ ያርሹካ ኡሻ ያርሹ ሀዋዳን እትተ ሺቄ።

12 እት መሀያፕ ዳሩ ሺቆያ ዋይ፡ ካላ ያርሹካ ኡሻ ያርሹ ሄዋዳን ዳራይ ሺቄ።

13 እሰራኤልያ ኦሳ ግድያ ኦንነ ታማን ጸግያ፡ ሳወዋ ቶሹኩ ግያ ያርሹቀ መጵና ጎዳወ ሺሸያ ዋይ ኡባን፡ ሀዋዳን ኦሳናወ ኮሺ።

14 ሰንሳፕ ያና የለታን ህንተ ግድን ደእያ በቲ ዋይ ሀራ ኦሳይ ኦንነ ጸግያ፡ ሳወዋ ቶሹኩ ግያ ያርሹቀ መጵና ጎዳወ ሺሻናወ ኮዋፕ፡ እካ ህንተ ኦልያዋዳን ኦሳናወ ኮሺ።

15 ህንተወካ ህንተ ግድን ደእያ በተቶካ ሀ ዋጋይ እቱዋ፤ ሀዋ ሰንሳፕ ያና የለታወካ ኤቄደ ደእያ ዋጋ። ህንተካ በተቱካ መጵና ጎዳ ሰንሳፕ እቱዋ።

16 ህንተወካ ህንተ ግድን ደእያ በተ ኦሳቶካ ህጊ ዋጋይ እቱዋ ግድና፡ ያፓ” ያጌዳ።

17 ሄዋፕ ጉይያን፡ መጵና ጎዳይ ሙሳ ሀዋዳን ያጌዳ፤

18 “እሰራኤልያ ኦሳወ ሀዋዳን ያጋይ ኦዳ፤ ታን ህንተና ኦፍያ ቢታ ህንተ ገሊደ፡

19 ሄ ጋድያን ሞክያ ካላ ሞያ ዋይ፡ ሄ ካላፕ ጸራ ከሲደ፡ ህንተ መጵና ጎዳወ ያርሹቀ ኦሊደ ሺሸተ።

20 ሄዌካ፡ ባይራ ካኤዳ ካላፕ ኡኬዳ ኮይሮ ኮሞፕዋ፡ ካላ ቡክያ ኡዲማፕ እምያ ያርሹቀ ኦሊደ ሺሸተ።

21 ያና የለታ ኡባን ህንተ ህንተ ጋድያን ሞኬዳ ካላፕ ጸራ ከሲዳ ኮሞፕዋ፡ መጵና ጎዳወ ያርሹቀ ኦሊደ ሺሸተ።

22 “ መጵና ጎዳይ ኦዳዳ ሀ እዛዙቱዋ ኡባ ህንተ ኡራና ጳዪደ፡ ናገናን ኦሳፕ፡

23 መጵና ጎዳይ ኦ ባጋና ህንተና እዛዙዳ እዛዙቱዋ ኡባ፡ መጵና ጎዳይ እሜዳ ጋላሳፕ ደሚደ፡ ያና የለታ ጋካናወ፡ ፓጩናን ናገናን ኦሳፕ፡

24 ቃይ ሄዋ ማባራይ ኡረናን ኦሊዳዋ ግደፕ፡ ማባራይ ኡባይ መጵና ጎዳወ እት ኮሩማ ጸግያ፡ ሳወዋ ቶሹኩ ግያ ያርሹቀ ኦሊደ፡ እወ ዋጋይ እዛዝያዋዳን፡ ካላ ያርሹቀናን ኡሻ ያርሹቀና ሺሸ፤ ቃይ ናጋራ ያርሹቀ ኦሊደ፡ እት ዳሻ ኦርግያ ሺሸ።

25 ያቶፕ ቄሲ ኩመንሳ እሰራኤልያ ማባራ ናጋራ ኦቶ ጊሰያ ዋጋ ፖሎ፤ ኡንቱንቱ ናጋራይ ኦቶ ጌተታና። እያወ ጎፕ፡ ኡንቱንቱ ኡራይ ኦልበይክና፤ ቃይ ኡንቱንቱ ባረንቱ ባይዙዋ ድራወ፡ መጵና ጎዳወ ታማን ጸግያ ያርሹቀን ባረንቱ ናጋራ ያርሹቀ ሺሸድና።

26 ኦሳይ ኡባይ ኡረናን ሄ ባይዙዋን ሀምባላቼቱዳ ድራወ፡ ኩመንሳ እሰራኤልያ ማባራወካ ኡንቱንቱ ግድን ደእያ በተ ኦሳወካ ኦቶ ጌተታና።

27 “ ጻት ኦሳይ ባረካ ኡራና ጳዪደ ናጋራ ኦላፕ፡ የለቶደፕ እት ላይላ ግድያ እት ዳሻቶ ናጋራ ያርሹቀ ኦሊደ ሺሸ፤

28 ኡረናን ደእደ ናጋራ ኦሊዳ ኡራወ ቄሲ መጵና ጎዳ ሰንሳፕ ናጋራ ኦቶ ጊሰያ ዋጋ ፖሎ፤ ኦ ናጋራይ ኦቶ ጌተታና።

29 ኡረናን ደእደ ናጋራ ኦልያ ኦሳ ኡባወ፡ የለታን እሰራኤልያ ኦሳ ግድናካ በተ ኦሳ ግድናካ ሀ ህጊ እቱዋ።

30 “ ሸን የለታን እሰራኤልያ ኦሳ ግድናካ በተ ኦሳ ግድናካ ኡራይ ኦቶሩዋን ናጋራ ኦልያ ኡራይ መጵና ጎዳ ቦራ። ሄ ኡራይ ባረ ኦሳ ግደፕ ቦሄቶ።

31 ሄ አዉ መጅና ጎዳ ቃላ ካጄዳ ድራዉነ እ አዛዙዎ መንጩዳ ድራዉ። እ ቱሙዋጥ አሳ ግደጥ ቦሄታናዉ በሰ፤ እ ባይዙ እና፣ ያጋ” ያጌዳ።

ሳምባታ ዎጋ መንጩዳ ብታንያ

32 እት ጋላሰ እሰራኤልያ አሳይ መላ ቢታ ደእሸን፣ እት ብታኒ ሳምባታን ሞላ ሞጶደ ቤቴዳ።  
33 ሞላ አ ሞጽሸን ደማዳ አሳቱ ሙሴኮ፣ አርነኮነ ኩመንሳ ሸቁዋኮ እ አሄድና።

34 ኡንቱንቱ እ አላናዎ ኤርቤና ድራዉ። ቃሹዋን ታክሴድና።

35 ሄዋጥ ጉይያን መጅና ጎዳይ ሙሳ፣ “ሀ ብታኒ ሀይቃናዉ በሰ፤ ኩመንሳ ያእይ ባረንቱ ዲንካኔዳ ሳአጥ ጋጸ ከሲደ፣ ሹቻን ጫዲደ እ ዎጶ” ያጌዳ።

36 ኩመንሳ ያእይ መጅና ጎዳይ ሙሳ አዛዙዳዋዳን፣ ዲንካኔዳ ሳአጥ ጋጸ ከሲደ፣ ሹቻን ጫዲደ እ ዎጶዳ።

ማዩዋ ማጫራ ዎጋ

37 መጅና ጎዳይ ሙሳ ሀዋዳን ያጌዳ፤

38 “እሰራኤልያ አሳዉ ሀዋዳን ያጋደ ኦዳ፤ ህንተካ ሰንሳጥ ያና የለታይካ ህንተ ማዩዋ ጋጸ ጴራን ጴራን ማጫራ ከሰተ፤ ሄ ማጫራ ቦላ ሳሉዋ ማላትያ ቃጭና ሰክተ።

39 ሄ ማጫራ ህንተ በእያ ዎደ ኡባን መጅና ጎዳ አዛዙቱዋ ሀሳዪደ ፖልተ፤ ያቶጥ፣ ህንተ ህንተ አይፍያነ ህንተ ዎዛና አሙዋ ካሊደ፣ ታጥ ዎራ ሰምክታ።

40 ሄ ማጫራ በእያዋን ህንተ ታ አዛዙቱዋ ኡባ ሀሳዪደ ፖላናነ ህንተ ህንተ ጸሳዉ ጌሻ ግዳና።

41 ታን መጅና ጎዳ፣ ህንተ ጸሳቱ፤ ታን ህንተ ጸሳ ግዳናዉ፣ ህንተና ግብጸጥ ከሳድ። ታን መጅና ጎዳ፣ ህንተ ጸሳ፣ ያጋ” ያጌዳ።

# 16

ቆራህ፣ ዳታንነ አቢራም ሙሴ ቦላ ደንዴድና

1 ሊዊያ ዛርያጥ ቃሃታ ያራ ግድያ ይጽሃራ ናአይ ቆራህ፣ ርቤላ ዛርያጥ ኤልአባ ናናይ ዳታንነ አቢራምነ ቃይ ፐሊታ ናአይ ኦንሰ።

2 ሙሴ ቦላ ደንዴድና። ኡንቱንቱና ላኡ ጴታነ እሻታሙ እሰራኤልያ አሳቱ ደእና፤ ኡንቱንቱ ኤሪቴዳ አሳነ ማባራን ደረቴዳ ካለለያዋንታ።

3 ኡንቱንቱ ሙሴነ እርና ሰንሳ ሸቂድ፣ ሀዋዳን ያጌድና፤ “ህንተ ዳርሴድታ! ማባራይ ኡባይ ሁጲያን ሁጲያን ጌሻ፤ መጅና ጎዳይካ ኡንቱንቱ ግዲዋን ደኤ፤ ያትና መጅና ጎዳ ማባራ ቦላ ህንተና አያዉ ጶቁ ጶቁ አላቴ?” ያጌድና።

4 ሙሴ ሀዋ ሰሴዳ ዎደ ጸሳ ሰንሳን ሳእነ ጉፋኔዳ፤

5 ቆራህነ እ ጭታ ኡባ፣ “ዎንት ዎንታ መጅና ጎዳይ ኦን ናጋራንቼንቶን ኦን ጌሸንቶ በሳና፤ እ ሄ ደርያ አሳ ባረኮ ሸሻና።

6 ቆራህ፣ ኔንነ ነ ጭታይ ኡባይ ሀዋ ኦሳተ፣ ዎንት እጸና ጨዋይያዋንታ እኪደ።

7 ቦንቁዎ እን ዎሊደ፣ መጅና ጎዳ ሰንሳን እጸና ጨዋይተ። መጅና ጎዳይ ደርያ አሳይ፣ እ ጌሻ ግዳናዋ። ሊዊያ ዛርቶ፣ ህንተ ዳርሴድታ” ያጌዳ።

8 ሙሴ ቃይካ ቆራህ፣ “ህንተኖ ሊዊያ ዛርቶ፣ ሰሰተ!

9 እሰራኤልያ መጅና ጎዳይ ህንተና እሰራኤልያ ማባራጥ ዲማዪደ፣ መጅና ጎዳ ዲንካንያ ኦሱዋ አላና ማላነ አሳ ሰንሳን ሄ ኦሱዋ ኦላናዉ ህንተ ኤቃና ማላ፣ ባረኮ ሸሸዳዌ ህንተንቶ ጉጴዳ?

10 እ ህንተናነ ህንተ እሻቱዋ ሊዋቱዋ ኡባ ባረኮ ሸሸዳ፤ ቃይ ሀእ ህንተ ቁሰተላካ ካጄሊታ።

11 ኔንነ ነ ጭታይ ኡባይ እርና ቦላ ዙዙዎያዋ፣ እ ኦኔ? ህንተንቱ መጅና ጎዳ ቦላ ማካሊታ” ያጌዳ።

12 ሄዋጥ ጉይያን፣ ሙሴ ከቲደ ኤልአባ ናናቱዋ፣ ዳታናነ አቢራማ ጴሴዳ፤ ሸን ኡንቱንቱ እ፣ “ኦን ቦኮ!

13 ኔን መላ ቢታን ኦና ዎላናዉ ማላይነ ኤሳይ ጎግያ ጋድያጥ ከሴዳዌ ጉጴዳ? ቃይ ሀእ ኔን ኦ ቦላ ካቸዋ ግዳናዉ ኮያይ?

14 ሄዋ ቦላካ ቃይ ማላይነ ኤሳይ ጎግያ ቢታ ኔን ኦና ገልሳባካ፣ ዎይ ኔን ኦዉ ላታ ኦላደ ጋድያን ዎይንያ ቱራ እማባካ፤ ኔን ሀ አሳ ጭማሳ። ኦን ቦኮ!” ያጌድና።

15 ሙሴ ሎይላ ሀንቀቲደ መጅና ጎዳ፣ “ኡንቱንቱ ያርሸያ ያርሸዋ አኮጋ፤ ታን ኡንቱንቱጥ ሀርያ እቱዋን አካበይከ፣ ዎይ ታን ኡንቱንቱጥ እት አሳነ ናቃቢከ” ያጌዳ።

16 ቃይ ሙሴ ቆራህ፣ “ዎንት ኔን፣ ነ ጭታይ ኡባይነ እርን መጅና ጎዳ ሰንሳን ግድተ።

17 እት እት አሳይ ባረ እጸና ጨዋይያዋ ኡባና ላኡ ጴታነ እሻታሙዋ እኪደ፣ እጸና እን ዎሊደ፣ መጅና ጎዳ ሰንሳ ሸሹ። ቃይ ኔንነ እርን ህንተ እጸና ጨዋይያዋንታ አህተ” ያጌዳ።

- 18 እሳይ ኡባይካ ባረ እጻና ጨዋይያዎ እኪደ፤ ቦንቀዋን እጻና እን ዎሌዳ፤ ጋከትያ ዲንካንያ ፐንግያን ሙሴናን አሮናና ኤቄድና።
- 19 ቆሪህ ኩሙንሳ ማባራ ጋከትያ ዲንካንያ ፐንግያን ሸሼዳ።
- 20 ሄ ዎይ መድና ጎዳ ቦንቆ ኩሙንሳ ማባራዉ ቆንጨዳ።
- 21 መድና ጎዳይ ሙሳን አሮና።
- 22 “ታን እት ኩሳን ሀ ማባራ ዳይሳና ሀንያ ድራዉ፤ ኡንቲንቲፐ ሻከትተ” ያጌዳ።
- 23 ሸን ሙሴን አሮን ሳእን ፐፋኒደ፤ “እቤት ጸሳዉ፤ እሹዎ ማዬዳ አሳ ኡባ መዴዳ ጸሳዉ፤ እት ኡራይ ናጋራ ኦላፐ፤ ኔን ኩሙንሳ ማባራ ሀንቀታይ?” ያጌድና።
- 24 ያትና መድና ጎዳይ ሙሳ።
- 25 “ኔን ማባራ፤ ቆሪሀ፤ ዳታናን እቢራማ ዲንካንቲፐፐ ክችተ” ያጌደ ኦዳ” ያጌዳ።
- 26 ሙሴ ደንዲደ፤ ዳታንኩን እቢራሙኮ ቢና፤ እሰራኤልያ ጭማቲ እ ካሌድና።
- 27 መባራ እ፤ “ሀ እታ አሳቲ ዲንካንቲፐፐ ክችተ፤ ኡንቲንቲፐ ግዴዳዎ እያን ቦቾፕተ። ሄንኩደ ኡንቲንቲ ናጋራ ኡባ ጋቡዋን ሀንተካ ፕተት ዳያና” ያጌደ ሞንሲደ ኦዴዳ።
- 28 ኡንቲንቲ ቆሪሀ፤ ዳታናን እቢራማ ዲንካንቲፐፐ ክቼድና። ዳታንን እቢራሞ ካረ ከሲደ፤ ባረንቲ ማቼቲዋና፤ ባረንቲ ናናቲዋና ባረንቲ ጉላ ናናቲዋና ባረንቲ ዲንካንቲፐ ፐንግያን ኤቄድና።
- 29 ሙሴ አሳ፤ “ታን ሀ ኦሶ ኡባ ኦሳና ማላ፤ መድና ጎዳይ ታና ከቲዳዋን ታን ታ ሸንያን እጋናዎ ሀንተ ሀዋን ኤራና።
- 30 ሀ አሳቲ እሳይ ሀይቄያዎዳን ሀይቆፐ፤ ዎይ አሳ ቦላ ጋከያዎ ጸላላይ ኡንቲንቲ ቦላ ጋከፐ፤ መድና ጎዳይ ታና ከትቢና።
- 31 ሸን መድና ጎዳይ ኡባና ኦራላባ ኦላና፤ ቢታይ ዶየቲደ ኡንቲንታን ኡንቲንቲ ደእያዎ ኡባ ሞት አሳፐ፤ ኡንቲንቲ ፓጸ ደኢደ ሰኦልያ ዲገ ዎዶፐ፤ ሄ ዎይ ሀ አሳቲ መድና ጎዳ ካዴዳዎ ሀንተ ኤራና” ያጌዳ።
- 32 እ ያጌደ ዉርሴዳ ዎይ፤ ኡንቲንቲ ኤቄዳ ቢታይ ጳልቀት ዎዴዳ።
- 33 ቢታይ ዶየቲደ፤ ኡንቲንታን ኡንቲንቲ ሶ አሳ፤ ቆሪሀ ጭታ ኡባ ኡንቲንቲ ደእያዎ ኡባና ሞት አጌዳ።
- 34 ያትና ኡንቲንቲ ባረዉ ደእያዎ ኡባና ፓጸ ደኢደ፤ ሰኦልያ ዲገ ዎዴድና። ቢታይካ ኡንቲንቲ ቦላ ጎርደት አጌዳ፤ ኡንቲንቲ ማባራ ግደፐ ትፕ ጊደ ዳይ አጌድና።
- 35 ኡንቲንቲ ዋሱዋን ኡንቲንቲ ማታን ደእያ እሰራኤላቲ ኡባይ፤ “ቢታይ ኦናካ ቃይ ሞታና ሀኔ!” ያጌድ ባቃቲድና።
- 36 ቃይ ታማይካ መድና ጎዳ ማታፐ ዪደ፤ እጻና ጨዋይያ ላኡ ጾታን እሻታሙ አሳ ሞ አጌዳ።

**እጻና ጨዋይያባቲዎ**

- 37 ሄዋፐ ጉይያን መድና ጎዳይ ሙሳ።
- 38 “ኔን ቁሰያ አሮና ናኣ ኤልእዛራዉ ያጋደ ኦዳ፤ ሳጻና ጨዋይያባቲዎ ታማን ጸጉቲዳ አሳ ግደፐ አካ፤ ቦንቀዎ ጨዋይያባቲዎፐ ሃሳደ ላላ። ሄ እጻና ጨዋይያባቲ ጌሻ።
- 39 ባረ ናጋራ ድራዉ ሀይቄዳ ሀ አሳቲ እጻና ጨዋይያባቲዎ ሌእሳደ ቆጻደ፤ ያርሹዎ ሳጽንያ ካማ። ኡንቲንቲ ሄዋንታ መድና ጎዳ ሰንሳን ሸሼዳ ድራዉ፤ ሄዋንቲ ጌሻ፤ ሄዋንቲ እሰራኤላቲዎ ሀሳይሰያ ማላታ ግዳና ያጋ” ያጌዳ።
- 40 ቁሰ ኤልእዛር ጸጉቴዳ አሳቲ ሸሼዳ ናሃሰ ብራታፐ ኦሰቲዳ እጻና ጨዋይያባቲዎ እኪደ፤ ያርሹዎ ሳጽንያ ካማና ሌእሲደ ቆጻዳ።
- 41 አሮና ዛረ ግደና ኦንን መድና ጎዳ ሰንሳን እጻና ጨዋይያናዉ ሸቀና ማላ፤ ቆሪሀን እ ጭታ ጋኩዳዎ እ ጋከና ማላ፤ እሰራኤላቲዎ ሀሳይሳናዉ ሀዋንታ ኦሌዳ። መድና ጎዳይ ሙሴ ባጋና ኤልእዛራ እዛዜዳዎዳን ሀዋ ሀኔዳ።

**እሮን አሳ ቦሻፐ አሼዳ**

- 42 ዎንተላ ጋላሰ እሰራኤልያ ማባራይ ኡባይ፤ “መድና ጎዳ አሳ ሀንተ ዎዴድታ” ያጌደ፤ ሙሴ ቦላን አሮና ቦላ ዙዙሜድና።
- 43 ማባራይ ሙሴን አሮና ቦላ ደንዳናዉ ሸቄደ፤ ጋከትያ ዲንካንያኩ ሰሞ ጾልያ ዎይ፤ ሻሪ ጋከትያ ዲንካንያ ካምና፤ መድና ጎዳ ቦንቆ ቆንጨዳ።
- 44 ሄዋፐ ጉይያን፤ ሙሴን አሮን ጋከትያ ዲንካንያ ሰንሳዉ ዬድና።
- 45 መድና ጎዳይ ሙሳ።
- 46 “ሀ አሳ ግዳዋፐ ክችተ፤ ታን ኡንቲንታ እት ኩሳን ዳይሳ ባሻና” ያጌዳ።
- 47 ኡንቲንቲ ሳእን ፐፋኔድና።
- 48 ሙሴ አሮና፤ “ነ እጻና ጨዋይያዎ እካደ፤ ቦንቀዎ ያርሸያ ሳእፐ አካደ፤ እጻና እን ዎላ፤ ኡንቲንቲ እቶ ጌሳናዉ ኤላካ ማባራኩ አፋ። እያዉ ጎፐ፤ መድና ጎዳ ሀንቀ እ ማታፐ ከሰ ክቼዳ፤ ቦሻይካ ደም ክቼዳ” ያጌዳ።

- 47 ሙሴ ጌዳዋዳን እርን ባረ እጻና ጨዋይያዋ እኪደ፣ ማባራ ግደ ዎጼዳ። ሰሻይ አሳ ግዳዋን ደም ደእሸን፣ እርን እጻና ጨዋዪደ፣ አሳው እቶ ጌሱዳ።
- 48 ያቲደ እ ሀይቁዳዋንቱገገገ ፓጻ ደእያዋንቱገ ግዳዋን ኤቁና፣ ሰሻይ እግ አጌዳ።
- 49 ቆራሀ ጋሱዋን ሀይቁዳ አሳይ ፓይደተናን፣ ሀ ሰሻን ሀይቁዳዋን 14,700.
- 50 ሰሻይ ኤቁዳዋገ ጉይያን፣ እርን ጋከትያ ዲንካንያ ገንግያን ደእያ ሙሴኮ ሰሜዳ።

# 17

## እርና ጸምእ አጫቱዋ

- 1 መድና ጎዳይ ሙሳ ሀዋዳን ያጌዳ፤
- 2 “ኔን፣ ሳንተ ዛርያን ዛርያን ሀንተ ካፓቱዋገ ሁጲያን ሁጲያን እት እት ጸምእ ኡባና ታማነ ላኡ ጸምእ ታው እምተ፣ ያጋይ እሰራኤላቱዋገ እካ። እት እት አሳ ሰንሳ ጸምእ ቦላን ጻፋ።
- 3 እት እት ዛርያ ካፖ እት ጸምእ ግድያ ድራው፣ ሌዊያ ጸምእን እርና ሰንሳ ጻፋ።
- 4 ጋከትያ ዲንካንያ ግደን ታን ኔናና ጋከትያ ማርካተላ ታቦታ ሰንሳን ዋላ።
- 5 ታን ዶርያ አሳ ጸምእ አጫቱ፤ ሀዋዳን ኦላደ ሀንተ ቦላን እሰራኤላቱ ዙዙምያ ዙዙንሳ ታን ሙላ ቆይሳና” ያጌዳ።
- 6 ሙሴ እሰራኤልያ አሳው እድና፣ ኡንቱንቱ ካፓቱ ታማነ ላኡ ጸምእቱዋ፣ እት እት ዛርያ ካፓቱ እት እት ጸምእ እው እሚድኖ። ሄ ጸምእቱዋ ግዳዋን እርና ጸምእይካ ደኤ።
- 7 እሰራኤልያ አሳ ማርካተላ ዲንካንያ ግደን መድና ጎዳ ሰንሳን ዎሌዳ።
- 8 ዋንተላ ጋላሰ ማርካተላ ዲንካንያ ግደ ሙሴ ገሌዳ ዋደ፣ ሌዊያ ዛረ ግድያ እርና ጸምእይ እጨዳዋ፣ ጉምቤዳዋ፣ ጨሼዳዋን ጨሼደ ላውዝያ ግያ ምሳ እይናና እይፌዳዋ በኤዳ።
- 9 ሄዋገ ጉይያን፣ ሙሴ ጸምእ ኡባ መድና ጎዳ ሰንሳገ እሰራኤልያ አሳ ኡባኮ እሄዳ። አሳይ ኡንቱንታ በኤዳዋገ ጉይያን፣ ካፓቱ ባረንቱ ጸምእ ጸምእ እኬድኖ።
- 10 መድና ጎዳይ ሙሳ፣ “እርና ጸምእ ታቦታ ሰንሳን ዛራ ዋላ። ሄዋ ማካሌዳዋንቱ ታ ቦላ ላኤንሳ ዙዙሚደ ሀይቀናዳን፣ ኡንቱንቶ ማላታ ኦላደ ናጋ” ያጌዳ።
- 11 መድና ጎዳይ እዛዜዳዋዳን ሙሴ እሌዳ።
- 12 እሰራኤልያ አሳይ ሙሳ፣ “ኡን ሀይቃና፤ ቆያና፤ ኑን ኡባይካ ቆያና!
- 13 መድና ጎዳ ዲንካንያኮ፣ ሀራይ እቶ ማታ ሸቅያ ኡራይ ኡንን ሀይቃና። ሰም ኑን ኡባይካ ሀይቁን?” ያጌድኖ።

# 18

## ቄሳቱዋን ሌዋቱዋ ኦሱዋ

- 1 መድና ጎዳይ እርና፣ “ኔን፣ ነ አቱማ ናናቱን ሌዋቱ ጌሻ ሳኦ ኦሱዋን ፖለትያ ናጋራ ቶካና፤ ኔንን ነ አቱማ ናናቱ ጸላላይ ሀንተ ቄሰተላ ኦሱዋን ፖለትያ ናጋራ ቶካና።
- 2 ኔንን ነ አቱማ ናናቱ ማርካተላ ዲንካንያ ሰንሳን ኦላደ ዎደ፣ ኔናና ግዲደ ማዳና ማላ፣ ሌዊያ ዛረ ግድያ ነ ዳቦቱዋ አሀ።
- 3 ኡንቱንቱ ሀንተገ ጋርሳና ዲንካንያ ኦሶ ኡባ ኦላደ፤ ሸን ኡንቱንቱካ ሀንተካ እትገ ሀይቀናዳን፣ ኡንቱንቱ ጌሻ ሳኦ ሚሻኮን ያርሸያ ሳኮ ሸቆኖኖ።
- 4 ኡንቱንቱ ሀንተናና እትገ ግድና፤ ጋከትያ ዲንካንያን ደእያ ኦሶ ኡባ ኦላደ። ሌዋቱዋገ እትና፣ ሀራ ኡራይ ኡንን ሀንተኮ ሸቆፖ።
- 5 ላኤንሳዋ እሰራኤላቱዋ ቦላ ሀንቁ ዋግ ማላ፣ ጌሻ ሳኦን ያርሸያ ሳኦ ኦሱዋ ኦላተ።
- 6 ሌዋቱዋ ሀንተ ዳቦቱዋ እሰራኤላቱዋ ግደገ ታን ታ ሁጲያው ደራድ። ኡንቱንቱ ጋከትያ ዲንካንያ ኦሱዋ ኦላናው ሀንተንቶ እሙዋዳን እማደ፣ መድና ጎዳው ዳማያድ።
- 7 ሸን ኔንን ነ አቱማ ናናቱ ጸላላይ ያርሸያ ሳኦ ኦሱዋ ኡባን ጋርዱዋ ግደን ደእያ ቄሰተላ ኦሶ ኡባ ኦላተ። ቄሰተላ ኦሱዋ ታን ሀንተንቶ እሙዋዳን ኦላደ እማይ፤ ሀራ ኡራይ ኡንን ጌሻ ሳኦን ሸቆያዊ ሀይቆ” ያጌዳ።

## ቄሳቱዋ ግሹዋ

- 8 ሄዋገ ጉይያን መድና ጎዳይ እርና፣ “እሰራኤላቱ ታው እምያ ጌሻ እምታ ኡባ ታን ነው እማድ። ታን ነው ነ ድራውን ነ አቱማ ናናው ኡንቱንቱ ድራው መድናው ግሻ ኦላደ እማድ።
- 9 ታው እምያ እሌዳ ጌሻ እሙዋገ ታማን ጸገተና ባጋይ ሀንተሳ ግዳናዋ፣ ኡንቱንቱ ታው እምያ ጌሻ እሙዋ ኡባገ ካሳ ያርሹ፣ ዎይ ናጋራ ድራው ያርሸያ ያርሹ፣ ዎይ ናቁዋ ድራው ያርሸያ ያርሹ ኔሳን ነ አቱማ ናናቱዋሳ ግዳናዋ።
- 10 ሀንተ ሄዋ ጌሻ ሳኦን ሚተ፤ አቱማዊ ኡባይ ሄዋ ዋ፤ ሄዋ ሀንተው ጌሻ ግዳናዋ።

11 “ሀዌ ቃይ ነሳ። እስራኤላቱዋ ቃል ያርሹዋ ኡባ ነዉ። ነ አቱማ ናናቶነ ነ ማጫ ናናዉ መድኛዉ ግሻ ኦላደ እማይ፤ ህንተ ጎልያ አሳ ግደን ዋጋዳን ጌሻ ግደያ ኡባይ ሄዋ ሞ።

12 “ኡንቱንቱ ታዉ እምያ ኮይሮ አይፍያፕ ሎኦ ዋጋራ ዛይትያ ኡባ፤ ያላጋ ዋይንያ ኤሳ ኡባነ ሙሩታ ካላ ኡባ መድኛ ጎዳዉ እማይ።

13 ኡንቱንቱ መድኛ ጎዳዉ እህያ ኡንቱንቱ ጋድያን ደእያ ኮይሮ ጋኩዳ አይፊ ህንተሳ፤ ህንተ ጎልያ አሳ ግደን ዋጋዳን ጌሻ ግደያ ኡባይ ሄዋ ሞ።

14 “እስራኤልያን መድኛ ጎዳዉ ዲማቲዳባይ ኡባይ ህንተሳ።

15 ባይራ የለቲዳ አሳይ ዋይ መሃ። እስራኤላቱ መድኛ ጎዳዉ እማዳዊ ህንተሳ። ሽን ባይራ የለቲዳ አሳን ባይራ የለቲዳ ጌሻ ግደና መሀያ ህንተ ዋዛናዉ በሰ።

16 እት አግና ናናቱዋ ዋዛናዉ ዲንካንያን ኤርቲያ ሚዛንያ (20 ጌራ) ልክያን እቼሹ ጸጋራ ብራ ዋዞ ጋትያ ቃንጽተ።

17 ሽን ሚዛ ባይራ። ዋይ ዶርሳ ባይራ። ዋይ ዳሻ ባይራ ህንተ ዋዛናዉ ኮሸና፤ ኡንቱንቱ ጌሻ። ኔን ኡንቱንቱ ቡላ ያርሸያ ሳኣ ቦላን ጫጫፋ፤ መድኛ ጎዳ ቶሹኩ ጊደ ሳዋና ማላ። ኡንቱንቱ ዋዳታ ታማን ጸጋ።

18 ኡንቱንቱፕ ቤትያ እሹ ዉጸኬዳ አንጎሱዋዳን ኡሸቻ ገድያዳን ህንተሳ።

19 እስራኤላቱ መድኛ ጎዳዉ እምያ ጌሻ ያርሹዋ ኡባ ነዉ። ነ አቱማ ናናቶነ ነ ማጫ ናናቶ መድኛዉ ግሻ ኦላደ እማይ። ሀዌካ መድኛ ጎዳይ ኔናና ነ ዘረሳቱዋና ጫቀትያ ማጽንያ ጫቀም” ያጌዳ።

20 ቃይካ መድኛ ጎዳይ አርና። “ኡንቱንቱ ጋድያን ኔን አይነ ላታካ፤ ኡንቱንቱ ግደን ኔና ጋክያ ሻኩ አያይካ ባዋ፤ እስራኤላቱዋ ግደን ነ ላታይነ ኔና ጋክያ ሻኩ ታና” ያጌዳ።

**ሌዋቱዋ ጋክያ ግሹዋ**

21 ጸሳይ። “ሌዋቱ ጋክትያ ዲንካንያን ኦልያ ኦሱዋ ድራዉ። እስራኤላቱዋ እስራታ ኡባ ኡንቱንቶ እማይ።

22 ሀቼፕ ዶሚደ። እስራኤልያ አሳቱ ባረንቱ ናጋራን ሀይቀና ማላ። ጋክትያ ዲንካንያኮ ሸቆፕና።

23 ጋክትያ ዲንካንያ ኦሱዋ ኦልያዋንቱነ ሄዋን ፖለትያ ናጋራ ቶክያዋንቱ ሌዋቱዋ። ሀዌ የለታ ኡባ መድኛ ዋጋ። ሌዋቱ እስራኤልያ አሳ ግደዋን አይነ ላትክና።

24 ሄዋ ድራዉ። እስራኤላቱ መድኛ ጎዳዉ እሙዋዳን እምያ እስራታ። ታን ሌዋቶ ኡንቱንታ ላታዳን እማይ። ታን ኡንቱንቱባ። ኡንቱንቱ እስራኤልያ አሳ ግደዋን አይነ ላትክና” ያጌዳዊ ሄዋሳ” ያጌዳ።

25 ቃይ መድኛ ጎዳይ ሙሳ።

26 “ኔን ሌዋቱዋ ሀዋዳን ያጋ፤ ናታን ህንተንቶ ላታዳን እማዳ አስራታ ህንተ እስራኤልያ አሳፕ አክያ ዋይ። ህንተ ሄ እስራታፕ እስራታ መድኛ ጎዳዉ እምተ።

27 ህንተ እሙ ህንተንቶ ካላ ቡክያ ኡዳማ ካላዳን ጉምእያ ዋይንያ አይፍያዳን ፓይደቲ።

28 ቃይ ሀዋዳን እስራኤልያ አሳፕ ህንተ አክያ እስራታ ኡባፕ እሙዋ መድኛ ጎዳዉ እምተ፤ ሀ እስራታፕ መድኛ ጎዳ ድራዉ ቁሰያ አርናዉ ህንተ እማናዉ በሰ።

29 ህንተ አክያ እምታ ኡባፕ። ሎእያዋን ጌሻ መድኛ ጎዳዉ ግሹዋ ኦሊደ። ህንተ እማናዉ በሰ። ያጋ።

30 “ቃይ ኔን ሌዋቱዋ። ኡባፕ ሎኦ እሙዋ ህንተ እማዳዋፕ ጉይያን። አቲዳዊ ህንተንቶ ካላ ቡክያ ኡዳማ ካላዳን ጉምእያ ዋይንያ አይፍያዳን ፓይደታና።

31 ህንተነ ህንተ ጎልያ አሳይ ሄዋፕ አቲዳዋ ሀቃንነ ሚተ፤ አያዉ ጎፕ። ሄዌ ጋክትያ ዲንካንያን ህንተ ኦልያ ኦሱ ህንተ ድርጉዋ።

32 ሎኦ ባጋ ጸሳዉ እም ድጌዳዋፕ ጉይያን ህንተ ምያ ዋይ። ባይዛንቻ ግድክታ። ሽን ሎኦ ባጋ ሄ እምታፕ ከሰናን ደኢደ። ህንተ እስራኤልያ አሳ እምታ ቱንሰናዳን ናገትተ። ሄዋዳን ኦላና ጳዮፕ። ህንተ ሀይቃና” ያጋ” ያጌዳ።

**19**

**ቱናተሳፕ ጌይያ ሃላ**

- 1 መድኛ ጎዳይ ሙሳነ አርና ሀዋዳን ያጌዳ፤
- 2 “መድኛ ጎዳይ ሀግያን አዛዚዳ ዋጋይ ሀዋ። ትላ ቦላና ደእያ ዋይ ቦርሰያባይ ባይና። እ ሞርግያን ሞርገ ምላይ ዋድቤና ዞኦ ኡሳቶ ነዉ አሀና ማላ። እስራኤልያ አሳዉ ኦድተ።
- 3 ቁሰያ ኤልኣዛራዉ እዞ እምተ፤ እ እዞ ዲንካኔዳ ሳኣፕ ጋጸ እፍና። እት አሳይ እዞ እ ሰንላን ሹኩ።



4 ቁስያ ኤልኣካር እ ሱላፕ አማራዳቀ ባረ ብራድኑያ አኪደ፡ ጋከትያ ዲንካንያዉ ሰንላ ባጋና ላፕን ገደ ጫጫፎ።

5 እ ጸልሸን ኡሳታ ጸገቱ፤ እ ጋልባይ፡ አሹ፡ ሱላይ፤ ቶጪ ጸገቶ።

6 ቁሲ ዝጋ፡ ሂሶጸያ ታሽያ፤ ዘኦ ቁንጩትያ አኪደ፡ ኡሳቶ ጸግያ ታማን ኦሎ።

7 ሄዋፕ ጉይያን፡ ቁሲ ባረ ማዩዋ ሜጮ፤ ባረ ቦላካ ሃላን ሜጪቶ፤ ያትደ ዲንካኔዳሳ ገሎ፤ ሽን ኦማርሳ ጋካናዉ እ ዋጋዶን ቱና ግዳናዋ።

8 ሄ ኡሳቶ ጸጌዳዋ ቃይ ባረ ማዩዋ ሜጮ፤ ባረ ቦላካ ሃላን ሜጪቶ፤ አካ ቃይ ኦማርሳ ጋካናዉ ዋጋዶን ቱና ግዳናዋ።

9 “ሄዋፕ ጉይያን፡ ጌሻ አሳይ ኡሳታ ጸገቱዳ ብድንላ ሺሺደ፡ ዲንካኔዳ ሳኣፕ ጋጸና ጌሻ ሳኣን ዋላ። እሰራኤልያ አሳይ ቱናተላፕ ጌይያ ሃላን ጎኢታናዉ ሄዋ ናግ ዋላና፤ ሄዌ ናጋራፕ ጌሻናሳ።

10 ቃይ ኡሳቶ ብድንላ ሺሺዳ አሳይ ባረ ማዩዋ ሜጮ፤ ኦማርሳ ጋካናዉ እ ዋጋዶን ቱና ግዳናዋ። ሀ ዋጋይ እሰራኤልያ አሳዉን ኡንቱንቱ ግዱዋን ደእያ ሀራ ጋደ አሳዉ ላኦካ መድና ዋጋ ግዳናዋ።

11 “ሀይቁዳ አሳ አሃ ቦችያ ኦን፤ ላፕን ጋላሳ ዋጋዶን ቱናና።

12 ሄ ቱናተላፕ ጌይያ ሃላን ሄዛንላ ጋላሰ፤ ላፕንላ ጋላሰ፡ እ ባረና ጌሹ፤ ሄዋፕ ጉይያን፡ እ ዋጋዶን ጌሻ ግዳናዋ፤ ሽን ሄዛንላ ጋላሳን፤ ላፕንላ ጋላሳን ባረና ጌሻ ጸዮፕ፡ እ ጌሻ ግዳና።

13 ሀይቁዳ ኡራ አሃ ቦችያ ኦን፤ ባረና ጌሹናን አጎፕ፡ መድና ጎዳ ዲንካንያ እ ቱንሴ፤ ሄ ኡራይ እሰራኤልያ አሳ ግደፕ ቦሄቶ። ቱናተላፕ ጌይያ ሃላይ እ ቦላን ጫጫፈትቤና ድራዉ፡ እ ቱና፤ እ ቱናተላይ እ ቦላን ጋምኤ።

14 “አት ኡራይ ዲንካንያ ግደን ሀይቆፕ ደእያ ዋጋይ ሀዋ፡ ዲንካንያ ግደ ገልያ ኦን፤ ቃይ ዲንካንያ ግደን ደእያ ኡባይካ ላፕን ጋላሳ ቱና ግዳናዋ።

15 ሄዋዳንካ፡ ቁምኤተናን ዶያ ደእያ ሚሻ ኡባይ ቱና ግዳናዋ።

16 ቃይ ደምባን ማሻን ሀይቁዳ አሳ፡ ዋይ ጮ ሀይቁዳ አሃ፡ ዋይ አሳ መቀላ፡ ዋይ ዱፋዋ ቦችያ ኦን፤ ላፕን ጋላሳ ቱና ግዳናዋ።

17 “ቱናተላፕ ጌሻናዉ ጸጌዳ ኡሳቶ ብድንላፕ አማራዳቀ አካደ፡ ኦቱዋን ዋላደ፡ ፑልቶ ሃላ እን ትጋ፤

18 ጌሻ አሳይ ሂሶጸያ ቦንጭያ አኪደ፡ ሃላን ቱሽ ከሲደ፡ ዲንካንያ፡ ዲንካንያን ደእያ ሚሻ ኡባን ሄዋን ደእያ አሳ ኡባ ቦላን ጫጫፎ። ቃይ አሳ መቀላ፡ ዋይ ዱፋዋ፡ ዋይ ዋዴዳ ኡራ፡ ዋይ ሀይቁዳ ኡራ ቦቹዳ አሳ ቦላ እ ጫጫፎ።

19 ጌሻ አሳይ ሄዘንላን ላፕንላ ጋላሳን ቱኔዳ ኡራ ቦላን ጫጫፎ። እ ላፕንላ ጋላሳን ሄ ኡራ ቱናተላፕ ጌሻ፤ ሄ ጌዬዳ ብታኒ ባረ ማዩዋ ሜጮ፤ ባረ ቦላካ ሃላን ሜጪቶ፤ ሄ ጋላሳ ኦማርሳ እ ጌሻ ግዳናዋ።

20 “ሽን ቱና ኡራይ ባረና ጌሸናዋ ግደፕ፡ ሄ ኡራይ መድና ጎዳ ጌሻ ሳኣ ቱንሴዳ ድራዉ፡ እሰራኤልያ አሳ ግደፕ ቦሄቶ፤ ቱናተላፕ ጌይያ ሃላይ እ ቦላን ጫጫፈትቤና ድራዉ፡ እ ቱና።

21 ሀዋ ህንተንቶ መድና ዋጋ ግዳናዋ። ቃይ ቱናተላፕ ጌይያ ሃላ ጫጫፍና አሳይ ባረ ማዩዋ ሜጮ፤ ቱናተላፕ ጌይያ ሃላ ቦችያ ኦንካ ኦማርሳ ጋካናዉ ቱና ግዳናዋ።

22 ቱና ኡራይ ቦችያ እያይ፤ ቱኔ። ቃይ ሄዋ ቦችያ ኦን፤ ኦማርሳ ጋካናዉ ቱና ግደ” ያጌዳ።

## 20

### ዛላፕ ከሴዳ ሃላ (ከሳ 17:1-7)

1 ከይሮ አግናን እሰራኤላቱ ኡባይ ጸና ግያ መላ ቢታ ጋኪደ፡ ቃይሳ ግያ ሳን ዲንካኔድና። ሄዋን ሚርያማ ሀይቃይ ዋገታዳ።

2 ሄዋን አሳዉ ሃላይ ጳይና፡ አሳይ ሸቋደ፡ ሙሴ ቦላ፤ አሮና ቦላ ደንደዳ።

3 ኡንቱንቱ፡ “ኦ አሻቱ መድና ጎዳ ሰንላን ሀይቁዳ ዋደ፡ ኦንካ ሀይቁዳዋ ግደርኮሻ!

4 ኦንካ ኦ መሄ ሀ መላ ቢታን ሀይቃዳን፡ መድና ጎዳ አሳ ሀዋ ህንተ ኡያዉ አሄድቱ?

5 ሀ ዋልቃማ ሳኣ ኦና ግብጸፕ ፑደ እያዉ አሄድቱ? ሀዋን ካላ አይፊ፡ ዋይ ባላሰያ፡ ዋይ ዋይንያ አይፊ፡ ዋይ ሮማኒ ባዋ፤ ቃይ ኡሸያ ሃላይካ ሀዋን ባዋ” ያጌደ ሙሴና ዋላቀቱድና።

6 ያትና ሙሴን አሮን አሳ ማታፕ ጋከትያ ዲንካንያ ፐንገ ቢደ ጉፋኔድና፤ መድና ጎዳ ቦንቹ ኡንቱንቶ ቆንጩዳ።

7 መድና ጎዳይ ሙሳ፡

8 “ኣ ጋትማ አካ፤ ኔን፤ ነ አሻ አሮን ሸቁዋ ሸሸተ፤ ኡንቱንቱ ሰንላን ዛላይ ሃላ ጎጋና ማላ ኦዳ። ዛላፕ ሃላ ህንተ ከሲደ፡ ሸቁዋን ኡንቱንቱ መሀያ ኡሻና” ያጌዳ።

9 መጅና ጎዳይ እዛዜዳዎዳን፣ ሙሴ መጅና ጎዳ ሰንገጥ ጋትማ እኩዳ።

10 እነ እርን ሸቆዋ ዛላ ሰንገጥ ሸሼድኖ፤ ሙሴ እንቱንታ፣ “ህንተኖ ማካላንቻቶ፣ ሰሰተ፤ ሀ ዛላጥ ሃላ ህንተንቶ ኑን ቱሙ ከሳኔ?” ምኒዳ።

11 ሙሴ ባረ ኩሽያ ቶቁ ኦሊደ፣ ባረ ጋትማን ላኤ ገደ ዛላ ሾጭና፣ ሃላይ ቆቂደ ከሰና ያለይነ እንቱንቱ መሂ ኤሼዳ።

12 ሸን መጅና ጎዳይ ሙሳነ እርና፣ “እስራኤልያ አሳ ሰንገጥ ህንተ ታ ጌሻተላ በሳናዉ እማነትቤና ድሬዉ፣ ታን እንቱንቶ እምያ ቢታ ሀ አሳ ህንተ ገልሰክታ” ምኒዳ።

13 እስራኤልያ አሳይ መጅና ጎዳና ዋላቆቶቁ እ ባረ ጌሻተላ እንቱንቱ ግደን ቆንጭሴዳሳይ ሀ ማሪባ \* ሃላና።

**ኤደማ ካቲ እስራኤልያ አሳይ ባረ ቢታና እርናዳን ድጌዳ**

14 ሙሴ ቃዴሳጥ ኤደማ ቢታ ካትያኮ፣ ባረ ከተትያዋንታ ሀዋዳን ያጊደ ከቲዳ፤ “ነ ዳቦ ግድያ እስራኤልያ አሳይ ሀዋዳን ያጊ፤ ኅና ጋኬዳ መቱዋ ኡባ ነን ኤራሳ።

15 ኑ ማይዛ እዎቱ ዳገ ግብጹ ዎጄድኖ፤ ያን ኑን ዳር ላይላ ደኤዳ። ግብጹቱ ኑና ኑ እዎቱዋ ኡቅኔድኖ።

16 ኑን መጅና ጎዳዉ ዋሰና፣ ኑ ዋሱዋ ሰሲደ፣ ኪታንቻ ከቲደ፣ ኑና ግብጹጥ ከሴዳ። ሀእ ኑን ነ ቢታ ጋጸን ደእያ ቃዴሳ ካታማን ደኤቶ።

17 ሀያና፣ ኑና ነ ቢታና አሳርከ! ኑን እይ ጋደ ግደጥካ ዎይ ዎይንያ ቱራ ግደጥካ ቦቸኮ! ቃይ ኑን እይ ሃላ ኦላጥን ሃላ ኡሸኮ። ኑን ካትያ ኦግያ ጎይቂደ ባና፤ ኑን ነ ቢታና አቆና ጋካናዉ፣ ሀድርሳ ዎይ ኡሸቻ ጎኮ ምኒዳ።

18 ሸን ኤደማ ካቲ፣ “ኑ ቢታና እልከ፤ ህንተ ሀዋና መንሃና ካጄሎጥ፣ ኑን ደንዲደ ህንተና ማሻን ኦላና” ምኒዳኖ።

19 እስራኤላቱ እ፣ “ኑን ካትያ ኦግያና ባና፤ ኑን ዎይ ኑ መሂ ህንተ ሃላ ኡሸጥ፣ ኑን ሄዎ ጋትያ ጭጋና። ኑን ገድያን እርሳ ጸላላ ኮዬቶ፤ ሀራባ እያን ኮዮኮ” ምኒዳኖ።

20 ኤደማ ካቲ ዛረሲደ፣ “ህንተና እልከ” ምኒዳ። ሄዋጥ ጉይያን፣ ዳርና ዎልቃማ ኦላንቻቱዋ አከደ፣ እስራኤልያ አሳና ኦላ ጋከታናዉ ከሴዳ።

21 ኤደማቱ ባረንቱ ቢታና እስራኤልያ አሳይ አቆናዉ ድጌዳ ድራዉ፣ እስራኤልያ አሳይ ሰሚደ ሀራ ኦግያ ቤዳ።

**እርና ሀይቁዋ**

22 እስራኤልያ አሳይ ኡባይ ቃዴሳጥ ደንዲደ፣ ሆራ ግያ ደርያ ቤድኖ።

23 ኤደማ ዛዋ ማታን ደእያ ሆራ ደርያን፣ መጅና ጎዳይ ሙሳነ እርና።

24 “እርን ሀይቁደ ባረ ማይዛን ጋከትያ ዎዲ ጋኬዳ። ማሪባ ሃላ ማታን ህንተ ላኡካ ታ አዛዙዋ ቦላ ማካሌዳ ድራዉ፣ እስራኤልያ አሳዉ ታን እምያ ቢታ እ ገላና።

25 እርናን እ ናእ ኤልእዛራ አካደ፣ ሆራ ደርያ እሀ።

26 እርና ማዮዋ ቃራደ፣ እ ናእ ኤልእዛራ ማይዛ። እርን ባረ ማይዛን ጋከታና፤ እ ያን ሀይቃና” ምኒዳ።

27 መጅና ጎዳይ እዛዜዳዎዳን ሙሴ ኦሌዳ፤ አሳይ ኡባይ ጸልሸን፣ እንቱንቱ ሆራ ደርያ ከሴድኖ።

28 ሙሴ እርና ማዮዋ ቃራደ፣ እ ናእ ኤልእዛራ ማይዛዳ። እርን ሄ ደርያ ሀጲያን ሀይቁዳ። ሄዋጥ ጉይያን፣ ሙሴን ኤልእዛር ደርያጥ ዎጄድኖ።

29 እርን ሀይቁዳዋ አሳይ ኡባይ ኤራዳ ዎደ፣ እስራኤልያ አሳይ ኡባይ እርናዉ ሀታሙ ጋላሳ ዬኬዳ።

**21**

**ካናንቱ ጸነቲድኖ**

1 ኔጌባ መላ ቢታ፣ ካናን ጋድያን ደእያ አራዳ ካቲ እስራኤልያ አሳይ አታርማ አፍያ ኦግያ ባጋና ይያዎ ሰሴዳ ዎደ፣ እ እስራኤላቱዋና ኦላ ጋከቲደ፣ እንቱንቱጥ እማራዳዋንታ ኦዎዳዳ።

2 ሄ ዎደ እስራኤልያ አሳይ፣ “ኔን ሀ አሳ ኑ ኩሽያን አላደ እዎጥ፣ ኑን እንቱንቱ ካታማቱዋ ኡባና ቆይሳና” ምኒዳ መጅና ጎዳዉ ሸቆድኖ።

3 መጅና ጎዳይ እስራኤልያ ቃላ ሰሲደ፣ ሄ ካናንቱዋ እንቱንቶ እል እሚዳ፤ እንቱንቱ ሄ ካናንቱዋን እንቱንቱ ካታማቱዋ ኡባና ቆይሴድኖ። ሄዎ ድራዉ፣ ሄ ሳእይ ሆርማ \* ጌተት ሰንገቲዳ።

\* 20:13 ማሪባ- ሀ ሰንገላ ብላላይ እብራዌላዎን፣ “ፓሉመቲዳ” ግያዎ። 20:28 ከሳ 29:29፤ ገይ. 33:38፤ ዛረ. 10:6 21:1 ገይ. 33:40 \* 21:3 ሆርማ- ሀ ሰንገላ ብላላይ እብራዌላዎን፣ “ባሻ” ግያዎ።

ናሃሰያ ብራታጥ መጠቅላ ሸሻ

4 እስራኤልያ አሳይ ሆራ ደርያጥ ደንዲይ፣ ኤዶማ ቢታ የሹዋ ባናዉ ዞኑ እባ እርፍ ኦግያና ቤድኖ፤ ሸን ኦግያ ቦላን አሳዉ ዳንዲያይ ዉራድ።

5 አሳይ፣ “ኔን መላ ቢታን ሀይቃናዉ ግብጻጥ ጉደ ኑና እያዉ እሄድቴ? ቁም ባዋ፤ ሃላይ ባዋ፤ ሀ ኢታ ቁማይ ኑና ሸንዬዳ” ያጊደ ደሳ ቦላን ሙሴ ቦላ ዙዙሚድኖ።

6 መጅና ጎዳይ እሳ ግዴዋን ማርዘያና ደእያ ሸሻቱዋ የዶዳ፤ ኤንቱንቱ ዱክና፣ ዳሮ እስራኤላቱ ሀይቁድኖ።

7 ኤንቱንቱ ሙሴኮ ዩደ እ፣ “ኔን መጅና ጎዳ ቦላን ነ ቦላ ዙዙሚድ፣ ናጋራ ኦሌድ። ኑጥ ሀ ሸሻ ሃሳና ማላ፣ ኔን መጅና ጎዳ ዋሳ” ያጊድኖ። ሙሴ እሳ ድራዉ ዋሴዳ።

8 ሄዋጥ ጉይያን መጅና ጎዳይ ሙሳ፣ “ኔን ሸሻ መጳደ፣ ኤንቱንቱ ሰንላን ሞላ ቦላን ካቃ፤ ዱከቱዳ ኤንነ እ ጼሎጥ ፓጸና” ያጊድ።

9 ሙሴ ናሃሰ ብራታጥ ሸሻ መጳደ፣ ሞላ ቦላን ካቁዳ። ሄዋጥ ጉይያን፣ ሸሻይ ዱኬዳ አሳይ ኡባይ ናሃሰያ ሸሻ ጼሊደ ፓጼድኖ።

ሆራ ደርያጥ ደንዲይ ሞእባ ቢታ ቤድኖ

10 እስራኤልያ አሳይ ደንዲይ፣ ኦቦታ ግያ ሳን ዲንካኔድኖ።

11 ኦቦታጥ ደንዲይ፣ ሞእባጥ ሰንላና ደእያ ባዙዋን፣ አዋይ ዶልያ ባገና፣ ላለቱዳ እየ አባርማ ካታማን ዲንካኔድኖ።

12 ሄዋጥ ደንዲይ፣ ዘራዳ ዘንጋራን ዲንካኔድኖ።

13 ሄዋጥ ደንዲይ፣ አሞረቱ ቢታ ጋጾ ጋካናዉ ብያ መላ ቢታ ግድን አርኖና ሻፋጥ ሄፍንላን ዲንካኔድኖ። አርኖና ሻፋይ ሞእባ ቢታጥን አሞረቱ ጋድያጥ ግድዋን ደእያ ዛዋ።

14 ሄዋ ድራዉ፣ ደሳ ኦላ ማጸፋን፣ “ሱፋ ሄራን ደእያ ዋሄባ ካታማን አርኖና ሻፋ ዘንጋራ፣

15 ኤራ ካታማ ጋካናዉን ሞእባ ዛዋ ጋካናዉ ደእያ ዘንጋራ ዱገላ” ያገቱ ጸፈቱዳ።

16 ኤንቱንቱ ሄዋጥ ደንዲይ፣ ቤራ ግያሳ ቤድኖ፤ ሄዋ ደሳይ ሙሳ፣ “እሳ ሸሻ፤ ታን ኤንቱንቱ ሃላ እማና” ያጊደ ኦዴዳ ሃላ ኦላ።

17 ሄዋን እስራኤልያ አሳይ ሀ ማዘመርያ የጼዳ።

“ሃላ ኦላዉ፣ ፑልታ!

18 ካፓቱ ቦኬዳ ሃላ ኦላዉ፣

እሳ ካለላያዋንቱ ኦላዉ፣

ካተቱዋ ጸምእንነ ኤንቱንቱ ካዛራን ቦኬዳ ሃላ ኦላዉ

እነ የጼቶ” ያጊድ።

ኤንቱንቱ ሄ ባዙዋጥ ማታና ግያሳ ቤድኖ፤

19 ማታናጥ ናህልኤላ፣ ናህልኤላጥ ባዋታ ግያሳ፣

20 ባዋታጥ ደንዲይ፣ ሞእባን ደእያ ዘንጋራ ቤድኖ፤ ሀ ዘንጋራይ ጥሰጋ ደርያጥ ጋርሳን ባዙዋ ማታን ደኤ።

ካቲ ሰሆንን ካቲ ኦግ ጸነቲድኖ

(ዛረ. 2:26—3:11)

21 ሄዋጥ ጉይያን፣ እስራኤልያ አሳይ አሞረ ቢታ ካትያ ሰሆናኮ ኪተትያዋንታ ሀዋዳን ያጊደ ኪቲዳ፤

22 “ኑና ነ ቢታና አላርኪ! ኔን ነ ጋድያ ግዴዋ ዋይ ዋይንያ ቱራ ግዴዋ ገሎኮ፤ ቃይ ሃላ ኦላ ሀዋዋጥን ኡሸኮ። ኔን ነ ቢታና አላርኪ ጋካናዉ፣ ካትያ ኦግያና ባና” ያጊድ።

23 ሸን ሰሆን ባረ ቢታና እስራኤልያ አሳ እግናን ድጌዳ፤ እ ባረ ኦላንቻቱዋ ኡባ ሸሸይ፣ እስራኤልያ አሳ ኦላናዉ መላ ቢታ ቤዳ፤ ያሃጸ ግያሳ ብ ጋኪደ፣ እስራኤልያ አሳና ኦላቲዳ።

24 ሸን እስራኤልያ አሳይ ኦላን አሞረቱዋጥ ዳሩዋ ዋጂደ፣ ኤንቱንታ ቢታ አርኖና ሻፋጥ ዶሚደ፣ አሞናቱዋ ዛዋን ደእያ ያበቃ ሻፋ ጋካናዉ ኦይቁዳ። አሞና አሳቱ ቢታ ዛዋይ ግምቡት ኡቲዳ ድራዉ፣ ኤንቱንቱ ያ ገልቤክኖ።

25 ያትና እስራኤላቱ አሞረቱ ካታማቱዋ ኡባ ጸኒደ እኬድኖ። ቃይ ሀሰቦናን እ የሹዋን ደእያ ቁር ካታማቱዋን ኡባ ኦይቁደ፣ ያን ኡቲድኖ።

26 ሀሰቦና ካታማይ አሞረቱ ካትያ ሰሆና ካታማ። ሰሆን ሞእባ ቢታ ካትያ ካሰዋ ኦሊደ፣ አርኖና ሻፋ ጋካናዉ እ ቢታ ኡባ አጥ እኬዳዋ።

27 ሄዋ ድራዉ፣ ለምሱዋን ሀዋዳን ያጊድኖ፤

“ሀሰቦና ሃይተ፤

ሄ ካታማይ ዛረሰ ኪጸቶ፤

ሰሆና ዋልቃማ ካታማይ ዎቲ ኤቂደ ኬጸቶ!

28 እያው ጎጥ፣ ታማይ ሀሰቦናጥ፡

ላጩ ሰሆና ካታማጥ ከሴዳ፤

ሞአበን ደእያ ኤራን

እርኖና ሻፋ ሄራን ገዝያን ደእያ ካገቱዎ ሜዳ።

29 ሞአባ፣ ነገ እየ እና!

ካሞሻው ጎይንያዋንቶ፣ ሀንተ ላዬድታ።

ሀንተ ጸሳይ፣ ካሞሻ፡

ሀንተ አቱማ ናናቱዋ ባቃታናው፡

ሀንተ ማጫ ናናቱዋ ኦሞዶ፡

አሞረቱ ካትያ ሰሆናው እሜዳ።

30 ሀንተ ዘረላቱ ሀሰቦናጥ ዶሚዶ፡

ድቦና ጋካናው ኡባና ላዬድኖ።

መዳባ ማታን ደእያ ኖፋሀ ጋካናው

ወርሲደ ባይዜድኖ” ያጌድኖ።

31 ሄዋዳን ሀኒዶ፣ እሰራኤላቱ አሞረቱ ጋድያን ኡቱድኖ።

32 ቃይ ሙሴ ዎቻያዋንታ ያእዜራ ግያ ካታማ የድና፣ እሰራኤላቱ ሄ ካታማን እ ሄራን ደእያ ቁር ካታማቱዋ ኦይቁዶ፣ ሄዋን ደእያ አሞረቱዋ ከሲደ የደርሴድኖ።

33 ሄዋጥ ጉይያን፣ እሰራኤላቱ ሰሚዶ፣ ባሳን አፍያ ኦግያና ከሴድኖ። ባሳን ካቲ ኦግ ባረ ኦላንቻቱዋ ኡባና ኤድራኦ ግያ ካታማ ኤንቱንቱና ኦላታናው ከሴዳ።

34 ሸን መቅና ጎዳይ ሙሳ፣ “አው ያኖጋ! እያው ጎጥ፣ ታን ካትያ ኦጋ እ አሳ ኡባናን እ ቢታና ነ ኩሽያን አላደ እማድ። ሀሰቦናን ኡቲደ ሞዴዳ አሞረቱ ካትያ ሰሆና ቦላ ኦሌዳዋዳን፣ ኔን እ ቦላካ ኦላና” ያጌድኖ።

35 እሰራኤላቱ ኦጋ፣ እ አቱማ ናናቱዋን እ አሳ ኡባ እቱዋን ገጸ እሸናን ዎዴድኖ። ኤንቱንቱ እ ቢታ ላቲድኖ።

### ሞአባን ኦሰቴዳ ሀናታቱዋ

## 22

(22:1—32:42)

ሞአባ ካቲ ባላቅ ባላማ ጸግሴዳ

1 ሄዋጥ ጉይያን እሰራኤልያ አሳይ ደንዲደ፣ እያርኮ ልክያን ዮርዳኖሳ ሄፍንጻን ደእያ ሞአባ ደሞባን ዲንካኔዳ።

2 እሰራኤልያ አሳይ አሞረቱ ቦላ ኦሌዳዋ ኡባ ጽገራ ናእይ ባላቅ ሰሴዳ።

3 እሰራኤልያ አሳይ ሎይሰ ዳር ግዴዳ ድራው፣ ሞአባቱ ሎይሰ ዳጋሚደ ያዎድኖ።

4 ሞአባቱ ሞድያማ ጭማቱዋ፣ “ቦራይ ማታ ሞ ላይሰያዋዳን ሀ ወደ አሳይ ኑ ዩሹዋን ደእያ ኡባ ሞ ላይሳና” ያጌድኖ።

5 ዎደ ሞአባ ካቲ፣ ጽገራ ናእይ ባላቅ

6 አሞዋ ጋድያን ኤፍራጺሳ ሻፋ ማታን ገቶራ ካታማን ደእያ ብኦራ ናእ ባላማኮ አሳ ከቲዳ። ባላቅ፣ “ብአ፣ ግብጾጥ ዳር አሳይ ከሴዳ፤ ኤንቱንቱ ቢታ ኡባ ማዬደ፣ ታጥ ያ ባጋን ደእኖ።

7 ኤንቱንቱ ታው ሎይሰ ዋልቃዎያ ድራው፣ ሀያና ሀእ ያደ፣ ኤንቱንታ ታው ሸቃርኪ! ኦን ኤሪ፣ ታን ኤንቱንታ ጸናናውን ጋድያጥ ከሳናው ዳንዳያንቶን። እያው ጎጥ፣ ኔን እንጂዳዌ እንጀቲዳዋን ኔን ሸቁዳዌ ሸቀቲዳዋ ግድያዋ ታን ኤራይ” ያጌድኖ።

8 ሞአባ ጭማቱን ሞድያማ ጭማቱ ሸቁሰያ ጋትያ እኪደ፣ ባላማኮ ቤድኖ። ባላቅ ጌዳዋ አው ኦዴድኖ።

9 ባላሞ ኤንቱንታ፣ “ሆቼ ቃማ ሀዋን እቅተ፤ መቅና ጎዳይ ታው ኦድያዋ ታን ሀንተንቶ ኦዳና” ያጌድኖ። ሞአባ ካገቱ ባላማዋን ታኬድኖ።

10 ደሳይ ባላማኮ ዪደ፣ “ሀዋንቱ ኔናና ደእያ አሳቱ ኦኔ?” ያጌደ ኦቹዳ።

11 ባላሞ ጸሳ፣ “ሞአባ ካቲ፣ ጽገራ ናእይ ባላቅ፣

12 ግብጾጥ ዳር አሳይ ከሴዳ፤ ኤንቱንቱ ቢታ ኡባ ማዬድኖ። ሀእ ኔን ያደ፣ ኤንቱንታ ታው ሸቃርኪ! ኦን ኤሪ፣ ታን ኤንቱንታ ጸናናውን ጋድያጥ ከሳናው ዳንዳያንቶን ያጌደ ኤንቱንታ ታኮ ከቲዳ” ያጌድኖ።

12 ጸሳይ ባላማ፡ “ኔን ኢንቱንቱና ቦፓ፡፡ እስራኤላቱ እንጀቴዳዋንታ ግድያ ድራሬ፡ ኔን ሄ አሳ ሸቆፓ” ያጌዳ።

13 ዋንተላ ጋላስ ዋንታ ባላሞ ደንዲደ፡ ባላቃ ካፓቱዋ፡ “ታን ህንተናና ቤናዳን መጵና ጎዳይ ድጌዳ ድራሬ፡ ህንተ ቢታ ሰሞተ” ያጌዳ።

14 ሞእባ ካፓቱ ያፕ ደንዲደ፡ ባላቃኮ ሰሚደ እ፡ “ባላሞ ኑናና ዬናን እዳዳ” ያጌድና።

15 ዛሪደካ ባላቅ ካሰዋንቱፕ እጅ ቦንቹቴዳን ገይዲዋንካ ጮራቴዳ ሀራ ካፓቱዋ እኮ ከቲዳ።

16 ኢንቱንቱ ባላማኮ ዪደ፡ “ጽገራ ናእይ ባላቅ ኔና፡ ኔን ታኮ ያናዋ ኔና እያይን ተአፖ።

17 እያወ ሳፕ፡ ታን ነወ ዳር ዋይቱዋ እማና፤ ኔን ግያዋ ኡባ እያን ታን ኦላና። ያደ ሀ አሳ ታወ ሸቃርኪ” ያጌደ ኦዲድና።

18 ሸን ባላሞ ኢንቱንቱ፡ “ባላቅ ሀራይ አቶ ብራይን ዋርቃይ ኩሚዳ ባረ ካትያ ጎልያ ታወ እሚዳዋ ግድንቶን፤ መጵና ጎዳ ታ ጸሳ እዛዙዋፕ እጃደ፤ ታን እያን ገጭሳናወ ዋይ ጉጃናወ ዳንዳይከ።

19 መጵና ጎዳይ ታወ ኦድያ ሀራባይ ደአፕ ታን ኤራናዳን፤ ህንተካ ሀች ቃማ ሀዋን አቅተ” ያጌዳ።

20 ሄ ጋላሳ ቃማ ጸሳይ ባላማኮ ዪደ፡ “ሀ አሳይ ኔና ዴሳናወ ዬዳ ድራሬ፡ ኔን ኢንቱንቱና ባ። ሸን ታን ነወ እድያዋ ጸላላ አላ” ያጌዳ።

**ባላማን እ ሀራቶ**

21 ዋንተላ ጋላስ ባላሞ ባረ ሀራቶ ኮሪደ፡ ሞእባ ካፓቱዋና ቤዳ።

22 ሸን እ ብያ ዋይ ጸሳ ሀንቁ ኤጽ ከሴዳ፤ ያትና መጵና ጎዳ ኪታንቻይ አ ተአናወ ኦግያን ኤቁዳ። ሄ ዋይ ባላሞ ባረ ሀራቶ ቶሳዋን፡ አ ላኤ ቆማቱ እናና ደእና።

23 መጵና ጎዳ ኪታንቻይ ማሻ ዛሪሳ ኦይቁደ፡ ኦግያን ኤቁዳዋ ሀራታ በእኔ፡ ኦግያ አገደ፡ ጎሻ ግዳ ገላዳ። ባላሞ ኦግያ ዛሪናወ ሀራቶ ሸጮዳ።

24 ያትና መጵና ጎዳ ኪታንቻይ ላኤ ዋይንያ ቱራ ሳኦቱዋፕ ግዳዋን፡ ያ ባገናን ሀ ባገና ግሞቢያን ድረት ኡቴዳ ኢንኦ ኦግያን ኤቁዳ።

25 ሀራታ መጵና ጎዳ ኪታንቻ በኤዳ ዋይ፡ ግሞቢያ ድርሳኮ ሺቃደ፡ ባላማ ገድያ ግሞቢያ ድርሳና ዳራጸዳ፤ እ ሀራቶ ላኢንሱዋካ ሸጮዳ።

26 ሄዋፕ ጉይያን፡ መጵና ጎዳ ኪታንቻይ ሰንጻወኮ እጂደ፡ ሀድርሳ ባገናካ ኡሸቻ ባገና አጅያ ሳእይ ባይና ኢንኦ ሳእን ኤቁዳ።

27 ሀራታ መጵና ጎዳ ኪታንቻ በእደ፡ ባላሞ ቶሳዋን ግሳዳ። ባላሞ ሎይሳ ሀንቀቲደ፡ ባረ ጸሞእን ሀራቶ ቡኪዳ።

28 ሄዋፕ ጉይያን፡ መጵና ጎዳይ ሀራት ድና ደይና፡ ሀራታ ባላማ፡ “ታን ነወ እይ ኦሕኔ ኔን ታና ሀ ሄዙ ገደ ቡኪዳዌ?” ያገዱ።

29 ባላሞ ሀራቶ፡ “ኔን ታና ኤኮዳዳ ድራሳ። ታ ኩሸያን ማሻይ ደኤዳዋ ግድንቶን፤ ታን ኔና ሀእ ዋጃና ሸን!” ያጌዳ።

30 ሀራታ ባላማ፡ “ታን ነ ደኦ ኡባን ሀች ጋካናወ ቶግያ ነ ሀራቶ ግድክታ? ታን ነወ ሀዋዳን ሀና ኤራይታ?” ያገዱ።

ባላሞ፡ “ሀና ኤራካ” ያጌዳ።

31 ሄዋፕ ጉይያን፡ መጵና ጎዳይ ባላሞ እይፍያ ደይና፤ መጵና ጎዳ ኪታንቻይ ሸኩዋፕ ሸዴዳ ማሻ ኦይቁደ፡ ኦግያን ኤቁዳዋ በኤዳ። እ ልጭ ገደ፡ ሰሞኦዋ ሳኦ ጋሊደ ጉፋኔዳ።

32 መጵና ጎዳ ኪታንቻይ እ፡ “ነ ሀራቶ ሀ ሄዙ ገደ እያወ ቡካዳ? ነ ኦጊ ታ ሰንጻን ጌላ ግድያ ድራሬ፡ ታን ኔና ተአናወ ሀዋ ያድ።

33 ሀራታ ታና በእደ፡ ታ ሰንጻፕ ሄዙ ገደ ዋራ ሰማዱ። ሀራታ ዋራ ሰማቤናዋ ግድንቶን፤ ታን ኔና ሀናደ ቱሙ ዋጃ ድጋደ፤ ሀራቶ አሻና ሸን” ያጌዳ።

34 ባላሞ መጵና ጎዳ ኪታንቻ ዛሪደ፡ “ታን ናጋራ ኦላድ። ኔን ታና ተአናወ ኦግያ ቦላን ኤቁዳዋ ታን ኤራቢይከ። ኔን ደሳቤናባ ግድፕ፡ ታን ሀእ ጉዮ ሰማና” ያጌዳ።

35 መጵና ጎዳ ኪታንቻይ ባላማ፡ “ኔን ሀ አሳቱዋና ባ፤ ሸን ታን ነወ እድያዋ ጸላላ ሃሳያ” ያጌዳ። ባላሞ ባላቃ ቢታ ካፓቱዋና ቤዳ።

**ባላቅ ባላማ ናሸቻን ሞኪዳ**

36 ባላሞ ይያዋ ባላቅ ሰሴዳ ዋይ፡ አርናና ሻፋ ዛዋን ባረ ቢታ ጋጸን ደእያ ሞእባቱዋ ካታማን እናና ጋከታናወ ቤዳ።

37 ባላቅ ባላማ፡ “ኔን ኤላካ ያናዳን ታን ኪታቢይክታ? ኔን እያወ ታኮ ኤላካ ያበይኪ? ታን ነወ ዋይታናወ ቱሙ ዳንዳይክታ?” ያጌዳ።

38 ባላሞ ባላቃ፡ “በእ፡ ሀእ ታን ኔኮ ያድ፤ ሸን ታን እያን ጋናወ ቱሙ ዳንዳይከ። ጸሳይ ታና ሃሳይሰያዋ ጸላላ ታን ሃሳያና” ያጌዳ።

- 39 ሄዋጥ ጉይያን፣ ባላም ባላቃና ቅርያት-ሁጾታ ግያ ካታማ ቤዳ።
- 40 ባላቅ ሚዛነ ድርሳ ያርሺደ፣ እሹዋጥ አማራዳዋ ባላማዉነ እናና ደእያ ካፓቶ እሜዳ።

**ባላማ ኮይሮ ትምቢትያ**

41 ዋንተላ ጋላሰ ዋንታ ባላቅ ባላማ አኪደ፣ ባሞት-ባኣል ግያሳ ፑደ ከሴዳ፤ ሄዋን ኤቁደ፣ ባላም እስራኤልያ አሳጥ ባጋ በኤዳ።

**23**

1 ባላም ባላቃ፣ “ሀዋን ኔን ታዉ ላፑን ያርሸያ ሳኣ ግምባ፤ ቃይ ላፑን ኮሩማ ቦራነ ላፑን ድርሳ ኦርገቱዋ ኔን ታዉ ገግሳ” ያጌዳ።

2 ባላም ጌዳዋዳን ባላቅ ኦሌዳ፤ ኤንቱንቱ ላኡካ እት እት ያርሸያ ሳኣን እት ኮሩማ ቦራነ እት ድርሳ ኦርግያ ያርሸድና።

3 ሄዋጥ ጉይያን፣ ባላም ባላቃ፣ “ኔን ነ ጸግያ ያርሹዋ ማታን ሀዋን ኤቃሻ፤ ታን ገደኮ ባይ። መጵና ጎዳይ ታናና ጋከታናዉ ሀቀት ዬናን አገና። እ ታዉ ቆንጭሰያዋ እያን ታን ነዉ ኦዳና” ያጌዳ። ጶቃ ዘዘትያ መላ ሳኣ ከሴዳ።

4 ሄዋን ጸሳይ ባላማና ጋከትና ባላም፣ “ታን ላፑን ያርሸያ ሳኣ ገግሳድ፤ እት እት ያርሸያ ሳኣን እት ኮሩማ ቦራነ እት ድርሳ ኦርግያ ያርሻድ” ያጌዳ።

5 ባላም ጋናባ መጵና ጎዳይ አዉ ኦደደ፣ “ኔን ባላቃኮ ሰማያ ዋደ፣ አዉ ሀ ትምቢትያ ኦዳ” ያጌዳ።

6 እ ባላቃኮ ሰምያ ዋደ፣ ባላቅ ሞኣባ ካፓቱ ኡባና ባረ ጸግያ ያርሹዋ ማታን ኤቁዳ።

7 ሄዋጥ ጉይያን፣ ባላም ባረ ትምቢትያ ሀዋዳን ያጌደ ኦዳዳ፤ “ሞኣባ ካቱ አዋይ ዶልያ ባጋ ደረቱዋጥ፣ ስርያ ጋድያጥ ታና ሀዋዳን ያጌደ አሄዳ፤

“ሃያ፤ ያቆባ ታዉ ሸቃ! እስራኤልያ አሳ፣ “ዉርተ!” ያጋ” ያጌዳ።

8 ጸሳይ ሸቆቤናዋንታ ታን ዋታ ሸቆ? መጵና ጎዳይ፣ “ዉርተ!” ያግቤናዋንታ፣ ታን ዋታደ፣ “ዉርተ!” ያጎ?

9 ታን ጶቃ ዛላ ሁጲያን ኤቃደ ኤንቱንታ ጸላይ፤ ዘዘያን ኤቃደ ታን ኤንቱንታ በአይ። ኤንቱንቱ ባረካ ደእያ አሳ፤

ኤንቱንቱ ባረና ካዉተላቱዋጥ እቱዋዳን ገይድክና።

10 ባናዳን ጮራቱዳ ያቆባ ዘረላ ኦን ገይዳናዉ ዳንዳዪ?

ሀራይ አቶ እስራኤልያ አሳዉ ኦይደንሶ ኩሸያ ኦን ገይዳናዉ ዳንዳዪ?

ታ ሀይቅ ጽሎቱዋ ሀይቅዋ ማላ ግደ፤ ታ ደኡዋ ዉርሰሳይካ ኤንቱንቱዋዳን ሀና!” ያጌዳ።

11 ባላቅ ባላማ፣ “ኔን ታ ቦላ ኦልያባይ አይ? ታን ኔና ታ ሞርከቱዋ ሸቃናዳን አሃድ፤ ሸን ኔን ኤንቱንታ እንጃዳጥ እትና፣ ሀራባ አይነ ኦሳባካ!” ያጌዳ።

12 ባላም ዛራደ፣ “ታን መጵና ጎዳይ ታና ሃሳይሰያዋጥ ሀራ ሃሳዮ?” ያጌዳ።

**ባላማ ላኤንሳ ትምቢትያ**

13 ሄዋጥ ጉይያን፣ ባላቅ አ፣ “ኤንቱንቱ ኔን በአናዉ ዳንዳይያ ሀራሳ ታናና ደንዳ። ኔን ኤንቱንቱጥ አማራዳዋ በአናጥ እትና፣ ኤንቱንታ ኡባ በአካ። ኔን ሄዋን ታዉ ኤንቱንታ ሸቃርኪ” ያጌዳ።

14 ጥሰጋ ግያ ድርያ ሁጲያን ደእያ ጸፊማ ደምባ አኪደ አፊዳ። ሄዋን ላፑን ያርሸያ ሳኣ ግምቤዳ፤ እት እት ያርሸያ ሳኣን እት ኮሩማ ቦራነ እት ድርሳ ኦርግያ ያርሸድ።

15 ባላም ባላቃ፣ “ታን ህንና ጸሳና ጋከትያ ዋደ፣ ኔን ሀዋን ነ ጸግያ ያርሹዋ ማታን ኤቃሻ” ያጌዳ።

16 መጵና ጎዳይ ባላማና ጋከቲደ ኪቲደ፣ “ኔን ባላቃኮ ሰማያ፣ አዉ ሀ ትምቢትያ ኦዳ” ያጌዳ።

17 እ እኮ ሰሚደ፣ ባረ ጸግያ ያርሹዋ ማታን ሞኣባ ቢታ ካፓቱና ኤቁዳዋ ደሚዳ። ባላቅ አ፣ “መጵና ጎዳይ ኦድያባይ አይ?” ያጌዳ።

18 ባላም ባረ ትምቢትያ ሀዋዳን ያጌደ ኦዳዳ፤ “ጽጉራ ናኣ ባላቃ ደንዳ ሰሳ፤ ታን ኦድያዋ ሰሳ!

19 ጸሳይ ዋርዶታናዉ አሳ ግደና፤ ባረ ቆፋ ላማናዉ እ አሳ ናኣ ግደና።

እ ኦዲደ፣ ባረ ኦዲዳዋ ኦ□ኔ?

ዎይ እ ባረ ጌዳዋ ፖለኔ?

20 ታን እንጃናዉ እዛዙዋ አካድ።

እ እንጅ ክቼዳ፤

ታን ሄዋ ላማናዉ ዳንዳይከ።

21 ያቆባ ዛርያዉ ኢታባይ ያናባይ፣

እሰራኤልያ አሳዉ መቱ ጋካናባይ ታዉ ቤትቤና።

መፅና ጎዳይ ኤንቱንቱ ጸሳይ ኤንቱንቱና ደኤ፤

እ ኤንቱንቶ ካትያ ግድያዋ እዋዪኖ።

22 ጸሳይ ኤንቱንታ ግብጾፕ ከሴዳ፤

እ ሞኖ መንገዳዳን ኤንቱንቶ ደኤ።

23 ያቆባ ቦላ ጋካና ብታይ ባዋ፤

እሰራኤልያ አሳ ቆህና ሙሩኑካ ባዋ።

አሳይ ሀእ፣ ‘ያቆባዉን እሰራኤላዉ ጸሳይ ኦፊዳዋ በእተ’ ያጋና።

24 ሀ አሳይ ማጫ ጋማትዳን ደንዴዳ።

ባረ ኦይቄዳዋ ማና ጋካናዉን፣

ባረ ዎጴዳዋ ሱሳ ኡሻና ጋካናዉ፣

ሸምፕና ጋሙዋዳን ኤንቱንቱ ኤቂ ደንድኖ” ያጌዳ።

25 ሄዋፕ ጉይያን፣ ባለቅ ባላማ፣ “ኔን ኤንቱንታ ሙለካ ሸቆፓን ሙለካ እንጃፓ” ያጌዳ።

26 ባላም ዛሪደ፣ “መፅና ጎዳይ ግያዋ ኡባ ኦላና ጋደ ታን ነዉ ኦዳበይክታ?” ያጌዳ።

ባላማ ሄዘንጾ ትምቢትያ

27 ሄዋፕ ጉይያን፣ ባለቅ ባላማ፣ “ሃያ፤ ታን ኔና ሀራሳ አፋና። ኦን ኤሪ፣ ኔና ያ አፍና ጸሳይ ናሽቲደ፣ ኔና ኤንቱንታ ታዉ ሸቅሳንቶ” ያጌዳ።

28 ባለቅ ባላማ መላ ቢታ ቦላና ዱጊ ጾልያ ፓኦራ ደርያ ሁጲያ አፌዳ።

29 ባላም፣ “ኔን ሀዋን ታዉ ላፑን ያርሽያ ሳኦ ግምባ፤ ቃይ ላፑን ኮሩማ ቦራቱዋን ላፑን ደርሳ ኦርሳ ትቆፍ ታዉ ገግሳ” ያጌዳ።

30 ባላም ጌዳዋዳን ባለቅ ኦፊዳ፤ እት እት ያርሽያ ሳኦን እት ኮሩማ ቦራን እት ደርሳ ኦርግያ ያርሺዳ።

24

1 እሰራኤልያ እንጅያዎ መፅና ጎዳ ናሽቼዳዋ ባላም በኤዳ ዎደ፣ ካስ እ ኦፊዳዋዳን ሙሩናናዉ ኮይቤና፤ ሸን ባረ ሶምኤዋ መላ ቢታኮ ዛሬዳ።

2 ያቲዳ ቶቁ ጌ ጾሊደ፣ እሰራኤልያ አሳይ ባረ ዛርያን ዛርያን ዱንካን ኡቲዳዋ በኤዳ፤ ጸሳ እያናይ እ ቦላ ዎጴዳ።

3 እ ባረ ትምቢትያ ሀዋዳን ያጌደ ኦፊዳ፤

“ብኦራ ናኦ ባላማ ትምቢቲ፣

እ አይፊ ትሽ ኦስ ጾልያዋ ትምቢቲ፣

4 ጸሳይ ግያዋ ሰሰያዋ ትምቢቲ፣

ልጭ ጊደ ጉፋንና፣

እ አይፊ ደዮቲዳዋን

ኡባ ዳንዳይያ ጸሳ ሳፃ በእያዋ ትምቢቲ ሀዋ።

5 ያቆባ ዛረቶ፣ ሀንተ ዱንካንቱ፣

እሰራኤልያ አሳዉ፣ ሀንተ ደእያ ሳኦቱካ፣

ዎት ሎኤ!

6 ኤንቱንቱ ምጩቲዳ ዎምባዳን፣

ሻፋ ዶናን ደእያ ኢታክልትያ ሳኦዳን፣

መፅና ጎዳይ ቶኬዳ ጎዳረ ኡላዳንን

ሃሳ ዶናን ደእያ ዘጋዳን ሀኒኖ።

7 ኤንቱንቶ ዶር ሃላይ ፑልታና፤

ኤንቱንቱ ዛረቶ ግድያ ሃላይ ደእና።

ኤንቱንቱ ካቲ ካትያ አጋጋፕ ግታታና፤

ኤንቱንቱ ካዉተላይካ ቦንቼታና።

8 ጸሳይ ኤንቱንታ ግብጾፕ ከሴዳ፤

እ ሞኖ መንገዳዳን ኤንቱንቶ ደኤ።

ኢንቴንጌ ሞርከ ካወተላ ምታና፤  
ኢንቴንጌ መቀላካ ሊቅሳና፤  
ኢንቴንጌ ባረንጌ ምንዳናና ዙቢያን ኢንቴንጌ ጫዳና።

9 እስራኤልያ አሳይ ጋሙዋዳን ግሱ።  
ማጫ ጋማትዳን ኢንቴንጌ ደንላናዉ ኦን ጸላኔ?

ሀንተና አንጅያ ኡባይ አንጀጅቲዳዋ ግዳናዋ፤  
ሀንተና ሸቂያ ኡባይ ሸቀቲዳዋ ግዳናዋ” ያጌዳ።

10 ሄዋጥ ጉይያን፣ ባላቅ ባላማ ቦላ ሀንቁዋ ኤጽ ከሴዳ። ባላቅ ባረ ኩሽያ ዲኪደ ባላማ፣  
“ታ ሞርከቲዋ ቃንጋናዳን ታን ኔና ጸሳድ፤ ሸን ኔን ሀ ሄዙ ገደካ ኢንቴንጌ አንጅዳ።

11 ሰም ሀእ ኔን ነ ጎሊ ባቃታ፤ ታን ነዉ ዳሮባ ዋይታና ጋድ፤ ሸን ኔን ዋይቲዋ አከናዳን መቲና  
ጎዳይ ኔና ድጌዳ” ያጌዳ።

12 ባላም ባላቃ ዛሪይ፣ “ኔን ታኮ ከቲዳዋንጉነ፤

13 “ባላቅ ሀራይ አቶ ባረ ብራይን ዋርቃይ ኩሜዳ ባረ ካትያ ጎልያ ታዉ እሚዳዋ ግድንቶን፣  
መቲና ጎዳይ ኦዴዳዋ አዳይ፣ ሎኡዋ ዋይ ኢታ ታ ሸንያን ኦላናዉ ዳንዳይከ። ታን መቲና ጎዳይ  
ግያዋ ጸላላ ጋና ያጋደ ነዉ ኦዳቢይክታየ?” ያጌዳ።

ባላም ወርሰሳ ትምቢትያ

14 ያጌደ፣ “ታን ሀእ ታ አሳኮ ባይ፤ ሸን ኔን ሃያ፤ ሀ አሳይ ወርሰሳ ዋድያን ነ አሳ ኦላናዋ ታን  
ነዉ ኦዳና” ያጌዳ።

15 እ ባረ ትምቢትያ ሀዋዳን ያጌደ ኦዴዳ፤

“ብኦራ ናእ ባላማ ትምቢቲ፣  
እ አይፊ ትሽ ኦሊደ ዴልያዋ ትምቢቲ፣

16 ጸሳይ ግያዋ ሰሰያዋነ፣  
ኡባጥ ቶቂያ ጸሳጥ  
ግይዳ ኤራተላይ ደእያዋ ትምቢቲ፣  
ልጽ ጊደ ጉፋንና፣  
እ አይፊ ደዋቲዳዋነ  
ኡባ ዳንዳይያ ጸሳ ሳፃ በእያዋ ትምቢቲ ሀዋ።

17 ታን አ በአይ፤ ሸን ዋዴ ሀእ ግደና፤  
ታን አ ጸላይ፤ ሸን ማታን ግደና።

ያቆባ ዛርያጥ ጸልንቲ ከሳና።  
እስራኤልያጥ ካተቲዋ ጸምአይ ከሳና።

ሞአባ አሳ ሶምኡዋ እ ጋጭ ቆላና።  
ሴተ አሳ ኡባ ሀጺያ እ ክንቻና።

18 ኤደም ጸንታና፤  
እ ሞርኪ ሰኢርካ ጸንታና፤

ሸን እስራኤሊ ምን ምኒደ ባና።  
19 ያቆባጥ ሞድያዌ ከሳና፤  
ኢንቴንጌ ካታማን ገጽ አቲዳዋንታ ቆይሳና” ያጌዳ።

20 ሄዋጥ ጉይያን፣ ባላም እማሌቃ አሳቲዋ በኢደ፣ ባረ ትምቢትያ ሀዋዳን ያጌደ ኦዴዳ፤

“ካወተላቲዋ ግደን እማሌቅ ኮይር፤  
ሸን ኢንቴንጌ ወርሰሳይ ቆዎ” ያጌዳ።

21 ቃይ ባላም ቁና አሳቲዋ በኢደ፣ ባረ ትምቢትያ ሀዋዳን ያጌደ ኦዴዳ፤

“ሀንተ ደእያ ሳአይ ሳር ሳ ግደ፤  
ሀንተ ጎሊ ዛላ ቦላን ኬጸቴዳ።

22 ሸን አሰረቲ ሀንተና ኦሞድያ ዋደ፣  
ሀንተ ቁና አሳቲ ቆያና” ያጌዳ።

23 ሄዋጥ ጉይያን፣ ባላም ባረ ትምቢትያ ሀዋዳን ያጌደ ኦዴዳ፤

“አየ አና!  
ጸሳይ ሀዋ ኦልያ ዋደ፣  
ኦን ደአና ዳንዳይ?

24 ማርካባቲ ክቲማ ሀሩሩዋጥ ያና፤  
ኢንቴንጌ አሰረቲዋነ ኤቤራቲዋ ኡቁናና፤



ሽን ቃይ ኤንቱንቱካ ጻፍና” ያጌዳ።

25 ሄዋፕ ጉይያን፣ ባለሞ ደንዲደ፣ ባረ ጎለ ሰሜዳ፤ ባለቅካ ባረ ኦግያ ቤዳ።

### 25

እስራኤላቱ ፓኦራ ግያ ሳን ናጋራ ኦፊድኛ

1 እስራኤላቱ ሺጽማ ግያ ሳን ዲንካኔዳ ዋደ፣ አሳይ ሞኣባ ቢታ ማቼቱዋና ሻርሙጸቀ ዶሜዳ።

2 ሄ ማጫ አሳቱ ባረገቱ ጸሳቱዋ ያርሹዋ ማናዉ ኤንቱንታ ሹቤድኛ፤ ኤንቱንቱ ሚደ፣ ኤንቱንቱ ጸሳቶ ጎይኔድኛ።

3 እስራኤላቱ ፓኦራ ባኣላ ግያ ኤቃ ካሌዳ ድራዉ፣ መድና ጎዳ ሀንቁ ኤንቱንቱ ቦላን ኤጽ ከሴዳ።

4 ያትና መድና ጎዳይ ሙሳ፣ “መድና ጎዳ ሀንቁ እስራኤልያፕ ዋራ ሰማና ማላ፣ ሀ አሳ ካለልያዋንታ ኡባ አፋደ፣ ሴታ ጋለሰ መድና ጎዳ ሰንሳን ካቃ” ያጌዳ።

5 ሙሴ እስራኤልያ ዳናቱዋ፣ “ፓኦራ ባኣላ ግያ ኤቃዉ ጎይኔዳ ሀንተ አሳ ኡባ ሀንተ ሁጲያን ሁጲያን ያድተ” ያጌዳ።

6 ሙሴን እስራኤልያ ማባራይ ኡባይ ጋከትያ ዲንካንያ ፕንግያን ዬክሽን፣ እስራኤላቱዋፕ እቱ ሞድያማ ቢታ ሞሽራቶ ኤንቱንቱ ሰንሳና አሊደ፣ ባረ ጎልያ አሳኮ አሄዳ።

7 ቁሰያ አርና ናኣ ኤልእዛራ ናኣይ ፒንሃሰ ሄዋ በኤዳ ዋደ፣ ማባራ ግደፕ ደንዲደ፣ ቶራ ባረ ኩሽያን ኦይቂደ፣

8 ሄ እስራኤልያ ብታንያ ካሊደ፣ ዲንካንያ ግደ ገሌዳ። እስራኤልያ ብታንያን ሞሽራቶን ላኡዋካ ቶራን ጫዳደ፣ ካንሐ ከሴዳ። ሄዋዳን ሀንና፣ ቦሻይ እስራኤላቱዋፕ ቃረቴዳ፤

9 ሽን ሄ ቦሻን ሀይቂዳ አሳይ ላታማን ኦይዲ ሻኦ።

10 ሄዋፕ ጉይያን፣ መድና ጎዳይ ሙሳ ሀዋዳን ያጌዳ፤

11 “ቁሰያ አርና ናኣ ኤልእዛራ ናኣይ ፒንሃሰ እስራኤልያ አሳ ግደን ታን ታ ቦንሻ ሞሽትያዋዳን ሞሽቲዳ ድራዉ፣ ኤንቱንቱ ቦላ ታን ሀንቀቲዳ ሀንቁ ዶቼዳ፤ ታንካ ኤንቱንታ ታ ሀንቁዋን ጻይሳበይከ።

12 ሄዋ ድራዉ፣ ታን ታ ሳርተላ ጫቁዋ አናና ጫቀትያዋ ፒንሃሳዉ ኔን ኦዳ።

13 እ ባረ ጸሳ ቦንሻ ሞሽቲዳ ግሻዉን እስራኤልያ አሳዉ እቶ ጊሴዳ ድራዉ፣ እነ እ ዘረላቱ መድናዉ ቁሰ ግዳናዋ” ያጌዳ።

14 ሞድያማ ቢታ ሞሽራትና ዋዴዳ እስራኤልያ ብታንያ ሱንሳይ ሳሉ ናኣ ዝሞራ፤ ሳሉ ሰሞና ዘራቱዋን እት ያራ ካፑዋ።

15 ሀይቂዳ ሞድያማ ቢታ ሞሽራት ሱንሳይ ኮዝቦ፤ እ አዉ ጸር ሞድያማቱ ያራ ካፑዋ።

16 መድና ጎዳይ ሙሳ ሀዋዳን ያጌዳ፤

17 “ሞድያማ ቢታ አሳቱዋ ሞርክተ፤ ኤንቱንታ ዋድተ።

18 እያዉ ጎፕ፣ ኤንቱንቱ ሀንተና ፓኦራን ጭሚደ፣ ሀንተዉ ሞርከ ግዴድኛ፤ ቃይ ቦሻ ጋለሰ ፓኦራን ዋዴዳ ሞሽራት፣ ሞድያማቱ ያራ ካፑዋ ናት ኮዝቦ ጋሱዋን ኤንቱንቱ ሀንተና ሞርኬድኛ” ያጌዳ።

### 26

ላኢንላ እስራኤልያ አሳ ፓይዲብ

1 ቦሻፕ ጉይያን፣ መድና ጎዳይ ሙሳን ቁሰያ አርና ናኣ ኤልእዛራ፣

2 “የለቶደፕ ላታሙ ላይሳን ሄዋፕ ቦላና ደእያ እስራኤላቱዋ፣ ኦላዉ ባናዉ ዲንዲይያዋንታ ኡባቱዋ፣ ኤንቱንቱ ጎልያን ጎልያን ፓይድተ” ያጌዳ።

3 ሙሴን ቁሴ ኤልእዛር ዮርዳኖሳ ሻፋፕ ሄፍንላ ባጋና፣ እያርኮ ማታን፣ ሞኣባ ደሞባን ኤንቱንቱና ሃሳዪደ፣

4 “መድና ጎዳይ ሙሳ አዛዜዳዋዳን፣ የለቶደፕ ላታሙ ላይሳን ሄዋፕ ቦላና ደእያ አሳ ፓይድተ” ያጌድኛ።

ግብጻፕ ከሴዳ እስራኤላቱ ሀዋንታ።

5 እስራኤልያ ባይራ ናኣ ርቤላ ዛራቱ፣ ሀኖካ ያራቱዋ፣ ፓሉ ያራቱዋ፣

6 ሄጽርና ያራቱዋን ካርማ ያራቱዋ።

7 ሀዋንቱ ርቤላ ዛራቱዋ፤ ኤንቱንቱ ኡባና 43,730።

8 ፓሉ ናኣይ ኤልእባ፤

9 ኤልእባ አቱማ ናናይ ነሙኤላ፣ ዲታናን አቢራማ፤ ሀ ዲታንን አቢራሞ ማባራይ ዶራዳዋንታ። ኤንቱንቱ ቆራሀን እ ካልያዋንቱና ዙፕቲደ፣ ሙሴ ቦላ፣ አርና ቦላን መድና ጎዳ ቦላ ማካሌድኛ።

- 10 ቢታይ ደዮቲደ፣ ኢንቴንታ ቆራሃና እትፕ ሞቴዳ፤ ኢንቴንታ ካልያ ላኡ ጾታን እሻታሙ አሳ ታማይ ሚና ሀይቄድኖ። ያትና ኢንቴንጉቴ አሳይ በእደ ዱጾያ ማላታ ግዴድኖ።
- 11 ሽን ቆራሀ አቱማ ናናይ ሂ ጋላሰ ሀይቄበይክኖ።
- 12 ሰሞና ዛራቱ ባረንጉቴ ያራን ያራን፡ ነሙኤላ ያራቱቀ፣ ያሚና ያራቱቀ፣ ያኪና ያራቱቀ፣
- 13 ዛራሀ ያራቱቀን ሻኡላ ያራቱቀ።
- 14 ሀዋንጉ ሰሞና ዛራቱቀ፤ ኢንቴንጉቴ ኡባና 22,200።
- 15 ጋዳ ዛራቱ ባረንጉቴ ያራን ያራን፡ ጸፎና ያራቱቀ፣ ሀጋ ያራቱቀ፣ ሹና ያራቱቀ፣
- 16 ኦዝና ያራቱቀ፣ ኤራ ያራቱቀ፣
- 17 አሮዳ ያራቱቀን አርኤላ ያራቱቀ።
- 18 ሀዋንጉ ጋዳ ዛራቱቀ፤ ኢንቴንጉቴ ኡባና 40,500።
- 19 ይሁዳ አቱማ ናናይ ኤራን ኦናና፤ ሽን ኢንቴንጉቴ ካናን ጋድያን ሀይቄድኖ።
- 20 ይሁዳ ዛራቱ ባረንጉቴ ያራን ያራን፡ ሼላ ያራቱቀ፣ ፓሬሳ ያራቱቀ፣ ዛራሀ ያራቱቀ።
- 21 ፓሬሳ ዛራቱ ሄጽሮና ያራቱቀን ሀሙላ ያራቱቀ።
- 22 ሀዋንጉ ይሁዳ ዛራቱቀ፤ ኢንቴንጉቴ ኡባና 76,500።
- 23 ይሳኮራ ዛራቱ ባረንጉቴ ያራን ያራን፡ ቶላኦ ያራቱቀ፣ ፑዋ ያራቱቀ፣
- 24 ያሹባ ያራቱቀን ሸሞሮና ያራቱቀ።
- 25 ሀዋንጉ ይሳኮራ ዛራቱቀ፤ ኢንቴንጉቴ ኡባና 64,300።
- 26 ዛብሎና ዛራቱ ባረንጉቴ ያራን ያራን፡ ሰራዳ ያራቱቀ፣ ኤሎና ያራቱቀን ያህላኤላ ያራቱቀ።
- 27 ሀዋንጉ ዛብሎና ዛራቱቀ፤ ኢንቴንጉቴ ኡባና 60,500።
- 28 ሞናሰን ኤፍሬሚ አወዋ ዮሴፎ ዛራቱ ሀዋፕ ካሊደ ጸፈቲድኖ።
- 29 ሞናሰ ዛራቱ ሞናሰ ናኦ ማኪራ ያራቱቀ፣ ማኪር ናኦ ጋላኦ ያራቱቀን ጋላኦ ናናቱ ያራቱቀ።
- 30 ጋላኦ ዛራቱ አኤዘራ ያራቱቀ፣ ሄሌቃ ያራቱቀ፣
- 31 አስርኤላ ያራቱቀ፣ ሸኬማ ያራቱቀ፣
- 32 ሻሞዳኦ ያራቱቀን ሄፌራ ያራቱቀ።
- 33 ሄፌራ ናኦይ ጸሎፍሃድ ማጫ ናናቱ ጸላላ የሌዳ፤ አዉ አቱማ ናኦ ባዋ። ጸሎፍሃዳ ማጫ ናናቱ ሱንሳይ ማህሎ፣ ኖኦ፣ ሆግሎ፣ ሞልኮን ትርጸ።
- 34 ሀዋንጉ ሞናሰ ዛራቱቀ፤ ኢንቴንጉቴ ኡባና 52,700።
- 35 ኤፍሬሚ ዛራቱ ባረንጉቴ ያራን ያራን፡ ሹተላሀ ያራቱቀ፣ በኬራ ያራቱቀ፣ ታሃና ያራቱቀን
- 36 ሹተላሀ ናኦ ኤራና ያራቱቀ።
- 37 ሀዋንጉ ኤፍሬሚ ዛራቱቀ፤ ኢንቴንጉቴ ኡባና 32,500። ዮሴፎ ዛራቱ ባረንጉቴ ያራን ያራን ሄዋንታ።
- 38 ቢንያማ ዛራቱ ባረንጉቴ ያራን ያራን፡ በላኦ ያራቱቀ፣ አሽቤላ ያራቱቀ፣ አህራማ ያራቱቀ፣
- 39 ሻፋፋማ ያራቱቀ፣ ሁፋማ ያራቱቀ፣
- 40 በላኦ ናኦ አራዳ ያራቱቀን በላኦ ናኦ ናኦማና ያራቱቀ።
- 41 ሀዋንጉ ቢንያማ ዛራቱቀ፤ ኢንቴንጉቴ ኡባና 45,600።
- 42 ዳና ዛራቱ ሹሃማ ያራቱቀ።
- 43 ሹሃማ ያራቱ ኡባና 64,400።
- 44 አሴራ ዛራቱ ባረንጉቴ ያራን ያራን፡ ይሞና ያራቱቀ፣ ይሸዋሀ ያራቱቀ፣ ባሪኦ ያራቱቀ፣
- 45 ባሪኦ ናኦ ሄቤራ ያራቱቀን ባሪኦ ናኦ ማልክኤላ ያራቱቀ።
- 46 አሴራዉ ሰራሆ ግያ ማጫ ናታ ደኦ።
- 47 ሀዋንጉ አሴራ ዛራቱቀ፤ ኢንቴንጉቴ ኡባና 53,400።
- 48 ንፍታሌማ ዛራቱ ባረንጉቴ ያራን ያራን፡ ያኦዘኤላ ያራቱቀ፣ ጉና ያራቱቀ፣
- 49 የጾራ ያራቱቀን ሸሌማ ያራቱቀ።
- 50 ሀዋንጉ ንፍታሌማ ዛራቱቀ፤ ኢንቴንጉቴ ኡባና 45,400።
- 51 ፓይደቲዳ አሰራኤልያ አቱማ አሳይ ኡባና 601,730።
- 52 ቃይካ መጵና ጎዳይ ሙሳ፣
- 53 ልሀ ዛረቶ ኢንቴንጉቴ ሱንሳ ሱንሳ ፓይደዋዳን ቢታይ ሻከቲደ፣ ላታ ግዲደ ኢንቴንጉቴ አሙቶ።
- 54 ፓይደዋን ጮራቶ ኢንቴንጉቴ ጮራተላ ኪና፣ ፓይደዋን ጉላቶ ኢንቴንጉቴ ጉላተላ ኪና ሻካደ አማ። ኡባይካ ጸፈቲዳ ባረንጉቴ ፓይደዋ ኪና ኪና አክኖ።
- 55 ሽን ቢታይ ሳማን ሻከቶ፤ እት እት ዛሪ ላትያ ቢታይ ኢንቴንጉቴ አወዋ ዛርያ ሱንሳዳን ግደ።
- 56 ላታ ኡባይ ፓይደዋን ጮራቱዋፕን ፓይደዋን ጉላቱዋፕ ግዲዋን ኤጸን ሻከቶ። ያጌዳ።
- 57 ባረ ያራን ያራን ፓይደቲዳ ለዋቱ ሀዋንታ፡ ገርሾና ያራቱቀ፣ ቃሃታ ያራቱቀን ማራራ ያራቱቀ።

58 ሀዋንቱካ ቃይ ሊዋቱዋ ያራቱዋ፡ ሊብና ያራቱዋ፡ ከብርና ያራቱዋ፡ ማህላ ያራቱዋ፡ ሙሻ ያራቱዋን ቆራሀ ያራቱዋ፡ ቃሃት አምራማ የሌዳ።

59 አምራማ ማቻት ሱንሳይ ዮኮቤደ፤ እ ግብጾን ሊዊያዉ የለቱዳ ናቸ። እዛ አምራማዉ አርና፡ ሙሳነ ኡንቱንቱ ሞቻቶ ማርያሞ የላዲ።

60 አርን ናዳባ፡ አቢሀ፡ ኤልአዛራን እታማራ የሌዳ።

61 ሸን መቋና ጎዳይ እዛዘብና ታማ እ ስንሳን ያርሼዳ ዋደ፡ ናዳብነ አብሀ ሀይቁድና።

62 የለቶደገ እት አግናነ ሄዋጥ ቦላና ደእያ ገይደቱዳ አቱማ ሊዋቱ ኡባና ላታማነ ሄዙ ሻእ። እስራኤላቱዋ ግዲዋን ኡንቱንቶ ላትያ ቢታይ እመትቤና ድራዉ፡ ኡንቱንቱ እስራኤላቱዋና ገይደትብይክና።

63 ዮርዳኖሳ ሻፋጥ ሄናጎሳ ባጋና፡ እያርኮ ማታን፡ ሞአባ ደምባን ሙሴነ ቄሲ ኤልአዛር እስራኤላቱዋ ገይደዳ ዋደ፡ ገይደቱዳ አሳይ ሀዋ።

64 ሙሴነ ቄሲ አርን ካሰ ሲና መላ ቢታን እስራኤላቱዋ ገይደዳ ዋደ፡ ገይደቱዳ አሳጥ ሀራይ እቶ መጽ እት አሳይነ አትቤና።

65 እያዉ ጎጥ፡ መቋና ጎዳይ ሄ እስራኤላቱዋ ኦዲደ፡ “ኡንቱንቱ መላ ቢታን ቱሙ ሀይቃና” ያግ ዋሌዳ። ይፋነ ናአ ካሌባጥነ ኔዌ ናአ ኢያሱጥ እትና፡ ሀራይ እት አሳይነ አትቤና።

### 27

#### ጸሎፍሃዳ ማጫ ናናቱዋ እሻ

1 ጸሎፍሃዳ ማጫ ናናይ ማህሎ፡ ናኦ፡ ሆግሎ፡ ሞልኮነ ትርጸ። ጸሎፍሃድ ሄፌራ ናአ፤ ሄፌር ጋላእደ ናአ፤ ጋላእደ ማክራ ናአ፤ ማክር ሞናሰ ናአ፤ ሞናሰ ዮሴፎ ናአ።

2 ሀ ማጫ ናናይ ጋከትያ ዲንካንያ ፐንግያን ሙሴ ስንሳን፡ ቄሰያ ኤልአዛራ ስንሳን፡ ካገቱ ስንሳንነ ማባራ ኡባ ስንሳን ኤቁደ፡ ሀዋዳን ያጌድና፤

3 “ኑ አዉ ባዙዋን ሀይቁዳ፤ እ ባር ናጋራን ሀይቁዳጥ እትና፡ መቋና ጎዳ ቦላ ደንዴዳ ቆራሀ ካልያዋንቱ ግደን ደኤና። አዉ አቱማ ናአ ባዋ።

4 አቱማ ናአ አዉ ባይናዋ ግደጥ፡ ኑ አዉዋ ስንሳይ እ ዳቦቱዋ ግዲዋጥ እያዉ ቆዳ? ኑ አዉዋ እሻንቱ ግደን ኑዉ ላትያ ቢታ እማ” ያጌድና።

5 ሙሴ ኡንቱንቱ እሻ መቋና ጎዳ ስንሳ ሸሼዳ።

6 መቋና ጎዳይ ሙሳ፡

7 “ጸሎፍሃዳ ማጫ ናናይ ኦቹዳዋ ልከ፤ ኡንቱንቱ አዉዋ እሻንቱ ግደን ኔን ኡንቱንቶ ላትያ ቢታ እማ፤ እ ላታይ ኡንቱንታ ጋከ።

8 ቃይ ኔን እስራኤላቱዋ ሀዋዳን ያጋ፤ “እት አሳይ አቱማ ናአ ባይናን ሀይቁዳዋ ግደጥ፡ እ ቢታ እ ማጫ ናአ ላቶ፤

9 ማጫ ናአካ አዉ ባይናዋ ግደጥ፡ እ ቢታ እ እሻቱ ላትና፤

10 አዉ እሻቱ ባይናዋ ግደጥ፡ እ አዉዋ እሻቱ ላትና፤

11 እ አዉዋ እሻቱካ ባይናዋ ግደጥ፡ እ ዛርያጥ ኡባጥ ማታትያ ዳቡዋ ላትሳ። ታን መቋና ጎዳይ ኔና ሙሳ እዛዜዳዋዳን፡ ሀዌ እስራኤላቶ ህገ ግደ” ያጋ” ያጌዳ።

#### ሙሴ ኮታን ኢያሱ ደረቱዳ

12 ሄዋጥ ጉይያን፡ መቋና ጎዳይ ሙሳ፡ “ፑደ አባርማ ደረቱዋ ከሳደ፡ ታን እስራኤልያ አሳዉ እሜዳ ቢታ በእ።

13 በኤዳዋጥ ጉይያን፡ ነ እሻ አርነዳን ኔንካ ሀይቃደ፡ ነ ማይዛን ጋከታና።

14 እያዉ ጎጥ፡ ጸና ባዙዋን ደእያ ሃሳን አሳይ ኡባይ ማካሌዳ ዋደ፡ ህንተ ላኡካ ኡንቱንቱ ስንሳን ታና ጌሻዳን ቦንቻናዉ ታዉ እዛዘትብይክታ” ያጌዳ። ሄዌ ሃሳይ ጸና መላ ቢታን፡ ቃዳሳን ደእያ ማባራ ሃሳ።

15 ሙሴ መቋና ጎዳ ሀዋዳን ያጌዳ፤

16-17 “አቢት መቋና ጎዳዉ፡ አሳ ኡባዉ ደኤዋ እምያ ጸሳዉ፡ ነ አሳይ፡ ጸሳ አሳይ ሄንሳንቻይ ባይና ዉድያ ማላ ግደናዳን፡ ሀ አሳ ስንሳን ከሰያን ገልያ፡ ኡንቱንቱካ ካለሊደ ከሰያን ገልሰያ፡ እት አሳ ሀ ማባራ ቦላ ስንሳርኪ” ያጌዳ።

18 መቋና ጎዳይ ሙሳ፡ “አያናይ እን ደእያ ኔዌ ናአ ኢያሳ እካደ፡ ነ ኩሸያ እ ቦላ ዋሳ፤

19 ያታደ ቄሰያ ኤልአዛራ ስንሳንነ ማባራ ኡባ ስንሳን ኤሳደ፡ ኡንቱንቱ በእሸን ሱንሳ።

20 እስራኤላቱዋ ማባራ ኡባይ አዉ እዛዘታናዳን፡ ነ ማታጥ አዉ ሻካደ እማ።

- 21 ቁስያ ኤልአዛራ ሰንፋን እ ኤቆ፤ ኤልአዛር ኡሪምያን አዉ መድና ጎዳ ሽንያ ኦቾ። ኢያሱነ አሰራኤልያ ማባራይ ኡባይ ኤልአዛራ አዛዙዋን ከሰኖን እ አዛዙዋን ገልኖ” ያጌዳ።
- 22 መድና ጎዳይ ከአዘዜዳዋዳን ሙሴ ኦሌዳ፤ ኢያሳ አወደ፡ ቁስያ ኤልአዛራ ሰንፋንን ማባራ ኡባ ሰንፋን ኤሴዳ።
- 23 መድና ጎዳይ ጸሳይ አዛዘዳዋዳን፡ ሙሴ ባረ ኩሽያ እ ቦላ ዋሊደ፡ እ ሱንፌዳ።

# 28

## ሀቼ ሀቼ ሺሽያ ያርሹዋ (ከሳ 29:38-46)

- 1 መድና ጎዳይ ሙሳ፡
- 2 “እሰራኤላቱዋ ሀዋዳን ያጋደ አዛዛ፤ ታ ቁማ፡ ታና ቶሹኩ ጊደ ሳዋና ማላ፡ ታማን ያርሽያ ታ ያርሹዋ ኬሬዳ ዋድያን ዋድያን ታዉ ናጊደ እምተ” ያጋ።
- 3 ቃይ ኔን ኡንቱንጎ፡ “መድና ጎዳዉ ታማን ያርሽያ ያርሹ ሀዋ፡ ትላ ቦላና ደእያ፡ እት ላይላ ግዴዳ ላኡ ድርሳ ኦርገቱዋ ሀቾ ሀቾ ጹግያ ያርሹ ያርሹተ፤
- 4 ድርሳ ኦርገቱዋጥ እቱዋ ዋንጎ፡ ላኤንሱዋ ኦማርሰ ያርሹተ።
- 5 ቃይ ሄዋና እት ሊትሮ ግድያ ዛይትያን ሙናቀቱዳ እት ኪሎ ግራመ ሙሩታ ዛርጋ ዲልያ ካላ ያርሹ ያርሹተ።
- 6 ሀዋ መድና ጎዳ ቶሹኩ ጊደ ሳዋና ማላ፡ ሲና ደርያ ቦላን አዛዘቱዳ፡ ሀቾ ሀቾ ታማን ጹግያ ያርሹዋ።
- 7 ሄዋና ያርሽያ ኡሻ ያርሹ እት ድርሳ ኦርግያዉ እት ሊትሮ ግድያ ዋይንያ ኤሳ። ኡሻ ያርሹዋ ጌሻ ሳኣን መድና ጎዳዉ ጉሰተ።
- 8 ኦማርሰ ላኤንሱ ድርሳ ኦርግያ፡ ዋንጎታዋ ኦሌዳዳን ኦሊደ፡ ካላ ያርሹዋናን ኡሻ ያርሹዋና መድና ጎዳ ቶሹኩ ጊደ ሳዋና ማላ፡ ታማን ያርሹተ።

## ሳምባታ ጋላሳ ያርሹዋ

- 9 “ ሳምባታ ጋላሳን፡ ትላ ቦላና ደእያ እት ላይላ ግዴዳ ላኡ ድርሳን ዛይትያን ሙናቀቱዳ ላኡ ኪሎ ግራመ ግድያ ሙሩታ ዲልያ ካላ ያርሹዋን ኡሻ ያርሹዋ ኦሊደ ያርሹተ።
- 10 ሀቼ ሀቾ ጹግያ ያርሹዋን እ ኡሻ ያርሹዋ ቦላ፡ ሳምባታ ጋላሳ ኡባን ህንጎ ያርሽያ ጹግያ ያርሹ ሀዋ።

## አግናይ ጸርያ ጋላሳ ያርሹዋ

- 11 “ ሳግናይ ጸርያ ጋላሳ ኡባን፡ ላኡ ኮሩማቱዋ፡ እት ድርሳ ኦርግያን እት ላይላ ግዴዳ ላፑን ድርሳ ኦርገቱዋ፡ ኡባይካ ትላ ቦላና ደእያዋንጎ፡ ጹግያ ያርሹዋ ኦሊደ፡ መድና ጎዳዉ ያርሹተ።
- 12 እት እት ኮሩማና ዛይትያን ሙናቀቱዳ ሄዙ ኪሎ ግራመ ግድያ ሙሩታ ዛርጋ ዲልያ፡ እት ድርሳ ኦርግያና ዛይትያን ሙናቀቱዳ ላኡ ኪሎ ግራመ ግድያ ሙሩታ ዛርጋ ዲልያ፤
- 13 ላፑን ድርሳ ማራቱዋጥ እት እት ድርሳ ማራና ዛይትያን ሙናቀቱዳ እት ኪሎ ግራመ ግድያ ሙሩታ ዛርጋ ዲልያ ካላ ያርሹዋ ኦሊደ፡ መድና ጎዳ ቶሹኩ ጊደ ሳዋና ማላ፡ ታማን ያርሽያ ያርሹዋ ያርሹተ።
- 14 ቃይ ኡሻ ያርሹ እት እት ኮሩማና ላኡ ሊትሮ ግድያ ዋይንያ ኤሳ፡ እት ድርሳ ኦርግያና እት ሊትሮን ባጋ ዋይንያ ኤሳን እት እት ድርሳ ማራና እት ሊትሮ ግድያ ዋይንያ ኤሳ ሺሽተ። ሀዋ ላይላ ግድን አግናይ ጸርያ ጋላሳ ኡባን ያርሽያ ጹግያ ያርሹዋ።
- 15 ሀቼ ሀቾ ጹግያ ያርሹዋን እ ኡሻ ያርሹዋ ቦላ፡ እት ዴሻ ኦርግያ ናጋራ ያርሹዋ ኦሊደ፡ መድና ጎዳዉ ያርሹተ።

## ፓሰጋ ባላን ኡክላ ባላ ያርሹዋ (ዋጋ 23:5-14)

- 16 “ ሳኮይሮ አግናን ታማን ኦይደንላ ጋላሳይ መድና ጎዳ ፓሰጋ ቦንቾያ ጋላሳ ግደ።
- 17 ቃይ ሄ አግናንካ ታማን እቼሽንሱ ጋላሳን ደሚደ፡ ኡክላ ባላይ ቦንቼቱ፤ ሄዋ ድራዉ፡ ላፑን ጋላሳቱዋን አርሹ ገልቤና ኡክላ ሚተ።
- 18 ሄ ጋላሳቱዋጥ ኮይሮ ጋላሳን ጌሻ ሸቁዋ ሸቅተ፤ ዳቡርሰያ ኦሶ እያን ኦላፕተ።
- 19 ላኡ ኮሩማቱዋ፡ እት ድርሳ ኦርግያን እት ላይላ ግዴዳ ላፑን ድርሳ ኦርገቱዋ፡ ኡባይካ ትላ ቦላና ደእያዋንጎ፡ ታማን ያርሽያ ያርሹዋ ኦሊደ፡ መድና ጎዳዉ ያርሹተ።

- 20 ካላ ያርሾ እት ኮሩማና ዛይትያን ሙናቀቲዳ ሄዙ ኪሎ ግራመ ግድያ ሙሩታ ዛርጋ ጂልያ፡ እት ደርሳ ኦርግያና ላኡ ኪሎ ግራመ ግድያ ጂልያን
- 21 ላፑን ደርሳ ማራቱግጥ እት እት ማራና እት ኪሎ ግራመ ጂልያ ያርሸተ።
- 22 ቃይ እት ዴሻ ኦርግያ ናጋራ ያርሾ፡ ህንተ ናጋራ ኦቶ ጊሳናዉ ያርሸተ።
- 23-24 ሀቼ ሀቼ ሀቼ ሀቼ ያርሾ-ግንጉ ያርሾ-ግንጉ እ ካላ ያርሾ-ግንጉ ሰላ፡ ሳዉዎ ቶሹኩ ግያ ቁማ ታማን ያርሾያ ያርሾ-ግንጉ ጉጂደ፡ መጅና ጎዳዉ ያርሸተ። ላፑን ጋላሳዉ ሄዎዳን ኦሳተ።
- 25 ላፑንጎ ጋላሳን ቃይ ጌሻ ሸቁዎ ሸቅተ፤ ዳቡርሰያ ኦሶ ኣያን ኦሳተ።

**ሳምንታቱዎ ባላ ያርሾ-ግንጉ**  
(ዋጋ 23:15-22)

- 26 “ ሳምንታቱ ባላ ጋላሳን ህንተ መጅና ጎዳዉ ኦራሳ ካላ ሸብያ ዎደ፡ ጌሻ ሸቁዎ ሸቅተ፤ ዳቡርሰያ ኦሶ ኣያን ኦሳተ።
- 27 ላኡ ኮሩማቱዎ፡ እት ደርሳ ኦርግያን እት ላይላ ግዴዳ ላፑን ደርሳ ኦርገቱዎ ሳዉዎ ቶሹኩ ግያ ደግያ ያርሾ-ግንጉ ኦሊደ፡ መጅና ጎዳዉ ያርሸተ።
- 28 እት እት ኮሩማና ዛይትያን ሙናቀቲዳ ሄዙ ኪሎ ግራመ ግድያ ሙሩታ ዛርጋ ጂልያ፡ እት ደርሳ ኦርግያና ላኡ ኪሎ ግራመ ጂልያን
- 29 ላፑን ደርሳ ማራቱግጥ እት እት ማራና እት ኪሎ ግራመ ጂልያ ካላ ያርሾ ያርሸተ።
- 30 ቃይ እት ዴሻ ኦርግያ ናጋራ ኦቶ ጊሰያ ያርሾ-ግንጉ ኦሊደ ያርሸተ።
- 31 ሀቼ ሀቼ ሀቼ ደግያ ያርሾ-ግንጉ እ ኦሻ ያርሾ-ግንጉ ሰላ፡ ሀዎንታ ኡንቱንቱ ካላ ያርሾ-ግንጉ ያርሸተ። መሄቱ ትላ ሰላና ደእያዎንታ ግድያዎ ጌሸደ ኤርተ።

**29**

**ማላካታ ባላ**  
(ዋጋ 23:23-25)

- 1 “ ላፑንጎ ኣግናዉ ኮይር ጋላሳን፡ ጌሻ ሸቁዎ ሸቅተ። ዳቡርሰያ ኦሶ ኣያን ኦሳተ። ሄ ጋላሳይ ጸሩሞባይ ፑንትያ ጋላሳ።
- 2 መጅና ጎዳዉ ሳዉዎ ቶሹኩ ጋና ማላ፡ ደግያ ያርሾ፡ እት ኮሩማ፡ እት ደርሳ ኦርግያን እት ላይላ ግዴዳ ላፑን ደርሳ ኦርገቱዎ፡ ኡባይካ ትላ ሰላና ደእያዎንታ፡ ያርሸተ።
- 3 ካላ ያርሾ እት ኮሩማና ዛይትያን ሙናቀቲዳ ሄዙ ኪሎ ግራመ ግድያ ሙሩታ ዛርጋ ጂልያ፡ እት ደርሳ ኦርግያና ላኡ ኪሎ ግራመ ጂልያን
- 4 ላፑን ደርሳ ማራቱግጥ እት እት ማራና እት ኪሎ ግራመ ጂልያ ያርሸተ።
- 5 ቃይ እት ዴሻ ኦርግያ ናጋራ ያርሾ፡ ህንተ ናጋራ ኦቶ ጊሳናዉ ያርሸተ።
- 6 ሄዎንታ ኣግናይ ጸርያ ጋላሳን ደግያ ያርሾ-ግንጉ ሰላን እ ካላ ያርሾ-ግንጉ ሰላ፡ ሀቼ ሀቼ ደግያ ያርሾ-ግንጉ ሰላ፡ እ ካላ ያርሾ-ግንጉ ሰላን እ ኡሻ ያርሾ-ግንጉ ሰላ ጉጂደ፡ ዎጋዳን ያርሸተ፤ ሀዎንቱ መጅና ጎዳዉ ሳዉዎ ቶሹኩ ግያ፡ ታማን ያርሾያ ያርሾ-ግንጉ።

**ናጋራ ኦቶ ጊሰያ ጋላሳ ያርሾ-ግንጉ**  
(ዋጋ 23:26-32)

- 7 “ ሳ ላፑንጎ ኣግናዉ ታማንጎ ጋላሳን ጌሻ ሸቁዎ ሸቅተ፤ ህንተ ሀጺያ ካዉሸተ፤ ኣያ ኦሱዎካ ኦሳተ።
- 8 ያቲደ መጅና ጎዳ ቶሹኩ ጊደ ሳዎና ማላ፡ ደግያ ያርሾ እት ኮሩማ፡ እት ደርሳ ኦርግያን እት ላይላ ግዴዳ ላፑን ደርሳ ኦርገቱዎ፡ ኡባይካ ትላ ሰላና ደእያዎንታ፡ ያርሸተ።
- 9 ካላ ያርሾ እት ኮሩማና ዛይትያን ሙናቀቲዳ ሄዙ ኪሎ ግራመ ግድያ ሙሩታ ዛርጋ ጂልያ፡ እት ደርሳ ኦርግያና ላኡ ኪሎ ግራመ ጂልያን
- 10 ላፑን ደርሳ ማራቱግጥ እት እት ማራና እት ኪሎ ግራመ ጂልያ ያርሸተ።
- 11 ቃይ ናጋራ ያርሾ እት ዴሻ ኦርግያ ያርሸተ። ሄዎንታ ናጋራ ኦቶ ጊሰያ ያርሾ-ግንጉ ሰላ፡ ሀቼ ሀቼ ደግያ ያርሾ-ግንጉ ሰላ፡ ኡንቱንቱ ካላ ያርሾ-ግንጉ ሰላን ኡንቱንቱ ኡሻ ያርሾ-ግንጉ ሰላ ጉጂደ ያርሸተ።

**ዳሰያ ባላ ያርሾ-ግንጉ**  
(ዋጋ 23:33-44)

- 12 “ ላፑንጎ ኣግናን ታማን ኣቼሽንጎ ጋላሳን፡ ጌሻ ሸቁዎ ሸቅተ፤ ዳቡርሰያ ኦሶ ኣያን ኦሳተ። መጅና ጎዳዉ ዳሰያ ባላ ላፑን ጋላሳ ሰንቶተ።

13 መድና ጎዳ ቶሹኩ ጊደ ሳቀና ማላ፡ ታማን ያርሽያ ታማን ሄዙ ኮሩማቱቀ፡ ላኢ ደርሳ ኦርገቱቀን እት ላይላ ግዴዳ ታማን ኦይዱ ደርሳ ኦርገቱቀ፡ ኡባይካ ትላ ቦላና ደእያዋንታ፡ ያርሽተ።

14 ካላ ያርሾ ታማን ሄዙ ኮሩማቱቀጥ እት እት ኮሩማና ዛይትያን ሙናቀቱዳ ሄዙ ኪሎ ግራሙ ግድያ ሙሩታ ዛርጋ ጴልያ፡ ላኢ ደርሳ ኦርገቱቀጥ እት እት ኦርግያና ላኢ ኪሎ ግራሙ ጴልያን

15 ታማን ኦይዱ ደርሳ ማራቱቀጥ እት እት ማራና እት ኪሎ ግራሙ ጴልያ ያርሽተ።

16 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሆኛ ሆኛ ጸግያ ያርሹቀ ቦላ፡ እ ካላ ያርሹቀ ቦላን እ ኡሻ ያርሹቀ ቦላ ጉጂደ ያርሽተ።

17 “ ላኢንላ ጋላሳን ታማን ላኢ ኮሩማቱቀ፡ ላኢ ደርሳ ኦርገቱቀን እት ላይላ ግዴዳ ታማን ኦይዱ ደርሳ ኦርገቱቀ፡ ኡባይካ ትላ ቦላና ደእያዋንታ፡ ያርሽተ።

18 ኮሩማቱቀና፡ ደርሳ ኦርገቱቀናን ደርሳ ማራቱቀና፡ ኡንቱንቱ ካላ ያርሹቀን ኡንቱንቱ ኡሻ ያርሹቀ ዋጋይ እዛዝያ ገይዲቆዳን ያርሽተ።

19 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሆኛ ሆኛ ጸግያ ያርሹቀ ቦላ፡ እ ካላ ያርሹቀ ቦላን እ ኡሻ ያርሹቀ ቦላ ጉጂደ ያርሽተ።

20 “ ሄዘንላ ጋላሳን፡ ታማን እት ኮሩማቱቀ፡ ላኢ ደርሳ ኦርገቱቀን እት ላይላ ግዴዳ ታማን ኦይዱ ደርሳ ኦርገቱቀ፡ ኡባይካ ትላ ቦላና ደእያዋንታ፡ ያርሽተ።

21 ኮሩማቱቀና፡ ደርሳ ኦርገቱቀናን ደርሳ ማራቱቀና፡ ኡንቱንቱ ካላ ያርሹቀን ኡንቱንቱ ኡሻ ያርሹቀ ዋጋይ እዛዝያ ገይዲቆዳን ያርሽተ።

22 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሆኛ ሆኛ ጸግያ ያርሹቀ ቦላ፡ እ ካላ ያርሹቀ ቦላን እ ኡሻ ያርሹቀ ቦላ ጉጂደ ያርሽተ።

23 “ ላኢደንላ ጋላሳን፡ ታሙ ኮሩማቱቀ፡ ላኢ ደርሳ ኦርገቱቀን እት ላይላ ግዴዳ ታማን ኦይዱ ደርሳ ኦርገቱቀ፡ ኡባይካ ትላ ቦላና ደእያዋንታ፡ ያርሽተ።

24 ኮሩማቱቀና፡ ደርሳ ኦርገቱቀናን ደርሳ ማራቱቀና፡ ኡንቱንቱ ካላ ያርሹቀን ኡንቱንቱ ኡሻ ያርሹቀ ዋጋይ እዛዝያ ገይዲቆዳን ያርሽተ።

25 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሆኛ ሆኛ ጸግያ ያርሹቀ ቦላ፡ እ ካላ ያርሹቀ ቦላን እዛ ኡሻ ያርሹቀ ቦላ ጉጂደ ያርሽተ።

26 “ ላኢሽንላ ጋላሳን፡ ኡዱጉን ኮሩማቱቀ፡ ላኢ ደርሳ ኦርገቱቀን፡ እት ላይላ ግዴዳ ታማን ኦይዱ ደርሳ ኦርገቱቀ፡ ኡባይካ ትላ ቦላና ደእያዋንታ፡ ያርሽተ።

27 ኮሩማቱቀና፡ ደርሳ ኦርገቱቀናን ደርሳ ማራቱቀና፡ ኡንቱንቱ ካላ ያርሹቀን ኡንቱንቱ ኡሻ ያርሹቀ ዋጋይ እዛዝያ ገይዲቆዳን ያርሽተ።

28 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሆኛ ሆኛ ጸግያ ያርሹቀ ቦላ፡ እ ካላ ያርሹቀ ቦላን እ ኡሻ ያርሹቀ ቦላ ጉጂደ ያርሽተ።

29 “ ላኢሱጉንላ ጋላሳን፡ ሆሰጉን ኮሩማቱቀ፡ ላኢ ደርሳ ኦርገቱቀን እት ላይላ ግዴዳ ታማን ኦይዱ ደርሳ ኦርገቱቀ፡ ኡባይካ ትላ ቦላና ደእያዋንታ፡ ያርሽተ።

30 ኮሩማቱቀና፡ ደርሳ ኦርገቱቀናን ደርሳ ማራቱቀና፡ ኡንቱንቱ ካላ ያርሹቀን ኡንቱንቱ ኡሻ ያርሹቀ ዋጋይ እዛዝያ ገይዲቆዳን ያርሽተ።

31 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሆኛ ሆኛ ጸግያ ያርሹቀ ቦላ፡ እ ካላ ያርሹቀ ቦላን እ ኡሻ ያርሹቀ ቦላ ጉጂደ ያርሽተ።

32 “ ላጉንላ ጋላሳን፡ ላጉን ኮሩማቱቀ፡ ላኢ ደርሳ ኦርገቱቀን እት ላይላ ግዴዳ ታማን ኦይዱ ደርሳ ኦርገቱቀ፡ ኡባይካ ትላ ቦላና ደእያዋንታ፡ ያርሽተ።

33 ኮሩማቱቀና፡ ደርሳ ኦርገቱቀናን ደርሳ ማራቱቀና፡ ኡንቱንቱ ካላ ያርሹቀን ኡንቱንቱ ኡሻ ያርሹቀ ዋጋይ እዛዝያ ገይዲቆዳን ያርሽተ።

34 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሆኛ ሆኛ ጸግያ ያርሹቀ ቦላ፡ እ ካላ ያርሹቀ ቦላን እ ኡሻ ያርሹቀ ቦላ ጉጂደ ያርሽተ።

35 “ ሆሰጉንላ ጋላሳን ገሻ ሸቆዋ ሸቅተ፤ ዳቡርሰያ ኦሶ እያን ኦሶ።

36 ታማን ያርሽያ ያርሹ መድና ጎዳ ቶሹኩ ጊደ ሳቀና ማላ፡ እት ኮሩማ፡ እት ደርሳ ኦርግያን እት ላይላ ግዴዳ ላጉን ደርሳ ኦርገቱቀ፡ ኡባይካ ትላ ቦላና ደእያዋንታ፡ ያርሽተ።

37 ኮሩማና፡ ደርሳ ኦርግያናን ደርሳ ማራቱቀና ኡንቱንቱ ካላ ያርሹቀን ኡንቱንቱ ኡሻ ያርሹቀ ዋጋይ እዛዝያ ገይዲቆዳን ሸሽተ።

38 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሆኛ ሆኛ ጸግያ ያርሹቀ ቦላ፡ እ ካላ ያርሹቀ ቦላን እ ኡሻ ያርሹቀ ቦላ ጉጂደ ያርሽተ።

39 “ ህንተ ሸቆዋ ጋላናው ያርሽያ ያርሹቱ ቦላን ህንተ ህንተ ዳሱቀን ጮ እዎያ ያርሹቱ ቦላ፡ ጸግያ ያርሹቀ፡ ካላ ያርሹቀ፡ ኡሻ ያርሹቀን እትተላ ያርሹቀ፡ ሀዋንታ መድና ጎዳ ባላ ህንተ ቦንቻናው ኬሬዳ ዋድያን ዋድያን ያርሹተ ሆኖ” ያጌዳ።

40 ሙሴ ባረና መድና ጎዳይ እዛዜዳቀ ኡባ እስራኤላቶ ኦይዳ።

# 30

## ቃንገላ ዋጋ

- 1 ሙሴ እስራኤልያ ዛራቱ ካገቱዋ ሀዋዳን ያጌዳ፤ “መድና ጎዳይ እዛዘያዌ ሀዋ።
- 2 እት እሳይ መድና ጎዳው እትባ ኦላናወ ገገጥ፣ ዋይ እትባ አጋናወ ጫቆጥ፣ ባረ ዶናጥ ከሴዳዋ ኡባ ፖሎጥ እትና፣ ባረ ቃላ ብሎጥ።
- 3 “ባረ አወዋ ሶን ደእያ ዎዶር ናታ፣ መድና ጎዳው እትባ ኦላናወ ገገጥ፣ ዋይ እትባ አጋናወ ጫቆጥ።
- 4 እ አወ እ ገፋ ዋይ እ ጫቆጥባ ሰሲደ፣ እዞ እይነ ጌናን አጎጥ፣ እ ኦላናወ ገገጥዋ ኡባነ አጋናወ ጫቆጥባ ኡባ ፖሎ።
- 5 ሸን እ አወ ሄዋ ሰሲደ ጳልቆጥ፣ እ ገገጥ ገፋይነ አጋናወ ጫቆጥ ጫቆ ፖሎጥናን አቱ። እ አወ እዞ ድጌዳ ድራወ፣ መድና ጎዳይ እዘወ አቶ ጋና።
- 6 “ገላቤና ማጫውና ገገ ኡታደ፣ ዋይ እትባ አጋናወ ኤላካ ባረ ዶናጥ ጫቃ ኡታደ አሰና ገሎጥ።
- 7 እ አሰናይ ሄዋ ሰሲደ፣ እዞ እይነ ጌናን አጎጥ፣ እ ኦላናወ ገገጥ ገፋነ እትባ አጋናወ ጫቆጥ ጫቆጥ ፖሎ።
- 8 ሸን እ አሰናይ ሄዋ ሰሲደ ጳልቆጥ፣ እ ገገጥ ገፋይ ዋይ እትባ አጋናወ ኤላካ ጫቆጥ ጫቆ ፖሎጥናን አቱ። ሄዋ ድራወ፣ መድና ጎዳይ እዘወ አቶ ጋና።
- 9 “ሸን እዎአታ ዋይ አሰናይ ዩዴዳ ማጫውኖ ኦላናወ ገገጥዋ ዋይ እትባ አጋናወ ጫቆጥ ፖሎ።
- 10 “ማቻታ ባረ አሰና ሶን ደእደ ገገጥ፣ ዋይ እትባ አጋናወ ጫቆጥ ጫቆጥ።
- 11 እ አሰናይ ሄዋ ሰሲደ እዞ እይነ ጌናን አጎጥ፣ እ ገገጥ ገፋነ እትባ አጋናወ ጫቆጥ ጫቆጥ ኡባ ፖሎ።
- 12 ሸን እ አሰናይ ሄዋ ሰሲደ ጳልቆጥ፣ እ ገፋይ ዋይ እ አጋናወ ጫቆጥ ጫቆ አያይነ ፖሎጥ። እ አሰናይ ድጌዳ ድራወ፣ መድና ጎዳይ እዘወ አቶ ጋና።
- 13 እ አሰናይ እ ገገጥ ገፋ ኡባ ዋይ እ ባረና ዝቁ ኦላናወ ጫቆጥ ኡባ ጳልቃናወ ዋይ ኤኖ ጋናዎ ዳንዳዬ።
- 14 ሸን እ አሰናይ ሄ ጋላሰ ዋይ ዋንተላ ጋላሰ ሄዋ እይነ ጌናን አጎጥ፣ እ ገፋ ኡባ ዋይ እ ጫቆጥ ኡባ ማዬ። እ ሄዋ ሰሲደ ጋላሰ ጮኤ ጌዳዋዳን እ ገፋ ኡባ ዋይ እ ጫቆጥ ኡባ ማይ ኡቱዳ።
- 15 ሸን እ ሄዋ ሰሲደ እማራዳ ዎድያጥ ጉይያን ጳልቆጥ፣ እ ጎሚ እ ጋዜ” ያጌዳ።
- 16 አሰና ገላቤና፣ ባረ አወዋ ሶን ደእያ ዎዶር ናታን እ አወዋ ግዲዋን ዋይ ማቻትነ አሰና ግዲዋን ደእና ማላ፣ መድና ጎዳይ ሙሳ እዛዜዳ ገፋ ዋጋይ ሀዋ።

# 31

## ምድያማ አሳቱዋ ቦላ ደንዴዳ ኦላ

- 1 መድና ጎዳይ ሙሳ፣
- 2 “እስራኤልያ አሳ ድራወ፣ ኔን ምድያማ አሳ ቦላ ጸሳ ሀሉዋ ከሳ፤ ሄዋጥ ጉይያን፣ ኔን ሀይቃና” ያጌዳ።
- 3 ሄዋ ድራወ፣ ሙሴ አሳ፣ “ምድያማ አሳ ቦላ መድና ጎዳ ሀሉዋ ከሳና ማላ ኦላ ባናወ፣ ህጎተ አሳ ኦላ ሚሻ ዳንጭሰተ።
- 4 እት እት እስራኤልያ ዛራቱዋጥ እት ሻእ አቱማ አሳ ኦላወ ዩድተ” ያጌዳ።
- 5 እስራኤልያጥ ታማነ ላኤ ሻእ አቱማ አሳይ፣ እት እት ዛርያጥ እት ሻእ አሳይ፣ ኦላወ ጊጌድና።
- 6 እት እት ዛርያጥ እት ሻእ አሳ ሙሴ ቁሰያ ኤልእዛራ ናኣ ፒንሃሳና ኦላወ ዩዴዳ፤ ፒንሃሰ ጌሻ ሚሻቱዋን ማላታወ ፑንያ ጸራጥባ ባረናና እኪደ ቤዳ።
- 7 መድና ጎዳይ ሙሳ እዛዜዳዋዳን፣ ኤንቱንቱ ምድያማ አሳና ኦላቲደ፣ አቱማ አሳ ኡባ ዎጂድና።
- 8 ቃይ ምድያማ ካተቱዋ እቼሻቱዋ፣ ኤዋ፣ ረቁማ፣ ጸራ፣ ሀራ፣ ረባእ ግያዋንታ ዎጂድና። ኤንቱንቱ ቃይ ብኦራ ናኣ ባላማካ ማሻን ሲፊድና።
- 9 እስራኤላቱ ምድያማ ማጫ አሳቱዋን ናናቱዋ ኦዎዲደ፣ ኤንቱንቱ ሚዛ፣ ኤንቱንቱ ዶርሳ ወድያን ኤንቱንቱ ሚሻ ኡባ ቦንቁድና።
- 10 ምድያማ አሳቱ ደኤዳ ካታማቱዋ ኡባነ ኤንቱንቱ ሞላቱዋ ኡባ ታማን ጸጌድና።
- 11 ኤንቱንቱ አሳ፣ መሀያን ኦዎዲዳዋ ኡባ እክ አፊድና።

12 ኢንቴንቴ ኦሞዴዳ አሳቱዋን ቦንቄዳባቱዋ ሙሴኮ፣ ቄሰያ ኤልአዛራኮን አሰራኤልያ ማባራኮ፣ ያርኮፕ ሄፍንጎን፣ ዮርዳኖሳ ሻፋ ማታን ደእያ ሞአባ ደምባን ኢንቴንቴ ዲንካኔዳሳ እሄድኖ።

**ኦላንቻቱ ሰሜድኖ**

13 ሙሴ፣ ቄሲ ኤልአዛርን ማባራ ካፓቱ ኡባይ ዲንካኔዳ ሳአፕ ጋጾ ኢንቴንቴና ጋከታናዉ ከሴድኖ።

14 ኦላፕ ሰሜዳ ጋዳዋቱ ቦላ፣ ሻላቃቱ ቦላን ጾቱዋ ካፓቱ ቦላ ሙሴ ሀንቀቱዳ።

15 ሙሴ ኢንቴንጋ ሀዋዳን ያጌዳ፤ “ማጫ አሳ ኡባ ሀንተ እያዉ አሺድቱ?

16 ኢንቴንጋ ባላማ ዘርያን፣ ፓኦራ ግያ ሳን አሰራኤልያ አሳይ መድኖ ጎዳ ናቂደ፣ ኤቃዉ ጎይናዳን ኦልዳዋንታ፤ መድኖ ጎዳ አሳ ቦላ ቦሻይ ዬዳዌ ሄዋሳ።

17 ሄዋ ድራዉ፣ ሀእ አቱማ ናናቱዋ ኡባ ዎድተ፤ ቃይ አቱማ አሳና ግሴዳ ማጫ አሳ ኡባ ዎድተ።

18 ሸን አቱማ አሳና ግሳቤና ማጫ ናናቱዋ ኡባ ሀንተንቶ አሸተ።

19 ሀንተ ግደፕ አሳ ዎዴዳ ኡራይ ዎይ አሃ ቦቼዳ ኡራይ ኦንን ዲንካኔዳ ሳአፕ ጋጾን ላፑን ጋላሳ ኡቶ፤ ሄዘንጎ ጋላሰን ላፑንጎ ጋላሰ ሀንተናን ሀንተ ኦሞዴዳዋንታ ጌሸተ።

20 ቃይ ማዮ ኡባን ጋልባ፣ ዴሻ እክሰፕን ሞላፕ ኦሰቲዳዋንታ ኡባ ጌሸተ” ያጌዳ።

21 ቄሲ ኤልአዛር ኦላፕ ሰሜዳ ኦላንቻቱዋ ሀዋዳን ያጌዳ፤ “መድኖ ጎዳይ ሙሴዉ እሜዳ ሀግያ ማራይ ሀዋ።

22 ዋርቃ፣ ብራ፣ ናሃሰያ፣ ብራታ፣ ቆርቆሩዋን እርሳሰያ ግያ ብራታ

23 ታማን ሜተተናባቱዋ ኡባ ታማ ግድና አላና፣ ሄዌ ጌያና። ሸን ሄዌ ቃይ ቱናተላፕ ጌይያ ሃላን ጌያናዉ ኮሼ። ቃይ ታማን ሜተተናባቱዋ ኡባ ቱናተላፕ ጌይያ ሃላን ጌሻናዉ ኮሼ።

24 ላፑንጎ ጋላሰ ሀንተ ማዮዋ ሚጭተ፤ ሀንተካ ጌይተ። ሄዋፕ ጉይያን፣ ዲንካኔዳሳ ገልተ” ያጌዳ።

**ኦሞዴዋ ሻኬድኖ**

25 መድኖ ጎዳይ ሙሳ ሀዋዳን ያጌዳ፤

26 “ኔን፣ ቄሲ ኤልአዛርን ማባራ ካፓቱ ኦሞድቲዳ አሳን መሀያ ኡባ ፓይድተ።

27 ኦላን ኦላቲዳ ኦላንቻቶን አቲዳ ማባራዉ ላኡ ከሲደ ሻከተ።

28 ኦላቲዳ ኦላንቻቱዋ ጋኬዳ ሻኩዋ፣ አሳ ግድና፣ ሚዛ ግድና፣ ሀራቱዋ፣ ደርሳቱዋ ዎይ ዴሻቱዋ ግድና፣ እቼሹ ጾቱዋፕ አቱዋ መድኖ ጎዳዉ እሞታዳን እሞተ።

29 ኢንቴንጋ ጋኬዳ ባፓፕ አኬዳ ጌራ መድኖ ጎዳ ግሻዳን ቄሰያ ኤልአዛራዉ እሞተ።

30 ሀንኮ አሰራኤላቱዋ ጋኬዳ ሻኩዋ፣ አሳ ግድና፣ ሚዛ ግድና፣ ሀራቱዋ፣ ደርሳቱዋ፣ ዎይ ዴሻቱዋ ግድና፣ መሀያ ኡባፕ አሻታሙዋፕ አቱዋ አኪደ ሄዋ መድኖ ጎዳ ዲንካንያዉ እዎትያ ሊዋቶ እሞተ” ያጌዳ።

31 ሙሴን ቄሲ ኤልአዛር መድኖ ጎዳይ አዛዜዳዋዳን ኦልድኖ።

32-35 ኦላንቻቱ ባረንቶ አክና፣ አቲዳ ኦሞዴ 675,000 ደርሳቱዋ፣ 72,000 ሚዛቱዋ፣ 61,000 ሀራቱዋን አቱማ አሳና ግሳቤና 32,000 ማጫ ናናቱዋ።

36 ኦላን ኦላቲዳዋንታ ጋኬዳ ባፓ ሻኩ 337,500 ደርሳቱዋ፤

37 ኢንቴንጋፕ መድኖ ጎዳዉ እሞታ ከሴዳዋንጉ 675.

38 ሚዛቱ 36,000፤ ኢንቴንጋፕ መድኖ ጎዳዉ እሞታ ከሴዳዋንጉ 72.

39 ሀራቱ 30,500 ኢንቴንጋፕ መድኖ ጎዳዉ እሞታ ከሴዳዋንጉ 61.

40 ማጫ አሳቲ 16,000 ኢንቴንጋፕ መድኖ ጎዳዉ እሞታ ከሴዳዋንጉ፣ 32.

41 መድኖ ጎዳይ ሙሳ አዛዜዳዋዳን፣ መድኖ ጎዳ ጋክያ እሞታ ሙሴ ቄሰያ ኤልአዛራዉ እሜዳ።

42-46 ኦላንቻቱ እሄዳ ኦሞዴዋ ሙሴ ላኡ ከሲደ ሻክና፣ አሰራኤልያ ማባራ ጋኬዳ ሻኩ 337,500 ደርሳቱዋ፣ 36,000 ሚዛቱዋ፣ 30,500 ሀራቱዋን 16,000 ማጫ አሳቱዋ።

47 አሰራኤልያ ማባራ ጋኬዳ ሻኩዋፕ አሻታሙ አሻታሙ አሻታሙ አሻታሙ አሻታሙ ሀንተ ማዮ ሙሴ አኪደ፣ መድኖ ጎዳይ ባረና አዛዜዳዋዳን፣ መድኖ ጎዳ ዲንካንያዉ እዎትያ ሊዋቶ እሜዳ።

48 ሄዋፕ ጉይያን፣ ኦላ ጋዳዋቱ፣ ሻላቃቱን ጾቱዋ ካፓቱ ሙሴኮ ዬድኖ።

49 ኢንቴንጋ ሙሳ፣ “ኔን ነ ቆማቱ ኦ አዛዙዋ ጋርሳን ደእያ ኦላንቻቱዋ ፓይድኖ፣ አቲን ፓጭቤና።

50 መድኖ ጎዳይ ኦ ሸምቱዋ አሺድ ድራዉ፣ ኑን ሀ-ጲያን ሀ-ጲያን እኬዳ ዎርቃ አሌቆቱዋ፣ ኩሽያ ሳጋፑቱዋ፣ ጌድያ አልቦቱዋ፣ ሞግዶቱዋ፣ ሀይላ ሎታቱዋን ቆዴያን አልያ አሌቆዋ መድኖ ጎዳዉ እሙዋ እሄደ” ያጌድኖ።

51 ሙሴን ቄሲ ኤልአዛር ዎርቃ አሌቆቱዋ ኡባ ኢንቴንጋፕ እኬድኖ።



52 ሻእ ካገቱን ጾቱዋ ካገቱ አሂደ መድና ጎዳዉ እሜዳ ዋርቃይ ኡባይ ላኡ ጾቱ ኪሎ ግራሙ ግድያዋ።

53 ሸን እት እት ኦላንቻቱ ኡባይ ባረንቴ ኦዋዲዋ ኦዋዲዋ ባረገዉ ከኪድኖ።

54 ሙሴኒ ቄሲ ኤልአዛር ሻእ ካገቱዋገን ጾቱዋ ካገቱዋገ ለኪድ ዋርቃ መድና ጎዳ ሰንላን እስራኤልያ አሳ ሀሳይሳና ማላ፡ መድና ጎዳ ዲንካንያ ግዲዋ ገልሴኖ።

### 32

ዮርዳኖሳ ሻፋ ዶላሃ ባገና ደእያ ዛራቱዋ

(ዛረ. 3:12-22)

1 ርቤላ ዛረቶን ጋዳ ዛረቶ ሎይላ ዳር መሂ ደኤ። ኡንቱንቴ ያእዜራ ቢታይን ጋላእደ ቢታይ መሀያዉ እንጀ ግድያዋ በኤድኖ።

2 ኡንቱንቴ ሙሴከ፡ ቄሲያ ኤልአዛራኩን ማባራ ካገቱዋከ ዪደ፡ ኡንቱንታ ሀዋዲን ያጌድኖ፤

3-4 “መድና ጎዳይ እስራኤልያ አሳን ጸንሴዳ ቢታቱ፡ አጸርት፡ ድቦን፡ ያእዜር፡ ኒምር፡ ሀሰቡና፡ ኤልአል፡ ሴብም፡ ናቦን ባኡን መሀያዉ እንጀ ቢታ፤ ኑዉ ሀንተ ቆማቶ መሂ ደኤ።

5 ኑን ሀንተና ናሸቲዳዋ ግድገ፡ ሀ ቢታቱ ኑ ሀንተ ቆማቶ ላታ ገደ ግዲደ እመትኖ። ኑና ዮርዳኖሳ ሻፋ ሄፍንሳ ፕንላፕተ” ያጌድኖ።

6 ሙሴ ጋዳ ዛራቱዋን ርቤላ ዛራቱዋ ሀዋዲን ያጌዳ፤ “ሀራ እስራኤልያ አሳይ ኦላ ብያ ዋደ፡ ሀንተ ሀዋን ኡቲቱ?

7 መድና ጎዳይ ኡንቱንቶ እሜዳ ቢታ እስራኤላቱ ፕናዳን፡ ሀንተ እያዉ ኡንቱንቴ ዋዛና ሹግሲቱ?

8 ቃዳሳ-ባርነገ ሄ ቢታ ዋቾ ጸላናዉ ሀንተ አዎቱዋ ታን የዳዳ ዋደ፡ ኡንቱንቴካ ሀዋዲን ኦሴድኖ።

9 ዋኒደ ጎገ፡ ኡንቱንቴ ኤሸኮላ ዛንጋራ ከሲደ፡ ሄ ቢታ ጸሌዳ ዋደ፡ እስራኤላቱ መድና ጎዳይ ኡንቱንቶ እሜዳ ቢታ ገለና ማላ፡ ኡንቱንቴ እስራኤላቱዋ ዋዛና ሹግሲድኖ።

10 መድና ጎዳይ ሄ ጋላሰ ሀንቁዋ ኤጽ ከሲደ፡ ሀዋዲን ያጌደ ጫቄዳ፤

11-12 “መድና ጎዳ ባረንቴ ኩመንሳ ዋዛናገ ካሌዳ ቀንዝያ ይፋን ናኡ ካሌባገገ ኔዌ ናኡ ኢያሱገት እትና፡ የለቶደገ ላታሙ፡ ላይላን ሄዋገገ ቦላና ደእያ አቱማ አሳን ግብጹ ጋድያገ ከሴዳዋንቱገት እቲ፡ ታን ኡብራሃማዉ፡ ይሳቃዉን ያቆባዉ እማናዉ ጫቄዳ ቢታ በኤና። እያዉ ጎገ፡ ኡንቱንቴ ታና ባረንቴ ኩመንሳ ዋዛናገ ካልበይክኖ፡ ያጌደ ጫቄዳ።

13 መድና ጎዳ ሀንቁ እስራኤልያ ቦላ ኤጽ ከሴዳ፤ ያትና ጸሳ ሰንላን ኢታ ኦሴዳ ሄ የለታ ኡባይ ዉር ቆያና ጋካናዉ፡ መላ ቢታን ኦይታሙ፡ ላይላ እ ኡንቱንታ ቶይላዬዳ።

14 ሀንተኖ፡ ናጋራንቻ የለታቶ፡ መድና ጎዳይ እስራኤልያ ቦላ ጉጅ ሀንቁዋ ኤጽ ከሳናዳን፡ ሀንተ ሀንተ አዎቱዋ ሳኡን ሀእ ኤቁድታ።

15 ሀንተ መድና ጎዳ ካልያዋ አጌደ ዋራ ሰዋገ፡ እ ቃይካ ባረ አሳ መላ ቢታን እግ ባሻና። ያቲደ ሀንተ ሀ አሳ ኡባ ቆይሳና” ያጌዳ።

16 ኡንቱንቴ ሙሴ ማታ ዪደ፡ እ ሀዋዲን ያጌድኖ፤ “ኑን ሀዋን ኑ መሄቶ ድርሳ፡ ኑ ናናዉ ካታማቱዋ ኪጻና።

17 ሸን ኑን ኦላ ሚሻ ዳንጪደ፡ እስራኤልያ አሳ ኡንቱንቴ ሳኡ ጋላና ጋካናዉ ኦለታናዉ ባና። ሄዋ ኬሻን፡ ሀ ጋድያን ደእያ አሳቱዋገ ናገታናዉ፡ ኑ ናናይን ማጫ አሳይ ግምበቲደ ኡቲዳ ካታማቱዋን ደእና።

18 እስራኤላቱ ኡባይ ባረንቴ ላታ ላታ አካና ጋካናዉ፡ ኑን ኑ ጎለ ሰዋኩ።

19 ኑን ኑ ላታ ዮርዳኖሳ ሻፋገ ሀፍንሳ አዋይ ዶልያ ባገና ላቲዳ ድራዉ፡ ኑን ዮርዳኖሳገ ሄፍንሳ ባገና፡ ያን ኡንቱንቴና ላታ ላቶኩ” ያጌድኖ።

20 ሙሴ ኡንቱንቴ፡ “ሀንተ ሀዋ ኦላገ፡ ሀንተ መድና ጎዳ ሰንላን ኦላ ባናዉ ገንገን

21 ሀንተ ኦላንቻቱ ኡባይ ኦላ ሚሻ ዳንጪደ፡ መድና ጎዳይ ባረ ዋርከቱዋ ባረ ሰንላገ የደርሳና ጋካናዉ፡ ዮርዳኖሳ ሻፋ ጸሳ ሰንላን ፕኖገ፡

22 መድና ጎዳይ ሄ ቢታ ጸኔዳዋገ ጉይያን፡ ሀንተ ሰማናዉ ዳንዳዪታ። ያቶገ፡ ሀንተ ኦለታናዉ በሰያ ኦላ መድና ጎዳዉን እስራኤልያ አሳዉ ኦለቲደ ፖሌድታ ግያዋ። ቃይ ሄ ቢታይ መድና ጎዳ ሰንላን ሀንተንቶ ላታ ቢታ ግድናዋ።

23 “ሸን ሀንተ ሄዋዲን ኦርናን እጸገ፡ መድና ጎዳ ቦላ ናጋራ ኦሌታ፤ ሰም ሀንተና ሀንተ ናጋራይ ጋክያዋ ቱሙ ኤርተ።

24 ሀንተ ሀንተ ናናዉን ማጫ አሳዉ ካታማቱዋ ኬጽተ፤ ሀንተ ድርሳ ዉድያዉካ ባሉዋ ገብሰተ፤ ሸን ሀንተ ጌዳዋ አገናን ኦላተ” ያጌዳ።

- 25 ጋዳ ዛራቱን ርቤላ ዛራቱ ሙሳ፣ “ኑን ነ ቆማቱ ኔን ኑ ጎዳይ እዛዜዳዎዳን ኦላና።
- 26 ኑ ናናቱን ኑ ማጫ እሳቱ፣ ኑ ደርሳቱን ኑ ሚዛቱ ሀዋን ጋላእደ ካታማቱዋን ደእሸና።
- 27 ሸን ኑን ነ ቆማቱ፣ ኦላዉ ዳንጨዳ ኦላንቻቱ ኡባይ፣ ኔን ኑ ጎዳይ ግያዎዳን፣ ኦላታናዉ ሙድና ጎዳ ሰንላን የርዳናሳ ሻፋ ፕናና። ያጌድና።
- 28 ሄዋ ድራዉ፣ ሙሴ ቄሰያ ኤልእዛራ፣ ኔዌ ናእ ኢያሳን እስራኤልያ ዛራቱ ካፓቱዋ ኡንቱንቱዋ እዛዜዳ።
- 29 ሙሴ ኡንቱንታ ሀዋዳን ያጌዳ፤ “ጋዳ ዛራቱን ርቤላ ዛራቱ ኡባይ ኦላ ሚሻ ዳንጨደ፣ ሙድና ጎዳ ሰንላን ሀንተናና የርዳናሳ ሻፋ ፕናና ሀንተ ሄ ቢታ ጸናፕ፣ ሄዋፕ ጉይያን፣ ጋላእደ ቢታ ሀንተ ኡንቱንታ ላትሰተ።
- 30 ሸን ኡንቱንቱ ኦላ ሚሻ ዳንጨደ፣ ሀንተናና ፕናናን እጸፕ፣ ኡንቱንቱ ካናን ቢታ ሀንተናና ላትና” ያጌዳ።
- 31 ጋዳ ዛራቱን ርቤላ ዛራቱ ዛሪደ፣ “ኑን ነ ቆማቱ ሙድና ጎዳይ ጌዳዋ ኦላና።
- 32 ኦላ ሚሻ ዳንጨደ፣ ሙድና ጎዳ ሰንላን ኑን ካናን ቢታ ገላናዉ ፕናና፤ ሸን ኑን ላትያ ላታይ የርዳናሳፕ ሀፍንላ ሳጋና ግዳናዋ” ያጌድና።
- 33 ሄዋ ድራዉ፣ ሙሴ ጋዳ ዛሪቶ፣ ርቤላ ዛሪቶን የሴፎ ናእ ሞናሰ ዛራቱዋፕ ሳጋዉ እዋሪቱ ካትያ ሰሆና ካዉተላን ሳሳን ካትያ ኦጋ ካዉተላ፣ ኡንቱንቱ የሹዋን ደእያ ካታማቱዋና እሜዳ።
- 34 ጋዳ ዛራቱ ድቦና፣ እጸርታ፣ እርኤራ
- 35 እጸርታ-ሸፋና፣ ያእዜራ፣ የግባሀ፣
- 36 ቤት-ነምራን ቤት-ሃራና ጌተትያ ግምቢያን ድረቱዳ ካታማቱዋ ዛሪሊደ ኬዴድና። ባረ ደርሳቶካ ኡንቱንቱ ባሉዋ ጊገሴድና።
- 37 ርቤላ ዛራቱካ ሀሰቦና፣ ኤልእላ፣ ቅርያታይማን፣
- 38 ናባ፣ ባእል-ማኦናን (ሄ ካታማቱዋፕ እቱ እቱ ሰንላ ላሚድና) ሲብማ ጌተትያ ካታማቱዋ ዛሪላ ኬዴድና።
- 39 ሞናሰ ናእ ማክራ ያራቱ ጋላእደ ቢደ፣ ኦላይ ኦይቂደ፣ ያን ደእያ እዋሪቱዋ የደርሴድና።
- 40 ሄዋ ድራዉ፣ ሞናሰ ናእ ማክራ ያራቶ ሙሴ ጋላእደ ቢታ እዋና፣ ኡንቱንቱ ያን ደኤድና።
- 41 ሞናሰ ዛሪ ግድያ ያእር ቢደ፣ ኡንቱንቱ ኦላይ ኦይቂደ፣ ሀቦት-ያእራ ካታማቱዋ ያጌደ ስንሌድና።
- 42 ኖባሀ ቢደ፣ ቃናታ ካታማን እ የሹዋን ደእያ ሄራቱዋ ኦላን ኦይቂደ፣ ባረ ሰንላን ኖባሀ ጌደ ዴሴድና።

### 33

ግብጾፕ ሞእበ ጋካናዉ ደእያ ሀመላይ ቃንላን (33:1-49)

- 1 እስራኤላቱ ሙሴን እሮን ካለለና፣ ባረንቱ ጨጉዋን ጨጉዋን ግብጾፕ ከሴዳ ዎደ፣ ያቲደ ሀመቲድና።
- 2 ሙድና ጎዳይ እዛዝና፣ ኡንቱንቱ ባና ቡሳ ደሜዳ ሳእ ሙሴ ጸፊዳ፤ ኡንቱንቱ ቡሳ ማራይ ሀዋ።
- 3 ኮይሮ እግናዉ ታማን እቼሸንጻ ጋላሰ፣ ፓሰጋ ቦንቻያ ጋላሳፕ ካልያ ጋላሰ ደንዲደ፣ ግብጾ ኦላይ ኡባይ ጸልሸን፣ ያየናን ራምሳፕ ከሴድና።
- 4 ሄ ዎደ ግብጾ ኦላይ ሙድና ጎዳይ ዎጴዳ ባረንቱ ባይራ ናናቱዋ ሞጊና። ሀዋዳን ኦሊደ፣ ሙድና ጎዳይ ኡንቱንቱ ጸሳቱዋ ቦላ ፕርዳ እሄዳ።
- 5 እስራኤላቱ ራምሳፕ ደንዲደ፣ ሱኮታ ግያ ሳእን ዲንካኔድና።
- 6 ሱኮታፕ ደንዲደ፣ ሙላ ቢታ ጸራን ደእያ ኤታማን ዲንካኔድና።
- 7 ኤታማፕ ደንዲደ፣ ባእል-ጸፍናፕ እዋይ ዶልያ ሳጋና ደእያ ፕሃሀርታ ሰሚደ፣ ሞግደላ ማታን ዲንካኔድና።
- 8 ፕሃሀርታፕ ደንዲደ፣ ዘእ እባ ፕጊደ፣ ሙላ ቢታ ቤድና። ኤታማ ሙላ ቢታን ሄዙ ጋላሳ ኦግያ ሀመቲደ፣ ማራን ዲንካኔድና።
- 9 ማራፕ ደንዲደ፣ ታማን ላኡ ፑልቶቱን ላፑን ታሙ ዛምባቱ ደእያ ኤሊማ ቢደ፣ ያን ዲንካኔድና።
- 10 ኤሊማፕ ደንዲደ፣ ዘእ እባ ማታን ዲንካኔድና።
- 11 ዘኮ እባ ላንቂያፕ ደንዲደ፣ ሲና ሙላ ቢታን ዲንካኔድና።
- 12 ሲና ሙላ ቢታፕ ደንዲደ፣ ዶፍቃን ዲንካኔድና።
- 13 ዶፍቃፕ ደንዲደ፣ እሉሻን ዲንካኔድና።
- 14 እሉሻፕ ደንዲደ፣ ራፊድማን ዲንካኔድና። ያን እሳዉ ኡሻናዉ ሃላይ ባዋ።

- 15 ራፊድማጥ ደንዲደ፣ ሲና መላ ቢታን ዲንካኔድኖ።
- 16 ሲና መላ ቢታጥ ደንዲደ፣ ክብርት-ሀታባር (አሙዋ ዲፋዋ ግያ ሳን ዲንካኔድኖ)።
- 17 ክብርት-ሀታባር (አሙዋ ዲፋዋ) ግያ ሳጥ ደንዲደ፣ ሀጸርታን ዲንካኔድኖ።
- 18 ሀጸርታጥ ደንዲደ፣ ሪትማን ዲንካኔድኖ።
- 19 ሪትማጥ ደንዲደ፣ ርዋን-ጥሬዛን ዲንካኔድኖ።
- 20 ርዋን-ጥሬዛጥ ደንዲደ፣ ሊብናን ዲንካኔድኖ።
- 21 ሊብናጥ ደንዲደ፣ ሪሳን ዲንካኔድኖ።
- 22 ሪሳጥ ደንዲደ፣ ቃሄላታን ዲንካኔድኖ።
- 23 ቃሄላታጥ ደንዲደ፣ ሸፋራ ደርያን ዲንካኔድኖ።
- 24 ሸፋራ ደርያጥ ደንዲደ፣ ሀራዳን ዲንካኔድኖ።
- 25 ሀራዳጥ ደንዲደ፣ ማቅሄሎታን ዲንካኔድኖ።
- 26 ማቅሄሎታጥ ደንዲደ፣ ታሃታን ዲንካኔድኖ።
- 27 ታሃታጥ ደንዲደ፣ ታራን ዲንካኔድኖ።
- 28 ታራጥ ደንዲደ፣ ሚትቃን ዲንካኔድኖ።
- 29 ሚትቃጥ ደንዲደ፣ ሀሽዋናን ዲንካኔድኖ።
- 30 ሀሽዋናጥ ደንዲደ፣ ሞሰርታን ዲንካኔድኖ።
- 31 ሞሰርታጥ ደንዲደ፣ በነ-ያእቃናን ዲንካኔድኖ።
- 32 በነ-ያእቃናጥ ደንዲደ፣ ሆር-ሀግድጋዳን ዲንካኔድኖ።
- 33 ሆር-ሀግድጋዳጥ ደንዲደ፣ ዮጵባታን ዲንካኔድኖ።
- 34 ዮጵባታጥ ደንዲደ፣ አብርናን ዲንካኔድኖ።
- 35 አብርናጥ ደንዲደ፣ ኤጽዮን-ጋብራን ዲንካኔድኖ።
- 36 ኤጽዮን-ጋብራጥ ደንዲደ፣ ጸና መላ ቢታን ደእያ ቃዴሳን ዲንካኔድኖ።
- 37 ቃዴሳጥ ደንዲደ፣ ኤዶማ ቢታ ዛዋን ደእያ ሆራ ደርያን ዲንካኔድኖ።
- 38 ቁሲ አርን መድና ጎዳይ አዛዝና፣ ሆራ ደርያ ሁጺያ ከሴዳ፤ እሰራኤላቱ ግብጹ ጋድያጥ ከሴዳ ኦይታሙንላ ላይላን፣ እቸሽንላ አግናን፣ አግናዉ ኮይር ጋላሳን ያን ሀይቁጻ።
- 39 አርን ሆራ ደርያ ሁጺያን ሀይቁያ ዋይ፣ አ ላይላይ ጴታን ላታማን ሄዛ።
- 40 ኔቤባ መላ ቢታን፣ ካናን ደእያ አራዳ ግያሳ ካቲ እሰራኤልያ አሳ ዩሳ ሰሴዳ።
- 41 እሰራኤላቱ ሆራ ደርያጥ ደንዲደ፣ ጸልሞናን ዲንካኔድኖ።
- 42 ጸልሞናጥ ደንዲደ፣ ፑናናን ዲንካኔድኖ።
- 43 ፑናናጥ ደንዲደ፣ ኦቦታን ዲንካኔድኖ።
- 44 ኦቦታጥ ደንዲደ፣ ሞኦባ ቢታ ዛዋን ደእያ እየ አባርማን ዲንካኔድኖ።
- 45 እየ አባርማጥ ደንዲደ፣ ድቦና-ጋዳን ዲንካኔድኖ።
- 46 ድቦና-ጋዳጥ ደንዲደ፣ አልሞና-ድብላታይማን ዲንካኔድኖ።
- 47 አልሞና-ድብላታይማጥ ደንዲደ፣ ናቦ ደርያ ማታን አባርማ ደረቱዋን ዲንካኔድኖ።
- 48 አባርማ ደረቱዋጥ ደንዲደ፣ ያርኮጥ ሄፍንላና፣ ዮርዳኖሳ ሻፋ ማታን ደእያ ሞኦባ ደምባን ዲንካኔድኖ።
- 49 ዮርዳኖሳ ሻፋ ማታን ደእያ ሞኦባ ደምባን፣ ቤት-ያሽሞታጥን እቤል-ሺጽማ ግዳዋን ዲንካኔድኖ።

ዮርዳኖሳ ፕናናጥ ካሰቲደ እመቴዳ አዛዙዋ  
 (33:50—36:13)

- 50 እያርኮ ሄፍንላና፣ ዮርዳኖሳ ሻፋ ማታን ደእያ ሞኦባ ደምባን መድና ጎዳይ ሙሳ ሀዋዳን ያጌዳ፤
- 51 “እሰራኤላቱዋ ኔን ያጋ፤ ‘ዮርዳኖሳ ሻፋ ፕኒደ፣ ካናን ቢታ ሀንተ ገልያ ዋይ፣
- 52 ሄ ጋድያን ደእያ አሳ ኡባ ሀንተ ሰንላጥ የደርሰተ፤ ሹቻጥ ማሰቴዳ ኦንቱንቱ ሞሰላቱዋ ኡባን ሲልሲደ መዴዳ ኢቃቱዋ ኡባ ቆይሰተ። ኦንቱንቱ ጎይንያ ቆቃ ሳኦ ኡባካ ላለተ።
- 53 ታን ሀንተንቶ ሄ ቢታ ላታዉ አሜዳ ድራዉ፣ ሄ ቢታ ላቲደ፣ አን ደአተ።
- 54 ሀንተ ዛርያን ዛርያን ሳማ ከሲደ፣ ቢታ ሻክተ። ገይዳዋን ጮራትያ ዛርቶ ዳር ላታ እምተ፤ ገይዳዋን ጉጽያ ዛርቶ ጉላ ላታ እምተ። ሳማን ኦንቱንታ ጋኬዳ ሀቃዌን ኦንቱንቱዋ ግዳናዋ። ቢታ ሀንተ ማይዛ እዋቱዋ ዛርያን ዛርያን ግሽ እኪታ።
- 55 “ ‘ሸን ሄ ጋድያን ደእያ አሳ ሀንተ የደርሰናን አሳጥ፣ ሀንተ እሹዳዋንቱ ሀንተንቶ ሀንተ አይፍያዉ ጥንጮ፣ ሀንተ ምይያዉ አጉንላ ግዳና፤ ሀንተ ደእና ጋድያን ኦንቱንቱ ሀንተና ዋይሳና።

56 ህገተ ኡንቱንታ የደርሰናን አጎተ፣ ኡንቱንቱ ቦላ ታን ኦላናዉ ቆፔዲቀ ህገተ ቦላ ኦላና፣ ያጋይ ኡዳ” ያጌዳ።

### 34

#### እስራኤልያ ቢታ ዛቀ

- 1 መድና ጎዳይ ሙሳ ሀቀዳን ያጌዳ፤
- 2 “ኔን እስራኤላቱቀ ሀቀዳን ያጋይ አዛዛ፤ ‘ላታዳን ህገተና ገዘያ ካናን ቢታ ዛቀይ ሀቀ።
- 3 ገድሳ ባጋና ህገተ ዛቀይ ጸና መላ ቢታን ኤደማ ዛቀ ግዳናቀ። አቀይ ዶልያ ባጋና ህገተ ገድሳ ዛቀይ ማጽንያ አባ ገድሳጥ ደሜ፤
- 4 እቅራቢማ ፑደላና ገድሳ ባጋና ሰሚዶ፣ ጸና መላ ቢታ አዲድ፣ ቃዳሳ-ባርን ገድሳ ጋኬ፤ ሄቀጥ ሀደር-ኡዳራ አዲድ፣ አጽሞና ጋኬ።
- 5 አጽሞናጥ ግብጼ ሻፋኮ ሰሚዶ፣ ሜድተራን አባ ጋኬ።
- 6 “ ላቀይ ዉልያ ባጋና ህገተ ዛቀይ ሜድተራን አባ ጋጸ ግዳናቀ።
- 7 “ ሁጲሳ ባጋና ህገተ ዛቀይ ሜድተራን አባጥ ሆራ ደርያ ስት ኦል ቢደ፣
- 8 ሆራ ደርያጥ ሊቦ-ሀማታ ፕኑቀ ጋካናሳ፤ ሄቀጥ ጸዳዳን ዛቀቱ።
- 9 ቃይ ዝፍርነጥ ቢደ፣ ሀጸር-ኤናና ጋኬ። ሁጲሳ ባጋና ህገተ ዛቀይ ሀቀ ግዳናቀ።
- 10 “ ላቀይ ዶልያ ባጋና ህገተ ዛቀይ ሀጸር-ኤናናጥ ሻፋማ ጋካናዉ ስት ኦል ቢደ፣
- 11 ሻፋማጥ ቢደ፣ አይናጥ አቀይ ዶልያ ባጋና ደእያ ርብላ ዎዲድ፣ ጋሊላ አባጥ አቀይ ዶልያ ባጋና ደእያ ደርያ ጋኬ።
- 12 ሄቀጥ ዳገ ዮርዳኖሳ ሻፋ ዎቲ ዛቀቲደ፣ ማጽንያ አባ ጋኬ። ህገተ ቢታ ዛቀይ ኡባ ባጋናካ ሀቀ፣ ያጋ” ያጌዳ።
- 13 ሙሴ እስራኤላቱቀ ሀቀዳን ያጌይ አዛዜዳ፤ “ኤጸ የገደ፣ ህገተ ላታና ማላ፣ ኡዲፑን ዛርቶን ባጋ ዛርቶ ሄ ቢታይ አመታናዳን መድና ጎዳይ አዛዜዳ።
- 14-15 እያዉ ጎጥ፣ ርቤላ ዛራቱ ጋዳ ዛራቱን፣ ምናሰ ዛራቱቀጥ ባጋይ ባርንቱ ላታ እያርኮ ሄፍንላን ዮርዳኖሳ ሻፋጥ አቀይ ዶልያ ባጋና እኩድኖ” ያጌዳ።
- 16 መድና ጎዳይ ሙሳ ሀቀዳን ያጌዳ፤
- 17 “ሄ ቢታ ህገተንቶ ላታ ኦልደ፣ ሻክ እማና አሳቱ ሱንሳይ ሀቀ፤ ቄሰያ ኤልአዛራን ኔቄ ናአ ኢያሳ።
- 18 ቃይ ቢታ ሻካናዉ ማዳና ማላ፣ ዛሪ ኡባጥ እት እት ካፑቀ ሱንሳጥ።
- 19 ኡንቱንቱ ሱንሳይ ሀቀጥ ካሊደ ደእያቀ።

#### ዛርያ ካፑቀ

- ይሁዳ ይፋን ናአ ካሊባ፤
- 20 ሰሞና አምሁዳ ናአ ሻሉምኤላ፤
- 21 ቢንያማ ክሰሎና ናአ ኤልዳዳ፤
- 22 ዳና ዮግላ ናአ ቡቃ፤
- 23 ዮሴፎ ናአ ምናሰ ኤፎዳ ናአ ሀንኤላ፤
- 24 ዮሴፎ ናአ ኤፍሬማ ሸፍጸና ናአ ቃሙኤላ፤
- 25 ዛብሎና ፓርናካ ናአ ኤልጸፋና፤
- 26 ይሳኮራ አዛና ናአ ፓልጽኤላ፤
- 27 አሴራ ሻሎማ ናአ አሀሁዳ፤
- 28 ጎፍታሌማ አምሁዳ ናአ ፓዳሀኤላ፤
- 29 ካናን ጋድያን እስራኤላቶ ላታ ሻክ እማና ማላ፣ መድና ጎዳይ አዛዜዳ አሳቱ ሀቀንታ” ያጌዳ።

### 35

#### ሌቀቶ እመታና ካታማቱቀ

- 1 እያርኮ ሄፍንላና፣ ዮርዳኖሳ ሻፋ ማታን ደእያ ሞአባ ደምባን፣ መድና ጎዳይ ሙሳ ሀቀዳን ያጌዳ፤
- 2 “እስራኤላቱ ባርንቱ ላታጥ ሊቀቱቀ ደእና ካታማቱቀን ኡንቱንቱ የሹቀን ደእያ ሄንላ ጋይቱቀ እማና ማላ፣ ኔን ኡንቱንታ አዛዛ።
- 3 ሄ ካታማቱቀን ኡንቱንቱ ደእኖ፤ ሄንላ ጋይቱ ኡንቱንቱ ሚዛሳ፣ ኡንቱንቱ ደርሳሳን ኡንቱንቱ ሀራ መሀያ ኡባሳ ግድኖ።

4 ህንተ ሊዋቶ እማና ካታማ የሹዋን ደእያ ሄነላ ጋደቱ ካታማ ግሞቢያ ድርሳጥ ካረኮ እት ሻእ ዋቆ ግድኖ።

5 ካታማጥ ካረና፡ እዋይ ደልያ ባጋና ላኡ ሻእ ዋቆ፡ ገድሳ ባጋና ላኡ ሻእ ዋቆ፡ እዋይ ወልያ ባጋና ላኡ ሻእ ዋቆ፤ ሀጸሳ ባጋና ላኡ ሻእ ዋቆ ልክተ፤ ያቶጥ ካታማይ ግድ ልክያን ደእና። ሊዋቱ ሄ ሄራ ባረንቱ ካታማው ሄነላ ጋደ ኦልና።

6 “ሊዋቶ ህንተ እማና ካታማቱ፡ እሳ ዋዴዳ ኡራይ ባቃቲደ እትያ ኡሱፑን ካታማቱዋ፤ ሄዋንቱ ቦላ ጉጂደ፡ ኦይታማን ላኡ ሀራ ካታማቱዋ ኡንቱንቶ እምተ።

7 ሊዋቶ ህንተ ኡባና ኦይታማን ሆሰፑን ካታማቱዋ ኡንቱንቱ ሄነላ ጋደቱዋና እትጥ እምተ።

8 እስራኤላቱዋ ላታጥ ሊዋቶ ህንተ እማና ካታማቱ እት እት ዛሪ ላቲዳዋ ኬሻ ግዳናው ኮሺ፤ ጮራ እሳይ ደእያ ዛርያጥ ጮራ ካታማቱዋ እኪተ፤ ሸን ገይዲቆን ጉላ እሳይ ደእያ ዛርያጥ ጉላ ካታማቱዋ እኪተ” ያጌዳ።

ባቃት እትያ ካታማቱዋ  
(ዛረ. 19:1-13፤ ኢያሳ 20:1-9)

9 ሄዋጥ ጉይያን፡ መድና ጎዳይ ሙሳ ሀዋዳን ያጌዳ፤

10 “ኔን እስራኤልያ እሳ ሀዋዳን ያጋ፤ ‘ዮርዳኖሳ ሻፋ ፕጌደ፡ ካናን ቢታ ህንተ ገልያ ዋደ፡

11 ኡሪናን እሳ ዋዴዳ ኡራይ ባቃት ቢደ እታና ማላ፡ ካታማቱዋ ህንተንቶ ደርተ።

12 ኡሪናን እሳ ዋዴዳዊ ሸቆዋ ሰንሳ ሙራናው ኤቃና ጋካናው፡ ሱላ እችያዌ እ ዋግ ማላ፡ ሄ ካታማቱ ባቃት እትያሳ ግድኖ።

13 ሀ ህንተ እምያ ኡሱፑን ካታማቱ ህንተንቶ ባቃት እትያ ካታማቱዋ ግድኖ።

14 ዮርዳኖሳ ሻፋጥ ሀፍንሳ ባጋና ሄከ ካታማን ካናን ጋድያን ሄከ ካታማቱዋ ህንተ ባቃት እታናው እምተ።

15 ሀ ኡሱፑን ካታማቱ ኡሪናን እሳ ዋዴዳ እስራኤላቱ፡ ሀራ ጋደ እሳቱን ኡንቱንቱ ግድን ደእያ በተቱ ባቃቲደ እትያሳ ግድኖ።

16 “ እት እሳይ እት እሳ ብራታ ሚሻን ሾጮና፡ ሄ ኡራይ ሀይቆጥ፡ ሄዌ ሸምፑዋ ዋዴዳዋ፤ ሸምፑዋ ዋዴዳዊ ሀይቆ።

17 ቃይ ዋቆ ዳንዳይያ ሹቻ ባረ ኩሸያን ኦይቄዳ እሳይ እት እሳ ሄ ሹቻን ጫድና፡ ሄ ኡራይ ሀይቆጥ፡ ሄዌ ሸምፑዋ ዋዴዳዋ፤ ሸምፑዋ ዋዴዳዊ ሀይቆ።

18 ቃይካ ዋቆ ዳንዳይያ ምላ ባረ ኩሸያን ኦይቄዳ እሳይ እት እሳ ሄ ምላን ሾጮና፡ ሄ ኡራይ ሀይቆጥ፡ ሄዌ ሸምፑዋ ዋዴዳዋ፤ ሸምፑዋ ዋዴዳዊ ሀይቆ።

19 ሱላ እችያዌ ሄ ሸምፑዋ ዋዴዳዋ ደሞጥ ዋዴ።

20 “ እት እሳይ እት እሳ ሞርኪደ ጫድና፡ ዋይ ዙጊድ እትባ እ ቦላ ኦልና፡ ሄ ኡራይ ሀይቆጥ፡

21 ዋይ ሞርኪደ ባረ ኩሸያን ቦክሰና፡ ሄ ኡራይ ሀይቆጥ፡ እ ሸምፑዋ ዋዴዳዋ፤ ሸምፑዋ ዋዴዳዊ ሀይቆ። ሱላ እችያዌ ሸምፑዋ ዋዴዳዋ ደሞጥ ዋዴ።

22 “ ሸን ሞርከተላይ ባይናን፡ እት እሳይ እት እሳ እኬሰናን ሱሳጥ፡ ዋይ ዙጊድ ናገናን እትባ እ ቦላ ኦሎጥ፡

23 ዋይ እ ዋቆ ዳንዳይያ ሹቻ እ በኤናን እ ቦላ የጎጥን ሄ ኡራይ ሀይቆጥ፡ ሄዌ እ ሞርከ ግድና ድራውን እ ቆሀናው ሀልቶቤና ድራው።

24 ያእይ ኡሪናን ዋዴዳዋጥን ሱላ እችያዋጥ ግዳዋን ሀ ዋጋቱዋዳን ጥርደ።

25 ኡሪናን ዋዴዳዋ ሱላ እችያዋ ኩሸያጥ ያእይ እሸደ፡ እ ባቃቲደ እትያ ካታማ ዛር። ጌሻ ዛይትያን ኦክቲደ፡ ቄሲ ኡባቱ ካፑ ሀይቃና ጋካናው፡ እ ያን ደእ።

26 “ ሸን ኡሪናን ዋዴዳዊ ባቃቲደ እትያ ካታማ ዛዋጥ ካረ ከሰያዋ ግድገና፡

27 ባቃት እትያ ካታማጥ ካረና ሱላ እችያዌ እ ደሚደ ዋዴጥ፡ እ ዋዴዳዋ ኦሸተና።

28 እያው ጎጥ፡ ቄሲ ኡባቱ ካፑ ሀይቃና ጋካናው፡ ሄ ኡሪናን ዋዴዳዊ ባረ ባቃቲዳ ካታማን ኡታናዋሸን እኼዳ። ሸን ቄሲ ኡባቱ ካፑ ሀይቄዳዋጥ ጉይያን፡ ኡሪናን ዋዴዳዊ ባረ ላታ ጋደ ሰማናው ዳንዳይ።

29 “ ህንተውን ብር የለታና የለታው፡ ህንተ ደእያሳ ኡባን ሀዌ ህገ ግድ።

30 “ ኢሳ ዋዴዳ ኡንን ሸምፑዋ እ ዋዴዳዋዳን ማርካቱ ማርካትና ሀይቆ፤ ሸን እት እሳ ዳላላይ ማርካትና፡ እይ እሳይን ሀይቆ።

31 ሸምፑዋ ዋዴዳ ድራው ሀይቃናው በሰያ እሳ ገጸ እሻናው እጫ እኮጥተ፤ እ ሀይቆ።

32 እትያ ካታማ ባቃቲዳ ኦጎን ቄሲ ኡባቱ ካፑ ሀይቃናጥ ካሰ፡ እ ጉየ ሰሚደ፡ ባረ ጋድያን ደእናዳን ኦላናው እጫ እኮጥተ።

33 “ ሄዋዳን ኦሊደ፡ ህንተ ደእያ ቢታ ቱንሶጥተ። እያው ጎጥ፡ ሱላ ጉሰያዊ ቢታ ቱንሰይ ሱላ ጉሴዳዋ ሱላናጥ እትና፡ ቢታ እቶ ጊሳናው ሀራ ኦጎያን ዳንዳየተና

34 ታጎ፣ መድኛ ጎዳይ፣ እስራኤልያ አሳ ግዲቀን ደእያ ድራው፣ ህጎተ ደእያ ቢታ፣ ታጎካ ደእያ ቢታ ቱጎሶፕተ፣ ያጋደ ኦዳ” ያጌዳ።

### 36

#### ጋድያ ላትያ ማጫ አሳቱቀ

1 የሱፎ ዛራቱቀፕ፣ ሞናሰ ናኦ ማኪራ ናኦ ጋላኦ ያራቱቀ ካፓቱ ሙሴኮን እስራኤላቱቀ ያራቱቀ ካፓቱቀኮ ዬድኖ።

2 ኡንቱንቱ ዪደ፣ “ኑ ጎዳው፣ እስራኤልያ አሳው ቢታ ኤዳን ሻካደ እማና ማላ፣ መድኛ ጎዳይ ኔና አዛዜዳ፤ ቃይ ደሳይ ኑ እሻ ጸሎፍሃዳ ላታ ኦ ማጫ ናናው ኔን እማና ማላ፣ ኔና አዛዜዳ።

3 ሌሞሶ ኡንቱንቱ ሀራ ዛረ ግድያ እስራኤልያ አሳ ገሎፕ፣ ኡንቱንቱ ላታይ ኑ አዎቱቀ ላታፕ አከቲደ፣ ኡንቱንቱ ገልያ ዛርያው ጉጀቱ። ሄቀ ድራው፣ ኑው ኤዳን እመቲዳ ላታይ ፓጫና።

4 ቃይ እስራኤላቶ እሻታማንሶ ላይላ ባላይ ጋክያ ዎደ፣ ኡንቱንቱ ላታይ ኡንቱንቱ ገልያ አሳ ዛርያው ጉጀቱ፤ ኡንቱንቱ ላታይ ኑ አዎቱቀ ዛርያ ላታፕ ፓጫና” ያጌዳ።

5 ሄቀፕ ጉይያጎ፣ መድኛ ጎዳ ቃላዳጎ፣ ሙሴ እስራኤላቱቀ ሀቀዳን ያጊደ አዛዜዳ፤ “የሱፎ ዛራቱ ግያዌ ልከ።

6 መድኛ ጎዳይ ጸሎፍሃዳ ማጫ ናናቱቀባ አዛዜዳዌ ሀቀ፤ ኡንቱንቱ ባረጎቱ ዶሴዳ አሰና ገላናው ዳንዳዪኖ፤ ሸን ባረጎቱ አወቀ ዛርያፕ ግዳናው ኮሼ።

7 እስራኤላቱቀ ላታይ እት ዛርያፕ ሀራ ዛርያው አጾፖ፤ እስራኤልያ ኡባይ ባረ ማይዛ አዎቱቀ ዛሪ ላቲዳ ቢታ ሞንሲደ ኦይቆ።

8 እስራኤልያ አሳ ግድን እይ ዛረፕ ግድናካ፣ ቢታ ላትያ ማጫ ናኦ ኡባይ፣ እስራኤሊ ኡባይ ባረ ማይዛ አዎቱቀ ላታ ላታና ማላ፣ ኦ ባረ አወቀ ዛረ ግድያ አሳ ገሎ።

9 ሄቀዳን ሀኒደ፣ ላታይ እት ዛርያፕ ሀራ ዛርያው ሙለካ አፍናን ደእና። ሄቀ ድራው፣ እስራኤልያ ኡባይ ባረ ማይዛ አዎቱቀ ዛሪ ላቲዳ ቢታ ሞንሲደ ኦይቆ” ያጌዳ።

10 ጸሎፍሃዳ ማጫ ናናይ መድኛ ጎዳይ ሙሳ አዛዜዳቀዳን ኦሌድኖ።

11 ጸሎፍሃዳ ማጫ ናናይ፣ ማህሎ፣ ትርጾ፣ ሆግሎ፣ ሞልኮን ናኦ ጌተትያቀንቱ፣ ባረጎቱ አወቀ እሻንቱ ናናቱቀ ገሌድኖ።

12 ኡንቱንቱ የሱፎ ናኦ ሞናሰ ናናቱ ዛርያ ግድን አሰና ገሌድኖ፤ ኡንቱንቱ ላታይ ኡንቱንቱ አወቀ ዛርያውን ያራው አቲዳ።

13 ያርኮፕ ሄፍንፋና፣ የርዳኖሳ ሻፋ ማጎን ደእያ ሞኦባ ደምባን ሙሴ ባጋና መድኛ ጎዳይ እስራኤልያ አሳ አዛዜዳ ሀገቱን ዎጋቱ ሀቀንታ።

# ዛረሉዋ ማጻፋት ገሉዋ

“ዛረሌዳ ዋጋ” ጌተትያ ሀ ማጻፋይ፣ እስራኤልያ አሳዉ ሀዋጥ ካሰና ኦደቴዳ ዋጋነ ማራ ዛረሌ ዛረሌ ሀሳይሲያ ማጻፋት።

“ዛረሌዳ ዋጋ” ማጻፋን ማዘገብቴደ ደእያ፣ እት እት ዳር ጎእያ የዋቱ ሀዋጥ ካሊደ ጻፈቴዳዋጎታ።

1. ሙሴ አዲዳ ኦይታሙ ላይላቱዋ ግደን ፖሊቴዳ፣ ዋልቃማ ዋልቃማ ኦሪቱዋ ሀሳይደ ኦይ። ጎዳይ ኦንቱንታ ባዙዋን ዋት ካለፊደንቶ አሳ ሀሳይሲደ፣ ኦንቱንቱ ጸሳዉ አማነቴዳዋጎታ ግደና ማላነ ሱር ኦሱዋን አዛዘታና ማላ፣ ኦንቱንታ ቆፍሲ።

2. ሙሴ ታሙ አዛዘቱዋ ዛር ዛሪደ ኦዲደ፣ ሄዋንቱጥካ ኮይር አዛዘዋ ብለላ ኦንቱንቶ ቆንጭሴዳ። አሳይ ጸሳ ጸላላዉ ጎይናናዳንካ ሀሳይሲ። ሄዋና ኦይሊደ፣ እስራኤልያ አሳይ ሀደታ ጋድያን አዛዘታናዉ በሰያ ዲማ ዲማ ዋጋ ቦች ቦች አኪደ ኦይ።

3. ሙሴ፣ ጎዳይ ኦንቱንቱና ጫቀቴዳ ጫቀ ኦይ ማለንቶ ኦንቱንቶ ብሊደ፣ ኦንቱንቱ ሄ ጫቆ ኦራሊደ አማነታናዳን፣ ቆፍሲ።

4. ኢያሱ ሙሴ ሳኣን ገሊደ ጸሳ አሳ ካለሉያ አሳ ግዳናዉ ሱን። ሙሴ ጎዳይ አማነትያዋ ግድያዋ ሳባናዉ ከሲደ ማዘመርያ የጼዳዋጥነ እስራኤልያ ዛርያ ኡባ አንጄዳዋጥ ጉይያን፣ ዮርዳኖሳ ሻፋጥ አዋይ ዉልያ ባገና ደእያ ሞኣባ ጋድያን ሀይቄዳ።

ማጻፋዉ ሀጻ ቆፋይ ጎዳይ ባር ሲቅያን ባር ዶሬዳ አሳ አሸዳዋነ አንጄዳዋ ኦይ። አሳይካ ጸሳ አንጄ ኦንቱንቱጥ ሻከተናን ገጸ ደእናዉ ዳንዳያና ማላ፣ ጎዳይ ኦንቱንቶ ኦሌዳዋ ኡባ ሀሳይሲደ፣ ኦንቱንቱ ኡባ ዋደካ ጸሳ ሲቃናዉነ አዉ አዛዘታናዉ ኦንቱንታ ኤርሲ።

ማጻፋዉ ዋና ቆፋ ኦይቄዳ ጽቅሰቱ፣ 6:4-6 ደእያዋጎታ ግድያ ዋደ፣ ኦንቱንቱክ፣ የሱሰ፣ “አዛዘ ኡባጥ አድያ ዋልቃማ አዛዘ” ገደ ኦይዳ ቃላቱዋ ኦይቄዳዋጎታ። ሄዋንቱ፣ “ዳሳ ነ ጸሳ ነ ፖሎ ዋዘናጥ፣ ነ ፖሎ ሸሞጥዋጥነ ነ ፖሎ ዋልቃጥ ሲቃ” ያግያዋጎታ።

## ሸሞጥቱዋ ኡባቶ አመቴዳ ቃንሳ ቆፋቱዋ

ሀ. ኮይር ሙሴ ሃሳያ 1:1—4:49

ለ. ላኤንሶ ሙሴ ሃሳያ 5:1—26:19

1. ታሙ አዛዘቱዋ 5:1—10:22

2. ሀግያ፣ ዋጋነ ሴራ 11:1—26:19

ሐ. ካና ነ ገላናጥ ካሰቴደ አመቴዳ አዛዘዋ 27:1—28:68

መ. ቃላ ጫቀዋ ኦራጸሳ 29:1—30:20

ሰ. ሙሴ ዉርሰሳ ሃሳያ 31:1—33:29

ረ. ሙሴ ሀይቄዋ 34:1-12

## ኮይር ሙሴ ሃሳያ

(ፓይ. 1:1—4:49)

ሲና ደርያጥ ባናዳን አመቴዳ አዛዘዋ

1 ሀ ማጻፋን ጻፈቴዳ ቃላ ኡባይ ዮርዳኖሳ ሻፋጥ ሄፍንሳ አዋይ ዶልያ ባገና ደእያ መላ ቢታን ኦንቱንቱ ደእሸን፣ ሙሴ እስራኤልያ አሳዉ ኦይዳ ቃላ። ሙሴ ሀ ቃላ ኦንቱንቶ ኦይያ ዋደ፣ ኦንቱንቱ ሱፋ ጌተትያ ሳኣን ሰንሳ ባገና፣ ፓራና ካታማዉ እት ባገናነ ሄዋዳንካ ቃይ ቶፊላ፣ ላባና፣ ሀጸርታነ ዲዛሃባ ጌተትያ ካታማቱዋ ግዲዋን ደእያ ዮርዳኖሳ ዛንጋራን ደእኖ።

2 ኤዶማ ደርያ ኦግያና ቦጥ፣ ሲና ደርያጥ ቃዳሳ-ባርነ ጋካናዉ ገድያን ታማነ እት ጋላሳ ኦገ።

3 ግብጾጥ ኦንቱንቱ ከሴዳ ኦይታማንሳ ላይላን፣ ታማነ አተንሳ አገናን፣ አገናዉ ኮይር ጋላሳን፣ ሙሴ መጽና ጎዳይ ኦንቱንቱዋ አ አዛዜዳዋ ኡባ እስራኤላቶ ኦይዳ።

4 ሄዋ ሀሰቦና ካታማን፣ ኡቲደ ካተቴዳ አሞረቱ ካዉዋ ሰሆናን፣ አሰታርታንነ ኤድራኤን ኡቲደ ካተቴዳ ባሳነ ካትያ ኦገ፣ ሙሴ ጸይዳዋጥ ጉይያና።

5 አሳይ ዮርዳኖሳጥ አዋይ ዶልያ ባገና ሞኣበን ደእሸን፣ ሙሴ ሀ ሀግያ ሀዋዳን ያገደ ቆንጭሲያዋ ደሜዳ።

6 “ኡን ሲና ደርያን ደእሸን፣ መጽና ጎዳይ ኦ ጸሳይ ኦና ሀዋዳን ያገደ፤ ሳንተ ሀ ደርያ ቦላን ሎይሰ ጋሞኤድታ።”

7 ዲንካንያ ኮሊደ ደንድተ፤ ደረትያ አዋረቱ ቢታነ እራባን ደእያ ኢንቱንቱ ሾር ቢታ ኡባ ቢተ፤ ሄዋካ ዮርዳኖሳ ዛንጋራ፤ ደረትያሳነ ባርጎትያ ቢታቱዋኮ፤ ገድሳ ባጋውን ሜድተራነ አባ ጋጸው አፏተ። ካናን ጋድያኮ ቢተ፤ ሊባሳሳ ደረቱዋ አፏደ፤ ኤፍራጸሳ ሻፋ ጋካናው ቢተ።

8 በእተ፤ ታን ህንተንቶ ሀ ቢታ እማድ። ቢደ ህንተ አዋቶ፤ አብራሃማው፤ ይሳቃው፤ ያቆባውን፤ ኢንቱንቱ ጉይያን፤ ኢንቱንቱ ዛርያው እማናው መፅና ጎዳይ ጫቁዳ ቢታ ላትተ። ያጌዳ” ያጌዳ።

**ሙሴ ካፓቱዋ ሱንፌዳ**  
(ከሳ 18:13-27)

9 ቃይካ ሙሴ አሳው ሀዋዳን ያጌዳ፤ “ሄ ዋደ ታን ህንተንቶ ሀዋዳን ያጋደ ኦዳድ፤ ታን ታረካ ህንተና ቶካናው ዳንዳይከ።

10 መፅና ጎዳይ ህንተ ጸሳይ ህንተ ፓይዱዋ ሳሉዋ ጸልንትያዳን ዳርሴዳ።

11 መፅና ጎዳይ ህንተ አዋቱዋ ጸሳይ፤ ህንተና ሀዋፕ ሻአ ገደ ጉጂደ ዳርሶነ እ ጌዳዋዳን ህንተና አንጅ።

12 ሸን ህንተ መቱዋ፤ ህንተ ፓሉማነ ህንተ ኦሻ ኡባ ታን ታረካ ቶካናው ዋና ዳንዳይያታ?

13 ህንተ ዛርያፕ ዛርያፕ አጫዳ ኤራንቻ፤ እኩካንቻነ ኦሱዋ ሜዚ ደእያ አሳቱዋ ደርተ፤ ታን ህንተ ቦላ ኢንቱንቱ ካቸዋ ሱንፋና፤ ያጋድ።

14 “ህንተካ ታና፤ ሓን ኦሳናዳን ኔን ጌዳዋ ሎአ’ ያጌድታ።

15 ሄዋ ድራው፤ ታን ህንተ ዛርያፕ ዛርያፕ አጫዳ ኤራንቻነ ኦሱዋ ሜዚ ደእያ አሳቱዋ አካድ፤ ሻላቃ፤ ጸቱዋ ካቸዋ፤ እሻታሙዋ ካቸዋ፤ ታሙዋ ካቸዋነ ዋድያዋንታ ኦላደ ህንተ ዛርያን ዛርያን ህንተ ቦላን ሱንፋድ።

16 “ያታደ ታን ኢንቱንታ፤ ሓንተ እሻንቱ ግዴዋን ደእያ ሞቱዋ ሰሰተ፤ ሄ ሞቱ እት እሰራኤልያ አሳፕነ እ አሻፕ ግዴዋን ዋይ እሰራኤልያ አሳፕነ ሀራ ጋደ አሳፕ ግዴዋን ደእያዋ ግድፕካ፤ ሰሲደ ጸሉዋ ፕርድተ።

17 ህንተ ፕርዳን እት ባጋ ማድፕተ፤ ዋልቃማዋ ሰሰያዋዳንካ፤ ጉላዋካ ሄዋዳን ሰሰተ፤ አሳ ሰዋኦ ያዮፕተ፤ እያው ጎፕ፤ ፕርዳይ ጸሳዋ። ቃይ ህንተንቶ ዳር ዴጸ ግዴዳ ሞቱዋ ታኮ እህተ፤ ሄዋ ታን ፕርዳና፤ ያጋድ።

18 ቃይ ህንተካ ኦሳናዋ ኡባ ታን ሄ ዋደ ህንተና አዛዛድ።

**ሙሴ ዋቻያዋንታ ኪቴዳ**  
(ፓይ. 13:1-33)

19 “ሄዋፕ ጉይያን፤ ኩን ሲና ደርያፕ ደንዴደ፤ መፅና ጎዳይ ኑ ጸሳይ ኑና እዛዜዳዋዳን፤ ደረትያ አዋረቱ ቢታ ብያ ኦግያን ደእያ ሄ ህንተ በኤዳ ግታነ ያሸያ መላ ቢታ አፏደ፤ ቃዴሳ-ባርነ ጋኬድ።

20 ሄ ዋደ ታን ህንተንቶ ሀዋዳን ያጋድ፤ መፅና ጎዳይ ኑ ጸሳይ ኑና ላትሰያ ደረትያ አዋረቱ ቢታ ሄኮ ህእ ጋኬድታ።

21 በእተ፤ መፅና ጎዳይ ህንተ ጸሳይ ሀ ቢታ ህንተንቶ እማዳ። መፅና ጎዳይ ህንተ አዋቱዋ ጸሳይ ህንተንቶ ኦዳዳዋዳን ከሲደ፤ ሀ ቢታ ላትተ፤ ያዮፕተ፤ ህይታ አጎፕተ” ያጋድ።

22 “ህንተ ኡባይ ታኮ ዪደ ታና፤ ሄ ቢታ ዋቹደ፤ ኩን ባናው በሰያ ኦግያንካ፤ ኩን ገላና ካታማቱዋ ኦዳዋ ኑው እህያ አሳቱዋ ኑፕ ስንፋው የዳይተ” ያጌድታ።

23 “ሄ ቆፋይ ታው ሎአ ማላቴዳ፤ ያትና፤ ህንተፕ ታማነ ላኡ አሳ፤ ዛርያፕ ዛርያፕ እት አሳ ደራድ።

24 ኢንቱንቱ ቤድና፤ ሄ ደረትያ ቢታ ፑደ ከሴድና፤ ቃይ ኤሽኮላ ዛንጋራኮካ ቢደ፤ ቢታ ዋቹድና።

25 ሄ ጋድያን ሞክያባፕ እማራዳ እይፍያ ባረንቱ ኩሽያን ኦይቂደ፤ ኩኮ እክ ዬድና፤ ቃይ፤ መፅና ጎዳ ኑ ጸሳይ ኑው እምያ ቢታይ ሎአ’ ያግያ ኦዳዋካ አሂደ ኦዳድና።

26 “ሸን ህንተ መፅና ጎዳ ህንተ ጸሳ አዛዛ ማካሊደ፤ ከሰናን እጾድታ።

27 ህንተ ዲንካንያ ግድን አቱ አቱዋና፤ ሀዋዳን ያጌደ ዙዙሜድታ፤ መፅና ጎዳይ ኑና እጾዳ ድራው፤ ቆይሳናው አዋረ ቢታ አሳቱ ኩሽያን አሉ እማናው፤ ግብጾ ጋድያፕ ከሴዳ።

28 ኩን ሀቃ ከሴቶ፤ ኑ አሻቱ “ሄ ጋድያን ደእያ አሳይ ኑፕ ዳሪኖነ አድቁና። ካታማቱካ ግታነ ሳሉዋ ጋካናው ግምቡቱዳዋንታ። ሄዋ ቦላካ ቃይ እናቀቱዋ ጌተትያ ዳር አዳሳ አሳቱዋ ያን በኤደ” ያጌደ፤ ኑ ዋዛና እርጸሴድና ያጌድታ።

29 “ ሄዋፕ ጉይያን፤ ታን ሀዋዳን ያጋድ፤ ኢንቱንቶ ያዮፕተ ዋይ ሻባረቶፕተ።

30 ህንተፕ ስንፋና ብያ መፅና ጎዳይ ህንተ ጸሳይ ካሰ ግብጾን ህንተ እይፍያ ስንፋን እ ህንተንቶ ኤልዳዋዳን፤ ሀእካ ህንተንቶ እ አለታና።

31 ቃይ መላ ቢታን፤ ህንተ ሀ ሳእ ጋካናው ዬዳ ኦገ ኡባን፤ አሳይ ባረ ናአ ቶክያዋዳን፤ መፅና ጎዳይ ህንተ ጸሳይ ህንተና ቶኬዳዋ በኤድታ” ያጋድ።



32-33 “ሀ ኡባ ታ ኦድንካ፣ ህንተ ዲንካናና ሳኣ በሳናወነ ህንተ ባና ኦግያ በሳናወ ቃማ ታማ ቱሳን፣ ጋለሰ ሻርያ ቱሳን ህንተና ካለፊዳ መጅና ጎዳ፣ ህንተ ጸሳን፣ አማንበይክታ።

ጸሳይ እስራኤላቱዋ ሙራዳ (ገይ. 14:20-45)

34 “መጅና ጎዳይ ህንተ ሃሳያ ሰሲደ ሀንቀቱዳ፤ ሀዋዳን ያገደ ጫቄዳ፤

35 ጭን ህንተ ማይዛ እዋቶ አማና ጋደ ጫቄዳ ሀ ሎኦ ቢታ፣ ሀ ኢታ የለታጥ እቱነ በኤና።

36 ሄ ቢታ በአናዌ ዩፋነ ናኣ ካሌባ ጸላላ። እ የጁዳ ቢታ አወነ አ ዛርያወ ታን አማና፤ እያወ ጎጥ፣ እ ባር ኩመንጎ ዋዛናጥ መጅና ጎዳ ካሌዳ፣ ያገደ ጫቄዳ።

37 “ህንተ ጋሱዋን መጅና ጎዳይ ታ ቦላካ ሀንቀቲደ፣ ሀዋዳን ያገደዳ፤ ሙሴ፣ ሀራይ አቶ ኔንካ ሄ ቢታ ገላካ።

38 ሸን ኔና ማድያዋ፣ ኔዌ ናኣይ ኢያሱ ሄ ቢታ ገላና። እ እስራኤልያ አሳ ሄ ቢታ ላትሳናወ ደእያ ድራወ፣ ኔን አ ሞን።

39 ቃይ ህንተ፣ ጥ ናናይ አዋደታና ገዳ ጉላቱነ ኢታ ሎይሰ ሻክ ኤርቤና ህንተ ናናይ ሄ ቢታ ገላና። ታን ሄ ቢታ ኤንቱንቶ አማና፤ ኤንቱንቱካ አ ላታና።

40 ሸን ህንተና ግደጥ፣ ህንተ ጉየ ሰሚደ፣ ዞኦ አባ አፍያ ኦግያ ኦይቂደ፣ መላ ቢታ ቢተ ያገደዳ።

41 “ህንተ ዛሪደ ታወ ሀዋዳን ያገደታ፤ ጥን መጅና ጎዳ ቦላ ናጋራ ኦፊደ፤ ሀእ ኩን መጅና ጎዳይ ኑ ጸሳይ አዛዜዳዋዳን፣ ከሲደ ኦለታና፣ ያገደታ። ህንተ ኡባይ ኦላ ሚሻ ግጹደታ፤ ቃይ ገዘ ቢታ ከሲደ ኦለታናዋካ ላፋባዳን ቆፔደታ።

42 “ሸን መጅና ጎዳይ ታና፣ ጭን ኤንቱንቱና ደኤና ድራወ፣ ኤንቱንቱ ከሲደ ኦለተናዳን ኦዳ፤ ሄዋ ቆየጥ ኤንቱንቱ ዋርከቱ ኤንቱንታ ጸናና ያገደዳ።

43 ታን ህንተንቶ ኦዳድ፤ ሸን ህንተ መጅና ጎዳ አዛዜ ማካሌድታጥ አትና፣ ታን ኦዳዳዋ ሰሰበይክታ፤ ያቲደ ህንተ ኦቶሩዋን ገዘ ቢታ ከሲደታ።

44 ያትና፣ ሄ ገዘ ጋድያን ደእያ አዋራጭ ህንተናና ኦላ ጋከቲደ፣ ህንተና ማላይ የደርሰያዋዳን የደርሰደ፣ ሄ ኤዶማ ጋድያን ቢደ ሆርማ ጋካናወ ሸጩድና።

45 ህንተካ ጉየ ሰሚደ፣ መጅና ጎዳ ሰንሳን ዩኬድታ፤ ሸን ጸሳይ ህንተ ዩኩዋ ሰሰቤና ዋይ ሀይዝቤና።

46 ያትን ቃዳሳን ሄ ህንተ ጋሞኦ ኬሻ ጋላሳ ጋሞኤድታ።

## 2

መላ ቢታን ቱጋቲዳ ዋደቱዋ

1 “ሄዋጥ ጉይያን ኩን፣ መጅና ጎዳይ ታና አዛዜዳዋዳን፣ ዞኦ አባ አፍያ ኦግያ ኦይቂደ፣ ጉየ ሰሚደ፣ መላ ቢታ ቤደ፤ ሄዋን መቶቲደ፣ ደረትያ ኤዶማ ጋድያን ዳር ጋላሳ ዩዩደ።

2 “ሄዋጥ ጉይያን፣ መጅና ጎዳይ ታና ሀዋዳን ያገደዳ፤

3 ላ ሰደረትያ ቢታ የሻይ ህንተንቶ ግዳናዋ፤ ጉየ ሰሚደ፣ ሀጸሳ ሳጋ ቢተ።

4 አሳ ኔን ሀዋዳን ያገደ አዛዜ፤ “ኤዶማን ደእያ ህንተ አሻቱዋ ግድያ ኤሳ ናናቱ ቢታና ህንተ አጂታ። ኤንቱንቱ ህንተንቶ ያያና፤ ሸን ህንተ ሎይሰ ናገትተ።

5 ታን ኤንቱንቱ ጋድያጥ ገዳ የጅያ ሳ ኬሻነ ህንተንቶ አመና ድራወ፣ ኤንቱንቱና ዋለቀቶጥተ፤ እያወ ጎጥ፣ ታን ደረትያ ኤዶማ ቢታ ላታ ኦላደ ኤሳወ አማ ድጋድ።

6 ህንተ ሞያ ቁማን ኡሸያ ሃላ፣ ኤንቱንቱጥ ሻሎዋን ሻሞጥ ያገደ አዛዜ” ያገደዳ።

7 “ መጅና ጎዳይ ህንተ ጸሳይ ህንተ ኦፊደዋ ኡባ አንጃዳ፤ ህንተ ሀ ዋልቃማ መላ ቢታን ሀመትያ ዋደ፣ ህንተና ናገደዳ። ሀ ኦይታሙ ላይሳ ኡባን መጅና ጎዳይ ህንተ ጸሳይ ህንተናና ደኤዳ። እያን ህንተንቶ ገጭሰቤና።

8 “ ሄዋ ድራወ፣ ኩን ኑ አሻቱዋ ግድያ ኤሳ ናናይ ደእያ ኤዶማ ቢታና አጂደ ቤደ። ቃይ ኤላታነ ኡጽዮን-ጋለራ ግያ ካታማቱዋጥ ደንዲደ፣ አራባኩ ጋልያ ኦግያ አገደ፣ ሞኣባ መላ ቢታ አጂደ።

9 “ መጅና ጎዳይ ታና ሀዋዳን ያገደዳ፤ “ታን ኤንቱንቱ ጋድያጥ እያን ህንተንቶ አመና ድራወ፣ ሞኣባ አሳና ዋለቀቶጥተ ዋይ ኤንቱንታ ኦሎጥተ፤ እያወ ጎጥ፣ ኤራ ካታማ ታን ላታ ኦላደ ሎጸ ዛረቶ አማ ድጋድ” ያገደዳ፣ ያገደዳ።”

10 (ሄ ጋድያን ካሰ ሞኖን ጮራ ግዳዳ፣ ቃይ አናቀ ዛራቱዋዳን እዳሳ ግዳዳ ኤመታ ጌተትያ አሳቱ ደኤድና።

11 ኤንቱንቱ አናቀቱዋዳንካ ራፋየቱዋ ጌተቲና። ሸን ሞኣባ አሳይ ኤንቱንታ ኤመታ ገደ ጸሴ።

12 ሆራ ቢታ አሳይ ቃይ ካሰ ኤደማን ደኤዳ፤ ሽን እሰራኤላቱ ላታናዳን መድና ጎዳይ ኤንቱንቶ እሜዳ ጋድያን ኤንቱንቱ ኦሌዳዋዳን፤ ኤሳ ዛራቱ ሆራታ ኤንቱንቱ ጋድያ፤ ሾዴድኖ፤ ቃይ ባረገቱ ሰንገጥ ኤንቱንታ ጳይሲደ፤ ኤንቱንቱ ሳኣን ኡቲድኖ።)

13 ሙሴ፡ “መድና ጎዳይ ኑና፡ ሀላ ደንድተ፤ ዘራዳ ሻፋ ፕንተ፡ ኑን ዘራዳ ሻፋ ፕንደ።

14 ኑን ቃዳሳ-ባርነ፤ ገደንደ፡ ዘራዳ ሻፋ ፕና ጋካናዉ ደእያ ዋደ ሀታማን ሆሰቸን ላይላ፤ ሄ ዋደ መድና ጎዳይ ኤንቱንቶ ጫቄዳዋዳን፤ ኦላዉ ጋኬዳ ሄ የለታ ኦቱማዋንቱ ኡባይ ዉራድኖ።

15 ዴንካኔዳ ሳፕ ኤንቱንቱ ኡባና ድምእ ጊደ ጳያና ጋካናዉ፤ መድና ጎዳ ኩሺ ኤንቱንቱ ቦላ ደኤ።

16 “ኦላዉ ጋኬዳ ኦቱማ ኦሳይ ኡባይ ኡባና ጳይዳዋፕን ኦሳ ግደፕ ሀይቂዳ ዉራዳዋፕ ጉይያን፤

17 መድና ጎዳይ ታና ሀዋዳን ያጌዳ፤

18 ኡራ ኦግያና ሀቾ ሀንተ ሞእባ ቢታ ኦቲታ።

19 ሀንተ ኦሞና ኦሳቱ ቢታ ጋከያ ዋደ፤ ኤንቱንታ ቃሰረፕተ ዋይ ኤንቱንቱና ላላቀቶፕተ። እያዉ ሳፕ፡ ኦሞና ኦሳቱ ጋድያ፤ እያን ታን ሀንተንቶ ላታ ኦላደ ኦሞከ። ታን ሄ ቢታ ሎጸ ዘርያዉ ላታ ኦላደ ኦማ ድጋድ፡ ያጌዳ።

20 “ሄ ቢታይ ካሰ ያን ደእያ ኦሳይ ዴሰትያ ሰንገጥ ራፋባቱዋ ቢታ ጌተቲደ ዴሰቱ። ቃይ ኦሞናቱ ኤንቱንታ ዛምዙማ ጊደ ዴሰኖ።

21 ኤንቱንቱካ ኦናቀቱዋዳን ኦዳሳ፤ ሞኖን ጮራ ጋደ፤ ሽን መድና ጎዳይ ኤንቱንታ ጳይሰና፤ ኦሞናቱ ኤንቱንቱ ቢታ ላቲደ ኡቲድኖ።

22 መድና ጎዳይ ኤደማን ደእያ ኤሳ ዛረቶ ኦሌዳዋዳን፤ ኤንቱንቶካ ኦሌዳ፤ ሄዌካ ኦ ሄ ጋድያን ደእያ ሆራታ ጳይሰና፤ ኤሳ ዛራቱ ኤንቱንቱ ቢታ ላቲደ ሀቾ ጋካናዉ ኡቲድኖ።

23 ጋዛ ጋካናዉ ደእያ ሄራቱዋን ደእያ ኦሞቱዋ ግደፕ፤ ካፍቶራ ግያ ጋድያ፤ ዴዳ ካፍቶራቱ ኤንቱንታ ጳይሲደ፤ ኤንቱንቱ ሳኣን ኡቲድኖ።)

24 “ኤንቱንቱ ጳይሲደ ኡና ሀዋዳን ያጌዳ፤ ሩንድተ፤ ኦርኖና ሻፋ ፕንተ። በእተ፡ ኦሞሪ ቢታ ኦሳ ግድያ ሀሰቦና ካትያ ሰሆናን ኦ ቢታ ታን ሀንተ ኩሽያን ኦላደ ኦማድ፤ ኦ ኦሊደ ኦ ቢታ ላትያዋዳን ደምተ።

25 ሀቾፕ ደማደ ሳሉዋፕ ጋርሳና ደእያ ኦሳይ ኡባይ ሀንተንቶ ያያናዳን ታን ኦላና፤ ኤንቱንቱ ሀንተዋ ሰሰያ ዋደ ኡባን፤ ያሻን ኮኮራና ያጌዳ።

**እሰራኤልያ ኦሳይ ካትያ ሰሆና ጸኔዳ**  
(ፓይ. 21:21-30)

26 “ሄዋፕ ጉይያን፤ ቅደምታ መላ ቢታፕ ሀሰቦና ካትያ ሰሆናዉ ሳር ቃላ ኪተትያዋንቱ ቦላ ሀዋዳን ያገደ ኪታድ፤

27 ሉና ነ ቢታና ኦላርኪ! ኑን ዋጋ ኦገ ጸላ ኦይቂደ ባር፤ ኦፕ ኡሽቻ ዋይ ሀድርሳ ሰሞከ።

28 ኑን ሞያ ቁማዉን ኡሽያ ሃላው ማሻ ቃንጸና። ኑ ኮይያዌ ነ ቢታና ኦላርኖ ጸላላ።

29 ኤደማን ደእያ ኤሳ ዛራቱን፤ ኤራን ደእያ ሞእባ ዛራቱ ኑና ኦላዋዳን፤ መድና ጎዳይ ኑ ጸሳይ፤ ኑዉ ኦሞያ ቢታዉ ኮርዳኖ ሻፋ ኑን ፕናና ጋካናዉ፤ ኦገ ጸላላና ኑና ኦላ፣ ያጋድ።

30 “ሸን ሀሰቦና ካቲ ሰሆን ኑና ኦላርኖን ድጌዳ። እያዉ ሳፕ፡ መድና ጎዳይ ሀንተ ጸሳይ ሀቾ ሀንተ በእያዋዳን፤ ኦ ሀንተ ኩሽያን ኦሊደ ኦማናዉ ኦ ዋዛና ሞንሲደ፤ ኦ ሞርግያ ዘዳ ኦሌዳ።

31 “ሄዋፕ ጉይያን መድና ጎዳይ ታና፤ ሰእ፡ ሰሆናን ኦ ቢታ ታን ነዉ ኦሙሳ ደማድ፤ ሀእ ጸናደ፤ ኦ ቢታ ላታ፡ ያጌዳ።

32 “ያትና፡ ሰሆን ባረ ኦሳ ኡባ ኦኪደ፤ ያሃጸ ግያ ሳን ኑናና ኦላታናዉ ደንዴዳ።

33 ሸን መድና ጎዳይ ኑ ጸሳይ ኑዉ ኦ ኦላ ኦማዳ፤ ኦ፡ ኦ ኦቱማ ናናቱዋን ኦ ኦሳ ኡባ ኑን ዋዴደ።

34 ሄ ዋደ ኑን ኦ ካታማቱዋ ኡባ ኦሞዲደ፤ ሙላ ካታማቱዋካ፤ ኦን ደእያ ኦቱማ ኦሳና፤ ማጫ ኦሳና ናናቱዋና ጳይሲደ፤ እያን ኦሽቢይክኖ።

35 ኤንቱንቱ መሀያን ኑን ኦይቂዳ ካታማቱዋ፤ ኦሞዳዳቱዋ ጸላላ ኑዉ ኦኪደ።

36 “ኦርኖና ዛንጋራ ጋጸን ደእያ ኦርኡራፕን ሄ ዛንጋራ ግደን ደእያ ካታማፕ ደማደ ቢደ ጋላኦደ ቢታ ጋካናዉ፤ ኑዉ ሞኔዳ ኦት ካታምን ደእቤና። መድና ጎዳይ ኑ ጸሳይ ኤንቱንታ ኡባ ኑ ኩሽያን ኦላ ኦማዳ።

37 ሸን ኑን ኦሞና ዛራቱዋ ጋድያኩ፤ ሄዌካ ያቦቃ ሻፋ ድና ኡባኩ፤ ደረትያ ቢታ ካታማቱዋን መድና ጎዳይ ኑ ጸሳይ ኑን ባናዳን ኦዛከቤና ሳ ኡባኩ ሸቅቢይኩ።

### 3

እስራኤላቴ ባሳነ ካትያ ኦጋ ጸኒድኖ  
(ገይ. 21:31-35)

1 “ሄዋጥ ጉይያን ኮን ሰሚዶ፣ ባሳነ አፍያ ኦግያና ከሲደ፣ ያትና፣ ባሳነ ቢታ ካቲ ኦግ ባረ ኦላንቻቱዋ ኡባና ኤድራኤ ግያ ካታማን ኮናና ኦለታናዉ ከሴዶ።

2 ሸን መድና ጎዳይ ራሳ፣ ሓገዉ ያዮጋ! አያዉ ጎጥ፣ ታን አ፣ አ ኦላንቻቱዋ ኡባናን አ ቢታና ነ ኩሸያን አላደ እማድ። ሀሰቦናን ኡቲደ ካተቲዳ አሞረቲ ካትያ ሰሆና ቦላ ኦሌዳዋዳን፣ ኔን አ ቦላካ አላና፣ ያጌዳ።

3 “ሄዋ ድራዉ፣ መድና ጎዳይ ኑ ጸሳይ ባሳነ ቢታ ካትያ ኦጋን አ አሳ ኡባ ኑ ኩሸያን አሌደ እሚዳ፣ ኮን ኡንቲንቲጥ አቲዋን አሸናን ዉርሰ ዋዲደ።

4 ሄ ዋደ ኮን አ ካታማቲዋ ኡባ ኦይቄዳ፣ ኮን ኦይቄቤና እት ካታማይካ ባዋ፣ ሄዋንቲካ ባሳነ ካትያ ኦግ አርጎባ ጋድያን አይሰያ ኡሱፑን ታሙ፣ ካታማቲዋ።

5 ሀ ካታማቲ ኡባይካ አዲሳ ግምቢያን ድረቲዳዋንታን ፐንግያናን ጎርድያ ሞላና ደእያዋንታ። ቃይ ግምቢያ ድርሳይ ባይና ሎይሌ ልሮ ሞላቲካ ደእኖ።

6 ሀሰቦና ቢታ ካትያ ሰሆና ቦላ ኦሌዳዋዳን፣ ኮን ኡንቲንታ ኡባና ጳይሴደ። ኡንቲንቲ ካታማቲዋ ኡባ፣ ኡንቲንቲን ደእያ አቲማዋና ማጫዋን ናናቲዋናካ ሙላ ጳይሴደ።

7 ሸን መሀያ ኡባን ካታማቲዋጥ ቦንቄዳ ኦሞዲዋ ኦሌደ፣ ኑዉ አኪደ።

8 “ሄ ዋደ ኮን አርናና ሻፋጥ ቢደ ሄርዋን ደርያ ጋካናዉ ደእያ ቢታ ዮርዳናሳ ሻፋጥ አዋይ ደልያ ባጋና ደእያዋ ሄ ላኡ አሞረ ቢታ ካተቲዋጥ አኪደ።

9 (ሲዶና ቢታ አሳይ ሄርዋን ደርያ ሰርዮን ደርያ ጊደ ጸጊኖ፣ አሞረ ቢታ አሳይ ቃይ ሳኒራ ጊደ ጸጊኖ።)

10 ኮን ደምባ ጋድያን ደእያ ካታማቲዋ ኡባ፣ ጋላእደ ቢታ ኡባ፣ ባሳነ ቢታ ኡባን ባሳነ ጋድያን ኦግ ዋድያ ሳላካን ኡድራኤ ካታማቲዋ ጋካናዉ ደእያ ሳኦ ኦይቄደ።

11 (ራፋየቲዋጥ አቲዳዋ ባሳነ ቢታ ካትያ ኦጋ ጸላላ። አ አርሳይ ብራታ አርሳ፣ ሄ አርሳይ ሀቼ ጋካናዉካ ራባ ጌተትያ አሞናቲዋ ካታማን ደኤ፣ አዉ ጌሳይ ኡድፑን ዋዳ፣ ሳምጋይካ ኦይዲ ዋዳ።)

ዮርዳናሳ ሻፋጥ ደላሃ ባጋና ኡቲዳ ያራቱዋ  
(ገይ. 32:1-42)

12 “ሄ ቢታ ኮን ላቲዳዋጥ ጉይያን፣ አርናና ሻፋ ደናን ደእያ አርኤራ ካታማጥ ደሚደ ደእያ ሳኦ፣ ደረትያ ጋላእደ ጋድያጥ ባጋ አ ካታማቲዋናካ ርቤላ ዛረቶን ጋዳ ዛረቶ ታን እማድ።

13 ጋላእደጥ አቲዳዋን ኦግ ዋድያ ባሳነ ቢታ ኡባ፣ ሄዋካ አርጎባ ካወተላ ቃይ ምናሰ ዛርያጥ ባጋቶ እማድ። (ሄ ባሳነ ቢታይ ኡባይ ራፋየቲዋ ቢታ ጌተት ጸሰቲዳ።)

14 ሞናሰ ዛርያጥ ያእር፣ ኩመንሳ አርጎባ ቢታ ላቲዳ፣ ሄዋካ ጋሹራቲን ማእካቲ ቢታ ጋጸ ጋካናዉ ደእያ ባሳነ ቢታ። አ ቄር ካታማቲዋ ባረ ሱንሳን ጸሰታናዳን ኦሌዳ፣ ሄዋ ድራዉ፣ ኡንቲንቲ ሀቼ ጋካናዉ፣ ሀቦት-ያእራ ካታማቲዋ ጌተት ጸሰቲዳ።)

15 “ቃይ ጋላእደ ቢታካ ምናሰ ዛረ ግድያ ማኪራሳዉ እማድ።

16 ርቤላን ጋዳ ዛርያዉ ጋላእደጥ ቢደ አርናና ሻፋ ማጋ ጋካናዉ ደእያ ቢታ እማድ። ገድሳ ባጋና ኡንቲንቲ አርናና ሻፋዉ ባጋይ ዛዋ፣ ቃይ ሁጲሳ ባጋና አሞናቲዋ ቢታ ጋጸ ግድያ ያቦቃ ሻፋይ ዛዋ።

17 አዋይ ዉልያ ባጋና፣ ኡንቲንቲ ዛዋይ አራባን ደእያ ዮርዳናሳ ሻፋ ጋኪ፣ ሄዋካ ጋላላ አባጥ ደሚደ ፕሰጋ ደርያ ጸጸዋን ደእያ ሀይቁዋ አባ፣ ሄዋካ ማጸጎያ አባ ጋካናሳ።

18 “ሄ ዋደ ታን ሀንተና ሀዋዳን ያጋደ አዛዛድ፣ ሙድና ጎዳ ሀንተ ጸሳይ ሀ ቢታ ሀንተ ላታናዳን ሀንተንቶ እማዳ። ሰም ሀንተንቶ ደእያ ቶራንቻ አሳ ኡባ ኦላ ሚሻ ግጽሲደ፣ ሀንተ አሻቲዋ ግድያ እስራኤልያ አሳጥ ሰንሳና ኦለታናዉ አድተ።

19 ሀንተዉ ዳር መሄ ደእያዋ ታን ኤራይ፣ ሄዋ ድራዉ፣ ሀንተ ማቼቲ፣ ሀንተ ጉላ ናናይን ሀንተ መሄ ታን ሀንተንቶ እሚዳ ካታማቲዋን ደእሸኖ።

20 ሄዋካ፣ መድና ጎዳይ ሀንተና ሸምፕሴዳዋዳን፣ ሀንተ አሻቲዋካ ሸምፕሳና ጋካናዉን፣ ቃይ ዮርዳናሳ ሻፋ ሄናንሳን፣ መድና ጎዳይ ሀንተ ጸሳይ ኡንቲንቲ አሞያ ቢታ ኡንቲንቲ አካና ጋካናሳ። ሄዋጥ ጉይያን፣ ሀንተ ሁጲሳን ሁጲያን፣ ታን ሀንተንቶ እሚዳ ቢታ ሰሚታ፣ ያጋድ።

21 “ታን ሄ ዋደ ያሳ ሀዋዳን ያጋደ አዛዛድ፣ ሙድና ጎዳይ፣ ሀንተ ጸሳይ፣ ሀ ላኡ ካተቲ ቦላ ኦሌዳዋ ኡባ ኔን ነ አይፍያን በእዳ፣ ሀንተ ኦይቃናዉ ብያ ካወተላቲዋ ኡባ ቦላካ መድና ጎዳይ ሄዋዳን ኦላና።

22 ሀንተ ድራዉ ኦለትያዋ፣ መድና ጎዳ ሀንተ ጸሳ ግድያ ድራዉ፣ ኡንቲንቲ ያዮፕተ፣ ያጋድ።

ሙሴ ካናን ገለናዳን ድገቴዳ

23 “ሄ ዋደ ታን ሀዋዳን ያጋደ መድና ጎዳ ሎይላደ ዋሳድ፤

24 “ኡባ ሞድያ መድና ጎዳው፤ ነ ግታተላን ነ ሞና ኩሽያ ታና፤ ነ ቆማ በሳናው ደማዳ፤ እያው ጎጥ፤ ነዋዳን ሀዋ ማላ ኦሶቱዋን ዋልቃማባ ኦሳናው ዳንደይያዌ ሳሎዋን ግድና ሳኣን እይ ጸሳይ ደኢ?

25 ጸሳው! ታን ባደ ዮርዳናሳ ሻፋጥ፤ ሄፍንላን ደእያ ሄ ሎኦ ደረትያ ቢታን ሊባናሳ በእናዳን ታና ዩዳርኪ!፤ ያጋድ።

26 “ሸን መድና ጎዳይ ህንተ ጋሱዋን ታና ሀንቀቲደ፤ ታው ሰሰናን እጹዳ፤ መድና ጎዳይ ታና ሀዋዳን ያጌዳ፤ ሰማ ነው ግዳናዋ፤ ሀ የውዋ ደንሳይ ላኤንሳ ታው ሃሳዮጋ።

27 ሄዋ አጋደ ደንዳ፤ ጥሰጋ ደርያ ሁጲያ ከሳ፤ ሄዋን ኤቃደ ቢታው አዋይ ዶልያ ባጋ፤ ሁጲሳ፤ ገድሳን አዋይ ዉልያ ባጋ ነ እይፍያ ደንሳይ ጴላ። እያው ጎጥ፤ ኔን ሀ ዮርዳናሳ ሻፋ ሙላካ ጥናካ።

28 ማታ ኔን ኢያሱው አዛዙዋ እማ፤ አ ጸልሳን ሞን፤ እያው ጎጥ፤ እ ሀ አሳ ካለሊደ ጥንላናን ሀ ኔን በእያ ቢታ እ ኡንቱንታ ላትሳናዋ፤ ያጌዳ።

29 “ሄዋ ድራው፤ ኑን ቤት-ጋኦራ ካታማ ሰንሳን ደእያ ዛንጋራን ጋምኤዶ” ያጌዳ።

### 4

ሙሴ እስራኤላቱዋ አዛዘታናዳን ኦዴዳ

1 ሄዋጥ ጉይያን፤ ሙሴ አሳ ሀዋዳን ያጌዳ፤ “ሀኢካ እስራኤልያ አሳው፤ ህንተ ደኡዋን ደአናዳንን መድና ጎዳይ፤ ህንተ ማይዛ አዋቱዋ ጸሳይ፤ ህንተንቶ እምያ ቢታ ህንተ ላታናዳን፤ ታን ህንተና ታማርሰያ አዋዩዋን ሀግያ ሰሰተን ኦሳተ።

2 ታን ህንተና አዛዘያ መድና ጎዳ ህንተ ጸሳ አዛዘዋ ናግተጥ አትና፤ እ ቦላ እይነ ጉጃጥተ፤ ቃይ አጥ እይነ ጋጭሰጥተ።

3 ባኣል-ጋኦራ ደርያ ቦላን መድና ጎዳይ ኦሌዳዋ ህንተ ህንተ እይፍያን በኤድታ፤ መድና ጎዳይ ህንተ ጸሳይ ባኣል-ጋኦራን ደእያ ባኣላው ጎይኔዳዋንታ ኡባ ህንተ ግደጥ ቆይሴድ።

4 ሸን ህንተ መድና ጎዳው፤ ህንተ ጸሳው፤ እማነቴዳ ድራው፤ ሆች ጋካናው ኡባይካ ደኡዋን ደኢታ።

5 “በእተ፤ ህንተ ላታናው ገልያ ጋድያን ኦሳና ማላ፤ መድና ጎዳይ፤ ታ ጸሳይ ታና አዛዘዳዋዳን፤ አዋዩዋን ሀግያ ታን ህንተና ታማርሳድ።

6 ህንተ ኡንቱንታ ናግተን ኦሳተ፤ ሄዋ ህንተ ኦሳተ፤ ህንተ እይ ከሻ አጴዳ ኤራንቼንቶን ሀራ አሳይ ህንተና በእና፤ ኡንቱንቱ ታው ያይያዋ ታማራናዳንን ባረንጉ ናናቱዋካ ሄዋ ታማርሳናዳን፤ ታን ታ ቃላ ኡንቱንታ ሰሳና ማላ፤ አሳ ታኮ ሸሻ፤ ጌዳዋ ሀሳይተ።

7 “ኡን እ ጴሰያ ዋደ እውደነ፤ መድና ጎዳይ ኑ ጸሳይ ኑው ማታ ግድያዋዳን፤ ማታ ጸሰ እው ደእያ እይ ዋልቃማ ካውተሳይ ደኢ?

8 ታን ሆች ህንተ ሰንሳን ዋልያ ሀ ሀገ ኡባዳን ጽሎ ግዴዳ አዋዩን ሀገ ደእያ ሀራ እይ ዋልቃማ ካውተሳይ ደኢ?

9 “ሰም ህንተ ደእያ ላይላ ኡባን ሀ ህንተ በኤዳዋ ኡባ ደገናዳንን ህንተ ሁጲያጥ ቆይሰናዳን ናገትተ፤ ህንተ ናናቱዋን ህንተ ናናቱ ናናቱዋ ታማርሰተ።

10 ሲና ደርያ ቦላን መድና ጎዳ ህንተ ጸሳ ሰንሳን ህንተ ኤቁዳ ዋደ፤ ጸሳይ ታና፤ ሀ ሳኣን ደኡዳ ዋደ ኡባን፤ ኡንቱንቱ ታው ያይያዋ ታማራናዳንን ባረንጉ ናናቱዋካ ሄዋ ታማርሳናዳን፤ ታን ታ ቃላ ኡንቱንታ ሰሳና ማላ፤ አሳ ታኮ ሸሻ፤ ጌዳዋ ሀሳይተ።

11 “ሄ ዋደ ህንተ ሸቁደ ደርያ ጸጲዋን ኤቁድታ፤ ሳሎ ግዴዋ ጋካናው፤ ሄ ደርያ ቦላን ታማይ ኤጲ፤ ሄ ደርያ ጸጲ ሳካና ቆማንን ሻራን ጎዘት ኡቴዳ።

12 መድና ጎዳይካ ታማ ግደጥ ህንተንቶ ሃሳዬዳ፤ ህንተ እ ኮሻ ሰሴድታጥ አትና፤ እ በእበይክታ።

13 ህንተ ኦሳናዳን እ ህንተና አዛዘዳ ባረ ጫቁዋ ህንተንቶ ኦዴዳ፤ ሄዋንቱካ ታሙ አዛዘቱዋ። እ ኡንቱንቱ ላኡ ማሰቴዳ ሹቻቱ ቦላ ጸፊዳ።

14 ህንተ ላታናው ሰያ ጋድያን ኦሳናዳን፤ አዋዩዋን ሀግያ ህንተና ታማርሳና ማላ፤ መድና ጎዳይ ታና ሄ ዋደ አዛዘዳ።

ኤቃ ሞሰልያው ጎይነናዳን እመቴዳ አዛዘዋ

15 “መድና ጎዳይ ሲና ደርያ ቦላን ታማ ግደጥ ህንተንቶ ሃሳዬዳ ጋላሰ፤ ህንተ እ በእቤና ድራው፤ ሎይላ ናገትተ።

16 አቱማ ዋይ ማጫ ማላን ኦሰቴዳዋ ግድና

17 ሳኦን ደገያ ዶክ ሌዎሱቅ ግድና፣ ሳሎቅ ጉፋንሱቅን ፓልያ ካፋቀ ኡባ ሌዎሱቅ ግድና፣

18 ሳኦን ባላን ቃጽያባቱ ሌዎሱቅ ግድና፣ ቢታገካ ጋርሳና ሃሳ ግድን ደገያ ዎልያ ሌዎሱቅ ግድናካ፣ ህንተ ቱንዳዳን ማስቴዳቅ ህንተንቶ ጸሳ ኦሊደ ጎይናገገ።

19 ቃይ ሳሎቅ ዩደ ጴሊደ፣ መጅና ጎዳይ ህንተ ጸሳይ ሳሎቅገ ጋርሳና ደገያ ካወተላቶ ኡባዉ እሚደ አቀ፣ አግና፣ ጸልንተቱቀን ሳሎቅ መጋታቱቀ ኡባ በኢደ፣ ህንተ ኡንቱንቶ ጎይኒደ፣ ባለናዳን ናገትተ።

20 ሸን መጅና ጎዳይ ህንተና ሆች ህንተ ግድያዎዳን፣ ባረዉ ዲማቴዳ አሳ ኦላናዉ ብራታ ጮጭያ ማላ ግድያ ግብጾገ ከሲደ አሄዳ።

21 “ቃይ ህንተ ጋሱቅን መጅና ጎዳይ ታና ህንቀቲደ፤ ታን ዮርዳናሳ ገናናዳን፤ መጅና ጎዳይ፣ ህንተ ጸሳይ፣ ላታ ኦሊደ ህንተንቶ እሚያ ሎኦ ቢታ ታን ገለናዳን ጫቄዳ።

22 ሄዎ ድራዉ፣ ታን ዮርዳናሳ ሻፋ ገናን ሀ ጋድያን ሀይቃና፤ ሸን ህንተ ገኒደ፣ ሄ ሎኦ ቢታ ላቲታ።

23 ሄዎ ድራዉ፣ መጅና ጎዳይ ህንተ ጸሳይ ህንተናና ጫቀቴዳ ጫቀቀ ደጎገተ። ቃይ መጅና ጎዳይ ህንተ ጸሳይ ህንተና ኦላገተ ጌዳ እይ ማላን ማስቴዳ ሞስልያ ግደገገ ህንተንቶ ኡቃ ኦጋናዳን ናገትተ።

24 እያዉ ጎገ፣ መጅና ጎዳይ ህንተ ጸሳይ ዎያ ታማነ ቃናትያ ጸሳ።

25 “ህንተ ናናቱቀን፣ ናናቱ ናናቱቀ የሊደ ሄ ጋድያን እዲሳ ዎድያ ደገያ ዎድ፣ አይ ማላን ግደገገ ማስቴዳ ሞስልያዉ ጎይኒደ ቱናገ፣ ቃይ መጅና ጎዳ ህንተ ጸሳ ህንቀሳናዉ አ ሰንሳን ኡታባ ኦላገ፣

26 ህንተ ዮርዳናሳ ሻፋ ገኒደ ላታናዉ ብያ ጋድያገ አቱነ አተናን፣ ኤላ ቆያናዉ፣ ታን ህንተ ባላን ሆች ሳሎቅን ሳኦ ማርካያይ። ህንተ ኡባናካ ቆያናገ አትና፣ ሄ ጋድያን እዲሳ ዎድያ ደገያ።

27 መጅና ጎዳይ ህንተና ሀራ አሳ ግድን ላላና፤ ሄ ህንተና መጅና ጎዳይ ላልያ ካወተላቱቀ ግድን ህንተ ፓይዱ ጉላ ግዳናቀ።

28 ሄዎን ህንተ ዎላገገ ሹቻገ አሳ ኩሸያን ገጌዳ በኤና፣ ሰሰና፣ ሜናን ሰንገና ጸሳቶ ጎይናና።

29 ሸን ሄዎን ደኢደ፣ ህንተ መጅና ጎዳ፣ ህንተ ጸሳ ኮያና፤ ህንተ አ ህንተ ኩመንሳ ዎዛናገገ ህንተ ኩመንሳ ሸሞቸዎገ ኮዮገ ደማና።

30 ሀ ኡባ መቱቀ ግድን ህንተ ኡንኤቲደ ደኢደ፣ ዎድያ ዉርሰላን መጅና ጎዳኩ፣ ህንተ ጸሳኩ፣ ህንተ ሰማናን አ ቃላዉካ አዛዘታና።

31 መጅና ጎዳይ ህንተ ጸሳይ ማርተላን ኩሚዳ ጸሳ ግድያ ድራዉ፣ አ ህንተና አገና፤ ዎይ ቆይሰና፤ ህንተ አቀቶ አ ጫቄዳ ጫቀቀካ ደገና።

32 “ጸሳይ ጋድያን አሳ መጄዳ ጋላገገ ደሚደ፣ ህንተገ ካሰ አጄዳ ዎድያ አነ ፓይድተ፤ ሀዎ ማላ ግታባይ ሙላካ ሀን ኡርንቶ ዎይ ሰሰት ኡርንቶ፣ ሳሎ ሀ ጋጸገ ያ ጋጸ ጋካናዉ አነ ኦችተ።

33 ታማ ላጩቀ ግድና ጸሳይ ሰሲደ፣ ህንተ ቆያናን ደኡቀን ደኡዳዎዳን፣ ጸሳይ ሰሲደ፣ ደኡቀን ደኡዳ ሀራ አሳይ ደኢ?

34 ዎይ መጅና ጎዳይ ህንተ ጸሳይ ህንተ ጴልሸን፣ ግብጾ ጋድያን ህንተንቶ ኡሌዳዎዳን፣ ፓጭያን፣ ማላታን፣ ማላልሰዎን፣ ኦላን ዎልቃማ ኩሸያንን ሞጩቱዳ ቀሰያን፣ ቃይ ዎልቃማ ያሻን ሀራ ካወተላ ግደ ገሊደ፣ አት ካወተላ ባረዉ አካናዉ ባጸቴዳ ሀራ ጸሰ ደኢ?

35 መጅና ጎዳይ ጸሳ ግድያዎ ህንተ ኤራና ማላ፣ ሄዎ አ ህንተና በሴዳ፤ አገ አትና ሀራይ ባዎ።

36 አ ህንተና ታማርሳናዉ ኮጮዳ ድራዉ፣ ባረ ኮሻ ሳሎቅገ ህንተና ሰሴዳ። ቃይ ሀ ሳኦን ባረ ዎልቃማ ታማ ህንተና በሴዳ፤ ሄ ታማ ግደገ ህንተ አ ቃላ ሰሴድታ።

37 አ ሄዎ ኡሌዳዎ ህንተ አዎቱቀ ሰቄዳዎገ ደንዳዳዎን፣ ኡንቱንቱገ ጉይያን የለትያ ኡንቱንቱ ካራቱቀ ደራዳ ግሻሳ። ቃይ ህንተናካ ግብጾገ ባረ ዎልቃማ ዎልቃን ከሴዳ ግሻሳ።

38 ሆቹ ህንተ በእያዎዳን፣ ህንተና ገልሳናዉን ኡንቱንቱ ቢታ ህንተንቶ ላታ ኦሊደ አማናዉ፣ ህንተገ ዳርያን ዎልቃዎን ካወተላቱቀ ህንተ ሰንሳገ የደርሴዳ።

39 “ሰሞ ሄዎ ግደገ፣ ባላ ሳሎቅን ግድና፣ ጋርሳ ሳኦን ግድና፣ መጅና ጎዳይ ጸሳ ግድያዎ ኤርተ፤ ህንተ ዎዛናንካ ዎላተ፤ ሀራ ጸሳይ ባዎ።

40 ሄዎ ድራዉ፣ ህንተንቱን ህንተገ ጉይያን ህንተ ናናዉ ኡባባይ ሎኦ ግዳናዳን፣ ቃይ መጅና ጎዳይ ህንተ ጸሳይ ህንተንቶ መጅናዉ እሚያ ጋድያን ህንተ ህንተረ ኡደቃናዳን፣ ታን ሆች ህንተና አዛዘያ አዎዩዎን ሀግያ ናግተ” ያጌዳ።

ሸሞቸዎ ዎጄዳዎንቱ ባቃቲደ እትያ ካታማቱቀ

41 ህዋጥ ጉይያን፣ ሙሴ የኮዳኖሳ ሄፍንጎን እዋይ ዶልያ ባጋና ሄዙ ካታማቱዋ ዲማዬዳ።

42 ህዋ እ ዲማዬዳዌ ካሰ ሞርከተላይ ባይናን ደእሸን፣ ኤረናን፣ ባረ ሸሩዋ ዎዴዳ አሳይ ያ ባቃታና። ሄ ካታማቱዋጥ እቶ ባቃቲደ፣ ሄ ብታኒ ባረ ሸሞጥዋ አሻናዉ ዲንዳዬ።

43 ህዋ ድራዉ፣ ርቤላ ዛርያዉ መላ ቢታን ዶቃሳን ደእያ ቢጸራ ካታማ፣ ጋዳ ዛርያዉ ጋላእደን ደእያ ራዎታን ሞናሰ ዛርያዉ ባሳነን ደእያ ጎላና ካታማቱዋ ዲማዬዳ።

**ህጊ እመትያዋ ኤርሱዋ**

44 ሙሴ እስራኤልያ አሳዉ እሚዳ ጸሳ ህጊ ሀዋ።

45-46 ሀ ዎጋ፣ አዋዩዋን ህግያ ኤንቱንቱ ግብጾጥ ከሲደ፣ ቤት-ጋኦራ ካታማ ሰንጎን ደእያ፣ የኮዳኖሳጥ አዋይ ዶልያ ባጋና ደእያ ዛንጋራን ደእሸን፣ ኤንቱንቶ እሚዳ። ሄ ሳእይ ሀሰቦናን ኡቲደ አሞረ ሞድያ ካትያ ሰሆና ቢታ ግድና። ሙሴን እስራኤልያ አሳይ ግብጾጥ ከሴዳ ዎደ፣ ሰሆና ኦሊደ ጸኔድኖ።

47 ሄ ዎደ ኤንቱንቱ አ ቢታን ባሳነ ካትያ ኦጋ ቢታ፣ ሄዌካ ቃይ የኮዳኖሳጥ አዋይ ዶልያ ባጋና ደእያ ላኡ አሞረ ካትቱ ቢታ ላቲድኖ።

48 ሄ ቢታይ አርናና ሻፋ ዶናን ደእያ አርኤራ ካታማጥ ቢደ፣ ሰርዮን ደርያ ጋኬ፤ ሄ ሰርዮን ጌተት ጸሰትያ ደሪ ሄርሞን ግያ ደርያ።

49 ቃይካ ሄ ቢታይ የኮዳኖሳጥ አዋይ ዶልያ ባጋና ደእያ አራባ ቢታ ኡባ አኪደ ቢደ፣ ፕሰጋ ደርያ ጸጹዋን ደእያ ሀይቁዋ አባ ጋኬ።

**ላኤንሳ ሙሴ ሃሳያ**

**5**

(5:1—26:19)

**ታሙ እዛዙቱዋ (ከሳ 20:1-17)**

1 ሙሴ እስራኤልያ አሳ ኡባ እትጥ ጸሲደ፣ ሀዋዳን ያጌዳ፤ “ህንተኖ እስራኤልያ አሳዉ፣ ታን ሀቻ ህንተንቶ ኦድያ አዋዩዋን ህግያ ሰሰተ፤ ህንተ ኤንቱንታ ታማርተን ሞንሲደ ኦሐተ።

2 መድና ጎዳይ ኦ ጸሳይ ሰና ደርያ ቦላን ኦናና ጫቁዋ ጫቁቲዳ።

3 መድና ጎዳይ ሀ ጫቁዋ ጫቁቲዳዌ ኦ አዎቱዋ ጸላላና ግደና፤ ሀቻ ደኡዋን ደእያ ኦ ኡባናካ ጫቁቲዳ።

4 ሄ ደርያ ቦላን ኤጵያ ታማ ግደን ግዲደ፣ መድና ጎዳይ ህንተ ሰንጎን ኤቁደ ህንተናና ሃሳዬዳ።

5 ታንካ ሄ ዎደ መድና ጎዳይ ግያዋ ህንተንቶ ኦዳናዉ፣ ጸሳጥን ህንተጥ ግዲዋን ኤቃድ፤ እያዉ ጎጥ፣ ህንተ ታማዉ ያዪደ፣ ደርያ ጉደ ከሰቢይክታ። ጸሳይካ ሀዋዳን ያጌዳ፤

6 “ግብጹ ጋድያጥ አይለተሳ ጎልያጥ ኔና ዎዜዳዌ ታን መድና ጎዳ ነ ጸሳ።

7 “ታጥ አትና፣ ሀራ ጸሳቱ ነዉ ደኡፕኖ።

8 “ቦላ ሳሉዋን ደእያዋ ግድና፣ ዎይ ጋርሳ ሳኣን ደእያዋ ግድና፣ ዎይ ሳኣጥ ጋርሳና ደእያ ሃሳ ግደን ደእያዋ ግድናካ፣ እያ ሞስልያን ነዉ ኤቃ ኦሐጥ።

9 ኔን ኤንቱንቶ ሆኮጋ፤ ዎይ ኤንቱንቶ ጎይኖጋ፤ እያዉ ጎጥ፣ ታን ታና እጵያዋንታ አዎቱዋ ናጋራ ድራዉ፣ ናናቱዋ ሄዘንጎሳ ኦይደንጎሳ የለታ ጋካናዉ ሙርያዋ፤ ታን፣ መድና ጎዳይ ነ ጸሳይ ቃናትያ ጸሳ።

10 ሸን ታን ታና ሲቅያዋንታ ታ እዛዙዋ ናግያዋንታ ሻእ የለታ ጋካናዉ ታ አገና ሲቁዋ በሳይ።

11 “መድና ጎዳ ነ ጸሳ ሱንጎሳ ጮ ጸሲጋ፤ እያዉ ጎጥ፣ መድና ጎዳይ ባረ ሱንጎሳ ጮ ጸሲያዋ ሙረናን አገና።

12 “መድና ጎዳይ ነ ጸሳይ ኔና እዛዜዳዋዳን፣ ጌሻ ኦላደ ሳምባታ ጋሳሳ ናጋ።

13 ኔን ኦላያ ኦሶ ኡባ ኡሱፑን ጋሳሳን ኦላ።

14 ሸን ላፑንጎሳ ጋላሳይ መድና ጎዳዉ፣ ነ ጸሳዉ ሳምባታ። ሄ ጋላሰ እይ ኦሶን ኦሐጥ፤ ኔን ዎይ ነ አቲማ ናአይ፣ ዎይ ነ ማጫ ናጋ፣ ዎይ ነ ቆማይ፣ ዎይ ነ ቦራይ፣ ዎይ ነ ሀራ፣ ዎይ ነ ሀራ መሄቱ፣ ዎይ ነ ካታማን ደእያ በቲ፣ ሄ ጋላሰ እያ ኦሶን ኦሐጥተ። ኔን ሸሞጥያዋዳን ነ አቲማን ማጫ ቆማቲካ ሸሞጥኖ።

15 ኔን ግብጹ ጋድያን አይልያ ግዳደ ደኤዳዋ ዶጎጋ፤ ቃይ መድና ጎዳይ ነ ጸሳይ ባረ ዎልቃማ ከሸያንን ባረ ሞጬቲዳ ቀሰያን ያጥ ኔና ከሴዳዋ ዶጎጋ። መድና ጎዳይ ነ ጸሳይ ሳምባታ ጋሳሳ ኔን ናጋናዳን፣ ኔና እዛዜዳዋካ ሄዋ ግሻሳ።

16 “መድና ጎዳይ ነገ ጸሳይ ነገ እምያ ጋድያን ነገ ኔረካ አዲቃና ማለን ነገ ሎእና ማለ፡ መድና ጎዳይ ነገ ጸሳይ ኔና አዛዜዳዋዳን፤ ነገ እጠቀን ነገ ዳዮ ቦንቻ።

17 “እሳ ዋጵ፡፡

18 “ሻርሙጸ፡፡

19 “ጠኦ፡፡

20 “ነ ሾሩዋ ቦላን ዋርዲዋ ማርካቶ፡፡

21 “ነ ሾሩዋ ማቻቶ አዋቶ፤ እ ጎልያ፡ እ ሾይቃ፡ እ አቱማ ቆማ፡ ዋይ እ ማጫ ቆማቶ፡ ዋይ እ ቦራ፡ ዋይ እ ሀርያ፡ ዋይ እጠ ደእያዋ እያን አዋቶ፡፡ ያጌዳ፡፡

22 “ደርያ ቦላን ታማ ግደ፡ ሻርያ ግደ፡ ሻርያ ግደ፡ ሻርያ ግደ፡ ሻርያ ግደ፡ መድና ጎዳይ ቆቆ ጌዳ ኮሻን ሸቁዋ ኡባጠ ደዳዳ ቃላቱ ሀዋንታ፤ እ ኡንቱንቱ ቦላን እያን ጉጅቤና። ቃይ ኡንቱንታ እ ላኡ ማሰቱዳ ሹቻቱ ቦላ ጸፊደ፡ ታጠ እጫዳ።

እሳ ያሻ (ከሳ 20:18-21)

23 “ደሪ ታማን ጸገትሽ፡ ጵማ ግደ፡ ኮሻ ህንተ ሰሴዳ ዋይ፡ ህንተ ዛርያ ካፓቱን ህንተ ጭማቱ ታኮ ጸደ፡፡

24 ሀዋዳን ያጌድታ፤ ብእ፡ ኡን መድና ጎዳ ኡ ጸሳ ኮሻ ታማ ግደ፡ ሰሴዳ ዋይ፡ መድና ጎዳይ ኡ ጸሳይ ባረ ቦንቹዋን ባረ አንጋ ኑና ቦሴዳ። ቃይ ኡን ጸሳይ አናና ሃሳዬደ አሳይ ደኡዋን ደአናጠ ዳንዳይያዋ ሀቼ ቦኤደ።

25 ሽን ሀ ዋልቃማ ታማይ ኑና ጳይሳናጠ ዳንዳይ፤ ያትና፡ ኡን እያጠ ሀይቁቶ? መድና ጎዳ ኡ ጸሳ ቃላ ኡን ላኡንሳ ሰሰ፡ ኡን ሀይቁቶ።

26 እያጠ ጎ፡ አሹዋ ማዬዳዋን፡ ኡን ሰሴዳዋዳን ታማ ግደ፡ ግደደ ሃሳይሽ፡ ደኦ ጸሳ ቃላ ሰሴደ፡ ፓጸ ደኤዳ አሳይ ኦኔ?

27 ሄዋ ድራጠ፡ ሙሴ! ኔን ሸቃይ፡ መድና ጎዳይ ኡ ጸሳይ ግያዋ ኡባ ሰሳ፤ መድና ጎዳይ ኡ ጸሳይ ነገ ኦድያዋ ኡባ ኔን ኑጠ ኦዳ፤ ኡንካ ሰሴደ ኦላና፡ ያጌድታ።

28 “ህንተ ታጠ ሃሳይሽ፡ መድና ጎዳይ ህንተ ግያዋ ሰሴደ፡ መድና ጎዳይ ታና ሀዋዳን ያጌዳ፤ ሀ አሳይ ነገ ኦድያዋ ኡባ ሰሳደ፤ ኡንቱንቱ ጌዳዋ ኡባ ልከ ጌድና።

29 ኡንቱንቱጠን ኡንቱንቱ ናናጠ መድናጠ ኡባባይ ሎእ ግዳናዳን፡ ታጠ ያያናጠን ታ አዛዙቱዋ ናጋናጠ ኡንቱንቶ ኡባቶካ ሀዋ ማላ ዋዛናይ ደኦ ኡረኔሻ!

30 ሀእ ኔን ባደ፡ ኡንቱንቱ ባረንቱ ዲንካንያጠ ስማናዳን ኦዳ።

31 ሽን ኔን ሀዋን ታ ማታን ኤቃሻ፤ ኡንቱንቱ ላታናዳን ታን ኡንቱንቶ እምያ ጋድያን ኡንቱንቱ ኦላና ማለ፡ ኔን ኡንቱንታ ታማርሳና ታ አዛዙዋ፡ ታ አዋዩዋን ታ ህግያ ኡባ ታን ነገ ኦዳና፡ ያጌዳ።

32 “ህንተና እሰራኤልያ አሳጠ፡ ሄዋ ግደ፡ መድና ጎዳይ ህንተ ጸሳይ ህንተና አዛዜዳዋ ኡባ ኦላናጠ ናገትት፤ አፕ ኡሸቻ ዋይ ሀድርሳ ጎፕተ።

33 ህንተ ደኡዋን ደአና ማለ፡ ኡባባይ ህንተንቶ እንጀታና ማለ፡ ቃይ ህንተ ላትያ ቢታንካ ህንተ አዲቁይ ደአና ማለ፡ መድና ጎዳይ ህንተ ጸሳይ ህንተና አዛዜዳ ኦኔ ኡባን ሄመትተ።

6

ዋልቃማ አዛዙዋ

1 “ህንተ ላታናጠ ብያ ጋድያን ህንተ ኦላናዳን ታን ህንተና ታማርሳና ማለ፡ መድና ጎዳይ ህንተ ጸሳይ ታና አዛዜዳ አዛዙቱ አዋኖቱን ሀገቱ ሀዋንታ።

2 ህንተ ላይላይ አዲሳ ግዳና ማለ፡ ህንተ፡ ህንተ ናናቱን ህንተ ናናቱ ናናይካ ታን ሆቻ ህንተና አዛዙያ ጸሳ አዋዩዋን ህግያ ናግያዋን ህንተ ላይላን ኡባን መድና ጎዳይ፡ ህንተ ጸሳይ ያይተ።

3 ህንተና እሰራኤልያ አሳጠ፡ ኡባባይ ህንተንቶ ሎእ ግዳናዳን መድና ጎዳይ፡ ህንተ አዋቱዋ ጸሳይ፡ ህንተንቶ ጌዳዋዳን፡ ማለን ኤሳ ጎግያ ጋድያን ህንተ ሎይሳ ጮራታናዳን፡ ሀ ሀገቱዋ ሰሰተን ምንሲደ ኦላተ።

4 “ኔና እሰራኤልያ፡ ሰሳ፤ መድና ጎዳይ ኡ ጸሳይ እት መድና ጎዳ።

5 ኔን መድና ጎዳ ነገ ጸሳ ነገ ኩሙንሳ ዋዛና፡ ነገ ኩሙንሳ ሸዋ፡፡ ስፕፕ፡ ነገ ኩሙንሳ ዋልቃ፡ ሲቃ።

5:16 ዛር. 27:16፤ ማቶ 15:4፤ 19:19፤ ማር. 7:10፤ 10:19፤ ሉቃ 18:20፤ ኤፈ. 6:2-3 5:17 ደሞሳ 9:6፤ ዋጋ 24:17፤ ማቶ 5:21፤ 19:18፤ ማር. 10:19፤ ሉቃ 18:20፤ ሮሞ 13:9፤ ያቆ 2:11 5:18 ዋጋ 20:10፤ ማቶ 5:27፤ 19:18፤ ማር. 10:19፤ ሉቃ 18:20፤ ሮሞ 13:9፤ ያቆ 2:11 5:19 ዋጋ 19:11፤ ማቶ 19:18፤ ማር. 10:19፤ ሉቃ 18:20፤ ሮሞ 13:9 5:20 ከሳ 23:1፤ ማቶ 19:18፤ ማር. 10:19፤ ሉቃ 18:20 5:21 ሮሞ 7:7፤ 13:9 5:22 አብራ. 12:18-19 6:4 ማር. 12:29 6:5 ማቶ 22:37፤ ማር. 12:30፤ ሉቃ 10:27

- 6 ሆኜ ታን ኔና እዛዝያ ሀ እዛዘቱዋ ነ ዋዘናን ዋላ።
- 7 ሀ እዛዘቱዋ ኔን ነ ናናቱዋ ታማርሳ፤ ኔን ነ ሶን ኡትያ ዋደ። ኦግያን ሀመትያ ዋደ። ግሰያ ዋደን ደንድያ ዋደካ ኡንቱንታ ሃሳያ።
- 8 ማላታ ኦላደ ነ ኩሽያን ኡንቱንታ ቃቻ፤ ቃይ ነ ሶምእያንካ ማላታዳን ዋላ።
- 9 ነ ፕንግያ ማቃንያ ቦላን ነ ድርሳ ፕንግያ ቦላን ኔን ኡንቱንታ ጻፋ።

እዛዘተናዋንቶ እመቲዳ ሴራ

- 10-11 “መጅና ጎዳይ ህንተ ጸሳይ ህንተንቶ እማና ጊደ ህንተ አዋቶ፣ አብራሃማው፣ ይሳቃውን ያቆባው ጫቄዳ፣ ህንተ ኪጾቢና ግታን ሎኦ ካታማቱ ኩሜዳ ቢታ እማና። ህንተ ኩንሰቢና ዱረታይ ኩሜዳ ጎለቱዋ፣ ህንተ ቦክቤና ኦላቱዋ፣ ህንተ ቶክቤና ዋይነቱዋን ዛይትያ ዋጋራቱዋ ህንተንቶ እምያ ዋደ፣ ህንተካ ሚደ ካሌዳ ዋደ፣
- 12 ህንተና ግብጾፕ፣ አይለተሳ ጋድያፕ ከሴዳ መጅና ጎዳ ደገናዳን ናገት።
- 13 መጅና ጎዳው፣ ህንተ ጸሳው፣ ያይተ፤ እ ጸላላው ጎይንተ፤ እ ሱንሳንካ ጫቄተ።
- 14 ህንተ ዩሹዋን ደእያ አሳይ ጎይንያ ሀራ ጸሳቶ ጎይኖፕተ።
- 15 እያው ጎፕ፣ ህንተ ግደን ደእያ መጅና ጎዳይ ህንተ ጸሳይ ቃናትያ ጸሳ፤ እ ሀንቁ ህንተ ቦላን ኡጽ ከሳና፤ እ ህንተና ቢታ ቦላፕካ ፕቲደ ቆይሳና።
- 16 “ማሳሀን ህንተ እ ፓጩዳዋዳን፣ መጅና ጎዳ ህንተ ጸሳ ፓጩፕተ።
- 17 መጅና ጎዳይ ህንተ ጸሳይ ህንተና እዛዘቱዋ፣ እ ዋጋቱዋን እ አዋጥቱዋ ምንሲደ ናግተ።
- 18 ህንተው ኡባባይ ሎእ ግዳና ማላ፣ መጅና ጎዳ ሰንሳን ህንተ ልከባን ሎኦባ ኦልተ። ያቶፕ፣ ህንተንቶ እማናው መጅና ጎዳይ ህንተ አዋቶ ጫቄዳ፣ ሄ ሎኦ ቢታ ህንተ ላታና።
- 19 መጅና ጎዳይ ባረ ጌዳዋዳን ህንተ ሞርከቱዋ ኡባ ህንተ ሰንሳፕ ዩርሳና።
- 20 “ሰንሳፕ ህንተ ናናይ፣ መጅና ጎዳይ ኦ ጸሳይ ህንተና እዛዘቱዋ ሀ ዋጋ፣ አዋዩዋን ሀግያ ብለላይ አዬ? ያጊደ ህንተና ኦችያ ዋደ፣
- 21 ህንተ ኡንቱንቶ ሀዋዳን ያጊደ ዛርተ፤ ኡን ግብጾ ጋድያን ግብጾ ካትያ አይለቱዋ፤ ሽን መጅና ጎዳይ ባረ ሞኖ ኩሽያን ኦና ግብጾፕ ከሴዳ።
- 22 ቃይ መጅና ጎዳይ ኦ ጾልሽን፣ ግብጾ ቢታ ቦላን፣ ግብጾ ካትያ ቦላን እ ሱንሳቱዋ ኡባ ቦላን ግታን ያሽያ ማላታቱዋን ማላልሰያባቱዋ ኦሴዳ።
- 23 ሽን እ ኦ ማይዘ አዋቶ እማና ጊደ ጫቄዳ ቢታ ኦና ገልሲደ፣ ኦው እማናው ኦና ግብጾፕ ከሴዳ።
- 24 ያቲደ ሆች በእያዋዳን፣ ኦው ኡባ ዋደካ ሎእ ግዳና ማላን ኦን ደኡዋን ደእና ማላ፣ መጅና ጎዳይ ኦና ሀ አዋጥቱዋ ኡባ ናጋናዳን መጅና ጎዳው፣ ኦ ጸሳው፣ ያናናዳን እዛዘቱዳ።
- 25 እ ኦና እዛዘቱዳዳን፣ መጅና ጎዳ፣ ኦ ጸሳ፣ ሰንሳን ሀ እዛዘቱዋ ኡባ ምንሲደ ናጎፕ፣ ሄዋ ኦው ጽሎተሳ ግዳና፣ ያግተ።

7

ጸሳይ ዶሬዳ አሳ (ከሳ 34:11-16)

- 1 “መጅና ጎዳይ ህንተ ጸሳይ ህንተ ላታናው ብያ ቢታ ህንተና ገልሰያ ዋደነ፣ ቃይ ህንተፕ ዋልቃምያን ምንያ ላፕን ካወተሳቱዋ፣ ሄዋንቱካ ሂተቱዋ፣ ገርጌሰቱዋ፣ አሞረቱዋ፣ ካናነቱዋ፣ ፓርሰቱዋ፣ ሄዋቱዋን ያቡሳቱዋ ህንተ ሰንሳፕ ጶቆልያ ዋደ፣
- 2 ኡንቱንቱካ መጅና ጎዳይ ህንተ ጸሳይ ህንተ ኩሽያን አላ እምና፣ ህንተ ኡንቱንታ ጸንያ ዋደ፣ ኡንቱንታ ኡባና ሱፑ ኦላደ ቆይሰተ። ኡንቱንቱና እያ ጫቄዋን ጫቄቶፕተ። ኡንቱንቶ አይነ ቃረቶፕተ።
- 3 ህንተ ኡንቱንቱና አከቶፕተን ገለቶፕተ። ህንተ ማጫ ናናቱዋ ኡንቱንቱ አቱማ ናናው አሞፕተ። ዋይ ኡንቱንቱ ማጫ ናናቱዋን ህንተ አቱማ ናናው አከፕተ።
- 4 እያው ጎፕ፣ ኡንቱንቱ ህንተ ናናቱዋ ታና ካልያዋፕ ሀራ ኤቃቱዋ ጎይናናዳን፣ ዋራ ዛራና። ሄ ዋደ መጅና ጎዳ ሀንቁ ህንተ ቦላ ኡጽ ከሳና፤ ህንተናካ ኡለካ ቆይሰ ባሻና።
- 5 ሄዋ ድራው፣ ኡንቱንቱ ያርሽያ ሳኦ ኮልተ። ኡንቱንቱ ጎይንያ ሹቻቱዋ መንጋሬልተ። አሹር ግያ ማጫ ጸሳት ሞሰልያ ክንቼሬልተ፤ ኡንቱንቱ ማሰቲዳ ሞሰለቱዋካ ታማን ጸግተ።
- 6 እያው ጎፕ፣ ህንተ መጅና ጎዳው፣ ህንተ ጸሳው፣ ገሻ አሳ። መጅና ጎዳይ ህንተ ጸሳይ ህንተና ባረው ዱማ አልኦ ሚሻ ግድያ አሳ ኦላደ፣ ቢታ ቦላን ደእያ አሳ ኡባፕ ዶሬዳ።



- 7 “መድና ጎዳይ ህንተና ሲቆዳዋን ደራዳዌ ህንተ ሀራ አሳጥ ፓይዲዋን ዳሬዳ ግሻሳ ግድና። ህንተ ሀራ አሳ ኡባጥካ ፓይዲዋን ጉጽያዋንታ።
- 8 ሽን መድና ጎዳይ ህንተና ሲቆዳ ግሻሻ ህንተ ማይዛ አዋቶ ጫቁዳ ጫቁዋ ናጌዳ ድራሬ። እ ህንተና እይላተላ ጋድያጥ፡ ግብጹ ካትያ ኩሽያጥ፡ ባረ ዋልቃማ ኩሽያን ከሴዳነ ዋዜዳ።
- 9 ሄዋ ድራሬ፡ መድና ጎዳይ ህንተ ጸሳይ ጸሳ ግድያዋ ኤርተ። እ ባረና ሲቆያዋንቶነ ባረ አዛዙዋ ናግያዋንቶ ሻእ የለታ ጋካና፡ ባረ አገና ሲቆዋ ጫቁዋ ናግያ፡ አማነትያ ጸሳ።
- 10 ሽን እ ባረና እጽያዋንቶ ኡንቱንቴ ታልእያ ዛሬ፤ እ ኡንቱንቴ ታልእያ ዛሬናዉ ጋምኤና።
- 11 ሄዋ ድራሬ፡ ታን ሀቶ ህንተንቶ እምያ አዛዙቱዋ፡ አዋዮቱዋን ሀገቱዋ ናግተ።

**ጸሳዉ አዛዙትና ቤትያ አንጂዋ**  
(28:1-14)

- 12 “ህንተ ሀ አዛዙቱዋ ሰሲደ፡ ኡንቱንታ ምንሰ ናግተ፡ መድና ጎዳይ ህንተ ጸሳይ ህንተ ማይዛ አዋቶ ጫቁዳዋድን፡ ባረ አገና ሲቆዋ ጫቁዋ ህንተንቶ ናግተ።
- 13 እ ህንተና ሲቃና፤ ህንተና አንጅና፤ ህንተ ፓይዲዋ ዳርሳና። ቃይ እ ህንተንቶ እማናዉ ህንተ ማይዛ አዋቶ ጫቁዳ ጋድያን ህንተ ኡሉዋ እይፍያ፡ ህንተ ቢታ እይፍያ፡ ካሳ፡ ዋይንያ፡ ዛይትያ፡ ህንተ መሃያ ማራቱዋን ህንተ ደርሳ ማራቱዋ ጮርሲደ አንጅና።
- 14 ህንተ ሀራ እይ አሳጥን እጂደ እንጀቱዳዋንታ ግዳና። እቱነ እቱማ ግድና፡ ማጫ ግድና ማይነና። ህንተ መሂካ ማይነና።
- 15 መድና ጎዳይ ሀርገ ኡባጥ ህንተና ናግተ። ህንተ ኤርያ ግብጹ ቢታ ኢታ ሀርግያ ህንተ ቦላ እሄና፤ ሽን እ ህንተና እጽያ ኡባ ቦላን ሂ ሀርግያ አህና።
- 16 መድና ጎዳይ ህንተ ጸሳይ ህንተንቶ አል እምያ አሳ ኡባ ጃይሰተ፤ ኡንቱንቶ አይነ ቃረቶጥተ። ኡንቱንቴ ጸሳቱዋዉካ ጎይኖጥተ። እያዉ ጎጥ፡ ሄዋ ህንተንቶ ጲረ ግዳና።
- 17 “ህንተ ህንተ ዋዛናን፡ ‘ሀ ካዉተላቱ ኑጥ ምኒና፤ ያትና፡ ኑን ኡንቱንታ ዋቲደ የደርሰ ከሳኔ?’ ጋጋዉ ዳንዳይታ።
- 18 ሽን ኡንቱንቶ ያኖጥተ። መድና ጎዳይ፡ ህንተ ጸሳይ፡ ግብጹ ካትያ ቦላን ግብጹ ቢታ ኡባ ቦላ አሌዳዋ ሀሳይተ።
- 19 መድና ጎዳይ ህንተ ጸሳይ ህንተና ግብጹጥ ከሰያ ዋይ ኦሌዳ ዋልቃማ ቦሻቱዋ፡ ማላታቱዋ፡ ማላልሰያባቱዋ፡ እ ዋልቃማ ኩሽያን እ ምጨቲዳ ቀሰያ ህንተ ህንተ እይፍያን በኤድታ። ሀእ ህንተ ያይያ አሳ ኡባ ቦላንካ መድና ጎዳይ፡ ህንተ ጸሳይ ሄዋዳን ኦላና።
- 20 ቃይ ኡንቱንቴጥ አሊደ ባቃቲደ፡ ህንተጥ ቆሰቲዳዋንቱካ ጃያና ጋካና፡ መድና ጎዳይ ህንተ ጸሳይ ኡንቱንቴ ግድን ሻብረላ የዳና።
- 21 “ሄዋ ድራሬ፡ ህንተ ኡንቱንቶ ያኖጥተ፤ እያዉ ጎጥ፡ ህንተናና ደእያ መድና ጎዳይ፡ ህንተ ጸሳይ፡ ግታን ያሽያ ጸሳ።
- 22 መድና ጎዳይ ህንተ ጸሳይ ሂ ካዉተላቱዋ ጉሳ ጉሳ ዶቆሊደ፡ ህንተ ሰንሳጥ ጃይሳና። ህንተ ኡንቱንታ ኡባ እት ኩላን ጃይሰክታ፤ ሄዋ ህንተ ኡላጥ፡ ጋድያን ደእያ ደእቱ ዳሪደ፡ ህንተና ዋይሳና።
- 23 ሽን መድና ጎዳይ ህንተ ጸሳይ ኡንቱንታ ህንተ ኩሽያን አል እማና፤ ኡንቱንቴ ጃያና ጋካና፡ እ ኡንቱንታ ሻብራና።
- 24 ቃይ ኡንቱንቴ ካተቱዋካ እ ህንተ ኩሽያን አል እማና። ህንተካ ኡንቱንቴ ሱንላ ሳሉዋጥ ጋርሳ ባጋጥ ጥቲደ ጃይሳና። ኡንነ ህንተናና ኤቀት ዳንዳየና፤ ህንተ ኡንቱንታ ጃይሳና።
- 25 “ማሰቲዳ ኡንቱንቴ ጸሳቱዋ ምሰለቲዋ ታማን ጸግተ። ሂ ምሰለቲዋ ቦላን ደእያ ብራ ዋይ ዋርቃ እሞቶጥተ። ሄዋ መድና ጎዳይ፡ ህንተ ጸሳይ፡ ቱና ግድያ ድራሬ፡ ህንተ እ ጲርያን ኦይቀተናዳን፡ እ ህንተንቶ እኩጥተ።
- 26 ህንተ ሂ ቱና ኢቃቱዋ ህንተ ጎላ ገልሲደ፡ ኡንቱንቱዳን ሸቀቲዳዋንታ ግድጥተ። ህንተ ኡንቱንታ ኡባናካ እጽተነ ሻተትተ፤ እያዉ ጎጥ፡ ኡንቱንቴ ባረንቴ ሁጲያዉ ሸቀቲዳዋንታ።

**8**

**ላትያ ሎኦ ቢታ**

- 1 “ህንተ ደኡዋን ደእና ማላ፡ ህንተ ፓይዲካ ዳራና ማላነ መድና ጎዳይ ካሰ ህንተ ማይዛ አዋቶ እማና ጌደ ጫቁዳ ቢታ ገሊደ፡ ህንተ ላታና ማላ፡ ሀቶ ታን ህንተና አዛዘያ አዛዙዋ ኡባ ምንሲደ ናግተ።
- 2 መድና ጎዳይ ነ ጸሳይ ነዉ እሜዳ አዛዙዋ ነ ናግንቶ ናገነንቶ፡ ነ ዋዛና ቆፋ ኤራናዉ፡ ኔና ፓጫናዉን ኔና ዝቁ ኦላናዉ፡ ኦይታሙ ላይላ ኩመንሳ እ ኔና ባዙዋን ካለሌዳ ኦገ ኡባ ሀሳያ።

3 እ ኔና ዝቁ ኦሌዳን ኮሻይሴዳ፤ ሄዋጥ ሰሚደ ኔና ግድና፣ ዎይ ነ ማይዛ እዎቱዋ ግድናካ፣ ኢረና ማና ኔና ምዚዳ። ሄዋ እ ኦሌዳዌ አሳይ መድና ጎዳይ ሃሳይያ ቃላ ኡግናጥ እትና፣ ኡክሳ ጸላላን ደኤናዋ ኔና ታማርሳሳና።

4 ሀ ኡይታሙ ላይላቱዋ ግደን ኔን ማይዳ ማዩ ወርቢና፤ ነ ገዳካ ጋርቢና።

5 ያቶጥ፣ አሳይ ባረ ናኦ ሲርያዋዳን፣ መድና ጎዳይ ነ ጸሳይካ ኔና ሲርያዋ ነ ዎዛናን እኩካ።

6 “እ ኡግያን ሀመትያዋንን እ ቦንቶያዋን መድና ጎዳ ነ ጸሳ እዛዙቱዋ ናጋ።

7 እያወ ጎጥ፣ መድና ጎዳይ ነ ጸሳይ ኔና ዛንጋራጥን ደርያጥ ፕልትያ ቄር ሻፋቱን ጎግያ ፕልቶቱ ደእያ ሎኦ ቢታ ገልሳናወ አሂ።

8 ሄ ቢታይ ዛርጋይን ባንጋይ፣ ዎይኔ፣ ባላሲን ሮማኔ፣ ዎጋራ ዛይቲን ኤሳይ ኩሜዳ ቢታ።

9 ቃይካ ሄ ቢታይ ኡክሳይ ፓጩናን ኔን ምያ ቢታ፤ እያይን ነዉ ፓጩና ቢታ። ሄ ቢታይ ሹቻይ ብራታ ግዳዳ ቢታ። ደርያጥካ ማዳብያ ግያ ብራታ ቦኪደ እክያ ቢታ።

10 ኔን ሄዋን ማደ ካላና፤ ያታደ፣ እ ነዉ እሜዳ ሎኦ ቢታ ድራዉ፣ መድና ጎዳ ነ ጸሳ ጋላታና።

ጸሳ ደግያዎንቶ እመቲዳ ሴራ

11 “ኡታን ሀች ኔና አዛዝያ እ አዛዙቱዋ፣ እ ሀገቱዋን እ አዎዮቱዋ ናገናን አጋደ፣ መድና ጎዳ ነ ጸሳ ደገናዳን፣ ናገታ።

12 ኔን ማደ ካልያ ዎይ፣ ሎኦ ጎልያ ኬጸደ እን ኡትያ ዎይ፣

13 ነ መሀያን ደርሳ ዉዲ ዳርያ ዎይ፣ ነዉ ብራይን ዎርቃይ ዳጋትያ ዎይ፣ ቃይ ነዉ ደኤዳባይ ኡባይ ዳርያ ዎይ፣

14 ሄ ዎይ ነ ዎዛናይ ኦቶረተናዳን፣ ኔንካ ግብጹ ጋድያጥ፣ አይለተላ ጎልያጥ ኔና ዎዜዳ መድና ጎዳ ነ ጸሳ ደገናዳን ናገታ።

15 እ ኔና ማርዝያና ደእያ ሹሻይን ማሰማሱ ኩሜዳ፣ ሃሳይ ባይና፣ ሄ ግታን ያሽያ መላ ቢታና ካለሌዳ፤ እ ነዉ መላ ባዙዋን ዛላጥ ሃላ ጹሴዳ።

16 ነ ማይዛ እዎቱ ኡረና ማና መላ ቢታን ኔና ምዜዳዌ፣ ኔና ዝቁ ኡዳናሳን ኔና ጥጫሳ፤ እ ሄዎ ኦሌዳዌ ወርሰላን ነዉ ኡባባይ ሎኦ ግዳናዳና።

17 ኔን፣ ኡጥ ዎልቃይን ታ ኩሽያ ምናተላይ ሀ ዱረተላ ታዉ አሂዳ፣ ገናዳን ናገታ።

18 ሽን ናጋ መድና ጎዳ ነ ጸሳ ሀሳያ፤ እያወ ጎጥ፣ ሀች ኔን በእያዎዳን፣ ነ ማይዛ እዎቱዋና ጫቀቲዳ ጫቀዋ ምንጎናዉ፣ ኔን ዱረታ ደማናዳን ነዉ ዎልቃ እሜዳዌ አቲ።

19 “ኡን መድና ጎዳ ነ ጸሳ ደጎጥ፣ ሀራ ጸሳቱዋ ካሎጥ፣ ቃይ ኡንቱንቶ ኦላጥን ጎይናጥ፣ ኔን ቱሙ ጳያናዋ ታን ሀች ማርካታይ።

20 መድና ጎዳዉ፣ ነ ጸሳዉ፣ ኔን አዛዘተናን እጹዳ ድራዉ፣ መድና ጎዳይ ነ ሰንሳጥ ጳይሴዳ ካዉተላቱዋዳን ኔንካ ጳያና።

9

አሳይ አዛዘተናን እጹዳዎ

(ከሳ 32:1-35)

1 “ሀንተና አሰራኤልያ አሳዉ ሰስተ፤ ሀንተ ሀንተጥ ግታትያን ዎልቃዎያ ካዉተላቱዋ፣ ቃይ ዩሹዋ ግምቢ ሳሉዋ ጋኬዳ ዎልቃማ ካታማቱዋካ ላታናዉ ሀች ዮርዳኖሳ ፕኒታ።

2 ሄ ጋድያን ደእያ አሳይ ምናን ኡዳሳ፤ ኡንቱንቱ፣ ኡንን ኡንቱንቱና ኡቃታናዉ ዳንዳየና አናቀ ዛራቱዋ ጊሸና፣ ሀንተ ሰሴድታ።

3 ሽን ምያ ታማዳን ሀንተጥ ሰንሳጥ ብያዌ መድና ጎዳ ሀንተ ጸሳ ግድያዎ ሀች ኤርተ። እ ኡንቱንታ ጳይሳናን ሀንተ ሰንሳጥ ኡንቱንታ ካዉሻና። መድና ጎዳይ ሀንተንቶ ጌዳዎዳን ሀንተ ኡንቱንታ ዩደርሲደ ከሳናን ባሱዋናካ ጳይሳና።

4 “መድና ጎዳይ ሀንተ ጸሳይ ኡንቱንታ ሀንተ ሰንሳጥ ዩደርሲዳዋጥ ጉይያን፣ ሀንተ ሀንተ ዎዛናን፣ ኡን ጸሎ ግድያ ድራዉ፣ ሀ ቢታ ኔን ላታና ማላ፣ መድና ጎዳይ ኔና ገልሴዳ፣ ያገኘተ። መድና ጎዳይ ኡንቱንታ ሀንተ ሰንሳጥ ዩደርሲደ ከሰያዌ፣ ኡንቱንቱ ኢታ ግድያ ግሻ።

5 ሀንተ ኡንቱንቱ ቢታ ላታናዉ ገልያዌ ሀንተ ጸሎ፣ ሱረ ግድያ ድራሳ ግድና፤ ሽን ጸሳይ ሀንተ ጸሳይ ኡንቱንታ ሀንተ ሰንሳጥ ዩደርሲያዌ ሀ ካዉተላቱ ኢታ ግድያ ድራሳን በን ሀንተ ማይዛ አዎቶ፣ አብራሃማዉ፣ ይሳቃዉን ያቆባዉ ጫቁዳ ቃላ ናጋና።

6 ስዎ ሀዋ ግደጥ ሀንተ ሀዋ እኩክተ፤ መድና ጎዳይ ሀንተ ጸሳይ ሀ ሎኦ ቢታ ሀንተና ላትሰያዌ ሀንተ ጸሎተላ ግሻሳ ግድና፤ እያወ ጎጥ፣ ሀንተ ሞርግያ ዘዲ ጌዳ አሳ።

7 “ሀንተ መድና ጎዳ ሀንተ ጸሳ መላ ቢታን ዎት ሀንቀሌድተንቶ ደጎኘተ፤ ሀንተ ግብጹ ጋድያጥ ከሴዳ ጋላሳጥ ደሚደ፣ ሀች ሀ ሳኦ ጋኬዳ ጋላሳይ ጋካናዉ፣ መድና ጎዳ ቦላ ማካሌድታ።

8 ሲና ደርያ ቦላካ መድና ጎዳይ ህንተና ቆይሳናዉ ደንዳና ጋካናዉ፤ ህንተ መድና ጎዳ ህንቀሌድታ።

9 መድና ጎዳይ ህንተናና ጫቀቲዳ ጫቁ ጸፈቲዳ ማሰቲዳ ሹቻቱዋ አካናዉ ታን ደርያ ሁጲያ ከሴዳ ዋይ፤ ሄዋን ካላ ማናንነ ሃላ ኡሸናን፤ ኦይታሙ ጋላሳነ ኦይታሙ ቃማ ጋምኣድ።

10 ሄዋጥ ጉይያን፤ ጸላ ብራድያን ጸፈቲዳ ላኡ ማሰቲዳ ሹቻቱዋ መድና ጎዳይ ታዉ እማዳ። ሄ ማሰቲዳ ሹቻቱ ቦላ ህንተ ሸቁዋ ኦሌዳ ጋላሰ ደርያ ቦላን ታማ ግደን ግዲደ፤ መድና ጎዳይ ህንተንቶ ሃሳዬዳ ቃላቱ ኡባይ ጸፈት ኡቲድኖ።

11 ሄ ኦይታሙ ጋላሳጥነ ኦይታሙ ቃማጥ ጉይያን፤ መድና ጎዳይ ባረ ጫቁ ጸፈቲዳ ላኡ ማሰቲዳ ሹቻቱዋ ታዉ እማዳ።

12 “ሄዋጥ ጉይያን፤ መድና ጎዳይ ታና ሀዋዳን ያጌዳ፤ ሀዋጥ ኦሊካ ዋቆ፤ እያዉ ጎጥ፤ ኔን ግብጾጥ ከሴዳ ነ አሳይ ቱን ክቼዳ፤ ታን ኡንቱንታ ኡክዜዳ ኡክዛዋጥ ኡሊካ ዋራ ሰሚደ፤ ሲልሲደ መዲዳ ኤቃ ባረንቶ ጎይናናዉ ጊግሴድኖ” ያጌዳ።

13 “መድና ጎዳይ ቃይካ ታና፤ ታን ሀ ኦላ ባኣድ፤ ኡንቱንታ ቱሙካ ሞርግያ ዞዛ ኦላ።

14 ያቶጥ፤ ታን ኡንቱንታ ቆይሳናዋን ኡንቱንታ ሰንላካ ሳሉዋጥ ጋርሳ ባጋጥ ቁጫናዋ ታና ድጎጋ። ያጋደ ኔና ኡንቱንቱጥ ሞንያን ጮራትያ ካዉተላ ከሳና” ያጌዳ።

15 “ታን ጫቁዋ ቃላይ ጸፈቲዳ ላኡ ማሰቲዳ ሹቻቱዋ ላኡ ኩሸያን ቶካደ ደርያጥ ዋቆኣድ፤ ሄ ዋደ ደርያ ቦላ ታማ ላጩ ቤቱ።

16 ታ ጼልያ ዋደ፤ ህንተ መድና ጎዳ ህንተ ጸላ ቦላ ናጋራ ኦሌዳዋ ባኣድ፤ ህንተ ሲልሲደ መዲዳ ኩራማ ሞሰልያ ህንተንቶ ኤቃ ኦሌደ ጊግሴድታ። ህንተ መድና ጎዳይ ህንተና ኡክዜዳ ኡግያጥ ኡሊካ ዋራ ሰሚድታ።

17 ያትና፤ ታን ታ ላኡ ኩሸያን ኦይቁዳ ላኡ ማሰቲዳ ሹቻቱዋ ኦላደ፤ ህንተ ጸልሸን መንላድ።

18 “ሄዋጥ ጉይያን፤ ታን ህንተ ኦሌዳ ናጋራ ኡባ ድራዉ፤ ሄዋን መድና ጎዳ ህንቀላናዉ ህንተ ኦ ሰንላን ኢታባ ኦሌዳ ድራዉ፤ ካሰዋዳንካ ኦይታሙ ጋላሳነ ኦይታሙ ቃማ መድና ጎዳ ሰንላን ጉፋናደ ጋምኣድ፤ ሄ ዋደ ታን ቁማ ማባይከ፤ ሃላካ ኡሸባይከ።

19 መድና ጎዳይ ህንተ ቦላን ህንቀቲዳ ኦ ኤጽያ ህንቆ ታን ያያድ፤ እያዉ ጎጥ፤ ኦ ህንተና ቆይሳናዉ ጊጌዳ፤ ሸን መድና ጎዳይ ዛረሲደካ ታዉ ሰሴዳ።

20 ቃይ መድና ጎዳይ አርናካ ቆይሳናዉ ሎይላ ህንቀቲዳ፤ ያትና፤ ሄ ዋደ ታን አርናዉካ ዋሳድ።

21 ታን ህንተ መዲዳ ሄ ናጋራን ኩሚዳ ኩራማ ሞሰልያ አካደ፤ ታማን ጸጋድ፤ ያጋደ ኦ ክንቼራላደ ኦ ባናዳን ሊቃና ጋካናዉ ጋጫድ፤ ሄ ባና ደርያጥ ጎግያ ሃላን ኦላድ።

22 “ህንተ ቃይካ ታብኤራን፤ ማሳሃንነ ቅብርተ-ሀታዋን (ኦሙዋ ዲፋዋን) መድና ጎዳ ህንቀሌድታ።

23 መድና ጎዳይ ህንተና፤ ብሁ፤ ታን ህንተንቶ እሚዳ ቢታ ላትተ” ያጌደ፤ ቃይሳ-ባርነጥ ዩዳዳ ዋደካ፤ ህንተ መድና ጎዳ ህንተ ጸላ ኡክዛዋ ኡጲደ ማካሊድታ፤ ኦን ኡማነትባይክታ ዋይ ኦ ቃላዉካ ኡክዛትባይክታ።

24 ታን ህንተና ኤርደጥካ ደሚደ፤ ህንተ መድና ጎዳ ቦላን ማካላንቻ።

25 “መድና ጎዳይ ህንተና ቆይሳና ጌዳ ድራዉ፤ ታን ሄ ኦይታሙ ጋላሳነ ኦይታሙ ቃማ መድና ጎዳ ሰንላን ጉፋናደ ጋምኣድ።

26 ታን መድና ጎዳ ሀዋዳን ያጋደ ዋሳድ፤ ኦቤት ኡባ ሞድያ መድና ጎዳዉ፤ ኔን ነ ዋልቃማ ዋልቃን ዋዜዳን ነ ሞኖ ኩሸያን ግብጾጥ ከሴዳ፤ ነዉ ላታ ግድያ ነ ኦላ ቆይሶጋርኪ!

27 ነ ቆማኑዋ፤ ኡብጋሃማ ይሳታን ያቆባ ቆጋ፤ ሀ ኦላ ሞርግያ ዞዳ ኦላያዋ፤ ኡንቱንቱ ኢታተላን ኡንቱንቱ ናጋራ ገይደጋ።

28 ሄዋ ቆየጥ፤ ኔን ኦና ያጥ ከሴዳ ግብጾ ቢታ ኦሳይ፤ “መድና ጎዳይ ኡንቱንታ ገልሳና ጌዳ ቢታ ገልሳናዉ ዳንዳይቤና ድራዉን ኡንቱንታ ኡጼዳ ድራዉ፤ መላ ቢታን ዋቆ፤ ጊደ ከሴዳ” ያጋና።

29 ግደ ሸን፤ ሀ ኦሳይ ኔን ነ ዋልቃማ ዋልቃን ነ ሞጨቲዳ ቀሰያን ግብጾጥ ከሴዳ ነ ላታ ግድያ ነ ኦሳቲ” ያጋድ።

### 10

ሙሴ ታሙ ኡክዛቱዋ ላኡክሉዋ እኬዳ (ከሳ 34:1-10)

1 “ሄ ዋደ መድና ጎዳይ ታና ሀዋዳን ያጌዳ፤ ሐይሮዋንቱ ማላ ላኡ ማሰቲዳ ሹቻቱዋ ገግሳ። ያጋደ ታኩ ደርያ ሃ ጥደ ከሳ፤ ቃይ ሞላ ታቦታካ መቆ።

2 ካለ ኔን መንጭዳ ማስቲዳ ሹቻቱ ቦላ ደለያ ቃላቱዋ ሀ ማስቲዳ ሹቻቱ ቦላ ታን ጸፋና፤ ኔንካ ኡንቲንታ ታቦታ ግደን ዋሳሳን ያጌዳ።

3 “ታን ኦደረፍጥ ታቦታ መጻፍ። ካለዋንቱ ማላ ላኡ ማስቲዳ ሹቻቱዋካ ጊግሳድ፤ ያታደ ሄ ላኡ ማስቲዳ ሹቻቱዋ ታ ኩሽያን ኦይቃዳ፤ ደርያ ፑደ ከሳድ።

4 ሀንተ ሸቁዋ ኦፊዳ ጋለስ፤ ደርያ ቦላን ታማ ግደጥ መፅና ጎዳይ ሀንተንቶ ኦዳዳ ቃላቱዋ፤ ሄዋንቲካ ታሙ አዘዘቱዋ፤ ካለ ጸፊዳዋዳንካ ሀ ማስቲዳ ሹቻቱ ቦላ መፅና ጎዳይ ጸፊዳ፤ ያቲደ እ ኡንቲንታ ታዉ አማዳ።

5 ሄዋጥ ጉይያን፤ ታን ደርያጥ ዱገ ዋጻደ፤ መፅና ጎዳይ ታና አዘዘቲዋዳን፤ ሄ ማስቲዳ ሹቻቱዋ ታን መጫዳ ታቦታ ግደን ዋሳድ፤ ሀኡካ ኡንቲንቱ ያን ደኢና።

6 “እስራኤልያ አሳይ ያእቃና አሳቱ ሃሳ ኦላይ ደኢያሳጥ ደንዲደ፤ ሞሰር ቤድና። አርን ያን ሀይቁደ ሞገቲዳ፤ እ ናኦይ ኤልእዛር አ ላቲደ፤ እ ሳኦን ቁሰያ ከሴዳ።

7 ኡንቲንቱ ሄዋጥ ጉድጎዳ ግሳሳ ቤድና፤ ያጥ ቃይ ጎግያ ሃላቱ ደኢያ ቢታ የጽባታ ግሳሳ ቤድና።

8 ሄ ዋደ፤ መፅና ጎዳ ጫቁዋ ታቦታ ቶካና ማላ፤ መፅና ጎዳዉ ኦሳና ማላ፤ እ ሰንሳን ኤቃና ማላ፤ ሀች ጋካናዉካ ኡንቲንቱ ኦፊዳዋዳን መፅና ጎዳ ሰንሳን እንጅና ማላ፤ ለዊያ ዛራቱዋ መፅና ጎዳይ ባረዉ ዲማዬዳ።

9 ሄዋ ድራዉ፤ ኡንቲንቱ እሻቱዋና ሻክና፤ ኡንቲንታ ጋክያባይ ዋይ ላታይ ለዊያ ዛረቶ ባዋ፤ መፅና ጎዳይ ሀንተ ጸሳይ ኡንቲንቶ ኦዳዳዋዳንካ፤ ኡንቲንቱ ላታይ መፅና ጎዳ።

10 “ታን ካለዋዳንካ ኦይታሙ፤ ጋላሳን ኦይታሙ፤ ቃማ ደርያ ቦላን ጋምእድ፤ መፅና ጎዳይ ሀኡካ ታ ዋሳ ሰሲደ፤ ሀንተና ጻይሳናዉ ኮይቤና።

11 መፅና ጎዳይ ታና፤ ታን እማና ጋደ ኡንቲንቱ አዋቶ ጫቃ ዋጻዳ ቢታ ኡንቲንቱ ገላናዳንከ ላታናዳን፤ ሀ አሳጥ ሰንሳና ኡንቲንታ ካለላን ያጌዳ።

**ጸሳይ ኮይያዌ አዘዘትያዎ**

12 “እስራኤልያ አሳዉ፤ መፅና ጎዳ ሀንተ ጸሳይ ሀንተጥ ኮይያዌ ሀዋ፤ መፅና ጎዳዉ፤ ሀንተ ጸሳዉ፤ ያይተ፤ እ ኦግን ኡባን ሀመትተ፤ እ ሲቅተ፤ ሀንተ ኩመንላ ዋዛናጥን ኩመንላ ሸምጥጥጥ መፅና ጎዳዉ፤ ሀንተ ጸሳዉ አላተ።

13 ሀንተዉ ሎአናዳን፤ ታን ሀች ሀንተንቶ እምያ መፅና ጎዳ አዘዘቱዋን አዋቶቱዋ ናግተ።

14 “ሳሉ፤ ሳሉዋጥ ቦላና ደኢያ ሳሎቱ፤ ቃይ ሳኦይን ሳኦን ደኢያ ኡባባቱ ጸሳ ሀንተ መፅና ጎዳባቱዋ።

15 ግደጥን መፅና ጎዳይ ሀንተ ማይዛ አዋቱዋን ናሸቲደ፤ ኡንቲንታ ሲቄዳ፤ ቃይ ሀች ሀንተ በእያዋዳን፤ ኡንቲንቱጥ ጉይያን ኡንቲንቱ ዘረላቱዋ ግድያ ሀንተና ካዉተላቱዋ ኡባጥ ደሬዳ።

16 ሄዋ ድራዉ፤ ሀንተ ዋዛና ሸኩዋ ቃጸርተ፤ ቃይ ሀዋጥ ሰንሳናዉ ሞርግያ ዘዘ ግደጥተ።

17 እያዉ ጎጥ፤ መፅና ጎዳይ ሀንተ ጸሳይ ጸሳቱዋ ጸሳን ጎዳቱዋ ጎዳ። እ ዋልቃማ ጸሳ፤ እ ዋልቃማን ያሸያ ጸሳ። እ ዳሙዋ ጸል ፕርደናዋን ማጋንጸ አከናዋ።

18 እ አዉ ባይና ናናቶን እምኤቶ ኡንቲንቱ ፕርዳ ከሲ፤ በትያካ ሲቁደ፤ ቁማን ማዌዋ አዉ አማ።

19 ሀንተካ በተቱዋ ሲቅተ፤ እያዉ ጎጥ፤ ሀንተ ሀንተ ሀጺያዉካ በተ ግዲደ ግብጾን ደኤድታ።

20 መፅና ጎዳዉ፤ ሀንተ ጸሳዉ፤ ያይተ፤ አዉ ኦላተ፤ አናና ኦይቅትተ፤ እ ሰንሳንካ ጫቁተ።

21 ሀንተ ሀንተ ኦይፍያን በኤዳ ሄ ግታን ያሸያ ማላልሰያባቱዋ፤ ሀንተንቶ ኦፊዳዋ እ ሀንተ ጋላታቱ፤ ቃይ ሀንተ ጸሳ።

22 ግብጾ ቢታ ዋጻዳ ሀንተ ማይዛ አዋቱ ኡባና ላፑን ታማ፤ ሀኡ መፅና ጎዳይ ሀንተ ጸሳይ ሀንተና ሳሉዋ ጸልንተቱዋዳን ጮራዬዳ።

**11**

**አዘዘቲሳን ቤትያ እንጅዋ**

1 “ሰም መፅና ጎዳ ሀንተ ጸሳ ሲቅተ፤ እ ሀንተጥ ኮይያ እ አዋቶቱዋ፤ እ ሀንቲዋን እ አዘዘቱዋ፤ ኡባ ዋደ ናግተ።

2 መፅና ጎዳ ሴራ ሀንተ ኤሬዳዋ ከና አባ ሀንተ ታማሬዳዋ ኡባ ሀች ሀሳይተ፤ ሄዋ ኤርያዋንቱ ሀንተናጥ አትና፤ ሀንተ ናናቱዋ ግድክና፤ መፅና ጎዳ እንጋ፤ እ ዋልቃማ ኩሽያን እ ሞጫቲዳ ቀሰያ።

3 እ ኦፊዳ ማላታቱዋን እ ግብጾ ካትያ ቦላን እ ቢታ ኡባ ቦላ ኦፊዳዋ በኤድታ።

4 ቃይ ኡንቲንቱ ሀንተና ካሊደ የደርሴዳ ዋደ፤ መፅና ጎዳይ ግብጾ ቢታ ኦላንቻቱዋ፤ ኡንቲንቱ ፓራቱዋን ፓራ ጋረቱዋ ዞኦ አባን ሞትሲደ፤ ሀች ጋካናዉ፤ ኡንቲንታ ኡባና ጻይሴዳዋ በኤድታ።

5 ሀንተ ሀ ሳኦ ጋካናዉ፤ መላ ቢታን ጸሳይ ሀንተንቶ ኦፊዳዋ ሀንተ ኤሪታ።

10:6 ያይ. 20:28፤ 33:38    10:8 ያይ. 3:5-8    10:10 ከሳ 34:28    10:17 1 ጽዋ. 6:15፤ ሳን 17:14፤ 19:16፤ ከታ 10:34፤ ሮሙ 2:11፤ ገላ. 2:6፤ ኤፈ. 6:9    10:22 ደሙላ 15:5፤ 22:17፤ 46:27    11:3 ከሳ 7:8-13  
11:4 ከሳ 14:28

6 ቃይ ሮቤላ ዛርያፕ ኤልአባ ናናቱዋ ግድያ ዳታና ቦላን አቢራማ ቦላ ጸሳይ ኦሌዳዋ ሀሳይተ።  
እብራኤልያ አሳይ ኡባይ ጸልሸን፣ ቢታይ ደየተደ፣ ኤንቱንታ፣ ኤንቱንቱ ሶ አሳ፣ ኤንቱንቱ ዱንካገያን  
ኤንቱንቶ ደእያ ሸምፑዋና ደእያዋ ኡባ ሞቱዳ።

7 ኤ! መድና ጎዳይ ኦሌዳ ሀ ዋልቃማ ኦሶ ኡባ ሀንተ አይፍያን በኤዳዋንቱ ሀንተና።

**እማና ጌዳ ቢታ እንጂዋ**

8 “ሄዋ ድራው፣ ሀንተ ምና ግዳናዳንን የርዳኖሳ ፕኒደ ሀንተ አካናው ብያ ቢታ ሀንተ ላታናዳን፣  
ታን ሀች ሀንተና እዛዝያ እዛዘቀ ኡባ ናግተ።

9 ያቶፕ፣ መድና ጎዳይ ሀንተ ማይዛ አዋቶን ኤንቱንቱ ዛርቶ እማና ጌደ ጫቄዳ፣ ማሳይን ኤሳይ  
ጎግያ ጋድያን ሀንተ አዲሳ ላይላ ደእና።

10 ሀንተ ላታናው ገልያ ቢታይ ሀንተ ከሲደ ዬዳ ግብጹ ቢታ ማላ ግደና፣ ግብጹን ሀንተ ካላ  
ዘሪደ፣ ሾይቃ ኡባ አታክልትያ ሳኢዳን ገድያን ሃላ ኡሺታ።

11 ሸን የርዳኖሳ ፕኒደ ሀንተ ላታናው ብያ፣ ቢታይ ዘዘቱን ዛንጋራቱ ደእያ፣ ሳሉዋ እራን አልያ  
ቢታ።

12 ሄ ቢታይ መድና ጎዳይ ሀንተ ጸሳይ ጸሞስያ ቢታ፣ ላይላ ደመላፕ ቢደ ላይላ ወርሰላ  
ጋካናው፣ መድና ጎዳ ሀንተ ጸሳ አይፊ አ ቦላን ደእያ ቢታ።

13 “ሄዋ ድራው፣ ሀንተ መድና ጎዳ ሀንተ ጸሳ ሲቃናዳንን ሀንተ ሀንተ ኩመንላ ዋዛና፣  
ሀንተ ኩመንላ ሸምፑዋፕ አወ አሳናዳን፣ ታን ሀንተንቶ ሀች እምያ እዛዘቱዋ ሀንተ ፖሎፕ፣

14 ሀንተ ካሳ፣ ዋይንያን ዛይትያ ፓጨናን ሺሻና ማላ፣ ኦፍንላ እራን ባልጉዋ እራ፣ አ ዋድያን  
ዋድያን ጸሳይ ሀንተ ጋድያን ቡክሳና።

15 ጸሳይ ሀንተ መሀምደ ደምባን ማታ ዳርሳና። ቃይ ሀንተካ ማናን ካላና።

16 “ሀንተ ዋዛናይ ባልና ዋራ ስሚደ፣ ሀንተ ሀራ ጸሳቶ ኦባዳንን ኤንቱንቶ ጎይናዳን ናገትተ።

17 ሃዌ ቆዮፕ፣ መድና ጎዳ ሀንቱ ሀንተ ቦላ ኤጼ ከሳና፣ እራይ ቡኩናዳንን ቢታይካ ሞክናዳን  
አ ሳሉዋ ጎርዳና፣ ሀንተካ ማድና ጎዳይ ሀንተንቶ እምያ ሎኦ ጋድያፕ ኤላካ ቆዮና።

18 “ሰም፣ ሀ እዛዘቱዋ ታዋንታ፣ ሀንተ ዋዛናንን ሀንተ ቆፋን ዋሰተ። ማላታዳን ኤንቱንታ ሀንተ  
ኩሸያን ቃችተ፤ ቃይ ማላታዳን ሀንተ ሰምእያንካ ዋሰተ።

19 ሄዋንታ ሀንተ ናናቱዋካ ታማርሰተ። ሀንተ ሶን ደእያ ዋደ፣ ኦግያን ሀመትያ ዋደ፣ ግሰያ  
ዋደን ደንድያ ዋደካ፣ ኤንቱንቶ ኦድተ።

20 ሀንተ ፕንግያ ቆስላላቱዋ ቦላንን ሀንተ ድርሳ ፕንግያ ቦላን ሀንተ ኤንቱንታ ጸፍተ።

21 ያቶፕ፣ መድና ጎዳይ ሀንተ ማይዛ አዋቶ እማና ጌደ ጫቄዳ ጋድያን ሀንተ ላይላይን ሀንተ  
ናናቱ ላይላይ ሳኢፕ ቦላና ደእያ ሳሉ ደእያዋ ኬሻ ግዳናዋ።

22 “ሀንተ መድና ጎዳ ሀንተ ጸሳ ሲቃናዳን፣ አ ኦገ ኡባን ሀመታናዳንን አወ እማንታናዳን፣ ታን  
ሀች ሀንተንቶ እምያ እዛዘቱዋ ሀንተ ሞንሲደ ናገፕ።

23 መድና ጎዳይ ሀ ካወተሳቱዋ ኡባ ሀንተ ሰንሳፕ የደርሲደ ከሳና፣ ሀንተካ ሀንተፕ ግታትያን  
ዋልቃምያ ካወተሳቱዋ ቢታ ዋሰ አካና።

24 ሀንተ ገድያን ሀንተ የዲዳ ቢታ ኡባይ ሀንተሳ ግዳናዋ። ሀንተ ዛዋይ መላ ቢታፕ ቢደ  
ሊባና ጋካናውን ኤፍራይን ሻፋፕ ቢደ አዋይ ወልያ ባጋ ሜድተራን አባ ጋካናሳ ግዳናዋ።

25 ሀንተናና እይ አሳይን ኤቀታናው ዳንዳየና፣ መድና ጎዳይ ሀንተ ጸሳይ ሀንተንቶ ጌዳዋዳን፣  
ሀንተ ብያሳን ኡባን አሳይ ሀንተና በኢደ ዳጋማናዳንን ሀንተው ያያናዳን አላና።

26 “በእተ፣ ሀች ታን ሀንተ ሰንሳን እንጂዋን ሸቃ ዋሳይ።

27 ታን ሀች ሀንተና እዛዝያ መድና ጎዳ ሀንተ ጸሳ እዛዘቱዋ ናገፕ፣ ሀንተ እንጀታና።

28 ሸን ታን ሀንተና ሀች እዛዝያ መድና ጎዳ ሀንተ ጸሳ እዛዘቱዋ ናገናን እደደ፣ ሀንተ ኤርቤና  
ሀራ ጸሳቶ ጎይናናው አ ኦግያፕ ዋራ ሰሞፕ፣ ሀንተ ሸቀታና።

29 መድና ጎዳይ ሀንተ ጸሳይ ሀንተ ላታናው ብያ ቢታ ሀንተና ገልሰያ ዋደ፣ ጋሪዛማ ደርያን  
እንጂዋ ኡባደ ደርያ ቦላን ሸቃ አዋያና።

30 ሀ ላኤ ደረቱ የርዳኖሳ ሻፋፕ ሄፍንሳና ኦግያፕ አዋይ ወልያ ባጋ፣ አራባን ደእያ ካናንቱዋ  
ጋድያን ደእኖ፤ ኤንቱንቱ ቃይ ገልጋላ ካታማ ሰንሳን ደእያ ሞረ ሞላወካ ማታን ደእኖ።

31 ሀንተ ሀእ መድና ጎዳይ ሀንተ ጸሳይ ሀንተንቶ እምያ ቢታ ላታናው የርዳኖሳ ሻፋ ፕናና  
ሀኒታ። ሀንተ ሄ ቢታ እኪደ ያን ደእያ ዋደ።

32 ታን ሀች ሀንተንቶ እምያ አዋዮቱዋን ሀገቱዋ ኡባ ሞንሲደ ናገተ።

# 12

## እሳይ ጎሽትያ መጽ እት ሳኣ

1 “ህንተ ላታናዳን፣ መድና ጎዳይ ህንተ አዎቱዋ ጸሳይ ህንተንቶ እሚዳ ጋድያን ህንተ ደኤዳ ከሻን ኡባን ህንተ ባለናን ኣፋና አዎቱቱን ህገቱ፣ ሀዋንታ።

2 ህንተ ላትያ ካወተፋቱ ደርያ ቦላን፣ ዘዚያ ቦላንን ሞላቱዋ ጸጸብን ባረንቱ ጸሳቶ ጎይንያ ሳኣ ኡባ ኡባና ቆይሰተ።

3 ኡንቱንቱ ያርሽያ ሳኣ ኮልተ፤ ኡንቱንቱ ጎይንያ ሽቻቱዋካ መን። ስልተ፤ እሺር ግያ ኡንቱንቱ ጸሳቶ ሞሰልያ ታማን ጸግተ፤ ማሰቱዳ ኡንቱንቱ ጸሳቱዋ ሞሰለቱዋ ቆይሰተ፤ ኡንቱንቱ ሰንገላቱዋካ ሄ ሳኣቱዋ፣ ቁጭ ድግተ።

4 “መድና ጎዳ ህንተ ጸሳይ ኡንቱንቱ ባረንቱ ጸሳው ጎይንያዋዳን ጎይና፣፡፡

5 መድና ጎዳይ ህንተ ጸሳይ ዛረ ኡባይ ደኤያሳ፣ ባረ ሰንገላይ ሄዋን ጸጸታናዳን ደሬዳ ሳኣ ኮይተ። ሄ ሳኣ ህንተ ባናው ኮሽ።

6 ህንተ ህንተ ጸግያ ያርሹዋ፣ ሀራ ያርሹዋ፣ ህንተ አሰራታ፣ ህንተ እሙዋ፣ ህንተ ሺቁዋ፣ ህንተ ደሲደ አምያ እሙዋ፣ ህንተ መሀያን ደርሳ፣ ባይራ ሄ ሳኣ አህተ።

7 ሄዋን መድና ጎዳይ ህንተ ጸሳይ ደኤያ ሳን ህንተን ህንተ ሶ እሳይ ማና፤ ቃይ ህንተ ኩሺ ኡሴዳባን ኡባንን መድና ጎዳይ ህንተ ጸሳይ ህንተና እንጃዳባን ህንተ ናሽታና።

8 “ሀእ ሀዋን ህንተ አልዎዳን፣ ሄ ዎደ ህንተ አይፍያን ሎኦ ማላትያባ አልክታ።

9 አምወ ጎ፣ መድና ጎዳይ ህንተ ጸሳይ ህንተንቶ አምያ ሸዎ፣ ቢታ ብርን ጋክቢይክታ።

10 ሸን ህንተ ዮርዳና ፕኒደ፣ መድና ጎዳይ ህንተ ጸሳይ አምያ ሄ ቢታ ላቲደ፣ ህንተ ያን ኡታና። ህንተና ደዳዳ ሞርከቱዋ፣ ህንተና እ ሸምፕሰያ ድራው፣ ህንተ ዎ፣ ገደ ሄዋን ደኣና።

11 ሄ ዎደ መድና ጎዳይ ህንተ ጸሳይ ባረ ሰንገላይ ሄዋን ጸገታናው ደሬዳ ሄ ሳኣ፣ ታን ህንተና አዛዝያዋ ኡባ፣ ጸግያ ያርሹዋ፣ ሀራ ያርሹዋ፣ ህንተ አሰራታ፣ ህንተ እሙዋን ህንተ መድና ጎዳው ሸቆዳዋ ኡባ ሄዎ አሃታ።

12 ህንተ፣ ህንተ እቱማን ማጫ ናናይ፣ እቱማን ማጫ ቆማቱን ህንተናና ላታ አክቤና ህንተ ካታማን ደኤያ ለዎቱዋናካ እት፣ ሄዋን መድና ጎዳ ህንተ ጸሳ ሰንገላን ናሽተተ።

13 ህንተ ጸግያ ያርሹዋ ህንተ ኮዬዳ ሀቃንን ጮ ያርሸናዳን ናገትተ።

14 ህንተ ህንተ ዛራቱ ደኤያሳ ኡባ፣ እቱዋን፣ መድና ጎዳይ ደሬዳ ሳኣን ህንተ ጸግያ ያርሹ ያርሸተ፤ ታን ህንተና አዛዝያዋ ኡባን ሄዋን አላተ።

15 “ሸን ህንተ ደኤያ ሳን ሀቃንን ህንተ መሀያ፣ መድና ጎዳይ ህንተና እንጃዳዋዳን ሹኪደ ሚተ፤ ዎጋን ገሻ አሳ ግድና ዎይ ጌና አሳ ግድናካ ኡባይካ ጋራ እሹዋን ገንኤያ እሹዋ ምያዋዳን ህንተ መሀያ፣ ሹኪደ ሚተ።

16 ሸን ሱላ ሃላዳን ሳኣን ጉሰተ፣ እትና ሞፕተ።

17 “ህንተ ህንተ ካላ፣ ዎይንያ፣ ዛይትያ፣ እምያ አሰራታ፣ ህንተ መሀያ፣ ደርሳ ዉድያ፣ ባይራ፣ ጸሳው እማናው ሸቆዳዋ ኡባን ህንተ ህንተ ደሱዋን ጮ እምያ እሙዋ ኡባ ህንተ ደኤያ ሄራን ሙላካ ሞፕተ።

18 ሸን ህንተ፣ ህንተ እቱማን ማጫ ናናይ፣ ህንተ እቱማን ማጫ ቆማቱን ህንተ ካታማቱዋን ደኤያ ለዎቱዋናካ እት፣ መድና ጎዳይ ህንተ ጸሳይ ደሬዳ ሳኣን መድና ጎዳ ህንተ ጸሳ ሰንገላን ሀ ያርሹዋ ኡባቱዋ ሚተ፤ ሄዋን ህንተ ዳቡራን ሸሼዳዋን መድና ጎዳ ህንተ ጸሳ ሰንገላን ናሽተተ።

19 ህንተ ህንተ ጋድያን ደኤያ ላይላ ኡባን ለዎቱዋ ሸከኮ ጌናዳን ናገትተ።

20 “ኣ ህንተንቶ ገሌዳ ቃላዳን መድና ጎዳይ ህንተ ጸሳይ ህንተ ዛዋ አሰያ ዎደ፣ ህንተና አሹዋ ማናው ኮሽያ ዎደ፣ ህንተ ኮዬዳ ከና ሚተ።

21 ሸን መድና ጎዳይ ህንተ ጸሳይ ባረ ሰንገላይ ሄዋን ጸጸታናዳን ደሬዳ ሄ እት ሳኣይ ህንተንቶ ሃተ፣ መድና ጎዳይ ህንተንቶ እሚዳ ህንተ መሀያ ዎይ ደርሳ ዉድያ፣ ሀቃዋ ግድናካ፣ ታ ህንተና አዛዝያዋዳን፣ ህንተ ኮዬዳ ከና ህንተ ካታማን ሹኪደ ሚተ።

22 ዎጋን ገሻ አሳ ግድና፣ ዎይ ጌናዋ ግድናካ፣ እይ አሰካ ጋራ ግድና፣ ገንኤያ እሹዋ ካሰ ምያዋዳን ሞ።

23 ሸን ሱላይ ደኤያ እሹዋ ማናዳን ናገትተ፤ አያው ጎ፣ ሸም፣ ሱላን ደኤያ፤ ሄዎ ድራው፣ ደኤዋ እሹዋና ሞፕተ።

24 ሱላ ሃላዳን ጋድያን ጉሰተ፣ እትና ኡሹፕተ።

25 ህንተ መድና ጎዳ ሰንገላን ህንተ ሎኦባ አልያዌ ህንተው፣ ህንተ፣ ጉይያን፣ ህንተ ናናቶካ ሎኦ ግዳና ማላ፣ ሱላ ኡሹፕተ።

26 “ሸን ህንተ ዲማዬዳዋን ሸቆዳዋ እኪደ፣ መድና ጎዳይ ደሬዳ ሳኣው ቢተ።

27 ቢደ ህንተ ጸግያ ያርሹዋ፡ እሹዋን ሱላ፡ መድና ጎዳው፡ ህንተ ጸሳው፡ ያርሸያሳን ሺሸተ፤ ህንተ ያርሹዋ ሱላ መድና ጎዳው፡ ህንተ ጸሳው፡ ያርሸያ ሳኦ ማታን ጉስተ፤ እሹዋ ህንተ ሚተ።  
 28 ታን ህንተና አዛዝያ ዋጋ ምንሲደ ናግተ፤ ሄዋ ኦሎ፡ ህንተንቶን ህንተ ናናወ ሎኦ ግዳናዋ፤ እያወ ጎ፡ ህንተ ልከባን መድና ጎዳ ህንተ ጸሳ ናሽቻያ ሎኦባ ኦሊታ።

**ኤቃ ምስልያወ ጎይናዳን እመቴዳ ሴራ**

29 “ህንተ ላታናወ ብያ ካወተላ መድና ጎዳይ ህንተ ጸሳይ ህንተ ሰንላ፡ ጳይሰያ ዋደነ ህንተካ ኡንቱንቱ ቢታ ላቴደ ደእያ ዋደ፡

30 ኡንቱንቱ ህንተ ሰንላ፡ ጳይክቻና ህንተ ኡንቱንታ ካላናወ፡ ኡንቱንታ ጸርያን ኦይቀተናዳን ናገትተ፤ ጉንካ ኡንቱንቱዳን ጎይናናወ፡ ሀ ካወተላቱ ባረንቱ ጸሳቶ ዋቶ ጎይኒኖ” ያጊደ፡ ካል ኦቼናዳን ናገትተ።

31 ኡንቱንቱ ባረንቱ ጸሳቶ ጎይንያ ዋደ፡ መድና ጎዳይ እጽያ ቱናባ ኡባ ኦላያ ድራወ፡ ህንተ መድና ጎዳው፡ ህንተ ጸሳው፡ ሄዋዳን ጎይናናወ በሰና። እያወ ጎ፡ ኡንቱንቱ ሀራይ አቶ ባረንቱ የሌዳ አቱማን ማጫ ናናቱዋ ባረንቱ ጸሳቶ ያርሺደ፡ ታማን ጸጊኖ።

32 “ሰዎ ህንተ ታ ህንተና አዛዜዳዋ ኡባ ኦሎ፤ አ ቦላ ኦያን ጉጅፕተ፤ አፕ ኦያን ፓጭሶፕተ።

### 13

1 “ህንተ ግድን ትምቢትያ ኦድያዌ ዋይ እኩሙዋ ብልያ አሳይ ደንዲደ፡ ማላታን ማላልሰያባ አሎ፡

2 እ ኦድዳ ማላታይ ዋይ ማላልሰያባይ ቱሙ ግዲደ ፖለትና፡ እ ህንተና፡ ጎኒ ካሰ ህንተ ኤረና ሀራ ጸሳቶ ጎይናይተ” ያጎ፡

3 ህንተ እ ሙላካ ሰሶፕተ። ህንተ እ ኩሙንላ ዋዛና፡ ኩሙንላ ሸምፑዋ፡ መድና ጎዳ ህንተ ጸሳ ደሰንቶን ጊደ፡ ህንተና እ ፓጫናወ ሄዋ ኦሊ።

4 መድና ጎዳ ህንተ ጸሳ ካልተ፤ እወ ያይተ፤ እ አዛዙዋ ናግተ፤ እ ቃላካ ሰሰተ፤ እወ ጎይንተ፤ አፕ ዲጸፕተ።

5 ህንተና ግብጾፕ ከሲደ፡ አይለተላፕ ህንተና ዋዜዳ መድና ጎዳ ህንተ ጸሳ ቦላ ህንተ ማካላናዳን ታማርሰያ ትምቢትያ ኦድያዋ፡ ዋይ እኩሙዋ ብልያዋ ዋድተ፤ ሄዋ ማላ አሳይ ህንተና መድና ጎዳ ህንተ ጸሳ አዛዙዋ፡ ዋራ ባናዳን ኦላያ ድራወ፡ ሄዋ ማላ ዋዲደ፡ ኢታ ህንተ ግድፕ ትግተ።

6 “ሀራይ አቶ ነ ዳይ ናእይ ነ እሻይ፡ ነ አቱማን ማጫ ናኦ፡ ነ ሲቅያ ነ ማቻታ፡ ዋይ ነ ሲቆ ላጊ ኔና፡ ጉንዳ፡ ካሰ ኔን ነ ማይዛ አዋቱ ጎይን ኤረና ጸሳወ ጎይናና” ጎ፡

7 ቢታወ ሀ ጋጸፕ ያ ጋጸ ጋካናወ ደእያ፡ ነ የሹዋ ኡባን ማታን ነኩዋን ደእያ አሳይ ኡባይ ጎይንያ ጸሳቶ፡ ጉንዳ ቢደ ኡንቱንቶ ጎይናና ጊደ ባለላ፡

8 እወ ኤና ጎ፤ እ ግያዋካ ሰሶፕ። እወ ቃረታደ አ ጉየ አሻ፤

9 አ ዋዳናወ ኮሺ። አ ዋዳናወ ኮይሮ ነ ደማ፤ ሄዋፕ ጉይያን፡ አሳይ ኡባይ ባረ ኩሽያ አ ቦላ ዋሲደ ዋዶ።

10 እ ሀይቃና ጋካናወ፡ ሹቻን ጫድተ፤ እያወ ጎ፡ እ ህንተና ግብጹ ጋድያ፡ አይለተላ ጎልያፕ ከሴዳ መድና ጎዳ፡ ህንተ ጸሳ፡ ህንተና ሻካናወ ኮዌዳ።

11 እሰራኤልያ አሳይ ኡባይ ሄዋ ሰሲደ ያያና፤ ቃይ ሄዋ ማላ ኢታባካ ላኤንሎ ህንተ ግድን ኦን ኦፍ።

12 “መድና ጎዳይ ህንተ ጸሳይ ህንተ ደአናዳን እምያ ካታማፕ አቱዋን ህንተ ደእያ ዋደ፡

13 ህንተ አሳ ግድን ኢታቱ ደንዲደ፡ አሳ፡ ጉንድተ! ቢደ ህንተ ኤረና ጸሳቶ ጎይኔቶ” ያጊደ ባለላያዋ ሰሶ፡

14 ሄ የወዋባ አቶተ፤ ምንሲደ ፓይድተ። ቆርና ሄ ህንተ ግድን ቱናባይ ኦስቴዳዌ ቱማ ግድ፡

15 ሄ ካታማን ደእያ አሳ ኡባ ማሻ ቃራን ወርሰተ፤ ሄ ካታማን አን ደእያ መሀያናካ አሸናን ጳይሰተ።

16 ሄ ካታማፕ ህንተ እኩዳ ኦሞዲዋ ኡባ ካታማ ዳባባ ሺሸተ። ሄ ካታማን እ ኦሞዲዋ ኡባ መድና ጎዳው፡ ህንተ ጸሳው፡ ጸግያ ያርሹዋ ኦሊደ ወርሰ ጹግተ። እ መድናወካ ላኤንሎ ኬጸተና፤ ላላቴዳ ሳ ግዲደ፡ ሄ ሳኦይ አታና።

17 ቱና ጌተቴዳ ሚሻፕ እያይነ ህንተ ኩሽያን ቤቶ፡፡ ያቶ፡ መድና ጎዳይ ባረ ዋልቃማ ሀንቁዋፕ ሰሚደ፡ ህንተና ማራና፤ እ ህንተንቶ ቃረታና። ካሰ ህንተ ማይዛ አዋቶ ጫቄዳ ጫቁዋዳን፡ ህንተ ፓይዲዋ ዳርሳና።

18 እያው ጎጥ፣ ታን ሀቕ ህንተና ከዛዘያ እዛዘ ኡባ ህንተና ገናኝዋን መቅና ጎዳው፤ ህንተ ጸሳው እዛዘቶ፣ ቃይ መቅና ጎዳ ህንተ ጸሳ ስንገላንካ ልክ ግድያባ ኦሎ፣ ሄ ጌዳዌ ህንተንቶ ቱሙ ፖለታና።

# 14

## ዩኩዋ ዋይ ድገቴዳ ደያቱዋ

1 “ህንተ መቅና ጎዳ ህንተ ጸሳ ስንገላና፤ ህንተ ሀይቄዳ አሳው ህንተና ጎሞኦርፕተነ ስንገላ ባጋ ሀጺያ ሜዶፕተ።

2 እያው ጎጥ፣ ህንተ መቅና ጎዳው፤ ህንተ ጸሳው፤ ጌሻ አሳ፤ መቅና ጎዳይ ህንተና ባረው አልኦ ሚሻ ግዳናዳን፤ ጋድያን ደእያ አሳ ኡባጥ ዶሪደ ዋሌዳ።

## ሜተትያነ ሜተተና መሄቱዋነ ደአቱዋ (ዋጋ 11:1-47)

3 “ህንተ ቱናባ እያነ ሞፕተ።  
4 ህንተ ማና መሄቱነ ደአቱ ሀዋንታ፤ ቦራ፣ ዶርሳ፣ ዴሻ፣  
5 ገንእያ፣ ዶግያ፣ ዋሻ፣ ዋራ ዴሻ፣ ጮጎሹዋ፣ ጋራነ ደርያ ዶርሳ።  
6 ጸጉንገሳይ ዉር ጳልቀቲዳዋንታ፣ ዋሞትያ መሄቱዋነ ደአቱዋ ኡባ ሚተ።  
7 ሽን ዋሞትያዋንታ ግዲደ፣ ጸጉንገሳይ ጳልቀትቤናዋንታ ሞፕተ፤ ሄዋንቱካ ጋሉዋ፣ ሀርባይንያነ ጉፓልያ። ሀዋንቱ ዋሞተኖ፤ ሽን ኡንቱንቱ ጸጉንገሳይ ጳልቀትቤና ድራው፣ ኡንቱንቱ ህንተንቶ ቱና።  
8 ጉዳንገሳይካ ጸጉንገሳይ ጳልቀላ ግደፕነ ዋሞተና ድራው፣ እ ህንተንቶ ቱና። እ እሹዋ ሞፕተ፤ እ ባኩታካ ቦቾፕተ።

9 “ሃላ ግደን ደእያ መጋታቱዋ ኡባጥ ህንተ ማናዋንቱ ሀዋንታ፤ ሞልያ ማላ ቀፊነ ፖቄ ደእያ ኡባ ሚተ።

10 ሽን ሞልያዋ ማላ ቀፊነ ፖቄ ባይና ሀቃዋነ ሞፕተ። ሄዋንቱ ህንተንቶ ቱና።  
11 “ጌሻ ግደዳ ካፋዋ ኡባ ሚተ፤  
12 ሽን ካፎቱዋፕ ህንተ ሜናዋንቱ ሀዋንታ፣ አርጋንጎ፣ ባዙዋ እንኩዋ፣ ካረላ እንኩዋ፣  
13 ጎሉዋ፣ ጽንግልያ ዛረ ኡባ፣  
14 ቁሩዋ ዛረ ኡባ፣  
15 ያንቻ፣ ጫንጭያ ጉቱዋ፣ ሃላ ካፋዋ፣ ጋጭያ ዛርያ ኡባ፣  
16 ቄር ጉቱዋ፣ ዋጋ ጉቱዋ፣ ሃላ ኩቱዋ፣  
17 ባዙዋ ጉቱዋ፣ ይንዳዋ፣ ጋንጋኑዋ፣ እዲሳ ቆጂ ደእያ ሃላ ካፋዋ፣  
18 ሳቢሳ ግያ ካፋዋ ዛረ ኡባ፣ ጅንጅላትያነ ሻልያ።  
19 ቀፍያና ደእያ ቄር መጋታቱ ኡባይ ህንተንቶ ቱና፤ ኡንቱንታ ሞፕተ።  
20 ሽን ሄ ቀፍያና ደእያባቱዋፕ ጌሻ ግድያዋንታ ሚተ።  
21 “ህንተ መቅና ጎዳው፤ ህንተ ጸሳው፤ ጌሻ አሳ ግድያ ድራው፣ ባኩቱዳዋ ኡባ እያነ ሞፕተ። ሄዋ ህንተ ካታማን ደእያ በተቱ ማናዳን ኡንቱንቶ እማናው ዳንዳዪታ፤ ዋይ ሀራ ቢታ አሳው ዛልእናው ዳንዳዪታ።  
“ዴሻ ማራ እ ዳይ ማላን ደይሶፓ።

## አሰራታ ከሰያ ዋጋ

22 “ህንተ ህንተ ጋደፕ ላይላን ላይላን ጋክያ ካላ እይፍያ ኡባጥ አሰራታ ከሰተ።  
23 ህንተ ኡባ ዋይ፣ መቅና ጎዳው፤ ህንተ ጸሳው፤ ያይያዋ ታማራና ማላ፣ እ ባረ ሱንገሳይ ጸሰታና ማላ ዶሪዳ ሳእን፣ መፍሻ ጎዳ ህንተ ጸሳ ስንገላን፣ ህንተ ካላ፣ ዋይንያ ኤሳነ ዛይትያ አሰራታ፣ ህንተ ዶርሳፕነ መሀያፕ ባይራ የለቲዳዋ ሄዋን ሚተ።  
24 መቅና ጎዳይ ህንተ ጸሳይ ባረ ሱንገሳይ ጸሰታና ማላ ዶሪዳ ሳእይ፣ ህንተ ደእያሳፕ ሎይሳ ሃኮ ግደፕ፣ መቅና ጎዳይ ህንተና እንጃና ማላ፣ ህንተ ህንተ አሰራታ ያ ቶካናው ዳንዳዪናን እጸፕ።  
25 ዛልእተ፤ ሄ ሚሻ ኩሽያን እይቄደ፣ መቅና ጎዳይ ህንተ ጸሳይ ዶሪዳ ሳእ ቢተ።  
26 ቢደ ሄ ሻሉዋን ህንተ ኮዬዳዋ ሀቃዋነ፣ ሚዛ ግድና፣ ዶርሳ ግድና፣ ዋይንያ ኤሳ ግድ፣ ዋይ ሀራ ሞና ኡሻ፣ ዋይ ሀራ ህንተ ኮይያዋ እያነ ሻሚደ፣ ህንተነ ህንተ ሶ አሳይ ኡባይ መቅና ጎዳ ህንተ ጸሳ ስንገላን ሄዋ ሚተነ ናሽተተ።  
27 “ሄዋ ህንተ ኡልያ ዋይ፣ ህንተ ካታማን ደእያ ሌዋቱዋ ዶሳፕተ፤ እያው ጎጥ፣ ኡንቱንቱ ህንተናና ግሽ እኩዳ ሀራ ላታይ ባዋ።  
28 ሄዘንገላ ላይላን ላይላን ኡባ ዋይ፣ ህንተ ካላ አሰራታ እሂደ፣ ህንተ ካታማን ሺሸተ።



29 ሄዋ ህንተ ካታማን ደእያ ህንተናና ግሽ እኬዳ፣ ሀራ ላታይ ባይና ለዋቱ፣ በተቱ፣ አዉ ባይና ፍናቱን እምኤ ማጫ አሳቱ ዪደ ሚድ፣ ሚድካ ካልፍ። ያቶ፣ ህንተ ኦልያ ህንተ ኩሽያ ኦሶ ኡባን መድና ጎዳይ ህንተ ጸሳይ ህንተና እንጃና።

# 15

## አጩ ማረትያ ላይላ (ዋጋ 25:1-7)

1 “ላፑንላ ላይላ ላይላ ዉርሰላን ህንተፕ ታልኤዳዋንቶ ኤንቱንቱ አጩዋ ማርተ።

2 ህንተ አጩዋ ማራና ዋጋይ ሀዋ፡ ባረ ላገ እሰራኤልያዉ ታልኤዳ እይ አሳይነ ሄ አጩዋ ማር። መድና ጎዳ ማርተላይ አዋየቱዳ ድራዉ። ታልኤዳዋ ባረ ላገ እሰራኤላዉ ዋይ ባረ እሻዉ ታልኤዳባ ኦቶ።

3 ሀራ ቢታ አሳዉ ህንተ ታልኤዳ አጩዋ አካናዉ ዳንዳዳ፣ ሽን ህንተ ህንተ ዛረቶ ታልኤዳባ ኡባ ማርተ።

4-5 “ህንተ መድና ጎዳ ህንተ ጸሳ ቃላዉ አዛዘቶ፣ ታን ሀንፕ ህንተና አዛዘያ አዛዘ ኡባ ባለናን ኦሎ፣ ህንተ ግደን እት አሳይነ ህዬሰ፣ እያዉ ጎፕ፣ ህንተ ላታናዳን መድና ጎዳይ ህንተ ጸሳይ ህንተዉ አቆ ኦሊደ እምያ ጋድያን መድና ጎዳይ ህንተና እንጃና።

6 መድና ጎዳይ ህንተ ጸሳይ ህንተንቶ ጌዳዋዳን፣ እ ህንተና እንጃና፤ ዳር ካዉተላይ ህንተፕ ታልኤዳ፤ ሽን ህንተ እቱዋፕነ ታልእክታ። ቃይ ህንተ ካዉተላቱዋ ዋዳና፣ ሽን እቱነ ህንተና ዋደና።

7 “መድና ጎዳይ ህንተ ጸሳይ ህንተንቶ እምያ ጋድያን ደእያ ቁር ካታማቱዋፕ ሀቃዋንነ ደእያ ህንተ ላገ እሰራኤላቱዋ ግደን እት አሳይ ህዬሰ፣ አዉ መቀላ ኢቶፕቱ፤ ቃይ ህንተ ኩሽያካ ሺሽ አኮፕቱ።

8 ህንተ ኩሽያ አዉ ብርሸተ፤ እ ኮሽያዋ እያነ አዉ ታልእተ።

9 ኅአጩዋ ማርያ ላፑንላ ላይላይ ማቱዳ፣ ጋይ፣ ህዬሳ እሰራኤልያዉ ኢታ አይፍያን ጸላደ፣ አዉ እያነ ታልእያዋ ድጋናዉ ኢታ ቆፋይ ነ ዋዛናን ገለናዳን ናገታ። ሄዋ ቆየ፣ እ ኔፕ መድና ጎዳዉ ዋሳና፤ ሄዋ ነዉ ናጋራ ግዳናዋ።

10 ኔን አዉ ጮ አማ፤ ኔን አዉ እምያ ዋደ፣ ነ ዋዛናን እያዉ እማይታ ጎፕ፤ ያቶ፣ ህንተ ኦሶ ኡባ፣ ህንተ ኦይቁዳዋን ኖዲዳባን ኡባን መድና ጎዳይ ህንተ ጸሳይ ህንተና እንጃና።

11 ሄ ጋድያን ኡባ ዋደካ ህዬሰ ቆየና ድራዉ፣ ታን ኔና እሰራኤላቶ፣ ነ ጋድያን ደእያ ህዬሳቶን መቶጋንቻቶ ኬካ ግዳናዳን አዛዛይ።

## አይለቱዋ ላእ ከሰያ ማራ (ከሳ 21:1-11)

12 “ኔን አቱማ ግድና ማጫ ግድና፣ ነ ዳቦ እሰራኤልያ አሳ አይልያ ኦላደ ሻዋ፣ እ ነዉ ኡሱቱን ላይላ ኦሎ፤ ላፑንላ ላይላን አይለተላፕ ከሳ የደ።

13 ኔን አይለተላፕ አ ከሳ የድያ ዋደ፣ መሳ ኩሽ የደ።

14 ኔን ነ ዉድያ፣ ነ ኡዱማፕነ ነ ዋይንያ ጉምኢያሳፕ አዉ ኬካተላን እማ፤ መድና ጎዳይ ነ ጸሳይ ኔና እንጃዳዋ ከና አዉ አማ።

15 ህንተካ ግብጼ ጋድያን ካሰ አይልያ ግዴዳዋን መድና ጎዳይ ህንተ ጸሳይ ህንተና ያፕ ዋዜዳዋ ደጎፕተ። ታን ህንተና ሀቶ አዛዘያዋ ሄዋሳ።

16 “ሽን ሄ አይልያ ኔና ነ ጎልያ አሳ ዶሴዳ ድራዉነ ኔና አዉ ደኡ ሎኦ ግድያ ድራዉ፣ ታን ነ ጎልፕ ከሳደ ቢከን ያፕ፣

17 ፕንገ አ አፋደ፣ ጎላ አካደ፣ እ ሀይላ ሉካ። ያቶ እ ነዉ መድናዉካ አይልያ ግዳናዋ። ቃይ አይልያ ግድያ ማጫንዉካ ሄዋዳን ኦላ።

18 እ ኔን አይለተላፕ ከሳ የድያ ዋደ፣ ኔን ቆሄቱዳዋን ቆፖ። እያዉ ጎፕ፣ እ ሀ ኡሱቱን ላይላ ግደን ከራዉ ኦልያባይ ኦልያዋ ዳኩዋ ዳራዋ ነዉ ኦሌዳ። ሄዋ ድራዉ፣ ኔን ኦልያባን ኡባን መድና ጎዳይ ነ ጸሳይ ኔና እንጃና።

## ሚዛይን ደርሳይ የልያ ባይራ ማራቱዋ

19 “ኔን ነ መሀያፕነ ነ ደርሳ ዉድያፕ ባይራ የለቱዳ አቱማዋ ኡባ መድና ጎዳዉ፣ ነ ጸሳዉ፣ ዳማ፣ ነ ዳማዴ መሀያፕ ባይራ የለቱዳዋ እያነ ጎኡቶ። ነ ደርሳ ዉድያፕ ባይራ የለቱዳዋ እክሰያካ ሜደ።

20 ኔን ነ ሶ አሳይ ጸሳይ ደርያ ሳእን መድና ጎዳ ህንተ ጸሳ ሰንላን ሄዋንታ ላይላን ላይላን ማተ።

- 21 ሽን ነ ያርሽያ መሀያ ቦላይ ትላና ጳዮፕ፣ እ ሰሌዳዋ ዋይ ቆቀ ግድፕ፣ ዋይ ቃይ ሀራ ኢታ ፖኩባይ እ ቦላን ደኣፕ፣ ሄዋ መቋና ጎዳው፣ ነ ጸሳው፣ ያርሽፕ።
- 22 ሄዋ ህንተ ደእያ ህንተ ካታማን ሚተ፤ ዋጋን ጌሻ አሳ ግድና፣ ዋይ ቱና አሳ ግድናካ ገንእያን ጋራ እሹዋዳን ሞ።
- 23 ሽን ህንተ እ ሱላ ሃላዳን ሳእን ጉሰተፕ አትና፣ ሞፕተ።

# 16

## ፓሰጋ ባላ (ከሳ 12:1-20)

- 1 “እቢባ አግናን መቋና ጎዳ ህንተ ጸሳ ፓሰጋ ባላ ቦንቕተ፤ እያው ጎፕ፣ መቋና ጎዳይ ህንተ ጸሳይ ህንተና እቢባ አግናን ቃማ ግብጾፕ ከሴዳ።
- 2 ህንተ ዶርሳ ዉድያፕን መሀያ ዉድያፕ መቋና ጎዳይ ባረ ሱንላይ ጸሰታናዳን ዶርያ ሳእን፣ መቋና ጎዳው፣ ህንተ ጸሳው፣ ፓሰጋው ያርሽተ።
- 3 ሄ ያርሹዋ ህንተ ምያ ዋደ፣ እርሹዋ የግ ኡኬዳ ኡክላና ሞፕተ፤ ሽን ላፑን ጋላሳ ኩመንላ እርሹዋ የግቤና ኡክላና ሚተ። ህንተ ግብጾፕ ኤላካ ከሴዳ ድራውን ህንተ ደእያ ላይላ ኡባን ህንተ ግብጾፕ ከሴዳ ጋላሳ ሀሳያናዳን፣ ሄ መቱዋ ኡክላ ሚተ።
- 4 ህንተ ጋድያን ኡባን ላፑን ጋላሳው እያ እርሹን ቤቶፕ። ቃይ ህንተ ኮይሮ ጋላሳ ኦማርሰ ያርሹዳ እሹዋፕ ዋንታው እያይን አቶፕ።
- 5 “ህንተ ፓሰጋ ያርሹዋ መቋና ጎዳይ ህንተ ጸሳ ህንተንቶ እምያ አይ ካታማንን ጮ ሹኩፕተ።
- 6 መቋና ጎዳይ ህንተ ጸሳይ ባረ ሱንላይ ጸሰታናዳን ዶርያ ሳእን ህንተ ፓሰጋ ያርሹዋ ሹክተ፤ ቃይ አዋይ ዉልያ ዋደ ህንተ ግብጾፕ ከሴዳ ድራው፣ ሄ ሳትያን ሹክተ።
- 7 መቋና ጎዳይ ህንተ ጸሳይ ዶርያ ሳእን፣ ሄዋን ካሊደ ሚተ፤ ያቲደ ሳእይ ዋንትያ ዋደ፣ ህንተ ዱንካንያ ዱንካንያ ቢተ።
- 8 ኡሱፑን ጋላሳ ኩመንላ እርሹዋ የግቤና ኡክላ ሚተ፤ ላፑንላ ጋላሳን መቋና ጎዳው፣ ህንተ ጸሳው፣ ጎይናናው ጌሻ ሸቆዋ ሸቅተ፤ ሄ ጋላሰ እያ ኦሶን ኡላፕተ።

## ቆይቻ ባላ (ከሳ 34:22፤ ዋጋ 23:15-21)

- 9 “ህንተ ካሳ ጫካናው ኮይሮ ደሚዳ ዋድያፕ ደሚዳ፣ ላፑን ሳምንታ ኩመንላ ፓይድተ።
- 10 ያቲደ መቋና ጎዳይ ህንተ ጸሳይ ህንተና እንጂዳዋ ኬና ህንተ ህንተ ዶሱዋን ጮ እምያ እሙዋ እሂደ፣ መቋና ጎዳው፣ ህንተ ጸሳው፣ ቆይቻ ባላ ቦንቕተ።
- 11 ሄዋን ህንተ፣ ህንተ አቱማ ናናይ፣ ህንተ ማጫ ናናይ፣ ህንተ አቱማ ቆማቲን ህንተ ማጫ ቆማቲ፣ ህንተ ካታማቱዋን ደእያ ሊዋቱ፣ ቡተቱ፣ እው ባይና ናናቲን ህንተ ግደን ደእያ እምኤቲ ኡባይ መቋና ጎዳይ ህንተ ጸሳይ ባረ ሱንላይ ጸሰታናዳን ዶርያ ሳእን፣ ናሽተተ።
- 12 ህንተ ግብጾ ጋድያን እይልያ ግዴዳዋ ሀሳዪደ፣ ሀ ዋጋ ባለናን ናግተ።

## ዳሰያ ባላ (ዋጋ 23:33-43)

- 13 “ህንተ ኡዲማፕ ህንተ ካሳ፣ ቃይ ዋይንያ የድያሳፕካ ህንተ ዋይንያ ሺሺዳዋፕ ጉይያን፣ ላፑን ጋላሳ ዳሰያ ባላ ቦንቕተ።
- 14 ህንተ፣ ህንተ አቱማ ናናቲን ማጫ ናናይ፣ ህንተ አቱማ ቆማቲን ማጫ ቆማቲ፣ ህንተ ካታማቱዋን ደእያ ሊዋቱ፣ ቡተቱ፣ እው ባይና ናናቲን እምኤቲ ኡባይ ሀ ባላን ሎይሳ ናሽተተ።
- 15 መቋና ጎዳይ ዶርያ ሳእን ላፑን ጋላሳ መቋና ጎዳው፣ ህንተ ጸሳው፣ ባላ ቦንቕተ፤ እያው ጎፕ፣ ህንተ ኡባይካ እት ሸታና ማላ፣ ህንተ እይፍሴዳባን ኡባንን ህንተ ኩሺ ኡልባን ኡባን መቋና ጎዳይ ህንተ ጸሳይ ህንተና እንጅና።
- 16 “ህንተ ጋድያን አቱማ አሳ ግዴዳ ኡባይ ላይላን ሄዙ ገደ፣ ማጋገ ኡክላ ባላ ዋደ፣ ሳምንታቱዋ ባላ ዋደን ዳሰያ ባላ ዋደ፣ መቋና ጎዳ ህንተ ጸሳ ሰንላን እ ዶርያ ሳእን ቤቶ። ኡንቲንቲ መቋና ጎዳ ሰንላ ዪደ፣ መላ ኩሽ ዮፕኖ።
- 17 መቋና ጎዳይ ህንተ ጸሳይ እንጂዳዋ ኬና ኡባይካ ባረ ዳንዳይያዋ ኬና እሞ።

## ጽሎ ፕርዳ ፕርድያዋ

18 “ህንተ ዛራቱ ኡባው መቋና ጎዳይ ህንተ ጸሳይ እምያ ካታማቱዋን ኡባን ህንተ ዳናቱዋን ካፓቱዋ ሰንላተ፤ ኡንቲንቲካ አሳው ጽሎ ፕርዳ ፕርድኖ።

19 ጽሎ ፕርዳ ጌላዮፕተ፤ ሶምኤቀ ጸሊደ ማድፕተ። ማጋንጻ ኦኮፕተ፤ አያው ጎፕ። ማጋንጻይ ኦሪጎቻቱቀ አይፍያካ ፊቅሲደ። ጽሎቱቀ ቃላካ ጌላዬ።

20 ህንተ ደኤቀን ደአና ማላ፤ መጅና ጎዳይ ህንተ ጸሳይ ህንተንቶ እምያ ቢታ ህንተ ላታና ማላ። ጽሎ ፕርዳ ፕርድተ።

21 “ህንተ መጅና ጎዳው። ህንተ ጸሳው። ኬጽያ ያርሽያ ሳኦ ማታን አሼር ግያ ጸሳትው ሞላፕ ሙፕቲዳ ሞሰልያ ማላ አያን ኤሶፕተ።

22 ህንተ መጅና ጎዳይ ህንተ ጸሳይ እጽያ ጎይንያ ሹቻ ህንተንቶ ኤሶፕተ።

# 17

1 “መጅና ጎዳው። ህንተ ጸሳው። ትላ ቦላና ደኤና መሀያ። ዋይ ህንተ ደርሳ ያርሹቀ ኦሊደ ሺሹፕተ፤ ሄዌ አ ሰንላን ሸነይያባ።

2 “መጅና ጎዳይ ህንተ ጸሳይ ህንተንቶ እምያ ካታማቱቀፕ ሀቃዋንካ አቱማቀ ግድና ማጫዋ ግድና አ ጫቁቀ ኮሊደ። መጅና ጎዳ ህንተ ጸሳ ሰንላን ኢታ ኦሊዳ አሳይ ህንተ ግድን ቤቶፕ።

3 ቃይ ታ እዛዙቀ መንሊደ። ሀራ ጸሳቶ ጎይኔዳ ኡራይ። አዋው። ዋይ አግናው። ዋይ ሳሉቀ ጸልንተቶ ጎይኔዳ ኡራይ ደኦፕ።

4 ሄዋ ማላባ ህንተ ሰሰፕ። ሄ ያወቀ ሞንሲደ ፓይድተ። ህንተ ቆርና። ሄዋ ማላ ቱናባይ አሰራኤልያ ግድን ኦሰቲዳዌ ቱማነ ጌሻ ግድፕ።

5 ሄ ኢታ ኦሊዳ ብታንያ ዋይ ሞሽራቶ ህንተ ካታማፕ ጋጾ ከሲደ። ሹቻን ጫዲደ ዋድተ።

6 ሄ ዋድያ አሳይ ሀይቃናዌ በሰያዌ ላኡ ዋይ ሄዙ ማርካይ ማርካትና ግድ፤ እት አሳ ማርካ ቃላን አይ አሳይነ ሀይቆፕ።

7 አ ዋዳናዌ ማርካቲ ኮይር ሹቻን አ ጫድና፤ ኡንቱንታ ካሊደ አሳይ ኡባይ አ ጫደ። ሄዋዳን ኦሊደ። ኢታ ህንተ ግድፕ ድግተ።

8 “ህንተ ህንተ ካታማቱቀን ፕርዳናዌ ሎይሳ ዳጽያ ሸምፕቀ ሞቱቀ ግድና። ሸቻ ማዲላ ሞቱቀ። ዋይ ቃይ ታወ በሰ ግያ አቆ ሞቱቀ ግድናካ ደንደፕ። ሄ ዋይ ህንተ መጅና ጎዳይ ህንተ ጸሳይ ደራዳ ሳኦ አህተ።

9 ሄዋን ሊዋቱቀፕ ቁሰ ግድያዋኮነ ሄ ዋድያን ዳና ግዲደ ፕርድያዋኮ ሺሽተ፤ ሄ ያወቀ ኡንቱንቲ ፕርዳና።

10 መጅና ጎዳይ ደራዳ ሳኦን ኡንቱንቲ ፕርዳዳዋን ኦላተ፤ ኡንቱንቲ ፕርዳዳዋፕ አሸናዳን ናገትተ።

11 ኡንቱንቲ ህንተና ታማርሴዳ ሀግያዳንነ ኡንቱንቲ ኦዲዳ ፕርዳዳን ኦላተ፤ ኡንቱንቲ ፕርዳዳ ፕርዳፕ ኡሸቻን ሀድርሳ አይነ ሸርእ ጎፕተ።

12 ሄዋን መጅና ጎዳው። ህንተ ጸሳው። ኦላያ ዳናው። ዋይ ቁሰያወ እዛዘተናን እጲደ። ኦቶሪትያ አሳይ ደኦፕ። ሄ አሳይ ሀይቆ፤ ሄዋዳን ኦሊደ። ኢታ አሰራኤልያ ግድፕ ድግተ።

13 ሄዋፕ ጉይያን ሄዋ ሰሲደ። አሳይ ኡባይ ያያና፤ ላኤንላ ኦቶሪትና።

## ካትያ ጸልያ ዎጋቲቀ

14 “መጅና ጎዳይ ህንተ ጸሳይ ህንተንቶ እምያ ቢታ ላቲደ። ያን ደኤቀ ደምያ ዋይ። ህንተ ያሹቀን ደአያ ካወተላቱዋዳን። ህንተካ። ሳኦ ኦንካ ኑ ቦላን ካትያ ካተዬቶ። ያጌደ ቆፖፕ።

15 ህንተ ካተያናዌ መጅና ጎዳይ ህንተ ጸሳይ ህንተንቶ ደራዳዌ ግድያዋ ኤርተ። ሄዌካ ህንተ አሳ ግድፕ ደሪቲዳዋ ግድፕ አትና። ሀራ ቢታ አሳ ህንተ ቦላ ካተዮፕተ።

16 ሄ ካቲ ፓራ ዳሩቀ ሺሻናዌ በሰና፤ ቃይ አሳይካ ፓራ ጮራያናወ ላኤንላ ግብጾ ሰማዳን ኦላፕ። አያው ጎፕ። መጅና ጎዳይ። ሄ ኦግያና ላኤንላ ሙላካ ሰሞፕተ። ያጌዳ።

17 አ ዋዛና ባለፍዳን። ካቲ ጮራ ማጫ አሳ አኮፕ። ዋርቃካ ብራካ ዳሪ ሺሹፕ።

18 “እ ባረ ካወተላ አራታን ኡትያ ዋይ። ሊዌያ ዛረ ግድያ ቁሳቲ ናግያ ማጻፋፕ ሀ ሀግያ ዳቂደ ባረወ አኮ።

19 አ ሀ ሀግያ ቃላን ዎጋ ናግያዋንነ ኡንቱንታ ኦላያዋን መጅና ጎዳው። ባረ ጸሳው። ያይያዋ ታማርና ማላ። ሀ ማጻፋቲ አናና ደኦ፤ እካ ሀ ማጻፋ ባረ ደኦ ላይላን ኡባን ናባቦ።

20 ያቶፕ። እ ባረ ዋዛናን። ታን ታ ላገቱቀፕ አሳይ። ጌደ ባረ እሻቱቀ ቦላ ኦቶሪትና። እካ ጸሳ ሀግያፕ ሀድርሳነ ኡሸቻ ጌና። እ ባረ ካወተላን አዲቂደ ደአና፤ አ ናናይካ አሰራኤልያ ጋድያን ካትያ ግዳናዋ።

16:19 23:6፤ ዎጋ 19:15 16:21 ከሳ 34:13 16:22 ዎጋ 26:1 17:3 ከሳ 22:20 17:6 ፓይ. 35:30፤ ዛረ. 19:15፤ ማቶላ 18:16፤ 2 ቆር. 13:1፤ 1 ጽዋ. 5:19፤ አብራ. 10:28 17:7 1 ቆር. 5:13 17:16 1 ካታ. 10:28፤ 2 ኦዲቀ 1:16፤ 9:28 17:17 1 ካታ. 10:14-22፤ 27፤ 11:1-8፤ 2 ኦዲቀ 1:15፤ 9:27

# 18

## ግሹቀን ቄሳቱ ዋ ጋክያዋ

1 “ቄስተላን ኦሳያ ኩመንላ ሊዊያ ዛረቶ እስራኤልያ ግደን ቢታ ላታይ ባዋ። ኦንቱንቱ አሳይ መድና ጎዳዉ ሺሽያ ታማን ጸግያ ያርሹቀጥ ሚደ ደእያዌ ኦንቱንቶ ላታ።

2 ኦንቱንቶ ኦንቱንቱ አሻንቱ ግደን ላታይ ደኤና፤ መድና ጎዳይ ኦንቱንቶ ገፔዳዋዳንካ እ ኦንቱንቱ ላታ።

3 “ኮሩማ ዎይ ደርሳ አሳይ ያርሹ ሺሹዳዋጥ ቄሳቶ በሰያዌ ሀዋ፡ ሞሳ፣ ላኡ ባጋ ጎንጎጩዋን ኡሉቀ ግደ አሹቀ ኦንቱንቶ እሞኖ።

4 ሀንተ ካላጥ፡ ዎይንያጥን ዛይትያጥ ኮይሮ ጋኬዳ እይፍያን ሀንተ ደርሳ አክሰያጥ ባይራቱዋ ቄሳቶ እሚታ።

5 እያዉ ጎጥ፡ ኦንቱንቱን ኦንቱንቱ ናናይ መድና ጎዳ ሱንላን ኤቂደ፡ መድናዉ ቄሴ ግዲደ ኦላና ማላ፡ ሀንተ ዛርያ ኡባ ግደጥ መድና ጎዳይ ሀንተ ጸሳይ ኦንቱንታ ዶራዳ።

6 “ሊዊያ ዛረ ግድያ እት አሳይ እስራኤልያ ጋድያን እይ ካታማጥን ደንዲደ፡ መድና ጎዳይ ደርያ ሳእዉ ዮጥ፡

7 እ ሱንላን ደእያ ሊዋቱ መድና ጎዳ ሱንላን ኤቂደ ኦሳያዋዳን፡ እካ መድና ጎዳ ባረ ጸሳ ሱንላን ኤቂደ ኦላ።

8 ቃይ ባረ እዉዋ እቁዋ ባይዝና፡ ባረና ጋክያዋ እኩዳዋ ግደጥካ፡ ሊዋቱ ጎኤትያዋ ኡባ ኦንቱንቱና ልከ ሻኪደ እኮ።

## እታ ሜዝያጥ ናገታናዳን እመቲዳ ሴራ

9 “መድና ጎዳይ ሀንተ ጸሳይ ሀንተንቶ እሜዳ ቢታ ገልያ ዎደ፡ ሄ ጋድያን ደእያ አሳይ ኦሳያ ቱና ኦሱቀ አላጥተ።

10 ባረ አቱማ ናኣ ዎይ ማጫ ናቶ ያርሹ ጊደ፡ ታማን ጸግያ እይ አሳይን ሀንተ ግደን ቤቶጥ። ብትያዌ፡ ማራጭያ ጸልያዌ፡ ሙሩንያዌን ካጫ ኦድያዌ ቃይ ሀንተ ግደን ደኦጥ።

11 እያንቲያዌ፡ እያናቱዋ ጸግያዌ፡ ሻራቻያዌን ሀይቄዳ አሳ እያና ጸግያዌ ሀንተ ግደን ደኦጥ።

12 ሄዋ ማላባ ኦሳያ እይ አሳይን መድና ጎዳ ማታን እጸቲዳ አሳ፡ ኦንቱንቱ ሄዋ ማላ ቱና ኦሳያ ድራዉ፡ መድና ጎዳይ ሀንተ ጸሳይ ሄ ካዉተላ ሀንተ ሰንላጥ የደርሳና።

13 ሸን ሀንተ መድና ጎዳ ሀንተ ጸሳ ሱንላን ኩመንላ ፖኮባይ ባይናዋንታ ግደተ።

## ጸሳይ ናብያ ኪታና ጌዳዋ

14 “ሀ ሀንተ ላታናዉ ብያ ጋድያን ደእያ ካዉተላቱ ሙሩንያዋንቱን ማራጭያ ጸልያዋንቱ ኦድያዋ ሰሰያዋንታ። ሸን ሀንተ ሄዋ ኦባናዳን መድና ጎዳይ ሀንተ ጸሳይ ሀንተና ተኤዳ።

15 መድና ጎዳይ ሀንተ ጸሳይ፡ ሀንተ ዛርያ ግደጥ፡ ታ ማላ ትምቢትያ ኦድያዋ ሀንተንቶ ደንላና። ሀንተ እ ግያዋ ሰሰተ።

16 ሀንተ ሰና ደርያ ቦላን ሸቄዳ ዎደ፡ መድና ጎዳ ሀንተ ጸሳ ሀዋዳን ያጊደ ኦቹድታ፤ ሓን ሀይቀናዳን፡ መድና ጎዳ ኦ ጸሳ ኮሻ ዛር ሰሶኮ፤ ቃይ ሀ ዎልቃማ ታማካ ላኤንላ በእኮን ያጌድታ።

17 “መድና ጎዳይ ታዉ ሀዋዳን ያጌዳ፤ ሓንቱንቱ ጌዳዋ ኡባ ልከ ጌድና።

18 ታን ኦንቱንቱ ዛራቱ ግደጥ፡ ነ ማላ ትምቢትያ ኦድያዋ ኦንቱንቶ ደንላና፤ ታ ቃላ እ ድናን ዎላና፤ እካ ታን እ አዝዝያ ኡባ ኦንቱንቶ ኦዳና።

19 እ ታ ሱንላን ኦድያ ታ ቃላ ሰሰና ኦሰን ሀሊቀ ታን ከሳና።

20 ሸን ታ አዝዝቤናዋ ጸሊደ ታ ሱንላን ኦድያዋ ዎይ ሀራ ጸሳቱዋ ሱንላን ኦድያ ሄ ትምቢትያ ኦድያዋ ሀይቆን ያጌዳ።

21 “ሀንተ፡ ሓትምቢትያ ኦድያዋ ኦድያ ቃላይ መድና ጎዳጥ ግደናዋ እያን ሻክ ኤራኔን፣ ያጎጥ፡

22 ሄ ትምቢትያ ኦድያዋ መድና ጎዳ ሱንላን፡ እ ኦዳዳ ቃላይ ፖለተናን እጸጥ፡ ሄዌ መድና ጎዳይ ኦድቤና ቃላ ግድያዋ ኤሪታ። ሄ ትምቢትያ ኦድያዋ ዎርዲዋን ኦዳዳ ድራዉ፡ እዉ ያዮጥተ።

# 19

## ባቃቲደ እትያ ካታማቱዋ

(ገይ. 35:9-34፤ ኢያሳ 20:1-9)

1 “መድና ጎዳይ ሀንተ ጸሳይ ሀንተንቶ እሞያ ጋድያን ደእያ ካዉተላ ቆይሰያ ዎደ፡ ቃይ ሀንተካ ኦንቱንታ የደርሲደ፡ ኦንቱንቱ ካታማቱዋንከ ኦንቱንቱ ጎላቱዋን ደኡዋ ደሞያ ዎደ፡

2 መድና ጎዳይ ህንተ ጸሳይ ላታ ኦሊደ እምያ ጋድያን ደእያ ካታማቱዋጥ ሄዙ ካታማቱዋ ህንተንቶ ዲማይቲ።

3 መድና ጎዳይ ህንተ ጸሳይ ህንተንቶ ላታ ኦሊደ እምያ ቢታ ሄዙ ከሲደ ሻክተ። ያቲደ እሳ ዎዴይ እንነ ሄ ካታማቱዋኮ ባቃታናዳን ኦግያ ጊገሰተ።

4 “እት አሳይ ካሰ ሞርከተሳይ ባይናን ደእሸን፣ ኤረናን ባረ ሾሩዋ ዎዶ፣ እ ሄ ካታማቱዋጥ እቶ ባቃቲደ፣ ባረ ሸምጥዋ እሾ።

5 ላኡ አሳይ ሞላ ቃንጸናወ ዎራ ቢና፣ እቱ ሞላ ቃንጸሸን፣ ቱትያጥ አይሬ ኮለት ዎዲደ ህንኩዋ ዎዶ፣ እ ሄ ዎዴዳዊ ሀ ሄዙ ካታማቱዋጥ እቱዋ ባቃቲደ፣ ባረ ሸምጥዋ እሾ።

6 ቆሰት እትያ ካታማይ እቱዋ ጸላላ ግደ፣ ዎዲደ ኤላካ ጋካናወ ኦጊ አዲቄዳ ጋሱዋን ሱላ እቶያዌ ሱልያ ሀንቁዋን ደንዲደ፣ የደርሰ ጋኪደ፣ ሀይቃናወ በሰናዋ ዎዳናወ ዳንዳይ፤ እያወ ጎፕ፣ እ ባረ ሾሩዋ ዎዴዳዊ ካሰ ሞርከተሳይ ደእያ ድራሳ ግደና።

7 ህንተ ሄዙ ካታማቱዋ ዲማይ ዎላናዳን፣ ታን ህንተና እዛዜዳዊ ሄዋሳ።

8 “መድና ጎዳይ ህንተ ጸሳይ ካሰ ህንተ ማይዛ እዋቶ ጫቄዳዋዳን ህንተ ዛዋ እሰ፣ ቃይ ህንተ ማይዛ እዋቶ እማና ጌዳ ቢታ ኡባ ህንተንቶ እሞ፣።

9 ሀ ሄዙ ካታማቱዋጥ ሀራ ሄዙ ካታማቱዋ ጉጂታ። ሀቼ ታን ህንተና እዛዜያዋ ኡባ ህንተ ፖሎ፣ መድና ጎዳ ህንተ ጸሳ ደሰፕን እ ህንተና ታማርሴዳ ኦግያን ሞኒደ ደእ፣ ሀ ቢታይ ህንተንቶ እመታና።

10 ሄዋ ኦሎ፣ መድና ጎዳይ ህንተ ጸሳይ ላታ ኦሊደ ህንተንቶ እምያ ጋድያን ጌሻ እሳ ሱላይ ጉከና፤ ቃይ ህንተካ ሱላ ጉሰያ ናጋራጥ እቲታ።

11 “ሸን እት አሳይ ባረ ሾሩዋ እጸደ፣ ዙግ ናጊደ እ ዎዲደ፣ ሀ ካታማቱዋጥ እቶ ባቃቶ፣።

12 እ ካታማ ጭማቱ እ ባቃቱዳ ካታማጥ ኪት እሂሲደ፣ ሀሊዋ ከሳናወ እ ኮይያዎ እል እምና።

13 እዉ እይን ቃረቶፕ፣ ህንተንቶ ኡባባይ ሎእ ግዳና ማላ፣ ጌሻ ሱላ ጉሰያዎ እሰራኤልያ ግደጥ ጳይሰተ።

**በን ዛዋቱዋ**

14 “መድና ጎዳይ ህንተ ጸሳይ ህንተ ላታናዳን እምያ ጋድያን፣ በን አሳይ ኤሴዳ ነ ሾሩዋ ቢታ ዛዋ ሾዶጋ።

**ማርካቱዋባ**

15 “እት እሳ ባይዛንቻ ጋናወ እት ማርካ ጸላላይ ግደና። ላኡ ዎይ ሄዙ ማርካይ ማርካትና፣ ሄ ዋቱ ፕርይታናወ ኮሺ።

16 “እት አሳይ ሀራ ዎርዲዋን ሞታናወ ደንደ፣።

17 ሄ ሞትያዌን ሞተትያዌ ላኡካ መድና ጎዳ ሰንሳን፣ ቄሳቱ ዋ ሰንሳንን ሄ ዎይ ፕርይያ ዳናቱዋ ሰንሳን ኤቄና።

18 ያቶፕ ዳናቱ ሄ የወዋ ምንሲደ ብድና፣ ሄ ሞትያዌ ባረ እሻ ዎርዲዋን ሞቱዳዋ ግደ፣።

19 እ ሄ ሞቱዋን ባረ እሻ ሙርሳናወ ቆጥዳ ሙራ ባረዉ ሙራቶ፣ ሄዋዳን ኦሊደ፣ ሄዋ ማላ ኢታ ህንተ ግደጥ ድግተ።

20 ያቶ፣ ሀራ አሳይ ሄዋ ሰሲደ ያያና፣ ሄዋ ማላ ኢታ ኡሱዋ ላኤንሎ ኑ።።

21 ሄዋ ማላ ኢታ ኦሊደዋ እይን ቃረቶፕ፣ ሸምጥዋ ዎዴዳዊ ሀይቆ፣ እይፍያ ድራዉ እይፍያ፣ እቻ ድራዉ እቻ፣ ኩሸያ ድራዉ ኩሸያ፣ ገድያ ድራዉካ ገድያ።

**20**

**ኦላባ**

1 “ህንተ ሞርክያና ኦላታናወ ብያ ዎይ፣ ኡንቱንቱ ፓራቱ፣ ፓራ ጋሪቱ ኡንቱንቱ ኦላንቻቱ ህንተጥ ዳርና በኢደ፣ ኡንቱንቶ ያኖፕተ፤ እያዉ ጎፕ፣ ህንተና ግብጾጥ ከሴዳ መድና ጎዳይ ህንተ ጸሳይ ህንተናና ደኤ።

2 ህንተ ኦላ ደማናጥ ካሰቲደ፣ ቄሲ ሰንሳዉ እዲደ ሀዋዳን ያገ፤

3 ህንተና እሰራኤልያ እሳቶ፣ ሰሰተ፤ ህንተ ሀቶ ህንተ ሞርክያና ኦላታናወ ሀኒታ። ሰም ህንተ ዎዛናይ ዳጋሞ፣ ያኖፕተ፤ ኡንቱንቱ ሰንሳን ኮኮርፕተን ሻባረቶፕተ።

4 እያዉ ጎፕ፣ መድና ጎዳይ ህንተ ጸሳይ ህንተናና ብያ ድራዉ፣ ህንተ ሞርክያ ኦሊደ፣ ህንተንቶ ጸኑዋ እማና ያገ።

5 “ኦላ ጋዳዋቱ ኡንቱንታ ሀዋዳን ያግ፣ ኦራሳ ጎልያ ኬጸደ ገልቤና አሳይ ደእ፣ እ ሀ ኦላን ሀይቄና፣ ሀራ አሳይ እ ጎልያ ገለናዳን፣ እ ጎላ ሰሞ።

19:14 ዛረ. 27:17 19:15 ፓይ. 35:30፤ ዛረ. 17:6፤ ማቶሳ 18:16፤ የሃ. 8:17፤ 2 ቆር. 13:1፤ 1 ጽሞ. 5:19፤ እብራ. 10:28 19:21 ከሳ 21:23-25፤ ዎጋ 24:19-20፤ ማቶሳ 5:38

- 6 ዋይ ዋይንያ ቶኪድ፣ እ እይፍያን ናሽትቤና ኡራይ ደአ፡ እ ሀ ኦላን ሀይቁና፣ ሀራ አሳይ እ ዋይንያ እይፍያን ናሽተናዳን፣ እ ባረ ጎለ ሰሞ።
- 7 ማጫ አሳ ጊግሲድ እክቤና አሳይ ደአ፡ እ ሀ ኦላን ሀይቁና፣ ሀራ አሳይ እዛ ማቕያ እከናዳን፣ እ ባረ ጎለ ሰሞ፣ ያግኖ።
- 8 “ጋዳዋቱ ጉጂድካ አሳው ሀዋዳን ያግኛ፤ ሳ ሀ አሳ ግድን ያይያ አሳይ፤ ሀርግያ አሳይ ኦን፤ ደአ፡ እ ባረ ላገቱዋ ዋዛናካ ያሻን ስርሰናዳን እ ባረ ጎለ ሰሞ፣ ያግኖ።
- 9 ጋዳዋቱ ሀዋ አሳው ኦድ ወርሰያ ዋይ፣ ጭታው ጭታው ኦላ ጋዳዋቱዋ ደርና።
- 10 “እት ካታማ ኦላናው ቢደ ሀንተ እኮ ማትያ ዋይ፣ ኮይሮቲደ ሳሩዋን ኡንቱንቱ ኩሽያ እማናዳን ኦቕተ።
- 11 ኡንቱንቱ ሳሩዋን ባረንቱ ኩሽያ እሚደ፣ ባረንቱ ግሞቢያ ፐንግያ ደዪደ ሀንተና ገለሶ፡፤ ሄ ካታማን ደእያ አሳይ ኡባይ ሀንተንቶ ሀጋዝናን ዴጾ ኦሉዋ ሀንተንቶ ኦላና።
- 12 ሽን ሄ ካታማ አሳይ ሀንተንቶ ሳሩዋን ኩሽያ እመናን እጸደ፣ ሀንተናና ኦላው ጊሰ፡፤ ሀንተ ሄ ካታማ የሹዋ ደድተ።
- 13 መድና ጎዳይ ሀንተ ጸሳይ ኡንቱንታ ሀንተንቶ እላ እምያ ዋይ፣ ሄ ካታማን ደእያ እቱማ አሳ ኡባ ማሻን ወርሰተ።
- 14 ሽን ማጫ አሳ፣ ናናቱዋ፣ መሀያን ካታማ ግድን ደእያ ኡባባ አሞዲዋ ኦላደ ሀንተንቶ እኪተ። ቃይ መድና ጎዳይ ሀንተ ጸሳይ ሀንተንቶ እምያ ሀንተ ሞርከቱዋ አሞዲዋን ጎኤትተ።
- 15 ሀንተ ደእያሳፐ ሃኪደ ደእያ ካታማቱዋካ ኦይቁያ ዋይ፣ ሄዋዳን ኦላታ።
- 16 “ሽን መድና ጎዳይ ሀንተ ጸሳይ ሀንተንቶ ላታ ኦላደ እምያ ጋድያን ሸሞፑዋና ደእያዋ እትባ፤ እሸናን ዋድተ።
- 17 መድና ጎዳይ ሀንተ ጸሳይ እዛዜዳዋዳን፣ ሂተቱዋ፣ አሞረቱዋ፣ ካናነቱዋ፣ ፓርዘቱዋ፣ ሂዌቱዋን ያቡሳቱዋ ወርሲደ ዋድተ።
- 18 ሄዋ ጳዮፐ፣ ኡንቱንቱ ባረንቱ ጸሳቶ ጎይንያ ቱና ኦሉዋ ሀንተ ኦላናዳን ሀንተና ታማርሳና፤ ሄዋን ሀንተ መድና ጎዳ ሀንተ ጸሳ ቦላ ናጋራ ኦላና።
- 19 “ካታማ ኦይቃናው የሹዋ ደድ፣ ዳር ጋላሳ ኦላቲደ ጋሞእያ ዋይ፣ እን ደእያ እይፍያ እምያ ሞላ ካልታን ቃንጸፕተ፤ ኡንቱንቱ እይፍያ ሚተፐ እትና፣ ኡንቱንታ ቃንጸፕተ። እያው ጎፐ፣ ሀንተ የሹዋን ደዲደ ኦልያዌ አሳፐ እትና፣ ደሞባን ደእያ ሞላ ግደና።
- 20 ሽን ሀንተ ኡርያ እይፍያ እመና ሀራ ሞላቱዋ ቃንጸደ፣ ሀንተናና ኦላትያ ካታማይ ኩንዳና ጋካናው፣ ሄዋን ደድያ ጌሱዋ ኬጸተ።

## 21

### ዋዴዳ ኡራይ ኤረትቤና ዋንጃላ

- 1 “ሀንተ ላታናዳን መድና ጎዳይ ሀንተ ጸሳይ ሀንተንቶ እምያ ጋድያን፣ ኦን ዋዴደንቶ ኡረና እሃይ ኩንዲደ ቤቶፐ።
- 2 ሀንተ ዳናቱ፤ ሀንተ ጭማቱ ቢደ፣ ሄዋ የሹዋን ደእያ ካታማቱዋፐን ሄ እሃፐ ግዲዋን ደእያ ሃኩተላ ልክና።
- 3 ሄዋፐ ጉይያን፣ እሃይ ኩንዲዳሳ ማታትያ ካታማ ጭማቱ፣ ኦሶ ጋካቤና፣ እ ሞርግያን ቃሞባራይ ዋዴቤና ኡሳቶ እክና።
- 4 ጎግያ ሃላይ ደእያ ጎሽትቤና ሳ፤ ዘረትቤና ዘንጋራ እፊደ፣ ሄ ኡሳት ሞርጊያ ሞርቂደ መንላና።
- 5 ያቶፐ ለዊያ ናናይ፣ ቁሳቱ ሄ ሳኦ እትፐ ቢኖ፤ እያው ጎፐ፣ ሀዋ ማላ ኡታ ሀይቁዋን ሞቱዋ ሻኪደ ፕርዳናው፣ መድና ጎዳይ ሀንተ ጸሳይ ባረ ሰንሳን ኦላናው፣ መድና ጎዳ ሰንሳንካ እንጃናው ኡንቱንታ ደራዳ።
- 6 ሄዋፐ ጉይያን፣ ሄ እሃይ ኩንዲዳሳ ማታትያ ካታማ ጭማቱ ኡባይ፣ ዘንጋራን ሞርጊያ ሞርቂደ ዋዴዳ ኡሳት ቦላ ባረንቱ ኩሽያ ሜጤቲደ፣ ሀዋዳን ያግኖ።
- 7 ኑ ኩሽ ሀ ሱላ ጉሰቤና፤ ኑ እይፊካ ሀዋ ኦሌዳዋ በእቤና።
- 8 እቤት መድና ጎዳው፣ ኔን ዋዜዳ ነ አሳ፣ እሰራኤልያ ማራይ ሀ ጌሻ ሱላ ነ አሳ ቦላ ናቁዋ ኦላደ ፓይደፓ ያግኛ። ሄ ሱላ ድራው፣ ኡንቱንቶ እቶ ጌተታና።
- 9 ሀንተ መድና ጎዳ እይፍያ ሰንሳን ሄዋዳን ኦላደ፣ ጌሻ ሱላይ ጉኬዳ ናጋራ ሀንተ ግደፐ ድግተ።
- እላን አሞደቲዳ ማጫ አሳቱዋባ
- 10 “ሀንተ ሞርክያና ሀንተ ኦላታናው ከሰና፣ መድና ጎዳይ፣ ሀንተ ጸሳይ፣ ኡንቱንታ ሀንተ ኩሽያን እላ እምና፣ ኡንቱንታ አሞድያ ዋይ፣
- 11 አሞደቲዳ አሳ ግድን እት ማላንቻ ሞሽራቶ በእደ፣ እዛ አሞታይ፣ ማቼ ኡዳናው ኮዮፐ፣
- 12 ነ ጎለ እያ፤ እ ሁጲያ ሜዳ፤ እ ጸጉንሳካ ጭጋ።

13 እምደትያ ወደ ደእያ ማየዋ ቃራ ድጋደ፣ ነ ሶን ኡታደ፣ ባረ እዋነ ባረ ዳይወ እት እግና ኩመንላ ካዮቱ። ሄዋጥ ጉይያን፣ እዘ እካ።  
 14 ያታ ሰምና፣ እዝና ደእያዋ ኔና ናሹቲናን ጳዮጥ፣ እ ባረ ኮዮሳ ባናደን የዳ እጋ። ኔን እዘ ማቼ ኦላደ እትጥ እቄዳ ድራዉ፣ እዘ ሻሉዋን ዛልእናዉ ዎይ ካዉሻናዉ በሰና።

**ባይራ ናእይ ላትያ ማታ**

15 “እት አሳዉ እ ደሰያን እጽያ ላኡ ማጫ እሳቱ ደኦጥ፣ ቃይ ሀ ላእቱካ እዉ እቱማ ናናቱዋ የሌዳዋንታ ግድሽን፣ ባይራ የለቲዳዊ ሀ እጽያ ማጫ ሞሽራትጥ የለቲዳዋ ግድገጥ።  
 16 ባረ ናናዉ ባረ እቁዋ እ ላትሰያ ዎደ፣ እ እጽያንጥ የለቲዳ ባይራይ ደእሸን፣ እ ደሰያንጥ የለቲዳ ቱፋ ባይራያናዉ በሰና።  
 17 ሀራ ናናዉ እምያዋጥ ላኡ ኩሽያ እሊ እምያዋን ሀ እጽያን ናእይ ባይራ ግድያዋ ኤርሳናዉ በሰ። እያዉ ጎጥ፣ ሄ ናእይ እዉ ኩሽያ ገድያ ጳልቄዳ ባይራ ግድያ ድራዉ፣ ባይራቱዋ እ አካናዉ በሰ።

**እዋነ እትዉ እዛዘተናን እጼዳ ናእ**

18 “እዋነ እትዉ እዛዘተናን እጼዳ፣ ኡንቱንቱ ሴርናካ ሰመና ሞርግያ ዞዳነ ማካላንቻ ግዲደ ሰመና ናእ ደኦጥ።  
 19 እዉነ እታ ሄ ካታማ ጥንግያን ደእያ ጭማቱዋኮ እ እይቂ እክ እህና።  
 20 ጭማቶ ሀዋዳን ያግኛ፤ ሳዊ ኑ ናእይ ሞርግያ ዞዳነ ማካላንቻ፤ እ ኑዉ ሙለካ እዛዘተና፤ ማሻ ላል ካእያዋን ኡሻንቻ፣ ያገደ ኦድና።  
 21 ሄዋጥ ጉይያን፣ ሄ ካታማን ደእያ እቱማ አሳይ ኡባይ እ ሀይቃና ጋካናዉ፣ ሹቻን ጫዲደ እ ዎድና። ሄዋዳን ኡልያዋን ህንተ ግድጥ እታ ጳይሰተ። ያቶጥ እሰራኤልያ ኡባይ ሄዋ ሰሲደ ያያና።

**ዲማ ዲማ ህገቱዋ**

22 “እት አሳይ ሀይቁዋ ፕርድሰያ ዳባ ኦልና፣ ህንተ እ ሞላን ካቂ ዎጶጥ።  
 23 ሄ ካቀቲዳ ሞላን እ እሃይ እቆገ፤ እ ሄ ጋላሰ ሞግተ። እያዉ ጎጥ፣ ሞላ ቦላን ካቀት ሀይቂያ ኦንነ ጸሳን ሸቀቲዳዋ። መድና ጎዳይ ህንተ ጸሳይ ህንተንቶ ላታ ኡሊደ እምያ ህንተ ቢታ ህንተ ቱንሱጥተ።

**22**

1 “እሰራኤልያ አሳ ቦራይ ዎይ ድርሳይ ባዪደ ዎራ ቢሸና በኦጥ፣ ሸከኮ ጋደ እጋ እጎገ፤ እ ጎዳዉ ላጋ እሃደ እማ።  
 2 ሄ መሀያ ጎዳይ ነ ሄራ ግዳና ጳዮጥ፣ ዎይ እ ጎዳይ ኦንንቶ ኔን ኤራና ጳዮጥ፣ እ ጎዳይ ኩዪደ ያና ጋካናዉ፣ ነ ጎላ እካደ አፋ፤ እ ዪደ፣ ደምያ ዎደ፣ እዉ እማ።  
 3 ሄዋዳን ሀርያ ግድና፣ ማየዋ ዎይ እያን ባዬዳዋ ደሞጥ፣ እ ጎዳዉ ዛራጥ አትና፣ ሸከኮ ጎገ።  
 4 “እሰራኤልያ አሳ ሀሪ ዎይ ቦራይ ኦግያን ኩንዴዳዋ በኦጥ፣ ማዳደ ደንላጥ አትና፣ ሸከኮ ጋደ እጋ እጎገ።  
 5 “መጫ አሳይ እቱማ አሳ ማየዋ ማዮጥና፤ እቱማ አሳይካ ማጫ አሳ ማየዋ ማዮጥና። እያዉ ጎጥ፣ ሄዋ ማላባ ኡልያ ኦናነ መድና ጎዳይ ህንተ ጸሳይ ሻቱ።  
 6 “ኦግያን ነ ቢሸና፣ ሞላን ግድና፣ ሳእን ባረ ማራ ዎይ ቁቁልያ ሀጳ ኡቲዳ ካፋቶ ደሞጥ፣ እዘ እ ማራና ጋላ እይቃደ ነ ጎላ እፎገ።  
 7 ማራቱዋ እካ እፋናዉ ዳንዲያሳ፤ ሸን ዳዮ ባናደን የዳ እጋ። ሄዋዳን ኡላጥ፣ ኔን ዲረታደ እዲሳ ሳይላ ደእና።  
 8 “ኦራላ ጎልያ ኩጽያ ዎደ፣ ጶቃ ካራጥ አሳይ ኩንድ ሀይቂና ነ ኦሸተናዳን፣ ዘምጢደ እትያዋ ግግሳ።  
 9 “ኣ ዎይንያ ሸይቃን ላኡ ቆዋ ካላ ዘርገ፤ ሄዋዳን ኡላጥ፣ ነ ዘራደ ካሳይነ ዎይነ ላኡካ ባናና።

10 “ቦራነ ሀርያ እትጥ ዋጸደ ጎሸገ።  
 11 “ሱፍያጥነ ሊኡዋጥ ዋላካን ዳደቲዳ ማየዋ ማዮገ።  
 12 “ኣ ማዬዳ ማዮ ኦይዲ ባጋናካ ማጫራይ ደኦ።

**ገሉዋ እኩዋ ጌሻተላን ናግያዋ**

13 “እት አሳይ ማቻቶ እኪደ፣ እዝና እቅ ሰሚደ፣ እዘ ደሳና ጳዮጥ።  
 14 ሳር ታ እካደ እዝና እቅያ ዎደ፣ ህጊ እዝዉ ባዋ፣ ያገደ እዘ ባይዚደ ሃሳዮጥ።  
 15 ሄ ናት እዉነ ዳያ እ ሀግያ ማላታ እክ አፊደ፣ ካታማ ጥንግያን ደእያ ጭማቱዋ በሰና።

16 ናት እው ጭማቶ ሀዋዳን ያጊደ ኦድ፡ ጎን ታ ናቶ ሀዋ ማቼ ኦላድ እማድ፤ ሸን እ እዞ እጹዳ።

17 እ፡ “ሳ ናትን ህጊ ባዎ” ያጊደ እዞ ባይዚደ ሃሳየ፤ ሸን ታ ናት ህግያ ማላታ ሀዋ በእተ። ያጊደ፡ እዞ ህግያ ኤርሰያ ጫርቂያ በሰ።

18 ያትና ሄ ካታማ ጭማቱ እ ሙርኖ።

19 እ እሰራኤልያ ዋድራት ሱንላ ባይዚዳ ድራው፡ ጭማቱ እ ጾቱ ጸጋራ ብራ ሙሪደ፡ ሄዋ ናት አዎ እምኖ። ናታካ እው ማቼ ግዳደ ደኤ፤ ባረ ደኤ ላይላ ኡባን እ እዞ የዳናው በሰና።

20 “እ ሞቱ ቱማ ግዳደ፡ ናትን ዋድርተላይ ጸኖ።

21 ናቶ እዞ አወዋ ካረ እሂደ፡ ሄ ካታማ አቱማ አሳይ እዞ ሹቻን ጫዲደ ዎጵ። እያው ጎፕ፡ እ ባረ አወዋ ሶን ደኤደ ሻርሙጸ ግዳደ፡ እሰራኤልያ ግደን ሀ ፖኮባ ኦላዲ፤ ሄዋዳን ኦላዲ ህንተ ግደፕ ኢታ ድግተ።

22 “አይ አሳይን ሀራ አሳ ማጫ አሳና ሻርሙጸደ ኦይቀቶ። እካ እናና ሻርሙጸዳ ማጫ ሞሽራታካ ሀይቂኖ። ሄዋዳን ኦላዲ፡ ህንተ ግደፕ ኢታ ድግተ።

23 “አይ አሳይን ሀራው ጊጌዳ ዋድራቶ ካታማ ግደን ደሚደ እዞና ሻርሙጸ።

24 ኡንቱንታ ላኡዋካ ካታማፕ ጋጸ ከሲደ፡ ሹቻን ጫዲደ ዎጵተ። እያው ጎፕ፡ ናታ ካታማን ደኤደ፡ አሳይ አሻናዳን ዋሳበይከ። እ ሀይቂያዎ ቃይ ሀራ አሳው ጊጋ ኡቱዳ ዋድራቶ ባይዚዳ ግሻሳ። ሄዋዳን ኦላዳዋን ህንተ ግደፕ ኢታ ድግተ።

25 “አት አሳይ አሳው ጊጌዳ ዋድራቶ አሳይ ባይና ሳካን ዋልቃን ኦይቂደ፡ እዞና ግሶፕ፡ እ ጸላላይ ሀይቆ።

26 ናቶ እይን ኦላዲን ሀራ አሳ ማጻናው በሰያ ናጋራ ኦላበይከ። ሀዋ እት አሳይ ጮ ባረ ሾፊዋ ቦላ ደንዲደ፡ ዎጵያ አሳ ፕርዳ ማላ ፕርዳ።

27 እያው ጎፕ፡ እ እዞ አሳይ ባይና ሳካን ደሚደ ኦይቂደ፡ ሄ ዋድር ናታ ዋሳዲ፤ ሸን እዞ አሸያ አሳይ ደእቤና።

28 “አይ አሳይን አሳው ጊጋቤና ዋድራቶ ኦይቂደ፡ እ ህግያ እከ ድጊደ ኦይቀቶ።

29 ናት አዎ እሻታሙ ጸጋራ ብራ ጭጎ። ያቲደ ናቶ ባረው ማቼ ኦላ። ባረ ደኤ ላይላ ኡባን እዞ የደፖ።

30 “አይ አሳይን ባረ አወዋ ማቻቶ አኪደ፡ ባረ አወዋ ካውሾፖ።

### 23

#### አሳ ማባራፕ ሻክያ ሀናታ

1 “ሳንግሰቲዳ ዋይ ቃራተቲዳ አቱማ አሳይ፡ መድና ጎዳ ሸቆዋ ግደን ቤቶፖ።

2 “ሻርሙጸን የለቲዳ አሳይ መድና ጎዳ አሳ ማባራ ገሎፖ፤ ሀራይ አቶ ቢደ ታማንላ የለታ ጋካናውካ፡ እ ዛርያፕ ኦን፤ መድና ጎዳ አሳ ማባራ ግደ ገሎፖ።

3 “አዋና አሳ ግድና፡ ዋይ ሞአባ አሳ ግድናካ፡ መድና ጎዳ አሳ ማባራ ገሎፖ፤ ሀራይ አቶ ቢደ ታማንላ የለታ ጋካናውካ፡ ኡንቱንቱ አሳ ግድዳ ኦን፤ መድናውካ መድና ጎዳ አሳ ማባራ ገሎፖ።

4 እያው ጎፕ፡ ህንተ ግብጾፕ ከሲደ ሄመትሸን፡ ኡንቱንቱ ህንተና ካላናን ሃላና ሞክበይክኖ። ሄዋዳንካ፡ ማሰጸጸምያን ፓቶራ ግያ ካታማን ደእያ ብኦራ ናኣ ባላም ህንተና ሸቃና ማላ ቃጸሬድኖ።

5 መድና ጎዳይ፡ ህንተ ጸሳይ፡ ባላም ግያዋ ሰሳናው ኮይቤና፤ እ ሸቃ ህንተንቶ እንጀ ላሚዳ። እያው ጎፕ፡ መድና ጎዳይ ህንተ ጸሳይ ህንተና ሲቄ።

6 ህንተ ደኡ ላይላ ኡባን መድናውካ ኡንቱንቱ ሳር ደእናዳን፤ ኡንቱንቱ ዱረታናዳን አዎቶፕተ።

7 “ህንተው ኡንቱንቱ ዳቦ ግድያ ድራው፡ ኤደማቱዋ ካጺደ እጸፕተ፤ ቃይ ግብጾቱዋካ እጸፕተ። እያው ጎፕ፡ ህንተ ኡንቱንቱ ጋድያን በተ ግዳደ ደኤድ።

8 ኡንቱንቱ ሄዘንላ የለታ ናናይ መድና ጎዳ አሳ ማባራ ገላናው ዳንዳዪና።

#### ኦላው ዱንካኔዳ ሳኣ ዎጋዳን ጌሻን ናጉሳ

9 “ህንተ ህንተ ሞርክያ ኦላናው ከሲደ አትሳን ካምቡዋ መጶ ዋደ፡ ህንተና ቱንሰያዋፕ ኡባፕ ሻክትተ።

10 ቃማ እኩሙዋን ማጫ አሳና ጋከቲዳዋ ኤርሰያ እርጸባይ እን ደእያ እይ አሳይን ደኡ፤ ዱንካኔዳ ሳኣፕ ጋጸ ከሲደ ያን ጋምኦ።

11 ሳኣይ ኦማርሰያ ዋደ፡ ባረ ቦላ ሜጨቲደ፡ ለለምእያ ዋደ ዱንካኔዳሳ ሰሞ።

12 “ህንተ ሸሻው ኡትያሳ ዱንካኔዳ ሳኣፕ ካረና ግሰተ።



13 ሼሻዉ ኡትያሳ ቦካናዉ ዘሩዋ ህንተ ኦላ ሚሻና ጋሳ ኦይቁተ፤ ሼሻዉ ኡት ሰሚደ፣ ኦላን ቢታ ዛርተ።

14 አያዉ ጎፕ፣ መጅና ጎዳይ ህንተ ጸሳይ ህንተና ናጋናዉን ህንተ ሞርከቱዋ ህንተ ኩሽያን አሉ እማናዉ፣ ህንተ ሄራን ያን ሃን ሀመቱ። ሄዋን እ ሸነይያባ አያን በኢደ፣ ህንተፕ ዎራ ሰመናዳን፣ ህንተ ሄራን ጌሻ ግዳናዉ ኮሼ።

**ዲማ ዲማ ህገቱዋ**

15 “ባረ ጎዳፕ ባቃቲደ፣ ኔኮ ዬዳ እይልያ ዛራደ እ ጎዳዉ እዋፓ።

16 እ ህንተ ካታማቱዋፕ ባረ ኮዬዳዋን ደኤ፤ እ ኡቁናፕተ።

17 “እስራኤልያ አሳፕ ኦንነ አቱማ ግድና፣ ማጫ ግድናካ፣ አላጋ ጸሳዉ ጎይንያዋንቱ ኦልያዋዳን፣ ሻርሙጸያዋ ግደፖ።

18 ሄዋዳንካ፣ አቱማዋ ግድና፣ ማጫውና ግድና፣ ሻርሙጸን ደሚዳ ሚሻ ሸቁዋ ጋላናዉ መጅና ጎዳ ህንተ ጸሳ ጎልያ አሆፕና። አያዉ ጎፕ፣ ኡንቱንቱ ላኡዋካ መጅና ጎዳይ ህንተ ጸሳይ ሻቱ።

19 “ነ ዛረ ግድያ እስራኤልያ አሳዉ ሚሻ፣ ካላ ግድና ሀራባ ታልአደ ድቻ አኮፓ።

20 ሀራ ቢታ አሳፕ ድቻ ኦቻናዉ ዳንዳያሳ፤ ሸን ኔን ላታናዉ ገልያ ጋድያን ኔን ኦልያባን ኡባን መጅና ጎዳይ ነ ጸሳይ ኔና አንጅና ማላ፣ ነ ዛረ ግድያ እስራኤልያ አሳዉ ድቻዉ ታልአፓ።

21 “መጅና ጎዳዉ፣ ነ ጸሳዉ፣ እማናዉ ገፔዳዋ እማናዉ ጋምኦፓ። መጅና ጎዳይ ነ ጸሳይ ኔን ገፔዳዋ ኩሙንላን ኔፕ ኮይያ ድራዉ፣ ፖላና ቆሮፕ፣ ነዉ ናጋራ ግዳና።

22 ሸን ኔን ገፓና ቆሮፕ፣ ሄዋን ነዉ ናጋራይ ባዋ።

23 መጅና ጎዳዉ፣ ነ ጸሳዉ፣ እማና ጋደ ኔን ደናን ሃሳዬዳዋ ነ ደሱዋን እማና ጌዳ ድራዉ፣ ነ እንጸርሳን ሃሳዬዳዋ ፖላ።

24 “ነ ሸሩዋ ዎይንያ ግዳዋና አጅያ ዎደ፣ ዎይንያፕ ነ ኮዬዳ ኬና ማፕ አትና፣ አፕ አያን ነ ኦይቁዳ ሚሻን የጎፓ።

25 ነ ሸሩዋ ሸይቃና ካንሰያ ዎደ፣ ሄ ሸይቃን ደአያ ትሻፕ ዲላደ ማፕ አትና፣ ነ ሸሩዋ ካላ ባጫን ጫካደ ጎላ አፎፓ።

## 24

**ማቻቶ የድያዋን ላኢንላ እኩዋ**

1 “እት አሳይ ማቼ እክ ሰሚደ፣ እት ኢታባ እ ቦላ ደሚደ እዞ እጸፕ፣ እዝዉ ፓራማ ጸፍ እሚደ፣ ባረ ጎለፕ ከሲደ የደፕ።

2 እዛ እ ጎለፕ ከሳደ፣ ሀራ አሰና ገሎፕ።

3 ሄ ላኢንላ አሰናይካ እዞ ደሰናን እጸደ፣ ፓራማ እዝዉ ጸፍ እሚደ፣ ባረ ጎለፕ እዞ ከሲደ የደፕ፣ ዎይ እዞ እኬዳ ሄ ላኢንላ አሰናይ ሀይቆፕ።

4 እ ቱኔዳ ድራዉ፣ ኮይሮ ፓራሚዳ አሰናይ ላኢንላ እዞ ዛራደ አኮፖ። ሄዌ መጅና ጎዳ ማታን እጸቱዳዋ፤ ቃይ ህንተካ መጅና ጎዳይ ህንተ ጸሳይ ህንተንቶ እምያ ጋድያን ሀዋ ማላ ናጋራ ኦሎፕተ።

5 “ኦራላ ማቼ እኬዳ አሳይ ኦላዉ ቦፖ፤ ሀራ ዴጸ ኦሱዋካ አዉ እሞፕተ። እት ላይላይ አቆና ጋካናዉ፣ ሀቃን ቤናን ባረ እኬዳ ማቻቶ ናሸቻ።

**ዲማ ዲማ ህገቱዋ**

6 “አይ አሳይን እጮ ዎጸ ዎይ ማይድያ ኦይቆፓ፤ አያዉ ጎፕ፣ ሄዌ ጎልያ አሳይ ጋጭያባ ቆይደ፣ ሀይቁና ግያዋ።

7 “ባረ አሻ ግድያ እስራኤልያ አሳ ዉእ አፊደ፣ አይልያ ከሰያ አሳይ ዎይ ሀራዉ ዛልአያ አይ አሳይን ሀይቆ። ሄዋዳን ኦልያዋን ህንተ ግደፕ ኢታ ድጊፓ።

8 “ዋልቃማ ጋልባ ሀርግያን ሳክትያ አሳዉ ሊዎያ ዛረ ግድያ ቄሳቱ ህንተና ታማርሴዳዋን ኡባባ ፖልተ፤ ታ ኡንቱንታ አዛዜዳዋ ሄዋዳን ኦላናዉ ናገትተ።

9 ህንተ ግብጾፕ ከሲደ ኦግያን ደአሸን፣ መጅና ጎዳይ ህንተ ጸሳይ ሚርያም ቦላ ኦሎዳዋ ሀሳይተ።

10 “ኔን ነ ሸሮ አትባ ታልአደ፣ እ ኦይልያዋ አቻናዉ እ ጎላ ገሎፓ።

11 ኔን ካረን ኤቃ ደአሸን፣ ነ ታልኤዳ ብታኒ ኦይልያዋ ባረ ጎለፕ ከሲደ ነዉ እሞ።

12 እ ሀዬሳ ግደፕ፣ ነ እጮ ኦይቁዳ እ ማዩዋ ነ ሶን አይሶፓ።

23:17 ዎጋ 19:29 23:19 ከሳ 22:25፤ ዎጋ 25:36-37፤ ዛረ. 15:7-11 23:21 ፓይ. 30:1-16፤ ማቶላ 5:33  
24:1 ማቶላ 5:31፤ 19:7፤ ማር. 10:4 24:7 ከሳ 21:16 24:8 ዎጋ 13:1—14:54 24:9 ፓይ. 12:10  
24:10 ከሳ 22:26-27

13 እ ማዶደ አቃናዳን፣ ኦማርሰ ዋደ እዉ ጉዮ ዛራ፤ እ ሄዋን ኔና ጋላታና። ሄዌ መቋና ጎዳ ነ ጸሳ ማታንካ ነዉ ጊሻተላ ግዳናዋ።

14 “ሳ እሻ ግድያ እስራኤልያ እሳ ግድና፣ ዋይ ነ ቢታ ካታማጥ እቱዋን ደእያ ካረ ቢታ እሳ ሀዬሳ ቃጸራደ ናቆገ።

15 እ ሆቕ ኦሌዳዋ ሆቕ አካናዉ ሞንሲደ ኮይያ ድራዉ። እዋይ ዉለናን ሆቕ ጭጋ። ሄዌ ጳዮጥ፣ መቐታንቻይ ኔጥ መቋና ጎዳዉ ዋሰና፣ ነዉ ናጋራ ግዳናዋ።

16 “ሩናይ ኦሌዳ ናጋራ ድራዉ፣ እዋቱዋ ዋቆናዉ በሰና፤ ቃይ እዋቱ ኦሌዳ ናጋራ ድራዉካ፣ ናናቱዋ ዋቆናዉ በሰና። እሳይ ኡባይ ባረ ኦሌዳ ናጋራን ናጋራን ሀይቃዉ በሰና።

17 “ካረ ቢታ እሳቱ ፕርዳነ እዉ እታ ባይናዋንቱ ፕርዳ ደሸሶገ፤ እምእት ማዮዋ እ ታልኤዳዋ ጋደ ኦይቆገ።

18 ህንተካ ግብጹ ጋድያን እይልያ ግዳዳዋን መቋና ጎዳይ ህንተ ጸሳይ ህንተና ያጥ ዋዚደ ከሲዳዋ ሀሳይተ። ታን ሀዋ ህንተና እዛዝያዌ ሄዋ ድራሳ።

19 “ሳ ሸይቃጥ ካላ ጫክያ ዋደ፣ ነ ደጌዳ ሞርቄያ ቆራናዉ ጉዮ ቦጋ። መቋና ጎዳይ ነ ጸሳይ ነ ኩሽያ ኦሳ ኡባን ኔና እንጃና ማላ፣ ሄዋ በትያዉ፣ እታ እዉ ባይና ናናቶን እምኤቶ አገ።

20 ነ ዋጋራ እይፍያ ማጽያ ዋደ፣ እቱነ አተናን ዉርሳደ ማጸናዉ ላእነሉዋ ጉዮ ሰሞገ፤ እቱዳዋ በትያዉ፣ እታ እዉ ባይና ናናቶን እምኤቶ አገ።

21 ነ ዋይንያ እይፍያ ማጽያ ዋደ፣ እቱዳዋ ቃርማናዉ ላእነሉዋ ጉዮ ቦጋ፤ ሄዋ በትያዉ፣ እታ እዉ ባይና ናናቶን እምኤቶ አገ።

22 ህንተካ ግብጹ ጋድያን እይልያ ግዳደ ደኤዳዋ ደሳጥተ። ታን ሀዋ ህንተና እዛዝያዌ ሄዋ ድራሳ።

### 25

1 “ላኡ እሳቱ ዋላቀቲደ ፕርዳ ጎልያ ዮጥ፣ ዳናቱ ጌሻ ነ ልከ ጊደ፣ ናቄዳዋ ነ ባይዛንቻ ጊደ ፕርድና።

2 ባይዛንቻይ ዋቆ በሰያዋ ግድገ፣ ትራን ግሰሲደ ዞክያ ሾጫናዉ ዳናይ እዛዘ፤ ያቐጥ ባይዛንቻይ ዳና ሰንሳን ባረ ባይዙዋ ከና ሾጩቶ።

3 እ እይታሙዋ ጋካናዉ ሾጩቶጥ እትና፣ ሄዋጥ ዳሩዋ ሾጩቶጥ። ሄዋጥ ዳሩዋ እ ሾጩጥ፣ ነ እሻይ ነ ሰንሳን ካዉሻና።

4 “ኡዳማን ካላ ዮድያ ቦራ ዳና ቃቾገ።

#### ሀይቄዳ እሻዉ ኦላናዉ በሰያዋቱዋ

5 “እትጥ ደእያ እሻቱዋጥ እቱ ናእ ዮለናን ሀይቆጥ፣ እ ማቻታ ሀራ ባደ ገሉቹ፤ እዝ እሰና እሻይ እዘ እኮ፤ እዘዉ ኮሽያዋ ገሎ።

6 ያቐጥ ሀ ሀይቄዳዋ ሰንሳይ እስራኤልያጥ ፕተት ጳዮናዳን፣ እ ኮይሮ ዮልያ እቱማ ናእይ ሀ ሀይቄዳዋ ሰንሳን ጸገቶ።

7 “ግደ ሸገ፣ እ ባረ እሻ ማቻቶ አካናዉ ኮያና ጳዮጥ፣ እዘ ካታማ ጥንግያን ኡቲዳ ጭማቱዋኮ ባደ፣ ታን እሰና እሻይ ባረ እሻ ሰንሳይ እስራኤልያን ደእናዉ ኮይቢና፤ ታና እኪደ፣ ታዉ ኮሽያዋ ኮን፣ናን እጹዳ፣ ያጋደ ማጋኑ።

8 ካታማ ጭማቱ እ ጸጊደ ኦችና፤ ሀእካ፣ ታን እዘ እከኮ፣ ጊደ እጸጥ።

9 ሄ ሀይቄዳዋ ማቻቶ ጭማቱዋ ሰንሳን እኮ ሺቃደ፣ እ ገድያ ጫማጥ እቱዋ ከሳደ፣ እ ሶምኤዋን ጨቻ ጨቻደ ሀዋዳን ያጉ፤ ሳረ እሻዉ ዘረላይ ደእናዉ ኮዮና እሳ ቦላ፣ ሀዋ ማላ ካዉሻይ ጋካናዉ በሲ፣ ያጉ።

10 እ ዛሪ እስራኤልያን፣ ጫማ ከሴዳዋንቱ ሶያ፣ ጌተት ጸገቲደ ደእና።

#### ሀራ ሀገቱዋ

11 “ላኡ እሳቱ ዋ፣ትሸገ፣ እቱዋ ማቻታ ያደ፣ ባረ እሰና ሾጭያዋ ኮሽያጥ እሻናዉ፣ ባረ ኮሽያ ዮዳደ ህንኩዋ እቱማተላ ኦይቆጥ።

12 እዘዉ እይነ ቃረተናን እ ኮሽያ ቃንጽተ።

13 “ሳ ኬሻ ግደን ዴጸነ ካዉሻ ግዳዳ ላኡ ሚዛናቱ ደእጥና።

14 ነ ሰን ሳርሲደይ ጉሴደ ልክያ ላኡ ማክያባይ ደኡገ።

15 መቋና ጎዳይ ነ ጸሳይ ነዉ እምያ ጋድያን አዳሳ ላይላ ነ ደእናዳን ኮሙንሳን ልከ ሚዛናይን ማክያባይ ነዉ ደኡ።

24:14 ዋጋ 19:13 24:16 2 ካታ. 14:6፤ 2 ኦዳዋ 25:4፤ ህዘ. 18:20 24:17 ከሳ 23:9፤ ዋጋ 19:33-34፤ ዛረ. 27:19 24:19 ዋጋ 19:9-10፤ 23:22 25:3 2 ቆር. 11:24 25:4 1 ቆር. 9:9፤ 1 ጳዮ. 5:18 25:5 ማቶላ 22:24፤ ማር. 12:19፤ ሉቃሳ 20:28 25:7 ኡሩቶ 4:7-8 25:13 ዋጋ 19:35-36

16 እያዉ ጎጥ፣ መድና ጎዳይ ነ ጸሳይ ሄዋ ማላባ ኦሊደ፣ ባለልያ አሳ ኡባ ሻቴ።

እማሌቃቱዋ ዋቆናዉ እመቴዳ አዛዙዋ

17 “ህንተ ግብጾጥ ከሲደ ቢደ ደእሸን፣ እማሌቃቱ ህንተ ቦላ ኦሊደዋ ሀሳይተ።

18 ኢንቴንቴ ጸሳዉ ያየና አሳ፤ ህንተ ኦግያን ህንተናና ኤቀቲድና። ህንተ ሄመትሸን፣ ዳቡሪደ ጉዮ አቴዳ አሳ ኡባ ዋቆድና።

19 ሄዋ ድራዉ፣ መድና ጎዳይ ህንተ ጸሳይ ህንተና ሄ ቢታ ላትሲደ፣ ህንተ ዩሹዋን ደእያ ሞርከቱዋ ኡባጥ ህንተና ሸምኖሰያ ዋደ፣ ሀ ጋድያን ኢንቴንታ ሀሳይያ አሳይ ቆያና ጋካናዉ፣ እማሌቃቱዋ ኡባ ሳሉዋ ጉፋንግጥ ቆይሰተ፤ ሄዋ አፋናዋ ሙሊካ ደጎጥተ።

### 26

ባይራ ካላ ያርሹዋ

1 “መድና ጎዳይ ህንተ ጸሳይ ህንተና ላትሰያ ቢታ ገሊደ ኡትያ ዋደ፣

2 መድና ጎዳይ ህንተ ጸሳይ ህንተንቶ እምያ ጋድያን ሞኬዳ ካላ ኡባጥ ባይራትያዋ ቁንኣና መድና ጎዳይ ህንተ ጸሳይ ባረ ሱንጎይ ሄዋን ጾሰታናዳን ደራዳ ሳከዉ እኪደ ቢተ።

3 ያቲደ ሄ ዋድያን አዋትያ ቄሰያኮ ቢደ፣ ሀዋዳን ያግተ፤ መድና ጎዳይ ኑ እማና ጊደ ካሰ ኑ ማይዛ አዋቶ ጫቄዳ ሳኦ ታና ገልሴዳ መድና ጎዳዉ፣ ኑ ጸሳዉ፣ ሆቻ ታን ማርካታይ፣ ያን።

4 “ያቶጥ ቂሲ ካሳይ ኩሜዳ ቁንኣ ነ ኩሸያጥ እኪደ፣ መድና ጎዳዉ፣ ነ ጸሳዉ ያርሸያ ሳኦ ሰንጎን ዋሉ።

5 ሄዋጥ ጉይያን፣ መድና ጎዳ ነ ጸሳ ሰንጎን ሀዋዳን ያጋይ ሃሳይ፤ ታ ማይዛ እዉ ደእያሳ ቆይደ መቶቴዳ ሶርያ ቢታ አሳ፤ እ መቶቲደ፣ ገይዲዋን ጉፋ አሳቱዋዎ ግብጾ ዋቆደ ያን ደኤዳ። ሄዋን ደእደ እ ዋልቃማ ዋልቃማን ገይዲዋን ጮራ ጋይ ከሲደ።

6 ሄዋ በእደ፣ ግብጾቱ ኑዉ መቀላ አቴድና፤ ኑና ኡንኤሌድና። ኑ ኦፋናዳን ዴጾ ኦሱዋ ኑ ቦላ ጫኔድና።

7 ያትና፣ ኑን መድና ጎዳዉ፣ ኑ አዋቱዋ ጸሳዉ፣ ዋሴደ። መድና ጎዳይ ኑ ዋሱዋ ሰሴዳ፤ ኑ ኢንኤዋ፣ ኑ ዳቡራን ኑ ኤቁና በኤዳ።

8 መድና ጎዳይ ባረ ዋልቃማ ከሸያንን ባረ ሞጩቴዳ ቀሰያን፣ ዋልቃማ ዳጋማን፣ ማላታንን ማላልሰያ ኑራሳባ አልያዋን፣ ኑና ግብጾጥ ከሲደ።

9 ሀ ሳኦ ኑና አሂደ፣ ማላን ኤሳ ጎግያ ሀ ቢታ ኑዉ እሜዳ።

10 ሄኮ ታን መድና ጎዳይ እሜዳ ቢታ አይፍያጥ ኮይሩዋ አሃድ፣ ያጋይ፣ ቁንኣ መድና ጎዳ ነ ጸሳ ሰንጎን ዋሳደ፣ እ ሰንጎን ጎይና።

11 ነዉን ነ ሶ አሳዉ መድና ጎዳይ ነ ጸሳይ እሜዳዋን ናሸቲደ፣ ጋላትተ፤ ሊዋቱን ህንተ ግደን ደእያ በተቱ ኡባይካ ህንተናና ናሸትና።

12 “እስራታ ከሰያ ሄዛንጎላ ላይላን ላይላን ሞኬዳዋ ኡባጥ አሰራታ ከሳይ ፖልያ ዋደ፣ ነ ካታማን ደእያ ሊዋቶ፣ በተቶ፣ አታ አዉ ባይናዋንቶን አምኤቶ እማ፤ ያቶጥ ኢንቴንቴ ህንተ ካታማን ባረዉ ኮሸያ ካላ ማና ካላና።

13 ሄዋጥ ጉይያን መድና ጎዳዉ፣ ነ ጸሳዉ፣ ሀዋዳን ያጋ፤ ታን ታ ጎላጥ ጸሳዉ ዲማቴዳ ካላ ከሳይ፣ ኔን ታና አዛዙዳ ነ አዛዙዋዳን ሊዋቶ፣ በተቶ፣ አታ አዉ ባይና ናናቶን አምኤቶ እማድ። ታን ነ አዛዙዋጥ እቱዋን መንጎላበይከ፤ ቃይ እቱዋን ደጋ አጋበይከ።

14 ታ ካዩዋ ዋደካ፣ ሄ እስራታጥ እይን ማበይከ፤ ታን ዋጋን ጌሻ ግደና ዋደካ፣ አጥ ካረ ከሴዳዌካ ባዋ፤ ሀይቄዳ አሳዉካ እጫ ሄዋጥ ዋሳበይከ። ታን መድና ጎዳዉ፣ ታ ጸሳዉ፣ አዛዙታድ፤ ቃይ ኔን ታና አዛዙዳዋ ኡባ ፖላድ።

15 ኔን ደእያ ጌሻ ሳኦጥ፣ ሳሉዋጥ ሃ ዲን ጼላ፤ ነ ደርያ እሰራኤላን ካሰ ኑ ማይዛ አዋቶ ነ እማና ጋይ ጫቄዳዋዳን ኑዉ እሜዳ ሀ ማላይን ኤሳይ ጎግያ ቢታ ኢንጆ፣ ያጋ።

ጸሳዉ ዲማቴዳ አሳ

16 “ኔን ሀ አዋዮቱዋን ዋጋቱዋ ናጋናዳን፣ መድና ጎዳይ ነ ጸሳይ ኔና ሆቻ አዛዙዳ፤ ሄዋ ድራዉ፣ ኔን ኢንቴንታ ነ ኩመንጎላ ዋዛናጥን ኩመንጎላ ሸምኖዋጥ ናጋ።

17 መድና ጎዳይ ነዉ ጸሳ ግዴዳዋ፣ ነ እ ኦግያን ሀመትያዋ፣ አ ዋጋ፣ አ አዛዙዋን አ ሀግያ ኔን ፖልያዋ ሆቻ ኤርሳዳ።

18 ቃይ መድና ጎዳይካ ባረ ገሊዳ ቃላዳን ኔን እ አሳ ግድያዋ፣ አዉ ቡዙ ሚሻ ግድያዋን ኔን እ አዛዙ ኡባ ናጋናዋ ኤርሴዳ።

19 ሃዋ ኔን ኦፊፕ፡ እ መዴዳ አሳ ኡባፕ ኔና ጋላታ፡ ሱንሳንን ቦንቹዋን ዋልቃማ ጋደ ኦላና መድና ጎዳይ ገሌዳ ቃላዳን ኔንካ አወ ጌሻ ጋደ ግዳናዋ ሀች ኤርሲዳ” ያጌዳ።

**ካናን ገላናፕ ካሰቲደ አመቴዳ አዛዙዋ**

**27**

(27:1—28:68)

ሹቻቱዋ ቦላ ጸፈቴዳ ሀገቱዋ

1 ሃዋፕ ጉይያን፡ ሙሴ እሰራኤልያ ጭማቱዋና ግዲደ፡ አሳ ሀዋዳን ያጌዳ፤ “ታን ሀች ሀንተና አዛዘያ አዛዙዋ ናግተ።

2 ዮርዳናሳ ሻፋ ፕጌደ፡ መድና ጎዳይ ሀንተ ጸሳይ ሀንተንቶ እምያ ቢታ ገልያ ዋደ፡ ዋልቃማ ሹቻቱዋ ኤሲደ፡ ቦሹንቻን ኦክተ።

3 መድና ጎዳይ ሀንተ እዋቱዋ ጸሳይ ሀንተንቶ እማና ጌዳዋዳን፡ ኤሳይን ማላይ ጎግያ ቢታ፡ መድና ጎዳይ ሀንተ ጸሳይ ሀንተንቶ እምያ ቢታ ሀንተ ፕንያ ዋደ፡ ሀ ሀግያ ቃላቱዋ ኡባ ሄ ሹቻቱ ቦላ ጸፍተ።

4 ሀንተ ዮርዳናሳ ፕጌዳ ዋደ፡ ታን ሀንተና ሀች አዛዜዳዋዳን፡ ሀ ሹቻቱዋ ኤባላ ደርያ ቦላን ኤሲደ፡ ኤንቱንታ ቦሹንቻን ኦክተ።

5 ሄ ሳእን መድና ጎዳይ፡ ሀንተ ጸሳይ፡ ብራታ ሚሻይ ቦችቢና ሹቻፕ ያርሽያ ሳእ ኦፊፕ።

6 ሄ ሀንተ መድና ጎዳይ፡ ሀንተ ጸሳይ፡ ያርሽያ ሳእ ማሰትቢና ሹቻፕ ኦፊፕ፤ ያቲደ ሄዋ ቦላን መድና ጎዳይ፡ ሀንተ ጸሳይ፡ ጸግያ ያርሹዋ ሺሸተ።

7 እትተላ ያርሹዋካ፡ ሄዋን ሚደ፡ መድና ጎዳ ሀንተ ጸሳ ሰንሳን ናሸትተ።

8 ሀ ሀግያ ቃላቱዋ ኡባ ቆንጭያን ቤትያዋዳን ኦፊፕ፡ ሀ ሀንተ ኤሴዳ ሹቻቱ ቦላ ጸፍተ” ያጌዳ።

9 ሙሴ ቃይካ ሌዊያ ግድያ ቁሳቱ ዋና አትፕ ግዲደ፡ እሰራኤልያ አሳ ኡባወ ሀዋዳን ያጌዳ፤ “ሀንተና እሰራኤልያ አሳወ፡ ጮኤ ጊደ ሰሰተ! ሄኮ ሀች ሀንተ መድና ጎዳ ሀንተ ጸሳ አሳ ግዴድታ።

10 ሄዋ ድራወ፡ ሀች ታን ሀንተንቶ እምያ አዛዙዋን አዋዩዋ ናግያዋን፡ መድና ጎዳ ሀንተ ጸሳ ቃላወ አዛዘትተ” ያጌዳ።

አዛዘተናን እጽያዌ እህያ ሸቃ

11 ሄ ጋላሰካ ሙሴ አሳ ሀዋዳን ያጌደ አዛዜዳ፤

12 “ሀንተ ዮርዳናሳ ፕጌዳ ዋደ፡ ጋሪዛማ ደርያ ቦላ ኤቂደ አሳ እንጃናዋንታ፡ ሰዋና፡ ሌዊያ፡ ይሁዳ፡ ይሳኮራ፡ ዮሴፎን ቢንያማ ዛራቱዋ።

13 ቃይ አሳ ሸቃናወ ኤባላ ደርያ ቦላ ኤቃናዋንቱ፡ ርቤላ፡ ጋዳ፡ አሴራ፡ ዛብሎና፡ ዳናን ንፍታሌማ ዛራቱዋ።

14 ሊዋቱ ባረንቱ ቃላ ጶቁ ኦፊፕ፡ እሰራኤልያ አሳወ ሀዋዳን ያግና።

15 “ መድና ጎዳ ሰንሳን ቱና ግዴዳዋ፡ ኩሽያ ሂላንቻይ ማሲደ ከሴዳ ሞላ ግድና፡ ዋይ ብራታ ትጊደ መዴዳ ኤቃ ግድና፡ አወ ጌማን ጎይንያ አሳይ ሸቀቴዳዋ ግዴ ያግና፡ አሳይ ኡባይ፡ ‘አመንእ!’ ያጎ።

16 “ ብረ አወዋ ዋይ ባረ ዳዮ ካወሽያ አሳይ ሸቀቴዳዋ ግዴ ያግና፡ አሳይ ኡባይ፡ ‘አመንእ!’ ያጎ።

17 “ ብረ ሸሩዋ ዛዋ ሱግያ አሳይ ሸቀቴዳዋ ግዴ ያግና፡ አሳይ ኡባይ፡ ‘አመንእ!’ ያጎ።

18 “ ቆቃይ ባናወ በሰያ ኦግያፕ ባላሳ ዛርያ አሳይ ሸቀቴዳዋ ግዴ ያግና፡ አሳይ ኡባይ፡ ‘አመንእ!’ ያጎ።

19 “ ብትያ፡ አታ አወ ባይና ናናቱዋ ፕርዳን አምአት ፕርዳ ገላዮዳ አሳይ ሸቀቴዳዋ ግዴ ያግና፡ አሳይ ኡባይ፡ ‘አመንእ!’ ያጎ።

20 “ ብረ አወዋ ማቻትና ግሲደ፡ ባረ አወዋ ቦንቹዋ ካወሽያ አሳይ ሸቀቴዳዋ ግዴ ያግና፡ አሳይ ኡባይ፡ ‘አመንእ!’ ያጎ።

21 “ ‘አይ መህያናካ ግሰያ አሳይ ሸቀቴዳዋ ግዴ ያግና፡ አሳይ ኡባይ፡ ‘አመንእ!’ ያጎ።

22 “ ብረ ሞቻቶ ግድያ፡ አወዋ ናትና ግድና፡ ባረ ዳይ ናትና ግሰያ አሳይ ሸቀቴዳዋ ግዴ ያግና፡ አሳይ ኡባይ፡ ‘አመንእ!’ ያጎ።

27:2 እያሳ 8:30-32 27:5 ከሳ 20:25 27:12 ዛረ. 11:29፤ እያሳ 8:33-35 27:15 ከሳ 20:4፤ 34:17፤ ዋጋ 19:4፤ 26:1፤ ዛረ. 4:15-18፤ 5:8 27:16 ከሳ 20:12፤ ዛረ. 5:16 27:17 ዛረ. 19:14 27:18 ዋጋ 19:14 27:19 ከሳ 22:21፤ 23:9፤ ዋጋ 19:33-34፤ ዛረ. 24:17-18 27:20 ዋጋ 18:8፤ 20:11፤ ዛረ. 22:30 27:21 ከሳ 22:19፤ ዋጋ 18:23፤ 20:15 27:22 ዋጋ 18:9፤ 20:17

- 23 “ ሳር ስሎታትና ግሰያ አሳይ ሸቀቴዳዋ ግዶ ያግና፣ አሳይ ኡባይ፣ ‘አመንእ!’ ያገ።
- 24 “ ሳር ሸረዋ ገማን ዋድያ አሳይ ሸቀቴዳዋ ግዶ ያግና፣ አሳይ ኡባይ፣ ‘አመንእ!’ ያገ።
- 25 “ ሻሉቀን ሻመቲዶ፣ ጽሎ አሳ ዋድያ አሳይ ሸቀቴዳዋ ግዶ ያግና፣ አሳይ ኡባይ፣ ‘አመንእ!’ ያገ።
- 26 “ ሀ ህግያ ቃላቲዋ ፖሊዶ ምንሰና አሳይ ሸቀቴዳዋ ግዶ ያግና፣ ‘አሳይ ኡባይ ‘አመንእ!’ ” ያገ።

## 28

### አዛዘትና ቤትያ እንጂዋ

(ዋጋ 26:3-13፤ ዛረ. 7:12-24)

- 1 “መድና ጎዳጣ፣ ነ ጸሳጣ፣ ፖሎ አዛዘቶ፣ ሀች ታን ነዉ እምያ አዛዘቀ ኡባ ሎይላይ ካሎ፣ ሙድና ጎዳይ ነ ጸሳይ ጋድያን ደእያ ካዉተላቲዋ ኡባ፣ ኔና ቶቁ ቶቁ ኦላና።
- 2 መድና ጎዳጣ፣ ነ ጸሳጣ፣ ኔን አዛዘቶ፣ ሀዋ፣ ካሊዶ ደእያ እንጂ ኡባይ ነዋ ግዳናዋ።
- 3 “ኔን ካታማን እንጀቲዳዋ ግዳናዋ፤ ጋደርያንካ እንጀቲዳዋ ግዳናዋ።
- 4 ነ ኡሉቀ አይፊ፣ ነ ሸይቃ አይፊ፣ ነ መሀያ ማራቲ፣ ነ ዶርሳነ ነ ዴሻ ዉድያ ማራቲ፣ ጮራቲዶ እንጀቲዳዋንታ ግዳና።
- 5 ነ ካላ ቁንእይነ ነ ሙናቃ ከሪ እንጀቲዳዋንታ ግዳናዋ።
- 6 ኔን ገላደካ ከሳደካ እንጀቲዳዋ ግዳና።
- 7 “ሳ ስላን ደንድያ ነ ሞርከቲዋ መድና ጎዳይ ነ ሰንሳን ጸነቲዳዋንታ ኦላና። ኡንቲንቲ ነ ስላ እት ኦግያና ያና፤ ሸን ላፑን ኦግያና ነ ሰንሳ፣ ባቃቲዶ ቆያና።
- 8 “መድና ጎዳይ ነ ኩሺ ኦይቄዳዋ ኡባነ ነ ድይያ እንጂና፤ መድና ጎዳይ ነ ጸሳይ ነዉ እ እምያ ጋድያን ኔና እንጂና።
- 9 “ኔን መድና ጎዳ ነ ጸሳ አዛዘቀ ናጎ፣ እ ኡግያን ሀመቶ፣ እ ነዉ ካሰ ጫቄዳዋን፣ መድና ጎዳይ ኔና ባረዉ ዲማቲዳ ገሻ ጋዶ ኦሊዶ ኡሳና።
- 10 ሄዋ፣ ፕይያን፣ ጋድያን ደእያ አሳይ ኡባይ መድና ጎዳ ሱንሳይ ኔናን ጸገቲዳዋ በእደ ያያና።
- 11 መድና ጎዳይ ነዉ እማናዉ ካሰ ነ ማይዛ እዋቶ ጫቄዳ ሄ ጋድያን፣ ነ ኡሉቀ አይፍያ፣ ነ መሀያ አይፍያ፣ ነ ሸይቃ አይፍያ ዳርሲዶ ኔና እንጂና።
- 12 “ኔን ኩሺያ ኡሉቀ ኡባ እንጂናዉ፣ መድና ጎዳይ ነ ቢታዉ እራ ዋድያን ቡክሳናዉ ባረ ምንጂ ጎልያ፣ ሳሉቀ ፕንግያ ነዉ ዶያና፤ ቃይ ኔን ዳር ካዉተላቶ ታልእና፣ ኡትና፣ ኡፕን ሃ ታልእካ።
- 13 መድና ጎዳይ ኔና ሁጸ ከሳና፣ ጉዩ ዲፊ ከሰና። ሀቼ ታን ነዉ እምያ፣ መድና ጎዳ ነ ጸሳ አዛዘቀ ሰሳዶ፣ ሄዋ ሎይላይ ካሎ፣ ኔን ስላ ግዳና፣ ኡትና፣ ጋርሳ ግዳካ።
- 14 ታን ነዉ ሀች እጫዳ አዛዘቀ፣ ሀድርሳነ ኡሸቻ ጋዶ፣ ሀራ ጸሳቲዋ ካሎ፣ ኡንቲንቶ ኡላ፣

### አዛዘተናን እጽያዌ አህያ ሸቃ

(ዋጋ 26:14-46)

- 15 “ሸን ኔን መድና ጎዳ ነ ጸሳ ቃላዉ አዛዘተናን እጸደ፣ ሀች ታን ኔና አዛዘያ ዋጋን አዛዘቀ ኡባ ናገናን አጎ፣ ሀዋ፣ ካሊዶ ደእያ ሸቃቲ ኡባይ ነ ስላ ያና ኔና ኡንቲንቲ ደማና።
- 16 “ኔን ካታማን ሸቀቴዳዋ ግዳና፤ ጋደርያንካ ኔን ሸቀቴዳዋ ግዳና።
- 17 “ሳ ካላ ቁንእይነ ነ ሙናቃ ከሪ ሸቀቴዳዋ ግዳና።
- 18 “ሳ ኡሉቀ አይፊ፣ ነ ሸይቃ አይፊ፣ ነ መሀያ ዉዲ፣ ነ ዶርሳነ ዴሻ ዉዲ ሸቀቴዳዋ ግዳና።
- 19 “ኔን ገላደካ ከሳደካ ሸቀቴዳዋ ግዳና።
- 20 “ኔን ነ ኢታ ኡሉቀን ታና ኡኔዳ ድራዉ፣ ኡለካ ኔን ቆያና ጋካናዉ፣ ነ ኡላያ ኦሶ ኡባን መድና ጎዳይ ሸቃ፣ ሻቢርሳነ ሴራ ያዳና።
- 21 ኔን ላታናዉ ብያ ጋድያ፣ ቆያና ጋካናዉ፣ መድና ጎዳይ ኢታ ሀርጊ ኔ፣ ዱድዳናን ኡላና።
- 22 መድና ጎዳይ ኔና ግልቃተላን፣ ሞሹዋንን ማዲላን፣ ጸግያ ሀርጊያንን ኩሻን፣ ጫርኩዋንን ዲማ ዲማ ካላ ሀርጊያን ኔን ቆያና ጋካናዉ ሸጫና።
- 23 ኔ፣ ስላና ነ ልክያን ደእያ ሳሉ ናሃሰ ብራታ ግዳናዋ፤ ነ ቢታይካ ብራታ ግዳናዋ።

24 መድና ጎዳይ ነጋድያን ቡክያ እራ ጴልያን ባና ከሳና፤ ነን ጋድያጥ ጳያና ጋካናው፣ ባናይ ሳሌዋጥ ዱገ ቡካና።

25 “መድና ጎዳይ ነጋድያን ነጋድያን ጳያና፤ ነን ኡንቲንታ ኦላናው እት ኦግያና ከሳና፤ ሸን ላፑን ኦግያና ነጋድያንቲ ሰንሳጥ ባቃታና። ቢታን ደእያ ካውተላ ኡባይ ነጋ ጋኡዳዋ በእደ፣ ያሻን ሻቢረታና።

26 ነ እሃይ ሳሌዋ ካፋዋ ኡባውን ባዙዋ ደእው ቁማ ግድና፤ ኡንቲንታ የደርሰያባይካ ደእና።

27 “መድና ጎዳይ ነጋድያን ግብጹ ማዲላን፣ ክጻን፣ አላሁዋን፣ ፑሱዋን ነጋ ህርግሳና።

28 መድና ጎዳይ ነጋድያን፣ ቆቀተላን፣ ደጋማን ሸጫና።

29 ጋላሳ ሴታን ነን ቆቄ ጳማን ታታፍያዋዳን ታታፋና፤ ነጋ አላያባይ ኡባይ ነው ገናን አጻና። ነጋ ደእ ላይላ ኡባን ኡቅነታይን ቦንቀታደ ደእና። ነጋ ማድያ አሳካ ደማካ።

30 “ኡን ማጫ ናቶ ገግሳና ሸን፣ ሀራይ እዙ ቦንቀደ አፋና። ገልያ ነን ኬጻና፤ ሸን እን ደእካ። ዋይንያ ነጋ ቶካና፤ ሸን አ እይፍያ ማካ።

31 ነ ቦራይ ነ ሰንሳን ሹከታና፤ ሸን አ እሹዋ ማካ። ነ ሀራ ነጥ ላገቲደ እከታና፤ ሸን ነው ጉዮ ሰመና። ነ ደርሳይ ነ ሞርክያው እመታና፤ ሄዋ እሻናው ነጋ ማድያዋ ባዋ።

32 ነ እይፍያ ሰንሳን ነ አቲማ ናናቲ፤ ማጫ ናናይ ሀራ ካውተላው እመታና፤ ኡንቲንቲ ሰምና በእና ጋደ ዪልሸን፣ ነ እይፊ ጋልጃና፤ ሄዋ ድጋናው ነው እይ ዋልቃይን ደእና።

33 ነ ቢታ እይፍያን ነ ዳቡራዳዋ ኡባ ነ ኤረና አሳይ ማና፤ ነ ደእ ኡባን ኡቅነቲዳዋን ናቀቲዳዋ ግዳና።

34 ነ በእያ አታይ ነጋ ጎሻና።

35 መድና ጎዳይ ጳሊ ባይና አታ ማዲላን ነ ጉልባታን ነ ዋድርያ ህርግሳና፤ የድያ ገድያጥ ሁጲያ ጋካናው፣ ነጋ ሄ ማዲላን ሸጫና።

36 “መድና ጎዳይ ነጋና ነ ካትያ፣ ነጋ ግድና፣ ነ ማይዛ አዋቲዋ ግድናካ ኤርቤና አሳ ጋደ አፋና። ሄዋን ነን ሞላጥን ሹቻጥ መጠቅዳ ሀራ ጸሳቶ ጎይናና።

37 መድና ጎዳይ ነጋ ላልያ ሀራ ካውተላቲዋ ኡባ ግድን ፖራ ሀዋንቲዋ ገደ፣ ቅሊጭያዋን ካእያዋ ግዳናሳ።

38 “ኡን ዳር ካላ ነ ሸይቃን ዘራና፤ ሸን ቦሊ ሞ ድግና፣ ጉላ ካላ ሸሻና።

39 ዋይንያ ቶካደ፣ አ ኦላና፤ ሸን ጉጹኒ አ ሞ ድግና፣ እጥ እይን ማጻካ፤ አጋደካ እጥ ኡሻካ።

40 ነ ቢታ ኡባን ዛይትያ ዋጋራይ ሞካና፤ ሸን እይፊ ቆቆፊት ክቶና፣ ዋጋራ ዛይትያ ደማካ።

41 አቲማ ማጫ ናናቲ፣ ነ የላና፤ ሸን ኦላይ አሞድ አፍ ድግና፣ ኡንቲንቲ ነጋና ደእክፍ።

42 ነ ሞላ ኡባን ነ ቢታ እይፍያ ቦሊ ወርሳና።

43 “ኡ ግድን ደእያ ቦቲ ነ ቦላ ቆቄ ቆቄ ጋና፤ ሸን ነን ጉዮ ያደ ዝቄ ዝቄ ጋና።

44 እ ነው ታልእናጥ አትና፣ ነን አው ታልእካ፤ አ ሁጹ ግዳናዋ፤ ነን ዱፊ ግዳናሳ።

45 “መድና ጎዳው፣ ነ ጸሳው፣ አዛዘተናን እጹዳ ድራውን እ አዛዘዱ አዛዘቡን ዋጋ ናገናን እጹዳ ድራው፣ ነን ጳያና ጋካናው፣ ሀ ሸቃቲ ኡባይ ነ ቦላ ዋላና፤ ነጋ ኡንቲንቲ የደርሳና።

46 ሀ ሸቃቲ ነ ቦላን ነ ዛራቲ ቦላን መድናው ማላታን ማላልሰያዋ ግዳናዋ።

47 ነው ሳእይ እንጀቲዳ ዋደ፣ መድና ጎዳው፣ ነ ጸሳው፣ ናሸቻንን ጋላታን ጎይናባካ።

48 ሄዋ ድራው፣ ነጋ ኮሻን፣ ሳሙዋን፣ ካሉዋንን መቲዋን ኡባባ ጳያደ፣ መድና ጎዳይ ነ ቦላ የድያ ነ ሞርክቶ ሞደታና፤ መድና ጎዳይ ነጋ ጳይሳና ጋካናው፣ ነ ሞርግያን ብራታ ሞርገ ሞላ ዋጻና።

49 “መድና ጎዳይ ነን ኡንቲንቲ ቃላ ኤረና ካውተላ እንኩ ፓልያዋዳን ኤሌልሲደ፣ ቢታ ጋጸጥ፣ ሃኩዋጥ ነ ቦላ አህና።

50 ኡንቲንቲ ሀንቁዋ ሰምኡዋና ደእያዋንታ፤ ጭማ ቦንቹናዋንታ፤ ጉላቶካ ቃረተናዋንታ።

51 ነን ጳያና ጋካናው፣ ነ መሀያ ማራን፣ ነ ቢታ እይፍያ ማና። ኡንቲንቲ ነን ጳያና ጋካናው፣ ነ ካላ፣ ነ ዋይንያ ኡሳ፣ ነ ዛይትያ፣ ነ ሚዛን ነ ደርሳ ውድያ ወርሳና።

52 ነ ጋድያን ደእያ ነን አማንትያ፣ አዲሳ፣ ሞና ድርሳና ሙሉላና ኮላታና ጋካናው፣ ነ ካታማ ዩሹዋን ደዲደ፣ ነጋ ኡንቲንቲ። መድና ጎዳይ ነ ጸሳይ ነው እማዳ ቢታ ኡባ ዩሹዋን ደዲደ ነጋ ኡንቲንቲ።

53 “ኡ ሞርክቲ ካታማ ደዲደ ነጋ ኡንቲንቲ ዋደ፣ ሞምዋ ጳያደ፣ መድና ጎዳይ ነ ጸሳይ ነው እማዳ፣ ነ ኡሉዋ እይፍያ ግድያ፣ ነ አቲማ ናናቲ፤ ነ ማጫ ናናቲ እሹዋ ነን ማና።

54 ነ ግድን ሀራይ አቶ ካሳ ሱረተላንን አሸከተላን ደእዱ ግያ አሰካ ባረ አሻው፣ ባረ ሰቅያ ማቻትውን ባረ የሌዳ ናናቶ ቃረተና።

55 ሞርክቲ ካታማ ደዲደ ኡንቲንቲዋጥ ደንዴዳዋን፣ ሀራባይ ማናው ባይና ድራው፣ ባረ ሞያ ባረ ናናቲ እሹዋጥ ሀራው ኦሰን እመና።

56 ነ ግድን ካሳ ሱረተላንን አሸከተላን ደእዱ ግያ፣ ባረ ዱረተላጥ ደንዴዳዋን ሳኦ የጳናው ሻተትያ ማጫ ሞሽራታካ፣ ባረ ሰቅያ አሰናው ባረ አቲማን ማጫ ናናቶ ቃረተናን፣

57 እ ባረ የሌዳ ናኦና ዬዳ ጉየባ ባረ ሲቅያ እስናካ ባረ የሌዳ ናናቱዋካ ጋርና፤ ኡዘታደ ገማን ባረካ ማድጋና። እያዉ ጎጥ። ሞርኪ እ ደእያ ካታማ ዶዲደ እዘ ኤንኤዳን ቱጋዬዳ ድራዉ። እዝዉ ሞያባይ ሀራባይ እያይነ ባዋ።

58 “ሀ ማጻፋን ጸፈቱዳ ህግያ ቃላቱዋ ኡባ ኔን ናጋና ቆየጥ። መድና ጎዳይ ነ ጸሳይ ማላልሰያን ያሽያ ሱንፋ ቦንቼናን አጎጥ።

59 ነ ቦላነ ነ ዛርያ ኡባ ቦላ መድና ጎዳይ ያሽያ ቦሻ። ስመና ባሻነ ቆሊ ባይና ኢታ ሀርግያ ነ ቦላ የዳና።

60 “ካሰ ግብጾ እሳ ቦላ በእደ። ኔን ያዬዳ ግብጾ ሀርግያ ኡባ ዛሪደ። ነ ቦላ እሀና፤ ሄ ሀርጊ ኔና የደና።

61 ቃይ ሀ ህግያ ማጻፋን ጸፈትቤና ሀርገ ኡባነ ቦሻ ኡባ ነ ቆያና ጋካናዉ። መድና ጎዳይ ነ ቦላ እሀና።

62 መድና ጎዳ ህንተ ጸሳ ቃላ ስሰናን እጼዳ ድራዉ። ሳሉዋ ጸልንትያዳን ጮራቱዳ ህንተጥ ጉፋይ እታና።

63 መድና ጎዳይ ህንተንቶ ሎኦባ ኦልያ ዋደነ ህንተ ፓይዲዋ ጮራይያ ዋደ ደሴዳዋዳን፤ ሀእ ህንተ ቦላን ባሻ እህያ ዋደካ ህንተና ላልያ ዋደካ ናሽታና፤ ህንተ ላታናዉ ብያ ቢታጥካ ሾደቲደ ቆያና።

64 “መድና ጎዳይ ህንተና ቢታዉ ሀ ጋጸጥ ያ ጋጸ ጋካናዉ። ቢታ ኡባን ላላና። ሄዋን ህንተና ግድና። ዋይ ህንተ ማይዘ አዋቱ ኤርቤና። ሀራ ሞላነ ሹቻ ጸሳቶ ጎይናና።

65 ሄ ካዉተፋቱዋ ግደን ህንተ ዋፓ ደምክታ፤ ህንተ ገድያ ጫማይ የድያ ሳኦ ኪሻ ጋዲካ ህንተንቶ ደኤና። ሄዋን መድና ጎዳይ ህንተንቶ መቶባ ቆፋ ጸላላን ኩሜዳ ሁጲያ። አዋ ጸላላን ዳቡራዳ እይፍያን ህደታ ቃንጸዋን ኩሜዳ ዋዛና አማና።

66 ህንተ ደኤ ኡባይ ሀርጋና ግዳናዋ፤ ጋላስነ ቃማ ሻቢርሳንነ ሀይቁዋ ያሻን ኡንኤቲደ ደእና።

67 ህንተ ዋዛናን ኩሜዳ ያሻጥነ ህንተ እይፊ በእያ ፓላጥ ደንዴዳዋን፤ ህንተ ዋንትያ ዋደ። ሓዉደ ቃማንዴሻ፣ ቃይ ቃምያ ዋደ። ሓዉደ ዋንታንዴሻ፣ ያጋና።

68 ታን ህንተና። ላኤንፋ ሀ ኦግያ ቢክታ፣ ጌዳ ኦግያና መድና ጎዳይ ህንተና ዛሪደ ማርካብያን ጉየ ግብጾ የዳና። ሄዋን ህንተ እይልያ ግዳናዉ። ህንተ ሞርከቶ ህንተና ዛልእናዉ ኮያና፤ ሽን ህንተና እይለያናዉካ ሻምያዋ ደምክታ” ያጌደ።

## 29

### ቃላ ጫቁዋ ኦራጸሳ (29:1—30:20)

1 መድና ጎዳይ ሲና ደርያን እስራኤላቱዋና ጫቀቱዳ ጫቁዋ ቃላ ቦላ ሀራ ሞኦበን ኤንቱንቱና ጫቀታናዉ ሙሳ አዛዜዳ ጫቁዋ ቃላቱ ሀዋንታ።

2 ሙሴ እስራኤልያ አሳ ኡባ ጼሰ ሺሺደ። ኤንቱንቶ ኦድያባይ ሀዋ። “መድና ጎዳይ ህንተ ሰንፋን ግብጾ ካትያ ቦላ። አ ኦላንቻቱዋ ኡባ ቦላነ አ ቢታ ኡባ ቦላ ኦሌዳዋን ጋሌዳዋ ህንተ እይፍያን በኤድታ።

3 ሄ ኢታ መቶቱዋ። ዋልቃማ ማላልሰያዋንታን ኦራፋባቱዋ ህንተ እይፍያን በኤድታ።

4 ሽን ሀቼ ጋካናዉ። መድና ጎዳይ ህንተንቶ አኪክያ ዋዛና። ጸልያ እይፍያን ስሰያ ሀይፋ አምቤና።

5 ጸሳይ ኦይታሙ ላይፋ ኩመንፋ ህንተና ቢታ ባዙዋን ካለልያ ዋደ። ህንተ ማዩ ህንተ ቦላጥ ዉርቤና። ህንተ ጫማይካ ህንተ ገድያጥ ዉርቤና።

6 ህንተ ምያ ኡክላይ። ኡሽያ ዋይንያ ኡሳይ። ዋይ ሀራ ማላይያ ኡሻይ ባዋ፤ ቆየጥካ መድና ጎዳይ ህንተንቶ ጸሳ ግድያዋ ኤርሳድ።

7 “ኡን ሀ ሳኦ ጋኤዳ ዋደ። ሀስቦና ካቲ ስሆንነ ባሳነ ካቲ ኦግ ኦናና ኦላታናዉ ዬድና፤ ሽን ኡን ኤንቱንታ ጸኔደ።

8 ኤንቱንቱ ቢታ አኪደ። ርቤላነ ጋዳ ዛራቱ ቃይ ሞናስ ዛርያጥ ባጋዉ ላታ ኦሊደ አማደ።

9 “ህንተ ኦይቆባይነ የጶባይ ህንተንቶ እንጀታና ማላ። ሀ ጫቁዋ ቃላቱዋ አማንቲደ ፖልተ።

10 ሀቼ ህንተ ኡባይ። ዛርያ ካፓቱ። ጭማቱ። ሱንፋቱነ እስራኤልያ አሳይ ኡባይ ሀዋን መድና ጎዳ ሰንፋን።

11 ህንተ ናናቱዋና። ህንተ ማጫ አሳና ህንተ ግደን ደእያ ካረ ቢታ አሳናነ ህንተ ሶን ሞላ ቆርያን ሃፋ ትክያ ኦሳንቻቱዋና አትጥ። ሀዋን ኤቁድታ።

12 መድና ጎዳና። ህንተ ጸሳና። ቃላ ጫቁዋ ገላናዉ። መድና ጎዳና ጫቁዋን ማዬዳዋ ፖላናዉ ገጊደ ሸቁድታ።

13 መድና ጎዳይ ህንተና ባረ አሳ ኦሊደ ምንሳና፤ ህንተንቶ በን ህንተ ማይዛ አዋቶ፤ አብራሃማው፤ ይሳቃውን ያቆጣው ገሌዳ ጫቁዋ ቃላዳን፤ እ ህንተንቶ ጸሳ ግዳናዋ።

14 ታን ሀ ጫቁዋ ማኖ ቃላ ጫቁዋ ኡዳ ዋልያዋ ህንተ ጸላላና ግዳደ፤

15 ሀቼ ሀዋን ኑናና መድና ጎዳ ኑ ጸሳ ሰንላን ኤቄዳ ኑ ኡባና ሰንላናው ያና ኑ የለታ ኡባና ዋሳይ።

16 “ኑን ግብጾን ዋን ደኤደንቶን ቃይ ሀዋ ጋካናው፤ ኦግያን ደእያ ካውተላቱዋ ግዳዋና ዋን አዲደ ዬደንቶ ኤሪታ።

17 ኡንቱንቱ ግደን ደእያ ቱና ኤቃ፤ ማሴዳ ሞላ፤ ሹቻ፤ ብሪን ዋርቃ ኤቃ ሞሰለቱዋ በኤድታ።

18 ሀ ህንተጥ ኡን ኡቱማዋ ግድና ማጫዋ ግድና፤ እት ጎልያ አሳ ግድና ዛረ ግድና፤ መድና ጎዳ፤ ኑ ጸሳ፤ ሸርእ ገደ፤ ሀራ ካውተላቱዋ ጸሳቶ ጎይነናዳን ናገትተ። ሄዋ ኡልያ አሳይ ጫምያን ዋድያ አይፍያ አይፍያ ሞላ ጸጹዋ ግዳናዋ።

19 “ሀ ጫቁዋ ቃላ ሰሲደ፤ ባረ ዋዛናን፤ ናታ ሸንያን ታን ቦጥካ፤ እያ መቱን ባዋ፤ ያገደ ባረና ጫዋጥ፤ ሄዋ ማላ አሳይ ሎኦቱዋ ቦላን ኢታቱዋ ቦላ ባሻ አሀና።

20 መድና ጎዳ ህንቁን ቃናቲ ሄዋ ማላ አሳ ቦላ ኤጽ ከሳናጥ አትና፤ መድና ጎዳይ አ ማረና። ሀ ማጻፋን ጸፈቱዳ ሸቃ ኡባይ አ ቦላ ያና፤ ሳሉዋጥ ጋርሳ ባጋጥ አ ሱንላ መድና ጎዳይ ጻይሳና።

21 መድና ጎዳይ ሀ ሀግያ ማጻፋን ጸፈቱዳ ሸቃ ጫቁዋዳን ሄ አሳ አሰራኤልያ አሳጥ ሻኪደ ጻይሳና።

22 “ሰንላጥ ይያ የለታይ፤ ህንተ ዛሪን ሃኮ ደርያጥ ይያ ሀራ ቢታ አሳይ መድና ጎዳይ ህንተ ቦላ አሄዳ ቦሻን ሀርግያ በአና።

23 ቢታ ኡባይ ዲንያን ማጽንያን ካመቲደ፤ እያ ጎእነ አመናዋ ግዳናዋ፤ እያን ዘራናውን ሞክሳናው ዳንዳየተና፤ እን ማታይ ሞላይ ድጩና። መድና ጎዳይ ባረ ህንቁዋን ጻይሴዳ ሶደማዳንን ጋዋራዳን፤ አዳማዳንን ጸቦይማ ካታማቱዋዳን ሀናና።

24 ካውተላ ኡባይ ሀዋዳን ያጋና፤ “መድና ጎዳይ ሀ ጋድያን ሀዋ ማላባ እያው አፌዳ? ሀ ዋልቃማ ሀንቁዋ ጋሶ ግዳዳባይ አይ? ” ያጋና።

25 “አሳይ ዛሪደ፤ ናኡንቱንቱ መድና ጎዳይ፤ ኡንቱንቱ አዋቱዋ ጸሳይ፤ ኡንቱንታ ግብጾጥ ከሰያ ዋደ፤ ኡንቱንቱና ገሌዳ ጫቁዋ ቃላ መንጫዳ ድራሳ።

26 ቃይ ኡንቱንቱ ቢደ፤ ኤረና ጸሳቶን እ ኡንቱንታ ጎይናጥተ ጌዳ ጸሳቶ ጎይኔድና።

27 ሄዋ ድራው፤ መድና ጎዳይ ሀንቀቲደ፤ ሀ ማጻፋን ጸፈቱዳ ሸቃ ኡባ ኡንቱንቱ ቦላ አሄዳ።

28 መድና ጎዳይ ዋልቃማ ሀንቁዋ ሀንቀቲደ፤ ኡንቱንቱ ጋድያጥ ኡንቱንታ ሹዳደ፤ ሀዋዳን ሀራ ቢታ የደርሴዳ ” ያጋና።

29 “ጸራ የዋቱ መድና ጎዳ ኑ ጸሳሳ፤ ሸን ኑን ሀ ሀግያ ቃላ ኡሳናዳን፤ ቆንጩዳ የዋቱ መድናው ኑሳን ኑ ናናቱዋሳ።

### 30

#### ጸሳኮ ሰሙሳን ቤትያ አንጂዋ

1 “ሀ ታ ህንተ ሰንላን ዋሌዳ አንጂን ሸቃይ ህንተ ቦላን ጋክያ ዋደ፤ መድና ጎዳይ ህንተ ጸሳይ ህንተና ላልያ ሀራ ካውተላቱዋ ግደን ደኤደ፤ ሀዋ ህንተ ሀሳያና።

2 ሄ ዋደ ህንተን ህንተ ናናይ መድና ጎዳኮ፤ ህንተ ጸሳኮ፤ ሰሚደ፤ ህንተ ኩመንላ ዋዛናጥን ህንተ ኩመንላ ሸምቸዋጥ ታን ሀቼ ህንተና አዛዜዳ ቃላው አዛዘቶ፤

3 ሄዋን መድና ጎዳይ ህንተ ጸሳይ ህንተ ኡሞዳዋ ዛራና፤ እ ህንተንቶ ቃረታና። መድና ጎዳይ ህንተ ጸሳይ ህንተና ላሌዳ ካውተላቱዋ ኡባ ግደጥካ ዛሪደ ሸሻና።

4 ቢታ ጋጸ ጋካናው ላለቶጥካ፤ ሄዋጥ መድና ጎዳይ ህንተ ጸሳይ ህንተና ዛሪደ ሸሻና።

5 ህንተ አዋቱ ካሰ ላቲዳ ቢታ ህንተካ ሳታናዳን ጸሳይ ህንተ ጸሳይ ህንተና ሄ ቢታው አሀና። ያን ህንተና ህንተ አዋቱዋጥ አሊደ ዱረያናን ህንተ ፓይዳዋ ዳርሳና።

6 “ህንተ ደኤዳን ደእና ማሳን መድና ጎዳ ህንተ ጸሳ ህንተ ኩመንላ ዋዛናጥን ህንተ ኩመንላ ሸምቸዋጥ ሲቃናዳን፤ እ ህንተንቶን ህንተ ናናው አዛዘቶያ ዋዛና እማና።

7 መድና ጎዳይ ህንተ ጸሳይ ሀ ሸቃ ኡባ ህንተ ሞርከቱን ህንተና የደርሰያዋንቱ ቦላ አሀና።

8 ህንተካ ዛሪደ መድና ጎዳው፤ ህንተ ጸሳው፤ አዛዘታና፤ ታን ሀቼ ህንተና አዛዘያ እ አዛዘዋካ ናጋና።

9-10 ህንተ ሀ ሀግያ ማጻፋን ጸፈቱዳ መድና ጎዳ ህንተ ጸሳ አዛዘቱዋን አ ዋጋቱዋ ናጋናው መድና ጎዳው፤ ህንተ ጸሳው፤ አዛዘቶ፤ ቃይ ህንተ ህንተ ኩመንላ ዋዛናጥን ህንተ ኩመንላ ሸምቸዋጥ መድና ጎዳኮ፤ ህንተ ጸሳኮ፤ ሰሞጥ፤ እ ህንተና ህንተ ኩሸያ ኦሶ ኡባን፤ ህንተ ኡሉዋ



አይፍያን፣ ህንተ መህያ አይፍያን ህንተ ቢታ አይፍያን ዳርሲደ አንጅና። አያው ጎጥ፣ ካሰ ህንተ አዎቱዋ እንጅያዋን ናሽቲዳዋዳን፣ መጅና ጎዳይ ሀእ ህንተና እንጅያዋንካ ናሽታና።

11 “ታን ሆች ህንተና አዛዝያ ሀ አዛዙ ሄዋ ኬሻ ዴጾ ግድና፤ ህንተጥ ሃኮካ ግድና።

12 ህንተ፣ ሓን ሰሲደ አዛዝታናዳን፣ ሳሎዋ ከሲደ ኑዉ ዎፋናዌ ኦኔ? ጌናዳን ሳሎዋን ደኤና።

13 ሓን ሰሲደ አዛዝታናዳን፣ ኑዉ አባ ፕኒደ አሀናዌ ኦኔ? ጌናዳን አባ ሄፍንላን ደኤና።

14 ቃላይ ህንተንቶ ሎይላ ማታን ደኤ፤ ህንተ ኦፋናዳን፣ ቃላይ ህንተ ዎዛናን ህንተ ድናን ደኤ።

15 “በአተ፣ ታን ሆች ህንተ ሰንላን ደኤዋን ሎኦተፋ፣ ሀይቁዋን ባሻ ዎፋድ።

16 ህንተ መጅና ጎዳ ህንተ ጸሳ ሲቅያዋን አ ኦግያን ሀመትያዋንን አ አዛዙዋ፣ አ አዎዌዋን አ ዎጋ ናግያዋን፣ ታን ሆች ህንተና አዛዝያ መጅና ጎዳዉ፣ ህንተ ጸሳዉ፣ አዛዝቶጥ፣ ህንተ ደኤዋን ደአና ጮራታና፤ ቃይ ህንተ ላታናዉ ገልያ ጋድያን መጅና ጎዳይ ህንተ ጸሳይ ህንተና እንጅና።

17 “ሸን ህንተ ዎዛናይ ዎራ ሰምና፣ ህንተ አዛዘተናን አጸጥ፣ ሀራ ጸሳቶ ጎይናጥ፣ ቃይ ኤንቱንቶ አጸጥ።

18 ህንተ ዉር ጳያናዋ ታን ሆች ህንተንቶ ኦዳይ። ዮርዳናሳ ፕኒደ፣ ህንተ ላታናዉ ብያ ጋድያን ህንተ ላይላይ አድቀና።

19 “ታን ህንተ ሰንላን ደኤዋን ሀይቁዋ፣ እንጂዋን ሸቃ ዎሌዳዎ ሆች ሳሎዋን ሳአ ህንተ ቦላ ማርካያና፤ ሰም ህንተን ህንተ ዛሪ ደኤዋን ደአና ማላ፣ ደኤዎ ድርተ።

20 መጅና ጎዳ ህንተ ጸሳ ሲቅተ፤ አ ቃላ ሰሰተ፣ አዉ አዛዘትተ፤ አናና አይቀትተ። ሄዎዳን ሀናጥ፣ መጅና ጎዳይ ህንተዉ ደኤዋ። ካሰ ህንተ ማይዛ አዎቶ፣ አብራሃማዉ፣ ይሳቃዉን ያቆባዉ አማናዉ ጫቄዳ ጋድያን ህንተን ህንተ ናናይ አዳሳ ላይላ ደአና። ያጌዳ።

**ሙሴ ዉርሰሳ ሃሳያ**

**31**

(31:1—33:29)

ኢያሱ ሙሴ ኮታን ሱን፳ቴዳ  
(ፓይ. 27:12-23)

1 ሙሴ ጉጂድካ እሰራኤልያ አሳዉ ሀዎዳን ያጌዳ፤

2 “ሀእ ታዉ ጴታን ላታሙ ላይላ ግዴዳ ድራዉ፣ ሀዎጥ ሰንላናዉ ህንተና ካለላናዉ ዳንዳይከ፤ ሄዎ ቦላካ መጅና ጎዳይ ታና፣ ሓን ዮርዳናሳ ሄፍንላ ፕናካን ያጌደ ኦዳዳ።

3 መጅና ጎዳይ ህንተ ጸሳይ ህንተ ሰንላን ሀመተደ ህንተና ካለላና። ሄዎን ደአያ ካዉተላቱዋ አ ዉርሰያ ድራዉ፣ ኤንቱንቱ ቢታ ህንተ ላታና። ቃይ መጅና ጎዳይ ጌዳዎዳን ኢያሱ ህንተና ካለላና።

4 መጅና ጎዳይ አዎረ ካተቱዋ ሰሆናን ኦጋ ጸኒደ፣ ኤንቱንቱ ቢታ ጳይሴዳዎዳን፣ ህንተ ዎርከቱዋካ ሄዎዳን ኦፋና።

5 መጅና ጎዳይ ኤንቱንታ ህንተንቶ አላ አማና፤ ህንተ ኤንቱንቱ ቦላ ታን ህንተና አዛዜዳዎዳን ኦፋና።

6 ዎንተ፤ አይን ባዎ፤ ያዮጥተ። ኤንቱንታ በአደ ዳጋዎጥተ። አያዉ ጎጥ፣ መጅና ጎዳይ ህንተ ጸሳይ ህንተናና ግዳናዎ። አ ህንተና ዮገና ዎይ አገና። ያጌዳ።

7 ሄዎጥ ጉይያን፣ ሙሴ ኢያሳ ጴሲደ፣ እሰራኤልያ አሳ ኡባ ሰንላን ሄዎዳን ያጌዳ፣ “ዎምና፤ ገንጫ። አያዉ ጎጥ፣ ኔን ሀ አሳና አትጥ መጅና ጎዳይ ኤንቱንቱ ማይዛ አዎቶ አማና ጊደ ጫቄዳ ቢታ ገልሳሳ፤ ሄ ቢታካ ኤንቱንታ ላትሳሳ።

8 አ መጅና ጎዳይ ባረ ሁጲያዉ ኔናና ግዴደ ኔና ካለላና። አ ኔና ኦላና፤ አይነካ ኔና አገና። ሄዎ ድራዉ፣ ያዮጥ፤ ነ ዎዛናን ዳጋዎጥ። ያጌዳ።

ህጊ ላፑን ላፑን ላይላን ናባባታናዉ ኮሺ

9 ሙሴ ሀ ህግያ ጸፊደ፣ መጅና ጎዳ ጫቁዋ ታቦታ ቶክያ ቄሰ ግድያ ለዌያ ናናቶን እሰራኤልያ ጭማቶ ኡባዉ አሚዳ።

10 ሙሴ ኤንቱንታ ሀዎዳን ያጌደ አዛዜዳ፤ “አጩ ኡባይ አቶ ጌተትያ ላፑንላ ላይላ ዉርሰላን፣ ቦንቼትያ ዳሰያ ባላ ጋላሳን።

11 መጅና ጎዳ ህንተ ጸሳ ሰንላ አ ደራዳ ሳአ አዉ ጎይናናዉ እሰራኤልያ አሳይ ኡባይ ሺቅያ ዎደ፣ ኤንቱንቱ ሰሰያዎዳን ናባብተ።

12 እንቅጥጥ ኡባይካ ሰሲደ፣ መድኛ ጎዳጃ፣ ህንተ ጸሳጃ፣ ያይያዋ ታማራና ማላ፣ ሀ ህግያ ቃላ ኡባ እማንቴደ ፖላና ማላ፣ አሳ፣ አቱማን ማጫ፣ ናናቱዋን ህንተ ጋድያን ደእያ ካረ ቢታ አሳ እትፕ ሺሸተ።

13 ሀ ህግያ ቃላ ኡሪና እንቅጥጥ ናናይካ ዮርዳኖሳ ፕኒደ፣ ህንተ ላታናጃ ብያ ጋድያን ህንተ ደእያ ላይላ ኡባን ሀ ህግያ ሰሰኖ፣ መድኛ ጎዳጃ፣ ህንተ ጸሳጃ፣ ያይያዋ ታማራና። ያጌዳ።

**ጸሳይ ሙሳ ወርሰላ እዛዙዋ እዛዜዳ**

14 ሄዋፕ ጉይያን፣ መድኛ ጎዳይ ሙሳ ሀዋዲን ያጌዳ፣ “በእ፣ ኔን ሀይቂያ ጋላሳይ ማቱዳ። እ ካለሰትያ እዛዙዋ እዉ ታን እማና ማላ፣ ኢያሳ ጸሳደ፣ ኔን አናና እትፕ ዲንካንያ ግደ ገልተ” ያግና፣ ሙሴን ኢያሱ ዲንካንያን ሺቆድኖ።

15 መድኛ ጎዳይ ሄ ዲንካንያን ሻርያ ቱሳን እንቅጥጥ ቆንጩዳ፣ ሄ ሻርያ ቱሳይካ ዲንካንያ ፕንግያን ኤቁዳ።

16 መድኛ ጎዳይ ሙሳ ሀዋዲን ያጌዳ፣ “ኔን ማታን ሀይቃደ ነ እዋቱዋን ጋከታሳ። ኔፕ ጉይያን፣ ሀ አሳይ ታዉ እማንተናዋ ግዳና፣ ታን እንቅጥጥና ዋሌዳ ጫቁዋ መንላና። እንቅጥጥ ታና አገደ፣ ሻርያ-ጸቱዋዳን፣ ባረንቱ ላትያ ጋድያን ደእያ ኤቃቱዋ ካላና።

17 ሄቁ ሀንያ ዋደ፣ ታ ሀንቁ እንቅጥጥ ቦላ ኤጽ ከሳና። ታንካ እንቅጥጥ አጋ አጋና፣ ታ ሰሞኡዋ እንቅጥጥ ዋራ ዛራና። ያትና፣ እንቅጥጥ ቆያና፣ ጮራ መቱን ባሻይ እንቅጥጥ ቦላ ያና። ሄ ዋድያን እንቅጥጥ፣ ፍቱሙ ሀ መቱ ጋከዳዌ ኑ ጸሳይ ኑ ግደን ባይናዋ ግሻሳ ግደኔን? ያጌደ ኦቻና።

18 ሀራ ጸሳቶ ጎይኒደ፣ እንቅጥጥ ሀኔዳ ኢታባ ድራጃ፣ ታን ሄ ጋላሰ ታ ሰሞኡዋ ሙላካ እንቅጥጥ ዋራ ዛራና።

19 “ሄዋ ድራጃ፣ ሀእ ሀ ማዝሙርያ ጸፋደ፣ እሰራኤልያ አሳ ኡባ ታማርሳ። ሀ ማዝሙራ ታዉ እሰራኤልያ አሳ ቦላ ማርካ ግዳና ማላ፣ እንቅጥጥ የጽሳ።

20 እንቅጥጥ ማይዛ እዋቶ ገሌዳ ቃላዳን፣ ማላይን ኤሳይ ጎግያ ቢታ ታን እንቅጥጥ ገልሴዳዋፕ ጉይያንን እንቅጥጥ ም ካሊደ፣ ዋዛርይ ሙሜዳዋፕ ጉይያን፣ ሀራ ጸሳቶ ጎይኒደ፣ ታና ካቆና፣ ታ ጫቁዋካ መንላና።

21 ዳር መቱን ባሻይ እንቅጥጥ ቦላ ጋከዳ ዋደ፣ ሀ ማዝሙራ እንቅጥጥ ናናቱ ደናፕ ድገተና ድራጃ፣ እንቅጥጥ ቦላ ማርካ ግዳናዋ። እያዉ ጎፕ፣ ታን ጫቁዳ ቢታ እንቅጥጥ ብር ገልሰናን ደእሸን፣ ሃናናካ እንቅጥጥ ቆፕያ ቆፋ ኤራክቻድ” ያጌዳ።

22 ሙሴ ሄ ጋላሰ ሄ ማዝሙርያ ጸፋደ፣ እሰራኤልያ አሳ ታማርሴዳ።

23 ሄዋፕ ጉይያን፣ መድኛ ጎዳይ ኔዌ ናአ ኢያሳ ሀዋዲን ያጌደ እዛዜዳ፣ “ሞና፣ ገንጫ፣ ታን እንቅጥጥ እማናዉ ቃላ ገሌዳ ቢታ እሰራኤልያ አሳ አፋደ ገልሳሳ። ታንካ ኔናና እትፕ ግዳና” ያጌዳ።

24 ሙሴ ሀ ህግያ ቃላቱዋ ኮይርፕ ወርሰላ ጋካናጃ፣ ጸፊደ ወርሴዳዋፕ ጉይያን፣

25 መድኛ ጎዳ ጫቁዋ ታቦታ ቶክያ ሊዋቱዋ ሀዋዲን ያጌደ እዛዜዳ፣

26 “ህገ ጸፈቱዳ ሀ ማጸፋ አፍተ፣ መድኛ ጎዳ ህንተ ጸሳ ጫቁዋ ታቦታ ማታን ዋሰተ። ሄዋን አ ህንተ ቦላ ማርካ ግዳና ማላ ያን ዋሰተ።

27 ህንተ ዋይሳ ማካላንቼንቶን ዋይሳ ሞርግያ ቆሌፈንቶ ታን ኤራይ። በእተ፣ ታ ህንተናና ደኤዳ ላይላ ኡባን ህንተ መድኛ ጎዳዉ ኢታ ማካላ፣ ሸን ታን ሀይቃ ክቾና፣ ኡባ ዋይሳ ማካላንቱ?

28 ሄዋ ድራጃ፣ ሀዋ ኡባ ታ እንቅጥጥ ኦዳናጃ፣ ሳሉዋን ሳአ ታ እንቅጥጥ ቦላ ማርካያናጃ፣ ህንተ ዛርያ ካፕቱዋ ኡባን ደርያ ካለሕያ አሳ ኡባ ታዉ ሺሸተ።

29 ታ ሀይቁዳዋፕ ጉይያን፣ ህንተ ሙላ ኢታ አሳ ግዳናዋን ታን ህንተና ታማርሴዳ እዛዙዋፕ ዋራ ሰማናዋ ታን ኤራይ። እ ኦፕተ ጌዳ ኢታባ ህንተ ኩሸያን ኦሊደ፣ መድኛ ጎዳ ህንቀሕያ ድራጃ፣ ሰንሳፕ ይያ ዋድያን ህንተ ቦላ ኢታ ቦሻ አሀና” ያጌዳ።

30 ሄዋፕ ጉይያን፣ ሙሴ ሀ ማዝሙርያ ቃላቱ ዉራና ጋካናጃ፣ ሸቁዳ እሰራኤልያ ሸቁዋ ኡባ ሰሲደ ኦዳዳ።

# 32

**ሙሴ ማዝሙርያ**

1 ህንተና፣ ሳሎቶ፣ ታን ኦድያዋ ሰሰተ፤ ቢታይካ ታ ደና ቃላ ሰሶ።

2 ታ ትሞርቲ እራዳን ቡኮ፣ ታ ቃላቱካ ከተርሳዳን፣ ጸኩ ማታ ቦላን ዋድያ ፑሰ እራዳንን ጫርሻ ቦላን ዋድያ ፑሰያዳን ዋድ።

3 ታን መድኛ ጎዳ ሱንላ አዋያና፤ ግታተላ ኑ ጸሳጃ እምተ።

4 እ ኑ ዛላቱ፣ እ ኑሱዋን ፖኩ ባዋ፤ እ ኑገ ኑባይካ ሱራ። ኑ ጸሳይ አማነትያዋን ኢታተላይ ባይናዋ፤ እ ቱማንቻን ሱራ።

5 ህንተ አማነተናን እያዉነ ፓር፣ ናጋራንቻን ባለልያ የለታ ግድያ ድራዉ፣ እ አሳ ግዳናዉ ህንተ በሰክታ።

6 ህንተና ኤያን እኪክ ባይና አሳዉ፣ ህንተ መድና ጎዳዉ እምያ ዛራ ሀዌ? እ ህንተና መዴዳ ህንተ አዉዋ ግደኒ? እ ህንተና መዴደ፣ ምንሰ ኤሴዳ።

7 ካሰ ዋድያ ቆፕተ፤ ዳር የለታቱ ላይላካ እኪክተ። ህንተ አዋቱዋ እቶተ፤ ኡንቱንቱ ህንተና በሳና። ህንተ ጭማቱዋን እቶተ፤ ኡንቱንቱ ህንተንቶ ኦዳና።

8 ኡባፕ ዋልቃማይ ካዉተላቶ ኡንቱንቱ ደኢያሳ ላትሴዳ ዋደ፣ አሳ ናናቱዋ ኡንቱንቱ ዛርያን ዛርያን ሻኪዳ ዋደ፣ እሰራኤልያ አሳ ፓይዲዋዳን፣ ኡንቱንቱ ዛዋ ኤሴዳ።

9 እያዉ ጎፕ፣ ሻኪዋን መድና ጎዳ ጋኪዳዌ እሰራኤልያ፤ ያቆብካ እ ጋኪዳ ላታ።

10 በታ መሀ በታን ኡንቱንቱ ሳሙዋን ደኢሸን፣ ጫርኩዋ ጸላላይ ሱራግያሳን ብቻርሸን፣ ኡንቱንታ ደሜዳ። ያቲደ ባረ እይፍያ ቡሉዋዳን፣ ኡንቱንቶ ጎንዳለ ግዲደ፣ ኡንቱንታ ምንሲደ ናጌዳ።

11 እርጋንላይ ባረ ማራ ፓሉዋ ታማርሰያዋዳን፣ ባረ ምጩዳ ቀፍያን ጋክ ላይቂደ እሸያዋዳን፣ ሃዋዳን ጸሳይ ባረ ቀፍያን ሀጺደ ኡንቱንታ እሼዳ።

12 ሀራ አላጋ ጸሰ ባይናን፣ መድና ጎዳ ጸላላይ ባረ አሳ ካለልዳ።

13 እ በታዉ ቆቃ ሳኦ ኡንቱንታ ከሴዳ። ሸይቃን ሞኪዳ እይፍያ ኡንቱንታ ምዜዳ። ዛላ ጸልቀላፕ ኡንቱንታ ኤሳ ምዜዳ፤ ሹቾ ጋድያፕ ዛይትያ ምዜዳ።

14 ኡንቱንቱ መሀ ጫድያፕ መኤዳ ማሳን ዳሻ ዉድያፕካ ማሳ፣ ደርሳ አንቃራን ጋልሳ ሜድና፤ ቃይ ባሳን ደርሳ ዉድያን ዳሻ፣ ሎኦ ዛርጋ ሜድና፤ ሱሳ ማላትያ ዋይንያ ኤሳካ ኡሼድና።

15 ያጊደ ይሸሩን ኦርዴዳ፤ ማካሌዳ፤ ም ሚደ፣ ቦርርጩዳ። ባረና መዴዳ ጸሳ አጌዳ፤ ባረ አቶተላ ዛላ ካዴዳ።

16 ኡንቱንቱ አላጋ ጸሳቶ ጎይንያዋን እ ምሽሴድና፤ ባረንቱ ቱና ኤቃቱዋን እ ህንቀሌድና።

17 ጸሳ ግደና ጸላሃቶ፣ ካሰ ኡንቱንቱ ኤርቤና ጸሳቶ፣ ዝና ከሴዳዋንቶ፣ ኡንቱንቱ አዋቱ ያይቤና ጸሳቶ ያርሼድና።

18 ኡንቱንቱ ደኤዋ እሜዳ ዛላ ቆፕበይክና፤ ቃይ የል ድቼዳ ጸሳ ደጌድና።

19 መድና ጎዳይ ሃዋ በእደ፣ ኡንቱንቱ ቦላ ህንቀቱዳ። እ አቱማን ማጫ ናናቱዋ እጾዳ።

20 ያቲደ ሀዋዳን ያጌዳ፤ “ታን ታ ሰምኤዋ ኡንቱንቱፕ ገንላና፤ ኡንቱንቱ ጌላን አማነተና አሳ ግድያ ድራዉ፣ ኡንቱንቱ ኦማርሳ ጮኤ ጋደ ጾላና።

21 ጸሳ ግደናዋን ታና ምሽሴድና፤ ባረንቱ ኤቃቱዋን ታና ህንቀሌድና። ታንካ ኡንቱንቱ ዛረ ግደናዋንቱን ምሽላና፤ ኤያ አሳ ዛራቱዋን ታን ኡንቱንታ ህንቀትሳና።

22 ታ ህንቀ ታማዳን ኤጺደ፣ ጋድያን ደኢያዋ ኡባ ጹጋና። ሄ ታማይ ሰኦልያን ደኢያዋናካ ጋሌደ ጹጋና፤ ደርያ ባሱዋ ጋካናዉ፣ ሄ ታማይ ማና።

23 “ታን ኡንቱንቶ መቱዋ መቱዋ ቦላ ድራና፤ ታ ዋንዳፍያን ኡንቱንታ ዲካና።

24 ኡንቱንቱ ኮሻን፣ ጹግያ ምሹዋንካ ኢታ ሀርግያን ዉራና። ኡንቱንቱ ቦላ መቶ ጋልያ ባዙዋ ደኡቱዋን ኡንቱንታ ዲክያ አላጋ ሹሻቱዋ ኡንቱንቱ ቦላ የዳና።

25 ቶራይ አገ ኡባን ኡንቱንቱ ናናቱዋ ዉርሳና። ጎልያ ኡባን ሻቢርሳይን ዳጋማይ ካተታና። ያላጋ አቱማዋንቱን ማጫዋንቱ ዉራና፤ ጉላ ናናይካ ጭማቱካ አትክና።

26 ኡንቱንታ ታን ሃኮ ሳኦ ላላና፤ ሃዋፕ ጉይያን፣ ኡንቱንታ ሀሳይያባይ ቆያና።

27 ሸን ኡንቱንቱ ሞርከቱ፣ ና፣ ዋልቃይ ኡንቱንታ ጸኔዳ፤ ሀዋ ኡባ መድና ጎዳይ ኦሎቤና፣ ያጊደ ኦቶራዋን ጩቀተናን አግክኖ ያጊደ ቆፓድ” ያጌዳ።

28 እሰራኤልያ አሳይ ዛረት ባይና አሳ፤ እኪክ ኡንቱንቶ ባዋ።

29 ኡንቱንቱ ጸነቱዳዌ እያንንቶ በእናዉ ኡንቱንቶ እጸቱዳ፤ ባረንቱ ዉርሰላይካ እየንቶካ ኤርክና።

30 እት ሻኦ አሳይ እት አሳን፣ ታሙ ሻኦ አሳይ ላኡ አሳን፣ ዋን ጸነቱዳ? ኡንቱንቱ ዛላይ ኡንቱንታ ዛልኤዳ ግሻሳን መድና ጎዳይ ኡንቱንታ አላ እሜዳ ድራሳ ግደኒ!

31 ኡንቱንቱ ሞርከቱ ባረንቱ ጸሳይ ላኦ ግድያዋን እሰራኤልያ ጸሳዳን ዋልቃማ ግደናዋ ኤሪና።

32 ኡንቱንቱ ዋይኒ ሰዶማ ዋይንያፕ፣ ጋዋራ ሹይቃፕ ዬዳዋ። ኡንቱንቱ ቴራይ ማርከ፤ ኡንቱንቱ ዉርጩካ ጫምያዋ።

33 ኡንቱንቱ ዋይንያ ኤሳይ ሹሻ ማርከ፤ ዋድያ ማርከ ደኢያ ሀሱዋ።

34 ጸሳይ፣ ሀዋ ታን ናጋደ ታ ማዝጎብያን አታማበይክታ?

35 ኡንቱንቱ ባሻ ጋላሳይ ማታቱዳ፤ ኡንቱንቱ ቦላ ጋካናባይ ኤሌሌ። ሄ ዋደ ኡንቱንቱ ገዲ ቆብታና። ታን ኡንቱንቶ ሀሉዋ ከሳናን ኩሸያ ዛራና ያጌዳ።

36 እንቱንቱ ዋልቃይ ዳቡራዳዋን እንቱንታካ ማድያዌ ባይናዋ በኤዳ ዋደ፤ መፅና ጎዳይ ባረ አሳዉ ፕርዳና፤ ባረ ቆማቶካ ቃረታና።

37 እ እንቱንታ ሀዋዳን ያጋና፤ እንቱንቱ አማነትያ እንቱንቱ ጸሳቱ ሀቃነ? እንቱንቱ ባቃቲደ እ ግደን ቆሰትያ እንቱንቱ ዛላይ ሀቃነ?

38 እንቱንቱ ያርሹዋ ሞፉዋ ሚዳዋንቱ፤ እንቱንቱ ኡሻ ያርሹዋ ዋይንያ ኤሳ ኡሹዳዋንቱ ሀእ ደንዲደ፤ እነ እንቱንታ ማድና፤ እነ እንቱንታ አሸና።

39 ጸሳይ ታናቱ። ታ ጸላላይ ጸሳ። ታፕ አትና፤ ሀራ ጸሳ ባዎ። ዋፅያዌ፤ ደኡዋካ እምያዌ ታና፤ ታን ማዲጽሳደ፤ ታን ፓላና፤ ታ ኩሽያፕ እን አሸና።

40 ታ ኩሽያ ፑደ ደንሳደ ሀዋዳን ያጋና፤ “ታን መፅናዉካ ደኡ።

41 ጸላጸላ ግያ ታ ማሻ ሊፋደ፤ ፕርዳናዉ ታ ኩሽያን ኦይቂያ ዋደ፤ ታ ሞርከቱዋ ቦላ ታ ሀሉዋ ከሳና፤ ታና እጽያዋንቶ እንቱንቱ ኩሽያ ዛራና።

42 ታ ዋንዳፈቱ እንቱንቱ ሱላን ማላታና፤ ታ ማሻይካ እንቱንቱ አሹዋ ማና። ታና እጽያ ኡባካ ማርከ። ሀራይ እቶ ማዲጽዳዋንቱን አሞደቱዳዋንቱካ ሀይቃና” ያጋና ያጌዳ።

43 ሀንተኖ ካዉተላቶ፤ ጸሳ አሳና ናሸትተ። እ ባረ ቆማቱ ሱላ አቻና፤ ባረ ሞርከቱዋ ቦላንካ ሀሉዋ ከሳና። ቢታን ደእያ ባረ አሳ ናጋራካ እቶ ጋና ያጌዳ።

44 ሙሴን ኔዌ ናእይ ኢያሱ እሰራኤልያ አሳ ሰሲደ፤ ሀ ማዘሙርያ ቃላ ኡባ ሃሳዬድና።

**ሙሴ እሚዳ ዉርሰሳ ዘርያ**

45 ሙሴ ሀ ቃላ ኡባ እሰራኤልያ አሳ ኡባዉ ኦድ ዉርሲዳ ዋደ፤

46 እንቱንታ ሀዋዳን ያጌዳ፤ “ሀ ሀግያ ቃላ ኡባ እንቱንቱ ናጋናዳንነ ኦላናዳን ሀንተ ናናቱዋ አዛዛና ማላ፤ ሀኙ ታ ሀንተንቶ ማርካትያ ቃላ ኡባ ሀንተ ዋዘናን ዋሳተ።

47 ሀ ቃላይ ሀንተንቶ ደኡፕ አትና፤ ጮ መላ ቃላ ግደና። ሀ ቃላ ናፕ፤ ሀንተ ኮርዳናሳ ፕኒደ ላታና ቢታንካ አዳሳ ላይላ ደእና” ያጌዳ።

48 ሄ ጋላሳንካ መፅና ጎዳይ ሙሳ ሀዋዳን ያጌዳ፤

49 “ሞእበን እያርኮ ካታማፕ ሰንላ ባጋና ደእያ አባርማ ደረቱዋፕ እቱዋ፤ ሀን ናቦ ደርያ ከሳ፤ ሄዋን እሰራኤልያ አሳ ታ ላትሳና ካናን ቢታ ሄፍንላ ጸላ።

50 ነ አሻ አርን ሆራ ደርያን ሀይቂዳ፤ ባረ ማይዛ እዋቱዋን ጋከቱዳዋዳን፤ ኔንካ ሀ ከሴዳ ደርያን ሀይቃደ፤ ነ ማይዛ እዋቱዋን ጋከታና።

51 እያዉ ጎፕ፤ ሀንተ ላኡካ እሰራኤልያ አሳ ሰንላን ታዉ አማነትቦይክታ፤ ጸና መላ ቢታን፤ ቃዳሳ ካታማ ማታን ደእያ ማሪባ ሃላ ማታን፤ ታ ጌሻተላ እሰራኤልያ አሳ በሰባይክታ።

52 ሄዋ ድራዉ፤ ቢታ ሃኩዋን ሄፍንላ ጸላናፕ አትና፤ ታን እሰራኤልያ አሳ ላትሳና ቢታ ገላካ” ያጌዳ።

**33**

**ሙሴ እሰራኤልያ ዛራቱዋ ኡባ እንጂዳ**

1 ጸሳ አሳ ግድያ ሙሴ ሀይቃናፕ ካሰቲደ፤ እሰራኤልያ አሳ እንጂዳ እንጂዋ ቃላይ ሀዋ።

2 እ ሀዋዳን ያጌዳ፤ “መፅና ጎዳይ ሰና ደርያፕ ዬዳ፤ ኤደማፕ ኑ ቦላን ሄ ፖኤዳ፤ ፓራና ደርያፕ ባረ አሳዉ ፖኤዳ። ሻእን ፓይደትያ ኪታንቻቱ አናና ደእና። እ ኡሸቻ ባጋና ታማ ላጩ ደኡ።

3 ጸሳዉ ኔን ነ አሳ ሲቃዳ። ጌሻቱ ኡባይ ነ ኩሽያን ደእና፤ ነ ገድያ ጸጸዋን ጉልባቲደ ጎይኒና፤ ያቲደ ኔፕ አዛዙዋ አከና።

4 ሙሴ እሚዳ ሀጊ ያቆባ አሳዉ ላታ።

5 እሰራኤልያ ዛራቱ ኡባይን ለሹሩና ዛርያ ካፓቱ ሸቄዳ ዋደ፤ ጸሳይ ባረ አሳ፤ እሰራኤልያ ቦላ ካተቲዳ።

6 “ርቤል ሀይቆፖ፤ እ ፓጸ ደኡ። እ አሳይካ ፓይዲዋን ጮራቶ” ያጌዳ።

7 ሙሴ ይሁዳ ዛርያባ ሀዋዳን ያጌዳ፤ “እቤት መፅና ጎዳዉ፤ ይሁዳ ዋሱዋ ሰሳ፤ ሀራ ባረ ዳቦቱዋና እንቱንቱ ጋከታናዳን አላ። እንቱንቱ ኩሽያ ሞን፳፣ እንቱንቱ ባረንቱ ሞርከያና ኡላትያ ዋደ፤ ኔን እንቱንታ ማዳ!” ያጌዳ።

8 ሙሴ ለዊያ ዛርያባ ሀዋዳን ያጌዳ፤ “ኅ ቱሚዋን ኡራሚ ነ ደሴዳ አሳሳ። ኔን ማሳሀን ፓጩዳ፤ ማሪባ ሃላን ፓሉሙቲዳ አሳሳ።

9 ባረና የሌዳዋንቱ፤ ባረ እሻቱዋፕን ባረንቱ ናናቱዋፕ አሊደ፤ እንቱንቱ ነዉ አማነቲዳዌ እጴ፤ ነ ጫቁዋ ቃላዉ እንቱንቱ አማነቲድና።

10 ኡንቱንቱ ነ ዎጋ ያቆባ፣ ነ ህግያካ እስራኤልያ ታማርሲና። ነ ሰንገላን እጻና ጨዋዪና፣ ነዉ ያርሸያሳን ኡባና ጸግያ ያርሹዋ ያርሺና።

11 አቤት መድና ጎዳዉ ኡንቱንቱ ኩሺ ኡልዳዋ አንጀ፤ ኡንቱንቱ ኦልያ ኡባባን ነ ናሸትያዋ ኡንቱንቱ ቆንጭሳ። ኡንቱንቱ ቦላ ደንድያዋ መንጋጫላ ኦላ፤ ኡንቱንቱ ሞርከቱዋ ላኤንሶ ደንሶ።” ያጌዳ።

12 ቢንያማ ዛርያባ ሀዋዳን ያጌዳ፤ “መድና ጎዳይ ሲቆዳ እሳይ እን እማነቲደ ደኤ። ጋላሳ ኩመንገላን ኡንቱንታ መድና ጎዳይ ናጌ፤ ባረ ሀሽያን ቶኪደ ሸምፕሴ” ያጌዳ።

13 ዮሴፎ ዛርያባ ሀዋዳን ያጌዳ፤ “መድና ጎዳይ እራ እምያዋን፣ ጋድያፕ ሃላ ፑልትሰያዋን፣ ኡንቱንቱ ቢታ አንጀ።

14 እዋይ ካልያ ደረቱዳ እይፍያንን ዎድያን ዎድያን ካእያ እይፍያን አንጀቶ።

15 በንፕ ደእያ ኡንቱንቱ ደረቱን ዘዘቱ ሎኦ እይፍያን አንጀትና።

16 ኡንቱንቱ ቢታይ ሎኦባ ጸላላ ኩሜዳዋ ግደ፤ ቡራን ኤጾያ ታማ ግደን ሃሳዬዳ፣ ጸሳፕ ቤትያ አንጀ ጸላላን ኩሜዳዋ ግደ። ሀ አንጀቱ ኡባይ ዮሴፎ ዛርያ ጋክና፤ እያዉ ሳፕ፣ እ ባረ እሻንቱ ግደን ካፑዋ።

17 ዮሴፎ ኮይሮ የለቱዳ ኮሩማዳን ምና፤ እ ካጨቱ መንገላ ካጭያዳን ምና። እ ካጨቱ ሻእን ፓይደትያ ምናሰ ዛራቱዋ፤ ታሙ ሻእን ፓይደትያ ኤፍሬማ ዛራቱዋ። ሄ ካጨቱዋን እ ካወተላቱዋ ቃይጫና፤ ቢታ ጋጾ ጋካናዉ ኡንቱንታ እ ሱጋና” ያጌዳ።

18 ዛብሎና ዛርያባ ሀዋዳን ያጌዳ፤ “ኔና ዛብሎና፣ ኔን ነ ከሳን ናሽታ፤ ይሳኮራ፣ ኔንካ ነ ዱንካንያን ናሽታ።

19 ኡንቱንቱ ካረ ጋደ እሳ ባረንቱ ደርያኮ ጸሳና፤ ሄዋን ኡንቱንቱ ጌሻተላ ያርሹዋ ያርሻና። ባረ እቁዋን ባረንቱ ዱረተላ፣ አባፕን አባ ማታ ሻፍያፕ ደማና” ያጌዳ።

20 ጋዳ ዛርያባ ሀዋዳን ያጌዳ፤ “ኡንቱንቱ ቢታ እሴዳ ጸሳይ ጋላተቶ፤ ጋድ ሞርክያ ሶምኡዋ መንገሳናዉ፣ ጋሙዋዳን ሻንካቱ።

21 ካፓቶ ጌዳ ሎኦ ቢታ ኡንቱንቱ እኩድና፤ እስራኤልያ ካፓቱ ሺቁዳ ዎደ፣ ኡንቱንቱ መድና ጎዳ ሸንያን ጌሻ ፕርዳ ፕርዳድና” ያጌዳ።

22 ዳን ዛርያባ ሀዋዳን ያጌዳ፤ “ዳን ዎዳላ ጋሙዋ ማላ፤ እ ባሳነፕ ጉፒደ ከሳና” ያጌዳ።

23 ንፍታሌማ ዛርያባ ሀዋዳን ያጌዳ፤ “ንፍታሌም መድና ጎዳ እኦ ኬንተላንን አንጀዋን ዱረቱዳ፤ ኡንቱንቱ ቢታይ ጋላላ አባፕ ቢደ ገድሳ ባጋ ጋኬ” ያጌዳ።

24 እሴራ ዛርያባ ሀዋዳን ያጌዳ፤ “እሴር ሀራ ዛራቱ ኡባፕ እጳደ አንጀቱዳዋ። ባረ እሻቱዋንካ ዳሰቱዳዋ ግደ። እ ቢታይ ዛይትያን ዱረቶ።

25 ኡንቱንቱ ካታማቱካ ብራታ ካርያን ጎርደቲደ ናገትና፤ ባረ ላይላ ኡባን እ ዎልቃማ ግድና።

26 “ኔና ይሸሩና፣ ሳሉዋፕ ህንተና ማዳናዉ፣ ባረ ግታተላን ሻራን ሀመትያ ህንተ ጸሳ ማላ ጸሰ ባዋ።

27 መድና ጸሳይ ህንተንቶ ደኡዋ፤ እ መድና ኩሸቱ ህንተፕ ጋርሳና ደእና። እ ህንተ ሰንገላፕ ህንተ ሞርከቱዋ የደርሴዳ፤ ህንተ ኡንቱንታ ዉርሰ ጳይሳናዳን ህንተንቶ ኦዴዳ።

28 ሄዋ ድራዉ፣ እስራኤልያ እሳይ፣ ቦቕያዋ ባይናን ሳርተላን ደእና፤ ያቆባ ፑልቱ ቁማይን ዎይንያ ኤሳይ ኩሜዳ ጋድያን ደእና፣ ሳሉዋ እራይ ቡክያሳን ደእና።

29 ህንተና እስራኤልያ እሳዉ! ህንተ ዎት አንጀቱድቱ! መድና ጎዳይ እሺዳ ህንተ ማላይ ኦኔ? እ ህንተንቶ ጎንዳላን ህንተና ማድያዋ፤ እን ህንተ ጸንያ ማሻ። ህንተ ሞርከቱ ህንተ ሰንገላን ጉፋናና፤ ህንተካ ኡንቱንቱ ጌሱዋ ላላና” ያጌዳ።

### 34

#### ሙሴ ሀይቁዋ (34:1-12)

1 ሙሴ ሞኡባ ደምባፕ ደንዲደ፣ ናቦ ደርያ ሁጺያ፣ ቃይ ያርኮፕ እዋይ ደልያ ባጋና ደእያ ፕሰጋ ደርያ ሁጺያ ጋኬዳ። ሄዋን መድና ጎዳይ ዳና ጋካናዉ ደእያ ጋላኣደ ቢታ።

2 ንፍታሌማ ቢታ ኡባ፣ ኤፍሬማን ምናሰ ቢታ፣ እዋይ ዉልያ ባጋና ቢደ ሜድተራን አባ ጋካናዉ ደእያ ይሁዳ ቢታን

3 ገድሳ ባጋና ጸኣራፕ ደንዲደ፣ አምባይ ደእያ እያርኮ ካታማ፣ ዛንጋራን ደእያ ደምባ ኡባ በሴዳ።

4 መድና ጎዳይ ሙሳ ሀዋዳን ያጌዳ፤ “እብራሃመዉ ይሳቃዉን ያቆባዉ፣ ታን ህንተ ዛርያዉ እማና፣ ያጋደ ጫቁዳ ቢታይ ሀዋ። ሀእ ኔን ነ እይፍያን በእናዳን ታን ኦላድ፤ ሸን ኔን ያ ፕናካ” ያጌዳ።

5 መጅና ጎዳ ቆማ ሙሴ መጅና ጎዳይ ጌዳዋዳን፣ ሄዋን ሞአባ ጋድያን ሀይቄዳ።

6 መጅና ጎዳይ ቤት-ፓኦራ ካታማፕ ሰንላ ባጋን ሞአባ ዛንጋራን እ ሞጌዳ፤ ሸን ሀኛ ጋካናዉ፣ እ ሞገቴዳ ሳኦ ኤርያ አሳይ ባዋ።

7 ሙሴ ሀይቄያ ዋደ፣ እ ላይሳይ ጾታን ላታማ፤ ሸን እዉ እይፊ እጽቤና፤ እ ዋልቃይካ እጽቤና።

8 እሰራኤልያ አሳይ ሞአባ ደምባን ሀታሙ ጋላሳ ሙሴዉ ዩኬድኖ። ሄዋፕ ጉይያን፣ ሙሴዉ ዩክያን ካዮትያ ዋዲ ዉሬዳ።

9 ኔዌ ናኦይ ኢያሱ አጼዳ ኤራተላ እያናን ኩሜዳ፤ እያዉ ጎፕ፣ ሙሴ ባረ ኮታን እ ኦላናዳን፣ እ ቦላ ባረ ኩሸያ ዋጼዳ። እሰራኤልያ አሳይ ኢያሱዉ እዛዘቴዳ፤ መጅና ጎዳይ ሙሴ ባጋና እሜዳ እዛዘዋካ ናጌዳ።

10 መጅና ጎዳይ ሶምኡዋን ዲማዪደ ኤሬዳ ሙሴ ማላ ትምቢትያ ኦድያ አሳይ እሰራኤልያን ሙለካ ደንድቤና።

11 መጅና ጎዳይ ሙሳ ግብጾ ካትያኮ፣ እናና ኦልያ ካፓቴዋኮን ኩሙንላ አሳኮ ዩዲደ፣ እ ባጋና ኦራላባን ማላልሰያባ ኡባ ኦጼዳ፣ ሙሴ ማላ ትምቢትያ ኦድያ ሀራ አሳይ ኦንን ባዋ።

12 እሰራኤልያ ኡባ ሰንላን ዋልቃማ ዋልቃን ማላልሰያባ ኦጼዳ ሙሴ ማላ አሳይ ኦንን ባዋ።

### ኢያሱ ማጻፋ ገሎቁ

“ኢያሳ” ግያ ሱንላ ብለላይ “ጻሳይ እሸያዎ” ግያዎ። ኢያሱ ማጻፋይ ዛረሱዎ ማጻፋይ ኦዲደ ኤቁዳ ሳኣፕ ደሚደ ዮርዳኖሳ ሻፋፕ ደላሃ ባገና እስራኤልያ እሳይ ኡቲዳዎ ኦዳ። እስራኤልያ እሳይ ሙሴ ኩሸያን ሱን፳ቲዳ ኢያሱ ካለሉና ኦላ ጸኒደ፣ ካናነ ጋድያ ዎት ኦይቁደንቶ ኦድያ ታርክያ ኦይቁዳ። ሀ ማጻፋ ግደን ጸፈቲዳ ዎልቃማ ዎልቃማ ታርከቲዎ ግደፕ ዎናትያዎንቲ። ዮርዳኖሳ ሻፋ ፕንላ፣ ያርኩ ግምቢያ ኩንደላ፣ እይ ካታማ ኦላነ እሳይ ጸሳና ገሌዳ ጫቁዎ ኦራጵሱዳ ታርከቲዎ ኦድያዎ። ሀ ማጻፋ ግደን ዳር ኤረቲዳ ክፍለቲዎፕ ጸቲ፣ “ህንተንቲ ጎይንያዎ ሀቼ ደርተ። ሽን ታናነ ታ ጎላ እሳ ግደፕ፣ ኩን ጸሳዉ ጎይናና” ያግያዎ። (24:15)

#### ሸምፓቲዎ ኡባቶ እመቲዳ ቃንላ ቆፋቲዎ

ካናነ ጸንቲሳ 1:1—12:24

ቢታ ግሹዎ 13:1—21:45

- ሀ. ዮርዳኖሳፕ ደላሃ ባገና ደእያ ቢታ 13:1-33
- ለ. ዮርዳኖሳፕ ዉላሃ ባገና ደእያ ቢታ 14:1—19:51
- ሐ. ባቃት እትያ ካታማቲዎ 20:1-9
- መ. ለዎቲዎ ካታማቲዎ 21:1-45

ደላሃፕ ዬዳ ያራቲ ባረንቲ ሳእ ስሙሳ 22:1-34

ኢያሱ ዉርሰላ ሃሳያ 23:1-16

ሴከማን ቃላ ጫቁዎ ኦራጵሳ 24:1-33

### ካናነ ጸንቲሳ

(1:1—12:24)

ጸሳይ ኢያሳ እዛዜዳ

- 1 ጸሳ ቆማይ ሙሴ ሀይቁዳዎፕ ጉይያን፣ ጸሳይ ሙሳ ማድያ ነዌ ናእ ኢያሳ፣ ሀዎዳን ያጌዳ፤
- 2 “ታ ቆማይ ሙሴ ሀይቁዳ። ሃዎ ድራዉ ኔንነ ሀ እሳይ ኡባይ ደንዲደ ታን እስራኤልያ እሳዉ እዎያ ጋድያ ገላናዉ ሀዎ ዮርዳኖሳ ሻፋ ፕንተ።
- 3 ታን ሙሴዉ ኦዳዳዎዳን፣ ህንተንቲ ገዲ የድያ ሳእ ኡባ ታን ህንተንቶ እማድ።
- 4 ህንተንቲ ዛዎይ ኔቤባ ባዙዎፕ ደንዲደ፣ ለባኖሳ ደርያ ጋካናሳ፤ ኤፍራጺሳ ጌትትያ ዎጋ ሻፋፕ ደንዲደ፣ ሂተቲዎ ጋድያ ኡባና ጉጂደ፣ እዎይ ዉልያ ባገና ደእያ ማድቲራነ እባ ጋካናሳ።
- 5 ኔን ደኤዳ ላይሳ ኡባን ኦይ እሳይነ ኔና ኦላቲደ ተኤና። ታን ሙሴና ግዴዳዎዳን፣ ኔናናካ ግዳና፤ ታን ኔና ኡባክ የግከነ እግከ።
- 6 ዎና፤ ጸላ! እያዉ ሳፕ፣ ታን ኡንቲንቲ ማይዛ እዎቶ እማና ጋይ ጫቁዳ ጋድያ ኔን ሀ እሳ ላትሳናሳ።
- 7 ዎና፤ ሎይሳ ጸላ! ታ ቆማይ ሙሴ ኔና እዛዜዳ ዎጋ ኡባ ምንሳደ ናጋ። ኔን ብያሳእ ኡባን ነዉ ሱራና ማላ፣ እፕ ኡሸቻ ዎይ ሀድርሳ ቦፓ።
- 8 ሀ ዎጋ ማጻፋይ ነ ደናፕ ሻከቶቻ፤ እን ጸፈቲዳዎ ኡባ ምንሳደ ናጋናዉ፣ ጋላሰነ ቃማ እ ቆፓ። ያቶፕ፣ ነዉ ኡባባይካ እንጀታናነ ጊጋና።
- 9 ዎና፤ ጸላ! ነ ብያሳእ ኡባን ታን ጎዳይ ነ ጸሳይ ኔናና ደእያ ድራዉ፣ ያዮፓ! ሀርጎፓ! ጋይ ታን ኔና እዛዛድ” ያጌዳ።

ኢያሱ እሳ እዛዜዳ

- 10 ሃዎፕ ጉየ ኢያሱ እሳ ካፓቲዎ ሀዎዳን ያጌዳ፤
- 11 “ቡተ፤ እሳይ ዲንካኖ ሳና እድ ቢደ፣ እሳ፣ ህንተ ሸንቃ ጊግስተ፤ ሄዙ ጋላሳ ግደን፣ ጸሳይ ህንተንቲ ጸሳይ ህንተንቶ እዎያ ጋድያ ላታናዉ ዮርዳኖሳ ሻፋ ፕኒታ” ያጌደ ኦድተ” ያጌዳ።
- 12 ኢያሱ፣ ርቤላ ዘረላ፣ ጋይ ዛራቲዎን ምናሰ ዛራቲዎፕ ባጋቲዎ ሀዎዳን ያጌዳ፤
- 13 “ጸሳ ቆማይ ሙሴ ህንተንታ እዛዜዳዎ ሀሳይተ። እ ህንተንታ፣ ጻሳይ ህንተንቲ ጎዳይ ህንተንታ ሸምፕሳና፤ ሀ ቢታካ ህንተንቶ እማና ያጌዳ።
- 14-15 ህንተንቲ ማቻቶ፣ ህንተንቲ ናናይነ ህንተንቲ ሙሂ ዮርዳኖሳ ሻፋፕ ሀፍንሳና ሙሴ ህንተንቶ እማዳ ጋድያን ደእሸና። ሸን ህንተንቲ ኦላንቻቲ ባረንቲ ኦላ ሚሻ ኦይቁደ፣ ህንተንቲ ዳባቲዎፕ ሰንላ ጼራን ኦላታናዉ ዮርዳኖሳ ሻፋ ፕንና። ጸሳይ ህንተንታ ሸምፕሴዳዎዳን፣ ኡንቲንታካ

1:3 ዛረ. 11:24-25 1:5 ዛረ. 31:6 8፣ እጠራ. 13:5 1:6 ዛረ. 31:6፣ 7፣ 23 1:12 ፓይ. 32:28-32፣ ዛረ. 3:18-20፤ ኢያሳ 22:1-6

ሸሞጥሳና ጋካናሰነ ጸሳይ ህንተንቱ ጸሳይ ኢንቴንግቴወካ እምያ ጋድያ ኢንቴንግቴ ላታና ጋካናወ። ኢንቴንግቴ ማድተ። ሄዋጥ ጉይያን ሰሞ ቢደ። ጸሳ ቆማይ ሙሴ ዮርዳኖሳ ሻፋጥ ሀፍንገላን እዋይ ደልያ ሳጋና እሚዳ ህንተንቱ ጋድያን ደለተ” ያጌዳ።

16 ሄዋጥ ኢንቴንግቴ ኢያሳ። “ኣን ኑና እዛዜዳዋ ኡባ ኑን ኦላና፤ ኔን ከትያ ሳኣ ሀቃነ ባና።

17 ሙሴወ ኡባባን እዛዘቴዳዋዳን። ነወካ እዛዘታና። ጸሳይ ነ ጸሳይ ሙሴና እትጥ ግዴዳዋዳን። ኔናናካ እትጥ ግዴ።

18 ነ እዛዘ ማካልያዌን ነ እዛዜዳዋ እያን እዛዘተናን እጽያዌ ሀይቆ። ኔን ሞና፤ ጸላ!” ያጌድና።

## 2

### ኢያሱ ጌድያዋንታ ያርኮ ከቴዳ

1 ነዌ ናኦይ ኢያሱ ጋድያ ጌድያ ላኡ አሳቱዋ ሸጽማ ጌተትያ ሳኣጥ ቆሱዋን ከተደ ኢንቴንግቴ “ቢተ፤ ጋድያ ጌድተ፤ ያርኮ ካታማ ቃይ ዲማ ጌድተ” ያጌዳ።

2 ሄዋጥ ኢንቴንግቴ ቢደ። ራኣቦ ጌተትያ ሻርሙጸት ሶ አቃናወ ገሊድና።

3 ያርኮ ካቱ። “እስራኤልያ አሳጥ ከተቴዳዋንቱ ሀ ጋድያ ጌዳናወ ቃማ ዬድና” ግያ ኦዲዋ ሰሴዳ።

3 ያርኮ ካቱ ራኣብወ ሀዋዳን ያገደ ከቴዳ፤ “ኣ ሶ ዪደ ገሌዳ አሳቱዋ ከሳደ እማ። እያወ ሳጥ። ኢንቴንግቴ ጋድያ ኡባ ጌዳናወ ዬድና” ያጌዳ።

4 ሸን ሞሽራታ ሄ ላኡ አሳቱዋ ቆሳ ድጋደ። ሀዋዳን ያጋዲ፤ “ኤ አሳቱ ታኮ ዬድና፤ ሸን ኢንቴንግቴ ሀቃጥ ዬደንቶን ታን ኤራቢይከ።

5 እማርሰ ካታማ ጥንግያ ጎርዳና ሀንያ ዋደ። ኢንቴንግቴ ከሲደ ቤድና፤ ኢንቴንግቴ ሀቃ ቤድናንቶ ታን ኤርከ። ኤሌል ካልያዋ ግደጥ። ህንተንቱ ኢንቴንግቴ ኦይቃንታ” ያጋዲ።

6 ሸን ራኣባ አሳቱዋ ጎልደ ቦላን ደሞባዪደ ኦሌዳ ሳኣ ከሳደ። ሱፍያ ጌተትያ ማዋዋ ከሰያ ታልባ ዳላ ድርያ ግደን ኢንቴንግቴ ቆሳ ዋሳዲ።

7 ያትና። አሳቱ ጌድያዋንታ ኮያናወ ከሲደ። ዮርዳኖሳ ሻፋ ጥኑዋ እፍያ ኦግያ ኦይቂደ ቤድና። ኮይያዋንቱ ካታማጥ ከሶንን። ካታማ ጥንጊ ጎርደቴዳ።

8 ጌድያዋንቱ ገምእሻናጥ ካሰታደ። አ ኢንቴንግቴኮ ፑደ ከሳደ። ኢንቴንግቴ ሀዋዳን ያጋዲ፤

9 “ጸሳይ ሀ ጋድያ ህንተንቶ እሚዳዌ። ህንተንቱ ኑና ዋልቃማ ያሻ ያሸንዋን ሀ ጋድያን ደእያ አሳይ ኡባይ ህንተንቶ ሀርጋ ሀይቆያዋ ታን ኤራይ።

10 እያወ ሳጥ። ግብጹ ጋድያጥ ህንተንቱ ከሴዳ ዋደ። ህንተንቱ ሰንገላን ዘኦ አባ ጸሳይ ዋት ሙልሴደንቶን ኑን ሰሴዳ። ቃይ ዮርዳኖሳ ሻፋጥ እዋይ ደልያ ሳጋና ደእያ እሞረ ጋድያ ካተቱዋ ላእቱዋ። ሰሆናን ኦጋን ህንተንቱ ዋት ኡባና ጳይሴደንቶን ሰሴዳ።

11 ኑን ሄዋ ሰሴዳ ዋደ። ኑ ዋዛናይ ኮልዳዲ፤ አሳይ ኡባይ ህንተንቶ ጸልያዋ አግ ባሼዳ። እያወ ሳጥ። ጸሳይ ህንተንቱ ጸሳይ ቦላ ሳሉዋንካ ጋርሳ ሳኣንካ ጸሳ።

12 ሄዋ ድራወ። ታን ህንተንቶ ኬኬዳዋዳን። ህንተንቱካ ታ አወዋ ጎልያ አሳወ ኬካናዳን ታወ ጸሳን ሄዋወካ እማንልያ ማላታ እምተ።

13 ታ አወዋን ታ ዳዮ። ታ እሻቱዋን ታ ሞቼቱዋ ኢንቴንግቴሳ ግዴዳዋ ኡባ ጋጾ አግተ፤ ኑና ሀይቆዋጥ አሸተ” ያጋዲ።

14 ሄ አሳቱ። “ኑን ኦሌዳዋ ኔን ኦደናን አግና። ኑን ነወ ጫቆዳ ጫቆዋ ፖላና ጳዮጥ። ጸሳይ ኑና ዋቆ! ጸሳይ ሀ ጋድያ ኑወ እምያ ዋደ። ኑን ነወ እማንታናን ኬካና” ያጌድና።

15 ራኣባ ደእያ ከላይ ካታማ ድርሳና ኦይቀቲደ ኬጸት ኡቴዳ ድራወ። ማሰኮትያና ዋደሩዋ ዲገ ዮደደ። ኢን ዲገ ዋሳዲ።

16 ራኣባ ኢንቴንግቴ። “ህንተና ኮይያዋንቱ ደመና ማላ። ደርያ ቢደ ኢንቴንግቴ ሰማና ጋካናወ። ያን ሄዙ ጋላሳ ቆሰትሸተ። ሄዋጥ ጉይያን ህንተንቱ ብያሳኣ ቢተ” ያጋዲ።

17-18 አሳቱ እዘ። “ኣን ነ ጋድያ ገልያ ዋደ። ሀ ዘኦ ዋደሩዋ ኔን ኑና ከሴዳ ማሰኮትያን ቃቻና ጳዮጥን ነ አወዋ። ነ ዳዮ። ነ እሻቱዋን ነ ሶ አሳ ኡባ ኔኮ ሶ አሀና ጳዮጥ። ኔን ኑና ጫቂሴዳ ጫቆ ኑወ ጎመተና።

19 ኦንን ነ ሶጥ ካረ ኦግያ ከሲደ ሀይቆንቶ። ሄዌ አ ጎመ፤ ኑን ሄዋን እሸቶኩ። ኔናና ሶን እትጥ ደእያዌ ኩሸያን ቦሸቶጥ። አ ሱላ ጎሚ ኑና ጋኮ።

20 ሸን ኑን ኦሌዳዋ ኔን ኦደጥ። ኔን ኑና ጫቆሴዳ ጫቆ ኑወ ጎመተና” ያጌድና።

21 ሄዋጥ ገዮ እዘ። “ህንተንቱ ጌዳዋዳን ሀና” ጋደ። ኢንቴንግቴ ሞይዛዲ። ኢንቴንግቴ ቤዳዋጥ ጉይያን። ሄ ዘኦ ዋደሩዋ ማሰኮትያን ቃቻዲ።

22 ኢንቴንግቴ ፑደ ገዘያ ቢደ። ያን ቆሰቴድና፤ ዮደርሰያዋንቱ ያርኮ ሰማና ጋካናወ። ኢንቴንግቴ ያን ሄዙ ጋላሳ ጋሞኤድና። ዮደርሰያዋንቱ ኦግያ ኡባን ኮዬድና፤ ሸን ኢንቴንግቴ ደሞቤይክና።



23 ሄዋጥ ጉይያን ሄ ላሌ አሳቱ ደርያጥ ዋዲድ፡፡ ዮርዳኖሳ ሻፋካ ጥረድ፡፡ ነዌ ናኦ ኢያሱኮ ሰሚዶ ዬድኖ፡፡ ባረና ጋኬዳዋ ኡባ አው ኦዴድኖ፡፡  
 24 ኡንቱንቱ ኢያሳ፡፡ “ጸሳይ ቱሙ ቢታ ኡባ ኑወ አላ ለሚዳ፡፡ ቃይ ጋድያን ደእያ አሳይ ኡባይ ኑወ ያሻ ኮልዴዳ” ያጌድኖ፡፡

### 3

#### እስራኤልያ አሳይ ዮርዳኖሳ ሻፋ ጥኔዳ

1 ኢያሱኮ እስራኤልያ አሳይ ዋንታ ጉራን ደንዴድኖ፡፡ ኡንቱንቱ ሺጽማ ጌተትያ ሳኣጥ ደንዴድ፡፡ ዮርዳኖሳ ሻፋኮ ቢደ ጥናን ያን ጋምኤድኖ፡፡  
 2 ሂዙ ጋላሳጥ ጉይያን፡፡ ካፓቱ ኡንቱንቱ ዲንካኔዳ ሳኣን ሰመረቱድኖ፡፡  
 3 አሳ ሀዋዳን ያጊደ አዛዘድኖ፤ “ጸሳ ህንተንቱ ጸሳ ቃላ ጫቁዋ ታቦታ ኦ ቶኬዳ ሌዊያ ዛረ ቁሳቱ ዋ በእያ ዋደ፡፡ ህንተንቱ ዲንካኔዳ ሳኣጥ ደንዴድ፡፡ ኡንቱንታ ካልተ፡፡  
 4 ህንተንቱ ካሰ ሀ ኦግናና ብ ኤረና ድራው፡፡ ህንተንቱ ባና ኦግያ ኡንቱንቱ ህንተንታ በሳና፡፡ ሸን ቃላ ጫቁዋ ታቦታኮ ሺቆጥተ፤ ቃላ ጫቁዋ ታቦታጥ ላሌ ሻአ ዋቆ ግድያዋ ኬሻ ሃኩዋን ኤቂተ” ያጌድኖ፡፡  
 5 ኢያሱ አሳ፡፡ “ህንተንቱ ሀጺያወ ጌይተ፤ እያወ ሳጥ፡፡ ጸሳይ ዋንት ህንተንቱ ግደን ማላልሰያባ ኦሳናዋ” ያጌድኖ፡፡  
 6 ቃይ ኢያሱ ቁሳቱ ዋ፡፡ “ቃላ ጫቁዋ ታቦታ ቶኪደ፡፡ አሳጥ ሰንሳወ አድተ” ያጊደ ኦዴዳ፡፡ ቃላ ጫቁዋ ታቦታ ቶኪደ፡፡ አሳጥ ሰንሳወ አድድኖ፡፡  
 7 ጸሳይ ኢያሳ፡፡ “ታን ሙሴና ግዴዳዋዳን፡፡ ኔናና ግዳናዋ እስራኤልያ አሳይ ኡባይ ኤራና ማላ፡፡ ሀቼ ኡንቱንቱ ሰንሳን ታን ኔና ቆቁ ቆቁ ኦሳናወ ደማና፡፡  
 8 ኢን ቃላ ጫቁዋ ታቦታ ቶኪያ ቁሳቱ ዋ፡፡ ዮርዳኖሳ ሻፋ ደናወ ጋክያ ዋደ፡፡ ሃላን ገለደ ኤቂተ” ያጋደ አዛዛ” ያጌድኖ፡፡  
 9 ኢያሱ እስራኤልያ አሳ፡፡ “ሃ ዪተ፤ ጸሳ ህንተንቱ ጸሳ ቃላ ሰሰተ፡፡  
 10 ደአዋ ጸሳይ ህንተንቱ ግደን ደእያዋን ኦ ቱሙጥ ካናንቱዋ፡፡ ሂተቱዋ፡፡ ፓርዘቱዋ፡፡ ገርጌሰቱዋ፡፡ አዋረቱዋን ያቡሳቱዋ ህንተንቱ ሰንሳጥ ከሳናዋ ህንተንቱ ኤራናዋ፡፡  
 11 ሳኣ ኡባ ጎዳ ቃላ ጫቁዋ ታቦታይ ህንተጥ ሰንሳቲደ፡፡ ዮርዳኖሳ ሻፋ ጥንያ ዋድያና፡፡  
 12 ሀእ እስራኤልያ ዛራቱዋጥ ታማን ላሌ አሳቱዋ ደርተ፤ እት እት ዛርያጥ እት እት አሳ ግደ፡፡  
 13 ሳኣ ኡባ ጎዳ፡፡ ጸሳ ቃላ ጫቁዋ ታቦታ ቶኬዳ ቁሳቱዋ ገዲ ዮርዳኖሳ ሃላ ቦቕያ ዋደ፡፡ ቆዋጥ ዲገ ጎግያ ዮርዳኖሳ ሃላይ ኤቃና፤ እት ሳኣ ሸቁደ ደረታና” ያጌድኖ፡፡  
 14 አሳይ ዮርዳኖሳ ሻፋ ጥናናወ ባረንቱ ዲንካንያጥ ከሴዳ ዋደ፡፡ ቃላ ጫቁዋ ታቦታ ቶኬዳ ቁሳቱ እሳጥ ሰንሳን ሀመቲድኖ፡፡  
 15 ካላ ጫክያ ዋድያን ኡባን ዮርዳኖሳ ሻፋይ ኩንጮዳ፡፡ ግደጥ፡፡ ቃላ ጫቁዋ ታቦታ ቶኬዳ ቁሳቱ ዮርዳኖሳ ሻፋ ጋክና፡፡ ኡንቱንቱ ገዲ ሃላ ጋጸ የዴዳ ዋደ፡፡  
 16 ቆዋጥ ዲገ ጎግያ ሃላይ ኤቁ አኔዳ፤ ህን ዳርሰ ሃኩ ሳን፡፡ ጸርታና ግያ ሳን ደእያ አዳማ ጌተትያ ካታማን እት ሳኣ ሸቁደ ደረቲድ፡፡ ዲገ አራባ ጋቆን ደእያ ማጽን አባወ ጎግያ ሃላይ ቃይ ኡባይ ዲዲደ እት ባሾዳ፡፡ ያትና፡፡ አሳይ ያርኩ ካታማ ሄፍንሳ ጥኔዳ፡፡  
 17 እስራኤልያ አሳይ ሙላ ጋድያ የዲደ ጥንያ ዋደ፡፡ አሳይ ኡባይ ጥኔደ ወራና ጋክናወ ጸሳ ቃላ ጫቁዋ ታቦታ ቶኬዳ ቁሳቱ ዮርዳኖሳ ሻፋ ግደን ሙላ ቢታን ኤቂድኖ፡፡

### 4

#### ሀሳይሰያ ሹቻቱዋ ኤሴድኖ

1 አሳይ ኡባይ ዮርዳኖሳ ሻፋ ጥረድ ወራዳ ዋደ፡፡ ጸሳይ ኢያሳ፡፡  
 2 “እስራኤልያ አሳጥ ታማን ላሌ አሳቱዋ ደራ፤ እት እት ዛርያጥ እት እት አሳ ግደ፡፡  
 3 ያታደ ኡንቱንቱ፡፡ ዮርዳኖሳ ሻፋ ግደን ቁሳቱዋ ገዲ ኤቁዳ ሳኣጥ ታማን ላሌ ሹቻቱዋ አክተ፤ ሄ ሹቻቱዋ ቶክ አዕደ፡፡ ሀቼ ቃማ ህንተንቱ አቅያ ሳኣን ዋለተ” ያጋደ አዛዛ” ያጌድኖ፡፡  
 4 ኢያሱ እስራኤልያ ዛርያጥ እቱዋ እቱዋ አኪደ፡፡ ታማን ላሌ አሳ ደራዳዋንታ ጸሴዳ፡፡  
 5 ኡንቱንታ፡፡ “ጸሳ ህንተንቱ ጸሳ ቃላ ጫቁዋ ታቦታይ ጸሳ ገለደ እስራኤልያ ዛራቱዋ ፓይዳዋን፡፡ ኡባይካ እት እት ሹቻ ህንተንቱ ሀሸያን ቶክተ፡፡  
 6 ሀ ሹቻቱ ጸሳይ ሀቼ ኦልዳዋ ህንተንታ ሀሳይሰያ ማላታ ግድኖ፡፡ ዋደጥ ህንተንቱ ናናይ ህንተንታ፡፡ ‘ሀ ሹቻቱ አይባቤ?’ ያጊደ ኦቕያ ዋደ፡፡  
 7 ህንተንቱ፡፡ ጸሳ ቃላ ጫቁዋ ታቦታ ሰንሳን ዮርዳኖሳ ሻፋይ ጎገላ አጊደ ኤቁዳዋ እስራኤልያ አሳ ሙድናወ ሀሳይሰያ፡፡ ቃላ ጫቁዋ ታቦታይ ጥንሸን፡፡ ዮርዳኖሳ ሃላይ ሻከቲዳ ያጊደ ኡንቱንቶ ኦድተ” ያጌድኖ፡፡

8 እስራኤላቱ ኢያሱ አዛዜዳዋዳን አፈድኖ። ጳሳይ ኢያሱ ኦዴዳዋዳን፣ እስራኤልያ ዛራቱዋ ፓይዲዋን አሳቱ ታማነ ላኡ ሹቻቱዋ ዮርዳኖሳ ሻፋ ግደጥ እኬድኖ፤ ቶክ አሂደ፣ ባረንቱ አቅያ ሳካን ዋጤድኖ።

9 ኢያሱ ቃላ ጫቀዋ ታቦታ ቶኬዳ ቄሳቱዋ ገዲ ዮርዳኖሳ ሻፋ ግደን ኤቄዳ ሳካን፣ ሀራ ታማነ ላኡ ሹቻቱዋ ኤሴዳ፤ ሄ ሹቻቱ ሀቼ ጋካናዉ ያን ደአኖ።

10 ጳሳይ ኢያሳ አዛዜዳዋ ኡባ አሳይ ፖላና ጋካናዉ፣ ቃላ ጫቀዋ ታቦታ ቶኬዳ ቄሳቱ ዮርዳኖሳ ሻፋ ግደን ኤቄድ ጋምኤድኖ፤ ሙሴ ኢያሳ አዛዜዳ አዛዙካ ሂዋ።

አሳይ ኤሌሊደ ሻፋ ጥኔዳ።

11 አሳይ ኡባይ ጥኔዳዋጥ ጉይያን፣ ጳሳ ቃላ ጫቀዋ ታቦታይን ቄሳቱ አሳይ ዴልሽን ጥኔድኖ።

12 ሙሴ አዛዜዳዋዳን፣ ርቤላ ዛራቱ፣ ጋደ ዛራቱን ምናሰ ዛራቱዋጥ ባጋይ ኦላ ሚሻ ኦይቄድ፣ እስራኤልያ አሳ ሰንሳና ጥን ኡቴድኖ።

13 ኡንቱንቱ ፓይዲ ኦይታሙ ሻኦ ግድያዋ። ኡንቱንቱ ጳሳ ሰንሳን፣ ያርኮ ማታን ደአያ ደምባን ኦላዉ ሳልፔድኖ።

14 ሄ ጋላሰ ጳሳይ ኢያሳ እስራኤልያ አሳ ኡባ ሰንሳን ቆቁ ቆቁ አፊዳ። ሄዋ ድራዉ ሙሳ ቦንቹዳዋዳን ኢያሳካ አ ደኡዋ ላይላ ኡባን ቦንቹድኖ።

15 ጳሳይ ካሰ ኢያሳ፣

16 “ቃላ ጫቀዋ ታቦታ ቶኬዳ ቄሳቱ ዮርዳኖሳ ሻፋጥ ከሰተ” ያገደ ኦድኖ።

17 ኢያሱ ቄሳቱዋ፣ “ዮርዳኖሳ ሻፋጥ ከሰተ” ያገደ አዛዜዳ።

18 ጳሳ ቃላ ጫቀዋ ታቦታ ቶኬዳ ቄሳቱ ዮርዳኖሳ ሻፋ ግደጥ ከሲደ ሙላ ቢታ ኡንቱንቱ የዲዳዋን፣ ኤላካ ዮርዳኖሳ ሃላይ ባረ ሳኦ ሰሚደ ካሰ ጎገያዋዳን ጋጸ ጋካናዉ ኩሚደ፣ ጎገላ ደሚዳ።

19 አሳይ ኮይሮ አገናን ሄ አገናዉ ታማነላ ጋላሳን ዮርዳኖሳ ሻፋ ጥኔደ፣ ያርኮና አዋይ ዶልያ ባጋን ዛዋትያ ገልጋላን ዲንካኔድኖ።

20 ኢያሱ ዮርዳኖሳ ሻፋጥ አየቱዳ ታማነ ላኡ ሹቻቱዋ ገልጋላን ኤሴዳ።

21 እስራኤልያ አሳ ሀዋዳን ያጌዳ፤ “ዋደጥ ህንተንቱ ዛራቱ ባረንቱ አዎቱዋ፣ ሳ ሹቻቱ አይባቤ?” ያገደ ኦቶያ ዋደ።

22 ላስራኤልያ አሳይ ዮርዳኖሳ ሻፋ ሙላ ቢታ የዲደ ጥኔዳዋ ሀሳይሰያዋንታ” ያገደ ኦድተ።

23 ኦን ጥና ጋካናዉ፣ ጳሳይ ኦ ጳሳይ ዞኦ አባ ካሰ ኦ ሰንሳን ሙልሴዳዋዳን፣ ህንተንቱካ ጥና ጋካናዉ፣ ጳሳይ ህንተንቱ ጳሳይ ዮርዳኖሳ ሻፋ ህንተንቱ ሰንሳን ሙልሴዳ።

24 ሄዋ አ አፊዳቄ ሳካን ደአያ አሳይ ኡባይ ጳሳ ዋልቃይ አይ ኬሻ ግተንቶ ኤራናዳን ህንተንቱካ ጳሳዉ፣ ህንተንቱ ጳሳዉ፣ ሙድናዉ ያያናዳኖ” ያጌዳ።

### 5

1 ዮርዳኖሳ ሻፋጥ አዋይ ዉልያ ባጋና ደአያ አዋራዋናቱዋ ካተቱን ሜድትራን አባ ላንቄያ ላንቄያ ኦይቄደ ደአያ ካናንቱ ካተቱ ኡባይ፣ እስራኤልያ አሳይ ጥና ጋካናዉ ጳሳይ ዮርዳኖሳ ሻፋ ሃላ ሙልሴዳዋ ሰሴዳ ዋደ፣ ኡንቱንቱ ዋዛናይ ኮልዳዳ። ኡንቱንቱ እስራኤልያ አሳና ጋከታናዉ ጸልቤደክና።

#### እስራኤልያ አቱማ አሳይ ቃጸረቴዳ

2 ሄ ዋደ ጳሳይ ኢያሳ፣ “ሳልያ ጌተትያ ሹቻጥ ቃራ ማቅላ ገገሳደ፣ እስራኤልያ አቱማ አሳ በንዋንቱዋዳን ሀኦካ ቃጸራ” ያጌዳ።

3 ኢያሱ ሳልያ ጌተትያ ሹቻጥ ቃራ ማቅላ ገገሲደ፣ ቃጸራ ደርያ ጌተትያ ሳካን እስራኤልያ አሳ ቃጸራዳ።

4 አ ሄዋ አፊዳ ጋሱ፣ ግብጾጥ ከሴዳ አሳን ላይላይ ኦላዉ ጋኬዳ አቱማ አሳይ ኡባይ ግብጾጥ ቢደ ዋራን ሀይቄዳ።

5 ግብጾጥ ከሴዳ አቱማ አሳይ ኡባይ ቃጸረቴዳ፤ ሽን ዋራን ዩይያ ዋደ የለቱዳ አቱማ ናናይ አቱን ቃጸረትቤና።

6 እስራኤልያ አሳይ ጳሳይ ጳሳይ አዛዘተናን አጼዳ ድራዉ፣ ግብጾጥ ከሰያ ዋደ ላይላይ ኦላዉ ጋኬዳ አቱማ አሳይ ኡባይ ሀይቄደ ዉራና ጋካናዉ ዋራን ኦይታሙ ላይላ ዩይዳ። ሄዋነ፣ ጳሳይ ኡንቱንታ፣ “ኡሳይን ማላይ ጎገያ አራዳ ጋድያ፣ ታን ካሰ ህንተንቱ ማይዛ አዋቶ አማና ጌዳ ሄ ጋድያ ህንተንቱ በአክታ” ጌዳ ቃላይ ፖላታናዳና።

7 ሄዋ ድራዉ ጳሳይ ኡንቱንቱ ናና ኡንቱንቱ ሳካን ደንሌዳ፤ ኢያሱ ቃጸራዳዋንቱካ ሂዋንታ። ኡንቱንቱ ቃጸረተናን ደአያዋ ኦገያን ቢደ ኡንቱንቱ ቃጸረትቤና ድራሳ።

8 አሳይ ኡባይ ቃጻረቲዳዋጥ ጉይያን፣ ኤንቴንቴ ማይላይ ፓጻና ጋካናወ ባረንቴ ዲንካኔዳ ሳኣን ጋሞኤድኖ።

9 ጸሳይ ኢያሳ፣ “ሆቼ ታን ግብጹቱዋ ቦርያ ህንተጥ ድጋድ” ያጌዳ። ሄ ሳኣ ሱንላይ ሆቼ ጋካናወ ገልጋላ \* ጌተቴ።

10 እስራኤልያ አሳይ ያርኮ ደምባን ገልጋላ ግያ ሳን ዲንካኔድ፣ አግናወ ታማን ኦይደንሉ ጋላሰ ኦማርሴዳዋን ፓሰጋ ባላ ቦንቼዳ።

11 ፓሰጋጥ ጉይያን ዋንተላ ጋላሰ፣ ቢታን ዶልያ ካላ ኦይፍያ እርሹ ገልቤና ኡክላን ጸጸቲዳ ትሻ ሜዳ።

12 ሄ ቢታን ዶልያ ካላ ሜዳ ዋንተላ ጋላሰ ማናይ ቡክያዋ እግ ባሹዳ። ሄዋጥ ጉይያን እስራኤልያ አሳይ ማና ደምቦር። ሄ ዋድያጥ ዶሚደ ኤንቴንቴ ካናንን ዶልያ ካላ ሚደ ደኤድኖ።

**ኢያሳን አዳ ኦይቄዳ ብታንያ**

13 ኢያሱ ያርኮ ማታን ደእያ ዋድ፣ ቶቄ ጊደ ጸሊደ፣ እት ብታኒ ማሻ ሾድ ኦይቄድ፣ ባረ ሰንላን ኤቄዳዋ ቦኤዳ። ኢያሱ እኮ ሸቀደ፣ “ኔን ኑ ባጋ አሲየ ኑ ሞርከቱዋ ባጋ አሲን?” ያጌዳ።

14 ብታኒ፣ “ታን ኑ ባጋካ ግድከ። ሸን ታን ጸሳ ኦላንቻቱ ጋዳዋ ግዳደ ሀእ ያድ” ያጌዳ።

ኢያሱ ሳኣን ኩንድ ጎይኒደ፣ “ታ ጎዳይ ቆማዉ ኦድያባይ አይ?” ያጌዳ።

15 ጸሳ ኦላንቻቱዋ ጋዳዋይ፣ “ኔን ኤቄዳ ሳኣይ ጌሻ ግዴዳ ድራዉ፣ ነ ገድያጥ ጫማ ከሳ” ያጌዳ። ኢያሱ እ ጌዳዋዳን ኦሌዳ።

**6**

**ያርኮ ኩንዴዳ**

1 እስራኤልያ አሳዉ ያዬዳ ጋሱዋን ያርኮ ካታማ ድርሳ ጥንገቱ ጎርደቲደ ናገቲኖ፤ ካታማ ገላናዉን ካታማጥ ከሳናዉ ዳንዳይያ ኦንነ ባዋ።

2 መድና ጎዳይ ኢያሳ፣ “ጸላ፣ ታን ያርኮ ካታማ ኦ ካትያና ኦ ሞኖ ኦላንቻቱዋካ ነ ኩሸያን አላደ እማድ።

3 ኔንነ ነ ኦላንቻቱ ሳልፒደ፣ ኡሱፑን ጋላሳይ ጋካናወ ሆቼ ሆቼ ካታማ ድርሳ እት ገደ ዩይ አድተ።

4 ቃይ ላፑን ቄሳቱ ደርሳቱዋ ካጭያጥ ከሴዳ ላፑን ማላካታቱዋ ኦይቄድ፣ ጸሳ ቃላ ጫቁዋ ታቦታ ሰንላና ሀመትኖ። ላፑንላ ጋላሰ ቄሳቱ ማላካታቱዋ ፑንሸን፣ ኦላንቻቱ ሳልፒደ፣ እትጥ ካታማ ላፑ ገደ ዩይ አድተ።

5 ሄዋጥ ጉይያን ማላካታቱዋ ፑኑዋ ጎቼደ ፑንያዋ ሰሰያ ዋድ፣ ኤላካ አሳይ ኡባይ ባረ ቃላ ቶቄ ኦሌደ ዋሶ። ያቶጥ ካታማ ድርሳ ግምቤ ኩንድና አሳይ ኡባይ ሰንላዉ ላዉሁ ጊደ ገላና” ያጌዳ።

6 ነዋ ናአይ ኢያሱ ቄሳቱ ዋ ጸጊደ፣ “መድና ጎዳ ቃላ ጫቁዋ ታቦታ ቶክተ፤ ህንተጥ ላፑን ቄሳቱ ላፑን ማላካታቱዋ ኦይቄድ፣ ቃላ ጫቁዋ ታቦታጥ ሰንላዉ አጂደ ሀመትኖ” ያጌዳ።

7 አሳ፣ “ሰንላዉ ቢተ፤ ካታማ ዩይ አድተ፤ ኦላዉ ጊጌዳዋንቴካ መድና ጎዳ ቃላ ጫቁዋ ታቦታ ሰንላን ሀመትኖ” ያጌደ አዛዜዳ።

8 ኢያሱ አሳዉ ሃሳዬዳዋዳን፣ ላፑን ቄሳቱ ላፑን ማላካታቱዋ መድና ጎዳ ሰንላን ኦይቄድ፣ ፑኒደ ሀመቲድኖ፤ ቃይ መድና ጎዳ ቃላ ጫቁዋ ታቦታይ ኤንቴንታ ካሌዳ።

9 ኦላዉ ጊጌዳዋንቴ ማላካታቱዋ ፑንያ ቄሳቱዋ ሰንላን ብያ ዋድ፣ ጉየና ናግያ ኦላንቻቱ ቃላ ጫቁዋ ታቦታ ጉየና ካሌድኖ። ሄ ዋድያ ኡባን ማላካታቱ ፑነቲኖ።

10 ሸን ኢያሱ አሳ፣ “ታን ህንተንታ፣ ‘ዋሰተ!’ ጋና ጋላሳይ ጋካናወ፣ ኦላ ዋሱዋ ዋሶፕተ፤ ህንተንቴ ቃላይ ሰሰቶፖ፤ እት ቃላካ ቃቶፕተ። ግድን ሄ ዋደ ዋሰተ!” ያጌደ አዛዜዳ።

11 ያቲደ መድና ጎዳ ቃላ ጫቁዋ ታቦታይ ቶከቲደ፣ ሄ ካታማ እት ገደ ዩይ አጻናዳን ኦሌዳ። ሄዋጥ ጉይያን አሳይ ባረ ዲንካኔዳ ሳኣ ሰሚደ፣ ቃማ ያን አቄዳ።

12 ዋንተላ ጋላሰ ኢያሱ ጉሪደ ደንዴዳ፤ ቄሳቱካ መድና ጎዳ ቃላ ጫቁዋ ታቦታ ቶከቲድኖ።

13 ላፑን ማላካታቱዋ ኦይቄደ ላፑን ቄሳቱ ሰንላዉ አጂደ፣ ማላካታቱዋ ፑኒደ መድና ጎዳ ቃላ ጫቁዋ ታቦታ ሰንላን ሀመቲድኖ። ኦላዉ ጊጌዳዋንቴ ህንቴቱጥ ሰንላን ሀመቲድኖ፤ ጉየና ናግያ ኦላንቻቱካ መድና ጎዳ ቃላ ጫቁዋ ታቦታ ጉየና ካሌድኖ። ሄ ዋድያ ኡባን ማላካታቱ ፑነቲኖ።

14 ላኤንሉ ጋላሰ ካታማ እት ገደ ዩይ አጂደ፣ ባረንቴ ዲንካኔዳ ሳኣ ሰሚድኖ። ኡሱፑን ጋላሳ ጋካናወ ሄዋዳን ሀኔድኖ።

\* 5:9 ገልጋላ፡ ሀ ሰንላ ብለላይ እብላቄቱዋን፣ “ድጌዳ” ዋይ “ጎንደርሴዳ” ግያዋ ማላቲ። 5:10 ከሳ 12:1-13 5:12 ከሳ 16:35

15 ላፑንሳ ጋላስ ጸልቁ ዶልያ ዎደ ደንዲደ፣ ካሰዋዳን ካታማ ላፑ ገደ ዩይ ዩይ አዲድና። ካታማ ኢንቴንቴ ላፑ ገደ ዩይ ዩይ አዲዳዊ ሄ ጋላስ ጸላላና።

16 ላፑንሳ ዩሻን፣ ቁሳቱ ማላካታቱዋ ፑንያ ዎደ፣ ኢያሱ አሳ፣ “መድና ጎዳይ ካታማ ሀንተንቶ አሲደ እማዳ ድራው፣ ዋሰተ።

17 ካታማይነ ካታማ ግደን ደእያባይ ኡባይ መድና ጎዳዉ ሸቀቶዋ ግዳዲ፣ ጳያናዉ በስ። ኑን ጋድያ ጌዳናዉ ኪቴዳ አሳቱዋ ቆሳደ እሼዳ ድራው፣ ሻርሙጽያ ራኣባነ እ ሶን እዝና እትፕ ደእያ አሳ ጸላላይ አታናዋ።

18 ሸን ሀንተንቴ ሸቃ ግዴዳባፕ እያነ እከናዳን ሀንተንቴ ሁጺያዉ ናገትተ። ሸቃ ግዴዳባፕ ሀንተንቴ እኮፕ፣ እሰራኤላቱ ዲንካኔዳ ሳእ ባይያ ሳእ ኦላንታ፤ ያቲደ ሄ ሳእዉ መቱዋ አሀንታ።

19 ብራይነ ዎርቃይ ኡባይ፣ ቃይ ናሃሰያፕነ ብራታፕ መፍቲዳ ሚሻቱ ኡባይ መድና ጎዳዉ ጌዬዳዋ ግድና። ኢንቴንቴ መድና ጎዳ ሚሻ ምንጅያ ሳእን ደእኖ” ያጌዳ።

20 ሄዋ ድራው ማላካታቱ ፑነትና አሳይ ዋሴዳ። ማላካታቱ ፑኑዋን አሳይ ባረ ቃላ ጶቁ ኦሲደ ዋሴዳ፤ ኤላካ ካታማ ድርሳ ግምቢ ኩንድ አኔዳ! ሄዋፕ ጉይያን አሳይ ኡባይ ሰንሳዉ ላዉሀ ግ ገልነ ካታማ ኦይቂ አኔዳ።

21 ካታማን ሸምፑዋና ፓጾ ደኤዳዋ ኡባ፣ ማጫዋ አቱማዋ፣ ናናቱዋ ጭማ፣ ሚዛ፣ ድርሳነ ሀርያ ኡባ ቃራ ማሻን ዉርሰ ዎዴዳ።

22 ኢያሱ ቢታ ጌዳናዉ ኪተቴዳ ላኡ አሳቱዋ፣ “ሻርሙጽቶ ራኣብ ሶ ቢደ ካሰ ሀንተንቴ እዝዉ ጫቄዳዋዳን፣ እዞነ እዝዉ ደእያዋ ኡባ ጋጾ ከሰተ” ያጌዳ።

23 ቢታ ጌዴዳ ዎዳላቱ ቢደ፣ ራኣቡ፣ እ አዉዋ፣ እ ዳዮ፣ እ እሻቱዋነ እዝዉ ደእያዋ ኡባ ጋጾ ከሰድኖ። እሰራኤልያ አሳይ ዲንካኔዳ ሳእፕ ጋጾና ዎጤድኖ።

24 ሄዋፕ ጉይያን ካታማነ እ ግደን ደእያዋ ኡባ ታማን ጸጌድኖ፤ ሸን ብራነ ዎርቃ ቃይ ናሃሰያፕነ ብራታፕ መፍቲዳ ሚሻቱዋ መድና ጎዳ ሚሻ ምንጅያ ሳእን ዎጤድኖ።

25 ሸን ኢያሱ ሻርሙጽቶ ራኣብ እ አዉዋ ሶ አሳናነ እዝዉ ደእያ ኡባባና ሀይቁዋፕ እሼዳ። አያዉ ሳፕ፣ ኢያሱ ያርኮ ካታማ ጌዳናዉ ኪቴዳ አሳቱዋ እዛ ካሰ ቆሳደ እሻዳ። እዝ ዛራቱ ሀቲ፣ ጋካናዉ እሰራኤልያ ቢታን ደእኖ።

26 ሄ ዎደ ኢያሱ፡-  
“ደንዲደ ሀ ያርኮ ካታማ  
ዛርሐ ኪጽያ ኡራይ፣

መድና ጎዳ ሰንሳን፣  
ሸቀቲዳዋ ግደ።

ብር ባሱዋ ባሰያ ዎደ፣  
እ ባይራ ናእይ ሀይቆ።

ፐንግያ ኤሰያ ዎደ፣  
እ ዉርሰላ ቴፋ ናእይ ሀይቆ።

ያጊደ ሸቄዳ።

27 መድና ጎዳይ ኢያሱና ግዴዳ፤ ኢያሱ ዋሪ ቢታ ኡባ ጋኬዳ።

# 7

## እካና ናጋራ

1 እሰራኤልያ አሳይ ጸሳዉ አማነተናን እጸደ፣ ጸነ ግ ዎጤዳባፕ አኬዳ። ሄዋ አኬዳዊ አካና፤ አካን ካርማ ናኣ፤ ካርም ዝምራ ናኣ፤ ዝምር ይሁዳ ዛርያ ግዴዳ ዛራሀ ናኣ። ያትና፣ ጸሳ ሀንቁ እሰራኤልያ አሳ ቦላ ኤጼዳ።

2 ኢያሱ ያርኮን ደኢደ ቤቴላ ካታማፕ አዎይ ዶልያ ባጋና ቤት-አዋና ግያሳ ማታን ደእያ አይ ጌተትያ ካታማ አሳ ኪቲደ፣ “ቢተ፤ ሄ ቢታ ጌድተ” ያጌዳ። አሳቱ ቢደ፣ አይ ካታማ ጌዴድኖ።

3 ጌዴዳ አሳቱ ኢያሱኮ ሰም ዪደ፣ “ኡባ አሳይ አይ ካታማ ኦላናዉ ባና ኮሸና፤ ላኡ ዎይ ሄዙ ሻእ አሳ ዩዳ። ያን አማራዳ አሳይ ደእያ ድራው፣ አሳይ ኡባይ ዳቡርፖ” ያጌድኖ።

4 ያትና፣ ሄዙ ሻእ ግድያ አሳቱ ኦላታናዉ አይ ካታማ ቤድኖ። ሸን ኢንቴንቴ አይ ካታማ አሳ ሰንሳፕ ባቃቲድኖ።

5 አይ ካታማ ድርሳ ፐንግያፕ ደሚደ፣ ሹቻ ቆእያ ሳእ ጋካናዉ እሰራኤልያ አሳ ዩደርሴድኖ፤ ደርያ ዲገላን ሀታማነ ኡሱፑን ግድያ አሳ ዎዴድኖ። ሄዋን አሳ ዎዛናይ ኮልዲደ፣ ሃላ ከሴዳ።

6 ሄዋፕ ጉይያን ኢያሱ ካዮቲደ፣ ባረ ማዌዋ ፔጂደ ጸሳ ታቦታ ሰንሳን አማርሰ ጋካናዉ ጉፋኔዳ። እሰራኤልያ ጭማቱካ አዋዳን ሀኔድኖ፤ ባረንቱ ሁጺያንካ ባና ቆሌድኖ።

7 ሄዋ፡ ኢያሱ ሀዋዳን ያጌዳ፤ “ሀይ ፖራ! ኡባ ዋድያ ጸሳው፤ ኑና አዋሪ አሳወ አላ ለማደ ወርሰሳናወ እያወ የፍርዳናሳ ሻፋ ፕንሳ አሃድ? ኑን የፍርዳናሳ ሻፋፕ ሄፍንሳ ባጋን አቴዶ ግዴርኮ!

8 አቢት ጎዳው፤ እስራኤልያ አሳይ ጸነቲድ፤ ባረ ሞርከቱዋ ሰንሳፕ ባቃቶ፡ ታን ዋን?

9 ካናነቱነ ሀ ቢታን ደእያ አሳይ ኡባይ ሀ የወዋ ሰሲድ፤ ኑና ደዳናዋንታ፤ ጋድያፕካ ጳይሳናዋንታ። ሰሞ፡ ነ ዋልቃማ ሰንሳወ ኔን አልያባይ አይ?” ያጌዳ።

10 ጸሳይ ኢያሳ፡ “ደንዳ ኤአ! ሀዋዳን እያወ ጉፋናድ?

11 እስራኤልያ አሳይ ናጋራ ኦሌዳ፤ ታን ኡንቱንቱና ጫቀቱዳ ታ ጫቁዋ አዲድና። ኡንቱንቱ ማጋራ ጌተቱዳ ሚሻቱዋ፡ አከድና፤ ወኤድና፤ ሞርዶቱድና። ቃይ ሄ ሚሻ ኡንቱንቱ ባረንቱ ሚሻና ጋላ ዋሌድና።

12 ሄዋ ድራው፤ እስራኤላቱ ባረንቱ ሞርከቱዋ ሰንሳን ኤቃናወ ዳንዳይክና። ኡንቱንቱ ጳያናወ ቢሰያ ድራው፤ ባረንቱ ሞርከቱዋ ሰንሳፕ ባቃቱድና። ማጋራ ጌተቱዳ ሚሻ ህንተንቱ ማታን ደእያዋ ህንተንቱ ጳይሳና ጳየ፡ ሀዋፕ ሰንሳወ ታን ህንተንቱና ግድከ።

13 “ደንዳ፤ አሳ ጌሻ። ኡንቱንቱ ሀዋዳን ያጋደ ኦዳ፤ ‘ዋንትወ ህንተንቱ ሁጲያወ ጌይተ። ጸሳይ እስራኤልያ ጸሳይ ህንተንታ፤ “እስራኤላቶ፤ ማጋራ ጌተቱዳ ሚሻይ ህንተንቱ ማታን ደኤ። ህንተንቱ ሄ ሚሻ ህንተንቱ ማታ፡ ድጋና ጋካናወ፤ ህንተንቱ ሞርከቱዋ ሰንሳን ኤቃናወ ዳንዳይክታ” ያጌ።

14 ዋንታ ጉራ፤ ህንተንቱ ዛርያን ዛርያን ሺቅና ጸሳይ፤ “ሀዋ” ጌተትያ ዛሪ፤ ባረ ያራን ያራን ሺቃና፤ ቃይ ጸሳይ፤ “ሀዋ” ግያ ሶ አሳይ እት እት አሳይ ታራን ታራን ሺቃና።

15 ሄዋፕ ጉይያን ማጋራ ጌተቱዳዋና ኦይቀቱዳ አሳይ፤ ባረዋ ኡባና ታማን ጸገታና። እያወ ጎፕ፡ ጸሳ ቃላ ጫቁዋ አ ኦዲድ፤ እስራኤልያ አሳ ግድን ካወሻባ ኦሌዳ” ያጌዳ።

16 ኢያሱ ዋንተላ ጋላሰ ጉራን ደንዳይ፤ እስራኤልያ አሳ ዛርያን ዛርያን ሺሸና ይሁዳ ዛሪ አከቱዳ።

17 ይሁዳ ዛሪ ሺቅና፤ ዛራሀ ያራይ አከቱዳ፤ ዛራሀ ያራይ ሺቅና፤ ዝምራ ሶ አሳይ አከቱዳ።

18 ዝምራ ሶ አሳይ ሺቅና፤ ወርሰሳን ዝምራ ናአ ናአይ፤ ካርማ ናአይ አካን አከቱዳ።

19 ሄዋ፡ ኢያሱ አካና፤ “ታ ናአወ፤ ጸሳ እስራኤልያ ጸሳ ቦንቻ፤ አ ጋላ፡፡ አነ ኔን ኦሌዳዋ ታወ ቆሰናን ኦዳ” ያጌዳ።

20 ሄዋፕ ጉየ አካን ኢያሳ፡ “ኤ ቱማ! ታን ጸሳ እስራኤልያ ጸሳ ናቃድ። ታን ኦሌዳዋ ሀዋ፡

21 ኑን አዋዴዳ ሚሻ ግድን ታን እት ሎእያ ባብሎን ጋድያ ካባ፤ ላኤ ጸቱ ጸጋራ ብራን ባጋ ኪሎ ግድያ ዋርቃ ቢአድ፤ አካናወ አዋቱዳ ድራው አካድ። ያታደ ታ ዳንካንያ ግድን ቢታ ጋርሳን ቆሳድ፤ ብራይካ ኡባፕ ጋርሳና ደኤ” ያጌዳ።

22 ኢያሱ አሳ ከትና፤ ኡንቱንቱ ዳንካንያ ዋጺደ ገልያ ዋደ፤ ዳንካንያ ግድን ሚሻ ቆሰ ዋሌዳዋ ደሜድና፤ ብራይካ ሚሻቱዋፕ ጋርሳና ደኤ።

23 ከተቲደ ቤዳ አሳቱ ሚሻ ዳንካንያ ግድፕ አኪድ፤ ኢያሱኮን እስራኤልያ አሳ ኡባኮ አሄድና፤ ጸሳ ሰንሳን ዋሌድና።

24 ሄዋፕ ጉይያን ኢያሱን እስራኤልያ አሳይ ኡባይ አካና ብራ፤ ካባ፤ ዋርቃ፤ አ እቱማ ናናን ማጫ ናና፤ አ ሚዛ፤ ሀረቱዋን ደርሳቱዋ፤ አ ዳንካንያን እወ ደእያዋ ኡባ አኪድ፤ ሙቱዋ ዋምባ ግያሳ አሄድና።

25 ኢያሱ አካና፤ “ሀ ሙቱዋ ኑ ቦላ እያወ አሃድ? ጸሳይ ሀቼ ነ ቦላካ ሙቱዋ አሀና” ያጌዳ። እስራኤልያ አሳይ ኡባይ አካናን አ ሶ አሳ ሹቻን ጫድ ዋዲድ፤ እወ ደእያዋ ኡባ ታማን ጸጌዳ።

26 ኡንቱንቱ አካና ቦላን ሀቼ ጋካናወ ደእያ ዳር ሹቻ ኬሌድና። ያትና፤ ጸሳይ ባረ ኤጽያ ሀንቁዋ ዛራዳ። ሀቼ ጋካናወ ሄ ሳእይ ሙቱዋ ዋምባ ጌተቱዳዋ ሀዋሳ።

### 8

#### እይ ካታማይ ጸነቱዳ

1 ጸሳይ ኢያሳ፤ “ያየ፡፡ ሀርሳ፡፡ ኦላንቻቱዋ ኡባ ኔናና አካድ፤ እይ ካታማ ኦላናወ ከሳ። እይ ካታማ ካትያ፤ አ አሳ፤ አ ካታማን አ ቢታ ታን ነ ኩሽያን አሳደ ለማድ።።

2 ኔን ኢያርኮ ካታማን አ ካትያ ጳይሴዳዋዳን፤ ሄዋዳንካ እይ ካታማን አ ካትያ ጳይሳ። ሸን፤ ቦንቁዳ ኦዋዲዋን ድኤዳ ሙሀያ ህንተንቶ አክተ። ካታማፕ ጉየ ባጋና ሙጊደ ናግያ ኦላንቻቱዋ ዋሳ” ያጌዳ።

3 ኢያሱን ኦላንቻቱ ኡባይ እይ ካታማ ኦላናወ ደንዴድና። ኢያሱ ባረ ኦላንቻቱዋ ግድፕ ሀታሙ ሻእ ግድያ ምና ኦላንቻቱዋ ደራደ፤ ቃማን የዴዳ።

4 ኡንቱንታ ሀዋዳን ያጊደ አዛዜዳ፤ “ሰሰተ፤ ካታማፕ ጉየ ባጋና ሙጊደ ናግተ። ካታማፕ ሃኪደ ቦፕተ፤ ኡባይካ ጊደ ናግተ።።

5 ታንነ ታናና ደእያ አሳይ ኡባይ ካታማኮ ሺቃና። ሄ ዎደ አይ ካታማ አሳይ ካሰዎዳንካ ኑና አላና ጊደ ከሳና፤ ኑን ኡንቱንቱ፣ ባሰዎዳንካ አሰዎዳንካ አሰዎዳንካ ኑ ሰንሳ፣ ባሰዎዳንካ ሰንሳ።

6 ካታማ፣ ኡንቱንቱ ወር ከሳና ጋካና። ኑን ኡንቱንቱ ዎጻና፤ ያቶ፣ ኡንቱንቱ፣ ኣከሰዎዳንካ አሰዎዳንካ ኑ ሰንሳ፣ ባሰዎዳንካ ሰንሳ።

7 ሄ ዎደ ሀንተንቱ ሙጌዳ ሳአ፣ ከሰንሳ፤ ካታማ አይቂ አጋና፤ ጸሳይ ሀንተንቱ ጸሳይ ካታማ ሀንተንቱ ኩሸያን አል አማና።

8 ካታማ አይቂዳ፣ ጉይያን፣ ጸሳይ አዛዜዳዎዳን ታማን ጸግተ። ሰም ታን ሀንተንቱ ኦዳድ” ያጌዳ።

9 ኢያሱ ኦላንቻቱ ደናና ኡንቱንቱ ሙግያ ሳአ በደ አይ ካታማ፣ አዋይ ወልያ ባጋና ደእያ ቤቱለ፣ አይ፣ ግዳዎን ሙጊደ ናጌድና። ሸን ኢያሱ ሄ ጋላሰ ቃማ አሳና አት፣ አቂዳ።

10 ዎንተላ ጋላሰ ጉራን ኢያሱ ደንዲድ፣ ኦላንቻቱ ዳል፣ ጉይያን ያቶደ እነ አሰራኤል ጭማቱ ኦላንቻቱ ካለፈ አይ ካታማ ቤድና።

11 አናና ደእያ ኦላንቻቱ ኡባይ ቢደ፣ አይ ካታማ ማቲደ ካታማ፣ ሀጸሳ ባጋና ዲንካይድና፤ ኡንቱንቱን አይ ካታማ፣ ግዳዎን ዎምባይ ደኤ።

12 ኢያሱ አቶሹ ሻአ ኦላንቻቱ ዳልደ፣ ካታማ፣ አዋይ ወልያ ባጋና፣ ቤቱለ፣ አይ፣ ግዳዎን ሙጋና ዎሌዳ።

13 ካታማ፣ ሀጸሳ ባጋና ደእያ ኦላንቻቱ ካታማ፣ አዋይ ወልያ ባጋና ሙግ ኡቲዳ ኦላንቻቱ ዎ ኡባ ሳአ አይቂዳ። ሄ ጋላሰ ቃማ ኢያሱ ሄ ዎምባን አቂዳ።

14 አይ ካታማ ካቲ ሄዎ በኤዳ ዎደ፣ እነ ኦላንቻቱ ኡባይ ጉራን ኤሌል ደንዲድ፣ አራብያ ዲገ አፍያ ኦግያ አይቂደ፣ አሰራኤል አሳና ኦላ ጋከታና ዬድና፤ ሸን ካቲ ካታማ፣ ጉዮ ባጋና ሙግ ኡቲዳ ኦላንቻቱ ደእያ ደርባና።

15 ኢያሱን አሰራኤል ኡባይን ጸንቲዳዎ ማላቲደ፣ ኡንቱንቱ ሰንሳ፣ ባዙዎ ሰሚደ ባቃቲድና።

16 አይ ካታማን ደእያ አሳይ ኡባይ ኡንቱንቱ የደርሳና ዳገቲደ ኢያሳ የደርሲደ ካታማ፣ ሄኪደ ቤድና።

17 አይን ቤቱለን ደእያ አሳይ ኡባይ አሰራኤል አሳ የደርሳና ወር ከሰ ድግና፣ ካታማይ ናግያዎ ባይናን ጮ ደያ አቲዳ።

18 ሄዎ፣ ጉይያን መቲና ጎዳይ ኢያሳ፣ “ኑ ኩሸያን ደእያ ቶራ አይ ካታማኮ ዛራደ ደንሳ። አያወ ሳ፣ ታን አይ ካታማ ነ ኩሸያን አላደ አማና” ያጌዳ። ኢያሱ ባር ቶራ ካታማኮ ዛራደ ደንሳ።

19 ኢያሱ ቶራ ያ ዛራደ ደንሳዳ ዎደ፣ ሙግ ደእያ ኦላንቻቱ ባርንቱ ሙጌዳ ሳአ፣ ኤሌል ደንዲድ፣ ካታማ ገል አጌድና። አይቂደ፤ ኤላካ ካታማ ታማን ኦላ አጌድና።

20 አይ ካታማ አሳይ ጉዮ ሰሚደ ጸልያ ዎደ፣ ካታማ ጨዋይ ሳላዎ ከሴዳዎ በኤድና፤ ሸን ያን ሄን ባቃታና ዳንዳይባይክና። አያወ ሳ፣ ባዙዎ ባቃቲዳ አሰራኤል አሳይ ባርና የደርሴዳ ኡንቱንቱ ቦላ ጉዮ ሰሚዳ።

21 ኢያሱን አሰራኤል አሳይ ኡባይ ሙግ ኡቲዳ ኦላንቻቱ ካታማ አይቂዳዎን ጨዋይ ሳላዎ ከሴዳዎ በኤዳ ዎደ ጉዮ ሰሚደ፣ አይ ካታማ አሳ ዎሌድና።

22 ሙግ ኡቲዳ ኦላንቻቱ ካታማ፣ ኡንቱንቱ ቦላ ከሴድና። ያትና፣ አይ ኦላንቻቱ አሰራኤል ኦላንቻቱን ላኡ ባጋና ድርቲድና። አት አሳይን ፓጻ አተናን ዎይ ከሰ አከናን ኡባ ዎቲ ወርሴድና።

23 ሸን አይ ካታማ ካትያ ፓጻ አይቂደ፣ ኢያሱኮ አሄድና።

24 አሰራኤል አሳይ አይ ካታማ አሳይ ኡንቱንቱ የደርሴዳ ደምባን ቃራ ማሻን ሙሽራል ወርሴዳዎ፣ ጉይያን፣ ኡባይካ ጉዮ አይ ካታማ ሰሚደ፣ ካታማን አቲዳ አሳ ኡባ ቃራ ማሻን ዎሌድና።

25 ሄ ጋላሰ አይ ካታማ አሳይ አቲማዌን ማጫዎ ኡባይ ወር ሀይቂዳ፤ ሀይቂዳ አሳይ ኡባይ ታማን ላኡ ሻአ።

26 ኢያሱ አይ ካታማን ደእያ ዎላ ሙላ ወርሳና ጋካና። ካታማኮ ማል ዎሌዳ ቶራ ዲገ ዎላቤና።

27 ሸን መቲና ጎዳይ ኢያሳ አዛዜዳዎዳን፣ አሰራኤል አሳይ ሄ ካታማ መሀያን ደእያ ባርንቶ አኪድና።

28 ኢያሱ አይ ካታማ ጸግና ሀቼ ጋካና ሹቻ ኬላ ግዲደ አት አጌዳ።

29 አይ ካታማ ካትያ ኦምርሰ ጋካና ዎላ ቦላን ካቂዳ። አዋይ ወልያ ዎደ፣ ኢያሱ አዛዝና፣ አ አሃ ካቂዳ ዎላ፣ ካታማ ገልያ ፕንግያን ኦሊድና፤ አ ቦላን ዳር ሹቻ ኬሊድና። ሹቻይ ሀቼ ጋካና ሄ ሳአን ደኤ።

ኤላ ደርያን ሀገ ናባበቲዳ

30 ሃዋጥ ጉይያን ኢያሱ ኤባላ ግያ ደርያ ቦላን መድና ጎዳዉ እስራኤልያ መድና ጎዳዉ ያርሹዋ ያርሹያ ሳኣ ግሞቤዳ።

31 መድና ጎዳ ቆማይ ሙሴ እስራኤልያ አሳ አዛዜዳዋዳንን ሙሴ ህግያ ማጻፋን ጎዳዉ። ያርሹያ ሳኣይ ማሰትብናን ብራታይ ቦቶቤና ሹቻጥ ግሞቤቱዳ። አን መድና ጎዳዉ ጸግያ ያርሹዋን እትጥጥላ ያርሹዋ ያርሹድና።

32 ሄ ሳኣን እስራኤልያ አሳይ ጸልሸን። ኢያሱ ሙሴ ህግያ ዱቆዋ ሹቻ ቦላን ጸፊዳ።

33 ሄ ዎደ። እስራኤልያ አሳይ ኡባይ። እስራኤልያ ዛራቱ። አላጋቱ። ጭማቱ። ጋዳዋቱን ዳናቱ ኡባይ መድና ጎዳ ቃላ ጫቁዋ ታቦጥ ቶኬዳ ሊዊያ ዛርያ ግድያ ቄሳቱዋ ሰንሳን ቃላ ጫቁዋ ታቦታጥ ኡሸቻ ባጋናን ሀድርሳ ባጋና ኤቁድና። ኡንቱንቱጥ ባጋ አሳይ ባረንቱ ዞኪያ ጋሪዛማ ግያ ደርያኮ ዛርና። ባጋ አሳይ ኤባላ ግያ ደርያኮ ዛሪይ ኤቁድና። ኡንቱንቱ መድና ጎዳ ቆማይ ሙሴ ህግ አዛዜዳዋዳን። እስራኤልያ አሳ አንጃናዉ ሄዋዳን ሀኔድና።

34 ሃዋጥ ጉይያን ህግያ ማጻፋን ጸፊቶዋዳን። ኢያሱ ህግያ ቃላ ኡባ። አንጃዋካ ሸቃካ ናባቤዳ።

35 ሙሴ አዛዜዳዋ ኡባጥ ኢያሱ ናባቤናን አጌዳ እት ቃላይካ ባዋ። ኩመንላ እስራኤልያ ሸቆ፣ ማጫ አሳዉ። ናናቶ። ኡንቱንቱ ግደን ደእያ አላጋቱዋናካ ኡባዉ ናባቤዳ።

### 9

#### ጋባኦና አሳቱ ኢያሳ ጭሜድና

1 ዮርዳኖሳ ሻፋጥ አዋይ ዉልያ ባጋና ደእያ ካተቱ ኡባይ። ገዝያን ደእያዋንቱ። ጋፋን ደእያዋንቱ። ሜድትራን አባ ባዘዋ ኦይቄ ቢደ ለባኖሳ ጋካናዉ ደእያዋንቱ። ሂተቱዋ። አሞራዋናቱዋ። ካናንቱዋ። ፓርዛዋናቱዋ። ሂዋቱዋን ያቡሳዋናቱዋ ካተቱ ኡባይ እስራኤልያ አሳይ ጸኔዳዋ ሰሴድና።

2 ኢያሳን እስራኤልያ አሳ ኦላናዉ ባናዉ እትጥ ሸቆድና።

3 ጋባኦና ካታማን ደእያ ሂዋቱ ኢያሱ ያርኮ ካታማንን አይ ካታማን ኦፊዳዋ ሰሴዳ ዎደ።

4 ጭማናዉ ኮዬድና። ኡንቱንቱ ሸንቃ ቃቺደ ጨርቃ ደንያቱዋ ዳሳ ዎል ሰኬዳ ኤሳ ኦጎርቱዋ ሀርያን ጫኒደ። ኢያሱኮ ኪተቱድና።

5 ኪተቱዳ አሳቱ ዉሬዳ ኤጫ ማዩዋ ማዩደ። ዎል ሰኬዳ ጫማ ባረንቱ ገድያን ዎፊድና፤ ኡንቱንቱ ሸንቃዉ ገደ ኦይቄዳ ቁማይ ኡባይ መሌዳዋን ፑሉሜዳዋ።

6 ሃዋጥ ጉይያን ኡንቱንቱ ኢያሱ ዲንካኔዳ ሳኣ ገልጋላ ቢደ። አውን እስራኤልያ አሳዉ። “ኡን ሃኮ ጋድያጥ ዬድ። ሀይ ኦናና ሳር ደእና ማላ ቃላ ጫቁዋ ጫቃ” ያጌድና።

7 እስራኤልያ አሳይ ሂዋቱዋ። “ህንተንቱ ኑ ጋድያን ደእያ አሰንቶን። እያን ኤሪይ ህንተናና ጫቃኑ?” ያጌድና።

8 ሃዋጥ ጉዮ ኡንቱንቱ ኢያሳ። “ኡን ነ ቆማቱዋ” ያጌድና።

ኢያሱ። “ህንተንቱ ኦኔ? ሀቃጥ ዬድቱ?” ያጌደ ኦቼዳ።

9 ሸን ኡንቱንቱ። “ኡን ነ ቆማቱ መድና ጎዳ ነ ጸሳ ዋርያ ሰሴደ። ዳር ሃኮ ጋድያጥ ዬድ። እ ግብጹ ጋድያን ኦፊዳዋ ኡባ ኡን ሰሴደ።

10 ቃይ ዮርዳኖሳ ሻፋጥ ሄናንላ አዋይ ደልያ ባጋና ደእያ አሞራዋናቱዋ ካተቱዋ ላኡዋ። ሀሰቦና ካትያ ሰሆናን እስታርታ ካታማን ደእያ ባሳን ካትያ ኦጋ እ ኦፊዳዋካ ሰሴደ።

11 ኑ ጋይ ጭማቱን ኑ ቢታን ደእያ አሳይ ኡባይ ኦና። ህንተ ባና ኦግያዉ ሸንቃ ኦይቄደ። ቢደ ኡንቱንቱና ጋዘቲደ ኡንቱንታ። “ኡን ህንተንቱ ቆማቱዋ፤ ህንተንቱ ኦናና ሳር ደእና ማላ ጫቁዋ ጫቁርክተ” ያግተ” ያጌድና።

12 “ኡን ህንተንቱኮ ያናዉ ኑ ሶጥ ሸንቃ አክያ ጋላሰ። ሀ ኡክላይ ሆኡዋ፤ ሸን ሀእ መሌዳዋን ፑሉሜዳዋ በእተ!

13 ሀዋንቱ ኤሳ ኦጎርቱ ኡን ኩንሳያ ዎደ ኦራላ፤ ሸን ሀእ ዳከቱዳዋ በእተ! ኦጊ ሃኮ ግደዳዋ ጋሱዋን። ኑ ማዩን ኑ ጫማይ ዉሬዳ” ያጌድና።

14 መድና ጎዳ ኦቼናን። እስራኤልያ አሳይ ኡንቱንቱ ሸንቃጥ አሞራዳዋ አኬዳ።

15 ያትና። ኢያሱ ኡንቱንቱ ፓጻ አቲደ ባረናና ሳር ደእና ማላ ጫቁዋ ኡንቱንቱና ጫቁቲዳ፤ ማባራ ካለሳያዋንቱካ ሄ ጫቁዋ ቃላ ኢጋዳን ጫቁድና።

16 ኡንቱንቱና ጫቁዋ ጫቁቲዳ ሄዘንላ ጋላሳጥ ጉይያን። ሀ አሳቱ ኡንቱንቱ ጋድያን ደእያ ሸር ግድያዋ እስራኤልያ አሳይ ሰሴዳ።

17 እስራኤልያ አሳይ ሄዙ ጋላሳ ሀመቲደ። አሳቱ ደእያ ካታማቱዋ ጋኬድና። ኡንቱንቱ ካታማቱ ጋባኦና። ካፊራ። ባኤርታን ቅርያት-ይእሪማ ጌተትና።

18 ሸን ማባራ ሱንላቱ ኡንቱንቱ መድና ጎዳ እስራኤልያ ጸሳ ሱንላን ጫቁዳ ድራዉ። ኡንቱንታ ዎቲብይክና። ያትና። ኩመንላ ማባራይ ሱንላቱዋ ቦላን ዙዙሜዳ።

19 ሸን ካፓቱ ኡባይ ሀዋዳን ያጌድኖ፤ “ኑን ኡንቱንቶ መድና ጎዳ እስራኤልያ ጸሳ ሱንጻን ጫቄዳ ድራው፡ ሀእ ሰም ኡንቱንታ ቦቻናው ዳንዳኖኩ።

20 ሸን ኑን ኡንቱንታ ሀዋዳን ኦሳና፤ ኑን ኡንቱንቶ ጫቄዳ ጫቄዋ ካድና ጸሳ ሀንቁ ኑ ቦላን ዋጊናዳን፤ ኡንቱንቱ ፓጾ ደእዳ።

21 ሸን ደኢደ ማባራው ኡባው ሞላ ቃንጽዎንታን ሃላ ትክያዎንታ ግድኖ” ያጌድኖ። ሄዋ ድራው ጋባኦናቱዋ ሱንጻቱ ጌዳዋዳን ሀኔድኖ።

22 ኢያሱ ጋባኦና ኦሳቱዋ ጸኢደ፡ “ኑ ጋድያን ደኢደ፡ ኑን ዳር ሃኮ ጋድያፕ ዬዶ’ ጌደ፡ ኢያው ኑና ጭሚድቱ?

23 ሀንተንቱ ሄዋ ሀኔዳ ድራው ሸቀቱድታ፤ ሀንተንቱ መድናው ታ ጸሳ ጎለን ሞላ ቃንጽያን ሃላ ትክያ ኢይልያ ግዳና” ያጌድኖ።

24 ኡንቱንቱ ኢያሱው ዛሪደ ሀዋዳን ያጌድኖ፤ “ኑን ነ ቆማቱ መድና ጎዳይ ሀ ጋድያ ኡባ ሀንተንቶ እማናዳንን እን ደእያ ኦሳ ኡባ ሀንተንቱ ሰንጻፕ ጳይሳናዳን ባረ ቆማ ሙሳ አዛዜዳዋ ጌሺደ ሰሴደ። ሄዋ ድራው ሀንተፕ ኑ ሸምፕ ዳር ያዩደ ሀዋ ኦልደ።

25 ሀእ ሰም ኑን ነ ኩሸያን ደኢቶ። ኑና ነው ሎእን ሱረ ማላት ቤቱዳዋዳን ኦሳ” ያጌደ ዛሬድኖ።

26 ያትና፡ ኢያሱ ኡንቱንታ እስራኤልያ ኦሳይ ዋጊናዳን አሸዳ።  
27 ሄ ጋላሰ ኢያሱ ጋባኦና ኦሳቱዋ እስራኤልያ ማባራውን መድና ጎዳው ያርሸያ ሳእው ሞላ ቃንጽዳዳን ሃላ ትካናዳን ኦሳና ኡንቱንቱ ሀቼ ጋካናው ጸሳይ ኦሳይ ባረው ጎድናናዳን ደራዳዌ ሳእን ሀቃንን ሄዋዳን ኦልደ ደእዳ።

# 10

## አዋይ ኦቄዳ

1 ኢያሱ ካሰ ያርኮ ካታማ ኦለቲደ ባይዜዳዋዳንን ኡንቱንቱ ካትያ ዎዴዳዋዳን፡ አይ ካታማ ኦለቲደ ኡባ ባይዜዳዋን ኡንቱንቱ ካትያካ ዎዴዳዋ የሩሳላሙ ካትያ አደንጸደቅ ሰሴዳ። ቃይ ጋባኦና ኦሳይ እስራኤልያ ኦሳና ሳር ደእናው ጫቀቱዳዋን ሀእ ኡንቱንቱና እትፕ ደእያዋ ሰሴዳ።

2 አ ኦሳይካ ሎይላ ያዬዳ። አያው ጎፕ፡ ጋባኦና ካታማይ ካተቱዋ ካታማቱዋፕ እቱዋ ማላ ዎልቃማ ካታማ፤ ቃይ ሄ ካታማይ እይ ካታማፕ ዳራ፤ እን ደእያ እቱማ ኦሳይካ ሞና።

3 ያትና፡ የሩሳላሙ ካትያ አደንጸደቅ፡ ከብርን ካትያ ሆሃማው፡ ያርሙታ ካትያ ፒራማው፡ ላክሻ ካትያ ያፍእው፤ ኡግሎና ካትያ ዳቢራው ሀዋዳን ያጌደ ከቲዳ፤

4 “ጋባኦና ካታማ ኦሳይ ኢያሱና፤ እስራኤልያ ኦሳና ሳር ደእናው ጫቀቱዳ ድራው፡ ኡንቱንቱና ኦለታናው ዩደ ታና ማደርክቱ” ያጌድኖ።

5 ሄዋፕ ጉይያን አዎራዋናቱዋ ካተቱ እቼሻቱ የሩሳላሙ ካቲ፡ ከብርን ካቲ፡ ያርሙታ ካቲ፡ ላክሻ ካቲ፤ ኡግሎና ካቲ ባረንቱ ኦላንቻቱዋ እትፕ ጋልድኖ። ባረንቱ ኦላንቻቱዋ ኡባ አኪደ ዩደ ቢደ፡ ጋባኦና ካታማ ደዲደ አሌድኖ።

6 ጋባኦና ኦሳይ ገልጋላፕ ዳንካኒደ ኢያሱኮ ከቲደ፡ “ኑና ነ ቆማቱዋ አጎፓ፤ ኡላካ ኑኮ ያደ ኑና አሻ። ገዝያን ደእያ አዎራዋናቱዋ ካተቱ ኡባይ ኑና ኦላናው ባረንቱ ኦላንቻቱዋ እቱዋ ኦልዳ ድራው፡ ኑን ኑና ማዳ” ያጌድኖ።

7 ሄዋፕ ጉዩ ኢያሱ፡ አናና ደእያ ኦላንቻቱ ኡባይን ሞና ኦሳቱ ኡባይ ገልጋላፕ ደንዲደ ቤድኖ።

8 መድና ጎዳይ ኢያሳ፡ “ኡንቱንቶ ያኖፕ! ታን ኡንቱንታ ነ ኩሸያን አላደ እማድ። ኡንቱንቱፕ እቱን ኑናና ኤቀታናው ዳንዳየና” ያጌድኖ።

9 ሄዋፕ ጉይያን ኢያሱ ገልጋላፕ ቃማ ኡባን ሀመቲደ አቂደ፡ ኡንቱንቱ እኩከናን ደእሸን ኡንቱንቱ ቦላ ዎራጂዳ።

10 መድና ጎዳይ እስራኤልያ ኦሳ ሰንጻን ሀንቱቶ ዎዛና ካሃ ባይዜዳ፤ ያትና፡ እስራኤልያ ኦሳይ ኡንቱንቱፕ ዳር ኦሳ ጋባኦናን ዎዴዳ። እስራኤላቱ ኡንቱንታ ቤት-ሆርና አፍያ ኦግያ ኦይሊደ ጎዳደ፡ እዚቃን ማቄዳ ጋካናው ቡልድኖ።

11 ቤት-ሆርናፕ ዳን እዚቃ አፍያ ኦግያ ኦይቂደ ኡንቱንቱ እስራኤልያ ኦሳ ሰንጻፕ ባቃትሸን፡ መድና ጎዳይ ዎልቃማ ሻቻ ሳሉዋፕ ኡንቱንቱ ቦላን ቡክሴዳ። እስራኤልያ ኦሳይ ማሻን ዎዴዳ ኦሳ፡ ሻቻይ ዎዴዳ ኦሳይ ፓይዲዋን ዳራዳ።

12 መድና ጎዳይ አዎራቱዋ፡ እስራኤልያ ኦሳው አላ እማዳ ጋላሰ፡ እስራኤልያ ኦሳ ሰንጻን ኢያሱ መድና ጎዳ፡

“አዎ እይፊ ጋባኦና ቦላን፡  
ውላናን ጋምኦ።  
አግናይካ እያሎና ዛንጋራ ቦላን ኤቆ”  
ያጌድኖ።



13 ሄዋጥ ጉዩ እስራኤልያ አሳይ ባረንቱ ሞርከቱዋ ጸናና ጋካናዉ። አዋይ ዉለናን ጋምኤዳ። አገናይካ ባረ ደእያ ሳአጥ ቃጽቤና።

ሄዋ ያሻራ ማጻፋን ጻፈት ኡቲዳ። አዋይ ሳሎ ግደ ባጋን ቃጻናን ኤቁዳ፤ እት ጋላሳ ኡባ አዋይ ዉለናን ታኬዳ።

14 መጵና ጎዳይ አሳይ ኡዳዋዋ ሰሴዳ ሄ ጋላሳ ማላ ጋላሳይ ሄዋጥ ካሰ ግድናካ። ሄዋጥ ሃ ደምና ኡባካ ሀንቢና። ቱሙካ መጵና ጎዳይ እስራኤልያ አሳዉ አለቱዳ!

15 ሄዋጥ ጉይያን ኢያሱኑ እስራኤልያ ኦላንቻቱ ኡባይ ባረንቱ ዲንካኔዳ ሳላ ገልጋላ ሰሜድና።

**እቼሹ ካታቱ ጸነቲድና**

16 ሄ አሞራዋናቱዋ ካተቱ እቼሻቱ ባቃቲደ። ማቁዳ ካታማ ማታን ደእያ ጎንጎሉዋ ግድን ቆሰቲድና።

17 እያሱ። “እቼሹ ካተቱ። ማቁዳ ካታማ ማታን ደእያ ጎንጎሉዋ ግድን ቆሰቲዳዋንታ ደሚዳ” ያጊደ ኦዳድና።

18 ኢያሱ። “ዎልቃማ ሹቻቱዋ ጎንደርሲደ። ጎንጎሉዋ ጥንግያ ጎርዲደ ኡንቱንታ ናጋና ማላ። አሳ ያን ዋሳተ።

19 ሸን ሀንተንቱ ያን ጋምኦፕተ፤ ሀንተንቱ ሞርከቱዋ ያደርሲደ። ጉዩና ኡንቱንታ ኦልተ። ኡንቱንታ ኡንቱንቱ ካታማ ገልሶፕተ። መጵና ጎዳይ ሀንተንቱ ጸሳይ ኡንቱንታ ሀንተንቱ ኩሸያን አሊደ እሚዳ” ያጊደ።

20 ባረንቱ ግምባቲዳ ካታማቱዋ ባቃቲደ ገሌዳ ላፋ አሳቱ አትና። ሀንኩ አሳ ኡባ ኢያሱኑ እስራኤልያ አሳይ ዉርሰ ዎጴድና።

21 ሄዋጥ ጉይያን። አሳይ ኡባይ ሳሩዋን ሰሚደ። ኢያሱ ዲንካኒደ ደእያ ማቁዳ ግያሳ ዬዳ። ሄደጥ ደምና እስራኤልያ አሳ ቦላን እት ቃላን ቃቲዳ አሳይ ባዋ።

22 ሄዋጥ ኢያሱ። “ጎንጎሉዋ ጥንግያ ደዪደ። ሄ እቼሹ ካተቱዋ ከሲደ። ታዉ ሃ አኪደ ዪተ” ያጊደ።

23 ሄዋጥ ጉዩ ጎንጎሉዋ ግደጥ ዩሩሳላመ ካትያ። ከብርኅ ካትያ። ያርሙታ ካትያ። ላክሻ ካትያን ኡግላና ካትያ ከሲደ አኩ ለሄድና።

24 ኡንቱንቱ ሄ ካተቱዋ ኢያሱኩ ለሄዳ ዎደ። ኢያሱ እስራኤልያ አሳ ኡባ ባረኩ ጸሲደ ባረናና ቤዳ ኦላ ጋዳዋቱዋ። “ሃ ዪደ ሀንተንቱ ገድያን ሀ ካተቱዋ ቆጵያ ዩድተ” ያጊደ። ሄዋጥ ዪደ ባረንቱ ገድያን ኡንቱንቱ ቆጵያ ዩድድና።

25 ኢያሱ ኡንቱንታ። “ያዮፕተ፤ ሀርፕተ፤ ሞንተን ጸልተ። ሀንተንቱ ኦለትያ ሀንተንቱ ሞርከቱዋ ኡባ መጵና ጎዳይ ሀዋዳን ኦሳና” ያጊደ።

26 ሄዋጥ ጉይያን ኢያሱ እቼሹ ካተቱዋ ዎጴደ እቼሹ ሞላ ቦላን ካቁዳ፤ ኡንቱንቱ ኦማርሰ ጋካናዉ ካቁዋን ፔሺድና።

27 አዋይ ዉልያ ዎደ። ኢያሱ ለዛዝና ኡንቱንታ ሞላጥ ዎሌድና፤ ኡንቱንቱ ካሰ ቆሰቲደ ደኤዳ ጎንጎሉዋ ግደ ኦሊድና። ያቲደ ጎንጎሉዋ ጥንግያ ዎልቃማ ዎልቃማ ሹቻቱዋ ጎንደርሲደ ጎርዳድና። ሄ ሹቻቱ ሀቼ ጋካናሰካ ያን ደእና።

**ኢያሱ አሞራዋናቱዋ ካታማቱዋን ሀራቱዋካ ጸኔዳ**

28 ሄ ጋላሰ ኢያሱ ማቁዳ ካታማ ኦይቁደ ካታማ ኡባ ጳይሴዳ፤ ካታማን ደእያ አሳ ኡባ እቱዋን አሸናን ዉርሰ ዎጴዳ። እያርኩ ካታማ ካትያ ካሰ ዎጴዳዋዳን። ማቁዳ ካታማ ካትያካ ዎጴዳ።

29 ሄዋጥ ጉይያን ኢያሱኑ እናና ደእያ አሳይ እስራኤልያ አሳይ ኡባይ ማቁዳ ካታማጥ ሊብና ግያ ካታማ ቢደ ኦሊድና፤

30 መጵና ጎዳይ ሄ ካታማካ ካታማ ካትያካ እስራኤልያ አሳ ኩሸያን አሊደ እሚዳ። ኢያሱ እቱዋን አሸናን። ካታማን ደእያ አሳ ኡባ ቃራ ማሻን ቡሳኪዳ። ያርኩ ካታማ ካትያ ካሰ ዎጴዳዋዳን። ሊብና ካታማ ካትያካ ዎጴዳ።

31 ሄዋጥ ጉይያን ኢያሱኑ እናና ደእያ እስራኤልያ አሳይ ኡባይ ሊብና ካታማጥ ላክሻ ካታማ ቢደ ሄ ካታማ ደዲደ ኦሊድና።

32 መጵና ጎዳይ ላክሻ ካታማ እስራኤልያ አሳ ኩሸያን አሊደ እምና ኢያሱ ሄ ካታማ ላኢንላ ጋላሳን ኦይቁዳ። ሊብና ካታማ ኡሌዳዋዳን ላክሻ ካታማካ ኦሌዳ፤ ሄ ካታማን ደእያ አሳ ኡባ ቃራ ማሻን ቡሳኪዳ።

33 ሄ ዎደ። ገዜራ ካታማ ካትያ ሆራም። ላክሻ ካታማ ካትያ ማዳናዉ ዬዳ፤ ሸን ኢያሱ ለካ ለ አሳካ ጸኔዳ፤ ኡንቱንቱጥ እት አሳይን ገጸ አትቤና።

34 ሄዋጥ ሰሚደ። ኢያሱኑ እናና ደእያ እስራኤልያ አሳይ ኡባይ ላክሻ ካታማጥ ኡግሎና ካታማ ቢደ ሄ ካታማ ደዲደ ኦሊድና።

35 ሄ ጋለስ ኤግሎና ካታማ ኦይቂደ ቃራ ማሻን ቡሳኬድና። ላክሻ ካታማ ኦፊዳዋዳን። ኤግሎና ካታማን ደእያ አሳ ኡባ ወርሰ ዎጂድና።

36 ሄዋጥ ጉይያን ኢያሱን አናና ደእያ እስራኤልያ አሳይ ኡባይ ኤግሎናጥ ከብርና ቢደ ከብርና ኦሊድና።

37 ሄ ካታማ፡ ኡንቱንቱ ካትያን ሄ ካታማ የሹዋን ደእያ ቄር ካታማቱዋ ኦይቂድና። ኡንቱንቱን ደእያ አሳ ኡባካ ቃራ ማሻን ቡሳኬድና። እት አሳካ አሸባይክና። ኢያሱ ኤግሎና ኦፊዳዋዳን ሄ ካታማካ ኦፊዳ፤ ኡንቱንቱን ደእያ አሳካ ወርሰ ዎጂድና።

38 ሄዋጥ ጉይያን ኢያሱን አናና ደእያ እስራኤልያ አሳይ ኡባይ ዳቢራ ካታማ ሰሚደ ኦሊድና።

39 ኡንቱንቱ ሄ ካታማካ፡ ካትያካ፡ ካታማ የሹዋን ደእያ ቄር ካታማቱዋካ ኡባ ኦይቂደ ኡንቱንቱን ደእያ አሳ ኡባ እቱዋን አሸናን ወርሰ ዎጂድና። ኢያሱ ከብርና ካታማን ሊብና ካታማን አ ካትያ ኦፊዳዋዳን፤ ዳቢራ ካታማን አ ካትያ ኦፊዳ።

40 ኢያሱ ቢታ ኡባ፡ ገዘያ፡ ኔጌባ ባዘዋ፡ ጋጳ ጋድያን ኡንቱንቱ ካተቱዋናካ ኦይቂዳ። መድና ጎዳይ እስራኤልያ ጳሳይ አዛዜዳዋዳን፡ ጋድያ ቦላን ገጸ ሸዎጥዋና ደእያ አሳ ኡባ እቱዋን አሸናን ወርሰ ዎጂድና።

41 ኢያሱ ኡንቱንታ ቃዳሳ-ባርነጥ ዶሚደ ቢደ ጋዛ ጋካናወ፡ ቃይ ጎሽና ቢታ ኡባጥ ዶሚደ ቢደ ጋባእና ጋካናወ ኡባ ጸኔዳ።

42 መድና ጎዳይ እስራኤልያ ጳሳይ እስራኤልያ አሳወ ኦሊቴዳ ጋሱዋን፤ ኢያሱ ሄ ካተቱዋ ኡባ ኡንቱንቱ ቢታናካ እት ገደ ኦላን ጸኔዳ።

43 ሄዋጥ ጉይያን ኢያሱን እስራኤልያ አሳይ ኡባይ ባረንቱ ዲንካኔዳ ሳአ ገልጋላ ሰሚድና።

# 11

## ኢያሱ ሁጲሳ ባጋ ጋድያ ካተቱዋ ጸኔዳ

1 ሀጸራ ካታማ ካትያ ያብን እስራኤልያ አሳይ ጸኔዳዋ ሰሴዳ ዎደ፡ ማዶና ካታማ ካትያ ዮባባወ፡ ሸዎርና ካታማ ካትያወ፡ አክሻፋ ካታማ ካትያወ፡

2 ሁጲሳ ባጋና ገዘያን ደእያ ካተቶ፡ ጋለላ አባጥ ገድሳ ዮርዳናሳ ዎዎባን ደእያ ካተቶ፡ አዋይ ወልያ ባጋና ጋጳን ደእያ ካተቶ፤ አዋይ ወልያ ባጋና ደእያ ዶራ ካትያወ አሳ ከቲዳ።

3 ቃይ አዋይ ዶልያ ባጋናን አዋይ ወልያ ባጋና ደእያ ካናንቶ፡ አዎርቶ፡ ሂተቶ፡ ፓርዘቶ፡ ገዘያን ደእያ ያቡሳቶን ሞጽጳ ቢታን ሄርዋን ደርያጥ ጋርሳና ደእያ ሄዋቶ ከቲዳ።

4 ኡንቱንቱ ኡባይ ባረንቱ ኦላንቻቱዋ ደንሏደ፡ እስራኤልያ ኦላናወ እትጥ ጋከቲድና። ሄ ኦላንቻቱ ፓራቱዋናን ፓራ ጋረቱዋና ጋከቲድ፡ ፓይድና ወረረና አባ ዶና ሻፍያዳን ጮራቲድና።

5 ሄ ካተቱ ኡባይ ባረንቱ ዎልቃ እትጥ ጋሏደ፡ እስራኤልያ አሳ ኦላናወ መርማ ግያ ሃላ ማታን ዲንካኔድና።

6 መድና ጎዳይ ኢያሳ፡ “ኔን ኡንቱንቶ ያዮፓ! ታን ዎንት ሀናደ ኡንቱንታ ኡባቱዋካ ዎጳደ፡ እስራኤልያ አሳወ አሳደ እማና፡ ኔን ኡንቱንቱ ፓራቱዋ ኡባ ግልዳዳና፤ ኡንቱንቱ ፓራቱዋ ጋረቱዋካ ታማን ጸጋና” ያጌዳ።

7 ኢያሱን አ ኦላንቻቱ ኡባይ ኡንቱንቱ አኬከናን ደእሸን መርማ ሃላ ማታን ኡንቱንቱ ቦላ ፑቱ ገደ፡ ኡንቱንታ ኦሊድና።

8 መድና ጎዳይ ኡንቱንታ እስራኤላቱ ኩሽያን አሏደ እሚዳ። ኡንቱንታ ጸኒደ፡ ዎልቃማ ሲዶና ግያ ጋድያ፡ ሞሰራፎታ-ማይማን አዋይ ዶልያ ባጋና ደእያ ሞጽጳ ዎዎባ ጋካናወ የደርሴድና። ኡንቱንቱጥ እት አሳን አሸናን ዎጂድና።

9 ኢያሱ መድና ጎዳይ አ አዛዜዳዋ ኡባ ኡንቱንቱ ቦላን ፖሊዳ፤ ኡንቱንቱ ፓራቱዋካ ግልዳዳዳ፤ ፓራ ጋረቱዋካ ታማን ጸጌዳ።

10 ሄዋጥ ጉይያን ኢያሱ ጉዮ ሰሚደ፡ ሀጸራ ግያ ካታማ ጸኒደ ኦይቂደ ሄ ካታማ ካትያ ማሻን ዎጂድና። ሄ ዎደ ሀጸራ ካታማይ ሄ ካወተላ ኡባወ ሁጲ ካታማ።

11 እስራኤልያ አሳይ ሄ ካታማን ደእያ አሳ ኡባ ቃራ ማሻን ዎጂድና። ሸዎጥ ገጸ ደእያዋ ኡባ እቱዋን አሸናን ወርሰ ዎጂድና። ኢያሱ ሀጸራ ካታማካ ታማን ጸጌዳ።

12 መድና ጎዳይ ቆማይ ሙሴ አዛዜዳዋዳን፡ ኢያሱ ሄ ካተቱዋ ካታማቱዋን ኡንቱንቱ ካተቱዋ ኡባ አዎዳደ አሳ ኡባ ቃራ ማሻን ወርሰ ዎጂድና።

13 ግደጥነ፡ ኢያሱ ጸጌዳ ሀጸራ ካታማጥ እትና፡ እስራኤልያ አሳይ ዞዘያ ቦላን ኪጸቲዳ ካታማቱዋ ኡባ ጸግባይክና።

14 እስራኤልያ አሳይ ሄ ካታማቱዋጥ ቦንቄዳ ሚሻ ኡባን መሀያ ኡባ ባረንቶ አኬድና። ሸን አሳ ኡባ ጳይሳና ጋካናወ ቃራ ማሻን ዎጂድና፤ ገጸ ደእያዋ እያካ አሸባይክና።

15 መድና ጎዳይ ባረ ቆማ ሙሳ አዛዜዳዋዳን፡ ሙሴካ ኢያሳ አዛዜዳ። ኢያሱካ አዛዘዋ ፖሊዳ፤ መድና ጎዳይ ሙሴወ አዛዜዳዋ ኡባጥ አ ኦባናን ኤዳባይ እያይን ባዎ።

**ኢያሱ ኦይቄዳ ጋድያ**

16 ሄዋዳን ኦሴደ ኢያሱ ሄ ጋድያ ኡባ፣ እስራኤልያ ዘዛቱዋ፣ ኔጌባ ባዙዋ ኡባ፣ ጎሽና ግያ ጋድያ ኡባ፣ አዋይ ዉልያ ባጋና ደእያ ዛንጋራን አራብያ ጋሓ አኪዳ።

17 ሄ ቢታይ ኤደም ደእያ ሀላቃ ግያ ደርያጥ ደም ቢደ፣ ሄርሞን ደርያጥ ጋርሳ ባጋና ደእያ ሊባኖሳ ዋምባን ደእያ ባኣል-ጋዳ ጋካናዉ ደእያ ሳኣ ጋኪ። ኡንቱንቱ ካተቱዋ ኡባ ኢያሱ ኦምዲደ ዋዲዳ።

18 ኢያሱ ዳር ዋድያ ሄ ካተቱዋ ኡባና ኦለቲደ ጋምኤዳ።

19 ጋንባኖን ደእያ ሄዋቱዋጥ አትና፣ ሀራ ካታማይ አቱን እስራኤላቱዋና ሳር ደእና ጫቁዋ ጫቀትቢና፤ እስራኤላቱ ሄ ካታማቱዋ ኡባ ኦላን ጸኒደ ኦይቄድና።

20 መድና ጎዳይ ሙሳ አዘዘዳዋዳን፣ ኢያሱ ኡንቱንታ ቃረት ባይናን እቱዋን አሸናን ዉርሰ ዋዲዳ። እያዉ ጎጥ፣ ኡንቱንቱ እስራኤላቱዋና ኦለታናዳን መድና ጎዳይ ባረ ሁጲያዉ ኡንቱንቱ ዋዛና ሙዋሴዳ።

21 ሄ ዋደ ኢያሱ ቢደ ገዝያን፣ ከብርና ካታማን፣ ዳቢራ ካታማን፣ አናባ ካታማን፣ ይሁዳ ገዝያን ኡባንን እስራኤልያ ገዝያን ኡባን ደእያ አናቀ ዘረሳ አዲሳቱዋ ዋድ ዉርሴዳ። ኢያሱ ኡንቱንታን ኡንቱንቱ ካታማ ኡባና ጳይሴዳ።

22 አናቀ ዛራቱዋጥ እስራኤልያ ጋድያን ኦንን አትቢና፤ ሸን አማራዳዋንቱ ጋዛ፣ ጋተን አሸዶዳ ካታማቱዋ ጸላላን አቴድኖ።

23 መድና ጎዳይ ሙሳ አዘዘዳዋዳን፣ ኢያሱ ጋድያ ኡባ ኦይቄደ እስራኤልያ አሳዉ ኡንቱንቱ ዛርያን ዛርያን ሻክ አሜዳ። ሄዋጥ ጉይያን ቢታይ ኦለጥ ሸምፔዳ።

**12**

**ሙሴ ኦለቲደ ጸኔዳ ካተቱዋ**

1 እስራኤልያ አሳይ ዮርዳኖሳ ሻፋጥ አዋይ ዶልያ ባጋና ደእያ አርኖና ዛንጋራጥ ቢደ ሄርሞን ደርያ ጋካናዉ፣ ቃይ አዋይ ዶልያ ባጋና አራብያ ጋሓ ጋካናዉ ደእያ ጋድያ ካተቱዋ ኡባ ጸኒደ ዋሐ አኪዳ። ሄ ጸንቲዳ ካተቱ ሀዋጥ ካሊደ ጸፈቲዳዋንታ።

2 ኡንቱንቱጥ አቱ፣ ሀሰሶና ካታማን ኡቴዳ አምራዋናቱዋ ካትያ ሰሆና። እ ሞዴዳ ሳእይ አርኖና ዛንጋራ ጋጸን ደእያ አርኤራ ካታማጥ ደንዲደ፣ አምራቱዋ ዛዋ ጋካናዉ ደእያ ያሰቃ ሻፋ ጋኪ፤ ሄ ሳእይ ጋላኣደ ግያ ቢታዉ ዛዋ።

3 እ ቃይ አዋይ ዶልያ ባጋና አራብያ ጋሓጥ ባጋ አኪደ፣ ጋሊላ አባጥ ቢደ፣ ቤት-ያሸሞታ ካታማና አጲደ፣ ፕሰጋ ግያ ደርያጥ ጋርሳ ባጋና ደእያ ማጸን አባ ጋካናዉ፣ ቢታቱዋ ሞዴዳ።

4 ሄዋዳን፣ ራፋየቱዋ ዛርያጥ ዉርሰላን አቴዳ ባሳን ጋድያ ካትያ ኦጋ ጸኔዳ። ኦግ አሰታሮታ ካታማንን ኤድራኦ ካታማን ደኤዳ።

5 እ ሞዴዳ ሳእይ ሄርሞን ደርያ፣ ሳላካ ግያ ሳኣ፣ ባሳን ጋድያ ኡባ ቢደ ጋሽራን ማእካ አሳቱዋ ዛዋ ጋኪ፤ ቃይ ጋላኣደ ጋድያጥ ባጋ አኪደ፣ ቢደ ሀሰሶና ካትያ ሰሆና ዛዋ ጋካናዉ ደእያ ጋድያ ጋኪ።

6 መድና ጎዳ ቆማይ ሙሴን እስራኤልያ አሳይ ሀ ካተቱዋ ጸኔድና። መድና ጎዳ ቆማይ ሙሴ ኡንቱንቱ ቢታቱዋ ሮቤላ ዛረቶ፣ ጋደ ዛረቶን ሞናሰ ዛራቱዋጥ ባጋዉ ሻክ አሜዳ።

**ኢያሱ ኦለቲደ ጸኔዳ ካተቱዋ**

7 ኢያሱን እስራኤልያ አሳይ ዮርዳኖሳ ሻፋጥ አዋይ ዉልያ ባጋ ጋድያን ደእያ ካተቱዋ ኡባ ጸኔድና። ሄ ቢታቱ ሊባኖሳ ዋምባን ደእያ ባኣል-ጋዳጥ ደሚደ፣ ገድሳ ባጋና ኤደማ ማታን ደእያ ሀላቃ ደርያ ጋኪኖ። ኢያሱ ሄ ቢታቱዋ ሻክ፣ እስራኤልያ ዛረቶ ላታ ጋደ ኦሌደ አሜዳ።

8 ሄ ቢታቱ፣ ገዝያ፣ አዋይ ዉልያ ባጋና ደእያ ኦለትያ፣ ዮርዳኖሳ ጋሓ፣ ይሁዳ ባዙዋን ኔጌባ ባዙዋ። ሄ ቢታቱ ካሰ ሂተቱ፣ አምራዋናቱ፣ ካናንቱ፣ ፓርዛዋናቱ፣ ሄዋቱን ያቡሳዋናቱ ደኤዳ ሳኣ።

9 እስራኤልያ አሳይ ጸኔዳ ካተቱ ሀዋንታ፣ ያርጡ ካትያ፣ ቤቴላ ማታን ደእያ አይ ካትያ፣

10 ዮሩሳላሙ ካትያ፣ ከብርና ካትያ፣

11 ያርሙታ ካትያ፣ ላክሻ ካትያ፣

12 ኤግሎና ካትያ፣ ገዜራ ካትያ፣

13 ዳቢራ ካትያ፣ ገዴራ ካትያ፣

14 ሆርማ ካትያ፣ አራዳ ካትያ፣

15 ሊብና ካትያ፣ አዲላማ ካትያ፣

16 ማቄዳ ካትያ፣ ቤቴላ ካትያ፣

17 ታፑሀ ካትያ፣ ሄፌራ ካትያ፣

- 18 እፌቃ ካትያ፡ ላሻሮና ካትያ፡
- 19 ማዶና ካትያ፡ ሀጸራ ካትያ፡
- 20 ሸሞሮን-ማሮና ካትያ፡ እክሻፋ ካትያ፡
- 21 ታእናካ ካትያ፡ ማግደ ካትያ፡
- 22 ቃዲሳ ካትያ፡ ቃርመሎሳን ደእያ ዮቅናአማ ካትያ፡
- 23 ዶራ ገዝያን ደእያ ዶራ ካትያ፡ ገልጋላን ደእያ ጎይማ ካትያን
- 24 ትርጳ ካትያ፡ ኢንቴንቴ ኡባይ ሀታማን እት ካተቱዋ።

### ቢታ ግሹዋ

## 13

(13:1—21:45)

ዮርዳኖሳጥ ደላሃ ባጋና ደእያ ቢታ  
(13:1-33)

- 1 ኢያሱ ጭማደ፡ ላይላ ሎይላ ሱጌዳ ዋደ፡ መጅና ጎዳይ እው፡ “ኔን ጭማዳ፤ ላይላካ ሎይላ ሱጋዳ። ሽን ኦይቀተናን እቴዳ ዳሮ ቢታይ ብሮ ደኤ።
- 2 ኦይቀትቤና ቢታቱ ሀዋንታ፡ ፕልሰጸማቱዋ ጋድያን ገሹራቱዋ ጋድያ ኡባ።
- 3 ግብጸጥ አዋይ ዶልያ ባጋና ደእያ ሸሆራ ሻፋጥ ደማይ፡ ሀጸሳ ባጋና ደእያ ኤቅሮና ጋድያ ጋካናው ደእያ ቢታቱ ኡባይ ካናን ጋድያን ገይደቲና። እቼሹ ፕልሰጸማ ካተቱ ሞድያ ካታማቱ ጋዛ፡ እሽዶዳ፡ እስቃሎና፡ ጋታን ኤቅሮና ጌተትያ። አዎቱዋ ቢታይካ ብሮ ኦይቀትቤና።
- 4 ገድሳ ባጋና ካናንቱ ቢታይ ኡባይ፡ ሲዶናቶ ደእያ ማእራ ግያ ሳጥ ደንዲደ ቢደ፡ አዎራዋናቱዋ ጋድያን ደእያ እፌቃ ካታማ ጋካናሰካ ኦይቀትቤና።
- 5 ገባላቱ ቢታይ አዋይ ዶልያ ባጋና ሊባናሳ ቢታይ ኡባይ፡ ሄርሞን ደርያጥ ጋርሳ ባጋና ደእያ ባእል-ጋዳ ካታማጥ ቢደ፡ ሀማታ ጉኑዋ ጋካናው ብሮ ኦይቀትቤና።
- 6 ሊባናሳጥ ቢደ ሞሰራፎታ-ማይማ ጋካናው ደእያ ገዝያን ደእያ ሲዶናቱዋ ቢታይካ ኦይቀትቤና። ታን ታ ሀጸያው እስራኤልያ እሳ ሰንገላጥ ኢንቴንታ ላጋደ ከሳና። ታን ኔና እዛዜዳዋዳን፡ ኔን ሀ ቢታቱዋ እስራኤልያ እሳው ጋደ ኦላደ ሻካ።
- 7 ሀእ ኔን ሀ ጋድያ ኡዳቸን ዛራቶን ሞናሰ ዛራቱዋጥ ባጋው ሻካ” ያጌዳ።

ዮርዳኖሳ ሻፋጥ አዋይ ዶልያ ባጋ ቢታ ሻኩዋ

- 8 ሞናሰ ዛራቱዋጥ ባጋቱ፡ ሮቤላ ዛራቱን ጋደ ዛራቱ መጅና ጎዳ ቆማይ ሙሴ ዮርዳኖሳ ሻፋጥ ሄፍንላ አዋይ ዶልያ ባጋና ኢንቴንቶ ግሽ ዎልዳ ጋድያ እኬድና።
- 9 ኢንቴንቱ ቢታይ አርናና ዛንጋራ ጋርሳን ደእያ አርኤራ ካታማጥ ደንዲደ፡ ሄ ዛንጋራ ግዶን ደእያ ካታማ ኦይቁደ፡ መዳባ ግያ ገዝያ እድ ቢደ፡ ድቦና ጋኬ።
- 10 ቃይ ሀሰቦናን ኡቲደ ሞድያ አዎራዋናቱዋ ካትያ ሰሆና ካታማቱዋ ኡባ ኦይቂ ቢደ፡ አዎናቱዋ ዛዋ ጋኬ።
- 11 ሄዋዳንካ፡ ቃይ ጋላእደ ጋድያ፡ ጋሹራቱዋ ጋድያ፡ ማእካቱዋ ጋድያ፡ ሄርሞን ደርያ ኡባን ሳላካ ጋካናው ደእያ ባሳን ጋድያ ጋኬ።
- 12 እስታርታ ካታማንካ ኤድራኦ ካታማን ደኢደ ሞድያ፡ ራፋየቱዋ ዛርያጥ ወርሰላን እቴዳ ባሳን ካትያ ኦጋ ጋድያ ኡባ ኦይቁደ። ሙሴ ሄ እሳ ኡባ ጸኒደ፡ ኢንቴንቱ ጋድያጥ ላጊደ ከሴዳ።
- 13 ሽን እስራኤልያ እሳይ ጋሹራ ኦሳን ማእካ እሳ ጋድያጥ ከሰበይክና፤ ሄዎ ድራው ኢንቴንቱ ሀቼ ጋካናው እስራኤልያ እሳ ግደን ደኢና።
- 14 ሙሴ ሊዊያ ዛራቱዋ ጸላላው ላትያ ጋድያ እምቤና። መጅና ጎዳይ ሙሴው ጌዳዋዳን፡ መጅና ጎዳይ እስራኤልያ ጸላው ታማን ጹግያ ያርሹዋ ያርሽያዌ ኢንቴንቶ ላታ።

ግሹዋን ሮቤላ ዛራሳ ጋኬዳ ቢታ

- 15 ሙሴ ሮቤላ ዛራቶ ኢንቴንቱ ያራን ያራን ጋድያ ሻክ እሚዳ።
- 16 ኢንቴንቱ ቢታይ አርናና ዛንጋራ ጋዳን ደእያ አርኤራ ካታማጥ ደንዲደ፡ ሄ ዛንጋራ ግዶን ደእያ ካታማ ኦይቁደ፡ መዳባ ገዝያ ጋኬ።
- 17 ቃይ ሀሰቦና፡ ገዝያን ደእያ ካታማቱዋ፡ ድቦና፡ ባሞት-ባእላ፡ ቤት-ባእል-መእና፡
- 18 ያሃጸ፡ ቅደሞታ፡ መፋእታ፡
- 19 ቅርያታይማ፡ ሲብማ፡ ዛንጋራ ግዶን ደእያ ደርያ ቦላ ደእያ ጸረታ-ሻሀራ፡
- 20 ቤት-ጉኡራ፡ ፕሰጋ ደርያጥ ጋርሳና ደእያ ጋድያን ቤት-ያሸሞታ ጌተትያ ካታማቱዋ ኡባ ጋኬ።

- 21 ሄዋዳንካ፣ ቃይ ገዝያን ደለያ ካታማቱዋን ሀሰቦና ካታማ ዋዴዳ አሞራዋናቱዋ ካትያ ሰሆና ጋድያ ኡባ ጋኬ። ሙሴ ካትያ ሰሆናን ምድያማቱዋ ካገታቱዋ ኤዋ፣ ረቄማ፣ ጸራ፣ ሁራን ረባኢ ጸኔዳ፤ ሀዋንቱ ሰሆናጥ ጋርሳና ሄ ጋድያ ሞድያዋንታ።
- 22 እስራኤልያ አሳይ አላን ዋዴዳ አሳጥ ሀራ፣ ሻሪቹዋ፣ ባኤራ ናኦ ባላእማካ ማሻን ዋዴድና።
- 23 ርቤላ ዛራቱዋ ዛዋይ ዮርዳኖሳ ሻፋ። ሀ ካታማቱን ኡንቱንቱ ሄራን ደለያ ሞላቱ፤ ርቤላ ዘረሳ ኡንቱንቱ ያራን ያራን ጋኬዳዋንታ።

**ግሹዋን ጋደ ዘረሳ ጋኬዳ ቢታ**

- 24 ሙሴ ጋደ ዛረቶ ኡንቱንቱ ያራን ያራን ጋድያ ሻክ እሜዳ።
- 25 ኡንቱንቱ ጋዲ ያእዜራ፣ ጋላኦደን ደለያ ካታማቱዋ ኡባን አሞናቱዋ ጋድያጥ ባጋ አኪደ፣ ራባጥ አዋይ ዶልያ ባጋና ደለያ አርኤራ ጋኬ።
- 26 ሄዋዳንካ፣ ሀሰቦናጥ ደንዲደ፣ ራሞታ-ምጽጳን በጸጊማ ጋኬ፤ ቃይ ማህሪማጥ ደንድ ቢደ፣ ሎዳባራ ዛዋ ጋኬ።
- 27 ዮርዳኖሳ ዋሞባዉ ግዲዋን ሀሰቦና ካትያ ሰሆና ካዉተላጥ አቴዳዉንታ፣ ቤት-ሀራማ፣ ቤት-ህምራ፣ ሱኮታን ጸፎና ጌተትያ ካታማቱዋ እኬዳ። አዋይ ዶልያ ባጋና ኡንቱንቱ ዛዋይ ዮርዳኖሳ ሻፋ ግዲደ ቢደ፣ ጋለላ አባ ጋኬ።
- 28 ሄ ካታማቱን ኡንቱንቱ ሄራን ደለያ ሞላቱ ጋደ ዛረቶ ኡንቱንቱ ያራን ያራን ጋኬዳዋንታ።

**ግሹዋን ምናሰ ዛራቱዋጥ ባጋ ጋኬዳ ቢታ**

- 29 ሙሴ ምናሰ ዛራቱዋጥ ባካዉ ኡንቱንቱ ያራን ያራን ጋድያ ሻክ እሜዳ።
- 30 ኡንቱንቱ ቢታይ ማህሪማይን ባሳን ጋድያ ኡባ ጸጽ ዋጾ፤ ባሳን ካትያ ኦጋ ካዉተላ ኡባን ባሳን ደለያ ኡሱቸን ታሙ ያኢራ ካታማቱዋ ኦይቄ።
- 31 ቃይ ጋላኦደጥ ባካን ባሳንን ኦጋ ካዉተላይ ሁጳ ግዴዳ አሰታርታን ኤድራኦ ጌተትያ ካታማቱዋ ጋኬ። ሄ ኡባይ ምናሰ ናኦ ማኪና ዛራቱዋጥ ባጋቶ፣ ኡንቱንቱ ያራን ያራን ጋኬዳዋ።
- 32 ዮርዳኖሳጥ ሄፍንላና፣ ያርኮጥ አዋይ ዶልያ ባጋና ደለያ ሞኦኦ ደምባን ደኢደ ሙሴ ሻክ እሜዳ ጋዲ ሀዋ።
- 33 ሽን ሙሴ ለዋያ ዛረቶ ላትያ ጋድያ አምቤና፤ ካሰ መድና ጎዳይ ኡንቱንቶ ጌዳዋዳን፣ መድና ጎዳይ እስራኤልያ ጸሳይ ኡንቱንቱ ላታ።

**14**

**ዮርዳኖሳጥ ዉላሃ ባጋና ደለያ ቢታ**

(14:1—19:51)

- 1 ቄሰያ ኤልኦዘር፣ ነዌ ናኦይ ኢያሱን እስራኤልያ ዛራቱዋ ካገታቱ፣ ካናን ጋድያ ኡንቱንታ ያራን ያራን ሻክና፣ ኡንቱንቱ ጋኬዳ ሄራቱ ሀዋጥ ካሊደ ጸፈቲዳዋንታ።
- 2 መድና ጎዳይ ሙሴ ባጋና አዛዜዳዋዳን፣ ኡንቱንቱ ላታ ጋዲ ኡዲፕናን ባጋ ግድያ ዛረቶ ሳማን ሻክቲዳ።
- 3 እያዉ ጎጥ፣ ሙሴ ላኦን ባጋ ግድያ ዛረቶ ዮርዳኖሳ ሻፋጥ ሄፍንላ አዋይ ዶልያ ባጋና ካሰ ጋድያ አም ዋሌዳ፤ ሽን ለዋያ ዛረቶ ኡንቱንቱ ግዲዋን ላታ ጋድያ አምቤና።
- 4 ዮሴፎ ናናይ ምናሰን ኤፍሬማ ጌተቲደ ላኡ ዛረ ግዴድና። ሙሴ ለዋያ ዛረቶ ላታ ጋድያ አምቤና፤ ሽን ሄዋ ግሻዉ ኡንቱንቶ ደለያ ካታማቱዋን ኡንቱንቱ ባረንቱ መሀያ ዉድያን ደርሳ ዉድያ ሄምያ ሄንላ ጋደቱዋ እሜዳ።
- 5 መድና ጎዳይ ሙሳ አዛዜዳዋዳን፣ እስራኤልያ አሳይ ጋድያ ሻክ እኬዳ።

**ከብሮን ካሌባዉ አመቲዳ**

- 6 እት ጋላሰ ይሁዳ አሳይ ኢያሱኮ ገልጋል ሸቄድና። ኡንቱንቱጥ እቲ፣ ቀንዝያ ይፋን ናኦይ ካሌብ ኢያሳ ሀዋዳን ያጌዳ፤ “ኑን ቃዳሳ-ባርንን ደለያ ዋደ፣ መድና ጎዳይ፣ ጸሳ አሳ ግድያ ሙሴዉ ነባን ታባ ኦዲዳዋ ኢራሳ።
- 7 መድና ጎዳይ ቆማይ ሙሴ ጋድያ ዋቻደ ያናዳን፣ ቃዳሳ-ባርንጥ ታና ከትያ ዋደ፣ ታዉ ላይሳይ ኦይታማ። ሄ ዋደ ታን አዉ አማካትያ ኦዲዳዋ አሃደ ኦዲድ።
- 8 ታን መድና ጎዳይ ታ ጸሳ ፖሎ ካላድ፤ ሽን ታናና ቤዳ አሳቲ አሳ ዋዛና ያሻን ኮልድሴድና።
- 9 ሄ ጋላሰ ሙሴ፣ ኔን መድና ጎዳይ ታ ጸሳ ፖሎ ካሌዳ ድራዉ፣ ነ ገዲ ዮዴዳ ቢታይ መድናዉ ነዉን ነ ዛርያዉ ላትያ ጋድያ ግዳናዋን ገደ ጫቄዳ።

10 “እነ እኩካ፤ መድና ጎዳይ ሀ የወዋ ሙሴው ሃሳዮደ፤ ጎይታማነ እቺሹ ላይላ ግዴዳ። ሄ ዋደ፤ ለሰራኤልያ አሳይ ዋራን ሰመረትሸን። ሀቺ ጋካናው ጸሳይ ታና ፓጾ ዋሌዳ። በእ። ሀእ ታ ላይላይ ሆሰቸን ታማነ እቺሻ ግዴዳ።

11 ግድናካ ሀእ ታው ደእያ ሞኖተላይ በን ሙሴ ታና ከትያ ዋደ ደእያ ሞኖተላካ ማላ። ታን ሀእካ ኦለታናውን እያ ግደ፤ ጎሳናው በን ሄ ዋደዋዳን ዋልቃማ።

12 ሄዋ ድራው። መድና ጎዳይ ታው እማና ጌዳ ሀ ገዘ ጋድያ ሀእ ታው እማ። ሄ ዋደ። እናቀቱ ሄ ጋድያን ደእያዋን ኤንቱንቱ ካታማቱካ ግታን ግምቡቱዳዋንታ ግድያዋ ኮን ሃሳይሸን ኒን ነ ሁጲያው ሰሳዳ። ሸን መድና ጎዳይ ታናና ግደ፤ ጎ ጌዳዋዳን። ታን ኤንቱንታ ሄ ጋድያ፤ ገደርሳና” ያጌዳ።

13 ሄዋ፤ ጉዮ ኢያሱ ይፋነ ናኣ ካሌባ እንጂደ። ከብርና ጋዲ ሄ ዋድያ፤ ሀቺ ጋካናው።

14 መድና ጎዳ እሰራኤልያ ጸሳ ፖሎ ካሌዳ ድራው። ከብርና ጋዲ ሄ ዋድያ፤ ሀቺ ጋካናው። ቀንዘያ ይፋነ ናኣ ካሌባው ላታ ቢታ ግዴዳ።

15 ካሰ ከብርና ሱንሳይ ቅርያት-አርባእ ጌተቱ፤ አርባእ ግያ ብታኒ እናቀቱዋ ኡባ፤ ለእዴዳ አሳ። ሄዋ፤ ጉይያን። ሄ ጋዲ ኦለ፤ ሸምፔዳ።

### 15

#### ይሁዳ ዘረሳ ጋኬዳ ቢታ

1 ይሁዳ ዘረቶ ኤንቱንቱ ያራን ያራን ሻክና ጋኬዳ ጋዲ ቢደ ኤደማ ጋድያን ዘዋቲደ። ገድሳ ባጋ ጋጸን ደእያ ጸና ግያ ባዙዋ ዉርሰሳ ጋኬ።

2 ገድሳ ባጋና ኤንቱንቱ ዘዋይ ማጽነ አባ፤ ገድሳ ባጋ ዉርሰሳ፤ ደሚደ።

3 እክራቢማ ጉኑዋ አዲደ። ጽና ባዙዋና ቢደ። ቃዴሳ-ባርነ ገድሳ ጋኬ። ቃይ ሄዋ፤ ሻክ ቢደ። ሄጽርናና አዲደ። ፑደ አዳራ ጋኪደ። ቃርቃኮ ሰሚ።

4 ሄዋ፤ ቃይ አጽሞና አዲደ። ግብጾ ሻፋን ጋከት ቢደ። ሚድትራን አባን ዘዋቲ። ገድሳ ባጋና ደእያ ይሁዳ ዘዋይ ሀዋ።

5 አዋይ ደልያ ባጋ ዘዋይ ማጽነ አባ ግዲደ። ዮርዳኖሳ ሻፋይ እን ገልያ ሳኣ ጋኬ። ሁጲሳ ዘዋይ ቃይ ዮርዳኖሳ ሻፋ ማጽነ አባን ገልያ ሳ፤ ደሚደ።

6 ፑደ ቤት-ሆግላ ከሲደ። ቤት-አራብያ ዘንጋራ፤ ሁጲሳና አዲደ። ሮቤላ ናኣ ቦሃና ሹቻን ዘዋቲ።

7 ያተደ ዘዋይ አሁራ (መቱዋ) ዋምባ፤ ዳቢራ ካታማ ፑደ ከሲደ። ዋምባ፤ ገድሳ ባጋና ደእያ አዲሚማ ጉኑዋ ሰንሳ ባዙዋን ደእያ ገልጋላኮ ሁጲያው ሞርቀቱ። ሄዋ፤ ቃይ ኤንሸሚሻ ግያ ፑልትያ አዲደ። ኤንሮጌላ ግያ ሳን ዘዋቲ።

8 ሄዋ፤ ሀሮማ ዘንጋራ አዲደ። ያቡሳዋናቱዋ ካታማይ ዮሩሳላሙ ደእያ ደርያ፤ ገድሳ ባጋና አዲደ። ደርያ ሁጲያ ከሴዳ፤ ሄ ደራ ሀሮማ ዘንጋራ፤ አዋይ ዉልያ ባጋና ራፋይማ ዋምባ፤ ሁጲሳ ባጋና ደኤ።

9 ሄ ደርያ ሁጲያ፤ ሰንሳው ቢደ። ነፍቶ ሀላ ፑልትያ አዲደ። ኤፍርና ደርያን ደእያ ካታማቱዋኮ ከሴዳ። ሄዋ፤ ቃይ ዲገ ባኣላ ዋይ ቅርያት-ይእሪማ ጌተትያ ካታማኮ ሰሚ፤

10 ባኣላ፤ ቃይ አዋይ ዉልያ ባጋና ደእያ ሰኢራ ደርያኮ ሞርቀቱ። ሄዋ፤ ቃይ ሁጲሳ ባጋ ይእሪማ ዋይ ከሳሎና ጌተትያ ደርያ ጋኪደ። አ፤ ዲገ ቤት-ሸመሻ ዋዲደ። ትምና አዲደ ቤ።

11 ሄ ዋይ ኤቅርና ሁጲሳ ባጋና ደእያ ፑደላን ዘዋቲደ። ሸክርናኮ ሞርቀቱ፤ ሄዋ፤ ባኣላ ደርያና አዲደ። ያብንኤላን ዘዋቲ። ሄ ሁጲሳ ባጋ ዘዋይ ሚድትራን አባን ዘዋቲ።

12 አዋይ ዉልያ ባጋና ደእያ ዘዋይ ሚድትራንያ አባው ጋጸን ዘዋቲ። ይሁዳ ዘራቱ ባረንቱ ያራን ያራን እኪደ ደኤዳዋ ሀ ዘዋቲ ዘርና ደእያ ሳኣቱዋና።

#### ካሌብ ከብርናን ዳቢራ ጸኒደ ኦይቁዳ

(ዳና. 1:11-15)

13 መድና ጎዳይ እ አዘዘዳዋዳን። ኢያሱ ይፋነ ናኣ ካሌባ ጋክያ ግሹዋ ይሁዳ ጋድያ፤ ቅርያት-አርባእ ጌተትያ ከብርና እሚደ። አርባእ እናቀ አወዋ።

14 ካሌብ እናቀ ዘረሳ። ሸሻያ። እሀማናን ታልማያ ጌተትያ ሄዙ ያራቱዋ ከብርና፤ ከሴዳ።

15 ኢዋ፤ ደንዲደ። ዳቢራ ግያ ካታማን ደእያ አሳ ኦላናው ቤዳ፤ ዳቢራ ካታማይ ካሰ ቅርያት-ሰፈራ ጌተቱ።

16 ካሌብ። “ቅርያት-ሰፈራ ኦለቲደ ኦይቁያ ኡራው ታን ታ ናቶ አክሶ እማና” ያጌዳ።

17 ካሌባ አሻ ቃናዛ ናኣይ ኦትንኤል ሄ ካታማ ኦለቲደ ኦይቁና ካሌብ ባረ ናቶ አክሶ አወ እሚደ።

18 አክሳ ኦትንኤላ ገልያ ዋደ። እዝ እቡ እዘወ ጋድያ እማናዳን ዋሳና ማላ ኦትንኤል እዘ ዘራዳ። እዘ ባቁሉዋ፤ ዋዳዲ፤ ካሌብ እዘ። “እያ ኮያይ?” ያጌደ ኦቺዳ።

19 እዛ፡ “ታወ ወይቱዋ እማ። ኔን ካሰ ታወ ነጌበን እሜዳ ቢታይ ግጌዳ ድራሬ። ሃላ ፑልቶቱዋ ታወ እማርኪ” ያጋዴ። ካሌብ እዝወ ክል ፑልቱዋካ ሀርክ ፑልቱዋካ እሜዳ።

ይሁዳ ካታማቱዋ

- 20 ይሁዳ ዛራቱ ባረንገቱ ያራን ያራን ላቲዳ ላታቱ ሀዋጥ ካሊደ ጸፈቲዳዋንታ።
- 21 ገድሳ ባጋ ጋጸን ኤደማ ዛዋ ማታን ደእያ ይሁዳ አሳ ካታማቱ ቃብጽኤላ፣ ኤዴራ፣ ያጉራ፣
- 22 ቁና፣ ድሞና፣ እድኣዳ፣
- 23 ቀዳሻ፣ ሀጸራ፣ ይትናና፣
- 24 ዚፋ፣ ጸለማ፣ ባእሎታ፣
- 25 ሀጸር-ሀዳታ፣ ቅርዮት-ሄጽሮና ወይ ሀጸራ፣
- 26 እማማ፣ ሻማእ፣ ሞላዳ፣
- 27 ሀጸር-ጋዳ፣ ሄሽሞና፣ ቤት-ጸሊጻ፣
- 28 ሀጸር-ሹኣላ፣ በርሳቤሀ፣ ቢዝዮትያ፣
- 29 ባኣላ፣ ኢዩማ፣ ኤዴማ፣
- 30 ኤልቶላዳ፣ ካሲላ፣ ሆርማ፣
- 31 ጽቅላጋ፣ ማድማና፣ ሳንሳና፣
- 32 ለባዋታ፣ ሸልሂማ፣ እይናን ርሞና። ሀ ካታማቱ ባረንገቱ ሞላቱዋና እትጥ ላታማን ኡዲፑና።
- 33 ጋዳን ደእያ ካታማቱ ኤሽታኦላ፣ ጸርእ፣ አሽና፣
- 34 ዛኖሀ፣ ኤንጋኒማ፣ ታፑሀ፣ ኤናማ፣
- 35 ያርሙታ፣ እዲላማ፣ ሶኮ፣ አዜቃ፣
- 36 ሻእራይማ፣ አድታይማ፣ ጋዴራን ጋደርታይማ። ሀ ካታማቱ ባረንገቱ ሞላቱዋና እትጥ ታማን

ኦይዳ።

- 37 ቃይ ይሁዳ ካታማቱ ጽናና፣ ሀዳሻ፣ ሞግዳላ-ጋዳ፣
- 38 ዲልእና፣ ሞሰጻ፣ ዮቅትኤላ፣
- 39 ላክሻ፣ ቦጽቃታ፣ ኤግሎና፣
- 40 ካቦና፣ ላህማሳ፣ ክትለሻ፣
- 41 ጋደርታ፣ ቤት-ዳንና፣ ናእማናን ማቄዳ። ሀ ካታማቱ ባረንገቱ ሞላቱዋና እትጥ ታማን ኡሴፑና።
- 42 ቃይካ ሊብና፣ ኤቴራ፣ አሻና፣
- 43 ይፍታሀ፣ አሽና፣ ናጸባ፣
- 44 ቃእላ፣ እክዚባን ማሪሻ። ሀ ካታማቱ ባረንገቱ ሞላቱዋና እትጥ ኡዲፑና።
- 45 ሄዋዳንካ፣ ቃይ ኤቅሮና ካታማ ባረ ሄራን ደእያ ቁር ካታማቱዋን ሞላቱዋ ኡባ።
- 46 አሽዶዳ ኤላካ ኤቅሮናጥ ቢደ፣ ሜድትራንያ አባ ጋካናወ ደእያ ካታማቱዋን እንቴንቴ ሞላቱዋ

ኡባ።

- 47 ቃይ አሽዶዳ ካታማን እ ሞላቱዋ፣ ጋዛ ካታማን እ ሞላቱዋ፣ ቢደ ግብጹ ሻፋን ሜድትራንያ አባ ላንቁያ ጋካናወ ደእያ ሳኣ።
- 48 ገዝያን ደእያ ካታማቱካ ሻሚራ፣ ያትራ፣ ሶኮ፣
- 49 ዳና፣ ቅርያት-ሳና ወይ ዳቢራ፣
- 50 አናባ፣ ኤሽታሞእ፣ አኒማ፣
- 51 ሳሽና፣ ሆሎናን ጊሎ። ሀ ካታማቱ ባረንገቱ ሞላቱዋና እትጥ ታማን እታ።
- 52 ቃይ አራባ ካታማ፣ ዲማ፣ ኤሽእና፣
- 53 ያኒማ፣ ቤት-ታፑሀ፣ አፌቃ፣
- 54 ሁምጻ፣ ከብሮና ወይ ቅርያት-አርባእን ጽኦራ። ሀ ካታማቱ ባረንገቱ ሞላቱዋና እትጥ ኡዲፑና።
- 55 ቃይካ ማእና፣ ቃርሙሎሳ፣ ዚፋ፣ ዩጻ፣
- 56 እዝራኤላ፣ ዮቅድኣማ፣ ዛኖሀ፣
- 57 ቃይና፣ ግብእን ትምና። ሀ ካታማቱ ባረንገቱ ሞላቱዋና እትጥ ታማ።
- 58 ቃይ ሀልሁላ፣ ቤት-ጸራ፣ ጋደራ፣
- 59 ማእራታ፣ ቤት-አኖታን ኤልትቆና። ሀ ካታማቱ ባረንገቱ ሞላቱዋና እትጥ ኡሴፑና።
- 60 ሄዋዳንካ ቃይ ቅርያት-ባኣላ ወይ ቅርያት-ይኣሪማን ራባ። ሀ ካታማቱ ባረንገቱ ሞላቱዋና እትጥ

ላእ።

- 61 ዋራን ቃይ ቤት-አራባ፣ ሞዲና፣ ሰካካ፣
- 62 ንብሻና፣ ማጽን ካታማን ኤንጋዳ። ሀ ካታማቱ ባረንገቱ ሞላቱዋና እትጥ ኡሴፑና።
- 63 ግደጥን፣ ይሁዳ አሳይ የሩሳላሙን ደእያ ያቡሳቱዋ ከሳናወ ዳንዳይበይክና። ሄዋ ድራወ ያቡሳቱዋቱ ሀቺ ጋካናሰካ ይሁዳ አሳና እትጥ የሩሳላሙን ደእኢና።

# 16

ኤፍሬምን ምናስ ዘረሳ ጋኬዳ ቢታቱዋ

1 የሴፎ ዘረሳቱዋ ጋኬዳ ቢታይ ገድሳ ገጋና ያርኮ ካታማ ማታን ደእያ የርዳኖሳ ሻፋን ደሜ፤ ያርኮ ፑልቶቱዋጥ አዋይ ዶልያ ገጋ ጋጸጥ ደንድ ቢይ፤ ባዙዋ አጂይ፤ ገዘያ ፑይ ከሲይ፤ ቢይ ቤቱለ ጋኬ።

2 ቤቱለጥ ደንዲይ፤ እርከቱዋ ጋድያን ደእያ እጻርታ ካታማ አጂይ፤ ሎዛ ጋኬ።

3 ሄዋጥ አዋይ ወልያ ገጋ ያፍሌጻቱ ጋድያ ዲገ ዋጂይ፤ ህርክ ቤት-ሆርና ግያ ሳና አጂይ፤ ሄዋጥ ገዜራና ቢይ፤ ሜድትራንያ አባን ዛዋቱ።

4 የሴፎ ዘረሳ ግድያ ምናስ ዛራቱክ ኤፍሬም ዛራቱ ባረና ጋክያ ጋድያ ላቲድኖ።

ኤፍሬም ጋኬዳ ሻኩዋ

5 ኤፍሬም ዘረሳ ኡንቱንቱ ያራን ያራን ጋኬዳ ቢታይ ሀዋ፤ ኡንቱንታ ጋኬዳ ጋድያ ዛዋይ አዋይ ዶልያ ገጋና ደእያ እጻርት-አዳራጥ ደንዲይ፤ ቆሙዋ ቤት-ሆርና አጂይ፤

6 ሄዋጥ ሰሚይ ሜድትራንያ አባን ዛዋቱ። ቃይ ሁጺሳ ገጋና ደእያ ዛዋይ ምክማታታጥ አዋይ ዶልያ ገጋ ታኦናት-ሺሎኮ ሰሚይ፤ አዋይ ዶልያ ገጋና ደእያ ያፍሀ ጋኬ።

7 ያፍሀጥ ዲገ እጻርታ ናራራታ ዋጂይ፤ ያርኮ ጋኬ፤ ወርሰሳይ የርዳኖሳ ሻፋን ዛዋቱ።

8 ጋጸ ዛዋይ ታፍሀጥ ደሚይ ቢይ፤ አዋይ ወልያ ገጋና ደእያ ቃና ሻፋ ባዙዋ ስይቂይ ቢይ፤ ሜድትራንያ አባን ዛዋቱ። ኤፍሬም ዛራቱ ባረንቱ ያራን ያራን ላቲድ ቢታይ ሀዋ።

9 ሄዋ ምናስ ዛራቱዋ ጋድያጥ ኤፍሬም ዛረቶ እሜዳ ካታማቱዋን ኡንቱንቱ ሞላቱዋ ኡባ ጉጅናን ደእሸና።

10 ሸን ኤፍሬም ዛራቱ ገዜራ ካታማን ደእያ ካናን አሳቱዋ ከሰበይክኖ። ያትና፤ ካናን አሳቱ ሀቼ ጋካናዉ ኤፍሬም ዛራቱዋ ግድን ደእኖ። ሸን ኤፍሬም ዛራቱ ኡንቱንቱ አይለዩይ ኦሰሲኖ።

# 17

ምናስ ዘረሳ ጋኬዳ ሻኩዋ

1 የሴፎ ባይራ ናኦ ምናስ ዛረቶ እመቲዳ ቢታይ ሀዋ። ጋላኦይ አዉ ማከር ምናስዉ ባይራ ናኦ፤ ማከና ያራቱ ሞኖ ኦላንቻ ግዳዳ ድራዉ። ጋላኦይን ባሳን ቢታቱዋ እኩድኖ።

2 የርዳኖሳ ሻፋጥ አዋይ ወልያ ገጋና ደእያ ቢታይ የንኩዋ አትዳ ምናስ አሳዉ እመቲዳ፤ ሄ ያራቱካ ኡብኤዘራ፤ ሄሌቃ፤ አሰርኤላ፤ ሸኬማ፤ ሄፌራን ሻዋዳኦ። የሴፎ ናኦ ምናስ ያራ ግድያ አቲማዋንቱ ሀዋንታ።

3 ጸሎፍሃድ ሄፌራ ናኦ፤ ሄፌራ ጋላኦይ ናኦ፤ ጋላኦይ ማከና ናኦ፤ ማከር ምናስ ናኦ። ጸሎፍሃዳዉ ማጫ ናናቱዋጥ አትና፤ አቲማ ናናይ ባዋ፤ አ ማጫ ናናይ ማሀሎ። ናኦ፤ ሆግሎ። ምልኮን ትርጸ ጌትትኖ።

4 ኡንቱንቱ ቄስያ ኤልአዛራኮ። ነዌ ናኦ ኢያሱኮን ካጋቱዋኮ ሸቂይ፤ “ኑ ዳባቱ ግድን ኑዉካ ጋድያ ግሹዋን እማና ማላ መጅና ጎዳይ ሙሳ አዛዝ ዋሴዳተነ” ያጌድኖ። ሄዋጥ ጉዮ መጅና ጎዳይ እዛዘዳዋዳን፤ ኡንቱንቱ አዉዋ እሻቱዋ ግድን ኡንቱንቶካ ጋድያ እሜዳ።

5 ምናስ ያራቱ የርዳኖሳ ሻፋጥ አዋይ ዶልያ ገጋና ደእያ ጋላኦይን ባሳን ቦላ ጉጂይ፤ ታሙ ሳማ ጋድያ እኩድኖ።

6 አያዉ ጎጥ፤ ምናስ ዛራቱዋጥ ማጫ ናናይካ አቲማ ናናቱዋና አትጥ ሻክ እኩድኖ። ጋላኦይ ጋዲ አትዳ ምናስ ያራቱዋሳ ግዳዳ።

7 ምናስ ያራቱ ጋድያ ዛዋይ አሴራ ጋድያጥ ደሚይ፤ ስኩማጥ አዋይ ዶልያ ገጋና ደእያ ምክማታታ ጋኬ። ሄ ዛዋይ ሄዋጥ ደንድ ቢይ፤ ገድሳ ገጋና ደእያ ታፍሀ አሳይ ደእያሳ ጸጽ ዋዳ።

8 ታፍሀ ቢታይ ምናስሳ፤ ሸን ምናስ ዛዋን ደእያ ታፍሀ ካታማይ ባረ ሁጺያዉ ኤፍሬም ዛራቱዋሳ።

9 ቃይ ሄ ዛዋይ ሄዋጥ ደንድ ቢይ፤ ቃና ሻፋን ዛዋቱ። ምናስ ካታማቱዋ ግዳዋን ኤፍሬምሳ ግድያ ካታማቱካ ደእኖ፤ ሸን ምናስ ዛዋይ ቃና ሻፋጥ ሁጺሳ ገጋ ግዲይ፤ ቢይ ሜድትራንያ አባን ዛዋቱ።

10 ሻፋጥ ገድሳ ገጋና ደእያ ቢታይ ኤፍሬምሳ፤ ሁጺሳ ገጋና ደእያ ቢታይ ቃይ ምናስሳ። ምናስ ቢታዉ አዋይ ወልያ ገጋ ዛዋይ ሜድትራን አባ። ቃይ ሁጺሳ ገጋና አሴራ ጋድያ፤ አዋይ ዶልያ ገጋና ይሳኮራ ጋድያ ጋኬ።

11 ይሳኮራን አሴራ ቢታቱዋ ግዳዋን ቤትሻና፤ ይብላኦማ፤ ዶራ፤ ኡንዶረ፤ ታእናካን ማግዶ ጌትትያ ካታማቱ ባረንቱ ዩሹዋን ደእያ ሞላቱካ ምናስሳ።



12 ሽን ምናሰ ዛራቱ ሄ ካታማቱዋን ደእያ አሳቱዋ ከሳናውን ካታማቱዋ ኦይቃናው ዳንዳይበይክኖ። ሄዋ ድራው ካናን አሳቱ ያን ደኤድኖ።

13 እሰራኤልያ አሳይ ምኔዳ ዋደ። ካናን አሳቱዋ ዋልቃን ሀጋዝሰያዋጥ አትና። ኡንቱንቱ ጋድያጥ ኡባይ ከሰበይክኖ።

**ዮሴፎ ዛራቱ ጉጃ ቢታ ኦቼድኖ**

14 ዮሴፎ ዛራቱ ቢደ ኢያሳ። “ቢታ ላታ ግሹዋን ኑው እያው እት ሳማ ጸላላ እማድ? ኑን ገይዳዋን ጮራ፤ እያው ጎጥ። መጅና ጎዳይ ኑና ኢንጃዳ” ያጌድኖ።

15 ኢያሱ ኡንቱንታ። “ሀንተንቱ ጮራ ግደጥ፤ ኤፍሬማ ገዢ ሀንተንቶ ጉጸጥ፤ ፓርዘቱ፤ ራፋየቱ ደእያ ጋድያ ቢደ። ዋራ ሀንተንቶ ቡሐተ” ያጌዳ።

16 ዮሴፎ ዛራቱ። “ሀ ገዢ ኑ ግደና፤ ሄዋ ቦላካ ቃይ ቤትሻና ካታማን። እ ዩሹዋን ደእያ ሞላቱዋን እዝራኤል ዋሞባን ደእያ ካናንቶ ፓራቱ ጎቶያ ብራታ ጋራቱ ደኤኖ” ያጌድኖ።

17 ኢያሱ ዮሴፎ ናና ኤፍሬማን ምናሰ ዛራቶ። ሀዋዳን ያጌዳ፤ “ሀንተንቱ ጮራ፤ ዳር ዋልቃም፤ ሀንተንቶ እት ሳማ ጸላላይ ግደና።

18 ሄዋ ድራው ገዢ ቢታካ ሀንተንቱ እካና። ሄ ገዢ ዋራ ግደጥ፤ ቡሐይ ወርሰላ ጋጸ ጋካናውካ ሀንተሳ ኡሐተ። ካናንቶ ፓራቱ ጎቶያ ብራታ ጋራቱ ደኡጥካ። ኡንቱንቱ ሞኖ ግደጥ፤ ሀንተንቱ ኡንቱንታ ከሳናው ዳንዳይታ” ያጌዳ።

**18**

**አቴዳ ቢታ ሻኩዋ**

1 ቢታ ጸደደ ኦይቄዳዋጥ ጉይያን። እሰራኤልያ ማባራ ኡባይ ሴሎን ሸቂደ ጸሳው ጎይንያ ዱንካንያ ያን ኤሴዳ።

2 ሽን እሰራኤልያ አሳጥ ጋድያ ሻክ እክቤና ላፑን ዛራቱ አቴድኖ።

3 ኢያሱ እሰራኤልያ አሳ። “መጅና ጎዳይ ሀንተንቱ አዋቱዋ ጸሳይ ሀንተንቶ እሜዳ ጋድያ ላተናን እውደ ጋካናው ጋምእንቱ?

4 እት እት ዛርያጥ ሄዙ ሄዙ አሳቱዋ ደርተ። እት እት ዛራ ላታጋ ጋድያ ሀኖታ ኤራናዳን። ታን ኡንቱንታ ኪታ። ኡንቱንቱ ጋድያ ኡባ ቢደ ጌዲደ ሄ ቢታባ ጸፍ አኪደ። ታኩ ሰሞ ያናዋንታ።

5 ኡንቱንቱ ሄ ጋድያ ላፑኩዋ ከሰደ ሻካና። ሽን ይሁዳ ዛራቱ ገድሳ ባጋና ደእያ ባረንቱ ጋድያን። ዮሴፎ ዛራቱካ ሁጲሳ ባጋና ደእያ ባረንቱ ጋድያን ደእና።

6 ሀ ላፑኩዋ ከሰ ሻኩቱዳ ጋድያ ሀኖታ ጸፊዳዋጥ ጉይያን። ታኩ አኪደ ዪና ታን መጅና ጎዳ ኑ ጸሳ ሰንሳን ሀንተንቶ ሳማ የጋና።

7 ግደጥ፤ ለዌያ ዛራቱ ሀንተናና ሳማን ላትክኖ፤ እያው ጎጥ። ኡንቱንቱ ቄሳቱዋ ግዲደ መጅና ጎዳው ኡሐያ ኪታይ ኡንቱንቱ ላታ። ጋደ ዛራቱ ርቡላ ዛራቱን ምናሰ ዛራቱዋጥ ባጋይ ዮርዳኖሳ ሻፋጥ አዋይ ዶልያ ባጋና። መጅና ጎዳ ቆማይ ሙሴ ኡንቱንቶ እሜዳ ጋድያ ካሰት ላቴድኖ” ያጌዳ።

8 አሳቱ ጋድያ ሀኖታ ጸፋናው ባናጥ ካሰቲደ። ኢያሱ ኡንቱንታ። “ቢተ፤ ዩይ በኤዳዋ ጸፍተ። ያቲደ ታኩ ሰሞ ዩተ። ሀዋን ሴሎን መጅና ጎዳ ሰንሳን ታን ሀንተንቶ ሳማ የጋና” ያጌደ እዛዜዳ።

9 አሳቱ ቢደ። ቢታ ኡባ ዩዬድኖ። ካታማቱዋ ኡባ ጸፊደ። ጋድያ ዋቲደ ላፑኩዋ ከሰ ሻካንቶ ኤርሴድኖ። ያቲደ ኢያሱ ዱንካንዳ ሳኦ ሴሎ ሰሜድኖ።

10 ሄዋጥ ጉይያን ኢያሱ መጅና ጎዳ ሰንሳን ሴሎን ኡንቱንቶ ሳማ የጌዳ፤ ያን ኢያሱ እሰራኤልያ አሳው ጋድያ ኡንቱንቱ ዛርያ ግሹዋዳን ሻክ እሜዳ።

**ቢንያማ ዘረላ ጋኬዳ ሻኩዋ**

11 ኮይር ሳማይ ቢንያማ ዘረላ ኡንቱንቱ ያራን ያራን ጋኬዳ። ኡንቱንታ ጋኬዳ ቢታይ ይሁዳ ዛራቱዋ ቢታጥን ዮሴፎ ዛራቱዋ ጋድያጥ ግዱዋን ደኤዳ።

12 ሁጲሳ ባጋና ኡንቱንቱ ዛዋይ ዮርዳኖሳ ሻፋጥ ዶሚደ። ያርኮጥ ሁጲሳ ባጋና ደእያ ፑደላን ዛዋቱ፤ ሄዋጥ አዋይ ወልያ ባጋና ገዢያ አጂደ። ቤት-አዌና ዋራን ዛዋቱ።

13 ሄዋጥ ገድሳ ባጋ ሰሚደ። ካሰ ሎዛ ጌተቻያ ቤቱለ ፑደላ አጂደ። አጸርት-አዳራ ዱጎላ አጂደ። ሀርክ ቤት-ሆርናጥ ገድሳ ባጋን ደእያ ደርያን ዛዋቱ።

14 ሄ ዛዋቱ ገድሳ ባጋና ቤት-ሆርና ሰንሳን ደእያ ደርያጥ አዋይ ወልያ ባጋ ምርቀቲደ። ቅርያት-ባእለ ዋይ ቅርያት-ይኦሪማ ጌተቻያ ይሁዳ ዛራቱዋ ካታማን ዛዋቱ። አዋይ ወልያ ባጋና ደእያ ዛዋይ ሀዋ።

15 ገድሳ ባጋ ዛዋይ ቅርያት-ይኦሪማጥ ደንዲደ። ነፍቶሀ ሃሳ ፑልታቱዋን ዛዋቱ።

- 16 ሄዋጥ ዛዋይ ዲገ ቢደ ራፋይማ ዛንጋራፕ ሁጲሳ ባጋን ደእያ ህኖማ ዛንጋራፕ ሰንሳ ባጋ ደርያ ገድሳና ዛዋቱ። ሄዋጥ ህኖማ ዛንጋራ ኦጲደ ቢደ፣ ያቡሳዋናቱዋ ካታማ የሩሳላመወን ኤንፎጌላ ካታማ ገድሳ ባጋ ፑደላን ዛዋቱ።
- 17 ሄዋጥ ቃይ ሁጲሳ ባጋ ኤንሸሜሻኩ ሞርቀቲደ፣ እዳሚማ ፑደላፕ ሰንሳ ባጋና ደእያ ጋልሎታን ዛዋቱ፤ ሄዋጥ ቃይ ሮቤላ ናኦ ሰሃና ሹቻዉ ዲገ ዎጴ።
- 18 ሄዋጥ ቃይ ቤት-አራባ ሁጲሳ ባጋ ፑደላና ኦጲደ፣ ዲገ አራብያ ዛንጋራ ዎጴ።
- 19 ቤት-ሆግላ ፑደላፕ ሁጲሳ ባጋና ኦጲደ፣ የርዳኖሳ ሻፋይ ሳጊደ ገልያሳ፣ ማጽጉያ አባፕ ሁጲሳ ባጋ ጋዳ ጋኬ። ሄዋ ገድሳ ባጋ ዛዋ።
- 20 እዋይ ዶልያ ባጋና ደእያ ዛዋይ የርዳኖሳ ሻፋ። ቢንያማ ዛራቱ ላቱዳ ቢታይ ኡባ ሳናካ ዛዋቱዳ ዛዋቱ ሀዋንታ።
- 21 ቢንያማ ዛራቱ ባረንጉ ያራን ያራን እኬዳ ካታማቱ ያርኮ፣ ቤት-ሆግላ፣ ኤመቅ-ቃጲጻ፣
- 22 ቤት-አራባ፣ ጸማራይማ፣ ቤቴላ፣
- 23 አዋማ፣ ፓራ፣ ኦፍራ፣
- 24 ካፋር-አሞና፣ ኦፍናን ገባእ። ኤንቴንጉቱ ኡባና ታማን ላእ፤ ኤንቴንጉቱ የሹዋን ደእያ ሞላቱካ ኤንቴንጉቱን ጉጀቲኖ።
- 25 ቃይ ጋባኦና፣ ራማ፣ ባኤርታ፣
- 26 ሞጽጳ፣ ካፊራ፣ ሞጻ፣
- 27 ረቄማ፣ ይርጳኤላ፣ ታራላ፣
- 28 ጸላእ፣ ኤሌፋ፣ የሩሳላመ ጌተትያ ያቡሳዋናቱዋ ካታማ፣ ግብእን ቅርያት-ይአሪማ። ኤንቴንጉቱ ኡባና ታማን ኦይዳ፤ ኤንቴንጉቱ የሹዋን ደእያ ሞላቱካ ኤንቴንጉቱን ጉጀቲኖ። ቢንያማ ዛራቱ ባረንጉ ያራን ያራን ላቱዳ ቢታይ ሀዋ።

### 19

#### ሰሞና ዘረሳ ጋኬዳ ሻኩዋ

- 1 ለኤንሳ ሳማይ ሰሞና ዘረሳ ኤንቴንጉቱ ያራን ያራን ጋኬዳ። ኤንቴንታ ጋኬዳ ቢታይ ይሁዳ ዛራቱ ላቱዳ ጋድያ ግዳዋን ደኤ።
- 2 ኤንቴንጉቱ ላቱዳ ካታማቱ በርሳበሀ ዎይ ሸባእ፣ ሞላዳ፣
- 3 ሀጸር-ሹኦላ፣ ባላ፣ ኤጸማ፣
- 4 ኤልቶላዳ፣ ባቱላ፣ ሆርማ፣
- 5 ጽቅላጋ፣ ቤት-ማርካቦታ፣ ሀጸር-ሱሳ፣
- 6 ቤት-ላባኦታን ሻሩሄና። ኤንቴንጉቱ ኡባና ታማን ሄዛ፤ ኤንቴንጉቱ የሹዋን ደእያ ሞላቱ ኤንቴንጉቱን ጉጀቲኖ።
- 7 ቃይ አይና፣ ርሞና፣ ኤቴራን አሻና። ኤንቴንጉቱ ኡባና ኦይዳ ካታማቱዋ፤ ኤንቴንጉቱ የሹዋን ደእያ ሞላቱካ ኤንቴንጉቱን ጉጀቲኖ።
- 8 ኔጌባ ዎራን ደእያ ባእላት-ባኤራ ዎይ ራማ ጋካናዉ፣ ሀ ካታማቱዋ የሹዋን ደእያ ሞላቱዋ ኡባ ላቱድኖ። ሰሞና ዛራቱ ባረንጉ ያራን ያራን ላቱዳ ጋዲ ሀዋ።
- 9 ይሁዳ ዘረሳ ጋኬዳ ቢታይ ኤንቴንጉቶ አኩዋ ዳራዉ ድራዉ፣ አፕ ሻክና ሰሞና ዛረቶ አመቱዳ።

#### ዛብሎና ዘረሳ ጋኬዳ ሻኩዋ

- 10 ሄዘንሳ ሳማይ ዛብሎና ዘረሳ ኤንቴንጉቱ ያራን ያራን ጋኬዳ። ኤንቴንጉቱ ላቱዳ ጋዲ ሳራዳ ግያ ካታማ ጋኬ።
- 11 ሄዋጥ ቃይ አዋይ ዉልያ ባጋ ቢደ ማርአላ እቲ፣ ቢደ ዳባሽታ ቦቺደ ቢደ፣ የቅናኣማፕ አዋይ ዶልያ ባጋን ደእያ ሻፋ ጋኬ።
- 12 ሀራ ባጋና ቃይ ሳራዳ ካታማፕ አዋይ ዶልያ ባጋ ሰሚደ፣ ክሰሎት-ታቦራ ጋኪደ፣ ዳብራታንን ያፍኤን ዛዋቱ።
- 13 ሄዋጥ ቃይ አዋይ ዶልያ ባጋና ጋት-ሄፊራ፣ ኢት-ቃጲናን ርሞና ጋኪደ፣ ኔኦኮ ሞርቀቲ።
- 14 ሁጲሳ ባጋና ዛዋይ ሀናቶና ሰሚደ፣ ይፍታህኤላ ዛንጋራን ዛዋቱ።
- 15 ያን ቃጲታ፣ ናህላላ፣ ሸሞሮና፣ ይዳላን ቤተሊመ ጌተትያ ካታማቱካ ደኤኖ። ኤንቴንጉቱ ኡባና ታማን ላእ፤ ኤንቴንጉቱ የሹዋን ደእያ ሞላቱካ ኤንቴንጉቱን ጉጀቲኖ።
- 16 ዛብሎና ዛራቱ ባረንጉ ያራን ያራን ላቱዳ ጋድያ ግድን ደእያ ካታማቱን ኤንቴንጉቱ የሹዋን ደእያ ሞላቱ ሀዋንታ።

#### ይሳኮራ ዘረሳ ጋኬዳ ሻኩዋ

- 17 ኦይደንሳ ሳማይ ይሳኮራ ዘረሳ ኤንቴንጉቱ ያራን ያራን ጋኬዳ።

- 18 ኢንቴንቴ ጋድያ ካታማቱ እዘራኤላ፣ ካሱሎታ፣ ሹኔማ፣
- 19 ሀፋራይማ፣ ሸኦና፣ አናሀራታ፣
- 20 ራቢታ፣ ቅሸዮና፣ አቤዳ፣
- 21 ረሜታ፣ ኤንጋነማ፣ ኤንሃዳነ ቤት-ጳጳዳ፣
- 22 ሄ ጋድያ ዛዋይ ታቦራ፣ ሻሀጺማነ ቤት-ሸመሻ ቦቺደ ቢድ፣ ዮርዳኖሳ ሻፋን ዛዋቱ። ኢንቴንቴ ኡባና ታማነ ኡሱፑና፤ ኢንቴንቴ ዩሹዋን ደእያ ሞላቱካ ኢንቴንቴን ጉጀቲና።
- 23 ይሳኮራ ዛራቱ ባረንቴ ያራን ያራን ላቴዳ ጋድያ ግደን ደእያ ካታማቱን ኢንቴንቴ ዩሹዋን ደእያ ሞላቱ ሀዋንታ።

**አሴራ ዘረሳ ጋኬዳ ሻኩዋ**

- 24 እቼሸንላ ሳማይ አሴራ ዘረሳ ኢንቴንቴ ያራን ያራን ጋኬዳ።
- 25 ኢንቴንቴ ጋድያ ካታማቱ ሄልቃታ፣ ሀላ፣ በጼና፣ አክሻፋ፣
- 26 አላመለካ፣ አምኢዳነ ሞሸኦላ። አዋይ ወልያ ባጋና ቃርመሎሳንነ ሸሆር-ልብናታን ዛዋቱ።
- 27 ቃይ አዋይ ዶልያ ባጋ ሰሞ ቤት-ዳጎናኮ ምርቀቲደ፣ ዛብሎና ጋድያን ይፍታህኤላ ዛንጋራ ቦች ቤድ፣ ቤት-ኤሜቃነ ናእኤላ ጋኬ። ቃይ ሁጺሳ ባጋና ካቡላ ጋኬ።
- 28 ሄዋጥ ቃይ ኤብሮና፣ ራሆባ፣ ሀሞናነ ቃና አጲደ፣ ሲደናን ዛዋቱ።
- 29 ሄዋጥ ቃይ ጋድያ ዛዋይ ራማ ሰሚደ፣ ግምበቲዳ ጺሮሳ ካታማ ጋኬ። ሄዋጥ ቃይ ሆሳኮ ምርቀቲደ፣ ሜድትራን አባን ዛዋቱ። ቃይ ማሀላባ፣ አክዘባ፣
- 30 ኡማ፣ አፊቃነ ራሆባ ጌተትያ ካታማቱካ ያን ደእኖ። ኢንቴንቴ ኡባና ላታማነ ላኤዋ፤ ኢንቴንቴ ዩሹዋን ደእያ ሞላቱካ ኢንቴንቴን ጉጀቲና።
- 31 አሴራ ዛራቱ ባረንቴ ያራን ያራን ላቴዳ ጋድያን ደእያ ካታማቱን ኢንቴንቴ ዩሹዋን ደእያ ሞላቱ ሀዋንታ።

**ንፍታሌማ ዘረሳ ጋኬዳ ሻኩዋ**

- 32 ኡሱፑንላ ሳማይ ንፍታሌማ ዘረሳ ኢንቴንቴ ያራን ያራን ጋኬዳ።
- 33 ኢንቴንቴ ዛዋይ ሄሊፋጥነ ዳእናኒማ ዋላጥ ዶሚደ፣ አዳም-ነቁባ፣ ያብንኤላነ ላቁማ አጲደ ቢደ፣ ወርሰላይ ዮርዳኖሳ ሻፋ ጋኬ።
- 34 ሄዋጥ ቃይ ዛዋይ አዋይ ወልያ ባጋ አዘናት-ታቦራኮ ምርቀቲ፤ ሄዋጥ ቃይ ሁቆቃ ሰሚደ፣ ገድሳ ባጋና ዛብሎና ቢታንነ አዋይ ወልያ ባጋና አሴራ ጋድያን ዛዋቲደ፣ አዋይ ዶልያ ባጋና ዮርዳኖሳ ሻፋ ጋኬ።
- 35 ግምበቲዳ ካታማቱ ጽዲማ፣ ጼራ፣ ሃማታ፣ ራቃታ፣ ክናሬታ፣
- 36 አዳማ፣ ራማ፣ ሀጸራ፣
- 37 ቀዳሻ፣ ኤድራኦ፣ ኤንሀጸራ፣
- 38 ይርኦና፣ ሞግዳልኤላ፣ ሆራማ፣ ቤት-አናታነ ቤት-ሸመሻ። ኢንቴንቴ ኡባና ታማነ ኡዲፑና፤ ኢንቴንቴ ዩሹዋን ደእያ ሞላቱካ ኢንቴንቴን ጉጀቲና።
- 39 ንፍታሌማ ዛራቱ ባረንቴ ያራን ያራን ላቴዳ ጋድያን ደእያ ካታማቱን ኢንቴንቴ ዩሹዋን ደእያ ሞላቱ ሀዋንታ።

**ዳና ዘረሳ ጋኬዳ ሻኩዋ**

- 40 ላፑንላ ሳማይ ዳና ዘረሳ ኢንቴንቴ ያራን ያራን ጋኬዳ።
- 41 ኢንቴንቴ ላቴዳ ጋድያ ካታማቱ ጸርኦ፣ ኤሸታኦላ፣ አርሸሜሻ፣
- 42 ሻአልቢማ፣ አያሎና፣ ይታላ፣
- 43 ኤሎና፣ ትምና፣ ኤቅሮና፣
- 44 ኤልታቀ፣ ግባቶና፣ ባእላታ፣
- 45 ይሁዳ፣ ባነባራቃ፣ ጋት-ርሞና፣
- 46 መያርቆና፣ ራቆናነ ቃይ ዮጳ ካታማ ዩሹዋን ደእያ ሄራቱዋ።
- 47 ዳና ዛራቱ ጋድያ ላታናዉ እንጀተናዋ በኤዳ ዋይ፣ ቢደ ላይሻ ካታማ ኦለቲደ ጸኔድና፤ ጸኔደ ሄ ካታማን ደእያ አሳ ቃራ ማሻን ዎቋ ወርሲደ፣ ካታማ ባረንቴ አኪደ ያን ደኤድና። ሄ ካታማ ሱንሳካ ላሚደ፣ ባረንቴ አወዋ ዳና ሱንሳን ዳና ጌደ ሱንጩድና።
- 48 ዳና ዛራቱ ባረንቴ ያራን ያራን ላቴዳ ጋድያን ደእያ ካታማቱን ኢንቴንቴ ዩሹዋን ደእያ ሞላቱ ሀዋንታ።

**ኢያሳ ጋኬዳ ግሹዋ**

- 49 እሰራኤልያ አሳይ ጋድያ ሻክ ወርሴዳ ዋይ፣ ነዌ ናኦ ኢያሱ ላትያ ጋድያ ባረንቴ ግደን አሜድና።

50 መድና ጎዳይ እዛዜዳዋዳን፤ ኢያሱ ኦቻና፤ ኤፍሬማ ገዝያን ደእያ ትምናት-ሰራሀ ጌተትያ ካታማ እዉ እምና ካታማ ዋሕ የግ ኪጸ.ደ፤ ያን ደኤዳ።

51 ቁሰያ ኤልእዛሪ፤ ነዌ ናእይ ኢያሱነ እሰራኤልያ አሳ ዛረቶ ያራቱ ካፓቱ መድና ጎዳ ሰንፋን ሲሎን፤ መድና ጎዳ ዱንካንያ ፕንግያን ሳማ የጊደ፤ ግሺዳ ሳታ ጋዲ ሀዋ። ኡንቱንቱ ጋድያ ያት ቫክ ፖሌድና።

## 20

### ባቃት ቢደ እትያ ካታማቱዋ (20:1-9)

- 1 ሄዋፕ ጉይያን መድና ጎዳይ ኢያሳ ሀዋዳን ያጌዳ፤
- 2 “እሰራኤልያ አሳዉ ሀዋዳን ያጋ፤ ታን ሙሴ ባጋና ሀንተንታ እዛዜዳዋዳን፤ አሳይ ባቃት ቢደ እትያ ካታማቱዋ ደርተ።
- 3 እይ አሳይነ እኩከናንነ ኤረናን አሳ ዋዶፕ፤ ያ ባቃት ቢደ፤ ሱፋ እቕያዋፕ አታና።
- 4 አሳ ዋዶዳዊ ሄ ካታማቱዋፕ እቱዋኮ ባቃት ቢደ፤ ካታማ ገልያ ፕንግያን ኤቁደ፤ ሀኔዳባ ሄ ካታማ ጭማቶ አደ። ኡንቱንቱ ባረንቱ ካታማ አፊደ፤ እ ደአና ሳኡ እምና፤ እ ኡንቱንቱና ያን ደኡ።
- 5 ሱፋ እቕያዊ እ ካሊደ ዮፕ፤ ሄ ካታማ ጭማቱ እ አሊደ እምፕና። እያዉ ሳፕ፤ ባረ ሾርቀ እ ቆፒደ፤ ባረ ካሰ ሞርከተፋ ድራዉ ዋድቤና።
- 6 ሸቁዋ ሰንፋን ፕርዳዉ እ ኤቃና ጋካናሽ ሄ ዋድያን ደእያ ቁሳቱዋ ኡባቱዋ ካፑ ሀይቃና ጋካናዉ፤ ሄ ካታማን ደኡ። ሄዋፕ ጉይያን፤ ባቃቲደ ከሴዳ ካታማ ጉየ ዛሪደ፤ ባረ ሶ ገሎ። ያጋ። ያጌዳ።
- 7 ሄዋፕ ጉየ እሰራኤልያ አሳይ ንፍታሌማ ገዝያን፤ ጋሊላን ደእያ ቀዳሻነ እ ሄንፋ ጋደቱዋ፤ ኤፍሬማ ገዝያን ደእያ ሰኩማነ እ ሄንፋ ጋደቱዋነ ይሁዳ ገዝያን ደእያ ቅርያት-አርባእ ዋይ ከሰርነ ዲማዬድና።
- 8 ዮርዳኖሳ ሻፋፕ ሄፍንፋን፤ ያርኮፕ እዋይ ዶልያ ባጋ ዋራን፤ ቋቃሳን ደእያ ርቤላ ዛራቱዋ ጋድያፕ ቤጸራ፤ ጋደ ዛራቱዋ ጋድያፕ ጋላእደን ደእያ ራዎታን ምናሰ ዛራቱዋ ጋድያፕ ባሳነን ደእያ ጎላና ዲማዬድና።
- 9 እሰራኤልያ አሳ ኡባዉነ ኡንቱንቱ ግደን ደእያ በተቶ ዲማዬዳ ካታማቱ ሀዋንታ፤ ኤረናን ደኢደ አሳ ዋዶዳ እይ አሳይነ፤ ሸቁዋ ሰንፋን ኤቃና ጋካናዉ፤ ሱፋ እቕያዋ ኩሽያን ሀይቀናዳን፤ ሄ ካታማቱዋፕ እቱዋኮ ባቃታናዉ ዳንዳዬ።

## 21

### ሊዋቱ ካታማቱዋ (21:1-45)

- 1 ሄዋፕ ጉይያን ሊዋያ ዛራቱዋ ያራቱ ካፓቱ ቁሰያ ኤልእዛሪኮ፤ ነዌ ናእ ኢያሱኮነ እሰራኤልያ አሳ ዛረቶ ያራቱ ካፓቱዋኮ ሸቁድና።
- 2 ሄዋን ካናን ጋድያን ደእያ ሲሎን ኡንቱንቱ ሀዋዳን ያጌድና፤ “ኡን ደእና ካታማቱዋነ ኑ መሀያዉ ሄንፋ ጋደቱዋ ኔን ኑ እምና ማላ መድና ጎዳይ ሙሴ ባጋና እዛዜዳ” ያጌድና።
- 3 ሄዋፕ ጉየ መድና ጎዳይ እዛዜዳዋዳን፤ እሰራኤልያ አሳይ ሊዋያ ዛረቶ ሀ ካታማቱዋነ ሄንፋ ጋደቱዋ ባረንቱ ጋድያፕ ግሺደ ኡንቱንቱ እሜድና።
- 4 ኮይሮ ሳማይ ቃሃታ ያራቶ ከሴዳ። ቁሰያ አሮና ዛርያ ሊዋቱ ይሁዳ ዛራቱዋፕ፤ ሰምና ዛራቱዋፕነ ቢንያማ ዛራቱዋፕ ታማነ ሄዙ ካታማቱዋ ሳማን እኪድና።
- 5 እቴዳ ቃሃቱዋ ያራቱ ኤፍሬማ ዛራቱዋፕ፤ ዳና ዛራቱዋፕነ ምናሰ ዛራቱዋ ባጋፕ ታሙ ካታማቱዋ ሳማን እኪድና።
- 6 ገርሾና ያራቱ ይሳኮራ ዛራቱዋፕ፤ እሴራ ዛራቱዋፕ፤ ንፍታሌማ ዛራቱዋፕነ ባሳነን ደእያ ምናሰ ዛራቱዋ ባጋፕ ታማነ ሄዙ ካታማቱዋ ሳማን እኪድና።
- 7 ማራራ ያራቱ ርቤላ ዛራቱዋፕ፤ ጋደ ዛራቱዋፕነ ዛብሎና ዛራቱዋፕ ታማነ ላኡ ካታማቱዋ እኪድና።
- 8 መድና ጎዳይ ሙሴ ባጋና እዛዜዳዋዳን፤ እሰራኤልያ አሳይ ሀ ካታማቱዋነ ኡንቱንቱ ሄንፋ ጋደቱዋ ሊዋቶ ሳማን ቫክ እሜድና።
- 9 ይሁዳ ዛራቱዋፕነ ሰምና ዛራቱዋፕ እሰራኤልያ አሳይ እኪደ እሜዳ ካታማቱዋ ሱንፋይ ሀዋፕ ካሊደ ጸፈቱዳ።

10 ኮይሮ ሳማይ ሊዊያ ዛራቱዋጥ የለቲደ፡ ቃሃታ ያራ ግዴዳ እርና ዛራቶ ከሰና፡ ኤንቴንቶ እሜዳ ካታማቱ ሀዋንታ፡

11 እሰራኤልያ አሳይ ይሁዳ ገዝያን ደእያ ቅርያት-አርባአ ዋይ ከብርናን እ የቼዋን ደእያ ሄንጻ ገደቱዋ ኤንቴንቶ እሜድና። (አርባአ አናቀ አወዋ።)

12 ሸን ሄ ካታማ የቼዋን ደእያ ገደቱዋን ሞላቱዋ ይፋን ናአ ካለባዉ ላታ ኦሊደ እሜድና።

13 ቄሰያ እርና ዛራቶ አሳ ዋዴዳ አሳይ ባቃት ቢደ ኤትያ ከብርን ካታማን እ ሄንጻ ገደቱዋ፡ ሊብናን እ ሄንጻ ገደቱዋ፡

14 ያትራን እ ሄንጻ ገደቱዋ፡ ኤሽታሞእን እ ሄንጻ ገደቱዋ፡

15 ሆሎናን እ ሄንጻ ገደቱዋ፡ ዳቢራን እ ሄንጻ ገደቱዋ፡

16 አይናን እ ሄንጻ ገደቱዋ፡ ያጸን እ ሄንጻ ገደቱዋን ቤት-ሸወሻን እ ሄንጻ ገደቱዋ፡ ኡባና ኡዳ፡ፊን ካታማቱዋ ይሁዳ ዛራቱዋጥን ሰሞና ዛራቱዋጥ አኪደ እሜድና።

17 ቢንያማ ዛራቱዋጥ ገባኦናን እ ሄንጻ ገደቱዋ፡ ገባእን እ ሄንጻ ገደቱዋ፡

18 አናቶታን እ ሄንጻ ገደቱዋን አልሞናን እ ሄንጻ ገደቱዋ፡ ኡባና ኦይዱ ካታማቱዋ አኪደ እሜድና።

19 እርና ዛርያ ቄሳቱዋ ካታማቱን ኤንቴንቱ ሄንጻ ገደቱ ኡባና ታማን ሄዛ።

20 አቴዳ ቃሃታ ያራቱ፡ ሊዊያ ዛራ ግድያዋንቱ ኤፍሬማ ዛራቱዋ ካታማቱዋጥ ሻክና አኪድና።

21 ኤንቴንቶ ኤፍሬማ ገዝያን ደእያ፡ አሳ ዋዴዳ አሳይ ባቃት ቢደ ኤትያ ሰኪማን እ ሄንጻ ገደቱዋ፡ ገዜራን እ ሄንጻ ገደቱዋ፡

22 ቅብጻይማን እ ሄንጻ ገደቱዋን ቤት-ሆርናን እ ሄንጻ ገደቱዋ፡ ኡባና ኦይዱ ካታማቱዋ አኪደ እሜድና።

23 ዳና ዛራቱዋጥ ኤልታቀን እ ሄንጻ ገደቱዋ፡ ግባቶናን እ ሄንጻ ገደቱዋ፡

24 አያሎናን እ ሄንጻ ገደቱዋን ጋት-ርሞናን እ ሄንጻ ገደቱዋ፡ ኡባና ኦይዱ ካታማቱዋ አኪደ እሜድና።

25 ሞናሰ ዛራቱዋ ባጋቱዋጥ ታእናካን እ ሄንጻ ገደቱዋን ጋት-ርሞናን እ ሄንጻ ገደቱዋ፡ ኡባና ላኡ ካታማቱዋ አኪደ እሜድና።

26 አቴዳ ቃሃታ ያራቱ ካታማቱን ኤንቴንቱ ሄንጻ ገደቱ ኡባና ታማ።

27 ሞናሰ ዛራቱዋ ባጋቱዋጥ አሳ ዋዴዳ አሳይ ባቃት ቢደ ኤትያ፡ ባሳንን ደእያ ጎላና ካታማን እ ሄንጻ ገደቱዋን ባኤሽታራን እ ሄንጻ ገደቱዋ፡ ኡባና ላኡ ካታማቱዋ አኪደ፡ ገርሾና ያራ ግድያ ሀራ ሊዋቶ እሜድና።

28 ይሳኮራ ዛራቱዋጥ ቅሽዮናን እ ሄንጻ ገደቱዋ፡ ዳብራታን እ ሄንጻ ገደቱዋ፡

29 ያርሙታን እ ሄንጻ ገደቱዋን ኤንጋሪማን እ ሄንጻ ገደቱዋ፡ ኡባና ኦይዱ ካታማቱዋ አኪደ እሜድና።

30 አሴራ ዛራቱዋጥ ሞሽእላን እ ሄንጻ ገደቱዋ፡ አብደናን እ ሄንጻ ገደቱዋ፡

31 ሄልቃታን እ ሄንጻ ገደቱዋን ራሆባን እ ሄንጻ ገደቱዋ፡ ኡባና ኦይዱ ካታማቱዋ አኪደ እሜድና።

32 ሄዋዳንካ ገፍታሊማ ዛራቱዋጥ አሳ ዋዴዳ አሳይ ባቃት ቢደ ኤትያ ገለላን ደእያ ቀዳሻን እ ሄንጻ ገደቱዋ፡ ሀሞታን እ ሄንጻ ገደቱዋ፡ ዶራን እ ሄንጻ ገደቱዋን ቃርታናን እ ሄንጻ ገደቱዋ፡ ኡባና ኦይዱ ካታማቱዋ አኪደ፡ ኤንቴንቶ እሜድና።

33 ገርሾና ያራቱ ካታማቱን ኤንቴንቱ እ ሄንጻ ገደቱ ኡባና ታማን ሄዛ።

34-35 አቴዳ ማራራ ያራ ግድያ ሊዋቶ ዛብሎና ዛራቱዋጥ አሳ ዋዴዳ አሳይ ባቃት ቢደ ኤትያ ዮቅናናማን እ ሄንጻ ገደቱዋ፡ ቃርታን እ ሄንጻ ገደቱዋ፡ ዲሞናን እ ሄንጻ ገደቱዋን ናህላላን እ ሄንጻ ገደቱዋ፡ ኡባና ኦይዱ ካታማቱዋ አኪደ እሜድና።

36 ርቤላ ዛራቱዋጥ ቤጸራን እ ሄንጻ ገደቱዋ፡ ያሃጸን እ ሄንጻ ገደቱዋ፡

37 ቅደሞታን እ ሄንጻ ገደቱዋን መፋኤታን እ ሄንጻ ገደቱዋ፡ ኡባና ኦይዱ ካታማቱዋ አኪደ፡ ኤንቴንቶ እሜድና።

38 ቃይ ገደ ዛራቱዋጥ አሳ ዋዴዳ አሳይ ባቃት ቢደ ኤትያ፡ ገላኦደን ደእያ ራሞታን እ ሄንጻ ገደቱዋ፡ ማህናይማን እ ሄንጻ ገደቱዋ፡

39 ሀሰቦናን እ ሄንጻ ገደቱዋን ያእዜራን እ ሄንጻ ገደቱዋ፡ ኡባና ኦይዱ ካታማቱዋ አኪደ፡ ኤንቴንቶ እሜድና።

40 ማራራ ያራ ግድያ ሀራ ሊዋቶ ሻክና ጋኬዳ ካታማቱ ኡባና ታማን ላእ።

41 እሰራኤልያ አሳይ ላቴዳ ገድያን ደእያ ሊዋቶ ኡባና ኦይታማን ሆሰፊን ካታማቱ ኤንቴንቱ ሄንጻ ገደቱዋና ደእያ።

42 ሄ ካታማቱዋ ኡባ የቼዋን ሄንጻ ገደቱ ደእያ።

43 ሄዋዳን ኦሊደ፡ መድና ጎዳይ ኤንቴንቱ አዋቶ እማናዉ ጫቄዳ ገድያ ኡባ እሰራኤልያ አሳዉ አሞና ኤንቴንቱ ላቲደ፡ ያን ደኤድና።

44 መድና ጎዳይ ኢንቱንቱ አዋቶ ጫቁዳዋዳን፣ ኢንቱንቱ ኡባ ባጋናካ ሸሞፕሴዳ። መድና ጎዳይ ኢንቱንቱ ሞርከቱዋ ኡባ ኢንቱንቶ እል እሜዳ ድራጫ፣ ኢንቱንቱ ሞርከቱዋፕ እቱን ኢንቱንቱና አቀታናዉ ዳንዳይቤና።

45 መድና ጎዳይ እስራኤልያ አሳዉ እማና ጌዳ ሎኦ ቃላ ኡባ ፖሌዳፕ እትን እቱን ሳኣን አትቤና።

## 22

ደላሃፕ ዬዳ ያራቱ ባረንቱ ሳኣ ሰሙሳ

(22:1-34)

1 ሃዋፕ ጉይያን ኢያሱ ሮቤላ ዘረላ፣ ጋደ ዛራቱዋን ምናሰ ዛራቱዋፕ ባጋቱዋ ጸጊደ።

2 “መድና ጎዳ ቆማይ ሙሴ ህንተንታ እዛዜዳ ኡባ ፖሌዳፕ፤ ቃይ ታዉካ ኡባባን እዛዘቲድታ።

3 ዳር ዋድያፕ ሀቼ ጋካናዉ፣ ህንተንቱ ህንተንቱ እሻቱዋ ባሸቤቤክታ፤ መድና ጎዳይ ህንተንቱ ጸሳ ህንተንቱ እሜዳ ሀደራ ፖሌዳፕ።

4 ሰሞ መድና ጎዳይ ህንተንቱ ጸሳይ ኢንቱንቶ ጌዳ ቃላዳን፣ ህንተንቱ እሻቱዋ ሸሞፕሴዳ። ሃዋ ድራጫ፣ መድና ጎዳ ቆማይ ሙሴ ህንተንቶ ዮርዳኖሳ ሻፋፕ ሄናጎሳ ባጋና እሜዳ ላታ ጋድያን ደእያ ህንተንቱ ሶ ሶ ሰሞተ።

5 መድና ጎዳ ቆማይ ሙሴ ህንተንታ እዛዜዳ እዛዘቱን ዋጋ ሎይል ናግተ። መድና ጎዳ ህንተንቱ ጸሳ ሲቅተ፤ እ ኦግያ ኡባን ሀመትተ፤ እ እዛዘቱ እዛዘትተ፤ እናና ምን ኦይቀትተ፤ ህንተንቱ ኩመንሳ ዋዛናፕ ኩመንሳ ሸሞፕዋፕ እዉ አላተ” ያጌዳ።

6-8 ኢያሱ ኢንቱንታ እንጅ ዩዲደ፤ “በእተ፣ ህንተንቱ ሀእ ዳሮ መሀያ፣ ብራ፣ ዋርቃ፣ ናሃሰያ፣ ብራታን ዳር ማዩዋ እኪደ ዱረቲደ፣ ህንተንቱ ጋድያ ሰማና ሀኒታ። ሃዋ ድራጫ ህንተንቱ ሞርከቱዋፕ ኦሞዴዳዋ፣ ህንተንቱ እሻቱዋና ግሸ እክተ” ያጌዳ። ሃዋፕ ጉይያን ኢንቱንቱ ባረንቱ ሶ ሶ ቤድና።

ሙሴ ምናሰ ዛራቱዋፕ ባጋቶ ባሳንን ጋድያ እሞ ዋሌዳ፤ ሸን እቲዳ ምናሰ ዛራቱዋ ባጋቶ ኢያሱ ዮርዳኖሳ ሻፋፕ አዋይ ጫልያ ባጋን ሀራ ዛራቱዋና እትፕ ላትያ ቢታ እሜዳ።

9 ሮቤላ ዛራቱ፣ ጋደ ዛራቱን ምናሰ ዛራቱዋ ባጋቱ ባረንቱ ላታ ጋድያ ሰሚደ ቤድና። ጸሳይ ሙሴ ባጋና እዛዘና ላቲዳ ጋላእደ ጋድያ ባናዉ፣ ካናን ጋድያን ሴሎን ደእያ እስራኤልያ አሳፕ ሻከቲድና።

ዮርዳኖሳ ሻፋ ማታን ግሞቤዳ ያርሹዋ ሳኣ

10 ሮቤላ ዛራቱ፣ ጋደ ዛራቱን ምናሰ ዛራቱዋፕ ባጋቱ ዮርዳኖሳ ሻፋ ማታን ካናን ጋድያን ደእያ ጋልሎታ ዬዳ ዋደ፣ ሻፋ ማታን ያርሹዋ ያርሸያ ዋልቃማ ሳኣ

11 ግሞቤና፣ “ሮቤላ ዛራቱ፣ ጋደ ዛራቱን ምናሰ ዛራቱዋፕ ባጋቱ ዮርዳኖሳ ማታን፣ ጋልሎታን፣ ካናን ዛዋን፣ እስራኤላቱ ባጋና ያርሹዋ ሳኣ ግሞቤድና” ግያዋ እስራኤላቱ ሰሴድና።

12 ኩመንሳ እስራኤልያ አሳ ያእይ ኢንቱንቱ ኦላናዉ ባናዉ ሴሎ ግያ ሳን እትፕ ሸቄዳ።

13 እስራኤልያ አሳይ ቄሰን ኤልኣዛራ ናኣ ፒንሃሳ፣ ጋላእደ ጋድያን ደእያ ሮቤላ ዛራቱዋኩ፣ ጋደ ዛራቱዋኩን ምናሰ ዛራቱዋፕ ባጋቱዋኩ ከቲዳ።

14 እት እት ዛራ ባረ ያራቱ ካፕቱዋፕ እት እት አሳ ዶሪደ፣ ታሙ አሳ ፒንሃሳና ዩዴዳ።

15 ኢንቱንቱ ሮቤላ ዛራቱ፣ ጋደ ዛራቱን ምናሰ ዛራቱዋፕ ባጋቱ ደእያ ጋላእደ ጋድያ ቢደ ኢንቱንታ።

16 “መድና ጎዳ አሳይ ኩመንሳ ያእይ ህንተንታ ሀዋዳን ያጌ፤ ‘እስራኤልያ ጸሳ ቦላ እያዉ ሀዋ ማላ ኢታባ ኦሌድቲ? ዋኒደ ጎፕ፣ ህንተንቱ ሀራ ያርሹዋ ሳኣ ህንተንቶ ግሞቤደ፣ መድና ጎዳ ቦላ ማካሌድታ! እ ካልያዋካ እጌዲታ!

17 ፓኦራን ኑን ኦሌዳ ናጋራይ ኑዉ ግደኔ? እስራኤልያ ሸቄዋ ቦላ ቦሻይ ዋዴዳዋ ግደፕ፣ ሀቼ ጋካናዉካ ኑን ሄ ናጋራፕ ጌይቦኩ።

18 መድና ጎዳ ካልያዋፕ ሆቻካ ዋራ ሰማነየ?

“ ህንተ ሀቼ መድና ጎዳ ቦላ ማካሎፕ፣ መድና ጎዳይ ዋንት ኩመንሳ እስራኤልያ ሸቄዋ ህንቀታናዋ።

19 ህንተንቱ ደእያ ጋዲ ቱኔዳዋ ግደፕ፣ መድና ጎዳ ዲንካኒ ኤቄዳ ጋድያ ሃ ዩደ፣ ኑና ጋድያ ሻክተ። ሸን ካሰፕ ደእያ መድና ጎዳ ኑ ጸሳ ያርሹዋ ሳኣፕ ሀራ ያርሹዋ ሳኣ ግሞቤደ፣ መድና ጎዳ ቦላ ማካሎፕተ፤ ዋይ ኑናካ ማካላንቻ ከሰፕተ።

20 ዛራሀ ዘረ እካን ናጋራ ግደዋፕ እኪደ፣ ናጋራ ኦሌዳ ድራጫ፣ ኩመንሳ እስራኤልያ ሸቄዋ ቦላ ጸሳ ሀንቁ ዋድቤኔ? ባረ ናጋራ ጋሱዋን ሀይቄዳዌ እ ጸላላ ግደና ያጌ” ያጌድና።

21 ሄዋጥ ጉዮ ርቤላ ዛሬቱ፣ ጋደ ዛሬቱን ምናስ ዛሬቱዋጥ ባጋቱ እስራኤልያ ያራቱ ካፓቶ ሀዋዳን ያጊደ ዛሬድኖ፤

22 “ዋልቃማይ መድና ጎዳ ጸሳ! ዋልቃማይ መድና ጎዳ ጸሳ! ኑን ሀዋ እያወ ኦሌደንቶ እ ኤሬዳ! ኑን እያወ ኦሌደንቶ ህንተንቱካ ኤራናዳን ኮዬቶ። ኑን መድና ጎዳ ቦላን ማካሌዳዋን እዛዘተናን እደዳዋ ግደጥ፣ ሀቼ ኑና ፓጻ ዋላጥ።

23 ኑን መድና ጎዳ ካልያዋ አጊደ፣ ጸግያ ያርሹዋ፣ ካላ ያርሹዋን እትተላ ያርሹዋ ያርሻናዉን ያርሸያ ሳኣ ግምቤዳዋ ግደጥ፣ መድና ጎዳይ ኑና ሄ ኦሶ ኦቾ።

24 ኑን ሄዋ ግምቤባኩ፤ ኑን ያርሹዋ ሳኣ ግምቤዳዋ፣ ሰንላጥ ያና ላይላን ህንተንቱ ናናይ ኑ ናና፣ ህንተና መድና ጎዳን እስራኤልያ ጸሳን እዬ ጋልያዋ?

25 ህንተንቶ፣ ርቤላን ጋደ ዛሬቶ፣ መድና ጎዳይ ኑ ግደንን ህንተንቱ ግደን ዮርዳኖሳ ሻፋ ዛዋዬዳ። መድና ጎዳን ህንተንታ ጋልያዋ ባዋ ያጋነንቶን ጊደ ሀርኤዳ ድራሳ። ሄዋዳን ኦሌደ፣ ህንተንቱ ዛሬቱ ኑ ዘረላ መድና ጎዳዉ ጎይነናዳን ተኤናን እግክኖ።

26 “ሄዋ ድራዉ ኑን ኑ ግደን ያርሹዋ ሳኣ እን ግምቤዳጥ ገዳ፤ ሽን ጸግያ ያርሹዋ ሳኣ ዋይ ሀራ ያርሹዋ ሳኣ ግደና።

27 ኑን ያርሹዋ ሳኣ ግምቤዳዋ ጸግያ ያርሹዋ፣ እትተላ ያርሹዋን ሀራ ያርሹዋ ያርሸደ፣ መድና ጎዳዉ እ ዲንካንያን ጎይናና ማላ፣ ሀዋ ኑ ግዲዋንን ህንተንቱ ግዲዋን፣ ቃይ ኑ ካልያ የለታ ግዲዋን ማርካ ግዳናሳ። ዋደጥ ህንተንቱ ዛሬቱ ኑ ዘረላ፣ ህንተና መድና ጎዳን ጋልያዋ እያይነ ባዋ፣ ጋናዉ ዳንዳይክኖ።

28 ኡንቱንቱ ጌላዳን ኑና ዋይ ኑ የለታ ዋድያጥ ሄዋዳን ጎጥ፣ ኑን ኡንቱንቶ ዛሬደ፣ ፍጻዉ ያርሸያ ሳኣ ለምሱዋ ሀዋ በእተ። ሀዋ ኑ እዋቱ ጸግያ ያርሹዋን ሀራ ያርሹዋ ያርሻናሳ ግደናን፣ ህንተንቱ ኑጥን ግዲዋን ማርካ ግዳና ማላ ግምቤዳኖ፣ ያጋና።

29 መድና ጎዳ ቦላ ማካላናዋ ኑጥ ሃኮ! መድና ጎዳ ኑ ጸሳ ዲንካንያ ሰንላን ኤቄዳ ያርሹዋ ሳጥ ሀራ፣ ጸግያ ያርሹዋ፣ ካላ ያርሹዋን ሀራ ያርሹዋ ያርሸያ ሳኣ ግምቤዳ፣ ሀቼ ዋራ ሰምቤይኮ” ያጊደ ዛሬድኖ።

30 ቁሰያ ጥንሃሰን እናና ደእያ እስራኤልያ ያራቱ ካፓቱ፣ ርቤላ፣ ጋዳን ምናስ ዛሬቱ ኦዲዳዋ ሰሲደ፣ ሎይላ ናሽቲድኖ።

31 ቁሰያ ኤልእዛራ ናእይ ጥንሃሰ ርቤላ፣ ጋዳን ምናስ ዛሬቶ፣ “መድና ጎዳይ ኑ ግደን ደእያዋ ኑን ሀቼ ኤራደ፤ እያወ ጎጥ፣ ሀ የወዋ ህንተንቱ መድና ጎዳ ቦላ ማካላናዉ ኦለበይክታ። ህንተንቱ ሀኣ መድና ጎዳ ሙራጥ እስራኤልያ አሳ አሹድታ” ያጌዳ።

32 ሄዋጥ ጉይያን ቁሰያ ኤልእዛራ ናእይ ጥንሃሰን ካፓቱ ጋላኣደን ደእያ ርቤላን ጋደ ዛሬቱዋ ማታጥ ካናን ደእያ እስራኤልያ አሳኮ ሰሚደ ሀኔዳባ ኡንቱንቶ ኦዲድኖ።

33 እስራኤልያ አሳይ ናሽቻን፣ ጸሳ ጋላቲድኖ። ቃይ ርቤላ አሳቲን ጋደ አሳቲ ደእያ ጋድያ ኦለቲድ ባይክናዉ ባናዉ ሃሳይያዋካ አጊድኖ።

34 ርቤላን ጋደ ዛሬቱ፣ “ሀ ያርሹዋ ሳኣይ ጸሳ ጸላላይ ጸሳ ግድያዋ ኑ ኡባጥ ግዲዋን ማርካ ግዳናዋ” ያጌድኖ፤ ሄ ያርሹዋ ሳኣ ማርካ ስንሌድኖ።

### 23

#### ኢያሱ ዉርስላ ሃሳያ (23:1-16)

1 ዳር ዋድያጥ ጉይያን፣ መድና ጎዳይ እስራኤልያ አሳ ኡንቱንቱ የሹዋን ደእያ ሞርከቱዋ ኡባጥ ሸምጥሲዳ። ሄ ዋደ ኢያሱ ጭሚደ፣ ዋድያ ሎይላ ሱጌዳ።

2 ያቲዳዊ እስራኤልያ አሳ ኡባ፣ ጭማቱዋ፣ ካፓቱዋ፣ ዳናቱዋን ኦላ ጋዳዋቱዋ እትጥ ጸሲደ፣ ሀዋዳን ያጌዳ፤ “ታን ጭማደ፣ ዋድያ ሎይላ ሱጋድ።

3 መድና ጎዳይ ህንተንቱ ጸሳይ ህንተንቱ ድራዉ ሀ ካወተላቱዋ ኡባ ኦሌዳዋ ህንተንቱ ህንተንቱ ሁጲያዉ በኤድታ። ህንተንቶ ኦለቲዳዊ መድና ጎዳ ህንተንቱ ጸሳተን።

4 በእተ፣ ዮርዳኖሳ ሻፋጥ ደሚደ እዋይ ዉልያ ባጋና ደእያ ሚድቲራን አባ ጋካናዉ ደእያ፣ እቲዳ ካወተላቱዋ ቢታ ኡባ፣ ታን ጳይሴዳ ካወተላቱ ቢታናካ ላታ ጋደ ኦላደ፣ ህንተንቱ ዛሬቶ ሻካደ እማድ።

5 መድና ጎዳይ ህንተንቱ ጸሳይ ኡንቱንታ ሱጋናን ህንተንቱ ሰንላጥ ላግና መድና ጎዳይ ህንተንቱ ጸሳይ ጌዳዋዳን፣ ህንተንቱ ኡንቱንቱ ጋድያ ላታና።

6 “ሄዋ ድራዉ፣ ሙሴ ህግያ ማጻፋን ጻፈቲዳ ኡባ ናጋናዉን ኦላናዉ ሎይላ ምንተ፤ አጥ ኡሸቻ ሀድርሳ ጎጥተ።

7 ሄዋን ህንተንቱ ግደን እቲዳ ሀ ካወተላቱዋና ዋለክቶጥተ። ኡንቱንቱ ጸሳቱዋ ሱንላ ደንላጥተ ዋይ ኡንቱንቱ ሱንላን ጫቆጥተ። ኡንቱንቶ ኦላጥተ ዋይ ኡንቱንቶ ጎይናጥተ።

- 8 ሸን ሆቼ ጋካናው ህንተንቱ ኦሌዳዋዳን፣ ጸሳ ህንተንቱ መድና ጎዳ ሎይሳ ኦይክተ።
- 9 “ኢያው ጎጥ፣ መድና ጎዳይ ግታን ምና ካውተላቱዋ ህንተንቱ ሰንሳጥ ከሴዳ። ህንተና ግደጥ፣ ሆቼ ጋካናው ኦንነ ህንተናና ኤታናው ዳንዳይቤና።
- 10 መድና ጎዳይ ህንተንቱ ጸሳይ ህንተንቶ ጌዳዋዳን፣ እ ባረ ሁጲያው ህንተንቶ ኦለትያ ድራው፣ ህንተጥ እት አሳይ ሻእ አሳ የደርሴዳ።
- 11 መድና ጎዳ ህንተንቱ ጸሳ ኡባ ገደ ሲቃናዋ ደጎጥተ።
- 12 ህንተንቱ ጉየ ሰሚደ፣ ካውተላቱዋጥ ሆን ህንተንቱ ግደዋን አቴዳ አሳና አቴዋ ግደጥ፣ ኤንቱንቱ ማቻቱዋ ህንተንቶ፣ ህንተንቱ ማቻቱዋ ኤንቱንቶ እም ዋለከቶጥ።
- 13 መድና ጎዳይ ህንተንቱ ጸሳይ ሆ ካውተላቱዋ ህንተንቱ ሰንሳጥ የደርሰያዋ እግ ባሻናዋ ጌሺደ ኤርተ። ሸን መድና ጎዳይ ህንተንቱ ጸሳይ እሜዳ ሆ ሎእ ጋድያጥ ህንተንቱ ጳያና ጋካናው፣ ኤንቱንቱ ህንተንቶ ጲረነ ግተ ግዳና፤ ህንተንቱ ዘክያው ልሶ፣ ህንተንቱ አይፍያውካ እጉንላ ግዳና።
- 14 “ሆእ ሰም ታን ሀይቃና ማታድ። መድና ጎዳይ ህንተንቱ ጸሳይ ህንተንቶ እማና ጌዳ ሎእ ኡባጥ እትባይነ አትቤናዋ ህንተንቱ ኡባይ ህንተንቱ ምዘናን፤ ሸምጥዋን ኤሪታ። እ ህንተንቶ እማና ጌዳዋጥ እትባይነ አተናን፣ ኡባይ ፖለቲዳ።
- 15 መድና ጎዳይ ህንተንቱ ጸሳይ ህንተንቶ እማና ጌዳ ሎእባይ ኡባይ አተናን ፖለቲዳዋዳን፣ መድና ጎዳይ ህንተንቱ ጸሳይ ህንተንቶ እሜዳ ሆ ሎእ ጋድያጥ ህንተንታ ጳይሳና ጋካናው፣ ኤታ ሙሩዋ ኡባካ ህንተንቱ ቦላን ሄዋዳን አሀና።
- 16 መድና ጎዳይ ህንተንቱ ጸሳይ ህንተናና ጫቀቲዳ ቃላ ጫቁዋ ህንተንቱ መንሳጥ፣ ቢደ ሀራ ጸሳቶ ኦሳጥን ጎይፍጥ፣ መድና ጎዳ ህንቁ ህንተንቱ ቦላ ኤጽ ከሳና፤ እ ህንተንቶ እሜዳ ሎእ ቢታጥካ ህንተንቱ ኤላካ ጳያና።” ያጌዳ።

## 24

### ሰኬማን ቃላ ጫቁዋ ኦራጶሳ (24:1-33)

- 1 ሄዋጥ ጉይያን ኢያሱ እሰራኤልያ ዛራቱዋ ኡባ ሰኬማ ጌተትያ ካታማን ሸሺዳ። ጭማቱዋ፣ ካጋቱዋ፣ ዳናቱዋን ኦላ ጋዳዋቱዋ ኡባ ጶሰና ኤንቱንቱ ጸሳ ሰንሳጥ ሸቋድና።
- 2 ኢያሱ አሳው ኡባው ሀዋዳን ያጌዳ፤ “መድና ጎዳይ እሰራኤልያ ጸሳይ ሀዋዳን ያጌ፤ ‘ብን ህንተንቱ አዎቱ ኤፍራጲሳ ሻፋጥ ሄፍጎላን ደኤድና፤ ኤንቱንቱ ሆራ ጸሳቶ ኦሌድና። ኤንቱንቱጥ እቱ አብራሃማን ናኮራ አውዋ ታራ።
- 3 ሄዋጥ ጉይያን ህንተንቱ አውዋ አብራሃማ፣ ሄ ሻፋጥ ሄፍጎላን ደእያ ጋድያጥ ጶሳደ፣ ካናን ቢታ ኡባን ካለላድ። እ ዛርያካ ጮራያድ፤ ይሳቃካ አው እማድ።
- 4 ይሳቃውካ ያቆብን ኤሳ እማድ። ኤሳው ኤደማ ገዝያ ላታናዳን እማድ፤ ሸን ያቆብን አ ናናይ ዲገ ግብጼ ቤድና።
- 5 “ ጉየጥ ሙሳን እርና ኪታደ ታን ያን ኦሌዳዋን ግብጼ ጋድያ እሳ ቦሻን ሸጫድ፤ ሄዋጥ ጉይያን ህንተንታ ከሳድ።
- 6 ታን ህንተንቱ አዎቱዋ ግብጸጥ ከሰና፣ ዘኦ አባኮ ዬድታ፤ ግብጹቱ ህንተንቱ አዎቱዋ ፓራቱ ጎቻያ ጋረቱዋን፤ ፓራዋቱዋን የደርሴድና።
- 7 ኤንቱንቱ መድና ጎዳው ዋሲዳ ዋይ፣ ኤንቱንቱጥን ግብጹቱዋጥ ግደዋን ጳማ የጋድ፤ ታንታይ፣ አባይ ኤንቱንቱ ቦላ ሰማናዳን፤ ኤንቱንቱ ሙካናዳን ኦላድ። ታን ግብጹቱዋ ቦላ ኦሌዳዋ ህንተንቱ ህንተንቱ አይፍያን በኤድታ። ህንተካ ዋሪን ዳር ዋድያ ደኤድታ።
- 8 “ ሄዋጥ ጉይያን ዮርዳኖሳ ሻፋጥ አዋይ ደልያ ባጋና ደእያ አሞራዋናቱዋ ጋድያ ታን ህንተንታ አሃድ። ኤንቱንቱ ህንተናና ኦለትና፣ ታን ኤንቱንታ ህንተንቱ ኩሸያን አላደ እማድ፤ ህንተንቱ ጋድያ ላቴድታ። ቃይ ታን ኤንቱንታ ህንተንቱ ሰንሳጥ ጳይሳድ።
- 9 ሄዋጥ ጉይያን ጽፖራ ናኤይ ባላቅ፣ ሞአበ ጋድያ ካቲ ደንዲድ፣ እሰራኤላቱዋና ኦለቲዳ። ባኦራ ናኤይ ባላዋ ህንተንታ ሸቃናዳን፣ ከቲደ ጶሰሴዳ፤
- 10 ሸን ታን ባላመባ ሰሳባይክ። ሄዋ ድራው እ ህንተንታ እንጃዳ፤ ያትና፣ ታን ህንተንታ ባላቃ ኩሸያጥ አሻድ።
- 11 “ ዮርዳኖሳ ሻፋ ፕኒደ፣ ያርኮ ዬድታ፤ ያርኮ አሳይነ አሞራዋናቱ፣ ፓርዛዋናቱ፣ ካናንቱ፣ ሂተቱ፣ ገርጌሰቱ፣ ሄዋቱን ያኮሳዋቱና ህንተናና ኦለትና፣ ታን ኤንቱንታ ህንተንቱ ኩሸያን አላደ እማድ።

23:10 ዛረ. 3:22፤ 32:30      24:2 ዶመላ 11:27      24:3 ዶመላ 12:1-9፤ 21:1-3      24:4 ዶመላ 25:24-26፤ 36:8፤ 46:1-7፤ ዛረ. 2:5      24:5 ከሳ 3:1—12:42      24:6 ከሳ 14:1-31      24:8 ፓይ. 21:21-35      24:9 ፓይ. 22:1—24:25      24:11 ኢያሳ 3:14-17፤ 6:1-21



12 ካጅያ ህንተተ ሰንገላው ከታይ፣ አሞራዋናቱዋ ካተቱዋ ላእቱዋ ህንተንቱ ሰንገላተ ከሳድ። ሀዌ አባይ ሀናናው ዳንዳዬዳዌ፣ ህንተንቱ ማሻንን ህንተንቱ ዋንዳፍያን ግደና።

13 ህንተንቱ ጎሽጊ ደከሰና ጋድያን ህንተንቱ ኬጽቤና ካታማቱዋ ታን ህንተንቶ አምና፣ እን ደኢታ። ሀእ ህንተንቱ ቶክቤና ዋይንያ ቱራ አይፍያን ዋጋራ አይፍያ ማታን ያጌ።

14 “ሄዋ ድራው ሀእካ መድና ጎዳው ያይተ፤ ቱሙ ዋዛናተ አማነተደ አው ጎይንተ። ህንተንቱ ማይዛ አዎቱ ኤፍራጲሳ ሻፋተ ሄፍንጎንን ግብጾን ጎይኔዳ አላጋ ጸሳቱዋ ዋራ ኦሊደ፣ መድና ጎዳው ጎይንተ።”

15 መድና ጎዳው ጎይንያዌ ህንተንታ ኢቶተ፣ ህንተንቱ አዎቱ ሻፋተ ሄፍንጎን ደኢደ ጎይኔዳ ጸሳቱዋ ግድና፣ ዋይ ሀእ ህንተንቱ ደኢያ አሞራ ጋድያ አሳ ጸሳቱዋ ግድና፣ ህንተንቱ ጎይንያዋ ሀቼ ደርተ። ሽን ታናን ታ ጎልያ አሳ ግደተ፣ ኑን መድና ጎዳው ጎይናና” ያጌዳ።

16 አሳይ ዛሪደ፣ “መድና ጎዳ አግ ባሺደ፣ ሀራ ጸሳቶ ጎይናናዌ ኑተ ሃኮ!

17 ግብጹ ጋድያተ፣ አይለተላ ጎልያተ፣ ኑና ኑ አዎቱዋ ከሰደ አሄዳዌ፣ ሄ ዋልቃማ ማላታቱዋ ኑ ጸልሽን ኦሌዳዌ፣ ኑን ቤዳ ኦግያ ኡባንን አዴዳ ቢታቱዋ አሳ ግዳዋን ኑና ናጌዳዌ፣ መድና ጎዳ ኑ ጸሳተን።

18 ቃይ መድና ጎዳይ አሳ ኡባ፣ ሄ ጋድያን ደኢያ አሞራ አሳቱዋናካ ኑ ሰንገላተ ላጊደ ከሴዳ። ሄዋ ድራው ኑንካ መድና ጎዳው ጎይናና፤ እያው ጎተ፣ እ ኑ ጸሳ” ያጌዳ።

19 ሽን ኢያሱ አሳ ሀዋዳን ያጌዳ፤ “ህንተንቱ መድና ጎዳው ጎይናናው ዳንዳይክታ። እያው ጎተ፣ እ ገሻ ጸሳ፤ እ ቃናትያ ጸሳ፤ እ ህንተንቱ ናቁዋ ዋይ ህንተንቱ ናጋራ አቶ ገና።

20 ህንተንቱ መድና ጎዳ አጊደ፣ አላጋ ጸሳቶ ጎይናተ፣ እ ህንተንቶ ሎኮሳ ኦሌዳዋተ ጉይያን፣ ሰሚደ ህንተንታ ቆሀናን ቆይሳና” ያጌዳ።

21 አሳይ ኢያሳ፣ “ቱይት፣ ግደና! ኑን መድና ጎዳው ጎይናና” ያጌዳ።

22 ኢያሱ አሳ፣ “ህንተንቱ መድና ጎዳው ጎይንያዋ ደራዳዋ ህንተንቱ ሀጺያው ህንተንቱ ማርካ” ያጌዳ።

ኡንቱንቱ፣ “ኤ ኑን ማርካ!” ያጌድና።

23 ኢያሱ፣ “ያቶተ፣ ህንተንቱ ግዳዋን ደኢያ አላጋ ጸሳቱዋ ድግተ፤ ህንተንቱ ዋዛና መድና ጎዳተ፣ እሰራኤልያ ጸሳኩ ዛርተ” ያጌዳ።

24 ኡንቱንቱ፣ “ኑን መድና ጎዳው፣ ኑ ጸሳው፣ ጎይናና፤ እ አዛዙዋካ ፖላና” ያጌድና።

25 ሄ ጋላሰ ኢያሱ አሳና ቃላ ጫቁዋ ጫቁቱዳ፤ ሰኪማን ሀግያን ዋጋ ኡንቱንቶ ከሴዳ።

26 ኢያሱ ሄ ቃላቱዋ ጸሳ ሀግያ ማጻፋን ጻፊዳ። ሄዋተ ጉይያን፣ እት ዋልቃማ ሹቻ አኪደ፣ መድና ጎዳ ዲንካንያ ማታን ደኢያ ዋላ ጋርሳን ኤሴዳ።

27 ኢያሱ አሳው ኡባው፣ “በእተ፣ መድና ጎዳይ ኑው ሃሳዬዳ ቃላ ኡባ ሀ ሹቻይ ሰሴዳ ድራው፣ እ ኑ ቦላ ማርካ ግዳናዋ። ህንተንቱ ጸሳ ቦላን ማካሎተ፣ ሀ ሹቻይ ህንተንቱ ቦላ ማርካ ግዳናዋ” ያጌዳ።

28 ሄዋተ ጉይያን፣ ኢያሱ አሳ ኡባ የድና፣ ኡባይካ ባረ ላታ ጋድያ ጋድያ ሰሚደ ቤዳ።

**ኢያሱ ሀይቁዋን ኤልአዛራ ሀይቁዋ**

29 ሄዋተ ጉይያን መድና ጎዳ ቆማይ፣ ነዌ ናእ ኢያሱ፣ ላይሳይ ጾታን ታሙዋ ግድና ሀይቁዳ።

30 አሳይ ጋእሻ ደርያተ ሀጺሳ ባጋን፣ ኤፍሬማ ገዝያን ደኢያ አ ላታ ጋድያን፣ ትምናት-ሴራን ሞጌድና።

31 ኢያሱ ፓጻ ደኤዳ ዋይ ኡባንን ኢያሱተ ሰምና ደኢደ፣ መድና ጎዳይ እሰራኤላቶ ኦሌዳ ኦሱዋ ኡባ ኤሬዳ ጭማቱዋ ዋይ ኡባን እሰራኤላቱ መድና ጎዳው ጎይኔድና።

32 እሰራኤልያ አሳይ ግብጹ ጋድያተ አሄዳ ዮሴፎ መቀላ ሰኪማን ሞጌድና። ሄ ሳካ ያቆብ ሸኪማ አወዋ ሀሞራ ናናቱዋተ ጾቱ ጸጋራ ብራን ሻሚዳ፤ ጉየተ ዮሴፎ ዛራቱ ላቱድና።

33 አርና ናክይ ኤልአዛራ ሀይቁዳ፤ እ ናክ ፒንሃሳው አመቱዳ ኤፍሬማ ገዝያን ደኢያ ግብአ ጌተትያ ካታማን ሞጌድና።

# ዳናቱዋ ማጻፋ ገሎዋ

ኢያሱ ሀይቄዳዋጥ ጉይያን እት ኡራይ እስራኤልያ ካለፋናዉ ደንድቤና። ሄዋ ጋሱዋን አሳ ግዲዋን እቱ እቱዋናን የሹዋን ደእያ ጋድያና ኦለትያዋን አላጋ ጸሳዉ ገይንያዋን ጸሳዉ ደእያ አማነቱሳ ገጭሴድና። ዳናቱዋ ማጻፋይ ኦድያዋ ሀ ማራ ጻዬዳ አሳ ጸሳ ፊፋን ካለልያ ጸሳን ዶረቲዳ አሳቱዋ ግድያዋ በሲ። ሀ ማጻፋይ ካናን ኦይከቲዳ ዋድያጥ ዶሚደ። ካቲ ካተትያ ካወተሳይ ኤቃና ጋካናዉ ደእያ ታርከቱዋ ኦይኬዳ፤ ሄ ዋዲ እስራኤልያ አሳ ታርከያን ህገ ባይና ዋደ። ሀ ታርኪ “ዳናቱዋ” ገተትያ ምና አሳቱ ኦሌዳዋ በሰና። ሀ ዳናቱዋጥ ዳርያ ባጋቱ ኦላ ጋዳዋቱዋ። ኦንቱንቱጥ ቃይ ሎይሶ ኤረቲዳዋ። አ ምናተሳይ ሸዋጥዋ 13-16 ጋካናዉ ጸፈቲዳ ሳምሶና ገተትያ አሳ። ሀ ማጻፋጥ ኦን ደምያ ዋልቃማ ትምርትያ። እስራኤልያ አሳ ደኡ ቱሙ ደኡዋ ግድያዋ ኦንቱንቱ ጸሳዉ አማነቲደ ደኤዳ ኬሻና ግድያዋ። ኦንቱንቱ አዉ አማነተናን እጽያ ዋደ። ኡባ ገደካ ኦንቱንቱ ቦላ ባሻይ ዬ። ሄዋጥካ ቃይ እጅያ ሀራባይ ደኤ፤ ሄዋን አሳይ ጸሳዉ አማነተናን እጽዳ ጋሱዋን ኦንቱንቱ ቦላ ባሻይ ጋኮጥካ። ኦንቱንቱ ናጋራ ፓጺደ ሰሜዳ ዋደ ኡባን። ጸሳይ ኦንቱንታ አሻናዉ ገግ ኡቲዳዋ።

## ሸዋጥጥ ኡባቶ አሙቲዳ ቃንሳ ፊፋቱዋ

ሀ. ኢያሱ ሀይቄ ጋካናዉ ደእያ ሀናጥ 1:1—2:10

ለ. እስራኤልያ ዳናቱዋ 2:11—16:31

ሐ. አማኑዋን አማኑዋ ኦሱዋ ዋጋ ባየሳ 17:1—21:25

## ኢያሱ ሀይቄ ጋካናዉ ደእያ ሀናጥ

(1:1—2:10)

ይሁዳን ሰሞና ዛራቱ እደን-ቤዘቃ ኦለቲደ ኦይቄድኖ

1 ኢያሱ ሀይቄዳዋጥ ጉይያን፣ እስራኤልያ አሳይ፣ “ካናን ጋድያ አሳ ኦላናዉ ኑ ዛራቱዋጥ ኮይርቲደ ከሳናዌ ኦኔ?” ያገደ መጅና ጎዳ ኦቼዳ።

2 መጅና ጎዳይ፣ “ይሁዳ ዛራቱ ኮይርቲደ ከሰና። ታን ጋድያ ኦንቱንቱ ኩሽያን አላደ አማድ” ያጌዳ።

3 ይሁዳ አሳይ ባረንቱ ዳቦቱዋ፣ ሰሞና ዘረሳ፣ “ኑን ካናንቱዋና ኦለታና ማላ፣ ኑና ሻክና ጋኬዳ ሳኦ ኑናና ደንድተ። ሄዋጥ ጉይያን፣ ህንተንታ ሻክና ጋኬዳ ሳኦ ህንተናና እትጥ ባና” ያጌዳ። ሰሞና ዛራቱን ይሁዳ ዛራቱ ኦላዉ እትጥ ቤድና።

4 መጅና ጎዳይ ካናንቱዋን ፓርከቱዋ ኦንቱንቱ ኩሽያን አላደ አማዳ፤ በዜቃ ገተትያ ካታማን ታሙ ሻኦ አሳ ዋጂድና።

5 በዜቃ ካታማን እደን-ቤዘቃ ዶሚደ፣ እናና ኦለቲድኖ፤ ካናንቱዋን ፓርከቱዋ ጸኔድና።

6 እደን-ቤዘቅ ባቃቲዳዋ የደርሰ ኦይቄደ፣ እ ኩሽያ ዋጋ ብራቅቱዋን አ ገድያ ዋጋ ብራቅቱዋ ቃንጺድና።

7 እደን-ቤዘቅ፣ “ኩሽያ ዋጋ ብራቅቱዋን ገድያ ዋጋ ብራቅቱዋ ታን ጭጌዳ ላፑን ታሙ ካተቱ ታ ማሰፍያጥ ላለቲዳ ሱፓ ማጺደ ሚና። ታን ኦንቱንቱ ኦሌዳዋዳን፣ ጸሳይ ታና ኦሌዳ” ያጌዳ። አ የሩሳላሙ አህና፣ ያን ሀይቄዳ።

ይሁዳ ዛራቱ የሩሳላሙን ከብርን ኦይቄድኖ

8 ይሁዳ አሳይ የሩሳላሙ ኦለቲደ ኦይቄዳ፤ አሳ ቃራ ማሻን ዋጂደ፣ ካታማ ታማን ጸጌዳ።

9 ሄዋጥ ጉይያን፣ ይሁዳ አሳይ ገዘያን፣ ኔጌባ መላ ቢታንን ጋዳን ደእያ ካናንቱዋ ኦላናዉ ቤዳ።

10 ካሰ ቅርያት-አርባኦ ገተትያ ከብርን ካታማን ደእያ ካናንቱዋ ኦሌድኖ፤ ሸሻያ፣ አህማናን ታልማያ ገተትያ ያራቱዋ ጸኔድና።

ኦትንኤል ዳቢራ ካታማ ኦይቄዳ

(ኢያሳ 15:13-19)

11 ሄዋጥ ደንዲደ ይሁዳ አሳይ ዳቢራ ገተትያ ካታማን ደእያ አሳ ኦላናዉ ቤዳ። ዳቢራ ካታማይ ካሰ ቅርያት-ሰፈራ ገተቱ።

12 ካሌብ፣ “ቅርያት-ሰፈራ ኦለቲደ ኦይቄያ ኡራዉ ታን ታ ናቶ አክሶ አማና” ያጌዳ።

13 ካሌባ እሻ ቴፋ ቃናዛ ናኦይ ኦትንኤል ሄ ካታማ ኦለቲደ ኦይቄዳ፤ ካሌብ ባረ ናቶ አክሶ አዉ አማዳ።

14 አክሳ ኦትንኤል ገልያ ዋደ፣ እ አዉ እዘዉ ጋድያ አማናዳን ዋሳና ማላ፣ ኦትንኤል እዘ ዘራዳ። እዛ ባቁሉዋጥ ዋጂዳ፤ ካሌብ እዘ፣ “ኦያ ኮያይ?” ያገደ ኦቼዳ።

15 እዛ፡ “ታወ ወይቲዋ እማ፡ ኔን ካሰ ታወ እማዳ ጋዲ ዳሪ መላ ቢታ ግዴዳ ድራሬ፡ ሃላ ፑልቶቲዋ ታወ እማርኪ” ያጋዲ፡ ካሌብ ክል ፑልቲዋካ ሀርክ ፑልቲዋካ እዘወ እማዳ፡፡

**ይሁዳ ዛራቲነ ቢንያማ ዛራቲ ጸኔድኖ**

16 መሱሴ ቦሎዋ ዛራቲ ቁናት ይሁዳ አሳና ዛምባ ካታማ ጌተትያ ያርኮ ካታማፕ ደንዴድኖ፤ እራዳ ጌተትያ ካታማፕ ገድሳ ባጋና፡ ኔጌባን ደእያ ይሁዳ መላ ቢታ ቤድኖ፤ ያን አማሌቃቲዋና ኡቴድኖ፡፡

17 ይሁዳ አሳይ ሰሞና አሳና እትፕ ቢደ፡ ጸፋታ ጌተትያ ካታማን ደእያ ካናነቲዋ ጸኔዳ፤ ካታማ ኡባ ጳይሴዳ፡፡ ሄዋ ድራሬ ሆርማ \* ያጊደ ሱንጹድኖ፡፡

18 ይሁዳ አሳይ ጉጂደካ ጋዛ፡ አሰቃሎናነ ኤቅርና ካታማቲዋ እንጉንጉ ዩሹዋን ደእያ ቢታቲዋናካ ኦይቁዳ፡፡

19 መድና ጎዳይ ይሁዳ አሳና ደእያ ድራሬ፡ ገዘ ጋድያ እንጉንጉ ላቴድኖ፤ ሸን ደምባ ጋድያ አሳቶ ብራታፕ ጸሰቲዳ ኦላ ፓራ ጋሪቲ ደእያ ድራሬ፡ ይሁዳ አሳይ እንጉንጉ የደርሳናወ ዳንዳይቤና፡፡

20 መሱሴ ጌዳዋዳን፡ ከብርነ ካታማ ካሌባወ እማድኖ፤ ካሌብ አናቀ ዛርያ ግድያ ሄዙ ያራቲዋ የደርሰደ ከሴዳ፡፡

21 ሸን ቢንያማ ዛራቲ የሩሳላመን ደእያ ያቡሳቲዋ የደርሰበይክኖ፤ ያትና፡ ያቡሳዋናቲ ቢንያማ ዛራቲዋና ሀቼ ጋካናወ የሩሳላመን እትፕ ደእያ፡፡

**ኤፍሬማነ ምናሰ ዛራቲ ቤቴለ ጸኔደ ኦይቁድኖ**

22-23 ዮሴፎ ናናቲዋ፡ ኤፍሬማነ ምናሰ ዛራቲ ቃይ ቤቴለ ካታማ ቦላን ምራጂድኖ፡፡ ካሰ ሄ ካታማይ ሎዛ ጌተቲ፡፡ ምራጅያ ምደ መድና ጎዳይ እንጉንጉና ደኤ፡፡ ዮሴፎ ዛራቲ ቤቴለ ካታማ ጸሞሰያ አሳቲዋ ከቴድኖ፡፡

24 እንጉንጉ ካታማፕ ከሰያ እት ብታንያ ደሚደ፡ “ካታማ ግደ ዋን ገላናወ ዳንዳየትንቶ ኑና ቦሶፕ፡ ኑን ነዉ ኪካና” ያጌድኖ፡፡

25 እ እንጉንጉ ቦሴዳ፤ ካታማን ደእያ አሳ ቃራ ማሻን ሙሽሬጼድኖ፤ ሸን ሄ ብታንያን አ ሶ አሳ ኡባ አሸድኖ፡፡

26 ጉየፕ ሄ ብታኒ ሂተቲዋ ጋድያ ቢደ፡ ያን ካታማ ኬጼዳ፤ ሎዛ ያጊደ ሱንጹዳ፤ ሀቼ ጋካናወ ሄ ካታማይ ሄ ሱንጻን ጸሰቴ፡፡

**እሰራኤልያ አሳቲ ቢታፕ የደርሰበና አሳቲዋ**

27 ምናሰ ዛራቲ ቤትሻና፡ ታእናካ፡ ዶራ፡ ይብላእማነ ማግደ ካታማቲዋን እንጉንጉ ዩሹዋን ደእያ ሞሳቲዋን ደእያ አሳቲዋ ከሲደ የደርሳናወ ዳንዳይቤይክኖ፡፡ ያትና፡ ካናነቲ ያን ደኡዋ ምንሴድኖ፡፡

28 እሰራኤልያ አሳይ ምኔዳ ምደ፡ ካናነቲዋ ባረንጉ ምልቃን ኦሰሴድኖ፤ ሸን እንጉንጉ ኡባና ጋድያፕ ከሲደ የደርሰበይክኖ፡፡

29 ኤፍሬማ ዛራቲካ ገዜራ ጌተትያ ካታማን ደእያ ካናነቲዋ ከሲደ የደርሰበይክኖ፤ ያትና፡ ካናነ አሳቲ ያን እንጉንጉና እትፕ ደኤድኖ፡፡

30 ዛብሎና ዛራቲ ቅትርና ካታማን ናህላላ ካታማን ደእያ አሳቲዋ ከሲደ የደርሰበይክኖ፤ ያትና፡ ካናነቲ ያን እንጉንጉና እትፕ ደኤድኖ፡፡ ሸን ዛብሎና ዛራቲ እንጉንጉ ባረንጉ ምልቃን ኦሰሴድኖ፡፡

31 እሴራ ዛራቲካ እኮን፡ ሲድናን፡ አህላባን፡ እክዚባን፡ ሄልባን፡ አፌቃን ራሆባን ደእያ አሳቲዋ ከሲደ የደርሰበይክኖ፡፡

32 ካናነቲ ከሰናን እጌዳ ድራሬ፡ እሴራ ዛራቲ እንጉንጉና ያን እትፕ ደኤድኖ፡፡

33 ንፍታሌማ ዛራቲካ ቤት-ሸመሻ ካታማን ቤት-አናታ ካታማን ደእያ አሳቲዋ ከሲደ የደርሰበይክኖ፤ ሸን ካናነቲዋና ያን እትፕ ደኤድኖ፡፡ ቤት-ሸመሻን ቤት-አናታ ካታማ አሳቲዋ ባረንቶ ምልቃን ኦሰሴድኖ፡፡

34 አሞራዋናቲ ዳና ዘረላ ዩደ ገዘያወ የደርሴድኖ፤ እንጉንጉ ዳገ ደምባ ጋድያ ምርዳን ተኤድኖ፡፡

35 አሞራዋናቲ ሄሬሳ ደርያንን እያሎናን ሻእልቢማ ጌተትያ ካታማቲዋን ደኡዋ ምንሴድኖ፤ ሸን ኤፍሬማነ ምናሰ ዛራቲ ምን ምኒደ ቢደ፡ ባረንቶ ምልቃን ኦሰሴድኖ፡፡

36 አሞራዋናቲዋ ጋድያ ዛዋይ ሰላእ ማታን ደእያ እክራቢማ ጌተትያ ፑደላፕ ደሚደ፡ ሁጲሳ ባጋ ፕጉዋ ጋኪ፡፡

\* 1:17 ሆርማ፡ ሀ ሱንሳ ብላይ እብራዌልዋን፡ “ኡባና ጳይሴዳ” ያግያዋ፡፡ 1:21 እ.ያሳ 15:63፤ 2 ሳሜላ 5:6፤ 1 ኡዳዋ 11:4 1:27 እ.ያሳ 17:11-13 1:29 እ.ያሳ 16:10

# 2

መድና ጎዳ ኪታንቻይ ቦክማ ቤዳ

1 መድና ጎዳ ኪታንቻይ ገልገልጥ ቦክማ ቤዳ፡ እስራኤልያ አሳ ሀዋዳን ያጌዳ፤ “ታን ህንተንታ ግብጾፕ ከሳድ፤ በን ህንተንቱ ማይዛ አዋቶ እማና ጋይ ጫቄዳ ጋድያ ህንተንታ ገልሳድ። ህንተንታ ሀዋዳን ያጋድ፤ ታን ህንተናና ጫቄቱዳ ጫቄዋ ኡባካ መንሐከ።

2 ህንተንቱ ሀ ጋድያን ደእያ አሳቱዋና ቃላ ጫቄዋ ገሎፕተ፤ ኤንቱንቱ ያርሽያ ሳኣ ኮልተ። ያጋድ፤ ሸን ህንተንቱ ታዉ አዛዘትብይክታ። እያዉ ሄዋዳን ሀኔድቱ?

3 ሄዋ ድራዉ፡ ታን ኤንቱንታ፡ ህንተንቱ ሰንላፕ የደርሰከ፤ ኤንቱንቱ ህንተንቶ ሞርከ ግዳና፤ ኤንቱንቱ ጸሳቱካ ህንተንቶ ጸረ ግዳና ያጋይ” ያጌዳ።

4 መድና ጎዳ ኪታንቻይ ሄዋ እስራኤልያ አሳዉ ኡባዉ ሃሳይዳ ዋደ፡ አሳይ ባረ ቃላ ቶቄ ኦሊደ ዩኤዳ።

5 ያፕደ ሄ ሳኣ ቦክማ \* ያጊደ ሰንሐዳ፤ ሄዋን መድና ጎዳዉ ያርሹዋ ያርሹዳ።

## ኢያሱ ሀይቄዋ

6 ኢያሱ እስራኤልያ አሳ የዳዳዋፕ ጉይያን፡ አሳይ እቱ እቱ ባረና ሻክና ጋክያ ጋድያ አካናዉ ቤዳ።

7 ኢያሱ ደኡዋን ደኤዳ ላይላ ኡባን አሳይ መድና ጎዳዉ ኦሊዳ፤ እ ሀይቄዳዋፕ ጉይያን፡ መድና ጎዳይ እስራኤልያ አሳዉ ኦሊዳ ዋልቃማ ኦሱዋ ኡባ በኤዳ ጭማቱዋ ዋደ ኡባን መድና ጎዳዉ ኦሊዳዋ አግቤና።

8 መድና ጎዳ ቆማይ፡ ነዌ ናኣ ኢያሱ፡ ላይላይ ጾታን ታሙዋ ግድና ሀይቄዳ፤

9 ገእሻ ደርያፕ ሁጲሳ ባጋን፡ ኤፍሬማ ገዝያን፡ ትምናት-ሰራሀ ግያ ሳን ደእያ እ ላታ ጋድያን ሞጊድና።

10 ሄ የለታ ኡባይ ሀይቄ ባረ ማይዛን ጋከቱዳዋፕ ጉይያን፡ መድና ጎዳ ዋይ እስራኤልያ አሳዉ እ ኦሊዳዋ ኡባ ኤረና ሀራ የለታይ ደንዴዳ።

## እስራኤልያ ዳናቱዋ

(2:11—16:31)

እስራኤልያ አሳይ ጸሳዉ ጎይንያዋ አግ ባሼዳ

11 ሄዋፕ ጉይያን፡ እስራኤልያ አሳይ መድና ጎዳ ሰንላን ኢታባ ኦሊዳ፤ ባኣላ ጌትትያ ኤቃቶ ጎይኔድና።

12 ግብጾ ጋድያፕ ኤንቱንታ ከሴዳ መድና ጎዳ፡ ባረንቱ ማይዛ አዋቱዋ ጸሳ አግ ባሼድና፤ ባረንቱ ዩሹዋን ደእያ አሳቱዋ ኤቃቱዋኮ ሰሚደ፡ ኤንቱንቶ ጎይኔድና፤ ሄዋን መድና ጎዳ ሀንቀሌድና።

13 ቃይ ኦ አግ ባሼደ፡ ባኣላዉን አስታርታዉ ጎይኔድና።

14 ያትና፡ መድና ጎዳ ሀንቄ እስራኤልያ አሳ ቦላ ኤጽ ከሴዳ፤ ቦንቄያዋንቱ ቦንቃናዳን ኤንቱንታ በሰ ባሼዳ፤ ኤንቱንቱ ዩሹዋን ደእያ ሞርከቶ ኤንቱንታ አሊደ እማዳ። ያትና፡ ኤንቱንቱ ባረንቱ ሞርከቱዋና ኤቃታናዉ ዳንዳይብይክና።

15 ኤንቱንቱ ኦለታናዉ ከሴዳ ዋደ ኡባን፡ መድና ጎዳይ ካሰ ኤንቱንቶ ጫቄዳዋዳን ኤንቱንቱ ጸነታና ማላ፡ እ ኤንቱንቱ ቦላ ደንዴዳ። ያትና፡ ኤንቱንቱ ሎይሰ ዋየሌድና።

16 ያትና፡ መድና ጎዳይ ዳናቱዋ ኤንቱንቶ ደንሐዳ፤ ኤንቱንቱ እስራኤልያ አሳ ቦንቄዳዋንቱ ኩሽያፕ አሼድና።

17 ሸን እስራኤልያ አሳይ ፕርድያ ዳናቶ አዛዘትቤና፤ ኤንቱንቱ መድና ጎዳዉ አማነተናን አጾድና፤ ሀራ ጸሳቱዋኮ ሰሚደ፡ ኤንቱንቶ ጎይኔድና። ኤንቱንቱ አዋቱ ሀመቲዳ ኦግያፕ ኤላካ ጉየ ሰሚድና፤ ኤንቱንቱ ማይዛ አዋቱ ጸሳዉ አዛዘቱዳዋዳን፡ ኤንቱንቱ አዛዘትብይክና።

18 መድና ጎዳይ ኤንቱንቶ ፕርድያ ዳናቱዋ ደንሐዳ ዋደ አዉደን እ ሄ ፕርድያ ዳናቱዋና እትፕ ግዴዳ፤ ሄ ዳናይ ደኡዋን ደኤዳ ላይላ ኡባን ኤንቱንቱ ሞርከቱዋ ኩሽያፕ ኤንቱንታ አሼዳ። እያዉ ጎፕ፡ ኤቄናይን ቱጋይ ዳርና፡ ኤንቱንቱ ዋሰያዋ ሰሲደ፡ መድና ጎዳይ ኤንቱንቶ ቃረቱዳ።

19 ሸን ፕርድያ ዳናይ ሀይቄዳዋፕ ጉይያን፡ አሳይ ጉየ ሰሚደ፡ ካሰ ኤንቱንቱ አዋቱ ኦሊዳ ኢታፕ እዴዳ ኢታ ኦሊዳና፤ ኤንቱንቱ ሀራ ጸሳቱዋኮ ሰሚደ፡ ኤንቱንቶ ጎይኔድና፤ ባረንቱ ኢታ ኦሊዳን ደሻ ኦግያ አገናን አጾድና።

20 መድና ጎዳ ሀንቄ እስራኤልያ አሳ ቦላ ኤጽ ከሴዳ፤ ያትና፡ መድና ጎዳይ ሀዋዳን ያጌዳ፤ “ሀ አሳይ ታን ኤንቱንቱ ማይዛ አዋቶ ገሌዳ ጫቄዋ መንሐዳ ድራዉነ ታዉ አዛዘተናን እጾዳ ድራዉ።

- 21 ሀቼፕ ደምና፣ ኢያሱ ሀይቄዳ ዋይ ቢታ ቦላን አቴዳ ጋይ አሳቱዋፕ አቴዋን ታን ኡንቱንቱ ሰንሳፕ የደርሳይ ከሰከ።
- 22 ሀ እሰራኤልያ አሳይ ካሰ ባረንቱ ማይዛ አዋቱዋዳን ታ ኦግያ ካልንቶ፣ ዋይ ካላነንቶ ፓጫናው፣ መጅና ጎዳይ ሄ አቴዳ ጋይ አሳቱዋን ጎኤታና። ያጌዳ።
- 23 ሄዋ ድራው፣ መጅና ጎዳይ ሄ ጋይ አሳቱ ከሰናን ጋምአናዳን ኦሌዳ። እ ኡንቱንታ ኤለካ የደርሲይ ከሰቤና፤ ኢያሱውካ ኡንቱንታ አሊይ እምቤና።

### 3

#### ቢታ ቦላፕ የደርሰተናን አቴዳ አሳቱዋ

- 1 ካሰ ካናነን አይ ኦላነ ኦለቲይ ሜዘትቤና እሰራኤልያ አሳ ፓጫና ማላ፣ መጅና ጎዳይ ሀ አሳቱዋ አሺዳ።
- 2 እ ሄዋ ኦሌዳዋ፣ ሀዋፕ ካሰ ኦላ ኦለቲይ ሜዘትቤና እሰራኤልያ የለታ ኦለትያ ሂላ ታማርሳናሳ።
- 3 ሄ አሳቱ ኦና ኦኔ ጎፕ፣ እቼሹ ፕልሰጸማ ካታማቱዋ ሞድያ አሳቱዋ፣ ካናነቱዋ ኡባ፣ ሲዶና ካታማ አሳቱዋን ባአል-ሄርዋን ጌተትያ ደርያፕ ደሚደ፣ ሀማታ ፕኡዋ ጋካናው ልባናሳ ደርያን ደእያ ሂዋቱዋ።
- 4 መጅና ጎዳይ ሙሴ ባጋና ካሰ እሰራኤልያ ማይዛ አሳ አዋቶ እሚዳ አዛዘዋ ኡንቱንቱ አዛዘትንቶ አዛዘተንንቶ ፓጫናው ኡንቱንታ አሺዳ።
- 5 ያትና፣ እሰራኤልያ አሳይ ካናነቱዋና፣ ሂዋቱዋና፣ አዋረቱዋና፣ ፓርዘቱዋና፣ ሂተቱዋናን ያቡሳቱዋና እትፕ ደኤዳ።
- 6 ኡንቱንቱ ማጫ ናና ባረንቶ አኪድና፤ ባረንቱ ማጫ ናናካ ኡንቱንቱ አቴማ ናናቶ እሚድና። ያቲይ ኡንቱንቱ ጸሳቶ ጎይኔድና።

#### ኦትንኤላ

- 7 እሰራኤልያ አሳይ መጅና ጎዳ ሰንሳን ኢታባ ኦሌዳ። ኡንቱንቱ መጅና ጎዳ ባረንቱ ጸሳ ደጊደ፣ ባኣላነ አሸር ጌተትያ ጸሳቶ ጎይኔድና።
- 8 ሄዋ ድራው፣ መጅና ጎዳ ሀንቁ እሰራኤልያ አሳ ቦላ ኤጽ ከሴዳ፤ ያትና፣ መጅና ጎዳይ ማሰጸጸምያ ጋድያ ካትያ ኩሻን-ርሽአታይማ ኩሽያን ኡንቱንታ አሊይ እሚዳ፤ ኡንቱንቱ አው ሆሰቸን ሳይሳ ሞድቲድና።
- 9 ሽን እሰራኤልያ አሳይ መጅና ጎዳው ዋሴዳ ዋይ፣ ኡንቱንታ አሸያ ኡራ ኪቲዳ፤ እካ ካለባ ቲፋ እሻ ቃናዛ ናኣ ኦትንኤላ ጌተቲ።
- 10 መጅና ጎዳ እያናይ አ ቦላ ዋጅና፣ እ እሰራኤልያ ቦላ ፕርድያ ዳና ግዴዳ። ኦላ ኦለታናው ቤዳ፤ መጅና ጎዳይ ማሰጸጸምያ ጋድያ ካትያ ኩሻን-ርሽአታይማ አው አሊይ እሚዳ፤ ኩሻን-ርሽአታይማ ጸኔዳ።
- 11 ያትና፣ ጋዲ ኦይታሙ ላይሳ ዋፓ ደሚዳ። ሄዋፕ ጉይያን፣ ቃናዛ ናኣኔ ኦትንኤል ሀይቄዳ።

#### ኤሁዳ

- 12 እሰራኤልያ አሳይ ዛረሲደካ መጅና ጎዳ ሰንሳን ኢታባ ኦሌዳ። መጅና ጎዳ ሰንሳን ኡንቱንቱ ኢታባ ኦሌዳ ድራው፣ መጅና ጎዳይ ሞአበ ካትያ ኤግሎን እሰራኤልያ ቦላን ዋልቃማናዳን ኦሌዳ።
- 13 ኤግሎን አሞናቱዋን አማሌቃቱዋ ባረኮ ሺሽ ቢደ፣ እሰራኤልያ አሳ ኦለቲይ ጸኔዳ፤ ዛምባ ካታማ ጌተትያ እያርኮ ካታማ ኦይቄዳ።
- 14 ያትና፣ እሰራኤልያ አሳይ ሞአበ ካትያ ኤግሎናው ታማን ሆሰቸን ላይሳ ሞድቲዳ።
- 15 ሽን እሰራኤልያ አሳይ መጅና ጎዳው ዋሴዳ ዋይ፣ ኡንቱንታ አሸያ ኡራ ኪቲዳ፤ እካ ቢንያማ ዛርያፕ ጌራ ናኣ ኤሁዳ ጌተቲ፤ እ ሀድርሳ ኩሽያን ኦልያ አሳ። እሰራኤልያ አሳይ ኤሁዳ ሞአበ ካትያ ኤግሎናኮ ጌራና ኪቲዳ።
- 16 ኤሁድ ላኡ ባጋና ቃራቲዳ እት ዋቋ ግዴዳ ማሻ ባረው ጊግሴዳ፤ ኡሽቻ ሞይያ ባጋና ባረ ማዩዋ ግደን ዳንጩድና።
- 17 ሄዋፕ ጉይያን፣ ሞአበ ካትያ ኤግሎናው ጌራ አክ አፊደ እሚዳ። ኤግሎን ሎይል ኦርድ አሳ።
- 18 ኤሁድ ጌራ ካትያው እሚዳዋፕ ጉይያን፣ ጌራ ቶኪደ ቤዳ አሳቱዋ ሞይዜዳ።
- 19 ሽን ኤሁድ ገልጋላ ማታን ደእያ ማሰቲዳ ሹቻቱዋ ማታፕ ኤግሎናኮ ጉየ ሰም ቢደ፣ “ካትያው፣ ታን ነው ጸርያባይ ደኤ” ያጌዳ።
- ካቲ፣ “ጮኡ ጋ!” ያጌዳ፤ ሄዋፕ ጉይያን አ ናግያዋንቱ ኡባይ ካረ ከሴድና።
- 20 ሄ ዋይ ካቲ ፕቅያን ደእያ እት ክፍልያን ባረካ ኡት ደእሸን፣ ኤሁድ አኮ ሸቄዳ፤ “ጸሳይ ነው ኪቲዳባይ ደኤ” ያጌዳ። ካቲ ባረ ኡቲዳ ሳኣፕ ኤቄዳ፤
- 21 ኤሁድ ባረ ሀድርሳ ኩሽያ የዲደ፣ ኡሽቻ ባጋ ሞይያፕ ማሻ ሾዲደ፣ ካትያው ኡሉዋን ድርግሽ አኪዳ።

22 ያትና፣ ማሻው ቱቲ አተናን ኡሎ ግድ ገልና፣ ሀንዳይ ካሜዳ። ኤሁድ ማሻ ካትያ ኡሎዋጥ ሾድቤና ድራው። ዘክያና ካንላ ከሱዳ።

23 ሄዋጥ ጉይያን ኤሁድ ካረ ከሱዳ፣ ፖቅያን ደእያ ክፍልያ ጥንግያ ጎርዲደ፣ አ ቦላ ቁልፔዳ።  
24 እ ብድጎዋጥ ጉይያን፣ ቆማቱ ዪደ፣ ጥንጊ ጎርደቲዳዋ በኤድና፣ ግድ ክፍልያን ኡርቃ ሼሻው አተናን አገና ያጊደ ቆፔድና።

25 አንቱንቱ ሩጉ ፖካና ጋካናው ሎይላ ሩጌድና። ሸን ካቲ ጥንግያ ዶየናን እጽና፣ ቁልፕያ እኪደ ጥንግያ ዶዬድና፣ ባረንቱ ጎዳይ ሀይቁደ፣ ዉይግያን ኩንዳዳዋ በኤድና።

26 አንቱንቱ ሩጊደ ጋምእ ደእሸን፣ ኤሁድ ከሰ እኪደ፣ ማሰቲዳ ሹቻቱዋ አዲደ፣ ሳኢራ ግያ ሳእ ባቃቲዳ።

27 ኤፍሬማ ገዝያ ጋኩዳ ዋደ፣ እሰራኤልያ አሳይ ኦላው ሺቃናደን ማላካታ ፑኔዳ፣ አሳይ አ ካሊደ፣ ያጥ ዱጊ ዋዴዳ።

28 አንቱንታ፣ “ታና ካልቲ፣ እያው ጎጥ፣ መድና ጎዳይ ሀንተንቱ ሞርከቱዋ፣ ሞአባቱዋ ሀንተንቱ ኩሽያን አሊደ እሜዳ” ያጌዳ። አ ካሊደ ዋዴደ፣ ዮርዳኖሳ ሻፋ ጥንያ ሳአቱዋ ኦይቁድና፣ ሞአበ አሳጥ እት ኡራይን ሄዋና አጋናደን ተኤድና።

29 ሄ ዋደ ሞአበ አሳጥ ታሙ ሻእ ግድያ ደረቲዳ ምኖ ኦላንቻቱዋ ዋዴድና፣ እት አሳይን ከሰ አክ አትቤና።

30 ሄ ጋላሰ ሞአበ አሳይ እሰራኤልያ አሳው ሞደቲዳ፣ ያትና ቢታይ ሆሰፑን ታሙ ላይላ ዋጋ ደሜዳ።

**ሻምጋራ**

31 ኤሁዳጥ ጉይያን፣ አናታ ሩአይ ሻምጋር ደንዴዳ፣ ፕልሰዶማ አሳጥ ኡሰፑን ጾቱዋ ቦራ ላግያ ዶቁዋን ዋዴደ፣ እሰራኤልያ አሳ አሼዳ።

**4**

**ድቦርን ባራቃ**

1 ኤሁድ ሀይቁዳዋጥ ጉይያን፣ እሰራኤልያ አሳይ መድና ጎዳ ሰንላን ዛረሲደካ ኢታባ አሌዳ።  
2 ሄዋ ድራው፣ መድና ጎዳይ ሀጸራ ጌተትያ ካታማን ካተቲዳ ካናን ካትያ ያብናያው አንቱንታ አሊደ እሜዳ፣ አ ኦላንቻቱዋ ጋዳው ሰሳር ደርያ-ሀርሼታ-ሀጎዪማ ጌተትያ ካትማን ደኤ።

3 ያብናያ ብራታጥ ኦሰቲዳ ኡዲፑን ጾቱ ፓራ ጋረቲ ደእያ ድራውእ አ እሰራኤልያ አሳ ቃረት ባይናን ላታሙ ላይላ ኡቁኔዳ ድራው፣ አንቱንቱ ማዲዋ ደማናው መድና ጎዳኮ ዋሴድና።

4 ሄ ዋደ ላፕታታ ማቻታ ድቦራ፣ ትምሴትያ ኦድያና እሰራኤልያ ቢታን ፕርድያ ዳናቶ።  
5 ድቦራ ኤፍሬማ ገዝያን፣ ራማ ካታማጥን ቤቲላ ካታማጥ ግዲዋን ደእያ ድቦር ዛምባ ጋርሳን ኡታይ ፕርዳው፣ እሰራኤልያ አሳይ ባረ የወዋ ፕርድሳናው ኢኮ ዩ።

6 እት ጋላሰ ደቦራ አብኖአማ ሩአ ባራቃ ንፍታሌማ ጋድያን ደእያ ቀዳሻ ካታማጥ ከታደ ጸሰሳዲ፣ “መድና ጎዳይ እሰራኤልያ ጸሳይ ኔና ሀዋዳን ያጊደ አዘዘ፤ ጎንፍታሌማ ዛርያጥን ዛብሎና ዛርያጥ ታሙ ሻእ አሳ አካደ፣ ታቦራ ደርያ ባ።

7 ታን ያብና ኦላንቻቱዋ ጋዳዋይ ሰሳር ፓራ ጋረቲዋን ኦላንቻቱዋ እኪደ፣ ቂሾና ሻፋን ኔናና ኦላ ጋከታናው ያናዳን ኦላና፣ ታን ነዉ አ አላደ እማና ያጌ” ያጋዴ።

8 ያትና፣ ባራቅ፣ “ኡን ታናና ቦጥ፣ ታን ባና፣ ሸን ኔን ታናና ባና ቆየጥ፣ ታንካ ቢከ” ያጌዳ።  
9 አ፣ “ኡኖ፣ ታን ኔናና ባና፣ ሸን መድና ጎዳይ ሰሳር ማጫ አሳ ኩሽያን አሊደ እምያ ድራው፣ ሄ ቡሳይ ነው ቦንቸ ግደና” ያጋዴ። ደቦራ ደንገዳደ፣ ባራቃና ቀዳሻ ባዲ።

10 ባራቅ ንፍታሌማን ዛብሎና ዘረሳ ቀዳሻ ጸሰና፣ ታሙ ሻእ አሳይ አ ካሊደ ከሱዳ፣ ድቦራካ አናና ባዲ።

11 ሄ ዋደ ሄቤራ ጌተትያ እት ብታኒ ደኤ፣ እ ቁና አሳ፣ አ ሙሴ ቦሎዋ ሆባባ ያራ። አ ሀራ ቁናቱዋጥ ሻከቲደ፣ ቀዳሻኮ ሸቁደ፣ ዛእናኒማን ደእያ ዋላ ማታን ባረ ዲንካንያ ዶጌዳ።

12 አብኖአማ ሩአይ ባራቅ ታቦራ ደርያ ቤዳዋ ሰሳር ሰሴዳ ዋደ።  
13 ብራታጥ ኦሰቲዳ ባረ ኡዲፑን ጾቱ ፓራ ጋረቲዋን ባረናና ደእያ አሳ ኡባ ጸሰሲደ፣ ሀርሼታ-ሀጎዪማጥ ቂሾና ሻፋ ሸሼዳ።

14 ያትና፣ ድቦራ ባራቃ፣ “ደንዳ! ሀቼ መድና ጎዳይ ነ ኩሽያን ሰሳር አሊደ እምያ ጋላሳ። በአ፣ መድና ጎዳይ ኔጥ ሰንላቲደ ቤዳ” ያጋዴ። ሄዋጥ ጉዮ ባራቅ ታሙ ሻእ አሳ ካሊደ፣ ታቦራ ደርያጥ ዋዴዳ።

15 መድና ጎዳይ ሰሳር፣ አ ፓራ ጋረቲዋ ኡባን አ ኦላንቻቱዋ ኡባ ቃራ ማሻን ባራቃ ሰንላጥ ባቃትሴዳ። ያትና፣ ሰሳር ባረ ፓራ ጋርያጥ ዋዴደ፣ ገድያን ባቃቲዳ።

16 ባራቅ ሄ ፓራ ጋረቲዋን ኦላንቻቱዋ ሀርሼታ-ሀጎዪማ ጋካናው የደርሴዳ። ሰሳር ኦላንቻቱ ኡባይ ቃራ ማሻን ሀይቁድና፣ እት አሳይን አትቤና።

17 ሄ ዎደ ሀጸራ ካትያ ያብን ቁና ሄቤራ ጎለ አሳና ሳሮ ደኤ። ሄዎ ድራው። ሰሳር ገድያን ባቃተደ። ቁና ሄቤራ ማቻት ያኤል ዲንካንያ ጋኬዳ።

18 ያኤላ ሰሳራ ሞካናው ከሳደ። “ታ ጎዳው። ገላ፤ ሃ ገላ፤ ያዮፓ” ያጋዳ። ዲንካንያ ኢኮ ገልፍ። አ ባረ ቡሉኩዋን ካማዳ።

19 ሰሳር። “ታና ሳሜ፤ ኡሽያ ጉላ ሃላ እማርኪ” ያጌዳ። ማላ ትግያ ሚሻ ፖካደ ኡሻዱ፤ ያታደ ዛራደ ካማዳ።

20 ሄዋፕ ጉይያን እ እዞ። “ዲንካንያ ፐንግያን ኤኦ። እይ አሳይ ዪደ። ‘ሀዋን አሳይ ደኤ?’ ያጌደ ኦቾፕ። ‘ባዎ’ ጋ” ያጌዳ።

21 ሰሳር ሎይላ ዳቡራዳ ድራው። ገምእሹዋ ፓኑራዳ። ሄቤራ ማቻታ ያኤላ ማደሻን ዲንካንያ ቋግያ ሸካሊያ አካደ። ሎዳን እኮ ሺቃዱ፤ ሺቃደ ቋግያ ሸካልያ ሀይላ ካርያን ኤሳደ። ማርቴሉዋን ቋሻደ። ቢታና ሰክና። ሰሳር ሀይቄዳ።

22 ባራቅ ሰሳራ ኮዪደ ዪና። ያኤላ አ ሞካናው ካረ ከሳደ። “ሃያ፤ ኔን ኮይያ ብታንያ ታን ኔና በሳና” ያጋዳ። እዝና ዲንካንያ ግደ ገሊደ። ሰሳራ ሀይላ ካርያን ቋጉ ገልፍ። አ አሃይ ሳኒን ግሴዳዋ በኤዳ።

23 ሄ ጋላሰ ጸሳይ እሰራኤልያ አሳይ ካናን ካትያ ያብና ጸናናዳን ኦሌዳ።

24 እሰራኤልያ አሳይ ካናን ካትያ ያብና ቦላ ምን ምኒደ ቢደ። ወርሰላን አ ጻይሴዳ።

### 5

#### ድቦራን ባራቃ የላ

1 ሄ ጋላሰ ድቦራን አብኖአማ ናእይ ባራቅ ሀ የላ የጼድኖ።

2 “እሰራኤልያ አሳ  
ካለልያዋንቱ ካለሌዳ ድራው።  
አሳይካ ደሲደ።  
ባረ ሁጲያ አላደ እሜዳ ድራው።  
መፅና ጎዳ ጋላትተ!

3 “ህንተንቶ ካተቶ። ሀዋ ሰሰተ!  
ህንተንቶ ደርያ ሞድያዋንቶ። ሀይዝተ!  
ታን መፅና ጎዳው የጸና።  
መፅና ጎዳው እሰራኤልያ ጸሳው  
ጋላታ የላ የጸና።

4 አቤት መፅና ጎዳው።  
ኔን ሰኢራ ደርያፕ ደንዴዳ ዎደ።  
ኔን ኤደማ ቢታፕ ከሴዳ ዎደ።  
ቢታይ ቃጼዳ።  
ሳሉዋፕ አራይ ቡኬዳ፤  
ኤ። ሃላይ ሻረቱዋፕ ዲገ ሰሶቱዳ።

5 መፅና ጎዳ ሰንላን ደረቱ ቃጼድኖ፤  
ሀራይ አትና። ሲና ደሪካ መፅና ጎዳ  
እሰራኤልያ ጸሳ ሰንላን ኮኮራዳ።

6 “እናታ ናኣ ሻሞጋና ዎደን።  
ያኤላ ዎደ ጫና መሀያ ላግያ።  
ዛልእንቻቱ ሄ ቢታና እጅብይክኖ።  
ኦግያና ብያዋንቱካ ኦግያ አገደ።  
ሎሱዋና ቤድኖ።

7 እሰራኤልያ ካታማቱ አሳይ ደኤና ሳኣ ግዴድኖ።  
ታን ድቦራ። ታን እሰራኤልያ አሳው።  
አቶ ግዳደ ደንዳና ጋካናው ኦንን አትቤና።

8 እሰራኤልያ አሳይ አላጋ ጸሳቱዋ ደራዳ ዎደ።  
ጋድያን ኦላይ ደንዴዳ።  
ኦይታሙ ሻእ እሰራኤልያ ኦላንቻቱዋ ግዳዋን  
አት ጎንዳሊ ዎይ አት ቶር ቤትቤና።

- 9 ታ ዋዛናይ እስራኤልያ ኦላ ጋዳዋቱዋና ደኤ።  
እሳ ግደን ዶሲደ ባረንታ አሲደ እሜዳዋንቱና ደኤ።  
መድና ጎዳ ጋላትተ!
- 10 ሀንተንቶ፣ ቦላ ሀረቱዋ ቶግያዋንቶ፣  
ሀንተንቶ፣ ግላሲያ ቦላን ኡቴዳዋንቶ፣  
ኦግያና ሀመትያዋንቶ፣  
ሀዋ ሰሰተ!
- 11 ሃላ ኦላቱዋ ማታን ሺቄዳ የላንቻቱዋ የላ ሰሰተ።  
ኡንቱንቱ መድና ጎዳይ ጽሎተላ ኦሱዋባ የጸኛ፤  
ቃይ እስራኤልያ ኦላንቻቱዋ ጽሎተላ ኦሱዋባ የጸኛ።

“ሄዋፕ ጉይያን፣ መድና ጎዳ አሳይ  
ካታማ ገልያ ፕንገቱዋኮ ዱገ ዎዴዳ።  
12 ድቦሬ! ቤንታ! ቤንታ!  
ቤንታ! ቤንታደ ማዘሙርያ የጸ።  
ባራቃ፣ ደንዳ!  
ኔና፣ ኦብኖኦማ ናኦዉ፣ ነ ኦሞዱዋ አካደ ያ።

- 13 “ሄዋፕ ጉይያን፣ አቴዳ አሳቱ  
ካፓቱዋኮ ዱገ ዎዴድኖ።  
መድና ጎዳ አሳቱ ኦላታናዉ ጊጊደ  
ድቦርኮ ዬድኖ።  
14 እማሌቃ ዛራቱ ቦን ደኤዳ ሳኣን ደእያ፣  
ኤፍሬማ አሳቱ ዬድኖ።  
ቃይ ቤንያማ አሳቱ ኡንቱንታ ካሌድኖ።  
ካፓቱ ማክራ ዛራቱዋፕን፣  
ኦላ ጋዳዋቱ ዛብሎና ዛራቱዋፕ ዱገ ዎዴድኖ።

- 15 ይሳኮራ ካፓቱ ድቦርና ዬድኖ፤  
ኤ፣ ይሳኮራ አሳይነ ባራቅካ ዬዳ፤  
ኡንቱንቱ ኦ ጌዱዋ ካሊደ፣ ዛንጋራ ገሌድኖ።  
ሸን ሮቤላ ዛራቱ ቆፋን ሻከቲደ፣  
ያናዋ ኦጋናዋ ቃቻብይክኖ።  
16 ኡንቱንቱ እያዉ አቴድኖ?  
ድርሳቱዋ ሄምያዋንቱ እምቢልታ ሰሳናዉ አቴድኖ?  
ሮቤላ ዛራቱ ቆፋን ሻከቲደ፣  
ያናዋ ኦጋናዋ ቃቻብይክኖ።

- 17 ጋላኣደ አሳቱ ዮርዳኖሳ ሻፋፕ ሄፍንላን አቴድኖ።  
ዳና ዛራቱ ማርካባቱ ማታን አቴድኖ።  
አሴራ ዛራቱ ባረንቱ ደእያ ሳኣን፣  
ሜድትራነ አባ ላንቄያን አቴድኖ።

- 18 ዛብሎና ዛራቱ ባረንቱ ሸምፑዋ ሀይቆ አሲደ እሜዳ አሳቱዋ።  
ንፍታሌማ ዛራቱካ ኡንቱንቱዋዳን ኦላ ደምባን ባረንቱ ሸምፑዋ አሲደ እሜድኖ።

- 19 ካተቱ ዬደ፣ ማግደ ፑልቶቱዋ ማታን ደእያ ታእናካን ኦለቴድኖ።  
ሄ ካናን ካተቱ ያን ኦለቲደ፣  
ኦሞዳናዉ እያ ብራነ ደምቤይክኖ።

- 20 ሳሉዋን ደእያ ጸልንተቱካ ኦለቴድኖ።  
ባረንቱ ዩይያ የጃን ኡንቱንቱ ሰሳራና ኦለቴድኖ።

- 21 ቁሾና ሻፋይ፣ ቦንፕ፣  
ኤረቴዳ ቁሾና ሻፋይ ኩንሲደ፣  
ሄ ካተቱዋ ሾኪደ አፊዳ።

ታ ሸምፓቱ፣ ሰም ምና፤  
ሰንላዉ ጋልፋ።

- 22 ሄዋፕ ጉይያን፣ ፓራ አሳቱ እንዳራሰቲደ ዬድኖ።  
ፓራቱ ባረንቱ ኮትያን ጋድያ ገርሴድኖ።

- 23 መድና ጎዳ ኪታንቻይ፣



«መርዛ ሸቂተ!

ያን ደእያ እሳ ኢሲደ ሸቂተ!

እያው ጎተ፣ ኡንቴንቴ መድና ጎዳው ኤቃናው ይበይክና።  
እ ዋልቃማ ሞርከቱዋና ኦለታናው ከሰበይክና’ ያጌዳ።

24 «ቁና ሄበራ ማቻታ

ያኤላ ማጫ እሳ ኡባፕ እንጀቴዳና ግዳ።

ዲንካን ግደን ደእያ ማጫ እሳ ኡባፕ እዛ እንጀቴዳና ግዳ።

25 ሰሳር እዞ ሃላ ኦችና፣

ማላ እዉ እማዳ።

ሎኦ ቃራባን መኤዳ ማላ እሃዳ።

26 እት ኩሽያ የዳደ ዲንካንያ ሸክልያ፣

ኡሸቻ ኩሽያን ኦሳንቻቱዋ ማርቴሉዋ ኦይቃዳ።

ሰሳራ ሁጲያን ቋጋዳ፤

ሀይላ ካርያና ካንላ ከሳዳ።

27 ያትና፣ እ ቦልቁ ጊደ ኩንዴዳ።

እ ሄ እዝ ገድያ ማታን

ቦልቁ ጊደ ኩንዴዳ።

ሄ ኩንዴዳ ሳእን ሀይቁዳ።

28 ሰሳራ ዳያ ማሰኮትያና ጸላዳ።

‘ታ ናኦ ፓራ ጋሪ እያው ጋምኤዳ።

ፓራቱ ኤሌሊደ እያው ሰምበይክና?’

ያጋደ ኦቻዳ።

29 እዝ እዴዳ ኤራንቻ ማጫ እሳቱ እዝ ኦሻ ዛሬድና።

ሸን እዛ ባረ ቆፋን ዛራ ዛራደካ ሀዋዳን ያጋዳ፤

30 ኡንቴንቴ ኦሞዲደ ሻክያዋ ደመናን ኦገክና።

እት እት ኦሳንቻ እት እት ዋይ ላኤ ላኤ ዋድራቱ ጋከናን ኦገክና።

ሰሳራው ኡንቴንቴ ሎኦያ ማዩዋ እማና፤

ቃይ ታውካ ቆጵያን ጸጸናው፣

ጽልፍያን አሌቀቲደ ሎኦያ ማዮቱዋ

ኡንቴንቴ አሀና ያጋዳ።

31 «አቤት መድና ጎዳው፣ ነ ሞርከቱ ኡባይ ሄዋዳን ሀይቁና!

ሸን ነ ሲቃቱ ጉራ ዶልያ አዋዳን ጸልፍ፤

አዋይ ባረ ዋልቃን ከሰያዋዳን” ያጌድና።

ሄዋፕ ጉይያን፣ ጋዲ ኦይታሙ ላይላ ዋፓ ደሚዳ።

### 6

#### ጌዶና

1 እስራኤልያ አሳይ መድና ጎዳ ሰንሳን ዛረሷደ ኢታባ ኦሴዳ። ሄዋ ድራው፣ መድና ጎዳይ ኡንቴንታ ሚድያማ አሳው አሊደ እሚዳ። ላፑን ላይላ ኡንቴንታ ሞዴድና።

2 ሞድያማ አሳይ እስራኤልያ አሳ ቦላ ሞኤዳ፤ እስራኤልያ አሳይ ኡንቴንቱፕ አታናው ደርያ ቦላን ቆሰቲያሳ፣ ጎንጎሉዋን ጌሱዋ ገግሴዳ።

3 እስራኤልያ አሳይ ካላ ዘራዳ ዋደ ኡባን፣ ሚድያማ አሳይ እማሌቃ አሳናን አዋይ ዶልያ ባጋ ጋድያን ደእያ አሳና ዪደ ኡንቴንታ ኦሊና።

4 ኡንቴንቴ ሄ ጋድያን ዲንካኒደ፣ ጋዛ ካታማ ጋካናው፣ ጋድያ ኡባ ቦላን ዶሌዳባ ቆይሰና፤ ድርሳ፣ መሀያን ሀርያ ላጊደ አፍያ ድራው፣ እስራኤልያ አሳው እያን አሸክና።

5 ባረንቴ መሀያን ባረንቴ ዲንካንያ እከደ፣ ቦሊ ይያዋዳን ሙራቲደ ዪና፤ ኡንቴንታን ኡንቴንቴ ጋሎቱዋ ፓይዳናው ዳንዳየተና፤ ኡንቴንቴ ዪደ ጋድያ ባይዘና።

6 እስራኤልያ አሳይ ሚድያማ አሳ ጋሱዋን ካውሼዳ፤ ያቲደ ማዴዋ ደማናው መድና ጎዳኮ ዋሴዳ።

7 ሚድያማ አሳ ጋሱዋን እስራኤልያ አሳይ መድና ጎዳኮ ዋሴዳ ዋደ፣

8 መድና ጎዳይ ኡንቴንቴኮ እት ትምቢትያ ኦድያዋ ከቲዳ። ትምቢትያ ኦድያዋ ኡንቴንታ፣ «መድና ጎዳይ እስራኤልያ ጸሳይ ሀዋዳን ያጌ፤ ማለጸፕ፣ አይለተላ ጋድያፕ ታን ሀንተንታ ከሳድ።

9 ታን ህንተንታ ግብጹ እሳ ኩሽያጥን ኡቁንያ እሳ ኡባ ኩሽያጥ አሻድ፤ ህንተንቱ ሰንገላጥካ ኡቁንያ እሳ የደርሳይ፤ ኡንቱንቱ ጋድያ ህንተንቶ እማድ።

10 ያታደ ታን ህንተንታ፡ “ታን መድና ጎዳ ህንተንቱ ጸሳተነ፤ ህንተንቱ ኡንቱንቱ ጋድያ ላቲዳ አሞራዋናቱዋ ጸሳቶ ጎይኖፕተ” ያጋደ ኡዳድ። ሸን ህንተንቱ ታ ቃላ ሰሰናን እጹድታን ያጌ” ያጌዳ።

11 ሄዋጥ ጉይያን፤ መድና ጎዳ ከታንቻይ ኦፍራ ግያ ሳን ደእያ አብኤዘራ ያራ ዮኣሻ ዋላ ጋርሳን ኡቲዳ። ሄ ዋደ ዮኣሻ ናእይ ጌዶን ሞድያማ አሳጥ ቆሰታናው ዋይንያ ኡሳ ጉሞኢያሳን ዘርጋ ቡኪ።

12 ሄዋን መድና ጎዳ ከታንቻይ እው ቤቲድ፡ “ላ ነኖ፡ ሞኖ ኦላንቻው፡ መድና ጎዳይ ነናና ደኤ” ያጌዳ።

13 ጌዶን አ፡ “ሀይ ታ ጎዳው! መድና ጎዳይ ኑናና ደእያዋ ግደፕ፡ ሀ መቱ ኡባይ ያትና ኑና እያው ጋኬዴ? ኑ አዎቱ፡ ‘መድና ጎዳይ ኑና ግብጹ ጋድያጥ ከሴዳ’ ያጌደ ኑው ኡዳዳ ማላልሰያ እ ኦሶቱ ኡባይ ሀቃን ደእኖ? ሸን ሀእ መድና ጎዳይ ኑና ሙለ አገደ፡ ሚድያማ አሳው አሏደ እማድ” ያጌዳ።

14 ሄዋጥ ጉይያን መድና ጎዳይ እኮ ሰሚድ፡ “ነው ደእያ ዋልቃን ባደ፡ እሰራኤልያ እሳ ሚድያማ አሳ ኩሽያጥ አሻ። በአ፡ ነና ከትያዌ ታና” ያጌዳ።

15 ጌዶን፡ “እቤት መድና ጎዳው፡ ታን እሰራኤልያ እሳ ዋታደ አሻ? ታ ያራይ ሞናሰ ዛራቱዋ ኡባጥ አጼዳ ላፋ፤ ታንካ ታ አወዋ ሶ አሳ ኡባጥ ጉላ” ያጌደ ዛሬዳ።

16 መድና ጎዳይ፡ “ቱሙጥ ታን ነናና ግዳና፤ እት አሳ ሸጭያዋዳን፡ ኔን ሚድያማ አሳ ሸጫደ ጸናና” ያጌዳ።

17 ጌዶን፡ “ኔን ታናን ናሽቲዳዋ ግደፕ፡ ታናና ሃሳይያዌ ኔን ቱሙጥ ጸሳ ግድያዋ ታን ኤራና ማላ፡ ማላታ ታና በሳ።

18 ታን ጉዮ ሰማ ባደ፡ ነው እምያዋ እሀና ጋካናው፡ ሀያና ሀዋጥ ቦፓ” ያጌዳ። መድና ጎዳይ፡ “ኔን ሰማና ጋካናው፡ ታን ሀዋን ናጋና” ያጌዳ።

19 ጌዶን ባረ ሶ ገሊደ፡ ቦልትቦልታ ዴሻ ማራ ሹኪደ ካሌዳ፤ እት ታሙ ከሎ ግራመ ግድያ ጲልያ እኪደ፡ እርሹዋ የገናን ኡክሳ ኡኪዳ። እሹዋ ማሶፍያን ዋሊደ፡ ጫባ ከርያን ትኤዳ፤ ኡባካ እኪደ እፊድ፡ ዋላ ጋርሳን ኡቲዳ እሳ ከታንቻው ሸሼዳ።

20 ጎዳ ከታንቻይ አ፡ “እሹዋን ጸሳ ገልቤና ኡክሳ አካደ፡ ሀ ሹቻ ቦላ ዋላ፤ ጫባካ እ ቦላ ትጋ” ያጌዳ፤ ሄዋጥ ጉይያን ጌዶን ሄዋዳን ኡሌዳ።

21 መድና ጎዳ ከታንቻይ ባረ ኩሽያጥ ኡይቄዳ ጸምእ ጸራን እሹዋካ እርሹ ገልቤና ኡክሳ ቦቹዳ፤ ታማይ ሹቻ ግደፕ ከሰደ፡ እሹዋካ እርሹ ገልቤና ኡክሳ ሜዳ፤ ሄዋጥ ጉይያን፤ መድና ጎዳ ከታንቻይ እ ሰንገላጥ ጌሚዳ።

22 ጌዶን በኤዳዌ መድና ጎዳ ከታንቻ ግድያዋ እኪኪዳ ዋደ፡ “አየ አና! ኡባ ዋድያ መድና ጎዳው፡ ታን መድና ጎዳ ከታንቻ ታ አይፍያን በእድ!” ያጌዳ።

23 ሸን መድና ጎዳይ፡ “ሳሩ ነው ግደ! ያዮፓ! ሀይቃካ” ያጌዳ።

24 ጌዶን መድና ጎዳው ያርሸያ ሳኦ ያን ገግሲደ፡ ሄ ሳኦ መድና ጎዳይ ሳር ጸሳ ያጌደ ሰንገሌዳ። ሄ ያርሸያ ሳኦይ አብኤዘራ ያራቱዋሳ ግድያ ኦፍራን ሀቹ ጋካናው ኡቄደ ደኤ።

25 ሄ ጋላሰ ቃማ መድና ጎዳይ ጌዶና፡ “ነ አወዋ ቦራ ላኤንሎ፡ ላይላይ ላፑና ግዴዳዋ አካ። ነ አወ ባኣላ ጌተትያ ኤቃው ያርሸያ ሳኦ ኮላ፤ እ ጋጸን ደእያ እሹር ጌተትያ ማጫ ጸሳቱ ሞሰልያካ ቃንጸራላ የጋ።

26 ሀ ደርያ ሁጺያን መድና ጎዳው፡ ነ ጸሳው፡ ሹቻጥ ያርሸያ ሳኦ ሎይላደ ገግሳ፤ ሄዋጥ ጉይያን፡ ኔን ቃንጸራላዳ እሹር ጌተትያ ጸሳቱ ሞሰልያ ቆኤዋ ኤላደ፡ ላኤንሎ ቦራ ኡባና ጸግያ ያርሹዋ ኡዳደ ያርሻ” ያጌዳ።

27 ጌዶን ባረ ቆማቱዋጥ ታማቱዋ እኪደ፡ መድና ጎዳይ እው ኡዴዳዋዳን ኡሌዳ። ሸን እ ባረ አወዋ ሶ አሳውን ካታማን ደእያ አሳው ያጭዳ ድራው፡ ሄዋ ጋላሳን ኡላያዋ አገደ ቃማን ኡሌዳ።

28 ዋንታ ጉራን ካታማ አሳይ ደንዴዳ ዋደ፡ ባኣላ ጌተትያ ኤቃው ያርሸያ ሳኦይ ኮለት ክቼዳዋን እ ላንቄያን ደእያ እሹር ሞሰሊ ቃንጸቲደ ዋጭዳዋ በኤዳ። ቃይ ኡንቱንቱ ያርሸያ ሳኦይ ጊኤዳዋን እ ቦላ ላኤንሎ ቦራይ ያርሸቲዳዋ በኤድና።

29 ባረንቱ ግደን፡ “ላ ሀዋ ኡሌዳዌ አኔ?” ያጌደ እቱ እቱዋ ኡቼድና። ኡንቱንቱ ዩይ ዩዪደ ኡቼድ፡ ሄዋ ኡሌዳዌ ዮኣሻ ናኦ ጌዶና ግድያዋ ኤራድና።

30 ሄዋጥ ጉይያን ካታማ አሳይ ዮኣሻ፡ “ባኣላ ጌተትያ ኤቃው ያርሸያ ሳኦ ኮሌዳ ድራውን እ ላንቄያን ደእያ እሹር ሞሰልያ ቃንጸራላደ የጌዳ ድራው፡ ኑን እ ዋላና ማላ፡ ነ ናኦ ሃ ከሳ” ያጌዳ።

31 ዮኣሻ ባረ ቦላ፤ ደንዴዳ እሳ አዳ፡ “ህንተንቱ ባኣላው ሞተቲቱ? ዋይ ህንተንቱ እ አሻናው አባካቲ? ህንተንቱ ግደፕ እው ሞተትያ ኡራይ ደኣ፡ ሳኦ ዋንታናው እ ሀይቆ! ባኣል ጸሳ ግደፕ፡ ባረ ያርሸያ ሳኦ ኮሌዳዋና እ ባረው ሞተቶ” ያጌዳ።

32 ያትና፣ ሄ ጋላስ የኣሸ፣ “ኮላቲዳዌ አዉ ያርሽያ ሳኣ ግዴዳ ድራዉ። አናና ባኣል ሞተቶ” ያጊደ ጌደና ሱንሳ የሩባኣላ ጊደ ሱንሎዳ።

33 ሄዋጥ ጉይያን፣ ሚድያማ ጋድያ አሳይ፣ አማሌቃ ጋድያ አሳይን አዋይ ዶልያ ባጋ ጋድያ አሳይ ኡባይ እት ሸቄደ፣ የርዳናሳ ሻፋ ፕኔድና፣ እዘራኤላ ግያ ዋምባን ዲንካኔድና።

34 ሄዋጥ ጉይያን፣ መድና ጎዳ እያናይ ጌደና ቦላ ዋዴዳ፣ አብኤዘራ ያራ ግድያ አሳይ ኡባይ ባረና ካላና ማላ፣ ኡንቱንታ ጸሳናዉ ማላካታ ፑኔዳ።

35 ሞናሰ ዛራቱዋ ኡባዉ አሳ ከቲደ፣ ባረና ካላና ማላ ኡንቱንታካ ጸሰሴዳ። ቃይ እሴራ ዛረቶ፣ ዛብሎና ዛረቶን ጎፍታሊማ ዛረቶ አሳ ከትና፣ ኡንቱንቱካ እናና ኦላ ባናዉ ከሴድና።

36 ሄዋጥ ጉይያን ጌደን ጸሳ፣ “ታን እሰራኤልያ አሳ አሻና ማላ፣ ኔን ታና ድሬዳዋ ታዉ ኦዴዳዋ ግደፕ።

37 በአ፣ ዛርጋ ቡክያ ኡዲማን ደርሳ አጎዛ ታን ዋሳና፣ ከተርሳይ ሄ ደርሳ አጎዛ ጸላላን ደእና፣ ቢታ ኡባይ መላ ግደፕ፣ ኔን ኦዴዳዋዳን፣ እሰራኤልያ አሳ ኔን ታ ኩሽያን አሻናዋ ታን ኤራና” ያጌዳ።

38 እ ጌዳዋዳን ሀኔዳ። ዋንተላ ጋላስ ጉራ ጉራና ደንዲደ፣ ደርሳ አጎዛ ጉምኤዳ ዋደ፣ እት ኩይጸር ግድያ ሃላይ አፕ ከሴዳ።

39 ያትና፣ ጌደን ቃይካ ጸሳ፣ “ሀያና ሀንቀቶፕ! ታን ኔና ጉጃደካ እት ገደ ኦቻይ፣ ደርሳ አጎዛ ቦላ ሀራ ማላታ በሳናዳን ታን ኔና ኦቻይ። ሀእ ቃይ ደርሳ አጎዛይ መላ ግድና፣ ቢታይ እርጺደ ከተርሳታናዳን ኡዳርኪ” ያጌዳ።

40 ሄ ጋላስ ቃማ ጸሳይ ሄ ማላታ ኦሌዳ። ዋንተላ ጋላስ ጉራ ደርሳ አጎዛ መላ ግድና፣ ቢታ ኡባይ እርጺደ ከተርሳቱዳ።

# 7

## ጌደን ሚድያማቱዋ ጸኔዳ

1 የሩባኣላ ጌተትያ ጌደንን አናና ደእያ አሳይ ኡባይ ዋንታ ጉራን ደንድ ቢደ፣ ሀርዳ ጌተትያ ፑልትያ ማታን ዲንካኔዳ። ሚድያማ ጋደ አሳቱካ ሀንቱቱፕ ሀጺላ ሰጋና ሞረ ጌተትያ ደርያ ማታን ደእያ ዋምባ ግደን ዲንካኔድና።

2 መድና ጎዳይ ጌደና ሀዋዳን ያጌዳ፤ “ሚድያማ አሳ ታን ሀንተንቱ ኩሽያን አላደ አማናዉ፣ ኔናና ደእያ አሳይ ዳሬዳ፤ እሰራኤልያ አሳይ፣ ና፣ ዋልቃን አቴዶ፣ ጊደ ታ ቦላ ጩቀተና ማላ፣ ሞድያማ አሳ ታን ኡንቱንቶ አላደ አምከ።

3 ሄዋ ድራዉ፣ ሀእ አሳዉ፣ ናሻን ኮኮርያ አሳይ ኡን ኰፕ፣ ጋላኣደ ደርያፕ ሰሜደ፣ ጉየ ባረ ሶ ባረ ሶ ቦ ያጋደ አዋያ” ያጌዳ። ያትና፣ ላታማን ላኡ ሻኦ አሳይ ጉየ ሰሜዳ፤ ታሙ ሻኦ አሳይ አቴዳ።

4 ሄዋጥ ጉይያን መድና ጎዳይ ጌደና፣ “ሀእካ አሳይ ዳሬዳ። ኔን ኡንቱንታ ዲገ ሃላዉ አፋ፤ ታን ኡንቱንታ ነዉ ያን ሻካና። ታን፣ ላሀዌ ኔናና ቦ ግያዌ ኔናና ቦ፤ ታን፣ ላሀዌ ኔናና ቦ፣ ግያዌ ቦ፣ ግያዌ ቦ፣ ግያዌ ቦ።” ያጌዳ።

5 ያትና፣ ጌደን አሳ ሃላኮ አፊዳ። መድና ጎዳይ ጌደና፣ “ሀ አሳ ግደፕ ጉልባቲደ ሃላ ኡሽያዋንታ፣ ካናዳን ሃላ እንጸርሳን ላባጭ ላባጭ ኦሌደ ኡሽያዋንታ ሻካ” ያጌዳ።

6 ባረንቱ ኩሽያን ሃላ እንጸርሳን ላባጭ ኦሌደ ኡሽያዋንቱ ፓይዱ ሄዙ ጾታ፤ ሽን አቴዳዋንቱ ኡባይ ሃላ ኡሻናዉ ጉልባቲድና።

7 መድና ጎዳይ ጌደና፣ “ባረንቱ ኩሽያን ሃላ ኡቁዋን ኮጵቲደ ላባጭ ኦሌደ ሄዙ ጾቱ አሳቱዋን ታን ሀንተንታ አሻና፣ ሚድያማ አሳቱዋ ሀንተንቶ አላደ አማና። ሽን አቴዳ አሳይ ኡባይ ባረ ሶ ባረ ሶ ሰሞ” ያጌዳ።

8 ያትና፣ ጌደን አሳቱዋ ሽንቃን ማላካታ አኬዳ ሄዙ ጾቱ አሳቱዋ ባረናና አሸደ፣ የንኮ አሳ ኡባ ኡንቱንቱ ሶ ኡንቱንቱ ሶ የዴዳ። ሀ ኡባባይ ሀንያ ዋደ፣ ሚድያማ ኦላንቻቱ ኡንቱቱፕ ሀርክ ባጋና ዋምባን ዲንካኔድ ኡቴድና።

9 ሄ ጋላስ ቃማን መድና ጎዳይ ጌደና፣ “ታን ነዉ አላደ አሜዳ ድራዉ፣ ደንዲደ ኡንቱንቱ ዲንካኔዳ ሳኣን ኡንቱንቱና ኦላ ጋከታ።

10 ኔን ባደ ኦላናዉ ያዮፕ፣ ነ ቆማ ፑራ አካደ፣ ኡንቱንቱ ዲንካኔዳ ሳኣ ዲገ ባደ።

11 ኡንቱንቱ ግያዋ ሰሳ፣ ሄዋጥ ጉይያን፣ ኔን ኡንቱንታ ኦላናዉ ሞናና” ያጌዳ።

ጌደንን አ ቆማይ ፑር፣ ሞድያማቱ ዲንካኔዳ ሳኣ ጋጸን ናግያ ኦላንቻቱዋን ቤድና።

12 ሄ ዋደ ቦልያዳን ጮራቴዳ ሚድያማ አሳይ፣ አማሌቃ አሳይን አዋይ ዶልያ ባጋና ደእያ አሳይ ኡባይ ዋምባ ግደን ዲንካኔድ ኡቴድና። ኡንቱቱ ጋሎቱ አባ ደናን ደእያ ሻፍያዳን ፓይዳናዉ ዲንዳየተናዋንታ።

13 ጌዶን ያ ጋክያ ዎደ፣ እት ብታኒ ባረ እኩመቲዳ እኩሙዋ ባረ ላገያዉ ኦዳ፤ “ሰሳ፣ ታን እኩሙዋ እኩሙታድ። እት ባንጋ ኡክሳይ ጎንደረቲደ፣ ሚድያማቲ ዲንካኔዳ ሳኣ ዬዳ። ጋኪደ ዲንካንያ ደምኤዳ፤ ዲንካኒ ኦቲ ዋጂደ ሞጨቲዳ” ያጌዳ።

14 ሄዋጥ ጉዮ እ ላጊ ዛሪደ፣ “ሄዌ እሰራኤልያ ዮኣቫ ሩኣ ጌዶና ማሻጥ አትሩ፣ ሀራባ ግደና። ጸሳይ ሚድያማን ምድያማቲዋና ደእያ ኦላጎቻቲዋ ኡባ ጌዶናዉ እሊደ እማዳ” ያጌዳ።

15 ጌዶን ሄ ኦዳዳ እኩሙዋን እኩሙዋ ብርሸላ ሰሴዳ ዎደ፣ ጉልባቲደ ጸሳዉ ጎይኔዳ። ሄዋጥ ጉይያን፣ እሰራኤላቲ ዲንካኔዳ ሳኣ ጉዮ ሰሚደ፣ “ደንድተ! መጅና ጎዳይ ሚድያማ ኦላጎቻቲዋ ሀንተንጉቲ ኩሽያን እሊደ እማዳ።” ያጌዳ።

16 ሄዙ ጸቲ እሳቲዋ ሄዙ ጭታን ሻኪዳ፤ ኡንቲንቲ ሁጲያን ሁጲያን እት እት ማላካታን ግዶን ኤጵያ ጸምፒ ደእያ እት እት ጻሩዋ እማዳ።

17 ኡንቲንታ፡- “ታገ ሃ ጸሊደ፣ ታን ኦልያዋ ኦልተ። ታን ኡንቲንቲ ዲንካኔዳ ሳኣ ማታ ጋካደ ኦልያዋዳን፣ ሀንተንጉቲ ኦልተ።

18 ታንጎ ታሩና ደእያዋንቲ ኡባቲ ማላካታ ጉንያ ዎደ፣ ሀንተንጉቲ ኡንቲንቲ ዲንካኔዳ ሳኣ ዩይ እጂደ፣ ሀንተንጉቲ ማላካታ ጉኒደ፣ “መጅና ጎዳዉን ጌዶናዉ!” ያጌደ ዋሰተ” ያጌዳ።

19 ቃማዉ ግደ ግሹዋ ግዳናዉ ጉላ እትደእሸን፣ ናግያ ኦላጎቻቲ ላመቲዳዋጥ ጉይያን፣ ጌዶንን እናና ደእያ ጸቲ እሳቲ ቢደ፣ ሚድያማቲ ዲንካኔዳ ሳኣ ማታ ጋኪደ ባረንቲ ማላካታ ጉይያና፤ ባረንቲ ኦይቄዳ ጻሩዋ ኡባካ መንጹድና።

20 ሀራ ባጋና ደእያ ላኡ ጭታቲካ ባረንቲ ማላካታ ጉኒደ፣ ጻርቲዋካ መንጹድና፤ ሀድርሳ ኩሽያን ኤጵያ ጸምፕያ፣ ኡሽቻ ኩሽያን ማላካታ ኦይቄደ ጉኒደ፣ “መጅና ጎዳዉን ጌዶናዉ ማሻን ኦልቲቶ!” ያጌደ ዋሰኑድና።

21 አሳይ ኡባይ ሚድያማቲ ዲንካኔዳ ሳኣ ዩሹዋን ባረ ሳኣን ሳኣን ኡቄደእሸን፣ ሚድያማ ኦላጎቻቲ ኡባይ ዋሲደ ባቃቲድና።

22 ጌዶና አሳይ ሄዙ ጸቲ ማላካታ ጉይዳ ዎደ፣ ሞርከቲዋ ኦላጎቻቲ ባረንቲ ማሻን እቲ እቲዋ ዎጻዳን መጅና ጎዳይ ኦልዳ፤ ያትሩ፣ እቲዳ ኦላጎቻቲ ጽሬራኮ ሰሚደ፣ ቤትሺጸ ጌተትያ ካታማ ጋካናዉ፣ ሄዋጥካ እጂደ፣ ጸባታ ማታን ደእያ እቤል-ማሆላ ጋካናዉ ባቃቲድና።

23 ሄዋጥ ጉይያን ጌዶን፣ ጎፍታላማ ዛርያጥ፣ እሴራ ዛርያጥን ምናሰ ዛራቲዋ ኡባጥ እሰራኤልያ አሳ ጸሴደ ሺሸና፣ ኡንቲንቲ ሚድያማቲዋ ዩደርሴድና።

24 ኤፍሬማ ገዝያን ደእያ አሳ ኡባካ ጌዶን አሳ ከቲደ፣ “ሚድያማ አሳ ኦላናዉ ዲጎ ዎጅተ፤ ቤትባና ጋካናዉ ደእያ ዮርዳኖሳ ሻፋን እን ገልያ ቄር ሻፋቲዋ ኡንቲቲጥ ካሰቲደ ኦይቄተ” ያጌዳ። ሄዋጥ ጉዮ ኤፍሬማ አሳይ ኡባይ ጸገት ሸቄደ፣ ቤትባራ ጋካናዉ ዮርዳኖሳ ሻፋን እን ገልያ ቄር ሻፋቲዋ ኦይቄዳ።

25 ኦራባን ዛኤባ ጌተትያ ሚድያማቲዋ ካፓቲዋ ላኤዋ ኦምዴድና፤ ኦራባ ኦራባ ዛላ ግያ ሳን ዎጅድና፤ ዛኤባ ቃይ ዛኤባ ዎይንያ ጉምእያ ሳኣ ግያ ሳኣን ዎጅድና። ሄዋጥ ጉዮና እቲዳ ሚድያማቲዋ ዩደርሴደ፣ ኦራባ ቆጅያን ዛኤባ ቆጅያ ሙጨድና፤ ኡንቲንቲ ጉጉቲዋ ጌዶናኩ እሄድና። ሄ ዎደ ጌዶን ዮርዳኖሳ ሻፋጥ ሄፍንላ አዋይ ድልያ ባጋና ደኤዳ።

# 8

## ሚድያማቲ ዉርሰላ ጸኑዋ ጸንቲድና

1 ሄዋጥ ጉይያን፣ ኤፍሬማ አሳይ ጌዶና፣ “ሚድያማቲዋ ኦላናዉ ባደ ኦና እያዉ ጸሳባይኪ? ኦና እያዉ ሀዋዳን ኦላዳ?” ያጌደ ሎይል ፓሎሙቲድና።

2 ሸን ጌዶን ዛሪደ፣ “ታን ኦልዳዋጥ ሀንተንቲ ኦልዳዌ እ።ከየ? ታ ያራቲ ኡብኤዘራቲ ሺሼዳ ሙላ ካላጥ ሀንተንቲ ኤፍሬማ ዛራቲ ቆራዳ ቃርሚ ኪከነየ?”

3 ሚድያማቲዋ ካፓቲዋ፣ ኦራባን ዛኤባ ጸሳይ ሀንተንቲ ኩሽያን እሊደ እማዳ። ሀንተንቲ ኦልዳዋ ማላ፣ ታን እይ ኦላናዉ ዲንዳያይታ?” ያጌዳ። እ ሄዋዳን ጌና፣ ኡንቲንቲ ሀንቁዋጥ ዛርሴድና።

4 ጌዶንን እናና ደእያ ሄዙ ጸቲ አሳይ ዮርዳኖሳ ሻፋ ዪደ ጥኔድና፤ ኡንቲንቲ እይ ዳቡርጥካ፣ ባረንቲ ሞርከቲዋ ዩደርሴዳዋ እግባይክና።

5 ዩደርሴደ ሱኮታ ጋኪደ ዎደ፣ ጌዶን ካታማ አሳ፣ “ታ አሳይ ዳቡራዳ ድራዉ፣ ሀያና እማራዳ ኡክሳ እማርክቲ። ታን ሚድያማቲዋ ካተቲዋ ዘባሀን ጸልሙናእ ዩደርሳደ ደእይ” ያጌዳ።

6 ሄዋጥ ጉዮ ሱኮታ ካታማ ካፓቲ፣ “ዘባሀን ጸልሙናእ ኔን ኦምዳባይካሸን፣ ነ ኦላጎቻቶ እያዉ ኡክሳ እማኔ?” ያጌድና።

7 ያትሩ፣ ጌዶን፣ “ሎእ እይን ባዋ! መጅና ጎዳይ ዘባሀን ጸልሙናእ ታ ኩሽያን እሊደ እምያ ዎደ፣ ታን መላ ቢታ ኡንቲንቲ ክንድቸዋን ሀንተንታ ዎጻና” ያጌዳ።

8 ሄዋጥ ፓኑኤላ ግያ ሳኣ ቤዳ፤ ያን ደእያ አሳካ ሄ ኦሻ ኦቼዳ። ሸን ፓኑኤላ አሳይካ ሱኮታ ካታማ አሳይ ዛሬዳዋዳን ዛሬዳ።

9 ያትና፣ ፓኑኤላ አሳካ፣ “ታን ጸናደ ሳር ሰምያ ዎደ፣ ህንተንቱ ካታማ ናግያ ሀ እዱሳ ግምቢያ ላላና” ያጌዳ።

10 ዘባህነ ጸልሙናእ አዋይ ዶልያ ባጋጥ ዬዳ ኦላንቻቱዋጥ አቲዳ ባረንቱ ታማነ እቼቹ ሻእ ኦላንቻቱዋና ቃርቆራ ጌተትያ ካታማን ደእኖ። ካሰ አዋይ ዶልያ ባጋጥ ዬዳ ኦላንቻቱዋጥ ማሻን ኦላትያ እት እት ጼታነ ላታሙ ሻእ ግድያ ኦላንቻቱ ኦላን ሀይቄ ሠሬድኖ።

11 ጌዶን ናባህጥነ ናግህጥ አዋይ ዶልያ ባጋጥ ደእያ ዛላናቱዋ ጋጾ ኦግያና ቢደ፣ ሄዋን ደእያ ኦላንቻቱዋ ቦላ ኡንቱንቱ እኪከናን ደእሸን ዎራጂዳ፤

12 ኡንቱንቱ ኡባይ ዳጋሚድኖ። ሚድያማ ካተቱ ዘባህነ ጸልሙናእ ላኦቱካ ባቃቴድኖ፤ ሸን ጌዶን ኡንቱንታ የደርሰ ጋኪደ አዋዳዳ።

13 የኦሻ ናኦይ ጌዶን ኦላጥ ሄሪሳ ፕኑዋና ሰሚዳ።

14 ሱኮተጥ እት ዎዳላ ኦይቁደ ኦቼዳ። ዎዳላይ ሱኮታ ካፓቱነ ጭማቱዋ ላፑን ታማነ ላፑናቱዋ ሱንሳ ጸፊደ አዉ እሚዳ።

15 ሄዋጥ ጉይያን፣ ጌዶን ሱኮታ አሳኮ ዪደ፣ “ ላባህነ ጸልሙናእ ኔን አዋዳበይካሸን፣ ነ ዳቡራዳ አሳዉ እያዉ ኡክሳ እማኔን? ጌደ ህንተንቱ ታና ቅሊጩድታ፤ ሸን ዘባህነ ጸልሙናእ ሀዋንታ በእተ” ያጌዳ።

16 ሄዋጥ ጉይያን፣ ሙላ ቢታ እጉንሳንነ ክንድቹዋን ዋጂደ፤ ሱኮታ ካፓቱዋ ቃጸዪዳ።

17 ቃይ ፓኑኤላን ካታማ ናግያ እዱሳ ግምቢያ ላሊደ፣ ካታማን ደእያ አቲማ አሳ ዎዴዳ።

18 ያቲደ ጌዶን ዘባህነ ጸልሙናእ፣ “ህንተንቱ ታቦራን ዎዴዳ አሳቱ አይ ማሌ?” ያጌደ ኦቼዳ።

ሸን ኡንቱንቱ፣ “ነ ማላ፤ ኡንቱንቱ ኡባይካ ካትያ ናና ማላትኖ” ያጌደ ዛሬድኖ።

19 ጌዶን፣ “ኡንቱንቱ ታ አሻቱዋ፤ ኡንቱንቱ ታ ዳይ ናና። ሙድና ጎዳይ ኤር! ህንተንቱ ኡንቱንታ ዎጵቤናዋ ግድንቶ፣ ታንካ ህንተንታ ዎጵከ ሸን” ያጌዳ።

20 ባረ ባይራ ናኣ የተራ፣ “ደንዳ ኡቃደ፣ ሀዋንታ ዎዳ” ያጌዳ። ሄዋጥ ጉየ የተር ብር ያላጋ ግዴዳ ድራዉ ያዪደ፣ ባረ ማሻ ሾድቤና።

21 ሄዋጥ ጉይያን፣ ዘባህነ ጸልሙናእ ጌዶና፣ “ደንዳ ኡቃደ፣ ኔን ኑና ዎዳ፣ አቲማ አሳ ኦሱዋ ኦላናዉ አቲማ አሳ ኮሺ” ያጌድኖ። ያትና፣ ጌዶን ደንዲደ፣ ኡንቱንታ ዎዴዳ፤ ኡንቱንቱ ጋላቱዋ ቆጵያን ደእያ አሊቁዋ ኡባ እኪዳ።

22 ሄዋጥ ጉይያን፣ እሰራኤልያ አሳይ ጌዶና፣ “ኔን ኑና ሚድያማ አሳጥ እሾዳ ድራዉ፣ ኔን፣ ኔጥ ጉይያን ነ ናኦይ ነ ናኣ ናኦይ ኑና ሞድተ” ያጌዳ።

23 ሄዋጥ ጉየ ጌዶን፣ “ታን ህንተንታ ሞድከ፤ ታ ናኦይካ ህንተንታ ሞደና፤ ሙድና ጎዳይ ህንተንታ ዎዳ” ያጌዳ።

24 ኡንቱንታ፣ “እነ ታን ህንተንታ አትባ ኦቻይ፣ ህንተንቱ ኡባይ አዋዲደ እሄዳ ሀይላ ዎርቃ ታዉ እዋተ” ያጌዳ። እሰማኤላ አሳዳን፣ ሚድያማ ቢታ አሳቲካ ሀይላን ዎርቃ ዎሊኖ።

25 እሰራኤልያ አሳይ ዛሬደ፣ “ኡኖ፣ ኑ አማና” ያጌዳ። አፍላ ሂጸደ አሳይ ኡባይ ባረ አዋዳዳ ሀይላ ዎርቃ ሂጸቲዳ አፍላ ቦላን ዎሊዳ።

26 ጌዶን እኪዳ ሀይላ ዎርቃይ ላታሙ ኪሎ ግራሙ ደጽያዋ። ሄዋን፣ ሀራ አሊቁያዋንታ፣ ቆጵያን አልያ ሀብልያ፣ ሞድያማቱዋ ካተቱ ማይያ ኦቻ ቴራ ማላትያ ማዮቱዋነ ኡንቱንቱ ጋሎቱዋ ቆጵያጥ እኪከዳ አሊቁያዋንታ ጉጀናና።

27 ጌዶን ዎርቃጥ ኤፋድያ ገባሲደ፣ ባረ ደእያ ኦፍራ ካታማን ዎሊዳ። ጉየጥ እሰራኤልያ አሳይ ኡባይ ጸሳ አጌደ፣ ሄ ኡፋድያዉ ጎይኔዳ፤ ጌደናዉነ አ ሶ አሳዉ ሄዌ ጳረ ግዴዳ።

28 ሄዋዳን ሀኒደ፣ ሚድያማ አሳይ እሰራኤልያ አሳዉ ሞድቲዳ፤ ኡንቱንቱ እሰራኤልያ አሳ ቦላ ላኡንሎዋ ደንድቤይክና። ጌዶን ሀይቃና ጋካናዉ፣ ኦይታሙ ላይላ ጋዲ ዎፓ ደሚዳ።

**ጌዶና ሀይቁዋ**

29 የኦሻ ናኦይ፣ የሩባኣላ ጌተትያ ጌዶን ባረ ሶ ጉየ ቢደ፣ ባረ ጎለን ደኤዳ።

30 ጌዶን ጮራ ማቻያ እኪዳ ድራዉ፣ አዉ ላፑን ታሙ አቲማ ናናይ የለቲድኖ።

31 ቃይ ሰኪማ ካታማን ደእያ ቆማታ አቲማ ናኣ አዉ የልና፣ ሱንሳ አብሙሊካ ያጌደ ሰንጹዳ።

32 የኦሻ ናኦይ ጌዶን ሎኦ ጭሚደ ሀይቁዳ፤ ባረ አዉዋ የኦሻ ዱፋዋን ሞገቲዳ። ሀ ዱፋ አብኤዘራ ያራቱ ደእያ ኦፍራ ካታማን ደኤ።

33 ጌዶን ሀይቁዳዋጥ ጉይያን፣ እሰራኤልያ አሳይ ጸሳጥ ጉየ ሰሚደ፣ ባኣላ ጌተትያ ጸሳቶ ጎይኔዳ፤ ባኣል-ባሪታ ጌተትያ ኡቃ ባረንቶ ጸሳ ኦሊድኖ።

34 ያቲደ እሰራኤልያ አሳይ ኡንቱንቱ የሹዋን ደእያ ሞርከቱዋ ኡባጥ ኡንቱንታ እሾዳ ሙድና ጎዳ ባረንቱ ጸሳ ሀሳይቤይክና።

35 ቃይ ጌደን እስራኤልያ አሳዉ ኦሌዳ ሎኦ ኦሱዋ ኡባዉ። ኡንቱንቱ አ ሶ አሳዉ ኬካን ኩሽያ ዛርቢይክኖ።

# 9

## አብመሊካ

1 ጌደና ናእይ አብመሊክ ሰኩማ ካታማን ደእያ ባረ ዳይ ዳቦቱዋኮ ቤዳ፤ ኡንቱንታን ባረ ዳይ ዘርላ ኡባቱዋ ሀዋዳን ያጌድ፤

2 “እነ ሰኩማ ካታማን ደእያ አሳ ኡባ ሀዋዳን ያጌደ ኦኹተ፤ ጌደና ላፑን ታሙ ናናይ ኡባይ ሀንተንታ ሞዶፕ ሎኤየ? ዋይ እት አሳይ ሞዶፕ ሎኤየ? ያጌደ ኦኹተ። ታን ሀንተዉ አሹዋን ማታ ዳቦ ግድያዋ ቃይ ዳሳፕተ” ያጌድ።

3 ሄዋፕ ጉዮ እዝ ዳይ ዳቦቱ ሀ ቃላ ኡባ አ ድራዉ ሰኩማ ካታማ አሳዉ ኦዴድኖ፤ አብመሊክ ኡንቱንቶ ዳቦ ግዴዳ ድራዉ። ሰኩማ አሳይ አ ካላናዉ ቆፋ ቃቹዳ።

4 ያጌደ ኡንቱንቱ ባኣል-ባሪታ ኤቃ ጎልያፕ ላፑን ታሙ ጸጋራ ብራ አኪደ። አዉ እሜድኖ። አብመሊክ ሄ ብራን ሹፋርቱዋን ቦንቄያዋንታ ቃጸሪደ። ባረና ካላናዳን ኦሌዳ።

5 ኦፍራ ግያ ሳን ደእያ ባረ አዉዋ ሶ ቢደ። ባረ አሻቱዋ። ጌደና ናና ላፑን ታማቱዋ። እት ሹቻ ቦላን ሲፍሱዳ። ሽን ጌደና ናእይ። ዉርሰላ ቴፋይ። ዮኣታሙ ቆሰቲደ። ሀይቀናን አቴዳ።

6 ሄዋፕ ጉይያን፤ ሰኩማ አሳይን ቤትሚሎ አሳይ እትፕ ሸቂደ። ሰኩማን ደእያ ጎይንያ ዋላ ቴሳኩ ቤድኖ፤ ያን አብመሊክ ካተዬድኖ።

7 ዮኣታሙ ሄዋ ሰሴዳ ዋደ። ቢደ ጋርዛማ ደርያ ጼራ ከሲደ። ባረ ቃላ ጶቄ ኦሌደ። ሀዋዳን ያጌደ ዋሴዳ፤ “ሀንተንቶ ሰኩማ አሳቶ። ሀንተንቱ ታን ኦድያዋ ሰሰተ! ጸሳይካ ሀንተንቱ ኦድያዋ ሰሳናዋ።

8 “እት ጋላሰ ሞላቱ ኡባይ ሸቂደ። ባረንቱ ቦላ ካትያ ካተያናዉ ቢደ ዋጋራ። ሃያ። ኦ ቦላ ካተታ” ያጌድኖ።

9 ሸን አትክልትያ ሳእይ። ሓ ሀንተንቱ ቦላ ካተታና ኮሸያዋ ግደፕ። ጸሳቱዋን አሳቱዋ ቦንቶሰያ ታ ዛይትያ እምያዋ አጋይ ግያዋ” ያጌደ ዛሬዳ።

10 “ሄዋፕ ጉይያን፤ ሞላቱ ባላሰያ ጌተትያ ሞላ። ሃያ። ኦ ቦላ ካተታ” ያጌድኖ።

11 ሸን ባላሲ። ሓ ሀንተንቱ ቦላ ካተታና ኮሸያዋ ግደፕ። ማልእያ ሎኦ አይፍያ አይፍያዋ አጋይ ግያዋ” ያጌደ ዛሬዳ።

12 “ያትና። ሞላቱ ዋይንያ ቱራ። ሃያ። ኦ ቦላ ካተታ” ያጌድኖ።

13 ሸን ዋይንያ ቱራይ። ሓ ሀንተንቱ ቦላ ካተታና ኮሸያዋ ግደፕ። ጸሳቱዋን አሳቱዋ ናሸቶያ ዋይንያ ኤሳ እምያዋ አጋይ ግያዋ” ያጌደ ዛሬዳ።

14 “ያትና። ዉርሰላን ሞላቱ ኡባይ ካሸያ። ሃያ። ኦ ቦላ ካተታ” ያጌድኖ።

15 ሄዋፕ ጉዮ ካሸ። ሓንተ ቱሙፕ ታና ሀንተንቱ ቦላ ካተያናዉ ኮዮፕ። ሃ ዪደ ታ ኩዋን ሸምፕተ። ሄዋ ሀንተንቱ እጸፕ። ካሸያፕ ታማይ ከሲደ። ለባኖሳ ዝጋቱዋ ሞ” ያጌድ።

16 “አብመሊክ ሀንተንቱ ካተዬዳዊ ቱማተላንን ሱረተላን? ጌደን ሀንተንቶ ኦሌዳዋ አኬኪደ። አ ጎላ አሳዉ በሰያዋዳን ኩሽያ ዛሬድቱ?

17 ታ አዉ ሀንተንቶ ኦሌቱዳዋ አኬክተ፤ ሚድያማ አሳፕ ሀንተንታ አሻና ያጌደ። ባረና ሀይቆ አሲደ እሜዳ።

18 ሸን ሀንተንቱ ሀቼ ታ አዉዋ ጎልያ አሳ ቦላን ደንዲደ። አ ላፑን ታሙ ናና እት ሹቻ ቦላን ሲፌድታ፤ ጌደን ቆማትፕ የሌዳ አብመሊክ ሀንተንቶ ዳቦ ግዴዳ ድራዉ። ሰኩማን ካተዬድታ።

19 ሀእ ሰም ጌደናዉን አ ጎልያ አሳቶ ሀንተንቱ ኦሌዳ ከታይ ቱማተላንን ሱረተላን ግደፕ። አብመሊክ እትፕ ናሸተ፤ አካ ሀንተናና ናሸቶ።

20 ሸን ሄዋ ግድና ቆዮፕ። አብመሊካፕ ታማይ ከሲደ። ሰኩማ አሳን ቤትሚሎ አሳ ሞ፤ ሄዋዳንካ ቃይ። ሰኩማ አሳፕን ቤትሚሎ አሳፕ ታማይ ከሲደ። አብመሊክ ሞ” ያጌድ።

21 ዮኣታሙ ባረ አሻ አብመሊካዉ ያዬዳ ድራዉ። ባቃቲደ ባኤራ ግያ ሳእ ቢደ ያን ደኤዳ።

22 አብመሊክ እስራኤልያ ጋድያን ሄዙ ላይላ ካተቱዳ።

23 ሄዋፕ ጉይያን፤ ጸሳይ አብመሊካፕን ሰኩማ አሳፕ ግዴዋን ኢታ እያና ከቱዳ፤ ሰኩማ አሳይ አብመሊክ ቦላ አማንተናን እጸደ ደንዴዳ።

24 ጸሳይ ሄዋ ኦሌዳዊ። አብመሊክ ባረ አሻቱዋ ዋዬዳ ድራሳን ጌደና ላፑን ታሙ ናና ሱላ ሀሉዋ እ ጭገታናዳን ሰኩማ አሳይ አ ሞን።ኤዳ ድራሳ።

25 ሰኩማ አሳይ እምራዳ አሳ ዶሪደ። ደርያ ጼራን አብመሊክ ቦላ ሙጊደ ኡታናዳን ኦሌዳ። ሙግ ኡቱዳዋንቱ ኦግያና መንልያ አሳ ኡባ ቦንቄድኖ፤ አብመሊክ ሄዋ ኡባ ሰሴዳ።

26 ሄዋፕ ጉይያን፤ ኤቤዳ ናእይ ጋኣል ባረ አሻቱዋና ሰኩማ ዬዳ፤ ሰኩማ አሳይ እን አማንቱዳ።

27 ኡባይካ ባረንጉቱ ጋደ ቢደ፣ ዎይንያ ቴራ ማጼድኖ፤ ዎይንያ ኤሳ ኦጊደ፣ ዎልቃማ ባላ ከሴድኖ። ባረንጉቱ ኤቃ ገልያ ገሊደ፣ ያን ሚድነ ኡሽደ አብመሌካ ሸቄድኖ።

28 ኤቤዳ ናእይ ጋእል፣ “ኑን ሰኩማ አሳይ ዋደታኛው አብመሌክ ኦኔ? እ ጌድና ናእ ግደኔ? ዛቡልካ ሀ ካታማ ዋዳናዳን አብመሌክ ሰንጹዳዋ ግደኔ? ሄዋጥ ሸኬማ አወዋ ሀዋራ ዛረቶ እነ ዋደቲቶ።

29 ሀ አሳ ካለልያዋ ታና ግዳርክታሻ! ያትንቶ ታን አብመሌካ ድጋና ሸን። አብመሌካ ጸሳደ፣ ና ኦሳንቻቱዋ ዳርሳ አካደ፣ ኦለታኛው ሃያ’ ያጋና ሸን” ያጌዳ።

30 ኤቤዳ ናእይ ጋእል ጌዳዋ ካታማ ዋድያ ዛቡል ሰሴዳ ዎደ፣ ሀንቁዋ ኤጽ ከሴዳ፤

31 ያቲደ አረኛ ካታማን ደእያ አብመሌካት አሳ ከቲዳ። ሄዋጥ፣ “ኤቤዳ ናእይ ጋእል ኦ አሻቲ ሰኩማ ዬድኖ፤ ካታማን ደእያ አሳ ነ ቦላ ደንገጌድኖ።

32 ሄዋ ድራው፣ ኔን ኔናና ደእያ አሳይ ቃማን ደንዲደ፣ ሾይቃን ሙጊደ ናግተ።

33 ዋንታ ጉራ አዋይ ኬሲያ ዎደ፣ አንቲንቲ አኬከናን ካታማ ቦላ ዋራጅተ፤ ጋእል ኦ አናና ደእያ አሳይ ሀንተንታ ኦላናወ ከሰያ ዎደ፣ ሀንተንቶ ሀኔዳ ኬሻ ሞጊደ ኦለተት” ያጌዳ።

34 አብመሌክ ኦ አናና ደእያ አሳይ ኡባይ ቃማን ደንዲደ፣ ሰኩማጥ ካረና ኦይዱ ጭታን ሻከቲደ ሙጊድኖ።

35 አብመሌክ ኦ አናና ደእያ አሳይ ኤቤዳ ናእይ ጋእል ከሲደ፣ ካታማ ገልያ ጥንግያን ኤቁዳዋ በኢደ፣ ቆሰቲዳ ሳጥ ከሴድኖ።

36 ጋእል አሳ በኤዳ ዎደ ዛቡላ፣ “ጼላ! አሳይ ደረቲዋ ሀጺያጥ ዎጄ” ያጌዳ።

ሄዋጥ ጉየ ዛቡል፣ “ሄዋንጉቱ አሳ ግድክኖ፤ ደረቲዋ ኤሹ አሳ ማሳትያዋ በኣደ ጋዳ” ያጌደ ዛሬዳ።

37 ጋእል ዛረጲደ፣ “ጼላ! አሳይ ደርያወ ግዳዋ ኦይቁደ ዎጄ፤ ሀራ ጭታይ ቃይ ሻሬቻቲ ዋላይ ደእያ ኦግያና ዬ” ያጌዳ።

38 ያትና፣ ዛቡል ጋእል፣ “ ኑን አወ ዋደታኛው አብመሌክ ኦኔ? ያጌዳ ነ ደናይ ሀእ ሀቃ ቤዴ? ሀዋንጉቱ ኔን ካጄዳ አሳቲዋ ግድክኖ? ሀእ ከሳይ አንቲንቲና ኦለታ!” ያጌዳ።

39 ሄዋጥ ጉየ ጋእል ሰኩማ አሳ ካለል ከሲደ፣ አብመሌካና ኦለቲዳ።

40 አብመሌክ የደርሰና፣ ጋእል ባቃቲዳ፤ ካታማ ገልያ ጥንግያ ጋካናወ ዳራቲ ደሸቲደ ኩንዴድኖ።

41 አብመሌክ አረኛን ደእና፣ ዛቡል ጋእል ኦ አሻቲዋ ሰኩማጥ የደርሲደ ከሴዳ።

42 ዋንታላ ጋላሲ ሰኩማ አሳይ ጎሻወ ቤዳዋ አብመሌክ ሰሴዳ፤

43 ባረ አሳ አኪደ፣ ሄኩ ጭታን ሻክ፣ ሾይቃን ሙጊደ ናጋናዳን ኦጹዳ። ያቲደ አሳይ ካታማጥ ከሰያዋ በኤዳ ዎደ፣ አንቲንታ ዎጻናወ ቆሰቲዳ ሳጥ ከሴዳ።

44 አብመሌክ ኦ አናና ደእያ ጭታይ ሰንጻወ ዎጽ ቢደ፣ ካታማ ገልያ ጥንግያን ኤቁድኖ፤ አቲዳ ላኡ ጭታቲ ጎሻን ደእያ አሳቲዋ ኦለቲደ ዎጄድኖ።

45 ጋሳሳ ኡባ አብመሌክ ካታማ አሳና ኦለቲደ ካታማ ኦይቁዳዋጥ ጉይያን፣ ካታማን ደእያ አሳ ኡባ ዎጄዳ። ያቲደ ካታማ ክንቹዳ፤ ኡባ ጋድያ ቦላ ማጽንያ ዛሬዳ።

46 ሰኩማ አዲሳ ግምቢያ ግዳዋን ደእያ አሳይ ኡባይ ሄዋ ሰሴዳ ዎደ፣ ኤል-ባሪታ ኤቃ ጎለን ደእያ ጌሱዋ ግደ ገሌዳ።

47 አንቲንቲ ሄ ሳእን ሸቄዳዋ አብመሌክ ሰሴዳ።

48 እነ አናና ደእያ አሳይ ኡባይ ደርያ ጸልሞና ፑደ ከሴድኖ። አብመሌክ ካልታ አኪደ፣ ሞላ ታሽያ ቃንጺደ፣ ባረ ሀሽያን ቶኬዳ፤ ባረናና ደእያ አሳቲዋ፣ “ታን ኦልሸን በኤዳዋ፣ ሀንተንቲካ ኤካ ሀእ ኦለተ” ያጌዳ።

49 ሄዋጥ ጉየ አሳይ ኡባይካ ሞላ ታሽያ ቃንጽ አኪደ፣ አብመሌካ ካሌዳ፤ ሄ ታሸቲዋ ጌሱዋ ዩሹዋን ዘምጥሰ ዎላደ፣ አሳይ እ ግድን ደእሸን ታማ ኦይቁድኖ፤ ያትና፣ ጌሱዋ ግደን ደእያ አሳይ ኡባይ ሀይቁ ወሬዳ። ሀይቁዳ አቲማ አሳን ማጫ አሳ ፓይዱ እት ሻእ ግዳናዋ።

50 ሄዋጥ ጉይያን፣ አብመሌክ ተበጻ ጌተትያ ካታማ ቢደ፣ ካታማ ደዲደ ኦይቁዳ።

51 ሄ ካታማ ግደን እት ሞኖ አዲሳ ግምቢ ደኤ። ካታማ አሳይ ኡባይ፣ ማጫዌ አቲማዌ፣ ካለልያዋንቲ አተናን ሄ አዲሳ ግምቢያን ያ ዎጺደ፣ እ ግደ ገሌድኖ፤ ጥንግያ ጎርዲደ፣ ግምቢያ ቦላ ደምባዪደ ኬጾድኖ ፑደ ከሴድኖ።

52 አብመሌክ ኦለቲደ አዲሳ ግምቢያ ጋኪደ፣ ታማን ጸጋናወ ጥንግያን ሸቄዳ።

53 ሸን እት ሞሽራታ አብመሌካ ሀጺያን ዎጻ ማይድና ጎንደርሳ ኦላደ፣ እ ጉግያ ሆምፑ ኦላዳ።

54 ባረ ኦላ ሚሻ ቶክያ ዎዳላ ኤካካ ጸጊደ፣ “ታና አሳይ፣ ኤቤል ማጫውና ዎጻዳ፣ ጌና ማላ፣ ነ ማሻ ሸኩዋጥ ሸዳደ፣ ታና ዎጻ” ያጌዳ። ሄዋጥ ጉየ ዎዳላይ ማሻን ጫዲና እ ሀይቁዳ።

55 አሰራኤልያ አሳይ ኡባይ አብመሌክ ሀይቁዳዋ በኢደ፣ ባረ ሶ ባረ ሶ ቤዳ።

56 አብመሌክ ባረ አሻቲዋ ላፑን ታማቲዋ ዎጺደ፣ ባረ አወዋ ቦላ ኦጹዳ ጎምያ ጸሳይ እ ቦላ ዛሬዳ።

57 ሄዋዳንካ፣ ጸላይ ስኬማ አሳ ኢታተላ ኡባ ኡንቱንቱ ቦላ ዛሬዳ። ሄዋዳን ሀኒደ፣ ጌዶና ርኣይ ዮኣታመ ሸቄዳ ሸቃይ ኡንቱንታ ጋኬዳ።

### 10

#### ቶላእ

1 እብመሌክ ሀይቄዳዋፕ ጉይያን፣ ዶዶ ናእ ፑሀ ናክይ ቶላእ እስራኤልያ እሻናዉ ደንዴዳ። እ ይሳሰራ ዛርያ ግዴዳ፣ ኤፍሬማ ገዝያን ሻሚራ ግያ ሳን ደኤዳ።

2 ቶላእ እስራኤልያ አሳ ላታማን ሄዙ ላይላዉ ፕርድያ ዳና ግዴዳ። ቶላእ ሀይቄዳ፣ ሻሚራን ሞገቲዳ።

#### ያኢራ

3 ቶላአፕ ካሊደ፣ ጋላኣድያ ያኢር ደንዴዳ፤ እስራኤልያ አሳ ላታማን ላኡ ላይላዉ ፕርድያ ዳና ግዴዳ።

4 ሀታሙ ሀረቱዋ ቶግያ ሀታሙ አቱማ ናናይ ደኢኖ፤ ኡንቱንቱ ጋላኣደ ጋድያን ሀታሙ ካታማቱ ደኢኖ። ሄ ካታማቱ ሆቼ ጋካናዉ ሀቦት-ያኢራ ካታማቱዋ ጌተቲደ ጸሰቲኖ።

5 ያኢር ሀይቄዳ፣ ቃሞናን ሞገቲዳ።

#### ዮፍታሀ

6 እስራኤልያ አሳይ መቅና ጎዳ ሰንላን ቃይካ ኢታባ ኦፊዳ፤ ኡንቱንቱ ባኣላን አሰታርታ ጌተትያ ኡቃቶን ሶርያ ጸሳቶ፣ ሲዶና ጸሳቶ፣ ሞኣበ ጸሳቶ፣ አሞናቱዋ ጸሳቶን ፕልሰጾማ ጸሳቶ ጎይኔድኖ። ኡንቱንቱ መቅና ጎዳ እግ ባሺድኖ፤ አዉ ጎይንያዋካ አጌድኖ።

7 ያትና፣ ጸላይ እስራኤልያ አሳ ቦላ ሀንቀቲደ፣ ኡንቱንታ ፕልሰጾማ አሳቶን አሞና አሳቶ አሊደ እሚዳ።

8 ሄ ላይላን እስራኤልያ አሳ ኡንቱንቱ ናቄድኖን ኡቁኔድኖ። ዮርዳኖሳ ሻፋፕ ሄፍንላ አዋይ ዶልያ ባጋን፣ አሞራዋናቱ ካሰ ደኤዳ ጋላኣደ ጋድያን ደኤዳ እስራኤልያ አሳ ኡባ ኡንቱንቱ ታማን ሆሰፑን ላይላ ኡቁኔድኖ።

9 አሞና አሳቱ ቃይካ ይሁዳ፣ በንያማን ኤፍሬማ ዘረላ ኦላናዉ ዮርዳኖሳ ሻፋ ፕኔድኖ፤ ያትና፣ እስራኤልያ አሳይ ሎይላ ኡንኡቲዳ።

10 ሄዋፕ ጉይያን እስራኤልያ አሳቱ፣ “ኑን ኔና ኑ መቅና ጎዳ አገደ፣ ባኣላ ኡቃቶ ጎይኒደ፣ ኔና ናቄዳ” ያገደ ጸሳዉ ዋሲድኖ።

11 መቅና ጎዳይ ኡንቱንቶ፣ “ግብጾቱ፣ አሞራዋናቱ፣ አሞናዋቱ፣ ፕልሰጾማቱ፣

12 ሲዶናቱ፣ አማሌቃቱን ማኦናቱ ሀንተንታ ኡቁንና፣ ታዉ ዋሴድታ፤ ታን ሀንተንታ ኡንቱንቱ ኩሽያፕ አሻበይክታ?

13 ሽን ሀንተንቱ ታና አገደ፣ ሀራ ጸሳቶ ጎይኔድታ። ሄዋ ድራዉ፣ ታን ሀንተንታ ኡባካ አሽከ።

14 ቢደ ሀንተንቱ ዶሬዳ ጸሳቶ ዋሰተ። ሀንተንቱ መቱዋ ዋድያን ኡንቱንቱ ሀንተንታ አሽኖ” ያገደ ዛሬዳ።

15 ሽን እስራኤልያ አሳይ ዛረሊደ መቅና ጎዳ፣ “ኑን ናጋራ ኦፊዳ። ነዉ ሎኦ ማላትያዋ ኑ ቦላ ከተታ፤ ሽን ሀያና፣ ሆቼ ኑና አሻ” ያገደዳ።

16 አላጋ ጸሳቱዋ ባረንቱ ግደፕ ድገደ፣ መቅና ጎዳዉ ጎይኔድኖ። እስራኤልያ አሳይ ቱጋቲዳዋ ጸሳይካ ሰሌቲዳ።

17 ሄዋፕ ጉይያን፣ አሞናቱዋ ኦላንቻቱ ኦላዉ ገገደ፣ ጋላኣደን ሸቄድኖ፤ እስራኤልያ አሳይካ እትፕ ሸቄዳ፣ ጋላኣደን ሞጽጸ ግያ ሳን ሸቄዳ።

18 ጋላኣደ ጋድያ አሳይን ካፓቱ ባረንቱ ግደን፣ “አሞናቱዋ ኦላንቻቱዋና ኮይርቲደ ኦላ ጋከታናዋ ኦኔ? ሄ ኡራይ ጋላኣደ ጋድያን ደኢያ አሳዉ ኡባዉ ካቱዋ ግዳናዋ” ያገደድኖ።

### 11

1 ጋላኣድያ ዮፍታሄ ሞኖ ኦላንቻ። እ አዉ ጋላኣደ፤ ሽን እ ዳያ ሻርሙጽያ ማጫ አሳ።

2 ጋላኣደ እኬዳ ማቻታካ አዉ አቱማ ናና ዮላዲ። ኡንቱንቱ ድጭ ጋኬዳ ዋደ፣ ባረንቱ እሻ ዮፍታሀ፣ “ኔን ሀራ ሞሽራት ናእ ግዴዳ ድራዉ፣ ኑ አዉዋ በታፔ እያን ላታካ” ያገደ ሶይፕ ዩረርሴድኖ።

3 ያትና፣ ዮፍታሄ ባረ እሻቱዋፕ ባቃቲደ፣ ጸባ ጌተትያ ጋድያን ደኤዳ። ያን እ ደኢሸን፣ አማራዳ ሹፋር አሳቱ እኮ ሸቄዳ፣ እ ካሊድኖ።

4 አማራዳ ዋድያፕ ጉይያን፣ አሞናቱ እስራኤላቱዋና ኦላቲድኖ።

5 አሞናቱ እስራኤልያ አሳና ኦላቲዳ ዋደ፣ ጋላኣደ ጋድያ ጭማቱ ጸባ ጋድያፕ ዮፍታሀ ዛር አሀናዉ ቤድኖ።



6 ኢንቲንቴ እ፡ “ሃያ፡ አሞናቱዋ ኑን ኦላና ማላ፡ ያደ ኑዉ ጋደዋ ግዳ” ያጌድኖ።

7 ሃዋጥ ጉዮ ዮፍታሂ ጋላእደ ጭማቱዋ፡ “ታና እጸደ፡ ታ አዉዋ ጎልያጥ የደርሴዳዌ ህንተንታ ግድክቱ? ሀእ መቱዋን ገሊደ፡ ታኮ እያዉ ዬድቱ?” ያጌድኖ።

8 ሃዋጥ ጉዮ ጋላእደ ጭማቱ እ፡ “ግደጥነ፡ ሀእ ኑን ኔኮ ሰሜደ፤ እያዉ ጎጥ፡ ኔን ኑናና ኦላ ባደ፡ አሞናቱዋ ኑ ኦላና ማላን ጋላእደ አሳ ኡባዉ ኔን ካፑዋ ግዳና ማላ፡ ኔን ኮዬቶ” ያጌድኖ።

9 ሃዋጥ ጉዮ ዮፍታሂ፡ “አሞናቱዋና ኦላታናዉ ህንተንቱ ታና ጉዮ ሰ ዘርና፡ መፅና ጎዳይ ኢንቲንታ ታ ኩሽያን አሊደ አሞጥ፡ ታን ቱሙ ህንተንቱ ካፑዋ ግዳና” ያጌድኖ።

10 ጋላእደ ጭማቱ ዮፍታህ፡ “መፅና ጎዳይ ኑ ግዳዋን ማርካ! ኔን ግያዋ ቱሙ ኑን ኦላና” ያጌደ ዘሬድኖ።

11 ያትና፡ ዮፍታሂ ጋላእደ ጭማቱዋና ቤዳ፤ አ ባርንቱ ካፑዋን ጋደዋ ኦልድኖ። ዮፍታሂ ሞጽጸን መፅና ጎዳ ሰንላን ሀ የዉዋ ኡባ ሃሳዬዳ።

12 ሃዋጥ ጉይያን፡ ዮፍታሂ አሞናቱዋ ካትያኮ አሳ ከቲደ፡ “ኔን ኑ ጋድያ ቦላን ዎራጄዳዌ እያ ጋሱዋኔን?” ያጌደ ኦሽሴዳ።

13 ዮፍታሂ ከቲዳ አሳቶ አሞናቱዋ ጋድያ ካቲ ዘሬደ፡ “አሰራኤልያ አሳይ ግብጹ ጋድያጥ ከሴዳ ዎደ፡ አርኖና ሻፋጥ ደሚደ፡ ያቦቃ ሻፋ ጋካናዉ፡ ቃይ ዮርዳኖሳ ሻፋ ጋካናዉ ደእያ ታ ጋድያ እኩዳ። ሀእ ታ ጋድያ ሳሩዋን ዘርተ” ያጌድኖ።

14 ዮፍታሂ ላኢንሱዋ አሞናቱዋ ካትያኮ አሳ ከቲዳ።

15 ሀዋዳን ያጌዳ፤ “አሰራኤልያ አሳይ ሞኦበ ጋድያ ዎይ አሞና ጋድያ አክቤና።

16 አሰራኤልያ አሳይ ግብጹ ጋድያጥ ከሴዳ ዎደ፡ መላ ቢታ አፎ ቢደ፡ ዞኑ አባ ጋኩዳ፤ ሃዋጥ ቃይ ቃዳሳ ግያ ሳኦ ዬዳ።

17 አሰራኤልያ አሳይ ኤደማ ጋድያ ካትያኮ አሳ ከቲደ፡ “ነ ቢታና ኑና አላርኪ” ያጌዳ፤ ሽን ኤደማ ካቲ አርኖና እጾዳ። ሃዋዳንካ፡ ሞኦበ ካትያኮ ከቲና፡ አካ አርኖና እጾዳ። ያትና፡ አሰራኤልያ አሳይ ቃዳሰን ጋምኤዳ።

18 “ሃዋጥ ጉይያን መላ ቢታና አፋደ፡ ኢንቲንቱ ኤደማን ሞኦበ ቢታቱዋ ዩደደ፡ ሞኦበ ጋድያጥ አዎደ ደልያ ባጋና ዬድኖ፤ አርኖና ሻፋጥ ሄፍንላ ባጋና ደእያ ሳኦን ዲንካኔድኖ፤ ሽን አርኖና ሻፋይ ሞኦበ ዘዋ ግዳዳ ድግዉ፡ ሞኦበ ባጋ ፕንበይክና።

19 “ሃዋጥ ጉይያን፡ አሰራኤልያ አሳይ ሃሰቦና ጌተትያ ካታማን ደእያ አሞራዋናቱዋ ካትያ ሰሆናኮ አሳ ከቲዳ ኢንቲንቱ፡ ሳሆና፡ ነ ቢታና ኑና ኑ ጋድያ አላርኪ” ያጌድኖ።

20 ሽን ሰሆን አሰራኤልያ አሳ አላናዉ አማንቤና። አ ባር አሳ ኡባ ሺሺደ፡ ያሃጻ ግያ ሳን ዲንካኒደ፡ አሰራኤልያ አሳና ኦላቲዳ።

21 መፅና ጎዳይ አሰራኤልያ ጸሳይ ሰሆናን አ አሳ ኡባ አሰራኤልያ አሳ ኩሽያን አሊደ አሞና፡ ኢንቲንታ ጸኔድኖ፤ ያን ደኤዳ አሞራዋናቱዋ ቢታ ኡባ ላቲድኖ።

22 አርኖና ሻፋጥ ቢደ፡ ያቦቃ ሻፋ ጋካናሰን መላ ቢታጥ ቢደ፡ ዮርዳኖሳ ሻፋ ጋካናዉ ደእያ አሞራዋናቱዋ ጋድያ ኡባ ኦሞዲደ እኩድኖ።

23 “ሃዋዳን ኦሊደ፡ መፅና ጎዳይ አሰራኤልያ ጸሳይ ባር አሳ አሰራኤልያ ሰንላጥ አሞራዋቱዋ የደርሴደ ጳይሴዳ። ያትና፡ ኔን ነዉ አካናዉ ዋና ቆገዲ?”

24 ኔን ነ ጸሳይ ካሞሽ ነዉ አምያዋ አክኪ? ሃዋዳንካ፡ ኑን መፅና ጎዳይ ኑ ጸሳይ ኑዉ አሜዳዋ ኡባ ላቲደ ደእና።

25 “ኔን ጸገራ ናኦ ሞኦበ ካትያ ባላቃጥ ሞናይ? አ አሰራኤልያ አሳና ዋላቀቲደ ዎይ ኦላቲዳ?

26 “አሰራኤልያ አሳይ ሃሰቦና፡ አርኤራን ኢንቲንቱ የሹዋን ደእያ ካታማቱዋ ኡባ፡ ሃዋዳንካ፡ ቃይ አርኖና ሻፋ ጋጸን ደእያ ካታማቱዋ ኡባ ላቲደ፡ ሄዙ ጾቱ ላይላ ደኤድኖ። ያትና፡ ሄ ዎደ እያዉ ዎሐ አክበይክቱ?

27 ታን ታ ባጋና ህንተንታ እያን ናቃበይከ፤ ሽን ታና ኦላ ኦላደ ናቃይዋ ኔና። ፕርድያ መፅና ጎዳይ ሀቼ አሰራኤልያ አሳጥን አሞና አሳጥ ግዳዋን ፕርድ” ያጌድኖ።

28 ሽን ዮፍታሂ ከቲዳ ከታ አሞናቱዋ ካቲ ሰሰናን እጾዳ።

29 ሄ ዎደ መፅና ጎዳይ እያናይ ዮፍታሂ ቦላ ዎፅና፡ ጋላእደን ሞናሰ ቢታቱዋ ፕን ቢደ፡ ጋላእደ ጋድያን ደእያ ሞጽጸ ሰሜዳ፤ ሃዋጥ ኦላንቻቱዋ ካላሊደ፡ አሞናቱዋ ጋድያ ቤዳ።

30 መፅና ጎዳ ሸቆዋ ሸቆቲደ፡ “ኔን አሞናቱዋ ታ ኩሽያን አላደ አሞጥ፡

31 ኦላን ጸናደ ታን ሰ ሰምያ ዎደ፡ ታና ሞካናዉ ታ ሶጥ ከሰምያ እያን ግድና ኔሳ፤ ታን አ ነዉ ጹግያ ያርሹዋ ኡዳደ ሺሻና” ያጌድኖ።

32 ሃዋጥ ጉይያን፡ ዮፍታሂ አሞናቱዋ ኦላናዉ ያ ባጋ ሃላ ፕኒደ ቤዳ፤ መፅና ጎዳይ ኢንቲንታ አ ኩሽያን አሊደ አሜዳ።

33 እርኤራጥ ደሚደ፣ ቢደ ሚኒታጎ እቤል-ካራሚማ ማታ ጋካናው፣ ላታሙ ካታማቱዋ ኦለቲደ ባይዜዳ፤ ዳር አሳ ዎቋ ወርሲዳ። ሄዋጥ ጉይያን፣ እሞናዋቱ እስራኤላቶ ዋደቲድና።

**ዮፍታሄ ናቶ**

34 ዮፍታሄ ምጽጸን ደእያ ባረ ሶ ሰሜዳ ዎደ፣ ኮይርታደ አ ናታ ካባሩዋ እይቃደ የጸደነ ዱራደ አ ሞካናው ከሳዳ። እወ አጥ ሀራ ናአ ባዎ።

35 እ እዘ በእዳ ዎደ፣ ካዩዋን ባረ ማዩዋ ፔቋደ፣ “ሀይ ሃራ ታ ናተ! ታና ካወሻ ድጋዳ፤ ታና ጋክያ መቶ ኔን ጋሶ ግዳዳ። እያወ ሳጥ፣ ታን መቋና ጎዳወ ሸቀታ ኡታድ፤ ሄዋ ሸቁዋ ጋርናን አጋናወ ዳንዳይከ!” ያጌዳ።

36 ሄዋጥ ጉዮ ናታ፣ “ታ አዎ፣ ኔን መቋና ጎዳው ሸቀቲዳዋ ግደጥ፣ መቋና ጎዳይ ነ ሞርከቱዎ፣ አሞናቱዋ ቦላ ነ ሀሉዋ ከሴዳ ድራው፣ ኔን ሸቀቲዳዋ ታ ቦላ ፖላ” ያጋዳ።

37 ቃይካ አ ባረ አወዋ፣ “ታወ እትባ ኦላርከ። ታን ሙላ አሰና ገለናን አትያ ድራው፣ ታ ላገላቱዋና ባደ ደረቱዋ ቦላ ታ ዎደርተላወ ዬካና ማላ፣ ላኡ አግናወ ታና የዳርከ” ያጋደ ኦቻዳ።

38 እ፣ “ባ” ያጌደ፣ ላኡ አግናወ የዴዳ፤ እዛ ባረ ላገላቱዋና ደርያ ሀጺያ ከሳደ ባረ ዎደርተላወ ኡንቲንቱና ዬካዳ።

39-40 ላኡ አግናጥ ጉይያን፣ ባረ አወዋኮ ሰማደ ያዳ፤ ጸሳወ ባረ ሸቀቲዳ ሸቁዋ ጋሌዳ። እዛ ኡባካ አቱማ አሳን ጋከተናን አታዳ።

ሄ ዎድያጥ ደሚደ፣ እስራኤላቱ ማጫ ናናይ ላይላን ላይላን አይዱ ጋላሳ ባረንቱ ሶጥ ሃክ ቢደ፣ ጋላኦድያ ዮፍታሄ ናትወ ዬክያዌነ ካዮትያዌ ሜዘ ግዳዳ።

**12**

**ዮፍታሀን ኤፍሬማ አሳ**

1 ኤፍሬማ አሳይ ኦላ ባናወ ጸገቲደ፣ ዮርዳኖሳ ሻፋ ጥጌደ፣ ጸርና ጌተትያ ካታማ ጋከዳ ዎደ፣ ዮፍታሀ፣ “አሞናቱዋ ኦላናወ ዛዋ ጥናደ ባደ፣ ኔናና ባናዳን እያወ ኦና ጸሳባይከ? ኦንካ ነ ጎልያ ነ ቦላ ታማን ጹጋና” ያጌድና።

2 ሄዋጥ ጉዮ ዮፍታሄ ኡንቲንታ፤ “ታንጎ ታ አሳይ አሞናቱዋና ሎይላ ዋጭቲዳ ዎደ፣ ታን ሀንተንታ ጸሳድ፤ ሸን ሀንተንቲ ታና ኡንቲቱጥ አሸበይክታ።

3 ሀንተንቲ ታና አሸናዋ በኤዳ ዎደ፣ ዛዋ ጥናደ ታ ሸምፖ ቃረተናን አሞናቱዋ ኦላናወ ባድ፤ መቋና ጎዳይ ኡንቲንታ ታ ኩሸንን እሌደ አሜዳ። ያትና፣ ሀንተንቲ ሀቼ እያወ ታና ኦላናወ ዬድቲ?” ያጌዳ።

4 ሄዋጥ ጉይያን፣ ዮፍታሄ ጋላኦድ አሳ ኡባ ሸሺደ፣ ኤፍሬማ አሳና ኦለቲዳ፤ ጋላኦድ አሳቱ ጸኔድና። እያወ ሳጥ፣ ኤፍሬማ አሳይ ካሰ ኡንቲንታ፣ “ሀንተንቲ ጋላኦድን ደእያ አሳቱ ካሰ ኤፍሬማ ዛራቱዋጥን ምናሰ ዛራቱዋጥ በቲደ ዬዳዋንታጥ አትና፣ ሀራቱዋ ግድክታ” ያግ ዎሌዳ።

5 ኤፍሬማ አሳይ ባቃተናዳን፣ ዮርዳኖሳ ሻፋ ጥንቁ ኡባ ጋላኦድቱ እይቁድና፤ ባቃታናወ ኮይያ ኤፍሬማ አሳይ ኦንጎ ጥናናወ ኦቻያ ዎደ ጋላኦድቱ፣ “ኔን ኤፍሬማ አሴ?” ያጌደ ኦቻና፣ “ግድከ” ሳጥ።

6 “እን፣ ‘ሸቦላቱዋ’ ጋ” ያጌና። ሸን እ፣ “ሸ” ግያ ጥድልያ ሎይላ ጸጋናወ ዳንዳየና ድራው፣ “ሰቦላቱዋ” ያጌ። ሄ ዎደ እይቁደ፣ ዮርዳኖሳ ሻፋ ጥንያሳን ዎቋዳ። ሄ ዎደ ያን ኤፍሬማ አሳጥ ኦይታማን ላኡ ሻእ አሳይ ሀይቁዳ።

7 ዮፍታሄ እስራኤልያ አሳ ቦላን ዳናቲደ፣ ኡሱፑን ላይላ ጥርዴዳ። ሄዋጥ ጉይያን፣ ጋላኦድያ ዮፍታሄ ሀይቁዳ፤ ጋላኦድን ደእያ ባረ ካታማን ሞገቲዳ።

**እብጻና**

8 ዮፍታሄጥ ካሊደ፣ ቤተሌመ እብጻን እስራኤልያ አሳ ቦላ ጥርድያ ዳና ግዳዳ።

9 እብጻናወ ሀታሙ አቱማዋ ናናይን ሀታሙ ማጫ ናናይ ደእኖ፤ እ ባረ ማጫ ናና ባረ ያራ ግደና አቱማ ናናቶ አሜዳ፤ ባረ አቱማ ናናቶካ ባረ ያራ ግደና ማጫ ናና ገግሲደ አሄዳ። እብጻን እስራኤልያ ቦላ ላፑን ላይላ ዳናቲደ ጥርዴዳ።

10 ሄዋጥ ጉይያን ሀይቁደ፣ ቤተሌመ ካታማን ሞገቲዳ።

**ኤሎና**

11 እብጻናጥ ካሊደ፣ ዛብሎንያ ኤሎን እስራኤልያ አሳ ቦላ ዳናቲደ፣ ታሙ ላይላ ጥርዴዳ።

12 ሄዋጥ ጉይያን ሀይቁዳ፤ ዛብሎና ጋድያን ደእያ እያሎና ካታማን ሞገቲዳ።

**እብደና**

- 13 ኤሎናፕ ካሊደ፣ ሀሌላ ናአይ አብደን፣ ፕርአቶና ግያ ሳን ደኤዳዌ፣ እስራኤልያ ቦላ ፕርድያ ዳና ግዴዳ።
- 14 እብደናወ ላፑን ታሙ ሀረቱዋ ቶግያ ኦይታሙ አቱማ ናናይ ሀታሙ ናናቱዋ ናናይ ደኤና፤ አብደን እስራኤልያ አሳ ቦላ ዳናቲደ፣ ሆሰፑን ሳይላ ፕርዴዳ።
- 15 ሄዋፕ ጉይያን፣ ሀሌላ ናአይ አብደን ሀይቄዳ፤ አማሌቃቱዋ ገዝያን ኤፍሬማ ጋድያን ደኤያ ፕርአቶናን ሞገቲዳ።

### 13

#### ሳምሶን የለቲዳ

- 1 እስራኤልያ አሳይ መድና ጎዳ ስንሳን ቃይካ ኢታባ ኦሌዳ። ያትና፣ መድና ጎዳይ ኡንቱንታ ኦይታሙ ላይላዉ ፕልሰጾማ አሳ ኩሽያን አሊደ አማዳ።
- 2 ሄ ዋይ ጸርአ ጌተትያ ካታማን ማኑሀ ጌተትያ እት ብታኒ ደኤ። አ ዳና ዛር፤ አ ማቻታ ማንላቶ ግዴዳ ድራዉ፣ ናአ የላቦይኩ።
- 3 እት ጋላሰ መድና ጎዳ ኪታንቻይ ሄ ማቻትዉ ቤቲደ፣ ሀዋዳን ያጌዳ፤ “በአ፣ ኔን ናአ የላቦና ማንላቶ፤ ሽን ነዉ የሉ አታናዋ፤ ኔን አቱማ ናአ የላና።
- 4 ሄዋ ድራዉ፣ ዋይንያ ኤሳ ዋይ ማላይያ ኡሻ ኡሽናዳን፤ ቱናባ እያን ሜናዳን ናገታ።
- 5 ነዉ የሉ አትና፣ ኔን አቱማ ናአ የላና። ናአይ የለትያ ዋድያፕ ደሚደ፣ ጸሳዉ ዲማቴዳ ናዝራዌ ግድያ ድራዉ፣ አ ብናና ኡባካ ሚዴፓ። አ እስራኤልያ ፕልሰጾማ አሳ ኩሽያፕ አሻናዉ ደማና” ያጌዳ።
- 6 ሄዋፕ ጉይያን ሞሽራታ ባደ፣ ባረ አሰናዉ ሀዋዳን ያጋይ ኦዳዳ፤ “ጸሳ አሳ አቱ ታኮ ዬዳ፤ አዉ ማላይካ ጸሳ ኪታንቻ ማላ ማላ ሎይላ ያሽያዋ። አ ሀቃፕ ዬደንቶካ ታን አ ኦቻቦይከ፤ እካ ባረ ሱንላ ታዉ ኦድቤና።
- 7 ሽን አ ታና፣ ናዉ የሉ አትና፣ ኔን አቱማ ናአ የላና። ናአይ የለቶደፕ ደሚደ ሀይቃና ጋካናዉ፣ ጸሳዉ ዲማቴዳ ናዝራዌ ግድያ ድራዉ፣ ዋይንያ ኤሳ ዋይ ማላይያ ኡሻ ኡሽ፤ እያን ቱኔዳባ ዋፓ” ያጌደ ኦዳዳ።
- 8 ሄዋፕ ጉይያን ማኑሄ፣ “አቤት መድና ጎዳዉ፣ ናአይ የለትያ ዋይ እያ ኦላናዉ ኮሽንቶ ኤርሳና ማላ፣ ኔን ካሰና ኪቲዳ ጸሳ አሳይ ኑኮ ሰሚደ ያናዳን ኦላርኪ” ያጌደ ጸሳ ዋሴዳ።
- 9 መድና ጎዳይ ማኑሄ ዋሳ ሰሴዳ። ማጫ ሞሽራታ ጋደን ኤታ ደኤሽን ላኢንሉዋ ዬዳ፤ ሽን ሄ ዋይ አ አሰናይ ማኑሄ እዘና ደኤና።
- 10 ማጫ ሞሽራታ ኤላካ ባረ አሰናኮ ባደ፣ “በአ፣ እን ጋላሰ ታኮ ዬዳ ብታኒ ሀቻካ ሀዋን ደኤ” ያጋዳ።
- 11 ሄዋፕ ጉዮ ማኑሄ ኡቲዳ ሳፕ ደንዲደ፣ ባረ ማቻቶ ካሊደ ቤዳ፤ ጋኪደ፣ ብታንያ፣ “አን ታ ማቻትና ሃሳዬዳዌ ኔኔ?” ያጌደ ኦቻዳ።
- ብታኒ፣ “ኤ ታና” ያጌዳ።
- 12 ሄዋፕ ጉዮ ማኑሄ፣ “ኔን ኦዳዳ ቃላይ ፖለትያ ዋይ፣ የለታና ናአ ደኤ ኦሶ ዋጋይ አዬ?” ያጌደ አ ኦቻዳ።
- 13 ሄዋ ድራዉ መድና ጎዳ ኪታንቻይ፣ “ነ ማቻታ ታን ኦዳዳ ኡባባፕ ናገቲ።
- 14 ዋይንያ ቱራፕ ከሰያባ እያን ሙፑ፤ ዋይንያ ኤሳ ዋይ ማላይያ ኡሻ ኡሽ፤ እያን ቱኔዳባ ሙፑ። ታን እዘ አዛዜዳዋ ኡባ ፖሎ” ያጌደ ዛሬዳ።
- 15 ማኑሄ ቃይ መድና ጎዳ ኪታንቻ፣ “ኑን ነዉ እት ያላጋ ዴሻ ሹኪደ ገግሳናዉ፣ ሀያና ታካርኪ” ያጌዳ።
- 16 መድና ጎዳ ኪታንቻይ ዛሬደ፣ “ታን ታክንቶካ፣ ነ ቁማ ሚከ። ሽን ኔን ጸግያ ያርሹዋ ገገሳና ኮዮፕ፣ መድና ጎዳዉ ያርሻናዉ ዳንዲያሳ” ያጌዳ። አ መድና ጎዳ ኪታንቻ ግድያዋ ማኑሄ ኤርቤና።
- 17 ማኑሄ ቃይካ ጸሳ ኪታንቻ፣ “ኔን ኦዳዳ ቃላይ ፖለትያ ዋይ፣ ኑን ኔና ቦንቻና ማላ፣ ነ ሱንላይ ኦኔ?” ያጌዳ።
- 18 ጸሳ ኪታንቻይ አ፣ “ታ ሱንላይ ማላልሰያዋ ግድያ ድራዉ፣ ኔን ታ ሱንላ እያዉ ኦቻይ?” ያጌደ ዛሬዳ።
- 19 ሄዋፕ ጉዮ ማኑሄ ሄ ዴሻን አ ካላ ያርሹዋ እኪደ፣ ዛላ ቦላ መድና ጎዳዉ ያርሹዳ። ማኑሄን አ ማቻታ ጸልሽን፣ መድና ጎዳይ ማላልሰያባ ኦሌዳ።
- 20 ያርሹዋ ያርሽያ ሳፕ ታማ ላጩ፣ ፑደ ፖሎላትሽን፣ መድና ጎዳ ኪታንቻይ ታማ ላጩዋ ግዲዋና ሳሉዋ ከሴዳ። ማኑሄን አ ማቻታ ሄዋ በኢደ፣ ዴሙዋ ሳአ ጋሊደ ጉፋኔድና።
- 21 መድና ጎዳ ኪታንቻይ ማኑሄዉን አ ማቻትዉ ላኢንሉዋ ቤተናን አገና፣ አ መድና ጎዳ ኪታንቻ ግዴዳዋ ማኑሄ ሄ ዋይ እኬኬዳ።

22 ማኑሄ ባረ ማቻቶ፣ “ኑን ጸሳ በኤዳ ድራው፣ ኑን ሀይቁያዌ ገሻ” ያጌዳ።

23 ሸን እ ዛራደ፣ “መቋና ጎዳይ ኑና ዋቆናዉ ኮዬዳዋ ግድንቶ፣ ጹግያ ያርሹዋን ካላ ያርሹዋ ኑ ኩሸያ፣ ለከና፣ ዋይ ሄ ኡባባ ኑና በሰና፣ ዋይ ሀዋ ኑ ኦደና” ያጋዱ።

24 ማጫ ሞሽራታ አቱማ ናኣ የላደ ሳምሶና ጋደ ሱንላዳ። ናኣይካ ድጩዳ፤ መቋና ጎዳይካ እ እንጃዳ።

25 ናኣይ ጸርአፕን ኤሽታኦፕፕ ግዲዋን ደእያ ዳና ሞላን ደእሸን፣ መቋና ጎዳ እያናይ እ ደን፳ሉዋ ደሜዳ።

# 14

## ሳምሶን ማቻቶ እኩዳ

1 እት ጋላሰ ሳምሶን ትምና ግያ ሳኣ ዋቆዳ፤ ያን እት ፕልሰጾማ ዋዶራቶ በኤዳ።

2 ሶይ ሰሚደ ባረ አዉዋን ባረ ዳዮ፣ “ታን ትምናን እት ፕልሰጾማ ዋዶራቶ በኣድ፤ ሀእ እዞ ታዉ ኦቹደ እምተ” ያጌዳ።

3 ሸን እ እዉን አታ አ፣ “ማቻቶ አቻናዉ ሀ ቃጻረትቤና ፕልሰጾማቱዋከ ባናዉ ነና እያዉ ኮሼዳ፣ ኑ ዳባቱ ግደን ዋይ ኑ አሳ ኡባ ግደን ነዉ ሀንያ እት ማጫ ናኣ ደማናዉ ዳንዳያበይኪ?” ያጌደ ኦቹድና።

ሸን ሳምሶን ባረ አዉዋ፣ “ታዉ እዛ ሎእያ ድራው፣ እዞ ገግሳደ ታዉ እማ” ያጌዳ።

4 ፕልሰጾማቱዋ ኦላናዉ መቋና ጎዳይ ጋሱዋ ኮዬደ፣ ሀዋ ኡንቱንቱ ቦላ ኦልያዋ ሳምሶና አዉን አታ ኤርበይክና። ሄ ዋደ ፕልሰጾማቱ አሰራኤልያ አሳ ሞዲና።

5 ሄዋፕ ጉይያን፣ ሳምሶን ባረ አዉዋናን ባረ አትና ትምና ዋቆዳ። ያን ዋይንያ ቱራ ግዲዋና እ አዲደ ቢሸን፣ እት ዋዳላ ጋሙ ጉዲደ እ ቦላ ከሴዳ።

6 መቋና ጎዳ እያናይ ሳምሶና ቦላን ዋልቃፕ ዋቆዳ፤ ዳሻ ማራ ዲሰረልያዋዳን፣ ባረ ኩሸያን እያን ሀይቁናን ጋሙዋ ዲሰረላ የጌዳ። ሄ ባረ ኦሌዳዋ ባረ አዋን ባረ አትዉ ኦድቤና።

7 ሄዋፕ ጉይያን ቢደ፣ ዋዶራቶ ሃሳይሴዳ፤ እዛ አዉ ሎእዳ።

8 ጉላ ዋድያፕ ጉይያን፣ እዞ ቡላቻናዉ ያ ሰሚደ ቤዳ፤ ባረ ዋቆዳ ጋሙዋ በእናዉ ኦግያፕ ሸርእ ጊደ ብያ ዋደ፣ ጋሙዋ አሃ ግደን ማሳይ ኤሳ ኤሴዳዋ በኤዳ።

9 ኤሳፕ አማራዳዋ ካሽ እኪደ፣ ኦግያን ሚደ ቤዳ። ባረ አዉዋከን ባረ ዳይኮ ጋኪደ፣ ባረ ኦይቄዳ ኤሳፕ አማራዳዋ እምና፣ ኡንቱንቱካ ሚድና፤ ሸን ሳምሶን ሄ ኤሳ ጋሙዋ አሃ ግደፕ እኪዳዋ ኡንቱንቶ ኦድቤና።

10 እ አዉ ሞሽራት ሶ ቢና፣ ሳምሶን ያን ባላ ገግሴዳ። ሄዋ ማላ ግብራይ ቡላቻዉ ካሰፕካ ኦልያ ዋጋ።

11 ሄ አሳይ እ በኤዳ ዋደ፣ አናና ጋምእናዳን ሀታሙ ዋዳላ ናና ደራዳ።

12 ሳምሶን ኡንቱንታ፣ “እነ ሀንተንቱ ኤርንቶን እት ቃንእሸያ ታን ሀንተንታ ቃንእሻይ፤ ቡላቻ ባላይ ቦንቹትያ ላዮን ጋላሳ ግዲዋን ሀ ቃንእሸያ ብርሸላ ታዉ ሀንተንቱ ኦድያዋ ግደፕ፣ ታን ሀንተዉ ሀታሙ ሱፍያ ቃምሸቱዋን ሀታሙ ኩመንላ ማዮቱዋ እምና።

13 ሸን ሀንተንቱ ታዉ ብርሸላ ኦዳናዉ ዳንዳያና ቆዮፕ፣ ሀንተንቱ ታዉ ሀታሙ ሱፍያ ቃምሸቱዋን ሀታሙ ኩመንላ ማዮቱዋ እማታ” ያጌዳ።

ሄዋፕ ጉዮ ኡንቱንቱ፣ “ኤና፣ ነ ቃንእሸያ እነ ኑ ኦዳ” ያጌድና።

14 እ ኡንቱንታ፣

“ምያዋፕ ሞያባይ ቤቱዳ፤ ሞኑዋ ግደፕ ማልእያባይ ከሴዳ” ያጌዳ።

ሄዛንላ ጋላሰ ጋካናዉ ኡንቱንቱ ቃንእሸያ ብርሸላ እምናዉ ዳንዳይበይክና።

15 ኦይደንላ ጋላሰ ኡንቱንቱ ሳምሶና ማቻቶ፣ “እነ ነ እሰና ጭማደ ቃንእሸያ ብርሸላ እ ኑዉ ኦዳናዳን ኦላ፣ ሄዌ ቆዮፕ፣ ኑን ኔና ነ አዉዋ ጎልያ ታማን ጹጋና። ሀንተንቱ ኑና ጴሴዳዌ ኑና ማንቆላናሴ?” ያጌድና።

16 ያትና፣ ሳምሶና ማቻታ ዬካደ እኮ ሸቃደ፣ “ኔን ታና ሲቃካ! ኔን ታና ሎይላ እጻሳ! እያዉ ጎፕ፣ ኔን ታ ጋድያ አሳ ቃንእሸያ ቃንእሻደ፣ እ ብርሸላ ታዉ ኡዳበይካ” ያጋዱ።

ሄዋፕ ጉዮ እ ዛራደ፣ “በእ፣ ሀዋ ታን ታ አዋካ ታ አትዉካ ኡዳበይክ። ያትና፣ ነዉ እያዉ ኦዳ?” ያጌዳ።

17 ሄዋፕ ጉዮ ቡላቻ ባላይ ቦንቹትያ ላዮን ጋላሳ ኡባን ዬካደ ሸምፑዋ ድግና፣ ላዮንላ ጋላሰ ቃንእሸያ ብርሸላ እዘዉ ኦዳዳ። አካ ባደ ባረ ጋደ አሳዉ ኦዳዳ።

18 ያትና፣ ላዮንላ ጋላሰ አዋይ ዉላናፕ ካሰ ካታማ አሳቱ ባረ ዛናዋ እኪደ ዪደ፣ ሳምሶና፣ “ኤሳፕ አዲደ ማልእያባይ አይ?”

ጋሙዋፕ አዲደ ሞንያባይ አይ?” ያጌድና።

ሄዋጥ ጉዮ ሳምሶን ኡንቱንታ።

“ሀንተንቱ ታ ኡሳትን ጎሽናባ ግድንቶ።

ታ ቃንአሽያ ብርሽሳ ኤርክታ ሸን” ያጌዳ።

19 ሄዋጥ ጉይያን፣ መቋና ጎዳ እያናይ አ ቦላን ዋልቃጥ ዋቋና፣ አስቃሎና ካታማ ዋቋደ፣ ሀታሙ አሳቱዋ ዋቋዳ፤ ኡንቱንቱ ማየዋ ቃር አኪደ፣ ቃንአሽያ ብሊደ አሳቶ አሂደ እሚዳ። ሀኔዳባን ኡባን ሀንቁዋ ኤጸቲደ፣ ባረ አወዋ ሶ ሰሚደ ቤዳ።

20 ሳምሶና ማቻታ አ ላግያዉ፣ አ ዋና ሚዛያዉ አመታዳ።

# 15

1 ጉላ ታክሸን፣ ዛርጋ ጫክያ ዋደ፣ ሳምሶን ባረ ማቻቶ በአናዉ እት አንቃራ ዴሻ አኪደ ቤዳ፤ አ አወዋ፣ “ታን ታ ማቻታ ደእያ ክፍልያ ገላናዉ ኮያድ” ያጌዳ።

ሸን አ ገለናዳን፣ እዝ አዉ ድጌዳ።

2 እዝ አዉ ሳምሶና፣ “ኔን እዝ ኡባ አጼዳዋ ማላትና፣ ነ ሚዛያዉ አማድ። ሸን አ ቴላ ሞቻታ ኢገካ አቆ ሎአ፤ እዝ ድራዉ እዝ አካ” ያጌዳ።

3 ሄዋጥ ጉዮ ሳምሶን ኡንቱንታ፣ “ሀሊ ሰም ፕልሰጾማ ጋድያ አሳ ቦላ ታን ኢታባ አፉጥ፣ ባይዛንቻ ግድከ” ያጌዳ።

4 ቢደ፣ ሄዙ ጾቱ ዋራካናቱዋ ኦይቂደ ላኡዋ ላኡዋ ዱፍያ እትጥ ጋሏደ፣ ዱፈቱዋጥ ግዱዋን ዪጨቴዳ ጸምጥያ ዋሏደ ቃቹዳ።

5 ሄዋጥ ጉይያን፣ ቃሸቱዳ ጸምጥያን ታማ ኦይሏደ፣ ብር ጫክትቤና ፕልሰጾማ አሳ ካላ ግደ ዋራካናቱዋ የዴዳ፤ ጫክቱዳ ካላ፣ ኤቁዋን ደእያ ካላ፣ ዋይንያ ቱራቱዋን ዋጋራ ጹጌዳ።

6 ፕልሰጾማቱ፣ “ሀዋ አሌዳዌ ኦኔ?” ያጌደ አቹድና።

ሸን አሳይ፣ “ሳምሶን አሌዳ፤ አያዉ ጎጥ፣ ትምና አሳ ግድያ አ ቦሎ፣ አ ማቻቶ አ ሚዛያዉ አሚዳ ድራሳ” ያጌዳ። ፕልሰጾማቱ ቢደ፣ ኦዉን አ አወዋ ታማን ጸጌድና።

7 ሳምሶን ኡንቱንታ፣ “ሀንተንቱ ሄዋ አሌዳ ድራዉ፣ ሀሉዋ ከሰናን አግከ” ያጌዳ።

8 ኡንቱንታ ዋልቃማ ሾቻ ሾጨደ፣ ዳርቱዋ ዋቋዳ። ሄዋጥ ጉይያን ቢደ፣ ኤጸማ ጌተትያ ኮሽያን ደእያ ዛላ ጎንጎሉዋ ግደን ጋምኤዳ።

**ሳምሶን ፕልሰጾማቱዋ ጸኔዳ**

9 ሄዋጥ ጉይያን፣ ፕልሰጾማ አሳይ ዪደ፣ ይሁዳን ዲንካኒደ ለሀ ጌተትያ ካታማ ኦሌዳ።

10 ይሁዳ አሳይ ኡንቱንታ፣ “አያዉ ኦና ኦላናዉ ዬድቱ?” ያጌደ አቹድና።

ሸን ኡንቱንቱ፣ “ኦን ሳምሶና ኦይክ ቃቻናዉን አ ኦ ቦላ አሌዳዋዳን አ ቦላ ኦላናዉ ዬደ” ያጌደ ዛራድና።

11 ያትና፣ ይሁዳጥ ሄዙ ሻአ አሳቱ ኤጸማ ጌተትያ ሳካን ደእያ ዛላ ጎንጎሉዋ ቢደ ሳምሶና፣ “ኦና ሞድያዋንቱ ፕልሰጾማ አሳቱዋ ግድያዋ ኤርኪየ? ያትና፣ ኦ ቦላ ሀዋ አያ ኢታባ ኦላይ?” ያጌድና።

ሄዋጥ ጉዮ አ ዛሪደ፣ “ኡንቱንቱ ታ ቦላ አሌዳዋዳን፣ ታንካ ኡንቱንቱ ቦላ ኦላድ” ያጌዳ።

12 ኡንቱንቱካ ዛረሏደ፣ “ኦን ሀዋ ዬዳዌ ኔና ቃቹደ፣ ፕልሰጾማቶ አሌደ አማናሳ” ያጌድና።

ሳምሶን ኡንቱንታ፣ “ሀንተንቱ ሀንተንቱ ሁጲያዉ ታና ዋጋዳን ጫቂተ” ያጌዳ።

13 ኡንቱንቱ፣ “ኤና፣ ኦን ኔና ቃቹደ፣ ኡንቱንቶ አሌደ አማናጥ አትና፣ ዋቋኮ” ያጌደ አዉ ዛሪድና። ሄዋጥ ጉይያን፣ ላኡ ኦራላ ዋድሩዋን ቃቹደ፣ ዛላ ጎንጎሉዋጥ ከሲደ አፊድና።

14 ሳምሶን ለሀ ቤዳ ዋደ፣ ፕልሰጾማ አሳቱ ናሸቻን ዋሲደ፣ አናና ጋከታናዉ ዬድና። መቋና ጎዳ አያናይ አ ቦላ ዋልቃጥ ዋቋዳ፤ አ ኩሽያ ቃቻ ዋቋዳ ዋድሩዋ፣ ሻሉ ታማ በኪደ ዱጾያዋዳን፣ ዱሰረሰ የጌዳ።

15 ያቲደ ማታ ዋደ ሀይቁዳ እት ሀርያ ጎሳጩዋ ደም አኪደ፣ አን ሻአ አሳ ዋቋዳ።

16 ሳምሶን ሀዋዳን ያጌዳ፤

“ሀርያ ጎሳጩዋን፣

ታን አሃ ቦላን አሃ ደራድ።

ሀርያ ጎሳጩዋን ሻአ አሳ ዋቋድ” ያጌዳ።

17 ሃሳይያዋ ዉርሴዳዋጥ ጉይያን፣ ባረ ኦይቁዳ ጎሳጩዋ ኩሽያጥ ኦሊደ ሄ ሳካ ራማት-ሌሀ\* ያጌደ ሰንሌዳ።

18 ሄዋጥ ጉይያን፣ ሳምሶን ሎይሰ ሳመቲደ፣ መቋና ጎዳዉ ዋሲደ፣ “ኔን ሀዋ ማላ ዋልቃማ ጸኑዋ ታዉ ነ ቆማዉ አማዳ። ያትና፣ ታን ሀሊ ሳሙዋን ሀይቆ? ቃይ ሀ ቃጸረትቤናዋንቱ ኩሽያን ኩንደ?” ያጌደ ዋሲደ።

\* 15:17 ራማት-ሌሀ- ሀ ሰንላ ብለላይ አብራዌሉዋን፣ “ጎሳጩዋ ደርያ” ግያዋ።

19 ያግና ጸላይ ለሀን ደእያ ጋድያ ጸልቁና፣ አፕ ሃላይ ከሴዳ። ሳምሶን ሄ ሃላፕ ኡቪደ አሌዳ ድራው፣ እወ ሸግፑ ሰሜዳ። ያትና፣ ሄ ሳኦ እይን-ሀቆረ፣ ያጊደ ሰንሌዳ። ሄዌ ሀቼ ጋካናወ ለሀን ደኤ።

20 ፕልሰጾማ አሳይ ጋድያ ሞዴዳ ዋደ፣ ሳምሶን እሰራኤላን ላታሙ ላይላወ ፕርድያ ዳና ግዴዳ።

# 16

## ሳምሶን ጋዛን ኦልዳባ

1 እት ጋላሰ ሳምሶን ጋዛ ጌተትያ ፕልሰጾማቱዋ ካታማ ቤዳ፤ ያን እት ሻርሙጻ ሞሽራቶ በእደ፣ እዝና አቃናወ እ ጎልያ ገሌዳ።

2 ጋዛ ካታማን ደእያ አሳይ ሳምሶን ኡንቱንቱ ካታማ ዬዳዋ ሰሲደ፣ ካታማ ዩይ አዲደ፣ ቃማ ኡባ ካታማ ፕንግያ ናጊደ እቁዳ፤ “ሳኦይ ዋንታናወ ናጊደ፣ ኑን አ ዋቆና” ያጊደ ቃማ ኡባ ጮኡ ጌድኖ።

3 ሸን ሳምሶን ያን ግሴዳዌ ብላሂ ጋካናወ ጸላላ። ብላሂ ደንዲደ፣ ካታማ ድርሳ ፕንግያ ኦይኪደ፣ ሳንቃ፣ ጉባንያ፣ ማቃንያን ጎርድያ ሸካላቱዋ ሾዴዳ። ሄ ኡባካ ሀሸያን ቶኪደ፣ ከብርናፕ ሰንላ ባጋና ደእያ ደርያ ሀጺያ ከሴዳ።

## ሳምሶን ዳሊሎ

4 ሄዋፕ ጉይያን፣ ሳምሶን ሶሬቃ ግያ ዘንጋራን ደእያ እት ዳሊሎ ግያ ሞሽራቶ ሲቁዳ።

5 ያትና፣ ፕልሰጾማቱዋ ካፓቱ እኮ ዩደ፣ “ኔን አ ጭማደ፣ ሄ ዋልቃ ኡባ ኢያፕ እ ደሜደንቶን ቃይ ኑን አ ዋት ጸኒደ ቃቻናወ ዳንዳይንቶ ኦቻ። እቱ እቱ ኑን ነወ እት ሻእን እት ጾቱ ጸጋራ ብራ እማና” ያጌድኖ።

6 ዳሊላ ሳምሶና፣ “ሀዋ ከሻ ዋልቃ ኔን ሀቃፕ ደማድንቶ፣ ሀያና ታወ ኦዳርኪ! እት አሳይ ኔና ቃቻደ፣ ዋቲደ ነ ዋልቃ ዳቡርሳናወ ዳንዳይንቶ” ያጋደ።

7 ሳምሶን፣ “ታና ላፑን እርጻ ዳሮቱዋን አሳይ ቃቻፕ፣ ዳቡራደ፣ ሀራ አሳዳን ሀናና” ያጊደ ዛሬዳ።

8 ሄዋፕ ጉይያን፣ ፕልሰጾማቱዋ ካፓቱ ዳሊላወ ላፑን እርጻ ዳሮቱዋ አሀና አ ሳምሶና ቃቻዳ።

9 ባረ ቆልኦን አሳ ቆሳ ዋላደ፣ “ሳምሶና፣ ፕልሰጾማቱ ይክቼድኖ” ጋደ ጸሳዳ። ሸን ሻሎ ታማይ ኦይቁና ዳጸረትያዋዳን፣ ዳሮቱዋ ዳሰረላ የጌዳ። ያትና፣ አ ዋን ዋልቃሚንቶ ጸራይ ኤረትቤና።

10 ያትና፣ ዳሊላ ሳምሶና፣ “ሄኮ ኔን ታናን ካኦሳ፤ ኔን ታወ ዋርዲዋ ኦዳዳ። ሀእካ ኔን ቃሸታናዌ አያንንቶ፣ ሀያና ታወ ኦዳርኪ!” ያጋደ።

11 እ እዝ፣ “አሳይ ጎኤትቤና ኦራላ ዋድሩዋን ታና ቃቻፕ፣ ዳቡራደ፣ ሀራ አሳዳን ሀናና” ያጌዳ።

12 ዳሊላ ኦራላ ዋድሩዋ እካደ፣ ሳምሶና ቃቻዳ። ቃይካ ባረ ቆልኦን አሳ ቆሳ ዋላደ፣ “ሳምሶና፣ ፕልሰጾማቱ ይክቼድኖ” ያጋደ። ሸን አ ዋድሩዋ ቀሰያፕ ሻሎዋዳን ዳሰረላ የጌዳ።

13 ያትና፣ ዳሊላ ሳምሶና፣ “ሀእ ጋካናወ ኔን ታናን ካኦዳ፤ ኔን ታወ ዋርዲዋ ኦዳዳ። ሀእካ ኔን ቃሸታናዌ አያንንቶ ሀያና ታወ ኦዳርኪ!” ያጋደ።

14 ሄዋፕ ጉይያን፣ ሳምሶን ገምእሸሸን፣ ዳሊላ አ ሀጺያ ላፑን ዳላ ብናናናን ቃጭናና ጋላ ዋላካደ ዳዳዳ። ሄዋፕ ጉይያን፣ “ሳምሶና፣ ፕልሰጾማቱ ይክቼድኖ” ያጋደ። ሄዋፕ ጉዮ አ ገምእሸፑፕ ቤጎቲደ፣ ባረ ብናና ዳሮቱዳ ማዩዋፕን ሀርባፕ ሸድ እኪዳ።

15 ያትና እ፣ “ሳ ዋዛና ታናና ደኤናን፣ ‘ታን ኔና ስቃይ’ ዋታደ ጋይ? ታናን ሀዋና ሄዙ ገደ ካኦዳ። ኔን ሀ ዋልቃ ኢያፕ ደማድንቶ፣ ታወ ኦዳባካ” ያጋደ።

16 ሀቼ ሀቼ ዛራ ዛራ ኦቻደ ዋይሰና፣ ሀንያባ ጳዬዳ።

17 ያትና፣ “ታ እት ኡሎዋፕ ደምና፣ ታን ጸሳወ ዲማቲዳ ናዝራዌ አሳ ግዴዳ ድራው፣ ታ ሀጺያ ብናናና ሜደት ኤረና። ታ ብናናና ሜደቶ፣ ታ ዋልቃይ ታፕ ጳይና፣ ታን ዳቡራደ፣ ሀራ አሳዳን ሀናና” ያጊደ፣ ባረ ዋዛናን ደእያዋ ኡባ እዝወ ኦዴዳ።

18 ባረ ዋዛናን ደእያዋ ኡባ አ ኦዴዳዋ ዳሊላ በኤዳ ዋደ፣ “ባረ ዋዛናን ደእያዋ ኡባ ታወ ኦዴዳ ድራው፣ እነ እት ገደ ሰሚደ ዩተ” ያጋደ ፕልሰጾማቱዋ ካፓቶ ኪታ የዳዳ። ኡንቱንቱ ብራ እኪደ፣ እኮ ዬድኖ።

19 ዳሊላ ሳምሶና ባረ ክወዋን ገምእሸሰዳ፤ እት አሳ ጸሰና ዩደ፣ አ ሀጺያ ላፑን ዳላ ብናና ሜዴዳ፤ አ ዋልቃይ አፕ ጳዬዳ። ሄዋፕ ጉይያን፣ አ ዋይሰያዋ ደማዳ፤

20 “ሳምሶና፣ ፕልሰጾማቱ ይክቼድኖ!” ያጋደ።

† 15:19 እይን-ሀቆረ፡- ሀ ሰንላ ብለላይ፡ “ዋሰያዋ ፑልቱዋ” ግያዋ።

ገምገሞታቸው በጎተደ፣ ካሰዋዳን ዱሰራዳደ ባና ያገደ ቆጥዳ፤ ሽን መድና ጎዳይ አጥ ሻከት ክቼዳዋ እ ኢርቤና።

21 ፕልሰጾማቱ እ ኦይቄዳዋጥ ጉይያን፣ እ ላኤ አይፈቱዋ ዋጭ ከሲደ፣ ጋዛ ካታማ አፌድና። ሄዋጥ ካላ ናሃሰያ ሳንሳላታን ቃቻድና፤ ቃሾ ጎለን ደእያ ዋጸን ካላ ጋጫናዳን ኦፊድና።

22 ኡንቱንቱ እ ሁጲያ ብናና ሜዴዳዋጥ ጉይያን፣ ብናናይ ሰሚደ ደሉዋ ደሜዳ።

**ሳምሶና ሀይቁዋ**

23 ፕልሰጾማቱዋ ካገቱ፣ “ኑ ጸሳይ ኑ ሞርክያ ሳምሶና ኑ ኩሽያን አላደ እሜዳ” ያገደ ባረንቱ ጸሳ ዳጎናው ዋልቃማ ያርቩዋ ያርሻናውን ናሽታናው እትጥ ሸቄድና።

24 አሳይ ኡባይ እ በኤዳ ዋደ፣ “ኑ ጋድያ ባይዜዳ፣ ኑ አሳጥ ዳሩዋ ዋዴዳ ኑ ሞርክያ ኑ ጸሳይ ኑ ኩሽያን አላደ እሜዳ” ያገደ ባረንቱ ጸሳ ጋላቲድና።

25 ኡንቱንቱ ሎይል ናሽቲዳ ድራው፣ “ካኢደ ኑና ናሽቻና ማላ፣ ሳምሶና ጸሰተ” ያገደና። ሄዋጥ ጉየ ሳምሶና ቃሾ ጎልያጥ ጸሴደ አሀና፣ እ ኡንቱንቱ ሰንላን ካኤዳ፤ ካኤዳዋጥ ጉይያን፣ ቱሳቱዋጥ ግዱዋን ኤሴድና።

26 ሳምሶን እ ኩሽያ ኦይቄደ ካለልያ ናኣ፣ “ታን ኡንቱንቱን ዘምገደ ኤቃና ማላ፣ ጎልያ ቶኬዳ ቱሳቱዋ ታና ቦሽሳ” ያገደ።

27 ጎልያ ግዱዋን አቲማ አሳቲነ ማጫ አሳቲ ኩሞ ኡቲድና፤ ቃይ ሄዋን ፕልሰጾማቱዋ ካገቱ ኡባቲካ ደእና። ሳምሶን ካእሽን፣ ጎልያ ቦላን ደምባዪደ ኬዴዳ ሳኣን ኡቲደ፣ ሄዜ ሻእ ግድያ አቲማ አሳቲነ ማጫ አሳቲ በእና።

28 ሄ ዋደ ሳምሶን መድና ጎዳ ዋሲደ፣ “አቤት ኡባ ሞድያ መድና ጎዳው፣ ሀይ ታና ሀሳያርኪ! አቤት ጸሳው፣ ፕልሰጾማቱ ታ ላኤ አይፈቱዋ ከሴዳዋ፣ ሀሉዋ ታን ከሳናዳን፣ ሀይ ታና እት ገደ ምንግሳርኪ!” ያገደ።

29 ሳምሶን ጎልያ ቶኬዳ ግደ ቱሳቲዋ ላኡዋካ ኦይቄዳ። ኡሸቻ ኩሽያን አቲዋ፣ ሀድርሳ ኩሽያን አቲዋ ኦይቄዳዋጥ ጉይያን፣

30 “እን ታን ፕልሰጾማቱዋና እትጥ ሀይቃይ!” ያገደ ዋሴዳ። ባረው ደእያ ዋልቃ ኡባን ሱግና፣ ኬሳይ ካገቱ ቦላን ግዱዋን ደእያ አሳ ኡባ ቦላ ከንዴዳ። ሳምሶን ሀይቄደ ዋዴዳ አሳይ፣ እ ገጸ ደኢደ ዋዴዳ አሳጥ ዳራዳ።

31 ያትና፣ እ አሻቲነ አ ዳቦቲ ኡባይ ዪደ፣ እ አሃ አፌድና፤ ጸርአ ካታማጥን ኤሽታኦላ ካታማጥ ግዱዋን፣ እ አወዋ ማኑሄ ዳፋዋን ሞጌድና። ሳምሶን አሰራኤላን ላታሙ ላይላ ዳናቲደ ፕርዴዳ።

**አማኑቀን አማኑቀ ኦሱዋ ዋጋ ባየሳ**

**17**

(17:1—21:25)

**ምካ ኤቃ ምሰለቱዋ**

1 ኤፍራማ ገዝያን ሚካ ግያ እት ብታኒ ደኤ።

2 እት ጋላሰ ሚካ ባረ አቶ፣ “ኔጥ እት አሳይ እት ሻእን እት ጸቱ ጸጋራ ብራ ወኤዳ ዋደ፣ ኔን ሄ ወኤዳ ብታንያ ሸቄሽን ታን ሰሳድ። በእ፣ ሄ ሚሻይ ታ ማታን ደኤ፤ ታን አካድ” ያገደ።

3 ሄዋጥ ጉየ አ ዳያ፣ “ታ ናአው፣ ኔና መድና ጎዳይ አንጀ” ያገደ።

4 ሄዋጥ ጉየ ናአይ እት ሻእን እት ጸቱ ጸጋራ ብራ ባረ አትወ ዛሬዳ፤ አ ዳያ፣ “ሸቃይ ታ ናኣ ጋከናዳን፣ ታን ሀ ሚሻ ታ መድና ጎዳው ዳማያና። ያቶጥ ብራ ሲልሲደ፣ ምሳጥ ማሰቲደ ጊኤዳ ኤቃ ምሰልያ እን ሸሻናው ጎኤታና። ሄዋ ድራው፣ ብራ ታን ነወ ዛራና” ያገደ።

4 ናአይ ባረ አትወ ሻሉዋ ዛርና፣ አ ዳያ ሄ ጸጋራ ብራጥ ላኤ ጸቱዋ አካደ፣ ምሳ ማሲደ ብራን ሸሽ ሸሺደ ኤቃ ምሰልያ መድና እት ሂላንቻው አማዲ፤ እ ኦፊዳ ምሰሊ ሚካ ሶን ደኤዳ።

5 ሄ ምካው ኤቃው ጎይያን ኬሳይ ደኤ። እ ኤፋድያን ሶ ግደ ኤቃ ምሰለቱዋ ገግሲደ፣ ሄ ጎለን ባረ ናናቱዋጥ አቲዋ ቄሳ ኦላደ ሱንፊዳ።

6 ሄ ዋደ እሰራኤልያ ጋድያን ካቲ ባዋ፤ አሳይ ኡባይ ባረወ ልክ ማላቲዳዋ ጮ ኦፊዳ።

7 ሄ ዋደ ይሁዳ ጋድያን ቤተሊመ ካታማን እት ዋዳላይ ደኤ፤ እ ሎዊያ ዛረ።

8 ሀ ብታኒ ባረወ ደእያ ሳኣ ኮያናው ቤተሊመ ካታማጥ ደንዲደ ቤዳ፤ ኤፍራማ ገዝያን ደእያ ሚካ ሶ ጋኬዳ።

9 ሚክ፣ “ሀቃጥ ያድ?” ያገደ።

ሄዋጥ ጉየ ብታኒ፣ “ታን ይሁዳ ጋድያን ቤተሊመ ካታማጥ ያድ፤ ታን ሎዊያ ዛረ። ሀእ ታው ደእያ ሳኣ ኮያደ ደእይ” ያገደ አወ ዛራዳ።

- 10 ምክ እ፥ “ታናና ደእ፤ ታዉ እዉዋን ቄስ ግዳ። ታን ነዉ ላይላን ላይላን ታሙ። ጸጋራ ብራ፥ ኩሙንላ ማዩዋን ምያባ እማና” ያጌዳ።
- 11 ሊዊያ ዋዳላይ ምክና እትገ ደእናዉ ጊጌዳ፤ ምክዉ የሌዳ ናእዳን ሀይዳ።
- 12 ምክ እ ባረ ቄሳ ኦሳይ ሰንሰላ፥ እ ሰን ደኤዳ።
- 13 ምክ፥ “እት ሊዊ ታዉ ቄስ ግዳዳ ድራዉ፥ ሙድና ጎዳይ ታዉ ኡባባ ሎይላናዋ ኡራይ” ያጌዳ።

# 18

## ምክን ዳና ዘረላ

- 1 ሄ ዋደ እስራኤልያ ጋድያን ካቲ ባዋ። ሄ ዋደ ጋካናዉ ዳና ዘረቶ እስራኤልያ ዛራቱዋ ግዳዋን ላቲዳ ጋዲ ባዋ። ሄዋ ድራዉ፥ ኡንቱንቱ ባረንቱ ደእያ ጋድያ ኮዪደ ደእና።
- 2 ሄዋ ድራዉ፥ ዳና ዛራቱ ባረንቱ ዛራቱዋገ እቼሹ ምኖ አሳቱዋ ዶሪደ፥ ጋድያ ዋቹደን እኩኪደ ሰማናዳን፥ ጸርእን ኤሽታኦላ ጌተትያ ካታማቱዋገ ኡንቱንታ ከቲድና።
- 3 ኡንቱንቱ ኤፍሪማ ገዘያ ጋኪደ፥ ምክ ሶን አቄድና።
- 4 ኡንቱንቱ ምክ ሶን ደኤዳ ዋደ፥ ሊዊያ ደላጋ እ ሃሳያን ኤሬድና። ኡንቱንቱ እኮ ሸቀደ፥ “ኔና ሀዋ እሄዳዌ ኦይ? ሀዋ እያዉ ያድ? ሀዋን እያ ኦላይ?” ያጊደ ኦቹድና።
- 5 እ፥ “ምክ ታዉ ሀዋ ሀዋ ኦሌዳ፤ እ ታዉ ድርጉዋ ጭግና፥ ታን እዉ ቄስ ግዳደ ኦላይ” ያጊደ ኡንቱንቶ ዛራዳ።
- 6 “ኡን ብያ ኦጊ ኑዉ ገገናን አጋንንቶን ሀያና እነ ኑዉ ጸሳ ኦቻርክ” ያጌድና።
- 7 ሄዋገ ጉየ ቄሲ ኡንቱንቶ፥ “ሳር ጋክተ፤ ሀንተንቱ ብያ ኦገያን ሙድና ጎዳይ ሀንተናና ግዳናዋ” ያጊደ ዛራዳ።
- 8 ሄዋገ ጉይያን፥ እቼሹ አሳቱ ያገ ደንዲደ፥ ላይሻ ጌተትያ ካታማ ቤድና፤ ያን ደእያ አሳይ ሲደና ጋድያ አሳዳን ሳሩዋን ደእያዋ በኤድና፤ አሳቱ ኦናን ሰፍፍ ዋገ አሳ፤ ኡንቱንቱ እያይነ ፓጩናን፥ ኡባባይ ኩሜዳ አሳ፥ ኦናናን ጋክተናን ሲደና ጋድያ አሳገ ሃኪደ፥ ባረካ ዳማ ደእና።
- 9 እቼሹ አሳቱ ጸርእን ኤሽታኦላ ካታማቱዋን ደእያ ባረንቱ እቸቱዋኮ ሰሚድና፤ ኡንቱንቱ እቸቱ፥ “እያ ኦዲዋ እኪደ ዬድቲ?” ያጌድና።
- 10 ሄዋገ ጉየ ኡንቱንቱ ዛሪደ፥ “ቢታይ ሎይላ አራዳ ግድያዋ ኑን በኤደ። ሄዋ ድራዉ ደንዲደ፥ ላይሻ ካታማን ደእያ አሳ ኦሌቶ! ሃዋን ኦሎቱዋ ጳዪደ ጮ ኡቶተ፤ ኤላካ ቢደ ኦይቁተ።
- 11 ሀንተንቱ ያ ቢደ፥ ኦናን ሰፍፍን ሳር ኡቲዳ አሳኮ ጋካኒታ። አሳዉ ኮሽያ ኡባባይ ሄ ጋድያን ደእ። ጸሳይ ሄ ጋድያ ሀንተንቶ እሚዳ” ያጌድና።
- 12 ያተና፥ ዳና ዛራቱዋገ ኡሎቲን ጸቱ አሳቱ ኦላ ሚሻ ኦይቁደ፥ ጸርእን ኤሽታኦላ ካታማቱዋገ ደንዲደ ቤድና።
- 13 ይሁዳ ጋድያን ደእያ ቅርያት-ይእሪማ ጌተትያ ካታማገ አዋይ ዉልያ ባጋና ኡቲድና። ሄዋ ድራዉ፥ ሄ ሳእይ ሀቼ ጋካናዉ ዳና ሞላ ጌተቲደ ሰንፍቲዳ።
- 14 ላይሻ ጋድያ ምቻናዉ ቤዳ እቼሹ አሳቱ ባረንቱ እቸቱዋ፥ “ሀ ሳእን፥ ሀ ኬላቱዋገ አቱዋን ኤፋዳ፥ ሰ ግደ ኤቃ ምሰለቱን ምላገ ማሰቲደ ብራን ሸሸቲዳ ምሰለ ደእያዋ ኤሪቲ? እነ እይ ኦላናዉ ኮሽንቶ ቆገተ” ያጌድና።
- 15 ሄዋገ ጉየ ኡንቱንቱ ሰሚደ፥ ሊዊያ ዘረ ግዳዳ ደላጋ ቄሲ ደእያ ምክ ሰ ቢደ፥ አ ሳርቲድና።
- 16 ሄ ዋደ ኡሎቲን ጸቱ ዳና አሳቱ ኦላ ሚሻ ኦይቁደ፥ ገልያ ገንግያን ኤቁድና።
- 17 ኡንቱንቱ ሄ ቄሰያና ያን ኤቁደእሸን፥ ጋድያ ዋቹዳ እቼሹ አሳቱ ምክ ሰ ገለደ፥ ምላገ ማሰቲደ ብራን ሸሸቲዳ ምሰልያ፥ ኤፋድያን ሰ ግደ ኤቃ ምሰለቱዋ እኩድና።
- 18 ሄ ዋደ ቄሲ ኡንቱንታ፥ “ዋተቲ?” ያጌዳ።
- 19 ሄዋገ ጉየ ኡንቱንቱ እ፥ “ሀይዛ! እት ቃላነ ቃቶገ! ኦናና ባደ ኑዉ እዉዋን ቄስ ግዳ። እት ገልያ አሳዉ ቄስ ግድያዋገ እስራኤልያ ግድያ እት ዛረ አሳዉ ቄስ ግድያዌ ነዉ ከከኔ?” ያጌድና።
- 20 ሄዋገ ጉየ ቄሲ ናሽቲደ ኤፋድያ፥ ሰ ግደ ኤቃ ምሰለቱዋን ምላገ ማሰቲዳ ምሰልያ እኪደ፥ አሳቱዋና እትገ ቤዳ።
- 21 ሄዋገ ደንዲደ፥ ባረንቱ ናና፥ ባረንቱ ሙሀያን ባረንቶ ደእያዋ ሰንላን ዋሊደ ቤድና።
- 22 ኡንቱንቱ ምክ ጎልያገ ሃኪደ ቤዳዋገ ጉይያን፥ ምክ ባረ ሾሩዋን ደእያ አሳቱዋ ጴሰና፥ ኦላዉ ከሴድና፤ ዳና አሳቱዋ ካሊደ ጋኬድና።
- 23 ሞሰና፥ ዳና አሳቱ ጉየ ሰሚደ ምክ፥ “ዋናዳ? ሀ አሳ ኡባ እያዉ ሸሻዲ?” ያጊደ ኦቹድና።
- 24 ሸን ምክ ዛሪደ፥ “ታን ሙዴዳ ታ ጸሳቱዋን ታዉ ኦላያ ቄሰያ እኪደ ይክቹድታ። ታዉ ሀራይ እዬ አቲዳዌ? ሀንተንቱ ታና እያዉ፥ ‘ዋናዲ?’ ጌቲ?” ያጌዳ።



25 ዳና አሳቱ፡ “እት ቃላ ቃታደ ኔና ኤራ! ሀ ይሉዋና ደእያ አሳ ኔን ደንፊጥ፡ ኡንቱንቱ ነ ቦላ ደንዳናን ነ ሶ አሳ ኡባ ወርሳና” ያጌድኖ።

26 ዳና አሳቱ ባረንጉቱ ኦግያ ቤድኖ። ሞክካ ኡንቱንቱ ባረጥ ሎይሳ ዋልቃሞያዋ በኢደ፡ ባረ ሶ ሰሚደ ቤዳ።

27 ዳና አሳቱ ሞክ መዴዳ ዳሳቱዋን አ ቄሰያ አኪደ፡ ላይሻ ካታማን ኦናን ሰፍን ሳር ደእያ አሳቱዋቱ ቤድኖ፤ ካታማን ደእያ ኡባ ቃራ ማሻን ዋዲደ፡ ካታማ ታማን ጸጌድኖ።

28 ላይሻ ካታማይ ሲደና ካታማጥ ሃኪደ ደእያ ድራውን አሳይ ሀራ አሳና ጋክት ኤረና ድራው፡ ኡንቱንታ አሻናው ኡንን ዳንዳይቤና። ላይሻ ካታማይ ቤት-ራሆባ ግያ ሳኣ ማታን ደእያ ዋሞባ ግደን ደኤ።

ዳና አሳቱ ካታማ ዋሳ የግ ኪዲደ፡ ያን ደኤድኖ።

29 ካታማ ስንሳካ በን ባረንጉቱ ማይዛ አወዋ፡ ያቆባ ናኣ ዳና ስንሳካ ላሚደ፡ ዳና ያጌደ ስንሴድኖ፤ ሽን ኮይር ሄ ካታማይ ላይሻ ጌተቱ።

30 ዳና አሳቱ ባረንጉቱ ሄ ማሰቲዳ ምሰልያ ምሳደ፡ ሙሴ ናኣ ገርሾማጥ የለቲዳ ዮናታና ባረንጉቱ ቄሳቱዋ ኡሌድኖ። አ ዛራቲ አሳይ ኦሞደቲደ ቤዳ ዋዲ ጋካናው፡ ያን ቄሳቱዋ ግዴድኖ።

31 ሄዋዳን ሀኒደ፡ ጸሳ ዱንካኒ ሲሎን ደኤዳ ላይሳቱዋን ኡባን ሞክ ማሰቲዳ ምሰለቲ ያን ጋሞኤድኖ።

# 19

## እት ሌዊያን እ እኩዳ ቆማት

1 እስራኤልያ ጋድያን ካቲ ባይና ዋደ፡ ኤፍሬማ ገዝያን፡ ሃኮ ሳኣን ሌዊያ ዛረ ግድያ እት ብታኒ ደኤ። ሄ ብታኒ ይሁዳ ጋድያን ቤተሌመ ካታማጥ እት ናት ቆማት አሄዳ።

2 ሽን አወ አማንተናን አጸደ፡ ይሁዳ ጋድያን ቤተሌመ ካታማን ደእያ ባረ አወዋ ሶይ ባዲ፤ ያን ኦይዳ አገና ኡታዳ።

3 እ ጎዳይ እዘወ ኦድ አማንተናውን፡ ሶይ ዛራናው ደንዲደ፡ ባረ ቆማን ላኡ ሀረቱዋ አኪደ ቤዳ፤ አ ሞክ አካደ፡ ባረ አወዋ ሶይ ገልሳዳ። አዝ አወ አ በኤዳ ዋደ፡ ናሽቲደ ሞኬዳ።

4 ናት አወ ብታንያ የደናን ድግና፡ ያን አናና ሚዲን ኡሺደ ሄዙ ጋላሳ ታኬዳ።

5 ኦይደንሳ ጋላሰ ምንታ ጉራን ደንዲደ፡ ባናው ጊጌድኖ። ሽን ናት አወ ባረ ናት ጎዳ፡ “ጉላ ቁማ ማደ፡ ሞኔዳዋጥ ጉይያን ባሳ” ያጌዳ።

6 ሄዋጥ ጉየ ላኡ አቱማ አሳቱካ ኡቲደ፡ እትጥ ሚዲናን ኡሺድኖና። ሄዋጥ ጉይያን ናት አወ አ፡ “ሀያና፡ ሀቼ ናሽታደ ሀዋን አቃ” ያጌዳ።

7 ሌዊያ ዛሪ ባናው ደንድኖ፡ ቤናን አቃና ማላ ዋሴዳ፤ እ አኪያ ቆማት አወ አ ዋሰና፡ ቃይካ ያን አቁዳ።

8 እቼሻንሳ ጋላሰ ባናው ምንታ ጉራን ደንድኖ፡ ናት አወ፡ “ሀያና፡ ምንታ ታካደ፡ ኦማርሰ ባሳ” ያጌዳ። ሄዋጥ ጉየ ኡንቱንቱ ላአቱካ ቁማ እትጥ ሚድኖ።

9 ብታኒ ባረ አኪያ ቆማትናን ባረ ቆማና ባናው ከሰና፡ ናት አወ ሀዋዳን ያጌዳ፤ “በአተ፡ ሳኣይ ቃሞ ድጌዳ! ናሽቲደ ሀዋን አቅ አግተ። ምንታ ጉራና ደንዲደ፡ ሀንተንቱ ሶይ ቤታ” ያጌዳ።

10 ሽን አ ሄ ጋላሰ ያን አቃናው ኮይቤና። ሄዋ ድራው፡ ደንዲደ ቤዳ፤ ያኩሳ ጌተትያ የሩሳላመ ካታማ ማታ ጋኬዳ፤ እ አኪያ ቆማታን ላኡ ጫኔዳ ሀረቱ አሳና ደኤዳ።

11 ኡንቱንቱ ያኩሳ ማትና፡ ሳኣይ ሎይሳ ኦማርሴዳ፤ ያትና፡ ቆማይ ባረ ጎዳ፡ “ብያዋ አጌደ አያወ ሀ ያኩሳዋናቱዋ ካታማን አቆኮ?” ያጌዳ።

12 ሄዋጥ ጉየ አ ጎዳይ አወ ዛሪደ፡ “ሀዋ እስራኤልያ አሳይ ባይና አላጋ ካታማ ቦኮ። ግብአ ካታማ ጋካናው ኮን ባና” ያጌዳ።

13 ቃይ ዛሪሳደ ባረ ቆማ፡ “ሄያና፡ ኮን ግብአ ካታማን ዋይ ራማ ካታማን አቅያ ሳኣ ደማና” ያጌዳ።

14 ያቲደ ባረንጉቱ ኦግያ ኦይቂደ ቤድኖ። ቢንያማ ጋድያን ደእያ ግብአ ካታማ ማትና፡ አዋይ ኡንቱንቱ ወሌዳ።

15 ኡንቱንቱ ግብአ ካታማ ገሊደ አቃናው፡ ያ ቤድኖ፤ ካታማ አሳይ ሸቁዋ ኡትያ ሳኣን ኡቴድኖ፤ ሽን ያጥ ኡንቱንታ ባረ ሶይ አፊደ አይሰያ አሳይ ቤትቤና።

16 ኡንቱንቱ ሄዋን ኡት ደእሸን፡ ጋደን ኦልያ ሳጥ ሳኣይ ኦማርሰና፡ ባረ ሶይ ሰሞያ እት ጭማ ብታኒ ኡንቱንቱ ማታና አቆዳ። ሀ ብታኒ ካሰ ኤፍሬማ ገዝያጥ ዬዳ አሳ፤ ሽን ሀ እ ደእያዋ ግብአ ግያ ካታማና፤ ሄ ጋድያን ቢንያማ ዛርያጥ የለቲዳ አሳና ደኤዳ።

17 ሄ ጭማ ብታኒ ካታማ አሳይ ሸቁዋ ኡትያ ሳኣን ኡቴዳ ብታንያ በኢደ፡ “ሀቃጥ ያድ? ሀቃ ባይ?” ያጌደ ኦቼዳ።

18 ሊዊያ ዛሬ ዛሬድ፡ “ኑን ይሁዳ ጋድያን ደእያ ቤተሌሙ ካታማጥ ዩድ። ሀእ ኤፍሬማ ገዝያጥ ሄፍንላ ባገን ደእያ ኑ ሶይ ቦይተ፤ ቃይ መድና ጎዳ ገላካ ቦይተ። ያኔዳዋንቱ ኑና ባረ ሶይ እፊደ እይሰያ እሳ ደምቦይኩ።

19 ኑ ሀረቶ ኡቱላይን ዳላይ ደእ፤ ታወ፡ ታ እኪያ ቆማትወን ታ ቆማዉ ግድያ ኡክሳይን ዋይንያ ኡሳይ ደእ፤ ኑ ኮሽያዋ ኡባ ኦይቄደ” ያጌዳ።

20 ሄዋጥ ጉየ ጭማ ብታኒ፡ “ሳሩ ሀንተንቶ ግደ፤ ሀንተንቱ ኮይያዋ ኡባ ታን ሀንተንቶ እማና፤ እያ ግደጥ፤ ሀ ካታማ እሳይ ሸቁዋ ኡትያ ሳኣን እቃናዉ ኮሸና” ያጌዳ።

21 እንቱንታ ባረ ሶይ እፊደ፤ እንቱንቱ ሀረቶካ ምያባ የጌዳ። ሄዋጥ ጉይያን፡ እማላቱ ባረንቱ ገድያ ሜጨቲድ፡ ካዉዋ ሜድና።

22 እንቱንቱ ናሸትሸን፡ ካታማጥ ሹፋሮ እሳቱ ዩድ፡ ጎልያ የሹዋን ደዳይ፡ ጥንግያ ቆጶሳ ደሜድና፤ እንቱንቱ ሄ ጎልያ ጎዳ፡ ሄ ጭማ ብታንያ፡ “ሄ ነ ሶ ገሌዳ ብታንያ ሄ ኬሳ፤ ኑን እናና ግሳናዉ ኮይቶ!” ያጌድና።

23 ሄዋጥ ጉየ ጎልያ ጎዳይ ካረ ከሲደ እንቱንታ፡ “ሀይ ታ እሻቶ፡ ሄዋ ማላ ፓላባ ኦላፕተ፤ ሀ ብታኒ ታ እማላ።

24 በእተ፡ ታ ዋዶሮ ናታን እ እኪያ ቆማታ ሀዋን ደእና። ታን እንቱንታ ሀንተንቶ ካረ ኬሳና፤ ያቶጥ እንቱንታ ሀንተንቱ ኮይዳዋ ኦላተ፤ ሸን ሀ ብታንያ ቦላ ሄዋ ማላ ኢታባ ኦላፕተ” ያጌዳ።

25 ሸን እሳቱ እ ጌዳዋ ሰሰናን እጶድና። ያትና፡ ቢታኒ ባረ እኪያ ቆማቶ ካረ ኬሲደ፡ እንቱንቶ እሚዳ፤ ሳእይ ዋንታና ጋካናዉ፡ ቃማ ኡባ ካላን ካላን እዝና ዋልቃን ግሲደ፡ እዞ ፓጶ ካኢዳ አቁሮና፤ ያቲደ ሳእይ ዋንታና ሀንሸን፡ እዞ የዳድና።

26 ሳእይ ዋንታናዉ ሆልጆጅ ዘእያ ዋይ ሄ ምሽራታ ያደ፡ እዞ ጎዳይ አቁዳ ጭማ ብታንያ ጎልያ ጥንግያን ኩንዳዳ፤ ጳልቁ ዶላና ጋካናዉ ሄዋን ግሳዳ።

27 ሄ ጋላሰ ጉራ እ ጎዳይ ደንዲደ፡ ባረ ኦግያ ባናዉ ጎልያ ጥንግያ ደዳይ ከሲዳ ዋይ፡ እ ማቕያ ቆማታ ጎልያ ጥንግያን ባረ ኩሽያ ጥንገ ጎጭላ ቦላ ምጫደ፡ ግሴዳውኖ በኤዳ።

28 እዞ፡ “እነ ደንዳ፤ ቦይተ” ያጌዳ፤ ሸን እዞ እዉ እይን ዛሬቦይኩ። ሄዋጥ ጉይያን፡ እዞ እሃ ሀርያን ጫኒደ፡ ባረ ሶይ ቤዳ።

29 ሶይ ጋኪደ፡ ማሻ እኪደ፡ ባረ እኪያ ቆማት እሃ ታማን ላኡዋ ከሲደ ቃንጸራጭዳ። እት እት ግሹዋ እት ዛሬዉ፡ ኡባና ታማን ላኡ እሰራኤልያ ዛረቶ የደዳ።

30 ሄዋ በኤዳ ኡባይ፡ “እሰራኤልያ እሳይ ግብጾ ጋድያ፤ ከሰዳሳጥ ሆቼ ጋካናዉ፡ ሀዋ ማላትያዋ ኡባካ ሀንቤና፤ ኑንካ በእቦይኩ። እነ ሀዋ እትጥ እኪክ ዛረቶይቱ፡ እትባ ኦላይተ” ያጌድና።

## 20

### እሰራኤልያ እሳይ ኦላዉ ገብሳ

1 ፑደሃ ዳናጥ ዲገሃ በርሳባሀ ጌትትያ ጋካናሰን ደላሃ ጋላእደን ዳይያ እሰራኤልያ እሳይ ኡባይ እት እሳዳን ምጽጸ መድና ጎዳ ሰንሳን እትጥ ሸቄዳ።

2 ሄ ሸቄዳ ጶሳ እሳና እሰራኤልያ ዛሬቱዋ ኡባ ካፓቱካ ደእና። እንቱንቱ ግደን ማሻን ኦላታናዉ ዳንዲያደ ኦይዱ ጶቱ ሻእ ኦላንቻቱ ደእና።

3 ሄ ዋይ እሰራኤልያ እሳይ ምጽጸን ሸቄዳዋ ቢንያማ እሳቱ ሰሴድና። እሰራኤልያ እሳይ፡ “ሀ ኢታባይ እነ ዋኒደ ሀይደንቶ፡ ኑ ኦድተ” ያጌዲና።

4 ሄዋጥ ጉየ ሀይቄዳ ቆማት ጎዳይ፡ ሊዊያ ዛሬ እንቱንቶ ሀዋዳን ያጌደ ዛሬዳ፤ “ታንነ ታ ቆማታ ቃማ እቃናዉ ቢንያማ ጋድያን ደእያ ግብእ ግያ ካታማ ዩድ።

5 ግብእ ካታማ እሳቱ ታና ዋቆናዉ ዩድ፡ ቃማን ጎልያ ዩይ ኦጲደ ኤቄድና፤ ሸን ጉየጥ ታ ቆማቶ አኪደ፡ ዋልቃን እዝና እንቱንቱ ግሰሸን፡ እዞ ሀይቃዳ።

6 ታን እ እሃ እካደ ቃንጸራጭዳዋጥ ጉይያን፡ እንቱንቱ ሀ ቱናባን ፖኮባ እሰራኤልያን ኦጲደ ድግ፡ እሰራኤልያ እሳይ ላቴዳ ቢታ ኡባ እት እት ቃንጸዋ የዳዳ።

7 በእተ፡ ሀንተንቱ ኡባይ እሰራኤልያ እሳይ ዘረቲደ ሀንተንቱ ፐርዳ እምተ” ያጌዳ።

8 ሄዋጥ ጉየ እሳይ ኡባይ እትጥ ደንድ ኤቄደ፡ “ኑ ግደጥ ኦንነ ባረ ዲንካንያ ዋይ ባረ ጎልያ ጉየ ቤና።

9 ኑን ግብእ ኦላናዋ ሀዋ፤ ሳማ የጌደ፡ ግብእ ካታማ እሳ ኦላናዉ ባና እሳቱዋ ደራና።

10 እሰራኤልያ ዛሬያ ኡባ፤ ኦላ ኦላታናዉ ብያ ኦላንቻቱዋጥ ጶቱዋጥ ታማቱ፡ ሻኣጥ ጶታቱ፡ ታሙ ሻኣጥ ቃይ ሻኣቱ ሸንቃ እሳዉ ግሰሰና። አቴዳ ኦላንቻቱ ቢንያማ ጋድያን ደእያ ግብእ ካታማ ቢደ፡ ግብእ እሳይ እሰራኤልያ ቦላ ሀዋ ማላ ቱናባ ኦጲዳዋ ሀሊዋ፡ ግብእ ካታማን ደእያ እሳቱዋ ሙራና” ያጌድና።

11 እስራኤልያ አሳይ ኡባይ ካታማ ኦላናዉ እትጥ ሸቆዲና።

12 እስራኤልያ ዛራቱ ቢንያማ ዛራቱዋ ኡባዉ ሀዋዲን ያጊደ አሳ ኪቲድና፤ “ህንተንቱ ግደን ሀኔዳ ሀ ኢታባይ እዩ?”

13 ኑን ኡንቱንታ ዋዲድ፣ እስራኤልያፕ ሀ ኢታ ዳይሳና ማላ፣ ግብእ ካታማን ደእያ ሄ ሹፋር አሳቱዋ ከሲደ፣ ኑ አሊደ እምተ” ያጊድና።

ሸን ቢንያማ አሳቱ እስራኤልያ አሳይ ኦድያዋ ስሰናን እጾድና።

14 ኡንቱንታ እስራኤልያ አሳና ኦለታናዉ ባረንቱ ካታማቱዋፕ ከሲደ፣ እትጥ ግብእ ካታማ ሸቆድና።

15 ሄ ጋለሰካ ቢንያማ ካታማቱዋፕ ዬዳ ማሻን ኦለትያ ላታማን ኡሱቱን ሻእ ኦላንቻቱዋ ሸሹድና። ሄዋ ፓይዱ ግብእ ካታማን ደእያ አሳ ግደፕ ዲማ ደረቲዳ አሳቱዋ ጉጀና። ግብእፕ ደረቲዳዋንቱ ላቱን ጾታ።

16 ሄ ኡባቱዋ ግደፕ ላቱን ጾቱ አሳቱ ሀድርሳ ኩሸያን ኦልያዋንታ፤ ሀ ኡባቱካ ያምባርሻን ሹቻ ኦለደ፣ ሀራይ እቶ እት ብናናካ ሀልክና።

17 ቢንያማ አሳይ ባይናን፣ እስራኤልያ አሳይ ማሻን ኦለትያ ኦይዱ ጾቱ ሻእ ኦላንቻቱዋ ሸሹዳ፤ ሄ ኡባቱካ ኦላዉ ጊኒዳዋንታ።

**ቢንያማ ዛራቱዋ ቦላን ደንዴዳ ኦላ**

18 እስራኤልያ አሳይ ደንዴድ፣ ቤቴለ ቤዳ፤ “ቢንያማ አሳ ኦላናዉ ኑፕ ሰንጻቲደ ከሳናዉ ኮሸያዋ ኦኔ?” ያጊደ ጸሳ ኦቼዳ።

ሸን መድና ጎዳይ፣ “ይሁዳ ዛሪ ሰንጻቲደ ቦ” ያጊዳ።

19 ሄዋፕ ጉዮ ዋንተሳ ጋለሰ ዋንታ ጉራን እስራኤልያ አሳይ ደንዴድ፣ ግብእ ካታማ ማታን ዲንካኔዳ።

20 ሄዋፕ እስራኤልያ አሳይ ቢንያማ አሳና ኦለታናዉ ቤዳ፤ ግብእ ካታማ ማታን ኡንቱንቱና ኦለታናዉ ሳልፔዳ።

21 ቢንያማ አሳቱ ግብእ ካታማፕ ከሲደ፣ ሄ ጋለሰ እስራኤልያፕ ላታማን ላኡ ሻእ ኦላንቻቱዋ ዋዲድና።

22-23 እስራኤልያ አሳይ ቢደ ሳእይ ቃማና ኃካናዉ፣ መድና ጎዳ ሰንጻን ዩኪደ፣ “ኑ እሻቱዋና፣ ቢንያማ አሳቱዋና ኦለታናዉ ላኡንሱዋ ፑደ ባኔ?” ያጊደ መድና ጎዳ ኦቼዳ።

ሸን መድና ጎዳይ፣ “ኤ፣ ኡንቱንቱና ኦለታናዉ ፑደ ቢተ” ያጊዳ። ሄዋፕ ጉዮ እስራኤልያ አሳይ እቱ እቱዋ ምን፤ ሳደ፣ ኮይር ጋለሰ ኡንቱንቱ ኦላዉ ሳልፔዳ ሳኔን ላኡንሱዋ ሳልፔድና።

24 ላኡንሱ ጋለሰ እስራኤልያ አሳይ ቢንያማ አሳና ኦለታናዉ ሸቆዳ።

25 ላኡንሱ ጋለሰካ ቢንያማ አሳይ ግብእ ካታማፕ ከሲደ፣ እስራኤልያ አሳፕ ታማን ሆሰንን ሻእ አሳቱዋ ዋዲዳ፤ ኡባቱካ ማሻን ኦለትያዋንታ።

26 ሄዋፕ ጉይያን፣ እስራኤላቱ ኡባይ ቤቴለ ቢደ ዩኬድና፤ ያን ጸሚደ ሳእይ ቃማና ኃካናዉ፣ መድና ጎዳ ሰንጻን ኡቲድና፤ መድና ጎዳ ሰንጻን ጸግያ ያርሹዋን እትጥታሳ ያርሹዋ ሸሹድና።

27-28 ሄ ዋደ ጸሳ ቃላ ጫቁዋ ታቦታይ ቤቴለ ካታማን ደኤ፤ ሄ ታቦታ ናግያዋ እርን የሊዳ ኤልእዛራ ናእ ፕንሃሳ። እስራኤልያ አሳይ መድና ጎዳ፣ “ቢንያማ አሳ ግድያ ኑ እሻቱዋና ኦለታናዉ ቃይካ ፑደ ባኔየ ቦፓን?” ያጊደ ኦቼዳና።

ሸን መድና ጎዳይ፣ “ቢደ ኦለትተ! ታን ኡንቱንታ ዋንት ህንተንቱ ኩሸያን አላደ እማና” ያጊዳ።

29 ሄዋፕ ጉዮ እስራኤልያ አሳይ እማራዳ ኦላንቻቱዋ ግብእ ካታማ የሹዋን ሙጊደ ናጋና ማላ ኦሌዳ።

30 ሄዛንሱ ጋለሰ እስራኤልያ ኦላንቻቱ ካሰዋዲንካ ቢንያማ ኦላንቻቱዋ ኦላናዉ ቢደ፣ ግብእ ካታማፕ ሰንጻ ባጋና ሳልፔድና።

31 ቢንያማ አሳቱ ኡንቱንቱና ኦለታናዉ ካታማፕ ከሲደ፣ ኡንቱንታ ካሊደ፣ ሃኪደ ቤድና። ካሰዋዲንካ ቤቴለን ግብእ እፍያ እኮ ኦገቱዋን፤ ደምባቱዋን እስራኤልያ አሳፕ ሀታሙ ግድያ አሳቱዋ ዋዲድና።

32 ቢንያማ አሳቱ፣ “ኡን ካሰዋዲንካ ኡንቱንታ ጸኔደ!” ያጊድና።

ሸን እስራኤልያ አሳቱ ካሰ፣ “ኡንቱንቱ ካታማፕ ሃኪደ፣ ኦገቱዋኮ ከሳና ማላ፣ እነ ኑን ባቃቶይተ” ያግ ዋሌድና።

33 ያትና፣ እስራኤልያ አሳይ ኡባይ ባረንቱ ሳፕ ደንዴድ፣ ባኡል-ታማራ ግያ ሳን ሳልፕያ ዋደ፣ እስራኤላቱ ባረንቱ ሙግ ኡቲዳ ገባእ ደምባፕ ከሲድና፤

34 እስራኤልያ ኡባፕ ደረቲዳ ታሙ ሻእ አሳቱ ግብእ ቦላ ኦላ ደንጫድና፤ ኦላይ ሎይላ ዋልቃሜዳ። ሄ ኡባይ ህንያ ዋደ፣ ባረንቶ ባሻይ ማታቲዳዋ ቢንያማ አሳቱ እይን ኤርቤይክና።

35 እስራኤላቱ ቢንያማ አሳቱዋ ቦላ ጸኑዋ ደማናዳን መድኅ ጎዳይ ኦሎዳ። ሄ ጋላሰ እስራኤልያ አሳይ ቢንያማ አሳጥ ላታማነ እቼሹ ሻእነ እት ጸቱ ኦላንቻቱዋ ዋዲዳ፤ ኡባቱካ ማሻን ኦላትያዋንታ።

36 ሄዋ ድራው፡ እስራኤልያ አሳይ ባረንታ ጸኔዳዋ ቢንያማ አሳይ ኤራዳ።  
እስራኤልያ አሳይ ግብአ ካታማ ዩቹዋን ሙግ ኡቱዳ ኦላንቻቱዋን እማነቴዳ ድራው፡ ቢንያማ አሳን ጸንቲዳዋ ማላቲዳ ጉዮ ሺቄዳ።

37 ሙጊደ ናግያ ኦላንቻቱ ግብአ ካታማ ኤላካ ዋጽ ገሊደ፡ ካታማ ግደን ደሜዳ ኡባ ዋዲዳድ።

38 ሙጊደ ናግያ እስራኤልያ ኦላንቻቱ ካታማ ግደጥ ዳር ጨዋ ሻርያዳን ዩደ ደንጎና ማላን ሄዋ ማላታ ግዳና ማላ፡ ካሰ ሃሳይ ዋዲዳድ። ሄዋ ድራው፡ ዳር ጨዋ ሻሪ ካታማጥ ከሰያዋ በኤዳ ዋደ፡

39 ኦላ ደምባን ደእያ እስራኤልያ አሳቱ ባቃትያሳጥ ጉዮ ሰሚደ፡ ኡንቱንታ ኦሊድና።  
ቢንያማ አሳቱ እስራኤልያ አሳጥ ሀታሙ ግድያ አሳቱዋ ዋዲዳ፡ “ካሰዋዳን ሀእካ ኑን ኡንቱንታ ጸኔዳ” ያጌድና።

40 ሽን ማላታ ጨዋይ ካታማጥ ዩደ ከሳ ደሜዳ፤ ቢንያማ አሳቱ ባረንቱ ጉዮ ጸሎ ዋደ፡ ካታማይ ኡባና ታማን ጸገትና፡ ታማ ጨዋይ ዩደ ከሰያዋ በኤድና።

41 ሄዋጥ ጉዩያን፡ እስራኤላቱ ቢንያማ አሳቱዋ ቦላ ጉዮ ሰሚድና፤ ቢንያማ አሳቱ ዳጋሚድና፤ እያወ ላጥ፡ ኡንቱንቱ ወራና ሀንያዋ ኤራድና።

42 ሄዋ ድራው፡ ኡንቱንቱ እስራኤልያ አሳ ሰንገላጥ መላ ቢታ ሰሚደ ባቃቲድና፤ ሽን ኦላይ ኡንቱንታ ካሊደ ጋኬዳ፡ ካታማቱዋጥ ከሴዳ እስራኤልያ ኦላንቻቱ ግዲዋን ኡንቱንታ ዋዲ ወርሴድና።

43 እስራኤላቱ ቢንያማ አሳቱዋ ደዲደ፡ ግብአ ካታማጥ አዋይ ዶልያ ባጋና ደእያ ሳእ ጋካናወ ካሊደ ያደርሴድና፤ ጮራቱ ኦግያን ደእሸን ዋዲዳድና።

44 ሄዋን ቢንያማ አሳጥ ታማነ ሆሰፑን ሻእ ሞኖ ኦላንቻቱ ሀይቄድና፤

45 ኡንቱቱጥ እቲዳዋንቱ ጉዮ ሰሚደ፡ መላ ቢታ አዲደ፡ ርሞና ግያ ዛላኮ ባቃቲድና፤ እስራኤላቱ ኡንቱቱጥ እቲዳዋንቱ ሻእ አሳቱዋ ኦግያን ዋዲዳድና፤ ኡንቱንቱጥ እቲዳዋንታ ጊድኦማ ግያ ሳእ ጋካናወ ያደርሴደ፡ ላኡ ሻእ ዋዲዳድና።

46 ሄ ጋላሰ ቢንያማ ጋድያጥ ማሻን ኦላትያ ላታማነ እቼሹ ሻእ አሳቱ ሀይቄድና፤ ሄ ኡባቱካ ሞኖ ኦላንቻቱዋ።

47 ሽን ኡሰፑን ጸቱ አሳቱ መላ ቢታ አዲደ፡ ርሞና ዛላኮ ባቃቲደ፡ ያን ኦይዱ አገና ጋምኤድና።

48 እስራኤልያ አሳይ እቲዳ ቢንያማ አሳኮ ጉዮ ዛሪደ፡ እቲማ አሳን ማጫ አሳ፡ ናናን መሀያ ኡባ ዋዲዳድ፤ ደሜዳ ካታማቱዋ ኡባ ታማን ጸጊዲና።

# 21

## ቢንያማ ዛረቶ ማቶያ እማናወ ኮሺዳ

1 እስራኤልያ አሳይ ሞጽጳ ግያ ሳን ሺቄዳ ዋደ፡ “ኑ ግደጥ ኦንነ ቢንያማ አሳወ ባረ ናቶ ማቶቶ ኦሊደ እመና” ያጊደ ጫቄ ዋዲዳ።

2 እስራኤላቱ ቤቱላ ካታማ ቢደ፡ ያን ሳእይ ቃማና ጋካናወ ጸሳ ሰንገላን ኡቲደ፡ ባረንቱ ቃላ ቶቄ ኦሊደ፡ ሴላ ዬኩዋ ዬኬድና።

3 ሄዋጥ “እቤት መድኅ ጎዳው፡ እስራኤልያ ጸሳው፡ ሀ ዩወ እያወ እስራኤላን ሀኔዳ? ሀቼ እስራኤልያ አሳ ግደጥ እት ዛሪ እያወ ፓጩ?” ያጌድና።

4 ዋንተላ ጋላሰ ዋንታ ጉራና ኡንቱንቱ ደንዲደ፡ ያርሽያ ሳእ ያን ገግሲደ ጸግያ ያርሾቱዋን እትተላ ያርሾቱዋ ሺሺድና።

5 ያቲደ እስራኤላቱ፡ “እስራኤልያ ዛርያ ኡባጥ መድኅ ጎዳ ሰንገላን ሽቅያሳ ይቤና ዛሪ ኦኔ?” ያጊደ ኦቼድና። ኡንቱንቱ ሄዋ ኦቼዳ ጋሶታይ፡ ሞጽጳ ካታማን መድኅ ጎዳ ሰንገላን ሺቃናወ ይቤና አሳይ ኦንነ፡ “ኦ ኡባና ሀይቆ” ያጊደ ካሰ ጫቄዳ ድራሳ።

6 እስራኤልያ አሳቱ ባረንቱ እሻቶ፡ ቢንያማ ዛረቶ ቃረቲደ፡ “ሀቼ እስራኤልያጥ እት ዛሪ ቦሃቲዳ።

7 ኑን ኑ ማጫ ናና ኡንቱንቱ እመናዳን መድኅ ጎዳን ጫቄዳ ድራው፡ ሀይቁዋጥ እቲዳ ቢንያማ ዛራቱ ማጫ አሳ አካና ማላ፡ ኑን እይ ኦላኔ?” ያጌድና።

8 ቃይካ ኡንቱንቱ፡ “እስራኤልያ ዛራቱዋጥ ሞጽጳ ካታማን መድኅ ጎዳ ሰንገላ ይቤናዌ ኦኔ?” ያጊደ ኦቼድና። ጋላኦደን ደእያ ያቤሻ ግያ ካታማጥ እት አሳይን ሽቁዋ ይቤናዋ ኤራድና።

9 ኡንቱንቱ አሳ ፓይዳዳ ዋደ፡ ጋላኦደን ደእያ ያቤሻጥ እት አሳይን ቤትቤና።

10 ሄዋ ድራው፡ ማባራይ ታማነ ላኡ ሻእ ሞኖ ኦላንቻቱዋ ጋላኦደን ደእያ ያቤሻ ካታማ ኪቲደ፡ “ቡተ፤ ያቤሻን ደእያዋንታ ኡባ ማሻን ቡሳክተ፤ ማጫ አሳካ ጉላ ናናካ አሸፕተ።

11 ሀዋዲን ኦሎተ፤ አቱማ አሳ ኡባነ አቱማ አሳና ግሴዳ ማጫ አሳ ኡባ ዋድተ” ያጊደ አዛዜድኖ።

12 ያቤሻ ካታማን ደእያ አሳ ግደጥ አቱማ አሳና ግሰቤና፣ ኦይዱ ጸቱ ዋደሮ ማጫ ናና ደሚደ ካናን ጋድያን፣ ሴሎን ደእያ ዱንካኒዳ ሳኦ አኪደ አሄድኖ።

13 ሄዋጥ ጉይያን፣ ኩመንጎ ማባራይ ርዋና ዛላ ግያ ሳን ደእያ ቢንያማ አሳቱዋኮ ሰጋ ኪቲድኖ።

14 ቢንያማ አሳቱ ሰሚደ ዬድኖ። እስራኤልያ አሳይ ያቤሻ ካታማጥ ዋግናን አሄዳ ዋደሮ ናና ኡንቱንቶ አሜዳ። ሽን ዋደሮ ናናይ አቱማ አሳ ኡባ ጋክበይክኖ።

15 እስራኤልያ ዛራቱዋ ግደን ደእያ እትጥላይ ዱዳናዲን መድና ጎዳይ ኦሌዳ ድራው፣ አሳይ ቢንያማ አሳው ሎይሶ ቃረቲዳ።

16 ማባራ ጭማቱ፣ “ቢንያማ ዛራቱዋጥ ማጫ ናናይ ሀይቂ ወራዳ ድራው፣ ሀይቁዋጥ አቲዳ አቱማ አሳው ኑን ማቶያ ዋት አማኔ?

17 እስራኤልያ አሳ ግደጥ ጥተት ባየና ማላ፣ ቢንያማ ዛራቱዋጥ አቲዳዋንቶ ላትያ ናናይ ደእናው ኮሺ።

18 ግደጥ፣ ኑን ኑ ማጫ ናናቱዋጥ ኡንቱንቶ እማናው ዳንዳየኮ፤ እያው ጎጥ፣ እስራኤልያ አሳይ ካሰ፣ ሳረ ናቶ ቢንያማ ዛርያው እምያ ኡራይ ሸቀቲዳዋ ግደ” ያጊደ ጫቀሶ ዋሌዳ” ያጌድኖ።

19 ሄዋጥ ጉይያን፣ ማባራ ካለሶያ ጭማቱ፣ “በእተ፣ ላይላን ላይላን ሴሎን መድና ጎዳ ቢንቶያ ባላይ ማቲዳ” ያጌድኖ። ሴሎ ቤቴለጥ ሁጲሳ ባጋና፣ ላቦናጥ ገድሳ ባጋና፣ ቤቴለጥ ሰኪማ አፍያ ኡግያጥ አዋይ ዶልያ ባጋና ደኤ።

20 ሄ ማባራ ካለሶያ ጭማቱ ቢንያማ አሳቱዋ ሀዋዲን ያጊደ አዛዜድኖ፤ “ቢተ፤ ዋይንያ ቱራ ግዴዋን ሙጊደ፣

21 ናግተ። ሴሎ ካታማ ማጫ ናናይ ባላ ጋላሰ ካባሩዋ ኦይቂደ፣ የጲድን ዱሪደ ይያ ዋደ፣ ህንተንቱ ዋይንያ ቱራ ግደጥ ከሰተ። ኡባይካ ሴሎ ማጫ ናናቱዋጥ ህንተንቶ ዳፊደ፣ ቢንያማ ጋድያ አኪደ ቢተ።

22 ኡንቱንቱ አዋቱ ዋይ ኡንቱንቱ እሻቱ ኑኮ ማጋናናው ይያ ዋደ፣ ኑን ኡንቱንታ፣ ሳይ ሀያና፣ ኡንቱንታ ኑው እም አግተ፤ እያው ጎጥ፣ ኑን ኡንቱንታ ሁጲያን ሁጲያን ጋክያ ማጫ አሳ ኦላ ሳጥ ደምበይኮ። ህንተንቱ ዶሲደ እምቤና ድራው፣ ባይዛንቻ ግድክታ” ያጋና” ያጌድኖ።

23 ቢንያማ አሳቱካ እስራኤልያ ጭማቱ ጌዳዋዲን ኦሌድኖ፤ ኡባይካ ሴሎን ዱርያ ማጫ ናናቱዋጥ ባረንቱ ፓይዱዋ ኬሻቱዋ ዳፊደ አፊድኖ። ኡንቱንቱ ባረንቱ ላታ ጋድያ ሰሚደ፣ ካታማቱዋ ዋሶ የግ ኬጲደ፣ ያን ደኤድኖ።

24 ሄ ዋይ እስራኤልያ አሳይ ያጥ ብያ ዋደ፣ ኡባይካ ባረ ዛርያኮ ዛርያኮን ባረ ሶ አሳኮ አሳኮ ቤዳ።

25 ሄ ዋይ እስራኤልያ ጋድያን ካቲ ባዋ፤ አሳይ ኡባይ ባረው ልከ ማላቲዳዋ ጮ ኦሌ።

### ኦሩቶ ማጻፋት ገሎጥ

ኦሩቶ ታርኪ ሳርተላይ ኩሜዳ ታርኪያ፤ ሀ ታርኪ ቤቴዳዌ ዳናቱዋ ማጻፋት ኦሪቴዳ ማካላይ ደእያ ዋድያና። ዋእበ ገደ እሳ ግዴዳ ኡሩታ እስራኤልያ እሳ እቱዋ ገላዲ። ደእሸን እ እስናይ ሀይቁና፣ እስራኤልያ እሳ ግዴዳ ባረ ቦሎታትዉ ሎይሰ ማላልሰያ ሀናታን እማነታዲ። ሄዋዳንካ ቃይ እስራኤልያ ጸሳ ሎይሳ ሲቃዲ። ወርሰሳን በን ባረ እስና ዳባቱዋጥ እቱዋ ገላዲ። ሄ ገሎጥ ባገና እስራኤልያ ገድያን ዋልቃማ ካትያ ግዴዳ ዳዋተዉ ማይዛ እቶ ግድያ ካጫ ደማዲ።

ዳናቱዋ ማጻፋት ደእያ ታርኪ ጸሳ እሳይ ጸሳጥ ሃኬዳ ገሱዋን ኡንቱንታ ገኬዳ ባሻ በሰና። ኡሩቶ ማጻፋት ደእያ ታርኪ ቃይ ባረ ዳሙዋ እስራኤልያ ጸሳጥ ዛሬዳ እት አላጋ ሞሽራታ ኡንጀቱዳን እማነቱዳ እሳጥ እትኖ ግዴዳ ፓይይቲዳ እዝ ዳንዳያ በሰ።

#### ሸምጋቱዋ ኡባቶ አሙቴዳ ቃንሳ ቆፋቱዋ

ኑሃማ ኡሩትና ቤተሊመ ሰሙሳ 1:1-22

ኡሩታን ቦኤዝ ገከቱሳ 2:1—3:18

ቦኤዝ ኡሩቶ አኩሳ 4:1-22

### ኑሃማ ኡሩትና ቤተሊመ ሰሙሳ

(1:1-22)

ኤልመሊክን እ ሶይ እሳይ ሞእበ በቴድኖ

1 እስራኤልያ ገደ ዳናቱ ሞድያ ዋይ፣ ሄ ገድያን ኮሻይ ደንዴዳ። እት ብታንያ ባረ ማቻትናን ባረ ላኡ ናናን ይሁዳ ገድያን ቤተሊመ ካታማጥ ደንዴዳ፣ ሞእበ ገድያ በቴድ።

2 ሄ ብታንያ ሱንሳይ ኤልመሊካ፤ እ ማቻት ሱንሳይ ኑሃሞ፤ እ ላኡ ናና ሱንሳይ ማሀሎናን ከልዋና። ኡንቱንቱ ይሁዳ ቤተሊመን ደእያ ኤፍራታ ያራ። ሄዋንቱ ሞእበ ቢደ ያን ደኤድኖ።

3 ኑሃሞ እስናይ ኤልመሊክ ሀይቁና። እዛ ባረ ላኡ ናናቱዋን አታዲ።

4 ሄ ናናይ ሞእበ ገደ ማጫ ናናቱዋጥ ኦርፖን ኡሩቶን ጌተትያ ማቻቱዋ አኪድኖ። ሄዋን ታሙ ላይላ ግድያዋ ኡቲደ።

5 ማሀሎንን ከልዋንን ላእቱካ ሀይቁድኖ። ኑሃማ ባረ እስናይካ ባረ ላኡ ናናይካ ሀይቅና ባረካ አታዲ።

ኑሃማ ኡሩትና ቤተሊመ ሰማዴ

6 እ ሞእበን ደኣደ፣ መቋና ጎዳይ ባረ እሳ እስራኤልያ ማሪደ፣ ካሳ ኡንቱንቶ ጋጼዳዋ ሰሳዲ። ሞእበ ገድያጥ ሰማናዉ ባረ ናና ማቻቱዋ ላእቱዋና ደንዴዳ፤

7 ባረ ናና ማቻቱዋ ላእቱዋና እትጥ ባረ ደኢያሳጥ ከሰሳዲ። ኡንቱንቱ ጉዩ ይሁዳ ገድያ እፍያ ኦግንን ገሊድኖ።

8 ኑሃማ ባረ ናና ማቻቱዋ፣ “ሰምተ፤ ህንተንቱ ኡባይካ ህንተንቱ እት ሶ እት ሶ ቢተ። ህንተንቱ ሀይቁዳዋንቶን ታውን ኪከዳዋዳን፣ መቋና ጎዳይ ህንተንቶ ኪኮ።

9 ህንተንቱ ሁጺያን ሁጺያን ገልያ ሀራ እስናቱ ሶን መቋና ጎዳይ ዋጋ እሞ” ያገደ ኡንቱንታ የራዲ።

ሸን ኡንቱንቱ ባረንቱ ቃላ ቋቋ ኦሊደ፣ ዬኪደ፣

10 “ኑን ኔናና ነ እሳኮ ባና” ያጌድኖ።

11 ሸን ኑሃማ ኡንቱንታ፣ “ሀይ ታ ናቶ፣ ሰምተ። ህንተንቱ ታናና እያዉ ቢቴ? ህንተንቶ እስና ግዴናዉ አቱማ ናና ታን ሀዋጥ ጉዩ የላንታየ?

12 ታ ናቶ፣ ሰምተ፤ ታን ሀራ እስና ገለናዳን ኤጫክቻድ። ዋን ታን የላና ገይታንቶን፣ ሀቼ ቃማ ኡባ እስና ገላደ፣ አቱማ ናና የላይታንቶን፣

13 ሄዋንቱ ድጭ ጋካናዉ ናጋኒቱየ? ኡንቱንቱ ድራዉ ገደ፣ እስና ገለናን እት አጋንቱየ? ታ ናቶ፣ ሄዋ ሀነናዋ ግድያዋ ህንተንቱ ኤሪታ። መቋና ጎዳይ ታና መቶጼዳዋ ድራዉ፣ ህንተንታ ገኬዳባይ ታና ሎይሰ ሴሌ” ያጋዲ።

14 ሄዋን ኡንቱንቱ ባረንቱ ቃላ ቋቋ ኦሊደ፣ ዬኪድኖ። ያትና ኦርፓ ባረ ቦሎታቶ የራ እካደ፣ ሰማ አጋዲ። ሸን ኡሩታ ኦ ባቃ ኦይቃይ እጸዲ።

15 ኑሃማ ኦ፣ “በእ፣ ነ እስና እሻ ማቻታ ባረ አሳኮን ባረ ጸሳኮን ሰማዲ። ኔንካ እዝና ሰማደ ባ” ያጋዲ።

16 ኡሩታ ዛሬደ፣ “ታን ኔጥ ሻከታናዳን ዋይ ኔና አጋደ ጉዩ ሰማናዳን ታና መቶጸ። ኔን ብያሳእ ሀቃን ታን ባና፤ ኔን ደእያ ሳኣን ሀቃንን ታን ደእና። ነ እሳይ ታ አሳ ግዳና፤ ነ ጸሳይ ታ ጸሳ ግዳና።

17 ኔን ሀይቁያ ሳእን ታን ሀይቃና፤ ሄዋን ሞገታ ኢጋና። ሀይቆጥ ኦትን፣ ሀራባይ ታና ኔጥ ሻኮጥ፣ መድና ጎዳይ ታና ምጽ።” ያጋዴ።

18 ኡሩታ እዝና ባናው ባረ ቆፋ ቃቻዳዋ ኑሃማ ኤራደ፣ ጮኤ ጋደ እጋ ባሻዳ።

19 ሄዋ ድራው፣ ላኤ ማጫ አሳቱ ቤተሊመ ጋካናው ቤድና። ኡንቱንቱ ቤተሊመ ጋክያ ዋደ፣ ሄ ካታማ አሳይ ኡባይ ኡንቱንቱባን ማለሌቱዳ። ቃይ ማጫ አሳቱ፣ “ሀና ኑሃሚ?” ያጌድና።

20 አ ዛራደ ኡንቱንታ፣ “ታና፣ ኑሃሞ \* ጎጥተ፤ ጫመቱዳን፣ ገተ። እያው ጎጥ፣ ኡባ ዳንዳይያ ጸሳይ ታ ደኡዋ ዳርሰ ጫምሴዳ።

21 ታን ኩመንጎሳን ከሳደ ባድ፤ ሸን መድና ጎዳይ ታና መላ ዛራደ። መድና ጎዳይ ታና ቱጋዪደ ኡባ ዳንዳይያ ጸሳይ ታናን ፓላባ ጋሌዳ። ያትና፣ ታና እያው ኑሃመ ገደ ጸሴቱ?” ያጋዴ።

22 ሄዋዳን ሀናደ፣ ኑሃማ ባረ ናአ ማቻት ሞእበ ኡሩትና ሰማዴ። ኡንቱንቱ ቤተሊመ ጋከዳዌ ባንጋ ጫካይ ደመትያ ዋድያና።

### ኡሩታን ቦኤዛ ጋክቱሳ

## 2

(2:1—3:18)

ኡሩታ ቦኤዛ ጋደ ቃርምያ ቆራናው ባዴ

1 ኑሃሚው እዝ እሰና ኤልመሊካ ባጋና ዳቦትያ፣ ቦኤዛ ግያ እት ኤሪቱዳ ዲረ ብታኒ ደኤ።

2 እት ጋለሰ ሞእባጥ ኡሩታ ኑሃሞ፣ “ታው ቃሪትያ አሳ ካላደ ቃርምያ ቆራናው ካላ ጫክያ ሳእ ቦሻ?” ያጋዴ።

እዛ፣ “ኤ ታ ናተ፣ ባ” ያጋዴ።

3 ኡሩታ ባደ፣ ካላ ጫክያ አሳ ጌዴዋጥ ቃርምያ ደማዴ። ካጫዳን አ ቃርምያ ማጽያዋ ጋዴ ኤልመሊካ ዳቡዋ ቦኤዛ ጋደ።

4 ሄ ዋደንካ ቦኤዛ ቤተሊመ ካታማጥ ጋክ ዋዴዳ፤ ካላ ጫክያ አሳ፣ “መድና ጎዳይ ሀንተንቶ ዋልቃ እሞ” ያጌዳ።

ኡንቱንቱካ ዛሪደ፣ “ኔናካ መድና ጎዳይ እንጀ” ያጌድና።

5 ያትና ቦኤዛ ካላ ጫክያዋንቱ ካፑዋ፣ “ሀና ያላጋ ማጫውና ኦኒ?” ያጌደ ኦቹዳ።

6 ጫክያዋንቱ ካፑ ዛሪደ፣ “ሀና ያላጋታ ኑሃሞና ሞእበ ጋድያጥ ዌዳ ሞእበ ማጫ አሳ።

7 አ ታና፣ “ካላ ጫክያዋንቱ ጌዴዋ ካላደ ፖቻቱዋ ግዴዋጥ ቃርምያ ማጸ?” ጋደ ኦቻዳ። ያቱዳና ዋንታ ያደጥ ደማደ ሀእ ጋካናው፣ ጉሳን ሸሞጥናን ሀዋን ማጸደ ጋምኣዴ” ያጌዳ።

8 ቦኤዛ ኡሩቶ፣ “ታ ናተ፣ ሰሳ፤ ቃርምያ ማጸናው ሀራ ጋደ ቦፓ። ቃይ ሀዋጥ ሀቃን ቃጸፓ። ታ ማጫ ቆማቱዋና ሀዋን ፔሻ።

9 አሳይ ካላ ጫክያ ሳእ ጸላደ፣ ኡንቱንቱ ጌዴዋ ካላደ ማጸ። እቱማ ቆማቱ ኔና ቦቹናዳን ታን ኡንቱንቶ ኦድድ። ቃይ ኔና ሳምያ ዋደ፣ እቱማ ቆማቱ ትክ ዋልዳ ሃላ ኦቱዋኮ ባደ ኡሻ” ያጌዳ።

10 ኡሩታ ሰምእ ሳእ ጋካናው ሆካደ ዉትሻዴ፤ “ታን እማላ አሳ ግድክታ? ኔን ሀዋ ኬሻ ታው ቃሪቱዳዌ እያ ድራሴ?” ያጋዴ።

11 ቦኤዛ ዛሪደ፣ “ኅ እሰናይ ሀይቆደጥ ደምና፣ ኔን ነ ቦሎታትዉ ኦልዳ ኩመንጎሳ ኡባ ታን ሰሳድ። ኔን ነ አቶ፣ ነ እዉዋን ነ የለቱዳ ጋዴያ እጋደ፣ ሀዋጥ ካሰ ነ ኤሪና አሳና ደአናው ዌዳዋ ታን ገቫደ ኤራድ።

12 ኔን ሀይዳዋ ኩሾን መድና ጎዳይ ነዉ ዛር። ኔን አ ቀፍያ ጋርሳን አታናው ዌዳ መድና ጎዳይ፣ እሰራኤልያ ጸሳይ ነዉ ኩመንጎሳ እሞ” ያጌዳ።

13 ኡሩታ፣ “ታ ጎዳው፣ ኔን ታው ዳርሳ ቃሪታዳ፤ ታን ነ ቆማቱጥ እቱዋ ጋክከ። ሸን ታው ሎኦባ ሃሳያደ፣ ታና ሞንግሳዳ” ያጋዴ።

14 ላጸ ምያ ዋደ ቦኤዛ እ፣ “ሃ ሺቃ፤ ኡክሳ አካደ ዋይንያ ኤሳ ጫላን ቱሻ ቱሻደ ማ” ያጌዳ። ካላ ጫክያዋንቱ ማታን ኡታዳ። እዝዉ ትሻ ጸጸዳዋካ እሚዳ፤ አ ማደ ካልና፣ ቁማይ ፓላሄዳ።

15 ቃይካ ቃርምያ ማጸናው አ ደንድያ ዋደ፣ ቦኤዛ ባረ ቆማቱዋ፣ “ፖቹያ ጋርሳጥካ አ ቆርጥካ፣ ኦ ዌላዮጥተ።

16 ኡባ ፖቹያጥካ ሾዴደ፣ እዝዉ የግ አግተ፤ እዛ ማጸ፤ ኦ አማሳሎጥተ” ያጌዳ።

17 ሄዋን ኡሩታ ኦማርሰ ጋካናው ቆራዴ። ባረ ማጸ ፔሾዋ አ ቡክና፣ ታሙ ኪሎ ግራመ ባንጋ ግድያዋ ከሴዳ።

18 አ ሄ ካላ ባአ እካደ፣ ካታማ ሰማዴ፤ አይ ኬሻ ካላ ማጸደንቶ አ ባረ ቦሎታቶ በሳዴ። ቃይ ባረ ሚሸን ፓላሄደ እቱዳ ቁማ እሄዳዋ ከሳደ እዝዉ እማዴ።

\* 1:20 ኑሃሞ- ሀ ሰንሳ ብለላይ፣ “ጫመቱዳና” ግያዋ። 2:2 ዋጋ 19:9-10፤ ዛረ. 24:10

19 ያትና፡ እዝ ቦሎታታ ኦ፡ “ሆቼ ሀዋ ሀቃፕ ማጻዲ፣ ሀቃን ኦላዲ፣ ነዉ ሀዋዲን ኬኬዳ ብታኒ እንጀቶ” ያጋዲ።

እዛ ባረ ኦላ ፔሼዳ ጋድያ ጎዳባ ባረ ቦሎታትዉ ኦዲዲ። “ታን ሀቼ ኦላደ ፔሼዳ ጋድያ ጎዳ ሱንሳይ ቦኤዛ” ያጋዲ።

20 ኦሃማ ዛራደ፡ “ሀይቄዳዋንቶካ ፓጻ ደእያዋንቶካ ባረ ከካተላ እግቤና መድና ጎዳይ እንጀ” ያጋዲ። ጉጃደካ ኦሃማ ኦ፡ “ሄ ብታኒ ኦ ማታ ደቡዋቴ፤ ኡባ ኦባ ዋዛናዉ ጋልያዋንቱፕካ እቱ ኦ” ያጋዲ።

21 ሞእባታ ኡሩታ፡ “እ ኡባ ታና፡ ታ ካላይ ጫከቲደ ዉራና ጋካናዉ፡ ታ ኦሳንቻቱዋፕ ሻከተናን ቃርሞያ ማጻ ያጌዳ” ያጋዲ።

22 ኦሃማ ባረ ናኣ ማቻቶ ኡሩቶ፡ “ታ ናተ፡ ቱሙካ ቦኤዛ ጋድያን ኦልያ ማጫ አሳቱዋና ቦፕ፡ ነዉ ሎእ፡ እያዉ ጎፕ፡ ሀራ አሳ ጋይ ቦፕ፡ ኔና አቱማ አሳይ ቦቻናዋ” ያጋዲ።

23 ሄዋ ድራዉ፡ ኡሩታ ቦኤዛ ማጫ ቆማቱዋኮ ሺቃደ፡ ባንጋነ ዛርጋ ጫካይ ዉራና ጋካናዉ፡ ቃርሞያ ማጻደ ጋሞኦዲ። ቃይ ባረ ቦሎታትና እትፕ ደኡዲ።

### 3

#### ኡሩታ አሰና ደማዲ

1 እት ጋላሰ ኦሃማ ባረ ናኣ ማቻቶ፡ “ታ ናተ፡ ኔን ጊግና ደአናዉ፡ ታን ነዉ አሰና ኮይንቶ ኢታኔ? ፍፁም ኡዲማን ባንጋ ቡካናዋ።

2 ኔን ኡንቱንቱና ጋሞኤዳ ማጫ ቆማቱ እዉ ከተትያ ቦኤዛ ኦዉ ማታ ዳቦ ግደኔ? ሰሳ፡ አ ሀቼ ቃማ ኡዲማን ባንጋ ቡካናዋ።

3 ኔን ሜጨታ፤ ሸቱዋ አከታ። ያታይ ነ ሎኦ ማዋ ማያደ፡ ዲን ኡዲማ ባ፤ ሸን ባይ ቦኤዛ ሚድን ኡሸይ ሰማና ጋካናዉ፡ አ ኦይፍያን ቤቶፓ።

4 እ ግሰያ ዋደ፡ ሀቃን እ ግሰንቶን በአደ፡ አ ገሞእሾንን አ አፍላ ቃራደ፡ አ ገድሳና ግሳ ባሻ። ኔን ሀናናባ አ ነዉ ኦዳናዋ” ያጋዲ።

5 ኡሩታ፡ “ኔን ጌዳዋ ኡባ ታ ሀናና” ያጋዲ።

6 ሄዋ ኡሩታ ዲን ኡዲማ ባደ፡ እዝ ቦሎታታ እዝዉ ኦደዳባ ኡባ ሀናና።

7 ቦኤዛ ሚደ ኡሸይ ባረ ቦላ ፓሽክሴዳዋፕ ጉዮ፡ ካላ ኡልያ ማታን አዲይ ግሴዲ። ኡሩታ ሎዲን ሺቃደ፡ አ ገድያ ቃራደ፡ ገድሳና ግሳ አጋዲ።

8 ሄካ ብላሄ ግድያ ዋደ፡ ብታንያ እትባይ ዳጋገልና ቤጎቲደ፡ አድ ዋዲደ፡ እት ማጫውና አ ገድሳና ግሴዳና ደማዲ።

9 “ሀኔ፡ ኔን ኦኔ?” ያገይ ኦቼዲ።

10 እዛ፡ “ታን ነ ቆማቶ ኡሩቶ፤ ኔን ታ አሰናዉ ማታ ዳቦ ግድያ ድራዉ፡ ታና አካ” ያጋዲ።

11 ቦኤዛ ዛራደ፡ “ታ ናተ፡ መድና ጎዳይ ኔና እንጀ! ሀዌ ነ ኦሻይ ኔን ካሰ ነ ቦሎታትዉ ኦሌዳ ከካተላፕካ አዲ፤ ኔን ማንቆ ዋይ ዲረ ግዴዳ ያላጋ አቱማ አሳ ኮያባካ።

12 ሀእ ሰሞ ታ ናተ፡ ያዮፓ። ኔን ኦቼዳ ኡባ ነዉ ታን ኦላና፡ እያዉ ጎፕ፡ ታ ካታማን ደእያ አሳይ ኡባይ ኔን ሎኦባ ሀንያ ማጫ አሳ ግድያዋ ኡራዲ።

13 ታን ማታ ዳቦ ግድያዋ ቱማ፤ ሸን ታፕ ማታ ዳርያዋ ደኤ።

14 ሀቼ ቃማ ሀዋን አቃ፡ ሞንትና አ ኔና አይሳናዉ ኮዮፕ፡ ሎእ፤ እኮ፡ ሸን አ አይሳናዉ ኮዮናን አጸፕ፡ መድና ጎዳይ ኤር፡ ታን ኔና አካና፡ ሳአይ ዋንታናዉ ሀዋን ግሳሻ” ያጌዲ።

15 እዛ ቦኤዛ ገድሳና ሳአይ ዋንታናዉ ግሳዲ፤ ቦኤዛ፡ “ማጫውና ካላ ኡዲማ ዬዳዋ ኦንነ ኤርፕ” ጌዳ ድራዉ፡ ኡሩታ አሳይ አሳ በኤና ዋድያን ደንዳዲ።

16 ቦኤዛ ኦ፡ “ነ ማዬዳ ቃሞሽያ ሃ አሀደ፡ ፕድ ኦላ ኦይቃ” ያጌዲ። አ ኦይቄና ላታሙ ከሎ ግራሙ ባንጋ ማክ ቆሊደ፡ ኦ ባእሴዲ፡ አ ባአደ ጉዮ ካታማ ባዲ።

17 ኡሩታ ባረ ቦሎታትኮ ዪና፡ ኦሃማ ኦ፡ “ታ ናተ፡ ነባይ ዋይደ?” ያጋይ ኦቻዲ። ብታኒ እዚው ኦሌዳባ ኡባ ኦዲዲ፤

18 “ነ ባን ቦሎታትኮ መላ ከሽ ቦፓ ገይ ሀዋ ላታሙ ከሎ ግራሙ ባንጋ አሜዲ” ያጋዲ።

19 ያትና፡ ኦሃማ፡ “ታ ናተ፡ አይዴ ሀናናዌንቶ በአና ጋካናዉ ናጋ። ብታኒ ሀቼ ሀ ዮወዋ ወርሰናን ሸሞፕና” ያጋዲ።

### 4

#### ቦኤዛ ኡሩቶ እኩሳ (4:1-22)



1 ቦሌዝ ካታማ ጥንግያ ማታን ደእያ ጉታራ ጉደ ከሲደ፣ ያን ኡቴዳ። እ ኦዴዳ ማታ ዳቡ ያና አዲ። ቦሌዝ “ታ እሻዉ፣ ሃ ሰማይ ሀዋን ኡታ” ያጌዳ። እ ሰማይ ኡቴዳ።

2 ቦሌዝ ሄ ካታማ ጭማቱዋጥ ታሙ አሳ ደሪደ፣ “ሀዋን ኡትተ” ያጌዳ፤ ኡንቴንጉቱ ኡቴድኖ።

3 ቦሌዝ ባረ ማታ ዳቡዋ ሀዋዳን ያጌዳ፤ “ሞኣበ ጋድያጥ ሰማይ ዬዳ ኑሃማ፣ ኑ እሻ ኤልመሌካ ጋድያ ባይዛዉ።

4 ሄዋ ድራዉ፣ ታን ነዉ፣ ሀዋን ኡቴዳ አሳ ስንላንነ ታ ካታማ ጭማቱዋ ስንላን፣ “ሻማ” ጋደ ኦዳና ጭገድ። ኔን ዋዛናዉ ኮኖጥ ዋዛ፤ ኮያና ጳኖጥ፣ ታን ኤራናዉ ታዉ ኦዳ። እያዉ ጎጥ፣ ዋዛናዉ ማታይ ደእያዌ ኔጥ ሀራ አሳይ ባዋ፤ ኔጥ ካላደ ታን ደእይ” ያጌዳ።

እ፣ “ታን ዋዛና” ያጌዳ።

5 ቦሌዝ፣ “ጋድያ ናኡዋጥ ሻምያ ጋላሰ፣ አምአቶ ኡሩቶ አካሳ፤ ያቶጥ፣ ሀይቄዳዋ ስንላይ እ ላታ ጋድያን ዴሰታናዋ” ያጌዳ።

6 ሀ ማታ ዳቡ፣ “ሄዋ ግደጥ፣ ታን ዋዛናዉ ዳንዳይከ፤ እያዉ ጎጥ፣ ሄዌ ታና ታ ቡዞ ላታ ጋድያ ባይዘሳና። ሄዋ ኔን ነዉ ዋዛ፤ ታን ዳንዳይከ” ያጌዳ።

7 በን ዋደ እስራኤልያ ጋድያን ኡንነ አቁዋ ዋዘጥ ዋይ ላዋጥ፣ ዛልእያ ዲላናዉ እት ባጋይ ባረ ጫማ ገድያጥ ሾዲደ፣ ሀንኮ ባጋዋ አሜዳ። እስራኤልያ ጋድያን እትባ አቴዋጥ እቶ ሹጵያ ማራይ ሄዋ።

8 ሄዋ ድራዉ፣ ሄ ማታ ዳቡ ቦሌዛ፣ “ኔን ሻማ” ያጌደ፣ ባረ ጫማ ገድያጥ ሾዲዳ።

9 ያትና፣ ቦሌዝ ጭማቱዋን አሳ ኡባ፣ “ታን ኤልመሌካዉን ከልዋናዉን ማአሎናዉ ደእያዋ ኡባ ናአዋጥ ሻሜዳዋ ሀቼ ሀንተንጉቱ ማርካ።

10 ቃይ ሀይቄዳዋ ስንላይ ኡንቴንጉቱ ስ አሳ ስንላ ግደጥ ዋይ ካታማ አሳ ማዘጎባጠ ጳየዳዳን፣ እ ስንላ እ ላታ ጋድያን ዴሰሳናዉ ማአሎና አምአቶ ኡሩቶካ ታን እከያዋ ሀቼ ሀንተንጉቱ ማርካ” ያጌዳ።

11 ጥንገ ጉታራን ደእያ ጭማቱን አሳይ ኡባይ፣ “ኤ፣ ሀዋ ኑን ማርካ! መጵና ጎዳይ ሀኖ ነ ሶ ይያ ማቻቶ፣ እስራኤልያ አሳዉ ማይዛ እቶ ግዴዳ ራሄልዳንነ ልያዳን አሉ። ኔንካ ኤፍራታን ዱረ ግዴዳ ነ ስንላይ ቤተሌመን ኤረቶ።

12 መጵና ጎዳይ ሀ ሎአ ያላጋ ማቻትጥ ነዉ እምያ ዛርያን፣ ትእማራ ይሁዳዉ የሌዳ ፓሪሳ ጎለን ሀኖ” ያጌዳ።

**ቦሌዛ የላታ**

13 ሄዋዳን ኦላደ፣ ቦሌዝ ኡሩቶ እኬዳ፤ እዉ ማቻቶ ግዳዴ። መጵና ጎዳይ እዘዉ ኡሉዋን የሉዋ እምና፣ አቴማ ናኣ የላዴ።

14 ማጫ አሳቱ ኑሃሞ፣ “ሀቼ ኔና ሄማናዉ ነዉ ናኣ ናኣ ጳይሰቤና መጵና ጎዳይ ጋላተቶ! እ ስንላይ እስራኤልያን ኤረቶ!

15 እ ነዉ ሳኣ ኬክሳና፤ ኔን ኤጭያ ዋድያን ኔና እ ሄማና። እያዉ ጎጥ፣ ኔና ደሰያና፣ ላፑን አቴማ ናናጥካ እቆ ነዉ ኬክያኖ፣ ነ ናኣ ማቻታ እ የላዴ” ያጌድኖ።

16 ኑሃማ ዬራ አካደ እድማዴ፤ ያታይ እ ድቻዴ።

17 እ ሾሩዋን ደእያ ማጫ አሳቱ፣ “ኑሃሚው አቴማ ናአይ የለቴዳ” ያጌደ እ ዮቤዳ ስንሴድኖ። ዮቤድ ዳዊተ እዉዋ እስያ የሉዳዋ።

18 ፓሪሳ የላታይ ሀዋጥ ካሊደ ጸረቴዳዋዳን፣ ፓሪሰ ሄጽሮና የሌዳ፤

19 ሄጽሮን ራማ የሌዳ፤ ራም አምናዳባ የሌዳ፤

20 አምናዳባ ናአሰና የሌዳ፤ ናአሰን ሳልሞና የሌዳ፤

21 ሳልሞን ቦሌዛ የሌዳ፤ ቦሌዝ ዮቤዳ የሌዳ፤

22 ዮቤድ እስያ የሌዳ፤ እስይ ዳዊታ የሌዳ።

### ኮይር ሳሜላ ማጻፋ ገሉዋ

ኮይርን ላኢንሎ ሳመላ ግያ ስንገላይ ዬዳዌ ጸሳይ አሰራኤልያ ቢታን ካተቱዋ አይሱዋ ኡሳናው ጎኤቲዳ አሳ ጋሱዋና። ሳመላ ጸሳይ አሰራኤልያ ቦላን ኦራሳ ካትያ አይሱዋ ማራ ኤሴዳዋን እ ኤሴዳ ማራይ ብሊላና ደእና ማላ ኤልዳ አሳ። ሳመላ ማጻፋን ኮይር ሻኩ አሰራኤልያ አሳይ ዳናቱ ዋዲዋጥ ካተቱ ዋድያ ካውተላው ፕኔዳ ሀናታ ኦዳ። ሀ ላሚ አሰራኤልያ አሳ ኡባ ደኡዋ ግደን ኦሰታናው ዳንዳዬዳዌ ሄዙ አሳ ጋሱዋና። ሄዋንቱጥ ኮይር ዉርሰላን ደኤዳ ዎልቃማ ዎልቃማ ዳናቱዋጥ እቱዋ ግድያ ሳመላ ግደደ፣ ላኢንሎ አሰራኤልያው ኮይር ካትያ ግደዳ ሳኑላ። ሄዘንሎ ቃይ ማታ ኦይቃናጥ ካሰ እ ታርኪ ሳመላን ሳኑላ ታርክያና ኦይቃት ኡቲዳ ዳዊታ።

ሀ ማጻፋው ሁጸ ኪታይ ኤጫ ቃላ ጫቁዋ ግደን ደእያ ሀራ ታርክያ ማጻፋቱዋዳንካ፣ ጸሳው አማነትያዌ እንጅን እንጅ ደኦ ካለሰዋን አዛዘተናን እጽያዌ ኩንደላን ባሻ አህያዎ ቦሴ። ሄዋን ጸሳይ ቄሰያ ኤልያው ኦዲደ፣ “ታና ቦንቶያዋንታ ታን ቦንቻና፤ ታና ካድያዋንታ ታን ካዉሻና” ጊደ ሃሳዬዳ ቃላን ቆንጭያን ኦዳ። (2:30)

ሀ ማጻፋይ ካቲ ዋድያ ካውተላ ኤሰያ ማራን አሳው ሰሰትያ ሀናታ ቆንጭሴዳ። ካሰ አይሱዋ ዎጋን አሰራኤልያ አሳው ቱሙ ካትያ ግዲደ ኤሪቲዳዌ ባረ ሁጲያው ጸሳ። ሽን ገዮጥ ጋምኢደ አሳይ ኦሻ ደንሰና፣ ጸሳይ ኤንቱንቶ ካትያ ደራዳ። ሽን ሀ ኡባ ሁጲባይ ካትያ ግድና፣ አሰራኤልያ አሳ ግድናካ፣ ጸሳይ ኤንቱንቱጥ ቦላና ፕርድያዋ ግድና፣ እ ጋርሳን ኤንቱንቱ ደእናሳ (2:7-10)። ሄዌካ ጸሳ ሀግያጥ ጋርሳና ዱሪ ግድና፣ ማንቆ ግድናካ፣ አሳ ኡባ ማታይ ቦንቹትና ደእናው ኮሽያዎ ቦሴ።

#### ሸምጋቱዋ ኡባቶ አመቲዳ ቃንሳ ቆፋቱዋ

ሳሜላ አሰራኤልያ ካለሰዋ ግዲሳ 1:1—7:17

ሳኑል ካትያ ግዲሳ 8:1—10:27

ኮይር ሳኑላ አይሱዋ ላይሳቱዋ 11:1—15:35

ዳዊታን ሳኑላ 16:1—30:31

ሳኑላን እ ናናቱዋ ሀይቁዋ 31:1-13

### ሳመላ አሰራኤልያ ካለሰዋ ግዲሳ

(1:1—7:17)

ኤልቃናን እ ሰይ አሳ

1 ኤፍሪማ ገዘያን፣ ራማ ገተትያ ካታማን ደእያ፣ ኤፍሪማ ዛረን ጸፋ ያራ ግዴዳ፣ ኤልቃና ገተትያ እት ብታኒ ደኤ፤ እ ይሮሃማ ናኣ፤ ይሮሃሞ ኤልሁ ናኣ፤ ኤልሁ ቶሁ ናኣ፤ ቶሁ ጸፋ ናኣ።

2 ኤልቃናው ላኡ ማቻቱ ደእና፤ እትን ስንገላይ ሃና፤ የንኮር ስንገላይ ፕኒና። ፕኒናው ናናይ ደእና፤ ሽን ሃንግ እት ናኣካ ባዋ።

3 ኡባጥ ዎልቃማ መድና ጎዳው ጎይናናውን ያርሻናው ኤልቃን ላይሳን ላይሳን ባረ ካታማጥ ሴሎ ቤ። ኤልያ ናናይ ላኡ፣ ሆፍኒንካ ፐንሃሰ ያን መድና ጎዳ ቄሳቱ ዋ።

4 ኤልቃን ያርሹዋ ያርሸዋ ዎደ አዉደን አሹዋጥ እት ኩሽያ ባረ ማቻት ፕኒንግ። ቃይ እት እት ኩሽያ እ አቱማ ናናውን ማጫ ናናቶ ሁጲያን ሁጲያን አማ።

5 መድና ጎዳይ ሃና የሉዋ ድግንቶካ፣ ኤልቃን እዙ ደሰያ ድራው፣ እዘው ላኡ ኩሽያ እሜ።

6 መድና ጎዳይ ሃንግ ኡባና የሉዋ ድግዳ ድራው፣ እዘ ላጋታ እዘ ሀንቀሳውን ይሎያው።

7 ሀዌ ላይሳጥ ላይሳን ሀንያዋ፤ ሃና መድና ጎዳ ጎላ ቤዳ ዎደ አዉደን እዘ ላጋታ እዘ ዬካና ጋካናው ቁማ ሙሳ አጸና ጋካናው ይሎያው።

8 እዘ አሰናይ ኤልቃን እዘ፣ “ሃኔ፣ ኔን አያዉ ዬካይ? አያዉ ቁማ ሚኪ? ነ ዎዛናይ አያዉ ካዮቲ? ታን ነዉ ታሙ ናናቱዋጥ አድክታየ?” ያጌ።

ሃን ዎሳ

9 እት ጋላሰ ኤንቱንቱ ሴሎን ሜዳዋጥን ኤሹዳዋጥ ጉይያን፣ ሃና ደንዳ ኤቃዳ። ኤቄያ ዎደ፣ መድና ጎዳ ጎልያ ፐንግያ ማታን ደእያ ኦይድያን ቄሰያ ኤል ኡቲዳ።

10 ሃና ሎይሳ ሴላታይ፣ ጫዎ ዬኩዋ ዬካይ መድና ጎዳ ዎሳዳ።

11 እዘ ሀዋዳን ያጋይ ቃንገላ ቃንገታዳ፤ “ኡባጥ ዎልቃማ መድና ጎዳው፣ ታና ነ ቆማቶ ጸላ! ታ ምሹዋ ቦኣይ፣ ታና ሀሳያ፤ ታና ነ ቆማቶ ደጎጋ። ኔን ታው ነ ቆማትው አቱማ ናኣ አዋጥ፣ እ ደኡዋ ላይሳ ኡባን ታን እ ነዉ አማና፤ እ ሁጲ ኡባካ ሚደተና” ያጋዳ።

12 ሃና መድና ጎዳ ዋሳ ኢዱሴዳ ዋደ፡ ኤል እ ደና ጸሌ።

13 ሃና ባረ ዋዛና ግደን ጸሳ ዋሰና ዋደ፡ እ መተርሻይ ቃጸያዋጥ እትና፡ እዝ ቃላይ ሰስተና፤ ሄዋ ድሬው፡ ኤል እዝ ማላቲዳዋዳን ቆፔዳ።

14 ሄዋጥ እዘ፡ “ኔን እውደ ጋካናው ማላቲይ? ዋይንያ ኤሳ ነ ደናጥ ድጋ” ያጌዳ።

15 ሄዋጥ ጉዮ ሃና ሀዋዳን ያጋደ እው ዛሬዲ፤ “ቲይት፡ ታ ጎዳው፡ ታን ሎይላ መቶታንቻ ማጫ እሳ፤ ታን ታ ሸምፑዋጥ መድና ጎዳ ዋሳይጥ እትና፡ ዋይንያ ኤሳ ዋይ ማላይያ ኡሻ ኡሻበይኩ።

16 ታን ታ ቱጋነ ታ ሞሹዋ ዳሩዋ ሀዋን ሃሳዬዳ ድሬው፡ ታና ነ ቆማቶ ፓጋና ማጫ እሳ፤ ጋደ ቆጋጋ” ያጋደ።

17 ሄዋጥ ጉዮ ኤል እዘው ዛሬደ፡ “ሳሮተላን ባይ ኔን ኢ ዋሴዳዋ እስራኤልያ ጸሳይ ነው እዎ” ያጌዳ።

18 ሄዋጥ ጉዮ ሃና፡ “ነ ቆማታ ነ ሰንላን ናሹዋ ደሙ” ያጋደ። ሄዋጥ ጉይያን፡ ኢ ባረ ኦግያ ባደ፡ ቁማ ማዲ፤ ሄዋጥ ሰምና ሙላካ ካዮታበይኩ።

**ሃና ሳመላ የላዲ**

19 ዋንተላ ጋላሰ ጉራና ደንዲደ፡ ኤልቃንነ እ ሶ እሳይ መድና ጎዳው ጎይኔዳዋጥ ጉይያን፡ ባረንቱ ሶ፡ ራማ ካታማ ሰሜድና። ኤልቃን ባረ ማቻት ሃንና እቁዳ፤ መድና ጎዳይ እዘ ቆፔዳ፤

20 እ ሻሃሮ ዋደ ዋዲ ወርና እቲማ ናኣ የላዲ። ሃና፡ “ታን መድና ጎዳ ዋሰና ሰሴዳ” ጋደ እ ሱንላ ሳሙኤሌላ ሱንላዲ።\*

21 ኤልቃን ባረ ሶ እሳ ኡባና ላይላ ያርሹዋ መድና ጎዳው ያርሻናውነ ቃንጌዳዋ ጋላናው ሴሎ ቤዳ፤

22 ሽን ሃና ባበይኩ። ኢ ባረ እሰና፡ “ታ ናኢይ ቆንላ ዱሌዳዋጥ ጉይያን፡ ታን ኢ እፋደ፡ መድና ጎዳው እማ፤ መድናው እ ያን ደእናዎ” ያጋደ።

23 እ እሰናይ ኤልቃን፡ “ኔና ሎኦዋ ኦላ፤ እ ኔን ቆንላ ዱላና ጋካናው ሶን ጋምእሻ፤ ያንናካ መድና ጎዳይ ባረ ቃላ ፖሎ” ያጌዳ። ሄዋጥ ጉዮ ሃና ቆንላ ዱላና ጋካናው ባረ ናኣ ቆንላይ ሶን ጋምእዲ።

24 ሃና እዝ ናኢይ ቆንላ ዱሌዳዋጥ ጉይያን፡ ሳመላን ሄዙ ላይላ ኮሩማ፡ ታሙ ኪሎ ግራመ ጴልያን ኦጎሩዋ ኩመንላ ዋይንያ ኤሳ እካደ መድና ጎዳ ጎልያ ሴሎ ባዲ፤ ናኢይ ሄ ዋደ ጉላ።

25 ኡንቱንቱ ኮሩማ ሹኤዳዋጥ ጉይያን፡ ናኣ ኤልያኮ እፌድና።

26 ሃና ኤልያ፡ “ታ ጎዳው፡ ነ ደኡ ኤሮ! ነ ሰንላን ኤቃደ መድና ጎዳ ዋሴዳ ሞሽራታ ቱሙ ታናቲ።

27 ታን ሀ ናኣ የላናው ዋሰና፡ መድና ጎዳይ ታን ኢ ዋሴዳዋ እሜዳ።

28 ሄዋ ድሬው፡ ታን መድና ጎዳው ኢ እማድ፤ እ ባረ ደኡ ላይላ ኡባን መድና ጎዳው እመቲዳ” ያጋደ። ሄዋጥ ጉይያን፡ ኡንቱንቱ መድና ጎዳው ያት ጎይኔድና።

## 2

**ሃን ዋሳ**

1 ሃና ሀዋዳን ያጋደ ዋሳዲ፤

“ታ ዋዛናይ መድና ጎዳን ናሸቲ፤ መድና ጎዳን ታ ዋልቃይ ዳሬዳ። ታ ሞርኩቱዋ ቦላን ታን ጨቀታደ ሃሳያይ፤ መድና ጎዳይ ታና እሹዳ ድሬው፡ ታን ናሸታይ።

2 “መድና ጎዳ ማላ ጌሽ እቲነ ባዋ፤ እ ማል እቲነ ባዋ። ኑ ጸሳጥ እትና፡ ሀራ እትያ ዋጋ ዛላይ ባዋ።

3 “ኡቶሮ ሃሳያ እግተ፤ ኡቶሮ ቃላይ ሀንተንቱ ደናጥ ከሰፖ። እያው ጎጥ፡ መድና ጎዳይ ኤርያ ጸሳ፤ እሳ ኦሱዋ እ ይግ ጸሌ።

4 “ኡላንቻቱዋ ዋንዳሬ መኤዳ፤ ሽን ቆብቲዳዋንቱ ዋልቃ ዳንጨድና።

\* 1:20 ሳሙኤሌላ- ሀ ሱንላ ብለላይ “ጸሳይ ሰሴዳ” ግያዎ። 2:1 ሉቃስ 1:46-55

5 ካል ኡቴዳዋንቱ ኮሻቲደ፥  
 ቁማዉ ሀራዉ ኦሊኖ፤  
 ሽን ኮሻት ኡቴዳዋንቱ ሀእ ካሌድኖ።  
 ማንላታ ላቸን ናና የላዲ፤  
 ሽን ጮራ ናና የሌዳና ዳቡራዲ።

6 “መድና ጎዳይ ዎዴነ ፓሌ፤  
 ቃይ እ ዱገ ሰኦልያን የጊነ ፑደ ከሴ።

7 መድና ጎዳይ ማንቀሌነ ዱረዬ፤  
 ቃይ እ ዘቂሴነ ቶቂሴ።

8 እ ሀዬሳቱዋ ባናፕ ደንሌ።  
 መቶታንቻቱዋካ ብድንሳ ፕቱዋፕ ደንሌ፤  
 ኡንቱንታ ካፓቱዋና ኡትሴ፤  
 ኡንቱንታ ቦንቾ አራታ ላትሴ።

“አያዉ ጎፕ፥ ቢታ ባሳቱ መድና ጎዳሳ፤  
 እ ኡንቱንቱ ቦላን ሳእ ኤሴዳ።

9 እ ጸሳ አሳቱዋ ገድያ ናጌ፤  
 ሽን ኢታቱዋ እ ጹማን ጮኤ ኡዳና።

“አሳይ ባረ ዎልቃን ጸንና፤

10 መድና ጎዳና ኤቀትያዋንቱ ሊቃና።  
 እ ሳሉዋፕ ኡንቱንቱ ቦላ ጉጉንሳዳን ጉማና፤  
 መድና ጎዳይ ሳእን ደእያዋንታ ኡባ ፕርዳና።

“እ ባረ ካትያዉ ዎልቃ እማና፤  
 እ ባረ ኦኪዳዎ ጸኑዋ እማና”  
 ያጋደ ዎሳዲ።

11 ሄዋፕ ጉይያን፥ ኤልቃን ራማን ደእያ ባረ ሶይ ቤዳ፤ ሽን ናአይ ሳመል ቄሰያ ኤልያፕ ጋርሳና መድና ጎዳዉ ኦሌ።

**ኤልያ አቱማ ናና ኢታተላ**

12 ኤልያ አቱማ ናናይ ኢታ ናናቱዋ፤ ኡንቱንቱ መድና ጎዳ ኤርክና፥

13 ዎይ ያርሹዋ እምያ አሳዉ ቁሳቱ ኦልያ ዎጋ ናግክና። ሄዋን፥ አሳይ ያርሹዋ ያርሸያ ዎደ፥ ቄሰያ ቆማይ ሄዙ እቻ ብራታ ኮጫን እኩዳ፤ እሹ ብሮ ካእ ደእሸን፥

14 ደይሰያ ዎጋ ኦቱዋን ዎይ ከርያን ሄ ኮጫ የዲደ፥ ኮጫይ ኦይቁ ከሰያ አይ ቆዋ እሹዋ ግደፕ ኦልደ፥ ቄሰያዉ እማ። ያርሹዋ ያርሻናዉ ሴሎ ይያ እሰራኤልያ አሳ ኡባ ኡንቱንቱ ሀዋዳን ኦሊኖ።

15 ቃይ ሞጹዋ ያርሸያ ሳእን ጸዳናፕ ካሰቲደ፥ ቄሰያ ቆማይ ያርሹዋ ያርሸያ ብታንያኮ ቢደ፥ “ቄሰ ቃየ እሹዋፕ አትና፥ ደይሳ እሹዋ ኔፕ አከና ድራዉ፥ አዉ ጸዳናዉ አማራዳ እሹዋ ሀማ” ያጌ።

16 ሄዋፕ ጉየ ብታነ ዛሪደ፥ “ዎጋዳን ቁሳቱ ሞጹዋ ኮይሮ ጸግና፤ ሄዋፕ ጉይያን፥ ኔን ኮይያዋ አካ” ያግያ ዎደ ቄሰያ ቆማይ፥ “ቱይት፤ ታዉ ሀእ እማ፤ ኡባ ኔን ድጎፕ፥ ታን ኔፕ ዎልቃን አካና” ያጌ።

17 መድና ጎዳዉ እምያ ያርሹዋ ኤልያ ናናይ ካጼዳ ድራዉ፥ ኡንቱንቱ ናጋራይ መድና ጎዳ ሰንሳን ሎይሰ ዳሬዳ።

**ናእ ሳመላ**

18 ሽን ሳመል ናአተላን ደኢደ፥ ሱፍያ ጌተትያ ክርያፕ ዳደቲዳ ኤፋደ ጌተትያ ማዩዋ ማዪደ፥ መድና ጎዳዉ ኦሌ።

19 ሳመላ ዳያ ላይላን ላይላን ጉላ ቆልያ ጊግሳደ፥ ላይላ ያርሹዋ ያርሻናዉ ባረ አሰናና ባደ ሳመላዉ አካደ ባዉ።

20 ኤል ኤልቃናን እ ማቻቶ፥ “ነ ማቻታ መድና ጎዳዉ እማዳ ናእ ድራዉ መድና ጎዳይ ነዉ ሀ ዎሽራትን ሀራ ናና እም” ያጌደ እንጂ፤ ያትና፥ ኡንቱንቱ ባረንቱ ሶይ ሰማና።

21 መድና ጎዳይ ሃኖ እንጅና፥ ሻሃራደ ሄዙ አቱማ ናናን ላኡ ማጫ ናና የላዲ። ናአይ ሳመል መድና ጎዳ ሰንሳን ድጩዳ።

ኤልያስ አ ናና

22 ኤል ሎይሳ ኤጩዳ። አ ናናይ እስራኤልያ አሳ ኡባ ቦላ ኦሌዳ ኡባባነ ቃይ ዳሳ ዲንካንያ ፕንግያን ዳሳዉ ኦልያ ማጫ አሳቱዋና ግሴዳዋ ሰሴዳ።

23 ኡንቱንታ። “ህንተንቱ ሀዋ ማላ እያዉ ኦሌቱ? ህንተንቱ ኢታ ከታ ታን አሳ ኡባፕ ሰሳይ።

24 ታ ናቶ። ሀዋ አግተ፤ መጅና ጎዳ አሳይ ህንተንታ ግያዋ ታን ሰሴዳዋ ሎኦባ ግደና።

25 እት አሳይ አሳ ናቆፕ። ዳሳይ እዉ ጋናታና፤ ሽን አሳይ መጅና ጎዳ ናቆፕ። ኦኔ እዉ ጋናታናዌ?” ያጌዳ።

መጅና ጎዳይ። “ታን ኡንቱንታ ዋቆና” ጌዳ ድራዉ። ኡንቱንቱ ባረንቱ እዉዋ ሴራ ሰሰናን እጼድና።

26 ናእይ ሳመል ዳሳ ሰንላንነ አሳ ሰንላን ድጩዳነ ሳበቱዳ።

ኤልያ ሰይ አሳ ቦላ ኦደቲዳ ትምቢትያ

27 እት ጋላሰ ዳሳ አሳይ ኤልያኮ ዪደ አ። “መጅና ጎዳይ ሀዋዳን ያጌ፤ ሳ ማይዛ እዉ እርነነ አ ሶ አሳይ ግብጼ ካትያ አይለተላን ደእያ ዎደ። ታን ኡንቱንቶ ቆንጫድ።

28 እርነ ታ ያርሽያ ሳእ ፑደ ከሳና ማላ። እጸና ጩዋያና ማላነ ታ ሰንላን ኤፋድያ ማያና ማላ። ታዉ ቁሰያ ኡዳደ እስራኤልያ ዛራቱዋ ኡባፕ አ ድራድ። ቃይ እስራኤልያ አሳይ ታማን ያርሽያ ያርሹዋ ኡባ ታን ነ እዉዋ ዛርያዉ እማድ።

29 ታን ታ ደእያ ሳእ ሺሻና ማላ አዛዜዳ ታ ያርሹዋነ እምያዋ ህንተንቱ እያዉ የጅ ካኢቱ? ታ አሳይ እስራኤሊ። ታዉ ሺሹዳ ያርሹዋ ኡባፕ ሙሩትያዋ ህንተንቶ ማደ እርድያዋን። ኔን ነ ናና ታፕ አሳደ እያዉ ቦንቻድ?” ያጌ።

30 “ሄዋ ድራዉ። መጅና ጎዳይ እስራኤልያ ዳሳይ ሀዋዳን ያጌ፤ ሳ ዛሪነ ነ እዉዋ ዛሪ መጅናዉ ታዉ ኦላና። ጋድ፤ ሽን ሀእ። ሄዌ ታፕ ሃኮ! ታና ቦንቻያዋንታ ታን ቦንቻና፤ ታና ካጅያዋንታ ታን ካዉሻና።

31 ነ ዛርያን አሳይ ጭመና ማላ። ታን ነ ዋልቃነ ነ እዉዋ ዛርያ ዋልቃ ጳይሰያ ጋላሳቱ ያናዋ።

32 ኔን መቶታና፤ ታን እስራኤልያ አሳዉ እምያ አንጁዋ በእደ ኔን ቃናታና፤ ሽን ነ ዛርያን ጭማና አሳይ ኦንነ ባዋ።

33 ታን ታ ያርሽያ ሳፕ ጳይሰና አሳይ ደኡ። አ ጋሱዋን ነ እይፊ አርጺደ ቆቃናን ነ ዋዛናይካ ሞሹዋ ጸ-ጎታና፤ ነ ዳር ዘረሳ ኡባይ ያላጋተላን ደኢደ ሀይቃና።

34 “ነ ናናይ ላኡ ሆናኒንነ ፕንሃሰ እት ጋላሰ ሀይቃና፤ ሄዌ ነዉ ማላታ ግዳናዋ።

35 ታን ታዉ እማንትያ ቁሰያ። ታ ዋዛናዳንነ ታ ቆፋዳን ኦልያዋ ደንላና፤ ታን አ ዛራቱ ደእ በእናዳን ኦላና፤ ታን ደራዳዌ ካትያ ሰንላን ኡንቱንቱ ኡባ ዎደ ኦላና።

36 ነ ዛርያን እቲዳ ኡባይ ጉላ ሚሻ ዎይ ባሶ ኡክላ ዋሳናዉ ዪደ። አ ሰንላን ጉፋኒደ። ‘ታን ኡክላ ማና ማላ። ቁሳቱ ዋፕ እቲዋ ሳእ ማላን ታና ዋሳርኪ’ ያጋና ያጌ” ያጌዳ።

3

ዳሳይ ሳመላ ጼሴዳ

1 ናእይ ሳመል ኤልያፕ ጋርሳና መጅና ጎዳዉ ኦሌ፤ መጅና ጎዳ ቃላይ ሄ ዎደ ሎይሳ አልእ፤ ሳጸይነ ዳረና።

2 አይፊ ጸላናዉ ለፕና። ዋየት ጸልያ ኤል እት ጋላሰ ቃማ ባረ ሳእን ግሴዳ።

3 ሄ ዎደ ዳሳ ጸምፒ ብሮ ቶእቤና፤ ቃይ ዳሳ ታቦታይ ደእያ መጅና ጎዳ ጎላን ሳመል ገምእሹ።

4 መጅና ጎዳይ ሳመላ ጼሴዳ፤ ሳሚል። “ኦሴ!” ጌደ ኮዬዳ።

5 ኤልያኮ ዎጵ ቢደ። “ኔን ጼሰና ሄኮ ያድ” ያጌዳ።

ሽን ኤል። “ታን ኔና ጼሳበይከ፤ ባደ ግሳ” ያጌዳ፤ ሳመል ቢደ ግሴዳ።

6 ቃይካ መጅና ጎዳይ። “ሳመላ” ያጌደ ላኤንሎዋ ጼሴዳ፤ ሳሚል ደንዲደ። ኤልያኮ ቢደ። “ኔን ጼሰና ሄኮ ያድ” ያጌዳ።

ሽን ኤል። “ታ ናእዉ። ታን ኔና ጼሳበይከ፤ ባደ ግሳ” ያጌዳ።

7 ሳመል ሄዌ መጅና ጎዳ ግድያዋ ኤርቤና፤ እያዉ ጎፕ። መጅና ጎዳ ቃላይ ብሮ እዉ ቆንጭቤና።

8 መጅና ጎዳይ ሳመላ ሄዘንሎዋ ጼሰና ደንዲደ። ኤልያኮ ቢደ። “ኔን ጼሰና ሄኮ ያድ” ያጌዳ።

9 ዋን መጅና ጎዳይ ናእ ጼሰያዋ ኤል አኬኬዳ፤

10 “ባደ ግሳ፤ አ ኔና ጼሰያዋ ግደፕ። መጅና ጎዳዉ። ኦዳ፤ ታን ነ ቆማይ ሰሳይ ያጋ” ያጌደ ኦዳዳ፤ ሳመል ባረ ሳእ ቢደ ግሴዳ።

11 ሄዋፕ ጉይያን። መጅና ጎዳይ ዪደ ሄዋን ኤቁደ ካሰዋዳን። “ሳመላ። ሳመላ” ያጌደ ጼሴዳ። ሳመል። “ኦዳ፤ ታን ነ ቆማይ ሰሳይ” ያጌዳ።

- 11 መድና ጎዳይ ሳመላ፡ “በእ! ሰሰያ አሳ ኡባዉ ሀይላዉ ኢትያ እትባ እሰራኤልያ ቦላ ታን ኦላና ሀናይ።
- 12 ታን ኤልያ ሶይ አሳ ቦላ ሃሳዬዳ ኡባባ ሄ ጋላሳን ኮይሩዋፕ ዉርሰላ ጋካናዉ ኤልያ ቦላ አሀና።
- 13 ኤል ኤራዳ ናጋራ ድራዉ፡ ታን አ ሶይ አሳ ቦላ መድናዉ ፕርዳናዋ አዉ ኦዳ ዋላድ፤ እያዉ ሳፕ፡ አ ናናይ ሸቅሰያባ ኦልያ ዋይ፡ አ ኡንቲንታ ስርቤና።
- 14 ሄዋ ድራዉ፡ “ኤልያ ሶይ አሳ ናጋራይ ያርሹዋን፤ እሙዋን ኡባካ አቶ ጌተቶፕ” ያጋይ ታን አ ሶይ አሳዉ ጫቃድ” ያጌዳ።
- 15 ሳመል ሳካይ ዋንታና ጋካናዉ ግሴዳ፤ ዋንትና ደንዲደ፡ መድና ጎዳ ጎልያ ፕንግያ ዶዬዳ። ሳመል ሳጸባ ኤልያዉ ኡዳናዉ ያዩዳ።
- 16 ኤል ሳመላ፡ “ታ ናአዉ ሳሜላ” ያጌደ ዶሴዳ። ሳመል፡ “አቤ” ጌደ ኮዬዳ።
- 17 ኤል ሀዋዳን ያጌደ ሳመላ ኦቹዳ፤ “ጸሳይ ነዉ ኦዴዳዌ እዬ? ታፕ አይ፤ ቆሶፓ፤ ኔን ጸሳይ ነዉ ኦዴዳዋፕ እትባን ታፕ ቆሶፕ፡ ጸሳይ ሄዋዳን ነ ቦላ ኦሎ” ያጌዳ።
- 18 ሄዋፕ ጉዮ ሳመል አይ፤ ቆሶናን ኡባባ ኤልያዉ ኦዴዳ። ኤል፡ “አ መድና ጎዳይ፤ አ ባረና ሎአዋ ኦሎ” ያጌዳ።
- 19 ሳመል ድጭያ ዋይ መድና ጎዳይ አናና ደኤ፤ ሳመል ሃሳዬዳባፕ እት ቃላይ፤ ሳካን ዋድቤና።
- 20 እሰራኤልያ ዛዋን ዳናፕ ቢደ በርሳባሀ ጋካናዉ፡ ሳመል መድና ጎዳዉ ቱሙ ትምቤትያ ኦድያዋ ግድያዋ እሰራኤልያ አሳይ ኡባይ ኤራዳ።
- 21 መድና ጎዳይ ሴሎን ቆንጮ፤ ያን ባረ ቃላን ባረናተላ ሳመላዉ ቆንጭሴዳ። ሳመል ሃሳዬዳ ቃላይ እሰራኤልያ ኡባ ጋኤዳ።

### 4

#### ጸሳ ታቦታይ ኦሞደቲዳ

- 1 እሰራኤላቱ ፕልሰጾማቱዋና ኦለታናዉ ከሴድኖ፤ እሰራኤላቱ ኤበንኤዘረን ሸቅና፡ ፕልሰጾማቱ አፊፊን ሸቅድኖ።
- 2 ፕልሰጾማቱ ጭታን ጭታን ግዲደ፡ እሰራኤላቱዋና ኦለታናዉ ደንዴድኖ፤ ኦላይ ሱልና፡ ኦይዲ ቫአ እሰራኤላቱዋ ዋዴዳ ፕልሰጾማቱዋን እሰራኤላቱ ጸንቲድኖ።
- 3 ኦላንቻቱ ሸቅዳ ሳካ ሰሜዳ ዋይ፡ እሰራኤልያ ጭማቱ፡ “ሀቹ መድና ጎዳይ ኦና ፕልሰጾማቱዋን እያዉ ጸንሴዳ? ኦናና ባናዳን፤ ኦና ኦ ሞርከቱዋ ኩሸያፕ አሻናዳን ጸሳ ቃላ ጫቁዋ ታቦታ ሴሎፕ እነ አሆይተ” ያጌድኖ።
- 4 ሄዋ ድራዉ፡ አሳይ ሴሎ ኪትና፡ ክሩበቱዋ ግዴዋን አራታን ኡትያ ኡባፕ ዋልቃማ መድና ጎዳ ቃላ ጫቁዋ ታቦታ አሄድኖ። ኤልያ ናናይ ላአቱ ሆፍኒን፤ ፒንሃሰ ጸሳ ቃላ ጫቁዋ ታቦታና ያን ደኢኖ።
- 5 መድና ጎዳ ቃላ ጫቁዋ ታቦታይ ሸቅዳ ሳካ ጋኤዳ ዋይ፡ እሰራኤላቱ ኡባይ ቢታይ ቃጸና ጋካናዉ ባረንቱ ቃላ ቶቁ ኦሊደ፡ “ጸሳ ቃላ ጫቁዋ ታቦታይ ጋኤዳ” ያጌድኖ።
- 6 እሰራኤላቱዋ ጫቡዋ ፕልሰጾማቱ ሰሲደ፡ “ሀዌ አብራዌቱ ሸቅድኖ ሳን ሰሰትያ፡ ዋልቃማ ዋላሳይ አዬ?” ያጌድኖ።
- 7 መድና ጎዳ ታቦታይ ኡንቲንቲ ሸቅዳ ሳካ ዬዳዋ ፕልሰጾማቱ ኤሪደ ያዩድኖ።
- 8 ሀዋዳን ያጌድኖ፤ “ጸሳይ ኡንቲንቲ ሸቅዳ ሳካ ዬዳ። አዮ አና ኦና! ሀዋ ማላባይ ሀዋፕ ካሰ ሀን ኤረና።
- 9 አዮ አና ኦና! ሀ ዋልቃማ ጸሳቱዋ ኩሸያፕ ኦና አሻናዌ ኦኔ? ሀ ጸሳቱ ግብጾቱዋ ዋራን ቦሻ ኡባን ሸጮዳዋንታ።
- 10 ሀንተንቶ ፕልሰጾማቶ፡ ሞንተ! አሳዳን ኦለትተ! ሄዌ ጳዮፕ፡ ሀንተንቲ ኡንቲንታ ካሰ አይለተላን ዋዴዳዋዳን፡ ኡንቲንቲካ ሀንተንታ ሞዳናዋንታ። ሄዋ ድራዉ፡ አሳዳን ኦለትተ!” ያጌድኖ።
- 11 ፕልሰጾማቱ ኦለቲደ፡ እሰራኤላቱዋ ጸኔድኖ፤ እሰራኤላቱ ባረንቲ ዲንካንያኮ ባቃቲድኖ። ሄ ኦላን ዳር አሳይ ጎራኤቲዳ፤ እሰራኤልያ ኦላንቻቱዋፕ ሀታሙ ቫአይ ሀይቁዳ።
- 12 ጸሳ ታቦታይ ኦሞደቲዳ፤ ኤልያ ናናይ ላኡ፡ ሆፍኒን፤ ፒንሃሰ ሀይቁድኖ።

#### ኤልያ ሀይቁዋ

12 በጊያማ ዛረ ግዴዳ እት ብታኒ ኦላ ደምባፕ ዋጺደ፡ ሄ ጋላሰ ሴሎ ጋኤዳ፤ ካዩዋ ኤርሳናዉ አ ባረ ማዩዋ ፔዲደ፡ ባረ ሁጺያንካ ባና ላሌዳ።

13 ሄ ብታኒ ጋክያ ዎደ፣ ኤል ባረ ዋዛናን ጸሳ ታቦታባ ህርጌዳ ድራው፣ ናጊደ ኦግያ ዶናን ደእያ ባረ ኦይድያን ኡቱዳ። ብታኒ ካታማ ገሊደ፣ ሀኔዳባ ኦድና፣ ካታማይ ኡባይ ዋሱዋ ጸሌዳ።

14 ኤልካ ሄ ዋሱዋ ሰሲደ፣ “ሀዌ አይባ ዋሱ?” ያጌዳ።

ብታኒ ኤልካ ዪደ፣ ኤልያው ኦዶዳ፤

15 ኤል ኡዲፕን ታማነ ሆሰፕን ላይላ ጭማ ግዴዳ፣ አይፊካ ጸላ አጊደ ጎልጂዳ አሳ።

16 ብታኒ ኤልያው፣ “ኡላ ደምባፕ ዬዳዌ ታና፤ ታን ሀቼ ያፕ ባቃታድ” ያጌዳ።

ሄዋፕ ጉዮ ኤል፣ “ታ ናኸው፣ ያትና ዋኔዴ?” ያጊደ ኦቼዳ።

17 ኦዶዋ አሄዳ ብታኒ፣ “አስራኤላቱ ፕልሰጾማቱዋ ሰንሳፕ ባቃቱድና፤ ዳሮ አሳይ ዉሬዳ፤ ነ ናናይ ላኡ ሆፍነንገ ፒንሃሰ ሀይቁድና፤ ጸሳ ታቦታይካ ኦምደቱዳ” ያጌዳ።

18 ብታኒ ጸሳ ታቦታባ ኦዶዳ ዎደ፣ ፒንግያ ማታን ደእያ ባረ ኦይድያፕ ኤል ገዩ ኩንድና፤ ባርጋል መእና ሀይቁዳ፤ አያው ጎፕ፣ አ ጭማነ ኦርዲዋ። ኤል አስራኤልያ ጋድያን ኦይታሙ ላይላ ዳናቱዳ።

19 ኤልያ ናአ ፒንሃሳ ማቻታ የላናዉ ዎዲ ጋኬዳ ሻሃራ። ጸሳ ታቦታይ ኦምደቱዳዋነ ባረ ቦሉነ ባረ አስናይ ሀይቁዳዋ አ ሰሲዳ ዎደ፣ ቆፕናን የሉ አዘ ኦይቁና የላዲ።

20 አ ሀይቃናዉ ማታቱዳ ዎደ፣ የልሰያዋንቱ፣ “ኔን አቱማ ናአ የሌዳ ድራው ያዮፓ” ያጌድና፤ ሽን ኡንቱንቶ አ አይነ ዛራቢይኩ፤ ኡንቱንቱ ግያዋካ ሀይዛቢይኩ።

21 አ ባረ ናአ አካቦዳ \* ሰንሳዳ፤ ጸሳ ታቦታይ ኦምደቱዳ ድራውነ ባረ ቦሉነ ባረ አስናይ ሀይቁዳ ድራው፣ “ቦንቹ አስራኤላቱዋፕ ሻከቱዳ” ያጋዲ።

22 አ፣ “ቦንቹ አስራኤላቱዋፕ ሻከቱዳ፤ አያው ጎፕ፣ ጸሳ ታቦታይ ኦምደቱዳ” ያጋዲ።

### 5

#### ጸሳ ታቦታይ ፕልሰጾማ ካታማቱዋን ደኤዳ

1 ፕልሰጾማቱ ጸሳ ታቦታ ኦምደዳዋፕ ጉይያን፣ ኤቦንኤዜራፕ አሽዶዳ አፌድና።

2 ጸሳ ታቦታ አፊደ፣ ዳጎና ጌተትያ ኤቃ ጎልያ ገልሲደ፣ ዳጎና ማታን ኤሴድና።

3 አሽዶዳ አሳይ ዋንተላ ጋላሰ ጉሪደ ደንዴዳ ዎደ፣ መቅና ጎዳ ታቦታ ሰንሳን ዳጎን ባረ ዴሙዋን ቢታን ጉፋኔዳዋ በኤድና፤ ዳጎና ደንሴደ፣ ካሰ ሳኒን ኤሴድና።

4 ቃይካ ዋንተላ ጋላሰ ጉሪና ደንዲ ዪደ፣ ኡንቱንቱ መቅና ጎዳ ታቦታ ሰንሳን ዳጎን ባረ ዴሙዋን ቢታን ጉፋኔዳዋ በኤድና፤ ሄ ዎደ ዳጎና ሁጲያነ አ ላኡ ኩሺ መኤራቲደ፣ ፒንገ ጎጲን ደኤ፤ ሀንኮ አሳተላይ አዌ ዲማ አቱዳ።

5 ሄዋ ድራው፣ ዳጎና ቁሳቱ ነ አሽዶዳን ደእያ ዳጎና ጎልያ ገልያ አሳቱ ኡባይ ዳጎና ፒንገ ጎጲ ሀቼ ጋካናሰካ የቋ ኤርክና።

6 አሽዶዳ ካታማ ቦላነ ሄዋ ሄራን ደእያ አሳ ቦላ መቅና ጎዳ ኩሺ ዋልቃሚዳ፤ ጸሳይ ኡንቱንቱ ቦላን ቦሻ የዲደ፣ ጋፋዋ ሀርግያን ኡንቱንታ ሙራዳ።

7 አሽዶዳ ካታማ አሳይ ሀኔዳባ በኤዳ ዎደ፣ “አስራኤልያ ጸሳ ኩሺ ኑ ቦላነ ኑ ጸሳ ዳጎና ቦላ ዋልቃሚዳ ድራው፣ አስራኤልያ ጸሳ ታቦታይ ኑ ማታን ጋምኦፖ” ያጌድና።

8 ፕልሰጾማ ካፓቱዋ ኡባ ባረንቱኮ ጸሴ ሺሺደ፣ “አስራኤልያ ጸሳ ታቦታ ዋታኔ?” ያጊደ ኦቼድና።

ሽን ካፓቱ፣ “አስራኤልያ ጸሳ ታቦታይ ጋተ ጌተትያ ካታማ ቦ” ያጊደ ዛሬድና። ያትና፣ አስራኤልያ ጸሳ ታቦታ ጋተ አፌድና።

9 ሽን ታቦታይ ጋተ ጋኬዳዋፕ ጉይያን፣ መቅና ጎዳ ኩሺ ሄ ካታማ ቦላ ዋልቃሚደ፣ ሎይሐ ዋልቃሚዳ ዳጋንሱዋ ዳጋንሱዳ፤ ያቲደ ካታማን ደእያ አሳ ናናቱዋፕ ጭማ ጋካናዉ ጋፋዋ ሀርግያን ሾጩዳ።

10 ሄዋ ድራው፣ ጸሳ ታቦታ ኤቅርና ካታማ የዴድና።

ጸሳ ታቦታይ ኤቅርና ገልያ ዎደ፣ ኤቅርና አሳቱ ሀዋዳን ያጊደ ዋሴድና፤ “ኑና ኑ አሳ ዋቆናዉ አስራኤልያ ጸሳ ታቦታ ኑኮ አሄድና” ያጌድና።

11 ሄዋ ድራው፣ ፕልሰጾማ ካፓቱዋ ጸሴ ሺሺደ፣ “አስራኤልያ ጸሳ ታቦታ ሀዋፕ ድግተ፤ አ ጉዮ ባረ ሳኦ ሰዋ፤ ሄዌ ቆዮፕ፣ ኑና ኑ አሳ ዋቆና” ያጌድና። አያው ጎፕ፣ ካታማ ኡባን ሀይቁዋ ዳጋማይ ደኤ፤ ጸሳ ኩሺካ ካታማ ቦላ ዋልቃሚዳ።

12 ሀይቁዋፕ አቱዳ አሳቱ ጋፋዋ ሀርጌድና፤ ሄ ካታማ ዋሱነ ሳሉዋ ጋኬዳ።

### 6

#### ጸሳ ታቦታይ አስራኤልያ ሰሜዳ

\* 4:21 አካቦዳ፡- ሀ ሰንሳ ብላላይ አብራዌሉዋን፣ “ቦንቹ ባዋ” ግያዋ።

1 መድና ጎዳ ታቦታይ ፕልሰጾማ ቢታን ላፑን አገና ኡቴዳ።

2 ሄ ዋደ ፕልሰጾማ አሳቱ ቁሳቱ ዋነ ሻሬቻቱዋ ጾሲደ፡ “መድና ጎዳ ታቦታ ኑን ዋታኔ? ኑን ጉየ ኦ ሳኣ ኦ ዋት የዳነንቶ፡ ኑዉ ኦድተ” ያጌድና።

3 ኡንቱንቱ፡ “አሰራኤልያ ጸሳ ታቦታ ጉየ የድያዋ ግደፕ፡ መላ የደፕተ፤ አይ ሀኒደነ ሀንተንቱ ባይዘዋ ያርሹዋ እዉ የድተ፤ ያቶፕ፡ ሀንተንቱ ፓጻና፤ ኦ ኩሺ ሀንተንቱ ቦላፕ እያዉ ክችቤነንቶካ ሀንተንቱ ኡራና” ያጌደ ዛሬድና።

4 ፕልሰጾማ አሳቱ፡ “ኑን እዉ የዳናዉ በሰያ ባይዘዋ ያርሹ እዬ?” ያጌደ ኦቼድና።

5 ሸን ኡንቱንቱ፡ “ሀንተናነ ሀንተንቱ ካፓቱዋ ጋኪዳ ቦሻይ እቱዋ ግድያ ድራዉ፡ ፕልሰጾማ ካፓቱ ፓይዳዋዳን እቼሹ ዋርቃ ክጻቱዋነ እቼሹ ዋርቃ ኤጨረቱዋ የድተ።

6 ሀንተንቱ ሄ ክጻነ ሀንተንቱ ጋድያ ባይዘያ ሄ ኤጨረቱ ሞሰለቱዋ መዲደ፡ እሰራኤልያ ጸሳዉ ቦንቸዋ አምተ፤ ኡን ኤሪ ሀንተንቱ ቦላፕ፡ ሀንተንቱ ጸሳቱዋ ቦላፕነ ሀንተንቱ ጋድያ ቦላፕ ባረ ኩሺ ለ ደንሳናዋ።

7 ግብጹ አሳቱነ ኡንቱንቱ ካቲ ዘርያ አከናን እጾዳዋዳን፡ ሀንተንቱ እያዉ ዘርያ አከናን እጾቴ? ጸሳይ ኡንቱንታ ኢሲደ ሙርና፡ ኡንቱንቱ እሰራኤላቱዋ ባረንቱ ኦግያ ባና ማላ የድቦይክናየ?

8 “ሀእ እት ኦራሳ ጋርያ ጊግሰተ፤ ቃምባራይ ኡንቱንቱ ዋርግያን ዋድ ኡሪና፡ ጻንሰያ ላኡ ሚዛቱዋ ሄ ጋርያን ዋጽተ፤ ሸን ማራቱዋ ኡንቱንቱፕ ዱሊደ ሰይ እፍተ።

9 መድና ጎዳ ታቦታ እኪደ፡ ጋርያ ቦላን ዋጻተ፤ ባይዘዋ ያርሹ ሺሼዳ ዋርቃ ሚሻ ሳጽንያ ግደን የጊደ፡ ሳጽንያ ጸሳ ታቦታ ማታን ዋሌደ፡ እ ባና ማላ የድተ።

10 ሸን ኦ ብያሳኣ ጾልተ፤ እ ባረ ዛዋ ኦይቂደ፡ ቤት-ሸመሽ ዛሬደ ብያዋ ግደፕ፡ ሀ ዋልቃማ ቦሻ ኦ ቦላ አሄዳዌ መድና ጎዳ፤ ቤና ሰርሳ ግደፕ፡ ሀዌ ኦ ቦላ ጮ ጋኪዳፕ አትና፡ ኦና ደቼዳዌ ጸሳ ኩሽ ግደናዋ ኑን ኡራና” ያጌደ ዛሬድና።

11 ኡንቱንቱ ሄዋዳን ኡሌድና፤ ኡንቱንቱ ጻንሰያ ላኡ ሚዛቱዋ እኪደ፡ ጋርያን ዋጾድና፤ ሚዛቱ ማራቱዋካ ሶን ጎርዴድና።

12 ኡንቱንቱ መድና ጎዳ ታቦታን ቃይ ዋርቃ ኤጨረቱዋነ ጋፋዋ ማላትሰ መዴዳ ሞሰለቱዋ የጌዳ ሳጽንያ ጋርያን ዋሌድና።

13 ሄዋፕ ጉይያን፡ ሚዛቱ ቤት-ሸመሽ እፍያ ኦግያ ኦይቂ ሰት ጊደ፡ “ሀምባ!” ግ ዋሲደ ቤድና፤ ኡንቱንቱ ኦግያና ቢደ፡ ኡሸቻ ዋይ ሀድርሳ ሰምቦይክና፤ ፕልሰጾማ ካፓቱ ሚዛቱ ጌዳዋ ካሊደ፡ ቤት-ሸመሻ ዛዋ ጋካናዉ ቤድና።

14 ቤት-ሸመሻ አሳቱ ሄ ዋደ ዋምባን ዘርጋ ጫኪና፤ ኡንቱንቱ ፑደ ቋቁ ግ ጾሊደ፡ ታቦታ በኢደ ናሸቱድና።

15 ጋሪ ቤት-ሸመሻና ኢያሱ ጋደ ጋኪደ፡ እት ዋልቃማ ዛላ ማታን ኤቄዳ፤ ኡንቱንቱ ጋርያ ሞላ ቆኢደ፡ ጸግያ ያርሹዋዳን ሄ ሚዛቱዋ መድና ጎዳዉ ያርሹድና።

16 ሊዋቱ መድና ጎዳ ታቦታን ዋርቃ ሚሻና ደእያ ሳጽንያ ጋርያፕ ደንሊደ፡ ዋልቃማ ዛላ ቦላ ዋሌድና። ሄ ጋላሰ ቤት-ሸመሻ አሳቱ ጸግያ ያርሹዋ መድና ጎዳዉ ያርሹድና፤ ቃይ ሀራ ያርሹቱዋካ ያርሹድና።

17 ፕልሰጾማ ካፓቱ እቼሻቱ ሀኒዳባ ኡባ በኢደ፡ ሄ ጋላሰካ ኤቅርና ሰሚድና።

18 ፕልሰጾማ አሳቱ ባይዘዋ ያርሹዋ መድና ጎዳዉ ኪቴዳ ዋርቃ ጋፋቱ አሸደዳ፡ ጋዛ፡ እሰቃሎና ጋታን ኤቅርና ጌተትያ ኡንቱንታ እቼሹ ካታማቱዋ ሰንሳን እቱዋ እቱዋ ኪቴዳዋንታ።

19 ዋርቃ ኤጨረቱ ፓይዳ ፕልሰጾማ ካፓቱ እቼሻት ደእያ ግምቦቲዳ ካታማቱነ ግምቦትቤና ሞላቱ ኡባ ኪሻ። ኡንቱንቱ መድና ጎዳ ታቦታ ዋሌዳ ዋልቃማ ዛላይ፡ ቤት-ሸመሻና ኢያሱ ጋደን ደእያዌ ሀቼ ጋካናዉካ ሄዋ ማርካ ግዲደ ደኤ።

20 ሸን ጸሳይ ቤት-ሸመሻ አሳፕ አማራዳዋንታ ሸጩዳ፤ ኡንቱንቱፕ ላፑን ታሙዋ ዋዴዳ፤ አያዉ ጎፕ፡ ኡንቱንቱ መድና ጎዳ ታቦታ ግደ ጾሊድና። መድና ጎዳይ ኡንቱንቱ አሳ ሱፑ ኡሌዳ ድራዉ፡ አሳይ ዩኪዳ።

21 ሄዋ ድራዉ፡ ቤት-ሸመሻ አሳይ፡ “መድና ጎዳ ሰንሳን፡ ሀ ጌሻ ጸሳ ሰንሳን ኡን ኤቃናዉ ዳንዳዪ? ታቦታይነ ኑፕ ፑደ ኦኮ ባኔ?” ያጌደ።

22 ቅርያት-ይኣሪማን ደእያ አሳቱዋኮ ኪታ የዲደ፡ “ፕልሰጾማ አሳቱ መድና ጎዳ ታቦታ ዛሬድና፤ ዳገ ዪደ፡ ኦ ፑደ ኡንቱንቱኮ እኪደ ቢተ” ያጌድና።

### 7

1 ቁርያት-ይኣሪማ አሳቱ ዪደ፡ መድና ጎዳ ታቦታ አፊደ ደርያ ሁጲያን ደእያ አብናዳባ ሰይ አሄድና። መድና ጎዳ ታቦታ ናጋናዳን፡ አብናዳባ ናኦ ኤልኣዛራ ዲማዪደ ሰንሰድና።

ሳመል እሰራኤልያ አሳ ቦላ ዳናቴዳ



2 ታቦታይ ቂርያት-ይአሪማን ዳሮ ዋድያ ጋምኤዳ፤ ሄዋነ፣ ላታሙ ላይላ ኪሻ ግድያዎ። እስራኤልያ አሳይ ኡባይ ካዮቲደ፣ መጅና ጎዳኮ ዋሴድኖ።

3 ሳመል እስራኤልያ አሳዉ ኡባዉ። “ኩመንጎላ ዋዛና፣ ህንተንቱ መጅና ጎዳኮ ሰዎ፣ አላጋ ጸሳቱዋን አስታርታ ግያ ጸሳ ህንተንቱ ግደ፣ ደግሞ፤ ህንተንቱ ሁጺያ መጅና ጎዳዉ ሸጅተ፤ አ ጸላላዉ ኪተት፤ ያቶ፣ አ ህንተንታ ፕልሰጾማቱዋ ኩሸያ፣ አሻናዎ” ያጊደ ሃሳዬዳ።

4 ሄዋ ድራዉ። እስራኤልያ አሳቱ ባኣላን አስታርታ ባረንቱ ግደ፣ ደጊደ፣ መጅና ጎዳ ጸላላዉ ጎይኤድኖ።

5 ሄዋ፣ ጉይያን፣ ሳመል እስራኤላቱዋ። “ኡባይካ ሞጽጳ ሸቅተ፤ ታን ህንተንቶ ያን መጅና ጎዳ ጋናታ” ያጊደ።

6 ኡንቱንቱ ሞጽጳ ሸቂደ ሃሳ ዱቂደ፣ መጅና ጎዳ ሰንገን ትጊድኖ፤ ሄ ጋላስ ኡንቱንቱ ጸሚደ ሄ ሳኣን፣ “ኡን መጅና ጎዳ ቦላ ናጋራ ኦሌደ” ያጊደ ፓጾድኖ። ሞጽጳን ሳመል እስራኤልያ አሳ ቦላ ዳናቲዳ።

7 እስራኤላቱ ሞጽጳን ሸቂዳዋ ፕልሰጾማ አሳቱ ሰሴዳ ዋይ፣ ኡንቱንቱ ካፓቱ እስራኤላቱዋ ኦላናዉ ዋይ ከሴድኖ። እስራኤላቱ ሄዋ ሰሴደ፣ ፕልሰጾማቶ ያዬድኖ።

8 እስራኤላቱ ሳመላ፣ “አ ፕልሰጾማ አሳ ኩሸያ፣ ኦና አሻና ማላ፣ ኔን ኑዉ መጅና ጎዳኮ፣ ኑ ጸሳኮ፣ ዋሰያዎ አጎፓ” ያጊድኖ።

9 ሳመል እት ጳምያ ደርሳ ማራ አኪደ፣ አሹዋ ዉርስ ጸግያ ያርሹዋዳን መጅና ጎዳዉ ያርሺደ እስራኤላቱ ድራዉ መጅና ጎዳዉ ዋሰና መጅና ጎዳይ አዉ ሰሴዳ።

10 ሳመል ጸግያ ያርሹዋ ያርሸያ ዋይ፣ ፕልሰጾማቱ እስራኤላቱዋና ኦላታናዉ ሸቂድኖ። ሸን ሄ ጋላስ ፕልሰጾማቱዋ ቦላ መጅና ጎዳይ ዋልቃማ ጉጉንጎ ጉንጎደ ዳጋንጎና፣ ኡንቱንቱ እስራኤላቱ ሰንገ፣ ሰቃቲድኖ።

11 እስራኤላቱ ሞጽጳ፣ ዋጽ ከሴደ፣ ፕልሰጾማቱዋ ዩርሲደ፣ ቤትካራ፣ ጋርሳ ጋካናዉ ኦግያን ዋዲድኖ።

12 ሄዋ፣ ጉይያን፣ ሳመል እት ሹቻ አኪደ፣ ሞጽጳ፣ ሸና፣ ግዲዋን ኤሲደ፣ “መጅና ጎዳይ ሀአ ጋካናዉ ኦና ማዴዳ” ያጊደ ሄ ሳኣ ኤበንኤዜራ ሱንጎዳ።\*

13 ፕልሰጾማ አሳቱካ ጸንቲድኖ፤ ኡንቱንቱ እስራኤልያ ጋድያ ቦላ ላኤንጎዋ ዋራጅቦይክኖ። ሳመል ደኤዳ ላይላ ኡባን መጅና ጎዳ ኩሸ ፕልሰጾማ አሳ ቦላ ዋልቃሚዳ።

14 ፕልሰጾማ አሳቱ ኤቅሮና፣ ጋታ ጋካናዉ እስራኤላቱዋ፣ ኦምዴዳ ካታማቱ እስራኤላቶ ሰሚድኖ፤ እስራኤላቱካ ባረንቱ ካሰ ዛዋ ፕልሰጾማ አሳቱዋ ኩሸያ፣ ዋል አኤድኖ። ቃይ እስራኤልያ አሳይን አዋሪ አሳይ ሳር ደኤዳ።

15 ሳመል ባረ ደኤዋ ላይላ ኡባን እስራኤልያ ቦላን ዳናቲዳ።

16 ሳመል ላይላን ላይላን ቤቱለ፣ ገልገላን ሞጽጳ አ ዩይያ ሳኣቱዋ ኡባን እስራኤልያ ቦላን ዳናቲ።

17 አ ጎሊ ራማን ደእያ ድራዉ፣ ያ ሰሚደ ሄ ሳኣን እስራኤልያ ቦላን ዳናቲ። አ ሄ ሳኣን መጅና ጎዳዉ ያርሸያ ሳኣ ኪተቲዳ።

### ሳኤል ካትያ ግዲሳ

### 8

(8:1—10:27)

እስራኤልያ አሳይ ካትያ ኮዬዳ

- 1 ሳመል ጭሚዳ ዋይ፣ ባረ ናና እስራኤልያ ቦላ ዳና ኦሊደ ሱንጎዳ።
- 2 አ ባይራ ናአ ሱንጎይ ዩኤላ፤ ቲፋ ናአ ሱንጎይ አኪያ፤ ሄ ናናይ በርሳቤህን ዳናቲኖ።
- 3 አ ናናይ አ ኦግያን ሀመትቦይክኖ። ኡንቱንቱ በሰና ጎኣ ደማናዉ ዋራ ሰሚድኖ፤ ማታይያ አኪደ፣ ጽሎ ፕርዳ ምርቄድኖ።
- 4 ሄዋ ድራዉ። እስራኤልያ ጭማቱ ኡባይ እት፣ ሸቂደ፣ ሳመላኮ ራማ ካታማ ዩደ፣
- 5 “ሄኮ ኔን ጭማዳ፤ ነ ናናይ ነ ኦግያ ሀመትክኖ፤ ሀራ ካዉተላ ኡባዳን ኦና አይሳናዉ ካትያ ሀአ ኑዉ ሱንጎ” ያጊድኖ።
- 6 ኡንቱንቱ፣ “ኦና አይሳናዉ ካትያ ኑዉ እማ” ጌዳ ዩዉ ሳመላ ናሸቶቤና። ሄዋ ድራዉ፣ ሳመል መጅና ጎዳ ዋሴዳ።
- 7 መጅና ጎዳይ ሳመላ፣ “አሳይ ኔና ግያ ቃላ ኡባ ሰሳ፤ አያዉ ጎ፣ ታን ኡንቱንቱ ቦላ ካተተናዳን፣ ኡንቱንቱ ታና እጾድኖ፣ እትና፣ ኔና እጽቦይክኖ።

\* 7:12 ኤበንኤዜራ- ሀ ሱንጎ ላለላይ “ጭዳያ ሹቻ” ግያዎ። 8:5 ዛረ. 17:14

8 ኢንቱንቴ ታን ግብጻፕ ከሴዳ ጋላሳፕ ደሚደ፣ ሆቼ ጋካናው ታና አገደ፣ ሀራ ጸሳቶ ጎይኒደ ደኢድኖ፣ ሰም ሀእ ኢንቱንቴ ታ ቦላ ኦልዳዋ ኡባ ነ ቦላካ አልፎ።

9 ሀእካ ኢንቱንቴ ቃላ ሰሳ፣ ሽን ኢንቱንጎ ምንሳደ ሴራ፣ ኢንቱንቴ ቦላን ካተታና ካትያ ዋጋ ኢንቱንጎ ኤርሳ” ያጌዳ።

10 ካትያ ኦቼዳ አሳው መቋና ጎዳይ ኦዳዳ ቃላ ኡባ ሳመል እዳዳ።

11 እ ኢንቱንጎ ሀዋዳን ያጌዳ፤ “ሀንተንቴ ቦላ ካተታና ካቲ ሀንተንጎ ኦላናባይ ሀዋ፡ ሀንተንቴ አቱማ ናና አኪደ፣ ጋርያ አሳቱዋን ፓራ አሳቱዋ ከሳና፤ ኢንቱንቴ እ ጋርያ ሰንላን ዋዳና።

12 ኢንቱንቴፕ ሄዋ ሻላቃቱዋን አሻታሙዋ ካፓቱዋ፡ ሀራቱዋ አ ጋድያ ጎሽያዋንታን እ ካሳ ጫክያዋንታ፡ ቃይ ሀራቱዋ እ ኦላ ሚሻን እ ፓራ ጋረቱዋ ሚሻ ኦልያዋንታ ከሳና።

13 ሀንተንቴ ማጫ ናናካ አፊደ፣ ባረሬ ሸቱዋ ጊግሰያዋንታ፡ ካልያዋንታን ኤክያዋንታ ከሳና።

14 ሀንተንቴ ጎሻፕ፡ ዋይንያ ቱራ ሳፕን ዋጋራ ሳፕ ኡባፕ ሎእያዋ አኪደ፣ ባረ ኦሳንቻቶ እማና።

15 ካሳፕን ዋይንያፕ ታሙዋፕ እት ኩሽያ እ አኪደ፣ ባረ ሱንላቶን ባረ ኦሳንቻቶ እማና።

16 ሀንተንቴ አቱማ ቆማቱዋፕን ማጫ ቆማቱዋፕ፡ ቃይ ሀንተንቴ ሚዛፕን ሀርያፕ ሎእያዋንታ አኪደ፣ ባረ ኦሱዋ ኦሰሳናዋንታ።

17 ሀንተንቴ ዶርሳፕን ዳሻፕ ታሙዋፕ እት ኩሽያ እ አካና፤ ሀንተንቴካ እ ቆማቱዋ ግዳና።

18 ሄ ጋላሰ ሀንተንቴ ሀንተንጎ ዶራዳ ካትያፕ ዋሳና፤ ሽን ሄ ጋላሰ መቋና ጎዳይ ሀንተንቴ ዋሱዋ ሰሰና” ያጌዳ።

19 አሳይ ሳሜላ ቃላ ሰሰናን እጸደ፣ “ቱይት! ቱይት! ኑው ካቲ ደእ።

20 ያቶፕ፣ ኑንካ ሀራ ካወተላቱ ኡባ ማላ ግዳና። ኑ ካቲ ኑና አይሳና፤ ኑ ሰንላ አቋደ፣ እ ኑ ድጋው ኦላታናዋ” ያጌድኖ።

21 ሳመል አሳ ቃላ ኡባ ሰሰደ መቋና ጎዳው እዳዳ።

22 መቋና ጎዳይ ሳመላ፡ “ኢንቱንቴ ቃላ ሰሳ፤ ኢንቱንቴ ቦላ ካትያ ካወላ” ያጌዳ።

ሳመል እሰራኤልያ አሳ፡ “አሳይ ኡባይ ባረ ካታማ ካታማ ሰም” ያጌዳ።

9

ሳኦላን ሳመላ

1 ቢንያማ ዛርያፕ ቁሳ ግያ እት ብታጎጎ ደኤ፤ እ አቢኤላ ናኤ፤ እ ቢኤል ጸርራ ናኤ፤ ጸርር ባኮራታ ናኤ፤ ባኮራት ቢንያማ ዛርያ አፊሀ ናኤ፤ ሄ ብታጎጎ ደልቃማ አሳ።

2 እው ሳኦላ ጌተትያ እት ዋዳላ ሎኦ ናኤይ ደኤ፤ እሰራኤላቱዋ ግድን አፕ አቋ ሎእያ አሳይ ባዋ፤ እ ሀሽያፕ ቆዋ ባጋን አሳ ኡባፕ አዲቁ።

3 እት ጋላሰ ሳኦላ እወዋ ቂሰ ሀረቱ ባይና ቂሰ ባረ ናኤ ሳኦላ፡ “ቆማቱዋፕ አቱዋ አካደ፣ ሀረቱዋ ኮያናባ ዋ” ያጌዳ።

4 ኢንቱንቴ ኤፍሬማ ገዝያናን ሻላሻ ቢታና ኮዩደ አፌድኖ፤ ሽን ሀረቱዋ ደምባይክኖ። ቃይ ሻአሊማ ቢታና አፌድኖ፤ ሽን ሄዋንካ ሀረቱ ዋባ። ቢንያማ ቢታናካ አፌድኖ፤ ሽን ያንካ ደምባይክኖ።

5 ኢንቱንቴ ጸፋ ቢታ ጋኬዳ ዋይ፡ ሳኦል ባረናና ደእያ ቆማ፡ “ሃያ፤ እን ጉዮ ሰሞይተ፤ ሄዌ ቆዮ፡ ታ አው ሀረቱዋ ቆፕያዋ አገደ፣ ኑው ሀርጋናዋ” ያጌዳ።

6 ሽን ቆማይ፡ “ቡእ! ጸሳ አሳ አቱ ሀ ካታማን ደኤ። እ ቦንቹቱዳ አሳ፤ እ ኦድያ ኡባባይ ቱማቱ። እን ሀእ ኑን ያ ቦይተ፤ ኦን ኤሪ ኑን ባና ኦግያ እ ኑው ኦዳንቶን” ያጌዳ።

7 ሳኦል ባረ ቆማ፡ “ኑን ብያዋ ግደፕ፡ እው አይ እማኔ? ኮርጂዋፕ ቆማይ ወሬዳ፤ ኑን ጸሳ አሳው አምያባይ ባዋ። ኑው አያይ ደኤ?” ያጌዳ።

8 ሄዋፕ ጉዮ ቆማይ ሳኦላዋ፡ “ቡእ፤ ታ ኩሽያን እት ጸጋራ ብራው ምሳይ ደኤ፤ ኑን ባና ኦግያ ጸሳ አሳይ ኑው ኦዳናዳን ሀ ብራ አው እማና” ያጌደ ዛሬዳ።

9 (ቡን ዋደ እሰራኤልያ ቢታን እት አሳይ ጸሳ ኦቻናው ቢደ፡ “ሃይተ፤ እን ጸልያዋኮ ቦይተ” ያጌ። አያው ጎፕ፡ ሀ ዋድያን ትምቢታን ኦድያዌ ቡን ዋድያን ጸልያዋ ጌተቱ።)

10 ሳኦል ባረ ቆማ፡ “ሎእ፤ ደንዳ” ያግና፡ ጸሳ አሳይ ደእያ ካታማ ቤድኖ።

11 ካታማ ዋደሳ ኢንቱንቴ ከሰሸን፡ ሃላ ትካናው ይያ ዋድራቱዋና ኦግያን ጋከቲደ ሄ ጌላዮቱዋ፡ “ጸልያዌ ሀዋን ደኤ?” ያጌደ ኦቼድኖ።

12 ኢንቱንቴ፡ “ኤ ደኤ፤ ሄዋ ቡእተ፤ እ ሀንተፕ ሰንላና ደኤ፤ ኤላካ አኮ ቢተ። አሳይ ሀቼ ጎይንያ ቋቃ ሳካን ያርሽያ ድራው፡ እ ኑ ካታማ ዬዳ።

13 ካታማ ኢንቱንቴ ገሌዳ ሳና፡ እ ማናው ጎይንያ ቋቃ ሳካ ከሰናን ደእሸን ደማና፡ እ ጋከናን ደእሸን፡ አሳይ ሙሳ ደመና፤ አያው ጎፕ፡ ያርሹዋ እ አንጃኛው ኮሺ። እ አንጃዳዋፕ ጉይያን፡ ሾቤቱዳዋንቴ ማና። ዋደ ቢተ፤ ሀንተንቴ እ ሀእ ደማና” ያጌድኖ።

14 ሄዋጥ ጉዮ ኤንቱንጌ ካታማ ቤድኖ፤ ኤንቱንጌ ካታማ ገልያ ዋደ፤ ሳመል ጎይንያ ጶቃ ሳኦ ፑደ ቢደ፤ ኤንቱንጌ ጋክታናው ይያዋ በኤድኖ።

15 ሳኦል ያናጥ ካሰ ጋላሰ፤ ሳመላው መጅና ጎዳይ ሀዋዳን ያገደ ቆንጭሰ ዋሌዳ፤

16 “ዋንጎ ሀድጭ ቢንያማ ጋድያጥ እት ብታንያ ታን ኔኮ የዳና፤ እ ታ አሳ እሰራኤልያ ካለላና ማላ ኦ ኦካ፤ ታ አሳ ፕልሰጾማ አሳቱዋ ኩሽያጥ እ አሻናዋ፤ እያው ሳጥ፡ ታ አሳ ዋሎ ታኮ ጋክና፡ ታን ኤንቱንጎ ጸላድ” ያገደ።

17 ሳመል ሳኦል በኤዳ ዋደ፤ መጅና ጎዳይ ሳመላ፡ “በኦ! ታን ነው ኦዳዳ ብታኒ ሀዋ፤ እ ታ አሳ ዋዳናዋ” ያገደ።

18 ሳኦል ጥንግያ ማታን ደእያ ሳመላኮ ሸቂድ፡ “ጾልያዋ ጎሊ ሀቃነንቶ ሀይ ታው ኦዳርኪ?” ያገደ።

19 ሳመል ሳኦላው፡ “ጾልያዋ ታና። ሀቺ ህንተንጌ ታናና ምያ ድራው፤ ታጥ ሰንሳቲደ፤ ፑደ ጎይንያ ጶቃ ሳኦ ቢተ። ታን ኔና ዋንት ጉራና የዳና፤ ነ ዋዛናን ደእያ ኡባባ ታን ኦዳና።

20 ሄዙ ጋላሳጥ ካሰ ባዬዳ፤ ነ ሀረቱዋ ግደጥ፤ ኤንቱንጌ ቤቱዳ ድራው፤ ሀርጎግ፡ እሰራኤልያ አሳይ ኡባይ አዋትያዋ ኦኔ? ኔና ነ እውዋ ሰይ አሳ ግደኔ?” ያገደ።

21 ሳኦል ዛሪደ፡ “ሽን ታን እሰራኤልያ ዛርያ ኡባጥ ላፍያ ቢንያማ ዛርያ ግድክታ? ታ ሰይ አሳይካ ቢንያማ ዛርያ ግድን ጉጽዋዋ ግደኔ? ኔን እያው ታው ሀዋ ማላ ሃሳያይ?” ያገደ።

22 ሄዋጥ ጉይያን፡ ሳመል ሳኦላ ኦ ቆማ አፊደ፡ እኮ ወይግያ ገልሲደ ሄ ሳኦን ሾቦቲዳ ሀታው ግድያ አሳጥ ቆዋ ባገና አራታን ኡትሴዳ።

23 ሳመል ቁማ ካልያዋ፡ “ነ ማታን ዋላሻ ጋደ ታን ነው እሚዳ አሸዋ ሀማ” ያገደ።

24 ሄዋጥ ጉዮ ካልያዋ ሎኡዋን እ ቦላን ደእያዋ አክ አሂደ፡ ሳኦል ሰንሳን ዋሌዳ። ሳመል ሳኦላ፡ “ነው አሸዳዊ ሀዋ፤ አካደ ማ። እያው ሳጥ፡ ታን እማላቱዋ ሾቦደጥ ደማደ፤ ሀዋ ነው አሻድ” ያገደ። ሄ ጋላሰ ሳኦል ሳመላና ሚዳ።

25 ኤንቱንጌ ጎይንያ ጶቃ ሳጥ ዱገ ካታማ ዋጅና፡ ሳመል ሳኦላው ጎልያ ቦላን ደምባዪደ ኡሌዳ ሳኦን ግሱዋ ሂጽና ግሴዳ።

ሳመል ሳኦላ እኪደ ካተዬዳ

26 ኤንቱንጌ ጉራና ደንዳድኖ፤ ሳኦል ዋንትና፡ ሳመል ሳኦላ ሄ ጎልያ ቦላጥ ጸሴደ፡ “ጊጋ፤ ታን ኔና ሞይዛና” ያገደ። ሳኦል ገግና፡ እነ ሳመልነ ላኡ እትጥ አግያ ከሴድኖ።

27 ኤንቱንጌ ካታማ ጋጾ ዋጅሽን፡ ሳመል ሳኦላ፡ “ቆማይ ኑጥ ሰንሳው አቆና ማላ ኦዳ” ያገደ። ቆማይ ሰንሳው አዬዳ። ሳመል ሳኦላ፡ “ታን ነው ጸሳይ ጌዳዋ ኦዳና ማላ፡ ሀዋን ላፋ ታካሻ” ያገደ።

### 10

1 ሄ ዋደ ሳመል ትግያባና ዛይትያ እኪደ፡ ሳኦላ ሀጺያን ትጊደ ሳኦላ የሪደ፡ ሀዋዳን ያገደ። “ባረ አሳ እሰራኤልያ ሞዳና ማላ መጅና ጎዳይ ኔና ኦኬዳ ግደኔ? ኔን እ አሳ ካለላደ፤ ኤንቱንጌ የሹዋን ደእያ ዋርክቱዋ ኩሽያጥ ኤንቱንጎ አሻና። እ አሳ ኔን ሞዳና ማላ፡ ጸሳይ ኔና ኦኬዳዋ ማላታይ ሀዋ።

2 ኔን ሀቺ ታጥ ሻከትያ ዋደ፡ ራሄል ዱፋዋ ማታን፡ ቢንያማ ዛዋን ደእያ ጸልጸሀ ግያ ሳኦን ላኡ አሳቱዋና ጋክታናሳ ኤንቱንጌ ኔና፡ “ኔን ኮሻ ቤዳ ሀረቱ ቤቱድኖ፤ ሀኦ ነ እው ሀረቱዋ ቆጥያዋ አገደ፡ “ታና ናኤ ዳዬዳ፤ ሽን ዋራሻ?” ያገደ ነባ ሀርጌ፣ ያገደ ኦዳናዋ።

3 “ኔን ሄ ሳጥ ጉይዳደ፡ ታቦራ ጌትትያ ዋልቃማ ምሳ ጋካናው ባዳሳ፤ ኔን ቢሸን፡ ጸሳኮ ቤቱለ ብያ ሄዙ አሳቱ ኔናና ጋክታናዋንታ። ኤንቱንጌጥ እቱ ሄዙ ዳሻ ማራቱዋ ቶኬዳ፤ ላኡንሎ ሄዙ ኡክላ ቶኬዳ፤ ሄንዳኮ ኦገናዋ ኩሚዳ ዋይንያ ኤሳ ቶኬዳ።

4 ኤንቱንጌ ኔና ሳርታና፤ ነው ላኡ ኡክላ ኤንቱንጌ እማና፤ ኔን ኤንቱንጌ ኩሽያጥ ሄ ኡክላ አካናሳ።

5 “ሄዋጥ ጉይያን፡ ኔን ፕልሰጾማ ኦላንቻቱ ጭታይ ደእያ ዳሳ ግብኦ ግያ ካታማ ባና። ኔን ሄ ካታማ ጋክያ ዋደ፡ ዱላና ካራቡዋና፡ ፑላልያናን ማሰንቁዋና ካኢድን ትምቢትያ ኦዲደ፡ ጎይንያ ጶቃ ሳኦጥ ዱገ ዋጅና ትምቢትያ ኦድያዋንጌ ጩጉዋና ጋክታናሳ፤

6 መጅና ጎዳ አናይና ነ ቦላ ዋልቃጥ ዋጅና ኔንካ ኤንቱንጌና ትምቢትያ ኦዳናሳ፤ ኔን ላመታደ ሀሪ አሳ ግዳና።

7 ሀ ማላታቱ ፖለትያ ዋደ፡ ነ ኩሽያን ጋክቲዳባ እያን ኦላ፤ እያው ሳጥ፡ ጸሳይ ኔናና ደኤ።

8 “ኔን ታጥ ሰንሳታደ ገልጋላ አቆ። ታንካ ቱሙጥ ጸግያ ያርሹዋን ሳርተላ ያርሹዋ ያርሻናው ኔኮ ዱገ ባና። ታን ኔኮ ባደ ኔን ኦላናባ ኦዳና ጋካናው፤ ላፑን ጋላሳ ጋምእሳ።” ያገደ።

9 ሳኦል ሳመላጥ ሻከትሽን፡ ጸሳይ ሳኦላ ዋዛና ለሚዳ፤ ቃይ ሄ ማላታቱ ኡባይ ሄ ጋላሳ ሀይድኖ።

10 ሳኦልን ቆማይ ግብኦ ጋክና፡ ትምቢትያ ኦድያዋንጌ ጩጉ እናና ጋክቲዳ፤ ጸሳ አናይና እ ቦላ ዋልቃጥ ዋጅዳ፤ ኤንቱንጌ ግድን ትምቢትያ ኦዳዳ።

11 ሳኦላ ካሰ ኤርያዋንቴ ኡባይ ትምቢትያ ኦድያዋንቴና ትምቢትያ ኦድያዋ በኢደ፣ እቴ እቴዋ፣ “ቁሳ ናኦይ ዋን ክቼደ? ቃይ ሳኦላካ ትምቢትያ ኦድያዋንቴ ዛቴየ?” ያጌድኖ።  
 12 ሄ ሳኦን ደእያ እት ብታጎ ኡንቴንቶ፣ “ኡንቴንቴ እዉ ኡነ?” ያጌደ ዛሬድ። ሄዋ ድራሬ። “ሳኦላካ ትምቢትያ ኦድያዋንቴ ዛቴየ?” ጉሳይ ቶሳ ግደዳ።  
 13 ሳኦል ትምቢትያ ኦድያዋ ዉርሴዳዋፕ ጉይያን፣ ጎይንያ ቶቃ ሳኦ ቤዳ።  
 14 ሳኦላ እዉዋ እሻይ ሳኦላን ቆማ፣ “ሀቃ ቤድቴ?” ያጌደ።  
 ሳኦል፣ “ሀርቴዋ ኮሻ ቤደ፤ ሀርቴ ቤተናን ጳይና፣ ሳመላኮ ቤደ” ያጌደ።  
 15 ሳኦላ እዉዋ እሻይ፣ “ሀያና ሳመል ነዉ ጌዳዋ ታዉ ኦዳርኪ” ያጌደ።  
 16 ሳኦል ባር አዉዋ እሻዉ፣ “ሀርቴ ቤቴዳዋ ሳመል ኑዉ ጌሺደ ኦዳዳ” ያጌደ፤ ሽን ሳመል፣ “ካትያ ግዳሳ” ጊደ አዉ ኦዳዳዋ ኦድቤና።

**ሳኦል ካተቴዳዌ ቆንጭያን ኦደቴዳ**

17 ሄዋፕ ጉይያን፣ ሳመል ምጽጸን እስራኤልያ አሳ መድና ጎዳኮ ጸሰ ሸሼዳ።  
 18 ኡንቴንታ፣ “መድና ጎዳይ፣ እስራኤልያ ጸሳይ ሀዋዳን ያጌ፤ ታን እስራኤልያ ግብጾፕ ከሳድ፤ ግብጾ አሳቴዋ ኩሽያፕን ሀንተንታ ናቂያ ካዉተላቴ ኡባ ኩሽያፕ ታን እሻድ” ያጌ።  
 19 ሽን ሀቼ ሀንተንቴ መቴዋፕን ዋይያፕ ኡባፕ ሀንተንታ እሽፕ ሀንተንቴ ጸሳ እጾድታ፤ ቴይት! ሩኑ ቦላ ካትያ ካተያ፣ ያጌድታ። ሄዋ ድራሬ፣ ሀእ ሀንተንቴ ሀንተንቴ ዛርያንን ሀንተንቴ ያራን ግዲደ፣ መድና ጎዳ ሰንሳ አድተ” ያጌደ።  
 20 ሄዋ ሳመል እስራኤልያ ዛርያ ኡባ አሊና፣ ሳማይ ቢንያማ ዛርያን ዋዴዳ።  
 21 ቢንያማ ዛርያ ያራን ያራን አሊና፣ ሳማይ ምጽራ ያራን ዋዴዳ፤ ዉርሰሳን ቁሳ ናኦይ ሳኦል ደርቴዳ። ኡንቴንቴ አ ኮፎድኖ፤ ሽን እ ቤትቤና።  
 22 ሄዋ ድራሬ ኡንቴንቴ መድና ጎዳ፣ “ብር ሀ ሳኦ ያና አሳይ ደእ?” ያጌደ ኦቼድኖ።  
 ሽን መድና ጎዳይ፣ “ኤ! ሳኦል ሚሻ ግዳዋን ቆሰት ኡቴዳ” ያጌደ።  
 23 ኡንቴንቴ ዋጽ ቢደ፣ ያፕ አ ከሰ አሄድኖ። አሳ ግደን አ ኤቂያ ዋደ፣ ሀሽያፕ ቆዋ ባጋን አሳ ኡባፕ አዲቁ።  
 24 ሳመል አሳ ኡባዉ፣ “መድና ጎዳይ ደሬዳ ብታንያ በእቴ? ሀ አሳ ግደን አ ማላትያባይ ኦንን ቴሙ ባዋ” ያጌደ።  
 ሄዋፕ ገዮ አሳይ ኡባይ ባር ቃላ ቶቁ ኦሊደ፣ “ካትያ ሽምፑ ጋምኦ” ያጌደ።  
 25 ሄዋፕ ጉይያን፣ ሳመል ካዉተላ ዋጋ አሳዉ ኦዳዳ፤ ጸጸትያ ማጸፋን ሄ ዋጋ ጸፊደ፣ መድና ጎዳይ ሰንሳን ዋዴዳ። ሳመል አሳ ኡባ ሀጺያን ሀጺያን አ ሶ አ ሶ የደዳ።  
 26 ሳኦላካ ባር ሶ ግብእ ቤዳ፤ ጸሳይ ኡንቴንቴ ዋዛና ቦቼዳ ምኖ አሳቴ ሳኦላና ቤድኖ።  
 27 ሽን እት እት ጩጩ አሳቴ፣ “ሀ ብታጎ ኦና ዋቴደ እሻኔ?” ያጌድኖ፤ ኡንቴንቴ አ ካዲደ፣ አዉ አይን አዋታ አምቦይክኖ። ሽን ሳኦል ጩኤ ጌዳ።

**ኮይር ሳኦላ አይሱዋ ላይላቴዋ**

**11**

(11:1—15:35)

**ሳኦል አዋፕ ሳሳቴዋ ጸኔዳ**

1 እት አግናፕ ጉይያን፣ አዋና ጋድያ ካቴ ናኦስ ደንዲደ፣ ጋላኦደን ደእያ ያቤሻ ካታማ ደዲደ ኡቴዳ። ያቤሻ አሳይ ኡባይ እ፣ “ኡን ኦናና ቃላ ጫቁዋ ዋላ፤ ኦን ነዉ ሞደታና” ያጌደ።  
 2 ናኦስ፣ “ታን እትባ ኦላናዉ ሀንተንቴ ኤኖ ሳፕ፣ ሀንተናና ቃላ ጫቁዋ ዋላ፤ ሄዌን፣ ታን ሀንተንቶ ኡባዉ ኡሽቻ አይፍያ ዋጫደ ከሳና፤ ያታደ እስራኤልያ ኡባ ካዉሻና” ያጌደ።  
 3 ያቤሻ ጭማቴ ኡባይ ናኦስ፣ “እስራኤልያ ቢታ ኡባዉ ኦን ኪታ የዳና ማላ፣ ላፕን ጋላሳ ታካሻርኪ፤ ኦና እሽያዌ ኦንን ጳዮፕ፣ ኦን ነዉ ኩሽያ አማና” ያጌድኖ።  
 4 ኪተቴዳዋንቴ ሳኦል ደእያሳ ግብእ ቢደ፣ ሀ የዉዋ አሳዉ ኦዳድኖ፤ አሳይ ኡባይ ባር ቃላ ቶቁሲደ ዩኪዳ።  
 5 ሄ ዋደ ሳኦል ባር ቦራቴዋ ላጊደ ጎሻፕ ይያዌ፣ “አሳይ ዋኔዴ? እያዉ ዩኪ?” ያጌደ ኦቼዳ፤ ያቤሻ አሳይ ጌዳዋ አዉ ኦዳድኖ።  
 6 ሀ ቃላ ሳኦል ሰሴዳ ዋደ፣ ጸሳ እያናይ አ ቦላን ዋልቃን ዋዴዳ፤ ሳኦል ሀንቁዋ ፕንቴዳ።  
 7 ሳኦል ዋላ ቦራቴዋ አኪደ ሙጸሬሲደ፣ ኪተቴዳዋንቴን እስራኤልያ ቢታ ኡባዉ የዲደ፣ “ሳኦላን ሳመላ ካሊደ፣ ከሰና ኦ ቦራቴን ሀዋዳን ሙጸታና” ያጌደ።  
 ሄዋፕ ጉይያን፣ መድና ጎዳ ዳጋማይ አሳ ቦላ ዋድና፣ ኡንቴንቴ እት አሳዳን ከሴድኖ።

8 ሳኦል በዘቃን ኡንቱንታ ሺሺደ ፓይዳዳ ዋደ፣ እሰራኤልያ አሳይ ሄዙ ጸቱ ሻእ፤ ይሁዳ አሳይ ሀታሙ ሻእ።

9 ኡንቱንቱ ኪተት ዬዳዋንታ ሀዋዳን ያጌድኖ፤ “ቢደ ያቤሻ ጋላኣደ አሳቶ፣ ሞንት አዋ ካውቶ ዋደ፣ ኑን ሀንተንታ አሻና ያጌደ ኦድተ” ያጌድኖ። ኪተቱዳዋንቱ ቢደ፣ ያቤሻ አሳቶ ሄዋ ኦዴድኖ፤ ኡንቱንቱካ ሎይሶ ርሽቱድኖ።

10 ያቤሻ አሳቱ አሞና አሳቶ፣ “ኑን ሞንት ሀንተንቶ ኩሽያ አማና፤ ሀንተንቱ ኑና ደሰያዋዳን ኦሳና ዳንዳዱታ” ያጌድኖ።

11 ሞንተላ ጋላሰ ሳኦል ባረ ካሳ ሄዙ ጩጉዋን ሻኬዳ፤ ኡንቱንቱ ሳኦይ ሞንትያ ዋደ፣ አሞና አሳቱ ሸቄዳ ሳኦ ገሊደ፣ አዋይ ካውታና ጋካናው አሞና አሳቱዋ ጎራኤድኖ፤ ጎራኤቲሳጥ አቱዳዋንቱ ላኡ አሳይ አትጥ ደኤናዳን ኡባይ ባረው ባረው ላለቱዳ።

12 ሄዋጥ ጉይያን፣ እሰራኤልያ አሳይ ሳሙላ፣ “ሳኦል ኑ ቦላ ካተታኔ? ያጌዳ አሳቱ ኦኔ? ኡንቱንቱ ኦንንቶ ከሰተ፤ ኑን ኡንቱንታ ዋዳና” ያጌዳ።

13 ሸን ሳኦል ኡንቱንታ፣ “አት አሳይን ሀቼ ሀይቀና፤ አያው ሳጥ፣ መጅና ጎዳይ እሰራኤልያ አሻዳ ጋላሳይ ሀቻ” ያጌደ ዛሬዳ።

14 ሄዋጥ ጉይያን፣ ሳሙል አሳ፣ “ሃይተ፤ ገልጋላ ቦይተ፤ ያን ሳኦል ካትያ ግድያዋ ዛረሌደ ኤርሴቶ” ያጌዳ።

15 ሄዋ ድራው፣ አሳቱ ኡባይ ገልጋላ ቢደ፣ ገልጋላን፣ መጅና ጎዳ ሰንላን ሳኦል ካትያ ግድያዋ ኤርሴድኖ። ያን ሳርተላ ያርሹዋ መጅና ጎዳ ሰንላን ያርሹድኖ፤ ሳኦልን እሰራኤልያ አሳይ ኡባይ ሄ ሳኦን ጸኑዋ ባላ ዋልቃማ ርሸቻን ቦንቼድኖ።

# 12

## ሳሙላ ወርሰላ ሳርታ

1 ሄዋጥ ጉይያን፣ ሳሙል እሰራኤልያ ኡባ ሀዋዳን ያጌዳ፤ “ሀንተንቱ ታው ኦዴዳ ኡባባ ታን ሰሳደ፣ ሀንተንቱ ቦላ ካትያ ካተያድ።

2 ሀእ ዛር ሀንተንታ ካላላገው ካቲ ደኤ። ታና ግደጥ፣ ታን ዳር ደኤድን ጭማድ፤ ታ ናናይ ሀንተናና ደኤና። ታን ታ ያላጋተላጥ ሀቼ ጋካናው ሀንተንታ ካላላድ።

3 ሄኪ ታን ሀዋን ኤቃድ፤ መጅና ጎዳ ሰንላንን እ ኦኬዳ ካትያ ሰንላን ታ ቦላ ማርካትተ። ታን ኦ ቦራ አካድታ? ኦ ሀርያ አካድታ? ኦና ጭማድታ? ኦና ኡቁናድታ? ታ አይፍያ ቆቆሳናው ኦ ኩሽያጥ ማጋንጸ ማድታ? ሀዋንቱጥ አቱዋን ታን ኦሌዳዋ ግደጥ፣ ታን ጭጋና” ያጌዳ።

4 ሄዋጥ ጉየ ኡንቱንቱ ዛሬደ፣ “ኑን ኑና ጭማባካ፤ ዋይ ኑና ኡቁናባካ፤ ኔን አሳ ኩሽያጥ አያን ማጋንጸ ማባካ” ያጌድኖ።

5 ሳሙል ኡንቱንታ፣ “ሀንተንቱ ታ ኩሽያን አያን ደሞቤናዋ መጅና ጎዳይን እ ኦኬዳ ካቲን ሀቼ ሀንተንቱ ቦላን ማርካ” ያጌዳ።

ኡንቱንቱካ፣ “ኤ፣ እ ማርካ” ያጌድኖ።

6 ሳሙል አሳ፣ “ሙሳን አርና ደሬዳዌን ሀንተንቱ አዋቱዋ ግብጾጥ ከሴዳዌ መጅና ጎዳ።

7 ሀእ ሰሞ ሀንተንቱን ሀንተንቱ አዋቶ መጅና ጎዳይ ኦሌዳ ጸሎ ኦሶ ኡባው ታን ሀንተናና መጅና ጎዳ ሰንላን ሞተታናዳን፣ ሀዋን ኤቁተ።

8 ያቆብን እ ሶ አሳይ ግብጹ ቢደ ደኤሸን፣ ግብጹ አሳቱ ኡንቱንታ ናቄዳ ዋደ፣ ሀንተንቱ አዋቱ መጅና ጎዳው ዋሴድኖ፤ መጅና ጎዳይ ሙሳን አርና ኪቲዳ፤ ኡንቱንቱ ሀንተንቱ አዋቱዋ ግብጾጥ ከሲደ፣ ሀዋን ዋሌድኖ።

9 “ሸን እሰራኤልያ አሳቱ መጅና ጎዳ ባረንቱ ጸሳ ደጌድኖ፤ ጸሳይ ኡንቱንታ ሀጸራ ኦላንቻቱ ጋዳዋ ሲሳራ ኩሽያን፣ ፕልሰጾማ አሳቱዋ ኩሽያንን ሞኣብ ካትያ ኩሽያን አሌደ አሞና ኡንቱንታ ኦሌድኖ።

10 ኡንቱንቱ መጅና ጎዳው፣ ሓን ናጋራ ኦሌደ፤ ኑን መጅና ጎዳ አገደ፣ ባኣላውን አስታርታው ጎይኔደ። ሸን ሀእ ኔን ኑና ኑ ሞርከቱዋ ኩሽያጥ አሻ፤ ኑን ነው ጎይናና ያጌደ ዋሴድኖ።

11 መጅና ጎዳይ ጌድና፣ ባራቃ፣ ዮፍታህን ሳሙላ ኪቲደ፣ ሀንተንቱ ዩሹዋ ኡባን ደኤን ሞርከቱዋ ኩሽያጥ ሀንተንታ አሻዳ፤ ያትና፣ ሀንተንቱ ሳር ደኤድታ።

12 “አሞና አሳ ካትያ ናኦሰ ሀንተንቱን ዬዳዋ በኤዳ ዋደ፣ መጅና ጎዳይ ሀንተንቱ ጸሳይ ሀንተንቱ ካትያ ግደጥ፤ ሀንተንቱ ታና፣ ቱይት፣ ኑን ኑና ሞዳናው ካትያ ኮዬቶ ያጌድታ።

13 ሀእካ ሀንተንቱ ደሬደ ኦቼዳ ካቲ ሀዋሽ! በአተ፤ መጅና ጎዳይ ሀንተንቱ ቦላ ካትያ ዋሌዳ።

14 መጅና ጎዳው ሀንተንቱ ያዮጥ፣ አው ኪተቶጥ፣ አ ቃላው አዛዘቶጥ፣ አ አዛዘ ማካለናን አጎጥን ሀንተንቱካ ሀንተንቱ ቦላ ካተትያ ካቲካ ጸሳ ሀንተንቱ ጸሳ ካሎጥ፣ ያቶጥ ሎአ።

15 ሽን መድና ጎዳ ቃላዉ ህንተንቱ አዛዘተናን ጳዮፕነ እ አዛዘ ማካሎፕ፣ ጸሳ ፕርዳይ ካሰ ህንተንቱ አዎቱዋ ቦላ ዬዳዋዳን፣ ህንተንቱ ቦላካ ያናዋ።

16 “ሰዎ ሀእ ኤቁ ባሸተ፤ መድና ጎዳይ ህንተንቱ አይፍያ ሰንላን ኦልያ ሀ ግታባ በእተ!

17 ዘርጋ ጫካ ዋዲ ሀእ ግደኔየ? መድና ጎዳይ ፕፕንላን እራ ያዳና ማላ፣ ታን ጸሳዉ ዋሳና። ያትያዋ ግደፕ፣ ካትያ ህንተንቱ ኦቹዳዌ መድና ጎዳ ሰንላን ዋልቃማ ኢታተላ ግድያዋ ህንተንቱ ኤራናን በእና” ያጌዳ።

18 ሳመል መድና ጎዳዉ ዋሴዳ፤ መድና ጎዳይ ሄ ጋላሰ ፕፕንላን እራ ያዳዳ፤ ሄዋ ድራዉ፣ አሳይ ኡባይ መድና ጎዳን ሳመላ ሎይል ያዬዳ።

19 አሳይ ኡባይ ሳመላ፣ “ኦን ካትያ ኦቹደ፣ ኑ ናጋራ ኡባ ቦላ ሀ ኢታተላ ጉጂዳ ድራዉ፣ ኦን ነ ቆማቱ ሀይቀናዳን ኑዉ መድና ጎዳ ነ ጸሳ ዋሳርኪ” ያጌዳ።

20 ሄዋፕ ጉዮ ሳመል አሳዉ ሀዋዳን ያጌዳ፤ “ያዮፕተ፤ ቱሙካ ህንተንቱ ሀ ኢታተላ ኡባ ኦልድታ፤ ሽን ህንተንቱ ኩመንላ ዋዛናፕ መድና ጎዳዉ ከተትተፕ እትና፣ መድና ጎዳ ካልያዋ አሳፕተ።

21 ማደና፣ አሸናን ፓልና ኤቃቱዋ ካሎፕተ፤ እያዉ ሳፕ፣ ሄዌ ፓርፍ።

22 መድና ጎዳይ ባሪ ዋልቃማ ሰንላ ድራዉ ባሪ አሳ አገና፤ እያዉ ሳፕ፣ መድና ጎዳይ ህንተንታ ባሪ አሳ ኦላናዉ ናሸቱ።

23 ህንተንቱ ድራዉ ዋሰያዋ አጋደ መድና ጎዳ ቦላ ናጋራ ኦላናዌ ታፕ ሃኩ፤ ታን ህንተንታ ሎኑነ ሱሪ ኦግያ ታማርሳና።

24 መድና ጎዳዉ ያይተ፤ ህንተንቱ ኩመንላ ዋዛናፕ አማነቲደ፣ እዉ ከተትተ፤ ህንተንቶ እ ኦልዳ ግታባ ሀሳይተ።

25 ሽን ህንተንቱ ኢታባ ዘር ዛሪደ ኦሎፕ፣ ህንተንቱካ ህንተንቱ ካቲካ ጳያና” ያጌዳ።

### 13

#### ፕልሰጸማቱዋና ደንዴዳ ኦላ

1 ሳኦል እስራኤልያ ቦላ ላኡ ላይላ ካተ ግደዋፕ ጉይያን።

2 እስራኤላቱ ግደፕ ሄዙ አሳ ደሬዳ፤ ላኡ ሻአይ ምክማሳን፣ ቤቱላ ገዝያን ሳኦላና ደኤ፤ እት ሻአይ ቃይ ቢንያማን ደእያ ግብእን ዮናታናና ደኤ፤ እቲዳ አሳ ሳኦል ኡንቱንቱ ሶ ሶ ያዳዳ።

3 ዮናታን ገባእን ደእያ ፕልሰጸማ ኦላንቻቱ ጭታ ቦላ ዋራጂዳ፤ ፕልሰጸማ አሳቱ ሄዋ ሰሴድና። ሄዋፕ ጉይያን ሳኦል፣ “እብራዌቱ ሀዋ ሰሴና” ጊደ፣ ቢታ ኡባን ማላካታ ፑንሴዳ።

4 እስራኤልያ አሳይ ኡባይ፣ “ሳኦል ፕልሰጸማ ኦላንቻቱ ጭታ ቦላ ዋራጂዳ፤ ሀእ እስራኤልያ አሳይ ፕልሰጸማ አሳዉ ሽንይያባ ግዴዳ” ያግያ ኦዲዋ ሰሴዳ። አሳይ ሳኦላኮ ገልጋላ ጸሰቲደ ሸቄዳ።

5 ፕልሰጸማ አሳቱ እስራኤላቱዋ ኦላናዉ ሀታሙ ሻአ ፓራ ጋሪቱዋና፣ ኡሱፑን ሻአ ፓራ አሳቱዋናን አባ ደናን ደእያ ሻፍያ ኬሻ ኦላንቻቱዋና ሸቄድና፤ ኡንቱንቱ ፑደ ቢደ፣ ቤት-አዌናፕ አዋይ ዶልያ ባጋና ደእያ ምክማሳን ሸቄድና።

6 እስራኤልያ ኦላንቻቱ ባሪንቶ ሌሌዳዋን ኡንቱንቱ ጭታይካ ሎይል ኡንኤቲዳዋ በእደ፣ ጎንጎሎዋ ግደን፣ ቡራ ግደዋን፣ ዛላቱ ግደዋን፣ ካካ ግደን ነሃዉ ቦኮ ኦላ ግደን ቆሰቲድና።

7 እብራዌቱዋፕ አማራዳዋንቱ ዮርዳኖሳ ሻፋ ፕኒደ፣ ጋይን ጋላአደ ጋደያ ቤድና። ሽን ሳኦል ገልጋላን እቲዳ፤ እናና ደእያ ኦላንቻቱ ኡባይ ያሻዉ ኮኮሬድና።

8 ሳኦል ሳመል ኬሬዳ ላፑን ጋላሳ ጋምኤዳ፤ ሽን ሳመል ገልጋል ይቤና፤ ያትና፣ ሳኦላ አሳይ ላለትያዋ ደሜዳ።

9 ሄዋ ድራዉ፣ ሳኦል፣ “ጸግያ ያርሹዋን እትፕተላ ያርሹዋ ታዉ ሀምተ” ያጌዳ፤ አህና ሳኦል ጸግያ ያርሹዋ ያርሹዳ።

10 ሳኦል ጸግያ ያርሹዋ ፖሎ ሳናካ ሳመል ጋክ ዋዴዳ። ያትና፣ ሳኦል ሳመላ ሞካናዉ ካሪ ከሴዳ።

11 ሳመል ሳኦላ፣ “ሀዌ ኔን ኦልዳዌ አዬ?” ያጌዳ።

ሳኦል፣ “አሳይ ላለትያዋ፣ ኔንካ ጌዳ ዋደ ያቤናዋን ፕልሰጸማቱ ምክማሳን ሸቄዳዋ ታን በእደ።

12 ‘ፕልሰጸማቱ ታናና ኦለታናዉ ሀእ ገልጋላ ዋቆናዋንታ፤ ታን መድና ጎዳ ማዲዋ ኦቻቢይከ፤ ሄዋ ድራዉ፣ ጸግያ ያርሹዋ ታን ያርሻናዉ ኮሽ፣ ጋደ ቆፓዳ” ያጌደ ዛሬዳ።

13 ሳመል ሳኦላ፣ “ኔን ኤያባ ኦላዳ፤ መድና ጎዳይ ነዉ እሜዳ አዛዘዋ ናጋባካ። እ ሀቹ ነ ካዉተላ እስራኤልያ ቦላ መድናዉ ምንሳናዋሽን።

14 ሰዎ ሀእ ነ ካዉተላይ ጋምኤና፤ ኔን መድና ጎዳ አዛዘዋ ናጋቤና ድራዉ፣ መድና ጎዳይ ባሪ ዋዛናዳን ኦልያ አሳ ኮዬዳ፤ አ ባሪ አሳ ሞዳናዳን ሱንሴዳ” ያጌዳ።

- 15 ሃዋጥ ጉይያን፣ ሳመል ገልጋላጥ ደንዲደ፣ ቢንያማን ደእያ ግብአ ቤዳ። ሳኦል ባረናና ደእያ አሳ ፓይዳዳ፤ አሳይ ኡሱፑን ጸቱ ኩሻ ግዳዳ።
- 16 ሳኦል፣ አ ናአ ዮናታንን ኤንቱንቱና ደእያ አሳይ ቢንያማን ደእያ ገባእን ሸቄድና፤ ፕልሰጾማ አሳቱካ ምክማሳን ሸቄድና።
- 17 ፕልሰጾማቱ ሸቄዳ ሳኦል ምራጅያዋንቱ ሄዙ ጨጎ ግዲደ ከሴድና፤ ኤንቱቱጥ እት ጨጉ ሹኦላ ቢታን ደእያ ኦፍራኮ ሰሚደ ቤዳ፤ ላኤንሱ ቤት-ሆርን ቤዳ፤
- 18 ሄዘንሱ ጨጉ ባዙዋ ሰንሳዬዳ፣ ጸባኤማ ዋሞባ ዲጎ ጸልያ ዛዋ ኦግያ ኦይቄደ ቤዳ።
- 19 ፕልሰጾማ አሳቱ፣ “አብራዌቱ አዳን ቶራ ቆጶጥኖ” ጌዳ ድራው፣ እሰራኤልያ ቢታ ኡባን ብራታ ቆጶጥኖ ቤትቤና።
- 20 ሃዋ ድራው፣ እሰራኤልያ ኡባይ ባረንቱ ማራሻ ጾራ፣ ጎማ፣ ካልታን ባጫ ፖሽሳናዉ ፕልሰጾማ አሳቱዋኮ ቢና።
- 21 ማራሻ ጾራን ሻልክያ ፖሽሳናዉ ሆሰፑን ግራመ ዳጽያ ሳብራ ቃንጸና፤ ካልታ፣ ጎማን ጸልጶዋ ፖሽሳናዉ ሃዋ ባጋ ቃንጸና።
- 22 ሃዋ ድራው፣ ሳኦላናን ዮናታናና ደእያ አሳ ኡባ ኩሸያን ኦላ ጋላሰ ቶራይን ማሻይ ባዋ፤ ሽን ሳኦላዉን አ ናአ ዮናታናዉ ደኤ።
- 23 ፕልሰጾማቱዋ ጨጉ ምክማሳ ፕኦዋ ባናዉ ከሴዳ።

# 14

## ዮናታን ፕልሰጾማቱዋ ቦላ ምራጂዳ

- 1 እት ጋላሰ ሳኦላ ናአይ ዮናታን ባረ ኦላ ሚሻ ቶክያ ዋዳላ ሀዋዳን ያጌዳ፤ “ሃያ፤ ሄፍንላ ባጋን ደእያ ፕልሰጾማቱ ሸቄዳ ሳኦ ከነ ቦይተ” ያጌዳ። ሽን ባረ አዋ ሀ ወዋዋ ኦድቤና።
- 2 ሃ ዋደ ሳኦል ግብአ ማታን ምግርናን፣ ሮማን ጌተትያ ሞላ ጋርሳን ደኤ። አናና ኡሱፑን ጸቱ አሳቱን
- 3 ኤፋድያ ማዬዳ ቄሲ፣ አኪይ ደኤኖ። አኪይ አካቦዳ እሻን አህጺባ ናኤ፤ አህጺብ ሴሌን መድና ጎዳ ቄሲ ግዳዳ ኤላ ናአይ ፒንሃሰ የሌዳዋ። ዮናታን ብ ክቼዳዋ አሳይ ኤርቤና።
- 4 ዮናታን ፕልሰጾማቱ ሸቄዳ ሳኦ ጋካናዉ ፕናናዉ ቆጥያ ፕኦዋሰ ላኡ ባጋናካ ጸራይ ጽንኤ ጌዳ ዋልቃማ ዛላቱ ደኤኖ፤ እቱዋ ሱንሳይ ቦዳጸ፤ ላኤንሱዋ ሱንሳይ ሴና።
- 5 ዛላቱዋጥ እቱ ፕንያ ሳ ሁጸሳ ሳጋና ምክማሳዉ ሰንሳና ደእያ ዋደ፣ እቱ ቃይ ገድሳ ባጋና ገባእዉ ሰንሳና ደኤ።
- 6 ዮናታን ባረ ኦላ ሚሻ ቶክያ ዋዳላ ሀዋዳን ያጌዳ፤ “ሃያ፤ ሀ ቃጸረትቤናዋንቱ ሸቄዳ ሳኦ እን ሄፍንላ ቦይተ። እን ኤሪ፣ መድና ጎዳይ ኑ ድራው ኦላንቶን፤ መድና ጎዳይ ዳር አሳን ግድና፣ ጉላ አሳን ግድና፣ አሻናዋ አ ድግያባይ አያይን ባዋ” ያጌዳ።
- 7 አ ኦላ ሚሻ ቶክያዋ፣ “ኔን ቆፔዳዋ ኡባ ኦላ፤ ባ፤ ታ ኩመንላ ዋዛናጥ ታን ኔና ደኤይ” ያጌዳ።
- 8 ሃዋጥ ጉዮ ዮናታን፣ “ያኖጥ ሃያ፤ ሄፍንላ አሳኮ ፕኒደ፣ አሳን በኤታና።
- 9 ኤንቱንቱ ኦና፣ ኡን ሀንተንቱኮ ባናዉ ሃዋን ናግተ፣ ያጎጎ፣ ኦን ደእያ ሳኦን ታካናጥ አትና፣ ኤንቱንቱኮ ቦኮ።
- 10 ሽን ኤንቱንቱ፣ “ሃ ኦኮ ፑደ ከሰተ ጎጎ፣ ኦን ፑደ ከሳና፤ አያዉ ጎጎ፣ ሃዌ መድና ጎዳይ ኤንቱንታ ኑ ኩሸያን አሊደ እሚዳዋ ኑዉ ማላታ ግድና” ያጌዳ።
- 11 ያትና፣ ላኦቱካ ፕልሰጾማቱዋ ጌላቱዋ ባረንታ በሴድና። ፕልሰጾማቱ፣ “በእተ! አብራዌቱ ባረንቱ ቆሰቱዳ ኦላጥ ዙሚደ ከሴኖ” ያጌድና።
- 12 ሃዋጥ አሳቱ ዮናታናን ኦላ ሚሻ ቶክያዋ ጸገደ፣ “ሃ ኦኮ ፑደ ከሰተ፤ ኦን ሀንተንታ በሳና” ያጌድና።
- 13 ሃዋ ድራው፣ ዮናታን ባረ ኦላ ሚሻ ቶክያዋ፣ “ታና ካላደ ሀ ፑደላ ከሳ። መድና ጎዳይ ኤንቱንታ እሰራኤልያ ኩሸያን አሊደ እሞ ድጌዳ” ያጌዳ።
- 14 ዮናታን ባረ ኦላ ሚሻ ቶክያዋ ካላሊደ፣ ገድያንን ኩሸያን ሀምቡሩጪደ ፑደላ ከሴዳ። ፕልሰጾማቱ ዮናታና ኩሸያን ኩንደድና፤ አ ኦላ ሚሻ ቶክያዋ ካል ካሊደ ኤንቱንታ ዋዴዳ።
- 14 ሄ ኮይር ምራጂዋን ዮናታንን አ ኦላ ሚሻ ቶክያዋ እት ጎሻ ጋደን ላታሙ ግድያ አሳ ዋዴድና።
- 15 ሃዋጥ ጉይያን፣ ጋጾ ቢታን ደእያ ፕልሰጾማ አሳቱ ዳጋሚድና፤ ቆጥናዋ ኦልያዋንቱን ሄራን ደእያ ኦላንቻቱ ያሻዉ ኮኮሬድና። ቢታይካ ቃጾዳ፤ ሄዌን፣ ጸሳጥ ከተቱዳ ዳጋማ።

## ፕልሰጾማቱዋ ጸንቲሳ

- 16 ሳኦል ቢንያማ ቢታን፣ ግብእን ዋዴዳ ዋቻያ አሳቱ ጸሊደ፣ ፕልሰጾማ ኦላንቻቱ ያና ሃና ፕሰክ ገደ ላላትያዋንታ በኤድና።

17 ያትና፡ ሳኦል ባረናና ደገያ አሳቱዋ፡ “እነ ኦላንቻቱዋ ሸሸተ፤ ኑ ግደጥ እን ቤድኖንቶ በእተ” ያጌዴ። ኡንቱንቱ ሸሸደ ፓይድያ ዋደ፡ ዮናታንነ አ ኦላ ሚሻ ቶክያዌ ባይናዋ ቤኤድኖ።

18 ሳኦል ቄሰያ አክያ፡ “ጸሳ ኦቻናወ እነ ኤፋድያ ሃ አካደ ያ” ያጌዴ። ሄ ዋደ እኪ እሰራኤልያ አሳ ሰንሳን ኤፋድያ ማዬ።

19 ሳኦል ቄሰያና ሃሳይሸን፡ ፕልሰጸማቱዋ ሄራን ዋላሳይ ዳር ዳር ቤዳ። ሄዋ ድራዉ፡ ሳኦል ቄሰያ፡ “ኤፋድያጥ ነ ኩሽያ ከሳ ድጋ” ያጌዴ።

20 ሄዋጥ ጉይያን፡ ሳኦልን አ አሳይ ኡባይ ሸቆደ፡ ኦላ ቤድኖ። ፕልሰጸማ አሳቱ ኡባይ ሻቢረቲድ፡ ባረንቱ ማሻን እቱ እቱዋ ቡሳኪደ ደገያዋንታ ደሚድኖ።

21 ካሰ ፕልሰጸማ አሳቱዋና ደገደ፡ ኡንቱንቱና ፑደ ኡንቱንቱ ሸቆዳ ሳኦ ቤዳ። እብራዋቱካ ኡንቱንታ አገደ፡ ሳኦላናና ዮናታናና ደገያ እሰራኤልያ አሳን ጋከቲድኖ።

22 ኤፍራማ ገዝያን ቆሰት ኡቲዳ ሀራ እሰራኤላቱካ ፕልሰጸማቱ ባቃቲደ ደገያዋ ሰሴድኖ። ኡንቱንቱካ የደርሱዋ ኡክያ አሳን ጋከቲድኖ።

23 ሙድና ጎዳይ ሄ ጋላሰ እሰራኤልያ አሳ አሸዳ። ቤት-አዌና ካታማጥ ሄፍንላ ጋካናዉካ ኦላይ ኦላቲዳ።

**ኦላጥ ሰዎና ሀኔዳባቱዋ**

24 ሄ ጋላሰ እሰራኤልያ አሳቱ ኮሻን ላባኔድኖ፤ እያዉ ጎጥ፡ ሳኦል አሳ፡ “ሳኦይ ቃመናን ደእሸናን ታን ታ ሞርከቶ ሀሉዋ ከሰናን ደእሸን፡ ቁማ ሞያ ኡራይ ሸቀቲዳዋ ግደ” ያገደ አሳ ጫቁዋን ቃቼዳ። ሄዋ ድራዉ፡ ኦላንቻቱዋጥ ቁማ ዶናኮ ሸሸዳ አሳይ ኦንነ ባዋ።

25 ኦላንቻቱ ኡባይ ኡባና ዋራ ግደ ገልያ ዋደ፡ ሳኦን ኡሳይ ደኤ።

26 ኡንቱንቱ ዋራ ግደን ኡሳይ ጎግያዋ በኤድኖ፤ ሸን ጫቁዋ ያዬዳ ድራዉ፡ እት አሳይነ ባረ ኩሽያ ዶናኮ ሸሸቤና።

27 ሸን ዮናታን ባረ አዉ አሳ ጫቁዋን ቃቼዳዋ ሰሰቤና። ሄዋ ድራዉ፡ ባረ ኩሽያን ደገያ ጸምአ ጼራ አልሉዋን የድ ከሲደ፡ ላጩዳ፤ አ አይፊ ደየቲዳ።

28 ሄዋጥ ጉይያን፡ ኦላንቻቱዋጥ እቱ እ፡ “ካ አዉ ኦላንቻቱዋ ኡባ፡ ሳኦ ቁማ ሞያ ኡራይ ሸቀቲዳዋ ግደ” ያገደ፡ ጫቁዋን ቃቹ ዋሌዳ፤ አሳይ ኡባይ ላባኔዳዌ ሀዋሳ” ያጌዴ።

29 ሄዋጥ ጉየ ዮናታን ሀዋዳን ያጌዴ፤ “ታ አዉ ቢታዉ መቶ መዬዳ። ታን ሀ ኤሳጥ ላፋ ላጭና ታ አይፊ አይ ኬሻ ደየቲደንቶ በእ።

30 አሳይ ባረ ሞርከቱዋጥ አዋዴዳዋጥ ሀቼ ሜዳባ ግድንቶ፡ አይባ ሎኤ ሸን፤ ኡንቱንቱ ዋቃና ፕልሰጸማቱዋ ፓይዴዳካ አይ ኬሻ ዳራናዋ ሸን” ያጌዴ።

31 ሄ ጋላሰ እሰራኤልያ አሳቱ ሞክማሳጥ አያሎና ጋካናዉ፡ ፕልሰጸማቱዋ ሾጭ ሰሚደ ዳቡራድኖ።

32 ኡንቱንቱ አዋዴዋ ጋዉሀዪደ፡ ደርሳቱዋ፡ ሚዛቱዋን ማራቱዋ እኬድኖ፤ ቢታን ጮ ሹኪደ፡ ሱላናካ ሚድኖ።

33 ሄዋጥ ጉይያን፡ እት አሳይ ሳኦላ፡ “በእ፤ አሳይ ሱላና ደገያ አሹዋ ሚደ፡ ሙድና ጎዳ ቦላ ናጋራ ኦኤ” ያጌዴ።

ሄዋጥ ጉየ አ ኡንቱንታ፡ “ሀንተንቱ ናጋራ ኦኤድታ፤ ዋጋ ሹቻ ኤለካ ሃ ታኮ ጎንደርሰተ” ያጌዴ።

34 ዛረጪደካ፡ “ከሲደ አሳ ግደ ቢቲ፤ ኡንቱንታ ሀዋዳን ያግተ፤ ሁጲያን ሁጲያን ሀንተንቱ ቦራን ደርሳ ታዉ ሃ አኪደ ዪተ፤ ያቲደ ሀዋን ዋጋዳን ሹኪደ ሚተ። ሱላና ደገያ አሹዋ ሚደ፡ መድና ጎዳ ቦላ ናጋራ ኦኤጥተ” ያጌዴ።

ሄዋ ድራዉ፡ ሄ ጋላሰ ቃማ አሳቱ ኡባይ ባረ ቦራ ቦራ አሂደ፡ ያን ሹኬድኖ።

35 ሳኦል ሄ ሳኦን መድና ጎዳዉ ያርሸያ ሳኦ ግምቤዳ፤ ጸሳዉ ያርሸያ ሳኦ እ ግምቢሸን፡ ሄዋ አዉ ኮይሩዋ።

36 ሳኦል፡ “ሀ ቃማና ዱገ ፕልሰጸማቱዋ ካሊደ እነ ቦይተ፤ ሳኦይ ዋንታና ጋካናዉ፡ ኡንቱንቱዋ ኡባ ቦንቆይተ፤ ኡንቱንታካ እቱዋን አሸናን ዋዶይተ” ያጌዴ።

ኡንቱንቱ፡ “ኤኖ፡ ኔና ሎኤዳባ ኡባ ኦላ” ያገደ ዛሬድኖ።

ሸን ቄሰ፡ “እነ ሀዋን ጸሳ ኦቼቶ” ያጌዴ።

37 ሄዋ ድራዉ፡ ሳኦል ጸሳ፡ “ፕልሰጸማ አሳቱዋ ካላደ ቦ? ኔን ኡንቱንታ እሰራኤላቱ ኩሽያን አላደ እማነ?” ያገደ ኦቼዳ። ሸን ሄ ጋላሰ ጸሳይ አዉ ኦድቤና።

38 ያትና ሳኦል፡ “ኦላንቻቱዋ ካፓቶ፡ ኡባይ ሃይተ፤ ሀቼ አይባ ናጋራይ ኦሰቲደንቶን እነ ቆሪደ ደዋይተ።



39 እስራኤልያ አሸያ መድና ጎዳይ ኤር! ታ ናአ ዮናታና ግደጥነ፣ ሀይቃናው በሰ” ያጌዳ። ሽን አሳጥ እት ኡራይነ ቃላ ቃትቤና።

40 ሄዋጥ ጉይያን፣ ሳኦል እስራኤልያ አሳ ኡባ፣ “ሀንተንቱ ኡባይካ ያ ባጋን ኤቁተ፤ ታንነ ታ ናአ ዮናታን ሀ ባጋን ኤቃና” ያጌዳ።

ሄዋጥ ጉዮ አሳቱ፣ “ኤኖ፣ ኔና ሎኦዋ ኦላ” ያጌድኖ።

41 ሄዋጥ ጉይያን፣ ሳኦል መድና ጎዳ እስራኤልያ ጸሳ፣ “ታው ልከ ዛርዋ እማ” ያጌደ ዋሴዳ። ሳማይ ሳኦል ቦላነ ዮናታና ቦላ ዋድና አሳይ ጌዬዳ።

42 ቃይ ሳኦል፣ “ታ ቦላነ ታ ናአ ዮናታና ቦላ የግተ” ያጌዳ። ሄዋጥ ጉዮ ሳማይ ዮናታና ቦላ ዋዬዳ።

43 ሳኦል ዮናታና፣ “አነ ኔን ኦሌዳዋ ኦዳ” ያጌዳ።

ዮናታን፣ “ታን ጉላ ኤሳ አልሉዋ ታ ጸዋእ ጼራጥ ላጫድ። ሄኮ ታን ሀዋን ደአይ፤ ታን ሀይቃና” ያጌዳ።

44 ሳኦል ሀዋዳን ያጌዳ፤ “ዮናታና፣ ኔን ሀይቃና ጸዮጥ፣ ጸሳይ ታና ዋዶ!” ያጌዳ።

45 ሽን አሳይ ሳኦላ፣ “ዮናታን፣ እስራኤልያው ሀ ዋልቃማ ጸኮዋ አሄዳዌ ሀይቃኔ? ሄዌ ኡባካ ሀነና! ደኡዋ መድና ጎዳይ ኤር! አ ሀ-ጸያጥ እት ብናናይነ ቢታን ዋ□ና፤ አያው ጎጥ፣ አ ሀቼ ሀዋ ጸሳ ማዳዋን ኦሌዳ” ያጌድኖ። ያቲደ አሳይ ዮናታና አሸና፣ አ ሀይቃናን አቱዳ።

46 ሄዋጥ ጉይያን፣ ሳኦል ፕልሰጾማ አሳቱዋ የደርሰያዋ አጌዳ፤ ኡንቱንቱ ባርንቱ ጋድያ ሰሜድኖ።

**ሳኦላ ካውተሳነ አ ሶ አሳ**

47 ሳኦል እስራኤልያ ቦላ ካተ ግደዋጥ ጉይያን፣ ኡባ ኤላካ ደአያ ባረ ዋርከቱዋ ኦሌዳ፤ ሄዋንቱካ፣ ዋእባቱዋ፣ አዋናቱዋ፣ ኤደማቱዋ፣ ጸባ ካተቱዋን ፕልሰጾማ አሳቱዋ። ባረ ቤዳ ሳኦን ኡባን ጸኔዳ።

48 አ ሞኒደ ኦላቲዳ፤ አማሌቃ አሳቱዋ ጸኔዳ፤ እስራኤልያ አሳ ቦንቂያዋንቱ ኩሸያጥ አሸዳ።

49 ሳኦላ አቱዋ ናናይ ዮናታና፣ ይሸዋነ ማልክቩአ፤ አው ባይራ ናት ሱንሳይ መራቦ፤ ቱፋ ናት ሱንሳይ ሚካሎ።

50 አ ማቻታ አሀማእጸ ናቶ አሀኖአዎ። አ ኦላንቻቱ ጋዳዋይ አ አወዋ አሻ ኔራ ናአ አባኔራ።

51 ሳኦላ አወዋ ቁሰነ አባኔራ አወዋ ኔር አቢኤላ ናና።

52 ሳኦል ደኤዳ ሳይላ ኡባን ፕልሰጾማ አሳቱዋና ሱሎ ኦላ ኦላቲደ ደኤዳ። ሞኖ አሳ ዋይ ጸላ አሳ ደሜዳ ዋደ ኡባን፣ አ ሄ ኡራ ባረ ኦላንቻቱዋን ጉጂ።

**15**

**ሳኦል አማሌቃ አሳ ቦላ ደንሴዳ ኦላ**

1 ሳመል ሳኦላ፣ “ባረ አሳ እስራኤልያ ቦላ ኔን ካተታናዳን ኦካናው መድና ጎዳይ ኪቲዳዌ ታና፤ መድና ጎዳ ቃላ ሰሳ።

2 ኡባጥ ዋልቃማ መድና ጎዳይ ሀዋዳን ያጌ፤ ኣእራኤላቱ ግብጾጥ ከሲደ ይያ ዋደ አማሌቃ አሳቱ ኦግያን ኡንቱንቱና ኤቀቲዳ ድራው፣ ታን አማሌቃ አሳቱዋ ሙራና።

3 ሀአ ባ፤ አማሌቃ አሳቱዋ ሾጫ፤ ኡንቱንቱ ደአያዋ ኡባ ኡባና ጳይሳ፤ ኡንቱንታ አሸጋ፤ ኡንቱንታ ማጫዋ አቱማዋ፣ ጳምያዋ ቁጭያዋ፣ ሚዛ ደርሳ፣ ጋሎዋን ሀርያ ዋዳ ያጌ” ያጌዳ።

4 ሳኦል አሳ ጼጊደ፣ ጸሌማ ግያ ሳኦን ፓይድያ ዋደ እስራኤልያ ላኡ ጾቱ ሻአ፤ ይሁዳጥ ታሙ ሻአ አሳይ ደኤ።

5 ሳኦል አማሌቃቱዋ ካታማ ቢደ፣ እት ዛንጋራ ግደን ጌመት ኡቲዳ።

6 ሳኦል ቁና አሳቱዋ፣ “ታን ሀንተንታ አማሌቃ አሳቱዋና እትጥ ጳይሰና ማላ፣ ደንድተ! ኡንቱንቱ ግደጥ ከሰተ! ሀዋጥ ክቶተ! አያው ጎጥ፣ እስራኤላቱ ግብጾጥ ከሰያ ዋደ፣ ሀንተንቱ ኡንቱንታ ኡባው ሎሌላ ዳጾ” ያጌዳ። ቁና አሳቱ አማሌቃ አሳቱዋ ግደጥ ከሲደ ቤድኖ።

7 ሳኦል አማሌቃ አሳቱዋ ሀዋላጥ ደሚደ፣ ግብጾ ሰንሳን ደአያ ሹራ ጋካናው ሾጫዳ።

8 አማሌቃቱዋ ካትያ አጋጋ ፓጾ ደአሸን፣ ሳኦል ኦዎዳዳ፤ አ አሳ ኡባ ቃራ ማሻን ዋድ ወርሴዳ።

9 ሽን ሳኦልነ አ ኦላንቻቱ፣ አጋጋነ ኡባጥ ሎአያ ደርሳቱዋ፣ ሚዛቱዋ፣ ቦልትቦልታ ማራቱዋ፣ ጋሎቱዋን ሀራ ሎላባቱዋ ኡባ አሸድኖ፤ ኡንቱንቱ ሀዋንታ ኡባና ዋድ ወርሳናው ደሰበይክኖ፤ ሽን ኡንቱንቱ ላፋባነ ካ□ቲዳዋ ኡባና ጳይሴድኖ።

**ሳኦል ካትያ ግድያዋ ጸሳይ እጾዳ**

10 መድና ጎዳ ቃላይ ሳሜላኮ ሀዋዳን ያጌደ ዬዳ፤

11 “ታን ሳኦላ ካትያ ከሴዳዎ ካኖታይ፤ አያው ጎጥ፡ ሳኦል ታና ካልያዎ አኔዳ፤ ታ አዛዙዎ አሰቤና” ያጌዳ። ሄዋጥ ጉኖ ሳመል መቶቲዳ፤ ሄ ቃማ ኩመንሳ መቲና ጎዳኮ ዋሴዳ።

12 ማግታ ጉራን ሳመል ደንዲደ፡ ሳኦላና ጋከታናው ቤዳ፤ ሽን አሳይ አው፡ “ሳኦል ቃርመሎሳ ካታማ ቤዳ፤ ያን ባረና ሀሳይሰያ ሀወልትያ ኤሴዳ፤ ሄዋጥ ሰሚደ፡ ገልጋላ ዎጂዳ” ያጌደ ኦዳዳ።

13 ሳመል ሳኦላኮ ጋኬዳ፤ ሳኦል ሳመላ፡ “መቲና ጎዳይ ኔና አንጆ፤ ታን መቲና ጎዳ አዛዙዎ አላድ” ያጌዳ።

14 ሽን ሳመል ሳኦላ፡ “ሀ ታን ሰሰያ ደርሳ ዋሴኮ ሚዛ ዋሴ አይ?” ያጌዳ።

15 ሳኦል፡ “ኦላንቻቱ ሀዋንታ አማሌቃቱዋጥ አሄድና፤ ኤንቱንቱ መቲና ጎዳው፡ ነ ጸሳው ያርሻናው፡ ኡባጥ ሎአያ ደርሳቱዋኮ ሚዛቱዋ አሸድና፤ ሽን ሀራቱዋ ሙልያካ ጳይሴደ” ያጌዳ።

16 ሳመል ሳኦላ፡ “አነ ኤቃ፤ መቲና ጎዳይ ዝኖ ቃማ ታወ ኦዳዳዎ ታን ነወ ኦዳይ” ያጌዳ። ሄዋጥ ጉኖ ሳኦል፡ “ኦዳ” ያጌዳ።

17 ሳመል ሳኦላ ያጌዳ፤ “ኔን ኔና ጸልና ጉሳ ግደጥ፤ አሰራኤልያ ዛረቶ ካትያ ግዳቢይኪ? አሰራኤልያ ቦላ ካተታና ማላ፡ መቲና ጎዳይ ኔና ኦኬዳ።

18 ጸሳይ ኔና፡ “ባደ አማሌቃ አሳቱዋ ኢታቱዋ ኡባና ጳይሳ፤ ኤንቱንቱ ውራና ጋካናው ኤንቱንታ ኦላ” ያጌደ ኩቲዳ።

19 ያትና፡ አያው መቲና ጎዳው አዛዘታቢይኪ? አያው አዋዶ ያረታደ መቲና ጎዳ ጸሳ ሰንሳን ኢታባ ኦላዳ?” ያጌዳ።

20 ሳኦል፡ “ታን መቲና ጎዳ ቃላው አዛዘታድ! መቲና ጎዳይ ታና ከቲዳዎዳን ባድ፤ አማሌቃ አሳቱዋ ዎጃ ወርሳድ፤ ኤንቱንቱ ካትያ አጋጋ አሃድ።

21 ሽን ኦላንቻቱ አዋዳዋጥ ደርሳኮ ሚዛ ኡባጥ ሎአያዋንታ፡ መቲና ጎዳው፡ ነ ጸሳው፡ ገልጋላን ያርሻናው አኪደ ዬድኖ” ያጌዳ።

22 ሳመል ሳኦላ፡ “መቲና ጎዳይ ባረ ቃላው አዛዘትያዋን ናሽትያዎ ከሻ ጸግያ ያርሹዋንኮ አዎታን ናሽቲ? ባከ፤ አዛዘትያዎ ያርሸያዋጥ እጄ፤ ቃይ ሰሰያዎ ደርሳ ዋጃዋጥ እጄ።

23 አያው ጎጥ፡ ድብያዎ ሻራኝያ ናጋራ ማላ፤ ቃይ ኦቶረትያዎ ኤቃወ ጎይንያ አታተላ ማላ። ኔን መቲና ጎዳ ቃላ፡ እጹዳ ድራው፡ እ ኔን ካትያ ግድያዎ እጹዳ” ያጌዳ።

24 ሳኦል ሳመላ፡ “ታን ናጋራ ኦላድ፤ መቲና ጎዳ አዛዘዋኮ ነ ቃላ ቶቻድ። ታን አሳው ያዬዳ ድራው፡ ኤንቱንቱ ጌዳዎ አላድ።

25 ሀይ ታ ናጋራ አቶ ጋርኪ፤ ታን መቲና ጎዳው ጎይናና ማላ፡ ታናና ገልጋላ ደንዳርኪ” ያጌዳ።

26 ሳመል ሳኦላ፡ “ታን ኔናና ሰሚደ ቢከ! ኔን መቲና ጎዳ ቃላ እጹዳ ድራው፡ ኔን አሰራኤልያ ቦላ ካትያ ግድያዎ መቲና ጎዳይ እጹዳ” ያጌዳ።

27 ሳመል ሳኦላ ማግታ ባናው ደንድና፡ ሳኦል አ ማዳዎ ማጫራ ኦይቁና ማዩ ፔቲቲዳ።

28 ሳመል ሳኦላ፡ “መቲና ጎዳይ ሀቼ አሰራኤልያ ካወተላ ኔጥ ፔጂደ ኔጥ ሎአያ ነ ሾር እሚዳ።

29 አሰራኤልያ ቦንቹ ዋርዶተና፡ ዋይ ባረ ቆፋ ላመና፤ አያው ጎጥ፡ ባረ ቃላ ላማናው እ አሳ ግደና” ያጌዳ።

30 ሳኦል ሳመላ፡ “ታን ናጋራ ኦላድ፤ ሽን ታ ጋድያ ጭማቱዋ ሰንሳንኮ አሰራኤልያ አሳ ሰንሳን ሀይ ታና ካወሽገርኪ፤ ታን መቲና ጎዳው፡ ነ ጸሳው ጎይናናዳን፡ ኔን ታናና ደንዳርኪ” ያጌደ ዛሬዳ።

31 ሄዎ ድራው፡ ሳመል ሳኦላና እትጥ ገልጋላ ቤዳ፤ ሳኦል መቲና ጎዳው ጎይኔዳ።

32 ሄዋጥ ጉይያን ሳመል፡ “አማሌቃቱዋ ካትያ አጋጋ ታኮ አህተ” ያጌደ አዛዜዳ።

አጋግ ኮኮሪደ ሳሜላኮ ዬዳ፤ “ቱሙ ሀይቃ ሀዋዳን ጫሚ!” ያጌደ።

33 ሳመል አጋጋ፡ “ነ ማሻይ ማጫዋንታ መላ አሸዋዳን፤ ነ ዳያካ ማጫዋንቱ ግደን መላ አታና” ያጌዳ። ሳመል አጋጋ መቲና ጎዳ ሰንሳን ገልጋላን ሲፊዳ።

34 ሄዋጥ ጉይያን፡ ሳመል ደንዲደ፡ ራማ ካታማ ቤዳ፤ ሳኦላካ ባረ ሶ ግብአ ቤዳ።

35 ሳመል ሀይቃና ጋካናው፡ ሳኦል ባከናው ሰሚደ ላኤንሶ ብቢና፤ ግደጥ፡ ሳመል ሳኦላ ድራው ዬኬዳ። ሳኦላ አሰራኤልያ ቦላ ካተዬዳዎ መቲና ጎዳይ ካቶቲዳ።

### ዳዊታን ሳኦላ

## 16

(16:1—30:31)

ዳዊተ ደረቲደ ካትያ ግዳናው ኦከቲዳ

1 መቲና ጎዳይ ሳመላ፡ “አሰራኤልያ ቦላ እ ካትያ ግደና ማላ፡ ታን እጸክቼዳ ሳኦላ ድራው፡ ኔን አወደ ጋካናው ዬካይ? አነ ካጭያን ዛይትያ ኩንሳደ ከሳ፤ ታን ኔና ቤታልሄምያ አሰያኮ ኪታይ፤ ካትያ ግዳና ማላ፡ ታን አ ናናቱዋ ግደጥ እቱዋ ዶራ ዋላድ” ያጌዳ።

2 ሳመል፡ “ታን ዋናደ ቦ? ሳኑል ሰሲደ ታና ዋላና” ያጌዳ።

3 መድና ጎዳይ ሳመላ፡ “ኡሳቶ እትኖ እካ ባደ፡ ታን መድና ጎዳዉ ያርሻናዉ ያድ። ያጋ።

4 ሳመል መድና ጎዳይ ኦዳዳዋ ኦሌዳ፤ ቤተሌመ ቤዳ። ቤተሌመ ካታማ ጭማቱ ኮኮሪደ እናና

ጋከቲድኖ። ኡንቱንቱ እ፡ “ኔን ሳርተላዉ ያድ?” ያጌደ ኦቹድኖ።

5 ሳመል፡ “ኡ፤ ሳርተላዉ ያድ፤ ታን መድና ጎዳዉ ያርሻናዉ ያድ፤ ህንተንቱካ ጌይተ፤ ያተደ ታናና ያርሹዋ ሳኦ ደንድተ” ያጌዳ፤ ቃይ እሰያን ኦ ናና ጌሺደ፡ ያርሹዋ ሳኦ ኡንቱንታ ጸሴዳ።

6 ኡንቱንቱ ያርሹዋ ሳኦ ጋከያ ዋደ፡ ሳመል እሰያን ሳኦ ኤልአባ በኢደ፡ “ቴሙተ መድና ጎዳይ ኦክያዋ ሀዋን መድና ጎዳ ሰንላን ኤቁዳ” ያጌደ ቆፔዳ።

7 ሸን መድና ጎዳይ ሳመላ፡ “ኦ ማላ ዋይ ኦ ጌሳ ኡዳሳተላ ጸሎጋ፤ ታን ኦ እጻደ። እያዉ ሳፕ፡ ታን መድና ጎዳይ ኦሳይ ጸልያዋዳን ጸልከ፤ ኦሳይ ዴሙዋ ጸሌ፤ ሸን መድና ጎዳይ ዋዛና ጸሌ” ያጌዳ።

8 እሰይ ኡበናዳባ ጸሲደ፡ ሳመላ ሰንላ ኡሌዳ፤ ሳመል፡ “ቴይት፤ መድና ጎዳይ ሀዋካ ደርቤና” ያጌዳ።

9 ያትና፡ እሰይ ሻማ ኡሌዳ፤ ሳመል፡ “ቴይት፤ መድና ጎዳይ ሀዋካ ደርቤና” ያጌዳ።

10 ሄዋዳን ኡሌደ፡ እሰይ ባር ናና ላፑኦዋ ሳመላ ሰንላ ኡሌዳ፤ ሸን ሳመል እሰያ፡ “መድና ጎዳይ ሀዋንታ ደርቤና” ያጌዳ።

11 ሄዋ ድራዉ፡ ኦ እሰያ፡ “ካዉ ደእያ ናናይ ሀዋንቱ ጸላላየ?” ያጌደ ኦቹዳ።

እሰይ፡ “ኡባፕ ቴፋ ናኦይ ኡቴዳ፤ ሸን ኦ ደርሳቱዋ ሄሚ” ያጌዳ።

ሳመል፡ “ከታደ ኦ ኦህሳ፤ ኦ ያና ጋካናዉ ኦን ያርሹኮ” ያጌዳ።

12 እሰይ ከቲደ፡ ናኦ ኡህሴዳ፤ ሄ ናኦይ ኦርሳ፤ ኦይፍያና ሎእያ ማላ ሎኦ።

መድና ጎዳይ ሳመላ፡ “ደንዳ ኤቃደ ኦካ፤ ሀዌ ኦ” ያጌዳ።

13 ሳመል ካጭያ ዛይትያ እኪደ፡ ኦ እሻቱ ሰንላን ዳዊታ ኦኬዳ። ሄ ጋላሳፕ ደሚደ፡ መድና ጎዳ ኡያናይ ዳዊታ ቦላን ዋልቃፕ ዋዴዳ። ሄዋፕ ጉይያን፡ ሳመል ደንዲደ፡ ራማ ካታማ ቤዳ።

**ዳዊተ ሳኦላዉ ኦሌ**

14 መድና ጎዳ ኡያናይ ሳኦላፕ ሻከቲዳ፤ መድና ጎዳፕ ከተቴዳ ኢታ ኡያናይ ሳኦላ ኡንኤሌዳ።

15 ሳኦላ ቆማቱ እ፡ “ጸሳፕ ከተቴዳ ኢታ ኡያናይ ኔና ኡንኤሌ።

16 ኑ ጎዳይ ዲላ ሎይሰ ዲጽያ ኦሳ ኮያና ማላ፡ ባር ቆማቱዋ፡ ሀዋን ደእያዋንታ ኦዛዙ። ጸሳፕ ከተቴዳ ኢታ ኡያናይ ኔና ኦይቁያ ዋደ፡ ሄ ብታን ዲላ ዲጻና፤ ኦ ዲጻና ነዉ ከካና” ያጌድኖ።

17 ሳኦላ ባር ቆማቱዋ፡ “ዲላ ሎይሌደ ዲጽያ ኦሳ ኮዪደ፡ ታዉ እኪደ ዪተ” ያጌዳ።

18 ቆማቱዋፕ እቲ ሳኦላ፡ “በኡ፤ ቤታልሄምያ እሰያዉ ዲላ ሎይሌደ ዲጽያ እት ናኦይ ደኡ። ሄ ናኦይ ጸላን ቶራንቻ ኦሳ፤ ሃሳያዉ ጭንጫን ማላ ሎኦ ኦሳ፤ ቃይ መድና ጎዳይ ኦናና እትፕ ደኡ” ያጌዳ።

19 ያትና፡ ሳኦላ እሰያኮ ከቲደ፡ “ካ ደርሳ ሄምያ ነ ናኦ ዳዊታ ታዉ የዳ” ያጌዳ።

20 ሄዋፕ ጉየ እሰይ ኡክሳ፡ ኦጎሩዋ ዋይንያ ኤሳን ጋሎ ደርሳ ማራ እቲዋ ሀርያን ጫኒደ፡ ባር ናኦ ዳዊታና ሳኦላዉ የዳዳ።

21 ዳዊተ ሳኦላኮ ዬዳ፤ ኦ ከታን ገሌዳ። ሳኦላ ዳዊታ ሎይሰ ደሴዳ፤ ዳዊተ ሳኦላዉ ኦላ ማሻ ኦይቁያዋ ግዴዳ።

22 ያትና፡ ሳኦላ እሰያዉ፡ “ዳዊተ ታዉ ኦሌደ ጋምእሾ፤ ታን ኦ ደሳድ” ያጌደ ከቲዳ።

23 ሄዋፕ ሰምና፡ ጸሳፕ ከተቴዳ ኢታ ኡያናይ ሳኦላ ኦይቁያ ዋደ ኡባ፡ ዳዊተ ዲላ እኪደ ባር ኮሽያን ዲጻ፤ ኢታ ኡያናይ ኦ የድያ ድራዉ፡ ሳኦላዉ ኬኬን ኦ ፓዴ።

# 17

**ዳዊታን ጎልዳዳ**

1 ፕልሰጾማ ኦሳቱ ባርንቱ ኦላንቻቱዋ ይሁዳን ደእያ ሶኮ ጌተትያ ሳኦ ኦላዉ ሺሺድኖ፤ ሶኮፕን ኡዜቃፕ ግዴዋን ደእያ ኤፈሰጻማ ጌተትያ እት ሳኦን ሺቅ ኡቲድኖ።

2 ሳኦልን እሰራኤላቱ ኤላ ጌተትያ ዛንጋራን ሺቅ ኡቲድኖ፤ ፕልሰጾማ ኦሳቱዋና ኦላታናዉ ሳልፕያን ከሰድኖ።

3 ፕልሰጾማ ኦላንቻቱ እት ደርያን ሳልፕና፡ እሰራኤላቱካ ሀራ ደርያን ሳልፕድኖ፤ ኡንቱንቱ ላኡዋ ዛንጋራይ ሻከ።

4 ጋተ ካታማን ደእያ፡ ጎልዳዳ ጌተትያ እት ቶራ ቃራ ብታኒ ፕልሰጾማቱ ሺቁዳ ሳኦፕ ዬዳ፤ ኦ ጌሳይ ኡሱፑን ዋላን ታካ።

5 ኦ እሻታማን ላፑን ከሎ ግራመ ዳጽያ ናሃሰያ ብራታ ኮትያ ማዬዳ፤ ቃይ ናሃሰያ ብራታ ቆጶያ ባር ሁጲያን ዋሌዳ።

6 ናሃሰያ ብራታ ጋምባልያ ባረ ገድያን እሌዳ፤ ባረ ሀሽያን ናሃሰያ ብራታታ ቆጶቲዳ ጽንቃ ቶኪዳ።

7 እ ቦድያ ቶማይ ሸማይንያ ዋንዳራሽያ ኬሻ፤ ቦድያ እይፊ ላቲን ኪሎ ግራሙ ዳጼ፤ ጎንዳልያ ቶኪዳ እት ብታኒ እ ሰንሳን ሀሙቲ።

8 ጎልያይ ኤቂደ፤ ቃላ ቶቁ ኦሊደ፤ እስራኤልያ ኦላንቻቶ ሀዋዳን ያገደ ጩቁዳ፤ “ሀንተንቱ ዋናና ገደ ኦላዉ ሳልፎቲቲ? ታን ፕልሰጾማ አሳ ግድክታ? ቃይ ሀንተንቱ ሳኦላ ቆማቲዋ ግድክቲ? እነ ሀንተንቱ ግደፕ እት አሳ ደርተ፤ ሄ ብታኒ ታኮ ዋጹ።

9 ሄ ብታኒ ታናና ኦላቲደ ታና ዋጹ፤ ኮን ሀንተንቱ ቆማቲዋ ግዳና፤ ሸን ታን እ ጸናደ ዋጹ፤ ሀንተንቱ ኦ ቆማቲዋ ግዳናን ኦላዉ ዋደታና” ያገደ።

10 ቃይካ ሄ ፕልሰጾሙ ብታኒ፤ “ታን ሀቼ እስራኤልያ ኦላንቻቲዋ ናሳይ፤ ታሠ እት አሳ እምተ፤ እነ ላኡ ኦላቲቶ!” ያገደ።

11 ሳኦል፤ እስራኤላቲ ፕልሰጾምያ ቃላ ሰሲደ፤ ዬላቲድናን ዳርፕ ያዬድና።

12 ዳዊተ ይሁዳ ገድያን ቤታልሄሙን ደእያ ኤፍራታ እሰያ ናኣ። እሰያዉ ሆሰፕን እቲማ ናናይ ደእኖ፤ ሳኦል ካትያ ግደደ ደእያ ዋደ፤ እሰይ ሎይል ጭሜዳን ዳር ደእዳ አሳ።

13 እሰያ እቲማ ናናይ ባይራትያዋንቲ ሄዛቲ ሳኦላ ካሊደ ኦላ ቤድና፤ ኦላ ቤዳ እ ሄዙ ናናቲዋ ሰንሳይ ሀዋ፤ ባይራይ ኤልአሳ፤ ቴፋይ እምናዳባ፤ ሄዘንሎ ሻማ።

14 ዳዊተ ናናቲዋ ኡባፕ ቴፋ። ባይራ ሄዙ ናናይ ሳኦላ ካሊድና፤

15 ሸን ዳዊተ ባረ እዉዋ ደርሳቲዋ ሄማናዉ ሳኦላ ማታፕ ቤተሊሙ ስሙርቲ።

16 ሄ ፕልሰጾም ኦይታሙ። ጋላሳ ጉራን ኦማርሰ ዪደ፤ እስራኤላቲዋ ናሴ።

17 እት ጋላሰ እሰይ ባረ ናኣ ዳዊታህ ሀዋዳን ግደዳ፤ “ሀ ጸጸቲዳ ትሻፕ ታሙ ኪሎ ግራምያን ሀ ታሙ ኡክላቲዋ አካደ፤ ነ አሻቶ አፋደ፤ ነ አሻቲ ሸቄዳ ሳኣ ኤላካ ጋላ።

18 ሀ ታሙ ኦካ ፕላቲዋካ ኡንቲንቲ ሻላቃዉ አፋ፤ ነ አሻቲ ዋን ደእንቶ በእደ፤ ኡንቲንቲ ሳር ደእያዋ ማላታ ኡንቲቲፕ አካደ ያ።

19 ካትያ ሳኦል፤ ነ አሻቲዋን እስራኤልያ አሳይ ኡባይ፤ ፕልሰጾማ አሳቲዋና ኦላቲደ፤ ኤላ ዛንጋራን ደእኖ” ያገደ።

20 ዳዊተ ወንታ ጉራና ደንዲደ ደርሳ ዉድያ ሀራ አሳ ሄንሊደ፤ እሰይ እዛዜዳዋ ጫን እኪደ ቤዳ። እስራኤልያ ኦላንቻቲ ባረንቲ ቃላ ቶቁ ኦሊደ ጋርማሚደ ኦላዉ ሳልፎሸን፤ ዳዊተ ጋኪዳ።

21 እስራኤልያ አሳቲ፤ ፕልሰጾማ አሳቲ እቲ እቲዋኮ ጸሊደ ሳልፎቲና።

22 ዳዊተ ባረ እሄዳ ሚሻ ሸንቃ ናግያዋ ኩሽያን ዋሊደ፤ ኦላ ሳልፕያ ዋጽ ቢደ፤ ባረ አሻቲዋ ሳርቲዳ።

23 ዳዊተ ባረ አሻቲዋና ሃሳይሸን፤ ጋተፕ ዬዳ ቶራ ቃራይ፤ ፕልሰጾምያ ጎልያደ ባረ ሳልፕያፕ ጋጸ ከሲደ፤ ሀርደዋዳንካ እስራኤላቲዋ ናሴዳ፤ እ ናሰያዋ ዳዊተ ሰሴዳ።

24 እስራኤልያ አሳይ ኡባይ ሄ ብታንያ በኤዳ ዋደ፤ ሎይል ያዬደ አፕ ባቃቲድና።

25 እስራኤልያ አሳይ እቲ እቲዋ፤ “ሀ ከሰያ ብታንያ በኤድቲ? እ ቲሙዋፕ እስራኤልያ ናሳናዉ ከሴዳ! ሀ ብታንያ ዋጹና ኡራዉ ካትያ ሳኦል ዳር አቁዋ እማና፤ ቃይ ባረ ናቶካ እዉ እማና፤ እ አዉዋ ጎልያ አሳይ እስራኤላን ካትያ ገራካ ገረና” ያገደና።

26 ዳዊተ ባረ ማታን ኤቁዳ አሳ፤ “ሀ ፕልሰጾምያ ዋጲደ፤ ሀ ዬላ እስራኤልያፕ ቁጭያ ኡራዉ እያይ ኦሰታኔ? ሀ ቃጸረትቤና ፕልሰጾም፤ ደኡዋ ጸሳ ኦላንቻቲዋ ናሰያዋ እ ኦኔ?” ያገደ ኦቼዳ።

27 ሸን ኡንቲንቲ እ፤ “ሀ ብታንያ ዋጹና ኡራዉ ሀዋ ሀዋ ኦሰታና” ያገደ ካሰዋዳንካ እዉ ዛራድና።

28 ዳዊተ አሳና ሃሳይያዋ እ አሻይ ኡባፕ ባይራይ ኤልአሰ ሰሲደ፤ ዳዊታ ቦላ ሀንቁዋ ኤጽ ከሴዳ፤ “ኔን ሀ ሳኣ እያዉ ያድ? ሄ እማራዳ ደርሳቲዋ ዋራን ኦናና የጋድ? ነ ኦቶሩዋን ነ ዋዛና እታተላ ታን ኡራይ፤ ኔን ኦላ በእናዉ ያዳ” ያገደ።

29 ዳዊተ፤ “ታን ሀእ አይ ኦላድታ? ሀራይ አቶፕ ሃሳናናዉካ ዳንዳይክታ?” ያገደ።

30 ዳዊተ ባረ አሻ አገደ፤ ሀራ አሳኮ ሰሚደ፤ ካሰዋዳንካ ኦቼዳ፤ አሳይ እዉ ካሰዋዳንካ ዛራዳ።

31 ዳዊተ ሃሳዬዳዋ ሰሴዳ አሳቲ ሳኦላዉ ኦይድና፤ ሳኦል ዳዊታ ጸሰሴዳ።

32 ዳዊተ ሳኦላ፤ “ሀ ብታንያ ጋሱዋን ኦ ዋዛናይካ ያኖፖ፤ ታን ነ ቆማይ ባደ፤ ሀ ፕልሰጾምያና ኦላታና” ያገደ።

33 ሳኦል ዳዊታ፤ “ሀ ፕልሰጾምያና ኔን ኦላታናዉ ዳንዳያካ፤ እያዉ ጎፕ፤ ኔን ናኣ፤ ሸን ናኣተላፕ ደሚደ፤ እ ኦላቲደ ድጩዳ አሳ” ያገደ።

34 ሸን ዳዊተ ሳኦላ፤ “ታን ነ ቆማይ ታ እዉዋ ደርሳቲዋ ሄማይ፤ ጋሙ ዋይ ባባገላ ማላትያ ደእይ ዪደ ዉድያፕ ደርሳ ኦይቁያ ዋደ፤

35 እ ካላደ ታን ባደ እ ደናፕ ዋላ አካይ፤ ታኮ ሰምያ ዋደ፤ ቡቻ እይቃይ፤ ሸጫ ዋጲይ።

36 ታን ነ ቆማይ ጋሙዋን ባባገላ ዋጲደ፤ ሀ ቃጸረትቤና ፕልሰጾም ደኡዋ ጸሳ ኦላንቻቲዋ ናሴዳ ደራዉ፤ እካ ኡንቲንቲፕ እቲዋዳን ሀናና።

37 ጋሙዋን ባባገላ ጸጉገላጥ ታና አሼዳ መድና ጎዳይ ሀ ፕልሰጾምያ ኩሽያጥካ አሻናዋ” ያጌዳ።

ሳኦል ዳዊታ፡ “ባ፤ መድና ጎዳይ ኔናና ግደ” ያጌዳ።

38 ሄዋጥ ጉይያን፡ ሳኦል ባረ ማዩዋ ዳዊታ ማይዜዳ፤ ዳዊታ ሁጲያን ናሃሰያ ብራታ ቆጲያ ዋሌዳ፤ ናሃሰያ ብራታ ኩትያካ ዳዊታ ማይዜዳ።

39 ዳዊተ ባረ ኦላ ማዩዋ ቦላ ማሻ ዳንጨዳ፤ ሀመት በኤዳ፤ ሽን ዳንዳይቤና፤ እያዉ ጎጥ፡ ሄዋ ማላ ማዩዋ ማይ ኤረና።

ሄዋጥ ጉይያን፡ ዳዊተ ሳኦላ፡ “ታን ሀዋ ማላ ማዩዋ ማያደ ሜዘታቤና ድራዉ፡ ሀዋና ባናዉ ዳንዳይከ” ያጌደ ኦላ ማዩዋ ኡባና ቃራዳ።

40 ዳዊተ ባረ ሄንሳ ጋትማ ኦይቁደ፡ ሻፋጥ ሙይላ ሹቻ እቼሻቱዋ ማጽ አኪደ፡ ባረ ቃርጨቱዋን የጌዳ፤ ባረ ያምባርሻ ኦይቁደ፡ ጎልያደኮ ማቱዳ።

41 ጎልያደካ ዳዊታኮ ሸቅ ሸቁደ ማታተዳ፤ ጎንዳልያ ቶክያ ብታኒ ኦ ስንሳን ደኤ።

42 እ ዳዊታ ትሽ ኦላ ጸሊደ፡ ዳዊተ ናኦ ግዴዳዋን ማላ ሎኦከን አርሳ ግዴዳዋ በኢደ ካዴዳ።

43 ዳዊታ፡ “ኔን ጋትማ ኦይቃደ ታ ቦላ ያናዉ፡ ታና ካና ጋደየ?” ያጌዳ፤ ባረ ጸሳቱዋ ስንሳን ዳዊታ ሸቁደ።

44 እ ቃይካ ዳዊታ፡ “ሃያ፤ ታን ነ እሹዋ ሳሉዋ ካርቶን ሳኦ ደኦቶ አማና” ያጌዳ።

45 ዳዊተ ፕልሰጾምያ፡ “ኔን ማሻ፡ ቦድያን ጽንቃ ኦይቃደ ታ ቦላ ያሳ፤ ሽን ታን ኡባጥ ዋልቃማ መድና ጎዳ ስንሳን፡ ኔን ናሴዳ እስራኤልያ ኦላንቻቱ ጸሳ ስንሳን ነ ቦላ ያይ።

46 ሀቼ መድና ጎዳይ ኔና ታ ኩሽያን አላ አማና፤ ታን ኔና ሸጫና፤ ነ ቆድያካ ሙጫ ኦላና። ፕልሰጾም ኦላንቻቱዋ አሃ ሳሉዋ ካርቱዋዉን ሳኦ ደኦቶ ታን ሀቼ አማና፤ ያትና፡ እስራኤላን ጸሳይ ደእያዋ ሳኦን ደእያ አሳይ ኡባይ ኤራና።

47 መድና ጎዳይ ባረ አሳ አሻናዉ ቶራ ዋይ ማሻ ኮዩናዋ ሀዋን ሸቁዳ አሳይ ኡባይ ኤራና፤ እያዉ ጎጥ፡ ኦላይ መድና ጎዳዋ። እ ሀንተንታ ኡባ ኑ ኩሽያን አላ አማና” ያጌዳ።

48 ፕልሰጾም ደንዲደ ቢደ፡ ዳዊታና ኦላ ጋከታናዉ ሸቁዳ ዋደ፡ ዳዊተ ኦላትያ ኦላዉ ኤለካ ዋዴዳ።

49 ዳዊተ ባረ ቃርጨትያ ግደ ኩሽያ የዲደ፡ እት ሹቻ አኪደ ያምባርሻን ዋሊደ ያምባሪደ፡ ፕልሰጾምያ ዴሙዋ ጫዴዳ። ሹቻይ ብታንያዉ ዴሙዋ ግደ ገሊዳ፤ ያትና፡ ብታኒ ቢታን ጉፋኒደ ኩንዴዳ።

50 ያቲደ ዳዊተ ፕልሰጾምያ ያምባርሻን ሹቻን ጸኔዳ። ዳዊተ ባረ ኩሽያን ማሻይ ባይናን ፕልሰጾምያ ጫዲደ ዋዴዳ።

51 ዳዊተ ዋዴደ ቢደ፡ እ ቦላ ከሰ ኤቁደ፡ ፕልሰጾምያ ማሻ ኦይቁደ ሹኩዋ ግደጥ ሾድ አኪደ፡ እ ቆድያ ሙጫዳ።

ፕልሰጾም አሳቱ ባረንቱ ቶራ ቃራይ ሀይቁዳዋ በኤዳ ዋደ ባቃቱድና።

52 እስራኤልያ አሳይን ይሁዳ አሳይ ደንዲደ ዋሲደ፡ ፕልሰጾም አሳቱዋ ጋትን ኤቅርና ካታማቱዋ ጥንገቱዋ ጋላናሽን የደርሴድና፤ ፕልሰጾም አሳ አሃይ ጋትን ኤቅርና ጋካናዉ፡ ሻኦራይማ አፍያ ኦግያን ኡባን ኩንዴዳ።

53 እስራኤልያ አሳይ ፕልሰጾም አሳቱዋ የደርሰ ሰሚደ፡ ኤንቱንቱ ሸቁዳ ሳኦ ቦንቁድና።

54 ዳዊተ ፕልሰጾምያ ቆድያ የሩሳላመ አሃዳ፤ ሽን ፕልሰጾምያ ኦላ ሚሻ ባረ ዳንካንያ ግደን ዋሌዳ።

55 ዳዊተ ፕልሰጾምያኮ ቢሸን፡ ሳኦል በኤዳ ዋደ፡ ኦላንቻቱ ካጥዋ አባኔራ፡ “አባኔራ፡ ሀ ዋዳላይ ኦ ናኤ?” ያጌደ ኦቼዳ።

አባኔራ ሳኦላ፡ “ካዎ፡ ነ ሸምጥ ኤሮ ታን አ ኤርከ” ያጌደ ዛራዳ።

56 ካት ዛራደ፡ “ያቶጥ ሀ ዋዳላይ ኦ ናኤንቶን እን ኦቻደ ጋካ” ያጌዳ።

57 ዳዊተ ፕልሰጾምያ ዋዲደ ሰሜዳዋጥ ጉይያን፡ ሙጫዳ ፕልሰጾምያ ሁጲያ ኦይቁዳ ሳና፡ አባኔራ እ ሳኦላ ሰንሳ አኪደ አፌዳ።

58 ሳኦል አ፡ “ዋዳላዉ፡ ኔን ኦ ናኤ?” ያጌደ ኦቼዳ።

ሸን ዳዊተ፡ “ታን ቤታልሃምያ ነ ቆማ አሰያ ናኦ” ያጌደ ዛራዳ።

# 18

## ዳዊታን ዮናታና

1 ዳዊተ ሳኦላና ሃሳይያዋ ዉርሴዳዋጥ ጉይያን፡ ሳኦላ ናኦ ዮናታን ዳዊታና ዳሮ ማታ ዳቦተላ መዴዳ፤ ዮናታን ዳዊታ ባረ ሁጲያዳን ሰቁዳ።

2 ሄ ጋላሳጥ ደሚደ፡ ሳኦል ዳዊታ ባረናና ዋሌዳ፤ ባረ አዉዋ ሶ ጉዮ ሰመናዳን ድጌዳ።

3 ዮናትን ዳዊታ ባረ ሁጲያዳን ሲቅያ ድራው። እናና ቃላ ጫቁዋ ጫቁቲዳ።

4 ዮናትን ባረ ማዬዳ ካባ ቃሪደ። ባረ ኦላ ማዩዋና፣ ባረ ማሻና፣ ባረ ዋንዳፍያናን ባረ ሳቂያና እትጥ ዳዊታው እሚዳ።

5 ሳኦል ከቲዳ ኡባባ ዳዊተ ፖሊደ ኦልያ ድራው። ሳኦል ዳዊታ ባረ ኦላንቻቱ ግደን ጋዳዋ ሱንሌዳ፤ ሄዋ ኦላ ኡባካ ኦ ኦላንቻቱዋካ ናሽቼዳ።

**ሳኦል ዳዊታ ቃናቴዳ**

6 ዳዊተ ፕልሰጾምያ ጎልያዳ ዋድና ኦሳይ ሶ ሰምያ ዋደ። ማጫ ኦሳይ ናሽቻ የላ የጸድን ዱሪደ። ካባሩዋ ባቂደን ዲላ ዲጸደ። ካትያ ሳኦል ሞካናው እሰራኤልያ ካታማቱዋ ኡባቱዋጥ ከሴዳ።

7 ማጫዋንቱ ዱሪደ።

“ሳኦል ሻእ ዋዴዳ፤

ዳዊተ ታሙ ሻእ ዋዴዳ”

ያገደ የጾድኖ።

8 ሳኦል ሀ የላይ ኢትና፣ ሎይሌ ሀንቀቲዳ፤ ሳኦል ባረ ቆፋን፣ “ዳዊታ፣ ታሙ ሻእ ዋዴዳ” ገደ። ታና፣ ላት ሻእ ዋዴዳ” ገድኖ፤ ያትና፣ ካዉተላጥ ኢትና እዉ ኦይ ኦቲዳዊ?” ያገደ።

9 ሄ ጋላሳጥ ደሚደ። ሳኦል ዳዊታ ቃናተ እይፍያን ጾሌዳ።

10 ዋንተላ ጋላሳ ኢታ እያናይ ጸሳጥ ከተቲደ። ሳኦል ኦይቄዳ፤ ሳኦል ባረ ሶን ኤሎሙቴዳ። ዳዊተ ሀርደዋዳን ዲላ ዲጸደ፤ ሳኦል ቶራ ባረ ኩሽያን ኦይቄ ኡቴዳዊ።

11 “ዳዊታ ጎዳና ጋላይ ሰካድ” ገደ ቶራ ጸንጌዳ። ሽን ዳዊተ ላኦ ጌደ አጥ ሀሌዳ።

12 መድና ጎዳይ ሳኦል አገደ ዳዊታና ደእያ ድራው። ሳኦል ዳዊታው ያዬዳ።

13 ሄዋ ድራው። ሳኦል ዳዊታ ባረ ሰንሳጥ ሃሲደ። ሻእ ኦላንቻቶ ካቸዋ ከሴዳ። ያትና፣ ዳዊተ ባረ ጭታ ኦላን ካላሌዳ።

14 መድና ጎዳይ ዳዊታና እትጥ ደእያ ድራው። እ ኦልያባይ ኡባይ እዉ እንጀቲዳ።

15 ዳዊተ ኦልያባይ ኡባይ ሎይሌ እንጀትያዋ ሳኦል በኢደ። እዉ ሎይሌ ያዬዳ።

16 ሽን ዳዊተ ኡንቱንታ ኦላን ካላሌያ ድራው። እሰራኤላን ይሁዳ ኦሳይ ኡባይ ኦ ቢቂድኖ።

17 ሄዋጥ ጉይያን፣ ሳኦል ዳዊታ፣ “ታ ናታ ባይራታ መራባ ሀናሽ፤ ታን ኦ ነዉ ማቸ ኦላደ አማና፤ ኔን ምኖ አሳ ግዳ፤ ያታደ መድና ጎዳ ኦላ ኦላታ” ያገደ። ሳኦል ባረ ዋዛናን፣ “ታን ኦ ቦቻከ፤ ፕልሰጾማ አሳቲ ኦ ዋዳና” ያገደ ቆቴዳ።

18 ሽን ዳዊተ ሳኦል፣ “ካትያና ቦሎታናው ታን ኦኔ? ታ ሶ ኦሳይካ ኦይ? ዋይ ታ እዉዋ ያራይካ እሰራኤልያ አሳ ግደን ኦይ?” ያገደ።

19 ሽን ሳኦል ናታ መራባ ዳዊታው እመትያ ዋዲ ጋክና፣ ማሆላ ካታማጥ ዬዳ፣ አድሪኤላ ጌተትያ እት ብታንያዉ አመታዳ።

**ዳዊተ ሳኦል ናቶ እኩዳ**

20 ግደጥ፣ ሳኦል ናታ ሚካላ ዳዊታ ሲቃዳ፤ ሳኦል ሄዋ ሰሲደ ናሽቲዳ።

21 እ ባረ ዋዛናን፣ “እዉ ጳሪ ግዳና ማላን ፕልሰጾማ አሳቲ ኦ ዋዳና ማላ፣ ታን ሚካሎ ዳዊታው አማና” ያገደ ቆቴዳ። ሄዋ ድራው። ሳኦል ዳዊታ፣ “ኔን ታናና ቦሎታናው ሀዋ ነዉ ላኤንሶ ካጫ” ያገደ።

22 ቃይካ ሳኦል ባረ ቆማቱዋ ጸሲደ። “ካቲ ኔናን ናሽቲዳ፤ ኦ ቆማቲ ኡባይካ ኔና ደሲኖ፤ ሀእ ኔን ካትያና ቦሎታ ያገደ ጸራን ዳዊታው ኦድተ” ያገደ አዛዜዳ።

23 ኡንቱንታ ኦ ጌዳዋዳንካ ዳዊታው ኦዴድኖ፤ ሽን ዳዊተ ኡንቱንቶ፣ “ካትያና ቦሎታናዊ ሀንትንቶ ላፋባ ማላቲየ? ታን ሀዬሳን ኤሪተና አሳ” ያገደ ዛሬዳ።

24 ሳኦል ቆማቲ ዳዊተ ጌዳዋ ሳኦላው ኦዴድኖ።

25 ሳኦል ባረ ቆማቱዋ፣ “ዳዊታው ሀዋዳን ያገደ ኦድተ፤ ካቲ ባረ ሞርከቱዋ ሀሉዋ ከሳናዉ ጸቱ ፕልሰጾማ አሳቲዋ ቃራቱዋጥ ኢትና፣ ኔጥ ሀራ ጭሎሻ ኮየና” ያገጣጠ” ያገደ። ሳኦል ሄዋ ጌዳዊ፣ “ዳዊተ ፕልሰጾማቱዋ ኩሽያን ሀይቆ” ገደ ቆቴዳ ድራሳ።

26 ሳኦል ቆማቲ ሳኦል ጌዳዋ ዳዊታው ኦዴድኖ፤ ካትያና ቦሎታናዊ ዳዊታ ናሽቲዳ። ሄዋ ድራው፣ ቡላቻ ጋላሳይ ጋካናጥ ካሰቲደ።

27 ዳዊተን ኦ ኦሳይ ደንዲደ ቤድኖ፤ ፕልሰጾማቱዋጥ ላኦ ጸቱ አሳ ዋዴድኖ። ዳዊተ ካትያና ቦሎታናው ሄ አሳቲዋ ቃራቱዋ አሂደ። ካዋ ኩመንላ ፓይዲደ ሹ።።። ሄዋ ድራው። ሳኦል ባረ ናቶ ሚካሎ ዳዊታው አሚዳ።

28 ሳኦል መድና ጎዳይ ዳዊታና እትጥ ደእያዋን ኦ ናታ ሚካላ ዳዊታ ሲቅያዋ ኤሬዳ።

29 ሄዋ ድራው። ሳኦል ዳዊታው ካሰዋጥ አሊደ ያዬዳ። ሳኦል ባረ ደኡዋ ላይላ ኡባን ዳዊታው ሞርከ ግደዳ።

30 ፕላስጾመ ካፓቱ ኦሎታናዉ ከሰያዋ አግባይክኖ፤ ሽን ኦላዉ ከሴዳ ፓይዳዋ ኡባን ሳኦላ ገዳዋቱ ኡባፕ ጸኑ ሀንያዌ ዳዊተሳ፤ ሄዋ ድራዉ፤ እ ኤሪቴዳ እሳ ግዴዳ።

# 19

## ሳኦላ ዳዊታ የደርሱዋ ደሜዳ

1 ሳኦላ ባረ ናክ ዮናታናዉን ባረ ቆማቱዋ ኡባዉ፤ “ዳዊታ ዎቲተ” ያገደ ኦዴዳ፤ ሽን ሳኦላ ናክደ ዮናታን ዳዊታ ሎይሰ ሰቄዳ።

2 ሄዋ ድራዉ፤ ዮናታን ዳዊታዉ ሀዋዳን ያገደ ኦዴዳ፤ “ታ እዉ ሳኦላ ኔና ዎቆናዉ ኮዬ፤ ዎንት ጉራ ነዉ ናገታ፤ እት ሳክን ቆሰታደ ደእኻ።

3 ታን ታ እቡና ባደ፤ ኔን ቆሰቴዳ ገደን ኤቃና፤ ታን ነባ እዉ ኦዳደ፤ አፕ ሰሴዳባ ነዉ ኦዳና” ያገደዳ።

4 ዮናታን ዳዊተዋ ናሺደ፤ ባረ እዉዋ ሳኦላ ሀዋዳን ያገደዳ፤ “ካቲ ባረ ቆማ ዳዊታ ናቆፖ፤ እያዉ ጎፕ፤ እ ኔና ናቄቤና፤ እ ኦሌዳባይ ኔና ሎይሰ ጎኤዳ።

5 እ ፕላስጾምያ ዎቲያ ዎደ ባረ ሸምፖ ቃረትቤና። መቲና ጎዳይ እሰራኤልያ ኡባዉ ዎልቃማ ጸኑዋ እሜዳ፤ ሄዋ በእደ ኔንካ ናሸታዳ። ያትና፤ ኔን ጌሻ እሳ ናቃናዉ እያዉ ቆገይ? ጋሱ ባይናን ዳዊታ ዎቆናዉ እያዉ ኮያይ?” ያገደዳ።

6 ሳኦላ ዮናታን ኦዴዳዋ ሰሲደ፤ “መቲና ጎዳይ ኤር፤ ታን ዳዊታ ዎቲከ” ያገደ ጫቄዳ።

7 ዮናታን ዳዊታ ጸሲደ፤ ሃሳዬዳዋ ኡባ ኦዴዳ። ያቲደ ዳዊታ ሳኦላኮ አሄዳ፤ ዳዊተ ሳኦላና ካሰዋዳንካ ደኤዳ።

8 ሀራ ኦላይካ ደንዴዳ፤ ዳዊተ ከሲደ ፕላስጾማ አሳቱዋና ኦላቴዳ፤ ኡንቱንታ ዎልቃማ ሾቻ ሾጭና፤ ኡንቱንቱ እ ሰንገፕ ባቃቲድና።

9 ሄዋፕ ሰሚደ፤ ሳኦላ ቶራ ኦይቄደ ባረ ሶን ኡት ደእሸን፤ ኢታ አያናይ መቲና ጎዳፕ ኪተቲደ እ ኦይቄዳ። ያትና፤ ዳዊተ ዳላ ዳጽሸን።

10 ሳኦላ ዳዊታ ጎዳና ጋላደ ዳንጎናዉ (ኦይጎናዉ) ቶራ ጸንጌዳ፤ ሽን ዳዊተ አፕ ሀሌዳ፤ ቶራይ ጎዳን ኤቄዳ። ሄ ጋላሳ ቃማ ዳዊተ ባቃቲደ ከሰ እኬዳ።

11 ሄዋፕ ጉይያን፤ “ዳዊታ ጎልያ ናገደ፤ ጉራ እ ዎቲተ” ያገደ ሳኦላ እሳ ዳዊታ ሶ ኪቲዳ። ያትና፤ ዳዊታ ማቻታ ሚካላ፤ “ሀቼ ቃማ ኔን ነ ሸምፕዋ አሻና ቆፕ፤ ዎንት ሀይቃሳ” ያገደ ዳዊታዉ ኦዳዳ።

12 ሚካላ ዳዊታ ማሰኮትያና ዎላዳ፤ ዳዊተ ባቃቲደ ከሰ እኬዳ።

13 ሚካላ ሶ ምሰልያ አካደ አርሳን ግሰሳዳ፤ ሁጲሳና ዴሻ እሰክያ ዎላዳ፤ ያታደ እናላ ማይዛዳ።

14 ዳዊታ ኦዎዲደ አሀና ማላ፤ ሳኦላ እሳ ኪቲዳ፤ ሚካላ፤ “ዳዊተ ሳከቴዳ” ያገደዳ።

15 ሄዋፕ ጉይያን፤ ዳዊታ በእና ማላ፤ ሳኦላ ሄ አሳቱዋ ጉዮ ኪቲደ፤ ሀዋዳን ያገደዳ፤ “ታን ዳዊታ ዎቆናዳን እ አርሳና ቶኪደ እኪደ አህተ” ያገደዳ።

16 ሽን አሳቱ ሶ ገልያ ዎደ፤ ሄ ሶ ምሰሊ አርሳን ግሰዳዋ ደሜድና፤ እ ሁጲሳና ዴሻ እሰኪ ደኤ።

17 ሳኦላ ሚካሎ፤ “ኔን እያዉ ሀዋዳን ኦላደ ታና ጭማድ? ታ ሞርኪ ከሰ አካናዳን እያዉ ባቃትሳዳ?” ያገደዳ።

18 ሄዋፕ ጉዮ ሚካላ፤ “እ ታና፤ ታና ከሳደ የዳ፤ ሀና ቆፕ፤ ታን ኔና ዎቆናን ያገደዳ” ያገደ ዛራዳ።

19 ዳዊተ ባቃት እቴደ፤ ራማን ደእያ ናዮታ ግያ ሳክን ቢደ ኡቴድና።

20 ሳኦላ፤ “ዳዊተ ራማን ደእያ ናዮታን ደኤ” ያገያዋ ሰሲደ።

21 ዳዊታ ኦዎዳና ማላ፤ እሳ ያ ኪቲዳ። ሽን ትምቢትያ ኦድያዎንቱ ጭታይ ትምቢትያ ኦድሸንጎ ሳሚልካ ኤቄደ ኡንቱንታ ካለሰሸን ኡንቱንቱ በኤዳ ዎደ፤ ሳኦላ የዴዳ እሳ ቦላ ጸሳ እያናይ ዎቆዳ፤ ኡንቱንቱካ ትምቢትያ ኦዴድና።

22 ሳኦላ ሄዋ ሰሲደ ዎደ፤ ሀራ እሳ የዴዳ፤ ኡንቱንቱካ ቃይ ትምቢትያ ኦዴድና። ሳኦላ ሄዘንጎ እሳ የዴዳ፤ ሄዋንቱካ ትምቢትያ ኦዴድና።

23 ያትና፤ እ ባረ ሁጲያዉ ራማን ደንዴዳ፤ ቢደ ሴኩን ደእያ ዎልቃማ ኦላ ጋኬዳ፤ “ሳመልን ዳዊተን ሀቃን ደእኖ?” ያገደ ኦቼዳ።

ኡንቱንቱ፤ “ሀን ራማን ደእያ ናዮታን ደእኖ” ያገደ ዛራድና።

24 ሄዋ ድራዉ፤ ሳኦላ ራማን ደእያ ናዮታ ቤዳ፤ ቃይ ጸሳ እያናይ እ ቦላካ ዎቆዳ፤ ራማን ደእያ ናዮታ ጋካናዉ፤ ትምቢትያ ኦዲደ ቤዳ።

24 ብ ኃኪደ፣ ባረ ማዩዋ ቃሪደ፣ ሳመላ ሰንሳን ትምቢትያ ኦዴዳ፤ ሄ ጋላሳ ኡባነ ቃማ ኡባ ካሎ ግቤዳ። አሳይ፣ “ሳኦላካ ትምቢትያ ኦድያዋንቱ ዛቴየ?” ጉሳይ ሀዋሳ።

## 20

### ዮናታን ዳዊታ ማዴዳ

1 ሄዋጥ ጉይያን፣ ዳዊተ ራማን ደእያ ናዮታጥ ባቃቲደ፣ ዮናታናሱ ቤዳ፤ ዮናታና፣ “ታን እይ ኦሳድታ? ታ ባይዙ እይ? ነ እጫ ታና ዎሳናዉ ኮይያዌ፣ ታን አ ዋታ ቆሄኔ?” ያጊደ ኦቼዳ።

2 ዮናታን፣ “ሄዌ ኔፕ ሃኮ! ኔን ሀይቃካ። በእ፣ ጉላባ ግዲና፣ ግታባ ግዲና፣ ታ አዉ ታዉ ኦድናን ደኢደ እያነ እ፡፡ ታ አዉ ሀ የዉዋ ታፕ እያዉ ቆስ? ሄዋዳን ግደና!” ያጊደ ዛሬዳ።

3 ሸን ዳዊተ ዮናታና፣ “ኔን ታና ሲቅያዎ ነ እጫ ሎይላ ኤሬዳ፤ ነ እጫ ባረዉ፣ ዮናታን ሀ የዉዋ ኤርፕ እ ካዮታና! ያጊዳ። ሸን መድና ጎዳይ ኤር፤ ነ ሸምዮ ኤር፤ ታፕ ሀይቁዋፕ ግዲዋን መጽ እት ታንጉ አቴዳ” ያጊደ ጫቄዳ።

4 ዮናታን፣ “ኔን ከተታ ጌዳዋ እያነ ታን ነዉ ኦሳና” ያጊዳ።

5 ሄዋጥ ጉዮ ዳዊተ ሀዋዳን ያጊዳ፤ “ሰሳ፣ ዎንት አግና ጸሩዋ ቦንቻያ ጋላሳ፤ ታን ካትያና ቁማ ማና ኮሼ። ሸን ታን ባደ ዎንት ፔሸና ኦማርሰ ጋካናዉ፣ ጋደን ቆስታና።

6 ነ እጫ ታና ኮዮፕ፣ ኔን እ፣ ዳዊተንቱ ሶ አሳይ ኡባይ ላይላ ያርሹዋ ያርሸያ ዎደ ግድያ ድሬዉ፣ ቤተሊመ ባረ ካታማ ኤላካ ባና ጊደ፣ ታና ኦቼደ ቤዳ” ያጋ።

7 ሄዋጥ ጉዮ እ፣ ያዮፕ ሎኦ” ያገፕ፣ ታዉ ነ ቆማዉ ሳር፤ ሸን እ ሀንቆቶ፣ እ ታና ቆሀናዉ ባረ ቆፋ ቃቼዳዋ ሄዋን ኤሬ።

8 ኔና ግደፕ፣ ኔን ታዉ ነ ቆማዉ ሎኦባ ከተታ፤ እያዉ ጎፕ፣ ኔን ታናና ነ ቆማና መድና ጎዳ ሰንሳን ጫቃታዳ። ሸን ታናን ባይዙ ደኢፕ፣ ታና ኔን ዎሳ! ነ እዎ ታና አላ አዋፓ” ያጊዳ።

9 ዮናታን፣ “ሄዌ ኔፕ ሃኮ! ታ አዉ ኔና ቆሀናዉ ባረ ቆፋ ቃቼዳዋ ታን ኤሬደንቶ፣ ነዉ ኦድክታየ?” ያጊደ ዛሬዳ።

10 ሄዋጥ ጉዮ ዳዊተ፣ “ነ እጫ ነዉ ኢታ ዛሩዋ ዛርፕ፣ ታዉ ኦዳናዌ ኦኔ?” ያጊደ ኦቼዳ።

11 ዮናታን፣ “ሄያ፤ ጋደ ቦይተ” ያጊዳ፤ ያትና፣ ላእቲካ ጋደ ቤድና።

12 ዮናታን ዳዊታ ሀዋዳን ያጊዳ፤ “መድና ጎዳይ እሰራኤልያ ጸሳይ ኤር፣ ታን ዎንት ፔሸና ታ አዉዋ ቆራና። እ ነዉ ሎኦዋ ቆፖፕ፣ ታን ኪታደ ኔና ኤርሳና።

13 ሸን ታ አዉ ኔና ቆሀናዉ ኮይዳዋ ግደፕ፣ ቃይ ሄዋ ታን ኔና ኤርሰናን አጎፕ ኔና ሳሩዋን ዋይዘ የደናን አጎፕ፣ መድና ጎዳይ ታዉ ኢቶ! መድና ጎዳይ ታ አቡና እትፕ ግዴዳዋዳን ኔናናካ እትፕ ግደ።

14 ታና አሳይ ዎ፡፡ዳዳን ታ ደኡዋ ላይላ ኡባን አገና ሲቁዋ፣ መድና ጎዳዋ ማላ ታዉ ከተታ።

15 ቃይ ጎዳይ ዳዊታ ዋርከቱዋ ኡባ ጋድያፕ ጶቆሌዳ ዎደካ፣ ታ ጎልያ አሳፕ ነ ሲቁዋ ሃሶፓ” ያጊዳ።

16 ሄዋ ድሬዉ፣ ዮናታን፣ “መድና ጎዳይ ዳዊታ ዋርከቱዋ ኦቾ” ያጊደ ዳዊታ ጎልያ አሳና ቃላ ጫቁዋ ጫቁቲዳ።

17 ዮናታን ዳዊታ ባረ ሁጲያዳን ሲቄዳ ድሬዉ፣ “ኔን ታና ቱሙ ሲቅያዎ ቆንጭሳናዉ እነ ታዉ ላኢንሉዋ ጫቃ” ያጊደ ጫቄሴዳ።

18 ሄዋጥ ጉይያን፣ ዮናታን ዳዊታ፣ “ዎንታ አግና ጸሩዋ ቦንቻያ ጋላሳ፤ ኔን ኡትያ ሳኦይ መላ ደኢፕ፣ ኔን ባይናዌ ኤረታናዋ።

19 ዎንት ፔሸና ኦማርሰ ባደ፣ ሀ መቱ ደማዳ ጋላሰ ኔን ቆስቴዳ ሳኦን ቆስታ፤ ቆስታደ ኤጸላ ግያ ዛላፕ ጉዮና ታካሻ።

20 ታን እዮንቶ ጸንግያዋ ማላታደ፣ እ ዎይያና ሄዙ ፖላቱዋ ዎንዳፍያን ዲካና።

21 ሄዋጥ ጉይያን፣ ታ ቆማ፣ “ባደ ዙቡቱዋ ኮያ” ያጋደ ከታና፤ ታን አ ከታደ፣ “በእ፤ ዙቡቱ ኔፕ ሀ ባጋና ደኢና፤ ታኮ አካደ ያ” ያግያዋ ግደፕ፣ ሃያ፤ እያዉ ጎፕ፣ መድና ጎዳይ ኤር፣ ነዉ ሳእ ሳር፤ ኔና እያይነ ቦቼና።

22 ሸን ታን ታ ቆማ፣ “በእ፤ ዙቡቱ ኔፕ ሀን ባጋና ደኢና” ያግያዋ ግደፕ፣ ኔን አጋደ ባ፤ እያዉ ጎፕ፣ መድና ጎዳይ ኔና ዎራ የዴዳ።

23 ኔን፤ ታን ሃሳይዳ ቃላ ጫቁዋ ግደፕ፣ ሄዎ ኔፕን ታፕ ግዲዋን መድና ጎዳይ መድናዉ ማርካ” ያጊዳ።

24 ሄዋ ድሬዉ፣ ዳዊተ ጋደን ቆስቴዳ። አግና ጸሩዋ ቦንቻያ ጋላሳይ ጋኬዳ ዎደ፣ ካትያ ሳኦል ቁማ ማናዉ ዬዳ።

25 ሀርደ ባረ ኡትያ ሳኦን ጎዳ ላንቁያን ኡቴዳ፤ ዮናታን አፕ ሰንሳ ባዙዋን ኡቴዳ፤ አባኔር ሳኦላ ላንቁያን ኡቴዳ፤ ሸን ዳዊታ ሳኦይ መላ ደኤ።



26 ሳኦል ሄ ጋላሳ እይነ ግቦርና እያው ጎጥ፡ ሳኦል፡ “ዳዊተ እየንቶ ሀኔዳ፤ ሄ ጋላሳ ቦንቼናዳን ቱኔዳ፤ ቱማ እ ቱኔዳ” ያጊደ ቆፔዳ።

27 ሽን ዋንተፋ ጋላሳካ፡ አግናው ላኢንፋ ጋላሰ ዳዊታ ሳእይ መላ ደኤ። ሳኦል ባረ ናእ ዮናታና፡ “እስያ ናእይ ዝኖካ ዘኖካ ቁማ ማናው እያው ይቤኔን?” ያጊደ ኦቼዳ።

28 ዮናታን፡ “ዳዊተ ቤተሌመ ባና ጊደ ታና ኦቼዳ፤

29 እ ታንካ፡ ና ጎልያ አሳይ ካታማን ያርሹዋ ያርሹያ ድራውነ ታ እሻይካ ታና እዛዜዳ ድራው፡ ሀይ ታና ዩዳርኪ፤ ኔን ታና ሲቆያዋ ግደጥ፡ እነ ታን ታ እሻቱዋ በአናው ባይ፡ ያጊደ፡ ካትያ ማዳጥ ማናው እ ይቤናዌ ሄዋ ግሻሳ” ያጊደ ዛሬዳ።

30 ሳኦል ዮናታና ቦላ ሀንቁዋ ኤጅ ከሲደ ሀዋዳን ያጊደ፤ “ላ ጌላነ ማካላንቻ ሞሽራት ናእው፡ ኔን ነ ሀጺያው ካወሻናውነ ኔና ዩሌዳ ነ ዳዮ ካወሻናው ኔን እስያ ናእ ባጋ ግዴዳዋ ታን ኤርክታየ?”

31 እስያ ናእይ ሀ ሳኦ ሶላን ደኤዳ ፔሻን ኡባን ኔን ዋይ ነ ካወተላይ ኤቀና። ሀእ ኪታደ ታው እ አሃሳ፤ እያው ጎጥ፡ እ ሀይቃናው በሰ” ያጊደ።

32 ሄዋጥ ጉዮ ዮናታን ባረ አወዋ ሳኦላ፡ “እ እያው ሀይቁ? እ እሌዳባይ እዬ?” ያጊደ ኦቼዳ።

33 ሽን ሳኦል ዮናታና ዋጃናው ቶራ እ ቦላ ጸንጌዳ። ሄዋ ድራው፡ ዮናታን ባረ አወ ዳዊታ ዋጃናው ቆፋ ቃቼዳዋ ኤሬዳ።

34 ሀንቁዋ ኤጸቲደ ማዳጥ ደንዴ ኤቁዳ፤ ባረ አወ ዳዊታ ካወሹዳ ድራው ዮናታን ካዮቲደ፡ ሄ አግናው ላኢንፋ ጋላሳ ሞቢና።

35 ዋንታ ዮናታን ዳዊታና ጋከታናው ጋደ ቢደ ባረናና እት ያላጋ ናእ እኪደ ቤዳ።

36 ዮናታን ናእ፡ “ታን ዋንዳፍያን ዲክያ ዘብቱዋ ዋጸደ ኮያ” ያጊደ፤ ሄዋጥ ጉይያን ናእይ ዋጸያ ዋደ፡ ዘቢያ ሄፍንፋ ዲኪዳ።

37 ናእይ ዮናታና ዘቢ ዋዴዳ ሳኦ ጋኪዳ ዋደ፡ ዮናታን ናእ ጸቢደ፡ “ዘቢ ኔጥ ሀን ባጋና ደኤኔን?” ያጊደ።

38 ቃይካ ዮናታን ናእ፡ “ኤሌላ፤ ኤሌላደ ባ፤ ኤቆጥ!” ያጊደ ባረ ቃላ ቶቁ ኦሌደ ኦዴዳ። ሄ ናእይ ዘቢያ ማጸደ እኪደ፡ ባረ ጎዳኮ አሃዳ።

39 ናእይ ሀ ዩዋዋ እይነ ኤረና፤ ዮናታናን ዳዊታ ጸላላይ ኤረና።

40 ዮናታን ባረ ኦላ ሚሻ ናእው እሚደ፡ “ቶካ እካደ ካታማ አፋ” ያጊደ።

41 ናእይ ቤዳዋጥ ጉይያን፡ ዳዊተ ሄ ዛላ ጉየጥ ከሴዳ፤ ዮናታና ሰንፋን ጉልባቲደ፡ ባረ ዴሙዋ ቢታ ቦሽሲደ ሄዙ ገደ ጎይኔዳ። ሄዋጥ ጉይያን፡ እቱ እቱዋና የረቲደ ዩኤድና፤ ሽን ዳዊተ ዮናታናጥ እቆዋ ዩኤዳ።

42 ዮናታን ዳዊታ፡ “ሳር ባ፤ ና ግደንነ ታ ግደን፡ ነ ዘረፋ ግደንነ ታ ዘረፋ ግደን፡ መቋና ጎዳይ መቋናው ማርካ ግደ” ያጊደ ኔን ላኡ መቋና ጎዳ ሱንፋን ጫቀደ” ያጊደ። ሄዋጥ ጉይያን፡ ዳዊተ ደንዴደ ቤዳ፤ ዮናታንካ ካታማ ጉዮ ሰሚዳ።

# 21

## ዳዊተ ሳኦላጥ ባቃቲዳ

1 ዳዊተ ቁስያ አብመሌካኮ ናባ ካታማ ቤዳ፤ አብመሌክ ዳዊታና ጋከታናው ኮኮሪደ ዪደ፡ “ኔን እያው ኔረካ ደእይ? እያው ሀራ አሳይ ኔናና ደኤኔን?” ያጊደ ኦቼዳ።

2 ሽን ዳዊተ ቁስያ አብመሌካ፡ “ካቲ ታና፡ ታን ኔና ከቲዳ፤ የወዋነ እዛዜዳ እዛዘዋ ኦንነ ኤርፖ” ያጊደ ታና እትባ እዛዜዳ። ታ አሳቱ እት ሳኦን ታናና ጋከታናዳን ኦዳድ።

3 ሀእ ነ ኩሽያን እያይ ደኤ? እቼሹ ባሽ ኡክፋ ዋይ ደኤዳዋ እያን ታው እማርኪ” ያጊደ።

4 ሄዋጥ ጉዮ ቁሲ ዳዊታ፡ “አሳይ ኡባይ ሞያ ኡክፋይ ታው ባዋ፤ ሽን ጌሻ ኡክፋይ ደኤ፤ ሄ አሳቱ ባረና ማጫ አሳጥ ናጊደዋ ግደጥ፡ ኡንቱንቱ ማናው ዳንዳዴና” ያጊደ።

5 ሄዋጥ ጉዮ ዳዊተ ቁስያ፡ “ቱማ ኦን ሀ ኪታው ከሶ ሳጥ ደሚደ፡ ማጫ አሳጥ ናገቱደ፤ ሀራይ እቶ ጌሻ ግደና ኪታ ዋደካ ኡንቱንቱ አሳተላይ ጌሻ፤ ሀቼ ኡባ አጲደ ጌያናው ኮሽኔ!” ያጊደ።

6 ሄዋ ድራው፡ ቁሲ ዳዊታው ጌሻ ኡክፋ እሚዳ፤ እያው ጎጥ፡ ቁስያው ደእያዋ ሆእያ ኡክፋ እ ሳኦን ዋላናው መቋና ጎዳ ሰንፋጥ ደንፌዳ ጌሻ ኡክፋ ጸላላ።

7 ሳኦላ ቆማቱዋጥ እት ብታኒ ሄ ጋላሳ መቋና ጎዳ ሰንፋን ናጊደ ደኤ፤ እ ሱንፋይ ደይቃ፤ እ ኤደማ ቢታ አሳ፤ ሳኦላ መሀያ ሄምያዋንቶ እ ካቸዋ።

8 ዳዊተ አብመሌካ፡ “ቶራይ ዋይ ማሻይ ነው ደእንዳሻ? ካትያ ኪታይ ኤሌልሶ ድራው፡ ታን ታ ማሻ ዋይ ሀራ ኦላ ሚሻ አሀቢይክ” ያጊደ ኦቼዳ።

9 ሽን አብመሌካ፡ “ኔን ኤላ ዛንጋራን ዋዴዳ ፕልሰጸምያ ጎልያዳ ማሻይ ሀዋን ደኤ፤ ጨርቃን እ ጸጸቲደ፡ ኤፋድያ ጌተትያ ማየዋጥ ጉዮ ባጋና ደኤ። ኔን ኮይያዋ ግደጥ እ አካ፤ አጥ እትና፡ ሀራ ማሻይ ሀዋን ባዋ” ያጊደ ዛሬዳ።

ሄዋጥ ጉዮ ዳዊተ፡ “ሄዋ ማላ ሀራ ማሻይ ባዋ፤ አ ታወ ሀማ” ያጌዳ።

10 ሄ ጋላሰ ዳዊተ ደንዲደ፡ ሳኦላጥ ባቃቲደ፡ ጋተ ካታማ ካትያ እኪሻኮ ቤዳ።

11 ሸን እኪሻ ኦሳንቻቱ፡ “ሀዋ ዳዊተ ባረ ቢታን ካትያ ግደኔየ? ቃይ ማጫ አሳቱ የጸድን ደራሪደ፡ ሳኦል ሻኦ ዋጴዳ፤ ዳዊተ ታሙ ሻኦ ዋጴዳ ያጊደ ሳቤዳ ብታንያ ግደኔየ?” ያጌድኖ።

12 ዳዊተ ኤንቱንቱ ሃሳያ ባረ ዋዛናን ኦይቂደ፡ ጋተ ካትያ እኪሻ ሎይል ያዬዳ።

13 ሄዋ ድራዉ፡ ዳዊተ ኤንቱንቱ ሰንላን ዋዛናይ ቦሽቲዳ አሳ ማላቲዳ፤ ኤንቱንቱ አ ኦይቃና ሀንያ ዋደ፡ ጎይያዋዳን ካረ ፕንግያ አፍላ ቃጨረጩ ቡቻና ደገ ዛሪደ ሳሱዋ ሎካዬ።

14 እኪሻ ባረ ኦሳንቻቱ፡ “ቦአተ፤ ሀዋ ብታኒ ጎዬ። ሀንተንቱ እያዉ አ ታኮ አሄድቱ?”

15 ሀ ብታኒ ታ ሰንላን ጎያናዳን ሀንተንቱ አሄዳዋ፡ ታ ማታን ሀራይ ጎይያዋ ላይነየ? ሀ ብታኒ ታ ሶ ገላናዉ ቦሲየ?” ያጌዳ።

## 22

### ቄሳቲ ዋ ዋጴድኖ

1 ዳዊተ ጋተ ካታማጥ ባቃቲደ፡ አድላማ ካታማ ማታን ደእያ ጎንጎሎዋ ቤዳ፤ አ እሻቱዋነ አ አዉዋ ሶ አሳይ ኡባይ ሄዋ ሰሱዳ ዋደ፡ ኤንቱንቱ ያ ደገ እኮ ዋጴድኖ።

2 መቶቲዳዋንቱ፡ ዋይ አጩዋን ገሌዳዋንቱ፡ ዋይ ሳእይ ኢቲዳዋንቱ ኡባቲ ዳዊታኮ ሸቄድኖ፤ አ ኤንቱንቶ ካፑዋ ግዴዳ። እት ኦይዱ ጴቲዋ ግድያ አሳይ አናና ደእ።

3 ዳዊተ ሄ ሳፕ ደንዲደ፡ ሞአበን ደእያ ሞጽጳ ቤዳ፤ ሞአበ ካትያ፡ “ጸሳይ ታዉ ኦላናባ ታን ኤሪና ገካደዉ ታ አቶነ ታ አዉዋ ነ ማታን ዋላሳርኪ” ያጊደ ዋሴዳ።

4 ሄዋ ድራዉ፡ ዳዊተ ኤንቱንታ ሞአበ ካትያ ማታን ዋሌዳ፤ ጌሱዋ ግደን ዳዊተ ቆሰት ኡቴዳ ዋደ ኡባን ኤንቱንቱ ካትያ ማታን ደእድኖ።

5 ሄዋጥ ጉይያን፡ ትምቢትያ ኦድያ ጋድ ዳዊታኮ ጸደ፡ “ጌሱዋ ግደን ጋምኦገ፤ ሀ ሳፕ ደንዲደ ይሁዳ ጋድያ ባ” ያጌዳ፤ ዳዊተ ሄ ሳፕ ሄረታ ዋራ ቤዳ።

6 ዳዊተነ አ አሳይ ቤቲዳዋ ሳኦል ሰሱዳ፤ ሳኦል ግብአ ካታማ ማታን ደእያ ደርያን፡ ታማርሰካ ጌተትያ ሞላ ጋርሳን ቶራ ኦይቂደ ኡቴዳ፤ አ ኦሳንቻቱ አ ደዲደ ኤቄድኖ።

7 ሳኦል ኤንቱንታ፡ “ሀንተንቶ፡ ቢንያማ አሳቶ፡ ሰሰተ! አሰያ ናአይ ጎሻነ ዋይንያ ቶክያ ሳኦ ሀንተንቱ ኡባዉ አማኔ? ሻላቃቲዋነ ጴቲዋ ካፓቱዋ ኦሊደ ሀንተንታ ስንሳኔ?”

8 ሀንተንቱ ኡባይ ታ ቦላ ማቀቲድታ፤ ታ ናአይ አሰያ ናአና ቃላ ጫቁዋ ጫቀቲዳዋ ኦንነ ታዉ ኦድቤና። ሀንተጥ እት አሳይነ ታዉ ቃረተና፤ ሀቼዋዳንካ ታ ናአይ ታ ቆማ ታና ዋድሳዉ ደንጩዳዋ ኦንነ ታዉ ኦድቤና” ያጌዳ።

9 ሳኦላ ኦሳንቻቲዋና ኤቄዳ ኤደምያ ደይቅ ሳኦላ፡ “አሰያ ናአይ አሀጹባ ናአ አብመሌካኮ ኖባ ካታማ ቤዳዋ ታን በእድ።

10 አብመሌክ ዳዊተ ኦላናባ መድና ጎዳ ኦቼዳ፤ ያቲደ ዳዊታዉ ሸንቃ እሜዳ፤ ቃይ ፕልሰጸምያ ጎልያዳ ማሻካ አዉ እሜዳ” ያጌዳ።

11 ሄዋጥ ጉይያን፡ አሀጹባ ናአ ቄሰያ አብመሌካኮ ኖባ ካታማን ቄሳቲዋ ግዲደ ደእያ አ አዉዋ ሶ አሳ ኡባ ካቲ ጴሰሰና፡ ኤንቱንቱ ካትያኮ ዬድኖ።

12 ሳኦል አብመሌካ፡ “አሀጹባ ናአዉ፡ ሰሳ” ያጌዳ።

አብመሌክ፡ “ኤር ታ ጎዳዉ” ያጌዳ።

13 ሳኦል አ፡ “ኔንነ አሰያ ናአይ ታ ቦላ ኢያዉ ማቀቲድተ? ኔን አዉ ኡክላነ ማሻ እማደ፡ አ ታና ዋጻኖዉ ደንዳና ማላ፡ አዉ ጸሳ ኢያዉ ኦቻዳ?” ያጌዳ።

14 አብመሌክ ካትያ፡ “ሳ ቆማቲዋ ኡባ ግዲዋን ዳዊተዳን አማነትያዋ፡ ካትያና ቦሎቲዳዋ፡ ኔና ናግያዋንታ አዛዝያዋነ ነ ሶ አሳ ግደን ሎይል ቦንቼትያዋ ሀራይ ኦኔ?”

15 ታን አዉ ጸሳ ኦቻሸን፡ ሀዋ ታዉ ኮይር? ግደና! ካትያዉ፡ ታና ነ ቆማ ዋይ ታ አዉዋ ሶ አሳ ኡባ ኢይነ ዋቶገ፤ እያዉ ሳፕ፡ ታን ነ ቆማይ ሀ የዉዋ ጉላ ግድና ዋልቃማ ግድናካ ሙላ ኤርከ” ያጌዳ።

16 ካቲ፡ “አብመሌካ፡ ኔንነ ነ አዉዋ ጎልያ አሳይ ኡባይ ሀይቃና” ያጌዳ።

17 ሄዋጥ ጉይያን፡ ሳኦል ባረ ማታን ኤቂደ ናግያዋንታ፡ “መድና ጎዳ ቄሳቲ ዋ ዋድተ፤ እያዉ ሳፕ፡ ኤንቱንቱካ ዳዊታ ማዴድኖ፤ ዳዊተ ባቃቲዳዋ ኤሪደ፡ ታዉ ኦድቤይክኖ” ያጌዳ። ሸን ካትያ ኦሳንቻቲ መድና ጎዳ ቄሳቲዋ ቦላ ባረንቲ ኩሸያ ዋጋናን አጸድኖ።

18 ያትና ካቲ ደይቃ፡ “ቁሳቱ ዋ ነን ዎቻ” ያጊደ እዛዜዳ። ኤዶም ደይቅ ቁሳቱ ዋ ሾጩዳ፤ ሄ ጋላሰ ኤፋድያ ማዬዳ ሆሰፑን ታማነ እቼሹ ቁሳቱ ዋ እ ዎጹዳ።

19 ሄዎ ሶሳካ ቁሳቱዋ ካታማ፡ ኖባ ቃራ ማሻን ቡሳኪዳ፤ ሄ ካታማን ደእያ አቱማዋ፡ ማጫዋ፡ ናና፡ ቁር ናና፡ መሄቱዋ፡ ሀረቱዋን ደርሳቱዋ ቃራ ማሻን ደይቅ ሱፑ አሉዳ።

20 ሽን እህጹባ ናኣ አብመሌካ ናናቱዋ፡ አብያታራ ጌተትያ እት ናኣይ ከሰ እኪደ፡ ዳዊታኮ ባቃቱዳ።

21 ሳኦል መጵና ጎዳ ቁሳቱ ዋ ዎጹዳዎ ዳዊታው ኦዴዳ።

22 ዳዊተ አብያታራ፡ “ኤዶም ደይቅ ሄ ሳኣን ደእያዎ ታን በኤዳ ዎደ፡ እ ሳኦልው ኦዳናዎ ሄ ጋላሰ ኤፋድያ። ነ እመዎ ሶ አሳ ኤባ ሀይቆ ኦሽትያዊ ታና።

23 ሰም ኔን ታናና ደእ፤ ያኖፓ። ኔና ዎቻናው ኮይያ ኤራይ ታና ዎቻናው ኮይያዋ፤ ሽን ኔን ታ ማታን ሳር ደእና” ያጌዳ።

### 23

#### ዳዊተ ቃኦላ ካታማ ፕልሰጾማቱዋ፡ አሼዳ

1 “ፕልሰጾማ አሳቱ ቃኦላ ካታማ ኦሊኖ፤ ካሳካ ቦንቁና” ያግያ ኦዲዎ ዳዊተ ሰቤዳ።

2 ዳዊተ መጵና ጎዳ፡ “ታን ባደ ፕልሰጾማ አሳቱዎ ኦሎ?” ያጊደ ኦቼዳ።

መጵና ጎዳይ ዳዊታ፡ “ባ፤ ፕልሰጾማ አሳቱዎ ኦላ፤ ቃኦላ ካታማ አሻ” ያጌዳ።

3 ሽን ዳዊታ አሳቱ፡ “ኡን ሀዋን ይሁዳ ቢታን ደኢደን ያዬቶ፤ ሽን ፕልሰጾማ አሳቱዋና ኦላታናው ኦን ቃኦላ ካታማ ቢደ፡ ዋን አላ ያያኔሻ!” ያጌድና።

4 ሄዎ ድራው፡ ዳዊተ ዛረሲደ መጵና ጎዳ ኦቼዳ፤ መጵና ጎዳይ እ፡ “ፕልሰጾማ አሳቱዎ ታን ነው አሳ እማና፤ ደንዳ፤ ቃኦላ ካታማ ባ” ያጌዳ።

5 ዳዊተን እ አሳይ ቃኦላ ካታማ ቢደ፡ ፕልሰጾማ አሳቱዋና ኦላቲድና፤ ኡንቱንቱ መሀያ አዎዴድና። ኡንቱንቱ፡ ዳር አሳ ዎጹዳ፡ ዳዊተ ቃኦላ ካታማ አሳ አሼዳ።

6 አብመሌካ ናኣይ አብያታሪ ዳዊታኮ ቃኦላ ካታማ ባቃትያ ዎደ፡ ኤፋድያ ጌተትያ ማዬዎ እኪደ ቤዳ።

7 ዳዊተ ቃኦላ ካታማ ቤዳዎ ሳኦል ሰቤዳ፡ “ጸሳይ ዳዊታ ታ ኩሽያን አላ እማዳ፤ እያው ጎፕ፡ እፋሳን ድርሳይ ደእያ ካታማ ገሊደ፡ ባረካ ቃሽቲዳ” ያጌዳ።

8 ቃኦላ ካታማ ቢደ፡ ዳዊታን እ አሳ ደዳና ማላ፡ ሳኦል ባረ ኣላንቻቱዋ ኡባ ጼቤዳ።

9 ሳኦል ባረ ቦላ ኢታባ ማቀቲዳዎ ዳዊተ ኤሬዳ፤ ካታሰ ዳዊተ፡ “ኤፋድያ ሃ አካ ያ” ያጌዳ።

10 ሄዎ፡ ገይያን ዳዊተ፡ “አቤት መጵና ጎዳዳ፡ እሰራኤልያ ጸሳው፡ ታ ጋሱዋን ሳኦል ቃኦላ ካታማ ባይዛናው ማቀቲዳዎ ታን ነ ቆማይ ወርሳይ ሰሳድ።

11 ቃኦላ ካታማ አሳይ ታና ሳኦልው አሉደ እማኔሻ? ታን ነ ቆማይ ሰቤዳዎዳን ሳኦል ቱሙካ ሃ ያኔሻ? አቤት መጵና ጎዳዳ፡ እሰራኤልያ ጸሳው፡ ታው ነ ቆማው ኦዳርኪ” ያጌዳ።

መጵና ጎዳይ ዳዊታ፡ “ኤ፤ ሳኦል ያናዎ” ያጊደ ዛሬዳ።

12 ዳዊተ፡ “ቃኦላ ካታማ አሳቱ ታናን ታ አሳ ሳኦልው አሉደ እማኔሻ?” ያጊደ ዛረሲደካ ኦቼዳ።

መጵና ጎዳይ፡ “ኤ፤ ኡንቱንቱ ህንተንታ አሉደ እማና” ያጌዳ።

13 ዳዊተን ኡሱፑን ጾቱ ግድያ አሳይ ቃኦላ ካታማ፡ ከሲደ፡ እት ሳፕ እት ሳኣ ሄመታ ኦይቄድና። ዳዊተ ቃኦላ ካታማ፡ ባቃቲዳዎ ሳኦል ሰቤዳ ዎደ፡ ባናው ቆፔዳዎ አግ ባሼዳ።

#### ሳኦል ዳዊታ ኦይቃናው ኮዬዳ

14 ዳዊተ ባዙዎ ጌሱቱዋን ዚፋ ዎራን ደእያ ዘዘቱዋን ደኤዳ። ሳኦል እ ደማናው ኡባ ጋላሰ ኮዬ፤ ሽን ጸሳይ እ ሳኦል ኩሽያን አላ እምቤና።

15 ዳዊተ ዚፋ ዎራን ደእያ ሆሪሻ ግያ ሳን ደእሸን፡ ሳኦል ባረና ዎቻናው ከሴዳዎ ዳዊተ ኤሬዳ።

16 ሳኦል ናኣ ዮናታን ደንዲደ፡ ዳዊታኮ ሆሪሻ ቤዳ፤ ዳዊታ ጸሳን ዎልቃ ደማናዳን ምንጢሉደ።

17 “ያኖፓ፤ ታ አመዎ ሳኦል ኔና ኩሽያንን ቦቼና፤ ኔን እሰራኤልያ ያጌዳ። ኔን ካተታና፤ ታንካ ኔፕ ጋርሳና ዋዳና፤ ሀራይ አቶ ታ አው ሳኦላካ ሄዎ ኤሬዳ” ያጌዳ።

18 ኡንቱንቱ ላኦቲካ መጵና ጎዳ ሰንሳን እቱ አቱዋና ጫቀቲድና፤ ዳዊተ ሆሪሻን ጋምእና ዮናታን ባረ ሶ ቤዳ።

19 ዚፋ አሳቱ ሳኦላኮ ግብኣ ካታማ ቢደ፡ “ዳዊተ ያሰሞና፡ ገድሳ ባጋና ሀኪላ ደርያ ቦላ ሆሪሻ ጌሱዋን ኑ ማታን ቆሰት ኡቲዳ።

20 ኑ ካትያው፡ ሀእካ ኔን ደሴዳ ዎደ ሃ ዱገ ዎጻ፤ ያቶፕ፡ ኑን ኦ ኑ ኩሽያን ኦል እማና” ያጌድና።

21 ሳኦል ኡንቱንታ፡ “ሀንተንቱ ታዉ ቃረቲዳ ድራው፡ ሀንተንታ መድና ጎዳይ እንጅ።

22 ቢደ እነ ጉጂደካ ጌሽተ፤ ዳዊተ ዳር ገደ ሀቃ ብንቶነ ቃይ ያን ኦን ኦ በኤደንቶ፡ ጌሺደ ኤርተ፤ እያወ ጎፕ፡ ኦ ሎይል ጭንጫ ግያዋ ታን ሰሳድ።

23 ዳዊተ ቆሰትያ ሳኦ ኡባ በኢደ፡ ሙሩታ የወዋ እኪደ፡ ታኮ ሰማደ ዪተ። ሄዋፕ ጉይያን፡ ታን ሀንተናና ባር፤ ኦ ሄ ሄራን ደኡፕ፡ ታን ኦ ኩመንጎ ሁሁዳ ያራ ግደን ደማና ጋካናወ ኮያና” ያጌዳ።

24 ሄዋ ድራው፡ ኡንቱንቱ ሳኦላፕ ሰንጎቲደ ዘፋ ቤድና። ዳዊተን ኦ ኦሳይ ያሰዋናፕ ገድሳ ባጋና ደእያ ማኦና ዎራን ኦራባ ጌተትያ ጋጻን ደእኖ።

25 ሳኦል፤ ኦ ኦሳይ ዳዊታ ኮያናወ ቤድና። ዳዊተ ሄዋ ሰሴዳ ዎደ፡ ዛላኮ ዎጲደ፡ ማኦና ዎራን ኡቲዳ። ሳኦል ሄዋ ሰሴዳ ዎደ ማኦና ባዙዋ ዳዊታ ኮጺደ ቤዳ።

26 ሳኦል ደርያፕ እት ባጋ ምይያና ቤ፤ ዳዊተን ኦ ኦሳይ ሀንኮ ባጋ ምይያና ቤና። ኡንቱንቱ ሳኦላፕ ባቃታናወ ኤሌሊና፤ እያወ ጎፕ፡ ሳኦል፤ ኦ ኦሳይ፡ ዳዊታን ኦ ኦሳይቱዋ ኦይቃናወ ማት ኡቲድና።

27 ሽን ከተቲዳዊ ሳኦላኮ ዪደ፡ “ሃያ! ፕልሰጾማ ኦሳይ ቢታ ቦላ ዎራጂድና” ያጌዳ።

28 ሳኦል ዳዊታ ኮይያዋ ኦገደ፡ ፕልሰጾማ ኦሳይቱና ኦላታናወ ቤዳ። ሄዋ ድራው፡ ሄ ሳኦይ “ሻክያ ዛላ” ጌተቲዳ።

29 ዳዊተ ሄ ሳፕ ከሲደ፡ ኤንጋዳ ካታማ ማታን ደእያ ጌሶቱዋን ኡቲዳ።

# 24

## ዳዊተ ሳኦላ ሸምፑዋ አሼዳ

1 ሳኦል ፕልሰጾማ ኦሳይቱዋ የደርሰያ ሳፕ ሰምና፡ “ዳዊተ ኤንጋዳ ካታማ ማታን ደእያ ዎራን ደኤ” ጌደ እዉ ኡደድና።

2 እሰራኤልያ ኡባ ግደፕ ደረቲዳ ሄዙ ሻኦ ኦሳ ሳኦል ኦኪደ፡ ዳዊታን ኦ ኦሳ ኮያናወ፡ “ዎራ ዳሻቲ ጌሰያ ዛላ” ግደ ሳኦ ማታ ቤዳ።

3 ሳኦል ኦግያ ደናን ደርሳ ኦቁዋ ማታን ደእያ ጎንጎሉዋኮ ዬዳ፤ ሼሻዉ ኡታናወ ጎንጎሉዋ ግደ ገሊዳ። ዳዊተን ኦ ኦሳይ ጎንጎሎ ግደዋኮ ሸቂደ ኡቲድና።

4 ዳዊታ ኦሳይ ኦ፡ “ሄኮ ታን ነ ዋርክያ ነ ኩሽያን ኦሳ እማና፤ ኔን ኦ ነ ኮዬዳዋዳን ኦላና ያገደ መድና ጎዳይ ነዉ ኦዶዳ ጋሳይ ሀቻ” ያጌድና። ዳዊተ ሳኦል ኤርሰናን ሸቂደ፡ ሳኦል ማዩዋ ጴራፕ ቃንጽ እኪዳ።

5 ቃንጾዳዋፕ ጉይያን፡ ዳዊተ ባረ ዋዛናን ካዮቲዳ።

6 ዳዊተ ባረ ኦሳይቱ፡ “መድና ጎዳይ ኦኪደ ካተዬዳ ታ ጎዳዉ ታን ሄዋ ኦላናዋ ዎይ ኦ ቦላ ታ ኩሽያ ደንጎላናዋ ጸሳይ ታፕ ሃሶ፤ እያወ ጎፕ፡ ጸሳይ ኦኪደ ካተዬዳዋ ኦ” ያጌዳ።

7 ዳዊተ ሀዋዳን ሴራደ፡ ሳኦላ ባረ ኦሳን ቦሽሰናን ድጌዳ። ሳኦል ጎንጎሉዋ ግደፕ ከሲደ፡ ባረ ኦግያን ገሊዳ።

8 ሳኦል ቤዳዋፕ ጉይያን፡ ዳዊተ ጎንጎሉዋ ግደፕ ከሲደ፡ ሳኦላ፡ “ታ ጎዳዉ፡ ካትያዉ!” ያገደ ጴሴዳ፤ ሳኦል ገዮ ዛሪደ ጴሌዳ፤ ዳዊተ ቢታን ዱገ ጉፋኒደ፡ ሳኦላዉ ጎይኔዳ።

9 ያፕቲደ ዳዊተ ሳኦላ፡ “ዳዊተ ኔና ቆሀናወ ኮዬ ግያ ኦሳይቱዋ ቃላ ኔን እያወ ሰሳይ።

10 ሀ ጎንጎሉዋ ግደን መድና ጎዳይ ኔና ሀቼ ታዉ ኦል እሚዳዋ ኔን ነ ኦይፍያን በኦዳ፤ ታን ኔና ዎጻናዳን ኦማራዳዋንቱ ታና ደንግጹድና፤ ሽን ታን፡ መድና ጎዳይ ኦኪደ ካተዬዳዋ ኦ ግድያ ድራው፡ ታን ታ ጎዳ ቦላ ታ ኩሽያ ደንጎላከ ያጋደ ኔና ኦሻድ።

11 ታ ኦዎ፡ በኦ፤ ታ ኩሽያን ደእያ ነ ማዩዋ ጴራ ሀዋ ጸላ፤ ነ ማዩዋ ጴራፕ ቃንጽ ኦካድ፤ ሽን ኔና ዎጻቢይከ፤ ታን ኔና ቆሀቤናዋን ማካላቤናዋ ኦኪዳደ ኤራ፤ ታን ኔና ቆሀቢይከ፤ ሽን ኔን ታና ዎጻናወ ሻንካታሳ።

12 ነዋን ታዋ መድና ጎዳይ ፕርዳ፤ መድና ጎዳይ ኔን ታና ቆሄዳዋ ሀሉዋ ከሶ፤ ሽን ታን ነ ቦላ ታ ኩሽያ ደንጎላከ።

13 በን ዎደ፡ ኤታ ኦልያዋንቱፕ ኤታባይ ከሴ ያግያ ሌምሶ፤ ደኤ፤ ሄዋ ድራው፡ ታን ኔና ኩሽያንን ቦቶከ።

14 እሰራኤልያ ካቲ ኦ ቦላ ከሴዴ? ኔን ኦና ኦይቃናወ ኮያይ? ሀይቁዳ ካና ዎይ ካቶልያ ኮያይ?

15 መድና ጎዳይ ኑ ግደን ዳናቶ፤ ነዋነ ታዋ እ ፕርዶ፤ ታ የወዋ ያሌደ፤ ታ ድራወ እ ሞተቶ፤ ነ ኩሽያፕ ታና እ እሾ” ያጌዳ።

16 ዳዊተ ሳኦላወ ሃሳይያዋ ወርሴዳ ዋደ፤ ሳኦል ዳዊታ፤ “ታ ናአወ ዳዊታ፤ ሄዌ ነ ቃሌ?” ያጌዳ፤ ሳኦል ባረ ቃላ ቶቀሲደ ዬኬዳ።

17 ቃይካ ዳዊታ፤ “ኔን ታፕ እዴዳ ጽሎዋ፤ እያወ ጎፕ፤ ታን ነወ ኢታባ ኦልና፤ ኔና ታወ ሎኦባ ኦሳዳ።

18 መድና ጎዳይ ታና ሀቼ ነወ እል እምናካ ኔን ታና ዋቆቤና ድራወ፤ ታወ ኔን ኦልዳ ሎኦባ ታና በሳዳ።

19 እሳይ ባረ ሞርክያ ደሚደ ቆሄናን የዳየ? ኔን ታወ ሀቼ ኦልዳ ኪካተላ ድራወ፤ መድና ጎዳይ ኔና እንጅ።

20 ሀእካ ኔን እስራኤልያወ ካትያ ግዳናዋን እስራኤልያ ካወተላይ ነ ማታ ጋርሳን ኤቃናዋ ታን ኤራይ።

21 ሀእ ሰሞ ታፕ ጉይያን፤ ታ ዘረሳ ኔን ዱ□ዳንን ታ ሱንላካ ታ እወዋ ጎልያፕ ቁጨናዳን መድና ጎዳ ሱንላን ታወ ጫቃ” ያጌዳ።

22 ዳዊተ ሳኦላወ ጫቁዳ፤ ሄዋፕ ጉይያን፤ ሳኦል ባረ ሶ ሰሚደ ቤዳ፤ ዳዊተን ኦ እሳይ ፑደ ጌሱዋ ቤድኖ።

# 25

## ሳመላ ሀይቁዋ

1 ሳመል ሀይቁና እስራኤልያ አሳቱ ኡባይ ሸቂደ፤ አወ ዬኬድኖ፤ ራማ ካታማን ደእያ እ ሶን ሞጌድኖ።

## ዳዊታ፤ ናባላን አብጋሎ

ሄዋፕ ጉይያን፤ ዳዊተ ፓራና ባዙዋ ቤዳ።

2 ማኦናን እት ብታጊ ደኤ፤ ሄ ብታንያወ እቁ ቃርመሎሳን ደኤ፤ እ ዳር ዱረ፤ እት ሻእ ዳሻቱነ ሄዙ ሻእ ደርሳቱ አወ ደኤኖ። እ ኡንቱንቱ እስክያ ቃርመሎሳ ካታማን ሜዴ።

3 ሄ ብታንያ ሱንላይ ናባላ፤ እ ማቻት ሱንላይ አብጋሎ። እዛ ኤራንቻን ማላ ሎእ ማቻቶ፤ ሸን እ አሰናይ መቀል ባይና ኢታ አሳ። እ ካሌባ ያራ።

4 ዳዊተ ዋራን ደኤደ፤ ደርሳ እስክያ ናባል ሜድያዋ ሰሴዳ።

5 ዳዊተ ታሙ ዋዳላቱዋ ሀዋዳን ያጌደ ኪቱዳ፤ “ናባላኮ ቃርመሎሳ ካታማ ቢደ፤ ታ ሱንላን እ ሳርትተ፤

6 ሳር ደኤይ! ኔንካ ነ ጎልያ አሳይካ ሳራ! ነወ ጌዳዌ ኡባይ ሳር ደኤ!

7 “ኔን ደርሳ እስክያ ሜድያዋ ታን ሰሳድ፤ ነ ደርሳ ሄምያዋንቱ ኑና እትፕ ደኤዳ ዋደ፤ ኑን ኡንቱንታ ገንበይኮ፤ ኡንቱንቱ ቃርመሎሳ ካታማን ኡቱዳ ዋደ ኡባን ኡንቱንቱባፕ እያይነ ፓጭቤና።

8 ሄዋ ኔን ነ ቆማቱዋ ኦቾፕ፤ ኡንቱንቱ ነወ ኡዳና። ኑን ሀቼ ሾብያ ጋላሰ ኔኮ ዬዳ ድራወ፤ ታ ዋዳላ አሳቶ ሀያና ሎእ፤ ነ ኩሽያን ደእያባፕ ነ ቆማቶን ነ ናአ ዳዊታወ ሀያና እማ ያግተ” ያጌደ እዛዜዳ።

9 ዳዊታ አሳቱ ናባላኮ ጋኪደ፤ ዳዊታ ኪታ አወ ኦዴድኖ፤ ሄዋን ናጌድኖ።

10 ናባል ዳዊታ ቆማቱዋ፤ “ዳዊተ ኦኔ? እሰያ ናአይ ኦኔ? ሀ ዋድያን ዳር ቆማቱ ባረንቱ ጎዳቱዋፕ ባቃቲኖ።

11 ታ ኡክላ፤ ታ ሃላነ ታ ደርሳ ሜድያዋንቶ ሹከቱዳ እሹዋ ደንላደ፤ ሀ ኦንንቶን ዬዳ ሳአይ ኤራተና አሳቶ እያወ እሞ?” ያጌዳ።

12 ዳዊታ አሳቱ ሰሚደ ገዮ ቤድኖ። ብ ጋኪደ ናባል ጌዳዋ ኡባ ዳዊታወ ኦዴድኖ።

13 ዳዊተ ባረ አሳቱዋ፤ “ሀንተንቱ ማሻ ማሻ ዳንጭተ” ያጌዳ፤ ሄዋፕ ጉይያን ኡባቱካ ባረንቱ ማሻ ማሻ ዳንጭድኖ፤ ዳዊተካ ባረ ማሻ ዳንጭድኖ፤ ዳዊተ ኦይዱ ጴቱዋ ግድያ አሳቱዋና ፑደ ቤዳ፤ ላኡ ጴቱ አሳይ ኡንቱንቱዋ ናጌደ አቱዳ።

14 ቆማቱዋፕ እቱ ናባል ማቻቶ አብጋሎ ሀዋዳን ያጌዳ፤ “ዳዊተ ዋራን ደኤደ ኑ ጎዳ፤ ሳር’ ጋናወ አሳ ኪቱዳ፤ ሸን እ ኡንቱንታ ቦራዳ።

15 ግደፕካ፤ ሀ አሳቱ ኑወ ሎይል ሎእ፤ ኡንቱንቱ ኑና ገንበይክኖ፤ ኑን ኡንቱንቱና እትፕ ደምባን ፕሺዳ ዋደ ኡባን ኑባፕ እያይነ ፓጭቤና።

16 ኑን ኑ ደርሳ ወድያ ኡንቱንቱ ማታን ሄምያ ዋደ፤ ቃማን ጋላሰ ኡንቱንቱ ኑወ ደርሳ ግዴድኖ።

17 ሀያና ሀ የወዋ ዋታንንቶን ቆፓ፤ እያወ ጎፕ፤ ኑ ጎዳ ቦላን እ ሶ አሳ ቦላ ኮባባይ ከሳና ሀኔ። ኑ ጎዳይ ሄዋ ማላ መቀል ባይና ኢታ አሳ ግዴዳ ድራወ፤ ኦንን አወ ሃሳናወ ዳንዳየኖ” ያጌዳ።

18 አብጋላ ኤላካ ላኤ ጾቱ ኮምፖ ኡክላካ ላኤ ኦጎሩዋ ዋይንያ ኤሳ፣ ጸጸቲዳ ደርሳቱዋ እቼሻቱዋ፣ ታማነ ላፑን ከሎ ግራመ ትሻ ጸጸ፣ እት ጾቱ ወርጮ ዋይንያ ቴራነ ባላሰያ ባቀላ መለገ ላኤ ጾቱዋ አካደ፣ ሀርያን ጫድድ።

19 ያጉደ ቆማቱዋ፣ “ሀንተንቱ ታገ ሰንሳዊ አጂደ ቢተ፤ ታን ሀንተንቱ ጌዲዋ ካላና” ያጋዲ፤ ሽን ባረ አሰና ናባላወ እይነ ኦዳብይኩ።

20 ባረ ሀርያ ቶጋደ ደርያና ዱገ ዛንጋራ ዋድያ ዋደ፣ ዳዊተን አ አሳይ ኢኮ ሰማደ ዱገ ዋድያ፤ አዛ ኡንቱንቱና ጋከታዲ።

21 ዳዊተ ባረ ዋዛናን፣ “አባጥ እያይነ ፓጫናዲን ታን ሀ ብታንያ አቁዋ ኡባ ናጌዳዌ ጮ መላ፤ ታን ሎኤዳዋ ኩሽያ አ ታወ ኢታ ዛራዳ።

22 ዋንታ ጉራ ጋካናወ፣ ታን አባ ግዴዳ ኡባጥ እት አቱማዋነ ፓጻ አጎጥ፣ ጸሰ ታና ፓጻ አጎፖ” ያጌዳ።

23 አብጋላ ዳዊታ በኤዳ ዋደ፣ ሀርያጥ ኤላካ ዋዳእደ፣ ዳዊታ ሰንሳን ቢታን ጉፋናደ አወ ወትሻዲ።

24 አዛ አ ገድያን ኩንዳደ፣ “ሀይ ታ ጎዳወ፣ ሀ ባይዙ ታ ጸላላሳ ግደ! ታና ነ ቆማቶ ሃሳይሳርኪ፤ ታን ነ ቆማታ ሃሳይያዋ ሰሳርኪ።

25 ሀ መቀላ ባይና ኢታ ብታንያባ፣ ናባላባ ሰሰፓ፤ ናባላ፣ ጉሳይ ‘ኤያ’ ግያዋ፤ እ ባረ ሱንሳዳንካ ኤያ። ታ ጎዳወ፣ ኔን ኪቲዳ አሳቱዋ ታን ነ ቆማታ በአብይኩ።

26 “መድና ጎዳይ ኤር! ነ ሸምፑ ኤር! ኔን ሱላ ጉሰናዳንነ ኩሽያን ነ ሀሉዋ ከሰናዳን፣ ኔና ታ ጎዳ ተኤዳዌ መድና ጎዳ። ነ ሞርከቱነ ኔና ታ ጎዳ ቆሀናወ ኮይያዋንቱ ናባላዳን ሀንና።

27 ሀ አዋታይ ታን ነ ቆማታ ነወ ታ ጎዳወ አሄዳዌ ኔና ካልያ አሳቶ አመቶ።

28 ሀይ ታ ጎዳወ፣ ታን ነ ቆማታ ባሌዳ ባላ አቶ ያጋ! ኔን መድና ጎዳ ኦላ ኦለትያ ድራወ፣ መድና ጎዳይ ኔና ነ ዘረላ ካተያና። ኔን ደኤዳ ላይላ ኡባን ኢታተላይ ነ ቦላ ቤቶፖ።

29 “አያ አሳይነ ኔና ዋዳናዎ ኮፑ፣ እት ኡራይ ባረ አልኦ ሚሻ ናግያዋዳን፣ መድና ጎዳይ ነ ጸሳይ ኔና ሳር ናገና። ሽን ሹቻ ያምባርሻን ኦልያዋዳን፣ እ ነ ሞርከቱዋ ደኤዋ ኦላና።

30 መድና ጎዳይ ታ ጎዳወ ኦላዳ ሃሳይዳ ከካተላ ኡባ አልያ ዋደነ አሰራኤልያ ቦላ ካተይያ ዋደ፤

31 ጋሱ ባይናን ሱላ ጉሴዳዋን ዋይ ባረ ሀሉዋ ከሴዳዋን ታ ጎዳ ዋዛናደ ዳጋመናነ ሀርገና። መድና ጎዳይ ነወ ከኪዳ ዋደ፣ ታና ነ ቆማቶ ደጎፓ” ያጋዲ።

32 ዳዊተ አብጋሎ፣ “ኣና ታናና ጋከታናወ ሀቼ ኪቲዳ መድና ጎዳይ፣ አሰራኤልያ ጸሳይ ጋለተቶ።

33 ኔን ሎኦ ቆፔዳ ድራወነ ታን አሳ ሱላ ጉሰናዳን ታ ኩሽያ ጭገተናዳን ድጌዳ ድራወ፣ አጎጀታ።

34 ሄዌ ባይናዋ ግደ፣ ታን ኔና ቆሃናዳን ተኤዳ ደኤዋ መድና ጎዳይ፣ አሰራኤልያ ጸሳይ ኤር! ኔን ታናና ጋከታናወ ኤሌላደ ዬነንቶ፣ ሳእይ ዋንታና ጋካናወ፣ ናባላባ ግድያ እት አቱማ አሰነ ፓጻ አተና” ያጌዳ።

35 አብጋላ አወ አሄዳዋ አ ኩሽያጥ ዳዊተ አኪደ፣ “ኣ ሶ ሳር ጋካ። ታን ነ ቃላ ሰሳድ፤ ነ ኦሻካ አካድ” ያጌዳ።

36 አብጋላ ሰማደ ናባላኮ ይያ ዋደ፣ ካትያ ሶን ጊግያ ባላ ማላ ባላ ሞዚደ ሶን ኡቲዳ፤ ናባል ሎይላ ማላቲደ፣ ባረ ዋዛናን ናሽቲ። ሄዋ ድራወ፣ ሳእይ ዋንታናወ፣ አብጋላ አወ አያነ ቃታብይኩ።

37 ዋንታ ናባል ማላዋ ዛራዳዋጥ ጉይያን፣ አ ማቻታን ሀ የወዋ ኡባ አወ ኦዳዲ፤ ናባላ ዋዛናደ ዳቡርና እ ጀሎ ጌዳ።

38 ታሙ ጋላሳጥ ሰምና፣ መድና ጎዳይ ናባላ ሸጭና፣ እ ሀይቄዳ።

39 ናባል ሀይቄዳዋ ዳዊተ ሰሴዳ ዋደ፣ “መድና ጎዳይ ጋለተቶ! ናባል ታና ሸቄዳዋ ሀሉዋ አ ከሴዳ፤ ታን ነ ቆማይ ኢታባ አጋናዲን ተኤዳ፤ ናባል ኦሌዳ እታተላ መድና ጎዳይ አ ሁጲያን ዛራዳ” ያጌዳ።

ሄዋጥ ጉይያን፣ ዳዊተ አብጋሎ አካናወ ኪታ የዲደ ኦሽሴዳ።

40 ዳዊታ ቆማቱ ቃርመሎሳ ካታማ አብጋልኮ ቢደ፣ “ኔን ዳዊታ ገላናዳን ኔና አኪደ ባናወ እ ኦና ኔኮ ኪቲዳ” ያጌድና።

41 አብጋላ ቢታን ጉፋና ወቱሻደ፣ “ታን ነ ቆማታ ነወ ከተታናወነ ነ ቆማቱዋ ገድያ ማጫናወ ገጋ ኡታድ” ያጋዲ።

42 አብጋላ ኤላካ ደንዳደ ባረ ሀርያ ቶጋዲ፤ እ ዳንጋጽራቱ እቼሻቱ አዘ ካሊደ ቤድና፤ ዳዊታ ቆማታ ባደ፣ ዳዊታ ገላዲ።

43 ዳዊተ ሀዋጥ ካሰ እዘራኤልያ አሀናኣሞካ አኪዳ፤ ኡንቱንቱ ላኦቲካ አ ማቻቱዋ።

44 ሳኦል ዳዊታ ማቻቶ፣ ባረ ናቶ ሚካሎ ጋሊማ ካታማን የለቲዳ ላውሻ ናኣ ፓልጽኤላወ አሜዳ።

# 26

ዳዊተ ሳኦላ ሸምጥዋ ላኢንሐካ አሼዳ

1 ዘፋ አሳቱ ሳኦላኮ ግብአ ካታማ ቢደ፡ “ዳዊተ ያሰሞና ሰንፋን ደእያ ሀኪላ ግያ ደርያን ቆሰት ኡቴዳ ግደኔን?” ያጌድኖ።

2 ሄዋጥ ጉዮ ሳኦል ደንዲደ፡ እሰራኤላቱዋጥ ደረቲዳ ሄዙ ሻአ አሳቱዋ እኪደ፡ ዳዊታ ኮያናዉ ዘፋ ባዙዋ ቤዳ።

3 ሳኦል ያሰሞና ሰንፋን ደእያ ሀኪላ ደርያ ቦላ ኦግያ ጋጸን ዱንካኔዳ፤ ሽን ዳዊተ ሄ ዎራን ኡቴዳ። ሳኦል አ ካሊደ ያ ቤዳዋ ኤሪደ።

4 ጌድያዋንታ የዲደ፡ ሳኦል ቱሙካ ሄ ሳኣ ጋኪዳዋ ጌሼዳ።

5 ዳዊተ ደንዲደ፡ ሳኦል ዱንካኔዳ ሳኣ ቤዳ፤ ሳኦልን አላ ጋዳዋይ ኔራ ናኣ አባኔር ግሴዳ ሳኣ በኤዳ። ሳኦል ጌሱዋ ግደን ግሴዳ፤ ኦላንቻቱ አ ዩሹዋን ደኢኖ።

6 ዳዊተ ሂትያ አብመለካነ ጸሩና ናኣ ዮኣባ አሻ አብሻያ፡ “ሳኦል ሸቄዳ ሳኣ ታናና ባናዋ ኦኔን?” ያጌደ ኦቼዳ።

ሽን አብሻይ፡ “ታን ኔናና ባና” ያጌዳ።

7 ሄዋ ድራዉ፡ ዳዊተን አብሻይ ሄ ጋላሳ ቃማ ኦላንቻቱዋኮ ይያ ዎደ፡ ሳኦል ባረ ቶራ ሁጲሳና ቢታን ኤሲደ፡ ጌሱዋ ግደን ግሴዳዋ ደሜድኖ። አባኔርን ኦላንቻቱ አ ዩይ አጲደ ግሴድኖ።

8 አብሻይ ዳዊታ፡ “ጸሳይ ነ ሞርክያ ሀቼ ነ ኩሽያን አል እሚዳ፤ ታን ታ ቶራን አ እት ገደ ቢታና ጋሳደ ሰካይ፤ ታን አ ላኡ ጌደ ጫዳናዉ ኮሸና” ያጌዳ።

9 ሽን ዳዊተ አብሻያ፡ “ኔን አ ዎጵገ፤ መጵና ጎዳይ ኦኩዳ ካትያ ቦላ ባረ ኩሽያ ደንገልያ ኦናን ጸሳይ ሙራና” ያጌዳ።

10 ቃይካ አ አብሻያ፡ “መጵና ጎዳይ ኤር! መጵና ጎዳይ አ ሾጫናዋ ታን ኤራይ፤ ባረ ጋላሳይ ጋክና አ ሀይቃና፡ ዎይ ኦለታናዉ ቢደ አ ጳያና።

11 መጵና ጎዳይ ኦኩዳ ካትያ ቦላ ታን ኩሽያ ደንጋናደን ታና መጵና ጎዳይ ተኦ። እነ አ ሁጲሳን ደእያ ቶራን ሃላ ኦቱዋ አካደ ደንዳ” ያጌዳ።

12 ሄዋጥ ጉዮ ዳዊተ ሳኦላ ሁጲሳን ደእያ ቶራን ሃላ ኦቱዋ እኩዳ፤ ኦንቱንቱ ቤድኖ። ሽን ኦንቱንታ ኦንነ በእቤና፡ ዎይ ኦንነ ኤርቤና፡ ዎይ ኦንነ ቤጎትቤና፤ መጵና ጎዳይ ዎልቃማ ገምእሹዋ ኦንቱንቱ ቦላ የጌዳ ድራዉ፡ ኡባቱካ ገምእሹዋ ታይርቲድኖ።

13 ዳዊተ ሄናጎላ ጥጊደ፡ ሀራ ደርያ ሁጲያን ኦንደና ሳኣን ሃኪደ ኤቄዳ።

14 ዳዊተ ሳኦላ ኦላንቻቱዋን ኔራ ናኣ አባኔራ፡ “አባኔራ! አባኔራ! ታን ጼሰያዋ ሰሰኪ?” ያጌደ ዋሴዳ።

አባኔር፡ “ሀ ጼሲደ ካትያ ገምእሹዋ ድግያዎ ኦኔን?” ያጌዳ።

15 ሄዋጥ ጉዮ ዳዊተ፡ “ኔን ዎዛናማ አሳ ግድኪየ? እሰራኤልያ ግደን ነ ማል ኦን ደኢ? ያትና፡ ካትያ ነ ጎዳ እያዉ ናግኪ? እያዉ ጎጥ፡ እት አሳይ ካትያ ነ ጎዳ ዎጳናዉ ያ ቤዳ።

16 ኔን ኦሌዳባይ ሎእ ግደና፡ መጵና ጎዳይ ኤር! ኔን ነ ኦላንቻቱ መጵና ጎዳይ ኦኩዳ ሀንተንቱ ጎዳ ናግቤና ድራዉ፡ ኦንቱንቱ ሀይቃናዉ በሰ። ካትያ ቶራን አ ሁጲሳን ደእያ ሃላ ኦቱዋ በእይ?” ያጌዳ።

17 ሳኦል ዳዊታ ቃላ ግድያዋ ኤሪደ፡ “ታ ናአዉ ዳዊታ፡ ሄዎ ነ ቃሌ?” ያጌዳ።

ዳዊተ፡ “ኤ፤ ታ ጎዳዉ፡ ካትያዉ፡ ሄዎ ታ ቃላ” ያጌዳ።

18 ቃይካ አ ሳኦላ፡ “ታ ጎዳዉ፡ ታና ነ ቆማ ኔን እያዉ ካላይ? ታን አይ ኦላድታ? ታን አይ ባይዛድታ?

19 ሀእካ ታ ጎዳዉ፡ ካትያዉ፡ ኔን ታ ቃላ፡ ነ ቆማ ቃላ ሰሳናደን ታን ኔና ዎሳይ፤ መጵና ጎዳይ ኔና ታ ቦላ ደንገልዳዋ ግደጥ፡ ያርሹዋ አ እኮ፤ ሽን አሳቱ ኔና ደንገልዳዋ ግደጥ፡ ኦንቱንቱ መጵና ጎዳ ሰንፋን ሸቅቲዳዋንታ ግድኖ! እያዉ ጎጥ፡ “ባረ፤ ሀራ ጸሳቶ ጎይና” ያጌደ፡ መጵና ጎዳ ቢታን ታዉ ደእያ ኤጸጥ ኦንቱንቱ ታና ሀእ ከሲድኖ።

20 ሀእ ሰሞ መጵና ጎዳ ሰንፋጥ ሃኪደ ደእያ ቢታን ታ ሱላ ጉሶገ፤ እት አሳይ አካ ሻንካታናዉ ደርያ ሁጲያ ከሰያዋዳን፡ እሰራኤልያ ካቲ እት ካቶልያ ኮያናዉ ከሴዳ” ያጌዳ።

21 ሳኦል ዳዊታ፡ “ታን ናጋራ ኦላድ። ታ ናአዉ ዳዊታ፡ ሃ ሰማ! ሀቼ ቃማ ኔን ታና ሀይቁዋጥ አሼዳ ድራዉ፡ ታን ኔና ላኤጎሶ ገንክ። ቱሙጥ ታን ኤያባ ሀናድ፤ ሀቼዎ ዎልቃማ ባላ ባላድ” ያጌዳ።

22 ዳዊተ፡ “ካትያዉ፡ ነ ቶራይ ሀዋሽ፤ ነ አሳቱዋጥ እት አሳይ ዪደ እኮ።

23 አሳይ ሁጲያን ሁጲያን ጸሊዳባዉን እማነቲዳባዉ መጵና ጎዳይ አ ጋትያ ጭጌ። ኔና መጵና ጎዳይ ሀቼ ታ ኩሽያን አሊደ እሚዳ፤ ሽን መጵና ጎዳይ ኦኩዳ ካትያ ቦላ ታን ታ ኩሽያ ደንፋናዉ ደሳበይከ።

24 ታን ቱሙ ሆቼ ኔና አሸዋዳን መድና ጎዳይ ታናካ አሾ፤ ቃይ መቱዋ ኡባጥ ታና ዋል እኮ” ያጌዳ።

25 ሳኦል፡ “ታ ናአዉ ዳዊታ፡ ኔን እንጀታ። ኔን ግታባ ኦላና፤ ኔን ቱሙጥ ጸናና” ያጌዳ። ዳዊተ ባረ ኦግያ ቤዳ፤ ሳኦልካ ባረ ሶ ሰሜዳ።

### 27

ዳዊተ ፕልሰጾማ ቢታ ባቃቲዳ

1 ዳዊተ ባረ ዋዛናን፡ “እት ጋሳሰ ታን ሳኦል ኩሽያን ዳባታና፤ ታን ፕልሰጾማ ጋድያ ባቃታናጥ አትና፡ ሀራባይ ታዉ ሎኤና፡ ያትና፡ ሳኦል እሰራኤልያ ቢታ ኡባን ታና ኮይያዋ አጋር፤ ያቶጥ ታን አ ኩሽያጥ ከሳ አካና” ያጌዳ ቆፔዳ።

2 ሄዋ ድራዉ፡ ዳዊተን አናና ደእያ ኡሱፑን ጾቱ አሳቱ ደንዲደ፡ ጋጥ ካትያ ማእካ ናአ እኪሻኮ ቤድና።

3 ዳዊተን አ አሳይ እኪሻራ ጋጥን ኡቴድና። አሳይ ኡባይ ባረ ሶ አሳ አሳ እኪደ ቤዳ፤ ዳዊተካ ባረ ማቻቱዋ፡ እዝራኤልያ አህናአዋን ናባላ አምአታ፡ ቃርመሎሰያ አብጋሎ እኪደ ቤዳ።

4 “ዳዊተ ጋጥ ባቃቲዳ” ግያዋ ሰሲደ፡ ሳኦል ሳኤንጱዋ አ ኮይያዋ አግ ባሾድ።

5 ዳዊተ ካትያ እኪሻ፡ “ኔን ታናን ናሽቶ፡ ታን ያን ደአና ማላ፡ ነ ካዉተላን ደእያ ካታማቱዋጥ አትና ታዉ እማ። ታን ነ ቆማይ ካቲ ደእያ ካታማን ኔናና እትጥ እያዉ ኡታኔን” ያጌዳ።

6 ሄ ጋሳሰ እኪሽ ጽቅላጋ ካታማ ዳዊታዉ እሜዳ፤ ሆቼ ጋካናዉካ ጽቅላጋ ካታማይ ይሁዳ ካተቱዋሳ ግዲደ አቴዳ።

7 ዳዊተ ፕልሰጾማ ቢታን እት ላይላን ኦይዲ አግና ደኤዳ።

8 ዳዊተን አ አሳቱ ፑደ ቢደ፡ ጋሹራቱዋ፡ ግርዘቱዋን አማሌቃቱዋ ኦሊና። በኒደጥ ደሚደ፡ ሄ አሳቱ ሹራጥ ቢደ ግብጾ ጋካናዉ ደእያ ቢታን ደኤድና።

9 ዳዊተ ሄ ቢታ ኦልያ ዋደ አዉደን ሄ ቢታን ደእያ ማጫዋ ግዲና፡ አቱማዋ ግዲና፡ ፓጻ አግቢና፤ ደርሳነ ሚዛ፡ ሀርያን ጋሉዋ፡ ማዩዋካ እኬዳ፤ ያቲደ እኪሻኮ ሰሚ።

10 እኪሽ፡ “ሆቼ ሀቃን ሸቄድቲ?” ያጌደ ዳዊታ ኦቼ።

ዳዊተ፡ “ኔጌባ ዋራን ደእያ ይሁዳ አሳቱ ቦላ፡ ዋይ ይራህማኤላ አሳቱ ቦላ፡ ዋይ ቄና አሳቱዋ ቦላ ሸቄደ” ያጌ።

11 ኤንቴንቴጥ እት አሳይን ጋጥ ካታማ ዩደ፡ “ዳዊተ ሀዋ ኦልዳ” ገደ ኦደና ማላ፡ ዳዊተን አ አሳቱ ማጫዋ አቱማዋ አሸናን ዉርሰ ዋፏና። ዳዊተ ፕልሰጾማ ቢታን ደኤዳ ዋደ ኡባን ሄዋዳን ኦልዳ።

12 እኪሽ ዳዊታን አማንቲደ፡ “ዳዊተ ባረ አሳን፡ እሰራኤላን ሎይል አጸቲዳ፤ ሄዋ ድራዉ፡ አ ታዉ መድናዉ ቆማ ግዳና” ያጌደ ቆፔዳ።

### 28

ሳኦላን ኤንደረ ሻሬቻቶ

1 ሄ ዋደ ፕልሰጾማ አሳቱ እሰራኤላቱዋ ኦላናዉ ባረንቴ ኦላንቻቱዋ ሺሼድና። እኪሽ ዳዊታ፡ “ኔን ነ አሳቱ ታናና ኦላ ባናዋ ቱሙ ኤራ ኡታ” ያጌዳ።

2 ዳዊተ፡ “ሄዋ ግደጥ፡ ታን ነ ቆማይ ኦላናባ ኔን በአና” ያጌዳ።

እኪሽ፡ “ዳር ሎኤ፤ ታን ኔና ታ ደኤዳ ላይላ ኡባን ታና ናግያዋ ከሳና” ያጌዳ።

3 ሀዋጥ ካሰ ባጋን ሳመል ሀይቄና፡ እሰራኤልያ አሳቱ ኡባቱ አዉ ዩኪደ፡ አ ካታማን ራማን አ ዋጌድና። ሳኦል ዋይትልያ ጾሰያዋንታን ሻሬቻቱዋ እሰራኤልያ ቢታጥ የደርሲደ ከሰ ድጌዳ።

4 ፕልሰጾማ ኦላንቻቱ ሸቄደ ዩደ፡ ሹኔማ ካታማን ኡቴድና፤ ሳኦላካ እሰራኤልያ አሳ ኡባ ሺሼደ፡ ግልቦኤ ደርያን ኡቴዳ።

5 ሳኦል ፕልሰጾማ ኦላንቻቱዋ በኢደ ያዩዳ፤ አ ዋዛናይካ ሎይል ዳጋሚዳ።

6 ሄዋ ድራዉ፡ አ አይ ኦላንቻን መድና ጎዳ ኦቼዳ፤ ሽን መድና ጎዳይ እኩሙዋን ግዲና፡ ዋይ ኡርምያን ግዲና፡ ዋይ ትምቢትያ ኦድያዋንቴ ባጋና ግዲና፡ አዉ ኦድቢና።

7 ሄዋጥ ጉይያን፡ ሳኦል ባረ ቆማቱዋ፡ “ዋይትልያ ጾሰያ ሻሬቻቱዋ ታዉ ኮይተ፤ ታን ኢኮ ባደ አዞ ኦቻና” ያጌደ አዛዜዳ።

ሳኦል ቆማቱ፡ “ዋይትልያ ጾሰያ እት ሻሬቻታ ኤንደረን ደአዉ” ያጌድና።

8 ሳኦል ባረና ኤርሰና ማላ ሀራ ማዩዋ ማዩደ፡ ላኤ አሳቱዋ እኪደ፡ ቃማ ሄ ሻሬቻትኮ ቤዳ፤ ዋሽራቶ፡ “ሀርያ ታዉ እት ዋይትልያ ጾሳርኪ፤ ታን ሰንሳ ኦድያ አሳ ታዉ ደንሳርኪ” ያጌዳ።



9 ሃዋጥ ጉዮ ምሽራታ፡ “ሞይትልያ ጸሰያዋንታን ሻሬቻቱዋ እስራኤልያ ቢታገ ሳኦል ዋት የደርሰ ከሴደንቶ፡ ቱማ ነን ኤራሳ። ታና ዋድሳናው ነን ታው እያው ጲርያ የገይ?” ያጋዱ።

10 ሳኦል ምሽራቶ፡ “መድሩ ጎዳይ ኤር! ነን ሀዋ ድራው ሙሬታካ” ያጊደ መድሩ ጎዳን ጫቄዳ።

11 ያትና፡ ምሽራታ፡ “ታን ነው እና ደንሉ?” ያጋደ ኦቻዳ።

ሳኦል፡ “ሳመላ ታው ደንላ” ያጊዳ።

12 ሻሬቻታ ሳመላ በእደ፡ ዋሱዋ ጸላዳ፤ ሳኦል፡ “ኔን ታና እያው ጭማድ? ነን ሳኦል ግድኪ!” ያጋዱ።

13 ካቲ፡ “አይነ ባዋ፤ ያዮፓ! ነው እዬ ቤትያዌ?” ያጊዳ።

ምሽራታ፡ “እት ሞይትሊ ቢታ ግደገ ከሰያዌ ቤቱ” ያጋዱ።

14 ሳኦል ምሽራቶ፡ “አ እይ ማላቲ?” ያጊዳ።

ምሽራታ፡ “እፍላ ማዬዳ እት ጭማ ብታኒ ከሴዳ” ያጋዳ።

ሳኦል ሄ ብታኒ ሳመላ ግዴዳዋ ኤሪደ፡ እ ሰንሳን ሳኦን ግሲደ ጉፋኔዳ።

15 ሳመል ሳኦል፡ “ታና ዱፋዋጥ ደንሳደ እያው ሻባራይ?” ያጊዳ።

ሃዋጥ ጉዮ ሳኦል፡ “ታን ዳርጥ ኦንኤታድ፤ እያው ጎጥ፡ ፕልሰጾማ አሳቱ ታና ኦሊኖ፤ ጾሳይካ ታጥ ሻከቲዳ፤ ትምቢትያ ኦድያዋንቱ ባጋና ግዳና ዋይ እኩሙዋን ግድና፡ እ ታን ኦቻያዋ ኦደና። ሄዋ ድራው፡ ታን ኦሳናባ ነን ታው ኦዳናዳን ኔና ጸሳድ” ያጊዳ።

16 ሳመል፡ “መድሩ ጎዳይ ሻከቲደ ነ ሞርክያ ግድክቸዋጥ አትና፡ ታና እያው ዘርታ በሳይ?”

17 መድሩ ጎዳይ ታ ባጋና ካሳት ኦዳዳዋ ኦል ክቼዳ፤ መድሩ ጎዳይ ካውተላ ኔጥ በንቄ አኪደ፡ ነ ሾር ዳዊታው እም ድጌዳ።

18 ነን መድሩ ጎዳው እዛዘታቤና ድራውን እ ሀንቁዋ ሱልያዋ አማሌቃ አሳቱዋ ቦላ ፖላቤና ድራው፡ መድሩ ጎዳይ ሀቼ ሀ የውዋ ነ ቦላ ኦሌ።

19 ኔናን እስራኤልያ፡ መድሩ ጎዳይ ፕልሰጾማ አሳቶ አል አማና፤ ኔን ነ ናናይ ዋንት ታናን ጋከታናው፤ መድሩ ጎዳይ እስራኤልያ ኦላንቻቱዋ ፕልሰጾማ አሳቶ አል አማና” ያጊዳ።

20 ሳኦል ሳመላ ኦዳዋ ሰሲደ ያዬዳ ድራው፡ ኤላካ ቢታን ደልጩ ጊደ ኩንድ አጌዳ። ሳኦል ሄ ጋላሳ ኩሙንሳነ ቃማ ኩሙንሳ ቁማ ምቤና ድራው፡ እ ዋልቃይ እጾዳ።

21 ሄ ምሽራታ ሳኦላኩ ያደ፡ እ ሎይል ኮኮርያዋ በእደ፡ “ታን ነ ቆማታ ነው እዛዘታድ፤ ነን ታና ኦቼዳዋ ታ ሸዋጥዋ አጋደ ኦላድ።

22 ሀእ ታን ነ ቆማታ ግያዋ ሀያና ሰሳ፤ ነን ማደ፡ ምናደ ነ ኦግያ ባና ማላ፡ ታን ነው ጉላ ቁማ አሳይ” ያጋዱ።

23 ሃዋጥ ጉዮ ሳኦል፡ “ሚከ” ያጊደ እጾዳ። ሸን እ አሳቱ ሄ ምሽራትናካ ግዲደ ሾቤድና፤ ሳኦል ሾቤቲደ ቢታጥ ደንዲደ፡ ግሱዋን ኡቲዳ።

24 ሄ ምሽራታ ኤላካ ባር ሶን ደእያ ቦልትቦልታ ማራ ሹካ ባሻዱ፤ ጳልያ እካ ሙናቃደ፡ እርሹዋ የገናን ኡክሳ ኡካዳ።

25 ያታደ ሳኦላውን እ አሳቶ እልና፡ ኦንቲንቱ ሚድና። ሄ ጋላሰ ቃማ ደንዲደ ቤድና።

## 29

### አኪሸ ዳዊታ ጉዮ ጽቅላግ የዳዳ

1 ፕልሰጾማ አሳቱ ባርንቱ ኦላንቻቱዋ ኡባ አፌቃን ሺሼድና። እስራኤላቱ እዘራኤላን ደእያ ሃላ ፑልትያ ማታን ኡቲድና።

2 ፕልሰጾማቱዋ ካፓቱ ባርንቱ ጾታቱዋ ጭታን ሻእቱዋ ጭታን ሳልፕድና፤ ዳዊተን እ አሳይ አኪሻራ እትጥ ጉዮ ባጋና ሳልፕድና።

3 ፕልሰጾማቱዋ ካፓቱ በእደ፡ “ሀ እብራዌቱ ሀዋን እይ ኦሊኖ?” ያጊድና።

አኪሸ ፕልሰጾማቱዋ ካፓቱዋ፡ “ሀዌ በን እስራኤልያ ካትያ ሳኦል ቆማ ዳዊታ ግደኔ? እ ዳር ዋደጥ ታናና እትጥ ደኤ፤ እ ሳኦል ካዲደ ከሰደጥ ሀኖ ጋካናው፡ ታን ኦን ባላ ደማባይከ” ያጊዳ።

4 ሸን ፕልሰጾማቱዋ ካፓቶ አኪሻ ሀንቀቲደ፡ “ሀ ብታንያ ነን አው እሚዳ ካታማ ጉዮ ዛራ፤ እ ኦናና ኦላ ቦጥ እ ኦና ዛሪደ ኦላና። እ ባር ጎዳና ሰንሳናው ኦ አሳቱዋ ቆድያ ሙጭያዋጥ ሀራ ሎእያባይ እዬ?

5 ቃይ ማጫ አሳቱ የጲድን ዱሪደ፡ ሳኦል ባር ሻእ ዋዴዳ፤ ዳዊተ ባር ታሙ ሻእ ዋዴዳ ያጊደ ሳቤዳዌ ሀ ዳዊታ ግደኔየ?” ያጊድና።

6 ሄዋ ድራሬ። እኪሽ ዳዊታ ጸሲደ። “መድና ጎዳይ ኤር! ነን አማነትያ አሳይ ኔን ታናና ኦላጣ ባናዋ ታን ናሽታይ፤ ኔን ታኮ ሮደፕ ሆኖ ጋካና። ታን ነ ሶላ ባላ ደማበይከ። ሽን ካፓቱ ኔን ኦላጣ ባናዋ ናሽትክና።”

7 ኔን ሀሌ ሰማይ ሳናዋን ባይ ፕልሰጾማቱዋ ካፓቱዋ ናሽቼናዋ አይነ ኦላፓ” ያጌዳ።

8 ዳዊተ እኪሻ። “ታን አይ ኦላድታ? ታን ኔናና ደኦደፕ ሆኖ ጋካና። ታናን ባላ ደማበይከ ጋዳይ ያትና። ካትያ ታ ጎዳ ሞርከቱዋና ባይ አያጣ ኦላትክታ?” ያጌዳ።

9 እኪሽ ዳዊታ። “ጸሳ ከታንቻዳን ኔን ታጣ አማነትያዋ ግድያዋ ታን ኤራይ፤ ግድፕ፤ ፕልሰጾማቱዋ ካፓቱ። ኦላ ኦናና ኦላ ሶፖ” ያጌድና።

10 ሀሌ ሰም ዋንታና ደንዳደ። ኔናና ዬዳ ነ ጎዳ ቆማቱዋናካ እትፕ ሳላይ ዋንትያ ወደ ቢተ” ያጌዳ።

11 ዳዊተን አ አሳቱ ፕልሰጾማ ጋድያ ሰማናጣ ዋንታ ጉራን ደንዳድና፤ ፕልሰጾማ አሳቱካ ፑደ አዘራኤላ ቤድና።

### 30

#### ዳዊተ አማሌቃቱዋና ኦላቲዳ

1 ዳዊተን አ አሳቱ ሄዘንሳ ጋላሰ ጽቅላጋ ካታማ ጋኬድና። አማሌቃ አሳቱ ኔጌባ ባዙዋን ጽቅላጋ ካታማ ማይድና፤ ጽቅላጋ ካታማ ታማን ጸጌድና።

2 ጽቅላጋ ካታማን ደእያ ማቻቱዋን ናናቱዋፕ ጭማ ጋካናጣ ደእያ ኡባቱዋ ኦሞዴድና፤ ኡንቱንታ ኡባ እኪደ አፌድናፕ አትና። እት አሳን ዋድበይክና።

3 ዳዊተን አ አሳቱ ጽቅላጋ ካታማ ጋክያ ዋደ። ካታማይ ታማን ጸገትክቼዳዋን ቃይ ኡንቱንታ ማጫ አሳቱ። ኡንቱንታ አቱማ ናናይን ኡንቱንታ ማጫ ናናይ ኦሞደትክቼዳዋ በኤድና።

4 ያትና። ዳዊተን አናና እትፕ ደእያ አሳይ ባርገቱ ዋልቃይ አጻና ጋካናጣ ዋሲደ ዬኬድና።

5 ዳዊታ ማጫ አሳቱ ላላቱ። እዘራኤልያ አህናኦሞን ቃርመሎሰያ ናባላ አምአት አብጋላ ኦሞደቲድና።

6 አሳይ ዳዊታ ሹቻን ጫዳናጣ ሃሳዬዳ ድራሬ። ዳዊተ ሎይሳ ቱጋቲዳ፤ አያጣ ጎፕ። አ አሳይ ኡባይ ባር አቱማዋ ናናይን ማጫ ናናቱዋ ድራሬ። ሎይሳ ይሎቲዳ፤ ሽን ዳዊተ መድና ጎዳን ባር ጸሳን ምነቲዳ።

7 ዳዊተ አብመሌካ ናኦ ቁሰያ አብያታራ። “ኤፋድያ ሃ አካደ ያ” ያጌዳ፤ አብያታሪ ኤፋድያ ዳዊታጣ አሄዳ።

8 ዳዊተ መድና ጎዳ። “ታን ሀ ማይዳዋንቱ ጌዳዋ ካላደ ቦ? ቦፕ ታን ኡንቱንታ ጋካኔ?” ያጌደ ኦቼዳ።

ጸሳይ። “ኤ፤ ኡንቱንታ ካላደ ባይ ኡንቱንታ ኔን ጋካናሳ፤ ኦሞደቲዳዋንታካ ዛራና” ያጌዳ።

9 ዳዊተን አናና ደእያ ኡሶፑን ጸቱ አሳቱ ደንዳደ ብሶራ ሻፋ ጋክና። አሳፕ አማራዳዋንቱ ያን አቲድና።

10 አያጣ ጎፕ። ላኡ ጸቱ አሳቱ ሻፋ ፕናናጣ ሎይሳ ዳቡራድና። ሽን ዳዊተን ኦይዱ ጸቱ አሳቱ ፓና ካሌድና።

11 ሄዋፕ ጉይያን። አሳቱ እት ግብጻዊያ ደምባን ደሚደ። ዳዊታኮ አሄድና፤ አጣ ኡሻናጣ ሃፋ። ማናጣካ ቁማ አምና ሚዳ።

12 ቃይ ባላሰያ አይፍያ መላፕ ባካን ላኡ ጣርጮ ዋይንያ ቲራ አጣ አሚድና፤ አ ሚደ ምኤዳ፤ አያጣ ጎፕ። አ ሄዘ ጋላሰን ሄዘ ቃማ ቁማ ምቤና ሃሳካ አሽቤና።

13 ዳዊተ ሄ ብታንያ። “ኔን ኦሴ? ሀቃፕ ያድ?” ያጌደ ኦቼዳ።

ሽን ብታን። “ታን አማሌቃ ብታንያጣ አይላቲዳ ግብጹ አሳ፤ ሄዘ ጋላሳፕ ካሰ ታን ሳከቲዳ ድራሬ። ታ ጎዳይ ታና የግ ባሽዳ።

14 ኦን ይሁዳ አሳቱዋ ቦላ። ካሪታ አሳቱዋ ቦላን ካሌባ ያራቱዋ ቦላ ኔጌባ ዋራን ሽቆደ፤ ጽቅላጋ ካታማካ ታማን ጸጌዳ” ያጌዳ።

15 ዳዊተ። “ኔን ታና ሄ ሽቆዳ ጭታኮ ካላላና ዳንዳያይ?” ያጌደ ኦቼዳ።

አ። “ኔን ታና ዋ□ናዳንን ታ ጎዳጣ አላደ አመናዳን ታጣ ጸሳን ጫቃ፤ ያቶፕ። ታን ኔና ኡንቱንቱኮ ዲገ ካላላና” ያጌዳ።

16 ሄዋፕ ጉይያን። ብታን ዳዊታ ኡንቱንቱኮ ካላሊደ ጋሌዳ። ኡንቱንቱ ፕልሰጾም ቢታፕን ይሁዳ ጋድያፕ ኦሞዴዳባይ ሎይሳ ዳር ግዴዳ ድራሬ። ናሽቲደ ሚዳን ኡሽደ ቢታ ኡባን ላላት ኡቲድና።

17 ሄ ጋላሰ አማርሳፕ ቢደ ዋንተላ ጋላሳ አማርሳይ ጋካናጣ። ዳዊተ ኡንቱንታ ሾጩዳ፤ ጋሌዋ ቶጊደ ባቃቲዳ ኦይዱ ጸቱ ያላጋቱዋፕ አትና። ሀራይ እት አሳይን አቲደ ብቤና።

18 አማሌቃ አሳቱ አፊዳ ኡባባ። ባር ላኡ ማጫ አሳቱዋናካ ጉጂደ። ዳዊተ ዋሳ እኪዳ።

19 አሳቱ ኦሞድ አፌዳዋ ለያይነ ፓጭቤና፤ ናናይ ወይ ጭማይ፤ አቱማ ናናይ ወይ ማጫ ናናይ፤ ኤንቱንቱ ኦሞድ አፌዳ ሀራባይ ኡባባይካ ፓጩናን ደኤ፤ ዳዊተ ኡባካ ዛራዳ።

20 ቃይ ዳዊተ ደርሳነ ምያ ዉድያ ኡባ ኦሞዳዳ፤ ዳዊታ አሳይ አ ኦሞዳዳ ዉድያ ህንኮ መሀያፕ ሰንሳና ሳጊደ፤ “ሀዌ ዳዊታ ኦሞዳዳ” ያጌዳ።

21 ሄዋፕ ጉይያን፤ ዳዊተ ባርና ካላናዉ ዳቡሪደ፤ ብሶራ ሻፋ ማታን አቱዳ ላኦ ጾቱ አሳቱዋኮ ዬዳ። ኤንቱንቱ ዳዊታን እናና እትፕ ደእያ አሳቱዋ ሞካናዉ ከሴድኖ፤ ዳዊተን አ አሳይ ኤንቱንቱኮ ሺቅና፤ ዳዊተ ኤንቱንታ ሳርቴዳ።

22 ሽን ዳዊታና ቤዳዋንቱ ግደፕ እት እት ፓጩና ኢታ አሳቱ፤ “ኤንቱንቱ ኦናና ብቤና ድራዉ፤ ኑን ዛራደ አሄዳዋፕ ለያነ ኤንቱንቱና ሻኮኮ፤ ኤንቱንቱ ባርንቱ ናናን ባርንቱ ማቻቱዋ አኪደ ቢኖ” ያጌድኖ።

23 ዳዊተ ኤንቱንታ፤ “ቴይት፤ ታ አሻቶ! መድና ጎዳይ ኑዉ እሚዳባን ህንተንቱ ሀዋዳን ኦላናዉ በሰና። እ ኦና ናጊደ፤ ኑ ቦላ ሺቄዳ ጭታ ኑዉ አሊደ አሚዳ።

24 ህንተንቱ ግያዋ ኦንኮ ማየና፤ አለታናዉ ቤዳዋንቱን ኑባ ናጊደ ሀዋን ጋምኤዳዋንቱ እት ላገላ ሻካና፤ ኡባዌካ እት ማላ ግዳና” ያጌዳ።

25 ሄ ጋላሳፕ ደሚደ፤ ሀቼ ጋካናዉ፤ ዳዊተ አሰራኤልያ ቢታዉ ሄዋ ዋጋን አዋየዋ ኦሊደ ዋጩዳ።

26 ዳዊተ ጽቅላጋ ካታማ ጋኬዳ ዋደ፤ ባር ዳቦ ይሁዳ ጭማቱዋ፤ “መድና ጎዳ ሞርከቱዋፕ አዋደቴዳዋፕ ታን ህንተንቶ አምያዋ ሄይተ” ያጊደ ኦሞዳዋፕ አማራዳዋ የዳዳ።

27 አ ሄዋ ቤቱለ፤ ኔጌባን ደእያ ራሞታን ያትራ ካታማቱዋን ደእያዋንቶ፤

28 አርኤራ፤ ሰፍሞታ፤ ኤሽታሞአን

29 ራካላ ካታማቱዋን ደእያዋንቶ፤ ይራሀማኤላ ካታማቱዋን ደእያዋንቶ፤ ቄና ካታማቱዋን ደእያዋንቶን፤

30 ሆርማ፤ ቦርአሻና፤ አታካን

31 ከብርና ካታማቱዋን ደእያዋንቶ የዳዳ፤ እነ አ አሳቱ ዩዬዳ ሳለቱ ኡባዉ የዳዳ።

**ሳኦላን አ ናናቱዋ ሀይቁዋ**

**31**

(31:1-13)

ሳኦል ባርና ዋዴዳ

(1 ኦዲዋ 10:1-12)

1 ፕልሰጾማ አሳቱ አሰራኤልያ አሳቱዋና ኦለቴድኖ፤ አሰራኤልያ አሳቱ ፕልሰጾማ አሳቱዋ ሰንሳፕ ባቃቴድኖ፤ ዳር አሰራኤላቱ ግልቦአ ደርያን ሀይቁድኖ።

2 ፕልሰጾማ አሳቱ ሳኦላን አ አቱማዋ ናና የደርሰ ጋኪደ፤ ሳኦላ ናና ዮናታና፤ አብናዳባን ማልክሹአ ዋዴድኖ።

3 አላይ ሳኦላ ዩይ አዲደ ኤንኤሌዳ፤ ዋንዳፍያ አሳቱ አ ደሚዳ ዋደ፤ ዙቢያን አ ጫዲደ፤ ሎይሰ ማይትሴድኖ።

4 ሳኦል ባር አላ ሚሻ ቶክያዋ፤ “ሀ ቃጸረትቤናዋንቱ ዪደ፤ ታና ጫዲደ ካኤናዳን፤ ነ ማሻን ጫዲደ፤ ታና ኔን ዋቆ” ያጌዳ።

ሽን አ አላ ሚሻ ቶክያዋ ሎይሰ ያዬዳ ድራዉ እጾዳ፤ ሳኦል ባር ማሻ ሳኦን ኤሲደ፤ አ ቦላ ኩንዲዳ።

5 አ አላ ሚሻ ቶክያዋ ሳኦል ሀይቁዳዋ በኢደ፤ እካ ባር ማሻ ሳኦን ኤሲደ፤ አ ቦላ ኩንዲደ፤ ሳኦላና ሀይቁ አጌዳ።

6 ሀዋዳን ሀጊደ፤ ሳኦልን አ ናናይ ሄዛቱ፤ አ አላ ሚሻ ቶክያዋን አ አሳቱ ኡባይ ሄ ጋላሳ እትፕ ሀይድኖ።

7 ዋሞባፕን ዮርዳናሳ ሻፋፕ ሄፍንላ ባጋና ደእያ አሰራኤልያ አሳቱ አሰራኤልያ ኦላንቻቱ ባቃቴዳዋን ሳኦልን አ ናናይ ሀይቁዳዋ በኢደ፤ ኤንቱንቱካ ባርንቱ ካታማ አጊደ ባቃቴድኖ። ፕልሰጾማ አሳቱ ዪደ፤ ሄ ካታማቱዋ ኦይቁድኖ።

8 ዋንተላ ጋላሰ ፕልሰጾማቱ አሃቱዋ ቦላፕ ኦላ ሚሻቱዋ ቃር አካናዉ ዪደ፤ ሳኦልን አ ናናይ ሄዛቱ ግልቦአ ደርያን ሀይቁደ ግሴዳዋንታ ደሚድኖ።

9 ኤንቱንቱ ሳኦላ ቆጵያ ሙጩድኖን አ አላ ሚሻ ቃር አኪድኖ። ያቲደ ባርንቱ ቆማሻቱዋ ጎሊን ባርንቱ አሳ ግደን ጸኑዋ አዋያና ማላ፤ ፕልሰጾማ ቢታ ኡባዉ ኪታ የዳድኖ።

10 ሳኦላ አላ ሚሻ አሰታርታ ጌተቶያ ኤንቱንቱ ጸሳት ጎልያ ግደን ዋጩድኖ፤ ሳኦላ አሃ ቤትሻና ጌተትያ ካታማ ግሞቢያን ሞሰማርያን ድሺደ ሶቴድኖ።

11 ፕልሰጾማ አሳቱ ሳኦላ ኦሌዳዋ ጋላኦደን ደእያ ያቤሻ አሳቱ ሰሴዳ ዋደ፤

<sup>12</sup> ኡንቱንቱ ምኖ አሳቱ ኡባይ ቃማን ደንድ ቢደ፣ ሳኦላ አሃነ አ ናናቱዋ አሃ ቤትሻና ካታማ ግምቢያፕ ዋሰ አኪደ፣ ያቤሻ ካታማ አሂደ ያን ጸጌድኖ።

<sup>13</sup> ሄዋፕ ፑይያን፣ ኡንቱንቱ መቀላ ማጽ አኪደ፣ ያቤሻን ደአያ ታማርሰካ ጌተትያ ምላ ጋርሳን ሞጌድኖ፤ ያቲደ ላፑን ጋላሳ ጸሜድኖ።

# ላኤንሳ ሳሜላ ማጻፋ ገሉቀ

ሳመላ ማጻፋ ላኤንሳ ክፍለ፡ ሳመላ ማጻፋ ኮይሮ ክፍልያ ካልያዎ ግደደ፡ ዳዊተ ኮይሮ ገድሳ ባጋ ይሁዳ ካትያ (1-4) ግዲደ፡ ታኪደ ቃይ ሁጺሳ ባጋ ክፍልያ ግደዳ እስራኤልያ ጉጂደ፡ ኩመንሳ ቢታው ካትያ ግዲደ ሞዴዳዎ ኦድያ ታርክያ ኦይቄዳዎ (5-24)። ማጻፋይ ዳዊተ ባረ ካውተላ አሳናውን ባረ ማታ ምንሳናው፡ ሶና ካረና ደእያ ሞርከቲቀና ኦሊቲዳ ሞና ኦላዋ ሎይሳይ ቆንጭሴዳ። ቃይ ዳዊተ ሞና አማኑ ደእያን ጸሳ ሲቅያ አሳ ግድያዋን አሳይካ አው አማነትያ አሳ ግድያዎ ኦድ። ሄዎ ቦላንካ ቃይ እት እት መቀሳ ባይና ኦሶቲቀካ እ ኦሌዳዋን ባረ አሹቀ አሙዋ አላናው ፓላ ዋልቃማ ናጋራቲቀ እ ኦሌዳዋካ ቆንጭሴዳ። ግደፒን ጸሳ እይል፡ ትምቢትያ ኦድያ ናታን እኮ ሸቄደ፡ እ ናጋራ እ ሀሳይሴዳ ዋደ፡ እ ባረ ናጋራ ፓጺደ ጸሳ ሙሩቀ እኬዳ።

ዳዊታ ደእኑ እ ኦሌዳ ኦሶቲ እስራኤልያ አሳ ሎይሳ ናሸቹዳ ድራው፡ አፕ ሰምና ደኤዳ ላይሳቲቀን ኤንቲንቲ ቢታ ቦላ መቲ ጋክያ ዋደ ኡባን፡ ኤንቲንቲ ሀሪ ካቲያ ኮዪደ፡ ዳዊታ ናእይ፡ ዋይ ዳዊታ ዛርያ ግዲደ፡ ዳዊታዎዳን ኤንቲንታ እይሰያ አሳ ደማናው አሞቲና።

## ሸምፓቲቀ ኡባቶ እመቲዳ ቃንሳ ቆፋቲቀ

- ዳዊተ ይሁዳን ካተቲሳ 1:1—4:12
- እስራኤልያ ኡባ ቦላ ዳዊተ ካተቲሳ 5:1—24:25
- ሀ. ኮይሮ ላይሳቲቀ 5:1—10:19
- ለ. ዳዊታን በርሳቤሆ 11:1—12:25
- ሐ. ዳዊታ መቲቀን ቱጋ 12:26—20:26
- መ. ወርሰሳ ላይሳቲቀ 21:1—24:25

## ዳዊተ ይሁዳን ካተቲሳ

(1:1—4:12)

ዳዊተ ሳኦል ሀይቄዳዎ ሰሴዳ

- 1 ሳኦል ሀይቄዳዎፕ ጉይያን፡ ዳዊተ አማሌቃ አሳቲቀ ጸኔዳ ሳፕ ሰሜዳ፤ ጽቅሳጋ ካታማን ላኡ ጋላሳ ታኪዳ።
- 2 ሄዛንሳ ጋላሰ እት ብታኒ ካዮ ባረ ማዩዎ ፔጲደ፡ ባረ ሁጺያን ባና ላሊደ፡ ሳኦላ ሄራፕ ዬዳ። ዳዊተኮ እ ዬዳ ዋደ፡ ሳካን ግሲደ ጎይኔዳ።
- 3 ዳዊተ አ፡ “ኔን ሀቃፕ ያድ?” ያጊደ ኦቹዳ።
- ሸን አ፡ “ታን እስራኤላቲቀ ሄራፕ ከሳ አካደ ያድ?” ያጊዳ።
- 4 ዳዊተ አ፡ “አያይ ከሴደንቶ አነ ታው ኦዳ” ያጊዳ።
- እ ዳዊታ፡ “ኑ ኦላንቻቲ ኦላፕ ባቃቲድና፤ ኑ አሳፕ ዳራቲ ሀይቄድና፤ ቃይ ሳኦልን እ ናእይ ዮናታን ሀይቄድና” ያጊዳ።
- 5 ኦዲዋ አሄዳ ዋዳላ ዳዊተ፡ “ሳኦልን እ ናእ ዮናታን ሀይቄዳዎ ኔን እያን ኤራይ?” ያጊደ ኦቹዳ።
- 6 ዋዳላይ፡ “ካጫዳን ታን ግልቦእ ደርያን ደእሸን፡ ሳኦል ባረ ቶራ ጉፈቲደ ኤቄዳዎ በእድ፤ ፓራ ጋርቲን ፓራ አሳቲ ሳኦላኮ ማታቲድና።
- 7 ሄ ዋደ ሳኦል ዩሽ ጼሊደ ታና በኤዳ፤ ታና ጸሰና ታን፡ ‘አቤ!’ ያጋድ።
- 8 ሳኦል ታና፡ ‘ኔን ኦኔ?’ ያጊደ ኦቹዳ፤ ታን አው፡ ‘አማሌቃ አሳ’ ያጋደ ዛራድ።
- 9 ሄዋፕ ጉይያን ሳኦል ታና፡ ታን ሎይሳ ማዲንጻደ፡ ሀይቆ ማታ ኡታድ፤ ኔን ታ ቦላ ከሳ ኤቃደ ታና ዋቆ ያጊዳ።
- 10 እ ከንዴዳዎፕ ጉይያን፡ ሀይቄዎፕ አተናዎ ኤራዳ ድራው፡ ታን እ ቦላ ከሳ ኤቃደ እ ዋቆድ፤ እ ሁጺያን ደእያ ካላቻን እ ቀሰያን ደእያ ሳጋይያ አካደ ኔኮ ታ ገዳኮ አሃድ” ያጊዳ።
- 11 ሄዋፕ ጉይያን፡ ዳዊተን ዳዊታ አሳይ ካዮቲደ፡ ባረንቲ ማዩዎ ዳፊደ ፔጲድና።
- 12 ኤንቲንቲ ሳኦል፡ ዮናታን፡ መድና ገዳ ኦላንቻቲን እስራኤልያ አሳይ ኦላን ወራዳ ድራው፡ አማርሰ ጋካናው ካዮቲድና፡ ዬኬድና፤ ጸሜድና።
- 13 ኦዲዋ አሄዳ ዋዳላ ዳዊተ፡ “ኔን ሀቃ አሴ?” ያጊደ ኦቹዳ።
- ሸን እ ዳዊታ፡ “ታን በትያ አማሌቃ ብታንያ ናእ” ያጊዳ።
- 14 ዳዊተ አ፡ “መድና ጎዳይ ኦኬዳ ካትያ ዋቆናው ነ ኩሸያ ደንሳደ፡ እያው ያያበይኪ?” ያጊዳ።
- 15 ዳዊተ ባረ አሳቲቀፕ እቲቀ ጸሴደ፡ “ባ፤ እ ዋቆ!” ያጊዳ፤ እ አማሊቅያ ደቺደ ዋቆዳ።

16 ዳዊተ እማሌቅያ፡ “መድና ጎዳይ እኩዳ ካትያ ታን ዎጳድ ያገደ ኔን ነ ደናን ማርካቴዳ ድራው፤ ነ ሱላ ጎሚ ኔና ኦይቆ” ያጌዳ።

ዳዊተ ሳኦላውን ዮናታናዉ ዝላሌዳ ዝላሳ

17 ዳዊተ ሳኦላውን እ ናእ ዮናታናዉ ሀዎዳን ያግ ዝላሌዳ።

18 ይሁዳ አሳይካ “ዎንዳፍያ” ጌተትያ ሀ ዝላሳ ታማራና ማላ ዳዊተ እዛዜዳ፤ ሀ ዝላሳይ ያሻራ ማጻፋን ጻፈቴዳ።

19 “ኔኖ እሰራኤለው፡ ነ ካፓቱ ነ ዶቃ ግሹዋን ሀይቄድና።

ዎልቃማቱ ዋን ኩንዴድኖሻ!

20 ሀዎ ጋተ ካታማን ኦደፕተ፤ እስቃሎና ኦገቱዋንካ እዎኖፕተ።

ሄዎ ሰሶፕ፡ ፕልሰጾማቱዎ ማጫ ናናይ ናሸታና፤ ሻማቱዎ ማጫ ናናይ ‘ሀሹ ጋና!’

21 “ህንተንቶ ግልቦአ ደረቶ፡ ህንተንቱ ቦላን እራይ ቡኮፖ፤ ከተርሳይካ ዎጶፖ። ሄ ቢታ ጎሻይካ ካላ ሞኮፖ፤ እያዉ ጎፕ፡ ያን ዎልቃማ ጎንዳሊ ቱናባ ከሴዳ፤ ሳኦላ ጎንዳሊካ ዛይትያን ቁጨትያዎ አጌዳ።

22 ጎራኤቴዳዋንቱ ሱላፕ፡ ዎልቃማቱዎ እሹዋፕ፡ ዮናታና ዎንዳፊ ጉዮ ግቡና። ቃይ ሳኦላ ማሻይ ካላናን ሰምቤና።

23 “ሳኦልን ዮናታን እሳይ ሲቅያዋንታን ሎእያዋንታ፤ ባረንቱ ሀይቁዋንካ ባረንቱ ፓዳንካ ሻከትብይክና። ኡንቱንቱ አርጋንላፕካ አጂደ ኤሌልያዋንታ፤ ጋሙዋፕካ አጂደ ምንያዋንታ።

24 “እሰራኤልያ ማጫ አሳቶ፡ ሳኦላው፡ ህንተንታ ዞኔን አሌቆ ማዩዎ ማይዜዳዎዎን፡ ዎርቃን ህንተንቱ ማዩዎ አሌቂሴዳዎን ዬክተ።

25 “ዎልቃማቱ ኦላን ዋን ኩንዴድኖሻ! ዮናታን ነ ዶቃ ግሹዋን ጎራኤት ግሴዳ።

26 ታ አሻ ዮናታና፡ ታን ነዉ ካኖታይ፤ ነ ታዉ ዳሮፕ አልኦዎ። ኔን ታና ሲቅያ ሲቁ ማላልሰያዎ፡ ማጫ አሳ ሲቁዋፕካ አጂደ ማላልሰያዎ።

27 “ዎልቃማቱ ዋን ኩንዴድኖሻ! ኦላ ሚሻይካ ዋን ድፕ ጌደ!” ያጊደ ዳዊተ ዝላሌዳ።

## 2

ዳዊተ ይሁዳ ቦላ ካተቴዳ

1 ሄዎፕ ጉይያን ዳዊተ፡ “ይሁዳ ካታማቱዎፕ እቱዎ ዩደ ቦ?” ያጊደ መድና ጎዳይ ኦቼዳ። መድና ጎዳይ አ፡ “ኤ፤ ባ” ያጌዳ።

ዳዊተ፡ “ሀቃ ቦ” ያጊደ ኦቼዳ።

መድና ጎዳይ፣ “ከብርነ ባ” ያገደ ዛሬዳ።

2 ዳዊተ ባረ ማቼቱዋ ላላቱዋ፣ እዘራኤልያ እህኖአዋን ቃርመሎስያ፣ ናባላ እምአቶ አብጋሎን እኪደ፣ ከብርነ ካታማ ቤዳ።

3 ዳዊተ ባረናና ደእያ አሳቱዋካ እንቱንቱ ሶ አሳ ኡባና እህና፣ ከብርነንነ እ ሄራን ደእያ ጉላ ካታማቱዋን ኡቴድኖ።

4 ይሁዳ አሳቱ ከብርነ ካታማ ዪደ፣ ያን እንቱንቱ ዳዊታ ይሁዳ አሳ ቦላ ካተያናዉ ኡኬድኖ። ሳኦላ ሞጌዳዋንቱ ያቤሻ ግልእደ ካታማ አሳቱዋ ግዴዳዋ ዳዊተ ሰሴዳ ዎደ።

5 አሳ ከቲደ እንቱንታ፣ “ህንተንቱ ህንተንቱ ጎዳ ሳኦላ ሞጌዳ ከካተላ ድራዉ፣ መድና ጎዳይ ህንተንታ እንጅ።

6 ሀእካ መድና ጎዳይ እገና ሲቁዋን ቱማተላ ህንተንታ በሶ፤ ቃይ ህንተንቱ ሀ ከካተላ ኡሌዳ ድራዉ፣ ታንካ ህንተንቶ ሎኦተላን ኩሽያ ዛሬና።

7 ሀእ ዛር ሞንተ፤ ጸልተ፤ እያዉ ጎጥ፣ ህንተንቱ ጎዳይ ሳኦላ ሀይቁክቼዳ፤ ቃይ ይሁዳ አሳቱ ታና እኪደ፣ ባረንቱ ቦላ ካተዬድኖ” ያገደዳ።

**እያቡስተ እስራኤልያ ቦላ ካተቴዳ**

8 ሳኦላ ኦላንቻቱዋ ጋዳዋይ ኔራ ናኣ አባኔር ሳኦላ ናኣ እያቡስታ እኪደ፣ ማህናይማ ጌተትያ ሳኣ አፌዳ።

9 ሄዋጥ ካላ ጋላኣደ፣ አሴራ፣ እዘራኤላ፣ ኤፍሬማ፣ ቢንያማን እስራኤልያ ቢታ ኡባ ቦላን ካተዬዳ።

10 ሳኦላ ናኣ እያቡስተ እስራኤልያ ቦላ ካተትያ ዎደ አዉ ኦይታሙ ላይላ፤ እ ላኡ ላይላ ካተቴዳ፤ ሽን፣ ይሁዳ አሳይ ዳዊታ ካሌዳ።

11 ዳዊተ ከብርናን ይሁዳ አሳቱዋ ቦላ ላፑን ላይላን ኡሶፑን እገና ካተቴዳ።

**እስራኤልያን ይሁዳ ግድን ደንዴዳ ኦላ**

12 ኔራ ናኣ አባኔርን ሳኦላ ናኣ እያቡስተ አሳይ ማህናይማጥ ጋባኦና ካታማ ቤድኖ።

13 ጸሩይ ናኣይ እየኡብን ዳዊታ አሳይ ከሰ ቢደ፣ ጋባኦና ዳጋቴዳ ሃላ ማታን እንቱንቱና ጋከቴድኖ፤ እት ጭታይ ዳጋቴዳ ሃላጥ ሄፍንላ ባጋና ኡትና፣ እት ጭታይ ሀፍንላ ባጋና ኡቴድኖ።

14 ያትና፣ እት ጭታይ እየኡባ፣ “እነ ዎዳላቱ ደንዲደ፣ ኑ ሰንላን ኦላ ጋከትኖ” ያገደዳ።

ሄዋጥ ጉየ የኣብ፣ “ኡኖ፣ ደንዲደ ጋከትኖ” ያገደዳ።

15 ሄዋ ድራዉ፣ ቢንያማ ባጋዉን ሳኦላ ናኣ እያቡስተ ባጋዋ ታማን ላኡ አሳቱ ገይዲዋን ከሰደ፣ ዳዊታ ባጋዋ ኤቁዳ ታማን ላኡ አሳቱዋና ኦላ ጋከቴድኖ።

16 እቱ እቱዋ ሀጲያ ኦይቁደ፣ ባረ ኦይቁዳዋ ሞይያን ሞይያን ማሻ ድርግንሏደ፣ እትጥ ሀይቁድኖ፤ ሄዋ ድራዉ፣ ጋባኦናን ደእያ ሄ ሳኣይ ሄልካት-ሀዙርሞ (ማሻ ጋድያ) ጌተቱ።

17 ሄ ጋላስ ዎልቃማ ኦላይ ኦለትና፣ ዳዊታ አሳይ አባኔራን እስራኤልያ አሳን ጸኔዳ።

18 ጸሩይ ናናይ ሄዙ የኣብ፣ አብሻይን አሳሄል ሄ ሳኣን ደእኖ፤ አሳሄል ገንእያዳን ኤሌሊደ ዎጹ።

19 አሳሄል ኡሽቻ ዎይ ሀድርሳ ጌናን አባኔራ የደርሱዋ ሰኬዳ።

20 አባኔር ጉየ ዛር ጸሊደ፣ “አሳሄላ፣ ላ ኔኔ?” ያገደ ኦቼዳ።

አሳሄል፣ “ኡ ታና” ያገደዳ።

21 አባኔር እ፣ “እት ባጋ፣ ኡሽቻ ዎይ ሀድርሳ ሰማ፤ አሳቱዋጥ እቱዋ ኦይቃደ እ ኦላ ሚሻ ቃራ እካ” ያገደዳ፤ ሽን አሳሄል እ የደርሰያዋ አገናዉ ኮይቤና።

22 ቃይካ አባኔር አሳሄላ፣ “ታን ኔና እያዉ ዎጹኦ? ታና የደርሰያዋ አጋ! ኔና ዎጹደ፣ ታን ነ እሻ እየኡባ ዳሙዋ ዎታደ ጸላኔ?” ያገደ ሴሬዳ።

23 ሽን አሳሄል እ የደርሰያዋ አገናን እጹዳ። ሄዋ ድራዉ፣ አባኔር ቶራ ጉየ ቱምኢደ፣ አሳሄላ ኡሉዋ ጫዴዳ፤ ቶራይ ዘክያና ፕን ከሴዳ፤ አሳሄል ሄ ሳኣን ኩንዲደ ሀይቁዳ። አሳሄል ሀይቁዳ ሳኣ ጋኪዳ አሳይ ኡባይ ሄዋን ኡቁዳ።

24 ሽን እየኡብን አብሻይ አባኔራ የደርሴድኖ፤ አዋይ ዉልያ ዎደ፣ ጋባኦና መላ ቢታ አፍያ ኦግያን ጌያሀ ካታማጥ ሰንላ ባጋና ደእያ እማ ጌተትያ ዘዘያ ከሴድኖ።

25 ቢንያማ አሳቱ አባኔራ ጉየና ሸቁድኖ፤ እንቱንቱ እት ጭታ ግዲደ፣ እት ደርያ ሀጲያን ኤቁድኖ።

26 ሄዋጥ ጉይያን አባኔር እየኡባ ጸሊደ፣ “መድናዉ ኦለቲደ ደእኔየ? ሀዋ ዉርሰላይ ጫዋ ግዳናዋ ኔን ኤርኪ? ነ አሳቱዋ፣ ህንተ እሻቱዋ የደርሰያዋ አገተ” ጌናን አዉደ ጋላይ?” ያገደዳ።

27 እየኡባ አባኔራ፣ “ጸላይ ኤር! ኔን ሃሳየናን አጌዳዋ ግድንቱ፣ ታ አሳይ ባረ እሻቱዋ ሳኣይ ዎንታና ጋካናዉ የደርሳና ሽን” ያገደዳ።

28 ሄዋ ድራው፡ እየኣበ ኡልቱዋ ፑኔዳ፤ አሳይ ኡባይ ኡቁዳ። እስራኤላቱዋካ ዛርሊደ የደርሰበይክኖ ዋይ ኦልበይክኖ።

29 አባኔርነ አ አሳይ ሄ ጋላሳ ቃማ ኡባ ሳልፒደ አራባ ጋራራ ቤድኖ፤ ዮርዳኖሳ ሻፋ ፕኔድኖ። ጉራና ሀመቲደ ማህናይማ ሰሜድኖ።

30 እየኣበ አባኔራ የደርሰያዋ ባሺደ፡ ባረ አሳ ኡባ እት ሳኣ ሺሹዳ፤ ጾልያ ዋይ፡ አሳሄል ባይናን ዳዊታ አሳፕ ታማነ ኡዱፑን አሳይ ፓጩዳ።

31 ሽን ዳዊታ አሳይ አባኔራ አሳፕነ ቢንያማ ዛራቱዋፕ ሄዙ ጾታን ኡሱፑን ታሙ አሳቱዋ ዋዴድኖ።

32 አሳሄል እሃ አኪደ፡ ቤተሌመ ካታማን ደእያ አ አወዋ ዱፋዋን ሞጌድኖ፤ እየኣብነ አ አሳይ ቃማ ሀመቲደ አቁድኖ፤ ዋንቱማላን ከብርነ ካታማ ጋኬድኖ።

### 3

1 ሳኣላ አሳይነ ዳዊታ አሳይ ዳር ዋድያ ኦለቴድኖ፤ ዳዊተ ኦላን ምን ምኒደ ብያ ዋይ፡ ሳኣላ አሳይ ዳቡር ዳቡር ቤዳ።

#### ዳዊታ አቱማ ናና

2 ከብርነ ካታማን ዳዊታዉ ናናይ የለቴድኖ፤ እዝራኤልያ እሀኖአማ የሌዳ ባይራ ናእይ አምኖና፤ 3 ቃርመሎስያ ናባላ እምአታ አብጋሳ የሌዳ ናእይ ክልአብ ላኣንሱዋ፤ ጋሹራ ካትያ ታልማያ ናታ ማእካ የሌዳ አበሴሎም ሄዘንሱዋ።

4 ኦይደንሱ ሀጊት ናኣ አደንያ፤ እቼሽንሱ አበጸል ናኣ ሻፋጽያ።

5 ኡሱፑንሱ ዳዊታ ማቻት ኤግል ናኣ ይትራኣማ፤ ሀ ናናይ ኡባይ ከብርናን ዳዊታዉ የለቴድኖ።

#### አባኔር ዳዊታና ጫቀቴዳ

6 ሳኣላ አሳናን ዳዊታ አሳና ኦለትያ ዋይ፡ አባኔር ሳኣላ አሳቱዋ ግደን ምን ምኒደ ቤዳ።

7 ሳኣላዉ አታ ናታ ርጵፎ ጌተትያ እት ጋራዳታ ደእዉ፤ እያቡስተ አባኔራ፡ “ታ አወዋ ጋራዳትና አያዉ አቃዳ?” ያጊደ ኦቼዳ።

8 አባኔር አ ሃሳያን ዳርሰይ ለሎቲደ ያቡስታ፡ “ታና ኔን ይሁዳ ካና ሁጳ ጋድየ? ሀቼ ታን ነ አወዋ ሳኣላዉ፡ አ አሻቶን አ ዳቦቶ ሎእድ፤ ታን ኔና ዳዊታ ከሽያን አላደ አማባይከ። ሽን ሀእ ኔን ታና ሀ ሞሽራት ጋሱዋን ሞታዳ!

9-10 ሳኣላ ዛርያፕ ካዉተላ ዋል አኪደ፡ ዳነፕ ቢደ በርሳበሀ ጋካናዉ፡ እስራኤልያ ቦላነ ይሁዳ ቦላ፡ ዳዊታ ካዉተላ ኤሳናዉ መጵና ጎዳይ ጫቁ ዋሌዳ ሀ የወዋ ታን ኦላና ጳየፕ፡ ጸሳይ አባኔራ ጉፋንሱ” ያጊደ።

11 እያቡስተ አባኔራዉ ያዬዳ ድራዉ፡ ሀራ ቃላ ቃትቤና።

12 አባኔር ከብርናን ደእያ ዳዊተሱ፡ “ቢታይ ኦሴ? ኔን ታናና ቃላ ጫቁዋ ጫቃ፤ እስራኤልያ አሳይ ኡባይ ኔኮ ሰማናዳን ታን ኔና ማዳና” ያጊደ ከታ የዴዳ።

13 ዳዊተ፡ “ሎኦ! ታን ኔናና ቃላ ጫቁዋ ዋላና። ሽን ታን ኔና አትባ ኦቻይ፤ ኔን ታና በእናዉ ይያ ዋይ፡ ሳኣላ ናቶ ሚካሎ ታዉ አከናን ዮፓ” ያጊደ።

14 ሄዋፕ ጉይያን፡ ዳዊተ ሳኣላ ናኣ እያቡስቱዋኮ ከቲደ፡ “ጾቱ ፕልሰጾማቱዋ ቃራቱዋ ጭሎሻደ እኩዳ ታ ማቻቶ ሚካሎ ታዉ እማ” ያጊደ።

15 እያቡስተ ከታ የዲደ፡ አ እስና ላውሻ ናኣ ፓልጽኤላፕ ዋል አኪደ እሀሴዳ።

16 አ እስናይ ባህራማ ካታማ ጋካናዉ ዬኪደ አ ጌዱዋ ካሌዳ፤ አባኔር አ፡ “ጉየ ሰማደ ሶ ባ” ያጊደ፤ ብታኒ ጉየ ሰሚደ ቤዳ።

17 አባኔር እስራኤልያ ጭማቱዋኮ ቢደ፡ ሀዋዳን ያጌዳ፤ “ዳዊተ ሀንተንጌ ቦላ ካተታና ማላ፡ ዳር ዋድያ አሞቱድታ፤

18 እነ ሄኮ ሀእ ፖልተ! እያዉ ጎፕ፡ መጵና ጎዳይ፡ ታ አሳ እስራኤልያ፡ ታን ፕልሰጾማ አሳቱዋ ከሽያፕነ ኡንቱንቱ ሞርክያ ኡባቱዋ ከሽያፕ ታ ቆማ ዳዊታ ባጋና አሻና፡ ጌዳዋ ሀሳይተ” ያጊደ።

19 አባኔር ቢንያማ ዛርቶ ዱማ ሃሳዬዳ፤ ሄዋፕ ጉይያን፡ እስራኤልያ አሳይነ ቢንያማ አሳይ ኡባይ ኦላናዉ ኮዮዋ ኡባባ ዳዊታዉ ኦዳናዉ ከብርነ ካታማ ቤዳ።

20 አባኔር ባረናና ላታሙ አሳቱዋ አኪደ፡ ከብርነ ካታማ ቢና፡ ዳዊተ እስነ አ አሳዉ አሞታ ማኬዳ።

21 ሄዋፕ ጉይያን አባኔር ዳዊታ፡ “ኡንቱንቱ ኔናና ቃላ ጫቁዋ ጫቃታናዳን ነ ዋዛናይ አሞትያ ኡባ ሞዳናዳን፡ ታን ባደ እስራኤልያ አሳ ኡባ ካትያዉ ታ ጎዳዉ ሽሻይ” ያጊደ፤ ዳዊተ አባኔራ ሞይዚደ ሳር የዴዳ።

#### እየኣበ አባኔራ ዋዴዳ



22 ሄ ዎ ደ ዳዊታ አሳይን እየአበ ኦላፕ ዳርባ አዎዲደ ስሜድና፤ ሸን አባኔር ከብርን ካታማን ዳዊታና ደኤና፤ እያዉ ጎፕ፣ ዳዊተ የድና እ ሳሮ ቤዳ።

23 እየአብን አናና ደእያ ኦላንቻቱ ጋዘያ ዎደ፣ አሳይ እየአባ፣ “ኔራ ናአ አባኔር ካትያ ዳዊታኮ ዪና፣ ካቲ አ የድና፣ እ ሳሮ ቤዳ” ያጊደ ኦዳዳ።

24 ሄዎ ድራው፣ እየአበ ካትያኮ ቢደ፣ “ዋናዲ! አባኔር ኔኮ ዪና፣ እያዉ ሳሮ የዳድ? ሄኮ እ ቤዳ!

25 ኔራ ናአይ አባኔር ኔና ጭማናው፣ ኔን ገልያሳን ከሰያ ሳአ በአናውን ኔን ኦልያ ኡባባ ኤራናው ዬዳ” ያጊደ።

26 እየአበ ዳዊታ ሰንገላፕ ከሲደ፣ አባኔራ ጌዲዎ ኪታ የዴዳ፤ ኦንቱንቱ እ ሲራ ሃላ ኦላ ዎምፕ ጉየ ዛሬድና፤ ሸን ዳዊተ ሀ የወዋ ኤረና።

27 አባኔር ከብርን ካታማ ጉየ ሰሚደ ዬዳ ዎደ፣ እየአበ አናና ዳማ ሃሳያናዎዳን ድርሳ ፐንግያ አ አፊዳ፤ ባረ አሻ አሳሄላ ሱላ አቻናዉ አባኔራ ኡሉዎ ጫዴዳ፤ አባኔር ሄ ሳአን ሀይቄዳ።

28 ዳዊተ ሀ የወዋ ሰሴዳዋፕ ጉይያን፣ “ታንነ ታ ካወተሳይ ኔራ ናአ አባኔራ ሱላን መድና ጎዳ ሰንገላን መድናውካ አሸቶኮ።

29 አ ሱላይ እየአባን እ አወዋ ሶ አሳ ኡባ አቾ፤ አሹዋ ቦላ ማዲላይ ደእያ አሳይ፣ ዎይ ጋልባይ ሎይሳ ሳክያ አሳይ፣ ዎይ ዎቢያ አሳይ፣ ዎይ ማሻን ሀይቄያ አሳይ፣ ዎይ ኮሻቴዳ አሳይ እየአባ ዛርያን ኡባካ ጻዮፕ!” ያጊደ።

30 ሄዎዳን ኦሲደ፣ ጋባአና ካታማን ከሴዳ ኦላን ባረንቱ አሻ አሳሄላ አባኔር ዎዴዳ ድራው፣ እየአብን እ አሻ አብሻይ አባኔራ ዎዴድና።

31 ዳዊተ እየአባን አናና ደእያ አሳ ኡባ፣ “ህንተንቱ ማየዎ ፔድተ፤ ማቅያ ማይተ፤ አባኔራ ሻንቻማ ሰንገላን ሀመተደ ዬክተ” ያጊደ። ካቲ ዳዊተ ሻንቻማ ካሊደ ቤዳ።

32 አባኔር ከብርናን ሞገቱዳ፤ ካቲ ባረ ቃላ ቶቂሲደ ዴፋዎን ዬኬዳ፤ አሳይ ኡባይካ ዬኬዳ።

33 ካቲ አባኔራው፣ “አባኔር ኤያ አሳዳን ሀይቃናዉ በሲ?

34 አ ኩሺ ቃሸት ቤና፤ አ ገዲካ ሳንሳላታን ቃሸት ቤና። አሳይ ኢታ አሳቱዎ ኩሸያን ሀይቄያዎዳን እ ሀይቄዳ” ያጊደ ዝላሌዳ።

አሳይ ኡባይ አባኔራው ዛረላደካ ዬኬዳ።

35 ሳአይ ፖኦ ደእሸን፣ ዳዊተ ኡክሳ ማናዳን ሸናናዉ አሳይ ኡባይ እኮ ዬዳ፤ ሸን ዳዊተ፣ “አዎ አይፊ ዉላናን ደእሸን፣ ኡክሳ ዎይ ሀራባ ባረናና በኦፕ፣ ጳሳይ ታና ዎዴ” ያጊደ ጫቄዳ።

36 ካቲ ኡፊዳዎ አሳይ ኡባይ በኢደ ናሸቴዳ፤ ቱሙካ ካቲ ኡፊዳ ኡባባይ አሳ ኡባ ናሸጅዳ።

37 ሄዎ ድራው፣ ሄ ጋላሰ ዳዊታ አሳይ ኡባይን አሰራኤልያ አሳይ ኡባይ ካቲ ኔራ ናአ አባኔራ ዎድሰቤናዎ አኬኬድና።

38 ካቲ ባረ ቆማቱዎ ሀዋዳን ያጊደ፤ “አሰራኤልያ ቢታን ዎልቃማ አሳይን ካፑ ሀይቄዳዎ ሀንተንቱ አኬክክቴ?

39 ታን ኦከቴዳ ካትያ ግደፕ፣ ሀቼ ታዉ ሞዪ ፓጩዳ። ሀዋንቱ ጻሩይ ናናይ ታዉ ሞኔድና፤ ኢታ ኡፊዳዎንቶ መድና ጎዳይ ኦንቱንቱ ኦሱዋዳን ዛር” ያጊደ።

### 4

#### ያቡስተ አሳ ኩሸያን ሀይቄዳ

1 ሳአላ ናአይ ያቡስተ አባኔር ከብርናን ሀይቄዳዎ ሰሴዳ ዎደ፣ እ ዎዛናይ ያዬዳ፤ አሰራኤልያ አሳይ ኡባይካ ዳጋሚዳ።

2 ሳአላ ናአ ያቡስተዉ ጩጉዎ ካለልያ ላኤ ካፓቱ ደእና፤ እቱዎ ሰንገላይ ባአና፤ የንኩዎ ሰንገላይ ረካባ፤ ኦንቱንቱ ቢንያማ ዛርያ ግዴዳ ባኤርትያ ርዋና ናና። ባኤርታ ካታማይ ቢንያማ ባጋዳን ፓይደቱ፤

3 እያዉ ጎፕ፣ ባኤርታን ደኤዳ አሳቱ ግታይማ ጋድያ ባቃቲደ፣ ሄደፕ ሀቼ ጋካናዉ በትያዳን ያን ደኤድና።

4 ሳአላ ናአ የናታናዉ ላኤ ገዲ ሰሌዳ ናአይ ደኤ፤ ሳአላን የናታና ዎሪ እዝራኤልያፕ ጋኬዳ ዎደ፣ እ እቼሹ ላይላ ናአ፤ ሄ ናአ ድቻያና እ አካደ ባቃታዳ፤ ሸን እ ባቃታናዉ ድርቢሸን፣ ናአይ ኩንዲደ ሰላ ከሴዳ፤ ሄ ናአ ሰንገላይ ማንፍቦሼታ።

5 ባኤርትያ ርዋና ናናይ ረካብን ባአን ያቡስተ ሶ ባናዉ ከሴድና፤ ኦንቱንቱ ቢደ ሴታ ጋላሰ ጋኬድና፤ እ አዋፕ ሸዎፕ።

6 ኢንቴንቴ ሶይ ገሊደ ዛርጋ እክያዎ ማላቲደ ያቡሰታ ኡሉዋን ጫድና ሀይቄዳ። ረካብነ እ እሻ ባእን ለላን ገሊድኖ።

7 ኢንቴንቴ ሶይ ገልያ ዎደ፣ ያቡሰተ ቆልእን አርሳን ግሴዳዎ ደሚደ፣ እ ኡሉዋ ጫድደ ዎደድኖ፤ እ ቆድያፕ ሙጨድኖ፤ ሙጨድዎ ሀጺያ እኪደ፣ አራባ ጋራራ እፍያ ኦግያ ኦይቄደ፣ ቃማ ኡባ ሀመቲድኖ።

8 ያቡሰተ ሀጺያ ከብርናን ደእያ ዳዊተዉ እሂደ ካትያ፣ “ኔና ዎዳናዉ ኮዬዳ ነ ሞርክያ ሳኦላ ናእ ያቡሰተ ሀጺያ ሀዋ በእ፤ ሳኦላ ቦላንነ እ ናእ ቦላን ካትያ ኦ ጎዳ ሀሉዋ መድና ጎዳይ ሆቼ ከሴዳ።” ያጌድኖ።

9 ሽን ባኤርትያ ርሞና ናና ረካባነ እ እሻ ባእና ዳዊተ ሀዋዳን ያጌዳ፤ “መቱዋ ኡባፕ ታና እሹዳ መድና ጎዳይ ኤር፤

10 እት ብታጌ ታኮ ዪደ፣ ሞሽራቹዋ ኦድያዎዳን፣ “ሳኦል ሀይቄዳ” ያጌደ ታዉ ኦድና፣ ታን እ ጽቅላጋን ኦይቃደ ዎድሳድ፤ ታን እ ሞሽራቹ እሚዳ ጋቲ ሄዎ።

11 ባረ ሶን ባረ አርሳን ግሴዳ ጽሎ ብታንያ ዎድዳ ኤታ አሳቶ እ ሀሉዋ ከሰያዎ እይ ከሻ ኢታንዳሻ! እ ሱላ ታን ሀንተንቴ ኩሽያፕ ሀእ እቻና፤ ሀንተንታ ታን ቢታ ቦላፕ ዳይሳና!” ያጌዳ።

12 ረካባነ ባእና ዎዳናዳን ዳዊተ ባረ ኦላንቻቱዋ እዛዜዳ፤ ኦላንቻቱ ኢንቴንታ ዎደድኖ፤ ኢንቴንቴ ኩሽያን ገድያ ቃንጽ ድጊደ፣ ዳልባንሳ ሃላ ማታን ከብርነ ካታማን ካቄድኖ። ያቡሰተ ሀጺያ እኪደ አፊደ፣ አባኔራ ዱፋዋን ከብርናን ሞጌድኖ።

### እስራኤልያ ኡባ ቦላ ዳዊተ ካተቲሳ

## 5

(5:1—24:25፤ 1 ኦዲዋ 11:1-9፤ 14:1-7)

ኮይር ላይሳቱዋ

(5:1—10:19)

1 እስራኤልያ ዛርያ ኡባቱ ዳዊታኮ ከብርነ ካታማ ዪደ፣ “ኡን ነ እሻን ነ ሱላ።  
2 ካሰ ሳኦል ኦዉ ካትያ ግደደ ደእያ ዎደካ፣ እስራኤልያ አሳ ኦላዉ ካለፊዳዊ ኔና፣ መድና ጎዳይ ኔና፣ ኡን ታ አሳ እስራኤልያ ሃሞና፤ ኔን ኢንቴንቴ ቦላ ካተታና፣ ያግ ዎሌዳ።” ያጌድኖ።

3 ሄዎ ድራዉ፣ እስራኤልያ ጭማቱ ኡባይ ዳዊታኮ ከብርነ ካታማ ዬድኖ፤ እ ኢንቴንቴና ከብርናን መድና ጎዳይ ሰንላን ቃላ ጫቀዋ ጫቀቲዳ፤ እስራኤልያ ቦላ ካተታናዳን ዳዊታ ኢንቴንቴ ኦኪድኖ።

4 ዳዊተ ካተትያ ዎደ እዉ ሀታሙ ላይሳ፤ ኦይታሙ ላይሳ እ ካተቲዳ።  
5 ከብርነ ካታማን ይሁዳ ቦላ ላፑን ላይሳን ኡሱፑን አግና እ ካተቲዳ፤ የሩሳላሙን እስራኤልያ ኡባቱዋ ቦላን ይሁዳ ቦላ ሀታማን ሄዙ ላይሳ ካተቲዳ።

ዳዊተ የሩሳላማ ጸኔዳ

6 የሩሳላሙን ደእያ ያቡሳ አሳቱዋ ኦላናዉ ዳዊተን ዳዊታ አሳይ ቤድኖ፤ ያቡሳ አሳቱ፣ “ዳዊተ ሀ ካታማ ገላናዉ ዳንዳየና” ጊደ ቆፔድኖ። ያቲደ ኢንቴንቴ እ፣ “ኡን ሀ ሳእ ገላካ፤ ሀራይ እቶ ሽን፣ ቆቀቱዋን ዋባቱ ኔና ተእናዉ ዳንዳየና።” ያጌድኖ።

7 ግደፕ፣ ዳዊተ ጽዮንን ደእያ ኢንቴንቴ ጌሱዋ ኦይቄዳ፤ ጽዮን ዳዊታ ካታማ ጌተቲዳ።  
8 ሄ ጋለሰ ዳዊተ ባረ አሳ፣ “ያቡሳ አሳቱዋ ጸንያ አሳይ ኦንን ዳዊታ ሞርከቱ፣ ሄ “ዋባቱን ቆቃቱ” ደእያ ሳእ ጋካናዉ፣ ሃሳይ ጎጊደ ከሰያ ጸእያና ገላናዉ ኮሼ” ያጌዳ። ሄዎ ድራዉ፣ “ቆቀቱን ዋባቱ ካትያ ጎልያ ገልክኖ” ጌተቲዳ።

9 ዳዊተ ሄ ጌሱዋ ኦይቄደ፣ ያን ደኤዳ፤ ሄ ጌሱዋ ዳዊታ ካታማ ያጊደ ሱንሌዳ። ዳዊተ ሚሎፕ ደሚደ፣ ሄ ካታማ የሽ እሊደ ግምቢሴዳ።

10 ኡባፕ ዎልቃማ መድና ጎዳ ጸሳይ አናና ደእያ ድራዉ፣ ዳዊተ ሞን ሞንደ ቤዳ።  
11 ጺርሳ ካቲ ኪራሞ ዳዊታዉ አሳ ኪቲዳ። ዝጋ ሙደላ፣ አናጽቱዋን ሹቻ ማሰያዋንታ እዉ የዳዳ፤ አሳቱ ዳዊታዉ ጎልያ ኬጾድኖ።

12 መድና ጎዳይ እስራኤልያ ቦላ እ ካትያ ኦሊደ ኤሴዳዋን ባረ አሳ እስራኤልያ ድራዉ እ ካዉተላ ቶቀ ኦሊደ ቦንቹዳዋ ዳዊተ ኤሬዳ።

13 ዳዊተ ከብርናፕ የሩሳላሙ ዬዳዋፕ ጉይያን፣ ሀራ ጋራዳቱዋን ሀራ ማቹቱዋ ጉጂደ እኪዳ። ሀራ ማቹ ናናይን እቱማ ናናይ ከዉ የለቲድኖ።

14 ያን እዉ የለቲዳ እቱማ ናና ሱንላይ ሻሙእ፣ ሸባባ፣ ናታና፣ ሶሎሞና።  
15 ይብሃራ፣ ኤልሹኦ፣ ነፊጋ፣ ያፍእ።  
16 ኤልሻማእ፣ ኤልያዳእን ኤልፈሊዳ።

ዳዊተ ፕልሰጾማ አሳቱዋ ጸኔዳ

(1 ኦዲዋ 14:8-17)

17 ዳዊተ እስራኤልያ ቦላ ካትያ ግዲደ ነከቲዳዋ ፕልሰጾማ አሳቱ ስሴዳ ዎደ፣ ኤንቲንቲ ኡባይ ዳዊታ ከያናዉ ከሴድና፣ ሸን ዳዊተ ሃዋ ስሴደ፣ ዲገ ግምቢያ ግደ ቤዳ።

18 ፕልሰጾማቱ ቃይካ ቢደ፣ ራፋይማ ዎምባን ላለቲደ ኡቲድና።

19 ሃዋ ድራዉ፣ ዳዊተ መድና ጎዳዉ፣ “ታን ባደ ፕልሰጾማቱዋ ኦሎ? ኔን ኤንቲንታ ታዉ አላ እማኒ?” ያጊደ ኦቹዳ።

መድና ጎዳይ ዳዊታ፣ “ኤ ኦላ። ታን ኤንቲንታ ነዉ አላ እማና” ያጊደ።

20 ዳዊተ ባኣል-ፓራጸማ ግያ ሳኣ ቢደ፣ ያን ኤንቲንታ ጸኔዳ። ያቲደ ዳዊተ፣ “ሃላ ድኤ ቆሰ እድያዋዳን መድና ጎዳይ ታ ዎርከቱዋ ግዲዋና ታና አሌዳ” ያጊደ። ሃዋ ድራዉ፣ ሄ ሳኣ ሱንሳይ ባኣል-ፓራጸማ ጌተቲዳ። \*

21 ፕልሰጾማቱ ባረንቲ ኤቃቱዋ ሄ ሳኣን የጊደ ቤድና። ያትና ዳዊተነ አ አሳይ ሄ ኤቃቱዋ አኪደ አፌድና።

22 ፕልሰጾማቱ ጉየ ሰሚደ ቢደ፣ ላኤንሉዋ ራፋይማ ዎምባን ላለት ኡቲድና።

23 ዳዊተ መድና ጎዳ ላኤንሉዋካ ኦቹና፣ ጸሳይ እ፣ “ሰት ጋደ ዩደ ኤንቲንቲ ቦላ ቦፓ፤ ኤንቲንቲ ጉና ዩያ አቆ፣ ቦኣያ ሞሳፕ ስንሳ ባጋና ኦላናዉ ጊጋ።

24 ቦኣያ ሁጲያን ኦላ ከሻ ኔን ስሴዳ ዎደ ኤሌላ። እያዉ ጎፕ፣ ሃዌ ፕልሰጾማ ኦላንቻቱዋ ሾጫናዉ መድና ጎዳይ ኔፕ ስንሳዉ አጌዳ ግያዎ” ያጊደ።

25 ዳዊተ መድና ጎዳይ እዛዜዳዋዳን ኦሌዳ፤ ገባኣፕ ቢደ ገዜራ ጋካናዉ፣ ፕልሰጾማ ኦላንቻቱዋ ዳዊተ ዎጂዳ።

### 6

ጸሳ ታቦታይ የሩሳላመ ዬዳ

(1 ኦዲዋ 13:1-14፣ 15:25—16:6፣ 43)

1 እስራኤልያ ግደፕ ደረቲዳ ሀታሙ ሻእ አሳቱዋ ዳዊተ ላኤንሉዋ ጸሴደ ሸሼዳ።

2 እነ አ አሳይ ኡባይ ይሁዳን ደኣያ ባኣላ (ቅርያትይ-አርም) ጌተትያ ካታማፕ ደንዲደ፣ ከሩቡቱዋፕ ግዲዋን ባረ ካዉተላ አራታ ቦላ ኡቲዳ ኡባፕ ዎልቃማ መድና ጎዳ ስንሳን ጸሴቲዳ ጸሳ ታቦታ ያፕ አሀናዉ ቤድና።

3 ኤንቲንቲ ጸሳ ታቦታ ኦራሳ ጋርያን ዎሏደ፣ ዘዝያ ሁጲያን ደኣያ አብናዳባ ሶፕ አሄድና፣ አብናዳባ ናናይ ኡዝነ አህዮይ ኦራሳ ጋርያ ካለሉና።

4 ያፕ ጸሳ ታቦታ አሀያ ዎደ፣ አህዮ ታቦታፕ ስንሳና ሀመቲ።

5 ዳዊተነ እስራኤልያ አሳይ ኡባይ ዲሳነ ማሰንቁዋ ዲጲደ፣ ካባሩዋ ባቂደን ዳዋላነ ሻሾራ ቃሏደ፣ ባረንቶ ኩመንሳ ዎልቃን መድና ጎዳ ስንሳን ናሸቲደ ቦንቹድና።

6 ናኮና ካላ ቡክያ ኡዲማ ጋክያ ዎደ፣ ቦራቱ ቆሰትና፣ ኡዝ ባረ ኩሸያ የዲደ፣ ጸሳ ታቦታ ኦይቂዳ።

7 ኤዝ ታቦታ ቦቹዳ ድራዉ፣ መድና ጎዳ ሀንቁ ኡዝ ቦላ ኤጽ ከሴዳ። ጸሳይ አ ሾጭና፣ ሄ ሳኣን ጸሳ ታቦታ ሞይያን ኤለካ እ ሀይቂ አጌዳ።

8 ጸሳ ሀንቁ ኡዝ ሾጭዳ ድራዉ፣ ዳዊተ ይሎቲዳ። ሄ ሳኣይ ሀቹ ጋካናዉ፣ ፕራዝ-ኡዝ (ኡዝ መኤዳ ሳኣ) ጌተቲ።

9 ሄ ጋላሰ ዳዊተ መድና ጎዳዉ ያዩደ፣ “መድና ጎዳ ታቦታይ ታኮ ሰም ዋን ያኔ?” ያጊደ።

10 ሃዋ ድራዉ፣ ዳዊተ ጸሳ ታቦታ ባረናና ዳዊታ ካታማ አሀናዉ ኮይቤና፣ ሃዋ አጊደ ግታትያ ኦቤድ-ኤደማ ግያ ብታንያ ሶ አፌዳ።

11 መድና ጎዳ ታቦታይ ግታትያ ኦቤድ-ኤደማ ሶን ሄዙ አግና ጋምኤዳ፤ መድና ጎዳይ እነ አ ሶ አሳ ኡባ እንጂዳ።

12 ሃዋፕ ሰሚደ፣ “ጸሳ ታቦታ ድራዉ፣ መድና ጎዳይ ኦቤድ-ኤደማ ሶ አሳነ አዉ ደኣያ ኡባባ እንጂዳ” ያግያዎ ካቲ ዳዊተ ስሴዳ፤ ሃዋ ድራዉ፣ ዳዊተ ኦቤድ-ኤደማ ሶ ቢደ፣ ጸሳ ታቦታ ዳዊታ ካታማ ናሸቻን አሄዳ።

13 መድና ጎዳ ታቦታ ቶኬዳ አሳቱ ኡሱቱዋ ታንጌዳ ፓይዲዋን ፓይዲዋን ኤንቲንታ ኤሴደ፣ እት ኮሩማነ እት ቦልትቦልታ ማራ ዳዊተ ያርሼዳ።

14 ዳዊተ ሱፍያ ግያ ቃጭናፕ ዳይቲዳ ኤፋድያ ማዩደ፣ ባረዉ ደኣያ ዎልቃ ኡባን መድና ጎዳ ስንሳን ዲጲዳ።

\* 5:20 ባኣል-ፓራጸማ- ሀ ስንሳ ብለላዳ “ቆሰደ ገሌዳ ጎዳ” ግያዎ። 6:2 ከሳ 25:22 6:3 1 ሳሜላ 7:1-2 6:11 1 ኦዲዋ 26:4-5

15 እነ እስራኤልያ አሳቱ ኡባቱ ናሸቻን ሆምቦጪድን ኡልቱዋ ጥኒደ መድና ጎዳ ታቦታ ዳዊታ ካታማ አሄድና።

16 መድና ጎዳ ታቦታይ ዳዊታ ካታማ ገልያ ዎደ፣ ሳኦላ ናታ መልኮላ ማስኮትያና ጸሎደ፣ ካቲ ዳዊታ መድና ጎዳ ሰንሳን ጉጉሽንን ዳርሸና በእዳ፤ ዳዊታ ባረ ዎዛናን ካፋዴ።

17 ዳዊታ መድና ጎዳ ታቦታ ዎላናዉ ዶጌዳ ዲንካንያ ግደን ታቦታ አሂደ ዎሌድና፤ ዳዊታ ጸግያ ያርሹዋን እትተላ ያርሹዋ መድና ጎዳዉ ያርሹዳ።

18 ዳዊታ ጸግያ ያርሹዋን እትተላ ያርሹዋ ያርሸያዋ ፖሌዳዋ ጉይያን፣ ኡባጥ ዎልቃማ መድና ጎዳ ሰንሳን አሳ አንጃዳ።

19 እስራኤልያ አሳዉ ኡባዉ፣ ማጫዎ አቱማዎ ሁጲያን ሁጲያን እት እት ኮምፖ ኡክላ፣ እት እት ሙጻ እሹዋካ ዎይንያ ቴራ መላጥ ኑከቴዳ እት እት ኡክላ ግሼዳ። ሄዋጥ ጉይያን አሳይ ኡባይ ባረ ሶ ባረ ሶ ሰሜዳ።

20 ዳዊታ ባረ ሶ አሳ አንጃናዉ ሶ ሰሜዳ ዎደ፣ ሳኦላ ናታ መልኮላ አ ሞካናዉ ከሳደ፣ “ሹፋር አሳቱ ካሎ ሀመትያዋዳን፣ ሆቼ እስራኤልያ ካቲ ባረ ቆማቱዎ ማጫ ቆማቱዎ ሰንሳን ካሎቲደ፣ እያ ቦንቹቴደ!” ያጋዴ።

21 ዳዊታ፣ “እ ኣወዋጥን አ ሶ አሳጥ አሊደ፣ ባረ አሳ እስራኤልያ ካለላናዳን ታና ደራዳ መድና ጎዳ ሰንሳን ዲራድ። ታን መድና ጎዳ ቦንቻናዉ ዴርያዎ አግከ።

22 ታን ሀዋጥ አላደ ብርካ ታና ቶቻና፤ ታን ታ ሁጲያ ዝቂ ኦላና፣ ሽን ኔን ጌዳ ማጫ ቆማቱዎ ሰንሳን ታን ቦንቹታና” ያጌዳ።

23 ሄዋ ድራዉ፣ ሳኦላ ናታ ሚካላ ሀይቃና ጋካናዉ፣ ናኣ የላበይኩ።

# 7

## ጸሳይ ዳዊተዉ እማና ጌዳ ህደታ

(1 ኦዲዎ 17:1-15)

1 ካቲ ዳዊታ ባረ ካትያ ጎለን ኡቴዳዋጥ ጉይያንን መድና ጎዳይ እ፣ አ ሞርከቴዎ ኡባጥ ሸዎጥሴዳዋጥ ጉይያን፣

2 ትምቢትያ ኦድያ ናታና፣ “ታን ዝጋጥ ኬጸቴዳ ጎለን ደአይ፤ ሽን ጸሳ ታቦታይ ዲንካንያን ደኤ” ያጌዳ።

3 ናታን ዳዊታ፣ “ኣላናዉ ነ ዎዛናይ ቆጉዳዎ ኡባ ከታታ፤ መድና ጎዳይ ኔና ደኤ” ያጌዳ።

4 ሽን ሄ ጋላሳ ቃማ መድና ጎዳ ቃላይ ናታናኩ ዪደ፣

5 “ግ፤ ታ ቆማ ዳዊታ ሀዋዳን ያጋ፤ መድና ጎዳይ ሀዋዳን ያጌ፤ ናታን ደአና ጎልያ ኬጻናዌ ታና ጋደ ቆጋይ?

6 እያዉ ጎጥ፣ ታን እስራኤላቱዎ ግብጹ ጋድያጥ ከሴዳ ጋላሳጥ ደማደ ሆቼ ጋካናዉ ጎለን ደአበይከ፤ ታን ዲንካንያን ያን ሃነ የያደ ደአድ።

7 ታን እስራኤልያ አሳ ኡባና የዬዳ ሳኣ ኡባን፣ ታ አሳ እስራኤልያ ሄማና ማላ፣ ታን ሰንሴዳዋንቱጥ አቱዋን ታዉ ዝጋ ጎልያ እያዉ ኬጻበይኪ? ጋደ ኦቻበይኪ” ያጌ ያጋ።

8 “ሄዎ ድራዉ፣ ሀእካ ታ ቆማ ዳዊታዉ ኦዳ፤ ኡባጥ ዎልቃማ መድና ጎዳይ ኔና ሀዋዳን ያጌ፤ ናታን ኔና ሃንላ ጋደጥ፣ ደርሳ ሄዎያ ሳጥ ደንላደ፣ ታ አሳ እስራኤልያ ካለላናዳን አካድ።

9 ኔን ቤዳ ሳኣ ኡባን ታን ኔናና ግዳደ፤ ነ ሞርከቴዎ ኡባ ታን ነ ሰንሳጥ ድጋድ። ሀእ ሰም ታን ሀ ሳኣን ኡሪቴዳ ዎልቃማ አሳቱዎ ሰንሳዳን ነ ሰንሳ ግታያና።

10-11 ቃይ ታን ታ አሳዉ እስራኤልያዉ ሳኣ እማደ፣ አንቱንታ ሄ ሳኣን ቶካና፣ ሄዎ ድራዉ፣ ኡንቱንቱ ባረንቱ ሳኣን ደአና፤ ላኤንሎ ኡንቱንቱ ሻባረትክና። በን ዎድያንን ታ አሳ እስራኤልያ ቦላ ዳናትያዋንታ ታን ሰንሴዳ ዎድያዳን፣ ኢታቱ ኡንቱንታ ዛረሊደ ናቂክና። ቃይ ታን ኔና ነ ሞርከቴዎ ኡባጥ ሸዎጥሳና።

“ ለሄዎ ቦላንካ መድና ጎዳይ ባረ ሁጲያዉ ነ ዛራቱ ደአናዳን ነዉ ጎልያ ኬጻናዎ ኦዳ።

12 ነ ላይላይ ዉርና ሀይቃደ፣ ነ ማይዛ አዎቱዋን ጋከትያ ዎደ፣ ነ ጉልባታጥ የለቴዳ ናኣ ታን ደንላና፤ አ ካዉተላ ምንሳና።

13 ታ ሰንሳዉ ጎልያ ኬጻናዌ አ፤ ታን አ ካዉተላ አራታ መድናዉ ምንሳ ኤሳና።

14 ታን አዉ አዉዎ ግዳና፤ አካ ታዉ ናኣ ግዳናዎ። አ ባልያ ዎደ፣ ታን አ አሳ ጸምእን፣ አሳይ ሸጭያ ልሱዋን አ ሴራና።

15 ሸን ታን ነ ሰንሳጥ ድጌዳ ሳኦላጥ ታ ሲቁ አከቴዳዋዳን፣ አጥ ኡባካ አከተና።

16 ነ ዛራቱን ነ ካዉተላይ ታ ሰንሳን መድናዉ ጋምእና፤ ነ ካዉተላ አራታይካ መድናዉ ምን ኤቃና” ያጌ ያጋ” ያጌዳ።

17 ናታን ጸሳይ አዉ ሳዳን ቆንጭሴዳ ቃላ ኡባ ዳዊታዉ ኦዴዳ።

ዳዊታ ዋሳ

(1 ኦዲዋ 17:16-27)

18 ሄዋፕ ጉይያን፣ ካቲ ዳዊተ ዲንካንያ ገሊደ፣ መድና ጎዳ ሰንላን ኡቴዳ። ሀዋዳን ያጊደ ዋሴዳ፤ “አቤት ኡባ ሞድያ መድና ጎዳዉ፣ ኔን ሀዋ ኡባ ታዉ ኦላናዉ ታን ኦኔ? ታ ሶ አሳይካ ኢዬ?

19 አቤት ኡባ ሞድያ መድና ጎዳዉ፣ ሀዋ ኔን አይፍና ሰንላን ጉላ ማላትና፣ ሰንላፕ ኔን ቆማ ዛረቶ ሀናናዋካ ሃሳያዳ። ኡባ ሞድያ መድና ጎዳዉ፣ ሀዋ ኔን አሳዉ እዉካ ኦላያ ኦሱዋ ግደና።

20 “ሀዋፕ አድያዎ ታን ዳዊተ ነዉ አይ ኃናዉ ዳንዳያይታ? ኡባ ሞድያ መድና ጎዳዉ፣ ኔን ታና ኔ ቆማ ኤራሳ።

21 ኔን ኔ ቃላ ድራዉ፣ ኔን ዋዛና ቆፋዳን ሀ ዋጋባ ኦላደ፣ ታና ኔ ቆማ ኤርሳዳ።

22 “አቤት ኡባ ሞድያ መድና ጎዳዉ፣ ኔን አይ ኬሻ ግቴሻ! ኔ ማል እቴነ ባዋ፤ ኔን ኑ ሀይላን ሰሴዳዋዳንካ፣ ኔፕ አትና ሀራ ጸሳይ ባዋ።

23 ኔን ኔ አሳ ኦላናዉ ዋዜዳ ኔን አሳ እስራኤልያ ማላትያ ሀራ ካዉተሰ ሳኣ ቦላን ባዋ። ኔን ኡንቴንቶ ኦሌዳ ግታን ማላልሰያ ኦሶቱ ጋሱዋን ኔን ሱንላይ ቢታን ሳኣን ኤራቴዳ። ኔን ኔ አሳ ሰንላፕ ሀራ ካዉተላቱዋን ኡንቴንቱ ጸሳይቱ ላጋዳ።

24 ኔን ኔ አሳ እስራኤልያ መድናዉ ነዋ ኦላዳ። አቤት መድና ጎዳዉ፣ ኔንካ ኡንቴንቱ ጸሳ ግዳዳ።

25 “መድና ጎዳ ጸሳዉ፣ ሰዎ ሀእ ኔን ኔ ቆማዉን እ ዘርሳዉ ኦላና ጌዳዋ መድናዉ ናጋ፤ ኔን ኦላና ጌዳዋዳንካ ከተታ።

26 ሄዋን ኔ ሱንላይ መድናዉ ግታታና፤ አሳይካ ኔና፣ ኡባፕ ዋልቃማ ጸሳይ እስራኤልያ ጸሳ ያጋና፣ ኔ ቆማ ዳዊታ ዛራቱካ ኔን ሰንላን ምኒደ ኤቃና።

27 “አቤት ኡባፕ ዋልቃማ መድና ጎዳዉ፣ አሳይካ ጸሳዉ፣ ኔን ሀዋ፣ ናታን ኔ ዛራቱ ደአናዳን ኦላና ያጋደ ታዉ ኔ ቆማዉ ቆንጫዳ፤ ሄዋ ድራዉ፣ ታን ኔ ቆማይ ኔና ሀ ዋሳ ዋሳናዉ ጸላድ።

28 አቤት ኡባ ሞድያ መድና ጎዳዉ፣ ኔን ጸሳቴ! ኔ ቃላይካ አማነትያዋ፤ ኔን ሀ ሎኦ ቃላ ታዉ ኔ ቆማዉ ኦላና ጋዳ።

29 ኔን ሰንላን ያ መድናዉ ጋምአናዳን፣ ኔ ቆማ ዛርያ አንጀናዉ ህይታዳ። አያዉ ጎፕ፣ አቤት ኡባ ሞድያ መድና ጎዳዉ፣ ሄዋ ሃሳያዳ፤ ቃይ ኔን አንጁዋን ኔ ቆማ ዛራቱ መድናዉካ አንጀታና” ያጋ ዋላዳ።

### 8

ዳዊተ ኦላን ደሜዳ ጸኦዋ

(1 ኦዲዋ 18:1-17)

1 ሄዋፕ ጉይያን፣ ካቲ ዳዊተ ፕልሰጾማቱዋ ጸኒደ ሞዴዳ፤ ያቲደ መተግእማ ግያ ካታማ ፕልሰጾማ አሳቱዋ ኩሽያፕ ዋሰ አኬዳ።

2 ቃይ ሞአበ አሳቱዋካ ዳዊተ ጸኒዳ። ጋድያን እ ኡንቴንታ ግሰሲደ ዋድሩዋን ለኬዳ፤ ላኡ ዋድሩዋን ለከቴዳ ኡባቱዋ ዋዴዳ፤ ሄዘንሰ ዋድሩዋን ለከቴዳዋንታ ፓጻ አኬዳ። ያትና ሞአበ አሳቱ ዳዊታዉ ሞድቲደ ገራ ገራድና።

3 ራሆባ ናኦይ፣ ጸባ ካቲ ሀዳድኤዘር ኤፍራዲሳ ሻፋ ማታን ደእያ ባረ ዛዋ ዛር አካናዉ ቢደ፣ ዳዊታና ኦላትና፣ ዳዊተ እ ጸኒዳ።

4 ዳዊተ እ አሳፕ እት ሻእን ላፑን ጾቱ ፓራኦ አሳቱዋና ላታው፣ ሻእ ገድያ አሳቱዋ ኦሞዴዳ። ዳዊተ ጋረቱዋ ጎቻናዉ ጾቱ ፓራቱዋ አሺደ፣ ሀራ ፓራቱዋ ኡባዉ ጋዶዋ ቃንጾዳ።

5 ዳማሰቆ ካታማን ደእያ ሶርያ ኦላንቻቱ ጸባ ካትያ ሀዳድኤዘራ ማዳናዉ ዬዳ ዋደ፣ ዳዊተ ኡንቴቱፕ ላታማን ላኡ ሻአቱዋ ዋዴዳ።

6 ሄዋፕ ጉይያን፣ ዳዊተ ሶርያ ካዉተላንን ዳማሰቆ ካታማን ኦላንቻቱዋ ጌሱዋ መዴዳ። ያትና ሶርያ አሳቱ ዳዊታዉ ሞድቲደ፣ ገራ ገራድና። ዳዊተ ቤዳ ሳኣ ኡባን መድና ጎዳይ አዉ ጸኦዋ እሜዳ።

7 ሀዳድኤዘራ ኦላ ጋዳዋቱ ኦይቂያ ዋርቃ ጎንዳልያ ዳዊተ አኪደ፣ ዩሩሳሌም አሂዳ።

8 በጸሀነ በርታያ ጌተትያ ሀዳድኤዘራ ካታማቱዋፕ ካቲ ዳዊተ ናሃሰያ ግያ ብራታ ሎይሰ ዳሩዋ አኪዳ።

9 ሀዳድኤዘራ ኦላንቻቱዋ ኡባ ዳዊተ ጸኒዳዋ ሀማታ ካቲ ቶእ ሰሴዳ።

10 ሀዳድኤዘራ ኦላቲደ ጸኒዳ ድራዉ፣ እ ሀሹ ጋናዉን ሳርታናዉ ባረ ናኣ ዮራማ ካትያ ዳዊታኩ ኪቴዳ። አያዉ ጎፕ፣ ሀዳድኤዘር ቶኦራ ኦላቲደ ጋምኤዳ። ዮራመ ዪደ ዋርቃ፣ ብራፕን ናሃሰያፕ መጠጥቴዳ ሚሻቱዋ ዳዊታዉ አሂዳ።

11-12 ካቲ ዳዊተ ሀ ሚሻቱዋ መድና ጎዳዉ ዲማይ ዎሴዳ። ቃይ ዳዊተ ባረ ጸኔዳ ካውተላቱዋተ ኡባ፡፡ ሶርያ፡፡ ሞእበ፡፡ እሞና አሳቱዋ፡፡ ፕልሰጾማ አሳቱዋ፡፡ እማሌቃ አሳቱዋ፡፡ እኩዳ ዎርቃነ ብራ ራሆባ ናኣ፡፡ ጸባ ካትያ ሀዳድኤዘረ፡፡ እኩዳ ኦሞዲዋ ካሰዎዳንካ ጸሳዉ ዲማይ ዎሴዳ።

13 ማጽንያ ዛገጋራን ታማነ ሆሰፑን ሻኦ ኤደማ አሳቱዋ ዳዊተ ዎድ ሰሚዳዋ፡፡ ጉይያን፡፡ እ ሀይላቲዳ።

14 ዳዊተ ኤደማ ቢታ ኡባን ኦላንቻቱ ጌሱዋ መዲዳ፤ ያትና ሄ ቢታ አሳይ ኡባይ ዳዊታዉ ዎደቲዳ። ዳዊተ ቤዳ ሳኦ ኡባን መድና ጎዳይ እዉ ጸኦዋ እሚዳ።

**ዳዊተ ባረ ካውተላን ሱንሴዳ አሳቱዋ**

15 ሄዎዳን ኦሊደ፡፡ ዳዊተ እሰራኤልያ ኡባ ቦላ ካተቲዳ፤ ባረ አሳ ኡባ ጽሎተላንነ ሱረ ፕርዳን እኩዳ።

16 ጸሩይ ናኦይ ዮእበ ኦላንቻቱ ጋዳዎ፤ እሀሉዳ ናኦይ ዮሳፌጸ ሀኔዳባ ጸፍያዎ።

17 እሀጸባ ናኦይ ጸድቅነ አብያታራ ናኦይ አብመሌክ ቁሳቱ ዎ፤ ሳራይ ቃይ ጸፍያ፤

18 ዮዳሄ ናኦይ ባናይ ካልታዎቱዋነ ፈልታዎቱዋ (ካትያ ናግያዋንቱ) ቦላ ካፑዎ። ዳዊታ አቲማ ናናይ ቁሳቱዎ።

# 9

**ዳዊታን ማንፍቦሼታ**

1 እት ጋላሰ ዳዊተ፡፡ “ዮናታና ድራዉ፡፡ ታን እዉ ኬካናዳን ሀሮ ጋካናዉ ሳኦላ ቃንላ፡፡ እቲዳ አሳይ ደእሻ?” ያጊደ ኦቼዳ።

2 ሄ ዎደ ጸባ ግያ እት ቆማይ ሳኦላ ሶን ደኤ፤ እ ዳዊታ ሰንላ ያናዳን ዴሴድኖ፤ ዪና ካቲ አ፡ “ኔን ጸቤ?” ያጊደ ኦቼዳ።

እካ፡፡ “ኤ ታን ጸባ፡፡ ነ ቆማ” ያጊደ።

3 ሄዎ፡፡ ጉዮ ካቲ አ፡፡ “ጸሳ ኬካተላ ታን ኬካናዳን፡፡ ሳኦላ ቃንላ፡፡ ፓላሄዳ እት አሳይነ ባዌ?” ያጊደ።

ጸብ ካትያ፡፡ “ዮናታና ናናቱዋ፡፡ እቲ ሀሮ ጋካናዉ ደኤ፤ ሄ ናኦዉ ላኡ ገደቲካ ሰላ” ያጊደ።

4 ካቲ፡፡ “እ ሀቃን ደእ?” ያጊደ።

ጸብ፡፡ “ሎዳባራ ግያ ሳኦን እሞኤላ ናኦ ማክራ ሶን ደኤ” ያጊደ።

5 ሄዎ፡፡ ጉዮ ካትያ ዳዊተ ከቲደ፡፡ ሎዳባራ፡፡ እሞኤላ ናኦ ማክራ ሶፕ እሀሴዳ።

6 ሳኦላ ናኦ ዮናታና ናኦይ ማንፍቦሼተ ዳዊታኮ ዬዳ፤ ይ ጋኪደ፡፡ ዳዊታ ሰንላን ጸነታድ ጊደ ግሴዳ።

ያትና፡፡ ዳዊተ አ፡፡ “ማንፍቦሼታ!” ያጊደ ዴሴዳ።

እ፡፡ “እቤ ታ ጎዳዉ፡፡ ታን ነ ቆማ” ያጊደ።

7 ዳዊተ አ፡፡ “ያዮ፡፡ ነ እዉዎ ዮናታና ድራዉ፡፡ ታን ነዉ ኬካና፡፡ ነ እዉዎ እዉዎ ሳኦላ ጋድያ ኡባ ታን ነዉ ዛራና፤ ቃይ ኔን ኡባ ዎደ ታ ማሶፍያ፡፡ ማና” ያጊደ።

8 ሄዎ፡፡ ጉዮ ማንፍቦሼተ ላኤንሱዎ ግሴደ፡፡ “ሀይቄዳ ካና ማላ ታና ኔን ደሳይ ዴላናዉ፡፡ ነ ቆማይ ታን ኦኔ?” ያጊደ።

9 ካቲ፡፡ ሳኦላ ቆማ ጸባ ዴሴደ፡፡ “ሳኦላዋን ሳኦላ ሶ አሳዎ ግዴዳዎ ኡባ ታን ነ ጎዳ ናኦ ናኦዉ እማድ።

10 ነ ጎዳ ናኦ ናኦይ ማናዳን ኔን፡፡ ነ ናናይን ነ ቆማቱ እዉ ጋድያ ገሽተ፤ ደልያ ካላ እዉ እሀተ። ግደ፡፡ ነ ጎዳ ናኦ ናኦይ ማንፍቦሼተ ኡባ ዎደ ታ ማሶፍያ፡፡ ማና” ያጊደ። ጸባዉ ታማነ እቼሹ አቲማ ናናይን ላታሙ ቆማቱ ደእኖ።

11 ጸብ ካትያ፡፡ “ኔን ታ ጎዳይ ካቲ ነ ቆማ እዛዜዳ ኡባባ ታን ነ ቆማይ ፖላና” ያጊደ። ሄዎ ድራዉ፡፡ ማንፍቦሼተ ካትያ ናናቱዋ፡፡ እቲዎዳን ካትያ ማሶፍያ፡፡ ማና።

12 ማንፍቦሼታዉ ሚካ ግያ ጉላ ናኦይ ደኤ። ጸባ ሶን ደእያ አሳቱ ኡባቱ ማንፍቦሼታዉ ቆማ ግዴድኖ።

13 ማንፍቦሼተ ኡባ ዎደ ካትያ ማሶፍያ፡፡ ሞያ ድራዉ፡፡ እ ዩሩሳሌምን ደኤ። እ ገዲ ላአቲካ ሰላ።

# 10

**ዳዊተ እሞናቱዋን ሰራቱዋ ጸኔዳ (1 ኦዲዋ 19:1-19)**

1 ሄዎ፡፡ ጉይያን፡፡ እሞናቱዋ ካትያ ናኦሰ ሀይቄዳ፤ እ ናኦይ ሀኦን እ ኮታን ካተቲዳ።

2 ዳዊተ፡ “እ አዉ ታዉ ኬከዳዋዳን ናሐሳ ናእ ሁኑናዉ ታንካ ኪካና” ያጌዳ። ሄዋ ድራዉ፡ እ ሞንፀላናዉ ዳዊተ ባረ አሳ እኮ ኪቲዳ።

ዳዊታ አሳይ አሞና ጋድያ ጋኬዳ ዎይ።

3 አሞና አሳ ካጋቱ ባረንቱ ጎዳ ሁኑና፡ “ዳዊተ ኔና ሞንፀላናዉ ሀ አሳቱዋ ኪቲዳዌ ነ አዉዋ ቦንቹዋ ድራሳ ጋድየ? እ ባረ አሳ ኪቲዳዌ ሀ ካታማ ጸላናሳ፡ ዎቻናሳን ኦለቲደ ጸናናሳ” ያጌድና።

4 ሁኑን ዳዊተ ኪቲዳዋንታ እይቂደ፡ ኡንቲንቱ ቡቻጥ ባጋ ሜዳዳ፤ ኡንቲንቱ ማዩዋካ ኡትያ ዱልያ ባጋጥ ቃንጽ አኪደ፡ ኡንቲንታ የዴዳ።

5 ሄዋ ድራዉ፡ አሳቱ ዳር ዩላቲድና። ዳዊተ ሄዋ ሰሲደ፡ እ ኡንቲንቱና ጋከትያ አሳ ኪቲዳ፤ ኡንቲንቱኩ ኪቲደ፡ “ሀንተንቱ ቡቻይ ድጫና ጋካናዉ፡ ያርኮ ካታማን ደእሸተ፤ ሄዋጥ ጉይያን ሃ ዩተ” ያጌዳ።

6 አሞናቱ ባረንቱ ኪታን ዳዊተ ኡንቲንታ ሞርካናዳን ኡሌዳዋ ኤሬዳ ዎይ፡ ቤት-ራሆባን ጸባ ካታማቱዋን ደእያ ሶርያ አሳቱዋጥ ላታሙ ሻእ ገድያ አሳቱዋ፡ ቶባ ጋድያጥ ታማን ላኡ ሻእ አሳቱዋን ማእካ ቢታ ካትያጥ እት ሻእ አሳቱዋ ቃጸራድና።

7 ዳዊተ ሄዋ ሰሲዳ ዎይ፡ ዮአባን ደእያ ኦላንቻቱዋ ኡባ ኡንቲንቱ ቦላ የዴዳ።

8 አሞናቱ ከሲደ፡ ካታማ ጥንግያን ኦላዉ ሳልፔድና፤ ጸባጥን ራሆባጥ ዬዳ ሶርያ አሳቱ፡ ቶባ አሳቱን ማእካ አሳቱ ደምባን ባረካ ደእና።

9 ዮአበ ባረና ኦላይ ሰንሳናን ጉየና ደዴዳዋ በኤዳ፤ እሰራኤላቱ ግደጥ ኡባጥ ሞንያ ኦላንቻቱዋ ዶር አኪደ፡ ሶርያ አሳቱዋ ሰንሳን ሳልፕሴዳ።

10 አቲዳ አሳቱዋ ባረ አሻይ ኡባሻይ አዛዛና ማላ ኦሊደ፡ አሞና አሳቱዋ ሰንሳን ሳልፕሴዳ።

11 ዮአበ ባረ አሻ፡ “ሶርያ አሳቱ ታዉ ዎልቃሞጥ፡ ኔን ያደ፡ ታና ማዳ። ቃይ አሞና አሳቱ ነዉ ዎልቃሞጥ፡ ታን ያደ፡ ኔና ማዳና።

12 ስም ምና! ኑ አሳ ድራዉ ኑ ጸሳ ካታማቱዋ ድራዉ፡ እነ ሞን ኦለቶይተ። ሙድና ጎዳይ ባረና ሎእያዋ ኦሎ” ያጌዳ።

13 ሄዋጥ ጉይያን፡ ዮአባን አናና ደእያ አሳይ ሶርያ አሳቱዋና ኦለታናዉ ላዉሁ ጌድና። ያትና፡ ሶርያ አሳቱ እ ሰንሳጥ ባቃቲድና።

14 ሶርያ አሳቱ ባቃቲዳዋ አሞና አሳቱ በኤዳ ዎይ፡ ኡንቲንቱካ ኡባሻያ ሰንሳጥ ባቃቲደ፡ ካታማ ገሊድና። ዮአበ አሞና አሳቱዋና ኦለትያዋ አጊደ፡ የሩሳላሙ ስሜዳ።

15 ሶርያ አሳቱ እሰራኤልያ አሳቱ ኡንቲንታ ጸኔዳዋ ኤሬዳ ዎይ፡ ባረንቱ ኦላንቻቱዋ ኡባ ዛሪደ ሺሺድና።

16 ካቲ ሀዳድኤዘረ ሶርያ አሳቱዋ ኤፍራጺሳ ሻፋጥ ሄፍንሳ ባጋጥ ኪቲደ እሀሴዳ፤ ሄላማ ቤድና። ሀዳድኤዘረ ኦላንቻቱ ጋዳዎይ ሸባክ ኡንቲንታ ካለሌ።

17 ዳዊተ ሄዋ ሰሲዳ ዎይ፡ እሰራኤልያ ኦላንቻቱዋ ሺሺደ፡ ዮርዳኖሳ ሻፋ ጥኔዳ፤ ሄላማ ጋኬዳ። ሶርያ አሳቱ ዳዊታና ጋከታናዉ ሳልፔድና፡ አናና ኦለቲድና።

18 ሸን ሶርያ አሳቱ እሰራኤላቱ ሰንሳጥ ባቃቲድና፤ ዳዊተ ሶርያ ኦላንቻቱዋጥ ጋራ ጋርያ ላግያ ላፑን ጸቱ አሳቱዋን ኦይታሙ ሻእ ጋራ አሳቱዋ ዎዴዳ፤ ኡንቲንቱ ኦላ ጋዳዉዋ ሸባካካ ሸጭና፡ ሄ ሳኣን ሀይቂዳ።

19 ሀዳድኤዘራዉ ሞደቲደ ደእያ ካተቱ እሰራኤላቱ ኡንቲንታ ጸኔዳዋ ኤሬዳ ዎይ፡ እሰራኤላቱዋና ሰገቲደ፡ ኡንቲንቶ ሞደቲድና። ሄዋጥ ስሚደ፡ ሶርያ አሳቱ አሞና አሳቱዋ ማዳናዉ ያዬድና።

# 11

## ዳዊታን በርሳቢሆ (11:1—12:25)

1 ኤፍንሳን፡ ካተቱ ኦላዉ ከሰያ ዎይ፡ ዳዊተ ባረ አሳናን እሰራኤልያ ኦላንቻቱዋና ዮአባ የዴዳ። ቢደ አሞና ቢታ ባይዜድና፤ ራባ ካታማ ደዴድና፤ ሸን ዳዊተ የሩሳላሙን ታኪዳ።

2 እት ጋላሳ ኦሚርስ ዳዊተ ባረ ግሱዋጥ ደንዲደ፡ ካትያ ጎልያ ቦላን ደምባዩደ ኡሌዳ ሳኣን ሀሙቲዳ፤ ቦላ ሜጨትያ እት ሞሽራቶ በኤዳ፤ ሄ ሞሽራታ ዳር ማላ ሎኣ።

3 ዳዊተ አሳ ኪቲደ፡ እ ኦነንቶ ኦሽሴዳ፤ ሄ ሞሽራታ፡ “ሀና ኤሊአማ ናቶ ሂትያ ኦርዮና ማቻቶ በርሳቢሆ” ያጌዳ።

4 ዳዊተ አሳ ኪቲደ፡ እዞ ጸሰሰ እሀሲደ፡ እዝና አቂዳ። ሄ ዎይ ሄ ሞሽራታ ፒላይ ዩደ አድና ጉዮ ሳና ደእዉ። ሄዋጥ ጉይያን፡ እ ባረ ሶ ስሚደ ባዳ።

5 ሞሽራታዉ ሻሃራይ አትና፡ ዳዊታኮ ኪታ የዳደ፡ “ታዉ ሻሃራይ አቲዳ” ያጋዴ።

6 ሄዋጥ ጉይያን ዳዊተ፡ “ሂትያ ኦርዮና ታዉ ሃ የዳ” ያጊደ እዮአበዉ ኪቲዳ፤ እዮአበ ኦርዮና ዳዊታዉ የዴዳ።

7 ኦርዮን ዪና ዳዊተ እ፡ “እየኣበ እይ ማሌ? ኦላንቻቱካ እይ ማሌ? ቃይ ኦላይ ዋነ?” ያጊደ ኦቹዳ።

8 ሄዋጥ ጉይያን ዳዊተ ኦርዮና፡ “ሶይ ባ፤ ባደ ሸጦጋ ኦካ” ያጊዳ፤ ሄዋጥ ጉይያን ኦርዮን ካትያ ጎልያጥ ከሲደ ቤዳ፤ ካቲ ኦርዮናዉ እየንቶ እምያዋ ኦ ጊዴዋ የዳዳ።

9 ሸን ኦርዮን ሶ ቤናን ካትያ ጎልያ ድርሳ ጥንግያን ባረ ጎዳ ቆማቱዋ ኡባና ግሰ አቁዳ።

10 “ኦርዮን ባረ ሶ ብብና” ግያዋ ዳዊተ ሰሴዳ፤ ኦርዮና፡ “ይን ሃኮ ሳጥ ያዳ ግድኪ? ነ ሶ ኦያዉ ባበይኪ?” ያጊደ ኦቹዳ።

11 ኦርዮን ዳዊታ፡ “ታቦታይ፡ እስራኤልያ አሳይ፡ ይሁዳ አሳይ፡ ታ ጎዳ እየኣበነ ታ ጎዳ አሳይ ደምባን ዳንካንያን ደእና። ያትና ታን ዋናደ ሶ ባደ ዋ፡ ኡሾ፡ ቃይ ታ ማቻትና አቆ? ነ ሸምጥ ኤር! ታን ሀዋ ማላ ኦላከ” ያጊደ ዛሬዳ።

12 ሄዋጥ ጉየ ዳዊተ ኦርዮና፡ “እት ጋላሳ ሀዋን ጋምእ፤ ዋንት ነና ጉየ የዳና” ያጊዳ፤ ኦርዮን ሄ ጋላሰነ ዋንተላ ጋላሰ የሩሳላሙን ታኪዳ።

13 ዳዊተ ሾቢና፡ ኦርዮን እናና ሜዳነ ኡሼዳነ። ዳዊተ ኦ ማሶዴዳ። ሸን ሄ ኦማርሰ ኦርዮን ባረ ሶ ቤናን፤ ባረ ግሱዋ ሂጺደ፤ ባረ ጎዳ ቆማቱዋ ግደን አቁዳ።

14 ዋንትና ጉራ ዳዊተ እየኣባዉ ዳብዳቢያ ጸፊደ፡ ኦርዮና ቦላ የዳዳ።

15 ዳዊተ ዳብዳቢያን እየኣባዉ፡ “ኦላይ ተኡዋ ዳርያ ሳእን፤ ሰንሳ ባገና ኦርዮና ዋላ፤ ሄዋጥ ጉይያን፤ እ ሾጠቲደ ሀይቃና ማላ፡ እ ማታጥ ክቶተ” ያጊዳ።

16 እየኣበ ሄ ካታማ ደዳደ፡ ሞርክያ ኦላንቻቱዋጥ ሞኖቱ ደእያ ሳእ ኤሬደ፡ ኦርዮና ያን ዋሌዳ።

17 ካታማ አሳቱ ከሲደ ዮኣባና ኦላትና፡ ዳዊታ ኦላንቻቱዋጥ አማራቱ ሀይቁድና፤ ሂትያ ኦርዮንካ ሀይቁዳ።

18 እየኣበ ኦላን ሀይዳባ ኡባ ዳዊታዉ ኪቲዳ።

19 ብያ ብታንያ እየኣበ፡ “ኦላን ሀይዳባ ኡባ ኔን ካትያዉ ኦዳ ዉርሰሸን፤

20 ኦን ኤሬ፡ ካቲ ሀንቁዋ ኤጽ ከሳና፤ ሀንቁቲደ ኔና፡ ‘ሀንተ ኤንጉቲና ኦላታናዉ ካታማኮ ኦያዉ ሎይሳ ሸቁድቲ? ኤንጉቲና ግምቢያ ጸራና ዋንዳፍያን ዴካናዋ ኤርቤይክተየ?

21 ጌድና ናእ ኤብመሊካ ኦን ዋዴዳ? ጋጭያ ማይድያ ግምቢያ ጸራና ዳገ ኦላደ፡ ተበጻ ግያ ሳእን እት ማጫውና ዋዳዴ ግደኬ? ያትና፡ ሀንተንጉ ግምቢያኮ ኦያዉ ሸቁድቲ? ያጊደ ኦቹያዋ ግደጥ ኪት ካትያ፡ ና ቆማይ፡ ሂትያ ኦርዮንካ ሀይቁዳ ያጋ” ያጊደ ኦላዜዳ።

22 ከተቲዳዌ ደንዳደ ብ ጋኪደ፡ እየኣበ ባረና ኪቲዳዋ ኡባ ዳዊታዉ ኦዴዳ።

23 ብታኒ ዳዊታ፡ “ኦ ሞርከቲ ኦጥ ዋልቃ ሜድና፤ ኦናና ኦላታናዉ ካታማጥ ጋጻ ደምባ ከሴድና፤ ሸን ኦን ኤንጉቲና ካታማ ጥንግያ ጋካናዉ፡ ጉየ ዛሬደ የደርሴዳ።

24 ሄዋጥ ጉይያን፡ ዋንዳፍያ ዳክያዋንጉ ግምቢያ ጸራና ነ ቆማቱዋ ቦላ ዳኪድና፤ ካትያ አሳቱዋጥ አማራዳዋንጉ ሀይቁድና፤ ቃይ ነ ቆማይ፡ ሂትያ ኦርዮንካ ሀይቁዳ” ያጊዳ።

25 ዳዊተ ከተቲደ ዬዳዳ፡ “ይን እየኣባ ሀዋዳን ያጋ፤ ‘ሀዋ ሀንቀቶገ፤ ኦያዉ ጎጥ፡ ማሻይ እት ገደ ሀዋ፡ እት ገደ ቃይ ሀራ ዋዴዳ፤ ካታማ ኦላደ ኦይቃናዉ ሞኖ ያጋደ ኦ ምን□ላ” ያጊዳ።

26 ኦርዮና ማቻታ ባረ አሰናይ ሀይቁዳዋ ሰሴዳ ዋደ፡ እዉ ዬካዳ።

27 እዛ ካዮትያ ዋዴ ገላቶዋጥ ጉይያን፡ ዳዊተ እዛ ባረ ሶ ኪቲደ እሀሴዳ። እዛ እዉ ማቻቶ ግዳዳ፤ ያታደ እዉ ኦቲማ ናእ የላዳ። ሸን ዳዊተ ኦሌዳ ኪታይ መድና ጎዳ ሰንሳን ኢታባ ግዳዳ።

### 12

#### ናጉን እሄዳ ኪታነ ዳዊታ ናጋራ ገጸላ

1 መድና ጎዳይ ናጋና ዳዊታኮ ኪቲዳ፤ ናጉን እኮ ዪደ፡ ሀዋዳን ያጊዳ፤ “እት ካታማን ላኡ አሳቱ ደእና፤ ኤንጉቲጥ እቲ ዳራ፤ ቃይ እቲ ማንቁዋ።

2 ዱራ ብታንያዉ ዳር ደርሳይን ሚዛይ ደኢ፤

3 ሸን ማንቆ ብታንያዉ እ ሻሚደ ሄምያ እት ደርሳ ማራትጥ ሀራባይ ኦያይን ባዋ። ሄ ደርሳታ አናና ኦ ናናቱዋና ድጫዳ፤ እዛ ኦ ቁማጥ ማዉ፤ ኦ ዋንጫጥ ኡሻዉ፤ ኦ ክወዋን ግሳዉ። ሄ ደርሳታ እዉ ማጫ ናእ ማላ።

4 “እት ጋላሰ እት አማላይ ሄ ዱራ ብታንያ ሶ ዬዳ፤ ሸን ዱራ ባረ ደርሳጥ ዋይ ባረ ሚዛጥ እኪደ ሸኪደ፤ ባረ ሶ ዬዳ አማላ ሞካናዉ ኮይቤና። እ ሄ ማንቆ ብታንያ ደርሳቶ እኪደ፤ ሄ ሶ ዬዳ አማላ ሞዝያዋ ኪሉዳ” ያጊዳ።

5 ዳዊተ ሄ ዱራ ብታንያ ቦላ ሀንቁዋ ኤጽ ከሲደ ናጋና፡ “መድና ጎዳይ ኤር! ሀዋ ኦሌዳ ብታኒ ሀይቃናዉ በሰ።

6 ቃይ እ ሄ ደርሳ ማራት ድራዉ ኦይዴ ኩሸያ አሊደ ጭጋናዉ ኮሽ፤ እያዉ ጎጥ፡ ቃረታ ጳዪደ እ ሄዋ ኦሌዳ” ያጊዳ።



7 ናታን ዳዊታ፡ “ሄ ብታኒ ኔና! መድና ጎዳይ እስራኤልያ ጸሳይ ሀዋዳን ያጌ፤ ታን ኔና እስራኤልያ ቦላ እካደ ካተያድ፤ ሳኦላ ኩሽያፕካ ታን ኔና እሻድ፤

8 ታን ነ ጎዳ ጎልያ ነው እማድ፤ ነ ጎዳ ማጫ እሳቱዋካ ነ ክወዋን የጋድ፤ እስራኤልያ ጎልያ እሳነ ይሁዳ ጎልያ እሳ ታን ነው እማድ። ሀዋ ኡባይካ ጉጾፕ፡ ታን ነው ሀራካ ጉጆ እማና ሸን።

9 ሀዋ ማላ ኢታባ አ ሰንሳን ኦላድ፡ እያው መድና ጎዳ ቃላ ካቆዲ? ሂትያ ኦርዮና ማሻን ዋቆዲ፤ ያታደ አ ማቻቶ ነው እካዳ። ኤ፡ አዋና እሳቱዋ ማሻን አ ዋቆዲ።

10 ኔን ታና ካቆድ፡ ሂትያ ኦርዮና ማቻቶ ነው እኩዳ ድራው፡ ነ ዛርያፕ ማሻይ ኡባካ ሻከተና፡ ያጌ።

11 “ሄዋ ድራው መድና ጎዳይ፡ ታን ነ ሶ እሳ ግደፕ ነ ቦላ ኢታባ አሀር፤ ነ ማቻቱዋ ኔን ጸልሸን ደንሳድ፡ ነው ማታትያ ኡራው እማና፤ ሴታ ጋላሳን ሄ ብታኒ ነ ማጫ እሳቱዋና ግሳናዋ።

12 ኔን ሄዋ ጌማን ኦላዳ፤ ሸን ታን ሀዋ ሴታ ጋላሳ እስራኤልያ እሳ ኡባ ሰንሳን ኦላና፡ ያጌ” ያጌዳ።

13 ዳዊተ ናታና፡ “ታን መድና ጎዳ ቦላ ናጋራ ኦላ ክቻድ” ያጌዳ። ናታና፡ “መድና ጎዳይካ ነ ናጋራ አቶ ግ ድጌዳ፤ ኔን ሀይቃካ።

14 ኔን ሀዋ ኡዳድ፡ መድና ጎዳ ሞርከቱ አ ካቆናዳን ኦሌዳ ድራው፡ ነው የለቲዳ ናአይ ሀይቃና” ያጌዳ።

15 ናታን ባረ ሶ ቤዳዋፕ ጉይያን፡ ኦርዮና ማቻታ ዳዊታው የሌዳ ናአ መድና ጎዳይ ሾጭና አ ሀርጌዳ።

16 ዳዊተ ሀ ናአው ጸሳ ዋሴዳ፤ ዳዊተ ካላ ሜናን ጸሜዳነ ባረ ሶ ገሊድ፡ ቃማ ቃማ ቢታን ግሰ አቄዳ።

17 አ ሶ ጭማቱ አ ቢታፕ ደንሳናው አ ማታን ኤቄድና፤ ሸን ቢታፕ ደንደናን እጹዳ፤ አ ኡንቱንቱና ቁማ ሞቤና።

18 ላፕንሳ ጋላሳ ናአይ ሀይቄዳ። ዳዊታ ቆማቱ ናአ ሀይቄዋ ኦዳናው ያዬድና፤ “ናአይ ፓጾ ደእሸን ኩን ዳዊታ ሃሳይሴዳ፤ ሸን ሰሰናን እጹዳ። ያትና፡ ናአይ ሀይቄዳዋ ኩን አው ዋቲደ ኦዳናው ዳንዳየቶ? ኦን ኤራ፡ አ ባረና ቆሀነንቶን” ያጌድና።

19 ባረ ቆማቱ እቱ እቱዋና ሳሱከትያዋ ዳዊተ በኤዳ ዋድ፡ ቄር ናአይ ሀይቄዳዋ ኤራዳ። ዳዊተ ኡንቱንታ፡ “ቄር ናአይ ሀይቄዳ?” ያጌደ ኦቹዳ።

ኡንቱንቱ፡ “ኤ ሀይቄዳ” ያጌድና።

20 ዳዊተ ቢታፕ ደንድ ኤቄዳ። ሜጫቲድ፡ ኦከቲደነ ባረ ማየዋ ላሚድ፡ መድና ጎዳ ጎልያ ገሊድ፤ ጎይኔዳ። ሄዋፕ ጉይያን ባረ ሶ ቢድ፡ ቁማ ኦቻና ኡንቱንቱ አ ሰንሳ አሌድና፤ ቁማ ሜዳ።

21 አ ቆማቱ እ፡ “ኔን ሀዋዳን እያው ሀናድ? ናአይ ፓጾ ደእሸን ጸማዳነ ዬካዳ፤ ሸን ናአይ ሀይቄና ደንዳድ፡ ቁማ ማዳ!” ያጌድና።

22 ዳዊተ ኡንቱንታ፡ “ናአይ ፓጾ ደእሸን ታን ጸማድነ ዬካድ፤ እያው ጎፕ፡ ሓን ኤራ፡ መድና ጎዳይ ታና ማርና፡ ናአይ ፓጻነንቶን” ያጋደ ቆፓድ።

23 ሸን ናአይ ሀእ ሀይቄና፡ ታን እያው ጸዋ? ታን ናአ ጉዩ ዛራና ዳንዳይይታ? ታን እኮ ባናፕ እትና፡ አ ታኮ ሰመና” ያጌዳ።

24 ሄዋፕ ጉይያን፡ ዳዊተ ባረ ማቻቶ በርሳቤሆ ሞን፳ዳ። ዳዊተ ኢኮ ገሊደ እከና አቄዳ፤ ያትና፡ አ እው እቱዋ ናአ የላዳ፤ ናአ ሶሎሞና ሱንጹዳ፤ መድና ጎዳይ ሄ ናአ ሰቄዳ።

25 መድና ጎዳይ ናአ ሰቄዳ ድራው፡ ናአ “ይዲድያ” ገደ ሱንሳና ማላ፡ ትምቢትያ ኦድያ ናታና ቦላ ከቲዳ።

### ዳዊታ መቱዋነ ቱጋ

(2 ሳሜላ 12:26—20:26)

ዳዊተ ራባ ካታማ ኦሊደ ኦይቄዳ

(1 ኦዲዋ 20:1-3)

26 ሄ ዋደ ዮአበ አሞናቱዋ ካታማ ራባ ኦለቲድ፡ ካትያ ጌሱዋ ኦይቄዳ።

27 እዮአበ ዳዊታኮ ከታ የዲድ፡ “ታን ራባ ካታማ ኦላድ፡ ሃላ ዲቄያ ሳአ ኦይቃድ።

28 ሄዋ ድራው፡ አቲዳ ኦላንቻቱዋ ሸሻደ ካታማ ኦላደ ኦይቃ። ሄዋ ቆየፕ፡ ታን ካታማ ኦይቃይ። ያቶፕ፡ አ ታ ሱንሳን ጸገታና” ያጌዳ።

29 ዳዊተ ባረ ኦላንቻቱዋ ኡባ ሸሸድ፡ ራባ ካታማ ቢድ፡ ኦለቲደ ኦይቄዳ።

30 ኡንቱንቱ ካትያ ካላቻካ አ ሁጲያፕ እኩዳ። ሄ ዋርቃ ካላቻይ ሀታማነ ኦይዱ ከሎ ግራሞያ ዴዴ፤ አ ግደን አልኦ ሹቻይ ደኤ። ሄ ካላቻ ዳዊታ ሁጲያን ዋሌዳ። ካታማፕ ሎይሰ ዳር ኦሞዲዋ ዳዊተ ኦሞዲደ እሄዳ።

31 ሄ ካታማ እሳ ሆፕ ከሲደ፣ ማጋዘያን፣ ብራታ ሻልክያንን ብራታ ካልታን ኦላናዳን ኦሌዳ፤ ቃይ ኦንቱንታ ኡርቃፕ ጸ-ብሆ ማጋናዳን ኦሌዳ። አሞናቱዋ ካታማቱዋ ኡባን ደእያ እሳ እ ሄዋዳን ኦሌዳ። ሄዋፕ ጉይያን፣ ዳዊተነ እ ኦላንቻቱ ኡባይ የሩሳላሙ ሰሜድና።

# 13

## አሞናና ታማሮ

1 እት ዋይ ሀዋዳን ሀኔዳ። ዳዊታ ናእ አበሰሎማው ታማሮ ግያ እት ማላ ሎኦ ሞቻታ ደእው፤ ዳዊታ ናእይ አሞናን ታማሮ ሲቈዳ።

2 እ ሞቻታ ታማራ ዋይሮ ግዴዳ ድራውነ እ እዞ እይነ ኦላናው ዳንዳየናባ እው ማላቴዳ ድራው። አሞናን ታማሮ ቆፒደ ግልቁዳ።

3 ሸን አሞናናው ዳዊታ እሻ ሻማ ናእ ዮናዳባ ጌተትያ ላጊ ደእ፤ ዮናዳብ ዳር ሂላንቻ እሳ።

4 ዮናዳብ አሞናና፣ “ኔን ካትያ ናእ፤ ያትና፣ ጋላሰ ጋላሰ እያው ግልቃይ? ኔን ታው እያው ኦሊኪ?” ያጊደ ኦቹዳ።

5 ሸን አሞናን ኦ፣ “ታ እሻ አበሰሎማ ሞቻቶ ታማሮ ታን ዳሳይ” ያጊዳ።

6 ዮናዳብ አሞናና፣ “ባ፤ ሳከትያዋ ማላታደ ግሱዋን ግሳ ባሻ። ነ እው ኔና በእናው ይያ ዋይ፣ ታ ሞቻታ ታማራ ያደ ታው ሞያባ እሙ፤ ታን እዞ ጸልሸን ቁማ ታ ሰንላን ካላደ ታና ባርሱ” ያጊደ ኦቻ” ያጊዳ።

7 አሞናን ሳከቴዳዋ ማላት ቢደ ግሱዋን ግሴዳ። ካቲ እ በእናው ዬዳ ዋይ፣ አሞናን ኦ፣ “ታ ሞቻታ ታማራ ያደ፣ ታው እት ሎኦ ኡክሳ ታ ጸልሸን ኡካንቶነ ታን እ ኩሽያፕ ምንቶ ዳሳይ ሸን” ያጊዳ።

8 ዳዊተ ታማሮኩ ካትያ ሶ ከቲደ፣ “ነ እሻ አሞና ሶ ሀእ ባይ፣ እው ቁማ ካላ” ያጊዳ።

9 ታማራ ባረ እሻ አሞናና ሶ ባዱ፤ ሄ ዋይ እ ግሴዳ። ታማራ አማራዳ ጲልያ ሙናቃደ፣ አሞናን ጸልሸን ኡክሳ ኡካዳ።

10 ታማራ ባሸያፕ ኡክሳ ከሳደ እው አላዳ፤ ሸን እ ሜናን እጾዳ።

አሞናን፣ “አሳ ኡባ ሀዋፕ ከሰ ድግተ” ያጊዳ፤ አሳይ ኡባይ እ ማታፕ ከሴዳ።

11 ሄዋፕ ሰሚደ አሞናን ታማሮ፣ “ታን ነ ኩሽያፕ ማናዳን ቁማ ሃ ታ ሲርጸ አካደ ያ” ያጊዳ፤ ታማራ ባረ ኡኩዳ ኡክሳ አካደ፣ ባረ እሻ አሞናና ሲርሳ ገልሳዳ።

12 ታማራ ቁማ እኮ ሸሼዳ ዋይ፣ እዞ ኦይቁደ፣ “ታ ሞቻታ፣ ሃያ! ታናና ግሳ” ያጊዳ።

13 እዛ፣ “ታ እሻው፣ ክቻ ሀነና! ታና ዋልቃንፊፕ! ሀዋ ማላባይ እሰራኤልያ ቢታን ኦሰታናው በሰናባ፤ ሀዋ ማላ ኡታባ ኦልፕ።

14 ታ ፕሱዋ ታን ዋታደ ገንሳናው ዳንዳያይታ? ቃይ ኔንካ እሰራኤልያ ግድን ካውሻ አሳ ግዳና። ሀያና ካትያ ሀእ ኦቻ። እ ታን ኔና ገላናው ድገና” ያጊዳ።

15 ሸን እዛ ኦድያዋ ሰሰናን እጾዳ። እ ኡፕ ዋልቃማ ግድያ ድራው፣ እዞ ዋልቃን ኦይቁደ ባይዜዳ።

16 ሄዋፕ ጉይያን፣ አሞናን እዞ ሎይሰ እጾዳ፤ ካሰ እዞ ሲቁዳዋፕ አሉደ እጾዳ። አሞናን እዞ፣ “ከሳ! ከሳደ ባ!” ያጊዳ።

17 እዛ፣ “ቢከ! ኔን ታና ሀእ ካረ የደርሰያ ባላይ ኔን ሀሮ ጋካናው ታ ቦላ ኦሌዳ ባላፕ አዴ” ያጊዳ።

18 ሸን እ እዘው ሰሰናን እጾዳ።

19 አሞናን ባረ ቆማ ጸሴደ፣ “ሀ ሞሽራቶ ታ ሰንላፕ ከሳ፤ እዞ ካረ ከሳ ድጋይ፣ ካርያ ጎርዳ” ያጊዳ።

20 ቆማይ ሞሽራቶ ካረ ከሲደ፣ ካርያ ጎርዳዳ።

እ ዳር አሌቁዋና ደእያ ማየዋ ማያዱ፤ እያው ጎፕ፣ ካትያ ማጫ ናናይ ዋድራቱ ሄዋ ማላ ማየዋ ማየዳ።

21 ታማራ ብድንሳ ባረ ሁጲያን ቆላደ፣ ባረ ማዬዳ አሌቁዋና ደእያ ማየዋ ፔቆዳ፤ ባረ ሁጲያ ኦይቃደ፣ ዋሱዋ ጸላደ ባዱ።

22 እ እሻ አበሰሎሞ እዞ በኤዳ ዋይ፣ “ነ እሻይ አሞናን ኔና ባይዜዳ? ታ ሞቻተ፣ ኔን ሀእ ጮኡ ጋ። እ ነ እሻ፤ ሀ የወዋ ኔን ኡሉዋን ኦይቆፕ” ያጊዳ። ሄዋ ድራው፣ ታማራ ካዮታደ ባረ እሻ አበሰሎሞ ሶን፣ እሳን ጋከተናን ደእዳ።

23 ካቲ ዳዊተ ሀ የወዋ ሰሴዳ ዋይ፣ ሎይሰ ሀንቀቴዳ።

24 አበሰሎሞ አሞናናው ማልኡዋ ጫሙዋካ ቃትቤና። ባረ ሞቻቶ ታማሮ ባይዜዳ ድራው፣ አሞናና ሞርኬዳ።

23 ላኡ ላይሳተ ጉይያን፣ ኤፍሬማ ዛዋ ማታን ባኑል-ሀጸራ ግያ ሳኒን አበሴሎም ድርሳ እስክያ ሜድሴ፤ ካትያ ናናይ ኡባይ ሂ ሳኦ ያናዳን አበሴሎም ኡንቴንታ ጸሴዳ።

24 አበሴሎም ካትያኮ ዪደ፣ “ታ ካትያወ፣ ታን ነ ቆማይ ታ ድርሳቱዋ እስክያ ሜድሳይ፤ ኔን ነ ኦሳንቻቱ ኑናና ደንደርክተ!” ያጌዳ።

25 ካቲ አበሴሎም፣ “ቱይት ታ ናከወ! ኑን ኡባይ ቦፕ፣ ነወ ቶኮ ግዳናዋ” ያጌዳ። አበሴሎም ካትያ ዳርፐ ሾቤዳ፤ ካቲ ቡሳ እጾዳ፤ ሽን አበሴሎማ እንጄዳ።

26 አበሴሎም ካትያ፣ “ኔን ባና ጳዮፕ፣ ታ እሻ አምኖን ኑናና ቦ” ያጌዳ። ካቲ፣ “ኦ ኔናና እያወ ባኔ?” ያጌዳ።

27 ሽን አበሴሎም ሾቤደ እገናን እጽና፣ ዳዊተ አምኖናን ባረ አቱማ ናና የንኩቱዋ አናና የዴዳ።

28 አበሴሎም ባረ ቆማቱዋ፣ “ሰሰተ! አምኖን ዋይንያ ኤሳ ኡሺደ ካልያ ዋይን ታን ሀንተንታ፣ ሓምኖና ሾጭተ” ያግግ ዋደ፣ ሀንተንቱ አ ዋድተ። ያዮፕተ! ሀንተና አዛዜዳዊ ታና። ሞንተ! ጻልተ!” ያጌደ አዛዜዳ።

29 አበሴሎማ ቆማቱ እ አዛዜዳዋዳን አምኖና ኦፊድና። ሄዋፕ ጉይያን፣ ካትያ አቱማ ናናይ ኡባቱ ደንደደ፣ ባረንቱ ባቁሉዋ ባቁሉዋ ቶጊደ ባቃቱድና።

30 ኡንቴንቱ ብር ኦግያን ደእሸን፣ “አበሴሎም ካትያ ናና ኡባ ወርሴዳ፤ ኡንቴቱፕ አቱን አትቤና” ጌተትያ ኦዱ ዳዊታኮ ጋኬዳ።

31 ካቲ ደንድ ኤቁደ፣ ካዮ ባረ ማዩዋ ፔዲዳ፤ ያቲደ ቢታን ግሴዳ። አ ቆማቱ ኡባቱካ ባረንቱ ማዩዋ ፔዲደ፣ አ ማታን ኤቁድና።

32 ዳዊታ እሻ ሻማ ናኦይ ዮናዳብ፣ “ታ ጎዳወ፣ ኡንቴንቱ ካትያ ናና ኡባ ዋድ ድጌድና ጋደ ቆፖፓ፤ አምኖና ጸላላይ ሀይቁዳ። እያወ ጎፕ፣ አምኖን ባረ ሞቻቶ ታማር ባይዜዳ ጋላሳፕ ደሚደ፣ አበሴሎም አ ቦላን ፖላናወ ሀልቼዳዋ ግዴዳ።

33 ሀእካ ታ ጎዳይ ካቲ ባረ ዋዛናን፣ ሓትያ ናናይ ኡባቱ ሀይቁድና፣ ያጊደ ኦዴዳ ኦዱዋ ቱማ ጎፖ፤ አምኖና ጸላላይ ሀይቁዳ።” ያጌዳ።

34 ሄ ዋደ አበሴሎም ባቃቱዳ።

ናግያ ብታኒ ቶቁ ጊደ ጾልያ ዋደ፣ ባረፕ አዋይ ወልያ ባጋና ደእያ ኦግያና ድርያ ላንቁያ ላይቁደ፣ ጮራ አሳይ ይያዋ በእደ ካትያወ ኦዴዳ።

35 ሄ ዋደ ዮናዳብ ካትያ፣ “በእ! ታን ነ ቆማይ ኦዴዳዋዳን ካትያ ናናይ ዬድና” ያጌዳ።

36 አ ሃሳዪደ ወርሰና ካትያ ናናይ ገሊደ ባረንቱ ቃላ ቶቁ ኦሊደ ዋሴድና። ቃይ ካቲን አ ኦሳንቻቱ ኡባይ ይባታ ዬኩዋ ዬኬድና።

37 አበሴሎም ባቃቲደ፣ አምሁዳ ናኦ ታልማያኮ፣ ጋሹራ ቢታ ካትያኮ ቤዳ፤ ሽን ካቲ ዳዊተ ኡባ ጋላሰ ባረ ናከወ ዬኬዳ።

38 አበሴሎም ባቃቲደ ጋሹራ ጋድያ ቤዳዋፕ ጉይያን፣ ያን ሄዘላ ላይሳ ደኤዳ።

39 ካቲ ዳዊተ አበሴሎማ በእናወ አምቲዳ፤ እያወ ጎፕ፣ አምኖና ሀይቆ ካዮትያዋፕ አ ሞንቲዳ።

# 14

## አበሴሎም የሩሳላሙ ሰሚዳ

- 1 ጻሩና ናኦይ እዮኦበ ካቲ ዳዊተ አበሴሎማ ላሞቲዳዋ ኤሬዳ።
- 2 ሄዋ ድራወ፣ ዮኦበ ታቆእ ካታማ ኪቲደ፣ ያፕ እት ኤሬንቻ ሞሽራቶ አህሲደ እዘ፣ “ኔን ካዮትያ አሳዳን ሀር፤ ካዩዋ ማዩዋ ማያ፤ ሽጮሰያዋ ኦኩቶፓ፤ ዳር ዋደፕ ደሚደ፣ ሀይቁዳ አሳወ ካዮትያ ማጫ አሳዳን ሀር።
- 3 ያታደ ካትያኮ ባደ ሀ ቃላቱዋ አወ ኦዳ” ያጌዳ። እዮኦበ አ ካትያወ ኦዳናዋ እዘወ ኦዴዳ።
- 4 ታቆእ ካታማ ሞሽራታ ካትያኮ ቤዳ ዋደ፣ ቢታን ግሳ ጉፋናደ፣ “ካትያወ፣ ታና ማዳርኪ!” ያጋደ።
- 5 ካቲ እዘ፣ “ኔና እዬ ሙቱዳዊ?” ያጊደ ኦቼዳ።
- 6 እዘ፣ “ታን አሰናይ ሀይቁዳ ማጫ አሳ።
- 7 ታወ ነ ቆማትወ ላኡ አቱማ ናናይ ደኤዳ። ኡንቴንቱ እቱ እቱዋና ደምባን ዋግቴድና፤ ኡንቴንታ ሻካናወ እት አሳይን ጳይና፣ እቱ የንኩዋ ሾጪደ ዋዴዳ።
- 8 ሀእ ታ ዳቦቱ ኡባይ ታ ቦላ ደንደደ፣ “ባረ እሻ አ ዋዴዳ ድራወ፣ ኑን አ ዋዳናዳን ባረ እሻ ዋዴዳዋ ኑወ ሀማ፤ ያቲደ ኑን ላትያዋ ጳይሳና ያጌድና።” ያቶፕ፣ ኡንቴንቱ ታወ ላታወ እቱዳ እት ጸፋ ቶይሴና፤ ታ አሰና ሱጎላካ አ ዘረላ ቢታፕ ጳይሴና” ያጋደ።
- 9 ካቲ ሄ ሞሽራቶ፣ “ኣ ሶ ባ፤ ታን ነወ አዛዛና” ያጌዳ።
- 10 ሽን ታቆእ ካታማ ሞሽራታ ካትያ፣ “ታ ጎዳወ ካትያወ፣ ጎማ ታናን ታ እወዋ ጎልያ አሳ ኦይቆ፤ ሽን ካቲን አ ካወተላ አራታይ ጌሻ ግደ” ያጋደ።

10 ካቲ ሞሽራቶ፣ “ነ ቦላ ቃላ ቃትያ ኦናነ ታኮ እሀ፤ እ ኔና ላኢነጎላ ቦቼና” ያጌዳ።

11 ሞሽራታ ካትያ፣ “ሱላ እቅያዌ ባሻ ቦላ ባሻ ጉጀናዳንነ ታ ናኣካ ዋርዳዳን ካቲ መጅና ጎዳ ባረ ጸሳ ሰንገላን ታዉ ጫቆ” ያጋዳ።

ካቲ እዞ፣ “መጅና ጎዳይ ኤሮ! ነ ናኣ ሁጲያ ብናናፕ እቲካ ቢታን ዋርና” ያጌዳ።

12 ሄዋፕ ጉይያን፣ ሞሽራታ ካትያ፣ “ታ ጎዳ ካትያዉ ታን እት ቃላ ሃሳያይ” ያጋዳ።

ካቲ፣ “ሃሳያ” ያጌዳ።

13 ሄ ሞሽራታ ካትያ፣ “ያትና፣ ኔን ጸሳ እሳ ቦላ ሀዋ ማላ እያዉ ኦላዳ? ካቲ የደርሰዳ ባረ ናኣ ጉየ ዛርቤና ድራዉ፣ ባረ ሃሳይዳ ቃላዉ ካቲ ባይዛንቻ ግደኔ?

14 ኑን ኡባይ ሀይቃና፤ ቢታን ጉኩዳ ሃሳይ ሰመናዋዳን፣ ኑን ላኢነጎላ ሰሞኮ። ሽን ጸሳይ ቦሄቴዳ አሳይ ኡባካ ቆየና ማላ፣ እዉ ኦግያ ጊገቤፕ አትና፣ እ ጮ ቆያናዳን ኮየና።

15 “ታና አሳይ ያሽሰያ ድራዉ፣ ታ ጎዳዉ ካትያዉ ታን ሀዋ ኦዳናዉ ሀእ ያድ። ታን ነ ቆማታ፣ ታን ካትያዉ ሃሳያና፤ እን ኤሪ፣ ታን አ ቆማታ ኦቅያዋ ካቲ ፖላነንት፤

16 ጸሳይ ኑዉ እማዳ ላታፕ ታናነ ታ ናኣ ቆይሳናዉ ኮይያ አሳ ኩሽያፕ ካቲ ሰሲደ አሻነንቶን” ያጋደ ቆፓይ።

17 ቃይካ ታን ነ ቆማ፣ “ሎኡዋን ኢታ ሻካናዉ ታ ጎዳይ ካቲ ጸሳ ኪታንቻ ማላ ግድያ ድራዉ፣ ታ ጎዳ ካትያ ቃላይ ታና ዋፕሶ። መጅና ጎዳይ ነ ጸሳይ ኔናና ግደ” ያጋይ።

18 ካቲ ሞሽራትዉ፣ “ታን ኔና ኦቻና ሀንያባ ዛሩዋ ኔን ታፕ ቆሶፓ” ያጌዳ።

ሞሽራታ፣ “ታ ጎዳይ ካቲ ሃሳየ” ያጋዳ።

19 ካቲ ሞሽራቶ፣ “ሄዋን ኡባን እዮኣባ ኩሺ ኔናና ደኢ?” ያጌደ ኦቼዳ።

ሞሽራታ፣ “ታ ጎዳዉ ካትያዉ፣ ነ ሽሞፑ ኤሮ! ኔን ታ ጎዳይ ካቲ ሃሳይዳ ኡባባፕ ኡሽቻ ዋይ ሀድርሳ ጋናዉ ዳንዳይያ እት አሰካ ባዋ። ኤ፤ ሀዋ ታና አዛዜዳዌ፣ ታ ደናን፣ ነ ቆማት ደናን ሀዋ ዋልዳዌ ነ ቆማ እዮኣባ።

20 ሀእ ደእያ ሀናታ ላማናዉ ነ ቆማይ እዮኣባ ሀዋ ኦሎዳ። ጸሳ ኪታንቻዉ ደእያ እዴዳ ኤራ ማላይ ታ ጎዳዉ ደኤ፤ ቢታን ሀንያዋ ኡባባ እ ኤራዳ” ያጋዳ።

21 ካቲ እዮኣባ፣ “ዳሮ ሎእ! ታን ሀዋ ኦላና! ባ፤ ሄ ያላጋ ብታንያ አበሰሎማ እካደ ያ” ያጌዳ።

22 እዮኣባ ካትያ ሰንገላን ግሰ ጉፋኒደ፣ ካትያ ሀዋዳን ያጌደ እንጂዳ፤ “ታ ጎዳዉ ካትያዉ፣ ነ ሰንገላን ናሽቴዳዋ ነ ቆማይ ሀቼ ኤራዳ፤ እያዉ ጎፕ፣ ካቲ ባረ ቆማይ ኦቼዳዋ ሰሲዳ” ያጌዳ።

23 ሄዋፕ ጉይያን፣ ዮኣባ ደንዲደ ጋሹራ ጋድያ ቢደ አበሰሎማ የሩሳላመ እክ ዬዳ።

24 ሽን ካቲ፣ “ኣ ባረ ሶ ባናዉ በሰ፤ እ ታ ዳሙዋ በኦፖ” ያጌዳ፤ አበሰሎም ባረ ሶ ቤዳ፤ ካትያ ዳሙዋካ በእቤና።

**ዳዊት አበሰሎማና ሰገቱዳ**

25 አሰራኤልያ ኡባ ግደን ማላ ሎኤን አበሰሎማዳን ሳብቴዳ እት አሳይነ ባዋ። አ ሁጲያፕ ቢደ ገድያ ጸጉንጎይ ጋካናዉካ እን ካቲያባይ ባዋ።

26 እ ባረና ዳጽያ ዋደ ባረ ሁጲያ ብናና ቃንጽሴ፤ ባረ ሁጲያ ብናና ቃንጽሰያ ዋደ ኡባን ሚዛንያን ዋልደ ማዛኔ፤ ካትያ ሚዛና ልክያን ላኡ ክሎን ሄዙ ጸቴ ግራሞያ ዳዴ።

27 አበሰሎማዉ ሄዙ አቲማ ናናይነ እት ማጫ ናታ የለቴድና፤ ማጫ ናት ሰንጎይ ታማሮ፤ ሄ ናታ ማላ ሎኦ ማጫ አሳ ግዳዳ።

28 አበሰሎም ላኡ ላይሳ ኩሙንጎላ ካትያ ዳሙዋ በኤናን የሩሳላመን ደኤዳ።

29 “ታን ኔና ካትያኮ ኪታና ማላ፣ ታኮ ሃያ” ያጌደ አበሰሎም እዮኣባዉ ኪቴዳ፤ ሽን እዮኣባ ዬናን እጹዳ። ላኢነጎላዋካ ኪቴዳ፤ ሽን እዮኣባ እኮ ዬናን እጹዳ።

30 ሄዋፕ ጉይያን፣ አበሰሎም ባረ ቆማቲዋ፣ “ሰሰተ! ታ ጎሻ ማታን እዮኣባዉ ጎሻይ ደኤ፤ እዉ ሄዋን ባንጋይ ደኤ። ቢደ ታማ ኦይሰተ” ያጌዳ። አበሰሎም ቆማቲ እዮኣባ ባንጋ ታማ ኦይሰቴና።

31 ያትና፣ እዮኣባ ደንዲደ፣ አበሰሎም ሶ ቢደ “ካ ቆማቲ ታ ባንጋ እያዉ ታማ ኦይሰቴና?” ያጌዳ።

32 አበሰሎም እዮኣባ፣ “ኔን ታን ኪትና ዬናን እጹዳ ድራሳ። ኔን ካትያኮ ባደ፣ ኣአበሰሎም ሀዋዳን ያጌ፤ “ታን ጋሹራ ጋድያፕ እያዉ ያድታ? ታን ሀና ጋካናሰካ ያን ደኤዳዋ ግድንቶ ታዉ ሎኦ ሽን” ያጌ፣ ጋይ ታዉ ኦቻናዳን ኮያድ። ሀእካ ታን ካትያ ዳሙዋ በእናዉ ኮያድ፤ ታን ባይዛንቻ ግደፕ፣ እ ታና ዋቆ” ያጌዳ።

33 እዮኣባ ካትያኮ ቢደ፣ አበሰሎም ጌዳዋ ኦዳዳ። ካቲ አበሰሎም ዴሰሰና አበሰሎም ሶ ገሊደ፣ ካትያ ሰንገላን ሳኣን ግሲደ ጎይኔዳ፤ ያትና፣ ካቲ አበሰሎም የራዳ።

# 15

## አበሰሎማ ማቁዋ

1 ሄዋጥ ጉይያን፣ አበሰሎማ ፓራ ጋርያ፣ ፓራቱዋነ ባረ ሰንገላን ዋዳናዉ እሻታሙ አሳቱዋ ገግሴዳ።

2 አበሰሎማ ዋንታ ጉራና ደንዲደ፣ ካታማ ጥንገ አፍያ ኦግያ ደናን ኤቁ። ዋቱ ደእያ አይ አሳይን ካትያ ሰንገላ ፕርዳዉ ዬዳ ዋደ፣ አበሰሎማ ሄ ብታንያ ዴሴደ፣ “ኔን ሀቃ ካታማጥ ያድ?” ያገደ ኦቹ። ሄ ብታኒ፣ “ታን ነ ቆማይ እሰራኤልያ ዛራቱዋጥ እቱዋጥ ያድ” ያገደ እዉ ዛሪ።

3 አበሰሎማ እ፣ “በእ! ነ የዉ ሎእነ ሱረ፤ ሽን ካትያ ባገገ ነዉ ሰሰያዊ ባዋ” ያገ።

4 አበሰሎማ ጉጂደካ፣ “ታን እሰራኤልያ ቢታን ፕርዳናዉ ሱጉግቴዳዋ ግዳርክታሻ! ሄዋ ግድንት፣ ዋቱ ዋይ የዉ ደእያ ኡባይ ታኮ ዪና፣ ታን እዉ ሱረ ፕርዳ ፕርዳና ሽን” ያገ።

5 ኦንነ አኮ ዪደ እዉ ሆክያ ዋደ፣ አበሰሎማ ባረ ኩሽያ የዲደ፣ ሄ ኡራ ኦይቂደ የራ።

6 ፕርደታናዉ ካትያኮ ይያ እሰራኤልቱዋ ኡባዉ አበሰሎማ ሄዋዳን ሀኔዳ፤ ያቲደ እሰራኤልያ አሳ ዋዛና አበሰሎማ ዉኤዳ።

7 ኦይዳ ላይሳጥ ጉይያን፣ አበሰሎማ ካትያ፣ “ታን መድና ጎዳዉ ሺቁዳዋ ጋላናዉ ከብርነ ጋድያ ባና።

8 ታን ነ ቆማይ ገሽራ ጋድያን ሶርያ ቢታን ደእደ፣ ታና መድና ጎዳይ የሩሳላመ ጉየ አፍያዋ ግደጥ፣ ከብርነ ካታማን ታን መድና ጎዳዉ ጎይናና ያገደ ሺቃ ኡታድ” ያገ።

9 ካቲ አበሰሎማ፣ “ሳር ባ” ያግና፣ እ ደንዲደ ካታማ ቤዳ።

10 ሽን አበሰሎማ እሰራኤልያ ዛራቱዋ ኡባኮ ቆሱዋን ኪታ የዲደ፣ “ማላካታ ፑና ሀንተንቱ ሰሴዳ ዋደ፣ አበሰሎማ ከብርናን ካታቴዳ ያግተ” ያገደ።

11 አበሰሎማ ዴሴና፣ የሩሳላመጥ አናና እትጥ ቤዳ እማላቱ ላኡ ጴቱ አሳ፤ ሄ አሳቱ አይነ ኤረናን ጮ አሽከተላን ቤድና።

12 አበሰሎማ ያርሹዋ ያርሹደ፣ ዳዊታ ዘርያ አክጸፊላ ጊሎ ካታማጥ ዴሰሴዳ፤ ካትያ ቦላ ደንዲደ ማቁ ጎቤዳ፤ አበሰሎማ ካልያዋንቴካ ጮራት ጮራት ቤድና።

## ዳዊተ የሩሳላመጥ ባቃቱዳ

13 እት ከተቲዳዊ ዪደ ዳዊታ፣ “እሰራኤልያ አሳ ዋዛናይ አበሰሎማኮ ሰዎ ክቼዳ” ያገደ።

14 ሄዋጥ ጉይያን፣ ዳዊተ ባረናና እትጥ የሩሳላመን ደእያ ባረ ኦሳንቻቱዋ፣ “ደንድተ! ኦን ባቃቶይተ! ሄዋ ጳዮጥ፣ ኦ ግጥ እይ አሳይነ አበሰሎማጥ ከሰ አከና። ኦን ኤሌሊደ ባና ኮሼ፤ ሄዋ ጳዮጥ፣ እ ኤሌል ዪደ ኦና ጳይሳና፤ ኦ ካታማ ማሻን ቡሳካና” ያገደ።

15 ካትያ ኦሳንቻቱ እ፣ “ኔን ኦ ጎዳይ ካቲ ደራዳ ኡባባ ኦን ነ ቆማቱ ኦላናዉ ገግ ኡቲደ” ያገደና።

16 ካቲ ከሰደ ቤዳ፤ እ ሶ አሳይ ኡባይ አናና እትጥ ቤዳ፤ ሽን ባረ ጎልያ ናጋናዳን ታሙ ባኮቱዋ አሹዳ።

17 ካቲ ከሰና፣ አሳይ ኡባይ አናና ቤዳ፤ ካታማዉ ዉርሰላ ጎልያ ላንቂያን ኤቁድና።

18 እ ኦሳንቻቱ ኡባይ አጥ ሰንገላና ሳልፒደ አጭድና፤ ኡንቱንታ ካሊደ ካትያ ናግያዋንቱ (ካልታዋቱነ ፓልታዋቱ) ሳልፒድና፤ ቃይ ኡንቱንታ ካሊደ ጋተ ካታማጥ ዬዳ ኡሎፑን ጴቱ አሳቱ፣ ካትያ ሰንገላና ሳልፒደ አጭድና።

19 ካቲ ጋትያ እታያ፣ “ኔን ኦናና አያዉ ያይ? ጉየ ሰማደ፣ ካትያ አበሰሎማና ደእሻ። ኔን አሳ ቢታ አሳ፤ ኔን በተ።

20 ኔን ሳእ ዝኖ ያዳ፤ ታን ታ ሁጲያዉ ብያሳእ ኤረናን ደእደ፣ ኔና ሆቼ ዋታደ ታናና ዩሾ? ጉየ ሰማ፤ ነ ጋደ አሳቱዋካ ኔናና አፋ። ጸሳይ ነዉ ኬኮነ አማነቶ!” ያገደ።

21 እታይ ካትያ፣ “መድና ጎዳይ ኤር! ታ ጎዳይ ካቲ ኤር! ታ ጎዳይ ካቲ ደእያ ሳእን ሀቃን ግድናካ፣ እ ታዉ ሀይቆ ግድና፣ ፓጸ ግድናካ፣ ታን ነ ቆማይ ኔናና ደእና” ያገደ።

22 ዳዊተ እታያ፣ “ሎእ! ባደ ሳልፓ” ያገደ፤ ግታትያ እታይ ባረ አሳቱዋ ኡባናን ባረ ሶ አሳ ኡባና ሳልፒደ።

23 ሄ ኡባ አሳይ አጭሽን፣ ሄ ጋደ አሳይ ኡባይ ባረንቱ ቃላ ቶቂሲደ ዩኬድና፤ ካቲ ቀድሮና ሻፋ ፕዬዳ፤ አሳይ ኡባይካ ባዙዋ ሰሚደ ቤዳ።

24 ቁሰያ ጸደቅካ ሄ ሳእን ደኤ፤ ጸሳ ቃላ ጫቁዋ ታቦታ ቶክያ ሊዋቱካ አናና እትጥ ደእና። አሳይ ኡባይ ካታማጥ ከሰ ዉራና ጋካናዉ፣ ጸሳ ታቦታ ቢታን ዋልና፣ ቁሰያ አብያታሪ ያርሹዋ ያርሹዳ።

25 ሄዋጥ ጉይያን ካቲ ጸደቃ፣ “ጸሳ ታቦታ ካታማ ጉየ አፋ። መድና ጎዳይ ታናን ናሽትያዋ ግደጥ፣ ታና እ ዛረሐ እሂደ፣ ባረ ታቦታን ባረ ደእያ ሳእ ላኡንሉዋ በሳና።

26 ሽን እ፣ ታን ኔናን ናሽትከ ጎጥ፣ ኣ ባረና ሎእያዋ ኦላ፤ ታን ሀዋን ደእይ” ያገደ።

27 ቃይካ ካቲ ቁሰያ ጸደቃ፣ “ሰሳ፤ ኔን ነ ናእ አሀማእጸን አብያታራ ናእ ዮናታና አኬዳ ካታማ ሳር ባ።

- 28 ህንተንቱ ታና ኤርሳናው ቃላ ኪታና ጋካናው፡ ታን ዎራን ደእያ ሻፋ ጥኑዋን ደእሻና” ያጌዳ።
- 29 ሄዋ ድራሬ፡ ጸደቅን አብያታረ ጸሳ ታቦታ የሩሳላመ ገዮ እፌድና፤ ያን ደኤድና።
- 30 ሽን ዳዊተ ዬኪደ ዳብረ ዛይተ ዩደሳ ከሴዳ፡ እ ካዮ ባረ ሁጲያ ጉሎት ኡቲዳ፤ እ መላ ገደያን ሀመቲዳ፤ እናና ደእያ እሳቱካ ጉሎት ዩኪደ ዩደሳ ከሴድና።
- 31 አሳይ ዳዊታው፡ “እክጾፊልካ አበሰሎማና ማቀትያዋንቱ ግደን ደኤ” ያጌደ ኦዳድና። ዳዊተ፡ “እቤት መድና ጎዳው፡ እክጾፊል ዘርያ ኤያተላዉ ላማ” ያጌደ ዋሴዳ።
- 32 ዳዊተ አሳይ ጸሳው ጎይንያ ሳኦ፡ ደርያ ሁጲያ ጋኪዳ ዋደ፡ እርክያ ሁሻይ ካዮ ባረ ማዩዋ ፔጲደ፡ ገረ ሁጲያንካ ባና ቆሊደ፡ ዳዊታና ጋኪታናዉ ዬዳ።
- 33 ዳዊተ እ፡ “ኔን ታናና ብያዋ ግደ፡ ኔን ታዉ ቶኮ ከሳና።
- 34 ሽን ኔን ካታማ ገዮ ሰማደ አበሰሎማ፡ “ካትያው፡ ታን ነ ቆማ ግዳና፤ ሀዋጥ ካሰ ነ እዉዋ ቆማ ግዳዳዋዳንካ ነዉካ ቆማ ግዳና፡ ያሳ፡ እክጾፊል ዘርያ ሀልሳደ ታና ማዳና።
- 35 ቆሳቱ ጸደቅን አብያታረ ኔናና ያን እትጥ ደእናዋ ግድክና? ኔን ካትያ ሶን ሰሰያዋ ኡባ ኡንቱንቶ ኦዳ።
- 36 ጸደቃ ናኦ እሀማእጽን አብያታራ ናኦ ዮናታን ያን ኡንቱንቱና ደእና፤ ኔን ሰሰያዋ እያን ኡንቱንቱ ቦላ ታዉ ኪታ” ያጌዳ።
- 37 አበሰሎም የሩሳላመ ገልሽን፡ ዳዊታ ላጊ ሁሻይካ ካታማ ጋኪዳ።

# 16

## ዳዊታን ጸባ

- 1 ዳዊተ ደርያ ሁጲያጥ ሄናንሳ ባጋና እድሸን፡ ጸባ ጌተትያ ማንፍቦሼታ ቆማይ እናና ጋኪቲዳ፤ ላኡ ጾቱ ባሶ ኡክሳ፡ ዋይንያ ቴራ ኡክሳ ጾቱዋ፡ ባላሰያ ቴራ ኡክሳ ጾቱዋን እት ኦጎሩዋ ዋይንያ ኤሳ ላኡ ሀረቱዋን ጫኔዳ።
- 2 ካቲ ጸባ፡ “ሀዋ እያዉ እሃድ?” ያጌደ ኦቼዳ። ጸብ፡ “ሀረቱ ካትያ ሶ አሳይ ቶጋናዉ፤ ኡክሳይን ዲማ ዲማ እይፍና እሳቱ ማናዳና፤ ቃይ ዋይንያ ኤሳይ ዎራን ዳቡርያዋንታ ኡሻናዉ” ያጌዳ።
- 3 ሄዋጥ ጉይያን ካቲ ጸባ፡ “ነ ጎዳ ናኦ ናኦ ሀቃን ደኤ?” ያጌደ ኦቼዳ። ጸብ፡ “እ፡ ‘እሰራኤልያ አሳይ ታ እዉዋ እዉዋ ካዉተላ ሀቼ ታዉ ዛር እማና’ ያጌደ የሩሳላመን ኡቲዳ” ያጌዳ።
- 4 ካቲ ጸባ፡ “በእ! ማንፍቦሼታዉ ደእያባይ ኡባይ ሀእ ኔሳ” ያጌዳ። ጸብ፡ “እና ታ ጎዳዉ ካትያዉ! ታን ቢታን ጉፋናይ፤ ታን ኔና ናሽቶያዋ ኦላና” ያጌዳ።

## ሸምእ ዳዊታ ሸቂዳ

- 5 ካቲ ዳዊተ ባሁሪማ ጌተትያ ካታማ ዬዳ ዋደ፡ ሳኦላ ዳቦ ግድያ እት ብታኒ ሄዋጥ ከሴዳ። እ ሱንሳይ ጌራ ናኦ ሸምእ፡ እ ዳዊታ ሸቂደ ከሴዳ።
- 6 ዳዊታ ቦላን ካትያ ኦሳንቻቱ ቦላ ሹቻ ኦሌ፤ እ ሄዋ ኦላያ ዋደ፡ ኦሳንቻቱ ኡባይን ካትያ ናግያዋንቱ ኡሸቻናን ሀድርሳና ካትያ ዳዊታ ዶድ ዋሌድና።
- 7 ሸምእ ዳዊታ ሸቂደ፡ “ክቻ፤ ክቻ! ሀ ሱላ ጉሰያዊ! ሀ ፓፍዋ!”
- 8 ኔን ሳኦላ ካዉተላ ዉእደ ካተታዳ፤ ኔን ጉሴዳ ሳኦላ አሳ ሱላ ኡባ መድና ጎዳይ ነ ቦላ ዛሬዳ፤ ቃይ መድና ጎዳይ ካዉተላ ነ ናኦ አበሰሎማዉ ሼዲዳ። ኔን ሱላ ጉሴዳ አሳ ግድያ ድራው፡ ኔን ጳይያ ዋዲ ጋኪዳ” ያጌዳ።
- 9 ሄዋጥ ጉይያን፡ ጸሩይ ናኦይ አብሻይ ካትያ፡ “ሀ ካና ባኩታይ ታ ጎዳ ካትያ እያዉ ሸቂደ ታን ባደ እ ቆዳይ ሙጫይ” ያጌዳ።
- 10 ካቲ፡ “ህንተንቶ፡ ጸሩይ ናቶ፡ ህንተንታ ጋላያዋ እዬ? መድና ጎዳይ እ፡ ዳዊታ ሸቃ ያጌዳ ድራዉ እ ሸቂያዋ ግደ፡ ‘ኔን እያዉ ሀዋ ኦላይ?’ ያጌደ ኦቼዳናዉ ዳንዳይያዋ ኦኔ?” ያጌዳ።
- 11 ሄዋጥ ጉይያን፡ ዳዊተ አብሻያን ባረ ቆማቱዋ ኡባቱዋ፡ “ታ ናኦይ፡ ታ እሹ፡ ታና ማዳናዉ ኮዬ፤ ያትና፡ ሀ ቢንያማ አሳይ ዋት እጌቲ! እ ቦቾ፡ እ ሰሸና ሸቆ! እያዉ ጎ፡ መድና ጎዳይ እ እዛዜዳ።
- 12 ኡን ኤሪ፡ መድና ጎዳይ ታ መቱዋ በኢደ፡ ታን ሀቼ እክያ ሸቃ ድራዉ ታዉ ኬካ ዛራንንቶን” ያጌዳ።
- 13 ዳዊተን እ አሳይ ኦግያ ኦይቂደ ቢና። ሸምእካ ደርያጥ ህን ባጋና፡ ዳዊታ ሄራና ቢደ እ ሸቂካ ሹቻ እ ቦላ ኦሌ፤ ባናካ እ ቦላ ሳሌ።
- 14 ካቲን እናና ደእያ እሳቱ ባረንቱ ብያሳኦ ዳቡሪደ ጋኪድና። ካቲ ያን ሸምፔዳ።

## አበሰሎማን እ ዘርያዋንታ

15 አበሰሎምን እስራኤልያ አሳቱ ኡባይ የሩሳላመ ገሊድኖ፤ እክጾፊልካ ኤንቲንቲና እትፕ ደኤ።  
16 ዳዊታ ላጊ አርክያ ሁሻይ አበሰሎማኮ ዪደ። “ካትያ ሸምፑ ጋምኦ! ካትያ ሸምፑ ጋምኦ!” ያጌዳ።

17 አበሰሎም ሁሻያ። “ኔን ነ ላግያ ስቁዳ ስቁ ሀዌካ? ነ ላግያና እያዉ ባበይኪ?” ያጌዳ።  
18 ሁሻይ አበሰሎማ። “ቱይት! መቋና ጎዳይነ ሀ አሳይ ቃይ እስራኤልያ አሳይ ኡባይነ ደሬዳዎ ታን አቃና፤ ታን አናና አታና።

19 ሄዋፕካ ቃይ ታን ኦዉ ኦላኔ? አ ናአዉ ኦላናዉ በሰክታየ? ታን ነ አዎ ኦሌዳዋዳን ሀእ ነዉካ ኦላና” ያጌዳ።

20 አበሰሎም እክጾፊላ። “ኔን እነ ኑና ዞራ፤ ኑን አይ ኦላን?” ያጌዳ።  
21 እክጾፊል አበሰሎማ። “ካትያ ጎልያ ናጋናዉ አቱዳ ነ አዉዋ ባኮቱዋና ባይ ግሳ፤ ኔን ነ አዉዋ ሲቋያን ጽንቄዳዋ እስራኤልያ አሳይ ኡባይ ሰሳና፤ ኔናና እትፕ ደእያ ኡባቱዋ ኩሺ ሄዋን ምናና” ያጌዳ።

22 ካትያ ጎልያ ቦላን ደምባዪደ ኦሌዳ ሳእን። አበሰሎማዉ ዲንካንያ ቶሌድኖ፤ አሳይ ኡባይ ጾልሽን አበሰሎም ገሊደ። ባረ አዉዋ ባኮቱዋና ግሴዳ።

23 ሄ ጋላሳቱዋን እክጾፊል አ ዞራዳ ዞርያ እት አሳይ ጸሳ ኦቺደ እክያ ዞርያ ማላ። ዳዊተን አበሰሎምን ላእቱካ እክጾፊል ዞርያ ኡባ እኬዳዌ ሀዋዳና።

**17**

1 ሄዋፕ ጉይያን እክጾፊል አበሰሎማ። “ሀቼ ቃማ ታን ታማነ ላኡ ሻእ አሳቱዋ ደራደ። ዳዊታ የደርሳደ እይቃናዉ ከሳይ።

2 አ ዳቡርናን ጸላልና። ታን አ ቦላ ከሳና። ታን አ ዳጋንላና፤ ሄዋን አናና ደእያ አሳይ ኡባይካ ባቃታና፤ ታን ካትያ ጸላላ ሸጫና።

3 ያታደ ታን አሳ ኡባ ኔኮ ዛራና። ኔን እት አሳ ጸላላ ዋቆናዉ ኮያሳ፤ ሀራ አሳይ ሳር አታና” ያጌዳ።

4 እክጾፊላ ዞሪ አበሰሎማን እስራኤልያ ጭማቱዋ ኡባ ናሸቼዳ።

5 ሄዋፕ ጉይያን አበሰሎም። “አርክያ ሁሻያ ቃይ ጾሰተ፤ እነ አ ግያዋ ሰሳይተ” ያጌዳ።

6 ሁሻይ አኮ ዬዳ ዎደ። አበሰሎም አ። “እክጾፊል ዞራዳ ዞሪ ሀዋ፤ ኑን አ ግያዋ ኦላናዉ በሲ? በሰናዋ ግደፕ። ነ ቆላይ አይ?” ያጌዳ።

7 ሁሻይ አበሰሎማ። “እክጾፊል ዞራዳ ዞሪ ሀ ዎድያን ሎእ ግደና።

8 ነ እዉነ ነ አዉዋ አሳቱ ምኖ ኦላንቻቱዋ ግድያዋን ባረ ማራቱዋ ቦንቀቱዳ ማህያ ማላ ያሸያዋንታ ግድያዋ ኔን ኤራሳ። ነ አዉ ኦላዉ ሜዘ አሳ፤ እ ቃማ ባረ ኦላንቻቱዋናካ አቀና።

9 በእ። አ ሀድደ ጎንጎሎዋ ግደን ዎይ ሀራ ሳእን ቆሰት ኡቱዳ። እ ህንተንቱ ጭታ ቦላ ኮይር ደንደፕ። ሄዋ ሰሴዳ አሳይ ኦንነ። አበሰሎማ ካል ቤዳ አሳቱ ሸጫቱድኖ። ያጋና።

10 ነ አዉ ቶራ ቃራ ግድያዋን አናና ደእያ አሳቱካ ምኖ ግድያዋ እስራኤልያ አሳይ ኡባይ ኤርያ ድራዉ። ሀራይ አቶ ጋሙዋዳን ጸልያ ምኖቱ ዋዛናይካ ያሻን ሲራና።

11 “ሸን ታን ኔና ዞርያዌ ሀዋ፤ እስራኤልያ ዛዋን ዳናፕ ቢደ በርሳበሀ ጋካናዉ ደእያ እስራኤልያ ኡባ። አሳ ደናን ደእያ ሻፍያ ኬሻ ኔኮ ሺሻ፤ ያታደ ኔን ነ ሀጺያዉ ኤንቲንታ ኦላዉ ካላሳ።

12 ያቶፕ ኑን አ ደሚዳ ሀቃንን ሸጫና፤ ከተርሳይ ሳእን ዎቋያዋዳን ኑን አ ቦላ ዎቆና። አ ግድናካ ዎይ አናና ደእያ አሳ ግድናካ እቲን ፓጾ አተና።

13 አ ካታማ ግደ ገሎፕካ። እስራኤልያ አሳይ ኡባይ ኡባይ ዎድራዋ ሄ ካታማ አሂደ። ካታማ ግደን እት ሹቻይካ ቤተናዳን ኑን ሄ ካታማ ዛንጋራዉ ዲን ጎቻና” ያጌዳ።

14 አበሰሎምን እስራኤልያ አሳይ ኡባይ። “አርክያ ሁሻያ ዞሪ እክጾፊል ዞርያፕ ሎእ” ያጌድኖ። ሄዋ ሀኔዳዌ። መቋና ጎዳይ አበሰሎማ ቦላ ኢታባ አሀና ማላ። እክጾፊል ዞርያ ሎኡዋ ሀልሳናዉ ቃቼዳ ድራሳ።

15 ሄዋፕ ጉይያን። ሁሻይ ቄሳቱ ዋ ጸደቃነ አብያታራ። “እክጾፊል አበሰሎማን እስራኤልያ ጭማቱዋ ሀዋ ሀዋ ጊደ ዞራዳ፤ ታንካ ኤንቲንታ ሀዋ ሀዋ ጋይ ዞራድ።

16 ሀእካ ዳዊታኮ ኤላካ ኪቲደ። “ባዙዋ ፕኑዋን ሀቼ ቃማ አቆፓ፤ ሄፍንላ ፕና ክቻ! ሀና ቆፕ። ካቲ፤ አናና ደእያ አሳይ ኡባይ ቆያና። ያጊደ ኦድተ” ያጌዳ።

17 ዮናታንን አሀማእጽ ቆንጭያን የሩሳላመ ካታማ ገልሸን ኤንቲንታ አሳይ በኤና ማላ። ኤንፎጌላ ግያ ሳእን ኡቲደ ናጋናዉን እት ቆማታ ያ ያደ ኤንቲንቶ ኦድና። ኤንቲንቱ ቢደ ካትያ ዳዊታዉ ኦዳናዉ ቆፕድኖ።

18 ሸን እት ዎዳላይ ኤንቲንታ በኤዳ፤ አበሰሎማዉ አይዳ። ሄዋ ድራዉ። ኤንቲንቱ ላእቱካ ሄ ሳፕ ኤላካ ክቻ ቢደ። ባህሪማ ካታማን እት ብታንያ ሶ ጋኬድኖ። ሄ ብታንያዉ ድርሳፕ ሶ ባጋና ሃሳ ኦላይ ደኤ፤ ኤንቲንቱ ሄ ኦላ ግደ ዲን ገሊድኖ።

19 እያይነ ኤረተናዳን ብታንያ ማቻታ ካምያዋ አካደ ኦላ ድናን ሂጻዲ፤ ያታደ አ ቦላ ካሳ ሞጫዲ።

20 አበሰሎማ ቆማቱ ብታንያ ሶ ዪደ ሞሸራቶ፣ “አሀማአጸን የናታን ሀቃን ደእኖ?” ያጊደ ኦቹድና።

ሞሸራታ፣ “ኤንቱንቱ ሻፋ ፕኒደ ቤድና” ያጋዲ፤ ኤንቱንቱ ኮይና ቤተናን ጳይና፣ የሩሳላሙ አጊደ ሰሜድና።

21 ሄ አሳቱ ቤዳዋጥ ጉይያን፣ ላኤ አሳቱ ኦላጥ ከሲደ፣ ካትያ ዳዊታዉ ኦዳናዉ ቤድና፤ ዳዊታ፣ “ኤሌል ደንዲደ ሻፋ ፕንተ፤ እያዉ ጎጥ፣ አክጾፊል ሀንተንቱ ቦላ ሀዋ ሀዋ ጊደ ዘር ዋጭዳ” ያጊድና።

22 ዳዊተን አናና እትጥ ደእያ አሳይ ኡባይ የርዳናሳ ፕኒደ ቤድና። ሞንትያ ዋደ የርዳናሳ ፕናናን አቲዳ እት አሳይነ ባዋ።

23 አክጾፊል ባረ ዞሪ አከትቤናዋ በኤዳ ዋደ፣ ባረ ሀርያ ኮሪደ፣ ባረ ደእያ ካታማ ቤዳ፤ አክጾፊል ባረ ሶያ ጊግሲደ፣ ባረካ ሱለቲደ ሀይቆዳ፤ ባረ አዉዋ ዲፋዋን ሞገቱዳ።

24 ዳዊተ ማህናይማ ካታማ ጋኬዳ ዋደ፣ አበሰሎማን አናና ደእያ አሳይ ኡባይ የርዳናሳ ሻፋ ፕኔድና።

25 አበሰሎማ ባረ ኦላንቻቱ ቦላ እየኣባ ኮታን አማሳ ሱንጤዳ። አማሳ አሰራኤልያ የተራ ናእ፤ የተር አብጋሎ እኬዳዋ፤ አብጋላ ናእሳ ናትዉን እየኣባ ዳይ ጻሩይ ምቻቶ።

26 አሰራኤላቱን አበሰሎማ ጋላኣደ ቢታን ኡቲድና።

27 ዳዊተ ማህናይማ ካታማ ጋክያ ዋደ፣ አሞና ጋድያጥ ራባጥ ዬዳ ናእሳ ናእይ ሾቤ፣ ሎዳባራ ካታማጥ ዬዳ እምኤላ ናእይ ማኪርን ርጋለማ ካታማጥ ዬዳ ጋላኣድያ ባርዘላይ

28 ሂጻያዋንታ፣ ሳምጥቱዋን ኡርቃ ማሻቱዋ አሄድና። ቃይ ኤንቱንቱ ዛርጋን ባንጋ፣ ጴልያን ሻሻ፣ ባኤላን ሞሰርያ።

29 ኤሳን ሙኤዳ ማላ፣ ሚዛ ማላ ፕላን ድርሳ ዳዊተን አ አሳይ ማናዳን አኪደ ዬድና። ሄዋ ኤንቱንቱ አሄዳዋ፣ “አሳይ ዋራን ኮሻቱዳ፣ ዳቡሬን ሳሙቱ” ጊደ ቆፔዳ ድራሳ።

# 18

## አበሰሎማ ጸንቲደ ሀይቆዳ

1 ዳዊተ ባረ አሳቱዋ ኡባ እትጥ ሺሺደ ሻላቃቱዋን ጾቱዋ ካገቱዋ ኤንቱንቱ ቦላ ሰንጤዳ።

2 ዳዊተ አሳ ሄዙ ጩጉዋን ሻኪዳ፤ እት ጩጉዋ እየኣባ አዛዜዳ፤ ላኤንላ ጩጉዋ እየኣባ አሻይ፣ ጻሩይ ናእይ አብሻይ አዛዜዳ፤ ሄዘንላ ጩጉዋ ቃይ ጋትያ እታይ አዛዜዳ። ካቲ አሳ፣ “ታን ታ ሁጸያዉካ ሀንተናና እትጥ ባና” ያጊድ።

3 ሸን አሳይ አ፣ “ኤን ባናዉ በሰና! ኑን ባቃትንቶን፣ ኤንቱንቱ ኑባ ኮይክና፤ ሀራይ አቶ ኑን ባጋይ ሀይቁንቶን፣ ኑባ ኤንቱንቱ ጉዳ ጊክና። ሸን ኔን ኑጥ ታሙ ሻእቱዋጥ ዳራሳ፤ ሄዋ ድራዉ፣ ኔን ካታማን ኡታደ፣ ኑዉ ማዳዋ ኪቶጥ ሎአ” ያጊድ።

4 ካቲ ኤንቱንታ፣ “ሀንተና ሎኤዳባ ታን ኦሳና” ያጊድ።

ዳዊተ ድርሳ ጥንግያን ኤቁደእሸን፣ አሳይ ኡባይ ጾቱ ጾቱ፣ ሻእይ ሻእይ ባረ ጩጉዋን ጩጉዋን ሳልፒደ ከሴዳ።

5 ያትና፣ ካቲ እየኣባ አብሻያን አታያ፣ “ታ ድራዉ ጊደ፣ ሄ ያላጋ ብታንያ አበሰሎማ ቆሆጥተ” ያጊደ አዛዜዳ። ካቲ አበሰሎማ ባጋዳዋ ኡባዉ ኦድያ ዋደ፣ ኦላንቻቱ ኡባይ ሰሴድና።

6 ዳዊታ ኦላንቻቱ አሰራኤላቱዋና ኦላታናዉ ጋጸርያን ሳልፔድና፤ ኦላ ሳእይ ኤናሬማ ዋራና።

7 ሄ ሳእን ዳዊታ ኦላንቻቱ አሰራኤልያ ኦላንቻቱዋ ጸኔድና፤ ሄ ጋላሰ ሎይሳ ዳር አሳይ፣ ሳታሙ ሻእ አሳይ ሀይቆዳ።

8 ኦላይ ጋጸርያ ኡባ ጋኬዳ፤ ሄ ጋላሰ ዋራይ ዉርሴዳ አሳይ ማሻይ ዉርሴዳ አሳጥ ዳራ።

9 አበሰሎማ አኬከናን ደእደ ዳዊታ አሳቱዋና ጋከቱዳ፤ አበሰሎማ ባረ ባቁሉዋ ቶጊደ፣ ዳር ዳሻይ ደእያ ዋላ ጋርሳ ባቁሉ ገሌዳ፤ አበሰሎማ ሁጸ ዋላ ባላን ኦይቀቱዳ። አበሰሎማ ሳእጥን ሳላጥጥ ግዲዋን ካቀት ደእሸን፣ እ ቶጊዳ ባቁሉ ሰንጻዉ ብ አጊድ።

10 አሳጥ አቲ ሄዋ በኢደ እየኣባ፣ “በአ! አበሰሎማ እት ዋላ ቦላ ካቀቱዳዋ ታን በኣድ” ያጊደ ኦዳዳ።

11 እየኣባ ባረዉ ኦዳዳ ብታንያ፣ “ሄ? በኣድ ጋይ? እያዉ ቢታዉ ዳጊ ሾጫቦይኪ? ኔን ሾጩዳዋ ግድንቶ፣ ታን ነዉ ታሙ ጸጋራ ብራን እት ሳቂያ አማናዋ ሸን” ያጊድ።

12 ብታ፣ “ኤን ሻእ ጸጋራ ብራ ታ ኩሽያን ዋሳንቶካ፣ ታን ካትያ ናእ ቦላ ታ ኩሽያ ደንሳክ! ኑን ኡባይ ሰሰሸን፣ ካቲ ኔናን አብሻያ አታያ፣ ታ ድራዉ ጊደ፣ ያላጋ ብታንያ አበሰሎማ አሸተ” ያጊደ አዛዜዳ።



13 ታን ካትያ እዛዙዋ ሻራደ አበሰሎማ ዎጂዳዋ ግድንቶ፣ ካቲ ኡባባ ሰሰያዋዳን ሄዋካ ሰሳናዊ አተና። ኔን ሄ ዎደ ታፕ ሃኩዋን ኤቃና” ያጌዳ።

14 እየአበ እ፣ “ታን ኔናና ሀዋዳን ጋምእከ” ያጌዳ፤ ሄዙ ቶራ ባረ ኩሽያን አኪደ፣ አበሰሎም ዎላን ካቀቲደ ፓጻ ደእያዎ ዎዛና አይፍያን ጫዴዳ።

15 እየአባ ኦላ ማሻ ቶክያ ታማቱ አበሰሎማ ደዲደ፣ ሾጭ ዎጂድና።

16 ሄዋፕ ጉይያን፣ እየአበ ኦላ ኤሳናዉ ማላካታ ፑኔዳ፤ አሳይ እሰራኤላቱዋ የደርሰያዋ አኔዳ።

17 ኡንቱንቱ አበሰሎማ አክ አዕደ፣ ዎራን ደእያ ዎልቃማ ኦላ ግድን የጊደ፣ ዳር ሹቻ እ ቦላ ደሬድና። ሄ ዎደ እሰራኤልያ አሳይ ኡባባ ባረ ሶ ባረ ሶ ባቃቱዳ።

18 አበሰሎም ፓጻ ደኢደ፣ “ታ ሱንሳ ሀሳይሰያ ናአ ታዉ ባዎ” ያጌዳ፣ ባረና ሀሳይሰያ ሹቻ ማሴዳ ቱሳ ካትያ ሀዉልታያ ኤሴዳ፤ ሄ ቱሳ ባረ ሱንሳን ጸሴዳ። ሀቼ ጋካናዉ፣ ሄ ቱሳይ “አበሰሎማ ቱሳ” ጌተቱ።

**ዳዊተ አበሰሎም ሀይቁዳዋ ሰሲደ ዩኩዳ**

19 ሄዋፕ ጉይያን፣ ጻደቃ ናአ አህማእጽ እየአባ፣ “አ ሞርከቱዋ ኩሽያፕ መፅና ጎዳይ እ አሹዳ ሞሽራቹዋ ሰሳናዉ፣ ታን ካትያኮ ዎጻ ባደ ኦዳይ” ያጌዳ።

20 እየአበ አህማእጻ፣ “ቱይት! ሀቼ ኔን ሞሽራቹዋ ኦድያ ጋላሳ ግድና፤ ሀራ ጋላሰ ኦዳናዉ ዳንዳዳ። ካትያ ናአይ ሀቼ ሀይቁዳ ድራዉ፣ ኔን ሀቼ ኦዳናዉ ኮሸና” ያጌዳ።

21 እየአበ ቶጽያ አሳ ግድያ እት ብታንያ ጸሲደ፣ “ባ፤ ኔን በኤዳዋ ካትያዉ ኦዳ” ያጌዳ፤ ሄ ብታኒ እየአባዉ ጎይኒደ ዎጹዳ።

22 ጻደቃ ናአይ አህማእጽ ላኤንሉዋ እየአባ፣ “አይነ ሀሮ፤ ታን ሀ ቶጽያ ብታንያ ጌዳዋ ዎጻይ” ያጌዳ።

እየአበ፣ “ታ ናአዉ፣ ነዉ ዎይታ አህያ ኦዱ ባይናሽን፣ ኔን አያዉ ዎጻናዉ ኮያይ?” ያጌዳ።

23 አህማእጽ እየአባ፣ “አይነ ሀሮ፤ ታን ዎጻናዉ ኮያድ” ያጌዳ።

እየአበ እ፣ “ያናፕ ዎጻ” ያጌዳ። ሄዎ ድራዉ፣ አህማእጽ ደምባ ኦግያ ኦይቁደ ዎጹዳ፤ ቶጽያ ብታንያ የጊደ አጭዳ።

24 ግምቢያ ፕንግያዉ ካረ ደየትያ ሳንቃፕነ ሶ ደየትያ ሳንቃፕ ግዳዋን እኮ ሳአን ዳዊተ ኡት ደእሸን፣ ናግያ ብታኒ ግምቢያና ኦይቀቱዳ ፕንግያ ጸራ ሁጲያ ፑደ ከሴዳ፤ ጸሊደ፣ እት ብታኒ ባረካ ዎጽያዋ በኤዳ።

25 ናግያ ብታኒ ካትያ ጸሲደ ኦዳዳ።

ካቲ፣ “አ ባረካ ደአፕ፣ ሞሽራቹዋ አኪደ ዬ” ያጌዳ። ዎጽያ ብታኒ ኡንቱንቱ ማቲደ ዬዳ።

26 ናግያዎ ሀራ አሰካ ዎጽያዋ በኤዳ፤ ፕንግያ ናግያ ብታንያ፣ “በአ! ሀራ ብታኒካ ባረካ ዎጹ” ያጌዳ።

ካቲ፣ “ሀ ብታኒካ ቃይ ሞሽራቹዋ አኪደ ዬ” ያጌዳ።

27 ናግያዎ፣ “ኮይሮ ብታንያ ዎላይ ጻደቃ ናአ አህማእጻ ዎላ ታዉ ማላቲ” ያጌዳ።

ካቲ፣ “አ ሎኦ አሳ፤ እ ሎኦ ኦዲዋና ዬ” ያጌዳ።

28 አህማእጽ ካትያ ጸሲደ፣ “ኡባባይካ ሎኦ!” ያጌዳ። ካትያ ሰንሳን ግሰ ጉፋኒደ፣ “ታ ጎዳ ካትያ ቦላ ባረንቱ ኩሽያ ደንሌዳ አሳቱዋ ነዉ አሌደ እሜዳ መፅና ጎዳይ ነ ጸሳይ ጋላተቶ” ያጌዳ።

29 ካቲ፣ “ያላጋ ብታኒ አበሰሎም ሳሬ?” ያጌደ ኦቹዳ።

አህማእጽ፣ “እየአበ ታና ኪታና ሀንያ ዎደ፣ ዎልቃማ ጉሩባይ ደእያዎ በአደ፤ ሸን እ አይንቶን ታን ኤራብይከ” ያጌዳ።

30 ካቲ እ፣ “ያ ሸቃ ኤእ” ያጌዳ፤ እ ያቶፕ ሸቁደ ኤቁዳ።

31 ሄዋፕ ጉይያን፣ ቶጽያ ብታኒ ጋኪደ ካትያዉ፣ “ታ ጎዳዉ ካትያዉ፣ ሞሽራቹዋ! ነ ቦላ ደንደዳዋንቱ ኡባ ኩሽያፕ መፅና ጎዳይ ሀቼ ኔና አሹዳ” ያጌዳ።

32 ካቲ ቶጽያ ብታንያ፣ “ያላጋ ብታኒ አበሰሎም ሳሬ?” ያጌደ ኦቹዳ።

ቶጽያ ብታኒ ካትያ፣ “ታ ጎዳዉ ካትያዉ፣ ነ ሞርከቱ ነ ቦላ ኢታባ ኦላናዉ ደንድያዋንቱ ኡባቱ ሄ ያላጋ ብታንያዳን ሀንኖ” ያጌዳ።

33 ካቲ ዳርፕ ካዮቲዳ፤ ግምቢያ ፕንግያ ሁጲያን ደእያ ጎልያ ገሊደ ዩኩዳ፤ ካቲ ቢደ፣ “አየ ታ ናአዉ አበሰሎማ! ታ ናአዉ! ታ ናአዉ አበሰሎማ! ነ ድራዉ ታን ሀይቃርክታሻ! አየ ታ ናአዉ አበሰሎማ! ታ ናአዉ!” ያጌደ ዩኩዳ።

**19**

1 “አበሰሎማዉ ካቲ ዩኩ ነዛላሌ” ያጌደ እየአባዉ ኦዳድና።

2 ኦሳንቻቱ ኡባይ፣ “ካቲ ባረ ናአዉ ዩኩ” ግያዎ ሰሴዳ ድራዉ፣ ሄ ጋላሰ ኡንቱንቱ ኡባይ ጸኔዳ ጸኑ ዩኮ ላመቲዳ።

3 ኦላፕ ባቃቲደ ዬላቴዳ ኦላንቻቱዋዳን፣ አሳይ ሄ ጋላሰ ወኢቲደ ካታማ ገሊዳ።

4 ካቲ ባረ ዳሙዋ ጉሎቴዳ፣ ባረ ቃላ ቶቂሲደ፣ “አየ ታ ናአወ አበሰሎማ! እየ አበሰሎማ ታ ናአወ! ታ ናአወ!” ያጊደ ዘላሊዳ።  
5 ሄዋፕ ጉይያን፣ እየኦበ ሄ ጎልያ ቢደ ካትያ፣ “ነ ሸዎፕዋ፣ ነ አቱማ ናናቱዋን ነ ማጫ ናናቱዋ ሸዎፕዋ፣ ነ ማቼቻቱዋን ነ ባኩቱዋ ሸዎፕዋ ሆቼ አሼዳ ነ አሳ ኡባ ኔን ሆቼ ካወሻዳ።

6 ኔና እጽያዋንታ ኔን ሲቃሳ፣ ኔና ሲቅያዋንታ ኔን እጸሳ። ነ ኦላንቻቱን ኤንቴንቴ ካፓቱ ነዉ እያን ግደናዋ ኔን ሆቼ ቆንጭሳዳ። ኑን ኡባይ ሀይቁና፣ አበሰሎሞ ሆቼ ፓጸ አቴደንቶ፣ ኔን ናሽታናዋ ታን በኣድ።

7 ሀእ ደንዳ! ካረ ከሳደ ነ አሳ ምንጫ። መቋና ጎዳይ ኤር! ኔን ከሳና ቆየፕ፣ ሆቼ ቃማ ኔናና እት አሳይን አተና። ነ ያላጋተላፕ ሆቼ ጋካናዉ፣ ኔና ጋኬዳ ኢታ ኡባፕ ሆቼ ነዉ አቋያ ኢታ ግዳና።” ያጊዳ።

8 ካቲ ደንዲደ ግምቢያ ፕንግያን ኡቴዳ። “ካቲ ፕንግያን ኡቴዳ” ግያዋ አሳቱ ኡባይ ሰሴዳ ዋደ፣ ካትያ ሰንሳ ዬድና።

**ዳዊተ የሩሳላሙ ስሜዳ**

ሄ ዋደ እስራኤልያ አሳቱ ኡባይ ባረንቴ ሶ ባረንቴ ሶ ባቃቲድና።

9 እስራኤልያ ዛራቴ ኡባይ እቱ እቱዋና ሀዋዳን ያጊደ ፓሉመቴና፤ “ካቲ ዳዊተ ኑና ኑ ሞርከቱዋ ኩሽያፕ አሼዳ፤ ኑና ፕልሰጸማ አሳቱዋ ኩሽያፕ ዋላ ኣኬዳ፤ ሽን እ ሀእ አበሰሎማ ጋሱዋን ቢታ እጊደ ባቃቲዳ።

10 ኑ ቦላ ካተታናዳን ኑን ኣኬዳ አበሰሎሞ ኦላን ሀይቁክቼዳ። ያትና፣ ካትያ ጉየ አሀናዉ ሀንተንቴ እያዉ ጮኡ ጌድቴ?” ያጊድና።

11 ካቲ ዳዊተ ቁሳቶ ጸደቃዉን አብያታራዉ ከታ የዲደ፣ “ይሁዳ ጭማቱዋ ሀዋዳን ያግተ፤ ዳዊተ ሀዋዳን ያጊ፤ “እስራኤልያ አሳይ ኡባይ ሃሳይያዊ ካትያ ጋኬዳ። ካትያ እ ጎልያ ዘር አሀናዉ ሀንተንቴ እያዉ ሀራቱዋፕ ጉየ አቲቴ?”

12 ሀንተንቴ ታ አሻቱዋ፤ ሀንተንቴ ታ አሻን ታ ሱላ። ያትና፣ ካትያ ጉየ ዘር አሀናዉ ሀንተንቴ እያዉ ሀራቱዋፕ ጉየ አቲቴ?” ያጊ ያግተ።

13 ቃይ አማሳየዉካ፣ ዳዊተ ኔና፣ “ኔን ታ አሻን ታ ሱላ ግድኪ? ሀቕፕ ደምና፣ ታን ኔና እየኦባ ሳእን ታ ኦላንቻቶ ጋዳዋ ከሳና ቆየፕ፣ ጸሳይ ታና ዋቋ!” ያጊ ያግተ” ያጊዳ።

14 ካትያ ሃሳይያ ይሁዳ አሳቱዋ ኡባ ዋዛና እቱዋ ኦላደ ማይዜዳ። ሄዋ ድራዉ፣ ኤንቴንቴ ካትያኮ ከቲደ፣ “ኔንካ ነ አሳይ ኡባይካ ሃ ሰምተ” ያጊድና።

15 ካቲ ስሚደ፣ ዮርዳኖሳ ሻፋ ጋካናዉ ዬዳ። ይሁዳ አሳቱ ካትያ ሞካናዉን ዮርዳኖሳ ሻፋ ፕንሳናዉ፣ ገልጋላ ግያ ሳእ ዬድና።

16 ባሀራማ ካታማፕ ዬዳ በንያማ ዛራ፣ ጌራ ናአይ ሸምእ ዳዊታ ሞካናዉ ኤሌሊደ፣ ይሁዳ አሳቱዋና ቤዳ።

17 እናና በንያማ ዛረ ግዳዳ ሻእ አሳቱ፣ ሳኦላ ሶ ቆማይ ጸብ፣ እ ናናይ ታማን እቼሻቱን እ ቆማቱ ላታማቱ ደኢና። ኤንቴንቴ ካቲ ደእያ ሳእ ዮርዳኖሳ ሻፋ ጃማይ ቤድና።

18 ካትያ ሶ አሳ ፕንሳናዉን ካትያ ናሽቻያዋ ኦላናዉ ፕኑዋና ፕኒደ ቤድና።  
ጌራ ናአይ ሸምእ ዮርዳኖሳ ሻፋ ፕኔዳ ዋደ፣ ካትያ ሰንሳን ጉፋኒደ።

19 ሀዋዳን ያጊዳ፤ “ታ ባይዘዋ ካቲ አቶ ጎ። ታ ጎዳይ ካቲ የሩሳላሙፕ ከሰያ ጋላሰ ታን ነ ቆማይ ባሌዳ ባላ ኔን ሀሳየፕ። ሄዋ ነ ኡሉዋን ኦይቆፓ።

20 እያዉ ጎፕ፣ ነ ቆማይ ታን ናጋራ ኦላዳዋ ኤራይ፤ ሽን ኔና ታ ጎዳ ካትያ ሞካናዉ፣ ዮሴፎ ሶ አሳ ኡባፕ ኮይሮታደ ታን ሆቼ ያድ” ያጊዳ።

21 ሄዋፕ ጉይያን፣ ጸረይ ናአይ አብሻይ፣ “ሸምእ መቋና ጎዳይ ኣኬዳ ካትያ ሸቄዳ ድራዉ፣ እ ሀይቃናዉ በሰኔየ?” ያጊዳ።

22 ዳዊተ አብሻያ፣ “ሀንተንቶ፣ ጸረይ ናቶ፣ ሀንተንታ ጋልያዊ እየ? ሀንተንቴ ሆቼ ታዉ ሞርከ ግዲቲ! ሆቼ እስራኤላን አይ አሳይን ሀይቀና! ሆቼ እስራኤልያ ካቲ ታናቲ!” ያጊዳ።

23 ካቲ ሸምእ፣ “ኔን ሀይቃካ” ያጊደ አዉ ጫቄዳ።

24 ቃይ ሳኦላ ናአይ ማንፍቦሽተ ካትያ ሞካናዉ ዲን ዋቋዳ። ካቲ ቤዳ ጋላሳፕ ደሚደ፣ እ ሳሮተላን ጉየ ሰምያ ጋላሰ ጋካናዉካ፣ ማንፍቦሽተ ባረ ገድያ ሜጭቤና፤ ባረ ቡቻ ሜድቤና፤ ቃይ ባረ ማዳዋካ ሜጭቤና።

25 ማንፍቦሽተ ካትያና ጋክታናዉ የሩሳላሙፕ ዬዳ ዋደ፣ ካቲ እ፣ “ማንፍቦሽታ፣ ኔን ታናና እያዉ ባበይኪ?” ያጊደ ኦቼዳ።

26 እ፣ “ታ ጎዳዉ ካትያዉ፣ ታን ነ ቆማይ ሰላ ግድያ ድራዉ፣ ታን ቶጋይ ካትያና ባናዳን ታ ሀርያ ኮራ ያጋድ። ሽን ታ ቆማይ ጸብ ታና ጭሜዳ፤

27 ታና ነ ቆማ ታ ጎዳዉ ካትያዉ ዝግራዳ። ኔን ታ ጎዳይ ካቲ ጸሳ ኪታንቻ ማላ፤ ሄዎ ድራዉ። ኔና ናሽቻያዎ ኪተታ።

28 ታ እዉዎ እዉዎ እሳይ ኡባይ ሀራባ ግደና፤ ታ ጎዳይ ካቲ በን ዎጻናዉ በሰያ እሳ፤ ሸን ታን ነ ቆማይ ነ ማዳገ ዎያዎንቱና ማናዳን ኔን ታዉ ሳእ እማዳ። ያትና፡ ታን ሀዋጥ እድያዎ ካትያ ኦቻናዉ ታዉ እይባ ማታይ ደእን?” ያጌዳ።

29 ካቲ እ፡ “ኔን ዳርባ ሃሳያናዉ ኮሸና። ኔንን ጸብ ጋድያ ሻክ እካና ማላ ታን እዛዛይ” ያጌዳ።

30 ማንፍቦሽተ ካትያ፡ “ታ ጎዳይ ካቲ ሳር ሶ ሰማጥ እትና፡ ኡባባካ ጸብ እኮ” ያጌዳ።

31 ጋላእድያ ባርዝላይ ካትያና እትጥ ዮርዳኖሳ ሻፋ ፕናናዉን ያጥ እ ዋይዛናዉ ሮጋላማ ግያ ሳጥ ይዳ።

32 ባርዝላይ ላይላይ ሆሰፑን ታሙዋ ግዴዳ ጭማ እሳ። እ ዳር ዱረ እሳ ግድያ ድራዉ። ካቲ ማህናይማ ካታማን ደእያ ዎደ፡ ካትያዉ ኮሸያዎ እሜዳ።

33 ካቲ ባርዝላይ፡ “ኔን ታናና የሩሳላሙ ደንዳ፤ ታን ኔው ያን ኮሸያዎ እማና” ያጌዳ።

34 ሸን ባርዝላይ ካትያ፡ “ታን ሀዋጥ ሰንሳን ዳር ላይላ ደእከ፤ ያትና፡ ታን ካትያና የሩሳላሙ እያዉ ቦ?”

35 ታን ሀእ ሆሰፑን ታሙ ላይላ እሳ፤ ታን ሀእ ኢታን ሎኡዎ ሻካደ ኤራናዉ ዳንዳያይታ? ታን ነ ቆማይ ታ ዎያዎን ኡሸያዎ ማልኡዎ ሻካደ ኤራናዉ ዳንዳያይታ? እቲማዎንቱን ማጫዎንቱ የጸያ የሳ ታን ሰሳናዉ ዳንዳያይታ? ያትና፡ ታን ነ ቆማይ ታ ጎዳዉ ካትያዉ እያዉ ጉጃ ቶኮ ግደ?

36 ታን ነ ቆማይ ዮርዳኖሳ ሻፋ ፕናደ ኔና ላፋ ሞይዛና። ሸን ካቲ ታዉ ሄዎዳን ኮሸ ዛራናዉ እያዉ ኮሺ?

37 ታን ታ እዉዎን ታ ዳይ ዱፋዎ ማታን ታ ካታማን ሀይቃና ማላ ሰማይ። ታ ናእይ ክምሃዎ ሀዋሽ፤ ታ ጎዳና ካትያና እትጥ እ ቦ፤ ኔና ናሽቻያዎ ኔን እዉ ኪተታ” ያጌዳ።

38 ካቲ፡ “ክምሃዎ ታናና ፕና፤ ኔና ናሽቻያዎ ታን እዉ ኦላና። ቃይ ኔን ታና ኦቻያዎ እያን ታን ነዉ ኦላና” ያጌዳ።

39 ሄዋጥ ጉይያን፡ እሳይ ኡባይ ዮርዳኖሳ ሻፋ ፕኔዳ፤ ካቲካ ፕኔዳ። ባርዝላይ የሪደ እንጃዳ፤ ያትና፡ ባርዝላይ ባረ ሶ ሰሜዳ።

40 ካቲ ፕኒደ ገልጋላ ብያ ዎደ፡ ክምሃዎካ እናና እትጥ ቤዳ። ይሁዳ ኦላንቻቲ ኡባቲን እሰራኤልያ ኦላንቻቲዋጥ ባጋቲ ካትያና እትጥ ቤድና።

41 ሄዋጥ ጉይያን፡ እሰራኤላቲ ኡባይ ካትያኮ ቢደ፡ “ኑ እሻቲ ይሁዳ እሳቲ ካትያን እ ሶ እሳ እያዉ ዉኤድና? ቃይ እ እሳ ኡባና እትጥ ዮርዳኖሳ ሻፋ እያዉ ፕንጫድና።” ያጌድና።

42 ይሁዳ እሳቲ ኡባይ እሰራኤላቲዋ፡ “ካቲ ኑዉ ማታ ዳቦ ግድያ ድራዉ፡ ኑን ሀዋ ኦጫደ፤ ያትና፡ ሀንተንቱ ሄዎ እያዉ ሀንቀትተ? ኑን ካትያ ቁማጥ እየንቶ ሜድኖየ? ዎይ ኑን እጥ እየንቶ ኑዉ እኩዳየ?” ያጌድና።

43 እሰራኤልያ እሳቲ ይሁዳ እሳቲዋ፡ “ካትያጥ ታሙ ኮሺ ኑና ጋጫ፤ ሄዎ ድራዉ፡ ዳዊታ ማታን ኑዉ ሀንተጥ እዴ ማታይ ደእከ! ያትና፡ ሀንተንቱ ኑና እያዉ ካዲድቲ? ኑ ካትያ ጉየ ዛሪደ እሀናዉ ካሰቲደ ሃሳይዳዌ ኑና ግደኮ?” ያጌድና።

ሸን እሰራኤልያ እሳቲዋጥ ይሁዳ እሳቲ ሃሳያ ሎይላ ዎልቃንጫድና።

## 20

### ሸባእ ዳዊታ ቦላ ደንዳዳ

1 ቢንያማ ዛረ ግድያ ቢክራ ናእይ ሸባእ ጌተትያ እት ሸር ባይና ብታኒ ያን ደእ። ሄ ብታኒ ማላካታ ፑኒደ፡ “ኑን ዳዊታና እክያ ኤጻይ ባዋ! እሰያ ናእና ኑን ላታናባይ ባዋ! እሰራኤልያ እሳቲ፡ ኡባይካ ሀንተንቲ ሶ ሀንተንቲ ሶ ገልተ!” ያጌዳ።

2 እሰራኤልያ እሳቲ ኡባይ ዳዊታ ክገደ፡ ቢክራ ናእ ሸባእና ቤድና። ሸን ይሁዳ እሳቲ እማነቲደ፡ ዮርዳኖሳጥ የሩሳላሙ ጋካናዉ፡ ባረንቲ ካትያ ካሌድና።

3 ዳዊተ ባረ ሶ የሩሳላሙ ሰሜዳ ዎደ፡ ካትያ ጎልያ ናጋናዉ እሸዳ ታሙ ባኮቲዋ እክ እፊደ፡ እት ጎለን ናግሰ ዎጫዳ፤ እንቲንቶ ኮሸያዎ እሜዳ፤ ሸን እ እንቲንቲና እቅቤና። እንቲንቲ ሄ ጎለን ናገቲደ፡ ባረንቲ ሀይቁዎ ጋላሳይ ጋካናዉ እምእያዳን ደእድና።

4 ሄዋጥ ጉይያን ካቲ እማሳ፡ “ይሁዳ እሳ ኡባ ሄዙ ጋላሳን ታዉ ጸሳደ ሸሻ፤ ያታደ ኔንካ ነ ሀጺያዉ እንቲንቲና ሸቃ” ያጌዳ።

5 እማሰ ይሁዳ እሳቲዋ ጸሳናዉ ቤዳ፤ ሸን ካቲ እዉ ኪራዳ ጋላሳጥ ጋምኤዳ።

6 ዳዊተ እብሻያ፡ “ሀእ ቢክራ ናእ ሸባእ እበሰሎማዋጥካ እጫደ ኑና ቆሀናዎ። ነ ጎዳ ቆማቲዋ እካደ ኔን እ ቃታማ ካላ። ሄዌ ጳዮጥ፡ እ ግምብቲዳ ካታማቲዋ ደሚደ ኑጥ ከሰ እካና” ያጌዳ።

7 እየአባ አሳቱ፤ ካትያ ናግያዋንቱን ምና ኦላንቻቱ ኡባይ አብሻያና ቢክራ ናኦ ሸባኦ የደርሳናው የሩሳላመጥ ከሲደ ቤድና።

8 ኡንቱንቱ በደ ጋባኦናን ደእያ ዎጋ ዛላ ጋክያ ዎደ፤ አማሰ ኡንቱንቱና ጋከታናው ዬዳ፤ እየአባ ኦላ ማዩዎ ማደ ኡቱዳ፤ ባረ ዳሳን ማሻ ሸኩዎና አል ዎሌዳ ሳቂያ ዳንጨዳ። እ ሰንገላውኮ ታንግሸን። ሄ ማሻይ ሸኩዎጥ ከሰ እኪደ ዎዴዳ።

9 እየአባ አማሳ፤ “ታ አሻው፤ ኔን ሳሮ ደአይ?” ያጌዳ፤ እየአባ አማሳ የራናው ባረ ኡሸቻ ኩሸያን እ ቡቻ ኦይቁዳ።

10 ሸን አማሰ እየአባ ሀድርሳ ኩሸያን ደእያ ማሻ በእቤና፤ ሄዎ ድራው፤ አፕ ናገትቤና። እየአባ እ ኡሉዎ ጫዲደ፤ እ ማራጭያ ቢታን ቆቆፊዳ፤ ላኤንሉዎ ጫደተናንካ አማሰ ኤለካ ሀይቂ ባሺዳ።

ሄዎጥ ጉይያን፤ እየአብን እ እሻ አብሻይ ቢክራ ናኦ ሸባኦ ቃታማ ካሌድና።

11 እየአባ አሳቱዎጥ አቱ አማሳ አሀ ማታን ኤቂደ፤ “እየአባ ደሰያዌን ዳዊተዎ ግድያዌ ኦንን እየአባ ካሎ” ያጌዳ።

12 አማሰ ኦግያ ግደ ባጋን ኩንዲደ፤ ባረ ሱጻን ባዩደ ግሴዳ። ኦላንቻቱ ኡባይ ዬደ፤ ሄ ሳኦን ኤቁዳዎ ሄ ብታኒ በኤዳ ሳናካ አማሳ አሃ ኦግያጥ ጋጻ ሸይቃው ጎቻ የጊደ፤ እ ቦላ ማዩዎ ኦሌዳ።

13 አማሳ ኦግያጥ ድጌዳዎጥ ጉይያን፤ ቢክራ ናኦ ሸባኦ ፓና ካላናው ኦላንቻቱ ኡባይ እየአባና ቤድና።

14 ሸባኦ እሰራኤልያ ዛራቱዎ ኡባ ቢታና አዲደ፤ እቤል-ቤትማእካ ግያ ካታማ ጋኬዳ። ቤራቱዎ ቢታና አድሸን፤ አሳይ ኡባይ ሸቂደ እ ካሌዳ።

15 እየአባና ደእያ አሳቱ ኡባይ ጋኪደ፤ ሸባኦ እቤል-ቤትማእካ ካታማን ዩይ አዲደ ደዳድና። ኡንቱንቱ ካታማ ግምቢያን ዘምፕሲደ ቢታ ደራድና። ቃይ እየአባና ደእያ አሳቱ ኡባይ ግምቢያ ኮላናው ቦክና። ኡንቱንቱ ቦክሸን።

16 ካታማጥ እት ኤራንቻ ምሸራታ ኡንቱንታ ዳሳደ፤ “ሰሰተ! ሰሰተ! ቢደ፤ እየአባ ዳግተ። ታን አዉ ኡድያባይ ደኤ” ያጋዳ። እ ምሸራትኮ ቢና እ።

17 “ኔን እየአቤ?” ያጋደ ኦቻዳ።

እ፤ “ኤ፤ ታና” ያጌዳ።

ምሸራታ እ፤ “ታን ነ ቆማታ ግያዎ ሰሳ” ያጋዳ።

እየአብ፤ “ታን ሰሳይ” ያጌዳ።

18 ምሸራታ እየአባ፤ “ብን ዎደ አሳይ ኣቤላ ካታማጥ ነ ኦሻዉ ዛራዎ ደማ፤ ያጌ፤ ሄዎን የዉ ዉራ።

19 እሰራኤልያ ግደን ሳሮ ደእያ አማንትያ አሳይ ኑና። እሰራኤልያ ቢታን ደእያ እየ ካታማ ኔን ባይዛናው ማላሳ። ኔን ሙድና ጎዳ ቡዞ ቢታ እያዉ ዳይሳናው ኮያይ?” ያጋደ ሃሳያዳ።

20 እየአባ እዞ፤ “ሄዌ ታፕ ሃኮ! ባይዘያዌ ዎይ ዳይሰያዌ ታፕ ሃኮ!

21 የዉ ሄዎ ግደና፤ ኤፍሬሬማ ገዘያጥ ቢክራ ናኦ ሸባኦ ጌተትያ እት ብታኒ ካትያ ዳዊታ ቦላ ባረ ኩሸያ ደንሌዳ። ሄ ብታንያ ታዉ ሸድተ፤ ያቆፕ፤ ታን ካታማጥ ባና” ያጌዳ።

ምሸራታ እየአባ፤ “እ ሁጺ ግምቢያ ዳራና ነዉ ኦላታና” ያጋዳ።

22 ሄዎጥ ጉይያን፤ ምሸራታ ባረ ኤራ ዘርያና አሳ ኡባኮ ባዳ። ሄዎ ድራው፤ አሳይ ቢክራ ናኦ ሸባኦ ቆድያጥ ሁጺያ እየአባዉ ኦሌዳ። ያትና፤ እየአባ ማላካታ ፑኔዳ፤ አሳይ ኡባይ ካታማጥ ከሲደ፤ ባረ ሶ ባረ ሶ ቤዳ፤ እየአብ ካትያኮ የሩሳላመ ሰሚዳ።

**ዳዊታ ኦሳንቻቱዎ**

23 እየአብ እሰራኤልያ ኦላንቻቱ ኡባዉ ጋዳዎ፤ ዮዳሄ ናኦይ ባናይ ዳዊታ ናግያ ኦላንቻቱ ካፑዎ።

24 አደንራም ዎልቃን ጮ ኦልያዎንቱ ካፑዎ፤ አሀሉዳ ናኦይ ዮሳፊጻ ሀኔዳባ ዳፍያዎ።

25 ሱሰ ዎና ዳፍያ፤ ዳድቅን አብያታረ ቄሳቱ ዎ። \*

26 ያኢራ ካታማ አሳ ግድያ እርካ ዳዊታዉ ቄሳቱዎ።

**ዉርሰሳ ላይሳቱዎ**

**21**

(21:1—24:25)

ሳኦላ ያራቱዎ ቦላ ዎዴዳ ፕርዳ

\* 20:25 ሱሰ፡- አብራዌሉዎን “ሻዎ” ጌተ፤ ሀ ብታኒ አብራዌሉዎን እይዳ ዳማ ዳማ ስንገሳን ዳሰቱ።

1 ዳዊተ ካተቱዳ ዋይ፡ ሄዙ ላይላ ኩመንሳ ቢታይ ኮሻቲዳ። ሄዋ ድራው፡ ዳዊተ መድና ጎዳ ኦቼዳ፤ መድና ጎዳይ እ፡ “ሄዌ ሀኔዳዌ ሳኦላ አሳይ ጉሴዳ ሱላ ድራሳ፤ እያወ ጎፕ፡ እ ጋባኦና አሳቲዋ ዋዲዳ” ያጌዳ።

2 ሄዋ ድራው፡ ካቲ ጋባኦና አሳቲዋ ጸሲይ ሃሳይሴዳ። ጋባኦና አሳቲ እስራኤልያ ዛርያ ግድክና፤ ኡንቲንቲ አዋር ቢታ አሳቲዋፕ ለቲዳዋንታ። እስራኤላቲ ኡንቲንታ አሻናወ ኡንቲንቲና ጫቀቲድና፤ ሸን ሳኦል እስራኤልያወን ይሁዳወ ሞሸቲዳ ድራው፡ ኡንቲንታ ኡባና ቆይሳናወ ደሜዳ።

3 ዳዊተ ጋባኦና አሳቲዋ፡ “ታን ሀንተንቶ እያ ኦሎ? መድና ጎዳ ቡዙ ቢታ ሀንተንቲ እንጅና ማላ፡ ታን ሀንተንቶ እያ አጮን?” ያጌዳ።

4 ጋባኦና አሳቲ ዛሪደ ካትያ፡ “ኡፕን ሳኦላፕ ግዲዋን፡ ዋይ ኡፕን ሳኦላ ጎልያ አሳፕ ግዲዋን ደእያ የወ ዋርቃ ዋይ ብራ የወዋ ግድና፤ ቃይ ኡን እስራኤልያ ግድን እት ኡራን ዋቆናወ ኑወ ማታይ ባዋ” ያጌድና።

ዳዊተ ኡንቲንታ፡ “ያትና፡ ታን ሀንተንቶ እያ ኦላናወ ኮዩቲ?” ያጌደ ኦቼዳ።

5 ኡንቲንቲ ካትያ፡ “ሳኦል ኑና ቆይሴዳ፤ ኑፕ እይ አሳይን እስራኤልያ ዛዋን ሀቃንን ፓጻ አተናዳን ማቀቲዳ።

6 ሄዋ ድራው፡ ሳኦላ ያራፕ ላፕን እቲማ አሳቲዋ ኑወ አላደ እማ፤ መድና ጎዳይ ደሪደ ካተዬዳ ሳኦላ ካታማን ግብእን መድና ጎዳ ሰንላን ኡን ኡንቲንታ ካቃና” ያጌድና።

ካቲ ኡንቲንታ፡ “ታን ኡንቲንታ ሀንተንቶ አላደ እማና” ያጌዳ።

7 ሳኦላ ናእይ ዮናታንን ዳዊተ መድና ጎዳ ሰንላን ጫቄዳ ጫቁዋ ድራው፡ ሳኦላ ናእ ዮናታና ናእ ማንፍቦሼታ ካቲ አሼዳ።

8 ሸን ዳዊተ እታ ናታ ርጽፋ ሳኦላወ የሌዳ ላኡ እቲማ ናና፡ አርዋናን ማንፍቦሼታ፤ ቃይ ሳኦላ ናታ መራባ ማሆላ ካታማፕ ዬዳ ባርዝላያ ናእ እድራኤላወ የሌዳ እቼሹ ናና እኬዳ።

9 ጋባኦና አሳቲ አሊደ እሜዳ፤ ኡንቲንቲ ኡንቲንታ መድና ጎዳ ሰንላን ደርያ ሁጸያን ካቄድና፤ ላፑናቲካ እትፕ ሀይቄድና፤ ካላ ጫካን፡ ባንጋ ጫካይ ደምያ ዋድያን ኡንቲንታ ዋዲድና።

10 እታ ናታ ርጽፋ ማቅያ እካደ፡ ዛላ ቦላ ባርወ ሂጻዳ፤ ካላ ጫክያ አገናይ ደምያ ጋላፕ ቢደ እሃቲዋ ቦላ እራይ ሳሉዋፕ ዋቆናዋ ጋካናወ፡ ጋላሰ ሳሉዋ ካርቲ ዋይ ቃማ ሳእ ደአቲ ቦቼናዳን ናጋዲ።

11 ሳኦላ ባካታ፡ እታ ናታ ርጽፋ ኦሎዳዊ ዳዊታወ እደቲዳ።

12 ዳዊተ ቢደ፡ ሳኦላ መቀላን አ ናእ ዮናታና መቀላ ጋላኦደን ደእያ ያቤሻ ካታማ አሳቲዋፕ እኬዳ። ፕልሰጾማ አሳቲ ሳኦላን አ ናና ግልቦእ ደርያን ዋዲደ፡ ቤትሻና ጉታራን ካቄዳዋፕ ጉይያን፡ ሄ ጉታራፕ ጋላኦደን ደእያ ያቤሻ አሳቲ ቆሱዋን እኬድና።

13 ዳዊተ ሳኦላ መቀላን አ ናእ ዮናታና መቀላ ሄ ሳፕ አሄዳ፤ ቃይ ሱለቲዳ ላፕን አሳቲዋፕ መቀላካ ሺሼድና።

14 ሳኦላ መቀላን አ ናእ ዮናታና መቀላ ቢንያማ ቢታን ጸላእ ካታማን ደእያ አ አወዋ ቂሳ ዲፋዋን ሞጌድና። ካቲ አዛዜዳዋ ኡባ ኡንቲንቲ ፖሌድና፤ ሄዋፕ ጉይያን፡ ኡንቲንቲ ሄ ቢታወ ዋሴዳ ዋሳ ጸሳይ ሰሴዳ።

**ፕልሰጾማ አሳቲዋና ኦለቲዳ ኦላቲዋ**

**(1 ኦዲዋ 20:4-8)**

15 ፕልሰጾማ አሳቲዋና እስራኤልያ አሳቲዋና ላኤንሱዋ ኦላይ ደንዴዳ፤ ዳዊተ ባር አሳቲዋና ቤዳ። ፕልሰጾማቲዋና ኦለቲደ ዳዊተ ዳቡራዳ።

16 አዲሳ ምኖ አሳቲዋ ያራፕ ግድና ይሸብባኖባ ግያ እት ብታኒ ደኤ፤ አ ኦይቄዳ ቶራይ ሄዙ ኪሎ ግራመን ባጋ ዴጽያ፡ ናሃሰያ ጌተትያ ብራታፕ ቆጻጽዳዋ፤ እ ኦራላ ማሻ ዳንጭ ኡቲዳ። ያቲዳዊ “ታን ዳዊታ ዋቆና” ጌዳ፤

17 ሸን ጻሩይ ናእይ አብሻይ ዳዊታ አሼዳ፤ ፕልሰጾምያ ሸጪደ ዋዲዳ። ሄዋፕ ጉይያን ዳዊታ አሳቲ ዳዊታ፡ “እስራኤልያ ጸሞፕ ቶኤናዳን ኔን ላኤንሱ ኡባካ ኑናና ኦላወ ባካ” ያጌደ ጫቄድና።

18 ሄዋፕ ጉይያን፡ ጎባ ጌተትያ ሳኦላን ፕልሰጾማ አሳቲዋና ኦላይ ኦለቲዳ፤ ሁሻፕ ዬዳ ሰባካይ አዲሳ ምኖ አሳቲዋ ያራፕ ግድና ሳፋ ዋዲዳ።

19 ቃይካ ሄ ሳኦላን ፕልሰጾማ አሳቲዋና ሀራ ኦላይ ኦለቲዳ፤ ቤተሌመፕ ዬዳ ያኢራ ናእይ ኤልሀናን፡ ቶራ ቶሜይ ሸማይንያ ዋንዳራሽያ ኬሻቶ፡ ጋቲ ካታማፕ ዬዳ ጎልያዳ ዋዲዳ።

20 ቃይካ ጋቲ ካታማን ሀራ ኦላይ ኦለቲዳ። ሄ ሳኦላን እት ዋጋ አዲሳ ብታኒ ደኤ። ሄ ብታንያወ እት እት ኩሽያን ኡሱፑን ብራቲቲ፡ እት እት ገድያንካ ኡሱፑን ብራቲቲ፡ ኡባና ላታማን ኦይዲ ብራቲቲ ደእና። እካ አዲሳ ምኖ አሳቲዋ ያራፕ ግድና አሳ።

21 ሄ ብታኒ እስራኤልያ ናሴዳ ዎደ፥ ዳዊታ እሻ ሻማ ናአይ ዮናታን አ ዎዴዳ።

22 ሄ ኦይዳቱ ጋተ ካታማን ደእያ አዱሳ ሞኖ አሳቱዎ ያራቱዋ። ኡንቱንታ ዳዊተን አ አሳቱ ዎዴድኖ።

## 22

ዳዊተ ጸን ሰሚደ የጼዳ የሳ  
(ማዝ. 18)

1 መድና ጎዳይ አ ሞርከቱዎ ኡባ ኩሽያፕን ሳኦላ ኩሽያፕ አሾዳ ጋላሰ ዳዊተ መድና ጎዳዉ ሀ የሳ የጼዳ።

2 “መድና ጎዳይ ታዉ ዎጋ ዛላ፤  
ታን ኦላፕ ናገትያ ሚጻ፤

አ ታና አሽያዎ።

3 ታ ጸሳይ ታን አኩ ባቃትያ ታ ዎጋ ዛላ።  
አ ታ ጎንዳልያ፤

አ ታና አሽያ ዎልቃዎ።

አ ታን ቆሰታ አትያ ሳኦ፤

አ ታና ማካላንቻ አሳቱዋፕ አሾ።

4 ጋላታይ በሰያ መድና ጎዳ ታን ጸሳይ፤  
አ ታ ሞርከቱዋፕ ታና አሾ።

5 “ሀይቁዎ ቤታይ ታ ሄራን ሰርመቱ፤  
ባሻይ ድኡዋዳን ታና ሙኪዳ።

6 ዱፋዎ ዎዶሩ ታና ቃቻና ሀኔ፤  
ሀይቁ ጸርያዳን ታና ኦይቁዳ።

7 ታና መቱ ኢሰና መድና ጎዳ ጸሳይ፤  
‘ታና ማዳ’ ጋደ ታ ጸሳዉ ዋሳድ።

አ ባረ ጌሻ ጎልያን ታ ኮሻ ሰሴዳ፤  
ታን ዋሴዳ ዋሱ አ ሀይላን ዎዴዳ።

8 “ጸሳይ ሀንቀቱዳ ድራዉ፥  
ቢታይ ዪቁዪቁደ ቃጼዳ፤  
ደረቱዎ ጸጹ ጋጅ ጋጅ ኮኮሪዳ።

9 አ ሲድያፕ ሀንቀዎ ጨዋይ ጨዋቱዳ፤  
አ ዶናፕ ሞያ ታማ ላጩን ጹግያ ቦንቁ ከሴዳ።

10 ሳሉዋ አ ጳልቂደ፥ ዱገ ዎዴዳ።  
ሄ ዎደ አ ገድያፕ ጋርሳና መዴዳ ሻሪ ደኤ።

11 ቀፍያና ደእያ ኪታንታቱዋን፥  
ክሩበቱዋን ኡቲደ ፓሌዳ፤  
ጫርኩዋ ቀፍያ ቦላን ቤቱዳ።

12 ባረና ጹማን ካሜዳ፤  
አ ዱንካኒ አራና መዴዳ ሻርያ።

13 አ ሰንላን ደእያ ዎልቃማ ፖኡዋፕ  
ታማ ላጩ ከሴዳ።

14 “ቃይ መድና ጎዳይ ጉጉንላዳን ሳሉዋፕ ጉሜዳ።  
ኡባፕ ዶቂያ ጸሳይ ባረ ኮሻ ሰሴዳ።

15 ባረ ዎንዳፍያ አዳ የዱደ፥  
ባረ ሞርከቱዋ ላሌዳ።

ዎልቃንላ ፖኡዋ ኪቲደ፥  
ኡንቱንታ የደርሴዳ።

16 መድና ጎዳይ ሴራዳ ዎደን፥  
ሀንቀቲደ ፔኮቁዳ ዎደ፥

አባ ሃሳይ ግሴዳ ቢታይ በቱዳ።

ቃይ ሳኣ ባሱካ ቆንጩዳ።

17 “ጸሳይ ቦላፕ ኩሽያ ዲገ የዲደ፣ ታና ኦይቄዳ፤  
ጨማ ሃላፕ ታና ከሴዳ።

18 እ ታና ታ ዋልቃማ ሞርክያፕገ  
ታና እጽያዋንቱፕ እሹዳ፤  
እያዉ ሳፕ፣ ኡንቱንቱ ታዉ ሎይሐ ዳሮ ዋልቃማ።

19 ታ ዋይያ ጋላሰ፣  
ኡንቱንቱ ታ ቦላ ደንዴድኖ፤  
ሸን መድና ጎዳይ ታና ዘምፕሰያዋ።

20 እ ታና እኩ ሳኣ ከሴዳ፤  
ታናን ናሽቴዳ ድራዉ፣ ታና እሹዳ።

21 “ታ ጽሎተላዳን መድና ጎዳይ ታዉ ጭጌዳ፤  
ታ ኩሽያ ጌሻተላዳን እ ታዉ ዛሬዳ።

22 ታን መድና ጎዳ ኦግያ ካላድ፤  
ታን ታ ጸሳ አጋደ ዋራ ባበይከ።

23 ታን እ ሀግያ ኡባ ናጋድ፤  
እ ዋጋ ፖልያዋ አጋበይከ።

24 ታን እ ሰንላን ሱረ ደእድ፤  
ታን ታና ናጋራፕ ናጋድ።

25 ሄዋ ድራዉ፣ መድና ጎዳይ ታዉ  
ታ ጽሎተላዳን፤ ታ ጌሻተላዳን ዛሬዳ።

26 “እቤት ጸሳዉ፣ አማነትያዋንቶ ኔን አማነትያዋ፤  
ሱረቶ ኔንካ ሱረ።

27 ጌሻቶ ኔንካ ጌሻ፤  
ሸን ጌላቶ ኔን ጭንጫ።

28 ባረንታ ዝቁሰያዋንታ አሻሳ፤  
ሸን ባረንታ ቶቁሰያዋንታ ዝቁሳናዉ ኔን ኡንቱንታ ዴላሳ።

29 እቤት መድና ጎዳዉ፣ ታ ጸምፕ ኔና፤  
መድና ጎዳይ ፖእሰና፣ ታ ቆማይ ክቼ።

30 ነ ማዲዋን ታን ታ ሞርከ ኦላንቻቱ ቦላ ዋራጃይ፤  
ታ ጸሳን ታን ኡንቱንታ ሚጸ ዴራና ጉፓ አዳይ።

31 ጸሳ ኦጊ ሱረ።  
መድና ጎዳ ቃላይ አማነትያዋ።

እኩ ባቃትያ ኡባቶ እ ጎንዳለ።  
32 መድና ጎዳፕ አትና፣ ሀራ ጸሰ ባዋ፤  
ኑ ጸሳፕ አትና፣  
ሀራ ዋጋ ዛል ባዋ።

33 ታዉ ዋልቃ እምያዌን  
ታ ኦግያ ሳሮ ኦልያዌ

ጸሳቱ።  
34 እ ታ ገድያ  
ገንእያ ገድያዳን ምንሴ።

ታና ቶቃ ግሹዋን ሳሮተላን ዋሌ።  
35 እ ታ ኩሽያ ኦላ ሚዘዬ፤  
ሄዋ ድራዉ፣ ታን ታ ቀሰያን፣  
ናሃሰያ ግያ ብራታ ዋንዳፍያን ዳፋደ ዳካይ።

36 “ታና አሽያ ነ ጎንዳልያ  
ኔን ታዉ አማዳ፤

ነ ሎኦ ኦካይ ታና ግታዬ።  
37 ታን ሀመትያ ሳኣ አሳሳ፤

- ሄዋ ድራሬ፣ ታ ገዲ ሀልጽቤና።
- 38 ታ ሞርከቱዋ ታን የደርሳይ መንግሥት ርሳይ፤  
 ታን ኡንቱንታ ሳይሰናን ደአደ ጉየ ሰማቢይከ።
- 39 ታን ኡንቱንታ ላኤንሶ ደንደናዳን ሾጫድ፤  
 ኡንቱንቱ ታ ገድያን ኩንጫድ።
- 40 ኦላዉ ታና ዎልቃ ዳንጭሳዳ፤  
 ታናና ጋዳትያዎንታ ታዉ ጉልባትሳዳ።
- 41 ታ ሞርከቱዋ ታ ሰንሳጥ ጉየ ባቃትሳዳ፤  
 ታና ኦጽያዎንታ ታን ሳይሳድ።
- 42 ባረንታ ማድያዎ ኮዬድ፤  
 ሸን ኡን ኡንቱንታ አሸቤና።
- መድና ጎዳካ ኡንቱንቱ ጸሴድ፤  
 ሸን ኦ ኡንቱንቶ ኮይቤና።
- 43 ታን ኡንቱንታ ባናዳን ሊቅሳድ፤  
 ኦግያን ደአያ ኡርቃዳንካ ኡንቱንታ ድርጸሬሳይ የሳድ።
- 44 “ታ አሳ ማካላፕ ታና አሻዳ።  
 ካዉተላቱዋ ቦላ ሱንሳይ፣ ታና ናጋዳ፤  
 ታን ኤረና አሳይ ታዉ ሞደቱዳ።
- 45 አላጋ ጋይ አሳይካ ታ ሰንሳን ጉልባቱ።  
 ኡንቱንቱ ታ ዋርያ ሰሲደ፣  
 ታዉ አዛዘቲና።
- 46 ኡንቱንቱ ዎዛና ካሃ ባዪና።  
 ባረንቱ ናገትያ ሚጸፕ ኮኮሪደ ዪና።
- 47 “መድና ጎዳይ ደኤ! ጸሳይ፣  
 ታ ዎጋ ዛላይ ጋላተቶ።  
 ጸሳይ፣ ታና አሸያ ዛላይ፣  
 ቶቁ ቶቁ ጎ።
- 48 ኦ ታ ሀሉዋ ከሰያ ጸሳይ፤  
 ካዉተላቱዋ ታፕ ጋርሳና ዎልያዎ።
- 49 ታ ሞርከቱዋፕ ታና ከሰ አክያዎ።  
 አቤት ጸሳዉ፣ ኔን ታናና ጋዳትያዎንቱ ቦላን  
 ታና ቶቁ ቶቁ ኦሳሳ።  
 ማካላንቻ አሳቱዋፕ ኔን ታና አሻሳ።
- 50 ሄዋ ድራሬ፣ ታን  
 መድና ጎዳ ካዉተላቱዋ ግድን ጋላታና፤  
 ታን ነ ሱንሳካ ሳባና።
- 51 “ጸሳይ ባረ ካትያዉ  
 ጸኑዋ ቦላን ጸኑዋ እሚ።  
 ባረ ኦኩዳዎ፣ ዳዊተዉን ኦ ዘረላዉ፣  
 አገና ሲቁዋ መድናዉ ቦሰ”  
 ያጊደ የጸዳ።

# 23

## ዳዊተ ዉርሰላን ሃሳዬዳ ቃላቱዋ

- 1 ሀዋንቱ ዳዊተ ዉርሰላን ሃሳዬዳ ቃላቱዋ።  
 አሰያ ናኤይ ዳዊተ ሃሳዬ፤  
 ጸሳይ ቶቁ ቶቁ ኦሴዳዌ፣  
 ያቆባ ጸሳይ ኦኪደ ካተዬዳዌ፣  
 አሰራኤላን ሎኦ ማዘሙርያ ከሴዳዌ ሀዋዳን ያጌ፡-



- 2 “መድና ጎዳ እያናይ ታ ባገና ሃሳዬ፤  
እ ቃላይ ታ እንጸርሳን ደኤ።
- 3 እስራኤልያ ጸሳይ ሃሳዬዳ፤  
እስራኤልያ ዛላይ ታና ሀዋዳን ያጌዳ፤  
‘ጸሎተላን ጋድያ ሞድያ ካቲ፤  
ጸሳዉ ያዪደ ካተትያ ካቲ፤
- 4 ሻሪ ባይና ጉራን ዶልያ ጸልቂያ ፖኤዋ ማላ።  
ሄ ኡራይ እራይ ቡክ ሰምና፤  
ቢታፕ ማታ ዶልሰያ ቦቃልሳ ማላ፣ ያጌዳ።

- 5 “ቱሙ ታ ጎልያ አሳይ ጸሳ ሰንላን ሱረ።  
እ ታናና መድና ቃላ ጫቁዋ ጫቀቲዳ፤  
ኡባባይካ ሀ ቃላ ጫቁዋ ግደን ጊጊደነ ምኒደ ኡቴዳ።  
ጸሳይ ታዉ ጸኑዋ እማና፤  
ቃይ ታን እሞቴዳዋ ኡባ እ ቱሙፕ ፖላና።

- 6 ሽን ኢታ አሳቱ ኡባይ  
ኩሽያን ሺሻናዉ ሀነና አጉንሳቱዋዳን  
ዋራ ኦለታና።
- 7 እጉንሳቱዋ ቦኝያ ኦንነ  
ብራታ ዋይ ቶራ ቶማ ባረ ኩሽያን ኦይቃናዉ ኮሺ።  
ሄ እጉንሳይ ባረንቱ ደእያ ሳእን ኤዳና”  
ያጌዳ።

ዳዊታ ምና አሳቱዋ  
(1 ኦዲዋ 11:10-41)

8 ዳዊታ አሳቱዋ ምናቱ ሰንሳይ ሀዋፕ ካሊደ ጸፈቲዳ። አንቱንቱፕ ሄዛቱ ሎይሳ ኤረቴዳዋንታ። ሄዛቱዋፕ ኮይራ ታሀክሞናፕ ዬዳ ዮሸብ-ባሸቤታ ጌተቲ፤ እ እት ገደ ኦላን ባረ ቶራን ሆሰፑን ጸቴ እ ሳዊዳ።

9 ሄዙ ምና አሳቱዋ ግደን አ ካሊደ ደእያዋ እሆሀያ ዶዶ ናእ ኤልአዛራ። እት ጋላሰ እነ ዳዊተ ኦላዉ ሸቄዳ ፕልሰጾማቱዋ ናሴድና፤ ሄዋፕ ጉይያን፣ እስራኤልያ አሳይ ጉዮ ሰሚዳ።

10 ሽን እ ባረ ሳእን ምን ኤቂድ፣ እ ኩሺ ዳላሊደ፣ ማሻና ኦይቃታና ጋካናዉ፣ ፕልሰጾማ አሳቱዋ ሸጩዳ። ሄ ጋላሰ መድና ጎዳይ ዋልቃማ ጸኑዋ እሚዳ። ኦላይ ኤቂና፣ ኦላንቻቱ ኤልአዛራኮ ሰሚደ ዬድና፤ ሽን ኡንቱንቱ ሀይቄዳ ፕልሰጾማቱዋፕ ኦላ ማዩዋ ቃራድናፕ አትና፣ ሀራባ ኦለብክና።

11 አፕ ካልያዋ ቃይ ሃራራፕ ዬዳ አገ ናእ ሻማ። እት ጋላሰ ፕልሰጾማ አሳቱ ምሰሪ ኩሙ ኡቴዳ ሸይቃን ሸቄድና፤ እስራኤልያ አሳቱ ኡንቱንቱ ሰንሳፕ ባቃቲድና።

12 ሽን ሻም ሸይቃዉ ግደ ባዙዋን ምን ኤቂደ ኦለቲዳ። ፕልሰጾማ አሳቱዋ ሸጪደ ድፕ ኦሌዳ። መድና ጎዳይ ዋልቃማ ጸኑዋ እሚዳ።

13 ካላ ጫካን ሀታሙ ምና አሳቱዋፕ ሄዛቱ ዳዊታኮ ኦዲላማ ካታማ ማታን ደእያ ጎንጎሉዋ ቤድና። ሄ ዋይ ፕልሰጾማ ኦላንቻቱ ራፋይማ ዋምባን ሸቅ ኡቴድና።

14 ሄ ዋይ ዳዊተ ጌሱዋ ግደን ደኤ፤ ፕልሰጾማ ኦላንቻቱ ጭታይ ቃይ ቤታልሄመን ደኤ።

15 ዳዊተ ሃላ ኡሻናዉ እሞቲደ፣ “ቤተሊመ ካታማ ፕንግያ ላንቂያን ደእያ ፑልቱዋ ሃላፕ ታና እን ኡሻንዳሻ!” ያጌዳ።

16 ሄዙ ምና አሳቱ ፕልሰጾማ ኦላንቻቱ ሞላ አዲደ፣ ቤተሊመ ካታማ ፕንግያን ደእያ ፑልቱዋፕ ሃላ ዳቂደ ዳዊታዉ አሄድና። ሽን እ ኡሸናን እጾዳ፤ መድና ጎዳ ሰንላን ትጊደ።

17 “እቤት መድና ጎዳዉ፣ ሀዋ ኡሻናዊ ታፕ ሃኮ! ሀ ሃላይ ባረንቱ ሸምፑዋ ሽኩፕ ገደ ጸሊደ ቤዳ አሳቱዋ ሱላ ግደን?” ያጊደ ኡሸናን እጾዳ።

18 ሀዛዙ ምና አሳቱ ሀዋ ኡሌድና።

19 ጸሩይ ናእ እዮእባ እሻይ አብሻይ ሀታማቶ ካፑዋ፤ እ ሄዙ ጸቴ አሳቱዋ ባረ ቶራን ኦለቲደ ዋዲዳ፤ ያቲደ እካ ሀራ ሄዛቱዋዳን ኤረቴዳ።

20 እ ሀታማቱዋፕ አዲደ ቦንቹቲዳ አሳ፤ እ ኡንቱንቶ ካፑዋ ግዳዳ። ግደፕ፣ እ ሄ ሄዛቱዋ ፓይዳዋን ባዋ።

21 ቃይ ቃብጽኤላፕ ዬዳ ዮዳሄ ናእይ ባናይካ ምና አሳ። እ ምና ኦሳቱዋ ኡሌዳ። እ ላኤ ኤረቴዳ ሞአበ አሳቱዋ ዋዲዳ። ቃይ ሻቻይ ዳርያ እት ጋላሰ ኦላ ዳገ ገሊደ፣ ጋሙዋ ዋዲዳ።

22 ቃይ ግብጾ ብታንያ እት ዋልቃማ ዋዲዳ፤ ግብጾ ብታኒ ቶራ ኦይቄዳ፤ ሽን እ ዱላ ኦይቄደ እ ቦላ ቤዳ፤ እ ኩሽያፕ ቶራ ቦንቂ እኪደ፣ እ ቶራን እ ዋዲዳ።

- 22 ዮዳሄ ናአይ ባናይ ሀዋንታ ኦሴዳ። እ ሱንሳይካ ሄ ሄዛቱዋዳን ኤረቲዳ።
- 23 እ ሀታማቱዋ ግደን ዳር ቦንቼቴዳ፤ ሽን እ ሄዛቱዋ ፓይዱዋን ባዋ። ዳዊተ እ ባረና ናግያ ኦላንቻቶ ካቸዋ ከሴዳ።
- 24 ሄ ሀታማቱዋ ግደን ደእያዋንቱ፡ ዮአባ እሻ አሳሄላ፡ ቤተሌመፕ ዬዳ ደዶ ናአ ኤልሀናና፡
- 25 ሀሮዳፕ ዬዳ ሻማነ ኤሊቃ፡
- 26 ፓልጸ ያራ ግድያ ሄሌጸ፡ ታቆአፕ ዬዳ እቁሻ ናአ እራ፡
- 27 አናቶታፕ ዬዳ አብኤዘራ፡ ሁሻፕ ዬዳ ማቡናያ፡
- 28 አሆሀ ያራ ግድያ ጸልዋና፡
- 29 ናጸፋፕ ዬዳ ማሀራያነ ባአና ናአ ሄሌባ፡ ቢንያማ ቢታፕ፡ ግብአፕ ዬዳ ርባያ ናአ እታያ፡
- 30 ፕርአቶናፕ ዬዳ ባናያ፡ ጋአሻ ዛንጋራ ማታፕ ዬዳ ሀዳያ፡
- 31 አራባፕ ዬዳ አብአልቦና፡ ባህሩማፕ ዬዳ አዝማዊታ፡
- 32 ሻአልቦናፕ ዬዳ ኤልያሀባ፡ ያሼና ናና፡ ዮናታና፡
- 33 ሃራራፕ ዬዳ ሻማ፡ ሃራራፕ ዬዳ ሻራራ ናአ እሀአማ፡
- 34 ማእካፕ ዬዳ አሀሳባያ ናአ ኤልፈሌጸ፡ ጊሎፕ ዬዳ አክጸፊላ ናአ ኤሊአማ፡
- 35 ቃርመሎሳፕ ዬዳ ሄጸራ፡ አራባ ካታማፕ ዬዳ ፓአራያ፡
- 36 ጸባ ካታማፕ ዬዳ ናታና ናአ ይግአላ፡ ጋዳፕ ዬዳ ባና፡
- 37 አዋናፕ ዬዳ ጸለቃ፡ ጸሩይ ናአ ዮአባ ኦላ ሚሻ ቶክያ ባኤርታፕ ዬዳ ናሀራያ፡
- 38 ያትራ ያራ ግድያ እራ፡ ያትራ ያራ ግድያ ጋሬባነ
- 39 ሄትያ ኦርዮና፡ ኡንቱንቱ ኡባና ሀታማነ ላፕና።

## 24

### ዳዊተ እሳ ፓይድሴዳ (1 ኦዳዋ 21:1-27)

- 1 ቃይካ መድና ጎዳ ሀንቁ እሰራኤልያ ቦላ ኤጽ ከሴዳ፤ ያትና፡ ጸሳይ ዳዊታ ኡንቱንቱ ቦላ ደን፤ ለደ፡ “ባ፤ እሰራኤላነ ይሁዳ እሳ ፓይዳ” ያጌዳ።
- 2 ሄዋ ድራው፡ ካቲ እዮአባነ አናና ደእያ ኦላንቻቱዋ ካፓቱዋ ሀዋዳን ያጌዳ፤ “እሰራኤልያ ዛራቱዋ ግደ ዳናፕ ዬዳ ቢሮ በርሳቢሀ ጋካናው ቢደ ኡንቱንቱ አፕንቶ ታን ኤራና ማላ፡ እሰራኤልያ እሳ ፓይድተ” ያጌዳ።
- 3 ሽን እዮአባ ካትያ፡ “መድና ጎዳይ ነ ጸሳይ ሀ ደእያ እሳ ቦላ ጸቴ ኩሽያ ጉጆ! ሄዋ ነ አይፊ፡ ታ ጎዳ ካትያ አይፊ በኦ! ሽን ታ ጎዳይ ካቲ አያው ሄዋ ማላ ኦላናው ኮዪ?” ያጌዳ።
- 4 ሽን ካትያ ቃላይ እዮአባነ ኦላንቻቱ ካፓቱዋ ጸኔዳ። ኡንቱንቱ ካትያ ሰንሳፕ ከሲደ፡ እሰራኤልያ እሳ ፓይዳናው ቤድና።
- 5 ኡንቱንቱ ዮርዳናሳ ሻፋ ፕኤዳዋፕ ጉይያን፡ ዛንጋራፕ ገድሳ ባጋን ደእያ አርኤራ ካታማን ኡቲድና፤ ሄዋፕ ቃይ ጋደ እጲደ ያእዜራ ጋኬድና።
- 6 ሄዋፕ ጉይያን፡ ኡንቱንቱ ጋላኦይነ ሂተቱዋ ቢታን ደእያ ቃዳሳ ቤድና፤ ሄ ሳፕ ቃይ ዳና ካታማ ቤድና፤ ሄዋና ሲደና ካታማ ቤድና።
- 7 ሄ ሳፕ ደንዲደ፡ ጸረሳ ካታማ ጌሱዋነ ሄዌቱዋነ ካናነቱ ካታማ ኡባ ቤድና። ወርሰላን ቃይ ይሁዳ ኔጌባን ደእያ በርሳቢሀ ካታማ ቤድና።
- 8 ኡንቱንቱ ቢታ ኡባ ዩዪደ፡ ኡዱፕን እግናነ ላታሙ ጋላሳ ጋምኤዳዋፕ ጉይያን፡ ዮሩሳላሙ ካታማ ሰሜድና።
- 9 እዮአባ ፓይዳዳ እሳ ፓይዳዋ ካትያ ኤርሴዳዋዳን እሰራኤላን ማሻን ኦላታናው ዳንዳይያ ሆሰፕን ጸቴ ሻኦ፤ ምና ኦላንቻቱ ደእኖ፤ ይሁዳን ቃይ እቼሹ ጸቴ ሻአይ ደእኖ።
- 10 እሳ ፓይዳዳዋፕ ጉይያን፡ ዳዊታ ዋዛናይ ሻበረቲዳ፤ ሄዋ ድራው፡ ዳዊተ መድና ጎዳ፡ “ታን ሀ ከታን ዋልቃማ ናጋራ ኦላድ። ሽን ሀእ እቤት መድና ጎዳው፡ ታን ኔና ዋሳይ፤ ታ ባይዘዋ፡ ነ ቆማ ባይዘዋ ቁጫ። ታን ዳር ኤያባ ሀናድ” ያጌዳ።
- 11 ዋንተሳ ጋላሰ ጉራ፡ ዳዊተ ግሱዋፕ ደንዲዳ ዋደ፡ ዳዊታው ትምቢትያ ኦድያ ጋዳኮ መድና ጎዳ ቃላይ ዩደ፡
- 12 “ባ፤ ዳዊታ፡ ‘መድና ጎዳይ ኔና፡ “ታን ኔና ሄዘባፕ ደሩዋ በሳይ፤ ታን ነ ቦላ ፖላናው ታው ኡንቱቲፕ እቱዋ ደራ” ያጌ’ ያጋ” ያጌዳ።
- 13 ጋድ ዳዊታኮ ቢደ፡ “ሄዘ ላይላ ነ ቢታይ ኩሻታናዋ ደራይ? ዋይ ነ ሞርከቱ ኔና ዩደርሰሽን፡ ሄዘ አገና ኔን ኡንቱንቱ ሰንሳፕ ባቃታናዋ ደራይ? ዋይ ነ ቢታ ላይላ ሄዘ ጋላሳ ኢታ ሀርጊ ናናዋ ደራይ? እነ ሀእ ቆፋ ቃቻደ፡ ታን ታና ከቲዳዋ ዛርያዋ ኦዳ፤ ያጌዳ።
- 14 ሄዋፕ ጉይያን ዳዊተ ጋደ፡ “ታን ሎይላ ኡንኤታድ። መድና ጎዳ ማርተላይ ዋልቃማ ግድያ ድራው፡ ኡን እነ አ ኩሽያን ኩንደይተ፤ ታና እሳቱዋ ኩሽያን ኩንድሶፕ” ያጌዳ።

15 ሄዋ ድራው፣ ዋንታፕ ቢደ ባረ ጌዳ ጋላሳይ ጋካናው፣ መድና ጎዳይ እስራኤልያ ቢታን ኢታ ሀርግያ ከቲዳ፤ እስራኤልያ ዛዋን ዳናፕ ቢደ በርሳበሀ ጋካናው፣ ላፑን ታሙ ሻእ አሳይ ሀይቄዳ።

16 የሩሳላመ ካታማ ጳይሳናው ከታንቻይ ባረ ኩሽያ የዴዳ ዎድ፣ መድና ጎዳይ ሄ ጋኬዳ ቦሻዉ ካዮቲዳ፤ አሳ ሾጭያ ከታንቻ፣ “አጋ! ሄዌ ግዳና!” ያጌዳ። መድና ጎዳ ከታንቻይ ሄ ዎደ ያቡሰያ ኦርና ኡዳማን ደኤ።

17 አሳ ሾጭያ ከታንቻ ዳዊተ በኤዳ ዎድ፣ መድና ጎዳ፣ “በአ! ናጋራ ኦጭዌ ታና፤ ታን ባይዛድ! ሀ ደርሳቱ፣ ኡንቱንቱ አይ ኦጭድኖ? ሀያና፣ ታናን ታ አወዋ ሶ አሳ ኔን ሙራና ማላ ታን ዎሳይ” ያጌዳ።

18 ሄ ጋላሰ ጋድ ዳዊታኮ ዪደ፣ “ባ፤ ፑደ ያቡሰያ ኦርና ኡዳማ ባደ፣ መድና ጎዳው ያርሽያ ሳእ ያን ግምባ” ያጌዳ።

19 ዳዊተ መድና ጎዳይ ጋደ ባጋና አዛዜዳዎዳን ፑደ ቤዳ።

20 ኦርን ዲገ ጾልያ ዎድ፣ ካቲነ እ አሳቱ ባረኮ ይያዋንታ በኤዳ፤ ጋጾ ከሲደ፣ ባረ ዴሙዋ ሳእ ጋሊደ፣ ካትያው ጎይኔዳ።

21 ዝጊደ ኦርን፣ “ታ ጎዳይ ካቲ ባረ ቆማኮ፣ ታኮ እያዉ ዬዳ?” ያጌዳ።

ዳዊተ፣ “አሳ ቦላፕ ቦሻይ ክቻናዳን ታን መድና ጎዳው ያርሽያ ሳእ ግምባናው፣ ነ ኡዳማ ሻማናው ያድ” ያጌዳ።

22 ኦርን፣ “ታ ጎዳይ ካቲ ባረ ኮዬዳዎ እያን እኪደ ያርሾ! በአ፤ ጹግያ ያርሾ ቦራቱ፣ ኤልያ ሞላዉ ቃይ ካሳ ቡክያ ሚሻቱነ ቦራ ሞርገ ሞላቱ ሀዋንቱሽ።

23 ካትያው፣ ሀዋ ኡባ ታን ኦርን ካትያው እማይ” ያጌዳ። ቃይካ ኦርን ካትያ፣ “መድና ጎዳይ ነ ጾሳይ ነ ያርሹዋ አኮ” ያጌዳ።

24 ሸን ካቲ ኦርና፣ “ቱይት፣ ሃኮ! ታን ቱሙፕ ሚሻን ሻማና፤ እያዉ ጎፕ፣ ሚሻ እክቤና ጹግያ ያርሹዋ ታን መድና ጎዳው፣ ታ ጾሳው፣ ያርሽከ” ያጌዳ።

ሄዋ ድራው፣ ካቲ ኡዳማፕ ቦራቱዋ ኦርናፕ እሻታሙ ጸጋራ ብራን ሻሜዳ።

25 ዳዊተ ሄ ሳእን ያርሽያ ሳእ ግምባደ፣ ጹግያ ያርሹዋን እትፕተሳ ያርሹዋ መድና ጎዳው ያርሹዳ፤ ያትና፣ መድና ጎዳይ ሄ ቢታ ድራው ዎሰቲደ ዎሳ ሰሲደ፣ ቦሻ እስራኤልያፕ ድጌዳ።

# ኮይሮ ካታቱዋ ማጻፋት ገሉዋ

ካታቱዋ ማጻፋት ኮይሮ ሻኩ፡ ሳመላ ማጻፋቱዋ ላእቱዋን ደመቲዳ፡ እስራኤልያ ቢታ ካተቱዋ ታርኪያ፡ እቲዳዋ ካሊደ እዳ፡፡ ማጻፋት ሄዙ ዋና ዋና ክፍላቱዋን ሻክ ጸላናው ዳንዳዬቶ፡፡

1. ሶሎሞን ባረ እውዋ ዳዊታ ሳኒን እስራኤላን ይሁዳ ካትያ ግድያዋን እ እውዋ ዳዊታ ሀይቆዋ ባእዳ፡፡
2. ቃይ ሀ ማጻፋይ ሶሎሞን ካውተላ ኤቆዋን እ ኦሌዳ ኪታ ኦድያ ታርኪያ፡፡ እ ኦሌዳ ኦሶቱዋ፡፡ እዳናው ደና ኩምያዋ ዩሩሳሌምን ግምቡቲዳ ጌሻ ጎልያ፡፡
3. እስራኤሊ ሁጲሳን ገድሳ ካውተላ ጌተቲደ ላኡ ከሲደ ሻከቲዳዋን ሄ ሻከቲዳ ካውተላቱዋ ክርሰቶሰ የለታና፡፡ ካሰ፡ ኡዲፑንሎ ጸቱ ላይሳይ ጋካናው ዲማ ዲማ ሞዴዳ ካተቱዋ ታርኪያ እዳ፡፡

ሀ ላኡ ማጻፋቱዋን አሳ ካለለያ ካቲ ሎኒን ኢታን ጌተቲደ ፕሮደትያዎ፡፡ ጸሳው እ እማነትያዋ ከናና፡፡ ሄዋዳንካ ቃይ ሄ ቢታይ ድጭያ ድቻይን ደምያ እንጂ ሄ ካለለያ ካቲ ጸሳው እማነቲዳዋ ከናና፡፡ ሀራ ባጋና ቃይ አላጋ ጸሳቶ ጎይኔዳዊን እዛዘተናን እጸዳዊ ካለለያዋንታካ ካልያ አሳካ ባሻው አፌዳ፡፡ ሁጲሳን ባጋ ካውተላ ካተቱ ኡባይካ ፓጭያን ኩንዴድና፡፡ ሸን ይሁዳ ካተቱዋ ታርኪያ ኢታቱዋካ ሎኦቱዋካ እዳ፡፡

ካተቱ ማጻፋት ኮይሮ ክፍልያን ዳር ኤሪቲዳዋንቱ፡፡ ጸሳ ደና ግዲደ ትምቢትያ ቃላ ኦዴዳን አሳይ ኤቃው ጎይና ማላን ጸሳው እዛዘተናን እጸና ማላ፡ ምንሲደ ኤርሴዳ ትምቢትያ ኦድያ ምና አሳቱዋ፡፡ ኡንቲንቲፕካ ኤሪታ ዳርያዌ ኤላሳ፡፡ ኤላሰ ባኣላ ቄሳቱ ዋና ናሰቲዳ ታርኪያ ሄ ሳኦን ኦድቲዳ (ሸምፑዋ 18 ጸላ)፡፡

## ሸምፑቱዋ ኡባቶ አመቲዳ ቃንሳ ቆፋቱዋ

ሀ. ዳዊታ ዋድያ ዉርሰሳ 1:1—2:12

ለ. ሶሎሞን ካትያ ግዲሳ 2:13-46

ሐ. ሶሎሞና ካውተላ 3:1—11:43

1. ኮይሮ ላይሳቱዋ 3:1—4:34
2. ጌሻ ጎልያ ኦሶዋ 5:1—8:66
3. ዉርሰሳ ላይሳቱዋ 9:1—11:43

መ. ሻከቲዳ ካውተላ 12:1—22:53

1. ፑደሃ ራራቱዋ ማካላ 12:1—14:20
2. ይሁዳን እስራኤልያ ካተቱዋ 14:21—16:34
3. ናብያ ኤላሳ 17:1—19:21
4. እስራኤልያ ካትያ አካባ 20:1—22:40
5. ይሁዳ ካትያ እዮሳፋጸን እስራኤልያ ካትያ እካዝያሳ 22:41-53

## ዳዊተ ዋድያ ዉርሰሳ

(1:1—2:12)

ካቲ ዳዊተ ጭሚዳ

1 ካቲ ዳዊተ ጭሚደ ዋድያ ሎይሳ ሱጌዳ፡፡ ያቲዳዋ ቆማቱ ማጻዋ እ ቦላ ኩርናካ እ ሆኤናን አጸዳ፡፡

2 ሄዋ ድራው፡፡ እ አሳንቻቱ እ፡ “ካትያ ማታን ደአና ማላን እ ናጋና ማላ፡ እት ዋደር ናቶ ኮን ነው ኮያና፤ ኑ ጎዳ ካትያ ሆኤላናው እዛ እ ምይያን ግሳናው ዳንዳዬዋ” ያጌድና፡፡

3 ኡንቲንቲ ኢስራኤልያ ቢታን ኡባን ኮዪደ አብሻሻ ጌተትያ እት ማላ ሎኦ ዋደራቶ ሸኔማ ጌተትያ ካታማፕ ደሚደ እዛ ካትያው አሄድና፡፡

4 ሄ ወደራታ ሎይሳ ማላ ሎኦ ናኡ፡፡ እዛ ካትያ ናጋዲን እው ኦላዲ፤ ሸን ካቲ እዝና ግሎዋን ጋከት ኤሪና፡፡

አድንያሰ ካተታናው ኮዬዳ

5 ሀጊት ናእይ አድንያሰ፡ “ታን ካተታናው ኮያድ” ያግ ደንዲደ ፓራ ጋሪቱዋን ፓራቱዋ ባረ ሰንላን ዋጽያ አሻታሙ አሳና ገግሴዳ፡፡

6 እ እው አባን ገሊደ፡ “አያው ሀዋ ኦላይን” ገደ ኡባካ እ ኦቶ ኤሪና፡፡ አድንያሰካ ቃይ ማላ ሎይሳ ሎኦ አሳ፤ እ አበሰሎማ ካሊደ የሰቲዳ፡፡

7 እድንያስ ጻሩይ ናኣ ዮኣባነ ቁስያ ኣብያታራ ሀ የወዋ ዞረታ በሴዳ፤ ኤንቱንቱ ኣ ማዳናዉ ማዬድኖ።

8 ሸን ቁስያ ጻድቀ፡ ዮዳሄ ናኣይ ባናይ፡ ትምቢትያ ኦድያ ናታን፡ ሸምእ፡ ሬእነ ዳዊታ ናግያዋንቱ ኣድንያሳና ባዋ።

9 እት ጋለስ ኣድንያስ ኤንግጌላ ካታማ ማታን ዞሄሌታ ዛላ ጌተትያ ሳኣን ደርሳቱዋ፡ መሄቱዋን ቦልትቦልታ ማራቱዋ ያርሼዳ። ካትያ ናና ባረ እሻቱዋ ኡባነ ካትያዉ ኦልያ ይሁዳ ኣሳቱዋ ኡባ ባረ ያርሼያ ሳኣ ጸሴዳ፤

10 ሸን ትምቢትያ ኦድያ ናታና፡ ባናያ፡ ካትያ ናግያዋንታን ባረ እሻ ሶሎሞና ጸሰቤና።

**ሶሎሞነ ካተቲዳ**

11 ሄዋፕ ጉይያን፡ ናታን ሶሎሞነ ዳዮ በርሳቤሆ ሀዋዳን ያጊደ ኦቼዳ፤ “ኑ ጎዳይ ዳዊተ ኤረናን ደእሸን፡ ሀጊት ናኣይ ኣድንያስ ካተቲዳዋ ኔን ሰሳቢይኪየ?

12 ያቶፕ፡ ሀእ ኔን ነ ሸምፑዋን ነ ናኣ ሶሎሞነ ሸምፑዋ ዋታደ ኣሻንንቶ ኔና ታን ኣነ ዞራይ።

13 ካትያ ዳዊታኮ ገላደ ሀዋዳን ያጋ፤ ታ ጎዳዉ ካትያዉ፡ ታዉ ነ ቆማትዉ፡ “ቱማ፡ ታፕ ጉይያን ነ ናኣይ ሶሎሞነ ካተታና፤ ታ ካዉተላ ኣራታን እ ኡታናዋ” ያጋደ ጫቃቢይኪ? ያትና፡ ኣድንያስ ኣያዉ ካተቲዳ? ያጋ።

14 ኔን ካትያና ሃሳያደ ያን ደእሸን ታን ገላደ፡ ነ ሃሳያ ማይዛደ ሃሳያና” ያጌዳ።

15 በርሳባ ጭሚዳ ካትያ ሃሳይሳናዉ እ ደእያ ኣልፕንያ ገላዳ፤ ሹኔማ ካታማፕ ዬዳ ኣብሻጋ ካትያ ናጋናዉ።

16 በርሳባ ካትያ ሰንላን ኩንዳ ጉፋናዳ።

ካቲ፡ “እያ ኮያዲ?” ያጊደ ኦቼዳ።

17 እዛ፡ “ታ ጎዳዉ፡ ታዉ ነ ቆማትዉ፡ ታፕ ጉይያን ነ ናኣይ ሶሎሞነ ካተታና፤ ታ ካዉተላ ኣራታንካ እ ኡታናዋ” ጋደ መጵና ጎዳን፡ ነ ጸሳን፡ ኔን ጫቃዳ።

18 ሸን ሀእ ኣድንያስ ካተቲዳ፤ ኔን ታ ጎዳይ ካቲ ሄዋ ኤራካ።

19 እ ሎይሳ ዳር መሄቱዋ፡ ቦልትቦልታ ማራቱዋን ደርሳቱዋ ያርሼደ ካትያ ናና ኡባ፡ ቁስያ ኣብያታራን ኦላ ጋዳዋ ዮኣባ ጸሴዳ፤ ሸን ነ ቆማ ሶሎሞና ጸሰቤና።

20 ታ ጎዳዉ ካትያዉ፡ ታ ጎዳፕ ካትያፕ ጉይያን ኦን ነ ካዉተላ ኣራታን ኡታንንቶ ኤራናዉ ኣሰራኤልያ ኣሳ ኡባ ኣይፊ ኔና ጸል ኡቴዳ።

21 ሄዋ ቆዮፕ፡ ታ ጎዳይ ካቲ ሀይቁደ ባረ ማይዛን ጋከትያ ዋደ፡ ታንነ ታ ናኣይ ሶሎሞነ ዳባ ኦሌዳ ኣሳዳን ፓይደታና” ያጋዲ።

22 በርሳባ ብር ካትያና ሃሳይሸን፡ ትምቢትያ ኦድያ ናታን ካትያ ጎልያ ጋኬዳ።

23 ካትያዉ፡ “ትምቢትያ ኦድያ ናታን ዬዳ” ያጊደ ኦዴድኖ። ያትና፡ ናታን ካትያ ሰንላ ኣዲደ፡ ባረ ዳሙዋ ሳኣ ጋላደ ጎይኔዳ።

24 ሄዋፕ ጉይያን ናታን፡ “ታ ጎዳዉ ካትያዉ፡ ኔፕ ጉይያን ኣድንያስ ካተታናዳንነ ነ ካዉተላ ኣራታን ኡታናዳን ኦዳዲየ?

25 ሆቼ እ ዲገ ቢደ ሎይሳ ዳር መሄቱዋ፡ ቦልትቦልታ ማራቱዋን ደርሳቱዋ ያርሼደ ካትያ ናና ኡባ፡ ኦላ ጋዳዋቱዋን ቁስያ ኣብያታራ ጸሴዳ። ኤንቱንቱ ሀእ ኣናና ሚድነ ኡሽደ፡ “ካቲ ኣድንያስ መጵናዉ ደኦ!” ያግ ደእኖ።

26 ሸን ታና ነ ቆማ፡ ቁስያ ሳደቃ፡ ዮዳሄ ናኣ ባናያን ነ ቆማ ሶሎሞና ጸሰቤና።

27 ሀዋ ታ ጎዳ ካትያፕ ጉይያን ኣ ካዉተላ ኣራታን ኦን ኡታንንቶ ባረ ቆማቱዋ ኤርሰናን ደኢደ ታ ጎዳይ ካቲ ኦሌዳቤየ?” ያጌዳ።

28 ካቲ ዳዊተ፡ “በርሳቤሆ ታዉ ጸሰተ” ያጌዳ፤ ካቲ ደእያ ሳኣ ገላደ ኣ ሰንላን ኤቃዲ።

29 ሄ ዋደ ካቲ እዝዉ ሀዋዳን ያጊደ ጫቃዳ፤ “ታና መቶ ኡግፕ ኣሸዳ መጵና ጎዳይ ኤር!

30 መጵና ጎዳን፡ ኣሰራኤልያ ጸሳን ታን ነዉ ጫቁዳ ጫቁዋ ቱሙ ሆቼ ፖላና፤ ታፕ ጉይያን ነ ናኣይ ሶሎሞነ ካተታና፤ ታ ካዉተላ ኣራታን፡ ታ ሳኣን እ ኡታናዋ” ያጌዳ።

31 በርሳባ ባረ ዳሙዋ ሳኣ ጋላደ ካትያ ሰንላን ዉቱሻደ ካትያ፡ “ታ ጎዳይ፡ ካቲ ዳዊተ መጵናዉ ደኦ!” ያጋዲ።

32 ሄዋፕ ጉይያን ካቲ ዳዊተ፡ “ታዉ ቁስያ ሳደቃ፡ ትምቢትያ ኦድያ ናታናን ዮዳሄ ናኣ ባናያ ጸሴደ ገልሰተ” ያጌዳ። ኤንቱንቱ ገሊደ፡ ካትያ ሰንላ ኣዲድኖ።

33 እ ኤንቱንታ፡ “ታ ቆማቱዋ ሀንተናና ኣክ ቢደ፡ ታ ናኣ ሶሎሞና ታን ቶግያ ባቁሎዋ ቶግሲደ፡ ዲገ ግዮን ፑልትያ ኣፍተ።

34 ቁስያ ሳደቅን ትምቢትያ ኦድያ ናታን እ ኦኪደ ኣሰራኤልያ ኣሳ ቦላን ካዉሰኖ። ሄዋፕ ጉይያን ማላካታ ፑኒደ፡ ሀንተንቱ ቃላ ቆቁ ኦላደ፡ “ካቲ ሶሎሞነ መጵናዉ ደኦ!” ያግተ።

35 ሃዋጥ ጉይያን ህንተንቱ እ ገደኒደ እናና ዩደ ቢተ፤ እ ዪደ ታ ካወተላ አራታን ኡተደ፣ ታ ሳእን ካተቶ። ታን እስራኤልን ይሁዳ ሞድያዋ ኡዳደ እ ሱንሳድ” ያጌዳ።

36 ዮዳሄ ናእ ባናይ ካትያዉ ዛሪደ፣ “እመንእ! መጅና ጎዳይ፣ ታ ጎዳ ካትያ ጸሳይካ ሄዎ ጎ!

37 መጅና ጎዳይ ታ ጎዳና ካትያና ግዴዳዋዳን ሶሎሞናካ ግደ፤ ያትና፣ እ ካወተላ አራታ ታ ጎዳ ካትያ ዳዊታ ካወተላ አራታገካ አሊደ ግታዮ” ያጌዳ።

38 ሃዎ ድራዉ፣ ቄሰያ ሳዶቀ፣ ትምቢትያ ኦድያ ናታን፣ ዮዳሄ ናእይ ባናይ ካትያ ናግያዋንቱ ሶሎሞና ካት ዳዊተ ቶግያ ባቁሉዋ ቶግሲደ፣ ግዮን አፌድና።

39 ቄሰያ ሳዶቀ ጸሳ ዲንካንያገ ዛይትያ ካጭን ጎግ እኪደ፣ ሶሎሞና ኦኪደ ካተዬዳ። ሃዋጥ ጉይያን ኡንቱንቱ ኡሉዲድያ ዩንና፣ አሳይ ኡባይ ባረ ቃላ ጾቄ ኦሊደ፣ “ካትያ ሶሎሞን መጅናዉ ደእ!” ያጌዳ።

40 አሳይ ኡባይካ እ ካሊደ ዩደ ቤዳ፤ ኡንቱንቱ ሱሱሊያ ገን ዩኒደ ካሊደ ሎይላ ናሽቴድና። ሄ ሆምቦጫላን ቢታይ ቃዶዳ።

41 አደንያሰን እናና ደእያ እማላቱ ባላ ሞ ዉርሲደ ሀዎ ሰሴድና። ኡሉዲድያ ዩኑዋ ሰሲደ ዮአበ፣ “ሀ ካታማን ኮሹሞያ ዋላሳይ ኡባይ እይባቤ?” ያጌደ ኦቼዳ።

42 እ ብር ሃሳይሽን ቄሰያ አብያታራ ናእይ ዮናታን ጋክ ዎዴዳ። አደንያሰ፣ “እነ ሃ ገላ። ነ ማላ ሎኦ አሳይ ሎኦ ኦዲዋ እሄናን እገና” ያጌዳ።

43 ዮናታን፣ “ቱይት፣ ታን ሎኦ ኦዲዋ አሀበይከ! ኑ ጎዳይ ካት ዳዊተ ሶሎሞና ካተዬዳ።

44 እ ገደናና ማላ ካት ቄሰያ ሳዶቀ፣ ትምቢትያ ኦድያ ናታን፣ ዮዳሄ ናእ ባናይ ካትያ ናግያዋንታ እናና ዮዳዳ፤ ኡንቱንቱ ካት ቶግያ ባቁሉዋ እ ቶግሲድና።

45 ቄሰያ ሳዶቀን ትምቢትያ ኦድያ ናታን፣ ግዮን ሻፋን እ ኦኪደ ካተዬድና፤ ሃዋጥካ ኡንቱንቱ ሆምቦጫደ ዩደ ቤድና፤ ሃዎ ካታማይካ ኮሹሚ። ሀእ ህንተንቱ ሰሰያ ዋላሳይ ሃዎ።

46 ሃዎ ቦላካ ሶሎሞን ካወተላ አራታን ኡቱዳ።

47 ቃይ ካትያ ኦሳንቻቱካ ኑ ጎዳ ካትያ ዳዊታ፣ ና ጸሳይ ሶሎሞና ዋርያ ነዋጥካ እላ ዋረዮ! እ ካወተላ አራታ ነዋጥካ እላ ግታዮ!” ያጌደ እንጃድና። ካት ባረ አርሳን ደአደ ሆኪደ ጸሳዉ ጎይኒደ።

48 ታ ካወተላ አራታን ኡተደ ታ ሳእን ካተትያዎ ታና ሀቼ ታ እይፍያን በሴዳ መጅና ጎዳይ እስራኤልያ ጸሳይ ጋላተቶ!” ያጌዳ” ያጌዳ።

49 ሃዎ ሰሲደ፣ አደንያሰ እማላቱ ኡባይ ዳጋሞ ደንዲደ፣ ላለቱድና።

50 አደንያሰ ሶሎሞናዉ ያይ ቢደ፣ ያርሽያ ሳእ ካጩቱዋ ኦይቄደ።

51 አሳይ ሶሎሞና፣ “አደንያሰ ካትያ ሶሎሞናዉ ያዩደ፣ ያርሽያ ሳእ ካጩቱዋ ኦይቄደ፣ ካት ሶሎሞን ታና ባረ ቆማ ማሻን ዎ□ዳደን ታዉ ሀቼ ጫቆ ያጌ” ያጌደ ኦዴድና።

52 ሶሎሞን ዛሪደ፣ “እ ባረ ሀኑዋ ሎይላናዎ ግደገ፣ ሀራይ አትና እ ሁጲያገ አት ብናናይን ቦሽተና፤ ሽን እን ኢታተላይ ቤትንቶ፣ እ ሀይቃና” ያጌዳ።

53 ሃዋጥ ጉይያን ካት ሶሎሞን አሳ ኪትና፣ ኡንቱንቱ ያርሹዋ ያርሽያ ሳእገ ዲገ እ ዎሌድና። አደንያሰ ዪደ፣ ሶሎሞናዉ ጎይኔዳ፤ ያትና፣ ሶሎሞን እ፣ “ነ ሶ ባ” ያጌዳ።

## 2

### ዳዊተ ሶሎሞናዉ ዉርሰላ አዛዙዋ እሚዳ

1 ዳዊተ ሀይቄያ ዎዲ ማትና፣ ባረ ናእ ሶሎሞና ሀዎዳን ያጌደ አዛዜዳ፤

2 “ታን ሀይቄያ ዎዲ ማቱዳ። ሃዎ ድራዉ፣ ሞና፤ ገንቻ አሳ ግዳ።

3 መጅና ጎዳይ ነ ጸሳይ አዛዜዳዎ ናጋ፤ እ ኦግያን ሀመታ፤ ሙሴ ሀግያን ጸፈቱዳዎዳን እ አዋዩዎ፣ እ አዛዙዎ፣ እ ሀግያን እ ዎጋ ናጋ። ያቶገ፣ ኔን አልያባይ ኡባይን ኔን ብያሳእ ኡባይ ነዉ እንጀታናዎ።

4 ቃይ መጅና ጎዳይ ታና፣ ና ዘረላቱ ባረንቱ ደኡዋን ናገቱደ ደአገ፣ ኡንቱንቱ ታ ሰንላን ባረንቱ ኩመንላ ዎዛናገን ባረንቱ ኩመንላ ሸሞዮዋገ እማነቲደ ሀመቶገ፣ እስራኤልያ ካወተላ አራታን ኡትያ አሳይ ነዉ ኡባካ ቆየና” ያጌዳ ሀይታ ቃላ ታዉ ፖላና።

5 “ቃይ ጸሩይ ናእይ ዮአበ እስራኤልያ ኦላ ጋዳዋቱዋ ላኡዎ፣ ኔራ ናእ አባኔራን የተራ ናእ እማሳ ዎዲደ፣ እ ታና ኦሌዳዎ ኔን እኪካሳ። ሄዌን፣ ኡንቱንቱ ኦላ ዎደ ዎዴዳዎ ሀሉዋ ኡንቱንታ ስጋ ዎደ ዎዲደ፣ ሄ ሱላን ባረ ዴሳ ሳቄያን ባረ ገድያ ጫማ አሉቄዳ።

6 ኔን እ ነ እዴዳ ኤራተላዳን ከተታ፤ ባረዉ ማታ እ ጭሚደ ሳር ሀይቃናዳን ኦላገ።

7 “ሸን ጋላእደ ጌተትያ ቢታን ደእያ ባርዝላያ ናናዉ ሎኦ፤ ኡንቱንቱ ነ ማዳን ሞያ አሳና ሚና። አያዉ ጎገ፣ ታን ነ እሻ አበሰሎማገ ባቃትያ ዎደ፣ ኡንቱንቱ ታ ባጋ ግዴድና።

8 “ታን ማህናይማ ካታማ ቤዳ ዋደ፣ ታና ኢታ ሸቃ ሸቄዳ ቢንያማ ጋድያን ባሁራማ ካታማፕ ዬዳ ጌራ ናኣ ሸምኣ ኔናና ደእያዋ ሀሳያ። እ ታናና ጋከታናዉ ዮርዳናሳ ሻፋ ዱገ ዬዳ ዋደ፣ ታን ኔና ዋድከ” ጋደ መድና ጎዳን ኣዉ ጫቃድ።

9 ሸን ሀኣ ኔን ኣ ጸሎ ኣሳዳን ፓይደፓ። ኔን ኣዬዳ ኤራይ ደእያ ኣሳ፤ ኔን ኣ ዋታንጎቶ ኤራሳ። ኔን ሄ ጭማ ብታንያ ሀይቁዋን ሙራ” ያጌዳ።

**ዳዊታ ሀይቁዋ**

10 ሄዋፕ ጉይያን ዳዊተ ሀይቁደ፣ ባረ ማይዛን ጋከቲዳ፤ ያቲደ ዳዊታ ካታማን ሞገቲዳ።

11 ዳዊተ እስራኤልያ ቦላ ኣይታሙ ላይላ ካተቴዳ፤ ከብርናን ላፑን ላይላ፣ ዮሩሳላሙን ሀታማን ሄዙ ላይላ ካተቴዳ።

12 ሶሎሞንን ባረ ኣዉዋ ዳዊታ ካዉተላ ኣራታን ኡቴዳ፤ እ ካዉተላይካ ሎይላ ሞኔዳ።

**ሶሎሞን ካትያ ግዲሳ**

(2:13-46)

**ኣድንያሳ ሀይቁዋ**

13 ሀጊቶ ናኣይ ኣድንያሰ፣ ሶሎሞና ዳይ በርሳብኩ ቤዳ፤ በርሳባ፣ “ኔን ታኩ ሳሩዋን ያድ?” ምጋይ ኣ ኣቻዳ።

ኣ፣ “ኤ፤ ሳሩዋን ያድ” ያጌደ ዛራዳ።

14 ሄዋፕ ጉይያን ጉጂደካ፣ “ታን ኔና ኦቻያዌ ደኤ” ያጌዳ።

ኣዛ፣ “ኦቻ” ያጋዲ።

15 እ ሀዋዳን ያጌዳ፤ “ካተታናዉ በሰያዌ ታና ግዴዳዋን እስራኤልያ ኣሳይ ኡባይ ታና ባረንቱ ካትያዳን ጸሌዳዋ ኔን ነ ሁጲያዉ ኤራሳ። ሸን የዋቱ ላመትና ካዉተላይ ታ ኣሻዉ የዬዳ፤ ሄዋን፣ ኣዉ መድና ጎዳፕ ዬዳ።

16 ሀኣ ታን ኔና ኣትባ ኣቻና። ሀያና ታዉ ኣጸፓ” ያጌዳ።

ኣዛ፣ “ኦቻ” ያጋዲ።

17 ኣ፣ “ካቲ ሶሎሞን ነዉ ኣጸድ ጌና፤ ሄዋ ድራዉ፣ ሹኔማ ካታማፕ ዬዳ ኣብሻጎ ግያ ዋድራቶ ታን ኣካናዳን እ ኣዙ ታዉ ኣማና ማላ፣ ሀያና ኣ ታዉ ኣቻርክ” ያጌዳ።

18 በርሳባ፣ “ዳር ሎኣ፤ ታን ሄዋ ነ ድራ ካትያዉ ኦዳና” ያጋዲ።

19 ሄዋ ድራዉ፣ በርሳባ ኣድንያ ኪታ ኦዳናዉ ሶሎሞንኩ ገልና፣ ካቲ ኣዙ ሞካናዉ ደንድ ኤቂደ፣ ኣዝዉ ጎይን ሰሚደ ባረ ካዉተላ ኣራታን ኡቴዳ። ቃይ ባረ ኣትዉ ሀራ ካዉተላ ኣራታ ኣህሲደ፣ ኣን ባረፕ ኡሸቻ ባጋና ኡትሴዳ።

20 ኡቴዳዋፕ ጉይያን፣ “ኔና ታን ኣት ጉላባ ኦቻያዌ ደኤ። ሀያና ታዉ ኣጸፓ” ያጋዲ።

ካቲ ዛሪደ ኣዙ፣ “ታ ዳይ፣ ኦቻ። ታን ኣጸከ” ያጌዳ።

21 ኣ፣ “ሹኔማ ካታማፕ ዬዳ ኣብሻጎ ነ ኣሻይ ኣድንያሰ ኣካና ማላ ኣዉ ኣማርኪ” ያጋዲ።

22 ካቲ ሶሎሞን ዛሪደ ባረ ዳዮ፣ “ሹኔማ ካታማፕ ዬዳ ኣብሻጎ ኔን ኣድንያሳዉ ኣያዉ ኦቻይ? እ ታ ባይራ ግደኔ? ኔን ኣዉ ካዉተላካ ኦቻናዋ ሸን ኣጋዳ! ኤ፣ ኔን ኣዉ፣ ቁስያ ኣብያታራዉን ጸሩይ ናኣ ዮኣባዉ ካዉተላካ ኦቻናዋ ኣጋዳ!” ያጌዳ።

23 ካቲ ሶሎሞን ጸሳን ጫቂደ፣ “ኣድንያሰ ሀዋ ኦቻዳ ድራዉ ታን ኣ ዋቃና ቆዮፕ፣ መድና ጎዳይ ታና ዋዶ!

24 ሀኣ ሰም ታና ታ ኣዉዋ ዳዊታ ካዉተላ ኣራታን ኡትሴደ፣ ታ ካዉተላ ሎይላ ኤሲደ፣ ታ ዛራቱ ደኡናዳን ኦፊዳ መድና ጎዳይ ኤር! ኣድንያሳ ሀቼ ዋቃና!” ያጌዳ።

25 ካቲ ሶሎሞን ዮዳሄ ናኣ ባናያ ኣዛዝና፣ እ ቢደ ኣድንያሳ ሸጪደ ዋዶዳ።

**ኣብያታራ ጉየ የዴድኖ**

26 ሄዋፕ ጉይያን፣ ካቲ ሶሎሞን ቁስያ ኣብያታራ ሀዋዳን ያጌዳ፤ “ኔን ኣናቶታን ደእያ ነ ጋደ ጉየ ባ። ኔን ሀይቃናዉ በሳሳ፤ ሸን ኔና ታን ሀኣ ዋድከ። ኣያዉ ጎፕ፣ ኔን ታ ኣዉዋ ዳዊታ ሰንላን ኡባ ዋድያ መድና ጎዳ ታብታ ቶካደ፤ ቃይ ታ ኣዉዋ መቱዋ ኡባ ኣናና መቶታዳ” ያጌዳ።

27 ያቲደ ሶሎሞን ኣብያታራ መድና ጎዳ ቁሳቱዋ ግድያ ሳኣፕ ድጊደ፣ መድና ጎዳይ ሴሎን ኤልያ ጎልያ ኣሳዋ ኦዳዳዋ ፖሌዳ።

**ዮኣባ ሀይቁዋ**

28 ኣበሰሎማ ማዳና ቆይንቶን ኣድንያሰ ማዴዳ ዮኣባኩ ሀ ኦዲ ጋኪዳ። መድና ጎዳ ዲንካንያዉ እ ባቃት ቢደ፣ ያርሸያ ሳኣ ካጪቱዋ ኦይቂዳ።

29 የአበ መድና ጎዳ ዲንካንያወ ባቃቲደ ቢደ፣ ያርሽያ ሳኣ ሞይያን ደእያዋ ካትያ ሶሎሞናወ ኦዲድ፡፡ ሶሎሞን የዳሄ ናኣ ባናያ፡ “ባደ እ ዋቋ!” ጊደ እዛዜዳ፡፡

30 ባናይ መድና ጎዳ ዲንካንያ ግደ ገሊደ የኣባ፡ “ካቲ ኔና፣ ሳዋጥ ከሳን ያጌ” ያጌዳ፡፡ ሸን እ ዛሬደ፡ “ከሰከ! ታን ሳዋጥ ሳደቃና” ያጌዳ፡፡

31 ካቲ ባናያ፡ “እ ጌዳዋዳን እ ከተታ፣ እ ዋቋደ ሞጋ! ያቶ፡ የአበ ጽሎ እሳቱዋ ሱሳ ጉሴዳ ዳባጥ ታናን ታ ኣወዋ ጎልያ እሳ ጊሻሳ፡፡

32 እ ጉሴዳ ሱሳ እጩዋ መድና ጎዳይ እወ ጭጋና፡ እያወ ጎ፡ እ ታ እወ ዳዊተ ኤረናን ደእሸን ላኡ እሳቱዋ ማሻን ዋዴዳ፤ እሰራኤልያ ኦላ ጋዳዋይ ኔራ ናኣይ እባኔርን ይሁዳ ኦላ ጋዳዋይ የተራ ናኣይ እማሰ፡ ኡንቱንቱ ላኣቱካ እፕ ኬካን ሱርያ ዳሮ እሳ፡፡

33 የአበ ሀ እሳቱዋ ዋዴዳ ድራወ፡ ኡንቱንቱ ሱሳ ዳባይ መድናወ የኣባ ሁጲያንን እ ዘረሳቱዋ ሁጲያን ዋዴ፡ ዳዊታ ቦላን እ ጎልያ እሳ ቦላ፣ እ ዘረሳቱዋ ቦላን እ ካወተሓ ኦራታ ቦላ መድናወ መድና ጎዳ ሳርተሳይ ግደ” ያጌዳ፡፡

34 ሄዋ ድራወ፡ የዳሄ ናኣይ ባናይ ፑደ ከሲደ፡ የኣባ ሾጩደ ዋዴዳ፤ እ ዋራን ደእያ ባረ ጋደን ሞገቱዳ፡፡

35 ካቲ የዳሄ ናኣ ባናያ የኣባ ሳኣን ኦላ ጋዳዋ ኦሊደ ሱንጫዳ፤ ቃይ እብያታራ ኮታን ቄሰያ ሳደቃ ሱንጫዳ፡፡

**ሸምእ ሀይቁዋ**

36 ሄዋፕ ጉይያን ካቲ ሶሎሞን ሸምእዮ ከቲደ ሀዋዳን ያጌዳ፤ “ኅወ የሩሳላመን ጎልያ ኬጸደ፣ ያን ደእ፤ ሀራሳ ሀቃን ቦፓ፡፡

37 ኔን ካታማፕ ከሳደ፣ ቀድሮና ዛንጋራ ፕኔዳ ጋላሰ ሀይቃናዋ ኤራ፡፡ ነ ሱሳ ጎሚ ኔና ኦይቃና” ያጌዳ፡፡

38 ሸምእ ዛሪደ ካትያ፡ “ኔን ግያዌ ሎኣ፤ ታን ነ ቆማይ ኔን ታ ጎዳይ ካቲ ጌዳዋዳን ኦላና” ያጌዳ፡፡ ሸምእ የሩሳላመን ዳሮ ዋድያ ደኤዳ፡፡

39 ሸን ሄዙ ላይሳፕ ጉይያን፣ ሸምእ ቆማቱዋፕ ላኣቱ በቲደ፣ ማእካ ናኣ፣ ጋተ ካትያ እከሻኮ ቢና፣ “እ ቆማቱ ጋተን ደእኖ” ጊደ ሸምእወ ኦዲድ፡፡

40 ኣ ባረ ሀርያ ኮሪደ፣ ባረ ቆማቱዋ ኮያናወ እከሻኮ ጋተ ቤዳ፤ ጋተፕ ባረ ቆማቱዋ ዛሪደ እሄዳ፡፡

41 ሸምእ የሩሳላመፕ ጋተ ካታማ ቢደ ሰሜዳዋ ሶሎሞን ሰሴዳ ዋደ፡፡

42 ሸምእ ጾሰሲደ ሀዋዳን ያጌዳ፤ “ ኔን ያፕ ደንዳደ ሀራሳ ሀቃን ቤዳ ጋላሰ፣ ሀይቁያዋ ኤራ ጋደ ታን ኔና መድና ጎዳን ጫቀሳደ ሴራብይክታ? ሄ ዋደ ኔን ኅ ግያዌ ሎኣ፤ ኤኖ፣ ታን እዛዘታና ጋደ፡፡

43 ያትና፣ መድና ጎዳወ ጫቁዳ ጫቁዋን ታ እዛዘቱዋ እያወ ናጋቢይኪ?” ያጌዳ፡፡

44 ቃይካ ካቲ ሸምእ፣ “ታ እወዋ ዳዊታ ቦላ ኔን ኦሊደ ኢታ ኪታ ኡባ ነ ዋዛናይ ኤሬዳ፡፡ ሀእ ሰም ነ ኢታ ኪታ መድና ጎዳይ ነወ ዛራና፡፡

45 ሸን ካቲ ሶሎሞን እንጀታና፤ ዳዊታ ካወተሓ ኦራታይካ መድና ጎዳ ሰንሳን መድናወ ሳር ደኣና” ያጌዳ፡፡

46 ካቲ የዳሄ ናኣ ባናያ እዛዜዳ፤ ባናይ ቢደ፣ ሸምእ ሾጩደ ዋዴዳ፡፡ ያትና፣ ካወተሳይ ሶሎሞን ኩሽያን ምኒደ ኤቁዳ፡፡

**ሶሎሞና ካወተሓ**

**3**

(3:1—11:43)

**ኮይር ላይሳቱዋ**

(3:1—4:34)

1 ሶሎሞን ግብጹ ካትያና ዘፕቲደ፣ እ ናቶ ባረወ ማቺ ኦሳ እኪደ ባረ ካትያ ጎልያ፣ መድና ጎዳ ጊሻ ጎልያን የሩሳላመ የሹዋ ድርሳ ግምቢደ ፖላናወ፣ እዘ ዳዊታ ካታማ እሄዳ፡፡

2 መድና ጎዳ ሱንሳወ ጌሻ ጎሊ ብሮ ኬጸትቤና ድራወ፣ እሳይ ሄ ዋደ ጎይንያ ቆቃ ግሹዋን ያርሽደ ታኬዳ፡፡

3 ሶሎሞን መድና ጎዳ ሲቃዋ ባረ እወዋ ዳዊታ ዋጋን ሀመትያዋዳን ኤርሴዳ፤ ሸን ጎይንያ ቆቃ ግሹዋን ያርሹዳን እጸና ጩውሴዳ፡፡

4 ካቲ ያርሹዋ ያርሻናወ ጋባኡና ቤዳ፤ እያወ ጎ፡ ሄ ሳኣይ ሀራ ኡባፕ ኦሊ ስሽያ ጎይንያ ቆቃ ሳኣ፡፡ ሶሎሞን ሻእ መሀያ እሄደ፣ ሄ ያርሽያ ሳኣን ጹግያ ያርሹዋ ያርሹዳ፡፡



5 መጅና ጎዳይ ሶሎሞናዊ ጋባኦናን ቃማ እኩሙዋን ቆንጩዳ። ጸሳይ እ፥ “ታን ነገ ወይ እያ ለማናዳን ከያይ?” ያጌዳ።

6 ሶሎሞን፥ “ጎ ቆማይ ታ እዉ ዳዊተ ነገ እማነትያ ጽሎዋን ሱረ እሳ ግድያ ድራዉ፥ ኔን እገና ሰቁዋን እ ሲቃደ። ኔን ሀ ዎልቃማ ሲቁዋ እገናን ሲቃደ፥ ሀቼ ሀ ጋላሰ እ ካዉተላ አራታን ኡትያ እቲማ ናኣ እዉ እማዳ።

7 “ሀእካ እቤት መጅና ጎዳ፥ ታ ጸሳዉ፥ ኔን ታና ነ ቆማ፥ ታ እዉዎ ዳዊታ ሳኣን ካተያዳ። ሸን ታን ጉላ ናኣ ግድያ ድራዉ፥ እሳ ዋታ ካለላንቶ ታን ኤርከ።

8 ታን ነ ቆማይ ኔን ደራዳ እሳ ግድን፥ ገይዱ ባይና እሳ ግድን ደእይ።

9 ሄዎ ድራዉ፥ ታን ነ እሳ እይሳናዉን ሎኡዋን ኢታ ሻካደ ኤራናዉ ታዉ ነ ቆማዉ እኩካ ዎዛና ለማ። ሄዎ ጳዮፕ፥ ሀ ነ ዎልቃማ እሳ ኦን ካለላናዉ ዳንዳደ?” ያጌዳ።

10 ሶሎሞን ሄዎ ኦቼዳ ድራዉ፥ ጸሳይ ናሸቲዳ።

11 ሄዎ ድራዉ፥ ጸሳይ እ ሀዎዳን ያጌዳ፤ “ኔን ነገ ላይላይ አዱቃናዉ፥ ዎይ ዳረ ግዳናዉ፥ ዎይ ነ ዎርከቲ ሀይቃናዉ ኦቼናን አገደ፥ ሀዎ እሳ ሱረ ፕርዳን እይሰያ እዴዳ ኤራ ኦቼዳ ድራዉ፥

12 ኔን ኦቼዳዎ ታን ኦላና። በእ፥ ኔፕ ካሰ ነ ማል ባይናዎዳን ኔፕ ዶምና ነ ማል ደንደናዎዳን፥ እዴዳ ኤራተላን እኩካ ዎዛና ታን ነገ እማና።

13 ቃይ ኔን ኦቻቤናባካ ታን ነገ እማና፤ ኔን ደኤዳ ላይላ ኡባን ካተቱዎ ግድን ነ ኬሻ ካቲ ደኤናዳን፥ ዳረታን ቦንቹዎ ታን ነገ እማና።

14 ኔን ነ እዉ ዳዊተ ሀመቲዳዎዳን ታ ኦግያን ሀመቶፕ፥ ታ ዎጋዉን ታ አዛዘ አዛዘቶፕ፥ ታን ነ ላይላ አዳሳና” ያጌዳ።

15 ሄዎፕ ጉይያን ሶሎሞን ቤጎቲደ ሄዎ እኩሙዎ ግድያዎ እኩኩዳ። እ የሩሳላሙ ሰም ቢደ፥ ጸሳ ቃል ጫቁዎ ታቦታ ሰንላን ኤቂደ ጶግያ ድርሹዋን እትፕተላ ያርሹዎ ያርሹዳ። ያቲደ ባረ ኦሳንቻቲ ኡባዉ ባላ ከሴዳ።

**ሶሎሞን ኤራ ፕርዳ ፕርዳዳ**

16 እት ጋላሰ ላኡ ሻርሙጻቲ ካትያ ሶሎሞንኮ ዪደ፥ እ ሰንላን ኤቂድና።

17 ኡንቲቲፕ እትና ሀዎዳን ያጋዳ፤ “ታ ጎዳዉ፥ ታንን ሀ ምሽራታ እት ጎለን ደኤቶ። ያን እዛ ታና እትፕ ደእሸን፥ ታን እት ናኣ የላድ።

18 ታ ናኣይ የለቲዳ ሄዘንላ ጋላሰ ሀ ምሽራታካ እት ናኣ የላዳ። ሄ ጎለን ኦ ላኡዎፕ ሀራ እሳይ ኦንን ባዎ።

19 “እት ጋላሰ ቃማ እዛ እ ቦላ ግሴዳ ድራዉ፥ ሀ ምሽራት ናኣይ ሀይቁዳ።

20 እ ቃማ ሰላሄ ደንዳደ፥ ታን ነ ቆማታ ገምእሻ ደእሸን፥ ታ ናኣ ታ ምይያፕ እካደ እ ባረ ክዉዋን ዎላደ፥ ባረ ሀይቁዳ ናኣ ታ ክዉዋን ዎላዳ።

21 ጉራን ታን ታ ናኣ ጳንላናዉ ደንዳዳ ዎደ፥ ሀይቁክቼዳ! ሸን ታን ዎንታ ፖኡዋን ትሸ ኡዳደ ጾልያ ዎደ፥ ታን የሌዳ ናኣ ግደና” ያጋዳ።

22 የንኮ ምሽራታ ሀዎዳን ያጋዳ፤ “ቲይት! ደኡዋን ደእያዎ ታ ናኣ፤ ሀይቁዳዎ ነዎ” ያጋዳ። ሸን ኮይር ምሽራታ ዛራደ፥ “ቲይት፥ ሀይቁዳዎ ነ ናኣ፤ ፓጻ ደእያዎ ታ ናኣ” ያጋዳ። ሄዎዳን ገደ ኡንቲንቲ ካትያ ሰንላን ፓሉሙቲድና።

23 ካቲ ሶሎሞን ሀዎዳን ያጌዳ፤ “ሀ ምሽራታ፥ ፓጻ ደእያ ናኣይ ታዎ፤ ሀይቁዳዎ ነዎ” ያጋዉ፤ የንኮራካ፥ “ቲይት! ነ ናኣይ ሀይቁዳዎ፤ ታ ናኣይ ፓጻ ደእያዎ” ያጋዉ” ያጌዳ።

24 ካቲ፥ “ታዉ ማሻ እኪደ ዪተ” ያጌዳ፤ ኡንቲንቲ እዉ ማሻ እሄድና።

25 ካቲ፥ “ደኡዋን ደእያ ናኣ ላኡ ከሲደ ጳልቂቲ፤ እት ባጋ ሀንዉ እምተ፤ እት ባጋ ዩንዉ እምተ” ያጌደ አዛዚዳ።

26 ሀ ፓጻ ደእያ ናኣይ እዎ ግዴዳ ምሽራታ ባረ ናኣዉ ምሽታደ ካትያ፥ “ሀይ ታ ጎዳዉ፥ ፓጻ ደእያ ናኣ እዘዉ እማ! እ ዎጵፓ!” ያጋዳ።

27 የንኮራ፥ “ታዉካ ነዉካ ግደፖ፤ ላኡ ከሲደ ጳልቂቶ” ያጋዳ።

28 ሄዎፕ ጉይያን ካቲ፥ “ሀ ፓጻ ደእያ ናኣ ሀ ኮይር ምሽራትዉ እምተ፤ ናኣ ዎጵፕተ። ሀና ናኣ ዳዮ!” ያጌደ ፕርዳዳ።

29 እሰራኤልያ እሳይ ኡባይ ካቲ ፕርዳዳ ፕርዳ ሰሴዳ ዎደ፥ ኡንቲንቲ ካትያ ሎይላ ቦንቹድና። እያዉ ጎፕ፥ እሳዉ ጽሎተላን ፕርዳናዉ እዉ እዴዳ ኤራተላይ ጸሳፕ እመቲዳዎ በኤድና።

**4**

**ሶሎሞን ሰንላዳ ኦሳንቻቲዎ**

1 ካቲ ሶሎሞን እሰራኤልያ ቢታ ኡባ ቦላ ካተቲዳ።

2 እ ሰንላዳ ካፓቲ ሀዎፕ ካሊደ ጻፈቲዳዎንታ። ሳዶቃ ናኣይ አዛርያሰ ቄሳ፤

3 ሺሻ\* ናናይ ኤልሆሬናን አኪይ ዋና ጻፈቱዋ፤ አህሉዳ ናአይ ዮሳፌጸ ሀይዳባ ጻፍያዋ፤  
 4 ዮዳሄ ናአይ ባናይ ኦላ ጋዳዋ፤ ሳይቅን አብያታሪ ቁሳቱ ዋ፤  
 5 ናታና ናአይ አዘርያሰ ደርያ ሄምያዋንቱ ካፑዋ፤ ናታና ናአይ ዛቡድ ቁሰን ካትያ ዱማ ዘርያዋ፤  
 6 አህሻር ካትያ ጎልያ ካፑዋ፤ አብዳ ናአይ አደገራም ጎሻጎቻቱዋ ካፑዋ።  
 7 ቃይ ሶሎሞናዊ አስራኤልያ ቢታን ኡባን ታማን ላኡ ደረቱዋ ሄምያዋንቱ ደኢኖ፤ ኡንቱንቱ ካትያውን ካትያ ሶን ደኢያ አሳ ኡባው ምያ ካላ አህያዋንታ። ኡንቱንቱ፣ እቱ እቱ ላይላ ግደን እት እት አገና ካላ አሂ።

8 ኡንቱንቱ ሱንሳይ ሀዋፕ ካሊደ ጻፈቱዳ።  
 በንሁር ኤፍሬማ ገዝያ ሄምያዋ።  
 9 በንደቃር ማቃጻ፣ ሻአልቢማ፣ ቤት-ሸመሻን ኤሎን-ቤትሀናና ካታማቱዋ ሄምያዋ።  
 10 በንሄሴድ አሩቦታ ቢታ ሄምያዋ፤ ሶኮ ቢታይ ሄፌራ ቢታይ ኡባይካ አዋ።  
 11 አሁብናዳብ ደራ ግያ ቢታ ኡባ ሄምያዋ፤ እ ሶሎሞና ናቶ ጸፋቶ አኪዳዋ።  
 12 አህሉዳ ናአይ ባአን ታእናካን ማግደ ግያ ካታማቱዋ፣ አዘራኤልያ፣ ጋርሳን ጸርታና ማታን ደኢያ ቤትሻና ቢታ ኡባ፣ ቤትሻና፣ ቢደ አበል-ማሆላና አጂደ፣ ዮቅማአማ ሄፍንላ ጋካናዉ ደኢያ ካታማቱዋ ሄምያዋ።  
 13 በንገቤር ጋላአደን ራሞታ ግያ ካታማ፣ ጋላአደን ምናሰ ናአ ያአራ ካታማቱዋ፣ የሹዋን ግምቤን ግምቤያ ፕንገቱዋን ናሃሰያ ብራታ ሸካላቱ ደኢያ ኡሱፑን ታሙ ዋልቃማ ካታማቱዋና ደኢያ፣ አርጎባ ግያ ቢታ ሄምያዋ አርጎብ ባሳንን ደኤ።  
 14 እደ ናአይ አህናዳብ ማህናይማ ግያ ቢታ ሄምያዋ።  
 15 አህማአጻ ጎፍታሌማ ቢታ ሄምያዋ፤ እ ሶሎሞና ናቶ ባሰማቶ አኪዳ።  
 16 ሀሻያ ናአይ ባአን አሌራ ጋድያን ባአሎታ ካታማ ሄምያዋ።  
 17 ፓሩህ ናአይ ዮሳፌጸ ይሳኮራ ቢታ ሄምያዋ።  
 18 ኤልያ ናአይ ሸምአ በንያማ ቢታ ሄምያዋ።  
 19 ኡራ ናአይ ገቤር ጋላአደ ቢታን አሞራዋናቱዋ ካቲ ሰሆንን ባሳን ካቲ ኦግ ካተቱዳ ቢታቱዋ ሄምያዋ፤ ሄ ቢታቱዋ ሄምያዋ አ ጸላላ።

**ዱረተላይ ኩሚዳ ሶሎሞን ካዉተላ**

20 ይሁዳ አሳይን አስራኤልያ አሳይ አባ ዶና ሻፍያዳን ጮራቱድኖ፤ ኡንቱንቱ ሚድን ኡሺደ ናሸቲደ ደኢኖ።  
 21 ሶሎሞን ኤፍራጺሳ ሻፋፕ ዶሚደ ፕልሰደማ ጋድያ ጋካናዉ፣ ሄዋፕካ ግብዴ ዛዋ ጋካናዉ ደኢያ ካዉተላቱዋ ኡባ ሞዴዳ። ሄ ቢታ አሳቱ አዉ ገራ ገራድኖ፤ ኡንቱንቱ አ ደኡዋ ላይላ ኡባን አዉ ሞዴቱድኖ።  
 22 ሶሎሞናዉ ሀቼ ሀቼ ቁማዉ እሻታሙ ኮንታለ ሙሩታ ጂልያ፣ ጾቱ ኮንታለ ጂልያ፣  
 23 ጂክና ሞዴዳ ታሙ ቦራቱዋ፣ የዳን ሚዳ ሳታሙ ቦራቱዋን ጾቱ ዶርሳቱዋ፣ ኡንቱንቱ ቦላካ ጋራቱዋ፣ ገንኤቱዋን ኦርዶ ኩቶቱዋ ኮሺ።  
 24 ሶሎሞን ኤፍራጺሳ ሻፋፕ አዋይ ዉልያ ባጋና ደኢያ ካዉተላቱዋ ኡባ ትፍሳህ ካታማፕ ዶሚደ ጋዛ ካታማ ጋካናዉ ሞዴዳ፤ ባረ የሹዋን ደኢያ ቢታ ኡባናካ ሳር ደኤዳ።  
 25 እ ደኡዋ ላይላ ኡባን ይሁዳ አሳይን አስራኤልያ አሳይ ዳናፕ ቢደ በርሳበሀ ጋካናዉ፣ ኡባይ ባረ ዋይንያ ቱራ ኩዋንን ባረ ባላሰያ ኩዋን ሳር ደኤዳ።  
 26 ሶሎሞናዉ ኦላ ፓራ ጋራቱዋ ጎቻያ ኦይታሙ ሻእ ጋጾታ ፓራቱን ታማን ላኡ ሻእ ፓራ አሳቱ ደኢኖ።  
 27 ሄ ደርያ ሄምያዋንቱ ባረንቱ አገናን አገናን ካቲ ሶሎሞንን እ ማዳን ማናዉ ዬዳ አሳይ ኡባይ ምያባ ሺሺድኖ። ኡንቱንቱ ሄዋፕ አያን ፓጭሰበይክና።  
 28 ኡንቱንቱ ቃይ ጋርያ ፓራቱን የንኮ ፓራቱ ማናዉ ባንጋን ዳላ ባረንታ ጋኬዳዋ ጋኬዳዋ አሂደ አ ዋልያ ሳአን ዋልድኖ።  
 29 ጸሳይ ሶሎሞናዉ አዴዳ ኤራ፣ አኪካን ዛዋይ ባይና አኮ ፅፋ እሚዳ።  
 30 ሶሎሞና አዴዳ ኤራተላይ አዋይ ዶልያ ባጋና ደኢያ አሳ ኡባ አዴዳ ኤራተላትን ግብጾቱዋ አዴዳ ኤራተላ ኡባፕ አዴዳ።  
 31 እ አሳ ኡባፕ አዴዳ ኤራንቻ፤ ቃይ እ አዘርሀያ ኤታናፕካ፣ ማሆላ ናናቱዋ ሄማናፕ፣ ካልኮላፕካ ዳርዳለፕካ አዴዳ ኤራንቻ። እ ዋሪ የሹዋን ደኢያ ካዉተላቱዋ ኡባ ጋኬዳ።  
 32 እ ሄዙ ሻእ ሊምሳቱዋ ሃሳዬዳ፤ ቃይ አ የሳቱ እት ሻእን እቸሻ።

\* 4:3 ሺሻ፦ ሀ ብታን. አብርሃሞዋን ሳይዱ ዳማ ዳማ ስንላን ጸሰቱ 2 ሳም። 8:17፤ 20:25 ነ 2 ኦድ። 18:16 ጸላ።  
 4:21 ደሙላ 15:18፤ 2 ኦዳዋ 9:26 4:26 1 ካታ. 10:26፤ 2 ኦዳዋ 1:14፤ 9:25 4:31 ማዝ. 89 (ሁጲያ)  
 4:32 ሊም. 1:1፤ 10:1፤ 25:1፤ ሰቀዋ 1:1

33 ሶሎሞን ሊባኖሳ ዝገገ ደሚደ፣ ጎልያ ግምቢያ ቦላ ሞክያ ሂሶጵያ ግያ ምላ ጋካናው፣ ምላባ ኦዲዳ፤ ሄዋዳንካ ቃይ መሄቱዋባ፣ ደአቱዋባ፣ ካፎቱዋባ፣ ሳኣና ጎሽቶያ ማጋቱዋባን ሞለቱዋባ ታማርቤዳ።

34 እ እጄዳ ኤራ ሰቤዳ ሳኣን ደእያ ካተቱ ኡባይ ኪትና፣ ካወተላ ኡባጥ አሳይ ሶሎሞና እጄዳ ኤራ ሰሳናው ዬዳ።

### 5

#### ጌሻ ጎልያ ኦሱዋ

(5:1—8:66)

1 ጲኖሳ ካቲ ኪራም ዳዊታና ኡባ ገደ ሲቀቲደ ጋምኤዳ ድራው፣ ሶሎሞን ባረ አወዋ ዳዊታ ኮታን ካተታናው ኦክቲዳዋ ሰሲደ፣ ባረ ኦሳንቻቱዋ ሶሎሞንኮ ኪቲዳ።

2 ሶሎሞንካ ኪራማዉ ዛሪደ ሀዋዳን ያገደ ኪቲዳ፤

3 “መጅና ጎዳይ አ ሞርከቱዋ አ ገድያጥ ጋርሳና ሞድሳና ጋካናው፣ ታ አወዋ ዳዊታ ቦላ ኡባ ሳና ደንደዳ ኦላ ጋሱዋን፣ መጅና ጎዳ ባረ ጸሳ ሱንሳዉ ጌሻ ጎልያ እ ኬጽቤናዋ ኔን ኤራሳ።

4 ሸን ሀእ መጅና ጎዳይ ታ ጸሳይ ታዉ ኡባ ሳና ሸምጥዋ እሜዳ፤ ታዉ አያ ሞርከካ ዋይ ኢታባይካ ባዋ።

5 መጅና ጎዳይ ታ አወዋ ዳዊታው፣ ጭን ነ ኮታን፣ ነ ካወተላ አራታን ካተይያ ነ ናእይ ታ ሱንሳዉ ጌሻ ጎልያ ኬጽናዋ ኔን።

6 ሄዋ ድራው፣ ሊባኖሳጥ ዝጋ ታዉ ቃንጵያ አሳቱዋ አዛዛ፤ ታ አሳቱ ነ አሳቱዋና ኦሳናዋንታ። ያቶጥ ነ አሳቶ ኔን ጭጋ ጌዳ ድርጉዋ አያ ግደጥ፣ ታን ጭጋና። ሲደና አሳቱዋዳን ምላ ቃንጸዋ ሂላ ኑ አሳይ ኤራናዋ ኔን ኤራሳ” ያጌዳ።

7 ኪራም ሶሎሞና ኪታ ሰሲደ ሎይሳና ሸቲደ፣ “ሀ ዋልቃማ ካወተላ ሞዳና ማላ፣ ዳዊታዉ ሀ እጄዳ ኤራንቻ ናእ እሜዳ መጅና ጎዳይ ጋላተቶ” ያጌዳ።

8 ሄዋጥ ጉይያን ኪራም ሶሎሞናዉ ሀዋዳን ያገደ ኪቲዳ፤ “ኔን ታዉ ኪቲዳ ኪታይ ታና ጋኬዳ። ኔን ኮዬዳዋ ኡባ ታን ኦሳና፤ ዝጋ ሙደላነ ጽድያ ሙደላ ታን ነዉ ሸሻና።

9 ታ አሳቱ ነ ሙደላ ሊባኖሳጥ ዲገ አባዉ ኬዛናዋንታ። ታን ቃሸሳይ፣ አባ ቦላና ቶክቲደ ኔን ማላቶ ሳኣ ጋካናዳን ኦሳና፤ ታን ያን ብልሳደ ያጥ አፍሳና። ሄዋጥ ጉይያን ኔን ነ ባጋና ታ ካትያ ጎሊን ደእያ አሳዉ ምያባ ኪትያዋን ታ ኮይያዋ ፖላናሳ” ያጌዳ።

10 ሄዋዳን ኦሊደ ኪራም ሶሎሞን ኮኖዋ ኬሻ ዝጋ ሙደላነ ጽድያ ሙደላ ኡባ እሜዳ።

11 ሶሎሞንካ ካትያ ጎሊን ደእያ አሳይ ማናዉ ላታሙ ሻእ ኮንታለ ዛርጋን ኦይዱ ጴቱ ሻእ ሊትሮ ጌሻ ዋጋራ ዛይትያ ላይላን ላይላን ፓጨናን ኪራማዉ እሜዳ።

12 መጅና ጎዳይ ሶሎሞናዉ እማና ጌዳዋዳን፣ አዉ እጄዳ ኤራ እሜዳ። ኪራሙን ሶሎሞን ባረንቱ ግደን ሳር ደኤድና፤ ኡንቱንቱ ላኡ ባረንቱ ግደን ቃላ ጫቁዋ ጫቁቲድና።

13 ካቲ ሶሎሞንካ ካትያ ጎሊን ደእያ ኡባጥ ሀታሙ ሻእ ጎሻንቻቱዋ ዶሪደ ከሲዳ።

14 አድንራማ ግያ ብታንያ ኡንቱንቱ ቦላ ካጥዋ ኦሊደ ሱንሳዳ። ጋባራቱዋካ ታሙ ሻእ ታሙ ሻእ ሻክ፣ ሄዙ ጭታ ከሲዳ፤ እት እት ጭታይ ታራን ታራን ቢደ፣ እት አግና ሊባኖሳን ኦሳናዳንን ላኡ አግና ባረንቱ ሶን ደአናዳን ቆፔዳ።

15 ሶሎሞናዉ ቶኩዋ ቶክያ ላፑን ታሙ ሻእ አሳቱን ሹቻ ቆእያ ሆሰፑን ታሙ ሻእ አሳቱ ገዝያን ደእና።

16 ሀዋንቱ ካጥዋ ግዲደ አሳ ኪታ ኦሰሰያ ሄዙ ሻእን ሄዙ ጴቱ አሳቱዋ ገግሲዳ።

17 ኦሳንቻቱ ካቲ ሶሎሞን አዛዛና፣ ጌሻ ጎልያዉ ባሶ ግዳና ማላ ዋጋ ሙሩታ ሹቻቱዋ ቆእደ ማሲድና።

18 ሶሎሞና አሳቱን ኪራማ አሳቱ ኩሸያ ሂላ ኤርያዋንቱ፣ ጌባላ አሳቱዋናካ ግዲደ፣ ጌሻ ጎልያ ኬጽናዉ ምላ ቃንጸደን ሹቻ ቆእደ ገግሲድና።

### 6

#### ሶሎሞን ጌሻ ጎልያ ኬጴዳ

1 እስራኤልያ አሳይ ግብጹ ጋድያጥ ከሲዳ ኦይዱ ጴታን ሆሰፑን ታማንላ ላይላን፣ ሶሎሞን እስራኤልያ ቦላ ካወቱዳ ኦይደንላ ላይላን፣ ዚፋ ግያ ላኡንላ አግናን፣ ሶሎሞን መጅና ጎዳ ጌሻ ጎልያ ኬጽናዉ ደሚደ።

2 ሶሎሞን መጅና ጎዳዉ ኬጴዳ ጌሻ ጎሊ ጌሳይ ኡሱፑን ታሙ ዋቋ አዲሳ፤ ጎምጋይ ላታሙ ዋቋ አካ፤ ጌሳይ ሀታሙ ዋቋ ጱቃ።

3 ጌሻ ጎልያ ገልያ ሳንነ ደእያ ባራንዳይ ቦከት ገሌዳ ኦላይ ጌሻ ጎልያ ጎምፓ ኬሻ ላታሙ ዋቋ፤ ጎልያ ጎምፓይ ጌሻ ጎልያ ገልያ ሳን ኃካናዉ ታሙ ዋቋ።

4 ጌሻ ጎልያዉ ሰ ባጋና አኪድ፣ ካረ ባጋና ጸሜዳ ማስኮተቱ ደእና።

5-6 ሄ ጎልያ የሹዋን ሀራ ክፍለቱዋ ኬጺዳ፤ ሄ ሻካቱ ሄዙ ፖቀቱ ደእያዋንታ፤ ሜጋ የግያ ሞላይ ጌሻ ሳን ግዶ ገለና ማላ፣ ኮይሮ ጎዳና ኦይሰሊድ ሹቻ ሞላድ፣ ግምቢያዉ ህርክ ዉርሰሳ ኦርድሱዳ። ሄዋ ጋሱዋን ጋርሳ ኮይሮ ፖቁ እቼሹ ዋቋ እካ፤ ላእነሳ ፖቁ ኡሱፑን ዋቋ እካ፤ ሄዘንሳ ፖቁ ላፑን ዋቋ እካ።

7 ጌሻ ጎሊ ህን ቆእያሳን ማሰቲዳ ሹቻ ጸላላን ግምቡቲዳ፤ ያትና፣ ጌሻ ጎሊ ግምቡቲዳ ዋድ፣ ድጅኑዋ፣ ካልታ፣ ዋይ ሀራ አይ ብራታ ኮሻይን ጌሻ ጎልያን ሰሰትቤና።

8 ኡባፕ ጋርሳና ደእያ ፖቅያ ገልያ ፐንጊ ጌሻ ጎልያፕ ገድሳ ባጋና ደእኔ፤ ሄ ሳፕ ላእነሳ ፖቅያዉን ሄዘንሳ ፖቅያዉ ባናዉ የድ ከሰያ ደሳቱ ደእና።

9 ሄዋዳን ኡሊድ፣ ሰሎሞን ጎልያ ኬጺድ ፖሊዳ፤ ያቲድ ዘጋ ጸዉላን ማሰላ ቦላና ካሜዳ።

10 ቃይ ጌሻ ጎልያ የሹዋን ፖቀቱዋ ኬጺድ ፖሊዳ፤ ኡንቱንቱ ቋታላይ እቱዋዌ እቱዋዌ እቼሹ ዋቋ ግዲድ፣ ጎዳና ዘጋ ጸዉላን ኦይቀቲድና።

11 መጅና ጎዳ ቃላይ ሰሎሞንኮ ዬዳ፤ ሰሎሞና።

12 “ሀ ኔን ኬጺያ ጌሻ ጎልያ ግዶ፣ ኔን ታ አዋዩዋ ካሎ፣ ታ ዋጋ ኦሎ፣ ታ አዛዙዋ ኡባ ናጎ፣ አዛዘቶ፣ ታን ነ አዉዋ ዳዊታዉ እሜዳ ህይታ ነ ባጋና ፖላና።

13 ያታድ ታን አሰራኤልያ አሳ ግዶን ደእና፤ ታን ታ አሳ አሰራኤልያ አገከ” ያጌዳ።

ጌሻ ጎልያዉ ሰ ግዶ ኦሱዋ  
(2 ኦዲዋ 3:8-14)

14 ሰሎሞን ጌሻ ጎልያ ኬጺድ ፖሊዳ።

15 ጌሻ ጎልያዉ ሰ ባጋ ጎዳ፣ ዉይግያፕ ቢደ ካራ ኃካናዉ ዘጋ ጸዉላ ልቅ ካሜዳ፤ ቃይ ዉይግያንካ ጽድያ ጸዉላ ሂጺዳ።

16 ጌሻ ጎልያ ግዶን ኡባፕ አድያ ጌሻ ሳን ግያ ቆልኡዋ መቋናዉ፣ ጉየ ባጋና ላታሙ ዋቋ ግድያ ሳን ሻኬዳ፤ ዉይግያፕ ካራ ኃካናዉ ዘጋ ጸዉላ ጎዳ ኤሴዳ።

17 ሄ ቆልኡዋፕ ሰንሳ ባጋና ደእያ ዉይግያ ጌሳይ ኦይታሙ ዋቋ አዲሳ።

18 ጌሻ ጎልያዉ ሰ ባጋይ ማሰዳ ጎሰያን ጨሹዳ ጨሻ ሞሰልያ መቋዳ ዘጋ ጸዉላን ልቅ ካመቲዳ፤ ኡባባይካ ዘጋ፤ አይ ሹቶን ቤተና።

19 ሰሎሞን መጅና ጎዳ ቃላ ጫቁዋ ታቦታ ዋላናዉ ጌሻ ጎልያ ግዶን ኡባፕ አድያ ጌሻ ሳን ገግሴዳ።

20 ኡባፕ አድያ ጌሻ ሳንይ ላታሙ ዋቋ አዲሳ፣ ላታሙ ዋቋ እኮን ላታሙ ዋቋ ቋቃ። ሰሎሞን ሄ ቆልኦ ሰ ባጋ ዋላካይ ባይና ዋርቃን ሹሹዳ። ቃይ ያርሸያ ሳንይካ ዘጋ ጸዉላን ካመቲዳ።

21 ሰሎሞን ጌሻ ጎልያ ግዲዋ ዋላካይ ባይና ዋርቃን ሹሹዳ፤ ዋርቃ ሹሹዳ ቆልኡዋ ገልያ ፐንግያዉ ቦላ ጉባንያ ያን ሃን ኃክያ ዋርቃ ሳንሳላታ አሊቂሴዳ።

22 ያቲድ ጎልያ ግዶ ኡባ ዋርቃን ሹሹዳ፤ ቃይ ኡባፕ አድያ ጌሻ ሳን ሰንሳን ደእያ ያርሸያ ሳን ዋርቃን ሹሹዳ።

23 ኡባፕ አድያ ጌሻ ሳንነ ዋላናዉ እቱ እቱ ታሙ ዋቋ አዲቁያ ዋጋራፕ ላኡ ክሩቡቱዋ ሞሰለቱዋ ማሰድ ገግሴዳ።

24 ኮይሮ ክሩብያ ቀሬ እቱ እቼሹ ዋቋ፤ ላእነሳ ቃይ እቼሹ ዋቋ፤ ኮይሮ ቀፍያ ጸራፕ ቢደ ላእነሳ ቀፍያ ጸራ ኃካናዉ ታሙ ዋቋ።

25 ላእነሳ ክሩቢካ ታሙ ዋቋ፤ ላኡ ክሩቡቱዋ መቋይን ማላይ እት ማላ።

26 እት ክሩብያ ጌሳይ ታሙ ዋቋ፤ ላእነሳካ ሄዋ ኪሻ።

27 ሰሎሞን ጌሻ ጎልያን ደእያ ኡባፕ አድያ ጌሻ ሳን ክሩብላ ዋቋዳ። ኡንቱንቱ ቀሬ ሞጨት ኡቲዳ፤ እት ክሩብያ ቀሬ እት ባጋ ጎዳ ቦቶያ ዋድ፣ ህንኮ ክሩብያ ቀሬ ቃይ ህንኮ ባጋ ጎዳ ቦቶ፤ ኡንቱንቱ ላኡዋ ቀሬቲካ ሰ ግዶን እቱ እቱዋ ቦቶና።

28 ሰሎሞን ክሩቡቱዋካ ዋርቃን ሹሹዳ።

29 ቆልኡዋን ዉይግያ ጎዳ ኡባ ክሩብላ፣ ዛምባን ጨሹዳ ጨሻ ሞሰልያ ማሴዳዋን አሊቂሴ።

30 ጌሻ ጎልያዉ ሰ ግዶ ክፍልያ ዉይግያካ ካረ ባጋ ክፍልያ ዉይግያካ ዋርቃን ሹሹዳ።

31 ኡባፕ አድያ ጌሻ ሳን ገልያ ፐንግያዉ ዋጋራ ሞላፕ ሳንቃቱዋ ከሴዳ። ቆሰለላቱ እቼሹ ባጋና ዘዚ ደእያዋንታ።

32 ዋጋራ ሞላፕ ኦሰቲዳ ላኡ ሳንቃቱ ቦላን ክሩቤላ፣ ዛምባን ጨሹዳ ጨሻ ሞሰልያ ማሰድ፣ ሳንቃቱዋ፣ ክሩቡቱዋን ዛምባ ዋርቃን ሹሹዳ።

33 ሄዎዳንካ፣ ጌሻ ጎልያ ዉይግያ ገልያ ጥንግያዉ ዋጋራፐ ከሴዳ ኦይዱ ዞዝያና ደእያ ቆሰለላ ኤሴዳ።

34 እ ቃይ ሄ ጥንግያዉ እት እት ሳንቃይ ግዲዋን ዳኮቲደ ደየትያ ላኡ ሳንቃቱዋ ከሴዳ።

35 ክሩሰቱዋ፣ ዛምባን ጨሼዳ ጨሻ ምሰለቱዋ ኡንቱንቱ ቦላ ማሴዳ፤ ሄ ማሰቴዳዋንቱ ቦላ ዋርቃ እት ማላ ኦሊደ ሼሼዳ።

36 ሶ ባገሩ ደእያ ጉታራ ግምቤዳ፤ ሄ ግምቤ ማሰቴዳ ሹቻ ሄዛቱዋ፣ እቱዋ እቱዋ ቦላ ዋሊደ፣ እት ዝጋ ማሰሳ ኡንቱንቱ ቦላ ዋሊደ ግምቤዳዋ።

37 መፍሩ ጎዳ ጌሻ ጎልያ ባሱ ሶሎሞን ካዉቴዳ ኦይደንላ ላይላን፣ ዚፋ ግያ ላኤንላ አግናን ባሰቴዳ።

38 ሶሎሞን ካዉቴዳ ታማን እተንልያ ላይላን፣ ቡላ ግያ ሆሰቸንላ አግናን ጌሻ ጎሊ ሀልቼዳዋዳን ኡባና ኬጸቲደ ፖለቲዳ። ሶሎሞን ጌሻ ጎልያ ላቸን ላይላን ኬጸደ ዉርሴዳ።

# 7

## ሶሎሞን ባረዉ ካዉተላ ጎልያ ኬጹዳ

1 ሶሎሞን ባረ ጎልያ ታማን ሄዙ ላይላን ኬጸደ ዉርሴዳ።

2 ለባሩሳ ዋራ ጎልያ ጌተትያ ጎልያ ሶሎሞን ኬጹዳ፤ ሄ ጎልያ አዲሳተላይ ጹቱ ዋቋ፤ ጎምፓይ እሻታሙ ዋቋ፤ ጌሳይ ሀታሙ ዋቋ። ዝጋ ቱቀቱ ኦይዱ ማራን ኤቁድና፤ ቃይ ማሰቴዳ ዝጋ ሙደላቱ ኡንቱንቱ ቦላ ዋዴድና፤

3 ሙደላቱ ሄዙ ማራን፣ እት እት ማራን ታማን እቼሹ ሙደላቱ ደእና፤ ኡንቱንቱ ኡባና ኦይታማን እቼሻ።

4 ሄ ጎልያዉ ማሰኮተቱ ሄዙ ማራን ደእና፤ ኡንቱንቱ እቱ እቶ ሰንላ ባጋን ደእና።

5 ጥንገቱን ማሰኮተቱ ኦይዱ ዞዝያና ደእና፤ ማሰኮተቱ ሄዙ ማራን ግዲደ፣ እቱ እቶ ሰንላ ባጋን ደእና።

6 ሶሎሞን ቱቀቱ ጎልያ ጌተትያ ጎልያን ኬጹዳ፤ ሄ ጎልያ አዲሳተላይ እሻታሙ ዋቋ፤ ጎምፓይ ሀታሙ ዋቋ። ሄ ጎልያ ሰንላን ዳር ቱቅያን ዘምፔዳን ቦላና ካራን ካዉቴዳ ባራንዳይ ደኤ።

7 ቃይ እ ፕርዳዉ ካዉተላ አራታይ ደእያ ፕርዳ ጎልያን ኬጹዳ፤ ሄ ኬላይ ዉይግያፐ ቢደ ካራ ጋካናዉ ዝጋን ካመት ኡቲዳ።

8 ፕርዳ ጎልያፐ ጉየን ደእያ ሀራ ዳባባን ባረዉ ደእናዉ ካትያ ጎልያ የንኮ ጎለቱዋዳን ኡሊደ ኬጹዳ፤ ባረ ማቻትዉ፣ ግብጹ ካትያ ናትዉካ ሄ ጎልያ ማላ ጎልያ ኬጹዳ።

9 ሀ ጎለቱ ኡባይ፣ ካረፐ ደሚደ ቢደ ድርሳፐ ሶና ደእያ ዋልቃማ ጉታራ ጋካናዉ፣ ባሱዋፐ ደሚደ ካራ ጋካናዉ፣ ልኪደ ማሴዳን ሶናን ካረና ሶፊደ ገገሴዳ አልኦ ሹቻፐ ኦሰቴድና።

10 ግምቤ ሄጸቲዳዊ ታሙ ዋቋ ዋይ ሆሰቸን ዋቋ ግድያ ሎኦ ማሰቴዳ ዋልቃማ ሹቻና።

11 ሄዋፐ ቦላ ባገሩ ልኪቲደ ማሰቴዳ አልኦ ሹቻይን ዝጋ ሙደላይ ደኤ።

12 ዋልቃማ ዳባባ የሹዋን ደእያ ግምቤ መፍሩ ጎዳ ጌሻ ጎልያዳንን ባራንዳዳን ማሰቴዳ ሹቻ ሄዛቱዋ፣ እቱዋ እቱዋ ቦላ ዋሊደ፣ እት ዝጋ ማሰሳ ኡንቱንቱ ቦላ ዋሊደ ግምቤዳዋ።

## ሁራማ ኦሱዋ

13 ካቲ ሶሎሞን ከቲደ፣ ሁራማ ግያ ብታንያ ቂርሳ ካታማፐ አሂሴዳ።

14 ሁራማ አታ አምኤ፤ እ ነፍታሉማ ዛረ አሳ። እ አዉ ቂርሳ አሳ። ሁራም ናሃሰያ ግያ ብራታ መፍያ ሂላይ ደእያ አሳ፤ እ ናሃሰያፐ ቆጶደ ከሰያዋን ኡባን ሎይላ ሎሄዳ አሳ፤ ሶሎሞንኮ እ ዩደ፣ እ ኦሱዋ ኡባ ኡሌዳ።

## ላኡ ናሃሰያ ቱሳቱዋ

(2 ኦዲዋ 3:15-17)

15 ሁራም እቱዋ እቱዋ ጌሳይ ታማን ሆሰቸን ዋቋ አዲቂደ፣ የሹ ታማን ላኡ ዋቋ እኬዳ ላኡ ቱሳቱዋ ናሃሰያ ሲልሲደ ትጊደ ከሴዳ። ቱሳቶ ግዲ ኮፋ።

16 ሄዎዳንካ፣ ቱሳቱዋ ሁጲያን ዋላናዉ ላኡ ጉምቦቱዋ ናሃሰያፐ ሲልሲደ፣ መጴዳ፤ እት እት ጉምቡ እቼሹ ዋቋ አዲቂ።

17-18 ቱሳ ሁጲያን ደእያ እት እት ጉምቦቱዋ ግትያዳን ኡሌዳ ላቸን ሳንሳላታ ቃጵቃሎቱዋንን ላኡ ማራና ሮማን ግያ ቴራ ምሰለቱዋን አሊቂሰ ዋሊደ።

19 ባራንዳን ኤቂዳ ቱሳቱዋ ቦላ ደእያ ጉምቦቱ ጨሻ ማላን መፍሩና፤ ኡንቱንቱ ጌሳይ ኦይዱ ዋቋ።

20 ላኡ ቱቀቱ ሁጲያን ደእያ ጉምቦቱዋን ሙሉሙቀቱ ኡቲዳ ሳፐ ቦላ ባገሩ፣ ሳንሳላታ ቃጵቃሎቱዋ ካሊደ፣ ላኡ ጹቱ ሮማን ቴራ ምሰለቱ ላኡ ማራን ዩይ አጲደ ደእና።

21 ሁራም ሄ ላኦ ቱሳቱዋ ጌሻ ጎልያ ባራንዳ ማታን ኤሴዳ። ኡሸቻ ባገና ኤቁዳ ቱሳ ያኪና ሱንሴዳ፤ ሀድርሳ ባገና ኤቁዳ ቱሳ ቃይ ቦኤዛ ሱንሴዳ።  
 22 ቱሳቱ ሁጲያን ደእያ ጉምቦቱ ጨሻ ማላቲደ መፍቲድና። ሄዋዳን ሀኒደ ቱሳቱዋ ኪታይ ገለቲድ።

**ናሃሰያፕ መጴዳ ዋንግርያ**  
 (2 ኦዲዋ 4:2-5)

23 ሁራም አባ ሳኒያ ግያ እት ሎይላ ዋልቃማ ዋንግርያ ናሃሰያ ብራታፕ ሲልሲደ ትግ መጴዳ። ሄ አባ ዋንግርያ ዶናይ ሀ ጋጸፕ ያ ጋጸ ጋካናዉ ታሙ ዋቆ፤ ጌሳይ እቼሹ ዋቆ፤ የሹ ቃይ ሀታሙ ዋቆ።

24 አባ ዋንግርያ ዶናን ካረ ባገና ዘቂ ጊደ፣ እናና ኦይቀቲደ መፍቲድ ጎስቱዋ ምሰለቱ ደእኖ፤ ሄ ጎስቱዋ ምሰለቱ ላኦ ማራን፣ እት እት ዋቆን ታሙ ታሙ ዩይ አጲደ ሹሸቲድና።

25 ሄ አባ ሳኒ ናሃሰያ ብራታፕ መፍቲድ ታማነ ላኦ ቦራቱዋ ምሰለቱ ዘክያን ኡቲዳ። ቦራቱዋ ምሰለቱዋፕ ሄዛቱ ሁጲሳ ባገ፣ ሄዛቱ አዋይ ዉልያ ባገ፣ ሄዛቱ ገድሳ ባገ፣ ሄዛቱ ቃይ አዋይ ዶልያ ባገ ሰሚደ ጴልያዋ ማላቲና። አባ ሳኒ ኡንቱንቱ ቦላ ኡቲዳ፤ ኡንቱንቱ ጉየ ባገይ ግዲዋኮ ስም ኡቲዳ።

26 አባ ሳኒ እት ታካፍ ከሻ ኦርዲዋ፤ እ ዶናይ ዋንጫ ዶና ማላ፤ ቃይ ጨሻይ ጨሹዳዋካ ማላቲ። ሄ አባ ሳኒ ኦይታሙ ሻእ ሊትር ግድያ ሃላ ኦይቂያዋ።

**ናሃሰያ ጋረቱዋ**

27 ሁራም ቃይ ታሙ ጋረቱዋ ናሃሰያ ብራታፕ መጴዳ። ሄ ጋረቱ እቱ እቱ ኦይዲ ዋቆ ኡዲሳ፤ ኦይዲ ዋቆ አኮነ ሄዙ ዋቆ ቶቃ።

28 ሄ ጋረቱ ሀዋዳን ኦስቲድና፤ ፑደ ኤቁዳ ኦይዲ ብራታቱዋ ቦላ ፕድ ጊደ ሎቻ ናሃሰያ ብራታቱ ኦይቀት ኡቲድና።

29 ሄ ብራታቱዋ ቦላ ጋሞቱዋ፣ ቦራቱዋነ ክሩበላ ማላትሲደ መጴዳ ምሰለቱ ደእኖ፤ ጋሞቱዋነ ቦራቱዋ ምሰለቱዋፕ ሁጲሳናን ሀርክ ባገና ደእያ ብራታቱዋ ቦላ ቃይ ቆጶደ መጴዳ ጨሻ ኤንጨርሳ ምሰለቱ ደእኖ።

30 እት እት ጋርያዉ ናሃሰያፕ ኦፊዳ ኦይዲ ይንግርያዋንቱ፤ ይንግርያዋንታ ጋላ ዋጽያ ናሃሰያ ካሶቱ ደእኖ። ሄዋዳንካ፣ ኦይዲ ዘዘቱን ከርያ ዘምፕሰያባቱ ደእኖ። ሄ ዘምፕሰያባቱ ጨሻ ኤንጨርሳ ማላትያ ምሰለቱዋን አለቀት ኡቲድና።

31 ጋርያ ዘምፕሰያባቱ ሁጲያን ይንግርያዋንቱ ኡቲዳ ሻሺ ደእኖ፤ ሄ ሻሺ ጋርያ ጴራፕ ፑደ እት ዋቆ ግድያዋ ቶቁ ጊደ፣ ዲገ ባገ ዋቆ ግድያዋ ዘቂ ጊደ መፍቲድ። ሄ ሻሺያዉ ዶናይ ዩይ አጲደ ምሰልያን አለቀት ኡቲዳ።

32 ይንግርያዋንቱ ጌሳይ እት ዋቆን ባገ፤ ይንግርያዋንቱ ሎቻ ናሃሰያ ብራታቶ ጋርሳ ባገና ደእኖ። እርዘዞቱ ኦይቀት ኡቲዳ ካሶቱ ጋርያና ኦይቀት ኡቲድና።

33 ይንግርያዋንቱ ኦላ ፓራ ጋርያ ይንግርያዋንቱዳን መፍቲድና፤ ይንግርያዋንታ ጋላደ ኦይቂያ ካሶቱ፣ ቻርከቱን ቅንቁረተቱ ኡባይካ ናሃሰያፕ ትገቲደ ኦስቲድና።

34 ሄ ጋረቱዋ ኡባ ዘዘቶካ ኡንቱንቱ ሀርክ ባገና ሀርክባገና ኡንቱንቱና እቱዋ ግድ ኦይቀቲድ፣ ናሃሰያፕ መፍቲድ ዘምፕቱ ደእኖ።

35 እት እት ጋርያ ሁጲያ የሹዋን እት ዋቆዉ ባገ ኡዲቂያ ሻሺ ደእኖ፤ ዘምፕቱን ሎቻ ናሃሰቱ ጋርያና ኦይቀቲድ፣ እቱዋ ግዲደ ኦስቲድና።

36 ሀ ዘምፕቱዋፕን ሎቻ ናሃሰቱዋፕ ግዲዋን ደእያ ካሎ ሳእቱ ኡባይ ክሩበቱዋ፣ ጋሞቱዋነ ዘምባቱዋ ምሰለቱዋን አለቀት ኡቲድና፤ ቃይ ኡንቱንቱ የሹ ጨሻ ኤንጨርሳ ምሰልያን አለቀት ኡቲዳ።

37 ስም ታሙ ጋረቱካ ሀዋዳን ኦስቲድና፤ ሲልሲደ ኡንቱንቱ ትጌዳ ሚሻይ እቱዋ ግድያ ድራዉ፣ ኡንቱንቱ ጌሳይካ ኡንቱንቱ ያራይካ እት ማላ።

38 ሁራም ሚጨትያ ታሙ ከረቱዋ ናሃሰያፕ መጴዳ፤ እት እት ከርያ ጎምፓይ ኦይዲ ዋቆ አኮ ግዲደ፣ ሆሰፑን ጴቱ ሊትር ሃላ ኦይቂ፤ ታሙ ጋረቶ ሁጲያን ሁጲያን እት እት ሚጨትያ ከሪ ደእኖ።

39 ሁራም ጋረቱዋ እቼሻቱዋ ጌሻ ጎልያዉ ሁጲሳ ባገና፣ እቼሻቱዋ ቃይ ጌሻ ጎልያዉ ገድሳ ባገና ዋሌዳ፤ ቃይ ናሃሰያፕ ኦስቲዳ አባ ሳኒያ ጌሻ ጎልያፕ ገድሳ አዋይ ዶልያ ባገ ዛሪደ ኤሴዳ።

**ጌሻ ጎልያ ሚሻቱዋ**  
 (2 ኦዲዋ 4:11—5:1)

40 ቃይ ሁራም ከረቱዋ፣ እካፋቱዋን ኩይጸሮቱዋ መጴዳ፤ ያቲደ ካትያ ሶሎሞናዉ መጵና ጎዳ ጌሻ ጎልያ ኪታ ኦሴደ ፖሎዳ።

41 እ ኦሴዳ ኦሶቲካ፡

ላኡ ቱሳቱ፡

ቱሳቱዋ ሁጲያን ዋልያ ሳይነ ማላ ላኡ ጉምቦቱዋ፡

ቱሳቱዋ ቦላ ደእያ ላኡ ጉምቦቱዋ አሌቂሰያ ላኡ ግተ ማላ ሳንሳላታቱዋ፡

42 እት እት ጉምቦቱዋ ቦላ ላኡ ማራን ናሃሰያ፡

መጠቲዳ እት እት ጾቱ ሮማነ ቲራ ምሰለቱዋ፡

ኡባና ኦይዱ ጾቱ ሮማነ ቲራ ምሰለቱዋ፡

43 ታሙ ጋረቱዋ፣ ጋረቱዋ ቦላን ዋጵያ፡

ሜጨትያ ታሙ ከረቱዋ፡

44 እባ ሳኒያን አፕ ጋርሳን ደእያ፡

ታማነ ላኡ ቦራቱዋ ምሰለቱዋ፡

45 ከረቱዋ፣ እካፋቱዋን ኩይጸሮቱዋ፡

ሁራም ካትያ ሶሎሞናዉ መጵና ጎዳ ጌሻ ጎልያ ኦሶ መጴዳ ሀ ሚሻቱዋ ኡባ ቁጨቲዳ ናሃሰያ፡

46 ካቲ ሶሎሞነ ሱኮታፕን ጸርታናፕ ግዴዋን፣ ዮርዳናሳ ደምባን ደእያ፣ ናሃሰያ ብራታ ሲልሰያ ሳእን ሀዋንታ ኡባ ኦሰሴዳ።

47 ናሃሰያ ብራታፕ መጠቲዳ ሀ ሚሻ ኡባይ ሎይሰ ዳራ ግዴዳ ድራዉ፣ ሶሎሞነ አ ማዛንሰቤና፤ ሄዋ ድራዉ፣ ዋይሳ ዴጽንቶ ልኪ ኤረትቤና።

48 ቃይካ ሶሎሞነ መጵና ጎዳ ጌሻ ጎልያ ግዴን ደእያ ሚሻቱዋ ኡባ ዋርቃፕ መጵሴዳ። ሄዋንቱካ፡

ዋርቃፕ ኦሴዳ ያርሽያ ሳእ፡

ሰንሳን ዋልያ ኡክሳይ ኡትያ ጸርጴዛ፡

49 ኡባፕ አጵያ ጌሻ ሳእ፡

ሰንሳን ኡሸቻ ባጋናን ሀድርሳ ባጋና ኡቄዳ፡

እቼሹ እቼሹ ጸምፕያ ዋልያ ባላቱዋ፡

ጨሻቱዋ፣ ጸምፕያ ቶይሰያ ቃጲያ፡

50 ጾአቱዋ፣ ጸምፕያ ቶይሰያዋንታ፡

ኩይጸሮቱዋ፣ እጸና ጨዋይያባቱዋ፡

ታማ አክያ ሚሻቱዋ፡

ኡባፕ አጵያ ጌሻ ሳእ ጌተትያ ቆልኡዋ ፕንገቱዋ፡

ጌሻ ጎልያዉ ካረ ባጋ ፕንገቱዋ ኦይቄዳ ማጸፋቱዋ፡

ሀ ሚሻቱ ኡባይ ዋርቃፕ ኦሰቲድና።

51 ካቲ ሶሎሞነ መጵና ጎዳ ጌሻ ጎልያ ኪታ ኡባ ፖሎዳዋፕ ጉይያን፣ አ አዉ ዳዊታ መጵና ጎዳዉ ዲማዪደ ዋሴዳ ብራ፣ ዋርቃን ሀራ ሚሻቱዋካ ኡባ አሂደ፣ ጌሻ ጎልያ ሚሻ ምንጅያሳን ዋሴዳ።

# 8

ጸሳ ታቦታይ ጌሻ ጎልያ ገሌዳ

(2 ኦዲዋ 5:2—6:2)

1 ሄዋፕ ጉይያን ካቲ ሶሎሞነ መጵና ጎዳ ታቦታ ዳዊታ ካታማ፡ ጽዮነፕ ከሲደ፣ ጌሻ ጎልያ አሀናዳን፣ አሰራኤልያ ጭማቱዋ፣ ዛራቱዋ ኡባ ካፓቱዋን አሰራኤልያ ጎልያ አሳቱዋ ካለልያዋንታ የሩሳላመ ካታማ ሺሼዳ።

2 ኤታነማ ጌተትያ ላፑንሳ አግናን፣ ዳሰያ ባላይ ቦንቼትያ ዋይ፣ አሰራኤልያ አሳይ ኡባይ ካትያ ሶሎሞነኮ ሺቄዳ።

3 አሰራኤልያ ጭማቱ ኡባይ ጋክና፣ ቄሳቱ ታቦታ ደንጹድና።

4 ሊዋቱን ቄሳቱ፣ መጵና ጎዳ ታቦታ፣ ዲንካንያን ዲንካንያ ግዴን ደእያ ጌሻ ሚሻቱዋ ኡባ ቶኪደ አሂድና።

5 ካቲ ሶሎሞነን እናና ደእያ አሰራኤልያ ያእይ ኩመንሳይ ታቦታ ሰንሳን ሺቄደ፣ ፓይዳናዉ ዳንዳየተና ጮራ ዶርሳን መሀያ ያርሺድና።

6 ሄዋጥ ጉይያን ቁሳቱ መድና ጎዳ ቃላ ጫቁዋ ታቦታ ጌሻ ጎልያዉ ግደ ጌሻ ቆልኡዋ፡ ኡባጥ እዲዳ ጌሻ ሳኣ ግያ ሳኣ እሂደ፡ ክሩቡቱዋ ሞሰለቱ ቀፊቱዋጥ ጋርሳ ጋርጋ ዋሌድና።

7 ሞጨት ኡቴዳ ክሩቡቱዋ ቀፊቱ ታቦታን ታቦታ ቶክያ ካሱዋ ካሚድና።

8 ካሳቱ ሎይሉ ኡዲሳ ግድያ ድራዉ፡ ኡንቱንቱ ጸራይ ኡባጥ እዲያ ጌሻ ሳኣ ሰንሓን ደእያ ጌሻ ሳኣን ቤታናዉ ዳንዳዬ፤ ሽን ጌሻ ሳኣጥ ካረና ቤታናዉ ዳንዳዬና። ኡንቱንቱ ሀቼ ጋካናዉ ሄ ሳኣን ደእኹ።

9 እሰራኤልያ ኦሳይ ግብጾ ጋድያጥ ከሴዳ ዋደ፡ መድና ጎዳይ ኡንቱንቱና ቃላ ጫቁዋ ጫቁቲዳ ሲና ደርያን ሙሴ ዋሌዳ ላኡ ማሰቲዳ ሹቻቱዋጥ እትና፡ ታቦታ ግደን ሀራባይ እያይን ባዋ።

10 ቁሳቱ ጌሻ ሳኣጥ ከሰና፡ ሻሪ መድና ጎዳ ጌሻ ጎልያ ኩሚዳ።

11 ሄ ሻርያ ጋሱዋን ቁሳቱ ባረንቱ ኪታ ኦላናዉ ዳንዳይበይክና፤ እያዉ ጎጥ፡ መድና ጎዳ ቦንቹ ኦ ጌሻ ጎልያ ኩሞ ኡቴዳ።

12 ሄዋጥ ጉይያን ሰሎሞን ሀዋዳን ያጌዳ፤ “ኣቤት መድና ጎዳዉ፡ ኔን፡ ታን ቋማ ሻርያን ደእና፡ ያጋ ዋላዳ።

13 ታን ቱሙጥ ነዉ ሎኦ ጌሻ ጎልያ፡ ኔን እን መድናዉ ደእናሳ ኬጸድ” ያጌዳ።

**ሰሎሞን እሳዉ ሃሳዬዳ ሃሳያ**

**(2 ኦዲዋ 6:3-11)**

14 እሰራኤልያ ያእይ ኩመንሓይ ኤቀደእሸን፡ ካቲ ኡንቱንቱኮ ሰሚደ፡ ሀዋዳን ያጌደ ኡንቱንታ እንጂዳ፤

15 “መድና ጎዳይ እሰራኤልያ ጸሳይ ጋላተቶ! ታ ኦዉዋ ዳዊታዉ ባረ ድናን ኦዳዳ ህደታ ባረ ኩሽያን ፖሎዳ። ሄ ኦ ኦዳዳ ህደታይ፡

16 ታን ታ ኦሳ እሰራኤልያ ግብጾጥ ከሳደ እሂዳ ጋላሳጥ ደምና፡ ታ ሰንሓይ እን ደእና ማላ፡ ጌሻ ጎልያ ኬጸናዉ እሰራኤልያ ዛራቱዋ ግደን እይ ካታማን ደራብይከ፤ ሽን ታ ኦሳ እሰራኤልያ ካለላና ማላ፡ ታን ዳዊታ ደራድ” ያጌዳ።

17 “ታ እዉ ዳዊተ መድና ጎዳ እሰራኤልያ ጸሳ ሰንሓዉ ጌሻ ጎልያ ኬጸናዉ ባረ ዋዛናን ቆፔዳ።

18 ሽን መድና ጎዳይ ታ ኦዉዋ ዳዊታ፡ ኔን ታ ሰንሓዉ ጌሻ ጎልያ ኬጸናዉ ነ ዋዛናን ቆፔዳ ድራዉ፡ ሎኦባ ኦላዳ።

19 ግደጥን፡ ጌሻ ጎልያ ኬጸናዌ ኔና ግዳካ፤ ታ ሰንሓዉ ጌሻ ጎልያ ኬጸናዌ ነ ጉልባታጥ የለታና ነ ናኦ” ያጌዳ።

20 “ሀእካ መድና ጎዳይ ባረ እማና ጌዳ ህደታ ቃላ ፖሎዳ። መድና ጎዳይ ካሰ እሚዳ ህደታዳንካ ታን ታ ኦዉዋ ዳዊታ ሳኣን ካተታድን ሀእ እሰራኤልያ ካዉተላ ኦራታን ኡታድ። ቃይ መድና ጎዳ እሰራኤልያ ጸሳ ሰንሓዉ ጌሻ ጎልያ ኬጸድ።

21 መድና ጎዳይ ኦ ኦዋቱዋ ግብጾጥ ከሴዳ ዋደ ኡንቱንቱና ጫቁቲዳ ጫቁ ደእያ ታቦታዉካ ኦ ግደን ሳኣ እንጂያድ” ያጌዳ።

**ሰሎሞን ዋሳ**

**(2 ኦዲዋ 6:12-42)**

22 ሄዋጥ ጉይያን ሰሎሞን መድና ጎዳዉ ያርሽያ ሳኣ ሰንሓን፡ እሰራኤልያ ያእይ ኩመንሓይ ደእያ ሳኣን ኤቁደ፡ ባረ ኩሽያ ሳሎዋ ዛር ሞጨደ፡

23 ሀዋዳን ያጌደ ዋሴዳ፤ “ኣቤት መድና ጎዳዉ፡ እሰራኤልያ ጸሳዉ፡ ቦላ ሳሎዋን ዋይ ጋርሳ ሳኣን ነ ማላ ጸሰ ባዋ። ኔን ነ ቃላ ጫቁዋ ናጋሳ፤ ባረ ኩመንሓ ዋዛናጥ ነ ሰንሓን ሀመቲዳ ነ ቆማቱዋ እገና ሰቁዋን ሲቃሳ።

24 ነ ቆማዉ፡ ታ ኦዉዋ ዳዊታዉ ኔን ኦላና ጋይ ሃሳዬዳ ቃላ ናጋዳ፤ ኔን ካሰ ነ ድናን ሃሳዬዳዋ ነ ኩሽያን ሀቼ ፖላዳ።

25 “ሀእካ ኣቤት መድና ጎዳ፡ እሰራኤልያ ጸሳዉ፡ ኔን ነ ቆማዉ፡ ታ ኦዉዋ ዳዊታዉ፡ ኔን ታ ሰንሓን ሀመቲዳዋዳን ነ ናናይካ ታ ሰንሓን ሀመታና ማላ ባረንቱ ኦግያ ናጎጥ፡ ታ ሰንሓን እሰራኤልያ ካዉተላ ኦራታን ኡትያ ኦሳ ኔን ኡባካ ቋያካ” ያጌዳ ቃላ ፖላ።

26 ኣቤት እሰራኤልያ ጸሳዉ፡ ኔን ነ ቆማዉ፡ ታ ኦዉዋ ዳዊታዉ ሃሳዬዳ ነ ቃላ ሀእካ ኦጎጥ።

27 “ሽን ጸሳይ ቱሙ ሳኣን ደእኔየ? በእ፡ ሳሎቱ፡ ኡባጥ ቋቃን ደእያ ሳሎካ ነዉ ግዳናዉ ዳንዳዬና። ያትና፡ ሀ ታን ኬጾዳ ጌሻ ጎሊ ነዉ እይ ኬሻ ጉጸንዳሻ!

28 ግደጥን፡ ኣቤት መድና ጎዳዉ፡ ታ ጸሳዉ፡ ታን ነ ቆማይ ሀቼ ዋሰያዋን ዋትዋትያዋ ኔን ሀይዛ።

8:9 ዛረ. 10:5    8:10 ከሳ 40:34-35    8:12 ማዘ. 18:11፤ 97:2    8:16 2 ሳሜላ 7:4-11፤ 1 ኦዲዋ 17:3-10  
8:17 2 ሳሜላ 7:1-3፤ 1 ኦዲዋ 17:1-2    8:19 2 ሳሜላ 7:12-13፤ 1 ኦዲዋ 17:11-12    8:25 1 ካታ. 2:4  
8:27 2 ኦዲዋ 2:6



29 ኔን፣ ታ ሱንሳይ ሄ ሳኣን ደእና ጌዳ ሀ ጌሻ ጎልያ ነ አይፊ ቃማነ ጋለሰ ጸሎ። ታን ነ ቆማይ ሀ ሳኣኮ ሰማይ፣ ዋሰያ ዋሳ ኔን ሰሳ።

30 ታን ነ ቆማይ ነ አሳይ እስራኤሊ ሀ ጌሻ ጎልያኮ ሰማይ፣ ዋትዋትያ ዋትዋቱዋ ኔን ሰሳ። ኔን ደእያ ሳን ሳሎዋን ሰሳይ፣ ኦጫ አቶ ያጋ።

31 “አት አሳይ ባረ ሾሩዋ ያቁና፣ አ ጫቀላናዉ ሀ ጌሻ ጎልያ አይና፣ አ ግደን ደእያ ያርሽያ ሳኣ ሰንሳን አ ጫቆፕ።

32 ኔን ሳሎዋን ሰሳይ፣ ኪተታ። ነ ቆማቱዋ ግዳዋን ፕርዳ። ባይዛንቻቱዋ ቦላ ፕርዳይ፣ አ ኦሎዋ አ ቦላ ዛራ፣ ጽሎዋ ሻትንሳይ፣ አጫ አ ጽሎተሳዳን ዛራ።

33 “ሳኣ አሳይ እስራኤሊ ነ ቦላ ናጋራ ኦሎዳ ጋሱዋን ሞርከያን ጸነቲይ፣ ኡንቱንቱ ኔኮ ሰማይ፣ ነ ሱንሳ ጸሲይ፣ ሀ ጌሻ ጎልያን ኔና ዋሰፕ ነጫ ዋትዋቶ።

34 ኔን ሳሎዋን ሰሳ። ነ አሳ እስራኤልያ ናጋራ አቶ ያጋ፤ ያታደ ኔን ካሰ ኡንቱንቱ ማይዛ አዋቶ አማይ ቢታጫ ኡንቱንታ ኾዋ ዛራ።

35 “ሳኣ አሳይ ነ ቦላ ናጋራ ኦሎዳ ጋሱዋን ሳሎቱ ጎርደትናን አራይ ቡከናን እጽና፣ ኡንቱንቱ ሀ ሳኣ ሰማይ፣ ዋሰፕ ኔን ኡንቱንታ ኡንኤሎዳ ድራጫ ነ ሱንሳ ጸሲይ፣ ባረንቱ ናጋራፕ ሰሞ። ኔን ሳሎዋን ሰሳ።

36 ነ ቆማቱዋ ናጋራ፣ ነ አሳ እስራኤልያ ናጋራ አቶ ያጋ። ኡንቱንቱ ሀመታናጫ በሰያ ሎኦ ኦግያ ኡንቱንታ ታማርሳ፤ ያታደ ኔን ነ አሳ ሳትሴዳ ቢታን አራ ቡክሳ።

37 “ቢታ ቦላን ኮሻይ ዋይ አታ ሀርገ ዪና፣ ዋይ ካሳ ጸግ ጳይሰያ ጫርኩ ዋይ ቦላ ዋይ ቡሞቡራሳይ ቢታ ቦላን ዪና፣ ዋይ ሞርኪ ኡንቱንቱ ካታማቱዋ ዶድና፣ ዋይ አይ ማላ ባሻይ ዋይ ሀርገ ዪና፣

38 ነ አሳ እስራኤልያፕ ኦን ኔና ዋሰፕ ነጫ ዋትዋቶ፣ ቃይ አይ አሳይን ባረ ዋዛናን ኡንኤልያዋ ኤሪይ፣ ሀ ጌሻ ጎልያኮ ሰማይ፣ ባረ ኩሽያ ሞጮ።

39 ኔን ደእያ ሳኣን ሳሎዋን ሰሳ። ኡንቱንቱ ናጋራ አቶ ያጋ፤ ያታደ ኡንቱንቶ ኪተታ። ኔን አሳ ዋዛና ኤርያዋዳንካ፣ አሳ ኡባጫ አ ኦሱዋዳን ኦሱዋዳን አማ። አያጫ ጎፕ፣ አሳ ኡባ ዋዛና ኤርያዋ ነ ጸላላ።

40 ያቶ፣ ኔን ኦ ማይዛ አዋቶ አማይ ቢታን ደእያ ዋይ ኡባን፣ ኡንቱንቱ ነጫ ያያና።

41 “ሳኣ ዋዳንካ፣ ነ አሳ እስራኤልያ ግደና ካረ ቢታ አሳይ ነ ዋልቃማ ሱንሳዋን ኔን ነ አሳጫ ኦሎዳ ማለሰያ ኦሱቱዋን ሰሰይ፣ ሃኮ ጋድያፕ ዪይ፣ ሀ ጌሻ ጎልያኮ ሰማይ፣ ኔና ዋሰ።

42 ኔን ደእያ ሳኣን ሳሎዋን ሰሳ። ነ አሳቱ እስራኤላቱ ኤርያዋዳን፣ ሳኣን ደእያ አሳይ ኡባይ ነ ሱንሳ ኤራና ማላን ነጫ ያያና ማላ፣ ቃይ ታን ኬጼዳ ሀ ጌሻ ጎልያ፣ ነጫ ጎይንያ ሳኣ ግዳዳዋ ኡንቱንቱ ኤራና ማላ፣ ሄ ካረ ቢታ አሳይ ኔና ዋሰያዋ አጫ ፖላ።

44 “ሳኣ አሳቱ ባረንቱ ሞርከቱዋ ኦላና ማላ ኔን ኪቲዳ ሳኣ ሀቃን ቢይ፣ ኡንቱንቱ ኔን ዶሬዳ ሀ ካታማኮ ነ ታን ነ ሱንሳጫ ኬጼዳ ጌሻ ጎልያኮ ሰማይ፣ ኔና መጅና ጎዳ ዋሰ።

45 ኡንቱንቱ ዋሳን ዋትዋቱዋ ሳሎዋን ኔን ሰሳ፤ ኡንቱንቶ ጸኦዋ አማ።

46 “ናጋራ ኦፍ አሳይ ባይናዋዳንካ፣ ኡንቱንቱ ነ ቦላ ናጋራ ኦሎዳ፣ ኔን ኡንቱንቶ ሀንቀታደ ሞርከቶ ኡንቱንታ አላይ አምና ሞርከቱካ ኡንቱንታ ኦሞዲይ፣ ሃክና ማትናካ ባረንቱ ጋድያ አኪይ አፍና፣

47 ኡንቱንቱ ሄ ኦሞደቲዳ ቢታን ደእይ፣ ባረንቱ ዋዛናን ናጋራፕ ሰሞ። ሄ ኦሞደቲዳ ቢታን ኡንቱንቱ ደእይ፣ ሱን ናጋራ ኦሎዳ፣ ኦን ባይዜይ፣ ኦን አታባ ሀይይ፣ ያጌይ ነጫ ዋትዋቶ።

48 ባረና ኦሞዲይ አፊዳ ሞርከቱዋ ቢታን ደእይ፣ ኡንቱንቱ ባረንቱ ኩመንሳ ዋዛናን ባረንቱ ኩመንሳ ቆፋፕ ኔኮ ሰሞ። ኔን ኡንቱንቱ ማይዛ አዋቶ አማይ ኡንቱንቱ ቢታኮ፣ ኔን ዶሬዳ ካታማኮ ነ ታን ነ ሱንሳጫ ኬጼዳ ጌሻ ጎልያኮ ሰማይ፣ ኔና ዋሰ። ያቶ።

49 ኡንቱንቱ ዋሳን ኡንቱንቱ ዋትዋቱዋ ኔን ደእያ ሳኣን ሳሎዋን ሰሳ። ኡንቱንቶ ፕርዳ።

50 ነ አሳይ ነ ቦላ ኦሎዳ ናጋራን ባይዜዳ ባይዙዋ አቶ ያጋ፤ ኡንቱንቱ ኦሞዲይ አፊዳ አሳቱ ኡንቱንቶ ቃረታናዳን ኦላ።

51 አያጫ ጎፕ፣ ኡንቱንቱ ሄ ብራታ ሲልሰያ ጮጭያ ማላ ጋድያ። ግብጾፕ ኔን ከሴዳ ነ አሳቱዋን ነ ቡዙቱዋ።

52 “ታን ነ ቆማይ ነ አሳይ እስራኤሊ ዋትዋትያዋ ነ አይፊ ጸሎ፤ ቃይ ኡንቱንቱ ዋሰያ ዋይ አጫደን ኔን ኡንቱንቶ አላ።

53 አያጫ ጎፕ፣ አቢት ኡባ ዋዳያ መጅና ጎዳጫ፣ ኔን ካሰ ኦ አዋቱዋ ግብጾፕ ከሰያ ዋይ ነ ቆማ መሴ ባጋና ኦዲዳዋዳን፣ ኡንቱንታ ኔን ሳኣን ደእያ ካጫተላቱ ኡባ ግደፕ ነ ቡዙ ኦላናጫ ዲማያዳ” ያጌይ ዋሴዳ።

ሱሎሞና ጫርሰሳ አንጀዋ

54 ሶሎሞን መድና ጎዳ ዋሳነ ዋትዋቱዋ ፖሌዳዋፕ ጉይያን፣ ባረ ኩሽያ ሳሉዋ ሞጪደ መድና ጎዳ ያርሹዋ ሳኦ ሰንገን ጉልባቲዳ ሳኦፕ ደንድ ኤቁዳ።

55 እስራኤልያ ሸቁዋ ኡባ ባረ ቃላ ቶቂሲደ፣ ሀዋዳን ያጊደ እንጂዳ፤

56 “ኦ ካሰ ሃሳዬዳ ባረ ቃላዳን ባረ እሳ እስራኤልያ ሸዋፕሴዳ መድና ጎዳይ ጋላተቶ፤ እ ባረ ቆማ ሙሴ ባጋና እሚዳ ሎኦ ህደታይ ኡባይ ፖላቲዳ።

57 መድና ጎዳይ ኑ ጸሳይ ካሰ ኑ እዋቱዋና ደኤዳዋዳን፣ ኑናናካ ደይ፤ እ ኑና ኡባካ አጎፕ ዋይ የጎፕ።

58 ኑን እ ኑግያን ኡባን ሀመታና ማላን እ ኑ እዋቶ እሚዳ አዛዙዋ፣ ዋጋቱዋን ሀግያ ናጋና ማላ፣ ኑ ዋዛና ባረኮ ዛር።

59 ሀቼ ሀቼ ደኦ ኮሽያዋዳን፣ ጸሳይ ታና ባረ ቆማን ባረ እሳ እስራኤልያ ማዳና ማላ፣ ታን መድና ጎዳ ሰንገን ዋሳይ ጌዳ ሀ ቃላቱ ቃማን ጋላሰ መድና ጎዳ፣ ኑ ጸሳ፣ ሸቅና።

60 ሃዌን፣ ሳኦን ደእያ አሳይ ኡባይ መድና ጎዳይ ጸሳ ግድያዋን አፕ አትና ሀራ ጸሰ ባይናዋ ኤራናዳና።

61 ሀቼዋዳንካ ህንተንቱ እ ዋጋዳን ሀመታናውን እዉ አዛዘታናው መድና ጎዳው፣ ኑ ጸሳው፣ ህንተንቱ ዋዛናይ እማነትያዋ ግደ” ያጊደ እንጂዳ።

ጌሻ ጎልያ እንጅሱዋ

(2 ኦዲዋ 7:4-10)

62 ሄዋፕ ጉይያን ካቲን እስራኤልያ አሳይ ኡባይ እትፕ መድና ጎዳ ሰንገን ያርሹዋ ያርሹድና።

63 ሶሎሞን መድና ጎዳው እትፕተላ ያርሹዋ ያርሻናው ላታማን ላኡ ሻእ ቦራቱዋን ጸታን ላታሙ ሻእ ደርሳቱዋ ሸሼዳ። ሄዋዳን ኦሌደ ካቲን እስራኤልያ አሳይ ኡባይ መድና ጎዳ ጌሻ ጎልያ እንጅሱድና።

64 ካቲ ሶሎሞን ጌሻ ጎልያው ሰንገላ ባዙዋን ደእያ ግድ ዳባባ ሄ ጋላሰ ዲማዬዳ። ሄ ሳኦን ጸግያ ያርሹዋ፣ ካላ ያርሹዋን እትፕተላ ያርሹዋፕ ዋቋዋ ያርሹዳ። እ ሄዋ ኦሌዳዋ መድና ጎዳ ሰንገን ደእያ፣ ናሃሰያ ግያ ብራታፕ ኦሰቲዳ ያርሸያ ሳኦይ ጸግያ ያርሹዋ፣ ካላ ያርሹዋን እትፕተላ ያርሹዋፕ ዋቋዋ ያርሻናው ጉጾዳ ድራሳ።

65 ሄ ዋይ ሶሎሞንን እስራኤልያ አሳይ ኡባይ ላፑን ጋላሳው ዳሰያ ባላ ቦንቼዳ፤ እስራኤልያ ዛዋን ሀማታ ፕኑዋፕ ቢደ ግብጾ ሻፋ ጋካናው ደእያ ጮራ አሳይ መድና ጎዳ ሰንገን ባላ ቦንቻናው ሸቁዳ።

66 ዋንተላ ጋላሰ ካቲ እሳ ዋይዚዳ፤ አሳይ ካትያ እንጂደ፣ መድና ጎዳይ ባረ ቆማ ዳዊተውን ባረ እሳ እስራኤልያው ኡሌዳ ኬካተላን ናሽቲደን ዋዛናፕ ፓሽኪደ፣ ባረ ሶ ባረ ሶ ቤዳ።

9

ዉርሰላ ላይላቱዋ

(9:1—11:43)

1 ሶሎሞን መድና ጎዳ ጌሻ ጎልያን ካትያ ጎልያ ኬጲደ ማኬዳዋፕን ኦላናው እሞቲዳ እሙዋ ኡባ ፖሌዳዋፕ ጉይያን፣

2 ጋባኦና ካታማን ካሰ ቆንጩዳዋዳን፣ መድና ጎዳይ ላኢንሉዋ አዉ ቆንጩዳ።

3 መድና ጎዳይ እ ሀዋዳን ያጊዳ፤ “ኔን ታ ሰንገን ዋሰኔ ዋሳነ ዋትዋቱዋ ዋትዋቱዋ ታን ሰሳድ። ኔን ኬጲዳ ጌሻ ጎሊ መድናው ታ ሰንገላይ እን ጾሰታና ማላ ኡዳደ ታን ጌሻድ፤ ታ አይፊን ታ ዋዛናይ ኡባ ዋይ ሀ ጌሻ ጎልያን ደአናዋ።

4 “ኔና ግደ፣ ኔን ነ አዉ ዳዊተ ሀመቲዳዋዳን ቦርሰያባይ ባይናን ሱረተላን ታ ሰንገን ሀመቶ፣ ታን እዛዜዳዋ ኡባ ኦሎፕን ታ ዋጋን ታ ሀግያ ናሳፕ።

5 ታን ነ አዉዋ ዳዊታው፣ ኦሰራኤልያ ካዉተላ አራታን ኡትያ አሳ ኔን ኡባካ ቋያካ፣ ጌዳዋዳን፣ ነ ካዉተላ አራታ እስራኤልያ ቦላ መድናው ምንሳይ ኡሳና።

6 “ሸን ኔን ዋይ ነ ናናይ ታና ካልያዋ አጊደ ዋራ ሰዋፕ፣ ታን ህንተንታ እዛዜዳ ታ እዛዙዋን ታ ዋጋ ናገናን ቋፑፕን ሀራ ጸሳቶ ኦላናውን ጎይናናው ቦፕ።

7 ያቶፕ፣ እስራኤልያ አሳ ታን ካሰ ኡንቲንቶ እሚዳ ቢታፕ ቶቆላና፤ ታን ታ ሰንገላዉ ጌሼዳ ሀ ጌሻ ጎልያካ አጋ አጋና። እስራኤላቲ አሳ ኡባ ግደን ቶሳውን ቅሊጮ ግዳናዋንታ።

8 ሀ ጌሻ ጎሊ ኮለቲዳባይ ኬለቲዳ ሳኦ ግዳናዋ፤ ማታና አድያ አሳይ ኡባይ ዳጋሚድን ‘ፖራ!’ ጊደ፣ ‘መድና ጎዳይ ሀ ጋድያን ሀ ጌሻ ጎልያ እያዉ ሀዋዳን ኦሌዳ?’ ያጋና።

9 አሳይ፡ ኤንቲንቴ ማይዛ አዎቱዋ ግብጾፕ ከሴዳ መጅና ጎዳ ባረንጉቱ ጸሳ ኤንቲንጉቱ አጊደ፡ ሀራ ጸሳቱዋ ካሌዳ ድራሰን ኤንቲንጉቱዋ ኦሴደ ጎይኔዳ ድራሰ፡ መጅና ጎዳይ ኤንቲንጉቱ ቦላ ሀ ኢታባ ኡባ አሄዳ ያጊደ ዛራና” ያጌዳ።

ሶሎሞን ኦሴዳ ሀራ ኦሶቱዋ  
(2 ኦዲዋ 8:1-18)

10 ሶሎሞን ሀ ላኡ ጎልያ፡ መጅና ጎዳ ጌሻ ጎልያን ካትያ ጎልያ ኬጾዳ ላታማንጎ ላይላ ወርሰላን፡

11 ጸርሳ ካቲ ኪራም እ ኮይያ ጸዳ፡ ዝጋነ ዋርቃ ኡባ እሜዳ ድራወ፡ ጋለላን ደእያ ላታሙ ካታማቱዋ ሶሎሞን አዉ እሜዳ።

12 ሸን ኪራም ጸርሳ ካታማፕ ከሲደ፡ ሶሎሞን አዉ እሜዳ ካታማቱዋ በአናዉ ቤዳ ዋደ፡ ካታማቱ እ ናሽቶብይኸና።

13 ያትና፡ ኪራም ሶሎሞና፡ “ታ እሻወ፡ ሀዋንጉ ኔን ታዉ እሜዳዋንጉ እያ ካታማቱ?” ያጌዳ። ሄዋ ድራወ፡ እ ሄ ካታማቱዋ፡ “ፓ□ና ቢታ” ያጊደ ሰንሴዳ። ሄ ሄራይ ሀቼ ጋካናዉካ ሄ ሰንጎላን ጾሰቱ።

14 ኪራም ኦይዱ ሻእ ኪሎ ግራሙ ደጽያ ዋርቃ ካትያ ሶሎሞናዉ የድ ዋሴዳ።

15 መጅና ጎዳ ጌሻ ጎልያ፡ ባረ ጎልያ፡ ሚሎ፡ የሩሳላሙ ካታማ ግምቤያን ሀጸራ፡ ማግደን ገዜራ ካታማቱዋ ግምባናዉ ካትያ ሶሎሞናዉ ጋባራቱ ደእና።

16 ግብጾ ቢታ ካቲ ካሰ ገዜራ ካታማ ኦይቂደ ካታማ ታማን ጸጌዳ። ካታማን ደእያ ካና ኢሳቱዋካ ዋሴዳ፤ ያቲደ ሶሎሞን አኬዳ ባረ ናትዉ ዋይታ ኦሴደ እሜዳ፤

17 ሶሎሞን ገዜራ ካታማ ዋሳ ኬጾዳ።

ሄዋዳንካ ቃይ፡ ሶሎሞን ሀርክ ቤት-ሆርና፡

18 ባእላታ፡ ይሁዳ ዋራን ደእያ ታማራ ካታማ፡

19 ሚሻ ምንጅያ ካታማቱዋ ኡባ፡ ባረ ፓራቱዋን ፓራ ጋረቱዋ ዋሳያ ካታማቱዋን የሩሳላሙን፡ ልባናሳንን ባረ ሞድያ ቢታን ኡባን ኬጻናዉ አሞቲዳ ኡባ ኬጾዳ።

20 አሞራቱ፡ ሂተቱ፡ ፓርዘቱዋ፡ ሂዌቱዋ፡ ያቡሳቱዋ፡ እቲዳ ኢሳቱ ኡባይ እሰራኤልያ አሳ ግድኸና፤

21 ኤንቲንጉቱ እሰራኤልያ አሳቱ ቢታፕ ወርሰ ሳይሳናዉ ዳንዳየናን እግና፡ ሄ ቢታን አቲዳ አሳቱዋፕ ዘረሳቱዋ። ሶሎሞን ኤንቲንታ ጋባረተላ ኦሰሴዳ፤ ኤንቲንጉቱ ሀቼ ጋካናዉካ ጋባረተላን ኦሴዳ።

22 ሸን ሶሎሞን እሰራኤልያ አሳቱዋፕ ኦናን አይለይቤና፤ ኤንቲንጉቱ አዉ ኦሳንቻቱዋ፡ ኦሳንቻቱዋ፡ ኦሳንቻቱ ካፓቱዋን ጋዳዋቱዋ፡ ፓራ ጋረቱዋ ላግያዋንጉ ካፓቱዋን ፓራ አሳቱዋ ግዲደ ኦሴድና።

23 ሄዋዳንካ ቃይ፡ ኤንቲንጉቱ ሶሎሞና ኪታ ከተትያዋንጉ ካፓቱዋ፤ ኤንቲንጉቱፕ እቼሹ ጾታን እሻፓታዎ ኦሶዋ ኦሴዳ ጎሻንቻቱዋ ጸሊደ ኦሰሴዳ።

24 ግብጾ ካትያ ናታ ዳዊታ ካታማፕ ሶሎሞን እዘዉ ኬጾሴዳ ጎልያ ፑደ ቤዳዋፕ ጉይያን፡ እ ማሎ ግምቤዳ።

25 ሶሎሞን መጅና ጎዳዉ ግምቤዳ ያርሹዋ ሳእን ጸግያ ያርሹዋን አትተላ ያርሹዋ ላይላን ሄዙ ገደ ያርሹ፤ መጅና ጎዳ ሰንጎላን እጻናካ ጨዋዬ። ያቲደ ጌሻ ጎልያ ፖሌዳ።

26 ሄዋፕ ጉይያን ካቲ ሶሎሞን ኤደማ ቢታን ዞኦ አባ ድናን፡ ኤላታ ጌተትያ ካታማ ማታን ደእያ ኤጽዮን-ጋብራን ማርካባቱዋ መጴዳ።

27 ካቲ ኪራም ሶሎሞን አሳቱዋና ኦሳና ማላ ማርካብያ ላጉዋ ሎሄዳ ባረ አሳቱዋ ኪቲዳ።

28 ኤንቲንጉቱ ኦፍራ ጋድያ ቤድና፤ ያፕ ታማን ኦይዱ ሻእ ኪሎ ግራምያፕ ዳርያ ዋርቃ ካትያ ሶሎሞናዉ አኪደ ዬድና።

# 10

ሳባ ካታቶ  
(2 ኦዲዋ 9:1-12)

1 ሳባ ካታታ መጅና ጎዳ ሰንጎላን ዋረቲዳ ሶሎሞና ዋርያ ሰሳደ፡ ዴጽያ ኦሻቱዋ አካደ፡ እ ፓጫናዉ ደንዳዴ።

2 ሳዉዋ፡ ሎይሳ ዳር ዋርቃን አልኦ ሹቻ ጫነቲዳ ዳር ጋሎቱዋ ጨጉዋና ሎይሳ ዳር አጃባና የሩሳላሙ ጋካደ፡ ሶሎሞና ሰንጎላ አላእዱ። ባረ ዋዛናን ደእያዋ ኡባ ሶሎሞናዉ ኦዳዴ።

3 ሶሎሞን እ ኦቼዳዋ ኡባ ኦዳዳ፤ እዘዉ ብርሸናን አፕ ገም አቲዳባይ አያይን ባዋ።

4 ሳባ ካታታ ሶሎሞና እጴዳ ኤራ፡ እ ኬጾዳ ካትያ ጎልያ፡

5 እ ማዳን ሸቅያ ቁማ፣ እ ኦሳንቻቱ ኡትያ ኡተላ፣ እ ቆማቱ ኦልያ ኦሱዋን ማይያ ማዳዋ፣ እ ኡሳ ትግያዋንታን መድና ጎዳ ጌሻ ጎልያን እ ጸግያ ያርሹዋ በኤዳ ዋደ፣ እዝ ዋዛናይ ጋገቱዳ።

6 ሄዋጥ ጉይያን እዛ ካትያ፣ ሳዋን ነ እዴዳ ኤራተላባ ታን ታ ጋይን ደእደ ሰሴዳዌ ቱማ።

7 ሸን ታን ያደ፣ ታ አይፍያ ብራናን በእና ጋካናዉ ኡንቱንቱ ታዉ ኦዴዳዋ እማናበይከ። ታዉ እሳይ ኦዴዳዌ ባጋን ጋዘና፣ እዴዳ ኤራተላንካ ዳረተላንካ ታን ሰሴዳዋጥ ሎይላ ዳራ።

8 ኡባ ዋደ ነ ሰንላን ኤቁደ፣ ነ እዴዳ ኤራ ሰሰያ ነ እሳቱን ነ ኦሳንቻቱ እያ ናሸቲናሻ!

9 ኔናን ናሸቲደ፣ ኔና እሰራኤልያ ካወተላ አራታን ኡትሲዳ መድና ጎዳይ ነ ጸሳይ ጋላተቶ! መድና ጎዳይ እሰራኤልያ እሳ መድናዉ ሲቁዳ ድራዉ፣ ኔን ሱሪ ፕርዳን ጸሎተላ ኦላና ማላ እ ኔና ካተዬዳ” ያገዱ።

10 ካታታ ኦይዱ ሻእ ኪሎ ግራመ ደጽያ ዋርቃ፣ ሎይላ ዳር ሳወዋን አልእ ሹቻ ካትያዉ እማዱ። ሳባ ካታታ ካትያ ሶሎሞናዉ እማዳዋ ኪሻ ዳር ሳወዋ ሄዋጥ ሰምና ኦንን አህቤና።

11 (ካትያ ኪራማ ማርካባቱ፣ እፍራጥ ዋርቃ እሄዳዋንቱ ያጥካ ሳንዳላ ጌተትያ ሎይላ ዳር ሞላን አልእ ሹቻ እሄድና።

12 ካቲ ሶሎሞን ሄ ሳንዳልያጥ መድና ጎዳ ጌሻ ጎልያን ካትያ ጎልያ ቱቀቱዋ፣ ማዝሙርያ የጽዋንቶ ዲላን ማሰንቁዋ መድሴዳ። ሄዋ ማላ ሳንዳሊ ሄ ጋላሳጥ ሃ ሰምና ይን ኤረና፣ ቤትን ኤረና።)

13 ካቲ ሶሎሞን እማናዉ በሰያ እሞታጥ ሀራ፣ ሳባ ካታታ እሞታደ እ ኦቼዳዋ ኡባ እዝዉ እማዱ። ሄዋጥ ጉይያን ሳባ ካታታ ባረ አጃባና ደንዳደ፣ ባረ ጋይ ሰማዱ።

**ካትያ ሶሎሞን ዳረታ  
(2 ኦዲዋ 9:13-28)**

14 ሶሎሞን ላይላን ላይላን እክያ ዋርቃይ ላታማን ሄዙ ሻእ ኪሎ ግራመ ደጽያዋ።

15 ሄዌ ዛልእንቻቱዋጥ አኪዳ ቃራዳን አራባ ቢታ ካተቱዋ ኡባጥን እሰራኤልያ ቢታ ሞድያዋንቱጥ አኪዳ ጌራ ቦላ ጉጃ።

16 ሶሎሞን ላኡ ጸቱ ዋጋ ጎንዳላቱዋ ቆጶዳ ዋርቃጥ መድሴዳ፣ እት እት ጎንዳልያን ላፑን ኪሎ ግራመ ግድያ ዋርቃይ ገሊዳ።

17 ቃይካ እ ሄዙ ጸቱ ቁር ጎንዳላቱዋ ቆጶዳ ዋርቃጥ መድሴዳ፣ እት እት ቁር ጎንዳልያን ላኡ ኪሎ ግራመ ግድያ ዋርቃይ ገሊዳ። ካቲ ሄ ጎንዳላቱዋ ለባናሳ ዋራ ጎልያ ጌተትያ ጎለን ዋሌዳ።

18 ቃይካ ካቲ እት ዋልቃማ ካወተላ አራታ ዳንጋርሳ ዛልያጥ መድሴዳ፣ ሙሩታ ዋርቃን ሸሼዱ።

19 ካወታ አራታይ ደእያ ሳእ ፑደ ከሳናዉ የድያ ኡሱፑን ደላቱ ደእኖ። ሄ አራታዉ ገዮ ባጋይ ጸላ። አራታዉ ላኡ ባጋናካ ቀሰያ ዘምጥሰያ ሳእቱ ደእኖ፤ ሄ ላኡ ሳእቱ ላንቁያንካ ኤቁዳ እት እት ጋሙዋ ሞሰሊ ደኤ።

20 ሄ አራታ ፑደ ከሰያ ኡሱፑን ደላቱዋን ያ ባጋናን ሀ ባጋና እት እት ጋሙዋ ሞሰሊ፣ ኡባና ታማን ላኡ ሞሰላቱ ደእኖ። ሀዋ ማላ ካወተላ አራታይ ሀራ ካወተላን ሀቃንን ኦሰትቤና።

21 ካቲ ሶሎሞን ኡሻ ኡሸያ ሚሻ ኡባይ ዋርቃጥ መጠቅዳ፣ ለባናሳ ዋራ ጎለን ደእያ ሚሻ ኡባይካ ሙሩታ ዋርቃጥ መጠቅዳ። እትባይን ብራጥ መጠቅቤና፣ እያዉ ጎጥ፣ ሶሎሞን ዋደ ብራይ ኡባካ ጎእያባዳን ገይደት ኤረና።

22 ካትያዉ ኪራማ ማርካባቱዋና ዛልእያ ዋልቃማ ማርካባቱ እባን ደእኖ። ሄ ማርካባቱ ዋርቃን ብራ፣ ዳንጋርሳ አቻ፣ ገለሾቱዋን ቃረቱዋ ጫን እኪደ፣ ሄዙ ላይላጥ እት ገደ ዪና።

23 ካቲ ሶሎሞን ዳረተላንን እዴዳ ኤራተላን ሳእን ደእያ ካተቱዋ ኡባጥ ዳራዳ።

24 ሳእን ደእያ እሳይ ኡባይ እ ሰንላ አቋናዉን ጸሳይ እ ዋዛናን ዋሌዳ እዴዳ ኤራ ሰሳናዉ ኮዬ።

25 ላይላጥ ላይላን ይያ ኡባይ እዉ እማናዉ ዋርቃን ብራ ሚሻቱዋ፣ ማዮቱዋ፣ ኦላ ሚሻቱዋን ሳወዋ፣ ፓራቱዋን ባቁሎቱዋ እኪደ ዬ።

26 ሶሎሞን ፓራ ጋራቱዋን ፓራቱዋ ሸሼዱ፣ እዉ እት ሻእን ኦይዱ ጸቱ ፓራ ጋራቱን ታማን ላኡ ሻእ ፓራቱ ደእኖ። እ ኡንቱንቱ ፓራ ጋራቱዋ ካታማቱዋን ባረናና የሩሳላሙን ዋሌዳ።

27 ካቲ የሩሳላሙን ብራይ ሹቻዳን ኪላታናዳን፣ ዝጋይካ ጋላን ድጭያ ኤላዳን ጮራታናዳን አሌዳ።

28 ሶሎሞን ፓራቱ ግብጾጥን ቃዌ ጌተትያ ቢታጥ ዬድና። ካትያ ዛልእንቻቱ ኡንቱንቱ ቃዌጥ ሻሉዋን ሻሚደ እሄና።

29 ኡንቱንቱ እት እት ፓራ ጋርያ ኡሱፑን ጸቱ ጸጋራ ብራን፣ እት እት ፓራ ጸታን እሻታሙ ጸጋራ ብራን ግብጾጥ ሻሚደ እሄና፣ ኡንቱንቱካ ሂተቱዋ ካተቶ ኡባቶን ሶርያ ካተቶ ዛልእኖ።

# 11

## ሶሎሞን ጸሳጥ ሃክ ሃክ ቤዳ

1 ካቲ ሶሎሞን ዳር አላጋ ቢታ ማጫዋንታ ሲቁዳ፤ ሄዋንቱነ ግብጹ ካትያ ናት ቦላ ጉጅና ሞአባቱዋ፡ አሞናቱዋ፡ ኤዶማቱዋ፡ ሲዶናቱዋነ ሂተቱዋ ማጫዋንታ።

2 ኢንቱንቱ፡ “ሀንተንቱ ሀ አሳቱዋና አኩዋን ገሉዋን ዋላከቶፕቲ፤ እያዉ ጎፕ፡ ኢንቱንቱ ሀንተንቱ ዋዛና ቱሙፕ ባረጎቱ ኤቃ ጸሳቱዋኮ ዛራና” ያጊደ መጅና ጎዳይ እስራኤልያ አሳዉ ኦዴዳ ካዉተላቱ ማጫዋንታ፤ ሽን ሶሎሞን ኢንቱንቱና ሲቁዋን ቃሽቲዳ።

3 ሶሎሞናዉ ካተቱዋ ናና ግድያ ላፑን ጴቱ ማቼቱነ ሄኩ ጴቱ ማቻያዳን አዉ ደእያ ማጫዋንቱ ደእኖ። አ ማቻቱ አ ዋዛና ጸሳፕ ሃሴድና።

4 ሶሎሞን ጭም ጭሚደ ቢሸን፤ አ ማቻቱ አ ዋዛና ሀራ ጸሳቱዋኮ ዛራድና፤ ያትና፡ አ አዉዋ ዳዊተ ኩሙንሳ ዋዛናፕ ሲቁዳዋዳን፤ መጅና ጎዳ ባረ ጸሳ አ ሲቅቤና።

5 ሶሎሞን አሰታርታ ጌተትያ ሲዶናቱዋ ጸሳትዉነ ሞሎካ ጌተትያ አሞናቱዋ ጸሳዉ፡ ሸነይያዎ ጎይኔዳ።

6 ያቲደ ሶሎሞን መጅና ጎዳ ሰንሳን ኢታባ ኦፊዳ፤ አ አዉዋ ዳዊተ ካሌዳዋዳን፤ መጅና ጎዳ ፖሎ ካልቤና።

7 ሄዋፕ ጉይያን ሶሎሞን ካሞሻ ጌተትያ ቱና ኤቃዉነ አሞናቱ ኤቅያ፡ ሞሎካ \* ጌተትያ ቱና ኤቃዉ የሩሳላሙ ካታማፕ አዋይ ደልያ ባገን ደእያ ደርያ ሁጲያን ጎይንያ ቃቃ ሳኦ ኬጶዳ።

8 አላጋ ቢታፕ እኩዳ ባረ ማቻቱዋ ኡባዉካ አ ሄዋዳን ጊግሴዳ፤ ኢንቱንቱ ባረጎቱ ጸሳቶ ያን እጻና ጨዋዬድና፤ ያርሹዋ ያርሹድና።

9 አዉ ላኡ ገደ ቆንጨዳ መጅና ጎዳፕ እስራኤልያ ጸሳፕ ሶሎሞን ዋዛናይ ዋራ ሰሜዳ ድራዉ፡ መጅና ጎዳይ አ ሀንቀቱዳ።

10 ሀራ ጸሳቱዋ ካለናዳን ጸሳይ ሶሎሞና አዛዜዳ፤ ግደፕ፤ ሶሎሞን መጅና ጎዳ አዛዙዋ ናግቤና።

11 ሄዋ ድራዉ፡ መጅና ጎዳይ ሶሎሞና ሀዋዳን ያጌዳ፤ “ኔን ሀዋዳን ሀኔዳ ድራዉ፡ ታን ኔና አዛዜዳ ታ ጫቁዋን ታ ዋጋን ኔን ናገትን እጶዳ ድራዉ፡ ታን ነ ካዉተላ ኔፕ ቦንቃ አካደ፡ ነ ቆማቱዋፕ አቶ አማና።

12 ግደፕ፤ ነ አዉዋ ዳዊታ ድራዉ ታን ሀዋ ኔን ፓጻ ደእያ ላይላን ቦንቃ አክከ፤ ነ ናኦ ኩሸያፕ ቦንቃ አካና።

13 ሄዋካ ቃይ ካዉተላ ኡባ አፕ ዳፋ አክከ፤ ታ ቆማ ዳዊታ ድራዉነ ታን ደራዳ ካታማ የሩሳላሙ ድራዉ እት ዛርያ አዉ አማና” ያጌዳ።

## ጸሳይ ሶሎሞን ቦላ ሞርከቱዋ ደንሌዳ

14 ሄዋፕ ጉይያን መጅና ጎዳይ ኤዶምያ ሀዳዳ፡ ኤዶማ ቢታ ካተቱዋ ዛርያ ግዴዳዋ ሞርከ ኦፊደ ሶሎሞና ቦላ ደንሌዳ።

15 ሀዋፕ ካሰ ባገን ዳዊተ ኤዶማ አሳቱዋና ኦለቲዳ ዋደ፡ ሀይቁዳዋንታ ሞግሳናዉ ፑደ ቤዳ ኦላ ጋዳዋይ ዮኦብ፡ ኤዶማን ደእያ አቱማ አሳ ኡባ ዎጅ ዉርሴዳ።

16 ኤዶማን ደእያ አቱማ አሳ ኡባ ቆይሳና ጋካናዉ ዮኦብ፤ እስራኤልያ አሳይ ኡባይ ያን ኡሱፑን አግና ኡቲዳ።

17 ሸን ሄ ዋደ ጉላ ናኦ ግዴዳ ሀዳድ፡ አ አዎ ኦፊዳ ኤዶማ ኦሳንቻቱዋፕ አማራዳዋንቱና ግብጹ ጋድያ ባቃቲዳ።

18 ኢንቱንቱ ሞድያማፕ ደንዲደ፡ ፓራና ቤድና፤ ፓራናፕ ባረናና አሳ አኪደ ግብጹ ጋድያ፡ ግብጹ ካትያኮ ቤድና። ካቲ ሀዳዳዉ እት ጎልያን ጋድያ አሚደ፡ ቁማ አዉ አዛዜዳ።

19 ሀዳድ ካትያ ሎይላ ናሸቼዳ፤ ካቲ ባረ ማቻት፡ ካታት ጻፍኔሰ ሞቻቶ አዉ ማቻቶ ኦፊደ አሜዳ።

20 ጻፍኔሰ ሞቻታ አዉ ጋኑባታ ጌተትያ ናኦ የላዳ።። ጻፍኔሳ አ ካትያ ጎላን ድቻዳ፤ ጋኑባት ያን ካትያ ናናቱዋና እትፕ ደኤዳ።

21 ሀዳድ ግብጹን ደኤደ ዳዊተ ሀይቁደ ባረ ማይዛን ጋከቲዳዋን ኦላ ጋዳዋይ ዮኦብካ ሀይቁዳዋ ሰሰዳ፤ ሀዳድ ካትያዉ፡ “ታን ታ ጋድያ ሰማና ማላ ታና የዳ” ያጌዳ።

22 ካቲ እ፡ “ኣዉ ሀዋን እያይ ፓጭኔ ኔን ነ ጋድያ ባናዉ ኮይያዋ?” ያጊደ ኦቼዳ። ሀዳድ፡ “ታዉ እያይን ፓጭቤና፤ ሸን ታን ባና” ያጌዳ።

23 ሄዋዳንካ ቃይ፡ ጸሳይ ኤልያዳኦ ናኦ ራዞና ግያዋ ሶሎሞን ቦላ ሞርከያ ኦፊደ ደንሌዳ፤ ራዞን ጸባ ካትያ ሀዳድኤዘረፕ ባቃቲዳ።

11:1 ዛረ. 17:17    11:2 ከሳ 34:16፤ ዛረ. 7:3-4    \* 11:7 ሞሎካ- አሞናቱዋ ኤቃይ፡ ሞሎክ እብራዌሱዋን ሞልካማ ጌተቱ።

24 ዳዊተ ጸባ ቢታ ኦላንቻቱፍ ጳይሴዳ ዎደ፣ ራዞን ባረወ እሳ ሺሺደ፣ ፓንጋቱፍ ካፑፍ ግዴዳ፤ ፓንጋቱ ዳማሰቆ ቢደ፣ ሄ ካታማ ኦይቁደ፣ ያን ኡቲደ፣ ራዞን ካተዬድኖ።

25 ሀዳድ መጫዳ መቱፍ ቦላካ ጉጂደ፣ ሶሎሞን ደኤዳ ኬናን ኡባን ራዞን እስራኤላቶ ሞርክያ ግዴዳ፤ ያቲደ እ ሶርያን ካወቲደ እስራኤልያ እሳ ሞርኬዳ።

**ጸሓይ እዮርባማወ እማና ጌዳፍ**

26 ሄፍ ቦላካ ናባጸ ናኣይ እዮርባማ ሶሎሞና ቦላ ማካሊደ ደንዴዳ፤ እ ሶሎሞና ቆማቱፍፕ ለቱፍ። እ ኤፍሬማ ቢታን ጸሬዳፕ ዩዳ እሳ፤ እ ዳያካ ጽሩኦ ጌተትያ አምእቶ።

27 ካትያ ቦላ እ ማካል ደንዴዳ ታርኪ ሀፍፕ ካሊደ ጸፈቲዳፍዳ። ሶሎሞን ሚሎ ግምቤዳን ባረ እወፍ ዳዊታ ካታማ ዩሹፍ ግምቢያን ደእያ ካሎ ሳእ ኩንሌዳ።

28 እዮርባማ ሞኖ እሳ፤ ሶሎሞን ሀ ዎዳላይ ባረ ኪታ ዎት ሎይል ኦላንቶ በኤዳ፤ ሞናሰነ ኤፍሬማ ቢታን ኦልያ ጎሻንቻቱ ኡባ ቦላ እ ካፑፍ ኦሊደ ሱንሌዳ።

29 እት ጋላሰ እዮርባማ ዩሩሳላሙ ካታማፕ ከሲደ ቤ፤ ሴሎፕ ዬዳ፣ ትምቢትያ ኦድያ እኪይ ኦናና ኦገያን ጋከቲዳ። እኪይ ሄ ዎደ ኦራላ ማየፍ ማይ ኡቲዳ። ደምባን ኡንቲንቲ ላኡፍ ጸላላይ ደእኖ።

30 እኪይ ባረ ማዬዳ ኦራላ ማየፍ ኦይቁደ፣ ታማን ላኡ ከሲደ ፔጄዳ።

31 እዮርባማ ሀፍዳን ያጌዳ፤ “ታሙ ፔባቱፍ ነዉ እካ። እያዉ ጎፕ፣ መጵና ጎዳይ እስራኤልያ ጸሓይ ሀፍዳን ያጌ፤ ሰእ፣ ታን ካወተላ ሶሎሞና ኩሸያፕ ፔጳደ፣ ታሙ ዘረላ ነዉ እማና ሀናይ።

32 ሸን ታ ቆማ ዳዊታ ድራዉን እስራኤልያ ዛራቱፍ ኡባ ግደፕ ታን ደራዳ ዩሩሳላሙ ካታማ ድራዉ፣ እት ዛርያ እዉ አጋና።

33 ታን ሀፍ ኦላና ጋሱ፣ ሶሎሞን ታና አጊደ ሲደናቱፍ ጸሓት እስታርትዉ፣ ሞካባቱፍ ጸሓ ካሞሻዉን አሞናቱፍ ጸሓ ሞሎካዉ ጎይኔዳ ድራሳን ታ ኦገያን ሀመተናን፣ ታ ሰንሓን ሱረባ ሀናንን እ ከዉ ዳዊተ ናጌዳፍዳን ታ ዎጋቲፍን ታ ሀገያ ናገናን እጾዳ ድራሳ።

34 “ ማደፕ፣ ታን ካወተላ ሶሎሞና ኩሸያፕ ወርሳ አክከ፤ ታን ደራዳን ታ አዛዙፍን ታ ዎጋ ናጌዳ ታ ቆማ ዳዊታ ድራዉ፣ ሶሎሞን ፓጻ ደኤዳ ኬሻን ኡባን እ ሞዳናዳን ኦላድ።

35 ሄፍፕ ጉይያን ታን ካወተላ እ ናኣ ኩሸያፕ እካደ ታሙ ዘረላ ነዉ እማና።

36 ታ ሰንሓይ እን ጸሰታና ማላ፣ ታን ደራዳ ዩሩሳላሙ ካታማን ኡባ ዎደካ ታ ቆማ ዳዊታ ዘረላይ ካተታና ማላ፣ ታን እት ዛርያ እ ናኣዉ እማና።

37 “ ሄና ግደፕ፣ ታን ኔና እካና፤ ነ ዎዛናይ አሞቲዳ ኡባ ኔን ሞዳና፤ ኔን እስራኤልያ ቦላ ካተታና።

38 ታን ኔና አዛዘያፍ ኔን ኦላፕ፣ ታ ኦገያን ሀመቶፕን ታ ቆማይ ዳዊተ ናጌዳፍዳን ታ ዎጋቲፍን ታ አዛዙፍ ናጋደ ታ ሰንሓን ሱረባ ሀናፕ፣ ታን ኔናና ግዳና፤ ዳዊታዉ ኡሌዳፍዳን ካ ነ ዛራቲ ደእ በእናዳን ኦላና፤ እስራኤልያካ ታን ነዉ እማና።

39 ሶሎሞና ናጋራ ድራዉ ዳዊታ ዘረላቱፍ ታን ሙራና፤ ሸን መጵናዉ ግደና ያጌ” ያጌዳ።

40 ሶሎሞን እዮርባማ ዎጳናዉ ካጄሌዳ፤ ሸን እዮርባማ ግብጾ ጋድያ ካትያ ሸሻቃኮ ባቃቲደ ቤዳ፤ ሶሎሞን ሀይቃና ጋካናዉ ግብጾን ታኬዳ።

**ሶሎሞና ሀይቁፍ  
(1 ኦዲፍ 9:29-31)**

41 ሶሎሞን ሀይቁ ሀራባይ፣ እ ኡሌዳባይ ኡባይ፣ እ እጄዳ ኡራተላባይ ሶሎሞና ታርክያ ማጻፋን ጸፈት ኡቲዳ።

42 ሶሎሞን እስራኤልያ ኡባ ቦላ ዩሩሳላሙን ኦይታሙ ላይላ ካተቲዳ።

43 ሄፍፕ ጉይያን ሶሎሞን ሀይቁደ፣ ባረ ማይዛን ጋከቲዳ፤ ባረ እወፍ ዳዊታ ካታማን ሞገቲዳ። እ ናኣይ ሮብኣሙ እ ኮታን ካተቲዳ።

**ሻከቲዳ ካወተላቱፍ**

**12**

(12:1—22:53)

**ፑደሃ ያራቱፍ ማካላ  
(12:1—14:20፤ 2 ኦዲፍ 10:1-19)**

1 እስራኤልያ አሳይ ኡባይ ሮብኣማ ካተያናዉ ሰኪማ ካታማ ቤዳ ድራዉ፣ እካ ያ ቤዳ።

2 ናባጸ ናኣይ እዮርባማ፣ ካትያ ሶሎሞንፕ ባቃቲደ ግብጾን ደእያዌ ሀፍ ሰሴዳ ዎደ፣ ግብጾፕ ሰሚደ ዬዳ።

3 እስራኤልያ አሳይ እዮርባማዉ ኪቲደ ጸሰሰና፣ እነ እስራኤልያ ማባራይ ኡባይ ሮብኣማኮ ቢደ።

4 “ኅ እዉ ኑና ዴጾ ሞርገ ሞላ ቶሴዳ፤ ሽን ሀእ ኔን እ ኑና ኦሰሰያ ሞልቃማ ኦሱዋን ዴጾ ሞርገ ሞላ ኑዉ ካዉሸሳርኪ። ያቶፕ፡ ኑን ነዉ ሞደታና” ያጌድና።

5 ርብእመ ኡንቱንቶ፡ “ቡተ፤ ሄዘንሶ ጋለሰ ሰሚደ ታኮ ዪተ” ያጌዳ፤ አሳይ ቤዳ።

6 ሄዋፕ ጉይያን ካቲ ርብእመ እ እዉ ሶሎሞን ፓጾ ደእያ ምደ፡ ሶሎሞና ዘሬዳ ጭማቱዋ ዘረታ በሴዳ። እ ኡንቱንታ፡ “ሀ አሳዉ ሞጋደ ዛራ ጌቱ?” ያጌደ ኦቹዳ።

7 ጭማቱ ርብእማ፡ “ሀቼ ኔን አሳዉ ቆማ ግዳደ ኦሎፕን ኡንቱንቱ ኦቹያዎ ኔን ሎኦ ቃላ ዛርፕ፡ ኡባ ገደ ኡንቱንቱ ነዉ ቆማ ግዳናዋንታ” ያጌድና።

8 ሽን ርብእመ ጭማቱ ዘሬዳ ዘርያ አገደ፡ እናና ድጩደ እዉ ኡእያ ያላጋ አሳቱዋ ዘረታ በሴዳ።

9 እ ኡንቱንታ፡ “ሀንተንቱ ታና ዘርያዌ እዬ? ኅ እዉ ኑና ቶሴዳ ዴጾ ሞርገ ሞላ ኑዉ ካዉሸሳርኪ” ያግያ ሀ ደርያዉ ሞጋደ ዛርፕ” ያጌደ ኦቹዳ።

10 ሽን እናና ድጩዳ ያላጋቱ፡ “ኅ እዉ ኑና ዴጾ ሞርገ ሞላ ቶሴዳ፤ ሽን ኔን ኑዉ ካዉሸሳርኪ” ያግያ አሳዉ፡ ታ ቁር ብራጂ ታ እዉዋ ጸሳፕ ኦርዳ።

11 ታ እዉ ሀንተንቱ ሞርገ ሞላ ዴጾሴዳ፤ ሽን ታን ሄዋፕካ አሳደ ዴጾሳና። ታ እዉ ሀንተንታ ልሱዋን ሞጂዳ፤ ሽን ታን ሀንተንታ ማሰማሱዋዳን ዲክያ ልሱዋን ሞጻና ያጋደ ዛራ” ያጌድና።

12 ሄዋፕ ጉይያን ካቲ ርብእመ፡ “ሄዘንሶ ጋለሰ ሰሚደ ታኮ ዪተ” ጌዳዋዳንካ፡ እየርባምን አሳይ ኡባይ ሄዘንሶ ጋለሰ ሰሚደ ዬድና።

13 ካቲ ኡንቱንቶ ሀንቆ ዛርዋ ዛሬዳ፡ ጭማቱዋ ዘርያ እግ ባሺደ።

14 ያላጋቱ ዘሬዳ ዘርያ ካሌዳ፡ ያቲደ ሀዋዳን ያጌዳ፤ “ታ እዉ ሀንተንቱ ሞርገ ሞላ ዴጾሴዳ፤ ሽን ታን ሄዋፕካ አሳደ ዴጾሳና፡ ታ እዉ ሀንተንታ ልሱዋን ሞጂዳ፤ ሽን ታን ሀንተንታ ማሰማሱዋዳን ዲክያ ልሱዋን ሞጻና” ያጌደ ዛሬዳ።

15 ካቲ አሳይ ግያዋ ሰሰናን እጾዳ፤ እያወ ጎፕ፡ መጅና ጎዳይ ሴሎፕ ዬዳ እኪያ ባጋና ካሰ ናባጻ ናእ እየርባማዉ ኦዴዳ ቃላይ ፖለታናዳን ሀዌ መጅና ጎዳፕ ሀኔዳ።

16 እሰራኤልያ አሳይ ኡባይ ካቲ ኡንቱንቱ ግያዋ ሰሰናን እጾዳዋ በኢደ፡ ካትያ ሀዋዳን ያጌድና፤ “ዳዋተዋፕ ኑና ጋክያባይ እዬ? እሰያ ናኣፕ ኑን ላታናዌ ባዋ! እሰራኤልያ አሳዉ፡ ሀንተንቱ ሶ ሀንተንቱ ሶ ሰምተ! ሀእ ሰም ርብእመ ባረዉ ናገቶ!” ያጌድና። እሰራኤልያ አሳይ ኡባይ ባረንቱ ሶ ባረንቱ ሶ ሰሚድና።

17 ሽን ርብእመ ይሁዳ ካታማቱዋን ደእያ እሰራኤልያ አሳ ቦላ ካተቱዳ።

18 ሄዋፕ ጉይያን ካቲ ርብእመ ባረ ጋባራቱዋ ካቸዋ አደንራማ እሰራኤልያ አሳኮ ከቲዳ፤ ኡንቱንቱ ሹቻን ጫዲደ ሞጂድና። ያትና፡ ካቲ ርብእመ ባረ ፓራ ጋርያን ኤላካ ከሰ ኡቲደ፡ የሩሳላመ ባቃቲዳ።

19 ሄዋፕ ደሚደ ሀቼ ጋካናዉ እሰራኤልያ ዛሬቱ ታማቱ ዳዊታ ዛርያፕ ካተቱዳ ካተቱዋ ቦላ ማካሊድና።

20 እየርባም ግብጾፕ ሰሚዳዋ እሰራኤልያ አሳይ ኡባይ ሰሴዳ ምደ፡ እ ባረንቱ ያእዉ ጾሰሲደ፡ እሰራኤልያ ቦላ ካተቱድና፤ ዳዊታ ዛርያፕ ካተቱዳ ካተቶ አማካቲደ አቲዳዌ ይሁዳ ዘርያ ጸላላ።

ሻማእይ ትምቢትያ ኦዴዳ

(2 ኦዴዋ 11:1-4)

21 ሶሎሞና ናእይ ርብእመ የሩሳላመ ካታማ ጋኬዳ ምደ፡ እሰራኤልያ ቢታ አሳና ኦላቲደ፡ ካዉተላ ባረዉ ዛራና ማላ፡ ይሁዳ ዛርያፕን ቢንያማ ዛርያፕ ደረቲዳ እት ጾታን ሆሰፑን ታሙ ቫእ ኦላንቻቱዋ ሺሺዳ።

22 ሽን ጸሳ ቃላይ፡ ጸሳ አሳ ግድያ ሻማእያኮ ዪደ።

23 “ሶሎሞና ናእ፡ ይሁዳ ካትያ ርብእማዉ፡ ይሁዳን ቢንያማ ዛረቶን አቲዳ አሳ ኡባዉ ሀዋዳን ያጋ፤

24 መጅና ጎዳይ ሀንተንታ፡ “ሀንተንቱ ዳቦቱዋና፡ እሰራኤላቱዋና ኦላታናዉ ቦፕተ። ሀዋ ታን ኦጼዳ ድራዉ፡ ሀንተንቱ ኡባይካ ሀንተንቱ ሶ ሀንተንቱ ሶ ሰምተ” ያጌ፡ ያጋደ ኦዳ” ያጌዳ። ኡንቱንቱ መጅና ጎዳ ቃላ ሰሲደ፡ ሰሚደ ሶ ቤድና።

እየርባም ጸሳፕ ሞራ ሰሚዳ

25 ሄዋፕ ጉይያን እየርባም ኤፍሬማ ገዝያን ደእያ ሰኬማ ጌሶ ኦኦ ግምቢደ፡ ያን ደኤዳ፤ ሄዋፕ ከሰ ቢደ ጸንኤላ ግምቤዳ።

26 እየርባም ባረ ሞዛናን፡ “ካዉተላይ ዳዊታ ዛርያዉ ሰማና።

27 ሀ አሳይ መጅና ጎዳ ጌቫ ጎልያን ያርሹዋ ያርሻናዉ የሩሳላመ ካታማ ብያዎ ግደፕ፡ ኡንቱንቱ ቃይካ ባረንቱ ጎዳኮ፡ ካትያ ርብእማኮ ሰማና። ኡንቱንቱ ታና ሞጂደ፡ ይሁዳ ካትያ ርብእማኮ ሰማና” ያጌደ ቆፔዳ።

28 ሄዋ ድራሬ፡ ካቲ ዙሪቲዳዋጥ ጉይያን ዋርቃጥ ላኡ ማራቱዋ ሞሰለቱዋ መዲደ አሳ፡ “ህንተንቱ ሀዋጥ የሩሳላመ ቤዳዋ ኪሻይ ግዳናዋ፡ ህንተንቶ አሰራኤልያ አሳቶ፡ ህንተንታ ግብጾጥ ከሴዳ ህንተንቱ ጸሳቱ ሀዋግቱሽ!” ያጌዳ።

29 እንቱንቱጥ እቱዋ ቤቴለን፡ እቱዋ ቃይ ዳናን ዋሌዳ።

30 ሀ የወ ኡንቱንቶ ናጋራቲዳ፤ እያወ ጎጥ፡ እት ማራ ሞሰልያወ ጎይናናወ አሳይ ዳና ኃካናወ ቤዳ።

31 እዮርባዎ ደርያ ሁጲያን ጎይንያ ጾቃ ሳኦ ገግሲደ ለዊያ ዛርያ ግዳና ጳዮጥካ፡ ኡባ ቆዋ አሳጥ ቁሳቱዋ ኦሊደ ሱንሌዳ።

32 ይሁዳን ቦንቲያዋዳን ሆሰፑንጎ አግናን ታማነ እቲቫንጎ ጋላሳን ባላይ ቦንቲታናዳን፡ እዮርባዎ ጋላሳ ኬራዳ፤ ያርሹዋ ያርሹዳ። እ ሀዋዳን ሀኔዳ፤ ቤቴለ ቤዳ፤ ባረ መዴዳ ማራ ሞሰልያወ ያርሹዋ ያርሹዳ። ቃይ ባረ መዴዳ ጎይንያ ጾቃ ግሹዋን ቁሳቱ ዋ ቤቴለን ሱንሌደ ዋሌዳ።

33 እ ባረ ሁጲያወ ደራዳ ሆሰፑንጎ አግናን፡ ሄ አግናወ ታማነ እቲቫንጎ ጋላሰ ቤቴለ ቤዳ፤ ሄ ጋላሳይ አሰራኤልያ አሳ፡ ባላ ግዳናዳን አዋዬዳ። ያጥደ አጻና ጨዋያናወ ፑደ ያርሽያ ሳኦ ከሴዳ።

### 13

#### ቤቴለ ቦላ ትምቢትያ ኦድዳ ብታንያ

1 እዮርባዎ አጻና ጨዋያናወ ያርሹዋ ያርሽያ ሳኦ ማታን ኤቁደእሽን፡ መድና ጎዳ ቃላን ከተቲዳ፡ ጸሳ አሳ ጌተትያ እት ብታኒ ይሁዳጥ ዬዳ።

2 መድና ጎዳይ አዛዝና ሄ ያርሽያ ሳኦ ቦላ ሀዋዳን ያጊደ ዋሴዳ፤ “ያርሽያ ሳኦ፡ ያርሽያ ሳኦ፡ መድና ጎዳይ ኔና ሀዋዳን ያጌ፤ ዳዊታ ዛርያወ የሰሰሳ ጌተትያ እት ናኦይ የለታናዋ። ሄ ናኦይ ሀኦ ሀዋን ያርሹደ ደእያ ጾቃ ሳኦቲ ቁሳቱ ዋ ነ ቦላ ያርሻና፤ ነ ቦላ አሳ መቀሳይ ጸገታና” ያጌ። ያጊደ ዋሴዳ።

3 ሄ ጋላሰ ጸሳ አሳይ ማላታ አሚደ፡ “መድና ጎዳይ ኦድዳ ማላታይ ሀዋ፤ ሀ ያርሽያ ሳኦይ ጳልቃታና፤ እ ቦላን ደእያ ብድንሳይካ ዋራ ላለታናዋ” ያጌዳ።

4 ካቲ እዮርባዎ ጸሳ አሳይ ቤቴለን ደእያ ያርሽያ ሳኦ ቦላ ዋሴዳዋ ሰሴዳ ዋደ፡ ያርሽያ ሳኦጥ ባረ ኩሽያ የዲደ፡ “ሄ ብታንያ ኦይቁተ!” ያጌዳ። ሽን እ ብታንያወ የዴዳ ኩሽ ኤለካ ጸጊደ ሰሴዳ፤ ሄዋ ድራሬ፡ ባረ ኩሽያ ጉዮ ዛሪደ አካናወ ዳንዳይቤና።

5 ቃይ ጸሳ አሳይ መድና ጎዳ ቃላን እሚዳ ማላታዳን ያርሽያ ሳኦይ ጳልቃት ዋድና፡ እ ቦላን ደእያ ብድንሳይካ ዋራ ላለታዳ።

6 ያትና፡ ካቲ እዮርባዎ ጸሳ አሳ፡ “ታ ኩሽ ካሰዋዳን ሀናና ማላ ታወ ኃታይ መድና ጎዳ ነ ጸሳ ዋሳርኪ!” ያጌዳ። ሄዋ ድራሬ፡ ጸሳ አሳይ ካትያወ ኃታይ መድና ጎዳ ዋሰና፡ ካትያ ኩሽ ሰሚደ ካሰዋዳን ሀኔዳ።

7 ካቲ ጸሳ አሳ፡ “ታናና ታ ሶ ደንዳ፤ ቁማ ማ። ቃይ ታን ነወ እዋታ እማና” ያጌዳ።

8 ሽን ጸሳ አሳይ ካትያወ ሀዋዳን ያጊደ ዛራዳ፤ “ሀራይ እትና ኔን ነ እቆ ባጋ ታወ እምንቶካ፡ ታን ኔናና ቢከ፤ ሀዋን ኡክላካ ማከ፡ ሃላካ ኡሽከ።

9 እያወ ጎጥ፡ መድና ጎዳ ቃላይ ታና፡ ኔን ኡክላካ ሞጋ፡ ሃላካ ኡሾጋ፡ ነ ዬዳ ኦገያናካ ሰሚደ ቦጋ ያጊደ አዛዜዳ” ያጌዳ።

10 ሄዋ ድራሬ፡ ብታኒ ሀራ ኦገያና ቤዳ፤ እ ቤቴለ ዬዳ ኦገያና ሰሚደ ብቤና።

#### ቤቴለን ትምቢትያ ኦድያ ጭማ ብታንያ

11 ትምቢትያ ኦድያ እት ጭማ ብታኒ ቤቴለ ካታማን ደኤ። ቤቴለን ሄ ጋላሰ ጸሳ አሳይ ኦሌዳ ኡባባ ሄ ጭማ ብታንያ ናናይ ዪደ ኦድድና፤ ቃይ ሄ ብታኒ ካትያወ ኦድዳ ቃላ ኡንቱንቱ ባረንቱ አዋ ኦድድና።

12 እወ ኡንቱንታ፡ “ሀቃ ኦገያና ቤዳ?” ያጌዳ፤ ይሁዳጥ ዬዳ ጸሳ አሳይ ቤዳ ኦገያ አወ ማላቲድና።

13 ሄዋጥ ጉይያን እ ባረ ናና፡ “ታወ እነ ሀርያ ኮርተ” ያጌዳ፤ ኡንቱንቱ አወ ሀርያ ኮርና ቶጊዳ።

14 ጸሳ አሳ ጌዲዋ ካሊደ ቤዳ፤ እት ዋላ ኩዋን ኡቲዳዋ ደሚደ፡ “ይሁዳጥ ዬዳ ጸሳ አሳይ ኔኔየ?” ያጌዳ።

ብታኒ፡ “ኤ ታና” ያጌዳ።

15 ትምቢትያ ኦድያ ጭማ ብታኒ እ፡ “ቁማ ማናወ ታ ሶ ታናና ደንዳ” ያጌዳ።



16 ጸሳ እሳይ ዛሬደ፡ “ታን ገዮ ሰማይ ኔናና ባናው፡ ዎይ ሀ ኮሽያን ኔናና ኡክላ ማናው፡ ዎይ ሃላ ኡሻናው ደንዳይከ።

17 እያው ጎጥ፡ መድኛ ጎዳይ ቃላይ ታና፡ ሄን ሄ ሳእን ኡክላካ ሞፓ፡ ሃላካ ኡሾፓ፡ ነ ዬዳ ኦግያናካ ሰማይ ቦፓ፡ ያጊደ እዛዜዳ” ያጊዳ።

18 ትምቢትያ ኦድያ ጭማ ብታኒ፡ “ታንካ ኔናዳን ትምቢትያ ኦድያዎ። ከታንቻይ መድኛ ጎዳይ ቃላን ታና፡ ኡክላ እ ማና ማላን ሃላ ኡሻና ማላ፡ እ ዛሬደ ነ ሶ ኔናና እካደ ያ፡ ያጊዳ” ያጊዳ። ሽን ጭማ ብታኒ ሄዋ እው ዎርዱዋ ኦዳዳ።

19 ሄዋ ድራው፡ ጸሳ እሳይ እናና ሰሚደ፡ እ ሶን ሜዳን ኡሼዳን።

20 ኡንቱንቱ ማዳን ኡት ደእሸን፡ መድኛ ጎዳ ቃላይ ብታንያ ገዮ ዛሬዳ ትምቢትያ ኦድያ ጭማ ብታንያኮ ዬዳ።

21 ብታኒ ይሁዳፕ ዬዳ ጸሳ እሳው ባረ ቃላ ቶቁ ኦሌደ፡ “መድኛ ጎዳይ ሀዋዳን ያጊ፤ ሄን መድኛ ጎዳ ቃላ እጻዳ፤ መድኛ ጎዳይ ነ ጸሳይ ኔና እዛዜዳ እዛዜዋካ ናገባካ።

22 ኔን ጸሳይ፡ “ሄ ሳእን ሞፓ ዎይ ኡሾፓ” ጌዳ ሳእ ገዮ ሰማይ ባደ፡ ያን ኡክላ ማዳ፤ ሃላካ ኡሻዳ። ሄዋ ድራው፡ ነ እሃይ ነ እዎቱዋ ዲፋዋን ሞገተና ያጊ” ያጊዳ።

23 ጸሳ እሳይ ምያዋን ኡሽያዎ ፖሌዳዋፕ ጉይያን፡ ትምቢትያ ኦድያዎ ባረ ገዮ ዛሬደ እሄዳ ብታንያው ሀርያ ኮሬዳ።

24 እ ኦግያን ቢሸን ጋሙ እናና ጋከቲደ፡ እ ዎዴዳ። እሃይ ኦግያን ፓንጋራሬዳ፤ ሀሪን ጋሙን ላእቱካ እሃ ምይያን ኤቄድና።

25 ሄ ኦግያና ኡድያ እሳይ እሃይ ፓንጋራሬዳዋን ጋሙ እሃ ምይያን ኤቄዳዋ ቢኡዳ፤ ቢደ ትምቢትያ ኦድያ ጭማ ብታኒ ደእያ ካታማን ኦዳዳ።

26 ብያ ሳፕ ብታንያ ገዮ ዛሬዳ ትምቢትያ ኦድያ ጭማ ብታኒ ሄዋ ሰሴዳ ዎደ ሀዋዳን ያጊዳ፤ “ሄዎ ቃላው እዛዜተናን እጼዳ ጸሳ እሳ። ሄዋ ድራው፡ መድኛ ጎዳ ቃላይ እው ካሰቲደ ኦዳዳዋና፡ መድኛ ጎዳይ ጋሙዋን እ ጋሌዳ፤ ያትና፡ ጋሙ እ መንግሥታዊ ዎዴዳ” ያጊዳ።

27 ሄዋፕ ጉይያን ጭማ ብታኒ ባረ ናና፡ “ታው ሀርያ ኮርተ” ያጊዳ። ኡንቱንቱ እው ሀርያ ኮሬድና፤

28 ብታኒ ከሲደ ቤዳ። ኦግያን ፓንጋራሬዳ እሃን እሃ ማታን ኤቄዳ ሀርያን ጋሙዋ ደሜዳ፤ ጋሙ እሃ ምቢና ዎይ ሀርያካ መንሰቢና።

29 ትምቢትያ ኦድያ ጭማ ብታኒ ጸሳ እሳ እሃ ደንሏደ፡ ሀርያ ዘክያን ዎሌደ፡ ዬካናውን ሞጋናው ገዮ ባረ ካታማ እኪደ እሄዳ።

30 ባረው ማክ ዎሌዳ ዲፋዋን እሃ ዎሌዳ፤ እ ቦላ፡ “እየ ታ እሻው! እየ ታ እሻው!” ያጊደ ዬኬድና።

31 ሞፓ ሰሚደ ባረ ናና ሀዋዳን ያጊዳ፤ “ታን ሀይቄያ ዎደ፡ ጸሳ እሳይ ሞገቱዳ ዲፋዋን ታና ሞግተ፤ ታ መቀላቱዋካ ከ መቀላቱዋ ጋጸን ዎሰተ።

32 እያው ጎጥ፡ ቤቱላ ካታማን ደእያ ያርሽያ ሳእ ቦላን ሳማርያ ካታማቱዋን ደእያ ጎይንያ ቶቁ ሳእቱ ቦላ መድኛ ጎዳይ እዛዝና ሄ ብታኒ ዋሶዌ ቱሙ ፖለታና” ያጊዳ።

**እዮርባማ ጎልያ አሳ ጳይሳናው ጋሌዳ ናጋራ**

33 ሄዋፕ ገዮና እዮርባም ባረ ኢታ ኦግያፕ ሰምቤና፤ ሽን ጎይንያ ቶቁ ሳቶ ኡባ ቆሞ አሳፕ ቁሳቱ ዋ ጉጂደ ስንሌዳ፤ ቁሳቱዋ ግዳናው ኮይያ ናናን ጎይንያ ቶቁ ሳእን ዎሌዳ።

34 እዮርባማ ጎልያ አሳ ኡንጋናውን ቢታ ቦላፕ ጳይሳናው ጋሌዳ ናጋራይ ሄዋ።

**14**

**እኪይ እዮርባማ ቦላ ትምቢትያ ኦዳዳ**

1 ሄ ዎደ እዮርባማ ናእይ እቢ ሀርጌዳ።

2 ያትና፡ እዮርባም ባረ ማቻቶ፡ “ደንዳደ ኔን እዮርባማ ማቻቶ ግድያዎ ኦንን ኤረና ማላ፡ ነ ማዳዎ ሳማ፤ ሲሎ ባ። ጋን ሀ እሳ ቦላ ካተታናዎ ታው ኦዳዳ ትምቢትያ ኦድያ እኪ ያን ደኤ።

3 ታሙ ኡክላ፡ እማሬዳ ኮሞፑዋን እት ኦቱዋ ኡሳ እው እካደ እኮ ባ። ሀ ሀርጌዳ ናእይ ሀናናባ እ ነው ኦዳና” ያጊዳ።

4 እዮርባማ ማቻታ እ ጌዳዋን ኦላዳ፤ ደንዳደ እክያ ሶ ሲሎ ባዴ። እኪ ዪላናው ደንዳዳና፤ እ ጭሚዳ ድራው፡ እ እይፊ ደመና።

5 ሽን መድኛ ጎዳይ እክያ፡ “እዮርባማ ማቻታ ባረ ናና ሀርግያዎ ኔና ኦቻናው ያው። ኔን እዝው ሀዋ ሀዋ ያገደ ኦዳ። እ ያ ጋካደ ሀራ ማጫ አሳ ማላታናኑ” ያጊዳ።

6 ሄዋ ድራው፡ እኪ ማቻታ ፐንግያን ድእ ድእያዎ ሰሲደ ሀዋዳን ያጊዳ፤ “እዮርባማ ማቻቱ፡ እነ ሃ ገላ። እያው ሀዋዳን ሀራ አሳ ማላታድ? ታን ኢታ ዎርያ ነው ኦዳናው ከተታድ።

7 ኔን እዮርባወኮ ባደ ሀዋዳን ያጋ፤ ‘መድና ጎዳይ እስራኤልያ ጸሳይ ኔና። “ታን ኔና አሳ ግደፕ ጶቆሳድ፤ ታ አሳ እስራኤልያ ቦላ ኔና ካተያድ።

8 ታን ዳቂታ ዛርያፕ ካወተላ ዋሳ አካደ። ነዉ እማድ። ሽን ኔን ታ ቆማ ዳቂታ ማላ ግዳካ፤ እ ታ እዛዙዋ ናጌዳን ታ ሰንሳን ስረባ ጸሳላ ኦሊደ። ባረ ኩመንሳ ዋዛናን ታና ካሊዳ።

9 ኔፕ ካሰ ደኤዳ ኡባቱ ኦሊዳዋፕ ዳርያ ኢታ ኔን ኦሳዳ፤ ኔን ነዉ ሀራ ጸሳቱዋ። ሴርሴዳ ብሪታፕ ኤቃቱዋ መጻድ። ያታደ ታና ሀንቀሳዳ፤ ታና ኔፕ ጉዮ አሳዳ።

10 “ “ሄዋ ጋሱዋን ታን እዮርባወኮ ጎልያ አሳዉ ኢታ አህና። እስራኤልያ ቢታን እዮርባወኮ ጎልያ አሳፕ እይልያ ግድና ላኦ ግዳና። እት አቱማ አሳይን አተናን ጶቆሳና። እት ኡራይ ኦሻይ ዉራና ጋካናዉ ከሰያዋዳን። እዮርባወኮ ጎልያ አሳ ታን ዉርሳ ከሳና።

11 እዮርባወኮ ዛርያ ግዲደ ካታማን ሀይቂያ ኦሳን ካናቱ ማና፤ ጋጸርያን ሀይቂያዋንታ ቃይ ሳሉዋ ካፎቱ ማና። ታን መድና ጎዳይ ሀዋ ኦዳድ።” ያጌዳ’ ያጋ።

12 “ኔና ግደፕ። ሀእ ኔን ደንዳደ ነ ሶ ባ። ነ ገዲ ካታማ ገልያ ዋደ። ናኦይ ሀይቃና።

13 እስራኤልያ ኡባይ ናኦዉ ዩኪደ ዋጋና፤ እዮርባወኮ ጎልያ አሳን መድና ጎዳ እስራኤልያ ጸሳ ሰንሳን ሀ ናኦን ሎኡባይ ቤቱዳ ድራዉ። እዮርባወኮ ጎልያ አሳፕ እ ጸላላይ ዱፋዋን ዋገታና።

14 “ሄዋፕ ጉይያን እዮርባወኮ ጎልያ አሳ ጶቆል ጻይሰያ ካትያ መድና ጎዳይ ባረዉ እስራኤልያ ቦላ ደንሳና።

15 ሃላ ግደን ዋሹ ቃጽያዋዳን። መድና ጎዳይ ሄ ዋደ እስራኤላቱዋ ሾጩደ ቃላና። እሹር ግያ ጸሳትዉ ኤንቱንቱ ሞሰልያ ኤሲደ። መድና ጎዳ ሀንቀሌዳ ድራዉ። ኤንቱንታ አዋቶ እ እማዳ ሎኦ ቢታፕ ኤንቱንታ ድጋና፤ ያቲደ ኤንቱንታ ኤፍራጺሳ ሻፋፕ ሄፍንሳን ላላና።

16 እዮርባወኮ ኦሊዳ ናጋራ ድራዉን እስራኤልያ አሳ እ ኦሰሴዳ ናጋራ ድራዉ። ጸሳይ እስራኤልያ አግ ባሻና” ያጌዳ።

17 ሄዋፕ ጉይያን እዮርባወኮ ማቻታ ደንዳደ ባደ ትርጸ ጋካዳ። ጎልያ ፕንገ ነጭላ ዩጲና ናኦይ ሀይቂ አጌዳ።

18 ባረ ቆማ ትዋቦቢትያ ኦድያ እክያ ባጋና መድና ጎዳይ ኦዳዳዋዳንካ አ ሞጌድና፤ እስራኤልያ አሳይ ኡባይ አዉ ዩኩዳ።

**እዮርባወኮ ሀይቂዋ**

19 እዮርባወኮ ሀይዳ ሀራባይ። እ ኦላቱን እ አይሱዋ ማራቱ እስራኤልያ ካተቱ ታርክያ ማጻፋቱዋን ጻፈት ኡቱዳ።

20 እዮርባወኮ ላታማን ላኡ ላይላ ካዉቱዳ። ሄዋፕ ጉይያን ሀይቂደ ባረ ማይዛን ጋከቱዳ። እ ኮታን እ ናኦይ ናዳቦ ካዉቱዳ።

**ይሁዳን እስራኤልያ ካተቱዋ**

(14:21—16:34)

**ይሁዳ ካትያ ርብእማ**

(2 ኦዲዋ 11:5—12:15)

21 ሶሎሞና ናኦ ርብእመ ይሁዳን ካዉቱዳ፤ ርብእመ ካተትያ ዋደ ላይሳይ አዉ ኦይታማን አታ። መድና ጎዳይ ባረ ሰንሳ ዋሳናዉ እስራኤልያ ዛራቱዋ ካታማቱዋ ኡባ ግደፕ ደራዳ የሩሳላመ ካታማን ርብእመ ታማን ላፑን ላይላ ካተቱዳ። እ ዳይ ሰንሳይ ናአዋ፤ እዛ እሞና ጋደ አሳ።

22 ይሁዳ አሳቱ መድና ጎዳ ሰንሳን ኢታባ ኦሊድና፤ ባረንቱ ኦሊዳ ናጋራን ኤንቱንቱ ባረንቱ አዋቱዋፕ አሊደ እ ቃናትሴድና።

23 ሃዋ ቦላካ ቃይ ኤንቱንቱ ባረንቶ ጎይንያ ጶቃ ሳኦ። ኤቃ ሹቻቱዋን እሹር ጌተትያ ጸሳቱዋ ሞሰለቱዋ ጶቃ ደረቱዋ ኡባ ቦላን አርጻ ሞላቱዋ ኡባ ጋርሳን ኤሴድና።

24 ሀራይ አትና ኤንቱንቱ ጎይንያ ግሹዋን ጎይኑዋ ዋጋ ኦሊደ አቱማ አሳቱ አቱማ አሳቱዋና ሻርሙጽያዋንቱ ደኢና። መድና ጎዳይ እስራኤላቱ ሰንሳፕ ከሲደ የደርሴዳ ጋደ አሳቱ ሜዘቱዳ። ሄ ሽንይያ ኦሳቱዋ ኡባ እስራኤልያ አሳቱ ኦሊድና።

25 ርብእመ ካተቱዳ እቼሻንላ ላይሳን ግብጼ ካቲ ሸሻቅ የሩሳላመ ካታማ ቆሄዳ።

26 መድና ጎዳ ጌሻ ጎልያንን ካትያ ጎልን ደእያ ሚሻ፤ ሶሎሞን ቆጽሴዳ ዋርቃ ጎንዳለቱዋና ኡባ ቦንቂ አኪደ ቤዳ።

27 ያትና። ካቲ ርብእመ ሄ ጎንዳለቱዋ ድራዉ ናሃሰያ ብሪታፕ ሀራ ጎንዳለቱዋ መድሴዳ፤ ኤንቱንቱ ናጌደ ዋሳና ማላ ካትያ ጎልያ ፕንግያ ናግያዋንቱ ካፓቶ እሜዳ።

28 ካቲ መድና ጎዳ ጌሻ ጎልያ ብያ ዋደ ኡባን። ናግያዋንቱ ጎንዳለቱዋ ኦይቂድና። ሄዋፕ ሰሚደ ኤንቱንቱ ዛሪደ። ናግያዋንቱ ጎልን ዋሊና።

29 ርብአመ ሀኔዳ ሀራባይን እ ኦሌዳባይ ኡባይ ይሁዳ ካተቱዋ ታርክያ ማጸፋን ጸፈት ኡቲዳ።  
 30 ርብአምን እየርባም ኡባ ዋደ ኦለቲደ ደኤድና።  
 31 ርብአመ ሀይቂደ ባረ ማይዛን ጋከቲዳ፤ እ ዳዊታ ካታማን ደእያ ባረ እዋቱዋ ዲፋዋን ሞገቲዳ። እ ዳይ ሱንሳይ ናአሞ፤ እዛ እሞና ጋድያ አሳ። ርብአማ ኮታን እ ናአይ እቢ ካተቲዳ።

# 15

ይሁዳ ካትያ አብያ  
 (2 ኦዲዋ 13:1—14:1)

1 ናባጸ ናአ እየርባም ካተቲዳ ታማን ሆሰፑንሳ ላይላን እቢይ ይሁዳን ካተቲዳ።  
 2 እቢይ የሩሳላመን ሄዙ ላይሳ ካተቲዳ። እ ዳያ እበሰሎማ ናት ናቶ፤ እ ሱንሳይ ማእኮ።  
 3 እፕ ካሰ እ አዉ ኦሌዳ ናጋራቱዋ ኡባ ኦሌዳ፤ እ ዋዛናይ እ አዉዋ አዉዋ አዉዋ ዳዊታ ዋዛናይ ፖሎ ግዴዳዋን መጅና ጎዳ። ባረ ጸሳዉ ፖሎ ግድቤና።  
 4 ግድፕ። እፕ ጉይያን የሩሳላመን ካተታና ማላን የሩሳላመ ሳርተሳ ናጋና ማላ። መጅና ጎዳይ እ ጸሳይ ዳዊታ ድራዉ እቢያዉ እት አቱማ ናአ እሚዳ።  
 5 ጸሳይ ሀዋ ኦሌዳ ጋሶታይ። ዳዊተ መጅና ጎዳ ሰንሳን ሱረባ ኦሌዳ፤ ሂትያ ኦርዮና ቦላ ናጋራ ኦላንፕ እትና። ባረ ደኡዋ ላይሳ ኡባን መጅና ጎዳ እዛዙቱዋፕ እትባን ናገናን አግቤና።  
 6 እቢይ ደኤዳ ላይሳ ኡባን ርብአማ አሳናን እየርባም አሳና ኦለቲደ ደኤድና።  
 7 እቢይ ሀኔዳ ሀራባይን እ ኦሌዳባይ ኡባይ ይሁዳ ካተቲ ታርክያ ማጸፋን ጸፈት ኡቲዳ። እቢይን እየርባም ኦለቲደ ደኤድና።  
 8 እቢይ ሀይቂደ ባረ ማይዛን ጋከቲዳ፤ እ ዳዊታ ካታማን ሞገቲዳ። እ ሳአን እ ናአይ አሳይ ካተቲዳ።

ይሁዳ ካትያ አሳ  
 (2 ኦዲዋ 15:16—16:6)

9 እሰራኤልያ ካቲ እየርባም ካተቲዳ ላታማንሳ ላይላን እሲ ይሁዳን ካተቲዳ።  
 10 እሲ የሩሳላመን ኦይታማን እት ላይሳ ካተቲዳ። እ አዉዋ ዳይ ሱንሳይ ማእኮ፤ እ እበሰሎማ ናቶ።  
 11 እሲ ባረ ማይዛ አዉ ዳዊተ ኦሌዳዋዳን፤ መጅና ጎዳ ሰንሳን ሱረባ ኦሌዳ።  
 12 ጎይና ዋጋ ኦሊደ አቱማ እሲ ሻርሙጽያ አቱማ አሳቱዋ አሳይ ባረ ቢታፕ ቆይሴዳ፤ እፕ ካሰ ደኤዳ ካተቲ መጄዳ ኤቃ ሞሰለቱዋ ኡባ ቆቆለረሊደ ኦሌዳ።  
 13 እ አዉዋ ዳያ ማእካካ አሸር ግያ ጸሳትዉ ቱና ኤቃ ሞሰልያ መጄዳ ድራዉ። ካትያ አቶ እ ጌተትያ ቦንቹዋፕ እዙ ድጌዳ። እሲ ሄ ኤቃ ሞሰልያ ቃንጸራሊደ። ቀድሮና ዘንጋራን ጸጌዳ።  
 14 እሲ ጎይንያ ቆቃ ሳአ ቆይሰናን አጎፕ። እ ባረ ደኤዳ ላይሳ ኡባን መጅና ጎዳዉ ዋዛናፕ እማነትያ አሳ ግዲደ ደኤዳ።  
 15 እነ እ አዉ ጸሳዉ ዲማይ ዋሌዳ ብራ። ዋርቃነ ሀራ ሚሻቱዋ አሂደ። ጸሳ ጌሻ ጎልያ ግድን ዋሌዳ።  
 16 ይሁዳ ካቲ እሲን እሰራኤልያ ካቲ ባእሽ። ባረንቱ ካተቲዳ ላይሳ ኡባን ኦለቲድና።  
 17 እሰራኤልያ ካቲ ባእሽ ይሁዳ ቦላ ዋራጂዳ፤ ማጄደ ይሁዳ ካትያ አሳ ቢታፕ ኦንነ ገለናዳንነ ከሰናዳን ተአናዉ ራማ ካታማ የሹዋ ሞንሲደ ግሞቤዳ።  
 18 ሄዋ ጋሱዋን ካቲ አሳይ መጅና ጎዳ ጌሻ ጎልያንነ ባረ ካትያ ጎለን አቲዳ ዋርቃነ ብራ ኡባ ከሲደ። ባረ ኦሳንቻቱ ኩሽያን ዋሌዳ። ሄዘያና ናአ ናአ። ጸብርሞና ናአዉ። ዳማሰቆ ካታማን ደእያ ሶርያ ካትያ ቦንሀዳዳዉ። እሞታ ኦሊደ የዳደ ሀዋዳን ያጌዳ።  
 19 “ካሰ ታ አዉዋናን ነ አቡና ጫቅቲዳዋዳን። እነ ታናናን ኔናና ጫቅቲዳ። በእ። ሀዋ ብራነ ዋርቃ ታን ነዉ እሞታ እማናዉ የዳድ። እሰራኤልያ ካቲ ባእሽ ባረ ኦሳንቻቱዋ ታ ጋድያፕ ከሳና ማላ። ኔን ካሰ አናና ጫቅቲዳ ጫቅዋ ኮላ” ያጌዳ።  
 20 ቦንሀዳድ ካቲ እሲ ጌዳዋ ማጄደ። ባረ ኦላ ጋዳዋቱዋ እሰራኤልያ ካታማቱዋ ኦላናዉ የዳድ። ኦንቲንቱ አይና። ዳናን እቤል-ቤትማእካ ጌተትያ ካታማቱዋ። ጋለላ አባ ማታን ደእያ ቢታ። ገፍታሌማ ቢታናካ ጉጂደ ኡባ ጸኔድና።  
 21 ካቲ ባእሽ ሄዋ ሰሲደ። ራማ ካታማ ግሞቢያዋ አገደ። ትርጸ ካታማ ቤዳ።  
 22 ሄዋፕ ጉይያን ካቲ እሲ ይሁዳን ደእያ አሳ ኡባ እዛዚና እቲን እተናን ደንዲደ። ባእሽ ካሰ ያን ጎኤትያ ሹቻን ሞላ ራማፕ ኬዜድና። ካቲ እሲ ሞጽጸነ ቢንያማ ቢታን ደእያ ገባእ እን ሞንሲደ ግሞቤዳ።

23 እሲ ሁኔዳ ሀራባይ፣ እ ምኖተላ ኡባይ፣ እ ኦሎዳባይ ኡባይን እ ኬዴዳ ካታማቲ ይሁዳ ካተቲ ታርክያ ማጻፋን ጸፈት ኡቲድኖ። ሸን እ ጭሚዳ ዎይ ገድያ ሳከቲድ።

24 እሲ ሀይቂድ፣ ባረ ማይዛን ጋከቲዳ፤ ባረ ማይዛ አወፍ ዳቂታ ካታማን ሞገቲዳ። እ ናእይ የሳፊጸ እ ሳኣን ካተቲዳ።

**እስራኤልያ ካትያ ናዳባ**

25 ይሁዳ ካቲ እሲ ካተቲዳ ላኤንላ ላይላ እየርባማ ናእይ ናዳባ እስራኤላን ካተቲዳ፤ እ እስራኤልያ ቢታን ላኡ ላይላ ካተቲዳ።

26 ናዳባ ካሰ ባረ አወፍ ኦግን እስራኤልያ አሳ እ ኦሰሴዳ እ ናጋራ ኦግን ሀመቲድ፣ መድኖ ጎዳ ሰንሳን ኢታባ ኦሎዳ።

27 ይሳኮራ ዛርያ ግዳዳ እኪያ ናእይ ባእሽ ናዳባ ቦላ ማቀቲዳ። ሄ ዎይ ናዳብን እ ኦላንቻቲ ፕልሰጾማን ደእያ ግባቶና ካታማ ደዲድ ደእኖ።

28 ይሁዳ ካቲ እሲ ካተቲዳ ሄዘንላ ላይላን ባእሽ ናዳባ ዎድድ፤ እ ሳኣን እ ባረወ ካተቲዳ።

29 ባእሽ ካወተላ ደሞ ሳናካ እየርባማ ሶ አሳ ኡባ ዎድ ወርሴዳ፤ መድኖ ጎዳይ ሴሎፕ ዬዳ ባረ ቆማ ትምቢትያ ኦድያ እኪያ ባጋና ኦዴዳዋዳንካ እየርባማ ጎልያ አሳይ ኡባይ ሀይቂ ወሬዳ።

30 ሄዎ ሀኔዳዌ እየርባማ ባረ ሀጺያወ ኦሎዳ ናጋራ ድራሳ፣ እስራኤልያ አሳ እ ኦሰሴዳ ናጋራ ድራሳን መድኖ ጎዳ እስራኤልያ ጸሳ ሀንቀሌዳ ድራሳ።

31 ናዳባ ሀኔዳ ሀራባይን እ ኦሎዳባይ ኡባይ እስራኤልያ ካተቲ ታርክያ ማጻፋን ጸፈት ኡቲድ።

32 ይሁዳ ካትያ አሰን እስራኤልያ ካትያ ባእሽ ባረንቲ ካወተላ ላይላ ኡባን ኦለቲድ ደኤድኖ።

**እስራኤልያ ካትያ ባእሻ**

33 ይሁዳ ካቲ እሲ ካተቲዳ ሄዘንላ ላይላን እኪያ ናእይ ባእሽ እስራኤልያ አሳ ኡባ ቦላ ካተቲዳ፤ እ ትርጸ ካታማን ላታማን ኦይዱ ላይላ ካተቲዳ።

34 እየርባማ እስራኤልያ አሳ ኦሰሴዳ ናጋራ ኦሎዳን እ ኦግን ሀመቲድ፣ ባእሽ መድኖ ጎዳ ሰንሳን ኢታባ ኦሎዳ።

**16**

1 ሀናና ናእ ዬሁ ባጋና መድኖ ጎዳ ቃላይ ባእሻባ ሀዋዳን ያገደ ዬዳ፤

2 “ታን ኔና ባናፕ ደንሳደ ታ አሳ እስራኤልያ ቦላ ካፑዎ ከሳድ፤ ሸን ኔን እየርባማ ኦግን ሀመታዳ። ቃይ ታ አሳ እስራኤልያ ናጋራ ኦሰሳድ፣ ኡንቲንቲ ናጋራን ታና ሀንቀላዳ።

3 ሄዎ ድራወ፣ በእ! ታን ባእሻን ኡ ጎልያ አሳ ፕታና ሀናይ። ባእሻ፣ ታን ነ ጎልያ አሳ ናባጸ ናእ እየርባማ ጎልያ አሳዳን ኡሳና።

4 ባእሻ ዛርያ ግዳዳ፣ ካታማን ሀይቂያ ኦናን ካናይ ማና፤ ቃይ ጋጾርያን ሀይቂያ ኦናን ሳሉዎ ካፎቲ ማና” ያጌዳ።

5 ባእሽ ሀኔዳ ሀራባይ፣ እ ኦሎዳባይን እ ምኖተላ እስራኤልያ ካተቲ ታርክያ ማጻፋን ጸፈት ኡቲዳ።

6 ባእሽ ሀይቂድ ባረ ማይዛን ጋከቲዳ፤ ትርጸ ካታማን ሞገቲዳ። እ ናእይ ኤል ነ ሳኣን ካተቲዳ።

7 መድኖ ጎዳይ ትምቢትያ ኦድያ ዬሁ ባጋና ባእሻ ቦላን እ ሶ አሳ ቦላ ሄ ትምቢትያ ኦዴዳ ጋሱ ባእሽ ኦሎዳ ናጋራ ድራሳን እየርባማን እ ሶ አሳይ ኦሎዳዋዳን፣ ኢታባ ኦሎዳ፣ መድኖ ጎዳ ሀንቀሌዳ ድራሳ። ቃይ እ እየርባማ ሶ አሳ ኡባ ዎድ ወርሴዳ ድራሳ።

**እስራኤልያ ካትያ ኤልያ**

8 ይሁዳ ካቲ እሲ ካተቲዳ ላታማን ኡሱፑንላ ላይላን ባእሻ ናእይ ኤል እስራኤላን ካተቲዳ። ትርጸ ካታማን እ ላኡ ላይላ ካተቲዳ።

9 ካትያ ኦላ ጋደዋቲዎፕ እቲዎ ግዲድ፣ እ ፓራ ጋረቲዎፕ ባጋ እዛዝያ ዝምር ካትያ ቦላ ማቀቲዳ። ካቲ ኤል ሄ ዎይ ትርጸን ደእያ ካትያ ጎለወ እዎትያ አርጸ ሶን ትርጸን ማላት ኡቲዳ።

10 ይሁዳ ካቲ እሲ ካተቲዳ ላታማን ላፑንላ ላይላን ዝምር አርጸ ሶ ገሊድ ካትያ ዎድድ፤ እ ሳኣን ባረወ ካተቲዳ።

11 ዝምር ካወቲድ፣ ካወተላ እራታን ኡቶሳናካ ባእሻ ሶ አሳ ኡባ ዎድድ። ባእሻወ ዳቦ ግዲና ላገላ ግዲና እት እቲማ አሳን ፓጸ አሸቤና።

12 ትምቢትያ ኦድያ ዬሁ ባጋና መድኖ ጎዳይ ባእሻ ቦላ ሃሳዬዳ ቃላዳን ዝምር ባእሻ ሶ አሳ ኡባ ዎድ ዳይሴዳ።

13 ሄዎ ሀኔዳዌ ባእሽን እ ናእይ ኤል ባረንቲ ኤቃወ ጎይነድ፣ ኦሎዳ ናጋራ ኡባ ጋሱዋን እስራኤልያ አሳ ኦሰሴዳ ናጋራ ጋሱዋን፣ መድኖ ጎዳ፣ እስራኤልያ ጸሳ ሀንቀሌዳ ድራሳ።

14 ኤል ሁኔዳ ሀራባይን እ ኦሌዳባይ ኡባይ እስራኤልያ ካተቱ ታርክያ ማጻፋን ጻፈት ኡቴዳ።

**እስራኤልያ ካትያ ዝምራ**

15 ይሁዳ ካቲ እሲ ካተቲዳ ላታማን ላፑንጻ ላይላን ዝምር ትርጸን ላፑን ጋላሳ ጸላላ ካተቲዳ። ሄ ዎደ እስራኤልያ ኦላንቻቱ ግባቶና ጌተትያ ፕልሰጺማ ካታማ ደዲደ ኡቴድኖ።

16 ዶድ ኡቴዳ እስራኤላቱ ዝምር ካትያ ቦላ ማቀቲደ እ ዎዲዳዋ ሰሴዳ ዎድ፣ ኦላ ጋዳዋ ኦምራ ሄ ጋላሰካ ሄ ሳኣን እስራኤልያ ካትያ ከሲደ ካተቲድኖ።

17 ኦምርን እናና ደእያ እስራኤልያ ኦሳይ ኡባይ ግባቶና ካታማፕ ከሲደ ቢደ፣ ትርጻ ካታማ ዶዲድኖ።

18 ካታማይ ኦይቀትክቺዳዋ በኤዳ ዎድ፣ ዝምር ካትያ ጎልያ ግድን ደእያ ጌሱዋ ገሊደ፣ ካትያ ጎለን ታማ ኦይሌዳ፤ ያቲደ እካ ሀይቄዳ።

19 ሄዌ ሁኔዳዌ እየርባም ኦሌዳ ናጋራን እስራኤልያ ኦሳ ኦሰሴዳ ናጋራ ካሊደ፣ ዝምር መጅና ጎዳ ሰንጻን ኢታባ ኦሌዳ ድራሳ።

20 ዝምር ሁኔዳ ሀራባይን እ ማቄዳ ማቄ እስራኤልያ ካተቱ ታርክያ ማጻፋን ጻፈት ኡቴዳ።

**እስራኤልያ ካትያ ኦምራ**

21 ሄ ዎደ እስራኤልያ ኦሳይ ላኡ ከሲደ ሻከቲዳ። እሳፕ ባጋይ ግናታ ናኣ ቲብና ካተያናዉ ኮይና፣ ባጋይ ቃይ ኦምራ ካተያናዉ ኮይዳ።

22 ሸን ኦምራ ማድና ኦሳይ ግናታ ናኣ ቲብና ማድና ኦሳፕ ምኔዳ። ሄዋ ድራዉ፣ ቲብን ሀይቄና ኦምር ካተቲዳ።

23 ይሁዳ ካቲ ኦሳይ ካተቲዳ ሀታማን እተንጻ ላይላን ኦምራ እስራኤልያ ኦሳ ቦላ ካተቲዳ። ታማን ላኡ ላይላ ሞዴዳ፤ ሄዋፕ ኡሱፑን ላይላ ትርጸን ሞዴዳ።

24 ኦምር ሳማርያ ግያ ደርያ ሸሜራ ጌተትያ ብታንያፕ ኡሱፑን ሻኣ ጸጋራ ብራን ሻሜዳ፤ እት ካታማ እን ከዴዳ። ያቲደ ሄ ካታማ ካሰ ሄ ደርያ ጎዳ ሰንጻን ሳማርያ ገደ ሰንጻዳ።

25 ሸን ኦምር መጅና ጎዳ ሰንጻን ኢታባ ኦሌዳ፤ እ ባረፕ ካሰ ደኤዳ ካተቲዋ ኡባቲዋፕካ እጅያ ናጋራ ኦሌዳ።

26 ናባጻ ናኣይ እየርባም ኦሌዳ ናጋራን እስራኤልያ ኦሳ ኦሰሴዳ ናጋራ ኦምር ካሌዳ፤ ሄ ኤቃዉ ጎይንያ ሀኖታይ መጅና ጎዳ እስራኤልያ ጸሳ ሀንቀሌዳ።

27 ኦምር ሁኔዳ ሀራባይ፣ እ ኦሌዳባይን እ ሞኖተጻ እስራኤልያ ካተቱ ታርክያ ማጻፋን ጻፈት ኡቴዳ።

28 ኦምር ሀይቄደ ባረ ማይዛን ጋከቲዳ፤ ሳማርያ ካታማን ሞገቲዳ። እ ናኣይ እካብ እ ኮታን ካተቲዳ።

**እስራኤልያ ካትያ ኦካባ**

29 ይሁዳ ካቲ ኦሳይ ካተቲዳ ሀታማን ሆሰፑንጻ ላይላን ኦምራ ናኣይ ኦካብ እስራኤላን ካተቲዳ፤ ኦምራ ናኣይ ኦካብ ሳማርያ ካታማን እስራኤልያ ቦላ ላታማን ላኡ ላይላ ካተቲዳ።

30 ኦምራ ናኣይ ኦካብ ባረፕ ካሰ ዎደ ደኤዳ ካተቲዋ ኡባቲዋፕካ እጅያ ኢታባ መጅና ጎዳ ሰንጻን ኦሌዳ።

31 ናባጻ ናኣይ እየርባም ኦሌዳ ናጋራ ኦሌዳዋ ላፋባ ገደ ቆፕያዋ ጸላላ ግደናን ሲድናቱዋ ካትያ ኤተባኣላ ናቶ ኤልዛቤሎ ባረዉ ማቾ ኦሕ እኪደ፣ ባኣላ ጌተትያ ኤቃዉ ኦላናዉን ጎይናናዉ ደሜዳ።

32 ሳማርያ ካታማን እ ከጽሴዳ ባኣላ ኤቃ ጎለን ባኣላዉ ያርሸያ ሳኣ ከዴዳ።

33 ቃይ ኦካብ እሹር ጌተትያ ጸሳት ምሰልያ ኤሲደ፣ ባረፕ ካሰ ደኤዳ ካተቲዋ ኡባቲዋፕካ እጅያ መጅና ጎዳ እስራኤልያ ጸሳ ሀንቀሌዳ ናጋራ ኦሌዳ።

34 ኦካባ ካዉተጻ ዎደ ቤቴለፕ ዬዳ ሂኤላ ጌተትያ እት ብታጌ ያርኮ ካታማ ዛረሲደ ከዴዳ። ነዌ ናኣ ኢያሱ ባጋና መጅና ጎዳይ ኦዲዳዋዳን፣ ሂኤል ያርኮ ከጻናዉ ባሰያ ዎድ፣ ኦቢራማ ጌተትያ እ ባይራ ናኣይ ሀይቄዳ፤ ቃይ ፕንግያ እልያ ዎደ ሳጉባ ጌተትያ እ ዉርሰላ ቴፋ ናኣይ ሀይቄዳ።

**17**

**ናብያ ኤላሳ**

(1 ካታ. 17:1—19:21)

1 ጋላኣደን ትሸብ ግያ ሳፕ ዬዳ፣ ትምቢትያ ኦድያ ኤላሳ ጌተትያ እት ብታጌ ካትያ ኦካባ ሀዋዳን ያጌዳ፤ “ታን እዉ ኦሌያ መጅና ጎዳይ እስራኤልያ ጸሳይ ኤር! ሀ ሰንጻና ይያ ላይላቱዋን ታን ኦድናን ደእሸን፣ ሳኣን እራይ ቡከና ዎይ ከተርሳይ ቤተና” ያጌዳ።

- 2 ሄዋጥ ስሚድ መድና ጎዳ ቃላይ ትምቢትያ ኦድያ ኤላሳኮ ዪደ እ ሀዋዳን ያጌዳ፤
- 3 “ሀዋጥ ደንዳደ አዋይ ዶልያ ባጋ ባ፤ ያን የርዳኖሳ ሻፋጥ አዋይ ዶልያ ባጋና ደእያ ካሪታ ሻፋ ማታን ቆስታ።
- 4 ኔን ሄ ሻፋጥ ሃላ ኡሻና፤ ቁራቱ ኔና ሄ ሳኔን ቁማ ሞዛናዳን ታን ኡንቱንታ አዛዛድ” ያጌዳ።
- 5 ኤላሳ መድና ጎዳይ ጌዳዋ ኦሌዳ፤ የርዳኖሳ ሻፋጥ አዋይ ዶልያ ባጋና ደእያ ካሪታ ሻፋ ቢደ፤ ያን ኡቱዳ።
- 6 ዋንታን ኦማርሰ ቁራቱ ኡክላን እሹዋ ኤላሳዉ አሂና፤ ሃላካ ሻፋጥ ኡሹ።
- 7 ጋድያን እራይ ቡክና ድራዉ፤ ጉላ ዋድያጥ ጉይያን ሻፋይ መሌዳ።

**ኤላሳን ስራፍታን ደእያ እምአቶ**

- 8 ሄዋጥ ጉይያን መድና ጎዳ ቃላይ ኤላሳኮ ዪደ፤ እ ሀዋዳን ያጌዳ፤
- 9 “ሀ ሳጥ ደንዳደ፤ ሲዳድ ማታን ደእያ ስራፍታ ባ፤ ያን ደእሻ። እት እምኤ ሞሽራታ ኔና ቁማ ሞዛናዳን ታን አዛዛድ” ያጌዳ።
- 10 ኤላሳ ደንዳደ ስራፍታ ቤዳ፤ እ ካታማ ጥንግያኮ ጋክያ ዋደ፤ እት እምኤ ሞሽራታ ሞላ ሞጻዉ። ኤላሳ ሞሽራቶ ጸሲደ፤ “ሀያና፤ ታዉ ኡሻናዉ ሃላ ቡልያን አካ ያርኪ” ያጌዳ።
- 11 ሞሽራታ ሃላ አሀናዉ ቢሸን እ ጸሲደ፤ “ሀያና ጉላ ባሶ ኡክላካ አካደ ያርኪ” ያጌዳ።
- 12 ሞሽራታ አዉ፤ “መድና ጎዳይ ነ ጸሳይ ኤር! ታዉ ኡክላይ ባዋ። ታዉ ኡቱዋን እት ኩቻ ጳሊን ጸሩዋን ጉላ ዛይታ ጸላላይ ደኤ። ታን ሀዋ ዬዳዌ ጉላ ሞላ ሞጻደ፤ ሶ ሰማደ፤ ሀኖካ ታዉን ታ ናኸዉ እት ገደ ኡካናሳን ሚደ ሀይቃናሳ” ያጋዱ።
- 13 ኤላሳ ሞሽራታዉ፤ “አየን ባዋ፤ ያኖገ፤ ባደ ኔና ጌዳዋዳን አላ። ሸን ካሰታደ ነ ድልያጥ ጉላ ኮምጥዋ ኮምገደ ታዉ አካ ያ፤ ሄዋጥ ሰማደ ነዉን ነ ናኸዉ ኮምገ።
- 14 አያዉ ጎጥ፤ መድና ጎዳይ እስራኤልያ ጸሳይ፤ “ሳኦ ቦላን መድና ጎዳይ እራ ቡክሳና ጋካናዉ፤ ጳሊ ኡቱዋጥ ዉረና፤ ዛይቲካ ጸሩዋጥ ዉረና” ያጌዳ።
- 15 ሄዋ ድራዉ፤ ሞሽራታ ባደ፤ ኤላሳ ኦዳዳዋዳን አላዳ፤ ሄዋን ኤላሳ፤ ሞሽራታን እ ሶ አሳይ ኡባ ጋላሰ ቁማ ሜድና።
- 16 አያዉ ጎጥ፤ መድና ጎዳይ ኤላሳ ባጋና ኦዳዳ ቃላ ናጊደ፤ ኡቱዋጥ ጳሊ ዉርቤናን ጸሩዋጥ ዛይቲካ ዉርቤና።
- 17 ጉላ ዋድያጥ ጉይያን ሄ ጎልያ ጎዳት ናአይ ሀርጌዳ፤ ሀርጊ ጎብ ጎብ ቢና፤ ዉርሰላን ናአይ ሸምጥዋ ተኡቲደ ሀይቁዳ።
- 18 ያትና፤ ሞሽራታ ኤላሳ፤ “ጸሳ አሳዉ፤ ኔን ታና ሞርክያባይ አያን? ኔን ታ ናጋራ ሀሳይሳደ ታ ናአ ዋጳናዉ ያድ?” ያጋዱ።
- 19 ኤላሳ አዘ፤ “ነ ናአ ታዉ ሀማ” ያጌዳ። ናአ እ ክወዋጥ አኪደ፤ ፑደ ባረ ደእያ ፖቅያ አፊደ ባረ አርሳን ግሰሴዳ።
- 20 ያቲደ መድና ጎዳዉ ሀዋዳን ያጊደ ዋሴዳ፤ “አቤት መድና ጎዳዉ፤ ታ ጸሳዉ፤ ቃይ ሀ ታን ደእያ ሞሽራት እምአት ናአ ዋጳደ፤ እ ቦላካ መቱዋ አያይ?” ያጌዳ።
- 21 ሄዋጥ ሰሚደ ናአ ቦላ ሄዙ ገደ ዛቁሊደ፤ መድና ጎዳዉ ሀዋዳን ያጊደ ዋሴዳ፤ “አቤት መድና ጎዳዉ፤ ታ ጸሳዉ፤ ሀ ናአ ሸምጥዋ ዛራ” ያጌዳ።
- 22 መድና ጎዳይ ኤላሳ ዋሱዋ ሰሴዳ። ናአ ሸምጥካ ሰምና፤ ናአይ ገጼዳ።
- 23 ኤላሳ ናአ አኪደ ፖቅያጥ ዱገ ዋጴዳ፤ ናአ አትዉ እሚደ ሀዋዳን ያጌዳ፤ “በአ፤ ነ ናአይ ገጼዳ” ያጌዳ።
- 24 ሄዋጥ ጉይያን ሞሽራታ ኤላሳ፤ “ኔን ጸሳ አሳ ግዴዳዋን ነ ዶናጥ ኦደትያ መድና ጎዳ ቃላይ ቱማ ግዴዳዋ ታን ሀእ ኡራድ” ያጋዱ።

**18**

**ኤላሳን ባኣላ ናባቱዋ**

- 1 አራይ ጳዮደጥ ሄዘገላ ላይላን፤ ኤንደና አግናይ እድና መድና ጎዳይ ኤላሳ፤ “ባ፤ ካትያ አካባዉ ቤታ። ታን ሀ ቢታን እራ ቡክሳና” ያጌዳ።
- 2 ኤላሳ አካባዉ ቤታናዉ ደንዳደ ቤዳ።
- 3 ዋደ ሳማርያን ሞልቃማ ኮሻይ ደኤ።
- 4 አካብ ባረ ጎለዉ አዋትያ ኦባድያ ጸሴዳ። ኦባድ መድና ጎዳ ምንሲደ አማንያ አሳ።
- 5 ኤልዛቤላ መድና ጎዳ ሰንላን ትምቢትያ ኦድያምንታ ዋድሰያ ዋደ፤ ኦባድ ኡንቱንታጥ ጴታቱዋ አኪደ፤ እሻታሙዋ እሻታሙዋ ሻክ፤ ጎንጎሎቱዋ ግደን ቆሲደ፤ ካላ ሞዚደ ሃላካ ኡሺደ ዋጴዳ።

5 አካብ ኦባድያ ጸሲደ፡ “ጋድያን ሳኅን ፊልቲ ደእያ ሳኅ ኡባነ ሻፋ ፊልቲዋ ኡባ ባ፡ ኦን ኤሪ፡ ኦን ማጉ ደማይ ፓራቲዋን ባቁሎቲዋ ዋጊናን አሻናዌንቶን” ያጌዳ።

6 ኡንቲንቲቱ ቢታ ሻክ ሻክ አክና፡ አካብ አት ኦግያ ኦይቁደ ባረካ ቤዳ፤ ቃይ ኦባደካ ሀራ ኦግያ ኦይቁደ ባረካ ቤዳ።

7 ኦባድይ ባረ ኦግያ ኦይቁደ ቢሸን፡ ኤላሰ አናና ጋከቲዳ። ኦባድ ኤላሳ ኤሪደ ባረ ዳሙዋን ጉፋኒደ፡ “ታ ጎዳዉ ኤላሳ፡ ሀዌ ኔኔየ?” ያጌዳ።

8 ኤላሰ አዉ፡ “ኤ ታና፡ ኔን ባደ፡ ኤላሰ ሀዋን ደኤ” ያጋደ ነ ጎዳዉ ኦዳ” ያጌዳ።

9 ኦባድ ኤላሳዉ፡ “ታን ኔና አይ ናቄኔ ኔን ታና ነ ቆማይ ሀይቆ ጋደ አካባ ኩሸያን አላ አምያዌ? ገሰ።

10 መድና ጎዳይ ነ ጸሳይ ኤር! ታ ጎዳይ ኔና ኮይሳናዉ ከትቤና ደሪ ዋይ ካዉተሉ ኡባካ ባዋ። ኡንቲንቲቱ፡ ኤላሰ ሀዋን ባዋ” ያግያ ዋደ፡ ኔን ሄዋን ባይናዌ ቲማ ግድያዋ ኤራናዉ አካብ ደርያ ዋድያዋንታ ጫቄሴዳ።

11 ሀእ ኔን ታና፡ ባደ ነ ጎዳዉ፡ ኤላሰ ሀዋን ደኤ” ያጋደ ኦዳ ያጋሳ።

12 ታን ኔና የጋደ ቦዋን፡ መድና ጎዳ እያናይ ኔና ደንሉደ፡ ታን ኤሪና ሳኅ አፋና። ታን አካባዉ ኦድና፡ እ ኔና ደማና ጳዮ፡ ታና ዋጳና። ታን ነ ቆማይ ናአተላደፒ ደማይ መድና ጎዳዉ ያይያ አሳ።

13 ኤልዛቢላ መድና ጎዳ ሱንላን ትምቢትያ ኦድያዋንታ ዋድሰያ ዋደ፡ ታን መድና ጎዳ ናባቲዋፒ ጸቲዋ አካደ፡ አሻታሙዋ አሻታሙዋ እት ጎንጎሎዋን ቆሳደ፡ ቁማ ሞዳኒን ሃላካ ኡሻድ። ያትና፡ ሀ ታን ኡሞዳባይ ነዉ ታ ጎዳዉ ኦደትቤኔየ?

14 ሀእ ቃይ ኔን ታና፡ ባደ ነ ጎዳዉ፡ ኤላሰ ሀዋን ደኤ” ያጋደ ኦዳ ያጋሳ። ኦደፒ እ ታና ዋጳና” ያጌዳ።

15 ኤላሰ እ፡ “ታን አዉ አዛዘትያ፡ ኡባፒ ዋልቃማ መድና ጎዳይ ኤር! ቲማ ታን ሀቼ አካባዉ ቤታና” ያጌዳ።

16 ኦባድ አካባና ጋከታናዉ ቤዳ፤ አካባዉ ኦዳዳ። አካብ ኤላሳና ጋከታናዉ ቤዳ።

17 አካብ ኤላሳ ባኤዳ ዋደ፡ “አሰራኤልያ ጋድያ አላ የግያዌ፡ ላ ሀዌ ኔኔ?” ያጌዳ።

18 ኤላሰ አካባ፡ “አሰራኤልያ ቢታ እሉ የግያዌ ታና ግድከ። መድና ጎዳ አዛዘቱ አገደ፡ ባኣላ ኤቃቶ ጎይኒደ፡ ቢታ እሉ የግያዌ ኔና ነ አዉዋ ሶ አሳ።

19 ሀእ አሰራኤልያ አሳ ኡባ ቃርመሎሳ ደርያ ታኩ ሺሻ፤ ቃይ ኤልዛቢላ ማደፒ ሞያ ትምቢትያ ኦድያዋንታ ኡባ ኡንቲንቲቱ እትፒ ሄ ሳኅ ሺሻ። ሄዋንቲካ ባኣላ ሱንላን ትምቢትያ ኦድያ ኦይዱ ጸታን አሻታማቲዋን አሸር ሱንላን ትምቢትያ ኦድያ ኦይዱ ጸታንቲዋ” ያጌዳ።

20 ሄዋ ድራዉ፡ አካብ ከቲደ፡ አሰራኤልያ አሳ ኡባን ትምቢትያ ኦድያዋንታ ቃርመሎሳ ደርያ ሺሺዳ።

21 ኤላሰ ሸቄዳ አሳኮ ቢደ፡ “አዉደ ጋካናዉ ላኤ ቆፋን ባንቲ? መድና ጎዳይ ጸሳ ግደ፡ እ ካልተ፤ ግደናን ባኣላ ግደ፡ እን አካ ካልተ” ያጌዳ። አሳይ አዉ ቃላን ቃተናን ጮኤ ጌዳ።

22 ሄዋፒ ጉይያን ኤላሰ አሳዉ ሀዋዳን ያጌዳ፤ “መድና ጎዳ ሱንላን ትምቢትያ ኦድያዋንቲፒ ታ ጸላላይ አታድ፤ ሸን ባኣላ ሱንላን ትምቢትያ ኦድያዋንቲ ኦይዱ ጸታን አሻታማ።

23 እን ኡዉ ላኤ ኮሩማ ቦራቲ እመትና፡ ሄ ኮሩማቲዋፒ እቲዋ ኡንቲንቲ ደርና፤ ኮሩማ ሹኪደ ቃንጸራልና፤ ያቲደ አሸቱዋ ሞላ ቦላ ዋልና፤ ሸን ታማ ኤላፕና። ታንካ ላኤንሉ ኮሩማ ገግሳደ፡ ሞላ ቦላ ዋልና፤ ታንካ ታማ ኤልከ።

24 ሀንተንቲ ሀንተንቲ ጸሳ ሱንላ ጸሰተ፤ ታንካ መድና ጎዳ ሱንላ ጸሳና። ኮዩደ፡ ያርሹዋ ምያ ታማ ከትያ ጸሳይ ጸሳ ግደ” ያጌዳ።

አሳይ፡ “ሀዌ ሎኦ ቆፋ” ያገደ ማዬዳ።

25 ሄዋ ድራዉ፡ ኤላሰ ባኣላ ሱንላን ትምቢትያ ኦድያዋንታ፡ “ሀንተንቲ ጮራ ግደያ ድራዉ፡ እት ኮሩማ ደር አኪደ፡ ካሰቲደ ገግሰተ። ያቲደ ሀንተንቲ ጸሳ ሱንላ ጸሰተ፤ ሸን እን ታማ ኤላፕተ” ያጌዳ።

26 ኡንቲንቲ ባረንቶ እመቲዳ ኮሩማ አኪደ ገግሴድና።

ዋንታፒ ሴታ ጋላሰ ጋካናዉ፡ ባኣላ ሱንላ ጸሲደ፡ “ሀይ ባኣላ፡ ኑ ዋሳ ሰሳ” ያገደ ዋሴድና። ሸን ሰሰትያ ኮሻይ ባዋ፤ እት አሳይን ኮይቤና። ያትና፡ ባረንቲ ገግሴዳ ያርሸያ ሳኅ ዩይ አጂደ ዲራድና።

27 ሳኣይ ሴታ ጋላሳ ግድና፡ ኤላሰ ኡንቲንቲ ቦላ፡ “ሀንተንቲ ቃላ ቆቁ ኦልደ ዋሰተ! እ ጸሳ ግደኔ! ኦን ኤሪ፡ እ ቆፋን ሺኬደንቶ፡ ዋይ አዉ ከታይ ዳራደንቶ፡ ዋይ ሄራ ከሴደንቶ፡ ዋይ ገምእሹዳዋ ግደፒ ደንሳናዉ ኮሸ!” ያገደ ቅሊጩዳ።

28 ያግና ባረንቲ ቃላ ቆቁ ኦልደ ዋሴድና። ቃይ ካሰ ባረንቲ ጎይንያ ዋጋዳን ባረንቲ ቦላና ሱላይ ጎጋና ጋካናዉ ቶራንካ ማሻን ባረንታ ጫዳድና።

29 ያርሹዋ ሺሸያ ኦማርሳይ ጋካናዉ ኡንቲንቲ ሄዋዳን ሀኒደ፡ ትምቢትያ ኦድና፤ ሸን ሰሰትያ ኮሻይ ባዋ። ኡንቲንቲባ ሀይዚደ ዛር አምያባይ እቲን ባዋ።

30 ያትና፡ ኤላስ አሳ ኡባወ፡ “ሃ ታኮ ሺቅተ” ያጌዳ። አሳይ እኮ ሺቅና፡ መድና ጎዳዉ ያርሽያ ሳእይ ኮለት ክቼዳፍ ዛረሴደ ግምቤዳ።

31 መድና ጎዳ ቃላይ ያቆባኮ ዪደ፡ “ነ ሱንሳይ እስራኤልያ ግዳናፍ” ያጌደ ኦዳዳ ያቆባ ናና ዛራቱፍ ፓይዳዳፍን ኤላስ ታማነ ላኡ ሹቻቱፍ አኬዳ።

32 መድና ጎዳ ሱንሳዉ ሄ ሹቻቱፍን ያርሽያ ሳእ ግምቤዳ። ታማነ ኦይዱ ባላ ሃላ ትግና እክያ ኦላ ያርሽያ ሳእ ዩሹፍን ቦኪዳ።

33 ሄፍጥ ጉይያን ያርሽያ ሳእ ቦላ ሞላ ገገስ ሞሊደ፡ ኮረማ እሹፍ እ ቆሙፍን ቆሙፍን ቃንጸረሴደ፡ ሞላ ቦላ ሞሊደ። አሳቱፍ፡ “ኦይዱ ባላቱፍን ሃላ ኩንሳደ፡ ጸጋና ያርሹፍ ቦላነ ሞላ ቦላ ጉስተ” ያጌዳ፤ ኤንቱንቱ ጉሴድና።

34 ያትና፡ ኤላስ አሳቱፍ፡ “ለኤንሱፍካ ጉጅተ” ያጌዳ፤ ኤንቱንቱ ላኤንሱፍ ጉጅድና። ቃይካ ኤላስ አሳቱፍ፡ “ሄዘንሱፍካ ጉጅተ” ያጌዳ፤ ሄዘንሱፍካ ጉጅድና።

35 ሃላይ ያርሽያ ሳእ ዩሹፍን ጎጌደ ኦላን ሃላይ ኩሜዳ።

36 ኦማርሳ ያርሹፍ ሺሽያ ሞዲ ጋክና፡ ትምቢትያ ኦድያ ኤላስ ያርሽያ ሳእ ሺቁይ ሀፆዳን ያጌደ ሞሴዳ፤ “አቤት መድና ጎዳዉ፡ አብራሃማ ጸሳዉ፡ ይሳቃ ጸሳዉ፡ እስራኤልያ ጸሳዉ፡ ኔን እስራኤልያ ቢታን ጸሳ ግድያዌ፡ ታንካ ነ ቆማ ግድያዌ፡ ቃይ ታን ሀፆ ኡባ ነ ቃላን ኦልያዌ ሀቼ ኤረቶ።

37 አቤት መድና ጎዳዉ፡ ኮያ! ኔን መድና ጎዳይ ጸሳ ግድያዌ ኔን ኤንቱንቱ ሞዛና ኔኮ ዛራደ ደእያ ሀ አሳቱ ኤራናዳን ኔን ታዉ ኮያ!” ያጌዳ።

38 መድና ጎዳ ታማይ ሞዲደ፡ ጸግያ ያርሹፍ፡ ሞላ፡ ሹቻን ቢታ ሜዳ፤ ኦላ ግደን ደእያ ሃላካ ላጩዳ።

39 አሳይ ኡባይ ሄፍ ቢኡዳ ሞደ፡ ባረንቱ ደሙፍን ጉፋኒደ፡ “መድና ጎዳይ ጸሳ! መድና ጎዳ ጸላላይ ጸሳ!” ያጌድና።

40 ሄፍጥ ጉይያን ኤላስ ኤንቱንታ፡ “ባኣላ ሱንሳን ትምቢትያ ኦድያዎንታ ኦይቂተ፡ ኤንቱንቱጥ አት አሳይን ከስ እኪደ ቦግ” ያጌዳ። ኤንቱንታ ኦይቂድና፤ ኤላስ ኤንቱንታ ቂሾና ሻፋ አፊደ ሞዴዳ።

**ጸሳይ እራ ቡክሴዳ**

41 ኤላስ አካባ፡ “ከሳደ ባ፤ ማ ኤሻ፡ እያዉ ጎጥ፡ ሞልቃማ እራ ጉንሳይ ሰስቱ” ያጌዳ።

42 ሄፍ ድራዉ፡ አካብ ማናዉን ኤሻናዉ ቤዳ። ሽን ኤላስ ቃርመሎሳ ደርያ ጼራ ከሴዳ፤ ባረ ደሙፍ ባረ ጉልባታቱ ግደ ዲገ ገልሲደ ጉፋኔዳ።

43 ሄፍጥ ጉይያን ኤላስ ባረ ቆማ፡ “ባ፤ ጉደ ከሳደ እነ አባኮ ዛራደ ጼላ” ያጌዳ።

አ ቆማይ ብ ጸሊደ አዉ፡ “አያይነ ባፍ” ያጌዳ።

ኤላስ ባረ ቆማ ላፑን ካላ፡ “ቃይካ እነ ጼላ” ያጌዳ።

ቆማይ ላፑ ገደ ጼሊዳ።

44 ላፑን ገደ ጼላና፡ “ቢእ፡ አሳ ኩሽያ ኬሻ ሻሪ አባጥ ከሴዳ” ያጌዳ።

ኤላስ ባረ ቆማ፡ “ባ፤ አካባ፡ ላራይ ኔና ቡሳ ድገናዳን፡ ነ ፓራ ጋርያን ኡታደ፡ ዲገ ነ ሶ ሞቆ

ያጋ” ያጌዳ።

45 ጉላ ኬሻ ጋምለሽን፡ ሳሊ ሻርያን ቆሜዳ፤ ጫርኩካ ጫርኩዳ፤ ሞልቃማ እራይካ ቡኩዳ።

አካብ ፓራ ጋርያን ኡቲደ እዘራኤላ ካታማ ቤዳ።

46 መድና ጎዳ ሞልቃይ ኤላሳ ቦላ ሞዴዳ፤ ኤላስ ካባ ሳቂያን ጉደ ሰርቂደ፡ እዘራኤላ ካታማ ጋካናዉ አካባጥ ሰንሳቲደ ሞዴዳ።

**19**

**ኤላስ ሲና ደርያ ቤዳ**

1 ኤላስ ኦሌዳፍ ኡባነ ባኣላ ሱንሳን ትምቢትያ ኦድያዎንታ ኡባ ማሻን እ ሞት ሞዴደንቶ አካብ ኤልዛቤልዉ ኦይዳ።

2 ኤልዛቤላ፡ “ኔን ሄ ትምቢትያ ኦድያዎንታ ኦሌዳዎዳን፡ ሞንት ሀናደ ታን ኔና ኦሳና ቆፍጥ፡ ጸሳቱ ታና ሞቆና” ያጋደ ኤላሳዉ ኪታዳ።

3 ኤላስ ባረ ሽምግ ያዪደ፡ ይሁዳ ቢታን ደእያ በርሳቢሀ ዬዳ። ባረ ቆማ ሄፍን የጌደ፡

4 ባረካ እት ጋላሳ ኦግያ ሞራን ሀመቲዳ። ቢደ እት ሳንካራ ኩፍን ኡቲደ፡ “አቤት መድና ጎዳዉ፡ ታዉ ግዳና፤ ታን ታ ማይዛ አፍጥፍጥ ኬክከ። ታ ሽምግፍ አካ” ያጌደ ሀይቃናዉ ሞሴዳ።



5 ሄዋጥ ጉይያን ሳንካራ ኩዋን ዛቁሊድ ገምእሼዳ፤ እት ኪታንቻይ እ ቦቺድ፡ “ደንዳደ ማ” ያጌዳ።

6 እ ጸልያ ዎድ፡ ሆኦ ሹቻ ሞሹዋን ኡከቲዳ ኮምፖ ኡክላይነ ኦቲዋ ሃላይ እ ሁጲሳን ደእያዋ በኡዳ። ማደ ኡሹዳ፤ ያቲደ ገዮ ግሴዳ።

7 መጵና ጎዳ ኪታንቻይ ላእኑሱዋ ዪደ ኤላሳ ቦቺድ፡ “ኔን ባና ኦጊ ዳር ኡዳሳ ግድያ ድራሬ፡ ደንዳደ ማ” ያጌዳ።

8 ኤላሰ ደንዳደ ማዳን ኡሹዳ። ሄ እ ማዳ ቁማ ዎልቃን ጸሳ ደርያ ሲና ጋካናሬ፡ ኦይታሙ ጋላሳን ኦይታሙ ቃማ ሀመቲዳ።

9 ሄ ሳእን ደእያ ጎንጎሉዋ ግድ ገሊደ አቁዳ።

መጵና ጎዳይ እ፡ “ኤላሳ፤ ሀዋን አይ ኦላይ?” ያጌዳ።

10 ኤላሰ፡ “ኡባጥ ዎልቃማ መጵና ጎዳዉ ጸሳዉ ታን ዳርጥ ሞሽታድ። እያዉ ጎጥ፡ እሰራኤልያ እሳይ ኔናና ጫቀቲዳ ጫቁዋ መንፈዳ፤ ነዉ ያርሸያ ሳካ ክንቼዳ፤ ነ ሱንሳን ትምቢትያ ኦድያዋንታካ ማሻን ዎጴዳ። ያትና፡ ታን ታረካ አታድ፤ ሀእ ኡንቱንቱ ታ ሸምጥዋካ አካናዉ ኮይኖ” ያጌዳ።

11 መጵና ጎዳይ እ፡ “ሄዋጥ ከሳ ባደ፡ ደርያ ሁጲያን ታ ሰንሳን ኡእ” ያጌዳ። ኤላሰ ኤቁደእሸን መጵና ጎዳይ እ ማታና አጴዳ። ሄ ዎደ ምኖ ዎልቃማ ጫርኩ ደርያ ጳልቀሬጴዳ፤ ዛላቲዋካ ክንቼሬጴዳ፤ ሸን መጵና ጎዳይ ሄ ጫርኩዋ ግድን ባዋ። ጫርኩዋጥ ሰምና ቢታይ ቃጹዳ፤ ሸን መጵና ጎዳይ ሄ ቢታ ጋጸንካ ባዋ።

12 ቢታ ጋጸጥ ሰምና ታማይ ከሴዳ፤ ሸን መጵና ጎዳይ ታማ ግዲዋን ባዋ። ታማጥ ሰምና ሳሱከላይ ሰሰቲዳ።

13 ኤላሰ ሄ ሳሱከላ ሰሴዳ ዎድ፡ ባረ ዳሙዋ ካባን ካሜዳ። ያቲደ ካረ ከሲደ ጎንጎሉዋ ጥንግያን ኡቁዳ።

ኤላሳኮ ኮሻይ ዪደ፡ “ኤላሳ፡ ሀዋን አይ ኦላይ?” ያጌዳ።

14 ኤላሰ፡ “ኡባጥ ዎልቃማ መጵና ጎዳ ጸሳዉ ታን ዳርጥ ሞሽታድ። እያዉ ጎጥ፡ እሰራኤልያ እሳይ ኔናና ጫቀቲዳ ጫቁዋ አጴዳ፤ ነዉ ያርሸያ ሳካ ክንቼዳ፤ ነ ሱንሳን ትምቢትያ ኦድያዋንታካ ማሻን ዎጴዳ። ያትና፡ ታን ታረካ አታድ፤ ሀእ ኡንቱንቱ ታ ሸምጥዋካ አካናዉ ኮይኖ” ያጌዳ።

15 መጵና ጎዳይ ኤላሳ፡ “ኔን ዬዳ ሳእና ሰማድ፡ ዳማሰቆ ባዙዋ ባ። ያ ጋካደ፡ ሀዛኤል ሶርያ ቦላ ካተታናዳን ኦካ።

16 ቃይ ንምሻ ናእይ ዬሁ እሰራኤልያ ቦላ ካተታናዳን ኦካ። ነ ሳእን ትምቢትያ ኦዳናዳን እቤል ማሆላጥ ዬዳ ሻፋጸ ናኣ ኤልሳእ ኦካ።

17 ሀዛኤላ ማሻጥ ከሰ እክያ ኡባ ዬሁ ዎጳና፤ ቃይ ዬሁ ማሻጥ ከሰ እክያ ኡባ ኤልሳእ ዎጳና።

18 ባእላዉ ጉልባትቤና ዎይ ባረንቱ ዶናን ባእላ ኤቃ የርቤና ላፑን ሻእ አሳ ታን እሰራኤልያን ታዉ አሻና” ያጌዳ።

**ኤላሰ ኤልሳእ ጸሴዳ**

19 ኤላሰ ሄ ሳጥ ደንድ ቢድ፡ ሻፋጸ ናእይ ኤልሳእ ታማነ ላኡ ዋላ ቦራን ጋድያ ጎሽያዋ ደሜዳ፤ ታማነ ላእኑሳ ዋላ ኤልሳእ ባረ ሁጲያዉ ኦይቁደ ጎሽ። ኤላሰ አ ማታና አጴዳ፡ ባረ ካባ አ ማይዜዳ።

20 ኤልሳእ ቦራቱዋ የግ አግ፡ ኤላሳ ጌዲዋ ዎጸደ፡ “ታን ታ አወዋነ ታ ዳዮ ሳሩዋን ጋይ፡ የራ እካደ፡ ሄዋጥ ሰማይ፡ ኔና ካላና” ያጌዳ።

ኤላሰ ኤልሳእ፡ “ባ። ታን ነዉ አይ ኦላድታ?” ያጌዳ።

21 ሄዋ ድራሬ፡ ኤልሳእ አገደ ገዮ ሰሚደ ዋላ ቦራቱዋ ሹኪዳ፤ ቦራ ሚሻ ጳልቁ ኤሊደ አሹዋ ዶይሴዳ፤ አሹዋ አለና አሳይ ሜዳ። ሄዋጥ ጉይያን ደንድ ቢድ፡ ኤላሳዉ ኡጴዳ።

**እሰራኤልያ ካትያ አካባ**

**20**

(20:1—22:40)

**ሶሪ ሳማርያ ኦሌዳ**

1 ሶርያ ካቲ በንሀዳድ ባረ ኦሳንቻቱዋ ኡባ እትጥ ሸሼዳ። ሀታማነ ላኡ ካተቱዋን፡ ኡንቱንታ ፓራቱዋንን ፓራ ጋረቱዋን ማይቲድ፡ ዩደ ቢደ ሳማርያ ካታማ ዶዴዳ፤ አ ቦላ ዎራጄዳ።

2 እሰራኤልያ ካትያ አካባዉ ካታማ ግድ አሳ ኪቲደ ሀዋዳን ያጌዳ፤

3 “በንሀዳድ፡ ሳ ብራይነ ነ ዎርቃይ ታዋ ነ ማቼቱዋጥ ነ ናናቱዋጥ ሎኡዋ ዳርያዋንቱ ታዋ” ያጌዳ።

4 እስራኤልያ ካቲ ዛሬይ፡ “ኤ፡ ታ ጎዳጃ ካትያጃ፡ ኔን ጌዳዋካ ማላ፤ ታንካ ታጃ ደእያባይካ ኡባይ ነባ” ያጌድ።

5 ቃይካ ከተቲዳ አሳቱ ላኤንሉዋ ዪድ፡ “ኔና በንሀዳድ፡ ታን ካሰ ኔና፡ “ነ ብራነ ነ ዋርቃ፡ ነ ማቸቱዋን ነ ናና ታጃ እማ” ጋደ ከታድ።

6 ሽን ዋንቱ ሀናደ ነ ጎልያን ነ ኦሳንቻቱ ጎልያ ፕልጎ ጼላና ማላ ታ ኦሳንቻቱዋ ዩዳና፡ ኡንቱንቱ ኔን ሎኦባ ጋደ ዋፊዳዋ ኡባ እኪደ አፋናዋ’ ያጌ” ያጌድና።

7 እስራኤልያ ካቲ ሄ ቢታ ጭማቱዋ ኡባ ጼሰ ሺሺደ፡ “ሀ ብታኒ ኑና ባይዛናጃ ኮይያዋ በእተ፡ እ ታ ማቸቱዋን ታ ናና፡ ታ ብራነ ታ ዋርቃ አካናጃ ከቲዳ፤ ታን አጃ እጸበይከ” ያጌድ።

8 ጭማቱካ አሳይካ ኡባይ አካባ፡ “እ ኦድያዋ ሰሶፕ! ዋይ አጃ፡ “ኤኖ ጎፕ!” ያጌድና።

9 ሄዋ ድራጃ፡ በንሀዳድ ከቲዳዋንቶ አካብ፡ “ሀንተንቱ ታ ጎዳጃ ካትያጃ፡ “ኔን ኮይሮ ከቲዳ ከታ ታን ፖላና፤ ሽን ሀ ከታ ታን ፖላናጃ ዳንዳይከ’ ያጌ ጊደ ኦድተ” ያጌድ።

ከተቲደ ዬዳዋንቱ ቢደ ሄዋ በንሀዳዳጃ አዳድና።

10 ሄዋፕ ጉይያን በንሀዳድ ሀራ ከታ ዩዲደ፡ “ታና ካልያ አሳ ሳማርያ ካታማ ባናይ እት እት ኩቻ ጋኩፕ፡ ጸሳቱ ታና ዋቆና” ያጌድ።

11 እስራኤልያ ካቲ ከተቲደ ዬዳዋንታ፡ “ቱሙ ኦላንቻይ ኦላፕ ሰሚደ ገራረፕ አትና፡ ብር ቢደ ገራረና ያጌደ ኦድተ” ያጌድ።

12 በንሀዳድን ካተቱ፡ ባረንቱ ዲንካንያ ግደን ኡቫ ኡሺደ ሄዋ ሰሴዳ ዋይ፡ ካቲ ባረ ኦላንቻቱዋ፡ “ኦላናዳ ሳልፕተ” ያጌደ አዛዜዳ። ኡንቱንቱ ካታማ ኦላናጃ ሳልፕድና።

13 ሄ ዋይ ትምቢትያ ኦድያ እት ብታኒ እስራኤልያ ካትያ አካባብ ዩደ፡ “ሙድና ጎዳይ ኔና ሀዋዳን ያጌ፤ ሀ ከንቹቻ ኦላንቻቱዋ ኡባ በእይ? ታን ሀቼ ኡንቱንታ ነ ኩሽያን አላደ አማና፤ ታን ሙድና ጎዳ ግድያዋ ኔን ሄዋን ኤራና’ ያጌ” ያጌድ።

14 አካብ፡ “ኦላ ደማናዋ ኦኔ?” ያጌድ።

ትምቢትያ ኦድያዋ፡ “አግራጃ ዋድያዋንቱ አዛዝያ ያላጋ ኦላንቻቱ ደማና” ያጌድ።

ካቲ፡ “አትያ ኦላንቻቱዋ ኦኔ አዛዛናዋ?” ያጌድ።

ትምቢትያ ኦድያዋ፡ ሙድና ጎዳይ ያጌ፤ “ኔን አዛዛና” ያጌድ።

15 ሄዋ ድራጃ፡ አካብ አግራጃ ዋድያዋንቱ አዛዝያ ያላጋ ኦላንቻቱዋ፡ ላኡ ጼታን ሀታማን ላአቱዋ ሺሺደ። ቃይ አቲዳ እስራኤልያ አሳ፡ ላፑን ሻእ ሺሺደ።

16 በንሀዳድ ባረና ማዳዳ ሀታማን ላኡ ካተቱዋና አትፕ ዲንካንያን ኡቲደ ኡቫን ማላት ደእሸን፡ ሴታ ጋላሰ እስራኤልያ ኦላንቻቱ ኦላጃ ከሴድና።

17 አግራጃ ዋድያዋንቱ አዛዝያ ያላጋ ኦላንቻቱ ኮይሮ ከሲደ ቤድና።

በንሀዳድ ጸዋሰያዋንታ ከትና፡ ኡንቱንቱ ሰሚደ አጃ፡ “ሳማርያፕ አሳይ ከሰ ዪደ ደኡ” ያጌደ ኦዳድ።

18 እ፡ “ኡንቱንቱ ሰጋጃ ዮፕካ ኦላጃ ዮፕካ፡ ኡንቱንታ ፓጸ ኦይቂተ” ያጌድ።

19 አግራጃ ዋድያዋንቱ አዛዝያ ያላጋ ኦላንቻቱ ሳልፕድ፡ ካታማፕ ጋጸ ከሴድና፤ እስራኤልያ ኦላንቻቱካ ኡንቱንታ ካሊደ ከሴድና።

20 ኡባይካ ሁጲያን ሁጲያን ባረናና ኦላ ጋከቲዳ ዋርክያ ዋጼድና። ያትና፡ ሶርያ አሳቱ ባቃቲድና፤ እስራኤልያ አሳቱ ካሊደ ዩደርሴድና። ቃይ ሶርያ ካቲ በንሀዳድ ባረ ፓራ አሳቱዋና ባረ ፓራን ከሰ እኪደ ቤድ።

21 እስራኤልያ ካቲ ኦላጃ ከሲደ፡ ፓራቱዋን ፓራ ጋረቱዋ ኡዋዳዳ፤ ሶርያ አሳቱዋካ ዋጼዋ ቡላድ።

22 ሄዋፕ ጉይያን ትምቢትያ ኦድያዋ እስራኤልያ ካትያኩ ዪደ፡ “ባ፤ ነ ባጋ ምንሳ። ኦሰታናጃ በሰያብ እየንቶ እኬካ። እያጃ ጎፕ፡ ይያ ላይላ ቦንያን ሶርያ ካቲ ኔና ላኤንሉዋ ኦላና” ያጌድ።

**ሶረቱ ላኤንሉዋካ ኦላድና**

23 ሄዋዳን ደእሸን ሶርያ ካትያ ኦሳንቻቱ አ ሀዋዳን ያጌደ ዙራድና፤ “ኡንቱንቱ ጸሳቱ ደረቱዋ ጸሳቱዋ፤ ኡንቱንቱ ኦጃ ዋልቃሚዳዊካ ሀዋሳ። ሽን ኦን ኡንቱንቱና ደምባን ኦላ ጋከትንቶ፡ ኦን ቱሙ ኡንቱቱፕ ምናና።

24 እትባ ሀና፤ ካተቱዋ ኡባ ኡንቱንቱ አዛዝያ ሳፕ ድጋይ፡ ሀራ ካፓቱዋ ኡንቱንቱ ሳኳን ዋላ።

25 ኦን እስራኤላቱዋና ደምባን ኦላታናጃን ጸናናጃ ዳንዳዳ ማላ፡ ነጃ ካሰ ጃራ ኦላንቻቱ ሳኳን ኦላንቻቱዋ፡ ፓራቱዋ ሳኳን ፓራቱዋ፡ ፓራ ጋረቱዋ ሳኳን ፓራ ጋረቱዋ ዋላደ፡ ደንሳናጃ ኮሺ” ያጌድና። እካ ኡንቱንቱ ዘርያ ማዳዳ፡ ሄዋዳን ኦላድ።

26 ይያ ላይላ ቦንያን በንሀዳድ ሶርያ ኦላንቻቱዋ ሺሺደ፡ እስራኤላቱዋና ኦላታናጃ አፊቃ ግያ ካታማ ቤድ።

27 እስራኤልያ ኦላንቻቱካ ሸቂድ፡ ሸንቃነ ኦላ ሚሻ እኪድ፡ ኤንቴንጥና ኦላ ጋከታናዉ ላኡ ጭታ ግዲደ ከሲድኖ፡፡ እስራኤላቱ ላኡ ጉላ ዳሻ ዉድያ ማላቲደ፡ ኤንቴንጥኩ ሰሚደ ኡቴድኖ፡፡ ሸን ሶረቱ ጋዳርያ ኡባ ማዬድኖ፡፡

28 ጸሳ አሳ ግያ እት ብታኒ ፑደ ዪደ፡ እስራኤልያ ካትያ፡ “መድና ጎዳይ ሀዋዳን ያጌ፤ ሶርያ አሳቱ፡ “ጸሳይ ደረቱዋ ጸሳ ግድያዋፕ ኦትና ደምባቱዋ ጸሳ ግደና” ያጌዳ ድራዉ፡ ሀ ከንቼቻ ኦላንቻቱዋ ኡባ ታን ነ ኩሸንያ አላ እማና፡፡ ሄ ዋደ ታን መድና ጎዳ ግድያዋ ኔን ነ አሳይ ኤራና ያጌ” ያጌዳ፡፡

29 ሶረቱን እስራኤላቱ እቱ እቱዋኮ ሰሚደ ሳልፒደ፡ ላፑን ጋላሳ ጋምኤድና፡ ላፑንላ ጋላሳን ኦላ ጋከቲድኖ፤ እስራኤላቱ እት ጋላሳን ሶርያ አሳፕ ጴቱ ሻእ ገድሳ አሳቱዋ ዋዴድኖ፡፡

30 ኤንቴንጥፕ ኦትዳዋንጥ ከሰ እክ ቢደ፡ እፊቃ ካታማ ገሌድኖ፡፡ ላታማ ነ ላፑን ሻእ አሳ ቦላ ካታማ የሹዋ ግምቢ ኩንዲደ ያን ዋዴዳ፡፡

በንሀዲድካ ሄ ካታማዉ ባቃቲደ፡ እት ቆልኡዋን ቆሰቲዳ፡፡

31 እ ኦላንቻቱ እ፡ “እስራኤልያ ካተቱ ማርያዋንታ ግድያዋ ኑን ሰሴደ፡፡ ዋሩዋ ኑ ዘክያን ማዪደ፡ ዋደሩዋ ኑ ቆድያን ጸጺደ፡ እነ እስራኤልያ ካትያኮ ቦይተ፡፡ ኦን ኤራ፡ እ ኔና ፓጻ አሻናዌንቶን” ያጌድኖ፡፡

32 ዋሩዋ ባረንጥ ዘክያን ማዪደ፡ ዋደሩዋ ባረንጥ ቆድያን ጸጺደ፡ እስራኤልያ ካትያኮ ቤድኖ፡፡ እ፡ “ኣ ቆማይ በንሀዲድ ኔና፡ ሳይ ታና ዋዶፓርኪ” ያጌ” ያጌድኖ፡፡

ካቲ፡ “እ ሀሮ ጋካናሰካ ፓጻ ደኢ? እ ታ እሻ” ያጌዳ፡፡

33 አሳቱ ሎኦ ማላታዳን እ ሃሳያ ኤሌል አኪደ፡ “ኤ፡ ነ አሻይ በንሀዲድ ፓጻ ደኤ” ያጌድኖ፡፡ እ ኤንቴንታ፡ “ቢደ እ ታኮ እኪደ ዪተ” ያጌዳ፡፡ በንሀዲድ ከሲደ ዪና፡ አካብ እ ፑደ ባረ ፓራ ጋርያ ቦላ ከሲደ ኡተሴዳ፡፡

34 ያትና፡ በንሀዲድ አካባ ሀዋዳን ያጌዳ፤ “ታ እዉ ነ እዉዋፕ እኪዳ ካታማቱዋ ታን ነዉ ዛራና፡፡ ታ እዉ ሳማርያን ገያ ኤሴዳዋዳን ኔንካ ዳማሰቆ ካታማን ገያ ኤሳና” ያጌዳ፡፡

አካብ እ፡ “ታን ሀ ጫቁዋን ኔና የዳና” ያጌዳ፡፡ አናና ጫቁዋ ጫቀቲደ እ የዳዳ፡፡

አካባ ቦላ ትምቢቲ ኦደቴዳ

35 ትምቢትያ ኦድያዋንጥ ጩንዋፕ እት ብታኒ መድና ጎዳ ቃላን አዛዘቲደ እት ባረ ላግያ፡ “ታና ሾጫ” ያጌዳ፤ ሸን ሄ ብታኒ ሾጩናን እጴዳ፡፡

36 ትምቢትያ ኦድያዋ እ፡ “ኔን መድና ጎዳዉ አዛዘተናን እጴዳ ድራዉ፡ ኔን ታፕ ሻከታደ ቢና ኤለካ ኔና ጋሙ ዋዳና” ያጌዳ፡፡ ብታኒ ትምቢትያ ኦድያዋፕ ሻከት ብና ኤለካ ጋሙ ጋከቲደ ዋድ ባሾዳ፡፡

37 ትምቢትያ ኦድያዋ ቃይካ ሀራ እት ብታንያ ደሚደ፡ “ታና ሾጫ” ያጌዳ፡፡ ብታኒ እ ሾጩዳ፤ ትምቢትያ ኦድያዋ ማዲንጴዳ፡፡

38 ቢደ፡ ካትያ ናጌደ ኦግያ ድናን ኤቄዳ፡፡ ኤረተናን አታናዉ ባረ ዳሙዋ ጎዜዳ፡፡

39 ካቲ ኦግያና አድያ ዋደ፡ ትምቢትያ ኦድያዋ ካትያ ጴሲደ ሀዋዳን ያጌዳ፤ “ታን ነ ቆማይ ኦላን ኦለተሸን እት ብታኒ ታኮ ዪደ፡ ሳይ ኦሞደቴዳ ብታንያ ናጋ፡ ሀ ብታኒ ባቃትያዋ ግድፕ፡ ነ ሸምፑ እ ሸምፑዋና ጋደ፡ ዋይ ሄዙ ሻእ ጸጋራ ብራ ጭጋሳ” ያጌዳ፡፡

40 ታን ነ ቆማይ ኪታይ ዳርና፡ ያነ ሃነ ጌሸን፡ ብታኒ ከሰ እኪደ ብ ክቼዳ” ያጌዳ፡፡

እስራኤልያ ካቲ፡ “ኔን ነረካ ፕርዳዳ፤ ነ ፕርዳይካ ሄዋ ግዳናዋ” ያጌዳ፡፡

41 ትምቢትያ ኦድያዋ ባረ ዳሙዋ ጎዜዳ ጫርቄያ ፖሽ የጌዳ፡፡ ፔድና እ ትምቢትያ ኦድያዋንጥ እቱዋ ግድያዋ ካቲ ኤለካ ኤራዳ፡፡

42 ትምቢትያ ኦድያዋ ካትያዉ፡ “መድና ጎዳይ፡ ታን፡ “እ ሀይቃና በሰ” ጌዳ ብታንያ ኔን የዳ አጋዳ፡፡ ሄዋ ድራዉ፡ ነ ሸምፑ እ ሸምፑ ኮታ ጊዳና፤ ነ አሳይ እ አሳ ኮታ ግዳና ያጌ” ያጌዳ፡፡

43 እስራኤልያ ካቲ ሀንቀቲድን ላንጨደ፡ ባረ ሶ ሳማርያ ካታማ ቤዳ፡፡

21

ናቡተ ዋይንያ ቱራ ሳእ

1 እዘራኤልያ ናቡተዉ ሳማርያ ካትያ አካባ ጎልያ ማታን እዘራኤላን ዋይንያ ቱራ ሳእይ ደኤ፡፡

2 አካብ ናቡተ፡ “ታ ጎልያ ማታን ደእያ ድራዉ፡ ታን ታዉ አታክልትያ ሳእ ኦላናዉ ታዉ ነ ዋይንያ ቱራ ሳእ እማ፡፡ እ ድራዉ ነዉ ታን ሀራ ሎኦ ዋይንያ ቱራ ሳእ እማና፤ ዋይ ኔን ደሶፕ፡ እ ጋትያ ታን ነዉ ጭጋና” ያጌዳ፡፡

3 ናቡተ አካባዉ፡ “ታን ታ አዋቱዋፕ ላቴዳ ጋድያ ታና ነዉ እምሰያባፕ መድና ጎዳይ እሾ” ያጌዳ፡፡

4 እዘራኤልያ ናቡተ፡ “ታን ታ አዎቱዋጥ ላቲያ ጋድያ ነዉ እዎከ” ጌዳ ድራዉ፡ እካብ ይሎቲደነ ላንጨደ ባረ ሶ ቤዳ፡ ባረ ግሱዋን ጎዳኮ ሰም ግሲደ፡ ቁማ ሚናን እጾዳ፡

5 እ ማቻታ ኤልዛቤላ እኮ ገላደ፡ “ኔን ሀዋ ኪና እያዉ ሀንቀታዲ? እያዉ ቁማ ሚናን እጻይ?” ያጋደ ኦቻዲ፡

6 እካብ እዘዉ፡ “እዘራኤልያ ናቡታ ታን፡ ና ዋይንያ ቱራ ሳእ ታዉ ዛልእ፤ ዋይ ነ ደሶጥ፡ እ ድራዉ ታን ነዉ ሀራ ዋይንያ ቱራ ሳእ እማና ያግና፡ እ፡ ‘ታ ዋይንያ ሳእ ነዉ እዎከ’ ያጌዳ፡ ታን ሄዋ ድራዉ ሀንቀታድ” ያጌዳ፡

7 ማቻታ ኤልዛቤላ እ፡ “ኔን እስራኤልያ ቦላ ካትያ ግዳደ ሀዋዳን ሀርይ? ደንዳደ ማ! ዋዛናጥ ናሽታ! እዘራኤልያ ናቡተ ዋይንያ ቱራ ሳእ ታን ነዉ እማና” ያጋደ፡

8 ሄዋ ድራዉ፡ ማቻታ አካባ ሱንሳን ዳብዳብቱዋ አ ማታፋን አታማደ ናቡተና እትጥ ካታማን ደእያ ጭማቶን ዋልቃማ አሳቶ ኪታዱ፡

9 ሄ ዳብዳብቱዋ ሀዋዳን ያጋደ ጻፋዲ፤ “እት ጋላሳዉ ጸማ አዋይተ፤ ያቲደ አሳ ግዳዋን ናቡታ ቦንቾ ሳእን ኡትሰተ፡

10 ላኡ ፓፍ ኦሳቱዋ አ ሰንሳን ኡትሰተ፡ ሄ አሳቱ፡ ‘ናቡተ ጸሳን ካትያ ቦራዳ ያጌደ ማርካታዳናን ኦሰተ፡ ሄዋጥ ጉይያን ጋጾ ከሲደ፡ ሹቻን ጫድ ዎቋተ’ ” ያጋደ ጻፋዲ፡

11 ሄዋ ድራዉ፡ ናቡተና እትጥ ካታማን ደእያ ጭማቱን ዋልቃማ አሳቱ ኤልዛቤላ ኡንቴንቶ ጻፊዳ ዳብዳብቱዋን ጌዳዋዳን ኦሌድና፡

12 ኡንቴንቱ ጸማ አዋዪደ፡ ናቡታ አሳ ግደን ቦንቾ ሳእን ኡትሴድና፡

13 ሄዋጥ ጉይያን ላኡ ፓልና አሳቱ ዪደ፡ እኮ ሰም ኡቲደ፡ አሳ ሰንሳን፡ “ናቡተ ጸሳን ካትያ ቦራዳ” ያጌደ ዋርዳዋ ማርካቱድና፡ ናቡታ ካታማጥ ጋጾ ከሲደ፡ ሹቻን ጫዲደ ዎጂድና፡

14 ሄዋጥ ጉይያን ጭማቱ ኤልዛቤልኮ ኪቲደ፡ “ናቡተ ሹቻን ጫደቲደ ሀይቄዳ” ያጌድና፡

15 ናቡተ ሹቻን ጫደቲደ ሀይቄዳዋ ኤልዛቤላ ሰሶ ሳናካ፡ አካባ፡ “እዘራኤልያ ናቡተ ነዉ ሻሉዋን ዛልእናዉ እጾዳ ዋይንያ ቱራ ሳእ ደንዳ ባደ፡ ነዉ አካ፡ እ ሀእ ፓጻ ባዋ፤ ሀይቄክቼዳ” ያጋደ፡

16 እዘራኤልያ ናቡተ ሀይቄዳዋ አካብ ሰሲደ፡ ናቡተ ዋይንያ ቱራ ሳእ ባረዉ አካናዉ ደንዳደ፡ ዲጎ ቤዳ፡

17 ሄዋጥ ጉይያን ትሸቢያ ኤላሳኮ መቋና ጎዳ ቃላይ ዪደ፡

18 “ሳማርያን ካተቲዳ እስራኤልያ ካትያ አካባና ጋከታናዉ ዲጎ ዋቆ፡ እ ሀእ ናቡተ ዋይንያ ቱራ ሳእ አካናዉ ቢደ፡ ያን ደኤ፡

19 ነን አ ሀዋዳን ያጋ፤ ‘መቋና ጎዳይ ኔና፡ “ብታንያ ዋቆደ፡ አ ጋድያ ነዉ አካዳ ግድኪ?” ያጌ’ ያጋ፡ ቃይካ እ፡ ‘መቋና ጎዳይ ኔና፡ “ናቡተ ሱላ ካናቱ ላጩዳ ሳእን ነ ሱላካ ካናቱ ላጫና” ያጌ’ ያጋ’ ያጌዳ፡

20 ሄዋጥ ጉይያን አካብ ኤላሳ፡ “ሀይ ታ ዋርክያዉ፡ ታና ደማድጋዲ?” ያጌዳ፡

“ኤ፡ ታን ኔና ደማ ድጋድ፤ እያዉ ጎጥ፡ ኔን መቋና ጎዳ ሰንሳን ኢታባ ኦላናዉ፡ ነ ሁጲያ ናጋራዉ ዛልእዳ፡

21 ጸሳይ ኔና ሀዋዳን ያጌ፤ ‘ሰሳ፡ ታን ነ ቦላ ኢታባ አሀር፡ ታን ነ ዘረላ ጳይሳና፤ ታን እስራኤልያ ቢታን አካባ ጎልያ አሳጥ እይልያ ግድና ሎኡዋ ግድና፡ እት አቲማ እስነ አተናን ቶቆላና፡

22 ታን ነ ሶ አሳ ናባጻ ናእ አዮርባማ ሶ አሳዳንነ እኪያ ናእ ባለሻ ሶ አሳዳን ኦላና፡ እያዉ ጎጥ፡ ኔን እስራኤልያ አሳ ናጋራ ኦሰሳደ፡ ታና ሀንቀላዳ’ ያጌ፡

23 ቃይ መቋና ጎዳይ ኤልዛቤልባ ኦዲደ፡ ላዘራኤላ ካታማ ግምቢያ ምይያን ካናቱ ኤልዛቤሎ ማና ያጌ፡

24 አካባ ዛርያ ግጳዳ ካታማን ሀይቄያ ኦናን ካናይ ማና፤ ቃይ ጋጾርያን ሀይቄያ ኦናን ሳሉዋ ካፎቲ ማና” ያጌዳ፡

25 ባረ ማቻታ ኤልዛቤላ ደንገልና፡ መቋና ጎዳ ሰንሳን ኢታባ ኦላናዉ ባረ ሁጲያ ናጋራዉ ዛልእዳ፡ አካባ ማላ አሳይ ኡባካ ባዋ፡

26 መቋና ጎዳይ እስራኤልያ አሳ ሰንሳጥ ላጊደ ከሴዳ አዋርቲዋዳን ኤቃዉ ጎይንያዋን አካብ አቋያ ሽንይያባ ሀይዳ፡

27 አካብ ሀ ሃሳያ ሰሴዳ ዋደ፡ ባረ ማዩዋ ፔቋደ፡ ዋሩዋ ማዬዳ፤ ያቲደ ጸሜ፡ ዋሩዋ ማዮሳና ግሴዳ፤ ካዮቲደ ሀመቲዳ፡

28 ሄዋጥ ጉይያን መቋና ጎዳ ቃላይ ትሸቢያ ኤላሳኮ ዪደ፡

29 “እካብ ባረ ሁጲያ ታ ሰንሳን ካዉሼዳዋ በእዲ? እ ታ ሰንሳን ባረ ሁጲያ ካዉሼዳ ድራዉ፡ ታን ሀ ባሻ አ ዋድያን አሀከ፡ ሽን ታን አ ናእ ዋድያን እ ሶ አሳ ቦላ ሀ ባሻ አሀርና” ያጌዳ፡

# 22

ትምቢትያ ኦድያ ሞካሰ እካባዉ ጸነትያዋ ኦድያ  
(2 ኦዲዋ 18:2-27)

- 1 ሶሪን እስራኤል ኦለተናን ሄዙ ላይላ ሳር ደኤድኖ።
- 2 ሄዛንላ ላይላን ይሁዳ ካቲ ዮሳፌን እስራኤልያ ካትያ በእናዉ ቤዳ።
- 3 እስራኤልያ ካቲ ባረ ፅማቶ፡ “ጋላኣደን ደእያ ራሞታ ካታማይ ኦሞ ግድያዋን ኦን ሀኖ ጋላናዉ ሄ ካታማ ሶርያ ካትያ፡ ሞላ እካባዉ ኣይነ ኣለቤናዋ ኤርክቲ።” ያጌዳ።
- 4 ቃይካ እ ዮሳፌጳ፡ “ጋላኣደን ደእያ ራሞታ ካታማ ኣላናዉ ታናና ባኒ?” ያጌዳ።
- 5 ዮሳፌጳ እስራኤልያ ካትያ፡ “ኣ፡ ኦን ኦላ ባናዉ ገግያ ዋደ ኣወደነ፡ ታን ገጋና። ታ ኦላንቻቲ ነ ኦላንቻቲዋ ማላ፤ ታ ፓራቲካ ነ ፓራቲዋ ማላ” ያጌዳ።
- 6 ቃይካ ዮሳፌጳ እስራኤልያ ካትያ፡ “ግድፕ፡ ኦን ካሰታደ መጵና ጎዳ ኦቻ” ያጌዳ።
- 7 እስራኤልያ ካቲ ትምቢትያ ኦድያ ኦይዱ ጸቲዋ ኣሳቲዋ እትፕ ሸሺደ፡ “ጋላኣደን ደእያ ራሞታ ካታማ ኣላናዉ ቦ ቦ?” ያጌዳ ኣንቲቲንታ ኦቻዳ።
- 8 ኣንቲቲንታ፡ “ባ፤ እያዉ ጎፕ፡ ጸሳይ ሄ ካታማ ካትያ ነ ኩሽያን ኣሊደ እማና” ያጌድኖ።
- 9 ሸን ዮሳፌጳ፡ “ኦን መጵና ጎዳ ኦቻናዉ ዳንዳይያ ትምቢትያ ኦድያ ሀራ ኣሳይ ሀዋን ባዌ?” ያጌዳ።
- 10 እስራኤልያ ካቲ ዮሳፌጳዉ ዛርደ፡ “ኦን እ ባጋና መጵና ጎዳ ኦቻናዉ ዳንዳይያ እት ሀራ ብታኒ ደኤ፤ እ ይምላ ናኣ ሞካሳ። ሸን ታን እ እጻይ፤ እያዉ ጎፕ፡ እ ኡባ ዋደካ ታዋ ኢታባ ኦዴፕ እትና ሎኦባ ኦድ ኤርና” ያጌዳ።
- 11 ዮሳፌጳ እስራኤልያ ካትያ፡ “ካቲ ሄዋዳን ጎፕ!” ያጌዳ።
- 12 ሄዋፕ ጉይያን እስራኤልያ ካቲ ባረ ኦሳንቻቲዋፕ እቲዋ ጸሲደ፡ “ይምላ ናኣ ሞካሳ ኤላካ እካደ ያ” ያጌዳ።
- 13 እስራኤልያ ካቲ ይሁዳ ካቲ ዮሳፌጳ ባረንቲ ካዉተላ ማዩዋ ማዩደ፡ ሳማርያ ካታማ ገልያ ፕንግያ ማታን ደእያ ኡዳማን ባረንቲ ካዉተላ ኣራታን ኡቴድኖ፤ ትምቢትያ ኦድያ ኡባቲ ኣንቲቲንቲ ሰንላን ትምቢትያ ኦዲኖ።
- 14 ኣንቲቲንቲ እቲ፡ ካናእና ናእይ ጽድቂ ብራታፕ ካጨቲዋ ገገሲደ፡ ኣካባ፡ “መጵና ጎዳይ ሀዋዳን ያጌ፤ ሶሪቲ ጳያና ጋካናዉ ኦን ኣንቲንታ ሀ ካጨቲዋን ቃይጫና” ያጌ። ያጌዳ።
- 15 ትምቢትያ ኦድያ ሀራ ኡባቲካ፡ “ጋላኣደን ደእያ ራሞታ ካታማ ባደ ኦላ፤ ኦላደካ ጸና። እያዉ ጎፕ፡ መጵና ጎዳይ ሄ ካታማ ካትያ ኩሽያን ኣሊደ እማና” ያጌደ ኦድድኖ።
- 16 ሄዋፕ ጉይያን ሞካሳ ጸሳናዉ ኪተት ቤዳ ብታኒ እ፡ “ቦእ፡ ትምቢትያ ኦድያ ኡባቲ እት ደና ግደደ፡ ካቲ ሀ ኦላ ጸናና” ያጌደ ኦድድኖ። ሄዋ ድራዉ፡ ሀያና ነ ኦዲካ ኣንቲቲንቲ እቲዋ ማላ ግደ፤ ኣንካ ሎኦባ ኦዲ” ያጌዳ።
- 17 ሸን ሞካሰ ሄ ብታንያ፡ “መጵና ጎዳይ ኤር! መጵና ጎዳይ ታዉ ኦድያዋ ታን ኦዳና” ያጌዳ።
- 18 ሞካሰ ካትያኩ ዬዳ ዋደ፡ ካቲ እ፡ “ሞካሳ፡ ኦን ጋላኣደን ደእያ ራሞታ ካታማ ኣላናዉ ባኔዮ ቦፓን?” ያጌደ ኦቻዳ።
- 19 ሞካሰ ካትያ፡ “ባደ ኦላ፤ ኦላደካ ጸና። መጵና ጎዳይ ሄ ካታማ ካትያ ኩሽያን ኣሊደ እማና” ያጌዳ።
- 20 ካቲ እ፡ “ኦን መጵና ጎዳ ሰንላን ቲሙዋፕ እትና ሀራባ ታዉ ኦድዳናን ታን ኔና እፕ ገደ ጫቀላናዉ ኮሺ?” ያጌዳ።
- 21 እ፡ “እስራኤልያ ኦላንቻቲ ኡባይ ሄንላንቻይ ባይና ደርሳቲዋዳን ደርያን ላለቲዳዋንታ ታን በኣድ። መጵና ጎዳይ ኣንቲንታ፡ ሀዋንቶ ጎዳይ ባዋ። ኣንቲንቲ ኡባይካ ባረንቲ ሶ ባረንቲ ሶ ሳር ቢኖ” ያጌ። ያጌዳ።
- 22 እስራኤልያ ካቲ ዮሳፌጳ፡ “ ኣኣ ታዋ ኢታባ ኦዴፕ እትና፡ ሎኦባ ኦድ ኤርና ጋደ፡ ታን ነዉ ኦዳበይክታ?” ያጌዳ።
- 23 ሞካሰ ጉጂደካ ሀዋዳን ያጌዳ፤ “ሰም መጵና ጎዳይ ግያዋ ሰሳ! መጵና ጎዳይ ባረ ካዉተላ ኣራታን ኡትና፡ ሳሎዋ ኦላንቻቲ ኡባይ እ ኡሸቻናን ሀድርሳና ኤቆዳዋንታ ታን በኣድ።
- 24 መጵና ጎዳይ፡ ኣካበ ጋላኣደን ደእያ ራሞታ ካታማ ቢደ፡ ያን ሀይቃናዳን ባለላናዌ ኦኔ? ያጌዳ። እቲ ሀዋዳን ግያ ዋደ፡ ሀራይ ቃይ ሄዋዳን ጌዳ።
- 25 ሄዋፕ ጉይያን ኢታ እያናይ ከሲደ መጵና ጎዳ ሰንላን ኤቂደ፡ “ታን እ ባለላና” ያጌዳ።
- 26 “መጵና ጎዳይ እያና፡ ዋታ ባለላን? ያጌዳ።
- 27 “እያናይ፡ ታን ከሳ ባደ፡ ኣዉ ትምቢትያ ኦድያዋንቲ ኡባቲዋ ደናን ዋርዶትያ እያና ግዳና” ያጌዳ።

“መድና ጎዳይ፣ ሄኑ፣ ኔን እ ባለላና፤ ነገረ ሄዌ ሀናና። ባደ ባለላ፣ ያጌዳ።” ያጌዳ።

23 ሞካሰ ጉጂደካ፣ “ሄዋ ድራጤ፣ መድና ጎዳይ ነገረ ትምቢትያ ኦድያዋንቱ ሀዋንቱ ኡባቱዋ ደናን ሞሮድትያ እያና ዋሌዳ፤ እያው ጎጥ፣ መድና ጎዳይ ነ፣ ቦላ ባሻ አሀናው ቃቺዳ።” ያጌዳ።

24 ሄዋጥ ጉይያን ካናናና ናኦይ ጽድቁ ሸቀደ፣ ሞካሳ ሻይያ ባቀደ፣ “መድና ጎዳ እያናይ ታ ማታጥ ዋጊደ ነገረ ኡዳናው ቤዳ?” ያጌዳ።

25 ሞካሰ እ፣ “ኔን ቆስታናው ቆልኦ ገልያ ጋላሰ ሄዋ ደማና።” ያጌዳ።

26 ሄዋጥ ጉይያን እስራኤልያ ካቲ ባረ ኦላንቻቱዋጥ እቱዋ እዛዚደ፣ “ሞካሳ ኦይቃደ ካታማ ሞድያ እሞናውን ታ ናኦ የኣሻው አፋደ እማ።

27 ኡንቱንታ፣ ካቲ ሀንተንታ፣ ህ ብታንያ ቃሽ ጎለን ቃቺደ ታን ሳር ሰማና ጋካናው፣ ጉላ ኡክላጥ፤ ሃላጥ ሀራባ እያን እው እሞጥተን ያጌ ያጋ” ያጌዳ።

28 ሞካሰ እ፣ “ቱሙ ኔን ሳር ሰምያዋ ግደጥ፣ መድና ጎዳይ ታናን ሃሳይቤና” ያጌዳ። ቃይካ ሞካሰ፣ “እሳው ኡባው፣ ታን ኦዴዳዋ እኬክተ” ያጌዳ።

እካባ ሀይቁዋ  
(2 ኦዲዋ 18:28-34)

29 ሄዋጥ ጉይያን እስራኤልያ ካቲን ይሁዳ ካቲ የሳፌጸ ጋላኦይን ደእያ ራዋታ ካታማ ቤድና።

30 እስራኤልያ ካቲ የሳፌጸ፣ “ታን ማዩዋ ላማደ፣ ሀራ አሳ ማላታደ፣ ኦላው ገላና፤ ሸን ኔን ነ ካትያ ማዩዋ ማያ” ያጌዳ። እስራኤልያ ካቲ ማዩዋ ላማደ፣ ሀራ አሳ ማላቲደ፣ ኦላው ገሌዳ።

31 ሶርያ ካቲ ባረ ፓራ ጋረቱዋ እዛዝያ ሀታማ ነ ላኡ አሳቱዋ፣ “ግታትና ጉጽና ሀራ አሳ ኦናናካ ኦላቶጥ፤ እስራኤልያ ካትያ ጸላላና ኦላትተ” ያጌደ እዛዜዳ።

32 ፓራ ጋርያ እዛዝያዋንቱ የሳፌጸ ቢኤዳ ዋደ፣ “ቱማ ሀዌ እስራኤልያ ካትያ” ያጌድና። እናና ኦላታናው ሰሜድና፤ የሳፌጸ ዋሴዳ።

33 ፓራ ጋረቱዋ እዛዝያዋንቱ እ እስራኤልያ ካትያ ግደዳዋ ቢኤዳ፣ እ የደርሰያዋ አግ እኤድና።

34 እት ብታኒ ጮ ባረ ሞንዳናን ኦላንቻቱ ቦላ ዲኪደ፣ እስራኤልያ ካትያ ኦላ ማዩ ጋከትያ ሄራና ጫዴዳ። እስራኤልያ ካቲ ባረ ጋርያ ላግያ ብታንያ፣ “ጋርያ ጉየ ዛራደ፣ ታና ኦላ ግዴዋጥ ከሳ። እያው ጎጥ፣ ታን ኡታ ጫቻ ጫደታክቻድ” ያጌዳ።

35 ሄ ጋላሰ ኦላይ ሱልያ ዋደ፣ እስራኤልያ ካቲ እካብ ባረ ፓራ ጋርያ ግደን ዘምጥደ፣ ሶረቱዋ ሰንላን ታኩዳ። እ ጫቻ ሱሳይ ፓራ ጋርያ ግደ ጉክና፣ ሄ ኦማርሰካ እ ሀይቁ ባሻዳ።

36 እዋደ ወላናው ማትሸና ኦላንቻቱ ግደን፣ “ኡሳይ ኡባይ ባረ ካታማ ባረ ካታማ ቦ! አሳይ ኡባይ ባረ ጋድያ ባረ ጋድያ ቦ!” ያግያ እዛዙ ከሴዳ።

37 ሄዋጥ ጉይያን ኡንቱንቱ ካትያ ሳማርያ ካታማ አሂደ ያን ሞጌድና።

38 ሻርሙጽቱ ሜጨትያ፣ ዲጋት ኡቱዳ ሳማርያ ሃላን ኡንቱንቱ ጋርያ ሜጨድና። መድና ጎዳይ ካሰ ሃሳይዳ ቃላዳንካ፣ እ ሱሳ ካናቱ ላጩድና።

39 እካብ ሀኔዳ ሀራባይ፣ እ ኡዳባይ ኡባይ፣ ዳንጋርሳ ዛልያን ካትያ ጎልያ እ ኬዴዳባይን እ ግምቤዳ ካታማቱዋባይ ኡባይ እስራኤልያ ካተቱ ታርክያ ማጻፋን ጻፈት ኡቱዳ።

40 እካብ ሀይቁደ ባረ ማይዛን ጋከቱዳ፤ እ ሳኣን እ ናኦይ እካዝያሰ ካተቱዳ።

ይሁዳ ካትያ የሳፌጸን እስራኤልያ ካትያ እካዝያሳ  
(22:41-53፤ 2 ኦዲዋ 20:31—21:1)

41 እስራኤልያ ካቲ እካብ ካተቱዳ ኦይደንሎ ላይላን አሳ ናኦይ የሳፌጸ ይሁዳን ካተቱዳ።

42 እ ካተትያ ዋደ ላይላይ አው ሀታማን እቺሻ፤ እ የሩሳላሙን ላታማን እቺሹ ላይላ ካተቱዳ። እ ዲያ ሸልሀ ናቶ እዙቦ ገተታው።

43 የሳፌጸ ባረ አውዋ አሳ ኦግያን ኡባን ሀመቱዳ፤ እ ሄ ኦግያጥ ሸርእ ግቤና፤ መድና ጎዳ ሰንላን ሱረባ ኦሌዳ። ግደጥ፣ ጎይንያ ቶቃ ሳኦ ጳይሰቤና፤ አሳይ ሄ ግሹዋን ያርሹዋ ያርሸያዋን እጻና ጨዋይያዋ አግቤና።

44 የሳፌጸካ እስራኤልያ ካትያና ሰገቱዳ።

45 የሳፌጸ ሀኔዳ ሀራባይ፣ እ ሞናተላይን እ ኦላቱዳ ኦላይ ይሁዳ ካተቱ ታርክያ ማጻፋን ጻፈት ኡቱዳ።

46 ጎይና ዋጋ ኦሊደ እቱማዋንቱ እቱማዋንቱና ሻርሙጽያዋንታ፣ እ እው አሳይ ካተቱዳ ዋድያጥ እቱዳውንታ ጋድያጥ ጳይሴዳ።

47 ሄ ዋደ ኤደማ ቢታን ካቲ ባዋ፤ ሄ ቢታ ሱንግቱዳ ካፍ ሞዴዳ።

48 ኦፊራ ጋድያ ቢደ ዋራ አሀናዳን የሳፌጸ ዋልቃማ ማርካባቱዋ መዴዳ፤ ሸን ሄ ማርካባቱ ኤጽዮን-ጋብራን መኤረቱድናጥ እትና ኡባካ ብብይክና።

49 ሄ ዋደ እካባ ናኦይ እካዝያሰ የሳፌጸ፣ “ታ ቆማቱዋና ነ ቆማቱዋ እትጥ ማርካብያን ቢና” ያጌዳ፤ ሸን የሳፌጸ እጶዳ።

50 ዮሳፌጸ ሀይቂደ ባረ ማይዛን ጋከቲዳ። ባረ ማይዛ አዉዋ ዳዊታ ካታማን ሞገቲዳ። አ ሳእን አ ናአይ ዮራመ ካተቲዳ።

እስራኤልያ ካትያ አካዝያሳ

51 ይሁዳ ካቲ ዮሳፌጸ ካተቲዳ ታማነ ላፑንሳ ላይላን አካባ ናአይ አካዝያሳ እስራኤልያ ቦላ ሳማርያን ካተቲዳ፤ እስራኤልያ ቦላ ላኡ ላይላ ካተቲዳ።

52 አካዝያሳ መድና ጎዳ ሰንሳን ኢታባ ኦሌዳ፤ ባረ አዉዋን ባረ ዳይ ኦግያንነ እስራኤልያ አሳ ናጋራ ኦሰሴዳ ናባጸ ናአ እዮርባማ ኦግያን ሀመቲዳ።

53 አካዝያሳ ባአላዉ ኦሌዳነ ጎይኔዳ። አ አዉ ካሰ ኦሌዳዋዳን፣ መድና ጎዳ፣ እስራኤልያ ጸሳ አ ሀንቀሌዳ።

# ላኢንሶ ካታቱፍ ማጻፋ ገሉፍ

ካታቱፍ ማጻፋ ላኢንሶ-ፍ ሻኩ፡ ካታቱፍ ማጻፋ ኮይሮ ሻኩ ኤቁዳ ሳኣፕ ዶሚይ፡ ላኡ እስራኤልያ ካውተሳቱፍባ ኦይ። ማጻፋ ላኡ ፍና ፍና ክፍለቱፍን ሻክ ጸላናው ዳንዳይቶ።

1. ክርስቶስ የለታፕ ካስ ኡዱፕንሶ ጸቱ ላይሳው ባጋፕ ዶሚይ ቢይ፡ ክርስቶስ የለታፕ ካስ ላፕን ጾታን ላታማን እት ላይሳን ሁጺሳ ባጋ ካውተሳይ ኩንዳና ጋካናው ደእያ ላኡ ካውተሳቱ ታርክያ።
2. እስራኤልያ ካውተሳ ኩንደላፕ ቢይ፡ ክርስቶስ የለታፕ ካስ እቼሹ ጾታን ሆስቱን ታማን ኡሱፕን ላይሳን ካቲ ናቡካዳናጾረ የሩሳላሙ ካታማ ኦይቂይ ላሊዳ ሞድያ ጋካናው ደእያ ይሁዳ ካውተሳ ታርክያ። ማጻፋይ ጋዳሊ ባብሎና ሞዲፍ ጋርሳን ይሁዳ ቢታ ሞድያፍ ግዴዳፍን ይሁዳ ካቲ ዮኣከን ባብሎና ቃሾ ገልፕፕ ከሴዳፍ ቆንጭስ ኦዲይ፡ ታርክያ ወርሲ።

ሀ ባሻ ኡባይ እስራኤልያ ቦላ ያናው ዳንዳይቶ ይሁዳን እስራኤልያ ካተቱን አሳይ ጸሳው አማነትያ አማናቱፍ ፓጭሴዳ ግሻታ። የሩሳላሙ ካታማይ ላለቱዳዌን ይሁዳ አሳፕካ ዳርያ ባጋይ ባረ ጋድያፕ ቡቴዳዌ፡ እስራኤልያ አሳ ታርኪ ብያ ኬሻ ሳማናዳን ኦፊዳ ጋሶቱፍፕ ሞናትያፍንታ።

ካተቱ ማጻፋን ላኢንሶ ግሹፍን ዳሮ ኤሪቴዳ ብታኒ ኤላሳ ሳኣን ትምቢትያ ኦድያፍ ከሴዳ ኤልሳኦ።

## ሸምፓቱፍ ኡባቶ እመቴዳ ቃንሳ ቆፋቱፍ

ሻከቴዳ ካውተሳ 1:1—17:41

ሀ. ናብያ ኤላሳ 1:1—8:15

ለ. ይሁዳን እስራኤልያ ካተቱፍ 8:16—17:4

ሐ. ሳማርያ ኩንደላ 17:5-41

ይሁዳ ካውተሳ 18:1—25:30

ሀ. ህዝቂያሳፕ እዮሰያሳ ጋካናው 18:1—21:26

ለ. እዮሰያሳ እይሱፍ 22:1—23:30

ሐ. ወርሰሳ ይሁዳ ካተቱፍ 23:31—24:20

መ. የሩሳላሙ ኩንደላ 25:1-30

## ሻከቴዳ ካውተሳ

(1:1—17:41)

ናብያ ኤላሳ

(1:1—8:15)

1 አካብ ሀይቁዳፍፕ ጉይያን፡ ሞኣብ ቢታ አሳይ እስራኤልያ ቦላ ደንዳዳ።

2 ሄ ሞይ ካቲ አካክያሰ ሳማርያ ካታማን ቦላ ፖቅያ ባራንዳፕ ኩንደይ ደሸቴዳ። ሄፍ ድራው አሳቱፍ፡ “ቢተ፤ ታን ሀ ደሸላፕ ፓጸንንቶ፡ አጋንንቶ፡ ኤቅሮና ካታማ ጸሳ ብኤል-ዘቡላ እነ ታው ኦቶተ” ያገደ ኪቴዳ።

3 ሸን መድና ጎዳ ኪታንቻይ ትሰቢያ ኤላሳ ሀዋዳን ያጌዳ፤ “ባ፤ ፑደ ባይ፡ ሳማርያ ካቲ ኪቴዳ አሳቱፍና ጋከታ። አንቱንታ፡ ህንተ ኤቅሮና ካታማ ጸሳ ብኤል-ዘቡላ ኦቻናው ቤዳዌ፡ እስራኤልያን ጸሳይ ቆይኔየ?” ያጋ።

4 ሄፍ ድራው፡ መድና ጎዳይ ሀዋዳን ያጌ፤ “ካትያው፡ ኔን ሀይቃናፕ አትና፡ ሀ ግሴዳ ግሱፍፕ ደንዳካ” ያጌዳ። ኤላሰ ቢይ፡ አንቱንቶ ኦዳዳ።

5 ኪቴዳ አሳቱ ካትያኩ ጉዮ ሰምና፡ እ አንቱንታ፡ “አያው ሰማድቴ?” ያገደ ኦቹዳ።

6 ሸን አንቱንቱ አው ሀዋዳን ያገደ ዛሬድና፡ “አት ብታኒ ኡና ጋከታናው ዪይ፡ ህንተና ኪቴዳ ካትያኩ ሰማይ ቢተ።” አው ሀዋዳን ያግተ “መድና ጎዳይ ኔና፡ ኤቅሮና ጸሳ ብኤል-ዘቡላ ኦሸሳናው ኔን አሳ ኪትያዌ፡ እስራኤልያን ጸሰ ቆይኔየ? ሄፍ ድራው፡ ኔን ሀይቃናፕ አትና፡ ሀ ግሴዳ ግሱፍፕ ደንዳካ ያጌ” ያግተ ያጌዳ። ያጌድና።

7 ኪቴዳ አንቱንታ፡ “ህንተንቱና ጋከታናው ዪይ፡ ሀ የወፍ ህንተንቶ ኦዳዳ ብታኒ አይ ማላ አሴ?” ያገደ ኦቹዳ።

8 አንቱንቱ፡ “መሀያ እስክያን ዳይቴዳ ካባ ማዪይ፡ ባረ ጸሳን ዳፋፍ ዳንጩ” ያገደ ዛሬድና።



እ፡ “ሄዌ ትሰቢያ ኤላሳ” ያጌዳ።

9 ሄዋጥ ጉይያን፡ ካቲ እሻታሙ ካጥፍ እ እሻታሙ ኦላንቻቱፍ ኪቲዳ። ካፕ ደርያ ሁጲያን ኡቲዳ ኤላሳሶ ፑደ ከሲደ፡ “ጸሳ አሳሳ፡ ካቲ ኔና፡ ‘ዳገ ግዳ’ ያጌ” ያጌዳ።

10 ሸን ኤላሳ እሻታሙ ካፖ፡ “ታን ጸሳ አሳ ግደ፡ ታማይ ሳሉፍጥ ዋጲደ፡ ኔና ነ እሻታማቱፍ ሞ” ያጌደ ዛሬዳ። ታማይ ሳሉፍጥ ዋጲደ፡ እሻታሙ ካፕፍን እ እሻታማቱፍ ማዳ።

11 ቃይ ካቲ ሀራ እሻታሙ ኦላንቻቱፍ ሀራ እሻታሙ ካፕፍ ኤላሳሶ ኪቲዳ። እሻታሙ ካፕ ኤላሳ፡ “ጸሳ አሳሳ፡ ካቲ ኔና፡ ኤላካ ዳገ ግዳ ያጌ” ያጌዳ።

12 ኤላሳ አሳ፡ “ታን ጸሳ አሳ ግደ፡ ታማይ ሳሉፍጥ ዋጲደ፡ ኔና ነ እሻታማቱፍ ሞ” ያጌዳ። ጸሳ ታማይ ሳሉፍጥ ዋጲደ፡ እሻታሙ ካፕፍን እ እሻታማቱፍ ማዳ።

13 ቃይካ ካቲ እሻታሙ ኦላንቻቱፍ ሀራ ሄዘንፍ እሻታሙ ካፕፍ ኪቲዳ። እሻታሙ ካፕ ፑደ ከሲደ፡ ኤላሳ ሰንሳን ጉልባቲደ፡ “ጸሳ አሳሳ፡ ሀያና፡ ታናና ደእያ ሀ እሻታሙ አሳቱፍ ማራ፡ ኑ ሸምፑፍካ ሀይቁፍጥ እሻ።

14 ታማይ ሳሉፍጥ ዋጲደ፡ ካሰ እሻታማቱፍ ካፕፍ አሳና ኡንቲንታ እሻታማቱፍ ኡባና ማዳ። ሸን ሀእ ታና ማራ።” ያጌደ ዋሴዳ።

15 መድና ጎዳ ኪታንቻይ ኤላሳሳ፡ “ያፍፓ! አናና ዳገ ግዳ” ያጌዳ።

ኤላሳ ደንዳደ፡ አናና ዳገ ዋጲደ።

16 እ ካትያላ፡ “መድና ጎዳይ ኔና ሀዋዳን ያጌ፤ ኅሳ ኦቻናወ እሰራኤልያን ጸሰ ጳይኔ፤ ኔን ኤቅርና ጸሳ ብኤል-ዘቡላ ኦቻናወ አሳ ኪቲዳዌ? ኔን ሀዋ ኦሌዳ ድራወ፡ ሀይቃና፤ ነ ግሴዳ ግሉፍጥካ ደንዳካ” ያጌዳ።

17 ኤላሳ ሃሳይዳ መድና ጎዳ ቃላዳንካ አካዘያሰ ሀይቁዳ፤ አካዘያሰሳ አቲማ ናእ ባይና ድራወ፡ እ እሻይ ዮራመ አ ኮታን ካተቲዳ፤ ሄዌ ሀይዳዌ ዮሳፌጻ ናእይ ዮራመ ይሁዳን ካወቲዳ ላኤንፍ ላይላና።

18 አካዘያሰ ሀይዳ ሀራባይ ነ ኦሌዳባይ ኡባይ እሰራኤልያ ካተቲ ታርክያ ማጻፋን ጸፈት ኡቲዳ።

## 2

### ጸሳይ ኤላሳ ሳሉፍ አፌዳ

1 መድና ጎዳይ ኤላሳ ጎትያን ሳሉፍ አፋናወ ሀንያ ዋደ፡ ኤላሳና ኤልሳእ ገልጋላጥ ደንዳደ ቤድኖ።

2 ኤላሰ ኤልሳእ፡ “መድና ጎዳይ ታና ቤቴለ ካታማ ኪቲዳ ድራወ፡ ሀያና ኔን ሀዋን ታካሻ” ያጌዳ።

ሸን ኤልሳእ፡ “መድና ጎዳይ ኤር! ነ ሸምፑ ኤር! ታን ኔፕ ሻከትከ” ያጌዳ። ኡንቲንቲካ ዳገ ቤቴለ ዋጲድኖ።

3 ቤቴለን ደእያ ትምቢትያ ኦድያዋንቲ ጭታይ ኤልሳእኮ ከሲደ፡ “መድና ጎዳይ ሀቼ ነ ጎዳ ኔፕ ሻከ አፋናዋ ኔን ኤራይ?” ያጌደ ኦቼድኖ።

ኤልሳእ፡ “ኤ ኤራይ። ሸን ሀንተንቲ ጮኤ ገተ” ያጌደ ዛሬዳ።

4 ሄዋጥ ጉይያን፡ ኤላሰ ኤልሳእ፡ “መድና ጎዳይ ታና ያርኮ ኪቲዳ ድራወ፡ ሀያና ኔን ሀዋን ታካሻ” ያጌዳ።

ሸን ኤልሳእ፡ “መድና ጎዳይ ኤር! ነ ሸምፑ ኤር! ታን ኔፕ ሻከትከ” ያጌደ ዛሬዳ። ሄዋ ድራወ፡ ኡንቲንቲ ያርኮ ቤድኖ።

5 ያርኮን ደእያ ትምቢትያ ኦድያዋንቲ ጭታይ ኤልሳእኮ ከሲደ፡ “መድና ጎዳይ ሀቼ ነ ጎዳ ኔፕ ሻከ አፋናዋ ኔን ኤራይ?” ያጌደ ኦቼድኖ።

እ፡ “ኤ ኤራይ። ሸን ሀንተንቲ ጮኤ ገተ” ያጌደ ዛሬዳ።

6 ሄዋጥ ጉይያን፡ ኤላሰ ኤልሳእ፡ “መድና ጎዳይ ታና ዮርዳኖሳ ሻፋ ኪቲዳ ድራወ፡ ሀያና ኔን ሀዋን ታካሻ” ያጌዳ።

ኤልሳእ፡ “መድና ጎዳይ ኤር! ነ ሸምፑ ኤር! ታን ኔፕ ሻከትከ” ያጌዳ። ኡንቲንቲ ላአቲካ እትፕ ቤድኖ።

7 ትምቢትያ ኦድያዋንቲ እሻታሙ አሳቲ ኡንቲንታ ካሊደ፡ ዮርዳኖሳ ሻፋ ጋካናወ ቤድኖ። ኤላሰ ኤልሳእ ሻፋ ደናን ኤቁደእሸን፡ ትምቢትያ ኦድያዋንቲ ኡንቲንቲፕ ላፋ ሃኪደ ኤቁድኖ።

8 ሄ ዋደ ኤላሰ ባር ካባ እኪደ ጻጺደ፡ እን ሃላ ሸጮዳ። ሃላይ ያን ሃን ሻከቲዳ፤ መላ ቢታ ዮጲደ ፕኔድኖ።

9 ኤላሰ ኤልሳኦ፡ “ታን ኔፕ አከታክቻናፕ ካሰታደ፡ ነዉ እያ ኦላና ማላ ኮያይ? እነ ኦዳ” ያጌዳ።

ኤልሳኦ፡ “ታን ኔና ኮቹያ ዋደ፡ ነ እናናይ ታዉ ላኡ ዳኩዋ ግዳና ማላ፡ ታን ኔና ዋሳይ” ያጌደ ዛሬዳ።

10 ኤልሳኦ፡ “ኔን መትያ ኦቫ ኦቻዳ። ሸን ታን ኔፕ ቫከታ ሳሉዋ ብያ ዋደ ኔን ታና ጴልያዋ ግደ፡ ሄዌ ነዉ ሀናና። ሄዌ ቆየፕ ሀናና” ያጌዳ።

11 ሄዋፕ ጉይያን፡ ኤንቱንቱ እትፕ ሃሳዬድ ሀመትሸን፡ ታማ ፓራቱን ኤንቱንቱ ጎቻያ ታማ ጋሪ አኪከናን ፑቱ ጊደ፡ ኤንቱንቱ ላኡዋፕ ግዲዋን ገሊደ፡ ቫኪዳ። ኤላሰ ጎትያን ሳሉዋ ከሴዳ።

12 ኤልሳኦ ሄዋ በኢደ፡ “ታ አዎ፡ ታ አዎ! ኔን አሰራኤልያ አሳዉ ዋልቃነ ጎንዳላ ሸን!” ያጌደ ዋሴዳ። ሄዋፕ ሰሚደ፡ እ ኤላሳ ኡባካ በእቤና።

ኤልሳኦ ሄዋን ካየቲደ፡ ባረ ማዩዋ ላኡ ከሲደ፡ ፖሽ ኦሌዳ።

13 ያፔደ ኤላሳፕ ዋዴዳ ካባ አ ደንሴደ፡ ጉየ ሰሚዳ፤ ዮርዳናሳ ሻፋ ደናን ኤቄዳ።

14 ኤላሳፕ ዋዴዳ ካባ አኪደ፡ ሃሳ እን ሾጠደ፡ “መቋና ኤላሳ ጸሳይ ሀቃን ደኢ?” ያጌዳ። ኤልሳኦ ሃሳ ሾጠደ ዋደ፡ ሃሳይ ያነ ሃነ ቫከቱዳ፤ ሻፋ ፕኔዳ።

15 ያርኮፕ ዬዳ ትምቢትያ ኦድያዋንቱ ጭታይ ኤልሳኦ በኤዳ ዋደ፡ “ኤላሳ አያናይ ኤልሳኦ ቦላ ሸምፔዳ” ያጌድና። ኤንቱንቱ እናና ጋከታናዉ ደደ፡ እ ሰንሳን ሳኣን ጉፋኔድና።

16 ያፔደ ኤንቱንቱ እና፡ “በእ፡ ኦን ነ ቆማቱ እሻታሙ ሞኖ አሳቱ ሀዋን ደኤቶ። ሀያና ኦን ነ ጎዳ ኮያናዉ ባና። ኦን ኤራ፡ መቋና ጎዳ አያናይ አ አኪደ፡ እት ደርያ ሁጲያን ዋይ ዛንጋራ ግደን የጌደንቶን” ያጌድና።

ኤልሳኦ፡ “ሀነና፡ ቦፕተ!” ያጌዳ።

17 ሸን እጻድ ጋናዌ አ ዬላያና ጋካናዉ፡ ኤንቱንቱ አ ዋሲደ አገናን እጻና፡ “ቢተ” ያጌዳ። ኤንቱንቱ እሻታሙ ቤድና። ሄዙ ጋላሳ ኮዬደ፡ እ ደምቤይክና።

18 ኤልሳኦ ያርኮን ታክ ደእሸን፡ ኤንቱንቱ እኮ ሰሚደ ዩና፡ “ዋን ታን ሀንተንታ ብፕተ፡ ያጋበይክታ?” ያጌዳ።

**ኤልሳኦ ኦሌዳ ማላልሰያባቱዋ**

19 ሄዋፕ ጉይያን፡ ያርኮ ካታማን ደእያ አሳቱ ኤልሳኦ፡ “ኔን ኦ ጎዳይ በእያዋዳን ሀ ካታማይ ደእያ ሳኣይ ሎእ። ሸን ሃሳይ ኢታ፤ ቃይ ቢታይካ አይፈና” ያጌድና።

20 እ ኤንቱንቱ፡ “እነ ኦራላ ከርያን ማጽንያ ቆሊደ፡ ታዉ አኪደ ዪተ” ያጌደ አዛዜዳ፤ አዉ አሄድና።

21 ኤልሳኦ ፑልትያ ቢደ፡ ማጽንያ እን የጊደ፡ “መቋና ጎዳይ፡ ታን ሀ ሃሳ ፓላድ፤ ሀዋፕ ሰንሳናዉ ሀ ሃሳይ ሀይቁዋሰ ጋሶ ግደና፤ ቢታይካ አይፋናዋ” ያጌ” ያጌዳ።

22 ኤልሳኦ ሃሳዬዳዋዳንካ ሀቼ ጋካናዉ፡ ሄ ሃሳይ ጽሎ ግዴዳ።

23 ኤልሳኦ ያፕ ደንዲደ፡ ፑደ ቤቱላ ከሴዳ፡ እ ኦግያን ቢሸን፡ ያላጋ አቱማ ናናይ ካታማፕ ከሲደ፡ “ላ ሀ ሁጲያና ቦኣዉ፡ ፑደ ከሳ! ላ ሀ ሁጲያና ቦኣዉ፡ ፑደ ከሳ!” ያጌደ አ ቦላ ቅሊጤድና።

24 ጉየ ሰም ጸሊደ፡ ኤንቱንታ መቋና ጎዳ ሰንሳን ሸቄዳ። ያትና ባባንላ ጌተትያ ላኡ ማጫ ደእቱ ዋራፕ ከሲደ፡ ናናቱዋፕ ኦይታማን ላኡ ያላጋቱዋ ፑዘርሊደ ዋዴድና። 25 ኤልሳኦ ሄዋፕ ደንዲደ፡ ቃርመሎሳ ደርያ ቤዳ፤ ቃይ ሄዋፕካ ሳማርያ ሰሚዳ።

**3**

**ዋኦኦ እሰራኤልያና ኦላቲዳ**

1 ይሁዳ ካቲ ዮሳፌጻ ካተቲዳ ታማን ሆሰፑንላ ላይላን አካባ ናኦይ ዮራመ ሳማርያን እሰራኤልያ ቦላ ካተቲዳ፤ እ ታማን ላኡ ላይላ ካተቲዳ።

2 አ መቋና ጎዳ ሰንሳን ኢታ ኦሌዳ። ሸን ባረ አዉዋን ባረ ዳይ ኤልዛቤል ኪቫ ኢታ ግደና፤ አያዉ ጎፕ፤ አ አዉ ኦሌዳ ባኣላ ኤቃ አ ቶቆሌዳ።

3 ግደፕን ናባጻ ናኦይ እዮርባዋን እሰራኤልያ አሳ ኦሰሴዳ ናጋራ አ ካሌዳፕ አትና ቆይሰቤና።

4 ዋኦኦ ቢታ ካቲ ማሻእ ደርሳ ሃሜ። እ እሰራኤልያ ካትያዉ ጾቱ ሻእ ቦልትቦልታ ደርሳቱዋን ጾቱ ሻእ ቦልያ ደርሳቱዋ እሰክያ ላይላን ላይላን ገራ።

5 ሸን እሰራኤልያ ካትያ አካብ ሀይቁዳዋፕ ጉይያን፡ ዋኦኦ ካቲ ማሻእ እሰራኤልያ ቦላ ማካሌዳ።

6 ሄ ዋደ ካቲ ዮራመ ሳማርያፕ ከሲደ፡ እሰራኤልያ ኡባ ሸሼዳ።

7 ቃይ ይሁዳ ካትያ ዮሳፌዳኮ ኪታ ዮዲዳ፣ “ሞአበ ካቲ ታ ቦላ ማካሌዳ፤ ሞአበና ኦለታናዉ ኔን ታናና ባኒ?” ያጌዳ።

ዮሳፌዳ፣ “ኤ ታን ባና። ታን ነ ማላ፤ ታ አሳይካ ነ አሳ ማላ፤ ቃይ ታ ፓራቱካ ነ ፓራቱዋ ማላ” ያጌደ ዛሬዳ።

8 ዮሳፌዳ ቃይ፣ “ኡን ሀቃ ኦግያና ቢደ ኡንቱንታ ኦላኔ?” ያጌደ ኦቼዳ።

ካትያ ዮራመ፣ “ኤደማ ዋራን ደእያ ኦግያና ቢደ ኦላና” ያጌደ ዛሬዳ።

9 ሃዋ ድራዉ፣ እስራኤልያ ካቲ፣ ይሁዳ ካቲነ ኤደማ ካቲ ኦላዉ ከሴድኖ። ኡንቱንቱ ላፑን ገላሳ ኦግያ ዩዬዳዋፕ ጉይያን፣ ኦላንቻቶካ ኡንቱንታ ካሌዳ መሀያዉካ አይ ሃሳነ ባዋ።

10 ሃ ዋደ እስራኤልያ ካቲ፣ “አየ አና! መፅና ጎዳይ ኑና ሀ ሄዙ ካተቱዋ እትፕ ሞአበ ካትያዉ አሊደ እማናዉ ጸሴዳ” ያጌዳ።

11 ሸን ዮሳፌዳ፣ “ኡን አ ባገና መፅና ጎዳ ኦቻናዳን ሀዋን ትምቢትያ ኦድያዌ ባዌ?” ያጌደ ኦቼዳ።

እስራኤልያ ካትያ ኦላ ጋዳዋቱዋፕ እቱ፣ “ኤላሳ ማዲደ ደኤዳ ሻፋዳ ናአይ ኤልሳእ ሀዋን ደኤ” ያጌደ ዛሬዳ።

12 ዮሳፌዳ፣ “ኤ፣ እ ቱሙ ትምቢትያ ኦድያዋ” ያጌዳ። ሃዋፕ ጉይያን፣ እስራኤልያ ካቲ፣ ዮሳፌዳን ኤደማ ካቲነ ኤልሳእኮ ዲገ ዋጄድኖ።

13 ኤልሳእ እስራኤልያ ካትያ፣ “ታናና ኔናና አይ ጋልያዋ? ባ፤ ባደ ነ አዉ ነ ዳያን ኦቼዳ ትምቢትያ ኦድያዋንታ ኦቻ” ያጌዳ።

እስራኤልያ ካቲ ዛሬዳ፣ “ቱይት፣ አያዉ ጎፕ፣ ሀ ሄዙ ካተቱዋካ እትፕ ሞአበ ካትያዉ አሊደ እማናዉ ኑና ጸሴዳዌ መፅና ጎዳቲ!” ያጌዳ።

14 ኤልሳእ፣ “ታን አዉ አልያ ኡባፕ ዋልቃማ መፅና ጎዳይ ኤር! ይሁዳ ካትያ ዮሳፌዳ ድራይ ባይና ግድንቶ፣ ታን ኔና አይፍያን ኤልከነ በእከ ሸን።

15 አነ ታዉ ሀእ ዲላ ዲጽያዋ አህተ” ያጌዳ።

ዲጽያዌ ዲጽሸን፣ መፅና ጎዳ ዋልቃይ አ ቦላ ዋጄድ።

16 ኤልሳእ፣ “መፅና ጎዳይ፣ ህ መላ ዛንጋራ ኡባን ኦላ ቦክተ” ያጌ።

17 አያዉ ጎፕ፣ መፅና ጎዳይ፣ ጫርኩዋ ዋይ እራ በእክታ፤ ሸን ሀ ቦኩዳ ዛንጋራን ሃላይ ኩማና፤ ሀንተንቱ፣ ሀንተንቱ ሚዛይነ ሀንተንቱ ሀራ መሃ ኡሻና ያጌ።

18 ሀዌ መፅና ጎዳ ሰንፋን ላላባ፤ ቃይ መፅና ጎዳይ ሞአባካ ሀንተንቶ አሊደ እማና።

19 ግምባቲዳ ካታማቱዋነ ዋልቃማ ካታማቱዋ ኡባ ሀንተንቱ ጸናና። ሎኦ ሞላቱዋ ኡባካ ቃንጸና፤ ሃላ ፑልቶቱዋ ኡባቱዋካ ሀንተንቱ ባራና፤ እራዳ ሾይቃቱዋ ኡባ ቦላን ሹቻ ላሊደ ባይዘና” ያጌዳ።

20 ዋንተላ ጋላሰ ዋንታ ያርሹዋ ያርሸያ ዋዲ ጋክና፣ ኤደማ ባገና ሃላይ ጎጌዳ፤ ሃላይ ቢታን ኤሌዳ።

21 ሞአበ ቢታ አሳይ ሄዙ ካተቱ ኡንቱንታ ኦላናዉ ዬዳዋ ሰሴዳ። ናናይ፣ ጭማይ ኦላ ሚሻ ቶካናዉ ዳንዳይያ አሳይ ኡባይ ጸሰት ዪደ፣ ባረንቱ ቢታ ዛዋ ናጌድኖ።

22 ኡንቱንቱ ዋንታ ጉራና ደንድያ ዋይ፣ ሃላ ቦላ ሞጶዳ ጸልቂ ዘኢደ፣ ኡንቱንቶ ሱላ ማላቲደ ቤቱዳ።

23 ያትና ኡንቱንቱ፣ “በእተ፣ ሀዌ ሱላ! ካተቱ ባረንቱ ግደን እቱ እቱዋና ኦለቲደ፣ ሀይቂ ዉራድኖ። ሞአበ አሳዉ፣ አነ ቢደ፣ ኡንቱንታ እቁዋ ቆጭሬቶ” ያጌድኖ።

24 ሞአበ ቢታ አሳይ እስራኤላቱ እቁዋ ቤዳ፤ እስራኤላቱ ደንዲደ፣ ኡንቱንታ ሾጩድኖ። ኡንቱንቱ ጋድያ ቦላን ማጬድኖ፤ ሞአበ አሳ ዋጄድኖ።

25 ካታማቱዋካ ኦለቲደ ባይዘድኖ። አሳይ ኡባይ ሀጺያን ሀጺያን እት እት ሹቻ አኪደ፣ አራዳ ሾይቃቱ ኡባቱ ካመታና ጋካናዉ፣ ኡንቱንቱ ቦላ ኦሌዳ። ፑልቶ ኡባ ባራደ፣ ሎኦ ሞላ ኡባካ ቃንጸድኖ። ቁርሄራሳ ጌተትያ እት ካታማ ግምቦ ጸላላይ እቁዋን እቱዳ፤ ሸን ያምባርሻን ኦልያ አሳቱ ሄ ካታማካ ደዲደ ሾጩድኖ።

26 ሞአበ ካቲ ኦላይ ባረ ቦላ ጎሴዳዋ በኤዳ ዋይ፣ ማሻ ዳንጩደ ላፑን ጸቱ አሳቱዋ አኪደ። ኦላ ግዲዋን ዳኪደ፣ ኤደማ ካትያኮ ፕናናዉ ደንዳዳ፤ ሸን አዉ ሀነናን አጼዳ።

27 ሃዋፕ ጉይያን፣ ባረ ሳአን ካተታናዉ ደእያ ባረ ባጄራ ናአ አኪደ፣ ካታማ ግምቦያ ቦላን ታማን ጸ-ጊደ ያርሹዳ። ሞአባቱ እስራኤላቱ ቦላ ሀንቁዋ ሱሌድኖ። ያትና እስራኤላቱ ሄ ካታማ አጊደ፣ ባረንቱ ጋድያ ሰሜድኖ።

4

ኤልሳእ እት ሀዬሳ እምአቶ ማዴዳ

1 ትምቢትያ ኦድያዎንቱፕ እቱፍ ማቻታ ኤልሳእኩ ባደ። “ነ ቆማይ ታ አሰናይ ሀይቄዳ። እ ሙድና ጎዳዉ ያይያ አሳ ግድያዎ ኔን ኤራሳ። ሸን ሀእ እ አጮ ታ ናና ላኡፍ ባረሬዉ እይለ ከሳናዉ ዬዳ።” ያጋደ አዉ ዋሳዳ።

2 ኤልሳእ እዘዉ። “ያቻና ታን ነዉ እይ ኦሉ? ነ ሱን እያይ ደኢ? እነ ታዉ ኦዳ።” ያጌዳ። ሞሽራታ። “ታዉ ነ ቆማትዉ እት ኦቱዋን ዛይቲ ደእያዋፕ እትና። ሀራባይ እያይነ ባዋ” ያጋዳ።

3 ኤልሳእ እዘ። “ባይ ነ ሾርቱፍ ኡባፕ ሙላ ኦቶቱፍ ጋርጸ። ላፋ ጋርጸጋ።

4 ሄዋፕ ጉይያን። ሶ ገላደ። ነ ቦላነ ነ ናናቱፍ ቦላ እፍላ ጎርዳ። ኦቶቱፍ ኡባን ዛይትያ ትጋይ ዛይቲ ኩሜዳ ኦቱፍ እት ባጋ ዛራ።” ያጌዳ።

5 ሞሽራታ ባደ። ካርያ ባረ ቦላነ ባረ ናናቱፍ ቦላ ጎርዳዳ። ኡንቱንቴ እዘዉ ኦቶቱፍ ሺሸና። እ ዛይትያ ትገላ ኦይቃዳ።

6 ኦቱፍ ኡባይ ኩሜዳ ዋደ። ሞሽራታ ባረ ናእ። “እነ ታዉ ሀራ ኦቱፍ አካደ ያ” ያጋዳ።

ሸን ናእይ ዛሪደ። “ሀር እት ኦቱነ እትቤና” ያጌዳ። ሄዋፕ ጉይያን። ዛይቲ ጎግያዋ አገ ባሺዳ።

7 ሞሽራታ ሰማይ ባደ። ኤልሳእዉ ኦዳዳ። እ። “ባደ ዛይትያ ዛልእደ። ነ አጩፍ ጭጋ። ኦቱዳዋን ኔንነ ነ ናናይነ ጎኡቲደ ደእናዉ ዳንዳዳታ” ያጌዳ።

**ኤልሳእ ሹኔማ ካታማን ደእያ ሞሽራቶን**

8 እት ጋላሰ ኤልሳእ እት ዱረ ሞሽራታ ደእያ ሹኔማ ጌትትያ ካታማ ቤዳ። ሞሽራታ እ ሾባደ። ቁማ ሞዛዳ። ሄ ጋላሳፕ ደሚደ። እ ሄዋና አድያ ዋደ ኡባን። ቁማ ማናዉ እ ሱ ገሊ።

9 አ ባረ አሰና። “ሀ ኡባ ዋደ ኦ ማታና አድያ ብታኒ ዳሳ አሳ ግድያዎ ታን ኤራይ።

10 ሀዋ ድራዉ። እነ እት ጉላ ክፍልያ ቦላ ፖቅያን አዉ ኪደይቲ፤ እ ግዳዋን ግሱዋ። አራታ። ዳራዳዛነ ጸምፕያ ዋዳይቲ። ሄዋፕ ጉይያን። እ ኦኮ ዬዳ ዋደ ኡባን። ሄዋን ገላና ዳንዳዬ” ያጋዳ።

11 እት ጋላሰ ኤልሳእ ሹኔማ ካታማ ዬደ። ባረ ክፍልያ ፑደ ከሲደ። ያን ሸምፔዳ።

12 ሄዋፕ ጉይያን። ባረ ቆማ ግያዛ። “ባይ ሄ ሞሽራቶ ዳሳ” ያጌዳ፤ ግያዝ ጸሰና። እ ያደ ኤልሳእ ሰንሳን ኤቃዳ።

13 ኤልሳእ ግያዛ። “ሀ ሞሽራቱ ኔን ኦ ድራዉ። ሀዋ ኡባ ሙቶታዳ። ያትና ኦን ነዉ እይ ኦላነ? ነዉ ኦን ቢደ። ካትያ ዋይ ኦላ ጋዳዋ ሃሳይሰያብ ደኢ?” ያጋደ እዘ ኦቻ” ያጌዳ።

ሞሽራታ። “ታን ሀዋን ታ አሳ ግድን ደእሸን። ታና ሙትያባይ ባዋ” ያጋዳ።

14 ሄዋፕ ጉይያን። ኤልሳእ ግያዛ። “ያትና ኦን እዘዉ እይ ኦላኔ?” ያጌደ ኦቻዳ። ግያዝ። “እዘዉ ናእ ባዋ፤ እ አሰናይነ ጭሚዳ” ያጌዳ።

15 ኤልሳእ። “ሞሽራቶ ቃይነ ዳሳ” ያጌዳ። እዘ ጸሴዳ፤ እዘ ያደ። ፐንግያን ኤቃዳ።

16 ኤልሳእ ሞሽራቶ። “ላይላ ሀናደ ኔን አቱማ ናእ አድማና” ያጌዳ። ሞሽራታ። “ሀይ ታ ጎዳዉ። ኔን ዳሳ አሳ ግድኪ። ታዉ ዋርድቶገ።” ያጋዳ።

17 ሸን ሞሽራታ ሻሃራዳ። ኤልሳእ እዘዉ ኦዳዳዋዳን ላይላን ሄ ዋደ አቱማ ናእ የላዳ።

18 ሄ ናእይ ድጩዳ፤ እት ጋላሰ ካላ ጫክያ አሳቱዋና ደእያ ባረ አዉዋኮ ቤዳ።

19 ባረ አዋ። “ዋ ታ ሁጸያዉ! ዋ ታ ሁጸያዉ!” ያጌዳ። እ አዉ እት ቆማዉ። “ቶካደ እ ዳይኮ አፋ” ያጌደ ኦዳዳ።

20 ቆማይ ናእ እኪደ። እትኮ እፍና ጋላሳ ሴታይ ጋካናዉ ናእይ ባረ ዳይ ክዉዋን ኡቴዳ፤ ሄዋፕ ጉይያን። ናእይ ሀይቁ አጌዳ።

21 ሞሽራታ ናእ ፑደ አፋደ። ዳሳ አሳ እርሳን ግሰሳዳ። ያታደ እ ቦላ እፍላ ጎርዳደ ባዳ።

22 ሄዋፕ ጉይያን። ባረ አሰና ዳሳደ። “ታን ዳሳ አሳኮ ኤለካ ባደ ያና ማላ። ቆማቶፕፕ እቱዋን ሀረቱዋፕ እቱዋን ታዉ የዳ” ያጋዳ።

23 እ። “ሀቼ አገና ጸሩዋ ጋላሳ ዋይ ሳሞባታ ግደናባ። እዬ ኔና እኮ እፍያዌ?” ያጌዳ።

24 እ። “እያይነ ባዋ” ያጋዳ።

25 ሄዋፕ ጉይያን። ሀርያ ኮራደ። ባረ ቆማዉ። “ሀርያ ላጋ! ታን ነዉ ኦዳና ጋካናዉ። ሎዳን ላጎፕ” ያጋዳ።

26 ሞሽራታ ሄዋፕ ደንዳደ። ቃርሙሎሳ ደርያን ደእያ ዳሳ አሳኮ ባዳ። ኤልሳእ ሞሽራታ ይያና ሃኩዋን በእደ። ባረ ቆማ ግያዛዉ። “ቦእ። ሹኔማ ካታማን ደእያ ሞሽራታ ያዉ።

27 ኦ ሞካናዉ ዋጸ ባደ። ኔን ሳሬ? ነ አሰናይ ሳሬ? ነ ናእይ ሳሬ? ነ ያጋደ ኦቻ” ያጌዳ። ሞሽራታ። “ኦን ኡባይነ ሳሬ” ያጋዳ።

28 ሞሽራታ ደርያ ቦላን ደእያ ሙድና ጎዳ አሳኮ ጋኬዳ ዋደ። ሆካደ እ ገድያ ኦይቃዳ። ግያዝ ሞሽራቶ ድጋናዉ ሺቄዳ፤ ሸን ዳሳ ብታኒ እ። “አጋ! እ ዋልቃማ ሙቱዋን ደእዉ፤ ሸን ሙድና ጎዳይ ታፕ ሄዋ ገንፊዳ። እ ሙቱዋ ታዉ ኦድቤና” ያጌዳ።

28 ሄዋጥ ጉይያን ሞሽራታ፡ “ታ ጎዳሙ፡ ነን ታወ ናኣ አማናዳን ታን ነና ኦቻድታ? ታን ነና፡ ታና ጮ መላ ቃቃዮ፡ ስጋበይክታ?” ስጋዱ።

29 ኤልሳላ ግያዛ፡ “ነ ኡዲሳ ማዩዋ ነ ሳቂያን ሰርቃ፤ ስጋድ ታ ጋትማ አካደ ኤሌላ፡ ኦግያን ኡናና ጋከቶ፡ ሳርቶ፡ ኦግያን፤ እንነ ነና ሳርቶ፡ ዛራደ ሳርቶ፡ ታ ጋትማ ናኣ ዴሙዋን ዋላ” ስጋዱ።

30 ሸን ናኣ ዲያ፡ “መድና ጎዳይ ኤር! ነ ሸሞፑ ኤር! ታን ነና የጋይ ቢከ” ስጋዱ። ኤልሳላ ደንዲደ፡ እዘ ካሌዳ።

31 ግያዛ ኡንቲቱጥ ሰንገቲደ ቢደ ጋትማ ናኣ ዴሙዋን ዋሌዳ፤ ሸን ኮሻይ ዋይ ሸሞፑ ባዋ። ስጋና ግያዛ ኤልሳላና ጋከታና ሰሞ ዪደ፡ “ናእይ ቤንትቤና” ስጋደ ኦዳዳ።

32 ኤልሳላ ሶ ገሊደ፡ ሄ ናኣ አሃይ እ አርሳን ግሴዳዋ ቢኤዳ።

33 ባረ ቦላነ ናኣ ቦላነ ካርያ ጎርዲደ፡ መድና ጎዳ ዋሴዳ።

34 ሄዋጥ ጉይያን፡ ናኣ አሃ ቦላ ከሲደ፡ ባረ ዶና ኦ ዶናን፡ ባረ አይፍያ እ አይፍያን፡ ባረ ኩሸቱዋካ እ ኩሸቱዋን ጋሳ ዋሊደ ግሴዳ። ናኣ ቦላይ ሆኤዳ።

35 ኤልሳላ ደንዲደ፡ ሶ ግደን ያን ሃነ ሰመረቲዳ። ላኤንጡዋካ ሰሚደ፡ ናኣ ቦላ ጮንቲደ ግሴዳ። ስጋና ናእይ ላፑ ገደ ሄድሹዳዋጥ ጉይያን ጸሌዳ።

36 ስጋና ኤልሳላ ግያዛ ጸሴደ፡ “አነ ሀ ሸኔማቶ ጸሳ” ስጋዱ። ግያዛ እዘ ጸሴደ፡ እዘ ዬዳ ዋደ፡ ኤልሳላ እዘ፡ “ነ ናኣ አካ” ስጋዱ።

37 ሄዋጥ ጉይያን፡ ሞሽራታ ኤልሳላ ገድያን ኩንዳደ፡ ቢታን ጉፋናዱ። ስጋደ ባረ ናኣ አካደ ካረ ከሳዱ።

**ሀራ ላኡ ማላልሰያባቱዋ**

38 ኤልሳላ ገልጋላ ሰሚደ ዬዳ ዋደ፡ ቢታይ ኮሻት ኡቲዳ። ትሞቢትያ ኦድያዋንቱ ጭታይ እ ሰንገላን ኡት ደእሸን፡ እ ባረ ቆማ፡ “ዋጋ ከርያ ታማን ዋላደ፡ ሀ አሳቶ ዋጽያ ካላ” ስጋዱ።

39 ኡንቲቱጥ እቲ ሳንገላ ማላትያ ቦንጨቲዋ ማጺደ አሀናወ ጋይ ቤዳ። ዶልያ ጎሰያ ቲራ ደሜዳ፤ ቶካናወ ዳንዲያዋ ኪሻ ዳር ጎሰያ አኪደ ዬዳ። እ አየንቶ ኤረናን እንጨዳ፡ ከርያን የጌዳ።

40 አሳቱ ማና ማላ፡ ዋጽያ ትጌድና። ኡንቲቱጥ ዋጽያ ቱሽ እ ሞ ቢኤዳ ዋደ፡ “ጸሳ እሶ፡ ሀ ከርያን ዋጽያባይ ደኤ!” ስጋደ ዋሴድና። አሳቱ ማናወ ዳንዲያባይክና።

41 ኤልሳላ፡ “የቶጥ ታወ ጺልያ እኪደ ዪተ” ስጋዱ። ሄ ጺልያ ከርያን ቆሊደ፡ “አሳይ ማናዳን ዋጽያ ትግተ” ስጋዱ። ሄዋጥ ሰሚደ፡ ከርያን ኢታባይ ቤትቤና።

42 ኮሮር ጋኬዳ ካሳጥ ኡከቲዳ ላታሙ፡ ባንጋ ኮሞፑዋ፡ ትሻ ካላና እትጥ ባረ ኦንሩዋን የግ እኪደ፡ ጸሳ አሳወ አሀያ እት ብታኒ ባኣል-ሻሊሻ ግያ ሳኣጥ ዬዳ። ኤልሳላ ባረ ቆማ፡ “ማናወ አሳወ አላ” ስጋዱ።

43 አ ቆማይ፡ “ታን ጸቱ አሳ ሰንገላ ሀዋ ዋታ አላ?” ስጋደ ኦቼዳ። ሸን ኤልሳላ፡ “ማናወ አሳወ አላ፤ አያወ ጎጥ፡ መድና ጎዳይ ኡንቲቱጥ ሚና ደካይካ እታናዋ ስጋ” ስጋዱ።

44 ሄዋ ድራሬ፡ ቆማይ ኡንቲቱጥ ሰንገላ አሊና፡ ኡንቲቱጥ ሚናድና። መድና ጎዳይ ጌዳዋዳን፡ ደካይ አቲዳ።

**5**

**ንእማን ዋልቃማ ኦሉዋ ሀርግያጥ ፓጺዳ**

1 ሶርያ ካትያ ኦላ ጋዳወ ንእማን ባረ ጎዳን ዳርጥ ደሰቲዳን ቦንቼቲዳ አሳ። አያወ ጎጥ፡ እ ባጋና መድና ጎዳይ ሶርያ ኦላንቻቶ ጸኑዋ እሚዳ። ንእማን ቶራወ ቃራ አሳ፤ ግደጥን ዋልቃማ ኦሉዋ ሀርጊ እ ኦይቂ ኡቲዳ።

2 እት ዋደ ሶርያ ቢታጥ ኦሞድያዋንቱ እሰራኤልያ ጋድያ ቤዳዋን፡ እት ጉላ ናቶ እሰራኤልያጥ ኦሞድድና። ሄ ናታ ንእማና ማቻትወ ቆማ ግዳዳ።

3 ሄ ናታ ባረ ጎዳቶ፡ “ታ ጎዳይ ሳማርያን ደእያ ትሞቢትያ ኦድያዋና ጋከቲዳባ ግዳሪኔ! ስጋንቶ እ እ ፓሳና ሸን” ስጋዱ።

4 ንእማን ባረ ጎዳኮ ቢደ፡ እሰራኤልያጥ ዬዳ ናታ ጌዳዋ አወ ኦዳዳ።

5 ሶርያ ካቲ ንእማና፡ “ባ፡ ታን እሰራኤልያ ካትያወ ዳብዳቢያካ ከታና” ስጋደ ዛራዳ። ስጋና ንእማን ሀታሙ ሻእ ጸጋራ ብራ፡ ኡሱፑን ሻእ ዋርቃ ሳንትሞያን ታሙ ኩሙንጎላ ማዩዋ እኪደ ቤዳ።

6 እሰራኤልያ ካትያወ እ እኪደ አፊዳ ዳብዳቢ፡ “ሀ ዋልቃማ ኦሉዋ ሀርግያጥ ነን ታ ቆማ ንእማና ፓሳና ማላ፡ ሀ ዳብዳቢያና ታን እ ነኮ ከታድ” ስጋዳዋ።

7 እስራኤልያ ካቲ ዳብዳቢያ ናባቤዳ፤ ኤላካ ዳጋሚደ፣ ባረ ማዩዋ ፔጲደ፣ ሀዋዳን ያጌዳ፣ “ታን እ ዋጳናዉን ፓጻናዉን ጸሲየ? ታን እት እሳ እ ዋልቃማ ኦሉዋ ሀርግያፕ ፓጻና ማላ፣ ሀ ብታኒ ታኮ እያዉ ከቲ? እ ታናና ዋላቃታናዉ ጋሱዋ ኮይያዋ በእተ” ያጌዳ።

8 ጸሳ እሳ ግድያ ኤልሳእ እስራኤልያ ካቲ ባረ ማዩዋ ፔጲዳዋ ሰሲዳ ዋደ፣ እኮ እሳ ከቲደ፣ “ነ ማዩዋ እያዉ ፔጲዳ? እ ሃ ታኮ የዳ፤ እስራኤልያን ትምቢትያ ኦድያዋ ደእያዋ ታን እ ኤርሳና” ያጌዳ።

9 ንእማን ባረ ፓራቱዋን ፓራ ጋሪቱዋ እኪደ ቤዳ፤ ኤልሳእ ካረን ኤቁዳ።

10 ኤልሳእ እኮ እሳ ከቲደ፣ “ባ፣ ዮርዳኖሳ ሻፋን ላፑ ገደ ሙከታ፤ ነ ሀርግያፕ ኔን ፓጻናን ጌያናን” ያጌደ እዛዜዳ።

11 ሸን ንእማን ሀንቀት ደንዲደ፣ “በእተ፣ ታን፣ ቱሙካ እ ታኮ ይ ኤቁደ፣ ሙጵና ጎዳ ባረ ጸሳ ስንሳ ጼሲደ፣ ቃይ ባረ ኩሸያ ሄ ጸለቁዋ ቦላን ቃሊደ፣ ታና ሀ ዋልቃማ ኦሉዋ ሀርግያፕ ፓሌ ያገደ ቆፓድ።

12 ዳማሰቆ ሻፋቱ፣ አባገን ፓርፋር እስራኤልያን ደእያ ሻፋ ኡባፕ ኩክክኖየ? ያትና ታን ኡንቱንቱን ሙከታደ ጌያ ክቶክታ?” ያጌዳ። ሀንቀቲደ፣ ጉየ ሰሜዳ።

13 እ ካልያዋንቱ እኮ ሸቆደ፣ “ኑ አዎ፣ ትምቢትያ ኦድያዋ ኔን ግታባ ኦጻናዳን ነዉ ኦድንቶ፣ ዋን ኔን ኦላኪየ? ያትና እ ኔና፣ ብደ ሙከታደ ጌያ? ያጌዳባይ እያ ዴጸ?” ያጌድኖ።

14 ያትና እ ዳገ ዋጲደ፣ ጸሳ ብታኒ እዉ ኦዴዳዋዳን ዮርዳኖሳ ሻፋን ላፑ ገደ ሙከቲደ ጌዬዳ። እ ቦላይ ቁር ናእ ቦላዳን ሀኒደ ፓጸዳ፤ ጌዬዳ።

15 ሄዋፕ ጉይያን፣ ንእማንን እናና ዬዳ አሳይ ኡባይ ኤልሳእኮ ጉየ ቤዳ። ንእማን እ ሰንሳን ኤቁደ፣ “እስራኤልያ ቢታናፕ አትና፣ ሳእ ኡባን ጸሰ ባይናዋ ታን ሀእ ኤራድ። ሀያና ሀእ ታን ነ ቆማይ እምያ እሙዋ እካ።” ያጌዳ።

16 ኤልሳእ፣ “ታን እዉ ኦላያ ሙጵና ጎዳይ ኤር! ታን ኔፕ እያን እክከ” ያጌዳ። ኤልሳእ እሙዋ እካናዳን ናእማን ዋሰናካ፣ እጸዳ።

17 ሄዋፕ ጉይያን ንእማን፣ “እካና ጳይያዋ ግደፕ፣ ኔን ታዉ ላኡ ባቁሉዋ ጫና ቢታ እማናዳን ታን ኔና ዋሳይ። እያዉ ጎፕ፣ ታን ነ ቆማይ ሀቼፕ ሀን ባጋን ጸግያ ያርሹዋ ሙጵና ጎዳዉ ያርሻናፕ አትና፣ ሀራ ጸሳቶ ያርሸከ።

18 ሸን ሙጵና ጎዳይ ታዉ ነ ቆማዉ እትባ አቶ ጎ፣ ታ ካቲ ርዋና ግያ ኤቃዉ ጎይናናዉ ገልያ ዋደ፣ ታንካ እ አጃባደ ገላደ ጎይናናዉ ኮሺ። ሙጵና ጎዳይ ታዉ ነ ቆማዉ ሄዋ አቶ ጎ” ያጌዳ።

19 ኤልሳእ፣ “ሳሩዋን ጋካ።” ያጌዳ። ንእማን ደንዲደ ቤዳ።

እ ላፋ ዛርዳኢደ ቢሸን፣

20 ጸሳ እሳ ግድዳ ኤልሳእ ቆማይ ግያዝ፣ “ታ ጎዳይ ኤልሳእ ሶሪ ንእማን እሄዳዋፕ እያካ እከናን ጮ የዴዳ። ሙጵና ጎዳይ ኤር! ታን እ ጌዱዋ ዋጸደ፣ አፕ አትባ እካና” ያጌደ ቆፔዳ።

21 ሄዋ ድራዉ፣ ግያዝ ናእማና ካሉዳ። ባረ ጌዱዋ ዋጸያዋ ንእማን በእደ፣ እናና ጋከታናዉ ፓራ ጋርያፕ ዋጲደ፣ “እዬሻ፣ ሳራ ግደኔ?” ያጌደ ኦቼዳ።

22 ግያዝ፣ “እየን ባዋ፤ ሳራ! ሸን ታና ታ ጎዳይ፣ ‘ ኤፍሪማ ገዝያፕ ትምቢትያ ኦድያዋንቱ ዛታ ግድያ ላኡ ዋዳላቱ ሀእ ታኮ ዬድኖ። ሀያና ኡንቱንቶ ሄዙ ሻእ ጸጋራ ብራን ላኡ ኩሙንሳ ማዩዋን እማ” ጋደ እ ኦቻ፣ ያጌደ ከቲዳ።” ያጌዳ።

23 ንእማን ግያዝ፣ “ያቶፕ ሀያና ኡሱፑን ሻእ ጸጋራ ብራ እካ” ያጌዳ። ንእማን ግያዝ ሸቢደ፣ ሄ ብራ ላኡ ቃርጨታን የጌደ፣ ላኡ ኩሙንሳ ማዩዋና ላኡ ቆማቱዋ ቶሲደ፣ ግያዛፕ ሰንሳዉ የዴዳ።

24 ግያዝ ደእያ ደርያ ኡንቱንቱ ጋክና፣ ብራን ማዩዋን ኡንቱንቱፕ እኪደ፣ ሶ ገልሴዳ። ያቲደ ኡንቱንታ ዋይዘና፣ ኡንቱንቱ ቤድኖ።

25 ሄዋፕ ጉይያን፣ ሶ ገሊደ፣ ባረ ጎዳ ኤልሳእ ሰንሳን ኤቁዳ። ኤልሳእ ግያዝ፣ “ሀቃ ባድ?” ያጌደ ኦቼዳ።

ግያዝ፣ “ታን ነ ቆማይ ሀቃን ባበይከ” ያጌደ ዛሪዳ።

26 ሸን ኤልሳእ ዛሪደ፣ “ብታኒ ኔናና ጋከታናዉ ፓራ ጋርያፕ ዋጲያ ዋደ፣ ታ እያናይ ኔናና ደኤ ግደኔ? ሀዋ ሚሻን ማዩዋ፣ ዋይ ዋጋራን ዋይንያ ቱራ ሳእ፣ ዋይ ደርሳ ዉድያን ሚዛ ዉድያ፣ ዋይ አቱማ ቆማን ማጫ ቆማ እክያ ዋዴየ?

27 ሄዋ ድራዉ፣ ንእማና ኦይቀዳ ዋልቃማ ኦሉዋ ሀርጌ ኔናን ነ ዘረሳ ኡባ ሙጵ ሙጵናዉ ኦይቃናዋ” ያጌዳ። ግያዝ ኤልሳእ ሰንሳፕ ከሲደ ቢሸን፣ ሄ ሀርጌ እ ኦይቁና፣ እ ጋልባይ ሻቶዳን ቦጽ ባሺዳ።

### 6

#### ሃላ ቦላን ዋጲዳ ቤጽያ እይፍያ

1 ትምቢትያ ኦድያዋንቱ ጭታይ ኤልሳእ፣ “ሀዋ በእ! ኑን ደእያ ሳእይ ኑና ዳርፕ ኡንኤ።

2 ኑን ኡባቱካ ሞላ ቃንጸናዉ የርዳናሳ ሻፋ እነ ቦይተ። ያን ኑዉ ደእያ ሳእ እነ ኬጾይተ” ያጌድና።

ኤልሳእ፡ “ቢተ” ያጌዳ።

3 ትምቢትያ ኦድያዋንቱተ እቱ፡ “ሀያና ኔንካ ነ ቆማቱዋና ኑናና ደንዳርኪ?” ያጌዳ።

ኤልሳእ፡ “ኤና ባና” ያጌደ ዛሬዳ፤

4 ያቲደ ኡንቱንቱና እትተ ቤዳ።

ኡንቱንቱ የርዳናሳ ጋኬዳ ዋደ፡ ሞላ ቃንጸዋ ደሜድና።

5 ሽን ኡንቱንቱተ እቱ ሞላ ቃንጸሸና፡ ቤጽያ እይፊ ከሰ እኪደ፡ ሃላ ግደን ገሌዳ። ሄ ብታኒ፡ “ሀይ ታ ጎዳዉ፡ ታን ጋርጸ እኬዳዋ፤ ሽን ዋናሻ!” ያጌደ ዋሴዳ።

6 ጸሳ ብታኒ፡ “ሀቃን ገሌዳ?” ያጌደ ኦቹዳ፤ ብታኒ ገሌዳ ሳእ በሴዳ። ኤልሳእ ጋትማ ቃንጸደ፡ ሃላን ኦሌዳ፤ ቤጽያ እይፊ ሃላ ቦላ ከሴዳ።

7 ሄዋተ ጉይያን፡ ኤልሳእ ብታንያ፡ “ከሳደ እካ” ያጌዳ። ብታኒ ባረ ኩሽያ የዲደ እኬዳ።

ኤልሳእ ሲርያ ኦላንቻቱዋ ቆቅሲደ ዋራ ካለፌዳ

8 ሲርያ ቦታ ካቲ እስራኤላቱዋና ኦለቲደ ደኤ። ያቱዳዌ ባረ ኦላ ጋዳዋቱዋና ዞረቲደ፡ “ታን ሀቃሳን፡ ሀቃሳን ጌሱዋ መጻና” ያጌዳ።

9 ጸሳ እሳይ ኤልሳእ እስራኤልያ ካትያኩ እሳ ከቲደ፡ “ሲርያ እሳቱ ሄ ሳእ ዳን ዋቋያ ድራዉ፡ ሄ ሳእና እጾጋ” ያጌዳ።

10 ሄዋ ድራዉ፡ እስራኤልያ ካቲ ጸሳ ብታኒ ማላቱዳ ሳእ ከቲደ፡ ያን ደእያ እሳይ ናገታናዳን ሀሳይሴዳ። ካትያ ናገታና ማላ፡ ኤልሳእ ዋድያን ዋድያን ሀሳይሴዳ።

11 ሀ የዉ ሲርያ ካትያ ሎይሶ ሀንቅፌዳ፤ ያትና እ ባረ ኦላ ጋዳዋቱዋ ዱሲደ፡ “ኑ ግደን እስራኤልያ ካትያ ባጋ ግዴዳዌ እንቶ እነ ታዉ ኦድተ” ያጌደ ኦቹዳ።

12 ኦ ኦል ጋዳዋቱዋተ እቱ፡ “ታ ጎዳዉ፡ ካትያዉ፡ ኑ ግደን ሄዋ ኦልዋዌ ኦንነ ባዋ። ሽን ነ ሲርጸን ደእደ ኔን ሃሳይያዋ ኡባ እስራኤላን ደእያ ትምቢትያ ኦድያ ኤልሳእ እስራኤልያ ካትያዉ ኦዴዳ” ያጌዳ።

13 ካቲ፡ “ታን እሳ ኪታደ እ ኦዋዳናዳን፡ ቢደ ሀቃን ደእንቶነ ኮይተ” ያጌዳ።

ገየተ ኡንቱንቱ፡ “እ ደታና ጌተትያ ካታማን ደኤ” ያጌደ ኦዴድና።

14 ካቲ ዳር ኦላንቻቱዋ ፓራቱዋናን ፓራ ጋረቱዋና ያ የዴዳ። ሄ የዴዳዋንቱ ቃማ ዪደ፡ ካታማ ደዴድና።

15 ጸሳ እሳ ኤልሳእ ቆማይ ዋንተላ ጋላስ ጉራና ደንዲደ፡ ካረ ከሰያ ዋደ፡ ኦላንቻቱ ፓራቱዋናን ፓራ ጋረቱዋና ካታማ ደድ ዋፊድና። ሄ ቆማይ፡ “እየ እና ኑና! ታ ጎዳዉ፡ ኑን ዋናኔ?” ያጌደ ኦቹዳ።

16 እ፡ “ያየጋ! ኑናና ደእያዋንቱ ኡንቱንቱና ደእያዋንቱተ ጸሪና” ያጌደ ዛሬዳ።

17 ሄዋተ ጉይያን ኤልሳእ፡ “እቤት መቋና ጎዳዉ፡ እ በእናዳን እ እይፍያ ደያ” ያጌደ ዋሴዳ። መቋና ጎዳይ ኤልሳእ ቆማ እይፍያ ደይና፡ ኤልሳእ የቩዋ ኡባን ደእያ ታማ ፓራቱን ፓራ ጋረቱን ደርያ ማዬዳዋንታ በኤዳ።

18 ሲረቱ እ ቦላ ዬዳ ዋደ ኤልሳእ፡ “ሀ እሳ እይፍያ ቆቅሳርኪ” ያጌደ መቋና ጎዳ ዋሴዳ። ኤልሳእ ዋሴዳዋዳን መቋና ጎዳይ ኡንቱንቱ እይፍያ ቆቅሴዳ።

19 ሄዋተ ጉይያን፡ ኤልሳእ ኡንቱንታ፡ “ኦሊ ሀዋ ግደና፤ ካታማይካ ሀዋ ግደና። ሀንተንቱ ኮይያ እሳ ታን ሀንተንታ በሳና፤ ታና ካልተ” ያጌዳ። ኡንቱንታ ካለፈደ፡ ሳማርያ ካታማ አፊዳ።

20 ኡንቱንቱ ሳማርያ ካታማ ገሎሳናካ ኤልሳእ፡ “እቤት መቋና ጎዳዉ፡ ሀ እሳቱ ጸላናዳን ኡንቱንቱ እይፍያ ደያ” ያጌዳ። መቋና ጎዳይ ኡንቱንቱ እይፍያ ደይና፡ ኡንቱንቱ ሳማርያ ግደን ደእያዋ በኤድና።

21 እስራኤልያ ካቲ ኡንቱንታ በኤዳ ዋደ ኤልሳእ፡ “ታ እዋ፡ ታን ኡንቱንታ ዋቋ? ታን ኡንቱንታ ዋቋ?” ያጌደ ኦቹዳ።

22 ኤልሳእ፡ “ቱይት ዋቋጋ! ሀዋንቱ እትና፡ ኔን ነ ማሻን ነ ዋንዳፍያን ኦዋዴዳዋንታካ ዋጻዉ በሰና። ኡንቱንቱ ሚደ ኡሺደ ባረንቱ ጎዳኩ ባናዳን፡ ኡክላን ሃላን ኡንቱንቱ ሰንሳ አላ” ያጌዳ።

23 ሄዋ ድራዉ፡ እስራኤልያ ካቲ ኡንቱንቶ ባላ ገገሴዳ። ኡንቱንቱ ሚዳዋተን ኡሺዳዋተን ጉይያን፡ እ ኡንቱንታ የድና፡ ባረንቱ ጎዳኩ ሰሜድና። ሄ ዋድያተ ደዋና፡ ሲረቱ እስራኤላቱ ቦላን ይያዋ አግ ባሺድና።

ሳማርያ ካታማይ ደደቱሳ

24 ሄዋተ ጉይያን፡ ሲርያ ካቲ በንሀዳድ ባረ ኦላንቻቱዋ ኡባ ሸሽ፡ ቢደ ሳማርያ ካታማ ደዴዳ።

25 ኡንቱንቱ ደዴዳ ጋሱዋን ሳማርያ ካታማን ዋልቃማ ኮሻይ ገሌዳ፤ እት ሀርያ ሀጺ ሆሰፑን ታሙ ጸጋራ ብራን፡ ላኡ ጾቱ ግራመ ግድያ ሀራጸቱዋ ሸእይ እቹሹ ጸጋራ ብራን ዛልኡቱዳ።

26 እስራኤልያ ካቲ ካታማ ድርሳ ግሞቢያ ቦላና እድሽን፡ እት ሞሽራታ፡ “ታ ጎዳጃ፡ ካትያጃ፡ ታና ማደርኪ” ያገደ ዋሳዳ።

27 ካቲ እዘ፡ “ኔና ሙድና ጎዳይ ማደናን እጸገ፡ ታን ነጃ ማደቀ ሀቃጥ ደማናጃ ደንዳያይታ? ካላ ቡክያ ኡዳማፕፕ፡ ዋይንያ እይፍያ ጉሞእያ ሳኣፔ?” ያገደ።

28 ቃይ እ እዘ፡ “ኔን ዋናዳ?” ያገደ ኦቼዳ። ሞሽራታ ዛሪደ፡ “ሀ ሞሽራታ ታና፡ ሀፕ ነ ናኣ ማናጃ እካደ ያ፤ ቃይ ዋንት ኩን ታ ናኣ ማና፡ ያገደ።

29 ሄዋ ድራጃ፡ ታ ናኣ ደይሲደ ማደ፤ ዋንተላ ጋላሰ ታን እዘ፡ ናኩ ማናጃ ነ ናኣ እካደ ያ፡ ያገደ። ሸን እ ባረ ናኣ ቆሳዳ” ያገደ።

30 ካቲ ሞሽራታ ኦዳዳዋ ሰሲደ፡ ባረ ማዩዋ ፖሽ ኦሌዳ። ያቲደ እ ግሞቢያ ቦላና እድሽን፡ ጋርሳ ባጋና እ ማዬዳ ዋሩዋ እሳይ ቢኤዳ።

31 ሄዋጥ ጉዮ ካቲ፡ “ሻፋጸ ናኣ ኤልሳእ ጉግ እ ቦላ ሀቼ ፔሾጥ፡ ጸሰ ታና ዋዶ!” ያገደ።

32 ሄ ዋደ ኤልሳእ ባረ ሰን ኡቲዳ፤ ጭማቲካ እናና እትጥ ደእኖ፡ ካቲ ባረጥ ሰንሳጃ እሳ ኪቲዳ፤ ሸን ሄ ብታኒ ጋካናጃ፡ ኤልሳእ ጭማቲካ፡ “ሀ ሸሞጥዋ ዋድያዋ ታ ቆድያ ሙጭሳናጃ እሳ ኪቲዳዋ ሀንተንቲ ቢኣቲ? ሄ ኪተቲዳዋ ዬዳ ዋደ፡ እፍሳ ጎርዲደ ገልሶጥተ፡ እ ጎዳይካ እ ካሊደ ዪደ ደኤ” ያገደ።

33 እ ጭማቲካ ዋሳይሸን፡ ኪተቲዳዋ እኮ ዬዳ። ካቲካ ዪደ፡ “ሀ ሙቲ ሙድና ጎዳጥ ዬዳ። ያትና ታን ሀዋጥ ዳሩዋ ሙድና ጎዳ እያጃ ናገይታ?” ያገደ።

### 7

1 ሄዋጥ ጉዮ ኤልሳእ፡ “ሙድና ጎዳ ቃላ ሰሳ! ሙድና ጎዳይ ሀዋዳን ያገ፡ ዋንት ሀኖደ ሄዘ ኪሎ ግራሙ ዛርጋ ዲሊ ዋይ ኡሱፕን ኪሎ ግራሙ ባንጋይ ሳማርያ ካታማ ጥንግያን እት ጸጋራ ብራን ዛልኤታና ያገ” ያገደ።

2 ካትያጃ ማታትያ ካፕ ጸሳ አሳጃ፡ “ብእ፡ ሙድና ጎዳይ ሳሎቲካ ማሰኮትያ ደይንቶነ ሄዋ ሀነና” ያገደ። ኤልሳእ ዛሪደ፡ “ኔን ሄዋ ነ እይፍያን ቢኣና፤ ሸን አጥ እይነ ማካ” ያገደ።

#### ሶርያ ኦላንቻቱ ባቲድኖ

3 ካታማ ገለያ ጥንግያን ዋልቃማ ኦሎዋ ሀርጊ ኦይቄዳ ኦይዳ አሳቲ ደእኖ። ኡንቲንቲ እቲ እቲዋ፡ “ኩን ሀይቃና ጋካናጃ፡ ሀዋን እያጃ ጋሞኤቶ?

4 ኩን ካታማ ገለና ጎጥ፡ ኮሻይ ደእያ ድራጃ፡ ኩን ያን ሀይቃና። ቃይ ሀዋን ጋሞኦጥካ ሀይቃና። ሄዋ ድራጃ፡ ሶረቲካ ጌሱዋ እነ ቦይተ። ኡንቲንቲ ኩና አሾጥ አታና፤ ኡንቲንቲ ዋዶጥ ሀይቃና” ያገደኖ።

5 ሳእይ ቃሚዳ ዋደ ደንዲደ፡ ሶረቲካ ጌሱዋ ቤድኖ። ኡንቲንቲ ቢደ ጌሱዋ ጋክያ ዋደ፡ እት አሳይነ ያን ባዋ!

6 እያጃ ጎጥ፡ ጸሳይ ጋራ ጋረቲካን ጋራቲካ ጉራባነ ዳር ኦላንቻቲ ኮሻ ሶርያ አሳቲ ሰሲዳ። ያትና ኡንቲንቲ እቲ እቲዋ፡ “ሰሰተ፡ እስራኤልያ ካቲ ኩና ኤልሳናጃ፡ ሂተቲካን ግብጾቲካ ካተቲካ ደርያ ቃንጸደ እሄዳ” ያገደኖ።

7 ሄዋ ድራጃ፡ ኡንቲንቲ ደንዲደ፡ ባረንቲ ጌሱዋ፡ ባረንቲ ዲንካንያ፡ ባረንቲ ጋራቲካን ባረንቲ ሀርቲካን ኡባ የግ ባሺደ፡ ሳእይ ቃሚዳዋን ባረንቲ ሸሞጥዋ አሻናጃ ባቃቲድኖ።

8 ሄ ዋልቃማ ኦሎዋ ሀርጊ ኦይቄዳ አሳቲ ሶረቲካ ጌሱዋ ጋኪደ፡ ኡንቲንቲ ዲንካንቲካ እቲካ ገሌድኖ። ሚድኖን ኡሼድኖን፤ ቃይ ብራ፡ ዋርቃነ ማዩዋ እክ አወደ ቆሴድኖ። ላኤንሱዋ ሰሚደ፡ ሀራ ዲንካንያ ገሌድኖ፤ አጥ እኪዳዋካ ቆሴድኖ።

9 ሄዋጥ ጉይያን፡ ኡንቲንቲ እቲ እቲዋ፡ “ኩን ሎኦባ ኦልባይኮ። ሀቼ ሞሽራቹዋ ጋላሳ፤ ሸን ኩን ጮኤ ገድ። ሳእይ ዋንታና ጋካናጃ፡ ጮኤ ገደ ኡቶጥ፡ ኩን ሙረታና። እነ ሀእ ኤልካ ቢደ፡ ካትያ ሶይ አሳጃ ኦዳቶ” ያገደኖ።

10 ሄዋ ድራጃ፡ ኡንቲንቲ ቢደ፡ ካታማ ጥንግያ ናገያዋንታ ጸሲደ፡ ሀዋዳን ያገደኖ፤ “ኩን ሶረቲካ ጌሱዋ ቤድ፤ ሸን እት አሳይ ዋይ እሳ ኮሻይነ ሄ ሳኣን ባዋ። ቃሸት ኡቲዳ ጋራቲካ ጸላላይነ ሰረትነ ደእኖ፤ ቃይ ኡንቲንቲ እገደ ቤዳ ዲንካንቲካ ደእኖ” ያገደኖ።

11 ጥንግያ ናገያዋንቲ ጸሲደ፡ ካትያ ሶይ አሳጃ ኦዳቶ።

12 ካቲ ቃማ ደንዲደ ባረ ካፓቶ፡ “ሶረቲ ኩና ኦሎዳዋ ታን ሀንተንቶ ኦዳና። ኩን ኮሻትያዋ ኡንቲንቲ ኤሪና። ሄዋ ድራጃ፡ ባረንቲ ጌሱዋጥ ከሲደ፡ ጋጸርያን ቆሰቲደ፡ ኡንቲንቲ ካታማጥ ካረ ከሰና፡ ኩን ኡንቲንታ ሸሞጥና ኦይቄደ፡ ካታማ ገለና ያገደ ቆፔድኖ” ያገደ።



13 ካትያ ካገቱዋጥ እቲ፡ ሀዋዳን ያጌዳ፤ “ሀ ካታማን እቲዳ እሳይ ካሰ ሀይቄዳ እሳካ ማለ፤ ሀይቄዋጥ እተና፡ ሄዋ ድራው፡ ሀኒዳባ ኤራናዉ እነ አሳ ድርይተ፡ እቲዳ እቼቹ ፓራቱዋና እነ ኤንቲንቲ ሶረቱ ዱንካኒዳሳ የደይተ” ያጌዳ።

14 ሄዋ ድራው፡ ኤንቲንቲ ፓራይ ጎቻያ ላኡ ጋሪቲዋን ኤንቲንቲ ፓራቱዋን ደሬድና፡ ካቲ ኤንቲንቲ ሶርያ ኦላንቻቱ ጌዱዋ የዱዳ፡ ካቲ ቶግያዋንታ፡ “ቢደ ሀኒዳባ በእተ” ያጌደ አዛዜዳ።

15 ኤንቲንቲ ሶረቲዋ ጌዱዋ ካሊደ፡ ዮርዳኖሳ ሻፋ ጋካናዉ ቤድና፡ ሶርያ አሳቱ ባቃቲደ ኦሌዳ ማየን ኦላ ማሻይን ኦግያን ኩሚዳ፡ ከተት ቤዳ አሳቱ ጉየ ሰሚድ፡ ካትያዉ ኦዲድና።

16 ሄዋጥ ጉይያን፡ አሳይ ቢደ፡ ሶረቲዋ ጌሱዋ ቦንቄዳ፡ መጵና ጎዳይ ጌዳዋዳን ሄዙ ከሎ ግራመ ዘርጋ ጂሊ ዋይ ኡሱፑን ከሎ ግራመ ባንጋይ እት ጸጋራ ብራን ዘልኡቲዳ።

17 ካቲ ባረዉ ማታትያ ካገቱዋ ጥንግያ ናግያዋንቲ ካገቱዋ ከሲደ ሱንሌዳ፤ ሽን አሳይ አ ጥንግያን ድርጾዳ፡ ካቲ ኤልሳላኩ ቤዳ ዋይ፡ ኤልሳላ ሀ ካገቱዋ ቦላ ኦዲዳዋዳን፡ ብታኒ ሀይቄዳ።

18 እያዉ ጎጥ፡ ጸሳ አሳይ ኤልሳላ ካሰ ካትያዉ፡ “ዋንታ ሀናደ ሄዙ ከሎ ግራመ ዘርጋ ጂሊ ዋይ ኡሱፑን ከሎ ግራመ ባንጋይ ሳማርያ ካታማን እት ጸጋራ ብራን ዘልኡታናዋ” ያጌዳ።

19 ሄ ዋይ ሄ ካገቱ ኤልሳላው፡ “በእ፡ መጵና ጎዳይ ሳሎቱዋ ማሰኩትያ ደይንቶን ሄዌ ሀንና” ያጌደ ዛሬዳ። ኤልሳላ፡ “ኔን ሄዋ ነ እይፍያን በእና፤ ሽን እጥ እይን ማካ” ያጌደ ዛሬዳ።

20 ያትና ኤልሳላ ኦዲዳዋዳን፡ ሄ ብታኒ አሳይ ጥንግያን ድርጽና ሀይቄዳ።

### 8

#### ሱኔማ ካታማጥ በቲዳ ማጫ ሞሽራታ ሰማዲ

1 ኤልሳላ እ ናእ ሀይቄዳዋ ፓሌዳ ሞሽራቶ እት ዋይ፡ “ነ ሶይ አሳ አካደ ሀዋጥ ባ፤ ኔን ዳንዲያ ሳኣን ሀቃንን ጋምእሻ፡ እያዉ ጎጥ፡ መጵና ጎዳይ ላፑን ላይላ ጋምእያ ኮሻ ሀ ጋድያ ቦላ አዋይ ድጌዳ” ያጌዳ።

2 ሞሽራታ ኤልሳላ ኦዲዳዋዳን ባረ ሶይ አሳና ባደ፡ ፕልሰጾማ ቢታን ላፑን ላይላ ደአዲ።

3 ላፑንላ ላይላ ዉርሰላን ሞሽራታ ፕልሰጾማ ጋድያጥ ሰማዲ። ባረ ኬላን ባረ ጋድያን ኦቻናዉ ካትያኩ ባዲ።

4 ሄ ዋይ ካቲ ጸሳ አሳ ኤልሳላ ቆማ ግያዛና ሃሳዪደ፡ “ኤልሳላ ኦሌዳ ዋልቃማ ኦሱዋ ኡባ ታዉ እነ ኦዳ” ያጌዳ።

5 ኤልሳላ ሀይቄዳ ናእ ዋቲደ ፓሌደንቶ፡ ግያዝ ካትያዉ ኦድሽን፡ ኤልሳላ ናእ ፓሌዳ ሞሽራታ ባረ ኬላን ባረ ጋድያን ኦቻናዉ ያዱ።

ግያዝ፡ “ታ ጎዳው፡ ካትያው፡ ሞሽራታካ ሀና፤ ኤልሳላ ሀይቄዋጥ ፓሌዳ እ ናእይካ ሀዋ” ያጌዳ።

6 ካቲ ሞሽራቶ አባ ኦቻና፡ አዉ ኦዲዳ።

ሄዋ ድራው፡ ካቲ ካገቱዋ ጸሲደ፡ “ሀ ሞሽራትዋ ግዴዳ ኡባባን ቃይ ኢዛ አጋ ቤዳ ዋድያጥ ሆቼ ጋካናዉ፡ እ ጋደን ደልያ ኡባባ እዝዉ ዛራ” ያጌደ አዛዜዳ።

#### ሀዛኤል በንሀዳዳ ዋዲዳ

7 ኤልሳላ ዳማሰቆ ካታማ ቤዳ፤ ጋክያ ዋይ፡ ሶርያ ካቲ በንሀዳድ ሀርግያዋ፡ “ጸሳ አሳይ ሀዋ ዬዳ” ያጌደ ኦዲድና።

8 ካቲ ሀዛኤላ፡ “እግያዋ እይቃድ፡ ጸሳ አሳና ጋከታናዉ ባ። እ ባጋና፡ ታን ሀ ሀርግያጥ ፓጻኔ?” ያጌደ መጵና ጎዳ ኦቻ” ያጌዳ።

9 ሄዋ ድራው፡ ሀዛኤል ዳማሰቆን ደእያ ዳማ ዳማ ቆዋ ሙሩታባጥ እይታው ጋሉዋን ጫን እኪደ፡ ኤልሳላና ጋከታናዉ ቤዳ፡ ኤልሳላ ሰንሳን ኤቂደ፡ “ነ ናእይ ሶርያ ካቲ በንሀዳድ፡ ታን ሀ ሀርግያጥ ፓጻኔ?” ያጌደ፡ ኔና ኦቻናዳን ታና ኔኩ ከቲዳ” ያጌዳ።

10 ኤልሳላ ሀዛኤላው፡ “ኔን ባደ አዉ፡ ቱማ ኔን ፓጻና፡ ያጋ፡ ሽን እ ቱማ ሀይቃናዋ ታና መጵና ጎዳይ በሱዳ” ያጌዳ።

11 ሄዋጥ ጉይያን፡ ሀዛኤል ዬላታና ጋካናዉ፡ ኤልሳላ እ ትሽ ኦሊደ ዶሊደ ዬኩዳ።

12 ሀዛኤል፡ “ታ ጎዳይ እያዉ ዬኪ?” ያጌደ ኦቻዳ።

ኤልሳላ፡ “ኔን እሰራኤልያ አሳ ቦላ ኦላና ኢታባ ታን ኤርያ ድራዉ ዬካይ። ኤንቲንቲ ካታማቱዋ ኔን ታማን ጸጋና፤ ኤንቲንቲ ዋዳላቱዋ ኔን ማሻን ዋዳና፡ ቃይ ኤንቲንቲ ቁር ናናቱዋ ኔን ሹቻን መንግራዳና፤ ኤንቲንቲ ሻሃራ ማጫዋንቲ ኡሉዋካ ኔን ዳካና” ያጌደ ዛሬዳ።

13 ሀዛኤል ዛሬደ፡ “ታን ነ ቆማይ፡ ፓርና ላፋ፡ ሀዋ ማላ ዋልቃማባ ኦላናዉ ዋታደ ዳንዲያይታ?” ያጌዳ።

ኤልሳላ ዛሬደ፡ “ኔን ሶርያ ቢታን ካተታናዋ ታና መጵና ጎዳይ በሱዳ” ያጌዳ።

14 ሄዋጥ ጉይያን፣ ሀዛኤል ኤልሳኤል ሻከቲድ፣ ባረ ጎዳኮ ሰሚድ ቤዳ። በንሀዳድ እ፥ “ኤልሳኤል ኔና ዋጌዴ?” ያጊደ ኦቹዳ።

ሀዛኤል፥ “ኔን ቱሙጥ ፓጻና ያጊደ ታወ ኦዴዳ” ያጊድ።

15 ሽን ዋንተላ ጋላሰ ሀዛኤል ቡሉኩዋ አኪድ፥ ሃላን ያካክሲድ፥ ካትያ እን ቱጩዳ፤ ካቲ ሀይቄዳ። ሀዛኤል አ ሳኣን ባረወ ካተቱዳ።

**ይሁዳን እስራኤልያ ካተቱዋ**  
(8:16—17:4)

16 አካባ ናኣይ፥ እስራኤልያ ካቲ ዮራመ ካተቱዳ እቼሻንሎ ላይላን፥ ይሁዳ ካትያ ዮሳፌጸ ናኣይ የሆራመ ይሁዳን ካተቱዳ።

17 የሆራመ ካተትያ ዋደ ላይላይ አወ ሀታማን ላኣ፤ እ የሩሳላመን ሆሰቸን ላይላ ካተቱዳ።

18 የሆራመ አካባ ናቶ ማቻቶ እኪዳ ድራወ፥ አካባ ሰይ አሳይ ሀመቲዳዋዳንካ ካሰ እስራኤልያ ካተቱዋ ኦግያን እ ሀመቲዳ፤ መቋና ጎዳ ሰንላንካ ኢታባ ኦሌዳ።

19 ግደጥን ባረ ቆማ ዳዊታ ድራወ፥ መቋና ጎዳይ ይሁዳ ጳይሳናወ ኮይቤና፤ ዳዊታ ዘረሳይ መቋናወ ካተታናወ ጸሳይ ሂደታ እም ዋሌዳ።

20 የሆራመ ካተቱዳ ዋደ፥ ኤደማ አሳይ ይሁዳ ካትያ ቦላ ማካሊድ፥ ባረንቶ ካትያ ካተቱዳና።

21 ሄዋ ድራወ፥ የሆራመ ባረ ፓራ ጋረቱዋ ኡባና ጸኢራ ግያ ሳኣ ቤዳ። ኤደማ አሳቱ እን እ ፓራ ጋረቱዋ ካፓቱዋን ደዴድና፤ ሽን የሆራመ ቃማ ደንዲድ፥ ደዳ ዱሰረሲደ አቆዳ። እ ኦላንቻቱካ ባቃቲድ፥ ጉዮ ሶ ሰሜድና።

22 ሄ ዋድያጥ ደሚደ ሀቼ ጋካናወ፥ ኤደማ አሳይ ይሁዳ አሳወ ሞደትቤና። ሊብና አሳይ ቃይ ሄ ዋደ ማካሊድ።

23 የሆራመ ሀኔዳ ሀራባይን እ ኦሌዳባይ ኡባይ ይሁዳ ካተቱ ታርክያ ማጻፋን ጸፈት ኡቲዳ።

24 የሆራመ ሀይቄድ፥ ባረ ማይዛን ጋከቲዳ። ማይዛ እምቱዋና ዳዊታ ካታማን ሞገቲዳ። እ ሳኣን አ ናኣይ አካዝያሰ ካተቱዳ።

**ይሁዳ ካትያ አካዝያሰ**  
(2 ኦዲዋ 22:1-6)

25 አካባ ናኣይ፥ እስራኤልያ ካቲ ዮራመ ካተቱዳ ታማን ላኤንሎ ላይላን፥ ይሁዳ ካትያ የሆራማ ናኣይ አካዝያሰ ይሁዳን ካተቱዳ።

26 አካዝያሰ ካተቱዳ ዋደ፥ ላይላይ አወ ላታማን ላኣ፤ እ የሩሳላመን እት ላይላ ካተቱዳ። እ እት ሱንሳይ አታሎ፤ እ እስራኤልያ ካትያ እምራወ ናኣ ናቶ።

27 አካባ ሰይ አሳ ኦግያ እ ሀመቲዳ፤ አካባ ሰይ አሳይ ኦሌዳዋዳን፥ መቋና ጎዳ ሰንላን ኢታባ ኦሌዳ። እ ሄዋ ሀኔዳዌ አንቲንቶ ቦሉዋ ግዴዳ ግሻሳ።

28 አካዝያሰ ሶርያ ካትያ ሀዛኤላን ደኢያ ራሞታ-ጋላኣደ ግያ ካታማን ኦላታናወ ቤድ፥ አካባ ናኣ ዮራማና እትጥ ቤዳ። ሶርያ አሳቱ ዮራማ ጫዴድና።

29 ዮራመ ሶርያ ካትያ ሀዛኤላና ኦላትያ ዋደ፥ ሶርያ አሳቱ ጫዴዳ ጫቻ ፓሐ አካናወ እዝራኤላ ካታማ ሰሚዳ። ሄዋጥ ጉይያን፥ ዮራማ ናኣይ፥ ይሁዳ ካቲ አካዝያሰ አካባ ናኣ ዮራመ ጫዴቲዳዋ ኦቻናወ ዲገ እዝራኤላ ካታማ ቤዳ።

**9**

**ኢዩ. እስራኤልያ ቦላ ካተታናወ ኦከቲዳ**

1 ትምቢትያ ኦድያ ኤልሳኤል ትምቢትያ ኦድያምንቱ ጭታጥ እት ብታንያ ጸሲድ፥ ሀዋዳን ያጊዳ፤ “ካ ካባ ጎ ሳቄያን ሰርቃይ ሀ ጸሩዋ ዛይትያ አካድ፥ ራሞታ-ጋላኣደ ግያ ካታማ ባ።

2 ጋካድ፥ ዮሳፌጸ ናኣ፥ ጎምሻወ ናኣ ናኣ እያ ኮያ። ደማድ፥ አ ላገቱዋጥ አ ጋጸ ከሳድ፥ ቆልኦ ገላሳ።

3 ሄዋጥ ጉይያን፥ ጸሩዋ ዛይትያ አካድ፥ እ ሁጲያን ትጋድ፥ ኔና መቋና ጎዳይ፥ “ኔን እስራኤልያ ቦላ ካተታናን ታን ኔና ኦካይ” ያጌ፥ ያጋ። ያታይ ካርያ ደያድ፥ ባቃታጥ እትና፥ ጋምኦፓ” ያጊዳ።

4 ሄዋ ድራወ፥ ትምቢትያ ኦድያ ዋዳላይ ራሞታ-ጋላኣደ ካታማ ቤዳ።

5 እ ሄ ጋከዴ ዋደ፥ ኦላ ጋዳዋቱ እትጥ ዘረትያምንታ ደሚድ፥ “ኦላ ጋዳዋወ፥ ታን ነወ ኦድያባይ ደኢ” ያጊዳ።

ኢዩ፥ “ኦ ግደጥ ኦሰ ኦዳንቲ?” ያጊደ ኦቹዳ።

ትምቢትያ ኦድያዌ፥ “ኦላ ጋዳዋወ፥ ነወ ኦዳና” ያጊደ ዛሬዳ።

6 እዩ ደንዲደ ሶ ገልና፣ ትምቢትያ ኦድያዌ አ ሁጺያን ዛይትያ ትገደ፣ “መድና ጎዳይ እሰራኤልያ ጸሳይ ኔና ሀዋዳን ያገ፣ ኔን መድና ጎዳ አሳ ቦላ፣ እሰራኤልያ ቦላ ካተታናዳን ታን ኔና ኦካይ።

7 ኔን ነ ጎዳ አካባ ዛርያ ጳይሳና። እያዉ ጎጥ፣ ታን ኤልዛቤላ ጉሴዳ ትምቢትያ ኦድያ መድና ጎዳ ቆማቱዋ ሱላነ ታ ሀራ ቆማቱዋ ሱላ ሀሉዋ ከሳና።

8 አካባ ዛርያ ኡባይ ጳያና፣ ታን እሰራኤላን አካባ ዛርያጥ እይልያ ግድና፣ ዋማኑዋ ግድና፣ እቱዋዋ ኡባ ጾቆላና።

9 አካባ ዛርያ ናባጻ ናኣ እዮርባማ ዛርያዳንን እኪያ ናኣ ባእሻ ዛርያዳን ታን ኦላና።

10 ኤልዛቤሎ ግድግድ፣ እዘራኤላ ጎሻን እዘ ካናቱ ማና፣ ኦንን እዘ ዋገና፣ ያገ” ያገዬ። ሄዋ ኦዳዳዋጥ ጉይያን፣ ካርያ ዶይ የግን ዋላ ላሲሼዳ።

11 እዩ ባረ ለገላ ግዳዳ ኦላ ጋዳዋቱዋቡ ቤዳ ዋደ፣ ኤንቱቱጥ እቱ እ፣ “ሳእይ ሳሬ? ሀ ጎይያ ብታኒ ኔን እያዉ ዬዳ?” ያገደ ኦቹዳ።

እዩ ኤንቱንቶ፣ “ሀ ብታንያን አ ሃሳያን ሀንተንቱ ኤሪታ” ያገዬ።

12 ኤንቱንቱ፣ “ሀዌ ዋርዳዋ። እነ ኔን ኦዉ ኦዳ” ያገድና።

እዩ፣ “አ ታዉ፣ መድና ጎዳይ ኔና፣ ኔን እሰራኤልያ ቦላ ካተታናዳን ታን ኔና ኦካድ” ያገ ያገዬ።

13 ሄ ዋደ ኤንቱንቱ ኤለካ ባረንቱ ማየዋ እኪደ፣ እዩ የጂደ ከሰያ ደላን ዋሌድና፣ ሂጸደ ማላካታ ፑኤድና። ባረንቱ ቃላካ ቶቁ ኦሲደ፣ “እዩ ካተቱዳ!” ያገድና።

እሰራኤልያ ካትያ ዮራማ ዋዴድና

14 ያትና ዮሳፌጸ ናኣይ፣ ንምሻዉ ናኣ ናኣይ እዩ ዮራማ ቦላ ማቀቲዳ። ሄዌ ሀንያ ዋደ፣ ዮራማን እሰራኤልያ አሳይ ኡባይ ሶርያ ካትያ ሀዛኤላጥ ጋላኦደን ደእያ ራዋታ ግያ ካታማ ናጋናዉ ብድጊድና።

15 ሸን ኤንቱንቱጥ ካቲ ዮራማ ሶርያ ካትያ ሀዛኤላና ኦላቲዳ ዋደ፣ ሶርያ ጋደ አሳቱ አ ጫዴዳ ጫቻ ጳለታናዉ እዘራኤላ ካታማ ይክቹዳ።

ያትና እዩ ጋዳዋቱዋ፣ “ሀንተንቱ ቆፋይ ሄዋ ግድግድ፣ ሀ ካታማጥ እት አሳይን ከሰ ቢደ፣ እዘራኤላ ካታማን ሀ ኦዳዋ ኦደናዳን ተእተ” ያገዬ።

16 ሄዋጥ ጉይያን፣ እዩ ገራ ጋርያን ከሰ ኡቲደ፣ እዘራኤላ ካታማ ቤዳ። እያዉ ጎጥ፣ ዮራማ ገጽቤናዌ ያን ሸምፔ። ቃይ ይሁዳ ካቲ አካዘያሰ አ ኦቻናዉ ያ ዲገ ብ ኡቲደ።

17 እዘራኤላ ካታማ ግምቢያ ቦላ ኤቁደ ዋቻያዌ ጸሲደ፣ “እት ጭታይ ይያዌ ታዉ ቤቱ” ያገዬ።

ዮራማ፣ “ኤንቱንቱና ጋከታናዳን እት ገራ አሳ የዳ። ገራዉ ቢደ፣ “ሳእይ ሳሬ?” ያገ” ያገዬ።

18 ገራዉ እዩና ጋከታናዉ ቢደ፣ “ካቲ ኔና፣ “ሳእይ ሳሬ?” ያገ” ያገዬ።

እዩ፣ “ሳርባን ኔና ጋሳያዌ ባዋ። ታ ጉየ አቆ ታና ካላ” ያገደ ዛሬዳ።

ያትና ዋቻያዌ ካትያ፣ “ከተቲዳዌ ኤንቱንቱቡ ጋከዳ፤ ሸን ጉየ ሰምቤና” ያገደ ኦዳዳ።

19 ሄዋ ድራዉ፣ ካቲ ላኤንላ ገራዉዋ ኤንቱንቱቡ ከቲዳ። አ ኤንቱንቱቡ ዪደ፣ “ካቲ ሀንተንታ፣ “ሳእ ሳሬ?” ያገ” ያገዬ።

እዩ ብታንያ፣ “ሳርባን ኔና ጋሳያዌ ባዋ። ታ ጉየ አቆ ታና ካላ” ያገዬ።

20 ዋቻያዌ፣ “ላኤንላ ገራዉ ኤንቱንቱቡ ጋከዳ፤ ሸን ጉየ ዛሬደ ዬና። ቃይ ጋርያ ላጋይ ንምሻ ናኣ ናኣ እዩ ላጉዋ ማላ፤ አ ጎይያ አሳዳን ላገ” ያገደ ኦዳዳ።

21 ሄዋጥ ጉይያን፣ ካቲ ዮራማ፣ “ታዉ ገራ ጋርያ ዋጽተ” ያገደ አዛዘዳ።

ገራ ጋርያ ዋጾድና። እሰራኤልያ ካቲ ዮራማን ይሁዳ ካቲ አካዘያሰ ባረንቱ ጋርያን ጋርያን ኡቲደ፣ እዩና ጋከታናዉ ቤድና። እዘራኤልያ ናቡተ ጋደን አ ደማድና።

22 ዮራማ እያ በኤዳ ዋደ፣ “እዩ፣ ሳእ ሳሬ?” ያገደ ኦቹዳ።

እዩ፣ “ኅ ዳይ ኤልዛቤላ ኤቃ ጎይናይን ብታይን ሄዋ ኬና ዳር ደእሸን፣ ሳርተላይ ዋን ደአናዉ ዳንዳዪ?” ያገደ ዛሬዳ።

23 ያቶዋን ዮራማ ባረ ገራ ጋርያ ጉየ ዛሬደ ባቃቲዳ። አካዘያሰ ጸሲደ፣ “አካዘያሰ፣ ሀዌ ማካላ!” ያገዬ።

24 ሄዋጥ ጉይያን፣ እዩ ባረ ዋንዳዳያን ባረ ኩመንላ ዋልቃጥ ዳፊደ፣ ዮራማ ላኤ ካትሳጥ ግዴዋን ዴኬዳ። ዋንዳፊ አ ዋዛናና አጂደ ከሰና፣ ባረ ጋርያ ግደ ኩንዴዳ።

25 እዩ ብድቃራ፣ “ዮራማ ደንላደ፣ ካሰ እዘራኤልያ ናቡተ ጋደን ኦላ። ነነ ታን እትጥ ዮራማ አዉዋ አካባ ካል ቶገደ ቢሸን፣ መድና ጎዳይ አ ቦላ ትምቢትያ ገደ ኦዳዳዋ ሀሳያ።

26 ሄ ዎደ መድና ጎዳይ፣ ናቡተ ሱላን ኦ ኦቲማፍ ናናቱፍ ሱላ ታን ዝኖ በእድ፣ ሄፍ ኦጩፍ ታን ነና ቱሙ ሀ ጋደን ጭግሳናን ያጌዳ። ሀኦ ሰፎ መድና ጎዳይ ጌዳፍዳን፣ ዮራማ ደንሳደ፣ ሀ ጋደን ኦላ” ያጌዳ።

**ይሁዳ ካትያ አካዝያሳ ዎዴድኖ**

27 ይሁዳ ካቲ አካዝያሳ ሄፍ በኤዳ ዎደ፣ ቤት-ሀጋና ግያ ካታማ ባቃቲደ ቤዳ። ኦዩ አ ካሊደ ዮደርሲደ፣ “አካ ዱክተ!” ያጌዳ። ኦንቱንቱ አ ካሊደ፣ ይብላኦማ ካታማ ኤለካ ደእያ ጉራ ግያ ፑደላን አ ጋርያ ቦላ ዱኤድኖ። ያትና አ ማግደ ጌተትያ ካታማ ባቃቲደ፣ ያን ሀይቁዳ።

28 አ ካልያዎንቱ ጋርያን አ አኪደ፣ ዮራሳላመ አፌድኖ፤ አ ማይዞ አዎቱዋና ዳዊታ ካታማን ሞጌድኖ።

29 አካባ ናአይ ዮራመ ካተቲዳ ታማን እተንሳያ ላይላን አካዝያሳ ይሁዳን ካተቲዳ።

**ካታት ኤልዛቤል ሀይቁፍ**

30 ሄፍጥ ጉይያን፣ ኦዩ አዝራኤላ ካታማ ቤዳ። ኤልዛቤል ሄፍ ሰሱዳ ዎደ፣ ባረ አይፍያ ኦካደ፣ ባረ ሁጲያካ ገጸደ፣ ማሰኮትያና ዲገ ኦግያ ጸላዳ።

31 ኦዩ ጥንግያና ገልሸን፣ “ላ ነ ጎዳ ዎዴዳ ዝሞራ፣ ሀፍ ሳር ያድ?” ያጋዳ። \*

32 ኦዩ ፑደ ማሰኮትያኑ ጸሊደ፣ “ላ ታ ባጋ ግዳናፍ ኦኔ? ኦኔ ኦኔ?” ያጌዳ። ላኦ ዎይ ሄዞ ሰንሳቱ እኮ ጸሌድኖ።

33 ኦዩ፣ “ኦ ዲገ ኦል አግተ!” ያጌዳ። ኦንቱንቱ እዞ ዲገ ኦሊድኖ። ያትና አ ሱላይ ጎዳ ቦላን ጋራቱፍ ቦላን ጫጫፈቲዳ፤ ጋራቱ ባረንቱ ገድያን እዞ ዮዴድኖ።

34 ሄፍጥ ጉይያን፣ ኦዩ ካትያ ጎልያ ገሊደ፣ ሜዳን ኡሹዳ። ያቲደ አ፣ “ሀ ሸቀቲዳ ሞሸራቶ አፌደ ሞግተ፤ አያ ግደጥን አ ካትያ ናኦ” ያጌዳ።

35 ሸን ኦንቱንቱ እዞ ሞጋናፊ ቤደ፣ እዝዉ ጉግያጥ፣ ገደቱፍጥን ኩሸቱፍጥ አትና፣ ሀራባ ደሞቤይክኖ።

36 ሄፍ ድራሬ፣ ኦንቱንቱ ሰሚደ፣ ኦዩዎ ኦዴድኖ፤ አ፣ “መድና ጎዳይ ባረ ቆማ ተሰቢያ ኤላሳ ባጋና፣ ኦዝራኤላን ደእያ ጋደን ኤልዛቤል አሸፍ ካናቱ ማና።

37 አቲዳዊካ አዝራኤላን ደእያ ጋድያን ጥቶ ማላ ግዳናፍ። ሄፍ ድራሬ ኦን፣ “ሀና ኤልዛቤሎ” ጋናዉ ዳንዳናን ያጌደ ኦዴዳ ቃላይ ሀፍ” ያጌዳ።

# 10

**አካባ ዘረላ ኡባ ዎዴድኖ**

1 አካባዉ ሳማርያ ካታማን ላፑን ታሙ፣ አቲማ ናናይ ደእና። ሄፍ ድራሬ ኦዩ ዳብዳቢያ ጸፊደ፣ ሄ ካታማ ካፓቶ፣ ጭማቶን አካባ ዘረላ ድቕያዎንቶ ሳማርያ ካታማ ከቲዳ። ሄ ዳብዳቢያን አ፣

2 “ሰፎ ህንተንቱ ጎዳ ዛራቱ ህንተናና ደእያ ድራሬ፣ ቃይ ፓራቲኑ ፓራ ጋረቱ፣ ዩሹ ግምቡቲዳ ካታማቲኑ ኦላ ሚሻቲ ህንተንቶ ደእያ ድራሬ፣ ሀ ዳብዳቢ ህንተንታ ጋኮ ኤለካ።

3 ህንተንቱ ጎዳ ናናቱፍጥ አት ፓጸተላ ዳርያፍ ዶሪደ፣ አ እዉፍ ካዉተላ አራታን ኡትሰተ። ያቲደ ህንተንቱ ጎዳ ጎለዉ ኦለትተ” ያጌዳ።

4 ሸን ኦንቱንቱ ዳርፕ ያዩደ፣ “በአተ፣ ላኦ ካተቱ አ ሰንሳን ኤቃናፊ ዳንዳይበይክኖ! ያትና ኦን ዋን ኤቃኔን?” ያጌድኖ።

5 ሄፍ ድራሬ፣ ካትያ ጎለዉ አዎትያፍ፣ ካታማ ካፑ፣ ጭማቲኑ አካባ ዘረላ ድቕያዎንቱ ኦዩዉ ሀፍዳን ያጌደ ከቲድኖ፤ “ኦን ነ ቆማቲዎ፤ ኔን ግያፍ ኡባ ኦን ኦላና። ኦ ቦላ ኦናን ካተዮኮ። ኔና ሎኤዳባ አያን ኦላ” ያጌደ ከቲድኖ።

6 ኦዩ ኦንቱንቶ ላኤንሶ ዳብዳቢያ ጸፊደ፣ “ህንተንቱ ታ ባጋ ግዲደ፣ ታዉ አዘዘታናፊ ጊጌዳፍ ግደጥ፣ ህንተንቱ ጎዳ ናና ቆድያ ሙጭተ፤ ኦንቱንቱ ጉግያ እኪደ፣ ዎንት ሀናደ አዝራኤላ ካታማ ዩተ” ያጌዳ።

ካትያ ዛራቱ ላፑን ታማቲካ ባረና ድቕያ፣ ሄ ካታማን ኤረቲዳ አሳቲፍና ደእና።

7 ሄ ካትያ ዘረላ ድቕያ አሳቲፍኮ ዳብዳቢ ጋኬዳ ዎደ፣ ካትያ ዘረላ ላፑን ታማቲካ ዎዴድኖ። ኦንቱንቱ ቆድያ ሙጫደ፣ ኦንቱንቱ ጉግያ ቁንኦን ቆሰ አሊደ፣ አዝራኤላ ካታማን ደእያ ኦዩዉ ዮዴድኖ።

8 ከተቲዳ አሳቲ፣ “ኦንቱንቱ ካትያ ዛራቲፍ ጉገቲፍ እኪደ ዩድኖ” ያጌደ ኦዩዉ ኦዴዳ።

ኦዩ፣ “ዎንታ ጉራ ጋካናፊ፣ ካታማ ገልያ ጥንግያን ኦንቱንታ ላኡሳን ዶሪደ ዎሳተ” ያጌደ አዛዜዳ።

9 ዋንተላ ጋላሰ ጉራ ኢዩ ካረ ከሲደ፣ እሳ ኡባ ሰንላን ኤቂደ፣ “ህንተንቱ ጽላ። ታ ጎዳ ቦላ ማቀታደ ዋጂዳዊ ታና። ሸን ሀዋንታ ኡባ ዋጂዳዊ ኦኒ።

10 ያቶፕ ሰም መድና ጎዳይ እካባ ዛራቱዋ ቦላ ኦዴዳዋፕ እት ቃላይን ሳእን ዋግናዋ ህንተዉ ኤርተ። እያዉ ጎፕ፣ መድና ጎዳይ ባረ ቆማ ኤላሳ ባገና ኦዴዳዋ ፖሌዳ” ያጌዳ።

11 ሄዋ ድራዉ፣ ኢዩ እዝራኤላን ኦቲዳ እካባ ዘረሳ፣ ኦ ዋልቃማ እሳቱዋ፣ ኦ ላገላቱዋን ኦ ቄሳቱ ዋ ኡባ፣ እዉ እያን እሸናን ዋድ ዉርሴዳ።

**ካትያ እካዝያሳ ዘረሳቱዋ ኡባ ዋጂዳና**

12 ሄዋፕ ጉይያን፣ ኢዩ ደንዲደ፣ ሳማርያ ቤዳ። ሄንላንቻቱ ዋላ ግያ ሳእ ጋኪደ፣

13 ይሁዳ ካትያ እካዝያሳ ዳቦቱዋና ጋከቲዳ። ኢ፣ “ህንተንቱ ኦኒ?” ያጌደ ኦቺዳ።

ኡንቲንቲ፣ “ኡን እካዝያሳ ዳቦቱዋ፣ ኦን ካትያ ዛራቱዋን ካታት ኤልዛቤል ናናን ሳርታናዉ ቤቶ” ያጌድና።

14 ኢዩ ባረ እሳቱዋ፣ “ኡንቲንቲ ፓጾ ኦይቂተ” ያጌደ እዛዜዳ። ኡንቲንታ ፓጾ ኦይቂደ፣ ሄንላንቻቱ ዋላን ደእያ ሃላ ኦላ ማታን ኡንቲንታ ኦይታማን ላእቲዋካ ዋጂዳና፣ እ ኡንቲንቲፕ እቲዋን እሸቤና።

15 ኢዩ ሄ ሳእፕ ደንድ ዩደ፣ ረካባ ናኦ ዮናዳባና ጋከቲዳ። ኦ ሳርሊደ፣ “ታ ቆፋይን ነ ቆፋይ እቲዋ። ያትና ታ ባጋ ግዳኒ?” ያጌዳ።

ዮናዳብ፣ “ኤ ግዳና” ያጌደ ዛራዳ።

ኦ “እነ ታ ኩሸያ ኦይቃ” ያጌዳ። ኦ ኩሸያ ኦይቄዳዋ ፑደ ጋርያ ቦላ ከሲደ፣

16 “ታናና ደንዳ። ታን መድና ጎዳዉ ሞሽትያዋ በእ” ያጌዳ። ኦ ባረ ጋርያን ኡትሴዳ።

17 ኢዩ ሳማርያ ዬዳ ዋደ፣ እካባ ዛርያፕ እቲዳ ኡባ ዋጂዳ፤ መድና ጎዳይ ኤላሳዉ ኦዴዳ ቃላዳን ኡንቲንታ ሳይሴዳ።

**ባኣላዉ ጎይንያዋንታ ዋጂዳና**

18 ሄዋፕ ጉይያን፣ ኢዩ እሳ ኡባ እትፕ ሸሺደ፣ “እካብ ባኣላዉ ጉላ ኬሻ ጎይኔዳ፤ ሸን ታን እፕ ዳሮ ጎይናና።

19 ሀእ ሰም ባኣላ ሱንላን ትምቢትያ ኦድያ ኡባቱዋ፣ እዉ ጎይንያዋንታ ኡባቱዋን ኦ ቄሳቱ ዋ ኡባቱዋ ታዉ ጴሲደ ሸሸተ። ኡንቲንቲፕ እት እሳይን ፓጨናዳን ጴልተ። እያዉ ጎፕ፣ ታን ባኣላዉ ዳሮ ያርሹዋ ያርሻናዉ ሀርይ። ሄ ሳእ ዬናን እግያ እሳይ ፓጾ ደኤና” ያጌዳ። ሸን ኢዩ ባኣላዉ ጎይንያዋንታ ጭሚደ ሳይሳናዉ ሄዋ ኦሌዳ።

20 ኢዩ፣ “ባኣላዉ ጎይናና ጋላሳ አዋይተ” ያጌዳ። ኡንቲንቲ አዋዬድና።

21 ሄዋፕ ጉይያን፣ ኢዩ እሰራኤልያ ቢታ ኡባ ከትና፣ ባኣላዉ ጎይንያዋንቲ እት እሳይን እተናን ኡባቱ ዬድና፣ ኡባይካ ባኣላ ኤቃ ጎልያ ሀ ጋጸፕ ያ ጋጸ ጋካናዉ፣ ቅልጽ ጊደ ኩሜድና።

22 ኢዩ ጎይንያዋንቲ ማዮ አዋትያ እት ብታንያ፣ “ባኣላዉ ጎይንያዋንቲ ኡባዉ ማዮዋ አሃ” ያጌዳ። ብታኒ ኡንቲንቲ ማዮዋ አሄዳ።

23 ሄዋፕ ጉይያን፣ ኢዩን ረካባ ናኦ ዮናዳብን ባኣላ ኤቃ ጎልያ ገሌድና። ኢዩ ባኣላዉ ጎይንያዋንታ፣ “ባኣላዉ ጎይንያዋንቲ እትና፣ መድና ጎዳ ቆማቱዋፕ እት እሳይን ህንተንቲ ግደን ደኦፕ ጴልተ” ያጌዳ።

24 ሄዋፕ ጉይያን፣ ኡንቲንቲ ጸግያ ያርሹቲዋን ሀራ ያርሹቲዋን ያርሻናዉ ግደ ገሌድና።

ኢዩ ባኣላ ኤቃ ጎልያፕ ካረና ሆሰፑን ታሙ እሳቱዋ ጊግሰ ዋሌዳ። ያቲደ፣ “ህንተፕ እት ኡራይ ታን ህንተንቲ ኩሸያን ዋልያ እሳቱዋፕ እቲዋ የደፕ፣ ኦ ሸምፑ ሄ ኡራ ሸምፑ ግዴ” ያጌዳ።

25 ኢዩ ጸግያ ያርሹዋ ያርሸያዋ ፖሎሳና፣ ናግያዋንታን ካፓቲዋን፣ “ግደ ገሊደ፣ ኡንቲንታ ዋድተ። ኡንቲንቲፕ እት እሳይን ከሰ አኩፖ” ያጌደ እዛዜዳ። ኡንቲንታ ማሻን ሱፑ ኦል ዉርሴድና። ያቲደ ናግያዋንቲን ካፓቲን ኡንቲንቲ አሃ ካረ ኦሌድና። ሄዋፕ ጉይያን፣ ባኣላ ኤቃ ጎልያ ቆልኦ ገሌድና።

26 ባኣላ ኤቃ ጎልያፕ ኤቃ ቲሳቲዋ ከሲደ ጸጌድና።

27 ቃይካ ባኣላዉ ጎይንያ ኤቃ ሹቻ ክንቼሬሬድና፤ ባኣላ ኤቃ ጎልያካ ኮሌድና። ያቲደ ሄ ሳእ ሹሻ ጎልያ ከሲድና፤ ሀቺ ጋካናሰካ ሄ ሳእይ ሹሻ ጎልያ ግዲደ አቲዳ።

28 ሄዋዳን ኦላደ፣ ኢዩ ባኣላ እሰራኤልያፕ ሳይሴዳ።

29 ግድፕና ናባጸ ናኦ ዮናዳዉ እሰራኤልያ እሳ ኦሰሴዳ ናጋራ ኦልያዋ ኦ አግቤና። ቤቴላንን ዳናን እዮርባም ኤሴዳ ዋርቃ ማራቲዋ ሞሰለቶ ኦ ባረ ሀጺያዉ ጎይኔዳ።

30 ሄዋፕ ሰምና፣ መድና ጎዳይ እያ፣ “ኔን ታ ሰንላን ልክ ግዴዳዋ ኦላደ ፖሌዳ ግሻዉን ታ ቆፋን ደእያዋ ኡባ ኔን እካባ ዛራቱዋ ቦላ ኦሌዳ ድራዉ፣ ነ ዛራቲ ኦይደንላ የለታ ጋካናዉ፣ እሰራኤልያ ካዉተላ አራታን ኡታናዋንታ” ያጌዳ።

31 ሃዋ ጊድ ኡትናካ፣ እዩ መጵና ጎዳ እስራኤልያ ጸሳ ህግያ ባረ ኩመንጎላ ዋዛናፕ ምንሲደ ርግቤና፤ ቃይ እዮርባም እስራኤልያ ናና ኦሰሴዳ ናገራ ኦልያዋ እግቤና።

**እዩ ሀይቁዋ**

32 ሄ ዋድያን መጵና ጎዳይ እስራኤልያ ቢታ ጸንጎናዉ ዶሚዳ። ሶርያ ካቲ እዛኤል እስራኤልያ ጋድያፕ ዳሮ ሳኣ ጸኔዳ።

33 ዮርዳኖሳ ሻፋፕ አዋድ ዶልያ ባገና ደእያ ጋላኣይነ ባሳነ ቢታ ኡባ ኦይቁዳ። ሄ ቢታቱ አርኖና ሻፋ ማታን ደእያ አርኤራ ካታማፕ ዶሚዳ፣ ሮቤላ ጋድያ፣ ጋደ ጋድያነ ሞናሰ ጋድያ ጋኪኖ።

34 እዩ ሀኔዳ ሀራባይ፣ እ ኦልዳባይ ኡባይነ እ ሞኖተላ ኡባይ እስራኤልያ ካተቱ ታርክያ ማጸፋን ጸፈት ኡቱዳ።

35 ሄዋፕ ጉይያን፣ እዩ ሀይቁዳ፣ ባረ ማይዛን ጋከቱዳ፤ እ ሳማርያን ሞገቱዳ። እ ሳኣን አ ናኦይ ዮእካዝ ካተቱዳ።

36 እዩ ሳማርያ ካታማን እስራኤልያ ጋድያ ቦላ ላታማነ ሆሰፑን ላይላ ካተቱዳ።

**11**

**ይሁዳ ካታቶ አታሎ**

(2 ኦዲዋ 22:10—23:15)

1 እካዝያሳ አታ አታላ ባረ ናኦይ ሀይቁዳዋ በኤዳ ዋይ፣ ደንዳይ ካትያ ዛርያ ኡባ ጳይሳዳ።

2 ሸን ካትያ ዮራማ ናታ፣ እካዝያሳ ሞቻታ ይሆሸባእ፣ ሀይቃናዉ ደእያ ካትያ ናናቱዋ ግደፕ እካዝያሳ ናኣ ዮኣሻ ዉእደ እካዳ። እነ አ ቆንሶኖን ሄጸ ጎልን ቆሳይ፣ አታላ ዋግናዳን አሻዳ።

3 አታላ ጋድያ ሞድያ ዋደ ኡባን፣ ናኦይ ይሆሸባእ ማታን መጵና ጎዳ ጌሻ ጎልያን ኡሴፑን ላይላ ቆሰቲደ ደኤዳ።

4 ላፑንጎላ ላይላን ዮዳሄ ካትያ ናግያዋንቱነ ካትያ ጎልያ ናግያዋንቱ ካታቶ ከቲደ፣ ባረኮ መጵና ጎዳ ጌሻ ጎልያ አህሴዳ። ኡንቱንቱና ቃላ ጫቁዋ ጫቁቲደ፣ ኡንቱንቱ መጵና ጎዳ ጌሻ ጎልያን ጫቁሴዳ። ሄዋፕ ጉይያን፣ ኡንቱንቱ ካትያ ናኣ ዮኣሻ በሴዳ።

5 እ ኡንቱንታ፣ “ህንተንቱ ኦላናባይ ሀዋ። ሳምባታን ናሳ ገልያ ካላይ ጋኬዳ ህንተንቱ ሄዙ ጭታፕ እት ጭታይ ካትያ ጎልያ ናጎ፤

6 እት ጭታይ ሱር ግያ ፐንግያ ናጎ፤ ቃይ እት ጭታይ ናግያዋንቱፕ ጉዮ ባገና ደእያ ፐንግያ ናጎ።

7 ቃይካ ሳምባታን ናጉዋፕ ሃ ከሰያ ዮንኮ ላኡ ጨንቱዋ ኩመንጎላቱ ካትያዉ ጌሻ ጎልያ ናግኖ።

8 ኦላ ሚሻ ኦይቁዳ፣ ካትያ ግደዪደ፣ ካቲ ከሰያ ዋደነ ገልያ ዋደ ኡባን አናና እትፕ ደእኖ። ህንተኩ ሸቅያ ኦናካ ዋድተ” ያጌዳ።

9 ሄ ካታቱ ቁሲ ዮዳሄ እዛዜዳዋ ኡባ ኦልድኖ። ኡንቱንቱ ኡባይካ ሳምባታ ጋሳሳን ናጉዋ ካላይ ጋኪዳዋንታካ ናጉዋ ካላን ፖሌዳዋንታካ እከደ፣ ቁሰያ ዮዳሄኩ ዩድኖ።

10 ቁሲ መጵና ጎዳ ጌሻ ጎልያን ደእያ፣ በን ካትያ ዳዊታ ጎንዳለቱዋነ ቶራቱዋነ ኡባ ካታቶ እሚዳ።

11 ናግያዋንቱ እቱ እቱ ኦላ ሚሻቱዋ ባረንቱ ኩሸያን ኦይቁዳ፣ ጌሻ ጎልያፕ ሀድርሳ ባገፕ ዶሚዳ፣ ኡሸቻ ባጋ ጋካናዉ፣ ያርሸያ ሳኣ ማታንጎ ጌሻ ጎልያ ማታን ካትያ ዩሹዋን ኤቁድኖ።

12 ሄዋፕ ጉይያን፣ ዮዳሄ ካትያ ናኣ ካረ ከሰደ፣ እ ሁጲያን ካላቻ ዋልዳ። ካዉተላ ካለልያ ህግያ ማጸፋፕ ዱቁይ እቱዋ እዉ እሚደ፣ እከደ ካተዬዳ። ካዉነ እሳይ ኩሸያ ባቁደ፣ ባረ ቃላ ጶቁ ኦልደ፣ “ካቲ ሸምፑ ጋምኦ!” ያጌዳ።

13 ካታታ አታላ ናግያዋንቱ ጫቡዋነ እሳ ጫቡዋነ ሰሴዳ ዋደ፣ እሳኮ መጵና ጎዳ ጌሻ ጎልያ ባዳ።

14 ካቲ ካሰ ካተቱ ህንያዋዳን ቱሳ ማታን ኤቁዳዋ በኣዳ። ካታቱን ጸራምባ ፑንያዋንቱ ካትያ ማታን ደእኖ፤ ሄ ቢታ እሳይ ኡባይ ናሸቲደ፣ ጸራምባ ፑኔ። አታላ ባረ ማዩዋ ፔፋዳ፣ “ሀዌ ማካላ! ሀዌ ማካላ!” ያገደ ሞሳዳ።

15 ቁሲ ዮዳሄ ኦላንቻቱ ካታቱዋ፣ “አታሎ መጵና ጎዳ ጌሻ ጎልያን ዋድተተ! እዘ ያናነ ሃናነ ሳልፒደ ሳልፒቱዋ ግዲዋን ዋልደ፣ ካረ ከሰተ። እዘ አሻናዉ ካጄልያ እሳይ ደኡፕ ዋድተተ!” ያጌዳ።

16 ሃዋ ድራዉ፣ ኡንቱንቱ እዘ ኦይቁዳ፣ ካትያ ጎልያ አፌድኖ፤ ፓራ ፐንግያን እዘ ዋዴድኖ።

**ዮዳሄ ቃላ ጫቁዋ ኦራሴዳ**

(2 ኦዲዋ 23:16-21)

17 ሄዋጥ ጉይያን፣ አሳይ መጅና ጎዳ አሳ ግዳና ማላ፣ ዮዳሄ ካቲነ አሳይ መጅና ጎዳና ቃላ ጫቁዋ ገላና ማላ አሉዳ። ቃይ ካትያጥነ አሳጥነ ግዳዋንካ ቃላ ጫቁዋ ገላሲዳ።

18 ሄ ዋይ ይሁዳ አሳይ ኡባይ ባኣላ ኤቃ ጎልያ ቢድ፣ ሄ ጎልያ ክንቼዳ፤ ያርሽያ ሳኣቱዋነ ኦ ሞሰለቱዋ ክንቼራሉዳ። ቃይ ማታና ግያ ባኣላ ቁሰያ ያርሽያ ሳኣቱ ሰንላን ዋጂድድና።

ሄዋጥ ሰሞና፣ ቁሰያ ዮዳሄ መጅና ጎዳ ጌሻ ጎልያን ናግያዋንታ ዋሌዳ።

19 ባረናና ጋዳዋቱዋ፣ ካትያ ናግያዋንታ፣ ካትያ ጎልያ ናግያዋንታነ ይሁዳ አሳ ኡባ ኣክና፣ ኡንቱንቱ ካትያ መጅና ጎዳ ጌሻ ጎልያጥ ዲገ ኣሂድ፣ ናግያዋንቱ ጥንግያ ግያ ጥንግያ ባጋና ካትያ ጎላ ኣትጥ ገሌድና። ካትያ ባረ ካወተላ ኣራታን ኡቲዳ።

20 ያትና ይሁዳ አሳይ ኡባይ ናሽቲዳ። ኣታላ ካትያ ጎላን ማሻን ሀይቁዳዋጥ ጉይያን፣ ካታማይካ ዋፑ ጌዳ።

21 ዮኣሽ ካተትያ ዎደ ላፑን ላይላ ናኣ።

# 12

## ይሁዳ ካትያ እዮኣሳ (2 ኦዲዋ 24:1-16)

1 ኣዩ እስራኤልያ ቢታን ካተቲዳ ላፑንላ ላይላን፣ እዮኣሰ ይሁዳን ካተቲዳ፤ ኣ ዩሩሳሌምን ኦይታሙ ላይላ ካተቲዳ። ኣ ኣት ሱንሳይ ጸብያ፤ ኣ በርሳበሀ ካታማጥ ዬዳ አሳ።

2 ቂሲ ዮዳሄ ኣ ታማርሴዳነ ዞራዳ ድራዉ፣ ኣ ደኤዳ ላይላ ኡባን እዮኣሰ መጅና ጎዳ ሰንላን ሱረባ ኣሉዳ።

3 ግደጥነ አሳይ ጎይንያ ጶቃ ሳኣ ቆይሰቤና፤ አሳይካ ሄ ግሹዋን ያርሹዋ ያርሽያዋነ ኣጸና ጨዋይያዋ ኣግቤና።

4 እዮኣሰ ቁሳቱ ዋ ጸሲደ፣ “መጅና ጎዳ ጌሻ ጎልያ ይያ ጌሻ ሚሻ ኡባ ሸሸተ። ሄዌካ ሀጲያ ፓይዲዋ ዎደ ኣመትያ ሚሻነ አሳይ ባረ ሸንያን ጌሻ ጎልያዉ ኣህያ ሚሻ።

5 ያቶጥ ቁሳቱ ኡባይ ሄ ሚሻ ኣህያ ኣት ኣት ኣሳቱዋጥ ባረንቶ ኣኪደ፣ ጌሻ ጎልያ ግደን ኮለቲዳ ሳኣ ኡባ ኦራሰና” ያጌዳ።

6 ሸን ካቲ እዮኣሰ ካተቲዳ ላታማነ ሄዘንሶ ላይላ ጋካናዉ፣ ቁሳቱ መጅና ጎዳ ጌሻ ጎልያ ኦራሰበይክና።

7 ሄዋ ድራዉ፣ ካትያ እዮኣሰ ቁሰያ ዮዳህነ ሀራ ቁሳቱ ዋነ ጸሲደ፣ “ጌሻ ጎልያ ግደን ኮለቲዳ ሳኣ ኣያዉ ኦራሰክቲ? ሚሻ ጌሻ ጎልያ ኦራሳናዉ ኣምተ ለትና፣ ህንተንቶ ኣመትያ ሻሉዋ ኦይቆጥተ” ያጌዳ።

8 ቁሳቱ፣ “ኣሳጥ ሀራ ሚሻ ኣኮኮ፤ ጌሻ ጎልያ ግደን ኮለቲዳ ሳኣቱዋካ ኦራሉ” ያጌደ ጊጌድና።

9 ሄዋጥ ጉይያን፣ ቁሰያ ዮዳሄ ሳጵን ኣቱዋ ኣኪደ፣ ኣ ቁምኣያን ጸኣያ ሉኪዳ፤ ያርሽያ ሳኣ ማታን መጅና ጎዳ ጌሻ ጎልያ ገልያሳን ኡሸቻ ባጋና ዋሌዳ። ገልያ ሳኣ ናግያ ቁሳቱ መጅና ጎዳ ጌሻ ጎልያ ዬዳ ሚሻ ኡባ ሳጵንያ ግደን የጊና።

10 ሳጵንያ ግደን ዳር ሚሻይ ዳጋቲዳዋ ኡንቱንቱ በኤዳ ዎደ ኡባን፣ ካትያ ጸፊነ ቁሳቱዋ ኡባቱዋ ካፑ ዪና፤ መጅና ጎዳ ጌሻ ጎልያ ዬዳ ሚሻ ፓይዲደ፣ ቃርጨታቱዋን ቆለና።

11 ፓይደቲዳ ሚሻ ልክያ ኤራዳዋጥ ጉይያን፣ ጌሻ ጎልያ ኦሱዋ ዎቻናዉ ሱንቲዳ አሳቶ ኣሚና። ኡንቱንቱ ሚሻ ኣኪደ፣ መጅና ጎዳ ጌሻ ጎልያን ኣናጸቶነ ግምቢያዋንቶ ኣሚና።

12 ቃይ ሹቻ ማሰያዋንቶነ ሹቻ ቆኣያዋንቶ ቃንጸና። ቃይካ መጅና ጎዳ ጌሻ ጎልያ ኦራሳናዉ ሳንቃነ ሹቻነ ኮሸያ ሀራባቱዋ ሻሚና።

13 ሸን ጌሻ ጎልያ ዬዳ ሚሻጥ መጅና ጎዳ ጌሻ ጎልያዉ ብራ ቡርጨቆቲዋ፣ ኦይቁያዋ፣ ከረቲዋነ ጸራምባቲዋ ዎይ ዎርቃጥነ ብራጥነ መታኑያ ሀራ ጌሻ ሚሻቲዋ ኦሳናዉ ከሰበይክና።

14 ሄ ሚሻ ኡባይ ጌሻ ጎልያ ኦራሰና አሳዉ ጭገቲና።

15 ጌሻ ጎልያ ኦሱዋ ዎቻናዉ ሱንቲዳ አሳቲዋ ኦንነ፣ “ሚሻን ኣያ ኣያ ኣሉድቲ?” ጊደ ኦቻቤና፤ ኣያዉ ጎጥ፣ አሳቲ ኣማንሰያዋንታ።

16 ባይዙዋ ድራዉነ ናጋራ ድራዉ ያርሽያ ያርሹ ጭገትያ ሚሻይ ቁሳቶ ገለጥ ኣትና፣ መጅና ጎዳ ጌሻ ጎልያ ኦራሰና ሚሻ ሳጵንያን ገለና።

## ኣዛኤል የሩሳላም ኣጌዳ

17 ሄ ዎደ ሶርያ ካቲ ኣዛኤል ቢደ፣ ጋጥ ካታማ ኦለቲደ ኦይቁዳ። ያቲደ የሩሳሌም ኦሳናዉ ሰሜዳ።

18 ሸን ይሁዳ ካቲ እዮኣሰ ኣጥ ካሰ ካተቲዳ ይሁዳ ካተቲ ዮሳፌጸ፣ ዮራምነ ኣካዘያሰ መጅና ጎዳዉ ዲማይ ዋሌዳ ሚሻቲዋ፣ ቃይ ኣ ባረ ሀጲያዉ ኣሜዳ ኣምታነ መጅና ጎዳ ጌሻ ጎልያን

ካትያ ጎልያ ሚሻ ምንጅያሳን ደእያ ዋርቃ ኡባ እኬዳ። ሶርያ ካትያወ አዛኤላው የዴዳ፤ አዛኤል የሩሳላመ ኦላናዋ አግ ባሺዳ።

19 ካቲ እዮአሰ ሀኔዳ ሀራባይ፤ እ ኦሎዳባይ ኡባይ ይሁዳ ካተቱ ታርክያ ማጻፋን ጸፈት ኡቲዳ።

20 ሄዋጥ ጉይያን፤ እ ኦሳንቻቱ እ ቦላ ማቀቲደ፤ ሲላ ግያ ሳኣ ኤፍያ ኦግያን ሚሎ ግያ ሳን ደእያ ጎላን ዋጄድና።

21 እ ኦሳንቻቱ ሸምኣታ ናኣ ዮዛካራን ሾሜራ ናኣ ይሆዛባዳ። እዮአሰ ዳዊታ ካታማን ባረ ማይዛ አዋቱዋ ዲፋዋን ሞገቲዳ፤ እ ሳኣን እ ናኣይ አመሰሰሰ ካተቲዳ።

### 13

#### እስራኤልያ ካትያ ዮአካዛ

1 እካዘያሳ ናኣይ፤ ይሁዳ ካቲ እዮአሰ ካተቲዳ ላታማን ሄዘንላ ላይላን፤ ኤዩ ናኣይ እዮአካዛ ሳማርያ ካታማን እስራኤልያ ቦላ ካተቲዳ፤ እ ታማን ላፑን ላይላ ካተቲዳ።

2 ናባጻ ናኣይ እዮርባሞ እስራኤልያ አሳ ኦሰሴዳ ናጋራ ካሊደ፤ እዮአካዛ መጅና ጎዳ ሰንላን ኢታባ ኦሎዳ፤ እ ሄ ናጋራ ኦሎዳዋ አግቤና።

3 ሄዋ ድራው፤ መጅና ጎዳ ሀንቁ እስራኤልያ ቦላ ገንቲዳ፤ መጅና ጎዳይ ኤንቲንቲ ዳር ዋድያወ ሶርያ ካትያ ሀዘኤላውን እ ናኣ በንሀዳዳወ ዛር ዛሪይ እላ አሜዳ።

4 ሄዋጥ ጉይያን፤ እዮአካዛ መጅና ጎዳ ዋሴዳ። መጅና ጎዳይ አወ ሰሴዳ፤ እያወ ጎጥ፤ ሶርያ ካቲ እስራኤልያ እያ ማላ ኢታ ኡቁና ኡቁኔደንቶ መጅና ጎዳይ በኤዳ።

5 መጅና ጎዳይ እስራኤልያ አሳ አሸያዋ እሜዳ፤ ኤንቲንቲ ሶርያ አሳቱዋ ኩሸያጥ ከሰ እኬድና። ያቲደ እስራኤልያ አሳይ ካሰዋዳንካ ባረ ሶን ሳሩዋን ደኤዳ።

6 ግደግካ እስራኤልያ አሳይ እዮርባሞ ሶይ አሳይ ኦሰሴዳ ናጋራጥ ሰምቤና፤ ኤንቲንቲ ሄ ናጋራ ኦሎዳዋ አግቤክና። ቃይ አሸር ግያ ጸሳቱ ሞሰሊ ሳማርያን ኤቆ ሳኣን አቲዳ።

7 እዮአካዛወ አሻታሙ ፓራ አሳቱዋጥ ታሙ ጋረቱዋጥ፤ ታሙ ሻእ ገድያ ኦሳንቻቱዋጥ አትና፤ ሀራ ኦሳንቻይ አትቤና። እያወ ጎጥ፤ ሶርያ ካቲ ኤንቲንታ ቆይሴዳ፤ እ ኤንቲንታ ኡዲማን ደእያ ሱላዳን ኦሎዳ።

8 እዮአካዛ ሀኔዳ ሀራባይ፤ እ ኦሎዳባይ ኡባይን እ ምናተላ እስራኤልያ ካተቲዋ ታርክያ ማጻፋን ጸፈት ኡቲዳ።

9 እዮአካዛ ሀይቂደ፤ ባረ ማይዛን ጋከቲዳ፤ እ ሳኣን እ ናኣይ እዮአሰ ካተቲዳ።

#### እስራኤልያ ካትያ እዮአሳ

10 ይሁዳ ካቲ እዮአሰ ካተቲዳ ሀታማን ላፑንላ ላይላን፤ እዮሳካዛ ናኣይ እዮአሰ ሳማርያን እስራኤልያ ቦላ ካተቲዳ፤ እ ታማን ኡሱፑን ላይላ ካተቲዳ።

11 እዮአሰ መጅና ጎዳ ሰንላን ኢታባ ኦሎዳ። ናባጻ ናኣይ እዮርባሞ እስራኤልያ አሳ ኦሰሴዳ ናጋራጥ አቱዋን አሸናን ኦሎዳ፤ እ ሄ ናጋራ ኦሎዳዋ አግቤና።

12 እዮአሰ ሀኔዳ ሀራባይ፤ እ ኦሎዳባይ ኡባይን ይሁዳ ካትያ አመሰሰሳና ኦሎቲዳ ምናተላ እስራኤልያ ካተቲዋ ታርክያ ማጻፋን ጸፈት ኡቲዳ።

13 እዮአሰ ሀይቂደ፤ ባረ ማይዛን ጋከቲዳ፤ ሳማርያን እስራኤልያ ካተቲዋና ሞገቲዳ። እ ሳኣን እ ናኣይ እዮርባሞ ካተቲዳ።

#### ኤልሳኣ ሀይቂዋ

14 ኤልሳኣ ባረና ዋጅያ ሀርግያ ሀርግያ ዋደ፤ እስራኤልያ ካቲ እዮአሰ እ በአናወ ቢደ፤ “ታ አዋ፤ ታ አዋ! ኔን እስራኤልያ አሳወ ዋልቃነ ጎንዳለ!” ያጊደ ዩኩዳ።

15 ኤልሳኣ፤ “ዋንዳፍያን ፖላቱዋ አካ ያ” ያጊደ፤ አሰ አሄዳ።

16 ሄዋጥ ጉይያን፤ ኤልሳኣ እስራኤልያ ካትያ፤ “ዋንዳፍያ ገግሳ ኦይቃ” ያጊደ፤ ዋንዳፍያን እ ገግሰ ኦይቁ ደእሸን፤ ኤልሳኣ ባረ ኩሸያ ካትያ ኩሸያ ቦላ ዋሌዳ።

17 “አዋይ ደልሳ ባጋ ማሰኮትያ ዶያ” ያግና ዶዶዳ። ኤልሳኣ፤ “ፖላ ዋንዳፍያን ዲካ” ያጊደ፤ እካ ዱኩዳ። ኤልሳኣ፤ “ሀዌ መጅና ጎዳ ፖላ! ሀዌ ሶርያ አሳቱዋ ጸንያ ፖላ! ኔን ሶርያ አሳቱዋ አፌቃ ካታማን ጸናና ጋካናወ ኦላና” ያጊደ።

18 ሄዋጥ ጉይያን ኤልሳኣ ካትያ፤ “ፖላቱዋ አካ” ያግና እኬዳ። ኤልሳኣ፤ “ኤንቲንቲን ቢታ ጫዳ” ያጊደ። ሄዙ ገደ ቢታ ጫዳደ አግ ባሺዳ።

19 ያትና ጸሳ አሳይ ካትያ ሀንቀቲደ፤ “አቲሹ ገደ ዋይ ኡሱፑን ገደ ቢታ ጫዳደዋ ግድንቶ፤ ኔን ሶርያ አሳቱዋ ጸናደ ኡባ ባይዛናዋ ሸን! ኔን ሀእ ኤንቲንታ ሄዙ ገደ ጸላላ ጸናና” ያጊደ።

20 ኤልሳኣ ሀይቂና አሃወ ጊጌዳ ጎንጎሉዋን ዋጄዳ።  
ዋኣበ ጋድያጥ ኦሳንቻቱ እስራኤልያ ቢታ ቦላ ላይላን ላይላን ዶዲና።



21 እት ጋሳስ አማራዳ እስራኤልያ አሳቱ እት ብታንያ አሃ ሞጊደ፣ ሞአበ ቢታ ጭታ በኤድኖ። ብታንያ አሃ ኤልሳክ ሞጉዋ ጎንጎላዋ ግዶ ኦሊደ ባቃቲድኖ። ያትና አሃይ ኤልሳክ መቀላ ቦላ ዋዲዳ፤ ሄ ማንእያን ፓጽነ ደንድ ኤቁዳ።

እስራኤላን ሶርያ ግደን ደንደዳ ኦላ

22 እዮአካዝ ካተቲዳ ላይላን ኡባን ሶርያ ካቲ አዛኤል እስራኤልያ ኡቁኔዳ።

23 ሽን መድኖ ጎዳይ አብራሃመና፣ ይሳቃናን ያቆባና ጫቀቲዳ ቃላ ጫቁዋ ድራው፣ ኡንቱንቶ ኬኬዳ፣ ቃሪቲዳን ቆፔዳ። ሆቼ ጋካናውካ እ ኡንቱንታ ቆይሰቤና ዋይ ባሪ ሰንሳፕ ድግቤና።

24 ሶርያ ካቲ አዛኤል ሀይቁና፣ እ ሳኣን አ ናአይ በንሀዲድ ካተቲዳ።

25 ሄዋፕ ጉይያን፣ አዛኤል አ አውዋ እዮአካዝፕ ኦላን ኦይቁዳ ካታማቱዋ ዮአካዛ ናአይ ዮአስ አዛኤል ናአ በንሀዲዳፕ ዋሉ አኬዳ። እዮአስ አ ሄዙ ገደ ጸኒደ፣ እስራኤልያ ካታማቱዋ ዛራዳ።

# 14

ይሁዳ ካትያ አመሰያሳ

(2 ኦዲዋ 25:1-24)

1 እዮአካዛ ናአይ፣ እስራኤልያ ካቲ እዮአስ ካተቲዳ ላኤንላ ላይላን፣ ይሁዳ ካትያ ዮአሻ ናአይ አመሰያሰ ካተቲዳ።

2 እ ካተትያ ዋይ ላይላይ አው ላታማን እቼሻ፤ እ ዮሩሳላሙን ላታማን ኡዱፑን ላይላ ካተቲዳ። እ እት ሱንሳይ ይሆኦድኖ፤ እዛ ዮሩሳላሙ አሳ።

3 አመሰያሰ መድኖ ጎዳይ ሰንሳን ሱረባ ኦሌዳ፤ ሽን እ ማይዛ አው ዳዊተ ኦሌዳዋዳን ኦሰቤና። ኡባካን እ ባሪ አውዋ እዮአሳ ቁሌዳ።

4 አሳይ ጎይንያ ጶቃ ሳኣ ቆይሰቤና፤ አሳይካ ሄ ግሹዋን ያርሹዋ ያርሽያዋን አጻና ጨዋይያዋ አግቤና።

5 አመሰያሰ ካውተላ ባሪ ኩሽያን ሎይላ ኦይቁዳ ሳናካ፣ ካስ ካትያ ባሪ አውዋ ዮአሻ ዋዲዳ ኦሳንቻቱዋ ዋዲዳ።

6 ሙሴ ሀግያ ማጻፋን ጸፈቲዳዋዳን፣ መድኖ ጎዳይ፣ “ናናቱ ኦሌዳ ናጋራ ድራው፣ እዋቱዋ ዋላናው በሰና፤ ቃይ እዋቱ ኦሌዳ ናጋራ ድራውካ፣ ናና ዋላናው በሰና። አሳይ ኡባይ ባሪ ኦሌዳ ናጋራን ናጋራን ሀይቃናው በሰ ያጊደ አዛዜዳዋዳን፣ ዋዲዳዋንቱ ናና ዋድቤና።”

7 አመሰያሰ ማጻን ዛንጋራ ግያ ሳኣን ታሙ ሻኦ ኤደማ ቢታ አሳ ዋዲዳ ሰላኦ ግያ ካታማካ ኦላን ኦይቁዳ። ዮቀትኤላ ያጊደ ሱንሴዳ፤ ሆቼ ጋካናው ሀ ሱንሳን ጸሰቲ።

8 ሄዋፕ ጉይያን፣ አመሰያሰ ኤዮ ናአ ናአ፣ እዮአካዛ ናአ፣ እስራኤልያ ካትያ እዮአሳው አሳ ኪቲደ፣ “ሃያ፤ እነ ላኡ ኦላ ጋከቲቶ” ያጊደ ናሲዳ።

9 ሽን እስራኤልያ ካቲ ዮአሽ ይሁዳ ካትያ አመሰያሳ ሀዋዳን ያጌዳ፤ “ለባናሳን ደእያ ክንድቹ ለባናሳን ደእያ ዝጋው ኪቲደ፣ ኅ ናቶ ታ ናአው እማ ያጌዳ። ሽን ለባናሳን ደእያ እት ዶኤይ ሄዋና ኦዲደ፣ ሄ ካሽያ ዮዲዳ።

10 ኤ፣ ኔን ቱሙካ ኤደማ ቢታ አሳ ጸናዳ፤ ሄዋን ሀእ ኦቶረታሳ። ኔን ነ ጸኦዋን ናሽታደ፣ ነ ሰን ዋፑ ጋይ ኡታ አጋ። ነ ቦላን ነ ቢታ ይሁዳ ቦላ መቱዋን ባሻን አህያዋ አያው ደንግሳይ?” ያጊደ ዛራዳ።

11 ሽን አመሰያሰ ሰሳ አጸዳ። ሄዋ ድራው፣ እስራኤልያ ካቲ ዮአሽ ኦላናው ከሰና፣ እነ ይሁዳ ካቲ አመሰያሰን ይሁዳን ደእያ ቤት-ሽመሻ ግያ ካታማን ኦላ ጋከቲድኖ።

12 እስራኤልያ አሳይ ይሁዳ አሳ ጸኔዳ፤ ይሁዳ አሳይ ኡባይ ባቃቲደ፣ ባሪ ሶ ባሪ ሶ ቤዳ።

13 እስራኤልያ ካቲ እዮአስ አካዝያሳ ናአ ናአ፣ እዮአሳ ናአ፣ ይሁዳ ካትያ አመሰያሳ ቤት-ሽመሻ ካታማን ኦሞዴዳ። ሄዋፕ ጉይያን፣ ዮአሽ ዮሩሳላሙ ቢደ፣ ዮሩሳላሙ ድርሳ ግምቤያ፣ ኤፍራማ ፕንግፕፕ ቢደ፣ ዞዝያ ፕንግፕ ጋካናው ደእያ ኦይዲ ጾቱ ዋቆ ግዴዳ፣ ሳኣ ላሌዳ።

14 መድኖ ጎዳይ ገሻ ጎልያንን ካትያ ጎልያ ሚሻ ምንጅያሳን ደእያ ዋርቃ፣ ብራን ሻሉዋ ኡባ አኬዳ፤ ቃይ ዋብያው ኦይቀቲዳ አሳቱዋካ እኪደ፣ ሳማርያ ሰሜዳ።

15 እዮአስ ሀኔዳ ሀራባይ፣ እ ኦሌዳባይ፣ እ ሞናተላይን ይሁዳ ካትያ አመሰያሳና እ ኦላቲዳባይ እስራኤልያ ካተቲዋ ታርክያ ማጻፋን ጸፈት ኡቲዳ።

16 እዮአስ ሀይቁደ፣ ባሪ ማይዛን ጋከቲዳ፤ እ ሳማርያ ካታማን እስራኤልያ ካተቲዋና ሞገቲዳ። እ ሳኣን አ ናአይ እዮርባሞ ካተቲዳ።

ይሁዳ ካትያ አመሰያሳ ሀይቁዋ

(2 ኦዲዋ 25:25-28)

17 እየኣካዛ ናኣይ፡ እስራኤልያ ካቲ እየኣሰ ሀይቁዳዋጥ ጉይያን፡ እየኣሳ ናኣይ፡ ይሁዳ ካቲ እመሰያሰ ታማን እቼሹ ላይላ ደኢዳ።

18 እመሰያሰ ሀኔዳ ሀራባይ ይሁዳ ካተቱዋ ታርክያ ማጻፋን ጸፈት ኡቲዳ።

19 እመሰያሰ ዋዳዳ እሳይ የሩሳላሙን ማቀቲዳ፤ ያትና እ ላክሻ ግያ ካታማ ባቃቲዳ። ሸን ኡንቲንቲ ኦ ጌዳዋ ላክሻ ካታማ እሳ ኪትና፡ እ ያን ዎዲድና።

20 እ እሃ ፓራን ጫን እሂደ፡ ዳዊታ ካታማን የሩሳላሙን እ ማይዛ እዎቲዋና ሞጌድና።

21 ሄዋጥ ጉይያን፡ ይሁዳ አሳይ ኡባይ ታማን ኡሱቱን ላይላ ናኣ ኦዝያና እ አወዋ እመሰያሰ ሳኣን ካተዬዳ።

22 እ አወ እመሰያሰ ሀይቁዳዋጥ ጉይያን፡ እ ኦዝያን ኤላታ ግያ ካታማ ዛርላ ኬዲደ፡ ይሁዳን ኦራሴዳ።

**እስራኤልያ ካትያ ላኤንሎ እየርባማ**

23 ዮኣሻ ናኣይ፡ ይሁዳ ካቲ እመሰያሰ ካተቲዳ ታማን እቼሻንሎ ላይላን፡ እስራኤልያ ካትያ ዮኣሻ ናኣይ እየርባም ሳማርያን ካተቲዳ፤ እ ኦይታማን እት ላይላ ካተቲዳ።

24 እየርባም መድና ጎዳ ሰንሳን ኢታባ ኦሌዳ፤ ናባጸ ናኣይ እየርባም እስራኤልያ እሳ ኦሰሴዳ ናጋራ ኡባ ኦልያዋ እግቤና።

25 ጋተ-ሄፊርያ እሚታያ ናኣ ትዎቢትያ ኦድያ ባረ ቆማ ዮናሳ ባጋና መድና ጎዳይ እስራኤልያ ጸሳይ ባረ ቃላን ሃሳዬዳዋዳን፡ ሀማታ ፕኑዋ ግያ ሳጥ ዶሚደ፡ ማጽንያ አባ ጋካናዉ ደእያ እስራኤልያ ዛዋ ዮኣሻ ናኣይ እየርባም ጸኒደ ዛሬዳ።

26 እያዉ ጎጥ፡ እስራኤላን ደእያ እሳይ ኡባይ እይልያ ግድና፡ ዎማኑዋ ግድና፡ እያ ኬሻ ቱጋ ቱጋቲደንቶ፡ መድና ጎዳይ ቢኤዳ፤ ኡንቲንታ ማድያባይ ኦንነ ባዋ።

27 መድና ጎዳይ እስራኤልያ እሳ ሱንላ ሳሉዋጥ ጋርሳን ቆይሳና ያግቤና። ሄዋ ድራዉ፡ መድና ጎዳይ ኡንቲንታ እየኣሳ ናኣ እየርባማ ባጋና እሹዳ።

28 እየርባም ሀኔዳ ሀራባይ፡ እ ኦሌዳባይ ኡባይ፡ እ ኦላቲዳዋን ይሁዳ ባጋ ግዳዳ ዳማሰቆ ካታማን ሀማታ ካታማ እስራኤልያዉ ዛሬዳባይ እስራኤልያ ካተቲ ታርክያ ማጻፋን ጸፈት ኡቲዳ።

29 እየርባም ሀይቁደ፡ ባረ ማይዛ እዎቲዋን እስራኤልያ ካተቲዋን ጋከቲዳ፤ እ ሳኣን እ ናኣይ ዛካራሰ ካተቲዳ።

**15**

**ይሁዳ ካትያ ኦዝያና**

(2 ኦዲዋ 26:1-23)

1 እስራኤልያ ካቲ እየርባም ካተቲዳ ላታማን ላፑንላ ላይላን፡ ይሁዳ ካትያ እመሰያሰ ናኣይ ኦዝያን ካተቲዳ። \*

2 እ ካተቲዳ ዎደ፡ ላይሳይ እዉ ታማን ኡሱቲና፤ እ የሩሳላሙን እሻታማን ላኡ ላይላ ካተቲዳ። እ እት ሱንሳይ ይኮሎ፤ እዛ የሩሳላሙ እሳ።

3 እ አዉ እመሰያሰ ኦሌዳዋዳን፡ እካ መድና ጎዳ ሰንሳን ሱረባ ኦሌዳ።

4 ግድፕን እሳይ ጎይንያ ዶቃ ሳኣ ቆይሰቤና፤ ሄ ድራዉ ያርሹዋ ያርሸያዋን እጻና ጨዋይያዋ እግቤና።

5 መድና ጎዳይ ኦዝያና ዎልቃማ ኦሉዋ ሀርግያን ኦይሌዳ፤ ሀይቃና ጋካናሰካ ሄ ሀርጊ እ የድቤና ድራዉ፡ ዴማ ጎለን ባረካ ደኤዳ። ሄ ዎደ ካትያ ናኣይ እየኣታመ ካትያ ጎለን ደኢደ፡ ሄ ቢታ እሳ ዋዳዳ።

6 ኦዝያን ሀኔዳ ሀራባይን እ ኦሌዳባይ ኡባይ ይሁዳ ካተቲዋ ታርክያ ማጻፋን ጸፈት ኡቲዳ።

7 ኦዝያን ሀይቁደ፡ ባረ ማይዛን ጋከቲዳ፤ ዳዊታ ካታማን ባረ ማይዛ እዎቲዋና ሞገቲዳ። እ ኮታን እ ናኣይ ዮኣታመ ካተቲዳ።

**እስራኤልያ ካትያ ዛካራሳ**

8 ይሁዳ ካቲ ኦዝያን ካተቲዳ ሀታማን ሆሰቱንላ ላይላን፡ እየርባማ ናኣይ ዛካራሰ እስራኤልያ እሳ ቦላ ሳማርያ ካታማን ካተቲዳ፤ እ ኡሱቲን እግና ካተቲዳ።

9 እ ማይዛ እዎቲ ኦሌዳዋዳን፡ እካ መድና ጎዳ ሰንሳን ኢታባ ኦሌዳ፤ ናባጸ ናኣይ እየርባም እስራኤልያ እሳ ኦሰሴዳ ናጋራ ኦልያዋ እግቤና።

10 ሄዋጥ ጉይያን፡ ያቤሻ ናኣይ ሻሉም ዛካራሳ ቦላ ማቀት ደንዲደ፡ ይብላእማ ግያ ሳን ዎዲደ እ ኮታን ባረዉ ካተቲዳ።

14:25 ዮናሳ 1:1 \* 15:1 ኦዝያን- ኦባራዌላዋን ካቲ ኦዝያን ሀ ሸምቱዋን እዛርያ ጌተቲ። 15:7 እሳ. 6:1

11 ዛካራሰ ሀኔዳ ሀራባይነ እ ኦፊዳባይ ኡባይ እስራኤልያ ካተቱዋ ታርክያ ማጻፋን ጻፈት ኡቴዳ።

12 ሀዋዳን ሀኒደ፣ መጅና ጎዳይ ኢዩጠ፣ “ነ ዛሪ ኦይደንጻ የለታ ጋካናጠ፣ እስራኤልያ ካጠተጻ አራታን ኡታናዋ” ያጊደ ኦዴዳ ቃላይ ፖለቴዳ።

**እስራኤልያ ካትያ ሻሎማ**

13 ይሁዳ ካቲ ኦዘያን ካተቴዳ ሀታማነ ኡዲፑንጻ ላይላን፣ ያቤሻ ናኦይ ሻሎማ ካተቴዳ፤ እ ሳማርያን እት አግና ካተቴዳ።

14 ሄዋፕ ጉይያን፣ ጋይ ናኦይ ምናሄም ትርጸ ግያ ካታማፕ ሳማርያ ቤዳ። ሳማርያን ደእያ ያቤሻ ናኦ ሻሎማ ዋጂደ እ ኮታን ባረጠ ካተቴዳ።

15 ሻሎማ ሀኔዳ ሀራባይነ እ ማቀቴዳ ማቁ እስራኤልያ ካተቱዋ ታርክያ ማጻፋን ጻፈት ኡቴዳ።

16 ሄ ዋይ ምናሄም ትርጸ ካታማፕ ደንዲደ፣ ትፍሳህ ግያ ካታማ፣ ካታማን ደእያ አሳነ ካታማ ሄራን ደእያ ቤታቱዋ ኡባ ኦሌዳ። ኡንቴንቴ ባረንቴ ካታማ ድርሳ ፐንግያ እጠ ዶየናን እጾዳ ድራጠ፣ ትፍሳህ ካታማ ኦለቴደ ባይዜዳ፤ ቃይ ሄ ካታማን ደእያ ሻሃራ ማጫ አሳ ኡሉዋ ኡባ ጻፈቁ የጌዳ።

**እስራኤልያ ካትያ ምናሄማ**

17 ይሁዳ ካቲ ኦዘያን ካተቴዳ ሀታማነ ኡዲፑንጻ ላይላን፣ ጋይ ናኦይ ምናሄም እስራኤልያ ቦላ ካተቴዳ፤ እ ሳማርያን ታሙ ላይላ ካተቴዳ።

18 እ መጅና ጎዳ ሰንጻን ኢታባ ኦፊዳ፤ ናባጻ ናኦይ እዮርባም እስራኤልያ አሳ ኦሰሴዳ ናጋራ ኦጻፍዋ አግቤና።

19 ሄዋፕ ጉይያን፣ አሶሪ ጋድያ ካቲ ትግላት-ፓለሴር እስራኤልያ ቤታን ደዴዳ። ምናሄም ካጠተጻን ባረና ምንጎና ማላነ ማዳና ማላ፣ ትግላት-ፓለሴራጠ ሀታማነ ኦይዲ ሻእ ኪሎ ግራሙ ጻጋራ ብራ እሜዳ።

20 ምናሄም ሄ ሚሻ እስራኤልያ አሳ ዋልቃን ጭግሴዳ፤ አሶሪ ቤታ ካትያጠ እማናጠ ዱሪ አሳ ኡባይ እቴ እቴ እሻታሙ ጻጋራ ብራ ፔዴድና። ሄዋዳን ኦጻና፣ አሶሪ ካቲ እስራኤልያ ቤታ አጊደ፣ ባረ ጋድያ ሰሜዳ።

21 ምናሄም ሀኔዳ ሀራባይነ እ ኦፊዳባይ ኡባይ እስራኤልያ ካተቴ ታርክያ ማጻፋን ጻፈት ኡቴዳ።

22 ምናሄም ሀይቁደ፣ ባረ ማይዛን ጋከቴዳ፤ እ ኮታን እ ናኦይ ፓቃህ ካተቴዳ።

**እስራኤልያ ካትያ ፓቃህ**

23 ይሁዳ ካቲ ኦዘያን ካተቴዳ እሻታማንጻ ላይላን፣ ምናሄም ናኦይ ፓቃህ እስራኤልያ ቦላ ሳማርያን ካተቴዳ፤ እ ላኡ ላይላ ካተቴዳ።

24 ፓቃህ መጅና ጎዳ ሰንጻን ኢታባ ኦፊዳ፤ ናባጻ ናኦይ እዮርባም እስራኤልያ አሳ ኦሰሴዳ ናጋራ ኦጻፍዋ አግቤና።

25 እ ኦላ ጋዳዋቱዋፕ እቴ፣ ራማልያ ናኦይ ፓቁህ ግያዋ እ ቦላ ማቀቴደ ደንዲደ። ጋላኦደ አሳፕ እሻታሙ እቴማ አሳ ባረናና እከ ቢደ፣ ሳማርያ ካታማን ካትያ ጎላን ደእያ ጌሱዋ ገሌዳ። ፓቁህ ፓቃህ እርሳባራካ ሃርያናካ እትፕ ዋጂደ እ ኮታን ባረጠ ካተቴዳ።

26 ፓቃህ ሀኔዳ ሀራባይነ እ ኦፊዳባይ ኡባይ እስራኤልያ ካተቱዋ ታርክያ ማጻፋን ጻፈት ኡቴዳ።

**እስራኤልያ ካትያ ፓቁህ**

27 ይሁዳ ካቲ ኦዘያን ካተቴዳ እሻታማን ላኡንጻ ላይላን፣ ራማልያ ናኦይ ፓቁህ እስራኤልያ ቦላ ሳማርያን ካተቴዳ፤ እ ላታሙ ላይላ ካተቴዳ።

28 ፓቁህ መጅና ጎዳ ሰንጻን ኢታባ ኦፊዳ፤ ናባጻ ናኦይ እዮርባም እስራኤልያ አሳ ኦሰሴዳ ናጋራ ኦጻፍዋ አግቤና።

29 እስራኤልያ ካትያ ፓቁህ ዋድያን አሶሪ ካቲ ትግላት-ፓለሴር ዪደ እይና፣ አቤል-ቤትማእካ፣ ያናህ፣ ቀዳሻን ሀጸራ ጌተትያ ካታማቱዋ ኦለቴደ ኦይቁዳ፤ ቃይካ ጋላኦደ፣ ጋላላን ጎፍታሎማ ቤታቱዋ ኡባ ኦለቴደ፣ አሳ አሶሪ ጋድያ እሞዲደ አፈዳ።

30 ኦዘያን ናኦይ ዮኦታሙ ካተቴዳ ላታማንጻ ላይላን፣ ኤልያ ናኦይ ሆሼእ ራማልያ ናኦ ፓቁህ ቦላ ማቀት ዋጂደ እ ሳኦን ባረጠ ካተቴዳ።

31 ፓቁህ ሀኔዳ ሀራባይነ እ ኦፊዳባይ ኡባይ እስራኤልያ ካተቱ ታርክያ ማጻፋን ጻፈት ኡቴዳ።

**ይሁዳ ካትያ እዮኦታማ**

(2 ኦዲዋ 27:1-9)

32 ራማልያ ናኦይ፣ እስራኤልያ ካቲ ፓቁህ ካተቴዳ ላኡንጻ ላይላን፣ ይሁዳ ካትያ ኦዘያን ናኦይ እዮኦታማ ካተቴዳ።

33 እየኣታመ ካተትያ ዎደ እዉ ላይላይ ላታማነ እቲቫ፤ እ የሩሳላመን ታማነ ኡሱቸን ላይላ ካተቲዳ። እ እት ሱንላይ ያሩሸ፤ ያሩሻ ጸደቃ ናቶ።

34 ባረ እዉ ኦዘያነ ኦሌዳዎዳን፤ እየኣታመካ መድና ጎዳ ሰንላን ሱረባ ኦሌዳ።

35 ግደጥነ አሳይ ጎይንያ ጶቃ ሳእ ጳይሰቤና፤ ሄ ድራዉ ያርሹዋ ያርሹያዋነ እጸና ጨዋይያዋ አግቤና። እየኣታመ መድና ጎዳ ጌሻ ጎልያ ጎልያ ቆዋ ባጋ ጥንግያ ዛረፈደ ኦሌዳ።

36 እየኣታመ ሀኔዳ ሀራባይነ እ ኦሌዳባይ ኡባይ ይሁዳ ካተቲዋ ታርክያ ማጸፋን ጸፈት ኡቲዳ።

37 ሄ ዎድያን መድና ጎዳይ ሶርያ ካትያ ራጺናን ራማልያ ናኣ፤ እሰራኤልያ ካትያ ፓቁሀ ይሁዳ ቢታ ኦልሳናዉ ደሜዳ።

38 እየኣታመ ሀይቂደ፤ ባረ ማይዘን ጋከቲዳ፤ ባረ ማይዘ አዉዋ ዳቂታ ካታማን ባረ ማይዘ አዎቲዋና ዋገቲዳ። እ ሳኣን እ ናእይ አካዝ ካተቲዳ።

# 16

## ይሁዳ ካትያ አካዛ (2 ኦዲዋ 28:1-27)

1 ራማልያ ናኣይ ፓቁሀ ካተቲዳ ታማነ ላቸንላ ላይላን፤ እየኣታማ ናእይ አካዝ ይሁዳን ካተቲዳ።  
2 እ ካተትያ ዎደ ላይላይ እዉ ላታማ፤ የሩሳላመን እ ታማነ ኡሱቸን ላይላ ካተቲዳ። እ ማይዘ እዉ ዳቂተ ሱረባ ኦሌዳዎዳን፤ መድና ጎዳ ባረ ጸሳ ሰንላን እ ሱረባ ኦላቤና።

3 እ ካሰ ደኤዳ እሰራኤልያ ካተቲዋ ኦግያን ሀመቲዳ። ቃይ መድና ጎዳይ እሰራኤልያ አሳ ሰንላጥ ላጊደ ከሴዳ አሳቲ ደኡዋ ዎጋ፤ ሄ ሽነይያዋ ቁሊደ፤ ባረ የሌዳ ናኣ እዳ ታማን ጸጊደ፤ ኤቃዉ ያርሹዳ።

4 አካዝ አሳይ ጎይንያ ጶቃ ድራዉነ፤ ደረቲዋ ሁጺያንነ ዳሻ ሞላ ኡባ ጋርሳን ያርሹዋ ያርሹዳን እጸና ጨዋዬዳ።

5 ሄዋጥ ጉይያን፤ ሶርያ ካቲ ራጺንነ ራማልያ ናኣይ፤ እሰራኤልያ ካቲ ፓቁሀ የሩሳላመ ኦላናዉ ዪደ ደዴድና፤ ሽን አካዛ ጸናናዉ ዳንዳይባይክኖ።

6 ሄ ዎደ ሶርያ ካቲ ራጺን ኤላታ ግያ ካታማ ዛሪደ እኪደ፤ ይሁዳ አሳ ላጊደ ከሴዳ። ያትና ኤዶማ አሳቲ ኤላታ ካታማ ዪደ፤ ሀቲ ጋካናዉ ያን ደኣና።

7 ሄዋ ድራዉ፤ አካዝ እሶረ ካትያ ትግላት-ፓለሴራዉ ከታ የዲደ፤ “ታን ነ ናኣ ነ ቆማ። ሀያና ሃያ፤ ታና ኦልያ ሶርያ ካትያ ኩሽያጥነ እሰራኤልያ ካትያ ኩሽያጥ ታና እሻ” ያጌዳ።

8 ቃይ አካዝ መድና ጎዳ ጌሻ ጎልያንነ ካትያ ጎልያ ሚሻ ሞንጅያሳን ደኣያ ብራነ ዋርቃ እኪደ፤ እሶረ ካትያዉ እሞ ኦሌደ የዴዳ።

9 አካዝ ጌዳዋ እሶረ ካቲ ማዪደ፤ ዳማሰቆ ካታማ ኦለቲደ ኦይቂዳ። አሳ አሞዲደ፤ ቂራ ግያ ሳእ አፊዳ፤ ካትያ ራጺናካ ዎዴዳ።

10 ሄዋጥ ጉይያን፤ ካቲ አካዝ እሶረ ካትያ ትግላት-ፓለሴራና ጋከታናዉ ዳማሰቆ ቤዳ። ዳማሰቆን ደኣያ ያርሹያ ሳእ በእደ እ ማላትያ ያርሹያ ሳእ ኬጸና ማላ፤ ሄ ያርሹያ ሳእ ሞሰልያን ኬጸያ ሀናታ ቂሰያ ኦርዮናዉ ከቲዳ።

11 ሄዋ ድራዉ፤ ካቲ አካዝ ዳማሰቆጥ ሰሚደ ያናዉ፤ ቂሰያ ኦርዮን ሄ ለምሱዋ ማላትያ ያርሹያ ሳእ ጊግሴዳ።

12 ካቲ ዳማሰቆጥ ሰሜዳ ዎደ፤ ያርሹያ ሳእይ ኦስቲደ ፖለቲዳዋ በእ ያርሹያ ሳኩ ሸቂደ።

13 ባረ ጸግያ ያርሹዋን ባረ ካላ ያርሹዋ ያርሹዳ። ቃይ ባረ ኡሻ ያርሹዋ ጉሴዳ፤ ባረ እትጥተላ ያርሹዋ ሱላካ ያርሹያ ሳእ ቦላ ጫጫፊዳ።

14 ናሃሰያ ግያ ብራታጥ ኦሌደ፤ መድና ጎዳዉ ዳማይ ዎሌዳ ያርሹያ ሳእይ ኦራላ ያርሹያ ሳጥን ጌሻ ጎልያጥ ግዴዋን ደኣ። ያትና አካዝ ሄ ኤጫ ያርሹያ ሳእ ደንሏደ፤ ባረ ኦስሴዳ ኦራላ ያርሹያ ሳጥ ሁጺሳ ባጋና ዎሌዳ።

15 ሄዋጥ ጉይያን፤ ካቲ አካዝ ቂሰያ ኦርዮና ሀዋዳን ያጊደ አዛዜዳ፤ “ሀ ዎጋ ኦራላ ያርሹያ ሳእ ዎንታ ጸግያ ያርሹዋ፤ ኦማርሰ ሺሽያ ካላ ያርሹዋ፤ ካቲ ሺሽያ ጸግያ ያርሹዋን ካላ ያርሹዋ፤ አሳይ ኡባይ ሺሽያ ጸግያ ያርሹዋ፤ ኡንቲንታ ካላ ያርሹዋን ኡንቲንታ ኡሻ ያርሹዋ ያርሹያ ሳእ ኦላ። የንኩ ናሃሰያጥ መግቲዳ ያርሹያ ሳእ ታን ታዉ ኦቕያ ሳእ ከሳና” ያጌዳ።

16 ቂሰያ ኦርዮን ካቲ አካዝ አዛዜዳዎዳን መዴዳ።

17 ካቲ አካዝ ጌሻ ጎልያ ግዴን ጎኡትያ፤ ናሃሰያ ብራታጥ መግቲዳ ጋረቲዋ ሎቻ ብራታ ቃንጸደ፤ ሞይያጥ ድጊደ ሜጨትያ ከረቲዋ ጋረቲዋ ቦላጥ ደንሏደ። ቃይ አባ ሳኒያ፤ እ ዘሞጥሴዳ ናሃሰያ ቦራቲዋ ሞሰለቲዋ ቦላጥ ደንሏደ፤ ሹቻ ባሱዋ ቦላ ዎሌዳ።

18 እሶረ ካትያ ድራው፡ እካዝ ባረ ካውተላ ኦራታ ካሰ ዋልያ ሳፕ ድጌዳ። ቃይ እፕ ካሰ ደኤዳ ካትቱዋ መድና ጎዳ ጌሻ ጎልያ ገልያ ፕግግያ ጎርዴዳ።

19 ካት እካዝ ሀኔዳ ሀራባይነ እ ኦልዳባይ ኡባይ ይሁዳ ካትቱዋ ታርክያ ማጻፋን ጻፈት ኡቱዳ።

20 እካዝ ሀይቁደ፡ ባረ ማይዛን ጋከቱዳ፤ ዳዊታ ካታማን ባረ ማይዛ እዋቱዋና ሞገቱዳ። እ ኮታን እ ናእይ ሀዘቂያሰ ካትቱዳ።

# 17

## እስራኤልያ ካትያ ሆሴእ

1 ይሁዳ ካት እካዝ ካትቱዳ ታማን ላኤንሶ ላይላን፡ ኤልያ ናእይ ሆሴእ እስራኤልያ ቦላ ሳማርያ ካታማን ካትቱዳ፤ እ ኡዲፑን ላይላ ካትቱዳ።

2 መድና ጎዳ ሰንላን እ ኢታባ ኦልዳ፤ ግድፕን እፕ ካሰ ደኤዳ እስራኤልያ ካትቱ ኦልዳዋ ኬሻ ኢታ ኦልቤና።

3 እሶረ ካት ሻልማንኤሰር ዪደ፡ እናና ኦላ ጋከቱዳ፤ ሆሴእ ጸነቲደ፡ እው ጌራ ጌራዳ።

4 ሸን አማራዳ ላይላፕ ሰሞና፡ ካት ሆሴእ ሶእ ግያ ግብጹ ካትያው ኪታ ዩዲደ፡ ባረና ማዳና ማላ ኦቹዳ። ያቲደ ካሰዋዳን እሶረ ካትያው ገርያዋ እግ ባሾዳ። ካት ሻልማንኤሰር ሄዋ ሰሲደ፡ እ ኦይሉደ፡ ቃሾ ጎልያ ገልሴዳ።

## ሳማርያ ኩንደላ (17:5-41)

5 ሄዋፕ ጉይያን፡ እሶረ ካት እስራኤልያ ቢታ ኡባ ቦላ ማዪደ፡ ሳማርያ ካታማ ደዳዳ፤ ሄዘ ላይላ ጋልዳ።

6 ሆሴእ ካትቱዳ ኡዲፑንላ ላይላን እሶረ ካት \* ሳማርያ ካታማ እዋዴዳ። እስራኤልያ አሳ እኪደ፡ እሶረ ጋድያ አፌዳ። ሄዋፕ ካላ ኡንቱንቱ ሄዋ ሀላሀ ካታማን፡ ሄዋ ሜደናቱዋ ካታማቱዋን፡ ሀራቱዋ ቃይ ጎዛና ቢታን ደእያ ሀቦራ ሻፋ ማታን ዋልዳ።

7 ሀዋ ኡባይ ሀኔዳዋ፡ እስራኤልያ አሳይ መድና ጎዳ ባረንቱ ጸሳ ቦላ፡ ኡንቱንቱ ግብጸፕ፡ ግብጹ ካትያ ኩሸያፕ ከሴዳዋ ቦላ ናጋራ ኦልዳ ጋሱዋና። ቃይ ኡንቱንቱ ሀራ ጸሳቶ ጎይኒደ።

8 መድና ጎዳይ ኡንቱንቱ ሰንላፕ ላጊደ ከሴዳ ጋይ አሳቱ ደኤዳ ደኡዋ ዋጋ ካሌዳ ጋሱዋና። ሄዋ ቦላካ ቃይ እስራኤልያ ካትቱ ደሜዳ ኢታ ዋጋ ካሌዳ ጋሱዋና።

9 እስራኤልያ አሳይ መድና ጎዳ ባረንቱ ጸሳ ቦላ ኢታባ ጌማን ኦልድና፤ ቄር ጉላ ሞላፕ ቢደ፡ ዋጋ ዋልቃማ ካታማ ጋካናው ደእያ ግሹዋን ኡባን ባረንቱ ጎይንያ ቋቃ ሳኣ መጴድና።

10 ቃይ ኡንቱንቱ ኤቃ ሹቻቱዋን እሹር ግያ ጸሳት ሞሰለቱዋ ደርያ ሁጲያ ኡባንን ዳሻ ሞላ ኡባ ጋርሳን ኤሴድና።

11 ቃይካ ኡንቱንቱ መድና ጎዳይ በን ኡንቱንቱ ሰንላፕ ላጊደ ከሴዳ ጋይ አሳቱ ኦልዳዋዳን፡ ቋቃ ሳኣ ኡባን እጻና ጨዋዬድና። ኡንቱንቱ መድና ጎዳ ሀንቀልያ ኢታባ ኦልድና።

12 መድና ጎዳይ ኡንቱንታ፡ “ኤቃው ጎይናፕተ” ግ ዋልና፡ ኡንቱንቱ ኤቃው ጎይኔድና።

13 መድና ጎዳይ እስራኤልያ አሳን ይሁዳ አሳ ባረ ትምቢትያ ኦድያ ኡባቱዋ ባጋናን ሳጸን በእያ ኡባቱዋ ባጋና፡ “ህንተና ኤርተ! ህንተንቱ ኢታ ኦግያፕ ሰሞተ፤ ታን ትምቢትያ ኦድያ ታ ቆማቱዋ ባጋና፡ ህንተንቱ አዋቱ አዛዘታናዳን እሜዳ ህግያን ደእያ ዋጋን እዋዩዋ ኡባ ናግተ” ያግ ዋልዳ።

14 ሸን ኡንቱንቱ ሰሰናን እጾድና። መድና ጎዳ ባረንቱ ጸሳ እማነትቤና ባረንቱ አዋቱዋዳን ሞርግያ ሞንሴድና።

15 ኡንቱንቱ እ ዋጋ፡ እ ኡንቱንቱ አዋቱዋና ጫቀቱዳ ጫቀዋን እ ሴራ ካጴድና። ኡንቱንቱ ሹፋር ኤቃቶ ጎይኒደ፡ ባረንቱ ሁጲያውካ ሹፋር ግዴድና።

16 መድና ጎዳይ ኡንቱንታ፡ “ህንተንቱ ዩሹዋን ደእያ ደረ አሳቱ ኦልያዋዳን ኦላፕተ” ግ ዋልና እጲደ፡ ኡንቱንቱ ኡንቱንቱ ደኡዋ ዋጋ ካሌድና።

17 መድና ጎዳ ባረንቱ ጸሳ አዛዘቱዋ ኡባ እግ እጌድና። ማራ ማላትያ፡ ላኤ ጎይንያ ሞሰለቱዋን እሹር ግያ ጸሳቱ ሞሰልያ መጴድና። ሳሉዋን ደእያ ጸልንትያ ኡባው ጎይኔድናን ባኣላ ግያ ኤቃው ኦልድና።

18 ኡንቱንቱ ባረንቱ አቱማ ናናን ማጫ ናና ታማን ጸጊደ ያርሹድና። ካይያዋን ሞይትልያ ሃሳይሰያዋ ደዬድና። ሄዋዳን ኢታባ ኦላናው ባረንቱ ሁጲያ ዛልኢደ፡ መድና ጎዳ ሀንቀልድና።

19 ሄዋ ድራው፡ መድና ጎዳይ እስራኤልያ አሳ ሎይላ ሀንቀቱዳ፤ ኡንቱንታ ባረ ሰንላፕ ድጌዳ። ይሁዳ ዘርያ ጸላላይ አቱዳ።

19 ሸን ይሁዳ እሳቱካ መድና ጎዳ ባረንጉቱ ጸሳ አዛዙዋ ናግቢይክኖ፤ ኡንቱንጉቱ እስራኤልያ እሳይ ዶሜዳ ደኤዋ ዋጋ ካለድኖ።

20 ሂዋ ኃጋቱዋን መድና ጎዳይ እስራኤልያ ዘረሳ ኡባ እግ ባሺዳ። እ ኡንቱንጉቱ ቱጋዪደ፣ ባረ ሰንገጥ ድጋጋ ኃጋካናው፣ ኡንቱንጉታ ቦንቅክያዋንጉቱ ኩሸያን የግ ባሺዳ።

21 መድና ጎዳይ እስራኤልያ እሳ ዳዊታ ዘረሳቱዋ ካውተገጥ በን ሻኬዳ ዋይ፣ እስራኤልያ እሳይ ናባጸ ናኣ እዮርባማ ባረንጉቶ ካተዬድኖ። ሂዋጥ ጉይያን፣ እስራኤልያ እሳይ መድና ጎዳ ካለናዳን እዮርባማ ድጉዳይ፤ እ ኡንቱንጉታ ዋልቃማ ናጋራ ኦሰሴዳ።

22-23 መድና ጎዳይ ትዋቢትያ ኦድያ ባረ ቆማቱዋ ኡባቱዋ ባጋና ካሰ ኦድ ዋፊዳዋዳን፣ ባረ ሰንገጥ ድጋጋ ኃጋካናው፣ እስራኤልያ እሳይ እዮርባማ ኦፊዳ ናጋራ ኡባ ኦፊዳ። ሂዋ ድራው፣ እስራኤልያ እሳይ ባረንጉቱ የለቲዳ ጋድያጥ ኦሞድቲድ፣ እሶሪ ጋድያ ቤድኖ፤ ኡንቱንጉቱ ሀኖ ኃጋካናሰካ ያን ደኢና።

**እሶሪቱ እስራኤልያ ጋድያን ኡቲድኖ**

24 ሂዋጥ ጉይያን፣ እሶሪ ካቲ ባብሎን ቢታን ደኢያ ኩታ፣ አዋ፣ ሀማታን ሳፋርዋይማ ጌተትያ ካታማቱዋን ደኢያ እሳ እሂዶ እስራኤልያ እሳ ሳኣን ሳማርያ ካታማቱዋን ዋፊዳ። ኡንቱንጉቱ ሄ ካታማቱዋ ላቲደ፣ ኡንቱንጉቱን ደኢድኖ።

25 ኡንቱንጉቱ ኮይር ያን ደኡሳ ዶሜዳ ዋይ፣ መድና ጎዳው ጎይንቤይክኖ። ሂዋ ኃጋቱዋን መድና ጎዳይ ኡንቱንጉቱ ግዶ ጋዋቱዋ የዳዳይ፤ ጋዋቱ ኡንቱንጉቱ ግዶጥ አማራዳዋንጉታ መንጋራደ ዋፊድኖ።

26 ያትና እሶሪ ካትያ፣ “ኡን ደንሳ አፋደ ሳማርያ ካታማቱዋን ዋፊዳ እሳይ ሄ ቢታ ጸሳ ዋጋ ኤረና። ኤረናዋ ኃጋቱዋን እ ኡንቱንጉታ መንጋራደ ዋፊድ ጋዋቱዋ ኡንቱንጉቱ ቦላ የዳዳ” ያጊደ ኦዳድኖ።

27 እሶሪ ካቲ፣ “ሀንተንጉቱ ሳማርያጥ ኦሞዲደ እሄዳ ቄሳቱ ዋጥ እቲዋ ዛሪድ፣ ያ የድተ። እ ያን ደኢደ፣ ሄ ቢታ ጸሳ ዋጋ ኡንቱንጉታ ታማርሴ” ያጊደ አዛዜዳ።

28 ሂዋ ድራው፣ ሳማርያጥ ኦሞዲደ አፊዳ ቄሳቱ ዋጥ እቲ ቤቲለን ደኢናው ዬዳ፤ መድና ጎዳው ጎይንያ ዋጋ ኡንቱንጉታ ታማርሴዳ።

29 ግዶጥን ሳማርያ ዪደ ኡቲዳ እሳይ ባረው ጎይንያ ኤቃ ሞሰለቲዋ ባረ ደኢያ ሳኣን ደኢያ ሳኣን መዴዳ። ሳማርያ እሳይ ኬዶዳ ጎይንያ ቋቃ ግሹዋን ዋፊዳ።

30 ሂዋ ማሪን ባብሎን እሳይ ሱኮት-ባናባ ግያ ኤቃ ሞሰለቲዋ መዴዳ። ኩታ እሳይ ነርጋላ ግያ ኤቃ ሞሰለቲዋ መዴዳ። ሀማታ እሳይ ቃይ እሸማ ግያ ኤቃ ሞሰለቲዋ መዴዳ።

31 አዋ እሳይ ንብሃዛነ ታርታቃ ጌተትያ ቆማሻቱዋ ሞሰለቲዋ መዴዳ። ሳፋርዋይማ እሳይ ቃይ አድራመሊካን አናመሊካ ጌተትያ ባረንጉቱ ጸሳቶ ባረንጉቱ ናና ታማን ጸጊደ ያርሼዳ።

32 ኡንቱንጉቱ መድና ጎዳው ያዬድኖ፤ ሸን ባረንጉቱ ግዶጥ ዳማ ዳማ እሳ ዶሪደ፣ ያርሸያ ቋቃ ግሹዋን ቄሳቱዋ ኦፊደ ሱንፊድኖ።

33 ኡንቱንጉቱ መድና ጎዳው ያዬድኖ፤ ሸን ባረንጉቱ ዬዳ ቢታ ቢታ እሳ ሜዘያ ካሊደ፣ ባረንጉቱ ጸሳቶካ ጎይኔድኖ።

34 ኡንቱንጉቱ ሀቼ ኃጋካናሰካ ካሰ ባረንጉቱ ሜዘያዳን ኦፊና። ኡንቱንጉቱ ቱመጥ መድና ጎዳው ያይክኖ ያይ መድና ጎዳይ እስራኤልያ ጊደ ሱንፊዳ ያቆባ ዘረሳው አሜዳ አዋዩዋን ዋጋ፣ ሀግያን አዛዙዋ ናግክኖ።

35 መድና ጎዳይ እስራኤልያ እሳና በን ጫቀቲዳ ዋይ፣ ኡንቱንጉታ ሀዋዳን ያጊደ አዛዜዳ፤ “ሀራ ጸሳቶ ጎይኖጥተ፣ ኡንቱንጉቶ ጉልባቶጥተ፣ ኡንቱንጉቶ ኦፊጥተ ዋይ ኡንቱንጉቶ ያርሸጥተ።

36 ሸን ግብጾጥ ሀንተንጉታ ባረ ዋልቃማ ዋልቃንን ባረ ሞጩቲዳ ኩሸያን ከሴዳ መድና ጎዳው አለተ፤ አው ጉልባቶተ፤ አው ያርሹዋ ያርሸተ።

37 ታን መድና ጎዳይ ሀንተንጉቶ ጸፊዳ አዋዩዋን ዋጋ፣ ሀግያን አዛዙዋ ኡባ ዋይ ናግተ፤ ሀራ ጸሳቶ ጎይኖጥተ።

38 ታን ሀንተና ጫቀቲዳ ጫቀዋ ደጎጥተ፤ ሀራ ጸሳቶካ ጎይኖጥተ።

39 ሂዋ አጊደ፣ መድና ጎዳው ሀንተንጉቱ ጸሳው ጎይንጉ። ሀንተንጉቱ ሞርከቲዋ ኡባጥ ሀንተንጉታ አሻናዌ ታና” ያጊደ አዛዜዳ።

40 ኡንቱንጉቱ አው ኤኖ ገናን እጺደ፣ ካሰ ባረንጉቱ ዶያካ ባቂ ኦይቄድኖ።

41 ሄ እሳቱ መድና ጎዳው ያዪደካ፣ እት ባጋና ባረንጉቱ ኤቃ ሞሰለቶ ጎይኒና። ሀቼ ኃጋካናሰካ ኡንቱንጉቱ ዘረሳይ ኡንቱንጉቱ አዋቱ ጎይንያዋዳን ጎይኒደ ደኢ።

**ይሁዳ ካውተገጥ**

# 18

(18:1—25:30)

ህዝቂያሳጥ እዮሰያሳ ጋካናዉ

(18:1—21:26)

1 ኤልያ ናኦይ ሆሴእ እስራኤላን ካተቲዳ ሄዘገሎ ላይላን ይሁዳ ካትያ እካዛ ናኦይ ህዝቂያሰ ካተቲዳ።

2 እ ካተትያ ዎይ ላይላይ እዉ ላታማነ እቼሻ፤ የሩሳላሙን እ ላታማነ ኡዲፑን ላይላ ካተቲዳ። እ እት ሱንሳይ እቢ ጌተቲ፤ እዛ ዛካራሳ ናቸ።

3 እ ማይዛ እዉዋ ዳዊተ ኦሌዳዋዳን፣ ህዝቂያሰካ መድኛ ጎዳ ሰንላን ሱረባ ኦሌዳ።

4 እሳይ ጎይንያ ዶቃ ሳእ እ ድጌዳ። ኤቃ ቱሳቱዋ መንገጫዳ። እሼር ግያ ጸሳት ሞሰልያ ቃንጽ ኦሌዳ። ቃይ ሙሴ ናሃሰያጥ መዴዳ ሸሻካ መንገጫዳ። እያዉ ጎጥ፣ ሄ ዎዲ ጋካናዉካ እስራኤልያ እሳይ እዉ እጸና ጨዋዬይ ታኬዳ። ሄ ሸሻ ሱንሳይ ህሸታና።

5 ህዝቂያሰ መድኛ ጎዳ እስራኤልያ ጸሳ እማኔዳ፤ ይሁዳ ካተቱዋ ኡባ ግደን እ ማላ ካቲ እጥ ካሰ ግድና። እጥ ገዮ ግድና ቢትቤና።

6 እያዉ ጎጥ፣ መድኛ ጎዳዉ እ እማነቲዳ፤ መድኛ ጎዳ ካልያዋ እግቤና፤ መድኛ ጎዳይ ሙሳ እዛዜዳ እዛዙዋ ናጌዳ።

7 መድኛ ጎዳይ እናና እትጥ ግዴዳ፤ ያትና እ ኦልያባይ ኡባይ እዉ እንጀቲዳ። እ እሶረ ካትያ ቦላ ማካሌዳ፤ እዉ ሞደተናን እጸዳ።

8 እ ፕልሰጾማ አሳና ኦለቲዳ፤ ቀር ጉላ ሞላጥ ቢደ፣ ዎጋ ዎልቃማ ካታማ ጋካናዉ፣ ጋዛካ እ የሹዋን ደእያ ቢታቱካ እተናን ኡንቲንቲ ደእያ ሳእ ኡባ ጸኔዳ።

9 ካቲ ህዝቂያሰ ካተቲዳ ኦይደንሎ ላይላን፣ ኤልያ ናኦይ እስራኤልያ ካቲ ሆሼእ ካተቲዳ ላፑንላ ላይላን፣ እሶረ ካቲ ሳልማንኤሰር እስራኤልያ ቦላ መቱዋ ጋሳናዉ ደዴዳ፤ ሳማርያ ካታማካ ደዴዳ።

10 ሄዘገሎ ላይላ ሶርያ እሳይ ሳማርያ ካታማ ጸኔዳ። ያትና ህዝቂያሰ ካተቲዳ ኡሱፑንላ ላይላን፣ እስራኤልያ ካቲ ሆሴእ ካተቲዳ ኡዲፑንላ ላይላን፣ ሳማርያ ካታማይ ጸኔቲዳ።

11 እሶረ ካቲ እስራኤልያ አሳ እሶረ ጋድያ አፌዳ። ሄዎጥ ካላ ኡንቲንታ ሄዎ ሀላሀ ካታማን፣ ሄዎ ሚዳናቱዋ ካታማን፣ ሀራቱዋ ቃይ ጎዛና ቢታን ደእያ ሀቦራ ሻፋ ኤለካ ዎሌዳ።

12 ሀዌ ሀኔዳዌ ኡንቲንቲ መድኛ ጎዳዉ ባረንቲ ጸሳዉ እዛዘተናን እጸደ፣ መድኛ ጎዳ ቃላ ጫቁዋ፣ መድኛ ጎዳ ቆማይ ሙሴ እዛዜዳ እዛዙዋ ኡባ መንጫዳ ጋሶዋና። ኡንቲንቲ እ እዛዙዋ ሰሳናዉካ እዛዘታናዉካ ኮይቤይክና።

እሶረቲ የሩሳላሙ ኦላናዉ ናሴድኛ  
(2 ኦዲዋ 32:1-19፤ እሳ. 36:1-22)

13 ካቲ ህዝቂያሰ ካተቲዳ ታማነ ኦይደንሎ ላይላን፣ እሶረ ካቲ ሳናክሬቦ ግምቦቲ ኡቲዳ ይሁዳ ካታማቲዋ ኡባ ኦለቲደ ኦይቄዳ።

14 ያትና ይሁዳ ካቲ ህዝቂያሰ ላክሻ ካታማን ደእያ እሶረ ካትያ ሳናክሬማዉ ኪታ የዲደ፣ “ታን ባይዛደ። ሀያና ታ ቢታ የዲደ ከሳ። ኔን ታና ኦቼዳዋ እያን ታ እማና” ያጌዳ።

እሶረ ካቲ ይሁዳ ካትያ ህዝቂያሳ፣ “ኔን ታሙ ሻእ ኪሎ ግራሙ ብራን እት ሻእ ኪሎ ግራሙ ዋርቃ ታዉ የዳ” ያጌዳ።

15 ህዝቂያሰ መድኛ ጎዳ ጌሻ ጎልያንን ካትያ ጎልያ ሚሻ ሞንጅያሳን ደኤዳ ብራ ኡባ እዉ የዴዳ።

16 ሄ ዎይ ይሁዳ ካቲ ህዝቂያሰ መድኛ ጎዳ ጌሻ ጎልያ ጥንግያ ሳንቃቱዋ ማይ ኡቲዳ ዋርቃን ቃይ እ ባረ ሀጸያዉ ሄ ጥንግ ቆሰለላቱዋ ማይዘ ዎሌዳ ዋርቃ ፖቄ ቃሪደ፣ እሶረ ካትያዉ የዴዳ።

17 ሄዎጥ ጉይያ፣ እሶረ ካቲ ሄዙ ኦላ ጋዳዋቱዋ ጮራ ኦላንቻቱዋና ላክሻ ግያ ካታማጥ ካትያ ህዝቂያሳኮ የሩሳላሙ የዴዳ። ኡንቲንቲ ቢደ፣ የሩሳላሙ ጋኬድና፤ ማዌዋ ማጭያዋ ጋይ አፍያ ኦግያጥ ቆዋ ባጋና ደእያ፣ ዳጋቲዳ ሃላይ ጎግያ ቦይያ ምይያን ኤቄድና።

18 ያቲደ ኡንቲንቲ ካትያ ጸሴድና። ህልቂያ ናኦይ ካትያ ጎለን እዎትያ ኤልያቂሙ፣ ዋና ጸፊ ሹብን እሳፋ ናኦይ ታርክያ ጸፍያ ዮእህ እኮ ካረ ከሴድና።

19 እሶረቲ ጋዳዋይ ኡንቲንታ፣ “ህዝቂያሳዉ ሀዋዳን ያጌይ ኦድተ፤ ኦላሪ ካቲ፣ ዎልቃማይ ኔና ሀዋዳን ያጌ፤ ኔን ሀዋ ከኦ እያን እማነታድ?”

20 ኔን ጮ መላ፣ ኦላ ኦለታናዉ ታዉ እዴዳ ኤራይን ዎልቃይን ደኤ” ያጋሳ። ሸን ኔን ኦናን እማነታድ ታ ቦላ ሀዋ ማካላዳ።

21 ኔን ግብጾ ካትያ ማዳና ጋይ ቆፔዳዋ ግደጥ፣ መኤዳ ማቃ ትትማን ጉፊትያ አሳ ማላ። እያዉ ጎጥ፣ ጋትማይ መእና፣ ጥንጩ ኩሽያ ጫዴን ማዲንጽሴ። ግብጾ ካቲ ባረናን እማነትያ አሳ ኡባዉ ሄዎ ማላ።

22 “ሸን ኔን ታው። ሩን መድና ጎዳን ኑ ጸሳን እማነቱቶ፣ ያጎፍ፣ ህዝቂያሰ ይሁዳ እሳነ የሩሳላመ አሳ፣ ህንተ የሩሳላመን ደእያ ያርሸያ ሳኣን ጎይናናዉ ኮሽ ጊደ፣ እዉ ጎይንያ ቆቃ ሳኣቱዋን ያርሸዋ ሳኣ ድጌዳ ጸሳ እ ግደኔን?

23 “አነ ሀእ ሃያ! ታ ጎዳ እሶረ ካትያና ናሰታ። ኔን ቶገሻዉ ዳንዳይያ፣ ግድያ እሳ ደሞፍ፣ ላኡ ሻእ ፓራቱዋ ታን ነዉ እማና።

24 ኔን ግብጻቱ ፓራ እሳቱዋና ፓራ ጋረቱዋ ታዉ የዳና ጋደ እማናፍ፣ ታ ጎዳ ኦላንቻቱ ካፓቱዋፍ ለት ላፍያዋካ ዛራናዉ ዳንዳያካ።

25 ሄዋ ቦላካ ቃይ፣ ታን ሀእ ቱመ፣ መድና ጎዳ እዛዙ ባይናን ሀ ቢታ ቆይሳናዉ ከሳድታ? መድና ጎዳይ ባረ ሁጸያዉ ታና፣ ኔረካ፣ ሄ ቢታ ባደ፣ ኦላደ ባይዛ ያጊደ ኦዴዳ ያጌ ያግተ።”

26 ሄዋፍ ጉይያን፣ ህልቂያ ናኣይ ኤልያቂመ፣ ሹብንን የኣህ እሶረቱ ጋዳዋ ሀዋዳን ያጌድና፤ “ኑን ብርሸላ ኤርያ ድራዉ፣ ሀያና ኔን ኑዉ ነ ቆማቶ ሶርያ ቃላን ኦዳ። ድርሳ ግምቢያ ሁጸያን ደእያ እሳይ ስሶና ማላ፣ እብራዌል ቃላን ኑዉ ኦደፓ” ያጌድና።

27 ሸን ጋዳዋይ ዛረሊደ፣ “ሀ ቃላቱዋ ታን ህንተዉን ህንተንቱ ጎዳ ጸላላዉ ኦዳናዉ ታና ታ ጎዳይ ከቲዳየ? ህንተንቱና እትፍ ባረንቱ ሸኣ ማናዉን ባረንቱ ሸሻ ኡሻናዉ ደእያ፣ ሀ ድርሳ ግምቢያ ቦላ ኡቲዳ እሳና ኡባዉ ኦዳናሳ ግደኔየ?” ያጌድና።

28 ሄዋፍ ጉይያን፣ እሶረቱ ጋዳዋይ ደንድ ኤቂደ፣ ባረ ቃላ ቆቃ ኦሊደ፣ እብራዌል ቃላን ሀዋዳን ያጌዳ፤ “እሶረ ካቲ ዋልቃማይ ህንተንታ ግያዋ ስሰተ!

29 ካቲ ህንተንታ ሀዋዳን ያጌ፤ “ህዝቂያሰ ህንተንታ ጭሞፖ፤ እያዉ ጎፍ፣ እ ህንተንታ ታ ኩሽያፍ ዋል እካናዉ ዳንዳየና።

30 እ ህንተንታ፣ መድና ጎዳይ ቱማ ኑና እሻናዋ፤ ሀ ካታማይካ እሶረ ካትያ ኩሽያን ገለና፣ ያጊደ ህንተንታ መድና ጎዳን እማነሶፖ” ያጌ።

31 “ኤ፣ ህንተንቱ ህዝቂያሰ ኦድያዋ ሰሶፕተ። እሶረ ካቲ ህንተንታ፣ ታናና ሰገትቱ፤ ሃ ታኮ ከሰተ። ያቶፍ ህንተንቱ ኡባይካ ህንተንቱ ዋይንያ ቲራፕን ህንተንቱ ባላሰያ ቲራፍ ሚሻና፤ ህንተንቱ ቦኪዳ ኦላፕካ ሃላ ኡሽሻና።

32 ሄዋፍ ጉይያን፣ ታን ያደ፣ ህንተንታ ህንተንቱ ቢታ ማላትያ ጋድያ እካደ እፋና። ሄ ቢታይ ካሳይን ዋይንያ ኤሳ ኡክሳይን ዋይንያ ኡታክልቲ ኩሜዳ ቢታ፤ ዋጋራይን ማላ ኤሳይን ኩሜዳ ቢታ። ህንተንቱ ታዉ እዛዘቶ፣ ፓጸ ደእና፤ ሀይቂክታ” ያጌ።

“ህዝቂያሰ ህንተንታ፣ መድና ጎዳይ ኑና እሻና፣ ያጊደ ጭምያዋ ሰሶፕተ።

33 እይሁዳ ግድና እሳ ጸሳቱዋፍ ባረ ቢታ እሶረ ካትያ ኩሽያፍ ለሹዳ ጸሰ ደእያ?

34 ሀማታ ጸሳቱን እርፋደ ጸሳቱ ሀቃን ደእና? ሳፋርዋይማ፣ ሄናእነ ኡዋ ጸሳቱ ሀቃን ደእና? ኡንቱንቱ ሳማርያ ታ ኩሽያፍ ዋል እኪድና?

35 ሀ ቢታቱዋ ጸሳቱዋ ኡባ ግደን ባረ ቢታ ታ ኩሽያፍ እያ ጸሰ እሹዳዋ ሸን፣ መድና ጎዳይ የሩሳላመ ታ ኩሽያፍ እሻኔን?” ያጌድና።

36 ሸን እሳይ እት ቃላን እዉ ዉርሰናን ጮኡ ጌዳ። እያዉ ጎፍ፣ ካቲ ኡንቱንታ፣ “እዉ እይነ ዛሪደ ኦድፕተ” ያግ ዋልዳ።

37 ሄዋፍ ጉይያን፣ ህልቂያ ናኣይ ካትያ ጎሊን እዋትያ ኤልያቂመ፣ ዋና ጸፊ ሹብንን ታርክያ ጸፊ አሳፋ ናኣይ የኣህ ባረንቱ ማየዋ ፔጲደ፣ ህዝቂያሳኮ ቤድና፤ እሶረቱ ጋዳዋይ ጌዳዋ ኡባ እዉ ኡዳድና።

# 19

## ካቲ ህዝቂያሰ ኢሰያሳ ዞርያ ኦቼዳ (ኢሳ. 37:1-7)

1 ካቲ ህዝቂያሰ ሄዋ ሰሴዳ ዋደ፣ ባረ ማየዋ ፔጲደ ዋሩዋ ማየደ፣ መድና ጎዳ ጌሻ ጎልያ ገሊዳ።

2 ካትያ ጎሊን እዋትያ ኤልያቂመ፣ ዋና ጸፊ ሹብንን ካለሰያ ቄሳቱ ዋሩዋ ማየደ፣ እሞጸ ናኣ ትምቢትያ ኦድያ ኢሰያሳ ኮ ባና ማላ ከቲዳ።

3 ኡንቱንቱ ኢሰያሳ ኮ ቢደ፣ “ህዝቂያሰ ሀዋዳን ያጌ፤ ሁቻ ጋላሳይ መቶ ጋላሳ፣ ሴራ ጋላሳን ዬላ ጋላሳ። ሄዌካ ናኣይ የለታናዉ ዋዲ ጋክና፣ ባንካደ የላናዉ ሞሽራትዉ ዋልቃይ ቆይያዋ ማላ።

4 ደኡዋ መድና ጎዳ ሸቃናዳን፣ እ ጎዳይ፣ እሶረ ካቲ፣ ከቲዳ ጋዳዋ ቃላ ኡባ መድና ጎዳይ፣ ነ ጸሳይ ሰሰናን እገና። ቃይ መድና ጎዳይ፣ ነ ጸሳይ ሄ ሰሴዳ ቦርያ ቃላ ጋሁዋን እ ሙረናን እገና። ሄዋ ድራዉ፣ ኑ እሳ ግደን ፓላህ ኡታናዋንቶ ዋሳ!” ያጌ። ያጌድና።

5 ካትያ ህዝቂያሳ ቆማቱ ኢሰያሳ ኮ ዬዳ ዋደ፣



6 እሳያሰ ኤንቱንታ ሀዋዲን ያጌዳ፤ “ህንተንቱ ጎዳዉ ሀዋዲን ያጌደ ኦድተ፤ ‘መድና ጎዳይ ኔና፡ ‘አሶረ ካትያ ቆማቱ ታና ሸቅሸን፡ ኔን ሰሴዳ ሸቃ ቃላዉ ያዮፓ።

7 በእ፡ ኦዲዋ ሰሴዳ፡ እ ባረ ጋድያ ሰማና ማላ፡ ታን እ ግደን ኢታ ኢያና ዋላና። ያታደ እ ባረ ጋድያ ቢደ፡ ያን ማሻን ሀይቃናዲን ታን እ ኦላና” ያጌ’ ያግተ” ያጌዳ።

አሶራቱ ሀራ ናሰያ ናሴድና

(ኢሳ. 37:8-20)

8 አሶረ ካቲ ላክሻ ካታማፕ ደንዲደ ብ ክቼዳዋ አሶረቱ ጋዳዋይ ሰሴዳ፡ ጉየ ሰሜዳ። ካቲ ሊብና ካታማን ኦላትያዋ ደሜዳ።

9 ካቲ ሳናክሪመ፡ “ቶጵያ ካቲ ትርሃቅ ኔና ኦላናዉ ዬዳ” ያግያ ኦዲዋ ሰሴዳ። ህዝቂያሳዉ ሀዋዲን ያጌደ ኪቲዳ፤

10 “ይሁዳ ካትያ ህዝቂያሳ፡ ኔን ኤማንትያ ጸሳይ ኔና፡ ‘የሩሳላመ አሶረ ካትያ ኩሽያን ገለና’ ያጌደ ጭጭፖ።

11 በእ፡ አሶረ ካተቱ ቢታቱዋ ኡባ ሙላ ቆይሲደ፡ ኤንቱንቱ ኦሌዳዋ ኔን ሰሳዳ። ያትና ኔን ኢታይ?

12 በን ታ ማይዛ አዋቱ ባይዜዳ ቢታቱዋ ጸሳቱ፡ ሄዋንቱን ጎዛና፡ ካራነን ረጸፋ ቢታቱዋ ጸሳቱን ታላሳራን ደእያ ኤደን አሳ ጸሳቱ ሄ ቢታቱዋ ባሻፕ አሺድና?

13 ሀማታ ካቲ፡ አርፋደ ካቲ፡ ሳፋርቀይማ ካቲ፡ ሄናኦ ካቲን ኢዋ ካቲ ሀቃን ደኢና?” ያጌደ ኪቲዳ።

14 ህዝቂያሰ ዳብዳቢያ እኪየዳ አሳቱዋፕ እኪደ ናባቤዳ። ዳብዳቢያ መድና ጎዳ ጌሻ ጎልያ እክ አፊደ፡ መድና ጎዳ ሰንሳን ምጩዳ።

15 ያቲደ መድና ጎዳ ሀዋዲን ያጌደ ዋሴዳ፤ “እቤት መድና ጎዳዉ፡ ክሩብቱዋፕ ግዲዋን ኡትያ እሰራኤልያ ጸሳዉ፡ ሳኦ ካዉተላቱ ኡባ ቦላ ነ ጸላላይ ጸሳ። ሳሉዋን ሳኦ ኔን መቆዳ።

16 እቤት መድና ጎዳዉ፡ ነ ሀይላ ሃ የጋደ ሰሳ። እቤት መድና ጎዳዉ፡ ነ አይፍያ ፖካደ ጸላ። ኔና፡ ደኡዋ ጸሳ ሸቃናዉ ሳናክሪመ ኪቲዳ ቃላ ሰሳ።

17 እቤት መድና ጎዳዉ፡ አሶረ ቢታ ካተቱ ካዉተላቱዋን ኤንቱንቱ ቢታ ባይዜዳዬ ኤ ቱማ።

18 ኤንቱንቱ ጸሳቱዋ ታማን ጸግ ቆይሴድና፤ አያዉ ጎፕ፡ ኤንቱንቱ ጸሳቱ ዋንካ አሳ ኩሽ ማሲደ ከሴዳ ምላኝ ሹቻን ግድያ ድራዉ፡ ቱሙ ጸሳቱዋ ግድክና፤ ሄዋ ድራዉ፡ ኤንቱንቱ ኤንቱንታ ቆይሴድና።

19 እቤት መድና ጎዳዉ፡ ነ ጸላላይ ጸሳ ግድያዋ ሳኦ ካዉተላቱ ኡባይ ኤራና ማላ፡ ሀእ ሰም፡ መድና ጎዳዉ፡ ኦ ጸሳዉ፡ ኔን ኦና እ ኩሽያፕ ዋላ አካ!” ያጌደ ዋሴዳ።

እሳያሰ ካትያዉ የዴዳ ኪታ

(ኢሳ. 37:21-38)

20 ሄዋፕ ጉይያን፡ አዋጸ ናኦይ እሳያሰ ህዝቂያሳዉ ሀዋዲን ያጌደ ኪቲዳ፤ “መድና ጎዳይ እሰራኤልያ ጸሳይ ሀዋዲን ያጌ፤ ‘ኔን አሶረ ካትያ ሳናክሪመ ጋሱዋን ታና ዋሴዳ ዋሳ ሰሳድ’ ያጌ።

21 መድና ጎዳይ ሳናክሪመ ሀዋዲን ያጌደ ሃሳዬ፤

“ ጽዮንን ደእያ ዋድራታ ኔና ካቆዉ፤  
የሩሳላመ ዋድራታ ባረ ሁጲያ ቃላደ፡  
ኔና ቆሳዉ።

22 “ ኔን ሸቆዳዋን  
ቶቼዳዋ ኦኔ?  
ኔን እዝ ቦላን ነ ቃላ

ቶቁ ኦላደ ሃሳያዲ?  
ቃይ ኦቶሩዋን ኦና

ቶቁ ጋደ ጸላዲ?  
ሄዋ ኔን ኦሌዳዋ ታ ቦላና፡  
እሰራኤልያ ጌሻ ቦላና ግደኔ!

23 ኔን ኪቲዳ አሳቱዋ ባጋና፡  
መድና ጎዳ ሸቃዳ።

ቃይ ሀዋዲን ያጋዳ፤  
“ታን ታዉ ደእያ ጮራ ፓራ ጋረቱዋን  
ቶቃ ደረቱዋ ሁጲያ፡  
ሊባኖሳ ደርያ ኪክያ ከሳድ።

ኡባፕ አዲቂያ ዝጋቱዋነ፥  
 ኡባፕ ሎእያ ጽደቱዋ ቃንጸድ።  
 ታን እዉ ዉርሰላ ጋጸነ  
 ሎኦ ዋራ ጋካድ።  
 24 ታን አላጋ ቢታቱነ ሃላ ኦላቱዋ ቦካደ፥  
 ሃላ ኡንቱንቱፕ ኡሻድ።  
 ግብጹ ቢታን ጎግያ ሃላ ኡባ  
 ታን ታ ገድያ ጎምፓን የጳደ መልሳድ” ያጋዳ።

25 “ ዳሮ ዋድያፕ ካሰ ኔን  
 ግምበቱዳ ካታማቱዋ ቆቆፋደ፥  
 ቩቻ ኬላ ከሳና ማላ፥  
 ታን ቆፋ ቃቻ ዋሴዳዋ ኔን ኤራብይኪ?  
 ታን ሀእ ፖልያ ሀልቾቱዋ  
 በን ሀልቻ ዋሳድ።  
 26 ሄዋ ድራዉ፥ ኡንቱንቱ አሳዉ ዋልቃይ እጽና፥  
 ኡንቱንቱ ካዉሼድናን ዬላቴድና።  
 ኡንቱንቱ ጋይ ማታ ማላ፤  
 ጎሻን ደልያ ጫርሻ ማላ።  
 ኡንቱንቱ ጎልያ ሁጲያን ሞክያ ሻራፋዳንነ  
 ካኤናን ደእሸን፥ ለጌ ሜዳ ካላዳን ህኔድና።

27 “ ሸን ኔን ኡትያሳ፥  
 ከሰያሳ፥ ገልያሳነ  
 ታ ቦላ ኔን ሀንቀቱዳ ሀንቁዋ ታን ኤራይ።  
 28 ኔን ታ ቦላ ሀንቀቱዳ ድራዉነ፥  
 ነ ኡቶሩዋካ ታን ሰሴዳ ድራዉ፥  
 ታን ነ ሲቲያን ታ ዳፋዋ አላና፤  
 ነ ደናንካ ታ ብጸላ ባርሳና።  
 ያታይ ነ ዬዳ ኦግያና ታን ኔና ጉየ ዛራና፥  
 ያጌ” ያጌዳ።

29 ሄዋፕ ጉይያን፥ እሳያሰ ካትያ ህዝቂያሳ ሀዋዳን ያጌዳ፤ “ሀዌ ፖለታናዉ ነዉ ማላታይ ሀዋ፥  
 ሀ ላይላ ሀንተንቱ ዘርናን ደልያ ካላ ማና፤ ላይላ ቃይ ሀ ላይላ ሞኬዳዋ አዛባ ማና። ሸን ካላ  
 ላይላ ሀንተንቱ ሀንተንቱ ሁጲያዉ ዘርተነ ቆይጭተ፤ ዋይንያ ቱራካ ቶክተነ አ ቱራ ሚተ።

30 ይሁዳ አሳ አተላቱ ጸጸዋ ዲገ የዲደ፥ ቦላን እይፍያ አይፍያ ሞላ ማላ ግዳና።

31 አያዉ ጎፕ፥ ዉራይ አቴዳዋንቱ የሩሳላመፕ፥ ፓላሄዳዋንቱካ ጽዮንፕ ከሳና። ኡባፕ ዋልቃዎ  
 መቲና ጎዳ ሞሹ ሄዋ ኦላይ ፖላና።

32 “ሄዋ ድራዉ፥ አሶሪ ካዉዋ መቲና ጎዳይ ሀዋዳን ያጌ፤ አሶሪ ካቲ ሀ ካታማ ገለና፤ ዋይ  
 ሀዋን ባሪ ዋንዳፍያን ዱኩና። አ ባሪ ጎንዳልያ ኦይቂደ፥ ሀ ካታማ ሰንላ አ□ና፤ ዋይ ቃይ ካታማ  
 ዩሹዋ ቢታ ደርያን ድረና።

33 አሶሪ ካቲ ባሪ ዬዳ ኦግያና ጉየ ሰማና፤ አ ሀ ካታማ ገለና። ታን መቲና ጎዳይ ሀዋ ኦዳድ።

34 ታን ታ ቦንቹዋ ድራዉነ ታ ቆማ ዳዊታ ድራዉ፥ ሀ ካታማ ቦሽሰናን አሻ አካና” ያጌ” ያጌዳ።

35 ሄ ጋላሰ ቃማ መቲና ጎዳ ኪታንቻይ ከሲደ፥ አሶሪ አሳይ ዲንካኔዳ ሳኣነ እት ጴታነ ሆሰፕን  
 ታማነ እቹሹ ሻአ አቴማ አሳ ዋዴዳ። ያትና አሳይ ዋንታ ደንዲደ በእያ ዋይ፥ ሀይቁዳ አሳ አሃይ  
 ሄዋን ኩሚዳ።

36 ሄዋ ድራዉ፥ አሶሪ ካቲ ሳናክሬመ ደንዲደ፥ ጉየ ሰም ቢደ፥ ናናዌ ካታማን ኡቲዳ።

37 እት ጋላሰ ሳናክሬመ ባሪ ጸሳ ንሰሮካ ኤቃ ጎለን ጎይኒደ ደእሸን፥ አ ናናይ አድራመሌክነ  
 ሳርኤጸር ማሻን አ ዋዴድና። አራራተ ግያ ጋድያ ባቃቲድና። አ ናአይ አሳርሀ-ሀዳን አ ሳኣነ  
 ካዉቲዳ።

### 20

ካቲ ህዝቂያሰ ሀርጊደ ፓጹዳ  
 (2 ኦዲዋ 32:24-26፤ ኢሳ. 38:1-8፤ 21-22)

1 ሄ ዎደ ካቲ ህዘቂያሰ ሀርጊደ። ህያና ማቴዳ። ያን ደእሸን እሞጾ ናኦይ ትምቢትያ ኦድያ እሳያሰ እኮ ቢደ። “መድና ጎዳይ ኔና። ሄን ሀይቃሳፕ እትና ፓጻካ፤ ሄዋ ድራው። ነ ጎልያ ጊግሳ’ ያጌ” ያጌዳ።

2 ህዘቂያሰ ጎዳኮ ሰም ግሲደ። መድና ጎዳ ዋሲደ።

3 “እቢት መድና ጎዳው። ታን ነ ሰንላን ቱማተላን ኩመንላ ዋዛናን ሀመቴዳዋን ቃይ ኔና ናሽቻያዋ ኦሌዳዋ ታው ኔን ሀሳያና ማላ። ታን ኔና ዋሳይ” ያጊደ ዋሲዳ። ህዘቂያሰ ሎይላ ሴለቲደ ዩኬዳ።

4 እሳያሰ ካትያ ሰንላፕ ከሴዳ፤ ካትያ ጎልያ ዳባባፕ አዲደ ብ ክቼናን ደእሸን። መድና ጎዳ ቃላይ ሀዋዳን ያጊደ። እኮ ዩዳ።

5 “ጉዮ ሰማደ ባደ ታ አሳ ካለላያ ህዘቂያሳው ሀዋዳን ያጋደ ኦዳ፤ “መድና ጎዳይ። ነ ማይዛ እውዋ ዳዊታ ጸሳይ ሀዋዳን ያጌ። “ታን ነ ዋሳ ሰሳድ፤ ነ እርሳካ በኦድ። ታን ኔና ፓላና፤ ሄዙ ጋላሳፕ ጉይያን። ኔን ፑደ መድና ጎዳ ጌሻ ጎልያ ባና።

6 ነ ላይላ ቦላ ታን ነዉ ታሚ እቼሽ ላይላ ጉጅና። ታን ኔናን ሀ ካታማን እሶር ቢታ ካትያ ኩሸያፕ እሻና። ታን ታ ቦንቹዋ ድራው፤ ታ ቆማ ዳዊታ ድራው። ሀ ካታማዉ ኦለታደ እሻና” ያጌ’ ያጌ” ያጌዳ።

7 ሄዋፕ ጉይያን እሳያሰ። “ባላሰያ ቴራ ዳዲደ። እ ጋፋዋ ቦላ ዋሰተ። ያቶፕ እ ፓጻናዋ” ያጌዳ።

8 ህዘቂያሰ እሴያሳ። “መድና ጎዳይ ታና ፓላናዋን ታን ሄዘንላ ጋላሰ መድና ጎዳ ጌሻ ጎልያ ፑደ ባናዋ ማላታይ እዩ?” ያጊደ ኦቼዳ።

9 እሳያሰ። “መድና ጎዳይ ባር ጌዳ ቃላ ፖላናዉ ነዉ መድና ጎዳይ ማላታ እማና። ሰም ኔን ሀዋፕ ሀቃዋ ድራይ? ሀዌ ኩዋይ ታሙ ታንጉዋ ሰንላዉ ባናዋ ድራይዮ። ታሙ ታንጉዋ ሀዋፕ ጉዮ ሰማናዋ ድራይ?” ያጊደ ኦቼዳ።

10 ያትና ህዘቂያሰ እ። “ኩዋይ ሰንላዉ ባናዋ መተና፤ ሄዋፕ ኩዋይ ጉዮ ሰማናዳን ኪተታ” ያጌዳ።

11 ሄዋፕ ጉይያን። ትምቢትያ ኦድያ እሳያሰ መድና ጎዳ ዋሲዳ፤ መድና ጎዳይ ካቲ እካዘ ግምቢሲደ ደላቱዋ ኩዋዬዳ ኩዋ ታሙ ደላቱዋ ሄ ሳፕ ጉዮ ዛራዳ።

**ባብሎንፕ ኪተቲደ ዬዳ እሳቱዋ**  
(እ.ሳ. 39:1-8)

12 ሄ ዎደ ባላዳና ናኦይ። ባብሎን ካቲ። ማርዳክ ባላዳን ህዘቂያሰ ሀርጊደዋ ሰሴዳ ድራው። ዳብደቢያን እሞታ ህዘቂያሳው ዮዴዳ።

13 ህዘቂያሰ ኪተቲደ ዬዳ እሳቱዋ ሞኬዳ። ያቲደ ባር ሚሻ ምንጅያ ጎላን ደእያ ብራ። ዋርቃ። ሳዉዋ። አልኦ ዛይትያ። ባር ኦላ ሚሻን ባር ሚሻ ምንጅያ ጎላን ደእያዋ ኡባ ኡንቱንታ በሴዳ። ባር ሶን ዎይ ባር ካዉተላ ግደን ደእያዋ ኡባፕ ህዘቂያሰ ኡንቱንታ በሰናን ኡኤዳባይ እያይን ባዋ።

14 ሄዋፕ ጉይያን። ትምቢትያ ኦድያ እሳያሰ ካትያ ህዘቂያሰኮ ዪደ። “ሀ እሳቱ ዋጌድና? ኡንቱንቱ ሀቃፕ ዬድና?” ያጊደ ኦቼዳ።

ህዘቂያሰ። “ኡንቱንቱ ታኮ ሃኮ ጋድያፕ። ባብሎንፕ ዬድና” ያጌዳ።

15 እሳያሰ ቃይካ። “ኡንቱንቱ ነ ሶን እያ እያ በኤድና?” ያጌዳ።

ህዘቂያሰ። “ኡንቱንቱ ታ ሶን ደእያ ኡባባ በኤድና፤ ታ ሚሻ ምንጅያ ጎላን ደእያባፕ ታን ኡንቱንታ በሳቤናባይ እያይን ባዋ” ያጌዳ።

16 ሄዋፕ ጉይያን። እሳያሰ ህዘቂያሳ። “መድና ጎዳይ ግያዋ ሰሳ።

17 መድና ጎዳይ ሀዋዳን ያጌ። ሳ ካትያ ጎላን ደእያባይ ኡባባይን ነ ማይዛ እዋቱ ሆቼ ጋካናዉ ሸሺዳባይ ኡባባይ ሙላ እሞደቲደ። ባብሎን ጋድያ ባና ጋላሳቱ ያና፤ እፕ እያይን እትና።

18 ቃይ ነዉ የለታናዋ። ነ አሻን ሱላን ግድያ ነ አቱማ ዛራቱዋፕካ እሞደቲደ ባና፤ ባብሎን ካትያ ጎላን ጎይራቲደ ኦላና’ ያጌ” ያጌዳ።

19 ህዘቂያሰ ዛራደ። “ኔን ኦዴዳ መድና ጎዳ ቃላይ ሎእ” ያጌዳ። እያዉ ሳፕ። ህዘቂያሰ። “ታን ደኤዳ ላይላን ሳናን ዎፓይ ደእናዋ ግደኔ” ያጊደ ቆፔዳ።

**ህዘቂያሳ ሀይቁዋ**  
(2 ኦዲዋ 32:32-33)

20 ህዘቂያሰ ሀኔዳ ሀራባይ። እ ሞናተሳይን ሃላ ዜሪደ። ቢታ ግዱዋና ዋራዋን ካታማ እ ገልሴዳባይ ይሁዳ ካተቱዋ ታርክያ ማጻፋን ጸፈት ኡቲዳ።

21 ህዘቂያሰ ሀይቁደ። ባር ማይዛን ጋከቴዳ፤ እ ኮሸያን እ ናኦይ ምናሰ ካተቲዳ።

# 21

## ይሁዳ ካትያ ምናሳ (2 ኦዲዋ 33:1-20)

1 ምናሳ ካተትያ ዋደ ላይሳይ አዉ ታማነ ላኣ፤ እ የሩሳላመን እሻታማነ እቼሹ ላይሳ ካተቲዳ።  
እ እት ስንሳይ ሄፍጸቢ።

2 መድና ጎዳይ እስራኤልያ አሳ ሰንሳጥ ላጊደ ከሴዳ አሳቱዋ ደኡዋ ዋጋ፣ ሄ ሸነይያዋ ቁለደ፣ ምናሳ መድና ጎዳ ሰንሳጥ አታባ ኦሴዳ።

3 እ አዉ ህዝቁያሰ ላሌዳ፣ ጎይንያ ቋቃ ሳኣ እ ዛርሊደ ኪዴዳ፤ እስራኤልያ ካቲ አካብ ኦሴዳዋዳን፣ ባኣላ ግያ ጸሳዉ ያርሸያ ሳኣቱዋነ እሹር ግያ ጸሳት ምስሊቱዋ መዴዳ። ቃይ ሳሉዋ ጸልንተቶ ኡባዉካ ጎይኔዳነ ኡንቱንቶ ኦሴዳ።

4 መድና ጎዳይ ካሰ፣ “ታን ታ ስንሳ የሩሳላመን ጴሰሳና” ያግ ዋሴዳ መድና ጎዳ ጌሻ ጎልያን ሀራ ጸሳቶ ያርሸያ ሳኣ ገግሴዳ።

5 መድና ጎዳ ጌሻ ጎልያን ደእያ ላኡ ዳባባቱዋን ሳሉዋ ጸልንተቶ ኡባዉ ያርሸያ ሳኣ ገግሴዳ።

6 ባረ የሌዳ ናኣ ታማነ ጸጊደ ያርሸዳ። እ ባረ ሁጺያዉካ ብትያዋነ ሙሩንያዋ ግዲደ፣ ሻሪቾቱዋን ምይትልያ ሃሳይሰያዋንታ ዘርያ ኦቼዳ። መድና ጎዳ ሰንሳጥ ዳር ኢታባ ኦሴዳ፣ እ ሀንቀሴዳ።

7 እሹር ግያ ጸሳት ምስልያ፣ ማሰት ከሴዳዋ አሂደ፣ መድና ጎዳ ጌሻ ጎልያ ግደን ኤሴዳ። ሄ ጌሻ ጎሊ፣ መድና ጎዳይ ዳዊታነ እ ናኣ ሰሎሞና፣ “እስራኤልያ ዘርያ ኡባ ግደጥ ታን ደራዳ ሀ ጌሻ ጎልያንን የሩሳላመን ታን ታ ስንሳ መድናዉ ጴሰሳና።

8 እስራኤልያ አሳ ታን አዛዘዳ አዛዘዋ ኡባነ ታ ቆማይ ሙሴ ኡንቱንቶ እሜዳ ሀግያ ኡባ ናጊደ ኦሳ፣ ታን ኡንቱንቱ ማይዛ አዋቶ እሜዳ ጋድያጥ ኡንቱንታ ደንሳይ ቶይላይከ” ያጌዳ።

9 ሸነ አሳይ ሰሰናን እጹዳ። መድና ጎዳ እስራኤልያ አሳ ሰንሳጥ ዳይሴዳ ጋደ አሳዋጥካ አቲያ ኢታ ኦሳና ማላ፣ ምናሳ ኡንቱንታ ባለሴዳ።

10 መድና ጎዳይ ትምቢትያ ኦድያ ባረ ቆማቱዋ ባጋና ሀዋዳን ያጌዳ፤

11 “ይሁዳ ካቲ ምናሳ ሀ ቱና ከታ ኦሴዳ፤ ባረጥ ካሰ ደኤዳ አዋሪ አሳ ኡባ ናጋራጥካ አቲያ ኢታ ኦሴዳ፤ ይሁዳ አሳ ባረ መዴዳ ኤቃ ምስልያዉ ጎይንሲደ፣ ናጋራ ኦሰሴዳ። እ ሄዋ ኦሴዳ ድራዉ።

12 ታን መድና ጎዳይ እስራኤልያ ጸሳይ ሀዋዳን ያጋይ፤ ሰሰያ አሳ ኡባ ሀይሳዉ ኢትያ ባሻ ታን የሩሳላመ ሶላነ ይሁዳ ሶላ አሀና ሀናይ።

13 ታን ሳማርያ ሶላ ጎቼዳ ዋደሩዋ፣ የሩሳላመ ሶላ ጎቻና፤ አካባ ሶይ አሳ ሶላ የዴዳ ቱምቢያካ፣ የሩሳላመ ሶላ የዳና። እት አሳይ ከርያ ቁጭ ጉፋንሊደ መልሰያዋዳን፣ ታን የሩሳላመ ቁጫደ ጉፋንሳና።

14 ታ ላታቱዋጥ እቲዳዉንታ ታን ኦሳና፤ ታን ኡንቱንታ ኡንቱንቱ ሞርከቱዋ ኩሸያን አሳደ እማና። ኡንቱንቱ ሞርከቱ ኡባይ ኡንቱንታ ኦይቃናነ ቦንቃና።

15 ኡንቱንቱ ማይዛ አዋቱ ግብጸጥ ከሶደጥ ደዋ፣ ሀቼ ጋካናዉ፣ ኡንቱንቱ ታ ሰንሳጥ ኢታባ ኦሴዳ ድራዉነ ታና ሀንቀሴዳ ድራዉ፣ ታን ሀዋዳን ኦሳና ያጋይ” ያጌዳ።

16 ምናሳ ይሁዳ አሳ መድና ጎዳ ሰንሳጥ ናጋራ ኦሰሴዳዋ ሶላካ ጉጂደ፣ ጽሎ አሳ ዋዴዳ፤ የሩሳላመን ሀ ጋጸጥ ያ ጋጸ ጋካናዉ፣ ሱላ ኩንሴዳ።

17 ምናሳ ሀኔዳ ሀራባይ፣ እ ኦሴዳባይ ኡባይን እ ኦሴዳ ናጋራባይ ይሁዳ ካተቲ ታርክያ ማጻፋን ጸፈት ኡቲዳ።

18 ምናሳ ሀይቂደ፣ ባረ ማይዛን ጋከቲዳ፤ ያቲደ ባረ ጎልያ ማታን ደእያ ኡዛ አታክልትያ ሳኣ ግያ ሳኣን ሞገቲዳ። እ ኮታን እ ናኣይ አዋነ ካተቲዳ።

## ይሁዳ ካትያ አሞና (2 ኦዲዋ 33:21-25)

19 አዋነ ካተትያ ዋደ፣ ላይሳይ አዉ ላታማነ ላኣ፤ እ የሩሳላመን ላኡ ላይሳ ካተቲዳ። እ ዳይ ስንሳይ ማሹለሜቶ፤ እዛ ያጽባ ካታማን ደእያ ሀሩጸ ናቶ።

20 እ አዉ ምናሳ ኦሴዳዋዳን፣ አዋንካ መድና ጎዳ ሰንሳጥ ኢታባ ኦሴዳ።

21 እ ባረ አዉ ሀመቲዳ ኦግያን ኡባን ሀመቲዳ፤ ባረ አዉ ኦሴዳ ኤቃቶ እካ ኦሴዳነ ኡንቱንቶ ጎይኔዳ።

22 መድና ጎዳ፣ ባረ ማይዛ አዋቱዋ መድና ጎዳ አግ ባሸዳ፤ መድና ጎዳ ኦግያንካ እ ሀመትቤና።

23 አሞና ኦሳንቻቱ እ ሶላ ማቀቲደ፣ እ ካትያ ጎሊን እ ዋዴድና።

24 ሄዋጥ ጉይያን፣ ይሁዳ አሳቱ ካትያ አሞና ቦላ ማቀቱዳ ኡባቱዋ ዋዴድና። አሞና ኮታን አ ናአ ዮሰያሳ ካተዬድና።

25 አሞነ ሀይዳ ሀራባይነ እ ኦሌዳባይ ኡባይ ይሁዳ ካተቱ ታርክያ ማጻፋን ጻፈት ኡቱዳ።

26 አሞነ ኡዛ ኦታክልትያ ሳአ ግያ ሳአን ደእያ ባረ ዱፋዋን ሞገቱዳ፤ እ ኮታን አ ናአይ ኢዮሰያሳ ካተቱዳ።

## 22

### ኢዮሰያሳ አይሱዋ

(2 ካታ. 22:1—23:30)

1 አዮሰያሳ ካተትያ ዋድ፣ ላይሳይ አወ ሆሰፑና፤ እ ዮሩሳሌሙን ሀታማነ እት ላይሳ ካተቱዳ። እ ዳይ ሰንሳይ ይዳደ፤ እዛ ቦጽቃታ ግያ ካታማን ደእያ አዳያ ናቶ።

2 አዮሰያሳ መድና ጎዳ ሰንሳን ሱረባ ኦሌዳ፤ ኡሸቻ ሀድርሳ ጌናን ባረ ማይዛ አወዋ ዳዋታ ኡግያን ኡባን ሀመቱዳ።

### ጻሳ ህግያ ማጻፋይ ቤቱዳ

(2 ኦዲዋ 34:8-28)

3 ካቲ አዮሰያሳ ባረ ካተቱዳ ታማነ ሆሰፑንሳ ላይሳን፣ ማሹላማ ናአ ናአ፣ አጻልያ ናአ፣ ዋና ጻፍና ሳፋና መድና ጎዳ ጌሻ ጎልያ ሀዋዳን ያገደ ኪቱዳ፤

4 “አሳሳይ መድና ጎዳ ጌሻ ጎልያ አህና፣ ጌሻ ጎልያ ፐንግያ ናግያዋንቱ አሳፐ ሺሼዳ ሻሉዋ ፓይዳናዳን፣ ቁሳቱዋ ኡባቱዋ ካፑዋ ሀልቁያኮ ባ።

5 ቁሰያ ኡባቱዋ ካፑ ሚሻ መድና ጎዳ ጌሻ ጎልያ ኦራሰሰያ ካፓቶ አማና ማላ ኦዳ። ኡንቱንቱካ ጌሻ ጎልያ ኦራሰያ አሳንቻቶ።

6 አናጸቶ ግምቢያዋንቶን ሹቻ ማሰያዋንቶ ጭግኖ። ቃይ ጌሻ ጎልያ ኦራሳና፣ ሞላነ ቆኤቱዳ ሹቻ ሻምያዋንቶ ጭግኖ።

7 ሄ ከታ ዋቕያዋንቱ አማነትያ አሳ ግድያ ድራወ፣ ኡንቱንቱ ኩሽያን ገሌዳ ሚሻን እያ እያ ኦሌደንቶ፣ ኡንቱንታ ኦቻናወ ኮሸና” ያገደ።

8 ሄዋጥ ጉይያን፣ ቁሳቱዋ ኡባቱዋ ካፑ ሀልቁ ዋና ጻፍና ሳፋና፣ “ህግያ ማጻፋ መድና ጎዳ ጌሻ ጎልያን ደማድ” ያገደ። ማጻፋ ሳፋናወ አሜዳ፤ ሳፋን አኪደ ናባቤዳ።

9 ዋና ጻፊ ሳፋን ካትያኮ ሰም ቢደ፣ “መድና ጎዳ ጌሻ ጎልያን ደእያ ሻሉዋ ነ ኡሳንቻቱ ወርሰ አኪደ፣ ጌሻ ጎልያ ኦራሰሰያ ካፓቶ አሜድና” ያገደ ኦዳዳ።

10 ቃይካ ዋና ጻፊ ሳፋን ካትያ፣ “ቁሲ ሀልቁ ታወ ማጻፋ አሜዳ” ያገደ ካትያ ሰንሳን ሄ ማጻፋ ናባቤዳ።

11 ካቲ ህግያ ማጻፋን ደእያ ቃላ ሰሴዳ ዋድ፣ ካዮቲደ ባረ ማዌዋ ፔዴዳ።

12 ሄዋጥ ጉይያን፣ ካቲ ቁሰያ ሀልቁያ፣ ሳፋና ናአ አህቃማ፣ ሞካያ ናአ አክቦራ፣ ዋና ጻፍና ሳፋናን ካትያ ኡሳንቻ አሳያ ሀዋዳን ያገደ አዛዜዳ፤

13 “ቢተ፤ ታ ድራወ፣ ሀ አሳ ድራወን ይሁዳ ኡባ ድራወ፣ ሀ ቤቱዳ ማጻፋ ቃላዋ እነ መድና ጎዳ ኦቻተ። እያወ ጎፐ፣ ኦወ ጻፈቱዳ ኡባባ ኦላናወ፣ ኦ ማይዛ አዋቱ ሀ ማጻፋ ቃላወ አዛዘትቤና ድራወ፣ ኦ ቦላ ሱሌዳ መድና ጎዳ ሀንቁ ሎይሰ ዳራ” ያገደ።

14 ቁሲ ሀልቁ፣ አህቃማ፣ አክቦር፣ ሳፋንነ አሳይ ትምቢትያ ኦድያ ሀልደ ግያ ሞሽራቶ ኦቻናወ ቤድና። ሀልደ ሀርሃሳ ናአ ቲቅዋ ናአ፣ ጌሻ ጎልያ ማዌዋ ናግያ ሻሉማ ሞሽራቶ። እ ዮሩሳሌሙን ላኤንሎ ሹቻን ደእወ። ሄ ቤዳ አሳቱ አዘና ሃሳቤድና።

15 ሀልደ ኡንቱንታ፣ “መድና ጎዳይ እሰራኤልያ ጻሳይ፣ ህንተና ታኮ ኪቱዳ ብታንያወ ኦድተ ያገ።”

16 መድና ጎዳይ ሀዋዳን ያገ፤ ብአተ፣ ይሁዳ ካቲ ናባቤዳ ማጻፋን ጻፈቱዳ ኢታ ቃላ ኡባ ታን ሀ ሳአ ቦላነ ሀ ሳአን ደእያ አሳ ቦላ አህና ሀረይ።

17 ኡንቱንቱ ታና አገደ፣ ሀራ ጸሳቶ እጻና ጩዋዬድና፤ ያቲደ ኡንቱንቱ ባረንቱ ኩሽያን ኦሌዳዋን ኡባን ታና ሀንቁሌድና። ሄዋ ድራወ፣ ታ ሀንቁ ሀ ሳአ ቦላ ኤጽ ከሴዳ፤ ቶአናወ ዳንዳዮና” ያገ።

18 “መድና ጎዳ ኦቻናወ ህንተንታ ኪቱዳ ካትያ ሀዋዳን ያግተ፤ መድና ጎዳይ እሰራኤልያ ጻሳይ ኔን ሰሴዳ ቃላ ሀዋዳን ያገ፤”

19 ታን ሀ ሳአ ቦላነ ሀ ሳአን ደእያ አሳ ቦላ፣ ታን ህንተንታ ቆይሳናን ባይዛ ከሳና፣ ጋደ ሃሳቤዳዋ ኔን ሰሴዳ ዋድ፣ ነ ዋዛረይ ሹግና፣ መድና ጎዳ ሰንሳን ነ ሁጺያ ካወሹዳ ድራወን ነ ማዌዋ ፔዳደ፣ ታ ሰንሳን ዬኬዳ ድራወ፣ ታን ነ ዋሳ ሰሳድ ያገ መድና ጎዳይ።

20 ሃዋ ድራሬ፡ ታን ኔና ሳሩዋን ነ ማይዛን ጋላና፤ ኔን ሳሩ ዋገታና። ታን ሀ ሳኣ ቦላን ሀ ሳኣን ደእያ እሳ ቦላ እሀና እታባ ነ እይሬ በእና ያጌ ያግተሙ ያጋዱ። ሃዋጥ ጉዩ እንቱንቱ ቢደ፡ ሀ ሃሳዩቱዳባ ካትያው ኦደድና።

### 23

እዮሰያስ ኤቃ ጎይኑዋ ቢታጥ ቆይሴዳ  
(2 ኦዲዋ 34:3-7፣ 29-33)

1 ሃዋጥ ጉይያን፡ ካቲ እዮሰያስ ከቲደ፡ ይሁዳ ጭማቱዋን የሩሳላሙ ጭማቱዋ ኡባ እ ሺሼዳ።

2 ካቲ መድና ጎዳ ጌሻ ጎልያ ወደ ከሴዳ፤ ይሁዳ አሳይ ኡባይ፡ የሩሳላሙን ደእያ አሳይ ኡባይ፡ ቁሳቱን ትምቢትያ ኦድያዋንቱ፡ ጉሳጥ ዋጋ ጋካና፡ አሳይ ኡባይ እናና እትጥ መድና ጎዳ ጌሻ ጎልያ ወደ ከሴድና። መድና ጎዳ ጌሻ ጎልያጥ ቤቱዳ ቃላ ጫቁዋ ማጻፋ ቃላ ኡባ ካቲ እንቱንቱ ሰሰሽን ናባቤዳ።

3 ሃዋጥ ጉይያን፡ ካቲ ቱሳ ማታን ኤቁደ፡ እንቱንቱ መድና ጎዳ ኦግያን ሀመታና፤ እ ሀግያ፡ እ ዋጋን እ አዛዙዋ ባረ ኩመንላ ዋዛናንን ባረ ኩመንላ ሸምጥዋን ናጋና፡ ቃይ ሀ ማጻፋን ጸፈቲዳ ጫቁዋዳን ኦላና፤ መድና ጎዳ ሰንሳን ገጤዳ። ያትና አሳይ ኡባይካ ጫቁዋ ናጋና፤ መድና ጎዳ ጌሻ ጎልያጥ ከሳናዳን እዛዜዳ። ካቲ ሃዋጥን የሩሳላሙጥ ጋጾ ከሲደ፡ ቀድሮና ዛንጋራን ጹጌዳ፤ ብድንሳን ቤቱለ አፈዳ።

4 ሃዋጥ ጉይያን፡ ካቲ ቁሳቱዋ ኡባቱዋ ካጥዋ ሀልቂያ፡ እጥ ጋርሳና ደእያ ቁሳቱ ዋን ጥንግያ ናግያዋንታ ባኣላ፡ እሺሮን ሳሉዋ ጸልንተቶ ጎይናና፤ ገግሴዳ ሚሻቱዋ ኡባ መድና ጎዳ ጌሻ ጎልያጥ ከሳናዳን እዛዜዳ። ካቲ ሃዋጥን የሩሳላሙጥ ጋጾ ከሲደ፡ ቀድሮና ዛንጋራን ጹጌዳ፤ ብድንሳን ቤቱለ አፈዳ።

5 ይሁዳ ካታማቱዋን የሩሳላሙ የሹዋን ደእያ ቆቃ ግሹዋን ኡባን እጻና ጩዋያናዳን ይሁዳ ካተቱ ሰንሰዳ ቆማሻቱዋ ቁሳቱ ዋ ኡባ ኦሱዋጥ ከሴዳ። ባኣላ፡ እዋሬ፡ እግና፡ ጸልንተቶን ሳሉዋን ደእያ ሀራ መጋታቶ እጻና ጩዋይያዋንታ ኡባ ድጌዳ።

6 እሺሮ ግያ ጸሳት ሞሰልያ መድና ጎዳ ጌሻ ጎልያጥ እኪደ፡ የሩሳላሙ ካታማጥ ጋጾ ከሲደ፡ ቀድሮና ዛንጋራ አፈዳ። ሃዋጥ ካላ ያን ጹጌዳዋ ሊቅሰ ጋጩደ፡ ጂላ ከሴዳ። ያቲደ ሃ ባና ጋይ አሳ ማካና ቦላ ላሊዳ።

7 መድና ጎዳ ጌሻ ጎልያ ግድን ጎይና ዋጋ ኦሊደ፡ እቲማ አሳቱ እቲማ አሳቱዋና ሻርሙጻትያ ጎልያ ከጎቼዳ፤ ሃ ጎለቱዋን ማጫ አሳይ እሺሮ ግያ ጸሳት፤ ጋርዱዋ ሱቱ።

8 እዮሰያስ ቁሳቱ ዋ ኡባ ይሁዳ ካታማቱዋጥ አሂዳ፤ ካሰ ቁሳቱ እጻና ጩዋዬዳ ቆቃ ሳኣ፡ ገባእጥ ቢደ በርሳቡሀ ጋካና፤ ደእያዋንታ ቱንሴዳ። ካታማ ሞድያ እያሱ ጥንግያ ግያ ጥንግያ ገልያ ሳጥ ሀድርሳ ገጋና ደእያ ጎይንያ ሳኣቱዋካ ቆቆፊዳ።

9 ቆቃ ሳኣ ቁሳቱ የሩሳላሙን መድና ጎዳው ያርሽያ ሳኣ ወደ ዩክና፤ ሸን እንቱንቱ ሀራ ቁሳቱ ዋና እትጥ እርሹ ገልቤና ኡክሳ ሚና።

10 ካቲ እዮሰያስ ሀናማ ዛንጋራን ደእያ ቶሬታ ጌተትያ ያርሹዋ ሳኣ ቱንሴዳ። ያቲደ ሞሎካ ግያ ጸሳው እት አሳይን ባረ እቲማ ናኣ ዋይ ባረ ማጫ ናቶ ታማን ያርሸናዳን ድጌዳ።

11 ይሁዳ ካተቱ መድና ጎዳ ጌሻ ጎልያ ገልያ ጥንግያን እዋው ዲማይ ዋሌዳ ፓራቱዋ ድጌዳ። እዋ ፓራቱ ናጉን-መለካ ግያ ካጥዋ ክፍልያ ማጉን ደእያ ዳባባን ደእኖ። ሃዋጥ ጉይያን፡ እዋው ዲማይ ዋሌዳ ፓራ ጋራቱዋ እዮሰያስ ታማን ጹጌዳ።

12 እካዛ ጎልያ ፖቅያ ቦላን ይሁዳ ካተቱ ገግሴዳ ያርሹዋ ሳኣቱዋን ሞናሰ መድና ጎዳ ጌሻ ጎልያው ደእያ ላኡ ዳባባቱዋ ግድን ገግሴዳ ያርሽያ ሳኣቱዋ ካቲ እዮሰያስ ከጎቼዳ። እንቱንታ ሃ ሳጥ ድጌደ ከጎቼሬዳ፤ ሱጥ ቀድሮና ዛንጋራን ኦሊዳ።

13 ቃይካ ካቲ የሩሳላሙ ካታማጥ እዋይ ዶልያ ባጋና ዳብረ ዛይተ ጌተትያ ደርያጥ ገድሳ ባጋን ደእያ ቱተሳ ቆቃ ደርያ። ሃ ቆቃ ሳኣቱ እሰራኤልያ ካቲ ሰሎሞን ሲደናቱዋ ጸሳት አስገሮት። ሞኣባቱዋ ጸሳ ካሞሻ፤ እዋናቱዋ ጸሳ ሞሎካ። ሃ ቱና ጸሳቶ ጎይናና፤ ገግሴዳ ቆቃ ሳኣ።

14 ካቲ እዮሰያስ ጎይንያ ሹቻ ቱሳቱዋካ መንግራሬዳ፡ እሺሮ ጌተትያ ጸሳት ሞሰለቱዋካ ቃንጸራሬዳ። ያቲደ እንቱንቱ ኤቁዳ ኮሽያን ሀይቁዳ አሳ መቀላ ከንሰዳ።

15 ቃይ እሰራኤልያ እሳ ናጋራ ኦሰሴዳ ናባጸ ናኣይ እዮርባሞ ቤቱለን ቆቃ ሳኣን ገግሴዳ ያርሽያ ሳኣ ካቲ እዮሰያስ ከጎቼዳ። ሃ ያርሽያ ሳኣ ሹቻቱዋካ መንግራሬዳ፡ ጂላ ከሴዳ፤ እሺሮ ሞሰልያካ ጹጌዳ።

16 ሃዋጥ ጉይያን፡ እዮሰያስ የሹዋ ጹሊደ፡ ደርያ ጋጾን ደእያ ሞጉዋ ጎንጎሉዋ በኤዳ፤ መቀላቱዋ ጎንጎሉዋጥ ከሲደ፡ ያርሽያ ሳኣ ቦላ ዋሊደ፡ ታማን ጹጌዳ። ያቲደ ያርሽያ ሳኣ ቱንሴዳ። ሃዋ ሀይዳዌ መድና ጎዳ አሳይ ካሰ እዋዬዳ መድና ጎዳ ቃላ ማራና።

17 ሃዋጥ ጉይያን ካቲ፡ “ሀ ቤትያዌ ኦ ዱፊ?” ያጊደ ኦቹዳ።

ቤቴለ ካታማ እሳቱ፡ “ይሁዳጥ ዪዶ፡ ቤቴለ ያርሽያ ሳኦ ቦላ ሀእ ኔን ኦላ ሰምያዌ ፖለታናዋ ካሰቲደ ኦዴዳ መጅና ጎዳ እሳ ዱፋዋ” ያጊደ ኦዴድና።

18 ካቲ፡ “እግ ባሽተ፤ እት እሳይን እ መቀላ ሳጥ ቃሉ?” ያጊደ። ሃዋ ድራው፡ ሳማርያጥ ዬዳ ትምቢትያ ኦድያ ብታንያ መቀላና እትጥ እ መቀላ ቦቹናን እግ ባሽድና።

19 እሰራኤልያ ካተቱ ሳማርያ ካታማቱዋን ኦሰሲደ፡ መጅና ጎዳ ሀንቀሌዳ፡ ጎይንያ ቋቃ ሳኦ እየሰያሰ ድጌዳ፤ ቤቴለን ኦዴዳዋዳን፡ ኤንቲንታካ ኦዴዳ።

20 እ ሄ ቋቃ ግሹዋን ኦዳያ ቄሳቱ ዋ ኡባ ያርሽያ ሳኦ ቦላ ሀ ዋዴዳ፤ ቃይ ሄ ያርሽያ ሳኦ ቦላ እሳ መቀላ ደጌዳ። ሃዋ ኡባ ኦዴዳ፡ የሩሳላሙ ስሜዳ።

**እየሰያሰ ፓሰጋ ባላ ቦንቹዳ**  
(2 ኦዲዋ 35:1-19)

21 ሃዋጥ ጉይያን፡ ካቲ እሳ ኡባ፡ “ሀ ቃላ ጫቁዋ ማጻፋን ጻፈቲዳዋዳን መጅና ጎዳው ሀንተንቲ ጻሳው ፓሰጋ ባላ ቦንቹተ” ያጊደ እዛዜዳ።

22 እሰራኤልያ ዋድያ ዳናቱ ዋድያጥ ደሚደ፡ እሰራኤልያ ካተቱዋ ዋድያንን ይሁዳ ካተቱዋ ዋድያን ኡባን ሀዋ ማላ ፓሰጋ ባላይ ኡባካ ቦንቹት ኤረና።

23 ሸን ካቲ እየሰያሰ ካተቲዳ ታማን ሆሰቱንሳ ላይላን የሩሳላሙ ካታማን መጅና ጎዳ ቦንቻናው ሀ ፓሰጋ ባላይ መጅና ጎዳው ቦንቹቲዳ።

**እየሰያሰ ኦዴዳ ሀራ ኦሰቱዋ**

24 ቃይ ቄሳቱዋ ኡባ ካፑ ህልቁ መጅና ጎዳ ጌሻ ጎልያን ቤቴዳ ማጻፋን ጻፈቲዳ ሀግያ ቃላ ሞንጎናዳን፡ ኢታ ኦድያ ጼሰያዋንታን ሻራቻቱዋ፡ ሰይ ግደ ኤቃ ሞሰለቱዋ፡ ኤቃ ሚሻቱዋን ይሁዳ ቢታንን የሩሳላሙ ካታማን ቤቴዳ ሀራ ሸንይያባቱዋ ኡባ እየሰያሰ ቋይሴዳ።

25 ሙሴ ሀግያዳን ባረ ኩመንሳ ዋዛናን፡ ባረ ኩመንሳ ሸምቸዋን፡ ባረ ኩመንሳ ዋልቃን መጅና ጎዳጥ ሰሜዳባን እየሰያሳ ማላ ካቲ፡ እጥ ካሰ ግድና፡ እጥ ጉየ ግድና፡ ኡባካ ደንድቤና።

26 ግደጥን ምናሰ መጅና ጎዳ ሀንቀላናው ኦዴዳ ኢታ ኦሰቱዋ ኡባ ድራው፡ መጅና ጎዳይ ይሁዳ ቦላ ሀንቀቲዳ ባረ ሀንቀቱዋ ታማይ ሰምቤና።

27 ሃዋ ድራው መጅና ጎዳይ፡ “ታን እሰራኤልያ ታ ሰንሳጥ ድጌዳዋዳን፡ ይሁዳካ ታ ሰንሳጥ ድጋና፤ ታን ደሬዳ ካታማ፡ የሩሳላሙን ታን፡ ‘ታ ሰንሳባይ ሀዋን ደእና’ ጌዳ ሀ ጌሻ ጎልያ ድጋና” ያጌዳ።

**እየሰያሳ ካውታ ዉርሰሳ**  
(2 ኦዲዋ 35:20—36:1)

28 እየሰያሰ ሀይዳ ሀራባይን እ ኦዴዳባይ ኡባይ ይሁዳ ካተቱዋ ታርክያ ማጻፋን ጻፈት ኡቲዳ።

29 እየሰያሳ ዋደ ግብጼ ካቲ ናኮይ፡ እሰረ ቢታ ካትያ ኦላን ኤቃናው ኤፍራጲሳ ሻፋ ቤዳ። ካቲ እየሰያሰ እናና ኦለታናው ባረ ኦላንቻቱዋ እኪደ ከሴዳ፤ ሸን ካቲ ናኮይ እናና ማግደን ጋከቲደ፡ እ ዋዴዳ።

30 እ ቆማቱ እ እሃ ፓራ ጋርያን ዋሊደ፡ ማግደጥ የሩሳላሙ እሄድና፤ እ ዱፋዋን እ ሞጌድና። ሃዋጥ ጉይያን፡ ሄ ቢታ ኦሳቱ እየሰያሳ ናኦ እየኦካዛ ደሬድና፤ እ እዉዋ ኮታን እ ኦኪደ ካተዬድና።

**ዉርሰሳ ይሁዳ ካተቱዋ**  
(23:31—24:20)

31 እየኦካዛ ካተትያ ዋደ፡ ላይሳይ እዉ ላታማን ሄዛ፤ እ የሩሳላሙን ሄዙ እገና ካተቲዳ። እ ዳይ ሰንሳባይ ሀሙጻሎ፤ እዛ ሊብና ካታማን ደእያ ኤርማሳ ናቶ።

32 ባረ ማይዛ እዋቱ ኦዴዳዋዳን፡ እየኦካዛ መጅና ጎዳ ሰንሳን ኢታባ ኦዴዳ።

33 እየኦካዛ የሩሳላሙን ካተተናዳን ግብጼ ካቲ ናኮይ ሀማታ ጌተትያ ጋድያን ርብላ ግያ ሳን እ ቃቹዳ። ሄዙ ሻእን ኦይዱ ጹቱ ኪሎ ግራመ ዴጽያ ጻጋራ ብራን ሀታማን ኦይዱ ኪሎ ግራመ ዴጽያ ዋርቃ ይሁዳ እሳ ጊርሴዳ።

34 ካትያ ናኮይ እየሰያሳ ናኦ ኤልቁማ እ እዉዋ ኮታን ካተዬዳ፤ ያቲደ እ ሰንሳ እየኦቁማ ያጊደ ላሜዳ። ሸን እየኦካዛ ግብጼ አፊዳ፤ እየኦካዛ ያን ሀይቁዳ።

**ይሁዳ ካትያ እየኦቁማ**  
(2 ኦዲዋ 36:5-8)

35 ያትና እየኦቁማ ካቲ ናኮይ ኦቹዳ ገራ ብራን ዋርቃን እዉ እሜዳ። ሄ ገራ ጭጋናው የኦቁማ ሄ ቢታ ኦሳቱ ደምያ ኬሻ ብራጥን ዋርቃጥ ገራ ሸሼዳ።

- 36 እዮአቄሞ ካተትያ ዎደ ላይላይ አዉ ላታማነ እቼሻ፤ እ የሩሳላመን ታማነ እት ላይላ ካተቲዳ። አ ዳይ ሱንሳይ ዛብደ፤ እዛ ሩማ ካታማን ደእያ ፓዲያ ናቶ።
- 37 እዮአቄሞ ባረ ማይዛ አዎቲ ኦሌዳዋዳን። መጅና ጎዳ ሰንሳን ኢታባ ኦሌዳ።

### 24

- 1 እዮአቄሞ ዎደ ባብሎነ ቢታ ካትያ ናቡካዳናጸሪ ይሁዳ ቦላ ዎራጃዳ። ያትና እዮአቄሞ አዉ ሄዙ ላይላ ሞደቲዳ። ሄዋፕ ጉይያን ዛሪደ። ናቡካዳናጸሪ ቦላ ማካሌዳ።
- 2 መጅና ጎዳይ ባብሎነ ቢታ ጨጉዋ። ሶርያ ቢታ ጨጉዋ። ሞአበ ቢታ ጨጉዋነ አሞና ቢታ ጨጉዋ እዮአቄሞ ቦላ የዴዳ፤ ትሞቢትያ ኦድያ ባረ ቆማቲዋ ባገና መጅና ጎዳይ ካስ ሃሳዬዳዋዳን። ይሁዳ ቢታ ባይዛናዳን ሀሞንታ የዴዳ።
- 3-4 ካቲ ምናስ ኦሌዳ ናጋራ ኡባ ድራዉ። ቃይ ጽሎ አሳ ሱላ እ ጉሲደ። የሩሳላመን ኩንሌዳ ድራዉ። መጅና ጎዳይ ይሁዳ አሳ ባረ ሰንሳፕ ድጋናዉ ሀ ባሻ የዴዳ፤ መጅና ጎዳይ ምናስዉ ሄ ናጋራ እቶ ጋናዉ ኮይቤና።
- 5 እዮአቄሞ ሀኔዳ ሀሪባይነ እ ኦሌዳባይ ኡባይ ይሁዳ ካተቲዋ ታርክያ ማጻፋን ጸፈት ኡቲዳ።
- 6 እዮአቄሞ ሀይቂደ። ባረ ማይዛን ጋከቲዳ። አ ኮታን እ ናኦይ እኮንያን ካተቲዳ።
- 7 ግብጼ ቢታ ካቲ ላእነሳ ባረ ጋድያፕ ደንዲደ። ኦላዉ ይቤና፤ እያዉ ጎፕ። ግብጼ ሻፋፕ ዶሚደ። ቢደ ኤፍራጺሳ ሻፋ ጋካናዉ። ግብጼ ካቲ ሞዴዳ ቢታ ኡባ ባብሎነ ካቲ እክ ድጌዳ።

**ይሁዳ ካትያ ዮአኪና**  
(2 ኦዲዋ 36:9-10)

- 8 ዮአኪን ካተትያ ዎደ ላይላይ አዉ ታማነ ሆሰፕና፤ \* ዮአኪን የሩሳላመን ሄዙ አገና ካተቲዳ። አ ዳይ ሱንሳይ ነሁሽታ፤ እዛ የሩሳላምያ ኤልናታና ናቶ።
- 9 ዮአኪን ባረ አዉ ኦሌዳዋዳን። መጅና ጎዳ ሰንሳን ኢታባ ኦሌዳ።
- 10 ሄ ዎደ ባብሎነ ካትያ ናቡካዳናጸሪ ኦላንቻቲ የሩሳላመ ዪደ። ካታማ ዶድ ዋሌድና።
- 11 ባብሎነ ካቲ ናቡካዳናጸሪ ሄ ካታማ ዬዳ።
- 12 ይሁዳ ካቲ ዮአኪን። አ ዳያ። አ ቆማቲ። አ ካፓቲነ ካትያ ጎልያ ኦሳንቻቲ ኡባቲ ባብሎነ ካትያዉ ኩሽያ እሚድና።
- የአኪን ካተቲዳ ሆሰፕንላ ላይላን። ባብሎነ ካቲ ዮአኪና ቃቺዳ።
- 13 መጅና ጎዳ ጌሻ ጎልያንነ ካትያ ጎለን ደእያ ማጸዋ ኡባ ሄ ሳፕ ደንሌደ አፊዳ። መጅና ጎዳይ ካስ ሃሳዬዳዋዳን ካቲ ሶሎሞን መጅና ጎዳ ጌሻ ጎልያን ገግሴዳ ዋርቃ ሚሻቲዋ ኡባ ባብሎነ ካቲ ቃንጸሬሌዳ።
- 14 ናቡካዳናጸሪ የሩሳላመ አሳ። ካፓቲዋ ኡባ። ኦላንቻቲዋ ኡባ። ኩሽያ ሂላንቻቲዋ ኡባነ ብሪታ ቆጵያዋንታ ኡባ። ሙላ ታሙ ሻእ አሳ። የሩሳላመፕ አሞዲደ አፊዳ፤ ቢታን ሀይሳ አሳ ጸላላይ አቲዳ።
- 15 ናቡካዳናጸሪ ዮአኪና አሞዲደ። ባብሎነ አፊዳ፤ እናና ካታቶ አ ዳዮ። አ ማቻቲዋ። አ ኦሳንቻቲዋን ቢታን ደእያ ዋልቃማ አሳ ኡባ እኪደ ቤዳ።
- 16 ሄ አሳፕ ላፕን ሻእቲ ኦላንቻቲዋ፤ እት ሻእ አሳቲ ዲማ ዲማ ኩሽያ ሂላንቻቲዋ፤ ኡንቲንቲ ኡባይካ ምና፤ አላ ኦላታዉ ዳንዳይያዋንታ። አ ሄ ኡባቲዋ ባብሎና አፊዳ።
- 17 ሄዋፕ ጉይያን። ባብሎነ ካቲ ዮአኪና ኮታን አ አዉዋ እሻ ማታንያ ካተዬዳ። አ ሱንሳ ሰደቅያሳ ያጊደ ላሜዳ።

**ይሁዳ ካትያ ሰደቅያሳ**  
(2 ኦዲዋ 36:11-12፤ ኤር. 52:1-3)

- 18 ሰደቂያሰ ካተትያ ዎደ። ላይላይ አዉ ላታማነ እታ፤ የሩሳላመን እ ታማነ እት ላይላ ካተቲዳ። አ ዳይ ሱንሳይ ሀሙጸሎ፤ እዛ ሊብና ካታማን ደእያ ኤርማሳ ናቶ።
- 19 እዮአቄሞ ኦሌዳዋዳን። ሰደቅያሰካ መጅና ጎዳ ሰንሳን ኢታባ ኦሌዳ።
- 20 መጅና ጎዳይ ሀንቀቲዳ ድራዉ። የሩሳላመ አሳ ቦላነ ይሁዳ አሳ ቦላ ሀዋ ሀኔዳ፤ ዉርሰሳን ኡንቲንታ አ ባረ ሰንሳፕ ድጌዳ።
- ሰደቅያሰ ባብሎነ ካትያ ቦላ ማካሌዳ።

---

23:36 ኤር. 22:18-19፤ 26:1-6፤ 35:1-19    24:1 ኤር. 25:1-38፤ ዳኤላ 1:1-2    \* 24:8 ታማነ ሆሰፕና፡- ላይላይ አዉ ታማነ ሆሰፕና ዎይ ሆሰፕና። 2 ኦዲ። 36:9 ጸላ።    24:12 ኤር. 22:24-30፤ 24:1-10፤ 29:1-2    24:15 ሀዘ. 17:12    24:17 ኤር. 37:1፤ ሀዘ. 17:13    24:18 ኤር. 27:1-22፤ 28:1-17    24:20 ሀዘ. 17:15



# 25

## የሩሳላም ኩንደሳ

(25:1-30፤ 2 ኦዲዋ 36:13-21፤ ኤር. 52:3-11)

1 ሰደቅያስ ካተቲዳ ኡዲፑንሳ ላይሉ፤ ታማንሳ አግናን፤ ታማንሳ ጋላሰ፤ ባብሎን ካተ  
ናቡካዳናጸረ ባረ ኦላንቻቱዋ ኡባ አኪደ ዪደ፤ የሩሳላም ደዴዳ። አ የሹዋንካ ቢታ ኬላ ድረዳ።

2 ሰደቅያስ ካተቲዳ ታማን አተንሳያ ላይሳ ጋካናው፤ ካታማይ ደደቲደ ጋምኤዳ።

3 ሄዋ ጋሱዋን ቢታን ኮሻይ ሱልና፤ ሄ ላይሳ ኦይደንሳ አግናን፤ ኡዲፑንሳ ጋላሳን ሄ ጋድያ  
አሳው ሞያባይ ቆይዳ።

4 ያን ደእሽን ካታማ የሹዋ ግምቢ እት ባጋና ኮለቲዳ። ባብሎን አሳይ ካታማ ዩይ እዲደ  
ናገጥክ፤ ይሁዳ ካትዳ ኦላንቻቱ ሙላ ኡባይ ቃማ ካትያ አታክልትያ ሳኦ አፍያ ኦግያ ኦይቂደ፤  
ላኡ ድርሳ ግምባቱዋ እትጥ ጋሳያ ጥንግያና ከሲደ ባቃቲድና። ኡንቲንቲ አራባ ድልባኮ ሰሚደ  
ቤድኖ፤

5 ሽን ባብሎን ኦላንቻቱ ካትያ የደርሲደ፤ ያርኮ ደምባ ጋሏ ያይቄድና። አ ኦላንቻቱ ኡባይ  
አጥ ሻከቲደ ላለቲድና።

6 ሄዋጥ ጉይያን፤ ኡንቲንቲ አ ርብላ ካታማን ደእያ ናቡካዳናጸራኮ አፊድና። ባብሎን ካቲ ያን  
ሰደቅያሳ ቦላ ፕርዳዳ።

7 ሰደቅያሳ ናና ሰደቅያስ ጸልሽን ዎዴድና። ሄዋጥ ጉይያን፤ አ አይፈቱዋ ዎጭ ከሲደ፤  
ሳንሳላታን አ ቃቼድኖ፤ ያቲደ ባብሎን ጋድያ አኪደ አፊድና።

## ጌሻ ጎሊ ኮለቲዳ

(ኤር. 52:12-33)

8 ናቡካዳናጸረ ባብሎንን ካተቲዳ ታማን ኡዲፑንሳ ላይሉ፤ እቼሻንሳ አግናን፤ ላፑንሳ ጋላሰ  
ካትያ ኦላንቻቱዋጥ እቲ፤ ካትያ ናግያዋንቲ ካፑ ናቡዛራዳን የሩሳላም ገሊዳ።

9 መድና ጎዳ ጌሻ ጎልያ፤ ካትያ ጎልያን የሩሳላምን ደእያ ጎልያ ኡባ ጸጌዳ፤ ዎልቃማ ጎልያ ግያ  
ጎልያ ኡባ ኤላ ወርሴዳ።

10 ባብሎን ኦላንቻቱ ኡባይ ካትያ ናግያዋንቲ ካፑዋ አዛዙዋን የሩሳላም ካታማ የሹዋን ደእያ  
ድርሳ ግምቢያ ኡባ ኮሌድና።

11 ናቡዛራዳን ካታማን እቲዳ አሳቲዋን ይሁዳን እቲዳ አሳቲዋ፤ ካዲደ ባብሎን ኦላንቻቱዋን  
ጋከቲዳ አሳቲዋናካ ኡባ ኦይቂደ፤ ኦምዶ አፊድ።

12 ሽን ናቡዛራዳን ወርሰላ ህይዳቲዋጥ አማሬዳዋንታ ዎይንያ ቲራ ቶካናዳንን ጋድያ ጎሻናዳን  
ይሁዳን አሹዳ።

13 ባብሎን አሳቲ መድና ጎዳ ጌሻ ጎልያን ደእያ ናሃሰያጥ መዴዳ ቲሳቲዋ፤ ሚሻቲዋ ዎሳያ  
ጋረቲዋን አባ ሳኒያ መንግሥቲድና፤ ናሃሰያ ኡባ ባብሎን አፊድና።

14 ሄዋዳንካ ቃይ ከረቲዋ፤ አካፋቲዋ፤ ጸምጥያ ሻሉዋ ጸራ ጥትያባቲዋ፤ ጭልጋቲዋን ያርሽያ  
ዎደ ጎኤትያ ናሃሰያ ሚሻቲዋ ኡባ አኪደ አፊድና።

15 ካትያ ናግያዋንቲ ካፑ ናቡዛራዳን ሙሩታ ብራጥን ሙሩታ ዎርቃጥ መጠቲዳ ታማ ካሽያ  
ሻታቲዋካ ኩይጸሮቲዋካ ኡባ አኪደ አፊድና።

16 ካቲ ሱሎዋን መድና ጎዳ ጌሻ ጎልያን ኦስትያባቶ መዴዳ ላኡ ቲሳቲ፤ አባ ሳኒን ጋረቲ  
መጠቲዳ ናሃሰያ ብራታይ ሚዛካን ልካሰው ዳንዳየተናዎ ኬሻ ዳራ።

17 ላኡ ቲሳቲ እት ማላ ግዲደ፤ አቲዋ እቲዋ ጌሳይ ታማን ሆሰፑን ዎላ፤ ቃይ እት እት ቲሳ  
ሁጲያን ደእያ ጉምቦቲ ሄዙ ዎላ አዲሳ። ሄ ጉምቦቲዋ የሹ ናሃሰያ ቃጽቃሎቲዋንን ናሃሰያጥ  
መዴዳ ሮማን ጌተትያ ቲራ ምሰለቲዋን አለቀት ኡቲዳ።

## ይሁዳ አሳይ ኦምደቲደ ባብሎን ቤዳ

(ኤር. 52:24-27)

18 ካትያ ናግያዋንቲ ካፑ ናቡዛራዳን ቄሳቲዋ ኡባቲዋ ካፑ ሳራያ፤ አጥ ካልያ ቄሰያ ጸፋንያን  
ጥንግያ ናግያ ሀራ ሄዙ አሳቲዋ ኦይቄዳ።

19 ቃይ ሄ ዎደ ጋካናው፤ ካታማን ደእያ አሳጥ ይሁዳ ኦላ ጋዳዋ፤ ካትያ ዘርያዋንቲ እቼሹ  
አሳቲዋ፤ ኦላ ጋዳዋ ጸፍያ፤ ሄዌን ኦላንቻቲዋ አሳ ግደጥ ቆሪደ ከሰያዋን ሀራ ኡሱፑን ታሙ  
ዎልቃማ አሳቲዋ አፊድ።

20 ካፑ ናቡዛራዳን ኡንቲንቲ ኡባ አኪደ፤ ባብሎን ካትያኮ ርብላ ካታማ አፊድ።

21 ያን ርብላ ካታማን፤ ሀማታ ጋድያን ባብሎን ካቲ ኡንቲንታ ኡባ ዎዴሴዳ። ሄዋዳን ሀኒደ፤  
ይሁዳ አሳይ ባረ ጋድያጥ ኦምደት ደንዲደ ቤዳ።

ገዳሊ ይሁዳ ሞዴዳ

(ኤ.ር. 40:7-9፤ 41:1-3)

22 ሄዋጥ ጉይያን፣ ካቲ ናቡካዳናጾረ ሳፋና ናኣ ናኣ፣ እህቃማ ናኣ ገዳልያ፣ ባብሎን ቤናን ይሁዳን አቲዳ አሳ ሞድያ ካፑዋ አሲደ ሱንሴዳ።

23 ኩሽያ እምቤና ይሁዳ ኦላ ጋዳዋቲን ኦላንቻቲ ሄዋ ሰሲደ፣ ሞሰጳን ደእያ ገዳልያን ቢደ ጋከቲድና። ሄ ጋዳዋቲ ናታንያ ናኣ እሰማኤላ፣ ቃሪሀ ናኣ የሀናና፣ ናጸፋ ካታማጥ ዬዳ ታንሁሜታ ናኣ ሳራያን ማእካጥ ዬዳ እት ብታንያ ናኣ ያዛንያ።

24 ገዳሊ ኡንቲንቶን ኡንቲንቲ ኦላንቻቶ ጫቂደ፣ ሀዋዳን ያጌዳ፤ “ሀዋንቶ ባብሎን ካፓቶ ያዮፕተ። ሀ ጋድያን ደአተ፤ ያቲደ ባብሎን ካትያዉ ሞደትተ። ያቶጥ ሙላ ኡባባይ ህንተዉ ሎኣ ግዳናዋ” ያጌዳ።

25 ሸን ላፑንሳ አግናን ካትያ ዛርያ ግዴዳ ኤልሻማኦ ናኣ ናታንያ ናኣይ እሰማኤላ ታሙ አሳና ሞጽጳ ቢደ፣ ገዳልያን አናና ደእያ ይሁዳ አሳን ባብሎን አሳ ኡባ ዋጂዳ።

26 ሄዋጥ ጉይያን፣ ባብሎን አሳዉ ያዬደ፣ ይሁዳ አሳይ፣ ቁራይ ዋጋይ አተናን፣ ኦላ ጋዳዋቲዋናካ ኡባይ ግብጹ ጋድያ ባቃቲድና።

እኩንያን ቃሹዋጥ ብለቲዳ

(ኤ.ር. 52:31-34)

27 ኤዊል-ማሮዳክ ካተቲዳ ላይሳ ይሁዳ ካትያ እኩንያና ቃሹዋጥ ብለደ ማራዳ። ሄዋ ሀኔዳዊ እኩንያን ኦሞደት ቃሸቲደ ቤዳ ሀታማን ላፑንሳ ላይሳ፣ ታማን ላኤንሳ አግናን፣ ላታማን ላፑንሳ ጋላሳና።

28 ኤዊል-ማሮዳክ እኩንያናና ማልኦ ቃላ ሃሳዬደ፣ ባብሎንን ኦሞዲዋን ደእያ ሀራ ካተቲዋ ኡባጥ አሲደ፣ ኦ ቦንቼዳ።

29 ሄዋ ድራዉ፣ እኩንያን ቃሹ ጎለን ማዬዳ ማዩዋ ላሜዳ። ኦ አቲዳ ባረ ደኡዋ ላይሳ ኡባን ካትያ ማዳጥ ሜዳ።

30 ሀቼ ሀቼ እዉ ኮሽያዋ ኡባ ባብሎን ካቲ እሜዳ።

# ሀኔዳባ ኦድያ ኮይሮ ማጻፋ ገሌዋ

ሀኔዳባ ኦድያ ማጻፋቱ፣ ሳሜላ ማጻፋቱዋን ካተቱዋ ማጻፋቱዋን ጻፈቱዳ ታርከቱዋ ዳማ ኦጊያን ኦዋዲዋን ደእያዋንቶ ላእኚህ ድካም፡፡ ሀኔዳባ ኦድያ ማጻፋቱዋን እሰራኤልያ ካተቱዋ ካወተላ ታርኪ ላኤ ሁጸ ሁጸ ሻኩዋን ሻከቲደ ኦድቲዳ፡፡

1. እሰራኤላን ይሁዳ ካወተላቱ ባይዙዋን ኩንዴዳዋንታ ግደገ፡፡ ጸሳይ ባረ ኢሳው ገሌዳ ቃላ ኡባ ናጌዳዋን ይሁዳን ደእያዋንቱ ባጋና ባረ ኢሳው ባረ ሀልቼዳ ሀልቼዋ ፖሌዳዋ በሳናሳ፡፡ ሀዌ ቱማ ግድያዋ ኤርሳናው፡ ሀ ማጻፋ ጻፈዳዌ ዳዊተን ሰሎሞን ኦሌዳ ዋልቃማ ዋልቃማ ኦሳቱዋ፡ ዮሳፌጸ፡ ህዝቂያሰን ዮሰያሰ ኢሳ ደኡዋ ኦራጽሴዳ ኦራጽሴዋን ጸሳው ምኒደ እማነቲዳ ኢሳ ሀኖታ ሎይሊደ ጸሌዳ፡፡
2. ዮሩሳላሙን ደእያ ጌሻ ጎልያን ጸሳው ጎይንያ ጎይናይ ዋኒደ ዳመቲደንቶ ኦድናሳ፡፡ ቃይ ሄ ዋደ ጎይኑዋ ዋጋ ካለሰያዋንቱ ቁሳቱ ዋ ግድያ ድራው፡ ኤንቱንቱ ካለሰያ ኦሱዋ ከሳይ ዋኒደ ዳመቲደንቶን ቆንጭሳናሳ፡፡ ጌሻ ጎልያ ከጼዳዌ ሰሎሞና ግደገ፡፡ ጌሻ ጎልያን ጎይኑዋ ዋጋ ኮይሮ ኤሴዳዌ ዳዊታ ግድያዋ ኦድናሳ፡፡

## ሸምጋቱዋ ኡባቶ እመቲዳ ቃንሳ ቆፋቱዋ

- ኦዳማጥ ካትያ ሳኦላ ጋካናው 1:1—9:44
- ሳኦላን እ ናናቱዋ ሀይቁዋ 10:1-14
- ዳዊተ ካተቲሳን ዮሩሳላሙ ኮይቁሳ 11:1-9
- ዋርያና ደእያ ዳዊታ ዋታዳራቱዋ 11:10—12:40
- ቃላ ጫቁዋ ታቦታይ ዮሩሳላሙ ቡሳ 13:1—16:43
- ጌሻ ጎልያ ከጼዳዌ ሰሎሞና ግዳሳ 17:1-27
- ዳዊታ ኦላ ጸኑዋ 18:1—20:8
- ዳዊተ ኢሳ ገይድና ዬዳ ጸሳ ሀንቁዋ 21:1-30
- ጌሻ ጎልያ ከጸናው ሀኔዳ ገቡዋ 22:1—29:20
- ሰሎሞን ካተቲሳ 29:21-25
- ዳዊታ ሀይቁዋ 29:26-30

## ኦዳማጥ ካትያ ሳኦላ ጋካናው

(1:1—9:44)

ኦዳማጥ ቢደ ኡብራሃማ ጋካናው ደእያ የለታ (ደመሳ 5:1-32፤ 10:1-32፤ 11:10-26)

- 1 ኦዳማ ሴታ የሌዳ፤ ሴተ ሄኖሳ የሌዳ፤ ሄኖሰ ቃይናና የሌዳ፤
  - 2 ቃይናን ማላልኤላ የሌዳ፤ ማላልኤል ያራዳ የሌዳ፤
  - 3 ያራድ ሄኖካ የሌዳ፤ ሄኖክ ማቲሳላ የሌዳ፤ ማቲሳል ላሜካ የሌዳ፤
  - 4 ላሜክ ኖሀ የሌዳ፡፡ ኖሄ ሴማ፡ ካማን ያፌታ የሌዳ፡፡
  - 5 ያፌታ ኡቱማ ናናይ ጎመራ፡ ማጎጋ፡ ማዳያ፡ ያዋና፡ ቱባላ፡ መሸካን ቲራሳ፡፡
  - 6 ጎመራ ኡቱማ ናናይ ኢሸካናዛ፡ ሪፋታን ቶጋርማ፡፡
  - 7 ያዋና ኡቱማ ናናይ ኤለሻ፡ ታርሴሳ፡ ክቲማን ሮዳ፡፡
  - 8 ካማ ኡቱማ ናናይ ኩሻ፡ ምጽራይማ፡ ፑጸን ካናና፡፡
  - 9 ኩሻ ኡቱማ ናናይ ሳባ፡ ሀዊላ፡ ሳብታ፡ ራእማን ሳብታካ፡፡ ራእማ ኡቱማ ናናይ ሳባን ዳዳና፡፡
  - 10 ቃይ ኩሸ ናምራዳ የሌዳ፡፡ ናምራድ ሳኦን ዋልቃማ ኦላንቻ ግዳዳ፡፡
  - 11 ምጽራይም ሎደታ፡ እናመታ፡ ላሃበታ፡ ናፍቱሄታ፡፡
  - 12 ጋቲሮሳታ፡ ካሰሉሄታን ፕልሰጾማ ዘረላ የሌዳ ካፍቶረታ የሌዳ፡፡
  - 13 ካናን ባይራ ናኦ ሲደናን ኦ ቱፋ ሄታ የሌዳ፤
  - 14 ቃይ ካናን ያቡሳቱዋ፡ እሞረቱዋ፡ ገርጌሰቱዋ፡፡
  - 15 ሄዌቱዋ፡ አርቀታ፡ ሲናታ፡፡
  - 16 አርዋደታ፡ ጸማረታን ሀማታታ የሌዳ፡፡
  - 17 ሴማ ኡቱማ ናናይ ኤላማ፡ አሰራ፡ አርፋክሳዳ፡ ሉዳ፡ አራማ፡ ኡጸ፡ ሁላ፡ ገቲራን መሸካ፡፡
  - 18 አርፋክሳዳ፡ ሸላሀ የሌዳ፤ ሸላሀ ኤቦራ የሌዳ፡፡
  - 19 ኤቦር ላኡ ናና የሌዳ፤ ኡቱ የለቲዳ ዋደ ሳኦይ ሻከቲዳ ድራው፡ ኦ ሱንሳይ ፔሌጋ ጌተቲዳ፤
- ኦ እሻ ሱንሳይ ዮቅጸና፡፡

- 20 የቅዳን አልሞዳዳ፣ ሸሌፋ፣ ሀጻርማዌታ፣ የራሀ፣
- 21 ሀደራማ፣ ኤዛላ፣ ዲቅላ፣
- 22 ኤባላ፣ ኡብማኤላ፣ ሳባ፣
- 23 ኦፊራ፣ ሀዊላን የባባ የሌዳ። ሀዋንቱ ኡባቱ የቅዳና ዘረፋ።
- 24 ሲማጥ ቢደ፣ አብራሃማ ጋካናዉ ደእያ የለታይ ሀዋጥ ካሊደ ጸፈቱዳዋ፡ ሴማ፣ አርፋክሳዳ፣

ሸላሀ፡

- 25 ኤቦራ፣ ፔሌጋ፣ ራእ፣
- 26 ሳሩጋ፣ ናኮራ፣ ታራነ
- 27 አብራሃማ ጌተቲደ ጼሰትያ አብራማ።

**እስማኤላ የለታ**  
(ደመላ 25:12-16)

- 28 አብራሃማ አቱማ ናናይ ይሳቃ እስማኤላ።
- 29 እንቱንቱ የለታይ ሀዋጥ ካሊደ ጸፈቱዳ።
- እስማኤላ ባይራይ ናባዮታ፤ ሄዋጥ ሰምሩ ቁዳረ፣ አድብኤል፣ ሞብሳም፣
- 30 ሞሽማእ፣ ዲም፣ ማሰ፣ ሀዳድ፣ ቱም፣
- 31 ይጾር፣ ናፊሽን ቁድም የለቱድኖ። ሀዋንቱ እስማኤላ ናና።
- 32 አብራሃማ ቆማቱ ቃጾር አቱማ ናናይ ዚምራና፣ የቅሻና፣ ማዳና፣ ሞድያማ፣ ይሸባቃነ ሹሀ።
- የቅሻና አቱማ ናናይ ሳባን ዳዳና።
- 33 ሞድያማ አቱማ ናናይ ኤፋ፣ ኤፌራ፣ ሀናካ፣ አቢዳእነ ኤልዳእ። ሀዋንቱ ኡባቱ ቃጾር ዘረፋ።

**ኤሳ የለታ**  
(ደመላ 36:1-19)

- 34 አብራሃመ ይሳቃ የሌዳ። ይሳቃ አቱማ ናናይ ኤሳን እስራኤልያ።
- 35 ኤሳ አቱማ ናናይ ኤልፋዛ፣ ራኤኤላ፣ ይኤቫ፣ ያእላማን ቆራሀ።
- 36 ኤልፋዛ አቱማ ናናይ ተማና፣ ኦማራ፣ ጻፋ፣ ጋእታማ፣ ቃናዛ፣ ትምናእነ አማሌቃ።
- 37 ራኤኤላ አቱማ ናናይ ናሃታ፣ ዛራሀ፣ ሻማነ ሚዛ።

**ኤደማን ኮይሮ ደኤዳ አሳቱዋ**  
(ደመላ 36:20-30)

- 38 ኤደማን ኮይሮ ደኤዳ ሰኢራ አቱማ ናናይ ሎጻና፣ ሾባላ፣ ጽባኦና፣ እና፣ ድሾና፣ ኤጼራነ ድሻና።
- 39 ሎጻና አቱማ ናናይ ሆራነ ሆማማ፤ ሎጻና ሞቻታ ትምናእ።
- 40 ሾባላ አቱማ ናናይ አልዋና፣ ማናሃታ፣ ኤባላ፣ ሸፋነ ኦናማ። ጽባኦና አቱማ ናናይ እያነ እና።
- 41 እና ናእይ ድሾና፣ ድሾና አቱማ ናናይ ሄምዳና፣ ኤሽባና፣ ይትራናነ ካራና።
- 42 ኤጼራ አቱማ ናናይ ብልሃና፣ ዛእዋናነ አቃና። ድሻና አቱማ ናናይ ኡጸነ አራና።

**ኤደማ ካተቱዋ**  
(ደመላ 36:31-43)

- 43 እሰራኤላን እያ ካቲ ካዉታናጥ ካሰ ኤደማ ቢታን ካተቱዳ ካተቱ ሀዋጥ ካሊደ ጸፈቱዳዋንታ።
- ባኦራ ናእይ በላእ ካተቱዳ፤ አ ካታማ ሱንላይ ድናባ።
- 44 በላእ ሀይቁና፣ ቦጽራጥ ዬዳ ዛራሀ ናእይ የባብ አ ኮታን ካተቱዳ።
- 45 የባብ ሀይቁና፣ ተማና ጋድያጥ ዬዳ ሁሻም አ ኮታን ካተቱዳ።
- 46 ሁሻም ሀይቁና፣ ሞኦብ ጋድያን ሞድያማቱዋ ጸኔዳ ባዳዳ ናእ ሀዳድ አ ኮታን ካተቱዳ፤ አ ካታማ ሱንላይ አዊታ።
- 47 ሀዳድ ሀይቁና፣ ማሰፊቃጥ ዬዳ ሳምል አ ኮታን ካተቱዳ።
- 48 ሳምል ሀይቁና፣ ሻፋ ማታን ደእያ ራሆባታጥ ዬዳ ሻኤል አ ኮታን ካተቱዳ።
- 49 ሻኤል ሀይቁና፣ እክቦራ ናእይ ባኦልሀናን አ ኮታን ካተቱዳ።
- 50 ባኦልሀናን ሀይቁና፣ ሀዳድ አ ኮታን ካተቱዳ፤ አ ካታማ ሱንላይ ገእ። አ ማቻታ መዛሃባ ናት ማጽሬድ ናት ማሄጸብኤሎ።
- 51 ሄዋጥ ጉይያን፣ ሀዳድ ሀይቁዳ። ኤደማ ዛራቱዋ ካገቱ ሀዋንታ፡ ትምናእ፣ አልዋ፣ የቱታ፣
- 52 አሆለባማ፣ ኤልያ፣ ጥናና፣
- 53 ቃናዛ፣ ተማና፣ ሞብጻጾ፣
- 54 ማግድኤላን አራማ። ሀዋንቱ ኤደማ ካገቱዋ።

# 2

## ይሁዳ የለታ

- 1 እስራኤልያ አቱማ ናናይ ሀዋንታ፡ ርቤላ፡ ሰሞና፡ ለዊያ፡ ይሁዳ፡ ይሳኮራ፡ ዛብሎና፡
- 2 ዳና፡ ዮሴፋ፡ ቢንያማ፡ ንፍታሌማ፡ ጋዳን እሴራ።
- 3 ካና ባትሹአፕ ይሁዳይ የሌዳ ሄዙ አቱማ ናናይ ኤራ፡ ኦናና ሹላ። ይሁዳ ናአይ ባይራይ፡ ኤር መድና ጎዳ ሰንሳን ኢታባ ኦሌዳ ድራዉ፡ መድና ጎዳይ እ ዎዴዳ።
- 4 ይሁዳ ናአ ማቻታ ትእማራ ይሁዳዉ ፓራሳን ዛራሀ የላዱ። ይሁዳዉ ኡባና እቼሹ አቱማ ናናይ ደእና።
- 5 ፓራሳ አቱማ ናናይ ሄጽሮናን ሀሙላ።
- 6 ዛራሀ አቱማ ናናይ ዝምራ፡ ኤታና፡ ሄማና፡ ካልኮላን ዳርዳእ፤ ኡንቱንቱ ኡባና እቼሻ።
- 7 ዛራሀ ዘረሳፕ ግዴዳ ካርማ ናአይ እካን \* ጸንያ ጌተት ኡቲዳ ሚሻ ኦሞዳዋ አኪደ፡ እስራኤልያ እሳ ዋይሴዳዋ።
- 8 ኤታና ናአይ አዛርያ።

## ሄጽሮናፕ ቢደ ዳዊታ ጋካናዉ ደእያ የለታ

- 9 ሄጽሮን የሌዳ ናናይ ይራሀማኤላ፡ ራማን ካሌባ።
- 10 ራመ አሞናዳባ የሌዳ። አሞናዳባ ይሁዳ ዛራቱዋ ካፕዋ ናአሶና የሌዳ።
- 11 ናአሶን ሳልሞና የሌዳ፤ ሳልሞን ቦኤዛ የሌዳ፤
- 12 ቦኤዛ ዮቤዳ የሌዳ፤ ዮቤድ እሰያ የሌዳ።
- 13 እሰይ ባረ ባይራ ናአ ኤልካባ፡ ላኤንሳ ናአ አሞናዳባ፡ ሄዘንሳ ናአ ሻማ፡
- 14 ኦይደንሳ ናአ ናታንኤላ፡ እቼሻንሳ ናአ ራዳያ፡
- 15 ኡሱፑንሳ ናአ ኦጾማን ላፑንሳ ናአይ ዳዊታ የሌዳ።
- 16 እሰያ ማጫ ናናይ ጻሩዮን አብጋሎ። ጻሩይ ናናይ ሄዛቱ አብሻያ፡ ዮአባን አሳሄላ።
- 17 አብጋላ እማሳ የላዱ፤ እማሳ አዉ እሰማኤልያ የተራ።

## ሄጽሮና የለታ

- 18 ሄጽሮና ናአይ ካሌብ ባረ ማቻት እዙብና፡ ይሪኦቶ ጌተትያ ናቶ የሌዳ። ይሪኦታ የሹራ፡ ቸባባን አርዶና የላዱ።
- 19 እዙባ ሀይቂና፡ ካሌብ ኤፍራቶ እኬዳ፤ ኤፍራታ ሁራ የላዱ።
- 20 ሁር ኡራ የሌዳ፤ ኡር ባጸልኤላ የሌዳ።
- 21 ሄጽሮን ኡሱፑን ታሙ ላይሳፕ ጉይያን፡ ጋላኣደ አዉዋ ማክራ ናቶ አኪደ፡ ሳጉባ የሌዳ።
- 22 ሳጉብ ያኢራ የሌዳ። ያኢር ቦን ጋላኣደ ጋድያን ሳታማን ሄዙ ካታማቱዋ ሞዴዳ።
- 23 ሸን ጋሹራን ሶርያ ካተቱ ሀቦት-ያኢራ ካታማቱዋ ቃናታን እ ሄራቱዋ ኡሱፑን ታሙ ካታማቱዋ ኦሊቲደ ኦይቁድና፤ ያን ደኤዳ አሳይ ኡባይ ጋላኣደ አዉዋ ማክራ ዛርያ።
- 24 ሄጽሮን ካሌባ ኤፍራታ ግያ ሳን ሀይቁዳዋፕ ጉይያን፡ ሄጽሮና ማቻታ አቢያ ታቆእ አዉዋ እሽሁራ የላዱ።

## ይራሀማኤላ የለታ

- 25 ሄጽሮና ናአ ባይራ ይራሀማኤላ ናአይ ባይራይ ራማ፤ ቱፋቱ ቡና፡ ኦራና፡ ኦጾማን አኪያ።
- 26 ይራሀማኤላዉ አታሮ ጌተትያ ሀራ ማቻታ ደእዉ፤ አታራ ኦናማ ዳዮ።
- 27 ይራሀማኤላ ናአ ባይራ ራማ ናናይ ማኣጻ፡ ያሚናን ኤቁራ።
- 28 ኦናማ ናናይ ሻማያን ያደ።
- 29 ሻማያ ናናይ ናዳባን አብሹራ።
- 30 አብሹራ ማቻታ አብሀይላ አሀባናን ሞሊዳ የላዱ።
- 30 ናዳባ አቱማ ናናይ ሰሊዳን አፋይማ፤ ሰሊድ ናአ የለናን ሀይቁዳ።
- 31 አፋይማ ናአይ ይሸእ፤ ይሸእ ናአይ ሹሻና፤ ሹሻና ናአይ አሀላያ።
- 32 ሻማያ እሻ ያደ ናናይ የተራን ዮናታና፤ የተር ናአ የለናን ሀይቁዳ።
- 33 ዮናታና ናናይ ፐሌታን ዛዛ።
- 34 ሀዋንቱ ይራሀማኤላ ዘረላ።
- 34 ሹሻናዉ ማጫዋፕ አትና፡ አቱማ ናናይ ባዋ። ሹሻናዉ ያርሀእ ጌተትያ ቆማይ ግብጹ ጋድያፕ ዩዳዌ ደኢ።
- 35 ሹሻን ባረ ቆማ ያርሀእዉ ባረ ማጫ ናናቱዋፕ አትና እሞና ናታ አታያ የላዱ።
- 36 አታይ ናታና የሌዳ፤ ናታን ዛባዳ የሌዳ፤
- 37 ዛባድ ኤፍላላ የሌዳ፤ ኤፍላላ ዮቤዳ የሌዳ፤

\* 2:7 እካን- ሀ ሰንሳ ብለላይ አብራዌሉዋን፡ “ሳሻ” ግያዋ። 2:7 ኢያሳ 7:1

- 38 ዮቤድ ዬሀ የሌዳ፤ ዬሀ አዛርያ የሌዳ፤
- 39 አዛሪ ሄሌዳ የሌዳ፤ ሄሌድ ኤልኣሳ የሌዳ፤
- 40 ኤልኣሳ ሰሰማያ የሌዳ፤ ሰሰማይ ሻሉማ የሌዳ፤
- 41 ሻሉም ይቃምያ የሌዳ፤ ይቃመ ኤልሻማአ የሌዳ።

**ካሌባ የለታ**

- 42 ይራህማኤላ እሻ ካሌባ ናአይ ባይራይ ሜሻ። ሜሻ ናአይ ዚፋ፤ ዚፋ ናአይ ማሬሻ፤ ማሬሻ ናአይ ከብርና።
- 43 ከብርን ናናይ ቆራሀ። ታቸሀ። ረቁማነ ሸማአ።
- 44 ሸማአ ዮርቃኣማ አዉቀ ራሃማ የሌዳ። ረቁም ሻማያ የሌዳ።
- 45 ሻማያ ናአይ ማኦና። ማኦነ ቤትጸራ የሌዳ።
- 46 ካሌባ ቆማታ ኤፋ ሃራና፤ ሞጸነ ጋዜዛ የሌዳ፤ ሃራነ ጋዜዛ የሌዳ።
- 47 ያህዳያ ናናይ ረጌማ፤ ዮኣታማ፤ ገሻና፤ ገሌጸ፤ ኤፋነ ሻኣ።
- 48 ካሌባ ቆማታ ማኦካ ሸቤራነ ትርሃና የሌዳ።
- 49 ቃይካ ማኦካ ሻኣፋነ ሻቀ የሌዳ። ሻኣፍ ማድማና የሌዳ። ሻው ማክቤናነ ግባአ የሌዳ።
- ካሌባ ናታ አክሶ።
- 50 ካሌባ ናናይ ሀራቱ ሀዋጥ ካሊድ ጸፈቴድና። ካሌብ ባረ ባይራ ናአ ሁራ ባረ ማቻት ኤፍራትን የሌዳ። ሁራ ናናይ ቅርያት-ይአሪማ አዉቀ ሸባላ።
- 51 ቤታልሄማ አዉቀ ሳልሞናነ ቤት-ጋዴራ አዉቀ ሀራ።
- 52 ቅርያት-ይአሪማ አዉቀ ሸባላ ያራቱ ሀርኤታታነ ማኦታታ ያራቱዋጥ ባጋቱዋ።
- 53 ቅርያት-ይአሪማ ያራቱ ያትራታ፤ ቸታታ፤ ሹማታታነ ሞሽራኦታ። ጸርኣትነ ኤሽታኦላት ሀዋንቱጥ የለቴድና።
- 54 ቤታልሄማ አዉቀ ሳልሞና ያራቱ ናጸፋታ፤ አጽርት-ቤታዮኣባታ፤ ማኦታታ ያራቱዋጥ አትያ ባጋቱዋነ ጸርኣታ።
- 55 ያቤጸ ካታማነ ደእያ ጸፍያዋንቱ ያራቱ ቃይ ትርኣታ፤ ሸምኣታታነ ሱካታ። ሀዋንቱ ረካባቱ አዉቀ ሃማቱዋጥ የለቴዳ ቁናታ።

**3**

**ካትያ ዳዊታ ናና**

- 1 ከብርን ካታማን ዳዊተ የሌዳ ናናይ፤ እዝራኤልያ አህናኣማ የሌዳ አ ባይራይ አምናና። ቃርመሎሰያ አብጋላ የሌዳ አ ላኤንሳ ናአይ ዳኔላ።
- 2 ጋሹራ ጋድያ ካትያ ታልማያ ናታ ማኦካ የሌዳ አ ሄዘንሳ ናአይ አበሰሎማ። ሀጊታ የሌዳ አ ኦይደንሳ ናአይ አድንያና።
- 3 አቢጸላ የሌዳ አ አቼሻንሳ ናአይ ሻፋጽያ። አ ማቻታ ኤግላ የሌዳ አ ኡሱቸንሳ ናአይ ይትራኣማ።
- 4 ዳዊተ ሄ ኡሱቸን ናና ከብርናን የሌዳ። ዳዊተ ከብርናን ላቸን ላይሳነ ኡሱቸን አግና ካተቴዳ።

- ቃይ የሩሳላመን ሀታማነ ሄዙ ላይሳ ካተቴዳ።
- 5 ዳዊተ የሩሳላመን የሌዳ ናናይ ኦይዳቱ አምኤላ ናታ በርሳባ የሌዳ ሸምኦ፤ ሸባባ፤ ናታናነ ሰሎሞና።
- 6 ቃይ ሀራ ኡዱቸን አቱማ ናናይ ይብሃራ፤ ኤልሻማአ፤ ኤልፈሌዳ፤
- 7 ናጋሀ፤ ነፌጋ፤ ያፍአ፤
- 8 ኤልሻማአ፤ ኤልያዳአነ ኤልፈሌዳ።
- 9 ሀ አቱማ ናና ኡባ ቦላካ ዳዊታዉ ሀራ ማቻቱዋጥ የለቴዳ አቱማ ናናይ ደእያ፤ ቃይ ታማራ ሀ አቱማ ናና ሞቻቶ።
- ካትያ ሰሎሞን የለታ**
- 10 ካትያ ሰሎሞን ናአይ ሮብኣማ፤ ሮብኣማ ናአይ አቢያ፤ አቢያ ናአይ አሳ፤ አሳ ናአይ ዮሳፌዳ፤
- 11 ዮሳፌዳ ናአይ ዮራማ፤ ዮራማ ናአይ አካዝያሳ፤ አካዝያሳ ናአይ ዮኣሻ፤
- 12 ዮኣሻ ናአይ አመሰያሳ፤ አመሰያሳ ናአይ ኦዘያና፤ ኦዘያና ናአይ ዮኣታማ፤
- 13 ዮኣታማ ናአይ አካዛ፤ አካዛ ናአይ ሀዝቂያሳ፤ ሀዝቂያሳ ናአይ ሞናሳ፤
- 14 ሞናሳ ናአይ አምና፤ አምና ናአይ ዮሰያሳ።
- 15 ዮሰያሳ ናአይ ባይራይ ዮሀናና፤ ላኤንሳ- ዮኣቁማ፤ ሄዘንሳ- ሰደቅያሳ፤ ኦይደንሳ- ሻሉማ።

16 የጻፍህ ስሜት ስሜት \* ስሜትህ።

ካትያ የእኪና የለታ

17 አዋደቲድ ባብሎን ቤዳ የእኪና አቲማ ናናይ ሳላትያላ።

18 ማልክራማ፣ ፓዲያ፣ ሸናጸራ፣ ይቃሞያ፣ ሆሻማእነ ናዲብያ።

19 ፓዲያ አቲማ ናናይ ዛሩባቤላን ሸምእ። ዛሩባቤላ አቲማ ናናይ ማሹላማነ ሀናንያ፤ ኤንቴንቴ ሞቻታ ሻሎሚቶ።

20 ሀዋንቴ ቦላን ሀራ እጅሹ አቲማ ናናይ ዛሩባቤላው ደእኖ፤ ኤንቴንቴካ ሃሹባ፣ ኦሃላ፣ በረክያ፣ ሀሳድያን የሻብ-ሄሴዳ።

21 ሀናንያ አቲማ ናናይ ፓላጽያን ይሻእያ። ይሻእያ ናኦይ ራፋያ፤ ራፋያ ናኦይ እርናና፤ እርናና ናኦይ ኦሳድያ፤ ኦሳድያ ናኦይ ሻካንያ፤

22 ሻካንያው ኤሱፑን ናናይ ደእኔ፤ ሻማእያ ግያ እ ናኦይ ናኦ ናናቱ፣ ሀጸኤሻ፣ ይግኦላ፣ ባርያሀ፣ ናኦርያን ሻፋጻ።

23 ናኦርያ ናናይ ሄዛቱ ኤልዮኤናያ፣ ሀዘቃን እዝርቃሚ።

24 ኤልዮኤናያ ናናይ ላፑናቱ ሆዳዊያ፣ ኤልያሸባ፣ ፓላያ፣ አቁባ፣ የሀናና፣ ዳላያን እናና።

4

ይሁዳ የለታ

1 ይሁዳ ዛራቱ ፓራሳ፣ ሄጽሮና፣ ካርማ፣ ሁራን ሾባላ።

2 ሾባላ ናኦይ ራኦይ ያሃታ የሌዳ፤ ያሃት እሁማያን ላሃዳ የሌዳ። ሀዋንቴ ጸርአቱ ያራቱዋ።

3-4 ሀር ባረ ዳይ ኤፍራትሙ ባይራ ናኦ፤ ሀር ቤታልሄማ የሌዳ። ኤጻማ አቲማ ናናይ እዝራኤላ፣ የሸማን ይድባሻ፤ ኤንቴንቴ ሞቻታ ሀጸለልፖና። ፓኤኤል ጋዶራ የሌዳ። ኤጾር ሁሻ የሌዳ። ሀዋንቴ ሁራ ያራቱዋ።

5 ታቆአ አወዋ አሸሁራው ሄሎን ናኦር ጌተትያ ላኤ ማጫ አሳቱ ደእኖ።

6 ናኦር እሁዛማ፣ ሄፌራ፣ ተምናን እሁሸታራ አሸሁራው የሌዳ፤ ሀዋንቴ ናኦር ናና።

7 ሄላ ጾሪታ፣ ጸሃራን ኤትናና አሸሁራው የሌዳ።

8 ቆጽ አኑባ፣ ጸባባን ሀራማ ናኦ አሀርሄላ ያራቱዋ የሌዳ።

9 ያቤጽ ባረ አሻቱዋ ኤባፕ አቲ ቦንፔቱ። አ ዳያ፣ “ታን አ ኢታ የሉዋን የሌዳ ድራው፣ አ ሱጎላይ ያቤጻ” ጋዶ ሱጎላዳ።

10 ያቤጽ\* እስራኤልያ ጸሳ ጸሴድ፣ “አቤት ጸሳው፣ ሀይ ታና ኔን እንጃ፤ ታ ጋድያካ አሳ። ታናና አትፕ ግዳ፤ ታና ሳከናዳን ታና ቆህያባፕ ኔን ናጋ” ያጌዶ ዋሴዳ። ጸሳይ አ ዋሳ ሰሴዳ።

ሀራ አሳቱ የለታ

11 ሹሀ አሻይ ካሉብ ማሃራ የሌዳ፤ ማሃራ ኤሸቶና የሌዳ።

12 ኤሸቶን ቤትራፋ፣ ፓሴሀን ታህና የሌዳ። ታህን እር-ናሃሻ ካታማ አሳ የሌዳ። ሀዋንቴ ራካ ጋድያን ደኤድና።

13 ቃናዛ ናናይ ኦትንኤላን ሳራያ፤ ኦትንኤላ ናናይ ሀታታን ማኤኖታያ።

14 ማኤኖታይ ኦፍራ የሌዳ። ሳራይ የኦሳ የሌዳ። የኦሳ ጀ-ሀራሽማ የሌዳ፤ ኩሽያ ሄላንቻቱዋ ግድያ አሳቱዋ የሌዳ።

15 ይፋን ናኦ ካሌባ ናናይ እራ፣ ኤልያን ናኦማ። ኤልያ ናኦይ ቃናዛ።

16 ይሃልኤላ ናናይ ዚፋ፣ ዚፋሀ፣ ቲራያን አሳርኤላ።

17 ኤዘራ ናናይ የተራ፣ መረዳ፣ ኤፌራን ያሎና። መረዳ ግብጾ ካትያ ናቶ ቢቶ እክና እዛ ማርያሞ፣ ሻማያን ይሸባ እዛ የሌዳ። ይሸብ ኤሸታሞአ የሌዳ።

18 ይሁዳ ጋድያፕ አኬዳ ማቻታ ጋዶራ አወዋ የራዳ፣ ሱኮ አወዋ ሄቤራን ዛኖሀ አወዋ ያቁትኤላ መረዳው የሌዳ።

19 ናሃማ ሞቻታ፣ ሆድያ ማቻታ ናናይ ጋርማን ደኤዳ ቃኤላ አወዋን ማኦካን ደኤዳ ኤሸታሞአ አወዋ።

20 ሸሞና ናናይ አምናና፣ ሪና፣ በንሀናናን ቲሎና።

ይሸአ ናናይ ዞሄታን በንዞሄታ።

ሹላ የለታ

21 ይሁዳ ናኦ ሹላ ዛራቱ ሌካ አወዋ ኤራ፣ ማሬሻ አወዋ ላኦዳን ቤት-አሸቤአ ካታማን ደእያ ሱፍያ ጌተትያ ማዩዋ ዳድያዋንቴ ያራቱዋ።

\* 3:16 የእኪና- እብራዌሉዋን ሀ ሱጎላይ “የኮንያ” ጌተቱ። \* 4:10 ያቤጽ- ሀ ሱጎላ ብለላይ እብራዌሉዋን “ሳኩዋ” ግያዋ።

22 ሀራቱ ቃይ ዮቁማ፣ ዮአሻ፣ ያሹብልሄማ፣ ሞአበ ጋድያ ሞዴዳ ሳራፋነ ኮዜባ ካታማን ደኤዳ አሳቱዋ። ሀ የለታ ማዘገባይ በን ዋደጥካ ደእያዋ።  
 23 ሀዋንቱ ናጸእማንን ጋዴራን ደኤዳ ኡርቃ መድያ አሳቱዋ። ኡንቱንቱ ካትያ ኪታ ኦላናና አናና አትጥ ደኤድኖ።

ሰሞና የለታ

24 ሰሞና ናናይ ነሙኤላ፣ ያሚና፣ ያሪባ፣ ዛራሀነ ሻኤላ።  
 25 ሻኤላ ናአይ ሻሉማ፤ ሻሉማ ናአይ ሞብሳማ፤ ሞብሳማ ናአይ ሞሽማእ፤  
 26 ሞሽማእ ናአይ ሀሙኤላ፤ ሀሙኤላ ናአይ ዛኩራ፤ ዛኩራ ናአይ ሸምእ።  
 27 ሸምእው ታማነ ኡሱቱን አቱማ ናናይን ኡሱቱን ማጫ ናናይ ደኤድኖ፤ ሸን አ እሻቶ ጮራ ናናይ ባዋ። ይሁዳ ዛራቱዋዳን ሰሞና ዛራቱ ጮራትበይክኖ።  
 28 ሰሞና ዛራቱ በርሳበሀ ካታማንን ሞላዳ፣ ሀጸር-ሹኣላ፣  
 29 ባላ፣ ኤጾማ፣ ቶላዳ፣  
 30 ባቱኤላ፣ ሆርማ፣ ጽቅላጋ፣  
 31 ቤት-ማርካቦታ፣ ሆጸር-ሱሲማ፣ ቤትቢራን ሻእራይማ ካታማቱዋን ደኤድኖ። ዳዊተ ካተታና ጋካናው ሀዋንቱ ኡንቱንቱ ካታማቱዋ ግዲደ ደኤድኖ።  
 32 ቃይ ኡንቱንቱ ሞላቱ ኤጾማ፣ አይና፣ ርሞና፣ ቶኪናነ አሻና። ኡንቱንቱ ኡባና እቺሹ ካታማቱዋ።  
 33 ባአላታ ጋካናው፣ ሀ ካታማቱዋ የሹዋን ደእያ ሞላቱ ኡባይ ኡንቱንቱን ጉጀቲኖ። ሀዋንታ ኡንቱንቱ ደኤዳ ሳኣ ኡንቱንቱ ባረንቱ የለታ ማራን ማዘገብያን ጻፊደ ያይቁድኖ።  
 34 ሰሞና ያራቱ ካገቱ ሀዋጥ ካሊደ ጻፈቱዳዋንታ። ኡንቱንቱ ማሸባባ፣ ያምሌካ፣ አመሲያሳ ናኣ ዮሻ፣  
 35 ዩኤላነ ዮሺብያ ናኣ ዩሀ። ዩሀ አወዋ እዉ አሳኤላ ናኣ ሳራያ።  
 36 ሀራ ካገቱ ቃይ ኤልዮኤናያ፣ ያእኮባ፣ ያሾሃያ፣ አሳያ፣ አዲኤላ፣ ያሸሞኤላ፣ ባናን  
 37 ዚዛ። ዚዛ ሸፍኦ ናኣ፤ ሸፍኦ አሎና ናኣ፤ አሎን ያዳያ ናኣ፤ ያዳይ ሸምራ ናኣ፤ ሸምር ሻማእያ ናኣ።  
 38 ሰሞና ያራቱ ካገቱ ሀዋንታ።  
 ኡንቱንቱ አዋቱዋ ዘረሳይ ሎይሰ ጮራቱዳ።  
 39 ኡንቱንቱ ባረንቱ መሀያው ሄምያ ሳኣ ኮያናው ጋዶራ ገልያ ሳኣ ማታን ደእያ ዋዋባው አዋይ ደልያ ባጋና ደእያ ሳኣ ጋካናው ቤድኖ።  
 40 እት ሎይሰ አራዴዳ ሎኦ ሄምያ ሳኣ ደሚድኖ፤ ሄ ቢታይ ዋጋይን ሳርተላይ ኩሜዳ እኮ ቢታ። በን ዋደ ሄ ጋድያን ደኤዳዋንቱ ካማ ዘረሳቱዋ።  
 41 ሀዋጥ ቆዋ ባጋና ሱንሳይ ጻፈቱዳ ሰሞና ዛራቱ ይሁዳ ካትያ ሀዘቂያሳ ዋደ ጋዶራ ጋድያ ቢደ፣ ያን ደእያ ካማ ዘረሳቱዋን ማኤና አሳቱዋ ኦለቲደ ቆይሲድኖ። ሄ ጋድያን ኡንቱንቱ መሀያው ሄምያ ሳኣይ ደእያ ድራው፣ ሰሞና ዛራቱ ሀቺ ጋላናው ያን ኡቲድኖ።  
 42 ሰሞና ዛራቱዋጥ እቺሹ ጸቱ አሳቱ ሰኢራ ደርያኮ ቤድኖ። ኡንቱንቱ ካገቱ ፓላጸያ፣ ናኣርያ፣ ራፋያን ኡዝኤላ፤ ኡንቱንቱ ይሸእ ናና።  
 43 አማሌቃ አሳቱዋጥ ካሰ ባቃት አቲዳውንታ ሰሞና አሳቱ ቆይሲድኖ። ኡንቱንቱ ሀቺ ጋካናው ሄ ቢታን ደእያ።

5

ሮቤላ የለታ

1 እሰራኤልያ ናኣ ባይራ ሮቤላ የለታይ ሀዋጥ ካሊደ ጻፈቱዳዋ። ሮቤል ባይራ ናኣ፤ ሸን ባረ አወዋ ግሱዋ እ ቱንሴዳ ድራው፣ ባይራተላው በሰያባይ እሰራኤልያ ናኣ ዮሴፎ ናናው እመቲዳ። ሄዋ ድራው፣ አ የለታን ባይራ ግዴዳዌ ጻፈትቤና።  
 2 ይሁዳይ ባረ እሻቱዋጥ ሞኔዳ፤ አ ባይራተላይ ዮሴፎ እመቲዳዋ ግደጥነ፣ እሰራኤልያ አሳ ሞድያዌ ይሁዳጥ ከሴዳ።  
 3 እሰራኤልያ ናኣ ባይራ ሮቤላ አቱማ ናናይ ሀኖካ፣ ፓላ፣ ሄጽርናነ ካርማ።  
 4 ዩኤላ ናአይ ሻማእያ፤ ሻማእያ ናአይ ጎጋ፤ ጎጋ ናአይ ሸምእ፤  
 5 ሸምእ ናአይ ሚክያሳ፤ ሚክያሳ ናአይ ራኣያ፤ ራኣያ ናአይ ባአላ።  
 6 ባአላ ናአይ አሰረ ካትያ ትግላት-ፓለሴር ኦሞዲደ እፌዳ ባኤራ፤ ባኤር ሮቤላ ዛራቱዋ ካቸዋ።  
 7 ባኤራ ዳቦቱ፣ ባረንቱ የለታ ማዘገብያን ጻፈቱዳ ሮቤላ ያራቱ ካገቱ ይእኤላ፣ ዛካራሳነ



8 በላእ። በላእ እዛዛ ናኣ፤ እዛዛ ሸማእ ናኣ፤ ሸማእ ዩኤላ ዛርያ። ዩኤላ ዛራቱ እርኤራ ካታማን፣ ናቦ ቢታንን ባኣል-ማእና ጋድያን ደኤድኖ።  
 9 ርቤላ ዛራቱዋ መሄ ጋላኣደን ጮራቲዳ ድራዉ። ኡንቱንቱ ያፕ እዋይ ዶልያ ባጋ ቢደ፣ ኤፍራጺሳ ሻፋ ጋካናዉ ሞጩቲዳ መላ ቢታን ኡቲድኖ።  
 10 ሳኦላ ላይላን አጋራቱዋ ያራቱዋና ርቤላ ያራቱ ኦለትና። ርቤላ ያራቱ ጸኔድኖ። ጋላኣደፕ እዋይ ዶልያ ባጋና ደእያ አጋራቱዋ ያራቱ ጋድያን ኡቲድኖ።

**ጋደ የለታ**

11 ጋደ ዛራቱ ርቤላ ዛራቱዋፕ ሁጺሳ ባጋን፣ ሳላካ ጋካናዉ ደእያ ባሳን ጋድያን ኡቲድኖ።  
 12 ዩኤል ኮይሮ ያራቶ ካፑዋ፤ ሻፋም ላኤንሶ ያራቶ ካፑዋ። ያእናይን ሻፋድ ባሳንን ኡቲዳ ያራቶ ካፓቱዋ።  
 13 ኡንቱንቱ ዳቦቱ፣ ላፑን ያራቱዋ ካፓቱ፣ ሞካኤላ፣ ማሹላማ፣ ሳባ፣ ዮራያ፣ ያእካና፣ ዚእን ኤቤራ።  
 14 ሀዋንቱ አብሀይላ ናናይ ቡዛ ዘረሳ። ቡዛ ያህዳ የሌዳ፤ ያህድ የሸሻያ የሌዳ፤ የሸሻይ ሞካኤላ የሌዳ፤ ሞካኤል ጋላኣደ የሌዳ፤ ጋላኣደ ያርሀ የሌዳ፤ ያርሀ ሁራ የሌዳ፤ ሁር አብሀይላ የሌዳ።  
 15 ኡንቱንቱ አዎቱዋ ሶ ካፑ ጉና ናኣ ናኣ አብድኤላ ናኣ አሀ።  
 16 ኡንቱንቱ ጋላኣደንን ባሳንን ሄ ቢታቱዋ ካታማቱዋንን ሳርና ጋድያን መሄ ሄመትያ ግሹዋን ኡቲድኖ።  
 17 ሀዋንቱ ኡባ የለታይ ይሁዳ ካትያ ዮኣታማ ዋደን እስራኤልያ ካትያ እዮርባማ ዋደ የለታ ማዝብቢያን ጸፈቲዳ።

**እዋይ ዶልያ ባጋን ኡቲዳ ኦላንቻቱዋ**

18 ርቤላ ዛራቱዋፕ፣ ጋደ ዛራቱዋፕን ምናስ ዛራቱዋፕ ባጋቱዋፕ ኦላንቻቱ፣ ዋልቃማቱ፣ ጎንዳልያን ማሻ ኦይቄያዋንቱ፣ ዋንዳናዋን ዲካን ሎሄዳዋንቱን ኦላ ሳልፕያ ኤርያዋንቱ ኦይታማን ኦይዳ ሻእን ላፑን ጸታን ኡሱፑን ታማ።  
 19 ኡንቱንቱ አጋራቱዋ ያራቱዋና፣ ይጸራቱዋና፣ ናፊሻቱዋን ኖዳባቱዋና አለቲድኖ።  
 20 ኡንቱንቱ ሄ አሳቱዋና አለቲደ፣ ጸሳኮ ዋሴዳ ድራዉ፣ ማዲዋ ደሚድኖ። ኡንቱንቱ ጸሳን አማነቲዳ ድራዉ፣ እ ኡንቱንቶ ዋስቲዳ። ሄዋ ድራዉ፣ አጋራቱዋ ያራቱዋን ኡንቱንቱና ደእያ ሀራቱ ኡንቱንቱ ኩሽያን ገሌድኖ።  
 21 ባረንቱ ሞርከቱዋፕ እሻታሙ ሻእ ጋሎቱዋ፣ ላኡ ጸታን እሻታሙ ሻእ ደርሳቱዋ፣ ላኡ ሻእ ሀረቱዋን ጸቱ ሻእ አሳቱዋ ኦሞዲደ አፊድኖ።  
 22 ኦላይ ጸሳዋ ግዴዳ ድራዉ፣ ዳራቱ ሀይቄድኖ። ጸኔዳዋንቱ ኦሞዲዋ ዋዲ ጋካናስካ ሄ አሳቱዋ ኩሽያን ኡቲድኖ።

**እዋይ ዶልያ ባጋን ኡቲዳ ምናስ ዘረሳ**

23 ምናስ ዛራቱዋፕ ባካ ያራቱ ባሳንፕ ደሚደ፣ ባኣል-ሄርሞን፣ ሳኒራን ሄርሞን ደርያ ጋካናዉ ደእያ ሄ ቢታቱዋን ኡቲድኖ፤ ኡንቱንቱ ሄ ግሹዋን ጮራቲድኖ።  
 24 ኡንቱንቱ አዎቱዋ ሶይ ካፓቱ ኤፊራ፣ ይሽእ፣ ኤልኤላ፣ እዘርኤላ፣ ኤርማሳ፣ ሆዳዊያን ያህድኤላ። ሀዋንቱ ኡንቱንቱ አወዋ ጎለን ኤረቲዳ፣ ጸሳን ዋልቃማ አሳቱዋ።  
 25 ሽን ሀ ዛራቱ ባረንቱ አዎቱዋ ጸሳ ናቀድኖ፤ ጸሳይ ኡንቱንቱ ሰንሳፕ ጳይሴዳ ሄ ጋድያ አሳቱዋ ጸሳቱዋና ሻርሙጼድኖ።  
 26 ሄዋ ድራዉ፣ እስራኤልያ ጸሳይ ትግላት-ፓለሴራ ዋይ ፑላ ጌተትያ እሶረ ካትያ እያና ደንጳዱ። ያፑቲ ርቤላ ዘረሳ፣ ጋደ ዛራቱዋን ምናስ ዛራቱዋፕ ባጋቱዋ ኦሞዲደ፣ ሀላሀ፣ ሀቦራን ሃራ ቢታቱዋን ጎዛና ሻፋ አፊዳ። ኡንቱንቱ ሀቼ ጋካናዉ ያን ደእኖ።

**6**

**ቄስያ ኡባቱዋ ካፑዋ የለታ**

- 1 ሊዊያ ናናይ ገርሾና፣ ቃሃታን ማራራ።
- 2 ቃሃታ ናናይ አምራማ፣ ይጽሃራ፣ ከብርናን ኡዝኤላ።
- 3 አምራማ ናናይ አርና፣ ሙሳን ማርያም።  
 አርና ናናይ ናዳባ፣ እቢሀ፣ ኤልኣዛራን እታማራ።
- 4 ኤልኣዛረ ፒንሃሳ የሌዳ፤ ፒንሃስ አብሹኣ የሌዳ፤ አብሹኣ ቡቃ የሌዳ፤
- 5 ቡቅ ኡዛ የሌዳ፤

- 6 ኡዝ ዛራህያ የሌዳ፤ ዛራሄ ማራዮታ የሌዳ፤
- 7 ማራዮት አማርያ የሌዳ፤ አማር አህጹባ የሌዳ፤
- 8 አህጹብ ጻድቃ የሌዳ፤ ጻድቃ አህማኢቃ የሌዳ፤
- 9 አህማኢጽ አዛርያሳ የሌዳ፤ አዛርያሳ የሆና የሌዳ፤
- 10 የሆናን አዛርያሳ የሌዳ። ሶሎሞን የሩሳላሙን ኬጽሴዳ ጌሻ ጎልያ ኦሌዳ ቄሲ አዛርያሳ።
- 11 አዛርያሳ አማርያ የሌዳ፤ አማር አህጹባ የሌዳ፤
- 12 አህጹብ ጻድቃ የሌዳ፤ ጻድቃ ሻሎማ የሌዳ፤
- 13 ሻሎም ሀልቂያ የሌዳ፤ ሀልቂ አዛርያሳ የሌዳ፤
- 14 አዛርያሳ ሳራያ የሌዳ፤ ሳራይ ዮጸዳቃ የሌዳ።
- 15 መድና ጎዳይ ይሁዳን የሩሳላሙ ናቡካዳናጸራን አሞድሴዳ ዎደ ዮጸዳቅካ ኦሞደቲደ ቤዳ።

**ሌዊያ ዛራቱዋ ሀራቱዋ**

- 16 ሌዊያ ናናይ ገርሾና፣ ቃሃታን ማራራ።
- 17 ገርሾና ናናቱዋ ሱንጎይ ሊብናን ሸሞኦ።
- 18 ቃሃታ ናናይ አሞራማ፣ ይጽሃራ፣ ከብርናን ኡዝኤላ።
- 19 ማራራ ናናይ ማህላን ሙሻ። ባረንቱ አዉዋ ጎሊን ጎሊን ጸፈቲዳ ሌዋቱ ራራቱ ሀዋንታ።
- 20 ገርሾና ናናይ ሊብና፤ ሊብና ናናይ ያሃታ፤ ያሃታ ናናይ ዘሞ።
- 21 ዘማ ናናይ ዮኣህ፤ ዮኣህ ናናይ አዳ፤ አዳ ናናይ ዛራህ፤ ዛራህ ናናይ ያኦትራያ።
- 22 ቃሃታ ናናይ አሞናዳባ፤ አሞናዳባ ናናይ ቆራህ፤ ቆራህ ናናይ አሲራ፤
- 23 አሲራ ናናይ ኤልቃና፤ ኤልቃና ናናይ ኤብያሳፋ፤ ኤብያሳፋ ናናይ አሲራ፤
- 24 አሲራ ናናይ ታሃታ፤ ታሃታ ናናይ ኡርኤላ፤ ኡርኤላ ናናይ ኡዝያና፤ ኡዝያና ናናይ ሻኤላ።
- 25 ኤልቃና ናናይ አማሳያን አህሞታ።
- 26 አህሞታ ናናይ ኤልቃና፤ ኤልቃና ናናይ ጸፋያ፤ ጸፋያ ናናይ ናሃታ፤
- 27 ናሃታ ናናይ ኤልኣባ፤ ኤልኣባ ናናይ ይሮሃማ፤ ይሮሃማ ናናይ ኤልቃና።
- 28 ሳመላ ናናይ ባይራይ ዩኤላ፤ ቲፋይ አቢያ።
- 29 ማራራ ናናይ ማህላ፤ ማህላ ናናይ ሊብና፤ ሊብና ናናይ ሸሞኦ፤ ሸሞኦ ናናይ ኡዛ፤
- 30 ኡዛ ናናይ ሸሞኦ፤ ሸሞኦ ናናይ ሀጊያ፤ ሀጊያ ናናይ አሳያ።

**ጌሻ ጎልያን የጽያዋንታ**

- 31 ዳዊተ ታቦታ የሩሳላሙ አሄዳዋጥ ጉይያን፣ ማዝሙርያ የጻናዳን መድና ጎዳዉ ጎሊን ሱንጎይዳዋንቱ ሀዋጥ ካሊደ ጸፈቲድኖ።
- 32 ሶሎሞን የሩሳላሙን መድና ጎዳ ጌሻ ጎልያ ኬጽና ጋካናዉ፣ ጸሳ ታቦታይ ደእያ ዲንካንያ ስንጎን ኡንቱንቱ ማዝሙርያ የጸደደ፣ ካላን ካላን አልኖ።
- 33 ባረንቱ ናናቱዋና እትጥ የጸዳዋንቱ ሀዋጥ ካሊደ ጸፈቲዳዋንታ።
- 34 ቃሃታ ራራቱዋጥ የጽያዌ ሂማና። ሂማን ዩኤላ ናና፤ ዩኤል ሳመላ ናና፤
- 35 ሳመላ ኤልቃና ናና፤ ኤልቃን ይሮሃማ ናና፤ ይሮሃሞ ኤልኤላ ናና፤ ኤልኤል ቶሀ ናና፤
- 36 ቶሀ ጸፋ ናና፤ ጸፍ ኤልቃና ናና፤ ኤልቃን ማሃታ ናና፤ ማሃት አማሳያ ናና፤
- 37 አማሳይ ኤልቃና ናና፤ ኤልቃን ዩኤላ ናና፤ ዩኤል አዛርያሳ ናና፤ አዛርያሳ ጸፋንያ ናና፤
- 38 ጸፋን ታሃታ ናና፤ ታሃት አሲራ ናና፤ አሲራ ኤብያሳፋ ናና፤ ኤብያሳፋ ቆራህ ናና፤
- 39 ቆራህ ይጽሃራ ናና፤ ይጽሃር ቃሃታ ናና፤ ቃሃት ሌዊያ ናና፤ ሌዊ እስራኤልያ ናና።
- 40 አ ዳቡ አሳፈ አ ኡሽቻ ባጋና ኤቁ። አሳፈ በረክያ ናና፤ በረከ ሸሞኦ ናና፤
- 41 ሸሞኦ ሞካኤላ ናና፤ ሞካኤል ባኢሴያ ናና፤ ባኢሴይ ማልክያ ናና፤
- 42 ማልከ ኤታና ናና፤ ኤታን ዛራህ ናና፤ ዛራህ አዳያ ናና፤
- 43 አዳይ ኤታና ናና፤ ኤታን ዘማ ናና፤ ዘሞ ሸሞኦ ናና፤
- 44 ሸሞኦ ያሃታ ናና፤ ያሃት ገርሾና ናና፤ ገርሾን ሌዊያ ናና።
- 45 ኡንቱንቱጥ ሀድርሳ ባጋና ኡንቱንቱ ዳቦቱ፣ ማራራ ራራቱ ኤቁና። ኤታን ቂሻ ናና፤ ቂሽ አብዳ ናና፤ አብድ ማሉካ ናና፤
- 46 ማሉክ ሀሻብያ ናና፤ ሀሻቢ አመሰያሳ ናና፤ አመሰያሳ ሀልቂያ ናና፤
- 47 ሀልቂ አሞጸ ናና፤ አሞጽ ባና ናና፤ ባን ሸሜራ ናና፤
- 48 ሸሜር ማህላ ናና፤ ማህላ ሙሻ ናና፤ ሙሽ ማራራ ናና፤ ማራራ ሌዊያ ናና።
- 49 ኡንቱንቱ ዳቦቱ ሌዋቱ ጸሳ ዲንካንያዉ አፋናዉ ሱንጎይኖ።

**እርና የላታ**

49 ሸን እርነን እርና ዘረፋቱ እጽና ጨዋዬና፤ ያርሽያ ሳኣን ጸግያ ያርሹዋካ ያርሽኖ። ጸሳ ቆማይ ሙሴ አዛዜዳዋን፣ ኡባጥ አድያ ጌሻ ሳኣን ጎይንያ ጎይና ኡባዉን ጸሳይ እስራኤልያ ናጋራ አቶ ጌተትያ ያርሾ አዋተላይ ኡንቱንቶ ደኤ።

50 እርና የለታይ ሀዋጥ ካሊደ ጸፈቱዳዋ። እርና ናእይ ኤልአዛሪ፤ ኤልአዛሪ ናእይ ፒንሃሳ፤ ፒንሃሳ ናእይ አብሹኦ፤

51 አብሹኦ ናእይ ቡቃ፤ ቡቃ ናእይ ኡዛ፤ ኡዛ ናእይ ዛራህያ።

52 ዛራህያ ናእይ ማራዮታ፤ ማራዮታ ናእይ አማርያ፤ አማርያ ናእይ አህጹባ፤

53 አህጹባ ናእይ ጻደቃ፤ ጻደቃ ናእይ አህማኣጻ።

ሊዊያ ያራቱ ደኤዳ ሳኦቱዋ

54 እርና ዛራቱ ባረንቴ ዛዋ ግደን ደእናው ኡንቴንቴ ኡተፋዳን ኡንቴንቶ አመቲዳ ሳኦቱ ሀዋጥ ካሊደ ጸፈቱዳዋንታ።

ቃሃታ ያራቱ ኮይሮ ሳማ እኬድና።

55 ሃ ሳማን ይሁዳን ደእያ ከብርን ካታማን ከብርን የሹዋን ደእያ ሃንፋ ጋይቱዋ ኡንቴንቶ አሜድና፤

56 ሸን ካታማ ሳሻን ካታማ የሹዋን ደእያ ሞፋቱዋ ይፋነ ናኣ ካሊባው አሜድና።

57 እርና ናናው አሳይ ባቃት ቢደ አትያ ካታማ። ከብርን ሀራ ካታማቱዋ ያትራ። ሊብናን ኤሽታዋኣ እ ሃንፋ ጋይቱዋ።

58 ሂለናን እ ሃንፋ ጋይቱዋ። ዳብራን እ ሃንፋ ጋይቱዋ።

59 አሻናን እ ሃንፋ ጋይቱዋን ቤት-ሸመሻን እ ሃንፋ ጋይቱዋ አሜድና።

60 ቃይ ቢንያማ ዛራቱዋጥ ገባእን እ ሃንፋ ጋይቱዋ። አለሜቱዋን እ ሃንፋ ጋይቱዋን እናቶታን እ ሃንፋ ጋይቱዋ አሜድና። እርና ናናው አመቲዳ ካታማቱ ኡሳና ታማን ሂዛ።

61 ሞናሰ ያራቱ ባጋቱ ጋድያጥ ታሙ ካታማቱዋ አቲዳ ቃሃታ ያራቶ ሳማን አሜድና።

62 ይሳኩራ ዛራቱዋ ጋድያጥ። አሴራ ዛራቱዋ ጋድያጥ። ንፍታሊማ ዛራቱዋ ቢታጥን ባሳንን ደእያ ሞናሰ ያራቱ ጋድያጥ ታማን ሂዙ ካታማቱዋ ገርሾና ያራቶ ሳማን አሜድና።

63 ርቤላ ዛራቱዋ ጋድያጥ። ጋደ ዛራቱዋ ቢታጥን ዛብሎና ዛራቱዋ ጋድያጥ ታማን ላኡ ካታማቱዋ ማራራ ያራቶ ሳማን አሜድና።

64 ሄዋዳን ኦሊደ። አሰራኤልያ አሳይ ሊዋቶ ሀ ካታማቱዋን ካታማቱዋ ሄራን ደእያ ሃንፋ ጋይቱዋ አሜዳ።

65 ቃይ ይሁዳ ዛራቱዋ ጋድያጥ። ሰሞና ዛራቱዋ ቢታጥን ቢንያማ ዛራቱዋ ጋድያጥ። ሀዋጥ ቆሞ ባጋና ባረንቴ ሱንጎሳን ጸፈቲዳ ካታማቱዋ ኡንቴንቶ ሳማን አሜዳ።

66 ቃሃታ ያራቱዋጥ አማራዳዋንቴ ባረንቴ ካታማቱዋ ኤፍራማ ዛራቱዋ ካታማቱዋጥ እኬድና።

67 ኡንቴንቶ አሳይ ባቃት ቢደ አትያ ካታማቱዋ። ኤፍራማ ገዘያን ደእያ ሰኬማን እ ሃንፋ ጋይቱዋ። ገዜራን እ ሃንፋ ጋይቱዋ።

68 ዮቅማኣማን እ ሃንፋ ጋይቱዋ። ቤት-ሆሮናን እ ሃንፋ ጋይቱዋ።

69 አያሎናን እ ሃንፋ ጋይቱዋን ጋተ-ርሞናን እ ሃንፋ ጋይቱዋ አሜድና።

70 ሞናሰ ዛራቱዋ ባጋቱዋጥ አኔራን እ ሃንፋ ጋይቱዋን ብልእማን እ ሃንፋ ጋይቱዋ አኪደ። ቃሃታ ያራቱዋጥ አቲዳዋንቶ አሜድና።

71 ሞናሰ ዛራቱዋ ባጋቱዋጥ ባሳንን ደእያ ጎላናን እ ሃንፋ ጋይቱዋን አሰታርታን እ ሃንፋ ጋይቱዋ አኪደ። ገርሾና ያራቶ አሜድና።

72 ቃይ ይሳኩራ ዛራቱዋጥ ቃዴሳን እ ሃንፋ ጋይቱዋ። ዳብራታን እ ሃንፋ ጋይቱዋ።

73 ራሞታን እ ሃንፋ ጋይቱዋን አኔማን እ ሃንፋ ጋይቱዋ አኪደ። ኡንቴንቶ አሜድና።

74 ቃይካ አሴራ ዛራቱዋጥ ማሻላን እ ሃንፋ ጋይቱዋ። አብደናን እ ሃንፋ ጋይቱዋ።

75 ሀ-ቆቃን እ ሃንፋ ጋይቱዋን ራሆባን እ ሃንፋ ጋይቱዋ አኪደ። ኡንቴንቶ አሜድና።

76 ሄዋዳንካ ንፍታሊማ ዛራቱዋጥ ጋሊላን ደእያ ቀዴሻን እ ሃንፋ ጋይቱዋ። ሀሞናን እ ሃንፋ ጋይቱዋን ቅርያታይማን እ ሃንፋ ጋይቱዋ አኪደ። ኡንቴንቶ አሜድና።

77 አቲዳ ማራራ ያራቶ ዛብሎና ዛራቱዋጥ ርሞናን እ ሃንፋ ጋይቱዋን ታቦራን እ ሃንፋ ጋይቱዋ አኪደ አሜድና።

78 ቃይ ርቤላ ዛራቱዋጥ ያርኮ ባጋን። ዮርዳናሳጥ ሄፍንጎን አዋይ ዶልያ ባጋና። መላ ቢታን ደእያ ቤኤራን እ ሃንፋ ጋይቱዋ። ያህእን እ ሃንፋ ጋይቱዋ።

79 ቅደሞታን እ ሃንፋ ጋይቱዋን መፋኣታን እ ሃንፋ ጋይቱዋ አኪደ። ኡንቴንቶ አሜድና።

80 ቃይካ ጋይ ዛራቱዋጥ ጋላኢደን ደእያ ራሞታን እ ሃንፋ ጋይቱዋ። ማህናይማን እ ሃንፋ ጋይቱዋ።

81 ሀሰቦናን እ ሃንፋ ጋይቱዋን ያእዜራን እ ሃንፋ ጋይቱዋ አኪደ ኡንቴንቶ አሜድና።

7

ይሳኩራ የለታ

1 ይሳኩራው ኦይዱ ናናይ ደእኖ፤ ኡንቴንቴካ ቶላኦ። ዋዋ። ያሹባን ሸሞሮና።

2 ቶላእ ናናይ ኡዛ፡ ራፋያ፡ ይሪኤላ፡ ያህማያ፡ ይብሳማን ሳሜላ፤ ኡንቱንቱ ቶላእ ያራቱ ካፓቱቀ። ኡንቱንቱ ዋልቃማን ጸላ አሳቱቀ። ዳዊታ ዋደ ኡንቱንታ ፓይዱ ላታማን ላኡ ሻእን ኡሱቱን ጸታ።

3 ኡዛ ናናይ ይዘራህያ። ይዘራህያ ናናይ ሞካኤላ፡ ኦባድያ፡ ዩኤላን ይሸያ፤ ሀ እቼሻቱካ ሶይ አሳ ካፓቱቀ።

4 ባረንቱ አዎቱቀ ሶይ አሳ የለታዳን ኦላዉ ጊጌዳ ኦላንቻቱ ሀታማን ኡሱቱን ሻእ፤ እያዉ ሳፕ፡ ኡንቱንቶ ጮራ ማቼቱን ጮራ ናናይ ደኢኖ።

5 ይሳቦራ ዛራቱዋፕ ኦላንቻቱ ባረንቱ የለታ ማዘገብያን ፓይደቲደ፡ ኡባና ሆሰቱን ታማን ላቱን ሻእ ግዴድኖ።

**ቢንያማን ዳና የለታ**

6 ቢንያማዉ ሄዙ ናናይ ደኢኖ፤ ኡንቱንቱካ በላእ፡ በኪራን ይድኤላ።

7 በላእ ናናይ ኡጽቦና፡ ኡዛ፡ ኡዘኤላ፡ ያርሞታን እራ፤ ሀ እቼሻቱካ ሶይ አሳ ካፓቱቀ። ኡንቱንቱ ዋልቃማን ጸላ አሳቱቀ። ባረንቱ የለታዳን ፓይደቲዳ ኦላንቻቱ ላታማን ላኡ ሻእን ሀታማን ኦይዳ ግዴድኖ።

8 በኪራ ናናይ ዛሚራ፡ ዮአሻ፡ ኤልኤዛራ፡ ኤልዮኤናያ፡ ኦሞራ፡ ያርሞታ፡ አቢያ፡ አናቶታን አለሚታ፤ ሀዋንቱ ኡባቱ በኪራ ናና።

9 ባረንቱ የለታ ማዘገብያዳን ፓይደቲዳ ዋልቃማን ጸላ አሳቱ ላታሙ ሻእን ላኡ ጴታ ግዴድኖ።

10 ይድኤላ ናናይ ብልሃና። ብልሃና ናናይ ይኡሻ፡ ቢንያማ፡ ኤሁዳ፡ ካናእና፡ ዘታና፡ ታርሴሳን አሀሻሃራ፤

11 ሀዋንቱ ኡባቱ ይድኤላ ናና። ኡንቱንቱ ሶይ አሳ ካፓቱቀን ዋልቃማን ጸላ አሳቱቀ። ባረንቱ የለታዳን ፓይደቲዳ ኦላንቻቱ ታማን ላቱን ሻእን ላኡ ጴታ።

12 ቃይ ቩፊምን ሁፊም እራ ናና። ሁሽሞ ዳና ናኣ።

**ንፍታሌማ የለታ**

13 ንፍታሌማ ናናይ ያህጽኤላ፡ ጉና፡ የጼራን ሻሉማ፤ ሀዋንቱ ባል ናና ናና።

**ሞናሰ የለታ**

14 ሞናሰ ዛራቱ ሀዋፕ ካሊደ ጸፈቲዳዋንታ። ሞናሰ ሶርያ ጋድያፕ አኩዳ ቁባታታ የሌዳ አቱማ ናናይ አሰርኤላን ጋላኣደ አዉዋ ማኪና።

15 ማኪር ሁፊማሰን ቩፊማሰ እት እት ማቶያ ኦቺደ እሜዳ። ማኪና ሞቻት ሱንጻይ ማእኮ። ማኪና ናኣይ ቱፋይ ጸሎፍሃዳ። ጸሎፍሃድ ማጫ ናናቱዋ ጸላላ የሊዳ።

16 ማኪና ማቻታ ማእካ አዉ ናና የሊዳ። ባይራ ናኣ ፕረሻ ሱንጻዴ፤ ፕረሻ እሻ ሱንጻይ ሸሬሻ። ፕረሻ ናናይ ኡላማን ራቄማ።

17 ኡላማ ናኣይ ባዳና። ሀዋንቱ ሞናሰ ናኣ ናኣ፡ ማኪና ናኣ ጋላኣደ ዘረላ።

18 ጋላኣደ ሞቻታ ሀሞለኬታ እሾዳ፡ አብኤዘራን ማህላ የሊዳ።

19 ሻሞዳእ ናናይ አህያና፡ ሸኪማ፡ ሊቅሀን እንኣማ።

**ኤፍሬማ የለታ**

20 ኤፍሬማ ናኣይ ቩተላሀ፤ ቩተላሀ ናኣይ በሬዳ፤ በሬዳ ናኣይ ታሃታ፤ ታሃታ ናኣይ ኤልኣዳ፤ ኤልኣዳ ናኣይ ታሃታ፤

21 ታሃታ ናኣይ ዛባዳ፤ ዛባዳ ናኣይ ቩተላሀ።

ኤፍሬማዉ ኤዴራን ኤልኣዳ ጌተትያ ሀራ ላኡ ናናይ ደኢኖ። ኡንቱንቱ ጋተ ካታማ አሳቱቀ መሀያ ዉእሸን፡ አሳይ ኡንቱንታ ኦይቂደ ዋዴዳ።

22 ሄዋ ድራዉ፡ ኡንቱንቱ አዉ ኤፍሬመ ዳር ዋድያ ካዮቲዳ፤ ካዮትና አ እሻቱ አ ሞንግሳናዉ ዬድኖ።

23 ሄዋፕ ጉይያን፡ እ ባረ ማቻትና ጋከቲዳ፤ እዛ ሻሃራደ አቱማ ናኣ የሊዳ። ኤፍሬማ ሶ ጋኬዳ ኢታ መቱዋ ድራዉ፡ እ ባረ ናኣ ባሪኦ ሱንጹዳ።

24 ኤፍሬማዉ ሸኢር ግያ ናታ ደኣዉ፤ ሀርክ ቤት-ሆርና፡ ቆሙዋ ቤት-ሆርናን ኡዘንሸኢራ ጌተትያ ካታማቱዋ ሄ ናታ ኪጸዳ።

25 ኤፍሬማ አቱማ ናኣይ ረፋሀ፤ ረፋሀ ናኣይ ረሼፋ፤ ረሼፋ ናኣይ ተላሀ፤ ተላሀ ናኣይ ታሃና፤

26 ታሃና ናኣይ ላኣዳና፤ ላኣዳና ናኣይ አሞሁዳ፤ አሞሁዳ ናኣይ ኤልሻማእ፤

27 ኤልሻማእ ናኣይ ቤት፤ ገዌ ናኣይ ኢያሳ።

28 ኤፍሬማ ዛራቱዋ ሰታይ ኡንቱንቱ ደኢያሳይ ቤቱለን ቤቱለ ሞላቱዋ፡ አዋይ ዶልያ ባጋና ደእያ ናኣራና፡ አዋይ ዶልያ ባጋና ደእያ ገዜራን ገዜራ ሞላቱዋ፡ ሸኪማን ሸኪማ ሞላቱዋን እያን አያ ሞላቱዋ።

29 ቃይ ምናሰ ዛራቱዋ ቢታ ዛዋን ደእያ ቤትሻናን ቤትሻና ሞላቱዋ፤ ታእናካን ታእናካ ሞላቱዋ፤ ማግደን ማግደ ሞላቱዋን ደራን ደራ ሞላቱዋ። እሰራኤልያ ናእ ዮሴፎ ዛራቱ ሀ ካታማቱዋን ደኤድኖ።

እሴራ የለታ

- 30 እሴራ አቱማ ናናይ ይምና፤ ይሸዋሀ፤ ይሸዋን ባሪእ፤ ኡንቱንቱ ሞቻታ ሰራሆ።
- 31 ባሪእ አቱማ ናናይ ሄቤራን ብርዛውታ አዉዋ ማልክኤላ።
- 32 ሄቤር ያፍሌጻ፤ ሾሜራን ሆታማ የሌዳ፤ ኡንቱንቱ ሞቻት ሱንሳይ ሹኡ።
- 33 ያፍሌጻ አቱማ ናናይ ፓሳካ፤ ብምሃላን አሸዋታ፤ ሀዋንቱ ያፍሌጻ ናና።
- 34 ያፍሌጻ እሻ ሾሜራ አቱማ ናናይ አሀ፤ ሮሀጋ፤ ያሁባን አራማ።
- 35 አ እሻ ሆታማ አቱማ ናናይ ጸፋሀ፤ ይምናኦ፤ ሸሌሻን አማላ።
- 36 ጸፋሀ አቱማ ናናይ ሱሀ፤ ሀርኔፈራ፤ ሹኣላ፤ ቤራ፤ ይምራ።
- 37 ቤጸራ፤ ሆዳ፤ ሻማ፤ ሸልሻ፤ ይትራናን ባኤራ።
- 38 የተራ አቱማ ናናይ ይፋና፤ ፕሰፓን አራ።
- 39 ኡላ አቱማ ናናይ አራሀ፤ ሀንኤላን ሪጽያ።
- 40 ሀዋንቱ ኡባቱ እሴራ ዘረፋ። ኡንቱንቱ ባረንቱ አዎቱዋ ሶይ አሳ ካፓቱዋን ደረቱዳ ዎልቃማን ጸላ አሳቱዋ። ባረንቱ የለታዳን ፓይደቱዳ ኦላንቻቱ ላታማን ኡሱቱን ሻእ ግዴድኖ።

8

ቢንያማ የለታ

- 1 ቢንያማ ናእይ ባይራይ በላእ፤ ቴፋይ አሸቤላ፤ ሄዘንሉ አሀራሀ፤
- 2 ኦይደንሉ ኖሀ፤ አቼሽንሉ ራፋ።
- 3 በላእ አቱማ ናናይ አዳራ፤ ጌራ፤ አብሁዳ፤
- 4 አብሹአ፤ ናእማና፤ አሆሀ፤
- 5 ጌራ፤ ሻፋፋማን ሁራማ።
- 6-7 ኤሁዳ አቱማ ናናይ ናእማና፤ አኪያን ጌራ። ኡንቱንቱ ገባእን ደኤዳ ባረንቱ አዎቱዋ ሶይ አሳ ካፓቱዋ። ሄዎፕ ጉይያን፤ ኡንቱንቱ ማናሃታ ጋድያ አዎደት ቤድኖ። ኡንቱንቱ ካፑ ጌር ኡካን አሀሁዳ አዉዋ።
- 8 ሻሀራም ባረ ማቻቱዋ ሁሸዋን ባእር የዴዳዋፕ ጉይያን፤ ሞኣበ ጋድያን አቱማ ናና የሌዳ።
- 9 ሻሀራም ባረ ማቻት ሆዴሽን ዮባባ፤ ጸብያ፤ ሜሻ፤ ማልካማ፤
- 10 ያኡጽ፤ ሳክያን ምርማ የሌዳ። አ ናናይ ኡባይ ሶይ አሳ ካፓቱዋ ግዴድኖ።
- 11 አ ባረ ማቻት ሁሸዋን፤ አሀጸባን ኤልፓኣላ የሌዳ።
- 12 ኤልፓኣላ አቱማ ናናይ ኤቤራ፤ ሞሻኣማን ሸመዳ። ሸመዳ ኡናን ሎዳ ካታማቱዋን ኡንቱንቱ ሄራን ደእያ ሞላቱዋ ኬጼዳ።
- 13 ቃይ ሻሀራም ባሪእን ሸማኦ የሌዳ። ኡንቱንቱ አያሎና ካታማን ደእያ ባረንቱ ሶይ አሳ ካፓቱዋ። ኡንቱንቱ ጋተ ካታማን ደእያ አሳ የደርሴድኖ።
- 14 ቃይካ ሻሀራም አሀያ፤ ሻሻቃ፤ ይረሞታ የሌዳ።
- 15 ዛባደ፤ አራድ፤ ኤዳር፤
- 16 ሞካኤል፤ ይሸፕን ዮሀ ባሪእ አቱማ ናና።
- 17 ዛባደ፤ ማሹላም፤ ሀዘቁ፤ ሄቤር፤
- 18 ይሸማራይ፤ ዩዘሊእን ዮባብ ኤልፓኣላ አቱማ ናና።
- 19 ያቁም፤ ዚክር፤ ዛብድ፤
- 20 ኤልኤናይ፤ ጽልታይ፤ ኤልኤል፤
- 21 አዳይ፤ ባራይን ሸምራት ሸምኦ አቱማ ናና።
- 22 ይሸጳን፤ ኤቤር፤ ኤልኤል፤
- 23 አብድን፤ ዚክር፤ ሀናን፤
- 24 ሀናንያ፤ ኤላም፤ አንቶቲ፤
- 25 ይፍዳይን ፓኑኤል ሻሻቃ አቱማ ናና።
- 26 ሻምሻራይ፤ ሻሃር፤ አታሊ፤
- 27 ያእሬሽ፤ ኤላሰን ዚክር ይሮሃማ አቱማ ናና።
- 28 ሀዋንቱ ባረንቱ የለታን የሩሳላሙን ኡቱዳ ባረንቱ ሶይ አሳ ካፓቱዋ።

ካትያ ሳኦላ የለታ

(9:35-44)

29 ጋባኦና አዉ ይእኤል ጋባኦና ካታማን ደኤዳ። አ ማቻት ሱንሳይ ማእኮ።

30 እ ናአይ ባይራይ አብደና፤ እ እቲማ ናናይ ሀራቲ ጹራ፣ ቁሳ፣ ባአላ፣ ናዳባ፣  
 31 ጋዶራ፣ አሀያ፣ ዘዘራ፤  
 32 ሞቅሎታ። ሞቅሎታ ሸሞእ የሌዳ። ሀዋንቲ ቃይ የሩሳላሙን ደእያ ባረንቲ ዳባቲ ማታን ደእድና።  
 33 ኔር ቁሳ የሌዳ፤ ቁሰ ሳኦላ የሌዳ። ሳኦል ዮናታና፣ ማልክሹእ፣ አብናዳባነ ኤሸባአላ የሌዳ።  
 34 ዮናታና ናአይ ማሪባአላ፤ ማሪባአል ሚክያሳ የሌዳ። \*  
 35 ሚክያሳ እቲማ ናናይ ፕቶና፣ ሙለካ፣ ታራእነ እካዛ።  
 36 እካዝ ያሆኑዳ የሌዳ። ያሆኑዳ አለሚታ፣ እዝማዌቲባነ ዝሞራ የሌዳ። ዝሞር ሞጻ የሌዳ፤  
 37 ሞጻ ቢንእ የሌዳ፤ ቢንእ ራፋ የሌዳ፤ ራፍ ኤልአሳ የሌዳ፤ ኤልአሰ እጾላ የሌዳ።  
 38 እጾላው ኡሱቸን እቲማ ናናይ ደእና። ኡንቲንቲ ሱንሳይ አዘርቃማ፣ ቦከራ፣ እሰማኤላ፣ ሻእርያ፣ አባድያነ ሀናና፤ ሀዋንቲ ኡባይ እጾላ ናና።  
 39 እጾላ እሻ ኤሹቃው ሄዙ ናናይ ደእና። አ ናአይ ባይራይ ኡላማ፤ ቴፋይ ይኡሻ፤ ሄዝጎሉ ኤልልሌዳ።  
 40 ኡላማ ናናይ ዋልቃማነ ጸላ አሳቲቀ፤ ኡንቲንቲ ዋንዳፍያ አሳቲቀ። ኡላማው ጴታነ እሻታሙቀ ግድያ ናናይነ ናና ናናይ ደእና።  
 ሀዋንቲ ኡባቲ ቢንያማ ዘረሳ።

### 9

#### እሞዳዋፕ ሰሜዳ እስራኤልያ አሳ

1 እስራኤልያ አሳይ ኡባይ ባረ የለታን የለታን ጻፈቲዳ፤ ሀ ታርኪ እስራኤልያ ካተቲ ማጻፋን ደኤ።  
 ይሁዳ አሳይ አማነትቤና ድራው፣ ባብሎነ ጋድያ ኦሞደት ቤድና።  
 2 ኮይሮ ሰሜዳ እስራኤልያ አሳይ፣ ቁሳቲ፣ ሌዋቲነ ጌሻ ጎልያን ኦልያዋንቲ ባረንቲ ሳእቲዋንነ ባረንቲ ካታማቲዋን ኡቲድና።  
 3 ይሁዳ ዛራቲዋፕ፣ ቢንያማ ዛራቲዋፕ፣ ኤፍሬማ ዛራቲዋፕነ ሞናሰ ዛራቲዋፕ አማራዳዋንቲ የሩሳላሙን ደእድና።  
 ይሁዳ ያራቲዋ  
 4 ይሁዳ ናአ ፓራሳ ያራቲዋፕ ኡታይ የሩሳላሙን ኡቲዳዋንቲ ካፑቀ። ኡታይ እሞሁዳ ናአ፤ እሞሁድ እሞራ ናአ፤ እሞር እሞራ ናአ፤ እሞር ባና ናአ።  
 5 ይሁዳ ናአ ሹላ ያራቲዋፕ አሳይነ እ ናናይ የሩሳላሙን ኡቲዳዋንቲ ካፑቀ።  
 6 ይሁዳ ናአ ዛራሀ ያራቲዋፕ ይኡኤል የሩሳላሙን ኡቲዳዋንቲ ካፑቀ።  
 ይሁዳ ዛራቲ ፓይድና ኡባና ኡሱቸን ጴታነ ኡዲቸን ታማ።

#### ቢንያማ ያራቲዋ

7-9 ቢንያማ ያራቲ ካፓቲ ሀዋፕ ካሊደ ጻፈቲድና።  
 ካፑ ሳሌ ማሹላማ ናአ፤ ማሹላሞ ሆዳዊያ ናአ፤ ሆዳዊ ሀሳኦአ ናአ።  
 ካፑ ይብናይ ይሮሃማ ናአ።  
 ካፑ ኤል ኡዛ ናአ፤ ኡዛ ሚክራ ናአ።  
 ካፑ ማሹላሞ ሻፋያ ናአ፤ ሻፋድ ራኡኤላ ናአ፤ ራኡኤል ይብንያ ናአ።  
 ቢንያማ ዛራቲ ፓይድና ኡባና ኡዲቸን ጴታነ እሻታማነ ኡሱቸና።

#### የሩሳላሙን ደኤዳ ቁሳቲ ዋ

10 የሩሳላሙን ደኤዳ ቁሳቲ ሀዋፕ ካሊደ ጻፈቲዳዋንታ።  
 ኡንቲንቲ ያዳያ፣ ይሆያርባ፣ ያኸናነ  
 11 ጸሳ ጌሻ ጎልያን ካፖትያ እዛርያሳ። እዛርያሰ ህልቂያ ሳኦ፤ ህልቂ ማሹላማ ናአ፤ ማሹላሞ ጻድቃ ናአ፤ ጻድቀ ማራዮታ ናአ፤ ማራዮት እህጹባ ናአ።  
 12 ሀራቲ ቃይ ይሮሃማ ናአ አዳያነ አዲኤላ ናአ ማእሳያ። ይሮሃሞ ፓሽሁራ ናአ፤ ፓሽሁር ማልክያ ናአ። እዲኤል ያህዜራ ናአ፤ ያህዜር ማሹላማ ናአ፤ ማሹላሞ ማሽለሚታ ናአ፤ ማሽለሚት እሜራ ናአ።  
 13 ባረንቲ ሰይ አሳው ካፖትያ ቁሳቲ እት ሻእነ ላፑን ጴታነ ኡሱቸን ታማ። ሀዋንቲ ጸሳ ጌሻ ጎልያን ኦሳናው ዳንዳይያ አሳቲቀ።

#### የሩሳላሙን ደኤዳ ሌዋቲዋ

\* 8:34 ማሪባአላ- እ ቃይ ማንፍባሽታ ጌተቲዳ። 2 ሳሞ። 4:4 ጸላ። 9:2 እዘራ 2:27፤ ናህ. 7:73

14 የሩሳላሙን ደኤዳ ሊዋቱ ሀዋጥ ካሊደ ጸፈቱዳዋንታ።  
ሃሹባ ናአይ ሻማኤ ማራራ ያራ። ሀሹብ እዝርቃማ ናኣ፤ እዝርቃም ሀሻብያ ናኣ።

15 ሀራቱ ቃይ ባቅባቃራ፣ ሄራሻ፣ ጋላላን ማታንያ። ማታኔ ሚካ ናኣ፤ ሚክ ዚክራ ናኣ፤ ዚክር ኣሳፋ ናኣ።

16 ሀራቱ ቃይ ናጻፋ እሳቱዋ ሞፋቱዋን ኡቱዳ ኦባድያን በረክያ። ኦባድ ሻማኤ ናኣ፤ ሻማኤ ጋላላ ናኣ፤ ጋላላ ይዲቱና ናኣ። በረኪ እሳ ናኣ፤ እሳይ ኤልቃና ናኣ።

**የሩሳላሙን ጥንግያ ናግያዋንታ**

17 ጌሻ ጎልያ ጥንግያ ናግያዋንቱ ሻሎማ፣ አቁባ፣ ጸልሞና፣ አህማናን ኡንቱንቱ ዳቦቱዋ። ሻሎም ኡንቱንቱ ካቸዋ።

18 ሀ ያራቱ ካሰ አዋይ ዶልያ ባጋና ደእያ፣ ካትያ ጥንግያ ግያ ጥንግያ ናጌድና። ሄዋጥ ካሰ ኡንቱንቱ ሊዋቱ ዲንካንያ ዎደ ናጌድና።

19 ሻሎም ኤብያሳፋ ናኣ ቆረ ናኣ፤ እ ቆራሀ ያራ እሳ። ቆራሀ ያራቱ ካሰ ሙድና ጎዳ ዲንካንያ ናጌዳዋዳን፣ ሻሎምን ቆራሀ ያራ ግድያ እ ዳቦቱ ጌሻ ጎልያ ገልያ ጥንግያ ናጌና።

20 ኤልአዛራ ናኣይ ጥንሃሰ በን ዎደ ቆራሀ ያራቱ ካቸዋ፤ ሙድና ጎዳይ አናና ደኤዳ።

21 ማሽለምያ ናኣይ ዛካራሰ ጋከትያ ዲንካንያ ገልያ ጥንግያ ናጌዳ።

22 ጥንግያ ናጋናዉ ደረቱዳዋንቱ ኡባና ላኤ ጼታን ታማን ላኤዋ፤ ሀዋንቱ ባረንቱ ሞላን ሞላን ፓይደቲደ ጸፈቱድና። ኡንቱንቱ ያራቶ ሀ አዎተሳ አማዳዋንቱ ካትያ ዳዊታን ትምቢትያ ኦድያ ሳሙላ።

23 ሄዋ ድራዉ፣ ኡንቱንቱን ኡንቱንቱ ናናይ ሙድና ጎዳ ጌሻ ጎልያ ገልያ ጥንግያ ናጌና።

24 ኦይዲ ዘዘቱን ዉላሃን፣ ዶላሃን፣ ሁጲሳን፤ ገድሳና እት እት ጥንጌ ደኤ፤ ሄ ጥንገቱዋ ናግያዋንቱካ ደእኛ።

25 ሄ ሞላን ደእያ ኡንቱንቱ ዳቦቱ ላፑንሳ ላፑንሳ ጋላሳን ላሙት ናጌደ፣ ኡንቱንታ ማድና።

26 ጥንግያ ናግያ ኦይዲ ካፓቱ ሊዋቱዋ፤ ኡንቱንቱ ጸሳ ጌሻ ጎልያዉ፣ እ ግድ ክፍለቶን ክፍለቱ ግዲዋን ደእያ ሚሻቶ አዎቲና።

27 ጸሳ ጌሻ ጎልያ ናግያዋንቱን ቃይ ጉራ ጉራ ካርያ ዶይያዋንቱ ኡንቱንታ ግድያ ድራዉ፣ ያን አቁና።

**ሀራ ሊዋቱዋ**

28 ሊዋቱዋጥ አማራዳዋንቱ ጎይንያ ዎደ ጎኤትያ ሚሻቶ አዎቲና፤ ሄ ሚሻቱዋ ካረ ከሰያ ዎደን ሶ ገልሰያ ዎደ ኡንቱንቱ ፓይዲና።

29 ቃይ ኡንቱቱጥ አቱ አቱ ጌሻ ጎልያ ግዲዋን ጎኤትያ ሀራ ሚሻቶ፣ ሊቆ ቆልያዉ፣ ዎይንያ ኤሳዉ፣ ዛይትያዉ፣ እጻናዉን ሳዎቶ አዎቲና።

30 ሽን ቄሳቱዋ ናናቱዋጥ አቱ አቱ ሳዉዋ ልኪ ልኪደ ዋላኪና።

31 ቆራሀ ያራቱዋጥ ሻሎማ ባይራ ናኣይ ማቲተ ያርሹዋ ኡክሳ ኡክያዎ አዎቲ።

32 ቃሃታ ያራ ግድያ ኡንቱንቱ ዳባቱዋጥ አማራዳዋንቱ ቃይ ሳምባታን ሳምባታን ጸርጺዛን ዎልያ ኡክሳ ገግሰያ አዎተሳ ኦይቁድና።

33 ሊዋቱ ዛራቱዋጥ አማራዳ ካፓቱ ጌሻ ጎልያን የጽያዋንታ። ቃማካ ጋላሰካ ኡንቱንቱ ኡልያ ድራዉ፣ ሀራ ኡቡዋ ኦግና፣ ኡሻ ጎልያ ድርሳ ግድን ደእያ ጎላቱዋን ደእኛ።

34 ሊዋያ ዛራቱዋ ሶይ እሳ ካፓቱ ኡባይ ሀዋጥ ቆሞና ጸፈቱዳዋንታ፤ ኡንቱንቱ የሩሳላሙን ደኤድና።

**ካትያ ሳኦላ የለታ (8:29-38)**

35 ጋባኦና አዉ ይእኤል ጋባኦና ካታማን ደኤዳ። አ ማቻት ሱንሳይ ማእኮ።

36 አ ናኣይ ባይራይ ኡብዶና፤ አ ናናይ ሀራቱ ጹራ፣ ቂሳ፣ ባኣላ፣ ኔራ፣ ናዳባ።

37 ጋዶራ፣ አሀያ፣ ዛካራሳ ሞቅሎታ።

38 ሞቅሎት ሽምአ የሌዳ። ሀዋንቱ ቃይ የሩሳላሙን ደእያ ባረንቱ ዳባቱ ማታን ደኤድና።

39 ኔር ቂሳ የሌዳ፤ ቂሰ ሳኦላ የሌዳ። ሳኦል ዮናታና፣ ማልክሹኦ፣ አብናዳባን ኤሽባኣላ የሌዳ።

40 ዮናታና ናኣይ ማሪባኣላ፤ \* ማሪባኣል ሚክያሳ የሌዳ።

41 ሚክያሳ ናናይ ፕቶና፣ ሙላካ፣ ታራኦን እካዘ።

42 እካዘ ያኢራ የሌዳ። ያኢር አለሜታ፣ እዝማዌቱዋን ዝምራ የሌዳ። ዝምር ሞጻ የሌዳ፤

43 ሞጽ ቢንእ የሌዳ፤ ቢንእ ራፋያ የሌዳ፤ ራፋይ ኤልኣሳ የሌዳ፤ ኤልኣሰ አጾላ የሌዳ።

\* 9:40 ማሪባኣላ- አ ቃይ ማንፍቦሽታ ገተቱዳ። 2 ሳም። 4:4 ጸላ።

44 እጸላው ኡሱፑን አቱማ ናናይ ደእኖ። ኡንቱንቱ ሱንሳይ አዘርቃማ፣ ቦከራ፣ እሰማኤላ፣ ሻኣርያ፣ ኦባድያን ሀናና፣ ሀዋንቱ ኡባይ እጸላ ናና።

### ሳኑላን አ ናናቱዋ ሀይቁዋ

## 10

(10:1-14)

ካትያ ሳኑላ ሀይቁዋ

(1 ሳሜላ 31:1-13)

1 ፕልሰጾማ አሳቱ እስራኤልያ አሳቱዋና ኦላቲድኖ። እስራኤልያ አሳቱ ፕልሰጾማ አሳቱዋ ሰንሳጥ ባቃቲድኖ። ዳር እስራኤላቱ ግልቦኦ ደርያን ሀይቁድኖ።

2 ፕልሰጾማ አሳቱ ሳኑላን አ አቱማ ናና የደርሰ ኃኪድ፣ ሳኑላ ናና ዮናታና፣ አብናዳባን ማልክሹአ ዋዲድኖ።

3 ኦላይ ሳኑላ ዩይ አዲይ ኡንኤቲዳ፤ ዋንዳዳና አሳቱ ሳኑላ ደሜዳ ዋድ፣ ዙቢያን አ ጫዲይ ማዲንጽሴድኖ።

4 ሳኑል ባር ኦላ ሚሻ ቶክያዋ፣ “ሀ ቃጸረትቤና ፕልሰጾማቱ ዩድ፣ ታ ቦላ ካኤናዳን፣ ነ ማሻን ጫዲድ፣ ታና ኔን ዋዳ” ያጌድ።

ሸን አ ኦላ ሚሻ ቶክያዋ ሎይል ያዬዳ ድራው እጾዳ፤ ሳኑል ባር ማሻ ሳኑን ኤሲድ፣ አ ቦላ ኩንዲድ።

5 አ ኦላ ሻሉዋ ቶክያዋ ሳኑል ሀይቁዳዋ ብእድ፣ አካ ባር ማሻ ሳኑን ኤሲድ፣ አ ቦላ ኩንዲድ፣ ሀይቁ እጌዳ።

6 ሀዋዳን ሀኒድ፣ ሳኑል፣ አ ናናይ ሄዙነ አ ሶይ አሳይ ኡባይ ሄ ጋላሰ እትፕ ሀይቁድኖ።

7 ዋዋባን ደእያ እስራኤልያ አሳቱ ኡባይ ባርንቱ ኦላንታቱ ባቃቲዳዋን ሳኑልን አ ናናይ ሀይቁዳዋ ሰሰዳ ዋድ፣ ኡንቱንቱካ ባርንቱ ካታማቱዋ እጊድ ባቃቲድኖ። ባቃትና ፕልሰጾማ አሳቱ ዩድ፣ ሄ ካታማቱዋን ደኤድኖ።

8 ዋንተላ ጋላሰ ፕልሰጾማቱ አሃቱዋ ቦላፕ ኦላ ሚሻቱዋ ቃር አካናው ዩድ፣ ሳኑልን አ ናናይ ግልቦኦ ደርያን ሀይቁድ፣ ግሴዳዋንታ ደሜድኖ።

9 ኡንቱንቱ ሳኑላ ቆዳያ ሙጩድኖን አ ኦላ ሻሉዋ ቃር አኬድኖ። ያቲድ ባርንቱ ኤቃቱዋ ሳኑልን ባርንቱ አሳ ግዲዋን ጸኑዋ አዋያና ማላ፣ ፕልሰጾማ ቢታው ኡባይ አሳ ኪታ የዴድኖ።

10 ኡንቱንቱ ሳኑላ ኦላ ሚሻ ባርንቱ ጸሳቱዋ ሳኑልቱዋ ስቱዋን ዋሌድኖ፤ አ ጉገያካ ባርንቱ ጸሳ ዳጎና ኤቃ ጎላን ካቁድኖ።

11 ፕልሰጾማ አሳቱ ሳኑላ ኦሌዳዋ ኡባ ጋላኦደን ደእያ ያቤሻ ካታማ አሳቱ ሰሴዳ ዋድ።

12 ኡንቱንቱ ዋዮ አሳቱ ኡባይ ቢድ፣ ሳኑላ አሃነ አ ናና አሃ አኪድ፣ ያቤሻ ካታማ አሃድኖ። ያቤሻን ደእያ ዋላ ጋርሳን ኡንቱንቱ መቀላ ሞጌድኖ፤ ያቲድ ሳፑን ጋላሳ ጸሜድኖ።

13-14 ሳኑል መድና ጎዳው አማነትቤና ድራው ሀይቁዳ። መድና ጎዳ ቃላ አ ናግቤና፤ መድና ጎዳና ዙሪትያዋ አጊድ፣ ሞይትልያ ጸሴያ አሳና ዙሪቱዳ። ሄዋ ድራው፣ መድና ጎዳይ አ ዋዲድ፣ አ ካውተላ እሰያ ናኣ ዳዋታው አሳደ እሜዳ።

### ዳዊተ ካተቱሳን የሩሳላመ ኦይቁሳ

## 11

(11:1-9)

ዳዊተ እስራኤልያንን ይሁዳን ካተቱዳ

(2 ሳሜላ 5:1-10)

1 ሃዋፕ ጉይያን፣ እስራኤልያ አሳይ ኡባይ እትፕ ከብርናን ደእያ ዳዊተን ሸቂድ፣ “ኑን ነ ሱላን ነ አሹዋ።

2 ካሰ ሳኑል ካትያ ግዲድ ደእያ ዋድካ፣ እስራኤልያ አሳ ኦላው ካለጩዳዋ ኔና። መድና ጎዳይ ነ ጸሳይ ኔና፣ ታ አሳ እስራኤልያ ኔን ሄማና፤ ኡንቱንቱ ቦላካ ኔን ካተታና፣ ያጌዳ” ያጌዳ።

3 ሃዋ ድራው፣ እስራኤልያ ጭማቱ ኡባይ ካትያ ዳዊተን ከብርናን ካታማ ዬድኖ፤ አ ኡንቱንቱና ከብርናን መድና ጎዳ ሰንሳን ቃላ ጫቁዋ ጫቁቱዳ። መድና ጎዳይ ሳመላ ባጋና ሃሳዬዳ ቃላዳን፣ ዳዊተ እስራኤልያ ቦላ ካተታናዳን ኡንቱንቱ አ ኦኬድኖ።

4 ዳዊተን እስራኤልያ አሳይ ኡባይ የሩሳላመ ካታማ ቤድኖ። ሄ ዋድ ያቡሳ አሳቱ ሄ ሳኑን ደእያ ድራው፣ ሄ ካታማይ ያቡሳ ጌተቱ።



5 ያቡሳ አሳቱ ዳዊታ፡ “ኔን ሀ ካታማ ገላናዉ ኡባካ ዳንዳያካ” ያጌድኖ። ግደፒ፣ ዳዊተ ጽዮንን ደእያ ኡንቱንቱ ጌሳቱዎ ኦይቄዳ፤ ጽዮን ዳዊታ ካታማ ጌተቲዳ።

6 ዳዊተ ባረ ኦላንቻቱዎ፡ “ያቡሳ አሳቱ ካሰት ኦልያ ኦንን ኦላ ጋዳዎ ግዳናዎ” ያጌዳ። ጻሩይ ናኣይ ዮኦበ ካሰት ቢደ ኦሌዳ፤ ያቲደ ጋዳዎ ግዳዳ።

7 ዳዊተ ሄ ጌሱዋን ደኤዳ፤ ሄዎ ድራዉ፡ ሄ ካታማይ ዳዊታ ካታማ ጌተቲዳ።

8 ዳዊተ ሚሎፕ ደሚደ፡ ሄ ካታማ ዛረሲደ ኬዴዳ፤ እቲዳ ካታማ ቃይ ዮኦበ ዛረሲደ ኬዴዳ።

9 ኡባፕ ዎልቃማ መድና ጎዳይ እናና ደእያ ድራዉ፡ ዳዊተ ምን ምኒደ ቤዳ።

**ዋርያና ደእያ ዳዊታ ዎታዳራቱዎ**

(11:10—12:40)

ዳዊታ አሳቱዎ ምኖታ

(2 ሳሚላ 23:8-39)

10 ዳዊታ አሳቱ ምኖቱ ሀዋፕ ካሊደ ጸፈቲድኖ። መድና ጎዳይ እስራኤልያባ ሃሳዬዳዎዳን፡ ዳዊተ ካተታና ማላ፡ ሀ አሳቱ እስራኤልያ አሳና ግዲደ፡ ሎይል ማዴድኖ። ቃይ እ ካዉተሳካ ምንሴድኖ።

11 ዳዊታ አሳቱ ምኖቱ ሀዋፕ ካሊደ ጸፈቲዳዋንታ። ኡንቱንቱፕ ሄዛቱ ሎይል ኤሪቲዳዋንታ። ሄዛቱዋፕ ኮይሩ ሀክሞናፕ ዬዳ ያሾብኣማ፤ ያሾብኣም እት ገደ ኦላን ሄዙ ጴቲ አሳ ባረ ቶራን ዎዴዳ።

12 ሄዙ ምኖ አሳቱዎ ግደን እ ካሊደ ደእያዌ አሆህያ ዶዶ ናኣ ኤልኣዛራ።

13-14 ፕልሰዴማ አሳቱ ኦላታናዉ ፓሰዳምማ ግያ ሳኣ ሸቄዳ ዎደ፡ ኤልኣዛሪ ዳዊታና ኦትፕ ደኤ። እስራኤልያ ኦላንቻቱ ፕልሰዴማ አሳቱዎ ሰንሳፕ ባቃትያ ዎደ፡ ኤልኣዛሪ ባንጋ ሸይቃን ደኤ። እን ዳዊተን ሸይቃ ግዳዋን ኤቂደ፡ ፕልሰዴማ አሳቱዋና ኦላቲድኖ። መድና ጎዳይ ዎልቃማ ጸኦዎ እሚደ፡ ኡንቱንቱ እሹዳ።

15 ፕልሰዴማ ኦላንቻቱ ራፋይማ ዎምባን ዴንካኔዳ ዎደ፡ ሀታሙ ካፓቲዋፕ ሄዛቱ ዳዊተ ደእያ እዱላማ ጎንጎሎዋን ደእያ ዛላኮ ዬድኖ።

16 ሄ ዎደ ዳዊተ ጌሱዋ ግደን ደኤ፤ ፕልሰዴማ ኦላንቻቱ ጩጉ ቤታልሄመን ደኤ።

17 ዳዊተ ሃሳ ኡሻናዉ አሞቲደ፡ “ቤተሊመ ካታማ ፕንግያ ምይያን ደእያ ፑልቲዎ ሃላፕ ታና ኦን ኡሻንጴሻ!” ያጌዳ።

18 ሄዙ ምኖ አሳቱ ፕልሰዴማ አሳቱ ዴንካኔዳ ሳኣ ፕን ቢደ፡ ቤተሊመ ካታማ ፕንግያን ደእያ ፑልቲዋፕ ሃሳ ዱቂደ፡ ዳዊታዉ አሄድኖ። ሸን ዳዊተ ኡሸናን እዴዳ፤ እ ሄ ሃሳ መድና ጎዳ ሰንሳን ትጌዳ።

19 “ሀዎ ኡሻናዉ ታፕ ሃኮ! ባረንቱ ሸምፑዎ ኦላቲደ ቤዳ ሀ አሳቱዎ ሱላ ታን ኡሻ? እያዉ ሳፕ፡ ኡንቱንቱ ባረንቱ ሸምፑዎ እል እሚደ፡ ሃሳ አሄድኖ” ያጌዳ። ሄዎ ድራዉ፡ ዳዊተ ሄ ሃሳ ኡሸቤና። ሄ ሄዙ ምኖ አሳቱ ሄዎ ኦልድኖ።

20 ዮኦባ አሻይ አብሻይ ሄዛቶ ካፑዎ። እ ባረ ቶራን ሄዙ ጴቲ አሳቱዎ ኦላቲደ ዎዴዳ። ያቲደ እካ ሀራ ሄዛቱዎዳን ኤሪቲዳ።

21 እ ላኤንላ ሄዛቱዋፕ እድ ቦንቼቲዳ አሳ፤ እ ኡንቱንቶ ካፕ ግዳዳ። ሸን እ ሄ ኮይሪ ሄዛቱዋና ቃራ ግደና።

22 ቃብጽኤላፕ ዬዳ ዮዳሄ ናኣይ ባናይ ምኖ አሳ፤ ምኖ ኦሳቱዎ ኦልዳ። እ ላኤ ኤሪቲዳ ሞኣበ ጋድያ አሳቱ ዎዴዳ። ቃይ ሻቻይ ዳራዳ እት ጋላሰ ኦላ ግደ ገሊደ፡ ጋሙዎ ዎዴዳ።

23 ባናይ ገሳይ ኦቼሹ ዋቋ ጋክያ ግብጹ ጋይ ብታንያ እዱሳ ዎዴዳ። ግብጹ ብታንያ ኩሸያን ሸማይንያ ዎንዳራሽያ ኪሻ ቶራይ ደኤ፤ ሸን ባናይ ጋትማ ኦይቂደ፡ ብታንያኮ ቤዳ። ሄ ብታንያ ኩሸያፕ ቶራ ወላ ኡኪደ፡ እ ቶራን እ ዎዴዳ።

24 ዮዳሄ ናኣይ ባናይ ሀዋንታ ኦልዳ። እ ሱንሳይካ ሄ ሄዛቱዎዳን ኤሪቲዳ።

25 እ ሀታማቲዎ ግደን ዳር ቦንቼቲዳ፤ ሸን እ ሄዛቱዋና ጉጀተና። ዳዊተ እ ባረና ናግያ ኦላንቻቶ ካፑዎ ከሴዳ።

26 ምኖ አሳቱ ዮኦባ አሻ አሳሄላ፡ ቤተሊመፕ ዬዳ ዶዶ ናኣ ኤልሀናና።

27 ሀርዳፕ ዬዳ ሻዋታ፡ ፕሎናፕ ዬዳ ሄሌጸ።

28 ታቆአፕ ዬዳ እቁሻ ናኣ እራ፡ እናቶታፕ ዬዳ አብኤዘራ።

29 ሁሻፕ ዬዳ ሰባካያ፡ አሆህያ አላያ።

30 ናጸፋፕ ዬዳ ማህራዮ፡ ናጸፋፕ ዬዳ ባኣና ናኣ ሄሌዳ።

31 ቢንያማ ጋድያን ደእያ ግብኣ ካታማፕ ዬዳ ርባያ ናኣ አታያ፡ ፕርኣቶናፕ ዬዳ ባናና።

32 ጋኣሻ ዛንጋራ ማታፕ ዬዳ ሀራዮ፡ አራባፕ ዬዳ አቢኤላ።

33 ባህራማፕ ዬዳ አዘማቂታ፡ ሻእልባናፕ ዬዳ ኤልህህባ።

34 ጊዞናፕ ዬዳ ሀሼማ፡ ሃራራፕ ዬዳ ሻገ ናኣ ዮናታና።

- 35 ሃራራጥ ዬዳ ሳካራ ናላ አህአማ፡ ኡራ ናላ ኤልፋላ፡
- 36 ማኪራጥ ዬዳ ሄሬራ፡ ፕሎናጥ ዬዳ አኪያ፡
- 37 ቃርመሎሳጥ ዬዳ ሄጽራ፡ ኤዘባያ ናላ ናላራያ፡
- 38 ናጋና እሻ ዩኤላ፡ ሃግራ ናላ ሞብሃራ፡
- 39 አሞናጥ ዬዳ ጸለቃ፡ ጻሩይ ናላ ዮኣባ ኦላ ሚሻ ቶክያ ባኤርጋጥ ዬዳ ናህራያ፡
- 40 ያትራ ያራ ግድያ እራ፡ ያትራ ያራ ግድያ ጋሬባ፡
- 41 ሂትራ ኡርዮና፡ አህላያ ናላ ዛባዳ፤
- 42 ርቤላ ዛርያ ግድያ ሺዛ ናላ አዲና። እ ርቤላ ዛራቱዋ ካፑዋ፤ እናና እትጥ ሀታሙ አሳቱ ደአና።
- 43 ሀራ ምኖ አሳቱ ቃይ ማእካ ናላ ሀናና፡ ምታናጥ ዬዳ ዮሻፋጸ፡
- 44 አሸጋራጥ ዬዳ ኦዘያና፡ አርኤራጥ ዬዳ ሆታማ ናና ሻማኪ፤ ይአኤላ፡
- 45 ሺምራ ናላ ይድኤላ፤ እ እሻ ቲጸጥ ዬዳ ዮሀ፡
- 46 ማሃዋጥ ዬዳ ኤልኤላ፡ ኤልናኣማ ናና ይሪባያ፤ ዮሻውያ፡ ሞአበ ጋድያጥ ዬዳ ይትማ፡
- 47 ጸባ ካታማጥ ዬዳ ኤልኤላ፡ ዮቤዳ፤ ያለሰኤላ።

## 12

### ቢንያማ ዛርያጥ ዳዊታ ካሌዳ አሳቱዋ

- 1 ዳዊተ ቀሳ ናላ ሳኦላጥ ባቃት ቢደ፡ ጽቅላጋን ኡቲዳ ዋደ፡ እኮ ዬዳ አሳቱ ሀዋጥ ካሊደ ጸፈቲዳዋንጋ። ኡንቲንቱ ካሰ ዳዊታ ኦላን ማዶዳ ምኖ አሳቱዋ ግድን ደአና።
- 2 ኡንቲንቱ ዋንዳፍያ አሳቱዋ፤ ቃይ ባርንቱ ኡሸቻ ኩሸያን፤ ሀድርሳ ኩሸያን ሹቻ ያምባርሻን ኦላናዉ ዳንዳዩና። ኡንቲንቱ ቢንያማ ዛርያ ግድያ ሳኦላ ዳቦቱዋ።
- 3 ኡንቲንቱ ካፑ አህኤዘራ፤ አህኤዘራጥ ሰምና ዮኣሻ፤ ኡንቲንቱ ግብአጥ ዬዳ ሻማኦ ናና። ሀራቱ ቃይ አዘማዊታ ናና ግድያ ይዘኤላ፤ ጥሌጸ፡ ባራካ፡ እናቶታጥ ዬዳ ዬሀ፡
- 4 ሀታማቱዋ ግድን ዋልቃማ ግዲደ፡ ኡንቲንታ ካለልያ ጋባኦናጥ ዬዳ ይሸማኦያ፡ ኤርማሳ፡ ያሃዘኤላ፡ ዮሀናና፡ ገዴራጥ ዬዳ ዮዛባዳ፡
- 5 ኤልኡዘያ፡ ያርሞታ፡ ባኣልያ፡ ሻማርያ፡ ሀሪፋጥ ዬዳ ሻፋጸያ፡
- 6 ቆራሀ ያራቱዋ ግድያ ኤልቃና፡ ይሸያ፡ አዛርኤላ፡ ዮኤዘራ፤ ያሹብኣማ፡
- 7 ጋድራጥ ዬዳ ይርሃማ ናና ዮኤላ፤ ዛባድያ።

### ጋደ ዛርያጥ ዳዊታ ካሌዳ አሳቱዋ

- 8 ዳዊተ መላ ቢታን ደአያ ባቃት እትያ ሳኣን ኡት ደአሸን፡ ጋደ ዛርያጥ አሳቱ እኮ ዬድና። ኡንቲንቱ ምኖ አሳቱዋን ኦላዉ ጊኤዳዋንጋ፤ ቃይ ጎንዳልያን ቶራ ኦይቃናዉ ዳንዳይያዋንጋ። ኡንቲንቱ ሶምእ ጋሙዋ ዳሙዋ ማላቲ፤ ኡንቲንቱ ደርቲዋ ሀጺያን ጉፕያ ገንኢያዳን ኤሌሊና።
- 9 ኡንቲንቱ ካፑ ኤጼራ፤ ሳኤንሱ ኦባድያ፤ ሄዘንሱ ኤልኣ፤
- 10 ኦይደንሱ ምሽማና፤ እቼሸንሱ ኤርማሳ፤
- 11 ኡሱፑንሱ አታያ፤ ላፑንሱ ኤልኤላ፤
- 12 ሆሰፑንሱ ዮሀናና፤ ኡዲፑንሱ ኤልዛባዳ፤
- 13 ታማንሱ ኤርማሳ፤ ታማን እትንሱ ማክባና።
- 14 ሀዋንቱ ጋደ ዛርያ ኦላንቻቶ ካፓቱዋ። ኡንቲንቱጥ ላፍያዋንቱ ጸቶ ካፓቱዋ፤ ምንያዋንቱ ሻእ ካፓቱዋ።
- 15 ዮርዳኖሳ ሻፋይ፡ ጋጸጥ ጋጸ ጋካናዉ ኩም ክጹዳ ኮይሮ አግናን ፕኔዳዋንቱ ሀዋንጋ። ኡንቲንቱ ምምባን አዋይ ዶልያ ባጋናን አዋይ ወልያ ባጋናን ኡቲዳ አሳ ኡባ ይደርሴድና።

### ቢንያማን ይሁዳ ዛራቱዋጥ ዳዊታ ካሌዳ አሳቱዋ

- 16 ቢንያማ ዛራቱዋጥን ይሁዳ ዛራቱዋጥ አማራዳ አሳቱ ዳዊታኮ ጌሱዋ ዬድና።
- 17 ዳዊተ ኡንቲንቱና ጋስታናዉ ከሰደ፡ ሀዋደን ያጌዳ፤ “ህንተንቱ ታና ማዳናዉ ሳሩዋን ታኮ ዬዳዋ ግደጥ፡ ታ ዋዛናይ ህንተናና እትጥ ግዳናዋ። ሸን ህንተንቱ ታና ታ ሞርከቶ አል አማናዉ ዬዳዋ ግደጥ፡ ህንተንታ ኤርተ። ታን ኦሌዳ ኢታባይ ባይና ድራዉ፡ ኦ አዋቱዋ ጸሳይ ሄዋ በእ፤ እ ህንተንታ ፕርደ።” ያጌዳ።
- 18 ሄዋጥ ጉይያን፡ ሀታማቱዋ ካፑዋ አማሳያ ቦላ ጸሳ አያናይ ዋፎና፡ “ዳዊታ፡ ኦን ነዋንጋ። አሰያ ናኣዉ፡ ኦን ኔናና እትጥ ደኤቶ፤ ሳሩ ነዉ ግደ፤ ኔና ማድያዋንቱሰካ ሳርተሳይ ግደ፤ ነ ጸሳይ ኔና ማዴ” ያጌዳ።

ዳዊተ ኤንቱንታ አኪደ፣ ባረ ኦላንቻቶ ካፓቱዋ ኦሌዳ።

ምናስ ዛርያፕ ዳዊታ ካሌዳ አሳቱዋ

19 ዳዊተ ፕልስጾማቱዋና እትፕ ግዲደ፣ ሳኦላ ኦላናወ ቤዳ ዎደ፣ ምናስ ዛርያፕ አማራዳ አሳቱ ዳዊታን ጋከቱድኖ። ሽን ፕልስጾማ አሳቱዋ ካፓቱ ዳዊተን ዳዊታ አሳይ ባረናና ቤናዳን ድጌድኖ። ፕልስጾማ አሳቱ ሎይል ዘረቲዳዋፕ ጉይያን፣ ኤንቱንታ ጉዮ ያደድኖ፤ እያወ ጎፕ፣ ዳዊተን ዳዊታ አሳይ ኤንቱንቱ ካትያ ሳኦላወ አል እማነትን ጊደ ያዩድኖ።

20 ዳዊተ ጽቅላጋ ካታማ ሰምሽን፣ ምናስ ዛርያፕ ዳዊታ ማዳናወ ከሴዳ ሻላቃቱ አድናሀ፣ ዮዛባዳ፣ ይድኤላ፣ ምካኤላ፣ ዮዛባዳ፣ ኤልሀነ ጽልታያ።

21 ኤንቱንቱ ኡባይካ ጸላነ ዎልቃማ አሳ ግድያ ድራወ፣ ዳዊተ ጨጉዋ ካልያ ዎደ፣ ኤንቱንቱ አ ማዴድኖ።

22 ዳዊታ ኦላንቻቱ ጸላ ኦላንቻቱዋን ጮራና ጋካናወ፣ አ ማድያ አሳይ ጋላስ ጋላስ ጉጀቱ።

ዳዊታ ኦላንቻቱ ፓይዳዋ

23 መድና ጎዳይ ሃሳዬዳዋን ሳኦላ ካወተላ ዳዊታወ ዛራናወ ኦላወ ዳንጭ ጊቢደ፣ ከብርናን ደእያ ዳዊታኩ ዬዳ ኦላንቻቱ ፓይዳ ሀዋፕ ካሊደ ጸፈቱዳዋ።

24 ጎንዳልያነ ቶራ ኦይቂደ፣ ኦላወ ዳንጭ ጊቤዳ ይሁዳ ዛራቱ ኡሱፑን ሻእነ ሆሰፑን ጾታ።

25 ሰሞና ዛርያፕ ኦላወ ጊቤዳ ጸላነ ዎልቃማ ኦላንቻቱ ላፑን ሻእነ እት ጾታ።

26 ለዊያ ዛርያፕ ኦይዳ ሻእነ ኡሱፑን ጾታ።

27 አርና ዛራቱዋ ካፑ ዮዳሀ፤ ዮዳሄና እትፕ ሄዙ ሻእነ ላፑን ጾቱ አሳቱ ደአኖ።

28 ቃይ ጸድቆ ያላጋ ጸላነ ዎልቃማ አሳ፤ ጸድቆ አወዋ ጎልያ አሳፕ ላታማነ ላኡ ካፓቱ አናና እትፕ ደአኖ።

29 ቢንያማ ዛርያ ግዴዳ ሳኦላ ዳቦቱ ሄዙ ሻእ አሳ። ሽን ቢንያማ ዛርያፕ ዳርያ ባጋ አሳይ ሳኦላ ጎልያ አሳወ ሄ ዎዲ ጋካናወ እማነትያዋንታ።

30 ኤፍሬማ ዛርያፕ ባረንቱ አዎቱዋ ጎልያ አሳን ኤረቲዳ ጸላነ ዎልቃማ አሳቱ ላታሙ ሻእነ ሆሰፑን ጾታ።

31 ዳዊታ ካተያናወ ባናወ ደረቲዳ ምናስ ዛርያፕ ባጋቱ ታማነ ሆሰፑን ሻእ።

32 ቃይ እስራኤልያ አሳይ እያ ኦላናወ በሰንቶ፣ ዎድያባ ሻክ ኤርያ እከካንቻ አሳቱ፣ ይሳኩራ ዛርያወ ካፓቱ ላኡ ጾታ፤ ኤንቱንቱ ዳቦቱ ኡባይ ኤንቱንቱ አዛዘቲኖ።

33 ኦላ ሻሉዋ ኡባ ኦይቂደ፣ ባረንቱ ኩመንሳ ዎዛናን ዳዊታ ማዳናወ ጊቤዳ ኦላንቻቱዋን ዛብሎና ዛርያ አሳቱ አሻታሙ ሻእ።

34 ንፍታሌማ ዛርያፕ እት ሻእ ካፓቱ ደአኖ፤ ጎንዳልያነ ቶራ ኦይቂደ ሀታማነ ላፑን ሻእ አሳቱ ኤንቱንቱና እትፕ ደአኖ።

35 ዳና ዛርያፕ ኦላወ ጊቤዳ አሳቱ ላታማነ ሆሰፑን ሻእነ ኡሱፑን ጾታ።

36 ኦላወ ከሳናወ እሴራ ዛርያፕ ጊቤዳዋንቱ ኦይታሙ ሻእ።

37 ዮርዳኖሳ ሻፋፕ ሄፍንላ አዋይ ደልያ ባጋን ደእያ ርቤላ ዛርያፕ፣ ጋደ ዛርያፕን ምናስ ዛርያ ባጋፕ ኦላ ሻሉዋ ኡባ ኦይቂደ ዬዳ አሳቱ እት ጾታን ላታሙ ሻእ።

38 ሀ ኦላወ ጊቤዳ ኦላንቻቱ ኡባይ ዳዊታ እስራኤልያ ቦላ ካተያናወ ባረንቱ ቆፋ ቃቺደ፣ ከብርና ካታማ ዬድኖ። ቃይ እስራኤልያፕ አቴዳዋንቱካ ካተያናወ ዳዊታ ካተዬደ እት ዎዛና ግዴድኖ።

39 ኤንቱንቱ ዳቦቱ ኤንቱንቱ ኮሽያዋ ጊግሰ ዎሌዳ ድራወ፣ ሚድነ ኡሺደ ዳዊታና ሄዙ ጋላሳ ኡቴድኖ።

40 እስራኤልያ አሳወ ናሽቻ ግድያ ድራወ፣ ሁጲሳ ባጋና ደእያ ይሳኩራ፣ ዛብሎናፕን ንፍታሌማፕ አሳቱ ዳር ቁማ አሄድኖ። ጴልያ፣ ባላሰያ ኡክላ፣ ዎይንያ ቴራ፣ ዎይንያ ኤሳነ ዛይትያ ሀርያን፣ ባቁሉዋን፣ ጋሉዋንነ ቦራን ጫኒደ አሄድኖ፤ ቃይካ ኤንቱንቱ ሚዛነ ደርሳ ሹኪደ ማናወ እኪደ ዬድኖ።

### 13

ቃላ ጫቁዋ ታቦታይ የሩሳላም ቡሳ ታቦታ ቅርያት-ይእሪማፕ ደንሌድኖ  
(2 ሳሚላ 6:1-11)

1 ሄዋፕ ጉይያን፣ ዳዊተ ሱንላቱዋና፤ ሻላቃቱዋና ጾቱዋ ካፓቱዋና ዘረቲዳ።

2 እስራኤልያ አሳ ኡባ፣ “ሀንተንቶ ሎእ ማላትያባ ግደፕን፣ መድና ጎዳ ኑ ጸላ ሽን ግደፕ፣ እስራኤልያ ቢታ ጋጸን ደእያ ኑ ዳቦቱ፣ ቁሳቱ ነ ባረንቱ ካታማን ደእያ ለዎቱ ኑናና እትፕ ሺቃዳን አሳ ከቶይተ።

3 ሳኦል ካተቲዳ ዎደ ሽከን ገና፣ ደገቲደ አቴዳ ኑ ጸላ ታቦታ እነ ዛሪደ እሆይተ” ያጌዳ።

4 ዳዊተ ኦዴዳ የወ ሱረ ግዴዳ ድራወ፣ አሳይ ኡባይ ማዬዳ።

5 ሄዋ ድራሬ፡ ዳዊተ ጸሳ ታቦታ ቅርያት-ይአሪማጥ አሁና ማላ፡ ግብጾ ዛዋጥ ሸሆራ ሻፋጥ ደሚደ፡ ሀማታ ጥኑዋ ጋካናዉ ደእያ እስራኤልያ አሳ ኡባ ሸሺዬ፡፡

6 ዳዊተን እስራኤልያ አሳይ ኡባይ ክሩቡቱዋጥ ግዲዋን ባረ ካዉተላ አራታ ቦላ ኡቲዳ ጸሳ ሰንላን ጸሰቲዳ ጸሳ ታቦታ አሁናዉ ይሁዳ ቢታን ደእያ ባኣላ ጌተትያ ቅርያት-ይአሪማ ካታማ ቤድኖ፡፡

7 ጸሳ መድና ጎዳ ታቦታ ቦራይ ጎችያ ኦራላ ጋርያን ዋሊደ፡ አብናዳባ ሶፐ አሄድኖ፤ ኡዝነ አሀቦይ ጋርያ ላጊኖ፡፡

8 ዳዊተን እስራኤልያ አሳይ ኡባይ ዲላን ማሰንቁዋ ዲጸደ፡ ካባሩዋ ባቂደ፡ ዳላ ቃሊደን ጸሩዋባ ዩጊደ፡ ባረንቱ ኩመንላ ዋልቃን ጸሳ ሰንላን ናሸቲደ ቦንቼድኖ፡፡

9 ኡንቱንቱ ኪደና ግያ ሳን ደእያ ካላ ቡክያ ኡዲማ ጋክያ ዋደ፡ ቦራቱ ጹቡትና፡ ኡዝ ታቦታ ኦይቃናዉ ባረ ኩሸያ የዱዳ፡፡

10 አ ኩሺ ታቦታ ቦቹዳ ድራሬ፡ መድና ጎዳ ሀንቁ ኡዛ ቤጽ ከሴዳ፡ ሄዋ ድራሬ፡ ጸሳይ አ ሾጭና፡ አ ሄ ሳኣን ጸሳ ሰንላን ሀይቂ አጌዳ፡፡

11 መድና ጎዳይ ሀንቁቲደ ኡዛ ዋዴዳ ድራሬ፡ ዳዊተ ይሎቲዳ፡ ሀቼ ጋካናዉ፡ ሄ ሳኣይ ፔረዝ ኡዛ ጌተቲደ ጸሰቲዳ፡ ኡዝ ሾጩቶ ሳኣ ጌተቲ፡፡

12 ሄ ጋላሰ ዳዊተ ጸሳዉ ያዩዳ ድራ፡ “ጸሳ ታቦታ ታኮ ዋታ አሁናዉ ዳንዳያይታ?” ያጌዳ፡፡

13 ሄዋ ድራሬ፡ ታቦታ ባረናና ዳዊታ ካታማ አፍቤና፡ ሸን ጋትያ ኦቤድ-ኤደማ ጌተትያ ብታንያ ሶ አፌዳ፡፡

14 ጸሳ ታቦታይ ኦቤድ-ኤደማ ጎለን አ ጎልያ አሳና ሄዙ አገና ጋምኤዳ፡፡ መድና ጎዳይ አ ጎልያ አሳን አዉ ደእያ ኡባባ ኣንጄዳ፡፡

# 14

## ዳዊተ የሩሳላሙን ኦሌዳ ኦሎቶ

1 ጸረሳ ካቲ ኪራም ዳዊታዉ አሳቱዋ ከቲዳ፡፡ ኪተቲዳ አሳቱዋና ጎልያ ኬጻናዳን ዝጋ ሙደላን ቃይ ሹቻ ማሰያዋንታን አናጸቱዋ አዉ የዴዳ፡፡

2 መድና ጎዳይ እስራኤልያ ቦላ አ ካትያ ኦሊደ ኤሴዳዋን ባረ አሳ እስራኤልያ ድራሬ፡ አ ካዉተላ ቆቁ ኦሊደ ቦንቼዳዋ ዳዊተ ኤራዳ፡፡

3 ሄዋጥ ጉይያን፡ ዳዊተ የሩሳላሙን ሀራ ማጫ አሳ ጉጅ አኪደ፡ አቲማዋ ናናን ማጫ ናና የሌዳ፡፡

4 ዳዊተ የሩሳላሙን የሌዳ አቲማ ናናይ ሻሙአ፡ ሾባባ፡ ናታና፡ ሶሎሞን፡

5 ይብሃራ፡ ኤልሾክ፡ ኤልፓሌጻ፡

6 ኖጋሀ፡ ነፊጋ፡ ያፍአ፡

7 ኤልሻማአ፡ በኤልያዳን ኤልፈሌጻ፡ \*

## ዳዊተ ፕልሰጾማ አሳ ጸኔዳ

(2 ሳሜላ 5:17-25)

8 ዳዊተ እስራኤልያ ኡባ ቦላ ካትያ ግዲደ ኦከቲዳዋ ፕልሰጾማ አሳይ ሰሴዳ ዋደ፡ ኡንቱንቱ ኡባይ ዳዊታ ኮያናዉ ከሴድኖ፡፡ ዳዊተ ኡንቱንቱ ከሴዳዋ ሰሲደ፡ ኡንቱንቱና ኦለታናዉ ከሴዳ፡፡

9 ፕልሰጾማ አሳይ ራፋይማ ዋምባ ዪደ ቦንቁድኖ፡፡

10 ዳዊተ ጸሳ፡ “ታን ባደ ፕልሰጾማቱዋ ኦሎ? ኔን ኡንቱንቱ ታዉ አላ እማን?” ያጊደ ኦቹዳ፡፡ ሸን መድና ጎዳይ አ፡ “ባደ ኦላ፡፡ ታን ኡንቱንታ ነዉ አላ እማና” ያጌዳ፡፡

11 ዳዊተን አ አሳይ ባኣል-ፓራዲማ ግያ ሳኣ ቢደ፡ ያን ኡንቱንታ ጸኔድኖ፡፡ ዳዊተ፡ “ሃላ ድኤ ጹሰ አጅያዋዳን ጸሳይ ታ ሞርከቱዋ ግዲዋና ታና አሌዳ” ያጌዳ፡፡ ሄዋ ድራሬ፡ ሄ ሳኣ ሰንላይ ባኣል-ፓራዲማ ጌተቲዳ፡፡

12 ፕልሰጾማቱ ባረንቱ ኤቃቱዋ ሄ ሳኣን የጊደ ቤድኖ፡፡ ያትና ዳዊተ አዛዚደ፡ ኡንቱንቱ ኤቃቱዋ ታማን ጸግሴዳ፡፡

13 ፕልሰጾማ አሳቱ ላኤንሎቶ ሀ ዋምባ ሰም ዪደ ቦንቁድኖ፡፡

14 ዳዊተ ጸሳ ላኤንሎቶ ኦቹዳ፡፡ ሸን ጸሳይ አ፡ “ኔን ኡንቱንቱ ጌዲዋ ቦፓ፡ ኡንቱንቱ ጉናና ዩያ አቋኣደ ቦኣያ ሞላፐ ሰንላ ባጋና ኦላናዉ ጊጋ፡፡

15 ቦኣያ ሞላፐ ሁጲያን ሳልፕያ ኮሻ ኔን ሰሰያ ዋደ፡ ኦላናዉ ከሳ፡ አያዉ ጎፐ፡ ሄዋ ፕልሰጾማ ኦላንቻቱዋ ሾጫናዉ ጸሳይ ኔፐ ሰንላዉ አዴዳ ግያዋ” ያጌዳ፡፡

13:5 1 ሳሜላ 7:1-2    13:6 ከሳ 25:22    13:14 1 ኦዲቆ 26:4-5    \* 14:7 ዳዊታዉ የሩሳላሙን የለቲዳ አቲማ ናና ሰንላይ 2 ሳሜላ 5:14-16፣ 2 ኦዲቆ 3:5-7 ፣ 14:4-7 ጻፈቲዳ፡ ሸን እብራዌሎዋን አቲዋ አቲዋ ሰንላይ ኡባ ሳን እት ማላ ግደና፡፡

16 ጸላይ አዛዜዳዋዳን ዳዊተ ኦሎዳ። ጋባኦናፕ ቢደ ገዜራ ጋካናው፣ እስራኤልያ አሳይ ፕልሰጾማ አላንቻቱዋ ዋዴዳ።  
 17 ሄዋፕ ጉይያን፣ ዳዊታ ዋሪ ቢታ ኡባ ጋኬዳ። ካውተላቱ ኡባይ ዳዊታው ያያናዳን መድና ጎዳይ ኦሎዳ።

# 15

ታቦታ አሀናወ ሀኔዳ ጊጉዋ

- 1 ዳዊተ ባረ ካታማን ባረወ ጎልያ ኪጾዳ፤ ጸላ ታቦታውካ ሳኦ ጊግሲደ፣ ዲንካንያ ኤሴዳ።
- 2 ሄዋፕ ጉይያን ዳዊተ፣ “ጸላ ታቦታ ቶካናዳንን መድ መድናወ መድና ጎዳወ ኦሳናወ መድና ጎዳይ ዶራዳ ለዋቱዋፕ አትና፣ ኦንነ ጸላ ታቦታ ቶካናወ በሰና” ያጌዳ።
- 3 ዳዊተ መድና ጎዳ ታቦታው ጊግሲዳ ሳኦ ታቦታ አሀናዳን፣ እስራኤልያ አሳ ኡባ የሩሳላመን ሺሼዳ።
- 4 ቃይ ዳዊተ አርና ዛራቱዋን ለዋቱዋ ዴሲደ ሺሼዳ።
- 5 ቃሃታ ያራቱዋፕ ካፑ ኡርኤልነ አት ጾታን ላታሙ አ ዳቦቱ ዬድኖ።
- 6 ማራራ ያራቱዋፕ ካፑ አሳይነ ላኦ ጾታን ላታሙ አ ዳቦቱ ዬድኖ።
- 7 ገርሻና ያራቱዋፕ ካፑ ዩኤልነ ጾታን ሀታሙ አ ዳቦቱ ዬድኖ።
- 8 ኤልጻፋና ያራቱዋፕ ካፑ ሻማኤነ ላኦ ጾታ አ ዳቦቱ ዬድኖ።
- 9 ከብሮነ ያራቱዋፕ ካፑ ኤልኤልነ ሆሰፑን ታሙ አ ዳቦቱ ዬድኖ።
- 10 ኡዘኤላ ያራቱዋፕ ካፑ አምናዳብነ ጾታን ታማነ ላኦ አ ዳቦቱ ዬድኖ።
- 11 ሄዋፕ ጉይያን፣ ዳዊተ ቁሳቱ ዋ ጻዶቃነ አብያታራ፣ ቃይ ለዋቱዋ ኡርኤላ፣ አሳያ፣ ዩኤላ፣ ሻማኤያ፣ ኤልኤላነ አምናዳባ ጸሰሴዳ።
- 12 ኡንቱንታ፣ “ሀንተንቱ ለዋቱ ዛረቶ ካፓቱዋ። ጸላ እስራኤልያ መድና ጎዳ ታቦታ ታን ጊግሳ ዋሌዳ ሳኦ አሀናወ ሀንተነ ሀንተንቱ ዳቦቱ ጌይተ።
- 13 ሀንተንቱ ለዋቱ ኮይሮ ጸላ ታቦታ ቶክቤና ድራወነ ኦን አ ዋጋዳን ዋት አፋንንቶ ጸላ ኦቶቤና ድራወ፣ መድና ጎዳይ ኦ ጸላይ ኦና ሙራዳ” ያጌዳ።
- 14 ሄዋፕ ጉይያን፣ መድና ጎዳ እስራኤልያ ጸላ ታቦታ አሀናወ ቁሳቱ ነ ለዋቱ ባረንታ ጌሼድኖ።
- 15 መድና ጎዳይ ሙሴ ባጋና ካሰ አዛዜዳዋዳን፣ ለዋቱ ጸላ ታቦታ ካሱዋና ባረንቱ ሀሸያን ቶኬድኖ።
- 16 ሄዋፕ ጉይያን፣ ዲሳነ ማሰንቁዋ ዲጺደ፣ ዳላ ቃሏደ፣ ናሽቶያ የሳ የጻና ማላ፣ ለዋቱዋ ካለልያዋንቱ ባረንቱ ዳቦቱዋ ሰንሳናዳን ዳዊተ አዛዜዳ።
- 17 ለዋቱ ዩኤላ ናኦ ሄማና፣ አ ዳባቱዋፕ በረክያ ናኦ አሳፋነ ኡንቱንቱ ዳባቱዋፕ ማራራ ያራ ቁሳያ ናኦ ኤታና ሱንሴድኖ።
- 18 ቃይ ላኤንሶ ካሳን ዛካራሳ፣ ያእዝኤላ፣ ሻምራዋታ፣ ይሀኤላ፣ ኡና፣ ኤልአባ፣ ባናያ፣ ማእሴያ፣ ማትትያ፣ ኤልፋላ፣ ሚቅኔያን ፕንግያ ናግያዋንታ ኡቤድ-ኤዶማነ ይእኤላ ሱንሴድኖ።
- 19 ናሃሴያ ዳላ ጶቁ ኦሎደ ቃሳናዳን ሄማን፣ አሳፍነ ኤታን ሱንፎድኖ።
- 20 ቃይ ዛካራሰ፣ ያእዝኤል፣ ሻምራዋት፣ ይሀኤል፣ ኡን፣ ኤልአብ፣ ማእሴይነ ባናይ ዲላ ሌኡዋን ዲጺድኖ።
- 21 ማተተ፣ ኤልፋል፣ ሚቅኔይ፣ ኡቤድ-ኤዶማ፣ ይእኤልነ አዛዜ ዲላ ኦርድያን ዲጺድኖ።
- 22 ለዋቱ ካፑ ካናነ ማዝሙርያ ካለሳናወ ሱንፎዳ፤ አ ኤራንቻ ግድያ ድራወ፣ ኡንቱንታ ታማርሴ።
- 23 በረከነ ኤልቃን ታቦታ ዲንካንያ ፕንግያ ናጋናወ ደረቱድኖ።
- 24 ቃይ ቁሳቱ ሻባኔ፣ ዮሻፋጽ፣ ናታንኤል፣ አማሳይ፣ ዛካራሰ፣ ባናይነ ኤልኤዛር ጸላ ታቦታ ሰንሳን ጾሩዋባ ፑናወ ደረቱድኖ። ኡቤድ-ኤዶማነ የሀያ ታቦታ ፕንግያ ናጋናወ ደረቱድኖ።

ታቦታ የሩሳላወ አፌድኖ  
(2 ሳማላ 6:12-22)

- 25 ሄዋፕ ጉይያን ዳዊተ፣ እስራኤልያ ጭማቱነ ሻኦ ካፓቱ መድና ጎዳ ቃላ ጫቁዋ ታቦታ ኡቤድ-ኤዶማ ሶፕ አሀናወ ናሽተደ ቤድኖ።
- 26 መድና ጎዳ ቃላ ጫቁዋ ታቦታ ቶኬዳ ለዋቱዋ ጸላይ ማዴዳ ድራወ፣ ኡንቱንቱ ላፑን ኮሩማቱዋን ላፑን ደርሳ ኦርገቱዋ ያርሼድኖ።
- 27 ዳዊተ፣ ታቦታ ቶኬዳ ለዋቱ ኡባይ፣ ማዝሙርያ የጽያዋንቱነ ማዝሙርያ የጽያዋንቱ ካፑ ካናነ ሱፍያ ጌተትያ ቃጭናፕ ዲድቱዳ ማዋጭ ማዬድኖ። ዳዊተካ ቃይ ሊኡዋፕ ዲድቱዳ ኤፋድያ ጌተትያ ማዩዋ ማዬዳ።

28 ሀዋዳን ኦሲደ፣ እስራኤልያ ኡባይ ሆምቦጪደ፣ ጸረምባነ ማላካታ ፑኒደ፣ ዳላ ቃሊደነ፣ ዲላነ ማሰንቁዋ ዲዲደ፣ መድና ጎዳ ቃላ ጫቁዋ ታቦታ እሄድኖ።  
 29 መድና ጎዳ ቃላ ጫቁዋ ታቦታይ ዳዊታ ካታማ ገሌዳ ዋደ፣ ሳኦላ ናታ ሚካላ ማሰኮትያና ጸላደ፣ ካቲ ዳዊተ ናሽቲደ ዱርሺንነ ካእሸን በኣዱ፤ ዳዊታ ባረ ዋዛናን ካፋዱ።

### 16

1 ኡንቲንቲ፣ ጸሳ ታቦታ እሄደ፣ ዳዊተ ታቦታ ዋሳናዉ ጶጌዳ ዲንካንያ ግዲዋን ዋፊድኖ። ጹግያ ያርሹዋን እትተላ ያርሹዋ መድና ጎዳዉ ያርሹድኖ።

2 ዳዊተ ጹግያ ያርሹዋን እትተላ ያርሹዋ ያርሹደ ፖሌዳዋፕ ጉይያን፣ መድና ጎዳ ሱንላን አሳ ኢንጄዳ።

3 እስራኤልያ አሳዉ ኡባዉ፣ ማጫንዉን አቱማዎ፣ ሁጲያን ሁጲያን እት እት ኮምፖ ኡክላ፣ እት እት ሙጶ አሹዋካ ዋይንያ ቴራ መላፕ እት እት ኡክላ ግሼዳ።

4 መድና ጎዳ ታቦታ ሰንላን ኦላናዳን፣ መድና ጎዳ እስራኤልያ ጸሳ ሳባናዳን፣ ጋላታናዳን፣ ቦንቻናዳን፣ አማራዳ ሌዋቱዋ ዳዊተ ሱንሌዳ።

5 ሌዋቱ ካፑ አሳፋ፤ አሳፋ ካሊደ ላኤንሶ ካፑ ዛካራሳ። ዛካራሳ ካሊደ ደእያዋንቲ ይእኤላ፣ ሻምራዋታ፣ ይሀኤላ፣ ማቲትያ፣ ኤልአባ፣ ባናያ፣ ኦቤድ-ኤዶማን የኤላ። ኡንቲንቲ ማሰንቁዋን ዲላ ዲዳናዉ ሱንፍቲኖ፣ ሸን አሳፈ ዳላ ቃላናዉ ሱንፍቲኖ።

6 ቁሰያ ባናይን ያሃእኤል ጸሳ ቃላ ጫቁዋ ታቦታ ሰንላን ኡባ ዋደ ጸረምባ ፑናናዉ ሱንፍቲኖ።  
 7 ሄ ጋላሰ ዳዊተ ካሰቲደ፣ አሳፍን አ ዳቦቲ መድና ጎዳ ሳባናዳን ኡንቲንቲ አሜዳ።

ጋላታ ማዝሙርያ  
 (ማዝ. 105:1-15፣ 96:1-13፣ 106:1፣ 47-48)

8 መድና ጎዳ ጋላትተ፤ አ ሱንላ ጸሰተ።  
 እ ኦሌዳዋ ካዉተሳቲ ግዲዋን ኤርሰተ።

9 አ ሳቢተ፤ ጋላታ የላ አዉ የጽተ።  
 እ ማላልሰያ ኪታ ኡባ ኦድተ።

10 አ ጌሻ ሱንላን ጨቀትተ፤  
 መድና ጎዳ ኮይያዋንቲ ዋዛናቲ ናሽትኖ።

11 መድና ጎዳነ አ ዋልቃ ጸሞሰተ፤  
 ኡባደ አ ሱንላ ኮይተ።

12-13 ህንተንቶ፣ አ ቆማ አብራሃማ ዘረላቶ፣  
 ዶረቴዳ ያቆባ ናቶ፣

እ ኦሌዳ ማላልሰያባ፣  
 እ ማላታነ እ ፕርዴዳ ፕርዳ ሀሳይተ።

14 አ መድና ጎዳ ኑ ጸሳ፤  
 እ ፕርዳይካ ሳኦ ኡባ ቦላና።

15 አ ባረ ቃላ ጫቁዋ መድናዉ፣  
 ባረ አዛዜዳ ቃላ ሻእ የለታ ጋካናዉ ናጌ።

16 ሄዌነ፣ እ አብራሃመና ጫቀቴዳ ጫቁዋ፣  
 ይሳቃዉ ጫቁዳ ጫቁዋ።

17 ያቆባዉ ዋጋ፣  
 እስራኤልያዉካ መድና ጫቁዋ ኦሲደ ምንሌዳዋ።

18 እ፣ “ኅዉ ካናን ቢታ እማና፤  
 እ ነ ዘረላቶ ላታ ግዳናዋ” ያጌዳ።

19 ጸሳ አሳቲ ፓይዲዋን ጉላን  
 ካናን ቢታን በተ ግዲደ ደእያ ዋደ፣

20 እት አሳፕ ሀራ አሳ፣  
 እት ካተተላፕ ሀራ ካዉተላ የዬድኖ።

21 ጸሳይ ኡንቲንታ ኡንነ ናቃናዉ እምቤና፤  
 ኡንቲንቲ ድራዉ ካተቱዋ ሴሪደ፣

22 “ታን ኡኬዳዋ ቦቾፕተ፤

- ታ ትምቢትያ ኦድያዋንታ ቆሆኘተ” ያጌዳ።
- 23 ሳኦን ደእያ አሳወ። ኡባይካ መጅና ጎዳዉ የጽተ፤  
እ አሸያ ምሽራቹዋ ሀቼ ሀቼ ኦድተ።
- 24 ካወተላቱ ግዲዋን እ ቦንቹዋ።  
አሳ ኡባ ግደን እ ማላልሰያ ኦሱዋባ አዋይተ።
- 25 መጅና ጎዳይ ዋልቃማ፤ አዶ ጋላታይ አዉ በሴ።  
ጸሳቱዋ ኡባጥ አዲይ። እ ያየታናዉ በሰ።
- 26 ሀራ አሳ ጸሳቱ ኡባይ ኤቃቱዋ፤  
ሸን መጅና ጎዳይ ሳሉዋ መጴዳ ጸሳ።
- 27 ቦንቹነ አንጋይ እ የሹዋን ደኤ፤  
ምኖተላይነ ናሽቻይ እ ደእያ ሳኦን ደኤ።
- 28 ሀንተንቶ። አሳ ዛረቶ ኡባዉ። መጅና ጎዳዋ ኦድተ፤  
“ቦንቹነ ዋልቃይ መጅና ጎዳዋ” ጊደ ኦድተ።
- 29 “ቦንቹ እ ሱንላሳ” ጊደ መጅና ጎዳዋ ኦድተ።  
ያርሹዋ አኪደ። እ ሰንላ ዪተ።
- እ ጊሻተላ ጥላን መጅና ጎዳዉ ጎይንተ።
- 30 ጋድያን ደእያ አሳዉ ኡባዉ። እ ሰንላን ኮኮርተ።  
ሳኦይ ምን ኤቄዳ፤ ኡባካ ቃጸና።
- 31 ሳሎቱ ናሽትኖ፤ ሳኦይካ ሀሹ ጎ!  
ካወተላቱ ግደን ኡንቱንቱ። “መጅና ጎዳይ ካተቲዳ!” ያግኖ።
- 32 አባይነ እ ግደን ኩሜዳባቱ ጉምኖ።  
ሾይቃይነ ሾይቃን ደእያባቱ ኡባቱ ናሽትኖ።
- 33 ሄዋጥ ጉይያን ዋራን ደእያ ምሳ ኡባይ የጻና፤  
ናሽቻን መጅና ጎዳ ሰንላን የጻና።
- እያዉ ጎጥ። እ ሳኦ ቦላን ፕርዳናዉ ዬ።
- 34 ጸሳይ ሎእ ግድያ ድራዉነ መጅና ጎዳ ጋላትተ።  
አገና እ ሰቄ መጅናዋ ግድያ ድራዉ። ጋላትተ።
- 35 ሄዋጥ ጉይያን ሀንተንቱ።  
“አቤት ኑና አሸያ ጸሳዉ። ኑና አሻ።
- ኑን ነ ጌሻ ሱንላ ጋላታናዳንነ  
ነ ቦንቹዋን ጨቀታናዳን።  
ካወተላቱ ግደጥ ሸሻደ አሻ” ያግተ።
- 36 መጅና ጎዳዉ። እሰራኤልያ ጸሳዉ ጋላታይ ግደ።  
መጅናጥ መጅና ጋካናዉ ጋላትቶ!  
ሄዋጥ ጉይያን አሳይ ኡባይ። “አመንእ” ጊደ። መጅና ጎዳ ጋላቲዳ።

የሩሳላመንን ጋባኦናን ሀኔዳ ጎይቲዋ ማራ

- 37 መጅና ጎዳ ቃላ ጫቁዋ ታቦታ ሰንላን ሀቼ ሀቼ ጎይናዉ ኮሸያዋ ኡባ ዋደ ኡንቱንቱ ኦላናዳን።  
ዳዊተ አሳፋነ እ ዳቦቱዋ ዋሌዳ።
- 38 እ ቃይ ኦቤድ-ኤደማነ እ ዳቦቱዋ ኡሱፑን ታማነ ሆሰፑንላ ኡንቱንቱና ኦላናዳን ዋሌዳ፤  
ይዱቱና ናኦ ኦቤድ-ኤደማነ ሆሳ ጥንግያ ናጋናዳን ዋሌዳ።
- 39 ቄሲ ጸደቅነ አናና ኦልያ ቄሳቱ ጋባኦናን ደእያ ጶቃ ሳኦን። መጅና ጎዳ ዱንካንያ ሰንላን  
ኦላናዳን ያን አቴኖ።
- 40 መጅና ጎዳይ እሰራኤልያዉ እሚዳ ሀግያን ጸፈቲዳዋዳን። ኡንቱንቱ ዋንታነ ኦማርሰ ኡባ  
ዋደ ጸግያ ያርሹዋ ያርሸያ ሳኦን መጅና ጎዳዉ ያርሸኖ።
- 41 አገና እ ሰቄ መጅናዋ ግድያ ድራዉ። መጅና ጎዳ የላን ጋላታናዳን ሄማና። ይዱቱናን ዶረቲዳ  
ሀራቱዋ ዳዊተ ኡንቱንቱና እትጥ ዋሌዳ።
- 42 ሄማንነ ይዱቱን ጸሩምባ ፑኒኖ። ዳላ ቃሊኖን ጋላታ ማዘሙርያ የጸደ ካእያ ሀራ ሚሻቱዋ  
ካእኖ። ይዱቱና አቱማ ናይ ጥንግያ ናጋናዉ ሱንቲኖ።
- 43 ሄዋጥ ጉይያን። አሳይ ኡባይ ባረ ሶ ባረ ሶ ቤዳ። ዳዊተካ ባረ ሶይ አሳ እንጃናዉ ሰሚዳ።

# 17

## ጌሻ ጎልያ ኬጾያዌ ሶሎሞና ግዲሳ

(17:1-27)

- 1 ዳዊተ ባረ ካትያ ጎለን ደኢይ፣ ትምቢትያ ኦድያ ናታና፣ “ታን ዝገገገ ኬጾቲዳ ጎለን ደኢይ፤ ሸን መድና ጎዳ ቃላ ጫቁዎ ታቦታይ ዲንካንያ ጋርሳና” ያጌዱ።
- 2 ናታን ዳዊታ፣ “ኦላናው ነ ሞዛናይ ቆጵዳዎ ኡባ ከተታ፤ ጸሳይ ኔና ደኤ” ያጌዱ።
- 3 ሸን ሄ ጋላሳ ቃማ ጸሳ ቃላይ ናታናኹ ዪይ፣
- 4 “ባ፤ ታ ቆማ ዳዊታ ሀዋዲን ያጋ፤ መድና ጎዳይ ሀዋዲን ያጌ፤ ታን ደኢና ጎልያ ኬጾናዌ ኔና ግዲካ።
- 5 እያው ጎጥ፣ ታን እስራኤላቱዎ ግብጾጥ ከሴዳ ጋላሳጥ ደማይ ሆቼ ጋካናው፣ ጎለን ደኢበይከ፤ ታን ዲንካንያጥ ዲንካንያው፣ ቃይ እት ሳጥ ሀራ ሳኦው ዪያይ ደኢድ።
- 6 ታን እስራኤልያ እሳ ኡባና ዪዬዳ ሳኦ ኡባን፣ ታ እሳ ሄማናው ታን አዛዜዳ እስራኤልያ ዳናቱዋጥ ኦሰነ፣ ታው ዝጋ ጎልያ እያው ኬጾበይከ? ጋይ ኦቻበይከ? ያጌ” ያጋ።
- 7 “ሄዎ ድራው፣ ሀእካ ታ ቆማ ዳዊታ፣ ሌባጥ ዎልቃማ መድና ጎዳይ ኔና ሀዋዲን ያጌ፤ “ታን ኔና ሄንሳ ጋይ፣ ድርሳ ሄምያ ሳጥ ደንሳይ፣ ታ እሳ እስራኤልያ ካለላናዲን እካድ።
- 8 ኔን ቤዳ ሳኦ ኡባን ታን ኔናና እትጥ ግዲድ፤ ነ ሞርከቱዎ ኡባ ነ ሰንሳጥ ድጋድ። ሀእ ሰሞ ታን ሀ ሳኦን ኤረቲዳ ዎልቃማ አሳቱዋጥ ሱንሳዲን ነ ሱንሳ ግታያና።
- 9-10 ቃይ ታን ታ አሳው፣ እስራኤልያው ሳኦ አማይ፣ ኡንቱንታ ሄ ሳኦን ቶካና። ሄዎ ድራው፣ ኡንቱንቱ ባረንቱ ሳኦን ደኢናዋንታ፤ ኡንቱንቱ ላኤንሶ ሻባረትክና። ካሰ ታን ታ እሳ እስራኤልያ ቦላ የላታቱዎ ሱንሴዳ ዎድያጥ ደምና ናቆዳዎዳን፣ ላኤንሶ ኢታ አሳቱ ኡንቱንታ ናቆክና። ታን ነ ሞርከቱዎ ኡባ ነው ሞድሳና።
- 11 “ ሄዎ ቦላንካ መድና ጎዳይ ባረ ሁጲያው ነ ዛራቱ ደኢናዲን ኦላናዎ ነው ኦዲዳ።
- 12 ነ ላይላይ ወርና፣ ሀይቃዳ ነ ማይዛ አዎቱዋን ጋከትያ ዎይ፣ ታን ኔጥ ጉይያን ነ ዛርያ፣ ነ ናናቱዋጥ እቱዎ ደንሳይ፣ አ ካውተላ ሞንሳና።
- 13 ታው ጎልያ ኬጾናዌ እ፤ ታን አ ካውተላ አራታ መድናው ሞንሳ ኤሳና።
- 14 ታን አው አወዎ ግዲና፤ እካ ታው ናኦ ግዲና። ኔጥ ካሰ ካተቲዳ ሳኦላጥ ታን ታ ሲቁዎ እካ ድጊዳዎዳን፣ ታን አጥ ኡባካ እክከ።
- 15 ታን አ ታ አሳ ቦላ፤ ታ ካውተላ ቦላ መድናው ሱንሳና፤ አ ካውተላ አራታይካ መድናው ሞን ኤቃና” ያጌ” ያጋ” ያጌዱ።
- 16 ናታን ጸሳይ አው ሳጸን ቆንጭሴዳ ቃላ ኡባ ሀዋዲን ዳዊታው ኦዲዳ።

## ዳዊታ ዎሳ (2 ሳሜላ 7:18-29)

- 16 ሄዋጥ ጉይያን፣ ካቲ ዳዊተ ዲንካንያ ገሊይ፣ መድና ጎዳ ሰንሳን ኡቲዳ። ሀዋዲን ያጊይ ዎሴዳ፤ “አቤት መድና ጎዳው፣ ጸሳው፣ ኔን ሀዋ ኡባ ታው ኦላናው ታን ኦኔ? ታ ሶይ አሳይካ እዬ?”
- 17 አቤት መድና ጎዳው፣ ሀዋ ነ አይናና ሰንሳን ጉላ ማላትና፣ ነ ቆማ ዛራቱ ሰንሳጥ ናናዎ ላይላቱዋን ትምቢትያ ኦዲዳ። ታና ቃይ ዎልቃማ አሳ ከሳዳ።
- 18 ኔን ታና ነ ቆማ ቦንቹዳ ድራው፣ ታን ዳዊተ ሰሞ እያ ጋናው ዲንዲያይታ? ኔን ታና ነ ቆማ ኤራሳ።
- 19 አቤት መድና ጎዳው፣ ነ ቆማ ድራው፣ ነ ሞዛና ቆፋዲን ሀ ግታባ ኡባ ኦላይ፣ ሀ ግታተላ ኡባ ታና ኤርሳዳ።
- 20 “አቤት መድና ጎዳው፣ ነ ማል እቱነ ባዎ። ኩን ኑ ሀይላን ሰሴዳዎዳን፣ ኔጥ አትና፣ ሀራ ጸሰ ባዎ።
- 21 ኔን ነ አሳ ኦላናው ዎዜዳ ነ አሳ እስራኤልያ ማላትያ ሀራ ካውተላ ሳኦ ቦላን ባዎ። ኔን ኦሴዳ ግታን ማላልሰያ ኦሶቱ ጋሶዋን ነ ሱንሳይ ቢታን ሳኦን ኤረቲዳ። ኔን ግብጾጥ ዎዜዳ ነ አሳ ሰንሳጥ ካውተላቱዎ ላጋዳ።
- 22 ኔን ነ አሳ እስራኤልያ መድናው ነባ ኦላዳ። አቤት መድና ጎዳው፣ ኔንካ ኡንቱንቱ ጸሳ ግዲዳ።
- 23 “አቤት መድና ጎዳው፣ ኔን ነ ቆማባን አ ዘረላባ ሃሳዬዳዌ መድናው ሞን ኤቆ፤ ኔን ኦላና ጌዳዎዳንካ ከተታ።
- 24 ሌባጥ ዎልቃማ መድና ጎዳው፣ እስራኤልያ ጸሳይ ቱሙዋጥ እስራኤልያው ጸሳን ጌተታናዲን ነ ሱንሳይ መድናው ሞን ኤቃናን ግታታና። ነ ቆማ ዳዊታ ዛራቱ ነ ሰንሳን ሞን ኤቃና።



- 25 “አቤት ታ ጸሳው፣ ታን ነወ ጎልያ ኬጸና ጋደ” ነን ታወ ነ ቆማዉ ቆንጫዳ። ሄዋ ድራው፣ ታን ነ ቆማይ ሀ ዋሳ ነና ዋሳናዉ ጸለድ።
- 26 አቤት መድና ጎዳው፣ ነን ጸሳቲ! ነን ሀ ሎኦ ቃላ ታወ ነ ቆማዉ ኦላና ጋድ።
- 27 ነ ሰንላን ያ መድናዉ ጋምኦናዳን፣ ነ ቆማ ዛርያ እንጃናዉ ናሽታ። አቤት መድና ጎዳው፣ ነን እንጃዳዊ መድናዉ እንጀተዳዊ ግዳና” ያጊደ ዋሴዳ።

### 18

ዳዊተ ኦላ ጸኑዋ  
(18:1—20:8፤ 2 ሳሜላ 8:1-18)

- 1 ሄዋጥ ጉይያን፣ ዳዊተ ፕልሰጸማቱዋ ጸኒደ ሞዴዳ፤ ያቲደ ጋተ ጌተትያ ካታማነ አ ሞላቱዋ ፕልሰጸማ አሳቱዋ ኩሽያጥ ዋሰ አኬዳ።
- 2 ቃይ ዳዊተ ሞአበ ጋድያ አሳቱዋ ጸንና፣ ኤንቴንጅ እዉ ሞደቴድና፤ ገራ ገሬድና።
- 3 ሀማታ ካታማ ማታን ደእያ ጸባ ቢታ ካቲ ሀዳድኤዘር፣ ባረ ካወተላ ኤፍራዲሳ ሻፋ ጋካናዉ አሳናዉ ቢሸን፣ ዳዊተ አ ጸኔዳ።
- 4 ዳዊተ ሀዳድኤዘርጥ እት ሻእ ገራ ጋረቱዋ፣ ላፑን ሻእ ገራ አሳቱዋና ላታው ሻእ ገድሳ አሳቱዋ ኦሞዴዳ። ዳዊተ ጸቲ ጋረቲ ግዴዳ ገራቱዋ እሸደ፣ ሀራ ገራቱዋ ኤባዉ ጋዳዋ ግልዳዬዳ።
- 5 ዳማሰቆ ካታማን ደእያ ሶረቲ ጸባ ቢታ ካትያ ሀዳድኤዘር ማዳናዉ ዬዳ ዋደ፣ ዳዊተ ኤንቴንጅጥ ላታማነ ላኡ ሻእ አሳ ዋዴዳ።
- 6 ሄዋጥ ጉይያን፣ ሶርያ ቢታን ዳማሰቆ ካታማን ኦላንቻቱዋ ጌሶቱዋ መዴዳ። ያትና፣ ሶርያ አሳቲ ዳዊታዉ ሞደቲደ፣ ገራ ገሬድና። ዳዊተ ቤዳ ሳእ ኡባን መድና ጎዳይ አዉ ጸኑዋ እሚዳ።
- 7 ካቲ ዳዊተ ሀዳድኤዘር ኦላንቻቲ ቶኬዳ ዋርቃ ጎንዳለቱዋ እኪደ፣ የሩሳላመ አፊዳ።
- 8 ቃይ ዳዊተ ሀዳድኤዘር ሞድያ ጸባሀነ ኩና ካታማቱዋጥ ናሃሰያ ገያ ብራታ ሎይሰ ዳሩዋ አኬዳ። ሄዋጥ ሰሚደ፣ ሶሎሞን ሄ ናሃሰያ ብራታጥ አባ ሳኒያ፣ ቲሳቱዋን ዳማ ዳማ ሚሻቱዋ መዴዳ።
- 9 ዳዊተ ጸባ ቢታ ካትያ ሀዳድኤዘር ኦላንቻቱዋ ኡባ ጸኔዳዋ ሀማታ ካቲ ቶእ ሰሴዳ።
- 10 ሀዳድኤዘር ኦላቲደ ጸኔዳ ድራው፣ አ ሀሹ ጋናዉነ ሳርታናዉ ባረ ናእ ሀደራማ ካትያ ዳዊታኩ ከቲዳ። እያዉ ጎጥ፣ ሀዳድኤዘር ቶእራ ኦላቲደ ጋምኤዳ። ሀደራሞ ዋርቃጥ፣ ብራጥን ናሃሰያጥ መዴዳ ሚሻቱዋ እኪደ ዬዳ።
- 11 ካቲ ዳዊተ ኤደማጥ፣ ሞአበጥ፣ አሞና አሳቱዋጥ፣ ፕልሰጸማቱዋጥን እማሌቃ አሳቱዋጥ ኦሞድ አኬዳ ብራን ዋርቃ ሀ ሚሻቱዋና እትጥ ጋሏደ፣ መድና ጎዳዉ ዳማዪደ ዋሏደ።
- 12 ጸሩይ ናእይ አብሻይ ኤደማ አሳጥ ታማነ ሆሰፑን ሻእቱዋ ማጽነ ዋሞባን ዋዴዳ።
- 13 ሄዋጥ ጉይያን፣ ዳዊተ ኤደማን ኦላንቻቱዋ ጌሶቱዋ መዴዳ፤ ያትና፣ ሄ ጋድያ አሳይ ኡባይ ዳዊታዉ ሞደቲዳ። ዳዊተ ቤዳ ሳእ ኡባን መድና ጎዳይ አዉ ጸኑዋ እሚዳ።
- 14 ሄዋዳን ኦላደ፣ ዳዊተ እሰራኤልያ ኡባ ቦላ ካተቴዳ፤ ባረ አሳ ኡባ ጽሎተላንነ ሱረ ፕርዳን አኬዳ።
- 15 ጸሩይ ናእይ ዮአበ ኦላ ጋዳዋ፤ አህሉዳ ናእይ ዮሳፌጸ ሀዴዳባ ጸፍያዋ፤
- 16 አህጹባ ናእይ ጸድቅነ አብያታራ ናእይ አብመሌክ ቁሳቲ ዋ፤ ሻብሻ \* ዋና ጸፍያ፤
- 17 ዮዳሄ ናእይ ባናይ ዳዊታ ናግያ ኦላንቻቱዋ ካፑዋ፤ ዳዊታ አቲማዋ ናናይ አ ካወተላን ጶቃ ሳእ ኦይቂደ ካፓቱዋ።

### 19

ዳዊተ አሞናቱዋን ሶረቱዋ ጸኔዳ  
(2 ሳሜላ 10:1-19)

- 1 ሄዋጥ ጉይያን፣ አሞናቱዋ ካቲ ናኦስ ሀይቂዳ፤ አ ናእይ አ ኮታን ካተቴዳ።
- 2 ዳዊተ፣ “አ አዉ ናኦስ ታዉ ኬኬዳ ድራው፣ ታን አ ናእ ሀኑናዉ ኬካና” ያጌዳ። ሀኑና አዉ ሀይቂዳ ድራው፣ ዳዊተ አ ሞንግግ ሳናዉ አሳ ከቲዳ።
- 3 ዳዊተ ከቲዳዋንጅ ሀኑና ሞንግግ ሳናዉ አሞና ጋድያ ጋኬዳ ዋደ።
- 4 አሞና አሳ ካፓቲ ሀኑና፣ “ዳዊተ ነና ሞንግግ ሳናዉ ሀ አሳቱዋ ከቲዳዊ ነ አዉዋ ቦንቹዋ ድራሳ ጋድየ? አ ባረ አሳ ከቲዳዊ ሀ ካታማ ጸላናሳ፣ ዋቻናሳነ ኦላቲደ ጸናናሳ” ያጌድና።
- 5 ሀኑን ዳዊተ ከቲዳ አሳቱዋ እይቂደ፣ ኤንቴንጅ ቡቻ ሚዴዳ፤ ኤንቴንጅ ማዩዋካ ኡትያ ዱልያ ባጋጥ ቃንጽ እኪደ፣ ኤንቴንጅ የዴዳ።

18:8 1 ካታ. 7:40-47፤ 2 ኦዲዋ 4:11-18 18:12 ማዚ. 60 (ሀጹያ) \* 18:16 ሻብሻ- ሀ ብታኒ ኦብራዌሰዋን እይዳ ዳማ ዳማ ሰንላን ጸሰቲ። 2 ሳሞ። 8:17፤ 20:25 ነ 1 ካት። 4:3 ጸላ።

5 ሃዋ ድራው፣ አሳቱ ዳር ዬላቴድኖ። ዳዊተ ሃዋ ሰሲደ፣ እ ኡንቱንቱና ጋከትያ አሳ ኪቱዳ። ሃዋ፡ “ህንተንቱ ቡቻይ ድጫናሽን፣ ያርኮ ካታማን ደእሸተ፤ ሃዋ፡ ጉይያን ሃ ዪተ” ያጌዳ።

6 አሞናቱ ባረንቱ ኪታን ዳዊተ ኡንቱንታ ሞርካናዳን ኡሌዳዋ ኤሬዳ ዋደ፣ ሁንን አሞናቱ ማሰጸጸምያ፡ ሰርያን ደእያ ማእከን ጸባ ጌተትያ ካታማቱዋ፡ ፓራ ጋረቱዋን ፓራ አሳቱዋ ቃጸራናው ሀታማን ኦይዱ ሻእ ኪሎ ግራመ ዳጸያ ጸጋራ ብራ ዩዳድኖ።

7 ሀታማን ላኡ ሻእ ፓራ ጋረቱዋ፣ ፓራ አሳቱዋ፣ ማእከ ካትያን እ ኦላንቻቱዋ ቃጸራድኖ፤ ቃጸርና ዪደ፣ መዳባን ዲንካኒድኖ። ቃይ አሞናቱ ባረንቱ ካታማ፡ ሸቂቁ፣ ኦላው ጊኔድኖ።

8 ዳዊተ ሃዋ ሰሲዳ ዋደ፣ ዮአባን ኦላንቻቱዋ ኡባ ዩዳድ።

9 አሞናቱ ከሲደ፣ ካታማ ፕንግያን ኦላው ሳልፔድኖ። ኡንቱንታ ማዳናው ዬዳ ካተቱካ ባረንቱ ሳእ ኦይቂደ፣ ደምባን ሸቂቁኖ።

10 ዮአባ ባረና ኦላይ ሰንፋናን ጉዮና ደዴዳዋ በኤዳ ዋደ፣ እሰራኤላቱ ግደ፡ ስብ፡ ምንያ ኦላንቻቱዋ ደር እኪደ፣ ሰርያ አሳቱዋ ሰንፋን ሳልፕሴድ።

11 አቴዳ አሳቱዋ፡ ባረ እሻይ ኡብሻይ አዛዛና ማላ እሌደ፣ አሞና አሳቱዋ ሰንፋን ሳልፔድኖ።

12 ዮአባ ባረ እሻ ኡብሻያ፣ “ሰርያ አሳቱ ታው ዋልቃሞ፡ ኔን ያደ ታና ማዳ። ቃይ አሞና አሳቱ ነው ዋልቃሞ፡ ታን ያደ ኔና ማዳና።

13 ስም ምና! ኦ አሳ ድራውን ኦ ጸሳ ካታማቱዋ ድራው፣ እነ ምን ኦለቶይተ። መድና ጎዳይ ባረና ሎእያዋ ኦሎ” ያጌዳ።

14 ሃዋ፡ ጉይያን፣ ዮአባን አናና ደእያ አሳይ ሰርያ አሳቱዋና ኦለታናው ላውሁ ጌድኖ። ያትና፣ ሰርያ አሳቱ እ ሰንፋ፡ ባቃቲድኖ።

15 ሰርያ አሳቱ ባቃቲዳዋ አሞና አሳቱ በኤዳ ዋደ፣ ኡንቱንቱካ እ እሻ ኡብሻያ ሰንፋ፡ ባቃቲደ፣ ካታማ ገሌድኖ። ሃዋ፡ ጉይያን፣ ዮአባ ዮሩሳላሙ ሰሜዳ።

16 ሰርያ አሳቱ እሰራኤልያ አሳቱ ኡንቱንታ ጸኔዳዋ ኤሬዳ ዋደ፣ አሳ ኪቲደ ኤፍራዲሳ ሻፋ፡ ሃፍንፋና ደእያ ሰርያ አሳቱዋ እሀሴድኖ። ሀዲድኤዘራ ኦላ ጋዳው ሸባክ ኡንቱንታ ካለሌ።

17 ዳዊተ ሃዋ ሰሲዳ ዋደ፣ እሰራኤልያ ኦላንቻቱዋ ሸሸደ፣ ዮርዳናሳ ሻፋ ፕኔዳ፤ ሰርያ አሳቱዋና ኦለታናው ኡንቱንቱ ሰንፋን ሳልፔድኖ። ዳዊተ ኡንቱንቱና ኦለታናው ሳልፕና፣ ኡንቱንቱካ አናና ኦለቴድኖ።

18 ሰርያ አሳቱ እሰራኤላቱ ሰንፋ፡ ባቃቲድኖ፤ ዳዊተ ሰርያ አሳቱዋ፡ ፓራ ጋርያ ላግያ ላፑን ሻእ አሳቱዋን ኦይታው ሻእ ገድያ አሳቱዋ ዋዴዳ፤ ኡንቱንቱ ኦላ ጋዳዋ ሸባካዋ ዋዴዳ።

19 ሀዲድኤዘራ ኦላንቻቱ እሰራኤላቱዋን ጸንቲዳዋ ኤሬዳ ዋደ፣ ዳዊታና ሰገቲደ፣ እው ሞደቲድኖ። ሃዋ፡ ሰምና፣ ሰርያ አሳይ አሞና አሳ ማዳናው ደሰቢና።

## 20

### ዳዊተ ራባ ካታማ ኦሊደ ኦይቄዳ (2 ሳሜላ 12:26-31)

1 ኦፍንፋን፣ ካተቱ ኦላው ከሰያ ዋደ፣ ዮአባ ኦላንቻቱዋ ካለሌደ፣ አሞና ጋድያ ዋራጃዳ፤ ማዴደ ራባ ካታማ ደዴዳ። ሸን ዳዊተ ዮሩሳላሙን ታኬዳ፤ ዮአባ ራባ ካታማ ኦለቲደ ባይዬዳ።

2 ሃዋ፡ ጉይያን ዳዊተ ዪደ፣ ኡንቱንቱ ካትያ ዋርቃ ካላቻ ኦ ሁጲያ፡ ስኪዳ። ካላቻይ ማዛንያ ዋደ ሀታማን ኦይዱ ኪሎ ግራመ ግዴዳ፤ እ ግዴዋን እንቁዋ ጌተትያ አልእ ሹቻይ ደእ። ሄ ካላቻ እክደ፣ ዳዊታ ሁጲያን ዋዴዳ። ቃይ ዳዊተ ሄ ካታማ፡ ሎሎል ዳር ኦሞዳዋ እኪዳ።

3 ያቲደ ካታማን ደእያ አሳ ከሲደ፣ ማጋዘያን፣ ጎማንን ካልታን ኦሰሴዳ። አሞና ካታማቱዋን ደእያ አሳ ኡባካ ሃዋዳን ኦሰሴዳ። ሃዋ፡ ጉይያን፣ ዳዊተን እ አሳይ ኡባይ ዮሩሳላሙ ሰሜዳ።

### ፕልሰጸማ አሳቱዋና ኦለቲዳ ኦላቱዋ (2 ሳሜላ 21:15-22)

4 ሃዋ፡ ሰሚደ፣ ፕልሰጸማ አሳቱዋና ገዜራን ኦላይ ደንዳዳ፤ ሁሻ፡ ጌዳ ሰባካይ ኡዳሳ ምና አሳቱዋ ያራ፡ ግዴዳ ሰጋያ ዋዴዳ። ያትና፣ ፕልሰጸማቱ ጸንቲድኖ።

5 ሃዋ፡ ደምና ፕልሰጸማ አሳቱዋና ሀራ ኦላይ ደንዳዳ፤ ያኢራ ናእይ ኤልሀናን ቶራ ቶማይ ሸማራንያ ዋንዳራሻ ኬሻቶ፣ ጋተ ካታማ፡ ጌዳ ጎልያዳ እሻ ላህማ ዋዴዳ።

6 ቃይካ ሀራ ኦላይ ጋተ ካታማን ደንዳዳ። ሄ ሳኣን እት ዋጋ ኡዳሳ ብታኒ ደእ። ሄ ብታንያው እት እት ኩሻያን ኡሱፑን ብራ□ቱ፣ እት እት ገድያንካ ኡሱፑን ብራ□ቱ፣ ኡባና ላታማን ኦይዱ ብራ□ቱ ደእኖ። ሄ ብታኒ ኡዳሳ ምና አሳቱዋ ያራ፡ ግዴዳ አሳ።

7 ሄ ብታኒ እሰራኤላቱዋ ናሴዳ ዋደ፣ ዳዊታ እሻ ሻማ ናእይ ዮናታን እ ዋዴዳ።

8 ሀዋንቱ ጋተ ካታማን ደለያ እዲሳ ሞኖ አሳቱዋ ያራቱዋ፤ አንቱንቱ ኡባይ ዳዊታ ኩሽያንነ አ አሳ ኩሽያን ሀይቄድኖ።

# 21

ዳዊተ አሳ ፓይድና ዬዳ ጸሳ ሀንቁዋ  
(21:1-30፤ 2 ሳሜላ 24:1-25)

1 ሲጸናይ እስራኤልያ ቦላ ሙቱዋ አሀናዉ ኮዪይ፣ ዳዊተ እስራኤልያ አሳ ፓይዳናዳን ደን።

2 ዳዊተ ዮአባነ ኦላንቻቱ ካፓቱዋ ሀዋዳን ያጌዳ፤ “ዳናፕ በርሳብሀ ጋካናዉ ቢተ፣ እስራኤልያ አሳ ፓይድተ። ያተደ አሳ ፓይዱ አፕነንቶ ታና ኤርሰተ” ያጌዳ።

3 ሽን ዮአብ አ፣ “መድና ጎዳይ ሀ ደለያ ባረ አሳ ቦላ ጸቱ ኩሽያ ጉጅ! ታ ጎዳዉ፣ ካትያዉ፣ ኡንቱንቱ ኡባይ ታ ጎዳ ጭጭዋ ግድክናየ? ታ ጎዳይ ሄዋ ማላ ኦላናዉ እያዉ ኮዪ? እስራኤልያ ካዉተላ እያዉ ባይዛንቻ ከሲ?” ያጌዳ።

4 ሽን ካትያ ቃላይ ዮአባ ጸኔዳ። ዮአብ ከሲይ፣ እስራኤልያ ቢታ ኡባ ዩዬዳ፤ ዩሩሳላሙ ሰሜዳ።

5 ዮአብ ፓይዴኤዳ አሳ ፓይዱዋ ዳዊታዉ እሜዳ። እስራኤልያ ቢታን ኡባን ማሻን ኦለታናዉ ዳንዳይያ እት ሚሎነነ እት ጸቱ ሻእ ሞኖ አሳቱ ደለኖ። ቃይ ይሁዳ ቢታን ማሻን ኦለታናዉ ዳንዳይያ ኦይዱ ጸታነ ላፑን ታሙ ሻእ ሞኖ አሳቱ ደለኖ።

6 ዮአብ ካትያ አዛዙዋ ሸነቱዳ ድራዉ፣ ሊዋቱዋነ በንያማ ዘረላ ፓይዱዋን ጉጅቢና።

7 ጸሳይ ሀ ዩዋዋን ናሽተቤና ድራዉ፣ እስራኤልያ ሙራዳ።

8 ያትና ዳዊተ ጸሳ፣ “ታን ሀ ኪታን ዋልቃማ ናጋራ ኦላድ። ሽን ሀእ ኔና ዋሳይ፤ ታ ባይዙዋ፣ ነ ጭማ ባይዙዋ ቁጫ። ታን ዳር ኤያባ ሀናድ” ያጌዳ።

9 መድና ጎዳይ ዳዊታዉ ትዋቢትያ ኦድያ ጋዳ ሀዋዳን ያጌደ ሃሳይሴዳ፤

10 “ባደ፤ ዳዊታ፣ ‘መድና ጎዳይ ኔና፣ “ታን ኔና ሄዙባፕ ደራዋ በሳይ፤ ታን ነ ቦላ ፖላናዉ ታዉ አንቱቲፕ እቱዋ ዶራ” ያጌ ያጋ” ያጌዳ።

11-12 ጋድ ዳዊታታ ቢደ አ፣ “መድና ጎዳይ ኔና፣ ‘ሀዋንቱፕ እቱዋ ዶራ፣ ሄዙ ላይላ ኮሻ ዶራይ? ዋይ ነ ዋርከቱ ኔና ዩደርሰሸን፣ ሄዙ እግና ኡንቱንቱ ሰንላፕ ባቃታናዋ ዶራይ? ዋይ መድና ጎዳ ማሻይ ነ ጋድያ ሄዙ ጋላሳ ሸጫናዋነ ሄዋናካ ቃይ እስራኤልያ ጋድያ ፕን ከሳናሸን ሀይቁዋ ኢታ ሀርግያን ሸጭያ ኪታንቻ እ ኪትያዋ ዶራይ?’ ያጌ። አነ ሀእ ቃቻደ፣ ታን ታና ኪቱዳዋ ዘርያዋ ኦዳ።” ያጌዳ።

13 ዳዊተ ጋዳ፣ “ታን ሎይሳ ኡንኤታድ። መድና ጎዳ ማርተሳይ ሎይሳ ዋልቃማ ግድያ ድራዉ፣ አነ ታን አ ኩሽያን ኩንዳና፤ ታን አሳ ኩሽያን ኩንድከ” ያጌዳ።

14 ሄዋ ድራዉ፣ መድና ጎዳይ እስራኤልያ ቦላ ኢታ ሀርግያ ዩድና፣ ላፑን ታሙ ሻእ እስራኤልያ አሳቱ ሀይቄድኖ።

15 ሄዋፕ ጉይያን፣ መድና ጎዳይ ዩሩሳላሙ ባይዛናዉ ኪታንቻ ኪቱዳ። ሽን ኪታንቻይ ዩሩሳላሙ ባይዛናዉ ማታ ኡት ደለሸን፣ መድና ጎዳይ ያቲይ ካዮቱዳ። ካዮቲይ ባይዘያ ኪታንቻ፣ “አጋ! ሄዌ ግዳናዋ!” ያጌዳ። ሄ ዋይ ጸሳ ኪታንቻይ ያቡሰያ ኦርና ኡዲማ ማታን ኤቄዳ።

16 መድና ጎዳ ኪታንቻይ ባረ ማሻ ባረ ኩሽያን ኦይቄይ፣ ዩሩሳላሙ ባይዛናዉ ሳአፕን ሳሉዋፕ ግዲዋን ኤቄዳዋ ዳዊተ በኤዳ። ሄዋፕ ጉይያን፣ ዳዊተነ ጭማቱ ዋሩዋ ማዪዳ፣ ባረንቱ ዳሙዋን ጉፋኔድኖ።

17 ዳዊተ ጸሳ፣ “ኦሳይ ፓይደታናዳን ኤሌዳዊ ታና ግድክታየ? ናቄዳዊነ ኢታባ ኤሌዳዊ ታና። ሽን ሀ ደርሳቱ፣ ኡንቱንቱ እያ ኤሌድኖ? አቤት መድና ጎዳ፣ ታ ጸሳዉ፣ ሀያና ነ ኩሺ ታናነ ታ አዉዋ ሶይ አሳ ሙር። ነ ኩሺ ነ አሳ ሙርፕ!” ያጌዳ።

18 ሄዋፕ ጉይያን፣ መድና ጎዳ ኪታንቻይ ጋይ ሀዋዳን ያጌደ አዛዜዳ፤ “ዳዊተ ዩደ ያቡሰያ ኦርና ኡዲማ ቢደ፣ መድና ጎዳዉ ያርሸያ ሳአ ያን ግሞባናዳን ኦዳ።” ያጌዳ።

19 መድና ጎዳይ ናብያ ጋይ ባጋና ጌዳ ቃላዳን ዳዊተ ቤዳ።

20 ሄ ዋይ ኦርንነ አ ኦይዱ አቱማ ናናይ ኡዲማን ዘርጋ ቡኪኖ። ጉዩ ሰዎ ጸሊደ፣ ኪታንቻ በኤድኖ፤ አናና ደለያ ናናይ ቆሰቱድኖ።

21 ዳዊተ ኦርናኮ ዬዳ ዋይ፣ ኦርን አ በኤደ፣ ኡዲማፕ ጋጸ ከሲደ፣ ባረ ዳሙዋ ሳአ ጋሌደ፣ ዳዊታዉ ጎይኔዳ።

22 ሄዋፕ ጉይያን፣ ዳዊተ ኦርና፣ “ባሻይ አሳ ቦላፕ ክቻና ማላ፣ ታን መድና ጎዳዉ ያርሸያ ሳአ ኬጸናዉ ነ ኡዲማ ታዉ ዛልአርኪ። ታን ነዉ ኩሙንላ ጋትያ ጭጋና” ያጌዳ።

23 ኦርን ዳዊታ፣ “ታዉ እካ፤ ታን ጎዳይ ካቲ ባረና ናሽቾያዋ ኦላ። በአ፣ ጸግያ ያርሾ ቦራ፣ ኤላናዉ ካላ ቡክያ ሚሻነ ካላ ያርሾ ዘርጋ ታን እማና። ታን ሀ ኡባካ ነዉ እማና” ያጌዳ።

24 ሽን ካቲ ዳዊተ ኦርና፣ “ቱይት፣ ቺ! ታን ኩሙንላ ጋትያ ቃንጸደ ሻማና። እያዉ ጎፕ፣ ታን ነባ መድና ጎዳዉ እክክ፤ ቃይ ታን ሚሻ ከሳቤናዋ ጸግያ ያርሹዋ ኦላይ ያርሸከ” ያጌዳ።

- 25 ሃዋ ድራሬ፡ ዳዊተ ሄ ኡዲማዉ ኡሱቱን ጾቱ ዋርቃ ሳንትምያ እማዳ።
- 26 ሃዋጥ ጉይያን፡ ዳዊተ ሄ ኮሽያን መድና ጎዳዉ ያርሹዋ ያርሽያ ሳኣ ኪጼዳ። ያቲደ ጸግያ ያርሹዋን እትተተላ ያርሹዋ ያርሹዳ፤ መድና ጎዳ ዋሰና፤ መድና ጎዳይ ጸግያ ያርሹዋ ቦላ ሳሎዋጥ ታማ የዲደ፡ አዉ ዛሬዳ።
- 27 ሃዋጥ ጉይያን፡ መድና ጎዳይ ኪታንቻ እዛዝና፤ ኪታንቻይ ባረ ማሻ ሾኮ ዛሬዳ።
- 28 ዳዊተ መድና ጎዳይ አ ዋሳዉ ዛሬዳዋ በኢደ፡ ያቡሰያ ኦርና ኡዲማን ላኢንሱዋ ያርሹዳ።
- 29 ሙሴ መላ ቢታን ጊግሴዳ መድና ጎዳ ዲንካኒን ጸግያ ያርሹዋ ያርሽያ ሳኣይ ሄ ዋደ ጋባኦናን ጎይንያ ጶቃ ሳኣን ደኢ።
- 30 ሽን ዳዊተ መድና ጎዳ ኪታንቻ ማሻዉ ያዬዳ ድራሬ፡ ጸሳ ኦቻናዉ ሄ ሳኣ ባናዉ ዳንዳይቤና።

## 22

### ጌሻ ጎልያ ኪጸናዉ ሀኔዳ ጊጉዋ (22:1—29:20)

1 ሃዋ ድራሬ፡ ዳዊተ፡ “መድና ጎዳ ጸሳ ጌሻ ጎልያ ሀዋን ደኦናዋ፤ እስራኤልያ አሳይ ጸግያ ያርሹዋ ያርሻና ሳኣይ ሀዋ ግዳናዋ” ያጌዳ።

### ጌሻ ጎልያ ኪጸናዉ ጊግሰያ ጊጉዋ

- 2 ሃዋ ድራሬ፡ ዳዊተ እስራኤልያ ቢታን ደእያ ሀራ ቢታ አሳቱዋ ሸሻናዳን አዛዜዳ። ጸሳ ጌሻ ጎልያ ኪጸናዉ ሹቻ ማሰያዋንቱ ሹቻ ማሰደ ሎይላናዉ ኤንቴንጉ ግደጥ ሱንሌዳ።
- 3 ዳዊተ ጥንግያ ሳንቃ ኦላናዉ ሞስማርያዉን ማጻፍያዉ ሀንያ ጮራ ብራታን ማዛናዉ ዳንዳየተና፡ ዛው ባይና ናሃሰያ ብራታ ጊግሴዳ።
- 4 ሲደና አሳቱን ጸርሳ አሳቱ ዳዊታዉ ዝጋ አህያ ድራሬ፡ ዳዊተ ፓይዱ ባይና ዝጋ ጊግሴዳ።
- 5 ዳዊተ፡ “ታ ናኣይ ሶሎሞን ኦሱዋ ማዘተቤናን ያላጋ ናኣ። መድና ጎዳዉ ኪጸትያ ጌሻ ጎልያ ቢታ ኡባን ኤሪቲዳን ቦንቹቲዳ፤ ሎኦ ጎልያ ግዳናዉ በሰ። ሃዋ ድራሬ፡ አዉ ኮሽያዋ ታን ጊግሳና” ያጌዳ። ዳዊተ ሀይቃናጥ ካሰቲደ ዳርባ ጊግሰ ዋሌዳ።
- 6 ሃዋጥ ጉይያን፡ ዳዊተ ባረ ናኣ ሶሎሞና ጴሲደ፡ መድና ጎዳዉ እስራኤልያ ጸሳዉ ጌሻ ጎልያ ኪጸናዳን አዛዜዳ።
- 7 ዳዊተ ሶሎሞና፡ “ታ ናኣዉ፡ ታን መድና ጎዳ ታ ጸሳ ሱንላዉ ጌሻ ጎልያ ኪጸናዉ ታ ዋዛናን ቆፓድ።
- 8 ሽን መድና ጎዳ ቃላይ ታና፡ ኔን ዳር ሱላ ጉሳዳ፤ ቃይ ዳር ኦላካ ኦለታዳ። ኔን ሀ ሳኣ ቦላን ታ ሰንላን ዳር ሱላ ጉሴዳ ድራሬ፡ ታ ሱንላዉ ጌሻ ጎልያ ኪጸካ።
- 9 በእኔ ነዉ እት ሳር ናኣ የለታናዋ። አ የሹዋን ደእያ ሞርከቱዋ ኡባና ታን አ ሳር ኦላና። አ ሱንላይ ሶሎሞና፤ ታን አ ካተቲዳ ላይላን እስራኤልያ አሳዉ ሳርተላን ዋፓ እማና።
- 10 አ ታ ሱንላዉ ጌሻ ጎልያ ኪጸና። አ ታ ናኣ ግዳናዋ፤ ታንካ አዉ አዉዋ ግዳና። አ ካዉተላ አራታ እስራኤላን መድናዉ ሞንሳ ኤሳና” ያጌዳ።
- 11 “ሀኣካ ታ ናኣዉ፡ መድና ጎዳይ ኔና ግደ። ጸሳይ ካሰ ነባ ሃሳዬዳዋዳን፡ መድና ጎዳ ነ ጸሳይ ጌሻ ጎልያ ኪጸናዋ ኔና ፖላሶ።
- 12 መድና ጎዳይ ኔና እስራኤልያ አሳ ቦላ ካትያ ኦሳያ ዋደ፡ መድና ጎዳ ነ ጸሳ ሀግያ ናጋናዳን፡ ጸሳይ ነዉ እጴዳ ኤራተላን እከካ እሞ።
- 13 መድና ጎዳይ ሙሴ ባጋና እስራኤልያ አዛዜዳ አዛዘዋን ዋፓ ናግያዋ ግደጥ፡ ኡባይ ነዉ ሀናና። አይን ባዋ ሞና! ያየፓ ዋይ ዳጋዋፓ!
- 14 ታን ዳር ቱጋን መድና ጎዳ ጌሻ ጎልያ ኪጸናዉ ሄዙ ሻኣን ኦይዱ ጾቱ ኪሎ ግራመ ዳጽያ ዋርቃን ሀታማን ኦይዱ ሻኣ ኪሎ ግራመ ዳጽያ ብራ ሸሻይ፤ ቃይ ዛዋይ ባይና ናሃሰያን ብራታ ሸሻይ፤ ቃይካ ሞላን ሹቻ ጊግሳድ። ግደጥካ፡ ኔን ሃዋ ቦላ ሀራ ጉጃናዉ ኮሺ።
- 15 ነ ማታን ዳር ኦሳንቻቱ ደኢኖ፤ ሹቻ ቆእያዋንቱን ማሰያዋንቱ፡ እናጸገኑ ኡባ ኪታ ኦላናዉ ዳንዳይያ ኤራንቻ አሳቱ ደኢኖ።
- 16 ኤንቴንጉ ኦሳያ ዋርቃዉ፡ ብራሬ፡ ናሃሰያዉን ብራታዉ ዛዋይ ባዋ። ሀኣ ኔን ኪታ ደማ። መድና ጎዳይ ኔና ግደ” ያጌዳ።
- 17 ዳዊተ እስራኤልያ ካለሳያዋንቱ ኡባይ ባረ ናኣ ሶሎሞና ማዳናዳን ሀዋዳን ያጌደ አዛዜዳ፤
- 18 “መድና ጎዳይ ሀንተንጉ ጸሳይ ሀንተናና ደኤኔየ? አ ሀንተንታ ኡባ ሳና ሸሞፕሰቤኔ? ሀ ቢታን ደእያዋንታ አ ታ ኩሽያን እላ እማዳ ድራሬ፡ ሀ ቢታይ መድና ጎዳዉን አ አሳዉ ሞደቲዳ።

19 ሀእካ መድና ጎዳ ህንተንቱ ጸሳ ኮያናወ ህንተንቱ ዋዛናን ህንተንቱ ሸምጥዋ እምተ። መድና ጎዳ ስንገላወ ኪጸቲዳ ጌሻ ጎልያ ግደን መድና ጎዳ ቃላ ጫቁዋ ታቦታን ጸሳ ጌሻ ሚሻቲዋ አሂደ ዋላናዳን። ህንተንቱ ደንዲደ፣ መድና ጎዳ ጸሳ ጌሻ ጎልያ ኬጸተ” ያጌዳ።

### 23

1 ዳዊተ ጭሚዳ ዎደ፣ ባረ ናእ ሶሎሞና እስራኤልያ ቦላ ካተዬዳ።

ሌዋቱ ኦሱዋ

2 ዳዊተ እስራኤልያ ካለልያዋንታ ኡባቲዋ፣ ቄሳቲ ዋነ ሌዋቱዋ እትጥ ሺሺዳ።

3 ሀታሙ ላይሳነ ሄዋጥ ቦላና ደእያ ሌዋቱ ፓይደቲድና፤ ኡንቱንቱ ኡባና ሀታማነ ሆሰፑን ሻእ አቲማ አሳ ግዴድና።

4 ሀዋንቱ ግደጥ መድና ጎዳ ጌሻ ጎልያወ አዎትያ ላታማነ ኦይዱ ሻአቲዋ ካቲ ዋሌዳ። ቃይ ካፓቲዋነ ፕርዳ የለታቲዋ ኡሱፑን ሻአቲዋ ዋሌዳ።

5 ፐንግያ ናግያዋንታ ኦይዱ ሻአቲዋ ዋሌዳ። መድና ጎዳ ጋላታናወ ዳዊተ መጪዳ የላ ሚሻን ጸሳ ጋላትያዋንታ ኦይዱ ሻአቲዋ ዋሌዳ።

6 ዳዊተ ሌዋ የሌዳ አቲማ ናና ገርሾና፣ ቃሃታን ማራራ ኡንቱንታ ያራን ያራን ሄዙ ጭታን ሻኬዳ።

7 ገርሾን የሌዳ አቲማ ናናይ ላእዳናን ሸምኦ።

8 ላእዳና አቲማ ናናይ ሄዛ፤ ኡንቱንቱካ ይህኤላ፣ ዘታማነ የኤላ።

9 ሸምኦ አቲማ ናናይ ሄዛቲ ሻሎሞታ፣ ሀዚኤላን ሃራና፤ ሀዋንቱ ላእዳና ያራቶ ካፓቲዋ።

10 ሸምኦ አቲማ ናናይ ኦይዳቲ፣ ባረንቱ የለታ የለታ ማራን ያሃታ፣ ዚዛ፣ ይኡሻነ ባሪኦ።

11 ያህት ባይራ ዚዛ ቴፋ ሸን ይኡሻወነ ባሪኦስ ናናይ ዳረረ፤ ሄዋ ድራወ፣ ኡንቱንቱ እት ያራዳን ፓይደቲድና።

12 ቃሃታ ናናይ ኦይዳቲ አምራማ፣ ይጽሃራ፣ ከብርናን ኡዝኤላ።

13 አምራማ አቲማ ናናይ አርናን ሙሳ። አርናን አ ዘረላይ ጌባጥ አቶ ጌሻ ግዴዳዋ ጸሳወ ዲማያዳን ዲማቲድና። ኡንቱንቱ መድና ጎዳ ስንገላን አጻና ጌባጥያናወ፣ ጸሳወ ኡላናወነ ጸሳ ስንገላን አሳ አንጃናወ መድናወ ዲማቲድና።

14 ጸሳ አሳ ግድያ ሙሴ ናናይ ሌዊያ ዛራቲዋና ጋላ ፓይደቲድና።

15 ሙሴ ናናይ ገርሾማነ ኤልኤዛራ።

16 ገርሾማ ናናቲዋ ግደጥ ካፕ ሻቡኤላ።

17 ኤልኤዛራ ናእይ ራሃብ ካፕዋ። ኤልኤዛራወ ሀራ ናእ ባዋ፤ ሸን ራሃብያ ናናይ ሎይላ ጮራ።

18 ይጽሃራ ናናቲዋ ካፕ ሻሎሚታ።

19 ከብርና ናእይ ባይራይ ይሪያ፤ ላኤንሱ አማርያ፤ ሄዘንሱ ያሃዝኤላ፤ ኦይደንሱ ይቃሞኦማ።

20 ኡዝኤላ ናእይ ባይራይ ሚክያሳ፤ ላኤንሱ ይሸያ።

21 ማራራ ናናይ ማህላን ሙሻ። ማህላ ናናይ ኤልኤዛራን ቁሻ።

22 ኤልኤዛረ ማጫ ናናቲዋጥ አትና፣ አቲማ ናና የለናን ሀይቄዳ። ሄዋ ድራወ፣ ኡንቱንቱ እሻቲ ቁሻ ናናይ ኡንቱንታ እኬድና።

23 ሙሻ ናናይ ሄዛቲ ማህላ፣ ኤዳራን ይረሞታ።

24 ሌዊያ የለታን ባረንቱ ዛርያን ጎላን ባረንቱ ስንገላን ማዘጋበቲዳዋንቱ ሀዋንታ፤ ላታሙ ላይሳነ ሄዋጥ ቦላና ደእያ ሌዊያ ዛራቲ ኡባይ መድና ጎዳ ጌሻ ጎልያን ኦሌድና።

25 ዳዊተ፣ “መድና ጎዳይ እስራኤልያ ጸሳይ ባረ አሳ ሸምጥሴዳ። ጸሳይ የሩሳላመን መድናወ ደእና።

26 ሄዋ ድራወ፣ ዲንካንያን አ ግደን ጎኤትያ ሚሻቲዋ ሀዋጥ ስንገላናወ ሌዋቲ ቶካናወ ኮሸና” ያጌዳ።

27 ዳዊተ ወርሰላን እዛዜዳ እዛዙዋዳንካ ላታሙ ላይሳነ ሄዋጥ ቦላና ደእያ ሌዋቲ ፓይደቲድና።

28 ኡንቱንቱ መድና ጎዳ ጌሻ ጎልያን ኦሌያ አርና ዘረላቲዋ ማድና። ጸሳ ጌሻ ጎልያን ላኡ ዳባባቲዋን ኦሌና፤ ሞይያን ደእያ ክፍለቲዋን፣ ጌሻ ሚሻ ኡባ ቲናዳንነ ሀራ ኡሱዋ ኡባ ፖሊና።

29 ቃይ ኡንቱንቱ ጸሳ ስንገላን ዋላያ ኦይላወ፣ ካላ ያርሾ፣ ሺሸያ ጂልያወ፣ አርሾ ገልቤና ኦይላወነ ዛይትያን ሙናቀትያ ጂልያወ አዎቲና፤ ኡንቱንቱ ማክያባወን ልክያባወ ኡባወ አዎቲና።

30-31 ቃይ ኡንቱንቱ ኡባ ጋላስ ዋላያን ኦማርስ፣ መድና ጎዳወ ጸግያ ያርሾ ያርሾትያ ሳምባታ ጋላስ፣ አግናይ ጸርያ ጸርያ ህግያን ጸፈቲዳ ሀራ ባላ ጋላሳቲ ክክያ ዎደ፣ መድና ጎዳ ጋላታናወነ ቦንቻናወ ስንገቲድና።

32 ክክትያ ዲንካንያን መድና ጎዳ ጌሻ ሳእ ናጋናዳንነ አርና ዘረላቲዋጥ ጋርሳና ኡንቱንታ ማዳናዳን መድና ጎዳ ጌሻ ጎልያ አዎተላይ ሌዋቶ እመቲዳ።

# 24

## ቄሳቱ ዋ ኦሱዋ

- 1 እርና ዛራቱዋ ኦሱ ሀዋጥ ካሊደ ጻፈቴዳዋንታ። እርና ናናይ ናዳባ፣ አቢሀ፣ ኤልአዛራን አታማራ።
- 2 ሽን ናዳብነ አቢሀ ናኣ የለናን ባረንቱ አወዋጥ ካሰ ሀይቄድና። ሄዋ ድራወ፣ ኤልአዛርን አታማር ቄሳቱዋ ግዴድና።
- 3 ዳዊተ እርና ዘረፋ ኤንቱንቱ ኦሱዋዳን ኦሱዋዳን ጭታን ሻኬዳ። ኤልአዛራ ያራጥ ጻደቅን አታማራ ያራጥ አብመሌክ ዳዊታ ማዴድና።
- 4 ኤልአዛራ ያራቱ 16 ጩጉዋን ሻከትና፣ አታማራ ያራቱ ቃይ ሆሰፑን ጩጉዋን ሻከቴድና። ኤልአዛራ ያራቱ ካፓቱ አታማራ ያራቱ ካፓቱዋጥካ ዳር ቤቱዳ ድራወ፣ ሄዋዳን ሀኔዳ።
- 5 ኤልአዛራ ያራቱ ግድንነ አታማራ ያራቱ ግድን ጌሻ ጎልያዉ ካፓቱን ጸሳ ኦሶ ካፓቱ ደእያ ድራወ፣ ሀዋንቱን ሀንኮቱን ኪታ ሳማን ሻኬድና።
- 6 ኤልአዛራ ያራቱን አታማራ ያራቱ ባረንቱ ካላ ሳማ ከሴድና። ለዊያ ዛርያ ግዴዳ ናታንኤላ ናኣይ ጻፈ ሻማኤ ኤንቱንታ ማዘጋቢዳ። ካቲነ አ ካፓቱ፣ ቄሰያ ጻደቅን አብያታራ ናኣይ አብመሌክ፣ ቄሳቱዋ ያራቱ ካፓቱን ለዋቱ ያራቱ ካፓቱ ኡባቱ ሀ የዋ ማርካ።
- 7 ሀ አሳቱ ሳማ ከሰና፣ ኮይሮ ሳማይ ይሆንርባ ጋኬዳ። ላኤንሱ ያዳያ ጋኬዳ።
- 8 ሄዘንሱ ሀሪማ ጋኬዳ። ኦይደንሱ ሳኦርማ ጋኬዳ።
- 9 አቸሽንሱ ማልክያ ጋኬዳ። ኡሱፑንሱ ሞያሚና ጋኬዳ።
- 10 ላፑንሱ ሀቆጸ ጋኬዳ። ሆሰፑንሱ አቢያ ጋኬዳ።
- 11 ኡዱፑንሱ ኢያሳ ጋኬዳ። ታማንሱ ሻካንያ ጋኬዳ።
- 12 ታማነ እተንሱ ኤልያሽባ ጋኬዳ። ታማነ ላኤንሱ ያቁማ ጋኬዳ።
- 13 ታማነ ሄዘንሱ ሀፓ ጋኬዳ። ታማነ ኦይደንሱ የሸካኣባ ጋኬዳ።
- 14 ታማነ አቸሽንሱ ብልጋ ጋኬዳ። ታማነ ኡሱፑንሱ አሜራ ጋኬዳ።
- 15 ታማነ ላፑንሱ ሄዘራ ጋኬዳ። ታማነ ሆሰፑንሱ ሀፕጸጸ ጋኬዳ።
- 16 ታማነ ኡዱፑንሱ ፓታህያ ጋኬዳ። ላታማንሱ ይሄዘቁላ ጋኬዳ።
- 17 ላታማነ እተንሱ ያኪና ጋኬዳ። ላታማነ ላኤንሱ ጋሙላ ጋኬዳ።
- 18 ላታማነ ሄዘንሱ ዳላያ ጋኬዳ። ላታማነ ኦይደንሱ ማኣዘያ ጋኬዳ።
- 19 መድና ጎዳይ አሰራኤልያ ጸሳይ ኤንቱንቱ ማይዛ አወዋ እርና ባጋና አዛዜዳዋዳን፣ ኤንቱንቱ መድና ጎዳ ጌሻ ጎልያ ገሊደ፣ ካላን ካላን ኦሳናዉ ጻፈቴድና።

## ሀራ ሌዋቱ ሱንሳ

- 20 ሌዊያ ዛራቱዋ ካፓቱ ሀራቱ ሀዋጥ ካሊደ ጻፈቴዳዋንታ። የሀዳይ ሻቡኤላ ባጋና አምራማ ዛርያ።
- 21 ይሸ ራሃብያ ዛሪ ካፑዋ።
- 22 ያሃት ሻሎሚታ ባጋና ይጽሃራ ዛርያ።
- 23 ይሪይ፣ አማር፣ ያሃዝኤልነ ይቃምእም ከብርነ ዛርያ፤ ኤንቱንቱ ባረንቱ የለታ ማራን ጻፈቴድና።
- 24 ሻሚር ሚክያሳ ባጋና ኡዝኤላ ዛርያ።
- 25 ዛካራሰ ሚክያሳ እሻ ይሸያ ባጋና ኡዝኤላ ዛርያ።
- 26 ማህል፣ ሙሽነ ያእዝ ማራራ ዘረፋ።
- 27 ያእዝያ ናናይ ሄዛቱ ሸሃማ፣ ዛኩራነ ኢብራ።
- 28 ማህላ ናናይ ላኦቱ ኤልአዛራነ ቁሻ። ኤልአዛራዉ አቱማ ናኣ ባዋ።
- 29 ቁሻዉ ይራህማኤላ ጌተትያ እት አቱማ ናኣይ ደኤ።
- 30 ሙሻዉ ማህላ፣ ኤዴራነ ይረዋታ ጌተትያ ሄዙ አቱማ ናናይ ደእኖ።
- ሀዋንቱ ሌዊያ ዛራቱዋ ካፓቱዋ።
- 31 ካሰ ኤንቱንቱ ዳቦቱ፣ እርና ዛርያ ቄሳቱ ኦሱዳዋዳን፣ ሌዊያ ዛራቱዋ ካፓቱን ቴፋትያ እሻቱዋጥ አቱ ሳማ የጌ። እጻይ ከሰያ ዋደ ካቲ ዳዊተ፣ ጻደቅ፣ አብመሌክ፣ ቄሳቱዋ ካፓቱን ሌዋቱ ካፓቱ ማርካ።

# 25

## ጌሻ ጎልያን የጽያዋንታ

- 1 ዳዊተነ ኦላ ጋዳዋቱ አሳፋ ናናቱዋጥ፣ ሄማና ናናቱዋጥነ ይዲቱና ናናቱዋጥ ማሰንቁዋን ዲላንን ዳላን ትምቢትያ ኦድያዋንቱ ኦሶ ኦሳናዳን ዲማዬድና። ባረንቶ አመቴዳ ኪታ ኦሰና፣ ሱንሳይ ማዘጋበቴዳ አሳቱ ሀዋንታ።

2 እሳፋ ናናይ ዛኩራ፥ ዮሴፎ፥ ናጉንያን እሳርኤላ። እሳፋ ናናይ ካቲ እዛዝና፥ ትምቢትያ ኦድያ እሳፋጥ ጋርሳና እዛዘቲኖ።

3 ይዲቱና ናናይ ጋዲልያ፥ ጸራ፥ ይሻእያ፥ ሸምእ፥ ሆሻብያን ማቲትያ። ሀ ኡሱፑናቱ ማሰንቁዋን ትምቢትያ ኦዲዳ፥ መጅና ጎዳ ጋላቲድን ቦንቺደ፥ ባረንቱ እወዋ ይዲቱናጥ ጋርሳና እዛዘቲድኖ።

4 ሄሃናና ናናይ ቡቁያ፥ ማጉንያ፥ ኡዘኤላ፥ ሻቡኤላ፥ ያርሞታ፥ ሀናንያ፥ ሀናና፥ ኤልአታ፥ ግዳልታ፥ ሮማምትኤዘራ፥ ዮሸባቃሻ፥ ማሎታ፥ ሆቲራን ማህዝአታ።

5 ሀዋንቱ ኡባይ ካትያወ ትምቢትያ ኦድያ ሄማና ናና። ጸሳይ ካሰ እማና ጌዳዋዳን፥ ሄማና ቶቁ ቶቁ እፋና ማላ፥ ሀ ታማን ኦይዲ እቲማ ናናን ሄዙ ማጫ ናና እወ እማዳ።

6 ሀዋንቱ ኡባይ መጅና ጎዳ ጌሻ ጎልያን ዳላ ቃላናወ፥ ዲላን ማሰንቁዋ ዲጺደን የጸደ ጎይናናወ፥ ባረንቱ እወዋጥ ጋርሳና ደእኖ።

እሳፋ፥ ይዲቱን ሄማን ካትያ እዛዘቲዋን ደእኖ።

7 ሀዋንቱ ላታማን ኦይዲ እሳቲ ዳሮ ኤራይ ደእያ እሳቲዋ። ኡንቲንቱ ዳቦቲ፤ መጅና ጎዳወ የላን ሎሂዳዋንታ፤ ኡንቲንቱ ኡባና ላኡ ጸጉን ሆሰፑን ታማን ሆሰፑና።

8 ኡንቲንቱ ባረንቱ ኪታ ሻዝ ኤራናወ ዳሩ ጉላይ፥ እሰታማሪ ታማሪ፥ ኡባይካ ላገላ ሳማ የጌድኖ።

9 ኮሮሮ ሳማይ እሳፋ ናላ ዮሴፎ ጋኬዳ፤ እ፥ እ ናናይን እ ዳቦቲ ኡባና ታማን ላኡዋ። ላኤንሶ ሳማይ ጋዲልያ ጋኬዳ፤ እ፥ እ ናናይን እ ዳቦቲ ኡባና ታማን ላኡዋ።

10 ሄዛንሶ ሳማይ ዛኩራ ጋኬዳ፤ እ፥ እ ናናይን እ ዳቦቲ ኡባና ታማን ላኡዋ።

11 ኦይደንሶ ሳማይ ጸራ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

12 እቼሸንሶ ሳማይ ናጉንያ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

13 ኡሱፑናታ ሳማይ ቡቁያ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

14 ላፑንሶ ሳማይ እሳርኤላ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

15 ሆሰፑንሶ ሳማይ ይሻእያ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

16 ኡዲፑንሶ ሳማይ ማጉንያ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

17 ታማንሶ ሳማይ ሸምእ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

18 ታማን እፑንሶ ሳማይ ኡዘኤላ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

19 ታማን ላኤንሶ ሳማይ ሆሻብያ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

20 ታማን ሄዛንሶ ሳማይ ሻቡኤላ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

21 ታማን ኦይደንሶ ሳማይ ማቲትያ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

22 ታማን እቼሻንሶ ሳማይ ያርሞታ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

23 ታማን ኡሱፑንሶ ሳማይ ሀናንያ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

24 ታማን ላፑንሶ ሳማይ ዮሸባቃሻ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

25 ታማን ሆሰፑንሶ ሳማይ ሀናን ጋኬዳ፤ እ፥ እ ናናይን እ ዳቦቲ ኡባና ታማን ላኡ።

26 ታማን ኡዲፑንሶ ሳማይ ማሎታ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

27 ላታማንሶ ሳማይ ኤልአታ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

28 ላታማን እፑንሶ ሳማይ ሆቲራ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

29 ላታማን ላኤንሶ ሳማይ ግዳልታ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

30 ላታማን ሄዛንሶ ሳማይ ማህዝአታ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

31 ላታማን ኦይደንሶ ሳማይ ሮማምትኤዘራ ጋኬዳ፤ እ፥ እ ናናይን እ ዳቦቲ ኡባና ታማን ላኡ።

## 26

### ጌሻ ጎልያ ናግያዋንታ

1 ጌሻ ጎልያ ፐንግያ ናግያዋንቱ ሀዋጥ ካሊደ ጸፈቲዳዋንታ።

ኮሮሮ ቆራሀ ያራጥ እሳፋ ባጋና ቆረ ናላ ማሸለምያ።

2 ማሸለሜ ላፑን አቲማ ናና የሌዳ፤ ኡንቲንቱ ባረንቱ የለታ ማራን ዛካራሳ፥ ይድኤላ፥ ዛባድያ፥ ያትንኤላ፥

3 ኤሳማ፥ ያሆሀናናን ኤልያሆኤና።

4 ጸሳይ ኦቤድ-ኤደማካ እንጂዳ ድራወ፥ እ ሆሰፑን አቲማ ናና የሌዳ፥ ኡንቲንቱ ባረንቱ የለታ ማራን ሻማእያ፥ ይሆዛባዳ፥ ዮኣህ፥ ሳካራ፥ ናጉንኤላ፥

5 አምኤላ፥ ይሳኮራን ፓኤልታያ።

6 ቃይ ኦቤድ-ኤደማ ናላይ ሻማኤካ ኡሱፑን አቲማ ናና የሌዳ፤ ኡንቲንቱ ሞሮ እሳ ግዴዳ ድራወ፥ ባረንቱ እወዋ ጎልን ካፑዋ ግዴድኖ።

7 ሻማእያ ናናይ እትና፡ ራፋኤላ፡ ዮቤዳን ኤልዛባዳ፤ ኤንቴንጉቴ እሻቴ ኤልሁነ ሳማከ ኢዴዳ ምኖ አሳቴቆ።

8 ሀዋንጉ ኡባቴ ኦቤድ-ኤዶማ ዘረሳ፤ ኤንቴንጉቴ፡ ኤንቴንጉቴ ናናይ፤ ኤንቴንጉጉቴ ዳቦቴ ኦሶ ምኖ። ኦቤድ-ኤዶማ ዛራቴ ኡባና ኡሱፑን ታማነ ላኣ።

9 ማሸለምያዉ ምኖ ናናይን ምኖ ዳቦቴ ደኢና፤ ኤንቴንጉቴ ኡባና ታማነ ሆሰፑና።

10 ማራራ ያራፕ ሆሳዮካ ናናይ ደኢና። ሸምር ባይራ ናኣ ግደና፤ ሸን ኦ ኦዉ ኦ ካፑቆ ኦሌዳ።

11 ኦ እሻቴ ህልቂያ፡ ጸባልያ፤ ዛካራሳ። ሆሳ ናናይን ኦ ዳቦቴ ኡባና ታማነ ሄዛ።

12 ጌሻ ጎልያ ፕንግያ ናግያዋንጉ ባረንጉ ጎልያ ኦሳ ካፓቴቆና፡ ጨጉቆን ጨጉቆን ሻከቴድና። ሀራ ለዋቴቆዳን ኤንቴንጉጉካ ሙድና ጎዳ ጌሻ ጎልያ ከታይ ግሹቆን ጋኬዳ።

13 ፕንግያ ኡባ ናጋናዉ ባረንጉ ጎለን ጎለን ጉፋይ ግታይ ሳማ ከሴድና።

14 ኦቆይ ደልያ ፕንግያ ግያ ፕንግያ ናግያ ሳማይ ሸለምያ ጋኬዳ። ሎኦ ዘርያ ኦ ናኣ ዛካራሳ ሁጲሳ ፕንግያ ጌተትያ ፕንግያ ናግያ ሳማይ ጋኬዳ።

15 ኦቤድ-ኤዶማ ገድሳ ፕንግያ ግያ ፕንግያ ናግያ ሳማይ ጋኬዳ። ኦ ናና ሚሻ ምንጅያ ጎልያ ናግያ ሳማይ ጋኬዳ።

16 ኦቆይ ዉልያ ፕንግያን ቦላ ኦግያ ባጋና ደኢያ ሻለኮታ ፕንግያ ጌተትያ ፕንገጉቆ ናግያ ሳማይ ሹፊማን ሆሳ ጋኬዳ። ናጉ ካላን ካላን ጋኬ።

17 ጋሳሳን ጋሳሳን ኦቆይ ደልያ ባጋና ኡሱፑን ለዋቴ ናገና። ሁጲሳ ባጋና ኦይዳቴ ናገና። ገድሳ ባጋና ኦይዳቴ ናገና። ቃይ ላኡ ላኡ ሚሻ ምንጅያ ጎልያ ናገና።

18 ኦቆይ ዉልያ ባጋና ዳባባዉ ኦፍያ ኦግያ ኦይዳቴ ናገና። ቃይ ዳባባ ግዳቆ ላኦቴ ናገና።

19 ሰም ቆራሀ ያራቶን ማራራ ያራቶ እመቴዳ ፕንገ ናን ከታይ ሀዋ።

**ጌሻ ጎልያ ግዳን ኦለያ ሀራ ኦሶቴቆ**

20 ኦኪያ ጌተትያ ለዊ ጸሳ ጌሻ ጎልያን ደኢያ ሻሉቆን ጸሳዉ ዳማይ ዋሌዳ እዎታ ናጋናዉ ሱንግግቴዳ።

21 ገርሾና ናኣ ላኦዳና ያራፕ ይህኤል ዳማ ዳማ ጎልያ ኦሳዉ ኦዎቴ።

22 ይህኤል ናናይ ዘታማን ኦ እሻ ዩኤላ፤ ኤንቴንጉቴ ሙድና ጎዳ ጌሻ ጎልያን ደኢያ ሚሻ ናጋናዉ ሱንግግቴድና።

23 ኦምራማ ያራቶ፡ ይጽሃራ ያራቶ፡ ከብርና ያራቶ ኡዝኤላ ያራቶ ከታይ ሻከት እመቴዳ።

24 ሙሴ ናኣ ገርሾማ ያራ ግድያ ሻቡኤል ጌሻ ጎልያን ደኢያ ሚሻ ናግያዋንጉ ካፓቴ ቦላ ሱንግግቴዳ።

25 ኦ ገርሾማ እሻ ኤልኤዛራ ባጋና ሻሎሚታዉ ዳቦቴ። ኤልኤዛር ራሃብያ የሌዳ፤ ራሃቢ ይሻእያ የሌዳ፤ ይሻእ የራማ የሌዳ፤ የራመ ዚክራ የሌዳ፤ ዚክር ሻሎሚታ የሌዳ።

26 ካቲ ዳዊተ፡ ኦዎቴቆ ጎልያ ኦሳ ካፓቴ፡ ሻኦ ካፓቴ፡ ጹቴቆ ካፓቴን ኦላ ጋዳዋቴ ጸሳዉ ዳማይ ዋሌዳ ሻሉቆ ኡባ ቦላ ሻሎሚትን ኦ ዳቦቴ ሱንግግቴድና።

27 ሀ ሻሉቆ ሙድና ጎዳ ጌሻ ጎልያ ኦራፋናዉ ዳማይ ዋሌዳ ኦሳቴ ሀ ሚሻ ካሰ ኦላፕ ኦሞድ ዋሌድና።

28 ቃይ ትምቢትያ ኦድያ ሳመል፡ ቂሳ ናኦይ ሳኦል፡ ኔራ ናኦይ ኦባኔርን ጸራና ናኦይ ዮኦበ ካሰ ዳማይ ዋሌዳ እዎታ ኡባ ሻሎሚትን ኦ ዳቦቴ ናገና።

**ሀራ ለዋቴቆ ጋኬዳ ኦሶቴቆ**

29 ይጽሃራ ያራቴቆፕ ካናን ኦ ናናይ ጌሻ ጎልያፕ ካረና ደኢያ ከታን እሰራኤልያ ኦሳ እይሳናዉን ዳናታናዉ ሱንግግቴድና።

30 ከብርን ያራቴቆፕ ሀሻቤን ኦ ዳቦቴ፡ እት ሻኦን ላፑን ጹቴ ምኖ ኦሳቴ፡ ሙድና ጎዳ ኦሶቴቆ ኡባዉን ካትያ ኦሶቴቆ ኡባዉ ዮርዳናሳ ሻፋፕ ሄፍንፋን ኦቆይ ዉልያ ባጋና ደኢያ እሰራኤልያ ኦሳ ቦላ ሱንግግቴድና።

31 ከብርን ያራቴቆፕ ካፖትያቆ ይሪያ። ዳዊተ ካተቴዳ ኦይታማንፋ ላይላን ኮይና፡ ኤንቴንጉቴ ኦሳ ግደፕ ምኖ ኦሳቴ ጋላኦይ ቢታን ያእኤራ ጌተትያ ኮሽያን ቤቴድና።

32 ኦዎቴቆ ጎልያ ኦሳዉ ካፖትያ ይሪያ ዳቦቴ ምኖቴ ላኡ ሻኦን ላፑን ጹቴ። ካቲ ዳዊተ ጸሳ ኦሶቴቆ ኡባዉን ካትያ ኦሶቴቆ ኡባዉ ኤንቴንጉቴ ርቤላ ዛራቴቆ ቢታ ቦላ፡ ጋይ ዛራቴቆ ቢታ ቦላን ምናሰ ዛራቴቆፕ ባጋቴ ቢታ ቦላ ሱንግግቴዳ።



- 1 ባረንቱ ጩጉዋን ጩጉዋን ካውተላ እይሴዳ እስራኤልያ ጎልያ አሳቱዋ ካፓቱ፥ ሻእ ካፓቱነ ጸቱዋ ካፓቱ ሀዋጥ ካሊደ ጸፈቴዳዋንታ። እት እት ጩጉዋን ላታማነ ኦይዱ ሻእ አሳቱ ደእኖ። እት እት ጩጉ ላይላ ግድን እት እት አግናዉ ካላን ካላን ካውተላ ኪታ ኦሳናዉ ከሴ።
- 2 ኮይሮ አግናን ከሰያ ጩጉዋ ካለሉያዌ ዛብድኤላ ናእ ያሹብእማ፤ እ ጩጉዋን ላታማነ ኦይዱ ሻእ አሳይ ደኤ።
- 3 ያሹብእም ፓሬሳ ዘረሳ፤ እ ኮይሮ አግናዉ ኦላንቻቱ ካፓቱዋ ጋደዉዋ።
- 4 ላኡንሎ አግናን ከሰያ ጩጉዋ ካለሉያዌ አሆህያ ደዳያ፤ እ ጩጉዋን ላታማነ ኦይዱ ሻእ አሳይ ደኤ። አፕ ካልያዌ ምቅሎታ።
- 5 ሄዛንሎ አግናን ከሰያ ጩጉዋ ካለሉያዌ ቄሰያ ዮዳሄ ናእ ባናያ፤ እ ጩጉዋን ላታማነ ኦይዱ ሻእ አሳይ ደኤ።
- 6 ባናይ ሀታሙ ኤረቴዳ አሳቱዋ ግድን ምኖ አሳ ግዲደ፥ ሀታማቶ ካፖቴዳ። እ ሳእን እ ናእይ አምዛባድ ካፖቴዳ።
- 7 ኦይደንሎ አግናን ከሰያ ጩጉዋ ካለሉያዌ ዮኦሳ እሻ አሳሄላ፤ እ ጩጉዋን ላታማነ ኦይዱ ሻእ አሳይ ደኤ። እ ኮታን እ ናእይ ዛባደ ካፖቴዳ።
- 8 እቼሽንሎ አግናን ከሰያ ጩጉዋ ካለሉያዌ ይጽሃራ ያራፕ ሻምሁታ፤ እ ጩጉዋን ላታማነ ኦይዱ ሻእ አሳይ ደኤ።
- 9 ኡሱፑንሎ አግናን ከሰያ ጩጉዋ ካለሉያዌ ታቆአፕ ዬዳ እቆሻ ናእ አራ፤ እ ጩጉዋን ላታማነ ኦይዱ ሻእ አሳይ ደኤ።
- 10 ላፑንሎ አግናን ከሰያ ጩጉዋ ካለሉያዌ ኤፍሬማ ዛርያፕ ፕሎናፕ ዬዳ ሄሌጻ፤ እ ጩጉዋን ላታማነ ኦይዱ ሻእ አሳይ ደኤ።
- 11 ሆሰፑንሎ አግናን ከሰያ ጩጉዋ ካለሉያዌ ሁሻፕ ዬዳ ሰባካያ፤ እ ጩጉዋን ላታማነ ኦይዱ ሻእ አሳይ ደኤ። ሰባካይ ይሁዳ ዛረን ዛራሀ ያራ።
- 12 ኡዱፑንሎ አግናን ከሰያ ጩጉዋ ካለሉያዌ ቢንያማ ዛረ ግዴዳ እናቶትያ አብኤዘራ፤ እ ጩጉዋን ላታማነ ኦይዱ ሻእ አሳይ ደኤ።
- 13 ታማንሎ አግናን ከሰያ ጩጉዋ ካለሉያዌ ናጾፋፕ ዬዳ፥ ዛራሀ ያራ ግዴዳ ማሀራያ፤ እ ጩጉዋን ላታማነ ኦይዱ ሻእ አሳይ ደኤ።
- 14 ታማነ እተንሎ አግናን ከሰያ ጩጉዋ ካለሉያዌ ፕርኦቶናፕ ዬዳ፥ ኤፍሬማ ዛርያ ግዴዳ ባናያ፤ እ ጩጉዋን ላታማነ ኦይዱ ሻእ አሳይ ደኤ።
- 15 ታማነ ላኡንሎ አግናን ከሰያ ጩጉዋ ካለሉያዌ ናጾፋፕ ዬዳ፥ ኦትንኤላ ያራ ግዴዳ ሄልዳያ፤ እ ጩጉዋን ላታማነ ኦይዱ ሻእ አሳይ ደኤ።

እስራኤልያ ዛራቱዋ እይሰያዋንታ

16 እስራኤልያ ዘረሳ እይሰናዉ ሱንፍዳዋንቱ ሀዋጥ ካሊደ ጸፈቴዳዋንታ።

ሮቢላ ዛርያ እይሰያዌ ዚክራ ናእ ኤልኤዘራ።

ሰሞና ዛርያ እይሰያዌ ማእካ ናእ ሻፋጽያ።

17 ሌዊያ ዛርያ እይሰያዌ ቃሙኤላ ናእ ሀሻብያ።

አሮና ዛርያ እይሰያዌ ጻደቃ።

18 ይሁዳ ዛርያ እይሰያዌ ዳዊታ እሻ ኤልሀ።

ይሳኩራ ዛርያ እይሰያዌ ምካኤላ ናእ ኦምራ።

19 ዛብሎና ዛርያ እይሰያዌ ኦባድያ ናእ ይሸማእያ።

ንፍታሎማ ዛርያ እይሰያዌ አዘርኤላ ናእ ያርሞታ።

20 ኤፍሬማ ዛርያ እይሰያዌ አዛዝያ ናእ ሆሼኦ።

ዮርዳኖሳ ሻፋፕ አዋይ ዉልያ ባጋን ደእያ ምናሰ ዛራቱዋፕ ባጋ እይሰያዌ ፓዳያ ናእ ዩኤላ።

21 ዮርዳኖሳ ሻፋፕ አዋይ ደልያ ባጋ ጋላኦደን ደእያ ምናሰ ዛራቱዋፕ ባጋ እይሰያዌ ዛካራሳ ናእ እዳ።

ቢንያማ ዛርያ እይሰያዌ አባኔራ ናእ ያእሰኤላ።

22 ዳና ዛርያ እይሰያዌ ይሮሃማ ናእ አዘርኤላ።

ሀዋንቱ እስራኤልያ ዘረሳ እይሰያዋንታ።

23 ሙድና ጎዳይ እስራኤልያ አሳ ሳሉዋ ጸልንትያዳን ጮርንቴ ጌዳ ድራዉ፥ ዳዊተ ላታሙ ላይላን ላታሙ ላይላፕ ፓርሳና ደእያዋንታ ፓይዱዋን ገልሰቤና።

24 ጸሩይ ናእይ ዮኦብ አሳ ፓይዱዋ ደሜዳ፤ ሽን ፓይድ ዉርሰቤና። አሳ ፓይዱዳ ጋሱዋን ጸሳይ እስራኤልያ አሳ ቦላ ሀንቀቴዳ። ሄዋ ድራዉ፥ ኡንቱንቴ ፓይዱ ካትያ ዳዊታ ታርክያ ማዘገባን ጸፈትቤና።

ካትያ ሚሻን አዎትያዋንታ

25 ካትያ ሚሻ ምንጅያ ሳእዉ አዎትያዌ አዲሌላ ናእ አዘማዌታ። ጋጸርያን፣ ካታማቱዋን ሞላቱዋን፣ ዎችያ ሳ ደእያ ሚሻዉ አዎትያዌ ኦዘያና ናእ ዮናታና።

26 ቢታ ጎሽያ ጎሻንቻቱዋ ቦላ አዎትያዌ ካሉባ ናእ ኤዘራ።

27 ዎይንያ ቱራ ሳእቶ አዎትያዌ ራማፕ ዬዳ ሽምአ። ዎይንያ ኤሳ ምንጅያ ሳእዉ አዎትያዌ ሻፋማፕ ዬዳ ዛብዳ።

28 አዋይ ዉልያ ባጋ ገዘያን ደእያ ዎጋራዉን ኤንቱንቶ አዎትያዌ ገዴራፕ ዬዳ ባእልሀናና። ዛይትያ ምንጅያ ሳእዉ አዎትያዌ ዮአሻ።

29 ሳሮና ደምባን ሄመትያ ሚዛዉ አዎትያዌ ሳሮንያ ሺጽራያ። ዎምባን ሄመትያ ሚዛዉ አዎትያዌ አድላያ ናእ ሻፋጸ።

30 ጋሎቶ አዎትያዌ እሰማኤልያ ኦቢላ። ሀረቶ አዎትያዌ መርኖትያ የሀዳያ።

31 ደርሳቶን ዴሻቶ አዎትያዌ አጋር ዛርያፕ ያዚዛ። ሀዋንቱ ኡባይ ዳዊታ አቁዋ ቦላ አዎቱዳዋንታ።

ዳዊታ ዘርያዋንታ

32 ዳዊታ አወዋ አሻይ ዮናታን ጸፊ፣ አኪካንቻ አሳነ ካትያ ዘርያ አሳ። ሀከሞና ናእይ ይህኤል ካትያ ናና ናጌ።

33 እክጸፊል ቃይ ካትያ ዘርያዋ። እርክያ ሀሻይ ካቲ ሲቅያ አሳ።

34 እክጸፊል ሀይቂና፣ እ ኮሽያን ባናና ናእይ ዮዳሄነ አብያታረ ካትያ ዘርያዋንታ፤ ዮአበ ካትያ ኦላ ጋዳዋ።

28

ዳዊተ ጌሻ ጎልያ ዎት ኬጸነንቶ ኦዳዳ

1 እሰራኤልያ ካፓቱ ኡባይ የሩሳላመን ሺቃናዳን ካቲ ዳዊተ አዛዜዳ፤ ሄዋ ድራዉ፣ ዛራቱዋ ካፖቱ፣ ካትያ ኦሳንቻቱ ካፓቱ፣ ሻእ ካፓቱ፣ ጾቱዋ ካፓቱ፣ ካትያዉ ካትያ ናናዉ ደእያ አቆነ መሀያዉ አዎትያዋንቱ፣ ካትያ ጎለን ኦልያ ካፓቱ፣ ኤረቱዳ ምና አሳቱነ ዎልቃማ አሳቱ ኡባይ የሩሳላመን ሺቂድና።

2 ካቲ ዳዊተ ደንድ ኤቂይ፣ ሀዋዳን ያጌዳ፤ “ታ አሻቶ፣ ታ አሳቶ፣ ሰሰተ! መድና ጎዳ ቃላ ጫቁዋ ታቦታ ዎልያ፤ ኦ ጸሳ ገዲ ሸምፕያ ጌሻ ጎልያ ኬጸናዉ ታ ዎዛናን ቆፓድ፤ ኬጸናዉ ኮሽያዋንታካ ገግሳድ።

3 ሸን ጸሳይ ታና፣ ‘ኔን ኦሳንቻነ ሱላ ጉሴዳ አሳ ግድያ ድራዉ፣ ታ ሰንፋዉ ጎልያ ኬጸካ’ ያጌዳ።

4 ታን እሰራኤልያ ቦላ መድናዉ ካተታናዳን፣ መድና ጎዳይ እሰራኤልያ ጸሳይ ታ አወዋ ጎልያ አሳ ኡባፕ ታና ደራዳ። ካለፋናዳን ኮይሮ ይሁዳ ዘርያ ደራዳ፤ ይሁዳ ዘርያፕ ታ አወዋ ሶይ አሳ ደራዳ፤ ታ አወዋ ናና ግደፕ ታና ደራዳ፣ እሰራኤልያ ኡባ ቦላ ካተያናዉ ናሸቱዳ።

5 መድና ጎዳይ ታዉ ጮራ ናና እሚዳ፤ ታ ናና ኡባፕ መድና ጎዳ ካዉተፋ አራታን ኡቲደ፣ እሰራኤልያ ቦላ ካተታናዳን ታ ናእ ሶሎሞና ደራዳ።

6 “ጸሳይ ታና፣ ‘ታ ጌሻ ጎልያን ታ ዳባባ ኬጸናዉ ናና ሶሎሞና። እያዉ ጎፕ፣ እ ታዉ ናእ ግዳናዳን ታን እ ደራድ፤ ታንካ እዉ አወዋ ግዳናዋ።

7 እ ሀእ ኦልያዎዳን ሰንፋፕካ ታ አዛዙዋነ ታ ሀግያ ምኒደ ናጎፕ፣ ታን እ ካዉተፋ መድናዉ ምንፋና’ ያጌዳ።

8 ሄዋ ድራዉ፣ ሀእካ መድና ጎዳ ያእይ፣ እሰራኤልያ አሳይ ኡባይ በእሺናነ ኦ ጸሳይ ሰሰሸን፣ መድና ጎዳ ህንተንቱ ጸሳ አዛዙዋ ኡባ ህንተንቱ ምንሲደ ናጋና ማላ፣ ታን ህንተንቶ ኡዳይ። ያቶፕ፣ ህንተንቱ ሀ ሎኦ ቢታ ላታናነ ህንተንቱ ናናካ መድናዉ ላተሳናዋ።

9 “ሶሎሞና፣ ታ ናእዉ፣ ነ አወዋ ጸሳ ኤራ። ነ ኩመንፋ ዎዛናን ነ ኤና ግያ ቆፋን አዉ ኪተታ። እያዉ ባፕ፣ መድና ጎዳይ ዎዛና ኡባ ቆራ፤ ቆፋን ደእያ ሀልቸዋ ኡባካ ኤራዳ። ኔን እ ኮዮፕ፣ እ ነዉ ስታና፤ ሸን ኔን እ አጎፕ፣ እ ኔና መድናዉ አግ ባሻና።

10 ሀእካ ጌሻ ጎልያ ኬጸናዉ መድና ጎዳይ ኔና ደራዳዋ ደጎፕ። ምናደ ኪታ ኪተታ” ያጌዳ።

11 ሄዋፕ ጉይያን፣ ዳዊተ ባረ ናእ ሶሎሞናዉ ጌሻ ጎልያ ኬጸያ ሀልቸዋ እሜዳ፤ ባራንዳ ሀልቸዋ፣ ሚሻ ምንጅያ ሳእ ሀልቸዋ፣ ቦላ ክፍልያን ግደ ክፍልያ ሀልቸዋነ ናጋራይ አቶ ጌተትያ ሳእ ቁምእያ ዎልያ ክፍልያ ሀልቸዋ እሜዳ።

12 ቃይካ ዳዊተ አወ መድና ጎዳ ጌሻ ጎልያ ዳባባ ኬጻናወ ባረ ቆፋን ደእያ ሀልቸዋ፡ ኦ የሹዋን ደእያ ኡባ ክፍለቱ ሀልቸዋን ጸሳ ጌሻ ጎልያ ሚሻ ምንጅያ ሳክቱን ጸሳወ ዲማይ ዋሌዳ እሞታ ምንጅያ ሳክቱ ሀልቸዋ እሚዳ።

13 ሄዋዳንካ ዳዊተ ቁሳቱ ነ ለዋቱ ጨጎቱ ባረንቱ ከታ ኦሳና ማራ፡ መድና ጎዳ ጌሻ ጎልያ ከታ ኦሳና ማራን ጌሻ ጎልያ ሚሻቱዋ ናግያ ማራ ኦድያ ሀልቸዋ አወ እሚዳ።

14 ቃይካ ዳዊተ ሀዋጥ ካለደ ጸፈቴዳ ዲማ ዲማ ሚሻቱዋ መፋናወ ዋይሳ ኬሻ ዴጽያ ዋርቃን ዋይሳ ኬሻ ዴጽያ ብራ ኮሽንቶ ጸፈደ፡ ሶሎሞናወ እሚዳ።

15 ሄዋንቱካ፡ ዋርቃ ጸምጥቱዋ ዋሳያ ባላን ዋርቃ ጸምጥቱዋ፡ ብራ ጸምጥቱዋ ዋሳያ ባላን ብራ ጸምጥቱዋ።

16 ጸሳ ሰንሳን ኡክሳ ዋሳያ ዋርቃ ጸርጴዛቱዋ፡ ብራ ጸርጴዛቱዋ።

17 ዋርቃ ኦይቄያዋ፡ ዋርቃ ከረቱዋ፡ ዋርቃ ሞንጫቱዋ፡ ዋርቃ ኩይጸረቱዋ፡ ብራ ኩይጸረቱዋን

18 እጻና ጨዋይያ ጌሻ ዋርቃ ሳጽንያ። መድና ጎዳ ቃላ ጫቁዋ ተቦታ ቦላ ባረንቱ ቀፍያ ሞጫደ ካምያ፡ ክሩብላ ዋሳያ ዋርቃ ጋርያ ጊገሰያ ሀልቸዋካ አወ እሚዳ።

19 ዳዊተ፡ “መድና ጎዳይ ባረ ኩሽያ ታ ቦላ ዋሊደ፡ ሀ ጸፈቴዳ ሀልቸዋ ኡባ ታና ኤርሴዳ” ያጌዳ።

20 ሄዋጥ ጉይያን፡ ዳዊተ ባረ ናኦ ሶሎሞና፡ “እይነ ባዋ፤ ምና! ኦሱዋ ኦሳ! መድና ጎዳይ ጸሳይ፡ ታ ጸሳይ ኔናና ደእያ ድራወ፡ ያዮጋ፤ ዳጋሞጋ! መድና ጎዳ ጌሻ ጎልያ ከታይ ፖለታና ጋካናወ፡ ጸሳይ ኔና የገናነ እገና።

21 ጸሳ ጌሻ ጎልያን ደእያ ኦሱዋ ኡባወ ቁሳቱ ነ ለዋቱ ሱጉት ኡቴድና። ኩሽያ ሂላ ኡራይ ደእያ አሳይ ኡባይ ኔና ኦሱዋ ኡባን ማዳና። ካጋቱን አሳይ ኡባይ ነወ ኡባባንካ አዛዘታና” ያጌዳ።

## 29

ጌሻ ጎልያ ኬጻናወ እመቲዳ እሞታ

1 ሄዋጥ ጉይያን፡ ካቲ ዳዊተ ሸቄዳ አሳወ ኡባወ ሀዋዳን ያጌዳ፤ “ጸሳይ ደራዳዌ ታ ናኦ ሶሎሞና፤ እ ያላጋነ ኦሳን ሜዘትቤና። ሀ ኬጸታና ኬሳይ አሳ ጎልያ ግደናን መድና ጎዳ ጸሳ ጌሻ ጎልያ ግድያ ድራወ፡ ከታይ ዋልቃማ።

2 ታን ታወ ደእያ ዋልቃ ኬሻ ታ ጸሳ ጌሻ ጎልያወ ዋርቃን ኦስታናባወ ዋርቃ፡ ብራን ኦስታናባወ ብራ፡ ናሃሰያን ኦስታናባወ ናሃሰያ፡ ብራታን ኦስታናባወ ብራታን ሞላን ኦስታናባወ ሞላ ጊገሳ ዋላድ። ቃይ ማርግድያ፡ እብናባራድያ፡ ዲማ ዲማ ማላና ደእያ አሌቆ ሹቻቱዋ፡ አልኦ ሹቻቱዋን እንቆቱዋ ጊገሳ ዋላድ።

3 ታ ጸሳ ጌሻ ጎልያ ታን ሎይሳ ሲቅያ ድራወ፡ ታን ታ ጸሳ ጌሻ ጎልያወ ጊገሴዳዋጥ ሀራ ታወ ቡዞ ደእያ ዋርቃታን ብራጥ ጌሻ ጌሻ ጎልያወ እማድ።

4 ጌሻ ጎልያ ጎዳ ማይዛናወ ጸቱ ሻኦ ከሎ ግራሙ ዴጽያ ጌሻ ዋርቃን ላኡ ጴታን ኦይታሙ ሻኦ ከሎ ግራሙ ዴጽያ ጌሻ ብራ እማድ።

5 ኩሽያ ሂላቱ ኦሳና ኦሱዋ ኡባወ፡ ዋርቃን ኦስታናባወ ዋርቃ፡ ብራን ኦስታናባወ ብራ፡ እማድ። ያትና፡ ሀንተጥ ሆቼ ባረ ሸንያን መድና ጎዳወ ኬኪደ እማናዌ ኦኔ?” ያጌዳ።

6 እስራኤልያ ጎልያ አሳቱዋ ካጋቱ፡ ዛራቱዋ ካጋቱ፡ ሻኦ ካጋቱ፡ ጸቱዋ ካጋቱን ካትያ ኦሳንቻቱ ካጋቱ ባረንቱ ሸንያን ባረንቶ ደእያዋ እማድና።

7 ኡንቱንቱ ጸሳ ጌሻ ጎልያ ኦሱ ኦስ ጴታን ላፑን ታሙ ሻኦ ከሎ ግራሙ ዴጽያ ዋርቃ፡ ሄዙ ጴታን ኦይታሙ ሻኦ ከሎ ግራሙ ዴጽያ ብራ፡ ኡሱፑን ጴታን ላታሙ ሻኦ ከሎ ግራሙ ዴጽያ ናሃሰያ ብራታን ሄዙ ሚልዮን ኦይዱ ጸቱ ሻኦ ከሎ ግራሙ ዴጽያ ብራታ እሚድና።

8 አልኦ ሹቻይ ደእያ አሳይ ኡባይ ሚሻ ናግያ ሌዌያ ገርሾና ራግ ድያ ይህኤላ ባጋና መድና ጎዳ ጌሻ ጎልያ ሚሻ ምንጅያ ጎለወ እሚዳ።

9 አሳይ ባረ ሸንያን ባረ ኩሙንሳ ዋዛናን መድና ጎዳወ እሚዳ ድራወ ናሽቴዳ፤ ካቲ ዳዊተካ ሎይሳ ናሽቴዳ።

ዳዊተ ጸሳ ጋላቲዳ

10 ሄዋ ድራወ፡ ዳዊተ ሸቀዋ ኡባ ሰንሳን ሀዋዳን ያጌደ፡ መድና ጎዳ ጋላቲዳ፤ “እቤት መድና ጎዳወ፡ ኦ ኦመዋ እስራኤልያ ጸሳወ፡ ኔን መድናጥ መድናወ ጋላቲታ።

11 እቤት መድና ጎዳወ፡ ሳሌዋንካ ሳኦን ደእያ ኡባባይ ነዋ! ግታተሳይ፡ ዋልቃይ፡ ቦንቹ፡ ጸኑነ አንጋይ ነዋ! እቤት መድና ጎዳወ፡ ማታይ ነዋ፤ ኔን ኡባጥ ቦላን ሀጸ።

12 ዱረታይን ቦንቹ ኔጥ ዬ፤ ኔን ኡባባ ሞዳሳ። ዋልቃይን ሞናታይ ነ ኩሽያና፤ ኔን አሳ ኡባ ጶቁሳናወን ምንሳናወ ዳንዳያሳ።

13 ሀእካ ኑ ጸሳው፤ ኑን ኔና ጋላቴቶ፤ ነ ሰንቾ ሱንጻካ ሳቤቶ።

14 “ኡን ሀቀ ኪሻባ እማናዉ ታነ ታ አሳይነ ኦኔ? እያዉ ጎጥ፡ ኡባባይ ኔጥ ዬ፤ ኑን ነ ኩሽያጥ አኩዳቆ ነዉ ዛረሐ እሜዳ።

15 ካሰ ኑ አዎቱቆ ኡባዳን ኑንካ ነ ሰንጻን በተነ እማ። ሀ ሳኣ ቦላን ኑ ደኡቆ ላይላይ ኩቆዳን አድያቆ፤ ኑን ሀይቆጥ አታናዉ ዳንዳዮኩ።

16 አቤት መድና ጎዳው፤ ኑ ጸሳው፤ ነ ጌሻ ሱንጻዉ ኑን ጌሻ ጎልያ ኬጻናዉ ሺሼዳ ኡባይ ነ ኩሽያጥ ዬዳቆ፤ ሀቆ ኡባይ ነገ።

17 “ታ ጸሳው፤ ኔን ምዛና ፓጭያቆን ሱረተላ ደሰያቆ ታን ኢራይ። ታን ታ ምዛና ሱረተላን ታ ሸንያን ሀቆ ኡባ እማድ። ሀ ሳኣን ደእያ ነ አሳይካ ነዉ ባረ ሸንያን ናሽቻን እሜዳቆ ታን በኣድ።

18 አቤት መድና ጎዳው፤ ኑ ማይዛ አዎቱቆ አብራሃማ፤ ይሳቃነ አሰራኤልያ ጸሳው፤ ነ አሳ ምዛናን ሀ ምልቃማ ሰቆቆ መድናዉ ናጋ፤ አንጉንጉ ምዛናካ ኔኮ ሺሻ።

19 ነ ምጋ፤ ነ አዛዙቆን ነ ሀገያ ናጋናዳንን ታን ሀልቻደ ገግሳ ምጻዳባን ጌሻ ጎልያ እ ኬጻናዳን ታ ናኣ ሶሎሞናዉ ኩመንጻ ምዛና እማ” ያጊደ ጋላቴዳ።

20 ሄቆጥ ጉይያን፤ ዳቂተ ያእዉ ኡባው፤ “መድና ጎዳ ህንተንጉ ጸሳ ጋላትተ” ያጌዳ። ያእይ ኡባይ መድና ጎዳ ባረንጉ አዎቱቆ ጸሳ ጋላቴድና። መድና ጎዳዉ ጉፋኒደ ጎይኔድናን ካትያዉካ ኩንዳ ጊደ ጉፋኔድና።

**ሶሎሞና ካተቴሳ  
(29:21-25)**

21 ምንተላ ጋላሰ አሳይ መድና ጎዳዉ ያርሹቆ ያርሹዳ። ቃይ ጹገያ ያርሹቆካ ጸሳዉ ያርሹዳ፤ እት ሻእ ኮራማቱቆ፤ እት ሻእ ደርሳ ኦርገቴቆ፤ እት ሻእ ደርሳ ማራቱቆ፤ ኡሻ ያርሹቆን ዳር ያርሹቱቆ ያርሹዳ።

22 አሳይ ሄ ጋላሰ መድና ጎዳ ሰንጻን ሎይሐ ናሽትደ፤ ሜዳነ ኡሹዳነ። ያተደ አሳይ ካትያ ዳቂታ ናኣ ሶሎሞና ላኤንሉቆ ዛይትያ ኦኪደ፤ አ ካዉተላን ምንሴዳ። ጸደቃካ ቄሰ ግዳናዳን መድና ጎዳ ሰንጻን ኦኪደ።

23 ሄቆጥ ጉይያን፤ ሶሎሞን ባረ አዉቆ ዳቂታ ኩሽያን መድና ጎዳ ካዉተላ አራታን ኡቴዳ። አዉ ኡባባይ ሀኔዳ፤ አሰራኤልያ ኡባይካ አዉ አዛዘቴዳ።

24 ካፓቱ ኡባይ፤ ምኖ አሳቱን ካትያ ዳቂታ ናናይ ካትያ ሶሎሞናዉ አዛዘታናዉ ቃላ ገሌድና።

25 መድና ጎዳይ ሶሎሞና አሰራኤልያ አሳ ኡባ ሰንጻን ጶቁ ጶቁ ኦሌዳ፤ አጥ ካሰ አሰራኤልያ ካተቶ እመትቤና ቦንቸቆ ሶሎሞናዉ እሜዳ።

**ዳቂታ ሀይቆዎ  
(29:26-30)**

26 አሰያ ናኣይ ዳቂተ አሰራኤልያ ኡባ ቦላ ካተቴዳ።

27 ዳቂተ አሰራኤልያ ቦላ ኦይታሙ ላይላ ካተቴዳ፤ ከብርናን እ ላፑን ላይላ ካተቴዳ፤ ዮሩሳላሙን ሀታማን ሄዙ ላይላ ካተቴዳ።

28 ዳቂተ ዳር ላይላ ደኢደ፤ ዳረተደ፤ ቦንቸተደ፤ ሎኦ ጭሚደ ሀይቆዳ። አ ኮታን አ ናኣይ ሶሎሞን ካተቴዳ።

29 ዳቂተ ኮይሮፕ ደሚደ ዉርሰላ ጋካናዉ ኦሌዳባይ፤ ትምቢትያ ኦድያ ሳመላ ታርኪያ ማጻፋን፤ ትምቢትያ ኦድያ ጋደ ታርኪያ ማጻፋን ጸፈት ኡቴዳ።

30 አ ሞት ሞዴደንቶን አ ሞኔዳ ምልቃማ አሳኩ፤ አ ሀኔዳባይ፤ አሰራኤልያ አሳይነ ሄራን ደእያ ካዉተላቴ ኡባይ ሀኔዳባይ ሄ ማጻፋቴቆን ጸፈት ኡቴዳ።

# ሀኔዳባ ኦድያ ላኤንሎ ማጻፋ ገሎዋ

ሀኔዳባ ኦድያ ማጻፋ ላኤንሎ ሻኩ ሀኔዳባ ኦድያ ማጻፋ ኮይር ሻኩ ኤቄዳ ካትያ ዳዊተ ሀይቁዋ ኦድያ ታርክያፕ ደሜ። ሄዌካ ካትያ ሶሎሞና ሞዲዋፕ ደሚደ። እ ሀይቃና ጋካናዉ ደእያ ዋድያ ፕን ከሴ። ሀዲሳ ባጋን ደእያ ዛራቱ ባረ አዉዋ ሶሎሞና ኮታን ካተቲዳ ይሁዳ ካትያ ርባማ ቦላ ማካሌዳ ሀሮታ ኦድ ሰሚደ። የሩሳላሙ ላለቲዳ ዋድያ። ክርሰቶሳ የለታፕ ካሰ 586 ላይላ ጋካናዉ ደእያ ገድሳ ባጋ ይሁዳ ታርክያ ሺሺደ ኦድ።

## ሸሞፓቲቁ ኡባቶ እሙቴዳ ቃንሳ ቆፋቲቁ

ሶሎሞን ካተ ግዲሳ 1:1—9:31

እስራኤልያ ፑደሃ ያራቱ ካትያ ርባማ ቦላ ማካሌሳ 10:1-19

ይሁዳ ካተቲቁ 11:1—36:12

የሩሳላሙ ኩንደላክ እሳይ ባብሎኅ ኦሞደቲሳ 36:13-23

## ሶሎሞን ካተ ግዲሳ

(1 ኦዲዋ 1:1—9:31)

ካቲ ሶሎሞን አዴዳ ኤራ እካናዉ ዋሴዳ

(1 ካታ. 3:1-15)

1 ዳዊታ ናእይ ካቲ ሶሎሞን ባረ ካዉተላ ሞንሴዳ። መጅና ጎዳይ እ ጸሳይ አናና ግዲደ። እ ሎይሰ ግታዬዳ።

2 ሶሎሞን እስራኤልያ ኡባ። ሻእ ካፓቲቁ፣ ጴቲቁ ካፓቲቁ፣ ዳናቲቁ፣ እስራኤልያ እሳ ካለልያ ኡባቲቁን ጎልያ አሳቲቁ ካፓቲቁ ጴሲደ ሺሺደ።

3 ሄዋፕ ጉይያን፣ ሶሎሞን ሺቄዳ እሳይ ኡባይ ጋባኦናን ደእያ ጎይንያ ቆቃ ሳእ ቤድኖ፤ እያዉ ጎፕ። መጅና ጎዳ ቆማይ ሙሴ መላ ቢታን መቆ ጸሳ ዲንካኒ ያን ደኤዳ።

4 ካሰ ዳዊተ ጸሳ ታቦታዉ የሩሳላሙን ዲንካንያ ገግሴዳ። ጸሳ ታቦታ ቅርያት-ይእሪማ ካታማፕ ሄ ገግሰ ዋፊዳ ሳእዉ አህ ዋፊዳ።

5 ሆራ ናእ ኡራ ናእይ ባጻልኤል ናሃሰያ ብራታፕ ኦፊዳ ያርሽያ ሳእይ ጋባኦናን መጅና ጎዳ ዲንካንያ ሰንሳን ደኤ። ሶሎሞን ሄ ሺቄዳ እሳይ ጸሳ ሄዋን ኮዬድኖ።

6 ሶሎሞን መጅና ጎዳ ዲንካንያ ሰንሳን ደእያ ናሃሰያፕ ኦሰቲዳ ያርሽያ ሳኩ። ጸሳ ሰንሳ ቢደ። እት ሻእ ጸግያ ያርሹዋ ያርሹዳ።

7 ሄ ጋላሳ ቃማ ጸሳይ ሶሎሞናዉ ቆንጨደ። “ታን ነዉ እያ እማናዉ ኮያይ?” ያጌዳ።

8 ሶሎሞን ጸሳ። “ኔን ታ አዉዋ ዳዊታ እገና ዋልቃማ ሰቁዋን ሲቃደ፤ ያታደ ታና እ ኮታን ካተያዳ።

9 ሀእካ እቤት መጅና ጎዳዉ። ጸሳዉ። ኔን ታ አዉዋ ዳዊታዉ ካሰ ጌዳ ቃላይ ፖለቶ። ኔን ታና ሳእን ደእያ ባናዳን ጮራቲዳ እሳ ቦላ ካተዬዳ ድራዉ።

10 ታን ሀ እሳ ካለሳናዉ ኔን ታዉ አዴዳ ኤራተሳክ እኩክ እማ። ሄዌ ቆዮፕ፣ ሀ ነ ዋልቃማ እሳ ኦን አይሳናዉ ዳንዳዩ?” ያጌዳ።

11 ጸሳይ ሶሎሞና ሀዋዳን ያጌዳ፤ “ኔን ዲረ ግዳናዉ። ዋይ አቁዋ ደማናዉ። ዋይ ቦንቹታናዉ። ዋይ ነ ሞርከቲ ሀይቃናዉ። ዋይ ነዉ ላይሳይ አዲቃናዉ ኦቹናን አጋደ። ታን ኔና ካተዬዳ ታ እሳ አይሰያ አዴዳ ኤራተሳክ እኩክ ኦቹዳ ድራዉ።

12 ታን ነዉ አዴዳ ኤራተሳክ እኩክ እማና። ቃይ ኔፕ ካሰ ደኤዳ ካተቶ ዋይ ኔፕ ጉይያን ያና ካተቶካ ባይና ዲረታ። አቁዋን ቦንቹዋ ታን ነዉ እማና” ያጌዳ።

13 ሄዋፕ ጉይያን፣ ሶሎሞን ጸሳ ዲንካኒ ጋባኦናን ደእያ፣ ጎይንያ ቆቃ ሳፕ ሰሚደ። የሩሳላሙ ቤዳ፤ እስራኤልያ ቦላ ካተቲዳ።

ካትያ ሶሎሞን ሞኖተሳክ ዲረተሳ

(1 ካታ. 10:26-29)

14 ሶሎሞን ፓራ ጋረቲቁን ፓራቲቁ ሺሺደ። አዉ እት ሻእክ ኦይዱ ጴቲ ፓራ ጋረቲቱ ታማክ ላኤ ሻእ ፓራቲ ደእኖ። እ ኡንቲንቲ ፓራ ጋረቲቁ ካታማቲቁን ባረናና የሩሳላሙን ዋፊዳ።

15 ካቲ ዋርቃይነ ብራይ የሩሳላሙን ሹቻዳን ኬለታናዳን፣ ዝጋይካ ጋፋን ድጭያ ኤላዳን ጮራታናዳን ኦፊዳ።

16 ሶሎሞን ፓራቴ ግብጾፕን ቃዌ ጌተትያ ጋድያፕ ዬድኖ። ካትያ ዛልእንቻቱ ኤንቱንታ ቃዌፕ ሻሉዋን ሻሚደ እሂኖ።  
 17 ኤንቱንቱ እት እት ፓራ ጋርያ ኡሱቱን ጾቱ ጻጋራ ብራን፣ እት እት ፓራ እት ጾታን እሻታሙ ጻጋራ ብራን ግብጾፕ ሻሚደ እሂኖ፤ ሂተቱዋ ካተቱዋ ኡባቶን ሶርያ ካተቶ ዛልእኖ።

## 2

### ሶሎሞን ጌሻ ጎልያ ኬጻናዉ ጊግሴዳ (1 ካታ. 5:1-18)

- 1 ሶሎሞን መድኛ ጎዳ ሱንጻዉ ጌሻ ጎልያን ባረዉ ካትያ ጎልያ ኬጻናዉ ሀልቼዳ።
- 2 ሄዋ ድራዉ፣ ሶሎሞን ቶክያዋ ቶሳናዉ ላፑን ታሙ ሻእ ኣሳቱዋን ገዝያን ሹቻ ቆእናዉ ሆሰፑን ታሙ ሻእ ኣሳቱዋ ድራዳ፤ ቃይ ኤንቱንታ ዎቻያ ሄዙ ሻእን ኡሱቱን ጾቱ ኣሳቱዋ ኤንቱንቱ ቦላ ሰንሴዳ።
- 3 ሄዋፕ ጉይያን፣ ሶሎሞን ጺርሳ ካትያ ኪራማዉ ኪታ ኪቲደ፣ “ታ አዉ ዳዊተ ባረዉ ካትያ ጎልያ ኬጻናዉ ኔን ዝጋ የዴዳዋዳን፣ ታዉካ የዴ።
- 4 ሀእ ታን መድኛ ጎዳ ታ ጸሳ ሱንጻዉ ጌሻ ጎልያ ኬጻናዉ ሀርይ። ታን ሳዉዋ ቶሽኩ ግያ እጻና ጨዋያናዉ፣ ኡባ ዎደ ጸሳ ሰንጻን ኡክጻ ዎላናዉን ኡባ ገደ ጉራን ኦማርሳ፣ ሳዎባታ ጋላሳቱዋን፣ ኤግናይ ጾርያ ዎደቱዋን፤ ጸሳ ኑ ጸሳ ባላ ጋላሳቱዋን ጸግያ ያርሹዋ ያርሻናዉ፣ ሄ ጌሻ ጎልያ ዲማያና። እስራኤልያ ኣሳይ መድኛዉ ኦላናዳን እዛዘቲዳ ኦሱቱ ሀዋንታ።
- 5 “ኡ ጸሳይ ሀራ ጸሳቱዋ ኡባፕ ዎልቃማ ግድያ ድራዉ፣ ታን ኬጻናዉ ሀንያ ጌሻ ጎሊ ዎልቃማ።
- 6 ሽን አዉ ጌሻ ጎልያ ኬጻናዉ ዳንዲይያዌ ኦኔ? እያዉ ጎፕ፣ ሳሉዋፕ ቆቃ ሳሉካ አዉ ግዳናዉ ዳንዳየና! ያትና፣ ታን ኦ ሰንጻን ያርሹዋ ያርሻናፕ አትና፣ ታን አዉ ጌሻ ጎልያ ኬጻናዉ ኦኔ?
- 7 “ሀእካ እሌቂያዋንታ ከሰያ ኪታ፣ ዎርቃ፣ ብራ፣ ናሃሰያን ብራታ ሲልሲደ ትግያ ኦሱዋን ዞኦ ማዩዋ፣ ኦቻ ቴራ ማላትያ ማዩዋን ሳሉዋ ማላትያ ማዩዋ ጊግሰያ ኪታ ኤራተሳይ ደእያ ኣሳ ታዉ የዳ። ታ አዉ ዳዊተ ይሁዳን፤ የሩሳላሙን ደእያ ኩሽያ ሂላ ኤርያዎንታ ዶር ዎልዳ፤ እ ኤንቱንቱና እትፕ ኦሳና።
- 8 ለባናሳን ደእያ ካን ኣሳቱ ዎላ ዎት ቃንጽንቶ ኤርያዎ ታን ኤራይ። ሄዋ ድራዉ፣ ኔን ታዉ ለባናሳፕ ዝጋ፣ ጽድያን ሳንዳልያ የዳ። ታ ኣሳቱ ካን ኣሳቱዋና ግዲደ።
- 9 ታዉ ዳር ዎላ ጊግሳና። እያዉ ጎፕ፣ ታን ከጽያ ጌሻ ጎሊ ግታን ማላልሰያዎ።
- 10 ዎላ ቃንጽያ ካን ቆማቶ ታን ላታሙ ሻእ ኮንታለ ዛርጋን ላታሙ ሻእ ኮንታለ ባንጋ፣ ቃይ ኦይዴ ጾቱ ሻእ ሊትር ዎይንያ ኤሳን ኦይዴ ጾቱ ሻእ ሊትር ዎጋራ ዛይትያ እማና” ያጌዳ።
- 11 ጺርሳ ካትያ ኪራዎ ሶሎሞናዉ ዳብዳቢያ ኪቲደ፣ “መድኛ ጎዳይ ባረ ኣሳ ሲቅያ ድራዉ፣ እ ኔና ኤንቱንቱ ቦላ ካተዬዳ” ያጌዳ።
- 12 ኪራዎ ቃይካ፣ “መድኛ ጎዳዉ ጌሻ ጎልያን ባረዉ ካትያ ጎልያ ኬጻናዳን እዴዳ ኤራንቻ፣ እኪካንቻን ጭንጫ ናኣ ካትያ ዳዊታዉ እማዳ፣ ሳሉዋ ሳኣ መዴዳ መድኛ ጎዳይ፣ እስራኤልያ ጸሳይ ጋላተቶ።
- 13 “ሀእካ ታን ነዉ ሁራማ ጌተትያ ሂላንቻን እኪካንቻ ብታንያ የዳድ።
- 14 እ ኢታ ዳና ዛርጋ፤ ቃይ እ አዉ ጺርሳ ጋድያ ኣሳ። እ ዎርቃ፣ ብራ፣ ናሃሰያ፣ ብራታ፣ ሹቻን ዎላ ኦልያ ኣሳ፤ ቃይ ኦቻ ቴራ ማላትያ ማዩዋ፣ ሳሉዋ ማላትያ ማዩዋ፣ ዞኦ ማዩዋን ሱፍያ ጌተትያ ማዩዋ ጊግሰያ ኪታ ኤራዳ። ቃይካ እ ዲማ ዳማ እሌቂያዋንታ ከሲደ፣ ኦይዳዋዳን ኡባ፤ ኦሳናዉ ዳንዳዬ። ሄዋ ድራዉ፣ ኩሽያ ሂላን ሎሂዳ ካን ኣሳቱዋና ካሰ ካን ኣዎ፣ ዳዊታዉ ኦልዳ ኣሳቱዋና ኣ ኦሰሳ።
- 15 “ሀእካ ኔን ታ ጎዳይ እማና ጌዳ ዛርጋን ባንጋ፣ ዛይትያን ዎይንያ ኤሳ ታ ቆማቶ የዳ።
- 16 ኔን ለባናሳፕ ኮዮ ዎላ ኪሻ ኦን ቃንጺደ ቃሽሲደ፣ ኣባ ቦላና ቶክቲደ፣ ኔኮ የጸ ባናዳን ኦላና። ያቶፕ ኔን ያፕ የሩሳላሙ ጋካናዉ አፍሳና” ያጌዳ።

### ሶሎሞን ጌሻ ጎልያ ኬጾዳ (1 ካታ. 6:1-38)

- 17 እ አዉ ዳዊተ ካሰ ፓይዴዳዋዳን፣ ሶሎሞን እስራኤልያ ቢታን ደእያ ካረ ቢታ ኣሳ ኡባ ፓይዴዳ፤ ኤንቱንቱ 153,600 ግዲድኖ።
- 18 ሶሎሞን ሄ ኣሳፕ 70,000 ቶክያዋ ቶሳናዉ፣ 80,000 ገዝያን ሹቻ ቆእናዉ ድራዳ፤ ቃይ ኤንቱንታ ዎቻናዉ 3,600 ኣሳቱዋ ሰንሴዳ።

### 3

1 ሶሎሞን አዉ ዳዊተ መድና ጎዳ ጌሻ ጎል ኬጸታና ሳኦ ሞርያ ግያ ደርያን የሩሳላመን ገገሰ ዋሌዳ። ሄ ሳኦ መድና ጎዳይ ዳዊታዉ ባረና በሴዳ፣ ያቡስያ ኦርና ኡዲማ።

2 ሶሎሞን ባረ ካተቲዳ ኦይደንሶ ላይላን፣ ላኤንሶ አግናን፣ ላኤንሶ ጋላሳን ጌሻ ጎልያ ኬጸናዉ ደሚዳ።

3 ሶሎሞን ጸሳ ጌሻ ጎልያ ኬጸናዉ ባሴዳ ባሱዋ ጌሳይ ኡሱቱን ታሙ ዋቋ፤ ጎምጋይ ላታሙ ዋቋ።

4 ጌሻ ጎልያ ገልያ ሳኦን ደእያ ባሩንዳ ጎምጋይ ጌሻ ጎልያ ጎምጋካ ኬሻ ላታሙ ዋቋ፤ ጌሳይ ላታሙ ዋቋ። አ ግዲዋ ጌሻ ዋርቃን ሺሺዳ። 3:4 ላታሙ ዋቋ፣ አብራዌሎ አት ጴታን ላታሙ ዋቋ ጌ።

5 ዉይገ አዳራሽያ ጽድያ ጸላላን ልቅ ካሜዳ፤ ሙሩታ ዋርቃን ሺሺዳ፤ ያቲደ ዛምባ ምስልያንን ሳንሳላታን አለቂሴዳ።

6 ጌሻ ጎልያ እልኦ ሹቻን አለቂሴ፤ አ አለቂሴዳ ዋርቃይ ፓርዋይማ ጋድያፕ ዬዳ ዋርቃ።

7 ማረቱዋ፣ ግምቡቱዋ፣ ቆሰላላንን ፕንገቱዋ ዋርቃን ሺሺዳ፤ ቃይ ጎዳ ቦላ ክሩቡቱዋ ምስልያ ማሴዳ።

8 ሶሎሞን ኡባፕ አድያ ጌሻ ሳኦ ኬጴዳ። ሄ ሳኦ ጌሳይ ጌሻ ጎልያ ጎምጋዳን ላታሙ ዋቋ፤ ጎምጋይ ላታሙ ዋቋ። ሄ ሳኦ ጎዳ ላታሙ ሻእ ኪሎ ግራሙ ጸልታ ዋርቃን ሺሺዳ።

9 ኡንቱንቱ ጎኤቲዳ ምስማሪ እቼሹ ጴታን ላቱን ታሙ ግራሙ ዋርቃፕ መፀቲዳ። ፖቅያን ደእያ ክፍለቱዋካ ዋርቃን ሺሺዳ።

10 ሶሎሞን ኡባፕ አድያ ጌሻ ሳኦን ላኡ ክሩቡቱዋ ምስላቱዋ ማሰ ገገሲዳ፣ ዋርቃን ሺሺዳ።

11 ሄ ክሩቡቱዋ ቀፊ ምጩቲዳ፣ ላታሙ ዋቋ፤ ኮይሮ ክሩብያዉ ኮይሮ ቀፊ እቼሹ ዋቋ ግዲዳ፣ ጌሻ ጎልያ ጎዳ ቦቼ፤ ላኤንሶ ቀፊካ እቼሹ ዋቋ ግዲዳ፣ ሀራ ክሩብያ ቀፍያ ቦቼ።

12 ላኤንሶ ክሩብያዉ ኮይሮ ቀፊ እቼሹ ዋቋ ግዲዳ፣ ጌሻ ጎልያ ጎዳ ቦቼ፤ ላኤንሶ ቀፊካ እቼሹ ዋቋ ግዲዳ፣ ኮይሮ ክሩብያ ቀፍያ ቦቼ።

13 ሀ ላኡ ክሩቡቱዋ ቀፊ ምጩቲዳ፣ ላታሙ ዋቋ ግዲዳ፤ ኡንቱንቱ ባረንቱ ዳሙዋ ጌሻ ሳኦን ዛሪዳ፣ ባረንቱ ገድያን ኤቂድና።

14 ሶሎሞን ሳላዋ ማላትያ ማዩዋፕ፣ አቻ ቲራ ማላትያ ማዩዋፕ፣ ዞኦ ማዩዋፕን ሱፍያ ቃጭናፕ ጸደቲዳ ማዩዋፕ ጋርዲዋ ኦሊዳ፣ አ ቦላ ክሩቡቱዋ ምስላቱዋ መዴዳ።

#### ላኡ ናሃስያ ቱሳቱዋ (1 ካታ. 7:15-22)

15 ሶሎሞን ጌሻ ጎልያ ሰንሳን እቱዋ እቱዋ ጌሳይ ሀታማን እቼሹ ዋቋ አዲቂያ ላኡ ቱሳቱዋ መድሴዳ፣ ኡንቱንቱ ሁጲያን እቼሹ ዋቋ ጉምቡዋ ዋሌዳ።

16 ቃይ ሳንሳላታ ግትያዳን መድሴዳ፣ ቱሳቱዋ ሁጲያን ዋሌዳ፤ ያቲደ ሮማን ጌተትያ ቲራ ምስለቱዋ ጴታቱዋ መድሴዳ፣ ሳንሳላታ ቦላ ዋሌዳ።

17 ቱሳቱዋፕ እቱዋ ጌሻ ጎልያ ሰንሳን ኡሽቻ ባጋና፣ ላኤንሎዋ ቃይ ሀድርሳ ባጋና ኤሴዳ። ኡሽቻ ባጋና ደእያ ቱሳ ያኪና \* ሱንሌዳ፤ ሀድርሳ ባጋና ደእያ ቱሳ ቦኤካ † ሱንሌዳ።

### 4

#### ጌሻ ጎልያ ሚሻቱዋ (1 ካታ. 7:23-51)

1 ሄዋፕ ጉይያን፣ ሶሎሞን ጌሳይ ላታሙ ዋቋ፣ ጎምጋይ ላታሙ ዋቋ፣ ጌሳይ ታሙ ዋቋ ግድያ ያርሽያ ሳኦ ናሃስያ ብራታፕ ኦሰሰዳ።

2 ቃይ ናሃስያ ብራታ ሲልሰዳ፣ ድናይ ያ ጋጸፕ ሀ ጋጸ ጋካናዉ ታሙ ዋቋ፣ ጌሳይ እቼሹ ዋቋን ዩሹ ሀታሙ ዋቋ ግድያ አባ ግያ ሳኒያ መድሴዳ።

3 አባ ሳኒያ ድናን ካረ ባጋና ዘቂ ገደ፣ አናና ኦይቀቲደ መፀቲዳ ምስላቱ ደእኖ፤ ሄ ምስላቱ ላኡ ማራን ደእያ ቦራቱዋ ምስላቱዋ።

4 ሄ አባ ሳኒ ናሃስያ ብራታፕ መፀቲዳ ታማን ላኡ ቦራቱዋ ምስላቱ ዘክያን ኡቲዳ። ቦራቱዋፕ ሄዛቱ ሁጲሳ ባጋ፣ ሄዛቱ አዋይ ዉልያ ባጋ፣ ሄዛቱ ገድሳ ባጋ፣ ሄዛቱ ቃይ አዋይ ድልያ ባጋ ሰሚደ ጴልያዋ ማላትና። አባ ሳኒ ኡንቱንቱ ቦላ ኡቲዳ፤ ኡንቱንቱ ጉዮ ባጋይ ግዲዋን ሰም ኡቲዳ።

3:1 ደሙላ 22:2    3:8 ከሳ 26:33-34    3:10 ከሳ 25:18-20    3:14 ከሳ 26:31    \* 3:17 ያኪና- ሀ ሱንሳ ብላላይ አብራዌሎዋን፣ “ጸሳይ ኬጴዳ” ግያዋ።    † 3:17 ቦኤካ- ሀ ሱንሳ ብላላይ አብራዌሎዋን፣ “ጸሳ ምናተላ” ግያዋ።  
4:1 ከሳ 27:1-2

5 አባ ሳኒ እት ታካ □ ኪሻ ኦርዲቆ፤ አ ደናይ ዋንጫ ደና ማላ፤ ቃይ ጨሻይ ጨሼዳዋካ ማላቴ። ሄ አባ ሳኒ ኡሱፑን ታሙ ሻአ ሊትሮ ግድያ ሃላ ኦይቁያዎ።

6 ሶሎሞን ቃይካ ሚጨትያ ታሙ ከረቱዋ መድሴዳ፤ መድሴዳ አቼሻቱዋ ገድሳ ባጋና፣ ቃይ እቼሻቱዋ ሁጲሳ ባጋና ዋሌዳ። አንቱንቱን ጸግያ ያርሹዋ እሹ ሚጨቴ፤ ሽን አባ ሳኒያ ሃላን ቁሳቱ ሚጨትና።

7 ሄዋፕ ጉይያን፣ ሶሎሞን አንቱንቶ እመቲዳ ሀልቼዋዳን ጸምፕያ ዋልያ ባላቱዋ ታማቱዋ ዋርቃፕ ኦስሲደ፣ እቼሻቱዋ ኡሸቻ ባጋና፣ እቼሻቱዋ ሀድርሳ ባጋና ጌሻ ጎልያ ግድን ዋሌዳ።

8 ቃይካ እ ታሙ ጸርጴዛቱዋ ኦሊደ፣ እቼሻቱዋ ኡሸቻ ባጋና፣ እቼሻቱዋ ሀድርሳ ባጋና ጌሻ ጎልያ ግድን ዋሌዳ። ቃይ ጴቱ ኩይጸርቱዋካ ዋርቃፕ መድሴዳ።

9 ሶሎሞን ቁሳቶ ግድ ዳባባነ ካረ ባጋ ዋልቃማ ዳባባ ጊግሴዳ፤ ዳባባዉ ፐንገቱዋ ጊግሴዳ፣ ፐንገቱዋ ናሃሰያ ብራታን ሸሼዳ።

10 አባ ሳኒያ ጌሻ ጎልያፕ ገድሳ አዋይ ደልያ ባጋ ዋሌዳ።

11 ሁራም ከረቱዋ፣ አካፋቱዋን ኩይጸርቱዋ መድዴ፤ ያቲደ ሁራም ካትያ ሶሎሞናዉ ጸሳ ጌሻ ጎልያን ከታ ኦሊደ ፖሌዳ።

12 እ ኦሊዳ ኦሶቱካ ላኡ ቱሳቱዋ፣ ቱሳቱዋ ሁጲያን ዋልያ ሳኒይን ማላ ላኡ ጉምቦቱዋ፣ ቱሳቱዋ ቦላይ ደእያ ላኡ ጉምቦቱዋ አሊቁሰያ ላኡ ግፕ ማላ ሳንሳላታቱዋ፣

13 እት እት ጉምቦቱዋ ቦላ ላኡ ማራን ናሃሰያፕ መ□ቲዳ እት እት ጴቱ ሮማነ ቴራ ምሰለቱዋ፣ ኡባና ኦይዱ ጴቱ ሮማነ ቴራ ምሰለቱዋ፣

14 ታሙ ጋረቱዋ፣ ጋረቱዋ ቦላን ዋድያ፣ ሚጨትያ ታሙ ከረቱዋ፣

15 አባ ሳኒያን አፕ ጋርሳን ደእያ ታማነ ላኡ ቦራቱዋ ምሰለቱዋ፣

16 ከረቱዋ፣ አካፋቱዋ፣ ዛምቤልያን ሀራ ሚሻቱዋ ኡባ።

ሁራም ካትያ ሶሎሞናዉ መድድ ጎዳ ጌሻ ጎልያ ኦሶ መድዴ ሀ ሚሻቱዋ ኡባ ቁጨቴዳ ናሃሰያፕ መድዴ።

17 ካቲ ሶሎሞን ሱኮታፕን ጸራዳፕ ግዴዋን፣ ዮርዳናሳ ደምባን ደእያ ናሃሰያ ብራታ ሲልሰያ ሳኒን ሀዋንታ ኡባ ኦስሴዳ።

18 ናሃሰያ ብራታፕ መ□ቲዳ ሀ ሚሻይ ኡባይ ሎይል ዳሮ ግዴዳ ድራዉ፣ ዋይሳ ዴጽንቶ፣ ልኪ ኡረትቤና።

19 ቃይካ ሶሎሞን ጸሳ ጌሻ ጎልያ ደእያ ሚሻቱዋ ዋርቃፕ ኡባ መድሴዳ። ሄዋንቱካ ዋርቃፕ ኦሊዳ ያርሸያ ሳኒ፣ ጸሳ ሰንሳን ዋልያ ኡክላይ ኡትያ ጸራጴዛ።

20 አንቱንቶ ዋሌዳ ዋጋዳን ኡባፕ አድያ ጌሻ ሳኒ ሰንሳን ፖአናዳን ጸምፕያ ዋልያ ዋርቃ ባላቱዋ፣ አንቱንቱ ዋርቃ ጸምፕቱዋ፣

21 ጌሻ ዋርቃፕ ኦሊዳ ጨሻ ምሰለቱዋ፣ ጸምፕያ ቶይሰያ ቃጸቱዋ።

22 ጸምፕያ ቶይሰያ ቃጸቱዋ፣ ኩይጸርቱዋ፣ እጻና ጨቆይያባቱዋን ታማ አክያ ሚሻቱዋ። ሀ ሚሻቱ ኡባይ ጌሻ ዋርቃፕ ኦስቲድና። ጌሻ ጎልያዉ ካረ ባጋ ፐንገቱዋን ኡባፕ አድያ ጌሻ ሳኒ ገልያ ፐንገቱዋ ዋርቃን ሸሼዳ።

### 5

1 ሶሎሞን መድና ጎዳ ጌሻ ጎልያ ከታ ኡባ ፖሌዳዋፕ ጉይያን፣ እ አዉ ዳዊተ ጸሳዉ ዲማይ ዋሌዳ ብራ፣ ዋርቃን ሀራ ሚሻቱዋ ኡባ አሂደ፣ ጸሳ ጌሻ ጎልያ ሚሻ ምንጅያሳን ዋሌዳ።

#### ጸሳ ታቦታይ ጌሻ ጎልያ ገሌዳ (1 ካታ. 8:1-9)

2 ሄዋፕ ጉይያን፣ ካቲ ሶሎሞን መድና ጎዳ ቃላ ጫቁዋ ታቦታ ዳዊታ ካታማፕ፣ ጽዮነፕ አሀናዳን አሰራኤልያ ጭማቱዋ፣ ዛራቱዋ ኡባ ካፓቱዋን አሰራኤልያ ጎልያ አሳቱዋ ካለልያዋንታ የሩሳላሙ ካታማ ሸሼዳ።

3 አሰራኤልያ አሳይ ኡባይ ላፑንላ አግናን፣ ዳሰያ ባላይ ቦንቼትያ ዋይ፣ ካትያኮ ሸቁዳ።

4 አሰራኤልያ ጭማቱ ኡባይ ጋካናዉ፣ ሊዋቱ ታቦታ ደንሌድና።

5 ሊዋቱን ቁሳቱ ታቦታ፣ ጸሳ ጋከትያ ዲንካንያን ዲንካንያ ግድን ደእያ ጌሻ ሚሻቱዋ ኡባ ቶኪደ አሂድና።

6 ካቲ ሶሎሞንን አናና እትፕ ደእያ አሰራኤልያ ያእይ ኩሙንላይ ታቦታ ሰንሳን ሸቁዳ፣ ፓይዳናዉ ዳንዳየተና፣ ጮራ ደርሳን ሙሀያ ያርሸድና።

7 ሄዋፕ ጉይያን፣ ቁሳቱ መድና ጎዳ ቃላ ጫቁዋ ታቦታ ጌሻ ጎልያዉ ግድ ጌሻ ቆልኡዋ፣ ኡባፕ አድያ ጌሻ ሳኒ ግያ ሳኒ አሂደ፣ ክሩቡቱዋ ምሰለቱ ቀፈቱዋፕ ጋርሳ ባጋና ዋሌድና።



8 ሞጬት ኡቴዳ ክሩበቴዎ ቀፈቲ ታቦታን ታቦታ ቶክያ ካሱዎ ካሚድኖ።

9 ካሱቴ ሎይሰ አዲሳ ግድያ ድራው። ኡንቴንቴ ጸራይ ኡባጥ አድያ ገሻ ሳኣ ሰንጻን ደእያ ገሻ ሳኣን ቤታናው ዳንዳዬ፤ ሽን ገሻ ሳኣጥ ካረና ቤተና። ኡንቴንቴ ሆቼ ጋካናው፤ ሄ ሳኣን ደእኛ።

10 እስራኤልያ አሳይ ግብጾ ጋድያጥ ከሴዳ ዎደ። መድና ጎዳይ ኡንቴንቴና ቃላ ጫቁዎ ጫቁቴዳ ሲና ደርያን ሙሴ ዎሌዳ ላኡ ማሰቴዳ ሹቻቴዎጥ አትና፤ ታቦታ ግድን ሀራባይ እያይነ ባዎ።

**ጸሳ ቦንቹዎ**

11-14 ሄ ሳኣን ደእያ ቄሳቲ ኡባቴ ባረንቴ ኦልያ ሳኣን ሳኣን ሻከተናን፤ እትጥ ባረንታ መድና ጎዳው ዲማይ ዎሌድኖ። ማዝሙርያ የጽና ሌዎቴ ኡባቴ፤ አሳፈ። ሄማንነ ለዲቴን፤ ኡንቴንቴ ናናይነ ኡንቴንቴ ዳቦቴ ሱፍያ ግያ ማዩዎ ማዬድኖ። ሄ ማዩዎ ማዬደ፤ ዳላቴዎ፤ ዲላቴዎን ማሰንቆቴዎ ኦይቂደ፤ ያርሽያ ሳጥ አዎይ ዶልያ ባጋና ኤቄድኖ፤ ጾታን ላታሙ ቄሳቲ ጸራምባቴዎ ፑናናው ኡንቴንቴና እትጥ ኤቄድኖ። ኡንቴንቴ ኡባይ ጸራምባቴዎ ፑኒደ፤ ዳላቴዎ ቃሊደ፤ ዲላቴዎ ዲዲደነ ሀራ ካእያ ሚሻቴዎን ካኢደ፤

“መድና ጎዳይ ሎእ!

እገና ኦ ሰቄ መድናዎ”

ያገደ መድና ጎዳ ሳቤድኖ።

ቄሳቲ ገሻ ጎልያጥ ከሰያ ዎደ፤ ሻሪ ጸሳ ገሻ ጎልያ ኩሚዳ፤ ሄ ሻርያ ጋሱዎን ቄሳቲ ባረንቴ ኡሱዎ ኦላናው ዳንዳይበይክና፤ እያው ጎጥ፤ ጸሳ ቦንቹ ጸሳ ገሻ ጎልያ ኩሞ ኡቴዳ።

**6**

**ሶሎሞን አሳው ሃሳዬዳ ሃሳያ**

(1 ካታ. 8:12-21)

1 ሄዎጥ ጉይያን፤ ሶሎሞን ሀዎዳን ያጌዳ፤ “አቤት መድና ጎዳው፤ ኔን፤ ታን ቆማ ሻርያን ጸእና፤ ያጋ ዎላዳ።

2 ሽን ታን ነዉ ሎኦ ገሻ ጎልያ፤ ኔን እን መድናው ደእና ሳኣ ኬጸድ” ያጌዳ።

3 እስራኤልያ ያእይ ኩሙንጻይ ኤቄደእሽን፤ ካቲ ኡንቴንቴኩ ሰሚደ፤ ኡንቴንገታ ሀዎዳን ያገደ እንጄዳ፤

4 “መድና ጎዳይ እስራኤልያ ጸሳይ ጋላተቶ! ታ አዉዎ ዳዊታዉ ባረ ዶናን ኦዳዳ ህደታ ባረ ኩሽያን ፖሌዳ። ሄ እ ኦዳዳ ናሽቻይ፤

5 ታን ታ አሳ እስራኤልያ ግብጾጥ ከሳደ አሄዳ ጋላሳጥ ደምና፤ ታ ሱንጻይ እን ጸሰታናዎ ማላ፤ ገሻ ጎልያ ኬጸናው እስራኤልያ ዛራቴዎ ግድን እያ ካታማን ዶራቦይከ፤ ዎይ እ ታ አሳ እስራኤልያ ካለፋና ማላ፤ ኦናን ዶራቦይከ።

6 ሽን ሀእ ታ ሱንጻይ የሩሳላሙን ጸሰታና ማላ፤ ታን የሩሳላሙ ዶራድ፤ ቃይ ታ አሳ እስራኤልያ ካለፋና ማላ፤ ዳዊታ ዶራድ” ያጌዳ።

7 “ታ አዉ ዳዊተ መድና ጎዳው እስራኤልያ ጸሳ ሱንጻው ገሻ ጎልያ ኬጸናው ባረ ዎዛናን ቆፔዳ።

8 ሽን መድና ጎዳይ ታ አዉዎ ዳዊታ፤ “ኔን ታ ሱንጻው ገሻ ጎልያ ኬጸናው ነ ዎዛናን ቆፔዳ ድራው፤ ሎኦባ ኦላዳ።

9 ግድገን፤ ገሻ ጎልያ ኬጸናዌ ኔና ግዳካ፤ ታ ሱንጻው ገሻ ጎልያ ኬጸናዌ ነ ጉልባታጥ የለታና ነ ናኦ” ያጌዳ።

10 “ሀእካ መድና ጎዳይ ባረ ጌዳ ህደታ ቃላ ፖሌዳ። መድና ጎዳይ ካሰ እሚዳ ናሽቻዳንካ፤ ታን ታ አዉዎ ዳዊታ ሳኣን ካተታናውን ሀእ እስራኤልያ ካዉተላ አራታን ኡታድ። ቃይ መድና ጎዳ እስራኤልያ ጸሳ ሱንጻው ገሻ ጎልያ ኬጸድ።

11 መድና ጎዳይ እስራኤልያ አሳና ጫቁቴዳ ጫቁ ጸፈቴዳ ማሰቴዳ ሹቻቴ ደእያ ታቦታካ እ ግድን ዎላድ” ያጌዳ።

**ሶሎሞን ዎሳ**

(1 ካታ. 8:22-53)

12-13 ሶሎሞን እኩተሳይ እቼሹ ዎቶ፤ ጎምጋይ እቼሹ ዎቶን ቃይ ጌሳይ ሄዙ ዎቶ ግዴዳ ማድራክያ ናሃሰያ ብራታጥ ገገሲደ፤ ካረ ዳባባ ግድን ኤሰ ዎሌዳ። ሄዎጥ ጉይያን፤ ሶሎሞን መድና ጎዳው ያርሽያ ሳኣ ሰንጻን፤ እስራኤልያ ያእይ ኩሙንጻይ ደእያ ሳኣን ኤቄደ፤ ባረ ኩሽያ ሳላዎ ዛራደ ሞጬዳ፤ እስራኤልያ ሽቁዎ ኩሙንጻ ሰንጻን ጉልባቴዳ።

5:10 ዛረ. 10:5    5:11-14 1 ኦዲዎ 16:34፤ 2 ኦዲዎ 7:3፤ እዘራ 3:11፤ ማዘ. 100:5፤ 106:1፤ 107:1፤ 116:1፤ 136:1፤ ኡር. 33:11    5:11-14 ከሳ 40:34-35    6:4 2 ሳሜላ 7:1-13፤ 1 ኦዲዎ 17:1-12

14 ያቲደ ሀዋዳን ያጊደ ዋሴዳ፤ “አቤት መድና ጎዳው፣ እስራኤልያ ያሳው፣ ሳሎዋን ዋይ ሳኒን ነ ማላ ጸሰ ባዋ። ኔን ነ ቃላ ጫቁዋ ናጋሳ፤ ባረንቱ ኩመንሳ ዋዛናጥ ነ ሰንሳን ሀመቲዳ ነ ቆማቱዋ አገና ሰቁዋን ሲቃሳ።

15 ነ ቆማው፣ ታ አወዋ ዳዊታወ ኔን ኦላና ጋደ ሃሳዬዳ ቃላ ናጋዳ፤ ኔን ካሰ ነ ዶናን ሃሳዬዳዋ ነ ኩሽያን ሀቼ ፖላዳ።

16 “ሀኒካ አቤት መድና ጎዳው፣ እስራኤልያ ያሳው፣ ኔን ነ ቆማው፣ ታ አወዋ ዳዊታው፣ ኔን ታ ሰንሳን ሀመቲዳዋዳን ነ ናናይካ ታ ህግያን ሀመታናወ ባረንቱ ኦግያ ናገጥ፣ እስራኤልያ ካወተላ አራታን ኡትያ አሳ ኔን ኡባካ ጳያካን ያጊዳ ቃላ ፖላ።

17 አቤት መድና ጎዳው፣ እስራኤልያ ያሳው፣ ኔን ነ ቆማ ዳዊታወ ሃሳዬዳ ነ ቃላይ ሀኒካ ፖላቶ።

18 “ሸን ያሳይ ቱሙ፣ አሳና አትጥ ሀ ሳኒን ደአኔየ? በአ፣ ሳሎቱ፣ ኡባጥ ጾቃን ደአያ ሳሎቱካ ነወ ግዳናወ ዳንዳይክና። ያትና፣ ሀ ታን ኬዬዳ ጌሻ ጎሊ ነወ አያ ኬሻ ጉዳንዳሻ!

19 ግደጥ፣ አቤት መድና ጎዳው፣ ታ ያሳው፣ ታ ዋሳ፣ ነ ቆማ ዋሳን ዋትዋቱዋ ኔን ሀይዛ። ታን ነ ቆማይ ነ ሰንሳን ዋሰያ ዋሳን ዋሱዋ ኔን ሰሳ።

20 ኔን ናጋ ሰንሳይ ሄ ሳኒን ጸሰታና፣ ጌዳ ሀ ጌሻ ጎልያኩ፣ ነ አይፊ ቃማን ጋላሰ ጸሎ። ታን ነ ቆማይ ሀ ጌሻ ጎልያኩ ሰማደ፣ ዋሰያ ዋሳ ኔን ሰሳ።

21 ታን ነ ቆማይ ነ ነ አሳይ እስራኤሊ ሀ ጌሻ ጎልያኩ ሰማደ፣ ዋትዋትያ ዋትዋቱዋ ኔን ሰሳ። ኔን ደአያ ሳኒን ሳሎዋን ሰሳደ፣ ኑወ አቶ ያጋ።

22 “አት አሳይ ባረ ሾሩዋ ዮዲደ ጸ ጊና፣ አ ጫቀላናወ ሀ ጌሻ ጎልያ አሀና፣ አ ግደን ደአያ ያርሸያ ሳኒ ሰንሳን አ ጫቆጥ።

23 ኔን ሳሎዋን ሰሳደ ከተታ። ነ ቆማቱዋ ግዲዋን ፕርዳ። ባይዛንኹቱዋ ቦላ ፕርዳደ፣ አ ኦሌዳዋ አ ቦላ ዛራ፤ ጽሎታ ሻትንሳደ፣ አወ አ ጽሎተላዳን ዛራ።

24 “ነ አሳይ እስራኤሊ ነ ቦላ ናጋራ ኦሌዳ ጋሱዋን ሞርክያን ያነቲደ፣ ኡንቱንቱ ኔኩ ሰሚደ፣ ነ ሰንሳ ጸሰደ፣ ሀ ጌሻ ጎልያኩ ኔና ዋሶጥን ነወ ዋትዋቶጥ።

25 ኔን ሳሎዋን ሰሳ። ሰሳደ ነ አሳ እስራኤልያ ናጋራ አቶ ያጋ፤ ያታደ ኔን ካሰ ኡንቱንቱወን ኡንቱንቱ ማይዛ አዋቶ እሚዳ ቢታወ ኡንቱንቱ ጉዮ ዛራ።

26 “ነ አሳይ ነ ቦላ ናጋራ ኦሌዳ ጋሱዋን ሳሎ ጎርደትናን አራይ ቡከናን አጽና፣ ኡንቱንቱ ሀ ሳኒ ሰሚደ፣ ዋሶጥን ኔን ኡንቱንቱ ዋሳን ኡንኤሌዳ ድራው፣ ነ ሱንሳ ጸሰደ፣ ባረንቱ ናጋራጥ ሰሞጥ።

27 ኔን ሳሎዋን ሰሳ። ነ ቆማቱዋ ናጋራ፣ ነ አሳ እስራኤልያ ናጋራ አቶ ያጋ። ኡንቱንቱ ሀመታናወ በሰያ ሎኦ ኦግያ ኡንቱንታ ታማርሳ፤ ያታደ ኔን ነ አሳ ላትሴዳ ጋድያን አራ ቡክሳ።

28 “ቢታ ቦላን ኮሻይ ዋይ ኢታ ሀርጊ ዪና፣ ዋይ ካሳ ለጊ፣ ዋይ ለሹ፣ ዋይ ቦሊ፣ ዋይ ቡምቡረሳይ ባይዝና፣ ዋይ ሞርኪ ኡንቱንቱ ካታማቱዋ ዶድና፣ ዋይ አያ ማላ ባሻይ ዋይ ሀርጊ ዪና።

29 ነ አሳ እስራኤልያጥ ኡን ዋይ ነ አሳይ ኡባይ ኔና ዋሶጥን ነወ ዋትዋቶጥ፣ ቃይ አያ አሳይን ባረ ዋዛናን ኡንኤትያባን ካዮትያባ ኤራደ፣ ሀ ጌሻ ጎልያኩ ሰሚደ፣ ባረ ኩሽያ ሞጮጥ።

30 ኔን ደአያ ሳኒን ሳሎዋን ሰሳ። ኡንቱንቱ ናጋራ አቶ ያጋ፤ ያታደ ኡንቱንቶ ከተታ። ኔን አሳ ዋዛና ኤርያዋዳንካ አሳ ኡባወ አ ኦሱዋዳን ኦሱዋዳን እማ። አያወ ጎጥ፣ አሳ ኡባ ዋዛና ኤርያዊ ነ ጸላላ።

31 ያቶጥ፣ ኔን ኑ ማይዛ አዋቶ እሚዳ ጋድያን ባረንቱ ደአያ ዋደ ኡባን፣ ኡንቱንቱ ነወ ያዪደ፣ ነ ኦግያን ሀመታና።

32 “ሄዋዳንካ፣ ነ አሳ እስራኤልያ ግደና ካረ ቢታ አሳይ ነ ዋልቃማ ሱንሳ ድራውን ኔን ነ አሳወ ኦሌዳ ማላልሰያ ኦሶቱ ድራው፣ ሃኩ ጋድያጥ ዪደ፣ ሀ ጌሻ ጎልያኩ ሰሚደ ዋሶጥ።

33 ኔን ደአያ ሳኒን ሳሎዋን ሰሳ። ሄ ካረ ጋድያ አሳይ ኦቶያዋ ኡባ ከተታ። ሀ ሳኒ አሳይ ኡባይ ነ ሱንሳ ኤራናዳን፣ ነ አሳ እስራኤልያዳን ነወ ያናናዳን ታን ኬዬዳ ሀ ጌሻ ጎሊ ነወ ጎይንያ ሳኒ ግድያዋ ኡንቱንቱ ኤራናዳን ካረ ጋድያ አሳይ ኔና ዋሰያዋ ኡባ ፖላ።

34 “ነ አሳቱ ባረንቱ ሞርከቱዋ ኦላና ማላ፣ ኔን ከቲዳ ሳኒ ሀቃን ቢደ፣ ኡንቱንቱ ኔን ዶራዳ ሀ ካታማኩን ታን ነ ሰንሳወ ኬዬዳ ጌሻ ጎልያኩ ሰሚደ፣ ኔና ዋሶጥ።

35 ኡንቱንቱ ዋሳን ዋትዋቱዋ ሳሎዋን ኔን ሰሳ፤ ኡንቱንቶ ጸኑዋ እማ።

36 “ናጋራ ኦ ጊና አሳይ ባይናዋዳንካ፣ ኡንቱንቱ ነ ቦላ ናጋራ ኦላና፣ ኔን ኡንቱንቶ ሀንቀታደ ሞርከቶ አላ እምና፣ ሞርከቱካ ኡንቱንታ ኦሞዲደ፣ ሃክና ማትናካ ባረንቱ ጋድያ አኪደ አናና።

37 ኡንቱንቱ ሄ ኦሞደቲዳ ቢታን ደኢደ፣ ባረንቱ ዋዛናን ናጋራጥ ሰሞጥ፣ ቃይ ሄ ኦሞደቲዳ ጋድያን ደኢደ፣ ናኑ ናጋራ ኦሌዳ፤ ኑን ባይዜደ፤ ኑን ኢታባ ሀኔዶ፣ ያጊደ ነወ ዋትዋቶጥ።

38 ባረንታ ኦሞዲደ አፊዳ ሞርከቱዋ ቢታን ደኢደ፡ ኢንቱንቱ ባረንቱ ኩመንላ ዋዛናጥነ ባረንቱ ኩመንላ ቆፋጥ ነኩ ሰሞጥ፡ ኔን ኢንቱንቱ ማይዛ አዋቶ ለሜዳ ኢንቱንቱ ቢታኮ፡ ኔን ዶሬዳ ካታማኮነ ታን ነ ሱንላዉ ኬዴዳ ገሻ ጎልያኮ ሰሚደ፡ ኔና ዋሶጥ፡

39 ያቶጥ፡ ኢንቱንቱ ዋሳነ ዋትዋቱዋ ኔን ደኢያ ሳኣን ሳሎዋን ሰሳ፡ ሰሳደ ኢንቱንቶ ፕርዳ፤ ነ ቦላ ናጋራ ኦሌዳ ነ አሳዉ አቶ ያጋ፡፡

40 “ሀእካ አቤት ታ ጸሳዉ፡ ሀ ሳኣን ዋሰያ ዋሳ ነ አይፊ ዴሎ፤ ነ ሀይላይካ ሰሰ፡፡

41 ሄዋ ድራዉ፡ አቤት መድና ጎዳዉ፡ ጸሳዉ፡ ደንዳ፤ ነ ዋልቃዉ ማሳታ ግዴዳ ነ ታቦታና ነ ሸሞፕያ ሳኣ ገላ፡፡ አቤት መድና ጎዳዉ፡ ጸሳዉ፡ ነ ቄሳቱ አቶተላ ማዪና፤ ነ ገሻ አሳቱካ ነ ኬካተላን ናሽትና፡፡

42 አቤት መድና ጎዳዉ፡ ጸሳዉ፡ ኔን ኦኬዳ ካትያ አጎጋ፡፡ ነ ቆማ ዳዊታዉ አገና ነ ሲቁዋ ሀሳያ” ያጌዳ፡፡

# 7

## ገሻ ጎልያ አንጅሱዋ (1 ካታ. 8:62-66)

1 ሰሎሞን ዋሳ በሌዳ ዋደ፡ ሳሎዋጥ ታማይ ዋዲደ፡ ጸግያ ያርሹዋን ሀራ ያርሹዋ ሜዳ፡፡ ያትና፡ መድና ጎዳ ቦንቹ ገሻ ጎልያ ኩሜዳ፡፡

2 መድና ጎዳ ቦንቹ ገሻ ጎልያ ኩሜዳ ድራዉ፡ ቄሳቱ መድና ጎዳ ገሻ ጎልያ ገላናዉ ዳንዳይበይክና፡፡

3 አስራኤልያ አሳይ ኡባይ ታማይ ሳሎዋጥ ዋድሸናን መድና ጎዳ ቦንቹ ገሻ ጎልያ ኩሞሸና በኤዳ ዋደ፡ ባረንቱ ዳሙዋ ቢታ ጋሳ ጉፋኒደ ጎይኔድና፤ “መድና ጎዳይ ሎእ!

አገና አ ሲቁ መድናዋ”

ያጌደ ጸሳ ጋሳቱድና፡፡

4 ሄዋጥ ጉይያን፡ ካቲነ አሳይ ኡባይ መድና ጎዳ ሰንላን ያርሹዋ ያርሹድና፡፡

5 ካቲ ሰሎሞን ላታማነ ላኡ ሻእ ኮሩማቱዋን ጴታን ላታሙ፡ ሻእ ደርሳቱዋ ያርሹዳ፡፡ ሄዋዳን ኦሌዳ፡ ካቲነ አሳይ ኡባይ መድና ጎዳ ገሻ ጎልያ አንጅሱድና፡፡

6 ቄሳቱ ባረንቶ ጊጌዳ ሳኣን ኤቁና፡ ሌዋቱ ቃይ ካቲ ዳዊተ መድና ጎዳ ሳባናዉ ካሰ ኦሌዳ፡ ማዘሙርያ የጸያ ሚሻ ኦይቁደ፡ ኢንቱንቱ ሰንላን ኤቁደ፡ “አገና አ ሲቁ መድናዋ” ያጌደ የጸደ፡ መድና ጎዳ ጋሳቱድና፡፡ ቄሳቱ ሌዋቱ ሰንላን ኤቁደ፡ ጸራሞባቱዋ ፑኔድና፤ ዩንሸን አስራኤልያ አሳይ ኡባይ ኤቁዳ፡፡

7 ሰሎሞን መድና ጎዳ ገሻ ጎልያ ሰንላን ደኢያ ግደ ዳባባ ዲማዬዳ፡፡ ሄ ሳኣን ጸግያ ያርሹዋን እትጥላ ያርሹዋጥ ሞዱዋ ያርሹዳ፡፡ እ ሄዋ ኦሌዳዌ ጸሳ ሰንላን ደኢያ፡ ናሃሰያ ጌተትያ ብራታጥ እስቲዳ ያርሸያ ሳኣይ ጸግያ ያርሹዋ፡ ካላ ያርሹዋን እትጥላ ያርሹዋጥ ሞዱዋ ያርሻናዉ ጉጴዳ ድራሳ፡፡

8 ሄ ዋደ ሰሎሞንን አስራኤልያ አሳይ ኡባይ ዳሰያ ባላ ላፑን ጋላሳዉ ቦንቹድና፤ አስራኤልያ ዛዋን ሀማታ ፕኩዋጥ ቢደ፡ ግብጼ ሻፋ ጋካናዉ ደኢያ ጮራ አሳይ ሄ ሳኣ ሸቁዳ፡፡

9 አሳይ ያርሸያ ሳኣ አንጅሱያ ባላ ላፑን ጋላሳ፡ ቃይ ዳሰያ ባላ ሀራ ላፑን ጋላሳ ቦንቹዳ፡፡ ሆስገንላ ጋላሳን ገሻ ያእዉ አሳይ ሸቁዳ፡፡

10 ሄዋጥ ጉይያን፡ ሰሎሞን ላፑንላ አግናን፡ ላታማነ ሄዘንላ ጋላሰ አሳ ሞይዜዳ፤ መድና ጎዳይ ዳዊታዉ፡ ሰሎሞንዉን ባረ አሳ አስራኤልያዉ ኦሌዳ ኬካተላን አሳይ ናሽቲደነ ዋዛናጥ ፓሽኪደ፡ ባረ ሶ ባረ ሶ ቤዳ፡፡

## ጸሳይ ሰሎሞናዉ ዛር ቆንጩዳ

11 ሰሎሞን መድና ጎዳ ገሻ ጎልያን ካትያ ጎልያ ኬጸደ ወርሴዳ፤ ሰሎሞን መድና ጎዳ ገሻ ጎልያንን ባረ ካትያ ጎልን ኦላናዉ ባረ ዋዛናን ቆፕዳዋ ኡባ ፖሊዳ፡፡

12 መድና ጎዳይ ሰሎሞናዉ ቃማ ቤቲደ፡ ሀዋዳን ያጌዳ፤ “ታን ነ ዋሳ ሰሳድ፤ ታን ሀ ሳኣ ታዉ ያርሹ ያርሸትያ ገሻ ጎልያ ግዳናዳን ደራድ፡፡

13 ታን እራይ ቡከናዳን ሳሎዋ ጎርድና፡ ዋይ ሳኣ ካላ ማናዳን ቦልያ አዛዘና፡ ዋይ ታ አሳ ግዳን ኢታ ሀርግያ የድና፡፡

14 ታ ሰንላን ጴስቲዳ ታ አሳቱ ባረንቱ አሳተላ ካዉሺደ ዋሶጥ፡ ኢንቱንቱ ታና ኮኖጥነ ባረንቱ ኢታ ኦግያጥ ሰሞጥ፡ ታን ሳሎዋን ኢንቱንቱ ዋሳ ሰሳና፡፡ ኢንቱንቱ ናጋራ አቶ ጋና፤ ኢንቱንቱ ቢታካ ፓላና፡፡

15 ሀእካ ሀ ሳእን ዋሰትያ ዋሳ ታ አይፊ ጸላና፤ ታ ሀይላይካ ሰሳና።

16 ሀእካ ሀ ጌሻ ጎሊ መድናዉ ታ ሱንላይ እን ደእና ማላ ኦላይ ታን ደራድ፤ ደራደካ ጌሻድ። ታ አይፊን ታ ዋዛናይ ኡባ ዋይ ሀ ጌሻ ጎልያን ደእና።

17 “ኔና ግደፍ፣ ኔን ነ እዉ ዳዊተ ሀመቲዳዋዳን ታ ሰንላን ሀመቶ፣ ታን አዛዜዳዋ ኡባ ኦላፕን ታ ዋጋን ታ ሀግያ ናገ፣

18 ታን ነ እዉዋ ዳዊታና፣ ላስራኤልያ ሞድያ አሳ ኔን ኡባካ ጳያካ፣ ያጋይ ጫቀቲዳዋዳን፣ ነ ካዉተላ አራታ ሞንሳ ኤሳና።

19 “ሽን ሀንተንታ እስራኤልያ አሳቱ ዋራ ሰሞ፣ ታን ሀንተንታ አዛዜዳ ታ አዛዙዋን ታ ዋጋ አግ ባሾፕን ሀራ ጸሳቶ ኦላናዉን ጎይናናዉ ቦ፣

20 ያቶ፣ ታን ካሰ ሀንተንቶ እሚዳ ጋድያ፣ ሀንተንታ ጶቆላና፤ ታን ታ ሱንላዉ ጌሼዳ ሀ ጌሻ ጎልያካ አጋና። ታን ሀ ጌሻ ጎልያ አሳ ኡባ ግደን ቶሰያባን ቅሊጭያባ ኦላና።

21 ሀእ ሎይላ ሰንቹቲዳ ሀ ጌሻ ጎልያ ማታና መንሳያ አሳይ ኡባይ ዳጋማይ፣ ሙድና ጎዳይ ሀ ጋድያን ሀ ጌሻ ጎልያ አያዉ ሀዋዳን ኦላዴን፣ ያጋና።

22 አሳይ፣ ኡንቱንታ ማይዛ አዋቱዋ ግብጻ፣ ከሴዳ መድና ጎዳ ባረንቱ ጸሳ ኡንቱንቱ አገደ፣ ሀራ ጸሳቱዋ ካሌዳ ድራዉን ኡንቱንቶ ኦላዲ ጎይኔዳ ድራዉ፣ ጸሳይ ኡንቱንቱ ቦላ ሀ ኢታባ ኡባ አሄዳ ያገደ ዛራና” ያጌዳ።

# 8

## ሶሎሞን ኦሌዳ ሀራ ኦሶቱዋ (1 ካታ. 9:10-28)

1 ሶሎሞን መድና ጎዳ ጌሻ ጎልያን ባረ ካትያ ጎልያ ኬጶዳ ላታማንላ ላይላ ዉርሰላን።

2 ካቲ ኪራሞ ዛሪይ እሚዳ ካታማቱዋ ሶሎሞን ዋላ የገደ ኬጶዳ፤ እስራኤልያ አሳ ሄ ካታማቱዋን ዋሌዳ።

3 ሄዋፕ ጉይያን፣ ሶሎሞን ሀማት-ጸባ ጌተትያ ቢታ ቢደ፣ ሄ ቢታ አሞዴዳ።

4 ያፕቲ መላ ቢታን ደእያ ታጽዋራ ጌተትያ ካታማን ሻሉዋ ኡባ ሞንጅያ ካታማቱዋ ሀማታ ጋድያን ኬጶዳ።

5 ሄዋዳንካ፣ ሶሎሞን ክል ቤት-ሆርናን ሀርክ ቤት-ሆርና ጌተትያ ካታማቱዋ ዛረሊደ ኬጶዳ፤ ሄ ካታማቱ ድርሳይ፣ ፐንገሊ ጎርዳ ደእያ ድረት ኡቲዳ ካታማቱዋ።

6 ባእላታ ካታማ፣ ሻሉዋ ሞንጅያ ካታማቱዋ ኡባ፣ ባረ ፓራቱዋን ፓራ ጋረቱዋ ዋሳያ ካታማቱዋ ኡባን አ ኬጶዳዉ አሞቲዳ ኡባ የሩሳላመን ልባኖሳን ባረ ሞድያ ቢታ ኡባን ኬጶዳ።

7 ሂተቱ፣ አሞራቱ፣ ፓርዘቱዋ፣ ሂዊቱዋ፣ ሃቡሳቱዋ፣ አቲዳ አሳቱ ኡባይ እስራኤልያ አሳ ግድክኖ፤

8 ኡንቱንቱ እስራኤልያ አሳቱ ጋድያ፣ ሙርሰ ጳይሰናን አግና፣ ሄ ጋድያን አቲዳ አሳቱዋ ዘረላቱዋ። ሶሎሞን ኡንቱንቱ አይለተላን ኦሰሴዳ፤ ኡንቱንቱ ሀቼ ጋካናሰካ አይለተላን ኦላና።

9 ሽን ሶሎሞን ባረ ኦሶ እስራኤልያ አሳ፣ ኦናን አይለይቤና፤ ኡንቱንቱ አዉ ኦላንቻቱዋ፣ ኦላ ጋዳዋቱዋ፣ ፓራ ጋረቱዋ ላግያዋንቱ ካፓቱዋን ፓራ አሳቱዋ ግዲደ ኦላድና።

10 ሄዋዳንካ፣ ቃይ ኡንቱንቱ ካትያ ሶሎሞን ኪታ ኦላያዋንቱ ካፓቱዋ። ኡንቱንቱ፣ ላኡ ጶታን አሻታማቱ ኪታ ኦላያ ኦሳንቻቱዋ ጸሊደ ኦሰሴድና።

11 ሄዋፕ ጉይያን ሶሎሞን “መድና ጎዳ ታቦታይ ገሌዳ ሳእይ ጌሻ ግድያ ድራዉ፣ ታ ማቻታን እስራኤልያ ካትያ ዳዊታ ጎሊን ደእናዉ በሱኩ” ያጌዳ፤ ግብጻ ካትያ ናቶ ዳዊታ ካታማ፣ ደንሳደ፣ እ አዘዉ ኬጶ ዋሌዳ ካትያ ጎልያ አሄዳ።

12 ሶሎሞን ሄ ዋይ ጌሻ ጎልያ ባራንዳ ሰንላን መድና ጎዳዉ ኬጶዳ ያርሽያ ሳእን ጸግያ ያርሹዋ መድና ጎዳዉ ያርሹ።

13 ሙሴ ህጊ አዛዝያዋዳን ሀቼ ሀቼሰ በሰያ ጸግያ ያርሹዋ ያርሹ። ሶሎሞን ሳሞባታን ሳሞባታን አግናይ ጸርያ ዋድያን ዋድያን፣ ቃይ ላይላ፣ ሄዙ ገደን ቦንቶያ ባላቱዋን (እርሹ ገልቤና ኡክላ ባላን፣ ሳሞንታቱዋ ባላንን ዳሰያ ባላን) ጸሳዉ ያርሹዋ ያርሹ።

14 እ እዉ ዳዊተ ካሰ አዛዜዳዋዳን፣ ቁሳቱ ዋ ኡንቱንቱ ኪታን ኪታን ሻክ ሱንሳዳ፤ ቃይ ጋላሰ ጋላሰ ማዘሙርያን ሳባናዉን ቁሳቱ ዋ ማዳናዉ ሊዋቱዋ ሻክ ሱንሳዳ። ቃይካ ጸሳ አሳ ግዲዳ ዳዊተ አዛዜዳዋዳን፣ ፐንገ ኡባ ካላን ካላን ናጋናዳን ፐንግያ ናግያዋንታ ሻክ ሱንሳዳ።

15 ሄዋዳንካ፣ ካሰ ዳዊተ ሚሻ ሞንጅያ ሳእባን ሀራ አላለቱዋ ቁሳቱ ዋን ሊዋቱዋ አዛዜዳዋዳን፣ አቲን አተናን ኡባይካ ፖለቲዳ።

16 ሰሎሞን ሀልቶዳ ኦሱዋ ኡባይ ኦሰቲደ ወሬዳ፤ መድና ጎዳ ጌሻ ጎሊ ባሰቲዳ ዋድያፕ ደሚደ፤ መድና ጎዳ ጌሻ ጎሊ ፖለታና ጋካናወካ ኦሱዋ ኡባይ ሎኦ ኦሰቲዳ።

17 ሄዋፕ ጉይያን፣ ካቲ ሰሎሞን ኤድማ ቢታን ዘኦ ኦባ ደናን ደእያ ኤጽዮን-ጋብራን ኤላታ ጌተትያ ካታማቱዋ ቤዳ።

18 ካትያ ኪራዎ ማርካብቱዋን ማርካብያ ላጉዋን ሎሄዳ ባረ ኦሳቱዋ ሰሎሞናወ የዳዳ፤ ኦንቱንቱ ሰሎሞን ኦሳቱዋና እትፕ ኦፊራ ጋድያ ቤድና፤ ያፕ ታማን እቼሹ ሻኦ ኪሎ ግራመ ዳጽያ ዋርቃ ካትያ ሰሎሞናወ እኪደ ዬድና።

### 9

#### ሳባ ካታቶ

(1 ካታ. 10:1-13)

1 ሳባ ካታታ ሰሎሞን ዋርያ ሰሳደ፤ ዳጾ ኦሻቱዋ አካደ፤ እ ፓጫናወ ደንዳዴ። ደንዳደ ሳወዋ፤ ሎይላ ዳር ዋርቃን አልኦ ሹቻ ጫንቲዳ ዳር ጋሎቱዋ ጩጉዋና ሎይላ ዳር አጀባና የሩሳላመ ጋካደ፤ ሰሎሞን ሰንሳ አቆአዴ። ባረ ዋዛናን ደእያዋ ኡባ ሰሎሞናወ ኦዳዳ።

2 ሰሎሞን አዛ ኦቼዳዋ ኡባ ኦዳዳ፤ እ አዝወ ብርሸናን አፕ ጌዎ አቲዳባይ እያይን ባዋ።

3 ሳባ ካታታ ሰሎሞን አጫዳ ኤራ፤ እ ኬጾዳ ካትያ ጎልያ።

4 አ ማዳን ሸቅያ ቁማ፤ እ ኦሳንቻቱ ኡትያ ኡተላ፤ እ ካልያዋንቱ ኦልያ ኦሱዋን ማይያ ማዩዋ፤ እ ኤሳ ትግያዋንቱ ማይያ ማዩዋን መድና ጎዳ ጌሻ ጎልያን እ ጸግያ ያርሹዋ ቢኤዳ ዋደ፤ እ ዋዛናይ ጋገቲዳ።

5 ሄዋፕ ጉይያን፣ እ ካትያ፤ “ኣዋን ነ አጫዳ ኤራተላባ ታን ታ ጋደን ደእደ ሰሴዳዌ ቱማ።

6 ሽን ታን ያደ ታ አይፍና ብራናን በእና ጋካናወ፤ ኤንቱንቱ ታወ ኦዳዳዋ አማናቢይከ። ነ አጫዳ ኤራ ጉታተወ ባካን ታወ ኦድቢይክና፤ ታን ሰሴዳዋፕ ኔን ሎይላ ቶቃሳ።

7 ኡባ ዋደ ነ ሰንሳን ኤቁደ፤ ነ አጫዳ ኤራ ሰሰያ ነ አሳቲ ነ ኦሳንቻቱ እያ ቃደተድናሻ!

8 ኔናን ናሸቲደ፤ ኔና ባረ ካወተላ አራታን ኡትሴዳ መድና ጎዳይ ነ ጸሳይ ጋለተቶ! ነ መድና ጎዳይ አሰራኤልያ አሳ ሰቁዳ ድራወን መድናወ ሎይላ ኤሳናወ ኮዮዋ ድራወ፤ ኔን ሱረ ፕርዳን ጸሎተላ ሉላና ማላ፤ እ ኔና ኤንቱንቱ ቦላ ካተዬዳ” ያገዴ።

9 ያገደ ካታታ 4,000 ኪሎ ግራመ ዳጽያ ዋርቃ፤ ሎይላ ዳር ሳወዋን አልኦ ሹቻ ካትያወ አማዴ፤ ሳባ ካታታ ካትያ ሰሎሞናወ አማዳ ሳወዋ ማላትያ ሳወ ኡባካ ባዋ።

10 (ኦፊራፕ ዋርቃ አሄዳ፤ ኪራማ አሳቲን ሰሎሞን አሳቲ ያፕካ ሳንዳላ ግያ ሞላን አልኦ ሹቻ አሄድና።

11 ካቲ ሰሎሞን ሄ ሳንዳልያፕ መድና ጎዳ ጌሻ ጎልያ፤ ካትያ ጎልያ ገልያ ሳኦወ ድላቱዋን ማዝሙርያ የጽያዋንቶ ማሰንቁዋን ዲላ መድሴዳ። ሄዋ ማላትያባይ ይሁዳ ቢታን ካሰ ቤት ኤረና።)

12 ካቲ ሰሎሞን ሳባ ካታታ አሞታደ እ ኦቼዳዋ ኡባ አዝወ አማዴ። እ አወ አሄዳዋፕ ዳሩዋ እ አዝወ አማዴ። ሄዋፕ ጉይያን፣ ሳባ ካታታ ባረ አጀባና ደንዳዴ፤ ባረ ጋድያ ሰማዴ።

#### ሰሎሞን ዳረታ

(1 ካታ. 10:14-25)

13 ሰሎሞን ላይላን ላይላን እክያ ዋርቃይ ላታማን ሄዙ ሻኦ ኪሎ ግራመ ዳጽያዋ።

14 ሄዌ ዛልኦንቻቱዋፕ አኬዳ ቃራጸን አራባ ጋድያ ካተቱዋ ኡባፕን አሰራኤልያ ጋድያ ዋድያዋንቱፕ አኬዳ ዋርቃ፤ ብረ ጉጀናና።

15 ካቲ ሰሎሞን ላኡ ጸቱ ዋጋ ጎንዳለቱዋ ቆጶዳ ዋርቃፕ መድሴዳ፤ እት እት ጎንዳልያን ላፕን ኪሎ ግራመ ግድያ ዋርቃይ ገሌዳ።

16 ቃይካ እ ሄዙ ጸቱ ቁር ጎንዳለቱዋ ቆጶዳ ዋርቃፕ መድሴዳ፤ እት እት ቁር ጎንዳልያን ላኡ ኪሎ ግራመ ግድያ ዋርቃይ ገሌዳ። ካቲ ሄ ጎንዳለቱዋ ሊባናሳ ዋራ ጎልያ ጌተትያ ጎሊን ዋጬዳ።

17 ቃይካ ካቲ ዳጋጋርሳ ዛልያፕ እት ዋልቃማ ካወተላ አራታ መድሴዳ፤ ጌሻ ዋርቃን ሸሼዳ።

18 ካወታ አራታይ ደእያ ሳኦ ዩደ ከሳናወ የድያ ኡሱፑን ድላቱ ደእኛ። ገድያን የቆናወ ካወተላ አራታን ጋሊደ፤ ዋርቃፕ ኦልዳ ስይዳ ደኤ። አራታወ ላኡ ባጋና ካብያ ዘምፕሰያ ሳኦቲ ደእኛ፤ ሄ ላኡ ሳኦቲ ላንቁያንካ ያ ባጋና ሀ ባጋና ኤቁዳ እት እት ጋሙዋ ሞሰሊ ደኤ።

19 ሄ አራታ ዩደ ከሰያ ኡሱፑን ደላቱዋን ያ ባጋና ሀ ባጋና እት እት ጋሙዋ ሞሰሊ፤ ኡባና ታማን ላኡ ሞሰሊቲ ደእኛ። ሀዋ ማላ ካወተላ አራታይ ሀራ ካወተላን ሀቃን ኦሰትቤና።

20 ካቲ ሰሎሞን ኡሻ ኡሸያ ማሻ ኡባይ ዋርቃፕ ኦሰቲዳ፤ ሊባናሳ ዋራ ጎሊን ደእያ ሻሉዋ ኡባይካ ሙሩታ ዋርቃፕ ኦሰቲዳ። ሰሎሞን ዋደ ብራይ ኡባካ ጎእያባዳን ፓይደት ኤረና።

21 ካትያው ኪራማ ማርካባቱዋና ዛልእያ ዎልቃማ ማርካባቱ አባን ደእኛ። ሃ ማርካባቱ ዋርቃታ ብራ። ዳንጋርሳ እቻ። ቃረቱዋን ገለሾቱዋ ጫን አኪደ። ሄዙ ላይሳጥ እት ገደ ሰሚኛ።

22 ካቲ ሶሎሞን ዲረተላንን እጌዳ ኤራተላን ሳካን ደእያ ካተቱዋ ኡባጥ ዳሬ።

23 ሳካን ደእያ ካተቱ ኡባይ አ ሰጎላ አቆናዉን ጸሳይ አ ዎዛናን ዎሌዳ እጌዳ ኤራ ሰሳናዉ ኮይኛ።

24 ላይሳጥ ላይሳን ይያ ኡባይ አዉ እማናዉ ዋርቃታ ብራ ሚሻቱዋ። ማዮቱዋ። ኦላ ሚሻቱዋን ሳዉዋ። ፓራቱዋን ባቁሎቱዋ አኪደ ዬ።

25 ሶሎሞናዉ ፓራቶን ጋረቶ 4,000 ጋጸታይ ደኤ፤ ቃይ 12,000 ፓራቱ አዉ ደእኛ። ሶሎሞን ሃዋንታ ፓራ ጋረቱዋ ካተማቱዋንን ባረናና የሩሳላሙን ዎሌዳ።

26 ሶሎሞን ኤፍራዲሳ ሻፋጥ ደሚደ። ፕልሰጾም ጋድያን ግብጹ ዛዋ ጋካናዉ ደእያ ካተቱዋ ኡባ ዎዳዳ።

27 ካቲ የሩሳላሙን ብራይ ቩቻዳን ኬለታናዳን። ዝጋይካ ጋቆን ድጭያ ኤላዳን ጮራታናዳን አሌዳ።

28 ሶሎሞናዉ ፓራቱዋ ግብጹጥን ሀራ ቢታ ኡባጥ አሂኛ።

**ሶሎሞን ሀይቁዎ**  
**(1 ካታ. 11:41-43)**

29 ኮይሮጥ ዉርሰላ ጋካናዉ ሶሎሞን ሀይዳ ሀራባይ ትምቢትያ ኦድያ ናታና ታርክያ ማጸፋን። ሲሎጥ ዬዳ አኪይ ትምቢትያ ኦዳ ማጸፋንን ናባጸ ናኦ እየርባማዋ ትምቢትያ ኦዳዳ እዲ በኤዳ ሳዎ ማጸፋን ጸፈት ኡቲዳ።

30 ሶሎሞን እስራኤልያ ኡባ ቦላ የሩሳላሙን ኦይታሙ ላይሳ ካተቱዳ።

31 ሄዋጥ ጉይያን። ሶሎሞን ሀይቁይ። ባረ ማይዛን ጋከቲዳ፤ ባረ አዉዋ ዳዊታ ካተማን ሞገቲዳ። አ ናኦይ ሮብኦመ አ ኮታን ካተቲዳ።

**10**

**እስራኤልያ ፑይሃ ስራቱ ርባእማ ቦላ ማካሌድና**  
**(1 ካታ. 12:1-20)**

1 እስራኤልያ አሳይ ኡባይ ሮብኦማ ካተያናዉ ሰኪማ ካታማ ቤዳ ድራዉ። እካ ያ ቤዳ።

2 ናባጸ ናኦይ እየርባም። ካትያ ሶሎሞንጥ ባቃቲደ ግብጹን ደእያዌ ሀዋ ሰሴዳ ዎደ። ግብጹጥ ሰሚደ ዬዳ።

3 እስራኤልያ አሳይ ኡባይ እየርባማዉ ኪቲደ ጾሰሰና። እነ እስራኤልያ ያኦይ ኡባይ ሮብኦማኮ ቤዳ፤

4 “ኣ አዉ ኑና ዳጾ ሞርገ ሞላ ቶሴዳ፤ ሽን ሀእ ኔን እ ኑና ኦሰሰያ ዎልቃማ ኦሎዋን ዳጾ ሞርገ ሞላ ኑዉ ካዉሸሳርኪ። ያቶጥ። ኑን ነዉ ኦላና” ያጌድኛ።

5 ሮብኦመ ኡንቲንታ። “ቢቲ፤ ሄዘንሶ ጋላሰ ሰሚደ። ታኮ ዩተ” ያጌዳ። ሄዋጥ ጉየ አሳይ ሰሚደ ቤዳ።

6 ሄዋጥ ጉይያን። ካቲ ሮብኦመ አ አዉ ሶሎሞን ፓጸ ደእያ ዎደ። ሶሎሞን ዘራዳ ጭማቱዋ ዘረታ በሴዳ። አ ኡንቲንታ። “ሀ አሳዉ ዋጋደ ዛራ ጌቲ?” ያጌደ ኦቼዳ።

7 ሽን ጭማቱ ሮብኦማ። “ኔን ሀ አሳዉ ኪኮጥ። ኡንቲንታ ናሽቾጥን ኡንቲንቶ ሎኦ ቃላ ዛርጥ። ኡንቲንቲ ኡባ ገደ ነዉ ቆማ ግዳናዋንታ” ያጌድኛ።

8 ሽን ሮብኦመ ጭማቱ ዘራዳ ዘርያ አጌደ። እናና ድጨደ። አዉ ኦላያ ያላጋ አሳቱዋ ዘረታ በሴዳ።

9 አ ኡንቲንታ። “ሀንተንቲ ታና ዘርያዌ እዬ? ኣ አዉ ኑና ቶሴዳ ዳጾ ሞርገ ሞላ ኑዉ ካዉሸሳርኪ” ያግያ ሀ አሳዉ ዋጋደ ዛርጥ። ያጌደ ኦቼዳ።

10 ሽን እናና ድጨዳ ያላጋቲ። “ኣ አዉ ኑና ዳጾ ሞርገ ሞላ ቶሴዳ፤ ሽን ኔን ኑዉ ካዉሸሳርኪ” ያግያ አሳዉ። ታ ቁር ብራጂ ታ አዉዋ ጸሳጥ ኦርዳ።

11 ታ አዉ ሀንተንቲ ሞርገ ሞላ ዳጾዳ፤ ሽን ታን ሄዋጥካ አሳደ ዳጾና። ታ አዉ ሀንተንታ ልሱዋን ዎዳዳ፤ ሽን ታን ሀንተንታ ማሰማሱዋዳን ዲክያ ልሱዋን ዎላና ያጋደ ዛራ” ያጌድኛ።

12 ሄዋጥ ጉይያን። ካቲ ሮብኦማ። “ሄዘንሶ ጋላሰ ሰሚደ። ታኮ ዩተ” ጌዳዋዳንካ። እየርባምን አሳይ ኡባይ ሄዘንሶ ጋላሰ ሰሚደ ዬዳኛ።

13 ካቲ ሮብኦመ ኡንቲንቶ ሀንቆ ዛሩዋ ዛራዳ። ጭማቱዋ ዘርያ አግ ባሽደ።

14 ያላጋቱ ዘራዳ ዘርያ ካሌዳ። ያቲደ ሀዋዳን ያጌዳ፤ “ታ እዉ ህንተንቱ ሞርገ ሞላ ዳደጼዳ፤ ሽን ታን ሄዋጥካ እሳደ ዳደጻ። ታ እዉ ህንተንታ ልሱዋን ዋጴዳ፤ ሽን ታን ህንተንታ ማሰማሱዋዳን ዱክያ ልሱዋን ዋጻና” ያጌደ ዘራዳ።

15 ካቲ እሳይ ግያዋ ሰሰናን እጹዳ፤ እያዉ ጎጥ። መጵና ጎዳይ ሴሎጥ ዬዳ እኪያ ባጋና ካሰ ናባጻ ናኣ እዮርባማዉ ኦዳዳ ቃላይ ፖለታናዳን ሀዌ ጸሳጥ ሀኔዳ።

16 እስራኤልያ እሳይ ኡባይ ካቲ ኡንቱንቱ ግያዋ ሰሰናን እጹዳ። ያቲደ፣ ካትያ ሀዋዳን ያጌድና፡- “ዳዋተዋጥ ኦና ጋክያባይ እዬ? እሰያ ናኣጥ ኦን ላታናዌ ባዋ! እስራኤልያ እሳዉ፣ ህንተንቱ ሶ ህንተንቱ ሶ ቢተ! ሰሞ ርብእመ ባረዉ ናገቶ!” ያጌድና። ሄዋ ድራዉ፣ እስራኤልያ እሳይ ኡባይ ባረንቱ ሶ ባረንቱ ሶ ቤድና።

17 ሽን ርብእመ ይሁዳ ቢታን ደእያ እስራኤልያ እሳ ቦላ ካተቲዳ።

18 ሄዋጥ ጉይያን፣ ካቲ ርብእመ ባረ እይለቱዋ ካፑዋ እድንራማ እስራኤልያ እሳኮ ከቲዳ፤ ኡንቱንቱ ኣ ሹቻን ጫዲደ ዋጴድና። ያትና፣ ካቲ ርብእመ ባረ ፓራ ጋርያን ኤለካ ከሰ ኡቲደ፣ የሩሳላመ ባቃቲዳ።

19 ሄደጥ ደሚደ፣ ሀቼ ጋካናዉ፣ እስራኤልያ ዛራቱ ታማቱ ዳዊታ ዛርያጥ ካተቲዳ ካተቲዋ ቦላ ማካሊድና።

### ይሁዳ ካተቲዋ

## 11

(2 ኦዲዋ 11:1—36:12)

ሻማኤ ትምቢትያ ኦዳዳ

(1 ካታ. 12:21-24)

1 ርብእመ የሩሳላመ ካታማ ጋኬዳ ዋደ፣ እስራኤልያ ቢታ እሳና ኦለቲደ፣ ካዉተላ ባረዉ ዛራና ማላ፣ ይሁዳ ዛርያጥን ቢንያማ ዛርያጥ ደረቲዳ እት ጴታን ሆሰፑን ታሙ ሻኣ ኦላንቻቱዋ ሺሼዳ።

2 ሽን መጵና ጎዳ ቃላይ ጸሳ እሳ ግድያ ሻማእያኮ ዬዳ፤

3 “ሶሎሞና ናኣ ይሁዳ ካትያ ርብእማዉን ይሁዳንን ቢንያማን ደእያ እስራኤልያ እሳ ኡባዉ ሀዋዳን ያጋ፤

4 “መጵና ጎዳይ ህንተንታ፣ “ህንተንቱ እሻቲዋና፣ እስራኤላቲዋና ኦለታናዉ ቦጥተ። ሀዋ ታን ኦሌዳ ድራዉ፣ ህንተንቱ ኡባይካ ህንተንቱ ሶ ህንተንቱ ሶ ሰሞተ” ያጌ’ ያጋደ ኦዳ” ያጌዳ። ኡንቱንቱ መጵና ጎዳ ቃላ ሰሲደ፣ እዮርባማ ኦላናዉ ብያዋ ኣጊደ ሰሚድና።

ርብእመ ጌሶቲዋ ግምቤዳ

5 ርብእመ የሩሳላመን ኡቲደ፣ ሀዋጥ ካሊደ ጸፈቲዳ ይሁዳን ቢንያማ ካታማቶ ጌሶቲዋ ግምቤዳ።

6 ሄ ካታማቲካ ቤተሊመ፣ ኤጻማ፣ ታቆኣ፣

7 ቤትጹራ፣ ሶኮ፣ ኣዲላማ፣

8 ጋጥ፣ ማሬሻ፣ ዚፋ፣

9 ኣድራይማ፣ ላክሻ፣ ኣዜቃ፣

10 ጸርኣ፣ ኣያሎናን ከብርና።

11 ርብእመ ካታማቲዋ ጌሶቲዋ ምንሲደ፣ ካፓቲዋ ኡንቱንቱን ዋሌዳ፤ ቃይ ቁማ፣ ዛይትያን ዋይንቱ ኤሳ ኡንቱንቱን ዋሌዳ።

12 ሄ ግምቤቲዳ ካታማቲዋ ኡባን ጎንዳለቲዋን ቶራቲዋ ዋሌዳ፤ ያቲደ ኡንቱንታ ሎይሰ ምንሲደ። ሄዋዳን ኦሌደ፣ ይሁዳን ቢንያማ ቢታቲዋ ሞዲደ ደኤዳ።

ቄሳቲ ነ ሊዋቲ ኡባይ ይሁዳ ዬድና

13 እስራኤልያ ኡባን ደእያ ቄሳቲ ነ ሊዋቲ ኡባይ ባረንቱ ደእያ ሳኣጥ ርብእማኮ ዬድና።

14 ሊዋቲ ባረንቱ ሄንሳ ጋድያን ባረንቱ ሳኣ ኣጊደ፣ ይሁዳን የሩሳላመ ዬድና። እያዉ ጎጥ፣ ኡንቱንቱ ቁሰ ግዲደ መጵና ጎዳዉ ኦርባዳን፣ እዮርባማን ኣ ናናይ ድጌድና።

15 እዮርባማ ጎይንያ ቋቃ ግሹዋን ሀራ ቄሳቲ ዋ ሱንጼዳ፤ ኡንቱንቱ ጸላሄቶን ኣ መጴዳ ማራቲዋ ሞሰለቶ ቁሰ ግዲደ ኦሌድና።

16 ሊዋቲ ዬዳጥጥ ጉይያን፣ እስራኤልያ ዛራቲዋ ኡባጥ መጵና ጎዳዉ፣ እስራኤልያ ጸሳዉ ባረንቱ ዋዛናጥ ጎይናናዉ ከይያዋንቱ መጵና ጎዳዉ፣ ባረንቱ ኣዋቲዋ ጸሳዉ ያርሹዋ ያርሻናዉ ኡንቱንቱ ጌዱዋ ካሊደ፣ የሩሳላመ ዬድና።

17 ኡንቱንቱ ዩሳይ ይሁዳ ካዉተላ ምንሲዳ፤ ኡንቱንቱ ሄዙ ላይላ ኩመንሳ ሶሎሞን ናኣ ርብእማ ማዴድና። ኡንቱንቱ ካትያ ዳዊታ ኦግያን ካትያ ሶሎሞን ኦግያ ካሊደ፣ ሄዙ ላይላ ሳር ደኤድና።

**ሮብአማ ሰይ አሳ**

18 ሮብአመ ማህላቶ ግያ ምሽራቶ እኩዳ። ማህላት እው ዳዊታ ናእ ያርሞታ፤ እ ዳያ እሰያ ናእ ኤልአባ ናቶ አብሀይሎ።

19 ማህላታ ሮብአማው ይኡሻ፣ ሻማርያን ዛሃማ ገተትያ አቱማ ናና የላዱ።

20 ሄዋጥ ጉይያን፣ አበሰሎማ ናት ናቶ ማእኮ እኩዳ፤ ማእኮ ሮብአማው አቢያ፣ አታያ፣ ዚዛን ሻሎሚታ የላዱ።

21 ሮብአመ ባረ ማቼቱዋጥን ባረ ባኮቱዋ ኡባጥ አበሰሎማ ናት ናቶ ማእኮ አቶ ሲቄ። እው ታማን ሆሰፑን ማጫ አሳቱን ኡሱፑን ታሙ ባኮቱ ደኢኖ። እ ላታማን ሆሰፑን አቱማ ናናን ኡሱፑን ታሙ ማጫ ናና የሌዳ።

22 ሮብአመ ማእክ ናእ አቢያ ባረጥ ጉይያን ካተያናው ቆፔዳ ድራው፣ እ አሻቱዋ ቦላ ካፑዋ ኦልዲ ሱጉሌዳ።

23 ሮብአመ ጭንጨዳ፣ ባረ አቱማ ናና ይሁዳን በንያማ ቢታቱዋ ኡባን ደኢያ ግምበቲዳ ካታማቱዋ ኡባን ሻክ ሻክ ዋሌዳ፤ ኡንቲንቶ ዳሮ ካሳ አሚዳ። ቃይ ኡንቲንቶ ጮራ ማጫ አሳ አሚዳ።

**12**

**ግብጹ ይሁዳ ቦላ ዋራጄዳ**

(1 ካታ. 14:25-28)

1 ሮብአማ ካውተሳይ ምን ኤቄዳ ዋደ፣ እነ እስራኤልያ አሳይ ኡባይ መድና ጎዳ ህግያ አግ ባሺድኖ።

2 ኡንቲንቲ መድና ጎዳው አማነተናን እጹዳ ድራው፣ ሮብአመ ካተቲዳ እቼሻንሎ ላይላን ግብጹ ካቲ ሺሻቅ የሩሳላመ ካታማ ቦላ ዋራጄዳ።

3 አናና እትጥ ግብጹጥ ዬዳዌ እት ሻእነ ላኡ ጸቱ ፓራ ጋረቱዋ፣ ኡሱፑን ታሙ ሻእ ፓራ አሳቲዋና ፓይዱ ባይና ሊብያ ኦላንቻቲዋ፣ ሱካ ኦላንቻቲዋን ቶጵያ ኦላንቻቲዋ።

4 ካቲ ሺሻቅ ግምበቲዳ ይሁዳ ካታማቲዋ ኦሞዲደ፣ የሩሳላመ ካታማ ዬዳ።

5 ሄዋጥ ጉይያን፣ ትምቢትያ ኦድያ ሻማኤ ሮብአማኮን ሺሻቃጥ ባቃቲደ፣ የሩሳላመን ሺቅ ኡቲዳ ይሁዳ ካለሌያዋንቲኮ ዪደ፣ “መድና ጎዳይ ሀዋዳን ያጌ፤ ህንተ ታና አኒዳ ድራው፣ ታንካ ህንተንታ ሺሻቃ ኩሽያን አጋድ” ያጌ። ያጌዳ።

6 እስራኤልያ ካለሌያዋንቲኮ ካቲ ሮብአመ ባረንታ ካውሺደ፣ “መድና ጎዳይ ጵሎዋ” ያጌድኖ።

7 ኡንቲንቲ ባረንታ ካውሺዳዋ መድና ጎዳይ በኤዳ ዋደ፣ ሻማእያ መድና ጎዳይ ሀዋዳን ያጌዳ፤ “ኡንቲንቲ ባረንታ ካውሺዳ ድራው፣ ታን ኡንቲንታ ወርሳ ቆይሰከ፤ ታን ኡንቲንታ አሻና። ታ ሀንቁ ሺሻቃ ባጋና የሩሳላመ ቦላ ትገተና።

8 ግድገና፣ ኡንቲንቲ ታው ሞደትያዋን ሀራ ቢታቲዋ ካተቶ ሞደትያዋን ደኢያ ዳማተላ ኤራና ማላ፣ ኡንቲንቲ ሺሻቃው ሞደታና” ያጌዳ።

9 ሄዋ ድራው፣ ግብጹ ካቲ ሺሻቅ የሩሳላመ ካታማ ኦለቲደ፣ መድና ጎዳ ጌሻ ጎልያን ካትያ ጎለን ደኢያ ሚሻ ኡባ እኩዳ። ቃይ ሰሎሞን ዋርቃጥ ኦሰሴዳ ጎንዳለቲዋካ እኪደ አፌዳ።

10 እ አፌዳ ዋርቃ ጎንዳለቲዋ ድራው፣ ካቲ ሮብአመ ናሃሰያ ብራታጥ ሀራ ጎንዳለቲዋ ኦሰሴዳ፤ ካትያ ጎልያ ፐንግያ ናግያዋንቲ ካፑዋ ኩሽያን ዋሌዳ።

11 ካቲ መድና ጎዳ ጌሻ ጎልያ ጎልያ ዋደ፣ ሻማእያ ናግያዋንቲ ዪደ፣ ሄ ጎንዳለቲዋ ኦይቄድኖ። ሄዋጥ ሰሚደ፣ ኡንቲንቲ ዛሪደ፣ ናግያዋንቲ ጎለን ዋላኖ።

12 ሮብአመ ባረና ካውሺዳ ድራው፣ እ ወር ቆየናዳን መድና ጎዳ ሀንቁ አጥ ክቼዳ። ኡባ ይሁዳ ቢታው ሙልያው ሳእይ እንጀቲዳ።

**ሮብአማ ካውታ ወርሰሳ**

13 ካቲ ሮብአመ ባረና ምንሲደ፣ የሩሳላመን ካተቲዳ። ሮብአመ ካተቲዳ ዋደ እ ላይላይ ኦይታማን እታ፤ መድና ጎዳይ ባረ ሱንሳ ያን ዋላናው እስራኤልያ ቢታ ኡባጥ ድራዳ የሩሳላመ ካታማን ታማን ላፑን ላይላ ካተቲዳ። ሮብአማ አታ አምንያ ናአሞ።

14 ሮብአመ መድና ጎዳው ዋዛናጥ ጎይናናው ኮይቤና ድራው፣ ኤታባ ኦሌዳ።

15 ሮብአመ ኮይሮጥ ወርሰሳ ጋካናው ህይዳባይን እ የለታ ማራይ ትምቢትያ ኦድያ ሻማእያ ታርክያ ማጻፋንን እዱ በኤዳ ሳፃ ማጻፋን ጻፈት ኡቲዳ። ሮብአማን እየርባም ኡባ ዋደ ኦለቲደ ደኤድኖ።

16 ሮብአመ ሀይቀደ፣ ባረ ማይዛን ጋከቲዳ፤ እ ዳዊታ ካታማን ሞገቲዳ። እ ኮታን እ ናእይ አቢይ ካተቲዳ።



# 13

ይሁዳ ካትያ አቢያ  
(1 ካታ. 15:1-8)

1 ካቲ እዮርባም ካተቲዳ ታማነ ሆሰፕንጎ ላይላን አቢይ ይሁዳን ካተቲዳ።

2 አቢይ የሩሳላመን ሄዙ ላይላ ካተቲዳ። እ ዲይ ሰንገላይ ምካዮ፤ \* ምካያ ግብአፕ ዬዳ ኡርኤላ ናቶ።

አቢይን እዮርባም አለቲደ ደኤድኖ።

3 አቢይ ደረቲዳ 400,000 ምኖ ኦላንቻቱዋ አኪደ። ኦላናዉ ከሴዳ፤ እዮርባምካ ደረቲዳ 800,000 ምኖ ኦላንቻቱዋ አኪደ። አቢያና ኦላታናዉ ከሴዳ።

4 ሄዋፕ ጉይያን፣ አቢይ ኤፍሬማ ገዘያን ደእያ ጸማራይማ ጌተትያ ደርያ ሀጺያን ኤቂደ፣ ሀዋዳን ያጌደ፤ “ሀንተንቶ፣ እዮርባምን እስራኤልያ አሳቶ፣ ኡባይካ ታን ግያዋ ሰሰተ!

5 መጅና ጎዳይ እስራኤልያ ጸሳይ ዳዋተን አ ዘረጎይ እስራኤልያ ቦላ መጅናዉ ካተታናዳን፣ ዳዋታና አ ላመተና ቃላ ጫቁዋ ጫቁቲዳዋ ሀንተንቲ ኤርክቲየ?

6 ሽን ዳዋታ ናአ ሶሎሞን ቆማይ፣ ናባጸ ናአይ እዮርባም ደንዲደ፣ ባረ ጎዳ ቦላ ማካሌዳ።

7 ርብአመ ያላጋን ዳቡራንቻ ግዲደ፣ አንቲንቲና ኤቃታናዉ ዳንዳዮና ዋይ፣ ፓፌና ሹፋር አሳቲ እዮርባምኩ ሸቂደ፣ ሶሎሞን ናአ ርብአማ ቦላ ምኤድኖ።

8 “ሀእካ መጅና ጎዳይ ዳዋታ ዘረጎቶ እሜዳ ካዉተጎና ሀንተንቲ ጋዳታናዉ ቆፒታ። ሀንተንቲ ሄዋ ቆፒዳዋ ሀንተንቲ ሎይላ ጮራ አሳ ግድያ ድራሳን ሀንተንቶ ጸሳቱዋ ግዳና ማላ፣ እዮርባም ዋርቃፕ መጅሴዳ ማራቲ ሀንተናና ደእያ ድራሳ።

9 አርና ዛርያ ግዲደ፣ መጅና ጎዳዉ ኦልያ ቁሳቲ ዋነ ሊዋቲዋ ሀንተንቲ የደርሴድታ። ያትና ሀራ ጋድያ አሳይ ኦልያዋዳን ሀንተንቶ ሀራ ቁሳቲ ዋ ሱንፌድታ። ባረና ዲማያናዉ እት ኩሩማ ላፕን ደርሳ ኦርገቲዋ አኪደ ይያ ኦንነ ዋርዲዋ ጸሳቶ ቁሰ ግዳና።

10 “ሽን ኦና ግደፕ፣ መጅና ጎዳይ ኦ ጸሳ፤ ኦን አ አግቢይኩ። አርና ዛርያ ግዲደ መጅና ጎዳዉ ኦልያ ቁሳቲ ኦዉ ደእኖ፤ ቃይ ሊዋቲ ኡንቲንታ ማድኖ።

11 ኡንቲንቲ ኡባ ጋላሰ ዋንታን ኦማርሰ መጅና ጎዳዉ ጸግያ ያርሹዋ ያርሺኖን ሳዊያ እጸና ጩዋዪኖ። መጅና ጎዳ ሰንገን ዋልያ ኡክሳ ጌሻ ጸርጴዛን ዋልኖ። ኦማርሰ ኦማርሰ ፖአሳናዳን ዋርቃፕ ኦልዳ ጸምፕቲዋ ዋልያ ባላን ዋሊደ ገግሲኖ። እያዉ ጎፕ፣ ኦን ጸሳ ኦ ጸሳ አዛዙዋ ናጌቶ፤ ሽን ሀንተንቲ አ እኔድታ።

12 በእተ፣ ጸሳይ ኦናና ደእኔ እ ኦና ካለልያዋ። ኦላ ጸሩምባ ፕንያ አ ቁሳቲ ካ ኦናና ደእኖ፤ ኦን ሀንተናና ኦላ ደማናዉ ጸሩምባካ ኡንቲንቲ ፕናና። እስራኤልያ አሳዉ። መጅና ጎዳና ሀንተንቲ አዋቲዋ ጸሳና ኦላቶፕተ! እያዉ ጎፕ፣ ሀንተንቲ አ ጸናናዉ ዳንዳይክታ” ያጌዳ።

13 አ ሃሳይሽን፣ እዮርባም ባረ ኦላንቻቱዋፕ እት ጩጉዋ ሀንቲቲፕ ጉዮና ዙጊደ ናጋና ማላ የዴዳ። እስራኤልያ ኦላንቻቲ ይሁዳ ኦላንቻቲ ሰንገን ደእያ ዋይ፣ ዙጊደ ናግያ ኦላንቻቲ ሀንቲቲፕ ጉዮና ደእኖ።

14 ይሁዳ ኦላንቻቲ ጉዮ ሰም ጾልያ ዋይ፣ ኡንቲንታ ኦላናዉ ዬዳዋንቲ ጉዮናን ሰንገና ደእያዋ በኤድኖ። መጅና ጎዳዉ ዋሴድኖ፤ ቁሳቲ ካ ጸሩምባ ፑኔድኖ።

15 ሄዋፕ ጉይያን፣ ይሁዳ ኦላንቻቲ ኦላ ዋሱዋ ዋሴድኖ። ኡንቲንቲ ኦላ ዋሱዋ ዋሴዳ ዋይ፣ ጸሳይ እዮርባምን እስራኤልያ አሳ ኡባ አቢያ ሰንገንን ይሁዳ ሰንገንን ጸኔዳ።

16 እስራኤልያ ኦላንቻቲ ይሁዳ ኦላንቻቲ ሰንገፕ ባቃትና፣ ጸሳይ ኡንቲንቲ ይሁዳ ኦላንቻቲ ኩሽያን አሊደ እሜዳ።

17 አቢይን አ ኦላንቻቲ ኡንቲንታ ሱፑ አሊደ ዉርሴድኖ፤ ያትና፣ እሹሹ ጾቲ ሻአ ደረቲዳ እስራኤልያ ኦላንቻቲ ሀይቂድኖ።

18 እስራኤልያ አሳይ ሄዋ ደጎቲዳ፤ ይሁዳ አሳይ መጅና ጎዳን፣ ባረንቲ አዋቲዋ ጸሳን አማነቲዳ ድራዉ፣ ኡንቲንታ ጸኔድኖ።

19 አቢይ እዮርባም የደርሴደ፣ አፕ ቤቲላ ካታማ፣ ይሻና ካታማን ኤፍርና ካታማ ኡንቲንቲ ዋሳቲዋና ኦይቂዳ።

20 አቢይ ደኤዳ ላይላን ኡባን እዮርባም ሰሚደ ምንቢና። መጅና ጎዳይ እዮርባም ደቶና ሀይቂዳ።

21 ሽን አቢይ ምን ምን ቤዳ። አቢይ ታማን ኦይዳ ማጫ አሳ አኪደ፣ ላታማን ላኡ አቲማ ናናን ታማን ኡሱፕን ማጫ ናና የሌዳ።

22 አቢይ ኦልዳ ሀራባይ፣ አ ሀይዳባይን አ ጌዳዋ ኡባይ ትምቢትያ ኦድያ እደ ታርክያ ማጸፋን ጻፈት ኡቲዳ።

\* 13:2 ምካዮ- ምካዮ ዋይ ማእኮ ጌተታዉ። 2 ኦድ። 11:20 ጸላ።

# 14

ካቴ አሳይ ቶጵያ ኦላንቻቱቀ ጸኔዳ

1 እቢይ ሀይቂድ፣ ባረ ማይዛን ጋኩቲዳ፤ ዳቂታ ካታማን አ ሞጌድና። አ ኮታን አ ናአይ አሳይ ካተቲዳ። አ ካተቲዳ ዋደ ጋዲ ታሙ ላይላ ዋጋ ደሚዳ።

2 እስ መጅና ጎዳ ባረ ጸሳ ሰንሳን ሎኦባን ሱረባ ኦጼዳ።

3 እስ አላጋ ጸሳቶ ያርሽያ ሳአቱቀን ጎይንያ ጶቃ ሳአ ኮሌዳ። ጎይናናዉ ሹቻጥ ኦጼዳ ቱሳቱቀካ መገገጫዳ፤ እሹር ጌተትያ ጸሳት ሞሰለቱቀካ ቃንጸራሳ ኦሊዳ።

4 ይሁዳ አሳይ መጅና ጎዳ ባረንጉ አዎቱቀ ጸሳ ኮያናዳን፤ አ ህገያን አ አዛዙቀ ናጋናዳን አሳይ አዛዜዳ።

5 ቃይ ጎይንያ ጶቃ ሳአቱቀን እጸና ጨዋይያ ሳአ ይሁዳ ካታማ ኡባጥ ጳይሴዳ። አ ካዉተላ ላይላን ቢታይ ዋጋ ደሚዳ።

6 ካቴ አሳይ ይሁዳን ደእያ ካታማቶ ጌሶቱቀ መጴዳ። መጅና ጎዳይ አ ሸሞጥሴዳ ድራዉ። ቢታይካ ሸሞጥሴዳ፤ ሄ ላይላቱቀን አናና ኦን፤ አለትቤና።

7 አሳይ ይሁዳ አሳ ሀዋዳን ያጌዳ፤ “አነ ኮን ህ ካታማቱቀ ኬጸይተ፤ አንጉንጉጉ የሹቀን ሚጸቱቀ መጴይተ። አንጉንጉጉ ቦላ አዲሳ ግሞቦቱቀ፣ ጥንገቱቀን ጥንገቱቀ ጎርድያ ሸካላቱቀ ከሴቶ። ኮን መጅና ጎዳ ኑ ጸሳ ኮዋቀ ድራዉ። ቢታይ ሀእካ ኑሳ። ኮን አ ኮዬደ፤ አ ኑዉ ኡባ ባጋና ዋጋ አሜዳ። ያጌዳ። ሄዋ ድራዉ። አንጉንጉጉ ካታማቱቀ ኬጸደ ፖሌድና።

8 አሳዉ ዋጋ ጎንዳለቱቀን ቶራቱቀን ኦይቂያ 300,000 ኦላንቻቱ ይሁዳ ዛርያጥ ደእኛ፤ ቃይ ቁር ጎንዳለቱቀን ኦይቂያዋንቱን ዋንዳዳያን ዲክያዋንጉ ላኡ ጴታን ሆሰቸን ታሙ ሻእ ኦላንቻቱ ቢንያማ ዛርያጥ ደእኛ። ሀዋንጉ ኡባይካ ምኖ አሳቱቀ።

9 ዘራህ ጌተትያ እት ቶጵያ አሳይ እት ሚሎ፤ ኦላንቻቱቀን ሄዙ ጴቱ ፓራ ጋረቱቀ አኪደ፣ ይሁዳ አሳዉ ዬደ፣ ማሪሻ ጋኪዳ።

10 አሰካ አናና ኦለታናዉ ከሴዳ፤ ከሲደ ባረ ኦላንቻቱቀ ማሪሻ ማታን ደእያ ጻፋታ ዋዋባን ሳልጥሴዳ።

11 ሄዋጥ ጉይያን፣ እስ መጅና ጎዳ ባረ ጸሳ ዋሲደ፣ “አቤት መጅና ጎዳዉ፣ ዋልቃይ ባይና ኦላንቻቱ ዋልቃማ ኦላንቻቱቀ ጸናናዳን ማድያዌ ኔጥ አትና፣ ሀራይ ባዋ፤ አቤት መጅና ጎዳዉ፣ ኑ ጸሳዉ፣ ኮን ኔናን አማነቲደ፣ ሀ ጮራ ኦላንቻቱቀና ነ ሱንሳን ኦለታናዉ ዬዳ ድራዉ፣ ኔን ኑና ማዳ። አቤት መጅና ጎዳዉ፣ ኔን ኑ ጸሳ፤ ኔና አሳይ ጸነና” ያጌዳ።

12 ሄዋ ድራዉ፣ መጅና ጎዳይ አሳ ሰንሳን፤ ይሁዳ ኦላንቻቱ ሰንሳን ቶጵያ ኦላንቻቱቀ ሸጩዳ፤ ቶጵያ ኦላንቻቱ ባቃቲድና።

13 አሰነ አናና ደእያ አሳይ አንጉንጉ ጋራራ ጋካናዉ የደርሴድና። ቶጵያ ኦላንቻቱቀጥ ዳሩ ሀይቂዳ ድራዉ፣ አንጉንጉ ስሚደ ምናናዉን ኦለታናዉ ዳንዳይቢይክና። ሄዋዳን ሀኒደ፣ ቶጵያ ኦላንቻቱ መጅና ጎዳን፤ አ ኦላንቻቱቀን ጸነቲድና። ካትያ አሳ ኦላንቻቱካ ዳርባ ኦሞዳድና።

14 ሄዋ ሄራን ደእያ አሳይ መጅና ጎዳይ ኦጼዳዋ ያቲደ፣ ዳር ዳጋሚዳ። አሳ ኦላንቻቱካ ጋራራ የሹቀን ደእያ ካታማቱቀ ኡባ ቦንቂደ ጳይሴድና።

15 ቃይ መሀያ ሄምያዋንጉ ሞላቱቀ ኦለቲደ፣ ዳር ደርሳ፣ ዴሻን ጋራቀ ድኢደ፣ የሩሳላመ ስሚድና።

# 15

ካቴ አሳይ ይሁዳን ደእያ ኤቃ ሞሰለቱቀ ጳይሴዳ

1 ኦዴዳ ናአ አዛርያሳ ቦላ ጸሳ አያናይ ዋጴዳ፤

2 አሳና ጋኪታናዉ ቢደ፣ ሀዋዳን ያጌዳ፤ “አሳ፣ ኔን፣ ይሁዳ አሳይን ቢንያማ አሳይ ኡባይ ሰስተ፤ ህንተንጉ መጅና ጎዳና አትጥ ደእያ ዋደ ኡባን አካ ህንተናና ደእ። ህንተንጉ አ ኮዮጥ፣ አ ህንተንጉ ቤታና፤ ሸን ህንተንጉ አ አጎጥ፣ አካ ህንተንጉ አጋና።

3 እስራኤልያ አሳይ ቱሙ ጸሳይ፣ ታማርሰያ ቄሲን ህጊ ባይናን ዳር ዋድያ ደኤዳ።

4 ሸን ባረንታ መቱ ጋኬዳ ዋደ፣ አንጉንጉ መጅና ጎዳ፣ እስራኤልያ ጸሳት ስሚደ፣ አ ኮዬድና፤ አ አንጉንጉ ቤቲዳ።

5 ሄ ዋድያን ካረ ከሰያዋን ሶ ገልያዋ ሳርተላይ ባዋ፤ አያዉ ጎጥ፣ ጋድያ ኡባ ቦላን ደእያ አሳይ ዳር ሻባረቱ።

6 ጸሳይ አንጉንጉ ዳማ ዳማ መቱቀን የጌዳ ድራዉ፣ ደሪ ደርያ፣ ካታማይካ ካታማ አንኤል።

7 ሸን ህንተንጉ ሞንተ፤ ላረፍጥ፤ አያዉ ጎጥ፣ ህንተንጉ ኦጼዳ ኦሶ ጋቲ ደእ። ያጌዳ።

8 ኦዴዳ ናአይ ትሞቢትያ ኦድያ አዛርያሰ ኦዴዳ ቃላ ሰሴዳ ዋደ፣ አሳይ ሞኔዳ። አሳይ ይሁዳን ቢንያማ ቢታቱቀ ኡባጥን ኤፍሪማ ገዘያን አ ኦሞዲደ ኦይቂዳ ካታማቱቀጥ ሸነይያ ኤቃ ሞሰለቱቀ ጳይሴዳ። ሄዋጥ ጉይያን፣ መጅና ጎዳ ጌሻ ጎልያ ሰንሳን ደእያ መጅና ጎዳዉ ያርሽያ ሳካ ኦራጼዳ።

9 መድና ጎዳይ እ ጸሳይ እናና ደእያዋ በኤዳ ድራው፡ ዳሮ እሳይ እስራኤልያፕ እኮ ዬዳ፤ ይሁዳ እሳነ ቢንያማ እሳ ኡባ፡ ኡንቱንጉፍና ደእያ ኤፍሬማ ዘረሳ፡ ምናስ ዛራቱዋነ ሰሞና ዘረሳ እሳይ ሺሺዳ።

10 እሳይ ካተቲዳ ታማነ እቼሻንላ ላይላን፡ ሂዘንላ እግናን ሄ እሳይ የሩሳላመን ሺቄዳ።

11 ሄ ጋላስ ኦሞድ እሂዳዋፕ ላፑን ዴቱ ኮሩማቲዋነ ላፑን ሻእ ደርሳቲዋ መድና ጎዳው ያርሺድና።

12 መድና ጎዳ ባረንጉቱ እዋቲዋ ጸሳ ባረንጉቱ ኩመንላ ዋዛናንነ ባረንጉቱ ኩመንላ ሸሞፑዋን ኮያናዉ ቃላ ገሌድና።

13 “መድና ጎዳ እስራኤልያ ጸሳ ኮየና እሳይ፡ ጉላ ግድና ዋልቃማ ግድና፡ እቲማ ግድና ማጫ ግድና፡ ሀይቆ” ጊደ ጫቀቲድና።

14 ሄዋ ቦላንካ ማላካታነ ጸሩምባ ፑኒደ፡ ባረንጉቱ ቃላ ቶቁ ኦሊደ፡ መድና ጎዳው ጫቄድና።

15 ይሁዳ እሳይ ኡባይ ባረንጉቱ ኩመንላ ዋዛናን ሀ ጫቁዋ ጫቄዳ ድራው፡ ናሸቲድና፡ እያዉ ጎፕ፡ ጸሳ ኡንቱንጉቱ ላሞቲደ ኮይና፡ እ ኡንቱንጉቱ ቤቲዳ፡ መድና ጎዳይ ኡንቱንጉቱ ኡባ ባገናካ ዋፓ እሜዳ።

16 ካቲ እሳይ ባረ እዉዋ ዳያ ማእካ እሸር ግያ ጸሳትዉ ሸነይያ ኤቃ ሞስልያ መዲዳ ድራው፡ ካትያ እቶ እ ጌተትያ ቦንቸዋፕ እዙ ድጌዳ፡ እሳይ ሄ ኤቃ ሞስልያ ቃንጸልል ሱፓዪደ፡ ቀድሮና ዘንጋራን ጸጌዳ።

17 ጎይንያ ቶቃ ሳኣ እሳይ እስራኤልያ ጋድያፕ ቆይሰናን አጎፕነ፡ እ ባረ ደኤዳ ላይላ ኡባን መድና ጎዳው ዋዛናፕ እማነትያ እሳ ግዲደ ደኤዳ።

18 እነ እ እዉ ጸሳው ዲማይ ዋፊዳ ብራነ ዋርቃ ሀራ ሚሻቲዋ አሂደ፡ ጸሳ ጌሻ ጎልያ ግድን ዋፊዳ።

19 እሳይ ካተቲዳ ሀታማነ እቼሻንላ ላይላይ ጋካናዉ ኦላይ ባዋ።

# 16

## ይሁዳይነ እስራኤሊ ኦላቴድኖ (1 ካታ. 15:16-22)

1 እሳይ ካተቲዳ ሀታማነ ኡሱፑንላ ላይላን እስራኤልያ ካቲ ባእሽ ይሁዳ ቦላ ዋራጂዳ፤ ይሁዳ ካትያ እሳኮ እንነ ገለናዳንነ ከሰናዳን ተእናዉ ራማ ካታማ የሹዋ ሞንሲደ ግምቤዳ።

2-3 ሄዋ ጋሱዋን ካቲ እስ መድና ጎዳ ጌሻ ጎልያነ ባረ ካትያ ጎልያ ሚሻ ሞንጅያ ሳኣፕ ዋርቃነ ብራ እኩዳ፡ እከደ ዳማሰቆ ካታማን ደእያ ሶርያ ካትያ ቢንሀዳዳዉ ሀዋዳን ያጊደ የዴዳ፤ “ካሰ ታ አቡናነ ነ እቡና ጫቀቲዳዋዳን፡ እነ ታናናነ ኔናና ጫቀቶይተ። በእ፡ ታን ነዉ ብራነ ዋርቃ የዳድ። እስራኤልያ ካቲ ባእሽ ባረ ኦላንቻቲዋ ታ ጋድያፕ ከሳና ማላ፡ ኔን ካሰ እናና ጫቀቲዳ ጫቁዋ ኮላ” ያጌዳ።

4 ቢንሀዳድ ካቲ እሳይ ጌዳዋ ማዪደ፡ ባረ ኦላ ጋዳዋቲዋ እስራኤልያ ካታማቲዋ ኦላናዉ የዴዳ። ኡንቱንጉቱ እይና፡ ዳናነ እቤል-ቤትማእካ ጌተትያ ካታማቲዋነ ንፍታሌማ ጋድያን ደእያ ሻሉዋ ሞንጅያ ካታማቲዋ ኡባ ጸኔድና።

5 ባእሽ ሄዋ ሰሲደ፡ ራማ ካታማ ግምቤዳዋ እግ ባሺዳ።

6 ሄዋፕ ጉይያን፡ ካቲ እሳይ ይሁዳ እሳ ኡባ ሺሺዳ፤ እሳይ ባእሽ ካሰ ያን ጎኤትያ ሹቻን ሞላ ራማፕ ኬኬድና። እ ገባእነ ሞጽጸ ጌተትያ ካታማቲዋ እነ ሞንሲደ ግምቤዳ።

## ካቲ እሳይ ትምቢትያ ኦድያ ሀናና ቃሾ ጎላን የጌዳ

7 ሄ ዋደ ትምቢትያ ኦድያ ሀናን ይሁዳ ካትያ እሳኮ ዪደ፡ “ኔን ሶርያ ካትያን እማነታድ፡ መድና ጎዳን፡ ነ ጸሳን፡ እማነታቤና ድራው፡ ሶርያ ካትያ ኦላንቻቲ ነ ኩሸያፕ ከስ እኬድና።

8 ቶጽያ እሳቲነ ሊብያ እሳቲ፡ ጮራ ፓራ ጋረቲነ ፓራቲ ደእያ ዳሮ ኦላንቻቲዋ ግድክናየ? ሸን ኔን መድና ጎዳን እማነቲዳ ድራው፡ ጸሳይ ኡንቱንጉቱ ነ ኩሸያን አል እሜዳ።

9 እያዉ ጎፕ፡ ባረ ኩመንላ ዋዛናፕ ጸሳን እማነትያ እሳ ሞንግሳናዉ መድና ጎዳ እይፊ ሳኣ ቦላን ኡባሳ ጼሌ። ኔን ሀ የዉዋን ኤያዳ፤ ሄዋ ድራው፡ ሀቼፕ ደሞና፡ ኔፕ ኦላይ ሻከተና” ያጌዳ።

10 እሳይ ትምቢትያ ኦድያዋ ቦላ ዳሮ ሀንቀቲዳ፤ ቃሾ ጎላን የጌዳ። ቃይ እሳይ ሄ ዋደ እሳፕ እማራዳዋ መቶሌዳ።

## ካትያ እሳ ሀይቁዋ (1 ካታ. 15:23-24)

11 እሳይ ኦሌዳባይ ኮይርፕ ዉርሰላ ጋካናዉ ይሁዳ ካተቲነ እስራኤልያ ካተቲ ታርክያ ማጻፋን ጸፈት ኡቲዳ።

12 እሳይ ካተቲዳ ሀታማነ ኡዲፕንላ ላይላን ገድያ ሳከቲዳ፤ እዉ ሳኩ ሎይሳ ዳርፐካ፣ እ አክማቱቀ ኮዬዳፐ አትና፣ መፅና ጎዳ ኮይቤና።

13 እሳይ ባረ ካተቲዳ ኦይታማነ እተንሳያ ላይላን ሀይቂዳ፣ ባረ ማይዛን ጋከቲዳ።

14 ኡንቲንቲ እ አሃ ዲፋቀን ዲማ ዲማ ሸቲነ ሳዉ ደእያ ግሱቀ ቦላ ዎሌድና። ኡንቲንቲ እ ቦንቾ ዳር ዎላ ዶሪድ፣ ታማ ኤሌድ፣ ዳርፐ ዬኬድና። እሳይ ባረዉ ዳቂታ ካታማን ሹቻ ዎጪደ ገገሴዳ ዲፋቀን እ ሞጌድና።

### 17

#### ዮሳፌጸ ይሁዳን ካተቲዳ

1 እሳ ናአይ ዮሳፌጸ እ ኮታን ካተቲዳ፤ ዮሳፌጸ እሰራኤልያ ኦላናዉ ባረና ሞንሴዳ።

2 ግምበት ኡቲዳ ይሁዳ ካታማቱቀ ኡባን ኦላንቻቱቀ ዎሌዳ፤ ቃይ ይሁዳ ቢታን እ አዉ እሳይ አሞዴዳ እፍሪማ ጋድያ ካታማቱቀን ኦላንቻቱ ጌሱቀ መጄዳ።

3-4 መፅና ጎዳይ ዮሳፌጸ እንጃዳ፤ እያዉ ጎፐ፣ እ አዉ ኮይሮ ካትያ ግዴዳ ዎደ፣ ጸሳዉ አማነቲዳዎዳን፣ እካ አማነቲዳ። ባአላ ኤቃ ሞሰልያዉ ጎይነናን አጼዳ። ዮሳፌጸ ባረ አዉቀ ኦግንን ሀመቲድ፣ ጸሳ አዛዙቀ ፖሌዳ። እ እሰራኤልያ ካተቲ ኦሌዳ ኢታ ኪታ ኦላቤና።

5 ሄዎ ድራዉ፣ መፅና ጎዳይ እ ይሁዳ ካወተላን ሎይሳ ኤሴዳ። ይሁዳ እሳይ ኡባይ ዮሳፌጸዉ አሙቀ አሂድና፤ ምትና፣ እ ሎይሳ ዲረቲዳን ቦንቹቲዳ።

6 ዮሳፌጸ መፅና ጎዳዉ ዎዛፐፐ ኦላያ እሳ ግዴዳ። ሄዎ ቦላንካ ጎይንያ ጶቃ ሳአቱቀን እሸሮ ግያ ጸሳት ኤቃ ሞሰላቲቀ ይሁዳ ጋድያፐ ጳይሴዳ።

7 ዮሳፌጸ ባረ ካተቲዳ ሄዘንሳ ላይሳ ይሁዳ ካታማቱቀን ታማርሳናዳን ባረ ኦላንቻቱቀ በንሀይላ፣ ኦባድያ፣ ዛካራሳ ናታንኤላን ሞካያ ኪቲዳ።

8 ቃይ ኡንቲንቲና እትፐ ለዎቱቀ ሻማእያ፣ ናታንያ፣ ዛባድያ፣ እሳሄላ፣ ሻምራሞታ፣ ዮናታና፣ አድንያ፣ ጸቢያን ጸባድንያ ዩዴዳ፤ ቃይካ ቄሳቲ ዎ ኤልሻማእን ዮራማ ኡንቲንቲና እትፐ ኪቲዳ።

9 ኡንቲንቲ ኡባይ መፅና ጎዳ ሀግያ ማጻፋ ባረናና እኪድ፣ ይሁዳ ቢታን ደእያ ካታማቱቀ ኡባ ቢድ፣ ያን እሳ ታማርሴድና።

#### ዮሳፌጸ ግታተሳ

10 ይሁዳ ቢታ ዩቩቀን ደእያ ካወተላቲቀ ኡባ መፅና ጎዳይ ያሸሰና፣ ኡንቲንቲ ዮሳፌጸና አለትባይክና።

11 ፕልሰጼማ እሳቲቀፐ አማራዳቀንቲ እሙቀን ብራ ጌራ ዮሳፌጸዉ አሂድና፤ ቃይ አራባቲካ አዉ ላፑን ሻእን ላፑን ጾቱ ዶርሳ ኦርገቲቀን ላፑን ሻእን ላፑን ጾቱ ዳሻ ኦርገቲቀ አሂድና።

12 ሄዎ ድራዉ፣ ዮሳፌጸ ሎይሳ ሞን ሞን ቤዳ። እ ይሁዳን ጌሱቲቀን ሞንጅያዎ ዎላያ ካታማቱቀ ኪጼዳ።

13 እ ሄ ካታማቱቀን ዳርባ ሞንጃዳ።

የሩሳላሙን አዉ ሞኖ ኦላንቻቲ ደእኖ።

14 ኡንቲንቲ ባረንቲ እሞቲቀ ጎለን ጎለን ሀዋፐ ካሊደ ጸፈቲድና። ይሁዳ ዛርያፐ ሻላቃይ አድናሀ፤ አናና 300,000 ሞኖ ኦላንቻቲ ደእኖ።

15 አድናሀ ካሊደ ደእያ ካፑ ዮሀናና፤ አናና 280,000 ሞኖ ኦላንቻቲ ደእኖ።

16 መፅና ጎዳዉ ባረ ሸንያን ከሴዳ አማሳይ እ ካሊደ ደእያ ሄዘንሳ ካፑቀ፤ እ ዚክራ ናአ። አማሳያና 200,000 ሞኖ ኦላንቻቲ ደእኖ።

17 ቢንያማ ዛርያፐ ካፑ ሞኖ ኦላንቻ ኤልያዳእ፤ አናና ዎንዳፍናን ጎንዳልያ ኦይቂያ 200,000 ኦላንቻቲ ደእኖ።

18 ኤልያዳእ ካሊደ ደእያ ካፑ ይሆዛባዳ፤ አናና ኦላ ባናዉ ዳንጩዳ 180,000 ኦላንቻቲ ደእኖ።

19 ሀ ኡባ ኦላንቻቲ ካትያዉ የሩሳላሙን ኦሌዳዎንታ፤ ሀዋንቲ ፓይዱ ይሁዳን ደእያ ግምበቲዳ ካታማቱቀን ኡባን ካቲ ዎሌዳ ኦላንቻቲቀ ጉጀና።

### 18

#### ትምቢትያ ኦድያ ሞካይ አካባዉ ጸነትያዎ ኦዴዳ

(1 ካታ. 22:1-28)

1 ዮሳፌጸ ሎይሳ ዲረቲዳን ቦንቹቲዳ፤ ቃይ አካባናካ ቦሎቲዳ።

2 አማራዳ ላይላፐ ጉይያን፣ ዮሳፌጸ አካባ በአናዉ ሳማርያ ቤዳ። አካብ አዉን አናና እትፐ ደእያ አሳዉ ዳር ዶርሳቲቀን ቦራቲቀ ሹኬዳ። ያቲደ ዮሳፌጸ ጋላእደን ደእያ ራሞታ ጌተትያ ካታማ አላናዉ ባረናና ባናዳን ማይዜዳ።

3 እስራኤልያ ካቲ እካብ ይሁዳ ካትያ የሳፊሬ፡፡ “ጋላእደን ደእያ ራሞታ ኦላናው ታናና ባኒ?” ምጊደ ኦቼዳ፡፡

የሳፊሬ፡፡ “ኤ፡ ኔን ኦላ ባናው ገግያ ዎደ እዉደነ ታን ገጋር፡፡ ታ ኦላንቻቱ ነ ኦላንቻቱ ማላ፤ ኦን ኔናና ኦላናው ባና” ምጊዳ፡፡

4 ቃይካ የሳፊሬ እስራኤልያ ካትያ፡፡ “ግደገ፡፡ ኔን ካሰታደ መቋና ጎዳ ኦቻ” ምጊዳ፡፡

5 እስራኤልያ ካቲ ትምቢትያ ኦድያ ኦይዳ ዴቱ ኦሳቱዎ ሺሺደ፡፡ “ታን ጋላእደን ደእያ ራሞታ ካታማ ኦላናው ቦ ቦገ?” ምጊደ ኦንቱንታ ኦቼዳ፡፡

ኦንቱንቱ፡፡ “ባ፤ እያው ጎገ፡፡ ጸሳይ ሄ ካታማ ካትያ ኩሽያን ኦላደ እማና” ምጊድና፡፡

6 ሽን የሳፊሬ፡፡ “ኦን መቋና ጎዳ ኦቻናው ዳንዳይያ ትምቢትያ ኦድያ ሀራ ኦሳይ ሀዋን ባዌ?” ምጊዳ፡፡

7 እስራኤልያ ካቲ የሳፊሬዉ ዛሪደ፡፡ “ኦን ኦ ባጋና መቋና ጎዳ ኦቻናው ዳንዳይያ እት ሀራ ብታኒ ደኤ፤ ኦ ይምላ ናኦ ሞካያ፡፡ ሽን ታን ኦ እጻይ፤ እያው ጎገ፡፡ ኦ ኡባ ዎደካ ታዋ ኡታባ ኦዳገ ኦትና፡፡ ሎኦባ ኦድ ኤሪና” ምጊዳ፡፡

የሳፊሬ፡፡ “ካቲ ሄዋዳን ጎገ!” ምጊዳ፡፡

8 ሄዋጥ ጉይያን፡፡ እስራኤልያ ካቲ ባሪ ኦሳንቻቱዋጥ እቱዋ ጴሲደ፡፡ “ይምላ ናኦ ሞካያ ሌላካ ኦካደ ያ” ምጊዳ፡፡

9 እስራኤልያ ካቲነ ይሁዳ ካቲ የሳፊሬ፡፡ ባሪንቱ ካውተላ ማየዋ ማደደ፡፡ ሳማርያ ካታማ ገልያ ጥንግያን ባሪንቱ ካውተላ ኦራታን ኡቱድና፤ ትምቢትያ ኦድያ ኡባቱ ኦንቱንቱ ሰንላን ትምቢትያ ኦዲና፡፡

10 ኦንቱንቱጥ እቱ፡፡ ካናእና ናእይ ጽድቁ ብራታጥ ካጨቱዋ ገገሲደ፡፡ ኦካባ፡፡ “መቋና ጎዳይ ሀዋዳን ያጌ፤ ሶሪቱ ቋያና ጋካናው፡፡ ኔን ኦንቱንታ ሀ ካጨቱዋን ቃይጫና ያጌ” ምጊዳ፡፡

11 ትምቢትያ ኦድያ ሀራ ኡባቱካ፡፡ “ጋላእደን ደእያ ራሞታ ካታማ ባደ ኦላ፤ ጸና፡፡ እያው ጎገ፡፡ መቋና ጎዳይ ሄ ካታማ ካትያ ኩሽያን ኦላደ እማና” ምጊደ ኦድድና፡፡

12 ሄዋጥ ጉይያን፡፡ ሞካያ ጸሳናው ከትት ቤዳ ብታኒ ኦ፡፡ “ቦእ፡፡ ትምቢትያ ኦድያ ኡባቱ እት ቃላ ግደደ፡፡ ካቲ ሀ ኦላ ጸናና ምጊደ ኦድድና፡፡ ሄዋ ድራው፡፡ ሀያና ነ ኦዲካ ኦንቱቱጥ እቱዋ ማላ ግደ፤ ኔንካ ሎኦባ ኦድ” ምጊዳ፡፡

13 ሽን ሞካይ ሄ ብታንያ፡፡ “መቋና ጎዳይ ኤር! ታ ጸሳይ ኦድያባ ታን ኦድና” ምጊዳ፡፡

14 ሞካይ ካትያኩ ዬዳ ዎደ፡፡ ካቲ ኦ፡፡ “ሞካያ፡፡ ኦን ጋላእደን ደእያ ራሞታ ኦላናው ባኔየ ቦገን?” ምጊደ ኦቼዳ፡፡

ሞካይ ካትያ፡፡ “ባ፤ ባደ ኦላ፤ ኦላደካ ጸና፡፡ እያው ጎገ፡፡ ኦንቱንቱ ነ ኩሽያን ኦቱ እመታና” ምጊዳ፡፡

15 ካቲ ኦ፡፡ “ኔን መቋና ጎዳ ሱንላን ቱሙዋጥ ኦትና፡፡ ሀራባ ታው ኦድድናን ታን ኔና ኦቼን ገደ ጫቀታናው ኩሽ?” ምጊዳ፡፡

16 ኦ፡፡ “እስራኤልያ ኦላንቻቱ ኡባይ ሄንላንቻይ ባይና ድርሳዳን ደርያን ላለቱዳዋንታ ታን ቦኦድ፡፡ መቋና ጎዳይ ኦንቱንታ፡፡ ሀዋንቶ ጎዳይ ባዋ፡፡ ኦንቱንቱ ኡባይካ ባሪንቱ ሶ ባሪንቱ ሶ ሳር ቢና” ምጊዳ፡፡

17 ያትና፡፡ እስራኤልያ ካቲ የሳፊሬ፡፡ “ ኦ ታዋ ኡታባ ኦዳገ ኦትና፡፡ ሎኦባ ኦድ ኤሪና፡፡ ጋደ ታን ነው ኦዳቢይክታ?” ምጊዳ፡፡

18 ሞካይ ጉጂደካ ሀዋዳን ያጌዳ፤ “ሰም መቋና ጎዳይ ግያዋ ሰሳ! መቋና ጎዳይ ባሪ ካውተላ ኦራታን ኡትና፡፡ ሳሉዋ ኦላንቻቱ ኡባይ ኦ ኡሽቻናን ኦ ሀድርሳና ኡቱዳዋንታ ታን ቦኦድ፡፡

19 መቋና ጎዳይ፡፡ ኦእስራኤልያ ካቲ እካብ ጋላእደን ደእያ ራሞታ ካታማ ቢደ፡፡ ያን ሀይቃናዳን ኦ ባለላናዌ ኦኔ?” ምጊዳ፡፡ እቱ ሀዋዳን ግያ ዎደ፡፡ ሀራይ ቃይ ሄዋዳን ጌዳ፡፡

20 ሄዋጥ ጉይያን፡፡ እያናደ ከሲደ መቋና ጎዳ ሰንላን ኤቁደ፡፡ “ታን ኦ ባለላና” ምጊዳ፡፡

መቋና ጎዳይ፡፡ “ዋታ ባለላን?” ምጊዳ፡፡

21 እያናደ፡፡ “ታን ከሳደ ባደ፡፡ ኦው ትምቢትያ ኦድያዋንቱ ኡባቱዋ ደናን ዎርዶትያ እያና ግዳና” ምጊዳ፡፡

መቋና ጎዳይ፡፡ “ኦ፡፡ ኔን ኦ ባለላና፤ ነው ሄዋ ሀናና፡፡ ባ፤ ባለላ ያጌዳ” ምጊዳ፡፡

22 ቃይካ ኦ፡፡ “ሄዋ ድራው፡፡ መቋና ጎዳይ ነው ትምቢትያ ኦድያዋንቱ ሀዋንቱ ደናን ዎርዶትያ እያና ዎሴዳ፤ እያው ጎገ፡፡ መቋና ጎዳይ ነ ቦላ ባሻ ኦሀናው ቃቼዳ” ምጊዳ፡፡

23 ሄዋጥ ጉይያን፡፡ ካናእና ናእይ ጽድቁ ሸቁደ፡፡ ሞካያ ሻይያ ባቁደ፡፡ “መቋና ጎዳ እያናይ ታ ማታጥ ዋኒደ ነው ኦድናው ቤዳ?” ምጊዳ፡፡

24 ሞካይ ኦ፡፡ “ኔን ቆሰታናው ቆልኦ ገልያ ጋላሰ ሄዋ ደማና” ምጊዳ፡፡

25 ሄዋጥ ጉይያን፣ እስራኤልያ ካቲ ባረ ኦላንቻቱዋጥ እቱዋ አዛዚደ፣ “ሞካያ ኦይቃ፤ ካታማ ሞድያ አሞናዉነ ታ ናአ ዮአሻዉ አፋደ አማ።

26 ኤንቲንታ፣ ካቲ ህንተንታ ሀ ብታንያ ቃሾ ጎለን ቃሾተ። ታን ሳር ሰማና ጋካናዉ፣ ጉላ ኡክላጥነ ሃላጥ ሀራባ አያነ አዉ አሞፕተ” ያጌ ያጋ ያጌዳ።

27 ሞካይ እ፣ “ቱመ” ኔን ሳር ሰምያዋ ግደፕ፣ መጅና ጎዳይ ታናን ሃሳይቤና” ያጌዳ። ቃይካ ሞካይ፣ “አሳዉ ኡባዉ፣ ታን ኦዲዳዋ እኬክተ” ያጌዳ።

**እካባ ሀይቁዋ**

(1 ካታ. 2:29-35)

28 ሄዋጥ ጉይያን፣ እስራኤልያ ካቲነ ይሁዳ ካቲ ዮሳፌጸ ጋላእደን ደእያ ራሞታ ካታማ ቤድና።

29 እስራኤልያ ካቲ ዮሳፌጸ፣ “ታን ታ ማዌዋ ላማደ፣ ሀራ አሳ ማላታደ፣ ኦላዉ ገላና፤ ሽን ኔን ነ ካትያ ማዌዋ ማያ” ያጌዳ። እስራኤልያ ካቲ ባረ ማዌዋ ላማደ፣ ሀራ አሳ ማላቲደ ኦላዉ ገሊዳ።

30 ሶርያ ካቲ ባረ ፓራ ጋረቱዋ አዛዝያ አሳቱዋ፣ “ግታትና ጉጽና፣ ሀራ አሳ ኦናናካ ኦለቶፕተ፤ እስራኤልያ ካትያ ጸላላና ኦለትተ” ያጌደ እዛዜዳ።

31 ፓራ ጋረቱዋ አዛዝያዋንቲ ዮሳፌጸ በኤዳ ዋደ፣ “ሀዌ እስራኤልያ ካትያ” ያጌድና። አናና ኦለታናዉ ሰማድና። ዮሳፌጸ ዋሲዳ፤ መጅና ጎዳይ ጸሳይ አ ማዲደ፣ ኤንቲንታ ጉዮ ዛሬዳ።

32 ፓራ ጋረቱዋ አዛዝያዋንቲ አ እስራኤልያ ካትያ ግደናዋ በኢደ፣ አ የደርሰያዋ አግ አጌድና።

33 አት ብታነ ጮ ባረ ሞንዳፍያን ኦላንቻቱ ቦላ ዱኪደ፣ እስራኤልያ ካትያ ኦላ ማዮ ጋክትያ ሄራና ጫዴዳ። ካቲ ባረ ጋርያ ላግያ ብታንያ፣ “ጋርያ ጉዮ ዛራደ፣ ታና ኦላ ግደፕ ከሳ። አያዉ ሳፕ፣ ታን ኤታ ጫቻ ጫደታክቻድ” ያጌዳ።

34 ሄ ጋላሰ ኦላይ ሱልያ ዋደ፣ እስራኤልያ ካቲ አካብ ባረ ፓራ ጋርያ ግደን ዘምፒደ፣ ኦማርሰ ጋካናዉ፣ ሶረቱዋ ሰንሳን ታኬዳ። አዋይ ዉልያ ዋደ፣ አ ሀይቁዳ።

**19**

**ትሞቢትያ ኦድያ ይሁ ዮሳፌጸ ሴሬዳ**

1 ሄዋጥ ጉይያን፣ ካቲ ዮሳፌጸ ባረ ሶ የሩሳላመ ሳር ሰማደ።

2 ትሞቢትያ ኦድያ ሀናና ናአይ ይሁ አናና ጋከታናዉ ከሲደ፣ ካትያ ዮሳፌጸ፣ “ኔን ኤታቱዋ ማዳናዉ ዋይ መጅና ጎዳ እጽያዋንታ ሲቃናዉ በሲ? ሄዋ ድራዉ፣ መጅና ጎዳ ሀንቁ ነ ቦላ ይዳ።

3 ግደፕ፣ አሸር ግያ ኤቃት ምሰለቱዋ ጋድያፕ ድጌዳ ድራዉነ ጸሳ ኮያናዉ ነ ዋዛና ገገሴዳ ድራዉ፣ ኔን ሎኦባ ኦላዳ” ያጌዳ።

**ዮሳፌጸ ዳናቱዋ ሱንሴዳ**

4 ዮሳፌጸ የሩሳላመን ደኤዳ። ቃይ ዮሳፌጸ በርሳበሄፕ ዶማደ፣ ኤፍሬማ ገዝያ ጋካናዉ፣ አሳ ግደን የዪደ፣ መጅና ጎዳ፣ ኤንቲንቲ አዋቱዋ ጸሳከ፣ ኤንቲንታ ዛሬዳ።

5 ይሁዳ ቢታን ደእያ ግምቡቱዳ ካታማቱዋ ኡባን ዳናቱዋ ሱንሴዳ።

6 አ ዳናቶ፣ “ህንተንቲ ኦሳያባን ህንተንታ ኤርተ። አያዉ ሳፕ፣ ህንተንቲ አሳዉ ፕርድክታ፤ መጅና ጎዳዉ ፕርዲታ። ህንተንቲ ያርድያ ዋደ፣ አ ህንተናና ደኤ።

7 ሀአካ ህንተንቲ መጅና ጎዳዉ የደተ፤ ህንተንቲ ኦሳያባን ህንተንታ ኤርተ። አያዉ ሳፕ፣ መጅና ጎዳ ኦ ጸሳ ማታን ናቁ፣ አሳ ሰንሳ ዪሊደ ማድያዌነ ማጋንጸ ምያዌ ባዋ” ያጌዳ።

8 መጅና ጎዳ ህግያ አድያዋነ አሳ ግደን ደንድያ የዉዋ ፕርዳናዳን ሊዋቱዋ፣ ቁሳቱ ዋጥነ እስራኤልያ አሳ አዋቱዋ ጎልያ ካፓቱዋ፣ አማራዳ አሳቱዋ ዮሳፌጸ የሩሳላመን ሱንሴዳ።

9 ሄዋጥ ጉይያን፣ ዮሳፌጸ ኤንቲንታ ሀዋዳን ያጌደ አዛዜዳ፤ “መጅና ጎዳዉ ያዪደ፣ አማንትያዋን ኩመንሳ ዋዛናን ኤላተ።

10 ባረንቲ ካታማን ደእያ ህንተንቲ እሻቱ ሽምፑ የዉዋ፣ ዋይ ህግያዋ፣ ዋይ አዛዘዋ፣ ዋይ አዋዌዋ፣ ዋይ ፕርዳባ ህንተንቲኮ አሆፕ፣ ኤንቲንቲ መጅና ጎዳ ሰንሳን ባይዛንቻ ግደናዳን አ ሀንቁ ህንተንቲ ቦላን ህንተንቲ አሻቱዋ ቦላ ዪናዳን ኤንቲንታ ሴርተ። ህንተንቲ ኤንቲንታ ሴርተ፣ ህንተንቲ ህንተንቲ ሁጲያዉ ባይዛንቻ ግድክታ።

11 መጅና ጎዳ ባጋ የዉዋ ኡባዉ አዋትያዌ ቁሳቱዋ ካቱዋ አማርያ፤ ቃይ ካትያ ባጋ የዉዋ ኡባዉ አዋትያዌ ይሁዳ ዛራቱዋ ካቱዋ አሰማኤላ ናአ ዛባድያ። ሊዋቱ ህንተንቲ ሰንሳን ካቱዋ ግዳናዋ። ህንተንቲ ምኒደ ኤላተ። ሱረባ ህንያዋንቲና መጅና ጎዳይ እትፕ ግደ” ያጌዳ።

**20**

**ኤደማ ቢታይ ይሁዳ ቦላ ዎራጂዳ**

1 ሄዋጥ ጉይያን፣ ሞካባቲነ አሞናቱ ቃይ ኤንቲንቲና እትፕ ማኤናቱ ዮሳፌጸ ቦላ ማዬድና።

2 ያትና፡ አማራጭ አሳቱ ዪደ ዮሳፌጸው፡ “ማጽነ አባጥ ሄፍንጻና ደእያ ሶርያፕ ዳሮ ኦላንቻቱ ኔና ኦላናው ዪደና። በእ፡ ኡንቱንቱ ሀጸጸን-ታማራን ደኢና” ያጊደ ኦዲድና። (ሀጸጸን-ታማር ኤንገዳው ሀራ ሰንጻ።)

3 ያትና፡ ዮሳፌጸ ያዪደ፡ መጅና ጎዳ ኦቻናው ባረ ቆፋ ቃቹዳ፤ ይሁዳ ጋድያን ኡባን ጸማ አዋዬዳ።

4 ይሁዳ አሳይ ኡባይ መጅና ጎዳፕ ማዲዋ ኮያናው እትጥ ሸቄዳ፤ ኡንቱንቱ መጅና ጎዳፕ ማዲዋ ኮያናው ይሁዳ ካታማቱዋ ኡባፕ ዪደና።

5 ዮሳፌጸ ይሁዳን የሩሳላሙ ሸቁዋ ግድን፡ መጅና ጎዳ ገሻ ጎልያን ደእያ ኦራፋ ዳባባ ሰንጻን ኤቄዳ።

6 ሀዋዲን ያጊደ፡ “አቤት መጅና ጎዳው፡ ኑ አዋቱዋ ጸሳው፡ ሳሉዋን ደእያ ጸሳይ ኔና! ሳኣን ደእያ ካውተፋቱዋ ኡባ ሞድያዌ ኔና! ግታተሳይን ዋልቃይ ነ ኩሽያን ደእያ ድራው፡ ኔናና ኤቃታናው ዳንዳዬዳባይ ባዋ።

7 አቤት ኑ ጸሳው፡ ካሰ ሀ ቢታን ደእያዋንታ ነ አሳ እሰራኤልያ ሰንጻፕ የደርሳይ፡ ነ ሲቁዋ አብራሃማ ዘረፋቶ መጅናው እሚዳዌ ኔና!

8 ኡንቱንቱ ሀ ጋድያን ደኤድና፤ ኡንቱንቱ ሀዋን ነ ሰንጻው ገሻ ጎልያ ኬጸደ።

9 ሓ ቦላ ኢታባይ፡ ዋይ ኦላይ፡ ዋይ ኢታ ሀርጊ፡ ዋይ ኮሻይ ይንቶ፡ ኑን ነ ሰንጻይ ደእያ ሀ ገሻ ጎልያ ሰንጻን ነ ሰንጻን ኤቄደ፡ ኑ መቱዋን ኔፕ ዋሳና። ኔን ኑ ዋሱዋ ሰሳይ፡ ኑና አሻና ያጊድና።

10 “ሀእካ አዋናቱ፡ ሞአባቱን ኤደማቱ ኑ ቦላ ማዬድና። በን ኑ አዋቱ ግብጾፕ ከሴዳ ዋይ፡ ኔን ኡንቱንቱ ሄ ቢታቱዋ ገለናዳን ድጋዳ፤ ሄዋ ድራው፡ ኑ አዋቱ ሄ ቢታቱን የዪደ አጫድናፕ አትና፡ ኡንቱንታ ጳይሰበይክና።

11 ኑን ኡጫዳባው ኡንቱንቱ ኑው ዛሬዳባ በእ። ኔን ኑው እሚዳ ላታ ጋድያፕ ኡንቱንቱ ኑና የደርሳናው ዪድና።

12 አቤት ኑ ጸሳው፡ ኔን ኡንቱንቱ ቦላ ፕርድኪ? አያው ጎፕ፡ ኑና ኦላናው ዪዳ ሀ ዳሮ ኦላንቻቱዋና ኦላታናው ኑው ዋልቃይ ባዋ። ኑን ኦላናባካ ኤርኮ፤ ሽን ኑ አይፈቱ ኔና ጾልና” ያጊደ።

13 ይሁዳ አሳይ ኡባይ ባረንቱ ቄር ናናቱዋና፡ ባረንቱ ማጫ አሳቱዋናን ባረንቱ ናናቱዋና እትፕ ግዲደ፡ መጅና ጎዳ ሰንጻን ኤቄድና።

14 ሄዋፕ ጉይያን፡ ዛካራሳ ናእይ ያሃዝኤል ሸቁዋ ግድን ኤቄደአሽን፡ መጅና ጎዳ እያናይ አ ቦላ ዋጫ። ዛካራሰ ባናና ናኣ፤ ባናይ ይእኤላ ናኣ፤ ይእኤል ማታንያ ናኣ፤ ማታኔ ለዊያ ዛረን አሳፋ ያራ።

15 ጸሳ እያናይ ያሃዝኤላ ቦላ ዋጅና፡ ሀዋዲን ያጊደ፤ “ካትያው ዮሳፌጸ፡ ይሁዳንን የሩሳላሙን ደእያ አሳው፡ ኡባይካ ሰሰተ! መጅና ጎዳይ ህንተንታ ሀዋዲን ያጊ፤ ላሀ ዳሮ ኦላንቻቱ ጋሱዋን ያዮፕተነ ዳጋሞፕተ። እያው ጎፕ፡ ኦላይ ጸሳዋፕ አትና፡ ህንተንቱዋ ግድና።

16 ህንተንቱ ዋንት ኡንቱንታ ቦላ ከሰተ። ጸጸ ግያ ፕደላን ይሩኤላ ሙላ ቢታን ደእያ ዛንጋራ ዉርሰላን ህንተንቱ ኡንቱንታ ደማና።

17 ሀ ኦላ ኦላትያዋንቱ ህንተንታ ግድክታ። ህንተንቱ ሳኣ ሳኣ ኦቄቄ ኤቄደ፡ መጅና ጎዳይ ህንተንታ አሽያዋ በኢታ። ይሁዳ አሳው፡ የሩሳላሙ አሳው፡ ያዮፕተነ ዳጋሞፕተ! ኡንቱንቱና ኦላታናው ዋንት ከሰተ። መጅና ጎዳይ ህንተናና ግዳናዋ” ያጊደ።

18 ዮሳፌጸ ጳውዋ ሳኣ ጋሊደ ጎይኔዳ፤ ሄዋዲንካ፡ ይሁዳ አሳይ ኡባይን የሩሳላሙን ደእያ አሳይ ኡባይ መጅና ጎዳ ሰንጻን ከንዲደ፡ እሰራኤልያ ጸሳው ጎይኔድና።

19 ቃሃታ ያራፕን ቆራሀ ያራፕ አማራጭ ሊዋቱ ኤቄደ፡ ባረንቱ ቃላ ጶቁ ኦሊደ፡ መጅና ጎዳ እሰራኤልያ ጸሳ ጋላቲድና።

20 ኡንቱንቱ ጉራ ጉራን ደንዲደ፡ ታቆእ ሙላ ቢታ ባናው ከሴድና፤ ኡንቱንቱ ከሴዳ ዋይ ዮሳፌጸ ደንድ ኤቄደ፡ “ይሁዳንን የሩሳላሙን ደእያ አሳው፡ ታን ግያዋ ሰሰተ። መጅና ጎዳን፡ ህንተንቱ ጸሳን፡ አማንትተ፤ ህንተንቱ ሞናና። ቃይ ትምቢትያ ኦድያዋንቱንካ አማንትተ፤ የወዋ ኡባይ ህንተንቶ እንጀታናዋ” ያጊደ።

21 ዮሳፌጸ አሳና ዘረቱዳዋፕ ጉይያን፡ ማዝሙርያ የጽያዋንታን መጅና ጎዳ ጋላትያዋንታ ሰንጻዳ። ኡንቱንቱ ባኣላ ጋላሳ ማዪዋ ማዪደ፡ ኦላንቻቱ ሰንጻና አጲደ፡

“መጅና ጎዳ ጋላትተ!

እገና አ ሲቁ መጅናዋ”

ያግ ያጊደ የጻናዳን አዛዜዳ።

22 ኢንቲንጥ ማዘሙርያ የጽያዋን ጋላትያዎ ደሜዳ ዎደ፣ ይሁዳ ኦላናው ዬዳ አሞናቱዎ ቦላ፣ ሞአባቱዎ ቦላን ኤደማቱዎ ቦላ መቋና ጎዳይ ሻቢርሳ የደዳ።

23 አሞናቱን ሞአባቱ ኤደማቱዎ ቦላ ደንዲደ፣ ኢንቲንጥ ኡባና ጳይሴድኖ። ኢንቲንጥ ኤደማቱዎ ጳይሴዳዋጥ ጉይያን፣ ባርንጥ ግደን እቴ እቴዎ ጳይሴድኖ።

24 ይሁዳ አሳይ መላ ቢታን ደእያ ዎቻያ ሳኦ ዬዳ ዎደ፣ ባርንጥ ሞርከቱ ደእያ ሳኦ ጸሌድኖ፤ ኢንቲንጥ አሃይ ቢታን ግሴዳዎ በኤድኖ። ኢንቲንጥ እት አሳይን ከሰ እኪደ ብቢና።

25 ሄዋጥ ጉይያን፣ የሳፌጽን ኦ አሳይ ኦሞዲዎ አካናው ቢደ፣ ዳር መሄቱዎ፣ ሽንቃቱዎ፣ ኦላ ሚሻቱዎ፣ ማፍቱዎን ሀራ እልኦ ሚሻቱዎ ደሜድኖ። ሽን አሞዲዎ ኡባባ ቶክ አፋናው ዳንዳይቢይክኖ። አሞዲዳባይ ሎይላ ዳር ግዴዳ ድራው፣ ሄዋ ሽሻናው ሄዙ ጋላሳ እኬዳ።

26 ሄዋጥ ጉይያን፣ ኢንቲንጥ ኦይደንሶ ጋላሰ በራካ ዎሞባ ግያ ሳን ሸቄድኖ፤ ሄ ሳኦን መቋና ጎዳ ጋላቲድኖ። ሄዎ ድራው፣ ኢንቲንጥ ሄ ሳኦ ጋላታ ዎሞባ ያጊደ ሰንጹድኖ።

27 ሄዋጥ ጉይያን፣ ይሁዳ አሳይ ኡባይን የሩሳላመ አሳይ ኡባይ፣ የሳፌጽ ካለላና፣ መቋና ጎዳይ ሞርከቱዎ ቦላ ጸኑዎ እሞ ናሸቶና የሩሳላመ ሰሜዳ።

28 ኢንቲንጥ የሩሳላመ ጋኪደ፣ ዲላና፣ ማሰንቁዋናን ጸሩሞባና መቋና ጎዳ ጌሻ ጎልያ ገሌድኖ።

29 እስራኤልያ ሞርከቱዎ መቋና ጎዳይ አላጋ ቢታን ደእያ ካዉተላቱ ኡባይ ሰሴዳ ዎደ፣ ኢንቲንጥ ጸሳው ያዬድኖ።

30 ያቴደ ጸሳይ የሳፌጽው ኡባ ባጋና ሸሞጥዎ እሜዳ ድራው፣ ኦ ካዉተላይ ሳርተላ ደሜዳ።

**የሳፌጽ ካዉታ ዉርሰሳ**  
**(1 ካታ. 22:41-50)**

31 የሳፌጽ ይሁዳን ካተትያ ዎደ፣ ኦ ላይላይ ሀታማን እቼሻ፤ ኦ የሩሳላመን ላታማን እቼሹ ላይላ ካተቱዳ። ኦ እታ ሺልሀ ናቶ አዙቦ ጌተታው።

32 የሳፌጽ ባረ ኦዉዎ አሳ ኦግያን ሀመቲዳ፤ ኦ ሄ ኦግያጥ ሸርእ ግቤና፤ መቋና ጎዳ ሰንላን ኦ ሱረሳ ኦሌዳ።

33 ግደጥ፣ ጎይንያ ቋቃ ሳኦ ጳይሴቤና፤ አሳይ ብር ባረ ኩመንላ ዎዛናጥ ባረ ማይዛ አዎቱዎ ጸሳኩ ሰሞቤና።

34 የሳፌጽ ሀኔዳ ሀራባይ፣ ኮይርጥ ዉርሰሳ ጋካናው እስራኤልያ ካተቱ ታርክያ ማጻፋን፣ ሀናና ናኦ ዬሁ ታርክያ ግደን ጸፊት ኡቴዳ።

35 እት ዎደ፣ ይሁዳ ካቲ የሳፌጽ ኢታባ ኦሌዳ እስራኤልያ ካትያ አካዝያሳና እትጥተላ ኦሌዳ።

36 ያቴደ የሳፌጽ አናና ዛልእያ ዎልቃማ ማርካባቱዎ መቋናው ማፍቲዳ። ሄ ማርካባቱዎ ኤጽዮን-ጋብራ ካታማን መቋሴድኖ።

37 ሄዋጥ ጉይያን፣ ማራሻጥ ዬዳ ደዳዎ ናኦይ ኤልኤዘር፣ “ኔን አካዝያሳና እትጥተላ ኦሌዳ ድራው፣ ኔን ኦሌዳ ኪታ መቋና ጎዳይ ጳይሳና” ያጊደ፣ የሳፌጽ ቦላ ትሞቢትያ ኦደዳ። ሄዎ ድራው፣ ማርካባቱ መኤድኖ፤ ኢንቲንጥ ሀቃን ባናው ዳንዳይቢይክኖ።

**21**

1 ሄዋጥ ጉይያን፣ የሳፌጽ ሀይቂደ፣ ባረ ማይዛን ጋከቲዳ። ዳዊታ ካታማን ባረ ማይዛ አዎቱዎና ሞገቲዳ። ኦ ኮታን ኦ ናኦይ የራመ ካተቲዳ።

**ይሁዳ ካትያ የራማ**  
**(2 ካታ. 8:17-24)**

2 የራማ እሻቱ አዘርያሳ፣ ይህኤላ፣ ዛካራሳ፣ አዘርያሳ፣ ሞካኤላን ሻፋጽያ፤ ሀዋንጥ ኡባይ ይሁዳ ካትያ የሳፌጽ ናና።

3 ኢንቲንጥ እዉ የሳፌጽ ኢንቲንቶ ዳር ብራ፣ ዎርቃን እልኦ ሻሉዎ እሜዳ፤ ቃይ ግሞብቲዳ ይሁዳ ካታማቱዎካ እሜዳ። ሽን የራመ ባረ አዎ ባይራ ናኦ ግድያ ድራው፣ ካዉተላ አዉ እሜዳ።

4 የራመ ባረ እዉዎ ካዉተላ እኪደ ሞኔዳ ዎደ፣ ባረ እሻቱዎ ኡባቱዎን እት እት እስራኤልያ ካጋቱዎ ማሻን ዎጂዳ።

5 የራመ ካተትያ ዎደ፣ ላይላይ አዉ ሀታማን ላኡዎ፤ ኦ የሩሳላመን ሆሰፑን ላይላ ካተቲዳ።

6 የራመ አካባ ናቶ እኬዳ ድራው፣ አካባ ሶይ አሳይ ሀመቲዳዎዳንካ ካሰ እስራኤልያ ካተቱዎ ኦግያን ሀመቲዳ፤ መቋና ጎዳ ሰንላንካ ኢታባ ኦሌዳ።

7 ግደጥ፣ መቋና ጎዳይ ካሰ ዳዊታና ጫቀቲዳ ጫቀዎ ድራው፣ ዳዊታ ዘርላ ጳይሳናው ኮይቤና። ዳዊታ ዘርላይ መቋናው ካተታናው መቋና ጎዳይ ሂደታ እሞ ዎሌዳ።

8 የራመ ካተቲዳ ዎደ፣ ኤደማ አሳይ ይሁዳ ካትያ ቦላ ማካሊደ፣ ባርንቶ ካትያ ካተዬድኖ።



9 ሃዋ ድራሬ፡፡ የራሙ ባረ ኦላ ጋዳዋቱዋናን ባረ ፓራ ጋረቱዋ ኡባና እትፕ ኤደማ ጋድያ ኦላናው ቤዳ፤ ኤደማ አሳይ እን እ ፓራ ጋረቱዋ ካፓቱዋ ደዴድና። ሸን የራምነ እ አሳይ ቃማ ደንዲደ፡ ደዳ እዲደ ባቃቲድና።

10 ሄ ዋድያፕ ደሚደ፡ ሆቼ ጋካና፡ ኤደማ አሳይ ይሁዳ አሳው ሞደትቤና። የራሙ መድና ጎዳ ባረ አዎቱዋ ጸሳ እጌዳ ድራሬ፡ ሊብና አሳይ ቃይ ሄ ዋደ ይሁዳ ካትያ ቦላ ማካሊዳ።

11 የራሙ ቃይ ይሁዳ ገዝያን ጎይንያ ቆቃ ሳኦ ገግቤዳ፤ የሩሳላሙን ደእያ አሳይ ቫርሙጻናዳን ኦሌዳ፤ ይሁዳ አሳካ ባላሌዳ።

12 ሄዋፕ ጉይያን፡ ትምቢትያ ኦድያ ኤላሰ የራማው ዳብዳቤያ ሀዋዳን ያገደ ከቲዳ፤ “መድና ጎዳይ፡ ነ ማይዛ አውዋ ዳዊታ ጸሳይ፡ ራኔን ነ አውዋ የሳፌጻ ኦግያን ዋይ ይሁዳ ካትያ አሳ ኦግያን ሀመትያዋ አጋደ።

13 እስራኤልያ ካተቱዋ ኦግያን ሀመታዳ፡ አካባ ሶይ አሳይ ኦሌዳዋዳን፡ ይሁዳንን የሩሳላሙን ደእያዋንቲ ቫርሙጻናዳን ኦላዳ፡ ቃይካ ኔፕ ኬክያ፡ ነ አውዋ ጎሊን ደእያ ነ እሻቱዋ ዋቆዳ።

14 ሃዋ ድራሬ፡ መድና ጎዳይ ነ አሳ፡ ነ ናና፡ ነ ማቻቱዋን ነው ደእያ ኡባባ ዋልቃማ ባሻን ሾጫና።

15 ኔና ማራጭያ ሀርጊ እይቁና፡ ነው ሳኩ ያ ጎላ ጎቢደ ባና’ ያጌ” ያጌዳ።

16 ሃዋፕ ጉይያን፡ መድና ጎዳይ ፕልሰጾማቱዋን ቶጻጾ ማታን ደእያ አራባቱዋ የራማ ኦላናዳን ደንግሴዳ።

17 ያትና፡ ኡንቱንቲ ይሁዳ ቦላ ማዬድና፤ ካትያ ጎሊን ደእያ ሚሻ ኡባ፡ ካትያ አቲማ ናናን እ ማጫዋንታ አሞዴድና። አ ናና ኡባፕ ቴፋ አካዝያሳፕ እትና፡ ሀራ እት ናእይን አው እትቤና።

18 ሄ ኡባፕ ጉይያን፡ ፓጻናዳን ማራጭያ ሀርጊያን የራማ መድና ጎዳይ ሾጩዳ።

19 ላኡ ላይላ ግድን ሀርጊ አ ቦላ ጎቤዳ፤ አ ማራጩ ካረ ከቤዳ፤ ያትና፡ ሎይላ ሳከቲደ ሀይቁዳ፡ አ ሞግያ ዋደ አሳይ ካሰ አ ማይዛ አዋቶ ኦሌዳዋዳን፡ አ ቦንቾ ምላ ደሪደ፡ ታማ ኤሰቤና።

20 የራሙ ካተትያ ዋደ፡ ላይላይ አው ሀታማን ላእ፤ እ የሩሳላሙን ሆሰፑን ላይላ ካተቲዳ፡ አ ሀይቁያ ዋደ ኦንን ካየትቤና። የራሙ ዳዊታ ካታማን ሞገቲዳፕ እትና፡ ካተቱዋ ማካናን ሞገትቤና።

## 22

### ይሁዳ ካትያ እካዝያሳ

(2 ካታ. 8:25-29፤ 9:21-28)

1 አራባቱ ዪደ የራማው ባይራ ናና ኡባቱዋ ዋዴዳ ድራሬ፡ የሩሳላሙ አሳይ የራማ ናኦ ኡባፕ ቴፋ አካዝያሳ አ ኮታን ካተዬድና። ሃዋ ድራሬ፡ የራማ ናኦይ አካዝያሰ ካውተላ ደሚዳ።

2 አካዝያሰ ካተትያ ዋደ፡ ላይላይ አው ኦይታማን ላእ፤ እ የሩሳላሙን እት ላይላ ካተቲዳ። አ እት ሰንሳይ አታሎ፤ አ ኦምራው ናኦ ናቶ። \*

3 አካዝያሰ ኢታተላን ባናዳን አ አታ አ ዘራዳ ድራሬ፡ እካ አካባ ሶይ አሳ ኦግያን ሀመቲዳ።

4 አ አው ሀይቁዳዋፕ ጉይያን፡ አካባ ሶይ አሳይካ አ ዘርያ ድራሬ፡ አካባ ሶይ አሳዳን እካ መድና ጎዳ ሰንሳን ኢታባ ኦሌዳ። ያቲደ አ ቆዮ ጋሶ ግዴድና።

5 አካዝያሰ አካባ ሶይ አሳ ዘርያ ካሊደ፡ አካባ ናኦ እስራኤልያ ካትያ የራማና እትፕ፡ ሶርያ ካትያ ሀዘኤላ ኦላናው ጋላኦደን ደእያ ራሞታ ጌተትያ ካታማ ቤዳ። ሶርያ አሳቱ የራማ ጫዴድና።

6 ሶርያ ካትያ ሀዘኤላና አ ኦላትያ ዋደ፡ ሶርያ አሳቱ አ ራሞታን ጫዴዳ ጫቻ ፓሳ አካናው እዘራኤላ ካታማ ሰሜዳ። ሃዋፕ ጉይያን፡ የራማ ናኦይ፡ ይሁዳ ካቲ አካዝያሰ አካባ ናኦ የራማ ጫዴቲዳዋ አቻናው ዲጎ አዘራኤላ ካታማ ቤዳ።

7 አካዝያሰ የራማኩ ቤዳዌ አካዝያሳው ሀይቆ ግዳናዳን መድና ጎዳይ ኦሌዳ። አካዝያሰ የራማ በእሸን፡ አካባ ዘርያ ቆይሳናዳን መድና ጎዳይ ደራዳ ጎምሻ ናኦ ይሀ ሞካናው ላኡ እትፕ ከሴድና።

8 ይሁ አካባ ዘርያ ቦላ ፕርድያዋ ፖሌዳ ዋደ፡ ይሁዳ ካፓቱዋን አካዝያሳ ማድያ አ እሻቱዋ ናና ደሚደ ዋዴዳ።

9 ቃይ ይሁ አካዝያሳ ኮዬዳ፤ ሳማርያን ቆስት ኡቲዳዋ አ አሳቱ ደሚድና፤ ይሁኮ እሂደ ዋዴደ፡ “ባረ ኩሙንላ ዋዛናፕ መድና ጎዳ ኮዬዳ የሳፌጻ ናኦ” ያገደ ሞጌድና።

ሃዋ ድራሬ፡ አካዝያሳ ሶ አሳፕ ካውተላ ኦይቃናው ዳንዳይያዌ ኦንን ባዋ።

### ይሁዳ ካታቶ አታሎ

(2 ካታ. 11:1-3)

10 አካዝያሳ ዳያ አታላ ባረ ናኦይ ሀይቁዳዋ በኤዳ ዋደ፡ ደንዳደ ይሁዳ ካትያ ዘርያ ኡባ ቆይሳዱ።

\* 22:2 ኦይታማን ላኡዋ፡ አው ላይላይ ላታማን ላኡዋ ዋይ ኦይታማን ላኡዋ፡ 2 ካት፡ 8:26 ጸላ።

11 ሽን ካትያ ናታ ይሆሽባሉ። ሀይቃናዉ ደእያ ካትያ ናና ግደጥ እካዝያሳ ናኣ ዮእሻ ዉእደ እካዲ። እነ እ ቆንሳያኖ ሃጾ ገለን ቆሳዲ። ሃዋዳን ኦሳደ። እታላ ናኣ ዎ□ዳን፤ ካትያ ዮራማ ናታ። እካዝያሳ ሞቻታ። ቄሰያ ዮዳሂ ማቻታ። ይሆሽባሉ እ ቆሳዲ።

12 እታላ ቢታ ሞድያ ዎደ ኡባን። ናእይ ኡንቲንቲ ማታን ጾሳ ጌሻ ጎልያን ኡሱፑን ላይላ ቆሰቲደ ኡቲዳ።

### 23

#### እታሊ ቦላ ማካሊደ ደንዴድኖ (2 ካታ. 11:4-16)

1 ላፑንላ ላይላን ዮዳሂ ሞኒደ። ጾቱዋ ካፓቱዋ ይርሃሃ ናኣ እዛርያሳ፤ ያሆሀናና ናኣ እሰማኡላ፤ ዮቤዳ ናኣ እዛርያሳ፤ ኦዳያ ናኣ ማእሴያን ዚክራ ናኣ ኤልሻፋጻ ሺሺደ። ኡንቲንቲና ቃላ ጫቁዋ ጫቁቲዳ።

2 ኡንቲንቲ ይሁዳ ቢታ ኡባ ዩዩደ፤ ይሁዳ ካታማቱዋን ደእያ ለዋቱዋን እሰራኤልያ ያራቲ ካፓቱዋ ኡባ እኪደ። ዮሩሳሌም ዩድኖ።

3 ሃዋጥ ጉይያን። ሄ ሸቄዳ አሳይ ኡባይ ጾሳ ጌሻ ጎልያን ካትያና ቃላ ጫቁዋ ጫቁድኖ። ዮዳሂ ሄ አሳ። “ካትያ ናኣ ሀዋ በእተ! መቅና ጎዳይ ካሰ ዳዊታ ዘረላባ ሃሳዬዳዋዳን እ ካተቶ።

4 ህንተንቲ ኦሳናዉ በሰያባይ ሀዋ። ሳምባታ ጋላሳን ሀ ጌሻ ጎልያ ገልያ ቄሳቲ ዋጥን ለዋቱዋጥ ሄዙ ኩሽያጥ እት ኩሺ ጥንግያ ናግተ፤

5 ቃይ ሄዙ ኩሽያጥ እት ኩሺ ካትያ ጎለን ደእተ፤ ሄዙ ኩሽያጥ እት ኩሺ ቃይ ባሱዋ ጥንግያን ደእተ። አሳይ ኡባይ መቅና ጎዳ ጌሻ ጎልያ ዳባባ ሺቆ።

6 ቄሳቲ ዋጥን ኡልያ ለዋቱዋጥ እትና። ኦንነ መቅና ጎዳ ጌሻ ጎልያ ገሎፖ። ኡንቲንቲ ጌሻ ግድያ ድራዉ፤ ገልኖ፤ ሽን ሀራ አሳይ ኡባይ መቅና ጎዳ እዛዙዋ ናጌደ። ጌሻ ጎልያጥ ካረና ደእኖ።

7 “ለዋቱ ኡባይ ባረንቲ ላይ ሚሻ ባረንቲ ኩሽያን ኩሽያን ኦይቂደ። ካትያ ግደዩደ። ካቲ ከሰያ ዎደን ገልያ ዎደ ኡባን እናና እትጥ ደእኖ። ጌሻ ጎልያ ገልያ ኦናን ዎቅተ” ያጌዳ።

8 ለዋቱን ይሁዳ አሳይ ኡባይ ቄሲ ዮዳሂ እዛዜዳዋ ኡባ ኡልድኖ። ቄሲ ዮዳሂ ሳምባታን ኡሱፑጥ ከሳናዉ በሰያ ለዋቱዋ ከሲደ ዮድቤና። ሃዋ ድራዉ፤ ናጉዋ ካላይ ጋኪዳዋንቲካ ናጉዋ ካላን ፖሌዳዋንቲካ ኡባይ ያን ደእኖ። ሃዋን ካፓቶ እካናዉ ግድያ አሳይ ደእ።

9 ሃዋጥ ጉይያን። ቄሲ ዮዳሂ ጾሳ ጌሻ ጎልያን ደእያ። በን ካትያ ዳዊታ ቶራቲዋ። ዎጋ ጎንዳላቲዋን ቄር ጎንዳላቲዋ ካፓቶ እሚዳ።

10 አሳይ ኡባይ ኦላ ሚሻ ባረ ኩሽያን ባረ ኩሽያን ኦይቂደ። ጌሻ ጎልያዉ ኡሸቻ ባጋጥ ሀድርሳ ባጋ ጋካናዉ። ያርሽያ ሳኣ ማታን ጌሻ ጎልያ ማታን ካትያ ዩሹዋን ኤቃናዳን ቄሲ ዮዳሂ ኡልዳ።

11 ሃዋጥ ጉይያን። ዮዳሂ ካትያ ናኣ ዮእሻ ካረ ከሲደ። እ ሀጺያን ካላቻ ዎልዳ፤ ካዉታ ሀግያ ማጻፋ ኦዉ እሚደ ካተዬዳ። ዮዳሂን እ ናናይ ዮእሻ ኦኪደ። “ካቲ ሸምጥዋ ጋምኦ!” ያጌድኖ።

12 አሳይ ዎጺደን ካትያ ሳቢደ ሆምቦጭያዎ እታላ ሰሴዳ ዎደ። አሳኩ መቅና ጎዳ ጌሻ ጎልያ ባዲ።

13 ካቲ ጥንግያን ባረ ቲሳ ማታን ኤቂዳዋ በኣዲ። ካፓቲን ጸሩምባ ፑንያዋንቲ ካትያ ማታን ደእኖ፤ ይሁዳ አሳይ ኡባይ ናሽቲደ። ጸሩምባ ፑኒኖ፤ ማዝሙርያ ዮጽያዋንቲካ ሰንሳዉ እጳደ። ባረንቶ ደእያ ዩሳ ሚሻን ጋላቲኖ። እታላ ባረ ማዩዋ ፔቆደ። “ሀዌ ማካላ! ሀዌ ማካላ!” ያጋደ ባሳዲ።

14 ቄሲ ዮዳሂ ኦላንቻቲ ካፓቲዋ። “ኣታሎ መቅና ጎዳ ጌሻ ጎልያን ዎቅተተ! ኦ ያናን ሃና ሳልፒደ ሳልጥቲዋ ግዲዋን ዎሊደ። ካረ ከሰተ፤ እዙ እሻናዉ ካጄልያ አሳይ ደእጥ ዎቅተተ!” ያጌዳ።

15 ሃዋ ድራዉ። ኡንቲንቲ እዙ ኦይቂደ። ካትያ ጎልያ አፌድኖ፤ ፓራ ጥንግያን እዙ ዎጺድኖ።

#### ዮዳሂ ቃላ ጫቁዋ ኦራሌዳ (2 ካታ. 11:17-20)

16 ሃዋጥ ጉይያን። ዮዳሂ እ ባረ ሀጺያዉ። አሳይ ኡባይን ካቲ መቅና ጎዳ አሳ ግዳናዳን ቃላ ጫቁዋ ዎልዳ።

17 ሄ ዎደ አሳይ ኡባይ ባኣላ ኤቃ ጎልያ ቢደ። ሄ ጎልያ ክንቹዳ፤ ያርሽያ ሳኣቲዋን ሞሰለቲዋ ክንቹሬልዳ። ቃይ ማታና ግያ ባኣላ ቄሰያ ያርሽያ ሳኣቲ ሰንሳን ዎጺድኖ።

18 ዮዳሂ ቄሳቲ ዋን ለዋቱዋ መቅና ጎዳ ጌሻ ጎልያ ኦሳ ካፑዋ ኦሊደ ሱንሌዳ። ኡንቲንቲ ኪታይ ሙሴ ሀግያን ጸፈቲዳዋዳን መቅና ጎዳዉ ጸግያ ያርሹዋ ያርሽያዋን ካቲ ዳዊተ ኦይዳዋዳን ማዝሙርያ ዮጽያዋን ባላ ቦንቶሰያዋ።

19 ሀገያን ጸፈቴዳዋዳን ቱና አሳይ እቲነ ገለናዳን ዮዳሄ መጅና ጎዳ ጌሻ ጎልያ ጉንገያን ናገያዋንታ ዋሌዳ።

20 ዮዳሄ ጹቱዋ ካገቱዋ፣ ዋልቃማ አሳቱ፣ ደርያ ሞድያዋንታ ሄ ቢታ አሳ ኡባ ባረናና አኪደ፣ ካትያ መጅና ጎዳ ጌሻ ጎልያ ጉንገያ ደገ ዋሌዳ። ቆዋ ባጋ ጉንገያና ካትያ ጎልያ ገሊድና፤ ካትያ ካዉተላ አራታን ኡትሲድና።

21 ያትና ይሁዳ አሳይ ኡባይ ናሽቴዳ። አታላ ካትያ ጎልን ማሻን ሀይቄዳዋጥ ጉይያን፣ ካታማይ ዋፑ ጌዳ።

# 24

## ይሁዳ ካትያ ዮኣሻ (2 ካታ. 12:1-16)

1 ዮኣሻ ካትያ ዋደ፣ ላይሳይ እዉ ላፑና፤ እ የሩሳላመን ኦይታሙ ላይሳ ካተቴዳ። አ ዳይ ሱንሳይ ጸብያ፤ አ በርሳበሀ ካታማጥ ዬዳ አሳ።

2 ቄሲ ዮዳሄ ደኤዳ ላይሳ ኡባን ዮኣሻ መጅና ጎዳ ሰንሳን ሱረባ እሌዳ።

3 ዮዳሄ ዮኣሻዉ ላኤ ማጫዋንታ እሚዳ፤ ኡንቱንቱ እዉ አቱማ ናና ማጫ ናና የሌድና።

4 ሄዋጥ ጉይያን፣ ዮኣሻ መጅና ጎዳ ጌሻ ጎልያ ኦራላናዉ ቆፔዳ።

5 ዮኣሻ ቄሳቱ ዋነ ሊዋቱዋ ሺሺደ፣ “ይሁዳ ካታማቱዋ በደ፣ ህንጉንቱ ጸሳ ጌሻ ጎልያ ላይሳን ላይሳን ኦራላናዉ እስራኤልያ ኡባጥ ሻሉዋ ሺሽተ፤ ሀ የወዋ ኤለካ ኦአተ” ያጌዳ። ሽን ሊዋቱ ኤለካ ኦአበይክና።

6 ሄዋ ድራዉ፣ ካቲ ቄስ ኡባቱዋ ካፑዋ ዮዳሀ ጴሲደ፣ “የሩሳላመ አሳጥን ይሁዳ አሳጥ ጌራ ሸሻናዉ እያዉ ሊዋቱዋ ኪታበይኪ? መጅና ጎዳ አሽካሪ ሙሴን እስራኤልያ አሳይ ጸሳ ዲንካንያ ኦሶ ጌራይ ሺቃናዳን በን ማይ ኡቴድና።

7 ሄ ኢታ ሞሽራቶ አታሎ ካልያ አሳቱ ጸሳ ጌሻ ጎልያ ባይዘድጌድና፤ ኡንቱንቱ ጸሳ ጌሻ ጎልያን ደእያ ጌሻ ሻሉዋ ኡባ አኪደ፣ ባኣላዉ ጎይናናዉ ጎኤቴድና” ያጌዳ።

8 ሄዋ ድራዉ፣ ካቲ ሊዋቱዋ እዛዝና፣ ኡንቱንቱ ሳጽንያ ገሺሲደ፣ መጅና ጎዳ ጌሻ ጎልያ ጉንገያጥ ካረ ባጋና ዋሌድና።

9 ጸሳ ቆማይ ሙሴ መላ ቢታን ደኢደ፣ እስራኤልያ አሳጥ ሸሻናዳን እዛዜዳ ጌራ መጅና ጎዳዉ እሀና ማላ፣ ይሁዳን የሩሳላመን ሊዋቱ አዋዬድና።

10 ካገቱነ አሳይ ኡባይ ናሽቴዳ፣ ጌራይ ሳጽንያ ኩማና ጋካናዉ፣ እን የጌድና።

11 ሳጽኒ ሊዋቱ ባጋና ካትያ ኦሳንቻቱዋን ጋክና፣ ሳጽንያ ግዳዋን ዳር ሚሻይ ዳጋቱዳዋ ኡንቱንቱ በኤዳ ዋደ ኡባን፣ ካትያ ጸፊነ ቄስ ኡባቱዋ ካፑ ሱንሌዳ ብታኒ ዪና፤ ሳጽንያጥ ሚሻ ከሲና፤ ሳጽንያ ሳኣን ዛር ዋላና። ኡንቱንቱ ኡባ ጋላስ ሄዋዳን ኦሌደ፣ ዳር ሻሉዋ ዳጋዬድና።

12 ሄ ሚሻ ካቲነ ዮዳሄ መጅና ጎዳ ጌሻ ጎልያ ኪታ ዋቻናዉ ሱንቲቴዳ አሳቶ እሚና። ኡንቱንቱ መጅና ጎዳ ጌሻ ጎልያ ኦራላናዉ ሹቻ ማሰያዋንታን እናጸቱዋ፣ ቃይ ጸሳ ጌሻ ጎልያ ኦራላናዉ ብራታን ናሃሰያ ኦሳንቻቱዋ ቃጸሬድና።

13 ኦሳንቻቱ ጸሳ ጌሻ ጎልያ ባይዳዋ ሞን ኦሌደ፣ ባረንቱ ኩሽያን ካሰዋዳን ኦራጽሲድና።

14 ኦሳንቻቱ ጌሻ ጎልያ ኦራጽሲዋ ገሌዳ ዋደ፣ ፓላሄዳ ዋርቃነ ብራ ካትያኩን ዮዳሄን አሄድና። ያትና ኡንቱንቱ ሄ ዋርቃነ ብራን መጅና ጎዳ ጌሻ ጎልያ ግዶ ኦሶ ማድያ ሚሻቱዋ፣ ጸግያ ያርሾ ሀንያ ሳነቱዋን ሀራ ዲማ ዲማ ሚሻቱዋ ኦሲሲድና።

ዮዳሄ ደኤዳ ላይሳን መጅና ጎዳ ጌሻ ጎልያን ጸግያ ያርሾዋ ኡባ ዋደ ኡንቱንቱ ያርሺና።

15 ዮዳሄ ሎይላ ጭሚደ ሀይቄዳ፤ እ ሀይቄያ ዋደ እ ላይሳይ ጴታን ሀታማ።

16 ዮዳሄ እስራኤላን ጸሳዉን ጸሳ ጌሻ ጎልያዉ ሎኦባ ኦሌዳ ድራዉ፣ ዳዊታ ካታማን ካተቱዋ ማካናን እ ሞጌድና።

## ዮኣሻ ጸሳጥ ዋራ ሰሚዳ

17 ዮዳሄ ሀይቄዳዋጥ ጉይያን፣ ይሁዳ ካገቱ ዪደ፣ ጉፋኔድና። ያትና፣ ካቲ ኡንቱንቱ ዘርያ ሰሲዳ።

18 ኡንቱንቱ መጅና ጎዳ ባረንቱ ማይዛ አዎቱዋ ጸሳ ጌሻ ጎልያ አገደ፣ አሺር ሞሰለቶን ኤቃቶ ጎይኔድና። ኡንቱንቱ ኦሌዳ ባላ ድራዉ፣ ይሁዳ ቦላን የሩሳላመ ቦላ ጸሳ ሀንቁ ዋዪዳ።

19 አሳይ ባረኮ ሰማናዳን መጅና ጎዳይ ትምቢትያ ኦድያዋንታ ኡንቱንቱኩ ኪቴዳ፤ ትምቢትያ ኦድያዋንቱ ኡንቱንቱ ቦላ ማርካቴድና፤ ሽን ኡንቱንቱ ሰሰናን እጹድና።

20 ሄዋጥ ጉይያን፣ ቄስያ ዮዳሄ ናአ ዛካራሳ ቦላ ጸሳ እያናይ ዎዴዳ፤ ዛካራስ አሳ ሰንሳን ኢቁደ፣ “ጸሳይ ሀዋዳን ያጌ፤ ህንገተ መድና ጎዳ አዛዙዋ ፖልያዋ እያዉ እጸቴ? ሄዌ ሀንተንቶ ኢታ። ሀንተንቱ መድና ጎዳ አጌዳ ድራዉ፣ እካ ሀንተንታ አጌዳ’ ያጌ” ያጌዳ።

21 ሄዋጥ ጉዮ አሳይ እ ቦላ ማቀቴዳ። ካቲ ኤንቱንቱ አዛዝና፣ መድና ጎዳ ጌሻ ጎልያ ዳባባን አ ሹቻን ጫዲደ ዎዴድና።

22 ካቲ ዮአሽ ዛካራሳ አዉ ዮዳሄ ባረዉ ኦሌዳ ከካተላ ሀሳየናን አገደ፣ እ ናአ ዛካራሳ ዎድሴዳ። ዛካራስ ሀይቁደ፣ “መድና ጎዳይ ሀዋ ቦሊደ፣ ሀሉዋ ከሶ” ያጌዳ።

**ዮአሻ ካዉታ ዉርሰላ**

23 ሄ ላይላይ ላመትያ ዎደ፣ ሶርያ ኦላንቻቱ ዮአሻ ኦላናዉ ዬድና። ይሁዳ ቦላን የሩሳላመ ቦላ ማዶደ፣ አሳ ካፓቱዋ ኡባ ዎዲደ፣ ኤንቱቱፕ ኦሞዴዳዋ ኡባ ዳማሰቆን ደእያ ባረንቱ ካትያዉ የዴድና።

24 ሶርያ ኦላንቻቱ ፓይዲዋን ጉላ፤ ሽን ይሁዳ አሳይ መድና ጎዳ ባረንቱ አዎቱዋ ጸሳ አጌዳ ድራዉ፣ መድና ጎዳይ ሎይሰ ዳር ግዴዳ ኤንቱንቱ ኦላንቻቱዋ ሶርያ ኦላንቻቱ ኩሽያን አሌደ አሜዳ። ኤንቱንቱ ሀዋዳን አሌደ፣ ዮአሻ ሙራድና።

25 ሶርያ ኦላንቻቱ አፕ ሻከትያ ዎደ፣ ዮአሽ ሎይሰ ማዳጎጽ ኡቲዳ። ቄስያ ዮዳሄ ናአ ሱሳ ድራዉ፣ እ ኦሳንቻቱ እ ቦላ ማቀቲደ፣ እ ባረ ግሱዋን ግሰ ደእሽን ዎዴድና። እ ሀይቁና፣ ዳዊታ ካታማን እ ሞጌድና፤ ሽን ካተቱዋ ማካናን እ ሞግባይክና።

26 ዮአሻ ቦላ ማቀቲዳዋንቱ አሞጌ ሸሞአት ናአ ዛባዳን ሞአበ ሸሞሪት ናአ ይሆዛባዳ።

27 ዮአሻ ናናቱዋባይ፣ እ ቦላ ትሞቦትያ ኦዴዳ ዳርባይን ጸሳ ጌሻ ጎልያ እ ኦራጽሴዳባይ ካተቱ ታርክያ ማጻፋን ጻፈት ኡቲዳ። ዮአሽ ሀይቁና፣ እ ሳኣን እ ናአይ አመሰያሰ ካተቲዳ።

**25**

**ይሁዳ ካትያ አመሰያሰ**

(2 ካታ. 14:2-6)

1 አመሰያሰ ካተትያ ዎደ፣ ላይላይ አዉ ላታማን እቸሻ፤ እ የሩሳላመን ላታማን ኡዱፑን ላይሳ ካተቲዳ። እ ዳይ ሱንሳይ ይሆአድና፤ እ የሩሳላመ አሳ።

2 አመሰያሰ መድና ጎዳ ሰንሳን ሱረባ ኦሌዳ፤ ሽን ኩመንላ ዋዛናፕ ግደና።

3 አመሰያሰ ካዉተላ ሎይሰ ኦይቁዳ ሳና፣ ባረ አዉዋ ዎዴዳ ኦላንቻቱዋ ዎዴዳ።

4 ሙሴ ህግያ ማጻፋን ጻፈቲዳዋዳን፣ መድና ጎዳይ፣ “ናናቱ ኦሌዳ ናጋራ ድራዉ፣ አዎቱዋ ዎዳናዉ በሰና፤ ቃይ አዎቱ ኦሌዳ ናጋራ ድራዉካ፣ ናና ዎዳናዉ በሰና። አሳይ ኡባይ ባረ ኦሌዳ ናጋራን ናጋራን ሀይቃናዉ በሰ” ያገደ አዛዜዳዋዳን፣ ዎዴዳዋንቱ ናና ዎድቤና።

**ኤደማ ቦላ ደንዴዳ ኦላ**

(2 ካታ. 14:7)

5 አመሰያሰ ይሁዳ አሳ ሺሺደ፣ ባረንቱ አዎቱዋ ጎሊን ጎሊን ሻአ ካፓቱዋን ጴቱዋ ካፓቱ ሱንሳተላ ግደን ዎሌዳ። እ ላታሙ ላይላን ላታሙ ላይሳፕ ቦላና ደእያ ይሁዳ ዛራቱዋን ቢንያማ ዘረላ ኡባ ፓይዴዳ፤ ጎንዳልያን ቶራ ኦይቁደ፣ ኦላዉ ጌጌዳ ሄዙ ጴቱ ሻአ ደረቲዳ አሳቱዋ ደሜዳ።

6 ቃይ እስራኤልያፕ ጴቱ ሻአ ሞና አሳቱዋ ሄዙ ሻአን ኦይዱ ጴቱ ከሌ ግራመ ዴጾን ብራን አመሰያሰ ቃጻራዳ።

7 ሽን ጸሳ አሳ ጌተትያ እት ብታኒ አመሰያሰኮ ዪደ፣ “ካትያዉ፣ መድና ጎዳይ እስራኤልያናን ኤፍሬማ አሳና ባዋ ድራዉ፣ እስራኤልያ ኦላንቻቱ ኔናና ቦፕና።

8 ኔን፣ ኤንቱንቱ ታና ሞንሳና ጋደ ቆፖፕ፣ ጸሳይ ኔና ነ ሞርከቱዋ ሰንሳን ካዉሻና። እያዉ ጎፕ፣ ኤቃናዉ ዎይ ካዉሻናዉ ጸሳዉ ዎልቃይ ደኤ” ያጌዳ።

9 አመሰያሰ ጸሳ አሳ፣ “ታን እስራኤልያ ኦላንቻቶ ጭጌዳ ሄ ብራይ ኡባይ ዋናኔ?” ያጌዳ። ጸሳ አሳይ፣ “መድና ጎዳይ ነዉ ሄዋጥ አሌደ አማናዉ ዳንዳይ” ያጌዳ።

10 ሄዋ ድራዉ፣ አመሰያሰ ኤፍሬማፕ ባረኮ ዬዶ ኦላንቻቱ ባረንቱ ሶ ሶ ባናዳን ሞይዜዳ። ኤንቱንቱ ይሁዳ አሳ ቦላ ሎይሰ ሀንቀቲደ፣ ባረንቱ ሶ ሶ ሰሜድና።

11 ሄዋጥ ጉይያን፣ አመሰያሰ ባረና ሞንሲደ፣ ባረ ኦላንቻቱዋ ካለሌደ፣ ማጽን ዎሞባ ቤዳ፤ እ ኦላንቻቱ ኤደማ አሳፕ ታሙ ሻአ ዎዴድና።

12 ቃይ ኤንቱንቱ ታሙ ሻአ ኦላንቻቱዋ ፓጻ ኦሞዴድና፤ ኤንቱንታ አፋዋ ደናዉ አፊድና፤ ሄ አፋዋን ዱገ ኦልና፣ ሀርክን ደእያ ሹቻን አሳቱ ኡባይ መኤረቲደ ዉሬድና።

13 ሽን ሄ ወደ አመሰገና ሰረናና ኦላው ቤናዳን ጉየ የዴዳ አሰራሌልያ ኦላንቻቱ ሳማርያጥ ቢደ። ቤት-ሆሮና ጋካናው ደእያ ይሁዳ ካታማቱዋ ኦሌድና። ኢንቲንቲ ይሁዳ አሳጥ ሄዙ ሻክ ዋዲደ። ዳር አሞዲዋ አኩድና።

14 አመሰገና ሌዴማ አሳቱዋ ዋድ ሰሚደ። ኤደማ አሳ ጸሳቱዋ ምሰለቱዋ አኪደ ዬዳ። ሄ ምሰለቱ ሳረዋንታ ግዳናዳን ኤሲደ። ኢንቲንቲ ጎይኔዳን አጻና ጨዋዬዳ።

15 ሄዋ ድራው። መድና ጎዳ ሀንቁ አመሰገና ሰላ ኤጽ ከሴዳ፤ ያትና። ጸሳይ እት ትምቢትያ ኦድያዋ አመሰገናኮ ከቲዳ። ቢደ። “ሳረንቲ አሳ ነ ኩሽጥጥ አሻናው ዳንዳይቤና ጸሳቶ ኔን እያው ጎይናዲን?” ያጌዳ።

16 ትምቢትያ ኦድያዋ ሃሳይሸን። ካቲ። “ኔን ካትያና ዘረታናዳን ኑን ኔና ሰንጡደየ? አጋ! ኔን እያው ሀይቃናው ኮያይ?” ያጌዳ።

ትምቢትያ ኦድያዋ አግ አኪደ። “ኔን ሀዋ ኦሌዳ ድራውን ታን ኔና ዘራዳዋ ሰሳቤና ድራው። ጸሳይ ኔና ጳይሳናው ቃቹዳዋ ሀእ ታን ኤራድ” ያጌዳ።

አሰራሌልያ ሰላ ደንዴዳ ኦላ  
(2 ካታ. 14:8-20)

17 ሄዋጥ ጉይያን። ይሁዳ ካቲ አመሰገና ሰረና ዘርያ አሳቱዋና ዘረቲደ። አሰራሌልያ ካትያ ዬሀ ሩአ ሩአ። የአካዛ ሩአ። የአሻው አሳ ከቲደ። “ሃያ፤ እነ ላኡ ኦላ ጋከቶይተ” ያጌደ ሩሴዳ።

18 አሰራሌልያ ካቲ የአሽ ይሁዳ ካትያ አመሰገና ሀዋዳን ያጌዳ፤ “ሊባናዳን ደእያ ክንድቹ ሊባናዳን ደእያ ዝጋው ከቲደ። ኅ ሩቶ ታ ሩአው እማ” ያጌዳ። ሽን ሊባናዳን ደእያ እት ዶኤይ ሄዋና አዲደ። ሄ ካሽያ የዴዳ።

19 ኔንካ። “ብእ። ኤደማ ቢታ አሳ ጸናድ” ያጋደ ነ ዋዛናን ኦቶሩዋን ኩማዳ። ሽን ሀእ ኔን ነ ሶን ዋፑ ጋደ ኡታ አጋ። ነ ሰላን ነ ጋድያ ይሁዳ ሰላ መቱዋን ባሻ አሀያዋ እያው ደንፋይ?” ያጌደ ዘራዳ።

20 ሽን አመሰገና ሰሳ አጸዳ። ኢንቲንቲ ኤደማ ጸሳቶ ጎይኔዳ ድራው። ጸሳይ ኢንቲንታ ኢንቲንቲ ዋርከቱዋ ኩሽያን አሊደ እማናው ኮዬዳ።

21 ሄዋ ድራው። አሰራሌልያ ካትያ የአሽ ኦላናው ከሰና። እነ ይሁዳ ካቲ አመሰገና ሰላ ይሁዳን ደእያ ቤት-ሸመሻ ጌትትያ ካታማን ኦላ ጋከቲድና።

22 አሰራሌልያ አሳይ ይሁዳ አሳ ጸኔዳ፤ ይሁዳ አሳይ ኡባይ ባቃቲደ። ባረ ሶ ባረ ሶ ቤዳ።

23 ሄዋጥ ጉይያን። አሰራሌልያ ካቲ የአሽ አካዝያሳ ሩአ ሩአ። የአሻ ሩአ። ይሁዳ ካትያ አመሰገና ቤት-ሸመሻን አሞዲደ። የሩሳላመ አሄዳ። ያቲደ የሩሳላመ ድርሳ ግምቢያ። ኤፍሬማ ጥንግጥጥ ቢደ ዘዝያ ጥንግጥ ጋካናው ደእያ። ኦይዱ ጸቱ ዋቆ ግድያ ሳኦ ላሊዳ።

24 ላሊደ ጸሳ ጌሻ ጎልያን ደእያ ዋርቃን ብራ ኡባ። ኦቤድ-ኤደማ ዘረሳይ ሩግያ ሚሻን ካትያ ጎሊን ደእያ ሻሊዋ ኡባ አኪደ፤ ቃይ ዋብያው ኦይቃቲዳ አሳቱዋካ አኪደ። ሳማርያ ሰሜዳ።

25 የአካዛ ሩአይ። አሰራሌልያ ካቲ የአሽ ሀይቁዳዋጥ ጉይያን። የአሻ ሩአይ ይሁዳ ካቲ አመሰገና ሰላ ታማን እቹሹ ላይሳ ደኤዳ።

26 አመሰገና ሰላ ዳዳባይ ኡባይ። ኮይርጥ ወርሰሳ ጋካናው። ይሁዳ ካተቱዋን አሰራሌልያ ካተቱዋ ታርክያ ማጸፋን ጸፈት ኡቲዳ።

27 አመሰገና ሰላ መድና ጎዳ ካልያዋ አጌዳዋጥ ጉይያን። ኢንቲንቲ ኦ ሰላ የሩሳላመን ማቃቲድና። አ ላክሻ ካታማ ባቃቲዳ። ሽን ኢንቲንቲ ኦ ጌዱዋ ላክሻ አሳ ከትና። አ ያን ዋዴድና።

28 አ እሃ ፓራን ጫን እሂደ። ዳዊታ ካታማን አ ማይዛ አዋቱዋና ሞጌድና።

26

ይሁዳ ካትያ ኦዝያና  
(2 ካታ. 14:21-22፤ 15:1-7)

1 ሄዋጥ ጉይያን። ይሁዳ አሳይ ኡባይ ታማን ኡሱፑን ላይሳ ግድያ ሩአ። ኦዝያና አ አወዋ አመሰገና ሰላ ኮታን ካተዬዳ።

2 አ አወ አመሰገና ሰላ ሀይቁዳዋጥ ጉየ። አ ኤላታ ጌትትያ ካታማ ዛረላ ኪዲደ። ይሁዳን ኦራሌዳ።

3 ኦዝያ ካተትያ ዋደ። ላይሳይ አወ ታማን ኡሱፑና፤ አ የሩሳላመን አሻታማን ላኡ ላይሳ ካተቲዳ። አ ዳይ ሱንሳይ ይኮሎ፤ አ የሩሳላመ አሳ።

4 አ አወ አመሰገና ሰላ ዳዳዳዳዳ። አካ መድና ጎዳ ሰንሳን ሱረባ ኦሌዳ።

5 ጸሳ ያሻተሳ ባረና ታማርቤዳ ዛካራሰ ፓጸ ደኤዳ ዋድያን። ጸሳው አ አማነቲደ ኦሌዳ። መድና ጎዳው አ ኦሌዳ ዋደ ኡባን። ጸሳይ አ እንጃዳ።

6 ኦዝያን ፕልሰጸማቱዋና ኦላታናው ከሲደ። ጋተ ካታማ የሹዋ ግምቢያ። ያብነ ካታማ የሹዋ ግምቢያን አሸደዳ ግምቢያ ላሊዳ፤ ያቲደ አሸደዳ ካታማ ማታንን ፕልሰጸማቱዋ ግድን ካታማቱዋ ኪዴዳ።

7 ኦዲዋን ፕላስቲክማቱ፣ ጉርባክላን ደእያ አራባቱዋን ማኡናቱዋ ደናናዲን ደሳይ አ ማዴዳ።  
 8 እየና አሳቱ ኦዲዋናዉ ገራድና። ኦዲዋን ሎይል ሞኔዳ ድራዉ፡ አ ዎሪ ግብጹ ዛዋ ጋካናዉ ሰሰቱዳ።  
 9 ቃይ ኦዲዋን ዞዝያ ፕንግያ ማታን፡ ዛንጋራ ፕንግያ ማታን፡ ድርሳይ ሶኮ ባቂያ ዞዝያ ማታን አዲሳ ግምብቱዋ ግምቢሲድ፡ የሩሳላመ ጌሶቱዋ ምንሲድ።  
 10 እዉ ጮራ መሃ ደእያ ድራዉ፡ መላ ቢታቱዋን አዲሳ ግምቢያ ግምቢዳ፤ ዳር ኦላካ ቦኪዳ። አ ቃይ ጎሻ ደሰያ ድራዉ፡ ዘዘቱዋን፤ አራዳ ጋድያን እዉ ዳር ጎሻንቻቱን ዎይንያ ቱራ ቶክያዋንቱ ደእና።  
 11 ቃይካ ኦዲዋናዉ ኦላዉ ገሌዳ ሎይል ዳር ኦላንቻቱ ደእና። ኦላንቻቱ ዳሬ ይእኤልን ካቸ ማእሴይ ኦላንቻቱ ሰንሳ ማዝጎብያን ዳሬድና። ኦንቱንቱ ካቸ ጋዳዋ ሀናንያ።  
 12 ባረንቱ አዎቱዋ ጎለዉ ካፖትያ ምኖ አሳቱ ላኡ ሻእን ኡሱቸን ጹታ።  
 13 ካትያ ሞርከቱዋና ኦላቲድ፡ ባረንቱ ኩመንሳ ዎልቃን ካትያ ማዳናዉ ከሰያ ሄዙ ጴታን ላቸን ሻእን እቸሹ ጴቱ ኦላንቻቱ ኦንቱንቱ ኩሸያን ደእና።  
 14 ኦዲዋን ኦላንቻቱ ኡባዉ ጎንዳልያ፡ ቶራ፡ ሁጲያን ዎልያ ብራታ ቆጶያ፡ ትራን ማይያ ኦላ ሚሻ፡ ዎንዳፍያን፡ ያምባርሻን ሙሉሙቀ ሹቻ ገግሴዳ።  
 15 የሩሳላመን ደእያ ኩሸ ሃላ ኤርያ አሳቱዋ ካቲ ኦዲዋን አዛዚድ፡ ዎቻያ አዲሳ ግምብቱዋ፡ ካታ ማ ድርሳ ግምቢያ ዘዘቱዋ፡ ዎንዳፍያን ዎንዳፊቱዋ ዱክያ ሚሻቱዋን ዎልቃማ ዎልቃማ ሹቻቱዋ ፕጶደ ኦልያ ሚሻቱዋ መድሴዳ። ዳሳይ አ ማድና፡ አ ሎይል ሞኔዳ፤ አ ዎሪካ ኡባሳ ጋኪደ ሰሰቱዳ።

**ኦዲዋን ባረ ኦቶሩዋን ሙረቲዳ**

16 ሸን ኦዲዋን ሞኔዳ ዎደ ኦቶረቲዳ፤ አ ኩንደሳዉ ካለሌዳ። ኦዲዋን መድና ጎዳ ባረ ደሳ የዴዳ፤ አ እጻና ጩዋይያ ሳጽንያን እጻና ጩዋያናዉ መድና ጎዳ ጌሻ ጎልያ ገሌዳ።  
 17 ቄሲ አዛርያሰን መድና ጎዳ ቄሳቱ ሆሰቸን ታማቱ አ ጌዱዋ ካሊደ ገሌድና፤ ሄ ቄሳቱ ምኖ አሳቱዋ።  
 18 ቄሳቱ ካትያ ኦዲዋና ተኢድ፡ “ኦዲዋና፡ ኔን መድና ጎዳዉ እጻና ጩዋያናዉ በሳካ። እጻና ጩዋይያዋ በሰያዎ፡ እጻና ጩዋያናዉ ጌይ ኡቲዳ፡ አርና ዘረሳ ግድያ ቄሳቱዋ ጸላላሳ። ሀ ጌሻ ሳክፕ ከሳ! እያዉ ጎፕ፡ ኔን መጋታ ኡባ ጎዳ ናቃዳ፤ ኔን አፕ ቦንቾ ደማካ” ያጌድና።  
 19 ሸን ኦዲዋን እጻና ጩዋያናዉ እጻና ጩዋይያ ሚሻ ባረ ኩሸያን ኦይቂ ኡቲደ ሀንቀቲዳ። ኦዲዋን ቄሳቱ ዋ ሀንቀቲድ፡ መድና ጎዳ ጌሻ ጎልያን እጻና ጩዋይያ ሳጽንያ ማታን ቄሳቱዋ ሰንሳን ኤቂደእሸን፡ አ ዴሙዋ ዎልቃማ ባሩዋ ሀርጊ ኦይቂዳ።  
 20 ቄሰያ ካቸ አዛርያሰን ሀራ ቄሳቱ ኡባይ አኮ ጴልያ ዎደ፡ አ ዴሙዋ ዎልቃማ ባሩዋ ሀርጊ ኦይቂዳዋ በኢድ፡ አ ኤለካ ጌሻ ጎልያፕ ከሴድና። እካ መድና ጎዳይ አ ሙራዳዋ ኤራዳ ድራዉ፡ ኤለካ ሄዋፕ ከሴደ ቤዳ።  
 21 ካቲ ኦዲዋን ሀያና ጋካናሰካ ሄ ሀርግያና ደኤዳ፤ መድና ጎዳ ጌሻ ጎልያ ገልያሳፕካ ኤቂዳ። ሄ ሀርግያ ጋሱዋን ዳማ ጎለን ባረካ ደኤዳ። ሄ ዎደ አ ናአይ ዮኦታመ ካትያ ጎለን ደኢድ፤ ሄ ጋድያ አሳ ሞዴዳ።  
 22 ካቲ ኦዲዋን ሀኔዳ ሀራባ ኡባ ኮይርፕ ዉርሰሳ ጋካናዉ አሞጻ ናአይ፡ ትምቢትያ ኦድያ አሳያሰ ጻፍ ዎሌዳ።  
 23 ኦዲዋን ሀይቂድ፡ ባረ ማይዛን ጋከቲዳ። ያትና፡ አሳይ እ። “ዎልቃማ ባሩዋ ሀርግያን ኦይቂዳዋ” ጊድ፡ ካትቱዋ ማካና ማታን አ ሞጌድና። አ ሀይቂና፡ አ ሳእን አ ናአይ ዮኦታመ ካትቲዳ።

**27**

**ይሁዳ ካትያ ዮኦታማ  
(2 ካታ. 15:32-38)**

1 ዮኦታማ ካተትያ ዎደ፡ ላይሳይ እዉ ላታማን እቸሻ፤ አ የሩሳላመን ታማን ኡሱቸን ላይሳ ካተቲዳ። አ ዳይ ሰንሳይ ያሩሸ፤ እዛ ጻድቃ ናቶ።  
 2 ባረ እዉ ኦዲዋን ኡልዳዋዳን፡ ዮኦታምካ መድና ጎዳ ሰንሳን ሱረባ ኡልዳ፤ ሸን አ አ አዉ መድና ጎዳ ጌሻ ጎልያ ገሌዳዋዳን ገልቤና። ግደፕ፡ አሳይ ናጋራ ኦልያዋ አግቤና።  
 3 ዮኦታማ መድና ጎዳ ጌሻ ጎልያ ገልያ ቆሞ ፕንግያ ዛረሲደ ኡልዳ፤ ቃይ የሩሳላመ ካታማ ግምቢያን ኦፊላ ግያ ሳእን ዳር ኪታ ኡልዳ።  
 4 ይሁዳ ገዝያን ካታማቱዋ ኬጴዳ፤ ዎራይ ዳርያ ደርያን ጌሱዋን አዲሳ ግምቢያ ግምቢዳ።

5 የአጎታመ አሞና ካትያና ኦላቲድ ጸኔዳ። አሞናቴ ሄ ላይላ ሄዙ ሻእነ ኦይዱ ጸቱ ከሌ ግራመ ጭጽ ሰራ። ታሙ ሻእ ኮንታላ ግድያ ዛርጋነ ታሙ ሻእ ኮንታላ ግድያ ባገጋ እው ገሬድና። አሞናቴ ላእንሎ ላይላይነ ሄዘንሎ ላይላን ሄሞዳንካ አሂደ። አው ገሬድና።

6 የአጎታመ መጅና ጎዳ ባር ጸሳ ሰንሳን ሱረ ሄመቴዳ ድራው። ሎይሎ ሞኔዳ።

7 የአጎታመ ሀኔዳ ሀራባይ። እ ኦላቲዳ ኦላባይ ኡባይ እ ኦፊዳባይ ኡባይ እሰራኤልያ ካተቱነ ይሁዳ ካተቱ ታርኪያ ማጻፋን ጸፈት ኡቴዳ።

8 የአጎታመ ካተትያ ዎድ። ላይላይ አው ላታማነ እቼሻ፤ እ የሩሳላመን ታማነ ኡሱቸን ላይላ ካተቱዳ።

9 የአጎታመ ሀይቁድ። ባረ ማይዛን ጋከቴዳ። ኡንቴንቴ እ ዳቂታ ካታማን ሞጌድና። እ ሳእን እ ናእይ እካዝ ካተቱዳ።

## 28

### ይሁዳ ካትያ እካዝ

(2 ካታ. 16:1-5)

1 እካዝ ካተትያ ዎድ። ላይላይ አው ላታማ፤ እ የሩሳላመን ታማነ ኡሱቸን ላይላ ካተቱዳ። እካዝ ባረ ማይዛ አው ዳቂት ሱረባ ኦፊዳዎዳን። መጅና ጎዳ ሰንሳን እ ሱረባ ኦሊቢና፤

2 እ ካሰ ደኤዳ እሰራኤልያ ካተቱዋ ኦግያን ሀመቴዳ። ባእላው ጎይናናዳን ናሃሰያ ሲልሲድ። ሞሰልያ መጄዳ።

3 ቃይ ህናማ ዛገጋራን እጻና ጨዋዎዳ፤ መጅና ጎዳይ እሰራኤልያ እሳ ሰንሳጥ ላገደ ከሴዳ እሳቱዋ ደኤዋ ዎጋ። ሄ ሸነይያዋ ቁሊድ። ባረ አቱማ ናና ታማን ጸገደ። ኤቃው ያርሼዳ።

4 እካዝ አሳይ ጎይንያ ጭቃ ግሹዋን። ደረቱዋ ሁጲያንነ ዳሻ ሞላ ኡባ ጋርሳን ያርሹዋ ያርሼዳን እጻና ጨዋዎዳ።

5 ሄዋ ድራው። መጅና ጎዳይ እ ጸሳይ እ ሶርያ ካትያ ኩሸያን እላ እሜዳ። ኡንቴንቴ እ ጸኒድ። እ እሳጥ ዳር እሳ ኦሞዳድ። ዳማሰቆ አፊድና። ቃይካ ጸሳይ እ እሰራኤልያ ካትያ ኩሸያው እላ እሞና። ካቲ ኢታ ሾቻ ሾጮዳ።

6 ይሁዳ አሳይ መጅና ጎዳ ባርጎቱ ማይዛ አዎቱዋ ጸሳ አጌዳ ድራው። ራማልያ ናእይ ታቁህ ይሁዳ ኦላንቻቱዋጥ ጴጋን ላታሙ ሻእ ሞና እሳቱዋ እት ጋሳሰ ዎጄዳ።

7 ኤፍሬማ ዛርያ ግድያ ሞና ኦላንቻይ ዚክር ካትያ ናኣ ማእሴያ። ካትያ ጎለው አዎትያ እዘርቃማን ካትያ ካሊደ ደእያ ኤልቃና ዎጄዳ።

8 እሰራኤልያ አሳይ ባርጎቱ ዳባቱዋጥ ላኡ ጸቱ ሻእ ካማጫ አሳ። አቱማ ናናን ማጫ ናና ኦሞዳድና፤ ቃይ ኡንቴንቴ ሎይሎ ዳር ኦሞዳዋ አኪደ። ሳማርያ አፊድና።

### ትሞቢትያ ኦድያ ኦዳዳ

9 መጅና ጎዳ ሱንሳን ትሞቢትያ ኦድያ ኦዳዳ ግያ እት ብታኒ ሳማርያን ደኤ። ኦዳድ ሳማርያ ይያ ኦላንቻቱዋና ጋከታናው ከሲደ። ሀዋዳን ያጌዳ፤ “በእተ። መጅና ጎዳይ። ህንተንቴ አዎቱዋ ጸሳይ ይሁዳ ሀንቀቴዳ ድራው። ህንተንቴ ኩሸያን እላ እሜዳ። ሸን ህንተንቴካ ሳሉዋ ጋኬዳ ሀንቁዋን ኡንቴንታ ሲፈድታ።

10 ሀእካ ይሁዳ አሳይ የሩሳላመ አሳይ ህንተንቶ ማጫነ አቱማ አይልያ ግደድ። ሞደታናዳን ቆጥታ። ህንተካ ኡንቴንቴዋዳን ሀኒደ። መጅና ጎዳ ህንተንቴ ጸሳ ናቁድታ ግድክቴ?

11 ሄዋ ድራው። ሀእ ህንተንቴ ታን ግያዋ ሰሰተ። መጅና ጎዳ ሀንቀ ህንተንቴ ቦላ ዎጄዳ ድራው። ህንተንቴ ኦሞዳደ ቃቼዳ ህንተንቴ ዳቦቱዋ የዲሸተ” ያጌዳ።

12 ሄዋጥ ጉይያን። ኤፍሬማ ዛራቱዋ ካገቱዋጥ ኦይዳቴ። የሀና ናእይ እዛርያሰ። ማሸለሞታ ናእይ በረኪ። ሻሉማ ናእይ ይሀዘቀነ ሀድላያ ናእይ እማሰ አላጥ ሰሜዳዋንቴ ቦላ ደንዳድና።

13 ሄዋጥ። “ሄ ኦሞድቲዳ አሳቱዋ ህንተንቴ ሀዋ አሆጥ። ካሰ ኑን መጅና ጎዳ ቦላ ኦፊዳ ናጋራን ናቁዋ ቦላ ሀራ ናቁዋ ጉጂታ። ኑ ናቁ ካሰካ ዳር ኡቴዳ ድራው። እሰራኤልያ ቦላ ጸሳ ሀንቁ ዎጄዳ” ያጌድና።

14 ሄዋ ድራው። ኦላንቻቱ ኦሞድቲዳ አሳቱዋን ኦሞድቲዳ ሚሻ ካገቱ ሰንሳን ኩመንላ ሸቁዋ ሰንሳን ሸጄድና።

15 ሄዋጥ ጉይያን። ሱንሳይ ሀዋጥ ቆሞና ጸፈቴዳ አሳቱ ደንድ ኤቂድ። ኦሞድቲዳ አሳቱዋ እኬድና። ኡንቴንቴ ግድን ካሌ ደእያዋንታ ኦሞድቲዳዋጥ ማይዚድና፤ ኡንቴንቴ ሄ አሳቶ ማዩዋን ጫማ እሜድና። ቃይ ኡንቴንቴ ሞዜድናን ኡሸድና፤ ኡንቴንቴ ማዲላካ ዛይትያ ኦኬድና። ኡንቴንቴ ግድን ዳቦሬዳ ኡባቱዋ ሀርያ ቶጎሲድ። ኡንቴንቴ እሻቱዋጥ። ዛሞባይ ደእያ ያርኮ ካታማ አሄድና። ሄዋጥ ጉይያን። ኡንቴንቴ ሳማርያ ሰሜድና።

እካዝ እሶረ ካትያ ማዲዋ እቼዳ

(2 ካታ. 16:7-9)

16 ሄ ዎይ ካቲ እካዝ እሶረ ካቲ ባረና ማዳናዳን ኪታ ኪቲዳ።

17 እያወ ጎጥ፡ ኤደማ እሳቱ ላእካሉዋ ይሁዳ ቦላ ማዪደ፡ ዳር እሳ እዋዲደ አፌድኖ።

18 ፕልሰጾማ እሳቱ ቃይ ይሁዳ ባርጉዋን ኔጌባ ዎራን ደእያ ካታማቱዋ ኦላቲደ ቤት-ሸመሻ፡ እያሎና፡ ጋደርታ፡ ሶኮ፡ ትምና፡ ገምዞነ ኡንቱንቴ የቼዋን ደእያ ሞላቱዋ ማይ ኦይቂደ፡ ያን ደኤድኖ።

19 ይሁዳ ካቲ እካዝ ይሁዳ እሳ ናጋራ ኦሰሴዳ ግሻውን መቅና ጎዳው እማነትቤና ድራው፡ መቅና ጎዳይ ይሁዳ ካወሹዳ።

20 ሄዋ ድራው፡ እሶረ ካቲ ትግላት-ፓለሴር እካዛኮ ዪደ፡ እ ቱጋዬዳጥ እትና ማደቤና።

21 እካዝ መቅና ጎዳ ጌሻ ጎልያፕ፡ ካትያ ጎልያፕን እሳ ካፓቱዋጥ ዳርባ እኪደ፡ እሶረ ካትያወ እሜዳ። ሽን ሄዋ ኦሌዳዌካ እ እይነ ጎለቤና።

እካዛ ናጋራ

22 ካቲ እካዝ ባረ ሁጲያወ ባረ ቱጋ ዎይ መቅና ጎዳው እማነተና ሀናታ ካሰዋጥ ጉጅ ጉጂደ ቤዳ።

23 ባረና ጸኔዳ ዳማሰቆ ጸሳቶ ያርሺደ፡ “ሶርያ ካተቱዋ ጸሳቱ ኡንቱንቴ ማዳዳ ድራው፡ ታናካ ኡንቱንቴ ማዳናዳን ታን ኡንቱንቴ ያርሻና” ያጌዳ። ሽን ሄ ጸሳቱ እስነ እሰራኤልያ እሳ ኡባው ባሻ እሄድኖ።

24 እካዝ መቅና ጎዳ ጌሻ ጎልያ ሻሎዋ ኡባ እት ሳኣ ሺሺደ ክንቼራፊዳ። ጸሳ ጌሻ ጎልያ ፕንገቱዋ ጎርዴዳ። ያቲደ የሩሳላመን ኡባ ሳን ባረው ያርሸያ ሳኣ ኤሴዳ።

25 እካዝ ሀራ ጸሳቶ እጻና ጨዋያናወ ይሁዳን ደእያ ካታማቱዋ ኡባን ጎይንያ ቶቃ ሳኣ መጴዳ። ያቲደ መቅና ጎዳ ባረ እዎቱዋ ጸሳ ሀንቀሌዳ።

26 እካዝ ሀኔዳ ሀራባይነ እ ኦሌዳባይ ኡባይ ኮይርፕ ወርሰላ ጋካናወ ይሁዳ ካተቱነ እሰራኤልያ ካተቱዋ ታርክያ ማጻፋን ጻፈት ኡቲዳ።

27 እካዝ ሀይቂደ፡ ባረ ማይዛን ጋከቲዳ። የሩሳላመ ካታማን እ ሞጌድኖ፤ ሽን እሰራኤልያ ካተቱዋ ማካናን ሞግበይክና። እ ሳኣን እ ናእይ ሀዝቂያሰ ካተቲዳ።

29

ይሁዳ ካትያ ሀዝቂያሰ

(2 ካታ. 18:1-3)

1 ሀዝቂያሰ ካተትያ ዎይ፡ ላይሳይ እወ ላታማን እቼሻ፤ እ የሩሳላመን ላታማን ኡዲፑን ላይሳ ካተቲዳ። እ እት ሱንሳይ እቢያ፤ እ ዛካራሳ ናቶ።

2 እ ማይዛ እወ ዳዊተ ኦሌዳዋዳን፡ ሀዝቂያሰካ መቅና ጎዳ ሰንሳን ሱረባ ኦሌዳ።

ጌሻ ጎልያ ጌሹሳ

3 ሀዝቂያሰ ባረ ካተቲዳ ኮይር ላይሳን፡ ኮይር እግናን፡ መቅና ጎዳ ጌሻ ጎልያ ፕንገቱዋ ደዪደ ኦራፊዳ።

4 ቁሳቱ ዋነ ሊዋቱዋ እሀሲደ፡ ጌሻ ጎልያወ እዋይ ዶልያ ባጋና ደእያ ዳባባን ሺሺዳ።

5 ሀዋዳን ያጌዳ፤ “ሊዋቶ፡ ታን ግያዋ ሰሰተ! ሀእ ህንተንቴ ሁጲያወ ጌቲ፤ መቅና ጎዳ ህንተንቴ እዎቱዋ ጸሳ ጌሻ ጎልያካ ጌሸተ። ጌሻ ጎልያ ቱንሰያባ ኡባ ድግተ።

6 እያወ ጎጥ፡ ካሰ ኦ እዎቱ እማነትቤይክና፤ መቅና ጎዳ ኦ ጸሳ ሰንሳን ኢታባ ኦሌድኖ። ኡንቱንቴ መቅና ጎዳ እጊደ፡ ጸሳይ ደእያ ሳእጥ ህንተንቴ ዳሙዋ ዎራ ዛሪደ፡ ባረንቴ ዘኪያ እኮ ዛራድኖ።

7 ኡንቱንቴ ቃይ ጌሻ ጎልያ ፕንገቱዋ ጎርዴድኖ፤ ጸምፕያካ ቶይሴድኖ። ጌሻ ጎልያን እሰራኤልያ ጸሳወ እጻና ጨዋይቤይክና፡ ዎይ ጸግያ ያርሹዋ ያርሸቤይክና።

8 ሄዋ ድራው፡ መቅና ጎዳ ሀንቁ ይሁዳ ቦላን የሩሳላመ ቦላ ዎጴዳ። ህንተንቴ እይፍያን ህንተንቴ በእያዋዳን፡ ጸሳይ ኡንቱንቴ ህንተንቴ ያሻ፡ ዳጋማን ‘ፖራ!’ ግያዋ ኦሌዳ።

9 ሄዋ ጋሱዋን ኦ እዎቱ ማሻን ሀይቂድኖ፤ ኦ እቲማ ናናይ፡ ኦ ማጫ ናናይነ ኦ ማቻቱ ኦሞደቲድኖ።

10 “መቅና ጎዳ ሀንቁ ኤጻያዌ ኦ ቦላፕ ክቻና ማላ፡ ታን መቅና ጎዳና፡ እሰራኤልያ ጸሳና ቃላ ጫቁዋ ጫቁታናወ ታ ዎዛናን ቆፓይ።

11 ታ ናቶ፡ ህንተንቴ መቅና ጎዳ ሰንሳን ኤቂደ፡ እወ ኦሌያ ኦሳንቻ ግዲደ፡ እጻና ጨዋያናዳን ህንተንታ እ ዶራዳ ድራው፡ ሽነኮ ጎፕተ” ያጌዳ።

12 ሄ ሳኣን ደእያ ሊዋቱ ሀዋፕ ካሊደ ጻፈቲዳዋንታ፡ ቃሃታ ያራፕ እማሳያ ናኣ ማሃታነ እዛርዳሳ ናኣ ዩኤላ።



ማራራ ያራጥ አብድ ናአ ቁሳነ ይሃልኤላ ናአ አዛርያሳ።  
ገርሾና ያራጥ ዘማ ናአ የኣህነ የኣህ ናአ ኤዴና።

13 ኤልጸፋና ያራጥ ሺምራነ ይኤኤላ።

አሳፋ ያራጥ ዛካራሳነ ማታንያ።

14 ሃማና ያራጥ ይህኤላነ ሸምኦ።

ይዱቱና ያራጥ ሻማእያነ ኡዘኤላ።

15 ኤንቱንቱ ባረንቱ ዳቦቱዋ፣ ለዋቱዋ፣ ሺሸና፣ ኤንቱንቱ ኡባይካ ባረንቱ ሁጲያው ጌዬድና።  
ካቲ ኤንቱንታ አዛዝና፣ መጅና ጎዳ ህግያን ጸፈቲዳዋዳን ኤንቱንቱ መጅና ጎዳ ጌሻ ጎልያ ጌሹሳ ደሚድና።

16 ሃዋ ድራው፣ ቁሳቱ መጅና ጎዳ ጌሻ ጎልያ ጌሻናው ግደ ገሌድና፣ መጅና ጎዳ ጌሻ ጎልያ ግደን ደእያ ቱናባ ኡባ ከሲደ፣ መጅና ጎዳ ጌሻ ጎልያ ዳባባ አሄድና። ለዋቱ አኪደ፣ ቀድሮና ዛንጋራን ኦሌድና።

17 ኤንቱንቱ ኮይሮ አግናን፣ ኮይሮ ጋላስ ጌሻ ጎልያ ጌሸያዋ ደሚድና፣ ሄ አግናው ሆሰፑንጎ ጋላስ መጅና ጎዳ ባራንዳ ጋዚድና። ሀራ ሆሰፑን ጋላሳን መጅና ጎዳ ጌሻ ጎልያ ጌሹድና። ኮይሮ አግናው ታማነ ኡሱፑንጎ ጋላስ ኤንቱንቱ ሄ ኡሱዋ ፖሊድና።

18 ሃዋጥ ጉይያን፣ ኤንቱንቱ ካትያ ህዝቁያሳኮ ገሊደ፣ “ኑን መጅና ጎዳ ጌሻ ጎልያ ኡባ፣ ጹግያ ያርሹዋ ያርሸያ ሳነ ሄ ያርሸያ ሳአን ጎኤትያ ሻሉዋ ኡባ፣ ኡክሳ ጸራጸዘነ ሄ ጸርጸዘነ ደእያ ሚሻቱዋ ኡባ ጌሹድ።

19 ቃይ ካቲ እካዝ ካተቲደ ደእያ ዎደ፣ ጸሳው አማነተናን አገደ፣ አፊዳ ሻሉዋ ኡባ ኑን ዛሪደ ጌሹድ። በእ። ኑን ጌሹዳ ሚሻይ ኡባይ መጅና ጎዳው ያርሹዋ ያርሸያ ሳአ ሰንጎን ደኤ” ያጌድና።

20 ካቲ ህዝቁያሰ ዎንተሳ ጋላስ ጉራን ደንዲደ፣ ካታማ ካፓቱዋ ሺሺደ፣ ኤንቱንቱና እትጥ መጅና ጎዳው ጌሻ ጎልያ ቤዳ።

21 ኤንቱንቱ ካውተሳ ድራው፣ ጌሻ ጎልያ ድራውነ ይሁዳ አሳ ድራው፣ ላፑን ኮሩማቱዋ፣ ላፑን ድርሳ ኦርገቱዋ፣ ላፑን ድርሳ ማራቱዋነ ቃይ ላፑን ዳሻ ኦርገቱዋ ናጋራ ያርሹ አሄድና። አሮና ዘራሳ ግደያ ቁሳቱ፣ መጅና ጎዳው ያርሹዋ ያርሸያ ሳአን ሃዋንታ ያርሻናዳን ካቲ አዛዘዳ።

22 ቁሳቱ ኮሩማቱዋ ሹኪደ፣ ኤንቱንቱ ሱሳ ያርሸያ ሳአ ቦላ ጫጫፊድና። ቃይ ድርሳ ኦርገቱዋ ሹኪደ፣ ኤንቱንቱ ሱሳ ያርሸያ ሳአ ቦላ ጫጫፊድና። ቃይ ካቲ ድርሳ ማራቱዋ ሹኪደ፣ ኤንቱንቱ ሱሳ ያርሸያ ሳአ ቦላ ጫጫፊድና።

23 ናጋራ ያርሹ ህንያ ዳሻ ኦርገቱዋ ካትያ ሰንጎን ሺቄዳ አሳ ሰንጎ አሄድና፣ እህና ኤንቱንቱ ኡባይ ባረንቱ ኩሸያ ዳሻቱዋ ቦላ ዎሌድና።

24 ቁሳቱ ዳሻቱዋ ሹኪደ፣ እሰራኤልያ አሳ ኡባ ናጋራይ አቶ ጌተታናዋ ማላ፣ ኤንቱንቱ ሱሳ ያርሸያ ሳአ ቦላ ያርሹድና። እያው ጎጥ፣ ካቲ ኤንቱንቱ ጹግያ ያርሹዋን ናጋራ ያርሹዋ ያርሻናዳን አዛዘዳ ድራሳ።

25 ሃዋጥ ጉይያን፣ መጅና ጎዳይ ካትያው ናብያ ጋደ ባጋናን ትምቢትያ ሄድያ ናታና ባጋና ካትያ ዳዊታ አዛዘዳ አዛዘዋ ህዝቁያሰ ካሊደ፣ ለዋቱዋ ዳላ፣ ዳላነ ማሰንቁዋ ኦይሊደ፣ መጅና ጎዳ ጌሻ ጎልያን ኤሴዳ።

26 ለዋቱ ዳዊተ ካሰ የሳ የጹዳ ሚሻቱዋ ኦይቁና፣ ቁሳቱ ቃይ ጹሩምባቱዋ ኦይቁደ ኤቁድና።

27 ሄ ዎደ ኤንቱንቱ ጹግያ ያርሹዋ ያርሻናዳን ህዝቁያሰ አዛዘዳ። ጹግያ ያርሹዋ ያርሸያዎ ደመቲዳ ዎደ፣ ጹሩምባቱዋን እሰራኤልያ ካትያ ዳዊታ የሳ ሚሻቱዋን መጅና ጎዳው የሳይ ደመቲዳ።

28 ጹግያ ያርሹዋ ያርሸያዎ ፖሊታና ጋካናው፣ ኩመንጎ ያእይ ጸሳው ጎይኔ፤ የሳ የጽያዋንቱካ የጸና፣ ጹሩምባ ፑንያዋንቱካ ፑኒና።

29 ቁሳቱ ያርሹዋ ያርሸያዋ ፖሊዳ ዎደ፣ ካቲነ እናና ደእያ አሳይ ኡባይ ጉልባቲደ ጎይኔድና።

30 ካቲ ዳዊተን ትምቢትያ ሄድያ አሳፈ ጸፊዳ ጋላታ ማዝሙርያ መጅና ጎዳው የጸናዳን ካቲ ህዝቁያሰነ ካፓቱ ለዋቱዋ አዛዘድና፣ ለዋቱ ናሽቻን ጋላቲደ፣ ጉልባቲደ ጎይኔድና።

31 ሃዋጥ ጉይያን፣ ህዝቁያሰ አሳ፣ “ሀእ ህንተንቱ ህንተንታ መጅና ጎዳው ዳማዬድታ። ህንተንቱ ሺቁደ፣ ያርሹዋን ጋላታ ያርሹዋ መጅና ጎዳ ጌሻ ጎልያ አህተ” ያጌዳ። ሃዋጥ ጉዩ ሺቁደ አሳይ ያርሹዋን ጋላታ ያርሹዋ አሄድና፣ ቃይ ኮዬዳ አሳቱ ጹግያ ያርሹዋ አሄድና።

32 ሄ ሺቁዳ አሳይ አሄድ ጹግያ ያርሹዋ ፓይዱ ላፑን ታሙ ኮሩማቱዋ፣ ጹቲ ድርሳ ኦርገቱዋነ ላኡ ጹቲ ድርሳ ማራቱዋ፣ ሃዋንቱ ኡባይ መጅና ጎዳው ጹግያ ያርሹዋ።

33 ቃይ እትጥተሳ ያርሹቱ ኡሱፑን ጹቲ ኮሩማቱዋነ ሄዙ ሻእ ድርሳቱዋ።

34 ሸን ጹግያ ያርሹዋ ኡባ ሹኪደ፣ ጋልባ ቃራናው ደእያ ቁሳቱ ፓይዳዋን ሎይል ጉሳ። ሃዋ ድራው፣ ኪታይ ዉራና ጋካናውነ ሀራ ቁሳቱ ባረንቱ ሁጲያው ጌያና ጋካናው፣ ኤንቱንቱ ዳቦቱ፣ ለዋቱ ኤንቱንታ ማድድና። (ባረንቱ ሁጲያው ጌይያዋን ለዋቱ ቁሳቱ ዋጥ አጲደ አማነቲና።)

35 ጹግያ ያርሹዋ፡ እትተፋ ያርሹዋ ሀንዳን ጹግያ ያርሹዋና እትተ ያርሹዋን ኡሻ ያርሹዋ ኡባ ኡንቱንቱ ያርሹዋ።

36 ሃዋጥ ሀኒደ፡ መድና ጎዳ ጌሻ ጎልያ ከታይ ላኤንሉዋ ደሚዳ።

ሄዋጥ ጉይያን፡ ሀዘቂያሰን እሳይ ኡባይ ሄ እሱዋ ኤለካ ፖላዳን ጸሳይ ኡንቱንታ ማዴዳ ድራው፡ ሎይሳ ናሽቲድና።

### 30

#### ፓሰጋ ባላ ቦንቻናው ገጉዋ

1 መድና ጎዳ እስራኤልያ ጸሳ ፓሰጋ ባላ ቦንቻናው፡ የሩሳላመን ደእያ መድና ጎዳ ጌሻ ጎልያ እስራኤልያ እሳይ ኡባይን ይሁዳ እሳይ ኡባይ ያናዳን ሀዘቂያሰ ከቲዳ፤ ቃይ ኤፍራማ እሳውን ሞናስ እሳው ዳብዳቢያ ጸፊድ።

2 ካቲ፡ ካፓቱ፤ የሩሳላመን ሸቄዳ እሳይ ኡባይ ፓሰጋ ባላ ላኤንሉ ኡግናን ቦንቻናው ቆፋ ቃቼድና።

3 ፓይድና ግድያ ቄሳቱ ባረንቱ ሁጲያው ጌይቤና ድራውን ዳር እሳይካ የሩሳላመን ሸቅቤና ድራው፡ እሳይ ፓሰጋ ኦ ዎድያን፡ ኮይር እግናን ቦንቻናው ዳንዳይቤና።

4 ሄ ቆፋይ ካትያን ሸቄዳ እሳው ሎኦ ቆፋ ግዴዳ።

5 ሃዋ ድራው፡ መድና ጎዳ እስራኤልያ ጸሳ ፓሰጋ የሩሳላመን ቦንቻናው በርሳበሄፕ ደሚደ ዳና ጋካናው ደእያ እስራኤልያ እሳይ ኡባይ ያናዳን አዋያናው ቆፋ ቃቼድና። እያው ጎፕ፡ ሀ ፓሰጋ ባላባይ ካስ ሀግያን ጸፈቲዳዋዳን ዳር እሳይ ቦንቻቤና።

6 ካቲን ካትያ ካፓቱ አዘዘና፡ ከተቲዳዋንቱ እስራኤልያ ቢታ ኡባን ይሁዳ ጋድያ ኡባ ሀዋዳን ያግያ ዳብዳቢያ እኪደ አፊድና፤ “እስራኤልያ እሳው፡ እሰረ ጋድያ ካተቲዋ ኩሽያፕ ከስ እኪደ፡ ሀንተንቱ ቢታን አቲዳ ሀንተንቱኮ እ ሰማናዳን፡ ሀንተንቱካ መድና ጎዳ፡ አብራሃማ፡ ይሳቃን እስራኤልያ ጸሳኮ ሰምተ!

7 ባረንቱ መድና ጎዳው፡ ባረንቱ አዎቲዋ ጸሳው አማነትቤና ሀንተንቱ አዎቲዋዳን ሀንተንቱ አሻቲዋዳን ሀናፕተ። ሀንተንቱ ኤርያዋዳን ጸሳይ ኡንቱንቱ ዎልቃማ ሙሩዋ ሙራድ።

8 ሀንተንቱ መድና ጎዳው አዘዘትተፕ አትና፡ ካስ ሀንተንቱ አዎቲዋዳን ሀንተንቱ ሞርግያ ጋፍሶፕተ! ጸሳይ መድናው ጌሹዳ ጌሻ ጎልያ ሃ ዪተ። ጸሳ ሀንቁ ኤጽያዌ ሀንተንቱ ቦላፕ ክቻናዳን፡ መድና ጎዳው፡ ሀንተንቱ ጸሳው፡ ጎይንተ።

9 ሀንተንቱ መድና ጎዳኮ ሰሞፕ፡ ሀንተንቱ አሻቲዋን ሀንተንቱ ናናይ ባረንታ ኦሞዴዳዋንቱ ሰንሳን ማርታ ደሚደ፡ ሀ ጋድያ ሰማና፡ እያው ጎፕ፡ መድና ጎዳይ ሀንተንቱ ጸሳይ ቃረትያዋን ማርያዋ፡ ሀንተንቱ አኮ ሰሞፕ፡ ባረ ሰንሳ ሀንተፕ ዎራ ዛርና” ያግያዋ።

10 ከተቲዳዋንቱ ኤፍራማ ጋድያን ሞናስ ቢታ አጲደ፡ ዛብሎና ቢታ ጋካናው ካታማፕ ካታማ ቤድና፡ ሽን ሄ ካታማቲዋን ደእያ እሳቱ ኡንቱንቱ ካጲደ፡ ኡንቱንቱ ቦላ ሚጩድና፤ ቅሊጩድና።

11 ግዶፕ፡ እሰራ እሳቲዋፕ፡ ሞናስ እሳቲዋፕን ዛብሎና እሳቲዋፕ አማራዳ እሳቱ ባረንታ ካውሺደ፡ የሩሳላመ ዬድና።

12 ካቲን ካትያ ኦሳንቻቱ መድና ጎዳ ቃላ ማራን አዘዘዳዋ፡ ይሁዳ እሳይ እት ዎዛናን አዘዘታናዳን፡ ጸሳ ኩሺ ይሁዳ እሳ ቦላ ደኤዳ።

#### ፓሰጋ ባላይ ቦንቻቲዳ

13 ላኤንሉ አግናን እርሹ ገራቤና ኡክላ ባላ ቦንቻናው ሎይሳ ዳር እሳይ የሩሳላመን ሸቄዳ።

14 ኡንቱንቱ ደንዲደ፡ የሩሳላመን ደእያ ያርሽያ ሳኦ ቆሊደ፡ እጸና ጩዋይያ ሚሻ ኡባ ድጊደ፡ ቀድርና ዘንጋራን ኦሊድና።

15 ሃዋፕ ጉይያን፡ ላኤንሉ አግናን፡ ታማን ኦይደንሉ ጋላስ ፓሰጋ ድርሳ ሹኬድና። ባረንቱ ሁጲያው ጌይቤና ቄሳቱ ስሎቲደ፡ ባረንቱ ሁጲያው ጌይድና፤ ያቲደ ጹግያ ያርሹዋ መድና ጎዳ ጌሻ ጎልያ አሄድና።

16 ጸሳ እሳ ግድያ ሙሴ ሀግያዳን፡ ጌሻ ጎልያ ግዳዋን ባረንቱ ሳኦን ሳኦን ኤቄድና፤ ቄሳቱ ለዎቲ ኩሽያፕ እኪዳ ሱላ ጫጫፊድና።

17 ሃ ሸቀዋ ግድን ጌይቤና ዳር እሳቱ ደኤና። ሃዋ ድራው፡ ፓሰጋ ድርሳ ሸቀዋ መድና ጎዳው ሹካናው ዳንዳይክና፤ ለዎቲ ኡንቱንቱ ኮታን ፓሰጋ ድርሳ ሹኪደ መድና ጎዳው ሸሹድና።

18-19 ኤፍራማ ዛርያፕ፡ ሞናስ ዛርያፕ፡ ይሳኮራ ዛርያፕን ዛብሎና ዛርያፕ ዳር እሳቱ ሀገ አዘዘያዋዳን ባረንቱ ሁጲያው ጌይቤናዋ ግዶፕ፡ ፓሰጋ ባላ ሚድና። ሃዋ ድራው፡ ካቲ ሀዘቂያሰ ኡንቱንቱ ዳንደ፡ “አቤት፡ እሳ ኡባው ሎኦ መድና ጎዳው፡ ሀዋፕቱ ሀገ አዘዘያዋዳን ባረንቱ ሁጲያው ጌይቤናዋ ግዶፕ፡ ኡንቱንቱ ነው፡ መድና ጎዳው፡ ባረንቱ አዎቲዋ ጸሳው ጎይኒድ። ሃዋ ድራው፡ ኔን ኡንቱንቱ አቶ ያጋ” ያጊደ ዎሴዳ።

20 መድና ጎዳይ ህዝቁያሳ ዋሳ ሰሲደ፣ ኡንቲንታ ፓሌዳ።

21 የሩሳላመን ሸቄዳ እስራኤልያ አሳይ እርሹ ገልቤና ኡክላ ባላ ዋልቃማ ናሸቻን ላቸን ጋላሰ ቦንቼዳ። ለዋቲነ ቁሳቲ የላ ሚሻን የጸደ፣ ጋላሰ ጋላሰ መድና ጎዳ ጋላቲኖ።

22 ሄዋጥ ጉይያን፣ ህዝቁያሰ መድና ጎዳ ኪታን አኪካንቻ ግድያ ለዋቶ ሃሳዪደ፣ ኡንቲንቲ ሞን።

አሳይ ኡባይ እትተላ ያርሹዋ ያርሺደ፣ መድና ጎዳ ባረንቲ አዋቲዋ ጸሳ ጋላቲደ፣ ሚድን ኡሺደ፣ ባላ ላቸን ጋላሰ ቦንቼድኖ።

23 ኩመንላ ያአይ ባላ ሀራ ላቸን ጋላሳ ጉጂደ ቦንቻናወ ማዬዳ፤ አሳይ ላቸን ጋላሰ ባላ ናሸትደ ቦንቼዳ።

24 አያወ ሳጥ፣ ይሁዳ ካቲ ህዝቁያሰ ያርሹዋ ያርሻናወ፣ ሻአ ኮሩማቲዋ፣ ላቸን ሻአ ደርሳቲዋን ዳሻቲዋ ያአወ እሜዳ፤ ቃይ ካፓቲ ሻአ ኮሩማቲዋን ታሙ ሻአ ደርሳቲዋ ያአወ እሜድኖ። ሎይሌ ዳር ቁሳቲ ካ ባረንቲ ሁጲያወ ጌዬድኖ።

25 ኩመንላ ይሁዳ ያአይ፣ ቁሳቲ፣ ለዋቲ፣ እስራኤልያጥ ዬዳ አሳይ ኡባይ ካሰ እስራኤልያ ጋድያጥ ዪደ፣ ይሁዳ ቢታን ደኤዳ አሳይ ኡባይ ናሸቲዳ።

26 ዳዊታ ናአ፣ እስራኤልያ ካትያ ሰሎዋን ዋድያጥ ደምና፣ ሆቼ ጋካናወ፣ የሩሳላመን ሀዋ ማላትያ ባል ቦንቼት ኤረና ድራወ፣ የሩሳላመን አሳይ ሎይሌ ናሸቲዳ።

27 ሄዋጥ ጉይያን፣ ቁሳቲ ነ ለዋቲ ደንዲደ፣ ጸሳይ አሳ እንጃና ማላ ዋሴድኖ፤ ጸሳይ ሳሎዋን፣ ባረ ደአያ ጌሻ ሳአን ኡንቲንቲ ዋሳ ሰሲደ።

### 31

#### ካቲ ህዝቁያሰ ጎይኑዋ ሀኖታ ኦራሌዳ

1 ሀዌ ኡባይ ፖላቲዳ ዋደ፣ ሄ ሳአን ደአያ እስራኤልያ ኡባቲ ይሁዳ ካታማቲዋ ቢደ፣ ደአያዋ ኡባ ጳይሳና ጋካናወ፣ ኤቃ ቲሳቲዋ ክንቼሬሌድኖ፤ እሺር ግያ ጸሳት ሞሰልያ ቃንጽ ኦሌድኖ፤ ይሁዳ ቢታን ቢንያ ጋድያን ኡባን፣ ቃይ ኤፍሬማ ቢታን ሞናሰ ቢታን ደአያ ጎይንያ ዶቃ ሳኑቲዋን ያርሸን ሳአ ሳሊድኖ። ኡንቲንቲ ሄዋንታ ኡባ ጳይሴዳዋጥ ጉይያን፣ እስራኤልያ አሳይ ኡባይ ባረንቲ ካታማ ካታማን ባረንቲ ሶ ሶ ሰሜድኖ።

2 ህዝቁያሰ ቁሳቲ ዋን ለዋቲዋ ኡንቲንቲ ኦሱዋ ማራን ጩጉዋን ጩጉዋን ሻክ ኤሲደ። ኡንቲንቲ ኪታይ ጸግያ ያርሹዋን እትተላ ያርሹዋ ጸሳወ ያርሸዋን ጌሻ ጎልያ ጥንግያን መድና ጎዳ ጋላትያዋን ሳቢያዋ።

3 መድና ጎዳ ህግያን ጸፈቲዳዋዳን ጉራን ኦማርሰ፣ ሳምባታን፣ አገናይ ጳርያ ዋድያን ባላ ጋላሳቲዋን ያርሸያ፣ ጸግያ ያርሸ ኮሽያ መሄቲዋ ካቲ ባረጥ እሜዳ።

4 መድና ጎዳ ህግያን ጸፈቲዳዋዳን፣ ቁሳቲ ነ ለዋቲ ጸሳ ኪታ ኦላና ማላ፣ ኡንቲንቶ በሰያዋ እማዳን የሩሳላመን ደአያ አሳ ካቲ አዛኬዳ።

5 ህዝቁያሰ ሄዋ አዛዘ ሳናካ፣ እስራኤልያ አሳይ ካላጥ፣ ዋይንያ ኤሳጥ፣ ዛይትያጥ፣ ማላ ኤሳጥን ጎሻን ሞኪዳባጥ ጸራ ጸሳወ ዳርሲደ እሜድኖ፤ ባረንቶ ደአያ ኡባባጥካ እስራታ መድና ጎዳወ ከሲድኖ።

6 ይሁዳ ካታማቲዋን ደአያ እስራኤልያ አሳይ ይሁዳ አሳይ ቦራጥን ደርሳጥ እስራታን መድና ጎዳወ፣ ባረንቲ ጸሳወ፣ ዳማይ ዋሌዳዋ አሂደ ደሬድኖ።

7 ኡንቲንቲ ሄዘንላ አገናን ደራላ ደሚደ፣ ላቸንላ አገናን ፖሊድኖ።

8 ህዝቁያሰን ካፓቲ ደራቲዳዋ በኤዳ ዋደ፣ ኡንቲንቲ መድና ጎዳን ጸሳ አሳ እስራኤልያ ጋላቲድኖ።

9 ሄዋጥ ጉይያን፣ ህዝቁያሰ ደራሪ ዋሌዳ አሙዋባ ቁሳቲ ዋን ለዋቲዋ ኦቼዳ።

10 ጸደቃ ያራ ግድያ ቁሰ ኡባቲዋ ካቸ አዛርያሰ ህዝቁያሳ፣ “አሳይ ባረንቲ እሙዋ መድና ጎዳ ጌሻ ጎልያ አህያዋ ደምና፣ ኑን ሚደ ካሌደ። መድና ጎዳይ ባረ አሳ እንጃዳ ድራወ፣ ሀዌ ሎይሌ ዳሩ አቲዳ” ያጌዳ።

11 ሄዋጥ ጉይያን፣ ህዝቁያሰ መድና ጎዳ ጌሻ ጎልያን አየንቶ ሞንጅያ ክፍለቲዋ ገግሳናዳን አሳ አዛዝና አሳይ ገግሲድ።

12 አሳይ አሙዋ፣ ባረወ ደአያዋጥ እስራታን ጸሳወ ዳማይ ዋሌዳዋ አማንት አሚደ፣ ሄ ክፍለቲዋ ገልሴድኖ። ለዋ ኮናጌ ኡንቲንቲ ቦላ ሱን።ቲዳ፤ አ እሻይ ሸምአ አ ካሊደ ሱን።ቲዳ።

13 ካቲ ህዝቁያሰን ጸሳ ጌሻ ጎልያን ካፖትያ አዛርያሰ አዛዝና፣ ይህኤል፣ አዛዘ፣ ናሃት፣ አሳሂል፣ ያርዋት፣ ዮዛባድ፣ ኤልኤል፣ ይሰማክ፣ ማሃትን ባናይ ሱን።ቲዳኖ፤ ኡንቲንቲ ኮናንያን አ እሻ ሸምአ አዋትላጥ ጋርሳና ኦላናወ ሱን።ቲዳኖ።

14 ለዊያ ይምና ናአይ ቆሪ፣ አዋይ ደልያ ባጋ ጥንግያ ናግያዋ፣ አሳይ መድና ጎዳወ ባረ ሸንያን ጮ አሂዳ አሙዋን ዳማይ ዋሌዳዋ አካናወን ሻክ ሻክ አማናወ ሱን።ቲዳ።

15 ቄሳቱ ደእያ ካታማቱዋን ዎጋጥ ላፋ ጋካናዉ ደእያ ባረንቱ እሻቶ አማነቲደ፡ ኡንቱንቱ ኡሱዋዳን ኡሱዋዳን ሻክ ሻክ እማናዳን ኤደን፡ ምንያምን፡ ኢያሱ፡ ሻማኤ፡ እማረን ሻካን ቆረጥ ጋርሳና ሱንፍድና።

16 ባረንቱ ጩጉዋን ጩጉዋን ባረንቱ ኪታ ጋላሰ ጋላሰ መድና ጎዳ ገሻ ጎልያን ኡልያዋንቶ፡ ላይላይ ሄዙዋ ጋኪዳን ሄዙዋጥ ቦላ ግዴዳ አቱማ አሳ ኡባዉ ኡንቱንቱ ጋክያዋ ጋክያዋ ሻክ እሜድና።

17 ባረንቱ አዎቱዋ ጎላን ጎላን ገይደት ኡቲዳ ቄሳቶካ እሜድና። ቃይ ላይላይ ላታሙ፡ ጋኪዳን ላታሙዋጥ ቦላ ግዴዳ ሊዋቶ ባረንቱ ኡሱዋዳን ኡሱዋዳን ባረንቱ ጩጉዋን ጩጉዋን ሻክተ ገይደቲዳዋንቱ ኡንቱንቱ ጋክያዋ ሻክ እሜድና።

18 ቄሳቱ ነ ሊዋቱ ባረንቱ የለታዳን የለታዳን ገይደትያ ዎደ፡ ኡንቱንቱ ባረንቱ ጉላ ናናቱዋና፡ ባረንቱ ማጫ አሳቱዋና፡ ባረንቱ ማጫ ናናን ባረንቱ አቱማ ናናቱዋና እትጥ ጸፈቲድና፤ እያዉ ጎጥ፡ ኡንቱንቱ አማነቲደ፡ ባረንቱ ሁጲያዉ ጌዬድና።

19 ቃይ ባረንቱ ካታማቱዋ የሹዋን ደእያ ሄንላ ጋይቱዋን ዎይ ሀራ ካታማቱዋን ደእያ አርና ያራ ግዴዳ ቄሳቶ፡ ቄሳቱዋ ዛርያ ግድያ አቱማ አሳቱዋጥ ኡባዉን ባረንቱ የለታዳን ገይደቲዳ ሊዋቱ ኡባዉ ኡንቱንቱ ጋክያ ቁማ ሻካናዉ አሳቱ ሱንፍድና።

20 ካቲ ህዝቂያሰ መድና ጎዳ ባረ ጸሳ ሰንላን ሎኦ ሱረን ቱማ ግዴዳዋ ይሁዳ ጋድያ ኡባን ኦሌዳ።

21 ህዝቂያሰ ጸሳ ገሻ ጎልያዉ ኦሌዳ ኡሱዋ ኡባን፡ ህግያንን አዛዙዋን ጸፈቲዳዋዳን ጸሳ ባረ ኩመንላ ዎዛናጥ ኮዮዋ ድራዉ፡ አዉ ኡባባይ እንጀቲዳ።

### 32

አሶረቱ የሩሳላመ ኦላናዉ ናሴድና

(2 ካታ. 18:13-17፤ 19:14-19፤ 35-37፤ ኢሳ. 36:1-22፤ 37:8-38)

1 ካቲ ህዝቂያሰ ጸሳዉ አማነቲደ ኦሌዳ ሀ ኡሱዋጥ ጉይያን፡ አሶረ ካቲ ሳናክሬቦ ይሁዳ ጋድያ ቦላ ደዴዳ፤ ባረዉ አይቃዉ ቆጥደ፡ ግምቦቱ ኡቲዳ ካታማቱዋ ደዴዳ።

2 ሳናክሬቦ የሩሳላመን ኦላናዉ ዬዳዋ ህዝቂያሰ በኤዳ ዎደ፡

3 ካታማጥ ካረና ጎግያ ፑልቱዋ ሃላ ዜራናዉ ባረ ኡሳንቻቱዋን ባረ ምኖ አሳቱዋ ዘረታ በሴዳ፤ ኡንቱንቱ አ ማዴድና።

4 ሄዋ ድራዉ፡ ኡንቱንቱ ዳር አሳ ሸሺደ፡ ሄዋ ሄራን ደእያ ፑልቶቱዋ ኡባን ጎግያ ሻፋ ባሬድና። “አሶረ ካተቱ ዪደ፡ እያ ሃላን ደሞገኖ” ያጌድና።

5 ሄዋጥ ጉይያን፡ ህዝቂያሰ ምን ኦሌደ፡ ላለቲዳ ድርሳ ግምቢያ ኡባ ዛረሊደ ግምቢያ፤ ያቲደ አ ቦላ አዲሳ ግምቢያ ግምቢዳ። ሄ ድርሳ ግምቢያጥ ካረ ባገና ሀራ ድርሳ ግምቢያ ግምቢዳ፤ ቃይ ዳዊታ ካታማን ደእያ ሚሎ ግያ ሳኣ ምንሴዳ። ዳር ኦላ ሚሻካ ጎንዳልያካ መዴዳ።

6 ያቲደ ኡላንቻቱ ካጋቱዋ አሳ ቦላ ሰንሴዳ፤ ኡንቱንቱ ኡባ ካታማ ጥንግያ ኤላካ ደእያ ጉታራን ሸሺደ።

7 “ህያና ምንተ! አሶረ ካትያና ደእያዋጥ ኦናና ደእያዌ እዬ። ሄዋ ድራዉ፡ አሶረ ካትያዉን አናና ደእያ ዳር ኡላንቻቶ ያዮጥተ! ዳጋዋጥተ!

8 አናና አሳ ዎልቃይ ደኤ፤ ሸን ኦናና መድና ጎዳይ ኑ ጸሳይ ኦና ማዳናዉን ኑዉ ኡለታናዉ ደኤ” ያጊደ ኡንቱንታ ምንፍዳ። ይሁዳ ካቲ ህዝቂያሰ ሃሳዬዳባን አሳይ ምንቲዳ።

9 ሄዋጥ ጉይያን፡ አሶረ ካቲ ሳናክሬቦ ባረ ኡላንቻቱ ኡባና እትጥ ላክሻ ካታማ ደድሸን፡ ይሁዳ ካትያ ህዝቂያሰን የሩሳላመን ደእያ ይሁዳ አሳ ኡባኩ፡ ኡሳንቻቱዋ ከቲዳ።

10 ሃዌኔ፡ “አሶረ ካቲ ሳናክሬቦ፡ ህንተኖ፡ ሀ ደደት ኡቲዳ የሩሳላመ ካታማን ደእያ አሳቶ፡ ኦናን አማነቲድቲ?

11 ህዝቂያሰ ህንተንታ፡ “አሶረ ካትያ ኩሸያጥ መድና ጎዳይ ኑ ጸሳይ ኦና አሻናዎ” ያጌ፤ ሸን አ ህንተንታ ሄዋዳን ባለሌደ፡ ኩሻንን ሳሙዋን ዎቋናዉ ሀኔ።

12 ሀ ጸሳቶ ጎይንያ ቋቃ ሳኡቱዋን ያርሸያ ሳኣ ድጊደ፡ ይሁዳን የሩሳላመ አሳ፡ “ህንተንቱ እት ያርሸያ ሳኣ ሰንላን ጎይንቲ፤ ቃይ ህንተንቱ ያርሹዋካ አ ቦላ ጸግተ” ያግያዌ ሀ ህዝቂያሳ ግደኔ?

13 “ ኑንታን ታ አዎቱ ሀራ ካዉተላቱ አሳ ኡባ ቦላ ኡሌዳዋ ህንተንቱ ኤርቦይክተ? ሄ ካዉተላቱ ጸሳቱ ባረንቱ ጋድያ ታ ኩሸያጥ አሻናዉ ዳንዳዬድና?

14 ታ አዎቱ ቋይሴዳ ሀ ካዉተላቱ ጸሳቱዋ ኡባ ግደን ባረ አሳ ታ ኩሸያጥ አሻናዉ ዳንዳዬዳዌ ኦኔ? ያትኖ፡ ህንተንቱ ጸሳይ ህንተንታ ታ ኩሸያጥ ዎት አሻናዉ ዳንዳዬ?

15 ሄዋ ድራዉ፡ ሀከካ፡ ህዝቂያሰ ህንተንታ ባለሉጥ ዎይ ሀዋዳን ጭሞጥ። ህንተንቱ ህዝቂያሳ አማናጥተ። እያዉ ጎጥ፡ አ አሳ ታ ኩሸያጥ ዎይ ታ አዎቱዋ ኩሸያጥ፡ ጋደ አሳ ጸሳቱ ዎይ ካዉተላ

ጸላቱ እሻናው ዳንዳይበይክና። ሦትና፣ ሄዋ ሀንተንጉቱ ጸላይ ሀንተንጉታ ታ ኩሽያፕ እሻናው ዋን ዳንዳይ? ምን ያህል ያህል ይኖራል።

16 ሳናክሬባ ኦሳንቻቱ መጠቃ ኡባ ጎዳ ቦላን ከ ልቆ ህዝቁያሳ ቦላ ሀራ ጮራባካ ሃሳዬድና።

17 ሳናክሬባ ቃይካ መድና ጎዳ እስራኤልያ ጸላ ቅለጫናውን ከ ቦላ ሃሳያናው ዳብዳቢያ ጸፊደ፣ “ሳኦ ቦላን ደእያ ካውተላቱ ጸላቱ ባረንጉቱ እሳ ታ ኩሽያፕ እሽናና። ህዝቁያሳ ጸላይካ ባረ እሳ ታ ኩሽያፕ እሽና” ያህል ጸፊደ።

18 ሳናክሬባ ኦሳንቻቱ ካታማ አዎዳናው ኮዪደ፣ ድርሳ ግምቢያ ቦላ ኡቲዳ የሩሳላመ እሳ ያሽሳናውን ደጋጎላናው ባረንጉቱ ቃላ ቆቁ ኦሴደ፣ እብራዌላዎን ኡንጉቲን ቦላ ዋሴድና።

19 እሳ ኩሽያን ኦሰቴዳ፣ ሀ ሳኦን ደእያ ሀራ እሳቲዋፕ ጸላቲዋ ቦላ ሃሳይያዋዳን፣ የሩሳላመ ጸላ ቦላካ ሃሳዬድና።

20 ሄዋፕ ጉይያን፣ ካቲ ህዝቁያሳን አዎጸ ናኦይ፣ ትምቢትያ ኦድያ እሳያሰ ሀዋ ድራው፣ ጸላ ዋሴድና፣ ኡንጉቲን ሳሉዋ ፑደ ዋሴድና።

21 እሶረ ካቲ ዳንካኔዳ ሳኦን ደእያ ኦሳንቻቱዋ ኡባቲዋ፣ ጋዳዋቲዋን ካፓቲዋ ጳይሰያ ኪታንቻ መድና ጎዳይ ከቴዳ። ሄዋ ድራው፣ እሶረ ካቲ ካወሸደ፣ ባረ ጋድያ ሰሜዳ። ሰሜደ፣ ባረ ጸላ ጎልያ ገሌዳ ዋደ፣ እ ናናይ እ ሄ ሳኦን ማሻን ዋዴድና።

22 ሄዋዳን ኦሴደ፣ መድና ጎዳይ ህዝቁያሳን የሩሳላመን ደእያ እሳ እሶረ ካትያ ሳናክሬባ ኩሽያፕን ሀራ ዋርከቲዋ ኡባቲዋ ኩሽያፕ እሽና፣ ኡንጉቲን ሾር ቢታቲዋ ኡባባፕ ኡንጉቲን ሸዋፕሴዳ።

23 ዳር እሳቲ መድና ጎዳው አዎታ አሜድና፣ ይሁዳ ካትያ ህዝቁያሳውካ አልኦ ሚሻ እሄድና። ሄ ዋድያፕ ደሚደ፣ ካውተላ ኡባይ ህዝቁያሳ ሎይሳ ቦንቼዳ።

**ህዝቁያሳ ሀርግያን እ ኦቶሩዋ**

(2 ካታ. 20:1-3፣ 12-19፣ እሳ. 38:1-3፣ 39:1-8)

24 ሄ ዋደ ህዝቁያሰ ሀርጊደ፣ ሀይቃና ማቴዳ፣ ያቲደ መድና ጎዳ ዋሴዳ። ጸላይ እው ዋሰቴዳ፣ እ ፓላናው ማላታ አሜዳ።

25 ሸን ህዝቁያሰ ኦቶሩቲዳ ድራው፣ ጸላይ እው ኬኤዳ ኬካተላው እ ጋላትቤና። ሄዋ ድራው፣ እ ቦላ፣ ይሁዳ ቦላን የሩሳላመ ቦላ መድና ጎዳ ሀንቁ ዋዴዳ።

26 ግደፕን፣ ዉርሰላን ህዝቁያሰ ባረ ኦቶሩዋ እጊደ፣ የሩሳላመ እሳቲዋና አትፕ ባረናተላ ካወሸደ። ሄዋ ድራው፣ ህዝቁያሳ ዋድያን መድና ጎዳ ሀንቁ ኡንጉቲን ቦላ ዋድቤና።

**ህዝቁያሳ ዱረተላን ቦንቼዋ**

27 ህዝቁያሳው ሎይሳ ዳር ዱረተላይን ቦንቼ ደኤዳ፣ ህዝቁያሰ ባረ ብራው፣ ዋርቃው፣ አልኦ ሹቻው፣ ሳዎ፣ ጎንዳልያውን ሀራ አልኦ ሚሻ ኡባው ሚሻ ምንጅያ ሳኦ ኬዴዳ።

28 ካላ፣ ዋይንያ ኤሳን ዛይትያ ዋሳያ ሳኦቲዋካ ኬዴዳ። ዱማ ዱማ መሄ ኤቂያ አቆቲዋን ደርሳ ዉዲ ኤቂያ አቆዋ ኦሴዳ።

29 ጸላይ እው ሎይሳ ዳር ዱረታ አሜዳ ድራው፣ ባረው ካታማቲዋ ኬዴዳ፣ ደርሳ ዉድያን መሀያ ዉድያ ዳሩዋ ሸሽዳ።

30 ሀ ህዝቁያሰካ ቆዋ ባገና ደእያ ግዮን ሃላ ፑልትያ ዜሪደ፣ ዳዊታ ካታማው አዎይ ዉልያ ባጋ ዘሪደ፣ ሃላ የዴዳ። ህዝቁያሰ ኦሴዳባይ ኡባይ ሎኦ ፖለቴዳ።

31 ሸን ይሁዳ ቢታን ሀኔዳ ማላልሰያ ማላታባ ኦቻናው ባብሎን ሞድያዋንጉ ከቴዳ እሳቲ ህዝቁያሳኩ ዬዳ ዋደ፣ ጸላይ እ ፓጫናውን ከ ዋዛናን ደእያዋ ኡባ ኤራናው እ የድ ቦሴዳ።

**ህዝቁያሳ ሀይቆዋ**

(2 ካታ. 25:20-21)

32 ህዝቁያሰ ሀኔዳ ሀራባይን ጸላው እ ኦሴዳ ሎኦ ኦሱዋባይ አዎጸ ናኦ፣ ትምቢትያ ኦድያ ኢሰያሳ ሳዎ ማጸፋንን ይሁዳ ካተቲን እስራኤልያ ካተቲ ታርክያ ማጸፋን ጸፊት ኡቲዳ።

33 ህዝቁያሰ ሀይቆደ፣ ባረ ማይዛን ጋከቴዳ፣ ቆዋ ባገና ደእያ ዳዊታ ዘረላቲዋ ማካናን እ ሞጌድና። እ ሀይቆና፣ ይሁዳ እሳይ ኡባይን የሩሳላመን ደእያ እሳይ እ ቦንቼድና። እ ኮታን እ ናኦይ ሞናሰ ካተቲዳ።

**33**

**ይሁዳ ካትያ ሞናሰ**

(2 ካታ. 21:1-9)

1 ሞናሰ ካተትያ ዋደ፣ ላይሳይ እው ታማን ላኦ፣ እ የሩሳላመን እሻታማን እቼሹ ላይሳ ካተቲዳ።

2 መድና ጎዳይ እስራኤልያ እሳ ሰንሳፕ ላጊደ ከሴዳ እሳቲዋፕ ደኡዋ ዋጋ፣ ሄ ሸንይያዋ ቁሊደ፣ እካ መድና ጎዳ ሰንሳን ኢታባ ኦሴዳ።

3 ምናን ባረ አዉ ህዝቄያሰ ላሌዳ፣ ጎይንያ ቃቃ ሳኣ ዛረሴደ ኪጼዳ፤ ባኣላዉ ያርሽያ ሳኣቱዋን ኣሺር ጌተትያ ጸሳት ሞስለቱዋ መዴዳ። ቃይ ሳሉዋ ጸልንተቱዋ ኡባቶካ ጎይኔዳ፤ ኡንቴንቶ ኦሌዳ።

4 መድኛ ጎዳይ ካስ፣ “ታ ሱንሳይ መድኛዉ የሩሳላመን ደኣናዋ” ያግ ዋሌዳ መድኛ ጎዳ ጌሻ ጎልያን ምናን ሀራ ጸሳቶ ያርሽያ ሳኣ ጊግሲዳ።

5 መድኛ ጎዳ ጌሻ ጎልያን ደኣያ ላኡ ዳባባቱዋን ሳሉዋ ጸልንተቶ ኡባዉ ያርሽያ ሳኣ ጊግሲዳ።

6 ህናማ ዛንጋራን ባረ ኣቱማ ናና ታማን ጸ-ጊደ ያርሺዳ። እ ባረ ሀ-ጸያዉካ ብትያዋን ሙሩንያዋ ግዲደ፣ ሻራቸቱዋን ሞይትልያ ሃሳይሰያዋንታ ዘርያ ኦቼዳ። መድኛ ጎዳ ሰንሳን እ ዳር ኢታባ ኦሌዳ፤ እ ህንቀሌዳ።

7 ሄዋጥ ጉይያን፣ ባረ መዴዳ ኤቃ ሞስልያ ጸሳ ጌሻ ጎልያ ግድን ኤሴዳ። ሄ ጌሻ ጎሊ፣ ጸሳይ ዳዋተዉን እ ናኣ ሰሎሞናዉ፣ “ኣስራኤልያ ዛርያ ኡባ ግድገ ታን ደራዳ ሀ ጌሻ ጎልያንን የሩሳላመን ታን ታ ሱንሳ መድኛዉ ጼሰሳና።

8 ታን እስራኤልያ እሳ ኣዛዜዳ ኣዛዙዋ ኡባን ሙሴ ባጋና እመቲዳ ሀግያ፣ ዋጋን ፕርዳ ኡባ ኡንቴንቱ ናጊደ ኦሶፕ፣ ታን ኡንቴንቱ ማይዛ እዋቶ እማዳ ጋድያፕ ኡንቴንቱ ቃታማ ቮድሰከ” ያግ ዋሌዳ ጌሻ ጎልያ።

9 ሸን ምናን ይሁዳ ኣሳን የሩሳላመ እሳ ባለሌዳ፤ ያትና፣ ኡንቴንቱ መድኛ ጎዳይ እስራኤልያ ኣሳ ሰንሳፕ ጳይሴዳ ደሪ ኣሳዋጥ እድያ ኢታ ኦሌድና።

**ምናን ባረ ናጋራጥ ሰማዳ**

10 መድኛ ጎዳይ ምናንዉን እ ኣሳዉ ሃሳዬዳ፤ ሸን ኡንቴንቱ እ ሃሳያ ሰሰናን እጸድና።

11 ሄዋ ድራዉ፣ መድኛ ጎዳይ ኣሰሪ ካትያ ኦላ ጋዳዋቱዋ ኡንቴንቱ ቦላ ደንሌዳ፤ ኡንቴንቱ ምናን ሲድያን ዳፋዋ ኣሊደ ኦይቄድና፤ ናሃሰያ ሳንሳላታን ቃቸደ፣ ባብሎን ጋድያ ኣጵድና።

12 ምናን ቱጋቲዳ ዋደ፣ መድኛ ጎዳ ባረ ጸሳ ማዲዋ ዋሴዳ፤ ባረ ኣዋቱዋ ጸሳ ሰንሳን ባረናተላ ሎይሳ ካወሺዳ።

13 ምናን ጸሳ ዋሴዳ ዋደ፣ መድኛ ጎዳይ እዉ ዋስቲዳ፤ እ ዋትዋቱዋካ ሰሴዳ። የሩሳላመን እ ካዉተሳን ዛረሳ ዋሌዳ። መድኛ ጎዳይ ጸሳ ግድያዋ ምናን ሄዋን ኤራዳ።

14 ሄዋጥ ጉይያን፣ ምናን ግዮን ፑልቱዋ ኤልካ ደኢያሳፕ ዶማደ፣ ኦፊላ ጌተትያ ሳኣና ኣጲደ ቢደ፣ ዋልያ ፐንግያ ጌተትያ ፐንግያ ጋካናዉ፣ ካሰዋጥ ካረ ባጋና ሀራ ድርሳ ግምቢያ ግምቢዳ። ሄ ግምቢ ዳዋታ ካታማፕ ኣዋይ ዉልያ ባጋና ደኢያ ዛንጋራን ደኢ። ይሁዳ ካታማቱዋ ኡባን ኦላ ጋዳዋቱዋ ዋሌዳ።

15 ኣላጋ ጸሳቱዋን ኤቃ ሞስልያ መድኛ ጎዳ ጌሻ ጎልያፕ ድጌዳ፤ ጌሻ ጎሊ ደኢያ ደርያ ቦላን የሩሳላመን እ ኦሌዳ ያርሽያ ሳኣ ኡባ ኮሊደ፣ ሄ ካታማፕ ካረ ከሲደ ኦሊዳ።

16 ምናን ቃይ መድኛ ጎዳዉ ያርሽያ ሳኣ ኦራድሲደ፣ እትፕተላ ያርሹዋን ጋላታ ያርሹዋ እን ያርሺዳ። ይሁዳ ኣሳካ መድኛ ጎዳዉ እስራኤልያ ጸሳዉ ጎይናናዳን ኣዛዜዳ።

17 ኣሳይ ጎይንያ ቃቃ ግሹዋን ያርሹዋ ያርሽያዋ ኣጋና ጳዮፕካ፣ ኡንቴንቱ ያርሽያዌ መድኛ ጎዳ ባረንቱ ጸሳ ጸላላሳ።

**ምናን ሀይቁዋ**

(2 ካታ. 21:17-18)

18 ምናን ሀኔዳ ሀራባይ፣ እ ባረ ጸሳ ዋሴዳ ዋሳይን መድኛ ጎዳ እስራኤልያ ጸሳ ሱንሳን ትምቢትያ ኦድያዋንቱ ኣዉ ኦዲዳባይ እስራኤልያ ካተቱ ታርክያ ማጸፋን ጸፈት ኡቲዳ።

19 ቃይ እ ዋሳይን ጸሳይ ኣዉ ዋስቲዳባይ፣ እ ኦሌዳ ናጋራይን ናቁ ኡባይ፣ ምናን ባረና ካዉሻናፕ ካስ ኦሌዳ ጎይንያ ቃቃ ሳኣቱን ኣሺር ሞስለቱዋን ባረ ጎይንያ ኤቃቱዋ እ ኤሴዳ ሳኣቱ ኡባይ ትምቢትያ ኦድያዋንቱ ታርክያ ማጸፋን ጸፈት ኡቲዳና።

20 ምናን ሀይቁደ፣ ባረ ማይዛን ጋከቲዳ፤ ያትና፣ ሞናሳ ኣ ካትያ ጎሊን ሞጌድና። እ ኮታን ኣ ናኣይ ኣሞን ካተቲዳ።

**ይሁዳ ካትያ ኣሞና**

(2 ካታ. 21:19-26)

21 ኣሞን ካተትያ ዋደ፣ ላይሳይ ኣዉ ላታማን ላኣ፤ እ የሩሳላመን ላኡ ላይሳ ካተቲዳ።

22 እ ኣዉ ምናን ኦሌዳዋዳን፣ እካ መድኛ ጎዳ ሰንሳን ኢታባ ኦሌዳ። እ ኣዉ ምናን ኦስሴዳ ሞስለቲ ኡባዉ ያርሺዳን ኡንቴንቶ ኦሌዳ።

23 ሸን እ ኣዉ ምናን ባረናተላ ካወሺዳዋዳን፣ እ ባረናተላ መድኛ ጎዳ ሰንሳን ካወሸቤና፤ ኣሞን ናቁዋ ያ ያ ዳርሴ።

24 ኣሞና ኦሳንቻቱ እ ቦላ ማቀቲደ፣ እ ካትያ ጎሊን እ ዋዴድና።

25 ሄዋጥ ጉይያን፣ ይሁዳ አሳቱ ካትያ አሞና ቦላ ማቀቱዳ ኡባቱዋ ዋዴድኖ። አሞና ሳእን አ ናአ የሰያሳ ካተዬድኖ።

### 34

#### ይሁዳ ካትያ የሰያሳ

(2 ካታ. 22:1-2)

1 የሰያሰ ካተትያ ዋደ፣ ላይሳይ አዉ ሆሰፑና፤ እ የሩሳላመን ሀታማን እት ላይላ ካተቱዳ።

2 የሰያሰ መድና ጎዳ ሰጎላን ሱረባ ኦሌዳ፤ ኡሸቻ ሀድርሳ ጌና፣ ባረ ማይዛ አዉዋ ዳዊታ ኦግያን ሀመቱዳ።

#### የሰያሰ ኤቃዉ ጎይንያ ሳኦቱዋ ቆይሴዳ

3 እ ካተቱዳ ሆሰፑንላ ላይሳን ብር ያላጋ ደኢደ፣ ባረ ማይዛ አዉዋ ዳዊታ ጸሳዉ ጎይናናዉ ደሚዳ፤ ቃይካ እ ካተቱዳ ታማን ላኢነላ ላይሳን ይሁዳንን የሩሳላመን ደኢያ ጎይንያ ቆቃ ሳኦቱዋን እሹር ግያ ጸሳት ሞሰለቱዋን ማሰ ገግሴዳን ሲልሴዳ መዴዳ ሞሰለቱዋ ቆይሴያዋ ደሚዳ።

4 እ ኤቁደ አዛዝና፣ ባኣላዉ ያርሽያ ሳኦ ላሌድኖ፤ ኡንቱቱጥ ቦላና ደኢያ እጻና ጨዋይያዋንታካ ቃንጸሬሌድኖ። እሹር ሞሰለቱዋ፣ ማሰ ገግሴዳ ኤቃቱዋን ሲልሴዳ መዴዳ ሞሰለቱዋ ክንቼሬላ ሊቅሲደ፣ ቋላ ከሴድኖ፤ ያቲደ ሄ ቋልያ ኡንቱንቶ ጎይንያ አሳቱዋ ዲፋዋን ላሌድኖ።

5 ቃይ የሰያሰ ኡንቱንቱ ቁሳቱዋ መቀላ ሄ ያርሽያ ሳኦቱ ቦላን ጹጌዳ፤ ያቲደ ይሁዳን የሩሳላመ ጌሼዳ።

6 ሞናሰ ቢታን፣ ኤፍሬሬማ ቢታንን ሰዋፍ ቢታን፣ ቢደ ንፍታሌማ ጋድያ ጋካናዉ ደኢያ ካታማቱዋን ባዬዳ ሳኦ ኡባ ሄዋዳን ኦሲደ ጌሼዳ።

7 የሰያሰ ያርሽያ ሳኦ ላሌዳ፤ እሹር ሞሰለቱዋካ ሀራ ኤቃ ሞሰለቱዋካ ክንቼሬሌደ ሊቅሴዳ። እሰራኤልያ ቢታን ኡባን እጻና ጨዋይያባቱዋ ኡባ ቃንጸሬሌዳ። ሄዋጥ ጉይያን፣ የሰያሰ የሩሳላመ ሰሜዳ።

#### ጸሳ ሀግያ ማጻፋይ ቤቱዳ

(2 ካታ. 22:3-20)

8 የሰያሰ ካተቱዳ ታማን ሆሰፑንላ ላይሳን፣ ጋድያን ጌሻ ጎልያ ጌሼዳዋጥ ጉይያን፣ መድና ጎዳ ባረ ጸሳ ጌሻ ጎልያ ኦራጽሳና ማላ፣ እጻልያ ናአ ሳፋና፣ የሩሳላመ ካታማ ሞድያ ማእሴያን የአካዛ ናአ፣ ዋና ጻፍያ የአሀ ከቱዳ።

9 ከተቱዳዋንቱ ቁሰ ኡባቱዋ ካፑዋ ሀልቂያኮ ዬድኖ። ጥንግያ ናግያ ሊዋቱ ሞናሰጥ፣ ኤፍሬሬማጥ፣ ኦቲዳ እሰራኤልያ አሳ ኡባጥ፣ ይሁዳጥ፣ ቢንያመጥን የሩሳላመን ደኢያዋንቱጥ ካሰ ሺሺደ፣ ጸሳ ጌሻ ጎልያ እሄዳ ሚሻ ሀልቂያዉ እሚድኖ።

10 ሄዋጥ ጉይያን፣ ኡንቱንቱ መድና ጎዳ ጌሻ ጎልያ ኦራሰሰያ ካጥቶ እሚድኖ። ኡንቱንቱ ጌሻ ጎልያ ኦራጽሳናዳንን ዋላ የገደ ኪጻናዳን ኡሳንቻቶ እሚድኖ።

11 ቃይ ይሁዳ ካተቱ ባይዝሴዳ ጌሻ ጎልያ ሎይሰሳናዉ ሄ ሻሉዋን አናጸቱን ግሞቢያዋንታ ሞላን ሹቻ ሻማናዳን እሚድኖ።

12 ኦሱዋ ኦልያ አሳቱ እማንቱዳዋንታ። ኡንቱንቱ ቦላ ሱንቲዳ ኦይዱ ሊዋቱ፣ ማራራ ያራጥ ያሃታን ኦባድያን፣ ቃሃታ ያራጥ ማሹላማን ዛካራሳ። የላ ሚሻ ኤርያ ሊዋቱ ኡባይ

13 ቶክያ አሳቱዋ ቦላን ዲማ ዲማ ከታ ኦልያዋንቱ ቦላ ሱንቲድኖ። ቃይ ሀራ ሊዋቱ ጻፈቱዋ፣ ካጥቱዋን ጥንግያ ናግያዋንታ ግዴድኖ።

14 ኡንቱንቱ መድና ጎዳ ጌሻ ጎልያ ዬዳ ሻሉዋ ከሰያ ዋደ፣ ቁሲ ሀልቂ መድና ጎዳይ ሙሴ ባጋና እሚዳ ሀግያ ማጻፋ ደሚዳ።

15 ሀልቂ ዋና ጻፍያ ሳፋና፣ “ታን መድና ጎዳ ጌሻ ጎልያጥ ሀግያ ማጻፋ ደማድ” ያጌዳ። ሄ ማጻፋ ሳፋናዉ እሚዳ።

16 ሳፋን ሄ ማጻፋ ካትያኮ እሂደ፣ “ካ ኦሳንቻቱ አዛዘቱዳ አዛዘቱዋ ኡባ ኦልኖ።

17 መድና ጎዳ ጌሻ ጎልያን ደኢያ ሻሉዋ ዉርሰ እኪደ፣ ኦራሰሰያ ካጥቶ ኦራሰያ ኦሳንቻቶ እሚድኖ” ያገደ ኦይዳ።

18 ቃይካ ዋና ጻፊ ሳፋን ካትያ፣ “ቁሲ ሀልቂ ታዉ ማጻፋ እሚዳ” ያጌዳ፤ ሳፋን ማጻፋ ካትያ ሰጎላን ናባቤዳ።

19 ካቲ ሀግያ ቃላ ሰሴዳ ዋደ፣ ካዮቲደ ባረ ማዩዋ ፔዴዳ።

20 ሄዋጥ ጉይያን፣ ካቲ ሀልቂያ፣ ሳፋና ናአ አሀቃማ፣ ሞካያ ናአ አብደና፣ ዋና ጻፍያ ሳፋናን ካትያ ኦሳንቻ አሳያ ሀዋዳን ያገደ አዛዘዳ፤

21 “ቢተ፤ ቢደ ታ ድራውነ እስራኤልያንነ ይሁዳን ኦቴዳዋንቱ ድራው፤ ሀ ቤቴዳ ማጻፋ ቃላዋ እነ መድና ጎዳ ኦችተ። እያው ጎተ፤ ሀ ማጻፋን ጻፈቴዳ ኡባባ ኦላናው፤ ኦ ማይዛ እዋቱ መድና ጎዳ ቃላ ናግቤና ድራው፤ ኦ ቦላ ትገቱዳ መድና ጎዳ ሀንቁ ሎይስ ዳሮ” ያጌዳ።

22 ሀልቂን ካቲ ኪቴዳ አሳቱ ትምቢትያ ኦድያ ሁልድኮ ቢድኖ። ሁልዳ ሀርሃሳ ናኦ ተቅዋ ናኦ፤ ጌሻ ጎልያ ማዩዋ ናግያ ሻሎማ ማቻቶ። እ የሩሳላመን ላኤንሶ ሹቻን ደኦዳ። ሄ ቤዳ አሳቱ እዘው ሀ የወዋ ኦዴድኖ። \*

23 ሁልዳ ኤንቱንታ። “መድና ጎዳይ እስራኤልያ ጸሳይ፤ ‘ህንተና ታኮ ኪቴዳ ብታንያው ኦድተ’ ያጌ።

24 መድና ጎዳይ ሀዋዳን ያጌ፤ ‘ብእተ፤ ይሁዳ ካትያ ሰንሳን ናባቡቴዳ ማጻፋን ጻፈቴዳ ኢታ ሸቃ ኡባ፤ ሀ ሳኦ ቦላነ ሀ ሳኦን ደእያ አሳ ቦላ አሀና ሀናይ።

25 ኤንቱንቱ ታና አገደ፤ ሀራ ጸሳቶ እጻና ጨዋዬድኖ፤ ያተደ ኤንቱንቱ ባረንቱ ኩሸንን ኦሌዳዋን ኡባን ታና ሀንቁሌድኖ። ሄዋ ድራው፤ ታ ሀንቁ ሀ ሳኦ ቦላ ትገታና፤ እ ኡባካ ተኡተና’ ያጌ።

26 “መድና ጎዳ ኦቻናው ህንተንታ ኪቴዳ ይሁዳ ካትያ ሀዋዳን ያግተ፤ ‘መድና ጎዳይ እስራኤልያ ጸሳይ ኔን ሰሴዳ ቃላዋ ሀዋዳን ያጌ፤

27 “ሀ ሳኦ ቦላነ ሀ ሳኦን ደእያ አሳ ቦላ መድና ጎዳይ ሃሳዬዳዋ ኔን ሰሴዳ ዋደ፤ ነ ዋዛናይ ሹግና፤ ታ ሰንሳን ነ ሁጺያ ካወሹዳ ድራውነ ነ ማዩዋ ፔዳይ፤ ታ ሰንሳን ዬኩዳ ድራው፤ ታን ነ ዋሳ ሰሳድ።

28 ሄዋ ድራው፤ ታን ኔና ነ ማይዛን ጋላና፤ ኔን ሳሮ ዋግታና። ታን ሀ ሳኦ ቦላነ ሀ ሳኦን ደእያ አሳ ቦላ አሀና ኢታባ ነ እይፊ በኤና” ያጌ’ ያግተ” ያጋዳ።

ሄዋጥ ጉየ ኤንቱንቱ ቢደ፤ ሀ ሃሳየቴዳባ ካትያው ኦዴድኖ።

**ዮሴፍ ጸሳው አዘዘታናወ ገፔዳ**  
(2 ካታ. 23:1-20)

29 ሄዋጥ ጉይያን፤ ካቲ ዮሴፍ ስቲደ፤ ይሁዳ ጭማቱዋን የሩሳላመ ጭማቱዋ ኡባ ሸሹዳ።

30 ካቲ መድና ጎዳው ጌሻ ጎልያ ፑደ ከሴዳ፤ ይሁዳ አሳይ ኡባይ፤ የሩሳላመን ደእያ አሳይ፤ ቁሳቱ ነ ሊዋቱ፤ ጉላጥ ዳሩዋ ጋካናው ደእያ አሳይ ኡባይ እናና እትጥ ፑደ ከሴድኖ። መድና ጎዳ ጌሻ ጎልያጥ ቤቴዳ ቃላ ጫቁዋ ማጻፋ ቃላ ኡባ ካቲ ኤንቱንቱ ሰሰሸን ናባቤዳ።

31 ሄዋጥ ጉይያን፤ ካቲ ባረ ሳኦን ኦቁይ፤ መድና ጎዳ ኦግያን ሀመታናውነ መድና ጎዳ ሀግያ፤ እ ዋጋን እ አዘዘቱ ባረ ኩመንሳ ዋዛናንነ ባረ ኩመንሳ ሸዋጥኖን ናጋናው፤ ቃይ ሀ ማጻፋን ጻፈቴዳ ጫቁዋዳን ኦላናው ጸሳ ሰንሳን ገፔዳ።

32 የሩሳላመንን ቢንያማን ደእያ አሳ ኡባ ሄ ቃላ ጫቁዋ ናጋናዳን ገፍሴዳ፤ የሩሳላመን ደእያ አሳይ ጸሳ፤ ባረንቱ ማይዛ እዋቱዋ ጸሳ ጫቁ ግያዋዳን ኦሌድኖ።

33 ዮሴፍ እስራኤልያ አሳው ደእያ ጋድያጥ ቴናባ ኡባ ድጌዳ። ያን ደእያ ኡባቱ መድና ጎዳው፤ ባረንቱ ጸሳው፤ ኦላናዳን ኦሌዳ። ዮሴፍ ደኤዳ ላይሳ ኡባን፤ ኤንቱንቱ መድና ጎዳ ባረንቱ ማይዛ እዋቱዋ ጸሳ ካልያዋ አግቢይከኖ።

**35**

**ዮሴፍ ገሰጋ ባላ ቦንቼዳ**  
(2 ካታ. 23:21-23)

1 ሄዋጥ ጉይያን፤ ዮሴፍ የሩሳላመን መድና ጎዳው ገሰጋ ባላ ቦንቼዳ። ኮይሮ አግናን ታማነ ኦይደንሎ ጋላሰ ገሰጋ ድርሳ ማራ ሹኩድኖ።

2 ዮሴፍ ቁሳቱ ዋ ኤንቱንታ ኪታን ኪታን ሱንሴዳ፤ ኤንቱንቱ መድና ጎዳ ጌሻ ጎልያ ኪታን ዋንጫዳ።

3 መድና ጎዳው ጌሻ ግዳደ፤ እስራኤልያ ኡባ ታማርሰያ ሊዋቱዋ እ ሀዋዳን ያጌዳ፤ “ጌሻ ታቦታ ዳዊታ ናኦይ፤ እስራኤልያ ካቲ ሶሎሞን ኪጽሴዳ ጌሻ ጎልያን ዋሰተ። ሀዋጥ ሰንሳን ታቦታ ህንተንቱ ሀሸያን ቶካናው ኮሸና። ሀኦካ ጸሳው፤ ህንተንቱ መድና ጎዳውነ፤ እ አሳ እስራኤልያው ኦሰተ።

4 እስራኤልያ ካቲ ዳዊተን እ ናኦይ ሶሎሞን ጻፎዋዳን፤ ህንተንቱ ጨጉዋን ጨጉዋንን ህንተንቱ እዋቱዋ ጎለን ጎለን ህንተንታ ገግሰተ።

5 “ህንተንቱ ሊዋቱ ህንተንቱ ዳቦቱዋ፤ እስራኤልያ ዛራቱዋ ያራቱዋ ማዳና ማላ፤ ህንተንቱ ያራን ያራን ሻኩቴራ፤ ጌሻ ጎልያ ግዳዳን ኤቂተ፤

\* 34:22 ሻሎማ- እብራዌላዋን ሻሎዋ ሀሰራሀ ናኦ ቶቃታ ናኦ ጌተቴዳ። 2 ካት። 22:14 ጸላ። 35:4 2 ኦዲቀ 8:14



6 ገሰጋ ደርሳ ማራቱዋካ ሹክተ። ህንተንቱ ሁጺያውካ ጌይተ፤ መድና ጎዳይ ሙሴ ባጋና ሃሳዬዳ ቃላ ኤንቱንቱ ኦላናዳን ህንተንቱ ዳቦቶ ደርሳ ማራቱዋ ገግሰተ” ያጌዳ።

7 ዮሴፊስ ገሰጋ ያርሾ ሀናድዳን ሄ ሳኣን ደእያ አሳወ ህታሙ ሻእ ደርሳ ማራቱዋን ዳሻ ማራቱዋ እሜዳ፤ ቃይ ሄዙ ሻእ ኮሩማቱዋካ እሜዳ። ሀዋንታ ኡባ ካቲ ባረ ወደያጥ እሜዳ።

8 ካቲ ሱንጹዳ ካፓቱካ አሳወ። ቁሳቱ ወነ ሊዋቶ ባረንቱባ ባረንቱ ሸንያን እሜዳና። ጳሳ ጌሻ ጎልያ ካፓቱ ህልቁ። ዛካራሰነ ይህኤል ገሰጋ ያርሾ ህንያ ላኡ ሻኣነ ኡሱፑን ጴቱ ደርሳ ማራቱዋን ዳሻ ማራቱዋ ቁሳቶ እሜዳና፤ ቃይ ሄዙ ጴቱ ኮሩማቱዋካ እሜዳና።

9 ሊዋቱ ካፓቱ ኮናኒነ እ እሻቱ ሻማኤነ ናጉንኤል፤ ቃይ ህሻቢ። ይእኤልነ ዮዛባድ ገሰጋ ያርሾ ህንያ እኛቹ ሻእ ደርሳ ማራቱዋን ዳሻ ማራቱዋ ሊዋቶ እሜዳና፤ ቃይ እኛቹ ጴቱ ኮሩማቱዋካ እሜዳና።

10 ገሰጋ ባላወ ኡባባይ ጌቤዳ፤ ካትያ አዛዙዋዳን ቁሳቱ ባረንቱ ሳኣን ሳኣን፤ ሊዋቱካ ባረንቱ ጩጉዋን ጩጉዋን ኤቁድና።

11 ገሰጋ ደርሳ ማራቱ ሹክትያ ዎደ። ሊዋቱ ጋልባ ቃርሸን፤ ቁሳቱ ሱላ አኪደ፤ ያርሸያ ሳኣ ቦላ ጫጫፊድና።

12 ሄዋጥ ጉይያን፤ ጸግያ ያርሾ ጌቤዳ ደርሳቱዋ እሹዋ ሊዋቱ ባረ ጎልያ አሳን አሳን ሻክት ኡቱዳ እስራኤልያ ዛራቱዋ ያራቶ እሜዳና። ሊዋቱ ሄዋ እሜዳዌ ሙሴ ማጻፋን ጸፈቱዳዋዳን አሳይ መድና ጎዳወ ያርሻና። ኤንቱንቱ ኮሩማቱዋካ ሄዋዳን ኤጴድና።

13 ሊዋቱ ዎጋይ አዛዘያዋዳን ሹክቱዳ ገሰጋ ደርሳ ማራቱዋ እሹዋ ታማን ጸጴድና፤ ጌሻ ያርሾቱዋ ጸሩዋን፤ ኡቱዋን፤ ድሰትያን ደይሴድና። ያጉደ ካኤዳዋ እስራኤልያ ዛራቱዋ ያራቱ ኡባወ ኤላካ ሻክ ሻክ እሜዳና።

14 ሄዋጥ ጉይያን፤ ሊዋቱ ባረንቱወነ አርና ዘረላ ግድያ ቁሳቶ ገሰጋ ያርሾዋ ገግሴድና። እያወ ጎጥ፤ ሄ ቁሳቱ ጸግያ ያርሾዋን ሞጴዋ ያርሾዋ ያርሺደ፤ ቃማ ጋካናወ አልና።

15 ዳዋቱ፤ አሳፈ፤ ሄማንነ ካትያወ ትምቢትያ ኦድያ ይዳቱን ካሰ አዛዘዳዋዳን፤ አሳፋ ያራቱ፤ ማዘሙርያ ዮጾያዋንቱ ባረንቱ ሳኣን ደእያ። ጥንግያ ናግያዋንቱን ባረንቱ ናግያ ጥንግያ ጥንግያ ናግያ። ኤንቱንቱ ዳቦቱ፤ ሊዋቱ ኤንቱንቱ ገግሴዳ ድራወ፤ ኤንቱንቱ ባረንቱ ኪታ አገባይክና።

16 መድና ጎዳወ ኤልያ ኪታይ ኡባይ፤ ገሰጋ ባላ ቦንቹያዋን ጸግያ ያርሾዋ መድና ጎዳወ ያርሸያ ሳኣ ቦላ ያርሸያዋ፤ ካቲ ዮሴፊስ አዛዘዳዋዳን ህኒደ፤ ሄ ጋላሰ ጌቤዳ።

17 ሄዋን ሸቄዳ እስራኤልያ አሳይ ሄ ጋላሰ ገሰጋ ባላ ቦንቹዳ፤ ኤንቱንቱ እርሹ ገልቤና ኡክላ ባላካ ላፑን ጋላሰ ቦንቹድና።

18 ትምቢትያ ኦድያ ሳመላ ዎድያጥ ደምና፤ ሄዋ ማላ ገሰጋ ባላይ እስራኤላን ቦንቹት ኤረና። ዮሴፊስ፤ ቁሳቱ ነ ሊዋቱ፤ ሄ ኮሸያን ሸቄዳ ይሁዳ አሳይ፤ እስራኤልያ አሳይ ኡባይነ ዮሩሳሌሙን ደእያ አሳይ ቦንቹዳዋ ማላ ገሰጋ ባላ ካሰ እስራኤልያ ካተቱዋጥ ቦንቹዳዌ እቱነ ባዋ።

19 ሀ ገሰጋ ባላይ ዮሴፊስ ካተቱዳ ታማነ ሆሰፑንላ ላይላን ቦንቹቱዳ።

**ዮሴፊስ ካወታ ወርሰላ (2 ካታ. 23:28-30)**

20 ሀ ኡባጥ ጉይያን፤ ዮሴፊስ ጌሻ ጎልያ ገግሴዳ ዎደ፤ ግብጹ ካቲ ናኮይ ኤፍራጺሳ ሻፋ ኤለካ ደእያ ካርካሚሻ ግያ ካታማን ኦለታናወ ቤዳ። ዮሴፊስ እ ተአናወ ከሴዳ።

21 ሸን ናኮይ ዮሴፊስካ አሳ ከቲደ፤ “ይሁዳ ካትያወ፤ ታን ኔና ዋላሰያዌ አይ? ታን ዬዳዌ ታ ሞርከቱዋ ኦላናሳጥ እትና፤ ኔና ኦላናሳ ግደና። ታ ሞርከቱዋ ታን ኤለካ ኦላናዳን ጳሳይ ታና አዛዘዳ። ጳሳይ ኔና ጳይሰናዳን፤ ታናና ደእያ ጳሳና ጋዳትያዋ አጋ” ያጌዳ።

22 ግደጥ፤ ዮሴፊስ ጳሳይ ናኮ ባጋና ኡዴዳዋ ሰሰናን ጉዮ ሰመና ነጴዳ። ሞርከቱ ባረና ኤረና ማላ፤ ባረ ካወተላ ማዌዋ ለሜዳ፤ ማግደ ደምባ ኦለታናወ ገሌዳ።

23 ዎንዳፍያ አሳቱ ካትያ ዮሴፊስ ዱኪደ ጫዴድና። ካቲ ባረ ቆማቶ፤ “ታን ሎይላ ጫደታድ፤ ታና ኦላ ግደጥ ከሰተ” ያጌዳ።

24 ቆማቱ ዮሴፊስ ጋራ ጋርያጥ ደንሏደ፤ አወ ደእያ ላኢንሉ ጋራ ጋርያን ዎሏደ፤ አ ዮሩሳሌሙ እሂድና። እ ያን ሀይቁዳ፤ ባረ ማይዛ አዎቱዋ ማካናን ሞገቱዳ። ይሁዳ አሳይነ ዮሩሳሌሙ አሳይ ኡባይ አወ ዬኬዳ።

25 ኤርማስ ዮሴፊስወ ዝልልያ ዝላሳ ከሲደ ጸፈዳ፤ ዬኩዋ ዬክያ ማጫ አሳቱነ እቱማ አሳቱ ዮሴፊስ ቆጥ ቆጥደ ዬክያ ዎደ፤ ሀ ኤርማስ ከሴዳ ዝላሳ ዝልልያዋ እስራኤልያ ቢታን ዎጋ ግዴዳ። ሄ ዝላሳይ እስራኤላቱ ዬኩዋ ዝላሳ ማጻፋን ጸፈት ኡቱዳ።

26 ዮሴፊስ ሀኔዳ ሀራባይ፤ መድና ጎዳ ህግያን ጸፈቱዳዋዳን እ ኤልዳ ሎኦ ኦሱዋባይነ  
27 ኮይሮጥ ወርሰላ ጋካናወ እ ፖሌዳባይ ኡባይ እስራኤልያ ካተቱነ ይሁዳ ካተቱ ታርክያ ማጻፋን ጸፈት ኡቱዳ።

# 36

## ይሁዳ ካትያ ዮአካዛ

(2 ካታ. 23:30-35)

1 ሄዋጥ ጉይያን፣ ሄ ቢታ አሳይ ዮሰያሳ ሩአ ዮአካዛ ዶሬድኖ፤ እ አወዋ ሳኒን የሩሳላሙን ካተዬድኖ።

2 ዮአካዛ ካተትያ ዋይ፣ ላይሳይ አወ ላታማነ ሄዛ፤ እ የሩሳላሙን ሄዙ አግና ካተቲዳ።

3 ሄዋጥ ጉይያን፣ ግብጹ ካቲ ዮአካዛ የሩሳላሙ ካተተላጥ ዋሌዳ፤ ሄዙ ሻከን ኦይዱ ጾቱ ኪሎ ግራሙ ዴጽያ ጸጋራ ብራን ሀታማነ ኦይዱ ኪሎ ግራሙ ዴጽያ ዋርቃ ይሁዳ አሳ ገርሲዳ።

4 ግብጹ ካቲ ዮአካዛ እሻ ኤልያቅማ ይሁዳ ቦላነ የሩሳላሙ ቦላ ካተዬዳ፤ እ ሱንሳ ዮአቄማ ያጊደ ላሜዳ። ያተደ ዮአቄማ እሻ ዮአካዛ ግብጹ አፊዳ።

## ይሁዳ ካትያ ዮአቄማ

(2 ካታ. 23:36—24:7)

5 ዮአቄማ ካተትያ ዋይ፣ ላይሳይ አወ ላታማነ እቼሻ፤ እ የሩሳላሙን ታማነ እት ላይሳ ካተቲዳ። መድና ጎዳ ባረ ጸሳ ሰንሳን ኢታባ ኦሌዳ።

6 ባብሎን ካቲ ሩቡካዳናጸረ እ ኦሊቲደ፣ ባብሎን አፋናወ ናሃሰያ ሳንሳላታን ቃቼዳ።

7 ሩቡካዳናጸረ ቃይ መድና ጎዳ ጌሽሳ ጎልያጥ ሻሉዋ አኪደ፣ ባብሎን አፊደ፣ ባረ ካትያ ጎላን ዋሌዳ።

8 ዮአቄማ ሀኔዳ ሀራባይ፣ እ ኦሌዳ ቱናባይ፤ እ ኦሌዳ ኢታባይ ኡባይ እሰራኤልያ ካተቲ፤ ይሁዳ ካተቲ ታርከያ ማጻፋን ጸፈት ኡቲዳ። እ ሀይቁና፣ እ ኮታን እ ሩአይ ዮአኪን ካተቲዳ።

## ይሁዳ ካትያ ዮአኪና

(2 ካታ. 24:8-17)

9 ዮአኪን ካተትያ ዋይ፣ ላይሳይ አወ ሆሰፑና፤ እ የሩሳላሙን ሄዙ አግና ታሙ ጋላሳ ካተቲዳ። መድና ጎዳ ሰንሳን እ ኢታባ ኦሌዳ።\*

10 ላይሳይ ላሙትያ ዋይ ካቲ ሩቡካዳናጸረ አሳ ከቲደ፣ ዮአኪናን መድና ጎዳ ጌሻ ጎልያን ደእያ አልኦ ሚሻቱዋ አናና እትጥ ባብሎን አሀሴዳ። ያተደ እ አወዋ እሻ ሰደቅያሳ ይሁዳ ቦላነ የሩሳላሙ ቦላ ካተዬዳ።

## ይሁዳ ካትያ ሰደቅያሳ

(2 ካታ. 24:18-20፤ ኤር. 52:1-3)

11 ሰደቅያሰ ካተትያ ዋይ፣ ላይሳይ አወ ላታማነ እታ፤ እ የሩሳላሙን ታማነ እት ላይሳ ካተቲዳ።

12 መድና ጎዳ ባረ ጸሳ ሰንሳን እ ኢታባ ኦሌዳ፤ ቃይ መድና ጎዳ ሱንሳን ትምቢትያ ኦድያ ኤርማሳ ሰንሳን ባረና ካወሸቤና።

## የሩሳላሙ ኩንደላን አሳይ ባብሎን አዋደቲሳ

(36:13-23፤ 2 ካታ. 25:1-21፤ ኤር. 52:3-11)

13 ሰደቅያሰ እማንታናዳን ባረና ጸሳ ሱንሳን ጫቀሌዳ ሩቡካዳናጸረ ቦላ ማካሌዳ። መድና ጎዳኮ እሰራኤልያ ጸሳኮ ሰምያዋ አጊደ፣ ባረ ዋርግያ ዞዝሴዳ፤ ባረ ዋዛናካ ሙምሴዳ።

14 ቃይ ይሁዳ አሳይን ኤንቲንታ ካለልያ ቁሳቱ፣ ኡባካ እማንተናዋንታ ግዴድና። ኤንቲንቲ ሀራ ካወተሳ አሳይ ኦልያ ሸንይያ ኦሳቲዋ ቁሊደ፣ መድና ጎዳይ የሩሳላሙን ጌሼዳ እ ጌሻ ጎልያካ ቱንሴድኖ።

15 መድና ጎዳይ፣ ኤንቲንቲ ማይዛ አዎቲዋ ጸሳይ ባረ አሳወነ ባረ ጌሻ ጎልያወ ቃረትያ ድራወ፣ ባረ ትምቢትያ ኦድያዋንታ ኤንቲንታ ዛር ዛሪደ ኪቲዳ።

16 ሸን መድና ጎዳ ሀንቁ ኤንቲንቲ ቦላ ዋሳናዋ ጋካናወነ ኤንቲንታ ከሰ እክያ ሳአይ ጳያና ጋካናወ፣ ኤንቲንቲ ጸሳይ ኪቲዳዋንቲ ቦላ ቅሊጩድኖ፣ እ ቃላ ካዴድኖን ትምቢትያ ኦድያዋንቲ ቦላ ሚጩድኖ።

17 ሄዋ ድራወ፣ ጸሳይ ባብሎን ካትያ ኤንቲንቲ ቦላ ደንሴደ አሄዳ። ያትና ኤንቲንቲ ያላጋ አቲማ አሳ ጌሻ ጎልያ ግዳን ማሻን ዋዴዳ፤ ያላጋ አቲማ አሳቶ፣ ዋይ ጌላዮቶ፣ ዋይ ጭማቶ፣ ቃረተናን፣ ጸሳይ ኤንቲንታ ኡባ ሩቡካዳናጸረ ኩሽያን አሲደ እሜዳ።

36:4 ኤር. 22:11-12 36:5 ኤር. 22:18-19፤ 26:1-6፤ 35:1-19 36:6 ኤር. 25:1-38፤ 36:1-32፤ 45:1-5፤ ዳኔላ 1:1-2 \* 36:9 ሆሰፑና- ላይሳይ አወ ሆሰፑና ዋይ ታማነ ሆሰፑና። 2 ካት። 24:8 ጸላ። 36:10 ኤር. 22:24-30፤ 24:1-10፤ 29:1-2፤ 37:1፤ ሀዘ. 17:12፤ 13 36:11 ኤር. 27:1-22፤ 28:1-17 36:13 ሀዘ. 17:15 36:17 ኤር. 21:1-10፤ 34:1-5

18 ባብሎን ካቲ ጸሓ ጌሻ ጎልያን ደእያ ሚሻቱዎ ኡባ፣ ዳሩዋን ላፋ፣ መጅና ጎዳ ጌሻ ጎልያን ደእያ ሚሻ፣ ካትያ ሚሻን እ ኦሳንቻቱ ሚሻ ኡባ እኪደ፣ ባብሎን አፊዳ።

19 ሃዋጥ ጉይያን፣ ባብሎን ኦሳንቻቱ ጸሓ ጌሻ ጎልያ ታማን ጸ-ጊደ፣ የሩሳላመ ድርሳ ግምቢያካ ላሌድኖ። ካትያ ጎልያ ኡባ ታማን ጸ-ጊደ፣ ያን ደእያ አልኦ ሻሉዋ ኡባ ቆይሲድኖ።

20 ካቲ ማሻጥ ፓላሂደ አቴዳዋንታ ኦሞዲደ ባብሎን አፊዳ። ፓርሰ ካወተላይ ዋልቃማና ጋካናዉ፣ ኡንቱንቱ አዉነ እ ናናዉ ቆማ ግዴድኖ።

21 ሃዋን መጅና ጎዳይ ትምቢትያ ኦድያ ኤርማሳ ባጋና ኦዴዳ ቃላይ ፖለቴዳ። ወርሰላን ቢታይ ላፑን ታሙ፣ ላይላ ኩመንላ አሳይ ባይና ሳኦ ግዲደ ሸምፔዳ፤ ሃዌነ፣ ላፑንላ ላፑንላ ላይላ ሳምባታ ኦሊደ፣ ጋድያ ሸምፕሰያዋ አሳይ አጌዳ ግሻሳ።

**ቅርስ እይሁዳቱ ሰማናዲን አዛዜዳ**  
(እዝራ 1:1-4)

22 ፓርሰ ካቲ ቅርስ ካተቴዳ ኮይሮ ላይላን፣ ትምቢትያ ኦድያ ኤርማሳ ባጋና መጅና ጎዳይ ሃሳዬዳዋ ፖሊዳ። ፓርሰ ካቲ ቅርስ ባረ ካወተላ ግደን ኡባ ሳን ሀዋዲን ያጊደ አዋያናዲንን ጸፊደ ዋላናዲን መጅና ጎዳይ እ እያና ደን።

23 “ፓርሰ ካቲ ቅርስ ሀዋዲን ያጌ፤ ‘መጅና ጎዳይ፣ ሳሉዋ ጸሳይ ሀ ሳኦ ካወተላቱዋ ኡባ ታዉ እሜዳ፤ ቃይ ይሁዳን ደእያ የሩሳላመን ታን እዉ ጌሻ ጎልያ ኬዳናዲን ታና ሰንሌዳ። መጅና ጎዳ አሳ ግዴዳ ኦንነ ያ ቦ። መጅና ጎዳይ እ ጸሳይ አናና ግደ!’ ያጌ” ያጌዳ።

# እዝራ ማጻፋት ገሉጥ

እዝራ ማጻፋይ ሆኔዋል ኦድያ ላኡ ማጻፋቱዋ ካልያዋ። ሀ ማጻፋይ አይሁዳቱዋት ኦሞደቲደ ቤዳ አማራዳ አሳቱ ባብሎነፕ ሰሜዳዋን የሩሳላሙን አሳሳ ደኡካ ጎይኑካ ኦራዴዳዋ ኦዴ። ሀ ሀያታቱ ሀዋፕ ካሊደ ጸፈቱድና።

1. ኦሞዳዋን ቤዳ አይሁዳቱዋት ፓርሰ ካትያ ቂርሳ ሸንያን ኮይሮ ሰምያዋንቱ ባብሎናፕ ሰሜድና።
2. ጌሻ ጎል ዛራሰ ኬጸቲደ እንጀቱዳ። ጸሳሙ ጎይናይካ ዛራሰ ደመቱዳ።
3. እት አማራዳ ዋድያፕ ሰሚደ። ጸሳ ሀገያ ሎይሊደ ኤርያ እዝር ካለለና። ሀራ አይሁዳቱ የሩሳላሙ ሰሜድና። እዝር እስራኤልያ አሳ እያና ደኡዋ ካሰ ሳኦ ዛራናሙ። አሳይ እያና ደኡዋን እትተተላ ደኡዋ ዋሰ የጊደ ምንሳናዳን ማዴዳ።

## ሸምፓቱዋ ኡባቶ አመቱዳ ቃንሳ ቆፋቱዋ

ኦሞዳዋፕ ኮይሮ ሰሙዋ 1:1—2:70

ጌሻ ጎልያ ዛራሰ ኬጸነ እንጂዋ 3:1—6:22

እዝር ሀራ ኦሞደቲዳዋንቱና ሰሙሳ 7:1—10:44

## ኦሞዳዋፕ ኮይሮ ሰሙዋ

(1:1—2:70)

አይሁዳ አሳይ ባረንቱ ቢታ ሰማና ማላ ቂርሰ አዋዬዳ

1 ፓርሰ ካቲ ቂርሰ ካተቱዳ ኮይሮ ላይላን። ትምቢትያ ኦድያ ኤርማሳ ባገና መቅና ጎዳይ ሃሳዬዳዋ ፖሌዳ። ፓርሰ ካቲ ቂርሰ ባረ ካሙተላ ግደን ኡባ ሳን ሀዋዳን ያጊደ አዋያናዳንን ጸፊደ ዋሳናዳን መቅና ጎዳይ ኦ እያና ደን።

2 “ፓርሰ ካቲ ቂርሰ ሀዋዳን ያጊ፤ “መቅና ጎዳይ ሳሉዋ ጸሳይ ሳኦ ካሙተላቱዋ ኡባ ታሙ አሜዳ፤ ቃይ ይሁዳን ደእያ የሩሳላሙን ታን አሙ ጌሻ ጎልያ ኬጸናዳን ታና ሱንጌዳ።

3 ጸሳ አሳ ግዴዳ ኦንነ ያ ቦ። ኦ ጸሳይ አናና ግደ! ህንተንቱ ይሁዳን ደእያ የሩሳላሙ ቢደ። ያን የሩሳላሙን ደእያ መቅና ጎዳ። እስራኤልያ ጸሳ ጌሻ ጎልያ ዛራሊደ ኬጸተ።

4 ዳማ ዳማ ቢታን ደእያ አሳይ ኡባይ አይሁዳቱዋፕ አቲዳዋንቱ ብራ። ዋርቃ። ዳማ ዳማ ሚሻቱዋን መህያ እሚደ ማድና፤ ቃይ የሩሳላሙን ደእያ ጸሳ ጎሊሙካ ባረንቱ ሸንያን እምያ እሞታ አምኖ ያጊደ” ያጌ።

5 ሃዋፕ ጉይያን። ይሁዳ ዛራቱነ ቢንያማ ዛራቱዋ ካፓቱ። ቂርሳቱ ኦ ሊዋቱ። ቃይ ጸሳይ ኡንቱንቱ ዋዛና ደን። አሳቱ የሩሳላሙን መቅና ጎዳ ጎልያ ኬጸናሙ ባናሙ ደንጌድና።

6 ቃይ ኡንቱንቱ ሸሩዋን ደእያዋንቱካ ባረንቱ ሸንያን እሜዳዋ ቦላ ጉጂደ። ብራ ሚሻን ዋርቃ ሻሉዋ። ሀራ ዳማ ዳማ ሚሻቱዋን መህያ እሚደ። ኡንቱንታ ማዴድና።

7 ሃዋ ቦላካ ቃይ ካቲ ቂርሰ ናቡካዳናጾረ የሩሳላሙፕ አፊደ ባረ ጸሳቱዋ ጎላን ዋሌዳ መቅና ጎዳ ጎልያ ሚሻቱዋ እሜዳ።

8 ፓርሰ ካቲ ቂርሰ ሚሻቱዋ ዋሰያ ጎልያ ካፕዋ ምትራዳታን ከሰሲድነ ፓይድሲደ። ይሁዳ ሞድያ ሸሸባጻራ ኩሸያን ሸ።

9 ሰሜዳ ሚሻ ፓይደ. ሀዋ። ሀታሙ ዋርቃ ሳነቱዋ። እት ሻኦ ብራ ሳነቱዋ። ላታማነ ኡዴፕን ጎሎደቱዋ።

10 ዋርቃፕ ኦስቱዳ ሀታሙ ሚሻቱዋ። ብራፕ ኦስቱዳ ኦይደ. ዴታን ታሙ ሚሻቱዋን እት ሻኦ ሀራ ዳማ ዳማ ሚሻቱዋ።

11 ዋርቃ ሚሻቱን ብራ ሚሻ ፓይደ. ኡባና እጅሹ ሻኦነ ኦይደ. ዴታ፤ ሀ ሚሻቱዋ ኡባ ኦሞዳዋን ቤዳ አሳይ ባብሎነፕ የሩሳላሙ ሰምያ ዋደ ሸሸባጻር እኪደ ዬዳ።

## 2

ኦሞዳዋፕ ሰሜዳ እስራኤልያ አሳ ፓይደዋ (ናህ. 7:4-73)

1 ባብሎነ ካቲ ናቡካዳናጾረ ኦሞዳደ። ባረ ጋድያ አፊዳ አሳፕ ፑደ ባረንቱ ካታማ ካታማ። የሩሳላሙን ይሁዳ ሰሜዳ አሳቱ ሀዋፕ ካልያዋንታ።

2 ኤንቴንጅ ዛሩባቤላ፣ ኢያሳ፣ ናህምያ፣ ሳራያ፣ ራኤላያ፣ ማርድክዮሳ፣ ብልሻና፣ ሞሰፓራ፣ ብግዋያ፣ ረሁማን ባኣና።

አሞዲዋፕ ሰሜዳ እስራኤልያ አሳ ፓይዲ ሀዋ።

3 ፓርኦሻ ያራቱ 2,172.

4 ሻፋጽያ ያራቱ 372.

5 አራሀ ያራቱ 775.

6 ኢያሱነ ዮኣባ ናና ግድያ ፓህት-ሞኣባ ያራቱ 2,812.

7 ኤላማ ያራቱ 1,254.

8 ዛቱ ያራቱ 945.

9 ዛካያ ያራቱ 760.

10 ባና ያራቱ 642.

11 በባያ ያራቱ 623.

12 አዘጋዳ ያራቱ 1,222.

13 አደንቃማ ያራቱ 666.

14 ብግዋያ ያራቱ 2,056.

15 አዲና ያራቱ 454.

16 ህዝቂያሳ ያራ ግድያ አጼራ ያራቱ 98.

17 በጸያ ያራቱ 323.

18 ዮራ ያራቱ 112.

19 ሀሹማ ያራቱ 223.

20 ግባራ ያራቱ 95.

21 ቤተሊመ አሳይ 123.

22 ናጸፋ ካታማ አሳይ 56.

23 አናቶታ ካታማ አሳይ 128.

24 አዝማዌታ ካታማ አሳይ 42.

25 ቅርያት-ይአሪማ፣ ካፊራነ ባኤሮታ ካታማቱዋ አሳይ 743.

26 ራማነ ገባአ ካታማቱዋ አሳይ 621.

27 ሞክማሳ ካታማ አሳይ 122.

28 ቤቱለነ አታ ካታማቱዋ አሳይ 223.

29 ናቦ ካታማ አሳይ 52.

30 ማግቢሻ ካታማ አሳይ 156.

31 ላኤንሶ ኤላማ ካታማ አሳይ 1,254.

32 ሀሪማ ካታማ አሳይ 320.

33 ሎዲ፣ ሀዲዲነ ኦኖ ካታማቱዋ አሳይ 725.

34 አያርኮ ካታማ አሳይ 345.

35 ሳናኦ ካታማ አሳይ 3,630.

36 ሀዋንጅ ኦሞዲዋፕ ሰሜዳ ቄሳቱ ዋ፡

ኢያሱ ያራ ግድያ ያዳያ ያራቱ 973፤

37 አሜራ ያራቱ 1,052፤

38 ፓሽሁራ ያራቱ 1,247፤

39 ሀሪማ ያራቱ 1,017።

40 ሀዋንጅ ኦሞዲዋፕ ሰሜዳ ሊዋቱዋ፡

ሆዳዊያ ያራ ግድያ ኢያሱነ ቃድሞኤላ ያራቱ 74፤

41 አሳፋ ያራ ግድያ ማዝሙርያ የጽያዋንጅ 128፤

42 ፕንግያ ናግያ ሻሌማ፣ አጼራ፣ ጸልሞና፣ አቁባ፣ ሀጺጸነ ሾባያ ያራቱ 139.

43 ጌሻ ጎልያን ኦልያ ቆማቱዋ ያራቱዋ፡ ጸሀ ያራቱዋ፣ ሀሱፋ ያራቱዋ፣ ጸባኦታ ያራቱዋ፣

44 ቁሮሳ ያራቱዋ፣ ስአሀ ያራቱዋ፣ ፓዶና ያራቱዋ፣

45 ላባና ያራቱዋ፣ ሀጋባ ያራቱዋ፣ አቁባ ያራቱዋ፣

46 ሀጋባ ያራቱዋ፣ ሻሞላያ ያራቱዋ፣ ሀናና ያራቱዋ፣

47 ግዴላ ያራቱዋ፣ ጋሃራ ያራቱዋ፣ ራኢያ ያራቱዋ፣

48 ራጸና ያራቱዋ፣ ናቆዳ ያራቱዋ፣ ጋዛማ ያራቱዋ፣

49 ኡዛ ያራቱዋ፣ ፓሴሀ ያራቱዋ፣ በሳያ ያራቱዋ፣

50 አሰና ያራቱዋ፣ ሙኤኒማ ያራቱዋ፣ ናፍሲማ ያራቱዋ፣

51 ባቅቡቃ ያራቱዋ፣ ሀቁፋ ያራቱዋ፣ ሀርሁራ ያራቱዋ፣

52 ባጽሉታ ያራቱዋ፣ ማሂዳ ያራቱዋ፣ ሀርሻ ያራቱዋ፣

- 53 ባርቆሳ ያራቱዋ፡ ሰሳራ ያራቱዋ፡ ተማሀ ያራቱዋ፡
- 54 ናጺሀ ያራቱዋን ሀጺፋ ያራቱዋ፡
- 55 ሶሎሞን ቆማቱዋ ያራቱዋ፡ ሶጻያ ያራቱዋ፡ ሀሶፈሬታ ያራቱዋ፡ ፓሩዳ ያራቱዋ፡
- 56 ያለላ ያራቱዋ፡ ዳርቆና ያራቱዋ፡ ግደላ ያራቱዋ፡
- 57 ቫፋጽያ ያራቱዋ፡ ሀጺላ ያራቱዋ፡ ፖከረት-ሀጻባይማ ያራቱዋን እማ ያራቱዋ፡
- 58 ጌሻ ጎልያን ኦልያ ቆማቱዋ ያራቱን ሶሎሞን ቆማቱዋ ያራቱዋ ፓይዱ ኡባና ሄዙ ጾታን ኡዱፑን ታማን ላኡዋ፡

59 ሀራቱክ ቃይ ተልመላህ፤ ተልሀርሻ፤ ካሩባ፤ አዳናን እሜራ ግያ ካታማቱዋ፡ የሩሳላመ ፑደ ቤድና፡ ሽን ኡንቱንቱ፤ ባረንቱ እዎቱ እስራኤልያ ሼሻ ግድያዋ ኤርሳናዊ ዳንዳይባይክና፡

60 ሄዋንቱ ዳላያ፡ ጸቢያን ናቆዳ ያራቱዋ፤ ኡንቱንቱ ፓይዱካ ኡባና ኡሱፑን ጾታን እሻታማን ላኡዋ፡

61 ቄሳቱ ዋፕ ሀባያ ያራቱ፤ ሀቆጻ ያራቱን ባርዝላያ ያራቱ ስሜድና፡ ሀዌ ባርዝላያ ግያዌ ጋላኦ ቢታ አሳ ግድያ ባርዝላያ ናቶ አኪደ፤ ባረ ሶሎዋ ሰንጻን ጾሰቱዳ፡

62 ሀዋንቱ ባረንቱ የለታ ጸጸዋ ኤራናዊ የለታ ማጻፋን ኮዬድና፡ ሽን ደምባይክና፡ ሄዋ ድራው፡ ኡንቱንቱ ቱናዳን ፓይደቲደ፡ ቄስተጻን ክብርናን ቄስ ግድናዳን ድገቱድና፡

63 ቃይ ኡራምያንን ቱሚምያን ሻክ ፕርድያ ቄስ ደንዳና ጋካናው፡ ኡንቱንቱ ጌሻ ቆማፕ ማናዉ ዳንዳየናዋ አይሁዳቱዋ ዋድያዌ ኡንቱንታ አዛዜዳ፡

64 አዎዲዋፕ ይሁዳ ቢታ ስሜዳ አሳ ፓይዱ ኡባና 42,360.

65 ሄዋ ሶላካ ቃይ 7,337 አቱማ ቆማቱን ማጫ ቆማቱን 200 አቱማዋን ማጫ ማዝሙርያ የጸያዋንቱክ ስሜድና፡

66 ኡንቱንቱ ፓራቱዋ ፓይዱ 736፤ ኡንቱንቱ ባቁሎቱ 245፤

67 ኡንቱንቱ ጋሎቱ 435፤ ኡንቱንቱ ሀረቱ ቃይ 6,720.

68 ኡንቱንቱ የሩሳላመን ካስ መቅና ጎዳ ጎሊ ደእያ ሳኦ ጋኬዳ ዋደ፤ ያራቱ ካፓቱዋፕ እማራዳዋንቱ መቅና ጎዳ ጎሊ ካስ ባረ ሳኦን ኬጸታና ማላ፡ ባረንቱ ሽንያን አዋታ እሜድና፡

69 አቱ አቱ ባረዉ ዳንዳይያዋ ኬሻ ኬሻ ሀ ጸሳ ጎልያ ኦሶ እሜዳ፤ ኡንቱንቱ ኡባና 500 ኪሎ ግራምያ ዴጾያ ዋርቃ፡ 2,800 ኪሎ ግራምያ ዴጾያ ብራን 100 ቄሳቱዋ ማዎዋ እሜድና፡

70 ሄዋፕ ጉይያን ቄሳቱ፤ ሊዋቱን አሳፕ እማራዳዋንቱ የሩሳላመን ኡቱድና፤ ማዝሙርያ የጸያዋንቱ፤ ፕንግያ ናግያዋንቱን ጌሻ ጎልያን ኦልያ ቆማቱ የሩሳላመ የሹዋን ደእያ ካታማቱዋን ኡቱድና፤ ቃይ አቱዳ እስራኤልያ አሳቱ ኡባይ ባረንቱ ካታማቱዋን ካታማቱዋን ኡቱድና፡

### ጌሻ ጎልያ ዛረሳ ኬጸን እንጂዋ

## 3

(3:1—6:22)

ያርሽያ ሳኦ ኬጸን ጎይንያ ዋጋ ዛረሳ ደመላባ

1 ላፑንሳ አግናይ ጋክያ ዋደ እስራኤልያ አሳይ ባረንቱ ካታማ ካታማ ስሜድና፡ ኡንቱንቱ ኡባይ አት አሳዳን የሩሳላመን ሽቄድና፡

2 የጸዳቃ ናኦ ኢያሱን አ ካልያ ቄሳቱ ቃይ ሳላትያላ ናኦ ዛሩባቤልን አ ዳቦቱ ጸሳ አሳ ሙሴ ሀግያን ካስ ጸፈቲዳዋዳን ጸግያ ያርሽዋ ያርሻናው፡ እስራኤልያ ጸሳዉ ያርሽያ ሳኦ ግጥሴድና፡

3 ኡንቱንቱ ሄ ጋድያን ደእያ አሳዉ ያዮፕን፡ አገናን ያርሽዋ ያርሽያ ሳኦ ካስ አ ኮላቱዳ ሳኦን ዛረሳደ ኬጾድና፡ ግጥሴድ፡ ጸግያ ያርሽዋ መቅና ጎዳዉ ዋንታን ኦማርስ ኡባ ዋደ ያርሽድና፡

4 ካስ ጸፈቲዳዋዳንክ ኡንቱንቱ ዳሲያ ባላ ሶንቼድና፤ ጸግያ ያርሽዋክ ሀቼዉ ሀቼዉ በሲያዋ ፓይዲዋ ፓጭሰናን ያርሽድና፡

5 ቃይ ኡባ ዋደ ያርሽያ ጸግያ ያርሽዋ፡ አግናይ ጸርያ ዋደ ያርሽያ ያርሽዋን መቅና ጎዳ ጌሻ ባላቱዋን ያርሽያ ያርሽዋ ኡባክ ያርሽድና፡ ሄዋ ሶላካ አሳይ ባረ ሽንያን መቅና ጎዳዉ እሜዳ አዋታ ኡባክ ያርሽድና፡

6 ላፑንሳ አግናን ኮይሮ ጋላሳን ኡንቱንቱ መቅና ጎዳዉ ጸግያ ያርሽዋ ያርሽያዋ ደሜድና፤ ሽን ሄ ዋደ መቅና ጎዳ ጌሻ ጎልያ ኬጸያ ባሱ ብር ባስትቤና፡

ጌሻ ጎልያ ዛረሳ ኬጸያዋ ደሜድና

7 ሄዋፕ ጉይያን፡ ሹቻ ማሰያዋንቶን አናጸቶ ሻሉዋ ግሺደ ቃጻፊድና፡ ፓርስ ካቲ ቄርስ ኡንቱንቶ አዛዜዳ ድራው፡ ሊባናሳፕ ዝጋ እባ ፕንሊደ፡ የጸ አሀናዉ ሲደናን ጸርሳ ቢታ አሳዉ ቆማ፡ ኡሻን ዛይትያ እሜድና፡

8 ሄዋጥ ጉይያን፣ ኡንቱንቱ የሩሳላመን ደእያ ጸሳ ጎሊ ደእያ ሳኣ ጋኬዳ ላኢንሶ ላይላን ላኢንሶ አግናን፣ ሳላትያላ ናኣይ ዛሩባቤለ፣ የጸዳቃ ናኣ ኢያሱነ ኡንቱንቱ ዳቦቱ፣ ቁሳቱ፣ ለዋቱነ ኦሞዱዋጥ ሰሚደ፣ የሩሳላመ ዬዳ አሳይ ኡባይ ኪታ ደሚድኖ። ቃይ መጅና ጎዳ ጎልያ ኪታ አዋተላን ጸላና ማላ፣ ለታሙ ላይላ ግዴዳዋንታነ ላታሙ ላይላጥ አጫዳ ለዋቱዋ ሰንኤድኖ።

9 ለዊያ ዛርያ ግድያ ኢያሱ፣ አ ናናይነ አ ዳቦቱ፣ ሆዳዊያ ሦራ ግድያ ቃድሞኤልነ አ ናናይ እትጥ ግዲደ፣ ጸሳ ጎልያ ኪታ አዋተላን ጸላድኖ፤ ቃይ ሄናዳዳ ሦራ ግድያ ለዋቱነ ኡንቱንቱ ማዴድኖ።

10 ግምቢያዋንቱ መጅና ጎዳ ጌሻ ጎልያ ግምባናዊ ባሱዋ ባሰ ወርሴዳ ዋደ፣ ቁሳቱ ባረንቱ ማየዋ ማይ ጸሩምባ ኦይቂደ፣ ቃይ እቴማ አሳ ግድያ አሳፋ ሦራቱዋ፣ ለዋቱነ፣ ዳላ ኦይቂደ፣ እሰራኤልያ ካትያ ዳዊታ ዋጋዳን መጅና ጎዳ ጋላተናዊ ኤቂድኖ።

11 ኡንቱንቱ መጅና ጎዳ ጋላተድነ ቃንጸናን ማዘሙርያን ሳቢደ፣ ሀዋዳን ያገደ፣ አዉ የጸድኖ፤

“መጅና ጎዳይ ሎኣ፤

እ እሰራኤልያ ሲቅያ ሲቁ መጅናዋ” ያጌድኖ።

ቃይ መጅና ጎዳ ጎልያ ባሱ ባሰቱዳ ድራዉ፣ አሳይ ኡባይ ባረንቱ ቃላ ቅቁ ኦሊደ ሆምቦጪደ፣ መጅና ጎዳ ጋላቲድኖ።

12 ሸን ካሰ ጎልያ በኤዳ ጭማ ቁሳቱ ዋጥ፣ ጭማ ለዋቱዋጥነ ጭማ ጎልያ ካገቱዋጥ ዳራቱ ሀእ ጌሻ ጎልያ ግምባናዊ ባሰቱዳ ባሱዋ በኤዳ ዋደ፣ ባረንቱ ቃላ ቅቁ ኦሊደ ዬኬድኖ፤ ሀራቱ ማታ ናሸቲደ ሆምቦጪድኖ።

13 ሄዋ ድራዉ፣ ናሸቲደ ሆምቦጪድኖዋ ዬክያዋጥ ሻክ ኤራናዉ ዳንዳየትቤና። እያዉ ጎጥ፣ ኡንቱንቱ ሎይል ኮሹምያ ድራዉ፣ ኡንቱንቱ ኮሹነቻይካ ሃኮ ሳን ሰሰቲ።

### 4

#### ጌሻ ጎልያ ዛርሳ ኪጸና ማላ ድጋናዉ ደንዴዳዋንታ

1 ኦሞዱዋጥ ሰሚዳ አሳቱ መጅና ጎዳዉ፣ እሰራኤልያ ጸሳዉ ጌሻ ጎልያ ኪጸናዋ ይሁዳነ ቢንያማ ዋርከቱ ሰሴድኖ።

2 ዛሩባቤለካነ ጎልያ ካገቱዋኮ ዪደ፣ ሀዋዳን ያጌድኖ፤ “አሰሪ ካቲ አሰራዶን \* ኑና ሀ ሳአዉ አሄዳ ጋላሳጥ ደሚደ፣ ኑንካ ሀንተንቱ ጸሳ ኮዬቶነ ያርሼቶ። ሄዋ ድራዉ፣ ኑንካ ሀንተናና እትጥ አነ ኪጸይቲ” ያጌድኖ።

3 ሸን ዛሩባቤለ፣ ኢያሱነ እሰራኤልያ ዛራቱዋ ካገቱ ኡንቱንቱ ዛራደ፣ ሀዋዳን ያጌድኖ፤ “ኑ ጎልያ ኪጸናዉ ኑዉነ ሀንተንቱ አይ እትጥላነ ባዋ። ሸን ፓርሰ ካቲ ቂርሰ አዛዜዳዋዳን፣ ኑ ጸሳላይ መጅና ጎዳዉ እሰራኤልያ ጸሳዉ ኪጸና” ያጌድኖ።

4 ሄዋጥ ጉይያን፣ ይሁዳ ቢታ አሳቱ ኪጸናዳን፣ ሄ ጋድያን ደእያ አሳቱ ሀሸያ ሾጩድኖነ ያሸሴድኖ።

5 ቃይ ፓርሰ ካትያ ቂርሳ ላይላይ ዉራናዉነ አጥ ሰሚደ ዳርዮሰ ፓርሰን ካተቱዳ ዋዳ ጋካናዉ፣ ኡንቱንቱ ይሁዳ አሳቱዋ ዘረታ ላላናዉ ዘረትያዋንታ ማታዬድኖ። †

#### የሩሳላመ ላኢንሶዋ ኪጸተናዳን ድገቱዳ

6 አርጸክሰሰ ካወተላ ደመላን፣ ኡንቱንቱ ይሁዳነ የሩሳላመ አሳ ሞታናዉ ፓይልያ ደዬድኖ።

7 አርጸክሰሰ ካተት ደእሸን፣ ብሸላም፣ ምትረዳት፣ ጸብኤልነ ኡንቱንቱና እትጥ ኦልያዋንቱና ግዲደ፣ ፓርሰ ካትያ አርጸክሰሰዉ ዳብዳቢያ ጸፊድኖ፤ ሄ ዳብዳቢ ሶርያ ጋደ ፕድልያንነ ቃላን ጸፈቲዳ።

8 ዋታዳራ ሞድያ ረሀምነ ጸፍያ ሸምሻይ የሩሳላመባ ሀዋዳን ያገደ፣ ካትያ አርጸክሰሰዉ ዳብዳቢያ ጸፊድኖ፤

9 “ሀ ዳብዳቢ ቢታ ሞድያ ረሀማጥ፣ ጸፍያ ሸምሻያጥ፣ በነ ኤላማ ቢታን ደእያ ሱሳጥ፣ ኤሬካጥነ ባብሎነጥ ዬዳ ፕርድያነ ዳናትያ ኡንቱንቱ ሦራቱዋጥነ

10 ግታነ ቦንቹቲዳ ካትያ አሳናፋር ኦሞድ አሂደ፣ ሳማርያንነ ኤፍራጺሳ ሻፋጥ አዋይ ዉልያ ባጋ ጋድያን ዋሌዳ አሳ ኡባጥ ጸፈቲዳ” ያጌድኖ። ‡

11 ኡንቱንቱ አዉ ኪቲዳ ዳብዳቢ ሀዋዳን ያገ፤ “ካትያ አርጸክሰሰዉ፣ ኤፍራጺሳ ሻፋጥ አዋይ ዉልያ ባጋ ጋድያን ደእያ ነ ቆማቱዋጥ።

3:10 1 ኦዲዋ 25:1      3:11 1 ኦዲዋ 16:34፤ 2 ኦዲዋ 5:13፤ 7:3፤ ማዘ. 100:5፤ 106:1፤ 107:1፤ 118:1፤ 136:1፤ ኤር. 33:11 \* 4:2 እሰራዶን፡ ሀ ቃላ ብለላይ አብራዌሉዋን፣ “ኡሳር-ሃዶን” ግያዋ። 4:2 2 ካታ. 17:24-41 † 4:5 ዳርዮሱ፡ ዳርዮሳ ታርኪ ፓይዳዋ 24ጥ ደሚደ ጸፈቲዳ። ፓይዳዋ 6-23 ጋካናዉ ጸፈቲዳ ታርኪ ጌሻ ጎሊ ኪጸቶደጥ እት ጸቲ ላይላ ግድያዋ ጋምና ህኔዳባ። 4:6 እሰ. 1:1 ‡ 4:10 አሳናፋር፡ አብራዌሉዋን “ኡሰናፓር” ጌተቲ። ሀ ካቲ ቃይ “አሱርባገጋል” ጌተቲ።

12 “ካትያው፡ ነ ማጉጥ ሃ ኑኮ ዬዳ እይሁዳቱ የሩሳላመ ቢደ፡ ሄ ማካላንቻነ ኢጋ ካጉማ ዛሪደ ኬጽ ደእያዎ ኤራ። እ ግምቢያ ኦራጽሲኖ፤ እ ጸጸዋካ ኦራጽሲኖ።

13 ቃይ ካትያው፡ ሀ ካጉማይ ኬጸትያባ ግደጥነ እ ግምቢያካ ኦራጽሲያባ ግደጥ፡ ሄዋጥ ጉይያን፡ ኤንቱንቱ ጌሪነ ቃራጸ ቃንጸናዎ ኤራ። ሄዋጥ ደንዴዳዋን ካትያ ጎላዉ ገልያ ሚሻይ ፓጫ ግዳና።

14 ኑን ካቲ ሱንሸና ኦልያዋንጉ ግደያ ግሻዉነ ካቲ ካዉሸሸን በእናዉ ኮየና ድራዉ፡ ሀዋ ኔን ኤራና ማላ ጊደ ከቲቶ።

15 ሄዋ ድራዉ፡ ካሰ ነ እዋቱዋ ታርክያ ማጻፋይ ኮየቲደ ጸለቶ፤ ሄዋን ጸፈቲዳዋጥ ኔን ሀ ካጉማይ በንጥካ ደሚደ፡ ማካላንቻ ካጉማ ግደያዋን ካትቶን ቢታቶ ሙቱዋ ሙጴዳዋ ግደያዋ ኤራናዉ ዳንዳያሳ። ሄዋጥ ደንዴዳዋን እ ኮላቲዳ።

16 ሄዋ ድራዉ፡ ሀ ካጉማይ ኬጸትያዋ ግደጥነ እ ግምቢያካ ኦራጽሲያዋ ግደጥ፡ ኤፍራጺሳ ሻፋጥ አዋይ ዉልያ ባጋ ቢታይ ነ ኩሸያጥ ከሴዳዋ ኤራ” ያጌድና።

17 ካቲ ሀዋዳን ያግያ ዛሩዋ ኤንቱንቶ የዴዳ፤ “ዋጉዳራቱዋ ሞድያ ረሁማ፡ ጻፍያ ሸምሻያ፡ ሳማርያንነ ኤፍራጺሳ ሻፋጥ አዋይ ዉልያ ባጋ ጋድያን ደእያ ኤንቱንቱና ኦልያ አሳ ኡባዉ፡ ሀንተንጉ ሳር ጋይ።

18 ሀንተንቱ ታዉ የዴዳ ዳብዳቢ ብለቲደ ናባባቲዳ።

19 ታን እዛዝና፡ ካሰ ታርኪ ኮየቲደ ጸለቲዳ፤ ሀ ካጉማይ በንጥካ ደሚደ፡ ካትቶ ማካላንቻ ግደያዋን ሙቱዋ ሙጴያዋንቱ ደእያ ሳእ ግደያዌ ኤራቲዳ።

20 የሩሳላመን ዋልቃማ ካትቱ ካዉቲድና፤ ኤፍራጺሳ ሻፋጥ አዋይ ዉልያ ባጋ ቢታጥካ ሄ ካትቱ ጌሪነ ቃራጸ እኬድና።

21 ሄዋ ድራዉ፡ ታን ኤንቱንቶ ኦላጥ ግያ እዛዙዋ እማና ጋካናዉ፡ ሀ አሳቱ ሄ ካጉማ ኬጽያዎ ኤሳና ማላ ኦድተ።

22 ሀንተንቱ ሀ የዉዋ ሸነኮ ጌና ማላ ናገትተ። እያዉ ጎጥ፡ ካትቶ ሙቱዋ ዳርሳናዉ ኮሸና” ያጊደ ከቲዳ።

23 ካትያ አርጸክሲሳ ዳብዳቢ ረሁማዉ፡ ጻፍያ ሸምሻያዉነ ኤንቱንቱና ኦልያ ኡባቶ ናባባቲዳ ዋይ፡ የሩሳላመን ደእያ እይሁዳ ኦሳቱዋኮ ኤሌል ቢደ፡ ኤንቱንቱ ኬጽያዎ ዋልቃን ተኤድና።

24 የሩሳላመን ደእያ ጸሳ ጎልያ ኪታይ ፓርሳ ካቲ ዳርዮሰ ካትቲዳ ላኤንሶ ላይሳይ ጋካናዉ፡ ኤቆ ሳኣን አት አጌዳ።

5

ጌሻ ጎልያ ኦሱ ዛርሳ ደመቱሳባ

1 ሄ ዋድያን ትምቢትያ ኦድያዋንቱ ሃገነ እደ ናእይ ዛካራሰ ይሁዳንነ የሩሳላመን ደእያ እይሁዳ አሳቶ እሰራኤልያ ጸሳ ሱንሸን ትምቢትያ ኦዴድና።

2 ሳላትያላ ናእይ ዛሩብ-ባቤልነ የጸዳቃ ናእይ ኢያሱ ደንዲደ፡ የሩሳላመን ደእያ ጸሳ ጎልያ ዛርሳደ ኬጻናዉ ደሚድና። ትምቢትያ ኦድያዋንቱካ ኤንቱንቱና አትጥ ግዲደ፡ ኤንቱንጉ ማዴድና።

3 ሄ ዋይ፡ ኤፍራጺሳ ሻፋጥ አዋይ ዉልያ ባጋ ቢታ ሞድያ ታታናያ ግያዌ፡ ሻጋርቦዝና ግያዌነ ኤንቱንቱና ኦልያዋንቱ ዪደ፡ “ሀንተንቱ ሀ ጎልያ ኬጻና ማላነ ፖላና ማላ፡ ሀንተንቶ ኦኔ ኦዴዳዌ?” ያጊደ ኦቹድና።

4 ኤንቱንቱ ቃይ፡ “ሀዋ ግምቢያ አሳቱዋ ሱንሸይ ኦና ኦኔ?” ያጊደ ኦቹድና።

5 ሸን ሄ የዉ ዳርዮሳኮ ጋክና፡ እ ማጉጥ ዳብዳቢ ጸፈቲደ ያና ጋካናዉ፡ ኤንቱንቱ ባረገቱ ኦሱዋ አግቢይክና፤ እያዉ ጎጥ፡ ኤንቱንቱ ጸሳ እይፊ እይሁዳ ጭማቱዋ ቦላን ደኤ።

6 ኤፍራጺሳ ሻፋጥ አዋይ ዉልያ ባጋ ቢታ ሞድያ ታታናይ፡ ሻጋርቦዝንነ ኤንቱንቱና ኦልያዋንቱ ካትያ ዳርዮሳዉ ከቲዳ ዳብዳቢ

7 ሀዋዳን ያጌ፡- “ካትያ ዳርዮሳ፡ ኩመንሳ ሳርተሳይ ነዉ ግደ!

8 “ኑን ይሁዳ ጋድያን ደእያ ዋልቃማ ጸሳ ጎልያኮ ቢደ፡ ሄ ሹቻን ኬጸቲዳ፤ ቃይ ግምቢያ ጋርሳንካ ሞሳይ ዋጴዳ። ኦሱካ ዋልቃማ እኬካንነ ኤሌል ኦሰቲደ ደኤ።

9 “ኤንቱንቱ ጭማቱዋ ኑን ሀዋዳን ያጊደ ኦቹደ፤ ሀ ጎልያ ኬጻና ማላነ ፖላና ማላ፡ ሀንተንቶ ኦኔ ኦዴዳዌ?” ያጊደ ኦቹድ።

10 ቃይ ነዉ ጸፊደ ኤርሳና ማላ፡ ኤንቱንጉ ሀ ኪታን ካለላያዋንቱ ሱንሸይካ ኦንቶ ኦቹድ።

11 “ኤንቱንቱ ሀዋዳን ያጊደ ዛራድና፤ ኑን ሳሉዋን ሳእ ጸሳ ቆማቱዋ፤ ቃይ ኑን እሰራኤልያ ካትያ ግታይ ዳር ላይሳጥ ካሰ ባጋን ኬጽ ፖሌዳ ጌሻ ጎልያ ዛርሳ ኬጸቶ።



12 ኑ አዎቱ ሳሉዋ ደሳ ሀንቀሌዳ ድራው። እ ኡንቱንታ ባብሎን ካትያ ናቡካዳናጾራ ኩሽያን አላ ለምና፤ እ ሀ ጎልያ ኮል አኔዳ፤ እሳካ ባብሎን ጋድያ ኦሞዶ እኪደ ቤዳ።

13 “ ሸን ባብሎን ካቲ ቁርስ ባረ ካተቲዳ ኮይሮ ላይላን፣ ደሳ ጎልያ፣ ሀዋ ዛረላ ኬጻና ማላ፣ አዋዩዋ ከሴዳ።

14 ናቡካዳናጾረ የሩሳላሙን ደእያ ደሳ ጎልያ፣ ለክ አፊደ፣ ባብሎን ቢታን ደእያ ባረ ደሳቲዋ ጎሊን ዋሌዳ ዋርቃነ ብራ ሚሻቲዋካ ቁርስ ዛሪደ የዴዳ።

“ ሄ ሚሻቲ ካቲ ቁርስ ይሁዳ ቢታ ሞዳና ማላ ዶሬዳ ሸሽባጸራ ኩሽያን ሹፍቲድና።

15 ካቲ ቁርስ እ ሀዋዳን ያጌዳ፤ “ሀ ሚሻቲዋ እካ አፋደ የሩሳላሙን ደእያ ጌሻ ጎልያን ዋላ፤ ቃይ ደሳ ጎልያካ ካስ እ ደእያ ሳኡን ኬጻ” ያጌዳ።

16 ሄዋ፣ ጉይያን፣ ሸሽባጸራ ዪደ፣ ደሳ ጎልያ የሩሳላሙን ባሴዳ። እ ሀእካ ወርቤናዋ ግደ፣ ሄ ዋደ፣ ስሚደ፣ ኬጻቲደ ደኤ’ ያጌድና።

17 “ሀእ ሰም ሀ የወ ካትያ ናሽቻያባ ግደ፣ እን ካቲ ቁርስ ሀ ጎልያ የሩሳላሙን ኬጻና ማላ፣ ቱሙካ አዋዩዋ ከሴደንቶ ኤራውዳ ካስ አጫዳ ባብሎን ካተቲዋ ታርክያ ማዝጎባይ ኮየቲደ ጴሊቶ። ሄዋ፣ ጉይያን፣ ካቲ ኑን ሀ የወዋ ዋታናወ በሰንቶ ቃቹዳ ቆፋ ኑወ ኪቶ” ያጌደ ጸፊድና።

### 6

#### ቁርስ ካስ አዛዜዳ አዛዙ ኮየቲደ ቤቲዳ

1 ሄዋ ድራው፣ ካቲ ዳርዮስ አዛዝና፣ ባብሎን ሚሻቲዋ ዋልያ ጎሊን ደእያ ታርክያ ማዝጋባቲዋ ኡንቲንቲ ኮዬድና።

2-3 ሸን ባብሎን ካታማን ግደናን ደእሸን፣ ሚዶና ጋድያን ደእያ አሀምታ ግያ ካታማን እት ጸጸቶ ማጸፋይ ቤቲዳ። ሄ ማጸፋን ጸፊቲዳባይ ሀዋዳን ያጌ፤ \* “ዋደናወ ደገተናዳን፣ ካቲ ቁርስ ባረ ካተቲዳ ኮይሮ ላይላን፣ የሩሳላሙን ደእያ ደሳ ጎልያ ድራው፣ ሀዋዳን ያግያ አዋዩዋ ከሴዳ፤ ደሳ ጎልያ ግድያ፣ ያርሹዋ ያርሹያ ሳእይ ዛረሌደ ኬጻቶ፤ እ ባሱካ ባሰቶ። ሄ ጌሻ ጎሊ ኡሱቸን ታሙ ዋቃ አድሳነ ኡሱቸን ታሙ ዋቃ አካ ግድ።

4 ቃይ ሄዙ ማራን ዋልቃማ ሹቻይ ዋድና፣ ሄ ማራቲዋ ቦላን ቦላና እት ማራ ሞላይ ዋዶ። ሄዋ ኮሽያ ሚሻይ ኡባይ ካትያ ጎሊን ሚሻ ዋልያ ጎልያ፣ ሀወቶ።

5 ናቡካዳናጾረ፤ የሩሳላሙን ደእያ ደሳ ጎልያ፣ ባብሎን አሄዳ ደሳ ጌሻ ጎልያ ዋርቃነ ብራ ሚሻቲ ደሳ ጎልያወ ጉየ የሩሳላሙ ሰሚደ፤ ደሳ ጌሻ ጎልያን ደእኖ’ ያጌዳ።

#### ካትያ ዳርዮስ እሱ ኦስታናዳን አዛዜዳ

6 “ሀንተንቶ ኤፍራጺሳ ሻፋ፣ አዋይ ወልያ ባጋ ቢታ ሞድያ ታታናያ፣ ሻታርቦዝና ኡንቲንቲና ኡልያ ኡባደ፣ ሄ ጎልያኮ ሸቆ፣።

7 ሀ አሳቲ ኬጻያ ደሳ ጎልያ ኦሶ ቆብ ግደ፣። እይሁዳቲዋ ሞድያዌን እይሁዳ ጭማቲ ደሳ ጎልያ ካስ እ ደእያ ሳኡን ዛሪደ ኬጻና።

8 “ቃይ ሀ እይሁዳ ጭማቲ ደሳ ጎልያ ኬጻያ ዋደ፣ ኡንቲንቲ ኡልያ ኪታይ ኤቀና ማላ፣ ኡንቲንቶ ኮሽያ ሻሉዋ ኡባ ኤፍራጺሳ ሻፋ፣ አዋይ ወልያ ባጋ ቢታ ሸሹዳ ካትያ ጌራ ሚሻ፣ ሀንተንቲ ኡንቲንቶ እማና ማላ፣ ታን አዛዛድ።

9 የሩሳላሙን ደእያ ቁሳቲ ሳሉዋ ደሳወ ጸግያ ያርሹዋ ያርሻናወ ኮሽያባይ ኮራማቲዋ ግድና፣ ዶርሳ ኮልያ ግድና ቃይ ዶርሳ ማራቲዋ ግደ፣። ኡንቲንቶ እምተ። ቃይ እያን ፓጭሰናን ኡንቲንቲ ኮይሮ ዛርጋ፣ ማጻጸን፣ ዋይን ኤሳነ ዛይትያ ኡንቲንቶ ሆቼ ሆቼ እምተ።

10 ሄዋ ሀንተንቲ እምያዊ ኡንቲንቲ ሳሉዋ ደሳ ሎይላ ናሽቻያ ያርሹዋ ያርሻናካ ካትያን አ ናና ደኤዋ ድራውካ ሞሳዳድና።

11 “ሀ አዋዩዋ ላምያ ኦንን ደእ፣ ኦኦ ጎልያ ቲሳ ሾዲደ፣ ሄ ቲሳ ጴራ ፖጴዳዋን ሉከቲደ ሀይቆ፤ እ ከላይካ ፕቲዋ ኦልያ ሳኦ ግደ’ ጋይ ጉጃደካ አዛዛድ።

12 ሀ አዛዙዋ ላማናወካ ቃይ የሩሳላሙን ደእያ ደሳ ጎልያ ኮላናወ ኩሽያ ደንልያ እይ ካትያ ዋይ እሳ ግድና፣ ባረ ሱንላይ ጴስታና ማላ የሩሳላሙ ዶሬዳ ጸሳይ እ ቆይሶ። ታን ዳርዮስ ሀዋ አዛዛድ። ሀ የወዋ አሳይ ኡባይ ሞኖተላን ፖሎ” ያጌ።

#### ጌሻ ጎልያ እንጂዋ ባላ

13 ሄዋ፣ ጉይያን፣ ኤፍራጺሳ ሻፋ፣ አዋይ ወልያ ባጋ ቢታ ሞድያ ታታናይ፣ ሻታርቦዝና ኡንቲንቲና ኡልያ ኡባቲ ካቲ ዳርዮስ አዛዜዳዋዳን ሞኖተላን ኡሊደ ፖሊድና።

5:12 2 ካታ. 25:8-12፤ 2 ኦዲዋ 36:17-20፤ ኤር. 52:12-15      5:13 እዝሬ 1:2-11      \* 6:2-3 አሀምታ- ሀ ካታማይ ቃይ ኤክባታና ጌቲቲ።

14 ሃዋ ድራው፣ አይሁዳ ጭማቱ ባረንጉቱ ከታ አገናን ኦፊድኖ፤ ቃይ ትምቢትያ ኦድያዌ ሀዋነ አዶ ናአይ ዛካራሰ ኦዴዳ ቃላንካ ሞንሲድኖ። እስራኤልያ ጸሳይ እዛዜዳዋዳንነ ፓርሰ ቢታ ካተቱ ቁርሰ። ዳርዮስነ እርጸክሲስ እዋዬዳዋዳን ጌሻ ጎሊ ኬጸቲደ ወሬዳ።

15 ዳርዮስ ካተቱዳ ኡሱቸንላ ላይሳን አዳረ ጌተትያ አገናን ሄዘንላ ጋላሳን፣ ጎልያ ከታይ ፖለቲዳ።

16 ሃዋጥ ጉይያን፣ እስራኤልያ አሳይ፣ ቁሳቱ፣ ለዋቱነ አዋዲዋጥ ሰሜዳ አሳይ ኡባይ ጸሳ ጎልያ እንጂዋ ባላ ናሽቻን ቦንቼድኖ።

17 ሃ ዳላ ጎልያ እንጂዋ ባላ ቦንቻያ ዋይ፣ ኡንቱንጉቱ እት ጾቱ ኮራማቱዋ፣ ላኡ ጾቱ ዶርሳ ኦርገቱዋነ ኦይዱ ጾቱ ዶርሳ ማራቱዋ ያርሼድኖ፤ ቃይ ናጋራ ያርሾ ታማነ ላኡ እስራኤልያ ዛራቱዋ ፓይዲዋን ታማነ ላኡ ዳሻ ኦርገቱዋካ ያርሼድኖ።

18 ሙሴ ማጻፋን ጻፈቲዳዋዳን፣ የሩሳላሙን ደእያ ጸሳወ ኦላና ማላ፣ ቁሳቱ ዋ ባረንጉቱ ማራዳንነ ለዋቱዋካ ኡንቱንጉቱ ዘረሳዳን ዋፊድኖ።

**ፓሰጋ ባላ**

19 አዋዲዋጥ ሰሜዳ አሳቱ ኮይሮ አገናን ታማነ ኦይደንላ ጋላሳን ፓሰጋ ባላ ቦንቼድኖ።

20 ቃይ ቁሳቱ ነ ለዋቱ ባረና ጌሼድኖ፤ ሃዋ ድራው፣ ኡንቱንጉቱ ኡባይካ ጌሻ። ሃዋጥ ጉይያን፣ ለዋቱ አዋዲዋጥ ሰሜዳ ኡባው፣ ቁሳቶነ ባረንጉቱ ሁጺያው ፓሰጋ ዶርሳ ሹኬድኖ።

21 አዋዲዋጥ ሰሜዳ እስራኤልያ አሳይነ አይሁዳ ግደና አሳቱ ኡልያ ቱናተሳጥ ባረንታ ሻክ፣ ሙድና ጎዳኮ፣ እስራኤልያ ጸሳኮ ሰሜዳ አሳይ ኡባይ ፓሰጋ ሜድኖ።

22 ቃይ ኡንቱንጉቱ ላቸን ጋላሳወ ማጋገ ኡክላ ባላ ናሽቻን ቦንቼድኖ፤ እያው ጎጥ፣ ሙድና ጎዳይ ኡንቱንጉቱ ናሽቼዳ፤ ቃይ ሙድና ጎዳ፣ ሃዋካ እስራኤልያ ጸሳ ጎልያ ኡንቱንጉቱ ኬጺደ ፖላና ማላ፣ አሶረ ካትያ ቆፋ ጸሳይ ላምና፣ ካቲ ኡንቱንታ ማዴዳ።

**7**

**እዝር ሀራ ኦዋደቲዳዋንቱና ስሙሳ**

(7:1—10:44)

1 ሃዋጥ ሰሚደ፣ ዳሮ ዋድያጥ ጉይያን፣ ፓርሰ ቢታን እርጸክሲስ ካተቱዳ ዋድያን እዝራ ጌተትያ እት አሳይ ደኡዳ። እ ሳራያ ናኣ፤ ሳራይ እዛርያ ናኣ፤ እዛሪ ሀልቂያ ናኣ፤ ሀልቂ ሻሉማ ናኣ፤

2 ሻሉም ጻደቃ ናኣ፤ ጻደቀ አህጹባ ናኣ፤ አህጹብ አማርያ ናኣ፤

3 አማር እዛርያ ናኣ፤ እዛሪ ማራዮታ ናኣ፤ ማራዮት ዛራህያ ናኣ፤

4 ዛራሂ ኡዛ ናኣ፤ ኡዝ ቡቃ ናኣ፤

5 ቡቅ አብሹእ ናኣ፤ አብሹእ ፒንሃሳ ናኣ፤ ፒንሃሰ ኤልእዛራ ናኣ፤ ኤልእዛረ ቄስ ኡባቱዋ ካቸዋ አርና ናኣ።

6 ሀ እዝር ባብሎንጥ ፑደ ዬዳ። እ ሙድና ጎዳይ፣ እስራኤልያ ጸሳይ እሜዳ ሙሴ ህግያ ሎይሳ ጻናዬዳ ኤራንቻ ጻፍያ። ሙድና ጎዳ እ ጸሳ ኩሺ እ ቦላ ደእያ ድራው፣ እ ኦቼዳዋ ኡባ ካቲ እወ እሜዳ።

7 እስራኤልያ እሳጥ አማራዳዋንቱነ ቃይ ቁሳቱ ዋጥ፣ ለዋቱዋጥ፣ ማዘሙርያ የጽዋንቱጥ፣ ፒንግያ ናግያዋንቱጥነ ጌሻ ጎልያ ቆማቱዋጥ አማራዳዋንቱ ካቲ እርጸክሲስ ካተቱዳ ላቸንላ ላይሳን እዝራና እትጥ ፑደ የሩሳላሙ ቤድኖ።

8 ካቲ ካተቱዳ ላቸንላ ላይሳን እቼሻንላ አገናን እዝር የሩሳላሙ ጋኬዳ።

9 ኮይሮ አገናን ኮይሮ ጋላሳን ባብሎንጥ ፑደ ቡሳ ዶሚደ፣ እቼሻንላ አገናን ኮይሮ ጋላሳን የሩሳላሙ ጋኬዳ። እያው ጎጥ፣ እ ጸሳ ሎኦ ኩሺ እ ቦላን ደኡ።

10 ሃዋ ጸላላ ግደናን እዝር ሙድና ጎዳ ህግያ ጻናያናወነ ኦላናው፣ ቃይ እስራኤልያን እ ዋጋነ እ ፕርዳ ታማርሳናወ ባረ ዋዛና ገግሰ ዋፊዳ።

**ካቲ እርጸክሲስ እዝራወ ጻፊ እሜዳ ዳብዳቢያ**

11 ሙድና ጎዳይ እስራኤልያወ እሜዳ ህግያ ጻናዬደ፣ ሎይሳ ኤርያ ቄስነ ጻፍያ ግድያ እዝራወ ካቲ እርጸክሲስ ዲቅ እሜዳ ዳብዳቢ ሀዋዳን ያጌ።

12 “ካተቱዋ ካትያ እርጸክሲሳጥ፣ ቄስያነ ሳሉዋ ጸሳ ህግያ ሎይሳ ጻፍያ እዝራ፣ ሳርተላይ ነወ ግደ፤

13 “ታ ካዉተላ ግዲዋን ደእያ እስራኤልያ አሳጥ ኦንነ፣ ቁሳቱ ዋጥ ዋይ ለዋቱዋጥ ግደጥነ፣ የሩሳላሙ ባናወ ኮይያ አሳይ ኡባይ ኔናና እትጥ ባናዳን ታን ኦዳድ።

14 ታንነ ታናና ዘረትያ ላቸን አሳቱ እትጥ ግዲደ፣ ኔን ነ ኩሺያን ደእያ ጸሳ ህግያዳን፣ ባይ ይሁዳንነ የሩሳላሙን ደእያ ሀናታይ አይ ማለንቶ ኦቻናዳን ኔና ኪቱቶ።

- 15 እዉ ደእያ ሳእይ የሩሳላሙን ደእያ እስራኤልያ ጸሳዉ። ታን ካቲነ ታናና ዘረትያ አሳቱ ኑ ሸንያን እሚዳ ዋርቃነ ብራ እሞታቱዋ ኔን አካደ ባ።
- 16 ሄዋ ቦላካ ቃይ ኔን ባብሎነ ቢታ ኩሙንገጥ ደሚዳ ብራነ ዋርቃ ኡባ። ቃይ አሳይነ ቁሳቱ የሩሳላሙን ደእያ ባረንቴ ጸሳ ጎልያዉ ባረንቴ ሸንያን እሚዳ እሞታካ አካደ ባ።
- 17 ሀ ሚሻን ኮሩማቱዋ። ደርሳ ኦርገቱዋን ደርሳ ማራቱዋ። ቃይ ካላ ያርሾነ ኦሻ ያርሾ ሻማነንቶ ኤራ። የሩሳላሙን ደእያ ህንተንቴ ጸሳ ጎልያን ያርሾያ ሳእን ያርሻ።
- 18 “ሄዋጥ ፓላሂዶ አቴዳ ብራነ ዋርቃ ኔንነ ኔናና ደእያ ነ ቢታ አሳቱ ኦላናዉ ኮይያዋ ህንተንቴ ጸሳ ሸንያዳን አላተ።
- 19 ቃይ ህንተንቴ ጸሳ ጎልያ ግዶን ኦሰትያ ኦሶ ህንተንቴ ጎኤታና ማላ። ኩነ ነዉ እሚዳ ሚሻቱዋ ኡባ የሩሳላሙ ጸሳ ሰንገላን ዋላ።
- 20 ሀዋጥ ሀራባይ ህንተንቴ ጸሳ ጎልያዉ ኮሽያባይ እያን ግዶጥ። ሄዋ ኮሽያ ሻሉዋ ካትያ ጎላን ሻሉዋ ዋእያ ጎልያጥ አካናዉ ዳንዳያሳ።
- 21 “ሄዋ ድራዉ። ሀእ ታን ካቲ እርጸክሰሰ ኤፍራዲሳ ሻፋጥ አዋይ ዉልያ ባጋ ቢታን ደእያ ሻሉዋ ጎላን አዋተላይ ደእያ ኡባቶ ሀ አዛዙዋ እማድ። ቁሰያ ግድያን ሳሉዋ ጸሳ ሀግያ ሎይላ ጻፍያ እዘር ህንተንታ ኦሻያዋ እያን ግዶጥነ እዉ እሞተ።
- 22 ቃይ ሄዙ ሻእነ ኦይዱ ጾቱ ኪሎ ግራሙ ዴጽያ ብራ። እት ጾቱ ኩንታላ ዛርጋ። ላኡ ሻእ ሊትር ዋይንያ ኤሳነ ላኡ ሻእ ሊትር ዋጋራ ዛይትያ። ቃይ ኮሽያ ኪሻ ማጽንያና ኡባ እዘራዉ እሞተ።
- 23 ካትያ ቦላነ ካትያ ናና ካወተላ ቦላ ሀንቁ ዬና ማላ። ሳሉዋ ጸሳይ አዛዜዳዋ ኡባ ሳሉዋ ጸሳ ጎልያዉ እያን አሸናን እሞተ።
- 24 ቃይ ቁሳቱ ዋጥ። ሊዋቱዋጥ። ማዘሙርያ የጽያዋንቴ። ጥንግያ ናግያዋንቴ። ጸሳ ጎልያ ቆማቱዋጥነ ዲማ ዲማ ኦሱዋ ኦልያ አሳ ኡባጥ ህንተንቴ ጊራነ ቃራጸ አካናዉ ህንተንቶ እይ ማትነ ባዋ።
- 25 “ኔና እዘራ። ኔን ቃይ። ነዉ ጸሳይ እሚዳ ኤራተላዳን ኤፍራዲሳ ሻፋጥ አዋይ ዉልያ ባጋ ቢታን ደእያ ነ ጸሳ ሀግያ ኤርያ አሳ ቦላ ፕርዳና ማላ። ዳናቱዋን ፕርድያዋንታ ሱነላ። ቃይ ሄ ሀግያ ኤረናዋንቴ ደኦጥ። ኤንቴንቴ ታማርሰተ።
- 26 ነ ጸሳ ሀግያዉን ካትያ ሀግያዉ አዛዘተና ኦንነ ደኦጥ። እ ኤላካ ሀይቁዋን። የደሳን። እ ሻሉዋ ቦንቁያዋን ዋይ ቃሹዋን ሙረቶ” ያጌ።

**እዘር ጸሳ ጋላቲዳ**

- 27 የሩሳላሙን ደእያ ሙድና ጎዳ ጎልያ ሀዋዳን ሎይላና ማላ። ካትያ ዋዛናን ሀ ቆፋ ዋሌዳ ሙድና ጎዳዉ። ኑ አዋቱዋ ጸሳዉ ጋላታይ ግዶ!
- 28 ቃይ ካትያ። ካትያና ዘረትያዋንቴ፤ አናና ኦልያ ዋልቃማ ካፓቱዋ ኡባ ሰንገላን ባረ እገና ሰቁዋ ታዉ በሴዳ ሙድና ጎዳ። ታ ጸሳ ኩሺ ታናና ደእያ ድራዉ። ታን ሞነታድ። ቃይ እስራኤልያ ካፓቱዋጥ ታናና ዩደ ቢደ። የሩሳላሙ ባና ማላ ሸሻይ።

**8**

**እዘራና እትጥ ኦሞዲዋጥ ሰሚዳ አሳ ፓይዲዋ**

- 1 ካቲ እርጸክሰሰ ካተቲዳ ዋይ ታናና እትጥ ባብሎነ ቢታጥ ዩደ ዬዳ። የሩሳላሙ ዬዳ ዛራቱዋ ካፓቱ ሀዋንታ፤ ኤንቴንቴ የለታ ማራይካ ሀዋ።
- 2 ጥንሃሳ ያራጥ ገርሾማ። እታማራ ያራጥ ዳኔላ። ዳዊታ ያራጥ ሀጸኡሻ።
- 3 ሸካንያ ያራጥ። ፓርኦሻ ያራጥ ዛካራሰነ ኤንቴንቴ የለታ ማራይ ጻፈቲዳ ሀራ እት ጴታነ አሻታሙ አቱማዋንታ።
- 4 ፓሀት-ሞኦባ ያራጥ ዛራሀያ ናእ ኤልዮኤናያን አናና እትጥ ሀራ ላኡ ጾቱ አቱማዋንታ።
- 5 ዛቱ ያራጥ ያሃዘኤላ ናእ ሸካንያን አናና እትጥ ሀራ ሄዙ ጾቱ አቱማዋንታ።
- 6 አዲና ያራጥ ዮናታና ናእ ኤቤዳን አናና እትጥ ሀራ አሻታሙ አቱማዋንታ።
- 7 ኤላማ ያራጥ አታልያ ናእ ይሻእያን አናና እትጥ ሀራ ላፑን ታሙ አቱማዋንታ።
- 8 ሻፋጽያ ያራጥ ሞካኤላ ናእ ዛባድያን አናና እትጥ ሀራ ሆሰፑን ታሙ አቱማዋንታ።
- 9 ዮኦካ ዛርያጥ ይሀኤላ ናእ ኦባድያን አናና እትጥ ሀራ ላኡ ጴታነ ታማነ ሆሰፑን አቱማዋንታ።
- 10 ባና ያራጥ ዮሴፍያ ናእ ሻሎሚታን አናና እትጥ ሀራ እት ጴታነ ኡሱፑን ታሙ አቱማዋንታ።
- 11 በባያ ያራጥ በባያ ናእ ዛካራሳነ አናና እትጥ ሀራ ላታማነ ሆሰፑን አቱማዋንታ።
- 12 እዘጋዳ ያራጥ ሀቃጻና ናእ ዮሀናናን አናና እትጥ ሀራ እት ጴታነ ታሙ አቱማዋንታ።
- 13 አዶንቃማ ያራጥ ዉርሰሳን ሰሚዳዋንቴ። አልፈሊጻ። ይኤኤላ። ሻማእያን ኤንቴንቴና እትጥ ሀራ ኡሱፑን ታሙ አቱማዋንታ።
- 14 ቃይ ብገዋያ ያራጥካ ኡታያ። ዛኩራነ ኤንቴንቴና እትጥ ሀራ ላፑን ታሙ አቱማዋንታ።

እዝር ጌሻ ጎልያን ኦልያ ሊዋቱዋ ደሚዳ

15 ታን እዝር ኤንቱንቱ እሃዋ ግያ ሳኦኮ ጎግያ ሻፋ ኤላካ ሺሻይ። ኑን ሄ ሳኦን ዲንካኒይ። ሄዙ ጋላሳ ታኬድ። ቃይ ታን ሄ ሳኦን ደእያ ኦሳን ቁሳቱ ዋ ቆጥያ ዋይ። ሊዊያ ዛራቱዋጥ እቱዋን ደማበይከ።

16 ሄዋ ድራው። ካፑዋ ኤልኤዛራ። እርኤላ። ሻማእያ። ኤልናታና። ያሪባ። ኤልናታና። ናታና። ዛካራሳን ማሹላማ ግያዋንታን ቃይ እዴዳ ኤራንቻ አሳ ግድያ ዮያሪባን ኤልናታና ጸሳድ።

17 ኑ ጸሳ ጎልያን ኦልያ አሳ ኑው ደዳና ማላ። ካሰፍያ ግያ ሳኦን ደእያ ሊዋቶ ካፑዋ ግድያ እድኮን እ አቱማ ዳቦቱዋኮ። ሄዋንቱካ ጌሻ ጎልያ ቆማ ግድያዋንቱኮ ኤንቱንታ ከታድ።

18 ኑ ጸሳ ሎኦ ኩሺ ኑ ቦላን ደእያ ድራው። ሸረብያ እ ናናን እ እሻቱዋና። ኡባና ታማን ሆሰፑቱዋ ኤንቱንቱ ኑው ደድድና። እ እሰራኤልያ ናኦ ሊዊያ ዛርያ ግድያ ማህላ ያራን ሎይል እከካይ ደእያ አሳ።

19 ቃይ ሀሻብያ። ማራራ ያራ ግድያ ይሻእያራ። እ ናናን እ እሻቱዋ ላታሙዋና ደድድና።

20 ሄዋ ቦላካ ሊዋቱዋ ማዳናዳን ገደ። ዳዊተን እናና ኦልያ ካፓቱ ሱንጹዳ ጌሻ ጎልያ ቆማቱዋጥካ ላኡ ጾታን ላታሙዋ ደድድና። ሄዋንቱ ኡባቱ ባረንቱ ሱንጻን ጸፈቲድና።

እዝር አሳይ ዋሳናዳንን ጸማናዳን አዛዚዳ

21 ሄዋጥ ጉይያን። ኑ ጸሳ ሰንጻን ኑ ሀጺያ ካወሺደ። እ ኑ ኦግያን ኑው። ኑ ናናቱዋን ኑ ማጸዋ ኡባው ሳርተላ እማናዳን ዋሳና ማላ። ሄዋን እሃዋ ሻፋን ኤላካ ታን ጸማ እዋያድ።

22 እያው ጎጥ። ካትያው ኑን ካሰ። “ኑ ጸሳ ሎኦ ኩሺ እ ኮይያዋንቱና እትጥ ደኤ፤ ሸን እ ዋልቃማ ሀንቁ እ እግያዋንቱ ቦላን ደኤ” ያገደ ኦይዳ ድራው። ኑን ብያ ኦግያን ደእያ ሞርከቱዋጥ ኑና ናጋናዳን ኦላንቻቱዋን ፓራ አሳቱዋ እማናዳን ካትያ ኦቻናው ታን ዬላታድ።

ጌሻ ጎልያ እዋታባ

23 ሄዋ ድራው። ኑን ጸሚደ። ጸሳ ዋሴደ፤ እ ኑ ዋሳ ሰሴዳ።

24 ቁሳቱ ዋ ካፓቱዋጥ ሸረብያ። ሀሻብያን ሀራ ኤንቱንቱ ዳቦ ግዴዳ ታሙ እቱማ አሳቱዋ ታን ደራድ።

25 ካቲ። ካትያና ዘረትያዋንቱ። ካትያና ኦልያዋንቱን እሰራኤልያ ኡባይ ኑ ጸሳ ጎልያው እሜዳ ብራ ዋርቃ። ሚሻቱዋ ኡባ ልካደ ኤንቱንቱ ኩሸያን ሹዳድ።

26 ታን ኤንቱንቶ ልኬዳባይ ሀዋ። ላታማን ላኡ ሻእ ከሎ ግራሙ ዴጽያ ብራ። ሄዙ ሻእን ኦይዱ ጾቱ ከሎ ግራሙ ዴጽያ ብራጥ ኦሰቲዳ ጾቱ ሚሻቱዋ። ሄዙ ሻእን ኦይዱ ጾቱ ከሎ ግራሙ ዴጽያ ዋርቃ።

27 ሆሰቱን ከሎ ግራሙን ኦይዱ ጾቱ ግራሙ ዴጽያ ዋርቃጥ ኦሰቲዳ ላታሙ ሳንቱዋን ዋርቃዳን አልኦን ሙሩታ ግዴዳ ናሃሰያጥ ኦሰቲዳ ላኡ ሳንቱዋ።

28 ሄዋጥ ጉይያን። ታን ኤንቱንቶ ሀዋዳን ያጋድ፤ “ሀንተን ሀ ሚሻቱ ኡባይካ መድና ጎዳው ዳማቲድታ፤ ሀ ብራይን ዋርቃይ አሳይ ባረ ሸንያን መድና ጎዳው። ሀንተንቱ እዋቱዋ ጸሳው እሚዳዋ።

29 ዩሩሳላሙን ደእያ መድና ጎዳ ጎልያን ሻሉዋ ዋልያ ጎልያ ጋኪደ። ቁሰያ ካፓቱዋ ሰንጻን። ሊዋቱዋ ሰንጻንን እሰራኤልያ ዛራቱዋ ካፓቱዋ ሰንጻንን እማና ጋካናው። ሀ ሚሻቱዋ ሎይል ናግተ” ያጋድ።

30 ሄዋ ድራው። ቁሳቱ ኑ ሊዋቱ ዩሩሳላሙን ደእያ ኑ ጸሳ ጎልያው አፋናው ብራ። ዋርቃን ሀራ ሚሻቱዋ ኡባ ሚዛንያን ልኪደ ሹቅቲድና።

ዩሩሳላሙ ሰማባ

31 ሄዋጥ ጉይያን። ኑን ኮይሮ አግናን ታማን ላኤንጾ ጋላሳን ዩሩሳላሙ ባናው እሃዋ ሻፋ ማታጥ ደንዴድ። ብያ ዋይ። ኑ ቦላን ደእያ ኑ ጸሳ ሎኦ ኩሺ ኑ ብያ ኦግያን ደእያ ሞርከቱዋጥን ፓናቱዋጥ ኑና ናጌዳን እሸዱ።

32 ኑን ዩሩሳላሙ ጋኪደ። ያን ሄዙ ጋላሳ ኡቲድ።

33 ኦይደንጻ ጋላሰ ብራ። ዋርቃን ሀራ ሚሻቱዋ ኡባካ ልኪደ። ኦርዮና ናኦ ቁሰያ ማረሞታው ሸዴድ። ፒንሃሳ ናኦ ኤልአዛር። ሊዊያ ግድያ ኢያሱ ናኦ ዮዛባድን ቢኑያ ናኦ ኖኦደ እናና እትጥ ደእኖ።

34 ኡባባይካ ፓይይቲዳን ልከቲዳ፤ ኡባና እያ ከሻ ግዴደንቶ። ሄ ዋይ ጸፈቲዳ።

35 ሄዋጥ ጉይያን። እዋዳዋጥ ሰሜዳ አሳይ እሰራኤልያ ጸሳው ጸግያ ያርሹዋ ያርሹድና። ኤንቱንቱ እሰራኤልያ ኡባ ድራው። ታማን ላኡ ኮሩማቱዋ። ኡዱፑን ታማን ኡሰፑን ደርሳ ኦርገቱዋን ላፑን ታማን ላፑን ደርሳ ማራቱዋ። ቃይ ናጋራ ያርሹካ ታማን ላኡ ዳሻ ኦርገቱዋ ያርሹድና። ሀዋ ኡባይ ጸግያ ያርሹዋ ግዲደ። መድና ጎዳው ሸቁዳ።

36 ኢንቴንጌቱ ቃይ ካቲ እዛዜዳ እዛዘዋካ ካትያፕ ጋርሳና ቢታ ሞድያዋንቱን ጌፍራጸሳ ሻፋፕ አዋይ ዉልያ ባጋ ቢታ ሞድያዋንቶ ለሜድኖ፤ ኢንቴንጌቱ እስራኤልያ እሳነ ጸሳ ጎልያ ኪታ ማዴድኖ።

### 9

#### እዝር እይሁዳ ግደና አሳቱዋና ፖለቲዳ እካነ ገሉዋ ሴራዳ

1 ሀ ኡባባይ ሀኔዳዋፕ ጉይያን፣ አሳ ካለልያዋንቱ ታኮ ዪደ፣ ሀዋዳን ያጌድኖ፤ “እስራኤልያ አሳይ፣ ሀራይ አቶ ቁሳቱ ካ ለዋቱካ፣ ባረንጌ ሄራን ደእያ እይሁዳ ግደና አሳቱዋፕ ባረንታ ሻክባይክኖ። ኢንቴንጌቱ ካናንቱ፣ ሂተቱ፣ ፓርዛዋናቱ፣ ያቡሳዋናቱ፣ አዋናቱ፣ ሞአባቱ፣ ግብጾቱን አሞራዋናቱ ኮልያዋዳን ቱና ኦሱዋ ኦልኖ።

2 ቃይ ባረንቶን ባረንጌ ናናዉ እይሁዳ ግደና ማጫ ናናቱዋፕ ማቻቶ ኦልደ እኬድኖ፤ ሄዋፕ ደንዴዳዋን ጌሻ ዘረሳቱ እይሁዳ ግደናዋንቱና ዋለከቲድኖ። ካለልያዋንቱ ካፓቱ አማነተናዋንታ ግዲደ፣ ሀዋ ማለ ኦሳናዉ ሰንሳ ጸራ ግደድኖ።”

3 ታን ሀ የወዋ ሰሴዳ ዋደ፣ ታ ማዩዋን ታ ቁማዩዋ ፔፋድ፤ ታ ሁጲያ ብናናን ታ ቡቻካ ሾዳድ፤ ቃይ ዳሮ ዳጋማደ ኡታ አጋድ።

4 አሞዳዋፕ ሰሜዳ አሳይ ኦልዳ ናጋራ ድራዉ፣ እስራኤልያ ጸሳይ ኦዴዳ ቃላዉ ያዩደ አሳይ ኡባይ ታን ደእያ ሳእ ታኮ ሺቄዳ። አማርሳ ያርሹዋ ያርሸያ ዋዲ ጋካናሰካ ዳጋማደ ኡቶ ሳእፕ ታን ደንዳባይከ።

5 ሸን አማርሰ ያርሹዋ ያርሸያ ዋዲ ጋክያ ዋደ፣ ታ ማዩን ታ ቁማዩ ፖሸት ኡት ደእሸን፣ ታን ካዉሻደ ኡቶ ሳእፕ ደንዲድ። ቃይ ጉልባታደ መጅና ጎዳ፣ ታ ጸሳኮ፣ ታ ኩሸያ ደንሳደ፣ ሀዋዳን ያጋደ ዋሳድ፤

6 “አቤት ታ ጸሳዉ፣ ታን ታ ሰንሳ ኔኮ ፑደ ደንሳናዉካ ያያይን ዬላታይ፤ አያዉ ጎፕ፣ ኦ ናጋራይ ደረቲድ፣ ኦ ሁጲያፕ ፑደ እዴዳ፤ ኦ ናቁካ ሳሉዋ ጋኬዳ።

7 ኦን ኦ ማይዛ አዎቱዋ ዋድያፕ ዶሚደ፣ ሀቼ ጋካናዉ፣ ኔና ሎይል ናቄደ። ኦ ናጋራፕ ደንደዳዋን ኦን፣ ኦ ካተቱን ኦ ቁሳቱ ሀእዋዳንካ አላጋ ካተቱዋ ኩሸያን ማሻዉ፣ አሞዶ፣ ቦንቄያዋን ዉርሰላ ዬዉል አጲደ አመቲድ።

8 “ሸን ሀእ ኦዉ ጉላ ማርተላ ዋዲ አመቲዳ፤ አያዉ ጎፕ፣ መጅና ጎዳይ ኦ ጸሳይ ኦፕ አማራዳ ዘረሳቱ አታና ማለ ኦልዳ፤ ሀ ጌሻ ሳእን እ ኦና ሳርተላን ዋልዳ። ኦ ጸሳይ ኦ እይፍያ ዶዬዳ፤ ቃይ ኦ እይለተላፕካ ኦዉ ጉላ ኦራላ ደኡዋ አሚዳ።

9 ኦን እይልያ ግደፕ፣ ኦ ጸሳይ ኦና እይለተላን አግቤና፤ ኦ ደኡዋ ኦራልዳ። ቃይ ኦ ጸሳ ጎልያ ኬጸና ማለ፣ ኮለቲዳዋ ኦራላና ማለን ይሁዳንካ የሩሳላመን ኦን ሳርተላን ደእና ማለ፣ ፓርሰ ቢታ ካተቱዋ ሰንሳን ኦዉ ባረ አገና ሲቁዋ በሴዳ።

10 “ሸን ኦ ጸሳዉ፣ ሀእ ያትና፣ ኦን ዋጋናዉ ዳንዳዬቶ? አያዉ ጎፕ፣ ኦን ሀእካ ካ እዛዘዋ አግ እኔድ።

11 ኦምቢታያ እድያ ካ ጭማቱዋ ባጋና ኔን ሀዋዳን ያጋዳ፤ ህንተ ላታናዉ ገልያ ጋዲ ሄ ጋድያን ደእያ አሳ ቱናተላፕ ደንዴዳዋን ቱኔዳ፤ ሀ ጋጸፕ ቢደ፣ ህን ጋጸ ጋካናዉ፣ ኢንቴንጌቱ አ ባረንጌ ቱና ኪታን ኩንሌድኖ።

12 ሄዋ ድራዉ፣ ህንተንጌ ሞና ግዳና ማለ፣ ሄ ጋድያ እይፍያ ማና ማለን መጅናዉ ህንተንጌ ናናቶ ላትሳና ማለ፣ ህንተንጌ ማጫ ናና ኢንቴንጌቱ አቱማ ናናዉ አሞፕተ፤ ኢንቴንጌቱ ማጫ ናናካ ህንተንጌ አቱማ ናናዉ አኮፕተ። ኢንቴንጌቱ ሳርተላንን ዲረተላን ደእና ማለካ አሞቶፕተ።

13 “ኦ ቦላ ጋኬዳ ኢታባይ ኡባይ ኦ ኢታ ኦሱዋፕን ኦ ዋልቃማ ናቁዋፕ ደንዴዳዋና። ግደፕ፣ ኔን ኦ ጸሳይ ኦ ናጋራ ዳሩዋ ኬሻ ኦና ፕርዳባይካ፤ ሸን ኦፕ አማራዳዋንታ ዘረሳዉ አሻዳ።

14 ያትና፣ ኦን ሀእካ ዘረላደ፣ ሀዋ ማለ ቱናባ ኦልያ አሳቱዋን አሙዋን ዋለከቲድ፣ ካ እዛዘዋ አጼዶ ጋይ? ቃይ ሀ አቲዳ ጉላ ዘረሳቱካ ጳያና ጋካናዉ፣ ካ ሀንቁ ኦ ቦላን ዳረኔየ?

15 መጅና ጎዳዉ፣ እስራኤልያ ጸሳዉ፣ ኔን ጽሉዋ። ኦ ናቁዋፕ ደንዴዳዋን ኦፕ አቱን ካ ሰንሳን ሌቃናዉ ዳንዳየናዋ ግደፕ፣ ኦን ዘረሳዉ አቲዳዋንጌ ሀቼ ሀዋን ካ ሰንሳን ደኡቶ” ያጋድ።

### 10

#### አሳይ እዝራዉ እሞ ዛሩዋ

1 እዝር ጸሳ ጎልያ ሰንሳን ኩንድ ዬኪደ ዋሰያ ዋደን ናጋራካ ፓጽያ ዋደ፣ እስራኤልያ አሳፕ ዳሩ፣ ማጫዋ፣ አቱማዬን ናናይ ኡባይ እኮ ሺቄደ፣ ሞሻ ዬኩዋ አናና ዬኬድኖ።

2 ሄዋጥ ጉይያን፣ ኤላማ ያራ ግዴዳ ይህኤላ ናአይ ቫካነ ሀዋዳን ያጌዳ፤ “ኑነ ሀ ቢታን ደእያ አይሁዳ ግደና ማጫዋንታ እኬዳ ድራሬ፡ ኑ ጸሳጤ እማነትብይቲ፡ ግድግድ፡ ቃይ እስራኤልያጤ ሀእካ ህይታይ ደኤ።

3 ሄዋ ድራሬ ታ ጎዳጤ፣ ኔነነ ኑ ጸሳ እዛዛ ያይያዋንቱ ዘራዳዋዳን ኑነ ሀ ማቻቱዋነ ኤንቱቱጥ የለቲዳ ናና ኡባ የዳናጤ ኑ ጸሳና ጫቆቶይታ። ሀዋ ኡባይ ህጊ ግያዋዳን ገለቶ።

4 ሀ የወዋጥ ኑነ ዋት ኦላነንቶ፣ ኑና ካለፋናዌ ነ ኡሱዋ ግድያ ድራሬ፡ ደንዳ! ሞና! ኑንካ ኔና ማዳና።

5 እዘር ደንድ ኤቂደ፣ ካለልያ ቁሳቱ ዋ፣ ለዋቱዋነ እስራኤልያ አሳ ኡባ ሀ ጌተቲዳዋዳን ኦላና ማላ ጫቆሴዳ፤ ኤንቱንቱካ ጫቂድና።

6 ሄዋጥ ጉይያን፣ እዘር ጸሳ ጎልያ ሰንላጥ ደንዲደ፣ ኤልያሸባ ናአይ ያህሆናን ደእያ ክፍልያ ገሊዳ። ኩመንሳ ቃማ ኦሞዱዋጥ ሰሜዳ አሳቱዋ ናጋራጤ ዩኪደ አቄዳ ድራሬ፡ ሄ ሳአን ቁማ ምቤና፤ ሃሳካ ኡሸቤና።

7 ሄዋጥ ጉይያን፣ ኦሞዱዋጥ ሰሜዳ አሳይ ኡባይ የሩሳላሙ ሺቃና ማላ፣ ይሁዳ ኡባንን የሩሳላሙን አዋደዋ አዋደድና።

8 ሀ ሄዙ ጋላሳ ግደን ሄ ሳአ ሸቆና ኦንነ ደአጉ፣ አጤ ደእያባይ ኡባይ አጥ አስታሩዳንነ እካ ኦሞዱዋጥ ሰሜዳ ሸቆዋጥ ቫኩቲደ የደርሰታሩዳን ካገቱነ ጭማቱ ኩሼድና።

9 ሄ ጌተቲዳ ሄዙ ጋላሳቱ ወረረኑ የእሸን፣ ኡዱፑንሳ አግናን ላታማንሳ ጋላሳን ይሁዳን ቢንያማ አሳይ ኡባይ የሩሳላሙ ሸቂደ፣ ሀ ዴጾ የወዋጥነ ዎልቃማ እራጥ ደንደዳዋን ኮኮሪደ፣ ጸሳ ጎልያ ሰንላን ደእያ ዳባባን ኡቲድና።

10 ሄዋጥ ጉይያን እዘር ደንድ ኤቂደ፣ ኤንቱንታ ሀዋዳን ያጌዳ፤ “አይሁዳ ግደና ማጫ አሳቱዋጥ ማቼቱዋ አኪደ ናቄድታ፤ ሄ ጋሱዋን እስራኤልያ አሳ ናቄዋ ካሰዋጥካ ያ ዳርሴድታ።

11 ሀእ ህንተንቱ ናጋራ መጅና ጎዳጤ፣ ህንተንቱ ማይዛ አዋቱዋ ጸሳጤ ፓጽተ፤ እ ደሰያባካ አላተ። ሄ ቢታን ደእያ አይሁዳ ግደና አሳቱዋጥነ አይሁዳ ግደና ህንተንቱ ማቼቱዋጥ ቫክትተ።

12 ሄ ሳአን ሸቆዳ ሸቆ ባረንቱ ኮሻ ቆቁ ኦላደ፣ ሀዋዳን ያጌድና፤ “ኔነ ኑወ ኦዴዳዋዳን ኑነ ኦሳናጤ በሰ።

13 ሸን አሳ ፓይዱ ጮራ፤ እራይ ዎልቃም ቡክያ ባልጉዋ። ያትያ ድራሬ፡ ኑነ እራጥ አትያ ሳአይ ባይና ሳአን ሀዋን ኤቃናጤ ዳንዳዮኩ። ቃይ ኑነ ሀ የወዋጥ ሎይል ናቄዳ ድራሬ፡ ሀዌ እት ጋላሳን ዎይ ላኡ ጋላሳን ጊገያባ ግደና።

14 ሄዋ ድራሬ፡ ሀ ሸቆዳ አሳ ኮታን ኑ ካገቱ ኮሸዎዋ ኦላና። ሀ የወዋጥ ደንደዳዋን ኑ ጸሳ ዎልቃማ ሀንቁ ኑጥ ሰማና ጋክናጤ፣ ኑ ካታማቱዋን ደእያ አይሁዳ ግደና ማጫዋንታ እኬዳ ኡባይ ኪራዳ ዎድያን የሩሳላሙ ዪና፤ ቃይ ሄ ካታማቱዋ ጭማቲነ ፕርድያዋንቱካ ኤንቱንቱና ዪና” ያጌድና።

15 አሳሄላ ናአይ ዮናጉንነ ቲቅዋ ናአይ ያህዛይ ጸላላይ ኤንቱንቱ ቆፋ ጸልቄድና፤ ቃይ ማሹላምነ ሊዊያ ግዴዳ ቫባታይ ጸልቄያዋንታ ማዴድና።

16 ሄዋ ድራሬ፡ ኦሞዱዋጥ ሰሜዳ አሳይ ሄ ጌዳዋዳን ኦላድና። ቁሲ እዘር ኡባ ዛራቱዋጥካ ካገቱዋ ኤንቱንቱ ሱንላን ሱንላን ዶራዳ። ታማንሳ አግናን ኮይሮ ጋላሳን ካገቱ የወዋ ቆር ጴላናጤ ደሚድና።

17 ኮይሮ አግናን ኮይሮ ጋላሳይ ጋክያ ዎይ፣ አይሁዳ ግደና ማጫዋንታ እኬዳ አሳቱዋ ኡባ ቆሪደ ወርሴድና።

**አይሁዳ ግደናዋንቱጥ ማቻያ እኬዳ አሳ ሰንሳ**

18 አይሁዳ ግደና ማጫ አሳቱዋጥ ማቻያ እኬዳዋንቱ ሀዋጥ ካሊደ ጸፈቲዳዋንታ። ቁሳቱ ዋጥ፡ ዮጸዴቃ ናና ግዴዳ ኢዮሱነ እ አሻቱዋ ያራጥ ማእሴያ፣ ኤልኤዛራ፣ ያሪባነ ጋዳልያ። 19 ሀዋንቱ ባረንቱ አይሁዳ ግደና ማቼቱዋ የዳናጤ ጫቂድና፤ ቃይ ባረንቱ ናቄዋ ድራሬ፡ ወድያጥ እት ድርሳ ኦርግያ ናቄዋ ያርሹዋ ኦላደ ያርሹድና።

20 እሜራ ያራን አይሁዳ ግደና ማቼቱዋ እኬዳዋንቱ ሀናና ዛባድያ።

21 ሀሪማ ያራቱዋጥ ማእሴያ፣ ኤላሳ፣ ሻማእያ፣ ይህኤላነ ኦዛያና።

22 ፓሽሁራ ያራቱዋጥ ኤልዮኤናያ፣ ማእሴያ፣ እሰማኤላ፣ ናጉንኤላ፣ ዮዛባዳን ኤልአሳ።

23 ሊዋቱዋጥ፡ ዮዛባዳ፣ ሻማእያ፣ ቃሊጸ ግያ ቀላያ፣ ፓታህያ፣ ይሁዳን ኤልኤዛራ።

24 ማዘሙርያ የጽያዋንቱጥ፡ ኤልያሸባ።

ጥንግያ ናግያዋንቱጥ፡ ሻሉማ፣ ጸለማነ ኡራ።

25 ቃይ ሀራ እስራኤልያ አሳጥ፡ ፓርኦሻ ያራቱዋጥ ራምያ፣ ይዘያ፣ ማልክያ፣ ሞያሚና፣ ኤልአዛራ፣ ማልክያን ባናያ።

26 ኤላማ ያራቱዋጥ ማታንያ፣ ዛካራሳ፣ ይህኤላ፣ አብዳ፣ ይረሞታን ኤላሳ።

27 ዛቱ ያራቱዋጥ ኤልዮኤናያ፣ ኤልያሸባ፣ ማታንያ፣ ይረሞታ፣ ዛባዳን እዚዛ።

- 28 በባያ ያራቱዋጥ ያሆህናና፥ ሀናንያ፥ ዛባያን አትላያ።
- 29 ባና ያራቱዋጥ ማሹሳማ፥ ማሉካ፥ አዳያ፥ ያሹባ፥ ሻአላን ይረሞታ።
- 30 ፓሀት-ሞአባ ያራቱዋጥ አድናሀ፥ ካላላ፥ ባናያ፥ ማእሴያ፥ ማታንያ፥ ባጸልኤላ፥ ቤኑያን ምናሳ።
- 31 ሀሪማ ያራቱዋጥ ኤልኤዛራ፥ ይሸያ፥ ማልክያ፥ ሻማእያ፥ ሸምኦና፥
- 32 ቢንያማ፥ ማሉካን ሻማርያ።
- 33 ሀሹማ ያራቱዋጥ ማታናያ፥ ማታታ፥ ዛባዳ፥ ኤልፈሌሳ፥ የረማያ፥ ምናሳን ሸምኦ።
- 34 ባና ያራቱዋጥ ማአዳያ፥ አምራማ፥ ኡኤላ፥
- 35 ባናያ፥ በድያ፥ ካሉሀ፥
- 36 ዋንያ፥ ማረሞታ፥ ኤልያሽባ፥
- 37 ማታንያ ማታናያን ያእሳ።
- 38 ቤኑያ ያራቱዋጥ ሸምኦ፥
- 39 ሸሌምያ፥ ናታና፥ አዳያ፥
- 40 ማክናዳባያ፥ ሻሻያ፥ ሻራያ፥
- 41 አዘርኤላ፥ ሸሌምያ፥ ሻማርያ፥
- 42 ሻሉማ፥ አማርያን ዮሴፎ።
- 43 ናቦ ያራቱዋጥ ይእኤላ፥ ማቲትያ፥ ዛባዳ፥ ዛቢና፥ ያዳያ፥ ዩኤላን ባናያ።
- 44 ሀዋንቱ ኡባቱ አይሁዳ ግደና ማቼቱዋ አኬዳዋንታ። እቱ እቱ ሀራይ አቶ ናናካ የሌድኖ።

# ናህምያ ማጻፋት

## ገሉቀ

“ናህምያ” ግያ ሱንፋ ብለላይ እብራዌሉዋን “ጻሳይ ምንጫ” ግያዋ ግደደ፣ ጻሳይ ባረ እሳ ባረ ህደታ ቃላዳን ኦሞዲዋጥ ዛሪደ ምንጫያዋ በሴ። ናህምያ ማጻፋ ሄተሳን ሻክ በእናዉ ዳንዳየቲ፡

1. ይሁዳ ቢታ እይሳና ማላ፣ ፓርሰ ካቲ ከቲዳ ናህሚ ካለለና፣ የሩሳላሙ ድርሳ ግምቢ ኦራዴዳዋ ኦድያ ታርክያ፣ ሄዋጥካ ቃይ ናህሚ እሳ እትተሳን እማኑዋ ዋጋ ኦራሰጽሴዳዋ።
2. ጻሳ ህግያ ማጻፋ እዝር ናባቤዳዋን እሳይካ ባረ ናጋራ ፓዴዳዋ ኦድያ ግሹዋ።
3. ናህሚ ይሁዳ ጋድያ ሞድያዋ ግዲደ ኦሌዳ ሀራ ሀራባቲዋ ኦድያ ግሹዋ።

ሀ ማጻፋን ዳሪደ ቤትያ ታርኪ ናህሚ ጻሳ ሎይል እማኔዳዋን እ ጻሳ ዋሴዳ ዋሳቲዋባ ኦድያ ታርክያ።

### ሸምፓቲዋ ኡባቶ እመቲዳ ቃንሳ ቆፋቲዋ

ናህሚ የሩሳላሙ ስሙሳ 1:1—2:20

የሩሳላሙ ድርሳ እሳይ ዛሪል ግምቤዳ 3:1—7:73

ሙሴ ህጊ ዛሪል ናባቤቲሳን ቃላ ጫቁዋ ኦራጽሱዋ 8:1—10:39

ናህሚ የሩሳላሙን ኦሌዳ ላምያ 11:1—13:31

## ናህሚ የሩሳላሙ ስሙሳ

(1:1—2:20)

ናህሚ የሩሳላሙ ድራዉ ኡንኤት ዋሴዳ

1 ሀካልያ ናእ ናህምያ ቃላይ ሀዋ። አርጸክሰሰ ፓርሰ ቢታን ካዉቶደጥ ላታማን፦ ላይላን፣ ክስለዋ ጌተትያ አግናን፣ ታን ናህሚ ዋና ካታማ ግዴዳ ሱሳን ደኢይ።

2 ታ እሻቲዋጥ አቲ፣ ሀናና ጎሳይ ሀራ እሳቲዋና እትጥ ግዲደ፣ ይሁዳጥ ታኮ ዬዳ፤ ታን ኦሞዲዋ ብቢናዋንቲባን የሩሳላሙባ ኡንቲንታ ኦቻድ።

3 ኡንቲንቲ ዛሪደ፣ “ኦሞዲዋን ብቢናዋንቲን ደኤዋን ደእያዋንቲ ዋልቃማ መቲዋንን ዬላ ግደን ደኢኖ። የሩሳላሙ ግምቢያ ድርሳይ ኮለቲዳ፤ ቃይ ግምቢያ ድርሳ ጥንገቲካ ታማን ጸገቲድኖ” ያጌድኖ።

4 ታን ሀዋ ኡባ ስሴዳ ዋደ ኡታደ ዬካድ። ዳሮ ጋላሳ ካዮታ ጸማደ፣ ሳሉዋ ጻሳ፣ ሀዋዳን ያጋደ ዋሳድ፤

5 “መድና ጎዳዉ፣ ሳሉዋ ጻሳዉ፣ ዋልቃማዉን ቦንቼቲዳ ጻሳዉ፣ ደሰያዋንቶን ነ አዛዙዋ ናግያዋንቶ ነ እገና ሲቁዋ ጫቁዋ ናግያ ጻሳዉ።

6 ታን ነ ቆማይ ቃይ ነ ቆማቲዋ ግዴዳ እስራኤልያ እሳ ድራዉ ቃማን ጋላሰ ኔና ዋሰያ ዋሳ ነ ሀይላይ ሰሶ፤ ነ እይፊካ ዱገ ታኮ ጼሎ። ኮን እስራኤልያ እሳይ ኦሌዳ ናጋራ ኡባ ነዉ ፓጻይ፤ ቲሙካ ታን ነ ማይዛ አዋቲ ኔና ናቁድ።

7 ኮን ነ ቦላን ሎይል ኢታ ናጋራ ኦሌዳ፤ ኔን ነ ቆማ ሙሴ ባገና ኑ እማዳ አዛዙዋ፣ ዋጋን ህግያ ናግቢይኮ።

8 ነ ቆማ ሙሴዉ ኔን ሀዋዳን ያጋደ ኦዴዳ ቃላ ሀናና ቆፓ፤ ‘ህንተኖ፣ እስራኤልያ እሳቶ፣ ህንተንቲ ታዉ እማንተኖን አጸጥ፣ ታን ህንተንታ እይሁዳ ግደና ቢታቲዋን ላላና።

9 ሸን ህንተንቲ ታኮ ሰሚደ፣ ታ አዛዙዋ ናገጥ፣ ህንተንቲ ሀራይ አቶ ሳእ ጋጸ ጋካናዉ ላለትንቶካ፣ ታን ህንተንቲ ታዉ ገይናና ማላ፣ ታን ታ ሱንፋዉ ዶራዳ ሳላዉ ዛራደ ሸሻኖ’ ጌዳዋ ቆፓ።

10 “ሀዋንቲ ኔን ነ ዋልቃማ ዋልቃንን ነ ምኖ ቀሰያን ዋዛ እኬዳ ነ ቆማቲዋን ነ እሳቲዋ።

11 አቤት መጋታ ጎዳዉ፣ ታን ነ ቆማይ ዋሰያ ዋሳን ኔና ቦንቻኖዉ ደሰያ፣ ነ ቆማቲዋ ዋሳ ነ ሀይላይ ሰሶ። ታን ነ ቆማይ ሀቼ ኦላናዉ ኮዬዳባይ ታዉ ኡሸቻኖዳን፣ ካትያ ዋዛና ሹግሳደ ታና ማዳ” ያጋድ።

ታን ሄ ዋደ ካትያዉ ኤሳ ትግያዋ።

## 2

ናህሚን አርጸክሰሰ የሩሳላሙባ ሃሳዬድኖ

1 አርጸክሰሰ ካተቲዳ ላታማን፦ ላይላን፣ ኒሳና ግያ አግናን፣ እት ጋላሰ ካትያ ሰንፋን ዋይንያ ኡሳይ ደእያዋ አካደ፣ ታን አዉ እማድ። ሄ ጋላሳጥ አትና፣ ካሰ ኡባካ ካትያ ሰንፋን ካዮታ ኤርከ።



2 ሄዋ ድራው፡ ካቲ ታና፡ “ኔና ሳክያባይ ባዋ፤ ሸን ሀዋ ኪሻ እያወ ካዮታዲ? ሀዋ ነ ዋዛና ካዮዬዳባይ እት እየንቶ ደእያዋ በሰ” ያጌዳ።

ሄዋጥ ጉዮ ታን ሎይላ ያያ ዛራደ፡

3 “ካቲ መድናወ ደእ! ታ ማይዛ እዎቱ ሞገቲዳ ካታማይ ኮለቲደ ሳይና፡ ቃይ ሄ ካታማ ግሞቢያ ድርሳ ጥንገቱካ ታማን ጸገትክኛና፡ ታን እያወ ካዮትክታ?” ያጋድ።

4 ካቲካ ዛራደ፡ “ያትና፡ ሀእ ታን ነዉ እያ ኦላናዳን ኮያይ?” ያጌዳ።

ታን ሳሉዋ ጸሳ ዋሳ ሰማደ፡

5 ካትያ ሀዋዳን ያጋድ፤ “ካትያወ፡ ታን ኔና ናሽኛያዋ ግደጥ፡ ቃይ ታ ኦችያዋ ኔን እማናወ ደሶጥ፡ ይሁዳ ቢታ፡ ታ ማይዛ አዎቱ ሞገቲዳ ካታማ ባደ፡ ሄ ካታማ ዛራደ ኬጸና ማላ፡ ታና የዳርኪ”።

6 ሄ ዋይ፡ ካታታ ካትያ እርጸክሲሳ ኤለካ ኤት ደእሸን፡ ካቲ፡ “ነ ብያ ኦጊ ዋይሳ ዋድያ እካናዌ? ቃይ ኔን እዉደ ሰማኒ?” ያጌደ ታና ኦቼዳ። ታንካ ታ ሰማና ዋድያ እዉ ኦዳድ፤ ካቲ ናሽቲደ፡ ታና የዴዳ።

7 ቃይካ ካትያ ታን ሀዋዳን ያጋድ፤ “ካትያወ፡ ኔና ናሽኛያዋ ግደጥ፡ ታን ይሁዳ ጋካናወ፡ ሄ ቢታና አዳደ ባና ማላ፡ ኤፍራጺሳ ሻፋጥ አዋይ ዉልያ ባጋ ቢታ ሞድያዋንቶ ዳብዳቢ ጸፈቶ።

8 ቃይ ጌሻ ጎልያ ግሞቢያ ድርሳ ጥንግያ ገግሳናወ፡ ካታማ ግሞቢያ ድርሳ ድራናወ፤ ታን ደእያ ጎልያ ኪጸናወ ታዉ ምሳ እማና ማላ፡ ካትያ ዋራ ናግያ አሳፋዉካ ዳብዳቢ ጸፈቶ” ያጋድ። ጸሳ ሎኦ ኩሺ ታናና ደእያ ድራው፡ ካቲ ታን ኦቼዳዋ ኡባ እማዳ።

9 ካቲ ታናና እማራዳ ኦላ ጋዳዋቱዋን ፓራ አሳቱዋ የዴዳ፤ ኤንቱንቱና እትጥ ኤፍራጺሳ ሻፋጥ አዋይ ዉልያ ባጋ ቢታ ባደ ጋካደ፡ ካቲ የዴዳ ዳብዳቢያ ሄ ጋድያ ሞድያዋንቶ እማድ።

10 ሸን ቤት-ሆርና ጋደ አሳ ግዴዳ ሳንባላጽ፤ አዋና ጋድያ ካጥዋ ግዴዳ ጸቢ፡ “እሰራኤልያ አሳዉ ሎኦባ ኦልያ አሳይ ዬዳ” ግያዋ ሰሴዳ ዋደ፡ ሎይሳ ሀንቀቴድና።

**ናህሚ የሩሳላመ ግሞቢያ ድርሳባ ጸሌዳ**

11 ታን የሩሳላመ ያደ ሄዙ ጋላሳ ያን ጋምኦድ።

12 ግደ ሸን፡ የሩሳላመዉ ታን ኦላናዳን ታ ጸሳይ ታ ዋዛናን ዋሌዳ ቆፋ ኦኔ ኦዳቢይከ። ሄዋጥ ጉይያን፡ ታናና ደእያ አሳጥ እማራዳዋንታ አካደ፡ ቃማን ደንዳደ ባድ። ሄ ዋደ ታን ቶጌዳዋጥ ሀራ ቶጋ መሄ ኦዉ ባዋ።

13 ታን ብላህያን ደንዳደ፡ ዘንጋራ ግሞቢያ ድርሳ ጥንግያና ከሳደ፡ ዳዊያ ፑልቱዋ ጌተትያ ሳኔና አዳደ፡ ፕቱዋ ኦልያ ግሞቢያ ድርሳ ጥንግያ ጌተትያ ጥንግያ ጋካናወ ባድ። ሄዋን ኮለቲዳ የሩሳላመ ግሞቢያ ድርሳን ቃይ ታማን ጸገቲዳ ግሞቢያ ድርሳ ጥንገቱዋ እኩካደ ጸላድ።

14 ሄዋጥ ሰማደ፡ ፑልቱዋ ግሞቢያ ድርሳ ጥንግያኩን ዳጋቲዳ ካትያ ሃላይ ደእያ ሳኔ ባድ። ግደ ሸን፡ ታን ቶጌዳ ቶጋ መሄ አድያ ኦግያ ደማባይከ።

15 ሄዋ ድራው፡ ቃማን ሃላይ ጎግያ ካካ ግዴዋና አቆ ግሞቢያ ጸላድ። ሄዋጥ ጉይያን፡ ጉየ ሰማደ ዘንጋራ ጥንግያና ካታማ ገላድ።

16 ሄዋን ደእያ ካፓቱዋጥ ኦኒን ታን ሀቃ ባድታንቶ፡ ዋይ ቃይ እያ ኦላድታንቶን ኤርቤና። እያዉ ጎጥ፡ ታን እይሁዳቶ፡ ቁሳቶ፡ ቦንቼቲዳ አሳቶ፡ ካፓቶን ኪታ ኪተታናዉ ደእያ አሳጥ ኦኔ ታ ቆፋ ብር ኦዳቢይከ።

17 ሄዋጥ ጉይያን፡ ታን ኤንቱንቶ ሀዋዳን ያጋድ፤ “ኦን እይ ማላ መቱዋ ግዴዋን ደእኒንቶ በኢታ፤ እያዉ ጎጥ፡ የሩሳላመ ካታማይ ኮለቲዳ፤ ቃይ ግሞቢያ ድርሳ ጥንገቱካ ታማን ጸገቲድና። ሸን ሀዋጥ ሰንገላዉ ኦን ሀዋዳን ካዉሺደ ደኢናዳን፡ እነ ደንዳደ፡ የሩሳላመ ግሞቢያ ድርሳ ዛራዳደ ግሞቢይተ” ያጋድ።

18 ቃይ ታ ጸሳ ሎኦ ኩሺ ታናና ደእያዋን ካቲ ታዉ ኦዴዳዋ ኡባ ኤንቱንቶ ኦዳድ።

ኤንቱንቱካ፡ “እነ ደንዳይተን ዛራዳደ ግሞቢይተ” ያጌድና። ባረንቱ ኩሸያ ሎኦ ኦሶ ምንሴድና።

19 ሸን ቤት-ሆርና ጋድያ አሳ ግዴዳ ሳንባላጽ፡ አዋና ጋድያ ኦሳንቻ ግዴዳ ጸቢ፤ አራባ ጋድያ አሳ ግዴዳ ጌሼዎ ሀዋ ሰሴዳ ዋደ፡ ኦ ቦላን ቅሊጪደ ሚጩድና። ቃይ፡ “ሀዋ ሀንተንቱ ኦልያባይ እዬ? ዋይ ቃይ ካትያ ቦላን ማካላናዉ ኮዪቲ?” ያጌደ ኦቼድና።

20 ታን ዛራደ፡ “ሳሉዋ ጸሳይ ኦዉ እንጀያና፤ ኦን አ ቆማቱ ግሞቢያ ደማና። ሸን የሩሳላመን ደእያባጥ ሀንተንታ ጋክያ ግሹዋ ግድና፡ ማታ ግድና፡ ዋይ ሀንተንቱ ደገተናዳን ቆፍሰያባይ ሀንተንቶ ባዋ” ያጋድ።

3

የሩሳላመ ድርሳ አሳይ ዛረሳ ግምቤዳ (3:1—7:73)

1 ሄዋጥ ጉይያን፣ ቁስ ኡባቴዋ ካፑ ኤልያሸብን ሀራ ቁሳቴ ድርሳ ገንግያ ግምቤያ ድርሳ ዛረሳ ግምቤዳ፣ ጸሳው ዲማዬድኖ፣ ሳንቃካ አሌድኖ። ኡንቱንቱ ጾቱ አዲሳ ማማን ሀናንኤላ አዲሳ ማማ ጋካናው ግምቤዳ ግምቤያ ጸሳው ዲማዬድኖ።

2 ኡንቱንቱ ጋጾን ደእያ ሳኦ እያርጉ አሳይ ግምቤዳ።

ኡንቱንቱ ጋጾን ደእያ ሳኦ እምራ ናኦይ ዛኩር ግምቤዳ።

3 ሀሰናኦ ናናይ ሞልያ ገንግያ ግምቤያ ድርሳ ግምቤድኖ። ኡንቱንቱ ገንገ ሞላ ኤሲደ፣ ሳንቃካ አሌድኖ፣ ቃይ ሳንቃው ጎርድያ ሞላን ሞላ ገልሰያ ኩልቡዋ ገግሴድኖ።

4 ኡንቱንቱ ጋጾን ደእያ ሳኦ ሀቆጾ ናኦ ግዴዳ ኦርዮና ናኦይ ማረሞት ግምቤዳ።

ኦ ጋጾን ደእያ ሳኦ ማሸዛቤላ ናኦ በረከያ ናኦይ ማሹላም ግምቤዳ።

ኦ ጋጾን ደእያ ሳኦ ባኦና ናኦይ ጸደቀ ግምቤዳ።

5 ኦ ጋጾን ደእያ ሳኦ ታቆኦ ካታማ አሳቴ ግምቤድኖ፣ ገዶ ሸን፣ ሄ ካታማ ካፓቱ ባረጎቶ አመቱዳ ኪታ እጹድኖ።

6 ፓሲሀ ናኦይ ዮዳሄን ባሶድያ ናኦይ ማሹላም ኤጫ ገንግያ ግምቤያ ድርሳ ግምቤድኖ። ኡንቱንቱ ገንገ ሞላ ኤሲደ፣ ሳንቃካ አሌድኖ፣ ቃይ ሳንቃው ጎርድያ ሞላን ሞላ ገልሰያ ኩልቡዋ ገግሴድኖ።

7 ኡንቱንቱ ጋጾን ደእያ ሳኦ ጋባኦና ካታማ አሳ ግድያ ማላጸን መርኖታ ካታማ አሳ ግዴዳ ያደን ግምቤድኖ። ቃይ ጋባኦናን ምጽጳ ካታማቱዋ አሳቴካ ኡንቱንቱና እትጥ ግዴዳ፣ ኤፍራይሳ ሻፋጥ አዋይ ዉልያ ባጋ ቢታ ሞድያዌ ደእያ ጎልያ ጋካናው ደእያ ሳኦ ግምቤድኖ።

8 ዋርቃ ትግያ ሀርሃያ ናኦይ ኡዘኤል ኡንቱንቱ ጋጾን ደእያ ሳኦ ግምቤዳ። ቃይ ኦ ጋጾን ደእያ ሳኦ እቸዋ መድያ ሀናኒ ግምቤዳ። ኡንቱንቱ ላኡ እትጥ እኩ ግምቤያ ጌተትያ ሳኦ ጋካናው፣ የሩሳላመ ግምቤያ ግምቤድኖ።

9 ኡንቱንቱ ጋጾን ደእያ ሳኦ ሀራ ናኦይ፣ የሩሳላመ ዋራዳ ሻኩዋ ሞድያ ራፋይ ግምቤዳ።

10 ሀሩማፋ ናኦይ ያዳይ ባረ ጎልያጥ ሰንላ ባጋና ደእያ ሳኦ ግምቤዳ።

ኦ ጋጾን ደእያ ሳኦ ሀሻባንያ ናኦይ ሀጸኡሸ ግምቤዳ።

11 ሀርማ ናኦይ ማልኬን ፓህት-ሞኦባ ናኦይ ሀሹብ ኦ ጋጾን ደእያ ሳኦ እትን አዲሳ ግምቤያ ግምቤድኖ።

12 ኡንቱንቱ ጋጾን ደእያ ሳኦ ሀራሄሻ ናኦይ፣ የሩሳላመ ዋራዳ ላኤንሎ ሻኩዋ ሞድያ ሻሉምን ኦ ማጫ ናናይ ግምቤድኖ።

13 ሁንነ ዛፍሀ ካታማን ደእያ አሳቴ እትጥ ዛንጋራ ገንግያ ግምቤያ ድርሳ ግምቤድኖ። ኡንቱንቱ ገንግያን ሳንቃ አሊደ፣ ሳንቃው ጎርድያ ሞላን ሞላ ገልሰያ ኩልቡዋ ገግሴድኖ። ቃይ ፕቱዋ ኦልያ ገንግያ ግምቤያ ድርሳ ጋካናው፣ ሻኦ ዋጳ አዲሳ ግምቤያ ጉጂደ ግምቤድኖ።

14 ረካባ ናኦይ፣ ቤት-ሀካሪማ ዋራዳ ሞድያ ማልኬ ፕቱዋ ኦልያ ገንግያ ግምቤያ ድርሳ ግምቤዳ። ገንግያን ሳንቃ አሊደ፣ ሳንቃው ጎርድያ ሞላን ሞላ ገልሰያ ኩልቡዋ ገግሴዳ።

15 ኮልሆዛ ናኦይ፣ ምጽጳ ዋራዳ ሞድያ ሻሉም ፑልቱዋ ገንግያ ግምቤያ ድርሳ ዛረሊደ ግምቤዳ። ኦ ገንግያው ጸራ ገግሴዳዋጥ ጉይያን፣ ሳንቃ አሌዳ፣ ሳንቃው ጎርድያ ሞላን ሞላ ገልሰያ ኩልቡዋ ገግሴዳ። ሄዋ ቦላካ ቃይ፣ ሸላሀ ጌተትያ ዳጋቱዳ ሃሳይ ደእያ ባጋና ካትያ አታክልትያ ሳኦጥ ዶሚደ፣ ዳዊታ ካታማጥ ጬዳ አታክልትያ ጋካናው ደእያ ግምቤያ ግምቤዳ።

16 ሄዋጥ ካልያዋ እዘቡቃ ናኦይ፣ ቤትጸራ ዋራዳ ሻኩዋ ሞድያ ናህሚ ግምቤዳ፣ ኦ ዳዊታ ዲፋዋጥ ሰንላ ባጋና ደእያ ሳኦ ጋካናው፣ ዳጋቱዳ ሃሳይ ደእያ ሳኦ ጋካናውን ዋልቃማቱዋ ጎልያ ጋካናው ደእያ ሳኦ ግምቤዳ።

ሌዋቱ ግምቤያ ድርሳ ድሬድኖ

17 ሄዋጥ ካልያዋ ባና ናኦ ረሀማ እምተላ ግደን ደእያ፣ ሌዋቱ ግምቤድኖ።

ኡንቱንቱ ጋጾን ደእያ ሳኦ ቃኦላ ዋራዳ ሻኩዋ ሞድያ ሀሻቢ ባረ ዋራዳ ሰንላን ግምቤዳ።

18 አጥ ካልያዋ ሄናዳዳ ናኦይ፣ ቃኦላ ዋራዳ ላኤንሎ ሻኩዋ ሞድያ ባዋይን ኦ እሻቱ ግምቤድኖ።

19 ኡንቱንቱ ጋጾን ደእያ ሳኦ ኢያሱ ናኦይ፣ ምጽጳ ዋራዳ ሞድያ ኤጾር ግምቤዳ፣ ኦ ኦላ ሚሻ ዋልያ ጎልያጥ ሰንላ ባጋና ደእያ ሳኦ ጋካናውን ግምቤያው ዘዘያ ጋካናው ደእያ ሳኦ ግምቤዳ።

20 አጥ ካልያዋ ዛባያ ናኦይ ባሩክ ግምቤያ ጋጾጥ ዶም፣ ቢደ ቁሶያ ኡባቴዋ ካፑዋ ኤልያሸባ ጎልያ ገንግያ ጋካናው፣ ሞኖተላን ግምቤዳ።

21 አጥ ካልያዋ ሀቆጾ ናኦ ግዴዳ ኦርዮና ናኦይ ማረሞት ኤልያሸባ ጎልያ ገንግያጥ ዶም፣ ቢደ ጎልያ ዉርሰላ ጋካናው ግምቤዳ።

ቄሳቱ ግምቢያ ድርሳ ድሬድኖ

22 አጥ ካልያ ሄራ ጋድያን ደእያ ቄሳቱ ግምቢያድ።

23 ኡንቱንቱጥ ካልያዋ ቢንያመነ ሀሹብ ባረንቱ ጎልያ ሰንጻን ደእያ ሳኣ ግምቢያድ።

ኡንቱንቱጥ ካልያዋ አናንያ ናኣ ግዴዳ ማእሴያ ናኣይ አዛረ ባረ ጎልያ ምይያን ደእያ ሳኣ ግምቢያድ።

24 አጥ ካልያዋ አዛርያ ጎልያጥ ደም፡ ቢደ ግምቢ ዙቀት ሰሞ ሳኣ ጋካናዉ ደእያ ሳኣ ሄናዳዳ ናኣይ ቢኑይ ግምቢያድ።

25 ኡዛያ ናኣይ ፓላል ግምቢያ ዙቀት ሰሞ ሳጥ ደም፡ ቢደ ናግያዋንቱ ዎቕያ ማማጥ ቆሞ ባጋና ኦይቀት ኬጸቲዳ ካትያ ጎልያ ጾቃ ግምቢያ ሰንጻ ጋካናዉ ደእያ ሳኣ ግምቢያድ።

አጥ ካልያዋ ፓርኦሻ ናኣይ ፓዳይነ

26 ጌሻ ጎልያ ቆማቲ፡ ኦፊላን ደእያዋንቱ ግምቢያድ፤ ኡንቱንቱ ሃላ ጥንግያ ግምቢያ ድርሳ ሰንጻና አዋይ ዶልያ ባጋና ደእያ ሳኣን ማማ ግምቢያ ጋካናዉ ደእያ ሳኣ ግምቢያድ።

ግምቢያ ድርሳ ድሬዳ ሀራ አሳቱዋ

27 ኡንቱንቱጥ ካልያዋ ታቆኣ ካታማ አሳይ ግምቢያጥ ሰንጻን ሀራ ባጋና ደእያሳጥ ቢደ፡ ኦፊላ ግምቢያ ድርሳጥ ሃክ ደእያ ዎልቃማ ማማ ግምቢያ ጋካናዉ ደእያ ሳኣ ግምቢያድ።

28 እት እት ቄሳቱ ካ ፓራ ጥንግያ ግምቢያ ድርሳጥ ቆሞና ደእያ ባረንቱ ጎልያ ሰንጻና፡ ሀጺሳ ባጋና ደእያ ሳኣ ግምቢያድ።

29 ኡንቱንቱጥ ካልያዋ አሚራ ናኣይ ጻደቀ ባረ ጎልያ ሰንጻን ደእያ ሳኣ ግምቢያድ።

አጥ ካልያዋ አዋይ ዶልያ ጥንግያ ናግያ ሻካንያ ናኣይ ሻማኤ ግምቢያድ።

30 አጥ ካልያዋ ሸለምያ ናኣይ ሀናኒን ጸላፋዉ ኡሱፑንጻ ናኣ ግዴዳ ሀኑን ግምቢያድ።

ኡንቱንቱጥ ካልያዋ በረክያ ናኣይ ማሹላሞ ባረ ደእያ ክፍለቱዋ ሰንጻን ደእያ ሳኣ ግምቢያድ።

31 አጥ ካልያዋ ጸሞሴያ ግምቢያ ድርሳ ጥንግያ ሰንጻን ደእያ ጌሻ ጎልያ ቆማቲን ዛልአንቻቱ ጎልያ ጋካናዉ ደእያ ሳኣ ዎርቃ ትግያ ማልክ ግምቢያድ። ቃይካ አ ግምቢያ ጋጸን ቦላ ባጋና ደእያ ክፍልያ ጋካናዉ ደእያ ሳኣካ ግምቢያድ።

32 ዎርቃ ትግያዋንቱን ዛልአንቻቱ ሄ ክፍልያጥ ደሚደ፡ ድርሳ ጥንግያ ግምቢያ ድርሳ ጋካናዉ ደእያ ሳኣ ግምቢያድ።

### 4

ግምቢ ሸረት ግምቢተናዳን ድጋናዉ ደንዴዳ ቆፋ

1 ኑን ግምቢያ ድርሳ ኪታ ደሚዳዋ ሳንባላጽ ሰሴዳ ዎደ ሀንቁዋ ኤጽ ከሴዳ፤ ቃይ ሎይላ ይሎቲደ፡ ኑና ቅሊጩዳ።

2 ባረ ላገቱዋን ሳማርያ ኦላንቻቱ ሰንጻን አ ሀዋዳን ያጌዳ፤ “ሀዋንቱ፡ ሀ ፓርና አይሁዳቱ እያ ኡሌና? ካታማ ዛረሊደ ግምባናዉ ኮዪናየ? ያርሹዋካ ያርሻናዉ ኮዪናየ? ኦሱዋ እት ጋላሰ ዉርሳናዋ ኡንቱንቶ ማላቲየ? ግምቢያዉ ሹቻ ዛር ደኤዋን ዎላናዉ ዳንዳየት?”

3 አ ምይያን ኤቄዳ አሞና ጋድያ አሳ ግዴዳ ጸቢካ ቃይ ሀዋዳን ያጌዳ፤ “ኡንቱንቱ ቃይ እያን ግምቢያ ግምባናዉ ዳንዳዪዬ? ኡንቱንቱ ግምቢያ ድርሳ ግምቢያ ቦላን ዎራካናይ ከሰንቶን ኩንድ አጋና”።

4 ሄዋጥ ጉይያን፡ ታን ሀዋዳን ያጋይ ዎሳድ፤ “ኑ ጸሳዉ፡ ኡንቱንቱ ኑና ዎት ዎት ቅሊጭንቶ ሀዋ ሰሳ! ኡንቱንቱ ኑና ሸቄያ ሸቃይ ኡንቱንቱ ሀጺያን ሰሞ። ባረንቶ ደእያ አቁዋ ቦንቀት ክቺደ፡ አላጋ ጋድያን አሞደቲዳ አሳ ግድና።

5 ኡንቱንቱ ናቁዋ ገንጻፓ፤ ኡንቱንቱ ናጋራካ ነ ሰንጻጥ ሙላ ቁጭጋ። እያዉ ሳጥ፡ ግምቢያ ግምቢያዋንታ ኑና ሸቃን ካዉሹድና።

6 ኑን ግምቢያ ድርሳ ኦሱዋ አገናን ኡሌዳ። ቃይ አሳይካ ኦሱዋ ሞናተላን ኡልያ ድራዉ፡ ግምቢያ ድርሳ ጾቃተሳይ ኤላካ ባካ ኪሻ ግድ አኑዳ።

7 ሳንባላጽ፡ ጸቢ፡ አራባ ጋድያ አሳይ፡ አሞና ጋድያ አሳይን አሸደዳ ካታማ አሳይ የሩሳላመ ግምቢያ ድርሳ ኪታይ ሎኦ ሀናተላን ኦሰቲደ ደእያዋን ኮለቲዳ ሳኡቲካ ባረቲዳ ዎደ ሎይላ ሀንቀቲድና።

8 ሄዋጥ ደንዴዳዋን እትጥ የሩሳላመ ዪደ ኑና ኦላናዉን ሻቢርሳናዉ ማቀቲድና።

9 ሸን ኑን ኑ ጸሳሱ ዎሴዳ፤ ኡንቱንቱ ደንዴዳዋን ቃማን ጋላሰ ናግያ ናጋንቻቱዋካ ዎሌዳ።

10 ሄ ዎድያን ይሁዳ አሳይ ሀዋዳን ያጌድና፤ “ቶኩዋ ቶክያዋ ካሰዋጥ ኑና ላባንሌ፤ ቃይ ደንጻናዉ ኮሸያ ግምቢያጥ ኮለቲዳ ዳር ሹቻይካ ብር ደኤ። ያትና፡ ኑን ሀቼ ሀ ግምቢያ ዋቲደ ግምቢያዉ ዳንዳዪቶን”

11 ኑ ሞርከቱ፡ “ኑን ቢደ ኡንቱንቱ ግደ ጋካናዉ፡ ኡንቱንቱ ኦሱዋ ከፍሩናን ተአናዉን ኡንቱንታ ዎጻና ጋካናዉ፡ ኡንቱንቱ ኤርክና” ያጌድና።

12 ግድ ሸንጎ፣ እይሁዳቱ ዛር ዛር ኩኮ ዪደ፣ “ኡንቱንቱ ሙላ ባጋና ዪደ፣ ኑና ኦላናዋንታ” ያገደ ኩወ ኦዴድና።

13 ሄዋ ድራው፣ ኑ እሳጥ ማሻ፣ ቶራን ዋንዳፍያ ኦይቂደ አሳ ኡንቱንቱ ዛርያን ዛርያን ማራደ፣ ኪታይ ወርቢና ሄራን ግምቢያጥ ዘኮ ባጋና ናጋናዳን ዋላድ።

14 አሳይ ሻቢራቲዳዋ ታን በኤዳ ዋደ፣ ደንዳ ኤቃደ፣ ኡንቱንታ፣ ኡንቱንቱ ካለልያዋንታን ሀራ ካፓቱዋ ኡባ ሀዋዳን ያጋድ፣ “ኑ ዋርከቶ ያዮፕተ! ጎዳይ ዋልቃማን ሆላ ጌተትያዋ ግድያዋ ሀሳይተ። ሄዋ ድራው፣ ሀንተንቱ ዛርቶ፣ ሀንተንቱ አቱማ ናናቶ፣ ሀንተንቱ ማጫ ናናቶ፣ ሀንተንቱ ማቶኝወን ሀንተንቱ ጎልያወ ኦለትተ” ያጋድ።

15 ኑ ዋርከቱ ኑና ቆሀናወ ማቀቱዳዋ ኑን ኤራዳዋ ኡንቱንቱ ሰቤድና። ቃይ ጸሳይካ ኡንቱንቱ ማቀዋ ሀዳ ከሴዳዋ እኬኬድና።

16 ሄዋጥ ጉይያን፣ ኑን ኡባይካ ሰሚደ፣ ኑ ግምቢያ ድርሳ ኦሱዋ ደሚደ።

17 ሄዋ ድራዎጥ ደሚደ፣ ታ ቆማቱዋጥ ባካይ ኦሱዋ ኦልያ ዋደ፣ ባካይ ትራን ዋልያ ኦላ ሚሻ ማዪደ፣ ቶራ፣ ጎንዳልያን ዋንዳፍያ ኦይቂደ ናጋናዳን ኦላድ። ቃይ ካፓቱካ ይሁዳ አሳ ኡባጥ ጉናና ኤቂደ ዋንባሊና።

18 ግምቢያ ድርሳ ግምቢያዋንቱን ኮሽያዋ ቶክያዋንቱ ኡባይ እት ኩሽያን ኦላ ሚሻ ኦይቂደ፣ እት ኩሽያን ኦሱዋ ኦልያ።

19 ግምቢያ ኦሱዋ ኦልያ ኡባይ ማሻ ባረ ጸሳን ዳንጭ ዳንጭ ኡቱዳ። ማላካታ ፑንያዌካ ኡባ ዋደ ታጥ ሻከት ኤረና።

20 አሳ ካለልያዋንታ፣ ካፓቱዋን አሳ ኡባ ታን ሀዋዳን ያጋድ፣ “ግምቢያ ድርሳ ኪታይ ዋልቃማን ሎይላ አካ ግድያዋጥ ደንዳዳዋን፣ ኑን እቱ እቱዋጥ ሻከቲደ ሃኬደ።

21 ሄዋ ድራው፣ ሀንተንቱ ማላካታ ፑና ሰሰያ ዋደ፣ እ ፑንትያ ሳኦ ታኮ ሃ ሺቅተ። ኑ ጸሳይካ ኑ ድራው ኦለታናዋ።።

22 ኦሱዋ ዋንቱማላ ሳሉ ዘለያ ዋድያጥ ደሚደ፣ ኦማርሰ ጸልንቲ ከሳና ጋካናወ ኦልያ ዋደ ኡባ፣ ባጋይ ኦልያ ዋደ፣ ባጋይ ቶራ ኦይቂደ ናገና።

23 ሄዋ ታን አሳወ ሀዋዳን ያጋድ፣ “ቃማን ኑና ናጋናወን ጋላሰ ቃይ ኪታ ኦላናወ ሀንተንቱ ኡባይካ ሀንተንቱ ቆማቱካ የሩሳላሙን አቅተ።።

24 ሄዋ ድራው፣ ታና ግድና፣ ታ አሻቱዋ ግድና፣ ታ ቆማቱዋ ግድና፣ ዋይ ቃይ ታና ናገያዋንታ ግድናካ፣ ኑን ኡባይካ ኑ ማየዋ ከሰናን አቁቶ፤ ቃይ ኑ ኦላ ሚሻይካ፣ ኑጥ ኡባካ ሻከተና።

### 5

#### ሀዬሳቱ ናቀቲናዳን ናህም ኦልዳ

1 አቱማዌን ማጫዌ ባረንቱ ዛርያ ግዴዳ እይሁዳቱ ቦላን ዋልቃማ ጫቡዋ ከሴድና።

2 ኡንቱንቱ ሀዋዳን ያገድና፤ “ኑን፣ ኑ አቱማ ናናይን ኑ ማጫ ናናይ ጮራ፤ ሄዋ ድራው፣ ኑን ሚደ ፓጾ ደአና ማላ፣ ኩወ ካሳይ ኮሸ።።

3 ሀራቱ ቃይ፣ “ኑና ጋኬዳ ኢታ ኮሻጥ ኑና አሸያ ቁማ ደማና ገደ፣ ኑ ጎሻይ፣ ኑ ዋይንያ ቱራ ሳኦይን ኑ ከሳይ አተናን አሳወ ኦይሴድ” ያገድና።

4 ሀራቱካ ቃይ ሀዋዳን ያገድና፤ “ኑ ጎሻወን ኑ ዋይንያ ቱራ ሳቶ ካቲ ኦቼዳ ገራ ጭጋናወ ሚሻ ታልእያ እኬደ።።

5 እይሁዳ ዛራቱዋና ኑን እት አሸዋ፤ ኑ ናናይካ ኡንቱንቱ ናና ማላ። ሸን ኑን ኑ የሌዳ ናና አይለተላወ አሌደ እማናወ ግድቲደ፤ ኡባ ቃይ ኑ ማጫ ናናቱዋጥ እቱ እቱ አይለተላወ ዛልኤቲድና። ግድገና፣ ኑ ጎሻይን ኑ ዋይንያ ቱራ ሳኦቲ ኑጥ አከት ድጎ ድራው፣ ኑን እይን ኦላናወ ዳንዳዮኩ።።

6 ኡንቱንቱ ጫቡዋን ሀ ቃላ ታን ሰሴዳ ዋደ፣ ሎይላ ሀንቀታድ።

7 ኦላናዋ ታ ዋዛናን ቆፓደ፣ አሳ ካለልያዋንታን ካፓቱዋ ጸሳይ፡- “ሀንተንቱ ሀንተንቱ ዛራቱዋ የሉዋ ጭግሰያዋን ኡቁኒታ” ያጋደ ኡንቱንታ ዋጥታድ።

8 ሄ ሙቱዋባ ሃሳዪደ ብላናወ ዋልቃማ ሸቁዋ ኡንቱንቱና ኡዳድ።

9 ሀዋዳን ያጋድ፣ “አይሁዳ ግድናዋንቶ ዛልኤቲዳ እይሁዳ ዛርያ ግዴዳ ኑ አሻቱዋ ዋዛናወ ኑን ኑ ዋልቃይ ዳንዳዪዳዋ ኡባ ኦልድ። ሸን ሀንተንቱ ቃይ፣ ሀንተንቱ አሻቱዋ ግዴዳ ሀንተንቱ ዛርያ ሀንተንቶ ባረንታ ዛልአና ማላ ኦሊደ ደኢታ።። ካለልያዋንቶ ዛርያ ቃላይ ቆይና፣ ጮኤ ያገድና።።

10 ታን ቃይካ ሀዋዳን ያጋድ፣ “ሀንተንቱ ኦልያባይ ልክ ግድና፣ ኑ ዋርከቱ፣ እይሁዳ ግድናዋንቱ ኑ ቦላን ቅሊጩና ማላ፣ ኑ ጸሳወ ያያናወን ልክ ግድያባ ኦላናወ ሀንተንቶ በሰኔ?

11 ታን ታ ሁጺያወ፣ ታ አሻቱዋን ታ ቆማቱካ ኡንቱንቱ ሚሻን ካላ ታልኤደ፤ ግድ ሸንጎ፣ እን ኡንቱንቱጥ የሉዋ እክያዋ አጎይተ።።

11 እንቲንቱ ጎሻቱዋ፡ ዎይንያ ቱራ ሳኦቱዋ፡ ዛይትያ ዎጋራቱዋን ጎላቱዋ ኡባካ እንቲንቶ ሆቼ ዛርተ። ቃይ ሚሻን፣ ካላን፣ ዎይንያ ኤሳን ግድና ዛይትያን፣ ህንተንቱ እንቲንቱ፤ እኬዳ ጸቱዋ፣ ለት ኩሽያ የሉዋ ኡባ እንቲንቶ ኤሳካ ዛርተ።

12 እንቲንቱካ ዛሪይ፣ ሆዋዳን ያጌድኖ፤ “ኑን ኡባባካ እንቲንቱዋ ዛሪይ፣ እንቲንቶ እማና፤ እንቲንታ እያን ኦቶኩ። ነን ጋይ ደእያዋዳን፣ ኑን ኦላኖ።

ሄዋ፣ ገዮ ቄሳቱ ዋ ሃ ታኮ ጸጋይ፣ ባረንቱ ጌዳ ቃላ ፖላና ማላ፣ ጫቀላናዳን ኦላድ።

13 ሄዋ፣ ገይያን፣ ታ ማዪዋ ቆቆፋይ ሆዋዳን ያጋድ፤ “ኑን ህንተ፣ ባረ ጌዳ ቃላ ፖላናን ጸገ፣ ጸሳይ እ ሆዋዳን እ ጎልያ፣ እ ኦቆዋ፣ ቆቆፎ፤ እካ ቆቆፋቲይ ሙላ ኦቶ።

ሸቄዳ ኦሳይ ኡባይ እት ቃላን፣ “ኦሙንእ” ያጌይ ሙድና ጎዳ ጋላቲድኖ። ኦሳይ ኡባይ ባረ ጫቄዳዋዳን ኦሌድ።

ናህምያ ጋራተሳ

14 እርጸክሰሰ ካተቲዳ ላታማንላ ላይላ፣ ሲይ፣ ሆታማን ላእንላ ላይላ ጋካናው፣ ታን ይሁዳ ዋድያዋ ግዳይ ሱን፣ ታድ። ሄ ታማን ላእኡ ላይላን፣ ታና ግድና ዎይ ታ እሻቱ ዋድያዋ በሰያ ቁማ ድርጉዋ እክበይኩ።

15 ሸን ታ፣ ገ፣ ካሰና ዋድያዋንቱ ኦሳዉ ዳጸ ቶኮ ግዲይ፣ ሆቼ ሆቼ ካላውን ዎይንያ ኡሻው ኦይታሙ ጸጋራ ብራ ጭግሲድኖ። ሀራይ ኦቶ እይሰያዋንቶ ቆማቲካ ባረንቱ ኦሳ ሶላን ጎዳ ማላትሲይ ጋምኤድኖ። ግድ፣ ታን ጸሳዉ ያዬዳ ድራው፣ ሄዋዳን ኦላበይከ።

16 ታናተሳ ኡባ የሩሳላሙ ግምቢያ ድርሳ ኦሶ እማድ፣ ለት፣ ታ ሀጸው እይ ጋድያን ሻማበይከ። ታ ቆማቲካ ኡባይ ታናና ሄ ኪታን እት፣ ጋምኤድኖ።

17 ኑ ሄራን ደእያ እይሁዳ ግድናዋንቱ፣ ኑኮ ዬዳ ኦሳይ ባይናን ደእሸን፣ ሆቼ ሆቼ ታናና ታ ማሶፍያን ዎያ እይሁዳቲክ እንቲንታ ካለልያዋንቱ ፓይዳ ጸታን እሻታማ።

18 ሆቼ ሆቼ እት ሶራ፣ ኡሱ፣ ድራቲዳ ድርሳቲዋን ዳር ኩቶቲዋ ሹክ ሹኪይ፣ ኦሳዉ ሸሸኖ፤ ቃይ ታሙ፣ ጋላሳን እት ገይ ዳር ባላ ዎይንያ ኤሳ እንቲንቶ እገኛ። ሸን ኦሳ ሶላን ደእያ ቶኮ ዳጸዋ ግድያዋ ታን ኤርያ ድራው፣ ጋድያ ዋድያዋ በሰያ ቁማ ድርጉዋ ኦቶበይከ።

19 “ታ ጸሳው፣ ታን ሀ ኦሳዉ ኦሌዳ ሎኦተሳ ኡባ ቆፓይ፣ ታዉካ ሎኦተሳ ኦላ” ያጋድ።

6

እሱ እስት ፖለተናዳን ደንዴዳ የዉዋ ጸኑዋ

1 ሳምባላጽ፣ ጸቢ፣ ኡራባ ጋድያ ኦሳ ግድያ ገሽምን ሀራ ኑ ዋርከቱ ኑን ግምቢያ ድርሳ ኦሌዳ ፖሌዳዋን ቃይ ኦሰትቤና ፓጫ ሳእይካ እቲክ እትቤናዋ ሰሴድኖ። ግድ ሸን፣ ኑን ግምቢያ ድርሳ ፕንገቱዋን ብር ሳንቃ ገልሰበይኩ።

2 ሄዋ እንቲንቱ ሰሴዳ ዎይ፣ ሳንባላጽን ገሽም ሆዋዳን ያጌይ፣ ታኮ ከቲድኖ፤ “ኑና ጌተትያ ደምባን ደእያ ቄር ካታማቲዋ፣ ለቲዋን ያይ ኦናና ጋከታ”። ሸን እንቲንቱ ታ ሶላ ኤታ ኦላናዉ ማቀቲድኖ።

3 ሄዋ ድራው፣ ታን እንቲንቶ ሆዋዳን ያጋይ ዛራ ኪታንቻቲዋ ኪታድ፤ “ታዉ ዳር ኪታይ ደእ፤ ሄዋ ድራው፣ ታን ህንተንቱ ግያ ሳእ ባናዉ ዳንዳይከ። ታን ዳገ ህንተንቲኮ ቢና፣ ኪታይ እያዉ ጹብቲ?”

4 ሄ ኪታ ዛር ዛር ኦይዳ ገይ ታኮ ከቲድኖ፤ ሸን ታን እት ማላ ዛሩዋ እንቲንቶ እማድ።

5 እቼሸንሉዋን ሳምባላጽ ባረ ቆማ ሶላ ደያ ደእያ ዳብዳቢያ ታኮ ኪቲዳ።

6 ዳብዳቢካ ሆዋዳን ያጌ፤ “ኑን ነ ዛርያ ግዳይ እይሁዳቲ ማካላናዉ ቆፔዳዋን ሄዋ፣ ደንዴዳዋን ግምቢያ ድርሳ ግምቢያዋ ሾር ጋድያን ደእያ ኦሳይ ኡባይ ሃሳይያዋ ገሽም ታዉ ኦዳ። ቃይ ነን ነና ካትያ ከሳናዉ ኮይያዋን፤

7 ነን ይሁዳ ካትያ ግድያዋ የሩሳላሙን ኦዋያና ማላ፣ ትምቢትያ ኦድያዋንታ ነ ዎሌዳዋካ እ ታዉ ኦዳድ። ሀ ዋርያ ካቲ ሰሱሳይ እተና። ሄዋ ድራው፣ ታናና ጋከታይ ዘረታናዉ ሃያ።

8 ታንካ፣ “ሀ ነን ግያ የዉዋ ኡባይ ኡባካ ቲማ ግድናዋን ነን ጮ ሙዴዳዋ” ያጋይ ዛራድ።

9 ኑ ኦልያ ኪታይ ፖለተና ማላ፣ “እንቲንቱ ኩሽ ኦሶ ዳቡር ክቼዳ” ያጌይ እንቲንቱ ኦና ያሸሲይ ጋምኤድኖ።

ሄዋ ድራው፣ “ኑ ጸሳዉ ሀእ ታና ምን፣ ሳርኪ” ያጋይ ታን ዎሳድ።

10 ሄዋ፣ ገይያን፣ ሶፐ ከሰናዳን ጎርድ ዎሌዳ ማሄጸብኤላ ናእ ናእ ዳላያ ናእ ሻማእያኮ ባድ። እ ታዉ ሆዋዳን ያጌዳ፤ “እት ቃማ እዉደንቶ እንቲንቱ ነና ዎሳናዉ ያና ደእያ ድራው፣ ነንን ታን ጸሳ ጎልያ ግድ ገሊደ፣ ጸሳ ገሻ ጎልያ ግድን ጸሳ ገሻ ጎልያ ፕንቲዋ ጎርድዳ ጋከቶይተ”።

11 ታን ሆዋዳን ያጋይ ዛራድ፤ “ታና ማላትያ ኦሳይ ባቃቲ? ዎይ ቃይ ታና ማላትያ ኦሳይ ጌሻ ጎልያ ግድ ገሊደ፣ ባረ ሸም፣ ለት? ታን ሄዋ ኡባካ ኦልከ።”

12 ታ የወዋ ቆጥያ ወደ፡ ቱሙካ እ ጸሳይ ኪቴዳ ትምቢትያ ኦድያዋ ግደናዋን ጸቢነ ሳንባላጽ እ ማሻን ሻሚዳ ድራው፡ ታ ቦላ ዋርዶ ትምቢትያ ኦድያዋ ግደናዋ እከካድ።

13 እ ማሻን ሻሚቴዳ ጋሱ ታን ያያደ፡ እ ግያዋዳን ኦሳደ ታን ናጋራን ገላናዳና። ያትና፡ ኡንቴንቴ ኡባይ ሄዋ ሰሴዳ ወደ፡ ታና ካድሰያባ ታ ቦላን ደማናሳ።

14 “ታ ጸሳው፡ ጸቢነ ሳንባላጽ ኦሴዳዋ ቆጥ። ኖኦድ ጌተትያ ማጫ ትምቢትያ ኦድያናን ሀራ ትምቢትያ ኦድያዋንቴ ኡባይ ታና ያሸሳናው ኡንቴንቴ ኦሴዳዋ ኡባካ ቆጥ” ያጋድ።

**ግምቢያ ድርሳ ኦሱ ፖለቴዳ**

15 ግምቢያ ድርሳ ኪታይ እሻታማነ ላኡ ጋላሳን፡ ኤሉላ ጌተትያ እግናን ላታማነ እቼሻንሉ ጋላሳን ፖለቴዳ።

16 ኑ የሹዋን ደእያ ካዉተላቱዋ ግዶን ደእያ ኑ ሞርከቱ ሄዋ ሰሴዳ ወደ ያዬድኖን ዬላቴድና። እያዉ ሳጥ፡ ሀዌ ኪታይ ኑ ጸሳይ ማድና ኦሰቴዳዋ እከኪኪድና።

17 ሄ ዋድያን እይሁዳቱዋ ካለልያዋንቴ ጸቢያዉ ጮራ ዱብዳቡቱዋ ጸፊድና፤ ጸቢ ዛሪደ፡ ኡንቴንቶ ጸፊዳ።

18 እያዉ ሳጥ፡ እ አራሀ ናአ ሻካንያ ናቶ እኬዳ ድራውነ እ ናአይ ያሆሀናን በረክያ ናአ ማሹላማ ናቶ እኬዳ ድራው፡ ይሁዳጥ ዳራቱ እናና ጫቀት ኡቴድና።

19 ኡንቴንቴ ጸቢ ኦሴዳ ሎኦባ ኡባ ታ ሰንላን ሃሳይና፤ ቃይ ታን ግያዋካ እዉ ኡዲና። ጸቢካ ታና ያሸሳናው ዱብዳቡቱዋ ጸፍ የዳ።

**7**

1 ግምቢያ ኪታይ ዉርና፡ ጥንገቱዋንካ ሳንቃይ ገሌዳ። ቃይ ጥንግያ ናግያዋንቴ፡ ማዘሙርያ የጽያዋንቴን ሊዋቱ ባረንቴ ኪታን ኪታን ገሌድና።

2 ሄዋጥ ጉይያን፡ የሩሳላሙ ካታማ እይሰያ ማታ ታ እሻ ሀናናውን ጌሱዋ ጋዳዋ ሀናንያዉ እማድ። ሀናኒ ሀራ ኡባጥ እዲዳ ቱማንቻን ጸሳው ያይያ አሳ።

3 ታን ኡንቴንታ ሀዋዳን ያጋደ እዛዛድ፤ “ዋንታ አዋይ ከሲደ ሆኦና ጋካናው፡ የሩሳላሙ ግምቢያ ጥንገቱዋ ደዮኾተ። ቃይ ኦማርሰ ናግያዋንቴ ባረንቴ ኦሱዋ ወርሲደ ባናጥ ካሰቲደ፡ ጥንገቱዋ ሎይሉ ጎርዳናዳን ኦሉተ። ሄዋ ቦላካ የሩሳላሙን ደእያ አሳጥ ደሪደ፡ እቱ እቱ ካላን ካላን ናጋናዳንን ቃይ ሀራቱ ባረንቴ ሄራን ደኢደ፡ ባረንቴ ጎልያ ኬሻ ኬሻ ናጋናዳን ኦሉተ” ያጋድ።

**ኦሞዲዋጥ ሰሚዳ አሳ ሱንሳ (እዝራ 2:1-70)**

4 ሄ ወደ የሩሳላሙ ካታማይ ሎይሉ እኮነ ዋልቃማ፤ ሽን እ ግዶን ደእያ አሳ ገይዱ ሎይሉ ጉላ። ቃይ ዳር ጎሊካ ብር ኬጸትቤና።

5 ሄዋጥ ጉይያን፡ አሳ ካለልያዋንታ፡ ካገቱዋን አሳ ኡባ ሸሻደ ኡንቴንቴ የለታ ማራን ማራን ማዘጋባና ማላ፡ ጸሳይ ታና ቆፍሴዳ። ኦሞዲዋጥ ካሰቲደ ሰሚዳ አሳ የለታ ማራ ማጻፋካ ደማድ፤ ሄ ማጻፋን ጸፈቴዳዋ ሀዋ።

6 ባብሎን ካቲ ናቡካዳናጾረ ኦሞዲደ፡ ባረ ጋድያ እፊዳ አሳጥ ጉዮ ባረንቴ ካታማ ካታማ የሩሳላሙን ይሁዳ ሰሚዳ አሳቱ ሀዋጥ ካልያዋንታ።

7 ኡንቴንቴ ካገቱ ዛሩባቤላ፡ ኢያሳ፡ ናህምያ፡ አዛርያ፡ ራኦምያ፡ ናህማና፡ ማርድክዮሳ፡ ብልሻና፡ ሞሰጥሬታ፡ ብግዋያ፡ ናሁማን ባአና።

ኦሞዲዋጥ ሰሚዳ እሰራኤልያ አሳ ገይዱ ሀዋ።

8 ፓርኦሻ ያራቱ 2,172.

9 ሻፋጽያ ያራቱ 372.

10 አራሀ ያራቱ 652.

11 ኢያሱነ እዮኦባ ናና ግዴዳ ፓሀት-ሞኦባ ያራቱ 2,818.

12 ኤላማ ያራቱ 1,254.

13 ዛቱ ያራቱ 845.

14 ዛካያ ያራቱ 760.

15 ቤኑያ ያራቱ 648.

16 በባያ ያራቱ 628.

17 አዝጋዳ ያራቱ 2,322.

18 እድንቃማ ያራቱ 667.

19 ብግዋያ ያራቱ 2,067.

20 አዲና ያራቱ 655.

21 ሀዘቂያሳ ያራ ግዴዳ አጼራ ያራቱ 98.

22 ሀሹማ ያራቱ 328.

23 በጸያ ያራቱ 324.

24 ሀሪፋ ያራቱ 112.

25 ጋባኦና ያራቱ 95.

26 ቤተሌሙን ናጸፋ ካታማቱዋ አሳይ 188.

27 እናቶታ ካታማ አሳይ 128.

28 ቤት-አዝማቂቱዋ ካታማ አሳይ ኦይታማን ላኡዋ።

29 ቅርያት-ይአሪማ፣ ካፊራን ባኤርታ ካታማቱዋ አሳይ 743.

30 ራማን ገባእ ካታማቱዋ አሳይ 621.

31 ሞክማሳ ካታማ አሳይ 122.

32 ቤቴለን አታ ካታማቱዋ አሳይ 123.

33 ላኤንሳ ናቦ ጌተትያ ካታማ አሳይ 52.

34 ላኤንሳ ኤላማ ያራቱ 1,254.

35 ሀሪማ ካታማ አሳይ 320.

36 ያርኮ ካታማ አሳይ 345.

37 ሎዳ፣ ሀዲዳን ኦኖ ካታማቱዋ አሳይ 721.

38 ሳናኦ ካታማ አሳይ 3,930.

39 ሀዋጥ ካልያዋንቱ ኦሞዲዋጥ ስሜዳ ቄሳቱ ዋ።

ኢያሱ ያራ ግዴዳ ያዳያ ያራቱ 973፤

40 አሜራ ያራቱ 1,052፤

41 ፓሽሁራ ያራቱ 1,247፤

42 ሀሪማ ያራቱ 1,017.

43 ሀዋጥ ካልያዋንቱ ኦሞዲዋጥ ስሜዳ ሌዋቱዋ።

ሆዳዊያ ያራ ግዴዳ ኢያሱን ቃድሞኤላ ያራቱ 74፤

44 አሳፋ ያራ ግዴዳ ማዝሙርያ የጽያዋንቱ 148፤

45 ጌሻ ጎልያ ፐንግያ ናግያ

ሻሉማ፣ አጼራ፣ ጸልሞና፣ አቁባ፣ ሀጺዳን ሾባያ ያራቱ 138.

46 ሀዋንቱ ኦሞዲዋጥ ስሚደ።

ጌሻ ጎልያን ኦልያ ቆማቱዋ ያራቱዋ።

ጺሀ ያራቱዋ፣ ሀሱፋ ያራቱዋ፣ ጸባኦታ ያራቱዋ፣

47 ቁርሳ ያራቱዋ፣ ሲኦ ያራቱዋ፣ ፓድና ያራቱዋ፣

48 ላባና ያራቱዋ፣ ሀጋባ ያራቱዋ፣ ሻልማያ ያራቱዋ፣

49 ሀናና ያራቱዋ፣ ግዴላ ያራቱዋ፣ ጋሃራ ያራቱዋ፣

50 ራኦያ ያራቱዋ፣ ራጺና ያራቱዋ፣ ናቆዳ ያራቱዋ፣

51 ጋዛማ ያራቱዋ፣ ኡዛ ያራቱዋ፣ ፓሴሀ ያራቱዋ፣

52 በሳያ ያራቱዋ፣ መኡነማ ያራቱዋ፣ ናፋሽሲማ ያራቱዋ፣

53 ባቅቡቃ ያራቱዋ፣ ሀቁፋ ያራቱዋ፣ ሀርሁራ ያራቱዋ፣

54 ባጽሊታ ያራቱዋ፣ ማሂዳ ያራቱዋ፣ ሀርሻ ያራቱዋ፣

55 ባርቆሳ ያራቱዋ፣ ሰሳራ ያራቱዋ፣ ተማሀ ያራቱዋ፣

56 ናጺሀ ያራቱዋን ሀጺፋ ያራቱዋ።

57 ሀዋጥ ካልያዋንቱ ኦሞዲዋጥ ስሜዳ ሶሎሞን ቆማቱዋ ያራቱዋ።

ሶጺያ ያራቱዋ፣ ሶፈራታ ያራቱዋ፣ ፓሪዳ ያራቱዋ፣

58 ያኦላ ያራቱዋ፣ ዳርቆና ያራቱዋ፣ ግዴላ ያራቱዋ፣

59 ሻፋጽያ ያራቱዋ፣ ሀጺላ ያራቱዋ፣ ፖሽሪት-ሀጸባይማ ያራቱዋን አሞና ያራቱዋ።

60 ኦሞዲዋጥ ስሚደ፣ ጌሻ ጎልያን ኦልያ ቆማቱዋ ያራቱን ሶሎሞን ቆማቱዋ ያራቱ ፓይዲ ኡባና 392.

61 ሀራቲካ ቃይ፣ ተልሙላህ፣ ተልሀርሻ፣ ካሩባ፣ አድናን አሜራ ጌተትያ ካታማቱዋጥ የሩሳላሙ ስሜድና። ሽን ኡንቱንቱ ዋይ ኡንቱንቱ አዋቱ አስራኤልያ ሼሻ ግድያዋ ኤርሳናሙ ዳንዳይበይክና።

62 ሄዋንቱ ዳላያ፣ ጸቢያን ናቆዳ ያራቱዋ፤ ኡንቱንቱ ፓይዲካ ኡባና 642.

63 ቄሳቱ ዋጥ ቃይ ሆባያ ያራቱ፣ ሀቆጸ ያራቱን ባርዘላያ ያራቱ የሩሳላሙ ስሜድና። ሀዋ ባርዘላያ ግያዋ ጋላኦደ ቢታ አሳ ግዴዳ ባርዘላያ ናቶ አኪደ፣ ባረ ሶሎዋ ሱንጎ አኬዳ።

64 ሀዋንቱ ባረንቱ የለታ ጸጹዋ ኤራናሙ የለታ ማጸፋን ኮዬድና፣ ሽን ደሞቤይክና። ሄዋ ድራሬ፣ ኡንቱንቱ ቱናዳን ፓይደቲደ፣ ቄሰተሳን ኦርዳን ድገቱድና።

- 65 ቃይ ጌሻ ሳማቱዋን ሻክ ፕርድያ ቁሲ ደንዳና ጋካናው፤ ኡንቱንቱ ጌሻ ቁማጥ ማናው ዳንዳየናዋ እይሁዳቱዋ ሞድያዌ ኡንቱንቱ ኦዳዳ።
- 66 እሞዲዋጥ ይሁዳ ቢታ ሰሜዳ አሳ ፓይዱ ኡባና 42,360.
- 67 ሄዋ ቦላካ ቃይ 7,337 አቱማ ቆማቱነ ማጫ ቆማቱ ማዘሙርያ የጽያ 245 አቱማዋን ማጫ አሳቱ ሰሜድኖ።
- 68 እሞዲዋጥ ኡባና ሰሜዳ አሳ ፓራቱዋ ፓይዱ 736፤ ባቁሎቱ 245፤
- 69 ጋሎቱ 435፤ ሀረቱ ቃይ 6,720.
- 70 ያራቱዋ ካፓቱዋጥ አማራዳዋንቱ ኦሶ እሞታ እሜድኖ። ቢታ ሞድያዌ ሆሰፑን ኪሎ ግራሙ ዋርቃ፣ 50 ድሰተቱዋን 530 ቁሳቱዋ ማዮቱዋ እሜዳ።
- 71 ያራቱዋ ካፓቱ 168 ኪሎ ግራሙ ዋርቃነ 1,250 ኪሎ ግራሙ ብራ እሜድኖ።
- 72 አቱዳ አሳይ ኡባና 168 ኪሎ ግራሙ ዋርቃ፣ 1,100 ኪሎ ግራሙ ብራነ 67 ቁሳቱዋ ማዮቱዋ እሜድኖ።
- 73 ሄዋጥ ጉይያን ቁሳቱ፣ ሌዋቱ፣ ጉንግያ ናግያዋንቱ፣ ማዘሙርያ የጽያዋንቱ፣ አሳጥ ዳርቱነ ጌሻ ጎልያ ቆማቱ፣ ኡባና እስራኤልያ ኡባይ ባረንቱ ካታማን ካታማን ኡቱድኖ።

# 8

## ሙሴ ህጊ ዛርሐ ናባቡቲሳነ ቃላ ጫቁዋ ኦራጹሳ (8:1—10:39)

- 1 ላፑንሳ አግናይ ጋኮ ዋይ፣ እስራኤልያ አሳይ ኡባይካ ባረንቱ ካታማን ካታማን ኡቱድኖ። ሄ አግናን ኡንቱንቱ ኡባይካ እትጥ ሃላ ጉንግያ ሰንሳን ደእያ ዳባባን ሸቂድኖ። መጅና ጎዳይ ሙሴ ባጋና እስራኤልያ አሳው እሜዳ ህግያ ማጻፋ አህና ማላ፣ ጻፍያ እዝራ ኡቱድኖ።
- 2 ያትና፣ ላፑንሳ አግናን ኮይሮ ጋላሳን፣ አቱማዌ ማጫዌ፣ እኪካናው ዳንዳይያ አሳይ ኡባይ ሸቂዳ ሳኣን እዝር ህግያ ማጻፋ አሄዳ።
- 3 ሃላ ጉንግያ ሰንሳን ደእያ ዳባባን ኤቁይ፣ አቱማዋ ማጫዌ፣ እኪካናው ዳንዳይያ አሳ ኡባው ህግያ ማጻፋ ዋንታጥ ጋላሳ ሴታይ ጋካናው ናባቡዳ፤ አሳይካ ሎይሳ ሀይዚደ ሰሴዳ።
- 4 እዝር ኤቁይ ናባባናው ሞላጥ ጊግሴዳ ጉታራ ቦላን ኤቁዳ። አጥ ኡሸቻ ባጋና ማቲትያ፣ ሻማእያ፣ እናያ፣ ኦርኖና፣ ሀልቁያን ማእሴያ ጌተትያ አሳቱ ኤቁድኖ። ሀድርሳ ባጋና ቃይ ፓዳያ፣ ሞሻኤላ፣ ማልክያ፣ ሀሹማ፣ ሀሽባዳናሀ፣ ዛካራሳን ማሹላማ ጌተትያ አሳቱ ኤቁድኖ።
- 5 እዝር አሳ ኡባጥ ጶቂያ ሳኣን ኤቁዳ ድራው፣ ኡባይካ አ ሎይሳደ ጸልሸን፣ ኡንቱንቱ ሰንሳን ህግያ ማጻፋ ደዬዳ። ሄ ዋይ ኡንቱንቱ ኡባይ ኡቱዳ ሳጥ ደንድ ኤቁድኖ።
- 6 እዝር መጅና ጎዳ፣ ዋልቃማ ጸሳ ጋላቲዳ። አሳይ ኡባይ ባረንቱ ኩሸያ ፑደ ደንሳደ፣ “አመንእ፣ አመንእ” ያጌድኖ። ቃይ ኡንቱንቱ ሶሞእ ሳኣ ቦቻና ጋካናው ጉፋኒደ፣ መጅና ጎዳው ጎይኔድኖ።
- 7 ሄዋጥ ጉይያን ደንዳደ፣ ባረንቱ ደእያ ሳኣን ኤቁድኖ። ኢያሳ፣ ባና፣ ሸረብያ፣ ያሚና፣ አቁባ፣ ሻባታያ፣ ሆድያ፣ ማእሴያ፣ ቃሊጸ፣ አዛርያ፣ ዮዛባዳ፣ ሀናናን ፓላያ ጌተትያ ሌዋቱ ህግያ አሳይ እኪካናዳን ኡቆድኖ።
- 8 ኡንቱንቱ ጸሳ ህግያ ማጻፋጥ ናባቡደ፣ ቃይ ናባቡቲዳዌ ዋግንቶ፣ አሳይ ኤራና ማላ፣ ብል ቆንጭሴድኖ።
- 9 አሳይ ህግያ ቃላ ሰሴዳ ዋይ፣ ባረንቱ ዋዛናን ሞሸቲደ ዩኬድኖ። ሄዋ ድራው፣ ቢታ ሞድያ ናህሚ፣ ቁሲን ጻፍያ ግዴዳ እዝርን አሳው ማጻፋ ብልያ ሌዋቱ አሳ ሀዋዳን ያጌድኖ፤ “ሀ ጋላሳይ መጅና ጎዳው፣ ህንተንቱ ጸሳው፣ ጌሻ ጋላሳ ግድያ ድራው፣ እቱነ ካዮቶጥተን ዩኮጥተ” ያጌድኖ።
- 10 ቃይ ናህሚ ጉጅደካ ሀዋዳን ያጌዳ፤ “ቢተ፣ ሞቆዋ ሚተ፤ ማልእያዋካ ኡሸተ፤ ቃይ ባይናዋንቶካ ህንተንቱ ዋልቃ ሻክ እሞተ። እያው ጎጥ፣ ሀቼ ጋላሳይ ኦ ጸሳው ጌሻ ጋላሳ። መጅና ጎዳ ናሽቻይ ህንተንቱ ዋልቃ ግድያ ድራው ካዮቶጥተ” ያጌዳ።
- 11 ሌዋቱካ ቃይ፣ “ሀዌ ጌሻ ጋላሳ ግድያ ድራው፣ ካዮቶጥተ፤ ሀይዘተ” ያጌደ አሳ ጮኤ ኦቆድኖ።
- 12 ሄዋጥ ጉይያን፣ አሳይ ናሽቻን ማናውካ ኡሻናው ቃይ ባይናዋንቶካ ደእያዋጥ ሻክ እማናው ቤድኖ። እያው ጎጥ፣ ኡንቱንቱ ኦዳዳ ቃላ ሰሴድኖን እኪኬድኖ።
- 13 አግናው ላኤንሳ ጋላሳ ዛራቱዋ ካፓቱ፣ ቁሳቱ ነ ሌዋቱ ህግያ ቃላ ኡንቱንቱ ብርሻና ማላ፣ እዝራኮ ዩድኖ።
- 14 ሄዋን ታማሪደ፣ ላፑንሳ አግናን ዳሰያ ባላ ቦንቻያ ዋይ፣ እስራኤልያ አሳይ ኡባይ ዳሰያ ግድን ኡታናዳን መጅና ጎዳይ ሙሴ ባጋና አዛዜዳዋ እኪኬድኖ።



15 ሄዋ ድራው፡ ካታማቱዋ ኡባንነ የሩሳላመን ሀዋዳን ያጊደ አዋዬድና፤ “ደርያ ሁጲያ ከስተ፤ ዛይትያ ዋጋራ፡፡ ዋራን ደልያ ዋጋራ፡፡ ባርሲነትያ ምሳ፡፡ ዛምባ ምሳ፡፡ ሀይሳይ ደለያ ምሳ ኡባ፡፡ ሀገያን ጸፈቲዳዋዳን፡፡ ዳሲያ ዳሳናው ታሽያ አህተ” ያጌድና፡፡

16 ሄዋ ድራው፡ አሳይ ቢደ ምሳ ታሽያ አሄድና፤ ባረንቱ ጎልያ ቦላን ደለያ ደምባ ሳኣን፡፡ ባረንቱ ግቢያን፡፡ ጸሳ ጌሻ ጎልያ ዳባባን፡፡ ሃሳ ፕንግያ ዳባባን ኤፍሬሚ ፕንግያ ዳባባን ዳሲያ ዳሴድና፡፡

17 አዋዳዋ፡፡ ስሜዳ አሳይ ኡባይ ዳሲያ ዳሴዳ፡፡ አ ግደን ኡቲድና፡፡ ነዌ ናኣ ኢያሱ ዋድያ፡፡ ደሚደ፡፡ ሄ ጋሳሳይ ጋካናው፡፡ ኡንቱንቱ ሀዋ ማላ ባላ ቦንች ኤርክና፡፡ ሄዋ ድራው፡፡ ኡባይካ ሎይላ ርሽቲድና፡፡

18 ባላይ ደመቶደ፡፡ ቢደ ዉራና ጋካናው፡፡ ሀቼ ሀቼ አዘር ጸሳ ሀገያ ማጻፋ፡፡ አሳው ናባቤዳ፡፡ ባላ ላቲን ጋላሳ ቦንቾዋ፡፡ ፕይያን፡፡ ሆሰፑንላ ጋላሳን ሀጊ አዛዝያዋዳን ጌሻ ሸቁዋ ኡሌድና፡፡

### 9

#### አስራኤልያ አሳይ ባረንቱ ናጋራ ፓጺድና

1 ሄ አገናን ላታማነ ኢይደጎሶ ጋላሳን አስራኤልያ አሳይ ጸሚደ፡፡ ማቃ ማዪደነ ባረንቱ ሁጲያን ባና ቆሊደ፡፡ አት ሳኣ ሸቄድና፡፡

2 ባረንታ አላጋ ጋደ አሳ ኡባ፡፡ ሻኬድና፡፡ ሄዋ፡፡ ፕይያን ደንድ ኡቄደ፡፡ ኡንቱንቱ ካሰ ኡንቱንቱ አዋቱ ኡሌዳ ናጋራ ኡባ ፓጺድና፡፡

3 ሄዋን ኡንቱንቱ ኡቄደአሸን፡፡ ሄዙ ሳትያ ግድያዋ መድና ጎዳ ኡንቱንቱ ጸሳ ሀገያ ማጻፋይ ኡንቱንቶ ናባቤዳ፡፡ ቃይ ሀራ ሄዙ ሳትያ ግድያዋ ባረንቱ ናጋራ ፓጺድነ መድና ጎዳው፡፡ ባረንቱ ጸሳው፡፡ ጎይኒደ ጋምኤድና፡፡

4 ሊዋቱዋ፡፡ አሚራዳዋንቱ ሸቁዋ ቦላን ከሲደ፡፡ ኮሻ ቆቁ ኡሊደ መድና ጎዳኩ፡፡ ባረንቱ ጸሳው፡፡ ዋሴድና፡፡ ሄዋንቱካ ኢያሳ፡፡ ባና፡፡ ቃድምኤላ፡፡ ሻባንያ፡፡ ቡና፡፡ ሸረብያ፡፡ ባና ካናና፡፡

5 ሊዋቱዋ፡፡ ኢያሱ፡፡ ቃድምኤል፡፡ ባን፡፡ ሀሻባኔ፡፡ ሸረቤ ሆዴ፡፡ ሻባነነ ፓታሄ አስራኤልያ አሳ ሀዋዳን ያጌድና፡፡ “ደንድ ኡቄደ፡፡ መድና፡፡ መድና፡፡ መድና፡፡ ጎዳ ህንጎንቱ ጸሳ ጋላትተ! ኡባ፡፡ ሳባ ኡባ ቦላና ቆቁ ቆቁ ጌዳነ ቦንቼቲዳ ጸሳ ስንሳ ሳቢተ” ያጌድና፡፡

#### ናጋራ ፓጺያ ዋሳ

6 ሄዋ፡፡ ፕይያን፡፡ አስራኤልያ አሳይ ሀዋዳን ያጊደ ዋሴድና፡፡ “መድና ጎዳው፡፡ ነ ጸላላይ ጸሳ! ኔን ሳሎቱዋን ሳሎቱዋን ደለያ መፍታ ኡባ፡፡ ሳኣነ አ ቦላን ደለያ መፍታ ኡባ ኡባቱዋን ኡንቱንቱ ግደን ደለያ መፍታ ኡባ መጻዳ፤ ኡባው ሸምቱዋ አማዳ፡፡ ሳሎዋ መፍታቱ ኡባይ ነው ጎይኒና፡፡

7 “ኔን መፍታ ኡባ ጎዳ! ኔን አብራማ ኡራ ጌተትያ ካላዳዋቱ ካታማ፡፡ ደራደ ከሳዳ፤ አ ሱንሳካ ላማደ፡፡ አብራሃማ ያጋደ ሱንሳዳ፡፡

8 አ ነው አማነትያ አሳ ግድያዋ በኣደ፡፡ ካናንቱ፡፡ ሂተቱዋ፡፡ አዋራዋናቱዋ፡፡ ፓርዛዋናቱዋ፡፡ ያቡሳቱዋን ገርጌሳቱዋ ጋድያ አ ዛረቶ ላታ ጋድያ ኦላደ አማናው አው ቃላ ጫቁዋ ገላዳ፡፡ ኔን ጸሎ ግድያ ድራው፡፡ ነ ጌዳ ቃላካ ፖላዳ፡፡

9 “ኔን ካሰ ኑ ማይላ አዋቱዋ ግብጹ ጋድያን ጋኬዳ ቱጋ በኣዳ፤ ቃይ ዙኦ አባ ጌተትያ አባ ማታን ደኢደ ኡንቱንቱ፡፡ ሉና ማዳርኪ! ያጊደ ዋሴዳ ዋሴዋካ ሰሳዳ፡፡

10 ግብጹ ካቲ፡፡ አ ጋድያ ካፓቱ ነ ጋድያ አሳይ ኡባይ አስራኤልያ አሳ ቦላን ኦቶረቲዳ ድራው፡፡ ኡንቱንቱ ቦላን ማላታን ማላልሰያባ ኦላዳ፡፡ ሄዋ፡፡ ደንድዳዋን፡፡ ሀቼ ጋካናው፡፡ ነ ሱንሳይ ቦንቾዋን ጸገታናዳን ኦላዳ፡፡

11 አባ ያነ ሃነ ሻካደ፡፡ ግዳዋና ነ አሳ መላ ቢታና ፕንሳዳ፡፡ ሸን ሹቻይ ጨዋ ሃላን ኦልና፡፡ ጨመዋ ዳገ ዋድያዋዳን፡፡ ኡንቱንቱ የደርሰያ ሞርከቱዋ አባን ምትሳደ ጳይሳዳ፡፡

12 አስራኤልያ አሳ ጋላሰ ሻርያ ቱሳን ካላለዳ፡፡ ቃማ ቃይ ኡንቱንቱ ሀመትያ ኦግያን ፖኦና ማላ፡፡ ታማ ቱሳ ኡንቱንቱ ሰንሳን ኡሳደ ካለላዳ፡፡

13 “ኔን ሳሎዋ፡፡ ዋዳደ፡፡ ነ አሳ ሲና ደርያ ቦላን ሃሳይሳዳ፡፡ ሱረ ፕርዳነ ቱማ ግዴዳ ሀገያ ቃይ ሎኦ ዋጋነ አዛዙዋ ኡንቱንቶ አማዳ፡፡

14 ጌሻ ነ ሳምባታ ኡንቱንቱ ቦንቻና ማላ፡፡ ኡንቱንታ ታማርሳዳ፡፡ ነ ቆማ መሱቤ ባጋና ኡንቱንቶ አዛዙዋ፡፡ ዋጋነ ሀገያ አማዳ፡፡

15 ኡንቱንቱ ኮሻቲዳ ዋደ ሳሎዋ፡፡ ቁማ አማዳ፤ ቃይ ኡንቱንቱ ሳመቲዳ ዋደ ዛላ፡፡ ሃላ ፑልትሳዳ፡፡ ኔን ኡንቱንቶ አማናው ጫቁዳ ጋድያ ገሊደ ላታና ማላ አዛዛዳ፡፡

9:7 ደመላ 11:31፤ 12:1፤ 17:5    9:8 ደመላ 15:18-21    9:9 ከሳ 3:7፤ 14:10-12    9:10 ከሳ 7:8—12:32  
9:11 ከሳ 14:21-29፤ 15:4-5    9:12 ከሳ 13:21-22    9:13 ከሳ 19:18—23:33    9:15 ከሳ 16:4-15፤ 17:1-7፤  
ዘረ. 1:21

16 “ሸን ኑ ማይዛ አዎቱ ኦቶረቲድኖ። ኦድና ሰሰና ሞርግያ ኦርዶ ግዲድ፣ ነጩ አዛዘትባይክኖ።

17 አዛዘተናን እጹድኖ፤ ቃይ ኔን ኡንቲንቶ ኦፊዳ ማላልሰናባ ኡባ ሀሳይባይክኖ። ኡንቲንቲ ሞርግያ ኦርዶ ግዲድኖ፤ ቃይ ባረንቲ ማካላፕ ደንዴዳዋን፣ ግብጹ ጋድያ ኑየ አይለተላጣ ዛሪደ ካለላና ማላ፣ ካፑዋ ባረንቶ ደሬድኖ። ግድ ሸን፣ ኔን አቶ ግያ ጸሳ፤ ኪካነ ማርያዋ። ሲቁዋን ኩሜዳዋን ሀንቆ ኤለለናዋ። ሄዋ ድራጩ፣ ነ ሲቁ ሙድናሳ፤ ኔን ኡንቲንታ አጋ ባይካ።

18 “ኡንቲንቲ ማሪ ማላትያ ኤቃ ሙዲደ፣ ህንተና ግብጹ ጋድያፕ ከሴዳ ህንተንቲ ጸሳይ ሀዋ’ ያገደ ኔና ዋልቃማ ሸቃ ሸቆፕካ።

19 ነ ዳር ማርተላ ድራጩ፣ ኔን ኡንቲንታ ሄ ጋድያ ዋራን አጋ ባይካ። ኡንቲንቲ ብያ ኦግያ ካለላና ማላ፣ ጋለሰ ሻርያ ቲሳይ፣ ቃይ ኡንቲንቲ ኦግያ ፖአሳና ማላ፣ ቃማ ታማ ቲሳይ ኡንቲንቲፕ ሃክቤና።

20 ኡንቲንታ ታማርሳና ማላ፣ ነ ሎኦ እያና ኡንቲንቶ እማዳ። ማናጣ ማና ኡንቲንቲ ድናፕ ፓጭሳባይካ፤ ቃይ ኡንቲንቲ ሳዋካ ሃላ እማዳ።

21 ኦይታሙ ላይላ ኡባ ኡንቲንቲ ዋራን ሀሙትያ ዋደ፣ ኡንቲንቶ ኮሸያባፕ እትባነ ጳይሳባካ። ኡንቲንቲ ማየ ጩቤና፤ ኡንቲንቲ ገዲካ ጋፍቤና።

22 “ባረንቲ ዛዋን ደእያ ጋጸ ቢታቱዋን ካጣተላቱዋ ኡንቲንቲ ጸኒደ ኦይቃናዳን ኦላዳ። ሰሆና ጌተትያ ካቲ ሞድያ ሀሰባና ጋድያን አጋ ጌተትያ ካቲ ሞድያ ባሳነ ጋድያ ኡንቲንቲ ላቲድኖ።

23 ኡንቲንቲ ዘርላቱዋ ፓይዳዋ ሳላዋ ጸልንትያዳን ዳርሳዳ። ካሰ ኡንቲንቲ አዋቶ ገልሳናን ላትሳና ጋይ ኔን ኦዴዳ ጋድያ ኡንቲንታ ገልሳዳ።

24 ኡንቲንቲ ካናን ጋድያ ላቲድኖ፤ ሄ ጋድያን ደእያ ካናን አሳ ኡባ ኡንቲንቲ ሰንላን ኔን ካጣሻዳ። ኡንቲንቲ ካናን አሳ ቦላን፣ ኡንቲንቲ ካተቱዋ ቦላን ሄ ጋድያን ደእያ አሳ ኡባ ቦላን ባረንቲ ደሴዳዋ ኦላና ማላ፣ ኡንቲንቲ ኩሸያን አላ እማዳ።

25 ቃይ ኡንቲንቲ የሹ ግምቤታ ካታማቱዋን አራዳ ቢታ ጸኒደ እኪድኖ፤ ቃይካ ሎአባይ ኡባይ ኩሜዳ ጎልያ፣ ቦከቲዳ ሃላ ኦላቱዋ፣ ዋይንያ ቱራ ሳኦ፣ ዋጋራቱዋን ሀራ አይፍያ እምያ ዳር ሞላቱዋ ላቲድኖ። ሄዋፕ ዋ ካሊደ ኦርዴድኖ፤ ነ ዋልቃማ ከካተላን ኡንቲንቲ ናሽቴድኖ።

26 “ግደፕካ፣ ነ አሳቲ አዛዘተናን እጸደ፣ ነ ቦላን ማካሊድኖ፤ ነ ሀግያጣካ ዘኪያ ዛሪድኖ። ኔኮ ኡንቲንቲ ሰማናዳን ኡንቲንቶ ሞንሲደ ኦዴዳ ትምቢትያ ኦድያዋንታ ዋዴድኖ። ሎይላ ዋልቃማ ሸቃ ኔና ሸቁድኖ።

27 ሄዋፕ ደንዴዳዋን ኡንቲንታ ኡንኤልያ ሞርከቱዋ ኩሸያን አላ እማዳ፤ ሞርከቱ ኡንቲንታ ኡንኤልያ ዋደ ኔኮ ዋሲድኖ። ኡንቲንቲ ዋሱዋ ሳላዋን ግዳ ሰሳደ ነ ማርተላ ዳራዋዳን፣ ኡንቲንታ ኡንቲንቲ ሞርከቱዋ ኩሸያፕ አሸያዋንታ ኪታዳ።

28 “ሸን ኡንቲንቲ ሸምፑዋ ደሚደ ዛረሲደ፣ ነ ሰንላን ናጋራ ኦፊድኖ። ኔካካ ዛራደ ኡንቲንቲ ሞርከቱዋ ኩሸያን አላደ እምና፣ ኡንቲንቲ ሞርከቱ ኡንቲንታ ሞደድኖ። ሸን ሀእካ ኡንቲንቲ ኔኮ ዋሰና፣ ኡንቲንቲ ዋሱዋ ሳላዋን ግዳደ ሰሳዳ። ነ ማርተላን ኡንቲንታ ዛራ ዛራደካ አሻ አካዳ።

29 “ነ ሀግያኮ ኡንቲንቲ ሰማና ማላ፣ ኔን ኡንቲንቶ ሞንሳደ ኦዴዳ፤ ሸን ኡንቲንቲ ኦቶረቲድኖ፤ ነ አዛዘተካ እጹድ ያጌድኖ። አሳይ አዛዘቶፕ ደኤዋ ደምያ ነ ሀግያ እጹድኖ፤ ቃይ ሞርግያ ኦርዶ ግድ፣ ነጩ ዘኪያ ዛሪደ፣ አዛዘተናን እጹድኖ።

30 ግደፕካ፣ ዳር ላይላ ኡንቲንታ ዳንዴያዳ፤ ትምቢትያ ኦድያዋንቲ ባጋና ነ እያናን ኡንቲንቶ ሞንሳደ ኦዴዳ፤ ሸን ኡንቲንቲ ሰሰባይክኖ። ሄዋፕ ደንዴዳዋን አይሁዳ ግደና ካጣተላቱ ኡንቲንታ ሞዳና ማላ፣ ኡንቲንቲ ኩሸያን አላ እማዳ።

31 ሸን ኔን ኪካነ ማርያ ጸሳ ግድያ ድራጩ፣ ነ ዋልቃማ ማርተላን ኡንቲንታ ኡባና አጋባይካነ ጳይሳባካ።

32 “ኑ ጸሳጣ፣ ዋልቃማጣ፣ ዋልቃማን ያየቲዳ ጸሳጣ፣ ነ አገና ሲቁዋ ቃላ ጫቁዋ ናግያዋ፣ ኑ ቦላን ጋኬዳ ሙቲ ነ ሰንላን ላፋባ ማላቶ። በን አሰሪ ካተቱዋ ዋድያፕ ደሚደ፣ ሀቼ ጋካናጣ፣ ኑ ቦላን፣ ኑ ካተቱዋ ቦላን፣ ኑ ካፓቲ ቦላን፣ ኑ ቁሳቲዋ ቦላን፣ ኑ ትምቢትያ ኦድያዋንቲ ቦላን፣ ኑ ማይዛ አዎቱዋ ቦላን፣ ነ አሳ ኡባ ቦላን ዋልቃማ ሙቲ ጋኬዳ።

33 ኑና ጋኬዳዋን ኡባን ኔን ጽሉዋ። እያጣ ሳፕ፣ ኑን ኔና ናቆፕካ ኔን እማንትያዋ አጋ ባይካ።

34 ኑን ካተቲ፣ ኑ ካፓቲ፣ ኑ ቁሳቲ፣ ነ ኑ ማይዛ አዎቱ ነ ሀግያ ናግቤይክኖ፤ ቃይ ኔን ኡንቲንቶ እሜዳ አዛዘተካ ነ ሞንሳ ኦዴዳዋካ ሰሰባይክኖ።

9:16 ፓይ. 14:1-4፤ ዛረ. 1:26-33 9:17 ከሳ 34:6፤ ፓይ. 14:18 9:18 ከሳ 32:1-4 9:19 ዛረ. 8:2-4 9:22 ፓይ. 21:21-35 9:23 ደሙላ 15:5፤ 22:17፤ ኢያሳ 3:14-17 9:24 ኢያሳ 11:23 9:25 ዛረ. 6:10-11 9:26 ዳር. 2:11-16 9:29 ዋጋ 18:5 9:30 2 ካታ. 17:13-18፤ 2 ኦዳዋ 36:15-16 9:32 2 ካታ. 15:19፤ 29፤ 17:3-6፤ እዘራ 4:2፤ 10

35 ኔን ኡንቱንቱ ካወተላን ኡንቱንቱ ዋልቃማ እንጂቀ እማዳ፤ ቃይ እኮነ ሞክያ ቢታካ ኡንቱንቱ እማዳ፤ ሸን ኡንቱንቱ ነዉ ጎይንበይክኖነ ባረንቱ ኢታ ኡሱዋፕ ሰምበይክኖ።

36 “ሄዋፕ ደንዴዳዋን፣ ኑን ሀቺ አይልያ ግድያዋ በእ። ቃይ ሄዌካ ኡንቱንቱ አ አይፍያነ አ እምያ እንጂቀ ኡባ ማና ማላ፣ ኑ ማይዛ አዋቶ ኔን እሜዳ ሄ ጋድያን፣ ኑን አይልያ ግድድ።

37 ኑ ናጋራ ድራዉ፣ ኔን ኑ ቦላን ደንጮዳ ካተቱ ጋድያ እንጂቀ ኡባ ኡንቱንቱ ጎኤቲኖ። ቃይ ኑ ቦላን ኑ መሀያ ቦላን ባረንቱ ኮዬዳዋ ኡሰኖ፤ ኑንካ ዋልቃማ መቱዋ ግደን ደኤቶ” ያጌድኖ።

አሳይ ባረንቱ ማየቲዳ ቃላ ጫቁዋ ፓራሜዳ

38 ሀኔዳ የወዋ ኡባ ድራዉ፣ ኑን ሃሳዪደ ጫቁዳ ጫቁዋ ጸፊደ፤ ሄ ኑን ጸፊዳ ጫቁዋ ዋራቃታ ቦላን ኑ ካፓቱ፣ ኑ ለዋቱነ ኑ ቄሳቱ ባረንቱ ማታፋ ዋጮድኖ።

10

1 ሀዋፕ ካልያ አሳቱ ሄ ማታፋይ ዋጮዳ ዋራቃታ ቦላን ፓራሜድኖ። ሄዋንቱካ ሀካልያ ናአ ጋድያ ሞድያ ናህምያ፤ ቄሳቱ ዋፕ፣ ሰደቅያሳ፤

2 ሳራያ፣ አዛርያ፣ ኤርማሳ፣

3 ፓሽሁራ፣ አማርያ፣ ማልክያ፣

4 ሀጺኡሻ፣ ሻባንያ፣ ማሉካ፣

5 ሀሪማ፣ ማረሞታ፣ ኦባድያ፣

6 ዳኔላ፣ ግንቶና፣ ባሩካ፣

7 ማሹላማ፣ አቢያ፣ ሞያሚና፣

8 ማአዘያ፣ ብልጋያነ ሻማእያ።

9 ሊዋቱዋፕ፣ አዛንያ ናአ ኢያሳ፣ ሄናዳዳ ያራ ግዴዳ ቢኔያ፣ ቃድምኤላነ

10 ኡንቱንቱ እሻቱዋ ሻባንያ፣ ሆድያ፣ ቃሊጻ፣ ፓላያ፣ ሀናና፣

11 ማካ፣ ራሆባ፣ ሀሻብያ፣

12 ዛኩራ፣ ሸረብያ፣ ሻባንያ፣

13 ሆድያ፣ ባናነ ባኒና።

14 ቃይ አሳ ካለልያዋንቱ፣ ፓርኦሻ፣ ፓሀት-ሞአባ፣ ኤላማ፣ ዛታ፣ ባና፣

15 ቡና፣ አዝጋዳ፣ በባያ፣

16 አድንያ፣ ብግዋያ፣ አዲና፣

17 አጼራ፣ ሀዝቂያሳ፣ አዙራ፣

18 ሆድያ፣ ሀሹማ፣ በጻያ፣

19 ሀሪፋ፣ አናቶታ፣ ነባያ፣

20 ማግፕኦሻ፣ ማሹላማ፣ ሄዚራ፣

21 ማሸዛቤላ፣ ጸድቃ፣ ያዱአ፣

22 ፓላጽያ፣ ሀናና፣ አናያ፣

23 ሆሹእ፣ ሀናንያ፣ ሀሹባ፣

24 ሀሎሄሻ፣ ፒልሀ፣ ሸቤቃ፣

25 ረሁማ፣ ሀሻብያ፣ ማእሴያ፣

26 አኪያ፣ ሀናና፣ አናና፣

27 ማሉካ፣ ሀሪማነ ባአና።

አሰራኤልያ አሳይ ጫቁቲዳ ቃላ ጫቁዋ

28 ቃይ አቲዳ አሳይካ ቄሳቱ፣ ሊዋቱ፣ ፐንግያ ናግያዋንቱ፣ ማዘመርያ የጽያዋንቱ፣ ጌሻ ጎልያ ቆማቲነ ጸሳ ሀግያዉ አዛዘታናዉ አይሁዳ ግደናዋንቱ፣ ባረና ሻኬዳ ኡባይ፣ ቃይ ኡንቱንቱ ማቻቱ፣ ኡንቱንቱ አቱማ ናናይ፣ ኡንቱንቱ ማጫ ናናይነ የወዋ አኬካናዉ አሳ ጋማ ጋኬዳ ኡባይ።

29 ባረና ካለልያዋና ሀ ጫቁዋን ማየቲድኖ። ሄዌካ ባረ ቆማ ሙሴ ባጋና ጸሳይ ኡንቱንቱ እሜዳ ሀግያዳን ባናዉ፣ መድና ጎዳ ኑ ጸሳ አዛዘዋ፣ ፕርዳነ ዋጋ ናጋናሳነ ኦላናሳ። ሄዌ ቆፕ፣ ጸሳይ የድያ ሸቃይ ባረንቱ ቦላ ያናዳን ማየቲድኖ።

30 ኡንቱንቱ ሀዋዳን ያጌደ ጫቁድኖ፤ “ኑ ማጫ ናና አይሁዳ ግደና ጋድያ አቱማ ናናቶ እሞኮ፤ ቃይ ኡንቱንቱ ማጫ ናናካ ኑ አቱማ ናናቶ ማቻቶ ኦሊደ እኮኮ።

31 “አይሁዳ ግደና ጋድያ አሳቱ ካላ ግድና ዋይ ሀራባ እያነ ሳምባታ ጋላሰ ዋይ ሀራ ባላ ጋላሰ ዛልአናዉ አሆፕ፣ ኡንቱንቱ፣ ሻሞኮ።

“ላፕንላ ላይሳይ ጋክያ ዋደ፣ ኑ ጋድያ ጎሾኮ፤ ኑን ታልኤዳ አጩዋ ኦሻኮ።

32 “ጌሻ ጎልያ ኦሶ እቺሹ ግራመ ዴጽያ ብራ ላይላን ላይላን አገናን እማና።

33 ሃዌ እያው ጎጥ፣ ጸሳ ሰንገላን ዋልያ ኡክላሳ፣ ሆቼ ሆቼ ያርሽያ ካላ ያርሹዋ ሳእ፣ ጸግያ ያርሹ ሹክያ መሀያው፣ ሳምባታ ጋላሳን፣ አግናይ ጼርያ ዋይን ላይላን ደእያ ሀራ ባላቱዋን ያርሽያ ያርሹን ሀራ ጌሻ ሚሻ ኡባሳ፤ ቃይ እስራኤልያ አሳ ናጋራ አቶ ጊሳውያ ያርሽያ ያርሹን ኑ ጸሳ ጌሻ ጎልያ ኦሶ ኮሽያ ኡባባሳ።

34 “ኑን ቁሳቶ፣ ሊዋቶን ሀራ አሳ ኡባው ሳማ የጌድ። እያው ጎጥ፣ ሀግያን ጸፈቲዳዋዳን መድና ጎዳው፣ ኑ ጸሳው፣ ያርሽያ ሳእን ያርሹዋ ጸግያ ምላ ኑ ጸሳ ጌሻ ጎልያው ኑ ያራይ አሀናው በሰንቶ ኡራናሳ።

35 “ላይላን ላይላን ኑ ጋድያ እይፍያ ኮይሮ ጋክያዋን እይፍያ እምያ ዱማ ዱማ ምላቱዋጥ ኑን ኮይሮ ማጼዳ እይፍያ ኡባ መድና ጎዳ ጌሻ ጎልያ አገናን እሂደ አማና።

36 “ሀግያን ጸፈቲዳዋዳን ኑን ኡባይካ ኮይሮ የለትያ ኑ አቱማ ናና ኑ ጸሳ ጌሻ ጎልያን ኦልያ ቁሳቱ ዋኮ እሂደ፣ ጸሳው ዱማያና፤ ቃይ ኑ ሚዛቱ፣ ኑ ድርሳቱን ኑ ዳሻቱ የልያ ኮይሮ ማራ ኡባካ ያ እሂደ፣ ቁሳቶ እማና።

37 “ኑን ኑ ጋድያን ድልያ ካላ እይፍያ ኮይራዋ፣ ቃይ ኑ ምላ ኡባ እይፍያ፣ ዋይንያን ዛይትያ እዋታ ኦሊደ፣ ኑ ጸሳ ጌሻ ጎልያ ሃ ቁሳቱ ዋኮ አሀና። ቃይ ሊዋቱ ኑ ካታማቱዋን ደእያ ቢታ ኡባ እይፍያ እስራታ አክያዋንታ ግድያ ድራው፣ ኑ ቢታይ እይፌዳዋጥ ኡባጥ እስራታ ኡንቱንቶ አማና።

38 ሊዋቱ እስራታ ሹሽያ ዋይ፣ እርና ያራ ግዴዳ ቁሳቱ ኡንቱንቱና እትጥ ደእናው በሰ። ሊዋቱካ እስራታ ሹሹዋጥ ጉይያን፣ እስራታጥ ከሱዳ እስራታ ኑ ጸሳ ጌሻ ጎልያ እሂደ፣ ሻሉዋ ዋልያ ክፍልያን ዋልያ።

39 እስራኤልያ አሳይን ሊዋቱ ካላ፣ ዋይንያን ዋጋራ ዛይትያ እዋታ፣ ጌሻ ጎልያ ሚሻቱን ጌሻ ጎልያን ኦልያ ቁሳቱ፣ ጥንግያ ናግያዋንቱን ማዘሙርያ የጽያዋንቱ ደእያ ክፍለቱዋ አሂና። “ኑን ኑ ጸሳ ጌሻ ጎልያ ኦሱዋ ኡባካ ሸነኮ ጎኮ” ያጊደ ጫቂድና።

**ናሆሚ የሩሳላሙን ኦሴዳ ላምያ**

**11**

(11:1—13:31)

የሩሳላሙን ደእያ አሳ

1 አሳ ካለልያዋንቱ የሩሳላሙን ደኤድና። ቃይ ሀንኮ አሳጥካ ታሙዋጥ እቱ እቱ ጌሻ ካታማን የሩሳላሙን ደእና ማላ፣ ሳማ የጊደ ደራድና። ሸን ሀራ ኡዱፑን ኩሽያ አሳይ ባረንቱ ካታማቱዋን ደኤድና።

2 የሩሳላሙን ደእናው ባረንቱ ሸንያን ማጼዳ አሳ ኡባ አሳይ እንጃዳ።

3 ሀራ ካታማቱዋን ደእያ እስራኤልያ አሳይ፣ ቁሳቱ፣ ሊዋቱ፣ ጌሻ ጎልያ ቆማቱን ሶሎዋን ቆማቱዋ ያራቲ ኡባይ ባረንቱ ካታማን ካታማን ደእያ ጋድያ ኦይቂደ ደኤድና። ሸን ሀዋጥ ካሊደ ጸፈቲዳዋንቱ፣ የሩሳላሙን ደእናው ዬዳ ጋድያ ካለልያዋንታ።

4 ይሁዳ ዛርያጥ ዬዳ ካለልያዋንቱ ፓራሳ ያራ ግዴዳ አታያን ሼላ ያራ ግዴዳ ማእሴያ። አታይ ኦዘያና ናእ፤ ኦዘያን ዛካራሳ ናእ፤ ዛካራሰ አማርያ ናእ፤ አማር ሻፋጽያ ናእ፤ ሻፋጽ ማላልኤላ ናእ።

5 ማእሴይ ባሩካ ናእ፤ ባሩክ ኮልሆዛ ናእ፤ ኮልሆዛ ሀዛያ ናእ፤ ሀዛይ አዳያ ናእ፤ አዳይ ዮያሪባ ናእ፤ ዮያሪብ ዛካራሳ ናእ።

6 ፓራሳ ያራጥ ዋልቃማ ግዴዳ 468 አሳቱ የሩሳላሙን ደኤድና።

7-8 ቢንያማ ዛርያጥ ዬዳ ካለልያዋንቱ ሳላ፣ ጋባያን ሳላያ። ሳላ ማሹላማ ናእ፤ ማሹላም ዮኤዳ ናእ፤ ዮኤድ ፓዳያ ናእ፤ ፓዳይ ቆላያ ናእ፤ ቆላይ ማእሴያ ናእ፤ ማእሴይ እትኤላ ናእ፤ እትኤል ይሻእያ ናእ። ሙሉና 928 ቢንያማ ዛራቱ የሩሳላሙን ደኤድና።

9 ዚክራ ናእይ ዩኤል ኡንቱንቱ ካፑዋ፤ ቃይ ሀሳኦአ ናእይ ይሁዳይ ካታማን ላኤንላ ማራጊ ደእያ ካፑዋ።

10-11 ቁሳቱ ዋጥ ዬዳ ካለልያዋንቱ ዮያሪባ ናእ ያዳያ፣ ያከናን ሳራያ። ሳራይ ሀልቂያ ናእ፤ ሀልቂ ማሹላማ ናእ፤ ማሹላም ጸደቃ ናእ፤ ጸደቀ ማራዮታ ናእ፤ ማራዮት ጸሳ ጌሻ ጎልያ ካፑዋ ግዴዳ አሀጸባ ያራ።

12 ኡንቱንቱና እትጥ ጸሳ ጌሻ ጎልያ ኦሱዋ ኦሴዳዋንቱ ኡባና 822. ቃይ ሀራ ካለልያዋ አዳያ፤ አዳይ ይርሃማ ናእ፤ ይርሃም ፓላልያ ናእ፣ ፓላሊ አሞጻ ናእ፤ አሞጻ ዛካራሳ ናእ፤ ዛካራሰ ፓሽሁራ ናእ፤ ፓሽሁር ማልክያ ናእ።

13 አዳያና እትጥ ደእያ አሳይ ኡባና 242. ቃይካ ሀራ ካለልያዋ እማሻሳ፤ እማሻሳይ አዛርኤላ ናእ፤ አዛርኤል አሀዛያ ናእ፤ አሀዛይ ማሸለሞታ ናእ፤ ማሸለሞት እማራ ናእ።

14 እማሻሳናና እትጥ ደእያ ኦላንቻቱ ኡባና 128. ኡንቲንቱ ካፑ ሀግደልማ ናኣ ዛብድኤላ።

15 ሊዋቱዋጥ ዬዳ ካለልያዋንቱጥ እቱ ሻማእያ፤ ሻማኤ ሀሹብ ናኣ፤ ሀሹብ እዘርቃማ ናኣ፤ እዘርቃም ሀሻብያ ናኣ፤ ሀሻቢ ቡና ናኣ።

16 ቃይ ሀራቱ ሻባታያን የዛባዳ፤ ኡንቲንቱ ጸሳ ጌሻ ጎልያጥ ካረና ኦሰትያ ኦሶቶ እዋትያ ሊዋቱ ካፓቱዋ።

17 ቃይካ ሀራይ ማታንያ፤ እ ጋላታ ዋሳ ዋሰያ ዋይ ጋላታ ማዘመርያ የጽያዋንቶ ካፑዋ፤ እ እሳፋ ያራጥ የለቲዳ ዛብዳ ናኣ ናኣ። ሚካ ናኣ። ባረናና እትጥ የጽያዋንቱ ግደን ባቅቡቀ ላኤንጎ። ቃይ ሀራይካ ኡብዳ፤ እ ሻሙኦ ናኣ፤ ሻሙኦ ጋላላ ናኣ፤ ጋላላ ደዱቱና ናኣ።

18 ኡባና 284 ሊዋቱ ጌሻ ካታማን የሩሳላመን ደኤድና።

19 ጥንግያ ናግያዋንቱጥ እቀባ። ጸልሞናን ኡንቲንቱና እትጥ ኦልያ ሀራ 172.

20 አቲዳ ቁሳቱ። ሊዋቱን እሰራኤልያ ኦሳይ ኡባይ ባረንቱ ጋዲ ደእያ ሳኣን ደእያ ሳኣን ዲማ ዲማ ይሁዳ ካታማቱዋን ደኤድና።

21 ሸን ጌሻ ጎልያ ቆማቱ የሩሳላመን ካታማን እት ባጋና ደእያ ኦፊላ ጌተትያ ሄራን ደኤድና። ጸሀን ግሸጥን ላኡ ኡንቲንታ ካለልያዋንታ።

22 የሩሳላመን ደእያ ሊዋቶ ካፑ ኡዛ። እ ባና ናኣ፤ ባን ሀሻብያ ናኣ፤ ሀሻቢ ማታንያ ናኣ፤ ማታኒ ሚካ ናኣ። ኡዘ ጌሻ ጎልያን የጽያዋንቶ ካፑዋ ግዴዳ እሳፋ ያራ።

23 ኡንቲንቱ ሀቼ ሀቼ ኦሳናባዉ ካትያጥ ኡንቲንቶ እመቲዳ እዛዙ ደኤ።

24 ይሁዳ ናኣ ዛራሀ ያራጥ የለቲዳ ማሸዛቤላ ናኣ ፓታሄ እሰራኤልያ ኦሳ ጸልያ ኡባባዉ ኡንቲንቱ ዶና ግዲዶ። ካትያ ማታን ደኤ።

**ሀራ ቁር ካታማቱዋን ደኤዳ እሳ**

25 አሳጥ ዳራቱ ባረንቱ ጎሻ ጎሻ ማታን ደእያ ቁር ካታማቱዋን ደኤድና። ሄዋ ድራሬ። ይሁዳ ዛራቱ ቅርያት-አርባኣን። ድቦናን። ያቃብጽኤላንን ሄዋ ሄራን ደእያ ቁር ካታማቱዋን ደኤድና።

26 ኡንቲንቱ ቃይ የሹእን። ሞላዳን። ቤት-ጸሌጸን።

27 ሀጸር-ሹኣላን። በርሳቤሀንን ሄዋ ሄራን ደእያ ቁር ካታማቱዋን።

28 ጽቅላጋን። ማኮናንን ሄዋ ሄራን ደእያ ቁር ካታማቱዋን ደኤድና።

29 ቃይካ ኡጋርሞናን። ጸርኣን። ያርመታንካ ደኤድና።

30 ሄዋ ጸላላ ግደናን ዛናሀን። አዲላማንን ሄዋ ሄራን ደእያ ቁር ካታማቱዋን ላክሻንን ሄዋ ሄራን ደእያ ጎሻን። ቃይ እዜቃንን ሄዋ ሄራን ደእያ ቁር ካታማቱዋንካ ደኤድና። ሄዋ ድራሬ። ይሁዳ ኦሳይ ኡባና በርሳብሄጥ ቢደ። ህናማ ዛንጋራ ጋካናዉ ደእያ ሳኣን ደኤድና።

31 በንያማ ዛራቱ ቤቲላንን ሄዋ ሄራን ደእያ ቁር ካታማቱዋንን ገባኣን። ሞክማሳን። ኣያን።

32 አናቶታን። ናባን። አናንያን።

33 ሀጸራን። ራማን። ግታይማን።

34 ሀዲዳን። ጸቦኣማን። ናባላጸን

35 ሉዳን። ኦናንን ኩሽያ ሄላቱ ዛንጋራ ግያ ሳንካ ደኤድና።

36 ይሁዳን ደኤዳ ሊዋቱዋጥ ዳራቱ በንያማ ኦሳና እትጥ ደእናዳን ኦሰቲድና።

**12**

**ኦሞዲዋጥ ስሜዳ ቁሳቱዋን ሊዋቱዋ ሱንሳ**

1 ሳላትያላ ናኣ ዛራባቤላናን ቁሰ ኡባቱዋ ካፑዋ ኢያሱና ኦሞዲዋጥ ስሜዳ ቁሳቱ ሀዋንታ፡ ሳራያ። ኤርማሳ። እዘራ።

2 አማርያ። ማሉካ። ሀጸኡሻ።

3 ሻካንያ። ረሁማ። ማረሞታ።

4 እዳ። ግንቶና። ኦቢያ።

5 ሞያሚና። ማኡድያ። ብልጋ።

6 ሻማእያ። ዮያሪባ። ያዲያ።

7 ሳላ። ኦሞካ። ሀልቂያን ያዲያ። ሀዋንቱ ኢያሱ ላይላን ቁሳቶን ቁሳቱዋ ያራቶ ካፑዋ ግዴዳዋንታ።

8 ኡንቲንቱና እትጥ ስሜዳ ሊዋቱ ኢያሳ። ቤኑያ። ቃድሞኤላ። ሸረብያ። ይሁዳን ማታንያ። ማታኒ ሀራ ባረናና ኦልያዋንቱና እትጥ ጋላታ ማዘመርያ የጽያዋንቶ ካፑዋ።

9 ኡንቲንቱና እትጥ የጽያ ባቅቡቀን ኡናን ኡንቲንቱጥ ስንሳና ሃ ሰም ኤቂይ የጸና።

10 ኢያሱ ዮያቂም የሌዳ፤ ዮያቂም ኤልያሸባ የሌዳ፤ ኤልያሸባ የዮያዳኦ የሌዳ፤

11 ዮያዳኦ የናታና የሌዳ፤ ዮናታን ያዳኦ የሌዳ።

12 ዮያቂም ቁሰ ኡባቱዋ ካፑዋ ግዴዳ ላይላ። ሀዋጥ ካሊደ ጸፊቲዳዋንቱ። ቁሳቱዋ ያራቱ ካፑዋ ግዴድና።

- ሳራያ ያራ ካፑ ማራያ።
- ኤርማሳ ያራ ካፑ ሀናንያ።
- 13 እዘራ ያራ ካፑ ማሹላማ።
- አማርያ ያራ ካፑ ያሆሀናና።
- 14 ማሉካ ያራ ካፑ ዮናታና።
- ሻባንያ ያራ ካፑ ዮሴፎ።
- 15 ሀሪማ ያራ ካፑ አዲና።
- ማራዮታ ያራ ካፑ ህልቃያ።
- 16 እዶ ያራ ካፑ ዛካራሳ።
- ግነቶና ያራ ካፑ ማሹላማ።
- 17 አቢያ ያራ ካፑ ዚክሪ።
- ምንያምና ማእድያ ያራ ካፑ ፕልጻያ።
- 18 ብልጋ ያራ ካፑ ሻሙአ።

- 19 ዮያሪባ ያራ ካፑ ማታናያ።
- ያዲያ ያራ ካፑ ኡዛ።
- 20 ሳላያ ያራ ካፑ ቃላያ።
- አሞካ ያራ ካፑ ኤቤራ።
- 21 ህልቂያ ያራ ካፑ ሀሻብያ።
- ያዲያ ያራ ካፑ ናታጎኤላ።

22 ሌዋቱ ካፓቱ ኤልያሽብ፣ ዮያዲእ፣ ዮሀናንነ ያዲእ ቄስ ካፑዋ ግዴዳ ዲማ ዲማ ላይላን ጸፈቲድና። ቃይ ቄሳቱ ፓርስ ጋድያ እሳ ግዴዳ ዳርዮስ ካተቱዳ ላይላን ጸፈቲድና።

23 ግደ ሸን፣ ሌዋቱ ያራቱ ካፓቱ ማዘገብያን ጸፈቲዳዌ ኤልያሽባ ናእ ናእ ዮሀናን ሀይቃና ጋካናዉ ደእያ ዎድያ ጸላላና።

24 ሌዋቱዋ ካለሉያዋንቱ ሀሻብያ፣ ሸረብያን ቃድምኤላ ናእ ኤያሳ። ኡንቱንቱ ጸሳ እሳ ግዴዳ ካቲ ዳዊተ አዛዜዳዋዳን፣ ላኤዋን ሻከት ኤቂደ፣ ካላን ካላን ጸሳ ቦንቺናን እዉ ጋላታ ማዘሙርያ የጸኖ።

25 ነሻ ጎልያ ግምቢያ ፐንግያ ማታን ኬጸቲዳ ዲማ ዲማ ሻሉዋ ዎልያ ጎልያ ናግያዋንቱ ማታንያ፣ ባቅቡቅያ፣ አባድያ፣ ማሹላማ፣ ጸልሞናን አቁባ ግያዋንታ።

26 ሀዋንቱ ዮጸዳቃ ናእ ናእ፣ ኤያሱ ናእ ዮያቂም፣ ጋድያ ሞድያ ናህሚነ ቄስነ ጸፍያ ግዴዳ እዘር ደኤዳ ላይላን ኦልድና።

**ናህሚ የሩሳላሙ ካታማ ግምቢያ እንጅሰያ ባላ ኦልዳ**

27 የሩሳላሙ ግምቢ ግምቢቲደ ዉሬዳ ባላ ቦንቻያ ዎደ፣ ሌዋቱ ባረንቱ ደኤያሳፕ ሳፕ ኮየቲደ፣ የሩሳላሙ ዬድና፤ ዳላን፣ ዲላንነ ማሰንቁዋን ጋላታ ማዘሙርያ ናሽቻን የጸደ፣ ባላ ቦንቻድና።

28 ሀ ባላ ቦንቻናዉ ሌዋቱዋ ዛራቱ፣ ማዘሙርያ የጽያዋንቱ ኤባይ ባረንቱ ኬጸደ ኡቲዳ የሩሳላሙ የሹዋፕነ ናጸፋቱ ጋድያን ደእያ ቄር ካታማቱዋፕ፣

29 ቤት-ገልጋላፕ፣ ገባአፕነ አዘማቂታፕ ሸቂደ ዬድና።

30 ሄዋፕ ጉይያን፣ ቄሳቱ ነ ሌዋቱ ባረንቱ ሁጲያዉ ጌዬድና፤ ጎይ አሳይ ኡባይ፣ ግምቢያ ፐንገቱን ግምቢ ጸሳዉ ጎያናዳን ኦልያ ዎጋ ፖሌድና።

31 ታን ይሁዳ ካለሉያዋንታ ግምቢያ ቦላን ሸሻይ፤ ቃይ ማዘሙርያ የጽያዋንታካ ላኡ ጨጉዋን ሻካደ ጸሳ ጋላታና ማላ ኦላድ። እት ጨጉ ግምቢያ ሁጲያና ኡሸቻ ሰሚደ፣ ፕቱዋ ኦልያ ፐንግያ ባጋ ቤዳ።

32 ሆሻይነ ይሁዳ ካለሉያዋንቱፕ ባጋቱ ኡንቱቱፕ ጉየና ካለና።

33 ሀራቱ ቃይ ኡንቱንቱና ደእያዋንቱ አዛርያ፣ እዘራ፣ ማሹላማ፣

34 ይሁዳ፣ ቢንያማ፣ ሻማእያ፣ ኤርማሳን

35 ጹራምባ ኦይቂደ ቄሳቱ ዋ። ቃይ ኡንቱንቱፕ ጉየና ዬዳዌ ዛካራሳ፤ ዛካራሰ ዮናታና ናእ፤ ዮናታን ሻማእያ ናእ፤ ሻማኤ ማታንያ ናእ፤ ማታኒ ምካያ ናእ፤ ምካይ ዛኩራ ናእ፤ ዛኩር አሳፋ ናእ።

36 ዛካራሳ ያራ ግዴዳ ሻማኤ፣ እዘርኤል፣ ሞላላይ፣ ግላላይ፣ ማእይ፣ ናታንኤል፣ ይሁዳይነ ሀናን ጸሳ እሳ ግዴዳ ዳዊተ ጸሳዉ የጽያ ዎደ ጎኤቻያ የላ ሚሻ ኡባ አኪደ፣ ዛካራሳፕ ጉየና ካሌድና። ኡንቱንቱ ጨጉዋ ካለሉያዋን ጸፍያዌ እዘራ።

37 ፑልቱዋ ፐንግያቡ ጋኮዋፕ ጉይያን፣ ዳዊታ ካታማኮ ሰሚደ፣ ግምቢያ ቦላን ደእያ ጸካ ከሴድና፤ ዳዊታ ጎል አጲደ፣ ካታማፕ አዋይ ዶልያ ባጋና ደእያ ሃላ ፐንግያቡ ቤድና።

38 ላኢንሎ ማዘሙርያ የጽናዎንቱ ጩታ ግምቢያ ሁጲያ ኦይቁደ፣ ሀድርሳ ሰሚደ ቤዳ። ታን አሳጥ ባገር እትጥ ግዳደ ኡንቱንቱጥ ጉየና ካላድ። እቶንያ ኡዳሳ ግምቢያጥ አጲደ፣ እኮ ግምቢያ ጌትትያ ሳኣ ጋኬዳ።

39 ቃይ ሄዋጥካ ሰሚደ፣ ኡፍሬማ ጥንግያ፣ ኡጫ ጥንግያ፣ ሞልያ ጥንግያ፣ ሀናንኤላ ኡዳሳ ግምቢያን ጾቱ አዳሳ ግምቢያ ጋካናሰካ ቤዳ። ሠርሰሳን ድርሳ ጥንግያ ማጥና ቢደ፣ ናግያዋንቱ ጥንግያ ጋከደ ኡቁዳ።

40 ማዘሙርያን ጸሳ ጋላትያ ላኢ ጩታካ ጸሳ ጌሻ ጎልያኮ ጋኬድና፤ ቃይ ታንካ ታናና እትጥ ደእያ ካለልያዋና ጋካድ።

41 ኑጥ ሀራቱ ሀዋጥ ካሊደ ጸፈቱዳ፣ ጸ-ሩምባ ጥንያ ቁሳቱ ካ ጋኬድና። ሄዋንቱካ ኤልያቁማ፣ ማእሴያ፣ ምንያምና፣ ምካያ፣ ኡልዮኤናያ፣ ዛካራሳን ሀናንያ።

42 ኡንቱንቱ ካሊደ ጋኬዳዋንቱ ማእሴያ፣ ሻማእያ፣ ኤልአዛራ፣ ኡዛ፣ ያሆሀናና፣ ማልክያ፣ ኤላማን ኤጼራ። ከን ኡባይ ደንድ ኡቆጥ ጉይያን፣ ማዘሙርያ የጽናዎንቱ ይዘራሄ ኡንቱንታ ካለልና፣ ባረንቱ ኮሻ ቋቁ ኡሊደ የጾድና።

43 ሄ ጋለሰ ዳር ያርሹዋ አሳይ ጸሳው ያርሹዳ፤ እያው ጎጥ፣ ጸሳይ ኡንቱንቱ ዋልቃማ ናሽቻን ናሽቹዳ፤ ማጫ አሳይካ ናናይካ ናሽቱድና። ሄዋ ድራው፣ የሩሳላሙ አሳይ ናሽትያ ናሽቻይ ሃኩዋን ሰሰቱዳ።

44 ሄ ጋለሰ አሳይ እምያ እምታቱዋ፣ አሰራታን ላይላን ካእያ ካላ አይፍያ ኮይሩዋ ሺሺደ፣ ሚሻቱዋ ዋልያ ጎለን ዋሊደ፣ ናግያ ካጋቱዋ ደሬድና። ሀ ደሬዳ አሳቱ ዲማ ዲማ ካታማቱዋን ደእያ ሽይቃቱዋጥ ሀጊ አዛዘያዋዳን፣ ቁሳቶን ለዋቶ በሰያ ቆሙዋ ሺሸና። እያው ጎጥ፣ ይሁዳ አሳይ ኡባይ ቁሳቱ ዋንን ለዋቱዋን ሎይሳ ናሽቱድና።

45 ኡንቱንቱ ጸሳይ አዛዘዳዋ ኡልድና፤ ቃይ ጌይያ ዋጋካ ገሊድና። ኡንቱንቱ ጸሳላ ግደናን፣ ማዘሙርያ የጽናዎንቱን ጥንግያ ናግያዋንቱ ዳዊተን እ ናኣ ሶሎሞን አዛዘዳ ኡሱዋ ገሊድና።

46 ካሰ ዳዊታን አሳፋ ዋድያጥ ደሚይካ ማዘሙርያ የጽናዎንቱ ጩታዋ ካለልያዎንቱ ጸሳ የላን ጋላታናውን ሰንቻናው ደእያዋ ኤረቲደ ደእያዋ።

47 ዛሩባቤላ ላይላንን ናህምያ ላይላን አሰራኤልያ ኡባይ ማዘሙርያ የጽናዎንቱን ጥንግያ ናግያዎንቶ በሰያ ቆሙዋ ሆቼ ሆቼ እሚድና፤ ቃይ ለዋቶካ ኡንቱንቶ ዲማዬዳ ቆሙዋ እሚድና። ለዋቱካ ቃይ አርና ያራቱዋ ግዳዳ ቁሳቶ ኡንቱንቶ ዲማዬዳ ቆሙዋ እሚድና።

# 13

## አሰራኤልያ አሳይ አላጋ አሳጥ ሻከቱዳ

1 ሄ ጋለሰ አሳይ ኡባይ ሰሰሸን፣ ሙሴ ማጻፋይ ናባባቱዳ፤ ሄ ዋደ ኡንቱንቱ፣ “ሞእበ ጋድያ አሳይን አሞና ጋድያ አሳይ ጸሳ ማባራን ጋከታናው በሰና” ግያ ሳኣ ማጻፋ ግደን ደሚድና።

2 እያው ጎጥ፣ አሰራኤልያ አሳይ ግብጾጥ ከሲደ፣ ካናን ብያ ዋደ፣ ሞእባን አሞና ጋድያ አሳይ ኡንቱንቶ ካላን ሃላ እመናን እጾድና። ሄዋ ቦላካ ቃይ አሰራኤልያ አሳ ሸቃና ማላ፣ ባላማው ሻሉዋ እሚደ ሻሚድና። ግዶ ሸን፣ ኑ ጸሳይ ሸቃ እንጅ ላሚዳ።

3 ሀ ሀግያ አሰራኤልያ አሳይ ሰሴዳ ዋደ፣ አላጋ ዛርያ ዋላካይ ደእያ ኡባ አሰራኤልያጥ ሻኬዳ።

## ናህሚ ባዬዳ ዋጋ ኑራጽሴዳ

4 ሄዋጥ ካሰቲደ፣ ጌሻ ጎልያን ሚሻቱዋ ዋልያ ክፍለቶ ካጥዋ ግዳዳ ኤልያሽብ ጸቢያና ዳቦታ ሙድ ዋልዳ።

5 ሄዋጥ ደንደዳዋን ካላ አሞታ፣ እጻና፣ ጌሻ ጎልያን ደእያ ዲማ ዲማ ሚሻቱዋ፣ ካላጥ ዋይንያጥን ዛይትያጥ ለዋቶ፣ ማዘሙርያ የጽናዎንቱን ጥንግያ ናግያዎንቶ አምያ አሰራታን ቁሳቶ አምያ ቆሙዋ ዋልያ ዋጋ ክፍልያ ኤልያሽብ ጸቢ አቃና ማላ፣ አው ገግሴዳ።

6 ሀ ኡባባይ ሀንያ ዋደ ታን የሩሳላሙን ደእከ። እያው ጎጥ፣ አርጸክሲሰ ባብሎን ጋድያን ካተቱዳ ሀታማን ላኢንሎ ላይላን ታን ሰማደ ባብሎን ጋድያ ካትያኮ ባ ክቻድ። ግዶ ሸን፣ ጉላ ዋድያጥ ጉይያን፣ ካትያ ኡቻደ።

7 የሩሳላሙ ሰማደ ያድ። ጸሳ ጌሻ ጎሊ ደእያ ሳኣን ኤልያሽብ ጸቢያው አቅያ ክፍልያ ገግሲደ፣ እ ኡልዳ ኢታባ እኩካድ።

8 ሎይላ ሀንቀታደ፣ ጸቢያ ሰይ ሻሉዋ ኡባ ክፍልያጥ ከሳደ፣ ካረ ኡላድ።

9 ክፍልያካ ቃይ ዋጋዳን ጌሻና ማላ አዛዛድ። ጸሳ ጌሻ ጎልያ ሚሻቱዋ፣ ካላ፣ አሞታን እጻና ዛራደ ሄ ሳኣ ገልሳድ።

10 ቃይ አሳይ ለዋቶን ማዘሙርያ የጽናዎንቶ በሰያ ቁማው አምቤና ድራው፣ ለዋቱን ማዘሙርያ የጽናዎንቱ ኡባይ ባረንቱ ከታ አጊደ፣ ጎሻው ጉየ ቤዳዋ በኣድ።

11 ሃዋ ድራሬ፡ ታን ካፓቱዋ፡ “ጸሳ ጌሻ ጎልያ ኦሱዋ እያዉ ኦል እጌድቱ?” ምጋይ ሀንቀታድ። ሃዋፕ ጉይያን፡ ኡንቱንታ ጸጋይ ኡባይ ኡንቱንታ ኦሱ ኦሱዋ ዛራድ።

12 ምትና፡ ይሁዳ አሳይ ኡባይ ካላፕ፡ ዋይንያፕን ዛይትያፕ እምያ አሰራታ ጌሻ ጎልያ ሚሻቱዋ ዋልያ ጎልያ ዛራይ፡ አሁዋ ደሚዳ።

13 ታን ቁሰያ ሸሌምያ፡ ጻፍያ ጳዳታ ሌዋያ ፓዳያ ሚሻ ዋልያ ጎልያዉ ካፑዋ ኦሳደ ሱንሳድ። ቃይ ማፓንያ ናኣ ናኣ ዛኩራ ናኣይ ሀናን ኡንቱንታ ማድያዋ። ሀዋንቱ ኡባይካ ኮሽያዋ ኡባ ባረንቱ አሻቶ ሻክ ሻክ እምያዋን እማንትያዋንታ ግዴድና።

14 “ታ ጸሳዉ ታና ቆፓ፤ ቃይ ነ ጌሻ ጎልያ ኪታይ ጊጋና ማላ፡ ታን ኦሌዳ ሎኦ ኦሱዋካ ደሳፓ” ምጋይ ታን ዋሳድ።

15 ሃ ዋድያን ታን ይሁዳን ደእያ አሳይ ሳምባታ ጋላሰ ዋይንያ ጉምእሽን በኣድ፤ ሀራቱካ ቃይ ካላ፡ ዋይንያ ኡሳ፡ ዋይንያ እይፍያ፡ ባላሰያ እይፍያን ሃዋንታ ማላትያባቱዋ ባረንቱ ሀርያን ጫኒደ፡ ሳምባታ ጋላሳን የሩሳላሙ አህያዋ በኣድ። ሃዋ ድራሬ፡ ኡንቱንቱ ሳምባታ ጋላሳን ዛልኡናዳን ታን ኡንቱንቶ ምንሳደ ኡዳድ።

16 ሃዋ ቦላካ ቃይ የሩሳላሙን ደእያ ጸርሳ ጋድያ አሳቱ ሞልያን ሀራ እት እት ዛልኤ ሚሻቱዋ አሂደ፡ ሳምባታን የሩሳላሙን ይሁዳ አሳዉ ዛልኢና።

17 ሃዋ ድራሬ፡ ታን ይሁዳ ካለልያዋና ሀዋዳን ምጋይ ዋላቀታድ፤ “ሀዋ ማላ ኢታ ኦሱዋ ኦሌድ፡ ሳምባታ እያዉ ቱንሲቱ?”

18 ጸሳይ ሀዋ ማላ ሙቱዋ ኑ ቦላን ኑ ካታማ ቦላን አሂዳዋ፡ ካሰ ሀንተንቱ አዎቱ ሃዋ ማላ ኢታባ ኦሊና ግዴኔየ? ሀኦ ሀንተንቱ ቃይ ሳምባታ ቱንሲድ፡ እሰራኤልያ ቦላን ሀራ ሀንቁዋ አሀናዉ ሀኦን” ምጋይ።

19 ሃዋፕ ጉይያን፡ ሳምባታ ጋላሳፕ ካሰቲደ ደእያ ጋላሳን ሳኣይ ለለምእያ ዋድ፡ የሩሳላሙ ግምቢያ ፕንገቱ ጎርደታናዳንን ሳምባታይ አቆናዉ ደየተናዳን ታን አዛዛድ። ቃይ ሳምባታ ጋላሳን አይ ዛልእያን አኪደ ገለናዳን ናጋና ማላ፡ ታ ቆማቱዋፕ እቱዋ እቱዋ ግምቢያ ፕንግያን ኤሳድ።

20 ሃዋ ድራሬ፡ ዳማ ዳማ ዛልኤ ሚሻቱዋ አህያ ዛልእንታቱ እቱዋፕ ቢደ ላኡዋ ጋካናዉ፡ የሩሳላሙ ግምቢያፕ ጋጸ ባጋና አቁድና።

21 ሸን ታን ኡንቱንታ ሀዋዳን ምጋይ ሰራድ፤ “ግምቢያፕ ጋጸና ዋናናዉ አቁቱ? ሀንተንቱ ላኡንሳ ሃዋዳን ኦላፕ፡ ታን ዋልቃንካ ሀንተንታ ተኣና” ምጋይ። ሃ ጋላሳፕ ጉይያን፡ ላኡንሳ ሳምባታ ጋላሰ ሙላ ይበይክና።

22 ሌዋቱ ባረንቱ ሁጺያ ጌሻናዳንን ሳምባታ ጋላሳይካ ጌሻ ግዳና ማላ፡ ግምቢያ ፕንገቱዋ ናጋናዳን ታን አዛዛድ።

“ታ ጸሳዉ፡ ሀ ኡባባ ድራሬ፡ ኔን ታና ቆፓ፤ ቃይ ነ አገና ሲቁዋ ድራሬ፡ ኔን ታዉ ቃረታ” ምጋይ ዋሳድ።

23 ሃ ዋይ ቃይካ ታን ይሁዳ አቱማ አሳፕ እቱ እቱ ማቕያ አሽደዳ፡ አሞናን ሞኣበ ጋይቱዋፕ አኪዳዋ በኣድ።

24 ኡባ ቃይ ኢታባይ ኡንቱንቱ ናናቱዋፕ ባጋይ አሽደዳ ጋድያ ዋይ እት እት ሀራ ጋድያ ቃላን ሃሳዪናፕ እትና፡ ባረንቱ ጋድያ፡ ይሁዳ ቃላን ሃሳያናዉ ዳንዳይክና።

25 ታን ኡንቱንቱና አሸታድን ኡንቱንታ ሸቃድ፤ ቃይ ኡንቱንቱፕ እቱዋ እቱዋ ደቻደ፡ ኡንቱንቱ ሁጺያ ብናና ሾዳድ። ሃዋ ጸላላ ግድናን ኡንቱንቱ ላኡንሳ ባረንቱ ማጫ ናና ኡንቱንቱ እቱማ ናናቶ አመናዳንን ኡንቱንቱ ማጫ ናናካ ባረንቶን ባረንቱ እቱማ ናናቶ አከናዳን ጸሳ ሱንሳን ጫቀታድ።

26 ቃይካ ኡንቱንታ ሀዋዳን ምጋይ፤ “ካትያ ሶሎሞን ናጋራ ኦሌዳዋ አላጋ ጋድያ ማጫ አሳቱዋፕ ደንዴዳዋና ግዴኔየ? ሶሎሞን ማላ ካቲ ሀራ ዳር ጋድያ ካተቱዋ ግድንካ ባዋ፤ ጸሳይካ አ ደሲዳ ድራሬ፡ እሰራኤልያ አሳ ኡባ ቦላን ካተዬዳ። ግድ ሸን፡ ሀራይ አቶ አካ አላጋ ጋድያ ማጫ አሳቱ ሀዋ ማላ ናጋራ ኡሰሲድና።

27 ምትና፡ ኑንካ ቃይ ሀንተንቱ ዘርያ ሰሲድ፡ አላጋ ማጫ አሳ አኪደን ሃዋ ማላ ኢታባ ኦሌድ፡ ጸሳ ናቃኔየ?” ምጋይ።

28 ቁሰያ ኡባቱዋ ካፑዋ ኤልያሸባ ናናቱዋፕ እቱ ዮያዳእ፤ ሸን አ ናናቱዋፕ እቱ ቤት-ሆርና ካታማ አሳ ግድያ ሳንባላጸ ናቶ አኪዳ። ምትና፡ ታን አ ታ ደእያ ሳኣፕ የደርሳድ።

29 “ታ ጸሳዉ፡ ሀዋንቱ ቁሰተላ ዋጋ ቱንሲዳዋን ኔን ቁሳቱ ዋናን ሌዋቱዋና ዋልዳ ቃላ ጫቁዋ ኮሌዳዋ በኣ” ምጋይ ታን ዋሳድ።

30 ኡንቱንታ አላጋ ግዴዳ የዉዋ ኡባፕ ጌሾዋፕ ጉይያን፡ ቁሳቶን ሌዋቶ ኡንቱንቱ ኦሱዋ ኦሱዋ እማድ።



31 ቃይ ያርሹዋ ጸግያ ምሳይካ ዋድያን ዋድያን ያና ማላነ አሳይካ ባረዉ አይፌዳዋፕ ኮይሮ አይፍያ አሞታ ኦላይ አህና ማላ፣ ዋጋ ዋላድ።  
 “ታ ጸሳዉ፣ ነ ሎኦተላን ታና ቆፓ” ያጋደ ታን ዋሳድ።

# አሰትር ማጻፋ ገሉዋ

አሰትር ማጻፋን ኦደቴዳ ታርኪ ፓርሰ ካቴ ባልጉዋ አለያ ሳኒን ፖሎቴዳዋ። ሄ ታርኪ አሰትራ ባረ ዋልቃማ ጸላንን ባረ አሳ ሲቆያ ዋልቃማ ሲቁዋን፣ ሞርከቱ ጋድያፕ ቆይሳና ሀንያ ባረ አሳ አሹዳ። እይሁዳት ታርኪያ ሞንሲደ ኦዳ። ሀ ማጻፋይ እይሁዳቱ ቦንኝያ፣ ፑሪማ ጌተትያ ኤሪትያ ባላ ደመላነ እ ብርሽላ ሎይሊደ ኦዳ።

## ሸምፓቱዋ ኡባቶ አመቴዳ ቃንሳ ቆፋቱዋ

አሰትራ ካተታዱ 1:1—2:23

ሃማን እይሁዳቱዋ ቆይሳናዉ ሀልቼዳ 3:1—5:14

ሃማና ቦላ ሀይቁ ፕርደቴዳ 6:1—7:10

እይሁዳቱ ባረንቴ ሞርከቱዋ ኩሽያ ጭገቴድኖ 8:1—10:3

## አሰትራ ካተታዱ

(1:1—2:23)

ካታታ አሰጸና ካትያ አርጸክሰሳ አዛዙዋ እጻዱ

1-2 ሀዌ ካቴ አርጸክሰሰ ሀንደ ጋድያፕ ቶጽያ ጋድያ ጋካናዉ ደእያ፣ ጾታን ላታማነ ላፑን ቢታቱዋ ሞድያ ዋደ ሀኔዳባ። እ ኡቲደ ሞድያ ዋና ካታማይ ካቴ ደእያሳ ሱሳ ጌተቱ።

3 እ ካተቱዳ ሄዘንላ ላይላን፣ ባረፕ ጋርሳና ሞድያዋንቶነ እናና ኦላያዋንቶ ባላ ጊግሴዳ። ሄ ባላ ሳኒን ሜዳና ፓርሰ ጋድያ ኦላ ጋዳዋቱ፣ ጋድያ ካፓቱነ አይሰያዋንቴ ቤቴድኖ።

4 ካቴ እት ጾታን ሆሰፑን ታሙ ጋላሳ ኩሙንሳ ባረ ካወተላ ዱረተላነ ባረ ቦንኝ አንጋ ኡባ ጮራ ጋላሳ ኡንቱንታ ቦሴዳ።

5 ሄ ጋላሳቱዋፕ ገይያን፣ ካቴ ቃይካ ሀራ ላፑን ጋላሳዉ ጋምእያ ባላ፣ ሱሳ ካታማን ካቴ ደእያሳ፣ ዱርያፕ ማንቁዋ ጋካናዉ ደእያ አሳ ኡባዉ ጊግሴዳ። ሄ ባላይ ካትያ ጎልያ አታክልትያ ሳኒን ገሌዳ።

6 ሄ ሳኒን ደእያ ዳባባይ፣ ሊኑዋፕ ዳደቴዳ ቦላነ ሳሉዋ ማላትያ ጋርዳቱዋን ፑላት ኡቴዳ። ጋርደቱካ ቦላነ ኦቻ ቴራ ማላትያ ሎኦ ሊኑዋ ባቀላን አሲና፣ አብነባራድያ ጌተትያ ሹቻፕ ኦሰቴዳ ቴሳ ቦላን ደእያ ብራ ሞግዳቱዋን ካቀት ኡቴድኖ። ቃይ ዋርቃፕ፣ ብራፕ ኦሰቴዳ እርሳቱ፣ ዱማ ዱማ ማላይ ደእያ አልኦ ሹቻቱዋፕ እንቆቱዋፕ ኦሰቴዳ ባሱዋን ማራን የገት ኡቴድኖ።

7 እቱ እቱዋፕ ዱማ ግዳዳ ዋርቃ ቡርጨኩዋን ኡሻይ አሳዉ አመቴ፤ ካቴካ ባረ ሎኦተላን ዳር ሎላ ዋይንያ ኤሳ ዳርሰ አሜዳ።

8 እት እት አሳይ ባረ ኮዮዋ ኬሻ ኡሼ፤ ሄዋ ካቴ ካሰቲይ፣ ባረ ቆማቶ ኦድ ዋሌዳ።

9 ሄ ዋደ ካታታ አሰጸናካ ማጫ አሳ ባላ ካትያ ጎልን ጊግሳዳ።

10 ሸቢ ደመቴዳ ላፑንላ ጋላሰ፣ ካቴ አርጸክሰሰ ዋይንያ ኤሳ አሊደ ናሽቴዳ ዋደ፣ ባረ ቆማቱዋ ማሁማና፣ ብዘታ፣ ሀርቦና፣ ቢግታ፣ አባግታ፣ ዘታራን ካርካሳ ጌተትያ ላፑን ጎይረቴዳዋንታ ጾሲደ፣

11 “ካታታ አሰጸና ካወተላ ካላቻ ዋሰሲደ፣ ሃ አኪደ ዪተ” ያጊደ አዛዜዳ። እያዉ ጎፕ፣ አ ሎይላ ማላ ሎላ ግድያ ድራዉ፣ ካፓቱነ አሳይ ኡባይ እዘ ቦእና ማላ፣ ካቴ ኮዬዳ።

12 ሸን ካትያ አዛዙዋ ሱንሳቱ ኦድኖ፣ ካታታ አሰጸና ካትያ ሰንሳዉ ዬናን እጻዱ። ሄዌ ካትያ ሀንቁዋን ኤሌዳ።

13-14 ሄዋ ድራዉ፣ ካቴ ባረ ሰንሳ ሸቃናዉን ባረ ካወተላ ጋርሳን ዋልቃማ ማታይ ደእያ ላፑን ፓርሰነ ሜዳና ሱንሳቱዋ ጾሲደ ገልሴዳ። ኡንቱንቴ ካርሻና፣ ሸታራ፣ አድማታ፣ ታርሲሳ፣ መሪሳ፣ ማርሳናን ማሙካና ጌተቲኖ። ሄ አሳቱ እጫዳ ኤራንቻነ ሄ ጋድያ ሀግያ ኡባነ ደኡዋ ዋጋ ሞንሲደ ኤሪፊ። ሀዋ ማላባዉ ካቴ ኡባ ዋደካ ኡንቱንታ ኦቹ።

15 ካቴ ኡንቱንታ፣ “ታን፣ ካቴ አርጸክሰሰ፣ ታ ጎይረቶዋንቴ ቦላ ከትና፣ ካታታ አሰጸና ታ አዛዙዋ ፖላናን እጻዱ። ሄዋ ድራዉ፣ ሀጊ ኦድያ ማራን እዘ ዋታናዉ ቦሲን” ያጊደ ኦቹዳ።

16 ሄዋፕ ጉየ ኡንቱንቱፕ እቱ፣ ማሙካን ካትያ ሰንሳንነ ካፓቱ ሰንሳን ዛሪደ፣ ሀዋዳን ያጌዳ፤ “ካታታ አሰጸና ካትያ ጸላላ ግድናን ደእሸን፣ አ ካፓቱዋ ኡባነ አ ካወተላ ኡባ ግዳዋን ደእያ አሳ ኡባ ናቃዳ።

17 እያዉ ጎፕ፣ ሀ ካወተላ ግደን ደእያ ማጫ አሳይ ኡባይ ካታታ አሰጸና ኡሌዳዋ ሰሲደ፣ ባረ አሰና አሰና ካቆናዉ ደማና። ኡንቱንቱካ፣ “ካቴ አርጸክሰሰ ባረኮ ያናዳን ጾግሰና፣ ካታታ አሰጸና እጸባይኪየ!” ያጋና።

18 ሄዋ ጸላላ ግድናን፣ ፓርስነ ሜዶና ካፓቱ ማቻቱ ሀዋ ሰሴዳ ዎደ፣ ሀቼ አዋይ ወላናውካ ባረንቱ እስናቱዋ ሄዋዳን ገደ ካቆና። ሄዋን ማቸቱዋፒን እስናቱዋፒ ግዳዋን ካቂነ ሀንቁ ዳራና።

19 “ሄዋ ድራው ካትያው፣ ኔን ደሳፕ፣ እስጺና ላኤንሳ ነ ሰንላ እፍናን ድግያ እዋዋዋ ከሳ፤ ሄ አዋዩካ ላኤንሳ ላመተና ማላ፣ ፓርስነ ሜዶና ሀግያ ግድን ጸፈቶ። ሄዋፒ ጉይያን፣ አ ካታቶ ግድያ ቦንቸዋ እፒ ኬክያ ሀራርው እማ።

20 እያው ጎፒ፣ ሀ ኔን አሌዳ እዋዩ ሀ ዎልቃማ ካውተላን ኡባን ኦደትያ ዎደ፣ እት እት ማቻታ ዱረ ግድና፣ ማንቆ ግድና፣ ቫከናን ባረ እስና ቦንቻና” ያጌዳ።

21 ሄዋፒ ጉዩ ካቲነ አ ካፓቱ ሀ ዘርያን ናሽቲድና። ሄዋ ድራው፣ ማውካን ጌዳዋዳን ካቲ አሌዳ።

22 እ ባረ ካውተላ ግድን ደእያ ዲማ ዲማ ቢታቱዋ ኡባው እንቱንቱ ፕድልያንነ እንቱንቱ ቃላን ጸፊደ፣ ዳብዳቢያ ከቲዳ፤ ሄ አዋዩ፣ እት እት እስናይ ባረ ጎልያ ጎልያ አይሳናውነ ባረ ቃላን ሃሳናናው ካቸዋ ግድያዋ ኦድ።

## 2

### እስትራ ካታቶ ግዳዳ

1 ሄዋፒ ሰሚደ፣ ካትያ አርጸክሲሳ ሀንቁ ደቼዳ፤ እስጺና ኦሌዳባነ አካ እዝ ቦላን ከሴዳ አዋዩዋባ ቆፒደ።

2 ሄ ዎደ ካትያ ጎለን ኦልያ ቆማቱ አ ሀዋዳን ያጌድና፤ “ሎኦ ማላና ደእያ ዎደሮ ማጫ ናና ኮዪደ፣ ካትያው እሀሮ ማላ።

3 ነ ካውተላ ግዳዋን ደእያ ቢታቱዋ ኡባን ካፓቱዋ ሰንላ። እንቱንቱካ ሎኦ ማላና ደእያ ዎደሮ ማጫ ናና ደራደ፣ ሱሳ ካታማ አሂደ፣ ማጫ አሳ ጊጌዳ ጎለን ዎልና። ሄዋን ሄ ማጫ አሳው ጎለው ሀላፈ ግድያ ካትያ ጎይሩዋ ሄጋያ ኩሽያን እንቱንቱ ደእሸን፣ እንቱንቱ ማላ ሎይልያባይ እንቱንቶ አመቶ።

4 ሄዋፒ ጉይያን፣ ካትያ ኡባፒ አላ ናሽቻያ ወድራታ እስጺን ኮታን ካታቶ ግዴ” ያጌድና። ሄዋፒ ጉዩ ሀ ዘሪ ካትያ ናሽቼዳ ድራው፣ ካቲ ሄዋዳን አሌዳ።

5 ሄዋን ሱሳ ካታማን ካቲ ደእያ ሳን እት ማርድክዮሳ ጌተትያ እይሁዳ ጋድያ አሳይ ደኤ። አካ ያኤራ ናኣ፤ ያኤሮ ሸዎአ ናኣ፤ ሸዎአ ቢንያማ ዘርያ ግዳዳ ቂሳ ናኣ።

6 ባብሎነ ካቲ ናቡካዳናጸረ ይሁዳ ካትያ ዮኣከናን ሀራ እይሁዳ አሳ ኦላን ኦዎዲደ አፊዳ ዎደ፣ ማርድክዮሳ የሩሳላመፒ እንቱንቱና እትፒ ቤዳዋ።

7 አ ሄ ጋድያን ደኤደ፣ ባረ አወዋ እሻ ናቶ፣ አብራይጸ ቃላን ሀዳሶ ጌተትያ አታን አወ ሀይቅኬዳ እስቲር ባረና ዎሊደ ድቼ። እዝ አውነ አታ ሀይቆዋፒ ጉይያን፣ ማርድክዮሳ እዝ አፊደ፣ ባረ ማጫ ናቶ አሌደ ድቼዳ። እስትራ መቆንካ ጌሳንካ ሎይላ ሎኦ።

8 ካቲ ከሴዳ አዋዩዋን አዛዙዋ ማራን፣ ካቲ ደኤያሳ ሱሳ ካታማ ካትያ ጎልያ ዬዳ ደረቲዳ ሀጋዩ አዎተላን ኡቲዳ ጮራ ዎደሮቱዋፒ እትና እስቲር። እዛካ ያደ፣ ማጫ አሳው ጊጌዳ ጎለ ሀላፈ ግዳዳ ሄጋያ ግያዋ አዎተላን ኡታድ።

9 ሄጋይ እስትርን፣ ሎይል ናሽቲዳ፤ እዝ አ ሰንላን ናሽቶ ደማዲ። ያቲደ ኤለካ ማናወ ቁማን ቦላ እክትያዋ እዘው እሜዳ። ቃይ እዘው ኦላናው ካትያ ጎልያፒ ደረቲዳ ላፑን ዳንጋጽረቲዋ ሰንሊደ፣ ማጫ አሳው ጊጌዳ ጎለን፣ ክፍልያ ኡባፒ አቂደ ሎኦኦ ክፍልያን ኦነ አ ዳንጋጽረቲዋ አፊደ ዎልዳ።

10 ማርድክዮሳ እዘው ካስቲደ ኦዲዳዋዳን፣ እስትራ ሀቃ አሳፒንቶነ ኦ ቆመንቶ ጌውነ ኦዳቢይኩ።

11 ቃይካ ማርድክዮሳ እስትር ፓጽተላነ እዘው ሀንያዋ ኤራራው፣ ማጫ አሳ ጎልያ ዳባባፒ ሰንላና ጋላሳን ጋላሳን ያነ ሃነ ሀመቲ።

12 እት እት ወድራታ ካትያኩ ገልናፒ ካስታደ ማጫዋንቶ አዛዙቶ ማራዳን፣ አዛ እት ላይላ ኩመንላ ባረ ማላ ሎይላደ ጋዎአው፤ ሄዋካ፣ ኮይሮ ኡሱፑን አገና ካርቢያ ካረትያን ጎርፒታደ ጋዎኣደ፣ ላኤንሳ ኡሱፑን አገና ቃይ፣ ሎኦ ሳዊያ ሸቲዋን ማላ ሎይልያባን ጎርፒታው።

13 ሄዋፒ ጉይያን፣ እት ወድራታ ካትያኩ ገልያ ዎደ ጋክያ ዎደ፣ አዛ ኮዮዌ ኡባይ እመትና፣ ማጫ አሳ ጎልያፒ ከሳደ፣ ካቲ ደእያ ሳኣ ገላው።

14 ቃማ ገላደ፣ ካትያና አቁዳዋፒ ሀን ባጋን፣ ዎንትና ጉራ ከሳው። ካትያና አቅ ከሴዳ ማጫዋንቱ ደእያ ሀራ ጎልያ እዙ አፊና። ሄ ጎልያው ሀላፈ ግድያ ካትያ ጎይራ ቫእሻጋዝ እዙ ናጌ። ካቲ ደሲደነ አ ሰንላ ጴሴዳ፣ “ኤብራ አሀፒ” ጋና ቆዮፒ፣ አ ላኤንሳ ካትያኩ ገላናው ዳንዳዩኩ።

15 ሄዋ ግዳደ፣ ካትያኩ ገልያ ካላይ እስቲር ጋኬዳ። እስትራ ማርድክዮሳ አወዋ እሻ አብሀይላ ናቶ፤ ማርድክዮሳ ባረ ናቶ አሊደ ድቼዳና። አዛ ማጫ አሳይ ጊግያ ጎለው ሀላፈ ግድያ ካትያ ጎይራ ሄጋይ ዘራዳዋፒ እትና እዛ እይነ ኦቻቢይኩ። ኦ በኤዳ ኡባይ አ ማላ ናሽዳ።

16 እርጸክሰሰ ካተቱዳ ላፑጎላ ላይላጎ፣ ተቤታ ጌተትያ ታማጎላ አገናን እሰቴር ካቲ ደእያ ሳኦ አፌዳ።

17 ካቲ ሀራ ማጫዋንቱ ኡባፕ አሊደ፣ እዞ ደሴዳነ ሀራ ዎደሮቱዋ ኡባፕ እዝን ናሸቴዳ። ሄዋ ድራዉ፣ ካዉተላ ካላቻ እ ሀጺያን ዎሳደ፣ እዞ እሰጸን ሳኦነ ካታቶ ኦሴዳ።

18 ሄዋፕ ጉይያን፣ ካቲ እስትር ቦንቾ ዎልቃማ ባላ ጊገሲደ፣ ሞድያዋንጎን እናና ኦሳያዋንጎን ጸሴዳ። ቃይ ባረ ካዉተላ ግድን ናሸቻ ባላይ ቦንቼታና ማላ እዋዪደ፣ እዋጎካ ባረ ኬካተላ ኬሻ አሚዳ።

ማርደክዮሰ ካትያ ሸምፑዋ እሼዳ

19 ዎድራቱ ላኢንሉዋ ሸቄዳ ዎደ ማርደክዮሰ ካትያ ጎላ ፕንግያን ማታይ እመትና ኡቱዳ።

20 እስትር ሀቃ አሳፕንቶነ ቆመንቶ ኦነ ኦዳበይኩ። ኦ ማርደክዮሰ፣ “ኦደፓ” ጌዳ ድራዉ፣ ካሰ ናኦተላን እዛዘትያዎዳን፣ ሀእካ ኦዉ እዛዘታድ።

21 ማርደክዮሰ ካትያ ጎላ ፕንግያን ኡቱዳ ሄ ዎደ፣ ካቲ ደእያ ክፍለቱዋ ገልያ ፕንግያ ናግያ ካትያ ጎይረቶዋንቱፕ ላኦቱ፣ ብግታንነ ተረሽ ካትያ እርጸክሰሳ ዋርኪደ፣ ዎቆናዉ ማቀቱድድ።

22 ኦንቱንቱ ማቁዋ ማርደክዮሰ ሰሲደ፣ ካታት እስትርዉ ኦድና፣ እዛካ ማርደክዮሳ ሱንላን ካትያዉ ኦዳድ።

23 ካቲ የዉዋ ሎይሊደ፣ ቆሪደ ጸልያ ዎደ፣ የዉ ቱማ ግዲደ ቤትና፣ ሄ ላኡ አሳቱዋ ኮጫን ካቂደ ዎዴዳ። ሀ ሀናተላይካ ካትያ እርጸክሰሳ ታርክያ ጻፍያ ማጻፋን እ ደእያ ሳኦነ ጻፈቱዳ።

3

ሃማን አይሁዳቱዋ ቆይሳናዉ ሀልቼዳ (3:5-14)

1 ሄዋፕ ጉይያን፣ ካቲ እርጸክሰሰ ሀማና ሱንላተላ ቆቂሲደ፣ ባረ ካፓቶ ካፑዋ ኦሊደ ሱንሌዳ። ሀማዳታ ናኦ ሀማን አይሁዳቱዋ ዋርክያ፣ አጋጋ ዛርያ።

2 ካቲ እዛዘ ዎሳደ ድራዉ፣ ካትያ ጎልያ ፕንግያን ደእያ ካፓቱ ኡባቱ ሃማን ኦድያ ዎደ፣ ጉልባቲደ እ ቦንቼና። ግደ ሸን፣ ማርደክዮሰ ሃማናዉ ጉልባተናንነ ቦንቼናን እጸድ።

3 ሄ ዎድያን ካትያ ጎልያ ፕንግያን ደእያ ካፓቱ ማርደክዮሳ፣ “ካትያ እዛዘቱዋ ፖላናን እያዉ እጸይ?” ያጊደ።

4 ሀቼ ሀቼ ኦዲና፣ ሸን እ ኡንቱንቱ ኦድያዋ ሰሳናዉ ኮይቤና። ኡባ ቃይ፣ “ታን አይሁዳ አሳ ግድያ ድራዉ፣ ሃማናዉ ጉልባታናዉን እ ቦንቻናዉ ዳንዳይክ” ያጊደ።

ሄዋፕ ጉይያን ኡንቱንቱ፣ “ሀ ማርደክዮሰ ኦድያ ጋሱዋ ሰሲደ፣ ሃማን ዋናንዳሻ!” ጊደ፣ እዉ ኦዲድና።

5 ማርደክዮሰ ባረዉ ጉልባተናዋን ባረና ቦንቼናዋ ሃማን ኤሬዳ ዎደ፣ ሀንቁዋ ታማዳን ኤጽ ከሴዳ።

6 ሄዋ ቦላካ ቃይ፣ ማርደክዮሰ አይሁዳ አሳ ግድያዋ ኤሬዳ፤ እ ጸላላ ዎድያዋ ላፋባ ጊደ ቆፔዳ ድራዉ፣ እርጸክሰሳ ካዉተላ ግዲዋን ደእያ አይሁዳ ዛርያ ኡባ ዎቆናዉ ሀልቼዳ።

7 እርጸክሰሰ ካተቱዳ ታማነ ላኢንሉ ላይላጎ፣ ጎሳና ጌተትያ ኮይር አገናን፣ አይሁዳቱዋ ዎድያ አገናን ጋላሳ ኤራናዉ፣ ፑሪማ ጌተትያ ሳማ እ ሰንላን የጋናዳን፣ ሃማን እዛዘድ። ሄ ሳማይ ዎዴዳ ማሪን፣ አዳረ ጌተትያ ታማነ ላኢንሉ አገናን፣ ታማነ ሄዘንሉ ጋላሳይ አይሁዳቱ ዉርያ ጋላሳ ግድያዋ ቃሸቴዳ።

8 ሄዋፕ ጉይያን፣ ሃማን ካትያ እርጸክሰሳዉ ሀዋዳን ያጊደ ኦዲዳ፤ “ነ ካዉተላ ግዲዋን ሙላ ሳኦነ ላለቲደ ደእያ እት ዛረ አሳቱ ደእና፤ ኡንቱንቱ ደኡዋ ማሪይ ሀራ አሳ ኡባዋፕ ዲማ፤ ሄዋ ጸላላ ግድናን፣ ኡንቱንቱ ካትያ ሀግያዉካ ሞደትክና። ሄዋ ድራዉ፣ ኔን ኡንቱንቱ ደእና ጋደ ጮኡ ጎፕ፣ ሄዋ ሎኦ ግድና።

9 ሄዋ ድራዉ ካትያዉ፣ ሀ ቆፋይ ኔና ናሸቾፕ፣ ሀ አሳቱዋ ዎድ ቆይሳና ማላ፣ አዋዩዋ ከሳ። ሄዋ ነ ኦሎፕ፣ ታን 340,000 ኪሎ ግራምያ ዳጽያ ብራ ካትያ ሚሻ ምንጅያ ጎለዉ ገልሳናዳን፣ ሀ ኦሱዋ ኦሳያዋንቶ እማና” ያጊደ።

10 ሄዋፕ ጉዩ ካቲ ባረ ማታ ኤርሳናዉ አዋዩዋ ቦላ ዎሳያ ምግዲዋ ማታፋ ባረ ብራድያፕ ከሲደ፣ አይሁዳቱ ዋርክያ፣ አጋጋ ዛርያ፣ ሀማዳታ ናኦ ሃማናሰ አሚዳ።

11 ካቲ ሃማና፣ “ኔን እማና ጌዳ ብራይ ነ ማታን ደኦ፤ ሸን ሀ አሳቱዋ ቦላ ነ ደሴዳዋ ከተታ” ያጊደ።

12 ሄዋ ድራዉ፣ ኮይር አገናን፣ ታማነ ሄዘንሉ ጋላሳን፣ ሃማን ካትያ ጸፈቱዋ ጸጌዳ። ሄ አዋዩ ቢታ ኡባን ደእያ አሳዉ ዲማ ዲማ ቃላንን ዲማ ዲማ ፕድልያን ጸፈቲደ፣ ካትያፕ ጋርሳና ጋድያ ሞድያዋንቱን፣ አዉራጅ ሞድያዋንቱን ደርያ ካፓቱ ኡባኮ ከተታናዳን እዛዘድ። አዋዩካ ካትያ እርጸክሰሳ ሱንላን ጸፈቲደ፣ ምግዲዋ ማታፋይ እ ቦላ ዎዶዋፕ ጉዩ።

13 ኤሌል ዋላንቻቱ እ ካወተላ ጋድያ ኡባ ጋላናዳን ኪተቲድኖ። ሄ አዋዩ፣ “አዳረ ግያ ታማነ ላኢንሎ አገናን ታማነ ሄዘንሎ ጋላሳን፣ አይሁዳ ኡባ፣ ያላጋ፣ ጭማ፣ ማጫዋ፣ አቱማዋ፣ ናናካ አሸናፊ ማጽ እት ጋላሰ ወርሰ ዋድተ፤ እንቱንቱ አቁዋካ ቦንቁተ” ያጌ።

14 ሄዋ ድራው፣ ሄ ኬሬዳ ጋላሳይ ጋዘያ ዋድ፣ አሳይ ኡባይ ገብታናዳን፣ ሄ አዛዙ ቢታዉ ኡባዉ ጻፈቲደ ኪተቲድዳ።

15 ካትያ አዛዙዋን ኤሌል ዋላንቻቱ ቢታ ኡባካ ኪታ ጋሌድኖ። ቃይ ሱሳ ካታማን ካትያ ጎልያ ሄራን ጻፈቲዳ ሀጊ አመቲዳ። ያትና፣ ሱሳ ካታማ አሳይ ኡባይ ቫሲረቲዳ። ሽን ካቲነ ሃማን እትፕ ሉቲደ፣ ሚኖ።

### 4

#### ማርዶክዮስ አስቲር ማዲዋ ሆሴዳ

1 ማርዶክዮስ ሀ ሀኔዳባ ኡባ ሰሴዳ ዋድ፣ ካዮቲደ ባረ ማዩዋ ፔዴዳ፤ ማቅያ ማዬዳ፤ ባረ ሀጺያንካ ብድንላ ክክሬዳ። ባረ ኮሻካ ቶቁ ኦሊደ፣ ሴላ ዩኩዋ ዩኪደ፣ ካታማ ግደን ዩዩዳ።  
2 ካትያ ጎልያ ገልያ ፕንግያ ጋካናዉ ቤዳ፤ ሽን ገላናዉ ዳንዳይቤና። አያዉ ጎፕ፣ ማቅያ ማዬደ፣ ካትያ ጎልያ ገላናዉ ኦነ ዳንዳየተና።

3 ካትያ አዋዩ ሰሰቲዳ ቢታ ኡባን አይሁዳቱ ግደን ዋልቃማ ካዩ፣ ጸሚይ፣ ዩኩነ ዝላሳይ ደመቲዳ። እንቱንቱፕ ደርቲካ ቃይ ማቅያ ሞጪደ፣ ካዮታናዉ ብድንላን ካካሬደ ኡቲድኖ።

4 ካታት አስትር ዳንጋጽረቲነ አዙ ናግያ ሱንላቱ ዩደ፣ ማርዶክዮስ ለዘዉ ኦዴዳ ዋድ፣ አ ሎይሎ ካዮታድ። ማርዶክዮስ ዋሩዋ ከሰ ድጊደ ማያና ማላ፣ አዉ ሀራ ማዩዋ ኪታዲ፤ ሽን እ አከናን አጸዳ።

5 ሄዋፕ ጉይያን አስትራ፣ ካቲ አዘዉ ኦላናዳን ዋሌዳ ሀታካ ግያ ጎይረቶዋ ጴጋደ፣ ማርዶክዮስ መቲ እዩንቶነ ቃይ እ አያዉ ካዮትንቶነ ኤራና ማላ፣ እነ ኪታዲ።

6 ሀታክ ካትያ ጎልያ ገልያ ፕንግያ ማታ ዳባባን ደአያ ማርዶክዮስ ቤዳ።

7 ማርዶክዮስ፣ ባረ ቦላ ጋኪዳዋ ኡባ ቆንጭሲደ፣ አዉ ኦዴዳ። ቃይካ አይሁዳቱዋ ዋዴዳ ወርሳናዉ ሃማን ካትያ ሚሻ ምንጅያ ጎለዉ አማናዉ ገፔዳ ቫሎዋ ልክያና ኡባይ አተናን ጌሺደ ኦዴዳ።

8 ሄዋ ጸላላ ግደናን፣ አይሁዳቱዋ ወርሳናዉ ሱሳን ከሴዳ አዋዩ ጻፈቲዳ ዋራቃታካ ሀታካዉ አሚደ፣ ሄዋ አስትርዉ አማናዳን ሀንያዋ ኡባ አዘዉ ኦዳናዳን ኦዴዳ። ቃይ አስትራ ካትያን ገላደ፣ ባረ አሳይ ወርሳናዳን ጋናታና ማላ፣ ሀታካዉ ኦዴዳ።

9 ሀታክ ዩደ፣ ማርዶክዮስ ኪቲዳዋ ኡባ አስትርዉ ኦዴዳ።

10 አስትራ ሀታካ ዛራደ፣ ማርዶክዮስ ሀዋዳን ያጋደ ኪታዲ።

11 “ሀጌ፣ ማጫዋ ግድና፣ አቱማዋ ግድና፣ ኦነን ጸገተናን ደአደ፣ ካትያና ጋከታናዉ ካትያ ጎልያ ግድ ዳባባ ገሎፕ፣ ሀይቆ። ሽን እ ጸገተናን ካትያን ገልያ ዋድ፣ ካቲ ዋርቃፕ አስቲዳ ባረ ካወተላ ጸምእ ጸራ እነ ዛራይ ቆሰ። ሄ ኡራ ጸላላይ አቶ ያጌ። ሀ ሀግያ ካትያና ዞረትያዋንቱፕ ቢደ፣ ጮ አሳ ጋካናዉ ደአያ አሳይ ኡባይ ኤሬዳ። ሽን ታን ሀታው ጋላሳ ግደደፕ ካትያን ገላናዉ ጸሰታ ኤርከ” ያጋዲ።

12 ማርዶክዮስ አስትራ ኪቲዳ ኪታ ሰሴዳዋፕ ጉይያን፣

13 አዘዉ ዛሩዋ ኪቲደ፣ ሀዋዳን ያጌዳ፤ “ኔን፣ ታን ካትያ ጎለን ደአያ ድራው፣ ሀራ አይሁዳቱዋፕ እትና፣ ታና ቦቻያዋ ባዋ” ጋደ ቆፖፕ!

14 ኔን ሀዋ ማላ ዋድያን ጮኤ ጎፕ፣ አይሁዳቶ ማዲ ሀራ ሳፕ ያናዋ። እንቱንቲካ ቱሙፕ እታና፤ ሽን ኔን ነ አወዋ ጎልያ አሳይ ጳያና። ኔን ካታቶ ግዳደ ዬዳዋ ሀዋ ማላ ዋድያንቶነ ኦነ ኤሪን” ያጌዳ።

15 አስትራ ማርዶክዮስ ሀዋዳን ያጋደ ዛራደ ኪታዲ፤

16 “ባደ ሱሳ ደአያ አይሁዳቱዋ ኡባ እትፕ ሺሻ። ጸሚደ፣ ታዉ ዋሰተ። ሄዙ ጋላሳይን ሄዙ ቃማይ ወራናዉ፣ ቆማ ሞፕተ፤ ሃላ ኡሸፕተ። ታንካ ታ ዳንጋጽረቲዋና ሄዋዳን ጸማና። ሄዋፕ ጉይያን፣ እ ኡባ ሀግያን ተኤቲዳዋ ግደፕ፣ ካቲ ደአያ ሳኦ ታን ገላና። ታን ሀይቁንቶነ ሀይቃና” ያጋዲ።

17 ማርዶክዮስ ቢደ፣ አስትራ እ አዛዜዳዋዳን ኡባባ ኦሌዳ።

### 5

#### አስትራ ሹላያ ግግሳዳ

1 ጸማ ደዋደፕ ሄዘንሎ ጋላሰ አስትራ ካወተላ ማዩዋ ማያደ፣ ካትያ ጎለፕ ሰንላ ባጋና ግደ ዳባባ ገላደ ኤቃዳ። ሄ ዳባባን ካቲ ኡትያ ወይግያ አራታይ ደኤ። ካቲካ ባረ ጎልያ ገልያ ፕንግያ ጸልያ ሳን ደአያ፣ ባረ ካወተላ አራታን ኡቲዳ።

2 ካታታ እስትራ ገላደ፣ ግድ ዳባባን ኤቄዳኖ ካቲ በኢደ እዘን ናሽቴዳ ድራው፣ ባረ ኩሽያን ደእያ ዋርቃ ጸምእ እኮ ሞጩዳ። እካ ሸቃደ ጸምእ ጸራ ቦቻዳ።

3 ካቲ እዞ ሀዋዳን ያጌዳ፤ “ካታታ እስትራ፣ ኔን ታኮ እያወ ያድ? ቃይ ኔን ታና ኦቻያባይ እዬ? ሀራይ እቶ ታ ካወተላጥ ባጋ ግድገ፣ ታን ነወ እማና” ያጌዳ።

4 እስትራ ዛራደ ሀዋዳን ያጋዳ፤ “ካትያወ፣ ኔና ናሽቻያዋ ግድገ፣ ታን ነወ ገግሴዳ ባላ ማናወ ኔን ነማን ላኤ ሆቼ ይንቶ ደሳይ” ያጋዳ።

5 ሄዋጥ ጉይያን ካቲ፣ “ኦን እስትራ ገግሴዳ ሹብያወ ባናወ፣ ሃማና ኤለካ እሀተ!” ያጌዳ። ሄዋጥ ጉዮ ላእቱካ ሂ ሳእ ቤድና።

6 ኡንቱንቱ እትጥ ዎይንያ ኤሳ ኡሺደ ደእሸን፣ ካቲ ላኤንሉዋ እስትራ፣ “ኔን ታና ዎሰያባይ እዬ? ታን ነወ እማና። ቃይ ኔን ታና ኦቻያባይ እዬ? ሀራይ እቶ ታ ካወተላጥ ባጋ ግድገ፣ ታን ነ ኦሻ ፖላና” ያጌዳ።

7 እስትራ ዛራደ ሀዋዳን ያጋዳ፤

8 “ካትያወ፣ ኔን ታናን ናሽቴዳዋ ግድገ፣ ቃይ ታን ዎሰያዋ እማናወን ታ ኦሻ ፖላናወ ኔን ደሰያባ ግድገ፣ ዋንት ታ ገግሰያ ሀራ ግብራወ ኔን ነማን ያናዳን ኦቻይ። ታን እያ ኮይንቶ፣ ሄ ዎደ ነወ ቆንጭሳና” ያጋዳ።

**ሀማና ማቆዋ**

9 ሄ ጋላሰ ሃማን ባላ ሳጥ ከሲደ ብያ ዎደ፣ ሎይል ናሽቴዳ ድራው፣ ባረ ዎዛናን ኖጩ ጊደ ቤዳ። ሸን እ ካትያ ጎልያ ገልያ ጥንግያ ማታና እጂደ ብያ ዎደ፣ ሄዋን ኡቲዳ ማርድክዮሳ በኤዳ፤ እወ ደንድቤናዋን ያዪደ ኮኮርቤናዋ እኩኪደ፣ ሃማን ሀንቁዋ ኤጽ ከሴዳ።

10 ግድገ፣ ባረ ሀንቁዋ ዳንዳዪደ ቢደ፣ ባረ ሶ ጋኬዳ።

11 ሄዋጥ ጉይያን፣ ባረ ላገቱዋን ባረ ማቻቶ ዘራሾ እትጥ ጸግሲደ፣

12 ሃማን ባረ ዱረተላ ልክያ፣ ባረ ኦቲማ ናና ፓይዳዋ፣ ካቲ ባረና ኡባባን ቦንቼዳ ቦንቼዋን ሀራ ሞድያዋንቱጥን ካትያ ኦሳንቻቱዋጥ ኦቲያ ሱንሳተላ እወ እሚደ፣ ዋቲደ ኦ ቦንቼደንቶ፣ ኡንቱንቶ ጩቁዳ።

13 ጉጂድካ ሃማን ሀዋዳን ያጌዳ፤ “ሀራይ እቶ ካታታ እስትራካ ባረ ገግሴዳ ሹብያወ ካትያና ባናወ ታጥ እትና፣ ሀራ ኦናን ጸሳቢይኩ። ቃይ ዎንትካ ካትያና ባናዳን ታና ጸሳ ዎላዳ።

14 ሸን ሄ እይሁዳይ ማርድክዮሳ ካትያ ጎልያ ገልያ ጥንግያን ኡቲዳዋ በእያ ዎደ፣ ሀ ኡባባይካ ታና ካልሰና” ያጌዳ።

15 ሄ ዎደ ኦ ማቻታ ዘራሻን ኦ ላገቱ ኡባይ ሀዋዳን ያጌድና፤ “ኔን እሻታሙ ዋቆ ኡዳሳ ኮጫ ኤሰሳ፤ ያታደ ዎንት ጉራና ማርድክዮሳ ሄ ኮጫን ካቀታና ማላ፣ ካትያ ኦቻ። ሄዋጥ ጉይያን፣ ናሽታደ ባላ ማናወ ባ” ያጌድና። ሃማና ሀ ቆፋይ ናሽቴዳ ድራው፣ ኡንቱንቱ ጌዳዋዳን ኮጫ ገግሰሴዳ።

**ሃማን ቦላ ሀይቁ ፕርደቴዳ**

**6**

(6:1—7:10)

**ካቲ ማርድክዮሳ ቦንቼዳ**

1 ሄ ጋላሰ ቃማ ካትያ ገምእሹ ኦጊናን እጾዳ። ሄዋ ድራው፣ ካቲ ካትያ ታርክያ ጸፍያ ማጻፋ እሂደ፣ ሄዋን ጸፊቴዳ፣ ካሰ ሀኔዳ ታርክቱዋ ዎዛናን ኦላናወ እወ ናባና ማላ እዛዜዳ።

2 ናባብቴዳ ታርክቱዋጥ እቲ ማርድክዮሳ ኡሌዳዋ፤ ሄዋን፣ ካቲ ደእያ ክፍልያ ናግያ፣ ብግታናን ተረሻ ግያ ላኤ ጎይረቴዳዋንቱ ካትያ ዎሳናወ ማቀቴዳ ማቆ፣ ማርድክዮሳ ቆንጭሴዳዋ።

3 ካቲ፣ “ያትና፣ እ ሀዋ ቆንጭሴዳዎ እወ እመቴዳ ሱንሳተላይ ዎይ ጋቲ እዬ?” ያጌዳ።

4 ካትያ ቆማቱ ዛራደ፣ “እወ እያይን ኦስትቤና” ያጌድና።

5 ካቲካ ዛራደ፣ “ካትያ ጎልያ ካረ ዳባባን ኦኔ ደእያዌ?” ያጌዳ። ሄ ዎደ ባረ ገግሴዳ ኮጫን ማርድክዮሳ ካቃናወ፣ ካትያ ኦቻና ጊደ፣ ሃማን ካትያ ጎልያ ካረ ዳባባ ገሊደ ደኤ።

6 ካትያ ቆማቱ፣ “ሃማን ሀዋን ደኤ” ያጌድና።

7 ካቲ ዛራደ፣ “ሃ ገላ ገተ” ያጌዳ።  
8 ሃማን ገሎዋጥ ጉይያን ካቲ፣ “ካቲ ቦንቻናወ ደሰያ ኦሳወ እይ ኦላናወ ኮሺ?” ያጌደ ኦቻዳ።

9 ሀማን፣ “ካቲ ታጥ ሀራ ኦና ቦንቻናወ ደሰ?” ያጌደ ባረ ዎዛናን ቆጥዳ።

10 ሄዋ ድራው፣ ሃማን ካትያወ ያጌደ ዛራዳ፤ “ካቲ ቦንቻናወ ደሰያ ኡራወ ካቲ ማይ ከሴዳ ባረ ካወተላ ማዩዋ፣ ባረ ቶጌዳ ፓራን ኦ ሁጲያን ዎሌዳ ካላቻ ኦሀናዳን ኡዳ።

9 ሄዋጥ ጉይያን፣ ባረናና ኦልያ ሞድያዋንቱጥ እት ሎይል ባንቼቴዳዋ ጸግሲደ፣ ካወተፋ ማየዋ ለ ማይዛናዳንነ ካትያ ፓራን ለ ኡትሲደ፣ ካትማ ዳባባ ከሳናዳን እዛዛ። ያቶጥ ሄ ሎይል ባንቼቴዳ ካፍ ለ ሰንፋን ሀመቲደ፣ ‘ካቲ ባንቻናወ ደሰያ ኡራወ ሀዋዳን ኦሌ’ ያጊደ አዋዮ” ያጊደ።

10 ሄዋጥ ጉዮ ካቲ ዛሪደ፣ ሃማና ሀዋዳን ያጊደ እዛዛደ። “ዋይ ኤሊካ ደንዳ ካወተፋ ማየዋን ታ ፓራ አካደ፣ ነ ጌዳዋዳን አይሁዳ ማርዶክዮሳወ ኦፋ። እ ካትያ ጎልያ ገልያ ጥንግያን ደኤ። ነ ጌዳዋጥ እትባነ አሾፓ” ያጊደ።

11 ሄዋ ድራወ፣ ሀማን ማየዋን ፓራ እኪደ ማርዶክዮሳ ካወተፋ ማየዋ ማይዚደ፣ ካትያ ፓራ ቦላን ኡትሲደ። ቃይ ካትማ ዳባባን አጥ ሰንፋና ሀመቲደ፣ “ካቲ ቦንቻናወ ደሰያ ኡራወ ሀዋዳን ኦሌ” ያጊደ አዋዮዳ።

12 ሄዋጥ ጉይያን፣ ማርዶክዮሳ ካትያ ጎልያ ጥንገ ጉዮ ሰሚደ ቤዳ። ሸን ሃማን ዳር ካዮቴዳ ድራወ፣ ባረ ዳሙዋ ጉሎቴዳ፣ ኤሌሊደ ባረ ሶ ቤዳ።

13 ባረና ጋኬዳዋ ኡባ ባረ ማቻት ዘራሸወን ባረ ላገቴዋ ኡባቶ ኦዳዳ። ኡንቱንቱ እ፣ “እ ሰንፋን ኔን ኩንዳናወ ደሚዳ ሀ ብታኒ፣ ማርዶክዮሳ፣ አይሁዳ አሳ ግደጥ፣ ነ አናና ኤቀታደ፣ አ ጸናናወ ኡባካ ዳንዳያካ፤ ቱሙጥ ለ ኔና ጸናና” ያጊድና።

**ሃዋዋ ካቀቴዳ**

14 ኡንቱንቱ ብር ሄዋ ሃሳዪደ ደእሸን፣ ካትያ ጎይራቴ ጋኪደ፣ ሃማና እስትራ ጊግሴዳ ሾብያወ ኤሌልሲደ አፌድና።

**7**

1 ካቲነ ሀማን ካታት እስትር ባላ ማናወ ቤድና።

2 ሄ ላኡንፋ ጋሳሳ ሾብያወ ቢደ፣ ኡንቱንቱ ዋይንያ ኤሳ ኡሸ ደእሸን፣ ካቲ ቃይካ፣ “ካታት እስቲሪ፣ ኔን ዋሰያባይ እዬ? ታን ነወ እማና። ቃይ ኔን ታና ኦቻያባይ እዬ? ሀራይ አቶ ታ ካወተፋጥ ባጋ ግደጥ፣ ታን ነ ኦቻ ፖላና” ያጊደ ኦቻዳ።

3 ካታታ እስትራ ዛራደ ያጋዳ፤ “ካትያወ፣ ኔን ታናን ሸቮቴዳዋ ግደጥ፣ ቃይ ታ ኦቻካ ፖላናወ ኔን ደሴዳዋ ግደጥ፣ ታ ዋሳይነ ታ ኦቻይ ታንነ ታ አሳይ ሀይቀናን አታናሳ።

4 እያወ ሳጥ፣ ታንነ ታ አሳይ እቲነ አተናን ወራናወ ሀይቃናወን ጸያናወ ዛልኤቴዳ። ኑን ዛልኤቴዳዋ ማጫ አይላነ አቲማ አይልያ ግዲደ ደአናወ ግድንቶ፣ ታን ጮኤ ጋና፤ እያወ ሳጥ፣ ሄዋ ማላ ሙቱ ካትያ ዋይሳናወ በሰያዋ ግደና” ያጋዳ።

5 ካቲ አርጸክሰሰ ዛራደ፣ “ሄዋ ኦላናወ ጸሌዳዋ ኦኔ? እ ሄ ብታኒ ሀቃን ደኢ?” ያጊደ ካታቶ እስቲር ኦቻዳ።

6 እስትራ፣ “ኑ ሞርኪ፣ ኑና የደርሰያዋ ሀዋ ሀ ኢታ ሃማና” ያጋዳ።

ሄ ዋይ ሃማን ካትያ ሰንፋንነ ካታት ሰንፋን ዳር ዳጋሜዳ።

7 ካቲ ሎይል ሀንቀቲደ፣ ባረ ኡቴዳ ሳጥ ደንድ ኤቁደ፣ ካትያ ጎልያ አታክልትያ ሳኦ ቤዳ። ሸን ሃማን ካቲ አ ቦላ ኢታባ አሀናወ ቃቻዳዋ ኤራዳ ድራወ፣ ካታታ እስትራ አ ሀይቁዋጥ አሻና ማላ ዋሳናወ ጉዮ አቴዳ።

8 ካቲ ካትያ ጎልያ አታክልትያ ሳጥ ሰሚደ፣ ዋንታ ኡንቱንቱ ዋይንያ ኤሳ ኡሸያ ሳኦ ገልያ ዋይ፣ ሃማን ካታት እስትርጥ ማርታ ዋሳና ጊደ፣ አ ኡቴዳ ግሎዋ ቦላን ጉፋኔዳዋ በኢደ፣ ሀንቁዋን ኤጽ ከሲደ “ላ ሀ ብታኒ ሀዋን ካትያ ጎልን፣ ኡባ ቃይ ታ ሰንፋን፣ ካታትና ግሳናወ ኮዩየ?” ያጊደ።

ካቲ ብር ሄዋ ሃሳይሸን፣ ካትያ ሱንፋቱ ዪደ፣ ሃማና ዳሙዋ ጉሎፎድና።

9 ቃይ ኡንቱንቱጥ አቲ፣ ሀርቦና ጌትትያ ካትያወ ኦልያ ጎይራቶዋ፣ “ካትያወ፣ ሃማን ኔና ሀይቁዋጥ አሾዳ ማርዶክዮሳ ካታና ጊደ ኤሴዳ እሻታሙ ዋቆ ኮጫይ አ ሶን ደኤ” ያጊደ።

ካቲ ዛሪደ፣ “ሃማና አፌደ፣ ሄ ኮጫን ሱልተ!” ያጊደ እዛዛደ።

10 ሄዋ ድራወ፣ ማርዶክዮሳ ካቃና ጊደ ጊግሴዳ ኮጫን ሀማን ካቀቴዳ። ሄዋጥ ጉይያን፣ ካትያ ሀንቁ ዶቻዳ።

**8**

**አይሁዳቱ ባረንቱ ሞርከቱዋ ኩሽያ ጭገቴድና (8:1—10:3)**

1 አይሁዳቱ ሞርኪ ሀማን ሱለቴዳ ጋላሰ ካቲ አርጸክሰሰ ሀማና አቁዋ ኡባ ካታት እስትርወ እሊደ እሜዳ። ቃይ ማርዶክዮሳ እዝወ ማታ ዳቦ ግድያዋ እስትራ ካትያወ ኦዳዳ። ሄዋ ድራወ፣ ሄ ጋላጎጥ ደሚደ፣ ማርዶክዮሳ ካትያኮ ገላናወ ዳንዳዬዳ።

2 ካቲካ ሃማናጥ ጉዮ እኬዳ ባረ ሞግዲዋ ማታፋ ከሲደ፣ ማርዶክዮሳወ እሜዳ። እስትራ ማርዶክዮሳ ሃማና አቁዋ ቦላን አዋያደ ሱንፋዳ።

3 ሄዋጥ ጉይያን፣ እስትራ ዩካድ፣ ካትያ ገድያ ቦላን ዛራ ኩንዳድ፣ አጋጋ ዛርያ ግዴዳ ሃማን አይሁዳቱ ቦላን ቱኩዳ ኢታ ማቆ ኪታን ፔሸናዳን ካትያ ዋሳዲ።

4 ያትና፣ ካቲ ባረ ሞርቃ ጸምእ እዝዉ ሞጭና፣ እ ደንዳ ኤቃድ፣ ሀዋዳን ያጋዲ፤

5 “ካትያዉ፣ ኔን ታናን ናሽቴዳዋ ግደግ፣ ቃይ ታ ኦሻካ ፖላናዉ ኔን ደሴዳዋ ግደግ፣ ታ ኦሻይ በሴ ጋደ ቆፖግ፣ ነ ካወተላ ግደን ደእያ አይሁዳ ኡባ ወርሲደ ዋቆና ማላ፣ አጋጋ ዛርያ ግዴዳ ሀማዳታ ናአይ ሃማን ከሴዳ አዋዩዋ ሻርያ ሀራ አዋዩዋ ኔን ከሳናዳን ዋሳይ።

6 ሀ ኡባ ባሻይ ታ አሳ ቦላን ጋክያ ዋድ፣ ታን ዋና ጸላናዉ ዳንዳያይታ? ቃይ ታ ዳቦቱዋካ ኡባ ቆይሰያ ዋድ፣ ታን ዋና ጸላናዉ ዳንዳያይታ?” ያጋዲ።

7 ሄዋጥ ጉይያን፣ ካቲ እርጸክሲሰ፣ ካታቶ አሰቴርነ አይሁዳ ማርድክዮሳ ሀዋዳን ያጌዳ፤ “ሃማን አይሁዳቱዋ ዋቆናዉ አዋዩዋ ከሴዳ ድራዉ፣ ታን ምሳ ኮጫን እ ካቅሴዳዋን እ አቆዋካ ኡባ ካታቶ አሰትርዉ አሜዳዋ ሀንተንቱ ኤሪታ።

8 ግደግ፣ ካትያ ጎልያ ማታፋይ ዋድና፣ ካትያ ሱንላን ከሴዳ አዋዩ ላመታናዉ ዳንዳዮና። ሄዋ ድራዉ፣ ሀንተንቱ ሀንተንቱ ባርና አይሁዳቱዋ ጎአናዉ ኮዬዳዋ ጻፍተ። ሄዋ ታ ሱንላን ጸፊድ፣ ካትያ ማታፋ አ ቦላን ዋሳተ” ያጌዳ።

9 ሰዋና ግያ ሄዘንላ አግናን፣ ላታማነ ሄዘንላ ጋላሳን፣ ማርድክዮሳ ካትያ ጸፈቱዋ ጸጌዳ፤ ሀንደጥ ቶጽያ ጋካናዉ ደእያ፣ ጴታን ላታማነ ላፑን ቢታቱዋ ካትያጥ ጋርሳና ሞድያዋንቶ አይሁዳቶ፣ አወራጅ ሞድያዋንቶን ጋድያ ካጋቶ የድያ አዋዩዋ ኡባባ ጸፍሴዳ። አዋዩ ዴማ ዴማ ቃላንን ዴማ ዴማ ፕድልያን ጸፈቴዳ፤ ቃይ አይሁዳቶካ ኡንቱንቱ ቃላንን ኡንቱንቱ ፕድልያን ጸፈቴዳ።

10 ማርድክዮሳ ሄ አዋዩዋ ኡባ ካትያ እርጸክሲሳ ሱንላን ጸፍሴድ፣ ካትያ ማታፋ ዋሌዳ። ያትደ ኤሌልያ ካትያ ፓራቱዋ ቶግያ አሳቱዋ ቦላ ቢታዉ ኡባዉ ከቲዳ።

11 ካቲ ከሴዳ አዋዩ ካታማቱዋ ኡባን ደእያ አይሁዳቱ እትጥ ሺቃናዉን ባረንቱ ቦላ ይያዋ ኦሊቲደ ተአናዉ ዳንዳያና ማላ፣ ማታ ኡንቱንቶ አሜ። ቃይ ኦላ ሚሻ ኦይቅኪደ፣ አይ ቢታጥ ግደግ፣ ኡንቱንታ ኦላናዉ ይያዋንታ፣ ኡንቱንቱ ናናን ኡንቱንቱ ማቼቱዋና ኡባ እቱዋን አሸናን ወርሲ ዋቆናዉን ኡንቱንቱ አቆዋካ ቦንቁደ እካናዉ ማታ አሜ።

12 አይሁዳቱ ካትያ እርጸክሲሳ ካወተላን ሄዋ ኦላናዉ ኬሪቲዳ ጋላሳይ፣ አዳረ ግያ ታማነ ላኢንላ አግና፣ ታማነ ሄዘንላ ጋላሳ።

13 ካትያ አዋዩዋ ቢታቱዋ ኡባን ደእያ አሳይ ኤራናዳን፣ ሀግያ ግዲደ አዋዩቲዳ፤ ሄዋካ አይሁዳቱ ባረንቱ ሞርከቱዋ ቦላን ሀሉዋ ከሳናዉ ባረንታ ግገሳናዉ ዳንዳይሴ።

14 ኪተትያዋንቱ ካትያ ጎልያ ፓራቱዋ ቶጊደ፣ ካትያ አዛዙዋ ጋላናዉ ኤሌሊደ ቤድና። ቃይ ሱሳ ካትማንካ ካቲ ደእያ ሳን ሀ አዋዩ አሳ ኡባዉ አመቲዳ።

15 ማርድክዮሳ ሳሉዋ ማላትያን ቦላ ካወተላ ማዩዋ ማዩደ፣ ኦቻ ቴራ ማላትያ ካባ፣ ሊቱዋጥ ደይቲዳዋ ቦላና ጉጃዳ፤ ቃይ ዋልቃማ ዋርቃ ካላቻካ ዋሌዳ፣ ካትያ ሰንላጥ ከሴዳ። ሱሳ ካታማይ አልሌዳን ናሽቻዉ ናጩ ጌዳ።

16 ሄዩ አይሁዳቶ ቃይ ዋልቃማ ናሽቻን አልልሳ፣ ዋጋን ሾቢያ ዋደ ግዴዳ።

17 ሄዋ ድራዉ፣ ካትያ አዋዩ ጋክና ናባቡቲዳ ቢታንን ካታማ ኡባን ደእያ አይሁዳቱ ኡባይ፣ ናሽቲደን ባላ ሚደ ፔሼድና። ሄዋ ጋሱዋን አይሁዳቶ ያዩደ፣ ሄዋን ደእያ ሀራ ዛርያ አሳጥ ዳራቲ አይሁዳ ግዴድና።

### 9

#### አይሁዳቱ ባረንቱ ሞርከቱዋ ዋዲድና

1 አዳረ ጌተትያ ታማነ ላኢንላ አግናን ታማነ ሄዘንላ ጋላሳይ ጋኪዳ። ሄ ጋላሳይ፣ ካቲ ኮይር ከሴዳ አዋዩዋ ማራን አይሁዳቱ ሞርከቱ ኡንቱንታ ጸናና ጌዳ ጋላሳ። ሽን የዉ ጸድ ዋድና፣ አይሁዳቱ ባረንቱ ሞርከቱዋ ጸድድና።

2 ካትያ እርጸክሲሳ ካወተላ ግደን ደእያ አይሁዳቱ ኡባይ ባረንታ ቆሀናዉ ኮይያ ኡባ ቆይሳናዉ ባረንቱ ካታማን ካታማን እትጥ ሸቆድና። ኡንቱንቱና አይ አሳይን አቆታናዉ ዳንዳይሴና፤ አያዉ ጎጥ፣ ሀራ ዛርያ ግዴዳ አሳይ ኡባይ ኡንቱንቶ ያዩዳ።

3 ኡባ ቃይ ማርድክዮሳዉ ያዩዳ ድራዉ፣ ካትያጥ ጋርሳና ጋድያ ሞድያዋንቱ፣ አወራጅ ሞድያዋንቱ ጋድያ ካጋቱን ዴማ ዴማባ ኦልያዋንቱ ኡባይ አይሁዳቱዋ ሃ ማዴድና።

4 አያዉ ጎጥ፣ ማርድክዮሳ ካትያ ጎልን ዋልቃማ ማታይ አመቲዳን ዋልቃ ጉጅ ጉጅ ብያ አሳ ግዴዳዩ፣ ሄ ካወተላ ግደን ደእያ ቢታ ኡባን ኤሪቲዳ።

5 ሄ ኬራዳ ጋላሰ አይሁዳቱ ባረንቱ ሞርከቱዋ ኡባ ማሻን ዋድ ቆይሴድና፣ ባረንታ እጽያ ኡባ ቦላንካ ባረንቱ ኮዮዋ ኦልድና።

6 ዋና ካታማ ግዴዳ ሱሳ ካቲ ደኢያሳ ጸላላን እቼሹ ጸቲ አሳ ዋድ ቆይሴድና።



7-10 እንቲንቲ ቃይ ፓርሻንዳታ፡ ዳልፎና፡ እስፓታ፡ ፖራታ፡ ኡዳልያ፡ ኡሪዳታ፡ ፓርማሽታ፡ ኡሪሳያ፡ ኡሪዳያን ዋይዛታ ጌተትያ፡ ሀማዳታ ናኣ ኣይሁዳቲ ሞርክያ ሀማና ናና ታሙዋካ ዎዴድና፡ ሸን እንቲንቲ እንቲንቲ ኣቁዋ ቦንቁቢይክና፡

11 ኣይሁዳቲ ሱሳ ካታማን ካቲ ደእያ ሳእን ዎዴዳ ኣሳ ፓይዱ ኣፑንጎቶ ሄ ጋላሰካ ካትያዉ ኦደቲዳ፡

12 ያትና፡ ካቲ ካታቶ እስቲር ሀዋዳን ያጌዳ፤ “ኣይሁዳቲ ዋና ካታማ ግዴዳ ሱሳ ካቲ ደእያሳ ጸላላን ኣቼሹ ጹቱ ኣሳን ሃማና ናና ታሙዋ ዎድ ጳይሲድና፡ ሄዌ ሄዋ ግድፕ፡ ካትያ ቢታቲ ሀራቱዋን እንቲንቲ ዎዴዳዋንቲ ኣፑና ግዳንድናሽ! ቃይ ሀእ ኔን ዎሰያባይ ኣይ? ታን ነዉ እማና፡ ኔን ታና ኦቶያባይ ሀራባይ ኣይ? ታን ነዉ ፖላና” ያጌዳ፡

13 እስትራ ዛራደ፡ “ካትያ ሀ ቆፋይ ናሸቾፕ፡ ሱሳን ደእያ ኣይሁዳቲ ሀቼ ኣፌዳዋዳን ዎንትካ ኦሉና፡ ቃይ ሃማና ናና ታማቲዋ ኣሃካ ኮጫ ቦላን ካቃናዳን ኣዛዛ” ያጋዳ፡

14 ሄዋፕ ጉዩ ካቲ ሄዋ ኦፋናዳን ኣዛዜዳ፤ ኣዋዩካ ሱሳን ላኢንሉዋ እመትና፡ ሃማና ናና ታማቲዋ ኣሃይ ኮጫ ቦላን ካቃቲዳ፡

15 ኣዳር ጌተትያ ኣግናን ታማን ኦይደንላ ጋላሳን፡ ሱሳ ደእያ ኣይሁዳቲ ቃይካ እትፕ ሸቂደ፡ ሀራ ሄዙ ጹቱ ኣሳ ዎዴድና፤ ሸን ሀእካ እንቲንቲ እንቲንቲ ኣቁዋ ቦንቁቢይክና፡

16 ሄ ዎደ ካትያ ካዉተላ ጋርሳን ደእያ ቢታቲ ሀራቱዋን ደእያ ኣይሁዳቲካ እትፕ ሸቂደ፡ ባረንቲ ሞርከቲዋ ኡባ ኦላቲደ ተኤድና፡ እንቲንቲ ኡባና 75,000 ኣሳ ዎዴዳዋፕ ጉይያን፡ ባረንቲ ሞርከቲዋፕ ሸምፔድና፡ ሸን እንቲንቲ ኣቁዋ ቦንቁቢይክና፡

17 ሀዌ ኡባይ ሀኔዳዌ ኣዳረ ግያ ኣግናን ታማን ሄዘንላ ጋላሳና፤ ታማን ኦይደንላ ጋላሳን እንቲንቲ ሸምፔደ፡ ባላ ሚደ፡ ኡሺደን ናሸቲደ ፔሽያ ጋላሳ ኣፌድና፡

18 ሸን ሱሳን ደእያ ኣይሁዳቲ ታማን ሄዘንላን ታማን ኦይደንላ ጋላሳቲዋን ዎድ ፔሺደ፡ ታማን ኣቼሻንላ ጋላሳን ሸምፔድና፡ ሄ ጋላሳ እንቲንቲካ ባላ ሚደ፡ ኡሺደን ናሸቲደ ፔሽያ ጋላሳ ኣፌድና፡

19 ሄዋ ድራዉ፡ ቁር ቁር ካታማቲዋን ደእያ ኣይሁዳቲ ሀቼ ጋካናዉካ ኣዳር ጌተትያ ኣግናን ታማን ኦይደንላ ጋላሳ ባላ ጋላሳ ኦሊደ ቦንቾና፡ ሄ ጋላሳን ሚናን ኡሺና፤ ቃይ ኣቲ ኣቶ ቁማ ኣሞታ እሚና፡

**ፑሪማ ባላ**

20 ማርዶክዮሲ ሀ ሀኔዳ ኡባ ታርክያ ጸፊደ ዳብዳቢያ ካትያ ኣርጸክሲሳ ቢታቲዋን ኡባን፡ ሃኩዋን ማታን፡ ደእያ ኣይሁዳ ኡባዉ ከቲዳ፡

21 ሄ ዳብዳቢያን ማርዶክዮሲ ኣዳር ኣግናን ታማን ኦይደንላን ታማን ኣቼሻንላ ጋላሳቲዋ፡ ኣይሁዳቲ ላይላን ላይላን ባላ ኦሊደ ቦንቻና ማላ፡ እንቲንቶ ኦይዳ፡

22 ኣያዉ ሳፕ፡ ሄ ጋላሳቲ ኣይሁዳቲ ባረንቲ ሞርከቲዋፕ ሸምፕዋ ደሚዳ ጋላሳቲዋ፤ ቃይ ሄ ኣግናይካ እንቲንቲ ካዩን ዩኩን ናሸቻዉን ባላ ሙሳዉ ላመቲዳ ኣግና፡ ሄዋ ድራዉ፡ እንቲንቲ ሙሳንን ኡሻን ናሸቲደ፡ ኣቲ ኣቶ ቁማ ሀይሳቶ ኣሞታ እሚደ ቦንቻና ማላ፡ እንቲንቶ ኦይቲዳ፡

23 ኣይሁዳቲ ማርዶክዮሲ እሚዳ ኣዛዘዋ ኣኪደ፡ እንቲንቲ ቦንቻናዉ ደሚዳ ባላ ላይላን ላይላን ኣግናን ቦንቻናዉ ማይድና፡

24 ጋሱካ ኣጋጋ ዛሪ ሀማዳታ ናኣይ ሃማን፡ ኣይሁዳቲ ኡባቲዋ ሞርከ፡ እንቲንታ ጳይሳናዉ ካሰ ማቀቲዳ፤ እንቲንታ ዉርሰ ዎድያ ኣግናን ጋላሳ ኡራናዉ ፑሪማ ግያ ሳማ የግሴዳ፡

25 ሸን እስትራ ካትያኮ ገሌዳዋፕ ጉይያን፡ ሃማን ኣይሁዳቲ ቦላ ማቀቲዳ ኣታ ማቀ ኡባይ ጉዩ ሰሚደ፡ ኣ ቦላ ፖላታናዳን ካቲ ጸፋዋን ኣዛዜዳ፡ ያትና፡ ሃማንን ኣ ናናይ ታሙ ኮጫን ካቃቲዳና፡

26 ሄዋ ድራዉ፡ ሀ ላኢ ጋላሳቲ ፑሪማ ጌተትያ ሳማ ባላ ጌተቲና፡ ሀ ዳብዳቢያን እንቲንቶ ጸፊቲዳዋ ኡባ ጋሱዋን፡ እንቲንቲ ባረንቲ ኣይድያን በኡዳዋ ጋሱዋንን እንቲንቲ ቦላን ጋኩዳዋ ጋሱዋን

27 ኣይሁዳቲ ባረንቶ፡ ባረንቲ ዛሪቶን ኣይሁዳ ግዳናዉ ኮይያ ኡባዉ፡ ሀ ባላ ቦንቻያዋ ዎጋ ኦፊድና፡ ሄዌካ ላይላን ላይላን ኣግናን ሀ ላኢ ጋላሳቲዋ ቦንቻናሳ፡

28 ቃይ፡ ሀ ካዉተላ ጋድያን ኡባንን ካታማቲዋን ኡባን ደእያ ኣይሁዳቲ ጎልያ ኣሳይ ኡባይን ያና የለታ ኡባይ ሀ ፑሪማ ባላ ሀሳናዉ በሰያዌ ቃሽቲዳ፡ ሄዋ ቦላንካ፡ ኣይሁዳቲ ኣዉደ ግድፕ፡ ሀ ፑሪማ ጋላሳቲዋ ቦንቻናዉን ሄ ጋላሳቲዋን ሀኔዳባይ እንቲንቲ ኣርጸንካ ደገተናን ኣገናዉ በሰ፡

29 ሄዋፕ ጉይያን፡ ኣሎሀይላ ናታ፡ ካታታ እስትራን ኣይሁዳይ ማርዶክዮሲ ፑሪማ ባላ ጸልያዋን ካሰ ጸፊዳ ዳብዳቢያ ምንጻፍዉ ሀዋ ላኢንላ ዳብዳቢያ ኩመንላ ማታን ጸፊድና፡

30 ሄ ዳብዳቢቲ ኣርጸክሲሳ ካዉተላን፡ ጹታን ላታማን ላፑን ጋድያን ደእያ ኣይሁዳቲ ኡባዉ ሳሩን ዎፓይ ግዶ ግያ ሳርታና ጸፊቲደ ከተቲድና፡

31 ቃይ ኡንቱንቱ ካስ ጸማናውን ካዮታናው ዎጋ ከሴዳዋዳን፣ ሀእ ኡንቱንታ ግድና፣ ሰንፋጥ ይያ ኡንቱንቱ ዘረፋ ግድና፣ ሀ ፑሪማ ጋላሳቱዋ ላይፋን ላይፋን ዎጋ ኡሊደ ቦንቻና ማላ፣ ሄ ዳብዳብቱ ቆንጭሲና። ሄዌ አይሁዳይ ማርዶክዮስን ካታታ አስትራን ላኡ ከሴዳ አዛዙዋ።

32 ካታት አስትር አዛዙ ፑሪማ ባላ ዎጋ ምንሴዳ፤ እካ ማጻፋን ጻፈቴዳ።

# 10

## ካትያ አርጸክሰሳን ማርዶክዮሳ ግታተፋ

1 ካቲ አርጸክሰሰ ባረ ካዉተፋ ግደን ሀ ጋጻጥ ህን ጋጻይ ጋካናዉ ደእያ አሳይ ኡባይ ጌራ ጭጋና ማላ፣ ዋልቃን አዛዜዳ።

2 እ ኡሊደ ዋልቃማን ማላልሰያ ኦሶቱ ኡባይ፣ ቃይ ማርዶክዮሳካ ጶቁ ኡሊደ፣ ዎት ቦንጅደንቶ ቆንጭሰያ ታርኪ ሜደናን ፓርሰ ካዉተፋ ታርክያ ማጻፋን ጻፈቴዳ።

3 ማታ ባጋን ግደፕ፣ ካትያ አርጸክሰሳ አታ ጌና፣ ማርዶክዮሰ ላኡንሱዋ። ቃይ እ አይሁዳቱዋንካ ሎይሰ ቦንጅቴዳን ደሰቴዳ አሳ፤ እያዉ ጎፕ፣ እ ባረ አሳ ግዴዳ አይሁዳቱ፣ ሳሮተፋንን ህርግ ባይናን ደእና ማላ፣ ሎይሰ ዳቡሬዳ አሳ።

### ኢዮባ ማጻፋ ገሉዋ

ኢዮባ ማጻፋን ኑን በእያ ታርኪ፣ ዳር ቱገይን ባሻይ ጋኬዳ እት ኬካ ብታንያባ ኦድያ ታርኪያ። ሀ ብታኒ ባረ ናናቱዋ ኡባጥን ባረ ዱረተላ ኡባጥ መላ አቴዳ አሳ። ሄዋ ቦላካ ቃይ ኢታ ማይላን ሾጩቲደ ሳከቲዳ። ሄዋጥ ጉይያን ግንጹዋ ጸፋዋን ቆንጭሴዳ ሄዙ ሃሳያቱዋን ኢዮብ ነ ኢዮባ ላገቱ ሀ ሳኩዋን ባረንቶ ሰሰቲዳዋ ሃሳዬድና። ወርሰላን ቃይ ጸሳይ ኢዮባዉ ቆንጩዳ።

ኢዮባ ላገቱ ኢዮባ ጋኬዳ መቱዋ ቦላ ቆፋ አሚደ፣ በንጥ ባረንቱ ኤርያ አማኑዋ ዋጋን ባሰቲደ አሚና። ሄዋ ድራዉ ኡንቱንቱ፣ “ጸሳይ ኬካ አሳዉ ሎኦባ አሜ፤ ሽን ኢታ አሳ ሙሬ። ሄዋ ማራን ኢዮባ ሀ መቱ ኡባይ ጋኬዳዋ፣ እ ናጋራ ኦሌዳ ድራሳ ግዳናዉ ኮሺ” ያገና። ሽን ኢዮብ ገሻን ኬካ አሳ ግዴዳ ድራዉ፣ ሀዋ ማላ ሙሩዋ በሰያ አሳ ግደና። ኡባ ቃይ ኤረተና ቃንአሽ ግዴዳዋ፣ እ ማላትያ ኬካ አሳ ቦላ ሀዋ ማላ ሙሩዋ ዋዴዳ። ኢዮባ አማኑ ሳኣጥ ደሸናን ጶዮጥካ፣ ልከ ፕርዳ ፕርዱደ፣ ባረና ሀ ሀርግያ ቃሹዋጥ ብላና ማላን በን ደኦ ዛራና ማላ፣ ምንሲደ ዋሰያዋ አግቤና።

ጸሳይ ኢዮብ ኦቼዳ አሻዉ እቶ እቶ ዛሩዋ አምቤናዋ ግደጥ፣ እ አማኑዋ ምናተላ ናሺደ፣ ባረ ጸሳተላ ዋልቃን ባረ አዴዳ ኤራ ማላልሰያ ግንጹዋ ሃሳያን ቆንጭሴዳ። ሄዋጥ ጉይያን ኢዮብ ጸሳይ ዋልቃማ ግድያዋን አዴዳ ኤራጋቻ ግድያዋ ኤራደ፣ ጸላንን ሀንቁዋን ኩሜዳ ቃላቱዋ ሃሳዬዳዋ ካዮቲደ፣ ናጋራጥ ሰሜዳ።

ወርሰላን ግንጹዋ ግደና የዳ ጸፋዋን ጸፈቲዳ ሳኣን ኢዮባ ደኡ በንሳ ሰሜዳዋዋን አቁዋ ባጋና ግደጥ፣ ካሰዋጥ ዳኮ ዳሩዋ ደሜዳዋ በኤቲ። ኢዮባ ላገቱ እ ጋኬዳ መቱ ሀቃና ዬደንቶ ኡንቱንቶ ገልቤና ድራዉ፣ ጸሳይ ኡንቱንታ ምና ሴራ ሴራዳ። ሜዘ አማኑዋ ቆፋጥ ጸሳይ ዋልቃማ ግድያዋ ኤራዳዋ ኢዮባ ጸላላ።

#### ሸምጋቱዋ ኡባቶ እመቲዳ ቃንላ ቆፋቱዋ

- ኢዮብ ገጩቲሳ 1:1—2:13
- ኢዮባን እ ላገላቱዋ ፓሉምያ 3:1—37:24
- መድና ጎዳይ ኢዮባዉ አሜዳ ዛሩዋ 38:1—41:34
- ኢዮብ አንጂዋ ዛር ደሙሳ 42:1-17

### ኢዮብ ገጩቲሳ

(1:1—2:13)

ሴጻናይ ኢዮባ ገጩናዳን ጸሳይ ሸንያ አሜዳ

- 1 ኡዳ ግያ ቢታን ኢዮባ ግያ እት ብታኒ ደኤ፤ እ ቶሺ ባይናን ሱረ አሳ፤ ጸሳዉ ያዪደ፣ ኢታባጥካ ሃኬዳ አሳ።
- 2 አዉ ላፑን አቱማ ናናቱን ሄዙ ማጫ ናናቱ የለቲድና።
- 3 ማጸዋ ግደጥ፣ አዉ ላፑን ሻኤ ደርሳቱ፣ ሄዙ ሻኤ ጋሎቱ፣ እቼሹ ጸቱ ዋላ ቦራቱ፣ እቼሹ ጸቱ ማጫ ሀረቱን ሎይሰ ዳር ቆማቱ ደኤና። አዋይ ዶልያ ባጋና ደኤያ አሳ ኡባጥ እ አዴዳ ዱረ አሳ።
- 4 እ አቱማ ናናቱ ባረንቱ ሶን ባረንቱ ሶን፣ ካል ካል ግብራ ገግሲደ፣ ባረንቱ ሄዙ ሞቼቱዋ ባረንቱና ማናዉን ኡሻናዉ ጸሲና።
- 5 ግብራ ጋላሳቱ ፖለቲዳ ዋደ፣ ኢዮብ ዋንታ ጉራና ደንዲደ፣ ባረ ናናቱዋ እቱዋ እቱዋ ሱንላን ጹግያ ያርሹዋ ያርሹ። እ ሄዋ ኦሳያዋ፣ “ታ ናናቱ ባረንቱ ዋዛናን ጸሳ ሸቂደ፣ ናጋራ ኦሌድናንቶን” ገደ ሀርጌዳ ድራሳ። እ ኡንቱንታ ገሻናዉ ሄዋ ኡባ ገደ ኦሌ።
- 6 እት ጋላሰ ጸሳ ኪታንቻቱ መድና ጎዳ ሰንላን ቤታናዉ ዬድና፤ ሴጻናይካ ቃይ ኡንቱንቱና ዬዳ።
- 7 መድና ጎዳይ ሴጻና፣ “ላ ኔን ሀቃጥ ያድ?” ያገዴ።

ሴጻናይ መድና ጎዳዉ፣ “ታን ሳኣን ኡባን ያን ሃን ዩይያሳጥን ሰመረትያሳጥ ያድ” ያገደ ዛራዳ።  
 ስመድና ጎዳይ ሴጻና፣ “ያተና፣ ታ ቆማ ኢዮባ አኬካደ በኦድ? ሳኣ ቦላን እ ማላትያ ቶሺ ባይናን ሱረ አሳይ ሙላካ ባዋ፣ እ ጸሳዉ ያይያ፣ ኢታባጥካ ሃኬዳ አሳ” ያገዴ።  
 9 ሴጻናይ፣ “ቱሙ ኢዮብ ነዉ ጮ ያዪ?  
 10 እን እ ሱ አሳን አዉ ደኤያዋ ኡባ ኔን ድራደ ናጋቢይኪ? እ ኦሳያ ኦሱዋ ኡባ ኔን አንጂዳ ድራዉ፣ እ መሀያ ዉዲ ቢታ ኡባ ቦላን ዳራዳ።

- 11 ሽን ኔን ነ ኩሽያ የዳደ፣ አወ ደእያ ማጸዋ ኡባ ሾጫንቶ፣ እ ኔና ቱሙ ነ ሰንፋን ሸቃና” ያጌዳ።
  - 12 መድና ጎዳይ ሴጻና፣ “ኤኖ፣ አወ ደእያባይ ኡባይ ነ ኩሽያና። ሽን ኔን አ ቦቾፓ” ያጌዳ። ሃዋፕ ጉይያን፣ ሴጻናይ መድና ጎዳ ሰንፋፕ ከሲደ ቤዳ።
  - 13 እት ጋላሰ ኢዮባ አቱማ ናናቱነ ማጫ ናናቱ ባረንቱ ባይራ እሻ ሶን ሚደነ ዎይንያ ኡሳ ኡሺደ ደእኖ።
  - 14 ያትሽን እት ብታኒ ኢዮባኮ ዪደ፣ “ኑን ቦራቱዋ ዋጺደ ጎሽሽን፣ ሀረቱካ ኑ ማታን ማታ ሚደ ደእሽና፣
  - 15 ሳባ ቢታ አሳቱ እኩከናን ዪደ፣ ኦላ ከሴድኖ፤ ያቲደ ኡባካ እክ ቤድኖ። ቃይ ቆማቱዋካ ቃራ ማሻን ቡሳኩድኖ። ያትና፣ ታ ጸላላይ አታደ፣ ሀ ሀኔዳዋ ነወ ኦዳናወ ያድ” ያጌዳ።
  - 16 እ ብር ሃሳይሽን፣ ሀራ ብታኒ ዪደ፣ “ጸሳ ታማይ ሳሉዋፕ ዎጲደ፣ ዶርሳቱዋን ዶርሳቱዋ ሃምያዋንታ ሚዳ።፣ ያትና፣ ታ ጸላላይ አታደ፣ ሀ ሀኔዳዋ ነወ ኦዳናወ ያድ” ያጌዳ።
  - 17 እ ብር ሃሳይሽን፣ ሀራ ብታኒ ዪደ፣ “ካላዳዌቱዋ ቢታፕ ሄዙ ጨጉዋን ሻከቴዳ ፓናቱ ዪደ፣ ኑና ኦሊደ፣ ጋሉዋ ኡባ እክ ቤድኖ፤ ቆማቱዋካ ቃራ ማሻን ቡሳኩድኖ። ያትና፣ ታ ጸላላይ አታደ፣ ሀ ሀኔዳዋ ነወ ኦዳናወ ያድ” ያጌዳ።
  - 18 እ ብር ሃሳይሽን፣ ሀራ ብታኒ ዪደ፣ “ነ አቱማ ናናቱነ ማጫ ናናቱ ባረንቱ ባይራ እሻ ሶን ሚደነ ዎይንያ ኡሳ ኡሺደ ደእሽና፣
  - 19 ዎልቃማ ጎቲ እኩከናን ባዙዋፕ ደንዲደ፣ ጎልያ ኡባና ሾጫዳ።፣ ጎሊ ኡንቱንቱ ቦላ ኩንድና፣ ናናቱ ሀይቂድኖ። ያትና፣ ታ ጸላላይ አታደ፣ ሀ ሀኔዳዋ ነወ ኦዳናወ ያድ” ያጌዳ።
  - 20 ሃዋፕ ጉይያን፣ ኢዮብ ደንዲደ፣ ካዮ ባረ ማዩዋ ፔጲደ፤ ባረ ሁጺያካ ሜደቱዳ። ቢታን ጉፋኒደ ጸሳወ ጎይኒደ፣
  - 21 ሀዋዳን ያጌዳ፤
- “ታን ታ እት ኡሉዋፕ ካሎ የለታድ፤  
 ሀይቂያ ዎደካ ታን አካደ ብያባይ ባዋ።  
 መድና ጎዳይ አሜዳ፤  
 መድና ጎዳይ ዛሪደ እኩዳ።  
 መድና ጎዳ ሱጎሳይ ጋላተቶ” ያጌዳ።
- 22 ሀ ኡባንካ ኢዮብ ናጋራ ኦልቤና፤ ጸሳ አማሳልቤና።

## 2

### ኢዮባ ላኤንጾ ፓጭያ

- 1 ሀራ ጋላሰካ ቃይ ጸሳ ከታንቻቱ መድና ጎዳ ሰንፋን ቤታናወ ዬድኖ፤ ሴጻናይካ ቃይ ኡንቱንቱና አትፕ አ ሰንፋን ቤታናወ ዬዳ።
  - 2 መድና ጎዳይ ሴጻና፣ “ላ ኔን ሀቃፕ ያድ?” ያጌዳ። ሴጻናይ መድና ጎዳወ፣ “ሳኦን ኡባን ያነ ሃነ ዩይያሳፕን ሰመረትያሳፕ ያድ” ያጌዳ።
  - 3 መድና ጎዳይ እ፣ “ታ ቆማ ኢዮባ እኩከካደ በእድ? ሳኦ ቦላን አ ማላትያ ቶሺ ባይናነ ሱረ አሳይ ሙሊካ ባዋ። እ ጸሳወ ያይያ፣ ኢታባፕካ ሃኬዳ አሳ። ጋሱ ባይናን ታን አ ጳይሳና ማላ፣ ኔን ታና ደን።፣አናካ፣ ሀእ ጋካናወ አ ባረ ሱረተላን ምን ኤቁዳ” ያጌዳ።
  - 4 ሴጻናይ ዛሪደ ጸሳ፣ “ ጋልባ ድራወ ጋልባ አኮ!” ያግያዋዳን፣ አሳይ ባረ ሸምፑዋ ድራወ፣ ባረወ ደእያዋ ኡባ አማ።
  - 5 ሽን ኔን ነ ኩሽያ የዳደ፣ እ እነ ሾጫ። ያትንቶ እ ኔና ቱሙ ነ ሰንፋን ሸቃና” ያጌዳ።
  - 6 መድና ጎዳይ ሴጻና፣ “ኤኖ፣ አ ዎቻፓፕ አትና፣ አ ቦላ ኔን ኮዬዳዋ ኦላናወ ዳንዳያሳ” ያጌዳ።
  - 7 ሃዋፕ ጉይያን፣ ሴጻናይ መድና ጎዳ ሰንፋፕ ከሲደ፣ ኢዮባ ገድያፕ ሁጺያ ጋካናወ ኢታ ማዱሳይ አ ቦላ ከሳናዳን ኦልዳ።
  - 8 ያትና፣ ኢዮብ ብድንጎላ ቦላ ኡቲደ፣ ኮንኦን ባረና ጎዳዳ።
  - 9 እ ማቻታ አ፣ “ሀእ ጋካናወካ ኔን ነ ሱረተላን ምና ኡታዲ? ጸሳ ሸቃይ ሀይቃ” ያጋዳ።
  - 10 እ ዛሪደ እዙ፣ “ኔን ቦዛ ማጫ አሳዳን ሃሳያዳ። ኑን ጸሳፕ ሎኦባ እክ አኪደ፣ ኢታባ አኮኮየ?” ያጌዳ።
- ሀ ኡባንካ ኢዮብ ባረ ጌዳዋን ናጋራ ኦልቤና።
- ሄዙ ኢዮባ ላገላቱ አ በእናወ ዬድኖ
- 11 ኢዮባ ላገቱ ሄዛቱ፣ ተማና ቢታፕ ኤልፋዝ፣ ሹሀ ቢታፕ ብልዴዳን ናአማ ቢታፕ ጸፋር ኢዮባ ቦላ ጋኬዳ መቱዋ ሰሴዳ ዎደ፣ አወ ቃረታናወካ አ ሞን።፣ሳናወ ባረንቱ ሶፕ ባረንቱ ሶፕ ቃገቲደ፣ አትፕ አኮ ዬድኖ።

12 ኡንቱንቱ ከ ሃኩዋን ግዲደ ጸልፏል ወይ፤ እ እዮባ ግድያዎ ኤርበይክኖ። ኑየጥ እ ግድያዎ ኤሬዳ ወይ፤ ባርንቱ ቃላ ቶቁ ኦሊደ ዩኬድኖ፤ ባርንቱ ማየዋካ ፔዲይ፤ ባርንቱ ሁጲያን ባና ቆሊድኖ።

13 ሄዋጥ ጉይያን፤ ኡንቱንቱ እናና ላፑን ጋላሳን ላፑን ቃማ ቢታን ኡቴድኖ። እ ሳኩ ሎይላ ዳሬዳዋ ኡንቱንቱ በኤዳ ድራው፤ አዉ አይ አሳይን ቃላካ ቃትቤና።

### እዮባን እ ላገላቱዋ ፓሉሞያ

## 3

(3:1—37:24)

ኮይሮ ሃሳያቱዋን እዮብ ባረ የለቴዳ ጋላሳ ሸቄዳ

1-2 ሄዋጥ ጉይያን፤ እዮብ ባረ ዶና ዶዬይ፤ ባረ የለቴዳ ጋላሳ ሀዋዳን ያገደ ሸቄዳ፤

3 “ታን ሻሃረቴዳ ቃማይን ታን የለቴዳ ጋላሳይ ጮ ቆይኖ!

4 ሄ ጋላሳይ ቆማ ግደ፤ ቦላ ጸሳይ ሄ ጋላሳ ሸከኩ ጎ፤ እ ቦላን ፖኡካ ፖኡፖ።

5 ለሊዳ ቆማይን ሻኖቹ እ ጎዞ፤ እ ሻሪ ካዋ፤ እ ፖኡዋካ ቆማይ ገንሎ።

6 ሄ ጋላሳ ቃማ ድጵ ጎ ቆማይ ኦይቆ። ላይላ ግደን ደእያ ጋላሳቱዋን እ ፓይደቶፖ፤ አገናቱዋ ፓይደዳዋንካ ገሎፖ።

7 ሄ ጋላሳ ቃማይ ቃማይ ዋንቶፖ፤ ናሽቻ እልልሳይካ እን ሰሰቶፖ።

8 ለዋታና ግያ ዳዊያ ደን፣ ላናዉ ሎሄዳ ሻሬቾቱ ሄ ጋላሳ ሸቄና።

9 ሄ ቃማዉ ባካልያ ጸልንቱ ፖኡፖ፤ ፖኡዋ ናገደካ ደሞፖ፤ ዋንታ ጸልቂካ አዉ ጸልቀቶፖ።

10 ሄ ቃማይ ታን ታ አት ኡሉዋን ሻሃረተናዳን፤ ሀ መቱዋ በኤናዳን ተአቤና ድራው፤ ሸቀቴዳዋ ግደ።

11 “ታን ታ አት ኡሉዋን ሃላ ከሳርክታሻ! ታ አት ኡሉዋጥ የለታ ዋቆ፤ ሀይቃርክታሻ!

12 ታ አታ ታና እያዉ ባረ ክዉዋን እድማደሻ? ባረ ቆንላካ ታና እያዉ ቆንላዳሻ?

13 ሄ ዋይ ታን ሀይቄዳዋ ግድንቶ፤ ሀእ ሸሞፓደ ገሞእሻድ ሸን!

14 ኮለቴዳ ሳኡቱዋ ባረንቶ ዛርሳ ኬዬዳ ሳኡ ካተቱዋናን ኡንቱንታ ዘርያዋንቱና፤

15 ዋርቃይ ደእያን ባርንቱ ጎልያን ብራ ኩንፊዳ ዋድያዋንቱና እትጥ ዲፋዋን ግሳድ ሸን!

16 ዋይ አት ኡሉዋጥ ቦሽቴደ የለቴዳ ናኣዳን፤ ዋይ ጋላሳ ፖኡዋ እይን በአቤና ቦሽቶዋዳን፤ ታን ቢታ ግደን ቆስታ ድጋርክታሻ!

17 ዲፋዋን ኢታቱ ባረንቱ ኢታ ኦሱዋ አገኖ፤ ያን ዳቡራንቻቱካ ሸሞፐኖ።

18 ሳኡን ቃሽቶ አሳቱካ ሸሞፐደ ናሽቴኖ፤ ኦሱዋ ኦስሰያዋንቱ ዋሱዋ ኡንቱንቱ ሄዋን ሰሰክኖ።

19 ኑላይ ዳሩካ ያን ደኤ፤ አይለካ ባረ ጎዳዉ አይለትያሳጥ ከሴ።

20 “መቱዋን ደእያዋንቶ ፖኡ እያዉ አመቴዳ? ደኡ ጫምያዋንቶ፤

21 ሀይቁ ያንደሻ ገደ አሞትና፤ ዩናን እጽያዋንቶ፤ ቆስ ዋጴዳ ዳረታ ኮይያዋጥ አሊደ፤ ሀይቁዋ ኮይያዋንቶ፤

22 ዲፋዋ ቢደ ንክያ ወይ፤ ናሽቻን እልልሳን ፖጩምያዋንቶ ደኡ እያዉ አመቴዳ?

23 ኦጊ ባይ ክቼዳ ኡራው፤ ጸሳይ እ የሹዋ ድር ድጌዳ ኡራዉ ፖኡ እያዉ አመቴዳ?

24 ካዩ ታዉ ቁማ ግደዳ፤ ታ ኦሊ አገናን ጎግያ ሃላ ማላ።

25 ታን ያዬዳዌ ታ ቦላ ንኬዳ፤ ታን ዳጋማዳዌካ ታናን ሀይዳ።

26 ታዉ መቶጥ አትና፤ ሳሩ፤ ዋፓይን ሸሞፐ ባዋ” ያጌዳ።

## 4

ኤልፋክ ኮይሮ ሃሳዬዳ ሃሳያ

(4:1—14:22)

1 ሄዋጥ ጉይያን፤ ቱማና ቢታጥ ዬዳ ኤልፋክ ዛሪደ፤ ሀዋዳን ያጌዳ፤

2 “አት ኡራይ ኔናና ጸሊደ ሃሳዮፐ፤ ኔን ሀንቀታኒ? ሸን ሃሳየናን፤ አጋናዌ ኦኔ?

3 በአ። ኔን ዳርቱዋ ታማርሳዳ፤ አርጋጩዳ ኩሽቱዋካ ሞን፣ ላዳ።

4 ነ ቃላይ ቆብቴዳዋንታ ሞን ሰ ኤሴ፤ ዳቡራዳ ኑልባታቱዋካ ሞን፣ ላዳ።

5 ሸን ሀወ መቱ ኔኮ ዬዳ፤ ኔን ገንጫቢይካ። መቱ ኔና ንክና፤ ኔን ሻቢረታዳ።

6 ኔን ጸሳይ ያይያዌ ኔና አማንፊደ ዋ፣ ኔ? ነ ሀመትያ ሱረ ሀመታይ ነዉ ሀደታ ግደኔ?

7 “ኣከ ኔን ሀእ ቆፓ፡ ጌሻ ግደዳ አሳን ቆይዳዌ ኦኔ? ዋይ ሱረ አሳይ ሀቃን ቶቆለቲደ ቆይ ኤሪ?

8 ታን በኤዳዋዳን፤ ኢታተላ ጎሽደ፤ መቱዋ ዘርያዋንቱ ኢታተላን መቱዋ ጫካና።

- 9 ኢንቲንቲ ደሳጥ ከሰያ ሸምቸዋን ፕነቲደ ባያና፤ እ ሀንቁዋ ሱሉዋንካ ኢንቲንቲ ሜተት ጳያና።
- 10 ኢታቱ ጉድያን ዳርያ ጋሞቱዋ ማላ፤ ሽን ደሳይ ኢንቲንቲ እቻ መንሎ።
- 11 ሻንካቲደ ኦይቄዳዋ ማናዉ እቻ ጳያ ጋሞቱዋዳን፤ ኢታቱ ኮሻን ሀይቄና፤ ኢንቲንቲ ናናቲካ ላለቲና።
- 12 «እት ጋላሰ እት ጸራይ ታኮ ዬዳ፤ ሄ ጸራይ ሳሱከቲደ፤ ታ ሀይላን ዋዴዳ።
- 13 ቃማ ገሞእሹዋ ፓኑርሸን፤ ታና ኢታ እኩሙ ኢንኤሌዳ።
- 14 ታና ያሻይን ኮኮርሳይ ኦይቄዳ፤ ታ መቀላ ኡባ ጋጅ ጋጅሴዳ።
- 15 ጫርኩ አዲደ ታ ሰምኡዋ ፕቲደ፤ ታ ሰንላና አዴዳ፤ ዲጋማፕ ደንዴዳዋን ታ ቦላን ደእያ ብናይ ኤቄዳ።
- 16 እ ታ ሰንላን ኤቄዳ፤ ሽን እ እየንቶ ታን ሻካደ ኤራናዉ ዳንዲያበይከ። ሄዋፕ ጉይያን፤ ጮኤ ጌዳሳፕ ሀዋዳን ያግያ ኮሻ ሰሳድ፤
- 17 ሳይቄያ አሳይ ደሳ ሰንላን ጽሉዋ ግዲደ ቤታናዉ ዳንዳዴ? ዋይ አሳይ ባርና መዴዳዋ ሰንላን ጌሻ ግዲደ ቤታናዉ ዳንዳዴ?
- 18 ደሳይ ባር ቆማቱዋን እማነተና፤ ባረ ከታንቻቱዋንካ ባይዙዋ ደሜ።
- 19 ያትና፤ ኡርቃፕ መፍቲዳዋንቲን፤ ኢንቲንቲ ደኡዋ ባሱ ባና ግዴዳዋንቲን፤ ብልእፕካ ኤሌሊደ ዋቄያዋንቲን እይ ኬሻ ዳር ባይዙ ቤታንዴሻ!
- 20 ዋንታ ፓጻ ደእያ አሳይ ኦማርሰ ጋካናዉ፤ ኦንነ ሀሳየናን ደእሸና ሀይቄ።
- 21 ኢንቲንቲ ደኡዋ ሸካሊ ሾደት ዋድያ ዋደ፤ ኢንቲንቲ እዴዳ ኤራተላ ደመናን ሀይቄ ባዴና። ያግያዋ ሰሳድ።

### 5

- 1 «እዮባ፤ እነ ጸሳ! ሽን ኦኔ ነዉ ኮያናዋ? ኪታንቻቱዋፕ ኦኮ ሰማኒ?
- 2 ኤያ ኡራ ላንጨ ዋዴ፤ እኮካይ ፓጨዳ ኡራካ ቃናቲ ጳይሴ።
- 3 ኤያ ኡራይ ሞኒደ ደእያዋ ታን ታ ሁጲያን በእድ፤ ሽን ኤላካ ታን እ ጎልያ ሸቃድ።
- 4 እ ናናቲ ሳሩ ባይና ሳን ደእኖ፤ ኢንቲንቲ ችሎታን፤ ማዲደ ሃሳይያዋ ባይና ሳን ፕርዳ ጳይድና።
- 5 እ ሸሼዳ ካሳ ኮሻቲዳዋንቲ ማና፤ እኮንላ ግዲን ሞኮዳዋካ ኢንቲንቲ እዉ እግክና። ሳመቲዳዋንቲ እ ማጸዋ እካናዉ ያረቲና።
- 6 ቱጋይ ባናፕ ከሰና፤ መቲካ ቢታፕ ሞክና።
- 7 ታማይ ፑደ ፕርያዋዳን፤ አሳይ መቶ የለቲዳ።
- 8 «ታና ግድንቶ፤ ታን ደሳኮ ሸቃና፤ ታ ሞቲዋካ እ ሰንላን ዋላና።
- 9 ፕልጊደ ኤራናዉ ዳንዳየተና ዋልቃማባቲዋን ፓይዱ ባይና ኡራላባቲዋ ደሳይ ኦሌ።
- 10 እራ ቢታን ቡክሴ፤ ጋድያዉካ ሃላ የዳ።
- 11 ቶሽቲዳዋንታ ቦንቼ፤ ካዮትያዋንታካ ሞንፍሊደ ናሸቼ።
- 12 ገናንቻቱዋ ሀልቼዋካ ሀልሴ፤ ሄዋ ድራዉ፤ ኢንቲንቲ ኩሽያ ኦሱ ፖለተና።
- 13 አዴዳ ኤራንቻቱዋ እ ኢንቲንቲ ገንያን ኦይቄ፤ ጌላቲዋ ማቁዋካ አላ የጌ።
- 14 ኢንቲንቶ ጋላሳይ ጳማና፤ ጋላሳ ሴታንካ ኢንቲንቲ ሄካ ብላሀያዳን ታታፋና።
- 15 ሀይሳቲዋ እ ኢንቲንቲ ሞርከቲ ማሻፕ አሸ፤ እ ኢንቲንታ ዋልቃማቲዋ ኩሽያፕካ ዋላ እኪ።
- 16 ሄዋ ድራዉ፤ ሀይሳቶ ሀድታይ ደኤ፤ ኢታ አሳቲዋ እ ጮኤ ኦሌ።
- 17 «ዳሳይ ሴርያ ኡራይ አንጀቲዳዋ፤ ሄዋ ድራዉ፤ ኡባ ዳንዳይያ ደሳ ሴራ ካዲፓ።
- 18 እ ማዲሌ፤ ሽን ማዲላ ቃቼ፤ እ ደቼ፤ ሽን እ ኩሽ ጳሊ።
- 19 ኡሱቱን ቆሞ መቶባፕ እ ኔና አሻና፤ ላፑንሐካ ኔና ቦቼና።
- 20 ኮሻ ዋደ ሀይቄዋፕ፤ ኦላ ዋደካ ማሻ ቃራፕ እ ኔና አሻና።
- 21 እ ኔና እንጻርሳ ልሱዋፕ ገንላና፤ ባሻይ ጋክያ ዋደካ ያያካ።
- 22 ባሻ ቦላን ኮሻ ቦላ ኔን ሚጫና፤ ባዞ ደእቶካ ያያካ።
- 23 ነ ጎሽያ ጎሻን ሹቻይ ደኤና፤ ባዞ ደእቲካ ኔና ሳር ግዳናዋንታ።
- 24 ነ ዳንካኒ ሳር ግድያዋ ኔን ጌሻደ ኤራና፤ ነ ደርሳቲዋ አቁዋካ ኔን ጸሞሰያ ዋደ፤ ኢንቲንቲፕ ስቲን ፓጨና።
- 25 ነ የለታይ ጮራታናዋን ነ ዘርላቲካ ደሞባ ማታ ኬሻ ግዳናዋ ኔን ኤራና።
- 26 ዘርጋ ቲኩ ባር ዋድያን ኡዲማ ይያዋዳን፤ ኔን አዲሳ ላይላ ደእደ፤ ዲፋዋ ባና።
- 27 እዮባ፤ ኦን ሀዋ ኡባ ፕልጎ ጼሌድ። ሄዋ ቲማ ግድያ ድራዉ፤ ሄዋ ሰሳድ፤ ነዉ አካ። ያጌዳ።

# 6

እዮብ ላኢንሎብ ሃሳዬ

- 1 እዮብ ዛሬደ።
- 2 “ታ ዋዩነ ታ ካዩ ኡባይ ሚዛናን ልክቲረነ!
- 3 ያትንቶ አባ ድና ቫፍያገዝ እቲ ዳዳናዎ። ሄዋ ድራው፣ ታ ቃላይ ጸላ ግዴዳ።
- 4 ኡባ ዳንዳይያ ጸሳ ዋንዳፍያ ፖላይ ታና ጫዴድኖ፤ ታ ቦላይካ ኡንቲንቲ ይሻ ኡሼ። ጸሳ ዳጋንላያ ቦሻይ ታ የሹብ ደዳዳ።
- 5 ሀሪ ማታይ እ ስንላን ደእሺና ዋሲየ? ዋይ ቦራይ ዳላ ደሚደ ጸጊየ?
- 6 ማልኤናባይ ማጽኒ ገለናን ሜተቲየ? ዋይ ቁቁልያ ግደ ሃላይ ሎቅሎቅየ?
- 7 ሄዋ ማላ ቁማ ታን ሸነታይ፤ ሄዋ ማላ ቁማ ዋጥ፣ ታና ሳከ።
- 8 “ታን ዋሴዳ ዋሳይ ጋኩረኔ! ጸሳይካ ታ ዋዛና አሙብ አሚረኔ!
- 9 ጸሳይ ታና መንገድ ለረኔ! እ ባረ ኩሽያ የዲደ፣ ታ ደኡዋ ቲራ ዳሌረኔሻ!
- 10 ጌሻ ጸሳ ቃላ ካዳቢና ድራው፣ ታው ሳኩ ዳርጥን፣ ሞንግሎብ ግዴረነሻ።
- 11 ታን ደኡዋን ደእናው ታው አይ ዋልቃይ ደኢ? ታን ዳንዳያናው ታ ወርሰሳይ አይ?
- 12 ታ ዋልቃይ ሹቻ ዋልቃ ማሌ? ዋይ ታ እሹ ናሃሲያ ብራታ ማሌ?
- 13 ታና ማዳናው አይ ዋልቃይነ ታው ባዋ፤ ማዲባ ደማናው ታን ብያ ሳአይካ ደኢና።
- 14 “መቲዋን ደእያ ኡራይ ኡባ ዳንዳይያ ጸሳው ያይያዋ አግንቶካ፣ እ ላገቲ አው ኬካተላ ቦሳናው ኮሻ።

- 15 ታ እሻቶ፣ ህንተ እራይ ቡከና ዋደ መልያ ሻፋ ማላ፣ ታና ጭሚታ።
- 16 ባልጉባ አግናቲዋን ሄ ሻፋይ ኦርደ ሻቻን ኩሚደ ካመቲ።
- 17 ሸን ቦኒ ጋክያ ዋደ፣ ሄ ሻቻይ ሙሽደ፣ ሃላ ከሴ፤ ሃላይካ ሄ ሳአጥ ቆይ።
- 18 ጫና መሀያ ላጊደ ብያ ዛልእንቻቲ ሃላ ኮያናው ባረንቲ ኦግያጥ ጋጸ ከሲደ፣ መላ ቢታን ቶይላካቲደ፣ ሀይቂ ቆይና።

- 19 ቲማ ቢታ ዛልእንቻቲ ሳባ ቢታ ኦግያዋንቲ ሃላ ደማና ጊደ፣ ህደታ ዋሊና።
- 20 ሸን ኡንቲንቲ አማካቲደ ኮይና ቆይዳ ድራው፣ ዬላቲድኖን ህደታ ቃንጾድኖ።
- 21 ህንተካ ታው ሄ ሻፋቲዋ ማላ ግዴድታ፤ ታና ጋኩዳ መቲዋ በኢደ ያዬድታ።
- 22 ታን ህንተና፣ ‘ታው እትባ እምተ’ ዋይ፣ ‘ህንተ አቁዋጥ ታ ድራው አሳው ማታይያ እምተ’ ጋድታ?

- 23 ዋይ፣ ‘ታና ታ ዋርክያ ኩሽያጥ አሸተ’ ዋይ፣ ‘ኡቅንያዋንቲ ኩሽያጥ ታና ዋዝተ’ ጋድታ?
- 24 “ህንተ ታና ታማርሰተ፤ ታን ጮኡ ጋና። አያ ባይዛድታንቶ፣ አነ ታና በሰተ።
- 25 ቲማ ግዴዳ ቃላይ እይ ከና ዋልቃሜ! ሸን ህንተ ፓሎማይ ኡባይ ታና አያን ሴረና።
- 26 ህንተ ታን ሃሳይያ ሃሳያ ጫርኩብ ማላ ጊደ ቆፒታ። ያትና፣ ታን ህደታ ቃንጸደ ሃሳይያ ሃሳያ አያው ቆሪቲ?
- 27 አው ባይናዋንታ ሻክ አካናው ህንተ ሳማ የጊታ፤ ህንተ ላግያካ ዛልእናው ዋሽሲታ።
- 28 እነ ትሽ ኡሊደ፣ ታና ጾልተ። ታን ህንተ ስንላን ዋርዲባ ሃሳይከ።
- 29 ሀያና፣ አነ ዛረሲደ ቆፕተ፤ ታን ጽሉባ ግድያ ድራው፣ ታ ቦላ ጮ ፕርደፕተ።
- 30 ታን ታ እንጸርሳን ዋርደቲዳዋ ማላቲ? ታ ደናይ ልክያ ልከ ግድናዋጥ ሻከደ ሃሳያናው ዳንዳየኔ?

# 7

- 1 “አሳ ደኡ ሳአ ቦላን ዋልቃማ ባጸ ግደኔየ? እ ደኡዋ ላይላይ ከራ ኡልያ አሳ ደኡዋ ላይላ ማላ ግደኔየ?
- 2 ከብ አዋትያ ቆማዳን፣ ዋይ ባረ ድርጉብ አካናው ናግያ ኦሳንቻዳን፣
- 3 ሄዋዳን ታው መላ አግናቲነ ቲጋ ቃማቲ እመቲድኖ።
- 4 ታን ግሰያ ዋደ፣ ‘አውደ ቤጎታንድተሻ?’ ያጋይ። ሸን ቃማይ ታው አዳቄ፤ ሳአይ ዋንታና ጋካናው ሄጸን አቆ አቆ ዋቆይ።
- 5 ታ ቦላይ ጉጹንያን ፖቁዋ ማዬዳ፤ ታ ማዲላጥ ገሻይ ጎጌ።
- 6 ታ ላይላይ ሸማይንያ ሙኩካጥካ እቲ ኤሌሊ፤ አይ ህደታይነ ባይናን ታ ላይላይ ወሬ።
- 7 “አቤት ጸሳው፣ ታ ላይላይ ሲድያና ሸምፕያ እት ሸምፕዋ ማላ ግድያዋ ሀሳያ! ታ እይፊ ላኢንሎ ኬካባ በኤናን አቲዳ።
- 8 ኔን ታና ሀለ በአሳ፤ ሸን ላኢንሎ በአካ፤ ኔን ታና ኮፕ፣ ታን ቆያድ።
- 9 “ሻሪ ፕሰክ ጊደ ቆይያዋዳን፣ ዲፋዋ ዋዴዳ ኡራይ ሰሚደ ከሰና።
- 10 ባረ ጎለካ ላኢንሎ ሰሚደ ዬና፤ እ ኤርያ አሳይካ እ ደጌ።
- 11 “ሄዋ ድራው፣ ታን ጮኡ ጊከ፤ ታን ታ ቲጋ ድራው ሃሳያና፤ ታ ደኡ ጫሚዳ ድራው ዙዙማና።

- 12 ሀዋ ኬሻ ኔን ታና እያወ ናጋይ? ታን ነዉ አባ ዎይ አባ ግድ ሀምባዝያ ጋድየ?
- 13 ታን፣ ታን ሃይይ ታና ምን፤ ላንዴ፤ ታ አልጋይካ ታና ዙዙንገገገ ሸምጥሳንዴ!፣ ያግያ ዎይ፣
- 14 ኔን ታና እኩሙዋን ያሸሳሳ፤ ሳጸንካ ታና ዳጋንሳሳ።
- 15 ታን ሀ ሳክያ ቦላና ደአናዋጥ ሱለትያዋን ሀይቂያዋ ደራይ።
- 16 ታን ታ ደአዋ ካላድ፤ ታን መፍናወ ደአናወ ኮይከ። ታ ላይሳይ ሲቋናና ሸምጥያ እት ሸምጥዋ ማላ ግድያ ድራዉ፣ ኔን ታና አጋ ባሻ።
- 17 “ኔን አ ዎጋባዳን ጸላናወ አሳይ አይ? ኔን አባዉ እያወ ቦንቾ ሳኣ አማይ?
- 18 ዎንታ ዎንታ ኔን አ ብዳሳ፤ ቃይ ዎድያን ዎድያን አ ፓጫሳ።
- 19 ኔን ታኮ ጸልያዋ ሙለካ አግኪ? ዎይ ታን ታ ጩቻ ሞትያ ዎድያካ ታዉ እምኪ?
- 20 እቤት አሳ ዎችያዎ፣ ታን ናጋራ ኦሌዳዋ ግድግድ፣ ኔና እያይ ቆህዴ? ኔን እያወ ታና ጫድ ካእያዋ ኦላዲ? ነዉ ታን ዴጶ ቶኩዋ ግድድታየ?
- 21 ታ ባለጥ እያወ ታና ማረናን እጸይ? ታ ናጋራካ እያወ አቶ ጌናን አጋይ? ሰም ታን ዲፋዋ ዎድያ ዎዲ ጋኬዳ፤ ኔን ታና ኮይያ ዎይካ፣ ታን ቤትከ” ያጌዲ።

### 8

#### ብልዳደ ሃሳይ ሃሳያ

- 1 ሄዋጥ ጉይያን፣ ሹሀ ቢታጥ ዬዳ ብልዳደ ዛሪደ፣ ሀዋዳን ያጌዳ፤
- 2 “ኔን ሀዋ ማላባ አዉደ ጋካናዉ ሃሳያይ? ነ ደናጥ ከሰያ ቃላይ ዎልቃማ ጎትያ ማላ።
- 3 ኡባ ዳንዳይያ ጸሳይ ፕርዳን ጽሎባ ጌላዪ?
- 4 ነ ናናቱ ጸሳ ቦላ ናጋራ ኦሌዳ ድራዉ፣ አ ኡንቱንታ ኡንቱንታ ቦሰያዋዳን ሙራ።
- 5 ሸን ኔን ጸሳኮ ሰዎጥ፣ ኡባ ዳንዳይያ ጸሳ ዎሰጥ፣
- 6 ኔን ጌሻን ሱረ ግድግድ፣ አ ነ ድራዉ ደንዲደ፣ ኔና ማዳና፤ አ ካሰ ነ ደኦ ዛሪደ ዎይታና።
- 7 ነ ደመሳይ ጉላ ማላቶጥ፣ ነ ዉርሰሳይ ሎይሰ ዳራና።
- 8 “ካሰ የለታ እነ ኦቻ፤ ኦ ማይዛ አዎቱ አያ አያ ታማራደንቶ፣ ኮያደ ደማ።
- 9 እያወ ጎጥ፣ ኦን ዝና የለቱዳዋንታ፤ ኦን እያን ኤርኮ። ኦን ሀ ሳኣን ደእያ ላይሳይ ኩዋ ማላ።
- 10 ኡንቱንቱ ኔና ታማርሰና፣ ነዉ ኦድናን ባረንቱ እኬኬዳዋጥ ሃሳይና።
- 11 “ጫሪ ጫርያ ሃሳይ ባይና ሳን ድጫናዉ ዳንዳየና፤ ማቃይካ ሃሰ ባይና ሳን ሞካናዉ ዳንዳየና።
- 12 ብር ድጩደ፣ ቃንጸተናን ደኢድ፣ ማታጥካ ኤላ ሹላና።
- 13 ጸሳ ደግያ አሳ ኡባ ዉርሰሳይ ሄዋ ማላ፤ ጸሳይ ባይና ኡራ ሀድታይካ ጳያና።
- 14 አ አማንትያዎ መእ ክችያዎ፤ አ ጩቀትያባይካ ሻራርታ ጎልያ ማላ።
- 15 አ ባረ ሻራርታት ጎልያን ዘዎጥ፣ ሸን ኤቀና፤ አ አ ኦይቃና፣ ሸን አ ዳንዳየና።
- 16 አ አዋን ሃላ ኡሺዳ አታክልትያ ማላ፤ አታክልትያ ሳኣ ጥን ከሳና ጋካናዉ ዳሼ።
- 17 ኬላ ሹቻ የሹዋን ባረ ጸጸዋ የዴ፤ ሹቻቱዋ ግድንካ ባረዉ ሳኣ ኮይ።
- 18 ሸን አ ባረ ሳኣጥ ሾይት ጳይንቶ፣ ሄ ሳኣይ አ፣ ታን ኔና በአበይከ’ ያጋና።
- 19 በአ፣ ኢታ አሳቱዋ ናሸቻይ ሀዋ ማላ። ሀራ አሳቱካ ዪድ፣ ኡንቱንቱ ሳኣ ኦይቂና።
- 20 “ጸሳይ ቱሙዋጥ ቶሺ ባይና አሳ ኦል ኤሪና፤ ኢታ ኦልያዋንታ ቃይ ማድና።
- 21 አ ዛሪደ፣ ኔና ሚጭሳናን አልልሳና።
- 22 ኔና እጽያዋንቱ ዬላ ማያና፤ ኢታቱዋ ጎሊ ጳያና” ያጌዲ።

### 9

#### እዮብ ጉጃደካ ሃሳይ

- 1 ሄዋጥ ጉይያን፣ እዮብ ዛሪደ፣ ሀዋዳን ያጌዳ፤
- 2 “ኤ፣ ሀዋ ሀንተ ግያዎ ቱማ ግድያዋ ታን ኤራይ። ሸን አሳይ ጸሳ ሰንሳን ጽሉዋ ግዳናዉ ዋን ዳንዳዪ?
- 3 አናና እት ኡራይ ፓሉሙታናዉ ኮዮጥ፣ ሄ ኡራይ አ ኦችያ ሻኤ ኦሻጥ እቱዋን ዛሪናዉ ዳንዳየና።
- 4 ጸሳይ ባረ ዋዛናን አሌዳ ኤራንቻ፤ ባረ አቢያንካ ዳር ዎልቃማ። አናና ኤቀቲደ ጸንትቤናዎ ባዋ።
- 5 ኤሪናን ደእሸና፣ ቶቃ ደረቱዋ አ ኡንቱንቱ ሳኣጥ ድጌ፤ ባረ ሀንቀዋንካ አሰ የጌ።
- 6 አ ቢታ አ ሳኣን ቃሌ፤ ቢታ ቱቀቱዋካ ዪቁዪቂሴ።
- 7 አዎይ አዋጸናዳንን ጸልንተቱ ፖኤዳንን አዛዛናዉ ዳንዳየና።
- 8 አ ባረካ ሳሎቱዋ ምጮዳ፤ አባ ቤታ ቦላንካ ሀመቱ።



9 ጸሳይ ዋጋ ቤርያ፣ ኦርዮና፣ ፕልያድሳ ግያ ጸልንተቱዋ ጩጉዋን ሃዋዳንካ ገድሳ ባጋና ደእያ ጸልንተቱዋ ጩንቱዋ መጂዳዋ።

10 ፕልጊድ ኤራናው ዳንዳየተና ዋልቃማቱዋ፣ ፓይዲ ባይና ኦራላባቱዋ እ ኦል።

11 “ጸሳይ ታኮ ሸቅንቶካ፣ ታን እ በእናው ዳንዳይከ፤ እ ታ ሞይያና አድንቶካ፣ ታን እ ሃዋን ደእያዋ ኤራናው ዳንዳይከ።

12 እ ባረ ኮዬዳዋ አከና፣ እ ኦንነ ድጋናው ዳንዳየና፣ ‘ዋታይ?’ ያጊደ እ ኦቻና አሳይ ባዋ።

13 ጸሳይ ባረ ሀንቁዋ ተኤና፤ ራአባ ግያ ዳዊያ ማድያ ባረ ዋርከቱዋ ባረ ገድያፕ ጋርሳው አላደ ያደ።

14 “ያትና፣ ታን እ ኦሻ ዛራናው ሎኦ ቃላ ሀቃፕ ደማናው ዳንዳይይታ?

15 ታን ጽሉዋ ግድንቶካ፣ ፕርድያ ጸሳይ ታና ማራናዳን ዋሳናፕ አትና፣ ታን እ ቦላ ሃሳይከ።

16 ታን እ ጼሰና፣ እ ታው ኮይንቶካ፣ ‘ታ ኮሻ ሰሴዳ’ ጋደ አማንከ።

17 እ ታና ጎትያን መንገጠ፤ ጋሱ ባይናን እ ታ ማዲላ ዳርሴ።

18 ታና ሸምፑዋካ ሸምፕሰናን ድጌ፤ እ ታ ደኤዋ ጫመዋን ኩንሌዳ።

19 ዋልቃባ ሃሳየፕ፣ እ ዋልቃማ። ፕርዳዋ ሃሳየፕ፣ እ ጸሴደ፣ ፕርዳ ጎላ ሸሻና አሳይ ባዋ።

20 ታን ጽሉዋ ግድንቶካ ታ ዳናይ ታና ባይዛንቻ ከሴ፤ ታን ቶሺ ባይና አሳ ግድንቶካ፣ እ ታና ጌላ ከሴ።

21 “ታን ቶሺ ባይና አሳ። ሸን ታ ደኤዋ ደሰከነ ካቆይ።

22 ዳማተሳይ ባዋ፤ ሃዋ ድራው፣ ታን፣ ‘እ ቶሺ ባይናዋንታን ኢታቱዋ ላኤዋካ እትፕ ቆይሴ’ ያጋይ።

23 ባሻይ ጽሎ አሳቱዋ ቆፕናን ዋድያ ዋደ፣ ጸሳይ ቅሊጩ።

24 ጸሳይ ሀ ሳኦ ኢታ አሳቶ አላደ አሜዳ፤ ፕርድያዋንቱ አይፍያካ ጎዜዳ። ሀዋ ኡባ ኦልዳዊ እ ግዳናፕ አትና፣ ሀራይ ኦኔ?

25 “ታ ደኤዋ ላይሳቱ ዋሳ ዋጽያ ኡራፕካ አቋደ ኤሌሊና፤ ኤንቱንቱ ሎኦባ በኤናን ፓሊደ ቆዩና።

26 ታ ደኤዋ ላይሳቱ ማቃ ዋንግርያዳን ኤሌሊና፤ አርጋንሳይ ባረው ሞያዋ ኦይቃናው ሳሉዋፕ ዲጎ ፓልያዋዳን ፓሊና።

27 ታን፣ ‘ታ ዙዙንሳ ደጋና፤ ታ ሶምኤዋካ ቆምሰያዋ አጋደ ፓሸካና’ ያጎፕ።

28 ኔን ታና ጌሻ ጌናዋ ታን ኤራይ፤ አያው ጎፕ፣ ታና ጋካና ዋይያ ኡባው ታን ያያይ።

29 ያትና፣ ታን ባይዛንቻ ግዳ ክቻድፕ አትና፣ ጮ መላ አያው ላቡራይታ?

30 “ታን ታ ቦላ ሀራይ አቶ ሳሙናን ሜጩታንቶካ፣ ታ ኩሽያ ሀንጩጭያን ማጫንቶካ፣

31 ኔን ታና ኡርቃ ኦላን ኦላና፤ ታ ማየካ ታና ሸንታና።

32 ታን አጫ ዛርዋ አማና ጋናው፣ ጸሳይ ታ ማላ አሳ ግድና። ሃዋ ድራው ፕርዳው ቦይተ ጋናው ዳንዳይከ።

33 ሸን ባረ ኩሽያ ኦ ላኤዋ ቦላ ዋላደ፣ ኦና ሰገላያ አሳይ ኦ ግድን ደኤራኔሻ!

34 አቡት ጸሳው፣ ታና ሙርያዋ አጋ፤ ታና ዳጋንላያዋን ያሸሰያዋ አጋ።

35 ያቶፕ፣ ታን አጫ ያየናን ሃሳያና፤ ሸን ሀእ ዳንዳይከ።

### 10

1 “ታን ታ ደኤዋ ካቆይ! ሃዋ ድራው፣ ታን ሞተታናፕ አትና፣ ጮኤ ገከ፤ ታን ሞሸታደ ሃሳይ።

2 ታን ጸሳ ሀዋዳን ያጋይ። ሀእ ታ ቦላ ፕርድፓ፤ ኔን ታና ሞትያ ሞቱ እየንቶካ ታው ኦዳ።

3 ኔን ታና ኡቁናናው በሲ? ኔን ከኩሽያን መጂዳ ኡራ ካድያዌ፣ ቃይ ኢታቱዋ ሀልቸዋ ፖልሰያዊ ሎኤ?

4 ነ አይራ አሳ አይፍያ ማሊ? አሳይ ጸልያዋዳን ኔን ጸላይ?

5 ነ ደኤዋ ላይሳይካ አሳዋ ኬሺ? ነ ደኤዋ ላይሳይካ አሳ ላይሳይዳ ቃንሌ?

6 ያትና፣ ታ ባይዙዋ አያው ኮያይ? ታ ናጋራካ አያው ቆራይ?

7 ታን ባይዛንቻ ግደናዋን ነ ኩሽያፕ ታና ኦንነ አሻናው ዳንዳየናዋ ኔን ኡራሳ።

8 “ታና ነ ኩሺ ገገሲደ መጂዳ፤ ሸን ሀእ ሄ ኩሺ ሰሚደ፣ ታና ቆይሴ።

9 ኔን ታና ኡርቃፕ መጂዳዋ ሀሳያ። ያትና፣ ሀእ ታና ባናዳን ለቅሳናው ሀናይ?

10 ታና ማላዳን ታ እት ኡሉዋን ትጊዳዊን ድቼዳዊ ኔና።

11 ታና ኔን እሹዋን ጋልባ ማይዛዳ፤ ታ መቀሳ ጸጸዋና ጋላደ ዋጸዳ።

12 ኔን ታው ደኤዋን አገና ነ ሰቆዋ አማዳ፤ ነ ናፕዋን ኔን ታና ፓጾ ዋላዳ።

13 “ሸን ኔን ሄ ዋድያፕ ደማደ፣ ነ ዋዛና ግድን ታና ቆሀናው ቆፕያዋ ታን ኡራይ።

14 ታን ናጋራ ኦላፕ በአናው፣ ኔን ታና ጌዳሳ፤ ታ ባይዙዋን መራረናን አቆካ።

15 ባይዛንቻ ግደፕ፣ ታው እየ አና! ቃይ ታን ጽሎ ግድንቶካ፣ ታ ሀጺያ ፑደ ቆቁ ኦላናው ዳንዳይከ። አያው ጎፕ፣ ኔን ታና ዬላን ኩንሳ ዋላዳን ቱጋን ማላያ ዋላዳ።

- 16 ታን ኦቶረቶፕ፣ ኔን ታና ጋሙዋዳን የደርሳደ ኦይቃና፤ ቃይካ ታና ቆሀናው፣ ነ ማላልሰያ ኦሱዋ ኔን ኦላና።
- 17 ኔን ታ ቦላ ኦራላ ማርካቱዋ አሃሳ፤ ነ ሀንቁዋካ ታ ቦላ ዳርሳሳ፤ ታና ኦላናው ኦራላ ሀልቾቱዋ ገግሳሳ።
- 18 “ያትና፣ ታና ታ ኦት ኡሉዋፕ አያው ከሳዲ? ኦንነ ታና በኤናን ሀይቃርክታሻ!
- 19 ታን ደኤናን አጋርክታሻ! ዋይ ታ ኦት ኡሉዋፕ ከሰሳና ዲፋዋን ዋቆአርክታሻ!
- 20 ታ ደኤናው ኦቲዳ ላይላቱ ጉላ ግድክኖ? ታን ላፋ ናሽታ ኦካና ማላ፣ ሀኦ ታና አጋርኪ!
- 21 ሌሌዳ ቆማ ሳኦ ታን ብያ ዋዲ ማቴዳ፤ ታን ሄዋፕ ሰማደ ሃ ዪከ።
- 22 ታን ብያሳኦይ ድጽ ጎ ቆማይን ማራይ ባይናዋንቱ ደኤያ ቢታ፤ ሄዋን ደኤያ ፖኡካ ቆማ ማላ” ያጌዳ።

# 11

## ጸፋር ሃሳዬዳ ሃሳያ

- 1 ናአማ ቢታፕ ዬዳ ጸፋር ዛሪደ፣ ሀዋዳን ያጌዳ፤
- 2 “ሀ ሃሳየቱዳ ቃላው ኡባው ዛርዋ አምያ አሳይ ባዌ? ዋይ ሀዋ ሃሳዬዳ ብታኒ ቱማንቻ ግዳናው ዳንዳዪ?
- 3 ነ ሙላ ሃሳያይ አሳ ጮኤ ኦሊ? ኔን ቅለጭያ ዋደ፣ ኔና ሴርያዌ ባዋ ጋደየ?
- 4 ኔን ኦዳደ፣ ታ ትምርቱ ቱማ፤ ታን ጸሳ ሰንሳን ጌሻ” ያጋሳ።
- 5 ጸሳይ ነ ቦላ ባር ዶና ዶዪደ ሃሳዬረኔሻ!
- 6 አ ነው አዴዳ ኤራተላ ጸራ ቆንጭሴረኔሻ! አያው ጎፕ፣ ቱሙ አዴዳ ኤራተላው ላኡ ክፍለቱ ደኤና። ጸሳይ ኔና ነ ኡሉዳ ናጋራ ኬሻ ሙርቤናዋ ኤራ።
- 7 “ኔን ጸሳ ጩማ ጸራ ቆራደ ኤራናው ዳንዳያይ? ዋይ ኡባ ዳንዳይያ ጸሳ ዛዋቱዋ ኮያደ ደማናው ዳንዳያይ?
- 8 ኦንቱንቱ ሳሎቱዋፕካ ቆቃ፤ ኔን አይነ ኦላናው ዳንዳያካ። ኦንቱንቱ ሰኦልያፕካ አዴዳ ጩማ፤ ኔን ኤራናው ዳንዳያካ።
- 9 ጸሳ አዴዳ ኤራተላይ ቢታ አዳሳተላፕ አዳቁ፤ አባ ጎምፓፕካ አከ።
- 10 አ ዪደ፣ ኔና ቃሾ ጎልያን የግንቶን ፕርዳ ጎላ ሺሸንቶ፣ አ ድጋናው ዳንዳይያዌ ኦኔ?
- 11 ጸሳይ ገ። ኣሳቱዋ ኤራ፤ ኢታባ በአያ ዋደ፣ አ ጮ አገና።
- 12 ኤያ አሳይ አዴዳ ኤራንቻ ግድያዋፕ ደንባ ሃሪ አሳ ግዲ የለትያዌ ማቴ።
- 13 “ኡያባ፣ ኔን ነ ዋዛና ሱሪ ኦላፕ፣ ነ ኩሽያካ አኮ ምጫደ ዋሶፕ፣
- 14 ናጋራ ኔፕ ሃሶፕ፣ ነ ጎለንካ ኢታባይ ደኤናዳን ኦላፕ፣
- 15 ያቶፕ፣ ኔን ቆቃ ጋደ ዬላይ ባይናን ኡባባ ጸላና፤ ያሽያዌ ባይናንካ ምናደ ኤቃና።
- 16 ነ ሙቱዋ ኡባካ ኔን ደጋና፤ ጉኬዳ ሃላዳን፣ ኔን አ ላኤንሎ ሀሳያካ።
- 17 ነ ደኡ ሴታ ጋላሳ አዋፕካ አዲደ ፖኦና፤ ነ ደኡዋ ቆማይካ ዋንታ ፖኡዋ ማላ ግዳናዋ።
- 18 ነው ሀይታይ ደኤያ ድራው፣ ኔን ሀርገናን ደኤና። ጸሳይ ኔና ናግያ ድራው፣ ኔን ዋፑ ጋናን ሸምፓና።
- 19 ኔን ገምአሽያ ዋደ፣ ኔና ያሽሳና ኤራይ ባዋ፤ ዳርቱ ኔና አውዳሻና።
- 20 ሸን ኢታቱዋ አይፊ ቆቃና፤ አፕ ባቃት አታናውካ ዳንዳይክና። ኦንቱንቱ ሀይታይ ሀይቁዋ” ያጌዳ።

# 12

## አዮብ ዛሪደካ ሃሳዬ

- 1 አዮብ ዛሪደ፣ ሀዋዳን ያጌዳ፤
- 2 “ኤ፣ ሀንተ ቱሙካ አዴዳ ኤራንቻ፤ አዴዳ ኤራተላ ኡባይካ ሀንተናና ሀይቃና!
- 3 ሸን ታውካ ሀንተዋዳን አከካይ ደኤ፤ ታን ሀንተፕ ላፍከ! ሀ ሀንተ ሃሳዬዳዋ ኡባ ኦንነ ኤራ።
- 4 ታን ጸሳ ዋሰና፣ አ ሰሴዳ አሳ ግደፕ፣ ታ ላገቶ ሚጭያዋ ከሳድ፤ ታን ጽሉዋን ቶሺ ባይና አሳ ግደፕ፣ ቅለጭያዋ ከሳድ።
- 5 ሀንተና አይ ሙቱን ጋክቤና ድራው፣ ታ ሙቱዋ ካዲታ፤ ኩንዳናው ጋንድጋርያ ብታንያካ ሰጊታ።
- 6 ቦንቆያዋንቱ ጎለቱ ሳር ደኤና፤ ጸሳ ሀንቀላያዋንቱ ሀርግ ባይናን ደኤና። ኦንቱንቱ ኩሽያ ዋልቃይ ኦንቱንቱ ጎይንያ ጸሳ።
- 7 “ሸን ኔን አነ ሙሄቱዋ ኦቻ፤ ኦንቱንቱ ኔና ታማርሳና። ዋይ ሳሉዋ ካፎቱዋ ኦቻ፤ ኦንቱንቱ ነው ኦዳና።
- 8 ዋይ ሳአው ሃሳያ አዛካ ኔና ታማርሳና፤ አባ ሞለቱካ ነው ኦዳና።

- 9 መድኛ ጎዳ ኩሺ ሆኖ ኦሎዳዎ ሆዋንቱ ኡባ ግድን ኤረናዌ ኦኔ?
- 10 ገጽ ደእያ መጋታቱዎ ኡባ ደኤነ አሳ ኡባ እያናይ እ ኩሽያና።
- 11 እንጸርሳይ ቁማ ሻክ ኤርያዋዳን፣ ሀይሳይ ሃሳያ ሻኪደ ኤረኔየ?
- 12 “እዴዳ ኤራተሳይ ጭማዳ አሳቱ ማጎን ደኤ፤ ዳር ዋድያ ደእያዌ አከካ እሜ።
- 13 ጸሳይ እዴዳ ኤራተሳይን ዋልቃይ ደኤ፤ ዘሪን አከካይ እን ቤቱ።
- 14 ጸሳይ ቆሌዳዎ ዘሪሰ ኬጻናዌ ኦኔ? እ ቃቹዳ ኡራካ ብል የዳናዌ ኦኔ?
- 15 ጸሳይ አራ ተአፕ፣ ቢታይ መሌ፤ እ አራ ቡክሶፕ፣ ድኡ ቢታ ባይዚ።
- 16 “ማናተሳይን ጸኑ ጸሳዎ፤ ጭመትያዌን ጭምያዌን ላኡካ አፕ ጋርሳና ደእኛ።
- 17 ዘርያዋንቱ እ እዴዳ ኤራ ቃር አከ፤ ዳናቱዋካ እ ኤያ ከሴ።
- 18 እ ካተቱዎ ካተቱዎ አራታፕ ዋል፤ ኤንቱንታካ አይለቱዎ ኦል።
- 19 ቁሳቱ ዋፕካ ቦንቹዎ ቃር አከ፤ ዋልቃማቱዋካ አሰ የጌ።
- 20 እማነቱዳ አሳቱዋካ ጮኤ ኦል፤ ጭማቱዋፕካ አከካ ዋል አከ።
- 21 ካፓቱዎ ካወሸ፤ ደርያ ካለልያዋንቱ ዋልቃካ ወርሴ።
- 22 “ዱማን ደእያ ጸራ የዋቱዎ ቆንጭሴ፤ ድጽ ጎ ዱማ ሳካካ ፖኦ ከሴ።
- 23 ጸሳይ ካወተሳቱዎ ጽቁሴ፤ ቃይ ጸኔ። ካወተሳካ አሴ፤ ቃይ ጳይሴ።
- 24 ሳኦ አሳ ካፓቱዎ አከካ ድጊደ፣ ኦጊ ባይና መላ ሳካን ቶይላካታናዳን ኦል።
- 25 ፖኤ ባይና ዱማን ኤንቱንቱ ታታፊኖ፤ ማላቱዳ አሳቱዋዳን ኤንቱንቱ ጋንድጋሪኖ።

### 13

- 1 “ሆኖ ኡባ ታ አይፊ በኤዳ፤ ታ ሀይሳይካ ሰሲደ አከከዳ።
- 2 ህንተ ኤርያዎ ታንካ ኤራይ፤ ታን ህንተፕ ላፍከ።
- 3 ሸን ታን ኡባ ዳንዳይያ ጸሳዉ ሃሳናዉ ኮያይ፤ ህንተናና ግደና። ታን ታ ሞቱዎ አናና ሞተታናዉ አዎታይ።
- 4 ህንተ ቱሙዎ ዎርዲዋን ካሚታ፤ ህንተ ኡባይካ ፓፍ አከማቱዎ።
- 5 ህንተ ኡባይ ጮኤ ጌዳ ግደርክቱሻ! ያትንቶ፣ ህንተና አሳይ እዴዳ ኤራንቻ ጋና ሸን!
- 6 “ሀኦ ታ ሞቱዎ ሰሰተ፤ ታ ደናፕ ከሰያ ፓሉምያ ሀይዘተ።
- 7 ህንተ ጸሳ ደና ግደደ፣ ዎርዲዎ ሃሳይቱየ? እ ድራዉ አቆደ፣ ጭሙዎ ሃሳይቱየ?
- 8 ህንተ አ ማድያዌ ደኤ? ዎይ አዉ አባካቶ ግዲደ ሞተቱቱ?
- 9 አ ህንተና ፕልግ ጸልንቶ፣ ህንተፕ ሎኦባ ደማኔ? ህንተ አሳ ጭምያዋዳን፣ አ ጭማናዉ ዳንዳይቱየ?
- 10 ህንተ ገማን አሳ ሰምኤዎ ጸሊደ ማደፕ፣ ጸሳይ ቱሙ ህንተና ሴራና።
- 11 አ ቦንቹ ህንተና ዳጋንፍ? አ አንጋይ ህንተና ያሸኔ?
- 12 ህንተ ኦድን ለምሶቱ ብድንኅ ማላ ፓፍዋንታ፤ ህንተ ሺሸያ ፓሉሚ ኤርቃፕ መጠቱዳ ጎንዳልያ ማላ።
- 13 “እን ጮኤ ገተ! ሃሳና፤ ሆዋፕ ጉይያን፣ ባረ ሀናዎ ሀና።
- 14 ታን ታ ሁጲያ እያዉ ሀርጋ ጋርሳን ዋሳይታ? ታ ሸምፑዋካ እያዉ ታ ኩሸያን ኦይቃይታ?
- 15 በአተ፣ ጸሳይ ታና ዎድያዎ ግደፕን፣ ታን አ ዳንዳይን ናጋና። ግደፕን፣ ታን ታ ሞቱዎ አ ሰንላ ሸሻና።
- 16 ናጋሪንቻ አሳይ እ ሰንላ ሸቃናዉ ዳንዳየና ድራዉ፤ ሀዌ ታን ሸቃናዉ ጸልያዌ፣ ኦን ኤሪ፣ ታ አቶተሳዉ ጋሶ ግደናዉ ዳንዳይ።
- 17 ታ ሃሳያ አከከደ ሰሰተ፤ ታን ኦድያዌ ህንተ ሀይሳን ገሎ።
- 18 በአተ፣ ታን ታ ሞቱዎ ገግሳድ፤ ሻትማናዋካ ኤራይ።
- 19 “እቤት ጸሳዉ፣ ኔን ታና ሞተታናዉ ያይ? ኔን ታና ባይዘንቻ ከሶፕ፣ ታን ጮኤ ጋይ ሀይቃና።
- 20 ሸን ኔን ታዉ ሀ ላኡባቱዎ ኦላ፤ ታን ኔፕ ጌምከ።
- 21 ታና ሙርያዎ አጋ፤ ነ አንጋን ታና ዳጋንሶፕ።
- 22 ሄዋፕ ጉይያን፣ ታና ጸሳ፤ ታን ኮያና። ዎይ ታን ሃሳይና፣ ታዉ ዛራይ ሃሳያ።
- 23 ባረዉ፣ ታን ባይዜዳ ባይዘነ ናጋሪይ እፑኔ? ታ ባላነ ታ ናጋራ እነ ታና ቦሳ።
- 24 “ኔን እያዉ ነ ሰምኤዎ ታፕ ገንሳይ? ቃይ ታና እያዉ ነ ሞርክያዳን ፓይዳይ?
- 25 ታና፣ ጫርኩ አፍያ ቦንጭያ ማላ፣ ያሸሳይ? ዎይ መሌዳ ሱላ ማላ የደርሳይ?
- 26 ኔን ታ ቦላ ጸፊዳ ሞቱ ጫማ፤ ሀራይ እተና፣ ታን ያላጋተሳን ደእደ ኦልዳ ባይዘዋን አሻባካ።
- 27 ኔን ታ ገድያ ገድያ ብራታን ቃቻዳ፤ ታ ታንግያ ታንጉዎ ኡባ ዎቻሳ፤ ታ ገድያ ኮትያ ፕልጋ ጸላሳ።
- 28 ታን ዎቁዳባዳን ሀናይ፤ ብልአይ ሜዳ አፍላዳንካ ዎቃይ።

### 14

- 1 “ማጫ አሳጥ የለቲዳ አሳ ላይሳይ ቃንሳ፤ ሄዋ ኪሻካ መቱዋን ኩም ኡቲዳ።
- 2 ኦ ጪሻዳን ጪሺድ፣ ኤላካ ቆቆፈት አኒ፤ ቃይ ጋምኤናን ኩዋዳን ኤላካ አፎ ክቼ።
- 3 ያትና ነን፣ ጸሳይ፣ ሄዋ ማላ አሳካ ጸላይ፣ ቃይ ኦ ፕርዳናው ነ ሰንላ ሺሻይ?
- 4 ቱናባጥ ጌሻባ ከሳናው ዳንዳይያዌ ኦኔ? ኦንነ ባዋ።
- 5 አሳይ ደአና ላይላቱ ዛዋት ኡቲድና፤ ኦ ደአና አግናካ ነን ጋይዳ ዋሳዳ፤ ነን ዋሌዳ ዛዋጥ አፎያዌ ባዋ።
- 6 ሄዋ ድራው፣ ከራ ኦሳያ አሳይ ባረ ኦሱዋ ፖሊደ ሸምፕያዋዳን፣ አሳይ ባረ ዳቡራ ላይላ ፖሊደ ሸምፕያዳን፣ ኦ አጋ።
- 7 “ምላውካ ሀይታይ ደኤ፤ ምሳይ ቃንጾጥ አጩ፤ አጫይካ ሄዋዳን ሀኒደ፣ ደአ ባሼ።
- 8 ሃ ምላ ጸጹ ቢታ ጋርሳን ኤጭንቶካ፣ ኦ ዲራማይካ ቢታን ዋቆጥካ፣
- 9 ሃላ ፕኑዋ ደሚደ አጩ፤ ፑትያዳን ኦራሳ ልጩዋ ከሱ።
- 10 “ሸን አሳይ ሀይቁና፣ ኦ ዋልቃይ ዉሬ፤ ኦ ሸምፑ ከሶዋጥ ህን ባጋን፣ ኦ ሀቃን ደኤ?
- 11 አባጥ ሃሳይ መልያዋዳን፣ ቃይ ሻፋ ሃሳይካ ቶኤያዋዳን፣
- 12 ሄዋዳን አሳይካ ሀይቁ፤ ሄ ሳኦጥ ደንደና። ሳሎቱ አሳና ጋካናውካ አሳይ ቤጎተና፤ ባረ ገምእሹዋጥካ ደንደና።
- 13 “አቤት ጸሳው፣ ነን ታና ዱፎ ግድን ገንሳደ፣ ነ ሀንቀ አሳና ጋካናው ቆሴዳዋ ግዳርኪሻ!
- ነን ታው ከራዋ እማደ፣ ሄ ጋላሰ ታና ሀሳይዳዋ ግዳርኪሻ!
- 14 እት አሳይ ሀይቆጥ፣ ሰሚደ ፓጸኔ? ታ ላሚ ያና ጋካናው፣ ሀ ቱጋ ዋድያ ኡባ ዳንዳያን ናጋና።
- 15 ነን መፌዳ ታናካ በአናው ነን ላዋትያ ዋደ፣ ነን ታና ጸሳይ፤ ታን ነው ከያና።
- 16 ሃ ዋድያን፣ ነን ቱሙዋጥ ታ ታንጉዋ ዋቻና፤ ሸን ታ ናጋራ ታ ቦላ ፓይዳካ።
- 17 ታ ባይዙ ቃርጪታ ግድን ዪጩታና፤ ታ ናጋራካ ነን ካማና።
- 18 “ደሪ ኩንድያን መኤሪትያዋዳን፣ ላይካ ቶቆለትያዋዳን፣
- 19 ሃላይካ ሹቻ ቦክያዋዳን፣ ድኡካ ቢታ ሚጪደ አፍያዋዳን፣ ሄዋዳን ነንካ አሳ ሀይታ ሳይሳሳ።
- 20 ነን ኦ መፌናው ጸሳይ፤ ያቶጥ ኦ ብ አኒ፣ ኦ ማላ ላማደ፣ ነ ሰንላጥ የዳሳ።
- 21 ኦ ናናቱ ቦንቼቶጥ፣ ሄዋ ኦ ኤሪና፤ ኤንቱንቱ ቶሸቶጥካ በኤና።
- 22 ሸን ኦ ቦላ ሴላይ ኦ ጸሳላው ሰሰቲ፤ ኦ ባረ ጸሳላው ዬኬ” ያጌዳ።

### 15

#### ኤልፋክ ላኤንላ ሃሳይዳ ሃሳያ

- 1 ሄዋጥ ተማና ቢታጥ ዬዳ ኤልፋክ ሀዋዳን ያጊደ ዛራዳ፤
- 2 “አጴዳ ኤሪንቻ አሳይ ጫርኩዋዳን ኦይቀተናዋ ሃሳይ? ዋይ ቆህያ ቆፋን ባረ ኡሉዋ ኩንሳናው በሰ?
- 3 ፓ፣ና ቃላን ዋይ ማደና ቃላን ሞቱዋ ሞተቲ?
- 4 ሄዋ ግደጥ፣ ነን ጸሳው ያይያዋ አጋዳ፤ ሀራቱካ ጸሳው ጎይናዳን ድጋሳ።
- 5 ነ ኢታተላይ ነ ሃሳያን ኤረቲ፤ ሸን ነ ጭንጫ ሃሳያን ካማናው ባጸታሳ።
- 6 ነ ቦላ ፕርድያዳን ነ ደናጥ አትና፣ ታና ግድከ፤ ነ እንጾርሳን ነ ቦላ ማርካቲ።
- 7 “ኩይር አሳጥ ሰንላ የለቲዳዌ ኦኔ? ዋይ ነን ደረቱ መጋናጥ ካሰጥ ካሰጥ ሃሳያ?
- 8 ነን ጸሳ ደራ ሸቁዋ ሰሳዲ? ዋይ አጴዳ ኤራተሳ ነ ጸላላይ ኤርያዋ ነው ማላቲ?
- 9 ነን ኤረናዋ ነን ኤርያዋ አይ? ኑው ገለናን አጊደ፣ ነው ገሌዳዌ አይ?
- 10 ነ አወዋጥ ባይራትያ አሳቲ፣ ጭሚደ ፑሉሚዳ አሳቲ ኑ ግደን ደኤና።
- 11 “ጸሳይ ነው አሚዳ ምን፣ ሉን ነን ነው አሸከተላን ሃሳይዳ ቃላይ ጉጾዴ?
- 12 ነ ዋዛናይ ነና እያው ዋራ ኦፊ? ነ እይፊካ እያው ጸላ ደረቁ?
- 13 ያታይ ነን ጸሳ ቦላ ሀንቀታዳ፤ ሄዋ ማላ ቃላካ ነ ደናጥ ከሳዳ።
- 14 አሳይ ጸሳ ሰንላን ጌሻ ግዳናው ዳንዳይ? ዋይ ማጫ አሳጥ የለቲዳ አሳይ ጽሉዋ ግዳናው ዳንዳይ?
- 15 በኦ፣ ጸሳይ ባረ ኪታንቻቱዋንካ እማነተና፤ ሀራይ አቶ ሳሎቲካ ኦ ሰንላን ጌሻ ግድክና።
- 16 ሸን ሀ ሸንይያን ቲኔዳ አሳይ፣ ናጋራካ ሃሳዳን ጋንያ አሳይ ዋን እማነታኔ!
- 17 “አሆባ፣ ኦ አሰሳ! ነው ኦዳና፤ ታን በኤዳዋ ኡባ ነው ኦዳና።
- 18 ኦጴዳ ኤራንቻ አሳቲ ባረንቱ ማይዛ አዋቱዋጥ ደሚዳ ኤራተሳ ገንጋናን ታና ታማርሴድና።
- 19 ሀ ቢታይ ኤንቱንቱ ጸላላው እመቲዳ፤ ሀራ ቢታ አሳይ ኤንቱንቱ ዋዛና ጸሳጥ ዋራ ዛርቤና።
- 20 “አሳ ኡቁኒደ ደኤያ ኢታ አሳይ፣ ባረ ደኤዋ ላይላ ኡባን ቱግ አጥ ሻከተና።
- 21 ኡባ ገደ ዳጋንላያ ኮሻይ ኦ ሀይላን ሰሰቲ፤ ኦ ሳር ደኤይ ጊሸና፣ ፓንጋቲ ኦ ቦላ ያና።

- 22 ጹማጥ ከሰ አካናዋ እ አማኑና፤ እ ማሻዉ ካጨቲዳ።
- 23 እ አሃይ እንኮ ቁማ ግዳናዋ፤ ባረዉ ጹማ ጋላሳይ ማታቲዳዋ እ ኤራ።
- 24 መቱነ ቱጋይ እ ያሸሳና፤ ኦላዉ ከሴዳ ካትያዳን እ ዳጋንላና።
- 25 እያዉ ጎፕ፣ እ ባረ ኩሽያ ጸሳ ቦላ ደንሴዳ፤ ኡባ ዳንዳይያ ጸሳ ቦላካ ጸሌዳ።
- 26 ሞናን ኦርዶ ጎንዳልያ ኦይቁይ፣ ጸሳ ቦላ ማካሌዳ።
- 27 “እ ሶምኢ ሞጴዳ ድራዉ፣ እ ጸሳይካ ቦቦርጩዳ ድራዉ።
- 28 እ ላቲዶ ደእያ ካታማቲካ ኦላን ላላቲዳ ድራዉ፤ እ ደእያ ጎላቲካ ኦላን ደኤና ኦና ግዴዳ ድራዉ።
- 29 እ ባረ ዱረተላን ዳር ጋምኤና፤ እ አቁካ አናና ጋምኤና፤ ቢታ ቦላንካ እከና።
- 30 “ጹማጥ እ ከሰ እከና፤ እ ታሸቱዋ ላጩ መልሳና፤ እ ጨሻካ ጸሳ ጫርኩ ፕት ጳይሳና።
- 31 ባረካ ባረና ጭሚይ፣ ሀዳባን እማነቶ። እ አካናባይካ ሀዳባ።
- 32 ዋዲ ጋከናን ሹልያን መል ሰሚይ፣ ላኤንሳ አጫናዉ ዳንዳየና ሞላ ማላ እ ግዳናዋ።
- 33 ቱረናን ዉርጩዋና ቆቆፈትያ ዋይንያ ማላን ጨሻይ ቆቆፈትያ ሞጋራ ማላ እ ግዳናዋ።
- 34 ጸሳዉ ያየና አሳቶ ዛሪ ጳያና፤ ማታይያን ኬጸቴዳ ጎልያካ ታማይ ማና።
- 35 ኡንቱንቱ መቱዋ ሻሃሪድ፣ ኢታባ የሊኖ፤ ኡንቱንቱ ዋዛናንካ ጭሙ ኩሞ ኡቲዳ” ያጌዳ።

### 16

#### እዮብ ዛሪደካ ሃሳዬ

- 1 እዮብ ሀዋዳን ያጌይ ዛሪዳ፤
- 2 “ሀዋ ማላ ሃሳያ ዳረዋ ሰሳድ፤ ሀንተ ምንጩቶ ጌይ፣ ታና መትያዋንታ።
- 3 ሀ ጎእይ ባይና ሀንተ ሃሳያዉ ዉርሰሉ ባዌ? ታናና ሀንተና ሀዋ ኬሻ ጋሉምሰያ ጋሱ አዬ?
- 4 ሀንተ ታ ሳእን ደእና፣ ታን ሀንተ ሳእን ደኤዳዋ ግድንቶ፣ ታንካ ታ ሁጲያ ካድያን ቃላድ፣ ሀእ ሀንተ ግያዋ ኡባ ሀንተ ቦላ ሎይላዶ ሃሳያና ሽን!
- 5 ሄዋዳንካ፣ ታ ዘርያን ታን ሀንተና ምንላና ሽን! ታ ዶናፕ ከሰያ ሃሳያይካ ሀንተና ምንጩና ሽን!
- 6 “ሽን ታን ሃሳይንቶካ፣ ታ ሳኩ ኬከና፤ ታን ጮኤ ጋይ ዳንዳይንቶካ፣ ታፕ ክቼና።
- 7 እቤት ጸሳዉ፣ ኔን ታና ድፕ ኦላዳ፤ ታ ጎልያ አሳ ኡባካ ጳይሳዳ።
- 8 ኔን ታ ጋልባ መልሳዳን ጉንድሳዳ፤ ታ ቦላካ ግልቁሳዳ። ሄዋ ድራዉ፣ አሳይ ታና በኢይ፣ ሀዋ እ ናጋራንቻ ግድያዋ ማርካን ያጌ።
- 9 ጸሳይ ባረ ሀንቁዋን ታና ዱሰረሉ የጌዳ፤ ባረ እቻካ ታ ቦላ ጋርጩዳ፤ እ ታ ሞርኪ ታና ደረቁ።
- 10 አሳቱ ታ የሹዋን ሸቁድና፤ ታ ቦላ ቅሊጩዳ፣ ታ ቅንጻልያ ባቁድና።
- 11 ጸሳይ ኢታ ኦልያ አሳቶ ታና አሊዶ እሜዳ፤ ጌላቱዋ ኩሽያንካ እ ታና ኦሊዳ።
- 12 “ታን ካሰ ዋፑ ጋይ ደእድ፤ ሽን ጸሳይ ታና ክንቼሬሴዳ፤ ታ ሙርጋጭያ ኦይቁይ፣ እ ታና መንጩሴዳ። ቃይ እ ታና ጸንግ ደቻናዉ ማላ ኦሴዳ፤
- 13 እ ዋንዳፍያ ፖሳይ ታና ያና ሃና ሙዴድና። ቃረት ባይናን እ ታ ክላሁዋ ጫዲዳ፣ ታ ጭሽያ ታ ትርያፕ ሳእን ጉሴ።
- 14 ኦላናዉ ዋጽያ ኦላንቻዳን፣ እ ታና ዛር ዛሪይ ማዳሴ።
- 15 ታን ካዮታይ፣ ማቃ ማያድ፤ ታ ዋልቃይካ ባናን ኦላቲዳ።
- 16 ታን ዩክያ ዩኩዋ ዳሩዋን ታ አይሬ ጋልጺዳ፤ አሮሳፕ ደንዳዋን ታ አይሬካ ዘኤዳ።
- 17 ሽን ሀ ኡባንካ ታን ባይዜዳዌ ባዋ፤ ታ ዋሳይካ ጌሻ።
- 18 “ቢታዉ፣ ቢታዉ፣ ታ ሱላ ካሞፓ፤ ታን ዋሳናዋ ድሳፓ።
- 19 ሀእካ ታ ማርካይ ሳሉዋና፤ ታዉ ጸባቃትያዌ ቦላ ጴቃና።
- 20 ታ ላገቱ ታና ካጺዶ ጸሊኖ፤ ታ አይሬ ጸሳ ሰንላን አሮሳ ትጌ።
- 21 አሳይ ባረ ላገላዉ ጋናትያዋዳን፣ ታና ጸሳና ሰገሉያ አሳይ ደኤዳ ግዴረኔሻ!
- 22 እያዉ ጎፕ፣ አማራዳ ላይላቱ እጴዳዋፕ ጉይያን፣ ታን ሰመናሳ ባና።

### 17

- 1 “ታ ሸምፓታ ከሳዉ፤ ታ ላይላይ ቃሚዳ፤ ታዉ ዱፉ ጊግ ኡቲዳ።
- 2 ታና ቅሊጭያዋንቱ ቱሙዋፕ ታ የሹዋን ደእና፤ ኡንቱንቱ ታዉ ሀንቀትያ ሀንቁዋ ኡባ ገይ ታን በእይ።
- 3 “አቤት ጸሳዉ፣ ኔፕ ሀራይ ታና ማድያዌ ባይና ድራዉ፣ ኔን ነ ሁጲያን ታዉ ዋሰ ግዳ።

- 4 ኢንቴንቶ ገለናዳን፣ ኔን ታ ላገላቱዋ ዋዛና ደንጭልሳዳ። ሄዋ ድራው፣ ኔን ኢንቴንቶ ጸኑዋ ለዋጋ።
- 5 ማሻ ደማና ጊደ፣ ባረ ላገቱዋ እል እምያ አሳ ናጋራይ አ ናናቱዋ ካእና።
- 6 “ጸላይ ታና አሳ ኡባው ቅሊጭያዋ ከሴዳ፤ አሳይ ሰምኡዋን ጨቆያ አሳ ታን ግዳድ።
- 7 ታን ዳር ካዮቴዳ ድራው፣ ታ አይፊካ ጋልጄዳ፤ ታ ኩሙንላ አሳተላይ ላፊደ፣ ጸንቆዋ ኪሻ ግዳድና።
- 8 ኪካ እሳቱ ታና በኢደ ዳጋማድና፤ ሱረቱካ ጸሳ ካድያዋንቱ ቦላ ይሎቴድና።
- 9 ግደገን፣ ጸሎቱ ባረንቱ እግያገ ያካ ሃካ ሰምክና፤ ሱረቱ ዋልቃ ጉጅ ጉጅ ቢና።
- 10 ሽን ሀኢ ኡባይካ እነ ታኮ ሃ ዪተ! ይንቶካ፣ ታን ሀንተ ግደን እት እዲዳ ኤራንቻ አሳካ ደምክ።
- 11 “ታ ደኡዋ ላይላይ ወራዳ፤ ታ ሀልቹዳ ሀልቹካ ታ ዋዛና አሙካ ጮ አቱዳ።
- 12 ታ ላገቱ ቃማ ጋላሳ ጊና፤ ጹም ኡት ደእሽን፣ ሮእና ሀኔ፣ ያጊና።
- 13 ታን ሀደታን ናግያ ታ ጎሊ ዱፋዋ፤ ታ ሂጸካ ያን ጹማን ሂጸና።
- 14 ዱፋዋ ታን፣ ሳን ታ እወዋ፣ ያጋና፤ ጉጹንያካ፣ ሳን ታ አቶ ዋይ ታ ሞቻቶ፣ ያጋና።
- 15 ያትና፣ ታ ሀደታይ ሀቃኔ? ኦን አ በኤዳ?
- 16 ታ ሀደታይ ታናና ዱፋዋ ባንዴ? ኦን ላኡ እትገ ቢታን ዱገ ዋቆኔሻ?” ያጌዳ።

### 18

#### ብልዳደ ላኢንላ ሃሳያ

- 1 ሄዋጥ ጉይያን፣ ሹሀ ቢታገ ዬዳ ብልዳደ ሀዋዳን ያጊደ ዛሬዳ፤
- 2 “ኢዮባ፣ ኔን ሀ ሃሳያ አወደ ወርሳይ? እነ እኪካ። ያቶገ ኦን ሃሳያና።
- 3 ኦና እያወ ማዛ ከሳይ? እያወ ኦና ደንጭሎዋንታ ከሳይ?
- 4 ኔን ነ ሀንቆዋን ኔና ቆሃሳ። ነ ሀንቆዋን ቢታይ ሙላ ግዳኔ? ዋይ ዛላቱ ባረንቱ ሳኣጥ ዶቆለታኔ?
- 5 “ናጋራንቻቱዋ ደኡ ጸምጒ ቶእያዋዳን ቶአናዌ ጌሻ፤ እ ላኢንላ ሙላካ ኤጸና።
- 6 እ ጸምጒ ባይና ጎልያ ማላ፤ እ ማታን ደእያ ጸምጒካ ቶኡ።
- 7 እ ታንግያ ታንጉካ ቃማ፤ እ ሀራቱዋ ዘርያ ዘሪ እ ኡንጌ።
- 8 “እ ሀመታይ እ አፊደ፣ ጸርያን ገልሴ፤ ዲዛ ግደን እ ሀመቱ።
- 9 ጸሪ እ ግንድያ ኦይቄ፤ እ ቃሉዋ ድጌ።
- 10 እወ ዩርደ ዋድሩ ጌማን ሳኣን ሂጸት ኡቴ፤ እ ሀመትያ ኡግያንካ ግቲ ዋድ ኡቴ።
- 11 “ዳጋማይ አ ደዳ፤ አ ጉዮናካ ዩደርሴ፤
- 12 እ ዋልቃይ ኮሻን ዳቡራዳ፤ ባሻይ እ ማታን ናጌ።
- 13 ዋድያ ሀርጊ እ ቦላን ኡባን ደዳ፤ እ ኩሽያን እ ገድያ ዱሸሴ።
- 14 እ ሀርግ ባይናን ደእያ ባረ ጎልያገ ዩደርሴቴ፤ ኢንቴንቱ አሳ ኡባ ሞድያ ሀይቁዋ ግያ ካትያኩ፣ እ አፊና።
- 15 ሀርግያ ዩደርሳነው ዲንያ ላሎዋጥ ጉይያን፣ ኦን እ ጎልያን ደአና።
- 16 እ ጸጹ ጋርሳና ሙልያን ቃንካቱካ ቦላና ቆቆፊትያ ሞላ ማላ ግዴ።
- 17 እ ዋሪ ቢታገ ቆይ፤ እ ሱንሳይካ ሳኣን ሀሳየተናን አቴ።
- 18 እ ፖኡዋጥ ጹማወ ዩደርሰታና፤ አሳይ ደእያ ቢታገካ እ ቆያና።
- 19 እወ ናእይ ዋይ ዘሪ ቆያና፤ እ ደኤዳ ሳኣን እት አሳይን ገጸ ደአና።
- 20 አዋይ ደልያ ባጋ አሳይ እ ጋኪዳዋን ዳጋማ፤ አዋይ ወልያ ባጋ አሳይካ ያሻን ኮኩሬ።
- 21 እወደካ ኢታ አሳቱዋ ወርሰላይ ሄዋ ማላ፤ ጸሳ ኤረናዋንቱ ካጫይካ ሄዋ ማላ” ያጌዳ።

### 19

#### ኢዮብ ዛሬደካ ሃሳዬ

- 1 ሄዋጥ ጉይያን፣ ኢዮብ ዛሬደ፣ ሀዋዳን ያጌዳ፤
- 2 “ሀንተ ታና አወደ ጋካናወ ኡንኤላቴ? አወደ ጋካናወ ሀንተ ቃላን ታና ጋጩቱ?
- 3 ሀንተ ታና ታሙ ገደ ቦራድታ፤ ታና ካወሽድካ ዬላትክታ።
- 4 ታን ቱሙ ባሌዳዋ ግድንቶካ፣ ታ ባላይ ታና ኦቻና።
- 5 ሀንተ ታገ ኪክያዋ ሀንተወ ማላትና፣ ሳይ ሙቱ ኡባይ እ ጋኪዳዌ፣ እ ባይዜዳ ድራሳ፣ ያጊደ፣ ታ ቦላ ፕርዲታ።
- 6 ሽን ሀ ሙቱዋ ኡባ ታ ቦላ ጋሌዳዊን ግትያን ታና ገልሴዳዌ ጸሳ ግድያዋ ኤርተ።

- 7 “ታን፡ ‘ናቀታድ’ ያጋደ ዋሰና፡ ታዉ አልያዌ ባዋ፤ ቃላ ቱቁ ኦሳደ፡ ሱረ ፕርዳዉ ዋሰናካ፡ ስሰያዌ ባዋ።
- 8 ታን እግሩዳን ጸሳይ ታ ኦግያ ድሬዳ፤ ታ ሀመትያሳካ ጴጫን ጎዜዳ።
- 9 ታ ዱረተላ ታፕ ቃሬዳ፤ ታ ቦንቹዋካ ታፕ ድጌዳ።
- 10 እ ታና ኡባ ባጋና መንግሥት ዮሴ፤ ታ ሀይታካ ጸጸዋና ቱቆለቱዳ ሞላ ማላ ኦሌዳ።
- 11 እ ሀንቁ ታ ቦላ ኤጽ ከሱዳ፤ እ ታና ባረ ሞርክያዳን ፓይዳ።
- 12 ታ ቦላ ደዳናዉ እ ባረ ኦላንቻቱዋ ከቲ፤ ኡንቱንቱ ታና ኦላናዉ ኦግያ ገግሲና፤ ታ ዱንካንያ ዩሹዋካ ደዲና።
- 13 “ጸሳይ ታ እሻቱዋ ታፕ ሃሌዳ፤ ታና ኤርያዋንቱ ኡባና ታዉ አላጋ ግዴድና።
- 14 ታ ደቦቱ ታፕ ሻከቴድና፤ ታ ላገቱካ ታና ደጌድና።
- 15 ታ ሱን እማላተላን ሞኮዋንቱ ታና ደጌድና፤ ታ ማጫ ቆማቱካ ታና እማላዳንን በትያዳን ጹሊና።
- 16 ታን ታ ቆማ ጸግና፡ ታዉ ኮየና፤ ታን ዋሰናካ፡ ታዉ ኤኖ ጌና።
- 17 ታ ማቻታ ታ ደና ፔኦዋ እጸዱ፤ ታ እሻቱካ ታና ሸነቲና።
- 18 ሀሪይ እትና፡ ጉላ ናናቱካ ታና ካጲና፤ ታና ጴልያ ዋይ፡ ታ ቦላ ቅለጪና።
- 19 ታ ማታ ላገላቱ ኡባይ ታና ሸነቲና፤ ታን ሲቅያዋንቱካ ታዉ ዞክያ ዛሬድና።
- 20 ታ መቀላይ ታ ጋልባና ኦይቀቴዳ፤ ሀይቁዋፕ ላፋሳን ታን አታድ።
- 21 “ሀንተኖ ታ ላገቶ፡ ጸሳ ኩሺ ታና ደቼዳ ድራዉ፡ ታዉ ቃረትተ።
- 22 ጸሳይ ታና የደርሰያዋዳን፡ ሀንተ ታና አያዉ የደርሲተ? ሀኖ ጋካናዉ ሀንተ ታና ቱጋዬዳዌ ግደኔ?
- 23 “ሀኖ ጋካናዉ ታን ሃሳዬዳ ቃላይ፡ ዋይ ሀሳየቱዳ ግዴረኔሻ! ማጸፋንካ ዋይ ጸፈቱዳ ግዴረኔሻ!
- 24 ዳር ጋሞእና ማላ፡ ብራታ ማርሳን ዛላ ቦላን ዋጤቲደ ጸፈቲኔረሻ!
- 25 “ታና ዋዜዳዌ ፓጸ ደእያዋን ዉርሰላን ቢታ ቦላን እ ኤቃናዋ ታን ኤራይ።
- 26 ታ ጋልባይ ሜተት ዉሮፕ፤ ታን ታ አሹዋፕ ሻከታይ፡ ጸሳ በእናዋ ኤራይ።
- 27 ሀራ ኡራ ግደናን፡ ታን ታ ሁጲያን፡ ታ አይፍያን እ በእና፡ ሄዋ ድራዉ፡ ታ ዋዛናይ አያ ላሞተ!
- 28 “ሀንተ፡ ‘መቶ ኡንኩ እ ግዴዳ ድራዉ፡ እነ ሃይተ! እ የደርሱቶ!’ ጎፕ፡
- 29 ማሻዉ ያይተ! ጸሳ ሀንቁ ማሻና ያና፤ ፕርዳይ ደእያዋካ ኤርተ” ያጌዳ።

## 20

### ጸፋራ ላኤንሎ ሃሳያ

- 1 ናእማ ቢታፕ ዬዳ ጸፋር ሀዋዳን ያጊደ ዛሬዳ፤
- 2 “ሳ ሃሳያይ ታና ሀንቀሌዳ ድራዉ፡ ታን እይነ ጋሞኤናን ነ ሃሳያዉ ዛሩዋ እማና።
- 3 ነ ሸቃ ሃሳያ ታን ሰሳድ፤ አዉ በሰያ ዛሩዋ ታና እማ እማ ጌ።
- 4 “አሳ ቢታ ቦላ ዋሌዳ ዋድያፕ ደሚደ፡ በገፕካ ናጋራንቻ አሳቱዋ ጨቁ ቃንላ ዋድያሳ ግድያዋ ኤራሳ፤
- 5 ጸሳ ኤረና አሳቱዋ ናሽቻይካ ልጴዳ እይፊ ጴላናሳ ግድያዋ ኔን ኤራሳ፤
- 6 ኢታ አሳይ ሻርያ ጋካናዉ አዱቆፕካ፡ እ ሁጲካ ሻርያ ቦቾፕ፡
- 7 እ ፓንዳዳን ፕተት ጳያና። እ ኤርያ ኡባይ፡ ሳ ሀቃን ደኢ? ያጋና።
- 8 እኩሙዋዳን እ ፓል ጳያና፤ ሰሚደካ ቤተና፤ ቃማ ሳጸዳን እ ቆይ ባሻና።
- 9 እ በኤዳ እይፈቱ ላኤንሎይ፡ እ በእክና፤ እ ባረ ደኢያሳፕካ ትፕ ጊደ ጳያና።
- 10 ኢታ አዉ ቦንቁ እኩዳ ሚሻ እ ናናቱ ባረንቱ ኩሽያን ጉየ ዛሪይ ሀዬሳቶ ጭጋና።
- 11 ዋልቃን ኩሚዳ እ ያላጋተላ ሞኖታይ ጉላ ዋድያፕ ጉይያን፡ ቢታ ከሳና።
- 12 “ኢታ አሳ ደናን ኢታተላይ ቁማዳን ማልእንቶካ፡ እ ባረ እንጸርሳፕ ጋርሳ ባጋና ገንሎፕካ።
- 13 ዉረናዳን ባረ ደናን ጮሚደ፡ ዋላ ባሽንቶካ።
- 14 እ ኡሎ ግደን እ ቁማይ ላመታና፤ ዋድያ ሸሻ ይሻ ማላ አዉ ግዳናዋ።
- 15 ኢታ ብታኒ ባረ ሞቲዳ ዱረተላ ሃ ጨቻና፤ እ ኡሎዋፕ ጸሳይ ጮሺደ ከሳና።
- 16 ኢታ ብታኒ ሞትያባይ አዉ ይሻ ግዳናዋ፤ ሸሻ ይሻ ማላ ግደደ፡ እ ዋላና።
- 17 ኤሳይነ ማሳይ ሃላዳን ጎግሸና፡ እ በኤናን ሀይቃና።
- 18 ባረ ዳቡራዳ ዳቡራ ጫዋ ሚናን፡ ሀራዉ ሺቆና፤ ዛልኢደ ዋድሱዳ ባረ ዋድያንካ ናሽተና።
- 19 አያዉ ጎፕ፡ ሀዬሳቱዋ እ ኡንኤሌዳ፤ ኡንቱንታ ሸነኩ ጌዳ፤ ሀራ አሳይ ኬጴዳ ጎልያካ ባረዉ እኬዳ።
- 20 “እ የራዉ ዛዋይ ባዋ፤ ባረ ደሰያዋ ካላናዉ ዳንዳየና፤

- 21 እ ሚዳዋጥ ጉይያን፣ እያይነ ደኤና። ሄዋ ድራው፣ እ ዱረተላይ ጋሞኤና።
- 22 እ ዳር ማጾዋ ደምያ ዋይ፣ ሙቱ እ ቦላ ጋክ ዋፉና።
- 23 እ ሚዳ ካልያ ዋይ፣ ጸሳይ እ ሙራናው ባረ ሱልያ ሀንቀዋ እ ቦላ ጉሳና።
- 24 ብራታ ማሻጥ እ ባቃታና፤ ሽን ናሰያ አዳይ እ ጫዳናዋ።
- 25 ሄ አዳይ እው ዘክያና ካንሰ ከሳና፤ ሄ ጸልያ ጸራይ እ ትርያ አዲይ፣ ጭሽያ ጉሳና። ዳጋማን አ ዋዛናይ ሻባረታና።
- 26 “አ ሺሼዳ አቀዋ ኡባይ ጳያና፤ አሳይ ኤሰቤና ታማይ እ ማና፤ እ ጎልያን አቴዳ አሳይ ኡባይካ ታማን ማቴታና።
- 27 ሳሎቱ ሀ ብታንያ ናጋራ ቆንጭሳና፤ ቢታይካ እ ቦላ ማርካታና።
- 28 ጸሳይ ሀንቀቲደ እህያ ቤታን እ ጎሊን እው ደእያባይ ኡባይ ሾከቲደ ባና።
- 29 ጸሳይ ኢታ አሳቶ ዋሌዳ ካጫይ፤ ጸሳጥ ግሸቴዳ ግሹ ሀዋ” ያጌዳ።

## 21

### እዮብ ዛሬይካ ሃሳዬ

- 1 ሄዋጥ ጉይያን፣ እዮብ ሀዋዳን ያጌደ ዛሬዳ፤
- 2 “እነ ታ ሃሳያ እኩኪደ ሀይዘተ፤ ሰሰያዌ ሀንተ ታና ምንጫያዋ ግድ ፓይደቶ።
- 3 ታን እት ገደን ሃሳያናው ታው ካጫ እምተ። ታን ሃሳያ ሰምና፣ ቅለጭተ!
- 4 ታን ሞተትያዌ አሳና ግደና። ያትና፣ ታው ዳንዳያይ ወርጥ፣ ሄዌ ማለልሰያዌ?
- 5 እነ ታና ጾልተ፤ ማላለትተ፤ ሀንተ ኩሽያንካ ሀንተ ዳና ኦይቁተ።
- 6 ታና ጋኩዳዋ ታን ቆጥያ ዋደካ፣ ታና ዳጋንሌ፤ ታ ቦላይካ ኮኮራ።
- 7 “ኢታ አሳቱ እያው ገጸ ደእና? ኡንቱንቱ ላይላይ እያው አዳቂ? ኡንቱንቱ ዋልቃይካ እያው ዳር ዳር ብ?
- 8 ኡንቱንቱ ናናቱነ ናናቱዋ ናናቱ ደእና፤ ኡንቱንቱ ድጭሽና በአናው፣ ጋምኢደ ደእና።
- 9 ኡንቱንቱ ሶያይ ሀርግ ባይናን ሳር ደኤ፤ ጸሳይ ኡንቱንታ ባረ ጋትማን ሾጭ ኤሪና።
- 10 ኡንቱንቱ ኮሩማ ቦራቱ ማጫ ሚዛና ጋከትያ ዋይ፣ ኮላናን ኦይሊና፤ ማጫ ሚዛቱካ ሳልኤሰናን የሊና።
- 11 ባረንቱ ናናቱዋ ደርሳ ዉድያዳን ከሰና፤ ኡንቱንቱ ናናቱካ ያን ሃን ጉጥና።
- 12 ዳርቢያ ባቂደን ዲላ ዲደደ፣ የላ የጸና፤ ሎኩዋ ፑኒደካ ናሽቲና።
- 13 ኡንቱንቱ ባረንቱ ደኡዋ ላይላ እሻሉዋን ፖሊይ፣ ባረንቱ ዱፋዋካ ሳር ቢና።
- 14 ኡንቱንቱ ጸሳ፣ ኡጥ ሃካ! ኦን ነ ኦግያ ኤራናው ኮየኮ!
- 15 ኦን እው ኦላናው ኡባ ዳንዳይያ ጸሳይ ኦኔ? ኦን እ ዋሲይ፣ ጎኤታናባይ እዬ? ያጌና።
- 16 ኡንቱንቱ ባረንቱ እሻሎ ደኡዋ ባረንቱ ሞኖተላን ደሚዳ ጌና፤ ሽን ታን ኡንቱንቱ ቆፋ እክከ።
- 17 “ኢታ አሳቱዋ ደኡዋ ጸምጥ ቶእ ኤሪ? ኡንቱንቱ ቦላ ባሻይ ዋድ ኤሪ? ጸሳይ ባረ ሀንቀዋን ኡንቱንታ ሙር ኤሪ?
- 18 ጫርኩዋ ሰንላን ኡንቱንቱ ሱላዳን ሀኔዳ ዋዲ ደኢ? ጎቱ ፕት አናና ባናዳን ኡንቱንቱ ሀን ኤርና?
- 19 “ሀንተ፣ ጸሳይ እምቱዋ ባይዘዋን ኡንቱንቱ ናናቱዋ ሙራ” ያጌታ። እነ ጸሳይ ናጋራንቻቱዋ ኡንቱንቱ ሀጺያን ሙር! ያትንቶ ኡንቱንቱ ባረንቱ ባይዘዋ ኤራና።
- 20 ኡንቱንቱ ባረንቱ ሙራዋ ባረንቶ እክና። ኡባ ዳንዳይያ ጸሳ ሀንቀዋ ጸኡካ ኡንቱንቱ ባረንቱ ሀጺያን እሽና።
- 21 እያው ጎጥ፣ ኡንቱንቱ ሀይቂ ክቼዳዋጥ ጉይያን፣ ኡንቱንቱ ናናቱዋ እያይ ጋክንቶነ ኮይክና።
- 22 “ቦላ ቃቃን ደእያዋንታ ፕርድያ ጸሳ ኤራ ታማርሳናው ዳንዳይያ አሳይ ደኢ?
- 23 እት አሳይ ኩሙንላ ዋልቃይነ ኩሙንላ ሳሩ ደእሸና፣ እሻሉዋን ደኢድ ሀይቁ።
- 24 እ ቦላይ ኦርድ ደእሸን፣ እ ሙቀላ ኮልዚካ ሽጭ ደእሸና ሀይቁ።
- 25 ሸን ሀራ አሳይ እ ሽምጥዋን ካዩ ፓጨናን፣ ባረ ደኡዋን ሙላካ ሎኦባ ደመናን ሀይቁ።
- 26 ኡንቱንቱ ላኡካ እት ማለ ቢታን ሞገቲና፤ ኡንቱንታ ላኡዋካ ጉጸነቱ ካሚና።
- 27 “ሀንተ ታና ናቃናው ቆጥደ፣ ሀንተ ዋዛናን ሀልቼዳ ሀልቼዋን ሙልያ ታን ሎይላይ ኤራይ።
- 28 ሀንተ፣ “ሄ ኢታ ኦላያ፣ ዋልቃማ ብታንያ ጎሊ ሀእ ሀቃኔ?” ያጌታ።
- 29 ኦግያና ሀመትያ አሳቱዋ ኦቻቢይክቱ? ኡንቱንቱ ኦድያዋ አማንክቱ?
- 30 ኡንቱንቱ፣ “ኢታ አሳቱ ባየላ ጋላሰ ቦሸተናን አቴና፤ ጸሳ ሀንቀ ቆንጭያ ጋላሰካ ኡንቱንቱ ከሰ አካና” ያጌና።
- 31 ኢታ አሳ እ ኢታተላው ኦኔ ዋላሳናዌ? እ ኦሌዳ ኢታባውካ እ ሙራናዌ ኦኔ?
- 32 እ ሀይቁና፣ እ እሃ ዱፋዋ እፍያ ዋይ፣ እ ዱፋ ናገታና።



33 እሳይ ኡባይ እ ካሌ፤ ፓይዱ ባይና እሳይ እ ባልያን ፔሼ፤ እ ዱፋዋ ቢታይካ ኡቱላዳን እዉ ካዉሺ።  
 34 ያትና፣ ህንተ ታና ዎት መላ ኡዱዋን ሞን። ሲቲ? ህንተ ታ ኦሻዉ ዛሬዳ ዛሩ ኡባይ ዋርዱዋ!” ያጌዳ።

## 22

### ኤልፋዝ ዛሬደካ ሃሳይ

1 ሄዋፕ ጉይያን፣ ተማና ቢታፕ ዬዳ ኤልፋዝ ሀዋዳን ያጊደ ዛሬዳ፤  
 2 “እሳይ ዶሳ ጎእናዉ ዳንዳዩ? ሀራይ እቶ እዴዳ ኤራንቻ ግድንቶካ፣ እ ባርና ጎእናፕ አትና፣ ዶሳ ጎእና።  
 3 ኔን ጽሉዋ ግደፕ፣ ሃዌ ኡባ ዳንዳይያ ዶሳ ናሽቺ? ነ ኦጊ ቶሺ ባይናዋ ግደፕ፣ ሄዋን እ እያ ዎድያ ደሜዳ?  
 4 “ኔን አ ቦንቶያ ድራዉ፣ እ ኔና ሴሪን ፕርዲ?  
 5 ነ ኢታተሳይ ዳራ ግደኔ? ነ ናጋራዉ ዛዋይ ባዎ።  
 6 ኔን ነ እሻቱዋ ጋሱ ባይናን ዋሰያ ዴሰሳዳ፤ አሳ ማዩዋካ ቃራይ ኡንቱንታ ካሎ እሻዳ።  
 7 ኔን ሳመቱዳዋንታ ሃሳ ኡሻባካ፤ ኮሻቱዳዋንታካ ቁማ ድጋይ።  
 8 ኔን ነ ዋልቃን ነ ማታን ዘምፓደ፣ ሀራ አሳ ቢታ ነዉ ጮ አካዳ።  
 9 እምኤቱዋ መላ ኩሽያ የዳዳ፤ እዉ ባይናዋንታካ ኡቁናዳ።  
 10 ነ የሹዋን ግቲ ድድ ኡቱዳዌ፤ እኬከናን ያሻይ ኔና ኮኮርሰያዌካ ሄዋሳ።  
 11 ኔን በኤናዳን፣ ነዉ ፉምያዌ፤ ቃይ ኩንላ ሃሳይ ኔና ሙክያዌካ ሄዋሳ።  
 12 “ጸሳይ ቦላ ዶቃ ሳሉዋን ኡቲደ፣ ዶቃን ደእያ ጸልንተቱዋ ዱገ ጸሌ።  
 13 ሽን ኔን፣ ፣ጸሳይ እያ ኤሪ? እ ሄዋ ማላ፣ ድጽ ጎ ፉማ ግደዋና ፕርዳናዉ ዳንዳዩ?  
 14 ሳሉዋን ሳእ ዳንሉዋ ቦላ እ ሰመረትያ ዎደ፣ እ በኤናዳን፣ ሰኬዳ ሻሪ እ ጎዜ፣ ያጋሳ።  
 15 “ናጋራንቻቱ ሀመቱዳ በን ኦግያን ባናዉ ፅፋ ቃቻዲ?  
 16 ኡንቱንቱ ባረንቱ ዎዲ ጋከናን ደእሸና ሀይቄድና፤ ኡንቱንቱ ደኡዋ ባሱካ ድኡዋን ሜጨት ጻዬዳ።

17 ኡንቱንቱ ዶሳ፣ ፋፕ ሃካ! ኡባ ዳንዳይያ ጸሳይ ኑዉ እያ ኦሳናዉ ዳንዳዩ?፣ ያጌድና።  
 18 ግደፕ፣ ኡንቱንቱ ጎልያን ሎኮባ ኮንሌዳዌ ዶሳ፣ ሄዋ ድራዉ፣ ኢታ አሳቱዋ ፅፋይ ታዉ ገለና።  
 19 “ኢታ አሳቱዋ ቦላ ጋክያዋ በኢደ፣ ጽሎቱ ናሽቲና፤ ሱሪ አሳቱካ ሀዋዳን ያጊደ፣ ኡንቱንቱ ቦላ ቅለጪና፤  
 20 ፋቱሙዋፕ ኑ ሞርከቱ ጻዬድና፤ ኡንቱንቱ ዲረተላካ ታማይ ሜዳ።  
 21 “እዮባ፣ ሀእካ ዶሳዉ ሞደታ፤ አናና ሳር ደእ። ያቶ፣ ኔን እንጀታና።  
 22 እ ደናፕ ትምርትያ እካ፤ እ ቃላቱዋካ ነ ዋዛናን ዋላ።  
 23 ኔናተሳ ሆክሳደ፣ ኡባ ዳንዳይያ ዶሳኮ፣ ኔን ሰሞፕ፤ ኢታ ኡሱዋ ኡባ ነ ሶፕ ድጎፕ፤  
 24 ነ ዋርቃ ሳእን ኦሎፕ፤ ነ በርት ዋርቃካ ሻፋ ሹቻን ኦሎፕ፤  
 25 ኡባ ዳንዳይያ ዶሳይ ነዉ ዋርቃን ደረቲዳ ብራ ግዳናዋ።  
 26 “ሄዋፕ ጉይያን፣ ኔን ኡባ ዳንዳይያ ዶሳን ቱሙ ናሽታና፤ ዬላተናን ዶሳኮ ፑደ ዴላና።  
 27 ኔን ዶሳ ዋሳና፤ እ ሰሳና፤ ቃይ ኔን ነ ቃንግያ እዉ ጋላና።  
 28 ኔን ዞረታደ ቃቹዳዌ ነዉ ፖለታና፤ ነ ሀመትያ ኦግያንካ ፖኤ ፖእና።  
 29 እያዉ ጎፕ፣ ዶሳይ ኡቶረትያዋንታ ካዉሼ፤ ሽን ባረንታ ሆክሰያዋንታ እሼ።  
 30 እ ሱሪ አሳ ዋል እኬ። ነ ኩሺ ናቁዋፕ ጌሻ ግደፕ፣ እ ኔና አሻቶ” ያጌዳ።

## 23

### እዮብ ዛሬደካ ሃሳይ

1 እዮብ ሀዋዳን ያጊደ ዛሬዳ፤  
 2 “ታን ሀእካ ዶሳ ቦላ ማካላይን ዙዙማይ፤ እያዉ ጎፕ፣ ታን ኦልናካ እ ኩሺ ታ ቦላ ዴጽያዋ አግቤና።  
 3 እ ደኢያሳ ታን ኤራርክታሻ! እ ኡቱዳሳካ ጋካርክታሻ!  
 4 ያትንቶ፣ ታን ታ ሞቱዋ እ ሰንላን ብዳና ሽን! ታ ድናካ ፓሉምያን ኩንላና ሽን!  
 5 እ ታ ሞቶ ዛርያዌ እየንቶካ ታን ኤራና ሽን! እ ታና ግያዋካ እኬካና ሽን!  
 6 እ ባረ ዋልቃማ ዋልቃን ታናና ኤቀታኔሻ? ቱይት፣ ቱይት፣ እ ታን ኦድያዋ ሰሳናፕ አትና፣ ሄዋ ሀንና።

- 7 ታ ዋዛናይ ሱረ ግድያ ድራሬ። ታን ጸሳና ሞተታናግ ዳንዳያይ፤ እ ታ ዳናይ ታና መጅናግ ሻትንፋና።
- 8 “ሸን እይሱ። ታን አዋይ ዶልያ ባጋ ቦፕ። እ ያን ደኤና፤ ቃይ ታን አዋይ ዉልያሳ ቦፕካ። እ ደምከ።
- 9 እ ሁጲሳ ባጋ ቢታን ኦልያ ዋይ። ታን እ በእከ፤ ቃይ ገድሳ ባጋ ቢታ ሰምያ ዋይካ። ታን እ ደምከ።
- 10 ሸን እ ታ ታንጉዋ ኡባ ኤሪ፤ እ ታና ፓጮፕ። ታን ዋርቃዳን ጌሻ ግድያዋ እ በእና።
- 11 ታን እ ሀመቴዳ ኦግያ ጌሻ ኦይቃይ ሀመታድ፤ እ ኦግያፕ ዋራ ሰማበይከ።
- 12 እ ዶናፕ ከሰያ አዛዙዋፕ ታን ሻከታበይከ፤ እ ቃላካ ታ ዋዛናን ዋላድ።
- 13 “ጸሳይ ላመተና። እናና ኤቃታና። ዋይ ባረ ኮዬዳዋ እ ኦፍናዳን እ ድጋና አሳይ ባዋ።
- 14 እ ታዉ ሀልቹዳዋ ፖላና፤ ሄዋንቱ ማላ። ሀራ ዳር ሀልቹቱካ አዉ ደእና።
- 15 ሄዋ ድራሬ። እ ሰንፋን ኤቂያዋ ሎይሰ ታና ያሸ፤ ሄዋ ኡባባ ቆፓደ። ታን ኮኮራይ።
- 16 ታ ዋዛናይ ዳቡራናዳን ጸሳይ ኦልዳ፤ ኡባ ዳንዳያይ ጸሳይ ታና ዳጋንሐ።
- 17 ባራ ጴማይ ታ ሰምኡዋ ጎዘንቶካ። ታና ሄ ጴማይ ሃሳይ ድግቢና።

### 24

- 1 “ኡባ ዳንዳያይ ጸሳይ ፕርድያ ዋድያ እያዉ ኬረኔ? እ ኤርያዋንቱ ሄ ዋድያ እያዉ በእከና?
- 2 ኢታ አሳቱ ባረንቱ ጋድያ አሳናግ። ዛዋን ደእያ ሹቻ ቶቆለና። ዶርሳካ ዉእ አሂደ። ባረንቱ ዶርሳ ዉድያን ጋሏይ ሂሚና።
- 3 አዉ ባይና ናናቱዋ ሀረቱዋ ላጊደ። እክ ቢና፤ አምኦቲ ቦራካ እጮ ኦይቂደ። ባረንቶ አኪና።
- 4 ሀዬሳቱዋ ባረ ማታ ደመናዳን ድጊና፤ ቢታን ደእያ ሀዬሳቱዋ ኡባ ባረንቱ ሰንፋፕ ቆሰሏና።
- 5 ባዙዋን ደእያ ዋራ ሀረቱዋዳን። ሀዬሳቱ ምያዋ ኮዬደ ዋጸረቲና። ባረንቱ ናናቶካ ባዙዋፕ ቆማ ኮዬና።
- 6 ኡንቱንቱ ደምባን ሀራ አሳዉ ካላ ጫኪና፤ ኢታ አሳቱዋ ዋይንያ ቴራ ዉርጨዋካ ቃርሚና።
- 7 ኡንቱንቱ ቃማ ካሎ አቂና፤ ሜጉዋ ዋይካ ቦላን ማይያዋ ኡንቱንቶ ባዋ።
- 8 ደረቱዋን ቡከያ እራን ኡንቱንቱ ጽርከኪና፤ ገልያሳ ቆይደ። ሹቻ ቆሚና።
- 9 “ኢታ አሳቱ አዉ ባይና ናኦ አት ቆንፋ ቆምያሳፕ ዳፍ አኪና፤ ሀዬሳቱዋ ጉላ ናናቱዋካ እጮ አይቂና።
- 10 ሀዬሳቱ ማዩዋ ቆይደ። ካሎ ሀመቲና፤ ኡንቱንቱ ቱኩዋ ኬዚደ ኮሻቲና።
- 11 ኡንቱንቱ ዛይትያ ከሳናዉ ዋጋራ ቴራ ፑርጺና፤ ዋይንያ ቴራካ ጉምኢደ ሳመቲና።
- 12 ካታማን ሀይቃና ሀንያ አሳቱ ኦሊና፤ ደሸቴዳ አሳቱካ ማዲዋ ኮዬደ ዋሲና፤ ሸን ጸሳይ ኡንቱንቱ መቱዋ ጸለና።
- 13 “ፖኡዋ እጽያ አሳቱ ደእና፤ ኡንቱንቱ ፖኡ አየንቶ ኤርክና፤ እ ኦግያፕካ ዋራ ቢና።
- 14 ሸምፑዋ ዋድያዋ ዋንቱማላ ደንዲደ። ሀዬሳቱዋን መቶታንቻቱዋ ዋዴ፤ ቃማ ቃይ ካይሱዋዳን ዉእ።
- 15 ሻርሙጽያዋ ሳእይ ጴማናዋ ናጌ፤ እ። ፍንጎን ታና በኦፖ” ጊደ። ባረ ሰምኡዋ ካሚ።
- 16 ካይሳቱ ቃማ ጎልያ ቦኪደ። ዉእናዉ ገለና፤ ሸን ጋላሰ ፖኡዋ እጸደ። ቆሰት ፔሺና።
- 17 ኡንቱንታ ጋላሳ ፖኡ ያሸ፤ ሸን ቃማ ጴማይ ኡንቱንታ ዳጋንፍ።
- 18 “ኢታ አሳቱዋ ድኡዋ ሃሳይ ቁጨደ እፊ፤ ኡንቱንታ ጋኬዳ ጋዲ ሸቀቱዳዋ ግዴ። ኦንጎ ኡንቱንቱ ዋይንያ ቴራ ሳእ ቢና።
- 19 ሻቻይ ሆምቢያን ሙሸና። አዋይ እ መልሰ ቆይሰያዋዳን። ሄዋዳንካ። ናጋራንቻቱ ሀይቂደ ቆይና።
- 20 ሀራይ አትና። የሌዳ እየቱካ ኡንቱንታ ሀሳይክና። ጉዱኒ ኡንቱንቱ አሹዋ ማልእና ሜ። ኡንቱንቱ ኢታ ኦሱካ ከንዴዳ ምላዳን መእና።
- 21 እያዉ ጎፕ። ኡንቱንቱ ናእይ ባይና ማይጎ ማጫ አሳ ናቂድና፤ እምኤ ማጫ ምሸራትዉካ ማደናን እጸድና።
- 22 “ጸሳይ ባረ ዋልቃን ምናቱዋ ቆይሱ፤ ኡንቱንቶ ሳእይ እንጀቶዋ ማላቶፕካ ደኡዋ ሀይታይ ባዋ።
- 23 ጸሳይ ኡንቱንቱ ሳር ደእናዳን ኦላፕካ። ኡንቱንቱ ኦግያ ዋቹ።
- 24 ኢታ አሳቱ ጉላ ዋድያዉ ቶቁ ቶቁ ጊና፤ ሸን ኤላካ ሻራፋዳን ሹል ቆይና፤ ካላዳን ጫከቲና።
- 25 “ሄዋ ሀነና ጊደ። ካድያ አሳይ ደእ? ታን ኦዴዳ ቃላካ ዋርዲዋ ጊደ። አማንሐያ አሳይ ደእ?” ያጌዳ።

# 25

## ብልዳደ ዛሪደካ ሃሳዬ

- 1 ሄዋጥ ጉይያን፣ ሹሀ ቢታጥ ዬዳ ብልዳደ ሀዋዳን ያጊደ ዛሪዳ፤
- 2 “ጸሳይ ዋልቃማ ግድያ ድራጤ፣ አሳይ ያዪደ፣ እው ሞደቱ። እ ባረ ሳሉዋ ካወተላ ሳሩዋን ናጌ።
- 3 እ እላንቻቱዋ ገይዳናዉ ዳንዳይያ አሳይ ደኢ? ጸሳ ፖኡ ጋከና ሳኢይ ደኢ?
- 4 ያትና፣ አሳይ ጸሳ ሰንላን ዋን ጽሉዋ ግዳናዉ ዳንዳዪ? ማጫ አሳጥ የለቱዳ አሳይ ዋን ጌሻ ግዳናዉ ዳንዳዪ?
- 5 ጸሳ ሰንላን አገናይካ ዋጋጋ ፖኡ ግደና፤ እ ሰንላን ጸልንተቱካ ጌሻ ግድክና።
- 6 ያትና፣ ጸሳ ሰንላን ጉጹንያ ግድያ አሳይ እይ ኬሻ ላሬ?” ያጌዳ።

# 26

## እዮብ ዛሪደካ ሃሳዬ

- 1 እዮብ ሀዋዳን ያጊደ ዛሪዳ፤
- 2 “ዋልቃይ ባይና አሳ ኔን እያ ማዳዋ ማዳዲ! ዳቡራዳ ቀሰቱዋ ኔን እያ እሹዋ እሻዲ!
- 3 እዬዳ ኤራተሳይ ባይናዋ እያ ዘርያ ዘራዲ! እይ ኬሻ ዋልቃማ ኤራተሳ ቆንጭሳዲ!
- 4 ኔን ሀ ቃላ ሃሳያናዳን ኔና ኦኔ ማዳዳዊ? ቃይ ሀዋዳን ሃሳያናዉ ኔና ደን።ጸዳዊ ኦ እያኔ?” ያጌዳ።

## ብልዳደ ባረ ሃሳያ ወርሲ

- 5 ብልዳደ፣ “ሀይቄዳዋንቱ ሞይትለቱ ቢታጥ ጋርሳ ባገና ሃላ ግድን ኮኮሪና።
- 6 ጸሳ ሰንላን ሰኦሊካ ቆንጩ፤ እያይን እ ገንፋናዉ ዳንዳየና።
- 7 ጸሳይ ሁጺሳ ባጋ ሳሎቱዋ ሞጩዳ፤ ሳካካ እየንቶ ባይና ሳን ካቄዳ።
- 8 እ ሻረቱዋን ሃላ ኩሳ፤ ሃላ ዳደዋን ሻረቱ ዳከትክና።
- 9 ደይሴዳ አግና እ ባረ ሻርያን ካሜ።
- 10 ፖኡዋ ቆማጥ ሻካናዉ፣ ሳሉ ሳኦና ዳን።ትያ ሳኦን ቃማይን ጋላሳይ ላመትያ ዛዋ ጸሳይ ኤሴ።
- 11 እ ሴርያ ዋደ፣ ሳሎቱዋ ቱቀቱ ዳጋማዉ ኮኮሪና።
- 12 ባረ ዋልቃን እባ ጮኦ ኦፊዳ፤ ባረ እከካን ራኣባ ግያ ዳዊያ ቆይሴዳ።
- 13 እ ሸምጥያ ሸምጥዋን ሳሎቱ ጌዬድና፤ እ ኩሺካ ጸንገትያ ሸሻ ዋዴዳ።
- 14 ሀዋንቱ ኡባይ ጸሳይ ኦፊዳ ኦሶቱዋጥ አማራዳዋንታ፤ ኔን ሰሰያዊ ሳሱከላ ጸላላ። ያትና፣ እ ዋልቃ ግታተላ እከካናዉ ዳንዳይያዊ ኦኔ?” ያጌዳ።

# 27

## እዮብ ዛሪደካ ሃሳዬ

- 1 እዮብ ሀዋዳን ያጌዳ፤
- 2 “ታ ሱሪ ፕርዳ ታና ድጊደ፣ ታ ደኡዋ ጫማ ከሴዳ፣ ኡባ ዳንዳይያ ደኡዋ ጸሳን ታን ጫቃይ።
- 3 ጸሳይ ታዉ ደኡዋ ሸምጥዋ አሜዳ ኪና፣
- 4 ታ ደናይ ዋርዳዋ ሃሳየና፤ ታ እንጸርሳይካ ጭሙዋ ኦደና።
- 5 ሀንተ ሃሳዬዳዊ ልከ ጋይ ታን እክከ፤ ሀይቃና ጋካናዉካ ታን ታ ሱሪተላ እገከ።
- 6 ታ ጽሎተላ ምንሳ እይቃናጥ አትና፣ ጽሎተላ እገከ፤ ታን ደኡዳ ላይላ ኡባን ታ ዋዛናይ ካህይ ታና ቁምኤና።
- 7 “ታ ሞርከቱን ታናና ኤቀትያዋንቱ ኡባይ ኢታን ባይዛንቻ አሳዳን ሙረትና።
- 8 ጸሳይ ኡንቱንቱ ሸምጥዋ ኡንቱንቱ እሹዋጥ ሻኪደ፣ ኡንቱንቱ ላይላ ቃምሰያ ዋደ፣ ኢታቶ ሰንላጥ ሀይታይ እዬ?
- 9 ኡንቱንቱ ቦላ መቱ ጋክያ ዋደ፣ ጸሳይ ኡንቱንቱ ዋሱዋ ሰሲ?
- 10 ኡባ ዳንዳይያ ጸሳን ኡንቱንቱ ናሸታኔ? ኡንቱንቱ ኡባ ዋደ ጸሳ ጸሳይ?
- 11 “ታን ሀንተና ጸሳ ዋልቃባ ታማርሳና፤ ኡባ ዳንዳይያ ጸሳ ሀልቻዋ ታን ሀንተጥ ቆሰከ።
- 12 ሀንተ ኡባይ ሀዋ ሀንተ ሁጺያን በኤድታ። ያትና፣ ሀ ሜላ ሃሳያ እያዉ ሃሳዪቱ?
- 13 “ጸሳይ ኢታ አሳቶ አሜዳ ካጫይን ኡቁንያ አሳቱ ኡባ ዳንዳይያ ጸሳጥ እክያ ዋይቱ ሀዋጥ ካልያዋ።
- 14 ኡንቱንቱ ናናቱ እይ ኬሻ ዳርጥን፣ ኡንቱንቱ ኦላን ወሪና፤ ኡንቱንቱ ዛራቱካ ምያዋ ቆይደ ኮሻቲና።
- 15 ሄዋጥ እቲዳዋንቱ ቦሻን ወሪና፤ ኡንቱንቱ አምኤቱካ ኡንቱንቶ ዬክክና።

- 16-17 “ኢታ አሳቱ፣ ፓይድና ወረረና ብራ ሺሸናካ፣ ኡንቱንቱ ብራ ሱረ አሳቱ ሻክ አካና፤ ቃይ ማዩዋ ዳርሲደ ሺሸናካ፣ ኡንቱንቱ ሺሸናዋ ጽሎቱ ማያና።
- 18 ኡንቱንቱ ኬጽያ ጎለቱ ሻራሮታ ጎልያ ማላ፤ ናግያዋንቱ ኬጽዳ ጋባ ማላ።
- 19 “ኡንቱንቱ ዱረ ግዱደ፣ ባረንቱ ሂጸን ግሳና፤ ሸን ኡንቱንቱ ገምእሹዋ፣ ስገትያ ዋደ፣ አያይነ ጻይና ሙላ አታናዋንታ።
- 20 ዳጋማይ ድኡዋዳን ቆፕናን ኡንቱንቱ ቦላ ያና፤ ቃማንካ ጎቲ ኡንቱንታ ደንጪደ አፋና።
- 21 አዋይ ደልያ ባጋ ጫርኩ ኡንቱንታ ደኢያሳፕ ፕቲደ አፋና።
- 22 ኡንቱንቱ ከሰ አካናወ ባቃትሸና፣ ቃረት ባይናን ኡንቱንቱ ቦላ ዋጻና።
- 23 ዋልቃማ ኮሻ ሰሲደ፣ ኡንቱንታ የደርሳና።

## 28

### እዴዳ ኤራተላ ትምርትያ

- 1 “ብራ ቦክ ከሰያሳይነ ዋርቃ ጌሻናወ ሙሽሰያ ሳእይ ደኢ።
- 2 ብራታይ አሳይ ቢታፕ ቦክና ከሴ፤ ናሃሲካ አ ሹቻ ሙሽሰና ከሴ።
- 3 አሳይ ጸምፕያ አሂደ፣ ጳማ ጸኔ፤ ቢታ ጨሙዋ ጋኪደ፣ ድጽ ጎ ጳማ ግደን ሄ ሹቻ ኮፎ።
- 4 አሳይ ደኢያሳፕ ሃኪደ፣ አሳ ገዱ የድ ኤረናሳ ቢደ፣ ሄዋን ጨማ ኦላ ቦኪ፤ ሄዋን ዋደሩዋን ያነ ሃነ ኩሉሙሺደ፣ አሳፕ ሻከቲደ ደኢ።
- 5 ካሳይ ቢታፕ ሞኪ፤ ሸን ሄ ቢታ ግዱ ታማን ሙሽደ፣ አድ አድ ዋዴ።
- 6 ሄ ቢታ ግደን ደልያ ሹቻፕ ሳምፔርያ ግያ አልኦ ሹቻይ ከሴ፤ አ ባና ግደፕካ ዋርቃይ ቤቱ።
- 7 “ሄ ሹቻ ቦክያሳ አፍያ ኦግያ ጽንግሊ ኤረና፤ ጋጨካ በእቤና።
- 8 ኢታ ደአቱ ባረንቱ ገድያን ሄ ሳአ የድ ኤርክና፤ ጋሙካ ሄዋና አ□ና።
- 9 “አሳይ ሞኖ ዛላ ሙን□ሬሌ፤ ደርያን ቦኪደ፣ ጸጹዋፕ አላ የጌ።
- 10 ዛላ ሉኪደ፣ አድያ ኦግያ ከሰደ፣ ሄ አልኦ ሹቻካ ደሜ።
- 11 ሃላ ፑልቱዋ ቦክና፤ ጌሜዳባቱዋካ ፖኡዋ ከሴ።
- 12 “ሸን እዴዳ ኤራተላይ ሀቃፕ ቤታናወ ዳንዳዪ? አኬካይ ቤትያ ሳእይ ሀቁ?
- 13 አሳይ አ ቱሙ ጋትያ ኤረና፤ አያወ ጎፕ፣ እዴዳ ኤራተላይ ፓጻ ደኢያዋንቱ ቢታን ቤታናወ ዳንዳየና።
- 14 ጨሙ፣ ሳእዴዳ ኤራተላይ ታ ግደን ባዋ፣ ያጌ፤ አባይካ ታናና ግደና ጌ።
- 15 “እዴዳ ኤራተላይ ዋርቃን ሻሙተና፤ አ ጋቲካ ብራን ጌዳረተና።
- 16 እዴዳ ኤራተላይ በርት ዋርቃን፣ ማርግድያን ሳምፔርያ ጌትትያ አልኦ ሹቻን ሻሙተና።
- 17 ዋርቃይነ ማሰቶትያ ኦሰቲዳ ሚሻቱዋ ጋቲ አናና ልከተና፤ ዋርቃፕ ኦሰቲዳ አልኦባንካ ላሙተና።
- 18 እዴዳ ኤራተላ ጋቲ የሌሎዋ፣ አልማዝያፕነ እንቁዋ ኡግፕ አዴ።
- 19 ቶጸንዋንያ ግያ ቶጽያ እንቁካ አናና ልከተና፤ በርት ዋርቃንካ ሻሙተና።
- 20 “ያትና፣ እዴዳ ኤራተላይ ሀቃፕ ዪ? አኬካይ ቤትያ ሳእይ ሀቁ?
- 21 ፓጻ ደኢያ ሙ□ታ ኡባፕ ጌሞ ኡቲዳ፤ ሳሉዋ ካፎቲካ አ ደምክና።
- 22 ባሻይነ ሀይቁ፣ ሓን እዴዳ ኤራተላወ ኦዶ ጸላላ ኑ ሀይላን ሰሴዳ፣ ያጌና።
- 23 “እዴዳ ኤራተላኩ አፍያ ኦግያን አ ደኢያ ሳአ ኤርያዋ ጸላ ጸላላ።
- 24 አያወ ጎፕ፣ ጸላይ ሳአ ጋጻ ኡባ ጼሌ፤ ሳሎቱዋፕ ጋርሳና ደኢያዋ ኡባ በኤ።
- 25 ጸላይ ጫርኩ ዋልቃ እሚዳ ዋደነ ሻርያ ሃላ ልኬዳ ዋደ፣
- 26 እራይካ ሀቃን ቡካንንቶ፣ ዋልቃንሳይካ ሀቃን ዋጻንንቶ ዋጋ ዋጻዳ ዋደ፣
- 27 አ ሄ ዋደ፣ እዴዳ ኤራተላ በኢደ ፓጩዳ፤ ሎኦ ጌዳ።
- 28 ሄዋፕ ጉይያን፣ ጸላይ አሳወ ኦዲደ፣ ጸላወ ያይያዌ እዴዳ ኤራተላ፤ ኢታፕ ሃክያዌካ አኬካ፣ ያጌ” ያጌዳ።

## 29

- 1 እዮብ ቃይካ ሀዋዳን ያጌዳ፤
- 2 “ሀእ ታ ደኢያ ደኡ ጸላይ በን ታና ናጌዳ ዋድያዋ ማላ ግዳረኔሻ!
- 3 አ ጸምፕ ታ ቦላ ፖእና፣ ታን ጳማን አጻደ አ ፖኡዋን ሀሙታድ።
- 4 ሄ ዋደ ጸላይ ታናን ታ ሱ አሳ ናግና፣ ታን ታ ኩሙንላ ዋልቃና ደኤዳ ዋደ።
- 5 ሄ ዋደ ኡባ ዳንዳይያ ጸላይ ታናና ደኤ፤ ታ ናናቲካ ታ የሹዋን ደኢኖ።
- 6 ታን ታ ኩሽያ ማላን ሚጨታድ፤ ታ ዋጋራ ጉምኢያሳፕካ ዛይቲ ሻፋዳን ጎጌዳ።
- 7 “ታን ካታማን ደኢያ ፕርዳ ጎልያ ቤዳ ዋደ፣ ዳናቱዋና እትፕ ኡታድ።



- 26 ሎኦባ ደማና ጋደ ታን አሞትያ ዋደ፤ ኢታባይ ታና ጋኬዳ። ታዉ ሳከይ ከኬ ጋደ ታን ናግያ ዋደ፤ ጋላሳይ ታዉ ጴጫዳ።
- 27 ታ ዋዛናይ ህርጌዳ፤ ታን ዋፓ ደማበይከ፤ ጋላሳፕ ጋላሳን ታ ቱጋይ ያ ዳሬዳ።
- 28 ታ ቦላይ አዋ ሱሉዋን ግደናን ካዩዋን ካረጹዳ፤ ታን ሹቁዋን ኤቃደ፤ ‘ታና ማድተ!’ ጋደ ዋሳይ።
- 29 ታን ዋራካናቶ እሻ፤ ሳጎንያዉካ ዳቦ ግዳድ።
- 30 ታ ጋልባይ ካረጹደ፤ ፖቅት ፖቅት ዋዴ፤ ታ ቦላይካ ሞሹዋን ጸገቱ።
- 31 ሄዋ ድራዉ፤ ታ ድንኪ ዘላሳዉ ዩነቴዳ፤ ታ ህጸጸካ ዬኮ ዩነቴዳ።

### 31

- 1 “መላንቻ ማጨውኖ ጸላደ አሞተናዳን፤ ታን ታ ዋዛና አይፍናና ጫቁዋ ጫቀታድ።
- 2 ቦላን ደእያ ጸሳይ ታዉ እያ ካጫ እማንዳሻ? ሳሉዋን ደእያ ኡባ ዳንዳይያ ጸሳይ አሳዉ አሞያ ዋይቱ እያ ግዳንዳሻ?
- 3 ኢታቱዋ ቦላ ቦሻይ፤ ባይዙዋ ኦሳዎዋንቱ ቦላ ባሻይ ጋካናዌ ኤሪቴዳዋ ግደኔየ?
- 4 ጸሳይ ታ ሄመታ ኡባ በእ፤ ታ ታንጉዋ ኡባካ ፓይዳ።
- 5 “ታን ዋርዲዋ ሙለካ ኦሳበይከ፤ አሳካ ጭማናዉ ካጃላበይከ።
- 6 ጸሳይ ታና ልከ ሚዛናን ማዛና፤ ያተደ ታን ጽሉዋ ግድያዋ ኤር።
- 7 ታ ሀመታይ ኦግያፕ ሸርኤዳባ ግደፕ፤ ታ ዋዛናይካ ታ አይሬ ጸሌዳዋ አሞቴዳዋ ግደፕ፤ ቃይ ታ ኩሺካ ናጋራን ቱኔዳዋ ግደፕ።
- 8 ታ ጫርሻይ ኡባይ ሾደት ጳዮ፤ ታን ዘሬዳዋካ ሀራይ ሞ።
- 9 “ታ ዋዛናይ ታ ሹሩዋ ማጫ አሳ አሞቴዳዋ ግደፕ፤ ዋይ ታን እዘ ፕንገን ዙጋደ ናጌዳዋ ግደፕ።
- 10 ታ ማቻታ ሀራ አሳዉ ጋጩ፤ ቃይ ሀራ እቱማ አሳቱ አናና ግሰና።
- 11 እያዉ ጎፕ፤ ሻርሙጽያዌ ሎይሳ ፖካን ፕርዳን ሙርሰያ ናጋራ።
- 12 ሀ ናጋራይ ታማዳን ጸጌደ፤ ታ ማጸዋ ኡባ ጳይሰያዋ።
- 13 “ታን ታ እቱማ ዋይ ታ ማጫ ቆማቱ ታና ሞትና፤ ኤንቱንቱ ሞቱዋ ካዴዳዋ ግደፕ።
- 14 ጸሳይ ታና ብድያ ዋደ፤ ታን ዋናኔ? ቃይ እ ታና ኦቻያ ዋደ፤ ታን ዋጋ ዛራኔ?
- 15 ታና መዴዳ ጸሳይ ታ ቆማቱዋካ እ መዴዳ። ኮና ኡባካ ኦ አት ኦ አት ኡሉዋን መዴዳዋ አት እ ጸላላ።
- 16 “ታን ሀይሳቱ ዋሴዳዋ ድጋድታንቶ፤ ዋይ አሞኤቱዋ ሞን□□ናን አጋድታንቶ፤
- 17 እዉ አታ ባይና ናናቱ መላ አቅያ ዋደ፤ ታን ታ ቁማ ታረካ ማበይከ።
- 18 ታን ኤንቱንታ ታ ያላጋላላፕ ደማደ፤ ኤንቱንቱ አዉዋዳን ድቻድ፤ ታ አት ኡሉዋፕ የለቶደፕ ደማደ፤ አሞኤቱዋ ማዲድ።
- 19 ማዩ ጳይና፤ ማጉ ዋድያ ኡራ፤ ዋይ ካሎ ደእያ መቶታንቻ ደምያ ዋደ።
- 20 ታ ደርሳቱዋ አክሰያፕ ኦሰቴዳ ማዩዋ ታን ኤንቱንታ ሆኤልዳዋፕ አትን፤ ኤንቱንቱካ ባረንቱ ፖሎ ዋዛናን ታና ጋላታንቶፕ አትን፤
- 21 ታን ሞቱዋን ኤንቱንታ ሻትማናዋ ኤራደ፤ እዉ ባይና ናናቱዋ ናቁዳዋ ግደፕ።
- 22 ታ ቁሲ ኩርያፕ መኦ፤ ታ ኩሺካ ሀሸያፕ ካረት ዋዴ።
- 23 ሄዋ ታን ኦ□□ናዌ ጸሳ ሙር ያይያ ድራሳን አ አንጋይ ታና ዳጋንሳያ ድራሳ።
- 24 “ታን ዋርቃን እማነቴዳዋ ግድንቶ፤ ሙሩታ ዋርቃካ፤ ‘ታን ኔናን ጨቀታይ’ ጋድታንቶ፤
- 25 ታ ዱረተላ ዳሩዋን፤ ታ ኩሺ ደሚዳ ዋድያን ታን ናሽታድታንቶ፤
- 26 አዋ ጸለላ ዋይ አግና ሎኦተላ በአደ፤
- 27 ታ ዋዛናን ጌማን ኤንቱንታ ቦንቻድታንቶ፤ ዋይ ታ ኩሸያ ፕድ ኦሳ የራደ፤ ኤንቱንታ ቦንቻድታንቶ፤
- 28 ጴቃን ደእያ ጸሳ ካዳድ ሸን። ሄ ናጋራይካ ፕርዳን ሙርሰያ ናጋራ ግዳ ሸን።
- 29 “ታ ሞርከቱዋ ጋኬዳ ኢታ ካጫን ታን ናሽታበይከ፤ ኤንቱንታ ጋኬዳ መቱዋንካ ሆሞቦጨበይከ።
- 30 ‘ታ ሞርኪ ጳዮ’ ያጋ ሸቃደ፤ ናጋራ ኦሳበይከ።
- 31 ታን ኡባ ገደ እማላ ሞክያዋ ታ ቆማቱ ታዉ ማርካቲፍ።
- 32 ሳከይ ቃሜዳ አሳ ካረን አይሳበይከ፤ ታን ታ ጎልያ ፕንግያ ኦግያና ብያዋ ኡባዉ ደያ ዋላድ።
- 33 አሳይ ቆሰያዋዳን፤ ታን ታ ናጋራ ታ ሸጽያን ቆሳበይከ።
- 34 ታን አሳ ሃሳያደ ዳጋማበይከ፤ ኤንቱንቱ ቦርያዉ ያያደ፤ ታን ጮኤ ጌዳ ዋዲን ካረ ከሰናን አኤዋ ዋዲ ባዋ።
- 35 “ታን ሃሳይያዋ ሰሰያዌ ደኤሪኔሻ! ታን ሃሳዬዳዌ ኡባይ ቱማ ግድያዋ ታን ፓራማይ፤ ኡባ ዳንዳይያ ጸሳይ ታዉ ዛሩዋ አሞ። ታ ባልጋራይ ታና ሞቴዳ ፓይሊ ደእና፤ በኣርክታሻ!

- 36 ወይቱዋዳን ታን ታ ሀሽያን ዋላና ሸን! ካላቻዳን ታ ሀጲያን ቶካናሸን!
- 37 ታን ካቸዋዳን እኮ ሸቃይ፡ ታ ኦሴዳዋ ኡባ እዉ ኦዳና ሸን!
- 38 “ታ ጎሻ ቢታይ፡ ታና ቦንቃ አካዳ!” ጊደ፡ ታ ቦላ ዋሴዳዋ ግደ፡ ታ ያፋራቱካ ታ ቦላ ዩኬዳዋ ግደ፡
- 39 ሄ ቢታን ሞኬዳ ሚሻ ታንጸናን ጮ ሚዳዋ ግደ፡ ወይ ሄ ቢታ ኦላያዋንታ ኮሻን ወዴዳዋ ግደ፡
- 40 ታዉ ዛርጋ ድራዉ አጉንላይ፡ ባንጋ ድራዉካ ሻራፋይ ሄ ቢታን ሞኮ” ያጌዳ።
- እዮባ ሃሳይ ሀዋን ፖላቲዳ።

### 32

ኤልሀ ሃሳዬ  
(32:1—37:24)

- 1 እዮብ፡ “ታን ጽሎ አሳ” ጌዳ ድራዉ፡ ሀ ሄዙ እሳቱ እዉ ዛሩዋ እምያዋ እግ ባሺድና።
- 2 እዮብ ጸሳ ጽሎዋ ግያዋ አገደ፡ ባርና ጽሎዋ ኦሴዳ ድራዉ፡ ራማ ያራ ግድያ ቡዝያ ባርኬላ ናኦይ ኤልሀ እዮባ ቦላ ሎይላ ሀንቀቲዳ።
- 3 ኤልሀ ቃይ እዮባ ሄዙ ላገቱዋካ ሀንቀቲዳ፤ እያዉ ጎ፡ ኤንቲንቲ ኦ ጮ ባይዛንቻ ጌድኖ፡
- 4 ኤልሀ ኤንቲንቲ ቲፋትያ ድራዉ፡ ኤንቲንቲ ኡባይ ሃሳያ ወርሳና ጋካናዉ ናጌዳ።
- 5 ሀ ሄዙ እሳቱ እዮባዉ ግድያ ዛሩዋ እምናዉ ዳንዳይቤናዋ ቦኢደ፡ እ ሎይላ ሀንቀቲዳ።
- 6 ቡዝያ ባርኬላ ናኦይ ኤልሀ ሀዋዳን ያገደ፡ ሃሳያ ደሚዳ፤ “ታን ላይላን ናኦታይ፤ ሀንተ ታ፡ ጭሚታ። ሄዋ ድራዉ፡ ታን ታ ቆፋ ሀንተዉ ኦዳናዉ ያያድ።
- 7 ታን፡ “ጭማቱ ሃሳይና፤ ባረንቲ ዳር ላይላን ደሚዳ አዴዳ ኤራተላ ታማርሰና” ጋይ ቆፓድ።
- 8 ሸን እሳኮ ዩደ፡ አዴዳ ኤራተላ አሳዉ እምያዋ ኡባ ዳንዳይያ ጸሳ እያና።
- 9 አሳ አዴዳ ኤራንቻ ከሰያዌ ጭማተላ ግደና፡ ወይ ልከባይ ገልያዌ ዳር ደኤዳ አሳቱዋሳ ግደና።
- 10 ሄዋ ድራዉ፡ ሰሰተ፤ ታንካ ታ ቆፋ ሀንተዉ ኦዳና።
- 11 “ቦእተ፡ ሀንተ ሃሳይያ ወደ፡ ታን ጮኤ ጋይ ሀይዛድ፤ ሀንተ ሃሳያና ቃላ ቆፓይ ናጋድ።
- 12 ታን ሀንተ ግያዋ ኡባ ወርሳ ሰሳድ፤ ሸን ሀንተ፡ ኦን እዮብ ባይዛንቻ ጊደ እማንሰቤና፤ ቃይ ሀንተ፡ ኦን አ ፓላማዉ ቦሰያ ዛሩዋ እምቤና።
- 13 እዮባ ሃሳያዉ ካልሰያ ዛሩዋ ዛሩዋ ጸሳ፡ አሳ ግደና ድራዉ፡ ሀንተ፡ “ኦን አዴዳ ኤራተላ ደሚዳ” ጌናዳን ናገት።
- 14 እዮብ ፓሎመቲዳዌ ሀንተና፡ አትና፡ ታናና ግደና። ታን ሀንተ ሃሳዬዳዋዳን እዉ ዛሩዋ እምከ።
- 15 “እዮባ፡ ኤንቲንቲ ዳጋሚደ፡ ነ ሃሳያዉ ዛሩዋ እምናዉ ዳንዳይቤከና፤ ኤንቲንቲ ሃሳይያዌ ጻዩዳ።
- 16 ኤንቲንቲ ሃሳይያዋ ጻዩደ፡ ጮኤ ጊደ ኤቆ፡ ታንካ ናጋናዉ ኮሺ።
- 17 ታዉካ ኦድያዌ ደኤ፤ ታንካ ታ ቆፋ ኦዳና።
- 18 ዳር ሃሳይያዌ ደኤያ ድራዉ፡ ታ ግድን ደኤያ እያናይ ታና ኦዳ ጊደ ግዴ።
- 19 ቦእተ፡ ታዉ ሃሳይያ ካላይ እመተናዋ ግደ፡ ታን ሆኦ ወይንያ ኤሳይ ኩሚዳ ኦጎሩዋዳን ጻቃና ሀናይ።
- 20 ታዉ ሀዋ፡ ጉላ ኬካና ማላ፡ ታን ሃሳያናዉ ኮሺ፤ ታ ደናካ ዳያደ፡ ታን ታ ዛሩዋ እምናዉ ኮሺ።
- 21 ሀ የወዋን ታን ኦናን ማድከ፡ ወይ አይ አሳን ጮ ሳቢከ።
- 22 እያዉ ጎ፡ አሳ ጮ ሳቢያዌ ታዉ ሙላካ ኤረተና። ታን ቃይ ሄዋ ሀኖ፡ ታና መዴዳዌ ታና ሙራና።

### 33

- 1 “እዮባ፡ ሀእ ታን ኦድያዋ ሰሳ፤ ታ ግያዋ ኡባ ሀይዛ።
- 2 ሃሳያናዉ ጊጋድ፤ ታ ቃላቲካ ታ እንጻርሳ ጼራን ደኤና።
- 3 ታ ሃሳይያ ቃላቲ ታ ዋዛና ሱረተላ ቆንጭሰና፤ ታን ኤርያዋ ታ እንጻርሳይ ቱማተላን ሃሳዬ።
- 4 ታና ጸሳ እያናይ መዴዳ፤ ኡባ ዳንዳይያ ጸሳ ሸምፑ ታዉ ደኡዋ እምዳ።
- 5 ኦን ዳንዳይያዋ ግደ፡ ታዉ ዛሩዋ እም፤ ኦና ጊግሳደ፤ ታናና ጋከታ።
- 6 “ቦእ፡ ታን ጸሳ ሰንላን ነ ማላ፤ ቃይ ታንካ ኡርቃ፡ መጋታድ።
- 7 ኦን ታዉ ያይያ ጋሱ ባዋ፤ ታን ኦና ናቂከ።

8 “ነ ሃሳያ ኡባ ታን ሀይዛደ ታካድ፤ ኔን ሀዋዳን ያግሽን ሰሳድ፤  
 9 ኃን ጌሻነ ቶሽ ባይና አሳ፤ ታን ጽሉዋነ ናጋራ ኦላቤና አሳ።  
 10 ሽን ጸሳይ ታና ሙራናዉ ጋሱዋ ኮዬ፤ እ ታና ባረ ሞርክያዳን ፓይዴ።  
 11 ታ ገድያ ገድያ ብራታን ቃቼ፤ ታን ታንግያ ታንጉዋ ኡባካ እ ዋቼ፣ ያጋዳ።  
 12 “ኡዮብ፣ ኔን ሀ ሃሳያን ልከ ግዳካ! እነ ታን ነዉ ኦዳይ፤ ጸሳይ አሳጥ አዴ።  
 13 ኔን፣ ጽሳይ ታን ሃሳዬዳ ሃሳያዉ ዛሩዋ እመና፣ ጋይ፣ እያዉ እናና ፓሉመታይ?  
 14 አሳይ እኩካናጥ አትና፣ ጸሳይ ሀ ዲማ ዲማ ኦግያን ሃሳዬ።  
 15 “አሳይ ቃማ ሂዳን ግሲድ፣ ገምእቹዋ ፓኑር ዋይ፣ ጸሳይ እኩሙዋንነ ሳዳን ሃሳዬ።  
 16 ሂ ዋይ አሳይ ሰሳናዳን ሀይላ ዶዬ፤ ባረ ሴራንካ እ ኡንቱንታ ዳጋገሏ።  
 17 ያቴደ አሳይ ናጋራ ኦባናዳን ተኤ፤ ኦቶሩዋካ አሳጥ ድጌ።  
 18 ጸሳይ አሳ ባሻጥ አሼ፤ ሀይቁዋጥካ ናጌ።  
 19 “ጸሳይ አሳ ሳኩዋ ሂዳን ደኦደካ፣ ባረ ባላጥ ሰማናዳን ሴራ።  
 20 ሂዋዳን ሀረድ፣ ሀርጌዳ ኡራይ ካላ እጹ፤ ዳር ማልኦ ቁማይካ እ ሸነዬ።  
 21 እ እሹካ ግልቁደ ዉራ፤ እ ቦላይካ መልና፣ መቀሳይ ፓይደቲ።  
 22 እ ሸምፓታ ዲፋዋጉ፣ እ ደኡዋካ ሀይቁዋ ኪታንቻቱዋኮ ማቴዳ።  
 23 “አዉ ሱረ ኦግያ በሰያ፣ ሻእነ ፓይደትያ ኪታንቻቱዋጥ እቱ እዉ ጋናናዉ ይንቶ፣  
 24 እዉ ቃረቲደ፣ ሳ ዲፋዋ ገለናዳን እ አሻና። ታን እዉ ዋኪያዋ ደማድ፣ ያግንቶ፣  
 25 እ ቦላይ ያላጋና፤ እ ያላጋተላ ዋልቃይካ እዉ ሰማና።  
 26 ሂ ብታኒ ጸሳ ዋሳና፤ ጸሳይ እ ዋሳ ሰሳና። ጸሳይ እዉ እ ጽሎተላ ዛርያ ድራዉ፣ እ ናሽቻን ጸሳዉ ጎይናና።  
 27 ሂ ዋይ አሳ ሰንላን እ ሀዋዳን ያጋና፤ ኃን ናጋራ ኦላድ፤ ሱረባካ ጌላያድ፤ ሽን ጸሳይ ታ ባይዘዋዳን ታዉ ጭግቤና።  
 28 ዲፋዋን ገለናዳን ታና አሼዳ፤ ሂኮ፣ ሀእ ፓጻ ደአደ፣ ፖኡዋ በእይ፣ ያጋና።  
 29 “በእተ፣ ጸሳይ አሳዉ ሀዋ ኡባ ዛር ዛሪደ ኦሌ፤  
 30 አሳ ዲፋዋን ገልጋዋጥ አሼ፤ ደኡዋን እ ናሽታናዳን ኦሌ።  
 31 “ሰም ኡዮብ፣ ታን ኦድያዋ ሀይዛደ ሰሳ። እነ ኔን ጮኡ ገና፣ ታን ሃሳያይ።  
 32 ኔን ሃሳያናዉ ኮይያዋ ደአጥ፣ ታዉ ሃሳያ። ታን ኔን ጽሉዋ ግድያዋ በሳናዉ ኮይያ።  
 33 ሄዩ ጳዮጥ፣ ጮኡ ጋይ፣ ታን ሃሳይያዋ ሰሳ። ኔና ታን አዴዳ ኡራተላ ታማርሳና” ያጌዳ።

### 34

1 ቃይካ ኤልሁ ሀዋዳን ያጌዳ፣  
 2 “ሀንተና፣ አዴዳ ኡራንቻቶ፣ ታን ሃሳይያ ሃሳያ ሰሰተ። ሀንተና፣ ኡራንቻቶ፣ ሀንተ ሀይላ ታኮ ያግተ።  
 3 እንጻርሳይ ቁማ ማልኡዋ ኤርያዋዳን፣ ሀይላይካ የዉዋ ሻኪደ ኤራ።  
 4 እነ ኔን ልከባነ ሎኦባ ሻኪደ ኤርይተ።  
 5 “ኡዮብ፣ ኃን ጽሉዋ፤ ሽን ጸሳይ ታ ሱረ ፕርዳ ታና ድጌዳ።  
 6 ታን ልከ ግዳደ፣ ዋርዳንቻዳን ፓይደታድ። ታናን ባይዘ ባይናንካ፣ እ ታና ፓጻናዳን ማዴሌዳ ያጌዳ።  
 7 “ጸሳ ቦላ እዮበዋዳን ቅለጭያ አሳይ ደኢ?  
 8 እ ኢታባ ኦላያዋንቱና ዙጥቲ፣ ናጋራንቻቱዋናካ ሀመቲ።  
 9 እያዉ ጎጥ፣ እ፣ ሳሳይ ጸሳ ናሽቻና ገደ ኦላያዋ አይነ ማደና ያጌ።  
 10 “ሂዋ ድራዉ፣ ሀንተና፣ እኩካንቻ አሳቶ፣ ታን ኦድያዋ እነ ሰሰተ! ኡባ ዳንዲያ ጸሳይ ኢታባ ሙለካ ኦባና።  
 11 ጸሳይ አሳዉ እ ኦሱዋዳን እጫ፤ እ ኦግያዳን አዉ ጭጌ።  
 12 ጸሳይ ቱሙዋጥ ኢታባ ኦባና፤ ኡባ ዳንዲያ ጸሳይ ሱረ ፕርዳ ጌላየና።  
 13 ሳእ ቦላን ጸሳዉ ማታ አሜዳዌ ኦኔ? ቃይ ቢታ ኡባ ቦላ እ ሱንሌዳዌ ኦኔ?  
 14 ጸሳይ ባረ እያናን ባረ ደኡዋ ሸምጥዋ ባረኮ ዛሪደ እክንቶ፣  
 15 እሹዋ ማዬዳ ኡባይ አት፣ ጳያና፤ አሳይ ቢታዉ ዲገ ሰማና።  
 16 “ሀንተ እኩካንቻ ግድጥ፣ ሀዋ ሰሰተ፤ ታ ሃሳይያዋካ ሀይዘተ።  
 17 ሱረ ፕርዳ አጽያዌ ቢታ ሞዳናዉ ዳንዲዩ? ያትና፣ ኔን ጽሉዋን ዋልቃማ ግድያ ጸሳ ፕርዳይ?  
 18 ጸሳይ ካተቱዋ፣ ሀንተ ሹፋርቱዋ ያጌ፤ ቃይ ቢታ ሞድያዋንታካ፣ ሀንተ ኢታ ያጌ።  
 19 ካፓቱዋ ሰምኡዋ ጼሊደ ማደና፤ ዲርያካ ማንቁዋጥ አሊደ ጼላና፣ እያዉ ጎጥ፣ ኡንቱንታ ኡባይካ እ ኦሱቱዋ።



20 ኡንቱንቱ ሄካ ብላሄ እኩከናን ሀይቃና፤ አሳይ ኡባይካ ኮኮሪደ ጻያና፤ ዋልቃማቱካ እይ አሳ ኩሺን ቦቹናን ክቻና።

21 “ጸሳይ አሳ ሄመታ ጸሌ፤ እ ታንጉታ ሉባካ ዋቹ።

22 ኢታ ኦልያዋንታ ጸሳጥ ገንፋናው ዳንዳይያ ድጽ ጎ ጹም ባዋ።

23 ጸሳይ አሳ ቦላ ፕርዳናው፣ አሳይ እ ሰንፋ ሺቃናዳን ኪሩቀ እመና።

24 ዋልቃማቱዋ እይን ኦቹናን መንግሥቱ፤ ያቲደ ኡንቱንቱ ሳእን ሀራቱዋ ዋሌ።

25 እ ኡንቱንቱ ኦሱቀ ኤርያ ድራው፣ ኡንቱንታ አት ቃማ ማታጥ ዋሊደ ጳይሴ።

26 ኡንቱንቱ ኢታተላ ድራው፣ አሳይ ኡባይ በኢያሳን እ ኡንቱንታ ሙሬ።

27 ኡንቱንቱ እ ካለናን እጸደ፣ እ እዛዙዋካ እኤዳ ድራሳ።

28 ኡንቱንቱ ሀይሳቱዋ ኡቁሲደ፣ ኡንቱንቱ ጸሳኮ ዋሳናዳን ኦሌድና፤ እካ ሀይሳቱዋ ዋሱዋ ስሴዳ።

29 ጸሳይ ጮኡ ጎጥ፣ እ ፕርዳናዌ ኦኔ? እ ባረ ሶምኡዋ ዋራ ዛርጥ፣ አሳ ማድያዌ ባዋ። እ አሳጥካ ጮራጥካ ዳራ።

30 ሄዋዳንካ፣ ጸሳው ያየና አሳቱ ሞደናዳን እሳሰካ ግጥ ግደናዳን፣ አሳይ ኡባይ ድጋናው ዳንዳየና።

31 “ኢዮባ፣ ነ ናጋራ ጸሳው ፓጸዲ? ቃይ ዛራደ ናጋራ ኦቹናዳን ገፓዲ?

32 ነ ባይዙዋ ነው ቆንጭሳና ማላ፣ ጸሳ ዋሳዲ? ሰንፋናው ኢታ ኦሱቀ ኦቹናን አጋናው ኤኖ ጋዲ?

33 “ኔን ጸሳይ ኦልያዋ እጸደ፣ ነ ጋቲ ኔን ደሰያዋዳን ሀናናው ኮያይ? ሰም ቆፋ ቃቻናዌ ኔናጥ አትና፣ ታና ግድከ። ሄዋ ድራው፣ ኔን ቆፕያዋ ታው ኦዳ።

34 እኩካንቻ አሳቱ ታን ኦድያዋ ኤኖ ገኖ፤ ታን ኦድያዋ ሰሰያ እዴዳ ኤራንቻቱካ ሀዋዳን ያገኖ፤

35 ኦሎቦ ኤራይ ፓጮና፣ ሀዋ ሃሳይ፤ እ ሃሳይያዋ ብለላይካ ባዋ፣ ያገኖ።

36 እዮብ ኢታ አሳቱዋዳን ዛሩቀ እሜዳ ድራው፣ ዉርሰላ ጋካናው ፓጩቱዳ ግዳረኔሻ!

37 እያው ጎጥ፣ እ ባረ ናጋራ ቦላ ማካላ ጉጃ፤ ኦ ሰንፋን ጸሳ ቅሊጩ። ባረ ቃላካ ዳርሲደ፣ ጸሳ ቦላ ብዴ” ያጌዳ።

### 35

1 ኤልሁ ቃይካ ሀዋዳን ያጌዳ፤

2 “ኢዮባ፣ ኔን፣ ታን ጸሳ ሰንፋን ጽሉዋ፣ ግያዌ ልኬ?

3 ቃይ፣ ታን ናጋራ ኦላ፣ ኔና እይ ቆሀይታ? ናጋራ ኦቹናን አጎጥ፣ ታን ጎኤትያዌ እዬ?፣ ያጋደ ኔን ጸሳ ኦቻዳ።

4 ታን ነው ኔናና ነ ላገቶ ዛሩቀ ሃሳያና።

5 “ጶቁ ጋደ ሳሎቱዋ ጸላ፤ ኔጥ ቦሳና ደእያ ሻረቱዋካ እነ እኩካደ በኤ።

6 ኔን ናጋራ ኦላ፣ ሄዌ ጸሳ እይን ቆሄና። ነ ባይዙ ዳርጥካ፣ ኔን ጸሳ እይን ኦላካ።

7 ጽሉዋ ግደጥ፣ አው ኔን እያ እማይ? ዋይ ነ ኩሽያጥ እ እያ እካኔ?

8 ኔን ናጋራ ኦላ፣ ነ ማላ አሳ ቆሃሳ፤ ቃይ ጽሎጥካ፣ አሳ ጎካሳ።

9 “ኡቁናይ ዳርጥ አሳይ ዋሴ፤ ዋልቃማቱዋ ኩሽያጥ ከሰ እካናው አሉዋ ጸጌ።

10-11 ሽን ኦን፣ ጸሳይ፣ ታና መዴዳዌ፣ ቃማን ማዛሙርያ እሜዳዌ፣ ሳኦ ደአቱዋጥ አሊደ፣ ኦና ታማርሰያዌን ሳሉዋ ካርቱዋጥ አዴዳ ኤራንቻ ኦና ኦልያዌ ሀቃን ደኢ?፣ ያገና።

12 ኢታ አሳቱ ዋሴና፤ ሽን ጸሳይ ኡንቱንቱ ኦቶሩዋ ጋሱዋ፣ ኡንቱንቱ አለና።

13 ሀዋ ቀሱዋ ጸሳይ ቱሙዋጥ ሰሰና፤ ኡባ ዳንዳይያ ጸሳይ ሄዋ ሀይዘና።

14 “ኢዮባ፣ ኔን፣ ታን ጸሳ በእናው ዳንዳይከ፤ ታ ሞቱ እ ሰንፋን ደኢ፤ ታን እ ናጋይ፣ ያጋሳ። ያትና፣ ነው እ ዛሩቀ እማናው፣ ነ ጋሱ እይ ኪሻ ጉጸንዴሻ!

15 ጸሳይ አሳ ሙረናባን ናጋራካ ሽኩጥ ገደ እግ አግያዋ ጋደ ቆፓይ?

16 ሄዋ ግደጥ፣ ኔን ነ ደና ጮ መላ ደያሳ፤ ኤራይ ባይና ሃሳያ ዳርሳሳ” ያጌዳ።

### 36

1 ኤልሁ ጉጃደካ ሀዋዳን ያጌዳ፤

2 “ጸሳ ደና ግደደ ታን ነው ኦድያዌ ብር ደእያ ድራው፣ ጉሳ ዳንዳይደ ሰሳ።

3 ታን ታ ኤራ ሃኩዋጥ እሃድ፤ ታና መዴዳዌ ጽሎ ፕርዳ እምያዋ ግድያዋ ታን ኔና ኤርሳና።

4 ታን ዋርዱዋ ሃሳይከ፤ ኩመንጎሳ ኤራይ ደእያ ኤራይ ኔና ደእያዋ እማና።

5 “በኤ፣ ጸሳይ ዋልቃማ፤ ሽን እ ኦን፣ ካቹና። እ እኩካንካ ምና።

6 ኢታቱዋ እ ፓጸ ዋቹና፤ ሽን ኡቁንቱዳዋንቱ ማታ እ ናግሴ።

7 ጸላይ ባረ አይፍፍ ጽሎቱዋጥ ደን።። እ ኡንቱንታ ካተቱዋና ኡትሲደ፣ መድናዉ ቆቁ ቆቁ ኦሴ።

8 ሸን አሳይ ሳንሳላታን ቃሸቶጥ፣ ዋይ ቱጋ ዋደሩዋን አይቀቶጥ፣

9 እ ኡንቱንቱ ኡሱዋን ኡቶሩዋን ኡንቱንቱ ኦሴዳ ናጋራ ቆንጭሴ።

10 ሴራ ሰሳናዳን ኡንቱንቱ ሀይላ ደዬ፤ ናጋራጥ ሰማናዳንካ እ ኡንቱንታ አዛዘ።

11 ኡንቱንቱ ሰሲደ፣ አዉ ኦሶጥ፣ ባረንቱ ላይላ እሻሉዋንካ ዋጋን ወርሳና።

12 ሸን ኡንቱንቱ ሰሰናን አጸጥ፣ ማሻን ወራና፤ ኡንቱንቱ ኡራ ሳይዳ ድራዉ ሀይቃና።

13 “ጸላ አማነና አሳቱ ባረንቱ ዋዛናን ሀንቁዋ ዳጋዪና፤ እ ኡንቱንታ ሙርያ ዋደካ፣ ማዳ ጊደ ዋሰክና።

14 ኡንቱንቱ ባረንቱ ያላጋተላን ሀይቁና፤ ኡንቱንቱ ደኡካ ዬሳን ወሬ።

15 ጸላይ ቱጋትያዋንታ ኡንቱንቱ ቱጋን ታማርሴ፤ እ ኡንቱንቱ መቱዋ ባጋና ኡንቱንታ ሰሴ።

16 “ጸላይ ኔና መቱዋጥ ከሲደ መቱ ባይና እኮ ሳኦ አፌዳ፤ ነ ምያ ማሶፍያንካ ሞቆዋ ጉፔዳ።

17 ሸን ሀእ ኢታቱዋ ፕርዳ አካዳ፤ በሰያ ሙራካ አካደ ደአሳ።

18 ኔና ኦንነ ዲራተላ በሲደ ጭመናዳን፣ ዳሮ ማታይያንካ ባለ።ናዳን ናገታ።

19 ነ ማጶዋ ዳሩ ዋይ ነ ምናተላይ ኔና መቱዋጥ አሻኔ?

20 አሳቱ ባረንቱ ሳኦጥ ሳይያ ቃማይ ያናዳን አዋቶጋ።

21 ሀ መቱ ኡባይ ኔና ጋኩዳዌ፣ ኔና ኢታጥ አሻናሳ። ሄዋ ድራዉ፣ ኢታተላዉ ጉዮ ሰመናዳን ኔና አኩካ።

22 “ጸላይ ባረ ዋልቃን ቆቁ ቆቁ ጌዳ! እ ማላ አስታማሪ ኦኔ?

23 ሀዋ ኦላ” ጊደ ጸላ አዛዝያ አሳይ፣ ዋይ፣ ኔን ኢታ ኡሱዋ ኦላዳ፣ ያጋናዉ ዳንዳይያ አሳይ ባዋ።

24 አሳይ ማዛሙርያን ሳቤዳ እ ኡሱዋ ኔንካ ሳባናዉ ሀሳያ።

25 አሳይ ኡባይ ጸላ ኡሱዋ በኤዳ፤ ሸን በኢደ፣ ሃኩዋን በኤዳ።

26 በአተ፣ ጸላይ ዋልቃማ! እ ግታተላ ኦን እኩክሶኮ፤ እ ላይላ ጮራተላይካ ገይድና ጋከተና።

27 “ጸላይ ሃላ ሳኦጥ ፑደ ሳሉዋ አፌ፤ ያን አራ ከሴ።

28 ሄ አራይ ሻርያጥ ከሲደ፣ አሳዉ ዳሮ ቡካናዳን ኦሴ።

29 ሻሪ ዋን ዩይንቶ፣ ዋልቃንላይካ ጸላይ ደአያ ሳሉዋን ዋን ጉምንቶ፣ ኦንነ ኡሪና።

30 እ ባረ ዩሹዋን ዋልቃንላ ፖኡዋ ላሊ፤ ሸን አባ ጨማ እ ቆማን ካሜ።

31 አራ ቡክሰያዋን ባረ አሳዉ ዳሮ ካላካ ሞክሴ፤ ሀዋዳን ኦሴደ ጸላይ አሳ ኡባ አይሴ።

32 እ ዋልቃንላ ባረ ኩሸንን አይቄ፤ ባረ ሀልቼዳ ሳኦ ሾጫናዉ አዛዘ።

33 ጉጉንላይ ጉምያዌ ኡሹ ኡሹታናዋ አዋዬ፤ መሄካ ኡሹ ይያዋ ኡራ።

### 37

1 “ኡሹ ታ ዋዛና ድድቅሴ፤ ባረ ደአያ ሳንካ ፕራ።

2 ኡባይካ ጸላ ኮሻ፣ ጉጉንላዳን ጉምያ እ ቃላ ሰሰተ።

3 እ ሳሉዋ ኡባጥ ከትያ ዋልቃንላይ ቢታ ጋጸጥ ጋጸ ጋካናዉ ቤቱ።

4 ሄዋጥ ጉይያን፣ እ ጉንላ ኮሻይ ሰሰቱ፤ ባረ ዋልቃማ ኮሻን ጉሜ፤ እ ኮሻይ ሰሰትያ ዋደ፣ ባረ ዋልቃንላ ተኤና።

5 ጸላ ኮሻይ ማላልሰያ ጉንላ ጉሜ፤ ኦን እኩካናዉ ዳንዳየና ዋልቃማባ እ ኦሴ።

6 ሻቻ እ፣ ‘ሳኦን ዋቆ!’ ያጌ፤ ዋልቃማ አራካ፣ ‘ቡካ’ ያጊደ አዛዘ።

7 “አሳይ ኡባይ እ ኡሱዋ ኡራና ማላ፣ ሄ ዋደ ባረ ኡሱዋ ኡሱዋ አጋናዳን ኦሴ።

8 ደአቱካ ባረንቱ ጌሱዋ ጌሱዋ ገሊኖ፤ ያን ኡቱና።

9 ገድሳ ባጋጥ ጎቲ ዬ፤ ሁጲሳ ባጋጥካ ሜጉ ዬ።

10 ጸላይ ሲድያና ሸምፕያ ሸምፕዋጥ ሻቻይ መፍ፣ ሄዋን እኮ ሃላቱካ ሹቻዳን ሞኔ።

11 ሻሪ ሃላ ቶካናዳን እ ኦሴ፤ ባረ ዋልቃንላካ ሻርያ ግደን ላሊ።

12 እ ካላሉዋን ሻሪቱ ዩይ ዩይ አጂኖ፤ እ አዛዝያዋ ኡባ ኡንቱንቱ ሳኦ ቦላ ኦሴና።

13 ጸላይ አራ ቡክሰያዌ ቢታ አርጽሳናሳ፣ ዋይ አሳ ሙራናሳ፣ ዋይ ባረ ሲቁዋ ኡንቱንታ በሳናሳ።

14 “ኡዮባ፣ ሀዋ ሰሳ፤ ጸላይ ኦሴዳ ማላልሰያ ኡሱዋ ታክ ጋደ አከካ።

15 ጸላይ ሻራቱዋ ዋት አዛዝንቶን ባረ ዋልቃንላካ ዋት ዋልቃንላንቶ ኡራይ?

16 ሻራቱ ሳሉዋን ዋን ቶክቶጥን ቃይ እ ኡራይ ፖሎ ግዴዳ ጸላይ ኦሴዳ ማላልሰያ ኡሱዋ ኔን ኡራይ?

17 ገድሳ ጫርኩ ዬደ፣ ቢታ ሞሸሰያ ዋደ፣ ኔን ሆምቢያን መቶታናጥ አትና፣ ሙላካ ሄዋ ኡራካ።

18 ጸላይ ሳሉዋ ማሰቶትያዳን ፕድ ኦሴደ ሞጭያ ዋደ፣ ኔን እ ማዳናዉ ዳንዳይያ?

- 19 ኮን ኤራ ፓጫ ግድያ ድራሬ ሃሳያናዊ ዳንዳዮኮ፤ ኮን ጸሳዉ ዋግ ሃሳያንነቶ፥ ኔን ኑና ታማርሳ።
- 20 ጸሳና ሃሳያና ጋደ ታን ኦቾከ፤ እ ታና ጳይሳና ማላ፥ ታን እያዉ እ ደን፳ሬላይታ?
- 21 ጫርኩ ሳሎቱዋ ፕቲደ ጌሼዳዋፕ ጉይያን፥ ሳሎቱዋን ጸልያ እዋ ፖኤዋ እሳይ ጸላናዉ ዳንዳዮና።
- 22 ሁጲሳ ባጋና ዋርቃ ማላትያ ፖኤ ቤቲ፤ ጸሳይካ ያሸያ እንጋን ቆንጩ።
- 23 “ኮን ኡባ ዳንዳይያ ጸሳ ማታ ሺቃናዉ ዳንዳዮኮ፤ እ ዋልቃይ ዋልቃማ። እ ባረ ቱሙ ፕርዳንን ባረ ዋልቃማ ጽሎተሳን ግታ።
- 24 ሄዋ ድራሬ፥ እሳይ እዉ ያዩ፤ ባረጎታ አዴዳ ኤራጎቻ ግያዋንታ ኡባቱዋ እ ጸላና” ያጌዳ።

### 38

መድና ጎዳይ እዮባዉ እሚዳ ዛሩዋ  
(38:1—41:34)

- 1 ሄዋፕ ጉይያን፥ መድና ጎዳይ ጎትያ ግደፕ እዮባዉ ሀዋዳን ያገደ ዛሬዳ፤
- 2 “ኤር ባይና ሃሳያን ታ ዘርያ ቶቾያዋ እ ሀዌ ኦኔ?
- 3 እነ ኔን አሳዳን ነ ጸሳ ዳንጫ ደንዳይ፥ ታን ኦቾያዋ ታዉ ኦዳ።
- 4 “ታን ሳአ መድያ ዋደ፥ ኔን ሀቃን ደአይ? እነ ነዉ እኩካይ ደአፕ፥ ታዉ ኦዳ።
- 5 ሀ ሳአይ እይ ኬሻ ግዳናዉ በሰንቶ፥ ሄ ቆፋ ቃቼዳዌ ኦኔ? ልክያ ዋደሩዋካ ሳአ ቦላ የጌዳዌ ኦኔ? ሄዋ ዛሩዋ ኡባ ኤራይ?
- 6 ሳአ ቱቅቱዋ ኩንደናዳን ምንሰ እይቁዳዌ አዩ? ሳአ ባሶ ኮይር ሹቻ ዋልዳዌ ኦኔ?
- 7 ሄ ጋለሰ ምንታ ጸልንተቱ እትፕ የጸዳዋን ኪታንቻቱ ኡባይ ናሸቻዉ እልሌዳዋ ኔን ኤራይ?
- 8 “አባ ሃላይ፥ ቢታ ጎምፓፕ ቆቂደ ከሰያ ጋለሰ፥ እ ፕንገቱዋ ጎርዴዳዌ ኦኔ?
- 9 አባ ሻርያ ማይዜዳዌ፥ ቃይ ቆማንካ ጸጸ ዋልዳዌ ታና።
- 10 አባዉ እ፳ና ዛዋ መዴዳዌ፥ እ ፕንግያን እ ኩልቡዋ ሳአን ዋልዳዌ ታና።
- 11 ታን፥ ሳዋ ጋካ፤ ሸን ሀዋፕ አዶፓ፤ ነ ዋልቃማ ቤታይካ ሄዋን ኤቆ” ያጋድ።
- 12 “አዮባ፥ ኔን የለቶደፕ አዋይ ዋንታ ጉራና ከሳናዳን እዛዛ ኤራይ።
- 13 ቢታ ጋጸን ፖኤዋ በሳና ማላነ ኢታ አሳቱዋካ ኡንቱንቱ ቆሰቲዳ ሳፕ ቆንጭያ ከሳና ማላ፥ ኔን ዋንታ እዛዛ ኤራይ?
- 14 ጋለሳ ፖኤ ዘዛቱዋን ዛንጋራቱዋ ዳኮደ ዋልዳ ማዩ ኤቁዳዋዳን ቤታናዳን ኦሌ፤ ቃይ ኡርቃ ሚሻ ቦላ ዋልዳ ማታፋዳን ጌሺደ በሴ።
- 15 ኢታቱ ባረንቶ ፖኤ ግ ዋልዳ ቆማይ ጳዩ፤ ኡንቱንቱ ማካላዉ ደንሰያ ኩሺካ መኤ።
- 16 “ጩማ አባ ግደ ገላደ፥ ፕልቱዋ በአድ? ዋይ እሳይ ጋክ ኤረና አባ ግዲዋ ፓጫ ጸላ ኤራይ?
- 17 ሀይቁዋ ፕንገቱዋ ኔና ኦንንቶ በሴዳ? ዋይ ድጵ ጎ ቆማ ፕንገቱዋ በአድ?
- 18 ሳአይ እይ ኬሻ ዋልቃማንቶ ኤራይ? ሄዋ ኡባ ኔን ኤርያዋ ግደፕ፥ ታዉ ኦዳ።
- 19 “ፖኤ ደኢያሳ አፍና ኦጊ ሀቃን ደአ? ቃይ ቆማይ ደአያ ሳአይ ሀቁ?
- 20 ኡንቱንታ ኔን ኡንቱንቱ ጎለ ጎለ አፋናዉ ዳንዳያይ? ኡንቱንቱ ደኢያሳ አፍና ኦንቱዋ ኔን ኤራይ?
- 21 ኔን ሳአይ መ፳ትያ ዋደ የለቲዳ ድራሬን ዳር ላይላካ ደኤዳ ድራሬ፥ ሄዋ ኤረናን አገካ!
- 22 “ሱፓ ሻቻይ ምንጀትያሳ ገላዳ? ኦርዶ ሻቻይ ደረቲዳሳካ በአድ?
- 23 ታን ኡንቱንታ መቶ ዋድያዉ፥ ኦላ ዋድያዉን ቶራ ጋላሳዉ ምንጃ ዋላድ።
- 24 ዋልቃንላይ ከሰያ ሳአ አፍና ኦጊ ሀቃን ደአ? ዋይ አዋይ ዉልያ ባጋ ጫርኩ ሀቃፕ ከሲደ ጫርኪ?
- 25 “ዋልቃማ እራይ ዋድያ ሎሱዋ ገግሴዳዌ፥ ጉጉንላዉ ኦግያ ከሴዳዌ ኦኔ?
- 26 እሰ ደኤና ባዙዋን እራ ቡክሰያዌ ኦኔ?
- 27 መላ ባዙ እራ ሃላን ሹጊደ፥ ሎኦ ማታ ሞካናዳን ኦሌዳዌ ኦኔ?
- 28 “እራዉ ዋይ ከተርሳዉ እዉ ደአ?
- 29 ኦርዶ ሻቻዉን ቡርጪ ሻቻዉ አታ ደአይ?
- 30 ዳር እርጸተላይ ሃላ ሹቾዳን ምንሴ፤ አባ ሃላዉ ቦላ ባጋካ ሻቻ ከሴ።
- 31 “ፕልያድሳ ጌትትያ ጸልንተቱዋ ጭታ እትፕ ጋላደ ቃቻናዉ ዳንዳያይ? ኦርዮና ጌትትያ ጸልንተቱዋ ጭታይ ቃሸቲዳ ዋደሩዋ ብላሳናዉ ዳንዳያይ?
- 32 ጭታን ጭታን ደአያ ጸልንተቱዋ ኡንቱንቱ ዋድያን ዋድያን ከሳናዉ ዳንዳያይ? ዋጋ ቤርያን ቁር ቤርያ ጌትትያ ጸልንተቱዋ ጭታቱዋ እትፕ ካለሳናዉ ዳንዳያይ?

- 33 ሳሎቱ እቅያ ህግያ ኔን ኤራይ? ዎይ ሄ ህጊ ሳእን ሞዳናዳን ኦላናው ዳንዳያይ?
- 34 “ድኡ ኔና ሙካናዳን እራ ቡክሳናው፡ ነ ቃላ ቋቁ ኦላደ፡ ሻራቱዎ እዛዛይ?
- 35 ዋልቃንጎቱ ቢደ ዪደ፡ ሂኮ፡ ሀእ እይ ኦሊኖ፡ ጋና ማላ፡ ኔን ኡንቱንታ እዛዛናው ዳንዳያይ?
- 36 ሃላ ካሮ እቋዳ ኤራ፡ ኩቱዎ እወርያውካ እኪካ እሜዳዌ ኦኔ?
- 37-38 ባሮ ኤራን ሻራቱዎ ፓይዳው ዳንዳያይዎ ኦኔ? ባና ሙናቂደ፡ ኡርቃ ከሲደ፡ ሞንሳናው ሳሉዎ ሻራቱዎ ገደ ኦሊደ፡ ሃላ ዲገ ትግያዌ ኦኔ?
- 39-40 “ጋዎቱ ኡባይ ባረንቱ ጌሱዋን ጌሱዋን ግሰ ደእሸን ዎይ ዙገደ ናግሸን፡ ኔን ኡንቱንቶ ምያዎ ሻንካታደ እማናው ዳንዳያይ? ዎይ ኮሻት ኡቲዳ ኡንቱንቱ ማራቱዎ ካልሳናው ዳንዳያይ?
- 41 ቁሮቱ ኮሻት ብቻርዎ ዎይ፡ ኡንቱንቱ ማራቱካ ምያዎ ደማናው ታው፡ ጸሳው፡ ዋሲያ ዎይ፡ ኡንቱንቶ ምያዎ እምያዎ ኦኔ?

### 39

- 1 “ደርያን ደእያ ገንኤቱ እወደ የለኖንቶ፡ ኔን ኤራይ? ጋራቱ ባንኪደ፡ ባረንቱ ማራቱዎ የልያ ዎደ በእድ?
- 2 ኡንቱንቱ ኩንሲደ፡ ዎይሳ ኬሻ እግና ጋምእኖንቶን ቃይ እወደ የለኖንቶ ኤራይ?
- 3 ኡንቱንቱ ጉልባቲደ፡ ባረንቱ ማራቱዎ የልያዌ እወደንቶ ኤራይ?
- 4 ኡንቱንቱ ማራቱ ባዙዋን ድጩደ ምኒኖ፤ ባረንቱ እየቱዎ ማጋጥ ቢኖ፤ ላኤንሶ ጉየ ሰምክኖ።
- 5 “ደንባ ሃረቱ የዳ ደእናዳን ኦሊዳዌ ኦኔ? ቃሹዋጥ ኡንቱንታ ብል የዳዳዌ ኦኔ?
- 6 ኡንቱንቶ ታን ባዙዎ ደእያሳ ኦላደ እማኖ፤ አሳይ ባይና ላዳ ቢታ ኡንቱንቱ ደእናዳን ኦላድ።
- 7 ካታማ ጫቡዋጥ ኡንቱንቱ ሃኪደ ደእኖ፤ ላግያዋንቱ ዋሱዋካ ሰሰክኖ።
- 8 ኡንቱንቱ ደራቱዎ ባረንቶ ሄመትያ ሳእ ኦሊኖ፤ ሄዋን ምያ ሙልእ ማጋ ቆሪኖ።
- 9 “ሙንላይ ነወ ኦላናው ኤኖ ገንዳ? ዎይ ነ ጋጸታን ቃማ አቃንዳ?
- 10 ሳሻና ማላ፡ ኔን አ ዋጸይ? ዎይ ግንዳ ጎቻናዳን አ ኦላናው ዳንዳያይ?
- 11 ኔን አ ዎልቃ ምኖተላን አማነታይ? ነ ዳቡርሲያ ኦሱዎ አ ኦላናዳን፡ እወ የጋ አጋይ?
- 12 አ ሰሚደ ዪደ፡ ነ ካሳ ቆጸያ ነ ኡዳማዉ ሸሺ ጋደ ኔን አን አማነታይ?
- 13 “ሰጎናታ ባረ ቀፍያ ኤላካ ቃሳው፤ ሸን ሰጎናት ቀፈቱ ሳንጋቱዎ ቀፈቱዋን ባለቱዎ ማላ ግድክኖ።
- 14 ሰጎናታ ባረ ቁቁልያ ቢታን ቁቁላው፤ ባናይ ሆኤላናዳን አጋው።
- 15 ገዲ ሙንላና ዎይ፡ ‘ባዙዎ ደእቱ የቆና’ ጋደ ቆፑኩ።
- 16 ምራቱ ባረዎ ግደናዎዳን ፓይዳደ፡ ኡንቱንቶ መቀላ አታው። እ ዳቡራይ ኡባይ መላ አትያዌ እወ እያን ማላተኖ።
- 17 እያው ሳጥ፡ ታን ጸሳይ እዙ እቋዳ ኤራተላ ድጋድ፤ ታን እኪካካ እወ እማበይከ።
- 18 ሸን ደንዳደ እዛ ዎጸያ ዎይ፡ ባረናና ናሰትያ ፓራ ቦላን ፓራው ቦላ ሚጫው።
- 19 “እዮባ፡ ፓራቶ ዎልቃ እሜዳዌ፡ ዎይ ፓራቱዎ ሞርግያ ጎቶሾ ጋማ ማይዜዳዌ ኔኔ?
- 20 ፓራቱ ቦልያዳን ጉፓናዳንን ያሸያ ዳሪሳ ኡንቱንቱ ዳራናዳን ኦሊዳዌ ኔኔ?
- 21 ፓራቱ ዛንጋራን ቢታ ቦዲኖ፤ ባረንቱ ዎልቃንካ ናሸቲኖ፤ ያቲደ ኦላ ሚሻቱዎ ዳንጩዳዎንቱና ጋከታናው ኦላ ደምባ ፕሪጸኖ።
- 22 ያሻ ግያዎ ኡንቱንቱ ሙላካ ኤርክኖ፤ ኡንቱንታ እያይነ ዳጋጋ፤ ኡንቱንቱ ቦላ ማሻ ዛረፍጥን ጉየ ሰምክኖ።
- 23 ኡንቱንቱ ቶግያ ኦላንቻቱ ኦይቄዳ ኦላ ሚሻቱ ጸሊደ፡ እቱ እቱዋና ጋከቲደ ገረቲኖ።
- 24 ፓራቱ ፓቹሪደ ያሸሲደ፡ ኦላው ሰንሳው ፕሪጸኖ። ማላካታ ፑኡሳ ኮሻ ሰሰያ ዎይ፡ ጮኤ ገደ ኤቃናው ዳንዳይክኖ፤
- 25 ማላካታ ፑንያ ዎይ፡ ‘ሀያሸ!’ ያገኖ። ኦላ ፔኩዎ ሃኩዋን እኪኖ፤ ኦላ ጋዳዋቱ እዛዘያ እዛዙዋን ኦላንቻቱዎ ጩቁዎ ሰሲኖ።
- 26 “ጋጩ ባረ ቀፍያ ገድሳ ምጩደ ፓላናው ዳንዳያናዳን፡ እቋዳ ኤራተላ እወ እሜዳዌ ኔኔ?
- 27 አርጋንላይ ዩደ ከሲደ፡ ባረ ጎልያ ቋቃ ደራቱዋን ኬጸናው ነ እዛዙዎ ናገ?
- 28 አርጋንላይ እፋዎ ደናን ባረ ጎልያ ኬጸደ ደኤ፤ ዛላቱዎ ዛላቱካ እወ ጌሱዎ ግዴድኖ።
- 29 ሄዋን ኡቲደ፡ ባረው ምያዎ ዎቹ፤ አ እይፊ ሃኩዋጥ ደሚ።
- 30 አርጋንላ ማራቱ ሱላ ኡሸኖ፤ ባኩታይ ደእያ ሳን ሀቃንካ አ ሸቄ” ያጌዳ።

### 40

1 መድና ጎዳይ እዮባ፡

2 “እዮባ፣ አሳይ ኡባ ዳንዳይያ ጸሳና ሞተቲደ፣ ሻትም ኤሪ? እነ ጸሳና ሞተትያ ኡራይ አዉ ዛር” ያጌዳ።

እዮባ ዛሩዋ

3 ሄዋፕ ጉይያን፣ እዮብ መድና ጎዳዉ ዛሪደ፣ ሀዋዳን ያጌዳ፤

4 “አቤት ጸሳዉ፣ ታን ፓር፣ ላፋ አሳ፤ ታን ነዉ ዎታ ዛራናዉ ዳንዳይያታ? ታን ታ ደናን ታ ኩሽያ ዋሳደ።

5 ታን አት ገደ ሃሳያድ፤ ሸን ታዉ ዛርያዌ ባዋ። ላኤንሉዋ ሃሳይከ” ያጌዳ።

ጸሳይ ቃይካ ሃሳይ

6 ሄዋፕ ጉይያን፣ መድና ጎዳይ ጎትያ ግደፕ እዮባዉ ሀዋዳን ያጌዳ፤

7 “አቲማ አሳዳን፣ ኦሳ ዳንጫ ደንዳደ፣ ታን አችያዋ ታዉ ኦዳ።

8 ኔን ታና ባይዛንቻ ከሳና ሀናይ? ነዉ ጸሉዋ ግዳናዉ፣ ታና ዋርዲዋ ከሳይ?

9 ጸሳ ዋልቃ ማላ ዋልቃይ ነዉ ደኢ? ጸሳይ ጉምያዋዳን ኔን ጉማናዉ ዳንዳይያይ?

10 ሄዋ ግደፕ፣ እነ ነ ቦንቹዋን፣ ግታተሳን ደንዳ! ነ ፑላነ እንገ ማያ!

11 ነ ሀንቁዋ ቦሻ እነ ትጋ፤ ኦቶሪትያ አሳ ኡባ ጸላደ፣ እነ ካዉሻ!

12 እነ ሎይሳ ጸላደ፣ ኦቶሪትያ ኡባ ዬላያ፤ ኢታ ኦልያዋንታ ኡባ ኤንቲንቲ ደእያ ሳን የቆ!

13 ኤንቲንቲ ኡባ ቢታን ሞጋ፤ ዲፋዋ ዲገ ዋሳደ፣ ኤንቲንታ ጎርዳ።

14 ያቶፕ፣ ነ ዋልቃን ኔን ጸናናዋ ታን ነዉ ማርካታና።

15 “ታን ኔና መዲዳዋዳን መዲዳ፣ ብሄሞታ ግያ ደእ እነ ጸላ! እ ቦራዳን ማታ ሜ።

16 አ ጸሳን ደእያ ዋልቃይነ አ ኡሉዋ ካሜዳ ሻያ ምናተሳይ ሎይሳ ዳር።

17 አ ዲፊ ዝጋዳን ሰት ግ ኡቲዳ፤ አ ገድያ ጸጸቲካ ምኑዋን ደቀቲዳዋንታ።

18 አ መቀላቱ ናሰያ ቦምባ ማላ፤ አ ገዲካ ብራታ ዛንገቲዋ ማላ።

19 “ጸሳይ መዲዳ መጋታቲ ኡባፕ አ ኦድ ማላልሰያዋ። አ መዲዳዋፕ አትና፣ አ ጸናናዉ ዳንዳይያዋ ባዋ።

20 ደእይ ኡባይ ካእያ ዘዚ አዉ ምያዋ ሞክሴ።

21 አጉንሳይ ደእያ ሞላ ጋርሳን ግሴ፤ ማቃ ግደን ጫርያን ቆሰቲ።

22 አጉንሳይ ደእያ ሞላቲ ባረንቲ ኩዋን አ ገንሰኖ፤ ሻፋ ደናን ደሊያ ሞላቲ አ ካሚና።

23 ሻፋይ ኩሚደ ጎግያ ዋደካ ዳጋመና፤ ዮርዳናሳ ሻፋይ አ ሰምኡዋን ጳርጨትያ ዋደካ አ ሳር ደኤ።

24 አ እይፍያ ቶይሲደ፣ አ ኦይቃናዉ ዳንዳይያ አሳይ ደኢ? አ ሲድያካ ጲርያ ቃራን ጫድ ኦይቃናዉ ዳንዳይያዋ ኦኔ?

# 41

1 “ኔን ለዋታና ግያ ዳዊያ ሞልያ ኦይቂያ ማንጸቁዋን ኦይቃናዉ፣ ዋይ አ እንጸርሳ ዋደሩዋን ቃቻናዉ ዳንዳይያይ?

2 አ ሲድያን ዳፋዋ ገልሳናዉ ዳንዳይያይ? ዋይ አ ጋጩዋ ማንጸቁዋን ጫዳደ ኦይቃይ?

3 አ ኔና፣ ሳያና ታና የዳርኩ? ያጌደ ዋሳኔ? ዋይ አ ነዉ ማልኦ ቃላን ሃሳያኔ?

4 ኔን አ መድናዉ ነ ቆማ ኦላናዉ፣ አ ኔናና ጫቁዋ ጫቀታኔ?

5 አሳይ ካፋዋና ካእያዋዳን፣ ኔን አናና ካእይ? ዋይ አ ቃቻደ፣ ነ ማጫ ቆማቶ ካእናዳን እማይ?

6 ሞልያ ኦይቂያዋንቲ አ ጋትያን ፓሉመቲኖ? ዋይ ዛልእንቻቲ አ ቃንጸራሌደ ዛልእኖ?

7 ኔን አ ጋልባ ማሞያዋን፣ አ ሀ-ጲያካ ጎማን ጫዳደ ቆሀና ዳንዳይያይ?

8 እነ አ ነ ኩሽያን ቦቻ፤ ኔን አናና ባጸቲዳ ባጸያ ሀሳያደ፣ ላኤንሳደ አናና ባጸታናዉ ካጃላካ!

9 “ሄ ዳዊያ ኦይቃናዉ ካጃልያዌ መላ፤ ሀራይ አትና፣ አ በኤዳ ኡባይካ ያሻዉ ኮኮራ።

10 አ ግሴዳሳፕ አ ደንጋሳናዉ ኦንጎ ጸለና፤ ያትና፣ ታ ሰንሳን ኤቃናዉ ዳንዳይያዌ ኦኔ?

11 ዛራ እማ ጋናዉ፣ ታዉ ኮሪር እሜዳዌ ኦኔ? ሳሉዋፕ ጋርሳና ደእያባይ ኡባይ ታዋ።

12 “ለዋታና ገደቲዋ፣ አ ዋልቃማ ዋልቃባነ አ ሎእያ ቦላባ ሃሳይያዋ ታን አግከ።

13 አ ጋልባ ቃራናዉ ዳንዳይያዌ ኦኔ? አ ደና ብጸላና ዳንዳይያዌ ኦኔ?

14 ያሸያ አቻይ ደእያ አ ጎሳጩዋ ፖቃናዉ ዳንዳይያዌ ኦኔ?

15 አ ዘክያ ጋልባይ እቲ እቲዋ ቦላን ደራቲዳነ ሹቻዳን ምኑዳ ጎንዳላቲዋ ማላቲ።

16 ኤንቲንቲ እቲ እቶ ሎይሳ ማታቲዳ ድራዉ፣ ኤንቲንቲ ግዳዋና፣ ሀራይ አቶ፣ ጫርኩካ አቆናዉ ዳንዳይያና።

17 ኤንቲንቲ ኡባይካ እቲ እቲዋና ጋከት ኡቲዳ ድራዉ፣ ኤንቲንታ እያይነ ሻከና።

18 “አ ሂድሽያ ዋደ፣ ጸልቁ ግያ ፖኤ ከሴ፤ አ አይፈቲካ ሞንታ ጸልቂያዳን ዘኢኖ።

- 19 እ ድናገር ታማ ላጩ ከሴ፤ ታማይካ ፕሪደ ዋዴ።
- 20 ገንትያ ድስትያገ ጋርሳ ገጋና ኤጸያ ማቃጠ ከሰያ ጨዋዳን፤ እ ሲድያገ ጨዋይ ከሴ።
- 21 እ ሲድያና ከሰያ ሸምፑ ጸጸጸጎላ ሰንቁሴ፤ ታማ ላጩካ እ ድናገር ከሴ።
- 22 “እ ሞርግያን ዋልቃይ ደእያ ድራው፤ እ ሎይሳ ያሸያዋ።
- 23 እ እሹ እትገ ኑከት ኡቴዳ ድራው፤ እ ሰላይ ብራታዳን ምኔ።
- 24 እ ዋዛናይ ሹቻዳን ሞና፤ ጋጭያ ዋጸዳንካ ሞና።
- 25 እ ደንድያ ዋዴ፤ ሞናቴካ ያዪኖ፤ እንቱንቱ ዳጋሚደ ባቃተኖ።
- 26 እኮ ጋክያ ማሻይ እይነ አላለ ከሰና፤ ቶራይ፤ ዋይ ኡዳይ፤ ዋይ ጎማይ እ እይነ ኦፍ።
- 27 ብራታ እ ዳላዳን፤ ናሃሰያካ ሙሴዳ ሞላዳን ገይዴ።
- 28 ዋንዳፍያ አዳይ እ ባቃትሰና፤ ያምባርሻን ኦልያ ሹቻይካ እው ሱላ ማላ።
- 29 ዱላይ እው እት ቡጸ ማላ፤ ቶራ ጸንግያ ዋዴ፤ ቅሊጨደ ሚጨ።
- 30 እ ኡሉዋ ሰላን ደእያ ጋልባይ መኤሪቴዳ ኮንኣዳን ቃራ፤ ኡርቃና እ ብያ ዋዴ፤ ማራሻዳን

ቢታ ጸልቁ።

- 31 “እባ ገንቲዳ ሃላዳን ቡኬ፤ ጸሩዋ ግደን ገንትያ ዛይትያዳንካ ቡልቡልሴ።
- 32 ባረገገ ጉና ጸልያ ኦግያ ከሴ፤ እባ ሃላካ ሰላ ሆሞ ለሚ።
- 33 ቢታ ሰላን እ ማላ መፍት ባዋ፤ እ ያይ ኤሪና መፍት።
- 34 ኡይሳ ዋልቃማ ግዴዳ መፍትቱዋ ኡባ እ ዝቄ ኦሲደ ጸሌ፤ ደኣ ኡባት እ ካተ” ያጌዳ።

### 42

#### እዮባ እንጂዋ ዛር ደሙሳ (42:1-17)

- 1 ሄዋገ ጉይያን፤ እዮብ መድና ጎዳው ሀዋዳን ያገደ ዛራዳ፤
- 2 “እን ኡባባ ኦላናው ዳንዳይያዋነ ነ ሀልቹዋካ ድጋናው ዳንዳይያዋ ባይናዋ ታን ኤራይ።
- 3 “ላ ሀ ኤራይ ባይናን ታ ዘርያ ገንሰያዋ ኦኔ?” ያገደ ታና ኦቻዳ። ቱሙገ ታን ታው ገልቤናባ ሃሳያድ፤ ታ ኤራገ ሃኬዳ ማላልሰያባ ሃሳያድ።
- 4 “እን ታና፤ ናታን ኦድያ ዋደ ሀይዛ፤ ታን ኦቻያ ዋደ ኦዳ፤ ያገደ።
- 5 “ናታን ካሰ ነባ ታ ሀይላን ሰሳድ፤ ሸን ሀእ ታ እይፍያን ኔና በእድ።
- 6 ሄዋ ድራው፤ ታን ሃሳዬዳዋ ታና ዬላዬዳ። ታን ብድንጎላን ባናን ኡታደ ገጸይ” ያጌዳ።
- 7 መድና ጎዳይ ሀዋ እዮባው ሃሳዬዳዋገ ጉይያን፤ ተማናገ ዬዳ ኤልፋዛ ሀዋዳን ያጌዳ፤ “ታ ቆማ እዮብዋዳን፤ ህንተ ታዋ ልክ ሃሳይቤና ድራው፤ ነ ሰላን ነ ላኡ ላገቱዋ ሰላ ታ ሀንቁ ኤጸ ከሴዳ።
- 8 ሄዋ ድራው፤ ሀእ ላፑን ኮሩማቱዋነ ላፑን ድርሳ ኦርገቱዋ እኪደ፤ ታ ቆማ እዮባኮ ቢተ፤ ጸግያ ያርሹዋ ሀንተ ባይዘ ያርሹተ። ታ ቆማይ እዮብ ህንተው ዋሳይ፤ ታንካ እ ዋሳ ሰሳድ፤ ህንተ ባይዘዋዳን ሙርከ። ህንተ ታ ቆማ እዮብዋዳን ታባ ልክ ሃሳይቤይክታ” ያጌዳ።
- 9 ሄዋገ ጉይያን፤ ተማናገ ዬዳ ኤልፋዛ፤ ሹሀገ ዬዳ ብልዳድነ ናአማገ ዬዳ ጸፋር ቢደ፤ መድና ጎዳይ እንቱንታ እዛዜዳዋዳን እጤድኖ። መድና ጎዳይካ እዮባ ዋሳ ሰሴዳ።

#### መድና ጎዳይ እዮባው ዳኩዋ ዛራ

- 10 እዮብ ባረ ላገቶ ዋሳዳዋገ ጉይያን፤ መድና ጎዳይ እው ዛራደ እሻልሴዳ፤ እው ካሰዋ ድራው ላኡ ኩሸያ ኦሲደ እሜዳ።
- 11 ሄዋገ ጉይያን፤ እ እሻቱ፤ እ ሞቹቱነ ካሰ እ ኤርያዋንቱ ኡባቱ እኮ ዬድኖ፤ እ ሰን እናና ግብራ ሜድኖ። እው ካዮቲደ፤ መድና ጎዳይ እ ሰላ እሄዳ መቶ ኡባገ እ ሞንፍድኖ። ቃይ ኡባይካ እው ዋርቃ ሞግዳዋን ብራ እሜድኖ።
- 12 መድና ጎዳይ እዮባ ዉርሰሳ ላይላ ኮይር ላይላገ እሲደ እንጂዳ። እዮባው ታማነ ኦይዳ ሻኤ ድርሳቱ፤ ኡሱፑን ሻኤ ጋሎቱ፤ እት ሻኤ ዋሳ ሰራቱነ እት ሻኤ ማጫ ሀሪቱ ደእኖ።
- 13 ቃይ እው ላፑን አቱማ ናናቱነ ሄዙ ማጫ ናናቱ የለቴድኖ።
- 14 ባይራ ማጫ ናት ይሚሞ፤ ላኤንሰያና ቃጸኢ፤ ሄዘንሰያና ቀረንሀፋኮ ያገደ ሰንጤዳ።
- 15 እዮባ ማጫ ናናቱዋዳን ማላ ሎኦ ማጫ አሳይ ቢታን ሳኣን ሀቃንነ ቤተና። እንቱንቱ እው እንቱንቶ እንቱንቱ እሻቱዋና ላትያ ቢታ ሻኪደ እሜዳ።

#### እዮባ ሀይቁዋ

- 16 ሄዋገ ሰሞና፤ እዮብ ጸታነ ኦይታሙ ላይላ ደኤዳ፤ ባረ ናናቱዋነ ባረ ናናቱዋ ናናቱዋ ኦይደንላ የለታ ጋካናው በኤዳ።
- 17 እዮብ ዳር ዋድያ ደኢደ፤ ሎኦ ጭማ ጭሚደ ሀይቁዳ።

# ማዘመርያ ማጻፋ ገሉቆ

ዳዊታ ማዘመሪ (ማዘመርያ ማጻፋይ) ጌሻ ማጻፋ ግደን ማዘመርያን ዋሳ ማጻፋ ግዲደ ኤረቲ። ሀ ማጻፋ ገግሴዳዋንቱ አዲሳ ዋደቱዋ ግደን ቤቱዳ ዲማ ዳሚ አሳቱዋ። እት እት ማዘመርቲቱዋ ካቲ ዳውት ጸፊዳዌ አማነቲ። ሀ ማዘመርቲቱዋን ሀ ዋሳቱዋ ሺሺደ፣ ባረንቱ ጎይኑዋ ዋድያን ጎኤቲድ ጋምኤዳዋንቱ እስራኤልያ አሳቱዋ። ጉየፕ ጋምኤደ ባረንቱ ጌሻ ማጻፋቱዋ ግደን ገልሴድና።

ሀዋንቱ አያናፕ ጸፈቲዳ ግንጻቱ ጮራ ቆዋ፤ አንቱንቱካ ጋላትያን ጸሳዉ ጎይንያ ግንጻቱዋ፣ ጸሳይ ማዳና ማላ፣ ናጋና ማላን ሳር ዋላና ማላ ዋሰያ ዋሳቱዋ፣ ናጋሪፕ ማረታናዉ ሺሽያ ዋሳቱዋ፣ ጸሳ አንጃዋባ አድያ ጋላታ ሳባቱዋን ሞርከቱዋ ሙራና ማላ ጸሳዉ አድያ ማጋናቱዋ። ሀ ዋሳቱ እት ኡራይ ባረካ ዋሴዳ ዋሳቱዋን ጮራ አሳይ እትፕ ዋሴዳ ዋሳቱዋ። አንቱንቱፕ እቱ እቱ እት ኡራ ዋዘናን ስስቲዳ ስላ ቆንጭሰያዋንታ። ሀራቱ ቃይ ጸሳ አሳይ ኡባይ ኮይያዋን አሳዉ ኡባዉ ስሰትያ ሀናታቱዋ በሰያዋንታ።

የሱስ ታማርሲደ ማዘመርያ ማጻፋፕ ቦኝ ቦኝ አከደ ታማርሲዳ። ኦራላ ጫቁዋ ጸፊዳዋንቱካ እን ጸፈቲዳዋፕ ባረንቱ ጻፍያ ማጻፋ ግደ ገልሴድና። ዋሳ ጎላታ ኤቆደፕ ደማደ፣ ማዘመርያ ማጻፋ ጎይኑዋ ዋጋዉ ጎኤትያ ዋልቃማ ምንጃዋባዳን ጋይዳዉ።

## ሸምፓቱዋ ኡባቶ እመቲዳ ቃንሳ ቆፋቱዋ

1. ኮይር ማጻፋ ማዘ. 1—41
2. ላኤንሎ ማጻፋ ማዘ. 42—72
3. ሄዘንሎ ማጻፋ ማዘ. 73—89
4. ኦይደንሎ ማጻፋ ማዘ. 90—106
5. አቼሽንሎ ማጻፋ ማዘ. 107—150

## ኮይር ማጻፋ

### 1

(1—41)

ሎኦ አሳን ኢታ አሳ ሀመታ

- 1 ኢታቱዋ ዘርያን ቤናዌ፣  
ዋይ ናጋራንቻቱዋ ኦግያን ኤቀናዌ፣  
ቅሊጭያዋንቱ ሺቁዋን ኡተናዌ፣  
ሄዌ አንጀቲዳዋ።
- 2 ሸን መጅና ጎዳ ሀግያን እ ናሸቲ፤  
እ ሀግያ ጋላሰን ቃማ ቆፕ።
- 3 ሄዌ ጎግያ ሃሳ ጸጹዋን ቶከቲደ፣  
አይፍያ አግናን አይፍያ፣  
ባረ ሀይላካ ቆቆፈና ሞላ ማላ።  
እ ኦልያ ኡባይ አዉ ሀኔ።
- 4 ሸን ኢታቱ ሄዋ ማላ ግድክና፤  
ጫርኩ ፕት አፍያ ሱላ ማላ።
- 5 ሄዋ ድራዉ፣ ኢታቱዋ ቦላ ጸሳይ ፕርዳና፤  
ናጋራንቻቱካ ጽሎቱዋ ሺቁዋን ኤቁክና።
- 6 አያዉ ጎፕ፣ መጅና ጎዳይ ጽሎቱዋ ኦግያ ኤሬ፤  
ሸን ኢታቱዋ ኦግ ዳያና።

### 2

ጸሳን ደረቲዳ ካትያ

- 1 አማነናዋንቱ አያዉ ደንዲኖ?  
ቃይ ካዉተላቱ አያዉ ፓፋናባ ማቀቲኖ?
- 2 ሳእ ካተቱ ደንዴድኖ፤

አሳ ሞድያዎንቱ እትጥ ሸቄድና።  
ኡንቱንቱ መድና ጎዳ ቦላን  
እ ኦኬዳዎ ቦላ እትጥ ሸቄድና።

3 ኡንቱንቱ፣ “ኦን ኡንቱንቱ ሳንሳላታ ዲላይተ፤  
ኡንቱንቱ ኦና ቃችያዎካ ዎራ ኦሎይተ” ያገላ።

4 ሳሎዎን ባረ አራታን ኡቲዳዌ  
ኡንቱንቱ ቦላ ሚጩ፤

ጎዳይ ኡንቱንቱ ቦላ ቅሊጩ።

5 እ ባረ ሀንቁዎን ኡንቱንታ ሴሪ፤  
ባረ ዎልቃማ ሀንቁዎን ኡንቱንታ ያሸሴ።

6 ጎዳይ፣ “ታን ታ ጌሻ ደርያ ጽዮን ቦላ  
ታ ካትያ ካወላድ” ያገላ።

7 ሄ ካቲ፣ “ታን መድና ጎዳ ሀግያ አዎያና፤  
እ ታና፣ ኔን ታ ናኣ፤  
ታን ሀች ነዉ አዉዎ ግዳድ።

8 ኔን ታና ኦቻ፤  
ታን ካዉተላ ኡባ ነዉ እማና፤  
ሳኣ ኡባይ ነባ ግዳናዎ።

9 ኔን ብራታ ጸምእን ኡንቱንታ መንገድላና፤  
ኡንቱንታ ኔን ኡርቃ ሚሻ መንገድዎዳን ሊቅሳና’ ያገላ። ያገላ።

10 ሄዎ ድራዉ፣ ሀንተኖ ካተቶ፣ ኤያቶፕተ፤  
ሀ ሳኣ ሞድያዎንቶ፣ ሀንተና ናግተ!

11 መድና ጎዳዉ ያሻተላን ኦላተ፤  
ኮኮርሳን አዛዘትተ።

12 ጸሳዉ ሀንቁትና፣ ኦግያን ሀንተ ጳየናዳን ሱረ ዎዛናን አዉ ጎይንተ፤  
እያዉ ጎፕ፣ እ ሀንቁ ኤላካ ኤጽ ከሳና።  
ባቃት እን ቆሰት እትያ ኡባቱ እንጀቴዳዎንታ።

### 3

ባረ ናኣ አበሰሎማፕ ባቃቴዳ ዎደ ዳዊታ ማዘመርያ

1 አቤት መድና ጎዳዉ፣ ታ ሞርከቱ እያ ጮራቴድና!  
ታ ቦላ አፑናቱ ደንዲና!

2 ዳሮቱ፣ “ጸሳይ እ አሸና” ያገላደ  
ታዎ ሃሳዪና።

3 ሸን አቤት መድና ጎዳዉ፣ ኔን ታ ዩሹዎን ጎንዳለ።  
ታና ቦንቶሰያዎን ታ ሱንላ ቶቁ ኦላያዌ ኔናቴ።

4 ታን ታ ቃላ ቶቁሳደ መድና ጎዳኮ ዎሳይ።  
ባረ ጌሻ ደርያፕ ታዉ እ ዛሬ።

5 መድና ጎዳይ ታና ናግያ ድራዉ፣  
ታን ግሳደ ገምእሻይን ቤጎታይ።

6 ታን ታና ደዲደ ደንዲዳ፣  
ታሙ ሻኣ አሳቶካ ያይከ።

7 አቤት መድና ጎዳዉ፣ ደንዳ!  
አቤት ታ ጸሳዉ፣ ታና አሻ!

እያዉ ጎፕ፣ ኔን ታ ሞርከቱዎ ኡባ ጎሳጩዎ ሸጫዳ፤  
ኢታቱዎ አቻካ መንሳዳ።

8 አሹ ጸሳዎ፤



ጸሳው፤ ነ አሳ ኔን አንጃ።

### 4

ማዶ እማርሰ ሺቅያ ዋሳ

ዛማረቱዋ ካፖ ዲሳቱዋን የጸቴዳ፤ ዳዊታ ማዝሙርያ

1 እቤት ታና ጽልሰያ ጸሳው፤

ታን ኔና ጼሰያ ዋደ፤ ታወ ኮያ።

ታን ኡንኤቴዳ ዋደ፤ ታና ሸምፕሳዳ።

ታወ ኔን ቃረታደ ታ ዋሳ ሰሳ።

2 ህንተኖ አሳቶ፤ አወደ ጋካናወ ታ ቦንቹዋ ካወሸቱ?

ሾር ባይናባካ አወደ ጋካናወ ህንተ ሰቁቴ?

ዋርዱዋ አወደ ጋካናወ ጫድ ኦይቁ ካለቱ?

3 ሸን መድና ጎዳይ ጸሳ አሳቱዋ

ባረወ ዱማይ ዋሴዳዋ ህንተ ኤርተ።

ታን መድና ጎዳ ጼሰያ ዋደ፤

እ ታወ ሰሴ።

4 ሀንቀትተ፤ ሸን ህንተ ሀንቁዋን ናጋራ ኦፍፕተ።

ሂዳን ግሰያ ዋደ፤

ህንተ ዋዛና ብድተነ ሰርጵ ጌተ።

5 ልክ ያርሹዋ ያርሸተነ

መድና ጎዳን አማነትተ።

6 ዳሮቱ፤ “ኑና ሎኦባ በሳናዌ ኦኔ?” ያጊኖ።

እቤት መድና ጎዳው፤ ኔን ኑና ከካ እይፍያን ጼላ።

7 ኔን ታ ዋዛናን ዋልቃማ ናሸቻ ኩንላዳ።

ሄዋነ፤ ካላ እይፊነ ኦራላ ዋይንያ ኤሳይ፤

ባረንቶ ዳርና ናሸትያ ናሸቻፕካ ዳርያዋ።

8 እቤት መድና ጎዳው፤

ነ ጸላላይ ታና ሳሩዋን ናጋ ዋሳያ ድራው፤

ታን ግሳደ ሳርተላን ገምእሻይ።

### 5

ዋንታ ዋሳ

ዛማረቱዋ ካፖ ሱሱላቱዋን የጸቴዳ፤ ዳዊታ ማዝሙርያ

1 እቤት መድና ጎዳው፤ ታን ኦድያዋ ሀይዛ፤

ታ ኦልያነ ሰሳ።

2 ታ ካትያወነ ታ ጸሳው፤

ታና ማዳ ጋደ ታ ኔኮ ዋሰይያ ድራው፤

ታ ዋሳ ሰሳ።

3 እቤት መድና ጎዳው፤

ዋንታ ዋንታ ጉራን ኔን ታ ቃላ ሰሳሳ።

ዋንታ ዋንታ ጉራን ታን ታ ዋሳ ነ ሰንላ ሸሻደ፤

ኔን ታወ እምያ ዛሩዋ አካና ጋደ ናጋይ።

4 ኔን ኢታተላን ናሸተና ጸሳ፤

ኢታባይ ኔናና ደኤና።

5 ጨቀትያዋንቱ ነ ሰንላን ኤቁክኖ፤

ኢታባ ኦልያ ኡባቱዋ ኔን እዳ።

6 ዎርዲዎ ሃሳይያዋንታካ ኔን ጳይሳሳ።  
ሱሳ ጉሰያዋንታን ጭምያ አሳቱዋ።  
ጸሳይ ሸነቱ።

7 ሸን ታን ነ ማሮታ ዳሩዋን  
ነ ጎልያ ገላና።  
ነ ጌሻ ጎልያኮ ሰማደ።  
ነወ ያሻተላን ጎይናና።

8 አቤት መድና ጎዳወ። ታና ነ ጽሎተላን ካለላ፤  
ታ ሞርከቱዋ ድራወ ጋደ።  
ነ ኦግያ ታ ሰንላን ሱርሳ።

9 ኡንቱንቱ ዶናፕ ከሰያዌ አማን፤  
ኡንቱንቱ ዎዛናንካ ገኒ ኩሜዳ፤  
ኡንቱንቱ ዶናይ ዶየቱዳ ዲፋዎ ማላ፤  
ኡንቱንቱ ባረንቱ እንጸርሳን ጭሚኖ።

10 አቤት ጸሳወ። ኡንቱንታ ኔን ፕርዳ፤  
ኡንቱንቱ ኮባይ ኡንቱንታ እክ ቦ።  
ኡንቱንቱ ናጋራይ ዳሮ ግዴዳ ድራወ።  
ኔን ኡንቱንታ የደርሳ፤  
አያወ ጎፕ። ኡንቱንቱ ነ ቦላ ማካሌድኖ።

11 ሸን ኔኮ ባቃት ቆሰት አትያ ኡባይ ናሸትኖ፤  
ኡንቱንቱ ኡባ ገደ ናሸቻን የጽኖ።  
ኔንካ ኡንቱንታ ናጋና፤  
ነ ሱንላ ሲቅያ ኡባቱ ኔናን ሎይሐ ናሸትኖ።

12 አያወ ጎፕ። አቤት መድና ጎዳወ።  
ቱሙካ ኔን ጽሎዋ አንጀሳ።  
ኔን ጎንዳሊ ካምያዋዳን ነ ከካተላን አ ካማሳ።

### 6

#### ኡንኦ ዎድያን ሸቆዳ ዎሳ

ዛማረቱዋ ካፖ ዲላቱዋን የጸቱዳ። ዳዊታ ማዘውርያ

1 አቤት መድና ጎዳወ። ነ ሀንቁዋን ታና ሴሮፓርኪ፤  
ዎይ ነ ይሉዋን ታና ሙሮፓርኪ።

2 አቤት መድና ጎዳወ። ታን ላባኔዳ ድራወ።  
ታና ማራርኪ።

አቤት መድና ጎዳወ። ታ ዎዛናይ ማዲጾ ድራወ። ታና ፓላ።

3 ታ ሸምፓታ ዳሮፕ ኡንኤታዲ፤  
ሸን ጸሳወ። ታና ማዳናወ ኔን አወደ ጋካናወ ጋምአይ።

4 አቤት ጸሳወ። ኔን ሰማደ። ታና አሻ፤  
ነ ማሮታ ዳሩዋን ታና ከሳ አካ።

5 ሀይቄዳ ኡራይ ኡንን ኔና ሀሳየና፤  
ዲፋዋን ኔና ጋላትያዌ ባዎ።

6 ታን ኦልያን ዳቡራድ፤  
ቃማ ኡባን ታን ዩካደ። ታ ሂጻ አርጽሳድ፤  
ታ ቦርኮላካ ታ አፎላን ሙሱድሳድ።

7 ታ ሞርከቱዋ ኡባ ጋሱዋን ታን አፎጾዳ ድራወ።  
ታ አይፊ ጋልጃዳ፤  
ታ አይፊ ደመናን እጾዳ።

- 8 መድና ጎዳይ ታን ዬክያ ዬኩዋ ስሴዳ ድራው።  
 ሀንተኛ፣ ኢታ ኦሳያ ኡባቶ፣  
 ገደ ታፕ ሻከትተ።
- 9 መድና ጎዳይ ታ ዋትዋቱዋ ስሴዳ፤  
 መድና ጎዳይ ታ ዋሳነ ስሴ።
- 10 ታ ሞርከ ኡባቱ ዬላትኖነ ቱጋትኖ።  
 ኡንቱንቱ ቆፕናን ዬላቲደ፣ ጉየ ሰሞኖ።

# 7

## የደሳ ዋድያን ጽሎ አሳ ዋሳ

- ቢንያማ ዛርያ ኩዛዋ ዳዊተ፣ ጸሳኮ ዝላሌዳ ዝላሳ።
- 1 እቤት መድና ጎዳው፣ ታ ጸሳው፣ ታን ኔኮ ባቃታደ ቆስታይ።
- ታና የደርሰያ ኡባቱዋፕ ኔን ታና አሻ አካ።
- 2 ኔን ታና አሸናባ ግደፕ።  
 ኡንቱንቱ ታና ጋሙዋዳን ቦንቂደ፣  
 ኡንነ አሸናን መንግራላና።
- 3-4 እቤት መድና ጎዳው ታ ጸሳው፣  
 ታን አሳ ናቄዳዋ ግደፕ።  
 ሄዋነ ታ ሳግያው ሎኤዋ ድራው ኢታ ዛሬዳዋ ግደፕ።  
 ዋይ ጋሱ ባይናን ታ ሞርክያ ቦንቄዳዋ ግደፕ።  
 ሀዋ ማላ የዋቱዋፕ አቱዋነ ታን ኦሴዳዋ ግደፕ።
- 5 ታ ሞርኪ ታና የደርሲደ ኦይቆ።  
 ታና ሳኣነ የግራሶ፤  
 ያቲደ፣ ታና ቢታን ኦል ባሾ።
- 6 እቤት መድና ጎዳው፣ ነ ሀንቁዋን ደንዳ ኤቃ፤  
 ታ ሞርከቱዋ ኤጵያ ሀንቁዋ ቦላ ደንዳ።  
 ታ ጸሳው ጎዳው፣ ቤጎታ፤ ቱሙዋ ፕርዳ።
- 7 ካውተላቱዋ ሺቁ ነ የሹዋን ሺቆ፤  
 ኔን ኡንቱንቱፕ ቦላና ግዳደ ሃና።
- 8 መድና ጎዳይ ካውተላቱዋ ቦላ ፕርዳ።  
 እቤት መድና ጎዳው፣ ታው ታ ጽሎተላዳን ፕርዳ፤  
 እቤት ኡባፕ ጶቃው፣ ታ ሱረተላዳን ፕርዳ።
- 9 ቆፋነ ዋዛና ብዳደ ኤርያ ጽሎ ጸሳው፣  
 ኢታቱዋ ገንያ ኔን ጳይሳ።  
 ሸን ጽሎዋ ሳርታን ሞንሳ ዋላ።
- 10 ዋዛና ጽሎዋ አሸያ ጸሳይ  
 ታው ጎንዳላ።
- 11 ጸሳይ ጽሎዋ ፕርድያዋ፤  
 እ ሀች ሀች ሀንቀትያ ጸሳ።
- 12 አሳይ ባረ ናጋራ ፓጺደ ሰመናን እጸፕ፣  
 ጸሳይ ባረ ማሻ ሌሬ፤
- እ ባረ ዋንዳፍያ ገግሴ።
- 13 እ ባረ ዋድያ ኦላ ሚሻቱዋ ገግሴ፤  
 ታማ ላጩዋዳን ጸልያ ባረ ዋንዳፍያ ቶራ ገግሴ።
- 14 ኢታተላ ሻሃራዳ፣  
 ገንያ ሻሃራ ሻሃራዳዊ፣ ዋርዱዋ የሌ።
- 15 ሀራ አሳቶ ኦላ ቦኬዳ አሳይ  
 ባረ ቦኬዳ ኦላን ባረው ኩንዳ።
- 16 እ አሀያ ገኒ እ ሁጲያው ሰሜ።

እ ማካላይነ እ ሁጲያው ሰሜ።

- 17 መድና ጎዳ ጽሎተላ ድራው፤  
 ታን እ ጋላታና፤  
 ቃይ ኡባፕ ዶቂያ መድና ጎዳ ሱንሳው፤  
 ታን ጋላታ የጻና።

### 8

#### ጸሳ እንጋይ መጠታ ቦላን

ዛማረቱዋ ካፖ ሱሱላቱዋን የጸቴዳ፤ ዳዊታ ማዘመርያ።

- 1 እቤት መድና ጎዳው፤ ኑ ጸሳው፤  
 ነ ሱንሳይ ሳእ ኡባ ቦላን እያ ቦንቹቴዳሻ!

ኔን ነ ቦንቹዋ ሳሎቴዋፕ ቦላን  
 ዶቁ ዶቁ ኦሳ ዋሳዳ።

- 2 ኔን ነ ሞርከቱዋ ድራው፤  
 ነ ባልጋራነ ነዉ ማንድያዋ ሰርጽ ኦሳናው፤  
 ጉላ ናናቱዋ ዶናን  
 ጳምያ ናናቱዋ ዶናን ጋላታ ኩንሳዳ።

- 3 ኔን ነ ብራጫቱዋን መዴዳ ነ ሳሎቴዋ፤  
 ሳእነ ሳእነ ኔን ዋሴዳ አገናነ  
 ጸልንተቱዋ ታን በእያ ዋዶ፤

- 4 ኔን አሳባ ቆፓናዉ አሳይ እዬ?  
 ዋይ ኔን አዉ ሀርጋናዉ እ እዬ?

- 5 እ ኔን ጸሳፕ አማራዳዋ ጉሳዳ፤  
 ቦንቹዋን ግታተላ ካላቻ እ ሁጲያን ዋሳዳ።

- 6 እ ኔን ነ መዴዳ መጠታ ኡባ ቦላን  
 ሞድያዋ ኦሳደ ሱንሳዳ፤  
 ኡባባ እ ገድያፕ ጋርሳና ዋሳዳ።

- 7 ዶርሳቱዋን ቦራቴዋ፤ ሳእ ዶአቱዋን፤

- 8 ሳሎዋ ካፎቴዋ፤ አባ ሞለቱዋን፤  
 አባይ ጎግያሳን ዋድያዋንታ ኡባካ  
 እ ሞድሳዳ።

- 9 እቤት ጸሳው፤ ኑ ጸሳው፤ ነ ሱንሳይ  
 ሳእ ኡባን እያ ቦንቹቴዳሻ!

### 9

#### እታ ቦላን ፕርዳ

ዛማረቱዋ ካፖ፡ “ናእ ሀይቁዋን” የጸቴዳ፤ ዳዊታ ማዘመርያ።

- 1 እቤት መድና ጎዳው፤ ታን ኔና ታ ኩመንሳ ዋዛናፕ ጋላታና፤  
 ኔን ኦሴዳ ማላልሰያ  
 ነ ኦሱዋ ኡባካ ኦዳና።

- 2 ኔናን ናሽታናን ሀሹ ጋና።  
 ኡባፕ ዶቂያ ጸሳው፤  
 ታን ነ ሱንሳዉ ጋላታ የጻና።

- 3 ታ ሞርከቱ ጉየ ሰምያ ዋዶ፤  
 ነ ሰንሳፕ ጳብት ጳያና።

- 4 ኔን ታዉ ጽሎ ፕርዳ ፕርዳዳ፤

ኔን ጽሎተላን ፕርዳደ፤  
ነ ካዉተላ አራታን ኡታዳ።

5 ኔን ካዉተላ ሴራዳ፤  
ኢታቱዋካ ጳይሳዳ።

ኔን ኡንቴንቴ ሱንላ መድ መድናዉካ ቁጫ ድጋዳ።

6 ሞርከቱ መድና ጳይዳ ጳይዳ፤  
ቃይ ኡንቴንቴ ካታማቱዋ ኡባና ጶቆላ ድጋዳ።  
ኡንቴንቴ ኡባና ደገት አቴድኖ።

7 ሸን መድና ጎዳይ መድናዉ ካተቲደ ደኤ፤  
እ ባረ ካዉተላ አራታ ፕርዳዉ ጊገሴዳ።

8 ሀ ሳአ ጽሎተላን ፕርዳና፤  
አሳቱዋካ ሱረተላን ፕርዳና።

9 መድና ጎዳይ ኡንኤቴዳዋንቶ ባቃት አትያዋ፤  
መቶ ዎድያንካ ገል አትያ ጌሱዋ።  
10 ነ ሱንላ ኤርያዋንቴ ኔናን አማነቲኖ፤  
አያዉ ጎፕ፣ መድና ጎዳዉ፣ ኔን ኔና ኮይያዋንታ የጋ አጋ በይካ።

11 ጽዮን ደርያን ካተት ኡቴዳ መድና ጎዳዉ ጋላታ የጽተ።  
እ ኦሴዳ ኡባባካ አሳ ኡባዉ አድተ።

12 አያዉ ጎፕ፣ ሱላ ጉሰያዋንቶ  
ሀሉዋ ከሰያ ጸሳይ  
ናቀቴዳዋንቴ ዋሱዋ ሸነኮ ጌና።

13-14 አቤት መድና ጎዳዉ፣ ጽዮን አሳ ካርያን ታን ኤቃደ፤  
ነ ጋላታ ኡዳና ማላነ  
ሄዋን ነ አቶተላን ሎይሰ ናሽታና ማላ፤  
ታ ሞርከቱ ታና የደርሰያዋ በአ።  
ኔን ነ ማርታን፣ ሀይቁዋፕ ታና አሻ።

15 ካዉተላቱ ባረንቴ ቦኪዳ ኦላን ባረንቶ ኩንዳድኖ።  
ኡንቴንቴ ቆሰ ዎሴዳ ጲሪ ኡንቴንቴ ገድያ ኦይቁዳ።  
16 መድና ጎዳይ ባረ ጽሎ ፕርዳን ባረዉ ኤረቴዳ፤  
ኢታ አሳይ ባረ ኩሸያን ኦሴዳ ኦሱዋ ጲርያን ኦይቀቴዳ።

17 ኢታቱ ዱፋዋ ባና፤  
ጸሳ ዶጊያ ካዉተላቱ ኡባይካ ኡንቴንቴዳን ሀናና።  
18 ሀዬሳይ ኡባ ገደ ደገት አተና፤  
ዎይ መቶታንቻይ ዎሴዳ ሀደታይ መድናዉ ጳየና።

19 አቤት መድና ጎዳዉ፣ አሳይ ነ ቦላ ደንዲደ፤  
ባረ ዎልቃን ጨቀተና ማላ፣ ኔን ደንዳ!  
ነ ሰንላን ካዉተላቱዋ ቦላ ኔን ፕርዳ።  
20 አቤት መድና ጎዳዉ፣ ኡንቴንታ ኔን ያሸሳ፤  
ኡንቴንቴ አሳ ግድያዋ ኔን ኡንቴንታ ኤርሳ።

# 10

## ፕርዳ ደማናዉ ሸቁዳ ዎሳ

- 1 አቤት መድና ጎዳዉ፣ አያዉ ሃካደ ኤቃይ?  
መቱዋ ዎድያን አያዉ ኔን ጌማይ?
- 2 ባረ ኦቶሩዋን ኢታ አሳይ ሀዬሳ ሻንካቴ።  
ኡንቴንቴ ባረንቴ ፓላ ማቁዋን ባረንቶ ኦይቀቴና።

- 3 ሄ ኢታይ ባረ ዋዛና ኢታ አሙዋን ጨቀቱ፤  
የራንቻይ መድና ጎዳ ቦላ ኢታ ቃላ ሃሳዬን ካደ።
- 4 ኢታይ ባረ ኦቶሩዋን ጸሳ ኮየና፤  
ባረ ቆ4 ኡባንካ ጸሳ እይን ኮየና።
- 5 ኡባባይ አዉ ኡባ ዋይካ ኩሜ፤  
እ ኦቶሩዋ ጴዳሌ።
- ነ ህጊ አዉ ገለና፤  
ባረ ሞርከቱዋ ቦላን እ ቅሊጩ።
- 6 ባረ ዋዛናን እ፥ “ታና እያይነ ቃፍ።  
ታና ኡባካ መቱ ጋከና” ያጊደ ቆፔ።
- 7 እ ዶናን ሸቃይ፥  
ዋርዲነ ማንደላይ ኩሜዳ።  
ባረ እንጸርሳን ገነባነ ኢታባ ሃሳያናዉ ኤሌሌ።
- 8 ሄራን ቆስትያሳን እ ዙጊደ ኡቱ።  
ባረ ዋድያዋ ዋዳናዉ ቆስት ናጊደ፥  
ዋልቃይ ባይና አሸከቱዋ ጴሌ።
- 9 ባረ ቆስትያሳን ገሚደ፥  
ህዬሳ ኦይቃናዉ ጋሙዋዳን ዙጌ።  
እ ህዬሳ ኦይቂደ፥ ባረ ጲርያን ጎቺደ አፌ።
- 10 ያትና፥ ዋልቃይ ባይና ህዬሳይ ሸጩቱ፤  
ንፕ ጌነ ሄ ምኡዋን ጸነቱ።
- 11 እ ባረ ዋዛናን፥ “ጸሳይ ታና ዶግ ክቼዳ።  
ባረ ሶምኡዋ ታፕ ገንሐ ክቼዳ፤  
ኡባካ እ በኤና” ያጌ።
- 12 አቤት መድና ጎዳዉ፥ ደንዳ።  
ጸሳዉ፥ ነ ኩሸያ ዶቁ ኦላደ ደንላ፤  
ህዬሳ ደጎፓ።
- 13 ናጋራንቻ ኡራይ ባረ ዋዛናን፥  
ጸሳ እያዉ ካዲ?  
ባረ ቆፋንካ፥ “ጸሳይ ታና ሙረና”  
እያዉ ያጊ?
- 14 ሸን ጸሳዉ፥ ኔን ቱሙካ በአሳ፤  
መቱዋካ ዋይያካ ጴላሳ።  
ኔን ኡባ ዋይ ኡና ማዳናዉ ጊጋ ኡታዳ።  
ዪአቶ ኔን ማዳዋ።  
ቆሄቲዳዌ ኔን ማዳናዳን ባረና ነዉ ሸጴ።
- 15 ገንያዋንቱ ዋልቃ ኔን ዉርሳ፤  
ኢታ አሳቱዋካ ሄዋዳ ኦላ።  
ላኤንሶ ኡንቱንቱ ግደን ኢታተላይ ቤተና ማላ ኡንቱንታ ሙራ።
- 16 መድና ጎዳይ መድ መድናዉ ካተቲደ ደኤ፤  
ሀራ ካዉተላቱ እ ቢታፕ ጳያና።
- 17 አቤት መድና ጎዳዉ፥  
ኔን ባረንታ ካዉሸያዋንቱ አሙዋ ሰሳሳ።  
ኔን ኡንቱንታ ሞንፍሳሳ።
- 18 ይአቶነ ኡንኤቲዳዋንቶ ቱሙዋ ፕርዳ፤  
ሳካን ደእያ አሳይ፥ ኡንቱንታ ያሸሰና ማላ፥

ኤንቱንቱ ዋሱዋ ሰሳሳ።

# 11

ጽሎቱዋ ጨቁዋ

ዛማራቱዋ ካፖ የጸቴዳ፥ ዳዊታ ማዝሙርያ።

1 ታጎ መድና ጎዳ ግደን ባቃታ ቆሰታ አታይ።

ያትና፥ ህንተ ታና አያው፥

“ካፋዋዳን ነ ደርያ ባቃታ” ያጌቱ?

2 ሄነ ናጋራንቻቱ፥

ዋዛና ገሻቱዋ ጹማን ጫዳናው፥

ባረንቱ ዋንዳፍያ ባቀላ ቦላን ፖላ ቶሊኖ።

3 ባሱ ባይያ ዋይ፥

ጽሉ አያ ኦላናው ዳንዳዪ?

4 መድና ጎዳይ ባረ ጌሻ ሳአን ደኤ፤

ባረ ሳሉዋ ካውተላ አራታን፥

መድና ጎዳይ አሳ ዪሌ፤

ጸሳ አይፊ አሳ ብዳ።

5 መድና ጎዳይ ጽሉዋ ብዳ።

ሽን ኢታቱዋን ኮባባ ሲቅያዋንታ

እ ሎይስ አይ።

6 ጸሳይ ኢታቱዋ ቦላን ኤጽያ ታማ ቦንቁዋን

ኤጽያ ዳንያ ቡክሳና።

ጳይሰያ ጎትያ ጫርኩዋን ኤንቱንታ ሙራና።

7 መድና ጎዳይ ጽሎ ግዴዳ ድራው፥

ጽሎተላ ደሴ።

ሱረ አሳቱ አ ሰንላ በአና።

# 12

ኢታ አላምያፕ አታናው ሸቄዳ ዋሳ

ዛማራቱዋ ካፖ ዲላን የጸቴዳ፥ ዳዊታ ማዝሙርያ።

1 መድና ጎዳው፥ ኑና ማዳርኪ?

አያው ሳፕ፥ ጸሳ አሳይ ኡባካ ባዋ፤

አሳ ግደን አማነትያዌ ጳይክቼዳ።

2 ኡባ ዋይካ እቱ አቶ ዋርዲዋ ሃሳዪኖ፤

እቱ እቱዋ ሸሌሽያ እንጸርሳን ባለሉዋን ሃሳዪኖ።

3 አቤት መድና ጎዳው፥ ሀ ሸሌሽያ ደና ባራ።

ኡቶራዋን ጨቀትያ እንጸርሳ ኡባ ኔን ጭጋ ኦላ።

4 ኤንቱንቱ፥ “ኡን ኦ እንጸርሳን ጸናና፤

ኦ መተርሻይ ኑዋ፤ ኦ ጎዳይ ኦኔ?” ያግኖ።

5 መድና ጎዳይ፥ “ህዬሳቱ ኤንኤቴዳ ድራውን፥

መቶታንቻቱዋ ኦልያ ድራው፥

ሀአ ታን ደንዳና።

ታን ኤንቱንቱ አዋትያ ሳሮተላን ኤንቱንታ ዋላና” ያጌ።

6 ጸሳ ቃላቱ ዋላክ ባይና ገሻቱዋ፤

ጮጭያ ታማን ላፑን ገደ ትገቱዳ ብራዳን ጌዬዳዋንታ።

7 አቤት መድና ጎዳው፥ ኔን ኤንቱንታ ሳሮተላን ናጋን

ሀዋ ማላ አሳፕ መድናው ኤንቱንታ አሻ።

8 አሳ ግዲዋን ኢታይ ቦንቼቱዳ ዋይ፥

ኢታቱ ኡባ ሳና ሰመረቱድኖ።

# 13

ባረ ጸሳን አማኑኤዳ አሳ ዎሳ

ዛማረቱዋ ካፖ የጸቴዳ፣ ዳዊታ ማዘመርያ።

1 እቤት መድና ጎዳወ፣ አዉደ ጋካናዉ ኔን ታና ደጋይ?

መድናዉ ታና ደጋይ?

አዉደ ጋካናዉ ኔን ታፕ ጌማይ?

2 ታን ታ ቆፋና ባጸትያዌ

አዉደ ጋካናሴ?

ኡባ ጋላሰ ካዩ ታ ዎዛናን ደአናዌ

አዉደ ጋካናሴ?

ታ ሞርከቱ ታ ቦላ ጎባናዌ

አዉደ ጋካናሴ?

3 መድና ጎዳዉ ታ ጸሳዉ፣ ሃ ታኮ ጼላደ፣

ታዉ ዛራ።

ታ አይፍያ ፖአሳደ፣

ሀይቁዋፕ ታና አሻ።

4 “ኑን አ ጸኔደ” ያጌደ፣

ታ ሞርከቱ ጨቀተናዳን ተአ።

ታ ኩንደላን ኡንቱንቱ ናሽተናዳን ድጋ።

5 ሸን አገና ነ ማሮታን ታን አማኑታይ፤

ኔን ታና አሸያ ድራዉ፣ ታን ናሽታይ።

6 መድና ጎዳዉ፣ ታን ነዉ የጻና፤

አያዉ ጎፕ፣ ኔን ታዉ ኬካዳ።

# 14

ጸሳይ ባይና አሳቱዋ

ዛማረቱዋ ካፖ የጸቴዳ፣ ዳዊታ ማዘመርያ።

1 ኤያቱ ባረንቱ ዎዛናን፣ “ጸሳይ ባዋ” ያጌና።

ኡንቱንቱ ደኡ ባዬዳ።

ኡንቱንቱ ሸነይያዋ ኦሲና፤

ሎአያዋ ኦሳያ አሳይ ባዋ።

2 ጸሳ ኮይያ ኤራንቻቱ ደአንቶን

በአናዉ፣ መድና ጎዳይ ሳሉዋፕ ዱገ አሳ ጼሌ።

3 ሸን ኡባይካ ዎራ ሰሚድና፤

ኡባይካ ኡባና ጎኤናባ ግዴድና።

ሎአያዋ ኦሳያ ኦንነ ባዋ፤

ሀራይ አቶ አቲነ ባዋ።

4 መድና ጎዳይ፣ “ሀዋንቱ ታ አሳ፣

አሳይ ቁማ ሞያዋዳን ቦንቁ ሚና።

ኡታ አሳቱ ቱሙ አያን አኬክክና?

ኡንቱንቱ ታና ዎሰክና” ያጌዳ።

5 ሸን ጸሳይ ጽሎ አሳቱዋና ደአያ ድራዉ፣

ኡታቱ ሄዋን ዳጋማና።

6 ኡንቱንቱ ሀዬሳቱዋ ቆፋ ሀልሲና፤

ሸን መድና ጎዳይ ሀዬሳቱ ባቃቲደ፣ ቆሰት አትያ ሳኡ።

7 እሰራኤልያዉ አቶተላይ ጽዮነፕ ዬረኔ!

መድና ጎዳይ ኡንቱንቱ ደኡዋ ዛርያ ዎደ፣



ያቆባ ዘረሳይ ናሽታና፤  
እስራኤልያ አሳይ ናሽቻ ፖጩ ጋና።

# 15

ጸሳይ አሳፕ ኮይያዌ አዬ?

ዳዊታ ማዘመርያ

1 እቤት ጸሳዉ፣ ነ ዲንካንያን ጋምአናዌ ኦኔ?  
ነ ጌሻ ደርያን ኔናና ደአናዌ ኦኔ?

2 ሱረ ደሎዋ ደአያዋ፣  
ጽሎባ ኦሰያዋ፣  
ባረ ዋዛናፕ ቱሙዋ ሃሳይያዋ፣

3 ሀራ አሳ ሱንላ ባይዘናዋ፣  
ባረ ላግያ ቦላ ኢታባ ኦ□ናዋ፣  
ባረ ሾሩዋ ዝግረናዋ፤

4 መድና ጎዳን እጸቴዳ አሳቱዋ ካድያዌ፣  
ሽን ጸሳዉ ያይያ አሳቱዋ ቦንቶያዌ፣  
ባረ ጫቄዳዋ አያ ዴጽናካ ፖልያዌ፣

5 ባረ ሚሻ ድቻዉ እመናዌ፣  
ጽሎ አሳቱዋ ቆሀናዉ  
ማታይያ እከናዌ።

ሀ የዋቱዋ ኦሰያዌ፣  
መድናዉካ ቃጸና።

# 16

ጸሳይ ታ ላታ

ዳዊታ ዋሳ

1 እቤት ጸሳዉ፣  
ታን ኔኮ ባቃቴዳ ድራዉ፣ ታና ናጋ።

2 ታን መድና ጎዳዉ፣ “ኔን ታ ጎዳ፤  
ኔፕ አትን፣ ሀራ ሎኤ ታዉ ባዋ” ያጋይ።

3 ሳእን ደአያ ጌሻቱ  
እይ ማላ ጋላተቱድና!  
ታ ናሽቻይ ኡባይ ኡንቱንቱና አትፕ ግድያዋ።

4 ዋርዶ ጸሳቱዋ ካልያዋንቱ  
ባረንቱ ቦላ መቱዋ ዳርሲኖ።  
ሽን ታን ኡንቱንቱ ዋርዶ ጸሳቶ ያርሽከ፤  
ታን ኡንቱንቱ ሱንላ ዴሰከ።

5 ታ መድና ጎዳዉ፣ ታ ደሎዋ ላታይን ዱአይ ኔና፤  
ታና ኮሽያ ኡባ ኔን ታዉ እማሳ።  
ታ ደሎዋ ሳማይ ኔና።

6 ኔን ታዉ ዋዴዳ ሳማይ አይ ኬሻ ሎኤ!  
ኤ ታ ላታይ ቱሙዋፕ ሎአ!

7 ታና ዘርያ መድና ጎዳ ጋላታይ፤  
ብላሄካ ታ ዋዛናይ ታና ሴሬ።

8 ታን ኡባ ገደ መድና ጎዳ ታፕ ሰንሳያይ  
እ ታፕ ኡሽቻ ባጋና ደአያ ድራዉ፣  
ታን ሀርግከ።

- 9 ሄዋ ድራው፣ ታ ዋዛናይ ናሽቲ፤  
 ታ ሸምፑካ ሀሹ ጌ።  
 ታ ቦላይካ ህርግ ባይናን ደኤ።
- 10 ታና ሰኦልያዉ አላደ እማካ፤  
 ኔን ነ ጌሻ ሙሰሳካ።
- 11 ኔን ታና ደኡዋ ኦግያ በሳሳ።  
 ታን ነ ማታን ደአና፣ ታ ናሸቻይ ፖለቲ፤  
 ነ ኡሸቻ ባጋና እንጂ መድናዉ ደኤ።

# 17

## ጌሻ አሳ ዋሳ

- ዳዊታ ዋሳ
- 1 አቤት መድና ጎዳው፣ ታ ጽሎ ኦኝያዋ ሰሳ፤  
 ታ ዋሱዋ ሀይዛ።  
 ታን ጭመና እንጸርሳፕ ዋሲያ ዋሳኮ።  
 ነ ሀይሳ ዛራ።
- 2 ታ ሻትጎሳይ ነ ሰንሳፕ ዮ፤  
 ነ አይፊ ልከ ግድያዋ ጸሎ።
- 3 ኔን ቃማን ታና ጸዋሳዳ፤  
 ታ ዋዛና ፓጫዳ።  
 ሸን ታ ቦላፕ አይነካ ደማካ።  
 ታ እንጸርሳይካ ባለትቤና።
- 4 ታን ሀራ አሳቱዋዳን ኢታ ቃላ ሃሳይከ፤  
 ታን ነ አዛዙዋ ናግያ ድራው፣ ገነ ኦግያ ካላበይከ።
- 5 ታ ገዲ ጭበተና ማላ፣  
 ታ ታንጉ ነ ኦግያፕ ጋጸ ከሰቤና።
- 6 አቤት ጸሳው፣ ኔን ሰሲያ ድራው፣  
 ታን ኔና ዋሳይ።  
 ነ ሀይሳ ታኮ ዛራደ፣  
 ታን ነዉ ኦድያዋ ሀይዛ።
- 7 ባረንቱ ሞርከቱዋፕ ባቃትያዋንታ  
 ነ ኡሸቻ ኩሸያን ቆሳደ አሸያዎ፣  
 ነ ሎኦተላ ማላልሲያ ኦግያን በሳ።
- 8 ነ አይፍያ ጭሩዋዳን ታና ናጋ፤  
 ነ ቀፍያ ግደን ታና ቆሳ።
- 9 ታና ኡንአ ዋሌዳ ኢታቱዋፕን  
 ደድ ዋሌዳ ጸላ ሞርከቱዋ ኩሸያፕ  
 ታና ቆሳ።
- 10 ኡንቱንቶ ቃረት ባዋ፤  
 ኡቶሩዋን ሃሳዪና።
- 11 ታን ብያሳአ ኡባን ኡንቱንቱ ታና ደዲኖ።  
 ታና ቢታን አሸ የጋናዉ ጸሊና።
- 12 ኡንቱንቱ ባረንቶ ሞያዋ ኮይያ ጋሞቱዋ ማላ፤  
 ጌማን ዙግ ናግያ ዋዳላ ጋሞቱዋ ማላ።
- 13 አቤት መድና ጎዳው፣ ደንዳ።  
 ታ ሞርከቱዋና ኤቀታደ ጸና፤  
 ነ ማሻን ኢታቱዋፕ ታና አሻ አካ።

- 14 እቤት መድና ጎዳው፣ ሀዋ ማላ አሳጥ፣  
 ኡንቱንቱ ካጫይ ሀ ሳኦ ደኡዋ ጸላላ ግድያ አሳጥ  
 ነ ኩሽያን ታና አሻ።  
 ኔን ኡንቱንቱ ሞንጄዳ ቦሻን ኡንቱንታ ሙራ፤  
 ሄ ቦሻይነ ኡንቱንቱ ናናቶ ግዲይ፣  
 ኡንቱንቱ ናናቱዋ ናናቶካ ፓላሆ።
- 15 ሸን ታን ጽሎተላን ነ ሶምእያ በአና።  
 ታን ደንድያ ዋይ፣ ነ ማላ በኣደ ናሽታና።

# 18

## ጸኑዋ ማዝሙርያ

ዛማረቱዋ ካፖ የጸቲዳ ዳዊታ ማዝሙርያ። መድና ጎዳይ እ ሞርክያፕፕን ሳኦላ ኩሽያፕ አሼዳ ዋይ ዳዊ ተ መድና ጎዳው ሀ የላ የጾዳ

- 1 እቤት መድና ጎዳው፣  
 ታ ዋልቃው፣ ታን ኔና ሲቃይ።
- 2 መድና ጎዳይ ታዉ ዋጋ ዛላ፤  
 ታን ኦላፕ ናገትያ ሚጻ፤
- እ ታና አሽያዋ።  
 ታ ጸሳይ ታን አኮ ባቃትያ ታ ዋጋ ዛላ።
- እ ታ ንጉዳልያ፤ እ ታና አሽያ ዋልቃ፤  
 እ ታን ቆስታ አትያ ሳኦ።
- 3 ጋላታይ በሰያ መድና ጎዳ ታን ጸሳይ፤  
 እ ታ ሞርከቱዋፕ ታና አሼ።
- 4 ሀይቁዋ ዋድሩ ታና ቃቹዳ፤  
 ባሻይ ድኡዋዳን ታና ዳጋንሴዳ።
- 5 ዲፋዋ ዋድሩ ታና ቃቹዳ፤  
 ሀይቁ ጸርያዳን ታና ኦይቁዳ።
- 6 ታና መቱ ኢሰና፣ መድና ጎዳ ጸሳይ፤  
 “ታና ማዳ” ጋይ ታ ጸሳዉ ዋሳድ።
- እ ባረ ጌሻ ሳኦን ታ ኮሻ ሰሴዳ፤  
 ታን ዋሴዳ ዋሴ እ ሀይላን ዋዴዳ።
- 7 ዋድና ጸሳይ ሀንቅቲዳ ድራው፣  
 ቢታይ ዪቁዪቁደ ቃጼዳ፤  
 ደረቱዋ ጸጹ ጋጅ ጋጂይ ኮኮሪዳ።
- 8 እ ሲድያፕ ሀንቅዋ ጨዋይ ጨዋቲዳ፤  
 እ ደናፕ ምያ ታማ ላጩነ ጸግያ ቦንቁ ከሴዳ።
- 9 ሳሉዋ እ ጸልቁደ፣ ዲገ ዋዴዳ፤  
 ሄ ዋይ እ ገድያፕ ጋርሳና ሰቅመቲዳ ሻሪ ደኤ።
- 10 ቀፍናና ደእያ ኪታንቻ ክሩብያን ኡቲደ ፓሌዳ፤  
 ጫርኩዋ ቀፍያ አኪደ ኤሌሌዳ።
- 11 ባረና ጹማን ካሚዳ፤  
 እ ዲንካኒ እራና ሰቅመቲዳ ሻርያ።
- 12 እ ሰንላን ደእያ ዋልቃማ ፖኡዋፕ  
 ሻቻይነ ታማ ላጩ ከሴዳ፤  
 ከሴደ ሰቅመቲዳ ሻርያ አጂይ ቤዳ።
- 13 ቃይ መድና ጎዳይ ጉጉንላዳን ሳሉዋፕ ጉሜዳ፤  
 ኡባፕ ጽቁያ ጸሳይ ዋልቃንላንነ ታማ ላጩዋን ቆንጨዳ።
- 14 ባረ ዋንዳፍያ ጨብያ የዲደ፣  
 ባረ ሞርከቱዋ ላሌዳ፤  
 ዋልቃንላ ፖኡዋ ከቲደ፣ ኡንቱንታ የደርሴዳ።
- 15 እቤት መድና ጎዳው፣ ኔን ሴሬዳ ዋይነ፣

ሀንቀታደ ፔኑቄዳ ዋደ፤  
አባ ሃላይ ግሴዳ ቢታይ ቤቴዳ።  
ቃይ ሳኦ ባሱካ ቆንጨዳ።

16 ጸሳይ ቦላፕ ኩሽያ ዱን የዲደ፤  
ታና ኦይቄዳ፤  
ጨዋ ሃላፕ ታና ከሴዳ።

17 እ ታና ታ ዋልቃማ ሞርክያፕ፤  
ታና እጽያዋንቱፕ አሼዳ።

እያዉ ጎፕ፤ ኡንቱንቱ ታዉ ሎይሕ ዳር ዋልቃማ።

18 ታ ዋይያ ጋላሰ ኡንቱንቱ ታ ቦላ ደንዴድኖ፤  
ሸን መድና ጎዳይ ታና ዘምፕሰያዋ።

19 እ ታና አኮ ሳኦ ከሴዳ፤  
ታናን ናሸቴዳ ድራዉ፤ ታና አሼዳ።

20 ታ ጽሎተላዳን መድና ጎዳይ ታዉ ጭጌዳ፤  
ታ ኩሽያ ጌሻተላዳን እ ታዉ ዛሬዳ።

21 ታን መድና ጎዳ ኦግያ ካላድ፤  
ታን ታ ጸሳ አጋደ ዋራ ባበይከ።

22 ታን እ ሀግያ ኡባ ናጋድ፤  
እ ዋጋ ፖልያዋ አጋበይከ።

23 ታን እ ሰንሳን ሱረ ደኣድ፤  
ታን ታና ናጋራፕ ናጋድ።

24 ሄዋ ድራዉ፤ መድና ጎዳይ ታዉ ታ ጽሎተላዳንን  
ታ ኩሺ እ ሰንሳን ጌሻ ግድያዋዳን ዛሬዳ።

25 አቤት ጸሳዉ፤ አማነትያዋንቶ ኔን አማነትያዋ፤  
ሱረቶ ኔንካ ሱረ።

26 ጌሻቶ ኔንካ ጌሻ፤  
ሸን ጌላቶ ኔን ጭንጫ።

27 ባረንታ ሆክሰያዋንታ አሻሳ፤  
ሸን ባረንታ ቆቂሰያዋንታ ኔን ዝቂሳሳ።

28 አቤት መድና ጎዳዉ፤ ኔን ታ ጸምፕያ ፖአሳሳ፤  
ታ ጸሳይ ፖአሰና፤ ታ ቆማይ ክቼ።

29 ነ ማዳዋን ታን ታ ሞርከ ዋታዳራቱዋ ኦላይ፤  
ታ ጸሳን ታን ኡንቱንቱ ሚጸ ጼራና ጉፓ አፋይ።

30 ጸሳ ኦጊ ሱረ።  
መድና ጎዳ ቃላይ ጌሻ።

አኮ ባቃትያ ኡባቶ እ ጎንዳለ።  
31 ጸሳፕ አትና፤ ሀራ መድና ጎዳይ ባዋ፤  
ኑ ጸሳፕ አትና፤ ሀራ ዋጋ ዛል ባዋ።

32 ታዉ ዋልቃ አምያዌን  
ታ ኦግያ ሳር ኦላያዌ ጸሳተኔ።

33 እ ታ ገድያ ገንእያ ገድያዳን ምንሴ፤  
ታና ቆቃ ሳኦቱዋን ሳርተላን ዋሴ።

34 እ ታ ኩሽያ ኦላ ሜዘዬ፤  
ሄዋ ድራዉ፤ ታን ታ ቀሰያን  
ናሰያ ግያ ብራታ ዋንዳፍያ ዳፋደ ዲካይ።

35 ታና አሸያ ነ ጎንዳልያ ኔን ታዉ አማዳ።  
ነ ኡሸቻ ኩሺ ታና ዘምፕሰይ፤  
ነ ሎኦ ኦይላይ ታና ቆቂሴ።

- 36 ታ ሀመትያሳ አሳሳ፤  
ሄዋ ድራሬ። ታ ገዲ ሀልጽቤና።
- 37 ታ ሞርከቱዋ ታን የደርሳ ኦይቃድ፤  
ታን ኡንቱንታ ጳይሰናን ደኣደ ገየ ሰማበይከ።
- 38 ታን ኡንቱንታ ላኢነሉ ደንደናዲን ሾጫድ፤  
ኡንቱንቱ ታ ገድያን ኩንዴድና።
- 39 ኦላዉ ታና ዋልቃ ዳንጭሳዳ፤  
ታናና ጋዳትያዋንታ ታዉ ጉልባትሳዳ።
- 40 ታ ሞርከቱዋ ታ ሰንሳጥ ገየ ባቃትሳዳ፤  
ታና እጽያዋንታ ታን ጳይሳድ።
- 41 ባረንታ ማዳና ማላ ዋሴድኖ፤  
ሽን ኦንነ ኡንቱንታ አሸቤና።
- መድና ጎዳካ ኡንቱንቱ ጸቤድኖ፤  
ሽን እ ኡንቱንቶ ኮይቤና።
- 42 ጫርኩ ፕቲደ እፍያ ባናዲን ታን ኡንቱንታ ሊቅሳድ፤  
ኦግያን ደኣያ ኡርቃዳንካ ኡንቱንታ የሳድ።
- 43 ማካላ አሳጥ ታና አሻዳ።  
ታና ካዉተላቱዋ ቦላን ስንላዳ፤  
ታን ኤረና አሳይ ታዉ ሞደቱዳ።
- 44 ኡንቱንቱ ታ ዋርያ ሰሲደ፤ ታዉ እዛዘቲኖ፤  
አላጋ ደረ አሳይካ ታ ሰንላን ሆኪና።
- 45 ኡንቱንቱ ዋዛና ካሃ አጊና።  
ባረንቱ ናገትያ ሚጸጥ ኮኮሪደ ጪና።
- 46 መድና ጎዳይ ደኤ!  
ጸሳይ፤ ታ ዋጋ ዛላይ ጋላተቶ!  
ታና አሸያ ጸሳይ ቶቁ ቶቁ ጎ!  
47 እ ታ ሀሉዋ ከሰያ ጸሳ፤  
ካዉተላቱዋ ታፕ ጋርሳና ሞድሰያዋ፤
- 48 ታ ሞርከቱዋፕ ታና አሸያዋ።  
አቤት ጸሳዉ፤ ኔን ታናና ጋዳትያዋንቱ ቦላን  
ታና ቶቁ ቶቁ ኦሳሳ፤  
ማካላንቻ አሳቱዋፕ ኔን ታና አሻሳ።
- 49 ሄዋ ድራሬ፤ ታን ኔና ካዉተላቱዋ ግድን ጋላታና፤  
ታን መድና ጎዳ ስንላ ሳባና።
- 50 ጸሳይ ባረ ካትያዉ ጸኑዋ ቦላን ጸኑዋ እማ።  
ባረ ኦኬዳ፤ ዳዋተዉን እ ዘረላዉ፤  
ሎኦተላ መድናዉ በሴ።

# 19

## ጸሳይ ጽሎተላ አዋ

- ዛማረቱዋ ካፖ የጸቲዳ፤ ዳዊታ ማዝሙርያ።
- 1 ሳሎቱ ጸሳ ቦንቹዋ ሃሳዪናን  
ሳሎቱዋ ጉፋንሱ እ ባረ ኩሽያን ኦሌዳዋ አዋዬ።
- 2 እት ጋላሳይ የንኮ ጋላሳዉ ሄዋ ኦዳ፤  
እት ቃማይካ የንኮ ቃማዉ ኤራተላ ቆንጭሴ።
- 3 ሃሳይ ዋይ ቃላይ ባዋ፤  
ኡንቱንቱ ኮሻይካ ሰሰተና።
- 4 ግድገካ፤ ኡንቱንቱ ሃሳያ ኮሻይ ሳእ ኡባን ላለቲዳ፤  
ኡንቱንቱ ቃላይካ ሳእ ጋጸ ጋኬዳ።

ጸሳይ አዋይ ደእያ ሳእ ሳሉዋን ገግሴዳ።  
 5 ናሸቲደ ካረ ሶፕ ከሰያ ሞሸራዳን፤  
 ዋሳ ናሰያዉ ጊዬዳ ዋሳንቻዳን፤  
 አዋይ ዋንታ ዋንታ ከሴ።  
 6 አዋይ እት ባጋ ሳሉዋ ጋጸፕ ሞኪደ፤  
 ሀራ ባጋ ሳሉዋ ጋጸ ጋካናሰ ቤ፤  
 አ ሆኡዋፕ ጌምያዌ አያይነ ባዋ።

7 መድና ጎዳ ህጊ ሱረ፤  
 ሸምጥዋ ዛራ።  
 መድና ጎዳይ ኦድያዌ አማነትያዋ፤  
 አከካይ ፓጩዳዋንቶ ኤራተላ እሜ።

8 መድና ጎዳ ዋጋይ ልከ፤  
 ዋዛና ናሸቹ።  
 መድና ጎዳ አዛዙ ጌሻ፤  
 ዋዛና ፖእሴ።

9 መድና ጎዳዉ ያይያዌ ጌሻተላ፤  
 ሄዌ መድናዉካ ኤቂድ ደእያዋ።  
 መድና ጎዳ ፕርዳይ ቱማነ ጽሉዋ።  
 10 ዋርቃፕን ዋላክ ባይና ዋርቃፕ አዲደ ደሰቱ፤  
 ኤሳፕነ ኤሳ አልሉዋፕ አድ ማልኤ።

11 ቃይ ታና ነ ቆማ ናገታናዳን ዙሬ፤  
 ነ ህግያ ናጉ ዳሮ ጎኤ።

12 ባረ ሁጲያ ባላ ደምያዌ ኦኔ?  
 አቤት ጸሳዉ፤ ጌሜዳ ናጋራፕ ታና ጌሻ።

13 ቃይ ታን፤ ነ ቆማይ፤  
 ጸላን ናጋራ ኤፍናዳን፤  
 ኔን ታና ናጋ።  
 ታና ናጋራዉ ሞድሶፓ፤  
 ሄ ዋደ ታን ሱረ ግዳደ፤  
 ዋልቃማ ባይዙዋፕ ጌያና።

14 አቤት መድና ጎዳዉ፤ ታ ዋጋ ዛላዉ፤  
 ታና ዋዜዳዋ፤  
 ታ ደናፕ ከሰያ ቃላይነ  
 ታ ዋዛና ቆፋይ ኔና ናሸኝያዋ ግደ።

## 20

### ካትያዉ ዋሳ

ዛማረቱዋ ካፖ የጸቴዳ፤ ዳዊታ ማዘውርያ  
 1 ኔን መቶቴዳ ዋደ መድና ጎዳይ ነ ዋሳ ሰሶ፤  
 ያቆባ ጸሳ ሱንላይ ኔና ምንሶ።  
 2 ባረ ጌሻ ሳኣፕ ነዉ ማዳዋ ከቶ፤  
 ጽዮነፕ ኔና ዘምፕሶ።  
 3 ነ ያርሹዋ ኡባ እ ነዉ ሀሳዮ፤  
 ነ ጸግያ ያርሹዋን ናሸቶ።  
 4 ነ ዋዛና አሙዋ ነዉ እሞ፤  
 ነ ሀልቹዋ ኡባ ፖሎ።  
 5 ነ ጸኡዋ ድራዉ፤ ኩን ናሸቻዉ ሆምቦጫና፤  
 ኑ ጸሳ ሱንላን ኑ ባንድራ ዶቁ ኦሳና።  
 ኔን ዋሴዳዋ ኡባ መድና ጎዳይ ነዉ እሞ።

6 መድና ጎዳይ ባረ ደራዳ ካትያዉ

- ጸኑዋ እምያዋ ታን ብሮ ኤራይ።
- እ ባረ ጌሻ ሳሉዋን ሰሳና፤
- ባረ ኡሸቻ ኩሸያን ዋልቃማ ጸኑዋ አዉ እማና።
- 7 እቱ እቱ ባረንቱ ኦላ ፓራይ ጎችያ ጋርያን፤
- ሀራቱ ባረንቱ ፓራን ጨቀቲኖ፤
- ሸን ኑን መጅና ጎዳ ኑ ጸሳ ዋልቃን ጨቀቲኖ።
- 8 ኡንቱንቱ ጱበቲደ ኩንዳና፤
- ሸን ኑን ደንዲደ፤ ሞን ኤቃና።
- 9 እቤት መጅና ጎዳዉ፤ ካትያዉ ጸኑዋ እማ፤
- ኑን ኔና ጼሰያ ዋደ ሰሳ።

## 21

### ጸኑዋ ድራዉ ጋላታ

- ዛማረቱዋ ካፖ የጸቴዳ፤ ዳዊታ ማዝሙርያ
- 1 እቤት መጅና ጎዳዉ፤ ካቲ ነ ምኖተላን ሀሹ ጌ፤
- ኔን እሜዳ ጸኑዋን እ እያ ናሸቲ!
- 2 ኔን እ ዋዛና አሙዋ አዉ እማዳ፤
- ቃይ እ ኔና ባረ እንጸርሳን ኦቼዳዋ ድጋባካ።
- 3 ኔን ሎኦ እንጂዋን እ ሞካሳ፤
- ጌሻ ዋርቃ ካላቻ እ ሁጲያን ዋላሳ።
- 4 ኔን ደኡዋ አዉ እማናዳን ኔና ዋሴዳ፤
- አዉ ጮራ ሳይላን አዲሳ ደኡዋ እማዳ።
- 5 ኔን ጸኑዋ እሜዳ ድራዉ፤
- እ ቦንቹ ዳራ፤ ግታተላን እንጋ አዉ እማዳ።
- 6 ኔን አዉ መጅና እንጂዋ እማሳ፤
- ኔን አትፕ ደእያዋን እ ናሸቻሳ።
- 7 ካቲ መጅና ጎዳን አማነቱ።
- ኡባፕ ጅቂያ ጸሳ ሎኦተላ ድራዉ፤
- እ ቃጸና።
- 8 ነ ኩሺ ነ ሞርከቱዋ ኡባ ኩቱታና፤
- ነ ኡሸቻይ ኔና እጽያዋንታ ደማና።
- 9 ኔን ቆንጭያ ዋደ፤
- ኡንቱንታ ጮጭያ ታማዳን ጹጋና።
- መጅና ጎዳይ ባረ ሀንቁዋ ሱሉዋን ኡንቱንታ ሞታና፤
- እ ታማይካ ኡንቱንታ ሞ ጳይሳና።
- 10 ኔን ኡንቱንቱ ናናቱዋ ቢታፕ፤
- ኡንቱንቱ ዘረላካ እሳ ግደፕ ጳይሳና።
- 11 ነ ሞርከቱ ነ ቦላ ሺቀኖን
- ኢታባ ማቀቲኖ፤ ሸን ፖልክና።
- 12 እያዉ ጎፕ፤ ኔን ኡንቱንታ ነ ዋንዳፍያ ፖላን ዲካናዉ ባብሳና፤
- ባብሳይ ጉየ ዛራደ ባቃትሳና።
- 13 እቤት መጅና ጎዳዉ፤ ነ ምኖተላን ጅቁ ጅቁ ጋ፤
- ነ ዋልቃ ድራዉ ነዉ ጋላታ ማዝሙርያ የጼቶ።

## 22

### ጽሎ አሳ መቱዋን ህደታ

- ዛማረቱዋ ካፖ የጸቴዳ፤ ዳዊታ ማዝሙርያ። ዋንታ ጉራ “ገንእያ” የላዳን የጸቴዳ ዳዊታ ማዝሙርያ
- 1 ታ ጸሳዉ፤ ታ ጸሳዉ፤ ታና እያዉ አጋዲ?

ታና ማዳ ጋደ ታን ነዉ ዋትዋትያ ዎደ፥  
እያዉ ታፕ ሃካይ?

2 እቤት ታ ጸሳዉ፥ ጋላሳን ኡባን ታን ነዉ ዋሳይ፤  
ሸን ኔን ታዉ አላካ።  
ቃማን ኡባንካ ነዉ ዋሳይ፥  
ሸን ዎፓ ደምከ።

3 ግደፕነ፥ ኔን ገሻ።  
እሰራኤልያ ጋላታይ ነ አራታ የሹዋን ደኤ።  
4 ካሰ ኑ አዎቱ ኔናን አማነቲድኖ፤  
ኔናን አማነትና፥ ኔን ኡንቱንታ አሻዳ።  
5 ነዉ ዋሲደ አቴድኖ፤  
ኔናን አማነቲደ ዬላትባይክኖ።

6 ሸን ታን አሳ ግድከ፤ ታን ጉጹንያ።  
ታን አሳን ካጴተዳዋነ ቅሊጨቲዳዋ።  
7 ታና በእያ ኡባቱ ቅጴኖ፤  
ኡንቱንቱ ታና ጽት ጸሊኖን ባረንቱ ሁጲያ ቃሲኖ።  
8 ያቶፕ፥ “እ መጵና ጎዳን አማነቲዳ፤  
እያዉ አ አሸኔ?  
መጵና ጎዳይ አ ደሶፕ፥  
እነ አ አሾ” ያጊኖ።

9 ግደፕነ፥ ታና ታ አት ኡሉዋፕ ሱረ የልሴዳዌ ኔና፤  
ታ አት ጳንሳ ጳምያ ዎደካ ታን አማነታናዳን ኡላዳ።  
10 ታን የለቶደፕ ደማደ ኔናን ድጫድ፤  
ታ አት ኡሉዋፕ ደማደካ፥ ኔን ታ ጸሳ።  
11 መቱ ታኮ ማትያ ድራዉነ  
ታና ማድያዌ ባይና ድራዉ፥  
ሀእ ኔን ታፕ ሃኮፓ።

12 ዳሮ ሞርከቱ ኮሩማ ቦራቱዋዳን ታና ደዲኖ፤  
ቃይጭያ ባሳነ ቢታ ቦራቱዋዳን ታና ደዲኖ።  
13 መንግሥት ራሳያን ጉድያ ጋሙዋዳን  
ባረንቱ ዳና ታ ቦላ ሀንጊኖ።

14 ታን ሃላዳን ጎጋድ፤  
ታ መቀላቱ ባረንቱ ኩሻፕ ኮላቴድኖ።  
ታ ዋዛናይ ኤሳ ሙቃዳ ማላ፥  
ታ ግደን ሴር ዉሪ።  
15 ታ ቆጴ ኮንኣዳን መሌ፤  
ታ እንጻርሳይ ኮክያና ኦይቀቱ።  
ኔን ታና ሀይቄዳ አሳዳን ባናን የጋዳ።

16 ካናቱ ታና ተኤድኖ፤  
ኢታ አሳቱ ታ የሹዋን ደዳድኖ።  
ታ ኩሸቱዋነ ታ ገደቱዋ ጫዲኖ።  
17 ታ መቀላቱዋ ኡባ ታን ፓይዳይ።  
ታ ሞርከቱ ታና ጸሊኖን ደረቁኖ።  
18 ታ ማዩዋ ሻክ አከኖ፤  
ታ አዲሳ ማዩዋን ሳማ የጊኖ።

19 እቤት መጵና ጎዳዉ፥ ኔን ታፕ ሃኮፓ።



እቤት ታ ዋልቃው፤ ታና ማዳናዉ ኤለካ ሃያ።  
 20 ታና ማሻገጥ አሻ፤  
 ታ አልኦ ደእያ ካናቱዋ ዋልቃገ አሻ።  
 21 ጋዋቱዋ ደናገጥ ታና አሻ፤  
 ቃይጭያ ባዙዋ ቦራቱዋ ካጭያገጥ ታና ናጋ።  
 22 ታን ነ ሱንላ ታ አሻቶ ኦዳና፤  
 ማባራ ሸቁዋንካ ኔና ጋላታና።  
 23 ህንተኖ፣ መጅና ጎዳዉ ያይያዋንቶ፣ አ ጋላትተ።  
 ህንተኖ፣ ያቆባ ዘረላቶ፣  
 ኡባይካ አ ቦንቾተ።  
 ህንተኖ፣ እሰራኤልያ ዘረላቶ፣  
 ኡባቱካ ቦንቾዋን አዉ ያይተ።  
 24 እ ናቀቱዳዋንታ ካ።ና፤  
 ኡንቱንታ ጋኬዳ ቆሁዋ ታዉ አይ መቱ ጌና።  
 ባረ ሰምኤዋ ኡንቱንቱገ ገን።ና፤  
 ሸን ኡንቱንቱ ማዶ እኮ ዋሰያ ዋድያን፣  
 ኡንቱንቱ ዋሱዋ ሰሴ።

25 ታን ኔን ኦሴዳ ሎኦ ኦሱዋ ድራዉ፣  
 ኩንሴዳ ሸቁዋን ጋላታና።  
 ታን ሸቀቱዳዋ ነዉ ያይያ አሳ ሰንላን ጋላና።  
 26 ህዬሳቱ ሚዶ ካላና።  
 መጅና ጎዳ ኮይያዋንቱ አ ጋላታና።  
 ኡንቱንቱ መጅናዉ ደአና።

27 ሳአ ጋጾ ጋካናዉ አሳይ ኡባይ  
 ሀሳዪደ፣ መጅና ጎዳኮ ሰማና።  
 አሳ ዛረ ኡባይ አዉ ጎይናና።  
 28 አያዉ ጎጥ፣ ካተትያ ማታይ መጅና ጎዳዋ፤  
 ካዉተላቱዋ አ ዋዴ።

29 ሳአን ደእያ ድራ አሳቱ ኡባይ  
 አዉ ጎይናና።  
 ባረንታ ሀይቁዋገ አሻናዉ ዳንዳየናዋንቱን  
 ባናዉ ላመትያዋንቱ ኡባቱ አዉ ጉልባታና።  
 30 ይያ ዘረላይ አዉ ኪተታና፤  
 አሳይ ጎዳ ኦሱዋ ይያ የለታዉ ኦዳና።  
 31 ብሮ የለትቤና አሳይካ አ ጽሎተላ ኦዳና።  
 “ጸሳይ ባረ አሳ አሼዳ” ያግያዌ ኦደታና።

# 23

## ሎኦ ህንላንቻ

ዳዊታ ማዘመርያ

- 1 መጅና ጎዳይ ታ ህንላንቻ፤  
 ታዉ እያይነ ፓጨና።
- 2 ታና አጫ ቆሩዋን ሸምፕሴ፤  
 ዋጉ ጌዳ ሃላኮ ላጌ።
- 3 ታ ደኤዋ ኦራጽሴ።  
 ባረ ሱንላ ድራዉ፣ ታና ጽሎተላ ኦግያን ካለሌ።
- 4 ኔን ታ ጸሳይ ታናና ደእያ ድራዉ፣  
 ታን ጅጽ ጎ ጁማ ዛንጋራ ግዲዋና ቦገካ።

ኢታባዉ ያይከ።  
ነ ጋትማይነ ነ ጉፊ ታና ምን።ሊኖ።

- 5 ታ ሞርከቱዋ ሰንላን ታዉ ግብራ ማካዳ።  
ታና ሞካድ፣ ታ ሁጲያ ዛይትያ ኦካዳ።  
ታ ዋንጫይ ፓላሂደ ገጋና ጋካናዉ ከንላዳ።
- 6 ነ ኬካተላይነ ማርተላይ  
ታ ደኡዋ ላይላ ኡባን ቱሙዋፕ ታና ካላና።  
ታን መድና ጎዳ ጎልያን መድናዉ ደከና።

### 24

ጌሻ ጎልያ ገሉዋ ማዘሙርያ

- ዳዊታ ማዘሙርያ
- 1 ሳእይነ ሳእነ ኩሜዳዌ ኡባይ መድና ጎዳዋ፤  
ቢታይነ ቢታን ደኢያባይ ኡባይ አዋ።
- 2 እያዉ ጎፕ፣ ሳእ ዋልቃማ አባ ቦላን እ ሂዬዳ፤  
ጨሞ ሃላ ቦላን ምንሲደ ኤሴ።
- 3 መድና ጎዳ ደርያ ግአናዌ ኦኔ?  
እ ጌሻ ሳእነ ኤቃናዌ ኦኔ?
- 4 እ ኩሺ ናጋራፕ ጌዬዳዋ፣  
እ ዋዛናይ ጌሻ ግዴዳዋ፣  
ኤቃዉ ጎይነናዋ፣  
ዋርዲዋን ጫቀናዋ።
- 5 እ መድና ጎዳፕ እንጂዋ አካና፤  
እሸያ ጸሳፕ እ ጽሎተላ ፕርድዳ አካና።
- 6 ጸሳኩ ዬልያ አሳይነ  
ያቆባ ጸሳ ሰንላ ኮይያ አሳይ ሀዋንቱ ማላ።
- 7 ፕንገቱ ደየትተ! ቦንቾ ካቲ ገላና ማላ፤  
በን ፕንጋቱ እ ናሸቻን ሞክተ!
- 8 ሄ ቦንቾ ካቲ ኦኔ?  
ምኑነ ዋልቃማይ መድና ጎዳቱ!  
ኦላዉካ እ ዋልቃማ መድና ጎዳቱ!
- 9 ፕንገቱ ደየትተ! ቦንቾ ካቲ ገላና ማላ፤  
በን ፕንጋቱ እ ናሸቻን ሞክተ!
- 10 ሀ ቦንቾ ካቲ ኦኔ?  
ሀ ቦንቾ ካቲ ሳሉዋ መፀተላቱዋ መድና ጎዳቱ!

### 25

ዳዊተ ማዘሙርያ \*

- 1 እቤት መድና ጎዳዉ፣  
ታ ሸምቸዋፕ ኔና ዋሳይ።
- 2 እቤት ታ ጸሳዉ፣ ታን ኔናን አማነታይ፤  
ታና ዬላዮፓ፤ ታ ሞርከቱዋ ሀይላ ከሶፓ።
- 3 ኔናን ሂደታ ኦልያዋንቱ ዬላትክና፤  
ሸን ጋሱ ባይናን ገንያዋንቱ ዬላታና።
- 4 እቤት መድና ጎዳዉ፣ ታና ነ ኦግያ በሳ፤  
ነ ኦግያ ታና ታማርሳ።
- 5 ኔን ታና እሸያ ጸሳ ግድያ ድራዉ፣  
ነ ቱማተላን ታና ካለላን ታማርሳ።

24:1 1 ቆር. 10:26    24:4 ማቶሳ 5:8    \*    25: ቆፕናባይ ጋክያ ዋደ ሸቅያ ዋሳ።

ጋላሳ ኩመንላን ታን ኔናን ህድታ ኦላይ።

- 6 እቤት መጅና ጎዳው፣ በኒደፐ ደእያ ነ ቃረታን ነ ኪካተላ ሀሳያ።
- 7 ታ ያላጋተላ ናጋራን ባይዘዋ ሀሳዮፓ። እቤት መጅና ጎዳው፣ ነ ኪካተላን ሎኦተላ ሀሳያ።
- 8 መጅና ጎዳይ ኪካን ሱረ፤ ሄዋ ድራው፣ ናጋራንቻቱዋ ባረ ኦግያ ታማርሴ።
- 9 እሽከቱዋ ሱረተላን ካለሌ፤ እሽከቱዋ ባረ ኦግያ ታማርሴ።
- 10 መጅና ጎዳ ጫቁዋን እ አዋዩዋ ናግያዋንቶ እ ኦጊ ኡባይ ቱማተላን ኪካተላ።
- 11 እቤት መጅና ጎዳው፣ ታ ናጋራይ ሎይሎ ዳራ፤ ግደፕካ፣ ነ ሱንላ ድራው፣ አቶ ያጋ።
- 12 መጅና ጎዳው ያይያ አሳይ ኦኔ? እ ዶሪደ ካላና ኦግያ ጸሳይ እ ታማርሳና።
- 13 እ ኡባ ገደካ ሎኦ ደኡሳ ደእና፤ እ ዘረላቱ ቤታ ላታና።
- 14 መጅና ጎዳይ ባረገው ያይያዋንቶ፣ ባረ ጸራ ሻክያዋ፤ እ ኡንቱንቶ ባረ ጫቁዋካ ቆንጭሴ።
- 15 መጅና ጎዳይ ታ ገድያ ጲርያፕ ከሰያ ድራው፣ ታ አይፊ ማዶ ኡባ ገደ እኮ ጸሌ።
- 16 ጸሳው፣ ታን ታረካ ደእያ ቆሄቴዳ አሳ ግድያ ድራው፣ ሃ ታኮ ሰማ፤ ነ ማሮተላ ታና በሳ።
- 17 ታው ህርጋይ ዳራዳ፤ ታ መቱዋፕ ታና ኔን ዋዛ።
- 18 ታ መቱዋን ታ ቱጋ ኔን በእ። ታ ናጋራ ኡባ አቶ ጋ።
- 19 ታ ሞርከቱ አይ ኪሻ ዳራደንቶን በእ፤ ኡንቱንቱ ታና ዋሳናዳን እጽያዋ ጸሌ።
- 20 ኔን ታና ናጋ፤ ኔን ታና አሻ፤ ታን ኔኮ ባቃቴዳ ድራው፣ ታና ዬላዮፓ።
- 21 ታን ኔናን ሄድታ ኦሌዳ ድራው፣ ሱረተላይን ቱማተላይ ታና ናጎ።
- 22 እቤት ጸሳው፣ እሰራኤልያ አሳ ኡንቱንቱ መቱዋ ኡባፕ ኔን አሻ።

## 26

### ጌሻ አሳ ዋሳ

ዳዊታ ማዘመርያ

- 1 እቤት መጅና ጎዳው፣ ታን ሱረተላን ህመቱዳ ድራውን፣ ሰጂ ባይናን መጅና ጎዳ አማንቴዳ ድራው፣ ታው ፕርዳ።
- 2 እቤት መጅና ጎዳው፣ ታና ፓጫ፣ ታና ብዳ፤ ታ ዋዛና ጸሞሳ።
- 3 እያው ጎፕ፣ አገና ነ ሲቁ ታ ሰንላን ደኤ፤ ታን ነ ቱማተላ ኦግያን ህመታይ።
- 4 ታን ጭምያ አሳቱዋና እትፕ ኡትከ፤

- ሎእ ማላትያ ኢታቱዋ ማባራን ገልከ።
- 5 ኢታ ኦሰያ አሳቱዋ ሺቁዋ ታን እጻይ፤ ማካላንቻቱዋና እትጥ ኡትከ።
- 6 አቤት መድና ጎዳጤ፣ ታን ቆሀቤናዋ በሳናጤ ታ ኩሽያ ማጫይ። ገጤ ያርሽያ ሳኦ ያደይ፤
- 7 ነ ጋላታ የላ የጻይነ ኔን ኦሌዳ ኦራላባ ኡባ ኦዳይ።
- 8 አቤት መድና ጎዳጤ፣ ኔን ደእያ ጎልያ፣ ነ ቦንቹ አቅያ ሳኦ ታን ደሳይ።
- 9 ታና ናጋራንቻቱዋና እትጥ ፕቶፓ፤ ዋይ አሳ ዋድያዋንቱና እትጥ ዳይሶፓ።
- 10 ኡንቱንቱ ኩሽያን ኢታ ሀልቹ ደኤ፤ ቃይ ኡንቱንቱ ኡሽቻ ኩሽያን ማታዬ ኩሞ ኡቴዳ።
- 11 ሸን ታና ግደጥ፣ ታን ሱረተላን ሀመታይ። ታና ዋዛ፤ ታጤ ቃረታ።
- 12 ታ ገዲ ደሞባ ሳኦን ኤቁዳ፤ ታን ዋልቃማ ሸቁዋን መድና ጎዳ ጋላታና።

## 27

### ጸሳና ደእያ አሳ አማኑዋ

ዳዌታ ማዘመርያ

- 1 መድና ጎዳይ ታጤ ፖኦነ ታና አሸያዋ፤ ያትና፣ ታን ኦጤ ያያንታ? መድና ጎዳይ ታ ደኡ ናገትያ ሚጻ፤ ያትና፣ ታን ኦጤ ዳጋማንታ?
- 2 ኢታ አሳቱ፣ ታ እጽያዋንቱን ታ ሞርከቱ ታና ዋዳናጤ ታኮ ዋጽያ ዋይ፣ ኡንቱንቱ ባረንቶ ጹቡተደ ኩንዳና።
- 3 ሞርከያ ቶራይ ታና ደድንቶካ ታ ዋዛናይ ያየና። ኦላይ ታ ቦላ ደድንቶካ፣ ታን መድና ጎዳን አማኑታይ።
- 4 ታን መድና ጎዳ እትባ ኦቻድ፤ ታን ሄዋ ኮያድ፤ ሄዋነ፣ ታን ታ ደኡዋ ላይላ ኡባን፣ መድና ጎዳ ጎልያን ደአናዋ፤ ቃይካ ታን መድና ጎዳ ሎኦተላ በእናዋነ ኦ ጎልያን ኦ ኮያናዋ።
- 5 ሄዋ ድራጤ፣ መቱዋ ጋላሳን ኦ ታና ባረ ደእያ ሳን ገንላና፤ ባረ ዲንካንያን ኦ ታና ቆሰ አሻና። ኦ ታና ቋቃ ሹቻ ቦላን ኤሳና።
- 6 ሄ ዋይ ታን ታና ደዳዳ ታ ሞርከቱዋጥ፣ ግታታይ ቋቁ ቋቁ ያጋና። ታን ኦ ዲንካንያን ናሽታይ ያርሹዋ ያርሻና። ታን መድና ጎዳጤ ዲጻናን የጻና።
- 7 አቤት መድና ጎዳጤ፣ ታን ኔና ዴሰያ ዋይ፣ ኔን ታጤ ኮያ፤

- 8 ኔን፣ “ታ ሰንላ ኮይተ” ጌዳ ዋደ፥  
ታ ዋዘናይ፥ “እቤት መድና ጎዳው፥ ኤኖ፤  
ታን ነ ሰንላ ኮያና” ያጌዳ።
- 9 ነ ሰንላ ታጥ ገንፎገ።  
ታና ማዳዳዎ፥ ታና ነ ቆማ  
ሀንቀታደ ጉዩ ዛሮገ።  
እቤት ታና አሽያ ጸሳው፥  
ታና ኦሎገን አጎገ።
- 10 ታ አውነ ታ አታ ታና አግንቶነ  
መድና ጎዳይ ታና ሺሽ አካና።
- 11 እቤት መድና ጎዳው፥ ነ ኦግያ ታና ታማርሳ፤  
ታ ሞርከቱዋ ድራው፥ ታና ሱረ ኦግያ ካለላ።
- 12 ታና ናሰያ ዋርዶ ማርካቱ ታ ቦላ ኢታተላን ደንዴዳ ድራው፥  
ታና ታ ሞርከቱዋ አሞ አላደ አሞገ።
- 13 መድና ጎዳ ኬካተላ ታን ፓጻ ደአደ በአናዋ አማናይ።
- 14 መድና ጎዳን ሂደታ ዋላ፤  
ሞናደነ ዋዘናማደ፥ መድና ጎዳን ሂደታ ዋላ።

# 28

## ማዲዋ ደማናው ዋሳነ ጋላታ

ዳዊታ ማዝሙርያ

- 1 እቤት መድና ጎዳው፥ ታ ዛለው፥ ታን ኔና ጼሳይ፤  
ታን ኔና ጼሰና፥ ታው ሰሳ እጾገ።  
ነ ጮኡ ጎጥ፥  
ታን ዲፋዋ ቤዳ አሳቱዋ ማላ ግዳይ።
- 2 “ማደ” ጋደ ታን ኔና ጼሰያ ዋደነ  
ነ ኡባጥ ጌሻ ዲንካንያኮ ዛራደ፥  
ታ ኩሽያ ሞጭያ ዋደ፥  
ኔን ታ ዋትዋቱዋ ሰሳ።
- 3 ኢታ ኦሳያ ኢታ አሳቱዋና ታና ጋሳደ ኦይቆገ፤  
ሄዋንቱ ባረንቱ ዋዘናን ኮባባ ቆጥ ኡቲደ፥  
ባረንቱ ዶናን ባረንቱ ሾሩዋና ሳሮባ ሃሳይያዋንታ።
- 4 ኡንቱንቱ ኦሱዋዳንነ ኡንቱንቱ ኦሱዋ ኢታተላዳን፥  
ኡንቱንቶ ጭጋ፤  
ኡንቱንቱ ኩሺ ኦሌዳባው ኡንቱንቶ ዛራ።  
ኡንቱንቶ በሰያ ኢታ ኡንቱንቶ ዛራ።
- 5 ኡንቱንቱ ጸሳ ኦሱዋነ ኦ ኩሺ መዴዳዋ  
ዶሰናን እጼዳ ድራው፥ ጸሳይ ኡንቱንታ ኮላና፤  
ዛሪደ ኡንቱንታ ኡባካ ኬጸና።
- 6 ታ ዋትዋቱዋ ሰቤዳ ድራው፥ መድና ጎዳይ ጋላተቶ።
- 7 መድና ጎዳይ ታው ዋልቃነ ጎንዳለ፤  
ታ ዋዘናይ እን አማንቱ፤  
ሄዋን ታን ማደታድ።  
ሄዋ ድራው፥ ታ ዋዘናይ እን ናሽቱ፤  
ታን የላን አ ሳባና።
- 8 መድና ጎዳይ ባረ አሳው ዋልቃ፤

እ ባረ ኦሎዳ ካትያ አሸያ ሚጻ።  
 9 ጸሳው፣ ነ አሳ አሻ፤  
 ነዉ ግድያዎንታ አንጃ።  
 ኡንቱንታ ሄምያዌ ኔና ግዳ፤  
 ኔን ኡንቱንታ መድናዉካ ቶካ።

## 29

### ጸሳ ኮሻ ዋልቃ

ዳዊታ ማዘሙርያ

- 1 ሀንተኖ ሳሉዋን ደእያ መ□ታቶ፣  
 መድና ሳዳባ ኦድተ፤  
 “ቦንቹን ዋልቃይ መድና ሳዳዋ” ጊደ ኦድተ።
- 2 መድና ሳዳ ቦንቹ ሱንሳ ጋላትተ፤  
 እ ጌሻተላ ፑላዉ መድና ሳዳዉ ሳይንተ።
- 3 መድና ሳዳ ጉንሳይ ሃላቱዋ ቦላን ሰሰቴ።  
 ቦንቹ ጸሳይ ጉጉንሳዳን ጉሜ፤  
 መድና ሳዳይ ዋልቃማ ሃላቱዋ ቦላን ጉሜ።
- 4 መድና ሳዳ ጉንሳይ ዋልቃማ፤  
 መድና ሳዳ ጉንሳይ፣ “ሆላ!” ጊሰያዋ።
- 5 መድና ሳዳ ጉንሳይ ዝጋቱዋ መን□ሬሴ፤  
 ለባኖሳ ግያ ቢታን ደእያ ዝጋቱዋካ፣  
 መድና ሳዳይ መን□ሬሴ።
- 6 ለባኖሳ ደረቱዋ ጋሎ ማራዳን ቡራቅሴ፤  
 ሰርዮና ግያ ዋልቃማ ደርያ መንሳዳን ጲጵልሴ።
- 7 መድና ሳዳ ኮሻይ፣  
 ዋልቃንሳ ዋልቃምሴ።
- 8 መድና ሳዳ ኮሻይ ባዙዋ ቃሴ፤  
 መድና ሳዳይ ቃዳሳ ባዙዋ ቃሴ።
- 9 መድና ሳዳ ኮሻይ ዋላቱዋ ቃሴ፤  
 ሞሳ ሀይላካ ቆቆፌ።  
 ያትና፣ እ ደእያ ሳኔን ደእያዎንቱ፣  
 “ቦንቹ ጸሳዉ ግዳ” ያጊና።
- 10 መድና ሳዳይ ድኡዋ ሃላ ቦላ ባረ ካዉተላ አራታ ዋሴደ ኡቴዳ፤  
 መድና ሳዳይ ባረ ካዉተላ አራታን ኡቴደ፣  
 መድናዉ ካተቴዳ።
- 11 መድና ሳዳይ ባረ አሳዉ ዋልቃ እሜ።  
 መድና ሳዳይ ባረ አሳ ሳርተላን አንጃ።

## 30

### ጋላታ ዋሳ

ዳዊታ ማዘሙርያ፣ ጌሻ ጎልያ አንጅሰያ ጋላስ የጼዳዋ

- 1 አቤት መድና ሳዳዉ፣  
 ኔን ታና ጨሙዋጥ ከሴዳ ድራዉን  
 ታ ሞርከቱዋን፣ “ሀሹ አዉ” ጊሳቤና ድራዉ፣  
 ታን ኔና ቶቁ ቶቁ ኦላና።
- 2 አቤት መድና ሳዳዉ ታ ጸሳዉ፣  
 ኔን ታና ማዳናዳን፣ ታን ኔና ጼሳድ፤  
 ኔን ታና ፓላዳ።
- 3 አቤት መድና ሳዳዉ፣ ታና ዱፋዋ ቤናዳን ናጋዳ፤  
 ዱገ ጨዋ ኦላን ገለናዳን፣

ኔን ታና ፓጻ አሻዳ።

4 ህንተኖ ጸሳ አሳቶ፥ መድና ጎዳዉ የጽተ፤  
አ ገሻ ሱንሳካ ጋላትተ።

5 አ ሀንቁ ጉላ ዋድያሳ፥  
ሸን አ ከካተላይ ደኡዋ ላይላ ኡባሳ።

ቃማ ዬቢደ አቆፕ፥  
ዋንታ ዛዋይ ባይና ናሸቻ ግዴ።

6 ታን ዋፓን ደእያ ዋደ፥  
“ሰም ታን ኡባካ ቃጽከ” ያጋድ።

7 አቤት መድና ጎዳዉ፥ ኔን ታዉ ኬኬዳ ዋደ፥  
ታና ዋልቃማ ደርያዳን ምንሳደ ኡሳዳ።

ሸን ኔን ነ ሰንሳ ዋራ ዛሬዳ ዋደ፥  
ታን ዳጋማድ።

8 አቤት መድና ጎዳዉ፥ ታን ኔና ጸሳድ፤  
ታን መድና ጎዳኮ ማሮተላዉ ሀዋዳን ያጋደ ዋሳድ፤

9 “ታን ሀይቄያዋፕ ዋይ  
ዲፋዋን ገልያዋፕ አያ ደማኒ?

ባናዉ ላመቲዳ አሳይ ኔና ጋላቲ?  
ኔን አማነትያዋ ኦዲ?

10 አቤት መድና ጎዳዉ፥ ታና ኔን ሰሳ፤  
ታዉ ቃረታ።

አቤት መድና ጎዳዉ፥ ኔን ታዉ ማዲዋ ግዳ” ያጋድ።

11 ታ ዬኩዋ የላዉ ላማዳ።  
ካዪዋ ማዪዋ ታፕ ቃራደ፥  
ናሸቻ ታና ማይዛዳ።

12 ሄዋ ድራዉ፥ ታን ኔና  
ሳባናፕ አትና፥ ጮኤ ገከ።

አቤት መድና ጎዳዉ ታ ጸሳዉ፥  
ታን ኔና መድናዉካ ጋላታና።

# 31

## መቱዋ ዋደ ዋሳ

ዛማረቱዋ ካፖ የጸቴዳ፥ ዳዊታ ማዝሙርያ

1 አቤት መድና ጎዳዉ፥ ታን ኔኮ ባቃታይ፤  
አዉደነ ታና ዬላዮፓ።

ነ ጽሎተላን ታና አሻ።

2 ነ ሀይላ ታኮ የጋ፤  
ኤለካ ታና አሻ።

ኔን ታን ጌምያ ዛላነ  
ታና አሸያ ምኖ ጌሱዋ ታዉ ግዳ።

3 ኤ፥ ኔን ታዉ ዛላነ ጌሱዋ፤  
ነ ሱንሳ ድራዉ፥ ኔን ታና ካለላነ ነ ኦግያ በሳ።

4 ኔን ታዉ ጌምያ ሳ ግድያ ድራዉ፥  
ኡንቱንቱ ታዉ ቆሰ ዋሴዳ ጲርያፕ ታና ኔን ናጋ።

5 አቤት መድና ጎዳዉ፥ ቱሙዋ ጸሳዉ፥  
ታን ታ ሸምፑዋ ነ ኩሸያን ዋላይ፤  
ኔን ታና ዋዛ።

6 ፓገና ኤቃቶ ጎይንያዋንታ ታን እጻይ፤  
ሸን ታን መድና ጎዳን አማነታይ።

7 ታ መቱዋ ኔን በኤዳ ድራውን  
ታ ቱጋ ኔን ኤሬዳ ድራው፤

ታን አገና ነ ሲቁዋን ናሸታናነ  
ናሸቻን ናጩ ጋና።

8 ኔን ታና ሞርክያ ኩሽያን አላደ እማባካ፤  
ታ ገደቶካ ላአተላ እማዳ።

9 እቤት መድና ጎዳው፤  
ታን መቱዋን ገሌዳ ድራው፤ ታዉ ቃረታ።

ታን ዳር ሞሽቱዳ ድራው፤ ታን መቱዋን፤  
ታ አሹካ፤ ታ ሸሞፑካ ዳቡሬዳ።

10 ሞሹዋ ዳሩዋን ታ ደኡ ጭሬዳ፤  
ታ ላይላቱካ ኦልሸን ዉሬድና።

መቱዋ ዳሩዋን ታ ዎልቃይ እጽና፤  
ታ መቀላቱካ አርጋጩድና።

11 ታ ሞርከቱዋ ኡባዉ ቅድያ ግዳድ  
ታን ታ ሸርቶ ዬላ፤

ታና ኤርያዋንቶካ ያሸሰያዋ ግዳድ።  
ኦግያን ታና በኤዳዋንቱካ ታፕ ባቃቲና።

12 ታን ሀይቄዳዋዳን ደገታድ፤  
መእና ኦሌዳ ኦቱዋ ማላ ግዳድ።

13 ታን ዳርቱዋ ሳሱከላ ሰሳድ፤  
ዳጋማይ ኡባ ሳን ደኤ።  
ኡንቱንቱ ታ ቦላ ሸቅናነ ታና ዎቆናዉ ማቀቲና።

14 ሸን መድና ጎዳው፤ ታን ኔናን አማነታይ፤  
ኔን ታ ጸሳ ያጋይ።

15 ታ ደኡዋ ላይላይ ነ ኩሽያና።  
ታና የደርሰያ ታ ሞርከቱዋ ኩሽያፕ ታና ኔን አሻ።

16 ነ ቆማ ቦላን ነ ሶምኤዋ ፖአሳ፤  
አገና ነ ሲቁዋን ታና አሻ።

17 እቤት መድና ጎዳው፤ ታን ኔና ጼሰያ ድራው  
ታና ዬላዮፓ።

ሸን ኢታቱ ዬላትና፤  
ኡንቱንቱ ዲፋዋን ገሊደ፤ ሰርጽ ገና።

18 ኦቶሩዋን ካድያን ጽሎቱዋ ቦላ  
ጸሊደ ሃሳይያ ድራው፤  
ኡንቱንቱ ዎርዶትያ ደና ጮኡ ኦላ።

19 ነዉ ያይያዋንቶ ኔን ሞንጂዳነ  
ኔኮ ባቃትያዋንቶ አሳ ሰንሳን፤

20 ኔን ኡንቱንታ ነ ሰንሳን ጌማ ሳኡን ገንላደ፤  
አሳ ማቁዋፕ አሻሳ።

ኔን ኡንቱንታ ነ ዲንካንያን ቆሳደ፤  
ኢታ እንጻርሳፕ አሻሳ።

21 ታን ሞርኪ ደዴዳ ካታማ ግደን ደእያ ዎደ፤  
እ ታና ማላልሰያ ባረ አገና ሲቁዋ በሴዳ ድራው፤

መድና ጎዳይ ጋላተቶ።  
22 ታን ዳጋማደ፤

“ታን ነ ሰንሳፕ ክቻድ” ያጋድ።



ሸን ታና ማዳና ማላ፥ ኔና ጸሴዳ ዋደ፥  
ታ ዋሱዋ ኔን ሰሳዳ።

- 23 ሀንተኖ፥ ጸሳ አሳቶ፥ መድና ጎዳ ሲቅተ።  
መድና ጎዳይ አማነትያዋንታ ናጌ፤  
ሸን ኦቶራንቻቶ ኡንቴንቴ ጋትያ ዉርሰ ጭጌ።
- 24 ሀንተኖ፥ መድና ጎዳን ህደታ ኦልያዋንቶ፥  
ሞንተነ ዋዛናምተ።

### 32

ናጋራ ፓጺሳን ማሮታ ደሙሳ

ዳዊተ አኩሳን ጸፌዳ ግንጹዋ

- 1 አ ባይዙ አቶ ጌተቴዳነ  
አ ናጋራይ ካመቴዳ ኡራይ አንጀቴዳዋ።
- 2 መድና ጎዳይ አ ኢታተላ ፓይደና አሳይነ  
አ ቆፋን ባለሉ ባይና አሳይ አንጀቴዳዋ።

- 3 ታ ናጋራ ፓጺናን ደኣደ፥  
ታን ጋላሳ ኩመንሳ ኦሌዳዋ  
ታ አሳተላይ ዳቡራዳ።
- 4 ጋላሰነ ቃማ ነ ኩሺ ታ ቦላ ዴዴዳ።  
ሃላይ ቦንያ አዋን መሊደ ዉርያዋዳን፥  
ታ ዋልቃይ ዉራዳ።

- 5 ታን ታ ናጋራ ነዉ ፓጺድ፤  
ታ ኢታተላካ ኔፐ ገንሳበይከ፤  
“ታ ባይዙዋ መድና ጎዳዉ ፓጺና” ጋድ።  
ያትና፥ ኔን ታና ዴዴዳ ናጋራ አቶ ያጋዳ።

- 6 ሄዋ ድራዉ፥ ጸሳ አሳ ግድያ ኦንነ፥  
ኔን ቤትያ ዋደ፥ ኔና ዋሶ።  
ዋልቃማ ሃላይ ኩንሰያ ዋደ፥  
ቴሙዋፐ ሂ ኡራ ጋከና።
- 7 ኔን ታዉ ቆሰትያ ሳኣ፤  
ኔን ታና መቴዋፐ ናጋሳ፥  
አቶተላ የላ የጽያዋንታ ታ ዩሹዋን ዋላዳ።

- 8 ጸሳይ፥ “ታን ኔና ኤርሳናን፥  
ኔን ባናዉ በሰያ ኦግያ ኔና ታማርሳና፤  
ታን ኔና ዙራናን ናጋና።
- 9 ብጸላንነ ፑሉዋን ኦይቀተናን አዛዘተና፥  
ዋዛናይ ባይና ባቁሉዋዳን  
ዋይ ፓራዳን ሀንተ ሀኖፕተ” ያጌ።

- 10 ኢታቶ ቴጋይ ዳራና፤  
ሸን መድና ጎዳን አማነትያዋንታ፥  
አገና ሲቆ ደዳና።
- 11 ሀንተኖ፥ ጽሎቶ፥  
መድና ጎዳን ናሸትተነ “ሀሹ!” ጌተ፤  
ሀንተኖ፥ ዋዛና ሱራቶ፥ ናሸቻዉ የጽተ።

### 33

ማርያ ጸሳ ሳቡሳ

- 1 ህንተኖ፣ ጽሎቶ መጅና ጎዳጃ ናሽቻን የጽተ፤  
ሱረ አሳቱ እ ጋላታናጃ በሴ።
- 2 ማሰንቁዋ ዲጲደ፣  
መጅና ጎዳ ጋላትተ፤  
ታሙ ባቀላን ዋጸቱዳ ዲላካ እጃ ዲጽተ።
- 3 ኦራላ የሳ የጽተ፤  
ሎይሰ ዲጲደ፣ ቃላ ዶቂሲደ የጽተ።
- 4 መጅና ጎዳ ቃላይ ሱርያ፤  
እ ኦሳያ ኦሱዋ ኡባይ አማነትያዋ።
- 5 መጅና ጎዳይ ጽሎተላነ ቱሙ ፕርዳ ዶሴ፤  
አገና እ ሲቁ ሳኦ ኩሜዳ።
- 6 መጅና ጎዳ ቃላን ሳሎቱ መጠቱድኖ።  
እ ደናፕ ከሰያ ሸምቱዋን  
ኡንቱንቱን ደእያ መጠታቱካ ኦሰቱድኖ።
- 7 ዋልቃማ አባ ሃላ እ እትሳን ኤልሴዳ፤  
ሄ ጨዋ ሃላ ምንጃ ሳን ዜሬዳ።
- 8 ሳኦ ኡባይ መጅና ጎዳ ያዮ፤  
ሳኦን ደእያ አሳይ ኡባይ እ ቦንቾ።
- 9 አያጃ ጎፕ፣ እ ሃሳይና ሀኔዳ፤  
እ አዛዝና፣ ምኒደ ኤቄዳ።
- 10 መጅና ጎዳ ኤረና ካጣተላቱዋ ዘረታ ጸሳይ ላሌ፤  
ኡንቱንቱ ሀልቼዋካ መላ ከሴ።
- 11 መጅና ጎዳ ሀልቼ መጅናጃ ኤቄደ ደኤ፤  
እ ዋዛና ቆፋይካ የለታ ኡባ ጋካናጃ ደኤ።
- 12 ጸሳይ መጅና ጎዳ ግዴዳ ካጣተላይ፣  
እ ባረሳ ኦሳደ ዶሬዳ አሳይ አንጀቱዳዋ።
- 13 መጅና ጎዳይ ሳሎዋና ዱገ ዪሊደ፣  
አሳ ኡባ በኤ።
- 14 ጸሳይ ባረ ደኤያሳፕ ሳኦን ደእያ ኡባ ዪሌ።
- 15 እ ኡንቱንቱ ኡባ ዋዛና መጴዳ፤  
ኡንቱንቱ ኦሳያዋ ኡባ ኤሬ።
- 16 ካቲ ባረ ዋታዳራ ጮራተላን አተና፤  
ኦላንቻይ ባረ ዋልቃ ምኖተላን ከሰ አከና።
- 17 ኦላ ፓራይ ጸንሳና ጊደ ናግያዌ መላ፤  
እ ባረ ዋልቃ ምኖተላን አሻናጃ ዳንዳየና።
- 18 መጅና ጎዳ አይፈቱ አጃ ያይያን  
አገና እ ሲቁዋን ህድታ ኦሳያ አሳቱዋ ቦላና።
- 19 ሄዌነ፣ ኡንቱንታ ሀይቁዋፕ አሻናሳነ  
ኮሻ ዋድያን ፓጻ ዋላናሳ።
- 20 ኦን መጅና ጎዳን ህድታ ኦሳዮ፤  
እ ኦና ማድያዋን ኦ ጎንዳልያ።
- 21 ኦን እ ጌሻ ሱንላን አማነትያ ድራጃ፣  
ኦ ዋዛናይ አን ናሽቱ።
- 22 አቤት መጅና ጎዳጃ፣  
ኦን ኦናን ህድታ ኦሳያዋዳን፣  
አገና ነ ሲቁ ኦናና ግድ።

# 34

ጸሳይ ፕርድያዎ ግድዎ ሳቡሳ

ባረና የደርቤዳ ኣብመሌካ ሰንሳጥ ሳይያዎ ማላቲደ ቤዳ ዎደ፣ ዳዋታ ማዝሙርያ

1 ታን መድና ጎዳ ኡባ ዎደ ጋላታና፤

እ ጋላታይ አይ ዎደነ ታ ደናፕ ፓጨና።

2 ታን መድና ጎዳን ጨቀታይ፤

ናቀቲዳዎንቱ ሄዎ ሰሲደ ናሸትና።

3 ታናና ግዲደ፣ መድና ጎዳ ግታይተ።

እነ አትፕ አ ሱንሳ ዶቁ ዶቁ ኦላይተ።

4 ታን መድና ጎዳ ኮያድ፤

እ ታወ ዛሬዳ፤

ታን ያይያዎ ኡባፕ ታና እ አሼዳ።

5 ኔኮ ጸልያዎንቱ ናሸተና፤

ኡንቱንቱ ሶምኢ ኡባካ ዬላተና።

6 ሀ ሀዬሳ ብታኒ ዋሴዳ፤

መድና ጎዳይ እ ዋሱዎ ሰሴዳ፤

እ መቱዎ ኡባፕ እ አሼዳ።

7 መድና ጎዳ ኪታንቻይ እ ያይያ አሳቱዎ ናጌ፤

እ ኡንቱንቱ ዩሹዋን ግዲደ፣ ኡንቱንታ አሼ።

8 መድና ጎዳይ ኩካ ግድያዎ ጸል በአተ።

እኮ ባቃትያ አሳይ እንጀቲዳዎ።

9 ሀንተና፣ እ ጌሻ አሳቶ፣ መድና ጎዳዉ ያይተ፤

እያዉ ጎፕ፣ አዉ ያይያ ኡባቶ እያይነ ፓጨና።

10 ጋሞቱካ ምያዌ ጳይና ኮሻተና፤

ሸን መድና ጎዳ ኮይያዎንቶ ሎኣባይ ፓጨና።

11 ታ ታማረቶ፣ ሃ ዩተ፤ ሰሰተ፤

መድና ጎዳ ያሻ ታን ሀንተና ታማርሳና።

12 ሎኦ ደኡዎ ደአናዉነ

ኩካባ በአና ማላ፣

ባረ ላይሳይ አዲቃናዉ ኮይያ አሳይ ኦኔ?

13 ነ እንጸርሳይ ኢታባ ሃሳየናዳን፣

ነ ደናይካ ጭማናዳን ተአ።

14 ኢታፕ ሻኩታ፤ ሎኦባ ኦላ፤

ሳሮተላ ሎይላ ኮያደ ካላ።

15 መድና ጎዳ አይፊ ጽሎቱዋኮ ጸሌ፤

ቃይ እ ሀይሳይካ ኡንቱንቱ ዋሱዎ ሀይዜ።

16 ኡንቱንታ ሀሳይሰያዎ ቢታፕ ጳይሳና ማላ፣

መድና ጎዳይ ኢታ ኦሳያዎንታ፣

ባረ ሀንቁዎ ሶምኡዋን ጸሌ።

17 ጽሎቱ ዋሲና፤

መድና ጎዳይ ኡንቱንቱ ዋሱዎ ሰሴ።

እ ኡንቱንቱ መቱዎ ኡባፕ አሼ።

18 መድና ጎዳይ ዋዛናይ መኤዳዎንቶ ማታና፤

ቃይ ባረንቱ ሀይታ ቃንጸዳዎንታ አሼ።

19 ጽሎ አሳ መቱ ዳራ፤

ሸን መድና ጎዳይ እ ሄ ኡባፕ አሼ።

20 ጸሳይ እ ምንሰ ናግያ ድራዉ፣

እ መቀሳፕ አቱነ መኤና።

21 ኢታቱዎ ኢታተሳይ ዎጳና፤

ጽሎቱዋ እጽጋዋንቱ ፕርደታና።

22 መድና ጎዳይ ባረ ቆማቱዋ እሼ።  
እኮ ባቃቲደ ኦንነ ፕርደተና።

### 35

ናቀቱዳ አሳ ዎሳ

ዳዊታ ማዘመርያ

1 እቤት መድና ጎዳዉ፣ ታናና ኤቀትያዋንቱና ኔን ኤቀታ፤  
ታናና ኦለትያዋንቱና ኔን ኦለታ።

2 ጎንዳልያነ ሀራ ኦላ ሚሻ ኦይቃደ፣  
ታና ማዳናዉ ደንዳ።

3 ታና የደርሰያዋንቱ ቦላን  
ነ ቶራን ማሻ ደንሳ።

ታና፣ “ታን ኔና አሽያዋ” ያጋ።

4 ታ ሸምጥዋ ዎላናዉ ኮይያዋንቱ፣  
ዬላትኖን ካዉሸኖ፤  
ታ ቦላ ኢታባ ማቀትያዋንቱ ካዉሸደ ጉየ ሰሞኖ።

5 መድና ጎዳ ኪታንቻይ ኡንቱንታ የደርሰያ ዎደ፣  
ኡንቱንቱ ጫርኩዋ ሰንሳን ደእያ ሱላዳን ሀንኖ።

6 መድና ጎዳ ኪታንቻይ፣  
ኡንቱንታ ደቻና ሀንያ ዎደ፣  
ኡንቱንቱ ኦጊ ጴማነ ሀልላ ግደ።

7 ጮ ታና ኦይቃናዉ ባረንቱ ጸርያ ዎሌድኖ፤  
ቃይካ ጮ ታና ኩንድሳናዉ ኦላ ቦኪድኖ።

8 ኤረናን ደአሸና፣ ኡንቱንቱ ቦላን ባሻይ ጥቱ ጎ።  
ኡንቱንቱ ዎሌዳ ጸሪ ኡንቱንታ ኦይቆ፤  
ኡንቱንቱ ባሻ ኦላን ኩንድኖ።

9 ሄ ዎደ ታን መድና ጎዳን ናሽታና፤  
እ አሸዳ ድራዉ፣ ታን ናሽቻ ኖጩ ጋና።

10 ታ ኩመንሳ አሳተላይ ኔና፣  
“እቤት መድና ጎዳዉ፣ ነ ማል ኦኔ?  
ሀዬሳ ዎልቃማ ኩሽያጥ ዎላ አካሳ።  
ሀዬሳነ መቶታንቻ ቦንቂ ምያዋንቱ ኩሽያጥ አሻሳ” ያጋና።

11 ዎርዱዋ ማርካትያዋንቱ ታ ቦላ ደንዳኖ።  
ታን ኤረናባን ታና ሞቲኖ።

12 ታን ሎኡዋ ኦሌዳዋ ኩሽያ ኢታ ዛሪኖ፤  
ያትና፣ ታን ታረካ አታድ።

13 ሸን ታን ኡንቱንቱ ሀርጌዳ ዎደ፣  
ማቃ ማያድ፤ ታ አሳተላ ጸማን ዳቡርሳድ።

ታ ዎሳይ ዛሩዋ ደመናን አቴዳ።

14 ታ ሀጺያ ዝቂ ኦሳደ፣ ታ ዳቦ፣  
ዎይ ታ አሻዉ ዬክያዎዳን ዬካድ።  
አት አሳይ ባረ አትዉ ካዮትያዎዳን ታ ሀጺያ ኦይቃደ፣  
ዬካደ ሀመታድ።

15 ሸን ኡንቱንቱ ታን ጴብቴዳዋን ናሽቲደ፣  
ታ ቦላ ሸቄድኖ።

ታን ኤረና ጋሱዋን ታና ዎላደ፣  
አጉዋ አጼድኖ።

16 ኢታ አሳይ ቅለጫያዎዳን ኡንቱንቱ ታና ቅለጪኖ፤  
ኡንቱንቱ ይሎቲደ፣ ባረንቱ አቻ ጋርጩድኖ።

- 17 እቤት ጸሳው፥ ኔን እዉደ ጋካናዉ  
 ጮኡ ጋደ ጸላይ?  
 ኡንቱንቱ ኢታ ኦሱዋፕ ታና ከሻ፤  
 ሀ ጋሞቱዋ ማላ አሳቱዋፕ ታ አልኦ ሸሞጥዋ አሻ።
- 18 ሄ ዋደ ግታ ሺቁዋን ታን ነዉ ጋላታ አማና፤  
 ጮራ አሳ ሺቁዋን ታን ኔና ሳሳና።
- 19 ጋሱ ባይናን ታና ሞርኪያዋንቱ ናሽቶፕና፤  
 ታና ጮ አጽያዋንቱ ታ ቦላ ሰሞኤቶፕና።
- 20 ኡንቱንቱ ሳርባ ሃሳይያዋ አጊደ፥  
 ቢታን ጮኡ ጊደ ደእያ አሳቱዋ ቦላን  
 ዋርዲዋ መዲደ ሃሳዬና።
- 21 ኡንቱንቱ ባረንቱ እንጸርሳ ታ ቦላ ቃራዬደ፥  
 “ኤ፥ ኤ፥ ኔን ኦሴዳዋ  
 ኩን ኑ አይፍያን በኤዶ” ያጊና።
- 22 እቤት መድና ጎዳው፥ ኔን ሀዋ በአደ፤  
 ጮኡ ጎፓ።  
 እቤት ጸሳው፥ ኔን ታፕ ሃኮፓ።
- 23 እቤት ታ ጎዳው፥ ታ ጸሳው፥  
 ታ ድራዉ ደንዳ፤ ቤጎታ  
 ታ ደና ግዳደ ሞተታ።
- 24 እቤት መድና ጎዳው፥ ታ ጸሳው፥  
 ነ ጽሎተላን ታና ሻትንላ፤  
 ታ ሞርከቱዋ ናሽቶፓ።
- 25 ኡንቱንቱ ባረንቶ፥ “ሀሹ፥ ሀሹ፥  
 ኩን ኑ ዋዛናን አሞቴዳዋ ጋሴዶ።  
 ኩን አ ሞቴዶ” ጋናዳን ኦሶፓ።
- 26 ታ ዋይያን ናሽትያዋንቱ ኡባይ  
 ዬላትናን ካዉሸና።  
 ታ ቦላን ኦቶረትያዋንቱ  
 ዬላን ካዉሻ ማይና።
- 27 ታን ሻትምያዋ ደሰያዋንቱ  
 ናሽቲደ፥ “ሀሹ!” ጊና።  
 ኡንቱንቱ ኡባ ገደ፥ “ባረ ቆማ ሳርተላን  
 ናሽትያ መድና ጎዳይ ግታቶ” ያግና።
- 28 ጋላሳ ኩመንላን ታ እንጸርሳይ፥  
 ነ ጽሎተላባን ነ ጋላታባ ኡዳና።

### 36

#### ናጋራንቻ ኢታተላን ጸሳ ሎኦተላ

- ዛማረቱዋ ካፖ የጸቲዳ፥ መድና ጎዳ ቆማ ዳዊታ ማዝሙርያ
- 1 ኢታ አሳይ ባረ ዋዛናን ደእያ ኢታተላ ኮሻ ሀይዜ።  
 ጸሳዉ ያይያዋ አ ቆፋን ባዋ።
- 2 አያዉ ጎፕ፥ አ ባረና ሎይሶ ናሹ፤  
 ሄዎ አ ባረ ናጋራ ደማናዉን አጸናዉ ዳንዳየና።
- 3 አ ደናፕ ከሰያ ሃሳይያ ገንያን ዋርዲዋ።  
 አዲዳ ኤራባን ሎኦባ አልያዋ አ አጊደ።
- 4 አ ባረ ሂጸን ደኢደካ ገንያባ ኦላናዉ ሀልቼ።  
 አ ሎኦ ግደና ኦግያን ኤቁዳ፤  
 አ ኢታባ አጸና።
- 5 እቤት መድና ጎዳው፥ አገና ነ ሲቁ ሳሎቱዋ ጋኬ፤  
 ነ ቱማተላይካ ቦላ ሻርያዳን ቶቁ።
- 6 ነ ጽሎተላይ ኡባፕ ቶቃ ደረቱዋ ማላ፤

ነ ፕርዳይካ ኡባፕ ዝቃ ጨማ ማላ።  
አቤት መድና ጎዳወ። ኔን አሳካ ዶአካ ናጋሳ።

- 7 አቤት ጸሳወ። አገና ነ ሲቁ አይባ አልእቤ!  
አሳይ ነ ቀፍያ ግዶ ባቃት አቴ።
- 8 ኡንቱንቱ ነ ሱ ግዶን ፓላሆ ማዳፕ ሚደ ካሊኖ፤  
ነ ኬካተላ ሻፋፕ ኔን ኡንቱንታ ኡሻሳ።
- 9 አያወ ጎፕ፣ ዶኡዋ ፑልቱ ነ ማታን ደኤ፤  
ነ ፖኡዋን ኩን ፖኡዋ ቢኤቶ።
- 10 ኔና ኤርያዋንታ ኔን ሲቅያ ሲቁዋን  
ሱረቶ ኬክያ ኬካ አጎፕ።
- 11 ኡቶራንቻ ገዲ ታና የቶፖ፤  
ናጋራንቻቱዋ ኩሺ ታና የደርሶፖ።
- 12 ኢታ አሳቱ ኩንዴዳዋንታ ቢአተ፤  
ኡንቱንቱ ኩንዴድኖ፤ ደንዳናዉካ ዳንዳይክና።

### 37

#### ኢታቱዋን ሎአቱዋ ዉርሰላ

ዳዊታ ማዘመርያ

- 1 ኢታ ኦሳያዋንቱ ድራዉ ይሎቶፓ።  
ናጋራ ኦሳያዋንታ ቃናቶፓ።
- 2 አያወ ጎፕ፣ ኡንቱንቱ ማታዳን ኤለካ መላና፤  
ሹሌዳ ቦንጭያዳን ኡንቱንቱ ቆቆፊታና።
- 3 ኔን መድና ጎዳን አማነታ፤ ሎኡባ ኦላ።  
ያታደ ቢታን ፓላህና ደአ።
- 4 መድና ጎዳን ናሽታ፤  
እ ነዉ ነ ዋዘና አሙዋ አማና።
- 5 ነ ኦግያ ሀዳራ መድና ጎዳዉ አማ።  
አን አማነታ፤ እ ነዉ ኦላና።
- 6 እ ነ ጽሎተላ ዋንታ ጸልቂያዳን፣  
ቃይ ነ የወዋ ፕርዳ ጋላሳ ሴታ አዋዳን ፖአሳና።
- 7 መድና ጎዳ ሰንላን ጮኡ ጋደ፣  
እ ኦላናዉ። ዳንዳያን ናጋ።  
ኡንቱንቱ ኢታ ሀልቹ ፖለትና፣  
ዱረቱዳ አሳቱዋ ቦላ ይሎቶፓ።
- 8 ሀንቁዋ አጋ፤ ይሎዋፕ ተኤታ።  
ይሎቶፓ፤ አያወ ጎፕ፣ ሄዩ መቱዋን የጌ።
- 9 ኢታ ኦሳያዋንቱ ዶቆለቲደ ቆያና፤  
ሸን መድና ጎዳን ሀደታ ኦሳያዋንቱ ቢታ ላታና።
- 10 ኢታ ኦሳያዋንቱ ጉላ ዋድያፕ ጉይያን ደአክኖ፤  
ኔን ኡንቱንታ ኮይንቶካ ኡንቱንቱ ቤትክና።
- 11 ሸን አሸከቱ ቢታ ላታና፤  
ኡንቱንቱ ግታ ሳሮተላን ናሽቲደ ደአና።
- 12 ኢታ አሳይ ጽሎ አሳ ቦላ ማቀቱን  
ባረ ኢቻ ጋርጨ።።
- 13 ሸን ጎዳይ ኢታቱዋ ቦላን ሚጨ፤  
አያወ ጎፕ፣ ኡንቱንቱ ፕርዳ ጋላሳይ ይያዋ እ ኤሬ።
- 14 ኢታ አሳቱ ሀዩሳቱዋን መቶታንቻቱዋ ኡንጋናዉን  
ሱረተላን ሀመትያዋንታ ዋቆናዉ።

ባረንቱ ማሻ ሾዴድና

ባረንቱ ምንዳፍያ ዳፌድኖ።

15 ሽን ኡንቱንቱ ማሻይ ኡንቱንቱ ሞዛና አይፍያን ገላና፤

ኡንቱንቱ ምንዳፊካ መእና።

16 ጽሎ ደእያ ጉላባይ

ጮራ ኢታ አሳቶ ደእያ ዳርባጥ ሎኦ።

17 እያዉ ጎጥ፣ ኢታቱዋ ዋልቃይ መእና፤

ሽን ጽሎቱዋ መድና ጎዳይ ዘምጥሴ።

18 ሱረ አሳቱዋ ኦገያ መድና ጎዳይ ኤሬ፤

ኡንቱንቱ ላታይካ መድናዉ ኡንቱንቱዋ ግዳና።

19 ኢታ ዋድያን ሱረ አሳቱ ዬላትክና፤

ኮሻ ዋድያን ኡንቱንቱ ካላና።

20 ሽን ኢታ አሳቱ ሀይቃና።

መድና ጎዳ ሞርከቱ ጋምኤና ደምባ ጨሻ ማላ፤

ኡንቱንቱ ጨዋዳን ጳያና።

21 ኢታ አሳይ ታልእ አኪደ ጭገና፤

ሽን ጽሎ አሳይ ቃረቲደ እሜ።

22 መድና ጎዳን እንጀቴዳዋንቱ ቢታ ላታና፤

ሽን ሸቀቴዳዋንቱ ዶቆለት ጳያና።

23 አሳ ኦጊ መድና ጎዳ ናሸቸጥ፤

ጎዳይ እ ታንጉዋ ካለሴን ምንሴ።

24 እ ዱብቶጥካ ኩንደና፤

እያዉ ጎጥ፣ መድና ጎዳይ እ ኩሽያ ኦይቂደ ዘምጥሴ።

25 ታን ካሰ ያላጋ፤ ሀእ ሰም ጭማድ፤

ሽን ጽሎ አሳይ ጮ አትና፤

ዋይ እ ናናቱ ምያዋ ጳይ ዋሰሽን፤

ታን ኡባካ በእ ኤርከ።

26 እ ኡባ ዋደካ ከካ፤

ጮ ታልኤ።

እ ናናቱካ ሀራቶ እንጆ ግዳናዋንታ።

27 ኢታጥ ሃካ፤ ሎኦባ ኦሳ።

ያቶጥ፣ ኔን አዱሳ ሳይላ ደእና።

28 እያዉ ጎጥ፣ መድና ጎዳይ ጽሎባ ደሴ።

ጸሳ አሳቱዋ እ አገና፤

ጽሎቱ መድናዉ ናገቲኖ።

ሽን ኢታቱዋ ዘረሳይ ዶቆለታና።

29 ጽሎቱ ቢታ ላታና

ያን መድናዉ ደእና።

30 ጽሎዋ ደናይ አዴዳ ኤራ ኦዴ፤

እ እንጸርሳይካ ጽሎባ ሃሳዬ።

31 እ ጸሳ ህጊ እ ዋዛናን ደኤ፤

እ ገዳካ አጥ ሀልጸና።

32 ኢታ አሳይ ጽሎ አሳ ዋቹን

ዋጳናዉ ኮዬ።

33 ሽን መድና ጎዳይ ጽሎ አሳ እ ኩሽያን አገና፤

ፕርዳዉ ኤቂያ ዋደካ እ ቦላ ፕርድሰና።

34 መድና ጎዳን ህድታ ዋላደ፣ እ ኦገያ ናጋ።

ኔን ቢታ ላታና ማላ፣

እ ኔና ዳርሳና።

ኢታ አሳቱ ዶቆለቲደ ጳይሸና፣

ኔን በእና።

35 ታን እት ዳጋንልያ ኢታ ብታንያ፣

ዋላዳን ዳሼዳዋ በእድ።

36 ሽን ታን ህ ሳና

ሰማደ አድያ ዋደ እ ላዬዳ፤  
 ኮይናካ እ ቤትቤና።  
 37 እነ ሎኦ አሳ እኬካ፤ ሱረ አሳ በእ፤  
 እያወ ጎጥ፤ ሳር አሳወ ፖሎ ሎእና።  
 38 ሸን ባይዛንቻቱ ኡባ ላያና፤  
 ኢታቱዋ ፖሎካ ዶቆለት ላያና።  
 39 ጽሎቱዋ እቶተላይ መድና ጎዳጥ ዬ፤  
 መቱዋ ዋደ እ ኡንቱንቶ ናገት አትያ ሳእ።  
 40 መድና ጎዳይ ጽሎቱዋ ማዳነ እሼ።  
 ኡንቱንቱ እኮ ባቃቴዳ ድራወ።  
 እ ኡንቱንታ ኢታቱዋጥ ዋሰ እኬነ እሼ።

### 38

#### ኡንኤቴዳ አሳ ዋሳ

ዳዊታ ሀሳይሰያዋ ማዘመርያ  
 1 አቤት መድና ጎዳወ፤ ነ ሀንቁዋን ታና ሴርፓ፤  
 ነ ይሉዋን ታና ሙርፓ።  
 2 ነ ዋንዳፍያ ፖላይ ታና ጫድ ድጌድና፤  
 ነ ኩሺካ ታና ናቂ ኦይቄዳ።  
 3 ኔን ላንጨዳ ድራወ፤ ታ ቦላይ ፓጸ ግደና፤  
 ታ ናጋራ ድራወ፤ ታ አሳተላይ ሳራ ግደና።  
 4 ታ ኢታተላይ ድኡዋዳን ታና ሙኬዳ፤  
 ደንደና ዋልቃማ ቶኩዋዳን ታወ ዴዴዳ።  
 5 ታን ናጋራ ኦሌዳ ኤያተላ ድራወ፤  
 ታ ማዲላይ ገሻ ኦይቄደ ጽንቄዳ።  
 6 ታን ሆካድነ ቁናድ።  
 ጋላሳ ኩመንላ ዬካደ ፔሻድ።  
 7 ታ አሹዋ ሞሹ ጸጌ፤  
 ታ ቦላይ ፓጸ ግደና።  
 8 ታን ዳቡራድነ ንፕ ጋድ፤  
 ታ ዋዛናይ ድድቅያ ድራወ ኦላይ።  
 9 አቤት ጸሳወ፤ ታ አሙ ኡባይ ነወ ኤረቴ፤  
 ታን ኦልያዌ ኔፕ ገምቤና።  
 10 ታ ዋዛና አይፍያን ድድቄ፤  
 ታ ዋልቃይ እጽና፤  
 ታ አይፊካ ጴላ አዴዳ።  
 11 ታ ማይላ ድራወ፤  
 ታ ሾርቱካ ታ ላገቱካ ሃኩዋን ኤቄድና።  
 ታ ዳቦቱካ ታፕ ሃኬድና።  
 12 ታና ዋቆናወ ኮይያዋንቱ፤  
 ባረንቱ ጸርያ ታወ የገና።  
 ታና ቆሀናወ ኮይያዋንቱ፤  
 “ኤቃሻ፤ ኦን ኔና ደማና” ያገደ፤  
 ማንዲኖን ጋላሳ ኩመንላ ታ ቦላ ያእና።  
 13 ሄ ዋደ ታን ቱለ አሳ ማላ፤ ሰሰከ፤  
 ታን ዱደ አሳ ማላ፤ ዶናን ፖክከ።  
 14 ኤ፤ ታን ሰሰና፤  
 ዶናይ ዛረና አሳ ማላ።  
 15 ሸን አቤት መድና ጎዳወ፤ ታን ኔናን ሀደታ ኦላይ።  
 አቤት መድና ጎዳወ፤ ታ ጸሳወ፤ ኔን ታወ ዛሩዋ እማና።  
 16 ታን ጸሳ፤ “ታ ገዲ ቆብትና፤  
 ኡንቱንቱ፤ ላወ ሀሹ፤ ጋናዳንነ



- ታ ቦላ ጨቀታናዳን ኦላፓ” ያጋይ።
- 17 ታን ኩንዳና ሀናይ፤  
ታ ሳኩካ ታና የደናን እጹዳ።
- 18 ታን ታ ኢታ ኦሱዋ ፓጸይ፤  
ታን ታ ናጋራ ጋሱዋን ካኖታይ።
- 19 ታ ሞርከቱ ጎባን ዋልቃማ፤  
ታና ጮ አጽያዋንቱ ጮራ።
- 20 ታን ሎኦባ ኦሰና፤  
ታዉ ኢታ ዛርያ አሳቱ፤
- ታን ሎኦባ ካልያ ድራዉ፤ ታና ኤቀቲኖ።
- 21 አቤት መድና ጎዳዉ፤ ታና የጎፓ።  
አቤት ታ ጸሳዉ፤ ታፕ ኔን ሃኮፓ።
- 22 አቤት መድና ጎዳዉ፤ ታና አሸያዎ፤  
ታና ማዳናዉ ኤሌላ።

### 39

#### መቱ ጋካ አሳ ፓጸላ

ዳዊተ ዛማሪቱዋ ካፑዋ ጁዲቶ የጼዳ አማኑዋ ቃላ (1 ኦዲዋ 25:3)

- 1 ታን፤ “ታ እንጸርሳን ናጋራ አግናዳን፤  
ታ ኦግያ ናጋና።  
ኢታ አሳቱ ታ ሰንላን ደእያ ዋደ፤  
ታ ዶና ባራና” ያጋድ።
- 2 ሸን ታን ዱድያዳን ጮኤ ጋድ፤  
ታን ሀራይ አቶ ሎኦባ ሃሳይያዋካ አገና፤
- ታ ዋዪ ያ ዳራዳ።
- 3 ታ ዋዛናይ ታ ጋርሳን ሴሌዳ፤  
ታ ቆፋይ ፖዱ ጊደ፤ ኤጽ ከሴዳ።
- ያትና፤ ታ እንጸርሳን ሀዋዳን ያጋድ፤
- 4 “አቤት መድና ጎዳዉ፤ ታ ደኡዋ ወርሰላነ  
ታ ደአናዉ አቴዳ ጋላሳ ታና ቦሳ።  
ቃይ ታ ደኡ ወራናዉ አይ ኬሻ ኤሌልንቶ፤ ታና ኤርሳ።
- 5 ኔን ታ ላይላ ጸ ታካ፤ ኬሻ ከሳዳ።  
ታ ላይላይ ነ ሰንላን ባይናዋ ማላ፤  
ቱሙዋፕ አሳይ ኡባይ እት ገደ ሸምፕያ ጫርኩዋ ማላ።
- 6 ቱሙዋፕ አሳይ ኤሹዋዳን ሀመቴ፤  
ቱሙዋፕ ጮ መላ ሰመረቱ።
- እ ማጹዋ ሸሺ፤ ሸን እካና አሳ ኤረና።
- 7 “አቤት ጎዳዉ፤ ሀእ ሰም፤  
ታን ናግያዌ አዬ?  
ታን ሀይታ ኦሳያዌ ኔናና።
- 8 ታ ባይዙዋ ኡባፕ ታና አሻ፤  
ኤያቱዋን ታና ቶሽሶፓ።
- 9 ሀዋ ኡባ ኦሴዳዌ  
ኔና ግድያ ድራዉ፤ ታን ዱዳድ፤  
ዶናን ፖጋበይከ።
- 10 ነ ቦሻ ታ ቦላፕ ደንላ።  
ነ ኩሸያ ምኖተላ ጋሱዋን ታን ዳቡራድ።
- 11 ኔን አሳ አ ናጋራ ድራዉ፤ ሴራሳን ሙራሳ፤  
እ አልኦ ሸምፑዋ ብልኦዳን ወርሳሳ።  
ቱሙዋፕ አሳይ ኡባይ እት ገደ ጫርክያ ጫርኩዋ ማላ።
- 12 “አቤት መድና ጎዳዉ፤ ታ ዋሳ ሰሳ፤

- ታና ማዳናው ታ ዋሱዋ ሀይዛ።
- ታ እጮላ ጮኤ ጎጋ፤
- እያው ጎጥ፡ ታን ታ አዎቱዋ ኡባዳን በተነ እማላ ግዳደ፤
- ኔናና ደእይ።
- 13 ታን ሻከታናጥነ ጳያናጥ፡
- ካሰታደ ናሽታና ማላ፤
- ሀእ ታና አጋ” ያጋድ።

# 40

## ጋላታ ማዘሙርያ

- ዛማረቱዋ ካፖ የጸቴዳ፤ ዳዊታ ማዘሙርያ
- 1 ታን መጅና ጎዳ ዳንዳያን ናጋድ፤
- እ ታኮ ሰሚደ፡ ታ ዋሱዋ ሰሴዳ።
- 2 ባሻ ኦላጥ፡ ሀልልያ ኡርቃጥ ታና ከሴዳ።
- ታ ገድያ ዛላ ቦላን ኤሴዳ፤
- ቃይ ታ ሀመላካ ሳናዋ ኦሴዳ።
- 3 እ ታ ደናን ኦራላ የላ ዎሴዳ፤
- ሄ የላይነ፡ “ኑ ደሳይ ጋላተቶ” ያግያዋ።
- ዳሮቱ በኢደ፡ ያያናነ መጅና ጎዳን አማነታና።
- 4 መጅና ጎዳ ባረው አማነትያዋ ኦሴዳ አሳይ፡
- ኦቶራንቻቱዋኮ ጼላናዌነ፤
- ዎርዳንቻቱዋኮ ሰመና አሳይ አንጀቴዳዋ።
- 5 አቤት መጅና ጎዳው፡ ታ ደሳው፡
- ኔን ዳሮ ማላልሰያባ ኦላዳ፤
- ኔናና ልከትያዌ ኦንነ ባዋ!
- ኔን ኑዉ ቆፔዳ ሎእ ቆፋ
- ኦንነ ጋይዳናው ዳንዳየና።
- ሄዌ ታን ኦድና፡ ዉርያዋ ግደና።
- 6 ኔን ያርሹዋነ እሙዋ ኮያባካ፤
- ሸን ሰሳና ማላ፡ ታዉ ሀይላ ደያዳ።
- ጸግያ ያርሹዋነ ናጋራ ያርሹዋ ኔን ኮያባካ።
- 7 ሄዋጥ ጉይያን ታን፡ “ጸላ ማጸፋን
- ታባይ ጸፈቴዳዋዳን፡ ታን ያድ።
- 8 አቤት ታ ደሳው፡ ታን ኔን ኮይያዋ ኦላናው ደሳይ፤
- ነ ሀጊ ታ ዎዛና ግደን ደኤ” ያጋድ።
- 9 ዎልቃማ ሸቁዋን ታን፡ “ነ ጸሎተላ”
- ምሸራቹዋ ኦዳና።
- አቤት መጅና ጎዳው፡ ኔን ኤርያዋዳንካ፡
- ታን ታ ደናን ኦድያዋ አጋባይከ።
- 10 ታን ነ ጸሎተላ ታ ዎዛና ግደን ቆሳባይከ፤
- ኔን አማነትያዋነ አሸያዎ ኦዳድ።
- ቃይ አገና ነ ሰቁዋነ ነ ቱማተላ፡
- ነ ዎልቃማ ሸቁዋጥ ገንላባይከ።
- 11 አቤት መጅና ጎዳው፡ ነ ማሮተላ ታፕ ሃሶጋ።
- አገና ነ ሰቁነ ነ ቱማተላይ
- ታና ኡባ ዎደ ናን።
- 12 እያው ጎጥ፡ ጋይዳ ባይና ኢታባይ ታና ደዴዳ።
- ታ ኢታተላይ ታና ጋኪደ ጎዜዳ፤
- ታን ጼላናው ዳንዳይከ።
- ታ ኢታ ኦሱ ታ ሁጲያ ብናናጥ ዳሬዳ፤

- 13 ታ ዋዛናይ ታ ግደን ሴሬዳ።  
እቤት መድና ጎዳጣ። ታና አሻናወ ኤኖ ጋ፤  
እቤት መድና ጎዳጣ። ታና ማዳናወ ኤሌላ።
- 14 ታና ዋዳናወ ኮይያዋንቱ  
ኡባካ ዬላትኖን ካወሸኖ።  
ታን ቆሄታናዋ አሞትያዋንቱ  
ካወሸደ ጉየ ሰሞኖ።
- 15 ታ ቦላ፣ “አወ ሀሹ! ሀሹ!”  
ጌዳዋንቱ ደነቴዳ ድራወ፣ ዬላትኖ።
- 16 ሸን ኔና ኮይያ ኡባቱ፣  
ኔናን ናሽትኖን ሀሹ ጊኖ።  
ቃይ ነ አቶተላ ደሰያዋንቱ ኡባቱ፣  
“መድና ጎዳይ ግታቶ!” ያግኖ።
- 17 ታን ሀዬሳነ መቶታንቻ፤  
ታዋ ጎዳይ ቆፖ።  
ታና ማድያዌነ አሸያዌ ኔና፤  
እቤት ታ ደሳወ፣ ጋሞኦፓ።

# 41

## ሀርጋንቻ አሳ ዋሳ

- ዛማረቱዋ ካፖ የጸቴዳ፣ ዳዊታ ማዝሙርያ
- 1 ሀዬሳወ ቆፕያ አሳይ እንጀቴዳዋ፤  
መቱዋ ጋላሰ መድና ጎዳይ አ አሸ።
- 2 መድና ጎዳይ አ ናጊደ፣ ፓጻ ዋፍ።  
እነ ቢታ ቦላን እንጀቴዳዋ ግዴ፤  
ደሳይ አ አ ሞርከቱዋ አሞ አሌደ እመና።
- 3 መድና ጎዳይ አ ሀርግያ ሃሳን ደአሸናካ ማዴ፤  
አ ሳከትናካ፣ አ ፓፍ።
- 4 ታና ግደፕ፣ ታን፣ “እቤት መድና ጎዳጣ፣  
ታን ኔና ናቄዳ ድራወ፣ ታና ማራ፤  
ሀርግያፕካ ታና ፓሳ” ያጋድ።
- 5 ታ ሞርከቱ ኢታባን ታና ሃሳዪደ፣  
“አ አወደ ሀይቃንዴሻ?  
ቃይ አ ሱንሳይካ አወደ ቆያንዴሻ?” ያጊኖ።
- 6 ታና በአናወ ይያ ኦንነ ታወ ዋርደባ ኦዴ፤  
ባረ ዋዛናን ታና ዝግርያዋ ብዴ።  
ሄዋፕ ጉይያን፣ ካረ ከሲደ፣  
ያነ ሃነ ኦዲዋ ላሌ።
- 7 ታና እጽያ ኡባቱ  
እትፕ ታ ቦላን ሳሱኪኖ፤  
“ኢታባይ አ ቦላ ጋኬ” ጊደ ቆፕኖ።
- 8 ኡንቱንቱ “አ ኢታ ሀርጊ ኦይቄዳ፤  
አ ሄ ግሴዳሳፕ ኡባካ ደንደና” ያጊኖ።
- 9 ሀራይ አትና፣ ታን አማነትያ ታ ሲቆ ሳጊ፣  
ታን ባርሴዳቄ ታ ኩሸያ ሳኤዳ።
- 10 ሸን እቤት መድና ጎዳጣ፣ ኔን ታና ማራ፤  
ታን ኡንቱንቱ ኩሸያ ከሳናዳን፣  
ታና ሀርግያ ሃሳፕ ደንሳ።
- 11 ኔን ታናን ናሽታናዋ ታን ኤራይ፤  
አያወ ጎፕ፣ ታ ሞርኪ ታና፣  
ደኒደ ጋይረና።

- 12 ኔን ታና ታ ሱረተላ ድራጫ ዘምጥሳዳ፤  
ነ ሰንላን ታና መድናጫ ዋሳዳ።
- 13 መድና ጎዳይ፥ እሰራኤልያ ጸሳይ፥  
መድናፕ መድና ጋካናጫ ጋላተቶ።

አመንአ። አመንአ።

## ላኤንሳ ማጻፋ

### 42

(ማዘ. 42—72)

የደሳ ዋደ ዋሳ

ዘማረቱዋ ካፖ የጸቴዳ፥ ቆረ ናናቱዋ እኬካ ግንጹዋ

- 1 ጋራይ ጎግያ ሃላ ላሞትያዋዳን፥  
እቤት ጸሳጫ፥ ሄዋዳን ታንካ ኔና ላሞታይ።
- 2 “ታን ባደ፥ ጸሳ ሰንላ  
በእናጭ አጫዳሻ?” ጋይ፥  
ጸሳ፥ ደኤዋ ጸሳ በእናጫ ሳመታይ።
- 3 አሳቱ ኡባ ገደ፥ “ነ ጸሳይ ሀቃን ደኢ?”  
ያገያ ዋደ፥ ታጫ ጋላሰነ ቃማ ታ አራሳይ ቁማ ግዴዳ።
- 4 ታን ኡንቱንቱ ባላ ቦንቻናጫ፥  
ሸቄዳ ዳር አሳ ግዴዋና  
ሳልፕያን ሆሞቦጭሸናነ  
ጋላታ የላ የጽሸን፥  
ጸሳ ጎለ ካለሌዳዋ ቆፕያ ዋደ፥  
ታ ዋዛናይ ካዮቲደ፥ ግድን ሴሬዳ።
- 5 ታ ሸሞፓቱ፥ ታን እያጫ ካዮታይታ?  
ቃይ እያጫ ጃባካታይታ?  
ታን ጸሳን ሀደታ ዋላና።  
እያጫ ጎፕ፥ ታን ብር  
ታና አሸያዋነ ታ ጸሳ ጋላታና።
- 6 ታ ዋዛናይ ካዮቲዳ፤ ሄዋ ድራጫ፥  
ታን ዮርዳኖሳ ቢታን፥ ሄርሞነ ቋቃን፥  
ሚዛረ ደርያን ኤቃደ ኔና ሀሳያይ።
- 7 ነ ሶሱዋ ጉንላን ጨሙ ጨማጫ ጼሴ፤  
ቃይ ነ ቤታይነ ነ ሆቢ ኡባይ  
ታ ቦላና ጎፔዳ።
- 8 ጋላሰ መድና ጎዳይ አገና ባረ ሲቁዋ ታጫ ኪቲ።  
ቃማካ እ የሳይ ታናና ደኤ፤  
ሄ የሳይካ ታን ታ ደኤዋ ጸሳ ዋሰያ ዋሳ።
- 9 ጸሳ፥ ታ ዋጋ ዛላ ታን፥  
“እያጫ ታና ደጋዲ?”  
ታን እያጫ ታ ሞርክያን ናቀታደ ካዮታደ ሀመቶ?” ያጋይ።
- 10 ታ ሞርከቱ ታና፥  
“ነ ጸሳይ ሀቃን ደኢ?” ያገደ፥  
ታ መቀላ መንሐደ ቦሪኖ።
- 11 ታ ሸሞፓቱ፥ ታን እያጫ ካዮታይታ?  
ቃይ እያጫ ጃባካታይታ?  
ጸሳን ሀደታ ዋላና።  
እያጫ ጎፕ፥ ታን ሀእካ  
ታና አሸያዋነ ታ ጸሳ ጋላታና።

# 43

- 1 እቤት ጸሳው፥ ታና ሻትንላ።  
 ጸሳ ኤረና አሳቱዋና ታ ሞቱዋ ኔን ሞተታ።  
 ጭምያ ኢታ አሳቱዋ፣ ታና ኔን አሻ።
- 2 ጸሳው፥ ታን ናገታ አትያ ሚጻይ ኔና።  
 ኔን ታና እያዉ አጋይ? ታን እያዉ ታ ሞርክያን፥  
 ናቀታደ ካዮታደ ሀመቶ?
- 3 ነ ፖኤዋነ ነ ቱሙዋ ታዉ ኪታ፤  
 ኡንቱንቱ ታና ካለሰና።  
 ነ ጌሻ ደርያ ኔን ደኢያሳ እፍኖ።
- 4 ሄ ዋደ ታን ታ ጸሳ ያርሹዋ ሳአ፥  
 ታና ናሽቶያ ጸሳኮ ባና።  
 እቤት ጸሳው፥ ታ ጸሳው፥  
 ታን ዲላ ዲጻደ፥ ኔና ሳባና።
- 5 ታ ሸምፓቱ፥ ታን እያዉ ካዮታይታ?  
 ቃይ እያዉ ጃባካታይታ?  
 ታን ጸሳን ህደታ ዋላና።  
 እያዉ ሳፕ፥ ታን ብር  
 ታና አሽያዋነ ታ ጸሳ ጋላታና።

# 44

## ጸሳይ ናጋናዲን ዋሳ

ዛማራቱዋ ካፖ የጸቲዳ፥ ቆረ ናናቱዋ እኩካ ግንጾዋ

- 1 እቤት ጸሳው፥ አጼዳ ዋድያን፥  
 ኔን ኦጼዳዋ ኑን ኑ ሀይላን ሰሴደ፥  
 ኑ አዎቱዋ ዋድያንካ ነ ኦጼዳዋ ኑዉ ኦዴድኖ።
- 2 ካዉተላቱዋ ኔን ነ ኩሽያን ላጋደ ከሳዳ፤  
 ኑ አዎቱዋ ኡንቱንቱ ቢታን ቶካናዉ፤  
 ሀራ ካዉተላቱዋ ሙራዳ፤  
 ሸን ነ አሳቱዋ አሳዳ።
- 3 ኡንቱንቱ ባረንቱ ማሻን ኦሊደ፥  
 ሄ ቢታ ከሰበይክና፤  
 ኡንቱንቱ ባረንቱ ኩሽያ ምኖተላን ጸንበይክና።  
 ሸን ኔን ኡንቱንታ ሲቱዳ ድራዉ፥  
 ኡንቱንቱ ነ ኡሸቻ ኩሽያ፥  
 ነ ቀሰያን ነ ሰንላ ፖኤዋ ዋልቃን ጸኔድኖ።
- 4 ያቆባ አሳዉ ጸኑዋ እዛዝያ፥  
 ታ ካቲነ ታ ጸሳይ ኔና።
- 5 ኔናን ግዲደ፥ ኑ ሞርከቱዋ ኑን ሱግ ኦላና፤  
 ነ ሱንላን ኑ ኤቀትያዋንታ ኑን የቆና።
- 6 ታን ታ ቶራን አማነትከ፤  
 ታ ማሻይካ ታና አሸና።
- 7 ሸን ኔን ኑና ኑ ሞርከቱዋ አሻዳ፤  
 ቃይ ኑና እጽያዋንታ ኔን ካዉሻዳ።
- 8 ኑን ኡባ ዋደ ጸሳን ጨቀቱቶ፤  
 ነ ሱንላዉ መጵናዉ ጋላታ እማና።
- 9 ሸን ሀእ ኔን ኑና አጋዳ፤ ካዉሻዳ፤  
 ኑ ቶራ አሳና እትፕ ኦላ ባካ።
- 10 ኑ ሞርከቱዋ ሰንላፕ ኑና ባቃትሳዳ፤  
 ኑ ኤቀትያዋንቱ ኑባ ቦንቄድኖ።

- 11 ኔን ኑና ደርሳቱዋዳን ሹካወ አላደ እማዳ፤  
ቃይ ካዉተላቱዋ ግደን ኑና ላላዳ።
  - 12 ኔን ነ አሳ ሀራይሱዋን ዛልአዳ፤  
እያ ዋድያነ ደማበይካ።
  - 13 ኔን ኑና ኑ ሾሮቱ ቦርያዋ፤  
ቃይ ኑ ሄራን ደእያዋንቱ ቅለጭያዋነ ሚጭያዋ ኑላዳ።
  - 14 ኔን ኑና ካዉተላቱዋ ግደን ቶሳ ከሳዳ፤  
ኑና ኡንቱንቱ ባረንቱ ሁጺያ ቃላ ቃላ ቅድያዋ ኑላዳ።
  - 15 ታን ጋላሳ ኩመንላን ቶሽታድ።  
ታ ሰምእያ ዩላይ ካሚዳ።
  - 16 ታና ሸቂያዋንቱነ ቦርያዋንቱ ጋሱዋን፤  
ታና ሞርክያዋንቱነ ማንድያዋንቱ ጋሱዋና።
  - 17 ኑን ኔና ደግቤናዋ ግደጥካ፤  
ዋይ ነ ጫቁዋ መንሰቤናዋ ግደጥካ።
- ሀዌ ኡባይ ኑ ቦላ ሀኔዳ።
- 18 ኑ ዋዛናይ ኔፐ ገዮ ሰምቤና፤  
ኑ ገዱ ነ ኦግያፐ ጋጸ ከሰቤና።
  - 19 ሸን ኔን ኑና መንግራላደ ዶኦ ግደን የጋዳ፤  
ድሱ ጎ ጴማን ካማዳ።
  - 20 ኑ ጸሳ ሱንላ ኩን ደጌደንቶ፤  
ሀራ ጸሳ ዋሳናዉ ኑን ኑ ኩሸያ ሞጩደንቶ፤
  - 21 ዋዛናን ጌሜዳ ጹራ ጸሳይ ኤርያ ድራዉ፤  
እ ሀዋ ብዱደ ደመኔ?
  - 22 ሸን ነ ድራዉ፤ ጋላሳ ኡባን ኑና ዋዲና፤  
ሹካናዉ አፍያ ደርሳዳን ፓይደቲድ።
  - 23 አቤት መድና ጎዳዉ፤ ደንዳ! እያዉ ገምእሻይ?  
ቤንታ! መድናዉ ኑና አጎፓ።
  - 24 ነ ሰምኡዋ ኑፐ እያዉ ገንላይ?  
ኑ ቆሁዋነ ኑ ኡንኦ እያዉ ደጋይ?
  - 25 ኑን ባናን ዲገ ኦለቲደ፤  
ኑ አሳተላይካ ቢታና ኦይቀቲዳ።
  - 26 አቤት ጸሳዉ፤ ደንዳ! ኑና ማዳ!  
አገና ነ ሲቁዋ ድራዉ፤ ኑና ዋዛ።

### 45

#### ሲቁዋ ግንጹዋ

ቆረ ናናቲ ዛማረቲዋ ካፖ ጨሻ ዋላ ግያ ዋላን የጹዳ የላ. አኬካን ጸፈቲዳ ሲቁዋ የላ.

- 1 ታን ታ የላ ካትያ ሰሳና፤  
ታ ዋዛናይ ሎኦ ቆፋ ፑልቲ፤  
ታ እንጸርሳይ ሎኦ ጸፍያ አሳ ብእርያ ማላ።
- 2 አሳ ኡባፐ ኔን ማላንቻነ፤  
ነ ሃሳያይ ናሽሰያዋ ግዳና ማላ፤  
ጸሳይ ኔና መድናዉ እንጂዳ።
- 3 ዋልቃማ ካትያዉ፤  
ነ ማሻ ነ ጴሳን ዳንጫ፤  
ቦንቹነ ግታተላይ ነዋ።
- 4 ነ ቲማተላ፤ አሽከተላነ ጽሎተላ ድራዉ፤  
ነ አጎፓ ማያደ፤ ጸናናዉ ፕሪጸ።  
ነ ኡሸቻ ኩሺ ማላልሰያባ በሶ።
- 5 ነ ፖሳይ ቃራ፤  
ኡንቱንቱ ካትያ ሞርከቲዋ ዋዛና አይፍያ ጫድና።

ካዉተላቱ ነ ገድያን ኩንድኖ።

- 6 እቤት ጸሳዉ፡  
ነ ካዉተላ አራታይ መጵ መጵናዉ ደኤ፤  
ነ ካዉተላ ጸምአይካ ሱረተላ ጸምአ።
- 7 ኔን ጽሎተላ ሲቃሳ፤  
ጌላተላ እጸ።  
ጸሳይ፡ ነ ጸሳይ፡ ኔና  
ነ ላገቱዋፕ አሊደ፡  
ናሸቻ ዛይትያ ኦኪዳዌ ሄዋሳ።
- 8 ካዋራን፡ ጎዳረ ኡላንነ ብርጉድያን፡  
ነ ማዩ ኡባይ ፑሻከቱዳ።  
ዳንጋርሳ ዛልያን አሌቀቱዳ፡  
ነ ካዉተላ ጎልያን ዲጸያዋንቱ ኔና ናሸቹኖ።
- 9 ካትያ ጎልያን ደእያ ማጫ አሳቱዋ ግደን፡  
ካተቱዋ ማጫ ናናቱ ደእኖ፤  
ካታታ ጌሻ ዋርቃን አሌቀታደ፡  
ኔፕ ኡሸቻ ባጋን ኤቃዱ።
- 10 ታ ናቴ፡ ሰሳ፤ ሀይዛ፤  
ነ ሀይላ ሃ የጋ።  
ነ ዛርያን ነ አዉዋ ጎልያ ደጋ።
- 11 ነ ፑላ ካቱ አሞቱ፤  
እ ነዉ ጎዳ ግድያ ድራዉ፡ አዉ አዛዘታ።
- 12 ጽርሳ አሳይ እዝዉ እሞታ እኪደ ያና፤  
ዱረቱ ኔና አዉዳሻና።
- 13 ካትያ ናታ ካትያ ጎልያ ግደን ዋታ ሎአይ!  
እዝ ቡላቻ ማዩካ ዋርቃ ቃጭናን ዳደቱዳ።
- 14 ባረ አሌቆ ማዩዋ ማያደ፡ ካትያኮ ሞይዘታዉ፤  
እዝ ላገ ናናቱ ዋደሮቱ፡  
እዝ ካሊደ፡ አ ሰንላ አሄድኖ።
- 15 ኡንቱንቱ ናሸቲደነ ሆሞቦጫደ ዪደ፡  
ካትያ ጎልያ ገሊኖ።
- 16 ካትያዉ፡ ነ አዎቱዋ ኮታ ነ ናናቱ አካና።  
ኔን ኡንቱንታ ቢታ ኡባ ቦላን ሱንላና።
- 17 ታን ነ ሱንላይ የለታ ኡባን ሀሳየታናዳን ኦላና።  
ሄዋ ድራዉ፡ አሳይ መጵ መጵናዉ ኔና ጋላታና።

### 46

#### ጸሳይ ኑናና ደኤ

ዘማረቱዋ ካፖ ቆረ ናናቱ እምና የጸቲዳ፡ ዋዶሮ ናና የላ ሂላን ጸፈቲዳ የላ.

- 1 ጸሳይ ኑን ናገት አትያ ሳነ ኑዉ ዋልቃ።  
ኑና መቱ ጋክያ ዋደ፡  
ማዳናዉ እ ኡባ ገደ ማታን ደኤ።
- 2 ሄዋ ድራዉ፡ ቢታይ ቃጽንቶካ፡  
ዋይ ደረቱ አባን ኩንድንቶካ፡  
ኑን ያዮኮ።
- 3 አባ ቤታይ ጉሚደ፡ ሆሙዋ ማይንንቶካ፡  
እ ዋልቃማ ሆቢያን ደረቱ ዪቄዪቄንቶካ፡  
ኑን ያዮኮ።
- 4 እት ሻፋይ ደኤ።  
ሄ ሻፋይ ጎጊደ፡ ጸሳ ካታማ፡  
ኡባፕ ጵቄያ ጸሳይ ደእያ ጌሻ ሳኣ ናሸቹ።

- 5 ጸሳይ አ ግደን ደእያ ድራው፥  
ሄ ካታማይ ቃጸና።
- ዎንታ ጉራን ጸሳይ አ ማዳና።
- 6 ጋድያ አሳይ ሻባረቱ፤  
ካወተላቱ ቃጸኖ።
- ጸሳይ ባረ ቃላ ሰሴዳ ዎደ፥ ሳአይ ሴሬ።
- 7 መፍተሳ ኡባ ጎዳይ ኑናና ደኤ፤  
ያቆባ ጸሳይ ኑን ቆሰት አትያ ሳአ።
- 8 ሃ ዪተ፤ መድና ጎዳይ ኡሱዎ ጸልተ፤  
አ ሳአን አሄዳ ባሻ በአተ።
- 9 አ ሳአ ጋጸ ጋካናዉ ደእያ ኦላ ተኤ፤  
ዎንዳፍያ መንሌ፤  
ቶራ መንሌ፤  
ጎንዳልያካ ታማን ጸጌ።
- 10 ዎፑ ጊተ፤ ታን ጸሳ ግድያዎ ኤርተ።  
ታን ካወተላቱዎ ግደን ዲቃይ።
- ቃይ ቢታ ቦላንካ ዲቃይ።
- 11 ኡባፕ ዎልቃማ መድና ጎዳይ ኑናና ደኤ፤  
ያቆባ ጸሳይ ኑን ቆሰት አትያ ሳአ።

### 47

#### ጸሳይ አላምያ ኡባ ካትያ

- ዛማረቱዎ ካፖ የጸቴዳ፥ ቆረ ናናቱዎ ማዘመርያ
- 1 ካወተላቱ ኡባይ ህንተ ኩሽያ ባቂተ፤  
ቃላ ቶቁ ኦሊደ፥ ጸሳዉ ጋላታ የጸተ።
- 2 ኡባፕ ቶቂያ መድና ጎዳይ ያየታናዉ በሴ፤  
ሳአ ኡባ ቦላን አ ዎልቃማ ካትያ።
- 3 ጋድያ አሳ ኑፕ ጋርሳና፥  
ካወተላቱዎካ ኑ ገድያፕ ጋርሳና ዎሊደ፥  
ኑዉ ዎድሴ።
- 4 አ ኑዉ ላትያ ቢታ ድሬዳ፤  
ሄ ቢታይ፥ አ ሲቅያ ያቆባ ዛራቱ ጨቀትያዎ።
- 5 ጸሳይ ፑደ ካወተላ አራታ ከሴዳ።  
መድና ጎዳይ ፑደ ከሰያ ዎደ፥  
ናሽቻ ሆምቦጨላይነ ማላካታ ፑናይ ሰሰቴዳ።
- 6 ጸሳ ሳቢተ፤ ኤ፥ አ ሳቢተ።  
ኑ ካትያ ሳቢተ፤ ኤ፥ አ ሳቢተ።
- 7 ጸሳይ ሳአ ኡባ ካትያ ግድያ ድራው፥  
ጋላታ ሳባ ሳቢተ።
- 8 ጸሳይ ባረ ጌሻ ካወተላ አራታን ኡቴዳ፤  
ጸሳይ ካወተላቱዎ ኡባ ዎዴ።
- 9 ካወተላቱዎ ካፓቱ፥  
አብራሃማ ጸሳ አሳቱዋና አትፕ ሸቂኖ።
- አያዉ ጎፕ፥ ሳአን ደእያ ዎልቃማቱ ኡባይ ጸሳሳ፤  
አ ሎይላ ቶቁ ጌዳ።

### 48

#### ጸሳ ካታማት ጸዮኖ

ቆራሀ ናናቱዎ ማዘመርያ፤ የላ  
1 መድና ጎዳይ ዎልቃማ።



- ኑ ጸሳ ካታማን ኦ ጌሻ ደርያን ኦቶ ጋላታይ ኦጢ።
- 2 ጸሳ ደርያ ጽዮን ቶቃነ ሎኦ።  
ፑደሃ ባገና ደእያ
- ሄ ዎልቃማ ካትያ ካታማይ ሳኦ ኡባጣ ናሸቻ።
- 3 ሄ ካታማ ግምቢያ ግድን፤  
ባረናን ሳሮ ኦሳይ ደእያዎ ጸሳይ በሴዳ።
- 4 ካተቱ ባረንቱ ቶራንቻቱዎና እትፕ ሺቄድኖ፤  
ጽዮን ኦላናጣ ዬድኖ።
- 5 ኦ በኢደ፣ ማላለቲድን ዳጋሚደ፣  
ባቃቴድኖ።
- 6 ኡንቱንቱ ሄዎን ደእሺና፤  
ኡንቱንታ ያሻ ኮኮርሳይ ኦይቄዳ፤  
ኦይላይ ኦይቄዳ ምሽራቲዳን ኡንኤቴድኖ።
- 7 ኦዎይ ዶልያ ባጋ ዎልቃማ ጫርኩዎን፤  
መእያ ታርሴስ ማርካብያዳን ኡንቱንቱ ኮኮሬድኖ።
- 8 ኑን ሰሴዳዎዳንካ፤  
ኡባፕ ዎልቃማ መድና ጎዳ ካታማን፤  
ኑ ጸሳ ካታማን፣ ኦ ኦሴዳዎ በኤድ።  
ጸሳይ ሄ ካታማ መድናጣ ምንስ ኤሴ።
- 9 ኦቤት ጸሳጣ፣ ነ ጌሻ ጎልያ ግድን  
እገና ነ ሲቁዎ ቆፔድ።
- 10 ኦቤት ጸሳጣ፣ ነ ሱንላዳንካ፤  
ነ ጋላታይ ሳኦ ጋጾ ጋኬዳ።  
ነ ኡሸቻ ኩሺ ጽሎተላን ኩሜዳዎ።
- 11 ነ ፕርዳ ድራጣ፤  
ጽዮን ኦሳይ ናሸቴ፤  
ይሁዳ ሞላቱካ ናሸቲኖ።
- 12 ጽዮን ዩሹዎን ሀመትተ፤  
ኦ ዩሹዎን ያን ሃነ ሰመረትተ።
- ኦ ዎቶያ ሳ ፓይድተ።
- 13 ይያ የለታጣ ኡዳናዳን፤  
ኦዝ ግምቢያ ኦኬክተነ ኦዝ ኦኮ ግምቢያ ጸሞስተ።
- 14 ሀንተ፣ “መድ መድናጣ  
ሀ ጸሳይ ኑ ጸሳ፤  
ኦ ኑና ሀይቃና ጋካናጣ ካለላና” ያጌደ ኦድተ።

### 49

#### ዲረታን አማንቱሳይ ሀዳ ግዳሳ

- ዛማረቱዎ ካፖ የጸቴዳ፣ ቆረ ናናቱዎ ማዝሙርያ
- 1 ሀንተኖ፣ ኦሳቶ፣ ኡባቱካ ሀዎ ሰስተ።  
ሀንተኖ፣ ሳኦን ደእያዎንቶ፣  
ኡባቱካ ሀዎ ሀይዘተ።
- 2 ቶቃይ ዝቃይካ፤  
ዲሪ ማንቁካ ሰስተ።
- 3 ታ ዎዛና ቆፋይ ጨማ፤  
ታ ድናይ ኦቶዳ ኤራተላ ሃሳዬ።
- 4 ታ ሀይላ ለምሱዎኮ የጋና፤  
ዲላ ዲጸደ፤  
ታን ኦ ብለላ ቆንጭሳና።

- 5 መቶ ገላሳይ ይያ ዎድያንን ባለሌያ ሞርከቱ፤  
 ታና ድድያ ዎድ፤  
 ታን እያዉ ያያይታ?  
 6 ታ ሞርከቶ፤  
 ባረንቱ ደእያዋን አማነትያዋንቶን  
 ባረንቱ ዱረተላ ዳሩዋን ጨቁያዋንቶ  
 እያዉ ያያይታ?  
 7 አይ አሳይነ ባረና ዎዛናዉ፤  
 ዎይ ባረ ሸምጥዎ ጋትያ ጸሳዉ ጭጋናዉ ዳንዳየና።  
 8 እያዉ ጎጥ፤ አሳ ሸምጥዎ ጋቲ አልእ።  
 አይ ጋትያ ጭግናካ ግደና።  
 9 እ መድናዉ ደእናዳን፤  
 ዎይ እ ሀይቀናዳን ኦላናዉ ጋከና።  
 10 ኤያቱነ ቦዛቱ ሀይቁያዎዳን፤  
 አይዳ ኤራንቻቱካ ጳይያዋን  
 ባረንቱ ማጹዋ ሀራቶ የጊደ ብያዎ  
 አሳይ ኡባይ ቦኤ።  
 11 ኡንቱንቱ ባረንቱ ቢታ ባረንቱዋ ጊናካ፤  
 ዱፋ መድናዉ ኡንቱንቱ ጎለነ የለታጥ የለታ ጋካናዉ  
 ኡንቱንቱ ደእያ ሳኦ ግዳናዎ።  
 12 አሳይ አይ ግታቶጥካ ገጸ አተና፤  
 አ ደእዳን ሀይቃና።  
 13 ባረካ ባረንቱ ሁጲያን አማነትያዋንቱ ካጫይነ  
 ኡንቱንቱ ቃላ ቱማ ግያዋንቱ ዉርሰላይ ሀዋ።  
 14 ሹካዉ ደረቲዳ ደርሳቱዋዳን፤  
 ኡንቱንቱ ዱፎ ደረቲድና፤  
 ሀይቁ ኡንቱንቱ ሄንላንቻ ግዳናዎ።  
 ሱረቱ ዎንታ ኡንቱንቱ ዱፋዎ ቦላ ሀመታና፤  
 ኡንቱንቱ ባረንቱ ደእያ ጎልያጥ ሃኪደ፤ ዱፋዋን ዎቃና።  
 15 ሸን ጸሳይ ታና ዎዛና፤  
 አ ታ ሸምጥዎ ሀይቁዎ ዎልቃጥ አሻና።  
 16 አሳይ ዱረትያ ዎደነ፤  
 አ ቦንቹ ዳርያ ዎደ ያዮገ።  
 17 እያዉ ጎጥ፤ አ ሀይቁደ፤  
 አይነ አኪደ ቤና፤  
 አ ዱረታይ እናና አትጥ ዱፋዎ ቤና።  
 18 አሳይ ገጸ ደእያ ዎድያን፤  
 “ታዉ ኩሜዳ” ጎጥነ፤  
 ኡባባይ አዉ ጊጌዳ ድራዉ ጋላተቶጥነ፤  
 19 ሰሚደ ፖኤዎ ቦኤና ባረ ማይዛ አዎቱዋና ጋከቱ።  
 20 ኤር ባይናን ግታቱዳ አሳይ ደእዳን ሀይቃና።

### 50

#### ቱሞ ጎይና

- አሳፋ ማዘመርያ
- 1 ዎልቃማ ጸሳይ፤ መድና ጎዳይ ሃሳይ።  
 አዎይ ደልያሳጥ ዉልያሳ ጋካናዉ  
 ሳኦን ደእያ አሳ ጸሴ።  
 2 ፑላይ ኩመንላ ሎእ ግድያ ጸዮነጥ ጸሳይ ፖኤ።  
 3 ኑ ጸሳይ ያና፤ ጮኤ ጊና።  
 ኤጽያ ታማይ አ ሰንላና፤  
 ዎልቃማ ጎቲ አ የሹዋና።  
 4 ጸሳይ ባረ አሳ ፕርዲደ፤

ሳሎቱዋን ሳኦ ጸሴ።

5 “ያርሹዋ ያርሸዋን፤  
ታናና ጫቀቴዳ ጸሳ አሳቱዋ፤  
ታኮ ሺሽተ” ያጌዳ።

6 ጸሳይ ፕርድያዋ ግድያ ድራው፤  
ሳሎቱ አ ጽሎተላ ኦዲና።

7 “ታ አሳው፣ ሰሳ! ታን ነዉ ኦዲይ።  
አሰራኤልያ አሳው፣ ታን ነ ቦላ ማርካታይ።

ታን ጸሳ፣ ነ ጸሳ።

8 ነ ያርሹዋ ድራውነ  
ኔን ኡባ ገደ ሺሽያ ጸግያ ያርሹዋ ድራው፤  
ታን ኔና ሴርከ።

9 ሄዋዳንካ፣ ነ ድርሳፕ ኮሩማቱዋ፤  
ዋይ ነ ሰኩዋፕ ዴሻቱዋ አካናዉ ኮይከ።

10 አያዉ ሳፕ፣ ዋራን ደእያ ደአቱ ኡባቱ ታዋንታ፤  
ሻኡ ደርያ ቦላን ደእያ መሄቱካ ታዋንታ።

11 ታን ቋቃ ደርያን ደእያ ካፎቱዋ ኡባ ኤራይ፤  
ደምባን ደእያ መተላቱ ታዋንታ።

12 ታና ኮሽንቶን፣ ታን ነዉ ኦድከ።  
አያዉ ሳፕ፣ ሳኦይን ሳኦን ኩሜዳዌ ኡባይ ታዋ።

13 ታን ኮሩማቱዋ አሹዋ ማይታ?  
ዋይ ዴሻቱዋ ሱላ ኡሻይታ?

14 ሄዋ ድራው፣ ጸሳው፤  
ኔን አምያ ያርሹ ጋላታ ግድ፤  
ኡባፕ ቋቂያ ጸሳው ነ ቃንገላ ጋላ።

15 ያታደ፣ መቱዋ ጋላሰ ታና ጸሳ።  
ታን ኔና አሻና፤ ኔንካ ታና ቦንቻና” ያጌ።

16 ሸን ጸሳይ ኢታ አሳ ሀዋዳን ያጌ፤  
ታ ሀግያ ኔን ዛራ ዛራደ አያዉ ኦዲይ?  
ዋይ ታ ጫቀዋ ነ ዶናን አያዉ ሃሳያይ?

17 ኔን ታ ትምርትያ እጻዳ፤  
ታ ቃላካ ሀይላ ቦላና አላዳ።

18 ኔን ካይሱዋ በኤዳ ዋደ፤  
አናና ዳቦታዳ፤

ሻርሙጽያዋንቱ ማባራን ገላዳ።  
19 ኔን ነ ዶና ኢታባ ሃሳያናዉ ብላ የዳሳ።  
ነ እንጻርሳይካ ዋርዱዋ ሃሳያ ሜዘቴዳ።

20 ነ ኡቴዳሳን ነ አሻ አሳደ ሃሳያዳ፤  
ነ አት ናኦ ዝግራሳ።

21 ኔን ሀዋ ኡባ ኦልያ ዋደ፤  
ታን ጮኡ ጌዳ ድራው፤

ታናካ ነ ማላ ጋደ ቆፓዳ።  
ሸን ሀኦ ታን ኔና ሴራይነ  
ነ ባላ ነ ሰንላን ፓይዳይ።

22 “ህንተና፣ ጸሳ ደግያዋንቶ፣ ሀዋ አኬክተ።  
ሄዌ ቆዮፕ፣ ታን ህንተና መንገራላና፤  
ሄ ዋደ ህንተና አሸያዌ ባዋ።

23 ታዉ ጋላታ እምያ አሳይ ታና ቦንቹ።  
ባረ ኦግያ ሱርሰያ አሳ  
ታን ጸሳ አቶተላ በሳና” ያጌ።

# 51

ማሮተላ ደማና ሺቄዳ ዋሳ

ዛማረቱዋ ካፖ የጻቴዳ፥ በርሳብና ሻርሙጾዳ ሀኖታ ትምቢትያ ኦድያ ናታን አዉ ኦዲደ ሰምና፥ ዳዊታ ማዘሙርያ

1 አቤት ጸሳዉ፥ እገና ነ ሲቁዋዳን ታና ማራ፤

ነ ቃረታ ዳሩዋዳን ታ ባይዙዋ ቁጫ።

2 ታ ኢታተላፕ ታና ሙላ ማጫ፤

ታ ናጋራፕ ታና ጌሻ።

3 እያዉ ሳፕ፥ ታ ባይዙዋ ታን ኤራይ፤

ታ ናጋራይ ኡባ ገደ ታ ሰንላና።

4 ታን ኔና፥ ነ ጸላላ ናቃድ፤

ነ አይፍያ ሰንላን ኢታባ ካላድ።

ሄዋ ድራዉ፥ ሃሳያደካ ኔን ልከ፤

ፕርዳደካ ኔን ጽሉዋ።

5 ታን የለቶደፕካ ቱሙ ናጋራንቻ፤

ታ አት ኡሉዋን ብሮ አትያ ዎደፕ ደማደካ፥

ታን ናጋራንቻ።

6 ሄኮ ኔን ዎዛና ግዶ ቱማተላ ኮያሳ፤

ሄዎ ድራዉ፥ ነ አይዳ ኤራተላ ታ ጋርሳን ታማርሳ።

7 ሂሶጽያ ግያ ቦንጭያን ኔን ታና ጌሻ፤

ታን ጌያና።

ታና ማጫ፤

ታን ሻቻፕ አቆአደ ቦጻና።

8 ኔን ታና ናሽቻን

ሀሹ ግያዎ ሰሳ፤

ኔን ታና መንግጫሌዳባ ግደፕካ፥

ዛራደ ናሽቻ።

9 ታ ናጋራፕ ነ ሰንላ ዎራ ዛራ፤

ታ ኢታተላ ኡባ ቁጫ።

10 አቤት ጸሳዉ፥ ጌሻ ዎዛና ታ ግደን መቆ፤

ምንሰያ እያና ታ ግደን ኦራላ።

11 ታና ነ ሰንላፕ ኦሎፓ፤

ነ ጌሻ እያና ታፕ አኮፓ።

12 ነ አቶተላ ናሽቻ ታዉ ዛራደ እማ፤

ታን ነዉ ኤኖ ጋደ አዛዘታናደን፥

ታና ዘምፕሳ።

13 ሄ ዎደ ታን ባይዛንቻቱዋ ነ ኦግያ ታማርሳና፤

ሄ ናጋራንቻቱን ኔኮ ሰማና።

14 አቤት ጸሳዉ፥ ታና አሽያ ጸሳዉ፥

ሱላ ጉሴዳ ናጋራፕ ታና አሻ፤

ሄ ዎደ ታ እንጻርሳይ ነ ጽሎተላባ የጻና።

15 አቤት ጎዳዉ፥ ታ ዶና ዶያ፤

ያቶፕ፥ ታ እንጻርሳይ ነ ጋላታ አዋያና።

16 ኔን ያርሹዋን ናሽታንቻ ታ ነዉ ሺሻናሽን፥

ኔን ያርሹዋን ናሽታካ።

17 ጸሳዉ ያርሹዎ ያርሹ

አሽከ እያና፤ አቤት ጸሳዉ፥

“ናጋራ ኡግናን አጋርክታሻ” ግያ፥

መኤዳ ዎዛና ኔን ካቆካ።

18 አቤት ጸሳዉ፥ ነ ዶሱዋን ጽዮንዉ ከካ፤

የሩሳላመ ግምብቱዋ ግምባ።

19 ህ ዎደ ጽሎ ያርሹዋን፤  
 ጹግያ ያርሹዋን፤  
 መሀያ እሹዋ ወርሰ ጹግያ ያርሹዋን ኔን ናሽታና።  
 ቃይ ኮሩማቱ ነ ያርሹያሳን ያርሽታና።

### 52

#### ኢታቱዋ ወርሰሳ ካጫ

ዛማረቱዋ ካፖ የጸቴዳ፣ ኤይማ ቢታ እሳ ግድያ ደይቅ ሳኦላኮ ቢደ፣ “ዳዊተ አብመሌካ ጎለ ቤዳ” ያጊደ ኦዲደ ሰሞና ዳዊታ እኬካ ግንጾዋ.

- 1 ኔኖ፣ ዋልቃማ ብታንያዉ፡  
 ጸሳ አሳቱዋ ቦላ ኢታባ ኦልያዋዳን፤  
 ጋላሳ ኡባን እያዉ ጨቀታይ?
- 2 ኔኖ፣ ዋርደባ ሀንያዋ፡  
 ኔን ሀራቱዋ ቆይሳናዉ ማቀታሳ፡፡  
 ነ እንጻርሳይ ኩሳ ማቁልያ ማላ።
- 3 ኔን ሎኡዋፕ ኢታ ሲቃሳ፤  
 ቃይ ቱሙዋ ሃሳይያዋፕ፡፡  
 ዋርዳዋ ሃሳይያዋ ደሳሳ።
- 4 ኔኖ፣ ዋርዳንቻዉ፡  
 ኔን ቆህያ ቃላ ኡባ ሲቃሳ።

- 5 ሸን ጸሳይ ኔና መድናዉ ቆይሳና፡፡  
 እ ኔና ዳፋናን ነ ጎልያፕ ቦንቁደ ከሳና፤  
 እ ኔና ፓጻ ደእያዋንቱ ግደፕ ቶቆላና፡፡
- 6 ጽሎቱ ሀዋ በኢደ ያያና፡፡  
 ኡንቱንቱ ሀዋዳን ያጊደ፣ ነ ቦላ ሚጫና፤
- 7 “ጸሳ ባረዉ ጌሱዋ ኦልቤና፡፡  
 ባረ ዲረተላ ዳሩዋን አማነቱዳ፡፡  
 ኢታ ኦሱዋን ምኔዳ ብታንያ  
 ሀዋ በእተ!” ያጋና።
- 8 ሸን ታን ጸሳ ጎልያን አጭያ ዋጋራ ማላ፡፡  
 እገና ኦ ሲቁዋን ታን መድ መድናዉ አማነታይ።
- 9 ኔን ኦሌዳ ድራዉ፡፡  
 ታ ኔና ጋላታና፡፡  
 ታን ኔን ኩካ ግድያ ድራዉ ነ ሱንላን ሀደታ ዋሳይ።  
 ታን ጸሳ አሳቱዋ ሰንላን ኔና ሳባና።

### 53

#### እሳ ኢታተላ

ዛማረቱዋ ካፖ የጸቴዳ፣ ዳዊታ እኬካ ግንጾዋ.

- 1 ቦዛቱ ባረንቱ ዋዛናን፡፡  
 “ጸሳይ ባዋ” ያጊና፡፡  
 ኡንቱንቱ ደኡ ባዬዳ፡፡  
 ኡንቱንቱ ሸንይያባ ኦሊኖ፤  
 ሎእያባ ኦልያ አሳይ ባዋ።
- 2 ጸሳ ኮይያ ኤራንቻቱ ደእንቶነ በእናዉ፡፡  
 ጸሳይ ሳሎዋፕ ዲገ እሳ ጼሌ።
- 3 ኡንቱንቱ ኡባይካ ጸሳፕ ሃኬድኖ፤  
 ኡባይካ እትፕ ቱኔድኖ።።  
 ሎኡዋ ኦልያ አሳይ ባዋ፤  
 ሀራይ አቶ እቱነ ባዋ።

4 ጸሳይ፡ “ሀዋንቱ ታ አሳ ቦንቁ ምያ ኢታ አሳቱ ቱሙ አይነ ኤርክኖ? ኡንቱንቱ ታና ዎሰክኖ” ያጌ።

5 ኡንቱንቱ ካሰ ዳጋሞ ኤረናዋ ኬሻ ዳጋማና። አያው ጎጥ፡ ጸሳይ ባረ አሳ ሞርክያዋንቱ መቀሳ ላላና። ጸሳይ ኡንቱንታ ካጄዳ ድራው፣ ኡንቱንቱ ዬላታና።

6 እሰራኤልያው አቶተሳይ ጽዮነጥ ዬረኔ! ጸሳይ ባረ አሳ ኦሞዴዋ ዛርያ ዎይ። ያቆባ ዛራቱ ናሽታና፤ እሰራኤልያ አሳይ ናሽቻው ፖጩ ጋና።

### 54

#### ሞርክያ ኩሽያጥ አታናው ሺቄዳ ዎሳ

ዛማረቱዋ ካፖ የጸቴዳ፣ ዘ.4ን ደእያ አሳቱ ሳኦላኮ ቢይ፣ “ዳውት ኑ ቢታን ቆሰቴዳ” ያጌደ ኦዲደ ሰምና ዳዊተ እኩካን ዲዴዳ ግንጾዋ.

- 1 አቤት ጸሳው፣ ነ ሱንሳን ታና አሻ፤ ነ ዎልቃን ታና ሻትንሳ።
- 2 አቤት ጸሳው፣ ታ ዎሳ ሰሳ፤ ታ ድና ሃሳያ ሀይዛ።
- 3 ኦቶራንቻቱ ታ ቦላ ደንዲኖ፤ ዳጋንልያ አሳቱ ታና ዎሳናው ኮዪኖ። ኡንቱንቱ ጸሳ አላለ ጊክኖ።

- 4 ሄኮ ጸሳይ ታና ማድያዎ፤ ጎዳይ ታና ዘሞኸሰያዎ።
- 5 አቤት ጸሳው፣ ታ ሞርክቶ ኡንቱንቱ ኢታተሳ ዛራ። ኔን አማነትያዎ ግድያዎዳን፣ ኡንቱንታ ጳይሳ።

- 6 አቤት መድና ጎዳው፣ ታን ታ ሸንያን ነዉ ያርሻና፤ ኔን ኬካ ግድያ ድራው፣ ታን ነ ሱንሳ ጋላታና።
- 7 አያው ጎጥ፣ ኔን ታና ታ መቱዋ ኡባጥ አሻዳ፤ ታ ሞርክቱ ጸነትያዎ ታ አይፍያን በኣድ።

### 55

#### ሳገሳይ ካዴዳ አሳ ዎሳ

ዛማረቱዋ ካፖ የጸቴዳ፣ ዳዊተ እኩካን ዲዴዳ ዲላ.

- 1 አቤት ጸሳው፣ ታ ዎሳ ሰሳ፤ ታ ማጋና አይ መቱ ጎፓ።
- 2 ሀይዛ፤ ታ ዎሳ ሰሳ፤ ታ ቆፋይ ታና ዋይሰና፣ ታን ሻባረታድ።
- 3 ሄዌነ፣ ታ ሞርክቱዋ ኮሻጥነ፣ ኢታቱዋ ናቁዋጥ ደንዴዳዎና። ኡንቱንቱ ታ ቦላ መቱዋ አሂኖን ባረንቱ ሀንቁዋን ታና ሞርክኖ።

- 4 ታ ዎዛና አይፍያን ድድቁ፤ ሀይቁዋ ህርጋይ ታና ማሸሴዳ።
- 5 ታና ያሻይነ ኮኮርሳይ ኦይቄዳ፤

ዳጋማይ ታና ዋድ ድጌዳ።

6 ታን፣ “ታወ ሀራጵያዳን ቀፊ ደኤረኔሻ።  
ያንንቶ ታን ፓላ ባደ ሸምፓና ሸን፤

7 ታን ሃካደ ባና ሸን፤  
ባዙዋን ደእና ሸን።

8 ታን ጎትያፕፕ ኤሹዋፕ፣  
እትያሳ ኤሌላደ ጋካና ሸን” ያጋድ።

9 እቤት ጸሳወ፣ ታን ካታማ ግደን  
ዋላሳን ዋፍታ በኤዳ ድራወ።

ኢታቱዋ ሃሳያ ቡሉቃ።

10 ኢታቱ ጋላሰነ ቃማ፣  
ግምቢያ ዩዩኖ፤

ኢታተላይነ ኮባይ ካታማ ግደን ደኤ።

11 ባሻይ እ ግደን ደኤ፤  
ናቁካ ጭሙካ እ ጉታራፕ ሻከተና።

12 ታና ቦርያዌ ታ ሞርክያ ግደና፤  
ግድንቶ ታን ዳንዲያና።

ታ ቦላ ጨቀትያዌ ታና እጽያዎ ግደና፤  
ግድንቶ ታን አፕ ቆሰታና።

13 ሸን ሀዋ ኡባ ኦሳያዌ አሳ፣  
ታ ላግያ፣

ታ ዳቡዋነ ታ ሲቁዋ።

14 ኑን እቱ እቱዋና ኡሎባ ሃሳዬደ፤  
ኑን ጸሳ ጎልያን አሳና እትፕ ሰመረቲድ።

15 ታ ሞርከቱ ዋዲ ጋከናን ሀይቁኖ፤  
ኢንቱንቱ ፓጸ ሞገትኖ።

እያወ ጎፕ፣ ኢታተላይ  
ኢንቱንቱ ግደንን ኢንቱንቱ ደእያ ሳን ደኤ።

16 ሸን ታን ጸሳ ጸሳይ፤  
መድና ጎዳይ ታና አሼ።

17 ዋንታ፣ ጋላሰነ ኦማርሰ  
ታን ዋሳናነ ታ መቱዋ አዉ ኦዳና፤

እ ታና ሰሳና።

18 ዳሮቱ ታና ሞርኮፕካ፣  
እ ታና ኦላ ቶራፕ አሼ።

19 በንፕ ካዉተላ አራታን ኡቲዳ ጸሳይ፣  
ታ ዋሳ ሰሲደ ባረንቱ ኦግያ ላመናዋንታን

ባረዉ ያየናዋንታ፣  
እ ካዉሻና።

20 ታ ላጊ ባረ ዳቡቱዋ ቆሀናወ፣  
ባረ ኩሽያ ደንሱዳ፤  
ኢንቱንቱና ጫቀቲዳ ጫቁዋ ኮሌዳ።

21 እ ሃሳያይ ኦይሳፕካ እጭዳ ሹጋ፤  
ሸን ባረ ዋዛናን ሞርኬዳ።

እ ቃላቱ ዛይትያፕካ እጂደ ዋሎላቲኖ፤  
ሸን ኩሳ ማሻዳን ቃንጾድኖ።

22 ነ ቶኩዋ መድና ጎዳን ዋሳ፤  
እ ኔና ዘምፕሳና።

ጸሳይ አዉደነ ጽሎቱ  
ሻባረታናዳን አፍፍ።

23 ሸን እቤት ጸሳወ፣ ኔን  
ኢታ አሳቱዋ ጨሞ ኦላን ዱገ ኦላና።

ሱላ ጉሰያዋንቱነ ጭምያዋንቱ፣  
ባረንቱ ደእና ላይሳዉ ባጋነ ደእክኖ፤

ሸን ታን ኔናን አማነታና።

### 56

ጸሳን ዘምጥዋ ዋሳ

ዛማረቱዋ ካፖ የጸቴዳ፣ ፕልስጾማ አሳቱ አ ጋተ ግያ ካታማን ኦሞዴዳ ዋደ፣ ዳዊታ ማዘውርያ።  
ሃኮ ሳን ዋላ ቦላን ኡቴዳ ደጎማትሰ ጌተቲደ ሱሱልያን የጸቴዳ ማዘውርያ።

1 አቤት ጸሳው፣ አሳቱ ታና የደርሰያ ድራውነ  
ጋላሳ ኡባንካ ታ ሞርከቱ ታና ኡንኤሌዳ ድራው።

ታዉ ቃረታ።  
2 ታ ሞርከቱ ጋላሳ ኡባን  
ታና የደርሰያ፤  
ጮራቱ ኦቶሩዋን ታና ኡንኤሌዳ።

3 ታን ያዬዳ ዋደ፣  
ኔናን አማነታይ።

4 ታን ጸሳን አማነታይ፤  
ታን አ ቃላ ጋላትያ ጸሳን  
አማነታይነ ያይከ።  
አሳይ ታና አያ ኦሳኔ?

5 ጋላሳ ኡባን ታ ሞርከቱ፣  
ታዉ መቱዋ መጁና፤  
ኡንቱንቱ ኡባ ገደ ታዉ ኢታባ ቆፒና።

6 ኡንቱንቱ ታ ቦላ ማቀቲና፤  
ኩኩሊደ ዋቸናን  
ታ ኦግያ ናጊና፤  
ታና ዋጳናዉ ኮዪና።

7 ኡንቱንቱ ኢታተላ ድራው፣ ኡንቱንታ የዶፓ፤  
ነ ሀንቁዋን ሄ አሳቱዋ ዝቂ ኦላ።

8 ኔን ታን ቶይላካቶዋ ፓይዳዳ።  
ታን ዋይሳ አፎላ ጉሳድታንቶ፣ ኔን ኤራሳ።  
ኡንቱንቱ ነ ማዘጎብያን ደአክኖ?

9 ታን ኔና ጾሰያ ዋደ፣  
ታ ሞርከቱ ጉየ ሰማና።  
ጸሳይ ታ ባጋ ግድያዋ ታን ኤራይ።

10 ታን አ ቃላ ጋላትያ ጸሳይ፣  
ታን አ ቃላ ጋላትያ መጅና ጎዳ፣

11 ታን ሄ ጸሳን አማነታይ፤ ያይከ።  
አሳይ ታና አይ ኦሳኔ?

12 አቤት ጸሳው፣ ታን፣  
ነዉ ሸቀቴዳዋ ኦላና፤  
ሄዋ ጋላታ ያርሹዋ ታን ነዉ አማና።

13 አያዉ ጎፕ፣ ኔን ታና ሀይቁዋፕ፣  
ታ ገድያ ኩንደላፕ አሻዳ።  
ሄዋ ድራው፣ እ ፓጻ ደአያዋንቱ ቦላን ፖአሰያ ፖኡዋን  
ጸሳ ሰንላን ታን ሀመታይ።

### 57

ማዲዋ ደማናዉ ሸቄዳ ዋሳ

ዛማረቱዋ ካፖ፣ ጎንጎሎ ግደፕ ሳኡላፕ ባቃቲደ ብ ሰሞና ዳዊታ ዋሳ። “ላይሰፓ” ጌተትያ ዋሳን የጸቴዳ ዋሳ።

1 ታና ማራ፤ አቤት ጸሳው፣ ታና ማራ፤  
ታን ኔኮ ባቃታይ።



ባሻይ አፋና ጋካናው፤  
ነ ቀፍያ ግድን ባቃታደ አታይ።

2 ታን ኡባፕ ጾቂያ ጸሳው፤  
ታዉ ኡባባ ኦሎያ ጸሳዉ ዋሳይ።  
3 ጸሳይ ሳሎዋፕ ማዲዋ ኪቲደ፤ ታና አሻና፤  
ታና ናቂያዋንታ ካዉሻና፤  
ጸሳይ አገና ባረ ሲቁዋን  
ባረ ቱማተላ ታዉ ኪታና።

4 ታን ታ ሞርከቱዋ ግድን፤  
አሳ ቦንቂደ ሞያ ጋሙዋ ማላቱዋ ግድን ደአይ።  
ኡንቱንቱ አቻይ ቶራን ሞንዳፍያ ማላ፤  
ኡንቱንቱ እንጸርሳይ ኩሳ ማሻ ማላ።

5 አቤት ጸሳው፤ ኔን ሳሎቱዋፕ ቦላና ጾቁ ጾቁ ጋ፤  
ነ ቦንቹ ሳአ ኡባ ቦላ ደአ።

6 ኡንቱንቱ ታ ገድያዉ ጲርያ ዎሴድና፤  
ታን መቶታደ ሆካድ።  
ኡንቱንቱ ታ ኦግያን ኦላ ቦኬድና፤  
ሽን ሄ ኦላን ባረንቶ ኩንዴድና።

7 ታ ዎዛናይ ሞኒደ ደኤ፤  
አቤት ጸሳው፤ ታ ዎዛናይ ሞኒደ ደኤ።  
ታን ነዉ የጸናን ኔና ሳባና።

8 ታ ሸምፓቱ፤ ቤጎታ!  
ዲላዉን ማሰንቆ፤ ቤሳትተ!

ታንካ ዎንታ ጉራና ቤጎታና።  
9 አቤት ጸሳው፤ ታን ኔና አሳ ግድን ጋላታና፤  
ቃይ ካዉተላ ግድን ኔና ሳባና።

10 አያዉ ሳፕ፤ አገና ነ ሲቁ ዎልቃማ፤  
ሳሎቱዋ ጋኬዳ።

ነ ቱማተላይካ ቦላ ሻርያዳን ጾቁ።  
11 አቤት ጸሳው፤  
ሳሎቱዋፕ ቦላና ጾቁ ጾቁ ጋ!

ነ ቦንቹ ሳአ ኡባ ቦላ ግድ።

### 58

ጸሳይ ናጋራንቻቱዋ ሙራናዳን ሺቆ ዎሳ

ዘማረቱዋ ካፕ የጸቴዳ፤ ዳቂታ ዎሳ። “ዳይሶፓ” ጌተትያ ማዝሙርያ ዎጹዋን የጸቴዳ ዎሳ።

1 ህንተና ደርያ ሞድያዋንቶ፤

ቱሙዋፕ ልክያ ሃሳዪቱ?

አሳ ኡባ ግድን ጽሉዋ ፕርዲቱ?

2 ግድና፤ ህንተ ዎዛናን ኢታባ ሀልቹታ፤  
ቢታን ህንተ ኩሺ ማካላባ ኦሴዳ።

3 ኢታ አሳይ አት ኡሉዋፕ ዶሚደ ባሌ፤  
የለቶደፕ ዶሚደ፤

ባይዜን ዎርዲዋ ሃሳዪ።

4 ኡንቱንቱ ሸሻዳን ይሻና ደአና፤  
ቱለ ሀሱዋዳን ሀይላ ቱጤድና።

5 ብትያዌ አይ ኬሻ ሂላንቻ ግድፕካ፤  
ሀሱ አ ሳሱከላ ሰሰና።

- 6 አቤት ጸሳው፥ ኤንቱንቱ እቻ  
ኤንቱንቱ ጋጋታ ግደን መንገሳ፤  
አቤት መድኅን ጎዳው፥ ጋሞቱዋ ካሰልያ ጭካ።
- 7 ኤንቱንቱ ጎግ ጳይያ ሃላዳን ጳይኖ።  
ኤንቱንቱ ባረንቱ ዋንዳፍያ ዱክያ ዋደ፥  
ፖላ ጾራን ጫድያ አይፊ ጳዮ።
- 8 ኤንቱንቱ ሙሺደ ሳሶ ከሰያ ጳድያዳን ሀንኖ፤  
እት ኡሉዋፕ ቦሽቲደ የለቲዳ፥  
ፖኡዋ በኤና ናኢዳን ሀንኖ።
- 9 ኤንቱንቱ አጉንላ ግዲደ ዳሻናፕ ካሰ፥  
ኤንቱንቱ ብር ፑትያን ደእሸን፥  
ጸሳይ ኤንቱንታ ባረ ሀንቁዋን ጳይሳና።
- 10 ሀሉዋ ከሰያዋ በእያ ዋደ፥  
ጽሎቱ ናሽታና።  
ኢታቱዋ ሱላን ባረንቱ ገድያ ሜጨታና።
- 11 ሄ ዋደ አሳይ፥  
“ቴሙካ ጽሎቶ ዋይቱ ደኤ፤  
ቴሙካ ሳኦ ቦላ ፕርድያ ጸሳይ ደኤ” ያጋና።

### 59

#### ኢታቱዋ ኤቀቲደ ሸቆ ዋሳ

- ዛማረቱዋ ካፖ የጸቴዳ፥ ዳዊታ ዋዳናዉ እ ጎልያ ናጋና ማላ ሳኦል አሳቱዋ ከት ሰምና ዳዊታ ማዘሙርያ። “ጳይሶፓ” ጊደ ዲላ ጊግሱዋን የጸቴዳ ዋሳ
- 1 አቤት ታ ጸሳው፥ ታ ሞርከቱዋፕ ታና አሻ፤  
ታ ቦላ ደንድያዋንቱፕ ታና ናጋ።
  - 2 ኢታ ኦልያዋንቱፕ ታና አሻ አካ፤  
ሱላ ጉሰያ አሳቱዋፕ ታና አሻ።
  - 3 አቤት ጸሳው፥ ኤንቱንቱ ታና ዋዳናዉ  
ኩኩሊደ ናግያዋ በእ!
  - ሄ ዋልቃማ ኢታ አሳቱ ታ ቦላ ያኢኖ።  
አቤት መድኅን ጎዳው፥ ታ ባይዙዋ ድራዉ  
ዋይ ታ ናጋራ ድራዉ ግደና።
  - 4 ኤንቱንቱ ታና ኦላናዉ ዋላ ጆምያዌ፥  
ታ ባላ ድራሳ ግደና።  
ቤጎታ፥ ታኮ ሃ ያደ በእ።
  - 5 አቤት ኡባፕ ዋልቃማ መ□ታ ኡባ ጎዳ ጸሳው፥  
አሰራኤልያ ጸሳው፥  
ካዉተላቱዋ ኡባ ፕርዳናዉ ቤጎታ፤  
ማካላ ኦልያዋንታ ማርፓ።
  - 6 ኤንቱንቱ ኦማርሳን ሰሚኖ፤  
ካናቱዋዳን ቦጨደ፥ ካታማ ግደን ዩዩኖ።
  - 7 ሄኮ፥ ኤንቱንቱ ባረንቱ ደናን ሃሳዩደ ሳልክኖ፤  
ኤንቱንቱ እንጸርሳይ ማሻ ማላ።  
ኤንቱንቱ ብር፥ “ኦንነ ሰሰና” ጊደ ቆፒኖ።
  - 8 ሸን አቤት መድኅን ጎዳው፥  
ኔን ኤንቱንቱ ቦላ ሚጫሳ፤  
ካዉተላቱዋ ኡባ ቦላ ቅሊጫሳ።
  - 9 ጸሳው፥ ኔን ታዉ ቆሰታ አትያ ሳኦ ግድያ ድራዉ፥  
ታን ነ ዋልቃን አማነታይ።
  - 10 ታ ጸሳይ አገና ባረ ሲቁዋን ታኮ ያና፤

- 11 ታ ጸሳይ ታ ሞርከቱዋ ጸንያዋ እ ታና በሳና።  
 ታ አሳቱ ደገና ማላ። ኔን ኤንቱንታ ዋዶ።  
 አቤት ጸሳው። ኑ ጎንዳልያው።  
 ነ ዋልቃን ኤንቱንታ ላላደ ጸና።
- 12 ኤንቱንቱ ባረንቱ ዶና ናጋራ ድራውነ  
 ባረንቱ እንጸርሳ ቃላ ድራው።  
 ባረንቱ ኦቶሩዋን ኦይቀትና።  
 ኤንቱንቱ ሸቃ ድራውነ ኤንቱንቱ ሃሳይያ ዋርዴዋ ድራው።
- 13 ነ ሀንቁዋን ኤንቱንታ ጳይሳ።  
 ጸሳይ ያቆባ ዛራቱዋ ሞድያዋን  
 ሳኦ ጋጸ ጋካናው ደኣያ ቢታ ሞድያዋ አሳይ ኤራና ማላ።  
 ኤንቱንታ ሙላ አተናዳን ጳይሳ።
- 14 ታ ሞርከቱ ኦማርሳን ሰሚና፤  
 ካናቱዋዳን ቦጪደ።  
 ካታማ ግድን የዪና።
- 15 ኤንቱንቱ ሞያዋ ደማናው ቶይላካቲና፤  
 ካላና ጳዮፕ ላዊና።
- 16 ሸን ታን ነ ዋልቃ ሳባና፤  
 ዋንታ አገና ነ ሲቁዋባ የጸና።  
 አያው ጎፕ። ኔን ታው ታ ዋይያ ጋላሰ።  
 ታን ባቃታ አትያ ሳነ ቆሰታ አትያሳ ግዳዳ።
- 17 አቤት ታው ዋልቃ ግዴዳ ጸሳው።  
 ታን ኔና ሳባና።  
 አያው ጎፕ። ታን ቆሰታ አትያ ሳኣይነ  
 አገና ሲቁዋ ታና በሰያ ጸሳይ ኔና።

### 60

#### ጸሳይ እሸያዋ ቆንጭሰያ ዋሳ

ዛማራቱዋ ካፖ። ማሰጸጸምያን ሰባላን ደኤዳ ሶርያ አሳቱዋና ኦላቲዳ ዋደነ። ዮኣብ ጉዮ ሰሚደ ማጽንያ ዛንጋራን ታማነ ላኡ ሻኡ አሳ ዋዴዳ ዋደ። ዳውት ትምርትያው ጻፊዳ ዋሳ። እድልያ ጨሻ ዋላ. ማርካተላ ዋሳ።

- 1 አቤት ጸሳው። ኔን ኑና አጋዳ፤  
 ኑና መንሳዳ።  
 ኔን ኑና ሀንቀታዳ፤  
 ሸን ሀኦ ኑኮ ሰማ።
- 2 ኔን ቢታ ቃላዳነ ዛእሳዳ፤  
 ቢታይ ኮኮርያ ድራው። ኔን አ ዛኡዋ ባራ።
- 3 ኔን ነ አሳ መቱዋ በሳዳ፤  
 ኔን ኑና ጋንድጋርሰያ ዋይንያ ኡሻዳ።
- 4 ነው ያይያዋንቱ።  
 ባረንቱ ሞርከያ ዋንዳፍያፕ አታና ማላ።  
 ማላ እማዳ።
- 5 ኔን ሲቅያዋንቱ አታና ማላ።  
 ነ ኡሸቻ ኩሸያን ኑና አሻ፤  
 ኔን ኑው አላ።
- 6 ጸሳይ ባረ ጌሻ ሳኣን ሀዋዳን ያጌዳ፤  
 “ታን ጸናደ ሰኪማ ቢታ ሻካና፤  
 ቃይ ሱኮታ ዛንጋራ ልካና።
- 7 ጋላኣደ ታዋ፤ ሞናሰካ ታሳ፤  
 ኤፍሬሞ ታ ሁጲያ ናግያ ቆብያ፤  
 ይሁዳይ ታ ካውተላ ጸሞኦ።
- 8 ሞኣብ ታን ሚጨትያ ኩይጸሩዋ፤

ኤደሞ ታዋ ግድያዋ ኤርሳናው ታ ጫማ እ ቦላ ዋሳይ፤  
ታን ፕልሰጾማ ጸናደ ገሬራይ” ያጌዳ።

- 9 ግምበቱዳ ካታማኮ፣ ታና ኦኔ አፋናዌ?  
ኤደማ ጋካናው ታና ኦኔ ካለሳናዌ?
- 10 እቤት ጸሳው፣ ኑና እጌዳዌ ኔና ግድኪ?  
እቤት ጸሳው፣ ኔን ኑ ቶራንቻቱዋና ኦላው ከሳካ።
- 11 እሳ ማዲ ፓፍ ድራው፣  
ሞርክያና ኦለታናው ኔን ኑና ማዳ።
- 12 ጸሳ ዋልቃን ኑ ሞርከቱዋ ኑን ጸናና፤  
ኑ ሞርከቱዋ የፋናዌ እ።

### 61

#### ናጋናደን ሸቆ ዋሳ

- ዳዊተ ዛማራቱዋ ካፖ ዲላን የጼዳ ማዘሙርያ
- 1 እቤት ጸሳው፣ ኔን ታ ዋሱዋ ሰሳ፤  
ታ ዋሳ ሀይዛ።
  - 2 ታ ዋዛናይ ህደታ ቃንጾ ዋደ፣  
ታን ቢታ ጋጸፕ ኔና ጼሳይ።  
ታፕ ቆቂያ ዛላኮ፣ ታና ካላላ።
  - 3 እያው ሳፕ፣ ኔን ታው ጌሱዋን  
ታን ታ ሞርከቱዋፕ ናገትያ ግምቢያ ድርሳ።
  - 4 ታን ነ ዲንካንያን መቋናው ደእርክታ!  
ታን ነ ቀፍያ ሀጳ ግድን ሳር አታርክታ!
  - 5 እቤት ጸሳው፣ ኔን ታ ቃንገላ ሰሳዳ።  
ነ ሱንላ ያይያዋንቱ  
ላትያ ላታ ታውካ እማዳ።
  - 6 ካትያ ላይላ አዲሳ፤  
እ የለታፕ የለታ ጋካናው ደኦ።
  - 7 እ ጸሳ ሰንላን መቋናው ካተቶ፤  
አገና ነ ሲቁዋንነ ነ ቱማተላን አ ናጋ።
  - 8 ያትያዋ ግድፕ፣ ታን  
ታ ቃንገላ ጋላሳን ጋላሳን ጋላደ፣  
ነ ሱንላ ኡባ ገደ ሳባና።

### 62

#### ህደታይ ጸሳ ቦላ ጸላላን

- ዳዊተ ዛማራቱዋ ካፕዋ ጁዲቶ የጼዳ ማዘሙርያ።  
(1 ኦዲዋ 25:3)
- 1 ጸሳ ጸላላን ታን ሸምፑዋ ደማድ፤  
ታ አቶተላይ አፕ ይ።
  - 2 እ ጸላላይ ታ ዛላን ታ አቶተላ፤  
እ ታን ቆሰታ አትያ ሳኦ ግድያ ድራው፣  
አይነ ህርግከ።
  - 3 ዋድያ ጎዳነ ቃጽያ ድርሳ ማላትያ አሳ ዋፋናው፣  
ህንተ አውደ ጋካናው ደንዲቱ?
  - 4 ኡንቱንቱ እ ቦንቾ ሳአፕ  
እ ዋላናዋ ጸላላ ኮዪኖ፤  
ኡንቱንቱ ዋርዲዋን ናሸቲኖ።  
ባርንቱ ደናን እንጂኖ፤

ሽን ባረንቴ ዋዛናን ሸቁኖ።

5 ታ ሸምጋታ ጸሳ ጸላላን ሸሞጥዎ ደማዲ፤  
ታን ህድታን ናግያዌ አጥ ዬ።

6 እ ጸላላይ ታ ዛላን ታ አቶተላ፤  
እ ታን ቆሰታ አትያ ሳእ ግድያ ድራዉ።  
እይነ ህርግከ።

7 ታ አቶተላይነ ታ ቦንቹ ጸሳና፤  
እ ታ ምኖ ዛላን ታ ጌሱዋ።

8 አሳዉ፣ ኡባ ዋደ ጸሳን አማነትተ፤  
እ ኑዉ ጌሱዋ ግድያ ድራዉ።  
ህንተ ዋዛና ቆፋ አዉ ኦድተ።

9 አሳይ ኡባይ እት ገደ ሸምጥያ ጫርኩዋ ማላ፤  
ዶቂና ዝቂና፣ አሳይ መላ።

ሚዛንያን ዋሰናካ ኡንቴንቴ እይነ ዴጽክኖ፤  
ኡንቴንቴ እት ገደ ሸምጥያ ጫርኩዋጥገ ካዉሺኖ።

10 ማካላን ሺሸዋን አማነቶጥተ፤  
ዉእ ሺሺደ ዲረታናዉ ሀልቾጥተ።

ህንተ ዲረተላይ ዳሮጥካ፣  
ህንተ ዋዛና አ ቦላ ዋልጥተ።

11 ጸሳይ እት ገደ ኦዴዳ፣ ታን  
ላኡ የዉዋ ሰሳድ፤ “ዋልቃይ ጸሳሳ።

12 አገና ሲቁ ሳዳዋ” ያጌዳ።  
አቤት ጸሳዉ፣ ኔን አሳ ኡባዉ

እ ኦሱዋዳን ኦሱዋዳን ዛራና።

### 63

#### ጸሳ ኮዳሳ

ይሁዳ ባዙዋን ደእያ ዋደ ዳዊታ ማዝሙርያ

1 አቤት ጸሳዉ፣ ኔን ታ ጸሳ፤  
ታ ዋዛናይ ኔና ላሞቴ፤

ታ አሹካ ኔና አሞቴ።  
መል ዛኤዳ፣ ሃሰ ባይና ቢታዳን

ታ ኩመንላ አሳተላይ ኔና ሳመቴ።  
2 ታን ኔና ጌሻ ሳእነ በእድ፤

ነ ዋልቃካ ነ ቦንቹዋካ ታን በእድ።  
3 አገና ነ ሲቁ ደኡዋጥ ሎእያ ድራዉ፣

ታ አንጻርሳይ ኔና ቦንቻና።  
4 ታ ደኡዋ ላይላን ታን ኔና ጋላታና፤

ነ ሱንላን ታ ኩሸያ ፑደ ምጫና።  
5 አሳይ ሎኦ ቁማ ካልያዋዳን፣

ታ ሸምጋታ ኔናን ካላና።  
ታን ታ አንጻርሳን ናሸቻ የላን ኔና ጋላታና።

6 ታን ታ ግሱዋን ኔና ሀሳያይ፤  
ቃማ ኡባን ነባ ቆጋይ፤

7 እያዉ ጎጥ፣ ኔን ታና ማዴዳዋ።  
ታን ነ ቀፍያ ኩዋን ኡታደ፣ ናሸቻዉ የጻይ።

8 ታን ነ ማታ ሺቃ ኡታይ፤  
ነ አሸቻ ኩሺ ታና ኦይቂደ ናጌ።

- 9 ሸን ታና ዎቆና ኮይያዋንቱ፤  
ቢታ ጋርሳ ጨዋ ሳኒን ሞገታና።
- 10 ኡንቱንቱ ማሻጣ አጂደ እመታና፤  
ኡንቱንቱ ባባርቄያ ካተ ግዳና።
- 11 ሸን ካቲ ጸሳን ናሽታና።  
ጸሳ ሱንሳን ጫቄያ ኡባይ እ ጋላታና፤  
ሸን ዎርዱዋ ሃሳይያዋንቱ ዶናይ ጎርዶታና።

### 64

#### ናጋናዳን ሺቆ ዎሳ

- ዛማረቱዋ ካፖ የጸቴዳ፤ ዳዊታ ማዘመርያ
- 1 አቤት ጸሳጤ፤ ታን ማጋንያ ማጋና ኔን ሰሳ።  
ታን ታ ሞርከቶ ያያድ፤ ታና አሻ።
  - 2 ኢታቱዋ ማቆዋፕ፤  
ኢታ ኦልያዋንቱ ሸቆዋፕ ታና ገንሳ።
  - 3 ኡንቱንቱ ባረንቱ እንጸርሳ ማሻዳን ሌፊድኖ፤  
ቃይ ማርዘ ቃላቱዋ፤  
ዎንዳፍያ ፖሳዳን ዱካናዉ ገግሴድኖ።
  - 4 ኡንቱንቱ ቆሰቲደ፤  
ባረንቱ ዎንዳፍያ ጽሎ አሳ ቦላ ዳፊኖ፤  
አኬካይ ባይናን ዱኪኖ፤ ኡንቱንቱ ያይክኖ።
  - 5 ኡንቱንቱ ባረንቱ ኢታ ማቆ እቱ እቱዋ ሞን A.ኖ፤  
ባረንቱ ጲርያ ቆሰያሳ ዞረቲኖ።  
ኡንቱንቱ፤ “ኑና ኦን በአኔ?” ያጊኖ።
  - 6 ኡንቱንቱ ኢታባ ማቆቲደ፤  
“ኑን ሎኦ ማቆዋ ማቆቲደ” ያጊኖ።  
ሃዌነ፤ አሳዉ ዎዛናይነ ካሀይ ጨማ ግድያዋ በሴ።
  - 7 ሸን ጸሳይ ኡንቱንታ ባረ ዎንዳፍያን ዱካና፤  
ኡንቱንቱ አኬከናን ማዱጻና።
  - 8 ኡንቱንቱ ማቆዋ ድራጤ፤  
እ ኡንቱንታ ጳይሳና፤  
ኡንቱንታ በእያ ኡባይ ሁጲያ ቃላና።
  - 9 ሄ ዎደ አሳይ ኡባይ ጸሳዉ ያያና፤  
እ ኦሱዋባ ኦዳናን ዛር ዛሪደ ቆፓና።
  - 10 ጽሎቱ መድና ጎዳን ናሽትኖ፤  
አኮ ባቃቲደ አቲኖ፤  
ዎዛና ሱረቱ ኡባይ ጋላትኖ።

### 65

#### ጋላታ ማዘመርያ

- ዛማረቱዋ ካፖ የጸቴዳ፤ ዳዊታ ማዘመርያ፤ ሳባ
- 1 አቤት ጸሳጤ፤ ጽኖንን ነዉ ጋላታይ በሴ፤  
ኑን ነዉ ሸቆቲዳዋካ ጋላና።
  - 2 አቤት ዎሳ ሰሰያዎ፤  
አሳይ ኡባይ ኔኮ ያና።
  - 3 ኑ ናጋራይ ኑና ሙኬዳ ዎደ፤  
ኑ ኑዉ አቶተላ እማዳ።
  - 4 ኔን ዶሬዳን ኑ ችሎታን ኡታናዉ  
ማታ ሺሸያ አሳይ እንጀቴዳዋ።  
ኑን ኑ ሶን፤ ጌሻ ዱንካንያን  
ደእያ ሎኦባን ኩሜደ።
  - 5 አቤት ኑና አሸያ ጸሳዉ፤

- ማላልሰያ ነ ጽሎ ኦሱዋን ኔን ኑዉ አላሳ።
- ሳኦ ጋጸጥ ጋጸ ጋካናዉ።  
ሃኮ አባቱዋጥካ ሄፍንላን ደእያ አሳ ኡባዉ።  
አማነትያዌ ኔና።
- 6 ኔን ኔና ዋልቃ ዳንጭሳደ፤  
ዋልቃማ ደረቱዋ ነ ምኖተላን ኤሳደ።
- 7 ኔን አባ ኮሻነ።  
ቤታ ጉንላ ሰርጽ አላሳ፤  
ቃይ አሳይ ደንድያ ደንዲዋ አርጽሳሳ።
- 8 ሄዋዳን ኔን ኦሌዳ ማላታ ድራዉ።  
ሳኦ ጋጸ ጋካናዉ ደእያ አሳይ ኡባይ ነዉ። “ሆላ!” ጌ።  
አዋይ ሞክያሳጥ ዉልያሳ ጋካናዉ ደእያ አሳ ኡባ ናሽቻዳ።
- 9 ኔን ቢታ ናገደ እራ ቡክሳሳ፤  
ያታደ ዳሮ ቱኤያሳ።
- አሳዉ ካሳይ ሞካና ማላ።  
ጸሳ ፑልቶቱ ሃላን ኩሜድኖ፤  
ሄዋዳን አላደ ኔን ጊግሳዳ።
- 10 ካቻ ዋጳና ማላን ጉሉዋ ሹግሳና ማላ።  
ኔን ያፋራን ሃላ ኩንላሳ፤  
ካሳይ ሞካና ማላ አንጀሳ።
- 11 ላይላ ካሎ ላይላ አላሳ፤  
ኔን አድያ ሳኦይ ኡባይ ኩም ፓላሄ።
- 12 ኔን ሄንላ ሳኦ ማታን ኩንላሳ፤  
ዘዘቱዋካ ናሽቻ ዳንጭሳሳ።
- 13 ኔን ሄንላ ጋድያ ዶርሳ ዉድያ ማይዛሳ፤  
ዛንጋራ ቢታካ ካላ ኩንላ።  
ኡንቱንቱ ናሽቻዉ ሆምቦጨኖን የጸኖ።

# 66

## እትጥላ ጋላታ

- ዘማረቱዋ ካፖ የጸቲዳ ሳባ። ማዘሙርያ
- 1 ሳኦን አሳ ኡባዉ። ህንተ ቃላ ቶቂሲደ።  
ናሽቻን ጸሳ ጋላትተ።
- 2 “ጸሳ ሱንሳይ ቦንቼቶ!” ጊደ የጽተ፤  
ቦንቻ ጋላታ አዉ አምተ።
- 3 ጸሳዉ ሀዋዳን ያግተ፤  
“ነ ኦሶቱ ዋን ማላልሰያዋንቲ!
- ነ ዋልቃይ ዳሬዳ ድራዉ።  
ነ ሞርከቱ ያሻዉ ነ ሰንላን ኮኮሪኖ።
- 4 ሳኦን ደእያ ኡባቱ ነዉ ሳይኒኖ፤  
ኔና ሳቢኖ፤  
ነ ሱንላዉ ጋላታ የጸኖ” ያግተ።
- 5 ሃይተ፤ ጸሳይ ኦሌዳዋ በእተ፤  
እ አሳ ግድን ማላልሰያ ኦሱዋ ኦሌዳ።
- 6 እ አባ ሃላ ሻኬዳ፤  
ቃይ በን ኑ አዋቱ ዮርዳኖሳ ሻፋ።  
ባረንቱ ገድያን ሀመቲደ። መላ ቢታን ፕኔድኖ።  
ሄዋን እ ኦሌዳባን ኑን ናሽቲደ።
- 7 እ ባረ ዋልቃን መድናዉ ሞዴ።  
ካዉተላቱዋ ባረ አይፍያን ጼሌ፤  
ሄዋ ድራዉ። ማካልያዋንቲ እ ቦላ ደንደፕኖ።

66:6 ከሳ 14:21፤ እያሳ 3:14-17

- 8 አሳቶ፥ ኑ ጸሳ ጋላትተ፤  
ሀንተ እ ጋላትያ ጋላታይ ሰሰቶ።
- 9 እ ኑና ፓጻ ዋሴዳ፤  
ኑን ኩንደናዳን ገጌዳ።
- 10 አቤት ጸሳው፥ ኔን ኑና ፓጫዳ፤  
ብራ ጌሻናው ታማን ፓጫያዋዳን፥  
ኑና ጌሻዳ።
- 11 ኔን ኑና ጸርያን ገልሳዳ።  
ኑ ዘኩዋንካ ዴጸባ ቶሳዳ።
- 12 ሞርከቱ ኑ ሀጺያን ቶጋናዳን ኦሳዳ።  
ኑን ሃላ ግዴዋናን ታማ ግዴዋና አጫደ፤  
ሽን ሀእ ኑና እሻልያ ሳ አሃዳ።
- 13 ታን ጸግያ ያርሹዋና ነ ጎልያ ገላደ፥  
ታ ቃንግያ ነው ጋላና።
- 14 ታን መቶቲዳ ዋደ፥  
ታ ዶናን ሺቁቲዳ ቃንግያ፥  
ታ እንጸርሳፕ ከሴዳዋ፥ ታን ጋላና።
- 15 ታን ነው ጸጊደ ያርሸያ፥  
ዶርሳ ኦርገቱዋ ሺሻና።  
ኮሩማ ቦራቱዋን ዴሻ ኦርገቱዋ ነው ያርሻና፤  
ሄ ያርሹቱዋ ጩዋይ ሳሉዋ ጋካና።
- 16 ሀንተኖ፥ ጸሳው ያይያዋንቶ፥  
ኡባቱ ሃ ዪደ፥ ሰሰተ።  
ጸሳይ ታው ኦሴዳዋ ታን ሀንተው ኦዳና።
- 17 ታ ቃላ ቶቁ ኦላደ ታን ጸሳ ዋሳድ፤  
ታ እንጸርሳን አው ጋላታ ሺሻድ።
- 18 ታን ታ ዋዛናን ናጋራ ገነጫደንቶ፥  
ጎዳይ ታና ሰሰና።
- 19 ሽን ጸሳይ ቱሙዋፕ ታና ሰሴዳ፤  
ታ ዋሳካ ሀይዜዳ።
- 20 ጸሳይ ታ ዋሳ እጽቤና ድራው፥  
ቃይ አገና ባረ ሲቁዋ ታው ድግቤና ድራው፥ ጋላቲቶ።

67

ጋላታ ማዘሙርያ

- ዛማረቱዋ ካፖ የጸቲዳ፥ ዲላን ዋጸቲዳ ማዘሙርያ፥ ሳባ
- 1 ጸሳይ ኑው ቃረቶን ኑና አንጅ፤  
ባረ ሶምእያ ኑ ቦላን ፖእሶ።
- 2 ነ ኦገቱ ሀ ሳእ ቦላን፥  
ነ አሽያ ዋልቃይካ፥  
ካውተላቱዋ ኡባ ግዴዋን ኤረትኖ።
- 3 አቤት ጸሳው፥ አሳይ ኔና ጋላቶ፤  
አሳይ ኡባይ ኔና ጋላቶ።
- 4 ካውተላቱ ኡባይ፥ “ሀሹ!” ጊደ፥  
ናሽቻው ዪኖ።  
አያው ጎፕ፥ ኔን አሳ ጽሎተላን ፕርዳሳ፤  
ቃይ ሳእን ደእያ ካውተላቱዋ ካለላሳ።
- 5 አቤት ጸሳው፥ አሳይ ኔና ጋላቶ፤  
አሳይ ኡባይ ኔና ጋላቶ።
- 6 ቢታይ ካላ ሞኬዳ፤  
ጸሳይ፥ ኑ ጸሳይ ኑና አንጅዳ።



7 ጸላይ ኑና እንጂዳ።  
ሳኦ ጋጾ ጋካናዉ ደእያ አሳይ ኡባይ አዉ ያዮ።

# 68

## ጸኑዋ ማዝሙርያ

ዛማራቱዋ ካፖ የጸቴዳ፣ ዳውት ጸፌዳ ማዝሙርያ፥ የላ

- 1 ጸላይ ደንዶ፤ አ ሞርከቱ ላለትኖ።  
አ እጽያዋንቱ አ ሰንሳጥ ባቃትኖ።
- 2 ጨዋይ ጫርኩዋን ፑነትያዋዳን፥  
ኔን ኡንቱንታ ፑና ጳይሳ።  
ሙቃዳይ ታማን ሙሽያዋዳን፥  
ኢታቱ ጸላ ሰንሳጥ ጳይኖ።
- 3 ሸን ጽሎቱ ሀሹ ጊኖ፤  
ጸላ ሰንሳጥ ናሸትኖ፤  
ናሸቻን አልልኖ።
- 4 ጸላዉ የጽተ፤ አ ሱንላ ሳቢተ።  
ሻርያ ቦላን ጋልፍያዋ ጶቁ ጶቁ ኦለተ ከሰተ፤  
አ ሱንላይ መድና ጎዳ፤  
አ ሰንሳጥ ናሸትተ።
- 5 ጸላይ ባረ ደእያ ጌሻ ሳእን፥  
አዉ ባይና ናናቶ አዉዋ፤  
ቃይ አሰናይ ሀይቄዳ ማጫ አሳቶ ዳና።
- 6 ጸላይ ባረካ ደእያዋንቶ ጎለ አሳ እሚ።  
ቃሾ ጎልያን ደእያዋንታ ብሊደ፥  
ኡንቱንታ እሻሉዋን ዋጴ።  
ሸን ማካላንቻቱ መሌዳ ቢታን ደእኖ።
- 7 አቤት ጸላዉ፥ ኔን ነ አሳ ካለጴዳ ዋደ፥  
ኔን ኡንቱንቱና መላ ባዙዋ ቤዳ ዋደ፥
- 8 ሲና ደርያን ቆንጩዳ ጸላ ሰንሳጥ፥  
አሰራኤልያ ጸላ ሰንሳጥ ቢታይ ቃጶዳ፤  
ሳሎቱ አራ ዱገ ትጌድኖ።
- 9 አቤት ጸላዉ፥ ኔን አራ ዳርሳደ ቡክሳዳ፤  
መላ ቢታ ዛራደ ኦራሳዳ።
- 10 ነ አሳይካ ያን ኡቱዳ።  
አቤት ጸላዉ፥ ነ ከካተላን፥  
ሀዬሳቶ ኮሽያባ ጊግሳደ እማዳ።
- 11 ጎዳይ ኪታ ከቲዳ፤  
ሄ ኪታ አፌዳ ማጫ አሳቱ ዳራ።
- 12 ኡንቱንቱ፥ “ሞርከ ካተቱነ  
ኡንቱንቱ ቶራንቻቱ ጉየ ባቃቴድኖ፤  
ሱን አቴዳ ማጫ አሳቱ ኦሞዲዋ ሻከቴድኖ።
- 13 ኡንቱንቱ፥ ጸልያ ዋርቃ ቀፍያና ደእያ፥  
ብራፕ መፍቲዳ ሀራጵያ ሞሰልያ፥  
ኦሞዲዋ ደሞደ፥ ሀንተንቱ፥  
ዳርሳ ሰኩዋ ግደን አያዉ ግሴድቴ?” ያጌድኖ።
- 14 ኡባ ዳንዳይያ ጸላይ፥  
ካተቱዋ ላሌዳ ዋደ፥  
ጸልሞና አሳ ቦላ ሻቻ ቡክሴዳ።
- 15 ባሳነ ደረቱ ዋጋ ዋልቃማ ደረቱዋ፤  
ባሳነ ደረቱ ዳሮ ጶራቱ ደእያዋንታ።

- 16 ዳር ዪራቱ ደእያ ደረቶ፤  
 ጸሳይ ባረሳ ኦፋናው ደራዳ አሳ፤  
 ህንተ አያው ቃናቲደ ዪሊቲ?  
 መድና ጎዳይ እን መድናው ደእናዎ።
- 17 ጸሳ ኦላ ፓራ ጋረቱ  
 ታሙ ሻኣንነ ሻኡ ገደ ሻኣን ፓይደትያዋንታ፤  
 ጎዳይ ሲና ደርያፕ ባረ ጌሻ ሳኦ ዬዳ።
- 18 ኦሞደቲዳ ዳርቱዋ አኪደ፤  
 አ ፑደ ቶቃ ከሴዳ።  
 አሳፕ፡ ሀራይ አቶ ማካላንቻ አሳፕካ አሙዋ አኬዳ።  
 መጋታ ኡባ ጎዳይ ያን ደእና።
- 19 ጋላሳን ጋላሳን ኑ ቶኩዋ ቶክያ ጎዳይ፤  
 ኑና አሸያ ጸሳይ ጋላተቶ።
- 20 ኤ፡ ኑ ጸሳይ ኑና አሸያ ጸሳቲ!  
 ሀይቁዋፕ አትያዎ፤  
 ኡባ ሞድያ መድና ጎዳይ አሸናዳ።
- 21 ጸሳይ ቱሙዋፕ ባረ ሞርከቱዋ፤  
 ጉግያ ክንቻና፤  
 ናጋራ ኡግያን ሀመትያ፤  
 ጎፋራንቻቱዋ ሁጺያ ጳልቃና።
- 22 ጎዳይ ያጌዳ፤ “ታን ህንተ ሞርከቱዋ፤  
 ባሳነፕ ዛራደ አሀና፤  
 ታን ኡንቱንታ ጨሞ አባ ግደፕ ከሳደ ጉዩ አሀና።
- 23 ሄዌነ፤ ኔን ነ ሞርከቱዋ፤  
 ሱላ ግዳዋና ጮልባያ የጳደ ሀመታናሳነ፤  
 ነ ካናቱካ ሞርክያ ሱላፕ፤  
 ባረንቱ ግሹዋ አንጸርሳን ላጫናሳ” ያጌዳ።
- 24 አቤት ጸሳው፤ ነ ሳልፕ፤  
 ታ ጸሳ ታ ካትያ ሳልፕ፤  
 ጌሻ ጎልያ ገልያ ዋደ ኡባው ቤቱ።
- 25 የጽያዋንቱ ሰንላና፤ ዲጽያዋንቱ ጉየና፤  
 ቃይ ካራቡዋ ባቂያ ዋደሮቱ ግዲዋና።
- 26 ኡንቱንቱ፤ “ጸሳ ኩንሌዳ ሸቁዋን ጋላተተ፤  
 ህንተኖ፤ እሰራኤልያ ዘረሳቶ፤  
 መድና ጎዳ ጋላተተ” ያጌኖ።
- 27 ሄ ሳልፕያን ኡባፕ ቱፋትያ፤  
 ቢንያማ ዛራቱ ኮይሮ ቤቲኖ።  
 ካሊደ ይሁዳ ካፓቱ ባረንቱ ጭታና ደእኖ፤  
 ዉርሰሳን ዛብሎና ካፓቱን ነፍታሌማ ካፓቱ ቤቲኖ።
- 28 አቤት ጸሳው፤ ነ ዋልቃ ቆንጭሳ።  
 አቤት ኑዉ ኦሌዳ ጸሳው፤  
 ነ ሞኖተላ ቦሳ።
- 29 ሄዋ ድራው፤ የሩሳላመን ደእያ  
 ነ ጌሻ ጎልያ ካተቱ ዪደ፤  
 ነዉ አሞታ አማና።
- 30 ዶኦዳን ማቃ ግድን ደእያ ግብጾ አሳቱዋ ኔን ሴራ።  
 ቦራቱዋን ማራቱዋ ዉድያ፤  
 ማላትያ ካዉተላቱዋ ኔን የደርሳ።  
 ኡንቱንቱ ጉልባቲደ፤ ባረንቱ ብራ ነዉ አማና ጋካናዉ፤  
 ኔን ኡንቱንታ ሴራ።  
 ኦለታናዉ ዬሞትያ አሳቱዋ ላላ።
- 31 ከተቲዳ ካፓቱ ግብጾፕ ያና፤  
 ቶጳታ ባረ ኩሽያ ኤሊ ጸሳኮ ሞጫና።
- 32 ህንተኖ፤ ሳኦ ካዉተላቶ፤

- ጸሳው የጽተኛ
- 33 ሳሎቱዋን፣ በንጥ ደእያ ሳሎቱዋን ብያ ጎዳ ሳቢተ።  
ሰሰተ! እ ባረ ኮሻ፣  
ባረ ዋልቃማ ጉንላ ኪቴ።
- 34 ጸሳ ዋልቃባ አዋይተኛ  
እ እንጋይ እስራኤልያ ቦላና፤  
እ ዋልቃይካ ሳሎቱና።
- 35 ጸሳይ ባረ ጌሻ ጎልያፕ ቆንጮደ፣ ማላልሴ።።  
እስራኤልያ ጸሳይ ባረ አሳው ሞኖተላን ዋልቃ አሜ።።  
መቅና ጎዳይ ጋላተቶ።

### 69

#### ማዲዋ ደማናው ሸቆ ዋሳ

- ዛማረቱዋ ካፖ፣ ጨሻ ዋሳ ግያ ዋዱዋን የጸቴዳ ዳዊታ ማዝሙርያ
- 1 እቤት ጸሳው፣ ታና አሻ፤  
እያው ጎፕ፣ ሃሳይ ታው ቆቋያ ጋኪዳ።
  - 2 ገዲ ኤቂያ ሳክይ ባይና ጫርያን መከታድ፤  
ጨዋ ሃላ ግዶ ገላድ፤  
ሃላ ዙሉ ታ ቦላ ባና ሀኔ።
  - 3 ማዶ ዋሳደ ዳቡራይ፤  
ታ ኮቶኒካ መሌዳ።።  
ታ ጸሳይ አሌ ጋደ ጸልሸን፣  
ታ አይፊ ጋልጄዳ።።
  - 4 ታና ጮ እጽያዋንቱ፣  
ታ ሁጲያ ብናናፕ ዳራ።።  
ዋርዲዋን ታና ሞርክያዋንቱነ፣  
ዳይሳናው ኮይያዋንቱ ዳሬድኖ።።  
ታን ዋልቃንላ እካቤና ሚሻ ታና ጮግሲኖ።።
  - 5 እቤት ጸሳው፣ ታ ባይዙዋ ኤያተላ ኔን ኤራሳ፤  
ታን ኦጼዳ ናጋራይ ኔፕ ቆሰተና።።
  - 6 እቤት ጎዳው፣ ኡባፕ ዋልቃማ መቅና ጎዳው፣  
ኔና ህደታን ናግያዋንቱ፣  
ታ ጋሱዋን ዬላቶፕኖ።።  
እቤት እስራኤልያ ጸሳው፣ ኔኮ ሸቅያዋንቱ  
ታ ጋሱዋን ካዉሸፕኖ።።
  - 7 ታን ቦርያ ዳንዳይዳዊነ  
ታ ሶሞኢ ዬላ ማዬዳዌ ነ ድራሳ።።
  - 8 ታን ታ አሻቶ አማላ፣  
ቃይ ታ አት ናናቶ አላጋ ግዳድ።።
  - 9 ታን ነ ጎልያው ሴለትያ ሴላይ፣  
ታና ታማዳን ጉዳ፤  
ኔና ቦርያዋንቱ ቦሪ ታ ቦላ ዋጴዳ።።
  - 10 ታን ጸማደ፣ ታ ሁጲያ ካዉሸዳዌ፣  
ታው ቅሊጩዋ ግዴዳ።።
  - 11 ታን ካዩዋ ማዩዋ ማዬዳ ዋደ፣  
ኡንቱንቶ ቶሳው ግዳድ።።
  - 12 ካታማ ፕንግያን ኡትያዋንቱ ታና ቅሊጩኖ፤  
ማሉትያዋንቱ ታባ የላ ከሲኖ።።
  - 13 ሸን እቤት መቅና ጎዳው፣ ታና ግደፕ፣  
ታን ኔና ዋሳይ።።  
እቤት ጸሳው፣ ነ ደሰያ ዋድያን፣

- አገና ነ ሲቁዋ ዳሩዋን፤  
 ኔን አሻና ጌዳዋዳን ታዉ ዛሩዋ እማ።
- 14 ጫርያን ሙከተናዳን ታና አሻ።  
 ታና እጽያዋንቱ፤  
 ጨዋ ሃፋቱዋፕ ኔን ከሳ አካ።
- 15 ሃላ ድኡዋን ታና አፍሶፓ፤  
 ዋይ ጨዋ ኦላን ታና ሞትሶፓ፤  
 ዋይ ዲፋዋ ደና ታ ቦላ ጎርድሶፓ።
- 16 አቤት መድና ጎዳዉ፤ አገና ነ ሲቁዋ ኬካተላዳን፤  
 ታዉ ዛሩዋ እማ።
- ነ ቃረታ ዳሩዋዳን ታኮ ሰማ።
- 17 ታፕ ነ ቆማፕ ነ ሶምኤዋ ገንሶፓ፤  
 ታን ዋየትያ ድራዉ፤ ታዉ ኤለ ዛሩዋ እማ።
- 18 ኔን ታኮ ሺቃ፤ ታና ዋዛ፤  
 ታ ሞርከቱዋፕ ታና ላእ ከሳ።
- 19 ታን ቦርያ፤ ዬላነ፤  
 ካዉሻ አኬዳዋ ኔን ኤራሳ።  
 አያዉ ጎፕ፤ ታ ሞርከቱዋ ኡባ ኔን ቦአሳ።
- 20 ቦሪ ታ ዋዛና ፓጸናዳን መንሶ ድራዉ፤  
 ሀደታ ቃንጸድ።
- ታዉ ቃረትያዋ ኮያድ።  
 ሸን አቱነ ባዋ፤  
 ታና ምንጫያ አሳ ጸላድ፤ ሸን ደማቦይከ።
- 21 ታን ኮሻቴዳ ዋደ፤  
 ታዉ ጫምያ ቁማ አሌድኖ።
- ታን ሳመቴዳ ዋደ፤  
 ታዉ ጫላ ዋይንያ ኤሳ እሜድኖ።
- 22 ኡንቱንቱ ምያ ሳምፓይ ኡንቱንቶ ጰረ ግደ።  
 ኡንቱንቱ ያርሹዋ ያርሹደ፤  
 ምያ ግብራይ ኡንቱንቶ ግትያ ግደ።
- 23 ጸላናዳን ኡንቱንቱ አይዉ ጎዘቶ፤  
 ኡንቱንቱ ጋዲዋ ኡባ ገደ ኮኮርሳ።
- 24 ነ ሀንቁዋ ኡንቱንቱ ቦላ ትጋ፤  
 ነ ሱሎ ሀንቁ ኡንቱንታ የደርሲደ ኦይቆ።
- 25 ኡንቱንቱ ካምቡ መላ ደኤ፤  
 ኡንቱንቱ ዲንካንያን ኦንነ ደኦ።
- 26 አያዉ ጎፕ፤ ኡንቱንቱ፤  
 ኔን ሙሬዳዋንታ የደርሲኖ፤  
 ቃይ ኔን ደቕዳዋንቱ ቱጋባ  
 ደንሊደ ሃሳዪኖ።
- 27 ኔን ኡንቱንቱ ናጋራ ቦላ  
 ናጋራ ጉጃናዳን አጋ፤  
 ነ ማርተላፕ ኡንቱንታ አያይነ ጋኮ።
- 28 ኡንቱንቱ ደኤዋ ማጸፋፕ ቁጨትኖ፤  
 ጽሎ አሳና ማዘጋበቶፕኖ።
- 29 ታን ሳከታደነ ቱጋታደ ደአይ።  
 አቤት ጸሳዉ፤ ታና አሻደ፤  
 ሳር ሳኣን ዋላ።
- 30 ታን ጸሳ ሱንላ የላን ጋላታና፤  
 ጋላታ እሙዋን ኦ ዳርሳና።
- 31 ሄዌካ፤ ቦራ ያርሸያዋፕ  
 ዋይ ካጫማ ኮሩማ ያርሸያዋፕ

- እዲደ፣ መድና ጎዳ ናሽቻና።
- 32 ናቀቲዳዋንቱ ታና ጸሳይ፣  
እሼዳዋ በኢደ ናሽቶ።
- ህንተኖ ጸሳኮ ሸቅያዋንቶ፣  
ህንተ ዋዛናይ ሞነቶ።
- 33 እያዉ ጎጥ፣ መድና ጎዳይ ህዬሳቱዋ ሰሴ፤  
ቃሾ ጎልያን ደእያ ባረ አሳካ ካፍ።
- 34 ሳሉነ ሳእይ፣ ቃይ አባይነ  
እ ግደን ዋጽ ቃጽያ ኡባቱ ጸሳ ጋላትኖ።
- 35 እያዉ ጎጥ፣ ጸሳይ ጽዮነ አሻና፤  
ይሁዳ ካታማቱዋ ዛሪደ ኬጸና።
- እ አሳይ ያን ደእናነ ሄ ቢታይ ኡንቱንቱሳ ግዳናዋ።
- 36 እ ቆማቱዋ ናናቱ ሄ ቢታ ላታና፤  
እ ሱንሳ ሲቅያዋንቱ ያን ደእና።

### 70

#### ኡንኣ ዋሱዋ

ዛማረቱዋ ካፖ ዳዊታ ሀሳይሰያዋ ማዝሙርያ።

(40:13-17)

- 1 እቤት ጸሳዉ፣ ታና አሻናዉ ኤኖ ጋ፤  
እቤት መድና ጎዳዉ፣ ታና ማዳናዉ ኤሌላ።
- 2 ታና ዋቆናዉ ኮይያዋንቱ  
ዬላትኖነ ካዉሸኖ።
- ታን ቆሄታናዋ አሞትያዋንቱ፣  
ካዉሸደ ጉየ ሰሞኖ።
- 3 ታ ቦላ፣ “እዉ ሀሹ! ሀሹ!”  
ጌዳዋንቱ ጸነቲዳ ድራዉ ዬላትኖ።
- 4 ሸን ኔና ኮይያ ኡባቱ፣  
ኔናን ናሽቶኖነ ሀሹ ጊኖ።
- ቃይ ነ አቶተሳ ደሰያዋንቱ ኡባቱ፣  
“ጸሳይ ግታቶ!” ያግኖ።
- 5 ታን ህዬሳነ መቶታንቻ፤  
እቤት ጸሳዉ፣ ኤሌ ታኮ ሃያ።
- ታና ማድያዌነ አሸያዌ ኔና፤  
እቤት መድና ጎዳዉ፣ ጋሞኦፓ።

### 71

#### ጸሳ ማዳዋ ደማናዉ ሸቆ ዋሳ

- 1 እቤት መድና ጎዳዉ፣ ታን ኔኮ ባቃታይ፤  
አዉደነ ታና ዬላኖፓ።
- 2 ነ ጽሎተሳን ታና ዋሳ አካ፤  
ነ ሀይላ ታኮ የጋደ፣ ታና አሻ።
- 3 ኔን ታዉ ኡባ ዋደ ጌሞያ ሞኖ ዛላነ፣  
ታና አሸያ ሞኖ ጌሱዋ ግዳ።
- ታ አታና ማላ ነ አዛዛ።  
ኤ፣ ኔን ታ ዛላነ ታ ጌሱዋ።
- 4 እቤት ታ ጸሳዉ፣ ኢታቱዋ ኩሸያፐ፣  
ኢታ ኦሳያዋንቱፐነ  
ቃረት ባይና አሳቱዋ ዋልቃፐ ታና አሻ።
- 5 እያዉ ጎጥ፣ እቤት ኡባ ሞድያ መድና ጎዳዉ፣  
ኔን ታን ሀደታን ናግያዋነ

ታ ያላጋተላ ዎድያፕ ደማይ፤

ታን አማካኝያዎ ግዴዳ።

6 ታን የለትያ ዎድያፕ ደማይ ኔናን ዘምፓድ፤

ታ አት ኡሉዋፕ ዎዶደፕ ደማይ፤

ኔን ታና ናጋዳ።

ኡባ ገደካ ታ ጋላታይ ኔሳ።

7 ኔን ታዉ ባቃታ አትያ ዎልቃማ ሳእ ግዴዳ ድራዉ፤

ታ ደኡ ዳሮ አሳዉ ሊምሶ ግዴዳ።

8 ጋላሳ ኡባን ታ ደናይ፤

ነ ጋላታንነ ነ ቦንቹዋን ኩሜዳ።

9 ታን ጭሜዳ ዎድያን ታና ኦሎፓ፤

ታ ዎልቃይ አጼዳ ዎድያን ታና አጎፓ።

10 አያዉ ሳፕ፣ ታ ሞርከቱ ታ ቦላ ሃሳዪኖ፤

ታና ዎዳናዉ ኮይያዋንቱ

አትፕ ሸቁደ ማቀቲኖ።

11 ኡንቱንቱ፣ “ጳሳይ አ አኬዳ፤

የደርሲደ አ ኦይቄቶ።

አያዉ ሳፕ፣ አ አሻናጭ ኦንነ ባዎ” ያገኛ።

12 አቤት ጳሳዉ፣ ታፕ ኔን ሃኮፓ።

አቤት ታ ጳሳዉ፣ ታና ማዳናዉ ኤሌላ።

13 ታና ሞትያዋንቱ ዬላቲደ ዳይኖ።

ታና ቆሀናዉ ኮይያዋንቱ፤

ዬላነ ካዉሻ ማይኖ።

14 ሸን ታና ግደፕ፤

ኡባ ገደ ኔና ህደታን ናጋና።

ታን ጉጃ ጉጃደ ኔና ጋላታና።

15 ዎይሰንቶ ልክያ ኤራና ቆየፕካ፤

ታ ደናይ ጋላሳ ኡባን ነ ጽሎተላባነ

አሸያ ነ ኦሱዋባ ኦዳና።

16 ታን ኡባ ሞድያ መድና ጎዳ ዎልቃን ያና፤

ነ ጳላላይ ጽሎ ግድያዎ አዋያና።

17 አቤት ጳሳዉ፣ ኔን፤

ታ ያላጋተላፕ ደማይ ታና ታማርሳዳ።

ሀአ ጋካናዉ ታን ነ ማላልሰያ ኦሱዋባ ኦዳይ።

18 አቤት ጳሳዉ፣ ነ ዎልቃነ ነ ሞኖተላ፤

ይያ የለታ ኡባዉ ኦዳና ጋካናዉ፤

ታን ጭማደ ፑሉሞፕካ ታና አጎፓ።

19 አቤት ጳሳዉ፣ ነ ጽሎተላይ፤

ቦላ ሳሉዋ ጋኬዳ።

አቤት ዎልቃማባ ኦሌዳ ጳሳዉ፤

ነ ማል ኦንነ ባዎ።

20 ኔን ታ ቦላ ዳሮ መቱዋ አሃዳ፤

ግደፕ፣ ኔን ታ ደኡዋ ዛራደ ኦራጽሳና፤

ኔን ታና ቤታ ግደ ጨሞ ኦላ ገለናዳን ናጋና።

21 ኔን ታ ቦንቹዋ ካሰዋፕ ዳርሳና፤

ኔን ታና ዛረላደካ ሞንግሳና።

22 አቤት ታ ጳሳዉ፣ ነ ቱማተላ ድራዉ፤

ታን ኔና ዲላን ጋላታና።

አቤት አሰራኤልያ ጌሻዉ፤

ታን ማሰንቁዋን ኔና ሳባና።

23 ታን ዲጸደ፣ ናሸቻዉ ታ ቃላ ቶቄ ኦላደ የጻና፤

ኔን ታና አሸዳ ድራዉ፣ ታን ኔና ሳባና።

24 ታ አንጸርሳይ ነ ጽሎ ኦሱዋባ ኡባ ጋላሰ ኦዳና፤

አያዉ ሳፕ፣ ታና ቆሀናዉ ኮይያዋንቱ፤

ዬላቴድኖን ካወሼድኖ።

# 72

ካትያዉ ሺቆ ዎሳ

ሰሎሞና የሳ

1 እቤት ጸሳዉ፣ ካቲ ነ ሱረተላን ፕርዳናዳን፣  
ኔን እ ታማርሳ፤

ኑ ካትያዉ ነ ጽሎተላ እማ።

2 ያቶፕ፣ እ ነ እሳዉ ጽሎተላን ፕርዶ፤  
ናቀቴዳዎንቶካ ሱረተላን ዳናቶ።

3 ደረቱ ሳሮተላ አይፍያ፣  
ዘዙቱካ ጽሎተላ አይፍያ ነ እሳዉ አይፍኖ።

4 ሄ ካቲ እሳ ግዶን ናቀቴዳዎንቱ ድራዉ ሞተቶ፤  
ሀዬሳቱዎ እ አሾ፤

ኡቁንያዎንታ እ መንግሥት።

5 አዎይን አግናይ ደእያ ዎደ ኡባን፣  
የለታፕ የለታ ጋካናዉ፣ አሳይ አዉ ያዪኖ።

6 ካቲ ሾይቃን ቡክያ እራነ  
ጋድያ ካልሰያ እራ ማላ ግዶ።

7 እ ደእያ ላይላ ኡባን ጽሎ ዳሻና፤  
አግናይ ጳያና ጋካናዉ ሳሮተላይ ዳራና።

8 አባፕ አባ ጋካናዉ፣  
ቃይ ኤፍራዲሳ ሻፋፕ ሳኦ ጋጸ ጋካናዉ እ ሞዶ።

9 ባዙዎ አሳቱ አዉ ሆክና፤  
እ ሞርከቱ ባና ላጭኖ።

10 ታርሴሳነ ሃላን ዶደቱዳ ቢታ ካተቱ፣  
አዉ ገራ ገርኖ።

ሾባነ ሳባ ካተቱ፣  
አዉ እሞታ አይኖ።

11 ካተቱ ኡባይ አዉ ጉልባትኖ፤  
ካወተላቱ ኡባይ አዉ ከተትኖ።

12 እ ዴሰያ ሀዬሳቱዎ፣ ናቀቴዳዎንታን  
ማድያዌ ባይናዎንታ እ አሾ።

13 ሀዬሳቶነ ማንቆቶ እ ቃረቱ፤  
ሀዬሳቱዎ ሸምፑዎ አሾ።

14 ኡንቱንታ ናቁዎፕነ ማካላፕ እ ዎዜ።  
ኡንቱንቱ ሱላይ እ ሰንላን አልእ።

15 ካቲ ሸምፑዎ ጋምኦ፤  
ሾባ ቢታ ዎርቃይ አዉ እመቶ።

ፓጨናን አዉ ዎሳይ ዎሰቶ፤  
ጋላሳ ኡባን እ አንጀቶ።

16 ቢታን ዳር ካሳይ ሞኮ፤  
ደረቱ ካላን ካመትኖ።

ቢታይ ሊባኖሰ ደሪ ሞክያዎዳን ካላ ሞኮ፤  
ማታይ ደምባ ኩምያዎዳን አሳይ ካታማ ኩሞ።

17 ካትያ ሱንሳይ መቋኖዉ ደእ፤  
አዎይ ደኤዳ ኬሻ ኡባን ጸንቲደ፣ ጋምኦ።

አሳይ ኡባይ እ ባጋና አንጀታኖ፤  
ካወተላቱ ኡባይ እ፣ “አንጀታ” ያጊደ አንጀና።

18 ማላልሰያባ ባረካ ኦሳያ መቋኖ ጎዳ ጸሳዉ፣  
እሰራኤልያ ጸሳዉ ጋላታይ ግዶ።

19 እ ቦንቾ ሱንሳይ መድናዉ ጋላተቶ፤  
እ ቦንቾ ሳኣ ኡባ ኩዋ።

እመንእ። እመንእ።

20 እሰይ ናኣ ዳዊታ ዋሳይ ሀዋን ፖለቲዳ።

### ሄዘንሶ ማጻፋ

## 73

(73—89)

ጽሎ ፕርዳ ጸኑዋ

አሳፋ የሳ

1 ጸሳይ እሰራኤልያዉ ቱሙዋፕ ሎእ፤

ዋዛና ጌሻቶ እ ኬካ።

2 ሸን ታና ግደፕ፣ ታ ገዲ፣

ጳብታናዉ ጉሳ ኦቲዳ፤

ታ ገዲ ሀልጸናዉ ማቴዳ።

3 እያዉ ሳፕ፣ ኢታ አሳቶ ሳሮተሳይ ደእያዋ በኣደ፣

ሄ ኦቶራንቻቱዋ ዲረተሳን ታን ቃናታድ።

4 ኡንቱንቶ ቱግ ባዋ።

ኡንቱንቱ ቦሳይ ፓጸነ ምና።

5 ኡንቱንቱ ሀራ አሳይ ቱጋትያዋዳን ቱጋትክኖ፤

ኡንቱንቱ ሀራ አሳዋዳን መቱዋን ሾጨትበይክና።

6 ሄዋ ድራዉ፣ ኡንቱንቱ ኦቶራዋ፣

አሌቁዋዳን ቆድያን አሊኖ፤

ማካላ አፍላዳን ማዪኖ።

7 ኡንቱንቱ ዋዛናይ ኢታባ ፑልቲ።

ኡንቱንቱ ቆፋይ ኢታ ሀልቾዋ ኩሚዳ።

8 ኡንቱንቱ ቅሊጨኖን ኢታባ ሃሳዪኖ፤

ኡንቱንቱ ባረንቱ ኦቶራዋን፣

ሀራቱዋ ኡንኤሳናዉ ናሲኖ።

9 ኡንቱንቱ ሳሉዋን ደእያ ጸሳ፣

ባረንቱ ደናን ጫሺኖ።

ሳኣን ደእያ አሳ ቦላካ፣

ባረንቱ እንጸርሳን ኦቶራዋ ሃሳዪኖ።

10 ሀራይ አቶ፣ ጸሳ አሳይካ ኡንቱንቱኩ ሰማና፤

ኡንቱንቱ ኦድያዋካ ኤላ ሰማናና።

11 ኡንቱንቱ፣ “ጸሳይ ኑባ እይነ ኤረና፤

ኡባፕ ጶቁያ ጸሳይ እይነ በኤና” ያገኛ።

12 ሰም ኢታቱ ሀዋ ማላ፤

ኡንቱንቱ ኡባ ገደካ እንጀትና ደእኖ፤

ኡንቱንቱ ጉጅ ጉጅ ዲረቲኖ።

13 ያቶፕ፣ ታን ታ ዋዛና ጌሻ አሌዳዌነ

ታን ታ ጽሎተላ በሳናዉ፣

ታ ኩሸያ ሜጨቱዳዌ ቱሙዋፕ መላ።

14 ጋላሳ ኩመንሳን ታን መቱዋን ሾጨታድ፤

ዋንታን ዋንታን ሙረታድ።

15 ታን ኢታቱዋዳን፣ ኡንቱንቱ ግያዋ ጌደንቶ፣

ታን ነ አሳዉ እማነተናዋ ግዳና።

16 ታን ሀ ኡባ የዉዋ ኤራናዉ ቆፕያ ዋደ፣

ታዉ ኤረተና ደጸባ ግዴዳ።

17 ሸን ታን ጸሳ ጌሻ ሳኣ ገሌዳ ዋደ፣

ኢታቱዋ ዉርሰሳ ካጫ አከካድ።

18 ኡንቱንታ ኔን ቱሙዋፕ ሀልጸያ ሳኣን ኡትሳሳ፤

ኔን ኡንቱንታ ኩንድሳሳነ ባይዛሳ።



- 19 ኡንቱንቱ እኩከናን ጳዬድና፤  
ዳጋማን እቱ አተናን ሙላ ወሬድና።
- 20 እት አሳይ ቤንትያ ዎደ፤  
እ እኩሙዋን በኤዳባይ ደገትያዋዳን፤  
እቤት ጎዳሙ፤ ኔን ደንድያ ዎደ፤  
ኡንቱንቱ ደገታና።
- 21 ታን ይሎቴዳ ዎደ፤  
ታ ዎዛናን ሴለቲዳ ዎደ፤  
22 አይነ እኩከናን ደንጭላድ፤  
ታን ነ ሰንፋን ሚዛ ማላ ግዳድ።
- 23 ሸን ታን ኡባ ገደካ ኔና ደእይ፤  
ታ ኡሸቻ ኩሸያ ኔን ኦይቃዳ።
- 24 ነ ዘርያን ታና ካላላ፤  
ሄዋፕ ጉይያን ኔን ታና ቦንቾ አፋና።
- 25 ታዉ ሳሉዋን ኔፕ አትና፤  
ሀራይ ኦን ደኢ?  
ታን ኔፕ አትና፤  
ሳኣን ሀራባ ኢያነ አሞትከ።
- 26 ታ ዎልቃይነ ታ ዎዛናይ ዳቡራናዉ ዳንዳዬ፤  
ሸን ጸሳይ ታ ዎዛና ሞንሰያዋነ፤  
መጅናዉ ታና ጋኬዳ ሳማ።
- 27 ኔፕ ሃክያዋንቱ ጳያና፤  
ኔና አማነተናዋንታ ኡባ ኔን ዉርሳና።
- 28 ሸን ታና ግደፕ፤  
ታን ጸሳ ማታን ደእያዌ ታዉ ሎአ።  
ታን ኡባ ሞድያ መጅና ጎዳ፤  
ታዉ ባቃታ እትያ ሳኣ ኦላድ።  
ሄዋ ድራዉ፤ አ ኦሱዋ ኡባ ታን ኦዳና።

# 74

## ጋዲ ላእ ከሳናዳን ሺቆ ዎሳ

- አሳፍ እኩካን ጸፊዳ ግንጾዋ
- 1 እቤት ጸሳሙ፤ ኔን ኑና መጅናዉ እያዉ አጋዲ?  
ነ ሀንቁ ነ ቆሩዋን ደእያ ደርሳቱዋ ቦላ፤  
እያዉ ሱሌዴ?
- 2 ኔን በን ደራዳ አሳ፤ ኔን  
ነዉ ቡዞ ኦላደ ዎዜዳ ዛራቱዋ ሀሳያ።  
ኔን ደኤዳ ጽዮነ ደርያ ቆፓ።
- 3 እነ ነ ጌሻ ጎሊ ኮለቲዳ ሳኣ ያደ ጸላ።  
ሞርከቱ እን ደእያባ ኡባ ጳይሴድና።
- 4 ነ ሞርከቱ ነ ጌሻ ጎልያ ግደን፤  
“ኦን ጸኔዶ” ያጊደ ገሬሬድና።  
ጸኑዋ ማላታ ያጊደ፤ ባረንቱ ባንድራ ኤሴድና።
- 5 ኡንቱንቱ ሞላ ቃንጸናዉ ባረንቱ ካልታ፤  
ጶቁ ኦሊደ፤ ኤቁዳ አሳቱዋዳን ሀኔድና።
- 6 ኡንቱንቱ ማሰቲዳ ሳንቃ ኡባ፤  
ባረንቱ ካልታንነ ማደሻንነ መንሐ የጌድና።
- 7 ጌሻ ጎልያ ታማን ጸጊደ ጳይሴድና፤  
ነዉ ጎይንያ ሳኣ ቱንሴድና።
- 8 ባረንቱ ዎዛናን፤ “ኡንቱንታ ኑን፤  
ኡባና ጳይሳና” ያጊደ ቆፕድና።  
ቢታን አሳይ ጸሳዉ ጎይንያ ሳኣ ኡባ ታማን ጸጊድና።
- 9 ሄ ዎደ ማላይ ኑዉ እመተናን እጼዳ፤

- ትምቢትያ ኦድያዌ እቱነ ባዎ።  
 ሀዋዳን ሀኒደ፣ ዎይሳ ዎድያ ደእነንቶ።  
 ኤርያ አሳይ ኑ ግድን እቱነ ባዎ።  
 10 እቤት ጸሳው፣ ነ ሞርከቱ።  
 ዎይሳ ዎድያ ነ ቦላ ቅሊጫኔ?  
 ኡንቱንቱ ነ ሱንሳ መድኛው ቦራኔ?  
 11 ነ ኩሽያ ሺሻ እካደ እያው ጋምአይ?  
 ነ ኡሽቻ ኩሽያ ነ ቁማዩዋፕ ከሳደ ኡንቱንታ ዳይሳ።  
 12 ግድፕ፣ እቤት ጸሳው።  
 ኔን በንፕካ ታ ካትያ፤  
 ኔን ቢታ ቦላ አቶተላ አሃዳ።  
 13 ነ ዎልቃማ ዎልቃን ኔን አባ ሻካዳ፤  
 አ ግድን ደእያ ዳዊያ ሁጳቱዋ ኔን ቆጻዳ።  
 14 ሌዋታና ግያ ዳዊያ ሁጳቱዋ ቆጻደ፣  
 አ እሹዋ ባዙዋን ደእያ መታቶ።  
 ቁማ ኦሳደ እሜዳዌ ኔና።  
 15 ኔን ፑልቶቱዋ ደያ የዳዳ፤  
 ኡባ ገደ ጎግያ ሻፋቱዋ ቃይ መልሳዳ።  
 16 ጋላሳይ ነዋ፤ ቃማይካ ነዋ፤  
 ቃይ አዋነ አግና ኡንቱንቱ ሳእን ዎሌዳዌ ኔና።  
 17 ቢታዉ ዛዋ ዎሌዳዌ።  
 ባልጉዋነ ቦንያ መጫዳዌ ኔና።  
 18 ሸን እቤት መድኛ ጎዳው፣ ነ ሞርከቱ።  
 ኔና ዎት ቅሊጫድኖንቶ።  
 ቦዛ አሳቱ ነ ሱንሳ ዎት ቦሬድኖንቶ ሀሳያ።  
 19 ነዉ ሞደትያዋንቱ ሸምፑዋ  
 ኢታ ሞርከቶ አላደ አዎፓ።  
 መቶታንቻቱዋ መድኛው ደጎፓ።  
 20 ኑ ቢታን ደእያ ቆማ ሳእይ ኡባይ።  
 ማካላንቻቱዋን ኩሜዳ ድራው።  
 ኔን ኑዉ ጫቁዳ ጫቁዋ ቆፓ።  
 21 ናቀቱዳዋንታ ዩላዮፓ፤  
 ሀዬሳቱነ መቶታንቻቱ ነ ሱንሳ ጋላትኖ።  
 22 እቤት ጸሳው፣ ደንዳ፤ ነ የዉዋ ሞተታ።  
 ገዙ አሳቱ ጋላሳ ኡባን።  
 ነ ቦላ ቅሊጫዳዋ ሀሳያ።  
 23 ነ ሞርከቱ ነ ቦላ ዋሰያ ዋሱዋን  
 ኔና እጽያዋንቱ።  
 ፓጭ ባይናን ቅሊጫዳ ቅሊጫዋ ደጎፓ።

### 75

#### ጸሳይ ፕርድያዋ ግዳሳ

ዛማረቱዋ ካፖ አሳፍ። “ዳይሶፓ” ጌተትያ ዲላ ዋላን የጼዳ የላ።

- 1 ነዉ ጋላታ እሜቶ፤ እቤት ጸሳው፣ ኔና ጋላቱቶ፤  
 “ኅ ሱንሳይ ዎፓ” ገደ አዋዬቶን።  
 ማላልሰያ ነ ኦሱዋ ኡባ ኦዴቶ።  
 2 ጸሳይ፣ “ደራደ ኩሬዳ ጋላሰ።  
 ሱረ ፕርዳ ፕርዳናዌ ታና።  
 3 ሳእይነ እን ደእያዋንቱ ኡባይ ቃጽኖካ።  
 አ ቱሳ ምንሳ ኤሰያዌ ታና።  
 4 ታን ኡቶራንቻቱዋ፣ ኡቶራቶፕተ ያጋይ፤  
 ኢታቱዋካ፣ ሀንተ ካጭያ ደንሶፕተ።

- 5 ህንተ ካጭያ ዶቁስ በሶፕተ፤  
ዛቱሪደ ሃሳዮፕተ ያጋይ። ያጌ።
- 6 ቦንቹ አዋይ ዶልያሳፕ  
ዋይ ዉልያሳፕ  
ዋይ ባዙዋፕ ዬፍ።
- 7 ሸን ፕርድያዌ ዶሳ፤  
እ እቱዋ ቦላ ፕርዴ፤  
እቱዋ ሻትጎል።
- 8 መድፍ ጎዳ ኩሸያን እት ዋንጫይ ደኤ፤  
ሄ ዋንጫይ ዶሳ ሀንቁዋ ዋይንያ ኤሳን ኩም ኡቴዳ።
- እ ሄዋፕ ኡሻ ትግፍ፤  
ሳኣን ደእያ ኢታ አሳቱ ሄዋ ኡሻ፤  
ኡንቱንቱ ኦርጨዋካ አሸናን ጭንግሲደ ኡሻ።
- 9 ሸን ታን ያቆባ ዶሳባ ኦዳናን  
መድፍዉ እ ሳባና።
- 10 እ ኢታ አሳቱዋ ካጭያ ኡባ መንሳና፤  
ሸን ጽሎቱዋ ካጨ ዶቁ ዶቁ ጋና።

# 76

## ጸሓፊዎ

- ዛማራቱዋ ካፖ ዲላ ዋሳን የጸቴዳ፣ አሳፋ ማዘመርያ
- 1 ጸሓይ ይሁዳን ኤረቱዳዋ፤  
እ ሰንሳይ አሰራኤልያን ዋልቃማ።
  - 2 እ ዲንካኒ ሳሌማና፤  
እ ደኢያሳይ ጽዮንና።
  - 3 እ፣ ሄዋን ዶንገትያ፣  
ሞርከቱዋ ዋንዳፍያ ጨብያ፣ ጎንዳልያ፣ ማሻን  
ሀራ ኦላ ሚሻቱዋ መንገሬልዳ።
  - 4 አቤት ጸሓዉ፣ ነ ቦንቹ አይ ኬሻ ግቴ!  
ኔን ነ ሞርከቱዋ ጸናደ፣  
ደርያፕ ሰምያ ዋደ፣  
ነ አንጋይ አይባ ያሸያዌ!
  - 5 ሳባ ቶራንቻቱ፣  
ባረንቶ ደእያዋ ኡባ ቦንቀት ክቼድና።
  - ሀእ ሰም ኡንቱንቱ፣  
ዋልቃማ ገምእሹዋ ገምእሹድና፤  
ኡንቱንቱፕ አቱን ባረ ኩሸያ ደንሐቤና።
  - 6 አቤት ያቆባ ጸሓዉ፣ ኔን ሴሬዳ ዋደ፣  
ፓራ አሳቱን ፓራቱ ኩንዶ ሳን አቴድና።
  - 7 ሸን አቤት ጸሓዉ፣ ኔን ያሻሳ!  
ነ ሀንቁ ሱሌዳ ዋደ፣  
ነ ሰንሳን ኦኔ ኤቃናዌ?
  - 8 ኔን ፕርዳ ሳሉዋፕ ሰሴዳ ዋደ፣  
ሳኣን ደእያ አሳይ ያዩደ፣ ጮኤ ጌዳ።
  - 9 ኔን ሳኣን ቆሃቴዳዋንታ አሻናዉ፣  
ፕርዳዉ ደንዴዳ ዋደ፣ ሄዋ ሀኔዳ።
  - 10 አሳ ሀንቁ ዳሬዳ ኬሻ ኔን ጋላተታሳ፣  
ኦላፕ አቴዳ አሳቱ ኡባይ፣  
ነ ባላ ጋላሳቱዋ ቦንቻና።
  - 11 መድፍ ጎዳዉ፣ ህንተ ጸሓዉ፣

ሸቀትተ፥ ሄዋካ ጋለተ።  
 ሀንተኖ ሸር ካውተላቶ፥  
 ያየታናው በሰያዎ እሞታ አህተ።  
 12 እ ካፖቱዋ ኦቶሩዋ ካወሸ፤  
 ዋልቃማ ካተቱዋካ እ ያሸሴ።

# 77

## ሞንጳቶ ዋሳ

አሳፍ ዛማራቱዋ ካፖ ጁዴቶ የጼዳ፥ ማዘሙርያ  
 1 ታን ጸሳው ማጋናይ፤  
 ታና ሰሶ ጋደ ታን ጸሳ ዋሳይ።  
 2 ታን ታ መቱዋ ጋለሰ ጎዳ ኮያይ።  
 ቃማን ታን ሸሞፐናን ታ ኩሸቱዋ አኮ ሞጫይ፤  
 ግደፐ፤ ታን ሞነታናው ዳንዳይከ።  
 3 ታን ጸሳባ ቆፕያ ዋደ፥ ኦላይ፤  
 ታን እባ የሻ ቆፕያ ዋደ፥  
 ታ ሸሞፑ ዳቡሬ።  
 4 ኔን ቃማ ኡባ ታና ገሞእሹዋ ድጋደ አህሳሳ።  
 ታን ሎይላ ሀርግያ ድራው፥  
 ሃሳያናው ዳንዳይከ።  
 5 ታን አጼዳ ጋላሳቱዋ ቆፓይ፤  
 ካሰ ላይላቱዋካ ሀሳያይ።  
 6 ታን ቆፋ ሸካደ አቃይ፤  
 ታ ዋዛናይ የሸ ቆፕያ ዋደ፥  
 ታን ታ ሁጺያ ሀዋዳን ያጋደ ኦቻይ፤  
 7 “ሳዳይ ኑና መድናው አግ ባሻኔ?  
 ዛረፊደ እ ኑና ከካ በሰኔ?  
 8 እ ሲቆ አቴዳ?  
 እ ጌዳዊ ሀዋፐ ሰንላናው ሳኦን ኦጳ?  
 9 ጸሳይ ማርያዋ ደጌዳ?  
 ባረ ቃረታካ ሀንቁዋን ለሜዳ?” ያጋደ ኦቻይ።  
 10 ቃይካ ታን፥ “ታና ቆሄዳዌ፥  
 ኡባፐ ቆቃያ ጸሳ ኡሸቻ ኩሸ፥  
 ካሰፐ ማድያ ማዳዋ አጌዳዋ” ያጋደ።  
 11 መድና ጎዳው፥ ነ ኦሶቱዋ ታን ቆፓና።  
 ኤ፤ ኔን በን ዋደ፥  
 ኦጼዳ ማላልሰያባቱዋ ኡባ ታን ሀሳያና።  
 12 ነ ኦጼዳዋ ኡባ፥  
 ታን ዛራ ዛራደ ቆፓና፤  
 ነ ዋልቃማ ኦሶቱዋ ኡባ ታን የሻ ቆፓና።  
 13 አቤት ጸሳው፥ ነ ኦጊ ጌሻ፤  
 አይ ጸሰን ኑ ጸሳ ማላ ዋልቃማ ግደና።  
 14 ኔን ማላልሰያባ ኦጸያ ጸሳ።  
 አሳ ግደን ነ ዋልቃ ቆንጭሰያዋ።  
 15 ነ አሳ፥ ያቆባነ ዮሴፎ ዘረላቱዋ፥  
 ነ ቀሰያን ዋዛዳ።  
 16 አቤት ጸሳው፥ ሃላቱ ኔና በኤድኖ፤  
 ሃላቱ ኔና በኤደ ያዬድኖ።  
 አባ ጨማቱካ ኮኮሬድኖ።  
 17 ሻረቱ እራ ዳገ ዛሪደ ትጌድኖ፤  
 ጉጉንላይ ሳሉዋን ጉሜዳ።  
 ነ ዋልቃንላይ ያን ሃን ዋልቃሜዳ።  
 18 ነ ጉጉንላይ ጉንላይ ጎትያ ግደን ኮሹሜዳ፤  
 ነ ዋልቃንላ ዶለላይ ሳኦ ፖእሴዳ።

ቢታይካ ጋጅ ጋጂደ ኮኮሬዳ።  
 19 ኔን አባ ግዲዋና ሀመታሳ፤  
 ጨዋ አባ ግዲዋና አፋሳ፤  
 ግደፕ፣ ነ ገዲ የዴዳ ሳአይ ቤተና።  
 20 ሙሴን አሮና ኩሽያን  
 ኔን ነ አሳ ዶርሳ ዉድያዳን ካለላዳ።

# 78

## ጸሳን እ አሳ

አሳፍ አከካን ጸፊዳ ግንጾዋ  
 1 ታ አሳዉ፣ ታን ህንተና ታማርሰያዋ ሰሰተ፤  
 ታ ዶናፕ ከሰያ ቃላ ሀይዘተ።  
 2 ታን ኡንቱንቶ ሃሳይያ ዋደ፣  
 ሌምሱዋን ሃሳያይ፤  
 በኒደፕ ጌሜዳ የዋቱዋ ቆንጭሳና።  
 3 ኑን ሰሴዳን ኤሬዳ የዋቱዋ፣  
 ቃይ ኑ አዎቱ ኑዉ ኦዴዳ የዋቱዋ ሃሳያና።  
 4 ሄ የዋቱዋ ኑን ኡንቱንቱ ናናቱዋፕ ቆሶኮ፤  
 መድና ጎዳዉ በሰያ ጋላታ፣  
 እ ዋልቃን ማላልሰያ እ ኦሱዋ፣  
 ይያ የለታዉካ ኑን ኦዳና።  
 5 እ ያቆባ ዛረቶ አዛዙዋ፣  
 አሰራኤልያ አሳዉ ህግያ አሜዳ።  
 ካሰ ኑ አዎቱ ባረንቱ ናናቱዋ፣  
 ሄ ህገቱዋ ታማርሳና ማላ አዛዜዳ።  
 6 ሄዌን፣ ካልያ የለታይ፣  
 ሄ ብሮ የለታና ናናቱ ኤራናዳናን  
 ኡንቱንቱካ ባረንቱ ናናቶ ኦዳናዳና።  
 7 ያትና፣ ሄ ናናቱ ጸሳን አማነታናዳን፤  
 እ ኦሴዳባካ ዶገናዳንን  
 እ አዛዙዋ ናገናዳና።  
 8 ኡንቱንቱ ካሰ ባረንቱ አዎቱዋዳን ዋዛና ሙመነ  
 ማካላንቻ አሳ ግደናዳንን  
 ጸሳን ኤቀናን አማነተና የለታ ግደናዳና።  
 9 ኤፍሬማ አሳቱ፣ ኦላዉ፣  
 ዋንዳፍያና ፖላ ጊገሲደ፣  
 ኦላ ጋላሰ ጉየ ሰሜድኖ።  
 10 ኡንቱንቱ ጸሳ ጫቁዋ ናግበይክኖ፤  
 እ ህግያዳን ሀመተናን እጼድኖ።  
 11 ኡንቱንቱ እ ኦሴዳ ዋልቃማ ኦሱዋን  
 ኡንቱንታ እ በሴዳ ማላታ ዶጌድኖ።  
 12 እ ኡንቱንቱ አዎቱዋ ሰንሳን ግብጾ ቢታን፣  
 ጸኢን ደምባን ማላታ ኦሴዳ።  
 13 አባ ሻኪደ፣ ግዲዋና ኡንቱንታ ፕንሴዳ፤  
 እ ሃላ ሻኪደ፣  
 ያን ሃን ሻኪደ ጎዳዳን ኤሴዳ።  
 14 እ ኡንቱንታ ጋላሰ ሻርያን፣  
 ቃማ ታማ ፖኡዋን ካለሴዳ።  
 15 እ ባዙዋን ዛላ ጸልቂደ፣  
 ጨሙዋፕ ዳሮ ሃላ ኡንቱንታ ኡሼዳ።

- 16 ዛላጥ ሃሳ ፑልትሲደ፥  
ሻፋዳን ዱገ ጎግሴዳ።
- 17 ሸን ኡንቱንቱ ኦ ቦላ ናጋራ ኦሱዋ ገደ ጉጂድኖ፤  
ኡባጥ ጹቂያ ጸሳ ቦላ፥  
ባዙዋን ማካሌድኖ።
- 18 ባረንቱ አሞቴዳ ቁማ ኦጅያዋን  
ጸሳ ኤሪደ ፓጨድኖ።
- 19 ኡንቱንቱ ጸሳ ቦላ ሀዋዳን ያጊደ ሃሳዬድኖ፤  
“ባዙዋን ጸሳይ ኑዉ ቁማ አሳናዉ ዳንዳዪ?”
- 20 ዛላ ሾጭና፥ ፑልቱ ከሲደ፥  
ሻፋይ ጎጌዳ፤  
ሸን ኡክሳ ኦ ኑዉ አማናዉ ዳንዳዪ?  
ዋይ ባረ አሳዉ አሹዋ አማናዉ ዳንዳዪ?” ያጌድኖ።
- 21 መድና ጎዳይ ሄዋ ሰሴዳ ዋደ፥  
ኡንቱንቱ ቦላ ዳር ሀንቀቴዳ።  
ያቆባ ዛራቱዋ ቦላ ታማይ ኤጼዳ፤  
አሰራኤልያ ቦላ ኦ ሀንቀ ዳር ዳር ቤዳ።
- 22 አያዉ ጎጥ፥ ኡንቱንቱ ጸሳን አማንበይክኖ፤  
ዋይ ኦ አሸያዋን አማንትበይክኖ።
- 23 ግደጥነ፥ ኦ ቦላ ሳሉዋ አዛዚደ፥  
ሳሉዋ ጥንግያ ደዬዳ።
- 24 ኡንቱንቱ ማናዉ፥ ኡንቱንቶ ማና ቡክሴዳ፤  
ሳሉዋ ቁማ ኡንቱንቶ አሜዳ።
- 25 ኪታንቻቱዋ ኡክሳ አሳይ ሜዳ፤  
ጸሳይ ኡንቱንቶ ቁማ ዳርሲደ አሜዳ።
- 26 አዋይ ደልያ ባጋ ጫርኩ ጫርካናዳን ኦሌዳ፤  
ባረ ዋልቃን ገድሳ ባጋ ጫርኩዋ ደንጫዳ።
- 27 ኦ አሳዉ አሹዋ ባና ኬሻ ኪቱዳ፤  
ፓልያ ካፎቱዋ አባ ደና ሻፍያ ኬሻ ቡክሴዳ።
- 28 ኡንቱንቱ ደአያ ሳን፥  
ዱንካንያ ዩሹዋን ዋጂድኖ።
- 29 ኡንቱንቱ አሞቴዳዋ ኡንቱንቶ አሜዳ፤  
ኡንቱንቱ ሚደ፥ ባረንቱ ጋንጅያ ኩንሌድኖ።
- 30 ሸን ኡንቱንቱ ባረንቱ አሞቴዳ አሹዋ ካለናን ደአሸን፥  
አሹ ኡንቱንቶ ብሮ ደናን ደአሸን፥
- 31 ጸሳ ሀንቀ ኡንቱንቱ ቦላ ዋጂዳ፤  
ኡንቱንቱ ግደጥ ምኖ አሳቱዋን  
አሰራኤልያጥ ያላጋ አሳቱዋ ዋጂዳ።
- 32 ሀዌ ኡባይ ሀንናካ፥  
ኡንቱንቱ ናጋራ ኦሉዋ አግበይክኖ።  
ባረ ማላታ ኡባ ኦሉናካ፥ አማንበይክኖ።
- 33 ሄዋ ድራዉ፥ ኦ ኡንቱንቱ ጋላሳቱዋ ጫርኩዋዳን፥  
ኡንቱንቱ ላይሳቱዋካ አኬከናን ቆይሴዳ።
- 34 ጸሳይ ኡንቱንቱጥ ዋጂያ ዋደ፥  
አቴዳዋንቱ ናጋራ ፓጺደ፥  
ጸሳ ምንሕ ኮዬድኖ።
- 35 ኡንቱንቱ ጸሳይ ኡንቱንቶ ዛላ ግዴዳዋን  
ኡባጥ ጹቂያ ጸሳይ፥  
ኡንቱንታ ዋዘያዋ ግዴዳዋ ሀሳዬድኖ።
- 36 ሸን ኡንቱንቱ ባረንቱ አንጻርሳን አዉ ዋርደቲደ፥  
ባረንቱ ደናን ጭሚድኖ።
- 37 ኡንቱንቱ ዋዛናይ ጸሳን ኤቀና፤  
ኦ ኡንቱንቱና ጫቀቴዳ ጫቁዋ አማንትክኖ።

- 38 ሸን እ ኡንቱንታ ማርያዌ፤  
ኡንቱንቱ ኢታተላ አቶ ጌዳ።  
ኡንቱንታ ጳይሰቤና፤ ዳሮ ገደ ባረ ሀንቁዋ ተኤዳ፤  
ባረ ሀንቁዋ ኡላ ኡሳና ኡንቱንቱ ቦላ የድቤና።
- 39 እያዉ ሳጥ፣ ኡንቱንቱ እሹዋ ጸላላ ግድያዋን  
ያ ጫርኬዳሳጥ ሃ ሰመና፤  
ጫርኩዋ ማላ ግድያዋ ሀሳዬዳ።
- 40 ኡንቱንቱ ባዙዋን እ ቦላ አፑ ገደ ማካሌድና!  
መላ ባዙዋን አፑ ገደ ላንጭሴድና!
- 41 ኡንቱንቱ ዛር ዛሪደ፣ ጸሳ ፓጩድና፤  
እስራኤልያ ጌሻ ሀንቀሴድና።
- 42 ኡንቱንቱ እ ዋልቃባ ዶጌድና፤  
እ ኡንቱንቱ ሞርከቱዋጥ ዋዜዳ ጋላሳ፤
- 43 እ ግብጼ ቢታን ማላታ፣  
ጸላነ ደምባን ማላልሰያባ፤  
ኦሌዳ ዋድያ ሀሳይበይክና።
- 44 ኡንቱንቱ ሻፋ ሃላቱዋ ሱላዉ ላሜዳ፤  
ሄዋ ድራዉ፣ ግብጼ አሳቱ፣  
ሄ ሻፋቱዋጥ ኡሻናዉ ዳንዳይበይክና።
- 45 ኡንቱንታ ዋይሰያ ኡዲንጸቱዋን  
ኡንቱንቱ ቢታ ባይዝያ ሸጳቱዋ ኪቲዳ።
- 46 ኡንቱንቶ ዶሌዳ ካላ ጎንዶ፣  
ኡንቱንቱ ኦሌደ ዳቡሬዳዋ ቦልያዉ እሜዳ።
- 47 ኡንቱንቱ ዋይንያ ቱራ ሻቻን፣  
ኡንቱንቱ ባላሰያ ግያ ሞላካ ጫርኩዋን ጳይሴዳ።
- 48 ኡንቱንቱ ሚዛቱዋ ሻቻን ዋዴዳ፤  
ኡንቱንቱ ዶርሳ ዉድያ፣  
ጳቂያ ዋልቃንላን መሬሰ ዉርሴዳ።
- 49 ኡንቱንቱ ቦላ ባረ ሱልያ ሀንቁዋ፣  
ላንጭያን እጾዋ፣  
ባይዝያ ኪታንቻቱዋ ጩጉዋን የዴዳ።
- 50 ባረ ሀንቁዋ እሕ የዴዳ።  
ኡንቱንታ ኢታ ሀርግያዉ አሊደ እሜዳጥ አትና፣  
ሀይቁዋጥ እሸቤና።
- 51 ግብጹን የለቲዳ ባይራ ናናቱዋ ኡባ ዋዴዳ።  
ካማ ዲንካንያን ደእያ ኮይሮ ናናቱዋ ኡባ ዉርሴዳ።
- 52 ሸን እ ባረ አሳ ዶርሳዳን ከሴዳ፤  
ዉድያዳን ባዙዋን ሄሜዳ።
- 53 እ ኡንቱንታ ሳሩዋን ካለሌዳ፤  
ሄዋ ድራዉ፣ ኡንቱንቱ ያይበይክና፤  
ሸን ኡንቱንቱ ሞርከቱዋ አባይ ሙኬዳ።
- 54 ያቲደ እ ኡንቱንታ ባረ ጌሻ ቢታ፣  
ባረ ኡሸቻ ኩሸያን ጸኔዳ ዶርያ አሄዳ።
- 55 እ ኡንቱንቱ ሰንላጥ ካዉተላቱዋ ላጊደ፣  
ኡንቱንቱ ቢታ ሻኪደ፣  
እስራኤልያ ዛረቶ ግሼዳ።  
ባረ አሳ ኡንቱንቱ ጎልያን ዋሌዳ።
- 56 ግደጥን፣ ኡባጥ ጳቂያ ጸሳ ቦላ ማካሊደ፣  
እ ፓጩድና።
- እ አዛዙዋካ ናግበይክና።
- 57 ኡንቱንቱ ባረንቱ አዎቱዋዳን፣

- ማካላንቻቱዋነ ካዳንቻቱዋ ግዴድኖ።  
 78 ገላ ቶራዳን ዋራ ዎጄድኖ።  
 58 ኡንቱንቱ ባረንቱ ጎይንያ ጶቃ ሳእቱዋን እ ይሎዬድኖ፤  
 ባረንቱ ኤቃቱዋን እ ቃናትሴድኖ።  
 59 ያትና፣ ጸሳይ ሀዋ ሰሲደ ሀንቀቱዳ፤  
 እሰራኤልያ ሙለካ ካጄዳ።  
 60 ሴሎን እ ደኤዳ ሳእ፣  
 አሳ ግድን እ ደኤዳ ባረ ዲንካንያ አጌዳ።  
 61 ጸሳ ዎልቃዉነ ቦንቾ፣ ማላታ ግዴዳ፣  
 ታቦታ ሞርከቱዋ ኩሽያን አሊደ ኦሞድሴዳ።  
 62 እ ባረ አሳዉ ሀንቀቱዳ፤  
 እ ኡንቱንታ ማሻዉ አሊደ እሜዳ።  
 63 ኡንቱንቱ ዎዳላቱ ኡባይ ኦላን ሀይቁድኖ፤  
 ያትና፣ ኡንቱንቱ ዎድሮቱ አሰና ገለናን አቲድኖ።  
 64 ኡንቱንቱ ቁሳቱ ማሻን ዉሬድኖ።  
 ግድገ፣ ኡንቱንቱ ማቼቱ፣  
 ባረንቱ አሰናቶ ዬከናዳን ድገቱድኖ።  
 65 ሄዋጥ ጉይያን፣ ጎዳይ ገሞአሹዋጥ  
 ዎይ ዎይንያ ኤሳ ማሉዋጥ ቤንትያ አሳዳን ቤንቲዳ።  
 66 እ ባረ ሞርከቱዋ ጉዮ ዛሪደ ሾጩዳ፤  
 ኡንቱንታ ሙድናዉ ዬሳዬዳ።  
 67 ዮሴፎ ዲንካንያ ካጄዳ፤  
 ኤፍሬማ ዛርያ ደርቤና።  
 68 ሸን እ ይሁዳ ዛርያን  
 ሲቅያ ጽዮን ደርያ ደሬዳ።  
 69 ሄዋን እ ባረ ጌሻ ጎልያ ሳሉዋዳን ጶቃን ኬዴዳ፤  
 ሳእዳን ሙድናዉ ኤሴዳ።  
 70 ባረ ቆማ ዳዊታ ደሪደ፣  
 ደርሳ ዉድያ ሄሞያ ሳጥ አኬዳ።  
 71 ደርሳ ሄሞሽን፣ ባረ አሳ ያቆሳ፣  
 ባረ ቡዙዋ እሰራኤልያ ሄንፋናዉ አኪደ አሄዳ።  
 72 ያትና፣ ዳውት ኡንቱንታ ሱሪ ዎዛናጥ ሄሜዳ፤  
 ቃይ ባረ ሂላ ኩሽያን ካለፊዳ።

# 79

## ጋድያ ላእተላዉ ሺቄዳ ዎሳ

- አሳፋ ማዘመርያ  
 1 እቤት ጸሳዉ፣ አይሁዳ ግደና አሳቱ ነ ቢታ ቦላ ላቲድኖ።  
 ነ ጌሻ ጎልያ ቱንሴድኖ፤  
 ዮሩሳላሙ ኮለሬፊድኖ።  
 2 ኡንቱንቱ ነ ቆማቱዋ አሃ፣  
 ሳሉዋ ካፎ ቁማ አሊደ፣ እሜድኖ።  
 ቃይ ነ ጌሻቱዋ አሹዋ ሳእ ደአቶ እሜድኖ።  
 3 ኡንቱንቱ ሱላ ዮሩሳላሙ ዩሹዋን፣  
 ሃላዳን ጉሴድኖ፤  
 ኡንቱንቱ አሃ ሞግያዌ ጳዬዳ።  
 4 ኑ ሾርቶ ኑን ሸቂያዋ ግዴዳ፤  
 ኑ ሂራን ደእያዋንቱ፣  
 ሚጭያዋን ቅድያዋ ግዴዳ።  
 5 እቤት ሙድና ጎዳዉ፣ ሀዌ አዉደ ጋካናዉ ሀናኔ?  
 ኔን ሙድናዉ ሀንቀታይ?

78:60 ኢያሳ 18:1፤ ኤር. 7:12-14፤ 26:6    78:61 1 ሳሜላ 4:4-22    78:70 1 ሳሜላ 16:11-12፤ 2 ሳሜላ 7:8፤  
 1 ኦዲዋ 17:7    79:1 2 ካታ. 25:8-10፤ 2 ኦዲዋ 36:17-19፤ ኤር. 52:12-14



- ነ ቃናትያ ሀንቁ ታማዳን ኤጲኔ?
- 6 ኔና ኤረና አሳቱዋ ቦላነ  
ነ ሱንላ ጼሰና ካወተላቱዋ ቦላ ነ ሀንቁዋ ጉሳ።
- 7 እያዉ ጎጥ፣ ኤንቱንቱ ያቆሳ ዘረላቱዋ ዎጪድኖን  
ኤንቱንቱ ደኢያሳ ባይዜድኖ።
- 8 ካሰ ኑ አዎቱዋ ኢታተላ ኑ ቦላ ፓይደፓ።  
ኤለካ ነ ማርታ ኑዉ ኪታ፤  
እያዉ ጎጥ፣ ኑን ሎይሳ መቶቲድ።
- 9 እቤት ኑና አሸያ ጸሳዉ።  
ነ ሱንላ ቦንቹዋ ድራዉ፣ ኑና ማዳ።
- ነ ሱንላ ድራዉ፣ ኑና አሻ፤  
ኑ ናጋራ አቶ ያጋ።
- 10 አሳቱ እያዉ፣ “ኤንቱንቱ ጸሳይ ሀቃን ደኢ?” ያጋኔ?  
ነ ቆማቱዋ ሱላ ኤንቱንቱ ጉሴዳዋ ሀሉዋ፣  
ኔን ከሰያዋ ኑን ጼልሽን፣  
ኤንቱንቱ ግዳዋን ቆንጭሳ።
- 11 ቃሸቲዳ አሳቱዋ ኦሊ ነ ሰንላ ጋኮ።  
ሀይቆ ፕርደቲዳዋንታ ነ ዎልቃ ግታተላዳን አሻ።
- 12 እቤት ጸሳዉ፣ ኑ ሾር ካወተላቱ ኔና ቦራዳዋ፣  
ሀሉዋ ላፑን ኩሽያ ኤንቱንቱ ክወዋን እድንላ።
- 13 ሄ ዎደ ኑን ነ አሳቱ፣ ነ ዉድያ ደርሳቱ፣  
መድኖዉ ጋላታ ነዉ እማና፤  
የለታፕ የለታ ጋካናዉ ኔና ዛር ዛሪደ ጋላታና።

### 80

እስራኤልያ ካወተላይ ዛር ኤቃናዳን ሸቆ ዎሳ

ዛማራቱዋ ካፖ አሳፍ የጼዳ፣ ጨሻ ግያ ዎሳን የጸቴዳ ማዝሙርያ፣ ማርካተላ

- 1 እቤት እስራኤልያ ሄንላንቻዉ፣  
የሴፎ አሳ ዉድያዳን ካለልያዎ፣  
ክሩባቱዋ ግያ ኪታንቻቱዋፕ፣  
ቦላና ደእያ አራታን ኡቴዳዎ፣ ፖእ፣ ኔን ኑና ሰሳ።
- 2 ኤፍሪማ፣ ቢንያማን ሞናሰ ሰንላን ቆንጫ።  
ነ ዎልቃ ደንላደ ኑና አሻናዉ ሃያ።
- 3 እቤት ጸሳዉ፣ ኑና ዛራ፤  
ኑን አታናዳን፣ ነ ሰምኤዋ ኑዉ ፖእሳ።
- 4 እቤት ኡባፕ ዎልቃማ መጋታ ኡባ ጎዳዉ፣ ጸሳዉ፣  
ነ አሳ ዎሳ ቦላ እዉደ ጋካናዉ ሀንቀታይ?
- 5 ኔን ኤንቱንታ ዩኩዋ ቁማዳን ሞዛዳ፤  
ቃይ እፎላ ሃላዳን ኡሻዳ።
- 6 ኑ ሾርቲ ኑ ቢታ አካናዉ፣  
ባረንቲ ግደን ዎላቃታናዳን ኦላዳ፤  
ኑ ሞርከቲ ኑ ቦላ ሚጨድኖ።
- 7 እቤት ኡባፕ ዎልቃማ ጸሳዉ፣ ኑና ዛራ፤  
ኑን አታናዳን፣ ነ ሰምኤዋ ኑዉ ፖእሳ።
- 8 ኔን ግብጼፕ ዎይንያ እኑዋ አሃዳ፤  
እይሁዳ ግደና አሳቱዋ የደርሳዳ፣ ኤንቱንቱ ቢታን አ ቶካዳ።
- 9 ኔን ዎራ ቡላዳ፤  
ያትና፣ ጸጹዋ የድ ዳሺደ፣

- 10 ደረቱ እ ኩዋን፤  
ልባኖሳ ዝጋቱ እ ታሸቱዋን ካመቲድኖ።
- 11 ባረ ታሸቱዋ ሚድተራነ እባ ጋካናዉ፤  
ቃይ ባረ ዴራቱዋ ኤፍራዲሳ ሻፋ ጋካናዉ የዴዳ።
- 12 ያትና፥ ኦግያና እድያ ኡባይ፤  
እ እይፍያ ዲሳናዳን፤  
እ የሹዋን ደእያ ግምቢያ እያዉ ኮላዲ?
- 13 ባዙዋ ጉዲንሳይ እ ቦላ ዲሪደ ባይዜ፤  
ቃይ ጋደን ዋጽ ቃጽያ መጋታቱ ኡባይ እ ሚኖ።
- 14 እቤት መጋታ ኡባ ደሳዉ፤  
ኔን ኑኮ ሰማ።  
ሳሉዋና ዲገ ዴላደ በእ፤  
ሀ ወይንያ ናጋ።
- 15 እ ነ ኡሸቻ ኩሺ ቶኬዳ ጸጸዋ፤  
ኔን ነዉ ጋደ ድቼዳ ፑትያ።
- 16 ነ ሞርከቱ ነ ወይንያ ቡጩድኖ፤  
ታማን ዴጌድኖ።  
ሄዋ ድራዉ፥ ኔን ኡንቱንታ ነ ሀንቁዋ ሱሉዋን ጳይሳ።
- 17 ነ ኩሺ፥ ነ ኡሸቻን ደእያ አሳ፤  
ኔን ነዉ ጋደ ድቼዳ አሳ ናገ።
- 18 ያቶፕ፥ ኑን ኔፕ ገዩ ሰሞኮ።  
ኑና ፓጻ ዋላ፤ ነ ሱንሳ ኑን ጋላታና።
- 19 እቤት ኡባፕ ዋልቃማ መቅና ጎዳ ደሳዉ፤  
ኑና ዛራ፤ ኑን አታናዳን፤  
ነ ሰሞኡዋ ኑዉ ፖእሳ።

# 81

## ባላ ማዘመርያ

- ዘማረቱዋ ካፖ ሱሱላቱዋን የጸቴዳ፥ አሳፍ ጻፌዳዋ
- 1 ኑዉ ዋልቃ ግድያ ደሳዉ፤  
ሀንተ ቃላ ቶቁ ኦሊደ የጽተ፤  
ያቆባ ደሳ ሳቢተ።
  - 2 የላ ደሞተ፤ ካራቡዋ ባቂተ፤  
ዲላንነ ማሰንቁዋን ሎእ የላ ሰሰተ።
  - 3 አግናይ ዴርያ ዋደነ፤  
አግናይ ደይሰያ ዋደ  
ባላ ጋላሳን ማላካታ ፑንተ።
  - 4 ሀዌ እሰራኤልያዉ ሀግያ፤  
ያቆባ ደሳፕ እመቲዳ ዋጋ።
  - 5 ግብዴ ቢታ እ ሾጩዳ ዋደ፤  
ዮሴፎ አሳዉ ሀ ዋጋ አዋዬዳ።  
ታን ኤሪና ኮሻ ሀዋዲን ያግያዋ ሰሳድ።
  - 6 “ሀንተ ሀሽያፕ ቶኩዋ ዋላድ፤  
ሀንተ ኩሸያ ደብያፕ ሽሞፕሳድ።
  - 7 ሀንተ መቱዋ ዋደ ታና ዴሴድታ፤  
ሀንተና አሻድ፤  
ታን ጉሞያ ሻርያ ግደን ጌሜዳሳፕ ሀንተና አላድ።  
ማሪባ ግያ ፑልቱዋ ማታን ታን ሀንተና ፓጫድ።
  - 8 ታ አሳዉ፥ ታን ሀንተና ሴርያዋ ሰሰተ፤  
ሀእ እሰራኤላቶ፥ ሀይዜርክተ!
  - 9 ሀንተ ግደን አላጋ ጸሰ ደኦፕ፤

- ሀራ ጸሳው ጎይኖፕተ።
- 10 ታን፣ መጅና ጎዳ ህንተ ጸሳ፣  
ህንተና ግብጫ ቢታፕ ከሳደ አሄዳዎ።  
ነ ዶና ሎይላ ሀንገ፤  
ታን ኔና ዳርሳደ ባርሳና።
- 11 “ሸን ታ አሳቱ ታ ቃላ ሰሰበይክኖ፤  
አሰራኤላቱ ታዉ አዛዘትበይክኖ።
- 12 ሄዋ ድራዉ፣ ታን ኡንቱንቱ ባረንቱ ቆፋ ካላና ማላ፣  
ኤኖ ጌና ዋዛናዉ አላደ እማድ።
- 13 ታ አሳይ ታና ሰሴደንቶ፣  
አሰራኤላቱ ታ ኦግያ ካሊደንቶ አዬ ደኢ!
- 14 ታን ኡንቱንቱ ሞርክያ ኤላ ጸናና ሸን፤  
ኡንቱንቱ ባልጋራቱዋ ቦላ ታ ኩሽያ ዋላና ሸን።
- 15 መጅና ጎዳ እጽያዋንቱ አ ሰንላን ሆካና፣  
ኡንቱንቱ ሙሩካ መጅናሳ ግዳናዎ።
- 16 ታን ህንተና ሎኦ ዛርጋ ሞዛና፤  
ቃይ ኤሳ፣ ሹቻ ጎንጎሎዋፕ ካልሳና” ያጌ።

## 82

### ጸሳይ ኡባፕ ቦላ

- አሳፋ ማዘመርያ
- 1 ጸሳይ ሳሎዋ ሺቁዋ ሸሺ።  
ጸሳቱዋ ግደን ሀዋዳን ያጊደ ፕርዳ፤
- 2 “ህንተ አዉደ ጋካናዉ ጌላ ፕርዳ ፕርዲቲ፤  
ላኤንሶ ኢታቱዋ ባጋ ግደፕተ።
- 3 ሀዬሳቶነ አዉ ባይናዋንቶ ሞተትተ፤  
ማንቆነ ናቀቱዳ አሳቱዋ ማታ ናግሰተ።
- 4 ዳቡራንቻቱዋነ መቶታንቻቱዋ አሸተ፤  
ኢታቱዋ ኩሽያፕ ኡንቱንታ ዋል አክተ።
- 5 “ህንተ አይነ ኤርክታን አይነ አኬክክታ፤  
ህንተ ጹማን ሀመቲታ።  
ጽሎተላይ ጳይና፣ ቢታይ ዪቁዪቁ።
- 6 ታን ህንተና፣ ህንተ ጸሳቱዋ፤  
ህንተ ኡባይካ ኡባፕ ጹቂያ ጸሳ ናናቱዋ።
- 7 ግደፕ፣ ህንተ አሳይ ሀይቂያዋዳን ሀይቃና።  
ቃይ ሀራ ካፓቱ ኩንዴዳዋዳን፣  
ህንተካ ኩንዳና ያጋይ” ያጌ።
- 8 አቤት ጸሳዉ፣ ደንዳ፤ ሳላ ፕርዳ፤  
ካዉተላይ ኡባይ ነዋ።

## 83

### አሰራኤልያ ሞርከቱዋ ቦላ ሸቆዳ ዋሳ

- አሳፋ ማዘመርያ፣ የሳ
- 1 አቤት ጸሳዉ፣ ጮኤ ጎፓ፤  
ሰርጽ ጎፓ፤  
አቤት ጸሳዉ፣ ሙዋፓ።
- 2 በእ! ነ ሞርከቱ ነ ቦላ ደንዲኖ፤  
ኔና እጽያዋንቱ ነ ቦላ ማካለኖ።
- 3 ኡንቱንቱ ነ አሳ ቦላን ጌማን ያእኖ፤  
ኔን ሲቅያ አሳቱዋ ቦላ ማቀቲኖ።

- 4 ኢንቱንጥ፡ “ሃይተ፡ ኢንቱንጥ ካወተላ ላይሶይቲ፤  
እሰራኤልያ ግያ ሱንላ፡  
መድናዉ ሀሳየተናዳን ኦላይተ” ያጊኖ።
- 5 ኢንቱንጥ እት ዋዛና ግዲደ፡  
እትጥ ማቀቲኖ፡  
ነ ቦላ ጫቁዋ ጫቀቲኖ።
- 6 ጫቀትያዋንቲነ  
ኤደማነ እሰማኤላ አሳቱዋ፡  
ሞአባ ዛራቱዋነ አጋር ዛራቱዋ፤
- 7 ገባላ አሳቱዋ፡ አሞና አሳቱዋ፡  
አማሌቃ አሳቱዋ፡  
ፕልሰጾማ አሳቱዋነ ጺሮሳ አሳቱዋ።
- 8 አሶረ አሳቱካ ኢንቱንጥና እትጥ ጋከቲድኖ፤  
አሶራቱካ ሎጸ ዛረቶ ዋልቃማ ማዲዋ ግዴድኖ።
- 9 ኔን ሞድያማ አሳቱዋ ቦላነ  
ሰሳራነ ያብና ቦላ፡  
ቂሾና ቫፋን ኦሌዳዋዳን ኢንቱንጥ ቦላ ኦላ።
- 10 ኢንቱንጥ ኢንደረን ላይድኖ፤  
ኢንቱንጥ እሃይ ሞገተናን ቢታን ዋቂዳ።
- 11 ኢንቱንጥ ካፖቱዋ፡  
ኔን ኦሬባነ ዛኤባ ኦሌዳዋዳን ኦላ፤  
ኢንቱንታ ሞድያዋንታ  
ኔን ዘባሀነ ጸልሙናኦ ላይሴዳዋዳን ላይሳ።
- 12 ሄዋንቲነ፡ “ኑን ጸሳ አሳ ቢታ  
ኑዉ ቡዘታና” ያጊዳዋንታ።
- 13 አቤት ታ ጸሳዉ፡ ኢንቱንታ ባናዳን ላላ፤  
ጫርኩ አፍያ ሱላዳን ኦላ።
- 14 ጸራጋይ ዋራ ሚደ ዉርሰያዋዳን፡  
ታማ ላጩ ደርያ ማይያዋዳን፡
- 15 ሄዋዳንካ ነ ኡሹዋን ኢንቱንታ የደርሳ፤  
ነ ጎትያን ኢንቱንታ ዳጋንሳ።
- 16 አቤት መድና ጎዳዉ፡ አሳይ ነ ሱንላ ኮያና ማላ፡  
ኔን ኢንቱንጥ ሰሞኡዋ ዬላ ማይዛ።
- 17 ኢንቱንጥ መድናዉ ዬላትኖነ ሀርግኖ፤  
ካዉሺደ ላይኖ።
- 18 ነ ሱንላይካ መድና ጎዳ ግድያዋ፡  
ነ ጸላላይ ኡባጥ ቶቃ ጸሳ፡  
ሳኦ ኡባ ሞድያዋ ኢንቱንጥ ኤርኖ።

# 84

## ጸሳ ጎልያ ላሞቱሳ

- ዘማረቱዋ ካፖ ሱሱላቱዋን የጸቲዳ፡ ቆረ ናናቱ ጸፊዳ ማዘመርያ
- 1 አቤት ኡባጥ ዋልቃማ መድና ጎዳዉ፡  
ኔን ደኢያሳይ አያ ሎኤ!
  - 2 ታን መድና ጎዳ ጌሻ ጎልያ ዳባባ ላሞታይ፤  
ታ ኩሙንላ አሳተላይ ደኤዋ ጸሳዉ ናሽቻን የጼ።
  - 3 አቤት ኡባጥ ዋልቃማ መድና ጎዳዉ፡  
ታ ካትያዉ፡ ታ ጸሳዉ፡  
ነዉ ያርሽያ ሳኦ ማታን፡  
ሱንያ ካፋታ ባረዉ ደኢያሳ ደማዱ።  
ሀራጸታካ ባረዉ ቁቁልያ ጎልያ ያን ኬጸዱ።

- 4 ነ ጌሻ ጎልያን ደእያዋንቱን  
መጅናዉ ኔና ሳቢያዋንቱ እንጀቴዳዋንታ።
- 5 ዎልቃ ኔፕ ደምያዋንቱ፥  
ባረንቱ ዎዛናን ጽዮን አፍያ ኦግያ ባናዉ  
አዎትያዋንቱ እንጀቴዳዋንታ።
- 6 ዩኩዋ ዛንጋራና ኡንቱንቱ አጅያ ዎደ፥  
ሄ ሳእይ ፑልቱዋ ከሴ።  
ባጴሳ አራይካ ቡኪደ፥  
ያን ደልእያ ግሰሴ።
- 7 ኡንቱንቱ ብያ ዎደ፥ ዎልቃ ጉጅ ጉጂደ ባና።  
ኡንቱንቱ ጸሳ ሰንሳን ጽዮንን ቤታና።
- 8 እቤት ኡባፕ ዎልቃማ መጅና ጎዳዉ ጸሳዉ፥  
ታ ዎሳ ኔን ሰሳ።  
እቤት ያቆባ ጸሳዉ፥ ሀይዛ።
- 9 እቤት ጸሳዉ፥ ኑ ጎንዳልያ በእ፤  
ኔን ደራዳ ካትያ ነ ኬካ አይፍያን ጸላ።
- 10 ታን ሀራ ሳእን ሻኡ ጋላሳ ደእናፕ  
ጸሳ ጎልያን እት ጋላሳ ደእያዎ ሎአ።  
ኢታቱዋ ዱንካንያን ደእናዋፕ  
ታ ጸሳ ጎልያ ፕንግያ ናግያዎ ታዉ ሎአ።
- 11 መጅና ጎዳይ ጸሳይ ኑዉ ጎንዳለን ፖኡዋ፤  
መጅና ጎዳይ ኑዉ ቦንቹዋን ኬካተላ እሜ።  
ሱረተላን ሀመትያዋንታ እ ሎኦባ ኡባ ድገና።
- 12 እቤት ኡባፕ ዎልቃማ መጅና ጎዳዉ፥  
ኔናን አማነትያዋንቱ እንጀቴዳዋንታ።

# 85

## አሳ ሳሮተላዉ ሸቆዳ ዎሳ

- ዛማረቱዋ ካፖ የጸቴዳ፥ ቆራሀ ናናቱዋ ማዘመርያ
- 1 እቤት መጅና ጎዳዉ፥ ኔን ነ ቢታዉ ኬካዳ፤  
ያቆባ አሳ ኦዎዳዋፕ ዛራዳ።
- 2 ኔን ነ አሳ ናቁዋ አቶ ጋዳ፤  
ኡንቱንቱ ናጋራ ኡባ ካማዳ።
- 3 ኔን ነ ሀንቁዋ ኡባ አጋዳ፤  
ነ ሀንቁዋ ሱሉዋፕካ ሰማዳ።
- 4 እቤት ኑና አሸያ ጸሳዉ፥  
ኑና ጉየ ዛራ።  
ኔን ኑዉ ሀንቁቴዳዋ አጋ።
- 5 ኔን ኑና መጅናዉ ሀንቁታይ?  
ነ ሀንቁዋ የለታ ኡባ ጋካናዉ ጋምአሳይ?
- 6 ነ አሳይ ኔናን ናሽታና ማላ፥  
ኑና ኑራላ።
- 7 እቤት መጅና ጎዳዉ፥ አገና ነ ሲቁዋ ኑና በሳ፤  
ኔን ኑና አሻ።
- 8 ታን መጅና ጎዳይ ጸሳይ ኑድያዋ ሰሳና።  
ኔን ኑ ቦዛ ኦግያ ጉየ ባና ቆዮፕ፥  
እ ኑዉ፥ ባረ አሳዉ፥ “ሳሮተላ እማና” ጊደ ኑዴ።
- 9 ቱሙካ ጸሳዉ ያይያዋንታ አሻናዉ  
እ ማታን ደኤ፤  
ሄዌነ፥ እ ቦንቹ ኑ ቢታን ደእናሳ።

- 10 እገና ሲቁነ ቱማተላይ  
እትገ ጋከታና።  
ጽሎተላይነ ሳሮተላይ፤  
እትገ የረታና።
- 11 ቱማተላይ ሳእገ ፑደ ከሳና፤  
ጸላ ጽሎተላይ ሳሉዋጥ ዱገ ጸላና።
- 12 ኤ፣ መድና ጎዳይ ከካባ እማና፤  
ኑ ቢታይካ ሎኦ ካሳ ሞካና።
- 13 ጽሎተላይ ጸላጥ ሰንሳና ሄመታና፤  
እዉ ኦግያ ጊግሳና።

# 86

## መቱዋ ዋደ ዋሳ

ዳውት ዋሴዳ ዋሳ።

- 1 አቤት ጎዳዉ፣ ታን ህዬሳነ፣  
መቶታንቻ እሳ ግድያ ድራዉ፣  
ታ ዋሱዋ ሰሳደ፣ ታዉ አላ።
- 2 ታን ጸሳ እሳ ግድያ ድራዉ፣  
ታና ፓጸ ዋላ።  
ኔናን እማነትያ ታና፣ ነ ቆማ አሻ።  
ኔን ታ ጸሳ።
- 3 አቤት ጸሳዉ፣ ታን ጋላሳ ኡባ  
ኔኮ ዋሰያ ድራዉ፣  
ታዉ ቃረታ።
- 4 አቤት ጸሳዉ፣ ታን ታ ሸምጥዋጥ  
ኔና ዋሰያ ድራዉ፣  
ታና፣ ነ ቆማ ናሸቻ።
- 5 አቤት ጸሳዉ፣ ኔን ከካነ እቶ ግያዋ፤  
ኔና ጼሰያ ኡባዉ ነ ሲቁ ዳራ።
- 6 አቤት መድና ጎዳዉ፣ ታ ዋሳ ሰሳ፤  
ታን ዋትዋትያ ዋትዋቱዋ ሀይዛ።
- 7 ኔን ታዉ አልያ ድራዉ፣  
ታ መቱዋ ጋላሳን ታን ኔኮ ዋሳይ።
- 8 አቤት ጎዳዉ፣ ጸሳቱዋ ግደን ነ ማል ባዋ፤  
ነ ኦሱዋ ማላ እሱካ ባዋ።
- 9 አቤት ጎዳዉ፣ ኔን መዴዴ ካዉተላ እሳይ ኡባይ ዪደ፣  
ነ ሰንሳን ጉልባታና፤ ኡንቱንቱ ነ ሰንሳ ቦንቻና።
- 10 አያዉ ጎጥ፣ ኔን ዋልቃማ፤  
ኔን ማላልሰያባ ኦሳሳ።  
ነ ጸላላይ ጸሳ።
- 11 አቤት መድና ጎዳዉ፣ ታን ነ ቱሙዋን ሀመታና ማላ፣  
ታና ነ ኦግያ ታማርሳ።  
ታን ነ ሱንሳዉ ያያና ማላ፣  
ታዉ እት ዋዛና እማ።
- 12 አቤት ጎዳዉ ታ ጸሳዉ፣ ታን ኔና፣  
ታ ኩመንሳ ዋዛናጥ ጋላታና።  
ነ ሱንሳ መድናዉ ቦንቻና።
- 13 አያዉ ጎጥ፣ ነ ሲቁ ታዉ ዳራ፤  
ኔን ታና ዱፋዋን ገልያዋጥ አሻዳ።
- 14 አቤት ጎዳዉ፣ ኦቶራንቻ አሳቱ ታ ቦላ ደንዴድና፤

ዳጋንህን አሳቱዋ ጨጉ ታና ዋላናዉ ኮዬ።  
 ኢንቱንቱ ኔና አላለ ጊክኖ።  
 15 ሸን ኢቤት ጎዳዉ፥ ኔን  
 ቃረትያነ ማርያ ጸሳ፤  
 ሀንቀታናዉ ጋምአሳ፤  
 ሰቁነ አማነቱሳይ ዳርያዋ።  
 16 ታኮ ሰማደ ታዉ ቃረታ።  
 ነ ቆማዉ ዋልቃ አማ፤  
 ነ ቆማት ናኦ ታና አሻ።  
 17 ኢቤት መድና ጎዳዉ፥  
 ነ ከካተላ ማላታ ታና በሳ።  
 ኔን ታና ማዴዳዋነ ምንጫዳዋ በእያ ዋደ፥  
 ታና አጽያዋንቱ ሄዋን ዬላታና።

### 87

#### የሩሳላመ ሳባ

ቆራሀ ናናቱዋ ማዛሙርያ  
 1 መድና ጎዳ ካታማይ ገሻ ደርያን ኬጸቴዳ።  
 2 መድና ጎዳይ ጽዮን ፕንገቱዋ፥  
 ያቆብ ደእያ ሳኦ ኡባፕ አሊደ ደሴ።  
 3 ሀኔ ጸሳ ካታማቱ፥  
 ነ ድራዉ በንቹቲዳባይ፥  
 ሀዋዳን ያግ ኦደቴ።  
 4 “ታና ኤርያ ካዉተላቱዋ ግደፕ፥  
 ግብጾነ ባብሎነ ጋላ ማዝጎባና፤  
 ፕልሰጾመ፥ ጸረሰነ ቶጵያ አሳይ፥  
 ያን የለቴድና።”  
 5 ጸሳይ፥ “ካዉተላ ኡባይ ጽዮንን የለቴዳዋ” ያጋና።  
 ኡባፕ ቶቂያ ጸሳይ አዘ ምንሳና።  
 6 መድና ጎዳይ አሳ ጸፍያ ማዝጎብያን፥  
 “ሀዌ ጽዮንን የለቴዳዋ” ያገደ ጸፋና።  
 7 ኢንቱንቱ የጸደ ዱሪደ፥  
 “ኦ አንጁ ኡባይ ጽዮንፕ ፑልቴ” ያጋና።

### 88

#### ማዴዋ ደማናዉ ሸቆ ዋሱዋ

ዛማረቱዋ ካፖ፥ ቆራሀ ናናቱዋ ማዛሙርያ፥ ማዴዋ ዋሳ፥ ኤዘራሀያ ሄማነ አኬካን ጳፌዳ ግንጹዋ.  
 1 ኢቤት መድና ጎዳዉ፥ ታና አሸያ ጸሳዉ፥  
 ታን ጋላስ ነዉ ዋሳይ፤  
 ቃማካ ነ ሰንሳን ዬካይ።  
 2 ታ ዋሳይ ነ ሰንሳ ጋኮ፤  
 ነ ሀይላ ታ ዋሱዋኮ ዛራ።  
 3 እያዉ ጎፕ፥ ታ ደኤ መቱዋን ኩሜዳ፤  
 ታን ሀይቃና ማታድ።  
 4 ታን ዱፋዋን ገልያ አሳቱዋና ፓይደታድ፤  
 ዋልቃይ ባይና አሳ ግዳድ።  
 5 ታን አሃቱዋ ግደን አጌዳ አሳ ማላ፤  
 ዋዲደ ዱፋዋን የጌዳ አሳቱዋ ማላ።  
 ታን ነ ኡባ ደጌዳ፥  
 ነ ማዴዋፕ ሃኬዳ አሳቱዋ ማላ።  
 6 ኔን ታና ጨዋ ኦላን፥

- ሀርክ ጭማ ሳኣን የጋዳ።  
 7 ነ ሀንቁ ታና ዴዳ፤  
 ነ ሀንቁዋ ቤታይ ታና ኡባና ሙኬዳ።
- 8 ኔን ታ ዳቦቱዋ ታጥ ሃሳዳ፤  
 ኢንቱንቶ ታና ሸነይያዋ ኦላዳ።  
 ታን ደደታድ፤  
 ከሳ አካናወካ ዳንዳይከ።
- 9 አቤት መድና ጎዳዉ።  
 ካዩዋ ጋሱዋን ታ አይፈቱ ጋልጄድኖ።  
 ኡባ ጋላሰ ታን ኔኮ ዋሳይ፤  
 ታ ኩሽያ ኔኮ ምጫድ።
- 10 ኔን ሀይቁዳዋንቶ  
 ማላልሰያባ ኦላይ?  
 ኢንቱንቱ ደንዲደ ኔና ጋላቲኖ?
- 11 አገና ነ ሰቁ  
 ዲፋዋ ግደን ሃሳየቲ?  
 ኔን አማነትያዌካ ባየላ ሳኣን ኦደቲ?
- 12 ነ ማላልሰያ ኦሱካ ጭማን ኤረቲ?  
 ዋይ ነ ጽልቶተላይ ደገቴዳ አሳቱዋ ቢታን ደኢ?
- 13 አቤት መድና ጎዳዉ። ታን ኔኮ ዋሳይ፤  
 ዋንታን ዋንታን ታ ዋሳይ ነ ሰንሳ ጋኬ።
- 14 አቤት መድና ጎዳዉ። ታና ኔን አያዉ አጋይ?  
 ነ ሶምኡዋ ታጥ አያዉ ገንሳይ?
- 15 ያላጋተላጥ ደማደ።  
 ታን ቱጋታድን ሀይቃና ማታድ።  
 ታን ነዉ ዳጋማደ ሂደታ ቃንጻድ።
- 16 ነ ሱልያ ሀንቁ ታ ቦላ ኡሾቴዳ፤  
 ነ ዳጋማይ ታና ባይዜዳ።
- 17 ኢንቱንቱ ጋላሳ ኡባ ድኡዋዳን ታና ደዴድኖ፤  
 ታና ሙኬድኖ።
- 18 ኔን ታ ላገቱዋን ታ ሲቆቱዋ ታጥ ሃሳዳ፤  
 ጭማ ጸላላይ ታዉ ዳቦ።

# 89

## መቱዋ ማዘመርያ

- ኤዘራህያ ኤታና አከካን ጸፈቴዳ ግንጹዋ
- 1 አቤት መድና ጎዳዉ። አገና ነ ሰቁዋባ።  
 ታን መድናዉ የጻና።  
 ጸላይ አማነትያዋ ጋደ።  
 የለታ ኡባዉ ታ ደናን አዋያና።
- 2 ታን አገና ነ ሰቁ መድናዉ ኡቁዳዋን  
 ኔን ነ ቱማተላ ሳሉዋዳን ምንሳደ ኤሴዳዋ ኦዳና።
- 3 ኔን። “ታን ደራዳዋና ጫቁዋ ጫቀታድ።  
 ታ ቆማ ዳዊታዉ ሀዋዳን ያጋደ ጫቃድ፤
- 4 ‘ታን ነ ዘረላ መድናዉ ካዉላና፤  
 ነ ካዉተላ አራታ የለታ ኡባዉ ምንሳና’ ” ያጋዳ።
- 5 አቤት መድና ጎዳዉ። ሳሎቱ።  
 ነ ማላልሰያ ኦሱዋ ኦድኖ፤  
 ነ አማነትያዋ ኪታንቻቱዋ ሺቁ ኦድኖ።
- 6 ሳሉዋን መድና ጎዳና ልከታናዉ ዳንዳይያዌ ኦኔ?



ሳሉዋ መጠቀሙ ግደን ቃይ መድና ጎዳ ማል ኦኔ?  
 7 ጌሻቱዋ ሸቁዋ ግደን ጸሳይ ያየቱዳዋ።  
 ባረና ደዴዳዋንቱ ኡባፕ አጲደ፣ ሎይሰ ዳጋንሰያዋ።

8 አቤት ኡባፕ ዋልቃማ መድና ጎዳወ፣ ጸሳወ፣  
 ኔናዳን ዋልቃማይ ኦኔ?

አቤት መድና ጎዳወ፣ ኔን ኡባባንካ አማነትያዋ።  
 9 ኔን ቡልአከትያ አባ ዋልቃ አዛዛሳ።  
 ደንድያ ቤታካ ጮኡ ኦላሳ።

10 ኔን ራኣባ ግያ አባ ዳዊያ፣  
 ዋድ የጌዳዋዳን መገጠራዳ፤  
 ነ ሞርከቱዋ ነ ዋልቃማ ቀሰያን ላላዳ።

11 ሳሎቱ ነዋንታ፤ ሳአይካ ነዋ፤  
 ቢታነ አን ኩሜዳ ኡባባ ኔን መዳዳ።

12 ሁጲሳን ገድሳ ኔን መዳዳ፤  
 ታቦራነ ሄርሞነ ግያ ዋልቃማ ደረቱ  
 ናሽቻን ነ ሱንላ ሳቢኖ።

13 ነዉ ዋልቃማ ቄሲ ደኤ፤  
 ነ ኩሺ ሞና፤  
 ነ ኡሸቻይ ዋልቃማ።

14 ጽሎተላይነ ሱረ ፕርዳይ  
 ነ ካዉተላ አራታዉ ባሱ።  
 አገና ሲቁነ ቱማተላይ ነ ሰንላን ቢኖ።

15 አቤት መድና ጎዳወ፣ ናሽቻን አልልያዋንቱነ  
 ነ ሰምኤዋ ፖኤዋን ሀመትያዋንቱ አንጀቱዳዋንታ።

16 ነ ሱንላን ጋላሳ ኡባ ናሽቲኖ፤  
 ነ ጽሎተላ ድራዉ፣  
 ኡንቱንቱ ኔና ቶቁ ቶቁ ኦሊኖ።

17 ኡንቱንቱ ጨቀትያ ዋልቃይ ኔና፤  
 ነ ናሹዋን ት ካጪ ቶቁ ቶቁ ያጌዳ።

18 ት ጎንዳሊ፣ ት መድና ጎዳሳ፤  
 ት ካቲካ፣ አሰራኤልያ ጌሻ ሳ።

19 በን ኔን ነ አማነቲዳ አሳቶ፣  
 አት ገደ አኩሙዋን ኦዳዳ፤  
 “አሳ ግደፕ ደራዳዋ ካዉተላ አራታ አማዳ።

20 ታ ቆማ ዳዊታ ካተ ከሳድ፤  
 ታ ጌሻ ዛይትያን ኦካደ።

21 ታ ኩሺ አናና ደአና፤  
 ታ ቀሲካ አ ሞንላና።

22 አ አይ ሞርከነ ጸነና፤  
 አይ ኢታ አሳይነ አ ቶቹና።

23 ታን አ ሞርከቱዋ አ ሰንላን ክንቼራላና፤  
 አ አጽያዋንታ ሾጫ የጋና።

24 ታ ቱማተላይነ ታ አገና ሲቁ  
 አናና አትፕ ግዳና።

ታ ሱንላን አ ካጪ ቶቁ ቶቁ ጋና።  
 25 ታን አ ካዉተላ መደትራንያ አባ ጋካናዉ አሳና፤  
 አ ዛዋካ፣

ኤፍራጹሰነ ጸግርሰ ሻፋ ጋካናዉ አሳና።  
 26 ዳዊተ ታና፣ ኔን ታ አዉዋ፣  
 ታ ጸሳነ ታና አሸያ ዛላ፣ ያጌደ ጸሳና።  
 27 ታን አ ባይራ ናኣ ኦላና፤

ሳእን ደእያ ካተቱዎ ኡባጥ አ ዳርሳና።

28 ታን አገና ታ ሲቁዎ  
አዉ መድኛዉ ናገና።

ታን አናና ቃላ ጫቁዎ ምንላና።

29 ታን አ ዘረላ መድኛዉ ምንሳደ ኤሳና፤  
አ ካዉተላ አራታካ ሳሉዋዳን ጋምኤላና።

30 “ሸን አ ዘረላቱ ታ ህግያ አጎጥ።  
ቃይ ኡንቱንቱ ታ ዋጋዳን ሀመተናን እጾጥ።

31 ኡንቱንቱ ታ አዋዩዎ ሻሮጥ።  
ታ አዛዙዎ ናገና ላዕጥ።

32 ታን ኡንቱንቱ ናገራ ድራዉ ጋትማን።  
ኡንቱንቱ ኢታተላ ድራዉ፤ ልሱዋን።  
ሸጫደ ሙራና።

33 ሸን ታን አገና ታ ሲቁዎ አጥ አክከ፤  
ዋይ ታን አዉ አማነትያዎ አጎከ።

34 ታን ኡንቱንቱና ጫቁቲዳ ጫቁዎ ኮልከ፤  
ታ ዶናጥ ከሴዳ ቃላ ላምከ።

35 “እት ገደካ መድኛዉ  
ታ ጌሻተላን ጫቃ ድጋድ፤

ዳዊተዉ ዋርዶትከ።

36 ሄዋነ፤ አ ዘረላይ መድኛዉ ደአና፤  
አ ካዉተላ አራታይካ ታ ሰንላን አዋዳን ጋምአና።

37 ሳሉዋን አማነትያ ማርካ ግድያ አጎናዳን።  
ሄ ካዉተላይ መድኛዉ ምን ኤቂ ደአና” ያጋዳ።

38 ሸን ሀእ ኔን  
አካደ ካተዬዳዎ ቦላ ዳሮ ሀንቀታዳ፤

አ አዳዳን አጋዳ።

39 ኔን ነ ቆማና ጫቁቲዳ ጫቁዎ ካዳዳ፤  
አ ካላቻ ባናን ኦላደ ቱንሳዳ።

40 ኔን አ ካታማ ግምቢያ ኡባ ላላዳ፤  
አ ናገትያ ማጸጸ ኡባ ባይዛዳ።

41 ኦግያና አድያ ኡባቱ አ ቦንቄድኖ፤  
አ ባረ ሸሮቶ ቅሊጮ ግዴዳ።

42 ኔን አ ዋርከቶ ጸኑዎ አማዳ፤  
ኡንቱንታ ኡባቱዋ ናሸቻዳ።

43 ኔን አ ማሻ ጸራ ቃላምአዳ፤  
ኔን ኦላን አ ማዳባካ።

44 ኔን አ ካዉታ ጸምአ  
አ ኩሸያጥ ዋላ አካዳ፤  
ቃይ አ ካዉተላ አራታ ቢታን ኦላዳ።

45 ኔን አ ያላጋተላ ዋድያ ቃምሳዳ፤  
ቃይ አ ዬላ ማይዛዳ።

46 አቤት መድኛ ጎዳዉ፤ አዉደ ጋካናዉ ቆንጭኪ?  
ኔን መድኛዉ ጌማይ?

ነ ሀንቁ ታማዳን አዉደ ጋካናዉ ኤጸኔ?  
47 ታ ላይላይ አይ ኬሻ ቃን፣፣ቶ ቆጋ፤  
አሳ ኡባ ጮ መላ መላዳ?

48 አሳይ ሀይቀናን ጮ ደአናዉ ዋን ዳንዳዪ?  
ቃይ ዱፋዋን ገለናዳን።

ባረና አሻናዉ ዋን ዳንዳዪ?  
49 አቤት ጎዳዉ፤ ኔን ነ ቱማተላን ዳዊተዉ ጫቂዳ፤  
አገና ቦን ነ ሲቁ ሀቃን ደኢ?

50 አቤት ጎዳዉ፤ ነ ቆማይ

ወይሳ ቦረቲደንቶ ኔን ሀሳያ።  
 ታን አሳ ኡባ ቦርያ ዋታ ዳንዳያድታንቶ ቆፓ።  
 51 አቤት መድና ጎዳዉ፣ ሞርከቱ ቅሊጨድኖ፤  
 ኔን ደራደ ኦኬዳ ካትያ፣  
 ታንጉዋን ታንጉዋን ቅሊጨዳዋ ቆፓ።  
 52 መድና ጎዳይ መድ መድናዉ ጋላተቶ፤  
 አመንአ። አመንአ።

**ኦይደንላ ማጻፋ**

**90**

(90—106)

አሳ ናአ ደኡዋ

- ጸሳ አሳይ ሙሴ ዋሴዳ ዋሳ
- 1 ጎዳዉ፣ ኔን የለታ ኡባን፣  
ኔን ደእያ ሳአ ግዳዳ።
- 2 ደረቱ መጋናፕ ካሰ፣  
ዋይ ኔን ሳአ ኦላናፕ ካሰ፣  
መድናፕ መድና ጋካናዉካ ኔን ጸሳ።
- 3 ኔን አሳ ናናቱዋ፣ “አሳ ናቶ፣  
ጉዮ ቢታዉ ሰሞተ” ያጋደ፣  
አንቱንታ ጉዮ አንቱንቱ መጠቱዳ ቢታዉ ዛራሳ።
- 4 ሻኡ ላይላይ ነዉ ዝን አቶ ጋላሳ ማላ፤  
ዋይ ቃማ ግደፕ እት ሳትያ ማላ።
- 5 ኔን አሳ ቆፕናን ድኡዋዳን አፋሳ።  
አንቱንቱ አኩሙዋ ማላ፤  
ዋንታ ዋንታ ደልያ ማታ ማላ።
- 6 ሄ ማታይካ ዋንታ ዋይ ድጨደ ጨሼ፤  
አማርሰያ ዋይ ሹል መሌ።
- 7 ኑን ነ ይሉዋን ዉሬደ፤  
ነ ሀንቁዋ ሱሉዋን ዳጋሜደ።
- 8 ኔን ኑ ኢታ ኦሱዋ  
ነ ሰንሳን ዋላዳ፤  
ቃይ ኑ ጌሜዳ ናጋራ  
ነ ሰንሳ ፖኡዋኮ አላዳ።
- 9 ኑ ጋላሳ ኡባይ ነ ሀንቁዋን አዴዳ፤  
ኑ ላይላ እት ኦልያዳን ዉርሴደ።
- 10 ኑ ደኡዋ ላይላይ ላፑን ታማ፤  
ዋይ ሞኖፕ፣ ሆሰፑን ታማ፤  
ሄዌካ መቱዋን ቱጋ።  
ኑ ላይላይ ኤለካ አዴ፤  
ኑንካ ኤለካ ክቼቶ።
- 11 ነ ሀንቁዋ ዋልቃ ኤርያዌ አኔ?  
ነ ሀንቁዋ ሱሉ ያሸያዌ።
- 12 ሄዋ ድራዉ፣ ኑ ላይላ በሰያዋዳን፣  
ጎኤታና ማላ አዴዳ ኤራ ኑና ታማርሳ።
- 13 አቤት መድና ጎዳዉ፣ ነ ሀንቁ አዉደ ጋካናሴ?  
ሀያና፤ ነ ቆማቶ ቃረታ!
- 14 ኑ ላይላ ኡባን  
ኔን ናሸታናዳንነ የጻናዳን፣  
ዋንታ ዋንታ አገና ነ ሰቁዋን ኑና ካልሳ።
- 15 ኔን ኑና መቶዬዳ ጋላሳቱዋ ኬሻነ

- ኑን ቱጋ በኤዳ ላይላቱዋ ኬሻ፥
- ኑና ናሸቻ።
- 16 ኑዉ ነ ቆማቶ ነ ኦሱ ቆንጮ፤
- ነ ቦንቾ ዋልቃይ ኡንቱንቱ ናናቶ ቤቶ።
- 17 ጎዳ ኑ ጸሳ ኬንተላይ ኑ ቦላን ግደ፤
- ኑ ኩሽያ ኦሱዋ ኑዉ ሱርሳ።
- ኤ፥ ኑ ኩሽያ ኦሱዋ ሱርሳ።

# 91

## ጸሳይ ኑና ናግያዋ

- 1 ኡባፕ ቶቂያ ጸሳን ናገቲደ ደእያዌ፥
- ኡባፕ ዋልቃማ ጸሳ ኩዋ ግደን አቄ፤
- 2 መቋና ጎዳዉ፥
- “ኔን ታዉ ጌሱዋን ባቃታ አትያ ሳኣ፤
- ኔን ታን አማንሕያ ታ ጸሳ” ያጋና።
- 3 እ ኔና ሻንካንቻቱዋ ግትያፕካ፥
- ዋቋ ዉርሰያ ኢታ ሀርግያፕካ አሻና።
- 4 እ ባረ ባለቱዋን ኔና ካማና፤
- እ ቀፊቱዋ ጋርሳ ኔን ባቃታደ ቆሰታ አታና።
- አ አማንቱሳይ ነዉ ጎንዳለ።
- 5 ኔን ቃማ ዲጋንሕያባዉ፥
- ዋይ ጋላሰ ጸንገትያባዉ ያያካ፤
- 6 ዋይ ቆማን ኦይቂያ ሀርግያዉ፥
- ዋይ ጋላሳ ሴታን ዉርሰያ ኢታ ሀርግያ ሀርጋካ።
- 7 ሻአይ ነ ሞይያን፥
- ቃይ ታሙ ሻአይ ኔፕ ኡሸቻ ባጋና ኩንዳና፤
- ሸን ኔና አያይነ ቦቹና።
- 8 ኔን ነ አይፍያ ጸላላን ጸላና፤
- ኢታቱ ሙረትያዋካ በአና።
- 9 መቋና ጎዳ ኔን ነዉ ባቃታ አትያ ሳኣ ኦሌዳ ድራዉ፤
- ኡባፕ ቶቂያ ጸሳ ነዉ፥
- ደእያ ሳኣ ኦሌዳ ድራዉ፥
- 10 ኢታባይ ኔና ቦቹና፤
- ቦሻይካ ነ ጎልያ ሸቀና።
- 11 አያዉ ጎፕ፥ ነ ኦግያን ኡባን
- ኔና ናጋና ማላ፥
- ጸሳይ ባረ ኪታንቻቱዋ አዛዛና።
- 12 ነ ገደ ሹቻን ቆብተና ማላ፥
- ኪታንቻቱ ባረንቱ ኩሽያን ኔና ደንፋና።
- 13 ኔን ጋሙዋን ሸሻ ቦላን ሂመታና፤
- ቃይ ዋዳላ ጋሙዋን ዋቋያ ሸሻ ኔን የቆና።
- 14 መቋና ጎዳይ ሀዋደን ያጌ፤
- “እ ታና ሰቄዳ ድራዉ፥
- ታን አ አሻና።
- እ ታ ሱንፋ ኤሬዳ ድራዉ፥
- ታን አ ናጋና።
- 15 እ ታና ጸግያ ዋይ፥
- ታን አዉ ኮያና።
- መቱዋን ታን አናና አትፕ ግዳና፤
- ታን አ አሻናን ቦንቻና።

16 ታን አ ላይላ አዲሳደ ካልሳና፤  
ታ አቶተላ አ በሳና” ያጌ።

# 92

## ጋላታ ማዝሙርያ

ማዝሙርያ፡ ሳምባታ ጋላሳዉ የጽያዋ.

- 1 መድና ጎዳ ጋላትያዌ ሎአ።  
አቤት ኡባፕ ዶቄያ ጸሳዉ።  
ነ ሱንላ ሳቢያዌ ሎአ።
- 2 ዋንታን አገና ነ ሲቁዋ።  
ቃማን ነ አማነትያዋ ግድያዋ አዋይያዌ ሎአ።
- 3 ታሙ ባቀላን ዋጸቴዳ ዲላነ።  
ማሰንቁዋን ዲጽያዌ ሎአ።
- 4 እያዉ ጎፕ፡ አቤት መድና ጎዳዉ።  
ነ ዋልቃማ ኦሱዋን  
ታና ናሽቼዳ ድራዉ።  
ነ ኩሽያ ኦሱዋ ድራዉ።  
ታን ናሽቻዉ የጸይ።
- 5 አቤት መድና ጎዳዉ፡ ነ ኦሱ አይ ኬሻ ግቱ!  
ነ ቆፋይ አይ ኬሻ ጨሜ!
- 6 ኤያ አሳይ ኤራናዉ ዳንዳየና፤  
ደንጭሌዳ አሳይካ አከካናዉ ዳንዳየና።
- 7 ሄዌነ፡ ኢታቱ ማታዳን ድጮፕካ።  
ኢታ ኦላያ ኡባቱ ዳሾፕካ።  
ኡንቱንቱ መድናዉ ቆያና።
- 8 ሸን አቤት መድና ጎዳዉ።  
ኔን መድናዉ ኡባፕ ዶቃ።
- 9 አቤት መድና ጎዳዉ፡ ነ ዋርከቱ ቆያናዋን  
ኢታ ኦላያ ኡባቱ ትሰክ ጋናዋ ኑን ኤረቶ።
- 10 ታ ካጭያ ባዙዋ መንላ ካጭያዳን ዶቄሳዳ፤  
ሎኦ ዛይትያ ታና ኦካዳ።
- 11 ታ ዋርከቱ ጸነቱዳዋ ታ አይፍያን በአድ፤  
ታ ኢታ ዋርከቱዋ ዋሱዋ ታ ሀይላን ሰሳድ።
- 12 ጽሎቱ ዛምባዳን ዳሻና፤  
ቃይ ሊባናሳ ዝጋዳን ድጫና።
- 13 ኡንቱንቱካ መድና ጎዳ ዳባባን ቶከቲዳ ሞላ ማላ፤  
ኡንቱንቱ ኑ ጸሳ ጌሻ ጎልያን ዳሻና።
- 14 ኡንቱንቱ ኤጨደካ አይፋና፤  
ኡንቱንቱ መድናዉ አርጸን ፓጸ።
- 15 ኡንቱንቱ፡ “መድና ጎዳይ ሱረ፤  
አ ታዉ ዋጋ ዛላ፤ ኢታተላ አን ባዋ” ያጋና።

# 93

## ጸሳይ ካትያ

- 1 መድና ጎዳይ ካተቲዳ!  
መድና ጎዳይ ቦንቸዋ ማዬዳ፤  
ዋልቃ ዳንጨዳ።  
ሳአይ ሞኒደ ኤቄዳ፤ ኡባካ ቃጸና።
- 2 ነ ካዉተላ አራታይ በኒደፕ ኤቄዳ፤  
ኔን መድናደፕ ደአሳ።
- 3 አቤት መድና ጎዳዉ፡ ጨዋ ሻፋቱ ጉሜዳ፤

- ጨዋ ሻፋቱ ባረ ጉንሳ ጶቄ ኦሴዳ።
- 4 ሳሉዋን ደእያ መድና ጎዳይ ዳሮ ሃሳ ጉንሳጥካ፤  
አባ በታቱዋጥካ እዴዳ ዋልቃማ።
- 5 አቤት መድና ጎዳዉ፤ ኔን ኦዳዳባይ አማነትያዋ፤  
ነ ጎሊ መድናዉ ጌሻተላን አሌቃና።

# 94

## ጸሓይ ኡባ ቦላ ፕርድያዋ

- 1 አቤት መድና ጎዳዉ፤ ኔን ኩሽያ ጭገትያ ጸሓ።  
አቤት ኩሽያ ጭገትያ ጸሓዉ፤ ነ ቦንቹዋ በሳ።
- 2 አቤት ሳኦ ፕርድያዋ፤ ደንዳ፤  
ኦቶራንቻቶ በሰያ ሙሩዋ እማ።
- 3 አቤት መድና ጎዳዉ፤ አዉደ ጋካናዉ ጋምኦኔ?  
ኢታቱ አዉደ ጋካናዉ ናሽታኔ?
- 4 ኢታ ኦሳያ ኡባቱ፤  
ባረንቱ ኦቶሮ ቃላ ሃሳዪና፤  
ኡንቱንቱ ጨቀቲኖ።
- 5 አቤት መድና ጎዳዉ፤ ኡንቱንቱ ነ አሳ ሊቁሲኖ፤  
ነ ላታ ናቋኖ።
- 6 ኡንቱንቱ እምኤቱዋን በተቱዋ ዋዲኖ፤  
አዉ ባይናዋንታካ ዋዲኖ።
- 7 ያቲደ ኡንቱንቱ፤ “መድና ጎዳይ ኑና በኤና፤  
ያቆባ ጸሓይ አኬከና” ያጊኖ።
- 8 ሀንተኖ፤ አሳ ግደፕ እዴዳ ዳማቶ፤ አኬክተ!  
ሀንተኖ ኤያቶ፤ አዉደ ኤራንቻ ግዳንቱ?
- 9 ሀይላ መዴዳ ጸሓይ ሰሰኔ?  
አይፍያ መዴዳዌ በኤኔ?
- 10 ካዉተላ ሴርያዌ ሙረኔ?  
አሳ ኤራ ታማርሰያዌ ባረዉ ኤረኔ?
- 11 መድና ጎዳይ አሳ ቆፋይ መላ ግድያዋ ኤሬ።
- 12 አቤት መድና ጎዳዉ፤ ኔን ሴርያዌን  
ነ ሀግያፕ ታማርሰያ አሳይ አንጀቴዳዋ።
- 13 ኢታቱ ኩንድያ ኦላይ ቦከታና ጋካናዉ፤  
መቱ ጋክያ ጋላሳን ኔን አ ሸምፕላሳ።
- 14 መድና ጎዳይ ባረ አሳ አገና፤  
አ ባረ ላታ አገና።
- 15 ፕርዳይ ሰሚደ ጽሎ ፕርዳ ግዳናዋ፤  
ዋዛና ሱረቱ ኡባይ ሄ ጽሎ ፕርዳ ማዳና።
- 16 ማካላንቻቱዋ ቦላ  
ታ ድራዉ ደንድያዌ ኦኔ?  
ኢታ ኦሳያዋንቱና  
ታ ድራዉ ኤቀቱዳዌ ኦኔ?
- 17 መድና ጎዳይ ታና ማደንንቶ፤  
ታን ኤለካ ዱፋዋን ገላደ ሰርጽ ጋና ሸን።
- 18 አቤት መድና ጎዳዉ፤ ታን፤  
“ታ ገዱ ሀልጼ” ያጌዳ ዋደ፤  
አገና ነ ሲቁ ታዉ ዘምፕ ግዴዳ።
- 19 ታና ሀርጋይ ዋድያ ዋደ፤  
ኔን ታና ዋፑ ኦላደ ናሽቻሳ።

- 20 ህግያ ባለልያ ጌላ ዳናቱዋና  
ኔን ዙጥታይ?
- 21 ጽሎቱዋ ዋሳናው ኤንቴንቴ እትጥ ቶብቲኖ፤  
ሱረቱዋ ቦላ ሀይቁዋ ፕርዲኖ።
- 22 ግደጥነ፣ መድና ጎዳይ ታን ባቃታ ኦቲዳ ሳኦ፤  
ታ ጸሳይ ታን ቆሰትያ ዛላ።
- 23 ኤንቴንቴ ኢታተላ ድራው፣ እ ኤንቴንታ ሙራና፤  
ኤንቴንቴ ናጋራ ድራው፣ እ ኤንቴንታ ሳይሳና፤  
ኤ፣ መድና ጎዳይ ኑ ጸሳይ ኤንቴንታ ሳይሳና።

95

ጋላሳ ጋላሳ ማዝሙር

- 1 ሃይቲ፤ እን መድና ጎዳ ሳቦይቲ።  
ኑና አሸያ ዛላው ናሸቻው የጸይቲ።
- 2 እ ሰንሳ ጋላታና ሸቆይቲ።  
ጋላታ የላ ናሸቻን የጸይቲ።
- 3 እያው ጎጥ፣ መድና ጎዳይ ዋልቃማ ጸሳ፣  
ጸሳቱዋ ኡባ ቦላ ዋልቃማ ካትያ።
- 4 ቢታ ጨማቱ እ ኩሸያን ደሊኖ፤  
ደርያ ሁጸቱካ አዋ።
- 5 አባ ሃሳይካ አዋ፤  
ሄዋ እ መዴዳ፤  
መላ ቢታካ እ ኩሺ ኦሌዳ።
- 6 ሃይቲ፤ ሆኪደ እን አው ጎይኖይቲ፤  
ኑና መዴዳ መድና ጎዳ ሰንሳን ጉልባቶይቲ።
- 7 እያው ጎጥ፣ እ ኑ ጸሳ።  
ኑን እ ቆሩዋን ደእያ አሳቱዋ፤  
ኑን እ ሄዋያ አ ዶርሳ ዉይቱዋ።
- 8 ጸሳይ ህንተና ግያዋ ሀቾ ሰሰተ!  
“ካሰ ህንተ ማይዛ አዋቱ፣  
ማሪባ ግያ ሳኦን ሀኔዳዋዳን፣  
ሄ ጋላሰ ማሳ ባዙዋን እጼዳዋዳን፣  
ህንተካ ዞርያ እከናን እጸኘተ።
- 9 ኤንቴንቴ ታ ኦሱዋ በኢደካ፣  
ታና ኤቀቴድኖን ፓጨድኖ።
- 10 ታን ሄ የለታ ኦይታሙ ላይላ ሻተታድ፤  
ኤንቴንቴ ኡባ ዋደ ባረንቴ ዋዛናን ባሊኖ፤  
ኤንቴንቴ ታ ኦግያ ኤርቦይክኖ ያጋድ።
- 11 ሄዋዳንካ ቃይ፣ ታን ሀንቀታ ጫቃድ፣  
ኤንቴንቴ ታ ሸምጥዋሳ ኡባካ ገልክኖ ያጋድ” ያጌ።

96

ጸሳይ ኡባጥ ቦላ ካትያ

- 1 መድና ጎዳው ኑራላ የላ የጽተ፤  
ሳኦን ደእያ አሳይ፣ ኡባይ መድና ጎዳው የጽተ።
- 2 መድና ጎዳው የጽተ፤ እ ሰንሳ ሳቦቲ፤  
እ አሸያ ምሽራቹዋ ጋላሳን ጋላሳን ኦድተ።
- 3 ካዉተላ ግደን እ ቦንቹዋ፣  
አሳ ኡባ ግደን እ ማላልሰያ ኦሱዋባ አዋይቲ።

95:7 እብራ. 3:15፤ 4:7 95:7 እብራ. 3:7-11 95:8 ከሳ 17:1-7፤ ገይ. 20:2-13 95:11 ገይ. 14:20-23፤ ዛረ. 1:34-36፤ 12:9-11፤ እብራ. 4:3-5

- 4 እያው ጎተ፣ መድና ጎዳይ ዋልቃማ፤  
ግታ ጋላታይ አው በሴ።
- 8 ጳጳሱ ወላግ አዲስ እ ያየታናው በሴ።
- 5 ሀራ አሳ ጳጳሱ አባይ ኤቃቱዋ፤  
ሸን መድና ጎዳይ ሳሎቱዋ መዴዳ ጸሳ።
- 6 ቦንቹን አንጋይ እ የሹዋን ደኤ፤  
ሞኖተላይን ፑላይ አ ጌሻ ጎልያን ደኤ።
- 7 ሀንተኖ፣ አሳ ዛረቶ ኡባቶ፣  
መድና ጎዳባ ኦድተ፤  
“ቦንቹን ዋልቃይ መድና ጎዳሳ” ጊደ ኦድተ።
- 8 “ቦንቹ አ ሱንላሳ”  
ጊደ መድና ጎዳባ ኦድተ።  
ያርሹዋ አኪደ፣ አ ዳባባ ገልተ።
- 9 አ ጌሻተላ ፑላን መድና ጎዳው ጎይንተ፤  
ቢታን ደእያ አሳ ኡባው፣ አ ስንላን ኮኮርተ።
- 10 ካውተላቱዋ ግደን፣ “መድና ጎዳይ ካተቱዳ!  
ሳእይ ምን ኤቁዳ፤ አባካ ቃጸና።  
አ አሳ ቦላ ሱረተላን ፕርዳና” ያግተ።
- 11 ሳሎቱ ናሸትኖ፤ ሳእይካ ሀሹ ጎ፤  
አባይነ አ ግደን ኩሚዳዋ ጉሞ።
- 12 ሸይቃይነ ሸይቃን ደእያ ኡባይ ናሸቶ፤  
ዋራን ደእያ ምላ ኡባይካ ናሸቻን አ ስንላን የጸና።
- 13 እያው ጎተ፣ መድና ጎዳይ ዬ፤  
አ ሳአ ቦላን ፕርዳናው ዬ፤
- አ ሀ ሳአ ቦላ ጽሎተላን፣  
አሳ ቦላካ ቱማተላን ፕርዳና።

# 97

## ጸሳይ ወላግ ቦላ

- 1 መድና ጎዳይ ካውቱዳ።  
ሳኣን ደእያ አሳይ ናሸቶ፤  
ሃኮ ሃላን ደደቶ ሳን ደእያ አሳቱካ ናሸትኖ።
- 2 ሻሪነ ድጽ ጎ ጹማይ አ ዶዶዳ።  
ጽሎተላይን ቱማተላይ አ ካውተላ አራታው ባሶ።
- 3 ታማይ አፕ ስንላና ቤ፤  
አ ዶዶዳ ሞርከቱዋ ጸጌ።
- 4 አ ዋልቃንላይ ሳአ ፖአሴ፤  
ቢታይ ሄዋ በኢደ ኮኮሬ።
- 5 መድና ጎዳ ስንላን፣ ሳአ ኡባ ጎዳ ስንላን  
ዋጋ ደረቱ ኤሳ ሙቃዳዳን ሙሸኖ።
- 6 ሳሎቱ አ ጽሎተላ አዋዪኖ፤  
አሳይ ኡባይ አ ቦንቹዋ በኤ።
- 7 ዋርዶ ጸሳቶ ጎይንያዋንቱነ  
ሄ ጎኤና ኤቃቱዋን ጨቀትያዋንቱ ኡባይ ዬላትኖ።  
ጸሳቱ ኡባይ ጸሳው ጉልባትኖ።
- 8 አቤት መድና ጎዳው፣ ጽዮን አሳይ፣  
ነ ጽሎ ፕርዳ ሰሲደ ናሸቱ፤  
ይሁዳ ካታማቱዋ አሳይካ ሀሹ ጌ።
- 9 አቤት መድና ጎዳው፣ ኔን ሳአ ወላግ ጹቃሳ፤  
ጸሳቱዋ ወላግ ኔን ጹቁ ጋሳ።
- 10 መድና ጎዳ ሰቅያዋንቱ ኢታ እጽተ።  
አ ባረው አማነትያ አሳቱዋ ሸሞጥዋ ናጌ፤



- ቃይ ኡንቱንታ ኢታቱዋ ኩሽያፕ አሼ።
- 11 ጽሎቶ ፖኤ ፖኤ፤  
ዎዛና ሱረቶ ናሸቻይ ደኤ።
- 12 ሀንተኖ ጽሎቶ፣ መድና ጎዳን ናሸትተ፤  
እ ጌሻ ሱንፋ ጋላትተ።

# 98

## ጸሓይ አላምያ ሞድያዎ

ማዝሙርያ

- 1 መድና ጎዳዉ ኦራፋ የፋ የጽተ፤  
አያዉ ጎፕ፣ እ ማላልሰያሳ ኦሌዳ።  
እ ኡሸቻ ኩሺ እ ጌሻ ቄሲ  
አዉ ጸኑዋ አሜዳ።
- 2 መድና ጎዳይ ባረ ጸኑዋ ኤርሴዳ፤  
እ አሸያዎ ካወተፋቶ ቆንጭሴዳ።
- 3 እ አሰራኤልያ ሶ አሳ ሲቅያዋን  
ሳኣ ጋጸ ጋካናዉ ደእያ አሳይ ኡባይ  
ኑ ጸሓይ አሸያዎ በኤዳ።
- 4 ሳኣ ቦላን ደእያ አሳ ኡባይ፣  
መድና ጎዳዉ ናሸቻን የጽተ፤  
ቃላ ቶቁ ኦሊደ፣ ናሸቻ ሳባ ሳቢተ።
- 5 ዲፋ መድና ጎዳዉ ዲጽተ፤  
ዲፋንነ የፋን ጸሓ ሳቢተ።
- 6 ጸሩምባነ ሎኩዋ ፑኒደ፣  
ናሸቻን መድና ጎዳ ኑ ካትያ ሰንፋን ሆምቦጭተ።
- 7 አባይነ አባ ግድን ኩሜዳዌ ኡባይ ጉሞ።  
ሳኣይነ ሳኣ ቦላን ደእያ ኡባይ የጸ።
- 8 ሻፋቱ አትፕ ባረንቱ ኩሺያ ባቂኖ።  
ቁር ደረቱ መድና ጎዳ ሰንፋን አትፕ ናሸቻን የጽኖ።
- 9 አያዉ ጎፕ፣ እ ሳኣ ቦላን ዳናታናዉ ዬ።  
እ ሀ ሳኣ ቦላ ጽሎተፋን፣  
አሳ ቦላካ ሱረተፋን ዳናታና።

# 99

## ጸሓይ ጽሎዋን ጌሻ

- 1 መድና ጎዳይ ካወቱዳ! ሄዎ አሳቱ ኮኮርኖ።  
ክሩበቱዋፕ ግዲዋን ካወተፋ አራታ ቦላ ኡቴዳ፤  
ሄዎ ቢታይ ቃጸ፤
- 2 መድና ጎዳይ ጽዮንን ዎልቃማ፤  
ካወተፋ ኡባፕ እ ቶቁ ቶቁ ጌዳ።
- 3 ዳርፕ ያሸያ አ ዎልቃማ ሱንፋ፣  
ኡንቱንቱ ኡባይ ጋላትኖ።  
እ ጌሻ!
- 4 ኔን፣ ዎልቃማ ካቲ፣ ልከ ፕርዳ ደሳሳ።  
ኔን ያቆባ አሳዉ ሱረተፋ ምንሳዳ።  
ጽሎተፋን ልከ ፕርዳ ኤሳዳ።
- 5 መድና ጎዳ ኑ ጸሓ ቶቁ ቶቁ ኦሳተ፤  
እ ገዲ የድያሳን ጉፋኒደ አዉ ጎይንተ።  
እ ጌሻ!

- 6 ሙሴን እርነ አ ቀሰቱዋ ግዲዋጥ ላለቱዋ፤  
 ሳሜልካ እ ሱንሳን ዋሴዳዋንቱጥ እቱዋ።  
 ኡንቱንቱ መድና ጎዳዉ ዋሴድኖ፤  
 እካ ኡንቱንቶ አሊዳ።
- 7 እ ሻርያ ቱሳ ግዲዋና ኡንቱንቶ ሃሳዬዳ፤  
 ኡንቱንቱ እ እሜዳ ሀግያን ዋጋ ናጌድኖ።
- 8 እቤት መድና ጎዳዉ፥ ኑ ጸሳዉ፥  
 ኔን ኡንቱንቱ ዋሳ ሰሳዳ።  
 ኔን ኡንቱንቱ ኢታተላ ድራዉ ሙሬዳዋ ግደጥካ፥  
 ኡንቱንቶ አቶ ጌዳ ጸሳ።
- 9 መድና ጎዳ ኑ ጸሳ፥ ቶቁ ቶቁ ኦሰተ፤  
 እ ጌሻ ደርያ ቦላን አዉ ጎይነተ፤  
 እያዉ ጎጥ፥ መድና ጎዳይ ኑ ጸሳይ ጌሻ!

### 100

ጸሳ ጋላታናዳን ሺቄዳ ዬሳ

- ጋላታ እዋያ ማዘመርያ
- 1 ሳእን ደእያ አሳ ኡባዉ፥  
 መድና ጎዳዉ ህንተ ቃላ ቶቁ ኦሊደ የጽተ።
- 2 መድና ጎዳዉ ናሽቻን ኦሰተ፤  
 ናሽቻ የላና እ ሰንላ ሺቅተ።
- 3 መድና ጎዳይ ጸሳ ግድያዋ ኤርተ፤  
 ኑና መዴዳዌ አ፤ ኑን አዋንታ።  
 ኑን እ አሳቱዋን እ ቆሩዋን ደእያ ዶርሳቱዋ።
- 4 እ ጥንግያ ጋላታና፥  
 እ ዳባባ ሳባና ገልተ፤  
 እ ጋላተተን እ ሱንላ ሳቢተ።
- 5 እያዉ ጎጥ፥ መድና ጎዳይ ኪካ።  
 እገና እ ሲቁ መድናሳ፤  
 እ የለታጥ የለታ ጋካናዉ አማነትያዋ።

### 101

ካቲ ጸሳዉ ገልያ ቃላ ጫቁዋ

- ዳዊታ ማዘመርያ
- 1 ታን እገና ሲቁዋባን ጽሎ ፕርዳባ የጸና፤  
 እቤት መድና ጎዳዉ፥ ታን ነዉ የጸና።
- 2 ታን ሱረ ኦግያባ ቆጋና።  
 ኔን ታኮ አዉደ ያን?  
 ታን ታ ጎልያን ሱረተላን ሀመታና።
- 3 ታን ታ አይፍያን ፖኮባ ዬልከ።  
 ጸሳጥ ዋራ ሰሜዳ አሳቱዋ ኦሱዋ እጻይ፤  
 ኡንቱንቱ ሙለካ ታናና ግድክና።
- 4 ዋዛና ጌላተላይ ታጥ ሃኮ፤  
 ኢታተላ ታን ኤርከ።
- 5 ጌማን ባረ ሾሩዋ ዝግርያዋ፥  
 ታን ሰርጽ ኦላና።  
 ኦቶረትያን እይያ አሳ ታን ዳንዳይከ።

6 ኤንቱንቱ ታናና ደእና ማላ፡  
 ቢታ ቦላ ደእያ እማነትያዋንታ፡  
 ታን ኬካ አይፍያን ዪላይ።  
 ሱረተላን ሀመትያ አሳይ ታዉ ኪተታና።

7 ጭምያዌ ታ ጎልያን ደኤና፤  
 ዋርዲዋ ሃሳይያዌ ታ ሰንላን ጋምኤና።

8 ቢታን ደእያ ኢታ አሳ ኡባ፡  
 ታን ጋላሰ ጋላሰ ጳይሳና፤  
 ኢታ ኦልያዋንታ ኡባ፡  
 ታን መድና ጎዳ ካታማጥ ጶቆላና።

# 102

## መቱዋ ቦላ ደእያ አሳ ዋሳ

መድና ጎዳ ሰንላን ባረና ዶጊደ ባረ ካዩዋ ጉሰያ ዋደ፡ ቱጋቴዳ አሳይ ዋሴዳ ዋሳ.

1 አቤት መድና ጎዳዉ፡ ታ ዋሳ ሰሳ፤  
 ታ ዋሱ ኔኮ ጋኮ።

2 ታ ዋይያ ጋላሰ፡  
 ነ ሰምኤዋ ታጥ ገንሶ።

ነ ሀይላ ታኮ የጋ፤  
 ታን ነዉ ዋሰያ ዋደ፡ ታና ኤለካ አላ።

3 እያዉ ጎጥ፡ ታ ላይላይ ጨዋዳን ጳዬ፤  
 ታ መቀላይካ ታማ ቦንቁዋዳን ኤዬ።

4 ታ ዋዛናይ ሾጭ የጌዳ መላ ማታዳን ሀናድ፤  
 ቁማይካ ታዉ ሜተተና።

5 ታን ታ ቃላ ጶቁ ኦላደ ኦላይ፤  
 ታ ጋልባይ መቀላና ኦይቀቴዳ።

6 ታን ባዙዋን ደእያ እንኩዋ ማላ፡  
 ዋይ ኮለቴዳ ጎልያን ደእያ ጉቱዋ ማላ።

7 ታን ግሰና፡ ገምእሹ ዬና፤  
 ታን ጎልያ ሁጲያን ባረካ ኡቴዳ ካፋዋ ማላ።

8 ታ ዋርከቱ ጋላሳ ኡባን ታና ጨሺኖ፤  
 ታና ቅሊጭያዋንቱ ታ ሱንላን ሸቂና።

9 ታን ብድንላ ቁማዳን ማይ፤  
 ቃይ ታ አፎላ ታ ኡሻና ዋላካይ።

10 ኔን ታና ፑደ ደንሳደ፡  
 ነ ሀንቁዋ ድራዉ ዋራ ኦላዳ።

11 ታ ደኡዋ ላይላይ አማርሳ ኩዋ ማላ፤  
 ታን ማታዳን ሹላይ።

12 ሸን አቤት መድና ጎዳዉ፡  
 ኔን ካዉተላ አራታን መድናዉ ኡታዳ፤  
 ነ ሱንላይካ የለታጥ የለታ ጋካናዉ ሀሳየታና።

13 ኔን ደንዳይ፡ ጽዮንዉ ቃረታ፤  
 እያዉ ጎጥ፡ ኔን እዘ ማርያ ዋዲ ጋኬዳ፤  
 ሀዌ ኔን ደራዳ ዋድያ።

14 እዛ ኮለቴዳዋ ግደጥካ፡  
 ነ ቆማቱ እዘ ሲቂና።

እዛ ባዬዳዋ ግደጥካ፡  
 ኡንቱንቱ እዘዉ ቃረቲኖ።

15 ካዉተላቱ መድና ጎዳ ሱንላዉ ያያና፤  
 ሳኦ ካተቱ ኡባይ እ እንጋዉ ዳጋማና።

- 16 እያው ጎጥ፣ መጅና ጎዳይ ጽዮን ዛረሐ ኬጺደ፤  
እ ባረ ግታተላ በሳና።
- 17 እ ፑቱሳቱዋ ዋሳ ሰሳና፤  
ኡንቱንቱ ዋሱዋ ካ□□።
- 18 ብሮ የለታና አሳቱ መጅና ጎዳ ጋላታና ማላ፤  
ሀዌ ይያ የለታው ጻፈቶ።
- 19 መጅና ጎዳይ ጶቃን ደእያ ባረ ጌሻ ሳእጥ ዱገ ጼሌዳ፤  
እ ሳሉዋጥ ዱገ ሳእ ጸሞሴዳ።
- 20 ሄዌነ፣ ቃሽቱዳ አሳቱዋ ኦልያ ሰሳናሳነ  
ሀይቆ ፕርደቱዳ አሳቱዋ ብላናሳ።
- 21 ሄዋ ድራው፣ መጅና ጎዳ ሱንሳይ ጽዮንን ኦደታናነ  
እ ጋላታይ የሩሳላመን አዋየታና።
- 22 አሳይነ ካዉተሳይ አትጥ ሸቂደ፤  
መጅና ጎዳው ሄ ዋደ ጎይናና።
- 23 እ ታን ያላጋተላን ደእና፤  
ታ ዋልቃ ዉርሴዳ፤  
ታ ላይላ ቃንሳዬዳ።
- 24 ያትና፣ ታን፣ “እቢት ታ ጸሳው፤  
ታ ላይሳይ ብሮ ግደትያ ዋደ፤  
ታና አፎፓ” ያጋይ።  
  
እቢት ጸሳው፣ ኔን የለታጥ የለታ ጋካናዉ ደአሳ።
- 25 ኔን በን ሳእ መጻዳ፤  
ሳሉካ ነ ኩሽያ ኦሱዋ።
- 26 ሄዋንቱ ኡባይ ጻያና፤ ሸን ኔን ደእና፤  
ኡንቱንቱ ኡባይካ አፍላዳን ዉራና።  
ኔን ኡንቱንታ ጨርቃ አፍላዳን ላማና፤  
ኡንቱንቱካ አጻና።
- 27 ሸን ኔን ኔናካ፤ ነ ላይሳይ ኡባ ዉረና።
- 28 ኑን ነ ቆማቱዋ፤  
ኑ ናናቱ ሳሮተላን ደእና።  
ኡንቱንቱ ዘረሳይካ ነ ሰንላን ሞኒደ ኤቃና።

# 103

## ጸሳ ሲቁዋ

- ዳውት ጻፌዳዋ
- 1 ታ ሸምፓቱ፣ መጅና ጎዳ ጋላታ!  
ታ ኩመንላ አሳተላው፣ እ ጌሻ ሱንላ ጋላታ።
- 2 ታ ሸምፓቱ፣ መጅና ጎዳ ጋላታ!  
እ ነዉ ኦሌዳ ኬካተላ ኡባ ደሳፓ።
- 3 እ ነ ናጋራ ኡባ አቶ ጌ፤  
እ ነ ሀርግያ ኡባጥ ኔና ፓሌ።
- 4 እ ኔና ዱፋዋን ገለናዳን አሸ፤  
አገና ሲቁዋን ማርታን ኔና አንጄ።
- 5 አርጋንላዳን ኔን ያላጋና ማላ፤  
እ ነ ደኡዋ ኡባን ኔና ሎኦባ ካልሴ።
- 6 መጅና ጎዳይ ናቀቱዳዋንቶ  
ጽሎባ ኦሌኑ ሱርያን ፕርዴ።
- 7 እ ባረ ኦግያ ሙሳ፣  
ባረ ኦሱዋ እሰራኤልያ አሳዉ ኤርሴዳ።
- 8 መጅና ጎዳይ ቃረትያዋን ማርያዋ፤  
እ ሀንቀታናዉ ኤሌለናዋን

አገና ሲቆ ዳሩዋ።

9 እ ኡባ ገደ ሲረና፤ መድናዉ ሀንቀተና።

10 እ ኑና ኑ ናጋራዳን ኦሰቤና፤

ኑ ኢታተላዳን ኑዉ ዛርቤና።

11 ሳሉ ሳኣፕ ዶቂያዋዳን፤

መድና ጎዳዉ ያይያዋንቶ አገና እ ሲቆ ዳራ።

12 አዋይ ዶልያሳፕ አዋይ ዉልያሳይ ሃክያዋዳን፤

መድና ጎዳይ ኑ ባይዙዋ ኑፕ ሃሴ።

13 አዉ ባረ ናናቶ ቃረትያዋዳን፤

መድና ጎዳይ ባረዉ ያይያዋንቶ ቃረቴ።

14 አያዉ ጎፕ፣ ኑን አያፕ መጠቴደንቶ እ ኤሬ፤

ኑን ቢታ ግድያዋ እ አኪኪ።

15 አሳ ግድፕ፣ እ ደኡ ማታ ማላ፤

እ ባዙዋ ጨሻዳን ጨሺ፤

16 ጫርኩ እ ቦላ ጫርክና ላዬዳ፤

እ ዶሌዳ ሳአይ ኤረተና።

17 ሸን መድና ጎዳዉ ያይያዋንቶ፤

አገና እ ሲቆ መድናፕ መድና ጋካናሳ።

እ ጽሎተላይካ ናኣ ናአዉ ጋካናሳ።

18 እ ጫቁዋ ናግያዋንቱሳን

እ አዛዙዋ ፖላናዉ ሀሳይያዋንቱሳ።

19 መድና ጎዳይ ሳሎቱዋን ባረ ካዉተላ አራታ ኤሴዳ፤

እ ካዉተላይ ኡባ ዋዴ።

20 ሀንተና፣ እ ኪታንቻቶ፤

እ አዛዙዋ ፖልያ ዋልቃማቶ፤

እ ግያዋ ሰሰሰያዋንቶ፤

መድና ጎዳ ጋላትተ!

21 ሀንተና ሳሎዋን ደአያ ምኖቶ፤

እ ሸንያ ኦሳያ ቆማቶ፤

መድና ጎዳ ጋላትተ!

22 ሀንተና፣

እ ዋድያ ሳኣ ኡባ መጠታቶ፤

ኡባይካ መድና ጎዳ ጋላትተ!

ታ ሸምፓቴ፣ መድና ጎዳ ጋላታ!

# 104

ጸሓዉ ሸቅያ ጋላታ

1 ታ ሸምፓቴ፣ መድና ጎዳ ጋላታ!

አቤት መድና ጎዳዉ ታ ጸሓዉ፣ ኔን አይ ኬሻ ግቴ!

ኔን ቦንቹዋን አንጋ ማያዳ።

2 ፖኡዋ አፍላዳን ጉሎታዳ።

ኔን ሳሎዋ ዲንካንያዳን ቶላዳ።

3 ነ ጎልያ ሳሎዋ ጉፋንሉዋ ቦላን ኬዳሳ።

ሻርያ ፓራ ጋርያ ከሳሳ፤

ጫርኩዋ ቀፍኖን ቶጋሳ።

4 ኔን ጫርኩቱዋ ነ ኪታንቻ፤

ታማ ላጩዋካ ነ ቆማ ከሳሳ።

5 ኔን ሳኣ እ ባሱዋ ቦላ ኤሳዳ፤

እ መድ መድናዉካ ቃጸና።

6 ዋልቃማ አባይ ቢታ ቦላን አፍላዳን ምጨቴዳ፤

ሃላይ ዋልቃማ ደረቱዋ ካሜዳ።

- 7 ሸን ነ ጎደትና ሃላቱ ባቃቱድኖ፤  
ነ እዛዙዋ ሰሲደ፣ ኤሌሌድኖ።
- 8 ኡንቱንቱ ዎጋ ደረቱዋጥ ዱገ ዛንጋራ፣  
ኔን ኡንቱንቶ ገገሴዳ ሳእ ጎጌድኖ።
- 9 ሃላቱ ሰሚደ ቢታ ካመናዳን፣  
ኡንቱንቱ አቆናዉ ዳንዳየና ዛዋ ኤሳዳ።
- 10 ኔን ፑልቶቱዋ ዛንጋራን ፑልትሳሳ፤  
ኡንቱንቱ ሃላይ ደረቱዋ ግዱዋና ጎጌ።
- 11 ጎግያዋጥ ባዙዋ ዶአቱ ኡባይ ኡሺኖ፤  
ደንባ ሃረቱ ባረንቱ ሳሙዋ አጥ አሊኖ።
- 12 ሳሉዋ ካፎቱ ሄ ሃላ ማታን ባረንቱ ጎልያ ኬጺደ፣  
ታሽያ ግደን የጺኖ።
- 13 ኔን ዎልቃማ ደረቱዋ ቦላን  
ሳሉዋጥ እራ ቡክሳሳ፤  
ቢታካ ነ ኩሽያ ኦሱዋ አይፍያን ካልሳሳ።
- 14 ኔን መሀያዉ ማታ፣  
አሳዉ ካላ ሞክሳሳ።  
ሄዌነ፣ አሳይ ቢታ ኦሊደ፣  
ቢታጥ ካላ ደማናሳ።
- 15 አሳ ዎዛና ናሽቶያ ዎይንያ፣  
ሶምኤዋ ሽጭሰያ ዛይትያን  
ዎልቃ ኩንሐያ ቁማ ሞክሳሳ።
- 16 መድና ጎዳ ሞላቱ፣  
እ ቶኬዳ ሊባኖሳ ዝጋቱ፣  
ዳሮ እራ ኡሺኖ።
- 17 ኡንቱንቱን ካፎቱ ባረንቱ ጎልያ ኬጺኖ፤  
ቆለቱካ ጺዳ ቦላ ኬጺደ ደአኖ።
- 18 ቶቃ ደረቱዋ ቦላን ጋራቱ ደአኖ፤  
ቃይ ጉጋለቱ ሹቻ ጎንጎሉዋን ቆሰቲኖ።
- 19 ዎድያ ፓይዱዋ ኤርሳና ማላ፣  
ኔን አግና መቆዳ።  
አዋይ ባረ ዉልያ ዎድያ ኤሬ።
- 20 ኔን ቃማ መቆዳ፤  
ቆማን ዶአይ ኡባይ ከሴ።
- 21 ዎዳላ ጋሞቱ ሻንካቲደ ጉዲኖ፤  
ኡንቱንቱ ባረንቶ ምያዋ ጸሳጥ ኮጺኖ።
- 22 አዋይ ከሰያ ዎደ፣  
ጉዮ ሰሚደ ባረንቱ ጌሱዋን ግሲኖ።
- 23 ሄ ዎደ አሳይ ባረ ኦሶ ከሴ፤  
ሳአይ ቃማና ጋካናዉ ኦሌ።
- 24 አቤት መድና ጎዳዉ፣ ነ ኦሶ አይ ኬሻ ዳሬ!  
ነ አጴዳ ኤራተላን ኔን ኡንቱንቱ ኡባ መቆዳ፤  
ሳአይ ኔን መጴዳዋን ኩሚዳ።
- 25 አባይ ሀንን ሄዌሽ፤ አ ዎልቃማን አኮ፤  
ፓይዱ ባይና ቃጽያ መጋታቱዋን፣  
ግታቱዋንገ ጉላቱዋን ኩሚደ ደኤ።
- 26 ሄዋ ቦላን ማርካባቱ ቢኖ፤  
ቃይ ኔን መጴዳ ሌዋታና ግያ ዳዊ አን ካኤ።
- 27 ኔን ኡንቱንታ ኮሽያ ዎድያን  
ኡንቱንቶ ቁማ አማና ማላ፣  
ኡንቱንቱ ኡባይ ኔና ጸሊኖ።
- 28 ኔን ኡንቱንቶ አምና፣ ኡንቱንቱ ማጺኖ፤  
ኔን ነ ኩሽያጥ የግና፣

- ኤንቱንቱ ሎኦባ ካሊኖ።
- 29 ኔን ነ ሰምኤዋ ገንሰያ ዋደ ዳጋሚኖ።  
ነ ሸምፑዋ ኔን አክያ ዋደ ሀይቂደ፤  
ባረንቱ ቢታዉ ሰሚኖ።
- 30 ሸን ኔን ነ ሸምፑዋ ኪትያ ዋደ፤  
ሀራቱ መጠቲኖ፤ ቢታካ ኦራሳሳ።
- 31 መድና ጎዳ ቦንቹ መድናዉ ደኦ፤  
መድና ጎዳይ ባረ ኦሱዋን ናሸቶ።
- 32 እ ቢታ ዴልና፤ ቢታይ ቃዴ፤  
ቃይ እ ደረቱዋ ቦንቶና፤ ደረቱ ጨዋቲኖ።
- 33 ታን ታ ደኤዋ ኡባን መድና ጎዳዉ የጻና፤  
ታን ደኤዳ ላይሳ ኡባን ታ ጸሳ ሳባና።
- 34 ታን መድና ጎዳን ናሸትያ ድራዉ።  
ታ ቆፋይ አ ናሸቶ።
- 35 ናጋራንቻቱ ቢታፕ ጳይኖ፤  
ሀዋፕ ሰንሳዉ ኢታቱ ደኦፕኖ።

ታ ሸምፓቱ፣ መድና ጎዳ ጋላታ! መድና ጎዳ ጋላትተ!

### 105

ማላልሰያ አሰራኤልያ ታርክያ  
(1 ኦዲዋ 16:8-22)

- 1 መድና ጎዳ ጋላትተ፤ እ ሱንሳ ዴሰተ።  
እ ኦሌዳዋ ካዉተላቲዋ ግዲዋን ኤርሰተ።
- 2 እ ሳቢተ፤ ጋላታ የላ አዉ የጽተ።  
እ ማላልሰያ ኦሱዋ ኡባባ ኦድተ።
- 3 እ ጌሻ ሱንሳን ጨቀትተ፤  
መድና ጎዳ ኮይያ ዋዛናቱ ናሸትኖ።
- 4 መድና ጎዳን አ ዋልቃ ጸሞሰተ፤  
ኡባ ገደ እ ሱንሳ ኮይተ።
- 5 እ ኦሌዳ ማላልሰያባ፤  
እ ማላታን እ ፕርዴዳ ፕርዳ ሀሳይተ።
- 6 ህንተኖ፤  
እ ቆማ አብራሃማ ዘረላቶ፤  
ደረቱዳ ያቆባ ናቶ።
- 7 እ መድና ጎዳ ኑ ጸሳ፤  
እ ቱሞ ፕርዲይካ ሳኦ ኡባ ቦላና።
- 8 እ ባረ ጫቁዋ መድናዉ፤  
ባረ አዛዚዳ ቃላ ሻኤ የለታ ጋካናዉ ናጌ።
- 9 ሄዋነ፣ እ፣ አብራሃማና ጫቀቲዳ ጫቁዋ፤  
ይሳቃዉ ጫቁዳ ጫቁዋ።
- 10 ያቆባዉ ዋጋ፤  
አሰራኤልያዉካ መድና ጫቁዋ  
ኦሊደ ሞንሴዳ።
- 11 ሀዋዳን ያጌዳ፤  
“ኅዉ ካናን ቢታ አማና፤  
እ ነ ዘረላቶ ላታ ግዳና” ያጌዳ።
- 12 ጸሳ አሳቱ ፓይዲዋን ጸ ጉላን  
ካናን ቢታን በተ ግዲደ ደኤያ ዋደ፤
- 13 እት ጋድያፕ ሀራ ጋድያ፤  
እት ካዉተላፕ ሀራ ካዉተላ የዬድና።

- 14 ጸሳይ ኤንቱንታ ኦንነ ናቃናዉ እምቤና፤  
ኤንቱንቱ ድራዉ ካተቱዋ ሴሪደ፤
- 15 “ታን ኦኩዳዋንታ ቦቾፕተ፤  
ታ ትምቢትያ ኦድያዋንታ ቆሆፕተ” ያጌዳ።
- 16 ጸሳይ ቢታን ኮቫ ያዲደ፤  
ኤንቱንቱ ካላ ኡባ ዳይሴዳ።
- 17 ሸን አ ባረ አሳ አሻናዉ፤  
እት ብታንያ ግብጼ ኪቴዳ፤  
ሄ ብታኒ አይለ ግዲደ ዛልኤቴዳ ዮሴፋ።
- 18 አ ገደቱ ብራታን ቃሸቴድና፤  
ኤንቱንቱ አ ሳንሳላታን ቃቺድና።
- 19 አ ካሰ ኦዴዳዌ ፖለታና ጋካናዉ፤  
መድና ጎዳ ቃላይ አ ፓጩዳ።
- 20 ግብጼ ካቲ ኪቲደ ቃሾ ጎልያፕ ከሴዳ፤  
ጋድያ ሞድያዌ ብሊዳ።
- 21 እካ፣ አ ባረ ጎልያዉ ጎዳ ኦሴዳ።።  
ባረዉ ደእያዋ ኡባ ቦላ ሱንሴዳ።
- 22 ባረዉ ዋና ካፖቱዋ አዛዛና ማላን  
ባረ ጭማቱዋ ዙራና ማላ ማታዬዳ።
- 23 ሄዋፕ ጉይያን፣ እሰራኤሊ ግብጼ ገሌዳ፤  
ያይቆቦ ካመ ቢታን ቦተ ግዲደ ደኤዳ።
- 24 መድና ጎዳይ ባረ አሳ ዳር ጮራዬዳ፤  
ኤንቱንቱ ሞርከቱዋፕ ኤንቱንታ አሴደ ምን፳።
- 25 አ ግብጼ አሳይ ባረ አሳ አጻናደን፤  
ባረ ቆማቱዋ ጭማናዳን ኦሴዳ።
- 26 ሄዋፕ ጉይያን፣ ባረ ቆማ ሙሳን  
ባረ ዶሬዳ አርና ኤንቱንቱኮ ኪቴዳ።
- 27 ኤንቱንቱ ግብጼ አሳቱዋ ሰንሳን ጸሳ ማላታ፤  
ካመ ቢታን ኦራሳባ ኦሴድና።
- 28 ጸሳይ ቆማ ኪቲደ፤  
ሄ ቢታ ቆምሴዳ፤  
ሸን ግብጼ አሳቱ አ አዛዙዋ እጾድና።
- 29 አ ኤንቱንቱ ሃላ ሱሳዉ ላሚደ፤  
ሞለቱዋ ዋዴዳ።
- 30 ኤንቱንቱ ቢታ ኡባ፤  
ካትያ ጎልያካ ሸዲ ኩሚዳ።
- 31 አ አዛዘና፣ ኡዲንጸን ቢኒ  
ኤንቱንቱ ቢታ ኡባ ቦላ ሻምእሻምኤዳ።
- 32 ኤንቱንቱ ቢታ ቦላን አራ ድራዉ  
ሻቻ ዋልቃንሳና ቡክሴዳ።
- 33 አ ኤንቱንቱ ዋይንያ ቱራን  
ባላሰያ ግያ ሞሳ ሾጩዳ፤  
ኤንቱንቱ ቢታን ደእያ ሞሳካ ክንቼራሴዳ።
- 34 አ አዛዘና፣ ቦሊን  
ፓይዲ ባይና ቡምቡረሳይ ከሴዳ።
- 35 ኤንቱንቱ ቢታን ዶሌዳ ካላ ኡባ ሚዳ፤  
ሳኣፕ አርጸባ ኡባካ ም ዳይሴዳ።
- 36 ጸሳይ ግብጼ አሳቱዋ ጎለ ባይራ ናናቱዋ ኡባ ዋዴዳ፤  
ኮይሮ የለቴዳ ኡባ ዳይሴዳ።
- 37 ሄዋፕ ጉይያን፣ አ እሰራኤልያ አሳ

---

105:14 ደመላ 20:3-7    105:16 ደመላ 41:53-57    105:17 ደመላ 37:28፤ 45:5    105:18 ደመላ 39:20—40:23    105:20 ደመላ 41:14    105:21 ደመላ 41:39-41    105:23 ደመላ 46:6፤ 47:11    105:24 ከሳ 1:7-14    105:26 ከሳ 3:1—4:17    105:28 ከሳ 10:21-23    105:29 ከሳ 7:17-21    105:30 ከሳ 8:1-6    105:31 ከሳ 8:16-17፣ 20-24    105:32 ከሳ 9:22-25    105:34 ከሳ 10:12-15    105:36 ከሳ 12:29



- ፆርቃነ ብራ አሌቁዋና ከሴዳ፤
- እንቱንቱ ግድገ ከንዲደ አቲዳዌ እንነ ባዋ።
- 38 ግብጾ አሳቱ አንቱንቶ ዳሮ ያዬዳ ድራዉ፤
- እንቱንቱ ከሴዳዋን ናሽቲድኖ።
- 39 ጸሳይ አንቱንታ ካማናዉ ሻርያ ሞጩዳ፤
- ቃማ እንቱንቶ ፖእሳናዉ ታማ ጊግሴዳ።
- 40 እንቱንቱ ሞያዋ ኦቶና፤
- እካ ማላትያ ካፎቱዋ እንቱንቶ የዴዳ፤
- እንቱንታ ሳሉዋ ቁማ ካልሴዳ።
- 41 እ ሹቻ ጳልቁና፤
- ሃሳይ ፑልቲዳ፤
- ሻፋዳን ባዙዋን ጎጤዳ።
- 42 እ ባረ ቆማ አብራሃማዉ፤
- ገሌዳ ጌሻ ቃላ ሀሳዬዳ።
- 43 እ ባረ አሳ ናሽቻን፤
- ባረ ዶሬዳዋንታ እልልሳን ከሴዳ።
- 44 እ እንቱንቶ ሀራ አሳቱዋ ቢታ እሜዳ፤
- እንቱንቱ ሀራቱ ዳቡሬዳ ጎሻ ላቲድኖ።
- 45 ሄዋ እ ኦፊዳዌ እንቱንቱ አ ዎጋ
- ናጋናዳናን እ ሀግያ ኦፋናዳና።

መድና ጎዳ ጋላትተ!

### 106

#### ጸሳይ ባረ አሳዉ በሰያ ኬካተሳ

- 1 መድና ጎዳ ጋላትተ!
- እ ኬካ ግድያ ድራዉነ፤
- አገና እ ሲቁ መድናዋ ግድያ ድራዉ፤
- መድና ጎዳ ጋላትተ።
- 2 መድና ጎዳይ ኦፊዳ ዋልቃማ ኦሱዋ ኦዳናዉ፤
- ዎይ እ ጋላታ ኡባ ቆንጭሳናዉ፤ ዳንዳይያዌ ኦኔ?
- 3 ፕርዳ ናግያዋንቱነ፤
- ኡባ ገደ ጽሎባ ኦልያዋንቱ አንጀቲዳዋንታ።
- 4 እቤት መድና ጎዳዉ፤ ኔን ነ አሳዉ ኬክያ ዎደ፤
- ታናካ ቆፓ፤
- እንቱንታ ኔን አሸያ ዎደ፤
- ታዉካ አላ።
- 5 ሄዌነ፤ ነ ዶሬዳ አሳዉ፤
- ሳእይ ሎእና፤ ታን በእናዳና፤
- ነ አሳ ናሽቻ ታንካ ናሽታናዳንነ
- ነዋንቱና አትገ ታንካ ጋላታናዳና።
- 6 ኑን ኑ አዎቱዋዳን ናጋራ ኦፊዳ፤
- ባይዘባነ ኢታባ ኦፊዳ።
- 7 ኑ አዎቱ ግብጾን ደእያ ዎደ፤
- ነ ማላልሰያ ኦሱዋ ቆፕበይክኖ።
- አገና ነ ሲቁዋ ዳሮተሳ እንቱንቱ ሀሳይበይክኖ፤
- ዞኑ አባ ላንቂያን ነ ቦላ ማካሌድኖ።
- 8 ግድገካ እ ባረ ሱንሳ ድራዉ፤
- ባረ ዋልቃማ ዋልቃ ኤርሳናዉ እንቱንታ አሾዳ።

---

105:37 ከሳ 12:33-36    105:39 ከሳ 13:21-22    105:40 ከሳ 17:1-7፤ ገይ. 20:2-13    105:44 ኢያሳ 11:16-23    106:1 1 ኦዳዋ 16:34፤ 2 ኦዳዋ 5:13፤ 7:3፤ እዘራ 3:11፤ ማዘ. 100:5፤ 107:1፤ 118:1፤ 136:1፤ ኤር. 33:11    106:7 ከሳ 14:10-12

- 9 እ ዞኑ እባ እዛዝና፥ እባይ መሌዳ፤  
ባዙዋን ካለሌያዋዳን፥  
ጨማ ግዳዋና ኡንቱንታ ካለሌዳ ፕንፌዳ።
- 10 እ ኡንቱንታ እጽያዋንቱ ኩሽያፕ እሼዳ፤  
ሞርከቱዋ ኩሽያፕ ኡንቱንታ ዋዜዳ።
- 11 ኡንቱንቱ ሞርከቱዋ ሃላይ ምቴዳ፤  
ኡንቱንቱፕ እቲ፤ እትቤና።
- 12 ሄ ዋደ እሰራኤላቱ እ ቃላ እማኔድና፤  
እ ሳቤድና።
- 13 ግደፕን፥ ኡንቱንቱ እ ኦሌዳዋ  
ኤለካ ድጌድና።
- እ ዘርያ ናገናን ባረንቱ ኮዬዳዋ ኦሌድና።
- 14 ባዙዋን ደኢድ፥ ኡንቱንቱ  
ዳሮፕ እሞቴድና፤  
ቃይ መላ ቢታን ጸሳ ፓጩድና።
- 15 ሄዋዳን እ ኡንቱንቱ ዋሴዳዋ እሜዳ፤  
ሽን ኡንቱንቱ ሸምፖ ግልቃተላ ቢቴዳ።
- 16 አሳቱ ባዙዋን ባረንቱ ዲንካንያን ደኢድ፥  
ሙሳነ መድና ጎዳጃ ዲማቴዳ፥  
ቆማ አርና ቃናቴዳ ዋደ፥
- 17 ቢታይ ደዋቴዳ ዳታና ሞቴዳ፤  
እቤርና እ ጎልያ አሳቱዋና ሞጌዳ።
- 18 ቃይ ኡንቱንቱ ማባራ ግደን ታማይ ኤጽና፥  
ላጩ ሄ ኢታ አሳቱዋ ጹጌዳ።
- 19 ኮራባ ደርያን ደኢድ፥  
ዋርቃ ሙሽሲደ ማራ ምሰልያ መዴድና፤  
ሄ ምሰልያጃ ጎይኔድና።
- 20 ኡንቱንቱ ባረንቱ ቦንቾ ጸሳ  
ማታ ምያ ማዛ ምሰልያን ላሜድና።
- 21 ኡንቱንቱ ባረና እሼዳ ጸሳ ደጌድና፤  
እ ግብጹን ዋልቃማ ኡሱዋ፥
- 22 ካመ ቢታን ማላልሰያባነ፥  
ዞኑ አባን፥ “ሆላ!” ጊሰያባ ኦሌዳ።
- 23 ሄዋ ድራጃ፥ ጸሳይ ኡንቱንታ ቆይሳና ጌዳ፤  
ሽን ቆይሰና ማላ፥ እ ሀንቁዋ ዛራናጃ፥  
ጸሳይ ደራዳ ሙሴ ግዳዋን ኤቄዳ።
- 24 ሄዋፕ ጉይያን፥ ኡንቱንቱ  
እ ቃላ እማነና ድራጃ፥  
ሄ ሎኦ ቢታ ካዴድና።
- 25 ኡንቱንቱ ባረንቱ ዲንካንያ ግደን  
ዘዙሜድናን  
መድና ጎዳ ቃላጃ እዛዘትባይክና።
- 26 ሄዋ ድራጃ፥ እ ኡንቱንታ ባዙዋን አጋናዋ፥  
ባረ ኩሽያ ደንሌዳ ጫቄዳ።
- 27 ኡንቱንቱ ዘረላ ካጣተላቱዋ ግደን አጋናጃን  
ቢታን ኡንቱንታ ላላናጃ ጫቄዳ።
- 28 ሄዋፕ ጉይያን፥ ኡንቱንቱ ፓኦራን ደእያ ባኣላ ኤቃጃ፥  
ጎይንያጃንቱና አትፕ ጋከቴድና፤  
ሸምፕ ባይና ኤቃቶ ያርሸቴዳ ያርሹዋ ሜድና።
- 29 ኡንቱንቱ ባረንቱ ኡሱዋን መድና ጎዳ ሀንቁሴድና፤  
ኡንቱንቱ ግደን ኢታ ሀርጊ ዋዴዳ።
- 30 ሸን ፒንሃሰ ደንዲደ፥

- ኢንቱንቱ ባይዘዋ ፕርድና፤
- ኢታ ሀርጊ ኢንቱንቱ ቦላፕ ክቼዳ።
- 31 ሄዌነ፣ የለታፕ የለታ ጋካናወ፤  
መድናዉ አዉ ጽሎተላ ግዲደ ፓይደቲዳ።
- 32 ማሪባ ፑልቱዋ ማታን መድና ጎዳ ሀንቀሴድኖ፤  
ኢንቱንቱ ጋሱዋን ሙሴ ቦላ መቱ ጋኬዳ።
- 33 ኢያዉ ጎፕ፣ ኢንቱንቱ እ ሀንቀሴድኖ፤  
ሙሴ ዶናፕ በሰና ቃላይ ከሴዳ።
- 34 መድና ጎዳይ ቆይሰተ ጊና፤  
ኢንቱንቱ ካናነ አሳቱዋ ቆይሰበይክኖ።
- 35 ሄዋፕካ፣ ኢንቱንቱ ሄ አሳቱዋና  
ገለት አከቲደ፣ ዋላከቲድኖነ፤  
ኢንቱንቱ ደኡዋ ዋጋ ካሌድኖ።
- 36 ጸሳ አሳቱ ኢንቱንቱ ኤቃዉ ጎይኔድኖ፤  
ሄዌነ፣ ኢንቱንቶ ጸረ ግዳዳ።
- 37 ኢንቱንቱ ባረንቱ አቱማነ ማጫ ናናቱዋ  
ጸላሄቶ ያርሼድኖ።
- 38 ኢንቱንቱ፣ ጽሎ ሱላ  
ካናነ ኤቃቶ ያርሸድኖ፤  
ባረንቱ አቱማነ ማጫ ናናቱዋ ሱላ ጉሰድኖ፤  
ሄ ሱላን ቢታይ ቱኔዳ።
- 39 ሄዋዳን ኢንቱንቱ ባረንቱ ኦሱዋን ቱኔድኖነ፤  
ሻርሙጸዳን ኢንቱንቱ ባረንቱ ጸሳዉ አማነተናን እጸድኖ።
- 40 ሄዋ ድራዉ፣ መድና ጎዳ ሀንቁ፤  
እ አሳ ቦላ ኤጽ ከሴዳ፤
- እ ባረዋንታ ሸነቲዳ።
- 41 እ ኢንቱንታ ሀራ ጋድያ አሳቱዋ ኩሸያን አሏደ እማዳ፤  
ኢንቱንቱ እጸዳዋንቱ ኢንቱንታ ሞዴድኖ።
- 42 ኢንቱንቱ ሞርከቱ ኢንቱንታ ናቄድኖነ  
ባረንቱ ሸንያዳን አይሴድኖ።
- 43 እ ኢንቱንታ ዳር ገደ አሼዳ፤  
ሸን ኢንቱንቱ ማካላዉ ደንጭ ደንዴድኖ፤  
ባረንቱ ናጋራ ጋሱዋን ቆይድኖ።
- 44 ግደፕነ፣ እ ኢንቱንቱ ዋሴዳ ዋሱዋ ሰሲደ፤  
ኢንቱንቱ ዋይያ ቆፔዳ።
- 45 እ ኢንቱንቱ ድራዉ፣ ባረ ጫቁዋ ሀሳዬዳ፤  
አገና ባረ ሰቁዋ ዳሩዋዳን ኢንቱንታ ማሬዳ።
- 46 ኢንቱንታ ኦዋዴዳ ኡባይ ኢንቱንቶ ቃረታናዳን ኦሌዳ።
- 47 አሴቲ መድና ጎዳዉ፣ ኑ ጸሳዉ፣ ኑና አሻ።  
ኑን ነ ጌሻ ሱንላ ጋላታናዳንነ  
ነ ቦንቹዋን ጨቀታናዳን፤  
ካዉተላቱዋ ግደፕ ኑና ሸሻ።
- 48 መድና ጎዳይ፣ አሰራኤልያ ጸሳይ  
መድናፕ መድና ጋካናዉ ጋላተቶ!  
አሳይ ኡባይ፣ “አመንአ!” ጎ።

መድና ጎዳ ጋላተተ!

**አቼሸንላ ማጻፋ**

(107—150)

መቼዋ ኡባጥ እሸያ ጸሳ ጋላትተ

- 1 መድና ጎዳ ጋላትተ! እያዉ ጎጥ፡  
እ ኪካ፤ አገና ኦ ሲቆ መድናሳ።
- 2 መድና ጎዳይ እሼዳዋንቱ፡  
ዋርከቱዋ ኩሸያጥ ዎኬዳዋንቱ፡  
ሄዋዳን ጊደ ሃሳይና።
- 3 ኡንቱንታ እ ቢታቱዋጥ፡  
እዋይ ዶልያሳጥነ ዉልያሳጥ፡  
ሁጺሳነ ገድሳ ባጋጥ  
ሺሼዳዋንታ።
- 4 ኡንቱንቱጥ እቱ እቱ ባዙዋ ቢታን ዩዬድና።  
ባረንቱ ደእያ ካታማ ብያ ኦግያ፡  
ደማናዉ ዳንዳይበይክና።
- 5 ኡንቱንቱ ኮሻቲድናን ሳመቲድና፤  
ኡንቱንቱ ይባቲድና።
- 6 ኡንቱንቱ መቶቲዳ ዎደ፡  
መድና ጎዳዉ ዋሴድና፤
- እ ኡንቱንታ ኡንቱንቱ ዋይያጥ እሼዳ።
- 7 ኡንቱንቱ ደእና ካታማ ጋካናዉ፡  
እ ኡንቱንታ ሰታ ኦግያና ካለሌዳ።
- 8 አገና ኦ ሲቆነ፡  
እ አሳዉ ኦሌዳ ማላልሰያባዉ፡  
ኡንቱንቱ መድና ጎዳ ጋላትና።
- 9 እያዉ ጎጥ፡ እ ሳመቲዳዋንታ ኦሌ፤  
ኮሻቲዳዋንታካ ሎኦባ ካልሴ።
- 10 ኡንቱንቱጥ እቱ እቱ  
ድጵ ጎ ጱማ ግደን ኡቲድና፤  
ኡንቱንቱ ብራታ ሳንሳላታን ዋየቲድና።
- 11 እያዉ ጎጥ፡ ኡንቱንቱ ጸሳ ቃላዉ ማካሌድናን፡  
ኡባጥ ጶቁያ ጸሳ ዘርያ ካጴድና።
- 12 እ ኡንቱንታ ቱጋ ኦሱዋን ዳቡርሴዳ፤  
ኡንቱንቱ ኩንዴድና፤  
ሸን ኡንቱንታ ማድያዎ ጳዬዳ።
- 13 ኡንቱንቱ መቶቲዳ ዎደ፡ መድና ጎዳዉ ዋሴድና፤  
እ ኡንቱንታ ኡንቱንቱ ዋይያጥ እሼዳ።
- 14 ባረቶ ጱማጥካ ከሴዳ፤  
ኡንቱንቱ ቃሸቲዳ ብራታ ሳንሳላታካ ዱሌዳ።
- 15 አገና ኦ ሲቆነ  
እ አሳዉ ኦሌዳ ማላልሰያዎ  
ኡንቱንቱ መድና ጎዳ ጋላትና።
- 16 እያዉ ጎጥ፡ እ ናሃሰያጥ ኦሰቲዳ ጥንግያ መንሌዳ፤  
ብራታ ኩልቡዋካ ጱኬዳ።
- 17 ኡንቱንቱጥ እቱ እቱ ቦዛ ግዴድና፤  
ባረንቱ ኦሌዳ ናጋራ ጋሱዋንነ፡  
ባረንቱ ኢታተላ ጋሱዋን ቱጋቲድና።
- 18 ኡንቱንቱ ቁማ ኡባ ሸነቲደ፡  
ሀይቆ ማቴድና።
- 19 ኡንቱንቱ መቶቲዳ ዎደ፡ መድና ጎዳዉ ዋሴድና፤  
እ ኡንቱንታ ኡንቱንቱ ዋይያጥ እሼዳ።
- 20 እ ባረ ቃላ ኪቲደ፡ ኡንቱንታ ገሌዳ፤  
ዱፋዋን ገልያዋጥ እሼዳ።
- 21 አገና ኦ ሲቆነ

እ አሳዉ ኦሴዳ ማላልሰያዎ

ኡንቱንቱ መድና ጎዳ ጋላትኖ።

22 ኡንቱንቱ እዉ ጋላታ ያርሹዎ ያርሸኖ፤

ቃይ ናሽቻ የሳን እ ኦሴዳዎ ኦድኖ።

23 ኡንቱንቱፕ እቱ እቱ።

ማርካብያን ዎልቃማ አባ ቦላን ቤድኖ።

ኡንቱንቱ ሄ ዎልቃማ አባ ቦላ ባረንቱ ኦሱዎ ኦልያዎንታ።

24 ኡንቱንቱ መድና ጎዳ ኦሱዎ።

እ ጨማ ጋርሳን ኦሴዳ ማላልሰያባ በኤድኖ።

25 እ አዛዚደ፣ ጎትያ ደንሴዳ፤

አባ ሆቢ ቃዴዳ።

26 ኡንቱንቱ ፑደ ሳሉዎ ጨጉደቲድኖ፤

ሄዎፕ ዲገ ጨማ ዎዴድኖ።

ሄ ኢታ መቱ ጋክና፣ ኡንቱንቱ ዎዛናይ ቶዩ ጌዳ።

27 ኡንቱንቱ ማላቲዳ አሳዳን

ቆብቲደ ጋንድጋሬድኖ፤

ኡንቱንቱ ኤራይካ ጀሌዳ።

28 ኡንቱንቱ መቶቲዳ ዎደ፣ መድና ጎደዉ ዎሴድኖ፤

እ ኡንቱንታ ኡንቱንቱ ዎይያፕ አሼዳ።

29 እ ጎትያ ጮኡ ኦሴዳ፤

አባ ቤታካ ሰርጽ ኦሴዳ።

30 ጮኡ ጌዳ ድራዉ።

ኡንቱንቱ ናሽቲድኖ፤

ጸሳይ ኡንቱንታ ኡንቱንቱ አሞቲዳ ካታማ አሄዳ።

31 አገና እ ሲቆን

እ አሳዉ ኦሴዳ ማላልሰያባዉ

ኡንቱንቱ መድና ጎዳ ጋላትኖ።

32 ኡንቱንቱ እ አሳቱዎ ሸቁዎን ቆቁ ቆቁ ኦልኖ፤

ቃይ ጭማቱዎ ሸቁዎን እ ጋላትኖ።

33 ጸሳይ ሻፋቱዎ መልሴዳ፤

ፑልቶቲካ ጎገናዳን ተኤዳ።

34 ሄዎን ደእያ አሳቱዎ ኢታተላ ድራዉ።

ሞክያ አራዳ ቢታካ።

ሞክና መላ ቢታዉ ላሜዳ።

35 እ ዛሪደ መላ ባዙዎን ሃሳይ ኤላናዳን፣

ቃይ መላ ቢታን ፑልቲ ቆቃናዳን ኦሴዳ።

36 ኮሸቲዳዎንታ ሄ ሳኣን ዎሴዳ፤

ኡንቱንቱ ባረንቶ ደእያ ካታማ ኮዴድኖ።

37 ኡንቱንቱ ባረንቱ ጎሻን ዘሪደ፣

ዎይንያ ቶኪደ፣

ዳሮ ሙሩታ ሸሼድኖ።

38 እ ኡንቱንታ አንጅና፣ ኡንቱንቱ ሎይሰ ጮራቲድኖ፤

ኡንቱንቱ መሀያካ ጉሰቤና።

39 አሳቱ ጸንትያ ዎደን ኡንቱንቱ ኡቁና፣

መቱዎን ካዩዎ ጋሱዎን ካዉሸያ ዎደ፣

40 ጸሳይ ካፖቱዎ ካዴዳዎ በሲ፤

ኦጊ ባይና ባዙዎን ቶይላካታናዳን እ ኡንቱንታ ኦሴ።

41 ሸን እ ሀዬሳቱዎ ቱጋፕ ከሲደ፣

ኡንቱንቱ ጎለ አሳ ዶርሳ ዉድያዳን ጮራዬ።

42 ሱረ አሳቱ እ ኦልያዎ በኢደ ናሽቲኖ፤

ሸን ኢታ አሳቱ ኡባይ ጮኡ ጌኖ።

43 አዴዳ ኤራንቻ ግድያዌ ሀ የዉዎ ቆፖ፤

መድና ጎዳ አገና ሲቁዎ አኪኮ።

# 108

ዋንታ ሳባን ጋላታ

ዳዊታ ማዘሙርያ፥ የላ

- 1 እቤት ጸሳው፥ ታ ዋዛናይ ሞኒደ ደኤ።  
ታን ነዉ ታ ኩመንሳ ዋዛናፕ የጻና ነና ሳባና።
- 2 ዲላዉን ማሰንቆ ቤንትተ!  
ታንካ ዋንታ ጉራና ቤንታና።
- 3 እቤት መድና ጎዳው፥ ታን ነና እሳ ግደን ጋላታና፤  
ቃይ ካዉተላ ግደን ነና ሳባና።
- 4 እያዉ ጎፕ፥ አገና ነ ሲቁ ዋልቃማ፤  
ሳሉዋፕ ቦላዉ አዴ።
- ነ ቱማተላይካ ቦላ ሻርያዳን ቶቁ።
- 5 እቤት ጸሳው፥ ሳሎቱዋፕ ቦላና  
ቶቁ ቶቁ ጋ!
- ነ ቦንቹ ሳኦ ኡባ ቦላ ግደ።
- 6 ኔን ሲቅያዋንቱ አታና ማላ፥  
ነ ኡሽቻ ኩሽያን ኑና አሻ፤  
ኔን ታዉ አላ።
- 7 ጸሳይ ባረ ጌሻ ሳኦን ሀዋዳን ያጌዳ፤  
“ታን ጸናደ ሰኩማ ቢታ ሻካና፤  
ቃይ ሱኮታ ዛንጋራ ግሻና።
- 8 ጋላኦደ ታዋ፤ ሞናሰካ ታሳ፤  
ኤፍሬም ታ ሁጲያ አሽያ ቆብያ፤  
ይሁዳይ ታ ካዉተላ ጸምኦ።
- 9 ሞአበ ታን ሜጨትያ ኩይጸሩዋ፤  
ኤደም ታዋ ግድያዋ ኤርሳናዉ  
ታ ጫማ አ ቦላ ዋሳይ።  
ታን ፕልሰጾማ ጸናደ ገሬራይ” ያጌዳ።
- 10 ግምቡዳ ካታማኮ፥ ታና ኦኔ አፋናዊ?  
ኤደማ ጋካናዉ ታና ኦኔ ካለላናዊ?
- 11 እቤት ጸሳው፥ ኑና አኔዳዊ ኔና ግድኪ?  
እቤት ጸሳው፥ ኔን ኑ ቶራንቻቱዋና ኦላዉ ከሳካ።
- 12 አሳ ማዳ ፓ□ና ድራዉ፥  
ሞርክያና ኦለታናዉ ኔን ኑና ማዳ።
- 13 ጸሳ ዋልቃን ኑን ኑ ሞርከቱዋ ጸናና፤  
ኑ ሞርከቱዋ የፋናዊ አ።

# 109

ሞርክያ ቦላ ሺቆ ዋሳ

ዛማረቱዋ ካፖ የጸቲዳ፥ ዳውት ጸፌዳ ማዘሙርያ

- 1 እቤት ታን ጋላትያ ጸሳው፥  
ኔን ታዉ ጮኤ ጎፓ።
- 2 እያዉ ጎፕ፥ ኢታ ዋርዳንቻ አሳቱ፥  
ባረንቱ ዶና ታ ቦላ ዶዬድኖ፤  
ኡንቱንቱ ዋርዶ እንጸርሳን ታ ቦላ ሃሳዪኖ።
- 3 ኡንቱንቱ አጸ ቃላና ታና ዶዲኖ፤  
ጋሱ ባይናን ታናና ኦለቲኖ።
- 4 ታን ኡንቱንታ ሲቃይን ኡንቱንቶ ዋሳይ፤  
ግደፕካ፥ ኡንቱንቱ ታና ሞቲኖ።
- 5 ታን ሎኤዋ አሰና፥  
ኡንቱንቱ ታዉ ኢታ ዛሪኖ፤  
ታን ኡንቱንታ ሲቅና፥ ኡንቱንቱ ታና እጲኖ።

- 6 ታ ሞርክያ ቦላ ኢታ ዳና ሱንላ፤  
ሞታንቻይ እ ኡሸቻን ኤቆ።
- 7 እ ብድያ ዎድ፣ እ ባይዛንቻ ግዲደ ቤቶ፤  
እ ዋሳይካ አዉ ሰሚደ ጎሙቶ!
- 8 እ ላይላይ ቃሞ፤  
እ ሱንላተላካ ሀራይ እኮ!
- 9 እ ናናቱ አዉዎ ጳዬደ ዪእኖ፤  
እ ማቻታ አምኤ ግዴ!
- 10 እ ናናቱ ዩይ ዩዩደ ዎሰኖ፤  
ባረንቱ ደእያ ኦናፐካ የደርሰትኖ!
- 11 እ ማጺዎ ኡባ አጮ ኦይቆ፤  
እ ዳቡራደ ከሴዳባ ኡባ አላጋይ ቦንቆ!
- 12 እንነ አዉ ከካባ አላፖ፣  
ዎይ አዉዎ ጳዬዳ እ ናናቶ ቃረቶፖ!
- 13 እ ናናቱ ኡባይ ዉር ጳይኖ፤  
ካልያ የለታን እ ሱንላይ ደገቶ።
- 14 እ አዎቱዎ ናጋራይ መድና ጎዳ ሰንላን ቆፈቶ፤  
እ አት ናጋራይ ኡባካ ቁጨቶፖ!
- 15 ሄ ናጋራይ ኡባ ገደ መድና ጎዳ ሰንላን ቤቶ፤  
ኡንቱንታ ሀሳይሰያዌ ሳኦፐ ጶቆለት ክቾ!
- 16 አያዉ ጎፐ፣ እ  
ኮካባ አላናዉ ኡባካ ቆፕቤና፤  
ሀዬሳቱዎ፣ መቶታንቻቱዎን  
ዎዛናይ ማዲጾዳዎንታ የደርሲደ ዎጴዳ።
- 17 እ ሸቃናዉ ደሴዳ ድራዉ፣  
እካ ሸቀቲዳዎ ግደ!  
እ አንጃናዉ ደሰና ድራዉ፣  
እንጂ አፐ ሃኮ!
- 18 እ ሸቀደ ሳለና፤  
እ ሸቃይ ሃላዳን አ ቦላ ካሶ!  
ዛይትያዳን እ መቀላን ገሎ!
- 19 አፍላዳን አ ካሞ፤  
ሳቀያዳን ኡባ ገደ እ ጾሳን ደኦ!
- 20 ሀዌ ታና ሞትያዎንቶን  
ታና ኢታን ዝግርያዎንቶ፣  
መድና ጎዳይ አምያ ዎይቱዎ ግደ!
- 21 ሸን አቤት ኡባ ሞድያ መድና ጎዳዉ፣  
ነ ሱንላ ድራዉ፣ ታና ማዳ።  
አገና ነ ሲቁዎን  
ነ ከንተላ ድራዉ፣ ታና አሻ።
- 22 አያዉ ጎፐ፣ ታን  
ሀዬሳን መቶታንቻ አሳ፤  
ታ ዎዛናይካ ማዲንጾዳ።
- 23 ታን ኦማርሳ ኩዎዳን ጳያና ሀናይ፤  
ታን ቦልያዳን ቆቆፈታይ።
- 24 ጸሞሽን ታ ጉልባታይ አጾዳ፤  
ታ ቦላይካ ላፌ።
- 25 ታና ሞትያዎንቶ ቅለጭያዎ ግዲድ፤  
ኡንቱንቱ ታና በኢደ፣ ባረንቱ ሁጲያ ቃሊኖ።
- 26 አቤት መድና ጎዳዉ ታ ጸሳዉ፣ ታና ማዳ፤  
አገና ነ ሲቁዎዳን ታና አሻ።
- 27 አቤት መድና ጎዳዉ፣ ሄዌ  
ነ ኩሽያ ግዴዳዎን

ሄዋ ኔን ኦሴዳዋ ታ ሞርከቱ ኤርና።  
 28 ኡንቱንቱ ታና ሸቆጥ፤  
 ኔን ታና ኣንጃ!  
 ታ ቦላ ደንድያዋንቱ ዬላትና፤  
 ሸን ታና ነ ቆማ ናሸቻ።  
 29 ታና ሞትያዋንቱ ካወሻ ማይና፤  
 ባረንቱ ዬላካ ኩታዳን ቁማይና።  
 30 ታን ታ ኣንጻርሳን መድና ጎዳ ዳርጥ ጋላታና፤  
 ዳር ኣሳይ ሸቆዳሳን ኣ ጋላታና።  
 31 ኣያዉ ጎጥ፣ ኣ ህዬሳ ድራዉ ሞተቲ፤  
 ሀይቆ ፕርድያ ኣሳጥካ ኣ ኣሺ።

### 110

ጸሳይ ዶሬዳ ካትያ ዳውት ጸፊዳ ማዘሙርያ  
 1 መድና ጎዳይ ታ ጎዳ፤  
 “ታን ነ ሞርከቱዋ ኔን ገድያን  
 የቶ ኤቂያዋ ኦላና ጋካናዉ።  
 ሀዋን ታጥ ኡሸቻ ባጋና ኡታ” ያጌዳ።  
 2 መድና ጎዳይ ነ ሞኖተላ ጸምኣ ጽዮነጥ ኪታና፤  
 ያትና፣ “ኅ ሞርከቱዋ ሞዳ!” ያጋና።  
 3 ኔን ነ ሞርከቱዋና ኦላትያ ጋላሰ፤  
 ነ ኣሳይ ኤኖ ጋና።  
 ዋንታ ጉራ ከተርሳዳን፤  
 ነ ዋዳላ ኣሳይ ኔኮ ጌሻ ደረቱዋን ሺቃና።  
 4 መድና ጎዳይ፣ “ማልካ ጸደቅ ቄሰያ ግዴዳዋዳን፤  
 ኔንካ መድናዉ ቄሰያ ግዳና” ያጌደ ጫቁዳ፤  
 ኣ ባረ ቆፋ ላመና።  
 5 ጎዳይ ነ ኡሸቻን ደኤ፤  
 ባረ ሀንቁዋ ጋላሰ ኣ ካተቱዋ ክንቼሬላና።  
 6 ካዉተላ ቦላ ኣ ፕርዳና፤  
 ኦላ ደምባቱዋካ ኣሃ ጸላላ ኦላና፤  
 ሳኣን ኡባን ደኣያ ካተቱዋ ኣ መንግራላና።  
 7 ካቲ ኦግያ ማታን ደኣያ ሃላ ፑልቱዋጥ ኡሺደ፤  
 ኣ ባረ ሁጲያ ቶቁ ኦላና።

### 111

ጸሳዉ ሸቅያ ጋላታ

1 መድና ጎዳ ጋላትተ! ሱረቱ ሸቅያ ሸቁዋን፤  
 ታን ታ ፖሎ ዋዛናጥ መድና ጎዳ ጋላታና።  
 2 መድና ጎዳ ኦሶቱ ኣይ ኬሻ ግቲ!  
 ኡንቱንቱን ናሸትያዋንቱ ኡባይ ኡንቱንታ ቆጋናዉ በሴ።  
 3 ኣ ኦሶቱ ቦንቹዋን፤  
 ኣንጋን ኩማዳዋንታ።  
 ኣ ጽሎተላይካ መድናዉ ደኤ።  
 4 ኣ ባረ ማላልሰያ ኦሶቱ፤  
 ሀሳዩታናዳን ኦሴዳ።  
 መድና ጎዳይ ቃረትያዋን ማርያዋ።  
 5 ባረዉ ያይያዋንቶ ቁማ ኣ ኣሜ፤  
 ኣ ባረ ጫቁዋ መድናዉካ ቆጥ።  
 6 ኣላጋቱዋ ቢታ ኣምያዋን

110:1 ማተሳ 22:44፤ ማር. 12:36፤ ሉቃሳ 20:42-43፤ ኪታ 2:34-35፤ 1 ቆር. 15:25፤ ኤፈ. 1:20-22፤ ቆል. 3:1፤ ኦብራ. 1:13፤ 8:1፤ 10:12-13 110:4 ኦብራ. 5:6፤ 6:20፤ 7:17፤ 21



እ ባረ ኦሱዋ ዋልቃ ባረ አሳ በሴዳ።  
 7 እ ኩሽያ ኦሱቱ ቱማነ ልከ፤  
 እ ዋጋቱካ ኡባይ አማነትያዋንታ።  
 8 ኡንቱንቱነ መቋ መቋናዉ ኤቂደ ደእያዋንታ፤  
 ቱማተላንነ ሱረተላን አመቱዳዋንታ።  
 9 እ ባረ አሳ ዋዚደ ከሴዳ፤  
 እ ባረ ጫቆዋ ኡንቱንቱና መቋናዉ ዋሴዳ።  
 እ ሱንላይ ጌሻነ፣ “ሆላ!” ገሲያዋ።  
 10 ኤራተላዉ ኮይሩ መቋና ጎዳዉ ያይያዋ፤  
 እ ዋጋ ኦሳያዋንቶ ሎኦ አከካይ ደኤ።  
 ጸሳይ መቋናዉ ጋላተቶ!

### 112

ሎኦ አሳ ናሽቻ

1 መቋና ጎዳ ጋላትተ! መቋና ጎዳዉ ያይያነ፣  
 እ አዛዙዋ ፖላናዉ ዳርፕ ናሽትያ አሳይ፣  
 እንጀቴዳዋ።  
 2 እ ናናቱ ቢታን ዋልቃማ ግዳና፤  
 ሱረ አሳቱዋ የለታይ እንጀታና።  
 3 ሻሉነ ዱረተላይ እ ጎልያን ደኤ፤  
 እ ጽሎተላይካ መቋናዉ ደአና።  
 4 ሱረ አሳዉ፣  
 ከካ፣ ጽሎነ ቃረትያ አሳቶ፣  
 ጱማ ግድን ፖኡ ፖኤ።  
 5 ከካተላን ጮ ታልእያ ኡራዉ፣  
 ባረ ኦሱዋ ሱረተላን ኦሳያ ኡራዉ፣  
 ከካባይ ያና።  
 6 ጽሎ አሳይ አዉደነ ኩንደና፤  
 መቋናዉ እ ሀሳየታና።  
 7 ኢታባ እ ሰሰፕካ ዳጋመና፤  
 እያዉ ጎፕ፣ እ ዋዛናይ ቃጸና፤  
 መቋና ጎዳን እ አማነቱ።  
 8 እ ዋዛናይ ጸላ ግድያ ድራዉ፣  
 ኡባካ እ ያየና፤  
 ዉርሰላን ባረ ሞርከቱ ጸነትና በአና።  
 9 እ ሀዬሳ አሳዉ ዳርሲደ እሜዳ፤  
 ቃይ እ ጽሎተላይ መቋናዉ ደኤ፤  
 እ ካጪ ቦንቹዋን ቶቁ ጌ።  
 10 ኢታ አሳይ ሄዋ በኢደ ይሎቴ፤  
 እቻ ጋርጪደ፣ ጮ ጳዬ።  
 ኢታ አሳ አሙ ጮ አታናዋ።

### 113

ጸሳ ከካተላ ቆንጭሰያ ጋላታ

1 መቋና ጎዳ ጋላትተ! ህንተኖ መቋና ጎዳ ቆማቶ፣  
 መቋና ጎዳ ሱንላ ጋላትተ!  
 2 መቋና ጎዳ ሱንላይ ሀቼፕ መቋና ጋካናዉ ጋላተቶ!  
 3 አዋይ ዶልያሳፕ ቢደ  
 ዉልያሳ ጋካናዉካ መቋና ጎዳ ሱንላይ ጋላተቶ!  
 4 መቋና ጎዳይ ካዉተላ ኡባፕ ቦላና ሞድያዋ፤

- እ ቦንቸካ ሳሎቱዋፕ ጾቂያዋ።
- 5 መድና ጎዳ ኑ ጸሳ ማል ኦኔ? እ ቦላ ጾቃን ካዉተላ አራታን ኡቴዳ።
- 6 እ ሳሎቱዋን ሳኦ ጸላናዉ ዲገ ሆኪ።
- 7 እ ሀይሳ ሳናፕ ጾቁ ኦሌ፤ መቶታንቻካ ብድንላ ፕቴዋፕ ደንሌ።
- 8 ባረ አሳ ሞድያዋንቱና ኡትሴ።
- 9 ማይን ሞሽራቶ ናናቱዋ አቶ ኦሌደ፣ ናሸቺደ እ ጎልያን እዘ ቦንቸሴ። መድና ጎዳ ጋላትተ!

# 114

## ፓሰጋ ማዘሙርያ

- 1 እሰራኤልያ አሳይ ግብጾ ቢታፕ ከሴዳ ዎደ፣ ያቆባ ጎልያ አሳይ፣ አላጋ ቃላን ሃሳይያ አሳ የጊደ ቤዳ ዎደ፣
- 2 ይሁዳ አሳይ ጎዳዉ ጌሻ አሳ ግዴዳ፤ እሰራኤልያ አሳይካ አዉ ሞደቴድና።
- 3 ዞኦ አሳይ ሄዋ በኢደ ባቃቴዳ፤ ዮርዳኖሳ ሻፋይካ ጉየ ሰማዲ።
- 4 ደረቱ ዳሻቱዋዳን ቡራቁድኖ፤ ዘዘቱካ ደርሳ ማራዳን ጉፈረቴድና።
- 5 አባዉ፣ ኔና ባቃትሴዳዌ አዬ? ዮርዳኖሳ ሻፋዉ፣ አያዉ ጉየ ሰማዲ?
- 6 ሀንተኖ ደረቶ፣ ዳሻቱዋዳን አያዉ ቡራቁድቴ? ሀንተኖ ዘዛቶ፣ ደርሳ ማራዳን፣ አያዉ ጉፈረቴድቴ?
- 7 ኔኖ ቢታዉ፣ ጎዳ ሰንላን፣ ያቆባ ጸሳ ሰንላን ኮኮራ።
- 8 እ ሹቻ ዜራቶ ሃላ ከሴዳዋ፤ ዛላ፣ ሃላ ፑልቱዋ አሌዳዋ።

# 115

## እት ቱሙ ጸሳ

- 1 አቤት መድና ጎዳዉ፣ ኑ ግሻ ግደና፤ ኑ ግሻ ግደናን፣ አገና ነ ሲቆዉነ ነ ቱማተላ ድራዉ፣ ነ ሱንላ ቦንቻ።
- 2 ካዉተላቱ አያዉ፣ “ኡንቱንቱ ጸሳይ ሀቃን ደኢ?” ጊኖ?
- 3 ኑ ጸሳይ ሳሎዋና፤ እ ባረ ደሴዳዋ አይ ግደፕካ ኦሌ።
- 4 ሸን ኡንቱንቱ ኤቃቱ ብራነ ዎርቃ፤ ኡንቱንቱ አሳ ኩሸያን መጠቱዳዋንታ።
- 5 ኡንቱንቶ ደናይ ደኤ፤ ሸን ሃሳይክኖ፤ አይፊ ደኤ፤ ሸን ጸልክኖ።
- 6 ኡንቱንቶ ሀይላይ ደኤ፤ ሸን ሰሰክኖ፤ ሲጳ ደኤ፤ ሸን ሰንግክኖ።
- 7 ኡንቱንቶ ኩሺ ደኤ፤ ሸን ኦይቂ ኤርክኖ፤

- ገዲካ ደኤ፤ ሸን ሀመትክኖ፤
- ኤንቱንቱ ባረንቱ ፕላንቲያና ኮሻ ሰሰክኖ።
- 8 ኤንቱንታ መድያዋንቱ፤
- ኤንቱንቱን አማነትያዋንቱ ኡባይ ኤንቱንቱ ማላ ግድኖ።
- 9 ሀንተኖ፣ አሰራኤልያ አሳቶ፣
- መድና ጎዳን አማነትተ!
- እ ሀንተና ማድያዋን ሀንተ ጎንዳልያ።
- 10 ሀንተኖ፣ አሮና ጎልያ አሳቶ፣
- መድና ጎዳን አማነትተ!
- እ ሀንተና ማድያዋን ሀንተ ጎንዳልያ።
- 11 ሀንተኖ፣ መድና ጎዳዉ ያይያዋንቶ፣
- መድና ጎዳን አማነትተ!
- እ ሀንተና ማድያዋን ሀንተ ጎንዳልያ።
- 12 መድና ጎዳይ ኑና ቆፔ፤ እ ኑና አንጃና።
- እ አሰራኤልያ አሳቱዋ አንጃና።
- እ አሮና ጎልያ አሳቱዋ አንጃና።
- 13 መድና ጎዳዉ ያይያዋንታ፣
- ጉላቱዋካ ግታቱዋካ እ ጋላ አንጃና።
- 14 መድና ጎዳይ ሀንተናካ ሀንተ ናናቱዋካ ዳርሶ!
- 15 ሳሉዋን ሳእ መዴዳ መድና ጎዳን አንጀትተ!
- 16 ቦላ ቶቃ ሳሉ መድና ጎዳዋ፤
- ሸን ሳእ እ አሳዉ አሜዳ።
- 17 ሀይቁዳዋንቱ፣ ዱፋዋን ጮኤ ጌዳዋንቱ፣
- መድና ጎዳ ጋላትክኖ።
- 18 ሸን ኑን፣ ፓጸ ደእያዋንቱ፣
- ሀቼፕ ደሚደ
- መድና ጋካናዉ መድና ጎዳ ጋላቱቶ።

መድና ጎዳ ጋላትተ!

# 116

## ሀይቁዋፕ አቲዳ አሳ ጋላታ

- 1 እ ታ ኮሻነ ታ ዋትዋቱዋ ሰሌዳ ድራዉ፣
- ታን መድና ጎዳ ሲቃይ።
- 2 እ ባረ ሀይላ ታኮ የጌዳ ድራዉ፣
- ታን ፓጸ ደኤዳ ኬናን ኡባን እ ጸሳና።
- 3 ሀይቁ ጸርያዳን ታና ኦይቃናዉ ሀኔዳ፤
- ሞገታና ሀርጋይ ታና ኢሴዳ።
- ታና ኤንአይ ቶሌዳ።
- 4 ሄ ዋደ ታን፣ “አቤት መድና ጎዳዉ፣ ሀዳራ!
- ታና አሻ” ያጋደ መድና ጎዳ ሰንላ ጸሳድ።
- 5 መድና ጎዳይ ኬካነ ጽሉዋ፤
- ኑ ጸሳይ ቃረትያዋ።
- 6 መድና ጎዳይ አሸከ ምዛናይ ደእያዋንታ ናጌ፤
- ታን መቶቲዳ ዋደ፣ እ ታና አሸዳ።
- 7 ታ ሸምፓቱ፣ ሰም ዋፑ ጋ፤
- እያዉ ሳፕ፣ መድና ጎዳይ ነዉ ኬኬዳ።
- 8 መድና ጎዳይ ታና ሀይቁዋፕ፣
- ታ አይፍያ አፎሳፕ፣
- ታ ገድያካ ቆብያፕ አሸዳ።

- 9 ሄዋ ድራጩ፣ ታን፣  
 ገጸ ደእያዋንቱ ግደን፣  
 መድና ጎዳ ሰንሳን ሀመታይ።
- 10 ታን፣ “ታና ኡንአይ ቶሌዳ” ግያ ዋደካ፣  
 ታ ከማኑዋ ኢጋቢይከ።
- 11 ታን ዳጋማደ፣ “አሳይ ኡባይ ዋርዳዋ” ያጋድ።
- 12 አ ታዉ ኬቤዳ ኬካተላ ድራጩ፣  
 ታን መድና ጎዳዉ አይ ጭጋናዉ ዳንዳያይታ?
- 13 ታን ጹኣ ዋይንያ ኤሳ ጋላታዉ ሸሻደ፣  
 አ ታና አሾ ድራጩ፣  
 መድና ጎዳ ሱንሳ ጹሳና።
- 14 አ አሳ ኡባ ሰንሳን  
 ታን ቃንግያ መድና ጎዳዉ ጋላና።
- 15 ጌሻቱዋ ሀይቁ መድና ጎዳ ሰንሳን፣  
 ሎይሰ ዳርፕ ቦንቸቱዳዋ።
- 16 አቤት መድና ጎዳዉ፣ ታን ነ ቆማ፤  
 ኤ፣ ታን ነ ቆማ፣ ነ ቆማት ናኣ።  
 ታና ቃሹዋፕ ኔን ብላዳ።
- 17 አቤት መድና ጎዳዉ፣  
 ታን ጋላታ ያርሹዋ ነዉ ያርሻና፤  
 ነ ሱንሳ ጹሳና።
- 18 አሳ ኡባ ሰንሳን፣  
 ታን ቃንገቲዳ ቃንገላ መድና ጎዳዉ ጋላና።
- 19 ሄዋካ ታን ጋላናዌ፣  
 የሩሳላመን ደእያ መድና ጎዳ ጎልያ ዳባባና።

መድና ጎዳ ጋላትተ!

# 117

## ጋላታ ጹሳ

- 1 ካዉተላቶ ኡባቶ፣ መድና ጎዳ ጋላትተ!  
 አሳይ ኡባይ፣ አ ግታይተ!
- 2 እያዉ ጎፕ፣ አገና አ ሲቁ ኑዉ ዋልቃማ፤  
 መድና ጎዳይ መድናዉካ አማነትያዋ።

መድና ጎዳ ጋላትተ!

# 118

## ጸኖ ሸቆ ጋላታ

- 1 መድና ጎዳ ጋላትተ! እያዉ ጎፕ፣ አ ኬካ።  
 አገና አ ሲቁ መድናዋ።
- 2 እሰራኤልያ አሳይ፣  
 “አገና አ ሲቁ መድናዋ” ያጎ።
- 3 አሮና ጎልያ አሳይ፣  
 “አገና አ ሲቁ መድናዋ” ያጎ።
- 4 መድና ጎዳዉ ያይያዋንቱ ኡባይ፣  
 “አገና አ ሲቁ መድናዋ” ያግኖ።
- 5 ታን ኡንኤቲዳ ዋደ መድና ጎዳዉ ዋሳድ፤  
 አ ታ ዋሱዋ አሊደ፣ ታና ላአ ከሴዳ።
- 6 መድና ጎዳይ ታናና ደእያ ድራጩ፣

ታን ያይከ።

አሰ ታና አይ ኦሊ?

7 መድና ጎዳይ ታና ማዳናው ታናና ደኤ፤

ታ ሞርከቱ ጸነቱዳዋንታ ታን በእና።

8 አሳን አማነትያዋፕ።

መድና ጎዳኩ ባቃትያዌ ሎአ።

9 ዳናቱዋን አማነትያዋፕ።

መድና ጎዳኩ ባቃትያዌ ሎአ።

10 ካውተላቱ ኡባይ ታና ደድ ኦይቄድኖ፤

ሽን መድና ጎዳ ሱንላን ታን ኡንቱንታ ጸናድ።

11 ኡንቱንቱ ታና ደድድኖ፤

ኡባ ሳና ደድ ኦይቄድኖ፤

ሽን መድና ጎዳ ሱንላን ታን ኡንቱንታ ጸናድ።

12 ኡንቱንቱ ማላይ ደድያዋዳን፤

ታ ዩሹዋን ደድድኖ።

ሽን አጉንላይ ታማን ኤጽያዋዳን

ኤጽ ዳዴድኖ።

መድና ጎዳ ሱንላን ታን ኡንቱንታ ጸናድ።

13 ታና ሱግ የግና፤ ኩንዳና ሀናይ፤

ሽን መድና ጎዳይ ታና ማዴዳ።

14 መድና ጎዳይ ታው ዋልቃነ ሞኖተላ፤

እ ታና አሸያዋ ግዴዳ።

15 ኦላ ጸኒደ ሰምያ አሳይ፤

ጽሎቱዋ ዲንካንያን ሆምቦጪደ፤ ግያዋ ሰሰተ።

ኡንቱንቱ፤ “መድና ጎዳ ኡሸቻ ኩሺ ዋልቃማባ ኦሌዳ!

16 መድና ጎዳ ኡሸቻ ኩሺ ጸኑዋ እሚዳ!

መድና ጎዳ ኡሸቻ ኩሺ ዋልቃማባ ኦሌዳ!” ያጊኖ።

17 ታን ሀይቂከ፤

ፓጸ ደአናነ መድና ጎዳይ ኦሌዳዋ አዋያና።

18 መድና ጎዳይ ታና ኢታ ሙሩዋ ሙራ፤

ሽን ሀይቆ አሊደ እምቤና።

19 ታን ግደ ገላደ መድና ጎዳ ጋላታና ማላ፤

ጌሻ ጎልያ ፕንገቱዋ አነ ታው ደይተ።

20 ሀዌ መድና ጎዳ ፕንግያ፤

ሀ ፕንግያና ጽሎቱዋ ጸላላይ ገለኖ።

21 ኔን ታና ሰሴዳ ድራውነ

ጸኑዋ እሚዳ ድራው፤

ታን ኔና ጋላታይ።

22 ግምቢያዋንቱ ካዲደ እጹዳ ሹቻይ፤

ጎዳ ጸጸዋ ሞንሰያ፤ ኡባፕ አድያ ሹቻ ግዴዳ።

23 ሀዌ መድና ጎዳይ ኦሌዳዋ፤

ቃይ ኑ አይፍያውካ ማላልሰያዋ።

24 ሀዌ ጋላሳይ መድና ጎዳይ መዴዳ ጋላሳ።

አነ ኑን አነ ናሸቶይተነ አልሎይተ።

25 አቤት መድና ጎዳው፤ ሀእ ኑና አሻርኪ!

አቤት መድና ጎዳው፤ ሀእ ኑው እንጀያርኪ!

26 መድና ጎዳ ሱንላን ይያ አሳይ እንጀቱዳዋ ግድ!

ኑን መድና ጎዳ ጌሻ ጎልያፕ ሀንተና እንጃቶ።

27 መድና ጎዳይ ጸሳ፤ እ ኑ ቦላን ፖአሴዳ።

እርጸ ታሸያ ኦይቂደ፤ እያና ጋላሳ ቦንቾተ፤

118:6 እብራ. 13:6 118:14 ከሳ 15:2፤ እሳ. 12:2 118:22 ሉቃሳ 20:17፤ ኪታ 4:11፤ 1 ጳጳ. 2:7 118:22 ማቶላ 21:42፤ ማር. 12:10-11 118:25 ማቶላ 21:9፤ ማር. 11:9፤ ዮሃ. 12:13 118:26 ማቶላ 21:9፤ 23:39፤ ማር. 11:9፤ ሉቃሳ 13:35፤ 19:38፤ ዮሃ. 12:13

ያርሹዋ ቦላን ደእያ ካጭያኮ እድተ።

- 28 ኔን ታ ጸሳ፤ ታን ኔና ጋላታና።  
ኔን ታ ጸሳ፤ ታን ኔና ግታያና።
- 29 መድና ጎዳ ጋላትተ! እያዉ ጎፕ፣ እ ኬካ፤  
አገና እ ሲቁ መድናዋ።

# 119

ጸሳ ህግያዉ እመቴዳ ሳባ

አለፍ

- 1 ባረንቱ ኦግያን ቶሺ ባይናዋንቱ፤  
መድና ጎዳ ህግያዳን ሀመትያዋንቱ፤  
አንጀቴዳዋንታ።
- 2 እ ኦዴዳዋ ኦሐያዋንቱ፤  
ባረንቱ ኩመንሳ ዋዛናፕ እ ሲቅያዋንቱ፤  
አንጀቴዳዋንታ።
- 3 ኡንቱንቱ ባላባ ኦሐክና፤  
ጸሳ ኦግያን ሀመቴና።
- 4 ነ ዋጋዉ አማነቲደ ናጋና ማላ፤  
ኔን ኑና አዛዛዳ።
- 5 ነ አዋዮ አዛዘትያዋን  
ታ ኦጊ ሞናናዳን አሞታይ።
- 6 ያቶፕ፣ ነ አዛዘዋ ኡባ ሀይዛዳ፤  
ታን ኡባካ ዬላትከ።
- 7 ነ ጽሎ ፕርዳ ታማራደ፤  
ታን ኔና ሱረ ዋዛናፕ ጋላታና።
- 8 ታን ነ አዋዩዋዳን ኦላና፤  
ታና ኡባካ የጎፓ።

ቤት

- 9 ያላጋይ ባረ ኦግያ ጌሻ ኦሐደ  
ዋት ናጋናዉ ዳንዳዪ?
- ነ ቃላይ ግያዋዳን ደአፕ ዳንዳዪ።
- 10 ታን ታ ፖሎ ዋዛናፕ ኔና ኮያይ፤  
ነ አዛዘቱዋፕ ዋራ ሀመተናዳን ታና ናጋ።
- 11 ታን ኔና ናቀናዳን  
ነ ቃላ ታ ዋዛናን ዋላድ።
- 12 አቤት መድና ጎዳዉ፣ ኔን ጋላተታ!  
ነ አዋዩዋ ታና ታማርሳ።
- 13 ነ ደናፕ ከሴዳ ፕርዳ ኡባ፤  
ታን ታ እንጸርሳን ኦዳይ።
- 14 ዱረተላን ናሽትያዋዳን፤  
ታን ኔን ኦዳዳ ቃላን ናሽታይ።
- 15 ነ ዋጋቱዋ ዛራ ዛራደ ቆፓይነ  
ነ ኦግያ ሎይላ እኬካይ።
- 16 ታን ነ አዋዩዋን ናሽታይ፤  
ነ ቃላካ ታን ደግከ።

ጋሜል

- 17 ታን ፓጻ ደእና ማላነ  
ነ ቃላዉ አዛዘታና ማላ፤  
ታዉ ነ ቆማው ኬካባ ኦላ።
- 18 ነ ህግያ ግደን ደእያ ማላልሲያ ቱማተላ፤  
ታን በእና ማላ፤ ታ አይፍያ ዶያ።
- 19 ታን ሀ ሳእን እማላ፤  
ነ አዛዘቱዋ ታፕ ገንሐፓ።
- 20 ታን ኡባ ዋደ፤

- ነ ፕርዳ ሎይላ ላሞታይ።
- 21 ኦቶሪትያዋንቱ፣ ሸቀቲዳዋንታ፣  
ነ አዛዙዋፕ ዋራ ሀመትያዋንታ፣  
ኔን ሴራሳ።
- 22 ታን ኔን ኦዴዳዋ ኦሌዳ ድራው፣  
ኡንቱንቱ ቦርያን ኡንቱንቱ ካድያ ታ ቦላፕ ድጋ።
- 23 ሀራይ አቶ ካፓቱ ሸቁይ፣  
ታ ቦላ ማቀቶፕካ፣  
ታን፣ ነ ቆማይ፣ ነ አዋዩዋ ዛራ ዛራደ ቆፓና።
- 24 ኔን ኦዴዳ ቃላቱ ታና ናሸቲና፤  
ኡንቱንቱ ታና ዞሪና።

ዳሌጽ

- 25 ታን ሀይቃና ሀናይ፤  
ኔን ጌዳ ቃላዳን ታ ሸምፑዋ አሻ።
- 26 ታን ታ ኦግያዋ ነዉ ኦድና፣  
ኔን ታና ሰሳዳ፤  
ሰም፣ ነ አዋዩዋ ታና ታማርሳ።
- 27 ነ ዋጋ ኦግያ ታና አኬክሳ፤  
ማላልሰያ ነ ኦሱዋ  
ታን ዛራ ዛራደካ ቆፓና።
- 28 ካዩ ዳራዳዋን ታ ሸምፑ ዳቡራዳ፤  
ኔን ጌዳ ቃላዳን ታና ምንሳ።
- 29 ዋርዶ ኦግያ ታፕ ሃሳ፤  
ነ አቶ ኬካተላን ነ ሀግያ ታና ታማርሳ።
- 30 ቱሙዋ ኦግያ ዶራድ፤  
ነ ፕርዳ ሀይዛድ።
- 31 አቤት መድና ጎዳዉ፣ ታን  
ኔን ኦዴዳዋ ምንሳ ኦይቃድ፤  
ሰም ታና ዬላዮፓ!
- 32 ኔን ታ ዋዛና ላእ ከሴዳ ድራው፣  
ታን ነ አዛዙዋ ኦግያን ዋዳይ።

ሄ

- 33 አቤት መድና ጎዳዉ፣ ነ አዋዩዋ ብለላ  
ታና ታማርሳ፤  
ታን ዉርሰላይ ጋካናዉ አ ናጋና።
- 34 ታን ነ ሀግያ ናጋና ማላን  
ታ ኩሙንላ ዋዛናፕ ታን አዉ አዛዘታና ማላ፣  
ኔን ታዉ አኬካ እማ።
- 35 ነ አዛዙዋ ኦግያን ታና ካለላ፤  
አያዉ ጎፕ፣ ታን እን ናሸታይ።
- 36 ታ ዋዛና አሙዋኮ ግደናን፣  
ኔን ኦዴዳ ቃላኮ ዛራ።
- 37 ፓርናባ ጸለና ማላ፣  
ታ አይፈቱዋ ተከ፤  
ነ ኦግያን ታ ደኡዋ ኦራላ።
- 38 ኔን ያየታና ማላ፣  
ኔን ገሎ ቃላ ታዉ፣  
ነ ቆማዉ ፖላ።
- 39 ያሸያ ቦርያ ታፕ ድጋ።  
ነ ፕርዳይ አይ ማላ ሎኤ!
- 40 ታን ነ ዋጋ ናጋናዉ አሞታይ፤  
ኔን ጽሉዋ ግድያ ድራው፣  
ታ ደኡዋ ኦራላ።

ዋዉ

- 41 አቤት መድና ጎዳዉ፣ አገና ነ ሲቁዋ ታና ቦሳ፤

- ኔን ጌዳ ቃላዳን ታና አሻ።
- 42 ታን ነ ቃላን አማነትያ ድራወ።  
ታና ቦርያዋንቶ ዛራናዉ ዳንዳያይ።
- 43 ታን ነ ፕርዳን ናሸቻ ኦሳያ ድራወ።  
ታ አንጻርሳፕ ቱማተላ ቃላ ላይሶፓ።
- 44 ታን ኡባ ገደ። መጅ መጅናዉካ  
ነ ህግያዉ አዛዘታና።
- 45 ታን ነ ዋጋ ፖልያ ድራወ።  
አኩዋን ሀመታና።
- 46 ታን ካተቱዋ ሰንሳን ኤቃይ።  
ኔን ኡዴዳባ ኦዳደ ዬላትከ።
- 47 ታን ደሰያ ነ አዛዘቱዋን ናሸታይ  
48 ታን ሲቅያ ነ አዛዘቱዋ ቦንቻይ፤  
ነ አዋዩዋካ ዛራ ዛራደ ቆፓና።

ዛዉ

- 49 ኔን ታዉ፣ ነ ቆማዉ።  
አሜዳ ቃላ ቆፓ፤  
ሄ ቃላን ታን ሂዶታ ኦሳይ።
- 50 ኔን፣ “ታን ኔና ፓጻ ዋላና”  
ጌዳ ቃላይ ታ ቱጋ ዋደ ታና ምን፳፳ዱ።
- 51 ኦቶራንቻቱ ታና ልክያፕ አሊደ ሸቄና፤  
ሸን ታን ነ ህግያፕ ሸርእ ጊከ።
- 52 አቤት መጅና ጎዳዉ። በኒደፕ ደአያ ነ ፕርዳ ታን ሀሳያይ፤  
ሄዋን ታን ምነታይ።
- 53 ኢታቱ ነ ህግያዉ አዛዘተናዋ በአና።  
ይሉ ታና ዋጴዳ።
- 54 ታን ደአያ አላጋ ቢታን።  
ነ አዋዩ ታዉ የላ ግዴዳ።
- 55 አቤት መጅና ጎዳዉ። ታን ቃማ ነ ሱንላ ቆፓይ፤  
ነ ህግያካ ናጋይ።
- 56 ነ ዋጋዉ አዛዘትያዌ ታዉ አንጅ ግዴዳ።

ሄት

- 57 አቤት መጅና ጎዳዉ። ታና ጋኬዳ ሳማይ ኔና፤  
ታን ነ ቃላዉ አዛዘታና ያጋይ።
- 58 ታን ታ ኩመንላ ዋዛናፕ ኔና ዋሳይ።  
ኔን ጌዳ ቃላዳን ታዉ ቃረታ።
- 59 ታን ታ ኦግያ አከካ ጸላደ።  
ኔን ኡዴዳባኩ ሰማድ።
- 60 ታን ነ አዛዘቱ ናጋናዉ።  
ኤሌላናፕ አትና ታክከ።
- 61 ኢታቱ ታና ዋደሩዋን ቃቾፕካ።  
ታን ነ ህግያ ደጋበይከ።
- 62 ነ ጽሎ ፕርዳ ድራወ። ኔና ጋላታናዉ።  
ታን ቃማ ብላሄ ደንዳይ።
- 63 ታን ነዉ ያይያዋንቱ ኡባዉን  
ነ ዋጋ ናግያዋንቶ ዳቦ።
- 64 አቤት መጅና ጎዳዉ። ሳአይ  
አገና ነ ሲቁዋን ኩሜዳ፤  
ነ አዋዩዋ ታና ታማርሳ።

ጴት

- 65 አቤት መጅና ጎዳዉ። ነ ጌዳ ቃላዳን።  
ታዉ ነ ቆማዉ ኬካባ ኦሳዳ።
- 66 ታን ነ አዛዘቱዋን አማነትያ ድራወ።  
ሎኦ ፕርዳን ኤራተላ ታና ታማርሳ።
- 67 ታን ሙረታናፕ ካሰ ዋራ ሀመታድ፤



ሸን ሀእ ነ ቃላው አዛዘታይ።  
 68 ኔን ኪካ፤ ኔን ኪካባ ኦላሳ፤  
 ነ አዋዩዋ ታና ታማርሳ።  
 69 ኦቶራንቻቱ ታና ዋርዲዋ ኦኪና፤  
 ሸን ታን ነ ዎጋ ታ ኩመንላ ዋዛናፕ ናጋና።  
 70 ኡንቱንቱ ዋዛናይ ኡባካ ዶንጭሎዋንታ፤  
 ሸን ታን ነ ሀግያን ናሽታይ።  
 71 ታን ሙረቱዳዌ ታዉ ሎኤዳ፤  
 እያዉ ጎፕ፣ ነ አዋዩዋ ታማራናዉ ታና ማዴዳ።  
 72 ዳሮ ሻኡ ዋርቃፕን ብራፕ፣  
 ነ ዶናፕ ከሴዳ ሀጊ ታዉ አዴ።

ዮድ

73 ታና ነ ኩሺ መዴዳን ጊግሴዳ።  
 ነ አዛዘዋ ታን ታማራና ማላ፣  
 ታዉ አኪካ እማ።  
 74 ታን ነ ቃላን ሀዶታ ዎሳያ ኦሴዳ ድራዉ፣  
 ነዉ ያይያዋንቱ ታና በኢደ ናሽትኖ።  
 75 አቤት መድና ጎዳዉ፣ ነ ፕርዳይ ጽላ ግድያዋን  
 ኔን አማነቱዳዋ ግድ ድራዉ ታና ሙራዳዋ ኤራይ።  
 76 ኔን ታዉ ነ ቆማዉ ጌዳ ቃላዳን፣  
 አገና ነ ሲቁ ታና ሞንሶ።  
 77 ታን ፓጻ ደአና ማላ፣ ታዉ ቃረታ፤  
 እያዉ ጎፕ፣ ነ ሀጊ ታና ናሽቹ።  
 78 ኦቶራንቻቱ ዋርዲዋን  
 ታና ሞትያ ድራዉ፣ ዬላትኖ።  
 ታና ግደፕ፣ ታን ነ ዎጋቱዋ  
 ዛራ ዛራደ ቆፓይ።  
 79 ነዉ ያይያዋንቱ፣  
 ኔን ኦዴዳባ ኤርያዋንቱ ኡባይ፣  
 ታኮ ዪኖ።  
 80 ታን ዬላተና ማላ፣  
 ነ አዋዮ አዛዘትያዋን  
 ቶሺ ባይናዋ ግዳርክታ!

ካፍ

81 ኔን ታና አሻና ማላ፣  
 ታን ናጋደ ዳቡራይ፤  
 ታን ነ ቃላን ሀዶታ ኦላይ።  
 82 ኔን ጌዳ ቃላይ ፖለትና  
 በአናዉ ጸሊደ፣ ታ አይፊ ጋልጄዳ።  
 ታን፣ “ኔን ታና አዉደ ሞን□ላሻ?” ያጋይ።  
 83 ጨዋን ካቁዳ ኦጎሩዋ ግደደ ጉንዳድ፤  
 ግደፕን፣ ነ አዋዩዋ ባልከ።  
 84 ታን ነ ቆማይ አዉደ ጋካናዉ ናጎ?  
 ታና የደርሰያዋንታ ኔን አዉደ ፕርዳኒ?  
 85 ነ ሀግያ ናገና ኦቶራንቻቱ፣  
 ታና ኩድሳና ጊደ፣ ታዉ ኦላ ቦኪኖ።  
 86 ነ አዛዘቱ ኡባይ አማንሳያዋንታ።  
 ታና አሳቱ ዋርዲዋን የደርሰያ ድራዉ፣  
 ሀእ ታና ማዳ!  
 87 ኡንቱንቱ ታና ዎድ ድጌድኖሽን፤  
 ታን ነ ዎጋ አጋበይከ።  
 88 አገና ነ ሲቁዋን ታ ደኡዋ ናጋ፤  
 ሄዌን፣ ኔን ነ ዶናፕ ኦዴዳዋ ታን ናጋናሳ።  
 89 አቤት መድና ጎዳዉ፣ ነ ቃላይ መድናሳ፤

ላሜድ

- እካ ሳሉዋን ምኒደ ደኤ።
- 90 ኔን የለታ፣ የለታ ጋካናዉ እማነትያዎ።  
ኔን ሀ ሳኣ ሳሳደ ኤሳዳ፤  
እካ ምኒደ ደኤ።
- 91 ኔን ጌዳዋዳን ኡባባይካ  
ሀቕ ጋካናዉ ምኒደ ደኤ፤  
እያዉ ጎፕ፣ ኡባቱካ ነ ቆማቱዎ።
- 92 ነ ህጊ ታና ናሽቕያባ ግደነንቶ።  
ታ ቱጋ ዎደ ታን ጳያና ሸን።
- 93 ነ ዎጋ ኡባካ ደግከ፤  
እያዉ ጎፕ፣ ኔን እን ታና ፓጸ ዎላዳ።
- 94 ታን ነዎቱ፤ ታና አሻ፤  
እያዉ ጎፕ፣ ታን ነ ዎጋ ናጋናዉ ኮያይ።
- 95 ኢታቱ ታና ጳይሳናዉ ኩኩሊደ ናጊኖ፤  
ሸን ታን ኔን ኡዴዳዎ ቆፓይ።
- 96 ፖሎ ጌተቶባዉ ኡባባዉ ዛዋይ ደእያዎ ታን በኣድ፤  
ሸን ነ ህግያዉ ዛዋይ ባዎ።

ማም

- 97 ታን ነ ህግያ ዎታ ደሳይታ!  
ጋላሳ ኩመንላ ታን ቆፕያዌ አ።
- 98 ነ አዛዙቱ ኡባ ዎደካ ታና ደእያ ድራዉ።  
ኡንቱንቱ ታና ታ ሞርከቱዎፕ አዴዳ ኤራንቻ ከሲኖ።
- 99 ታን ኔን ኡዴዳዎ ቆፕያ ድራዉ።  
ታና ታማርሴዳ ኡባፕካ አዴዳ እኬካይ ታዉ ደኤ።
- 100 ታን ነ ዎጋዉ አዛዙን ድራዉ።  
ጭማቱዎፕ አላደ እኬካይ።
- 101 ታን ነ ቃላዉ አዛዙታናዉ ኮይያ ድራዉ።  
ታ ገድያ ኢታ ኦግ ኡባፕ ናጋድ።
- 102 ኔን ታና ታማርሴዳ ድራዉ።  
ታን ነ ፕርዳፕ ዎራ ባበይከ።
- 103 ነ ቃላይ እያ ማልኢ!  
ኤሳ እልሉዎፕካ አዲደ።  
ታ ደናን ማልኤ።
- 104 ነ ዎጋፕ እኬካ ደማድ፤  
ሄዎ ድራዉ፣ ታን ጌላ ኦግያ ኡባ አጻይ።

ኖን

- 105 ነ ቃላይ ታ ገድያዉ ጸምፕያ።  
ታ ኦግያዉካ ፖኡዎ።
- 106 ነ ጽሎ ፕርዳዳን ደእናዉ።  
ታን ጫቄዳ ጫቁዎ ሞንላና።
- 107 ታን ዳሮ ቱጋታድ፤  
አቤት መድና ጎዳዉ፣ ኔን ጌዳ ቃላዳን  
ታና ፓጸ ዎላ።
- 108 አቤት መድና ጎዳዉ፣ ታ ደናፕ ከሰያ ጋላታ፣ ያርሹዎ አካ፤  
ታና ፕርዳ ታማርሳ።
- 109 ታ ሸምፑ መቱዎ ቦላ ደእንቶካ።  
ታን ነ ህግያ ደግከ።
- 110 ኢታቱ ታዉ ግትያ የጌድኖ፤  
ሸን ታን ነ ዎጋፕ ሸርኢ ጋበይከ።
- 111 ኔን ኡዴዳባይ መድናዉ ታዎ፤  
ኤ፣ አ ታ ዎዛናዉ ናሽቻ።
- 112 ታን መድናዉ፣ ዉርሰላ ጋካናዉ  
ነ አዎዩዋዳን ኦላናዉ ቃቻድ።

ሳምከት

- 113 ታን ላኤ ቆፋይ ደእያ እሳቱዎ አጻይ፤

- ሸን ነ ሀግያ ሲቃይ።
- 114 ኔን ታዉ ቆሰታ አትያ ሳነ  
ታ ጎንዳልያ፤  
ታን ነ ቃላን ሀደታ ኦላይ።
- 115 ታን ታ ጸሳ አዛዙዋ ናጋና ማላ።  
ሀንተኖ፣ ኢታባ ኦሳያዋንቶ፣  
ታፕ ሃክተ!
- 116 ኔን ጌዳ ቃላዳን ታና ሞንሳ፤  
ያቶ፣ ታን ፓጻ ደአና።  
ታን ሀደታን ናግያባን ታና ዬላዮፓ።
- 117 ታና ዘሞፕሳ፤ ያቶ፣  
ታን ሳሮ ደአና፤  
ታን ኡባ ዎደ ነ አዋዩዋ ሀይዛና።
- 118 ነ አዋዩዋፕ ዎራ ብያዋንታ ኡባ ኔን አካካ፤  
ኡንቱንቱ ጭሙ ጮ መላ።
- 119 ሳኣን ደእያ ኢታቱዋ ኡባ  
ኔን ፕቱዋዳን ፓይዳሳ፤  
ሄዋ ድራዉ፣ ታን ኔን ኦዴዳባ ሲቃይ።
- 120 ታ ቦላይ ነዉ ያዬደ ቦቦራዳ፤  
ታን ነ ፕርዳዉ ያያይ።

ኤ

- 121 ልከባነ ጽሎባ ኦላድ፤  
ታና ኡቁንያዋንቶ ኦሎፓ።
- 122 ታና ነ ቆማ ማዳናዉ ዋሰ ግዳ፤  
ታና ኦቶራንቻቱዋን ኡቁንሶፓ።
- 123 ኔን፣ “ኔና አሻና”  
ጌዳ ጽሎ ቃላ ፖሎ ጋደ ናግሸን፣  
ታ አይሬ ጋልጄዳ።
- 124 ታዉ፣ ነ ቆማዉ፣ ኔን  
አገና ነ ሲቁዋዳን ኦላ፤  
ነ አዋዩዋካ ታና ታማርሳ።
- 125 ታን ነ ቆማ፤  
ኔን ኦድያባ ታን ኡራና ማላ፣  
አኬካ ታዉ አማ።
- 126 አቤት መድና ጎዳዉ፣ አሳቱ  
ነ ሀግያ መንጮዳ ድራዉ፣  
ኔን ፕርዳና ዎዲ ሀአ።
- 127 ታን ነ አዛዙዋ  
ዎርቃፕ አላደ ሲቃይ፤
- ኤ፣ ጌሻ ዎርቃፕካ አላደ ሲቃይ።
- 128 ሄዋ ድራዉ፣ ታን  
ነ ዎጋቱ ኡባይ ግያዋዳን ሀመታይ፤  
ጌላ ኦግያ ኡባ ታን አጻይ።

ፕ

- 129 ኔን ኦዴዳባይ ማላልሰያባ፤  
ሄዋ ድራዉ፣ ታን አዉ አዛዘታይ።
- 130 ነ ቃላ ብለላይ ፖኡዋ አሜ፤  
አኬካይ ፓጩዳዋንቶ አኬካ አሜ።
- 131 ታን ነ አዛዘ፣  
ዳሮ ሳመታደ ታ ዶና ዶያይ።
- 132 ሃ ታኮ ሰማ፤  
ነ ሱንላ ሲቅያዋንቱ ኡባዉ  
ኔን ኦሳያዋዳን ታዉካ ቃረታ።
- 133 ኔን ጌዳ ቃላዳን  
ታ ሄመታ ሱርሳ፤

- 134 አይ ናጋራይነ ታና ሞደፖ።  
ታን ነ ዎጋዉ አዛዘታና።  
ታና ኡቁኔዳዎንቱ ኩሽያፕ ዎዛ።
- 135 ታ ቦላ፣ ነ ቆማ ቦላ።  
ነ ሶሞኡዎ ፖአሳ፤  
ነ አዋዩዋካ ታማርሳ።
- 136 ነ ህግያዉ አሳይ አዛዘትቤና ድራዉ።  
ታ አይፍያፕ አፎላይ ሻፋዳን ጎጌ።
- 137 አቤት መድና ጎዳዉ፣ ኔን ጽሉዋ፤  
ነ ፕርዳይካ ልከ።
- 138 ኔን ኦዴዳባይ  
ጽሉዋን ኡባ አማነትያዎ።
- 139 ታ ሞርከቱ ነ ቃላ ቶቼዳ ድራዉ፣  
ነ ቃላ ሞሹ ታ ጎምፓን ኤጽ ከሴዳ።
- 140 ኔን ጌዳ ቃላይ ዳርፕ አማነትያዎ፤  
ታን፣ ነ ቆማይ አ ሲቃይ።
- 141 ታን ጉላነ ካፒቱዳ አሳ፤  
ግደፕ፣ ታን ነ ዎጋ ደግከ።
- 142 ነ ጽሎተላይ መድናዉ ደኤ፤  
ነ ህጊካ ቱማ።
- 143 መቱነ ቱጋይ ታና ጋኬዳ፤  
ሸን ነ አዛዘቱ ታና ናሽቼና።
- 144 ኔን ኦዴዳባይ መድናዉካ ጽሉዋ፤  
ታን ፓጸ ደአና ማላ፣ አከካ ታዉ አማ።

ጸደ

ቆፍ

- 145 አቤት መድና ጎዳዉ፣ ኩመንላ ዎዛናፕ።  
ነዉ ዋሳድ፤ ታዉ አላ።
- ታንካ ነ አዋዩዎ አዛዘታና።
- 146 ታን ነዉ ዋሳድ፤ ታና አሻ፤  
ታንካ ኔን ኦዴዳባ ኡላና።
- 147 ጸልቂ ደለና ጉራን ደንዲደ፣  
“ታና ማዳ” ጋደ ነዉ ዋሳይ።
- ኔን ታዉ ጌዳ ቃላን ህደታ ኦላይ።
- 148 ነ ቃላባ ዛራ ዛራደ ቆፓናዉ።  
ቃማ ኡታ አቃይ።
- 149 አቤት መድና ጎዳዉ፣  
አገና ነ ሲቁዎ ድራዉ፣ ታዎ ሰሳ፤  
ነ ጽሎ ፕርዳዳን ታና ፓጸ ዎላ።
- 150 ኢታባዉ ታና የደርሰያዎንቱ፣  
ታኩ ማቱድና፤  
ኡንቱንቱ ነ ህግያፕ ሃኪና።
- 151 ሸን አቤት መድና ጎዳዉ፣  
ኔን ታ ማታን ደአሳ፤  
ነ አዛዘቱ ኡባይካ ቱማ።
- 152 ታን በንፕ ደማደ፣  
ኔን ኦዴዳባ ታማራድ፤  
አ ኔን መድናዉ ሞንሳ ኡሳዳ።

ራሽ

- 153 ታ ቱጋ በአደ፣ ታና አሻ፤  
አያዉ ጎፕ፣ ታን ነ ህግያ ደጋበይከ።
- 154 ታ ድራዉ ሞተታደ ታና ዎዛ፤  
ኔን ጌዳ ቃላዳን ታና ፓጸ ዎላ።
- 155 ነ አዋዩዎ ኡንቱንቱ አከና ድራዉ፣  
አቶተላይ ኢታቱዋፕ ሃኩዋን ደኤ።

- 156 አቤት መጅና ጎዳው፥ ነ ቃረታይ ዳራ፤  
ነ ጽሎ ፕርዳዳን ታና ፓጻ ዋላ።
- 157 ታ ሞርከቱነ ታና የደርሰያዋንቱ ዳራ፤  
ሸን ታን ኔን ኦዴዳዋፕ ሸርእ ጊከ።
- 158 ኡንቱንቱ ነ አዛዙቱዋ ናገና ድራው፥  
ታን ካድያዋንታ በአደ ሸነታድ።
- 159 አቤት መጅና ጎዳው፥  
ታን ነ ዋጋ ሲቅያ ሲቁዋ ቆፓ፤  
አገና ነ ሲቁዋዳን ታና ፓጻ ዋላ።
- 160 ነ ቃላይ ኮይርፕካ ቱማ፤  
ነ ጽሎ ፕርዳይ ኡባይካ መጅናው ደኤ።

ሸን

- 161 ካፓቱ ታና ጮ የደርሰና፤  
ሸን ታ ዋዛናይ ነ ቃላው ያዬ።
- 162 ዳርባ ኦሞዴዳ አሳይ ናሸትያዋዳን፥  
ኔን ጌዳ ቃላን ታን ናሸታይ።
- 163 ታን ዋርዱዋ አዳይነ ሸነታይ፤  
ሸን ነ ህግያ ሲቃይ።
- 164 ነ ጽሎ ፕርዳ ድራው፥  
ታን ኔና ጋላሳን ላፑ ገደ ጋላታይ።
- 165 ነ ህግያ ሲቅያዋንቶ  
ኩመንላ ሳርተላይ ደኤ፤  
ኡንቱንታ ኡባካ አያይነ ጁባናው ዳንዳየና።
- 166 አቤት መጅና ጎዳው፥ ታን  
ነ አቶተላ ሂደታን ናጋይ፤  
ነ አዛዙቱዋካ ኦሳይ።
- 167 ታን ኔን ኦዴዳባ ናጋይ፤  
ታን ዳርፕ አ ሲቃይ።
- 168 ታን ነ ዋጋውን  
ኔን ኦዴዳዋ አዛዘታና፤  
አያው ሳፕ፥ ታ ኦግያ ኡባ ኔን በአሳ።

ታው

- 169 አቤት መጅና ጎዳው፥ ታ ዋሱ፥  
ነ ሰንላ ጋኮ፤  
ኔን ጌዳ ቃላዳን ታው አኬካ እማ።
- 170 ታ ዋትዋቱ ነ ሰንላ ጋኮ፤  
ኔን ጌዳ ቃላዳን ታና አሻ።
- 171 ኔን ነ አዋዩዋ  
ታና ታማርሰያ ድራው፥  
ታ ዶናፕ ጋላታይ ፑልታና።
- 172 ነ አዛዙቱ ኡባይ ጽሎ ግድያ ድራው፥  
ታ እንጸርሳይ ነ ቃላባ የጸና።
- 173 ታን ነ ዋጋ ዶሬዳ ድራው፥  
ነ ኩሺ ታና ማዳናው ጊጌዳዋ ግድ።
- 174 አቤት መጅና ጎዳው፥ ኔን  
ታና አሻና ማላ ላሞታይ፤  
ነ ህጊካ ታና ናሸቼ።
- 175 ታን ኔና ጋላታና ማላ፥  
ታና ፓጻ ዋላ፤  
ነ ፕርዳይካ ታና ማዶ።
- 176 ታን ባዬዳ ዶርሳዳን ብቻራይ፤  
ታና ነ ቆማ ኮያ፤  
አያው ሳፕ፥ ታን ነ አዛዙዋ ደጋበይከ።

# 120

ጭምያዋንቱጥን ዋርዶቱዋጥ አታናው ሺቆ ዋሳ

ፑደላ ከሲደ የጼዳ የላ

1 ታ ዋይያ ዋደ ታን መድና ጎዳ ጸሳድ፤  
እ ታዉ ከዬዳ።

2 አቤት መድና ጎዳዉ፥ ዋርዶትያ ድናቱዋጥነ፥  
ጭምያ እንጸርሳቱዋጥ ታና አሻ።

3 ህንተኖ ዋርዳንቻቶ፥  
ጸሳይ ህንተና ዋታንዴሻ?

ሰም ሀራባ አያ ጉጃንዴሻ?

4 ቶራንቻቱዋ ፖላ ቃራን እ ህንተና ጫዳናዋ፤  
ታማ ቦንቁዋን እ ህንተና ጹጋና።

5 አየ ታኖ! ህንተናና ደአያዌ መሸካ  
ዋይ ቁዳሪ አሳና ደአያዋ ማላ ኢታ።

6 ሳርተላ እጽያ አሳቱዋና  
ታን ዳር ዋድያ ደአድ።

7 ታን ሳር አሳ፤  
ሽን ታን ሳርተላባ ሃሳይያ ዋደ፥  
ኡንቱንቱ ኦላዋ ሃሳዪኖ!

# 121

ጸሳይ ኑና ናግያዋ

ፑደላ ከሲደ የጼዳ የላ

1 ታን ቶቁ ጋደ ዋጋ ደረቱዋ ጸላይ፤  
ታዉ ማዱ ሀቃጥ ያንዴሻ?

2 ታዉ ማዱ  
ሳሉዋነ ሳኦ መጪዳ መድና ጎዳጥ ዬ።

3 እ ነ ገድያ ሀልጽሰና፤  
ኑና ናግያዌ ገምእሸና።

4 አሰራኤልያ ናግያዌ፥  
ኡባካ ግሰናነ ገምእሸና።

5 መድና ጎዳይ ኑና ናግያዋ።  
መድና ጎዳይ ነዉ ኡሸቻ ባጋና ግዲደ፥  
ኑና ኩዋይያዋ።

6 ጋላሰ ኑና አዋይ ሜና፤  
ቃማካ አግናይ ኑና ቆሄና።

7 መድና ጎዳይ ቆህያዋ ኡባጥ ኑና ናጋና፤  
እ ነ ሸምቸዋ ናጋና።

8 መድና ጎዳይ ነ ቡሳ፥ ነ ሳሳ፥  
ሀቼጥ መድና ጋካናዉ ናጋና።

# 122

የሩሳላምዉ ሺቁዳ ሳባ

ፑደላ ከሲደ የጼዳ የላ፥ ዳውት ጸፊዳዋ

1 ኡንቱንቱ ታና፥ “እነ መድና ጎዳ ጎልያ ቦይተ” ያግና፥  
ታን ናሸታድ።

2 ኑኖ የሩሳላመ ካታማቱ፥  
ኑን ነ ጥንገቱዋና ገሊደ ኤቁዶ!

3 የሩሳላመ ካታማይ፥

- ዳን። ቲደ ሞን ኬጸቴዳ ካታማ።
- 4 መድና ጎዳ አዋዩዋዳን፤  
አሰራኤልያ ዛራቱ፤  
መድና ጎዳ ጋላታናዉ ይያ ካታማይ ሀዋ።
- 5 ዳዊታ ዘረፋፕ ካተቴዳዋንቱ  
ባረንቱ አሳዉ ፕርዳናዉ ያን ኡቴድኖ።
- 6 የሩሳላመ ሳርተፋዉ  
ሀዋዳን ያጊደ ዋሰተ፤  
“ኔና ሲቅያዋንቶ  
ኡንቱንቱ ኦልያዌ ኡባይ ሱር!
- 7 ነ ግሞቡቱዋ ግደን ሳሩ ደኦ!  
ነ ጌሳቱዋካ ቦቕያባይ ቆዮ!” ያጊደ ዋሰተ።
- 8 ታ አሻቱዋን ታ ዳቦቱዋ ድራዉ ጋደ፤  
“ነ ግደን ሳሩ ደኦ!” ያጋይ።
- 9 መድና ጎዳ ኑ ጸሳ ጎልያ ድራዉ ጋደ፤  
ታን የሩሳላመ ዱረታናዉ ዋሳና።

### 123

#### ማርታ ደማናዉ ሺሾ ዋሳ

- ፑደላ ከሲደ የጼዳ የላ
- 1 ኔኖ፣ ካዉተላ አራታን ሳሉዋን ኡቴዳዎ፤  
ታን ፑደ ኔኮ ጼላይ።
- 2 ቆማይ ባረ ጎዳ ኩሽያ ጼልያዋዳንነ  
ቆማታ ባረ ጎዳት ኩሽያ ጼልያዋዳን፤  
ሄዋዳንካ እ ኑና ማራና ጋካናዉ፤  
ኑ አይፊ መድና ጎዳኮ፣ ኑ ጸሳኮ፣ ጼሌ።
- 3 ኑና ማራ፤ አቤት መድና ጎዳዉ፣ ኑና ማራ።  
አያዉ ሳፕ፣ ኑዉ ካጂ ዳራዳ።
- 4 ኑን አሻሉዋን ደአያዋንቱ ሸቃነ  
ኡቶራንቻቱዋ ካድያ ካሌደ።

### 124

#### ጸሳይ አሰራኤልያ አሸያዋ

- ፑደላ ከሲደ የጼዳ የላ፣ ዳውት ጸፊዳዋ
- 1 መድና ጎዳይ ኑ ባጋ ግደነንቶ፣ ኑን ዋናኔሻ?  
አሰራኤልያ አሳቱ ዛሩዋ ሀዋዳን ያጊደ ዛሪኖ፤
- 2 “መድና ጎዳይ ኑ ባጋ ግደነንቶ፤  
ኑ ቦላን አሳይ ደንጾዳ ዋደ፤
- 3 ኡንቱንቱ ኑ ቦላን ሀንቁዋ ሱሊደ፤  
ኑና ፓጸ ሞታና ሸን።
- 4 ድኡ ኑና ሜጨደ፤  
ሻፋ ሃላይ ኑና ሙካና ሸን፤
- 5 ኩንሶ ሃላይ ኑና ማና ሸን” ያግኖ።
- 6 ኑና ኑ ሞርከቱዋ ማታን፤  
ጸንሰቤና መድና ጎዳይ ጋላተቶ።
- 7 ኑን ሻንካንቻቱዋ ጸርያፕ፤  
ካፋ ከሰ አክያዋዳን ከሰ አኬደ።
- ጸሪ መኤዳ፣ ኑንካ ከሰ አክ አቴደ!
- 8 ኑ ማዱ  
ሳሉዋን ሳኦ መጼዳ መድና ጎዳ ሱንፋፕ ዬ።

# 125

ጸሳይ ባረ አሳዉ ዋሰ

ፑደላ ከሲደ የጼዳ የላ

1 መድና ጎዳን አማካኝዎን፣ ቃጻናዉ ዳንዳየና፣  
መድናዉ ደእያ ጽዮን ደርያ ማላ።

2 ደረቱ  
የሩሳላመ ካታማ የሹዋን ደእያዋዳን፣  
ሀቼፕ መድና ጋካናዉ፣  
መድና ጎዳይ ባረ አሳ የሹዋን ደኤ።

3 ጽሎቱ ባረንቴ ኩሽያ ኢታተላዉ ደንፍ ማላ፣  
ኢታቱዋ አይሱዋ ጸምአይ፣  
ጽሎቶ አመቴዳ ቢታ ቦላን ጋምኤና።

4 አቤት መድና ጎዳዉ፣ ከካ አሳቶን፣  
ዋዛና ሱረ አሳቶ ከካባ ኦላ።

5 ባረንቴ ጌላ ኦግያ ሰምያዋንታ፣  
መድና ጎዳይ ኢታ ኦልያዋንቴና አትፕ ሙራ።  
አሰራኤልያዉ ሳሩ ግደ!

# 126

አሞዲዋፕ ሰሜዳዋንቴ ማዘሙርያ

ፑደላ ከሲደ የጼዳ የላ

1 መድና ጎዳይ ኑና አሞደቴዳዋንታ ዛሪደ፣  
ጽዮን አሄዳ ዋደ፣ ኑዉ አኩሙዋ ማላቴዳ።

2 ሄ ዋደ ኑን ዳር ናሽት፣ ሚጪደ፣  
ናሽቻ የላ የጼደ።  
ያትና፣ ሀራ ካዉተላቱ ባረንቴ ግደን፣  
“ሀዋንቶ መድና ጎዳይ ዋልቃማባ ኦሌዳ” ያጌድና።

3 ቱሙካ መድና ጎዳይ ኑዉ ዋልቃማባ ኦሌዳ፤  
ኑንካ ሎይላ ናሽቴደ።

4 አቤት መድና ጎዳዉ፣ ኔጌባ ባዙዋን እራ ቡክሳደ፣  
ሻፋ ሃላ ዛራ ኩንሰያዋዳን፣  
ኑዉካ ኑ ካጫ ኦራላ።

5 ዬኪደ ዘራዳዋንቴ፣  
ናሽቻን የጸደ ጫካና።

6 ዘረላ ቶኪደ፣ ዬኪደ ቤዳዋንቴ፣  
ናሽቻ የላ የጸደ፣  
ምርቂያ ቶኪደ ሰማና።

# 127

ጸሳን አማካኝዳን አመቴዳ ዘርያ

ፑደላ ከሲደ የጼዳ የላ፣ ሶሎሞን ጳፌዳዋ

1 መድና ጎዳይ ጎልያ ኬጻና ጳዮፕ፣  
ኪጽያዋንቴ ጮ መላ ዳቡሪኖ።

መድና ጎዳይ ካታማ ናጋና ጳዮፕ፣  
ናግያዋንቴ ጮ መላ ናጌኖ።

2 ኔን ዋንታ ጉራን ደንድያዌ፣  
አማርሰ ቃምሳደ ግሰያዌ፣  
ቁማዉ ህርጋደ ቱጋትያዌ ጮ መላ፤  
አያዉ ጎፕ፣ ጸሳይ ባረ ሲቅያዋንቶ ሸምፑዋ አሜ።

3 ናናይ መድና ጎዳፕ አመትያ አሞታ፤  
የሎቱ ቱሙዋፕ ዋይቱዋ።



- 4 እት ኡራይ ባረ ያላጋተላን የሌዳ አቱማ ናናቱ፤  
ኦላንቻ ኩሽያን ደእያ ቶራቱዋ ማላ።
  - 5 ሄ ቃርጨታን ደእያ ዋንዳፍያ ቶራቱዋዳን፤  
ዳሮ ናናቱ ደእያ አሳይ አንጀቴዳዋ።
- እያዉ ጎጥ፡ እ ባረ ሞርከቱዋና፤  
ካታማ ጥንግያን ሞተትያ ዋደ፤ ኡባካ ጸነተና።

### 128

ጸሓዊ አዛዘቱሳን ቤትያ እንጂዋ

ፑደላ ከሲደ የጼዳ የሳ

- 1 መድና ጎዳዉ ያይያዋንቱ፤  
እ ኦግያን ሀመትያዋንቱ ኡባይ አንጀቴዳዋንታ።
  - 2 ኔን ነ ዳቡራ አይፍያ ማና፤  
ኔን ናሽታናነ ነዉ ሎኦ ግዳና።
  - 3 ነ ማቻታ ነ ሶን አይፍያ ዶርኮኬዳ፤  
ዋይንያ ቱራ ማላ ግዳና።
- ነ ናናቱካ ነ ጋይታ የሹዋን፤  
ዋጋራ ፑትያ ማላ ግዳና።
- 4 መድና ጎዳዉ ያይያ አሳይ  
ቱሙዋጥ ሄዋዳን አንጀታና።
  - 5 መድና ጎዳይ ኔና ጽዮነጥ አንጀ!  
ኔን ደኤዳ ላይላ ኡባን
- የሩሳላመ ሎኦተላ ኔና በሱ።
- 6 ነ ናናቱዋ ናናቱዋ በእ!

እስራኤልያዉ ሳሩ ግደ!

### 129

እስራኤሊ ሞርክያጥ አታናዉ ሽሾ ዋሳ

ፑደላ ከሲደ የጼዳ የሳ

- 1 እስራኤልያ አሳይ ሀዋዳን ያጎ፤  
“ኡንቱንቱ ታ ያላጋተላደጥ ደሚደ፤  
ታና ኡቅኔድኖ።
- 2 ኤ፡ ኡንቱንቱ ታ ያላጋተላደጥ ደሚደ፤  
ታና ኡቅኔድኖ፤  
ሽን ኡንቱንቱ ታና ዳይሰበይክኖ።
- 3 ታ ዘክያ ቃይጹርያን ሾጭ ሾጨደ፤  
ጎሹዳ ሾይቃ ማላትሴድኖ” ያጎ።
- 4 ሽን መድና ጎዳይ ጽሎ ግዴዳዌ  
ኢታቱዋ ቃሹዋጥ ታና ብል የዳዳ።
- 5 ጽዮን እጽያ ኡባይ፤  
ዬላቲደ ጉየ ሰሞ።
- 6 ጎልያ ሁጲያን ሞኪደ፤  
ድጫናጥ ካሰቲደ መልያ ማታ ማላ ግደ።
- 7 ሄ ማታ ቡጫናዉ ኩሽያን ዳንክያዌ፤  
ዋይ ሞርቂያ ቃችያዌ ኦንነ ባዋ።
- 8 ሄ ኦግያና አድያዋንቱ፤  
“መድና ጎዳይ ዋልቃ እሞ” ገና፤ ጫክያዋንቱ፤  
“መድና ጎዳይ አንጀ” ግያዌ ደኤና።

# 130

ማደቀ ደማናዉ ሸቄዳ ዋሳ

ፑደላ ከሲደ የጼዳ የላ

1 እቤት መድና ጎዳዉ፥ ታን መቱዋ ጨማን ደእደ፥  
ኔኮ ዋሳይ።

2 እቤት ጎዳዉ፥ ታ ኮሻ ሰሳ፤  
ታን ዋትዋትያ ዋትዋቱዋ ነ ሀይላይ ሀይዘ።

3 እቤት መድና ጎዳዉ፥ ኔን፥  
ኑ ናጋራ ማዘገብያን ጸፌደንቶ፥  
እቤት ጎዳዉ፥ ዋን ኦን ፕርዳፕ አታናዉ ዳንዳዪ፥

4 ሸን ኑን ኔና ቦንቺደ እዛዘታና ማላ፥  
ኑዉ አቶ ያጋሳ።

5 ታን መድና ጎዳ ናጋይ፤  
ኤ፥ ታን አ ላሞታን ናጋይ፤

አ ቃላንካ ሀደታ ኦሳይ።

6 ሳእይ እዉደ ዋንታንዳሻ  
ጊደ ናግያ ቃማ ዛባይንያቱዋፕ አቆእደ፥  
ታን ኡንቱንቱፕካ አላደ፥  
ጎዳ ላሞታን ናጋይ።

7 እሰራኤልያ አሳዉ፥ መድና ጎዳን ሀደታ ኦሳ፤  
እያዉ ጎፕ፥ አገና ሲቁ መድና ጎዳና፤  
ቃይ እ ኡባ ገደ አሳ አሻናዉ ኮዬ።

8 እሰራኤልያ አሳ  
ኡንቱንቱ ናጋራ ኡባፕ አሻናዌ አ።

# 131

ጸሳን አማነቱሳ

ፑደላ ከሲደ የጼዳ የላ፥ ዳውት ጸፌዳዋ

1 እቤት መድና ጎዳዉ፥ ታን ዋዛናን እይያዋ አጋድ፤  
ታ እይፍያን ኦቶሩዋን ጸላበይከ።

ዋልቃማባዉ ዋይ ኤራናዉ ዳንዳየና  
ማላልሰያባዉ ታን ሀርግከ።

2 ሄዋ አጋደ ቆንላ ዱጼዳ ናእይ  
ባረ አት ማታን ጮኤ ግያዋዳን፥  
ታን ጮኤ ጋድ።  
ኤ፥ ዋፑ ጌዳ ናኣዳን ታን ዋፑ ጋድ።

3 እሰራኤልያ አሳዉ፥ ሀቼፕ  
መድና ጋካናዉ መድና ጎዳን ሀደታ ኦሳ።

# 132

ጌሻ ጎልያ ሳባናዉ ሺቆ ማዘሙርያ

ፑደላ ከሲደ የጼዳ የላ

1 እቤት መድና ጎዳዉ፥  
ዳዊታን እ ዳንዳዬዳ መቱዋ ቆፓ።

2 መድና ጎዳዉ እ ጫቄዳዋ፥  
ያቆባ ጸሳዉ፥ ዋልቃማዉ

እ ሀዋዳን ያጊደ ገፔዳዋ ሀሳያ፤

3 “ሀዋፕ ጉይያን ታን ታ ጎለ ገልከ፥  
ዋይ ታ ሄጸን ግሰከ።

4 ታን ታ እይፍያ ጨልሞከ፥

ዎይ ገምእሽከ።

5 ሄዌነ፣ ታን መጅና ጎዳዉ ሳኣ፣  
ያቆባ ጸሳዉ፣ ዎልቃማዉ  
ደኢያሳ ጊግሳና ጋካናሳ” ያጌዳ።

6 ሄኮ፣ ኑን ታቦታባ፣  
ቤተሌመን ሰሴዶ፤  
ይኣሪማ ግያ ቢታን ኦ ኑን ደሜዶ።

7 ኑን፣ “ኣነ ኦ ደኢያሳ ቦይተ፤  
ኦ ገዲ የጅያሳን ጉፋኒይ፣  
ኣዉ ሳይኔቶ” ያጌዶ።

8 ኣቤት መጅና ጎዳዉ፣ ደንዳ!  
ነ ሞኖተላዉ ማላ ግድያ ነ ታቦታና፣  
ነ ጌሻ ጎልያ ገላደ ደኣ።

9 ነ ቁሳቱ ጽሎተላ ማይኖ፤  
ነ ኣሳቱ ናሽቻዉ የጽኖ።

10 ነ ቆማ ዳዊታ ድራዉ፣  
ኔን ኦኬዳ ካትያ ኣጎፓ።

11 መጅና ጎዳይ ዳዊታዉ ላመተና ጫቁዎ  
ሀዋዳን ያጊደ ጫቁዳ፤  
“ኣ ጉልባታፕ የለቲዳ ነ ናናቱዋፕ ኣቱዋ  
ታን ካዉላና።

12 ነ ናናቱ ታ ጫቁዋን  
ታን ታማርሱያ ትምርትያ ናጎፕ፣  
ኡንቲንቲ ናናቲካ ነ ካዉተላ ኣራታን መጅናዉ ኡታና” ያጌዳ።

13 መጅና ጎዳይ ጽዮን ደራዳ፤  
ባረዉ ደኢያሳ ኦላናዉካ ኣሞቲደ፣  
ሀዋዳን ያጌዳ፤

14 “ሀዌ ታዉ መጅናዉ ደኣያ ሳኣ፤  
ታን ኣሞቲዳ ድራዉ፣ ሀዋን ኡታና።

15 ታን ዳሮ ካላ ኣማደ ጽዮኖ ኣንጃና፤  
ኣዘን ደኣያ ሀዬሳቱዋካ ቁማ ካልሳና።

16 ኣዘን ደኣያ ቁሳቱ ዋካ  
ታን ኣቶተላ ማይዛና፤  
ኣዘን ጸሳ ኣሳቲካ ናሽቻዉ የጻና።

17 “ሀ ሳኣን፣  
ዳዊታ ዘረላፕ ኣቱዋ ካዉላና፤  
ታን ኦኬዳ ካትያ ካዉተላ ጋምኤላና።

18 ታን ኣ ሞርከቱዋ ዬላ ማይዛና፤  
ሽን ኣ ሁጲያን ደኣያ ካዉተላ ካላቻይ ጸላና” ያጌዳ።

### 133

ኣሻቱዋ ሲቆ ሺቁዳ ሳባ

ፑደላ ከሲደ የጾዳ የላ፣ ዳውት ጸፌዳዋ  
1 ኣሻቱ ኣትፕተላን ደኣያዌ ኣይባ ሎኦቤን ናሽቻያቤ!

2 ሄዌ ሁጲያ ኦክና፣ ቡቻና ጎግያ፣  
ኣርና ቡቻና ጎጊደ  
ኣ ማዩዋ ሞርግያ ጋክያ ኣልኦ ዛይትያ ማላ።

3 ሄዌ ሄርሞን ደርያ ከተርሳይ፣

ጽዮን ደረቱዋ ጋክያዋ ማላ።  
መድና ጎዳይ ሄዋን አንጁዋ፣ መድና ደኡዋ እሜዳ።

### 134

#### ጸሓጊ ጋላቱሳ

ፑደላ ከሲደ የጼዳ የላ

- 1 ህንተኛ መድና ጎዳ ቆማቶ፣  
መድና ጎዳ ጎልያን ቃማ አሳያዋንቶ፣  
ኡባይካ ሃ ዪደ፣ መድና ጎዳ ጋላትተ።
- 2 ጌሻ ጎልያን ህንተ ኩሽያ ሞጪደ፣  
መድና ጎዳ ጋላትተ።
- 3 ሳሉዋን ሳኦ መዴዳ መድና ጎዳይ፣  
ህንተና ጽዮንፕ አንጅ።

### 135

#### ጋላታ ማዘሙርያ

1 መድና ጎዳ ጋላትተ!

- ህንተኛ መድና ጎዳ ቆማቶ፣  
መድና ጎዳ ሱንላ ጋላትተ!
- 2 ህንተኛ መድና ጎዳ ጎልያ ግደን፣  
ኑ ጸሳ ጎልያ ዳባባን ኤቄዳዋንቶ፣  
ጸሓ ጋላትተ!
- 3 መድና ጎዳይ ኬካ ግድያ ድራዉ፣  
መድና ጎዳ ጋላትተ!
- እ ሎኦ ግድያ ድራዉ፣  
እ ሱንላ ሳቢተ!
- 4 መድና ጎዳይ ያቆባ ባረ ሁጸው፣  
እሰራኤልያ አሳካ ባረዉ ቡዞ ኦሊደ ደራዳ።
- 5 መድና ጎዳይ ዋልቃማ ግድያዋን  
ኑ ጎዳይ ጸሳቱዋ ኡባፕ ቶቂያዋ፣  
ታን ኤራይ።
- 6 ሳሉዋንካ ሳንካ፣  
አባቱዋንክ አንቱንቱ ጨዋቱዋ ኡባ ግደንካ፣  
መድና ጎዳይ ባረ ደሴዳዋ ኡባ ኦሴ።
- 7 አራ ቶኮ ሻርያ ሳኦ ጋጸፕ እ ደንሴ፤  
እ አራና ዋልቃንላ ኪቲ፤  
ባረ ምንጅያ ሳኦፕ ጫርኩዋ ከሴ።
- 8 ግብጾ ቢታን አሳ ናናቱዋፕ፣  
መህያ ማራፕ፣  
ባይራ የለቱዳዋንታ ዋዴዳ።
- 9 ኔኛ ግብጾ፣ ፓርኦናን አ ቆማቱዋ ሙራናዉ፣  
ህንተንቱ ግደን ኦራላባን ማላልሰያባ የዴዳ።
- 10 እ ዳሮ ካዉተላቱዋ ባይዜዳ፤  
ዋልቃማ ካተቱዋካ ዋዴዳ።
- 11 አዋረቱዋ ካትያ ሰሆና፣  
ባሳን ካትያ ኦጋ፣  
ካናን ካተቱዋ ኡባ ዋዴዳ።
- 12 ኡንቱንቱ ቢታ ባረ አሳቱዋ፣  
እሰራኤላቱዋ ላትሴዳ።
- 13 አቤት መድና ጎዳዉ፣ ነ ሱንላይ መድናዉ ደአና፤

- የለታጥ የለታ ጋካናዉ መድና ጎዳይ ሀሳየታና።
- 14 መድና ጎዳይ ባረ አሳዉ ፕርዳና፤  
እ ባረ ቆማቶ ቃረታና።
- 15 ጋድያ አሳቱዋ ኤቃቱ አሳ ኩሺ  
ብራጥነ ዋርቃጥ መዴዳዋንታ።
- 16 ኡንቱንቶ ዶናይ ደኤ፣ ሸን ሃሳይክኖ፤  
አይፊ ደኤ፣ ሸን ጼልክኖ።
- 17 ሀይሳይ ደኤ፣ ሸን ሰሰክኖ፤  
ኡንቱንቱ ዶናን ሸምፑ ባዋ።
- 18 ኡንቱንታ መዴዳዋንቱ፤  
ኡንቱንቱን አማነትያዋንቱ፤  
ኡባይ ኡንቱንቱዳን ሀንኖ።
- 19 እሰራኤልያ ጎልያ አሳቶ፤  
መድና ጎዳ ጋላትተ፤
- አሮና ጎልያ አሳቶ፤  
መድና ጎዳ ጋላትተ፤
- 20 ሌዊያ ጎልያ አሳቶ፤  
መድና ጎዳ ጋላትተ፤
- መድና ጎዳዉ ያይያዋንቶ፤  
ኡባይ መድና ጎዳ ጋላትተ።
- 21 የሩሳላመን ደኤያ መድና ጎዳይ  
ጽዮንን ጋላትተ!

መድና ጎዳ ጋላትተ!

### 136

#### ጋላታ ማዘመርያ

- 1 መድና ጎዳ ጋላትተ! እያዉ ጎጥ፥ እ ኪካ፤  
አገና አ ሲቁ መድናዋ።
- 2 ጸሳቱዋ ጸሳ ጋላትተ!  
አገና አ ሲቁ መድናዋ።
- 3 ጎዳቱዋ ጎዳ ጋላትተ!  
አገና አ ሲቁ መድናዋ።
- 4 እ ጸላላይ ዋልቃማ ማላልሰያባ ኦሴ፤  
አገና አ ሲቁ መድናዋ።
- 5 ባረ አዴዳ ኤራን እ ሳሎቱዋ መዴዳ፤  
አገና አ ሲቁ መድናዋ።
- 6 ቢታ ሃላ ቦላን ምጩዳ፤  
አገና አ ሲቁ መድናዋ።
- 7 ዋልቃማ ፖኑቱዋ መዴዳ፤  
አገና አ ሲቁ መድናዋ።
- 8 አዋይ ጋላሰ ሞዳናዳን ኦሴዳ፤  
አገና አ ሲቁ መድናዋ።
- 9 አገናይን ጸልንተቱ  
ቃማ ሞዳናዳን ኦሴዳ፤  
አገና አ ሲቁ መድናዋ።
- 10 እ ግብጼ ቢታን ባይራቱዋ ዋዴዳ፤  
አገና አ ሲቁ መድናዋ።
- 11 እሰራኤልያ አሳ፤  
ግብጹጥ ካለሊደ ከሴዳ፤

- አገና አ ሲቁ መድናዎ።
- 12 ባረ ምኖ ኩሽያን፤  
ባረ ዎልቃማ ቀሰያን ሀዎ ኦሴዳ፤  
አገና አ ሲቁ መድናዎ።
- 13 ዞኦ አባ ሻክ የጌዳ፤  
አገና አ ሲቁ መድናዎ።
- 14 አሰራኤልያ አሳ፤  
ሄ አባ ግዴዋና ፕንሴዳ፤  
አገና አ ሲቁ መድናዎ።
- 15 ግብጾ ካትያን አ ኦላንቻቱዎ  
ዞኦ አባን መክሴዳ፤  
አገና አ ሲቁ መድናዎ።
- 16 አ ባረ አሳ ካለሴደ፤  
ባዙዋና አሴዳ፤  
አገና አ ሲቁ መድናዎ።
- 17 ዎልቃማ ካተቱዎ ሸጩዳ፤  
አገና አ ሲቁ መድናዎ።
- 18 ኤረቴዳ ካተቱዎ ዎጄዳ፤  
አገና አ ሲቁ መድናዎ።
- 19 አሞረቱዎ ካትያ ሰሆና ዎጄዳ፤  
አገና አ ሲቁ መድናዎ።
- 20 ቃይ ባሳነ ካትያ ኦጋ ዎጄዳ፤  
አገና አ ሲቁ መድናዎ።
- 21 ያቲደ ኡንቴንቴ ቢታ ባረ አሳ ላትሴዳ፤  
አገና አ ሲቁ መድናዎ።
- 22 ባረ ቆማ አሰራኤልያ ላትሴዳ፤  
አገና አ ሲቁ መድናዎ።
- 23 አ ኦን ካዉሼዳ ዎደካ ኦና ቆፔዳ፤  
አገና አ ሲቁ መድናዎ።
- 24 ኦና ኦ ሞርከቱዎፕ አሼዳ፤  
አገና አ ሲቁ መድናዎ።
- 25 መጋታ ኡባዉ ቁማ አሜ፤  
አገና አ ሲቁ መድናዎ።
- 26 ሳሉዎ ጸሳ ጋላትተ!  
አገና አ ሲቁ መድናዎ።

# 137

ኦሞዳዋን ደእያ አሰራኤልያ ዬኩዎ

- 1 ባብሎነ ሻፋቱዎ ማታን ኡቲደ፤  
ኦን ጽዮነ ቆፔዳ ዎደ ዬኬደ።
- 2 ሄ ሳኣን ኦን፤  
ኦ ዳላ ሃላ ማታን ድጭያ ምላ ቦላ ካቂደ።
- 3 ኦና ኦሞዳዳ አሳቱ፤  
ኦን የጸደ፤ ኡንቴንታ ናሸቻና ማላ፤  
“ጽዮነ የላፕ አቱዎ አነ ኦዉ የጽተ” ያጌድኖ።
- 4 መድና ጎዳ የላ፤ ኦን፤  
አላጋ ቢታን ዎት የጸኔ?
- 5 የሩሳላመ ካታማቱ፤ ታን ኔና ደሳፕ፤  
ታ ኡሸቻ ኩሺ ባረ ኦሱዎ ደሳ።
- 6 ታን ኔና ሀሳየናን አሳፕ፤  
ታ ናሸቻ ኡባፕ አላደ የሩሳላመ ደሰናን አሳፕ፤  
ታ አንጻርሳይ ኮክያና ኦይቀቶ።

- 7 እቤት መድና ጎዳው፤ የሩሳላመ ኦሞደትያ ጋላስ፤  
ኤደማ አሳቱ ኦሴዳዋ ሀሳያ፤  
ኡንቱንቱ፤ “ኮልተ! ኮልተ!  
ሀርክ ጸጹዋ ጋካናዉ ላልተ!” ያጌዳዋ ደጎ።
- 8 ባብሎን ቢታው፤ ኔንካ ባያና!  
ኔን ኑ ቦላን ኦሴዳ ኢታ ኦሱዋ፤  
ነ ቦላ ኦሴዳዋ እንጀቴዳዋ።
- 9 ነ ጉላ ናናቱዋ ኦይቂደ፤  
ዛላ ቦላ ሾጭያዌ እንጀቴዳዋ።

### 138

#### ጋላታ ዋሳ

ዳውት ጸፊዳዋ

- 1 እቤት መድና ጎዳው፤ ታን ታ ኩመንላ ዋዛናፕ ኔና ጋላታና፤  
ጸሳቱዋ ሰንላን ኔና ሳባና።
- 2 ነ ጌሻ ጎልያኮ ሰማደ፤  
ነዉ ጎይናደ፤ አገና ነ ሲቁዋነ ነ ቱማተላ ድራው፤  
ታን ነ ሱንላ ጋላታይ፤  
አያዉ ጎፕ፤ ኔን ነ ሱንላን ነ ቃላ፤  
ኡባፕ አሳደ ዶቁ ኦሳደ።
- 3 ታን ጸሴዳ ጋላስ ታዉ ኮያዳ፤  
ነ ሞናተላን ታና ሞንሳዳ።
- 4 እቤት መድና ጎዳው፤ ሳኣን ደእያ ካተቱ ኡባይ፤  
ኔና ጋላትና፤  
አያዉ ጎፕ፤ ኡንቱንቱ ነ ደናፕ ከሴዳ ቃላ ሰሴድና።
- 5 መድና ጎዳ ቦንቹ ዋልቃማ ግድያ ድራው፤  
ኡንቱንቱ መድና ጎዳ ኦግያዋ የጻና።
- 6 መድና ጎዳይ ቦላ ቶቃን ደኦፕካ፤  
ሀዌሳቱዋ ኬካ አይፍያን ጸሌ።  
ሽን ኦቶራንቻቱዋ እ ሃኩዋን ኤሬ።
- 7 ታን መቱዋ ግዲዋና ሀመቶፕካ፤  
ኔን ታና ደኡዋን ናጋሳ።  
ታ ሞርከቱዋ ሀንቁዋ ቦላ ነ ኩሽያ ሞጫሳ፤  
ነ ኡሽቻን ታና አሻሳ።
- 8 መድና ጎዳይ ታዉ ጊደ ቆፔዳዋ ፖላና፤  
እቤት መድና ጎዳው፤ አገና ነ ሲቁ መድናዋ።  
ነ ኩሽያ ኦሱዋ አጋ አጎ።

### 139

#### ኡባ ኤርያ ጸሳ

ዛማረቱዋ ካፖ የጸቴዳ፤ ዳውት ጸፊዳ ማዝሙርያ

- 1 እቤት መድና ጎዳው፤ ኔን ታና ብዳደ ኤራዳ።
- 2 ታን አዉደ ኡትንቶነ  
አዉደ ኤቂንቶ፤ ኔን ኤራሳ፤  
ኔን ታ ቆፋ ኡባ ሃኩዋን ኤራሳ።
- 3 ታን ብያሳነ፤  
ሸሞፕያ ሳ ጸሞሳሳ፤  
ታ ኦገቱዋ ኡባ ኔን ኤራሳ።
- 4 እቤት መድና ጎዳው፤ ታን ታ እንጻርሳን  
እት ቃላ ሃሳያናፕ ካሰታደ፤

ኔን ታ ቆፋ ኡባ ኤራሳ።

5 ኔን ታ የሹዋን ደአሳ፤  
ነ ኩሽያን ታና ናጋሳ።

6 ነ ኤራይ ታና ሎይሎ ማለልሴ፤  
ታን አኬካናዉ ዳንዳይያሳፕ ጹቃ።

7 ታን ነ አያናፕ ሀቃ ባናዉ ዳንዳይያታ?  
ዋይ ነ ሰንፋፕ ሀቃ ባቃታናዉ ዳንዳይያታ?

8 ዩደ ሳሉዋ ከሶፕ፤  
ኔን ያን ደአሳ!

ዱገ ሰኦልያ ዋድንቶካ፤  
ኔን ያን ደአሳ።

9 አዋይ ሞክያሳ ባጋ ፓላደ ቦፕ፤  
ዋይ አዋይ ዉልያሳ ባጋን ሃካደ ደኦፕ፤

10 ሄ ሳንካ ነ ኩሺ ታና ካለሌ፤  
ነ ኡሽቻ ኩሺ ታና ዘሞፕሴ።

11 ታን፤ “ዱማዉ፤ ታና ገንፋ፤  
ፖኡዋ፤ ቃማዉ ላመታ” ያግንቶካ፤

12 ዱማ ዳሩ ነዉ ዱመና፤  
ቃማይ ጋላሳዳን ፖኤ፤  
አያዉ ሳፕ፤ ነዉ ዱማይ ፖኡዋ ማላ።

13 ኔን ታ ግደ አሳተፋ ኡባ መዳዳ፤  
ታ አት ኡሉዋን ታና ኔን ዋጸ መዳዳ።

14 ኔን ታና ማለልሴያባን ኦራላባ ኦላደ መዴዳ ድራዉ፤  
ታን ኔና ጋላታይ።

ነ ኦሶቱ ማለልሴያዋንታ!  
ታን ቃይ ሄዋ ዉርሳደ ኤራይ።

15 ታን ጌማ ሳኣን መፍትያ ዋደ፤  
ታ መቀላቱ ኔፕ ጌምባይክና።

ታ ቦላይ ታ አት ኡሉዋ ጨማ ግድን  
ሂላን አሌቀቲደ ኦሰትያ ዋደ፤

16 የለትቤና ታ አሳተፋ ነ አይፊ ባኤዳ።  
ብር አቱን ደመተናን ደአሸን፤

ታዉ ኔን ገግሴዳ ጋላሳቱ ኡባቱ  
ነ ማዘገብያን ጻፈቲድና።

17 አቤት ጸሳዉ፤  
ነ ቆፋቱ እያ ጮራቲድና!

ኡንቱንታ ኤራናዌ እያ ዋይሴ!  
18 ታን ኡንቱንታ ፓይድንቶ፤  
ኡንቱንቱ ሻፍያፕ ዳራና ሸን።

ታን ቤንትያ ዋደ፤  
ሀአካ ኔናና ደአይ።

19 አቤት ጸሳዉ፤ ኔን ኢታቱዋ ዋዳድንቶ አዬ ደኢ!  
ሰላ ጉሰያ አሳቱ ታፕ ሃክና!

20 ኡንቱንቱ ነ ቦላ ኢታባ ሃሳዪና፤  
ነ ሞርከቱ ነ ሱንፋ ባይዚና።

21 አቤት መድና ጎዳዉ፤ ኔና እጽያዋንታ  
ታን እጽክታ?

ነ ቦላ ደንድያዋንታ  
ታን ሸንትክታ?

22 ታን ኡንቱንታ ኡባ እጸይ፤  
ኡንቱንታ ታን ታ ሞርከቱዋዳን ፓይዳይ።

23 አቤት ጸሳዉ፤  
ታና ብዳደ፤ ታ ዋዛና ኤራ፤  
ታና ፓጫይ፤ ታ ኡንኤትያ ቆፋ ኤራ።



24 እነ ታናን ኢታባይ ደኦፕ ጴላ፤  
መድና ኦጊያን ታና ካለላ።

### 140

ኢታቱዋ ቦላ ሺቄዳ ዎሳ

ዛማራቱዋ ካፖ የጸቴዳ፣ ዳውት ጸፌዳ ማዘመርያ

1 እቤት መድና ጎዳጃ፣ ኢታ አሳቱዋፕ ታና አሻ፤  
ማካላንቻ አሳቱዋፕ ታና ናጋ።

2 ኡንቱንቱ ኡባ ዎደ፣  
ኢታባ ኦላናጃ ማቀቲኖ፤  
ኡባ ጋላሰካ፣  
ዋላሳ ደንጃላና ጭፍፍ።

3 ኡንቱንቱ ባረንቱ እንጸርሳ ሸሻዋዳን ቃራዪኖ፤  
ኡንቱንቱ ዶናፕ አሳ ዎድያ ሀሱዋ ሸሻ ይሻ ማላ ሃሳያይ ከሴ።

4 እቤት መድና ጎዳጃ፣ ኢታ አሳቱዋ ኩሽያፕ፣  
ታና አሻ፤  
ታ ገድያ ቃጸናጃ ጭፍፍ ማካላንቻ አሳቱዋፕ ታና ናጋ።

5 ኦቶራንቻ አሳቱ ታዉ ዲዛ ገግሴድኖ፤  
ግትያ ሂጴድኖ፤  
ታና ኦይቃናጃ ጸርያ ኦጊያን ዎጤድኖ።

6 ታን መድና ጎዳ፣ “ኔን ታ ጸሳ” ያጋይ።  
እቤት መድና ጎዳጃ፣ ታን ዎትዎትያ ዎትዎቱዋ ሰሳ።

7 እቤት ኡባ ዎድያ መድና ጎዳጃ፣  
ታና አሸያ ሞኖ፣  
ኦላ ጋላሰ ታዉ ጎንዳለ ግዳዳ።

8 እቤት መድና ጎዳጃ፣  
ኢታቶ ኡንቱንቱ አሙዋ እሞፕ፤  
ኡንቱንቱ ኢታ ማቁዋ ፖልሶፕ።

9 ታ ሞርከቱዋን ታና ጸንሶፕ፤  
ኡንቱንቱ ዶናፕ ከሰያ ኢታባይ ኡንቱንቶ ሰሞ።

10 ኡንቱንቱ ቦላ ጹግያ ቦንቁ ቆለቶ፤  
ኡንቱንቱ ታማን ኦለትኖ፤  
ሄዋፕ ላኤንሶ ደንደና ኦላን ኦለትኖ።

11 ዝግርያዋንታ ቢታይ ቶኮፕ፤  
ማካላንቻ አሳቱዋ ኢታባይ ሻንካቲደ ኦይቆ።

12 መድና ጎዳይ ሀዬሳቶ ፕርድያዋን፣  
መቶታንቻቱዋ ማታ ናግሰያዋ ኤራይ።

13 ቱሙፕ ጽሎቱ ነ ሰንሳ ጋላታና፤  
ሱረ አሳቱ ነ ሰንሳን ደአና።

### 141

ኦማርሳ ዎሳ

ዳውት ጸፌዳ ማዘመርያ

1 እቤት መድና ጎዳጃ፣ ታን ኔና ጴሳይ፤  
ታና ማዳናጃ ኤሌላ።

ታን ኔኮ ዋሰያ ዎደ፣ ታ ኩሻ ሰሳ!

2 ታ ዎሳይ እጸና ጨዋዳን፣  
ነ ሰንሳ ሺቆ፤  
ታን ታ ኩሽያ ሞጭያዌ፣  
ነዉ ኦማርሳ ያርሹዋ ማላ ግደ።

- 3 አቤት መድና ጎዳው፤ ታ ደና ናግያዋ ዋላ፤  
ታ መተርሻቱዋ ጥንግያን ዛባይንያ ኤሳ።
- 4 ባይዙዋ እሳያ አሳቱዋና፤  
ኢታ ኦሱዋ ኢጋና ማላ፤  
ታ ዋዛና ኢታባኮ ዛርፓ።  
ኤንቱንቱ ግብራካ ታና ሙዘፓ።
- 5 ጽሎ አሳይ ታና አገና ሲቁዋን  
ሲራናውን ሙራናው ዳንዳዬ፤  
ኤንቱንቱ ታና ባቆፕ ሄዌ ታ ሁጲያን ዛይትያ ኦክያዋ ማላ፤  
እያው ጎፐ፤ ታን ኡባ ገደካ  
ኢታቱዋ ኦሱዋ ቦላ ዋሳይ።
- 6 ኤንቱንቱ ዳናቱ ዛላ አፋዋና፤  
ዲገ ኦለትያ ዋደ፤  
ታ ቃላይ ቱማ ግድያዋ ኤንቱንቱ አሳይ ኤራና።
- 7 ቢታይ ጎሽትያዋዳንነ  
ጉሉ መኤሪትያዋዳን  
ኤንቱንቱ መቀላይካ ዲፋዋ ደናን ላለታና።
- 8 አቤት ኡባ ዋድያ መድና ጎዳው፤  
ታ አይፊ ኔና ዴሌ፤  
ታን ኔኮ ባቃታደ አታይ፤  
ታና ሀይቆ አላደ እሞፓ።
- 9 ኤንቱንቱ ታዉ ዋሌዳ ግትያፕነ፤  
ኢታ እሳያዋንቱ ጲርያፕ ታና ናፓ።
- 10 ታን ሳሮ አድያ ዋደ፤  
ኢታቱ ባረንቱ ዋሌዳ ግትያን ኦይቀትኖ።

# 142

## ጸሓ ማዲዋ ደማናው ሺቄዳ ዋሳ

አከካን ጸፈቱዳ ዳዊታ ግንጸዋ፤ ጎንጎሎ ግደን ደእያ ዋደ አ ዋሳ

- 1 ታ ቃላ ቶቁ አሳደ፤ መድና ጎዳው ዋሳይ።  
ታ ቃላ ቶቁ አሳደ፤  
መድና ጎዳው ዋትዋታይ።
- 2 ታ ቆሁዋ ኡባ አዉ ማጋናይ፤  
ታ መቱዋ ኡባ አዉ ኦዳይ።
- 3 ታን ሀደታ ቃንጸና ማቲያ ዋደ፤ ኔን ታ ኡግያ ኤራሳ።  
ታን ሀመትያ ኡግያን ታዉ ግትያ ቆሰ ዋሌድኖ።
- 4 ታን ታ የሹዋ ዴልያ ዋደ፤  
ታና ማድያዌ አቱነ ባዋ፤  
ታን ቆሰታ አትያ ሳአይ ባዋ፤  
ታና ናግያዌካ ባዋ።
- 5 አቤት መድና ጎዳው፤ ታን፤  
ነዉ ሀዋዳን ጋደ ዋሳይ፤  
“ኔን ታን ባቃታደ አትያ ሳአ፤  
ታን ፓጸ ደእሸን፤ ታና ጋኬዳ ሳማይ ኔና” ያጋይ።
- 6 ታን ሎይላ መቶትያ ድራው፤  
ታ ዋሱዋ ሀይዛ።  
ታና የደርሰያዋንቱ፤  
ታዉ ሎይላ ዋልቃሜዳ ድራው፤  
ታና ኤንቱንቱፕ አሻ።
- 7 ታን ነ ሱንላ ጋላታና ማላ፤  
ታና ቃሹዋፕ ብላ።

ኔን ታዉ ኬክያ ድራዉ፥  
ጽሎቱ ታ የሹዋን ሺቃና።

### 143

ጸሳ ማዲቀ ደማናዉ ሺቄዳ ዋሳ  
ዳውት ጸፌዳ ማዝሙርያ

1 እቤት መድና ጎዳዉ፥ ታ ዋሳ ሰሳ፤ ታ ዋትዋቱዋ ሀይዛ።  
ኔን ጽሎቱን አማነትያዋ ግድያ ድራዉ፥  
ታዉ ዛሩዋ እማ።

2 ነ ሰንፃን ጽሎ ግዳና አሳይ ባዋ፤  
ሄዋ ድራዉ፥ ታና ነ ቆማ ፕርዳዉ ሺሾፓ።

3 ታና ታ ሞርኪ የደርሲደ፥  
ቢታና ጋሐ ከንቼሬሴዳ፤  
በን ሀይቄዳ አሳቱዋዳን ታና ጁማን ዋሴዳ።

4 ሄዋ ድራዉ፥ ታን ሀደታ ቃንጸድ፤  
ታ ዋዛናይካ ይባቴዳ።

5 ታን በን ዋደቱዋ ሀሳያይ፤  
ኔን ኦሴዳ ኦሱዋ ኡባ ዛራ ዛራደ ቆፓይነ  
ነ ኩሺ ኦሴዳዋ አከካይ።

6 ታን ታ ኩሺያ ኔኮ ሞጫድ፤  
መላ ቢታይ ሃላ ኮይያዋዳን፥  
ታ ሸሞፑ ኔና ሳመቱ።

7 እቤት መድና ጎዳዉ፥ ታዉ ዛሩዋ እማናዉ ኤሌላ!  
ታን ሀደታ ቃንጸድ።  
ታን ዱገ ዱፋዋን ገልያ አሳቱዋ ማላ ግደናዳን፥  
ነ ሰሞኤዋ ታፕ ገንሶፓ።

8 ታን ኔና አማነትያ ድራዉ፥  
ዋንታ ዋንታ አገና ነ ሲቁዋ ታና በሳ።  
ታን ታ ሸሞፑዋፕ ኔና ዋሳያ ድራዉ፥  
ታን ባናዉ በሰያ ኦግያ ታና ታማርሳ።

9 እቤት መድና ጎዳዉ፥ ታን ኔኮ ባቃቴዳ ድራዉ፥  
ታና ታ ሞርከቱዋፕ አሻ።

10 ኔን ታ ጸሳ ግድያ ድራዉ፥  
ታን ነ ሸንያ ኦላና ማላ፥ ታና ታማርሳ፤  
ሎኑ አያናን ታና ሱረ ኦግያ ካለላ።

11 እቤት መድና ጎዳዉ፥ ነ ሱንፃ ድራዉ፥ ታና አሻ፤  
ነ ጽሎተላን ታና መቱዋፕ ከሳ።

12 አገና ነ ሲቁዋን ታ ሞርከቱዋ ዋጃ፤  
ታ ባልጋራቱዋ ኡባ ጃይሳ፤  
አያዉ ጎፕ፥ ታን ነ ቆማ።

### 144

ጸኑዋ ማዝሙርያ  
ዳውት ጸፌዳዋ

1 መድና ጎዳይ፥ ታ ዛላይ ጋላተቶ! እ ታ ኩሺያ ኦላዉ፥  
ታ ብራቅቱዋካ ቶራዉ ሎሀሴ።

2 እ ታና ሲቅያ ጸሳን ታ ጌሱዋ፤  
እ ታ ሚጸነ ታና አሸያዋ።

እ ታ ጎንዳልያን ታን ባቃታደ አትያ ሳኣ።

ካውተላቱዋ እ ታዉ ሞድሰያዎ።

- 3 እቤት መድና ጎዳዉ፡  
ኒን እዉ ቆፕያ አሳይ እ እዬ?  
ኔን ናገትያ እሳ ናእይ እዬ?
- 4 አሳይ እት ገደ ጫርክያ ጫርኩዋ ማላ፤  
እ ጋላሳቱካ አድያ ኩዋ ማላ።
- 5 እቤት መድና ጎዳዉ፡ ነ ሳሉዋ ዳካደ ዲገ ዎታ!  
ዎጋ ደረቱዋ ቦቻ፤ ኡንቱንቱካ ጨዋትኖ!
- 6 ዎልቃንሳ የዳደ ነ ሞርከቱዋ ላላ!  
ነ ዎንዳፍያ ፖላ የዳደ ኡንቱንታ የደርሳ!
- 7 ቦላና ነ ኩሽያ ዲገ የዳደ፡  
ታና ጨሞ ሃላቱዋፕ ጎቻደ ከሳ፤  
አላጋ እሳቱዋ ኩሽያፕ ታና ዎላ አካ።
- 8 ኡንቱንቱ ቱሙዋ ሃሳይክኖ፡  
ጫቂደካ ዎርዲዋ ሃሳይኖ።

- 9 እቤት ጸሳዉ፡ ታን  
ነዉ ኡራላ የላ የጸና፤  
ታሙ ባቀላን ዎጸቲዳ ዲላን ነዉ ዲጸና።
- 10 ካተቶ ጸኑዋ አማሳ፤  
ነ ቆማ ዳቂታ አሻሳ።
- 11 ታና ኢታ ማሻፕ አሻሳ፤  
አላጋ እሳቱዋ ኩሽያፕ ታና ዎላ አካ።  
ኡንቱንቱ ቱሙዋ ሃሳያና ጊደ ጫቂደካ፡  
ዎርዲዋ ሃሳይኖ።
- 12 ኑ አቱማ ናናቱ፡  
ባረንቱ ያላጋተላን ደልቂደልቂደ፡  
ድጭያ ሞላ ማላ ግድኖ።  
ኑ ማጫ ናናቱካ ካትያ ጎልያ ዘዝያን፡  
አሌቆ ኤሴዳ ቱቅያ ማላ ግድኖ።
- 13 ኑ ድየቱ፡  
ዳሮ ዲማ ዲማ ቆሞ ካላን ኩሞኖ፤  
ኑ ደሞባቱዋን ደእያ ደርሳቱ ሻእ፡  
ታሙ ሻእ የልኖ።
- 14 ኑ ሚዛቱ ብራሰኖ፤  
ኡንቱንቱ ሳልኤሰናን የለቲደ ጮራትኖ።  
ኑ ኦገቱዋን ዳጋማ ዋሱ ሰሰቶፖ።
- 15 ሀ የዉ ቱሙ ሀንያ አሳቱ፡  
አንጀቱዳዋንታ።  
ኡንቱንቱ ጸሳይ መድና ጎዳ ግድያ አሳቱ  
አንጀቱዳዋንታ።

# 145

## ጋላታ ጸሳዉ

- ዳውት ጸፌዳ ጋላታ ሳባ
- 1 እቤት ታ ጸሳዉ፡ ታ ካትያዉ፡ ታን ኔና ግታያናን፡  
ነ ሱንላ መድ መድናዉ ጋላታና።
- 2 ታን ኔና ኡባ ጋላሰ ሳባና፤  
ነ ሱንላካ መድ መድናዉ ጋላታና።
- 3 መድና ጎዳይ ዎልቃማ፤ ቶቃ ጋላታይ እዉ በሴ።  
እ ግታተላይ አሳ ቆፋፕ አዴ።

144:3 እድባ 7:17-18፤ ማዘ. 8:4

- 4 እት የለታይ ሀራ የለታው  
 ኔን ኦሴዳዋ ኦዳና፤  
 ነ ማላልሰያ ኦሱቱዋካ አዋያና።
- 5 ኡንቱንቱ ነ ቦንቹዋን  
 ነ እንጋ ግታተላባ ሃሳያና፤  
 ታንካ ነ ማላልሰያ ኦሱቱ  
 ዛራ ዛራደ ቆጋና።
- 6 አሳይ፥ “ሆላ!” ጊሰያ ነ ኦሱቱዋ ዋልቃባ ሃሳያና፤  
 ታንካ ነ ግታተላ አዋያና።
- 7 ኡንቱንቱ ነ ኬካተላ ዳሩዋ ኦዳና፤  
 ነ ጽሎተላባካ የጻና።
- 8 መድና ጎዳይ ቃረትያዋን ማርያዋ፤  
 እ ሀንቀታናዉ ኤሌለናዋን፤  
 ዳንዳያንቻን አገና ሰቆ ዳርያዋ።
- 9 መድና ጎዳይ ኡባዉ ኬካ፤  
 እ ባረ መዴዳ ኡባዉ ቃረትያዋ።
- 10 አቤት መድና ጎዳዉ፥  
 ነ መጠታ ኡባይ ኔና ጋላታና፤  
 ነ አሳቱ ኡባይካ ኔና ሳባና።
- 11 ኡንቱንቱ ነ ካዉተላ ቦንቹዋባ ሃሳያና፤  
 ነ ዋልቃባ ኦዳና።
- 12 ሄዋን፥ ነ ዋልቃማ ኦሱቱዋባን  
 ነ ካዉተላ ቦንቹዋ አንጋባ  
 አሳ ኤርሳና።
- 13 ነ ካዉተላይ መድና ካዉተላ፤  
 ነ ማታይ የለታ ኡባ ጋካናሳ።

መድና ጎዳይ ባረ ጌዳ ቃላዉ ኡባዉ አማንትያዋ፤  
 እ ባረ ኦሱቱዋ ኡባን ቃረትያዋ።

- 14 መድና ጎዳይ ሆኬዳዋንታ ኡባ ዘምጥሴ፤  
 ኩንዴዳዋንታ ኡባ ደንሴ።
  - 15 ኡባ አይፊ ኔኮ ጼሴ፤  
 ኡንቱንታ ኮሽያ ዋድያን ኔን ኡንቱንቶ ቁማ አማሳ።
  - 16 ኔን ነ ኩሽያፕ አማ፤  
 ፓጾ ደእያዋንታ ኡባ አሙዋ አላ።
  - 17 መድና ጎዳይ ባረ ኦግያን ኡባን ጽሎዋ፤  
 እ ባረ ኦሱቱዋ ኡባን ቃረትያዋ።
  - 18 መድና ጎዳይ ባረና ጼሰያ ኡባዉ፥  
 ቱሙዋን ባረና ጼሰያ ኡባዉ ማታን ደኤ።
  - 19 እ ባረዉ ያይያዋንቱ ኡባዉ፥  
 አሙዋ ኩንሴ።
- ቃይ እ ኡንቱንቱ ዋሱዋ ሰሲደ፥  
 ኡንቱንታ አሼ።
- 20 መድና ጎዳይ ባረና ሲቅያዋንታ ኡባ ናጌ፤  
 ሸን ኢታቱዋ ኡባ ጳይሳና።
  - 21 ታን ታ ዳናን መድና ጎዳ ጋላታና።  
 መጠታ ኡባይ እ ጌሻ ሱንላ  
 መድ መድናዉ ጋላቶ!

ማዳ ጸሳዉ ጋላታ

1 መድና ጎዳ ጋላትተ!

- ታ ሸምፓቲ መድና ጎዳ ጋላታ!
  - 2 ታ ደኤዋ ላይላ ኡባን፤  
ታን መድና ጎዳ ጋላታና፤  
ታን ደኤዳ ኬናን ኡባን  
ታ ጸሳ ሳባና።
  - 3 አሳይ አሻናዉ ዳንዳየና ድራዉ፤  
አሳ ካፓቱዋን አማነቶፕተ።
  - 4 ኡንቱንቱ ሸምፑ ከሰያ ዎደ፤  
ኡንቱንቱ ቢታዉ ሰሚና፤  
ኡንቱንቱ ሀልቹ ኡባይ  
ሄ ጋላሰካ አት አጌ።
  - 5 ያቆባ ጸሳይ ማድያ ኡራይነ  
መድና ጎዳ ባረ ጸሳ ባረዉ ህደታ ኦሰያ ኡራይ፤  
አንጀቱዳዋ።
  - 6 መድና ጎዳይ ሳሉዋነ ሳአ፤  
ዎልቃማ አባነ አ ግደን ደአያዋ ኡባ፤  
መዲዳዋ፤  
አ መድናዉካ አማነትያዋ።
  - 7 እ ናቀቱዳዋንቶ ፕርድያዋ፤  
ኮሻቱዳዋንቶ ቁማ አምያዋ።
- መድና ጎዳይ ቃሸቱዳዋንታ ብሊ፤
- 8 መድና ጎዳይ ቆቀቱዋ ጸልሲ።  
መድና ጎዳይ ኮንዴዳዋንታ ደንሉ፤
- መድና ጎዳይ ጽሎቱዋ ሲቱ።
- 9 መድና ጎዳይ በተቱዋ ናጌ።  
አምኤቱዋነ እዉ ባይና ናናቱዋ ማዴ፤  
ሸን ኢታቱዋ ኦግያ ባለሌ።
  - 10 መድና ጎዳይ መድናዉ ካተቱ።  
ጽዮኔ፤ ነ ጸሳይ፤  
የለታፕ የለታ ጋካናዉ ካተታና።
- መድና ጎዳ ጋላትተ!

# 147

ኡባ ዳንዳይያ ጸሳዉ ሸቅያ ጋላታ

- 1 መድና ጎዳ ጋላትተ! ኑ ጸሳ ሳቢያዌ ሎእ፤  
አ ሳቢያዌ ናሸቶያባነ በሲያዋ።
- 2 መድና ጎዳይ የድሳለመ ኦራላና፤  
አሰራኤልያ አሳቱዋፕ በቱዳዋንታካ ሸሻና።
- 3 ዎዛናይ መኤዳዋንታ አ ፓሌ፤  
ኡንቱንቱ ማዲላካ አ ቃቹ።
- 4 እ ጸልንተቱዋ  
ኡንቱንቱ ፓይዱዋን ኤሬ፤  
ኡንቱንታ ኡባካ ኡንቱንቱ ሱንላን ሱንላን ጸሴ።
- 5 ኑ ጎዳይ ዎልቃማ፤ አ ዎልቃይ ዳራ፤  
አ አከካይ ልክያፕ አድያዋ።
- 6 መድና ጎዳይ ናቀቱዳዋንታ ዘምፕሲ፤  
ሸን ኢታቱዋ ቢታን ዱገ ኦሌ።

- 7 መድና ጎዳዉ ጋላታ የላ የጽተ፤  
ኑ ጸሳዉ ዲላ ዲጽተ።
- 8 እ ሳሉዋ ሻርያ ካሜ፤  
ሳአዉ እራ ቡክሴ፤  
ቄሪ ደረቱዋ ቦላ ማታ ሞክሴ።
- 9 መሄቶን ዋሲያ ቁሩዋ ማራቶ፤  
ሞያዋ እ እሜ።
- 10 እ ናሽትያዌ ፓራቱዋ ዋልቃንነ፤  
ቶራንቻቱ ሞኖተላን ግደና።
- 11 መድና ጎዳይ ባረዉ ያይያዋንቱንነ  
አገና እ ሲቁዋን፤  
ባረንቱ ሀደታ ዋሌዳዋንቱን ናሽቱ።
- 12 የሩሳላመ ካታማቱ፤ መድና ጎዳ ጋላታ!  
ጽዮኔ፤ ነ ጸሳ ጋላታ!
- 13 እያዉ ጎፕ፤ እ፤  
ነ ፐንግያ ኩልባቱዋ ሞንሴ፤  
ነ ግደን ደእያ ነ አሳካ እንጂ።
- 14 እ ነ ዛዋ ሳርተላን ናጌ፤  
ኔና ሎይላ ሎእያ ዛርጋ ካልሴ።
- 15 እ ባረ ኪታ ሳአዉ ኪቲ፤  
እ ቃላይካ ኤለ ጋኪ።
- 16 እ ሻቻ ቡሉኩዋዳን ሞጩ፤  
ከተርሳ ብድንሳዳን ላሌ።
- 17 እ ባረ ዋልቃማ ሻቻ  
ሹቻዳን ዱገ ኦሌ።
- ሄ ሜጉዋን ኤቃናዉ እንነ ዳንዳየና።
- 18 እ ባረ ቃላ ኪቲደ፤  
ሻቻ ሙሽሴ።
- እ ጫርኩዋ ጫርክሰና፤ ሃላይ ጎጌ።
- 19 እ ባረ ቃላ ያቆባ ዘረላዉ፤  
ባረ አዋዩዋን ፕርዳ

እስራኤልያ አሳዉ አዋጮ።  
20 እ ሀራ ካዉተላ አሳዉ፤  
ሀዋ ኦልቤና፤  
ኤንቱንቱ አ ፕርዳ ኤርክና።

መድና ጎዳ ጋላትተ!

# 148

መጠታይ ኡባይ ጸሳ ጋላቶ

- 1 መድና ጎዳ ጋላትተ!  
ሳሎቱዋን ደእያዋንቶ፤ መድና ጎዳ ጋላትተ፤  
ቦላ ቆቃን ደእያዋንቶ፤ አ ጋላትተ።
- 2 ህንተኖ፤ አ ኪታንቻቶ፤  
ኡባቱ አ ጋላትተ።  
ሳሉዋን ደእያ አ ኦላንቻቶ፤  
ኡባቱ አ ጋላትተ።
- 3 አዋዉ፤ አግናዉ፤ አ ጋላትተ፤  
ፖእያ ጸልንተቶ፤ ኡባቶ አ ጋላትተ።
- 4 ህንተኖ፤ ኡባፕ ቦላ ቆቃን ደእያ ሳሎቶ፤  
አ ጋላትተ።  
ሳሉዋፕ ቦላና ደእያ ሃላቶ፤  
አ ጋላትተ።

- 5 ኤንቴንጌ ኡባቱ መድና ጎዳ ሱንላ ጋላትኖ፤  
እያዉ ጎጥ፣ እ እዛዝና፤  
ኤንቴንጌ ኡባይካ መፍቱድኖ።
  - 6 እ ኤንቴንጋ መድ መድናዉ  
ኤንቴንጌ ሳኣን ሳኣን ዋፌዳ።  
ኤንቴንጌ ኡባካ እጸናዉ ዳንዳየና አዛዙዋ እ ኤንቴንቶ እሚዳ።
  - 7 ሳኣን ደእያዋንቶ፣ መድና ጎዳ ጋላትተ!  
እባን ደእያ መጋቶ፣ ዋልቃማ አባ ጨማቶ፣  
ኡባቱካ እ ጋላትተ።
  - 8 ህንተኖ፣ ዋልቃንላዉ፣  
ሻቻዉ፣ ሻርያዉ፣ ጫጋናዉ፣  
አ አዛዙዋ ፖልያ ጎትያዉ፣  
ኡባቱካ እ ጋላትተ።
  - 9 ህንተኖ፣ ደረቶ፣ ዘዘቶ፣  
ምያ አይፍያ አይፍያ ምላቶ፣ ዝጋቶ፣  
ኡባቱካ እ ጋላትተ።
  - 10 መሄቶ፣ ደአቶ፣  
ሳኣና ጎሽትያ መጋቶ፣  
ፓልያ ካፎቶ፣  
ኡባቱካ እ ጋላትተ።
  - 11 ሳኣ ካተቶ፣ ካዉተላ አሳቶ፣  
ካፓቶ፣ አሳ ሞድያዋንቶ፣  
ኡባቱካ እ ጋላትተ።
  - 12 ዋደላቶ፣ ዋዶራቶ፣  
ጭማቶ፣ ናናቶ፣  
ኡባቱካ እ ጋላትተ!
  - 13 ኤንቴንጌ ኡባቱ መድና ጎዳ ሱንላ ጋላትኖ፤  
እያዉ ጎጥ፣ እ ሱንላይ ኡባጥ ቦላና ደእያዋ፤  
አ ቦንቹ ሳሎቱዋጥካ ሳኣጥካ ቦላና ቶቃን ደኤ።
  - 14 አ ባጋ ግድያ፣ አዉ ማታትያ እስራኤልያ አሳቱ፣  
አ ጋላታና ማላ፣ እ ኤንቴንጋ ምንሴ።
- መድና ጎዳ ጋላትተ!

# 149

## ጸኑዋ ማዘሙርያ

- 1 መድና ጎዳ ጋላትተ! መድና ጎዳዉ ኦራላ የላ የጽተ!  
አማንያዋንጌ ሸቁዋን እ ሳቢተ!
- 2 እስራኤልያ አሳቱ  
ባረንጋ መጰዳዋን ናሽትኖ።  
ጽዮን አሳቱ ባረንጌ ካትያን ሎይሰ ናሽትኖ።
- 3 ዲራደ፣ ካራቡዋ ባቁደነ፣  
ዲላ ዲዲደ፣ አ ሱንላ ሳቢኖ።
- 4 እያዉ ጎጥ፣ ጸሳይ ባረ አሳን ናሽቴ፤  
ናቀቴዳዋንቶ ጸኑዋ እሚደ፣  
አ ኤንቴንጋ ቦንቹ።
- 5 አሳቱ ባረንጌ ጸኑዋን ናሽትኖ፤  
ቃማን ኡባን ናሽቻዉ የጽኖ።
- 6 ኤንቴንጌ ዶናን ጸሳ ጋላታይ፣  
ኤንቴንጌ ኩሽያንካ ላኡ ባጋ ኩሳ ማሻይ ደኤ።
- 7 ሄዌካ፣ ኤንቴንጌ ካዉተላቶ፣



- ሀሉዋ ከሳናሳን አሳቱዋ ሙራናሳ።
- 8 ኡንቱንቱ ካተቱዋ ሳንሳላታን፤  
ኡንቱንቱ ኦላ ጋዳዋቱዋካ ብራታን ቃቻናሳን፤
- 9 ኡንቱንቱ ቦላ ጸፈቱዳ ፕርዳ ፖላናሳ።  
ሄዌ ጸሳ አሳቱዋ ኡባዉ ጸኑዋ።

መድና ጎዳ ጋላትተ!

# 150

## ጸሳ ጋላትተ

1 መድና ጎዳ ጋላትተ!

አ ጌሻ ሳኣን ጸሳ ጋላትተ፤  
አ ዋልቃማ ሳሉዋን አ ጋላትተ።

2 አ ዋልቃማ አሳቱዋ ድራዉ፤ አ ጋላትተ፤  
ኡባፕ አድያ አ ግታተሳዳን አ ጋላትተ።

3 ማላካታ ፑኒደ፤ አ ጋላትተ፤  
ዲላን ማሰንቁዋ ዲዲደ፤  
አ ጋላትተ።

4 ዳርቢያ ባቂደን ዱሪደ፤  
አ ጋላትተ፤

ዲላ ዲዲደን ሎኩዋ ፑኒደ፤ አ ጋላትተ።

5 ዳዋላ ቃሊደ፤ አ ጋላትተ፤  
ዳዋላ ሸጨደ፤ አ ጋላትተ።

6 ፓጸ ሸዋፓቱ ኡባቱ፤  
መድና ጎዳ ጋላትተ!

መድና ጎዳ ጋላትተ!

# ሌምሱዋ ማጻፋት

## ገሌዋ

ሌምሱዋ ማጻፋይ ሂሳ ሃሳያንን ሌምሱዋ ሃሳያን ገጌዳ ኦሱዋን አማኑዋ ትምርትያ። እ ዳር ባጋ አሳ ደኤዋን ሆች ሆች ጋከትያ ሀኖቱዋባ ኦዳ። ኮይሮ ደሚደካ፣ “አዴዳ ኤራተላዉ ደመሳይ ጸሓዉ ያይያዋ” ያግ ሀሳይሲደ ደሚ። እ ታማርሰያዌ አማኑዋ ዋጋን አሳይ ኦሳናባ ጸላላ ግደናን፣ አሳይ ባረ ሆች ሆች ደኤዋን ሀኖናዉ በሰያ ሎኦ ኤሻን ኦሳናዉ በሰያ ሎኦ ኦሱዋ ጉጂደ ታማርሲ። ሀ ማጻፋ ግደን አሸከተላባን፣ አሳዉ ቃረትያዋን አማኑትያዋን ዳር ትምርቲ ሌምሱዋን አመቲዳ።

### ሸምጋቱዋ ኡባቶ አመቲዳ ቃንሳ ቆፋቱዋ

- ሌምሳቱዋ ዋቲደ ጎኤታንንቶ 1:1-7
- አዴዳ ኤራተላ ኮያናዳን አመቲዳ ማቁዋ 1:8—7:27
- አዴዳ ኤራተላ ሳቢደ ኦደቲዳ ማዘመርያ 8:1—9:18
- ሶሎሞና ሌምሳቱዋ 10:1—29:27
- አጉራ ሃሳያ 30:1-33
- ሊሙኤላ ዳያ ባረ ናኣ ታማርሲዳ ትምርትያ 31:1-31

### ሌምሳቱዋ ዋት ጎኤታንንቶ

(1:1-7)

- 1 ሆዋንቱ አሰራኤልያ ካትያ ዳዊታ ናኣ ሶሎሞና ሌምሳቱዋ።
- 2 ሌምሶቲ አሳይ አዴዳ ኤራተላ፣ ሴራን ኤራ ሃሳያ አከካናዉ ማዲና።
- 3 ኤንቱንቱ አዴዳ ኤራተላን፣ ደአና ደኤዋ፣ ጽሎተላ፣ ሱሪ ፕርዳን ሱሪተላ ታማርሰያዋንታ።
- 4 ቦዛቶ አከካ፣ ዋዳላቶ ኤራተላን ዋዛናማተላ አምያዋንታ።
- 5 አዴዳ ኤራንቻቱ ሀ ሌምሳቱዋ ሰሲደ፣ ኤራ ጉጂና፤ አከካንቻ አሳቱካ ሎኦ ዘርያ አኪና።
- 6 ሄዋዳን ሌምሳቱዋን ኤንቱንቱ ብለላ፣ አዴዳ ኤራንቻቱዋ ሃሳያን ኤንቱንቱ ቃንአሸቱዋ አከካናዉ ጻገዳየቲ።
- 7 አዴዳ ኤራተላዉ ደመሳይ መቲና ጎዳዉ ያይያዋ፤ ሸን ቦዛቱ አዴዳ ኤራተላን ሴራ ካዲና።

### አዴዳ ኤራተላ ኮያናዳን አመቲዳ ዘርያ

(ሌም. 1:1—7:27)

- 8 ታ ናአዉ፣ ነ አቡ ዘርያ ሰሳ፤ ነ ዳያ ታማርሰያዋካ ደጎጋ።
- 9 ሄዌ ነ ሁጲያዉ ቦንቾ ካላቻ፤ ነ ቆጵያዉካ ሀብልያ ግዳናዋ።
- 10 ታ ናአዉ፣ ኔና ናጋራንቻቱ ባለላ፣ ኤኖ ጎጋ።
- 11 ኤንቱንቱ ኔና፣ “ኡናና ደንዳ፤ አሳ ዋቆናዉ ቆሰቲደ ናጎይተ፤ ጋሱ ቆየጥን ጽሎቱዋ ዋቆናዉ ቆሰት ኡቶይተ፤
- 12 ሰኦሊ ሞትያዋዳን፣ ኦንካ ኤንቱንታ ፓጾ ደአሸና ሞቶይተ፤ ኦን ኤንቱንታ ጨዋ ኦላን ኦልያ አሳቱዋዳን ኦሳና።
- 13 ኦን አልኦ ሚሻ ኤባ ደማና፤ ኦ ጎልያካ ኦሞዴዋን ከንሳና፤
- 14 ከናና ዘፐቱዋን፤ ደሚዳዋካ አትፐ ግሸታና” ያጋና።
- 15 ታ ናአዉ፣ ኤንቱንቱና ኦግያ ሀመቶጋ፤ ነ ገድያ ኤንቱንቱ ሎሱዋ የድሶጋ።
- 16 አያዉ ጎፐ፣ ኤንቱንቱ ኢታባ ኦሳናዉ ዋደኖ፤ አሳ ሱላ ጉሳናዉ ኤሊሊና።
- 17 ካቶ ጾልሸን፣ አ ኦይቃናዉ ዳባ የግያዌ አይን ማደና።
- 18 ሸን ኤንቱንቱ ባረንቱ ሱላ ጉሳናዉ ባረንቶ ዋጽማድያ ሞጨና፤ ባረንቱ ሸምፑዋ ዋቆናዉ ቆሰት ኡቲና።
- 19 ቦንቄያን ጎኣ ደምያ ኡባቱዋ ዉርሰሳይ ሄዋ ማላ፤ ሄዌ አዛዉ ሸምፑዋ አከ።

### አዴዳ ኤራተላ አጸፐ ኔና ኤራ!

- 20 አዴዳ ኤራተላታ ኦግያን ጴሳዉ፤ ጉታራን ባረ ታቶ ኦሳደ ሰሳዉ።
- 21 አዴዳ ኤራተላታ አሳይ ሸቅያ ሳኣን ኤቃደ ጴሳዉ፤ ካታማ ገልያ ፐንግያን ኤቃደ።
- 22 “ሀንተና፣ አከካይ ፓጨዳዋንቶ፣ ሀንተ አከካ ፓጨ አዉደ ጋካናዉ ደሲቲ? ቅሊጭያዋንቶ፣ ቅሊጭያዋን አዉደ ጋካናዉ ናሸቲቲ? ቦዛቶ፣ ኤራተላ አዉደ ጋካናዉ አጸቲ?
- 23 ታ ሴራኮ ሰሞፐ፤ ታን ታ ኤራ ሀንተ ቦላ ጉሳና፤ ታ ቃላካ ሀንተና ታማርሳና።
- 24 ታን ጴሴዳ ዋደ፣ ሀንተ ኮየናን አጴድታ፤ ታን ኩሸያ ሞጭናካ፣ ኦን አከክቤና።

- 25 ታ ዘርያ ኡባ ካዴድታ፤ ታ ሴራካ አክበይክታ።
- 26 ሄዋ ድራሬ፡ ህንተና ሙቱ ጋክያ ዎደ፡ ታን ህንተ ቦላ ሚጫና፤ ህንተና ባሻይ ጋክያ ዎደ፡ ታን ቅለጫና።
- 27 ዳጋማይ ኡሹዋዳን ህንተ ቦላ ይያ ዎደ፡ ሙቱ ጎትያዳን ህንተ ቦላ ይያ ዎደ፡ ቱጋይነ ዋዪ ህንተ ቦላ ጋክያ ዎደ፡ ታን ህንተና ቅለጫና።
- 28 “ሄ ዎደ ኡንቱንቱ ታና ጸሳና፤ ሸን ታን ኮይክ፤ ኡንቱንቱ ታና ሞንሲደ ኮያና፤ ሸን ደምክና።
- 29 አያው ጎጥ፡ ኡንቱንቱ ኤራተላ አጼድኖ፤ ሙድና ጎዳው ያይያዎ ደርበይክና።
- 30 ታ ዘርያ አክበይክና፤ ታ ሴራ ኡባካ ካዴድኖ።
- 31 ሄዋ ድራሬ፡ ኡንቱንቱ ባረንቱ ኦፊዳ ኦሱዋ አይፍያ ማና፤ ባረንቱ ቆፔዳ ቆፋ አይፍያካ ካላና።
- 32 አኪካይ ፓጩዳዋንታ አዴዳ ኤራተላጥ ሃክያዌ ዎዴ፤ ቦዛቱዋ ሸነኮ ግያዌ ዳይሴ።
- 33 ሸን ታን ኡድያዎ ሰሰዋንቱ ኡባይ ዎፑ ጊደ፡ ሳር ደአና፤ ሙቱዋ ሀርጋገካ ሸምፓና” ያጋጋ።

## 2

### አዴዳ ኤራተላጥ ቤትያ አንጃዋ

- 1 ታ ናአው፡ ኔን ታ ግያዋ አኮጥ፡ ታ አዛዙዋካ ነ ግደን ሞንጀጥ፡
- 2 አዴዳ ኤራተላ ሀይዘጥ፡ ነ ዎዛናጥ አኪኮጥ፡
- 3 ኤራተላ ጸሶጥ፡ አኪካካ ዶቁ ኦላደ ጸሳ።
- 4 አሳይ ብራ ዎይ ቆሴዳ ሚሻ ኮይያዋዳን፡ ኔን ኤራተላ ኮያ።
- 5 ሄ ዎደ ኔን ሙድና ጎዳው ያይ ግያዌ አየንቶ አኪካና፤ ጸሳካ ሎይላደ ኤራና።
- 6 አያው ጎጥ፡ ሙድና ጎዳይ አዴዳ ኤራተላ እሚ፤ አጥ ኤራተላይነ አኪካይ ቤቴ።
- 7 አ ሱረቶ ማድያ ዘርያ ሞንጃ፤ ቶሺ ባይናን ሀመትያዋንቶካ አ ጎንዳልያ።
- 8 ቱሙዋ ፕርዳ ኦግያ ናጌ፤ ባረሬ አማነትያዋንቱ ኦግያካ ናጌ።
- 9 ሄ ዎደ ኔን ጽሎተላ፡ ሱረ ፕርዳ፡ ሱረተላነ ሎኦ ኦሱዋ ኡባ ኤራና።
- 10 አያው ጎጥ፡ አዴዳ ኤራተላይ ነ ዎዛና ገላና፤ ኤራተላይካ ነ ሸምፖ ናሸቻ ግዳና።
- 11 ኔና አዲሰ ቆፕያዌ ናጋና፤ አኪካይካ ኔና ናጋና።
- 12 አዴዳ ኤራተላይ ኔና ኢታ አሳቱዋ ኦግያጥ ናጋና፤ ጌላባ ሃሳይያዋንቱጥ አሻና።
- 13 ኡንቱንቱ ናጋራ ቆማን ደአናው፡ ጽሎተላ ኦግያ አገኖ።
- 14 ኢታ ኦሳያዋን ናሸቱና፤ ጌላባን ሀሹ ጊኖ።
- 15 ኡንቱንቱ ኦሳያዌ ሞርቀላ፤ ኡንቱንቱ ደኡካ ጌላ።
- 16 አዴዳ ኤራተላይ ዎሹምያ ሞሽራትጥ፤ ሸሌሽያ ቃላን ሃሳይያ ላገላትጥ ኔና አሻና።
- 17 አዛ ስቅ ናአተላ አሰና አጋጋ፤ ባረ ጸሳ ሰንላን ጫቁቱዳ ጫቁዋካ ደጋጋ።
- 18 አዛ ጎላ ብያዌ ሀይቃናው ብያዎ፤ አዘ ኦጊ ሀይቆ ካለፊ።
- 19 አኮ ብያ ኦንካ ጉየ ሰመና፤ ደኡዋ ኦግያካ ደመና።
- 20 ሄዋ አጋደ፡ ኔን ሎኦ አሳቱዋ ሌምሱዋ ካላ፤ ጽሎ አሳቱዋ ደኡዋካ ቁላ።
- 21 አያው ጎጥ፡ ሱረ አሳቱነ ቶሺ ባይና አሳቱ ቢታን ጋምኢደ ደአና።
- 22 ሸን ኢታቱ ቢታጥ ዶቆለታና፤ አማንተናዋንቱካ ሾደቲደ ዳያና።

## 3

### ጸሳን አማነትያዋ

- 1 ታ ናአው፡ ታን ኔና ታማርሰያዋ ደሳፓ፤ ታ አዛዙዋካ ነ ዎዛናን ዎላ።
- 2 አያው ጎጥ፡ ኡንቱንቱ ነ ላይላ አዲሳና፤ አሻሎ ደኡዋን ሳርተላ ነው ጉጃና።
- 3 አገና ሰቁነ ቱማተላይ ኔጥ ሃኮፕና፤ ኡንቱንታ ነ ቆድያን ቃቻ፤ ነ ዎዛናንካ ኡንቱንታ ጻፋ።
- 4 ያቶፕ፡ ኔን ጸሳነ አሳ ሰንላን ሳበታና ናሸታና።
- 5 ነ ፖሎ ዎዛናን ሙድና ጎዳ አማነታ፤ ነ አኪካን ዘምፖፓ።
- 6 ኔን ኦሳያ ኦሱዋ ኡባን አ ሰንላያ፤ አ ኔና ሱረ ኦግያ ካለላና።
- 7 ኔን ነ ሀዲያን አዴዳ ኤራንቻ ከሶፓ፤ ሙድና ጎዳው ያያ፤ ኢታጥካ ሃካ።
- 8 ሄዌ ነ ቦላ ፓጸ ዎላና፤ ነ ሙቀላካ ሞንሳና።
- 9 ሙድና ጎዳ ነ ዱረተላን ቦንቻ፤ ኮይሮ አይፊዳ ካላ ኡባጥካ ጸራ እው እምያዋን አ ቦንቻ።
- 10 ያቶፕ፡ ነ ዬሰቱዋን ካላይ ኩማና፤ ነ ባላካ አይፈ ዎይንያ ኡሳይ ኩሚደ ፓላሀና።
- 11 ታ ናአው፡ ሙድና ጎዳ ሴራ ካዴፓ፤ አ ኔና ሴርያ ዎደካ ላንጮፓ።

- 12 እያዉ ጎጥ፡ እዉ ባረ ሲቅያ ናእ ሲርያዋዳን፡ መድና ጎዳይ ባረ ደሰያ ኡራ ሴሬ።
- 13 አዴዳ ኡራተላ ደምያ ኡራይ፡ እኩካካ ባረዋ አላያ ኡራይ እንጀጉዳዋ።
- 14 እያዉ ጎጥ፡ አጥ ደምያ ጎእይ ዋርቃጥነ ብራጥ ደምያ ጎእጥ እዴነ ኪኪ።
- 15 አዴዳ ኡራተላይ እንቁዋጥ ሎይላ አልኤ፤ ኔን ደማናዉ እዋትያ ኡባይ አዴዳ ኡራተላና ልከተና።
- 16 አዴዳ ኡራተላይ ነ ላይላ አዴሲ፤ እ ነዉ ዳረተላኝ ቦንቹዋ ጉጁ።
- 17 አ ኦገቱ ናሸቹያ ኦገቱዋ፤ አ ሎሱዋ ኡባይካ ሳሩዋ።
- 18 አ ባረና ኦይቁያዋንቶ ደኡዋ ዋላ፤ አ ምንሰ ኦይቁያ ኡባቱካ እንጀጉዳዋንጋ።
- 19 መድና ጎዳይ ባረ አዴዳ ኡራተላን ሳእ መዴዳ፤ ባረ እኩካካካ ሳሎቱዋ ምንሴዳ።
- 20 አ ኡራተላን ሻፋቱ ጎሊና፤ ሻራቱዋጥካ አራይ ቡኪ።
- 21 ታ ናእዉ፡ ሎኦ አዴዳ ኡራተላን አዴሰ ቆጥያዋ ናጋ፤ ኡንቱንቱ ኔጥ ሻከቶጥና።
- 22 ኡንቱንቱ ነዉ ደኡዋ ግዳና፤ ኡንቱንቱ ነዉ እሻሉዋን ናሸቻ ደኡዋ እማና።
- 23 ሄ ዋደ ኔን ነ ኦግያን ሀርግ ባይናን ሀመታና፤ ነ ገዳካ ፉባተና።
- 24 ኔን ግሴዳ ዋደ፡ ያያካ፤ ግሳደካ ማልኦ ገምእሹዋ ገምእሻና።
- 25 እኪከናን ጋዘያ ባሻዉ፡ ዋይ ኢታቱ ጳይያ ጳዩ ያያካ።
- 26 እያዉ ጎጥ፡ መድና ጎዳይ ነዉ አማነትያዋ ግዳና፤ ነ ገዳካ ጸርያን ኦይቀተናዳን፡ አ ኔና ናጋና።
- 27 ነዉ ዋልቃይ ደእሸና፡ መቶቲዳዋ ሎኦባ ኦላያዋ አጎጥ።
- 28 ሀእ ነዉ ደእሸና፡ ነ ሾር፡ “ሰማደ ያ፤ ታን ነዉ ዋንት እማና” ያጎጥ።
- 29 ኔናን አማነቲደ፡ ነ ማታን ደእሸና፡ ነ ሾሩዋ ቦላ ኢታባ ኦላናዉ ቆጥጋ።
- 30 ኔና ናቁቤና አሳ፡ ጮ ዋቶጋ።
- 31 ሰገላ ኦላያ አሳቱዋ ቁሎጋ፤ ኡንቱንቱ ኢታ ኦሱዋካ ካሎጋ።
- 32 እያዉ ጎጥ፡ መድና ጎዳይ ኢታ ኦላያዋንታ እጾ፤ ሸን ስራቱዋ አ ኡሎጥ ሲቁ።
- 33 መድና ጎዳ ሸቃይ ኢታ ኦላያዋንቱ ሰይና፤ ሸን አ እንጁ ሱረባ ሀንያዋንቱ ሰይና።
- 34 ኦቶረቲደ ቅለጭያዋንታ ጸሳይካ ቅለጮ፤ ሸን ባረንጎ ካዉሸያዋንታ ናሹ።
- 35 አዴዳ ኡራጎቻቱ ቦንቹዋ ደማና፤ ሸን ቦዛቱ ካዉሻና።

4

ጭንጫተላጥ ቤትያ ጎእ

- 1 ታ ናቶ፡ ሀንተ እሱ ዞርያ ሰሰተ፤ ሎይላ ሀይዝተ፤ ያቶጥ፡ ሀንተ እኪካና።
- 2 ታን ሀንተዉ ሎኦ ትምርትያ እምያ ድራዉ፡ ታ ትምርትያ አጎጥተ።
- 3 ታን ታ ሁጺያንካ ታ አቦ ናእ፤ ታ አትዉካ አ ሲቅያ መጽ እት ናእ።
- 4 ታ እሱ ታና ታማርሲደ፡ ሀዋዳን ያጌዳ፤ “ታን ኦድያዋ ነዉ ገሎ፤ ታ አዛዙዋ ናጋ፤ ያቶጥ፡ ኔን ፓጸ ደእና።
- 5 አዴዳ ኡራተላን እኪካ ደማ፤ ታን ነዉ ኦዳዳዋ ደጎጎ፤ ታ ቃላጥ ከሰጋ።
- 6 አዴዳ ኡራተላዉ ዘክያ ዛርጋ፤ እያዉ ጎጥ፡ አ ኔና እሻና፤ አ ሲቃ፤ አ ኔና ናጋና።
- 7 አዴዳ ኡራተላይ ኡባጥ አድያ ድራዉ፡ አዴዳ ኡራተላ ደማ። እኪካይ ነ ደእያዋ ኡባ ዉርሰ አኮጥካ አ ደማ።
- 8 ኔን አ ቦንቻ፤ እካ ኔና ቆቁ ቆቁ ኦላና፤ ኔን አ ኦይቆጥ፡ አ ኔና ቦንቻና።
- 9 አ ነ ሁጺያን ሳባ ካላቻ ዋላና፤ ቦንቻ ካላቻ እማና” ያጌዳ።
- 10 ታ ናእዉ፡ ሰሳ፤ ታን ግያዋካ እካ፤ ነ ደኡዋ ሳይሳይካ አዴቃና።
- 11 ታን ኔና አዴዳ ኡራተላ ኦግያ ካለላና፤ ሱረ ሎሱዋካካ አፋና።
- 12 ኔን ሀመትያ ዋደ፡ ነ ሀመትያሳን ፉቢያዋ ደኤና፤ ዋጸጥካ ፉባታካ።
- 13 ታማሪዳዋ ሀሳያ፡ የደጋ፤ ትምርቲ ነዉ ደኡዋ ግዳዳ ድራዉ፡ ሎይላ ናጋ።
- 14 ናጋራንቻቱዋ ኦግያ የቆጋ፤ ኢታ አሳቱዋ ኦግያንካ ሀመቶጋ፤
- 15 አጥ ሃካ፤ እን ሀመቶጋ፤ አጥ ጉዮ ሰማ፤ ያታደ ነ ኦግያን ባ።
- 16 እያዉ ጎጥ፡ ኡንቱንቱ ኢታባ ኦላና ጋካናዉ፡ ገምእሻናዉ ዳንዳይክና፤ ኡንቱንቱ አሳ ፉባናን ኡንቱንታ ገምእሹ አፈና።
- 17 ኡንቱንቱ ናጋሪ ኡክላዳን ማና፤ ሰገላ ኦሱዋካ ኡሻዳን ኡሸና።
- 18 ጽሎቱዋ ኦጊ ሴታ ጋላሳይ ጋካናዉ፡ ጉጅ ጉጅ ፖእያ ዋንታ ጸልቂያ ማላ።
- 19 ሸን ናጋራንቻቱዋ ኦጊ ድጽ ጎ ፉማ ማላ፤ ኡንቱንቱ ዋት ፉባትንቶካ ኤርክና።
- 20 ታ ናእዉ፡ ታን ኦድያዋ ሰሳ፤ ታን ኦድያዋካ ሎይላደ ሀይዘ።
- 21 ታን ኦዳዳባቱ ነ እይፍያጥ ገሞጥና፤ ኡንቱንታ ነ ዋዛናን ዋላ።
- 22 እያዉ ጎጥ፡ ኡንቱንታ ደምያ አሳዉ ኡባዉ ደኡዋ እማና፤ ኡንቱንቱ ቦላዉካ ፓጸተላ እማና።

- 23 ኡባባጥካ ነ ዋዛና ሞንሳደ ናጋ፤ እያዉ ጎጥ፤ ደኡ አጥ ፑልቴ።
- 24 ነ ደናጥ ገነ ሃሳያ ድጋ፤ ዋርደ ሃሳያ ነ ደናጥ ድጋ።
- 25 ስት ጋደ ሰንሳዉ ጸላ፤ ነ እይፊ ነ ሰንሳን ደእያዋ ትሽ ኦሊደ ጸሎ።
- 26 ነ ገድያዉ ሀመትያ ኦግያ ሱርሳ፤ ሱሪ ኦግያ ጸላላን ሀመታ።
- 27 ሱሪ ኦግያጥ ኡሸቻ ሀድርሳ ጎጥ፤ ነ ገዲ ኢታሳ ቤናዳን ናጋ።

### 5

#### ዋሹማጥ ሃካ

- 1 ታ ናአዉ፤ ታ እዲዳ ኤራተላ ሀይዛ፤ ነ ሀይላ ታ እኩካኮ የጋ።
- 2 ያቶ፤ እዲሳ ቆፋይ ነዉ ደእና፤ ነ ሃሳያይካ ነ ኤራተላ ቆንጭሳና።
- 3 ዋሹምያ ማጫ ምሽራት እንጸርሳጥ ኤሳ እልሉ ጸኬ፤ እ ሃሳያይ ኦይሳጥካ አቋ ሹኤ።
- 4 ሸን እዛ ዉርሰላን ጎዳሪ ኡላዳን ጫማዉ፤ ላኡ ባጋን ቃንጸያ ማሻዳን ቃንጸያና፤
- 5 እ ገደቱ ሀይቆዋኮ ዲገ ቢኖ፤ እ ሀመታይ ስት ኦሊደ፤ ዲፋዋ አፊ።
- 6 እዛ ደኡዋ ኦግያ ቆፑኩ፤ እ አገቱ ጌላ፤ ሸን ጌላ ግድያዋካ እ ኤራኩ።
- 7 ታ ናቶ፤ ሀእካ ታን ኦድያዋ ሰሰተ፤ ታን ግያዋጥ ከሰጥተ።
- 8 ዋሹምያ ማጫ ምሽራት ሄራ ቦጥተ፤ እ ጎልያ ጥንግያኮ ሸቆጥተ።
- 9 ሄዌ ቆዮ፤ ህንተ ህንተንቱ ቦንቹዋ ሀራቶ እሊደ እማና። ህንተንቱ ህንተንቱ ያላጋተላን
- ወቀላ ባይና አሳቱዋ ኩሸያን ሀይቃና።
- 10 ህንተንቱ ማጸዋ አላጋ አሳቱ አካና። ህንተ ዳቡሪደ ሸሼዳዌ ሀራ አሳዉ ግዳናዋ።
- 11 ዉርሰላን ህንተ አሹነ ህንተ አሳተሳይ ግልቁና፤ ህንተ ኦላና።
- 12 ቃይ ሀዋዳን ያጋንታ፤ “ታን ትምርትያ እያዉ እጸድታሻ! ታ ዋዛናይካ ሴራ እያዉ ካዲዳሻ!
- 13 ታን ታና ታማርሰያዋንቱ ኦዲዳዋ አካቢይከ፤ ታና ዘርያዋንቱ ዘርያካ ሀይዛቢይከ።
- 14 ሄዋ ድራዉ፤ ታን አሳይ ሸቆዳ ሸቆዋን፤ እኩከናን ካዉሻናዉ ደእይ” ያጋና።
- 15 ነ ማቻትዉ እማነቱዳዋ ግደ፤ እዝ ጸላላ ሲቃ።
- 16 ሀራ ማጫንጥ የለቱዳ ነ ናናቱ፤ ነዉ ሎኦባ ኦልክና።
- 17 ኡንቱንቱ ኔና ማዳናዉ ድጭኖ፤ አላጋ ግደጥና።
- 18 ሄዋ ድራዉ ነ ማቻትና ናሸታ፤ ያላጋተላን ኔን እኩዳ ነ ማቻትጥ ናሸቻ ኮያ።
- 19 ሎእያ ጋራትዳን ነ ናሸቻያ ገንኦቲዳን፤ እ ቆንሳይ ኡባ ዋደካ ኔና እሎ፤ ኡባ ዋደ እ ሲቁ ኔና
- አዋድ።
- 20 ታ ናአዉ፤ ዋሹምያ ምሽራታ ኔና እያዉ ኦዋዳይ? ሀራ አሳ ማቻቶ እያዉ ቆማይ?
- 21 እያዉ ጎጥ፤ አሳይ ኦልያዋ ኡባ መድና ጎዳይ ቢኤ፤ እ ሀመትያ ሎሱዋ ኡባ ጸሎ።
- 22 ናጋራንቻ እ ኦሌዳ ናጋራይ ኦይቁ። እ ናጋራ ግቲ እ ቃቹ።
- 23 እ ባረ ቦዛተላን ሀሌዳ፤ ባረ ሁጲያ ናግቢና ድራዉ ሀይቁዳ።

### 6

#### ሀኙ ሀኙ ደኡ ማድያ ትምርትያ

- 1 ታ ናአዉ፤ ኔን ሚሻ ታልኡዳ ነ ሾር ዋሰ ገሌዳዋ ግደጥ፤ ኔን ኤረና ኡራዉ ነ ኩሸያ ባቃደ ገፔዳዋ ግደጥ።
- 2 ኔን ገፔዳ ገፋ ግትያን ገሌዳዋ ግደጥ፤ ነ ደናጥ ከሴዳ ቃላን ኦይቀቱዳዋ ግደጥ።
- 3 ሰም ኔን ነ ሾሩዋ ኩሸያን ገላዳ። ሄዋ ድራዉ፤ ታ ናአዉ፤ ሄዋጥ ከሳናዉ ኮፕ፤ ኤላ ነ ሾሩዋ ጎላ ባ፤ ዋሰተላ እ ነ ቦላጥ ዋሳና ማላ፤ አዉዳሻደ እ ዋሳ።
- 4 ሀዋ ኦግናን ደእደ ገምእሾጋ፤ ሸምጥዋካ ሸምፖጋ።
- 5 ሻንካንቻቱዋጥ ገንእታ ከሳ እክያዋዳን፤ ዳባጥ ካፋታ አትያዋዳን፤ ነ ሀጲያ አሻ።
- 6 ኔና አዛላዉ፤ ቃጮቱዋኮ ባ፤ ኡንቱንቱጥ ታማራ። ያተይ እዲዳ ኤራንቻ ግዳ።
- 7 ቃጮቱዋ አሰሳናዉ፤ ካፕ ዋይ ኡንቱንታ ሞድያዌ ባዋ።
- 8 ሸን ባረንቶ ማናባ ቦንያን ምንጂኖ፤ ካላ ጫክያ ዋደካ ባረንቶ ኩሸያ ቁማ ሸሸኖ።
- 9 ኔና አዛላዉ፤ ኔን አዉደ ጋካናዉ ገምእሻይ? ነ ገምእሹዋጥካ አዉደ ደንዳይ?
- 10 ኔን ቃይካ ጉላ ግሳሳ፤ ጉላ ገምእሻሳ፤ ኩሸያ ሸሻ አካደ፤ ጉላ ሸምፖሳ።
- 11 ያትያ ዋደ ሀዬሳተላይ ፓንጋዳን፤ ፓጫይ ኦላ ሚሻ ኦይቁዳ አሳዳን፤ ነ ቦላ ያና።
- 12 ኢታ አሳይነ ባላ አሳይ፤ ዩይ ዩዩደ ዋርዲዋ ኦዳ፤
- 13 እ ባረ አይፍያን ሰምኤ፤ ባረ ገድያን ቦሴ፤ ባረ ብራድያን ጸርሴ።
- 14 እ ዋዛናን ጌላተላይ ደኤ፤ እ ኢታባ ቆፔ፤ ኡባ ገደካ እ ዋላሳ መዴ።

- 15 ህዋ ጋሱቀን ባሻይ እኩከናን አ ቦላ ያና፤ እ ሀሳየናን መእና፤ መኢደካ ፓጽ።
- 16 መድና ጎዳይ እጽፍ ኡሱቱን የዋቱ ደእና፤ እ ላፑንሰያዋ ኢሰ እጾ።
- 17 ካጲደ ጴልያ አይፍያ፡  
 ዋርዶትያ እንጸርሳ፡  
 ጌሻ አሳቱዋ ሱፋ ጉሰያ ኩሸያ፡
- 18 ኢታባ ማቂያ ዋዛና፡  
 ኢታባኮ ኤሌሊደ ዋጽያ ገድያ፡
- 19 ዋርዶዋ ቦላ ዋርዶዋ ጉጅ ጉጂደ እድያ ዋርዶ ማርካ፡  
 አሻቱዋ ግድን ዋላሳ መድያ አሳ።

ዋሹምያ አሳይ ሙረተናን አተና

- 20 ታ ናአው፡ ነ እቡ አዛዙዋ ፖላ፤ ነ አታ ኔና ታማርሴዳዋካ አጎፓ፤
- 21 አንቱንታ ኡባ ገደ ነ ዋዛናን ኦይቃ፤ ነ ቆድያንካ ቃቻ።
- 22 ኔን ሀመትያ ዋደ፡ አንቱንቱ ኔና ካለፋና፤ ኔን ግሰያ ዋደ፡ አንቱንቱ ኔና ናጋና፤ ኔን ቤጎትያ ዋደካ፡ አንቱንቱ ኔና ዘራና።
- 23 እያው ጎፕ፡ ሀ አዛዙቱ ጸምፕያ፤ ትምርተቱካ ፖኡዋ፤ ቃይ ሴራይካ ደኡዋኮ እፍያ ኦግያ።
- 24 ሀ አዛዙቱን ሀ ትምርተቱ ኢታ ማጫንፕን ሀራ ሞሽራት ሸሊሽያ እንጸርሳፕ ኔና ናጋና።
- 25 አ ማላ ነ ዋዛናን አሞቶፓ፤ እ አይፍያ ሎኦተፋን አሞደቶፓ።
- 26 እት አቱማ አሳይ ጫራቶ እት ኡክፋ ጋትያን ደማናዉ ዳንዳዬ፤ ሽን አሰናይ ደእያ ሞሽራትና ዋሹሙሳይ ሸምፑዋ ዋድሴ።
- 27 እት አሳይ ታማ እድምና፡ አ ማዩ ሚተተናን አታናዉ ዳንዳዬ?
- 28 እት አሳይ ታማ ቦንቆዋ የድ ሀመትና፡ አ ገዲ ጸገተናን አታን?
- 29 አሳ ማቻትኮ ገልያ ኡራይ ሂዋካ ማላ፤ እዘ ቦችያ ኡባይ ሙረተናን አተና።
- 30 ካይሱ ኩሻቲደ፡ ባረዉ ማናዉ ዉአፕ፡ አሳይ አ ካ፳ና።
- 31 ሸን እ አይቀቱዳዋ ግደፕ፡ ላፑን ዳኩዋ ጭጋና፤ ባረ ሶ ሚሻ ኡባካ እማና።
- 32 ሸን ዋሹምያ አሳይ ዋዛና ፓጫ፤ ሄ ኡራይ ባረ ሸምፑዋ ባይዘ።
- 33 ማዳዳናን ቶሽታና፡ ኡባ ዋደካ እ ቦረቲደ ደእና።
- 34 እያው ጎፕ፡ ማጫ ሞሽራት አሰናይ ሞሽቲደ፡ ሀንቁዋ ሱላና፤ ባረ ሀሉዋ ከሰያ ዋደ፡ አዉ ቃረተና።
- 35 እ እያ አጫካ አከና፤ አይ ኬሻ እሙካ አ ሀንቁዋ ደሸሰና።

# 7

ዋሹምያ ሞሽራት ጭሙዋ

- 1 ታ ናአው፡ ታ ቃላ ናጋ፤ ታ አዛዙዋካ ነ ጋርሳን ቆሳ።
- 2 ነዉ ፓጸ ደእናዉ ታ አዛዘያዋ ኦፋ፤ ታ ትምርትያካ ነ አይፍያ ቡሉዋዳን ናጋ።
- 3 ሀሳይሰያዋዳን አንቱንታ ነ ብራ፳ቱዋን ቃቻ፤ ነ ዋዛናንካ ጸፋ።
- 4 አዲዳ ኡራተፋ ነ ሞቻትዳን፡ እኩካካ ነ ማታ ዳቡዋዳን ጸላ።
- 5 አንቱንቱ ኔና ጫራትያ ሞሽራትፕን ባረ ቃላን ሸሊሽያ ሀራ ሞሽራትፕ ናጋና።
- 6 እት ጋላሰ ታን ታ ጎልያ ማሰኩትያና ካረ ጴላድ፤
- 7 ዋዛና ኩንሰቤና ዋዳላ ናናቱዋ ቦእድ። አንቱንቱ ግደፕ እቱ ሎይሰ ቦዛ።
- 8 ሄ ዋዳላይ ኦግያና ቢደ፡ እት ዋሹምያ ማጫ ሞሽራት ጎልያ ማታና አዲዳ፤ እ ጎለ አፍያ ኦግያኮ ፕኒደ፡ እ ጎልያ ሄራን ሀመቱ።
- 9 ሄ ዋደ ሳአይ ቃማናዉ ለምእለምኤ።
- 10 ሄዋፕ ጉይያን፡ ሞሽራታ አ ደማዱ። እዛ ጫራቶ ግድያዋ እዘ ማዩ ኤርሴ። እዛ አሳ ጭማናዉ ቆፓደ ከሳዱ።
- 11 እዛ ጸላን ዬላይ ባይና ማጫ አሳ፤ ሶን ዋፑ ጋደ ኡቱኩ።
- 12 እዛ እት ገደ ኦግያን፡ እት ገደ ገያን፡ ዳባባ ኡባን ኤቃይ ናጋዉ።
- 13 አ ሄ ናአ ቆማደ የራዱ፤ እዛ አ አይፍያ ዬል ባይናን ትሽ ሳፋ ጴላደ ሀዋዳን ያጋዱ፤
- 14 “ታን ታ ያርሹዋ ያርሻደ፡ ታ ቃንገላ ሀእ ጋላ ሰማይ።
- 15 ያታደ ኔና ጸሞሳናዉ ከሳድ፤ ኔና ሎይፋ ኮያድ፤ ሀእ ሰም ደማድ።
- 16 ታን ግብጾፕ ዬዳ፡ አሌቁዳ እንሶላ ታ ሂጸን የጋድ።
- 17 ታን ካዋራ፡ አልሙንያን ቃራፋ ጌተትያ ቅማማቱፕ ከሴዳ ሸቱዋ ታ ሂጸን ጫጫፋድ።
- 18 ሃያ፤ እን ዋንታና ጋካናዉ ሰቆዋ አሎይተ፤ ቆመቲደካ ናሽቶይተ፤
- 19 እያው ጎፕ፡ ታ አሰናይ ሶን ግድና፤ ሃኮ ሳ ቤዳ።
- 20 ሚሻ ቃርጨታ ኩንሰ እኪደ ቤዳ ድራዉ፡ አገናይ ደይሳና ጋካናዉ ጎለ ሰመና” ያጋዱ።

- 21 ባረ ማልኦ ሃሳያን ኦ ሸሌሻዲ፤ ባረ ሊቆ እንጻርሳን ጭማዲ።
- 22 ያተና፣ ኤላካ እ እዙ ካሊደ፣ ብ እኔዲ። ቦራይ ሹክያሳ ላገትያዋዲን፣ ጋራይ ኤሌሊደ ጲርያን ገልያዋዲን፤
- 23 ቶራይ ኦ ዋዛና ጫድያዋዲን ሀኔዲ። ዳባ ግደ ገሌዳ ካፋዋ ማላቴዳ። ሀዌ ኡባይ ኦ ሸምጥዋ ባይዛናዉ ሀንያዋ ኤርቤና።
- 24 ታ ናናዉ፣ ኦ፤ ሀእ ሰሰተ፤ ታ ደና፤ ስሰያ ቃላካ ሀይዘተ።
- 25 ነ ቆፋይ ሄ ማጫ ሞሽራትና ቦፖ፤ እ ኦግያን ገላደ ባላቶ።
- 26 ኦ ጫደደ ኦሌዳዋንቱ ኦንደኔዳዋንታ፤ ኦ ዋዴዳዋንቱካ ሎይላ ዳራ።
- 27 ኦ ሰያይ ዱፋዋኮ ኦፍያ ኦግያ፤ ሄ ኦጊ ዳገ ሀይቁዋ ጌሱዋ ካለሌ።

### 8

#### አዴዳ ኤራተላ ሳቢደ ኦዴዳ ማዘመርያ (8:1—9:18)

- 1 ቱሙ አዴዳ ኤራተላታ ጸሰኩ? ኦኩካይካ ባረ ቃላ ቶቁ ኦ፤?
- 2 ኦግያ ደናን ደእያ ዘዘቱዋ ቦላነ ኦገቱ ዳን፤ ትያሳን እዘ ኦቃዉ፤
- 3 ድርሳ ፐንግያ ማታን፣ ካታማ ገልያ ፐንግያን ኤቃደ፣ ባረ ቃላ ቶቁ ኦላደ፣ ሀዋዲን ያጋዉ፤
- 4 “ሀንተኖ ኦሳቶ፣ ታን ሀንተና ጸሳይ፤ ታን ኦሳ ኡባ ጸሳይ።
- 5 ሀንተኖ ኦኩካይ ፓጩዳዋንቶ፣ ሂላ ደማናዉ ታማርተ። ሀንተኖ ቦዛቶ፣ ኦኩካ ደምተ።
- 6 ታን ዳር ሎኦባ ኦድያ ድራዉ ሰሰተ፤ ታን ሱረባ ኦዳናዉ ታ መተርሻ ደያይ።
- 7 ታ ደናይ ቱሙዋ ሃሳዬ፤ ታ መተርሻይ ዋርደባ እጹ።
- 8 ታ ደናይ ሃሳይያዌ ኡባይ ቱማ፤ ጌላ ዋይ ምርቀላ ግደና።
- 9 ኦኩካይ ደእያ ኡራዉ ታ ሃሳይ ወሰ፤ ኡራይ ደእያዋንቶ ታ ሃሳይ ቆንጩ።
- 10 “ብራ ኦጊደ፣ ታ ዘርያ ደርተ፤ በርተ ዋርቃካ ኦጊደ፣ ኤራተላ ደርተ።
- 11 እያዉ ጎፐ ታን፣ አዴዳ ኤራተላታ፣ ኦኩካዋ ግያ ዳር ኦላኦ ሹቻፐካ ኦሳይ፤ ኔን ኦሞትያዌ ኡባይካ ታናና ላገታናዉ ዳንዳየና።
- 12 “ታዉ፣ አዴዳ ኤራተላታዉ ኦኩካይ ደኤ፤ ኤራተላይካ ኦዳሳ ቆፋይካ ታናና ኦትፐ ደእና።
- 13 መድና ጎዳዉ ያደያዌ ኤታተላ እጽያዋ፤ ታን ኦቶራዋን ኦደዋ እጻይ፤ ኤታሳ ኦፍያ ኦግያን ዋርዳዋ ሃሳያ ደሰኩ።
- 14 ዘሪን ሎኦ ኤራይ ታዋንታ፤ ኦኩካይካ ዋልቃይን ታዉ ደእና።
- 15 ካተቱ ታናን ካዉቲኖ፤ ቃይ ሞድያዋንቱ ሱረ ሀግያ ታናን ከሰና።
- 16 ካፓቱ ታን ማድና፣ ኦሳ ሞድኖ፤ ሳኦን ጋድያ ሞድያ ዋልቃዉ ኦሳቱዋ ኡባካ ታን ማዳይ።
- 17 “ታን ታና ሲቅያዋንታ ሲቃይ፤ ታና ምንሲደ ኮይያዋንቱካ ደማና።
- 18 ዱረተላይን ቦንቹ ታናና ደእና፤ ዉረና ኦቁን እንጂ ታ ማታና።
- 19 ሀንተ ታፐ ደምያ ኦይፊ በርተ ዋርቃፐን ታ ጫርሻይ ሙሽሰ ከሴዳ ብራፐ አዴ።
- 20 ታን ጽሎተላ ኦግያን ሀመታይ፤ ሱረ ፕርዳ ሎሱዋና ኦሳይ።
- 21 ታና ሲቅያዋንቶ ታን ማጾዋ ኦማና፤ ኦንቱንቱ ጎልያካ ታን ሚሻን ኩንላና።
- 22 “መድና ጎዳይ ታና ባረ ኦሱዋ ኡባፐ ኮይር መዴዳ፤ በንገካ ኦ ኦሶ ደመላይ ታና።
- 23 በን ዋይ፣ ቢታይ ሳኦይ መፍታናፐ ካሰ ታን ሱን፤ ታድ።
- 24 ዋልቃዉ ኦሳቱ ባይና ዋይ፣ ሃላ ፐልቶቱ ቆኦቤና ዋይ፣ ሄ ዋይ ታን የለታድ።
- 25 ደረቱን ደላቱ መፍታናፐ ካሰ ታን የለታድ።
- 26 መድና ጎዳይ ሳኦን ሳኦን ደእያ ጋይቱዋ ኡባ መላናፐ ካሰ፣ ዋይ ኦት ኮጳ ግድያ ባናይ ኦላምያን ኦሰታናፐ ካሰ ታን የለታድ።
- 27 “መድና ጎዳይ ሳሎቱዋ ሞጩዳ ዋደን ዋልቃዉ ኦሳቱዋፐ ቦላና ደእያ ሳሎዋ ገግሴዳ ዋይ፣ ታን ያን ደኦይ።
- 28 መድና ጎዳይ ሻረቱዋ ቦላን ዋሌዳ ዋይ፣ ዋልቃዉ ኦሳ ፐልቶቱዋ ቆሴዳ ዋይ፣
- 29 ኦሳ ሃላቱ ባረንቶ እመቲዳ ዛዋፐ ፕኒደ፣ ቦላዉ ኦፍዳና፣ እ ኦንቱንታ ኦዛዜዳ ዋይ፣ ሳኦ ባሱዋ እ ባሴዳ ዋይ፣ ታን ያን ደኦይ።
- 30 ሄ ዋይ ታን ኦ ማታን ኤሪቲዳ ኦሳንቻ፤ ኡባ ጋላሰ ታን ናሽቻን ኩማይ፤ ታዉካ ኦ ሰንላን ናሽታይ።
- 31 እ መዴዳዌ ኡባይ፣ ሳኦይካ ኦሳ ናናቱካ ታና ናሽቹና።
- 32 “ሀእካ ሰም ታ ናቶ፣ ሰሰተ፤ ታን ኦድያዋዲን ኦልያዋንቱ እንጀቲዳዋንታ።
- 33 ታ ትምርትያ ሰሰተ፤ አዴዳ ኤራጎቻ ግድተ፤ ሰሴዳዋ ሸኩ ጎፐተ።

- 34 ታና ሰሰያ ኡራይ፣ ሆች ሆች ታ ፐንገን ቤትያ ኡራይ፣ ታ ጎለ ገልያሳንካ ናግያ ኡራይ እንጀቱዳዋ።
- 35 ታና ደምያዌ ደኡዋ ደሜ፤ መድና ጎዳፐ እ ሳባ ደሜ።
- 36 ሽን ታና ደመናን እግያ ኡራይ ባረና ቆሄ፤ ታና እጽያ ኡባቱ፣ ሀይቁዋ ሲቂኖ” ያጋጩ።

### 9

#### እዴዳ ኡራተሳን ቦዛተሳ

- 1 እዴዳ ኡራተሳታ ባረ ገልያ ኪዳዲ፤ ሄ ጎልያዉ ላፑን ቱሳቱዋ ኡሳዲ።
- 2 እዛ ባረ ገግሰያ ሹብያዉ ሞቶ መሀያ ሹካዲ፤ ዋይንያ ኤሳካ አጋደ ገግሳዲ። ማዳ ሰንሳዉ አላዲ።
- 3 ያታደ አሳ ጸሳናዉ ባረ ቆማቱዋ ኪታዲ። ቆማቱ ካታማዉ ቶቃ ሳካን ኤቂደ፤
- 4 “ሀንተኖ፣ ኡራይ ፓጩዳዋንቶ ሀዋ ገልተ!” ያጌድኖ። ቦዛቱዋካ እዛ ሀዋዲን ያጋዲ፤
- 5 “ሃ ዪተ፤ ታ ቁማ ሚተ፤ ታን እጌዳ ዋይንያ ኤሳካ ኡሸተ!
- 6 ቦዛተሳ አጌደ፣ ደኡዋን ደእተ፤ እከካ ኦግያን ሀመትተ” ያጋጩ።
- 7 ቅሊጭያ ኡራ ሴርያ አሳይ ባረዉ ቦርያ እኬ፤ ኢታ ኡራ ዘርያዌካ ባረዉ ቆሄቱ።
- 8 ቅሊጭያ ኡራ ዘርፓ፤ እ ኔና እጻና። እዴዳ ኡራንቻ ኡራ ዘራ፤ እ ኔና ደሳና።
- 9 እዴዳ ኡራንቻ ኡራ ታማርሳ፤ ያቶ፣ እ ካሰዋፐካ እዴዳ ኡራንቻ ግዳናዋ። ጽሎ ኡራካ ታማርሳ፤ ያቶፐ እ ኡራ ጉጃና።
- 10 እዴዳ ኡራተሳዉ ደመሳይ መድና ጎዳዉ ያይያዋ፤ ጌሻ ጸሳ ኤርያዌ እኬክያዋ።
- 11 ታናን ነ ላይላይ ዳራና፤ ነ ደኡዋ ላይላይካ አዲቃና።
- 12 ኔን እዴዳ ኡራንቻ ግደፐ፣ ነ ሁጲያዉ ጎኤታሳ። ኔን ቅሊጭያዋ ግደፐካ፣ ነ ሁጲያዉ ቆሄታሳ።
- 13 ቦዛ ምሽራታ ዋላሳ ዳራዉ፤ እዛ ባረና ናገናዉና። እዛ እይነ ኡራኩ።
- 14 እዛ ባረ ካረን፣ ዋይ ካታማዉ ቶቃ ሳካን ኦይድያን ኡታዉ።
- 15 ሱሪ ባረንቱ ኦግያ ኦይቂደ ብያ አሳ ጸሳደ።
- 16 “ሀንተኖ፣ ኡራይ ፓጩዳዋንቶ፣ ታኮ ሃ ዪተ” ያጋጩ። እከካይ ባይናዋካ፤
- 17 “ዉኢደ ኡሸያ ሃላይ ማልኤ፤ ገማን ምያ ቁማይካ ናሸቼ” ያጋጩ።
- 18 ሽን እ ሀይቁዳ አሳይ ያን ደእያዋ፣ እዝ እማላቱካ ዲፋዋ ጨዋ ግደን ደእያዋ ኡሪና።

### 10

#### ሶሎሞና ሊምሳቱዋ (10:1—29:27)

- 1 ሀዋንቱ ሶሎሞና ሊምሳቱዋ። እዴዳ ኡራንቻ ናእይ ባረ አዉዋ ናሸቼ፤ ሽን ቦዛ ናእይ ባረ አቶ ካዮዬ።
- 2 ናጋራን ደሜዳ ሚሻይ ጎኤና፤ ሽን ጽሎተላይ ሀይቁዋፐ አሸ።
- 3 መድና ጎዳይ ጽሎቱዋ ኮሻይሰና፤ ሽን ናጋራንቻቱዋ አመቀ ፖልሰና።
- 4 አዛላተላይ ማንቁሴ፤ ሽን ምኒደ ኦልያዌ ዲረዬ።
- 5 እዴዳ ኡራንቻ ኡራይ ካላ ቦንያን ሸሸ፤ ሽን ካላ ጫክያ ዋይ ገምእሽያ ኡራይ ካዉሸ።
- 6 ጽሎ አሳይ እንጀቱ፤ ሽን ናጋራንቻ ዶና ማካላይ ካሚ።
- 7 ጽሎዋ ሰንሳይ እንጁዋን ጸሰተደ ደኤ፤ ሽን ናጋራንቻቱዋ ሰንሳይ ደገቱ።
- 8 እዴዳ ኡራንቻቱ አዛዜዳዋ ኦሊና፤ ሽን ቦዛተሳን ጮ ዶናትያዋንቱ ባሻዉ ቢኖ።
- 9 ሱሪ አሳይ ሳር ደኤ፤ ሽን ጌላ ኡራይ ባረ ባይዙዋን ኦይቀቱ።
- 10 አሳ ቦላ ሰምእያ ኡራይ መቱዋ አዬ።
- 11 ቦዛተሳን ጮ ዶናትያዋንቱ ባሻዉ ቢኖ።
- 11 ጽሎዋ ሃሳያይ ደኡዋ ፑልትያ፤ ሽን ናጋራንቻ ሃሳያይ ማካላተላ ገንፍ።
- 12 እጹ ፓሉምያ ደንጬ፤ ሽን ሲቁ ባይዙዋ ኡባ ፓይደና።
- 13 ዋዛናማ አሳይ እዴዳ ኡራን ሃሳዬ፤ ሽን ቦዛ ኡራይ ጸምእን ሸጩቱ።
- 14 እዴዳ ኡራንቻቱ ኡራ ዳጋዪኖ፤ ሽን ቦዛ ሃሳያ ሃሳያይ ኡራይ ባረና ባይዙ።
- 15 ዲርያ ሚሻይ ድረቱዳ ካታማ ማላ፣ ባረ ጎዳ ናጌ፤ ሽን ሀይሳተላይ ሀይሳ ጳይሴ።
- 16 ጽሎ ኡራ እ ሎኦ ኦሱ ደኦ ካለ፤ ሽን ኢታ ኡራ ዉርሰላይ ሙሩዋ አሄ።
- 17 ሴርና ኤኖ ግያ ኡራይ ደኡዋ ኦግያን ሀመቱ፤ ሽን ሴርና እጽያ ኡራይ ባሊ።
- 18 እጲደ ባረ እጽያዋ ኡርሰና ኡራይ ዋርዳንቻ፤ ዝግርሳ ላልያ ኡራይካ ቦዛ።



- 19 ዳር ሃሳያ ግድን ናጋራይ ቆየና፤ ሽን ባረ ዳና ሸሽ እክያ ኡራይ አዲዳ ኤራጎቻ።
- 20 ጽሎቱ እንጸርሳይ ትገቱዳ ጌሻ ብራ ማላ፤ ሽን ኢታ ኡራ ቆፋጧ ጋቲ ጉላ።
- 21 ጽሎ ኡራ ሃሳያይ ዳር አሳ ጎኤ፤ ሽን ባዛቱ ባረጎንቱ ዋዛና ፓጫን ሀይቂና።
- 22 መድና ጎዳ እንጂ ዱረ ከሴ፤ እ ሄ ዱረተላን መቱዋ ዋላከና።
- 23 ባዛ ኡራጧ ኢታባ አልያዌ ካሳ ማላ፤ ሽን ዋዛና ስራይ አዲዳ ኤራተላን ናሸቱ።
- 24 ኢታ ኡራይ ሀርጌዳባይ አ ባላ ጋካናዋ፤ ሽን ጽሎ አዋቱዳዌ አመታና።
- 25 ጎቱ ደንዲደ አዶደ፣ ናጋራጎቻቱ ፕተት ቆይና፤ ሽን ጽሎቱ መድናጧ ምጊደ ደአና።
- 26 ጫላይ እቻ ዘልእስያዋዳንን ጨዋይ አይፍያ ፖግያዋዳን፣ አዛላ ኡራ ከትያዌ ይሎዬ።
- 27 መድና ጎዳዉ ያይያዌ ላይላ አዲሴ፤ ሽን ናጋራጎቻ ኡራ ላይላይ ቃሜ።
- 28 ጽሎ ኡራይ ሰንላና ናሸቻይ ያና ጊደ ናጌ፤ ሽን ኢታ ኡራይ ሰንላና ያና ጊደ ናግያዌ እያይነ

ባዋ።

- 29 መድና ጎዳ አጊ ጽሎቶ ባቃት አትያ ሳኣ፤ ሽን ኢታ አልያዋንቶ ባሻ።
- 30 ጽሎቱ ደኢያሳፕ ሸደትክና፤ ሽን ኢታቱ ቢታ ባላ ደአክና።
- 31 ጽሎ አሳይ አዲዳ ኤራተላ ሃሳዬ፤ ሽን ጌላባ ሃሳይያ እንጸርሳይ ቃንጸታና።
- 32 ጽሎ አሳይ በሰያ ሃሳያ ኤራ፤ ሽን ኢታ አሳይ ጌላ ሃሳዬ።

# 11

- 1 መድና ጎዳይ ዋርዳዋ ሚዛናን ልክያዋንታ እጹ፤ ሽን ልክ ሚዛናን ልክያዋንቱን ናሸቱ።
- 2 ኦቶሩ ይያ ዋደ ካጠሻተላይ ዬ፤ ሽን አሸከተላና አዲዳ ኤራተላይ ዬ።
- 3 ጽሎቱዋ ኤንቱንቱ ሱረተላይ ካለፈ፤ ሽን አማነተናዋንታ ኤንቱንቱ ጌላተላይ ቆይሴ።
- 4 ሀንቁዋ ጋላሰ ዱረተላይ ጎኤና፤ ሽን ጽሎተላይ ሀይቁዋፕ አሸ።
- 5 ቦሪ ባይና ኡራ ኦግያ አ ጽሎተላይ ሱርሴ፤ ሽን ኢታ ኡራይ ባረ ኢታተላን ኩንዴ።
- 6 ሱረቱዋ ኤንቱንቱ ጽሎተላይ አሸ፤ ሽን አማነተናዋንታ ኤንቱንቱ አሙ ጸረ ግዲደ ኦይቃና።
- 7 ኢታ አሳይ ሀይቂያ ዋደ፣ አ ናግያ ሀደታይካ አናና አትፕ ሀይቂ፤ አ ባረ ዋልቃን ጨቀትያዌ ኡባይካ ቆይ።

- 8 ጽሎ መቱዋፕ አቱ፤ አ ድራጧ ኢታ ባላ መቱ ዬ።
- 9 ጸሳ ኤረና ብታኒ ባረ ዳናን አሳ ቆይሴ፤ ሽን ጽሎቱ ኤራን አቲና።
- 10 ጽሎቱ ቦንቼትያ ዋደ፣ ካታማይ ናሸቱ፤ ቃይ ኢታቱ ሀይቂያ ዋደ፣ ሀሹ ጌ።
- 11 ጽሎቱዋ እንጂዋ ጋሱዋን ካታማይ ድጩ፤ ሽን ኢታ ኡራ ሃሳያይ ካታማ ቆይሴ።
- 12 ባረ ሾሩዋ ካዲያ ኡራጧ ዋዛናይ ባዋ፤ ሽን አከካንቻ ኡራይ ጮኡ ጌ።
- 13 ዝግርያ አሳይ ጹራ ላላ፤ ሽን አማነትያ አሳይ ጹራ ገንሎ።
- 14 ካለልያዌ ቆየፕ፣ ካጠተላይ ኩንዴ፤ ሽን ዳር ዘርያዋንቱ ደአፕ፣ ሳሩ ደኤ።
- 15 ኤረና ኡራጧ ዋሰ ግድያ አሳይ ቱሙዋፕ መታታና፤ ሄዋፕ ዋሰ ግድናን አጽያዌ ሎአ።
- 16 ኡሎ ከካ ምሽራታ ቦንቼታጧ፤ ሽን መቀላ ኢታ አሳይ ዱረተላ ጸላላ ዱረቱ።
- 17 ከካ አሳይ ባረጧ ሎኦባ ኦሌ፤ ሽን መቀላ ኢታ አሳይ ባርና ቆሄ።
- 18 ኢታ አሳይ ደምያ ሚሻይ ጭምያ ሚሻ፤ ሽን ጽሎተላ ካልያ ኡራይ ቱሙ ዋይቱዋ ጫካና።
- 19 ጽሎተላን ምጊደ ደአያ ኡራይ ፓጸ ደአና፤ ሽን ኢታተላ ካልያ ኡራይ ሀይቃና።
- 20 መድና ጎዳይ ኢታ ቆፋይ ደአያ አሳቱዋ እጹ፤ ሽን ሱረ ሀመትያዋንቱን ናሸቱ።
- 21 ኢታ አሳይ ሙረተናን አተና፤ ሽን ጽሎቱ አታናዋንታ።
- 22 አዲሳ ቆፍ ባይና ፑላንቻ ማጫ ምሽራት ፑላይ ጉዲንሳ ሲድያን አሌዳ ዋርቃ አለቁዋ

ማላ።

- 23 ጽሎቱዋ አሙዋ ፖሎ ሎኦ ጸላላ፤ ሽን ኢታቱዋ አሙዋ ፖሎ ሀንቁዋ ጸላላ።
- 24 እት እት አሳቱ ባረጎንቱ ሚሻ አሳጧ ጮ ላለና፤ ሽን ኤንቱንቱ አቁ ያ ዳራ። ሀራ አሳቱ ቃይ ባረጎንቱ ሚሻጧ ሎይላ ኡዘቲና፤ ሽን ኤንቱንቱ አቁ ሃ ፓጩ።
- 25 ከካ አሳይ ዱረታና፤ ሀራቱዋ ማድያ አሳይ ማድታና።
- 26 ካላይ አልአና ዘልአናጧ ምንጅያ ኡራ አሳይ ሸቁ። ሽን ባረ ካላ አሳይ ኮይያ ዋደ ዘልአና አሳ እንጂ።
- 27 ሎኦባ ምንሲደ ኮይያ ኡራይ ናሸቻ ደሚ፤ ሽን ኢታባ ኮይያ ኡራ ኢታባይ ደሜ።
- 28 ባረ ዱረተላን አማነትያ አሳይ ኩንዳና፤ ሽን ጽሎቱ ባልጉዋ ምላዳን ዳሻና።
- 29 ባረ ሶ አሳ ባላ ጫቡዋ ደንልያ ኡራይ ጎኤታናባይ እያይነ ባዋ። ባዛቱካ አዲዳ ኤራጎቻቶ ቆማ ግዳና።
- 30 ጽሎ አሳይ ደኡዋ አይፍያ አይፍያ ምላ ማላ፤ ሽምፑዋ አሸያዋንቱ አዲዳ ኤራጎቻቱዋ።

31 ጽሎቱ ሳንን ባረንቱ ኦሱቀ ጋትያ እክያዎ ግደፕ፣ ኢታቲን ናጋራንቻቱ ባረንቱ ኦሶ አካና ጋቲ ዋን ዳራንዳሻ!

### 12

- 1 ሴርያዎ ዶስያ ኡራይ ኤራተላ ዶሴ፤ ሽን ሴራ እጽያ ኡራይ ደንጭሎዎ።
- 2 ሎኦ አሳይ መጽና ጎዳፕ ሳባ ደሜ፤ ሽን መጽና ጎዳይ ኢታቱዋ ፕርዴ።
- 3 አሳ ኢታተላይ ምንሲደ ኤሰና፤ ሽን ጽሎቱዋ ጸጸ ቃጸና።
- 4 ዋዛናማ ምሽራታ ባረ እሰናዉ ካላቻ ማላ፤ ሽን ባረ እሰና ካዉሽያ ምሽራታ አ መቀላ ምያ አጃጅያ ማላ።
- 5 ጽሎቱዋ ቆፋይ ሱረ፤ ሽን ኢታቱዋ ዞሪ ጭሙዋ።
- 6 ኢታቱዋ ሃሳያይ አሳ ዋዳናሳ፤ ሽን ጽሎቱዋ ሃሳያይ ኡንቱንታ አሹ።
- 7 ኢታ አሳቱ ኩንዳና፤ ኡንቱንቶ ዘረላይካ ደኤና፤ ሽን ጽሎቱዋ ዘረላይ ምንደ ደእና።
- 8 አሳይ ባረ እጭዳ ኤራተላ ኬሻ ጋላተቲ፤ ሽን ጌላ ቆፋይ ደእያ አሳይ ካቫ።
- 9 ዱረ አሳ ማላተደ፣ መቱዋን ደእያ አሳፕ ጮ አሳ ማላተደ፣ ኦሳደ ባረ ደኤዋ ሱግያ አሳይ ከካ።

- 10 ጽሎ አሳይ ባረ መሀያዉ ቃረቲ፤ ሽን ኢታ አሳ ኪካተላዉ መቀላ ባዋ።
- 11 ባረ ቢታ ምንሰ እልያ ኡራይ ካላ ካሊ፤ ሽን ፓርናባ ዩደርሰያ ኡራዉ እኪካይ ፓጩዳዋ።
- 12 ኢታቱ ናጋራንቻ አሳቱዋ አሞዲዋ አካናዉ አሞቲና፤ ሽን ጽሎቱዋ ጸጸ ዳሽደ ደእና።
- 13 ኢታ አሳ አ ደናፕ ከሴዳ ሃሳያይ ጸረ ግዲደ ኦይቄ፤ ሽን ጽሎ መቱዋፕ ከሰ እኪ።
- 14 አሳይ ባረ ደናፕ ከሰያ ቃላን ሎኦባ ካሊ፤ ባረ ኦሌዳ ሎራንቻ ኢንያካ እኪ።
- 15 ቦዛ አሳይ ብያ ቡሳይ አዉ አ ሀጺያን ልክ ማላቲ፤ ሽን እጭዳ ኤራንቻ አሳይ ዞርያ ሰሴ።
- 16 ቦዛ ኡራ ሀንቁ ኤላካ ኡረቲ፤ ሽን ጭንጫ አሳይ ቦርያ ካጺደ አጭ።
- 17 ቱሙዋ ሃሳያይ አሳይ ሱረባ ኦዳ፤ ሽን ዋርዲዋ ማርካይ ዋርዲዋን ኦዳ።
- 18 እኪከናን ሃሳይያ ሃሳያይ ጩብያዳን ጫዳ፤ ሽን እጭዳ ኤራንቻ እንጸርሳይ ፓሌ።
- 19 ዋርደ ሃሳያይ ጉላ ዋድያሳ፤ ሽን ቱዋ ሃሳያይ መጽናዉ ደእና።
- 20 ኢታ ቆፕያዋንቱ ዋዛናን ጭሙ ደኤ፤ ሽን ሳርባ ዘረትያዋንቱ ዋዛናን ናሽቻይ ኩሜ።
- 21 ጽሎቱዋ መቱ ጋከና፤ ሽን ኢታቶ መቶፕ አትና፣ ሀራባይ ደእና።
- 22 መጽና ጎዳይ ሃሳያይ ዋርዲዋንቱዋ እጸ፤ ሽን ቱማንቻ አሳቱዋን አ ናሽቲ።
- 23 ጭንጫ አሳይ ባረ ኤራ ቆሴ፤ ሽን ቦዛቱ ባረንቱ ቦዛተላ ኦዲና።
- 24 ምንደ ኦሌያ ኡራይ ደርያ ሞዳ፤ ሽን አዛላይ ሞደቲ።
- 25 ሀርግያዋ አሳ ናሽቻ ድጌ፤ ሽን ሎኦተላና ደእያ ሃሳያይ አ ናሽቲ።
- 26 ጽሎ አሳይ ባረ ሽቶዋ ዞሪደ፣ ሱረ ኦግያ ካሊሌ፤ ሽን ኢታቱዋ አጌ ቱሙዋፕ ሃሴ።
- 27 አዛላ አሳይ ሻንካቲደ እሄዳ አሹዋ ካቫና፤ ሽን ምን ኦሌደ ደሚዳ ኡራይ ባረ ዱረታዉ ቦንቹዋ እሜ።
- 28 ጽሎተላ ኦግያን ደኤ ደኤ፤ ሄ ኦግያን ሀይቁ ባዋ።

### 13

- 1 ኤራንቻ ናአይ ባረ አዉዋ ሴራ ሰሴ፤ ሽን ቅለጭያዌ ሴራ ሰሰና።
- 2 አሳይ ባረ ደናፕ ከሰያ ቃላን ሎኦባ እኪ፤ ሽን አማንተናዋንቱ ማካላባ አሞቲና።
- 3 ባረ ደና ናግያ ኡራይ ባረ ሽምጥዋ ናጌ፤ ሽን ኤላካ ሃሳያይ ኡራይ ባረና ቆይሴ።
- 4 አዛላይ አሞቲ፤ ሽን እያን ደመና፤ ሽን ምንደ ኦሌያዋንቱ ካሳና።
- 5 ጽሎ አሳቱ ዋርዲዋ ሃሳያ እጸና። ሽን ኢታ አሳቱዋ ሃሳያይ ዩላዩን ካዉሹ።
- 6 ቡረ ደኤዋ ደእያ ኡራ አ ጽሎተላይ ናጌ፤ ሽን ናጋራንቻ አ ናጋራይ ኩንድሴ።
- 7 ባረና ዱረ ማላትሰያ አሳይ ደኤ፤ ሽን አዉ እያይን ባዋ፤ ሀራይ ቃይ ባረና ሀዬሳ ማላትሰያዌ ደኤ፤ ሽን አዉ ዳር ዱረታይ ደኤ።
- 8 አሳይ ባረ ሻሉዋን ባረ ሽምጥዋ ዋዛናዉ ዳንዳዬ፤ ሽን ሀዬሳ ያሽሰያዌ ባዋ።
- 9 ጽሎቱዋ ጸምፕ ፖጩም ፖኤ፤ ሽን ኢታቱዋ ጸምፕ ቶአና።
- 10 ኦቶሩ ዋላሳ የሊ፤ ሽን ዞርያ እክያዋንቱ እጭዳ ኤራንቻ።
- 11 ዳቡር ባይናን ደሜዳ ሚሻይ ኤላካ ቆይ፤ ሽን ምን ኦሌደ ደሜዳ ዱረታይ፣ ዳር ዳሪደ ቤ።
- 12 ኮይያዌ ፖለተናን ጋምእያዌ ካዮዬ፤ ሽን አሞቲዳዌ ፖለትያዌ ናሽቲ።
- 13 ዞርያ ካጅያ ኡራይ መቱዋን ገሊ፤ ሽን አዛዙዋ ቦንቹያ ኡራይ ሳሩዋን ደእና።
- 14 እጭዳ ኤራንቻይ እምያ ትምርቲ ደኤዋ ፑልቶ፤ ሄዌ አሳይ ሀይቁዋ ጲርያፕ ከሰ አካናዉ ማዳ።
- 15 እኪካይ ደእያ ኡራይ ቦንቹቲ፤ ሽን አማንተናን ኦግያዌ ባሻዉ አፌ።

- 16 ጭንጫ አሳይ ኡባይ ኤራን ኦሌ፤ ሽን ቦዛይ ባረ ቦዛተላ ቆንጭሴ።
- 17 አሳይ ኪቱዳ ኢታ ከታንቻይ፣ መቱዋን ገሊኖ፤ ሽን አማንሰያ አሳቱ ኪቱዳዌ፣ ሳርተላ አሂኖ።
- 18 ሴራ እጽዳ አሳይ ሀዬሴን ዬላቲ፤ ሽን ሴርና ሰሰያ ኡራይ ቦንቼቱ።
- 19 አሞቱዳዋ ደምያዌ ሎይሰ ናሸቼ፤ ሽን ኢታቱ ኢታፕ ሃካናዉ ኪይከኖ።
- 20 አዴዳ ኤራንቻ አሳቱዋና ሀመትያ አሳይ አዴዳ ኤራንቻ ግዴ፤ ሽን ቦዛ አሳቱዋና ሀመትያ አሳይ መቱዋን ገሊ።
- 21 ናጋራንቻቱዋ ኢታ ካጫይ ካሌ፤ ሽን ጽሎቱ ሎኦ ኦሱዋ ዎይቱዋ አካና።
- 22 ሎኦ አሳይ ባረ ናናቱዋ ናናቱዋ ላትሴ፤ ሽን ናጋራንቻ ዲረታይ ጽሎ ዳጋቱ።
- 23 ሀዬሳ ጎሻይ ዳር ካላ አይፋናዉ ዳንዳዬ፤ ሽን ሱረ ፕርዲይ ፓጩዳዋ ጋሱዋን ጻዬ።
- 24 ቃይዬርያን ዋጻናዉ ቃረትያ ኡራይ ባረ ናኦ እጾ፤ ሽን ባረ ናኦ ሲቅያ ኡራይ ምኒደ ሴሬ።
- 25 ጽሎ ኦ ኡሎ ካላና ጋካናዉ ሜ፤ ሽን ናጋራንቻይ ኮሻቱ።

### 14

- 1 አዴዳ ኤራንቻ ሞሽራታ ባረ ጎልያ ኪጸዉ፤ ሽን ቦዛታ ባረ ጎልያ ባረ ኩሽያን ኮላዉ።
- 2 ሱረ ሀመትያ አሳይ መድኛ ጎዳዉ ያዬ፤ ሽን ባረ ኦግያ ጌላይያ አሳይ መድኛ ጎዳ ካዴ።
- 3 ቦዛ ሃሳይ እ ዛክያዉ ጸሞኦ እዬ፤ ሽን አዴዳ ኤራንቻቱዋ እንጸርሳይ ኡንቱንታ ናጌ።
- 4 ቦራቱ ባይና ሳን ዬሲ መላ ደኤ፤ ሽን ነዉ ጎሽያ ዎልቃማ ቦራቱ ደኦ፤ ነ ዬሰያን ካሳይ ኩሚ።
- 5 አማንትያ ማርካይ ኡባ ገደ ቱመዋ ኦዳ፤ ሽን ዎርዲዋ ማርካይ ዎርዲዋ ጸላላ ሃሳይ።
- 6 ቅሊጭያዌ አዴዳ ኤራተላ ኮዬ፤ ሽን ደመና፤ እኪካይ ደእያ አሳይ ኤራተላ ደማናዌ እ ዋይሰና።
- 7 ቦዛ አሳፕ ሃካ፤ አያዉ ጎፕ፣ ኔን እ ሃሳያፕ ኤራ ደማካ።
- 8 ጭንጫ አሳይ ባረ ኦልያዋ ኤርያ ድራዉ፣ አዴዳ ኤራንቻ፤ ሽን ቦዛ አሳይ እይን ኤረናንካ ኤርያዋ ማላትያ ድራዉ ጭሚ።
- 9 ቦዛቱ ናጋራ ኦሊደ፣ ካዮትያዋ አገደ ቅሊጫኖ፤ ሽን ሱረቱ ባረንቱ ናጋራይ አቶ ጌተታናዋ ኮዪኖ።
- 10 ባረ ዎዛና ካዩዋ እዛዉ ኤሬ፤ አ ናሸቻካ ኦንን አናና ኮጻና።
- 11 ኢታቱዋ ጎሊ ኮለተና፤ ሽን ሱረቱዋ ጎሊ ምኒደ ደእና።
- 12 አሳዉ ልኮ ማላትያ ኦጊ ደኤ፤ ሽን ቢና፣ አ ዉርሰሳይ ሀይቁዋን ከሰ ዩጌ።
- 13 ሚቻንካ ዎዛናይ ካዮት ኤሬ፤ ናሸቻ ዉርሰሳይካ ካዩዋ ግዳናዉ ዳንዳዬ።
- 14 ኢታ አሳይ ባረ ኢታ ኦሱዋ ጋትያ አካና፤ ሎኦ አሳይካ ባረ ሎኦ ኦሱዋ ጋትያ አካና።
- 15 ቦዛ አሳይ ኡባ አማኔ፤ ሽን ጭንጫይ እኪኪደ ታንጌ።
- 16 አዴዳ ኤራንቻ አሳይ መድኛ ጎዳ ያዬ፤ ኢታፕካ ሃኪ፤ ሽን ቦዛይ አላላ ጌና ኤላሌ።
- 17 ኤላ ሀንቀትያ አሳቱ ቦዛ ኦሱዋ ኦሊኖ። ሽን ጭንጫቱ ዳንዳያንቻ።
- 18 ቦዛቱ ባረንቱ ቦዛተላ ጋትያ እኪኖ፤ ሽን ጭንጫቱ ኤራተላ ካላቻዳን ዎላናዋንታ።
- 19 ኢታ አሳቱ ሎኦ አሳቱዋ ሰንላን ሆኪደ፣ ማርታ ዎሳና። ናጋራንቻቱካ ጽሎቱዋ ፕንግያን ሆካና።
- 20 ሀዬሳይ ባረ ሾሩዋንካ ደሰተና፤ ሽን ዲረቶ ዳር ላገቱ ደእና።
- 21 ባረ ሾሩዋ ካድያ አሳይ ናጋራ ኦሊ፤ ሽን ሀዬሳ ማድያዌ እንጀቱዳዋ።
- 22 ኢታባ ማቀትያዋንቱ ባሊኖ ግድክና? ሽን ሎኦባ ኦላናዉ ሀልቶያዋንቱ ቱማተላን አገና ሰቁዋ ደሚኖ።
- 23 ምኒደ ኦልያዋን ኡባን ጎላይ ደኤ፤ ሽን ጮ መላ ሃሳያይ ሀዬሳተላ ጸላላ እዬ።
- 24 አዴዳ ኤራንቻቶ እንቱንቱ ዲረተላይ ካላቻ፤ ሽን ቦዛቱ ባረንቱ ቦዛተላ ጉጅ ጉጂደ ቦዚኖ።
- 25 ቱሙ ማርካይ ሸምቱዋ አሼ፤ ሽን ዎርዲዋ ማርካይ ባሊሌ።
- 26 መድኛ ጎዳዉ ያይያ ኡራዉ ምኖ ጌሱ ደኤ። እ አ ናናቶካ ባቃቲደ ኢትያ ሳኦ ግዳናዋ።
- 27 መድኛ ጎዳዉ ያይያዌ ደኡዋ ፑልቶ፤ ሃዋ ድራዉ፣ መድኛ ጎዳዉ ያይያዌ ሀይቁዋ ጲርያፕ አሼ።
- 28 ካትያ ግታተላይ እ ዋድያ አሳ ጮራተላና፤ ሽን እ ዋድያ አሳይ ጻዮፕ፣ እካ ፓፍ።
- 29 ዳንዳያንቻ አሳዉ ዎልቃማ እኪካይ ደኤ፤ ሽን ኤላ ሀንቀትያ አሳይ ባረ ቦዛተላ ቆንጭሴ።
- 30 ዎቱ ጌዳ ዎዛናይ ቦላ ፓጻ ዎሊ፤ ሽን ቃናቲ ቦላዉ አጃጅያ ሀርግያ ማላ።
- 31 ሀዬሳቱዋ ናቁያ አሳይ እንቱንታ መዴዳዋ ጫሼ፤ ሽን መቶታንቻቶ ኪክያ አሳይ ጸሳ ቦንቼ።
- 32 ኢታቱ ባረንቱ ኢታ ኦሱዋን ኩንዳና፤ ሽን ጽሎቱ ባረንቱ ሱረተላን ሀይቁዋፕ ናገታና።
- 33 እኪካንቻ አሳ ዎዛናን አዴዳ ኤራተላይ ኩሚዳ፤ ሽን ቦዛቱ አዴዳ ኤራተላ እያን ኤርክኖ።
- 34 ጽሎተላይ እት ካዉተላ አሳ ቶቁ ቶቁ ኦሊ፤ ሽን ናጋራይ እይ አሳን ካዉሼ።
- 35 ካቲ ኤራንቻ ቆማን ናሸቲ፤ ሽን ዬላይያ ኦሱዋ ኦልያ ቆማ ሀንቀቱ።

15

- 1 ሊቆ ዛሩ ሀንቁዋ ዛርቢሲ፤ ሽን ፖዶላ ቃላይ ሀንቁዋ ደንባ።
- 2 አዲዳ ኤራንቻ እንጸርሳይ ኤራ ሎይሌ፤ ሽን ቦዛቱዋ ደናይ ቦዛተላ ፑልቲ።
- 3 መድና ጎዳ ደይፈቲ ኡባሳ ጸሊኖ፤ ኢታ ኦልያዋንታካ ሎኡዋ ኦልያዋንታካ በእኖ።
- 4 ሊቆ ሃሳያይ ደኡዋ ምላ ማላ፤ ሽን ጭምያ ሃሳያይ እያና መንሌ።
- 5 ቦዛ አሳይ ባረ አዉዋ ሴራ ካጼ፤ ሽን ባረ አዉዋ ሴራ አክያ አሳይ ጭንጫ።
- 6 ጽሎ ኡራ ገልያን ዳር ሚሻይ ደኤ፤ ሽን ኢታዉ ገልያ ሚሻይ መቱዋ እዬ።
- 7 አዲዳ ኤራንቻቱዋ ደናይ ኤራ ዘራ፤ ሽን ቦዛቱዋ ዋዛናይ ሄዋ ማላ ግደና።
- 8 መድና ጎዳይ ኢታቱዋ ያርሹዋ ሸነቲ፤ ሽን ሱረቱዋ ዋሳይ አ ናሸቼ።
- 9 መድና ጎዳይ ኢታ አሳቱዋ ሄመታ ሸነቲ፤ ሽን ጽሎተላ ካልያዋንታ አ ሲቁ።
- 10 ሱረ ኦግያ አኒዳ አሳ ኢታ ሙሩ ናጌ፤ ሴራ እጽያ አሳይ ሀይቁ።
- 11 ሱፋነ ባሻይ መድና ጎዳ ሰንሳን ቆንጭንን ቤቲኖ። ያተና፤ አሳ ዋዛና ቆፋይ ዋን አፕ ጌማኔ።
- 12 ቅሊጭያ አሳይ ሴርያዋ ደሰና፤ አዲዳ ኤራንቻቱዋፕካ ዘርያ አቼና።
- 13 ዋዛናይ ናሸተና፤ ሰምኢ ፖኤ፤ ሽን ዋዛናይ ካዮቶ፤ ሄ እያናይ መኤ።
- 14 አከክያ ዋዛናይ ደእያ አሳይ ኤራተላ ኮዬ፤ ሽን ቦዛቱ ባረንቱ ቦዛተላን ናሸቲኖ።
- 15 ሀይሳቱዋ ደኡ ኡባ ጋላሰካ ባጸ። ሽን ናሸትያ አሳቱ ኡባ ገደካ ባረንቱ ደኡዋን አሊኖ።
- 16 ዋሳሳይ ደእያ ዋልቃማ አቁዋፕ መድና ጎዳ ያሻተላይ ደእያ ጉላባይ ከካ።
- 17 ዋሳሳይ ደእያ ሳን ሞጶ አሹዋ ማናፕ ሲቁ ደእያ ሳን ሳንላ ምያዌ ከካ።
- 18 ሀንቀትያ አሳይ ዋሳሳ ከሲ፤ ሽን ሀንቀታናዉ ኤሌለና አሳይ ዋሳሳ አርጽሲ።
- 19 አዛላ ኡራ መቱ አ ኦግያ ኡባን አጉንላ ድርሳ ማላ፤ ሽን ሱረ ኡራ ኦጊ ደምባ።
- 20 ጭንጫ ናአይ ባረ አዉዋ ናሸቼ፤ ሽን ቦዛ ናአይ ባረ አቶ ካዲ።
- 21 ዋዛን ባይና አሳይ ባረ ቦዛተላን ናሸቲ፤ ሽን ዋዛናማ አሳይ ለከባ አሌ።
- 22 ዘረታይ ጻዮ፤ ሀልቼዳዌ ፖለተና፤ ዳር ዘርያዋንቱ ደእያ ሳን ሀልቼዳዌ ፖለቲ።
- 23 ኦሽቲዳዋ ለከ ዛሩዋ ዘርያዌ ሄ ኡራ ናሸቼ፤ ሃሳያ ለከ ዋድያን ሃሳይያዌ አይባ ሎኦቤ፤
- 24 አዲዳ ኤራንቻይ ቦላዉ ካለልያ ደኡዋ ኦግያን ሀመቲፕ እትና፤ ዲገ ዲፋዋ ዋልያ ኦግያን ሀመተና።
- 25 መድና ጎዳይ ኦቶራንቻቱዋ ጎልያ ኮላና፤ ሽን እምአቲ ዛዋ ናጌ።
- 26 መድና ጎዳይ ኢታቱዋ ቆፋ ሸነቲ፤ ሽን ጌሻ ቃላይ አ ናሸቼ።
- 27 ዋርዲዋን ዋድያ ደማናዉ ጃምያ አሳይ ባረ ሶ አሳ ቦላ መቱዋ እዬ፤ ሽን ማታይያ እጽያ አሳይ ፓጻ ደእና።
- 28 ጽሎ አሳይ ሃሳናፕ ካሰቲደ ቆፔ፤ ሽን ኢታቱዋ እንጸርሳይ ፓላባ ፑልቲ።
- 29 መድና ጎዳይ ኢታቱዋፕ ሃኪ፤ ሽን ጽሎቱዋ ዋሳ ሰሲ።
- 30 ፓሽከደ ጸልያ ጸላይ ዋዛና ናሸቼ፤ ምሽራቹዋ ኦዲካ ቦላ ፓሌ።
- 31 ደኡዋ እምያ ዘርያ ሰሰያ አሳይ አዲዳ ኤራንቻቱዋና እትፕ ደእና።
- 32 ሴራ እጽያ አሳይ ባረና ቆሄ፤ ሽን ሴራ አክያ አሳይ አከካ ደማ።
- 33 መድና ጎዳዉ ያይያዌ አሳ አዲዳ ኤራተላ ታማርሲ፤ ቦንቼታና ኮዬዳ አሳይ ኮይሮ ባረና ካዉሻናዉ ኮሺ።

16

- 1 አሳይ ባረ ዋዛናን ሀልቼ፤ ሽን ለከ ዛሩ መድና ጎዳፕ ቤቲ።
- 2 አሳይ ኦልያ ኦሱዋ ኡባይ አዉ ለከ ማላቲ፤ ሽን መድና ጎዳይ ኮይሮ ደንዲዋ ቆፋ ይግ ጸሌ።
- 3 ነፃ ኦልያዋ ኡባ ሀደራ መድና ጎዳዉ እማ፤ ያቶ፤ ኔን ሀልቼዳዌ ፖለታና።
- 4 መድና ጎዳይ መጪዳዋ ኡባ ባረ ሀልቹ መጪዳ፤ ሀንንቶካ ማካላንቻቱዋ ዉርሰላይ ባየላ።
- 5 መድና ጎዳይ ኦቶረትያ ኡባ ሸነቲ፤ ኤንቱንቱ ሙረተናን እትክና።
- 6 እንና ሲቁዋን እማነትያዋን ናጋራይ አቶ ጌተቲ፤ አሳይ መድና ጎዳዉ ያይያዋን ኢታባ ኦጋናን ናገቲ።
- 7 አሳ ሀመታይ መድና ጎዳ ናሸቼያዋ ግደ፤ ሄ ኡራዉ ባረ ሞርከቱዋናካ ሳሮ ደእናዳን፤ ጸሳይ አሌ።
- 8 ጽሎተላን ቤትያ ጉላባይ ዋርዲዋን ደምያ ዳር ዋድያፕ ከካ።
- 9 አሳይ ባረ ዋዛናን ባረ ኦላናባ ሀልቼ፤ ሽን ሀልቹ መድና ጎዳይ ማድና ፖለቲ።
- 10 ካቲ ጸሳፕ አኬዳ ማታን ፕርዲ፤ ፕርዲ ደ አ ባሊና።
- 11 ሚዛናቲ፤ ማክያ ሚሻቲ እማንልያዋንታ ግዳናዳን፤ መድና ጎዳይ ኮዬ፤ ዛልልያዋ ኡባን ጭሙ ደእናዳን ኮዬ።
- 12 ካተቱ ባይዙዋ ኦሱዋ ሸነቲኖ፤ እያዉ ጎፕ፤ ኤንቱንቱ ካዉተላ አራታይ ጽሎተላን ኤቁ።
- 13 ካተቱ ጽሎ እንጸርሳን ናሸቲኖ፤ ቱሙዋ ሃሳይያዋንታካ ደሲና።

- 14 ካትያ ሀንቁ ሀይቁዋ ኪታንቻ ማላ፤ ሽን እዲዳ ኤራንቻ አሳይ ሀንቁዋ እርጽሳናው አዉዳሼ።
- 15 ካትያ ሰምኢ ፓሽኮ፣ ሄዋ ሰም ደኡዋ። እ ናሽያዌ ባዲሳ አራ አህያ ሻርያ ማላ።
- 16 እዲዳ ኤራተላ ደምያዌ ዋርቃ ደምያዋ፣ ኪካ፤ እኪካ ደምያዌ ብራ ደምያዋ፣ ኪካ እዲ።
- 17 ሱራቲ ብያ ኦጊ ኢታይ ደኢያሳ፣ ሃኩዋና አሉ፤ ባረ ሄመታ ናግያ ኡራይ ባረ ሸምፑዋ ናጌ።
- 18 ኦቶሩዋ ጌዲዋ ባሻይ ካሊ፤ እዩዋ ጌዲዋካ ኩንደላይ ካሊ።
- 19 እይያዋንቱና ዘፐቲድ፤ ኦምዲዋ ሻክ እካና፣ አሸከ ግዲድ፤ ሀይሲድ ደእያዌ ኪካ።
- 20 መድና ጎዳ ቃላ ሎይሊድ ሀይዘያ ኡራው እ አላያዌ ኡባይ እንጀታና፤ ጸሳን አማነትያ ኡራይ

እንጀቲዳዋ።

- 21 ባረ ቆፋን እዲዳ ኤራንቻ ግዲዳ አሳይ እኪካንቻ ጌተቲ፤ ሎኦ ቃላይ ኤራተላ ጉጃ።
- 22 ጭንጫ ኡራው ኤራተላይ ደኡዋ ፑልቲዋ ማላ፤ ሽን ባዛቲዋ ሴርያዌ ጮ ዋድያ ወርሲያዋ።
- 23 እዲዳ ኤራንቻ አሳይ ሃሳናና፣ ካሰቲድ ቆፎ፤ አሳይ እኪያ ሃሳያ ሃሳዬ።
- 24 ሎኦ ቃላይ ኡሳ አልሉዋዳን ማልኤ፤ ቦላካ ማዳን ፓሌ።
- 25 አሳው ሱራ ማላትያ ኦጊ ደኤ፤ ሽን ወርሰሳን ሀይቆ ጋሌ።
- 26 ኮሻይ አሳይ ምኒድ ኦሳናዳን ደን።
- 27 ኢታ አሳይ ኢታባ ሀልቲ፤ አ ሃሳያይካ ጸግያ ታማ ማላ።
- 28 ጌላ አሳይ ዋላሳ ደንሱ፤ ዘግርያ አሳይ አማነትያ ላገቲዋ ሻኪ።
- 29 ማካላ አሳይ ባረ ሸሩዋ ጭሜ፤ ሎኦ ግድና ኦግያዉ እ አ ካሊሌ።
- 30 ባረ እይፍያ ሰምእያ አሳይ ጌላባ ቆፎ፤ ባረ መተርሻ ሳኢድ ማንድያ አሳይ ኢታባ ገሌ።
- 31 ፑሉሜዳ ሁጺ ቦንቾ ካላቻ፤ ሄዌካ ቤትያዌ ጸሎ ደኡዋ ደእና።
- 32 ዋልቃማ አሳ ግድያዋ፣ ሀንቀታናዉ ኤሌሊና አሳ ግድያዌ ሎኤ፤ ዳሮ ካታማቲዋ ኦሊደ
- ኦይቁያዋ፣ አሳይ ባረ ሁጺያ ሞድያዌ እዲ።
- 33 አሳይ ሳማ ዮጌ፤ ሽን መድና ጎዳይ ኡባባ ወርሰሳ ቃቼ።

17

- 1 ዋላሳይ ደእያ ሳን ደእያ ዋልቃማ ግብራ፣ ሳናን ዋፓይ ደእያ ሳን መላ ኡክላ ፖቁዋ ምያዌ ኪካ።
- 2 ጭንጫ ቆማይ ባረ ጎዳ ናኣ ፓፍና ላፋ ሞዴ፤ ያቲድ እሻቲዋና እትፐ ላቲ።
- 3 ዋርቃይን ብራይ ታማን ፓጮትያዋዳን፤ መድና ጎዳይ አሳ ዋዛና ፓጮ።
- 4 ኢታ አሳይ ኢታ ኡራ ሃሳያ ሰሴ፤ ዋርዳንቻይካ ማካላ ኦዲዋ ሀይዘ።
- 5 ሀይሳቲዋ ቦላ ቅሊጭያ አሳይ ኡንቲንታ መዴዳ ጸሳ ቦሬ፤ ሀራ አሳ ጋክያ መቲዋን ናሽትያ አሳይ ሙረተናን አተና።
- 6 ናናቲዋ ናናቲ ጭሜዳ አሳቶ ካላቻ፤ አዋቲን እየቲ ባረንቲ ናናቶ ቦንቾ።
- 7 ዳሮ ሎኦ ሃሳያይ ባዛ ኡራው ገገና፤ ሄዋ፣ ኪካ እዲዳ ዋርዲዋ ሃሳያይ አሳ ሞድያዋ ገገና።
- 8 ማታይያ እምያዋ ማታዩ ብታ ማላ፤ እ ሰሜዳ ሳኣ ኡባይ አዉ እንጀቲ።
- 9 ናቀቲድ ባረ ናቁዋ ገንሰያ ኡራይ ሲቁዋ ኮዬ፤ ሽን የወዋ ዛር ዛሪድ ዋጭያ ኡራይ፤ አማነትያ ላገቲዋ ሻኪ።
- 10 ባዛይ ጾቲ ገደ ልሱዋን ሸጭና ኤርያዋ፣ እኪካይ ደእያ አሳይ ጮ ሴርና ኡራይ እዲ።
- 11 ኢታ አሳይ ማካላባ ጸላላ ኮዬ፤ ሄዋ ድራው፤ መቀላ ባይና ካፑ አ ቦላ ኪተታና።
- 12 ባዛተላይ ኦይቁዳ ኡራና ጋክትያዋ፣ ማራቲዋ ቦንቁ እክ ድጌዳ ማህትና ጋክትያዌ ኪካ።
- 13 ሎኦዋ ኦሌዳዋ ኩሽን ኢታ ዘርያ ኡራው ኢታይ አ ሶፐ ኡባካ ክቼና።
- 14 ዋላሳይ ደሚድ፤ ዜሩዋ ጳሲያ ሃላ ማላ፤ ሄዋ ድራው፤ ዋላሳ፣ ካሰታይ ፓሉምያ አጋ።
- 15 ናጋራንቻ ጽልሰያዌን ጽሉዋ ቦላ ፕርድያዌ ኡንቲንቲ ላኡካ መድና ጎዳ ሽንይያ ኡሱዋ።
- 16 እኪካካ ደማናዉ አሙ አዉ ባይናን ደእሽን፤ ባዛ ኩሽን ደእያ ሚሻይ እ እያ ማዳን?
- 17 ላጊ ኡባ ዋረካ ሲቁ፤ እሻይካ መቲዋ ዋይ ማዳናዉ የላቲ።
- 18 እኪካይ ፓጮዳ አሳይ ኤረና ኡራ አጤዋ ጭጋናዉ ዋሰያ ገሌ።
- 19 ዋላሳ ደሰያ አሳይ ናጋራ ደሴ፤ ኡባ ገደ ጮቀትያ አሳይ ባየላ ባረ ቦላ ጸሴ።
- 20 ጌላ ቆፋይ ደእያ አሳይ ሎኦባ ደመና፤ ጭምያዋ ሃሳያይ አሳይካ መቲዋን ገሌ።
- 21 ባዛ ናኣ የሌዳ አዉ ካዮቲ፤ ባዛ ናኣ አዋ ናሽቻይ ባዋ።
- 22 ዋዛናይ ናሽቻይ አሳይ ሎኦ ጳሊ፤ ሽን ካዮትያ እያናይ አሳዉ ዋልቃ ጳይሴ።
- 23 ኢታ አሳይ ፕርዳ ጌላያናዉ ጌማን ማታይያ እኪ።
- 24 እኪካይ ደእያ ኡራይ እዲዳ ኤራተላ ሰንሳን ዋሊድ ቤ፤ ሽን ባዛ እይፊ ቢታ ሳኣ የሹዋ የደደ ጸሌ።
- 25 ባዛ ናኣይ ባረ አዉዋ ካዮዬ፤ ባረና የሌዳ አቶካ ዘልሰሴ።
- 26 ጽሎ አሳ ሙርያዌ፤ ሱራ አሳካ ደቻያዌ ሎኦ ግድና።

- 27 እማራኤዳ ቃላ ሃሳይያ አሳይ ኤራንቻ፤ ዋጋ አያናይ ደእያ አሳይካ እኩካንቻ።
- 28 ቦዛ ኡራይ ጮኡ ጎጥነ ባረ ዶና ባርፕ፣ ኤራንቻ ማላቴ።

### 18

- 1 ቫከታናዉ ኮይያ አሳይ ባረ አሙቀ ካሌ፤ ሎኦ ኤራ ኡባካ ጳልቄ።
- 2 ቦዛይ ባረ ቆፋ ቆንጭሳናዋ ጸላላ ደሰያዋፕ አትና፣ ሀራ አሳፕ ኤራ አካናዉ ደሰና።
- 3 ኢታተላይ ይያ ዋይ፣ ካጲ፣ ካዉሻይነ ዬላይ አ ካሊደ ይ አገና።
- 4 አሳ ዶናፕ ከሰያ ሃሳይያ ጨዋ ሃሳ ማላ፤ አጴዳ ኤራተላ ፑልቱካ ጎገያ ሃሳ ማላ።
- 5 ባይዛንቻ ማዲደ፣ ጽሉቀ ፕርዳ ጌላይያዊ ሎኦ ግደና።
- 6 ቦዛ አሳይ ባረ ሃሳይን ዋላሳ ደንሌ፤ አ ዶናፕ ከሰያ ቃላይ አ ቦላ ጸምኦ ጸሴ።
- 7 ቦዛ አሳይ፣ ሃሳይደ ባረና ቆሄ፤ አ ሃሳይያ ግትያ ግዲደ፣ አ ኦይቄ።
- 8 ዘግርሳ ቃላይ ማልኦ ቁማ ማላ፤ ናሽቺደ ዱገ ጋንጅያ ጋከ።
- 9 ባረ ኦልያ ኦሱቀን አዛልያ አሳይ ባይዝያ ኡራፕ አይነ ዲማተና።
- 10 መጅና ጎዳ ሱንላይ ምና ግምቢያ ማላ፤ ጽሎ አሳይ ያ ዋጲደ ሳር አታና።
- 11 ሽን ዱረ አሳቶ ኡንቱንቱ ዱረተላይ የሹ ግምቡቴዳ ካታማ ማላ፤ ኡንቱንቱ ቆፋን ኡንቱንቱ ዱረተላይ ምና ድርሳዳን ኡንቱንታ ናግያዋ ማላቴ።
- 12 አሳይ ኩንናናፕ ካሰ አ ዋዛናይ ኦቶረቲ፤ ቦንቼትያዋፕካ ባረ ሀጺያ ዝቄ ኦልያዊ ሰንላቴ።
- 13 ሰሰናን ደኢድ ዘርያዌ፣ ሄዌ ሄ ኡራዉ ቦዛተላነ ዬላ።
- 14 አሳ አያናይ ሀርግያ ዲንዲናናዳን ማዲ፤ ሽን አያናይ መኤረት ክቸፕ፣ አ ኦን ዲንዲናን፣
- 15 እኩካንቻ አሳቱ ታማራናዉ ሎይላ ኮዬና፤ አጴዳ ኤራይ ደእያዋካ ሀይዚና።
- 16 እምያዊ እምያዊ ኦግያ ዶዬ፤ ምልቃማ አሳናካ ኤርሴ።
- 17 ካሰቲደ ዳናን ሞትያ ኡራይ ባልጋራይ ዪደ አ ኦቻና ጋካናዉ፣ ኡባ ገደካ ሄ ኡራይ ጽሉቀ ማላቴ።
- 18 ሳማ የግያዌ ፓሉምያ ተኤ፤ ላኦ ምልቃማ ባልጋራቱዋካ ሻኩ።
- 19 ናቀቱዳ እሻይ ግምቡቴዳ ካታማፕ አጲደ ምኔ፤ አ ፓሉሚካ ሰራታ ጎርዱዋ ማላ።
- 20 ባረ ዶናን ሃሳይዳዋፕ አሳይ ባረ ጋንጅያ ኩንሌ፤ ባረ እንጸርሳፕ ከሴዳዋን ካሊ።
- 21 ኔን ሃሳይዳዊ ኔና ዋሌ ዋይ ዋጲ፤ ሄዋ ድራዉ፣ ኔን ነ ሃሳያ ጋሱቀን ይያዋ አካናዉ ደእሳ።
- 22 ማቻቶ ደማዳ አሳይ ሎኦባ ደማዳ፤ ሄ ኡራይ መጅና ጎዳንካ ናሽቴ።
- 23 ሀይሳ አሳይ አዉዳሺደ ሃሳይ፤ ሽን ዱራ ፔኩቄተደ ዛሩ።
- 24 ዳር ላገ ደእያ አሳይ ጳያና፤ ሽን እሻፕ አጲደ እምንልያ ላገ ደኤ።

### 19

- 1 ዋርዶ ሃሳያ ሃሳይያ ቦዛፕ ባረ ደኤዋን ቶሺ ባይና ሀይሳ አሳይ ኪካ።
- 2 ኤር ባይና ሴላይ ሎኦ ግደና፤ ሀመቲደ ኤሌልያ ኡራይካ ዋራ ቤ።
- 3 አት አት አሳይ ባረ ቦዛተላን ባረ ደኤዋ ባይዜ፤ ያቲደ ቃይ መጅና ጎዳ ቦላ ይሎቴ።
- 4 ዱረተላይ ዳር ላገቱዋ ጉጂ፤ ሽን ሀይሳተላይ ደእያ ላገቱዋካ ዱሌ።
- 5 ዋርዶ ማርካይ ሙረተናን ቤና፤ ዋርዶዋ ሃሳይያዋንቱካ ከሰ እክክና።
- 6 ዳር አሳይ ሞድያ አሳ ሰንላ ኮዬ፤ ጮ እምያ ኡራና አሳይ ኡባይ ዳቦቴ።
- 7 ሀይሳ አሳ አ እሻቱ ኡባይ እጸና፤ ሄዋፕካ አጲዋ አ ላገቱ አፕ ሃኪና፤ አ ኡንቱንታ አዉዳሺደ ካልናካ፣ ኡንቱንቱ አ ጋል ኮይልክና።
- 8 አጴዳ ኤራተላ ደምያዊ ባረና ሴቄ፤ እኪካ ካርህ ኦል አይቄያዊ ሎኦባ ደማ።
- 9 ዋርዶ ማርካይ ሙረተናን አተና፤ ዋርዶዋ ሃሳይያዊካ ጳያና።
- 10 ቦዛ ኡራዉ እሻሎ ደኤ በሰና፤ ሄዋፕካ አይሊ ካፕቱዋ ሞድያዊ ኢታ ዳራ።
- 11 አጴዳ ኤራተላይ አሳዉ ዲንዲያ እማ፤ ባይዜዳ ኡራዉ አቶ ጎያዌካ ቦንቶሴ።
- 12 ካትያ ሀንቄ ጋሙቀ ጉዲዋ ማላ፤ ሽን አ ሳባይ ማታ አጭሰያ ከተርሳ ማላ።
- 13 ቦዛ ናእይ ባረ አዉዋ ጳይሴ፤ ዋላሳንቻ ማቻታካ ጎሊ ኡባ ገደ ጸክያ ጸኩዋ ማላ።
- 14 አት አሳይ ጎልያን ማጸዋ ባረ አዉዋፕ ላታናዉ ዳንዳይ፤ ሽን እኩካንቻ ማቻቶ መጅና ጎዳይ እማ።
- 15 ጮ ዘልፓካትያ ኡራዉ ገምእሹ ዬ፤ ኦሱቀ አ□ና አሳይ ኮሻቴ።
- 16 አዛዙዋ ናጊደ ኦልያ አሳይ፣ ባረ ሸምቸዋ ናጌ፤ ሽን ሸከኮ ግያ አሳይ ሀይቄ።
- 17 ሀይሳዉ ኪክያ አሳይ መጅና ጎዳዉ ታልኤ፤ አ ሄ ሎኦ ኦሱቀ አጩዋ ጭጌ።
- 18 ሰምያ ሀይታይ ደእሺና፣ ነ ናቱቀ ሴራ፤ ሴራና ጳዮፕ፣ ኔን ኡንቱንታ ባይዛዳ።
- 19 ሀንቄዋ ሱልያ አሳይ ባረ ጋትያ እኮ፤ አ አጋ፤ ኔን አ አሸያዋ ግደፕ፣ ሀራቱዋካ ኔን አ ሄዋዳን አሳናዊ አተና።
- 20 ዘርያ ሰሳ፤ ትምርትያካ አካ። ያቶፕ፣ ኔን ዉርሰላን አጴዳ ኤራንቻ ግዳናሳ።

- 21 እሳይ ዳርባ ሀልቼ፤ ሽን መድና ጎዳይ ጌዳዌ ፖለቲ።
- 22 እሳፕ ኮየትያዌ እገና ሰቁዋ፤ ዋርዳገቻ ግዳናፕ ህይዳ ግድያዌ ከካ።
- 23 መድና ጎዳዉ ያይያዌ ደኦ ካለቱ፤ አዉ ያይያ እሳይ ካሊደ ደኦ፤ ኢታባይካ እ ቦቼና።
- 24 እት እት እሳይ ዳር አዛላ፤ ዋጾያን ቱሸዳ ሰሉዋካ ፑደ ባራናዉ ዋየቲ።
- 25 ኔን ቅሊጭያዋ ሸጮ፣፣ እከካይ ፓጩዳዌ ጭንጫተላ ታማራና፤ እከካገቻ እሳ ኔን ሲርፕ።
- እ ኤራተላ ደማና።
- 26 ባረ አዉዋ ቦንቁያ ናአይ፣ ባረ አቶካ ሶፕ ከሲደ የደርሰያ ናአይ፣ ሄ ናአይ ዬላነ ካዉሻ አህያ ናአ።
- 27 ታ ናአዉ፣ ኔን ዘርያ ሰሰያዋ አጌዳዋ ግደ፣፣ ኤራዉ ዘክያ ዛራዳ።
- 28 ዋርደ ማርካይ ሱረ ፕርዳ ቦላ ቅሊጩ፤ ኢታ እሳ ዳናይ ኢታተላ ጉጂደ ሞቲ።
- 29 ቅሊጭያዋንቶ ፕርዳይ፣ ቦዛቶካ ዋዳይ ኮሺ።

### 20

- 1 ዳር ማላይያ ኡሻ ኡሸያዌ ዳር ብድሴነ ዋላሴ፤ ማላትያ እሳይ ዋዛናይ ፓጩዳ እሳ።
- 2 ካትያ ሀንቁ ጋሙዋ ጉደላ ማላ፤ እ ይሎይያ እሳይ ባረ ሸሞፑዋ ቦላ ፕርዳ።
- 3 ፓሊሞያፕ ጋጾን ደአያዌ እዋ ቦንቾ፤ ሽን ቦዛ እሳይ ኡባይ ዋላቀታናዉ ኤሌሊ።
- 4 አዛላ ጎሻንቻይ ዋድያ ናጊደ ጎሸና፤ ሄዋ ድራዉ፣ ካላ ጫክያ ዋደ እ ዋሴ፤ ሽን አያካ ደመና።
- 5 እሳ ዋዛና ሀልቼ ጨዋ ኦላ ግደን ደአያ ሃላ ማላ፤ ሽን ዋዛናማ እሳይ ሄዋ ዱቁደ ከሴ።
- 6 ዳር አሳቲ ባረንቲ ኪካተላ ኦዲና፤ ሽን ቱሙ አማነትያ እሳ ደማናዌ ኦኔ?
- 7 ጽሎ እሳይ ቶሺ ባይና ደኡዋ ደኤ፤ እ ካሊደ፣ እ ናናቲካ እንጀቲዳዋንገታ።
- 8 ካቲ ፕርዳናዉ ባረ ካዉተላ አራታን ኡቲዳ ዋደ፣ ኢታ ኡባ ባረ አይፍያን ሀርቁደ ከሴ።
- 9 “ታ ዋዛና ጌሻድ፤ ታናን ናጋርካ ባዋ” ያጋናዉ ዳንዳይያ እሳይ ደአኔሻ?
- 10 መድና ጎዳይ ዋርዳዋ ሚዛናን ይግያዋንገታን ልከ ግደናባን ማክያዋንገታ አጼ።
- 11 ናአይ ጌሻነ ሱረ ግድያዌ እ አላያ ኦሱዋን ኤረቲ።
- 12 ሰሰያ ሀይላነ ጼልያ አይፍያን፣ ኡንቲንገታ ላኡዋካ መድና ጎዳይ መጺዳ።
- 13 ገሞእሹዋን ሃ ዋድያ ዉርሶፓ፤ ኔን ሀይሳና። ቤጎታ፤ ያቶ፣፣ ኔን ካላ ካላና።
- 14 ሻዋያ እሳይ፣ “ቆሄ! ቆሄ!” ያጌ፤ ሽን ቤዳዋፕ ጉይያን፣ “ግሊዋን ሻማድ” ያጊደ ጨቀቲ።

- 15 ኤራይ ኩሜዳ ሃሳያይ ዋርቃፕካ እንቁዋ ግያ ዳር አልኦ ሹቻፕካ አጺዳ አልኦባ።
- 16 ኤረና እሳዉ ዋሰያ ገልያ ኡራ ማየዋ ቃር አክተ፤ እማላ እሳዉ ዋሰያ ገልያ ኡራ ማየዋ ኦይቁቲ።

- 17 ዋርዳዋን ደሚዳ ካሳይ እሳ ማልኤ፤ ሽን አቅ ከሲደ፣ ዳና ግደን ሻፍያዳን ሀኔ።
- 18 ዘርያ አካደ ሃ ሀልቻያዋ ሀልቻ፤ ዘርያ አከናን ደአደ ኦላዉ ቦፓ።
- 19 ዘግርያ እሳይ ጸራ ገንባና፤ ሄዋ ድራዉ፣ ኦዳገቻ ኡራና ጋከቶፓ።
- 20 እሳይ ባረ አዉዋ ዋይ ባረ አቶ ሸቆ፣፣ እ ደኡዋ ጸሞፕያ ድጽ ጎ ጴማን ቶአና።
- 21 ኮይሩዋን ኤላካ ሸቆዳ አቁ ዉርሰላን እንጀተና።
- 22 ካዉ ኢታ ኦሌዳ ኡራዉ፣ “ታንካ አዉ ኢታ ኦላና” ጎፓ፤ መድና ጎዳን አማነታደ ናጋ፤ እ ኔና አሻና።

- 23 መድና ጎዳይ ላኡ ቆሞ ሚዛናቲዋ ሸነቲ፤ ዋርዳዋ ሚዛናቲካ እ ናሸቻክና።
- 24 እሳይ ባናዉ በሰያ ኦግያ መድና ጎዳይ ካለቱ፤ ያትና፣ እሳይ ባረ ደኡዋን ባና ኦግያ ዋቲደ እከካናዉ ዳንዳዪ?
- 25 እትባ ኤሌሊደ፣ “ሀዋ ታን ጸሳዉ አማድ” ግ ድግያዌን ጉፕፕ ዘንቆትያዌ፣ ሄዌ እሳ ኦይቁያ ጸረ።

- 26 አጺዳ ኤራጎቻ ካቲ ማካላንቻቲዋ ሻኪደ ኤሪ፤ እ ኡንቲንገታ ቃረተናን ሙራ።
- 27 እሳ አያናይ መድና ጎዳዉ ጸሞፕያ፤ ሄዋ ድራዉ፣ እ ኑ ግደ እሳተላ ኡባ ፕልግ ጼሌ።
- 28 እገና ሰቁነ አማነትያዌ ካትያ ናጊና፤ እ ካዉተላ አራታይ እገና ሰቁዋን ምኔ።
- 29 ያላጋቲዋ ቦንቾ ኡንቲንቲ ዋልቃ፤ ጭማቶካ ኡንቲንቲ ፑላንሳይ ኡንቲንቲ ቦንቾዋ።
- 30 ሞኖ ሙሩ ኢታተላ ሸዴ፤ ዋድያዌ ኢታ ዋዛና ላማናዉ ዳንዳይ።

### 21

- 1 ካትያ ዋዛናይ መድና ጎዳ ኩሸያና፤ እ አ ዋዛና ጎግያ ሃላ ዘርያዋዳን፣ ባረ ኮይዳሳ ዛራ።
- 2 እሳይ ኦላያዌ ኡባይ አዛዋ ልከ ማላቲ፤ ሽን መድና ጎዳይ እ ዋዛና ቆላ ፓጩ።
- 3 ያርሹዋ ያርሹዋፕካ አሊደ፣ ጽሎባነ ሱረባ ኦላያዋ መድና ጎዳይ ደሴ።
- 4 ኢታቲ ኦቶረትያዋን እይያዋን ኤረቲና፤ ሄዋካ ናጋራ።
- 5 ሞኖ ኦሳንቻ ሀልቼ ዱረይ፤ ሽን ኤሌልያ ኡባይ ሀይሳና።

- 6 ዋርድቲደ ዳጋዬዳ ዲረታይ ጥንቱዋ ሱሉዋዳን ጳዬ፤ ሄዋ ኮይያዋንቱ ሀይቁዋ ኮዪና።
- 7 ኢታቱ ሱረባ ኦላናዉ እጽያ ድራዉ፤ ኢንቱንቱ ማካላ ኦሱ ኢንቱንታ እኪደ ቤ።
- 8 ባይዛንቻቱ ጌላ ኦግያን ሀመቲና፤ ሽን ጌሻቱ ሱረባ ኦላና።
- 9 ዋላቀትያ ማቻትና እት ጎልያን ደእያዋጥ ሂ ጎልያ ካሻን ደእያዋ ኬካ።
- 10 ኢታቱ ኢታባ ኦላናዉ እሞቲና፤ ባረንቱ ሾርቶ ቃረትከና።
- 11 ቅለጭያዊ ሙረቲዳ ዋይ፤ ዋዛናይ ፓጩዳ ኡራይ እጫዳ ኡራ ታማሪ፤ ቃይ ዋዛናማ ኡራይ ታማሪዳ፤ ኡራ ደሜ።
- 12 ጽሎ ጸሳይ ኢታቱዋ ሶን ኦሰትያዋ ኡባ በኤ፤ ኢንቱንታ እል የጊደ ጳይሴ።
- 13 ሀይሳ ዋሱዋ ሰሳናጥ ጊደ፤ ባረ ሀይሳ ቱጭያ ኡራይ፤ እካ ዋሳና፤ አልያዌ ጳያና።
- 14 ጌማን እምያ እሙ ሀንቁዋ ደሸሴ። አፍላ ግዲዋና እሜዳ ማታዪ ሱሎ ሀንቁዋ እርጽሴ።
- 15 ሱረ ፕርዳይ ፕርደቲዳ ዋይ፤ ሄዌ ጽሎ ናሽቻ፤ ሽን ኢታ ኦልያዋንቶ ዳጋማ።
- 16 እኬካ ኦግያጥ ሀራራዳ ኡራ ሀይቁ ናጌ።
- 17 እጾ እንጅያን ደእና ግያ ኡራይ ማንቁ፤ ዋይንያ ኤሳን ዛይትያ ደሰያ አሳይ ዲረተና።
- 18 እት እት ገደን ጸሳ አሳቱዋ አሻናዉ ኢታ አሳቱ ሙረቲና፤ እማንተና አሳቱካ ሱረ አሳቱዋ ድራዉ ሙረቲና።
- 19 ዋላቀትያን ይሎትያ ማቻትና ደእናጥ ባዙዋን ደእያዌ ኬካ።
- 20 ዋዛናማ ኡራ ሶን ማልኦ ቁማይን ኦይሳይ ምንጀቲ፤ ሽን ቦዛ አሳይ ባረዉ ደእያዋ ኡባ ም ድጌ።
- 21 ጽሎተላን አገና ሰቁዋ ኮይያ ኡራ ላይሳይ አዳቁ፤ ቃይ ሄ ኡራይ ጽሎተላን ቦንቹዋ ደሜ።
- 22 ዋዛናማ አሳይ ዋልቃማ ኦላንቻቱ ደእያ ካታማ ኦሊደ ኦይቁ፤ ኢንቱንቱ እማንቲዳ ምና ጌሱዋካ ላሊ።
- 23 ባረ ድናን ባረ እንጸርሳ ናግያ አሳይ ባረና ሙቱዋጥ ናጌ።
- 24 ኦቶረትያን አይያ አሳይ ቅለጭያዋ ጌተቲ፤ እ ኦቶራንቻ ግዲዳ ድራዉ፤ አሳዉ ቆጥና።
- 25 አዛላ አሙ ዋዴ፤ አያዉ ጎጥ፤ እ ኦላናዉ ኮየና።
- 26 አዛላይ ጋላሳ ኩሙንላ ዳርባ ደማናዉ አሞቲ፤ ሽን ጽሎ ባረዉ አሸናን እሜ።
- 27 ጸሳይ ኢታቱዋ ያርሹዋ ሸንቲ፤ ሄዋጥካ ኢንቱንቱ እዉ ኢታ ቆፋን ሸሽያ ያርሹዋ እል ሸንቲ።
- 28 ዋርድ ማርካይ ጳያና፤ ሽን ቆጊደ እኬካን ሃሳይያ ኡራ ሃሳይያ አከታና።
- 29 ኢታ አሳይ ታዋ ጸላሳይ ልከ ጌ፤ ሽን ሱረ አሳይ የሽ ቆጥ።
- 30 አሳይ ባረ እጫዳ ኡራተላን፤ እኬካን ዘርያን ሙድና ጎዳና ኤቀታናዉ ዳንዳየና።
- 31 ኦላዉ ፓራ ኮራናዉ ዳንዳየቲ፤ ሽን ኦላ ዳንሰያዌ ሙድና ጎዳ።

## 22

- 1 ሎኦ ሱንሳይ ዳር ዲረተላጥ እጫ፤ ሳበትያዌካ ብራጥን ዋርቃጥ እጫ።
- 2 ዲርያን ማንቁዋ ኡባካ ሙድና ጎዳይ ሙዴዳ፤ ሄዋን ኢንቱንቱ ላኡካ ቃራ።
- 3 ጭንጫ አሳይ ኢታ በኢደ፤ ቆሰት አሌ፤ ሽን እኬካይ ፓጩዳ አሳይ ሙቱዋን ገሊደ ቆሄቲ።
- 4 ኔን አሽከ ግደጥን ሙድና ጎዳዉ ያዮጥ፤ ዲረተላ፤ ቦንቹዋን ደእዋ ደማና።
- 5 ኢታ ኡራ ኦግያን እንጎሳይን ጸሪ ደኤ፤ ሽን ባረና ናግያ አሳይ ኢንቱንቱጥ ሃኬ።
- 6 ናኤይ ዋኒደ ደእና በሰንቶ ታማርሳ፤ ያቶጥ፤ እ ጭሚደካ ሄዋ አገና።
- 7 ዲራ ሀይሳ ሞዴ፤ ታልእ እኬዳዌ ታልእያ እሜዳዋ እይላ ግዴ።
- 8 ናጋራ ዘርያ ኡራይ ዋይያ ጫኬ፤ ሀራቱዋ እ ቱጋይያ ቱጋ ጸምእይ ሙኤና።
- 9 ኬካ አሳይ ባረ ቁማጥ ሀይሳዉ ጮ እምያ ድራዉ እንጀታና።
- 10 ቅለጭያ አሳ ከሳ ድጎጥ፤ ፓሎሚ፤ ዋላሳይን ቦሪ ክቻና።
- 11 ኔን ዋዛና ጌሻተላን ኬካ ሃሳይ ደሶጥ፤ ካቲ ኔናና ዳቦቲ።
- 12 ሙድና ጎዳይ ኤረተላ ናጌ፤ ሽን ዋርዳንቻቱዋ ቃላ እ እል የጌ።
- 13 ቦዛ አሳይ፤ “ታን ካረ ከሶጥ፤ ጋሙ ታና ማና፤ ታና ኦግያን አሳይ ዋሳና” ያጌ።
- 14 ዋሹምያ ማጫ ሞሽራት ድናይ ጨሞ ኦላ ማላ፤ ሙድና ጎዳይ ሀንቁቲዳ ኡራይ እ ግደን ከንዳ።
- 15 ናኦ ዋዛና አዛላተላይ ባቂ ኦይቁ፤ ሽን ቃይጾርያን ሙርያዌ እጥ ሃሴ።
- 16 ባረዉ ማጾዋ ጉጃና ጊደ፤ ሀይሳ ናቁያዌ ዲርያዉ እሙዋ እምያዌ ላኡካ ሀይሳና።

### ሀታሙ እጫዳ ኡራ ሃሳያቱዋ

- 17 ነ ሀይላ ሃ የጋይ፤ እጫዳ ኤራንቻይ ኦድያዋ ሰሳ፤ ነ ዋዛናካ ታ ኤራኮ ዛራ።
- 18 እያዉ ጎጥ፤ ኢንቱንታ ነ ዋዛናን ዋላጥን ነ ድናንካ ኢንቱንቱ ኡባ ሀሳዮጥ፤ ኔን ናሽታና።
- 19 ነ እማኦ ሙድና ጎዳን ግዳና ማላ፤ ታን ኔና ሀቻ ታማርሳድ።
- 20 ታን ነዉ ዘሪን ኤራተላይ ደእያ ሀታሙ ለምሳቱዋ ጸፎዌሽ!



- 21 ነና ከቲዳዎ ኔን ልከ ዛሩዎ ዛራና ማላ፣ ታን ነና ቱማተፋ ታማርሳድ።
- 22 ሀይሳቶ አያይነ ባይና ድራወ፣ ኢንቱንጉቱዋ ቦንቆጋ፤ ችሎታንካ ሙቶታንቻቱዋ ማታ ቆይሶጋ።
- 23 አያወ ጎጥ፣ ሙድና ጎዳይ ኢንቱንጉቱ ድራወ ሞተታና፤ ኢንቱንታ ቦንቄዳዋንታካ እ ቦንቃና።
- 24 ሀንቀትያ ኡራና ላገቶጋ፤ ሀንቀታናወ ኤሌልያ ኡራናካ ዘጥቶጋ።
- 25 ኔን እ ሀኑዋ ማዘቶጥ፣ ገዮጥ አገናወ ዳንዳያካ።
- 26 አሳወ አጩዎ ታ ቃንጻና ጋደ ዋሰያ ገሎጋ።
- 27 ኔን ቃንጻያዌ ቆጥጥ፣ ነ ግሰያ ሂዳይ አተናን፣ ነወ ደአያባይ ኡባይ አከታና።
- 28 ነ ማይዛ አዎቱ ቶኬዳ በን ዛዋ ሾደጋ።
- 29 ባረ ኦሱዋ ሎሀተሳን ኦልያ አሳ በአድ? እ ካተቶ ኦልጥ አትና፣ ጮ አሳቶ ኦ□ና።

### 23

- 1 ኔን አሳ ሞድያዋና አትጥ ቁማ ማናወ ኡቲዳ ዎደ፣ ነ ሰንሳን ደአያዋ ሎይላደ አኬካ።
- 2 ኔን ዳር ዮራ አሳ ግደጥ፣ ናገታ።
- 3 እ ነና ፓጫናወ ዳንዳይያ ድራወ፣ አዴዳ ማልኦ ቁማወ ያወንቶጋ።
- 4 ዲረታናወ ዳቡርጋ፤ ሄዋ ማላ ኬሰያ አገናወ ጭንጫ ግዳ።
- 5 ሄዋ ማላ ዲረተሳይ ኔን ጸልሸን ቆያና፤ ቀፍያ ከሲደ አርገንሳዋዳን፣ ሳሉዋ ፓላና።
- 6 ኡዘያ ቁማ ሞጋ፤ እ ማልኦ ቁማካ ማናወ አሞቶጋ።
- 7 ማላትሳናወ እ ነና፣ “ማ፤ ኡሻ” ያጌጥ አትና፣ እ ዋዛናይ ነናና ደኤና።
- 8 ኔን ሜዳ ላፋ ቁማ ጮኻና፤ ነ ጋላታይካ ሙላ ግዳና።
- 9 ቦዛወ ሎኦባ ሃሳዮጋ፤ አያወ ጎጥ፣ ነ አዴዳ ኤራ ሃሳያ እ ካቆና።
- 10 በን ዛዋ ሾደጋ፤ ቃይ አወ ባይና ናናቱዋ ጋድያ ዛዋ ሱጎጋ፤
- 11 አያወ ጎጥ፣ ኢንቱንታ አሸያ ጸሳይ ሞና፤ እ ኢንቱንጉቱ ድራወ ነናና ሞተታና።
- 12 ነ አሰታማሪ ነወ ኡድያዋ ሀይዛ፤ ነ ሀይሳካ ኤራ ቃላኮ ዛራ።
- 13 ናአ ሴረናን አጎጋ፤ ኔን እ ቃይጸርያን ዋጶጥ፣ እ ሀይቀና።
- 14 ኔን እ ቃይጸርያን ዋጶጥ፣ እ ሸሞጥዋ ሀይቁዋጥ አሻሻ።
- 15 ታ ናአወ፣ ኔን ነ ዋዛናን አዴዳ ኤራንቻ ግደጥ፣ ታ ዋዛናይካ ናሽታና፤
- 16 ነ እንጻርሳይ ሱረባ ሃሳዮጥ፣ ታ ዋዛናይ ናሽቱ።
- 17 ናጋራንቻቱዋ ቃናቶጋ፤ ሸን ኡባ ገደ ሙድና ጎዳወ ያይያዋ አጎጋ።
- 18 ያቶጥ ነወ ሰንሳናወ ሳአይ ኬካና፤ ነ ሀይታይካ ቆያና።
- 19 ታ ናአወ፣ ሰሳ፤ ዋዛናማ ግዳ፤ ነ ዋዛና ሱረ ኦግያን ዋፋ።
- 20 ዳር ዎይንያ ኤሳ ኡሸያዋንቱናን አሹዋ ሙሳወ ያረትያዋንቱና ዘጥቶጋ፤
- 21 አያወ ጎጥ፣ ማላትያዋንቱክ ዮራንቻቱ ማንቃና፤ ገምአሹዋ ዳሩ አሳ ወራዳ ጨርቃ ማይዘሴ።
- 22 ነና ዩሌዳ ነ አቡ ኦድያዋ ሰሳ፤ ነ አታካ ኤጩዳ ዎደ ካቆጋ።
- 23 ቱሙዋ፣ አዴዳ ኤራተሳ፣ ትምርትያን አኬካ ሻማጥ አትና፣ ኡባካ ዛልአጋ።
- 24 ጽሎ ናአ አቡ ሎይሳ ናሽታና፤ ዋዛናማ ናአ ዩሌዳ ኡራይካ እን ሀሹ ጋና።
- 25 ነ አቡካ ነ አታ ናሽትና፤ ነና ዩሌዳናካ ሀሹ ጉ።
- 26 ታ ናአወ፣ ታ ዘርያ ሀይዛ፤ ታን ሀንያዋዳን ሀና።
- 27 አያወ ጎጥ፣ ዎሹምያ ሞሽራታ ጨዋ ኦላ ማላ፤ ጫራቱዋ ኦይቄያ ማቻታካ ኦንአ ኦላ ማላ።
- 28 እ ፓኑዋዳን ቆሰታ ኡታደ ናጋወ፤ አማነተና አቱማ አሳ አሳ ግደን ዳርሳወ።
- 29 “ዎ!” ግያ ዋሱ ኦሴ? ካዩ ኦሴ? ዋሳሳይ ኦሴ? ዙዙንሳይ ኦሴ? ጋሱ ባይናን ማዳጽያዌ ኦሴ? አይፊ ዘአያዌ ኦሴ?
- 30 ዎይንያ ኤሳ ኡሸደ ጋምአያዋንቱሳ ግደኔ? ዋላከቲዳ ዎይንያ ኤሳ ኡሸ ኡሸ በአያዋንቱሳ ግደኔ?
- 31 ዎይንያ ኤሳይ ዘኤዳ ዎደ፣ እ ማላይ ብርልያ ግደን ጳልያ ዎደ፣ ኡሸሸን ዋላላቲደ ገልያ ዎደ፣ እ ጴሎጋ።
- 32 ወርሰላን እ ሾሻዳን ዲኬ፤ ሙሉሙቀ ሾሻዳንካ ባረ ይሻ ዮኬ።
- 33 ነ አይፊ በእ ኤረናዋ በአና፤ ነ ዋዛናይካ ሱረ ቆገናወን ሃሳያናወ ዳንዳየና።
- 34 ኔን አባ ግደን ሆቢ ቃልያ ማርካብያ ጸራን ግሴዳ ኡራ ማላ ግዳና።
- 35 ኔን፣ “ኢንቱንጉቱ ታና ደቼድና፤ ሸን ታን ቆሄታበይከ። ኢንቱንጉቱ ታና ዋዴድና፤ ሸን ታወ ኤረተቤና። ሀራ ኡሻ ኡሻናወ ታን አወደ ደንዳንድታሻ?” ያገና።

### 24

- 1 ታ ናአወ፣ ኢታ አሳቱዋ ማላ ግዳርክታሻ ጎጋ፤ ኢንቱንጉቱና ዳቦታናወካ አሞቶጋ፤
- 2 አያወ ጎጥ፣ ኢንቱንጉቱ ኡባ ገደ ማካሳሳ ማቀቲና፤ ባረንቱ እንጻርሳን ገንያባ ሃሳዪና።
- 3 ጎሊ አዴዳ ኤራተሳን ኬጸቲ፤ አኬካንካ ምኔ።

- 4 ኤራይ ደአፕ፣ ቆልኦ አልአባንን ሎኦባን ኡባን ኩሚ።
- 5 ዋዛናማ ኡራው ዋልቃማ ዋልቃይ ደኤ፤ ኤራንቻ አሳይካ ምኖተላ ጉጂ።
- 6 ኔን ኦላው ከሳናፕ ካሰታይ ሀልቼዋ ሀልቻናው ኮሺ፤ ዳር ዘርያዋንቱ ዘርያን ጸኑ ቤቱ።
- 7 ቦዛይ እዴዳ ኤራተላ አከካናው ዳንዳየር፤ ሀቃ ያእንካ ኦድያዌ አይነ ባዋ።
- 8 ኢታ ኦሳናው ሀልቻያ ኡራይ ገናንቻ ጌተታና።
- 9 ቦዛተላ ቆፋይ ናጋራ፤ አሳይ ቅሊጭያዋ እጾ።
- 10 ኔን መቱዋ ጋሳሰ ላረፕ፣ ነ ዋልቃይ ጉላ ግያዋ።
- 11 ሀይቃናው በሰናን፣ ሀይቆ ፕርዲደ አፍያዋንታ እሻ፤ ዋቆና ሀንያ ዋይ ጮኤ ጋይ ጸሎፕ።
- 12 ኔን፣ “ኑን ሀዋ ኤርበይኮ” ያሳፕ፣ ዋዛና ኤርያዌ እ በኤኔ? ነ ደኡዋ ናግያዌ ኤራኔ? አሳ ኡባው እ ኦሱዋ ኦሱዋዳን ዛረኔ?
- 13 ታ ናአው፣ ኤሳ ማ፤ ኤሳይ ሎአ። ኤሳ አልሉ ጎሳጩዋን ማልኤ።
- 14 እዴዳ ኤራተላይካ ሄዋ ማላ፤ እ ነ ሸምፕ ማልኦ ግድያዋ ኤራ። ኔን እ ደምያዋ ግደፕ፣ ሰንሳና ያና ሀይታይ ነዋ፤ ኔን አካና ጋይ ሀይታይ ናግያዌካ ቆየና።
- 15 ጽሉዋ ጎልያን ማጸዋ ቦንቃናው ቆፕያ ኢታ አሳዳን ሀሮፕ።
- 16 ጽሉ አሳይ ላፑን ገይ ከንደፕካ ደንዴ፤ ሸን ኢታቱ መቱዋን ቆየና።
- 17 ነ ዋርኪ ኩንድያ ዋይ ናሸቶፕ፤ እ ቆበትያ ዋይካ፣ “ሀሸ፤” ጎፕ።
- 18 ኔን ናሸቶፕ፣ መጅና ጎዳይ ሄዋ በኢደ ናሸተና፤ እ ሀንቀትያዋካ እግ አጋና።
- 19 ኢታ ኦልያዋንቱ ድራው ሀርጎፕ፤ ኡንቱንቱ ማላ ግዳርክታሻ ጎፕ።
- 20 አያው ጎፕ፣ ኢታ ኡራው ሰንሳና ያና ሀይታይ ባዋ፤ ኢታቱዋ ጸምፕካ ቶአና።
- 21 ታ ናአው፣ መጅና ጎዳውን ካትያው ያያ፤ ኡንቱንቶ ማካልያዋንቱናካ ዘፕቶፕ።
- 22 አያው ጎፕ፣ ሄዋ ማላ አሳቱዋ ቆፕና መቱ ጋኬ፤ ካትያፕን ጸሳፕ ያና መቱዋ ኦኔ ኤርያዌ?

ሀራ እዴዳ ኤራ ሃሳያቱዋ

- 23 እዴዳ ኤራንቻቱ ጉጂደካ ሀዋዳን ያጌድኖ፣ ፕርዲደ ማድያዌ ሎአ ግደና።
- 24 ባይዛንቻ፣ “ኔን ባይዛንቻ” ያግያ ዳና አሳይ ሸቃና፤ ካውተላቱካ እ እጸና።
- 25 ባይዛንቻ ሙርያዋንቱ ሎይሰ ናሸታናን አንጀታና።
- 26 ሱረ ዛሩዋ ዘርያዌ ዳቦቶ ማላታ ማላ።
- 27 ካሰታይ ነ ጋድያ ኦሳ፤ ካላካ ዘራ፤ ሄዋፕ ጉይያን፣ ነ ጎልያ ከጸ።
- 28 ነ ሸሩዋ ቦላ ጋሱ ባይናን ማርካቶፕ፤ ነ ደናንካ ጭምፕ።
- 29 “ኣ ከታ ኦልዳዋዳን፣ ታን አው ኦሳና፤ ታን አው እ ኦሱዋ ኩሸያ ዘራና” ያሳፕ።
- 30 ታን እት ጋሳሰ፣ እት አዛላን አከካይ ፓጩዳ ብታንያ ጋይን ደአያ ዋይንያ ቱራ ግዲዋና አቆድ።
- 31 አድያ ዋይ፣ አጉንሳይን ሻራፋይ ጎዝ ዋልዳ፤ ዩሸዋን ሹቻ ግምቢካ ኮለት ክቼዳ።
- 32 ታን እ በኤዳ ዋይ፣ ቆፕድ፤ ታን በኤዳዋፕ ትምርትያ ታማራድ።
- 33 ኔን ጉላ ልጽ ጋ፤ ጉላ ገምአሻ፤ ነ ኩሸያካ ሸሻደ ጉላ ሸምፕ አካ።
- 34 ሄዋፕ ጉይያን፣ ሀይሳተላይ ፓኡዋዳን ያና፤ ፓጫይካ ኦላ ሚሻ እይቄዳ አሳዳን ፑቱ ጋና።

25

ሶሎሞን ጸፌዳ ሀራ ሊምሳቱዋ

- 1 ሀዋንቱካ ቃይ፣ ይሁዳ ካትያ ሀዘቂያሳ አሳቱ ዱቂይ ጸፌዳ ሶሎሞና ሊምሳቱዋ።
- 2 ጹራ ገንሰያዌ ጸሳው ቦንቸ፤ ጹራ ፕልጊደ ከሰያዌ ቃይ ካተቶ ቦንቸ።
- 3 ሰሎቱዋ ቆቃተላን ሳእ ጨማተላ አሳይ ጋከናዋዳን፣ ካተቱዋ ቆፋካ አሳይ ኡራናው ዳንዳየና።
- 4 ሳራፕ ቅታ ድጋ፤ ሄዋፕ ጉይያን፣ ዋጋጪ ቆጸደ፣ ሎኦባ ከሳና።
- 5 ካትያ ሰንሳፕ ኢታቱዋ ድጋ፤ ያቶፕ፣ እ ካውተላ አራታይ ጸሎተላን ምን ኤቃና።
- 6 ካትያ ሰንሳ አድያ ዋይ ጨቀቶፕ፤ ዋልቃማ አሳቱዋፕ ግዲዋን ሳእ ኮዮፕ።
- 7 ኔፕ ግታትያ አሳው ሳእ እማናው ካፑ ኔና ደንሰና ካውሸያዋፕ፣ ካፑ ኔና፣ “ሀዋኮ ቆቁ ጋ” ግያዌ ነው ከካ።
- 8 ነ እይፍያን በኤዳዋ ማርካታናው ዳባባ ባናው ኤሌሎፕ፤ አያው ጎፕ፣ ኔን ማርካታ ሰምና፣ ሀራ አሳይ ነ ማርካተላይ ባላ ግድያዋ ቆንጭሶፕ፣ ኔን ዬላታና።
- 9 ኔፕን ነ ሸሩዋፕ ግዲዋን ፓሉሚ መጠቶፕ፣ አናና ሃሳያደ ነ ፓሉምያ ወርሳ። ሀራ አሳ ጹራ ቆንጭሶፕ።
- 10 ሄዌ ቆዮፕ፣ ኔን ኦድያዋ ሰሴዳ አሳይ ኔና ካውሻና፤ ሄዋን ነ ሱንሳይ ላኢንሎ ሰመናዳን ባያና።

- 11 ኮሽያ ዎድያን ሃሳባቱዳ ልከ ቃላይ ብራ ቦላ ትጌዳ ዎርቃ አሌቁዋ ማለ።
- 12 ሀይዘያ ኡራ ኤራንቻ አሳይ ዘርያ ዘሪ ሀይላን ዎሌዳ ዎርቃ ዎይ ጌሻ ዎርቃጥ ኦሌዳ አሌቁዋ ማለ።
- 13 ካላ ጫክያ ቦንያን እርጸ ሃላይ ኡሽና አልያዎዳን፣ ኪትና አማነትያ አሳይ ባረና ኪትያዋንጥ ናሽቹ።
- 14 እመናና “እማና” ያጊደ ጨቀትያ አሳይ አራይ ባይና ሻርያን ጫርኩዋ ማለ።
- 15 ዳንዳያንቻ አሳይ ደርያ ዎድያዎ ኦዲደ አማንሌ፤ ሊቆ ቃላይ መቀላ አዲደ ገሌ።
- 16 ኤሳ ደሞጥ፣ ካላና ጋካናወ ማ፤ ሽን ዳርሶጥ፣ ኔን ጮሻና።
- 17 ኔና ኡፊደ እጸናዳን፣ ነ ሾሩዋ ጎላ ኡባ ገደ ቦጋ።
- 18 ባረ ሾሩዋ ቦላ ዎርዱዋን ማርካትያ አሳይ ጋትማይ፣ ማሻይን ቃራ አዳይ አሳ ቆህያዋ ኬሻ ቆሄ።
- 19 መቱዋ ዎደ አማነተና ኡራን ዘምጥያዌ ቃጽያ ማጋን ጮምያዋን ሰሌዳ ገድያን ሀመትያዋ ማለ።
- 20 ካዮት ኡቴዳ አሳወ የላ የጸያዌ ሜጉዋ ጋላሰ ማዩዋ ቃርያዋን ማዴላ ቦላ ጫላባ ትግያዋ ማለ።
- 21 ነ ሞርኪ ኮሻቶጥ፣ ሞዛ፤ ሳመቶጥ፣ ኡሻ።
- 22 እያወ ጎጥ፣ ኔን ሄዋ አልያዌ አ ሁጲያን ጋማ ቦንቁዋ ካሺደ ቆልያዋ ማለ። መድና ጎዳይካ ጎወ ዎይታና።
- 23 ደላሃ ባጋ ጫርኩ እራ አህያዎዳን፣ ዘግርሳይ ሀንቁዋ አይ።
- 24 ዋላቀትያ ማቻትና እት ጎልያን ደእናጥ ጎልያ ካሻን ደእያዌ ከካ።
- 25 ዳቡራዳ ኡራይ እርጸ ሃላ ኡሺደ አልያዎዳን፣ ሃቡ ቢታጥ ይያ ሎኦ ኦዲና ናሽቹ።
- 26 ኢታ አሳ ሰንላን ከንድያ ጽሎ አሳይ ቡሉቀቴዳ ፑልቱዋን ባይዳ ኦላ ሃላ ማለ።
- 27 ዳር ኤሳ ምያዌ ሎእ ግደና፤ ሄዎዳንካ፣ ባረ ቦንቹዋ ኮይያዌ ቦንቹሰና።
- 28 ባረ ሁጲያ ናገና አሳይ ድርሳይ መኤዳ ካታማ ማለ።

## 26

- 1 ቦንያን ሻቻይ፣ ካላ ጫክያ ዎድያንካ እራይ ኮሽናዎዳን፣ ቦዛወ ቦንቹ ኮሽና።
- 2 ካርቱ ያን ሃን ፓሊደ፣ አሳ ቆሄናዎዳን፣ ጋሱ ባይናን ሽቄያ ሸቃይ አሳ ጋከና።
- 3 ፓራወ ልሱዋ፣ ሀርያወ ፓጸሩዋ ኮሽናዎዳን፣ ቦዛ ዘክያወ ዎቶ ኮሺ።
- 4 ቦዛ ኡራወ አ ቦዛተላዳን ዛርፓ፤ ዛርፓ ኔንካ አ ማለ ግዳና።
- 5 ቦዛ ኡራወ አ ቦዛተላዳን ዛራ፤ ሄዌ ጻዮጥ፣ አ ባረና ኡራንቻዳን ፓይዳና።
- 6 ቦዛ አሳ ቦላ ኪታ ኪትያዌ ባረ ገድያ ቃንጽያዎን ዎድያዋ ኡሽያዋ ማለ።
- 7 ቦዛ ኡራ ሌምሱ ዎባ ኡራ ገድያ ማለ ማደና።
- 8 ቦዛ ኡራ ቦንቹያ አሳይ ሹቻ ያምባርሻ ቦላ ቃቶ ዎሊደ ዩሽያ አሳ ማለ።
- 9 ቦዛ ኡራ ሌምሱ ማሶቴዳ አሳይ ባረ ኮሽያ ጫዴዳ እጉንላ ከሳናወ ባጸትያዋ ማለ።
- 10 ቦዛ አሳ ዎይ ባረወ ኦግያና አድያ አሳ ኦሶ ቃጸርያ አሳይ ደሜዳ አሳ ኡባ ጫዳናዳን ዎንዳፍያ ዱክያ አሳ ማለ።
- 11 ካናይ ባረ ጮሻ ጉዮ ሰሚደ ምያዎዳን፣ ቦዛይ ባረ ቦዛተላ ኦሱዋ ዛር ዛር ኦሌ።
- 12 ባረካ ባረና፣ “ታን አይዳ ኡራንቻ” ግያ አሳ ባእድ? አጥ ቦዛ ኡራወ ሰንላጥ ሎኦ ሀደታይ ደኤ።
- 13 አዛላይ፣ “ኦግያን ጋሙ ደኤ፤ ያሽያ ጋሙ አኮ ኦግያን ዩይ” ያጌ።
- 14 ጥንጊ ባረ ማጸፍያን ያን ሃን ቃጽያዎዳን፣ አዛላይካ ባረ ሄጸን ያን ሃን አድ ዎዴ።
- 15 እት እት አሳቱ ዳር አዛላ፤ ኡንቱንቱ ሀራይ እትና፣ ዎጽያን ቱሺዳ ሶሉዋካ ፑደ ባራናወ ዳቡሪና።
- 16 አዛላ አሳይ ማርካና ኦድያ ላፑን ኡራንቻቱዋጥካ ባረና አይዳ ኡራንቻ ገደ ቆፔ።
- 17 ባረና ጋልያዌ ባይና ሳን ፓላማወ አድያ አሳይ ኦግያና ብያ ካና ሀይላ ኦይቄያ አሳ ማለ።
- 18-19 ባረ ሾሩዋ፣ “ታን ካሳወ ኦላድ” ያጊደ ጭምያ አሳይ፣ ጎዩደ ታማ ጸፋ ኦልያ፣ ዎይ ዎድያ ጩብያ ደንልያ አሳ ማለ።
- 20 ሞላይ ወርጥ፣ ታማይ ቶኤ፤ ዘግርያዌ ጻዮጥ፣ ዋላሳይ አቴ።
- 21 ጲጺንላይ ቦንቁዋ ዳርሰያዎዳንን ሞላይ ታማ ዳርሰያዎዳን፣ ፓሉማንቻ አሳይ ዋላሳ ዳርሴ።
- 22 ዘግርሳ ቃላይ ማልኦ ቁማ ማለ፤ ናሽቹደ ዱገ ጋንጅያ ጋከ።
- 23 ዎዛናን ኢታባይ ደእሸና፣ ባረ እንጸርሳን ጭሙዋ ቃላ ሃሳይያ አሳይ ብራን ሺሺዳ ኡርቃ ማሻ ማለ።
- 24 ሎኦ ማላትያ ኢታ አሳይ ባረ ዎዛናን ደእያ ኢታተላ ባረ ናሽ ሃሳያን ገንሎ።

- 25 እ ዋዛናን ላፑን ቱናተላይ ኩም ኡቴዳ ድራው፤ እ ሎኦ ቃላ ሃሳዮፕካ እ አማናፕ።
- 26 ባረ ሞርከተላ እ ገንሳፕካ፤ እ ኦሳያ ኢታተላይ ሺቁዋን ቆንጫና።
- 27 ሀራቶ ኦላ ቦክያ ኡራይ ሄ ኦላን ባረጪ ኩንዳና፤ ሀራቱ ቦላ ሹቻ ጎንደርሰያ ኡራ ቦላ ሄ ሹቻይ ሰሚደ ጎንደርታና።
- 28 ዋርደትያ እንጸርሳይ ባረ ቆሄዳ አሳቱዋ እጹ፤ ጭምያ ሃሳያይ ባየላ አሄፕ አትን፤ ሀራባ አሄና።

### 27

- 1 ዋንት ሀናናባን ጨቁቶፕ፤ ዋንት አሀናባ ኔን ኤራካ።
- 2 ኔና ሀራ አሳይ ጋላቶፕ አትና፤ ኔን ኔና ኔሪካ ጋላቶፕ፤ አሳይ ነ ድራው ማርካቶፕ አትና፤ ኔን ነ ከክተላ ኦደፕ።
- 3 ሹቻይ ዋልቃማ ቶኩዋ፤ ሻፈቱዋ ቶክያዌካ ዴጴ፤ ሽን ቦዛ ኡራይ ደንሳያ ዋላሳይ ኡንቱንቱ ላኡዋፕካ ዴጴ።
- 4 ሀንቆ ቃሪት ባዋ፤ ይሉካ ባይዘያ ድኡዋ ማላ፤ ሽን ቃናትያን ኡባ ጋላፕ።
- 5 ገሚዳ ሲቁዋፕ ባልያ ዋደ ቆንጭያን ሴርያዌ ከካ።
- 6 ሞርኪ ኔና ዳር ገደ የርያዋፕ ሲቁ ኔና ደችያዌ ከካ።
- 7 ካሊዳ ኡራ ኤሳ አልሉ አቴ፤ ሽን ከሻቴዳ ኡራ ጫምያባይካ ማልኢ።
- 8 ባረ ጎልያ አገደ ዩይያ አሳይ፤ ባረ ጎልያፕ ሃካደ ፓልያ ካፋት ማላ።
- 9 ሸቱን ሳዊያ እጻናይ አሳ ናሽችያዋዳን፤ ሲቁዋ ላግያ ዘሪካ ናሽቹ።
- 10 ነ ሲቆ ላግያን ነ አወዋ ሲቆ ላግያ አጎፕ፤ ኔና መቱዳ ዋደ ነ አሻ ጎሊ ቦፕ። ሃኩዋን ደእያ አሻፕ ማጎን ደእያ ሸሩ ከካ።
- 11 ታ ናአው፤ ኔን እጴዳ ኤራንቻ ግዳ። ያትንቶ ታን ናሽታና ነ ታና ቦርያዋንቱ ኦሻካ ዛራና።
- 12 ጭንጫ አሳይ መቱ ይያ ዋደ በኢደ ቆሰቴ፤ ሽን እከካይ ፓጩዳ አሳይ ሰት ግ ቢዳ፤ መቱዋን ገሊ፤ ያቲደ ጉየፕ እዬ አና ያጌ።
- 13 ኡርና አሳወ ዋሰያ ገልያ ኡራ ማዩዋ ቃር አክተ፤ እማላ አሳወ፤ ዋሰያ ገሊዳ ኡራ ማዩዋ ኦይቁተ።
- 14 ዋንታ ጉራን ባረ ቃላ ቶቁ ኦላደ፤ ባረ ሸሩዋ ሳርትያዌ እ ሸቁያዋ ማላ።
- 15 ዋላቃታደ ዱጸና ማቻታን አራይ ቡክያ ዋደ ጸኪደ አገና ጎሊ እት ማላ።
- 16 ጫርኩዋ ተአናወ ዋይ ዛይትያ ጨጨሚደ ኦይቃናወ ዳንዳየተናዋዳን፤ እዘ ጮኡ ኦላናወ ዳንዳየተና።
- 17 ብራታይ ብራታ ፖሽያዋዳን፤ አሳይ እቱ እቱዋፕ ታማራ።
- 18 ባላሰያ ግያ ሞላቶ እሻልሲደ ናጌዳ ኡራይ እ አይፍያ ማና፤ ባረና አይሴዳዋ ካቦይያ ቆማይ ቦንቹታና።
- 19 ሃላይ ማሰቶትያዳን ሶምኡዋ በሰያዋዳን፤ አሳ ዋዛናይ እዛወ ኤሻ በሴ።
- 20 ሀይቁን ባሻይ ካል ኤርክና፤ ሄዋዳንካ፤ አሳ አይፊ ካለና።
- 21 ብራይን ዋርቃይ ታማን ፓጩቲደ ጌይያዋዳን፤ አሳይካ ባረ እክያ ጋላታን ፓጩቱ።
- 22 ቦዛ አሳ ካሳና ኡዱላን የጋደ፤ ኡዱላ ሞላን ጫድንቶ፤ አፕ ቦዛተላይ ክቸና።
- 23 ነ ደርሳቱ ደእያ ሀናታ ሎይላደ ኡራ፤ ነ መሀያ ዉድያካ ዋዛናፕ ሄማ።
- 24 እያወ ጎፕ፤ ዱረተላይ መድናወ ደኤና፤ ካላቻይካ የለታፕ የለታወ አፍፍን አጋናወ ዳንዳይ።
- 25 መላ ማታይ ቡጩቲዳዋፕ፤ አጫ ማታይ ከሴዳዋፕን ደርያ ቦላን ደእያ ማታይ ሸቁዳዋፕ ጉይያን።
- 26 ደርሳቱዋ እሰክያፕ ኔን ነወ ማይያዋ ከሳና፤ አማራዳ ዳሻቱዋ ዛልኤዳ ብራንካ ነወ ጋድያ ሻማና።
- 27 አትያ ዳሻቱዋ ማላይ ነወ፤ ነ ሶ አሳወን ነ ማጫ ቆማቶ ቁማ ግዳናዋ።

### 28

- 1 ኢታቱ ኦንን የደርሰናን ባቃቲና፤ ሽን ጽሎቱ ጋመዋ ማላ ጸላ።
- 2 እት ካወተላይ ማካላንቻ ግደፕ፤ እ ሞድያዋንቱ ለመት ለመት ሞድና። ሽን ካለሳያዋንቱ አጲዳ ኤራንቻን እከካንቻ ግድያ ዋደ፤ ምና ግዲደ፤ ዳር ዋድያ ታኪ።
- 3 ሀይሳቱዋ ኡቁንያ ዳናይ ካላ ጳይሰያ ዋልቃማ እራ ማላ።
- 4 ሀግያ ቦንቹና ኡራይ ባይዘንቻ ሳቤ፤ ሽን ሀግያ ቦንቹያዌ ባይዘንቻቱዋ ቆፋ ጳልቁ።
- 5 ኢታ አሳቶ ሱሪ ፕርዳባይ ገለና፤ ሽን መድና ጎዳወ ጎይንያዋንቶ ኡባባይካ ገሊ።
- 6 ጌላ አሳ ግዲደ፤ ዱሪ ግድያዋፕ ሱሪ አሳ ግዲደ፤ ሀዬሳ ግድያዌ ከካ።
- 7 ሀግያ ናግያ ዋዳላይ እከካንቻ። ሽን ፓፍ ሹፋሮቱዋና ዙፕትያዌ ባረ አወዋ ዬላዬ።

- 8 ሚሻ ድቻወ እምናዋንን የሉዋን ዱረትያ አሳይ ሄ ማጸዋ ህዩሳቶ ኪክያ አሳዉ ሺሺ።
- 9 ሀግያ ሰሳናፕ ገደ፣ ባረ ሀይላ ዋራ ዛርያ ኡራ ዋሳይ ጸሳ ሸነይያዋ።
- 10 ሱረቱዋ ኢታ ኦግያ ካለልያ ኡራይ ባረ ቦኬዳ ኦላን ባረዉ ኩንዳና፤ ሸን ጌሻ አሳይ ሎኦባ ላታና።
- 11 ዱረ አሳይ ባረና እዴዳ ኤራንቻ ገደ ቆፔ፤ ሸን እኪካይ ደለያ ህዩሳይ አ ፓጩ።
- 12 ጽሎቱ ጸኔዳ ዋደ፣ አሳይ ኡባይ ናሸቲ፤ ሸን ኢታቱ ማታ ኦይቄዳ ዋደ፣ አሳይ ቆሰቲ።
- 13 ባረ ናጋራ ገንልያ ኡራይ አጩና፤ ሸን ፓጽዋይን ናጋራ አግያዌ ማረታናዋ።
- 14 መድና ጎዳዉ ኡባ ገደ ያይያ አሳይ አንጀቲዳዋ፤ ሸን ባረ ዋዛና ጉዙንልያ አሳይ መቱዋን ገላና።
- 15 ህዩሳ አሳ ሞድያ ኢታ ዳናይ ጉድያ ጋሙዋን ኩሻቲዳ ባባርቂያ ማላ።
- 16 ዋዛን ፓጩዳ ዳናይ ባረ አሳ ናቂ፤ ሸን አሳ ናቂያዋ አጽያዌ ዳር ላይላ ሞዳና።
- 17 አሳ ዋዴዳ አሳይ ሀይቃና ጋካናዉ ባቃቲደ ደኤ፤ አ ኦን ሺሸ አከና።
- 18 ቦሪ ባይናን ሀመትያ ኡራይ ቆሄተናን አታናዋ፤ ሸን ጌላ አሳይ አት ኩላን ኩንዳና።
- 19 ባረ ጋድያ ኦልያ ኡራይ ካላ ካሌ። ሸን ቩፋርቱዋ ካልያ ኡራይ ኡባ ገደ ህዩሲደ ደኤ።
- 20 አማነቲዳ ኡራይ ዳር አንጀታና፤ ሸን ዱረታናዉ ጃምያዌ መረተናን አተና።
- 21 ሻኪደ ማድያዌ ሎኤና፤ ሸን አሳይ ጉላ ኡክላ ድራዉ ገደካ፣ ባላባ ኡላና።
- 22 ኡዘትያ ኡራይ ዱረታናዉ ጃሜ፤ ባረና ህዩሳተላይ ኦይቃናዋን ኡረና።
- 23 አሳ ጮ ሳቢያ ኡራፕ ሲርያ ኡራይ ጉየፕ ጋላተቲ።
- 24 ባረ አወዋፕን ባረ አትፕ ዉኢደ፣ “ታን አይነ ናጋራ ኦላበይከ” ያግያ ኡራይነ ባይዝያ ኡራይ አት ማላ።
- 25 ኡዘትያ ኡራይ ዋላሳ ደንሌ፤ ሸን መድና ጎዳን አማነትያዌ ካሌ።
- 26 ባረናን አማነትያ አሳይ ቦዛ፤ ሸን እዴዳ ኤራተላን ሀመትያዌ ሳር ደኤ።
- 27 ህዩሳዉ እምና ኡራዉ ፓጩና፤ ሸን ኡንቲንታ በአናፕ ገደ ጨልምያዌ ሸቃ አካና።
- 28 ኢታ አሳቱ ሱንጋትያ ዋደ፣ አሳይ ቆሰቲ፤ ሸን ኡንቲንቲ ቆይያ ዋደ፣ ጽሎቱ ጮራቲና።

### 29

- 1 ዳር ገደ ሴርና እጸደ፣ ሞርጊ ቆሌዳ ኡራይ ሀሳየናን መእና፤ ሄ ኡራዉ ፓጸካ ባዋ።
- 2 ጽሎ አሳቱ ሱንጋትያ ዋደ አሳይ ናሸቲ፤ ሸን ኢታቱ ቢታ ሞድያ ዋደ አሳይ ኦሌ።
- 3 እዴዳ ኡራ ደሳያ አሳይ ባረ አወዋ ናሸቲ፤ ሸን ዋሹምያ ማጫ አሳቱዋ ሄራን ዩይያ አሳይ ባረ ሚሻ ዉርሴ።
- 4 ቱሙዋ ፕርድያ ካቲ ባረ ካዉተላ ዋፑ ኦሌ፤ ሸን ማታይያ ማናዉ የራትያዌ ባረ ካዉተላ ባይዙ።
- 5 ባረ ሾሩዋ ሳቢደ ሃሳይያ ኡራይ፣ አ ገድያዉ ግትያ የጌ።
- 6 ኢታ አሳይ ግቲ ኦይቄያዋዳን፣ ባረ ናጋራን ኦይቀቲ፤ ሸን ጽሎ አሳይ ናሸታናዉን የጻናዉ ዳንዳዬ።
- 7 ጽሎ አሳይ ህዩሳ ማታ ቦንቲ፤ ሸን ኢታ አሳይ ሄዋ ማላ ኤራ ኡባካ ኡረና።
- 8 ቅለጭያዋንቲ ካታማን ዋላሳ ደንሌና፤ ሸን እዴዳ ኤራንቻ አሳቲ ሀንቁዋ አርጽሲና።
- 9 እዴዳ ኤራንቻ አሳይ ቦዛ አሳ ፕርዳ ጎለ አፎፕ፣ ቦዛይ ሀንቀቲን ቅዴ፤ አዉ ያቶፕ ሳሩ ቆዬ።
- 10 ሱላ ጉሳናዉ ጃምያ አሳቲ ሱረ አሳ እጸና፤ ቃይ ጽሎ አሳካ ዋቆናዉ ኮዩ።
- 11 ቦዛ አሳይ ባረ ሀንቁዋ የድ በሴ፤ ሸን እዴዳ ኡራ አሳይ ባረ ሀንቁዋ ሞቲ።
- 12 አት ሱንጋትያ ዳር ኡራይ ዋርዳዋ ኦዳዋ አኩፕ፣ አ ኦሳንቻቲ ኡባይ ኢታ ከሲና።
- 13 ህዩሳይን አሳ ናቂያ አሳይ አትባ ኮጸና፤ ኡንቲንቲ ላኦካ አይፍያ መድና ጎዳይ ጸልሴ።
- 14 አት ካቲ ህዩሳዉ ሱረ ፕርዶፕ፣ አ ባረ ካዉተላን ጋምእና።
- 15 ቃይጾሪነ ሴራይ ናናቶ እዴዳ ኡራ እሜ፤ ሸን የዳን ድጩዳ ናኦይ ባረ አቶ ካዉሺ።
- 16 ኢታ አሳቲ ዳርያ ዋደ፣ ናጋራይ ዳሬ፤ ሸን ጽሎቱ ኡንቲንቲ ኩንደላ በእና።
- 17 ነ ናኦ ሴራ፤ ያቶፕ፣ አ ነዉ ሳሩዋ እማና፤ አ ኔና ናሸቻና።
- 18 ጸሳይ ካለልያ ካለሱዋ አከና ደሪ የዳ፤ ሸን ሀግያ ናግያ ኡራይ አንጀቲዳዋ።
- 19 ቆማይ ጮ ኦዶ ጸላን ሴረት ኡረና፤ ኦዴ አዉ ገልንቶካ አ እዛዘተና።
- 20 ኤሌሌ ኤሌሌ ሃሳይያ ኡራ በእ ኡራይሻ? አፕ ቦዛ ኡራዉ ሰንሳናዉ ዳር ሀደታይ ደኤ።
- 21 ነ ቆማዉ ናኦተላፔ ደምና፣ አ ኮይያዋ ኡባ አዉ እማ ሚዘዮፕ፣ አት ጋላሰ ነዉ ደለያዋ ኡባ አካናዉ አ ካጃላናዌ አተና።
- 22 ሀንቀትያ አሳይ ዋላሳ ደንጋሌ፤ ኤሌ ይሎትያ አሳይ ዳር ናጋራ ኦሌ።
- 23 ኦቶሩ አሳ ካዉሺ፤ ሸን ሆክያ እያናይ ደለያ አሳይ ቦንቲ።
- 24 ካይሱዋና ሻክያ ኡራይ ባረና እጽያ አሳ፤ አ ዳባባን ቱሙዋ ኦደፕካ ሙረቲ፤ ቱሙዋ ኦዳና ቆዮፕ ቃይ፣ ጸሳይ አ ሙራና።

- 25 እሳው ያይያዋ ሄ ኡራው ጸረ ግዳ፤ ሽን መድና ጎዳን እማነትያ እሳይ ሳር ደኤ።
- 26 ዳሮቱ ሱንጥላይ ደእያ እሳቱዋ እዉዳሺኖ፤ ሽን ሱረ ፕርዳይ መድና ጎዳ ማታጥ ቤቴ።
- 27 ጸሎቱ ናጋራንቻቱዋ ሽነቲኖ፤ ናጋራንቻቱካ ሱረ ኡራ ሽነቲኖ።

### 30

#### እጉር ሃሳያ (30:1-33)

- 1 ሀዋጥ ካሊደ ጻፈቲዳዌ ያቃ ናኤይ እጉር ሃሳዬዳ ሃሳያ። ሄ ብታኒ እቲላሰነ ኡካላዉ ሀዋ ሃሳዬዳ።
- 2 ቱሙ ታን እይ እሳጥካ ቦዛ ዳራይ፤ እሳዉ ደእያ እኩካይ ታዉ ባዋ።
- 3 ታን እዴዳ ኡራ ታማራብይከ፤ ጌሻ ጸሳባካ እያነ ኤርከ።
- 4 ሳሉዋ ፑደ ከሲደ፤ ዱገ ዎዴዳዌ ኦኔ? ጫርኩዋ ባረ ኩሽያን ኦይቄዳዌ፤ ሃሳ ባረ እፍላን ጸጩዳዌ፤ ሳኣ ጋጸ አ ሳኣን ሳኣን ዎልዳዌ ኦኔ? እነ ኤርጥ አ ሱንጥ ታዉ ኦዳ። አ ናኣ ኦና ጋይ?
- 5 ጸሳይ ኦድያ ቃላይ ኡባይ ቱማ፤ ባረኩ ባቃቲደ ብያ ኡባዉ አ ጎንዳለ።
- 6 አ ቃላ ቦላ እያነ ጉጃፓ፤ ጉጃፓ አ ኔና ሴራና፤ ኔነ ዎርዳንቻ ግድያዋካ እ ቆንጭሳና።
- 7 እቤት መድና ጎዳዉ፤ ታን ኔና ላኡባቱዋ ኦቻይ፤ ታን ሀይቃና ጋካናዉ፤ ኡንቲንታ ታና ድጎፓ።
- 8 ኮይሩዋን፤ ታን እሳ ጭመናዳን፤ ዎርዳዋ ሃሳየናዳን ታና ናጋ፤ ላኤንሉዋን፤ ታዉ ኮሽያ ኪሻ ቁማ እማጥ እትና፤ ታና ዱረ ዎይ ማንቆ ከሶፓ።
- 9 ሃዌ ጳዮፕ፤ ዱረ ግዳይ፤ “መድና ጎዳይ ኦኔ?” ጋይ ኔና ካዳና፤ ዎይ ማንቆ ግዳይ፤ ዉእና፤ ያታደ ታ ጸሳ ሱንጥ ቦርሳና።
- 10 ኔና ሸቀና ማላነ አ ሸቄና ነዉ ጎመተና ማላ፤ ቆማ አ ጎዳን ሞቶፓ።
- 11 ባረንቱ እዎቱዋ ሸቄያን ባረንቱ እየቱዋ እንጀና እሳቱ ደእኖ።
- 12 ዳሮ ቱና ቱን ኡቲደ፤ ባረንታ ጌሻዳን ፓይድያ እሳቱ ደእኖ።
- 13 ኦቶሩዋ ኩሜዳ እሳቱን አሳ ካዲደ ጸልያ እሳቱ ደእኖ።
- 14 እንቲንቱ እቻይ ማሻ ማላ ግድና፤ ኡንቲንቱ ጎጎጩካ ጎሎዱዋ ማላ ግድና፤ ሀዬሳቱዋን መቶታንቻቱዋ ናቂደ፤ ኡንቲንቱዋ ቦንቄያ እሳቱ ደእኖ።
- 15 ኡላሳትዉ ላኡ ማጫ ናናቱ ደእኖ። ኡንቲንቱ፤ “ሀማ! ሀማ!” ያጊደ ዋሲኖ። ኡባካ ካል ኤረና ሄዙባቱ ደእኖ፤ ኦይደንሉ ቃይ ኡባ፤ “ግዳና” ግ ኤረና።
- 16 ሄዋንቲካ፡  
ዱፋዋ፤  
ማይነ ማጫ አሳ፤  
ሃላ ካልሰ ኤረና መላ ቢታን፤  
“ታዉ ግዳና!” ግ ኤረና ታማ።
- 17 ባረ እዉዋ ቅሊጭያ ናኣ እይፍያ፤ ባረ እታ ጭምና ካቲያ ናኣ እይፍያ፤ ዛንጋራን ደእያ ቁርቱ ዎጫና፤ አ እሹዋ እነኩቱ ማና።
- 18 ታና ሄዙባቱ ማላሊሲኖ፤ ኦይደንሉ ኡባ ታዉ ገለና።
- 19 ሄዋንቲካ፡  
እርጋንሳይ ሳሉዋና ፓልያ ፓሉዋ፤  
ሸሻይ ሹቻ ቦላና ሶሎልያ ሶሎላሳ፤  
ማርካቢ አባ ቦላን ሶልድያ ሶልዱዋን  
ዎዳላይን ወደራታ ሲቁዋ ደምያ ደመላ።
- 20 ዎሹምያ ሞሽራታ ሀንያ ሀኑካ ሄዋ ማላ። አ ሙሳ ማዉ፤ ሽን ሜዳዋጥ ጉይያን፤ ባረ ዶና ቁጫ ድጋይ፤ “ታን ኦይነ ባይዘበይከ” ያጋዉ።
- 21 ሄዙ የዎቱዋን ቢታይ ቃጼ፤ ኦይደንሉዋ ኡባ ቶካናዉካ ዳንዳይቤና።
- 22 ሄዋንቲካ፡  
እይሊ ካተቲዳ ዎደ፤  
ቦዛይ ካሳ ካሊዳ ዎደ፤
- 23 እሳይ እጼዳ ሞሽራታ አሰና ገሌዳ ዎደነ፤  
ማጫ ቆማታ ባረ ጎዳቶ ላቲዳ ዎደ መ□ትያ ሀኖታ።
- 24 ሳኣ ቦላ ኦይዱ ጉላ መ□ታቱ ደእኖ፤ ሽን ኡንቲንቱ ሎይላ እዴዳ ኤራንቻ።
- 25 ሄዋንቲካ፡  
ጩንጫለቲዋ፤ ጩንጫለቲ ዎልቃይ ባይና መ□ታ፤  
ሽን ባረንቶ ምያዋ ቦንያን ሸሸደ፤ ምንጂኖ።
- 26 ጉፓሉቱዋ፤ ጉፓሉቱ ጉላ ዎልቃይ ደእያዋንታ፤

- ሽን ባረንጉ ጎልያ ሹቻ ጎንጎሉዋን ኬዲና።
- 27 ቦላቱዋ፣ ቦላቶ ካቲ ባዋ፤ ሽን ኡንጉንጉ ኡባይካ ማራን ዛቲና።
- 28 ዛራቱዋ፣ ዛራቱ ኩሽያን ኦይቁናካ ኦይቀቲና፤ ሽን ኡንጉንጉ ሀራይ ኦትና፣ ካትያ ጎሊንካ ደኢና።
- 29 ባረንጉ ማታ በሲደ ሀመትያ ሄዙ መፀታቱ ደኢና፤ ኦይደንፍካ ሎኦ ሄመታ ሀመቴ።
- 30 ሄዋንጉካ፡ ደኦ ኡባጥ ሞንያን ያዪደ ባቃት ኤረና ጋሙዋ፤
- 31 እየቱዋ ግድን አዪደ ሀመትያ አወረ ኩቱዋ፡ ዴሻ ኦርግያን፣ ባረ ኦላንቻቱዋ ግድን ኤቂያ ካትያ።
- 32 ኔን ቦዛደ ኦቶሪቱዋዋ ግድገና፣ ኢታባ ኦላናዉ ሀልቼዳዋ ግድገ፣ እነ ታክ ጋደ ቆጋ።
- 33 ማላ ቡክያዌ ኦይሳ ከሰያዋዳን፣ ሲቋያ ይምጥያዌካ ሱላ አህያዋዳን፣ ሄዋዳን ሀንቁዋ ደንጃያዌ ዋላሳ እዬ።

### 31

ልሙኤላ ዳያ ባረ ናኦ ታማርሴዳ ትምትትያ (31:1-31)

- 1 ሀዋጥ ካሊደ ጸፈቲዳ ሃሳያይ፣ ካትያ ልሙኤላ አታ ካትያ ልሙኤላ ታማርሴዳዋ።
- 2 “ላ ታ ናኦ፡ ታ ኡሉዋጥ ዎጪዳዎ፣ ታን ሸቀታደ የሊዳዎ።
- 3 ማጫ አሳን ነ ዎልቃ ወርሰገ፤ ሄ ካተቱዋ ባይዝያ ማጫ አሳቱዋን ነ አካታ ቆይሶጋ።
- 4 “ልሙኤላ፣ ሀዌ ካተቶ በሰና፣ ዎይንያ ኤሳ ኡሽያዌ ካተቶ በሰና፤ ማላይያ ኡሻ ኡሽያዌ አሳ ቦላ ስንጃቱዳዋንቶ በሰና።
- 5 ኡንጉንጉ ኡሽያ ዎደ ህግያ ባሊና፤ ናቀቲዳ አሳ ማታ ሸነን ገና።
- 6 ማላይያ ኡሻ ሀይቃና ህንያ ኡራዉን ሳኦይ ኢቲዳ ኡራዉ እምተ።
- 7 ኡንጉንጉ ባረንጉ ማንቆተላን ባረንጉ ቱጋ ደኡዋ ደጋና ማላ ኡሽና።
- 8 “ባረንጉ ሙቱዋ ኦዳናዉ ዳንዳየናዋንጉ ድራዉ ኔን ኦዳ፤ ማድያዌ ባይናዋንጉ ማታ ድራዉ ኔን ደንዳ።
- 9 ኡንጉንጉ ሱሪ ፕርዳ ፕርዳ፤ ሀይሳቱዋን ሙቶታንቻቱዋ ማታ ናጋ” ያጋደ ታማርሳዳ።
- 10 ዎዛናማ ማቻቶ ኦን ደማናዉ ዳንዳዪ? እንቁዋ ግያ አልኦ ሹቻጥካ እዛ አልአዉ።
- 11 እ አሰናይ እዞ ኡባባንካ አማኔ፤ አዉ ደአናዉ በሰያዋጥ አያይን ገጠና።
- 12 እ ባረ ደኡዋ ላይላ ኡባን አዉ ሎኦባጥ ኦትና፣ ኢታባ ኦኡኩ።
- 13 ሱፍያን ላይኑዋ እ ኮያደ፣ ናሽታደ ባረ ኩሽያን ኦላዉ።
- 14 እ ዛልእንቻቱዋ ማርካባቱዋ ማላ፤ ባረ ቁማ ሃኮ ቢታጥ አያዉ።
- 15 እ ባረ ሶ አሳዉ ቁማ ካላናዉን ባረ ማጫ ቆማቶ ኡሱዋ ግሻናዉ፣ ሳኦይ ብር ቃማ ደአሽና ደንዳዉ።
- 16 ጋድያ እ ኮያደ ሻማዉ፤ ባረ ኩሽያን ኦላደ ደማዳ ሻሉዋን ዎይንያ ቱራ ቶካዉ።
- 17 እ ጎባ ኦሳንቻ ግድያዋ ጸላላ ግድናን፣ ሞናን ጭንጫ አሳ።
- 18 እ ባረ ዎቋያ ደማናዉ ሞናደ ዛልአዉ፤ እ ኦላደ ቃምሰያ ድራዉ፣ ባረ ጸምጥያ ኤላ ቶይሱኩ።
- 19 እ ባረ ሰንድሪታን ሱቃደ፣ ባረ አፍላ ዳዳዉ።
- 20 እ ሀይሳቶን ሙቶታንቻቶ ባረዋጥ ጮ አማዉ።
- 21 እ ሶ አሳይ ኡባይ ሆኦያ ማዌዋ ማዬዳ ድራዉ፣ ሻቻይ ቡክንቶ፣ እ ሀርጉኩ።
- 22 አርሳ ቦላን ሂጸያ ማዌዋ ሰካዉ፤ ሊኑዋጥ ዳደቲዳ ኦቻ ቱራ ማላትያ ማዌዋን ባረዉ ማያዉ።
- 23 ጋድያ ጭማቱ ሸቆያ ዲቡሻን እ አሰናይ ቦንቼቲዳ አሳ።
- 24 ሊኑዋጥ ማዌዋን ሳቂያ ኦላ ኦላደ፣ ዛልእንቻቶ ዛልአዉ።
- 25 እዛ ሞናን ቦንቻ አሳ፤ ይያ ላይላቶ እዛ ኡባካ ሀርጉኩ።
- 26 እጭዳ ኡራን እ ሃሳያዉ፤ እማንሰያ ዞሪ እ እንጻርሳጥ ከሴ።
- 27 እ ባረ ሶ አሳ ደኡዋ እንጀያናዉ ኡባ ገደ ኡሱዋ ኦላደ ደአዉ፤ አዛላ ሀኑ እ ቦላን ቤት ኤረና።
- 28 እዝ ናናቲ ደንድ ኤቂደ፣ እዞ ናሽና፤ እዝ አሰናይካ እዞ ጋላቲደ።
- 29 “ሎኦባ ኦሎዳ ዳር ማጫ አሳቱ ደኢና፤ ሽን ኔን ኡንጉንጉ ኡባጥ አሳሳ” ያገ።
- 30 ማላ ሎኦተላይ አላላ ከሰና፤ ፑልካ ቆያና፤ ሽን ሙቋና ጎዳዉ ያይያ ሞሽራታ፣ እዛ ጋላተታናዉ በሳዉ።

31 እ ኦፊዳባዉ ኡባዉ እዉ እዝ ኩሽያ ዛርተ፤ እዛ ኦፊዳ ኦሱ ኡባይ ዳባባን እዞ ጋላትሱ።



# ኤራንቻ ማጻፋ ገሌዋ

“ኤራንቻ ማጻፋ” ግድን ጸፈተደ ቤትያዋንቱ፤ እሳ ደኡ ቃንሳ ግድያዋ ጸላላ ግደናን፤ ዳቡራይ፣ ሻቢርሳይ፣ ፕርዳ ጌላተሳይን እርጋጫይ ኩሜዳዋ ግድያዋ ኤሪይ፤ “እሳ ደኡ መላ” ያገደ ቃቺዳ እት ኤራንቻ ቆፋቱዋ። ሀ ኤራንቻይ እሳ ደኡዋ ወርሰሳ ጋካናወ ናግያ፣ ጸሳ ኡሱ እየንቶ ኤራናዉ እዉ እጸቴዳ። ግደፕን እሳይ ባረ ደኤዳ ላይላ ኡባንነ ባረዉ ዳንዳየቴዳ ኬሻ ኡባን፣ ሞኒደ ኦላናዌን ጸሳይ እሚዳባቱዋን ናሽታናዋ ኮሽያዋ ዞራ።

ኤራንቻ ቆፋቱዋፕ ዳርያ ባጋቱ እቱ እቱዋና ጋከተና ጸላቱ ደእያዋንታን ሀደታ ቃንጸያ ሀናታቱ ደእያዋንታ። ግደፕን ሀ ማጻፋይ ጌሻ ማጻፋ ግደ ገሌዳዌ፣ ጌሻ ማጻፋ ቦላ ኤቄዳ እማኑ ሀራይ እትና፣ ሀ እቱ እቱዋና ጋከተና ቆፋን ሰጂ ኩሜዳ ማጻፋ ባረ ጎምፓን ኦይቂያ ኬሻ እኮ ግድያዋ ቦሴ። ሀዌ ሀ ኤራንቻ ማጻፋይ እሳ ደኡዋ ማሰቶትያዳን ቦሰያ ድራዉ፣ ዳር እሳቱ ሀ ማጻፋፕ ሞን። ስሉዋ ደሚድና። ሄዋዳንካ ሀ ቆፋቱዋ ኦይቄዳ ጌሻ ማጻፋይ፣ እን እካ፣ ደኡ ዋልቃሚ ብላላ እምያ ጸሳን ሀደታ ኦላናዳን ዞርያዋ እኩኪድና።

## ሸምፓቱዋ ኡባቶ እመቴዳ ቃንሳ ቆፋቱዋ

- ደኡዋ ብለላ 1:1—2:26
- ደኡዋባዉ ጌተቴዳ ሃሳያቱዋ 3:1—11:8
- ዞርያ ኡባ ዪቻ 11:9—12:8
- ጸሳ ቦንቹሳን እዛዘቱሳ 12:9-14

## ደኡዋ ብለላ

(1:1—2:26)

ኡባባይካ ሀዳ

- 1 ሀዌ፣ ዳዊታ ናኣ፣ የሩሳላመን ካተቴዳ ኤራንቻ ቃላ።
- 2 ሄ ኤራንቻይ፣ “ኡባባይካ መላ፤ ቃይ ኡባባይካ ሀዳፕ እዴዳ መላ፤ ኡባባይካ ኡባና መላ” ያጌዳ።
- 3 ባረ ደእያ ሳን ኡባን፣ እሳይ ዳቡራይ ኦልያዋን ኡባን እዉ ዋድ እዬ?
- 4 እት የለታይ አድያ ዋደ፣ ሀራ የለታይ ሳኦ ኦይቄ። ሽን ሀ ቢታይ መድናዉካ ላመተናን ደኤ።
- 5 አዋይ ደሊነ ዉሌ፤ ቃይ ላኤንሉዋካ ደላናዉ ያ ደሊያ ሳኦ ኤሌሌ።
- 6 ጫርኩ እት ገደ ገድሳ እት ገደ ሀጸሳ ጫርኬ፤ ቃይ ዩይ ዩይ አዲይ፣ ሰመረቲደ ዩ።
- 7 ጎግያ ሃሳይ ኡባይ አባን ገሌ፤ ሽን አባይ ኩሞ ኤረና። ሄ ሃሳይ ቃይካ ሰሚደ ጎጋናዉ፣ ጉየ ባረ ፑልትያ ሳኦ ቤ።
- 8 ኡባባይካ ሳለልያ። እ ዋይሳ ኪናዉ ሳለልንቶካ ኦድ ዉርሳናዉ ዳንዳየተና። አይፊ ጸሊደ፣ ካል ኤረና፤ ሀይሳይካ ሰሲደ፣ ታዉ ግዴዳ ግ ኤረና።
- 9 ካሰ ሀኔዳዌ ሰንሳናዉካ ሰሚደ እ ሀናና፤ ቃይ ሀእ ሀኒደ ደእያባይካ ካሰ ሀኔዳዋ። ሄዋ ድራዉ፣ ሳሉዋ ጉፋንሳን ኦራሳባ ግያዌ እያይነ ባዋ።
- 10 ኦንነ፣ “ብእተ! ሀዌ ኦራሳባ” ጎፕ፣ ሄዌ ኦራሳ ግደና፤ ሄዌ ኦን የለታናፕ ካሰ ባጋን ሀኔዳዋ።
- 11 ካሰ እዴዳ ዋደቱዋን ሀኔዳባቱዋ ዛሪደ ሀሳይያዌ ባዋ፤ ጉየፕ ሀናናባቱዋካ ኡንቱንቱፕ ጉይያን ኦንነ ሀሳየና።

እዴዳ ኤራተሳይ አለና

- 12 ታን ኤራንቻይ፣ የሩሳላመን እሰራኤልያዉ ካተ ግዳደ ደኣድ።
- 13 ታን ቢታን ሳኦን ደእያዋ ኡባ ቆራ ቆራደ ኤራናዉን እዴዳ ኤራተሳን ፕልጋ ጸላናዉ ታ ቆፋ ቃቻድ። ያታደ እሳ ኡባዉ ጸሳይ እሚዳ ደኡ ሎይላ ዳቡርሰያባን ናሽቻያባ ግድያዋ እኩካድ።
- 14 ሳሉዋፕ ጋርሳ ባጋን ሀኔዳዋ ኡባ ታን ቦኣድ፤ ሽን ኡባባይካ መላ፤ ጫርኩዋ ኦይቃናዉ የደርሰያዋ ማላ።
- 15 ጌላይ ሰታናዉ ዳንዳየና፤ ቃይ ባይናባካ ፓይዳናዉ ዳንዳየተና።
- 16 ታን ታን ታ ዋዛናን ሀዋዳን ያገደ ቆፓድ፤ “ታፕ ካሰ የሩሳላመ ሞዴዳ ኡባቱዋፕ ታን ዋልቃሚን እዴዳ ኤራንቻ ግደድ። ጭንጫተሳን ኤራ ግያዌ እ እየንቶ ፓጫደ ኤራድ” ያገድ።
- 17 ቃይ ታን እዴዳ ኤራተሳ፣ ጎሻፕን ኤያተሳፕ ግዴዋን ደእያ ዲማተሳይ እየንቶ ኤራናዉ ሎይላ ዳቡራድ። ሽን ዉርሰሳን ሄዋካ ጫርኩዋ ኦይቃናዉ የደርሰያባ ማላ መላ ግድያዋ ኤራድ።
- 18 እዴዳ ኤራተሳይ ዳርያ ዋደ ካዮዩያባይ ዳራ፤ ኤራይ ዳርያ ዋደካ ቃይ መቱ ዳራ።

# 2

## ባረና ናሽኝያዌካ ሀዳ

- 1 ታን ታ ዋዛናን፡ “እነ ታወ ወልቃማ ናሽቻ እምያዌ እየንቶ፡ ቃይ ደእያ ደእቀ ግድንካ ሎኦባይ እየንቶ በእና” ያጋይ ቆገድ፤ ሽን ሄዌካ ሙላ።
- 2 ኡባ ገይ ሚጭያዌ ኤያተላ ግድያዋ፡ ቃይ ዳር ናሽቻይካ እይነ ጎኤናባ ግድያዋ አከካድ።
- 3 ሄዌ ሄዋ ግድ ኡት ደእሸን፡ አዴዳ ኤራተላ ደማናዉ እምታይ፡ ታ ዋዛና ወይንያ ኤሳን ናሽቻይ፡ ሄዋ ቡጋናዉ ኤያተላን ቆፋ ቃቻድ። ቃይ አሳይ ሀ ሳኦ ባላ ባረወ ደእያ ቃንላ ዋድያ አልያ፡ ኡባጥ አድያ ሎኦ ኦገካ ሀዋ ጋይ ቆገድ።
- 4 ቃይ ሀራ እት ወልቃማባ ኦሳድ፤ ታወ ደእያ ከላቱዋ ከዳድ፤ ወይንያ ቱራካ ቶካድ።
- 5 ዳማ ዳማ እታክልትያን አይፍያ አይፍያ ሞላቱዋ ቶክያ ሳኦ አሳይ ሸምጥያ ሳኦ ጋናትያዳን ሎይሳይ ገገሳድ። ሄ ሳኦን ዳማ ዳማ አይፍያ አይፍያ ሞላቱዋካ ቶካይ፡ ድቻድ።
- 6 ሄ ድጭያ ሞላቱዋ ኡሻናዉ፡ ሃላ ዳጋይያ ሳኦ ዜራይ ገገሳድ።
- 7 አቱማን ማጫ አይለቱዋ ሻማድ፤ ቃይ ታ ሶን የለቱዳ ሀራ አይለቱካ ታወ ደእና። ታጥ ካሰ የሩሳላሙን ደኤዳ እዋጥን ዳርያ ሙሀያ፡ ዳሻን ደርሳ ዉድያ ሃራድ።
- 8 ታን ሞድያ ዳማ ዳማ ቢታቱዋጥ ቦንቴቱዳ ካተ ጎልያ ዳራጊታ አይሳይ፡ ዳር ዋርቃነ ብራ ታወ ዳጋያድ። ቃይ፡ ታና ሳቢይ የጽያ አቱማን ማጫ የሳንቻቱዋ ቃጻራድ፤ ሄዋ ቦላካ፡ አሳዉ ናሽቻ እምያ ሎይሳ ዳር ማጫ አሳካ ሸሻድ።
- 9 ሄዋ ድራዉ፡ ታን ታጥ ካሰ የሩሳላሙን ደኤዳ እጥን አዴዳ ወልቃማ አሳ ግድድ። ታ አዴዳ ኤራተላይካ ታናና ዉርሰላይ ጋካናዉ ደኤዳ።
- 10 ታ አይፊ ዳሌዳባን ታ ዋዛናይ እምቴዳባ ኡባ ደማድ፤ ታ አሳተላይ ከይያ ናሽቻ ኡባካ ድጋቢይከ። ታን ኦሌዳ ኦሎቱዋ ኡባን ናሽቻይ፤ ታ ዳቡራዉ ዋዲካ ሄዋ።
- 11 ግድ ሸን፡ ሄዋ ኡባ ኦላ ሰማይ ታን አከክያ ወድ፡ ሎይሳ ታን አዉ ዳቡራዳዌ ኡባይካ ሙላ ግድያዋ በእና። ሳሉዋ ጉፋንላን ጎእያዌ እያይነ ባዋ፤ ኡባይካ ጫርኩዋ ኦይቃናዉ የደርሰያባ ማላ።

## ኤራንቻይ ባረ ደእቀጥ ደሜዳ ኤራ

- 12 ሄዋጥ ጉይያን፡ ታን አዴዳ ኤራተላይ፡ ኤያተላይነ ጎሻይ እየንቶ ፓጫይ ኤራናዉ ቆፋ ደማድ። ካትያ ኮታን ካተትያ ሀራ ካቲ ካሰ ኦስቴዳዋጥ አድያ ሀራባ አይ ኦላኔ?
- 13 ታን ሀዋዳን ያጋድ፤ “ቱሙካ ፖኤ ቆማጥ ከክያዋዳን፡ አዴዳ ኤራተላይ ኤያተላጥ ከኬ።
- 14 ጭንጫ አሳቱ ባረንቱ ደንድያ ሳኦን ቢይ ጋክያ ሳኦ ኤራና፤ ሸን ኤያቱ ሄዋ ኡባ ኤርክና” ያጋድ። ግድጥ አትና፡ አንቱንቱ ላእቀ ዉርሰላይካ እቱዋ።
- 15 ታን ታ ዋዛናን፡ “ኤያ ጋክያ ካጫይ ታናካ ጋከ፤ ያትና፡ ታን አዴዳ ኤራንቻ ግድያዌ ታና አያ ማድ?” ያጋይ ቆገድ። ቃይ ታን ታ ዋዛናን፡ “ሀዌ ኡባባይካ ሙላ!” ያጋድ።
- 16 አያዉ ጎጥ፡ ኤይና አዴዳ ኤራንቻ ግድና፡ ሀይቁዋጥ ሄፍንላን ሰሚይ፡ አ ሀሳይያዌ ባዋ፤ ሰንላጥ ይያ ላይላቱዋን ኮን ኡባይካ ደገት አታና። ኤያይ ሀይቁዋዋዳን፡ አዴዳ ኤራንቻይካ ሀይቁ።

## አል ዳቡርያዌካ ሀዳ

- 17 ሙቱዋጥ አትና፡ ጎእያዌ ባይና ድራዉ፡ ሀ ሳኦ ደኤ ታና አቱዳ። ሄዌካ ሙላ፤ ጫርኩዋ ኦይቃናዉ የደርሰያባ ማላ።
- 18 ሳሉዋ ጉፋንላን ታን ሎይሳ ዳቡራይ ደሜዳ ታ ማጸዋ ኡባ ታጥ ጉይያን ይያ ኡራዉ የጋይ ብያ ድራዉ፡ ታን ዳቡራዳዌ ኡባይ ታና አቱዳ።
- 19 ታጥ ጉይያን ይያ ብታጊ አዴዳ ኤራንቻንቶ ኤየንቶ ኦን ኤራ? ሸን እ ኦና ግድናካ፡ ታን ሎይሳ ዳቡራዳዋን ታ ጭንጫተላን ታን ደሜዳዋ ኡባ ባረወ አከይ፡ ጎዳ ግድናዋ፤ ያቶጥ፡ ሄዌካ ሙላ።
- 20 ሄዋ ድራዉ፡ ሳሉዋ ጉፋንላን ሀዋ ከሻ እያዉ ዳቡራድታሻ ጋይ ታ ዋዛናን ካዮታድ።
- 21 አሰ ባረ ደኤዳ ላይላን ባረወ ደኤዳ አዴዳ ኤራተላን፡ ኤራንነ ሂላን ዳቡራይ ደሜዳዋ ኡባ እይነ ዳቡርቤናዋ የጊይ ቤ። ሄዌካ ቃይ፡ ሀዳን ልከ ግድናዋ።
- 22 ያትና፡ ሳሉዋ ጉፋንላን አሳይ ሎይሳ ዳቡራይ ኦሌዳዋጥ ኡባጥ አያ ጎኦ ደሜዳ?
- 23 አ ባረ ደኤዋ ላይላን ዳቡርያ ዳቡራይ ኡባይ ካዮቶጥነ ካዮጥ ሀራባ እይነ አዉ ጉጀና፤ ሀራይ አቶ ቃማካ አ ሁጺ ቆፋጥ ሸምጥና፤ ግድ ሸን፡ ሄ ኡባይካ ሙላ።
- 24 ሄዋ ድራዉ፡ አሳዉ ጎኦ ግድያዌ እዬ ጎጥ፡ አሳይ ባረ ዳቡራዳባጥ ሚድነ ኡሺይ ናሽቻያዋ። ሄ ናሽቻይካ ቃይ ጸሳ ኩሸያጥ አሙቱዳዋ ግድያዋ ታን አከካድ።

25 እያወ ጎጥ፡ እ ሸን ግዳናዎ ጳዮፕ፡ ምን ኡሸናካ እሳወ ናሸቻይ ሀቃን ቤተ?

26 ጸሳ ናሸቻያ ኡራዉ ጸሳይ ጭንጫተላ፡ ኡራተላነ ናሸቻ እሜ፤ ናገራንቻዉ ማታ እ ዳቡሪደ ሺሻናዳን፡ ዳቡራ እሜ፤ ሸን እ ሺሹዳዎ ጸሳይ እኪደ፡ ባረዉ ያይያዎ ሀራዉ እሜ። ሄዎ ድራዉ፡ ሀ ኡባይካ ሀዳነ ጫርኩዎ ኦይቃናዉ የደርሰያባ ማላ።

### ደኡዋባዉ ፔተቴዳ ሃሳያቱዋ

## 3

(3:1—11:8)

ኡባባዉካ ዋዲ ደኤ

1 ኡባባዉ ዋዲ ደኤ፤  
ሳሉዋፕ ጋርሳ ባጋና ኦስትያባዉ ኡባዉ፡  
እ ላይላይ ላይላይ ደኤ።

2 ሄዎ ድራዉ፡ የለታናዉ ዋዲ ደኤ፤  
ሀይቃናዉካ ዋዲ ደኤ።

ቶካናዉ ዋዲ ደኤ፤  
ቶኬዳዎ ሸዳናዉካ ዋዲ ደኤ።

3 ዎቆናዉ ዋዲ ደኤ፤  
ፓላናዉካ ዋዲ ደኤ።

ኮላናዉ ዋዲ ደኤ፤  
ቃይ ኬዳናዉካ ዋዲ ደኤ።

4 ዬካናዉ ዋዲ ደኤ፤  
ሚጫናዉካ ዋዲ ደኤ።

ካዮታናዉ ዋዲ ደኤ፤  
ቃይ ናሸቲደ የዳናዉካ ዋዲ ደኤ።

5 ሹቻ ላላናዉ ዋዲ ደኤ፤  
ሹቻ ሺሻናዉካ ዋዲ ደኤ።

ቆመታናዉ ዋዲ ደኤ፤  
ቃይ ሻከታናዉካ ዋዲ ደኤ።

6 ኮዪደ ደማናዉ ዋዲ ደኤ፤  
ባይዘናዉካ ዋዲ ደኤ።

ሺሽ ኦይቃናዉ ዋዲ ደኤ፤  
ላላናዉካ ዋዲ ደኤ።

7 ፔቆናዉ ዋዲ ደኤ፤  
ሰካናዉካ ዋዲ ደኤ።

ጮኡ ጋናዉ ዋዲ ደኤ፤  
ቃይ ሃሳያናዉካ ዋዲ ደኤ።

8 ደሳናዉ ዋዲ ደኤ፤  
እዳናዉካ ዋዲ ደኤ።

ኦላዉ ዋዲ ደኤ፤  
ሳሮ ዋዲ ደኤ።

9 ያትና፡ ኦሳንቻይ ባረ ዳቡራዳ ዳቡራፕ እያ ዎድያ ደሜዳ?

10 ታን ቃይ፡ እሳ ናናቱ ዳቡሪደ ኦላና ማላ፡ ጸሳይ እሜዳ ገዲ ሎይሳ ዳጾ ግድያዎ በእድ።

11 ጸሳይ ኡባባ እ ዎድያን ዎድያን ሎይሊደ ኦሌዳ። ጸሳይ እሳ ዎዘናን መድናተላ ኦሌዳ፤ ሄዎ ግድፕ፡ ጸሳይ ኦሌዳዎ ኡባ ኮይሩዋፕ ወርሰላይ ጋካናዉ፡ እሳይ ወርሰደ ኤራናዉ ዳንዳየና።

12 ሄዎ ድራዉ፡ እሳይ ባረ ደኤዳ ላይላን ሎእያዎ ኦላያዎፕ፤ ናሸትያዎፕ እድያዎ እያይነ ባይናዎ ታን እኩካድ።

13 ቃይ፡ እሳዉ እዉ እ ዳቡራዉ ዋጋ ግድያዎ ሙሳንነ ኡሻን ባረና ናሸቻያዎ፤ ሄዌካ እዉ ጸሳፕ እመቴዳ እዋታ።

14 ጸሳይ ኦሌዳዎ ኡባይ መድናዉ ደእያዎ ግድያዎ ታን ኤራድ፤ እ ኦሌዳዎ ቦላን ጉጅናዉ ዎይ እፕ ሃ ጉላናዉ ዳንዳየተና። ጸሳይ ሄዎ ኦሌዳዎ፡ እሳይ ባረዉ ያዪደ ቦንቻናሳ።

15 ሀእ ሀኒደ ደእያባይ ዎይ ሰንላፕ ሀናናዉ ደእያባይ ኡባይ ካሰ እዴዳ ዎድያን ሀኔዳዎ፤ እያዉ ጎፕ፡ ጸሳይ ካሰ ሀኔዳዎ ዘር ዘሪደካ ሀናናዳን ኦሌ።

ሀ ሳኣን ፕርዳይ ጌላቴዳባ

16 ቃይ ታን፣ ሳሉዋ ጉፋንግን ጌሻ ፕርዳ ሳኣን ኢታተሳይ፣ ጽሎተሳ ሳንካ ናጋራይ ደእያዋ በኣድ።

17 ታ ዋዛናን፣ “ጸሳይ ጽሉዋን ኢታ ላኡዋካ ፕርዳዉ ሺሻና፤ እያዉ ጎፕ፣ ጸሳይ አላላ ኡባዉን ኦሱዋ ኡባዉ ዋድያ ኬር ዋሴዳ” ያገደ ቆገድ።

18 ቃይ ታን ታ ዋዛናን፣ “አሳይ ደኡቱዋፕ ኬከናዌ ኡንቱንታ በሳናዉ፣ ጸሳይ ኡንቱንታ ፓጩ” ያገድ።

19 እያዉ ጎፕ፣ አሳ ግድና፣ ደኡቱዋ ግድናካ፣ ኡንቱንቱ ካጫይ እቴዎ፤ እቴ ሀይቂያዋዳን፣ የንኩካ ሀይቂ። ቃይ ላኡካ እት ጫርኩዋ ሸምፕና፤ ሄዋ ድራዉ፣ አሳቲካ ደኡቱዋፕ ኬከክና፤ ሄዋካ ሙላ።

20 ኡንቱንቱ ላኡካ እት ሳኣ ቢኖ፤ ላኡካ ቢታፕ ሙፕቴዳ ድራዉ፣ ቢታዉ ሰሚኖ።

21 ያትና፣ አሳ ሸምፕ ሳሉዋ ፑደ ከሰያዋን ደኡቱዋ ሸምፕ ቢታ ጨማዉ ዱን ዋድያዋ ሻኪደ ኤራሪዉ ዳንዳይያዌ ኦኔ?

22 ሄዋ ድራዉ፣ አሳይ ባረ ኦሌዳ ኦሱዋን ናሽትያዋፕ ኬከያዌ ሀራባይ አዉ ባይናዋ በኣድ። እያዉ ጎፕ፣ አዉ ደእያ ሎኦ ካጫይ ሄዋ ጸላላ። አሰ ሀይቂ ክቸፕ አፕ ጉይያን ሀንያዋ በሳናዉ፣ አ ሀይቂዋፕ ጉየ አሀናዉ ዳንዳይያዌ ኦኔ?

4

ናቁዋ፣ ዳቡራን ላግያ ጳዳሳ

1 ታን ቃይካ፣ ሳሉዋ ጉፋንግን አሳይ አሳ እያ ኬሻ ናቂንቶን ጸላድ። ናቁቲዳዋንቱ ባረንታ ሞፕፕጳያዋ ጳዳይ ዬኪና። ናቂያዋንቶ ዋልቃማ ማታይ ደእያዋፕ አትና፣ ናቁትያዋንታ ማድያዌ ኦንነ ባዋ።

2 ሄዋ ድራዉ፣ ታን፣ “ሀኢ ገጸ ደእያዋንቱፕ ካሰ ሀይቂ ክቼዳዋንቱ ኬካ” ያገድ።

3 ግድ ሸን፣ ሀ ላኡዋፕካ አጂደ ቃይ፣ ሙሉ የለትቤናዋንቱ ካጫይ ሎኦ፤ እያዉ ጎፕ፣ ኡንቱንቱ ሳሉዋ ጉፋንግን ኦሰትያ ናቁዋ ሙልያ በአበይክኖ።

4 አሳይ ባረ አዋቲዳባ ደማናዉ ሎይሳ ዳቡራይ ኦሌ፤ ሸን ሄ ዳቡራይ ባረ ላግያ ቦላን ቃናትያ ቆፋፕ ደንዳዳዋን ግድያዋ ታን አከካድ። ሄዋካ ቃይ ሙላ፤ ጫርኩዋ ኦይቃናዉ የደርሰያባ ማላ።

5 ባረ ኩሽያ ጸጸደ፣ ኡት አግያ አዛላይ፣ ኮሻን ሀይቂ።

6 ዳቡራን፣ ጫርኩዋ ኦይቃናዉ የደርሰያባ ማላ ጃማን ዳቡራይ ደምያ ላኡ ኩሽያፕ፣ ዋፓን ደምያ እት ኩሽያ ዳራ።

7 ቃይ ታን፣ ሳሉዋ ጉፋንግን ሙላ ግደዳዋ እት ሀራባካ በኣድ።

8 ሄዋካ እት ባረካ ዳእያ ብታንያባ፤ አዉ አቲማ ናኣይ ዋይ አሽ ባዋ። ሸን አ ዳቡርያ ዳቡራዉ ዛዋይ ባዋ፤ ቃይ ባረዉ ደእያዋን አለና። አ ባረካ ባረና ኦቹደ፣ “አ ታ ሀዋ ኦሲ ዳቡራይታ? ታና ታ ሁጲያ እያዉ ናሽቻ ድጋይታ?” ያገደ ኦቹዳ። ሄዋካ ቃይ ሀዳባን ቱጋ ደኡዋ።

9 እቴዋ ግድያዋፕ ላኦ ግድያዌ ሎኦ፤ እያዉ ጎፕ፣ ኡንቱንቱ ኦሱ እቴዋዋፕ አጂደ፣ ሎኦ አይፍያ አማናዉ ዳንዳይ።

10 ቃይ፣ ላኡዋፕ እቴ ኩንዶፕ እቴ ደንሏ፤ ሸን ባረካ ደእያ ኡራይ ኩንዶፕን አ ደንሏያዌ ባይና ድራዉ፣ አዉ እየ አና!

11 ማጎ ዋድያን ላኡ እትፕ ግሶፕ ሆኤ፤ ሸን ባረካ ግሰያ ኡራ ሀቃፕ ሆአናዉ ዳንዳይ?

12 እት አሳይ ባረካ ተአናዉ ዳንዳይና ሙቱዋ ላኡ አሳቲ እትፕ ኤቀቲደ፣ ተአናዉ ዳንዳይና። ሄዘ ኩላን ደቀቲዳ ዋድራካ ኤለ ዱጸና።

13 ሎኦ ዘርያ እከና ጭማ ካትያፕ ሀይሳ ግደፕን፣ አጂዳ ኤራንቻ ያላጋይ ከካ።

14 እያዉ ጎፕ፣ አ ሄ ሀይሳ ግድያ ሳኣፕ ደንዳይ፣ ዋይ ቃሽ ጎልያፕ ከሲደ፣ ባረ ቢታን ካተ ግድያ ሳኣ ጋካናዉ ዳንዳይ።

15 ሳሉዋ ጉፋንግን ደእያን ሀሙትያ አሳ ኡባይ ካትያ ካዉተሳ አራታ ላትያ ያላጋ ካልያዋ በኣድ።

16 እት ካቲ ዋድያ አሳይ ፓይዱ ባይና ጮራ ግዳናዉ ዳንዳይ። ሸን ካዉታፕ አ ክቸያ ዋይ፣ አ ኦሌዳባዉ ኦንነ አ ጋላተና። ሄዋ ድራዉ፣ ሀ ኡባይካ ማላ፤ ጫርኩዋ ኦይቃናዉ የደርሰያባ ማላ።

5

ገፋ ገፓናዉ ኤሌሎፓ

1 ጸሳ ጎልያ ገልያ ዋይ፣ ነ ገድያ አከካይ ታንጋ። ሰሳናዉ ማታ ሺቅያዌ፣ ኤያቱ ያርሹዋ ሺሽያዋፕ አጂ፤ እያዉ ጎፕ፣ ኡንቱንቱ ኢታ ኦሱዋ ኦሌደ ደእያዋ ኤርክና።

2 ነ ደናን ሃሳያናዉ፣ ጸሳ ሰንግንካ ብዳናዉ ኤሌሎፓ። ቃይ እትባ ጸሳዉ አማና ጋይ ነ ዋዛናን ኤሌላይ ገፓ ክቸፓ፤ እያዉ ጎፕ፣ ጸሳይ ሳሉዋን፣ ኔን ቃይ ሀዋን ሳኣን ደኣሳ፤ ሄዋ ድራዉ፣ ነ ሃሳይያ ቃላይ ጉሳ ግድ።

- 3 ሀርጋይ ዳርያ ዋይ፣ ቃማን እኩሙካ ዳሬ፤ ሄዋዳንካ፣ ብደላ ዳሩ ኤያተላ ቃላ ከሴ።
- 4 ጸሳው ኔን ገፔዳዋ ፖላሮው ጋምኦፓ፤ እያው ጎፕ፣ ጋምእያ ኤያተዋን ጸሳይ ናሸተና። ሄዋ ድራው፣ ኔን ገፔዳዋ ኡባ ፖላ።
- 5 እትባ ጸሳው ገፔይ፣ ፖሊናን አግያዋፕ ኮይሮ ገፕናን አግያዌ ሎእ።
- 6 ኔና ነ ድናይ ናጋራን የገናዳን፣ ነ ደና ዛዋፕ እጴዳ የዳ ኦሎፓ፤ ቃይ ጸሳው ኦልያዎ፣ “ካሰካ ሀዋ ታን እኬከናን ገፓድ” ጎፓ። እያው ጎፕ፣ ሄዋ ጸሳይ ሎይሳ ሀንቅልያ ድራው፣ ኔን ዳቡራደ ደሜዳዋ፣ ነ ኩሽያ ኦሱዋ ኡባ እ ባረ ሀንቅዋን ቁጩደ ቆይሳናው ዳንዳይ።
- 7 ዳሮ እኩሙዋ እኩሙቶፕን ዋይ ቃይ ዳርባ ሃሳዮፕን ሄ ኡባይካ መላ፤ ሄዋ ድራው፣ ኔን ሄዋ አጋ አጋደ ጸሳው ያያ።

**ደኡዋ ሀዳተላ**

- 8 እት ካውተሳይ ባረ ቢታን ደእያ ሀይሳቱዋ ናቁሽንን ፕርዳ ገላይሽን ኔን በአፕ፣ ዳርና ማላለቶፓ። እት እት ካፖ አፕ ቦላና ሱን፣ቲይ፣ እ ጸልያ ሀራ ካቸ ደኤ። ቃይ ኤንቱንቱ ላኡዋፕካ ቦላና ሱን፣ቲይ፣ ኤንቱንታ ጸልያ ሀራ ካፓቱካ ደእኖ።
- 9 ሀራይ እትና፣ ካትያ ግደፕ፣ ጎሻፕ ቤትያ እይፈቱ ቆየፕ፣ ዋፓን ደእናው ዳንዳየና።
- 10 ብራ ደሰያ ኡራው ብር ግድ ኤረና፤ ዳረታናው ሲቅያ ኡራይካ ሚሻ ካል ኤረና። ሽን ሀ ኡባይካ መላ።
- 11 ዳረተሳይ ዳርያ ዋይ፣ ምያባይካ ሄዋ ኬሻ ዳሬ። ያትና፣ ባረ ማጸዋ ጮ እይፍያን ጸሊደ፣ “ታን ዱረ” ጋናፕ አትና፣ ሀራባ አው እያ ማዲ!
- 12 ኦሱዋ ኦልያ አሳይ ጉሳ ምን፣ ዳር ምን፣ ሳር ገምእሹዋ ገምእሹደ አቄ፤ ሽን ዱራ ባረ ዳረተሳው ኡባ ዋይ ኤንኤቲደ ቆፕያ ድራው፣ ገምእሹዋ ቆይደ ደኤ።
- 13 ሳሉዋ ጉፋንሳን ሎይሳ ካዮይያዋ ሀራባካ ታን በእድ፤ ኢታ ዋድያን ባረና ማደ ገደ፣ አሳይ ባረው ደኤዳዋፕ ጉዮ ዋላደ ዳጋይ።
- 14 ቃይ ሄ ዳረተሳይ እት ኢታባይ ጋከትና ቆይ ክቼ። እ ናኣ የሌዳዋ ግደፕካ፣ ናኣ ላትሰያዋና ቆይደ፣ መላ አቲ።
- 15 እሰ ኡባይ ኮይሮ ካሎ የለቲዳዋዳን፣ መላ ኩሽያና ሰሚደ ባና። እይ ኬሻ እ ዳቡራደ ኦሎፕ፣ ባረ ዳቡራዳባፕ እኬደ ብያባይ እያይነ ባዋ።
- 16 እሰ ካሎ የለቲደ፣ ካሎ ጉዮ ሰምያዌካ ቃይ ሎይሳ ካዮትያ ኢታባ። እ ዳቡራይ ኡባይ ጫርኩዋ ኡጭያዋዳን መላ ግደዋፕ ሰንሳን፣ እ ሄዋን እያ ማደቲ?
- 17 እ ባረ ላይላ ኡባ ቆማ ደኡዋን፣ ካዩዋን፣ ይሎትያዋን፣ ሀርግያንን ሀንቅዋን ወርሴ።
- 18 ሄዋ ሄዋ ግደፕ፣ ታን እኬኬዳ እት ሎኦባይ ደኤ፤ ሄዌካ ሳሉዋ ጉፋንሳን ጸሳይ አሳይ ደእናዳን እሚዳ ቃንላ ላይላ ግደን፣ አሳይ ዳቡራፕ ምያዎ፣ ኡሽያዌን ናሽትያዌ ሎእን በሰያዋ። እያው ጎፕ፣ እ ካጫይ ሄዋ።
- 19 ጸሳይ አሳው ዳረተሳነ ማጸዋ እምያዎ፣ ባረ ዳቡራ ጋትያ ደሚደ፣ ሚድን ኡሽደ ናሽተናሳ። ሄዌካ ቃይ ጸሳፕ አው እመቲዳ እምታ።
- 20 ጸሳይ እ ዋዛናን ኡባ ዋይ ናሽቻ ኩንሳ ዋልያ ድራው፣ እ ባረ ደኡዋ ላይላባ ዳሮ ቆፕና።

**6**

- 1 ሳሉዋ ጉፋንሳን አሳ ቦላ ጋክያ ሎይሳ ኢታባ ታን በእድ።
- 2 ጸሳይ አሳው ማጸዋ፣ ዳረተሳነ ቦንቹዋ ኡባ እሚ፤ አው ኩሽያባፕ እያን ፓጭሰና። ሽን፣ አው እመቲዳ ማጸን ዳረተሳ ኡባን ኬሳው ናሽታና ማላ፣ ኩሙንላ ሽንያ አው እመና። ሄዋ ጸላላካ ግደና፤ እ ዳቡራደ ደሜዳዋን ሀራ ዳቡርቤናዌ ናሽታናዳን ኦል። ሄዌካ ሀዳን ሎይሳ ካዮትያ ኢታባ።
- 3 እት አሳይ ጹቲ ናናቱዋ ጋካናው የሊደ፣ እዳሳ ላይላ ደኤደ ኤጫናው ዳንዳይ፤ ሽን እ ባረው እመቲዳዋን ናሽትያ ካጫይ አው ቆየፕ፣ ቃይ ወርሰሳን ቦንቹ ሞጉዋካ ሞገተናን እቶፕ፣ አፕ ባረ ዳይ ኡሉዋን ሀይቂደ የለቲዳ ቦሻይ ኬካ ጋይ።
- 4 እያው ጎፕ፣ ሄ ቦሻይ ጮ የለቲዳ፤ ሰሚደ ቃይ፣ እ ኦንን ሀሳየና ቆማው ቤ፤ እ ሱንሳይካ ሄ ቆማን ካመቲደ አቲ።
- 5 እ አዋ ፖኡዋ በእቤና፤ ደኡዋባይካ እየንቶ ኤርቤና። ሀንኮ ብታንያዋፕ እጲደ ሸምፕያዌ አ።
- 6 ሄዋ ድራው፣ ናሽቻይ ባይናን ደእሸና፣ ላኡ ሻኤ ላይላ ደእያ አሳፕ ሄ ቦሻ ካጫይ ሎእ። እያው ጎፕ፣ ወርሰሳን ላኡካ እት ሳኣ ቢና።
- 7 እሰ ዳቡራደ ኦልያ ኡባይ ባረው ምያዋ ደማናሳ፤ ሽን እ ኡሎ አውደነ ግዳናዋ ግ ኤረና።
- 8 ያትና፣ ጭንጫ አሳይ ኤያፕ እያን ኬኪ? ሀይሳይካ ሎይሳ ጭንጨደ፣ ሀራቱ ሰንሳን ዋን ሰመረታንንቶ ኤርያዌ አው እያ ማዳ?
- 9 እይፍያን በእያዌ አምትያዋፕ ኬካ። ቃይ ሄዌካ ጫርኩዋ ኦይቃናው የደርሰያዋ ማላ መላ።

10 ሀንገራዊ ኡባይካ ካሰቲድ ኩሽት ኡቴዳ። እት እት አሳይ ዋናናዉ ደእንቶ፣ ኡዱሳ ዋድያፕ ካሰ ባገን ኡራት ኡቴዳ፤ ቃይ አይ አሳይን ባረፕ ሞንያዋና ጋዳታናዉ ዳንዳየና።

11 ሃሳይይ ጮራትያ ዋድ፣ ሀዳባይ ጮራቴ፤ ሄዌ ያትና፣ አሳ አያ ማዲ?

12 ሀዳ ግዲድ፣ ኩዋዳን ጮ አድያ ጉሳ ላይሳ ባረ አሳይ ዋቲድ አሳናዉ ኩሽንቶ ኤርያዌ ኦኔ? ቃይካ አሳይ ሀይቂድ ብ ክችና፣ ሳሉዋ ጉፋንሳን ሀናናዉ ደእያዋ አሳዉ ኦዳናዉ ዳንዳይያዌ ኦኔ?

# 7

## ደኡዋባ ቆፕያዋ

1 ጋቲ አልእ ግዴዳ ሎኦ ሸቱዋፕ ሎኦ ሱንሳይ አዴ፤ የለትያ ጋላሳፕካ ሀይቂያ ጋላሳይ ሎኦ።  
2 ግብራ ጎልያ ብያዋፕ፣ ዬኮ ጎልያ ብያዌ ሎኦ፤ አያዉ ጎፕ፣ አሳ ኡባ ዉርሰሳይ ሀይቆ፤ ፓጻ ደእያ አሳይካ ሄዋ ባረ ዋዛናን ዋሳናዉ ኮሺ።

3 ሚቻፕ ካዩ ኬካ፤ አያዉ ጎፕ፣ ካዩ ሶምኤዋ ካረጽሶፕካ ዋዛና ፖእሴ።

4 ኡባ ገደ ናሽቻያዋ ጸላላ ቆፕያ ኡራይ ደኡፕ፣ ሄ ኡራይ ቦዛ፤ ሽን ጭንጫ አሳይ ሀይቁዋባካ ቆፕ።

5 ኤያቱ ሳቢድ የጽያ የላ ሰሰያዋፕ፣ አዴዳ ኤራንቻ አሳይ ሴርያ ሴራ ሰሰያዌ ሎኦ።

6 ኤያ ሚቻይ፣ ሱፓ ኡንሳ ታማን የግና ኤጲድ ቆኢያዋ ማላ። ሄዌካ ቃይ ሙላ።

7 ሱጎላ ኦሱ አዴዳ ኤራንቻ ቦዛ ከሴ፤ ማጋንጻ አሳፕ አክያዌካ ዋዛና ባይዘ።

8 አይ የዋ ግድፕ፣ ደሙሳፕ ዉርሰሳይ ኬካ፤ ቃይ ኦቶራንቻ ኡራፕካ ዳንዳያንቻ ኡራይ ኬካ።

9 ሀንቁ አዛላቱ ሀሉዋ ከሳናዉ ጎኡትያ ሚሻ ግድያ ድራዉ፣ ኤላ ሀንቀቶፕ።

10 “ሀኦ ዋድያፕ ካሰ አዴዳ ዋዲ አያዉ ኬካ ግዴዴ?” ጋደ ኦቶፓ፤ አያዉ ጎፕ፣ ሄዋ ማላ ኦሻይ አዴዳ ኤራንቻ ግያ አሳይ ኦችያ ኦሻ ግድና።

11 ሀ ሳካን አሳይ ኡባይ አዴዳ ኤራንቻ ግዳናዉ ኮሺ፤ አያዉ ጎፕ፣ አዴዳ ኡራተላ ደምያዌ ማጸዋ ላትያዋፕ ጉጸ።

12 ሚሻይ አሳ ኤታፕ ካሚድ አሽያዋዳን፣ አዴዳ ኡራተላይካ አሺ። ሽን፣ አዴዳ ኡራተላይ ሚሻፕ ዳርያዌ፣ እ አሳዉ ደኡዋ እማናዉ ዳንዳይያዋና።

13 እነ ጸሳይ ኦላዳዋ አከካ! ጸሳይ ጌላዬዳባ ኦን ሱርሳናዉ ዳንዳዩ?

14 ነዉ ኡባባይ ጌሌዳ ዋድያን ናሽታ፤ ቃይ ሙቱ ጋክያ ዋድያንካ አከካ፤ አያዉ ጎፕ፣ ናሽቻ ግድና፣ ሙቶ ግድና፣ ጸሳይ የድያ ዋድያን ዬ። ሽን ሀቃዌ ካሰቲድ ያንነቶ፣ ኔን ኤራካ።

15 ሀ ሙላ ግዴዳ ላይሳን ታዋን ዳርባ ታን ቦኦድ። ሄዌካ፣ ጌላይ ባረ ጌላተላ ኦላድ፣ አዲሳ ላይሳ ደእያ ዋድ፣ ጽሎተላ ኦላያ ጽሎ ቃንሳ ላይሳን ሀይቁ።

16 ሄዋ ድራዉ፣ ኔን ኤላ ቆየዳዳን፣ ሎይሳ ዳር ጽሎዋ ዋይ ሎይሳ ኤራንቻ ግድፕ።

17 ቃይ ዋዲ ባይናን ኔን ሀይቀናዳን፣ ኡባ ባላ ኤታን ላይሳ፤ ኡባ ሞጃጃ ኤያን ግድፕ።

18 ሀ ኡባንካ ጸሳዉ ያይያ ኡራይ፣ ሙቶ ኡባፕ ጸኦዋን ከሳናዉ ዳንዳይያ ድራዉ፣ ኔን ዳር ኤታ ዋይ ዳር ጽሎዋን ግድናን ግድ አሳ ግድ።

19 አዴዳ ኡራተላይ አዴዳ ኤራንቻቶ አምያ ዋልቃይ ታሙ ካታማቱዋ ዋድያ አሳቶ ዋልቃፕ ዳራ።

20 ጽሎባ ጸላላ ኦላድ፣ ናጋራ ኦኩ አሳይ ሀ ሳካ ቦላን ባዋ።

21 አሳይ ሃሳይያ ቃላ ሙልያ ሀይዛደ ፖላና ጎፕ፤ ኔን ሙልያ ሀይዛና ጎፕ፣ ኔን ቆማይ ኔና ሸቂሽን፣ ኔን ሰሳና።

22 ቃይ ኔንካ ኔ ሁጲያን ሀራቱዋ ሸቂዳዋ ኔ ዋዛናይ ኤራ።

23 ሀዋ ኡባ ታን አዴዳ ኡራተላን ፕልጋደ ጸላድ፤ ያታድ፣ “ታንካ አዴዳ ኤራንቻ ግዳና” ያጋድ። ሽን ታን ጌዳዋዳን ሀንቢና።

24 አዴዳ ኡራተላይ ኡባ ገደካ ሃኩዋን ደእያዋን ጨማባ፤ ያትና፣ እ ቆሪደ ደማናዉ ዳንዳይያዌ ኦኔ?

25 ታን ኤራናዉ፣ ፕልጋ ጸላናዉን አዴዳ ኡራተላን የወዋ ኡባ ዉርሰሳ ኤራናዉ፣ ቃይ ናጋራይ ኤያተላ ግድያዋን ኤያተላይካ ጎሻ ግድያዋ ኤራናዉ፣ ታ ዋዛናን ደሻ የሻደ ቆፓድ።

26 ታን ሀይቁዋፕ አዲደ ጫምያ ሀራ እትባ ፕልጋ ጸላደ ደማድ፤ ሄዌካ፣ እዝ ዋዛናይ ጸረ ዋይ አፕር ብራታ ግድና፣ እዝ ኩሺ ሳንሳላታ ማላ ግዴዳ እት ማጫ ሞሽራትባ። ጸሳ ናሽቻያ ኡራይ ኢፕ ከሰ አካና፤ ሽን ናጋራንቻ እ ባረ ጸርያ ዋጸደ ኦይቃና።

27 ኤራንቻይ ሀዋዳን ያጌዳ፤ “ታን ካላ ካላድ፣ ፕልጋ ጸላድ፣ ሀራ ደማዳዌ ሀዋ።

28 ሄዌካ፣ ታን ሀቶ ጋካናዉ ኮያደ ደማቤናዋ። ሻኤ አቱማ አሳ ግድፕ ቦንቹ በሰያ እት አሳ ጸላላ ደማድ፤ ሽን ማጫ አሳ ግድፕ እትናን ደማናዉ ዳንዳይያዉ።

29 ታን ቆራደ ደሜዳ ሀራባይ፣ ጸላይ እሳ ሱረ ቆፋይ ደእያዎንታ ኦሊደ መዴዳ፣ ሽን እሳይ ዳር ሂላ ኦግያ ኮዪደ ቤዳ” ያጌዳ።

### 8

1 እዴዳ ኤራንቻ አሳ ማላ አሳይ ኦኔ? የዎቱዋ ኡባ ብለላ ኤርያዌ ኦኔ? እዴዳ ኤራተላይ ፓሽክሲደ፣ ቋሜዳ ሰምኡዋ ፖእሴ።

#### ካትያዉ እዛዘትያዎ

2 ካትያዉ እዛዘታ፤ እያዉ ጎፕ፣ እዛዘታናዉ ኔን ካሰ ጸሳ ሰንላን ጫቃ ኤታዳ።

3 ኡባ ዎደ ኢታ ኦሱዋ ኦሎፓ፤ እያዉ ጎፕ፣ ካቲ ባረ ኮዬዳዋ ኦላናዉ ዳንዳይያ ድራዉ፣ ኔን እ ሰንላፕ ኤሊ ቋያና።

4 ኡባባ ኦላናዉ ካትያዉ ማታይ ደኤ፤ ያትና፣ “እያዉ ሀዋ ኦላዲ?” ያጌደ እ ኦቻናዉ ዳንዳይያዎ ኦኔ?

5 እ እዛዘቱ ፖልያ ኡራይ ሙረተና፤ እዴዳ ኤራንቻ አሳይ ልከ ግድያ ዎድያን ኦሎ።

6 እት አሳ ቦላን ዴጾ ሙቱ ጋክንቶ፣ የዉዋ ኡባዉ አዉ እ ዎዲ፤ እ ኦጊ ኦጊ ደኤ።

7 ሰንላፕ ሀናና ትዎቢትያ ኤርያዌ ባዋ፤ ሄዋ ድራዉ፣ “ሀዌ ሀናና” ጊደ ኦዳናዉ ዳንዳይያዎ ኦኔ?

8 ሸዎፕ ሻከቲደ ብያ ጋላሰ ኦይቂድ፣ ተእናዉ ዳንዳይያ አሳይ ባዋ፤ ዎይ ሀይቁ ባረ ጋላሳን ዩናዳን ድጋናዉ ዳንዳይያ አሳይካ ባዋ። ሄዌ ኦንነ ከሰ አካናዉ ዳንዳይያ ኦላ። ሄዋ ድራዉ፣ ሀይቁዋ ሰንላን ኢታተላ ኢታ ኦሎ። ኡራ ኦሽ እከና።

#### ኢታ አሳቱዋን ከካ አሳቱዋ ሀናታ

9 ሳሉዋ ጉፋንላን ሀንያዎ ኡባ ታን እከካደ ቆፕያ ዎደ፣ እት አሳይ ባረዉ ዎድያ ማታ ሀራ እሳ ቆሀናዉ ጎኡትያዎ በእድ።

10 ቃይ ኢታ አሳቱ ቦንቹዋን ሞገትሽና በእድ። ሄዋፕ እድያዌካ ቃይ፣ ሞጉዋፕ ሰምያ ዎደ፣ ኡንቱንቱ ሄ ኢታተላ ኦሎዳ ካታማ አሳይ ሸቂደ፣ ኡንቱንታ ሳቢሽና ሰሳድ። ሄዌ ኡባይካ ሙላ።

11 እሰ ሀልቹደ ኢታባ ኦሎፓ ጋሱ፣ ኢታባ ኦሎዳ አሳቱዋ ኤላካ ሙርያባይ ባይና ድራሳ።

12 ናጋራንቻይ ጼቱ ገደ ኢታባ ኦሎሽና፣ እ ላይላይ ኡዱቆፕካ፣ ጸሳዉ ያይያዎንቶ ሳእይ ሎአናዎ ታን ኤራይ።

13 ኢታቱ ጸሳ ያየና ድራዉ፣ ሳርተላይ ኡንቱንቶ ባዋ፤ ጸሳዉ ኡንቱንቱ ያየና ድራዉ፣ ኡንቱንቱ ባረካ ኩዋዳን ቃማና።

14 ሀ ሳእን ኦሰትያ እት ሀዳባይ ደኤ፤ ሄዌካ፣ ጌሻ አሳቱ ናጋራንቻቶ ይያ ሙሩዋ እከና፣ ናጋራንቻቱ ቃይ፣ ጌሻቶ ይያ ሎኦባ እከኖ። ሀ ኡባይካ ሙላ።

15 ሄዋ ድራዉ፣ አሳይ ባረ ደኡዋን ናሽቶፕ ሎእ ጋደ ቆፋ እማይ፤ እያዉ ጎፕ፣ አሳይ ምያዋፕ፣ ኡሸያዋፕን ባረና ናሽቶያዋፕ እዴዳ ሎኦባይ አዉ ሳሉዋፕ ጋርሳ ባጋና ሀራይ ባዋ። ጸሳይ አዉ እሜዳ ሳይላን እ ዳቡሪደ ደሜዳዋን ሄዋዳን ኦሎፕ፣ ናሽታናዉ ዳንዳይ።

16 ታን እዴዳ ኤራተላይ እየንቶ ኤራናዉን አሳይ ሀ ሳእ ቦላን ዳቡርያ ዳቡራ ኦከካናዉ ሀልቻድ፤ ዉርሰላን አሳይ ገምእሹዋ ቋዪደ ኦሎፓ ዱጸና ኦሱ ደእያዎ በእድ።

17 ሄዋፕ ጉይያን፣ ጸሳይ ኦሎዳዋ ኡባ በእድ። ቃይ ሳሉዋፕ ጋርሳ ባጋን ኦሰቲዳ ኦሱዋ አሳይ ፕልጊደ ኤራናዉ ዳንዳይያዎ ኡራድ። እሰ እይ ከሻ ዳቡሪደ ፕልግ ጴሎፕ፣ እ ብለላ ኤራናዉ ዳንዳይና። ቃይ እዴዳ ኤራንቻ አሳይ፣ “ታን ሀዋ ኤራይ” ጎፕ፣ እ ኤራናዉ ዳንዳይና።

### 9

1 ሀ ኡባ የዎቱዋባ እዳሳ ዎድያ ታን ቆፕዳዋፕ ጉይያን፣ እዴዳ ኤራንቻን ጽሉዋ ግዴዳ አሳቱን ኡንቱንቱ ኦሱቱ ጸሳ ቡሸያን ደእኖ ጋደ ቃቻድ፤ ሽን ሰቁ ናግያ፣ እጹ ናግያ ኦንነ ባረና ናግያዎ ካሰተደ ኤረና።

2 ዲማተላይ ባይናን ደእሸና፣ ኡባ ጋክያ ካጫይ እቱዋ፤ ጽሉዋ ግድና ማካላንቻ ግድና፣ ሎእ ግድና ኢታ ግድና፣ ጌሻ ግድና ቱና ግድና፣ ያርሹዋ ያርሸያዎ ግድና ያርሸናዎ ግድና፣ ኡንቱንቱ ኡባ ካጫይ እቱዋ። ሎእ አሳዉ ናጋራንቻዋፕ ከክያ ካጫ ባዋ፤ ጫቁዋ ጫቃናዉ ያይያዌካ ጫቃናዉ ጸልያዋፕ ዲማተና።

3 አሳ ኡባ ካጫይ እቱዋ ግድያዎ፣ ሀ ሳእን ደእያ ሀራ ኢታተላካ ማላ ዳር ኢታ። እሰ ደኡዋን ደኡዳ ሳይላን ኡባን እ ዎዛናይ ኢታተላንን ጎሻን ኩሚደ ደኤ፤ ዉርሰላን ሀይቁ አጌ።

4 ሀይቁዳ ጋሙዋፕ ፓጾ ደእያ ካናይ ከካ፤ እያዉ ጎፕ፣ ፓጾ ደእያዎንቱና ደእያ አሳዉ ሀድታይ ደኤ።

5 ፓጾ ደእያ አሳቱ እት ገደ ሀይቃናዉ ደእያዎ ኤራና፤ ሽን ሀይቁዳዎንቱ እያን ኤርክና። ኡንቱንቱ ሙላካ ደገት ክቼዳዎንቱ ግድያ ድራዉ፣ እይነ ማድክና።

6 እንቲቱን ሲቁ፣ እጹጥ ቃናቲ ኡባይ እንቲቱንቱና እትጥ ጳይክቼድ። ሄዋ ድራሬ። ህዋጥ ህን ባገን ሳሉዋ ጉፋንግን ኦሰትያ የወዋ ኡባን እንቲንቶ መቲናወካ ካጭ ባዋ።

7 ባድ፣ ነ ቁማ ናሽቻን ማ፤ ነ ዋይንያ ኤሳካ ነ ዋዛናይ ፓሽክሸና ኡሻ። እያወ ጎጥ፣ ጸሳይ ሄዋ ነወ ካሰጥካ እም ዋሌዳ።

8 ኡባ ዋይ ነ ማይ ቦላ ግድ፤ ነ ሁጲያንካ ዛይትያ ኦከታ።

9 ሳሉዋጥ ጋርሳ ባገና ጸሳይ ነወ እማዳ ሀ መላ ደኡዋን፣ ነ መላ ደኡቱዋ ኡባን ኔን ሲቅያ ነ ማቻትና ናሽታዶ ደኢ፤ እያወ ጎጥ፣ ኔን ሳሉዋጥ ጋርሳ ባገና ዳቡራይ ኦሌዳዋ ኡባጥ ኔና ጋክያ ሳማይ ሄዋ።

10 ነ ኩሺ ኦላናወ ደሚዳዋ ኡባ ነ ኩመንጎ ዋልቃን ኦላ፤ እያወ ጎጥ፣ ኔን ባናሳን ዱፋዋን ኦሱ፣ ዋይ ሀልቼ፣ ዋይ ኤራይ፣ ዋይ እጴዳ ኤራተላ ባዋ።

11 ታን ሳሉዋጥ ጋርሳና ሀራባካ በእድ፤ ሄዌካ፣ ኤሌልያ ዋሳንቻቱ ኡባ ዋይ ጸንክና፤ ዋይ ሞዶ ኦላንቻቱ ኡባ ዋይ ኦላንቻቱ ኡባ ዋይ ቁማ ደምክና፤ ዋይ ጭንጫቱ ኡባ ዋይ ዱረትክና፤ ዋይ ታማራዳ አሳቱ ኡባ ዋይ ሳበትክና። ሽን ኡባይካ ካጫይን ዋዲ አላዋዳን ሀኔ።

12 ሄዋ ቦላካ ቃይ፣ ሰንገላጥ ያናወ ደእያ መቶ ዋዲ እወደ ጋካንንቶ፣ ኤራናወ ዳንዳይያ አሳይ ባዋ፤ ካፋ ፓሊደ ጲርያን ገልያዋዳን፣ ዋይ ሞሊ ማጋን እይቀትያዋዳን፣ አሳይ ኡባይ ቆጥናን ጋክያ ኢታ ዋድያን ኦይቀቱ።

**እጴዳ ኤራተላን ኤያተላ**

13 ሳሉዋ ጉፋንግጡዋን ታን በኤዳባይ ሀራባይካ ደኤ፤ ሄዌካ እጴዳ ኤራተላይ ዋልቃማ ሌምሶ ግድያዋ።

14 እት ቢታን እት ጉላ አሳይ ደእያ ቄር ካታማታ ደኤወ፤ ሄ ካታማቶ እት ዋልቃማ ካቲ ኦላናወ ደንዳ። አዘ ደዳዳ።

15 ቃይ፣ እት ሀዬሳ ሽን ጭንጫ ግዳዳ ብታኒ፣ ሄ ካታማትን ደኤ፤ እ ባረ እጴዳ ኤራተላን ሄ ካታማ አሽዳ። ሽን፣ ሄ ሀዬሳ ብታንያ ዛረሏደ ሀሳዬዳባይ ባዋ።

16 ታን፣ “እጴዳ ኤራተላይ ዋልቃጥ ዳራ።” ያገድ። ግድ ሽን፣ እጴዳ ኤራንቻ ግድጥ፤ ሀዬሳ አሳይ ካ።ቲ፤ እ ሃሳይያዋካ ሀይዝያዊ ባዋ።

17 ሄዋ ግድጥካ፣ ደርያ ሞድያዌ አዛላቱዋ ሸቆዋን ዋሰያ ዋሱዋ ሰሰያዋጥ፣ ሌላን ኦደትያ እጴዳ ኤራንቻ ቃላ ሰሰያዊ ሎኦ።

18 እጴዳ ኤራተላይ ኦላ ሚሻጥ ሎኦ፤ ሽን እት ናጋራንቻ አሳይ ዳር ሎኦባ ባይዜ።

**10**

1 ሀይቄዳ ኡዳንጸቱ ሳዊያ ዛይትያ ሸቱዋ ጸንቀላናወ ዳንዳዪና፤ ሄዋዳንካ፣ ጉላ ኤያተላይ እጴዳ ኤራተላን ዋልቃማ ቦንቹዋ ባይዜ።

2 እጴዳ ኤራንቻ አሳ ዋዛናይ ካለሌ፤ ሽን ቦዛ አሳ ዋዛናይ ሀድርሳወ ካለሌ።

3 ኤያ አሳይ ኦግያን ሀመትያ ዋደካ፣ አወ እኩክ ባዋ፤ ሄዋጥ ደንዳዳዋን እ ቦዛ ግድያዋ አሳይ ኡባይ ኤራ።

4 ነ ካፑ ነ ቦላን ሀንቀቶጥ፤ ነ ሱንግቲዳ ሳአጥ ክቻ ክቻጥ፤ እያወ ጎጥ፣ ጮኡ ገደ ዳንዳይያዊ ዋልቃማ ባይዘዋካ እቶ ገሲ።

5 ሳሉዋ ጉፋንግን ታን በኤዳ ሀራ ኢታባይ ደኤ፤ ሄዌካ ደርያ ሞድያዋንቱ ኦልያ ናቁዋ።

6 ኤያቱ ዳር ቶቃ ሱንገላተላ ኦይቄደ ደእያ ዋይ፣ ዱረቱ ሀርክ ዝቃ ሳኦን ኡቲድና።

7 ታን፣ አይለቱ ሞድያዋንቱዳን ፓራ ቶገደ ቢሸናን ቃይ ሞድያዋንቱ አይለቱዋዳን ገድያን ሀመትሽን በእድ።

8 ኦላ ቦክያ ኡራይ ሄ ኦላን እ ኩንዳና፤ ቃይ ግምቢያ ድርሳ ኮልያ ኡራ ሸሻይ ዱካና።

9 ቹቻ እ ሳአጥ አላ የግያ ኡራይ ሄ ቹቻን ደሸቲ፤ ቃይ ምላ ቆእያ ኡራይካ ሄ ምላን ደሸቲ።

10 ዱልዱሚዳ ካልታ ፖሸናን ጮ ቆኦጥ፣ ዳር ዋልቃ ወርሲ፤ ሽን እጴዳ ኤራን ኦልያዊ ኦሱዋ ዳርሲ።

11 ሸሻይ ዱክ ድግና፣ ሸሻ ጀልሳናወ እያንቲያ እያንቱ ሄ ኡራወ አይን ማደና።

12 እጴዳ ኤራንቻ ሃሳይያ አወ ቦንቹዋ እምሴ፤ ሽን ኤያይ ባረ ደናጥ ከሴዳ ቃላን እ ባረወ መቱዋን ገሊ።

13 ኤያይ ባረ ሃሳይ ቦዛ ቃላን ደሚደ፣ ኢታተላንን ጎሻን ገሊ።

14 ኤያይ ዳርባ ሃሳይ። ግድጥ፣ ሰንገላጥ ሀናናወ ደእያዋ ኦንካ ኤረና። እሰ ሀይቄ ክቻና፣ ሀናናወ ደእያዋ አወ ኦዳናወ ዳንዳይያዊ ባዋ።

15 ኤያ አሳይ ባረ ኦሱዋን ዳቡራ፤ እ ባረ ጎላ ብያ ኦግያ ኤረና።



16 ቁር ናአ ግዴዳ ካወነ ምንታ ጉራና ግብራ ገገሲደ፣ ባረንቶ ምያ ካገቱ ደእያ ቢታይ ነዉ እየ እና!

17 ቦንቹቲዳ ካወነ ማሉዋሳ ግደናን ምልቃነ ምናተላ ደማና ማራን ምያነ ኡሽያ ካገቱ ደእያ ቢታታ ጋላተቲዳና።

18 ብታኒ እዛላ ግደ፣ እ ካራይ ምዴ፤ እ ኩሺ ኦሱዋ ብሎዋል ግደ፣ እ ጎሊ አፌ።

19 ቁማ ምያዋንነ ምይንያ ኤሳ ኡሽያዋን ናሽቻይ ቤቲ፤ ሽን ሚሻይ ኡባባ ሻሚ።

20 ሰሰያዌ ባዋ ጋደ ነ ምዛና ቆፋን ግደ፣ ካትያ ቦርጋ፤ ምይ ነ ግሰያ ክፍልያን ዲርያ ቦርጋ፤ እያዉ ጎ፣ ነ ጌዳዋ ሳሉዋ ካፋ ምይ፣ ቀፍያና ሙታቱ ቢደ፣ እንቲንቶ አዳና።

# 11

## እዴዳ ኤራንቻ ኡራይ ኦሳናዉ በሰያዋ

1 ነ ኡክላ ሃላ ቦላን ኦላ፤ ዳር ጋላሳቱዋ፣ ጉይያን፣ ኔን ዛረላደ እ ደማና።

2 ነዉ ደእያ ማጽዋ ላፑን ምይ፣ ኡባ ሆሰቱን ሳኣን ሻካደ ምላ፤ እያዉ ጎ፣ ሰንላ፣ ሀ ሳኣ ቦላ እይ ኢታባይ ያነንቶ፣ ኔን ኡራካ።

3 ሻሪ ሃላን ኩሚዳባ ግደ፣ ቢታ ቦላን እራ ትጌ።

ምላይ ሀጺሳ ኩንድና ገድሳ ኩንድና፣ ሄ ባረ ኩንዴዳ ሳኣን ደጌ።

4 ጫርኩዋ ሀሳታ ናግያ ኦንነ ካላ ዘረና፤ ቃይ ሻሪ ደንዳናዉ ናግያ ኦንነ ባረ ካላ ጫከና።

5 ጫርኩ ሀቃና ብንቶ፣ እ ኡግያ ኡራካ፤ ቃይ ናእይ እት ኡሉዋን ምን ሙታንቶካ ኡራካ። ሄዋዳንካ፣ ኡባ ሙቲያ ደሳይ ባረ ኡሉዋ ምት አሉንቶ፣ ኡራናዉ ዳንዳያን።

6 ምንታ ጉራን ግድናካ እማርሳን፣ ነ ዘረላ ዘርያዋ አጎ፣ እያዉ ጎ፣ ምንታዌ ሎእኔ እማርሳዌ ሎእኔ ኔን ኡራካ።

7 ፖኡ ናሽቻያዋ። እዋ እይፍያ በእያዌካ ሎሉባ።

8 እሰ ሎይሉ አዲሳ ላይላ ሀ ሳኣን ደኣ፣ ሄ ኡባ ላይላንካ ናሽቶ። ሽን ፍማ ምደቱዋ ቆፓ። እያዉ ጎ፣ ሄ ምደቱ እዲቃና፣ ያናዉ ኡባባይካ ሙላ።

## ዘርያ ኡባ ዪቻ

(ኤራ. 11:9—12:8)

9 ኔና ያላጋዉ፣ ያላጋተላይ ሎይሉ ሎላባ ግድያ ድራዉ፣ ነ ያላጋተላ ላይላን ናሽታ፤ ነ ምዛናይካ ናሽቶ። ነ እይፊ ጸሌዳባን ነ ምዛናይ እሞቲዳባ ኡባ ፖላ። ሽን፣ ሄ ኔን ኡሉዳዋ ኡባ ድራዉ፣ ኔና ደሳይ ፕርዳናዉ ደእያዋ ደጎ።

10 ሄዋ ድራዉ፣ ሰም ነ ምዛና፣ ሀርጋ፣ ነ ቦላ፣ ሴላ ድጋ። እያዉ ጎ፣ ናአተላይን ያላጋተላይ ሙላ።

# 12

1 ነ ያላጋተላ ላይላን ኔና ሙዴዳዋ ቆፓ። ሙትያ ጋላሳቱ ዬናን ደእሸና፣ ኔን፣ “ታና ሀዌ ናሽቹና” ግያ ምደቱ ጋክናን ደእሸና።

2 እዋይነ ፖኡ፣ እግናይነ ጸልንቲ ፍሙናን ደእሸና፣ እራይ ቡክ እድናካ ሻሪ ሃ ሰሙናን ደእሸና፣ ኔና ሙዴዳዋ ቆፓ።

3 እያዉ ጎ፣ ሄዌ ጎልያ ናግያዋንቲ ኮኮርያ ምደ፣ ምና ሰሳይ ቁንያ ምደ፣ ጋጭያዋንቲ ፓይዲዋን ጉጹዳ ጋሱዋን ጋቻ እግያ ምደ፣ ቃይ ማሰኩትያና ጸልያዋንቲ ጋልጅያ ምደ ግዳናዋ።

4 ሄ ምደ ምጎ ኡግያኮ ሰሜዳ ፕንገቲ ጎርደትያ ምደ፣ ጋጭያ ምጻቱዋ ኮሻይ ዝቂ ግያ ምደ፣ ካፋዋ ሞሱ እሳ ገምእሹዋ፣ ቤጎሊያ ምደ፣ ሽን፣ የላንቻ ማጫ ናናቱዋ የላ ኮሻይ ለፕያ ምደ ግዳናዋ።

5 ሄ ምደ እሳይ ጶቃ ሳእቱዋ ከሳናዉን እኮ ኦንቱዋና ሄመታናዉ ያይያ ምደ፣ ነ ሀጺ ፑሉምያ ምደ፣ ኔን ኔና ዳንዳያይ ሄመትያዌ ነዉ እጽያ ምደ፣ እሞይያባይ እግያ ምደ ግዳናዋ። ሄ ምደ እሳይ ባረ ሙዴና ጎልያ ብያ ምደ፣ ዩክያዋንቲካ እኮ ኡግያና ዩኪደ ዩይያ ምደ ግዳናዋ።

6 ብራ ቃጭናይ ዲጸናን፣ ምርቃ ከሪካ ሙኤናን፣ ሃላ ኡቲካ ፑልቲዋ ላንቂያን ሙኤናን፣ ሃላ ፑደ ጎቻያ ምድራካ ዲጸናን ደእሸና።

7 ቢታይ ካሰ ባረ እከቲዳ ቢታኮ ሰሙናን፣ ሽምቱካ ባረና እሜዳ ደሳኮ ሰሚደ ቤና ደእሸና፣ ኔና ሙዴዳዋ ቆፓ።

8 ኤራንቻይ ኦዲደ፣ “ሀዳ! ሀዳ! ኡባባይካ ሙላ!” ያጌዳ።

## ጸሳ ቦንቹሳን እዛዘቱሳ

(12:9-14)

9 ኤራንቻው እዴዳ ኤራተላይ ደእያ ድራው፤ ኤራተላ ደርያ አሳ ታማርሴዳ። እ ዳር ሌምሳቱዋ ፕልግ ቆሪደ፤ እቱዋ እቱዋ እ ማራን ማራን ዲማዪደ ኦሌዳ።

10 ኤራንቻይ ልከ ግዴዳ ቃላ ደማናው ኮዬዳ፤ ሄዋ ድራው፤ እ ጸፊዳዌ ሱረን ቱማ።

11 ኤራንቻቱዋ ቃላይ ሄንሳንቻይ ወድያ ላግያ ጸራ ሌኦ ጸምኦ ማላ። ቃይ እትጥ ሺሼዳ ሌምሶቱካ ጎምጥ ጋኪደ ገልያ ሞሰማረቱዋ ማላ።

12 ታ ናእው፤ ሀ ኡባጥ ቦላና ኔን ናገታናው ኮሽያባይ ደኤ። ማጻፋ ጸፊደ ወርሳናው ዳንዳየተና። ቃይ ዳርባ ፕልግ ጸሊደ አገናን እጽያዌካ አሳተላ ዳቡርሴ።

13 ሄኮ ኡባባይ ኦደቱዳ፤ ሄዋ ድራው፤ ኡባባው ኩሻይ ሀዋ። ጸሳው ያያ፤ እ አዛዙዋ ናጋ። ኤያወ ጎጥ፤ ሄዌ አሳው ዋና ኦሱዋ።

14 ጸሳይ ኦሱዋ ኡባ ቦላን፤ ቃይ ጌሜዳ የወዋ ኡባ ቦላን፤ ሎኦ ግድና፤ ኢታ ግድናካ ፕርዳናው ደኤ።

# ሲቁዋ ሳቢያ ማጻፋ ገሉዋ

“ሲቁዋ ሳቢያ ማጻፋይ” ሲቁዋ ግንጹዋ ቆሪደ ሺሺዳዋ። ሀ ግንጹቱዋ ጻርያ ባጋቱ ማዘሙርያ ማላን ጻፈቴድኖ፤ ኡንቱንቱ አቱማዌ ማጫንጫ። ማጫውና ቃይ አቱማዋ ጻፈዳዋንታ። ሀ ማጻፋይ እት እት ብለላቱዋን “ሲቁዋ ሳባ” ዋይ “ማዘሙርያ ኡባጥ አድያ ማዘሙርያ” ጌተቲደ ኤሪቴ። ሀራ ብለላቱዋን ቃይ “ሶሎሞና ማዘሙርያ” ጌተቲደ ኤሪቴ። እያዉ ጎጥ፣ እብራይስጢ ቃላን ጻፈቴዳ ማጻፋይ ሶሎሞን ጻፈዳ ጊደ አድያ ድራሳ።

ሀ ማዘሙራ ክርስቶስጎጥን ዋሳ ጎልያጥን ግዲዋን ደእያ ጋከቱሳ በሰያ ለምሳቱዋ ኦይቄዳዋ። ሸን እይሁዳቱ። “ጻሳጥን እስራኤልያ እሳጥ ግዲዋን ደእያ ጋከቱሳ በሰያ ለምሳቱዋ ኦይቄያ ማጻፋ” ጊኖ።

## ሸምጋቱዋ ኡባቶ እመቴዳ ቃንሳ ቆፋቱዋ

- ሲቁ ዋይንያ ኤሳጥ አዴ 1:1—2:7
- ሲቁ ኡባ የዉዋ ሎይፊ 2:8—3:5
- ሶይዙዋባ 3:6—4:5
- ሶይዙዋ እትጥጥሳ 4:6—5:16
- ሲቁ ኡባጥ ዶሪቴ 6:1—7:6
- ታንነ ኔንነ ጸላላይ 7:7—8:4
- ሲቁዋ ሳባ 8:5-14

ሲቁ ዋይንያ ኤሳጥ አዴ  
(1:1—2:7)

- 1 ማዘሙርያ ኡባጥ አድያ ሶሎሞና ማዘሙራ ሀዋ።  
ወደራታ፡
- 2 “ኣ ሲቁ ዋይንያ ኤሳጥ አድ ናሽቶያ ድራዉ።  
ነ መተርሻን ዛራ ዛራደካ ታና የራ።
- 3 ኣ ኦከትያ ሸቱ ዋት ሳዌ!  
ነ ሱንሳይ ጸሰትያ ዋደካ እያ ናሽቹ!  
ጌላዮቱ ኔና ሲቅያዌ ሄዋሳ።
- 4 ታና ኔናና አካደ ባ። ሃያ፣ እነ ላኡ እትጥ ዋጾይተ!  
ታ ካትያዉ፣ ታና ኣ ሲርጸ ገልሳ” ያጋዲ።  
የሩሳላሙ ማጫ አሳቱ፡  
አባን ኑን እይ ኬሻ ናሽቱዳ!  
ኡን አ ሲቁዋ ዋይንያ ኤሳጥካ አሊደ ናሽቶ።  
ቱሙካ ማጫ አሳይ ኡባይ ኔና ሲቃናዉ በሴ ያጌድኖ።
- ወደራታ፡
- 5 ህጎተኖ፣ የሩሳላሙ ማጫ አሳቶ፣ ሰሰተ፣  
ታን ካሪሳ፤ ግደጥነ፣ ማላንቻ።  
ታ ካሪሳተሳይ ቁዳሪ ዲንካንያ ማላ፤  
ሸን ታ ማላይ ሶሎሞና ካትያ ጎልያ ጋርዳቱዋ ማላ።
- 6 ታ ማላ ካሪጽሴዳዌ ጸግያ አዋ፤  
ታን ካሪሳ ግዳዳ ድራዉ፣ ታና ካዶጋ።  
ታ አሻቱ፣ ታ እት ናናቱ ታናና ዋላቀቲደ፣  
ታና ዋይንያ ቱራ ናጋንቻ ኦፊድኖ፤  
ያትና፣ ታን ታና ናጋበይከ።
- 7 ታ ሲቆዉ፣ አነ ታዉ ኦዳ፤  
ነ ዶርሳ ዉድያ ኔን ሄምያዌ ሀቃኔ?  
ጋላስ አዋጥ ኣ ኡንቱንታ ሸምጥሰያዌ ሀቃኔ?  
ኔና ደማናዉ ኣ ላገቱዋ ዉድያ ካላደ፣  
እያዉ ዩሻንቻ ማጫ አሳ ግደ? ያጋዲ።
- የሩሳላሙ ማጫ አሳቱ፡
- 8 ሀነ፣ ማጫ አሳ ኡባጥ አዳ ሎእያ ማላንቻቱ!  
ሳኣ ኤራና ዳዮጥ፣ ዶርሳይ ቤዳ ሳ ካላደ ባ፤

ነ ዴሻ ማራቱዋካ ሄንጻንቻቱዋ ዲንካንያ ማታን ሄማ።

ዎዳላይ

9 ታ ሲቃቲ!

ግብጾ ካትያ ፓራ ጋርያ ጎችያ ፓራቱዋ ግደን ደእያ ማጋያቲዳን ሎኣ።

10 አቤት፣ ነ ሀይላን ጎላካትያ አሌቁዋና ሸቁደ፣

ነ ጋጩ እያ ሎኢ! ነ ዚዚካ እንቁዋን አለቀቲዳዎ።

11 ኑን ነዉ ብራን አለቀቲዳ፣

ዎርቃ አለቁዋ ኦሰሳና ያጌድና።

ወደራታ፡

12 ካቲ ማዳን ኡት ደእሸን፣

ታ ሸቱዋ ሳዉ ጎልያ ግደ ኡባን ቶሹኩ ጌዳ።

13 ታ ሲቁ ታ ቶንጻቱዋፕ ግዲዋን ሸምፕያ ዎደ፣

እ ፔኑ ቃርጨትያና ደእያ ካዋራዳን ሳቁ።

14 ታ ሲቁ ኤንጋደ ጌተትያ ዎይንያ ሳእን ዶሌዳ፣

ባዙዋ ጨሻ ማላ ያጋዲ።

ዎዳላይ፡

15 ታ ሲቃቲ፣ ኔን ዋታ ሎኣይ! ኔን ዋታ ሎኣይ!

ነ አይፈቲ ሀራጵያ አይፍያዳን ሎኢና ያጌዳ።

ወደራታ፡

16 ታ ሲቆዉ፣ ኔን እያ ሎኣይ! እያ ናሸቻይ፤

ኑ አርሳይካ አጩዳ ማታዳን ናሸቻያዎ።

17 ኑ ጎልያ ዛሩ ዝጋ፤ ካራይካ ጸዳን ዳደቲዳዎ ያጋዲ።

## 2

ወደራታ፡

1 ታን፣ “ሳርና ግያ ሳእን ዶልያ ጨሻን፣

ዎምባን ዶልያ ሎኦ ጨሻ ማላ” ያጋዲ።

ዎዳላይ፡

2 ኤ ታ ሲቃታ ማጫ አሳ ግደን ጾልያ ዎደ፣

እንጎሳ ግደን ቤትያ ሎኦ ጨሻ ማላታዉ ያጌዳ።

ወደራታ፡

3 ታ ሲቁ ሀራ ዎዳላቱዋ ግደን ጾልያ ዎደ፣

ዎራን ደእያ አፕልያ ግያ ምላ ማላቲ፤

ታና ሎይላ ናሸቻና፣ እ ኩዋ ግደን ኡታድ፤

እ አይፊ ሚና፣ ታና ሎይላ ማልኤ።

4 እ ታና ቁማ ምያ እኩ ዉይግያ ገልሴዳ፤

ባረ ሲቁዋ ባንድራዳን ታ ቦላ ቶቁ ቶቁ ኦሴዳ።

5 ታን እ ሲቁዋን ኦክታይ ሀርጌዳ ድራዉ፣

ዛቢብያ አይፍያ ታና ምዚደ ምንሰተ፤

አፕልያ ታና ምዚደ፣ ታ ዎልቃ ኩንላተ።

6 ባረ ሀድርሳ ኩሽያ ታና ቦርኮትሴዳ፤

ባረ ኡሸቻ ኩሽያን ታና ቆሚዳ።

7 ሀንተኖ የሩሳላመ ያላጋ ማጫ አሳዉ፣

ሲቁ ባረዉ ዶሲደ ደንዳና ጋካናዉ፣

እ ሀንተ ቤጎና ማላ፣

ታን ሀንተና ገንኤቱዋንጎ ባዙዋ ዶገቱዋን ጫላይ።

ሲቁ ኡባ የዉዋ ሎይላ

(ሲቁጥ 2:8—3:5)

8 ሰሰተ፣ ሄዌ ታ ሲቁዋ ኮሻ! በእተ ደርያና ፕሪደ፣

ዘዘቱዋ ቦላና ጸንገቲደ ጋኬዳ!

9 ታ ሲቁ ዉሻ ማላ፤ ዎይ ገንእያ ማራ ማላቲ።

በእተ፣ እ ኑ ጎልያ ድርሳ ማታን ኤቁዳ፤

ማሰኩትያና ጎላ ጼሊ፤

ጋርዲዋ ጋርሳናካ ሉጻይ ጼሊ።

- 10 ታ ሲቆ ታና ሀዋዳን ያጌ፤ ታ ሲቃቴ፣ ደንዳ!  
ታ ማላንቻቴ፣ ሃያ! እትጥ እነ ቦይተ።
- 11 በአ፣ ባልጉ እዲዳ፤ እራይካ ኤቄዳ።
- 12 ቢታን ጨሻይ ጨሼዳ፤ የሳ የጽያ አግናይካ ጋኬዳ፤  
ሀራጵያ የሳይ ኑ ቢታን ሰሰቴ።
- 13 ባላሲ እይፍያ ደሜዳ፤ ዋይኒ ጨሼዳ፤  
እ ጨሻ ሳዉ ቢታን ቶሹኩ ጌ።  
ሄዋ ድራዉ፣ ታ ሲቃቴ፣ ደንዳ፤ ታ ማላንቻቴ፣ ሃያ፤  
እነ እትጥ ቦይተ ያጌ ያጋዲ።

ዋዳላይ:

- 14 ኔን እፋዎ ዶና ዛላ ዛእን ቆሰቴዳ ሀራጳት ማላ፤  
እነ እት ገደ ታና ነ ሶምኤዎ በሳ፤ ነ ኮሻካ ሰሳ።  
እያዉ ጎጥ፣ ነ ኮሻይ ታና ቃረፊ፤  
ነ ሶምኤካ ዳሮ ሎኤ ያጌዳ።

የሩሳላሙ ዋዶሮቴ:

- 15 ኑ ዋይኒ ጨሼዳ፤ ሄዋ ድራዉ፣  
ኑ ዋይንያ ግዳዎ ባይዝያ ዋራካናቴዋ፣  
ሄ ቄር ዋራካናቴዋ ጲርያ ዋሊደ ኦይቂተ ያጌድኖ።

ወደራታ:

- 16 ታ ሲቆ ታዋ፤ ታንካ እኖ፤  
ጨሻ ግደን እ ባረ ዉድያ ሄሜ።
- 17 ቃማ ጳማይ ቃረታናዉ፣ ዋንታ ጫርኩ ጫርካናዉ፣  
ታ ሲቆዉ፣ ገንእያዳን ዋይ ያላጋ ደግያዳን፣  
እሮትያ ደርያና ዋጸደ ሃ ሰማ ያጋዲ።

### 3

ወደራታ:

- 1 ቃማ ኩሙንላ ታ ሂጸን ግሳደ፣  
ታ ሲቆዎ ደማናዉ አዎታድ፤ ሞንሳደ ኮያድ፤  
ሸን ደማናዉ ዳንዳያበይከ።
- 2 ካታማ ግደን ደእያ እኮነ ጸንላ አገቴዎ ኡባን ዩያድ፤  
ታ ሲቆዎ ደማናዉ ኮያድ፤ ሞንሳደ ኮያድ፤  
ሸን ደማናዉ ዳንዳያበይከ።
- 3 ካታማ ዩይ ናግያዋንቴ ታና ደሜድኖ፤  
ታንካ፣ ታ ሲቆዎ በኤድቴ? ያጋደ ኡንቴንታ ኦቻድ።
- 4 ኡንቴንቴጥ ያ እጻነ ታ ሲቆዎ ደማ አጋድ።  
እ ታጥ ከሰ እከናዳን፣ ሞንሳደ ኦይቃድ፤  
ታ ዳይ ጎላ እካ አፋድ፤ ታ የለቴዳ ክፍልያ ገልሳድ።
- 5 ህንተኖ የሩሳላሙ ያላጋ ማጫ አሳዉ፣  
ሲቆ ባረዉ ደሲደ ደንዳና ጋካናዉ፣  
እ ህንተ ቤጎና ማላ፣  
ታን ህንተና ገንኤቴዋንጎ ባዙዋ ደገቴዋን ጫላይ ያጋዲ።

ሶይዙዋባ

(3:6—4:5)

የሩሳላሙ ዋዶሮቴ:

- 6 ሀዌ ባዙዋና ይያዌ፣ ጨዋ ቴሳ ማላትያዌ፣  
ፔኑካ ዛልእንቻ እጻናዳንጎ ካዋራዳን፣  
ሳዊያዌ እ ኦኔ?
- 7 ሄዋ በእተ፣ ሶሎሞና ፓራ ጋሪ ዩ፤  
ሄ ፓራ ጋሪ እሰራኤልያጥ ዶረቴዳ ዋልቃማቴ፣  
ኡሱፑን ታሙ ቶራንቻቴ እጃቤድኖ።
- 8 ኡንቴንቴ ኡባይካ ማሻ እይቀላ ሜዘቴዳዋንታን፣  
ኦላንካ ፓጨቴዳዋንታ።  
ቃማን ጋካና ሙቴዎ ኤቀታናዉ፣

አንቱንቱ እቲ እቲ ማሻ ግጺደ ገቤዳዋንታ።

- 9 ካትያ ሶሎሞን ፓራ ጋርያ ግድን፤  
ባረጧ ኡትያ ካወተሳ አራታ ገገሴዳ።  
እ አራታ ሊባኖሳ አሳፕ አሄዳ ሞላፕ ኦሰሴዳ።
- 10 አራታ ቱሳቲ ብራን ሼሽቴድኖ፤  
ገዲ ዋርቃን አለቀቴዳ፤  
ኡትያሳይ የሩሳላሙ ዋድራቱ ኦቻ ቴራ ማላትያ ቃጭናን፤  
ሰቆዋን ዳዴዳ አፍላን ካሙቴዳ ያጌድኖ።

ወደራታ፡

- 11 ሀንተኖ፡ ጽዮን ዋድራቶ፡ ካትያ ሶሎሞና በአናዉ ሃይተ!  
እ ሎይላ ናሽቴዳ፡ እ ቡላቻ ጋላሰ እ አታ እ ሁጺያን፡  
ዋሴዳ ካላቻ ዋሲደ ኡቴዳ ያጋዴ።

### 4

ዋዳላይ፡

- 1 ታ ሲቃቴ፡ ኔን እያ ማላንቻቲ! ኔን ዋታ ሎአይ!  
ነ አይፈቲ ነ ሶሞኡዋ ካምያ ሻርበ ግዴዋና በእያ ዋደ፡  
ሀራጵያዳን ሎአኖ።  
ነ ብናናይ ጋላአደ ደርያፕ ዋድያ ዴሻ ዉድያ ማላ።
- 2 ነ አቻይ ሜደቲደ፡ ሃላን ሜጨቴዳ ኡባይካ ማንትያ የልያ፡  
ኡንቱንቱ ግድን ማይኒ ባይና ደርሳ ዉድያ ማላ።
- 3 ነ መተርሻቱ ዞኦ ቃጭና ማላ፤  
ነ ሃሳይያ ዋደ ዳር ናሽቹኖ።  
ነ ላኡ ገጭቴዋ ሻርቢያ ግዴዋና ጼልያ ዋደ፡  
እት ሮማንያ ላኡ ከሰ ጳልቁዳዋ ማላቲኖ።
- 4 ነ ቆጂ ኦላ ሚሻ ካቃናዉ ግሞቤዳ፡  
ዳዊታ አዲሳ ግሞቤያ ማላቲ፤  
ሄ ግሞቢ ሻኡ ምኖ ኦላንቻቱዋ ጎንዳሊ ካቀትና፡  
አለቀት ኡቴዳ።
- 5 ነ ቆንላቱ ማንትያ የለቴዳ፡  
ዋራ ጨሻ ግድን ምያ ገንእያ ማራቱዋ ማላቲኖ።

ሶይዘዋ እትፕተሳ  
(ሰቆዋ 4:6—5:16)

- 6 ቃማይ ዋንታናዉ፡ ኩዋይ ክቻናዉ፡  
ካርቢያ ደርያን እጻና ዞዝያ ባደ ሸምፓሻና።
- 7 ታ ሲቃቴ፡ ነ አሳተሳይ ኡባይካ ማላንቻ፤  
ኔናን ዋሳያዌ እያይነ ባዋ።
- 8 ታ ሙሹራቴ፡ ሊባኖሳ ደርያፕ ዋቆ፡  
ጋሙነ ማሂ ጌሱ አማና ደርያፕ፡  
ሳኒራ ደርያፕን ሄርሞን ኪክያፕ ዋቆ።
- 9 ታ ሰቆዋ ምቻቶ ግድያ ታ ሲቃቴ!  
ነ አይፍያ ጼሉነ ነ ቆድያ አሌቁ፡  
ታ ዋዛና ናሽቻን ጎሼዳ።
- 10 ታ ሰቆዋ ምቻቶ ግድያ ታ ሙሹራተ!  
ነ ሲቁ ታና እያ ናሽቹ!  
ነ ሲቁ ዋይንያ ኡሳፕ አድ ናሽቹ፤  
ነ ሽቴ ኡባባፕካ እጂደ ሳዋ።
- 11 ታ ሙሹራቴ፡ ነ መተርሻና ኡሳ እልሉ ጸኬ።  
ነ ደናፕ ኡሳይነ ማሳይ ፑልቴ፤  
ነ ማዩ ሊባኖሳ ጺዳይ ሳዊያዋዳን ሳዋ።
- 12 ታ ሰቆዋ ምቻቶ ግድያ ታ ሙሹራት ዩሹ፡  
ድረቲደ ናገትያ አታክልትያ ሳኦ ማላ፡  
ዩሹ ግሞበቴዳ ፑልቴዋ፡

ማታፋይ አታመቱዳ ጎግያ ሃላ ማለ።

- 13 ነ አታክልተቱዋ ግድን፡ ሮማኒ፤  
ድረቴዳ አታክልትያ አይፈቱ፤  
ሄናይነ ናርዶሲያ ግያዋንቱ ደኢኖ።
- 14 ሄዋዳንካ ቃይ ናርዶሲ፤  
ላዲ፡ ሳዉዋ ማታይነ ቃራፋይ፤  
ሄዋዳንካ እጻናዳን ሳቀሪያባቱ ደኢኖ፤  
ሄዋዳንካ ቃይ ካርቢ፤  
ጎዳረ ኡላ ጨሻይነ ዲማ ዲማ ቅማምያ አታክልተቱ ሞኪኖ።
- 15 ኔን አታክልትያ ሳኦ አልያ ፑልቱዋ ማለ፤  
ደኡዋ ሃላይ ቤትያ ኦላ ማለ፤  
ለባኖሳ ደርያፕ ጎግያ ሻፋ ማለ ያጌዳ።

ወደራታ፡

- 16 ሁጺሳ ሳባ ጫርኮ፡ ደንዳ!  
ገድሳ ሳባ ጫርኮ፡ ሃያ!  
ታ አታክልትያ ቦላ ጫርካ! ኦ ሳዉ ሄዋን ቶሹኩ ጎ።  
ታ ሲቁ ባረ አታክልትያ ግድ ዮ።  
ዳሮ ማልእያ ቴራቱዋ ሞ ያጋዱ።

### 5

ዋዳላይ፡

- 1 ታ ሲቆ ሞቻቶ ግድያ ታ ሞሽራተ፤  
ቦኢ፤ ታን ታ አታክልትያ ግድ ገላድ።  
ታ ካርቢያነ ታ ሸቱዋ ጨሻ ቆራይ።  
ኤሳ ኡክላ ዮልታያደ ማይ።  
ታ ዋይንያ ኤሳነ ታ ማላ ኡሻይ ያጌዳ።

የሩሳላመ ዋደራቱ፡

ሀንተኖ፡ አ ላገቶ፤ ሲቁዋ አላና ጋካናዉ ኡሸተ ያጌድኖ።

ወደራታ፡

- 2 ታን ቃማ ገሞአሻድ፤ ሸን ታ ዋዛናይ ቤጎት ኡቴዳ።  
ታ እኩሙዋን ታ ሲቁ ሀዋዳን ያጌደ፤  
ፕንግያ ቆጸና ሰሳድ፤ ታ ሙሹራቴ፤ ታ ሲቃቴ፤  
ኔናን ዋልያዋ ባይና ታ ሀራጳተ፤ ታዉ ካርያ ዶያ፤  
ታ ሁጺ ከተርሳን ካኤዳ።  
ታ ብናናይካ ቃማ ፑሲያን ናርካኬዳ ያጌ።
- 3 ታን፤ ታ ማዩዋ ቃራ ድጋድ፤ ዛራ ማዮየ?  
ታ ገድያ ማጨታ ክቻድ፤ ዛራደ ኡርቃዮየ? ያጋድ።
- 4 ታ ሲቁ እፍላ ጸእያና ባረ ኩሸያ ጎለ የዴዳ፤  
ታ ዋዛናይ አ ድራዉ ፖድ ፖዳ።
- 5 ያትና፤ ታ ሲቆ ካርያ ዶያናዉ ደንዳድ።  
ካርያ ዶይያ ኩልቡዋ ታን ኦይቁያ ዋደ፤  
ታ ኩሸያፕ ካርቢ፤ ታ ብራድያፕ ሸቱ ጸኬ።
- 6 ታ ሲቆ ካርያ ዶያድ፤ ሸን ዶይያ ዋደ አ ባዋ ብ ክቼዳ።  
አ ኩሻ ሰሳናዉ ሎይላ አሞታድ።  
ሞንላደ አ ኮያድ፤ ሸን ደማናዉ ዳንዳያቦይከ።  
ጴጋድ፤ ሸን ታዉ ኮይቤና።
- 7 ዩዩደ ካታማ ናግያዋንቱ ታና ደሚደ፤  
ዋዴድኖን ማዲሌድኖ፤  
ካታማ ድርሳ ናግያዋንቱ ታ ቁማዩዋ ቃር አኬድኖ።
- 8 ሀንተኖ የሩሳላመ ጌላዮቶ፤ ታ ሲቁዋ ደሞፕ፤  
ታን አ ሲቁዋፕ ደንዴዳዋን ሀርግያዋ፤  
ሀዳራ፤ አዉ ኦድተ ያጋዱ።

የሩሳላመ ዋደራቱ፡

- 9 ኔኖ፡ ማጫ አሳ ኡባፕ አዴዳ ማላንቻቴ!  
ነ ሲቁ ቱሙ ሀራቱዋፕ ዋን ዲማቲ?

ነን ሀዋ ኪሻ ኑና ጫልያዌ፤  
እ ሀራቱዋፕ ዲማትያዌ እያኔ? ያጌድኖ።

ወደራታ፡

- 10 ታ ሲቁ ዳሮ ሎእያዋነ ሞና፤  
ታሙ ሻኡ አቱማ አሳ ግድን አ ማል ባዋ።
- 11 እ ሁጺ ዋርቃ ሎልያ ማላቴ፤  
እ ብናናይካ ሎእነ ቁሩዋ ማላ ካረሳ።
- 12 እ እይፊ ሻፋ ላንቂያን ኤቄዳነ፤  
ማላን ሜጨቲዳዋ ማላትያ ሀራጸቱዋ ማላቴ።
- 13 እ ጋጮቱካ ሳወዋ ማታይነ፤  
ቅማሚ ቶከቲዳ አታክልትያዳን ሎእኖ፤  
እ መተርሻቱ ካርቢያ ሸቱ ጸክያ ዋራ ጨሻዳን ሎእኖ።
- 14 እ ከሸቱ እንቁዋን አሌቀቲዳ ዋርቃ ጸምኣዳን ሎእኖ፤  
እ አሳተሳይ ሳምፔርያ ግያ እንቁዋን አሌቀቲዳ፤  
ዳንጋርሳ አቻ ማላ።
- 15 እ ገደቱ ዋርቃ ባሱዋን ቶከቲዳ፤  
አብናባራድያ ቱሳ ማላቴኖ፤  
እ ማላይ ዝጋን አሌቀቲዳ ሊባናሳ አሳ ማላ።
- 16 እ ደናይ ኤሳዳን ማልኤ። እ ኡባናካ ሎእያዋ።  
ህንተኖ የሩሳላመ ዋደራቶ፤  
ታ ሲቁነ ታ ላጊ ሀዋ ማላቴ ያጋዱ።

### 6

ሲቁ ኡባፕ ደረቲ  
(6:1—7:6)

የሩሳላመ ዋደሮቱዋ፡

- 1 ማጫ አሳ ኡባፕ ማላንቻቲ፤  
ነ ላጊ ሀቃ ቤዴ? ኑንካ ኔናና እትፕ ኮያናዉ፤  
እ ቤዳ ሳ ኑዉ ኦዳ ያጌድኖ።

ወደራታ፡

- 2 ታ ሲቁ ደርሳ ዉድያ ሄማናዉነ፤  
ሎእያ ጨሻ ሸሻናዉ፤  
ሸቱዋ ሳወዋ ማታይ ደእያ አታክልትያ ግደ ዋዴዳ።
- 3 ታን ታ ሲቁዋኖ፤ ታ ሲቁካ ታዋ።  
እ ጨሻ ግድን ዉድያ ሄሜ ያጋዱ።

ዋዳላይ፡

- 4 ታ ሲቃቲ! ኔን ትርጸ ካታማይ ሎእያዋዳን ሎኣሳ፤  
የሩሳላመዳን ዳሮ ሎኣሳ፤ ባንድራ ኦይቄደ፤  
ሳልፕያን ብያ ኦላንቻይ ያሸያዋዳን ያሻሳ።
- 5 ሀያና ነ እይፍያ ታፕ ዋራ ዛራርኪ፤  
እያዉ ሳፕ፡ ኡንቱንቱ ታና ዋይሲኖ።  
ነ ብናናይ ጋላኦደ ደርያፕ ዋድያ ዴሻ ዉድያ ማላቴ።
- 6 ነ እቻይ ሜጨቲደ ከሰያ፡ ኡባይካ ማንትያ የልያ፤  
ኡንቱንቱ ግድን ማይኒ ባይና ደርሳ ዉድያ ማላ።
- 7 ነ ላኡ ጋጮቱዋ ሻርቢያ ግዲዋና ጼልያ ዋደ፤  
ላኡ ከሴዳ ሮማንያ ቱራ ማላቴኖ።
- 8 ኡሱፑን ታሙ ማጫ ካተቱነ ኡሱፑን ታሙ ባኮቱ፤  
ቃይ ፓይዱ ባይና ዋደሮቱ ታዉ ደእኖ።
- 9 ሸን ታ ሀራጸታ፡ ታ ቶሺ ባይናና፤ አ ታዉ ዲማ።  
አ ባረ አትሰካ መጽ አትኖ፤  
እዞ የሌዳ አታካ እያፕነ አላደ እዞ ሲቃዉ።  
ዋደሮቱካ እዞ ጸሊደ፤ ሀና እንጀቲዳኖ ያጊኖ።  
ማጫ ካተቱካ ባኮቱካ እዞ ሳቢኖ።

የሩሳላመ ዋደራቱዋ፡



10 ሀና ዋንታ ጸልቂያዳን ዶልያና፣ አግናዳን ፖእያና፣  
አዋዳን ጫድያና፣ ባንድራ ኦይቂደ ሳልፕያን ብያ ኦላንቻዳን፣  
ያሽያና እዛ ኦኔ? ያገሮ።

ዋዳላይ፡

11 ታን ዋምባን ቶኩቲዳ ዋላቱ ልጩዋ በአናዉ፡  
ዋይንያ ቱራይ አጩደንቶን ቃይ ሮማኒካ ጨሼደንቶን ጸላናዉ፡  
ዲገ አታክልትያ ሳእ ዋዳይ።

12 ታን እኬከናን ደእሸና፣ ታ አሙ ታና አዕደ፣  
ታ ካትያ ማታን፣ ፓራ ጋርያን ታና ኡትሴዳ ያጌዳ።

የሩሳላሙ ዋድሮቱዋ፡

13 ኔኖ ሹላሙ ቢታፕ ዬዳዉን፣ ሃያ፤  
ሃ ሰማ! ኔና ኑ ሎይሲደ ጸላና፤ ሃ ሰማ! ያጌድኖ።

ወደራታ፡

ዳሮ አሳ ሰንሳን የጽያ አሳዳን፣ ታኮ እያዉ ጸሊቲ፣ ያጋዱ።

# 7

ዋዳላይ፡

1 ካትያ ናትዳን ሎእያኔ!  
ነ ገደቱ ኔን ናጸላ ጫማ ዋስ ደእሸን በእያ ዋደ፡  
እያ ሎእና! ነ ሼቺ ኤራንቻ ዋጋጪ ቆጶደ፡  
ሎይስ አሊቁሴዳ እንቁዋ ማላቲ።

2 ነ ጉልእይ ዋይንያ ኤሳይ ኩሜዳ ብርልያ ማላቲ፤  
ነ ጸሳ የሹ ጨሻን ቃሸቲዳ ዛርጋ ምርቂያ ማላቲ።

3 ነ ቆጵ ማንትያ የለቲዳ፣ ገንእት ማራቲዋ ማላቲኖ።

4 ነ ቆጵ ዳንጋርሳ ዛልያን አሊቀቲዳ አዲሳ ግምቢያ ማላ።  
ነ አይፊ ዋልቃማ ሀሰቦና ካታማ ፕንግያ ማታን ደእያ፣  
ዜሩዋ ሃላ ማላቲ።  
ነ ሲጲ ዳማሰቆ ጸልሲደ ግምቤዳ ሊባኖሳ ግምቢያ ማላቲ።

5 ነ ሁጺ ቃርመሎሳ አሳ ማላቲ፤  
ነ ኦላሳ ብናናይ ቃጭና ጸላ ማላቲ፤  
ካትያካ ነ ሁጺያ ዳላይ ናሸቼዳ።

6 ታ ሲቃቲ፣ ነ እያ ሎእይ! ነ እያ ማላንቻቲ!  
ነ ሲቁ ታና እያ ናሸቺ!

ታንነ ኔንነ ጸላላይ

(7:7—8:4)

7 ነ ጌሳይ ዛምባ ጌሳ ማላቲ።  
ነ ቆንሳይ ዛምባ አይፍያ ዉርጩዋ ማላቲ።

8 ታን፣ ሀ ዛምባ ግእና፤ አ ማራቲዋ ኦይቃና ያጋድ።  
ነ ቆንሳይ ዋይንያ ቲራ ዉርጩዋ ማላ፤  
ቃይ ነ ሲድያና ከሰያ ፔኑ አፕልያ አይፍያዳን ሳዋ።

9 ነ የሩ መተርሻቲዋፕ ኦቻፕ ግዲዋና፣  
ዋላላቲደ ገልያ ዋይንያ ማላ።

ወደራታ፡

ኡባፕ አጲደ ማልእያ  
ዋይንያ ኤሳ ማላ ያጌዳ።

10 ታን ታ አልኦ ሲቁዋኖ፤ እካ ታና አሞቲ።  
11 ታ ሲቆዉ፣ ሃያ፤ ላኡ ካታማፕ ከሲደ ቢደ፣  
ጋጸርያን አቆይተ፤ ቃማ ላኡ ሂዋን አላና።

12 ዋንታ ጉራን እነ ዋይንያ ቲራ ግድ ቦይተ፤  
ዋይንያ ቲራይ ጨሼደንቶ፣ ጨሼደ አይፍያ ዶርጸጶደንቶን፣  
ቃይ ሮማኒካ አይፊደንቶ እነ በኦይተ።  
ታን ታ ሲቁዋ ኔና ሂዋን ቦሳና።

13 እንኮይያ አይፍያ ሳዉን ሀራ ናሸቻያ አታክልትያ አይፊ፣  
ኑ ካርን በሴዳ፤ ታ ሲቆ!

ሀ አይፈቱዋፕ ቴሬዳዋንታን ኦራላ ማጼዳዋንታ፡፡  
ነዉ አሻ ዋላድ።

**8**

- 1 ነ ታዉ አላጋ ግደናን ታ ዳይ ቆንላ ቆሚዳ ታ አሻ ግዳርኪሻ!  
ያትንቶ ታን ኔና ኦግያን ደማደ ሺሻ አካ የርና፡፡  
ታና ኦንነ ቦረናሽን።
- 2 ታና ታማርሴዳ ታ ዳይ ጎለ ታን ኔና ካለላደ፡፡  
ታ ዳይ ቆልኦ ገልሳ አግና፡፡  
ሄዋን ታና ነ ሲቁዋባ ታማርሴዳዋ ግዳርኪ፤  
ሮማንያ ጉምኤዳ ማልእያዋ፡፡  
ሎእያ ዋይንያ ኤሳ ታን ኔና ሄዋን ኡሻርክታ።
- 3 ታና ሄዋን ነ ሀድርሳ ቁሰያ ቦርኮትሳደ፡፡  
ነ ኡሸቻ ኩሸያን ታና ቆሚዳዋ ግዳርኪ።
- 4 ህንተኖ የሩሳላመ ዋደራቶ፡፡  
ሲቁ ባረ ዋድያን ደንዳናዉ፡ ቃሰሐ ደን፳፳ናዳን፡፡  
ታ ህንተዉ ሀደራ ጋይ ያጋዱ።

**ሲቁዋ ሳባ  
(8:5-14)**

የሩሳላመ ዋደሮቹ፡

5 ባረ ሲቁዋ ሀሽያን ዘምፓደ፡፡  
ባዙዋፕ ይያና ሀና ኦኔ? ያጌድና።

ወደራታ፡

በን ነ አታ ኔና ባንካ የሌዳ፡፡  
አፕልያ ላንቁያን ነ ግሳ ደእሽን፡፡  
ኔና ታ ቃሰረላደ ደንሳድ።

6 መድሩ ሲቁዋን ታና ነ ዋዛና ቦላ አታማ፤  
ነ ቀሰያንካ ማታፋዳን፡ ታ ጸላላ ኦይቃ።  
እያዉ ጎፕ፡ ሲቁ ሀይቁዋ ማላ ምና፤  
ምሹካ ዲፋዋ ማላ መቀላ ኢታ፤  
እ ላጩካ ጸሳ ታማ ላጩዋ ማላ።

7 ሃላ ዳሩ ሲቁዋ ታማ ቶይሳናዉ ዳንዳየና፤  
ድኡካ ሜጪደ አፋናዉ ዳንዳየና፡፡  
አሳይ ሲቁዋ ሻማናዉ ባረዉ ደእያ አቁዋ ኡባ እምፕካ፡፡  
ሲቁ ሻሉዋን ሻመተና ድራዉ፡፡  
አሳይ ሄዋ ካዴ ያጋዱ።

ዋደራት እሻቱ፡

8 ኦዉ ትራን ቆንላይ ኡትቤና ምቻታ ደእዉ፤  
አሰናይ እዞ ኦቾፕ፡ ኦን እዉ ኦላናዌ አይ?

9 እዛ ግምቢያ ድርሳ ግድንቶ፡ ኦን እ ቦላ ዋቕያ አዳሳ፡፡  
ብራ ግምቢያ ግምባና፤ እ ድርሳ ፕንገ ግድንቶ፡፡  
ዝጋ ሳንቃን እዞ ዳድሳና ያጌድና።

ወደራታ፡

10 ሄኮ ታን ድርሳ ግምቢያ፤  
ታ ቆንላይካ ግምቢያ ቦላ ግምባቲዳ ዋቕያ ሳ፤  
ሄዋ ድራዉ፡ ታን ታ ሲቁዋና ደእያ ዋደ፡ እ ታናን ናሽቱ።

11 ሶሎሞንዉ ባክል-ሀሞናን ዋይኒ ቶክቴዳ ሾይቃይ ደኤ፤  
ሄ ዋይንያ ግዲዋ ኦሕያዋንቶ ከራ እሚዳ፡፡  
ከራ አኬዳዋንቱ ቴራን ጎኤቴዳዋ ድራዉ፡፡  
ሁጺያን ሁጺያን ሻኤ ብራ አዉ አሂኖ።

12 ሸን ታዉ ታ ቡዞ ዋይኒ ቶክቴዳ ሾይቃይ ደኤ፤  
ሶሎሞና፡ ኔን ሻኤ ብራ አካ፤  
አታክልትያ ኦሕያዋንቱ ላኤ ጼቱ ብራ አክኖ ያጋዱ።

ዋዳላይ፡

13 ኔኖ፣ አታክልትያ ግድን ደእያ ታ ሲቃቴ፥  
 ነ ኮሻ ላገቱዋ ሰሳናዉ ኮዪኖ፤  
 ነ ኮሻ ታና ሰሳ ያጌዳ።

ወደራታ፡

14 ታ ሲቆዉ፥ ታኮ ኤላካ ሃያ!  
 ሳዊያ ማታይ ሞክያ ደረቱዋ ቦላና፥  
 ጉፕያ ገንእያ ዋይ ደግያ ማራቱዋ ማላታደ ያጋዳ።

### ኢሰያሳ ትምቢትያ ገሉዋ

ኢሰያሳ ማጻፋይ ክርስቶስ የለታናጥ ካስ፣ ሆሰጥን ጹቱ ላይላ ሄራን የሩሳላመን ደኤዳ፣ ትምቢትያ ኦድያ ኢሰያሳ ሱንላን ጸሰቲ። እ ሱንላ ብለላይካ፣ “ጸሳይ እሸያዎ” ግያዎ። ሀ ማጻፋ ሄዘ ሁጼ ሁጼ ክፍለቱዋን ሻኪደ በእናዉ ዳንዳዬ፡፡

1. ሸምጥዋ 1፣ ሀ ቢደ 39 ጋካናዉ ደእያዌ ገድሳ ባጋና ደእያ ይሁዳ ካወተላ አሰረ ግያ ዋልቃማ ሸር ካወተላይ ዋልቃንሰያዎ ኦድ። ይሁዳ ሄዋ ማላ ሀዳን የጌዳዌ አሰረ ካወተላ ምኖተላ ግድናን፣ አሳ ናጋራ፣ ጸሳዉ እዛዘተናን እጽያዎ፣ ሄዋዳንካ ኤንቱንቱ ጸሳን እማነተናን እገያዎ ግድያዎ እሰያሰ ማላቲዳ። ትምቢትያ ኦድያዌ ቆንጨ ሃሳያንነ ኦሱዋን አሳን አሳ ካለልያዋንታ ጽሎተላይነ ሱረ ፕርዳይ ኩሜዳ ደኤዋኩ ሰማና ማላ እኬክሴዳ፤ ቃይ ጸሳዉ እዛዘተናን እገያዎ ጋማ ሜተቱሳን ባሻ ካለልያዎ ኤንቱንቱ ምንሲደ ኦድዳ። እሰያሰ ሄዋ ቦላካ ጉጂደ ኦድዳ፣ ያና ዋደቱዋን ሳእ የሹዋን ሳሩ ኩሜዳ፣ ፖኮባይ ባይናን ካለልያ፣ ዳዊታ ዛረ ግድያ ካቲ ያናዉ ደእያዎ ካስተደ ኦድዳ።

2. ሸምጥዋ 40፣ ሀ ቢደ 55 ጋካናዉ ደእያ ክፍልያፕ ዳርያ ባጋይ ይሁዳ አሳይ ኦሞደቲደ ባብሎን ቤዳ ዋደ፣ ኤንቱንቱ ደኤ ከንዴዳን ኤንቱንቱ ህደታ ቃንጾዳ ዋደቱዋባ ኦድ። ትምቢትያ ኦድያዎ ጸሳይ ባረ አሳ ሄ ሀኖታፕ ብል የዳና ዋዲን ኤንቱንቱ ኦራላ ደኤዋ ደማና ማላ፣ ኤንቱንታ የሩሳላመ ኦሳና ዋዲ ማታቲዳዋ ኦድዳ። ሀ ሸምጥታዋ ግድን ቆንጨደ ቤትያ የዉ ጸሳይ ታርክያዉ ጎዳ ግድያዋን ባረ አሳዉ አዉ ደእያ ሀልቸዋ፣ ሄዋነ እስራኤልያ አሳ ባጋና እንጀታናዉ ደእያ አሳኩ ኤንቱንቱ ቢደ፣ ኦሳናዉ በሰያዎ ኦድያ ክፍልያ።

3. ሸምጥዋ 56፣ ሀ ቢደ 66 ጋካናዉ ደእያ ክፍሊ ኦድያዌ ጉየን የሩሳላመን ደእያ አሳዋ፤ ሄ አሳይ ጸሳይ ባረ አሳዉ ገሌዳ ቃል ፖላናዎ ጌሺደ ኤራናዉ፣ ማርካ ግድያባ ደማናዉ ኮዱደ ኤቲዳ። ኤንቱንቱ ሎይላ ኦሳናዳን ኮየቲዳ ኦሶቲ ጽሎተላ፣ ሱረ ፕርዳ፣ ሳምባታ ቦንቻያዎ፣ ያርሹዋ ያርሸያዋን ዋሳን ሸክያዎ። ሀ ክፍልያን ኤረቲዳ ሸምጥ 61:1-2 ደእያዎ ግድሽን፣ የሱሰ ኮይር ኦሱዋ ደሚደ፣ ባረ ጸሳባዉ ማርካ ኦሳደ ሺሼዳ ቃላቲ ሀ ፓይደቱዋ ግድን ደእያ።

#### ሸምጥታዋ ኤባቶ አመቴዳ ቃንሳ ቆፋቱዋ

ገሉዋ 1:1-31

- ይሁዳዉን እስራኤልያዉ እዴዳ ኪታቱዋ 2:1—5:30
- ኢሰያሳ ኦሱዋን ቤቲዳ የዋቱዋ 6:1—9:7
- ይሁዳዉን እስራኤልያዉ ጉጂ ኪታቱዋ 9:8—12:6
- ጸሳ ሙራይ ሀራ አሳቱዋ ቦላ 13:1—23:18
- ዋየትያ እስራኤልያ አሳቶ ህደታ ኪታ 24:1—27:13
- ጸሳይ ማካላንቻ አሳ ሙርያዎ ግዱሳ 28:1—31:9
- ጸሳይ ኤደማ ሙርያዎ እየሩሳሌም እንጅያዎ ግዱሳ 32:1—35:10
- አሶራ፣ ባብሎና፣ ካትያ ህዝቁያሳን ኢሰያሳ 36:1—39:8
- ጸሳይ ባረ አሳ እሸያዎ ግዱሳ 40:1—48:22
- ጸሳ ሀገዝያዋባ 49:1—53:12
- ጸሳይ እሜዳ ህደታ ናግያዎ ግዱሳ 54:1—55:13
- አሳ ዛሪ ኤባይ ጸሳ ባጋ ግድናዉ ዳንዳዩሳ 56:1-8
- ጸሳዉ እማነተና ካለልያዎንቱ ሙረትያዎ 56:9—59:21
- የሩሳላመ ስንላ ቦንቻ ህደታ 60:1—62:12
- ጸሳ ኦራላ ማላልሰያ ሙታ 63:1—66:24

#### ገሉዋ (1:1-31)

1 ኦዝያን፣ እየኦታም፣ ኦካዝን ህዝቁያሰ ይሁዳ ካተቱዋ ግዴዳ ዋደ፣ አዋጸ ናእይ እሰያሰ ይሁዳባን የሩሳላመባ በኤዳ ሳጸይ ሀዋ።

ጸሳይ ባረ አሳ ሲራዳ

2 ሳሎቱዋን ደእያዋንቶ፣ ሰሰተ፤ ሳእን ደእያዋንቶ፣ ሰሰተ፤ እያዉ ጎፕ፣ ሙጵና ጎዳይ ሀዋዳን ያጌዳ፤ “ታን ናናቱዋ ድቻ ጋሳድ፤ ሸን ኤንቱንቱ ታዉ ማካሊድና።

3 ቦራይ ባረ ጎዳ ኤሬ፤ ሀሪካ ባረና ሞዴዳዋ ዛዳሉዋ ኤሬ፤ ሸን እስራኤላቱ ኤርክኖ፤ ታ ኦሳቱ እኪክክኖ።

4 “ናጋራ ኦልያ ካወተፋወ፡ ህንተ ናቁዋን ደጸቱዳ እሳወ፡ ኢታ ኦልያ ዛርያወ፡ ህንተ ማይዛቱዋ ቱናተፋ ካልያ ናቶ፡ ህንተንቶ እየ እና! መድና ጎዳ ህንተ እኔድታ፤ እስራኤልያ ጌሻ ሸንዬድታ፤ እዉ ዘክያ ዛሬድታ።

5 ህንተ እያዉ ማካላ ቦላ ማካላ ጉጅ ጉጅ ቢቱ? እያዉ ቃይካ ሙረታናዉ ኮዪቱ? ህንተ ኩመንፋ ሁጺ ሳከቱዳ፤ ህንተ ኩመንፋ ዋዛናይካ ዳቡራዳ።

6 ገድያ ብራድያፕ ሁጺያ ብናና ጋካናዉ ፓጸተፋይ ባዋ፤ ማዲላይ፡ ጋፋን ገይያባይ ደኤ፤ ኡንቱንቱን ገይቦይክኖ፡ ዋይ ሜጨት ቃሸትብይክኖ፡ ዋይ ዛይትያን ኦከተደ ሹግባይክኖ።

7 “ህንተ ጋዲ ድርቃለቲደ ባያና፤ ህንተ ካታማቱካ ታማን ጸገቱድኖ፤ ህንተ ጎሻ ህንተ ጸልሸን፡ እላጋቱ እኪኖ፤ እማላ እሳቱ፡ መላ አሻና።

8 የሩሳላመ ካታማይ ዋይንያ ቱራ ናግያ ዳሰያዳን፡ ሌክያ ናግያ ጎልያዳን ሞርክያን ድረቲዳ ካታማዳን ህንደ እቴዳ።

9 ኡባፕ ዋልቃማ መድና ጎዳይ ኡዉ እማሬዳ ዛራቱዋ አሸንጎቶ፡ ኦን ሶደማ ካታማዳንን ጋሞራ ካታማዳን ህኔደሸን” ያጌዳ።

10 ህንተኖ፡ ሶደማ ሞድያዋንቶ ኡባቶ፡ መድና ጎዳ ቃላ ሰሰተ! ህንተኖ፡ ጋሞራ እሳ ኡባቶ፡ ኦ ጸሳ ህግያ ሰሰተ!

11 መድና ጎዳይ ሀዋዳን ያጌ፤ “ህንተ ያርሹዋ ዳሩ ታዉ እያ ጎእ? ሀኖ ጋካናዉ ህንተ ታዉ ሸሺዳ ጸገቱዳ ኦርገ ደርሳቱዋን ጁኪዳ መሀያ ሞጁዋ ያርሹዋ ታን ካላደ፤ ኮሩማ ቦራቱዋ፡ ድርሳ ማራቱን ዳሻቱዋ ሱላን ታን ናሸትከ።

12 ህንተ ታዉ ጎይናናዉ ይያ ዋይ፡ ታ ጌሻ ጎልያ ዳባባ ህንተና የድተ ጌዳዌ ኦኔ?

13 ሰሞ ሀዳ ያርሹዋ አህያዋ አግተ! ህንተ ጨውሰያ እጻናይ ታና ሸንዬ፤ አግና ጸሩዋ ህንተ ቦንቶያ ጋላሳ፡ ህንተ ሳምባታን ህንተ ኬራዳ ያእቱዋ፡ ሀ ሺቃቱዋ ኡባ ኢታተፋና እትፕ ሀላከቲዳዋንታ ታን ዳንዳይከ።

14 አግና ጸሩዋ ህንተ ቦንቶያ ጋላሳን ኬረቲዳ ህንተ ባላ ጋላሳቱዋ ታን እጻድ፤ ኡንቱንቱ ታዉ ቶኩዋ ግዴድኖ፤ ታን ኡንቱንታ ቶካደ ዳቡራድ።

15 “ህንተ ኩሸያ ሞጨደ፡ ህንተ ዋሰያ ዋይ፡ ታን ታ አይፍያ ህንተፕ ገንፋና፤ ህንተ ዳር ዋሳ ዋሰንቶካ፡ ታን ሰሰከ፤ እያዉ ጎፕ፡ ህንተ ኩሺ ሱላን ሙናቀቲዳ።

16 ሜጨት፤ ጌቲ፤ ህንተ ኢታ ኦሱዋ ታ ሰንፋፕ ድግተ፡ ኢታ ኦልያዋ አግተ፤

17 ሎኦባ ኦፋናዉ ታማርተ፡ ጽሎ ፕርዳ ኮይተ፤ ኡንኤቲዳዋንቱ ሞርግያ ኦይቂተ። እዉ ባይናዋንቶ ፕርድተ፤ እስናይ ሀይቄዳ ማጫ እሳቶ ሞተትተ” ያጌ።

18 ቃይካ መድና ጎዳይ፡ “ሃይተ፤ እነ ዞረቶይተ። ህንተ ናጋራይ ባራዳን ዘአንቶካ፡ ሻቻዳን ቦጻና፤ ሱላዳን ዘአንቶካ፡ ፑቱዋዳን ቦጻና።

19 ህንተ ኤኖ ገደ፡ ታዉ እዛዘቶፕ፡ ጋድያፕ ሞክያ ሙሩታ ማና።

20 ሸን ህንተ እጻድ ገደ ማካሎፕ፡ ማሻን ሜተታና” ያጌ። መድና ጎዳይ ባረ ደናፕ ሀዋ ሃሳዬዳ።

**ናጋራይ ኩሜዳ ካታማ**

21 እማንቲዳ ዋልቃማ ካታማታ ዋናደ ሻርሙጸ ግዳዴ፤ እዛ ካሰ ሱረ ፕርዳይ ኩሜዳኖ፤ ጽሎተፋይ ካሰ እ ግደን ደኤዳ፤ ሸን ሀእ ኦሳ ዋድያዋንቱ እዝ ግደን ደኤኖ።

22 ነ ብራይ ሸእ ክቼዳ፤ ነ ሎኦ ዋይንያ ኤሳይካ ሃፋና ዬለቲዳ።

23 ህንተ ዳናቲ ማካላንቻቱዋን ካይሶቲዋ ላገቱዋ ግዴድኖ፤ ኡንቱንቱ ኡባቲካ ማታይያ ደሲናን ሚሻ የደርሲኖ፤ እዉ ባይናዋንቶ ፕርድክኖ፤ እስናይ ሀይቄዳ ማጫ እሳቱዋ ሞቲ ኡንቱንቱን ሸቆና።

24 ሄዋ ድራዉ፡ ጎዳይ፡ ኡባፕ ዋልቃማ መድና ጎዳይ፡ እስራኤልያ ዋልቃማይ፡ ሀዋዳን ያጌ፤ “ሀእ ታን ታና እጻያዋንቱፕ ሸሞፓና፤ ታን ታ ሞርከቲዋ ቦላ ታ ሁሉዋ ከሳና።

25 ታን ታ ኩሸያ ነ ቦላ ዋፋና፤ ነ ሸኦዋ ቁልጹጽሳደ ጌሻኖ፤ ኔናና ዋላከቲዳባ ኡባ ጌሻደ የድሳና።

26 ታን ቦንዋንቲ ማላ ዳናቱዋ፡ ኮይርዋንቲ ማላ ዘርያዋንታ ነዉ ዛራና። ሄዋፕ ጉይያን፡ ኔን ጽሎተፋ ካታማ፡ እማንቲዳ ካታማ ጌተታና” ያጌ።

27 ጽዮኔ ሱረ ፕርዳን፡ ባረንቲ ናጋራ ፓጸያዋንቲካ ጽሎተፋን ዋዘታና።

28 ሸን ማካላንቻቱን ናጋራንቻቲ ላኤካ መእና፤ መድና ጎዳ እግያዋንቲ ጳያና።

29 ዋፋናዉ ደሴዳ ዋላ ድራዉ፡ ህንተ ዬላታና፤ ህንተ ደራዳ ካሻ ግሻዉካ ህንተ ካዉሻና።

30 ቦንጨ ቆቆፊትያ ዋላዳን፡ ዋይ ዱቢ ባይና ሾይቃዳን፡ ህንተ ሀርና።

31 ሞኑ ዳላ ግዳናዎ፤ እ ኦሱካ ጸፋ ግዳናዎ፤ ኤንቴንጌ እትጥ ጸጋጋናዎንጋ፤ ሄ ታማ ቶይሰያዎ ጳያና።

### ይሁዳውን አሰራኤልያው አዲዳ ኪታቱዋ

## 2

(2:1—5:30)

መድና ሳርተሳ  
(ሚክ. 4:1-3)

- 1 ይሁዳ ቢታባን የሩሳላመ ካታማባ አሞጸ ናእይ እሰያሰ በኤዳዌ ሀዋ።
- 2 ወርሰላ ጋላሳቱዋን መድና ጎዳ ጌሻ ጎሊ ኬጸቴዳ ደሪ ደረቱዋ ኡባጥ ጳቂይ ቤታና፤ ዘዘቱዋ ኡባቱዋጥካ ቦላና ጳቂ ጳቂ ጋና። ካወተላቱዋን ደእያ አሳይ ኡባይ እኮ ዛታና።
- 3 ዳር አሳይ ዪደ፣ “ሃይተ! መድና ጎዳ ደርያ፣ ያቆባ መድና ጎዳ ጌሻ ጎልያ እነ ጉደ ከሰይተ። እ ኮይያዋዳን ኑን ባና ማላ፣ እ ኑና ባረ ኤግያ ታማርሳና” ያጋና። እያው ጎጥ፣ ሀጊ ጽዮንጥ፣ ጸሳ ቃላይካ የሩሳላመጥ ከሳና።
- 4 ካወተላቱዋጥካ ካወተላቱዋጥ ግዳዋን እ ፕርዳናን ዳር አሳቱዋ ጋሉምያ ሻካና። ኤንቴንጌ ባረንጌ ማሻ ማራሻ፣ ባረንጌ ቶራካ ባጫ ከሳናው ቆጸና። ካወተላይ ካወተላ ቦላ ማሻ ደን።
- 5 ሃንተኖ፣ ያቆባ ዛረቶ፣ ሃይተ! እነ መድና ጎዳ ፖኤዋን ሀመቶይተ።

መድና ጎዳ ጋላሳ

- 6 ጸሳው፣ ነ አሳ፣ ያቆባ ዛራቱዋ አጋዳ። ኤንቴንጌ አዋይ ደልያ ባጋ ጋድያ አሳቱዋ ቢታን ኩሜድኖ፤ ፕልሰጸማ አሳቱዋዳን ካጸኖ። ኤንቴንጌ አላጋ አሳቱዋ እትጥ ዘጥቲኖ።
- 7 ኤንቴንጌ ጋዲ ብራይነ ዋርቃይ ኩሜዳዋ፤ ኤንቴንጌ ሻሎ ዛዋይ ባዋ። ኤንቴንጌ ጋዲ ፓራይ ኩሜዳዋ፤ ኤንቴንጌ ፓራ ጋረቶ ዛዋይ ባዋ።
- 8 ኤንቴንጌ ጋዲ ኤቃቱዋን ኩሜዳዋ፤ ኤንቴንጌ ባረንጌ ኩሺ ኦፊዳ ኦሶ ሆኪደ ጎይኒኖ።
- 9 ሃዋ ድራው፣ አሳይ ኡባይ ቶሽታናን ካወሻና። ኤንቴንጌ አቶ ጎጋ።
- 10 መድና ጎዳ ዳጋማጥነ እ አንጋ ቦንቹዋጥ አታናው ዛላኮ ቢተ፤ ቢታ ግደን ቆሰትተ!
- 11 አሳ ኦቶሩ ጌያና፤ እ ክላሁካ ሰላና፤ ሄ ጋላሰ መድና ጎዳ ጸላላይ ጳቂ ጳቂ ጋና።
- 12 ኡባጥ ዋልቃማ መድና ጎዳይ እት ጋላሳ ኬሬዳ። ሄ ጋላሰ ኦቶራትያዋንጋ፣ አይያዋንጋን ጳቂ ጳቂ ጌዳዋንጋ ካወሻና።
- 13 አዲሳን ጳቃ ግድያ ሊባኖሳ ዘጋቱዋን ባሳን ዋላ ኡባ ጳይሳና፤
- 14 ጳቃ ደረቱዋካ ዘዘቱዋካ ደምባያና፤
- 15 ካታማ ናግያ አዲሳ ሚጸቱዋ ኡባን ካታማ የሹዋን ደእያ ምኖ ግሞብቱዋ ዘቂሳና፤
- 16 ጸሳይ ግጋን ሎእያ ማርካባቱዋካ ሃላን ሞትሳና።
- 17 አሳ ኦቶሩ ዘቂ ጋና፤ እ አይካ ጳያና። ሄ ጋላሰ መድና ጎዳ ጸላላይ ጳቂ ጳቂ ጋና፤
- 18 ኤቃ ኡባይካ ኡባና ጳያና።
- 19 መድና ጎዳይ ሀ ጋድያ ቃላናው ደንድያ ዋይ፣ እ ዳጋማጥነ እ አንጋ ቦንቹዋጥ አታናው አሳይ ሹቻ ጎንጎሎን ቢታ ኦላው ባቃታና።
- 20 ሄ ጋላሰ አሳይ ጎይናናው መዲዳ ባረንጌ ብራ ሞሰለቱዋን ባረንጌ ዋርቃ ሞሰለቱዋ ኦፊዳን ሀራ ካፎቶ ኦላና።
- 21 መድና ጎዳይ ሀ ጋድያ ቃላናው ደንድያ ዋይ፣ እ ዳጋማጥነ እ አንጋ ቦንቹዋጥ አታናው ኤንቴንጌ ጎንጎሎ ግደን ሹቻ ከፖ ግደ ባቃታና።
- 22 ሰም ሀይቂያ አሳን አማነትያዋ አግተ! አሳይ አይ ማዳኔ?

## 3

የሩሳላመ ጋካና መቱዋ

- 1 በአተ፣ ጎዳይ፣ ኡባጥ ዋልቃማ መድና ጎዳይ ሞንጃን ማዳዋ ለኡዋካ የሩሳላመጥነ ይሁዳጥ ድጋና ሀኒ። ካላ ሞንጃን ሃላ ሞንጃ ኡባ፤
- 2 ሞኖቱዋን ኦላንቻቱዋ፣ ዳናቱዋን ትምቢትያ ኦድያዋንጋ፣ ካይያዋንጋን ጭማቱዋ፣
- 3 ኦላ ጋዳዋቱዋን ጋድያ አይሰያዋንጋ፣ ዘርያዋንጋ፣ ሂላትያዋንጋን ጭንጫ ብታንቻቱዋ ኡባ ድጋና ሀኒ።
- 4 ታን ያላጋ አቱማ ናናቱዋ ኤንቴንጌ ካፕዋ ከሳና፤ ጉላ ናናይ ኤንቴንጋ ሞዳና።

5 አሳይ አሳ ቦላ፣ ሾሩ ሾሩዋ ቦላ ደንዲደ፣ እቱ እቱዋ ሱጋር። ያላጋይ ጭማ ቦላ፣ ካፍቴዳዌ ቦንቼቴዳዋ ቦላ ደንዳና።

6 እት አሳይ ባረ አወዋ ጎልያን ባረ እሻቱዋጥ እቱዋ ኦይቂደ፣ “ነገ ማዩ ደኤ፤ ኔን ኑዉ ሱንሳ ግዳ፤ ሀ ኮለቲዳ ሳኦ እዋተላ እካ” ያጋና።

7 እ ሄ ጋላሰ ባረ ቃላ ጾቂሲደ፣ “ታናን ጳሊ ባዋ፤ ታ ሶን ቁም ዎይ ማዩ ባዋ፤ ህንተ ቦላ ታና ሱንሳጥተ” ያጋና።

8 የሩሳላመ ጋንድጋሬ፤ ይሁዳይ ኩንዳ፤ እያዉ ጎጥ፣ ኤንቱንቱ ባረንቱ ኦዲዋንነ ባረንቱ ኦሱዋን መድና ጎዳ ቦላ ደንዲደ፣ እ ቦንቼዋ ቶቹኖ።

9 ኤንቱንቱ ሶምኤዋ ማላይ ኤንቱንቱ ቦላ ማርካቴ፤ ኤንቱንቱ ባረንቱ ናጋራ ሶደማ አሳዳን እዋዪኖ፤ ባረንቱ ናጋራ ቆሰክኖ። ኤንቱንቶ እየ አና! እያዉ ጎጥ፣ ኤንቱንቱ ባረንቱ ቦላ ኢታባ እሄድኖ።

10 ጸሎቶ፣ “ህንተዉ ሎሎ ግዳናዋ” ጋደ ኦዳ፤ እያዉ ጎጥ፣ ኤንቱንቱ ባረንቱ ኦሱዋ አይፍያ ማና።

11 ኢታቶ እየ አና! ኤንቱንቶ ኢታና፤ እያዉ ጎጥ፣ ኤንቱንቱ ባረንቱ ኩሽያ ኦሱዋ ጋትያ አካና።

12 ያላጋቱ ታ አሳ ኤንኤሴኖ፤ ማጫ አሳቱካ ኤንቱንታ ሞዲኖ። ታ አሳዉ፣ ህንተና ካለልያዋንቱ ህንተና ዎራ ካለሴኖ፤ ህንተ ብያ ኦግያካ ባለሴኖ።

**ጳሳይ ባረ አሳ ፕርዳና**

13 መድና ጎዳይ ዳናዳን፣ ችሎታን ኡቴ፤ አሳ ፕርዳናዉ ደንዳ።

14 አሳ ጭማቱዋን ካለልያዋንታ ፕርዳናዉ ሺሺደ፣ መድና ጎዳይ፣ ኡባጥ ዎልቃማ መድና ጎዳይ ሀዋዳን ያገ፤ “ታ ዎይንያ ቱራ ቶኤዳሳ ባይዜዳዋንቱ ህንተና፤ ህይሳቱዋጥ ቦንቁዳባይ ህንተ ጎልያን ደኤ።

15 ታ እሳ እያዉ ክንቼረሴቴ? ህይሳቱዋ ሶምኤዋ እያዉ ጋጠቱ?” ያገ ጎዳይ፣ ኡባጥ ዎልቃማ መድና ጎዳይ።

**ጳሳይ ጽዮን ማጫ አሳቱዋ ሴሬዳ**

16 መድና ጎዳይ ቃይካ፣ “ጽዮን ማጫ አሳቱ ኦቶረቲድኖ፤ ባረንቱ ዚዝያ ኤሰ እኪደ፣ ባረንቱ አይፍያን ሰምኤቲደ፣ ባረንቱ ሀመሳ ማክሲደ፣ ባረንቱ ገድያ አልቡዋ ገርሲደ ሀመቲኖ።

17 ሄዋ ድራዉ፣ ታን ጎዳይ ጽዮን ማጫ አሳቱዋ ሁጲያ ጭቱዋን ጎለሳና። ታን መድና ጎዳይ ኤንቱንቱ ሁጲያ ቦእያና” ያገ።

18 ሄ ጋላሰ ጎዳይ ጽዮን ማጫ አሳቱዋ አሌቆቱዋ፣ ሄዋንቱን ኤንቱንቱ ገድያ አልቡዋ፣ ሻሽያ፣ ቆድያ አሌቆዋ፣

19 ሀይላ ጉትቻ፣ ኩሽያ ሳጋዩዋ፣ ሶምኤዋ ካምያ ኩታ፣

20 ሁጲያን ዎልያ አሌቆዋ፣ ቀሰያን ቃችያ ሳንሳላታ፣ ጴሳን ዳንጭያ ዳንጨዋ፣ ሸቱዋ ጳራሙሰያ፣ ክታፋ፣

21 ሲድያ ሞግዲዋ፣ ብራድያን

22 ሞንጃ ማዩዋ፣ አዲሳ ማዩዋ፣ ጃኑዋ፣ ቦርሳ፣

23 ሄረጋ፣ ሊኑዋ ግያ ቃጭናጥ ዳደቲዳ፣ ግድና ማይያ ማዩዋ፣ ብናናን ዎልያ አሌቆዋን ሻርቢያ ኡባ ቦንቃ አካና።

24 ሸቱዋ ድራዉ ጽንቁዋ ግዳናዋ፤ ዳንጨዋ ድራዉ ዎደሩዋ፣ ጎፋርያ ድራዉ ቦእ፣ አዲሳ ማዩዋ ድራዉ ዎሩዋ፣ ጥላ ድራዉ ባቂያ ጳላላ ግዳናዋ።

25 ነ አሳቱ ማሻን፣ ነ ኦላንቻቱ ኦላን ሀይቃና።

26 ጽዮን ጥንገቱዋን ደእያ አሳይ ዬካናን ዝላላና፤ መላ አቲዳ፣ ጋድያን ኡታና።

**4**

1 ሄ ጋላሰ ላፑን ማጫ አሳቱ እት እቲማዋ ኦይቂደ፣ “ኑን ኑ ቁም ማና፤ ኑ ማዩዋ ማና፤ ነ ሱንሳን ጴሰታና ማላ ኦላደ ኑ ካዉሻ ኑጥ ቃራርኪ” ያገደ ዎሳና።

**መድና ጎዳይ የሩሳላመ ጌሻና**

2 ሄ ጋላሰ መድና ጎዳ ምላ ታሺ ሎካናን ቦንቼታና፤ እሰራኤልያ አሳጥ እቲዳዋንቶ ሄ ጋድያ ካሳይ ጨቆን ቦንቼዋ ግዳናዋ።

3 ጽዮንን አትያዋንቱ፣ የሩሳላመን ጋምእያዋንቱ፣ የሩሳላመን ፓጻ ደእያዋንቱና ጻፈትያዋንቱ፣ “ኤንቱንቱ ጌሻቱዋ” ጌተታና።

4 ጎዳይ ጽዮን ማጫ አሳቱዋ ቅታ ማጫና፤ ፕርዳ እያናንን ጹግያ እያናን ሱላ ጉሰያ ባይዙዋ የሩሳላመጥ እ ጌሻና።

5 መድና ጎዳይ ጽዮን ደርያ ኡባ ቦላን ያን ሸቅያዋንቱ ቦላ ጋላሰ ሻርያን ጨዋ፥ ቃማ ኤጾያ ታማ ፖኡዋ መጻፍ፤ ቦንቹ ኡባ ቦላ ካምያዋ ግዳናዋ።  
 6 እ ጋላሳ አዋ ሱሉዋጥ አሸያ ኩዋን ጎትያጥን እራጥ ባቃት አትያሳ ግዳናዋ።

# 5

ዎይንያ ቱራ ቶክያ ሳኣ ለምሱዋ

1 ታን ታ ሲቅያዎ እ ዎይንያ ቱራ ቶክያ ሳኣዋ ሲቁዋ የላ የጻና።

ታን ሲቅያዎ

ቱኤቴዳ ዘዘያን ዎይንያ ቱራ ቶክያ ሳኣይ ደኤ።

2 ቢታ ቦኪደ፥

ሹቻ ቆር ከሲደ፥

ኡባጥ ሎእያ ዎይንያ ቱራ ቶኪዳ።

ናግያ ሻኩዋ አ ግደን ሻኬዳ፤

ዎይንያ ኤሳ ጉምኢያሳ ዎጪደ ገግሴዳ።

ሄዋጥ ጉይያን፥ ሎኦ አይፍያ አይፌ፥

ያጊደ ናጌዳ፤

ሸን ጫልያ አይፍያ አይፌዳ።

3 ያትና፥ ታ ሲቁ ሀዋዳን ያጌዳ፤

“ሀንተኖ፥ የሩሳላመን ደእያዋንቶ፥

ሀንተኖ፥ ይሁዳ አሳቶ፥

ታጥን ታ ዎይንያ ቱራ ቶክያ ሳኣጥ ግዲዋን፥

ደእያ የወዋ አነ ሀእ ፕርድተ።

4 ታን ታ ዎይንያ ቱራ ሳኣዉ ኦሴዳዋጥ

ሀራ አያ ኦላናዌ አቴዳ?

ሎኦ አይፍያ አይፌ ያገደ ናግሸን፥

አያዉ ጫልያ አይፍያ አይፌዳ?

5 ሀእ ታን ታ ዎይንያ ቱራ ሳኣ፥

ኦሴዋ ሀንተንቶ ኦዳይ።

ታን ድርሳ ሾዳና፤

ሄ ቱራይካ ጳያናዳን ኦላና።

ታን ግምቢያ ኮላና፤

ሄ ሳኣይካ የ□ታና።

6 ታን ሄ ሳኣ ባዬዳ ቢታ ኦላና።

ሄ ቱራይ ጸንቀተናን ቡልኤተና፤

ያትና፥ ክንድቹን አጉንሳይ ያን ሞካና።

እራይ እን ቡከናዳን፥ ታን ሻረቱዋ አዛዛና” ያጌዳ።

7 ኡባጥ ዎልቃማ መድና ጎዳይ፥

ዎይንያ ቱራ ሳኣይ እስራኤልያ አሳ።

ይሁዳ አሳይ እ ናሸትያ ዳርኩዋ።

ኡንቱንቱ ሱሪ ፕርዳና ጊደ ናጌዳ፤

ሸን ሱላ ጉሴድኖ።

ጽሎተላ ኦሴኖ ጊደ ናጌዳ፤

ሸን ዋሶ ግዴዳ።

8 ሳኣይ ጳይና፥ ሀንተ ጸላላይ ጋድያ ቦላ ደእና ጋካናዉ፥ ጎልያ ጎልያ ቦላ ጉጅያዋንቶ፥ ጋድያ ጋድያና ጋሳያዋንቶ፥ ሀንተንቶ እየ እና!

9 ኡባጥ ዎልቃማ መድና ጎዳይ ታና ሀዋዳን ያጌዳ፤ “ሄ ዎልቃማ ጎለቱ ኦናና፤ ሄ ሎኦ ጎለቱዋን ደእናዉ አሳይ ጳያና።

10 ታሙ ዋላ ቦራቱዋን ቶኪዳ ዎይንያ አይፍያጥ እት ኦቶ ግድያ ጉምኤቴዳ ዎይንያ ኤሳ ጸላላይ ከሳና፤ ታሙ ቁንኦ ካላ ዘርና፥ እት ቁንኦ ካላ ጸላላ አይፋና” ያጌዳ።



- 11 ማሳይያ ኡሻ ከያናው ዋንታ ጉራና ደንድያዋንቶን ዋይንያ ኤሳን ጸገታና ጋካናው። ሳኦ ቃምሰያዋንቶ እየ አና!
- 12 ኢንቱንቱ ሹባያን ማሰንቁ፣ ዲላይ፣ ዳርቢ፣ ሀጽጺ፣ ዋይንያ ኤሳይ ደኤ፤ ሸን ኢንቱንቱ መድና ጎዳ ኦሱዋ ጋት ገክኖ፤ አ ባረ ኩሽያን ኦሌዳዋ ቦንቶክኖ።
- 13 ያትና፣ ታ አሳይ አኪካ ጳዌዳ ድራው፣ ኦሞደቲደ ባና፤ ኢንቱንቱ ጋድያ አይሰያዋንቱካ ኮሻን ሀይቃና፤ ኢንቱንቱ እኮ አሳይካ ኮፕሳ መላና።
- 14 ዱፋ ባረ ጎምፓ አሴ፤ ባረ ዶናካ ዛዋይ ባይናዋ ሀንጌ፤ የሩሳላመን ደእያ ዋልቃማ አሳን የንኮ ዳር አሳ፣ ዋጭያዋንታን ናሽቶያዋንታ ምታና።
- 15 አሳይ ኡባይ ቶሽታናን ካወሻና፤ ኦቶረትያዋንቱ ኡባይካ ካወሻና።
- 16 ሸን ኡባፕ ዋልቃማ መድና ጎዳይ፣ ሱረ ፕርዳን ቶቁ ቶቁ ጋና፤ ጌሻ ጸሳይ ጌሻ ግድያዋ ባረ ጽሎተሳን በሳና።
- 17 ሄ ዋደ ዶርሳቱ ባረንቱ ቆሩዋን ሄመትያዋዳን ሄመታና፤ ዶርሳ ማራቱ ኮለቱዳ ዳረቱዋ ጎልያ ሳኦ ማና።
- 18 ጭሙዋ ዋደሩዋን ናጋራ፣ ጋርያ ዋደሩዋን ኢታተላ ጎቶያዋንቶ እየ አና!
- 19 “አነ ጸሳይ ኤሌሎ! ኦን በአና ማሳ፣ ባረ ኦሱዋ ኤሌልሱ! ጋዞ! ኤ፣ ኦን ኤራና ማላ፣ አሰራኤልያ ጌሻይ ቆፔዳ ቆፋይ ፖለቶ” ያግያዋንቶ እየ አና!
- 20 አታ ሎኦ ሎኦዋ ኢታ ያግያዋንቶ፣ ቆማ ፖኦ ፖኦዋ ቆማ ኦሰያዋንቶን ጫምያዋ ማልእያዋ ማልእያዋ ጫምያዋ ኦሰያዋንቶ እየ አና!
- 21 ባረና፣ “ታን አጭዳ ኤራንቻ! ታን ጭንጫ ግድክታ!” ያግ ቆፕያዋንቶ እየ አና!
- 22 ዋይንያ ኤሳ ኡሽያዋን ኤረቱዳዋንቶን ማሳይያ ኡሻ ዋላካናው ጎብያዋንቶ እየ አና!
- 23 ማታይያ አኪደ፣ ባይዜዳዋንታ ጽልሰያዋንቶን ጽሎ አሳቶ ሱረ ፕርድ ዶግያዋንቶ እየ አና!
- 24 ታማ ላጩ ዳላ ኦይቄያዋዳንን መላ ማታይ ኤጽ ጳይያዋዳን፣ ሄዋዳን ኢንቱንቱ ጸጸ ዋቃና፤ ኢንቱንቱ ጨሻይካ ባናዳን ላለት ጳያና፤ እያው ጎፕ፣ ኢንቱንቱ ኡባፕ ዋልቃማ መድና ጎዳ ሀግያ አጸራኖ፤ አሰራኤልያ ጌሻ ቃሳካ ካጭድና።
- 25 ሄዋ ድራው፣ መድና ጎዳ ሀንቁ እ አሳ ቦላ ኤጽ ከሴ፤ አ ባረ ኩሽያ ኢንቱንቱ ቦላ ደንገሊደ፣ ኢንቱንታ ሹጨዳ። ደረቱ ቃጸና፤ ሀይቄዳ አሳ አሃይ ኦግያን ቡራ ማላ ግዴ፤ ያንናካ አ ሀንቁ ሰመና፤ አ ኩሽ ሀአካ ደንዳዳንን ደኤ።
- 26 ጸሳይ ሃኩዋን ደእያ ካወተላቶ ማላታ ቶቃን ኤሴ፤ ሳኦ ጋጸን ደእያ ሞርከቱካ ሱይቄ። ኢንቱንቱካ ኤላካ ጃሚደ፣ ፑቱ ገና።
- 27 ኢንቱንቱ ግደን ዳቡርያባይን ዋቢያባይ ባዋ፤ ኢንቱንቱፕ እቲን ገምእሸና ዋይ ጎሰና። ጸሳን ዳንጭያ ሳቄካ ብለተና፤ ኢንቱንቱ ጫማ ዳፋካ ዱጸና።
- 28 ኢንቱንቱ ቶራይ ሳታና ደኤ፤ ኢንቱንቱ ዋንዳፊካ ዋጸቱዳ። ኢንቱንቱ ፓራቱዋ ጸገንሳይ ዛላ ሹቻ ማላ፤ ኢንቱንቱ ፓራ ጋረቱዋ ይንግረላይ ጎትያ ማላ።
- 29 ኢንቱንቱ ጉዳካ ጋዋ ማላ፤ ዋዳላ ጋዋቱዋዳን ጉዳና፤ ኢንቱንቱ ዳሪደ፣ ባረው ሞያዋ ኦይቄና፤ ቶክ አኪደ ቢና፤ ኢንቱንቱፕ ዋላ አካናዋ ኦንን ባዋ።
- 30 ሄ ጋላሰ ኢንቱንቱ ዋልቃማ አባ ጉንላዳን፣ አሰራኤልያ ቦላ ጉማና፤ እት አሳይ ሄ ጋድያ ጸሎፕ፣ ቆማን ዋይያ በአና፤ ፖኡካ ሻርያን ሞተታና።

**ኢሰያሳ ኦሱዋን ቤቴዳ የዋቱዋ**

**6**

(6:1—9:7)

ኢሰያሳ ጸሳ

- 1 ካቲ ኦዘያን ሀይቄዳ ላይላ ጎዳይ ቦላንን ቶቃ አራታን ኡቴዳዋ በኣድ፤ አ ማየ ጌሻ ጎልያ ኩሚዳ።
- 2 ሱራፊላ ጌተትያ ኪታንቻቱ አፕ ቦላና ደእና፤ እት እት ሱራፊልያው ኡሱፑን ቀፊቱ ደእና፤ ላኡ ቀፊቱዋን ባረ ሰምኡዋ ካሚ፤ ላኡ ቀፊቱዋን ባረ ገድያ ካሚ፤ ላኡ ቀፊቱዋን ፓሌ።
- 3 እቱ እቱዋና፣ “ጌሻይ፣ ጌሻይ፣ ጌሻይ ኡባፕ ዋልቃማ መድና ጎዳ! ሳኦ ኡባይ አ ቦንቹዋን ኩሚዳ” ያጊደ ዴሰቴድና።
- 4 ኢንቱንቱ ጸሳ ኮሻን ጌሻ ጎልያ ባሱ ቃጸዳ፤ ቃይ ጌሻ ጎሊ ጨዋን ኩሚዳ።
- 5 ያትና፣ ታን፣ “ታው እየ አና! ታን ባያድ፤ እያው ጎፕ፣ ታን ዶናይ ቲኔዳ አሳ፤ ቃይ ዶናይ ቲኔዳ አሳቱዋ ግደን ደእይ፤ ታን ካትያ፣ ኡባፕ ዋልቃማ መድና ጎዳ ታ አይፍያን በኣድ” ያጋድ።
- 6 ሱራፊላቱዋፕ እቱ ያርሸያ ሳኦታ ቃጸዳ ታማ ቦንቁዋ አኪደ ፓሊደ፣ ታኮ ዬዳ።

7 ታማ ቦንቁዋን ታ ዶና ቦቹደ፤ “በእ፤ ሀ ታማ ቦንቁ ነ ዶና ቦቹዳ፤ ነ ባይዙ ኔፕ ክቼዳ፤ ነ ናጋራይካ አቶ ጌተቲዳ” ያጌዳ።

8 ሄዋፕ ጉይያን ጎዳይ፤ “አና ኪቶ? ኑዉ እኔ ባናዌ?” ያግሸን ሰሳድ። ሄዌካ፤ “ሄኮ፤ ታና ኪታ” ያጋድ።

9 ጎዳይ ሀዋዳን ያጌዳ፤ “ባ፤ ሀ አሳዉ፤ ‘ህንተ ሰሳ ሰሲታ፤ ሸን ህንተንቶ ገለና፤ ጹሉዋካ ጹሊታ፤ ሸን በእክታ’ ያጋይ ኦዳ።

10 ሀ አሳ ዋዛና ደንጭልሳ፤ ኡንቱንቱ ሀይላካ ቱልሳ፤ ኡንቱንቱ አይፍያካ ቆቅሳ፤ ሄዌ ጳዮፕ፤ ኡንቱንቱ ባረንቱ አይፍያን በእና፤ ባረንቱ ሀይላን ሰሳና፤ ባረንቱ ዋዛናንካ እኩካና፤ ያፒደ ኡንቱንቱ ታኮ ሰማናን ፓጻና” ያጌዳ።

11 ያትና፤ ታን፤ “አቢት ጎዳዉ! ሀዌ አይደ ጋካናሴ?” ያጋድ።  
አ ዛረሊድ፤ “ካታማቱ ደእያ አሳ ጳዪደ፤ ኮለታና ጋካናሳ፤ ጎለቱካ ኦናና ጋካናዉን ቢታይካ ኡባና ሙላ ግዳና ጋካናሳ።

12 ታን ሙድና ጎዳይ አሳ ሃሳና፤ ቢታካ ሙላ ከሳና።  
13 ታሙ አሳፕ እት አሳይ ጋደያ ቦላ አቶፕ፤ እካ ጳያና፤ ቃንጽ ድግና አቲዳ ዋላ ዱሩማ ማላ ግዳናዋ፤ ሄ ዱሩማይ ጌሻ ዘረሳ ግዳናዋ” ያጌዳ።

# 7

## ካትያ አካዛዉ ዬዳ ኪታ

1 እዝያና ናአይ እዮኣታዎ የሌዳ አካዝ ይሁዳ ጋድያን ካተቲዳ ዋደ፤ ሶርያ ጋድያ ካተ ራጺንን አሰራኤልያ ጋድያ ካተ ራማልያ ናአይ ፓቁህ የሩሳላሙ ኦላናዉ ዬድኖ፤ ሸን ጸናናዉ ዳንዳይበይክና።

2 ሶርያ ጋዲ ኤፍሬማ ቢታና እትፕ ላላዉ ጫቀቲዳዋ ዳዊታ ዛርያፕ ካተቲዳ ካተ ሰሴዳ ዋደ፤ ደርያን ጫርኩ ቃልያ ሞላዳን፤ አካዛ ዋዛናይን እ አሳ ዋዛናይ ዳጋማን ሻቢረቲዳ።

3 ያትና፤ ሙድና ጎዳይ ኢሰያሳ፤ “ኔን ነ ናአ ሻኦር-ያሹባ\* አካደ፤ አካዛና ጋከታናዉ ባ፤ ማዩዋ ማጭያዋንቱ ጎሻኮ አፍያ ኦግያ ማታን ቆሞና ደእያ ሸቁዳ ሃሳ ጹራን ኔን እ ደማና።

4 አዉ ሀዋዳን ያጋይ ኦዳ፤ ‘ናጋ፤ ሀርጎ፤ ሶርያ አሳ፤ ካትያ ራጺናን ራማልያ ናአ ህንቆ ያዮፓ፤ ነ ዋዛናይካ ሻባቶፖ፤ እያዉ ጎፕ፤ ላኡ ካተቲ ታማፕ አሊደ ጩዋትያ ላኡ ሞላ ዱሩማ ማላ።

5 “ ሶርያ ጋድያ አሳይ ኤፍሬማ አሳናን ራማልያ ናአና ነ ቦላ ኢታባ ማቀቲደ፤

6 “እን ይሁዳ ጋድያን ዋራጂደ፤ ሙን፤ ራልድን ኑ ግደን ሻኪደ፤ ጸብኤላ ናአ ካዉሌቶ” ያጌኖ” ያጋ።

7 ግደፕ፤ ኡባ ሞድያ ሙድና ጎዳይ ሀዋዳን ያጌ፤ “ሄ ኡንቱንቱ ማቁ ሞንና፤ ሙለካ ሄዌ ፖለተናዋ።

8 እያዉ ጎፕ፤ ዳማሰቁ ሶርያ ቢታዉ ሁጲያ፤ ካተ ራጺንካ ዳማሰቆ ካታማዉ ሁጲያ። ኡሱፕን ታማን እቼሹ ላይላ ግደን ኤፍሬማ ጋዲ ቡንቼቲደ፤ ካዉተላ ግደናን አታና።

9 ቃይ ሳማሪ ኤፍሬማ ቢታዉ ሁጲያ፤ ራማልያ ናአይ ሳማርያ ካታማዉ ሁጲያ፤ ህንተ አማኑዋን ሞኒደ ኤቀናን ጳዮፕ፤ ህንተካ ኤቁክታ” ያጌ።

## እማኑኤል ያናዋ በሰያ ማላታ

10 ቃይካ ሙድና ጎዳይ አካዛዉ፤

11 “ሙድና ጎዳይ ነ ጸሳይ ነዉ ቦላ ሳሉዋፕ፤ ዋይ ጋርሳ ሳአ ጨሙዋፕ እት ማላታ እማና ማላ ኦቻ” ያጌዳ።

12 ሸን አካዝ፤ “ኦኦክ፤ ሙድና ጎዳካ ፓጭከ” ያጌዳ።

13 ያትና፤ አሰያሰ፤ “ህንተኖ፤ ዳዊታ ዛረቶ፤ ሰሰተ! ህንተ አሳ ዳቡርሰያዌ አይ ጉጽና፤ ቃይ ታ ጸሳ ዳቡርሰቲ?”

14 ያቶፕ፤ ጎዳይ ባረ ሁጲያን ህንተንቶ ማላታ እማና፤ ወዶራታ ሻሃራደ አቲማ ናአ የላና፤ እ ሱንሳካ እማኑኤላ † ያጋይ ሱንሳና።

15 እ ኢታ እጻናዉን ሎኤዋ ደራናዉ ኤርያ ዋደ፤ ሙኤዳ ማሳን ኤሳ ኡታና።

16 ሸን ናአይ ኢታ እጻናዉን ሎኤዋ ደራናዉ ኤራናፕ ካሰቲደ፤ ኔን ሎይል ያዬዳ ላኡ ካተቲ ቢታቲ ኮለት ሙላ ግዳና።

17 “ኤፍሬማ ጋዲ ይሁዳ ጋድያፕ ሻከቶደፕ ደሞና ህንቤና ሙቶ ዋድያ ሙድና ጎዳይ ነ ቦላ፤ ነ አሳ ቦላን ነ አዉዋ ጎልያ ቦላ አሀና፤ ሄ ያናዌካ አሰረ ጋድያ ካትያ” ያጌዳ።

6:9 ማቶሳ 13:14-15፤ ማር. 4:12፤ ሉቃሳ 8:10፤ ዮሃ. 12:40፤ ኪታ 28:26-27 7:1 2 ካታ. 16:5፤ 2 ኦዳዋ 28:5-6 \* 7:3 ሻኦር-ያሹባ፡- ሀ ሱንሳ ብለላይ እብራዌላዋን፤ “እማራዳዋንቲ ሰማና” (10:20-22 በአተ) ግያዋ፡ ፊ 7:14 እማኑኤላ፡- ሀ ሱንሳ ብለላይ እብራዌላዋን፤ “ጸሳይ ኦናና ደኤ” ግያዋ፡ 7:14 ማቶሳ 1:23

18 ሄ ጋላሳይ ጋክያ ዋይ፣ መጅና ጎዳይ ኡዲንጸቶ፣ ግብጾን ሃኮ ሻፋን ደእያ አሳቶ ማላታና፤ እ ማላቱዋ፣ አሰረ ጋድያ አሳቱዋ ጸሳና።

19 ያትና፣ ኡንቱንቱ ኡባይካ ዪደ፣ ዛንጋራ ሾባን፣ ሹቻ ጎንጎሎዋን፣ አጉንላይ ደእያ ቡራንን ሃላ ኦላን ኡታና።

20 ሄ ጋላሰ ጎዳይ ኤፍራጺሳ ሻፋጥ ሄፍንላ ባገጥ ሁጺያ ቃንጽያ አሳ ጸሳና፤ እካ አሰረ ጋድያ ካትያ፤ እ ዪደ፣ ሀንተ ሁጺያ ብናና፣ ሀንተ አሳተላ ብናና፤ ሀንተ ቡቻ ሜዳና።

21 ሄ ጋላሰ እት አሳይ መጽ እት ማላ ሚዛነ ላኡ ዴሻቱዋ ጸላላ አሻና።

22 ግደጥካ፣ ኡንቱንቱ ማጽያ ማላይ ሎይሳ ዳር ግድያ ድራው፣ እ መኤዳ ማላ ኡታና፤ ሄ ጋድያን አቱዳ አሳይ ኡባይካ መኤዳ ማላነ ኤሳ ኡታና።

23 ሄ ጋላሰ እት ሻኦ ብራን ዋሽትያ ሻኦ ዋይንያ እናቱ ደእያ ሳን ኡባን ክንድቹን አጉንላ ጸላላይ ሞካና።

24 ቢታ ኡባን ክንድቹን አጉንላይ ኩሜዳ ድራው፣ አሳይ ያ ብያ ዋይ፣ ቶራን ዋንዳፍያ ኦይቂደ ባና።

25 ካሰ ጎማን ቡልኤዳ ዘዙዋን ሀእ ክንድቹን አጉንላይ ኩሜዳ ድራው ያዪደ፣ እት አሳይን ያ ቤና። መሄ የደትያሳነ ደርሳይ ሄመትያሳ ግዳናዋ።

### 8

#### አሰረ ካትያ ዓሳ

1 መጅና ጎዳይ ታና ሀዋዳን ያጌዳ፤ “ዋልቃማ ጸላ ዋራቃታ አካደ፣ ‘ኦሞዶ ኤሌላ! ቦንቂያዉ ኤሌላ!’ ያጋይ፣ ናባበትያ ፕደልያን ጸፋ።

2 ቁሰን ኦርዮናን ይባራክያ ናኣ ዛካራሳ አማንሰያ ማርካቱዋ ኦላይ ታን ሱንሳና” ያጌዳ።

3 ሄዋጥ ጉይያን፣ ታን ትምቢትያ ኦድያ ታ ማቻትና ግሳድ፤ ያትና፣ እ ሻሃራደ እት ናኣ የላዴ፤ መጅና ጎዳይ ታና ሀዋዳን ያጌዳ፤ “ኣ ሱንሳ፣ ‘ማሀር-ሻላል-ሀሽ-ባዝ’ ያጋይ ሱንሳ።

4 ናኣይ፣ ታ አዎ፣ ታ አቱ፣ ያጌደ ጸሰያዋ ኤራናጥ ካሰ፣ አሰረ ጋድያ ካቲ ዳማሰቆ ዲረተላነ ሳማርያ ኦሞዲዋ አኪደ አፋና” ያጌዳ።

5 መጅና ጎዳይ ቃይካ ታዉ ሀዋዳን ያጌደ ሃሳዬዳ፤

6 “ሀ አሳይ ሎዳን ጎግያ ሳልሆማ ሃላቱዋ እጺደ፣ ራጺናን ራማልያ ናኣ ናሽቲደ አኬድና።

7 ሄዋ ድራው፣ ታን ጎዳይ ሞናን ዳር ግድያ ኤፍራጺሳ ሃላ፣ አሰረ ካትያ እ ቶራንቻቱዋ ኡባና አሀና ሀናይ። እ ሻፍያ ኡባ ኩሚደ ከሳና፤ ጋጸ ኡባ ማዪደ ጎጋና።

8 ክጺደ ጎጊደ፣ ይሁዳ ገላና፤ ኤሊደ ያና አፋና፤ ኩንሉ ቆጅያ ጋካና። አቤት አማኑኤላ፣ ካፋ ባረ ቀፍያ ሞጭያዋና፣ ሃላ ኩንሉ ነ ጋድያ ኡባ ቦላን ሞጨታና” ያጌዳ።

9 ሀንተና ካዉተላቶ፣ እትጥ ሸቅተ! ሽን ሀንተ መኤረታና! ሃኮ ቢታ ኡባን ደእያ አሳቶ፣ ሰሰተ! ኦላዉ ግተተ! ሽን ሀንተ መኤረታና! ኤ፣ ኦላዉ ግተተ፤ ሽን ሀንተ መኤረታና!

10 ኦላ አለታናዉ ማቀትተ፤ ሽን ሀንተ ማቁ ላለታና፤ ሀንተ ሀልቹዋ ሃሳይተ፤ ሽን ሀንተ ሀልቹዋ ሀላና፤ እያዉ ጎጥ፣ ጸሳይ ኑናና ደኤ። \*

#### ጸሳን አማንቱሳ

11 መጅና ጎዳይ ባረ ሞኖ ኩሽያ ታ ቦላ ዋሊደ፣ ታዉ ሃሳዬዳ፤ ታን ሀ አሳ ኦግያ ካለና ማላ፣ ታና ሀዋዳን ያጌደ ሴራዳ፤

12 “ሀ አሳይ ማካላ ማቆ ግያዋ ኡባ ማካላ ማቆ ጎጥተ፤ ኡንቱንቱ ያይያባዉ ያኖጥተ ዋይ ዳጋሞጥተ።

13 ሀንተ ጌሻ ጋናዉ በሰያዌ ኡባጥ ዋልቃማ መጅና ጎዳ፤ ሀንተ አዉ ያያናዉነ ዳጋማናዉ በሰ።

14 እ ጌሻ ሳ ግዳናዋ፤ ሽን ይሁዳ ጋድያ አሳዉነ አሰራኤልያ ጋድያ አሳዉ እ ቆቢያ ሹቻን ኩንድሰያ ዛላ ግዳናዋ፤ የራሳላመን ደእያ አሳዉ እ ግትያን ጸረ ግዳናዋ።

15 ኡንቱንቱጥ ዳሩ ቆቢታና፤ ኩንዲደካ መእና፤ ጸርያን ኦይቀቲደካ ኦሞደታና” ያጌዳ።

16 ታን ኦዴዳዋ ናጋ፤ ታ ኤርሰያ ቆማቱ ግደን ሀግያ አታማ።

17 ታን ባረ ሰሞኤዋ ያቆባ ዛራቱዋጥ ገንሰያ መጅና ጎዳ ናጋና፤ ቃይ እን አማንታና።

18 ታናን ታዉ መጅና ጎዳይ እሜዳ ናናቱዋ በእተ። ኑን ጸኖን ደርያን ደእያ ኡባጥ ዋልቃማ መጅና ጎዳጥ አሰራኤልያዉ ማላታን ማርካ።

19 “ሳሱኪደነ ዙዙሚደ ሃሳይያ ሻራቾቱዋን ሞይትልያ ሃሳይሰያዋንታ ኦቶተ” ያጌደ ሀንተና ዘርያ አሳይ ደኤ። ሀይቁዳዋንታ ገጸ ደእያዋንቱባ ኦቶያዋጥ፣ አሳይ ባረንቱ ጸሳ ኦቶናዉ በሰኔ?

20 ሀግያን ጸሳይ ኦድያዋ ሰሰተ! ሄ አሳቱ ሀ ቃላዳን ሃሳናና ጳኖጥ፣ ኡንቱንቶ ሳይይ ዋንተና።

\* 8:10 ጸሳይ ኑናና ደኤ- ሀዌ አብራጭ ቃላን “አማኑኤላ” ግያዋ። 8:12 1 ጸጸ. 3:14-15 8:14 1 ጸጸ. 2:8 8:17 አብራ. 2:13 8:18 አብራ. 2:13

21 እሳይ ዋየቲድነ ኮሻቲደ፣ ጋድያን ቶይላካታና፤ ኤንቲንቲ ኮሻቲዳ ዋደ ይሎቲደ፣ ፑደ ጴሊደ ባረንቲ ካትያነ ባረንቲ ጸሳ ሸቃና።

22 ሳኦኮ ደገ ጴሊደ፣ ዋይያ፣ ጴማነ ያሽያ ሾኑዋ በእና፤ ኤንቲንቲ ባራ ጴማዉ ኦለታና።

### 9

#### ስንፋጥ ካተታና ካትያ

1 ግድገና፣ ዋየቲዳዋንቶ ሀዋጥ ስንፋዉ ጴመና። በን ዋደ ጸሳይ ዛብሎና ቢታነ ንፍታሌማ ጋድያ ካዉሼዳ፤ ሸን ሰንፋጥ ሄ ሜድተራነ እባ ኦግያን ደእያ ቢታነ ዮርዳኖሳ ሻፋጥ ሄፍንፋ ባጋን ደእያ “እይሁዳ ግደና እሳይ ደእያ ጋለላ” ግያ ጋድያ እ ቦንቻና።

2 ጴማን ሀመትያ እሳይ ዋልቃማ ፖኤዋ በኤዳ፤ ቃይ ባራ ጴማ ጋድያን ደእያዋንቶ ፖኤ ፖኤዳ።

3 ኔን ካዉተላ እሳ ዳርሳዳ፤ ኤንቲንቶ ናሸቻ ጉጃዳ፤ እሳይ ካላ ጫክያ ዋደ ናሸትያዋዳን፣ ዋይ ኦሞዳዋ ግሺደ እክያ ዋደ ናሸትያዋዳን፣ ነ ስንፋን ናሸታና።

4 እያዉ ጎጥ፣ ኔን ምድያማ ጋድያ ጸኔዳ ጋሳሳዳን፣ ኤንቲንታ ዳዳያ ሞርገ ምላ፣ ኤንቲንቲ ሀሸያ ሞርገ ምላነ ኤንቲንታ ናቂያዋንቲ ጸምእ መንግራላዳ።

5 ዋራጅያ ኦላንቻቲዋ ጫማይነ ሱላን ሙናቀቲዳ ማዮ ኡባይ ታማን ኤልያባ ግዳናዋ።

6 ናእይ ኑዉ የለቲዳ፤ አቲማ ናእ ኑዉ እመቲዳ፤ ካዉተላይ እ ሀሸያን ዋጻና፤ እ ሱንፋይ፣ “ማለልስያ ዘርያዋ፣ ዋልቃማ ጸሳ፣ መጅና አዉዋ፣ ሳርተላ ካፑዋ” ጌተታና።

7 እ ካዉተላ ዳሩዋዉነ እ ሳርተላዉ ዘዋይ ባዋ፤ ሀቕገ ደሚደ፣ መጅና ጋካናዉ፣ ሱረ ፕርዳንነ ጽሎተላን ምንሳናዉነ ኤሳናዉ ዳዊታ ካተቲዋ አራታንነ እ ካዉተላን እ ካተታና፤ ኡባጥ ዋልቃማ መጅና ጎዳ ምሹ ሄዋ ፖላና።

### ይሁዳዉነ እስራኤልያዉ ጉጃ ኪታቲዋ

(9:8—12:6)

#### ጎዳ ሀንቁዋ

8 ጎዳይ ያቆባ ዛራቲዋ ቦላ ፕርዳ ቃላ ኪቲዳ፤ እስራኤልያ ቦላ ኮንዴዳ።

9 እሳይ ኡባይ፣ ኤፍሬማ እሳይነ ሳማርያ ካታማን ደእያዋንቲ፣ እዩዋንነ ኦቶሩዋን ሃሳይያዋንቲ፣ ሀዋ ኦልዳዊ ጎዳ ግድያዋ ኤራና።

10 ኤንቲንቲ፣ “ጸብያጥ ኪጸቲዳዋንቲ ኮለቲድና፤ ሸን ኑን ኤንቲንታ ዛረሊደ፣ ማሰቲዳ ሹቻቲዋን ኬጸና፤ ኤላቲ ቃንጸቲድና፤ ሸን ኑን ኤንቲንቲ ሳኦኮ ዘጋቲዋ ላማና” ያጌድና።

11 ሄዋ ድራዉ፣ መጅና ጎዳይ፣ ራኦሶና ሞርከቲዋ ምንሳና፣ ኤንቲንቲና ኦለቲዳ ሞርከቲዋ ኤንቲንቲ ቦላ ደንግላዳ።

12 አዋይ ደልያ ባጋጥ ሶርያ ጋድያ አሳቲነ አዋይ ዉልያ ባጋጥ ፕልስጾማ ጋድያ አሳቲ ባረንቲ ደና ሀንጊደ፣ እስራኤልያ ሜድና፣ ሄ ኡባንካ ጸሳ ሀንቁ ሰምቤና፤ እ ኩሺካ ብር ደንዴዳሳን ደኤ።

13 ግድገና፣ አሳቲ ባረና ሾጩዳዋኮ ሰምቤክና፤ ኡባጥ ዋልቃማ መጅና ጎዳካ ኮይበይክና።

14 ሄዋ ድራዉ፣ መጽ እት ጋላሰ መጅና ጎዳይ እስራኤልያጥ ሁጲያን ጎይና፣ ጶቃ ዘምባ ዳሻነ ዝቃ ማቃ ቃንጸና።

15 ጭማቲነ ቦንቹቲዳዋንቲ ሁጲያ፤ ዋርዳዋ ታማርሰያ ትምቢትያ ኦድያዋንቲ ጎይና።

16 ሀ አሳ ካለላያዋንቲ፣ ዋራ ካለሊና፤ ኤንቲንታ ካልያዋንቲካ ባለና።

17 ሄዋ ድራዉ፣ ጎዳይ ኤንቲንቲ ያላጋ አሳቲዋን ናሸተና፤ አዉ ባይና ናናቲነ እምኤቶ ቃረተና። አያዉ ጎጥ፣ አሳይ ኡባይ ኢታነ ጸሳ ኤረናዋ፤ እሳይ ኡባይ ባረ ደናን ኢታባ ሃሳየ። ሄ ኡባንካ ጎዳ ሀንቁ ሰምቤና፤ እ ኩሺካ ብር ደንዴዳሳን ደኤ።

18 ኢታተላይ ታማዳን ጸጌ፤ ክንድቹዋን አጉንፋ ም ጻይሴ፤ ሰኬዳ ዋራይ ኤጽና፣ ጩዋይ ቲሳዳን ስት ጊደ፣ ፑደ ከሴ።

19 ኡባጥ ዋልቃማ መጅና ጎዳ ሀንቁዋን ጋዲ ጸገታናዋ፤ አሳይካ ታማን ኤልያባ ማላ ግዳናዋ፤ ኦንነ ባረ እሻ አሻናዉ ቆጥና።

20 ኤንቲንቲ ኡሸቻ ባጋጥ ቦንቃና፤ ሸን ኮሻታና፤ ሀድርሳ ባጋጥ ማና፤ ሸን ካልክና፤ ኤንቲንቲ ባረንቲ የሌዳ ናናቲዋ ማና።

21 ምናሰ ኤፍሬማ፣ ኤፍሬምካ ምናሰ ማና፤ ኤንቲንቲ እትጥ ግዲደ፣ ይሁዳ ቢታ ሞርካና። ሄ ኡባንካ ጸሳ ሀንቁ ሰምቤና፤ እ ኩሺካ ብር ደንዴዳሳን ደኤ።

# 10

1 እ.ኤ.አ. ህግያ ከሰያዋንቶን ኡቁንያ ጸፍያ ጸፍያዎንቶ አየ አና!

2 ሄዋን ኡንቱንቱ ማንቆቱዋ ፕሮዳ ጌላዪድ፤ ህዬሳቱዋ ማጎካ ሰብሮ። ያቲደ አምኤቱዋ አቁዋን አጎ አወ ባይና ናናቱዋካ ቦንቁ።

3 ሃኮ ጋድያፕ ይያ ሙቱዋን እ ህንተና ሙራያ ዎደ፣ ዋኒቲ? ማዲዋ ደማናወ እኮ ባቃቲቲ? ህንተ ዱረተላ ሀቃን ቆሲቲ?

4 ህንተ ኦላን ሀይቃ፤ ቃቺደ ጎቻና፣ ህንተ ባና። ሄዌ ኡባይ ሀንናካ፣ ጸሳ ሀንቁ ወርቤና፤ ሙራናወ እ ባረ ኩሽያ የድ ዎሌዳ።

### አሶረ ካቲ ፕሮደታና

5 ጎዳይ ሀዋዳን ያጌ፤ “ታ ይሎ ጋትማ ግዴዳን ታ ኤጽያ ሀንቆ ጸዎእ ግዴዳ አሶረ ጋድያ አሳወ አየ አና!

6 ታን አሶረቱዋ ጸሳ ኤረና ካወተላ ቦላ ኪታና፤ ኡንቱንቱ ዱረታ ኡባ አዎዳናዳንን ቦንቃናዳን፣ ቃይ ኦግያን ደእያ ኡርቃዳን፣ ኡንቱንታ የቆናዳን፣ ታና ሀንቁሌዳ አሳ ቦላ ታን አሶረቱዋ አዛዛና። ያጌዳ።

7 ሸን አሶረ ካቲ ሀዋ ሀልጅቤና፤ እ ዎዛናይካ ሀዋዳን ቆፕቤና። እ ሀልጅዳዌ ካወተላቱዋ ኡባና ቆይሳናሳ።

8 እ ጩቀቲደ፣ ሀዋዳን ያጌዳ፤ “ታ ጋዳዋቱ ኡባቱ ካትያ ግድክናየ?

9 ካልኖ ካታማይ ካርካሚሻ ካታማ ማላ ግደኔየ? ሀማታ ካታማይ አርፋዳ ካታማ ማላ ግደኔየ? ሳማርያ ካታማይካ ዳማሰቆ ካታማ ማላ ግደኔየ?

10 የሩሳላሙንን ሳማርያን ደእያ ማሰቲዳ ኤቃ ምሰለቱዋፕ ጻርያ ምሰለቶ ጎይንያ ካወተላቱዋ ሙራናወ፣ ታን ታ ኩሽያ የዳድ።

11 ታን ሳማርያ ካታማ ቦላን እን ደእያ ኤቃ ምሰለቱዋ ቦላ ኡሌዳዋዳን፣ የሩሳላሙ ካታማ ቦላን እ ኤቃቱዋ ቦላ ኦላክታየ?” ያጌዳ።

12 ጎዳይ ጽዮን ደርያ ቦላን የሩሳላሙ ቦላ ባረ ኦልያ ኦሱዋ ኡባ ፖሌዳዋፕ ጉይያን፣ አሶረ ጋድያ ካትያ እ አዩዋን እ አቶርዋ ሙራና።

13 እያወ ጎፕ፣ አሶረ ካቲ ሀዋዳን ያጌ፤ “ታ ኩሽያ ምኖተላን፣ ታ አጫዳ ኤራተላንን ታወ ደእያ እኩካን ታን ሀዋ ኡዳድ። ታን ካወተላቱዋ ግደን ደእያ ዛዋቱዋ ሾዳድ፤ ኡንቱንቱ ቢታቱዋን ደእያ አሳ አቁዋ ቦንቃድ፤ ታ ምኖ ቀሰያን፣ ካተቱዋ አራታቱዋን ኡቲዳዋንታ ኡባ ዱገ ዎላድ።

14 አሳይ ካፋዋ ጎልያን ኩሽያ የድያዋዳን፣ ታን ካወተላ ዱረተላ ቦላ ታ ኩሽያ የዳድ። ቃይ ደገቲደ እቲዳ ቁቁለቱዋ ሸሽያዋዳን፣ ታን ቢታ ኡባ ሸሻድ። ፓላናወ ባረ ቀፍያ ባቂያባይ፣ ዎይ ሃሳያናወ ባረ ዶና ፖግያባይ፣ ዎይ ቃይ ዋሰያዌ እቲ፤ ባዎ” ያጌዳ።

15 ቱሙ ካልታይ ባረናን ቃንጽያ ብታንያፕ፣ “ታን አቆይ” ጋናወ ዳንዳዪየ? ዎይ ማጋዚ ባረና ጎቻያ ብታንያፕ፣ “ታን ዳራይ” ገየ? ጸዎአይ ባረና ኦይቂያ አሳ ደንሏ? ጉፊ ኦይቂያ አሳይ ባይናን ሀሙቲ?

16 ሄዋ ድራወ፣ ጎዳይ፣ ኡባፕ ዎልቃማ ሙድና ጎዳይ፣ እ ምኖ ቶራንቻቱዋ ቦላ ላልልያ ሀርግያ የዳና፤ እ ቦንቆዋፕ ጋርሳና ምሽ ኤጽያ ታማዳን ኤጽ ከሳና።

17 እሰራኤልያ ፖኡ ታማ ግዳናዎ፤ እሰራኤልያ ጌሻይካ ላጩዋ ግዳናዎ፤ ያቲደ እ አጉንላ፤ እ ክንድቆዋ እት ጋላሰ ጸጋናን ማና።

18 ጸሳይ ባረ ዎራ ምሳ ቦንቆዋን ባረ አራዳ ጋድያ ቦንቆዋ ቆይሳና፤ ሰም ሄዌ ሀርግያ አሳይ ሰልያዋዳን ሰላና።

19 እ ዎራን አታና ምላቱ ሎይሶ ጉላ ግድያ ድራወ፣ እት ጉላ ናአይካ ፓይድ ወርሳናዎ።

### አማራዳዋንቱ ሰሙዋ

20 ሄ ጋላሳን እሰራኤልያፕ እቲዳዋንቱን ባረና ሾጩዳዋንቱን ዘምፕክና፤ ሸን ኡንቱንቱ ቱሙዋፕ ሙድና ጎዳን፣ እሰራኤልያ ጌሻን ዘምፓና።

21 አተላይ፣ ይሁዳ አሳ አተላይ ዎልቃማ ጸሳኮ ሰማና።

22 ኔኖ እሰራኤልያዎ፣ ነ አሳይ አባ ማታን ደእያ ሻፍያ ኪሻ ግድፕካ፣ ኡንቱንቱፕ አማራዳዋንቱ ጸላላይ ሰማና። ጽሎተላይ ኩም ፓላሄዳ ባሻይ አዋየቲዳ።

23 ኤ፣ ጎዳይ፣ ኡባፕ ዎልቃማ ሙድና ጎዳይ ሳእ ኡባ ቦላን አሀናወ ቃቺዳ ባሻ አሀና።

### ጸሳይ አሶራ ሙራና

24 ሄዋ ድራወ፣ ጎዳይ፣ ኡባፕ ዎልቃማ ሙድና ጎዳይ ሀዋዳን ያጌ፤ “ጽዮንን ደእያ ታ አሳቶ፣ ግብጹቱ ኡሌዳዋዳን፣ አሶረቲ ህንተና ጸዎእን ሾጭያ ዎደን ባረንቱ ጋትማ ህንተ ቦላ ደንሏያ ዎደ ያዮፕተ።

25 ጸ ጉላ ዋድያፕ ጉይያን፣ ታን ህንተና ሀንቀትያዋ አጋና፤ ሄዋፕ ጉይያን፣ ታ ሀንቁ ኡንቱንታ ጳይሳናዉ ባና” ያጌ።

26 ኡባፕ ዋልቃማ መድና ጎዳይ ኦሬባ ግያ ሹቻ ማታን ሚድያማቱዋ ሾጩዳዋዳን፣ ኡንቱንቱ ቦላ ልሱዋ ደንሳና። እ ግብጾን ኦሌዳዋዳን፣ ባረ ጋትማ አባ ቦላ ደንሳና።

27 ሄ ጋላሰ፣ እ ቶኩ ህንተ ሀሽያፕ ዋዳና፤ እ ሞርገ ሞላይካ ህንተ ሞርግያፕ ክቻና። ህንተ ኦርዴዳ ድራዉ፣ ሞርገ ሞላይ መእና።

**ዋራጅያዋንቱ ኦሌዳ ኦላ**

28 ሞርክያ ዋታዳራቱ አታ ካታማ ገሌድና፤ ሞግሮናን ኦሌድና፤ ባረንቱ ኦላ ሚሻካ ሞክማሳ ካታማን ዋሌድና።

29 ኡንቱንቱ ጋድያ አድያሳና ፕኒደ፣ ገባእ ካታማን አቁድና። ራማ ካታማን ደእያ አሳይ ኡባይ ኮኩሬዳ፤ ካትያ ሳኦላ ካታማን ግብእን ደእያ አሳይካ ባቃቲዳ።

30 ጋሊማ አሳዉ፣ ዋሱዋ ጸልሰተ! ላይሻ አሳዉ፣ ሰሰተ! እናቶታ ካታማን ደእያ አሳዉ፣ ኦኻያዋ ኦድተ!

31 ማድሚና ግያ ካታማ አሳይ ባቃቲዳ፤ ገቢማ አሳይካ ባረ ሸምፖ ቆስቲዳ።

32 ሀቼ ሞርክያ ዋታዳራቱ ናባ ካታማን ደእና፤ ያን ኡንቱንቱ ባረንቱ ኩሽያ ቃሊደ፣ ጽዮን ደርያ፣ የሩሳላመ ካታማ ባብሲና።

33 በእተ፣ ጎዳይ፣ ኡባፕ ዋልቃማ መድና ጎዳይ ቃንካቱዋ ዋልቃማ ዋልቃን ቃንጸና፤ አዲቄዳ ሞላቱካ ቃንጸታና፤ ቃይ ቦንቼቲዳዋንቱካ ካዉሻና።

34 ጸሳይ ሰኩዳ ዋራ ካልታን ቃንጸና፤ ሊባኖሰካ ዋልቃማ ሰንሳን ኩንዳና።

# 11

**ሳርተሳይ ኩሚዳ ካዉተላ**

1 እሰይ ዱሩማፕ እጫይ ከሳና፤ እ ጸጸዋፕ አይፍያ ታሺ ከሳና።

2 መድና ጎዳ እያናይ፣ እጫዳ ኤራተላን እኩካ እያናይ፣ ዘርያን ዋልቃ እያናይ፣ ኤራተላን መድና ጎዳዉ ያይያ እያናይ እ ቦላ ሸምፓና።

3 መድና ጎዳዉ ያይያዋን እ ናሽቲ፤ ባረ አይፊ በኤዳዋን ጮ ፕርደና፤ ዋይ ባረ ሀይላይ ሰሲዳዋን ጮ ፕርደና።

4 ሸን ሀይሳቶ እ ጽሉዋን ፕርደና፤ ሳኦን ደእያ መቶታንቻቱ የዉዋካ እ ሱራተላን ፕርደና። እ ባረ እንጸርሳ ጋትማን ሳኦ ሾጫና፤ ባረ ዶና ሸምፑዋን ኡታቱዋ ዋዳና።

5 ጽሉተላይ እ ጸሳዉ ዳንጮ ግደናዋ፤ አማነትያዌካ እ ሞይያዉ ሳቂያ ግደናዋ።

6 ጄሪ ዶርሳ ማራና እትፕ ደእና፤ ማሃካ ዳሻ ማራና እትፕ ግሳና፤ ሚዛ ማራና፣ ጋሙዋ ማራና፤ እትፕ ሃመታና፤ ጉላ ናእ ኡንቱንታ ሄማና።

7 ሚዛታን ባባንሳ ጌተትያ ደእይ እትፕ ማና፤ ኡንቱንቱ ማራቱካ እትፕ ግሳና፤ ጋሙ ቦራዳን ኡቲላ ማና።

8 ቶንሳ ቶምያ ናእይ ሸሻ ኦላን ካእና፤ ቶንሳ ዱሌዳ ናእይ ዋድያ ሸሻ ኦላን ባረ ኩሽያ የዳና።

9 ታ ጌሻ ደርያን ኦንካ ቆሄተና፣ ዋይ ባየና፤ እያዉ ጎፕ፣ አባይ ሃላን ኩምያዋዳን፣ ሳኦይ መድና ጎዳ ኤርያዋን ኩማና።

**ቦቲዳ አሳይ ሰምያ ሰሙዋ**

10 ሄ ጋላሰ እሰይ ጸጸ አሳዉ ማላታ ግዲደ ኤቃና፤ ካዉተላ ኡባይ እ ኮያና፤ እ ደእያ ሳኦይካ ቦንቼታና።

11 ሄ ጋላሰ ጎዳይ ባረ አሳ አቶተላ አሰረፕ፣ ግብጾፕ፣ ፓትሮሳፕ፣ ቶጽያፕ፣ ኤላማፕ፣ ባብሎነፕ፣ ሀማታፕ፤ እባ ደናን ደእያ ቢታቱዋፕ ላኤንሉዋ ዛር አካናዉ ባረ ኩሽያ የዳና።

12 ካዉተላቶ ማላታ እ ቶቁ ኦሊደ ደንሳና፤ እሰራኤልያፕ ላለቲዳዋንታ እትፕ ጋላና፤ ይሁዳፕ ፕሰክ ጌዳዋንታካ ሳኦ ኦይዱ ሚዛናፕ እ ሺሻና።

13 ሄዋፕ ጉይያን፣ ኤፍሬማ ቃናቲ አፕ ሻከታና፤ ቃይ ይሁዳ ዋይሰያዋንቱካ ቶቆለት ዳያና። ኤፍሬመ ይሁዳ ቃናተና፤ ይሁዳይካ ኤፍሬማ ዋይሰና።

14 ኡንቱንቱ አዋይ ዉልያ ባጋን ደእያ ፕልሰጾማ ጋድያ ቦላ ፓሊደ ዋዳና፤ አዋይ ዶልያ ባጋን ደእያ አሳካ ኡንቱንቱ እትፕ ቦንቃና። ኡንቱንቱ ኤዶማ ቦላን ሞአባ ቦላ ባረንቱ ኩሽያ ዋላና፤ አሞናቱካ ኡንቱንቶ አዛዘታና።

15 መድና ጎዳይ ግብጾ ምይያን ደእያ ዞኦ ኣባ ኡባና መልሳና፤ ባረ ላጽያ ጫርኩዋና ባረ ኩሽያ ኤፍራጺሳ ሻፋ ቦላ ደንፋና። ያተደ ኣሳይ መላ ኤሊካ ፕናና ማላ፣ ላፑን ቄር ሻፋ ከሲደ ሾጫና።

16 እስራኤልያ ኣሳይ ግብጾ ጋድያፕ ከሰያ ሞደ ኦጊ ደኤዳዋዳን፣ ኣ ኣሳፕ ኣቴዳዋንቶ ኣሶረ ጋድያፕ ከሰያ ኦጊ ደኣናዋ።

### 12

#### ጋላታ የላ

1 ሄ ሞደ ህንተ ሀዋዳን ያጋና፡-

“ኣቤት መድና ጎዳይ፣ ኔን ታና ሀንቀታዳ፤  
ሀንቁዋፕካ ሰማዳ፤  
ያተደ ታና ሞንፍላዳ።  
ሄዋ ድራው፣ ታን ኔና ጋላታይ።

2 “በእተ፣ መድና ጎዳይ ታ ኣቶተላ፤  
ታን ኣን ኣማነታደ፣ ያይከ።  
እያዉ ጎፕ፣ መድና ጎዳይ፣  
ታዉ ዋልቃነ የላ።  
እ ታ ኣቶተላ ግዴዳ”  
ያጋና።

3 እሽያ ፑልቶቱዋፕ ሃላ ህንተ ናሽቻን ዲቃና።  
4 ሄ ጋላስ ቃይ ህንተ ሀዋዳን ያጋና፡-

“መድና ጎዳ ጋላትተ!  
እ ስንፋካ ጼሰተ።  
እ ኣሶቱዋ ካዉተላቱዋ ኡባ ግድን ኤርሰተ።  
እ ስንፋይ ቶቁ ቶቁ ጌዳዋ ኣዋይተ።  
5 መድና ጎዳይ ዋልቃማ ኣሱዋ ኣሌዳ ድራው፣  
እዉ የጽተ።

ሀዋ ሳኣ ኡባን ኤረቶ።  
6 እስራኤልያ ጌሻይ ህንተ ግድን  
ቶቁ ቶቁ ጌዳ ድራው፣  
ህንተኖ፣ ጽኑንን ደእያዋንቶ፣  
ሆምቦጭተ! ናሽቻዉ የጽተ!”

ያጋና።

### 13

#### ጸሳ ሙራይ ሀራ ኣሳቱዋ ቦላ (13:1—23:18)

1 እሞጻ ናኣ ኢሰያሳ ዉ ጸሳይ ባብሎንዋ ቆንጭስና በኤዳዋ ሀዋ።

2 መላ ደርያ ቦላ ባንድራ ኤስተ፤ ህንተ ቃላ ቶቁ ኣሊድ፣ ኣንቱንቶ ዋሰተ፤ ኣንቱንቱ ካፓቱዋ ፕንግና ገላና ማላ፣ ዉትተ።

3 ታን ሀንቀቱዳዋንታ ሙራና ማላ፣ ታ ጌሻቱዋ ኣዛዛድ፤ ታን ጸንያዋን ናሽቻ ታ ዋልቃማ ቶራንቻቱዋካ ጸሳድ።

4 ጮራ ኣሳይ ጫቦትያዋዳን፣ ደርያ ሀጺያን ጫቦትያ ዋላሳ ሰሰተ! ቃይ ካዉተላቱ ኣትፕ ሸቋደ ሻቢረትያ ዋላሳ ሰሰተ! ኡባፕ ዋልቃማ መድና ጎዳይ ቶራንቻቱዋ ኣላዉ ሳልፕሲ።

5 መድና ጎዳይን ኣ ባረ ሀንቁዋ ፖልሳናዉ ጎኤትያ ሚሻቱ ቢታ ኡባ ጳይሳናዉ፣ ሃኩ ጋድያፕ፣ ሳሎቱዋ ጋጸፕ ጸና።

6 መድና ጎዳ ጋላሳይ ማቴዳ ድራው ዬክተ! ሄ ጋላሳይ ኡባፕ ዋልቃማ ጸሳ ማታፕ ባሻዳን ያና።

7 ሄዋ ድራው፣ ኩሽያ ኡባይ ህልሰ ጋና፤ ኣሳ ኡባ ዋዛናይካ ሲላና።

8 ኢንቲንጥ ዳጋማና፤ ኦይላይን ዬላይ ኢንቲንጥ ኦይቃና። የሉ ኦይቄዳ ሞሽራቴዳን፤ ኢንቲንጥ ኦይቃታና። ኢንቲንጥ ዳጋማይ፤ እቲ እቲዋ ዱላና፤ ኢንቲንጥ ሰምኢካ ዳጋማን ቦዳና።  
 9 በእተ፤ መቀሳ ኢሲይ፤ ይሉዋን ሱሎ ሀንቁዋን ጋድያ መላ ከሳናውን እን ደእያ ናጋጋንቻቱዋ ጳይሳናው፤ መቋና ጎዳ ጋላሳይ ዩ።  
 10 ሳሉዋ ጸልንተቲ፤ ጸልንተቲዋ ጭታቱ ባረንጥ ፖኡዋ እመናን እዳና፤ አዋ አይፊ ደሊደ ጳማና፤ አግናይካ ፖኤናን አጋና።  
 11 ጸሳይ ሀዋዳን ያጌ፤ “ታን ሀ ሳእ አ ኢታተላ ድራው፤ ኢታቱዋካ ኢንቲንጥ ናጋራ ድራው ሙራና። ታን ኦቶራንቻቶ ኦቶራዋ ድጋና፤ መቀሳ ኢታቱዋ ኦቶራዋካ ካወሻና።  
 12 እቲዳ አሳይ አልኦ ዋርቃጥ አጲደ አልእና፤ ኦፊራ ዋርቃጥካ አጲደ አልእና።  
 13 ሄዋ ድራው፤ ኡባጥ ዋልቃማ መቋና ጎዳ ሀንቁዋን፤ አ ሀንቁዋ ሱሉዋ ጋላሰ ታን ሳሎቱዋ ኮኮርሳና፤ ሳእይካ ባረ ደኢያሳጥ ካዳና” ያጌ።  
 14 ሻንካጥ ባቃትያ ጋራዳን፤ ዋይ ሄምያ አሳይ ባይና ደርሳ ዉድያዳን፤ አሳይ ኡባይ ባረ አሳኮ አሳኮ ሰማና፤ ኡባይካ ባረ ቢታ ባቃታና።  
 15 ቤቲዳዌ ኦንን ጫደታና፤ ኦይቀቲዳዌ ኦንን ማሻን ሀይቃና።  
 16 ኢንቲንጥ ጉላ ናናይ ኢንቲንጥ ሰንሳን ቡሳከታና፤ ኢንቲንጥ ጎላቲካ ቦንቀታናዋ፤ ኢንቲንጥ ማጫ አሳቱዋናካ ሰልቃን ሀራ እቲማ አሳቲ ጋከታና።  
 17 በእተ፤ ብራ ኮየና፤ ዋርቃጥካ ናሽተና ሜዶና ጋድያ አሳቱዋ ታን ኢንቲንጥ ቦላን ደንሳና።  
 18 ኢንቲንጥ ዋንዳፊቲ ዋዳላቱዋ ዋጲና፤ ጉላ ናናቱዋካ የድ ማርክና፤ ኢንቲንጥ አይፊ ፑርጋእያ ናናቶካ ቃረተና።  
 19 ካዉተላቶ ቦንቹዋ፤ ቃይ ባብሎን አሳዉካ አሌቆን አዉ ግዴዳ ባብሎን ጋድያ ጸሳይ ሶድማዳንን ጋዋራዳን አል የጋና።  
 20 ሄ ጋድያን ሙላካ አሳይ ኡተና፤ ዋይ የለታጥ የለታ ጋካናዉካ ያን አሳይ ደኤና፤ አራባ አሳይካ ያን ባረ ዳንካንያ ቶላና፤ ደርሳ ዉድያ ሄምያዋንቲካ ያን ባረንጥ ዉድያ አላጽሲና።  
 21 ሸን ያን ባዙዋ ደኤቲ አላዳና። ዋራካናቲ ኢንቲንጥ ጎልያ ኩማና፤ ጉታቲ ሄዋን ደኤና፤ ባዙዋ ደሻቲ ሄዋን ጉጋና።  
 22 ኢንቲንጥ ጎላቱዋን ባባርቂ ዋሳና፤ ኢንቲንጥ ቦንቾ ካትያ ጎላቱዋንካ ዋራካናይ ቦጫና። አ ዋዲ ማታቲዳ፤ ጋላሳይካ ጋምኤና።

# 14

## እስራኤልያ አሳይ አሞዲዋጥ ሰማና

1 መቋና ጎዳይ እስራኤልያ አሳዉ ቃረታና፤ እስራኤልያካ ዛረሊደ ዶራና። ኢንቲንጥ ኢንቲንጥ ቡዙ ጋድያን ዋሳና፤ እማሳቲ ዩደ ኢንቲንጥና ጋከቲደ፤ እስራኤልያ አሳና እትጥ ደኤና።  
 2 ዳር ካዉተላይ እስራኤልያ አሳ እኪደ፤ ኢንቲንጥ ሳእ አሀና፤ እስራኤልያ አሳይ ካዉተላቱዋ ማጫን እቲማ ቆማዳን፤ መቋና ጎዳ ጋድያን ሞዳና። ኢንቲንጥ ባረና አሞዴዳዋንታ አሞዳና፤ ባረና ኡቁኔዳዋንታካ ሞዳና።  
 ባብሎን ካቲ ዲፋዋን ገሊዳ ገሊሳ  
 3 መቋና ጎዳይ ሀንተና ሀንተ ቱጋጋ፤ መቱዋጥን ሀንተ ሞድቲዳ ኢታ አይለተላጥ ሸምጥሴዳ ጋላሰ።  
 4 ሀንተ ባብሎን ካትያ ቦላ ሀዋዳን ያጊደ ቅሊጫና፤ “ኡቁንያዌ ዋን አጌዴ፤ አ ሀንቁዋ ሱሉካ ዋን አቴዴ!  
 5 መቋና ጎዳይ ካዉተላቱዋ ጸምእን ሞድያዋንቲ ጋትማ መንጹዳ።።  
 6 ኢንቲንጥ አሳ ዉርስሰ ባይና ሀንቁዋን ሾጩድና። ባረንታ ጸኔዳ አሳቱዋ ቃንጸናን ኢንኤሊደ ደኤድና።  
 7 ቦታ ኡባይ ኢንቲንጥ ሸምጥደ፤ ዋጋን ደኤ፤ አሳይካ የላ የጸ።  
 8 ሀራይ አትና፤ ዝጋቲካ ለባናሳ ጽደቲካ፤ ካትያ ከንደላን ናሽቲደ፤ “ኔን ካዉሻደ ዋጶደጥ፤ ኑና ቃንጸናዉ ይያዌ ባዋ” ያጊና።  
 9 “ኔን ይያ ዋደ፤ ስኦሊ ኔና ሞካናዉ ሀርክን ጊጌዳ፤ እ ካሰ ጋድያ ካለጤዳ አሳቱዋ ሞይትለቱዋ ኔና ሳርታናዳን ደንጫ፤ ቃይ ካሰ ካዉተላቶ ካትያ ግዴዳ ኡባቱዋካ ኢንቲንጥ አራታጥ ደንሰ ኤሴ።  
 10 ኢንቲንጥ ኡባይካ ሀዋዳን ያጋና፤ “ሂኮ ኔንካ ኦዋዳን፤ ዋልቃ ጳያዳ፤ ኔንካ ኑ ማላ ግዳዳ!  
 11 ካሰ ዲላ ዲጸደ ሳቢያ ነ ቦንቹ ስኦልያን ዲገ ገሊዳ። ዲቻቲ ኔን ግሰያ ግሰቱ፤ ጉጸንቲካ ኔን ማይያ አፍላ ግዳና” ያጋና።



12 “ኔኖ ዋንታ ናአው፡ ባካልያው፡ ሳሉዋጥ ዋና ኩንዳዲ! ኔኖ ካውተላ ካወሼዳዎ፡ ዋና ቃንጸታደ ሳኣን ዋቆአዲ!

13 ኔን ነ ዋዛናን፡ ሓን ሳሉዋ ከሳና፤ ታ ካውተላ አራታካ ጸሳ ጸልንተቱዋጥ ቦላና ቆቃን ዋላና፤ ሁጲሳ ባጋ ጋጸን፤ ያእይ ሸቅያ ደርያ ሁጲያን ኡታና።

14 ሻረቱ ደእያ ቆቃጥካ ሁጲያው ጉደ አቆና፤ ታን ታና ኡባጥ ቆቂያ ጸሳ ማላ ኦላና ያጋዳ።

15 ሸን ኔን ስኡልያን፡ ሀርክ ጨማ ኦላን ዳገ የገታዳ።

16 “ኔና በእያዋንቱ፡ ብታ ቃሌዳዎ፡ ካውተላቱዋ ኮኮርሴዳዎ።

17 ሳኣ ባዙዋ ከሴዳዎ፡ ሳኣን ደእያ ካታማቱዋካ አሰ የጌዳዎ፡ ባረ ቃሾ አሳቱዋካ ጎለ የደናን ድጌዳ ብታጌ ሀዌ?” ያጌደ ትሽ አሰ አከኪደ ጸላና።

18 “ካውተላቱዋ ካተቱ ኡባይ ባረ ዱፋዋን ዱፋዋን ቦንቹዋን ግሳና።

19 ሸን ኔን አጸቴዳ ታሽያዳን፤ ነ ዱፋዋጥ ጋጸ ኦለታዳ፤ ነ አሃይ ማሻን ጫደት ሀይቄዳ አሃን፡ ቃይ ኦላን ደእያ ሸቻቱዋኮ ዳገ ዋቂያዋንቱ አሃን ካመቱዳ። ኔን ገድያን የደርሴዳ አሃ ማላ ግዳዳ።

20 ኔን ዋጉዋካ አንቱንቱና እትጥ ሞገታካ፤ እያወ ጎጥ፡ ኔን ነ ጋድያ ባይዛዳ፤ ነ አሳካ ዋቆዳ። ኢታ አላያዋንቱ ሱንሳይ ላኤንላ ሙሉካ ጸሰቶግ።

21 ኡንቱንቱ አዋቱዋ ናጋራ ድራወ፡ ናናቱዋ ዋቆናወ ጊግሰተ፤ ሄዌ ቆዮጥ አንቱንቱ ደንዲደ፡ ጋድያ ላታና፤ ሳኣ ኡባካ ካታማ ሳላላ ኦላና” ያጋና።

**ጸሳይ ባብሎን ቢታ ቆይሳና**

22 ኡባጥ ዋልቃማ መጅና ጎዳይ ሀዋዳን ያጌ፤ “ታን አንቱንቱ ቦላን ደንዳና፤ አንቱንቱ ከንሳ፡ አንቱንቱ አቶተላ፡ አንቱንቱ ዘረሳኝ አንቱንቱ የለታ ባብሎንጥ ቆይሳና።

23 ታን ባብሎን ጉታታ ደእያሳኝ ሃሳይ ኤልያሳ ኦላና፤ ባሻ ጉጸን ታን አ ጥታና። ታን ኡባጥ ዋልቃማ መጅና ጎዳይ ሀዋ ኦዳይ።” ያጌ።

**ጸሳይ አሰራርቱዋ ቆይሳና**

24 ኡባጥ ዋልቃማ መጅና ጎዳይ ሀዋዳን ያጌደ ጫቄዳ፤ “ታን ሀልቹዳዋዳን ሀናና፤ ታን ቆፔዳዋዳንካ ፖለታና።

25 ታን አሰራ ጋድያ ብታንያ ታ ጋድያን መንግሥታና፤ ታ ደረቱዋ ሁጲያን ታን አ የቆና፤ አ ሞርገ ሞላይ አንቱንቱ ቦላጥ፡ አ ቶኩካ አንቱንቱ ሀሸያጥ ክቻና” ያጌዳ።

26 ሳኣወ ሙልያው ቆፊቲዳ ቆፋይ ሀዋ፤ ካውተላቱዋ ኡባ ቦላን ሞጨቴዳ ኩሺካ ሀዋ።

27 ኡባጥ ዋልቃማ መጅና ጎዳይ ሀዋ ቆፔዳ ድራወ፡ አ ኦን ድጋግወ ዳንዳይ? አ ኩሺካ ሞጨቴዳ፤ ሄዋ ኦን ጉየ ዛራናወ ዳንዳይ?

**ጸሳይ ፕልሰጾማቱዋ ቆይሳና**

28 ካቲ አካዝ ሀይቄዳ ላይሰ ኦደቲዳ ቃላይ ሀዋዳን ያግያዋ፤

29 “ሀንተኖ ፕልሰጾማ አሳቶ ኡባቱካ፡ ሀንተና ሸጩዳ ጸምእይ መኤዳ ድራወ ናሸቶጥተ፤ እያወ ጎጥ፡ ሄ ሸሻ ዛርያጥ ሀሱ ከሳና፤ አ ዘረሳይካ ቃይ ፓልያ ሸሻ ግዳናዋ።

30 ሀይሳቱዋ ባይራ ናናይ ቁማ ማና፤ መቶታንቻቱ ዋፑ ጊደ ግሳና። ሸን ታን ነ ዛርያ ኮሻን ወርሳና፤ ቃይ ኔጥ አቴዳዋንታካ ዋቆና።

31 “ኔኖ ፕንግያው፡ ዬካ! ኔኖ ካታማው፡ ዋሳ! ሀንተኖ ፕልሰጾማ አሳወ ኡባወ፡ ሀንተ ኡባይካ ሀርጋን ሙሸተ! እያወ ጎጥ፡ ሁጲሳ ባጋጥ ጨዋይ ከሲደ ዬ፤ ሄ ጭታጥ ዱጲደ ጉየ አትያዌ ባዋ።

32 ካውተላይ ኪቲዳዋንቶ ሞጊደ ዛራኔ? መጅና ጎዳይ ‘ጽዮኖ ኬጾ፤ ቆሄቴዳ አ አሳይ አ ግድን ቆስት አትያሳ ደሜዳ’ ያጋና” ያግጌ ቃላይ ኦደቲዳ።

**15**

**ጸሳይ ሞኣባ ቢታ ቆይሳና**

1 ሞኣባ ቢታወ ጸሳይ ኦደዳ ቃላይ ሀዋ፡ ሞኣባን ደእያ ኤራ ግያ ካታማይ እት ቃማ ኮለቲደ ቆይዳ፤ ቃይ ሞኣባን ደእያ ቂራ ግያ ካታማይካ እት ቃማ ኮለቲደ ቆይዳ።

2 ድቦና ካታማ አሳይ ባረንቱ ኤቃ ጎልያን ዬካናወ ቆቃ ሳኣ ከሲድኖ። ሞኣባ ጋድያ አሳይ ናቦን መደባ ግያ ካታማቶ ሄዋዳን ዬከ። ሁጲ ኡባይ ቦአትክቹዳ፤ ቡቻ ኡባይካ ሜደቲዳ።

14:12 ሳዓ 8:10፤ 9:1 14:13 ማቶ 11:23፤ ሉቃስ 10:15 14:24 ኢሳ. 10:5-34፤ ናሆማ 1:1—3:19፤ ሶር. 2:13-15 14:28 2 ካታ. 16:20፤ 2 ኦዳዋ 28:27 14:29 ኤር. 47:1-7፤ ሀዘ. 25:15-17፤ አዪ. 3:4-8፤ አሞጸ 1:6-8፤ ሶር. 2:4-7፤ ዛካ. 9:5-7 15:1 ኢሳ. 25:10-12፤ ኤር. 48:1-47፤ ሀዘ. 25:8-11፤ አሞጸ 2:1-3፤ ሶር. 2:8-11

3 ኦጊ ደእያ ሳን ኡባን ኡንቱንቱ ማቃ ማዬድኖ፤ ጎልያ ቦላን ደሞባይ ኬጸሳንን ዳባባ ቦላ ኡባን ኡንቱንቱ ዬኪኖን እርፋ ሆልሳዪኖ።

4 ሀሰቦና ካታማ አሳይን ኤልአላ ካታማ አሳይ ዋሲኖ፤ ኡንቱንቱ ዋሱዋ ኮሻይካ ያሃጸ ግያሳ ጋካና ሰሰቱ። ሄዋ ድራሬ፡ ኦላው ዲንጩድ ሞኣባ ዋታዳራቱ ባረንቱ ኮሻ ጶቂሲደ ዋሴድኖ፤ ኡንቱንቱ ሸሞጥካ ኡንቱንቱ ጋርሳን ኮኮራዳ።

5 ታን ሞኣባው ዋዛናጥ ዬካድ፤ እን ደእያ አሳይ ጸእርን ኡግላት-ሻሊሽያ ግያ ካታማቶ ባቃቲዳ። ኡንቱንቱ ሉሂታ ኦግያን ዬኪደ ቢኖ፤ ባጋቱ ቃይ ሆርናይማ ብያ ኦግያን። ባረንቱ ባሻ ድራሬ፡ ዋሱዋ ጸሊኖ።

6 ንሞሪማ ሃላቱ ቶኤድኖ፤ ማታይ መሌዳ፤ እጫይካ ሹሌዳ፤ እርጻባይ ኡባይካ ጳዬዳ።

7 ሄዋ ድራሬ፡ ኡንቱንቱ ባረንቱ ሺሹዳ አቁዋን ምንጃ ቶክ እኪደ፡ እሃያ ግያ ሞላይ ደእያ ሞሞባጥ ሄኛንሳ አፊኖ።

8 ሞኣባ ዩሹ ኡባይ ዋሶ ጸላላ ግዴዳ፤ ኡንቱንቱ ዋሱ ኤግላይማን ብኤር-ኤሊማ ጋካናው ሰሰቱ።

9 ድሞና ካታማ ሃላቱ ሱላ ጸላላ ግዴድኖ፤ ታን ድሞና ካታማ ቦላ ሄዋጥካ ዳርያዋ አሀኖ። ሞኣባጥ ከሰ እኪደ ይያዋንቱ ቦላን ሄ ጋድያን ፓጻ አቲደ ደእያዋንቱ ቦላ ጋሙዋ የዳደ ዉርሳና።

# 16

## ሞኣባው ህደታይ ባዋ

1 ሞኣባ አሳይ ባዙዋ ብያ ኦግያን ደእያ ሰላኦ ካታማጥ ያላጋ ደርሳ ኦርገቱዋ የሩሳላሙን ደእያ ቢታ ሞድያዋ የድተ።

2 ሞኣባ ማጫ አሳይ ባረንቱ ደእያ ጎልያጥ ጋጸን ላለቲዳ ካፎቱዋዳን፡ እርኖና ሻፋ ጥንያ ሳኦን ላለታና።

3 ሞኣባ አሳይ ይሁዳ አሳ ሀዋዳን ያጋና፤ “ኦና ዘርተ፤ ሱሪ ፕርድተ፤ ሲታ ጋላሳን ሀንተ ኩዋ ቃማዳን ኩዋይተ። የደርሱቲያዋንታ ቆሰተ፤ ባቃት ዬዳዋንታካ እላ አሞጥተ።

4 ሞኣባጥ የደርሱቲዳዋንቱ ሀንተ ግዴን ደእኖ፤ ኡንቱንቱ ጳይሰያዋንቱጥ ኡንቱንቱ ቆሰት አትያሳ ግድተ። ኡንቱንቱ ኡቁንያዋንቱ ዉሬድኖ፤ ባሻይ አቲዳ፤ ኡንቱንቱ ቱጋይያዋንቱካ ጋድያጥ ጳዬድኖ።

5 ሄዋጥ ጉይያን፡ እት ካተቱዋ አራታይ እገና ሲቁዋን ኤቃና፤ ሄ አራታን፡ ዳዊታ ዲንካንያን እት አማነትያ ዳናይ ኡታና። እ ሱሪተላ ኮያና፤ ጽሎተላ ኦላናውካ ኤሌላና” ያጋና።

6 ይሁዳ አሳይ ሀዋዳን ያጋና፤ “ሞኣባ ጋድያ አሳይ እይ ከና ኦቶረትንቶ፡ ኦ ኡንቱንቱ ኦቶሩዋባ ሰሴዳ፤ ኡንቱንቱ እዩዋን ኡንቱንቱ ሸቃካ ሰሴዳ፤ ሽን ኡንቱንቱ ኦቶሩ ሀዳ” ያጋና።

7 ሄዋ ድራሬ፡ ሞኣባ ዬኮ፤ አሳይ ኡባይካ ሞኣባው ዬኮ፤ ቁርሄሬሳ ካታማን ሀንተ ደእያ ዋደ ሜዳ ሎኦ ቁማ ሀሳዪደ ዬክተ።

8 ሀሰቦና ሾይቃቲን ሲብማ ዋይንያ ቶክያ ሳአቲ ጳዬድኖ፤ ኡንቱንቶ ታሽ ያእዜራ ጋኪደ፡ ባዙ ዛኤዳ ድራቲዳ ዋይንቱዋ ካውተላቲዋ ካጋቱ የደርሲደ ጳይሴድኖ፤ ኡንቱንቱ እጫይካ ዛኤዳ፡ አባ ፕኔዳ።

9 ታን ያእዜራ ካታማው ዬክያዋዳን፡ ሲብማ ካታማ ዋይንቶካ ዬካይ። ሀሰቦናን ኤልአላ ካታማቶ፡ ታን ታ አፎላን ሀንተና ሆልሳያይ። እያው ጎጥ፡ ሀንተ ሞላ እይፍያን ሀንተ ቦቲዳ ካሳ ቦላን ኦላ ዋሱ ደንዴዳ።

10 ካሳ እይፍያን ኩሜዳ ሾይቃጥ ናሽቻይን ሀሹ ጉሳይ እከቲዳ። ዋይንያ ቶክያ ሳንካ ማዝሙራ የጸተና። ናሽቻን ዋይንያ ቲራ ጉሞኣያ ሳኦን ጉሞኣያባይ ባዋ። ታን ጉሞኣያዋንቱ አልልያ አልልሳካ ጳይሳድ።

11 ሄዋ ድራሬ፡ ታ ዋዛናይ ሞኣባው፡ ታ ጋርሳ አሳተላይካ ቁርሄሬሳው ዲላዳን ዋሴ።

12 ሞኣባ ባረ ጶቃ ሳኦ ሰጥን፡ ጮ ባረና ዳቡርሴ፤ ቃይ እ ባረ ኤቃ ጎልያ ዋሳናው ሰጥካ፡ ሄዋ እ አይን ማደና።

13 መድና ጎዳይ ካሰቲደ፡ ሞኣባዋ ኦዴዳ ቃላይ ሄዋ።

14 ሽን ሀእ መድና ጎዳይ ሀዋዳን ያጌ፤ “ኮንትራትያ ኦሳንቻ ላይላ ፓይዲዋዳን፡ ሞኣባ ቦንቹን እ ጮራተላይ ሄዙ ላይላቲዋ ግዴን ዉራና፤ እን አትያ አሳቲካ አማራዳዋንታን ዋልቃይ ባይናዋንታ ግዴናዋንታ” ያጌ።

# 17

## ጸሳይ ሶርያን እሰራኤልያ ሙራና

1 ዳማሰቆ ካታማባ ጸሳይ ሀዋዳን ያጌ፤ “በእተ፡ ሀዋጥ ሰንላናው ዳማሰቆ ካታማ ግድያዋ አታና፤ እ ኮላላ ደርያ ግዳናዋ።

2 አራራ ካታማቱ አሳይ ደኤና ሳኦ ግዳናዎንታ፤ ሄዋን መሀያ ወዲ አላጻና፤ ኡንቱንቱ ያሽሰሃዌካ ደኤና።

3 ኤፍሬመፕ ጌሳቱ፣ ዳማሰቆፕካ ካወተላይ ጳያና፤ ሶርያ አሳፕ አቴዳዎንቱ አሰራኤልያ አሳ ቦንቹዋ ማላ ግዳናዎንታ። ታን፣ ኡባፕ ዋልቃማ መጅና ጎዳይ ሀዋ ኦዳይ” ያጌ።

4 ጳሳይ ሀዋዳን ያጌ፤ “ሄ ጋላሰ አሰራኤልያ ቦንቹ ቃረታና፤ አ ሞጴካ ሾራና።

5 አሰራኤሊ ጫክያዌ ኤቁዋን ደእያ ካላ ሺሽ ኦይቂደ፣ ማቃ ዛዋፕ ቃንጽ ቃንጽ ጫክያዋ ማላ ግዳናዋ፤ ዋይ ራፋይማ ዛንጋራን ካላ ጫኪደ፣ ፑሻሌዳ ሳ ማላ ግዳናዋ።

6 ዋጋራ ቃል ሰምና፣ ጸራን ላኡ ዋይ ሄዙ ቃርመ አይፈቱ አትያዋዳን፣ ዋይ ዳሻ ግዳን ኦይዱ ዋይ እቹሹ አይፈቱ አትያዋዳን፣ አሰራኤልያፕ ቃርመቱ አታና” ያጌዳ። ሄዋ መጅና ጎዳይ፣ አሰራኤልያ ጳሳይ ሃሳዬዳ።

7 ሄ ጋላሰ አሳይ ባረና መጴዳዎን ጸላና፤ ባረንቱ አይፍንካ አሰራኤልያ ጌሻኮ ዛራና።

8 ኡንቱንቱ ባረንቱ ኩሽያን ገግሴዳ ያርሽያ ሳኦ ጸልክና፤ አሺር ግያ ኤቃት ሞሰልያ ግድናካ፣ እጻና ጩዋይያ ሳኦ ግድናካ፣ ኡንቱንቱ ባረንቱ ብራጅያን መጴዳዎን አማነትያዋ አጋና።

9 ሄ ጋላሰ አሰራኤልያ አሳ ጋሱዋን ሂዌቱዋን አሞረቱዋ ካታማቱ ላለቱዳዋዳን፣ ኡንቱንቱ ምና ካታማቱ ላለታና፤ ሄ ካታማቱ መላ ግዳናዎንታ።

10 እያዉ ጎፕ፣ ሀንተ ሀንተና አሸያ፣ ጳሳ ደጌድታ፤ ሀንተ ባቃት አትያ ዋጋ ዛላካ ሀሳይበይክታ። ሄዋ ድራዉ፣ ኔን ሎኦ ምላቱዋ ቶኮፕካ፣ ካረ ጋድያፕ ዬዳ ሎኦ አታክልትያ ቶኮፕካ።

11 ነ ቶኬዳ ጋላሰ ኡንቱንቱ ድጩንቶካ፣ ቃይ ነ ዘራዳ ዋንታ ኔ ኡንቱንታ ጨሽሰንቶካ፣ ነ ካዩዋን ነ ፓጻናዉ ዳንዳየና ሳኩዋ ጋላሰ ሄ ጫኩ ጋኬዳ ካላይ ባቃት ጳያና።

**ሞርከ ካወተላቱ ጸነቲድና**

12 በእ፣ ዳር አሳይ ጉሚ፤ ኡንቱንቱ አባ ቤታዳን ጉሚና። ቃይ ካወተላቱ ዋሲና፤ ኡንቱንቱ ዋልቃማ ሃላዳን ዋሲና። ኡንቱንቶ እየ እና።

13 ካወተላቱ ዳር ሃላቱዋ ጉንላዳን ጉሚና፤ ሽን ጳሳይ ኡንቱንታ ሴራና፤ ኡንቱንቱ ደርያ ሁጲያን ደእያ ሱላይ ጫርኩዋን ደንድያዋዳን ጎቲ ደንሐያ ባናዳን፣ የደርሰቲደ፣ ሃኮ ሳ ባቃታና።

14 ሳኦይ ቃምያ ዋይ፣ ኡንቱንቱ ሻሲጋታና፤ ሳኦይ ዋንታናፕ ካሰቲደ፣ ኡንቱንቱ ጳያና፤ ኦዋ ዋልቃን አክያዋንቱ ካጫይነ ኑና ቦንቁያዋንቱ ሳማይ ሀዋ።

**18**

**ጳሳይ ቶጵያ አሳባ ኦዳዳ ቃላ**

1 ቶጵያ ሻፋቱዋፕ ሄፍንላ ባጋና ደእያ ቀፈቲ ገረትያ ቢታዉ እየ እና፤

2 ሄ ጋዳ ከተትያ አሳቱዋ ናይላ ሻፋ ቦላና ከቲ፤ ቃይ ሾሞባቁዋ ዋልዋሉዋን ዋሊደ፣ ሃላቱዋ ቦላናካ ከቲ። ሀንተና፣ ድርቢያ ከተትያዋንቶ፣ እት አድሳነ ሊቆ አሳኮ ቢተ፤ ማታይ ሃኩ ያይያ አሳኮ፣ ዋልቃማን ጸንያ ካወተላ ግድያ፣ ሻፋይ ኡንቱንቱ ጋድያ ግዳዋን ሻኪደ ጎግያ ጋድያ አሳኮ ቢተ።

3 ሀንተና፣ ሳኦን ደእያ ኡባ ገደ፣ ሀንተና፣ ጋድያን ደእያዋንቶ፣ ደረቱዋ ቦላን ማላታይ ኤቁያ ዋይ፣ ሀንተ በእና፤ ቃይ ማላካታይካ ዩንትያ ዋይ፣ ሀንተ ሰሳና።

4 እያዉ ጎፕ፣ መጅና ጎዳይ ታዉ ሀዋዳን ያጌዳ፤ “ሳኦይ ሴታ ጋላሳ ግድያ ዋይ ከሰያ ዋልቃማ ምሹዋዳን፣ ቃይ ካላ ጫክያ አግናን ሆሞቢያ ቃማን ሺቅያ ከተርሳዳን፣ ታን ጮኡ ጋደ፣ ታ ደእያ ሳኦፕ ዳገ ጸላና” ያጌዳ።

5 ካላ ጫክያ ዋድያፕ ካሰ፣ ጨሻይ ኮለት ሰምና፣ ዋይንያ አይወ ቲርያ ዋይ፣ እ ጸንቁያ ባጫን እ ጸራ ጸንቁክቻና፤ ዳሸያ ማራ ዳሻካ እ ድጋና።

6 ኡንቱንቱ ኡባይካ ደርያ ሁጲያን ደእያ፣ ምያዋ ዋችያ ካፎቶን ሳኦ ደኦቶ አታና፤ ምያዋ ዋችያ ካፎቱ ባልጉዋ፣ ሳኦ ደኦቶ ቦንያ ኡንቱንታ ሚደ ሻጫና።

7 ሄ ዋይ አድሳነ ሊቆ አሳፕ፣ ማታይ ሃኩ ያይያ አሳፕ፣ ዋልቃማን ጸንያ ካወተላፕ፣ ቃይ ሻፋይ ኡንቱንቱ ጋድያ ግዳዋን ሻኪደ ጎግያ ጋድያ አሳፕ፣ ኡባፕ ዋልቃማ መጅና ጎዳዉ አሞታይ ጸዮን ደርያ፣ መጅና ጎዳ ሱንላይ ደእያ ሳኦ ያና።

**19**

**ጳሳይ ግብጻ ሙራና**

1 ግብጹ ቢታ ጳሳይ ሀዋዳን ያጌ፤ “በእተ፣ መጅና ጎዳይ ድርቢያ ሻርያ ቶጌደ፣ ግብጹ ዬ። ግብጹ ኤቃቱ አ ሰንላን ኮኮራና፤ ግብጹ አሳ ዋዛናይካ ኡንቱንቱ ግዳን ሲላና” ያጌ።

2 ኡባጥ ዋልቃማ ጸሳይ ሀዋዳን ያጌ፤ “ታን ግብጹ ጋድያ አሳ ግብጹ አሳ ቦላ ደንጻና፤ አንቲንቲ ባረንቲ ግደን እሻይ እሻና፣ ሾሩ ሾሩዋና፣ ካታማይ ካታማና፣ ካውተሳይ ካውተሳና አለታና።

3 ግብጹ አሳ እያናይ ገገታና፤ ታን አንቲንቲ ሀልቼዋ ሀዳ ኦላና። አንቲንቲ ኤቃቱዋን ሞይትልያ ሃሳይሰያ አሳቱዋ፣ ካይያዋንታን ሻራቸቱዋ ዘረታ ኦቻና።

4 ቃይ ታን ግብጹ ጋድያ አሳ እት መቀስ ባይና ጎዳ ኩሽያን አላይ እማና፤ እት መቀስ ባይና ካቲ አንቲንታ ሞዳና” ያጌ ኡባጥ ዋልቃማ መድና ጎዳይ።

5 ናይለ ሻፋ ሃሳይ መላና፤ ሻፋይካ ሌላን ሌላን መል አጋና።

6 ዜር ሃሳቱ ጽንቃና፤ ግብጹ ጥልቶቱ ጉጻና፤ ቶምቦቆቱን ጫረቱ ሹላና፤

7 ናይለ ሻፋ ማታን ደእያ ሳኦቱ፣ አባ ማታቱ ኡባይ ኮለት መላ ግዳና። ናይለ ሻፋ ማታን ዘራዳባይ ኡባይ መላና፣ ላለታናን ቆያና።

8 ሞልያ ኦይቂያዋንቲ ካዮታና። ናይለ ሻፋን ግትያ የግያ ኡባቱ ዬካና፤ ሃላን ግትያ የግያዋንቲካ ደጫና።

9 ፓተቲዳ ታልባጥ ሊኦዋ ኦልያዋንቲ፣ ቃይ ቦላ ጥቱዋ ማዮዋ ዳድያ ሸማይነቲካ ዬላታና።

10 ሸማይነቲካ ከራ ኦልያ ኡባቱካ ካዮታና።

11 ጸእነ ካታማ ሞድያዋንቲ ሙሉካ ኤያ፤ እጫዳ ኤራንቻ ግያ ግብጹ ካትያ ዘርያዋንቲ ዘሪካ ደማ። ያትና፣ ህንተ ግብጹ ካትያው፣ “ኑን እጫዳ ኤራንቻቱዋ ናናቱዋ፤ ኑን በን ካተቱ ናናቱዋ” ጋናው ዋንደ ዳንዳዪቱ?

12 ነ እጫዳ ኤራንቻ አሳቱ ያትና ሀእ ሀቃን ደእና? ኡባጥ ዋልቃማ መድና ጎዳይ ግብጹ ቦላ ኦላናው ሀልቼዳዋ እነ አንቲንቲ ነው ኦድና፤ ኔና ኤርሰና።

13 ጸእነ ካታማ ሞድያዋንቲካ ኤዬድና፤ መሞጊሳ ካታማ ሞድያዋንቲካ ጭመቲድና። ግብጹ አሳ ዘርያ ግደጥ አሳ ካለልያዋንታ ገደ ሞልዳዋንቲ ግብጹ ባለጫድና።

14 መድና ጎዳይ አንቲንቲ ግደን ጌላ እያና ዋላኬዳ፤ ያትና፣ አንቲንቲ ማላቲደ አሳይ ባረ ጮሻን ገንድጋርያዋዳን፣ ግብጹ ባረ ኦሳ ኡባን ገንድጋራናዳን ኦልድና።

15 ግብጹው እ ሀጺ ዋይ እ ጎይናይ፣ እ ዘሞባ ታሺ፣ ዋይ እ ሾሞቦቁ ኦላናባይ እያይነ ባዋ።

**ግብጹቱ ጸሳው ጎይንያ ጋላሳይ ያና**

16 ሄ ጋላሰ ግብጹ ጋድያ አሳይ ማጫ አሳ ማላ ግዳናዋ። ቃይ ኡባጥ ዋልቃማ መድና ጎዳይ አንቲንቲ ቦላን ወጻክያ እ ኩሽያ በእደ፣ አንቲንቲ ያሻን ኮኮራና።

17 ይሁዳ ጋይ ግብጹ ጋድያ አሳ ያሸያዋ ግዳናዋ፤ ኡባጥ ዋልቃማ መድና ጎዳይ አንቲንቲ ቦላን ኦላናው ቆፔዳ ቆፋ ድራው፣ ይሁዳባ ሰሰያ ኡባይ ያያና።

18 ሄ ጋላሰ ግብጹ ጋድያን ደእያ እኹሽ ካታማቱ ካና፤ ቃላን ሃሳይያዋንታን ኡባጥ ዋልቃማ መድና ጎዳው እማነታናው ጫቂያዋንታ ግዳና። ሄ ካታማቱዋጥ እቲ፣ “አዋ ካታማ” ጌተቲደ ጸሰታና።

19 ሄ ጋላሰ ግብጹ ቢታው ግዳዋን፣ መድና ጎዳው ያርሽያሳይ ገጋና፤ ቃይ ግብጹ ጋድያ ዘዋንካ መድና ጎዳው ቱሳይ ኤቃና።

20 ሄዋ ኡባጥ ዋልቃማ መድና ጎዳው ግብጹ ጋድያን ማላታን ማርካ ግዳናዋ፤ አንቲንቲ ባረና ኡቁንያዋንቲጥ ደንዴዳዋን መድና ጎዳኮ ዋሰያ ዋይ፣ እ አንቲንቲ አሸያዋ ኪታና፤ አንቲንታ አሻና።

21 ሄ ዋይ ጸሳይ ግብጹ ጋድያን ኤራቲዳዋ ግዳናዋ፤ ግብጹ አሳይካ ሄ ጋላሰ ጸሳ ኤራናን ያርሹዋን ካሳ ያርሹዋ እክ ዪደ፣ እው ጎይናና። አንቲንቲ ጸሳው ሸቃናን ባረንቲ ሸቆዋካ ጋላና።

22 መድና ጎዳይ ግብጹ ሾጫና፤ ሾጫናን ፓላና። አንቲንቲካ መድና ጎዳኮ ሰማና፤ እካ አንቲንቲ ቀትዋቱዋ ሰሲደ፣ አንቲንቲ ፓላና።

23 ሄ ጋላሰ ግብጹጥ አሶሪ ጋካናው እኮ ኦገ ከሳና፤ አሶሪ አሳይ ግብጹ፣ ግብጹ አሳይካ አሶሪ ሰመረታና፤ ቃይ ግብጹ አሳይ አሶሪ አሳና እትጥ ጎይናና።

24 ሄ ጋላሰ አሰራኤሊ ግብጹናን አሶሪና ሄዘንጦ ቢታ ግደደ፣ ሳኣ ግደን እንጅ ግዳናዋ።

25 ኡባጥ ዋልቃማ መድና ጎዳይ አንቲንታ ሀዋዳን ያጌደ እንጃና፤ “ታ አሳው ግብጹ፣ ታ ኩሽ መጫዳ አሶሪን ታን ደራዳ አሰራኤልያው እንጀቲዳዋንታ ግድተ” ያጋና።

**20**

**ግብጹ ቦላን ቶጽያ ቦላ አደቲዳ ትምቢትያ**

1 አሶሪ ጋድያ ካቲ ሳርሳን ኪቲዳ ኦላ ጋዳዋይ ዪደ፣ አሸደዳ ግያ ፕልሰጹማ ካታማ ኦሊደ አይቁዳ ሳይሰ።

2 ሄ ዋይ መድና ጎዳይ አሞጻ ናኣ ኢሰያሳ ሀዋዳን ያጌዳ፤ “ባ፤ ነ ቦላጥ ማቃ ቃራ፤ ነ ገድያጥካ ነ ጫማ ከሳ” ያጌዳ፤ እሰያሰ ጸሳይ ጌዳዋዳን ሀኒደ፣ ካሎ ጸራን መላ ገድያን ሀመቲዳ።

3 መድና ጎዳይ ሀዋዳን ያጌዳ፤ “ታ ቆማይ እሰያሰ ግብጹን ቶጽያ ቦላን ጋክያባው ማላታ ግዳና ማላ፣ ሄዙ ሳይሳ ካሎ ጸራን መላ ገድያን ሀመቲዳ።

4 ሄዋዳን አሰረ ካቲ፣ ግብጾ፣ ኦሞድቲያውያንን ቶጵያ፣ በቲደ ከሴዳውያን ካሎ ደራሲ መላ ገድያና፣ ዱሊካ ካሎ ደላሽን ላገ፣ ግብጾ ይላው አፋና።  
 5 ቶጵያን አማኝትያውያንን ግብጾን ጨቀቅትያውያን ያዩደ ይላታና።  
 6 አባ ማታን ደአያ አሳይ ሄ ጋላሰ ሀዋዳን ያጋና፣ በአተ፣ ኮን አሰረ ካትያ፣ አታና ማዳኖ ገደ ኑ ሀደታ ዋሌዳን ኤንቲንቲኮ ባቃቲዳ አሳ ቦላ ሀዋ ጋኬዳ፣ ያትና፣ ኮን ዋን አታና ዳንዳዬቶ? ያጋና” ያጌዳ።

## 21

### ባብሎን ኩንደላ በሰያ ሳፃ

1 አባ ማታን ደአያ ባዙ አደቲዳ ጸሳ ቃላይ ሀዋ።  
 ገድሳ ባገገ ሳትያ ጫርኩ ሱራጊደ ይያዋዳን፣ ባሻይ መላ ቢታተ፣ ያሽያ ጋድያ፣ ይ።  
 2 እት ያሽያ ሳጸይ ታወ ቆንጨዳ። አላ አምያዌ አላ አሜ፤ አሞድያዌ አሞዳ፤ አላማ ቢታወ፣ ዋራጃ! ሜዶና ቢታወ፣ ካታማ ዶዳ! ባብሎን ጋሱዋን ጋኬዳ ኦልያ ታን ግድሳና።  
 3 ሄዋ ድራወ፣ ታ ጸሳይ ሳኮ ጸላላ ግዴዳ፣ ማጫ አሳ የሉ አይቁያዋዳን፣ ታና ኤንኤ አይቁዳ፤ ታን ሰሰያዋ፣ ደንዳዳውን ሆካድ፤ ታን በኤዳዋ፣ ደንዳዳውን ዳጋማድ።  
 4 ታና ዩጮዬ፣ ታና ያሻይ ኮኮርሲ፤ ታን አሞቲዳ ኤማርሳይ ታወ ኮኮርሳወ ላመቲዳ።  
 5 ታን በኤዳ ሳጸን ኤንቲንቲ ግብራ ገገሴድና፣ ሞንጸፍናካ ሄጾድና፣ ያቲደ ሚኖን ኤሺኖ። ያትሽን፣ “ህንተኖ ካፓቶ፣ ደንድተ! ህንተ ጎንዳለቲዋ ቁጭተ!” ያግያ አዛዙ ዬዳ።  
 6 ጎዳይ ታና ሀዋዳን ያጌዳ፤ “ባ፤ ጸሞሰያ አሳ ዋሳ፤ አ ባረ በአያዋ ኦድ።  
 7 ጋማማ መሀያ ቶግያዋንታ፣ ላኤዋ ላኤዋ ግዴዳ ብያ ፓራ አሳቲዋ፣ ሀረቲዋ ቶግያዋንታን ጋሎቲዋ ቶግያዋንታ በአያ ዋድ፣ ሎይሊደ ጸሎ፤ ድሽ ጸሎ” ያጌዳ።  
 8 ሄዋ፣ ገደያን፣ ዋቼዳዌ ሀዋዳን ያግ ዋሴዳ፤ “ጎዳወ፣ ታን ዋቼያሳን ጋላሰ ጋላሰ ፓጭ ባይናን ኤቃድ፤ ታ ሳንታርያንካ ቃማ ሙልያ ቶለታድ።  
 9 በአተ፣ ጋማማ መሀያ ቶግያ ፓራ አሳቲ ላኤ ላኤ ግዴዳ ዩኖ” ያጌዳ። አ ቃይካ ሀዋዳን ያጌዳ፤ “ባብሎን ኩንደዳ፤ አ ጸሳቲዋ ሞሰለቲካ ኩንደድና። ኤንቲንቲ ኡባይካ ሳኦን ደገ ኩንደደ ጋጨቲድኖ” ያጌደ ዋሴዳ።  
 10 ህንተኖ፣ ታ ኡድማን ቆጸቲዳ ታ አሳቶ፣ ኡባ፣ ዋልቃማ መድና ጎዳ፣ አሰራኤልያ ጸሳ፣ ሰሴዳዋ ታን ህንተንቶ ኤርሳይ።

### ኤደማባወ አደቲዳዋ

11 ኤደማ ቢታ ጸሳይ ሀዋዳን ያጌዳ፤ “አት ብታኒ ኤደማ ባጋና ታና ጸሴደ፣ ‘ላ ዋቼያዋ፣ ሳአይ ዋንታናወ አፑኑ አቲዳ? ላ አይ ዋንታናወ አፑኑ አቲዳ?’ ያጌ።  
 12 ዋቼያዌ ዛሪደ፣ ‘ሳአይ ዋንታና ሀኔ፤ ቃይ ቃማና፤ ህንተ አቻናወ ኮኖ፣ ሰሞ ዩደ እቶተ’ ያጌዳ።

### አራባ ቢታባወ አደቲዳዋ

13 አራባ ግያ ቢታ ጎዳይ ሀዋዳን ያጌ፤ “ህንተኖ ዳዳና ዛልአንቻቶ፣ ህንተ ህንተ ጫንያ ጋሎቲዋናካ አራባ ጋድያ ባዙዋን አቃና።  
 14 ህንተኖ፣ ቴማ ግያ ጋድያን ደአያ አሳቶ፣ ሳመቲዳዋንቶ ሃሳ አህተ፤ በተቶ ምያዋ አምተ።  
 15 አያወ ሳ፣ ኤንቲንቲ ማሻ፣ ሸኩዋ፣ ሸዴዳ ማሻ፣ ዳፊዳ ምንዳናያ፣ ምኖ ኦላ፣ ባቃቲደ ዬድኖ” ያጌ።  
 16 ሄዋ፣ ገደያን፣ ጎዳይ ታና ሀዋዳን ያጌዳ፤ “ኮንትራትያ ኦሳንቻ ዋድያዳን፣ መጽ እት ላይላ ግደን ቁዳረ ቦንቹ ኡባይ ወራና።  
 17 ቁዳረ ጋድያን ደአያ ዋንዳፍናን ዱክያ ዋልቃማ ኦላንቻቲዋ፣ ጉላቲ አታና፤ ሄዋ መድና ጎዳይ አሰራኤልያ ጸሳይ ኦዳዳ” ያጌዳ።

## 22

### የሩሳላመባይ አደቲዳ

1 ሳፃ ዋምባ ግያ ሳአባወ ጸሳይ ኦዳዳ ቃላ። ህንተ ኡባይ ጎልያ ቦላን ደምባዩደ ኦሌዳ ሳአ ከሴዳዌ አያሴ?  
 2 ኔኖ ዋሱ፣ ድርባይን ጫቡ ኩሜዳ ካታማወ፣ ነ ግደን ሀይቁዳ አሳቲ ማሻን ሀይቁበይክና፤ ዋይ ኦላንካ ሀይቁበይክና።  
 3 ህንተ ካፓቲ ኡባይ እት፣ ባቃቲድኖ፤ ኤንቲንቲ ዋንዳፊ ባይናን ጮ አሞድቲድኖ፤ ኤንቲንቲ ሃኮ ሳ ባቃቶ፣ን ቤቲዳ ኡባቲ አይቀቲድኖ።

- 4 ሃዋ ድራሬ። ታን ሀዋዳን ያጋድ፤ “ታና ጸሎፕተ፤ እነ ታን አፎዳደ ሞሾ ዬኩዋ ዬካይ፤ ጳዬዳ ታ አሳዉ ዬክያ ታና ሞን፡፡ ላና ጊደ ዳቡሮፕተ” ያጋድ።
- 5 ጎዳይ፤ ኡባፕ ዋልቃማ መድና ጎዳይ ሀ ጋላሳ ሳዓ ዛንጋራን ዳጋማ፤ የደርሳነ ሻቢርሳ ጋላሳ አሌዳ፤ ቃይ ግምቡክ ኮለትያ ጋላሳነ ደረቱዋኮካ ዋሰያ ጋላሳ።
- 6 ኤለመ ባረ ፓራ ጋረቱዋና፤ ፓራ አሳቱዋና ባረ ዋንዳፍያ ኦይቂደ ዬዳ፤ ቂራ ጋድያ ዋታዳራቱ ቃይ ባረንቱ ጎንዳለቱዋ ጊግሴድኖ።
- 7 ሎይሎ ሎሎያ ህንተ ዛንጋራቱ ፓራ ጋረቱዋን ኩሜድኖ፤ ፓራ አሳቱ የሩሳላመ ካታማ ፕንግያ ሰንሳን ኤቆድኖ።
- 8 እ ይሁዳ ጌሶቱዋ ቃራዳ። ሃ ጋላሰ ህንተ ዋራ ጎልያን ደእያ ካትያ ኦላ ሚሻቱዋ ጸሌድታ።
- 9 ቃይ ህንተ ዳዊታ ካታማ ግድን ኮለቴዳሳይ ዳራዳዋ በኤድታ፤ ዝቃ ሳኦ ሺቄዳ ሃላ ዳጋይ ደኢታ።
- 10 ያቴደ ህንተ የሩሳላመን ደእያ ጎለቱዋ ፓይዳድታ፤ ግምቢያ ሞንጎናዉ ጎለቱዋ ኮሌድታ።
- 11 ካሰ ኤጫ ዳልባንጎን ደእያ ሃላ ዛሪደ፤ እ ሞንጅያሳ ላኤ ግምቡቱዋ ግዳዋን ጊግሴድታ። ሸን ህንተ ሃዋ መዴዳዋ ጸሳ ግድያዋ እኬክበይክታ፤ ዋይ ዳር ዋድያፕ ካሰ ሃዋ ሀልቼዳዋ ያይንበይክታ።
- 12 ሃ ጋላሰ ጎዳይ፤ ኡባፕ ዋልቃማ መድና ጎዳይ ህንተና ዬካናዉነ ዝላላናዉ፤ ህንተ ሁጲያ ሚደታናዉነ ዋሩዋ ማያናዉ ህንተና ጸሌዳ።
- 13 ሸን በእተ፤ ህንተ ናሽቲታነ ፖጩ ጊታ፤ ቦራነ ደርሳ ሹኪታ፤ አሹዋ ሚታ፤ ዋይንያ ኤሳካ ኡሺታ፤ “ኑነ ዋንት ሀይቂያ ድራሬ። እነ ሚቶነ ኡሺቶ” ያጊታ።
- 14 ኡባፕ ዋልቃማ መድና ጎዳይ ሀዋ ታዉ ኦዴዳ፤ እ፤ “ህንተ ሀይቃና ጋካናዉካ ሀ ናጋራይ ህንተንቶ አቶ ጌተተና። ታን ጎዳይ፤ ኡባፕ ዋልቃማ መድና ጎዳይ ሀዋ ኦዴይ” ያጌዳ።

**ሹብና፡ “ኔና ኤራ!” ጌዳዋ**

- 15 ጎዳይ፤ ኡባፕ ዋልቃማ መድና ጎዳይ ሀዋዳን ያጌዳ፤ “ባ፤ ካትያ ጎልያን ሰን፡፡ ቴዳ ካፑዋ ሹብናኮ ባደ ሀዋዳን ያጋ፤
- 16 ሳዋን ኔን እያ ኦሳይ? ቃይ ኔን ሀዋን ነዉ ዳፋዋ ቦካናዉ፤ ነዉ ሀዋን ኦኔ ደእያዋ? ኔና ጶቃ ሳኣን ነዉ ዲፋዋ ማሰያዋ፤ ቃይ ሹቻ ጎምፓን ነዉ ደእያ ሳኦ ዋጭያዋ።
- 17 ነኖ ማሮ ብታንያዉ፤ ኔና መድና ጎዳይ ዋልቃን ዋራ ዛሪደ ኦላና። ኔና እ ጸርጸላ ኦይቂደ።
- 18 የሽ የሽ አሌደ ኩዋዳን፤ እት እኮ ጋድያን ኦል አጋና። ኔና ነ ጎዳ ጎልያዉ ዬላ ግዴዳ ብታንያዉ፤ ኔን ያን ሀይቃና፤ ነ ቦንቾ ፓራ ጋረቱካ ያን አታና።
- 19 ታን ኔና ነ ኡሱዋፕ ከሳና፤ ነ ዳናተላፕካ ኔና ሻራና፤ ያጋ።
- 20 “ሃ ጋላሰ ታን ሀልቂያ ናኦ ታ ቆማ ኤልያቂማ ጸሳና።
- 21 ነ ማዳዋ እ ማይዛና፤ ነ ዳንጭያዋንካ እ ዳንጭሳና፤ ነ ሰንሳተላካ እዉ አላደ እማና። እ የሩሳላመን ደእያ አሳዉነ ይሁዳ አሳዉ አዉዋ ግዳናዋ።
- 22 ታን ዳዊታ ጎልያ ቁልፕያ እ ሀሽያን ዋላና፤ እ ዶያና፤ ኦንነ ጎርደና፤ ቃይ እ ጎርዳና፤ ኦንነ ዶየና።
- 23 ታን እ እማንላያ ሳኣን ሸካልያዳን ጶጋና፤ እ ባረ አዉዋ ጎልያዉ ቦንቾ ካተቱዋ አራታ ግዳናዋ።
- 24 ዋንጫፕ ቢደ፤ ጶቃባ ጋካናዉ ኮጫን ካቂዳዋዳን፤ ኡንቲንቲ እ አዉዋ ጎልያ ቦንቾዋ ኡባ፤ ናናቱዋ፤ ናኦ ናናቱዋካ፤ እ ቦላ ዋላና” ያጌዳ።
- 25 ኡባፕ ዋልቃማ መድና ጎዳይ ሀዋዳን ያጌ፤ “ሃ ጋላሰ እማንትያ ሳኣን ጶጌዳ ሸካሊ ክቻና፤ ቃንጸታና፤ ከንዳና። እ ቦላን ካቂዳ ቶኩዋ ኡባይ ዱጽ ዋቆና” ያጌ። ሀዋ መድና ጎዳይ ኦዴዳ።

**23**

**ጸርሳባይ ትምቢትያን አደቲዳዋ**

- 1 ጸርሳ ካታማዉ ኦደቲዳ ጸሳ ቃላይ ሀዋ።  
ህንተና ታርሴሳ ማርካብያ ላግያዋንቶ ዩክተ! እያዉ ጎፕ፤ ጸርሳ ካታማይ ጎሊ ዋይ ሸምፕያሳይ ባይና መላ ከሴዳ፤ ሃ ኦዴ ኡንቲንቶ ቆጸርሳ ጋድያፕ ዬዳ።
- 2 ህንተና፤ አባ ማታን ደእያ አሳቶ፤ ህንተና ሲደና ካታማ ዛልአንቻቶ፤ ጮኤ ጊተ! ህንተ ከትያ አሳቱ አባ ፕኔድኖ።
- 3 ህንተዉ ይያ ካላይ ናይላ ሻፋፕ ጫከቲዳ ሸሆራ ጋድያ ካላ። ህንተ ካወተላቱ ዛልእያ ዛልእያ ሳ ግዳና።

22:13 1 ቆር. 15:32    22:22 ሳን 3:7    23:1 ህዘ. 26:1—28:19፤ እዪ. 3:4-8፤ እዋጸ 1:9-10፤ ዛካ. 9:1-4፤ ማቶሳ 11:21-22፤ ሉቃሳ 10:13-14

- 4 ነፍ ሲደና ካታማው፡ እባ ጌሶ፡ እባይ፡ “ታን ናኣ የላበይከ፤ ታን እቲማ ናኣካ ማጫ ናኣካ ድቻበይከ” ያጌደ ሃሳዬዳ ድራሬ ዬላታ።
- 5 ኦዲ ግብጹ ጋድያ ጋክያ ዋደ፡ ኡንቲንቲ ጸርሳባ ሰሲደ ሴላታና።
- 6 ህንተኛ እባ ማታን ደእያ አሳቶ፡ ዘላልተ፤ ሄፍንሳ ታርሴሳ ቢታ ጥንተ።
- 7 በን ዋደ ኬጾቴዳ፡ ካረ ጋድያ ኦይቂደ ሞዳናዉ አ ገዲ አ ሃሰ አፊዳ፤ ህንተ እን ናሽትያ ጸርሳ ካታማይ ሀዋዳን ሀይዴ?
- 8 ካላቻ ዋሰሰያ ካታማ አ ዛልእንቻቲ ጋድያ ሞድያዋንታ ግዴዳን አ ግደን ዛልእያዋንቲ ላምዋንቲ ጋድያ ቦላን ቦንቼቴዳዋንታ ግዴዳ ጸርሳ ካታማ ቦላ ሀዋ ሀልቼዳዌ ኦይ?
- 9 ኦቶረትያዋንቲ ቦንቼዋ ኡባ ጉላናዉ፡ ቃይ ጋድያ ቦላን ቦንቼቴዳዋንታ ኡባ ካዉሻናዉ፡ ኡባጥ ዋልቃማ መፅና ጎዳይ ሀዋ ሀልቼዳ።
- 10 ህንተኛ፡ ታርሴሳ ጋድያ አሳቶ፡ ህንተና ተእያባይ ባይና ድራሬ፡ ናይላ ሻፋዳን፡ ህንተ ጋድያ ቦላን ኩሚደ ጎግተ።
- 11 መፅና ጎዳይ እባ ቦላን ባረ ኩሽያ ሞጩዳ፤ እ ካዉተላካ ቃፊዳ፤ ካናን ጋድያ ጌሶቲዋ ላላና ማላ፡ ጸሳይ እዛዙዋ እሚዳ።
- 12 ቃይ አ ሀዋዳን ያጌዳ፤ “ህንተኛ፡ ኡንኤቲዳ ሲደና አሳቶ፡ ህንተ ናሽቻ ፖጩ ግያ ዋዲ ዉሬዳ፡ ደንድተ፤ ሄፍንሳ ቆጸርሳ ጥንተ። ሀራይ እቶ ያንካ ህንተንቶ ሸምፑ ቤተና” ያጌዳ።
- 13 ባብሎን ጋድያ በእተን ሄ ጋድያ አሳይ ሀእ ፓርሳ ግዴዳ፡ አረር ጋድያ አሳቲ ሄ ጋድያን ዶእይ ሲራናዳን ኦፊድኛ። ኡንቲንቲ ሄዋን ደእያ ዋጋ ጎልቲዋ ኮሊደ፡ ባረንቲ ጌሶቲዋ ግምቤድኛ፤ ቢታካ መላ ኦፊድኛ።
- 14 ህንተኛ፡ ታርሴሳ ጋድያ ማርካብያ አሳቶ፡ ህንተ ጌሶ ላለቲዳ ድራሬ፡ ዘላልተ።
- 15 ጸርሳ ካታማይ ላፑን ታሙ ላይላ ዶገቲደ ደእና ዋዲ ያና፤ ሄዌን፡ እት ካትያ ላይላ ኬሻ ግያዋ። ላፑን ታሙ ላይላይ ዉርያ ዋደ፡ ሻርሙጻ ሞሽራትዉ የጸትያ የላ ማላይ፡ ጸርሳ ካታማዉ የጸታና። ኡንቲንቲ።
- 16 “ሀን፡ ዶገቲዳ ሻርሙጻተ፡ ነ ዲላ አካ፤ ካታማን ዩያ። ኔና አሳይ ሀሳያና ማላ፡ ማልእ ቃላን ዳር የላ የጻ” ያጋና።
- 17 ላፑን ታሙ ላይላይ ፖለትያ ዋደ፡ መፅና ጎዳይ ጸርሳ ጸሞሳና። ሸን ሄዋጥ ጉይያን፡ አ በን ባረ ሻርሙጻ እሶ ሰማና፤ ሳእን ደእያ ካዉተላቲዋ ኡባና ሻርሙጻና።
- 18 ግደፕን፡ እዚ ዛልእን እ ድርጉ መፅና ጎዳዉ ዲማቴዳዋ ግዳና፤ እዚ ዛልእ ዳር ቁማን ሎኦ ማየዋ ሻማናዉ፡ መፅና ጎዳዉ ኦእያ አሳቶ እመታናጥ አትና፡ ሚሻ ጎልያንን ምንጃ ጎልያን ኡትና።

### ዋየትያ እስራኤልያ አሳቶ ህደታ ኪታ

## 24

(24:1—27:13)

መፅና ጎዳይ ሳኣ ሙራና

- 1 በእተ፡ መፅና ጎዳይ ጋድያ ኮሊደ መላ ከሳና፤ እ ጋድያ ባይዚደ፡ እን ደእያ አሳካ ላላና።
- 2 ሀራ አሳ ቦላን ህንያዋዳን ቁሳቲ ዋ ቦላንካ፡ ቆማ ቦላን ህንያዋዳን ጎዳ ቦላንካ፡ ቆማት ቦላን ህንያዋዳን ጎዳት ቦላንካ፡ ሻምያዋ ቦላን ህንያዋዳን ዛልእያዋ ቦላንካ፡ ታልእያ እምያዋ ቦላን ህንያዋዳን ታልእያ አክያዋ ቦላንካ፡ አጩዋ አቸያዋ ቦላን ህንያዋዳን፡ አጩዋ አሽትያዋ ቦላንካ ሀናና።
- 3 ቢታይ ኡባና መላ ከሳና፤ ቃይ ኡባናካ ቦንቀታናዋ። እያዉ ሳጥ፡ ሀ ቃላ መፅና ጎዳይ ሃሳዬዳ።
- 4 ቢታይ ሎይሰ መልና፡ አ አጫይ ኡባይ ሹሌ፤ ጋድያን ደእያ ዋልቃማ አሳይካ ዳቡራ።
- 5 ቢታይ ባረናን ደእያ አሳጥ ደንዳዳዋን ቲኔዳ። እያዉ ሳጥ፡ ኡንቲንቲ ህግያ ኮሊድኛ፤ ዋጋ መንፈድኛ፤ መፅና ጫቅዋካ ኮሊድኛ።
- 6 ሄዋ ድራሬ፡ ጸሳ ሸቃይ ጋድያ ሜ፤ ቃይ እን ደእያ አሳቲካ ባረንቲ ባይዙዋ ጋሱዋን ሙረቲድኛ። ሄዋ ድራሬ፡ ሳእን ደእያ አሳቲ ጸገቲድኛ፤ ያትና ፓይዳዋን ጉላ አሳይ አቲድ።
- 7 ዋደንያ ቲራ እኑ መልና፡ ዋደንያ ኤሳይካ ዉሬዳ፤ ካሰ ናሽትያ ኡባይ ካዮቲዳ።
- 8 ካረቡዋ ባቃ ናሽቻይ ጮኤ ጌዳ። ናሽትያዋንቲ ሆምቦጩላይካ ኤቁዳ። ሎእያ ዲላ ናሽቻይካ ጮኤ ጌዳ።
- 9 ሀዋጥ ሰንላናዉ የላ የጸድ፡ ኡንቲንቲ ዋይንያ ኡሳ ኡሽክና፤ ማላይያ ኡሻይ ኡሽያዋንቶ ጫዋ ግዳናዋ።
- 10 ማራ ማጫራ ቆዬዳ ካታማይ ላለቲዳ፤ እንገ ገለናዳን፡ ጎልያ ኡባይ ጎርደቲዳ።
- 11 ዋይንያ ኡሳይ ቆዬዳዋ አሳይ ዳባባን ዋሴ፤ ናሽቻ ኡባይ ካዮ ላመቲዳ፤ ሳኣ ናሽቻይ ኡባይ ክቼዳ።

- 12 ካታማይ ኮለቲዳ፤ ካታማ ፕንገቲካ መኔረቲድና።
- 13 ዋጋራ ቴራ ቃሊደ ቆቆናያዋዳን፣ ዋይ ዋይንያ ቴራ ማጽ ሰሚደ፣ ቃርምያ ማጽዋዳን፣ ጋድያ ቦላን ደእያ ካወተላቱዋ ግደን ሃዋዳን ሀናና።
- 14 ኡንቲንቲ ባረንቲ ቃላ ቶቄ ኦሊደ፣ ናሽቻን የጸኖ፤ እዋይ ዉልያ ባጋና ደእያ ኡባይ መፎና ጎዳ ግታተላ ኦዳና።
- 15 ሃዋ ድራዉ፣ እዋይ ዶልያ ባጋና ደእያዋንቶ፣ መፎና ጎዳዉ ቦንቹዋ እምተ፤ እባ ዶናን ደእያ ቢታቱዋን ደእያዋንቶ፣ እስራኤልያ መፎና ጎዳ፣ ጸሳ ሱንጎዉ ቦንቹዋ እምተ።
- 16 ቢታ ጋጸፕ፣ “ጽሎ ቦንቹ ግደ” ያገያ የላ ኮን ሰሴቶ።
- 17 ሽን ታን፣ “ታን ግልቃይ! ታን ግልቃይ! ታዉ እየ እና! እያዉ ጎፕ፣ ካድያዋንቲ ካዲና፤ ካድያዋንቲ ሎይስ እስ እሚና” ያጋይ።
- 18 ሀንተና፣ ሳእ ቦላን ደእያ አሳቶ፣ ዳጋማይ፣ አፋነ ጲሪ ሀንተና ናጌ።
- 19 ሳሉዋ ማሰኮተቲ ዶየቴዳ ድራዉነ፣ ጋድያ ባሶቲካ ቃጽያ ድራዉ፣ ዳጋንልያ ኮሻፕ ባቃትያዌ አላን ኩንዳና፤ ቃይ ኦላፕ ፑደ ከሰያዌ ጲርያን ኦይቃታና።
- 20 ቢታይ ዛኢደ ጳልቀቲዳ፤ ንፕ ጊደ መኔረቲዳ፤ ዋልቃፕ ቃጼዳ።
- 21 ቢታይ ማጻቲደ አሳዳን ጋንድጋሬ፤ ጫርኩ ሱግያ ዳሰያዳን፣ የንጥ ን። ማካላንቻቲ ባይዙ አ ሎይስ ጻጹዳ ድራዉ፣ ላኡንላ ደንደናዳን ኩንዳ።
- 22 ሃ ጋላሰ መፎና ጎዳይ ሳሉዋ ዋልቃቲዋ ሳሉዋን፣ ቃይ ሳእ ካተቱዋካ ሳእን ሙራና።
- 23 ኡንቲንቲ ኦላን ደእያ ቃሽ አሳቲዋዳን፣ እትፕ ሺቃና፤ ቃሽ ጎልያን ጎርደቲደ ኡታና። ቃይ ዳር ጋላሳፕ ፑይያን፣ ኡንቲንቲ ሙረታና።
- 24 ሃዋፕ ፑይያን፣ አግናይካ እዋይካ ዬላታና። እያዉ ጎፕ፣ ኡባፕ ዋልቃማ መፎና ጎዳይ ጽዮን ደርያን የሩሳላመን ካተታና፤ ቃይ አ የሩሳላመ ጭማቲዋ ሰንላን ባረ ቦንቹዋ ቆንጭሳና።

## 25

### ጋላታ የላ

- 1 እቤት መፎና ጎዳዉ፣ ኔን ታ ጸሳ። ታን ኔና ቶቄ ቶቄ ኦላና፤ ነ ሱንጎሳካ ጋላታና። እያዉ ጎፕ፣ ኔን ፖሎ እማንትያዋን ቦንፕ ሀልቼቲደ ደእያ ማላልሰያ ኦሶቲዋ ኦላዳ።
- 2 ኔን ካታማ ሹቻይ ኦላትያ ሳእ ኦላዳ፤ ሞኑዋን ግምቡቲዳ ካታማ ኮላዳ። አላጋቲዋ ካትያ ጎልያካ ላኡንላ ካታማ ግደናዳን ኦላዳ። ሰሚደ ሙላካ ኪጸተና።
- 3 ሃዋ ድራዉ፣ ሞኖ አሳቲ ኔና ቦንቻና፤ መቀስ ባይና ካወተላቲዋ ካታማቲካ ነዉ ያያና።
- 4 ኔን ሀዬሳዉ ባቃት እትያሳ። መቶታንቻዉካ ባረ መቲዋ ዋደ ባቃት እትያሳ፣ ኡሹዋፕ እትያ ሳእን አዋ ሴላፕ እትያ ኩዋ ግዳዳ። እያዉ ጎፕ፣ መቀስ ባይና አሳ ሀንቁ ግምቢያ ሹጭያ ኡሹዋ ማላጎ
- 5 ባዙዋ ጋድያ ሞሹዋ ማላ። አዋ ሞሹ ሻርያ ኩዋን ጋቢ ግያዋዳን፣ ኔን አላጋቲዋ ዋላሳ ሀይዝሳዳ፤ ያትና፣ መቀስ ባይና አሳቲዋ የላይ ጮኡ ጌዳ።
- 6 ኡባፕ ዋልቃማ መፎና ጎዳይ አሳ ኡባዉ ሀ ደርያ ቦላን ዋልቃማ ግብራ ገግሳና፤ ሃዌካ ሞቶቲዋ፣ ኮልዝያና ደእያባቲዋን ሎኦ ካኤዳ ዋይንያ ኤሳ ግብራ።
- 7 ሀ ደርያን አሳ ኡባ ጫሚዳዋ፣ ካወተላ ኡባ ቦላንካ ሞጨቲዳ ጋርዲዋ እ ጳይሳና።
- 8 ሀይቆዋ አ መፎናዉ ምታና፤ ኡባ ሞድያ መፎና ጎዳይ እይፍያ ኡባፕ አፎላ ቁጫና፤ ባረ አሳ ካዉሻካ ቢታ ኡባፕ ድጋና። ሀዋ መፎና ጎዳይ ኦዴዳ።
- 9 ሃ ጋላሰ ኡንቲንቲ ሀዋዳን ያጋና፤ “ሀዌ ቱሙ ኑ ጸሳ፤ ኔን አ ኔና አሻናዳን ናጌዶ፤ እ ኑና አሹዳ። ሀዌ መፎና ጎዳ፤ ኩን አ ናጌዶ። እነ አ አቶተላን ሀሹ ጌቶን ናሽቲቶ” ያጋና።

### ጸሳይ ሞእባ ቢታ ሙራና

- 10 እያዉ ጎፕ፣ መፎና ጎዳ ኩሽ አሻናዉ ሀ ደርያ ቦላን ግዳናዋ። ሽን ዳርጫ ፕቲዋ ኦላን የጊደ የጵያዋዳን፣ ሞእባ ቢታ አሳይ ባረ ሳእን የ□ታና።
- 11 ሃላ ዋቋያዌ ሃላ ዋቋናዉ ባረ ኩሽያ ፕድ ኦልያዋዳን፣ ኡንቲንቲ ሃዋ ግደን ባረንቲ ኩሽያ ፕድ ኦላና። ሽን ጸሳይ አ አቶቲዋ አ ኩሽያ ገንያናካ ጋሊደ ካዉሻና።
- 12 ኡንቲንቲ ቶቄሲደ፣ ሞኑዋን ግምቢዳ ግምቢያ እ ዲገ አሀናን ካዉሻና፤ ዲገ ሳእን፣ ኡባ ሀርክ ባናን ኦላና።

## 26

### ጸሳይ ባረ አሳዉ ጸኑዋ እማና

25:8 1 ቆር. 15:54፤ ሳፃ 7:17፤ 21:4    25:10 ኢላ. 15:1—16:14፤ ኤር. 48:1-47፤ ህዘ. 25:8-11፤ እሞጾ 2:1-3፤ ሶፎ. 2:8-11



1 ሄ ጋለስ ይሁዳ ጋድያን ሀ የላይ የጸታና።

ኑዉ ሞኖ ካታማይ ደኤ፤  
ጸሳይ አቶተላ ኦ የሹዋን ግምቢያዳንን ጌሱዋዳን ኤሴ።

2 አማኑዋ ናግያ ጽሎ ካዉተላይ ገላና ማላ፤  
ፐንግያ ደይተ።

3 ባረ ቆፋ ኔናን ዋሌዳ አሳ  
ኔን ፖሎ ሳሮተላን ናጋሳ፤

አያዉ ሳፕ፣ አ ኔናን አማነቴ።

4 መድና ሳዳን መድናዉ አማነትተ፤  
አያዉ ሳፕ፣ መድና ሳዳይ፣ መድና ሳዳይ መድና ዛላ።

5 ዶቃን ደአያዋንታ፤  
ኡንቱንቱ ዶቃ ካታማ ዝቁ ኦሌዳ፤

አ አ ካዉሺ።  
ዲገ ሳኣ ጋካናዉ ዝቁ ኦሌ፤

ቢታ ባናን ኦሌ።

6 ማንቁዋ ገዲ፣ መቶታንቻ ገዲ፣ አ የዳና።

7 ጽሎቱዋ ኦጊ ሳላላ።  
አቤት ጽሎ፣ ኔን

8 ኤ መድና ሳዳዉ፣ ነ ሀግያ ኦግያን ሀመቲደ፣  
ኑን ኔና ኔጌቶ።

ኑ ዋዛና አሙ፣  
ነ ሱንላ ቦንቻናዋ ጸላላ።

9 ቃማን ታን ኔና ላሞታይ፤  
ዋንታን ታ ግድን ደአያ ታ አያናይ፣  
ቱሙዋፕ ኔና ሞንሲደ ኮዬ።  
አያዉ ሳፕ፣ ነ ፕርዳይ ሳኣን ደአያ ዋደ፣  
ሳኣን ደአያ አሳይ ጽሎተላ ታማሬ።

10 ኢታ አሳዉ ኪካተላ ኦሉፕካ፣  
አ ጽሎተላ ታማረና።

ሱረ አሳቱዋ ጋድያን ኢታባ ኦሌ፤  
መድና ሳዳ ግታተላካ ኤረና።

11 አቤት መድና ሳዳዉ፣ ኔን፣  
ነ ኩሽያ ዶቁ ኦላዳ፤

ሸን ኡንቱንቱ በአክና።  
ነ አሳዉ ኔን ሞሸትያ ሞሹዋ በኢደ ዬላትኖ።

ኔን ነ ሞርከቶ ዋሌዳ ታማይ፣  
ኡንቱንታ ሞ ዳይሶ።

12 አቤት ጸሳዉ፣ ኔን፣  
ኑዉ ሳሮተላ ሞንላዳ፤

ኑ ኦሶ ኡባ ኔን ኑዉ ኦላዳ።  
13 አቤት መድና ሳዳዉ፣ ኑ ጸሳዉ፣  
ኔፕ ሀራቱ ኑና ሞዴድኖ፤

ሸን ኑን ነ ሱንላ ጸላላ ቦንቻቶ።

14 ኡንቱንቱ ሀይቁድኖ፤  
ሰሚደ ፓጸ ደአክኖ።

ኔን ዳይሶዳ ድራዉ፣  
ሰሚደ ደንድክኖ።  
ኡንቱንቱ ሀሳየትያዋ ኡባ ቁጫ ዳይሳዳ።

15 አቤት መድና ሳዳዉ፣  
ኔን አሳ ዳርሳዳ።

አሳ ዳርሳዳ፣ ኔን ቦንቻታዳ፤

ቢታ ዛዋ ኡባካ አሳዳ።

- 16 እቤት መድና ጎዳዉ! መቱዋ ዎደ ኡንቱንቱ ኔና ኮዬድኖ። ኔን ኡንቱንታ ሙራዳ ዎደ። ኡንቱንቱ ኔና ሳሱክ ዎሴድኖ።
- 17 እቤት መድና ጎዳዉ! ሻሃራዳ ሞሽራታ። የልያ ዎዲ ጋክና።

የሉዋ ኡንኤታደ ዋሰያዎዳን። ኑንካ ነ ሰንሳን ሄዎዳን ሀኔደ።

18 ኑን ሻሃራደ፤ ኦይላ ኦይቀቱደ፤ ሽን ጫርኩዋ የልያዋ ግዴደ።

ኑን ሳአዉ አቶተላ አህበይኮ፤ ሳአን ደእያ አሳካ የልቦኮ።

19 ሀይቄዳ ነ አሳይ ፓጻና፤ ኡንቱንቱ አሃይ ደንዳና።

ሀንተኖ፣ ቢታ ባና ግድን ደእያዎንቶ። ሀንተ ጸሳይ ዎንታ ከተርሳ ማላ ግድያ ግሻዉ፤ ሳአይካ ሀይቄዳዎንታ ዛረሲደ እምያ ድራዉ። ቤንትተነ ናሽቻዉ የጽተ።

**ፕርዳነ ኦሞዲዋፕ ሰምያዋ**

20 ታ አሳቶ፣ ሃ ዪቱ፤ ሀንተ ጎላ ገሊደ፣ ፐንግያ ሀንተ ቦላ ጎርድተ። ጸሳ ሀንቁ አፋና ጋካናዉ። ጉላ ድኖያ ሀንተና ቆሰተ።

21 ቢታ ቦላን ደእያ አሳ፣ ኡንቱንቱ ናጋራ ድራዉ ሙራና፣ መድና ጎዳይ ባረ ደኢያሳፕ ከሲደ ዬ። ቢታይካ ባረ ቦላን ጉኬዳ ሱላ ቆንጭሳና፤ ዎዴዳዎንታካ ላኤነላ ገነ።

**27**

1 ሄ ጋላሰ መድና ጎዳይ ባረ ምኖ፣ ግታነ ዎልቃማ ማሻን ሌዋታና ግያ ኮልጽያነ ጸጸትያ ሾሻ ሙራና፤ አባን ደእያ ዳዊያካ ዎፋና።

2 ሄ ጋላሰ ሀዋዳን ጌተታና፤ “ሀዌ ደሰቴዳ ዎይንያ ቱራ ሳ፤ አባ የጽተ!

3 ታን፣ መድና ጎዳይ አ ናግያዋ፤ ታን አ ሀአ ሀአ ሃላ ኡሻይ፤ ኦንነ አ ቆሄናዳን፣ ታን ቃማነ ጋላሰ አ ናጋይ።

4 ታን ሀንቀትከ፤ ታናና ኦለታናዉ፣ እጉንሳይነ ጎምኦሪ ደኤርክናሻ! ታን ኡንቱንቱ ቦላ ከሳ ኤቃደ፣ ኡንቱንታ ጸጋ ዉርሳና።

5 ዎይ ባቃት ቆሰት አታናዉ ታኮ ዪና፤ ታናና ገግና፤ ኤ፣ ታናና ገግና” ያገታና።

6 ያሳይ ባረ አሳ አሞዶ የድያዎን ሙራዳ፤ አዎይ ዶልያ ባጋ ጫርኩዋ ጋላሰ ኡንቱንታ ባረ ያሽያ ጎትያን ሳግ ከሴዳ።

7 ኡንቱንታ ሾጩዳዎንታ ሾጩዳዎዳን፣ መድና ጎዳይ እሰራኤልያ አሳ ሾጩደየ? ዎይ ኡንቱንታ ዎዴዳዎንቱ ሀይቄዳዎዳን፣ ኡንቱንቱ ሀይቄድኖ?

8 ጸሳይ ባረ አሳ አሞዶ የድያዎን ሙራዳ፤ አዎይ ዶልያ ባጋ ጫርኩዋ ጋላሰ ኡንቱንታ ባረ ያሽያ ጎትያን ሳግ ከሴዳ።

9 ሄዋ ድራዉ፣ ያቆባ ባይዙ እቶ ጌተታናዌነ አ ናጋራይ ፖሎ ቁጠታናዌ ሀዋና፣ ሄዌካ ያርሽያ ሳአ ሹቻ ኡባ አ መኤረቴዳ ቦቅንላ ሹቻዳን ኦልያ ዎደነ፣ እሹር ግያ ማጫ ጸሳት ሞሰሊ፣ ዎይ እጻና ጩዋዪደ፣ ያርሽያ ሳአይካ ኤቁዋን አተናዳን ኦልያ ዎደ።

10 ሞኑዋ ድረቴዳ ካታማይ ኦኔዳ፤ ካሰ አሳይ ደእያ ሳአይ ሀአ ባዙዋዳን፣ መላ ኦቴዳነ ደገቴዳ፤ አ መሃ ሄመትያ ሳአ ግዴዳ ድራዉ፣ ሞላ ቦንጭያ ሚደ፣ ማራቱ ሄዋን አላጸኖ።

11 ሞላ ታሽቱ መልያ ዎደ መኤረቴና፤ ማጫ አሳይካ ዪደ፣ ኡንቱንታ ኤሳናዉ አፈ። ሀ አሳይ እኬክ ባና የሳ ግድያ ድራዉ፣ ኡንቱንታ መዴዳዌ ኡንቱንቶ ቃረተናነ ማረና።

12 ሄ ጋላሰ ኤፍራጺሳ ሻፋፕ ግብጺ ሻፋ ጋካናዉ፣ መድና ጎዳይ ካሳ ቡካና፤ ሀንተኖ፣ እሰራኤልያ አሳቶ፣ ሀንተካ ሀንተ ታራን ታራን ሺቃና።

13 ሄ ጋላሰ ዎልቃማ ማላካታይ ፑነታና፤ እሰረ ጋድያን ፋይያዎንቱነ ግብጺ ቢታዉ የደርሴዳዎንቱ ያና፤ የሩሳላመን ጌሻ ደርያን መድና ጎዳዉ ጎይና።

**ጸሳይ ማካላንቻ አሳ ሙርያዎ ግዲሳ**

# 28

(ኢሳ. 28:1—31:9)

ሁጲሳ ካውተላ፡ “ኔና ኤራ!” ጌዳዋ

1 ኤፍራማን ደእያ ማሳትያዋንቱ ካላቻው፣ ዋይንያ ኤሳይ ጸኔዳዋንቱ አራዳ ዛንጋራን ደእያ፡ ሹልያ ጨሻ ማላ ግዴዳ ኦ ስንቸዋ ፑላው እየ አና!

2 በእተ፡ ጎዳው ዋልቃማን ምኖ ግዴዳ እት አሳይ ደኤ፤ ጎዳይ አ ሻቻ ኤሹዋዳን፣ ባይዝያ ጎትያዳን፣ ኩንሊደ ጎገያ ዋልቃማ ሃላዳን፣ ምኖ ኩሽያን ዲገ ሳኦ አላና።

3 ሄ ማሳትያ ኤፍራማ አሳቱዋ ኦትረዋ ካላቻይ ገድያን የገታና።

4 አራዳ ዛንጋራ ሁጲያን ደእያ ቆቆፊትያ ጨሻይ፣ አ ስንቸዋ ፑላይ ዋዲ ጋካናፕ ካስቲደ ቴራዳ ባላሰያ ማላ ግዳናዋ፤ እት አሳይ ሄ ባላሰያ በእያ ዋደ፣ ባረ ኩሽያን ኦይቆሳና ማና።

5 ሄ ጋላሰ ኡባፕ ዋልቃማ መድና ጎዳይ ባረ አሳፕ አቲዳዋንቶ ስንቸዋ ካላቻን ፑላው ሁጲያን ኡትያ አሌቆዋ ግዳናዋ።

6 አ ዳናቶ ልከ ፕርድያ እያና፣ ኦላ ሚጻፕ ዛርያዋንቶካ ዋልቃ ግዳናዋ።

ኢሰያ ጎ ማሳቲደ ትምቢትያ ኦድያ ይሁዳ አሳቱዋ

7 ሀዋንቱካ ዋይንያ ኤሳ ኡሺደ ዪጮቲኖን ማላይያ ኡሻን ጋንድጋሪና። ቁሲን ትምቢትያ ኦድያዌ ማላይያ ኡሻን ዪጮቲኖ፣ ኡንቱንቱ ዋይንያ ኡሻን ሻዌቲኖ፣ ማላይያ ኡሻን ጋንድጋሪና። ሳዩ ልከ በእክና፣ ፕርዲደካ ቆብቲኖ።

8 አንቱንቱ ምያ ማዳ ኡባይ ጮሻ ጸላላ ግድያ ድራው፣ ባይቤና ሳኦይ ሙላካ ባዋ።

9 አንቱንቱ ሀዋዳን ያጋና፤ “ኤራተላ አ ኦና ታማርሳኔ? ኪታካ ኦሰ ቆንጮሳኔ? ማላ ፓኩዋ ብር አኼዳዋንቱሴያ፣ ዋይ ቆንሳ ብር ዲጮዳዋንቱሴያ?

10 እያው ጎፕ፣ አ ግያዌ ሀዋ፤ አዛዙዋ ቦላ አዛዙዋ፣ አዛዙዋ ቦላ አዛዙዋ፣ ዋጋ ቦላ ዋጋ፣ ዋጋ ቦላ ዋጋ፣ ሀዋን ጉላ፣ ሄዋን ጉላ” ያጋና።

11 ሽን ጸሳይ አላጋቱዋ ቃላን፤ እማሳቱዋ ደናን ሀ አሳው ሃሳያና።

12 አ አንቱንቶ ሀዋዳን ያጌዳ፤ “ሀዌ ሸምፑዋ፣ ጸላሌዳዋ ሸምፕሰተ። ሀዌ ሸምፕ አክያ ሳ” ያጌዳ። ሸን አንቱንቱ ሰሰናን እጾድና።

13 ሄዋ ድራው፣ አንቱንቱ ቢደ ኩንዳና ማላ፣ መእና ማላን ግትያን ኦይቆቲደ አዋዳዋ ባና ማላ፣ መድና ጎዳ ቃላይ አንቱንቶ አዛዙዋ ቦላ አዛዙዋ፣ አዛዙዋ ቦላ አዛዙዋ፣ ዋጋ ቦላ ዋጋ፣ ዋጋ ቦላ ዋጋ ግዲደ፣ ሀዋን ጉላይ፣ ሄዋን ጉላይ ግዴዳ።

ጽዮንው ጎዳ ጸጸዋ ምንጫያ ሹቻ

14 ሄዋ ድራው፣ ህንተኖ፣ የሩሳላሙን ደእያ አሳ ሞድያ ቅሊጭያዋንቶ፣ መድና ጎዳ ቃላ ሰሰተ።

15 ህንተ፣ “ኑን ሀይቆዋና ገጌዳ፤ ስኦልያናካ ጫቀቲዳ፤ ኑን ዋርዲዋ ኑው ደኤዋ ኦጲዳ ድራውን ማልትያ ኑው ቆስት አትያሳ ኦጲዳ ድራው፣ ዋልቃማ ቦሻይ ዪደካ ኑና ቦቼናን አቆና” ያጌደ ጮቀቲታ።

16 ሄዋ ድራው፣ ኡባ ሞድያ መድና ጎዳይ ሀዋዳን ያጌ፤ “በእተ፣ ታን ጽዮንን ባሱዋ ሹቻ፣ ፓጤቲዳ ሹቻ፣ ጎዳ ጸጸዋ ምንሰያ፣ አልኦ ሹቻ ዋላድ፤ እን እማንያ ኦን፤ ዬላተና።

17 ታን ሱረ ፕርዳ ባሱዋ ልክያ ዋደረዋ፣ ጽሎተላካ ቱምቢያ ኦላና። ቃይ ህንተ እማንትያ ዋርዲዋ ጌሱዋ፣ ሻቻይ ሸጫና፤ ህንተ ቆስት አትያሳካ ሃላይ ሙካና” ያጌ።

18 ሄዋፕ ጌይያን፣ ህንተ ሀይቆዋና ጫቀቲዳ ጫቁ ላለታና። ስኦልያናካ ጫቀቲዳ ጫቁካ ምና። ዋልቃማ ቦሻይ ይያ ዋደ፣ ህንተ እን ሸጤታና።

19 ሄ ቦሻይ ዋንታ ዋንታ፣ ቃምን ጋላሰ ሄዋና አቆና፤ ሄ አድያ ዋደ ኡባንካ፣ ህንተና እክ ባና።

አ ኪታ አኪክያዌ ህንተንቶ ሻቢርሳ ዳጋማ ግዳናዋ።

20 አርሳይ ገድያ ጮኅቲደ ግሳናው ቃንሳ፤ አፍላይካ ጋኦ ማያናው ጉላ።

21 እያው ጎፕ፣ ፓራጺማ ደርያ ቦላን መድና ጎዳይ ኦጲዳዋዳን፣ ባረ ኦሱዋ፣ ባረ እማሳ ኦሱዋ፣ ሄዌካ ባረ ኦራላ ኦሱዋ ኦላናው ደንዳና። ቃይ ጋባኦና ዛንጋራን ሀንቀቲዳዋዳን ሀንቀታናዋ።

22 ጎዳፕ፣ ኡባፕ ዋልቃማ መድና ጎዳፕ አ ቦሻ ቢታ ኡባ ቦላ አሀናው ቃቼዳዋ ታን ሰሴዳ ድራው፣ ህንተ ቃሹ ምና ማላ፣ ቅሊጭያዋ አግተ።

ጸሳ አዲዳ ኤራተላ

23 ህንተ ሀይላ ሃ የጊደ፣ ታን ኦድያዋ ሰሰተ፤ ታ ሃሳያካ አኪኪደ ሰሰተ።

24 ካላ ዘራናው ጎሽያ ጎሻንቻይ ኡባ ገደካ ጎሺደ ደኤ? ቃይ አ ኡባ ገደካ ጉሉዋ ክንቺደን ሊቅሲድ ደኤ?

25 ጋድያ ሊቅሲደ፣ እኑጋ ላሊ፤ ካረላ ሳወቀክ ዘሪ፤ ዛርጋክ እ ይገን፣ ባንጋክ እ ቆሙዋን፣ ሞርገ ምላካ እዉ በሰያ ሳእን ዘሪ ግደኔ።  
 26 እያዉ ጎጥ፣ ሀ ሂላ እ ጸሳይ እ ኤርሴን ታማርሴ።  
 27 ካረላ ሳወቀ ኡዱላ ምላን ቆጸና፤ እኑጋክ ጨጉዋን ቡከና። ሄዋ አጊደ፣ ካረላ ሳወቀክ ጋትማን፣ እኑጋክ ጸምእን ቆጸ።  
 28 ኡክሳ ኡክያ ካሳ ቆጸያሳን ቆጸያዌ ሊቅሲየ? ግደና፣ እ እ ቆጸደ ቆጸደ፣ መድናዉ ደኤና። ቃይ እ ካሳ ቡክያ ፓራ ጋረቱዋ እ ቦላና ላጊደካ ካሳይ ጋጠታናዳን ኦ።  
 29 ሀዌክ ቃይ ማላልሰያ ዘርያ ዘርያ፣ ኦሱዋክ እዴዳ ኤራን ኦልያ ኡባጥ ዋልቃማ መድና ጎዳጥ ዬ።

### 29

#### ዳዊታ ካታማ የሩሳላምዉ እየ እና!

1 ኔኖ ዳዊተ ደኤዳ አሪኤላ ግያ ካታማዉ፣ ነዉ እየ እና! ላይላ ቦላን ላይላ ጉጃ፤ ባላቱዋክ ዛራ ዛራደ ቦንቻ።  
 2 ታን አሪኤላ ግያ ካታማ ብሮክ ኡንኤላና፤ ኡንቴንቴ ዝላላናን ዬካና። ሄ ካታማይ ሱላይ ካሜዳ ያርሽያ ሳኣ ማላ ግዳናዋ።  
 3 ታን ነ የሹዋን ደዳናን እዱሳ ግምቢያን ኔና ድራና፤ ነ ቦላን ኦላ ማማ ኬጸና።  
 4 ሄዋጥ ጉይያን፣ ኔን ቢታ ጨሙዋጥ ሃ ፑደ ሃሳያና፤ ሀርክ ባናጥ ነ ኮሻይ ያና። ነ ኮሻይ ሞይትልያ ኮሻ፣ ቢታ ግደጥ ከሳና፤ ነ ሃሳያይካ ባና ግደጥ ሳሱከታና።  
 5 ሸን ነ ሞርከቱ ሊቆ ባና ኬሻ ጮራን ነ መቀሰ ባይናዋንቴ ፓይዱካ ጫርኩ እፍና ሱላ ኬሻ ዳሮ ግዳናዋ። ቆጥናን ደእሸን ኤላካ።  
 6 ኡባጥ ዋልቃማ መድና ጎዳይ ጉጉንላን፣ ቢታ ቃላን፣ ዋልቃማ ኮሻን፣ ጎትያን፣ ጫርኩዋንን ምያ ታማ ላጩዋን ሀንተና ጸሞሳና።  
 7 አሪኤላ ካታማ ኦልያ ጮራ ካዉተላ ኡባይ፣ ሄ ካታማን እ ጌሱዋ ኦልያ ኡባይ፣ እ ዋይሰያ ኡባይ እኩሙዋዳን፣ ቃማ ሳጸዳን ሀናና።  
 8 ኮሻቱዳ አሳይ እኩሙዋን ሜ፤ ሸን ቤሳትያ ዋደ እ ኮሻይ አገና፤ ዋይ ሳመቱዳ አሳይ እኩሙዋን ኡሸ፤ ሸን ቤሳትያ ዋደ ዳቡራ፤ ሳሙዋክ አልቤና፤ ጽዮን ደርያ ኦልያ ጮራ ካዉተላ ኡባይ ሄዋዳን ሀናና።

#### ጸሳ እዛዙዋ ካድያዌ እህያ ሙሩዋ

9 ሀንተ ሀንተረካ ዳመቲደ፣ ዳማ አሳ ግድተ፤ ሀንተና ሀንተረካ ቆቅሲደ፣ ቆቀ አሳ ግድተ። ማልተ፤ ሸን ዋይንያ ኤሳና ግደጥ። ጋንድጋርተ፤ ሸን ማልይያ ኡሻና ግደጥ።  
 10 እያዉ ጎጥ፣ መድና ጎዳይ ገምእሸዋ ሶኑ ኦልያ አያና ሀንተ ቦላን ጉሴዳ። ትምቢትያ ኡድያዋንቶ፣ ያቲደ ሀንተ አይረቱዋ እ ጎዜዳ። ሳየ በእያዋንቶ፣ ሀንተ ሁጸቱዋክ ጉሎዬዳ።  
 11 ሀ ኡባ ሳጸይ ነዉ አታመቱዳ ማጻፋ ማላ ግዳዳ። አሳይ፣ “ሄይ፣ ሀዋ ናባባ” ያግ፣ እት ናባብ ዳንዳይያ ኡራዉ እምያ ዋደ እ፣ “ማጻፋይ አታመቱዳ ድራዉ፣ ታን ናባባናዉ ዳንዳይከ” ያጋና።  
 12 ቃይ ማጻፋ ናባብ ዳንዳየና ኡራዉ፣ “ሄይ፣ ሀዋ ናባባ” ያጊደ እምያ ዋደ፣ እ፣ “ታን ናባባናዉ ዳንዳይከ” ያጋና።  
 13 ያትና፣ ጎዳይ ሀዋዳን ያጋና፤ “ሀዌ አሳይ ባረ ቦላ ደናን ታኩ ሸቄ፤ ባረ እንጸርሳን ታና ቦንቹ፤ ሸን ኡንቴንቴ ዋዛናይ ታጥ ሃኩዋን ደኤ። ኡንቴንቴ አሳይ መዴዳ ዋጋ ታማሪደ፣ ታዉ ጮ ጎይኒና።  
 14 ሄዋ ድራዉ፣ በእተ፣ ታን ሀ አሳ ቦላ ዛረላደክ ማላልሰያባ ኦላና፤ ማላልያባን ኦራላባ ኦላና። ኡንቴንቴ ኤራንቻቱዋ እዴዳ ኤራተላይ ዳላማና፤ ኡንቴንቴ እኩካንቻቱዋ እኩካይክ ቆሰታና” ያጌዳ።

#### ሰንሳጥ ያና ከኳ

15 ባረ ሀልቹዋ ጨማደደ፣ መድና ጎዳጥ ቆሰያዋንቶ፣ ባረንቴ ኦሱዋ ቆማን ኦሊደ፣ “ኑና ኦን በእ? ኑና ኦን ኤሪ?” ያግያዋንቶ እየ እና!  
 16 ሀንተ የዋቱዋ ላሚታ፤ ኡርቃ መድያዌ ኡርቃ ማላ ጊደ ቆጥታ! መፍቱዳዌ መዴዳዋ፣ “እ ታና መድቤና” ጋይ? ኦቱ ባረና መዴዳዋ፣ “እ እይን ኤሪና” ጋናዉ ዳንዳይ?  
 17 ሊባናሳ ዋራይ አራዳ ጋድያዉ ላመታናዉ፣ አራዳ ጋደ ቃይ ዋራ ግዳናዉ፣ ጉላ ዋደ አቴዳ ግደኔየ?

18 ሄ ጋላስ ቱለቱ ማጻፋ ቃላ ሰሳና፤ ለምለለምእገገን ጭማጥ ከሲደ፣ ቆቀቱዋ እይሬ ጸላና።

19 እሸከቱ ጉጂድካ መድና ጎዳን ናሸታና፤ እሳ ግደን ደእያ ሀዬሳቱካ እስራኤልያ ጌሻን ሀሹ ጋና።

20 መቀላ ሳይናዋንቱ ዉራና። ቅለጭናዋንቱ ትምእ ጋና። ኢታባ ኦላናዉ ዎችያዋንቱ ኡባይ ጳያና።

21 ሄዋንቱ የወዋን እሳ ባይዛንቻ ከሰያዋንታ፣ ችሎታን እሳ ሴርያዋንቶ ግትያ ዎልያዋንታን ዎርዱዋን ጽሎ ብታንያ ፕርሳ ተእያዋንታ።

22 ሄዋ ድራዉ፣ እብራሃማ ዎዜዳ መድና ጎዳይ ያቆባ ዛርያዉ ሀዋዳን ያጌ፤ “ያቆባ ዛሪ ሀዋጥ ሰንሳናዉ ዬላተና፤ ኡንቱንቱ ሶምእካ ዬላተደ፣ ሳእ ጸላና።

23 ሸን ኡንቱንቱ ታ ኩሽያ ኦሶ ግድያ ባረንቱ ናናቱዋ ባረንቱ ግደን በእያ ዎደ፣ ታ ሱንላ ጌሻተላን ናጋና፤ ኡንቱንቱ ያቆባ ጌሻ ጌሻተላ ባይዘክና። እስራኤልያ ጸሳካ ያሻተላን ቦንቻና።

24 እያናን ባሌዳዋንቱ ሰሚደ እኩካና፤ ዙዙምያዋንቱካ ትምርትያ ኦካና” ያጌ።

### 30

#### ግብጾና ጫቀትያ ሀዳ ጫቁዋ

1 መድና ጎዳይ ሀዋዳን ያጌ፤ “ማካላንቻ ናናቶ እየ እና! ታን ሀልቻቤናባ ኦልያዋንቶ፣ ታ እያናጥ ግደና ኤጸ ባረዉ ጊግሰያዋንቶ፣ ናጋራ ናጋራ ቦላ ጉጅያዋንቶ እየ እና።

2 ግብጼ ካትያ ጌሱዋን ኦታናዉን ግብጼ ኩዋን ኦትያሳ ኮያናዉ፣ ታና ዞረታ በሰናን፣ ዱገ ግብጼ ዎድያዋንቶ እየ እና!

3 ሄዋ ድራዉ፣ ግብጼ ካትያ ጌሱ ሀንተንቶ ዬላ፣ ካቲካ ካዉሻ ግዳናዋ።

4 ኡንቱንቱ ካገቱ ጸእነን ደእገካ፣ ኡንቱንቱ ኪቲዳዋንቱ ሀኔሳ ግያ ካገማ ጋክንቶካ፣

5 ዬላገን ካዉሻጥ እትና፣ ሀራባ እያን ሀዋጥ ኦሳ፣ እያን ማደና ዎይ ጎኤና ኦሳን ኦማነቲዳ ኦሳይ ኡባይ ካዉሻና” ያጌ።

6 ኔጌባን ደእያ ደእቱዋባ ጸሳይ ግያዎ ሀዋ፤ ኪተትያዋንቱ መቱነ ቱጋይ ደእያ ቢታ ግዳዋና፣ ጋሙን ጋማታ ዎድያ ሸሻቱነ ገልጻ ዳዌቱ ኮልጸያ ኢታ ቢታና ኦጂደ ባና፣ ባረ ዱረተላ ሀረቱዋ ዞክያን፣ ባረንቱ ኦቁዋ ጋሎቱዋ ዘመላን ጫን እኪደ፣ ኡንቱንቶ እያን ዎድሰና ቢታ ባና።

7 እያዉ ጎጥ፣ ግብጼ ማዶ ጋቲ ባይናባን መላ፣ ሄዋ ድራዉ፣ ታን እ፣ “ጮኡ ጊደ ኡቲዳ ራላባ” ያጋደ ሱንላድ።

#### አዛዘተና እሳ

8 ሀእ ባ፤ ሰንሳና ያና ዎድያዉ መድና ማላታ ግዳና ማላ፣ ኡንቱንቱ ሰንሳን ሹቻ ማሰላን ዎጫ፤ ማዘገባንካ ጸፋ።

9 እያዉ ጎጥ፣ ሀዋንቱ ማካላንቻ ኦሳቱዋን ዎርዱዋ ናናቱዋ፤ ኡንቱንቱ መድና ጎዳይ ኦድያዋ ሰሳናዉ ኮየና ናናቱዋ።

10 ኡንቱንቱ ሳዎ ኦድያዋንታ፣ “ሳጸ በኦጥተ” ያጊና፤ ትምቢትያ ኦድያዋንታካ፣ “ናሸችያባገገን ማላትያባገገን እትና፣ ኦዉ ስረባ ኦደጥተ።

11 ኦግያጥ ክችተ፤ ሎሱዋገገን እት ባጋ ሰምተ፤ ኦን እስራኤልያ ጌሻባ ዛረሏደ ሰሶኮ” ያጊና።

12 ያትና፣ እስራኤልያ ጌሻይ ሀዋዳን ያጌ፤ “ሀንተ ሀ ቃላ እጸደደ፣ ኦሳ ናቂያዋን ኦማነቲዳ ድራዉን ጭምያዋን ጩቀቲዳ ድራዉ።

13 ሀ ናጋሪይ ሀንተንቶ ዛኤደ ዎድያ፣ እኬክናን ኤላካ ኩንድያ ኦዳሳ ግምቢያ ማላ ግዳናዋ።

14 አ መኡ ኡርቃጥ መዴዳን ነጥ ጊደ መኡዳ ኦቱዋ ማላ ግዳናዋ፤ ሄ መኡዋ ግደን ታማ ካሸያ ግደ ኦላጥ ሃላ ዳቂደ ከሰያ ኮንኦይነ ቤተና” ያጌ።

15 ኡባ ሞድያ መድና ጎዳይ፣ እስራኤልያ ጌሻይ ሀዋዳን ያጌ፤ “ሀንተ ታኮ ሰምያዋን ሸምጥያዋን ኢታና፤ ጮኡ ግያዌን ኦማነትያዎ ሀንተንቶ ዎልቃ ግዳናዋ፤ ሸን ሀንተ እጸድታ።

16 ሀዋዳን ያጌድታ፤ “ቲይት፣ ኦን ፓራቱዋን ኡቲደ ባቃታና” ያጌድታ፤ ሄዋ ድራዉ፣ ሀንተ ባቃታና። ቃይካ ሀንተ፣ ኦኤሌል ፓራቱዋ ቶጊደ ብ ክቻና” ያጌድታ፤ ሄዋ ድራዉ፣ ሀንተና የደርሰያዋንቱ ኤሌላና።

17 እት ቶራንቻ በእደ፣ ሀንተጥ ሻእ ኦሳይ ባቃታና፤ እቼሹ ቶራንቻቱ ሀንተና ሙልያ የደርሳና። ደርያ ሁጲያን ኤሌዳ ባንድራ ዎላዳን፣ ሀንተ ቶራንቻቱዋጥ ጉላቱ ኢታና” ያጌ።

18 ሸን መድና ጎዳይ ሀንተንቶ ኮካናዉ ናጌ፤ እ ሀንተንቶ ቀረትያዋ በሳናዉ ደንዴ። እያዉ ጎጥ፣ መድና ጎዳይ ጽሎ ፕርድያ ጸሳ፤ እ ናግያዋንቱ ኡባቲ ኦንጀቲዳዋንታ።

#### ጸሳይ ባረ ኦሳ እንጃና

19 ሀንተና፣ የሩሳላመን ደእያ ጸየን ኦሳቶ፣ ሀዋጥ ሰንሳናዉ ዬክክታ፤ ሀንተ ዋሱዋን እ ሀንተንቶ ቱሙዋጥ ቃረታና፤ እ ሀንተ ዋሱዋ ሰሰያ ዎደ፣ ሀንተንቶ ዛርዋ እማና።

20 ጎዳይ ህንተንቶ መቱዋ ኡክላነ ቱጋ ሃላ እሞጥካ፣ ህንተ አስታማሪ ሀዋጥ ሰንገላን ባረና ቆሰና። ሽን ህንተ እይፊ ህንተ አስታማርያ በአና።

21 ህንተ ኡሸቻ ዋይ ሀድርሳ ሰምያ ዋይ፣ ጉየና ህንተና፣ “ኦጊ ሀዋጅ እን ቢተ” ያግያ ኮሻ ህንተ ሰሳና።

22 ሄዋጥ ጉይያን፣ ብራን አለቀቱዳ ኤቃቱዋን ዋርቃን ካመቱዳ ምሰለቱዋ ህንተ ቱንሳና። ቅታ ጨርቃዳን ህንተ ኡንቱንታ፣ “ኦጊ ሃክተ” ያጊደ ዋራ ኦላና።

23 ሄ ዋይ ህንተ ጋድያን ዘራዳ ካላዉ እ አራ ቡክሳና፤ ጋድያጥ ሞክያ ካላይካ ሙሩታን ዳር ግዳና። ሄ ጋላሰ ህንተ ሚዛይ እኮ ደምባን ሀመታና።

24 ጋድያ ጎሽያ ቦራቱን ሀረቱ ላይዳን ግላን ፑነቲይ፣ ጌዬዳ ሀርቁዋ ማና።

25 ህንተ ሞርከቱዋ ጌሶቱ አሞደትና፣ አሳይ ጎራኤቲደ ዉርያ ጋላሰ፣ ዋልቃማ ደረቱዋጥን ቆቃ ደረቱዋጥ ፓልቶ ሃላቱ ጎጋና።

26 ሄ ጋላሰ አገናት ፖኡ እዋ ፖኡዋዳን ሀናና፤ እዋ ፖኡካ ካሰዋጥ ላፑን ኩሽያ ዳራና፤ ላፑን ጋላሳ ፖኡዋ ከና ፖኡና። ሄ ጋላሰ መቅና ጎዳይ መኤዳ ባረ አሳ ኮላና፤ እ ደትና ማዴጶዳ ማዴላካ ፓላና።

**ጳሳይ አሰረ ሙራና**

27 በእተ፣ መቅና ጎዳ ሰንገላይ ሱልያ ህንቁዋና፣ ሰኬዳ ጨዋ ሻርያና ሃኮ ሳጥ ያና፤ እ ዳይይ ህንቁ ኩሚዳዋ፤ እ እንጸርሳይካ ምያ ታማ።

28 ባረ ፔኑዋን ኡባባ ፕት አፍያ ድኡዋዳን፣ ቆይሰያ ሃላ ኩንሉዋ ማላ። እ ካዉተላቱዋ ባሻ ዛዘርያን ዛዘራና፤ አሳ ጋፓታካ ዋራ አፍያ ብጸላ ባርሳና።

29 ጌሻ ባላይ ቦንቼትያ ቃማ የጽያዋዳን፣ ህንተ የጻና፤ መቅና ጎዳ ደርያ እሰራኤልያ ዛላኮ ብያ ዋይ፣ ሱሱልያ ፑኒደ የጽያ አሳይ ናሽትያዋዳን፣ ህንተ ናሽታና።

30 ቃይ መቅና ጎዳይ ባረ ያሽያ ኮሻ ሰሳና፤ እ ቀሲ ዋቋይ ሾጭያ ሾቻ ባረ ሱልያ ህንቁዋን፣ ምያ ታማ ላጨዋን፣ ጎትያን፣ ኡሹዋን ሻቻ ቡርጭያን ቆንጭሳና።

31 መቅና ጎዳይ ባረ ኮሻን አሰረ ዳጋንጎና። እ ጸምኤይካ ኡንቱንታ ሾጫና።

32 መቅና ጎዳይ ኡንቱንታ ባረ ሙርያ ጸምኤን ሾጫና ሾቻይ ኡባይ ዳርቢያን ሲዳን ግዳና። ኦላን እ ባረ ቂሰያ ደንገዳይ፣ ኡንቱንታ ኦላና።

33 እያዉ ጎጥ፣ ታማ ኤልያሳአ ቶሬት በን ጊኤዳ፤ ሄ ሳእይ ጊጊዳዋ ካትያሳ። ሄ ሳእይ ዝቃን እኮ ግዲደ፣ ታማይን ዳር ሞላይ ደረት ኡቲዳ ሳ። መቅና ጎዳ ሸሞፑ ዲንያ ሻፋዳን ዪደ፣ ሄ ታማ ኤል ከሳና።

**31**

**ጳሳይ የሩሳላመ ናጋና**

1 ማዲዋ ኮያናዉ ዲጊ ግብጾ ዋድያዋንቶን ፓራን አማነትያዋንቶ እየ አና! ጮራ ግድያ ድራዉ ፓራ ጋረቱዋን፣ ዳርጥ ሞና ግድያ ድራዉ ፓራ አሳቱዋን አማነትያዋንቶ እየ አና! ኡንቱንቱ እሰራኤልያ ጌሻኮ ጴልክኖ፤ ዋይ መቅና ጎዳጥ ማዲዋ ኮይክኖ።

2 ሽን እካ ባሻ አሀናዉ ዳንዳይያ አጼዳ ኤራንቻ፤ ባረ ጌዳዋካ አገና፤ ኢታቱዋ ጎልያ አሳ ቦላን ኢታባ ኦልያዋንታ ማድያዋንቱ ቦላ ደንዳና።

3 ግብጾ ጋድያ አሳቱ አሳጥ አትና፣ ጳሳ ግድክና። ኡንቱንቱ ፓራቱካ አሾጥ አትና፣ እያና ግድክና። መቅና ጎዳይ ህንቁዋን ባረ ኩሽያ ምጭያ ዋይ፣ ማድያዋ ቆብታና፤ ማደትያዋካ ኩንዳና፤ ኡንቱንቱ ኡባይካ አትጥ ቆያና።

4 ጳሳይ ታና ሀዋዳን ያጌ፤ “ጋሙ ዋይ ዋዳላ ጋሙ መሀያ ኦይቂደ ጉድያ ዋይ፣ ዳር ሄንጎንቻቱ እ ቦላ ጴሰት ሸቆጥካ፣ እ ኡንቱንቱ ዋሶ ዳጋመና። ኡንቱንቱ ዋሶካ ያየና። ሄዋዳንካ፣ ኡባጥ ዋልቃማ መቅና ጎዳይ ጽዮን ደርያንን እ ቆቃን ኦላ ጋከታናዉ ዲጊ ዋቆና።

5 ካፋ ቦላና አዋልያዋዳን፣ ኡባጥ ዋልቃማ መቅና ጎዳይ የሩሳላመ ጎንዳላናን አሽ አካና፤ እ እ ቦላና አቋይ፣ እ ዋል አካና” ያጌ።

6 ህንተኖ እሰራኤልያ አሳቶ፣ ህንተ ሎይል ማካሌዳዋኮ ሰሞተ።

7 እያዉ ጎጥ፣ አሳ ኡባይ ባረንቱ ናጋራንቻ ኩሽያን ብራጥን ዋርቃጥ መቆዳ ኤቃቱዋ ሄ ጋላሰ ኦላና።

8-9 ታማይ ጽዮንን፣ ጮጢ የሩሳላመን ደእያ ጳሳይ ሀዋዳን ያጌ፤ “አሰረ አሳዋ ግድና ማሻን ኩንዳና፤ አሳዋ ግድና ማሻይ ኡንቱንታ ማና። ኡንቱንቱ ማሻ ሰንገላጥ ባቃታና፤ ኡንቱንቱ ዋዳላ አሳቱ ዴጾ ኦሶ አዛዘታና። ዳጋማ ጋሱዋን፣ ኡንቱንቱ ምኖ ጌሱ ላለታና፤ ኡንቱንቱ ኦላ ጋዳዋቱካ ዳጋማዉ ኦላ ባንድራ አግ ባሽጊደ ባና” ያጌ መቅና ጎዳይ።

**ጳሳይ ኤዶማ ሙርያዋ የሩሳሌሞ አንጀያዋ ግዲሳ**

32

(ኢሳ. 32:1—35:10)

ጽሎተላን አይሰያ ካትያ

- 1 በእት፣ ካቲ ጽሎተላን ካተታና፤ ሞድያዋንቱክ ሱረተላን ሞድና።
- 2 አሳይ ሁጲያን ሁጲያን ጫርኩዋፕ ገምያ ሳ፣ ጎትያፕ ባቃትያ ሳ ግዳናዋ፤ መላ ሳኣን ጎግያ ሃላን ዘዘትያ ጋድያን ደእያ ዋልቃማ ዛላ ኩዋ ማላ ግዳናዋ።
- 3 ጼልያ አሳቱ አይፊ ጨልመና፤ ሰሰያዋንቱ ሀይላይካ ሀይዛና።
- 4 ታፍታፍያ አሳቱዋ ዋዛናይ ኤራናን እኬካና። ዴዶትያ አሳቱዋ እንጸርሳይካ ሱረ ጌሺደ ሃሳያና።
- 5 ሀዋፕ ሰንሳናዉ ኤይ ቦንቾ አሳ ጌተተና። ኢታ አሳይ ቦንቾተና።
- 6 አያዉ ጎፕ፣ ቦዛይ ቦዛተላ ሃሳየ፤ አ ዋዛናይካ ናጋራ ኦላናዉ። መድና ጎዳ ቦላ ጸላባ ሃሳያናዉ። ኮሻቲዳዋንታ ካልሰናን አጋናዉን ሳመቲዳዋንታ ኡሸናን ድጋናዉ። ኢታባ ማቀቲ።
- 7 ኡዘትያዋ ኡዚ ኢታ፤ መቶታንቻይ ሱረባ ሃሳዪደ። ዋርዲዋን ሀዬሳ ጳይሳናዉ እ ኢታ ቆፋ ቆፕ።
- 8 ሎኦ ኡራይ ሎኦባ ሀልቼ፤ ሄ ሎኦ ሀልቼዋን ሞኒደ ደኤ።

ፕርዳን በትያፕ ሰምያዋ

- 9 ሀንተኖ ቆፋይ ባይናን ደእያ ማጫዋንቶ፣ ደንድተ፤ ታ ኦድያዋ ሰሰተ፤ ሀንተኖ አማነቲደ ኡቲዳ ማጫ ናቶ፣ ታን ሀንተንቶ ኦድያዋ ሰሰተ።
- 10 አት ላይላፕ ጉላ አድሸን፤ ሀንተ አማነቲደ ኡቲዳዋንቱ ኮኮራና፤ ዋይንያ አ ዋድያን ጸንቂያዋ አታና። ቶኬዳዋፕ ሀንተ አይፍያ ሸሻና ዋዲካ ዬና።
- 11 ሀንተኖ አሻሉዋን ደእያ ማጫዋንቶ፣ ኮኮርተ። ሀንተኖ አማነቲደ ኡቲዳ ማጫ ናቶ፣ ጋጅ ጋጅተ። ሀንተ ማዩዋ ቃርተ፤ ካዩዋ አፍላ ሀንተ ጸሳን ዳንጭተ።
- 12 ሎእያ ሸይቃይን አይፍያ ዶርጸጼዳ ዋይን ጳዬዳ ድራዉ። ካዮቲደ፣ ሀንተ ትራ ባቂተ።
- 13 አጉንላ ቡራይን ክንድቻ ታ አሳ ጋደን ሞኬዳ። አሳይ ናሽቲደ ደኤዳ ጎላቱዋሰን ናሽቻን ደኤዳ ሀ ካታማዉ ዬክተ።
- 14 ሚጸይ አታና፤ ዳር አሳይ ደእያ ካታማቲካ ኦናና፤ ጌሱነ ዋቻያ ግምበቱ መድናዉ መላ ግዳናዋ፤ አንቱንቱ ዋራ ሀረቱ ናሽትያሳን ዶርሳ ዉዲ ሀመትያሳ ግዳናዋ።
- 15 ሄዌነ፣ ቦላ ቶቃፕ ኑ ቦላ አያናይ ጉካና ጋካናሳ፣ መላ ባዙ አራዳና ጋካናሳን አራዳ ቢታይካ ዋራ ግዳዳ ጌተቲደ ቆፊታና ጋካናሳ።
- 16 ሄዋፕ ጉይያን፣ ሱረ ፕርዳይ መላ ባዙዋን፣ ጽሎተላይካ አራዳ ጋድያን ደእና።
- 17 ጽሎተላ ኦሱ ሳርተላ ግዳናዋ፤ ጽሎተላ አይፊካ መድናዉ ዋፓተላን አማነቲደ ደእያዋ ግዳናዋ።
- 18 ታ አሳይ ሳርተላይ ደእያ ሳኣን፣ ናገትያ ጎልያንን ዋፑ ጌዳ ሸምፖ ሳአቱዋን ደእና።
- 19 ሻቻን ዋራይ ዲፖፕ፤ ቃይ ካታማይ ኡባና ኮለቶፕ፤
- 20 ሄ ሃላ ኡባ ማታን ሀንተ ካላ ዘሪደ፣ ሀንተ መሀያካ ሀንተ ሀረቱዋካ ሄንላዉ ብል የዲደ፣ ሀንተ ሎይሳ አንጀታና።

33

ማዲዋ ዋሳ

- 1 ኔኖ፣ ኔና ጳይሰናን ደእሸን ጳይሰያዎ፣ ነዉ አየ አና! ኔኖ፣ ኔና አሳ አመናን ደእሸን፣ አላ አምያዎ፣ ነዉ አየ አና! ኔን ጳይሰቆ አኔዳ ዋደ ኔና ጳይሳና፤ ኔን አላ አመቆ አኔዳ ዋደ ኔና አሳ አማና።
- 2 አቢት መድና ጎዳዉ፣ ኑና ማራ፤ ኑን ኔና ናጌቶ፤ ዋንታ ዋንታ ኑዉ ዋልቃ ግዳ፤ መቲዋ ዋደካ ኑና አሸያዋ ግዳ።
- 3 ነ ኮሻይ ጉጉንላዳን ጉምያ ዋደ አሳይ ባቃቲ፤ ኔን ኑና ማዳናዉ ደንዳ ኤቂያ ዋደ፣ ካዉተላቲ ላለቲኖ።
- 4 ጎንዲ ሸቅያዋዳን፣ ሀንተ ኦዋዲ ሸቃና፤ ቦሊ ድርቢያዋዳን፣ አሳይ አ ቦላ ድርባና።
- 5 መድና ጎዳይ ቦላን ደእያ ድራዉ፣ ቶቁ ቶቁ ጌዳ፤ እ ጸዮን ሱረ ፕርዳንን ጽሎተላን ኩንሳና።
- 6 እ ሀንተንቶ ሀንተ ዋድያ ምንሰያዎ፣ ሀንተ ኩመንላ አቶተላ፣ አይዳ ኤራተላን ኤራ ግዳናዋ፤ መድና ጎዳዉ ያይያዋ አዉ አቆ ግዳናዋ።
- 7 በእት፣ ኡንቱንቱ ዋልቃማ አሳቲ ኦግን ዋሰና፤ ሰጋተላዉ ከቲዳዋንቱክ ሞሽቲደ ዬኪና።
- 8 አኮ ኦገቱ ኦኔድኖ፤ ኦግያና አድያዋ አጌዳ። እ ባረ ጫቀቲዳ ጫቁዋ ኮሌዳ፤ ካታማቲዋካ ካይዳ። አሳካ ደምቢና።

9 ቢታይ ካዮቴነ ላባኔ። ለባናሰ ዬላቴደ መሌ፤ ሳርና ግያ እራዳ ድልባይ መላ ቢታ ግዴዳ። ባሳነ ግያ ደርያንን ቃርመሎሳ ደርያን ደእያ ሞላቱዋ ሀይላይ ቆቆፈቴ።

ጸሳይ ባረና እጽያዋንታ ኡባ። “አዬ!” ጌዳዋ

10 መድና ጎዳይ ካወተላቶ ሀዋዳን ያጌ፤ “ሀእ ታን ደንዳና፤ ሀእ ታን ቦንቼታና፤ ሀእ ታን ቶቁ ቶቁ ጋና።

11 ሀንተ ኡቱላ ሻሃሪይ፣ ሱላ የሌድታ። ሀንተ ሸምፕያ ሸምፕ ሀንተና ሞያ ታማ።

12 አሳይ ታማን ጸገቴዳ ብድንሳ ማላ ግዳናዋ፤ ቃይ ቃንጸቲይ፣ ታማን ኤዴዳ እጉንሳ ማላ ግዳናዋ።

13 ሀንተና፣ ሃኩዋን ደእያዋንቶ፣ ታን ኦሌዳዋ ሰሰተ፤ ማታን ደእያዋንቶ፣ ታን ዋልቃማ ግድያዋ አከክተ” ያጌ።

14 ጽዮንን ደእያ ናጋራንቻቱ ያዬድና፤ ጸሳይ ግድናዋንታ ኮኮርሳይ ኦይቄዳ። ሄዋ ድራው፣ ኡንቱንቱ፣ “ምያ ታማና ደእናወ ዳንዳይያ ኡራይ ኑ ግደን ኦኔ? ኤዲደ ደእ አግያዋና ደእናወ ዳንዳይያ ኡራይ ኑ ግደን ኦኔ?” ያጌና።

15 ጽሎተላን ሀመትያዋ፣ ሱረባ ሃሳይያዋ፣ ሱረ ግድና ኦግያና ቤትያ ጎእ እጽያዋ፣ ማታይያ አካናወ ባረ ኩሽያ የደናዋ፣ ሱላ ጉሰያዋ ሰሰናዳን፣ ባረ ሀይላ ቱጫያዋ፣ ኢታባ ጸላናዳን፣ ባረ አይፍያ ጨልምያዋ።

16 ሄ ኡራይ ቶቃሳን ደእና። እ ባቃቲደ አታና ሳአይካ ምኖ ዛላ ደኡዋ ግዳናዋ፤ እ ኡክላይካ አወ እመታና፤ እ ኡሽያ ሃሳይካ ፓጨና።

ቦንቼ ኩሜዳ ያና ላይላ

17 ሀንተ አይፈቱ ካትያ አ ፑላና በእና፤ ሃኪደ ደእያ ቢታካ በእና።

18 ሀንተ ዋዛናይ፣ “ፓይዴዳዌ ሀቃን ደእ? ገራ ይግ ጸሌዳዌ ሀቃን ደእ? አዲሳ ግምበቱዋ ፓይዴዳዌ ሀቃን ደእ?” ያጌደ ያሸያ በንዋ ቆፓና።

19 ሀንተ ቃረት ባይና አሳቱዋ፣ ሀንተንቶ ገለና ሃሳይ ሃሳይያ አሳቱዋን እንጸርሳይ ዳዶትያ አሳቱዋ ሀዋፕ ስንላን በእክታ።

20 ኦን ኑ ባላ ቦንቻያ ጽዮን ካታማ በእተ! ዋፑ ጊደ ደእያሳ፣ እ ሸካሊ ሸደተና፣ እ ዋዶሩካ ዳዳናን ቃጸና ዳንካንያ ማላ፣ የሩሳሳመ ካታማ ሀንተ ሀንተ አይፍያን በእና።

21 ሸን መድና ጎዳይ ኡወ ሄ ሳእን ባረ ዋልቃማ ዋልቃ ቆንጫሳና። ሄ ሳእይ እኩ ሻፋቱን ጎግያ ሃላቱዋ ማላ ግዳናዋ። ላግያ ዋሉዋሉ አ ቦላና ባናወ ዳንዳየና፤ ዋልቃማ ማርካቢካ ያና አፋናወ ዳንዳየና።

22 እያወ ሳፕ፣ መድና ጎዳይ ኑ ዳና፤ መድና ጎዳይ ኡወ ሀግያ እሜዳዋ። መድና ጎዳይ ኑ ካትያ፤ እ ኦና አሻና።

23 ነ ዋዶሩዋ ቃሹ ሸልኤዳ፤ ማርካቢያ ቱሳ አ ሳእን ምንሰ ኦይቃናወ ዋይ ሻራካ ጸጋጋናወ ዳንዳየና። ሄ ዋዶ ዳር ኦሞዲደ እሄዳባይ ሻከታና፤ ሀራይ አትና፣ ዋባቱካ ኦሞዲዋ ኦሞዳና።

24 ጽዮንን ደእያ ኦን፤ “ታን ሀርጋይ” ያገና፤ ያን ደእያ አሳ ናጋራይ አቶ ጌተታና።

### 34

ጸሳይ ባረ ሞርከቱዋ ሙራና

1 ሀንተና፣ ካወተላቶ፣ ሸቄይ ሰሰተ! ሀንተና አሳቶ ሰሰተ! ቢታይን ጋድያን ደእያባይ ኡባይ፣ ሳአይነ ሳእን ደእያባይ ኡባይ ሰሰተ!

2 እያወ ሳፕ፣ መድና ጎዳይ ካወተላ ኡባ ሀንቀቱዳ፤ እ ይሉካ ኡንቱንቱ ቶራንቻቱዋ ኡባ ቦላና። እ ኡንቱንቱ ኡባና ቆይሳና፤ ኡንቱንታ ሲፍያዋንቶ አሊደ እማና።

3 ኡንቱንቱፕ ፑዴዳዋንቱ ኦላታና፤ ኡንቱንቱ እሃይ ጽንቃና። ዋጋ ደረቱ ኡንቱንቱ ሱላን ካመታና።

4 ሳሎዋ ጸልንተቱ ኡባይ ሲላና፤ ሳሎቱ ዋራቃታዳን ጸጸታና። ኡንቱንቱ ጸልንተቱ ኡባይ ዋይንያፕ ሀይላይ ቆቆፈትያዋዳን፣ ባላሰያፕ አይፊ ቆቆፈትያዋዳን ቆቆፈታና።

5 ታ ማሻይ ሳሎቱዋ ግደን አላና ጋካናወ ኤሼዳ። በእተ፣ እ ኤደማ ቦላ፣ ታን ሸቄዳ አሳ ቦላ ፕርዳናወ ዋዴ።

6 መድና ጎዳወ ቦጽራ ግያ ካታማን ያርሹ፣ ኤደማ ጋድያን ዋልቃማ ሹካይ ደእያ ድራው፣ መድና ጎዳ ማሻይ ሱላን ማጨቲደ፣ ሞዱዋን ጸጸቱዳ። ደርሳቱዋን ዳሻቱዋ ሱላን ማጨቲደ፣ ደርሳቱዋ ክላሆቱዋ ሞዱዋን ጸጸቱዳ።

7 ቃይ መንሳቱ፣ ማራቱነ ኮሩማ ቦራቱ ኡንቱንቱና ኩንዳና። ኡንቱንቱ ቢታይ ሱላ ጸላላ ግዳና፤ ኡንቱንቱ ቢታይካ ሞዱዋን ሙናቃታና።

34:4 ማቶሳ 24:29፤ ማር. 13:25፤ ሉቃሳ 21:26፤ ሳፃ 6:13-14 34:5 አሊ. 63:1-6፤ አር. 49:7-22፤ ሀኪ. 25:12-14፤ 35:1-15፤ አሞጸ 1:11-12፤ አባድ. 1-14፤ ሚልክ. 1:2-5



- 8 እያው ጎጥ፣ መድና ጎዳይ ሀሉዋ ከሰያ ጋላሳ፤ ጽዮን ኦሌዳ ሞርከቶ ኩሽያ ዛርያ ላይላ።
- 9 ጎጣያ ኤዶማ ሃላቱ ሸድያው፣ እ ቢታይካ ዲንያው ላመታናዋ፤ እ ቢታይ ኤጽያ ሸድያ ግዳናዋ።
- 10 ታማይካ ቃማን ጋላሳን ቶኤና፤ እ ጨዋይካ መድናው ጨዋታና። ኤዶማ ቢታይ የለታጥ የለታ ጋካናው፣ መላ ግዳናዋ፤ እንገን መድናው ሄዋና አፍ።
- 11 ሸን ጽግግሊን ቁጸርሳይ እ ላታና፤ ጉቶቱን ቁሩ እን ደእና። ጸሳይ ኤዶማ ቦላ ኮላላ ልክያ ዋዶሩዋን መላተላ ልክያ ቱምቢያ ፕድ ኦሊደ የዳና።
- 12 ሄ ጋድያን ካተትያዌ ጳያና፤ ካፓቱካ ሄዋጥ ክቻና።
- 13 እ ገለቱዋን እጉንሳይ፣ እ መጻፍቱን ኦካይ ኦዶሩ ሞካና። እ ዋራካናቱ አላጽያሳን ሶንጊ ደኢያሳ ግዳናዋ።
- 14 ዋራ ዶኦቱ ጎዳረቱዋና ጋከታና፤ ቱና እያናቱ እቱ እቱዋና ጴጦታና፤ ቃማ ጸላሄቱ ዋጂዶ፣ ያን ደእና።
- 15 ጉታታ ያን ጎልያ ኪጻና፤ ቁቁሌዳ ቁቁለቱዋ ሀጸደ ቆጻና። ባረ ማራቱዋካ ባረ ቀፈቱዋ ጋርሳን ሀጸና፤ ቃይ ጋጨቱ ባረንቱ ላግያና ላግያና ሄ ሳኦ ሸቃና።
- 16 መድና ጎዳ ማጻፋጥ ኮዪደ ናባብተ። ጸሳ ዶድይ አዛዚዳ ድራውን እ እያናይ ሸሹዳ ድራው፣ ሀዋንቱጥ እቱን ጋጨና፤ ቃይ እቱን ባረ ላጊ ባይናን ደኤና።
- 17 እ ኦንቱንቶ ሳማ ከሴዳ፤ እ ኩሽ ኦንቱንቶ ጋድያ ዋርዱዋን ሻኪዳ፤ ኦንቱንቱ እ መድናው ሞዳና፤ የለታጥ የለታ ጋካናው፣ ኦንቱንቱ እን ደእና።

### 35

#### ጽሎተላ ኦግያ

- 1 ቢታ ባዘነ መላ ቢታይ ናሸታና፤ መላ ቢታይ ናሸቻ ፖጩ ጊደ፣ ጨሻ ጨሻና።
- 2 እ ዳርፕ ጨሻና፤ ፖጩ ጊደ ናሸቻን የጻና። ለባናሳ ቦንቹን ቃርመሎሳን ሳርና ግታተላይ እመታና፤ ኦንቱንቱ መድና ጎዳ ቦንቹዋን ኦ ጸሳ ግታተላ በእና።
- 3 ዳቡራዳ ኩሸቱዋን አርጋጩዳ ጉልባታ ምንጭተ።
- 4 ዋዛናን ያሻይ ደእያዋንታ፣ “ምንተ! ያዮፕተ! ሄኮ፣ ህንተ ጸሳይ ሀሉዋ ከሳናውን ባረ ጸሳተላን ኦንቱንታ ሙራራው ያና፤ እ ህንተና አሻና” ያግተ።
- 5 ሃ ዋዶ፣ ቆቀቱዋ አይፊ ዶየታና፤ ቱለቱዋ ሀይላይካ ሰሳና።
- 6 ዋዛቱዋ ገንእያዳን ጉፓና፤ ዱደቱካ ናሸቻን የጻና፤ ባዙዋን ሃላይ መሎሳን ፑልቱ ጳቃና።
- 7 ጽግያ ሻፊ ዳጋቱዳ ሃላ ግዳናዋ፤ መላ ቢታይ ሃላ ፑልታና፤ ዋራካናቱ አላጽያሳን ማታይ ማቃይን ጫሪ ደላና።
- 8 ያን እኮ ኦጊ ደእና፤ እካ ጌሻተላ ኦግያ ጌተታና። ጌሻ ግደናዋንቱ ሄ ኦግያና አድክና። ሸን እ ጌሻቱዋሳ ግዳናዋ፤ ኢታ ኤያቱ እን ሰመረትክና።
- 9 ያን ጋሙ ደኤና፤ ያሸያ ዶኦቱካ ሄዋና አድክና፤ ያንካ ቤትክና፤ ሸን ዋዘቱዳዋንቱ ጸላላይ ሀመታና።
- 10 መድና ጎዳይ ዋዘዳዋንቱ ሰማና፤ የጸድ፣ ጽዮን ያና፤ መድና ናሸቻይ ኦንቱንቱ ሀጸያን ዋጻና። ኦንቱንቱ ናሸቻን ሀሸጉ ግያዋ ደማና፤ ካዩን ኦሊ ዋራ ባቃታና።

### አሶራ፣ ባብሎና፣ ካትያ ሀዘቅያሳን ኢሰያሳ

### 36

(36:1—39:8)

አሶራቱ የሩሳላሞ ናሴድና

(2 ካታ. 18:13-27፤ 2 ኦዲዋ 32:1-19)

- 1 ካትያ ሀዘቅያሳን ካተቱዳ ታማን እይደንሎ ላይላን፣ አሶራ ካቲ ሳናክራብ ግምበት ኡቲዳ ይሁዳ ካታማቱዋ ኡባ ኦሊደ እይቁዳ።
- 2 ሄዋጥ ጉይያን፣ አሶራ ጋድያ ካቲ ላክሻ ግያ ካታማጥ እት ዋርትያ ኦሊ ጋዳዋ ጮራ ኦላንቻቱዋና ካትያ ሀዘቅያሳን የሩሳላሙ የዱዳ። ቢደ፣ ማዩዋ ሜጭያዋ ጋደ አፍያ ኦግያጥ ቆሞ ባጋና ደእያ ዳጋቱዳ ሃላይ ጎጣያ ሃላ ማታን ኤቁዳ።
- 3 ያትና፣ ሀልቂያ ናኢይ ካትያ ጎልያን እዋትያ ኤልያቂመ፣ ዋና ጸፊ ሹብንን አሳፋ ናኢይ ታርክያ ጻፍያ ዮኦህ እኮ ካረ ከሴድና።
- 4 አሶራቱዋ ጋዳዋይ ኦንቱንታ፣ “ሀዘቅያሳን ሀዋዳን ያጊደ ኦድተ፤ አሶራ ካቲ፣ ዋልቃማይ ኔና ሀዋዳን ያጌ፤ ሄን ሀዋ ኬሻ እያን እማንታዲ?”

5 ነን ሙ መላ፡ ኦላ ኦላታናው ታዉ እዴዳ ኤራይነ ዎልቃይ ደኤ ያጋላ። ሽን ነን ኦናን አማነታደ ታ ቦላ ሀዋ ማካላዲ?

6 ነን ግብጹ ካቲ ማዳና ጋደ ቆፔዳዋ ግደፕ፡ መኤዳ ማቃ ጋትማን ጉፈትያ አሳ ማላ። አያው ጎፕ፡ ጸምእይ መእና፡ ፕንጩ ኩሽያ ጫዳነ ማዶጽሴ። ግብጹ ካቲ ባረናን አማነትያ አሳ ኡባው ሄዋ ማላ።”

7 ሽን ነን ታዉ፡ “ኡን መድና ጎዳን፡ ኦ ጸሳን፡ አማነቲቶ” ያጎፕ፡ ሀዘቁያሰ ይሁዳ አሳነ የሩሳላመ አሳ፡ “ህንተ የሩሳላመን ደእያ ያርሽያሳን ጎይናናው ኮሺ” ጊደ፡ አው ጎይንያ ጶቃ ሳኦቱዋን ያርሽያ ሳኦ ድጌዳ ጸሳ እ ግይኔ?

8 እነ ሀእ ሃያ! ታ ጎዳ አሶሪ ካትያና ናሰታ። ነን ቶጋናው ዳንዳይያ፡ ግድያ አሳ ደዋፕ፡ ላኤ ሻእ ፓራቱዋ ታን ነው አማና።

9 ነን፡ “ግብጹቲ ፓራ አሳቱዋነ ፓራ ጋሪቱዋ ታዉ የዳና” ጋደ አማናፕነ፡ ታ ጎዳ ኦላንቻቱዋ ካፓቱዋፕ እት ላፍያዋካ ዛራናው ዳንዳይያ።

10 ሄዋ ቦላካ ቃይ፡ ታን ሀእ ቱሙ መድና ጎዳ አዛዙ ባይናን ሀ ጋድያ ጳይሳናው ከሳድታ? መድና ጎዳይ ባረ ሁጲያን ታና፡ “ኔሪ፡ ሄ ጋድያ ባይ፡ ኦላደ ባይዛ” ያጊደ ኦዴዳ ያጌ ያግተ ያጌዳ።

11 ሄዋፕ ጉይያን ኤልያቂሙ፡ ሺብንነ ዮእህ አሶሪቱዋ ጋዳዋ ሀዋዳን ያጌድና፤ “ኡን ብለሳ ኤርያ ድራው፡ ሀያና ነን ኑው ነ ቆማቶ ሶርያ ቃላን ኦዳ። ድርሳ ግምቢያ ሁጲያን ደእያ አሳይ ሰሰና ማላ፡ አብራይሰጸ ቃላን ኦደፓ” ያጌድና።

12 ሽን ጋዳዋይ ዛረሲደ፡ “ሀ ቃላቱዋ ታን ሀንተውነ ሀንተ ጎዳ ጸላላው ኦዳናው ታና ታ ጎዳይ ከቲዳየ? ሀንተናና እትፕ ባረንቱ ኤርቃ ሺሻ ማናውነ ባረንቱ ሃሳ ሺሻ ኤሻናው ደእያ፡ ሀ ድርሳ ግምቢያ ቦላ ኡቲዳ አሳ ኡባው ኦዳናሳ ግደኔየ?” ያጌዳ።

13 ሄዋፕ ጉይያን አሶሪቱዋ ጋዳዋይ ደንድ ኤቂደ፡ ባረ ቃላ ጶቁ ኦላደ፡ አብራይሰጸ ቃላን ሀዋዳን ያጌዳ፤ “አሶሪ ካቲ ዎልቃማይ ሀንተና ግያዋ ሰሰተ!

14 ካቲ ሀንተና ሀዋዳን ያጌ፤ ‘ሀዘቁያሰ ሀንተና ጭዋፖ፤ እያው ጎፕ፡ እ ሀንተና ታ ኩሽያፕ ዎስ እካናው ዳንዳይያ።

15 እ ሀንተና፡ “መድና ጎዳይ ቱማ ኦና አሻና፤ ሀ ካታማይካ አሶሪ ካትያ ኩሽያን ገለና” ጊደ ሀንተ መድና ጎዳን አማነታና ማላ ኦሎፕ” ያጌ።

16 “ኡ፡ ሀንተ ሀዘቁያሰ ኦድያዋ ሰሶተ። አሶሪ ካቲ ሀንተና፡ ታናና ሰገትተ፤ ሃ ታኮ ከሰተ። ያቶፕ፡ ሀንተ ኡባይካ ሀንተ ዎይንያ ቱራፕነ ሀንተ ባላሰያ ቱራፕ ማና፤ ሀንተ ቦኬዳ ኦላፕካ ሃሳ ኤሻና።

17 ሄዋፕ ጉይያን ታን ያደ፡ ሀንተና ሀንተ ቢታ ማላትያ ቢታ እካደ አፋና። ሄ ቢታይ ካሳይነ ዎይንያ ኤሳይ፡ ኡክሳይነ ዎይንያ አታክልቲ ኩሜዳ ቢታ” ያጌ።

18 “ሀዘቁያሰ ሀንተና፡ መድና ጎዳይ ኦና አሻና” ያጊደ ጭመናዳን ናገትተ። ጋድያ አሳቱዋ ጸሳቱዋፕ ባረ ቢታ አሶሪ ካትያ ኩሽያፕ እሺዳ ጸሰ ደእያ?

19 ሀማታ ጸሳቱነ አርፋዳ ጸሳቱ ሀቃን ደእኖ? ሳፋርዋይማ ግያ ካታማ ጸሳቱ ሀቃን ደእኖ? ኡንቲንቲ ሳማርያ ታ ኩሽያፕ ዎስ እኬድና?

20 ሀ ቢታቱዋ ጸሳቱዋ ኡባ ግደን ባረ ጋድያ ታ ኩሽያፕ እይ ጸሰ እሺዳዋ ሽን፡ መድና ጎዳይ የሩሳላመ ታ ኩሽያፕ አሻኔ?” ያጌዳ።

21 ሽን አሳይ እት ቃላን አው ዛረናን ሙኤ ጌዳ። እያው ጎፕ፡ ካቲ ኡንቲንታ፡ “አው እይነ ዛሪደ ኦደፕተ” ያግ ዎሌዳ።

22 ሄዋፕ ጉይያን ሀልቁያ ናአይ ካትያ ጎልያን አዎትያ ኤልያቂሙ፡ ዋና ጸፊ ሺብንነ ታርክያ ጸፊ አሳፋ ናአይ ዮእህ ባረንቲ ማዩዋ ፔጲደ፡ ሀዘቁያሳኮ ቤድና፤ አሶሪቱዋ ጋዳዋይ ጌዳዋ ኡባ አው ኦዴድና።

### 37

#### ካቲ ሀዘቁያሰ ኢሰያሳ ዘርያ ኦቼዳ (2 ካታ. 19:1-7)

1 ካቲ ሀዘቁያሰ ሄዋ ሰሴዳ ዎደ፡ ባረ ማዩዋ ፔጲዳ፤ ማቃ ማዩደ፡ መድና ጎዳ ጌሻ ጎልያ ገሊዳ።

2 ካትያ ጎልያን አዎትያ ኤልያቂሙ፡ ዋና ጸፊ ሺብንነ ጭማ ቄሳቲ ማቃ ማዩደ፡ አዎጸ ናአ ትምቢትያ ኦድያ ኢሰያሳ ኮ ባና ማላ ከቲዳ።

3 ኡንቲንቲ ኢሰያሳ ኮ ቢደ፡ “ሀዘቁያሰ ሀዋዳን ያጌ፤ ሀቼ ጋላሳይ መቶ ጋላሳ፡ ሴራ ጋላሳነ ዬላ ጋላሳ። ሄዎካ ናአ የለታናው ዎዲ ጋክና፡ ባናደ የላናው ሞሽራትው ዎልቃይ ጳይያዋ ማላ።

4 ደኡዋ ጸሳ ሸቃናዳን፣ አ ጎዳይ፣ አሶረ ካቲ፣ ኪቲዳ ጋዳዋ ቃላ መድና ጎዳይ ነ ጸሳይ ሰሰናን አገና። ቃይ መድና ጎዳይ ነ ጸሳይ ሄ ሰሴዳ ቃላ ሀዳን አ ሙረናን አገና። ሄዋ ድራጫ፣ ኑ አሳ ግደን ፓላህ አታናዋንቶ ዋሳ!፣ ያጌ” ያጌድኖ።

5 ካትያ ህዝቁያሳ ቆማቱ ኢሰያሳ ኮ ዬዳ ዋደ፣

6 እሰያሰ ኡንቱንታ ሀዋዳን ያጌዳ፤ “ህንተ ጎዳጣ ሀዋዳን ያጌደ ኦድተ፤ መድና ጎዳይ ኔና፣ ላሰረ ካትያ ቆማቱ ታና ሸቅሸን፣ ኔን ሰሴዳ ቦርያ ቃላጣ ያኖ።”

7 ቦአ፣ ኦዲዋ ሰሴዳ፣ አ ባረ ቢታ ሰማና ማላ፣ ታን አ ግደን እት እያና ዋላና። ያታደ አ ባረ ቢታ ቢደ፣ ያን ማሻን ሀይቃናዳን፣ ታን አ ኦላና ያጌ” ፣ ያግተ ያጌዳ።

አሶረቱ ሀራቱዋካ ናሴድኖ

(2 ካታ. 19:8-19)

8 አሶረ ካቲ ላክሻ ካታማፕ ደንዲደ ብ ክቺዳዋ አሶረቱዋ ጋዳዋይ ሰሴዳ፣ ጉዮ ሰሜዳ። ካቲ ሊብና ካታማን ኦለትያዋ ደሜዳ።

9 ካቲ ሳናክራብ፣ “ቶጵያ ካቲ ትርሃቅ ኔና ኦላናጣ ዬዳ፣ ያግያ ኦዲዋ ሰሴዳ። ህዝቁያሳጣ ሀዋዳን ያግ ኪቲዳ፤

10 “ይሁዳ ካትያ ህዝቁያሳ፣ ኔን አማነትያ ጸሳይ ኔና፣ ፍሩሳላመ አሶረ ካትያ ኩሽያን ገለና ያግ ጭሞ።”

11 ቦአ፣ አሶረ ካተቱ ቢታቱዋ ኡባ ኡባና ጳይሴደ፣ ኡንቱንቱ እጫዳዋ ኔን ሰሳዳ። ያትና፣ ኔን አታን?

12 ቦን ታ ማይዛ አዋቱ ባይዜዳ ቢታቱዋ ጸሳቱ፣ ሄዋንቱን ጎዛና፣ ካራነን ረጸፋ ቢታቱዋ ጸሳቱን ታላሳሪን ደእያ ኤደን አሳ ጸሳቱ ሄ ቢታቱዋ ባሻፕ አሺድኖ?

13 ሀማታ ካቲ፣ አርፋዳ ካቲ፣ ሳፋርዋይማ ካቲ፣ ሄናአ ካቲን አዋ ካቲ ሀቃን ደአኖ?” ያግ ኪቲዳ።

14 ህዝቁያሰ ዳብዳቢያ ኪተቲዳ አሳቱዋፕ አኪደ ናባቤዳ። ዳብዳቢያ መድና ጎዳ ጌሻ ጎልያ አክ አፊደ፣ መድና ጎዳ ሰንሳን ሞጩዳ።

15 ያቲደ መድና ጎዳ ሀዋዳን ያግ ዋሴዳ፤

16 “አቤት ኡባፕ ዋልቃማ መድና ጎዳጣ፣ ክሩብቱዋፕ ግዲዋን ኡትያ አሰራኤልያ ጸሳጣ፣ ሳአ ካጣተላቱዋ ኡባ ቦላ ነ ጸላላይ ጸሳ። ሳሉዋን ሳአ ኔን መጳዳ።

17 አቤት መድና ጎዳጣ፣ ነ ሀይላ ሃ ያገደ ሰሳ። አቤት መድና ጎዳጣ፣ ነ እይፍያ ፖጋደ ጸላ። ኔና፣ ደኡዋ ጸሳ ቦራናጣ ሳናክራብ ኪቲዳ ቃላ ሰሳ።

18 “አቤት መድና ጎዳጣ፣ አሶረ ቢታ ካተቱ ካጣተላ ኡባን ኡንቱንቱ ጋድያ ባይዜዳዋ ኤ ቱማ።

19 ኡንቱንቱ ጸሳቱዋ ታማን ጸግ ጳይሴድኖ፤ እያጣ ጎፕ፣ ኡንቱንቱ ጸሳቱ ዋንካ አሳ ኩሺ ማሰደ ከሴዳ ሞላን ሹቻ ግድያ ድራጫ፣ ቱሙ ጸሳቱዋ ግድክኖ፤ ሄዋ ድራጫ፣ ኡንቱንቱ ኡንቱንታ ጳይሴድኖ።

20 ሀእ ሰሞ አቤት መድና ጎዳጣ፣ ኑ ጸሳጣ፣ ነ ጸላላይ ጸሳ ግድያዋ ሳአ ካጣተላቱ ኡባይ ኡራና ማላ፣ ኔን ኑና አ ኩሽያፕ ዋላ አካ!” ያግ ዋሴዳ።

እሰያሰ ካትያወ የዴዳ ኪታ

(2 ካታ. 19:20-37)

21 ሄዋፕ ጉይያን፣ አሞዶ ናአይ እሰያሰ ህዝቁያሳጣ ሀዋዳን ያግ ኪቲዳ፤ “መድና ጎዳይ እሰራኤልያ ጸሳይ ሀዋዳን ያጌ፤ ሳን አሶረ ካትያ ሳናክራባ ጋሱዋን ታና ዋሴዳ ዋሳ ሰሳድ” ያጌ።

22 መድና ጎዳይ ሳናክራባዋ ሀዋዳን ያግ ሃሳዮ፡-

“ጽዮንን ደእያ አሳይ ኔና ካጼ፤ ፍሩሳላመ አሳይ ባረ ሁጲያ ቃላደ፣ ኔና ቅሊጩ።”

23 ኔን ሸቁዳዌን ቶቺዳዌ ኦኔ?

ኔን ኦ ቦላን ነ ቃላ

ቶቁ አላደ ሃሳያዲ?

ቃይ ኦቶሩዋን ኦና

ቶቁ ጋደ ጸላዲ?

ሄዋ ኔን ኦጫዳዌ ታ ቦላና፣

እሰራኤልያ ጌሻ ቦላና ግደኔ!

24 ኔን ኪቲዳ አሳቱዋ ባገና ጎዳ ሸቃዳ።

ቃይ ሀዋዳን ያገዳ፤

“ታን ታጣ ደእያ ጮራ ፓራ ጋረቱዋን

ቶቃ ደረቱዋ ሁጲያ፣ ሊባኖሳ ደርያ ኪክያ ከሳድ።”

ከሳደ ኡባፕ አዲቂያ ዝጋቱዋነ፤  
 ኡባፕ ሎኣያ ጸዳቱዋ ቃንጸድ።  
 ታን ቆቃዉ ዉርሰላ ጋጸነ፤  
 ጨልሞ ዋራ ጋካድ።  
 25 ታን አላጋ ቢታቱዋን  
 ሃላ ኦላቱዋ ቦካደ፤  
 ሃላ ኡንቱንቱፕ ኡሻድ።  
 ግብጹ ጋድያን ጎግያ ሃላ ኡባ  
 ታን ታ ገድያ ጎሞፓን የጳደ መልሳድ።  
 ያጋድ።

26 “ዳር ዋድያፕ ካሰ፤  
 ኔን ግሞበቲዳ ካታማቱዋ ቆቆፋደ፤  
 ሹቻ ኬላ ከሳና ማላ፤  
 ታን ቆፋ ቃቻ ዋሴዳዋ ኔን ኤራብይኪ?  
 ታን ሀእ ፖልያ ሀልቾቱዋ፤  
 በን ሀልቻ ዋላድ።

27 ሄዋ ድራዉ፥ ኡንቱንቱ አሳዉ ዋልቃይ እጽና፤  
 ኡንቱንቱ ካዉሼድናን ዬላቲድና።  
 ኡንቱንቱ ጋይ ማታ ማላ፤  
 ጎሻን ሞኬዳ ጫርሻ ማላ።  
 ኡንቱንቱ ጎልያ ሁጲያን  
 ሞክያ ሻራፋዳንን ካኤናን ደእሸን፤  
 ትሻን ሞግ ሜዳ ካላዳን ሀኔድና።

28 “ሸን ኔን ኡትያሳ፤  
 ከሰያሳ፥ ገልያሳነ፤  
 ታ ቦላ ኔን ሀንቀቲዳ ሀንቁዋ ታን ኤራይ።

29 ኔን ታ ቦላ ሀንቀቲዳ ድራዉነ፤  
 ነ ኡቶሩዋካ ታን ሰሴዳ ድራዉ፤  
 ታን ነ ሲድያን ታ ማጋ አላና፤  
 ነ ደናንካ ታ ብጸላ ባርሳና።

ያታደ ኔን ዬዳ ኦግያና፤  
 ታን ኔና ጉየ ዛራና ያጌ”  
 ያጌዳ።

30 ሄዋፕ ጉይያን፥ እስያሰ ካትያ ሀዘቂያሳ ሀዋዳን ያጌዳ፤ “ሀዋ ነዉ ማላታይ ሀዋ፡ ሀ ላይሐ ሀንተ አዛባ ሞኬዳ ካላ ማና፤ ላይሐ ቃይ ሀ ላይሐ ሞኬዳዋ አዛባ ማና። ሸን ካላ ላይሐ ሀንተ ሀንተ ሁጲያን ዘርተነ ጫክተ፤ ዋይንያ ቱራካ ቶክተነ አ ቲራ ሚተ።

31 ይሁዳ አሳፕ አትያዋንቱ ጸጸዋ ዱጎ የዲደ፤ ቦላን እይፍያ እይፍያ ሞላ ማላ ግዳናዋ።

32 አያዉ ጎፕ፥ ዉሪደ አቲዳዋንቱ የሩሳላመፕ፥ ፓላሄዳዋንቱካ ጽዮንፕ ከሳና። ኡባፕ ዋልቃማ መድና ጎዳ ሞሹ ሄዋ ኡሴደ ፖላና።

33 “ሄዋ ድራዉ፥ እሶረ ካትያባ መድና ጎዳይ ሀዋዳን ያጌ፤ ላሶረ ካቲ ሀ ካታማ ገለና፤ ዋይ ሀዋን ባረ ዋንዳፍያ ዱከና፤ ዋይ ባረ ጎንዳልያ ኦይቂደ፤ ሀ ካታማ ሰንሳ እና፤ ዋይ ቃይ ካታማ የሹዋ ቢታ ዶርያን ዶደና።

34 እሶረ ካቲ ባረ ዬዳ ኦግያና ጉየ ሰማና፤ እ ሀ ካታማ ገለና። ታን መድና ጎዳይ ሀዋ ኦዳይ።

35 ታን ታ ቦንቹዋ ድራዉነ ታ ቆማ ዳዊታ ድራዉ፥ ሀ ካታማ ቦሽሰናን እሻ አካና’ ያጌ” ያጌዳ።

36 ሄ ጋላስ ቃማ መድና ጎዳ ኪታንቻይ ከሲደ፥ እሶረ አሳይ ዱንካኔዳሳን፥ እት ጴታነ ሆሰፕን ታማነ እቹሹ ሻእ አቲማ አሳ ዋዴዳ። ያትና፥ አሳይ ዋንታ ሱራይ በእያ ዋደ፥ ሀይቄዳ አሳ አሃይ ሄዋን ኩሜዳ።

37 ሄዋ ድራዉ፥ እሶረ ካቲ ሳናክራብ ደንዲደ፥ ጉየ ሰሞ ቢደ፥ ናናቂ ካታማን ኡቲዳ።

38 እት ጋላስ ሳናክራብ ባረ ጸሳ ንሰሮካ ጎልያን ጎይኒድ ደእሸን፥ እ ናናይ አድራመሊክነ ሳርኤጸር ማሻን እ ዋዴድና። አራራተ ግያ ቢታ ባቃቲድና። እ ናኤይ እሰራደን አ ሳካን ካተቲዳ።  
 37:38 አሰራደን፥ እ አብራዌላ ቃላን “ኤሳር-ሀደን” ጌተ።

38

ካቲ ህዝቂያስ ሀርጊደ ፓጼዳ  
(2 ካታ. 20:1-11፤ 2 ኦዲዋ 32:24-26)

1 ሄ ዋደ ካቲ ህዝቂያስ ሀርጊደ፡ ሀይቃና ማቴዳ። ያት ደእሸን እዋጸ ናእይ ትምቢትያ ኦድያ እስያስ እኮ ቢደ፡ “መጅና ጎዳይ ነና፡ ሄን ሀይቃሳፕ አትና ፓጸካ፤ ሄዋ ድራጫ፡ ነ ጎልያ ገግሳ” ያጌ።

2 ህዝቂያስ ጎዳኮ ስም ግሲደ፡ መጅና ጎዳ ዋሴዳ።

3 እ “እቤት መጅና ጎዳጫ፡ ታን ነ ስንላን ቱማተላን ኩመንላ ዋዛናን ሄመቴዳዋን ቃይ ነና ናሸቶያባ ኦፊዳዋ ታጫ ነን ሀሳያና ማላ፡ ታን ነና ዋሳይ” ያጌደ ዋሴዳ፤ ህዝቂያስ ሎይላ ሞሸቲደ ዬኬዳ።

4 ሄዋፕ ጉይያን፡ መጅና ጎዳ ቃላይ እስያሳ ኮ ሀዋዳን ያጌድ ዬዳ።

5 “ባደ፤ ህዝቂያሳ፡ መጅና ጎዳይ ነ ማይዛ እጫዋ ዳዊታ ጸሳይ ሀዋዳን ያጌ፤ ‘ታን ነ ዋሳ ሰሳድ፤ ነ አፎላካ በእድ። ነ ላይላ ቦላ ታን ነጫ ታማን እቲሹ ላይላ ጉጃና።

6 ነናን ሀ ካታማ አሰሪ ጋድያ ካትያ ኩሸያፕ አሻና፤ ታን ሀ ካታማጫ አለታደ አሻና ያጌ ” ያጋ ያጌዳ።

7 እስያስ ጉጃድካ ሀዋዳን ያጌዳ፤ “መጅና ጎዳይ ባረ ጌዳ ቃላ ፖላናጫ መጅና ጎዳጫ ማላታይ ሀዋ።

8 በእ፡ እካዝ ዠደ ከሳናጫ ገገሲዳ ደላን ደእያ ኩዋይ ታሙ ታንጉዋ ጉዩ ሰሚደ ባናዳን፡ ታን ኦላና” ያጌዳ። ኩዋይ ታሙ ታንጉዋ ጉዩ ሰሚደ ቤዳ።

9 ይሁዳ ካቲ ህዝቂያስ ሀርግ ፓጼዳዋፕ ጉይያን፡ ጸፊዳ ማዝሙሪ ሀዋ።

10 ታን፡ “ታ ደኦ ላይላጫ ብር ባጋ ጋክያ ዋደ፡ ሀይቁዋ ፕንግያና ገላና ሀናይታ? ታ አቴዳ ላይላ ቦንቁ ድግና፡ መላ አታና ሀናይታ?” ያጋድ።

11 ሄዋዳንካ ቃይ፡ “ታን ፓጸ ደእያዋንቱ ጋድያን መጅና ጎዳ በእከ፤ ሀ ሳካን ደእያዋንቱ ግደንካ ላኢንላ መጅና ጎዳ በእከ።

12 ድርሳ ሄምያዋ ዲንካንያዳን፡ ታ ደኦ ሸደቲዳ። ሸማይኒ አፍላ ሀርባን ጸጽያዋዳን፡ ታን ታ ደኦዋ ጸጸድ፤ እካ ታና ሸማይንያ ሀርባፕ ዲጼዳ ጋላሳፕ ቃማ ጋካናጫ፡ ነን ታና ቆይሳዳ ያጋድ።

13 ሳእይ ዋንታና ጋካናጫ ታን ማዲዋ ደማናጫ ዋሳድ። ሸን ጋሙዋዳን እ ታ መቀላ ኡባ መንሴዳ። ቃይ ጋላሳፕ ቃማ ጋካናጫ፡ ነን ታና ቆይሳዳ።

14 ታን ጭራሹዋዳን ሃላ ካፋዋዳን ዋሳድ፤ ሀራጽያዳንካ ዙዙማድ። ታ አይፈቲ ሳሉዋ ዠደ ጸሊደ ጸሊደ ዳቡራድና። አቤት ጎዳጫ፡ ታን ኡንኤታድ፤ ነን ታና ሀ ኡንኤዋፕ ከሳ!” ያጋድ።

15 ሀዋ ኡባ ጸሳይ እ ባረ ሁጺያን ኦፊዳ፤ ያትና፡ ታን እያ ጋናጫ ዳንዳያይታ? ታ ሸምፑ ሎይላ ኡንኤቲዳ ድራጫ፡ ታ ላይላ ኡባን አሸከተላን ሀመታና።

16 እቤት ጎዳጫ፡ ሀዋንቱ ማላ የዋቴዋን አሳይ ፓጸ ደኤ። ሀይ ታ ፓጸተላ ዛራደ፡ ታና ፓጸ ዋሳርኪ!

17 በእ፡ ታን ሀ ዋልቃማ ቱጋ ቱጋቴዳዋ ታጫ ሎእ ግዴዳ። ነን ታ ሸምፑዋ ባሻ ኦላፕ ጉዩ ዛራደ አሻዳ፤ ነን ታና ጋራ ኡባ ኔፕ ጉዩ ዛራደ ኦላዳ።

18 እያጫ ጎፕ፡ ዱፋ ነና ጋላተና፤ ሀይቁካ ነና ሳበና። ጨማ ኦላጫ ዲገ ዋጅያዋንቱ ነና እማንሴ ጊደ ሀድታ ኦልክና።

19 ታን ሀጃ ነና ጋላትያዋዳን፡ ፓጸ ደእያዋንቱ ጸላላቱ ነና ጋላቲና፤ ነን እማንሴዋ አጫ ባረ ናናቶ ኦዴ።

20 መጅና ጎዳይ ታና አሻና፤ ሄዋ ድራጫ፡ ኦን ኦ ደኡዋ ላይላ ኡባን፡ መጅና ጎዳ ጎልያን ባቀቲዳ ክርያን ዋጸቲዳ ዲላን የጸና።

21 ሀዋፕ ካሰ እስያስ፡ “ባላሰያ ቲራ ዳጺደ፡ እ ጋፋዋ ቦላ ዋልተ። ያቶፕ፡ እ ፓጸና” ያግ ዋሴዳ።

22 ህዝቂያሰካ፡ “ታን ፓጸደ መጅና ጎዳ ጌሻ ጎልያ ዠደ ከሳናዋ ማላታይ እዬ” ያግ ኢሰያሳ ኦች ዋሴዳ።

39

ባብሎንፕ ከተቲደ ዬዳ አሳቱዋ  
(2 ካታ. 20:12-19)

1 ሄ ዋደ፡ ባላዳና ናእይ፡ ባብሎን ካቲ ማርዳክ ባላዳን፡ ህዝቂያስ ሀርጊደ ፓጼዳዋ ስሴዳ ድራጫ፡ ዲብዳቢያን እሙዋ ህዝቂያሳጫ የዴዳ።

2 ህዝቂያስ ከተቲደ ዬዳ አሳቱዋ ሞኬዳ። ያቲደ ባረ ሻሉዋ ምንጅያ ጎልያን ደእያ ብራ፡ ዋርቃ፡ ሳጫዋ፡ አልኦ ዛይትያ፡ ባረ ኦላ ሚሻን ባረ ሻሉዋ ምንጅያ ጎልያን ደእያዋ ኡባ ኡንቱንታ

በሴዳ። ባረ ሶን ዎይ ባረ ካወተላ ግደን ደእያዎ ኡባጥ ህዝቁያሰ ኡንቲንታ በሰናን እኒዳባይ እያይነ ባዎ።

3 ሄዋጥ ጉይያን፣ ትምቢትያ ኦድያ እሰያሰ ካትያ ህዝቁያሳኮ ዪደ፣ “ሀ አሳቱ ዋጌድና? ኡንቲንቱ ሀቃጥ ዬድና?” ያግ ኡቼዳ።

ህዝቁያሰ፣ “ኡንቲንቱ ታኮ ሃኮ ጋድያጥ፣ ባብሎነጥ ዬድና” ያጌዳ።

4 እሰያሰ ቃይካ፣ “ኡንቲንቱ ነ ሶን እያ እያ በኤድና?” ያጌዳ።

ህዝቁያሰ፣ “ኡንቲንቱ ታ ሶን ደእያ ኡባባ በኤድና፣ ታ ሻሎዎ ምንጅያ ጎልያን ደእያባጥ ታን ኡንቲንታ በሳቤናባይ እያይነ ባዎ” ያጌዳ።

5 ሄዋጥ ጉይያን፣ እሰያሰ ህዝቁያሳ፣ “ኡባጥ ዎልቃማ መድና ጎዳይ ግያዎ ሰሳ።

6 መድና ጎዳይ ሀዋዳን ያጌ፤ ሳ ካትያ ጎልያን ደእያባይ ኡባባይነ ነ ማይዛ አዎቱ ሀች ጋካናዉ ሺሼዳባይ ኡባባይ ኡባና አዎደቲደ፣ ባብሎነ ቢታ ባና ጋላሳቱ ያና፤ አጥ እያይነ አተና።

7 ቃይ ነዉ የለታና፣ ነ አሾነ ነ ሱላ ግድያ፣ ነ አቱማ ዛራቱዋጥካ አዎደቲደ ባና፤ ቢደ ባብሎነ ካትያ ጎልያን ጎይር ግዲደ ኡላና’ ያጌ። ያጌዳ።

8 ህዝቁያሰ ዛሪደ፣ “ኔን ኦዴዳ መድና ጎዳ ቃላይ ሎአ” ያጌዳ። አያዉ ጎጥ፣ ህዝቁያሰ፣ “ታን ደኤዳ ላይላን ሳሩነ ዎጋይ ደአና ግደኔ” ያግ ቆጉዳ።

### ጳላይ ባረ አሳ አሽያዎ ግዲሳ

## 40

(40:1—48:22)

ምንጩ ኩሚዳ ቃላ

1 ህንተ ጳላይ ሀዋዳን ያጌ፤ “ታ አሳ ምንጩ! ምንጩ!”

2 የሩሳሳመዉካ፣ እዛ አዎዲዋን ደኤዳ ዎዲ ፖለቲዳዎ፣ እዝ ናጋራይ አቶ ጌተቲዳዎ ኦድተ፤ እዝ ናጋራ ድራዉ፣ መድና ጎዳይ እዙ ላኡ ዳኩዎ መራዳዎ ኦድተ” ያጌ።

3 እት ሀዋዳን ያግያ ኮሻ ሰሰቲ፤ “መላ ቢታን መድና ጎዳ ኦግያ ገግሰተ፤ ኑ ጳላዉ መላ ጋድያን እኮ ኦግያ ስት አሳተ።

4 ዎዎባ ኡባይ ቆቁ ጋና፤ ደሪ ኡባይነ የዉ ኡባይ ዝቂ ጋና። ባዬዳ ኦጊ ሳላላና፤ ኮርጶኮርጶ ቢታይካ ደምባጋና።

5 ሄ ዎደ፣ መድና ጎዳ ቦንቹ ቆንጫና፤ አሹዎ ማዬዳ ኡባይ ሄዎ እትጥ በአና። አያዉ ጎጥ፣ መድና ጎዳ ደናይ ሄዎ ሃሳዬዳ” ያጌ።

6 እት ኮሻይ፣ “ዋሳ!” ያግያዎ ሰሳድ።

ታን፣ “ዋጋይ ዋሰን?” ያጋድ።

“አሳይ ኡባይ ማጋ ማላ፤ እ ቦንቹ ኡባይካ ደምባ ጨሻ ማላ።

7 መድና ጎዳይ ባረ ሸዎጥዎ አ ቦላን ሸዎጥያ ዎደ፣ ማታይ መሌ፤ ጨሻይካ ቆቆፈቲ። አሳይ ቱሙ ማታ ማላ።

8 ማታይ መሌ፤ ጨሻይካ ቆቆፈቲ፤ ሸን ኑ ጳላ ቃላይ መድናዉ ኤቂደ ደኤ” ያጋ ዋሳ።

9 ኔኖ ምሽራቹዎ ኦድያ ጽዮኔ፣ ቆቃ ደርያ ዮደ ከሳ፤ ነኖ ምሽራቹዎ ኦድያ የሩሳሳመ፣ ነ ኮሻ ዎልቃጥ ቆቁ ኦሳ፤ ያዮገ፤ ቆቁ ኦሳ፤ ያታደ ይሁዳ ካታማቶ፣ “ህንተ ጳላይ ሀዌኮ” ያጋ ኦድ።

10 በአተ፣ ኡባ ሞድያ መድና ጎዳይ ዎልቃና ዬ፤ አ ቀሲ አዉ ሞዳና። በአተ፣ አ ዎይታይ አናና ደኤ፤ እ ኦሱዎ ጋቲካ እ ሰንሳና።

11 እ ባረ ዉድያ ሄንላንቻዳን ሞዜ፤ ባረ ደርሳ ማራቱዋካ ባረ ቀሰያን ሺሺደ፣ ባረ ክዉዋን አድማና። ቆንሳዎንታካ ሎዳን ካላላና።

ኡባጥ ቦላ ግዴዳ እሰራኤልያ ጳላ

12 ሃላቱዎ ባረ ኩሽያ ኮጶያን ማኪዳዌ፣ ሳሎቱዎ ታካድያን ልኬዳዌ፣ ቢታ ባና ቁንኣን ማኬዳዌ፣ ቃይ ደረቱዋን ዘዘቱዋካ ሚዛናን ልኬዳዌ ኦኔ?

13 መድና ጎዳ እያና አዛዜዳዌ፣ ዎይ እ ዘርያዎ ግዲደ ታማርሴዳዌ ኦኔ?

14 እ ባረዉ ቆንጫናዳን፣ መድና ጎዳይ ኦናና ዘረቲዴ? ዎይ እ ሱሪ ፕርዳ ኦግያ ታማርሴዳዌ ኦኔ? ዎይ እ እጴዳ ኤራተላ ታማርሴዳዌ ዎይ እ አከካ ኦግያ በሴዳዌ ኦኔ?

15 በአተ፣ ካዉተላቱ ባራታ ግደን ደእያ እት ጸክያ ሃላ ማላ። ኡንቲንቱ ሚዛናን ደእያ ጉላ ባናዳን ገይደቲድና። በአተ እ ዳጋቲዳ ሃላካ ሊቆ ባናዳን ማዛነ።

16 ሊባናሳ ምሳይ አዉ ኤላናዉ ግደና፤ እን ደእያ ደአቲካ ጸግያ ያርሾ ግድክና።

17 ካውተላቱ ኡባይ እ ሰንላን ባይናዋ ማላ፤ ኢንቱንቱ እ ሰንላን ኡባ ባይናባጥካ ጉላዳን ፓይደተና።

18 ያትና፡ ጸላ ህንተ ኦናና ማላትሲቱ? ዋይ አይ ምስለቱዋና ልኪ ጸሊቱ?

19 ኤቃ ምስልያ ግደጥ፡ ኩሽያ ሂላ ኤርያ አሳይ እ ማሴ፤ ሄዋ ቃይ ዋርቃ ትግያዌ ዋርቃን ሹሹ፤ ብራ ትግያዌካ እ ቦላ ብራ ሳንሳላታ መዴ።

20 ሄዋ ሻሉ ባይና ህይሳይ ያርሾ ዋቀና ምላ ደሬ፤ ያተደ፡ ሄ ምስሊ ቃጸናዳን ኤሳናው ኩሽያ ሂላ ኤርያ አሳ ኮዬ።

21 ኤርበይክቱ? ዋይ ሰሰበይክቱ? ሀዌ ህንተንቶ ኮይሮጥ ኦይትቤኔ? ዋይ ሳአይ መጠቶደጥ ሀዋ ህንተ እኬክበይክቱ?

22 እ ቢታ የሹዋጥ ቦላ ባጋን ባረ አራታን ኡቱ፤ ጋድያን ደእያዋንቱ እ ሰንላን ቡምቡረላ ማላ። ሳሎቱዋ ጋርዲዋዳን ፕድ አሳያዌ፡ ቃይ ደኢያሳ አሊደ፡ ዲንካንያዳን ቶልያዌ።

23 ካጋቱዋ ባይናባዳን አሳያዌ፡ ቢታ ካለሳያዋንታካ ሀዳ አሳያዌ እ።

24 ብር ኢንቱንቱ ቶክቶሳናን ዘረቶሳና፡ ቃይ ጸጴዋካ ብር ጋድያን የደሳና፡ ጸሳይ ኢንቱንቱ ቦላ ጫርኩዋ የድ አኒዳ፤ ኢንቱንቱካ መሌድና፤ ጎቲ ኢንቱንታ ሱላዳን አፊዳ።

25 ጌሻይ ኢንቱንታ፡ “ያትና፡ ታን ኦናና ልከታናው ታና ኦናና ማላትሲቱ?” ያጌ።

26 ህንተ አይፍያ ቶቁ ኦሊደ፡ ሳሎዋ ጸልተ፤ ሄ ጸልገተቱዋ መዴዳዌ ኦኔ? እ ኢንቱንታ ኦላንቻዳን ካለሌ፤ ኢንቱንቱ ፓይዲዋካ ኤሬ። እ ኢንቱንታ ኡባካ ኢንቱንቱ ሰንላን ሰንላን ጸሴ። እ አንጋ ግታተላጥ፤ እ ዋልቃ ምናተላጥ ደንዴዳዋን፡ ኢንቱንቱጥ እቱ፤ ሳያና።

27 ኔና ያቆባ፡ ነና አሰራኤልያው፡ “ታ ኦጊ መድና ጎዳጥ ጌሜዳ፤ ጸሳይ ታ ፕርዳ ሸኩ ጌዳ” ያጋ አያው አማሳላይ? ቃይ አያው ሀዋዳን ሃሳያይ?

28 ኤራበይኪ? ሰሳበይኪ? መድና ጎዳይ መድና ጸሳይ፤ እ ቢታ ኡባካ መዴዳዋ፡ እ ዳቡረና፤ ዋይ ዋልቃይ አው ወረና፤ ኦን፤ እ ቆፋ ኤራናው ዳንዳየና።

29 ዳቡራንቻው ዋልቃ እሜ፤ ምናተላይ ባይናዋካ ምናተላ ጉጁ።

30 ሀራይ አቶ ያላጋ ናናይካ ዳቡሪና፤ ቃይ ዋልቃ ወሪና። ዋዳላቱካ ኡባና ዳቡሪይ ኩንዲና።

31 ሸን መድና ጎዳ አማነቲደ ናግያዋንቱ፡ ባረንቱ ዋልቃ ኦራሳና። ኢንቱንቱ አርጋንላቱዋዳን፡ ቀፍያን ፑይ ከሳና፤ ዋጺደ ዳቡርክና፤ ሀመቲደካ ዋልቃ ወርክና።

# 41

## እስራኤልያው ጸላ ማዲዋ

1 ጸሳይ ሀዋዳን ያጌ፤ “ህንተና አባ ዶናን ደእያ ቢታቶ፡ ጮኤ ገደ፡ ታን ኦድያዋ ሰሰተ! አሳይ ባረንቱ ምናተላ ኦራጸሰና፤ ኢንቱንቱ ሃ ሸቂይ ሃሳዪና። እነ ኦን ፕርደታናው እትጥ ሸቆይተ።

2 “ብያሳ ኡባን ጸንያ እቱዋ እዋይ ደልያ ባጋጥ ደንሌዳዌ ኦኔ? እ ካውተላቱዋ እ ሰንላን አሊደ እሜ፤ ያትና፡ እ ካተቱዋ ገድያጥ ጋርሳና የዴ። እ ኢንቱንታ ባረ ማሻን ባናዳን ኦሌ፤ ቃይ ባረ ዋንዳፍያን ሱላዳን ኦሌ።

3 እ ኢንቱንታ የደርሲደ፡ እ ገዲ ካሰ የድቤና ኦግያናካ ሳር እዴ።

4 ሀዋ ኦሌዳዌን ፖሌዳዌ ቃይ የለታቱዋካ ኮይሮጥ ጸሴዳዌ ኦኔ? ታን መድና ጎዳይ፡ ኮይሩ፡ ወርሰላዋንቱናካ ደእያዌ፡ ታን ኦ” ያጌ።

5 አባ ዶናን ደእያ ቢታቱ በኢደ ያዬድና፤ ሳኦ ጋጸቱካ ኮኮሬድና። ኢንቱንቱ እትጥ ሸቂይ፡ ታኮ ዬድና።

6 አሳ ኡባይ ባረ ሾሩዋ ሾሩዋ ማዴ፤ ቃይ ባረ አሻ፡ “ምና” ያጌ።

7 ኩሽያ ሂላንቻይ ዋርቃ ትግያዋ ምንጭ፤ ማደሻን ለእስያዌ ባቻን ብራታ ስርሰያዋ፡ “ምና” ያጌ። እ ብራታ እትጥ ጋሳያዋ፡ “ሀዌ ሎኦ” ያጌ፤ ቃይ ሄ ኤቃይ ቃጸናዳን፡ ኢንቱንቱ ምስማርያን ቶጊና።

8 ጸሳይ ሀዋዳን ያጌ፡ “ሸን ነና እስራኤልያው፡ ታ ቆማው፡ ታን ደሬዳ ያቆባ፡ ታ ዳቡዋ አብራሃማ ዛርያው።

9 ታን ኔና ቢታ ጋጸጥ አካደ፡ ቃይ ወርሰላ ሃኮ ሳጥ ጸሳይ፡ ኔን ታ ቆማ ያጌዳዋ፡ ታን ኔና ደራድ፤ ቃይ ታን ኔና ኦልከ።

10 ታን ኔና ደእያ ድሬው ያዮጋ፤ ታን ነ ጸላ ግድያ ድሬው ዳጋዋጋ። ታን ኔና ምንሳና፤ ቃይ ታን ኔና ማዳና፡ ታን ኔና ታ ጸንያ ኡሽቻ ኩሽያን ዘምጥሳይ ኦይቃና።

11 “በኦ፡ ኔና ህንቀትያ ኡባይ ዬላቲደ ካወሻና፤ ኔና ኤቀትያዋንቱ ካሰካ ባይናዋዳን ሀኒደ ሳያና።

12 ኔናና ዋላቀትያዋንታ ኔን ኮያና፤ ሸን ኔን ኢንቱንታ ደማካ። ኔናና ኦለትያዋንቱ ካሰካ ባይናባዳን፡ ሹፋር ግዲደ ሳያና።

13 እያው ጎጥ፣ ታን መድና ጎዳይ፣ ነ ጸሳይ፣ ነ ኡሸቻ ኩሽያ ኦይቃና። ኔና፣ ‘ያዮፓ፣ ታን ኔና ማዳና።

14 ኔዮ ጉጹንያው፣ ያቆባ፣ ህንተና እስራኤልያ አሳው፣ ያዮፕተ፤ ታን ህንተና ማዳና። መድና ጎዳይ፣ ህንተና ዋዝያዌ፣ እስራኤልያ ጌሻ፣ ያጋይ።

15 በእ፣ ታን ኔና ኦራላ፣ ቃራን አቻና ደእያ፣ ቆጻናው ጎኤትያ ሚሻ ኦላድ። ኔን ደረቱዋ ቆጻደ ሊቅሳና፤ ዘዘቱዋካ ሱላዳን ኦላና።

16 ኔን ኡንቱንታ ፑናና፤ ጫርኩ ኡንቱንታ አፋና፤ ጎቲካ ኡንቱንታ ላላና። ሸን ኔን መድና ጎዳን ናሽታና፤ ቃይ እስራኤልያ ጌሻን ቦንቼታና።

17 “ሀዬሳቱን መቶታንቻቱ ሃላ ኮይና ኡንቱንቶ ጳይያ ዋደ፣ ቃይ ኡንቱንቱ ኮኪካ ሳሙዋን መልያ ዋደ፣ ታን መድና ጎዳይ ኡንቱንታ ሰሳና፤ ታን፣ እስራኤልያ ጸሳይ ኡንቱንታ አግከ።

18 ታን መላ ጶቃ ሳኡቱዋን ሻፋ፣ ቃይ ዋምባቱዋ ግድንካ ፑልቱዋ ጱሳና። መላ ቢታይ ሃላይ ኤልያሳ፣ ቃይ መላ ቢታካ ሃላይ ጱቁያሳ ኦላና።

19 ባዙዋን ዝጋን ጉጋንላ፣ ባርሲነትያን ዛይትያ ዋጋራ ደልሳና። ቃይካ ባዙዋን ጽድያ፣ ኦዶሩዋን ዋጋራ እትጥ ዋላና ያጌ።

20 እስራኤልያ ጌሻይ ሄዋ መዲዳዋ፣ ቃይ መድና ጎዳ ኩሺ ሄዋ ኦፊዳዋ አሳይ በአናን ኤራና ማላ፣ ቃይ ቆጋናን እትጥካ እኩካና ማላ፣ ታን ሄዋ ኦላድ።

**ጸሳይ ዋርዶ ጸሳቱዋ እጾ**

21 “መድና ጎዳይ፣ ‘አነ ህንተ ሞቱዋ ሃ አላት’ ያጌ። ያቆባ ካቲ፣ ‘አነ ህንተ ጋሱዋካ ሃ አህተ’ ያጌ።

22 እነ ኡንቱንቱ ባረንቱ ሞሰለቱዋ ሃ አይና፣ እያይ ሀናናው ደእንቶ፣ ኡንቱንቱ ሞሰለቱ ኑው ኦድና። ኩን እኩካና ማላን ኡንቱንቱ ወርሰሳካ ኤራና ማላ፣ ካሰ የዋቱ አዮንቶ ኑው ኦድተ፤ ዋይ ቃይ ሰንሳጥ ትምቢትያ ኑው አዋይተ።

23 ህንተ ጸሳቱዋ ግድያዋ ኩን ኤራና ማላ፣ ሰንሳጥ ያናው ደእያዋ ኑው ኦድተ። ኩን ዳጋማና ማላን ያያና ማላ፣ ሎኦ ግድና ኢታ ግድና፣ አነ እትባ አላት።

24 በእተ፣ ህንተ ባይናዋ ማላ፤ ህንተ ኦሱካ ሀደ። ህንተና ዶርያ አሳይካ ባረው ሸንይያዋ።

25 “ታን ሀጸሳ ሳጋጥ እቱዋ ደንላድ፤ እ ዬዳ። ቃይ ታ ሱንላ ጾሴን እቱ አዋይ ዶልያ ባጋጥ ያና። ኡርቃ መድያዌ ኡርቃ የድያዋዳን፣ እ ካለልያዋንታ የሳና።

26 “ሀዋ ኩን ኤራና ማላ፣ ኮይር ኑው አዋዬዳዌ ኦኔ? ዋይ ኩን፣ ‘ኣ ልከ’ ጋና ማላ፣ ካሰቲደ ኑው ኡዴዳዌ ኦኔ? ኦን ሀዋ ኡዴዳዌ ባዋ፤ ኦን ትምቢትያ ኦድቤና። ቃይ ህንተ ቃላካ ሰሴዳዌ ባዋ።

27 ታን ሀዋ ካሰታደ ጽዮንው አዋያድ፤ ቃይ ታን የሩሳላመውካ ሞሽራቹዋ ኦድያዋ እማድ።

28 ሸን ታን ጾሌዳ ዋደ እቱን ባዋ፤ ታን ዘርያ ኦቻያ ዋደ፣ ኡንቱንቱ ሞሰለቱዋ ግድን ዛሩዋ እምያ እቱን ባዋ።

29 በእተ፣ ኡንቱንቱ ኡባይካ ሀዳ፤ ኡንቱንቱ ኦሱካ መላ፤ ሲልሲደ መዲዳ ኡንቱንቱ ሞሰለቱ መላ ጫርኩዋ” ያጌ።

**42**

**መድና ጎዳ ቆማ**

1 ታን ዘምፕሳደ ኦይኬዳ ታ ቆማይ፣ ታ ሸምፑ አን ናሽትያዌ፣ ታን ዶራዳዌ ሀዋኮ። ታን ታ አያና እ ቦላ ዋላድ፤ እ ካውተሳቶ ሱረ ፕርዳ አህና።

2 አ ዋሰና፤ ዋይ ባረ ቃላ ጶቁሰና፤ ዋይ ቃይ ባረ ቃላ ኦግያን ሰሰና።

3 ትንጨቲዳ ሸምቦቁዋ እ መንጋና፤ ቃይ ሊአካቲደ ኤጽያ ሙቃዳካ እ ቶይሰና። እ አማነቲደ፣ ሱረ ፕርዳ አህና።

4 እ ቢታን ሱረ ፕርዳ ኤሰናን ደኢደ አገና፤ ዋይ ጉየ ጌና። አባ ዶና ቢታቱዋን ደእያ አሳይ ኡባይ እ ሀግያ ሰሳናው ናጌ።

5 ጸሳይ መድና ጎዳይ፣ ሳሎቱዋ መዲደ ሞጩዳዌ፣ ሳእነ ሳእጥ ከሰያዋ ኡባ ኦፊዳዌ፣ ሳእን ደእያ አሳው ሸምፑዋ እምያዌ፣ አን ሀመትያ ኡባው ደኡዋ እምያዌ ሀዋዳን ያጌ፤

6 “ታን መድና ጎዳ፤ ታን ኔና ጽሎተላን ጾሳድ፤ ታን ነ ኩሽያ ኦይቃደ፣ ኔና ናጋና። ታን ኔና ካውተሳቶ ፖኦ ኦላደ፣ ቃይ አሳውካ ጫቁዋ ኦላደ እማና።

7 ኔን ቆቅያ እይፍያ ዶያና ማላ፣ ኦሞደቲዳዋንታ ኦሞዴዋ ጎልያጥ ከሳና ማላ፣ ጱማን ደእያዋንታካ ቃሾ ጎልያጥ ከሳና ማላ።

42:1 ማቶሳ 3:17፤ 17:5፤ ማር. 1:11፤ ሉቃሳ 3:22፤ 9:35      42:1 ማቶሳ 12:18-21      42:5 ከታ 17:24-25  
42:6 እሊ. 49:6፤ ሉቃሳ 2:32፤ ከታ 13:47፤ 26:23



8 ታን መጅና ጎዳ፤ ሄዌ ታ ሱንላ። ታ ቦንቹዋ ታን ሀራው እምከ፤ ታ ጋላታካ ማሰቲደ ጊቤዳ ምሰለቶ እምከ።  
 9 በእተ። ካሰ ታን ኦዴዳዋንቱ ኡባይ ፖለቲድና። ሀእ ቃይ ታን ኦራላባ አዋያይ፤ ኡንቱንቱ ሀናናፕ ካሰታደ ታን ሀንተንቶ ኦዳይ” ያጌ።

ጋላታ የላ

10 መጅና ጎዳው ኦራላ ማዝሙርያ የጽተ፤  
 ቢታ ጋጸፕ ዶሚደ። እ ጋላታ ኦድተ።  
 አባ ቦላን ብያዋንቱ።  
 እን ኩሚዳ ኡባይካ እን ዋሰና።  
 አባ ዶና ቢታቱን ኡንቱንቱን ደእያ ኡባይካ የጽኖ።  
 11 መላ ቢታይን ባዙዋን ደእያ ካታማቱ።  
 ቃይ ቄዳረ አሳይ ደእያ ሞላቱካ።  
 ባረንቱ ቃላ ቶቁ ኦሰኖ።  
 ሰላኦ ግያ ካታማን ደእያዋንቱካ።  
 ደርያ ሁጲያፕ ባረንቱ እልልሳ ሰሰኖ።  
 12 ኡንቱንቱ ቦንቹዋ መጅና ጎዳው እምኖ፤  
 እ ጋላታካ ጋጸ ቢታቱዋን አዋይኖ።  
 13 መጅና ጎዳይ ምኖ አሳዳን ከሳና፤  
 ኦላንቻ አሳዳን። እ ባረ ሀንቁዋ ደንላና።  
 እ ዋሳና፤ ባረ ቃላካ ቶቁ ኦሰይ አዋያና።  
 እ ምኖ ግድያዋ ባረ ሞርከቱዋ በሳና።

ጸሳይ ባረ አሳ ማዳናው ቃላ ገሌዳ

14 ጸሳይ ሀዋዳን ያጌ፤  
 “አዲሳ ዎድያፕ ታን ሳሩዋን ታካድ፤  
 ጮኡ ጋደ ዳንዳያድ።  
 ሀእ የሉ ኦይኬዳ ምሽራቲዳን።  
 ታን ዋሳና፤  
 ቶካ ቶካደ ሸምፓናን ፔኦቃና።  
 15 ታን ደረቱዋን ዘዘቱዋ ላላና፤  
 ኡንቱንቱን ሞኬዳዋ ኡባ መልሳና።  
 ሻፋቱዋ መላ ከሳና፤  
 ደልኤቱዋካ መልሳና።

16 “ታን ቆቀቱዋ ኡንቱንቱ ኤረና ኦግያና አሀና፤  
 ኡንቱንቱ ኤረና ሎሱዋናካ ካለላና።  
 ኡንቱንቱ ሰንላን ደእያ ጱማ ፖኦ ላማና፤  
 ኮርጵኮርጵ ሳኦካ ሳላልሳና።  
 ሄዋንታ ታን ኡንቱንቶ ኦላና፤  
 ታን ጌዳ ሀ የዎቱዋ ኦ□ናን አግከ።  
 17 ሸን ማሲደ ገግሴዳ ምሰለቱዋን አማነትያዋንቱ።  
 ቃይ ሲልሲደ ገግሴዳ ምሰለቱዋ።  
 ‘ሀንተ ኦ ጸሳቱዋ’ ያግያዋንቱ።  
 ጉየ ሰማና።  
 ኡንቱንቱ ሙለ ዬላታና”  
 ያጌ።

እሰራኤልያ አሳይ ታማረናን እጹዳ እጹዋ

18 ጸሳይ ሀዋዳን ያጌ፤ “ሀንተኖ ቱለቶ። ሰሰተ፤ ሀንተኖ ቆቀቶ። ሀንተ በእና ማላ ጸልተ።  
 19 ታ ቆማፕ ሀራ ቆቂ ኦኔ? ታን ከትያ ኡራፕ ሀራ ቱለ ኦኔ? ጸሳው ዲማቲዳ ኡራዳን። ዋይ መጅና ጎዳ ቆማዳን ቆቃይ ኦኔ?  
 20 ዳርባ ጸሊታ፤ ሸን እኬክክታ። ሀንተንቱ ሀይላቱካ ዶያ፤ ሸን ሰሰክኖ” ያጌ።  
 21 መጅና ጎዳይ ባረ ጽሎተላ ድራው። ባረ ሀግያ ግታያናውን ቦንቻናው ደሴዳ።

22 ሽን ሀዌ አሳይ ቦንቀቴዳነ ዎል ከከቴዳ። ኡንቴንቴ ኡባይካ ዲዛን ኦይቀቴደ፣ ቃሾ ጎልያን ቆሰቴድና። ኡንቴንቴ ቦንቀቴድና፤ ሽን ኡንቴንጋ አሸያዌ ባዋ። ቃይ ኦዎደቴድና፤ ሽን ኡን፡፡ “ዛርተ” ያግያዌ ባዋ።

23 ሀንተ ግደጥ ሀዎ ሰሳናዌ ኦኔ? ቃይ ሰንሳጥ ያና ዎድያባ ሀይዛናዌ ኦኔ?

24 ያቆባ ኦዎድያዎ፣ እስራኤልያ ቦንቀያዎ አሊደ እሜዳዌ ኦኔ? አ ቦላን ኦን ናጋራ ኦሌዳ፣ አ ኦግያን ኡንቴንቴ ቤናን እጼዳነ አ ሀግያዉካ ኡንቴንቴ አዛዘተናን እጼዳ መድና ጎዳ ግደኔየ?

25 ሄዎ ድራዉ፣ አ ኡንቴንቴ ቦላ ባረ ሀንቁዎ ሱሉዋነ ያሸያ ኦላ ጉሴዳ፤ አ ኡንቴንቴ ዩሹዋን ታማ ኤሌዳ፣ ሽን ኡንቴንጋ ኤርቦይክና፣ አ ኡንቴንቴ ጸኤዳ፤ ሽን ኡንቴንቴ አኬክቦይክና።

### 43

#### ጸሳይ ባረ አሳ አሻና ጌዳ

1 ሽን ነኛ ያቆባ ኔና መዴዳዎ፣ ነኛ እስራኤልያዉ፣ ኔና ጊግሴዳ መድና ጎዳይ ሀዎዳን ያጌ፤ “ታን ኔና ዎዜዳ ድራዉ ያዮጋ። ታን ኔና ነ ሰንሳጥን ጸሳድ፤ ኔን ታዎ።

2 ኔን ሃላ ግዳዎና ጥንያ ዎደ፣ ታን ኔናና ግዳና። ኔን ሻፋቴዎ ግዳዎና ጥንያ ዎደካ ኡንቴንቴ ኔና ሙክክና። ኔን ታማ ግድና አድያ ዎደ፣ ጸገታካ፤ ላጩካ ኔና ሜና።

3 እያዉ ጎጥ፣ ታን ኔና አሸያ እስራኤልያ ጌሻ፣ መድና ጎዳ ነ ጸሳ። ታን ግብጹ ነዉ ዎዞ ኦላደ፣ ቶጵያን ሳባ ነ ላምያ ኦላደ እማና።

4 ኔን ታ ሰንሳጥን አልእነ ቦንሾ ግድያ ድራዉ፤ ታንካ ኔና ሲቅያ ድራዉ፣ ነ ላምያዉ አሳ፣ ነ ሸዎጥዎ ላምያዉካ ካዉተላቴዎ እማና።

5 “ታን ኔናና ደእያ ድራዉ ያዮጋ፤ ታን ነ ዘረላቴዎ ዉላሃጥነ ደላሃጥ ሸሻደ አሀና።

6 ታን ሁጲሳ ባጋ፣ ‘ኡንቴንጋ ዛራደ አሀ!’ ያጋና። ገድሳ ባጋካ፣ ‘ኡንቴንጋ ተኦጋ’ ያጋና። ታ አቴማ ናናቴዎ ሃኩዋጥ፣ ታ ማጫ ናናቴዎካ ሳኦ ጋጸጥ አሀና፤

7 ታ ሱንሳጥን ጸገቴዳ ኡባቴዎ፣ ታን ታ ቦንሾ መዴዳዎንጋ፣ ታን ጊግሴዳዎንጋ ኦሌዳዎንጋ ሀዎተ” ያጋና።

#### እስራኤል ጸሳ ማርካ

8 እይፊ ደእሸን ቆቁዳ አሳቴዎ፣ ሀይላይካ ደእሸን ቱሌዳዎንጋ ከሳ፤

9 ካዉተላቴ ኡባይ አትጥ ሸቅና፤ አሳይካ ሸቅዎ ኡቶ። ኡንቴንቴ ግደጥ ሀዎ ኦዳናዉ ካሰ አዴዳ የዎቴዎ ኦና ቦሳናዉ ዳንዳይያዌ ኦኔ? ሀራ አሳይካ ሰሲደ፣ “ሀዌ ቱማ” ያጋና ማላ፣ ኡንቴንቴ ልከ ግድያዎ ቦሳናዉ ባረንቴ ማርካቴዎ አይና።

10 መድና ጎዳይ ሀዎዳን ያጌ፤ “ሀንተ ታ ማርካቴዎ፤ ሀንተ ታ ኤራና ማላ ነ እማናና ማላ፣ ቃይ ታን ጸሳ ግድያዎ አከካና ማላ፣ ታን ዶሬዳ ታ ቆማቴ ሀንተና። ታጥ ካሰ ሀራ ጸሰ መጠቅቤና፤ ዎይ ታጥ ጉይያንካ ሀራ ጸሰ ደኤና።

11 “ታናቴ፤ ታን መድና ጎዳ። ታጥ አትና፣ ሀራ አሸያዌ ባዋ።

12 ታን ኦዳድ፣ አሻድነ አዎያድ። ሀንተ ግደን ሀራ አላጋ ጸሰ ደእቤና። ታን መድና ጎዳ ግድያዎ ታዉ ሀንተ ማርካቴዎ።

13 ታን ጸሳ፤ ጸጸዋጥ ደማደካ ታን ታናቴ። ታ ኩሸያጥ ኦኔ ከሸና፤ ታን ኦሌዳዎ ላምናዉ ዳንዳይያዌ ባዋ” ያጌ።

#### መድና ጎዳ ማርታን እማንተና እስራኤልያ

14 መድና ጎዳይ፣ ሀንተና ዎዝያዌ፣ እስራኤልያ ጌሻይ ሀዎዳን ያጌ፤ “ሀንተ ድራዉ፣ ባብሎን ቦላ ኦላጎቻቴዎ ኪታደ ባብሎናቴዎ ኡንቴንቴ ጨቀትያ ማርካብያና ቦትሳና።

15 ታን መድና ጎዳ፣ ሀንተ ጌሻ፣ እስራኤልያ መዴዳዎ፣ ሀንተ ካትያ” ያጌ።

16 መድና ጎዳይ ሀዎዳን ያጌ፣ አባ ግደን ኦግያ፣ ዎልቃማ ሃላቴዎ ግደጥካ ሎሱዎ ከሲደ፣

17 ገራ ጋረቴዎን ገራቴዎ፣ ኦላጎቻቴዎን ምና አሳቴዎ አባዉ አሂደ፣ ኡንቴንቴ ደንደናን ዛቆልሴዳ መድና ጎዳይ፣ ቃይ ኡንቴንቴ ሙቃዳ ላጩዎዳን ቶይሴዳ ያጌ

18 “ካሰ የዎቴዎ ሃሳዮጥተ፤ በንዋካ ቆፖጥተ።

19 በእተ፣ ሀእ ታን ኦራላባ ኦላይ፤ እካ ሀእ ዋኪ። ሀንተ ሄዎ ኤርክቴየ? ታን ባዙዋን ኦግያ፣ መላ ቢታንካ ሻፋቴዎ ከሳና።

20-21 ዎራ ደአቴ፣ ዎራካናቴ ካሳናቴ ታና ቦንቻና። እያዉ ጎጥ፣ ታ ጋላታ አዎያና ማላ፣ ታ ጊግሴዳን ደራጺ ታ አሳዉ ታን ባዙዋን ሃላ፣ መላ ቢታንካ ሻፋቴዎ እማይ።

22 “ሸን ነኛ ያቆባ፣ ኔን ታ ሱንሳ ጸሳባካ፤ ነኛ እስራኤልያዉ፣ ኔንካ ታና ሳለታዳ።

23 ኔን ታዉ ጸግያ ያርሾ ደርሳ አሀባካ፤ ዎይ ሀራ ያርሾቴዎንካ ታና ቦንቻቦይካ። ታን ኔና ካሳ ያርሾቴዎ እማ ጋደ ዋይሳቦይክ፤ ዎይ ቃይ እጸና እማ ጋደ ዳቡርሳቦይክ።

24 ኔን ታዉ እጻና ሻሉዋን ሻማባካ፤ ዎይ ነ መሀያ ምጽብ ሞጴዎን ታና ካልሳባካ። ሸን ኔን ነ ናጋራን ታና ዋይሳዳ፤ ነ ናቁዋንካ ታና ዳቡርሳዳ።

25 “ታና፣ ነ ባይዙዋ ታ ድራዉ ጋይ ቁጭያዌ ታናቲ፤ ነ ናጋራካ ዛረሳዉ ሃሳይከ።

26 ታና ሀሳይሳ፤ እን እትገገ ሀ የዉዋ ሞተቶይቲ። ኔን ጽሉዋ ግድያዋ በእናዉ እን ነ የዉዋ ብድ።

27 ነ ኮይሮ ኦዉ ናጋራ ኦሌዳ፤ ኔና ታማርሰያዋንቲካ ታና ናቂድና።

28 ሄዋ ድራዉ፣ ታን ጌሻ ማቅዳሰያ ካፓቲዋ ቲንሳድ፤ ያቆባ ባሻዉ፣ እስራኤልያካ ሸቃዉ ኦላይ እማድ” ያጌ።

### 44

#### ጸሓይ ጸሓ ጸሓላ

1 መድና ጎዳይ ሀዋዳን ያጌ፤ “ታ ቆማዉ ያቆባ፣ ታን ደራዳ ይሸሩና፣ ሀእካ ሰሳ።

2 ታን ኔና መጻድ፤ ነ ዳይ ኡሉዋን ኔና ጊግሳድን ማዳድ። ታ ቆማ ያቆባ፣ ታን ደራዳዎ፣ ያዮፓ።

3 ታን ሳመቲዳ ጋድያን ሃላ ጉሳና፤ መላ ቢታንካ ፑልቲዋ ጎግሳና። ታን ታ ኦሪና ነ ናናቲ ቦላ፣ ታ እንጃዋካ ነ ዘረላቲዋ ቦላ ጉሳና።

4 ሃላ ደናን ሞኬዳ ማታዳን፣ ቃይ ጎግያ ፑልቲዋ ማታን ደእያ ሞላዳን፣ ኡንቲንቲ ሞካና።

5 እቲ፣ ታን መድና ጎዳዋ” ያጋ፤ ሀራይ ቃይ ባረና ያቆባ ሰንላን ጸሓና፤ ሀራይካ፣ ቃይ ባረ ኩሸያ ቦላን፣ ታን መድና ጎዳዋ” ያጌ ደፋና፤ እ ቃይ ባረና እስራኤል ጸሐትያ ሲቁዋ ሰንላን ጸሓና” ያጌ።

6 መድና ጎዳይ፣ እስራኤልያ ካቲ፣ እ ዋዝያዌ፣ ኡባገ ዎልቃማ መድና ጎዳይ ሀዋዳን ያጌ፤ “ኮይራ ታና፤ ዉርሰሳይካ ታና። ታገ ሀራ ጸሓይ ባዋ።

7 ታ ማላይ ኦኔ? ደኦገ እን እዋዮ፤ ቃይ እን ታ ሰንላን ኤቂይ ኦድ። በንገ ደሚድ፣ ሰንላገ ያናዋ ኦድያዌ ኦኔ? እን ኡንቲንቲ ሰንላገ ትምቢትያ ኦዉ ኦድና።

8 ያዮፕተ፤ ቃይ ዳጋሞፕተ። ታን ሀዋ ህንተንቶ በንገ ደማይ ኦዳቢይክታ? ቃይ እዋያበይክታ? ሄዋ ታዉ ህንተ ማርካ። ታገ ኦትና፣ ሀራ ጸሓይ ደኤ? ሀራ ዛል ባዋ፤ ታን ኦናን ኤርከ” ያጌ።

#### ኤቃ ጎይትዋ ቦላ ሃሳዮቲዳ ቦረ ሃሳያ

9 ኤቃ ሞሰለቲዋ ማሲድ መጻያ ኡባቲ ሀዳ፤ ኡንቲንቲ እን ናሸትያባቲ ኡንቲንታ ጎእክና። ኡንቲንቲ ማርካቲካ በእክናን ኤርክና። ሄዋ ድራዉ፣ ኡንቲንቲ ይላታና።

10 ጸሓ ጊግሴዳዌ፣ ዎይ እያዉን ጎኤና ሞሰልያ ማሲዳዌ ኦኔ?

11 በእተ፣ እ ላገቲ ኡባይ ይላታና፤ ኩሸያ ሂላንቻቲ ኡባይ ኦሳ። እን ኡንቲንቲ ኡባይካ እትገ ሸቂይ ኤቂና። ኡንቲንቲ ያያና፤ ቃይ ኡንቲንቲ ኡባይካ እትገ ይላታና።

12 ብራታ ቆጵያዌ ባረ ቡክያ ብራታ ታማን ዎሌ፤ ቦንቁዳዋ ባቻን ቆጶደ፣ ባረ ሞና ቀሰያን እ መታ ጊግሴ። ሄዋ ጊግሴድ ኮሻቲ፤ እ ሞናተሳይካ ዉራ። ሃላካ ኡሸና፤ ላባ።

13 እናጺ ዎደሩዋን ልኪ፤ እርሳሰያን እ ቦላ ማላታ ዎሌ፤ ያቲድ ማሎግያን ልልእሰ። ልኪድ፣ ፑላና ደእያ ኦሳ ሞሰልያ ማላትሰ ጊግሴድ፣ ባረ ሶን ዎሌ።

14 እ ሄዋ ኦላናዉ ዝጋ ቃንጾ፤ ዎይ ዎላ ዎይ ጽድያ ዎራ ግደገ ደሪድ ድጫናዳን ኦሌ። ዎይ እጾገ፣ እ ዝጋ ቶክና፣ ኦራይ እ ድቻናዉ ናጌ።

15 ሄዋገ ጉይያን፣ እ ኦሳይ ኡላያ ሞላ ግዳ፤ እካ እገ ባጋ እኪድ፣ ኡሌድ ሆኤ፤ ቃይ ባጋ ኡሌድ፣ ኡክላ ኡኪ። እገካ ጸሓ መጻድ፣ ኦዉ ጎይኔ፤ ቃይ ሞሰልያ ማሲድ፣ እ ሰንላን ጉፋኔ።

16 እገ ባጋ ታማን ኡሌድ፣ ቆማ ካሌ፤ ባጋን እሹዋ ጸጺድ፣ ካሊድ ሜ። ቃይ ታማ ሆእ ሰሚድ፣ “ሀሹ፣ ላ ሀዌ እያ ሆኤ!” ያጌ።

17 ቃይ ኦቲዳ ሞላ ማሲድ፣ ባረዉ ጎይንያ ጸሓ ሞሰልያ ከሰ። ሄ ሞሰልያ ሰንላን ጉፋኒድ፣ ኦዉ ጎይኔ፤ ያቲድ፣ “ኔን ታ ጸሓ ግዳዳ ድራዉ፣ ታና ኦሻ” ያጌድ ዎሴ።

18 ኡንቲንቲ ኦይን ኤርክና፤ እይነካ እኪክክና። እያዉ ጎቲ፣ ኡንቲንቲ በኤና ማላ፣ ኡንቲንቲ እይራ ጎዘቲዳ፤ ቃይ እኪከና ማላ፣ ኡንቲንቲ ዎዛናይካ ጎርደቲዳ።

19 ኤቃ ኡላያ ኦሳይ ባረ ዎዛና፣ “እገ ባጋ ታማን ኡላድ፤ እ ቦንቁዋንካ ኡክላ ኡካድ፤ እሹዋካ እን ጸጺድ ማድ። ያትና፣ እገ ኡቲዳዋ ሸይያ ኤቃ ኦላይ መጽ? ቃይ ሞላ ሙድ ጉፋናድ ጎይና?” ያጌ ኤር ዎይ እኪክ ኦሰነ ባዋ።

20 እ ብድንሳ ሜ፤ እ ጭመቲዳ ዎዛናይ እ ዎራ ካለሌዳ። እ ባረ ሸምፑዋ ኦሻናዉ ዎይ፣ “ታ ኡሸቻ ኩሸያን ደእያዌ ዎርዱዋ ግዳኔ?” ጋናዉ ዳንዳና።

#### ጸሓይ መጫዳዋን እሸያዋ

21 ጸሓይ ሀዋዳን ያጌ፤ “ያቆባ፣ ነኖ እስራኤልያዉ፣ ኔን ታ ቆማ ግድያ ድራዉ፣ ሀ የዋቲዋ ሀሳያ። ታን ኔና ጊግሳድ፤ ኔን ታ ቆማ። ኔኖ እስራኤልያዉ፣ ታን ኔና ድግከ።

22 ታን ነ ባይዙዋ ሻርያዳን፣ ነ ናጋራካ ጫጋናዳን ቁጫድ። ታን ነና ዋዜዳ ድራው፣ ታኮ ሰማ” ያጌ።

23 ህንተኖ ሳሎቶ፣ መድና ጎዳይ ሀዋ ኦሌዳ ድራው፣ ናሸቻን የጽተ። ህንተኖ ቢታ ጨማቶ፣ እልልተ። ህንተኖ ደረቶ፣ ዋራውን እ ግዶን ደእያ ሞላ ኡባው፣ ማዘመርያ ክንቶተ። እያው ጎተ፣ መድና ጎዳይ ያቆባ ዋዜዳ፤ ቃይ እስራኤልያ ግዶንካ እ ቦንቸታ።

24 ነና ዋዘያዌ፣ ዳይ ኡሎዋን ነና መዴዳዌ መድና ጎዳይ ሀዋዳን ያጌ፤ “ታን መድና ጎዳ፣ ኡባ የዋቱዋ መዴዳዌ፤ ሳሎቱዋ ታረካ ሞጩዳዌ፤ ሳኣካ ታረካ ሞጩዳዌ ታና።

25 ታን ዋርዱዋ ትምቢትያ ኦድያዋንቱ ማላታ ሀዳ ኦላይ፤ ቃይ ሻራቸቱዋካ ኤያ ከሳይ። ታን እዴዳ ኤራንቸቱዋ ጉየ ዛራይ፤ ኡንቱንቱ ኤራካ ኤያ ኦላይ።

26 ታን ታ ቆማ ቃላ ምንጫይ፤ ታ ኪቲዳዋንቱ ሀናና ጌዳዋካ ፖላይ። ታን የሩሳላመ ካታማ፣ ሳኣካ እሳይ ደእያሳ ግዳና” ያጋይ፤ ይሁዳ ካታማቱዋካ፣ ‘ህንተ ሰማደ ኬጸታና፤ ህንተ ግምቢያካ ኦራጽሳና’ ያጋይ።

27 ታን ሃላ ጫማቱዋካ፣ ‘መልተ! ህንተ ጎግያ ሃላቱዋካ መልሳና’ ያጋይ።

28 ቃይ ቂርሳ፣ ሳኣካ ታ አሳ ሄምያዋ፤ ኔን የሩሳላመ ካታማ፣ ‘ሳ ሰማደ ኬጸታና” ያጋይ፣ ጌሻ ጎልያካ፣ ‘ሳ ባሱ ባሰታና” ያጋይ ታ ሀልቸዋ ፖልያዋ’ ያጋይ” ያጌ።

### 45

#### ጸሳይ ቂርሳ ካትያ ከሳናወ ደራዳ

1 መድና ጎዳይ ኦኪዳዎ፣ ካወተላቱዋ እወ ሞድሳና ማላ፣ ካተቱ ዳንጨዋ ብላና ማላነ ፐንጊካ እወ እ ሰንላን ደየታና ማላ፣ እ ኡሸቻ ኩሽያ ኦይቄዳ ቂርሳወ ጸሳይ ሀዋዳን ያጌ፤

2 “ታን ነ ሰንላና ባና፤ ደረቱዋ ደሞባያና። ናሃሰያ ብራታ ሳንቃቱዋ መንላና፤ ብራታ ኩልቦቱዋካ ቃንጸና።

3 ነና ነ ሰንላን ጸሰያዌ ታና መድና ጎዳ፣ እስራኤልያ ጸሳ ግድያዋ ኔን ኤራና ማላ፣ ታን ነወ ጴማ ሳኣን ደእያ እቁዋን ጌማን ቆሰቲደ ዱረታ እማና።

4 ታ ቆማ ያቆባ ድራውን ታን ደራዳ እስራኤልያ ድራው፣ ታን ነና ነ ሰንላን ጸሳይ። ኔን ታና ኤራና ጸየፐ፣ ታን ነና ቦንቸ ሰንላን ጸሳይ።

5-6 “ታን መድና ጎዳ፤ ታፐ ሀራይ ባዋ፤ ታፐ ሀራ ጸሳይ ደኤና። አዋይ ሞክያሳፐ ቢደ፣ ወልያሳ ጋካናወ ደእያ እሳይ ታፐ ሀራይ ባይናዋ ኤራና ማላ፣ ታን ነና ግጽሳ። ግደፐ፣ ኔን ታና ኤራባካ። ታን መድና ጎዳ፤ ታፐ ሀራይ ባዋ።

7 ታን ፖኡዋ ኦላይ፤ ጴማካ መጻይ። ሳርተላ ኦላይ፤ ባሻካ እያይ። ታን መድና ጎዳይ፣ ሀ ኡባ የዋቱዋ ኦልያዋ።

8 “ህንተኖ ሳሎቶ፣ ቦላፐ ዱገ ጽሎተላ ትግተ፤ ሻረቱካ እ ቡክና። ቢታይ ደየቶ፤ እቶተላይካ ፑደ ሞኮ። ጽሎተላይካ እናና እትፐ ድጮ። ታን መድና ጎዳይ ሀዋ መጻድ።

#### ጸሳይ መጋታውን ታርክያወ ጎዳ

9 “ባረና መዴዳዋና ባጸትያዋ እየ እና! እያው ጎተ፣ እ ኡርቃ ሚሻፐ እቱዋ። ኡርቃይ መድያዋ፣ ሳኣይ ኦላይ?” ዋይ ቃይ፣ ሳወ ኩሺ ባዋ” ያጌ?

10 ባረ እወዋ፣ ሳኣይ የላዲ?” ያግያ ኡራው፣ ዋይ ባረ ዳየ፣ ሳኣይ ታና ሀዋዳን የላዲ?” ያግያ ኡራው እየ እና!

11 መድና ጎዳይ፣ እስራኤልያ ጌሻይ፣ እ መዴዳዌ፣ ሀዋዳን ያጌ፤ ሰንላፐ ትምቢትያ ኤራናውን ታ ናናቱዋባ ታና ኦቻናወ ህንተ በሲቱ? ታ ኩሽያን ታን ኦላናባካ ታና አዛዛናወ በሲቱ?

12 ታን ሳኣ ኦላይ፤ እሳካ እ ቦላ መጻድ። ሳሎቱዋ ታን ታ ኩሽያን ቶላድ፤ ኡንቱንቱን ደእያ መጋታቱዋ ኡባካ አዛዛድ።

13 ታን ቂርሳ ጽሎተላን ደንላድ፤ እ ኡግያ ኡባካ ሱረ ኦላና። ሻሎዋ ጭገናን፣ ዋይ ማታይያ እመናን፣ እ ታ ካታማ ኬጸና፤ ታ አሳካ ኦሞዲዋፐ ከሳና” ያጌ። ታን ኡባፐ ዋልቃማ መድና ጎዳይ ሀዋ ኦዳይ” ያጌ።

14 መድና ጎዳይ ሀዋዳን ያጌ፤ “ግብጼ ዱረታይን ቶጵያ ዛልእ፣ ቃይ ጌሳ አዲሳ ግድያ ሳባእ አሳቱካ ኔኮ ዪደ፣ ነባ ግዳናዋ። ኡንቱንቱ ሳንሳላታን ቃሸቲደ፣ ነና ካላና። ኡንቱንቱ ነወ ጎይነድ፣ ጸሳይ ነ ጸላላና ደኤ፤ ሀራይ ባዋ፤ እፐ ሀራ ጸሰ ባዋ” ያጌደ ነወ ዋቅታታና” ያጌ።

15 እቤት ጸሳው፣ እስራኤልያ አሸያዎ፣ ቱመዋፐ ኔን ነና ገንሻያ ጸሳ።

16 ኤቃ መድያዋንቱ ኡባይካ ዩሳታናን ካወሻና። ኤቃ ሞሰልያ መድያዋንቱ ኡባይ እትፐ ካወሻወ ባና።

17 ሽን እስራኤልያ መድና ጎዳይ መድና አቶተላን እሽ ድጌዳ፤ ህንተ መድናወካ ዬላትክታን ካወሸክታ።

18 ሳሎቱዋ መዲዳ መድና ጎዳይ፤ ቢታካ ጊግሲደ ኦሌዳዋ፤ ቃይ አሳይ ደአናደናፕ አትና፤ ቢታ ጮ መድቤና መድና ጎዳይ ሀዋዳን ያገ፤ “ታን መድና ጎዳ፤ ታፕ ሀራይ ባዋ፤

19 ታን ጌማን፤ ሀቃነንቶ እት ዱማ ጋድያን ሃሳያቤክ። ያቆባ ዘረፋወካ፤ ታና ጮ ኮይተ። ጋቤክ። ታን መድና ጎዳይ ቱሙዋ ሃሳያይ፤ ልከባ ኦዳይ።

ሳሎቱ ሳኦ መዲዳ ጸሳን ባብሎን ኤቃቱዋ

20 “ህንተና ካወተላቱዋፕ አቴዳዋንቶ፤ እትፕ ሸቁይ ሃይተ፤ ማታ ሸቅተ። ሞላፕ ኦሰቴዳ ኤቃ ሞሰልያ ቶክ ዩይያዋንቶ፤ አሻናወ ዳንዳየና ጸሳ ሞሰያዋንቶ ኤር ባዋ።

21 እነ ኦድተ፤ ህንተ ሞቱዋ ሸሽተ፤ ኤንቴንቴካ እነ እትፕ ዘረትና። አዲሳ ሞድያፕ ካሰ ሀዋ ኦዲዳዋ ኦኔ? በንፕ ሀዋ አዋዬዳዋ ኦኔ? ታና መድና ጎዳ ግድክታየ? ታፕ አትና ሀራ ጸሳይ ባዋ። ታን ጽሎ ጸሳን አሸያዋ። ታፕ ሀራይ ባዋ።

22 “ህንተና ቢታ ጋጸን ደአያ ኡባ አሳቱ፤ ታኮ ሰሚደ፤ አትተ። አያወ ጎፕ፤ ታን ጸሳ፤ ታፕ ሀራይ ባዋ።

23 ታን ታ ሁጲያን ጫቃድ፤ ጉየ ሰመና ቃላይ ታ ደናፕ ጽሎተላን ከሴዳ። ኣሳይ ኡባይ ታወ ጉልባታና፤ እንጸርሳ ኡባይካ ታናን ጫቃና፣ ያጋድ።

24 “ኤንቴንቴ ታዋ ሃሳዬደ፤ ‘ጽሎተላይን ሞናተላይ መድና ጎዳ ጸላላን ደኤ’ ያጋና” ያጌ።

እ እጽያዋንቴ ኡባይ እኮ ዩደ ዬላታና።

25 ሽን እስራኤልያ ዘረላይ ኡባይ መድና ጎዳን፤ ጸኑዋን ቦንቹዋ ደማና።

### 46

ባብሎና ኤቃቱዋ

1 ቢላ ግያ ባብሎን ኤቃይ ጎይኔ፤ ናባ ግያ ኤቃይካ ሆኬ። ካሰ ህንተ ቶክያ ኤቃቱ ሀእ ጫና መሀያ ቦላን ጫነቲደ፤ ኤንቴንቶ ዳጾ ቶኩዋ ግዴድና።

2 ጫና መሃቱ ዳጾዋፕ ደንዴዳዋን፤ ጫና እትፕ ኩንዴድና፤ ኤቃቱ ባረና አሻናወ ዳንዳየና ድራወ፤ ባረንቴ ሁጲያወካ አዋደቲደ ቤድና።

3 ጸሳይ ሀዋዳን ያገ፤ “ህንተና፤ እስራኤልያፕ አቴዳዋንቶ፤ ያቆባ ዘረቶ፤ ታን ኦድያዋ ሰሰተ፤ ህንተ የለቴዳ ሞድያፕ ደማደ ታን ህንተና ቶካድ።

4 ህንተ ጫማና ጋካናወካ ታን ታናካ፤ ህንተ ፑሎማና ጋካናወካ፤ ታን ህንተና ማዳና፤ ታን ህንተና መጳድ፤ ታን ህንተና ደንፋና፤ ታን ህንተና ቶካናን አሻና።

5 “ታና ኦ ማላ ገተ? ቃይ ኦናና ልኪቴ? ኮን እት ማላ ግዳድዳን፤ ታና ኦናና ጋላ ጸሊቴ?

6 ዋርቃ ባረንቴ ቃርጨታፕ ቆልያዋንቴን ብራ ሚዛናን ዋሊደ ልክያዋንቴ ሄዋ ኤንቴንቶ ጸሳ ኦሊደ መጳና ማላ፤ ዋርቃ ትግያዋ ቃጸሪና። እካ ጸሳ ኦሊደ መጴ፤ ያትና፤ ኤንቴንቴ ሄ ኤቃ ሰንላን ሆኪደ ጎይኒና።

7 ኤንቴንቴ ኦ ደንላደ፤ ባረንቴ ሀሸያን ቶኪና፤ ኦ ሳኦን ኦ ዋሊና። ያቶፕ ኦ ሄዋን ኤቁ እኔ፤ ሄዋፕ ያ ሃ ቃጸና፤ እት አሳይ አወ ዋሶፕካ፤ ዘሩዋ አመና፤ ቃይ ኦ መቴዋፕካ ኦ አሸና።

8 “ህንተና ናጋሪንቶ፤ ሀዋ ሀሳይተን ቆፕተ፤ ህንተ ዋዛናን ካህን ዋላተ።

9 በን ዋደ ሀይዳ የዋቱዋ ሀሳይተ። አያወ ጎፕ፤ ታን ጸሳ፤ ሀራይ ባዋ። ታን ጸሳ፤ ታ ማላይ ኦንን ባዋ።

10 ታ ቆፋይ ሞናና፤ ቃይ ታንካ ታ ሀልቹዋ ኡባ ፖላና፣ ያጋይ። ወርሰላን ትሞቢትያ ደመላን፤ ቃይ ብር ሀንቤና የዋቱዋ በን ሞድያፕ ደማደ አዋያይ።

11 አዋይ ድልያ ባጋፕ ቦንቁያ ካፋዋ፤ ሃኮ ጋድያፕ ታ ቆፋ ጉልያ አሳ ታን ጸሳደ፤ ታን ጌዳዋ ታን ፖላና፤ ታን ሀልቹዳዋካ ታን ኦላና።

12 “ህንተና ዋዛናይ ሙሚዳዋንቶ፤ ጽሎተላፕካ ሃኪዳዋንቶ፤ ታን ኦድያዋ ሰሰተ፤

13 ታን ታ ጽሎተላ ማታ አያይ፤ እካ ሀሳኮ ግድና። ታ አቶተላይ ጋሞኤና፤ ታን ታ አቶተላ ጽዮንወ፤ ታ ቦንቹዋካ እስራኤልያወ አማና።” ያጌ።

### 47

ባብሎን ቦላ ይያ ፕርዳ

1 ጸሳይ ሀዋዳን ያገ፤ “ህን ባብሎን ሞድራተ፤ ዱን ዋጳ፤ ባናን ኡታ። ሀነ ካላዳዌቱዋ ናተ፤ ነ ካተቱዋ አራታ አጋደ ሳኦን ኡታ። አያወ ጎፕ፤ ሀዋፕ ሰንላናወ ኔን ኦቶሮትያናን ሹጋቶ ገተታካ።

2 ዋጾ እካደ ካላ ጋጫ። ፤ ጉለላ ቃራ፤ ፤ እዲሳ ማዩዋካ ከሳ። ፤ ጸጊያ በሳ፤ ያታደ ሻፋቱዋ ጥና።

3 ፤ ካሉ ቃረታና፤ ፤ ፖኩካ ቤታና። ታጎ ሀሉዋ ከሳና፤ ፤ ሶስካ ቃረትከ። ያጌ።

4 ኑና ዋዝያዋ። እጦ ሱንላይ ኡባጥ ዋልቃማ መድና ጎዳ ግድያዋ። እስራኤልያ ገሻ።

5 ጸሳይ ሀዋዳን ያጌ፤ “ሀነ ካላዳዊቱዋ ናተ። ባ፤ ጹማን ጮኤ ጋደ ኡታሻ። እያዉ ጎጥ። ሀዋጥ ሰንላዉ ኔን ካዉተላቱዋ ካታቶ ጌተታካ።

6 ታጎ ታ እሳ ሀንቀታድ፤ ታ ላታካ ቱንሳድ፤ ታን ኡንቱንቱ ፤ ኩሽያን ከላደ እማድ። ኔን ኡንቱንቶ ቃረታባካ፤ ጭሚዳዋንቱ ቦላንካ ፤ ሞርጊ ምላን ሎይላ ዴጸታዳ።

7 ኔን። ታጎ መድናዉ ካታቶ ግዳና። ያጋዳ። ሄዋ ድራዉ። ሀ የዋቱዋ ፤ ዋዛናን ቆገባካ፤ ኡንቱንቱ ዉርስላካ ሀሳያባካ።

8 “ኔኖ ዋፑ ጋደ ኡቱዳን እሻሉዋ ደሰያን። ሰሳ። ፤ ዋዛናን። ታጎ፤ ታጥ እትና። ሀራይ ባዋ። ታጎ እምኤ ግድከ፤ ዋይ የላደ ናእ ባይና ማይነ ግድከ። ያጋዳ።

9 ሀ ላኤ የዋቱ እት ጋለስ እይፊ ልጻናዉ። ፤ ቦላ ያና። ፤ ብታይ ዳራ። ፤ ሙሩኑካ ዋልቃማ ዋልቃማ ግድገና። ኔን ፤ ናናቱዋጥ መላ እትያዌን እምኤተላይ ፤ ቦላ ኩመንላን ይያዌ እተና።

10 “ኔን ፤ ኢታተላን እማነታ ኡታዳ፤ ቃይ። ታጎ ኦንነ በኤና። ያጋዳ። ፤ እኤዳ ኤራተላይነ ጭንጫተይ ኔና ዋራ ካለሰና። ኔን ፤ ዋዛናን። ታጎ። ታጥ እትና። ሀራይ ባዋ። ያጋዳ።

11 ሸን ኔን ዋታ ሙሩኑዋን ሃሳንንቶ ኤረና ኢታይ ፤ ቦላ ያና። ኔን ጋትያ ጭጋናዉ ዳንዳየና ቦሻይ ፤ ቦላን ዋቃና፤ ቃይ ኔን እያን ኤረና ባሻይ ቆጥናን ፤ ቦላ ያና።

12 “እነ ኔን ፤ ናአተላደጥ ኦላደ ደኤዳ ፤ ብታጎ ፤ ሙሩኑዋ ሀእካ አጎጥ። ኡን ኤራ። ፤ ጎዋዳን ሀናንንቶ፤ ዋይ ኔን እን ዳጋንላንንቶ።

13 ዘረ ጸላላን ፤ ዳቡራዳ። ሳሉዋ ጸልንትያ ገይድያዋንቱ። እ ጸሊደ ትምቢትያ ኦድያዋንቱ። ቃይ። እገና ጸሩዋን ጸሩዋን ፤ ቦላን ያናዋ ኦድያዋንቱ እነ ኔና እሸና።

14 በእ። ኡንቱንቱ ዲርጫ ማላ፤ ታማይ ኡንቱንታ ማና። ኡንቱንቱ ታማ ላጩዋጥ ባረና እሻናዉ ዳንዳይክኖ። ሄዌ አሳይ ባረ ቦላ ሆኤላናዉ ሆእያ ቦንቆ ዋይ ቃይ አሳይ እ ሰንላን ኡታናዉ ዳንዳይያ ታማ ግድና።

15 ኔን ኡንቱንቱና ዳቡራዳዋንቱ። ፤ ናአተላደጥ ደማደ። ኔናና ዛልኤዳዋንቱ ነዉ ሄዋ ማላ። ኡንቱንቱ ኡባይካ ባረ ባጋና ባጋና ላላታና፤ ኔና እሸያዌካ እቱን ባዋ።

# 48

## ጸሳይ ሰንላጥ ሀናናዋ ኤርያ ጸሳ

1 “ሀንተኖ ያቆባ ዛረቶ። እስራኤልያ ሱንላን ጸሰትያዋንቶ። ቃይ ይሁዳ ዘረሳጥ ዬዳዋንቶ። ሀዋ ሰሰተ። ሀንተ መድና ጎዳ ሱንላን ጫቂታ፤ እስራኤልያ ጸሳ ጸሲታ፤ ሸን ቱማተላንን ጽሎተላን ግድና።

2 ሀንተ ሀንተና ገሻ ካታማ ሱንላን ጸሲታ፤ እስራኤልያ ጸሳን ዘምጥታ፤ እ ሱንላይ ኡባጥ ዋልቃማ መድና ጎዳ።

3 “ታጎ ካሰ ሀኔዳዋንታ ዳር ዋድያጥ ካሰ ኦዳድ፤ ታ ደናጥ ኡንቱንቱ ከሴድና። ኡንቱንቱ ኤለካ ፖለታናዳን። ታን ኦላድ።

4 እያዉ ጎጥ። ኔን ኦድና ሰሰናዋ። ፤ ሞርጊ ብራታ ማላ ግድያዋ። ፤ ሶምኢካ ናሃሰያ ግያ ብራታዳን ሊቃመናዋ ታን ኡራድ።

5 ሄዋ ድራዉ። ኔን። ፤ ሀዋ ታ ኤቃይ ኦላዳ፤ ቃይ ታ ማሰቱዳ ምሰለቱን ታ ሲልሲደ ኦላዳ ምሰሊ ኦላዳ ገናዳን። ታን ሄዋ ነዉ በንጥ ደማደ ኦዳድ። ቃይ ኡንቱንቱ ሀናናጥ ካሰታድ። ታን ኡንቱንታ ነዉ አዋያድ።

6 “ኔን ካሰ ሰሳዳ፤ ሀእ ሰም ሀዋ ኡባ በእ። ያትና። ኔን ሀዋ ኡባ ቱማ ገኪ? ሀእጥ ደማደ ሰንላዉ ኔን ኦራላባ ሰሳናዳን። ታን ኦላድ።

7 ኡንቱንቱ ሀእ መግቱድጥ እትና። በን መግቱድጥ ክኖ። ኔን። ፤ ፋበእ። ታን ኡንቱንታ ኤራይ። ገናዳን። ሀቕጥ ካሰ ኔን ሙሊካ ኡንቱንቱባ ሰሳባካ።

8 ኔን ሙሊካ ሰሳባካ፤ ቃይ ሙሊካ ኤራባካ። ፤ ሀይላይ በንጥካ ደየትቤና። እያዉ ጎጥ። ኔን ጭምምዋ ግድያዋ ታን ኤራይ፤ ቃይ የለቶደጥካ ኔን ማካላንቻ ጌተታደ ጸሰታዳ።

9 “ታ ሱንላ ድራዉ። ታጎ ታ ሀንቁዋ ዛራና፤ ታን ኔና ቆይሰናዳን። ታ ሀንቁዋ ተእና።

10 በእ። ታን ኔና ገጫድ፤ ሸን ብራዳን ግድና፤ ታን ኔና መቱዋ ታማን ገጫድ።

11 ታጎ ታ ድራዉ። ሀዋ ኦላይ። እያዉ ጎጥ። ታ ሱንላይ ቶሽታናዉ ታን ኮይከ። ታጎ ታ ቦንቹዋ ሀራዉ እምከ።

## ጸሳይ ደራዳ ቆማ

12 “ኔና ያቆባ፣ ታን ጸሴዳ እስራኤልያው፣ ታን ግያዎ ሰሳ። ታን እኔ ኮይሩካ ታና ወርሰላይካ ታና።

13 ቢታ ባሰጠ ታ ኩሺ ባሴዳ። ሳሎቱዋካ ታ ኡሸቻ ኩሺ ሞጩዳ። ታን ኡንቱንታ ጸሴያ ዎይ፣ ኡንቱንቱ እትጥ ኤቁና።

14 “ህንተ ኡባይ እትጥ ሺቁይ ሰስተ፤ ኤቃቱዋጥ ሀዌ ሀናናዎ ካሰቲይ ኦዴዳዌ ኦኔ? ሙድና ጎዳይ ዶራዳዌ እ ቆፋ ባብሎን ቦላ ፖላና፤ እ ቀሲካ ባብሎን ቢታ እሳ ቦላ ግዳናዎ።

15 ታን ታ ሁጲያው እ ጸሳድን አወ ኡዳድ፤ እ አሄዳዌ ታና። ቃይ እ ኦሳያባይ ኡባይ አወ እንጀታና።

16 “ታኮ ሃ ሺቁይ፣ ሀዋ ሰስተ፤ ታን ኮይርጥ ደማደካ ጌማን ሃሳያቦይከ፤ ሄዌ ሀኔዳ ዎድያጥካ ደማደ ታን ያን ደአይ” ያጌ።

ቃይ ኡባ ዋድያ መድና ጎዳይን እ አያናይ ሀእ ታና ከቲድኖ።

**ጸሳይ ባረ አሳዉ ሀልቼዳ ሀልቼዋ**

17 መድና ጎዳይ፣ ኔና ዎዝያዎ፣ እስራኤልያ ጌሻይ ሀዋዳን ያጌ፤ “ታን መድና ጎዳይ፣ ነ ጸሳይ፣ ኔና ማድያዎ ታማርሰያዎ። ኔን ባናዉ በሰያ ኦግያንካ ኔና ካለላያዌ ታና።

18 ኔን ታ አዛዙዋ ሰሴዳዎ ግድንቶ፣ ነ ሳርተላይ ሻፋ ሃላዳን ጎጋና ሸን፤ ነ ጽሎተላይካ እባ ቤታዳን ሀናና ሸን።

19 ነ ዛሪ እባ ሻፍያዳን፣ ነ ናናይካ ፓይዱ ባይና ሳእ ባናዳን ጮራታና ሸን፤ ኡንቱንቱ ሱንላይካ ታ ሰንላጥ ላየናን ዎይ ክቼናን አጋና ሸን” ያጌ።

20 ባብሎን ጋድያጥ ከሰተ፤ ባብሎን አሳጥካ ባቃትተ! ቃላ ቆቁ ኦሲድ፣ ናሸቻን ሀዋ ሃሳይተ፤ ሳእጥ ሳእ ጋጸ ጋካናዉ፣ ሀዋ ከትተ። “መድና ጎዳይ ባረ ቆማ ያቆባ ዎዜዳ” ያጌደ ኦድተ።

21 እ ኡንቱንታ መላ ቢታ ግድና ካለሌዳ ዎይ፣ ኡንቱንቱ ሳመትቦይክና። ዛላጥ ሃላካ ኡንቱንቶ ፑልትሴዳ፤ ዛላ እ ጸልቁና፣ ሃላይ ጱቁዳ።

22 መድና ጎዳይ፣ “ኢታቶ ሳሩ ባዋ” ያጌ።

**ጸሳ ሀጋዝያዋባ**

**49**

(49:1—53:12)

**እስራኤሊ ቢታን ደእያ አሳዉ ፖኦ**

1 ሀንተኖ፣ እባ ድናን ደእያ ቢታቶ፣ ታን ኦድያዎ ሰስተ። ሀንተኖ፣ ሃኩዋን ደእያ ካወተላቶ፣ ሰስተ። ታን የለታናጥ ካሰ መድና ጎዳይ ታና ጸሴዳ፤ ቃይ ታ ዳይ ኡሎዋን ደእሸን፣ ታ ሱንላ ሱንላዳ።

2 ታ እንጸርሳ ሳታና ደእያ ማሻዳን ኡሌዳ፤ ባረ ኩሸያ ኩዋን ታና ገንሌዳ፤ እ ታና ፖሼዳ ቶራዳን ኡሌዳ፤ ያቲይ ባረ ሸኩዋ ግድን ታና የጊደ ቆሴዳ።

3 እ ታና፣ “ኔን ታን ኔናን ቦንቼትያ ታ ቆማ እስራኤልያ” ያጌዳ።

4 ሸን ታን ሀዋዳን ያጋድ፤ “ታን መላ ጮ ዳቡራድ፤ ታ ዎልቃካ ጎኤናባን ሀዳባን ጮ ወርሳድ። ታ ፕርዳይ ጸሳ ማታና፤ ታ ጋቲካ ታ መድና ጎዳ ማታና” ያጋድ።

5 ሀእካ፣ ታን መድና ጎዳ እይፍያ ሰንላን ቦንቼቱዳ ድራዉን ታ ጸሳይ ታዉ ዎልቃ ግዴዳ ድራዉ፣ ያቆባ እኮ ዛራናዉን እስራኤልያ እኮ ሸሻናዉ፣ ታን አዉ ቆማ ግዳናዳን፣ ታና ታ ዳይ ኡሎዋን መዴዳዌ መድና ጎዳይ ሀዋዳን ያጌ፤

6 “ኔን ያቆባ ዛርያ ደንላናዉን እስራኤልያጥ አቲዳዋንታ ዛራይ አሀናዉ፣ ኔን ታዉ ቆማ ግድያዌ ቁር ጉላባ። ሄዋ ቦላ ጉጃድ፣ ታ ኡቶተላይ ቢታ ጋጸ ጋካናዳን፣ ታን ኔና ካወተላቶ ፖኦ ኦላና” ያጌ።

7 አሳይ ካዴዳዎ፣ እጾዳዎን ደርያ ሞድያዋንቶ ቆማዉ፣ መድና ጎዳይ፣ እስራኤልያ ዎዝያዎ፣ እስራኤልያ ጌሻይ ሀዋዳን ያጌ፤ “አማንትያ መድና ጎዳ ድራዉን ኔና ዶራዳ እስራኤልያ ጌሻ ድራዉ ካተቱ በኢድ፣ ደንድ ኤቃና። ደርያ ሞድያዋንቱካ በኢደ ጎይናና” ያጌ።

**የሩሳላመ ዛረሕ ኦስታና**

8 መድና ጎዳይ ሀዋዳን ያጌ፤ “ታን ዶራዳ ዎድያን ነ ኦሻ ዛራድ። አቶተላ ጋላሰ ታን ኔና ማዳድ። ታን ኔና ናጋና፤ ኔን ቢታ ዛረላይ ኤሳና ማላ፣ አሳይ ደኤና ቢታቱዋካ ኔን ላትሳና ማላ፣ ታን ኔና አሳዉ ጫቁዋ ኦላደ አማድ።

9 አሞዲዋን ደጋያዋንታ፡ ‘ከሰተ!’ ጴጫ ቃሹዋን ደጋያዋንታካ፡ ‘ብለትተ!’ ጋና ማለ፡ አሳዉ ጫቁዋ ኦሳይ ኔና እማና። ኢንቲንቲ ኦግያ ማታን ሄመታና፤ ዘዘትያ ከራ ኡባ ቦላ አላዳና።

10 ኢንቲንቲ ኮሻትክና ዋይ ሳመትክና። ኢንቲንቲ ባዙዋ ሞሹ ጸገና፤ አዋይካ ኢንቲንታ ማና። ኢንቲንቶ ቃረሰያዌ ኢንቲንታ ካለላና፤ ፑልቶ ሃላኮካ ኢንቲንታ ላጋና።

11 “ታን ታ ደረቱዋ ኡባ ኦግ ከሳና፤ ታ ዋጋ ኦግቲካ ዘንጋራጥ ጶቁ ጋና።

12 በእ፡ ታ አሳይ ሃኮ ሳጥ ያና፡ ሁጲሳ ባጋገኑ አዋይ ዉልያ ባጋጥ ያና። ቃይ አሰዋና ቢታጥካ ያና” ያጌ።

13 ሀንተና ሳሎቶ፡ ናሽቻን የጽተ። ኔና ቢታዉ ናሽታ። ሀንተና ደረቶ፡ እልልተ! እያዉ ሳጥ፡ መድና ጎዳይ ባረ እሳ ምንጫዳ፤ ቃይ ባረ መቶታንቻቶካ ቃረቲ።

14 ሽን ጽዮና፡ “መድና ጎዳይ ታና እጌዳ፤ ጎዳይ ታና ደጌዳ” ያጋዉ።

15 ጸሳይ ሀዋዳን ያጌደ ዛሬ፤ “ኡታ ባረ ቋንሳያ ናእ ደጋናዉ ዳንዳያይ? ባረ ኡሎዋጥ የሌዳ ናእዉ ቃረተኮየ? ጌላዳን አ ደግንቶካ፡ ታን ኔና ደግከ!

16 በእ፡ ታን ኔና ታ ኩሽያ ጎምጋን ጸፋ ዋላድ፤ ነ ድርሳ ግሞበቲካ ኡባ ገደ ታ ሰንላን ደእና።

17 “ኔና ዛረሴደ ኬጽያዋንቲ ያና፤ ኔና ኮሌዳዋንቲ ከሲደ ባና።

18 እነ ጶቁ ጋደ፡ ነ የሹዋ ጸላ፤ ነ ናናይ ኡባይ እትጥ ሽቁደ፡ ኔኮ ያና። ታን መድና ጎዳይ ታ ደኡዋን ጫቃይ፡ ኔን ኢንቲንቲ ኡባ አሌቁዋዳን ማያና፤ ቡላቼታናዉ ሀንያ ሞሽራቲዳና፡ ኔን ኢንቲንታ ማያና።

19 “ኣ ባሻ ሳከቲ፤ መላ ቢታቲ ሀእ ኔናን ደእያ አሳዉ ሎይሳ ኢንእና፤ ቃይ ኔና ኮሌዳዋንቲካ ኔጥ ሃካና።

20 ኔን ካዮትያ ላይላቲዋን ነዉ የለቲዳ ናናይ ነ ሀይላን ኦዲደ፡ ሳሀዌ ሳእይ ኦዉ ሎይሳ ኢንኦ፤ ሄዋ ድራዉ፡ ኦዉ ደእናዉ እኮ ሳእ እማ” ያጋና።

21 ኔን ነ ዋዛናን፡ ሳሀዋንታ ናናቲዋ ኡባ ታዉ እኔ የሌዳዌ? ታን የላደ ማንላ አታድ ሸን፤ ታን ማይናድ ሸን፤ ታን አሞደታደ ዋራ ባድ ሸን። ያትና፡ ሀዋንታ እኔ ድቼዳዌ? በእ፤ ታን ታረካ አታድ፤ ያትና ሀዋንቲ ናናይ ኡባይ ሀቃጥ ዬድና? ” ያጋና” ያጌ።

22 ኡባ ሞድያ መድና ጎዳይ ሀዋዳን ያጌ፤ “በእ፡ ታን ካዉተላቶ ማላታ በሳና፤ ታን አሳዉ ታ ባንድራ ኡሳና፡ ኢንቲንቲ ነ አቲዋ ናናቲዋ እድም እሀና፤ ነ ማጫ ናናቲዋካ ባረንቲ ሀሽያን ቶኪደ እሀና።

23 ካተቲ ኔና ድቻያ አሞቲዋ ግዳና፤ ኢንቲንቲ ማጫ ካተቲካ ኔና ቋንሳያዋንታ ግዳና። ኢንቲንቲ ጉፋኒደ፡ ነዉ ጎይናና፤ ቃይ ነ ገድያ ባናካ ለጫና። ታን መድና ጎዳ ግዴዳዋ ኔን ሄዋን ኡራና፤ ታናን እማነቲደ ናግያዋንቲ ዬላትክኖ” ያጌ።

24 አሞዲዋን እኬዳዋ ዋልቃማ ኩሽያጥ ዛርሳና ዳንዳይቲየ? ዋይ አሞዲደ እፌዳ አሳይ መቀሰ ባይና ኢታ ኩሽያጥ ከሰ አካናዉ ዳንዳይቲየ?

25 ሽን መድና ጎዳይ ሀዋዳን ያጌ፤ “ዋልቃማይ አሞዲደ እፌዳባይ ሰማና፤ መቀሰ ባይና ኢታቲዋ ኩሽያን አሞደቲዳ አሰካ ከሰ እካና። እያዉ ሳጥ፡ ኔናና ኢለትያዋንቲና ታን ኡለታና፤ ነ ናናቲዋካ ታን አሻና።

26 ኔና ኡቁንያዋንቲ ባረንቲ እሹዋ ማናዳን፡ ታን ኦላና፤ ቃይ ዋይንያ ኡሳ ኡሺደ ማላትያዋዳን፡ ኢንቲንቲ ባረንቲ ቡላ ኡሺደ ማላታና። ያቶጥ አሳ ኡባይ ታን መድና ጎዳ፡ ኔና አሽያዋ፡ ዋዝያዋ፡ ያቆግ ዋልቃማ ግድያዋ ሄዋን ኡራና” ያጌ።

### 50

1 መድና ጎዳይ ሀዋዳን ያጌ፤ “ታን ሀንተ ዳዮ የዴዳ ፕርማይ ሀቃን ደእ? ዋይ ኦሰ ሀንተና ታን ዛልእድታ? በእተ፡ ሀንተ ናጋራ ድራዉ፡ ሀንተ ዛልእቲድታ፤ ሀንተ ባይዙዋ ድራዉ፡ ሀንተ ዳያ ብለታዲ።

2 ታን ዬዳ ዋደ፡ እያዉ ሄዋን አሳይ ቋዬዳ? ታን ጴሴዳ ዋደ፡ ‘ዬ!’ ጋናዉ እያዉ አሳይ ሄዋን ደእቤኔ? ታን ሀንተና ዋዛናዉ ታ ኩሺ ቃንሳየ? ዋይ ሀንተና አሻናዉ ታዉ ዋልቃይ ባዌየ? በእተ፡ ታን ሴራደ እባ መልሳና። ሻፋቲዋካ መላ ቢታ ኦላይ። ኢንቲንቲን ደእያ ሞለቲ ሃላይ ቋይና ዋቁና፤ ሳሙ ዋቁና ሀይቁና።

3 ታን ሳሎቲዋ ካረሳባ ማይዛይ፤ ዋራዋካ ኢንቲንቲ ካመትያባ ኦላይ” ያጌ።

#### ጸሳ ቆማይ እዛዘትያዋ

4 ዳቡራዳዋ ታን ቃላን ዋታደ ምንጫንቶ ኡራና ማለ፡ ኡባ ሞድያ መድና ጎዳይ ታዉ ታማሬዳ እንጻርሳ እሜዳ። እ ታና ዋንታ ዋንታ ቤንሳደ፡ ታን ታማርያ አሳዳን ሰሳናዳን፡ ታ ሀይላ ደዬ።

5 ኡባ ሞድያ መድና ጎዳይ ታ ሀይላ ደዬዳ፤ ታንካ ማካላንቻ ግደባይከ፤ ጉየካ ሰማበይከ።



6 ታን ታ ዘክያ ሾጮያዎንቶ፥ ታ ጋጩዋ ቡቻ ሾጵያዎንቶ አላደ እማድ። ታ ሶምኡዋ ካወሻጥነ ጩቻ ጩሽትያሳጥ ገንሳበይከ።

7 ኡባ ዋድያ መጵር ጎዳይ ታና ማድያ ድራሬ፥ ታን ዬላታበይከ፤ ሄዋ ድራሬ፥ ታን ታ ሶምኡዋ ሳልያ ግያ ሹቻዳን ኡዳድ። ታን ዬላተናን አታናዋካ ኤራይ።

8 ታና ሻትንልያዌ ማታን ደኤ፤ ያትና፥ ታና ሞትያዌ ኦኔ? እነ እትጥ ታናና ኤቆ! ታ ሞርኪ ኦኔ? እነ ታናና ጋከቶ!

9 በእተ፥ ኡባ ዋድያ መጵር ጎዳይ ታና ማዳ፤ ያትና፥ ታና ባይዛንቻ ጋናዌ ኦኔ? በእተ፥ ኡንቱንቱ ኡባይካ ማዋዳዳን ኤጭ ዉራና፤ ብልእይ ኡንቱንታ ማና።

10 ህንተ ግደጥ መጵር ጎዳዉ ያይያዌን እ ቆማ ቃላዉ አዛዘትያዌ ኦኔ? ቆማን ሀመትያዌን ፖኡ ባይናዌ እ ኦኔ? ሄ ኡራይ መጵር ጎዳ ሱንላን አማነቶ፤ ባረ ጸሳንካ ዘምፖ።

11 በእተ፥ ህንተኖ ታማ ኤልያ ኡባ ገደ፥ ዪቻ ጸምጥያ ላጩዋ ህንተንቶ ሺሽያዋንቶ፥ ህንተ ኤሌዳ ታማ ፖኡዋን ሄመትተ! ህንተ ዪጩዳ ጸምጥያ ላጩዋ ፖኡዋን ሰመረትተ! ህንተ ታ ኩሽያጥ አካናዉ ደእያባይ ሀዋ። ህንተ ዋልቃማ ሴላን ግሳና።

# 51

## የሩሳላመ ምንጫ ቃል

1 ጸሳይ ሀዋዳን ያገ፤ “ህንተኖ ጽሎተላ ካልያዎንቶ፥ ህንተኖ ታና፥ መጵር ጎዳ ኮይያዎንቶ፥ ሰሰተ። ህንተ ጸልቀቲደ እከቲዳ ሹቻን ህንተ ቦከቲዳ ከሴዳ ኦላ ጾልተ።

2 ህንተ አዉዋ አብራሃምኮን ህንተና የሌዳ ሳርኮ ጾልተ። እ ባረካ ደእሸን፥ ታን እ ጾሳድ፤ እንጂድን ፓይዳዋን ጮራያድ።

3 “መጵር ጎዳይ ጽዮንን እ ኮለቲዳ ሳክቲዋን ደእያ ኡባ አሳ ምንጫና። እ ባዙዋ ኤደነ ገነትያዳን፥ እ መላ ሳክቲዋካ መጵር ጎዳ አታክልትያ ሳኦዳን ኦላና። ናሽቻይነ ሀሹ ጉሳይ ያን ደእና፤ ጋላታን ማዘሙርያ ኮሻይ ያን ሰሰታና።

4 “ታ አሳዉ፤ ታን ኦድያዋ ሰሰተ። ታ ካዉተላዉ፥ ነ ሀይላ ታኮ የገደ ሰሳ። እያዉ ጎጥ፥ ህጊ ታጥ ከሴ፤ ታ ሱረ ፕርዳይካ ካዉተላቶ ፖኡ ግዳናዋ።

5 ታ ጽሎተላይ ኤሌሊደ ሺቃና፤ ታ አሹካ ከሲደ፥ ኦግያን ደኤ። ታ ቀሲ አሳ ሞዳና፤ አባ ድና ቢታቲዋን ደእያ አሳይ ኡባይ ታናን አማነቲደ ናጋና፤ ቃይ ታን ኡንቱንታ ታ ዋልቃን አሻናዋ፥ ናሽቻ ኦሴደ ናጋና።

6 ዋደ ቆቁ ገደ፥ ሳሎቲዋ ጾልተ፤ ዳገ ሳኦካ ጾልተ። እያዉ ጎጥ፥ ሳሎቲ ጩዋዳን ፕሰክ ገደ ቆያና፤ ሳኦይካ አፍላዳን ዉራና፤ እን ደእያ አሳይ ኡባይ ኡዳንጸቲዋዳን ሀይቃና። ሸን ታ አሹ መጵርናዉ ደእና፤ ታ ጽሎተላይካ ዉረና።

7 “ህንተኖ ጽሎተላ ኤርያዋንቶ፥ ታ ህጊካ ህንተ ዋዛናን ደእያዎንቶ፥ ሰሰተ። አሳ ቦርናሾ ያዮጥተ፤ ኡንቱንቱ ቦርያዉካ ዳጋሞጥተ።

8 እያዉ ጎጥ፥ ማዋዋ ምያዋዳን፥ ብልእይ ኡንቱንታ ማና፤ ዶርሳ አክሰያ ምያዋዳን፥ ጉጹኒ ኡንቱንታ ማና። ሸን ታ ጽሎተላይ መጵርናዉ ደእና፤ ታ አሹካ የለታ ኡባዉ ጋካና” ያገ።

9 አቢት ጸሳዉ፥ ቤንታ! ቤንታ! መጵር ጎዳ ቀሰያዉ፥ ዋልቃ ማያ፤ ካሰ አጂዳ ዋደቲዋንካ የለታቲዋን ቤንቲዳዋዳን ቤንታ። ራኦባ ግያ ዳዋያ ቃንጸራፊዳዌ፥ ሚምትያካ ጫዳዳዌ ኔና ግድኪየ?

10 አባን ዋልቃማ ጨሙዋ ሃላ መልሴዳዌ ኔና ግድኪየ? ኔን ዋዜዳዋንቱ ፕናና ማላ፥ ጨማ አባ አገ ኦሴዳዌ ኔና ግድኪየ?

11 መጵር ጎዳይ ዋዜዳዋንቱ ሰሚደ፥ የጸድ ጽዮን ያና፤ ዪደ መጵር ናሽቻይ ኡንቱንቱ ቦላን ደእና፤ ኡንቱንቱ ናሽቻን ሀሹ ግያዋ ደማና። ቃይ ካዩነ ዬኩ ኡንቱንቱጥ ሃካና።

12 ጸሳይ ሀዋዳን ያገ፤ “ህንተና ምንጫ ቃል ታና። ያትና፥ ሀይቁያ አሳዉ ያናዉ፥ ማታዳን ኤላካ መልያ አሳ ናኦዉ ያናዉ ህንተ ኦኔ?

13 ህንተ ሳሎቲዋ ሞጮዳን ሳኦ ባሱዋካ ባሴዳ መጵር ጎዳ፥ ህንተናካ መጫዋ ደጌድቲ? ኡንቱንቱ ህንተና ቆይሳናዉ ገግሴዳ፥ ህንተና ኡቁንያ አሳቲዋ ሀንቁዋ ጋሱዋን ጋላሳ ኩመንላ ያደቲታ። ሸን ህንተና ኡቁንያዋ ሀንቁ ሀቃን ደኤ?

14 አምደቲዳዌ ኤላካ ብለታና፤ ሀይቀና፤ ኦላንካ ገለና፤ እዉ ኡክላይካ ፓጩና።

15 እያዉ ጎጥ፥ ታን መጵር ጎዳ ነ ጸሳቲ። ቤታይ ዋሳናዳን፥ አባ ቃላይ። ታ ስንላይ ኡባጥ ዋልቃማ መጵር ጎዳ።

16 ሳሎቲዋ ሞጫናዳን፥ ቢታ ባሱዋካ ባሳናዳን፥ ቃይ ጽዮን፥ ኔን ታ አሳን ጋናዳን፥ ታን ታ ቃላ ነ ድናን ዋሳድ፤ ታ ኩሽያ ኩዋን ታን ኔና ገንሳድ” ያገ።

መድና ጎዳ ሀንቁዋ ጸአ

17 ኔኖ፣ መድና ጎዳ ኩሽያፕ አ ሀንቁዋ ጸአ ኡሺዳ የሩሳላመ፣ ቤጎታ! ደንዳ! ኔን ጋንድጋርሰያ ጸአ ጭንግርሳይ ኡሻዳ።

18 አ የሌዳ ሩናቱ ኡገፕ እዞ ካለልያባይ እቱነ ባዋ፤ ቃይ አ ድቼዳ ሩናቱ ኡገፕካ እ ኩሽያ ኦይቁያዌ እቱነ ባዋ።

19 ዳኮ ዳሮ ባሻይ ነ ቦላን ጋኩዳ፤ ያትሩ፣ ኔና ኦኔ ምንጻፍዉ ዳንዳይያዌ? ሄዋንቱካ ኮላላ፣ ኮሻነ ማሻ። ያትሩ፣ ታን ኔና ዋታደ ምንጻይ?

20 ነ ሩናይ ላባኔድኖ፤ ኡንቱንቱ ግትያ ግደን ገሌዳ ገንእያዳን፣ አገ ኡባ ጋጸን ኩንዴድና። ኡንቱንቱ መድና ጎዳ ሀንቁዋንነ ነ ጸሳ ሴራን ኩሚድና።

21 ሄዋ ድራሬ፣ ነኖ፣ ዋይንያ ኡሳ ኡሽናን ማፊቲዳ መቶታንቻቱ፣ ሀዋ ሰሳ።

22 ነ ጸሳይ፣ ባረ አሳዉ ሞተትያ ኡባ ሞድያ መድና ጎዳይ ሀዋዳን ያጌ፤ “በእኔ ኔና ጋንድጋርሰያ፣ ታ ሀንቁዋ ጸአ ታን ነ ኩሽያፕ አካድ፤ ኔን ላኢንሉዋ አ ሙሉካ ኡሻካ።

23 ታን ሄዋ ኔና ቱጋይያዋንቱ ኩሽያፕ ዋላና። ኡንቱንቱ ኔና፣ ‘ኑን ነ ቦላና ሀመቲደ አፋና ማላ፣ ዛቁላ’ ያጌድና። ኔን አፋና ጋካና። ነ ዞክያ ኡንቱንቶ ቢታዳንነ ኦግያዳን ኦላዳ” ያጌ።

52

ጸሳይ የሩሳላመ አሻና

1 ኔኖ ጸዮን ካታማ። ቤጎታ፤ ምኖተላ አፍላዳን ማያ። ኔኖ፣ ጌሻ ካታማ። የሩሳላመ፣ ነ ቦንቹዋ ማየዋ ማያ፤ እያዉ ጎፕ፣ ሀዋፕ ሰንጻናዉ ቃጸረትቤናዌን ቱናይ ነ ግደ ገለና።

2 ኔኖ፣ አሞደቱዳ የሩሳላመ፣ ነ ባና ቆቆፋ። ደንዳይ ነ ካተቱዋ አራታን ኡታ። ሀንተኖ፣ አሞደዋን ደእያ ጸዮን አሳቶ፣ ሀንተ ቆድያን ቃሽቲዳ ሳንሳላታ ብርሸተ።

3 እያዉ ጎፕ፣ ኡባ ሞድያ ጸሳይ ሀዋዳን ያጌ፤ “ሀንተ ካሰካ ጋትያ እከናን ዛልኡቲድታ፤ ቃይ ሀእካ ማሻ እመናን ጮ ዋዘታና።

4 ታ አሳይ ኮይሮ በተ ግዲደ፣ ግብጾ ቢታ ቤዳ፤ ሽን አሰረቱ ታ አሳ ጮ አቁኔድና።

5 መድና ጎዳይ፣ ታ አሳይ ጋትያ ጭናን ጮ አሞደዋን ብ ክቶሩ፣ ታዉ ሀዋን አጬ ደእያዌን ኡንቱንታ ሞድያዋንቱ ዋሲኖ ታ ሱንጻይካ ኡባ ገደ ጋላሳ ኩመንጻ ቦረቱ ያጌ መድና ጎዳይ።

6 ሄዋ ድራሬ፣ ታ አሳይ ታ ሱንጻ ኡራና፤ ሄ ጋላሰ ሃሳይያዌ ታና ግድያዋ ኡንቱንቱ ኡራና። ኡ ሄዌ ታና። ታን ጸሳይ ሀዋ ኦዳይ” ያጌ።

7 ሎኦ ሞሽራቹዋ እሀያ፣ ሳርተላ ኦድያ፣ ሩሽቻ ሞሽራቹዋ ኦድያ፣ አቶተላ ኦድያ፣ ጸዮኖካ፣ “ነ ጸሳይ ካተቱ” ገደ ደረቱዋ ቦላና ይያ ብታንያ ገደቱ ዋት ሎእኖ!

8 ሰሰተ፣ ሀንተ ካታማ ሩግያዋንቱ ባረንቱ ቃላ ቋቁ ኦላደ፣ ሩሽቻዉ አትፕ የጸና፤ መድና ጎዳይ ጸዮን ሰምያ ዋደ፣ እ ሰሞዋ ኡንቱንቱ ባረንቱ አይፍያን በእና።

9 ሀንተኖ የሩሳላመን ኮላቲዳ ሳቶ፣ አትፕ ሩሽቻዉ የጸተ፤ እያዉ ጎፕ፣ መድና ጎዳይ ባረ አሳ ምንጻይ፤ የሩሳላመ ካታማካ ዋዜዳ።

10 መድና ጎዳይ ባረ ጌሻ ቀሰያ ካዉተላቱዋ ኡባ ሰንጻን ቆንጭሴዳ፤ ቃይ ቢታ ጋጸይ ኡባይካ ኑ ጸሳ አቶተላ በእና።

11 ሀንተኖ መድና ጎዳ ጎልያ ማሻቱዋ ቶክያዋንቶ፣ ክቶተ፣ ክቶተ፤ ያፕ ከሰተ። ቱናባ ቦቾፕተ፤ አ ግደፕ ከሰ ክቶተ። ሀንተ ሀጺያዉካ ጌይተ።

12 ሽን ከሲደ፣ ኡላካ ከሰክታ፤ ዋይ በቲደ ቢክታ፤ እያዉ ጎፕ፣ መድና ጎዳይ ሀንተፕ ሰንጻዉ አዲደ ካላላና፤ እሰራኤልያ ጸሳይካ ጉየና ግዲደ፣ ሀንተና ናጋና።

መቱ ጋክያ ቆማ

13 ጸሳይ ሀዋዳን ያጌ፤ “በእተ፣ ታ ቆማይ እከካን ኦላና፤ እ ቦንቹቲደ፣ ቋቁ ቋቁ ጋና፤ እ ሎይሰ ካታታና።

14 አ ሰሞኢ አሳ ኡባዋፕ፣ አ ማላይካ አሳ ሩና ኡባፕ ቆሄቲዳ፤ አ በኢደ፣ ዳሮ አሳይ ዳጋሚዳ።

15 ሽን ሀእ ዳሮ ካዉተላቱ ኡባይ አባን ማላላታና፤ አፕ ደንዳዳዋን፣ ካተቱ ባረንቱ ደና ኦይቃና፤ እያዉ ጎፕ፣ ኡንቱንቱ ባረሬ ኦደትቤናዋ በእና፤ ሰሰቤናዋካ እከካና” ያጌ።

53

1 ኑን ኡዴዳዋ ኑን አማኔዳ? መድና ጎዳይ ባረ ዋልቃ ኦና በሴዳ?  
2 እ አ ሰንጻን መላ ጋድያን ደእያ ዲሩማፕ ጸጸዋ የዲደ፣ አጭያ ያላጋ አጫዳን ድጩዳ። ኑን አ ሎይሰ ጴሳና። አዉ ማላይ ዋይ ፑላይ ባዋ፤ ኑን አኮ ሺቃናዉ አዉ ፑል ባዋ።

3 እ እሳን ካፍቲዳን እጸጥዳ፤ እ ሀርግያፕፕን መቱዋፕ ሻከት ኤርና ካዮትያ እሳ ግዴዳ። እ እሳይ እ በእናፕ ጊደ። ባረ ሶምኡዋ ዋራ ዛርያ እሳዳን ካፍቲዳ፤ ኑንን እ ቦንቶቢይኩ።

4 እ ቱመ። ኑ ሀርግያ ባረዉ እኩዳ፤ ቃይ ኑ ካዩዋካ ቶኩዳ። ሸን እ ጋኩዳ መቱ። ደሸላይን ዋዪ ደሳፕ እዉ ዬዳዋ ጊደ ኑን ቆፔደ።

5 ሸን እ ኑ ባይዙዋ ድራዉ። ጫደቲደ ማዲንጼዳ፤ ኑ ናጋራ ድራዉካ ሸጩቲደ ለቄዳ። እ መረቲዳዋን። ኑን ሳሩዋ ደሜደ፤ እ ማዲላን ኑን ፓጼደ።

6 ኑን ኡባይ ኡግያ ባሌዳ ድርሳቱዋዳን ዋራ ቤዳ፤ ኑን ኡባይካ ኑ ኡግያዉ ኡግያዉ ሰሜዳ። መፍና ጎዳይ ኑ ኡባይ ናቄዳ ናቁዋ እ ቦላ ዋሌዳ።

7 እ ኡንኡቲዳን ቆሄቲዳ፤ ሸን ባረ ዶና ፖክቤና። ሹካናዉ እፍያ ድርሳዳን ላገቲዳ፤ ባረ እሰክያ ማዲያዋንቱ ሰንላን ጮኡ ግያ ድርሳ ማራዳን። እካ ባረ ዶና ፖክቤና።

8 ኡንቲንቱ። ፓጸ ደእያዋንቱ ቢታፕ እ ክቼዳዋ እ ዛርያፕ ሕኔ እኩኪዳዋ?

9 እ ባረ ሀይቁዋን ኢታ ኦሳቱዋና ፓይደቲዳ፤ ሀይቁደካ ዱረ እሳ ዱፋዋን ሞገቲዳ። ግደፕን። ኢታባ እ ኦሳቤና፤ ባረ ዶናንካ ዋርዲዋ ሃሳይቤና።

10 ሸን እ ቆሄታናዌ መፍና ጎዳ ሸን ግዴዳ፤ ቃይ መፍና ጎዳይ እ ቱጋታናዳን ኦሌዳ። እ ባረና ናጋራዉ ያርሹዋ ኦሳያ ዋደ። ባረ ዘረላ በእና። እ ባረካ ኦዲቃና፤ መፍና ጎዳ ሸንካ እ ኩሸያን ፖላታና።

11 እ ሸሞፕ ዋየቲዳዋፕ ጉይያን። እ ደኡዋ ፖኡዋ በእና፤ ናሸታና። ታ ጽሎ ቆማይ ባረ ኤራተላን ዳርቱዋ ጽላሳና፤ ኡንቲንቱ ባይዙዋካ ቶካና።

12 ሄዋ ድራዉ። ዋልቃማ እሳቱ ግዲዋን ታን እዉ ቦንቾ ሳኦ ሻካደ እማና፤ ቃይ ሞኖቱዋና እ ኦሞዲዋ ሻካና። እያዉ ጎፕ። እ ባረ ሸሞፕዋ ሀይቆ እሊደ እሜዳ፤ ያቲደ ባይዛንቻቱዋና ፓይደቲዳ። ግደፕን። እ ዳር እሳ ናጋራ ቶኩዳ፤ ባይዛንቻቶካ ጋናቲዳ።

### ጳሳይ እሜዳ ሀይታ ናግያዋ ግዲሳ

## 54

(ኢሳ. 54:1—55:13)

### ጳሳይ እሰራኤልያ ሲቅያ ሲቁዋ

1 መፍና ጎዳይ ሀዋዳን ያጌ፤ “ሀን። የላቤና ማይናቱ። የጸ! ኑና። ኦይሳይ ኦይቂ ኤረናኔ። ነ ቃላ ቶቁ ኦላደ እልላ! እያዉ ጎፕ። ባረ እሰናና ደእያ ማጫን ናናቱዋፕ። ባረካ ደእያ ማጫን ናናይ ዳራና።

2 ነን ዲንካንያ ሳኦ እሳ፤ ቃይ ኔን ደእያ ሳኦን ጋርዳቱዋካ ፕድ ኦላደ ሞጫ። ጉየ ጎፕ፤ ዋደሩዋካ ኡዲሳ፤ ሸካልያካ ሞንሳ።

3 ኔን ኡሸቻ ባጋናን ሀድርሳ ባጋና ኦካና፤ ነ ዛራቱ ካዉተላቱዋ ላታና፤ ኡንቲንቱ መላ ካታማቱዋን ኬጺደ ኡታና።

4 “ያዮፓ፤ እያዉ ጎፕ። ኔን ዬላታካ። ዳጋሞፓ፤ እያዉ ጎፕ። ኔን ካዉሻካ። ኔን ነ ያላጋተላ ዬላ ደጋና፤ ነ እምኤተላ ቦርያካ ሀዋፕ ሰንላን ሀሳያካ።

5 እያዉ ጎፕ። ኔና መጴዳዌ ነዉ እሰና፤ እዉ ሱንሳይካ ኡባፕ ዋልቃማ መፍና ጎዳ። እሰራኤልያ ጌሻይ ኔና ዋዜዳዋ፤ እ ቢታ ኡባ ደሳ ጌተቱ” ያጌ።

6 ነን ጳሳይ ሀዋዳን ያጌ፤ “እሰናይ ኡባና ኡግ ባሸና። ደገታደ ካዮትያ ማጫ ሞሸራቲዳንን ያላጋተላን እሰና ጎለፕ ከሴዳ ሞሸራቲዳን ኔን ሀና ደእሸን። ታን መፍና ጎዳይ ኔና ዛራ ዴሳድ።

7 “እት ጉላ ዋድያዉ ታን ኔና ኦጋድ፤ ሸን ዋልቃማ ማርታን ኔና ታን ዛራ ሸሻና።

8 ሱልያ ሀንቁዋን። ታን ታ ዳመዋ ኔፕ ጉላ ዋድያዉ ገንላድ፤ ሸን መፍና ሲቁዋን ታን ነዉ ቃረታና” ያጌ። መፍና ጎዳይ። ኔና ዋዜያዌ ሀዋ ኦዳ።

9 ነዉ ቆረትያ መፍና ጎዳይ ሀዋዳን ያጌ፤ “ሀዌ ታዉ ኖሄ ዋድያ ማላ። ሄ ዋደ ታን ኖሄ ዋዳ ባሻ ሃላይ ላኢንሱዋ ሳኦ ሞተሩዳን ጫቃድ፤ ሄዋዳንካ። ኔና ላኢንሱ ሀንቀተናንን ሴረናን ኦጋናዉ ታን ጫቃድ።

10 ደረቱ ቃጻናዉ። ዘዘቱካ ባረንቱ ደኢያሳፕ ክቻናዉ ዲንዳዪና፤ ሸን ታ እገና ሲቁ ኔፕ ሻከተና፤ ታ ሳርተላ ጫቁካ ክቼና” ያጌ።

11 ጳሳይ ሀዋዳን ያጌ፤ “ኔና። መቶቲዳ ካታማቲ! ጎቲ ያን ሃን ሸጩዳና፤ ሞንግሳያላ ጳዬዳን። በእ። ታን ኔና ቦንቾ ሹቻን ኦሊቁሳደ ኬጸና፤ ነ ባሱዋንካ ሳሞፔርያ ግያ ሹቻ ሂጸና።

53:4 ማቶሳ 8:17 53:5 1 ጸጸ. 2:24 53:6 1 ጸጸ. 2:25 53:7 ሳን 5:6 53:7 ኪታ 8:32-33 53:9 1 ጸጸ. 2:22 53:12 ማር. 15:28፤ ሉቃስ 22:37 54:1 ጋሊ. 4:27 54:9 ደመላ 9:8-17 54:11 ሳን 21:18-21

12 ነ አዲሳ ሹቻ ግምቢያን ደእያ ጉምቡባ ታን እንቁዋ ግያ ዳር አልኦ ዘኦ ሹቻን ግምባር፤ ነ ጉንግያ ጳልያ አልኦ እንቁዋን፤ ነ ድርሳ ኡባካ ቦንቾ ሹቻን ግምባር።

13 ነ አቱማ ናናቱዋ ኡባ መድና ጎዳይ ታማርሳና፤ ነ ናናቱ ሳርተሳይካ ዳራና።

14 ነን ጽሎተላን ምናደ ኤቃና፤ ሰብላይን ኡቁናይ ኔጥ ሃካና። ኔን እያዉካ ያያካ፤ ዳጋማይካ ኔኮ ሸቀና።

15 ኔና ኦላናዉ ደንድያዌ ደኦጥ፣ ሄዌ ታ ሸንያ ኦ□ና፤ ታን ነ ባጋ ግድያ ድራዉ፣ ኔና ኦላናዉ ደንድያ ኡባይ ኩንዳና።

16 “በእ፥ ዎምፒናን ታማ ፑኒደ፥ ባረ ሀልቾ ሀንያ ኦላ ሚሻ ቆጵያ አሳቱዋ ታን መዳድ። ቃይ ባይዛናዳን፥ ባይዝያዋንታካ ታን መዳድ።

17 ኔና ቆሀናዉ ኦሌዳ አይ ሚሻይን ኔና ቆሂደ ካንሐ ከሰና። ኔና ሞትያ እንጸርሳ ኡባዉ ግድያ ዛሩዋ ኔን እማና። መድና ጎዳ ቆማቱ ላታይ ሀዋ፤ አንቱንታ ታን ሻተንላና” ያጌ። መድና ጎዳይ ሄዋ ኦዳ።

### 55

#### ጸላጥ ቤትያ ማርታ

1 ጸላይ ሀዋዳን ያጌ፤ “ሀንተኖ ሳመቲዳዋንቶ፥ ኡባይካ ሃላኮ ሃ ዪተ፤ ሻሎ ባይናዋንቶ፥ ሃይተ። ሻሞተ፤ ሚተ። ሃ ዪደ፥ ሚሻ ጭገናን ጮ ዎይንያ ኡሳካ ማላካ ሻሞተ።

2 ሀንተ ሚሻ ቁማ ግደናባዉ እያዉ ከሲቱ? ካልሰናዋን ሀንተ ዎልቃ እያዉ ዉርሲቱ? እነ ሎይሲደ፥ ታን ኦድያዎ ሰሰተ፤ ሎኦባ ሚተ፤ ቃይ ሞዱዋን ሀንተ አሳተላ ናሸቾተ።

3 “ታ አሳዉ፥ ሰሰተ፤ ታኮ ሃ ዪተ። ሸምፑዋና ፓጸ ደእና ጎጥ፥ ታን ኦድያዎ ሰሰተ። ታን ሀንተናና መድና ጫቁዋ ጫቃታና። ታን እንጃና ጋይ ዳዊታ እንጃዳዋዳን፥ ሀንተናካ እንጃና።

4 በእተ፥ ታን አ አሳዉ ማርካ፥ ካለሰያዋን ካፑዋ ኡዳድ።

5 በእ፥ ኔን ኡረና ካዉተላቱዋ ጸላና፤ ቃይ መድና ጎዳ ነ ጸላ እሰራኤልያ ጌሻ ጋሱዋን፥ ኔና ኡረና ካዉተላቱ ኔኮ ኤሌሊደ ያና። እያዉ ጎጥ፥ ጸላይ ኔና ቦንቼዳ” ያጌ።

6 መድና ጎዳይ ቤትያ ዎደ አ ኮይተ፤ ማታን ደእያ ዎደ አ ጸሰተ።

7 ኢታይ ባረ ኦሱዋ፥ ናጋራንቻይካ ባረ ቆፋ አጎ፤ ጸላኮ አ ሰሞ። አ አ ማራና፥ አ ኑ መድና ጎዳኮ ሰሞ። አ አዉ ጮ አቶ ጋና።

8 እያዉ ጎጥ፥ መድና ጎዳይ፥ “ታ ቆፋይ ሀንተ ቆፋ ማላ ግደና፤ ሀንተ ኦጊካ ታ ኦጊያ ማላ ግደና።

9 ሳሎቱ ሳአጥ ጶቂያዎዳን፥ ታ ኦጊ ሀንተ ኦጊያጥ ጶቂ፤ ታ ቆፋይካ ሀንተ ቆፋጥ ጶቂ።

10 እራይን ሱፓ ሻቻይ ሳሎዋጥ ዎዲደ፥ ቢታ አሊደ፥ ሞካናዳንን አይፋናዳንን ኦልያዎዳን፥ ቃይ ዘርያዎ ዘረላ፥ ሞያዋዉካ ካላ እመናን ጉየ ሳሎዋ ሰመናዋዳን።

11 ታ ደናጥ ከሰይ ቃላይካ ሄዋ ማላ። አ ታን ሀልቼዳዎ ፖላና፤ ቃይ ኪቲዳዎ ኦላናጥ አትና፥ ታኮ ጮ ሰመና።

12 “ሀንተ ናሸቻን ከሳና፤ ሳሩዋን ሞይዘታና። ደረቱክ ከራቱ ሀንተ ሰንላን ናሸቲደ የጻና፤ ደምባን ደእያ ሞላቱ ኡባይካ ባረንቱ ኩሽያ ባቃና።

13 እንጉላ ድራዉ ጸዳይ፥ ጎምኦርያ ድራካ ጸይላይ ሞካና። ሄዌ መድና ጎዳይ ሀሳየትያዋን መድናዉ ጳየና ማላጥ ግዳናዋ” ያጌ።

### 56

#### አሳ ዛሪ ኡባይ ጸላ ባጋ ግዳናዉ ዳንዳየሳ (56:1-8)

1 መድና ጎዳይ ሀዋዳን ያጌ፤ “ቱሙ ፕርዳ ናግተ፤ ጽሎባ ሀንተ፤ እያዉ ጎጥ፥ ታ አሹ ኤሌሊደ ያና፤ ታ ጽሎተሳይካ ማታን ቆንጫና።

2 ሀዋ ኦልያ ኡራ፥ ሳምባታ ቱንሰናዳን ቦንቻያ ኡራን ኢታባ ኦ□ናን እጵያ ኡራ ታን እንጃና” ያጌ።

3 መድና ጎዳኮ ሸቁዳ በቲ፥ “መድና ጎዳይ ታና ባረ አሳጥ ቱሙ ሻካና” ጎጥ። ቃይ ሙይሬሳይካ፥ “በእ፥ ታን መሌዳ ሞላ” ጎጥ።

4 መድና ጎዳይ ሀዋዳን ያጌ፤ “ታ ሳምባታቱዋ ቦንቻያ፥ ታና ናሸቻያባ ደርያን ታ ጫቁዋ ሞንሲደ ናግያ ሙራሳቶ፥

5 ኢንቲንቶ ታን ታ ጌሻ ጎልያ ግዲዋን ታ ድርሳ ግምቢያ ግድን፤ ኢንቲንቲ ሀሳየትያዎ እማና። ማጫ ሩናቱዋጥን እቲማ ሩናቱዋጥ ሎእያ ሱንላ ታን ኢንቲንቶ እማና፤ ታን ኢንቲንቶ መድናዉ ጳየና ሱንላ እማና።

6 መድና ጎዳዉ ኦሳናዉ፤ መድና ጎዳ ሱንላ ደሳናዉን ኦ ጳማ ግዳናዉ፤ ባረንታ እኩ ሺሽያ በተቱዋ፤ ቃይ ሳምባታ ቱንሰናን ቦንቶያዋንታ ታ ጫቁዋ ምንሲደ ናግያዋንታ ኡባቱዋ

7 ታን ታ ጌሻ ደርያ እሀደ፤ ታ ዋሳ ጎልያን ኢንቲንታ ናሽቻና። ኢንቲንቲ ታ ያርሽያ ሳኦ ቦላን ሺሽያ፤ ጸግያ ያርሹን ሀራ ያርሹ እከታና፤ እያዉ ጎጥ፤ ታ ጎሊ ኦሳይ ኡባይ ጸሳ ዋሰያ ጎልያ ጌተታና” ያጌ።

8 እስራኤልያጥ ላላቲዳዋንታ ሺሽያ፤ ኡባ ሞድያ መድና ጎዳይ፤ “ሺቁዳዋንቲ ቦላ ጉጃደ፤ ታን ሀራቱዋካ ሺሻና” ያጌ።

**ጸሓፊ እማንተና ካለልያዋንቲ ፕርደቲሳ (ኢሳ. 56:9—59:21)**

9 ሀንተኖ ባዙዋ ደኦት፤ ሀንተኖ ዋራን ደእያ ደኦት፤ ኡባይካ ሃ ዪደ ሚተ።

10 እስራኤልያ ኦሳ ናግያዋንቲ ቆቀ፤ ኢንቲንቶ ኡባዉካ ኤር ባዋ። ኢንቲንቲ ኡባይካ ቦጫናዉ ዳንዳየና ዱደ ካናቱዋ ማላ። ኢንቲንቲ ግሲደ እኩመቲኖ፤ ኢንቲንቲ ገምእሹዋ ደሲኖ።

11 ኢንቲንቲ ሚደ ካለና ካና ማላ፤ ካል ኤርክኖ። ኢንቲንቲ እኪክ ፓጩዳ ሄንሳንቻ፤ ኢንቲንቲ ኡባይ ባረንቲ ኡግያ ኦግያ ሰሜድኖ፤ ኡባይካ ባረንቲ ጎእ ጸላላ ኮዪኖ።

12 ኢንቲንቲ ኡባይካ፤ “ሃ ዪተ፤ ዋይንያ ኤሳ እነ ኡሺቶ። እነ ኦ ማላይያ ኡሻ ኩመንላ ጋንቶ! ዋንታይካ ሀቶ ማላ ግዳናዋ፤ ዋይ ሀቶጥካ እድ ሎኦና” ያጌኖ።

**57**

**እስራኤላቲ ኤቃዉ ጎይንያ ጎይኑ ፕርደቲ**

1 ጸሎ ኦሳይ ሀይቁ፤ ሽን ሄዋ እኪኪደ ቆፕያዋ ባዋ። ባረና ጸሓዉ እሚዳ ኦሳቲ ጋድያጥ ጳዪኖ፤ ሽን ጸሎ ኦሳይ ባሻይ ያናጥ ካሰቲደ እከትያዋ ኦንነ እኪከና።

2 እ ቢደ ሳሩተላይ ደእያ ሳኦ ገሊ። ሱረተላን ሀመትያዋንቲ ሀይቁደ ሸምጥዋ ደሚኖ።

3 ጸሓይ ሀዋደን ያጌ፤ “ሀንተኖ፤ ሻራቻት ናቶ፤ ሀንተኖ ዋሹምያንነ ሻርሙጽያን ዘረላቶ፤ ሃይተ።

4 ሀንተ ኦ ቦላ ቅለጩቲ? ሀንተ ኦና ሀንተ ደናን ቦቹቲ? ሀንተ እንጸርሳካ ኦ ቦላ ከሲቲ? ሀንተ ማካላንቻቱዋ ሩናቱዋን ዋርዳንቻቱዋ ሩናቱዋ ግድክቲ?

5 ሀንተ ዋላ ግዳዋንነ ዳሻ ሞላ ኡባ ጋርሳን እሙዋን ጸገቲታን ቱናባ ኦሊታ፤ ሀንተ ሩናቱዋካ ዛንጋራ ሾባንነ ሹቻ ጎንጎሉዋን ሹኪደ ያርሺታ።

6 ዛንጋራ ሾባን ደእያ ሊቆ ሹቻቲ ሀንተ ጸሓቱዋ። ሀንተ ኢንቲንቶ ኡሻ ያርሹዋ ትጌድታ፤ ካላ ያርሹዋካ እሚድታ። ያትና፤ ታን ሀዋን ኡባን ናሽትያዋ ሀንተንቶ ማላቲ?

7 ሎይላ ቆቃን እዱሳ ደርያ ሁጺያን ሀንተ ግሱዋ የጌድታ፤ ያን ያርሻናዉ ዩደ ከሲድታ።

8 ሀንተ ጥንግያጥን ቆሰለላጥ ሶ ባጋና ኤቃ ምስላቱዋ ኤሲድታ። ታና ኦግ ባሺደ፤ ሀንተ ኦርሳ ኦሲደ፤ ያ ዩደ ከሲድታ። ኢንቲንቲና ጫቁዋ ጫቀቲድታ፤ ያቲደ ኢንቲንቲ ኦርሳ ደሲድታ፤ ኢንቲንቲ ካሉዋካ በኤድታ።

9 ዛይትያ እኪደ፤ ሞሎካ ግያ ኤቃኑ ቤድታ፤ ሀንተ ሸቱዋካ ዳርሴድታ፤ ሀንተዉ ከተትያዋንታ ሃኩ ሳ ከቲድታ፤ ሀራይ እትና፤ ሰኦልያ ጋካናዉ ዋዴድታ።

10 ሀንተ ሀራ ጸሓቱዋ ኮዪደ ዳቡራድታ፤ ሸን፤ “ሀይት ባዋ” ያግበይክታ። ሀንተ ዋልቃይ ሃ ኦራዲዳ፤ ሄዋ ድራዉ፤ ላባኒደ ኩንድባይክታ።

11 “ሀንተ ኦሰ ያዪደ፤ ታዉ ዋርዶቲድቲ? ሀንተ ታና ሀሳይባይክታ፤ ሀንተ ዋዛናንካ ቆፕበይክታ። ታን ዳር ዋድያ ጮኦ ጌዳ ድራዉ ግይኔ፤ ሀንተ ታዉ ያየናን ኤዳዳዋ?

12 ታን ሀንተ ጸሎተላን ሀንተ ኦሰቱዋ ቆንጭሳና፤ ሸን ሀንተና እይነ ጎእክኖ።

13 ሀንተ ዋሰያ ዋደ፤ ሀንተ ሺሹዳ ኤቃቲ ሀንተና እሸኖ! ኢንቲንታ ኡባካ ጫርኩ እክ ኦፋና፤ እቶደን ሸምፕያ ሸምፕያ ኢንቲንታ ታን ቆይሳና። ሸን ታና ባረዉ ባቃት እትያሳ ኦልያ ኦሳይ ከታ ሳታና፤ ታ ጌሻ ደርያካ ኦ ኦካና” ያጌ።

**ጸሓፊ ባረ ኦሳ ማዳናዉን ፓላናዉ እሚዳ ሀይታ**

14 ጸሓይ ሀዋደን ያጌ፤ “ግምቢተ፤ ግምቢተ! ኦግያካ ግሰተ፤ ታ ኦሳ ኦግያጥ ቆቢያዋ ኡባ ድግተ” ያጌ።

15 እያዉ ጎጥ፤ መድናዉ ደእያዋ፤ ግታይ፤ ቆቃን ደእያዋ፤ ኦ ሱንላይካ ጌሻ ጌተትያዋ፤ ሀዋደን ያጌ፤ “ታን ቆቁ ጌዳነ ጌሻ ሳኦን ደእይ፤ ግድገነ፤ ባረንቲ ኦሌዳ ናጋራዉ ካዮቲደ ሰምያዋንቲናን

ባረና ዝቂ ኦልያዋንቲና ደአይ። ያታደ ታን ባረንቲ ኦልዳ ናጋራዉ ካዮቲደ ሰሞያዋንቲ አያናን ባረና ዝቂ ኦልያዋንቲ ዋዛና ኦሪጽሳይ።

- 16 ታን መፅናወ ሞትከ፤ ኡባ ገደካ ሀንቀትከ። አሳ አያናይ፥ ታን መጴዳ አሳ ሸሞፑ ዳቡራና።
- 17 ኡንቲንቲ ናጋራ ጋሱዋንነ ኡንቲንቲ ያርያ ጋሱዋን፥ ታን ኡንቲንታ ሀንቀታደ። ኡንቲንታ ሸጫድ፤ ታ ሰንሳካ ኡንቲንቲፕ ገንሳድ። ሸን ኡንቲንቲ ሀእካ ሰሚደ፥ ባረንቲ ዋዛና ቆፋን ቤድና።
- 18 ታን ኡንቲንቲ ክንቲዋ በእድ፤ ሸን ታን ኡንቲንታ ፓላና፥ ካለላናን ዩክያዋንታ ሞን።
- 19 አሰራኤልያ ጋድያን ዩክያዋንቲ መተርሻን ጋላታ ዋላና። ሃኩዋንነ ማጎን ደአያዋንታ ሳሩ ግደ። ሸን ኡንቲንታ ፓላና፥ ያጌ መፅና ጎዳይ።
- 20 ሸን ኢታቲ ቡሉቂያን ኡርቃ ፑደ ፑሻክያ፥ ዋፑ ጋናዉካ ዳንዳየና አባ ቤታ ማላ።
- 21 ታ ጸሳይ፥ “ኢታቶ ሳሩ ባሞ” ያጌ።

### 58

#### ቱሙ ጸማ

- 1 ጸሳይ ሀዋዳን ያጌ፤ “ነ ቃላ ቶቁ ኦልደ ዋሳ፤ ገዮ ጎፓ። ነ ኮሻ ማላካታዋዳን ቶቁሳ። ታ አሳዉ ኡንቲንቲ ማካላ፥ ያቆባ ገልያ አሳዉካ ኡንቲንቲ ናጋራ ኦዳ።
- 2 ሸን ኡንቲንቲ ታና ሀቶ ሀቶ ኮዪና፤ ታ ኦግያካ ካላናዉ ደሰያዋ ማላቲና። ጽሎባ ኦልዳ ካተተላዳንነ ጸሳ አዛዙዋ ኦልቤና አሳዳን፥ ኡንቲንቲ ታና ሱሪ ፕርዳ ኦቲና፤ ታኮ ጸሳኮ ሺቃናዉካ ደሰና” ያጌ።
- 3 ኡንቲንቲ ሸቂደ ጸሳ፥ “ኑን ጸሚደ፤ ሸን ኔን አያዉ ኑና ጸላቤኪ? ኑን ኑናተላ ካዉሼደ፤ ሸን ኔን ኑና አያዉ ኤራቤኪ?” ያጌና።
- ጸሳይ ዛሪደ፥ ኡንቲንታ ሀዋዳን ያጌ፤ “በአተ፥ ሀንተ ጸምያ ጋላሰ ሀንተና ናሽቶያባ ኦሊታ፤ ሀንተ ኦሳንቻ ኡባ ኡቁኒታ።
- 4 በአተ፥ ሀንተ ዋላሳዉን ዋ። ታዉ ጸሚታ፤ ቃይ መቀላ ባይና ደሸላ ደቻናዉ ጸሚታ። ሀቼ ሀንተ ጸምያ ሀዋ ማላ ጸማይ፥ ሀንተ ቃላይ ቦላን ሰሰታናዳን ኦ።
- 5 ታን ደርያ ጸማይ ሀዋ ማላየ? አት አሳይ ባረናተላ ካዉሸያዌ ሀዋ ማላ ጋላሳየ? ቃይ ታን ኮይያ ጸማይ አሳይ ባረ ሀዲያ ጩጫዳን ዲጎ ሆከሰያዌ? ብድንላ ቆሊደ፥ ማቃ ሂዲደ ግሰያዌ? ያትና፥ ሄዋ ጸማ ጊደ ጸጊቲየ? ቃይ ሄ ጸምያ ጋላሳይካ መፅና ጎዳይ ናሽቶያ ጋላሳ ጌተቲየ?
- 6 “ታን ደራዳ ጸማ ሀዋ በአተ፡- ፕርዳን ናቂደ ቃቼዳዋንቲ ሳንሳላታ ለፕያዋ፥ ሞርገ ምላ ጎንያ ብልያዋ፥ ኡቁንቲዳዋንታ ኡቁኑዋፕ ከሰያዋን ሞርገ ምላ ኡባ መንሰያዋ።
- 7 ቃይ ታን ደራዳ ጸማይ ኮሻቲዳዋ ሀንተ ቁማ ሻክያዋ፥ ጎሊ ባይና ሀዌሳቲዋ ጎልያ አክያዋ፥ ካሎቲዳዋንታ በእያ ዋደ፥ ማይዝያዋ፥ ማዲዋ ኮይያ ሀንተ ዳቡዋፕ ሀንተ ዳሙዋ ገን።
- 8 “ያቶፕ፥ ሀንተ ፖኡ ዋንታ ጸልቂያዳን ፖኦና፤ ሀንተ ፓጸተላይካ ኤለካ ያና። ሀንተ ጽሎተላይ ሀንተፕ ሰንሳና ባና፤ መፅና ጎዳ በንቹካ ሀንተፕ ጉየና ግዲደ፥ ሀንተና ናጋና።
- 9 ሄ ዋደ ሀንተ ጸሳይ፤ መፅና ጎዳይ ሀንተንቶ ኮያና። ሀንተ ማዲዋ አካናዉ ዋሳና፤ አካ፥ “ሃኩ፥ ታን ሀዋን ደአይ!” ያጋና።
- “ሀንተ ግደፕ ሀንተ ኡቁንታ ሞርገ ምላ ድጎፕ፥ ቃይ ብራድያን ማላትያዋን ኢታባ ሃሳይያዋ አጎፕ።
- 10 ኮሻቲዳዋ ቁማ ሙዚደ ካልሶፕ፥ ናቁቲዳዋ እ ኮይያዋ ካልሶፕ፥ ሄ ዋደ ሀንተ ፖኡ ፉማን ፖኦና፤ ሀንተ ቃማይካ ቤታ ጋላሳ ግዳናዋ።
- 11 መፅና ጎዳይ ሀንተና ኡባ ገደ ካለላና፤ ሀንተና መላ ባዙዋን ኮሸያዋካ እ ሀንተዉ ኮንላና። ሀንተ ቦላ ጸጸዋካ ሞንሳና። ቃይ ሀንተ ሃላ ኡሽያ ገነትያ ማላን እ ሃላይ ሙለካ ቶኤና ፑልቲዋ ማላ ግዳናዋ።
- 12 በን ኮለቲዳዋንታ ሀንተ ዛሪሊደ ኪጸና፤ ዳር ዋድያፕ ካሰ ባሰቲዳ ባሰቲካ ኪጸቲደ ቶቁ ጋና። ሀንተካ ኮለቲዳ ግሞቡቲዋ ዛሪሊደ ግሞቢያዋንታን አሳይ ደአያ ሳኑቲዋን ኦግያ ከሰያዋንታ ጌተት ጸሰታና” ያጌ።

#### ሳምባታ ቦንቶያዋ ዋይቲዋ

13 ቃይካ ጸሳይ ሀዋዳን ያጌ፤ “ሳምባታ መፅና ጎዳዉ ዳማ ጋላሳዳን ጸሎፕ፥ ሄ ታ ጌሻ ጋላሰ ሀንተ ጎኦ የደርሰያዋንታ ግዳና ቆየፕ፥ ሳምባታ ናሽቶያን ቦንቹቲዳ ጸሳ ጋላሳ ቦንቹዋ ጊደ ጸሎፕ፥ ቃይካ ሀንተ ሀንተ ኦግያ ቤናን አጊደ፥ ቦንቶያዋ ግደፕ፥ ዋይ ሀንተና ናሽቶያባ ኦ። ናንነ ሀዳባ ሃሳየናን አጎፕ።

14 ሄ ዋደ ህንተ መድና ጎዳን ናሽታና። ቃይ ታን ህንተና ዳሮ ቦንቹቲዳዋንታ ኦላና፤ ህንተ እዉዋ ያቆባ ጋድያፕ ላተቲዳዋ ህንተ ማናዳን፣ ታን ህንተና ኦላና። ታን መድና ጎዳይ ሀዋ ሃሳያድ” ያጌ።

### 59

#### ትምቢትያ ኦድያዌ አሳ ናጋራ ፕርዴዳ

- 1 በእተ፣ መድና ጎዳ ኩሺ ህንተና አሻናዉ ቃምቦና፤ እ ሀይላይካ ሰሰናን እጻናዉ ቱልቤና።
- 2 ሸን ህንተ ናጋራይ ህንተፕን ህንተ ጸሳፕ ግዲዋን ሻኩተላ መዴዳ። ቃይ እ ሰሰና ማላ፣ ህንተ ናጋራይ እ ዴመዋ ህንተፕ ገንፌዳ።
- 3 እያዉ ጎፕ፣ ህንተ ኩሺ ሱላን፣ ህንተ ብራጲካ ናቁዋን ቱኔዳ፤ ህንተ ዶናይ ዋርዲዋ ሃሳየ፤ ህንተ እንጻርሳይካ ኢታባ ዙዙ።
- 4 ጽሎተላን ዋትያዌ ባዋ፤ ቱማተላን ፕርድያዌካ ባዋ። ኡንቱንቱ መላ ፓሉምያን ጨቀቲና፤ ዋርዲዋ ሃሳየና። ቃይ መቱዋ ሻሃሪድ፣ ኢታተላ የሊና።
- 5 ኡንቱንቱ ሸሻ ቁቁልያ ቆጶና፤ ሻራርቲያ ጎልያካ ኬጶና። ኡንቱንቱ ቁቁለቱዋ ምያ አሳይ ሀይቄ፤ ቁቁልያፕ እቱ መኣፕ፣ ሸሻይ እ ግደፕ ከሴ።
- 6 ኡንቱንቱ ኬጶዳ ሻራርታት ጎሊ ማያናዉ ኡንቱንታ ጎኤና። ኡንቱንቱ ባረንቱ መዴዳዋን ባረና ካምክና። ኡንቱንቱ ኦሱ ኢታ ኦሶ፤ ማካላ ኦሱ ኡንቱንቱ ኩሸያን ደኤ።
- 7 ኡንቱንቱ ገደቱ ኢታባ ኦላናዉ ዋጶና፤ ጽሉዋ ሱላ ጉሳናዉካ ጃሚና። ኡንቱንቱ ቆፋይ ኢታ ቆፋ። ኡንቱንቱ ቤዳ ሳ ኡባን ቆሀን ባሻይ ደኤ።
- 8 ኡንቱንቱ ብርተላ ኡግያ ኤርክና፤ ኡንቱንቱ ብያ ኡግያን ሱረ ፕርድ ባዋ፤ ኡንቱንቱ ባረንቱ ኡግያ ጌላዬድና፤ ሄ ኦገቱዋና ሀመትያ ኦንነ ሳርተላ ኤረና።

#### አሳይ ባረ ናጋራ ፓጾ

- 9 ሄዋ ድራዉ፣ ሱረ ፕርዳይ ኑፕ ሃኪዳ፤ ጽሎተላይካ ኑኮ ጋከና። ኑን ፖኡዋ ኮዬቶ፤ ሸን በእተ፣ ጹማ ግዴዳ፤ ዋልቃማ ፖኡዋ ኮዬቶ፤ ሸን ጹማን ሀመቲቶ።
- 10 ኑን አይፊ ባይና ቆቅያዳን፣ ድርሳ ግምቢያኮ ታታፊቶ። ሳእይ ለምእለምእና ሀመትያዋዳን፣ ሴታ ጋለሰ ጹብቲቶ። ቃይ ኩመንጎላ ዋልቃና ደእያ አሳቲዋ ግደን ኑን ሀይቄዳ አሳቲዋ ማላ ግዴዳ።
- 11 ኑን ኡባይካ ጋሙዋዳን ጉዴቶ፤ ሀራጸቲዋዳንካ ካዮቲደ ኦሌቶ። ኑን ሱረ ፕርዳ ኮዬዶ፤ ሸን ደምቦይኩ። ቃይ ኡቶተላካ ኮዬዶ፤ ሸን እ ኑፕ ሃኪዳ።
- 12 እያዉ ጎፕ፣ ኑ ባይዙ ነ ሰንላን ዳራዳ፤ ኑ ናጋራይካ ኑ ቦላ ማርካቲ። ኑ ባይዙ ኑናና ደኤ፤ ኑ ናቁዋካ ኑን ኤራቶ።
- 13 ኑን ማካሊድ፣ ጸሳ ካዴደ፤ ኑ መድና ጎዳ ካልያዋ አጊደ፣ ጉየ ሰሜዶ፤ ሱገላን ገንያ ሃሳዬዶ። ቃይ ኑን ሻሃሪድ ዋርድ ቃላ ኑ ዋዛናፕ የሌዶ።
- 14 ሱረ ፕርዳይ ጉየ ሱገቲዳ፤ ጽሎተላይካ ኑፕ ሃኪዳ፤ እያዉ ጎፕ፣ ቱማተላይ ጉታራን ጹብቲ፤ አማነትያ ሀናታዉ ገልያ ሳእይ ጳዬዳ።
- 15 ቱማተላይ ሀቃንነ ቤተና፤ ኢታተላፕ ሃክያ አሳይ ባረዉ ኦሞደቲ።

#### ጸሳይ ባረ አሳ አሻናዉ ጊገ ኡቴዳ

- መድና ጎዳይ በኢደ፣ ሱረ ፕርዳይ ባይናዋ ካዮቲዳ።
- 16 ኡቁንቲዳዋንታ ማድያ አሳይ ባይናዋ ጸሳይ በኤዳ፤ ጋናትያ አሳይ ባይናዋ ጋራመቲ። ሄዋ ድራዉ፣ እ ቀሲ እዉ ኡቶተላ አሄዳ። እ ጽልቶተላይ እ ዘምፕሲደ ኦይቄዳ።
- 17 ጸሳይ ጽሎተላ ትራን ዋሕያ ኦላ ሚሻዳን ማዬዳ፤ ባረ ሀጺያንካ ኡቶተላ ቆብያ ዋሌዳ። ሀላዋ ከሰያ ማዮዋካ ማደደ፣ ምሹዋ ቁማዮዋ ቁማዬዳ።
- 18 እ ኡንቱንቶ ኡንቱንቱ ኦሱዋዳን ኦሱዋዳን ዛራና፤ ባረ ሞርከቶ ሀንቁዋ፣ ባረ ባልጋራቶካ ሙሩዋ ዛራና። አባ ዶና ቢታቱዋን ደእያዋንቶ ኡንቱንቱ ኦሶ በሰያዋ እማና።
- 19 ሄዋ ድራዉ፣ አዋይ ዉልያ ባጋና ደእያዋንቱ መድና ጎዳ ሱንሳዉ ያያና፤ አዋይ ዶልያ ባጋና ደእያዋንቱካ እ ቦንቹዋ ያያና። እያዉ ጎፕ፣ መድና ጎዳ ጫርኩ ጋጋንሕ የድና፣ ጎግያ ድኡዋዳን እ ያና።
- 20 መድና ጎዳይ ሀዋዳን ያጌ፤ “ታን ጽዮንዉን ያቆባ ዛራቱዋን ባረንቱ ናጋራፕ ሰምያዋንቶ ዋዝያዋ ግዳደ ያና” ያጌ።
- 21 ቃይካ መድና ጎዳይ ሀዋዳን ያጌ፤ “ታና ግደፕ፣ ታን ኡንቱንቲና ጫቀትያ ጫቁ ሀዋ፣ ህንተ ቦላን ደእያ ታ አያናይነ ታን ህንተ ዶናን ዋሌዳ ታ ቃላይ ሀቕፕ ዶሚደ፣ መድና ጋካናዉ፣ ህንተ

ደናጥ፡ ህንተ ናናቱ ደናጥነ ህንተ ናናቱ ናናቱ ደናጥ ሻከተና። ታን መድና ጎዳይ ሀዋ ኦዳይ። ያጌ።

### 60

የሩሳላመ ሰንሳ ሰንሻ ህደታ  
(60:1—62:12)

1 ጸሳይ ሀዋዳን ያጌ፡ “ደንዳ! ደንዳደ ፖእሳ፤ እያዉ ጎጥ፤ ነ ፖኡ ዬዳ። መድና ጎዳ ሰንሻካ ነ ሰላን ፖኡዳ።

2 በእ፡ ጳማይ ሳእ ካማና፤ ባራ ጳማይካ አሳ ሰላን ዋጳና። ሽን መድና ጎዳይ ነ ሰላ ደንዳና፤ እ ሰንሻካ ነ ሰላ ፖእና።

3 ካዉተላቱ ነ ፖኡዋኮ፡ ካተቱካ ነ ዋንታ ዋጂጃኮ ያና።

4 “ጳቁ ጋደ ነ የሹዋ ጸላ። ኡንቱንቱ ኡባይ እትጥ ሸቂደ፡ ኔኮ ያና። ነ አቱማ ናናይ ሃኩዋጥ ያና፤ ነ ማጫ ናናይካ ባኡቲደ፡ ኔኮ ያና።

5 ሄ ዋደ ኔን በእደ ናሽታና፤ ነ ዋዛናይካ ሎይሐ ፖጩ ጋና። እያዉ ጎጥ፡ አባ ሰላን ደእያ ግዳይ ኔኮ ሰማና፤ ካዉተላቱዋ ዱረተላይካ ኔኮ ያና።

6 ሞድያማ ቢታጥ ኡፋ ጋድያጥ ዬዳ ያላጋ ጋሎቱዋ ዉዲ ነ ቢታ ካማና። ቃይ ዋርቃነ እጻና ጫነቲዳ ጋሎቱ መድና ጎዳ ጋላታ አዋዪደ፡ ሳባጥ ያና።

7 ቁዳረነ ናግዮታ ደርሳ ዉደቱ ኡባይ ያርሾ ታ ያርሹዋ ሳእ ኔኮ ሺቃና፤ ቃይ ታንካ ታ ሰንሻ ጌሻ ጎልያ ሰንሻና።

8 “ሀ ሻርያዳንነ ባረንቱ ጎልያኮ ፓልያ ሀራጸቱዋዳን ፓልያዋንቱ ኦኔ?

9 ሀዋንቱ ሃሳን ደደቲዳ ቢታቱ ታናን ህደታ ኦላና። እሰራኤልያ ጌሻይ መድና ጎዳይ ህንተ ጸሳይ ህንተና ሰንሻዳ ድራዉ፡ ተርሴሰ ማርካባቱ ሰንሳት ከሲደ ነ ናናቱዋ ሃኮ ቢታጥ ኡንቱንቱ ብራናነ ዋርቃና ጸሳ ሰንሻ አሀና።

10 “ኦላጋ ጋድያ አሳይ ነ ድርሳ ግሞባና፤ ኡንቱንቱ ካተቱ ነዉ ኦላና። ኔና ታን ታ ሀንቁዋን ካሰ ሸጩዳዋ ግደጥካ፡ ሀእ ታ ቃረታን ታን ኔና ማራድ።

11 ነ ጥንገቱ ኡባ ገደ ዶያ ደእና። ካዉተላቱዋ ዱረተላነ አዋደቲዳ ካተቱዋ ኔኮ አሀና ማላ፡ ጋላሰካ ቃማካ ጎርደትክና።

12 ነዉ እ፻ ከሳይ ዋይ ካዉተላይ ኡባይ ኡባና ጳያና።

13 ታ ጌሻ ጎልያ ሳእ ሎይላና ማላ፡ ሊባናሳ ሰንሻ፡ ዘጋይ፡ ጸዳይነ ጸይላይ ኔኮ ያና፤ ታን ታ ገድያ ዋልያ ሳእ ሰንሻና።

14 ኔን ኡቁኔዳዋንቱ ኡቱማ ናናይ ነዉ ሆኪደ፡ ኔኮ ያና፤ ኔና ካዲዳ ኡባቱ ነ ሰንሳን ጎይናና። ኡንቱንቱ ኔና፡ ሙድና ጎዳ ካታማቲ ጸዮኔ፡ እሰራኤልያ ጌሻ ካታማቲ፡ ያጌደ ጸሳና።

15 “ኡንነ ነ ግደና አ፻ናዋ ኬና ኔን ካሰ ኦለታዳነ እጸታዳ። ሽን ሀእ ታን ኔና መድናዉ ዋልቃማ ኦላና፤ ቃይ የለታ ኡባይ ናሽቲያ ሳ ኦላና።

16 ኔን ካዉተላቱዋ ማላ ኡሻና፤ ካተቱ ጳንላካ ጳማና። ሄዋጥ ጉይያን፡ ታን መድና ጎዳይ ኔና አሽያዋ፤ ዋዝያዋ፤ ያቆባ ዋልቃማ ግድያዋ ኔን ኤራና።

17 ናሃሰያ ድራዉ ዋርቃ፡ ብራታ ድራካ ብራ፡ ሞላ ድራዉ ናሃሰያ፡ ሹቻ ድራዉ ብራታ ታን ነዉ አሀና። ታን ኔና ሞድያዋንታ ሳር፡ ነ ካፖቱዋካ ጽሉዋ ኦላና።

18 ሀዋጥ ጉይያን፡ ሱጎላ ኦሱ ነ ጋድያን ሰሰተና፤ ነ ዛዋንካ ላለላይነ ባሻይ ሰሰተና። ኔን ነ ድርሳ ግሞቢያ፡ ኦቶተላ፡ ነ ጥንገቱዋካ፡ ጋላታ፡ ያጋደ ጸሳና።

19 “ሄዋጥ ጉይያን፡ ጋላሰ ነዉ አዋ ፖኡዋ ኮሽና፤ ቃማካ አግና ፖኡዋ ኮሽና። እያዉ ጎጥ፡ መድና ጎዳይ ነዉ መድና ፖኡ ግዳናዋ፤ ነ ጸሳይ ነዉ ሰንሻ ግዳናዋ።

20 ነ አዋይ ላኤንላ ዉላና፤ ነ አግናይካ ፖእያዋ አገና። እያዉ ጎጥ፡ መድና ጎዳይ ነዉ መድና ፖኡ ግዳናዋ፤ ኔን ዬኬዳ ጋላሳቱካ ዉራና።

21 ነ አሳይ ኡባይ ጽሉዋ ግዳናዋ፤ ኡንቱንቱ ቢታቶካ መድናዉ ላታና። ኡንቱንቱ ታን ታ ሰንሻዋ ቆንጭሳናዉ ቶኬዳ ፑተቱዋ፤ ኡንቱንቱ ታ ኩሽያ ኦሰቱዋ።

22 ህንተ ግደን እት ጎልያን ደእያ ፓይዲዋን ጉላ አሳቱዋ ታን ሻእሳና፤ ኡባጥ ፓይዲዋን ጉጽያዋንታካ ዋልቃማ ካዉተላ ኦላና። ታን መድና ጎዳ፤ ዋዲ ጋክያ ዋደ፡ ታን ሀዋ ኤለካ ፖላና። ያጌ።

### 61

አቶተላ ሞሽራቹዋ



1 ኤባ ሞድያ መድና ጎዳ አያናይ ታ ቦላን ደኤ፤ አያው ጎጥ፣ ቆሄቴዳዋንቶ ሎኦ ሞሽራቸዋ ኦዳና ማለ፣ ጸሳይ ታና ኦኤዳ። እ ታና ዋዛናይ መኤዳዋንቶ ኮለትያዋን ኦሞድቴዳዋንቶ ኦሞድዋጥ ከሰያዋ አዋያና ማለን ቃሽቲዳዋንቶ ብለላ አዋያና ማለ ከቲዳ።

2 መድና ጎዳይ ደራዳ ላይላክ ኦ ጸሳይ ሀሉዋ ከሰያ ጋላሳ አዋያና ማለን ካዮትያዋንታ ኡባቴዋ ሞንፍ ማለ፣ ታና ከቲዳ።

3 ሄዋዳንካ ቃይ፣ ጽዮንን ካዮትያዋንቶ፣ ብድንሳ ድራሬ ካላቻ፣ ካዩ ድራሬ ናሽቻ ዛይትያ፣ ላባና አያና ድራሬ ጋላታ ቁማዩዋ አማና ማለ፣ ታና ከቲዳ። ኦንቲንቱ መድና ጎዳይ ባረ ቦንቾ ቶኤዳ ጽሎ ሞላ ጌተቲደ ዴሰታና።

4 ኦንቲንቱ ቦን ኮለቴዳዋንታ ዛረሊደ ኬዳና፤ ቦን ኮንዴዳዋንታካ ዛረሊደ ኤሳና። ኦንቲንቱ ኦኤዳዋንታን ዳር የለታጥ ካሰ ኮለቴዳ ካታማቴዋ ዛረሊደ ከዳና።

5 አላጋ ቢታ አሳቱ ህንተ ደርሳ ዉድያ ሄማና፤ አማላቲካ ህንተ ጋድያ ጎሻና፤ ህንተ ዋይንያ ቱራ ናጊያዋንታ ግዳና።

6 ህንተ ቃይ፣ “መድና ጎዳ ቁሳቱ ዋ” ጌተቲደ ዴሰታና፤ አሳይካ ህንተና፣ “ኦ ጸሳ ኦሳንቻቱዋ” ያጊደ ዴሳና። ህንተ ካዉተሳቱዋ ዱረተላ ማና፤ ኦንቲንቱ ዱረተላንካ ህንተ ጨቃታና።

7 ህንተ ዬላ ድራሬ ህንተ ላኡ ኩሽያ ሳማ አካና፤ ካዉሼዳዋ ድራሬካ ህንተ ካጫን ህንተ ናሽታና። ሄዋ ድራሬ፣ ህንተ ህንተ ጋድያን ላኡ ዳኩዋ ላታና፤ ህንተ ናሽቻይካ መድና ናሽቻ ግዳናዋ።

8 ጸሳይ ሀዋዳን ያጊ፤ “ታን መድና ጎዳይ ሱረ ፕርዳ ደሳይ፤ ቦንቁያን ባይዙዋ እዳይ። ታን አማንታደ፣ ኦንቲንቱ ኦሱዋ ጋትያ ኦንቲንቶ ጭጋና። ታን ኦንቲንቱና መድና ጫቁዋ ጫቃታና።

9 ኦንቲንቱ ዛራቱ ካዉተሳቱዋ ግደን፣ ኦንቲንቱ ናናይካ ጋደ አሳቱዋ ግደን ኤረታና፤ ኦንቲንታ ቦኤዳ ኡባይ ታን፣ መድና ጎዳይ አንጄዳ አሳቱዋ ኦንቲንቱ ግድያዋ ጌሺደ ኤራና” ያጌ።

10 ታን መድና ጎዳን ሎይላ ናሽታይ፤ ታ ሸምቸካ ታ ጸሳን ሀሹ ጌ። አያው ጎጥ፣ ቡላችያዌ ባረ ሀጺያን ቁሲ ሻሽያ ዋሰያዋዳን፣ ቡላቸትያናካ ዳማ ዳማ አሊቁዋን አሊቀትያዋዳን፣ እ ታና አቶላ ማዩዋ ማይዜዳ፤ ጽሎተላ ቁማዩዋካ ቦላና ታዉ ጌጃዳ።

11 ቢታይ ጫርሻ ሞክያዋዳን፣ እታክልትያ ሳከይካ ቶኤዳዋ ድችያዋዳን፣ ሄዋዳንካ፣ ኡባ ሞድያ መድና ጎዳይ ጽሎተላን ጋላታ ካዉተላ ኡባ ሰንላን ፑልትሳና።

### 62

1 ጽዮን ድራሬ፣ ታን ጮኤ ጊከ፤ የሩሳላመ ጽሎተላይ ዋልቃማ ፖኤዋዳን፣ እ አቶተላይካ ኤጽያ ጸምጥያዳን ፖኦና ጋካናዉ፣ ታን ጮኤ ጊከ።

2 ካዉተላቱ ነ ጽሎተላ፣ ካተቱ ኡባይካ ነ ቦንቸዋ ቦአና። መድና ጎዳይ ባረ ድናጥ ሱንሰያ ኦራላ ሱንሰያ ኔን ዴሰታና።

3 ኔን መድና ጎዳ ኩሽያን ሎኤዳ አሊቁዋን ካዉተላ ካላቻ ማለ ግዳና።

4 ሀዋጥ ሰንሳናዉ ኔን፣ “ደገታ አቴዳና” ጌተታካ። ቃይ ነ ቢታታካ፣ “መላ አቴዳና” ጌተቲኩ። ሸን ኔን፣ “ታ ናሽቻይ እን ደአያና” ነ ቢታታካ፣ “አሰና ገሌዳና” ጌተታና። አያው ጎጥ፣ መድና ጎዳይ ኔናን ናሽታና፤ ነ ቢታታዉካ እ አሰና ማለ ግዳናዋ።

5 ዋደላይ ዋደራቶ ማችያዋዳን፣ ነ ናናይ ኔና አካና፤ ማቻቶ ቡላችያዌ ቡላቸትያን ናሽትያዋዳን፣ ሄዋዳንካ፣ ነ ጸሳይ ኔናን ናሽታና።

6 ኔና የሩሳላመ፣ ነ ድርሳ ግምቢያ ቦላን ዋችያዋንታ ታን ዋላድ፤ ኦንቲንቱ ጋላሰካ ቃማካ ጮኤ ጊክና።

7 ህንተና፣ የሩሳላመባ መድና ጎዳ ሀሳይሰያዋንቶ፣ እ የሩሳላመ ከዳና ጋካናዉን ቢታ ኡባ ቦላን ናሽቲዳ ካታማ ኦላና ጋካናዉ፣ ህንተዉካ ሸምፖፕተ፤ አካ ሸምፕላፕተ።

8 መድና ጎዳይ ባረ ኡሽቻ ኩሽያንን ባረ ዋልቃማ ቀሰያን ሀዋዳን ያጊደ ጫቁዳ፤ “ታን ላኤንላ ህንተ ካሳ ህንተ ሞርከቶ ቁማ ኦላደ አምከ፤ ቃይ ህንተ ዳቡራዳ ህንተ ዋይንያ ኤሳካ አላጋቱ ኡሽክና።

9 ሸን ጫኤዳዋንቱ ባረንቱ ካላ ማና፤ ያቲደ መድና ጎዳ ኦንቲንቱ ጋላታና፤ ዋይንያ ቲራ ማጺዳዋንቱ ታ ጌሻ ጎልያ ዳባባን ኡሻና” ያጌ።

10 አድተ! ጥንግያ ከሲደ ቢተ! አሳዉ ኦግያ ከሰተ! ከሰተ፣ ዋጋ ኦግያ ከሰተ! ሹቻቱዋካ ድግተ፤ ካዉተላቱ ኦግያ ደማና ማለ፣ ባንድራ ኤሰተ።

11 ቦአተ፣ መድና ጎዳይ ቢታ ሳከ ጋጸን ሀዋዳን ያጊደ አዋዬዳ፤ “ጽዮን አሳዉ ሀዋዳን ያግተ፤ ብአተ፣ ህንተና አሸያዌ ጋኤዳ! ቦአተ፣ እ ጋቲ አናና ደኤ፤ ኦሶ እ አምያ ኬርሱካ እ ሰንላን ደኤ’ ያግተ” ያጌዳ።

12 ህገተ፡ “መድና ጎዳይ ዋዜዳ ጌሻ አሳቱዋ” ጌተቲደ ዴሰታና፤ የሩሳሳመካ፡ “ኮየቴዳና፡ አግ ባሽቤና ካታማቶ” ጌተታና፡

### ጸሓ ኑራሳ ማላልሰያ መጠታ

## 63

(63:1—66:24)

እይሁዳ ግደና አሳቱዋ ጸሓይ ጸንያ ጸኑዋ

1 ኤደማ ጋድያን ደእያ ቦጵራ ግያ ካታማጥ ዘኦ ማዩዋ ማዪደ ይያዌ፡ ሄዌ እ ኦኔ? ሀ ፑላና ደእያ ማዩዋ ማዪደ፡ ባረ ዋልቃ ምኖተላን ሰንሳዉ ሀመትያዌ ኦኔ?

ጸሓይ፡ “ሄዌ ጽሉዋ ሃሳይያዌን ዋልቃን አሸያዌ ታና ግድክታ!” ያጌ።

2 ዋይንያ ጉሞኢያሳን ዋይንያ የድያ ብታንያ ማዩዋዳን፡ ነ ማዪ እያዉ ዘኤዳ?

3 ጸሓይ ሀዋዳን ያገደ ዛራና፤ “ዋይንያ ጉሞኢያሳ ታን ታረካ የጻድ፤ ካወተላቱዋጥ እት አሳይነ ታናና ባዋ፡ ታን ኤንቱንታ ታ ሀንቁዋን የጻድ፤ ታ ይሉዋንካ ኤንቱንታ ድርጸረላድ። ኤንቱንቱ ሱላይ ታ ማዪዋ ቦላን ጻጩትና፡ ታ ማዪ ኤባይ ባዬዳ።

4 ታን ታ አሳ ዋዝያ ጋላሳይነ ኤንቱንቱ ሞርከቶ ሀሉዋ ከሰያ ላይሳይ ጋኬዳ።

5 ታን ዴላድ፤ ሸን ታና ማድያ እት አሳይነ ቤትቤና። ማድያዌ ጻዬዳ ድራዉ፡ ታን ማላለታድ። ሄዋ ድራዉ፡ ታ ቀሲ ታዉ ጸኑዋ አሄዳ፤ ታ ሀንቁካ ታና ማዪዳ።

6 ታን ታ ሀንቁዋን ካወተላቱዋ የጻድ፤ ታ ይሉዋንካ ኤንቱንታ መገጠራድ፤ ኤንቱንቱ ሱላካ ታን ጋድያን ጉሳድ” ያጋና።

ጸሓይ እሰራኤልያዉ ኬክያ ኬክ

7 መድና ጎዳይ ኑዉ ኦሌዳ ኦሱዋ ኡባ ድራዉ፡ መድና ጎዳ አገና ሲቁዋን እ ጋላታ ታን ኦዳና፤ ኤ፡ ባረ ማርታንነ ባረ ኬካተላ ዳሩዋን እሰራኤልያ አሳዉ እ አሜዳ ጮራ ሎካባ ታን ኦዳና።

8 ጸሓይ ኦዳደ፡ “ኤንቱንቱ ቱሙ ታ አሳቱዋን ታ ናናቱዋ ግድያ ድራዉ፡ ታና ጭማናዉ ኮይክና” ያጌዳ። ሄዋ ድራዉ፡ እ ኤንቱንታ አሸያዋ ግዪዳ።

9 ኤንቱንቱ ዋይያ ኡባን እ ዋየቴዳ። እ ደኡሳ ኪታንቻይ ኤንቱንታ አሸዳ። እ ኤንቱንታ ባረ ሲቁዋንነ ባረ ማርታን ዋዜዳ። ካሰ አዴዳ ዋደቱዋ ኡባን እ ኤንቱንታ ደንሏደ ቶኬዳ።

10 ሸን ኤንቱንቱ ማካሊድና፤ እ ጌሻ እያናካ ካዮዬድና። ሄዋ ድራዉ፡ እ ሰሚደ፡ ኤንቱንቶ ሞርከ ግዪዳ፤ ኤንቱንቱናካ ለላቴዳ።

11 ሄዋጥ ጉይያን አሳይ በንዋ፡ እ ባረ ቆማ ሙሴ ዋደ ኦሌዳዋ ሀሳዪደ፡ ሀዋዳን ያጌዳ፤ “ባረ ዉድያ ሄንላንቻቱዋናካ ኡባ አባ ግድና አሌደ ከሴዳዌ ሀቃን ደእ? ቃይ ሄ ዋደ ባረ ጌሻ እያና ኤንቱንቱ ግድን ዋሌዳዌ ሀእ ሀቃን ደእ?”

12 ባረ ቦንቹዋ ቀሰያ ዋልቃማ ዋልቃ ሙሴዉ ኡሸቻ ኩሸያ ግዳናዳን ኪቴዳዌ፡ ባረ መድና ሀይላ ከሳናዉ፡ ኤንቱንቱ ሰንሳን ደእያ ሃላ ሻኬዳዌ፡

13 ኤንቱንቱ ጨሙዋ ግደና ፕንሌዳዌ ሀቃን ደእ?” ያጌድና።

14 ባዙዋና አድያ ፓራዳን፡ ኤንቱንቱ ጹባትቤይክና።  
14 ዋዋባ ዲገ ዋድያ መሀያዳን፡ መድና ጎዳ እያናይ ኤንቱንታ ሸምፕሴዳ። ሄዋዳን ኔን ነ ሱንሳ ቦንቶሳናዉ ነ አሳ ካለላዳ።

ማርታን ማዲዋ ደማናዉ ዋሰያ ዋሳ

15 እቤት ጸሓዉ፡ ሳሉዋና ዲገ ጸላ፤ ኔን ደእያ ጌሻን ቦንቾ ግዪዳ ሳጥ ኤለካ በእ። ኔን ሞሸትያ ሞሸን ነ ዋልቃይ እኔ? ነ ዋዘናይ ኑና ላሞትያ ላሞታይነ ነ ቃረታይ ኑጥ ሃኬዳ።

16 አብራሃሙ ኑና ኤራና ጻዮጥካ፡ ያቆብ ኑና እኬከናን ጻዮጥካ፡ እቤት መድና ጎዳዉ፡ ኔን ኑ አወዋ። በን ዋደጥካ ደሚደ፡ ነ ሱንሳይ ኑና ዋዝያዋ።

17 እቤት መድና ጎዳዉ፡ ኑን ነ ኦግያጥ ባያናዳን፡ እያዉ ኦላዲ? ቃይ ኑን ነዉ ያየናዳን፡ ኑ ዋዘና እያዉ ጹሌፋያዳ? ጸሓዉ፡ ነ ቆማቴ ድራዉ፡ ነ ቢታ ላቴዳ ዛራቱዋ ድራዉ፡ ኑጥ ሰማ።

18 ነ ጌሻ አሳይ ነ ጌሻ ጎልያ ጉላ ዋድያዉ ላቴድና፤ ሸን ኑ ሞርከቱ እ ዲገ ዛሪደ የዴድና።

19 ኔን በንጥካ ነዋንታ፤ ኤንቱንታ ኔን ሞዳባካ፤ ኤንቱንቱ ነ ሱንሳን ዴሰትቤይክና።

## 64

1 እቤት መድና ጎዳዉ፡ ኔን ሳሎቱዋ ዳካደ ዲገ ዋጻ! ደረቱካ ጋጅ ጋጂደ ኮኮርና።

63:1 እላ. 34:5-17፤ ኤር. 49:7-22፤ ሀዘ. 25:12-14፤ 35:1-15፤ አሞጾ 1:11-12፤ አቡር. 1-14፤ ሚልክ. 1:2-5  
63:3 ሳየ 14:20፤ 19:13፤ 15 63:5 እላ. 59:16 63:12 ከሳ 14:21

- 2 ታማይ ቃይጾርያ ሚደ፣ ሃላ ጥንትሰያዋዳን፣ ዲገ ዋጳእደ፣ ነ ሱንላ ነ ሞርከቶ ኤርሳ፤ ካወተላቱዋካ ነ ሰንሳን ኮኮርሳ።
- 3 ካሰካ ኔን ኮን ናግቤና ማላልሰያባ ኦሌዳ ዎደ ዎጳእደ፤ ደረቱ ነ ሰንሳን ጋጅ ጋጂደ ኮኮሬድና።
- 4 በንጥ ደሚደ፣ ኔናን እማነቲደ፣ ናግያዋንቶ ማላልሰያባ ኦሌዳ ነጥ አትና፣ ሀራ ጸሳ አሳ ሀይላይ ሰሰቤና፤ አሳ አይፊካ በእቤና።
- 5 ጽሎተላ ናሽቲደ ኦሎያዋንታን ነ ኦግን ኔና ሀሳይያዋንታ ኔን ጋካደ ማዳሳ። በእ፣ ኔን ሀንቀታዳ፤ ሽን ናጋራ ኦሎያዋ አገቢይጦ። ኮን ናጋራ ኦሌደ፣ አዲሳ ዎድያ ደኤደ፤ ያትና፣ ኮን ዋኒደ አታኔ?
- 6 ኮን ኡባይካ ቱና አሳ ግዴደ፤ ኦ ጽሎተላ ኦሰ ኡባይካ ቅታ ጨርቃ ማላ። ኮን ኡባይካ ቦንጫያዳን ሹሌደ፤ ኦ ናጋራይ ኮና ጫርኩዋዳን፣ ፕቲደ አፊዳ።
- 7 ነ ሱንላ ጸሰያዋ፣ ዎይ ኔና ሞንሰ ኦይካናዉ ኮይያዎ ባዋ። እያዉ ጎጥ፣ ኔን ነ ዳሙዋ ኦጥ ገንላይ ናጋራይ ጳይሳናዳን፤ ኮና ኦ ናጋራ ድራዉ፣ አጋዳ።
- 8 ግደፕ፣ አቤት ሙድና ጎዳዉ፣ ኔን ኦ አዉዋ፤ ኮን ኡርቃ፤ ኔን ኡርቃ ሙዴዳዋ፤ ኮን ኡባይካ ነ ኩሽያን ሙጥቲደ።
- 9 አቤት ሙድና ጎዳዉ፣ ሎይላ ሀንቀቶፓ፤ ኦ ናጋራካ ሙድናዉ ሀሳዮፓ። ኮና በእ፣ ኮን ኡባይካ ነ አሳ።
- 10 ነ ጌሻ ካታማቱ ባዙዋ ግዴድና፤ ሀራይ አትና፣ ጽዮነ ካታማይካ ባዙዋ ግዴዳ፤ የሩሳላሙካ ሙላ ሳ ግዴዳ።
- 11 ኦ አዎቱ ኔና ጋላቴዳ ጌሻነ ሎኦ ግዴዳ ኦ ጌሻ ጎሊ ታማን ጸገቴዳ፤ ቃይ ኦ ሎኦ ሳአቱ ኡባይካ ባዬድና።
- 12 አቤት ሙድና ጎዳዉ፣ ኔን ሀዋ ኡባ በአደካ ኮና አጋኒ? ኔን ጮኤ ጋደ፣ ኮና ዛዋይ ባይና ሙሩዋ ሙራኒ?

### 65

#### ጸሳይ ማካላንቻቱዋ ሙራ

- 1 ጸሳይ ሀዋዳን ያጌ፤ “ታን ታና ኦቶቤናዋንቶ ቆንጫድ፤ ቃይ ታና ኮይቤናዋንቶ ቤታድ። ታን ታ ሰንሳ ጸሰቤና ካወተላዉ፣ ናታ ሀዋና! ታ ሀዋና!” ያጋደ ኮያድ።
- 2 ባረ ቆፋ ካሊድ፣ ሎኦ ግደና ኦግን ሀሙትያ ማካላንቻ አሳቱዋኮ ጋላሳ ኡባን ታ ኩሽያ ሞጫድ።
- 3 ሀ አሳይ አታክልትያ ግደን ያርሺደነ ጸብያ ቦላን እጻና ጨዋዬደ፣ ታን ጸልሸን፣ ታና ኡባ ዎደ ሀንቀሊና።
- 4 ቃይ ኡንቱንቱ ዲፋዋ ግደን ኡትያዋንታ፤ ጌማ ሳካን ቃማ አቅያዋንታ። ጉዲንላ አሹዋ ሞያዋንታ፤ ኡንቱንቱ ጸሩዋን ቱና አሹዋ ጫባይ ደእያዋንታ።
- 5 ሄዋ ኦሊደ፣ ኡንቱንቱ ቃይ ሀራቱዋ፣ ናን ሀንተንቶ ደአተ፣ ኮን ሀንተጥ ጌሻ ግድያ ድራዉ፣ ኮን ሸቆጥተ! ያገና። ኡንቱንቱ ታ ሲገ ግደጥ ከሰያ ጨዋነ ጋላሳ ኡባ ኤጽያ ታማ።
- 6 “በአተ፣ ታ ሰንሳን ጸፊት ኡቲዳ፤ ታን ኡንቱንቶ ዛራናጥ አትና፣ ጮኤ ጊከ፤ ኡንቱንታ ሙራናዉ ቃቻድ።
- 7 ኤ፣ ታን ኡንቱንቱ ባይዙዋነ ኡንቱንቱ አዎቱዋ ባይዙዋ አጩዋ አትጥ ኡንቱንቶ ዛራና። እያዉ ጎጥ፣ ኡንቱንቱ ደርያ ቦላን እጻና ጨዋዬድና፤ ቃይ ዘዘቱዋ ቦላን ታና ቦሬድና። ኡንቱንቱ ካሰ ኦሌዳ እሱዋ አጩዋ ታን ኡንቱንቶ ዛራና” ያጌ ሙድና ጎዳይ።
- 8 ሙድና ጎዳይ ሀዋዳን ያጌ፤ “ዎይንያ አይፊ ዎይንያ ቱራን ደእያ ዎደ አሳይ፣ ናኦ ግደን እንጂ ደእያ ድራዉ፣ አ ጳይሶጥተ” ግያዋዳን፣ ታን ታ ቆማቱ ድራዉ፣ ሄዋዳን ኦላና፤ ታን ኡንቱንቱ ኡባ ጳይሰከ።
- 9 ታን ያቆባጥ ዘራላ፣ ይሁዳጥካ ታ ደረቱዋ ላትያዋንታ ከሳና፤ ታን ደራዳዋንቱ አ ላታና፤ ታ ቆማቱካ ያን ደአና።
- 10 ታና ኮዬደ ታ አሳዉ ሳርና ግያ ደሞባይ ደርሳ ዉድያ ሄምያ ሳ ግዳናዋ፤ ቃይ አኩራ ዎሞባይ ሚዛ ዉድያ አላጽሰያ ሳ ግዳናዋ።
- 11 “ሸን ሀንተና፣ ሙድና ጎዳ አጌዳዋንቶ፣ ታ ጌሻ ደርያ ደጌዳዋንቶ፣ ካጫ ግያ ኤቃዉ ማዳ ጊግሴዳዋንቶ፣ ቃይ ሀንተ ዉርሰላ ኡራናዉ፣ ሳማ ግያ ኤቃዉ ዋላካ ዎይንያ ኤሳ ዋንጫን ኩንሴዳዋንቶ፣
- 12 ታን ሀንተ ዉርሰላ ማሻዉ አላደ እማና፤ ሀንተ ኡባይካ ጎራኤታናዉ ሆካና። እያዉ ጎጥ፣ ታን ሀንተና ጸሰና ኮይቤይክታን፤ ሃሳዬደ ሰሰቤይክታን” ያጌ። ሀንተ ታ ሰንሳን ኢታባ ኦሌድታ፤ ታን ደሰናባካ ደራድታ።

13 ሃዋ ድራው፡ ኡባ ሞድያ መድና ጎዳይ ሀዋዳን ያጌ፤ “በእተ፡ ታ ቆማቱ ማና፤ ሽን ሀንተ ኮሻታና፡ ታ ቆማቱ ኡሻና፤ ሽን ሀንተ ሳመታና፡ ታ ቆማቱ ናሽታና፤ ሽን ሀንተ ዬላታና፡  
 14 በእተ፡ ታ ቆማቱ ዋዛና ናሽቲደ የጻና፤ ሽን ሀንተ ዋዛናን ካዮቲደ ዋሳና፡ ቃይ ሀንተ አያናይ መኤዳ ድራው፡ ሀንተ ዘላሊደ ዬካና።  
 15 ሀንተ ሀንተ ሱንሳ ታ ደረቲዳዋንቶ ሸቃው እማና፡ ኡባ ሞድያ መድና ጎዳይ ሀንተና ዋዳና፤ ሽን እ ባረ ቆማቱዋ ዳማ ሱንሳን ጸሳና።  
 16 ሃ ጋድያን አንጀቶ ኮይያ ኡባይ ቱማተላ ጸሳይ አንጀናዳን ዋሳና፡ ሃ ጋድያን ጫቁዋ ጫቂያ ኡባይካ ቱማተላ ጸሳን ጫቃና፤ እያው ጎጥ፡ ካሰ መቶቱ ደገቴድና፤ ታ እይፍያ ሰንሳጥካ ጌማድና” ያጌ።

**ኦራላ መግቢያ**

17 ጸሳይ ሀዋዳን ያጌ፤ “በእተ፡ ታን ኦራላ ሳሎቱዋን ኦራላ ሳኣ መዳይ፤ ካሰባይ ኡባይ ሀሳዮተናን ቆፈተና።  
 18 ሽን ታን መድያባን መድናው ናሽትተነ ሀሹ ጊተ፡ እያው ጎጥ፡ ታን መዴዳ የሩሳላማ ናሽቻን ኩሜዳኖ ግዳና፤ የሩሳላመ እስካ ሀሹተነ ግያዋ ግዳና።  
 19 ታን የሩሳላመን ናሽታና፤ ታ አሳንካ ሀሹ ጋና፡ ሀዋጥ ሰንሳናው ዬክያዋ ኮሻይን ኡንኤቲደ ዋሰያዋ ኮሻይ ያን ሰሰተና።  
 20 “የሩሳላመ ግዳን ሀዋጥ ሰንሳናው፡ ጉላ ዋደ ጸላላ ደኢደ ሀይቂያ ቁር ናእ፡ ዋይ ባረ ላይላ ወርሰናን ሀይቂያ ጭማ አሳይ ደኢና፡ ጸቲ ላይላና ሀይቂያ ኡራይ ዳር ያላጋን ሀይቂዳ ጌተታና፤ ጸቲ ላይላ ጋግናን ሀይቂያዋ ሸቀቲዳዋዳን ፓይደታና።  
 21 ሃ ዋደቲዋን አሳቲ ጎለቲዋ ኬጺደ፡ ኡንቲንቲን ደእና፤ ዋይንያ ቲራቲዋካ ቶኪደ፡ ኡንቲንቲ ካይፍያ ማና።  
 22 ኡንቲንቲ ኬጺና፤ ሀራይ ደኢና፤ ሀራይ ማናው ቶክያዋ ቶክክና፡ ታ አሳ ላይላይ ሞላ ላይላዳን አዲቃና፤ ቃይ ታን ደራዳዋንቲ ባረንቲ አዲሳ ዋድያው ባረንቲ ኩሽያ ኦሱዋን ናሽታና።  
 23 ኡንቲንቲ ጮ ዳቦርክና፤ ዋይ ናናቲዋ ቦሻው የልክና፤ እያው ጎጥ፡ ኡንቲንቲ ባረንቲ ናናቲዋናካ መድና ጎዳን አንጀቲዳ ዘረላ ግዳናዋ።  
 24 ኡንቲንቲ ታና ጸሳናጥ ካሰታደ ታን ኡንቲንቶ ኮያና፤ ቃይ ኡንቲንቲ ብር ሃሳይሽን፡ ታን ኡንቲንታ ሰሳና።  
 25 ኦኩሩን ደርሳ ማራይ እትጥ ሃመታና፤ ጋሙካ ቦራዳን፡ ኡቲላ ማና፡ ቃይ ሸሻው ባናይ ቁማ ግዳናዋ፡ ሃ ዋደቲዋን ታ ጌሻ ደርያን ኡባን፡ ኡንቲንቲ ቆሃትክናን ባይክና፡ ታን መድና ጎዳይ ሀዋ ኦዳይ” ያጌ።

**66**

**ጸሳይ እይሁዳ ግደና አሳ ቦላ ፕርዳና**

1 መድና ጎዳይ ሀዋዳን ያጌ፤ “ሳሉ ታ አራታ፤ ሳእይካ ታ ገዲ የድያ ሳ፡ ያትና ሀንተ ታው ኬጺና ጎሊ እይ ማላ ጎሊ? ታን ሸምፓና ሳእይ ሀቃን?  
 2 ሃዋንታ ኡባባካ ታ ኩሽ ኦሌዳ ግደኔ? ሃዋ ድራው፡ ሀዋንቲ ኡባቲካ ታዋንታ፡ ሽን ታን ባረና ዝቁ ኦላያዋኮ፡ ባረ ኦሌዳ ናጋራው ካዮቲደ ሰምያዋኮን ታ ቃላን ኮኮርያዋኮ ጸላና ያጌ መድና ጎዳይ።  
 3 “አሳይ ኡባይ ባረው ባረው አንጀትያ ኦግያ ደራዳ ጋሱዋን፡ ኮራማ ያርሽያዌ አሳ ዋድያ ኡራ ማላ፤ ደርሳ ማራ ያርሽያዌካ ካና ጎራእያ አሳ ማላ፤ ካላ ያርሹዋ ያርሽያዌካ ጉዳንሳ ሱላ ያርሽያ አሳ ማላ፤ ቃይ ሀሳይሰያ እጻና ጩዋይያ ኡራይካ ኤቃው ጎይንያ አሳ ማላ፡ ኡንቲንቲ ሸምፕካ ኡንቲንቲ ቲናተላን ናሽቲ።  
 4 ሃዋ ድራው፡ ታን መቲዋ ኡንቲንቶ ደራና፤ ኡንቲንቲ ያዬዳዋካ ታን ኡንቲንቲ ቦላን አሀና፡ እያው ጎጥ፡ ታን ጸሱዳ ዋደ፡ ኦን ኮይቤና፤ ታን ሃሳዬዳ ዋደካ ኦን ሀይዘቤና፡ ኡንቲንቲ ታ ሰንሳን ኢታባ ኦሌድና፤ ታን ናሽተናዋ ደራድና” ያጌ።  
 5 ሀንተና፡ ጸሳ ቃላው ያደደ ኮኮርያዋንቶ፡ መድና ጎዳ ቃላ ሰሰተ፤ “ሀንተ አሻቱ፡ ሀንተና አጽያዋንቲ፡ ታ ሱንሳ ድራው፡ ሀንተና ቦሀያዋንቲ፡ ሀንተ ናሽቻ ኦን በእና ማላ፡ መድና ጎዳይ እነ ቦንቲቲና በእና ያጌድና፤ ሽን ኡንቲንቲ ዬላታና።  
 6 ካታማጥ ይያ ዋሱዋ ሰሰተ፤ ጌሻ ጎልፓጥ ይያ ኮሻካ ሰሰተ፡ ሃዌ ኮሻይ ባረ ሞርከቶ ኡንቲንቲ ኦሱዋ ማላ ኩሽያ ዘርያ መድና ጎዳ ኮሻ።  
 7 “ባንከናን ናኣ የልያ ማጫ አሰ ደኢ? ኦይላይ ኡንኤግናን አቲማ ናኣ የልያ ማጫ አሰ ደኢ?”

8 ሀዋ ማላባ ኦኔ ሰሴዳዊ? ቃይ ሀዋ ማላባ ኦኔ በኤዳዊ? እት ቢታ አሳይ ፐጽ እት ጋላሰ የለታናዉ ዳንዳዪየ? ዋይ ካዉተላይ እት ኩላን የለቲ? የሩሳላማ ባንኮ ሳናካ፣ እት ኩላን ባረ ናናቱዋ የላዲ።

9 የላና ዋድያ ጋልያ ታን ኡንቱንቱ የላናዳን ኦልክታየ? ያጌ መድና ጎዳይ። ቃይ የላናዳን ኦልያ ታን የልያ ኡሉዋ ጎርዳይታየ? ሀዋ ግያዌ ታና፣ ጸሳ።

10 “ሀንተኖ የሩሳላሞ ሲቅያ ኡባቶ፣ አናና ናሸትተ፤ እ ድራዉካ ናሸቸን ፖጩ ጌተ። ሀንተኖ እሲ ዬክያ ኡባቶ፣ አናና ሎይሳ ናሸትተ።

11 እያዉ ጎፐ፣ ሀንተ እ ሞን፤ልያ ቆንላ ቆሚደ ካላና፤ ቃይ እ ዳር ቦንቹዋፐ ሎይሳ ኡሺደ፣ ሀንተ ናሸታና” ያጌ።

12 መድና ጎዳይ ሀዋዳን ያጌ፤ “በእተ፣ ታን እዘዉ ሳርተላ ሻፋዳን ዳርሳና፤ ካዉተላቱዋ ዱረተላካ ኩሚደ ጎግያ ፑልቱዋዳን፣ እዘዉ አሀና። ያቶፐ ሀንተ ሄዋ ቆሚና፤ እ ሀሸያን ሀንተ ቶከታና፤ እ ክዉዋን ኡተደ፣ ሀንተ እሻለታና።

13 እታ ባረ ናእ ሞን፤ልያዋዳን፣ ታንካ ሀንተና ሞን፤ላና፤ ሀንተ የሩሳላመን ሞንታና።

14 ሀንተ ሄዋ በእያ ዋይ፣ ሀንተ ዋዛናይ ናሸታና፤ ሀንተ መቀላይካ ማታዳን አጫና። ቃይ መድና ጎዳ ኩሺ እ ቆማቱዋና ደእያዋን እ ሀንቁ እ ሞርከቱዋ ቦላን ደእያዋ ኡረታና” ያጌ።

15 በእተ፣ መድና ጎዳይ ታማ እኪደ ያና። ባረ ሀንቀቱዳዋንታ ሙራናዉን ታማ ላጩዋን ሴራናዉ ሳራጋላ ቶጊደ፣ እ ያና።

16 እያዉ ጎፐ፣ መድና ጎዳይ እሹዋ ማዬዳ ኡባ ታማንን ማሻን ፕርዳና። ቃይ መድና ጎዳ ማሻን ሀይቁዳዋንቱ ፓይዱ ዳራና።

17 መድና ጎዳይ ሀዋዳን ያጌ፤ “እታክልትያ ሳእን ባረንቱ ኤቃዉ ጎይናናዉ፣ ባረንቱ ግደን ደእያ እቱዋ ካሊደ፣ ባረና ዳማዪደ ጌሸያዋንቱ፣ ቃይ ጉዲንላ እሹዋ፣ ሸንይያዋን ኤጨርያ ሞያዋንቱ ኡባይ እትፐ ቆያና።

18 “ታን ኡንቱንቱ ኦሱዋን ኡንቱንቱ ቆፋ ኤርያ ድራዉ፣ ካዉተላቱዋ ኡባን ዳማ ዳማ ቃላን ሃሳይያዋንታ እትፐ ሸሻናዉ ያይ፤ ኡንቱንቱ ሸቂደ፣ ታ ቦንቹዋ በአና።

19 ታን ኡንቱንቱ ግደን ማላታ ኦላና፤ ኡንቱንቱ እቱዳዋንታካ ታ ግታተላ ሰሰቤናን ታ ቦንቹዋ በእቤና ካዉተላቱዋን፣ ታርሴሳኮ፣ ሊብያኮ፣ ሊድያኮ፣ ቱባላኮ፣ ያዋናኮን አባ ዶናን ደእያ ሃኮ ቢታቱዋኮ ኪታና፤ ኡንቱንቱ ታ ቦንቹዋ ካዉተላቱዋ ግደን ኦዳና። 66:19 ሊብያኮ፣ አብራዌሉዋን ፑጸ ጌተቱ።

20 እሰራኤልያ አሳይ ካላ ያርሹዋ ጌሻ ሚሻን ዋሊደ፣ መድና ጎዳ ጌሻ ጎልያ አሀያዋዳን፣ ኡንቱንቱ ሀንተ እሻቱዋ ኡባ ካዉተላቱዋ ኡባ ግደፐ ፓራቱዋን፣ ፓራ ጋረቱዋን፣ ጋሎቱዋን፣ ባቁሎቱዋን ሚሻቱዋ ጫንያ ጋረቱዋን ኡትሲደ፣ ታዉ እመዋ ግዳናዳን፣ መድና ጎዳ ጌሻ ደርያ የሩሳላመ አሀና።

21 ኡንቱንቱ እቱዋ እቱዋ ታን ቄሳቱ ዋን ሌዋቱዋ ከሳና። ታን መድና ጎዳይ ሀዋ ኦዳይ” ያጌ።

22 ቃይካ መድና ጎዳይ ሀዋዳን ያጌ፤ “ታን መድና ኦራላ ሳሎቱን ኦራላ ሳእይ ታ ሰንላን ሞኒደ ደእያዋዳን፣ ሄዋዳንካ፣ ሀንተ ዘረላይነ ሀንተ ሰንላይ ሞኒደ ደእና።

23 አገና ጸሩዋፐ ቢደ ሀራ ጸሩዋ ጋካናዉን እት ሳምባታፐ ቢደ ሀራ ሳምባታ ጋካናዉ፣ አሳይ ኡባይ ታ ሰንላን ጎይናናዉ ያና ያጌ መድና ጎዳይ።

24 ኡንቱንቱ ከሲ ቢደ፣ ታ ቦላ ማካሌዳ አሳቱ እሃ በአና። ሄዋንታ ሞያ ጉጹኒ ሀይቀና፤ ኡንቱንታ ጹግያ ታማይካ ቶኤና። ኡንቱንቱ አሳ ኡባዉ ሸንይያባ ግዳናዋ” ያጌ።

# ኤርማሳ ትምቢትያ ገሉዋ

ትምቢትያ ኦድያ ኤርማስ፡ ክርስቶስ የለታናፕ ካስ ላፑን ጾቱ ላይላ ወርሰላንን ኡሱፑንላ ጾቱ ላይላ ደመላ ሄራን ደኤዳ። ኤርማስ ዳር ዎድያ ኦፊዳ ባረ ኡሱዋን ኡንቱንቱ ኤቃ ጎይኑዋን ኡንቱንቱ ናጋራ ኡሱዋን ጋሱዋን ጾሳ አሳ ቦላ ዎልቃማ ባሻይ ዪደ ደእያዎ ኡንቱንታ ምንሲደ ኤርሴዳ። ባረ ኦዳዳዌ ኡባይ ፖላቲዳዎ ፓጻ ደኤደ ባረ ኦይፍያን በኤዳ። ባብሎን ካቲ ናቡካዳናጾር የሩሳላሙ ኦይቁደ፡ ካታማን ገሻ ጎልያ ላሊዳ። ይሁዳ ካዉን አሳፕካ ዳርያ ባጋይ ኦሞደቲደ ባብሎን ቤዳ። ጉጂደካ ኤርማስ አሳይ ኦሞዳዋፕ ሰማናዋን እስራኤልያ ካዉተላይ ኤቃናዋ ካሰቲደ ኦዳዳ።

- 1. ኤርማሳ ማጻፋ ኦይዱ ከሲደ በአናዉ ዳንዳየቱ።
- 2. ናብያ ጼሳባ፡ እዮሰያሳ፡ ዮእቁማ፡ ዮእኪናን ሰደቅያሳ ካዉተላ ላይላቱዋን ይሁዳ አሳሰን ኡንቱንታ ካለሰያዎንቶ ጸሳፕ ዬዳ ቃላ።
- 2. ሀናናዉ ኦይቲዳ ዳማ ዳማ ቃላቱዋን ኤርማሳ ደኡዋን ፖላቲዳ ዋና ዋና የዎቱዋ ጉጂደ፡ ኤርማሳ ጸፍያ ባሩክ ጻዕደ ኦይቁዳ ቁር ዳዉታርያፕ ቤቲዳ ጸፊቱዋ።
- 3. ዳማ ዳማ አላጋ ቢታ አሳዉ ጸሳፕ ኦይቲዳ ትምቢትያ ቃላቱዋ።
- 4. የሩሳላሙ ኦይቀሳባን አሳይ ኦሞደቲደ ባብሎን ባናዋ ኦድያ ጉጂ ታርከቱዋ።

ኤርማስ ባረ አሳ ሎይሰ ሰቅያን ኡንቱንቱ ቦላ ባየላ ፕርዳ አሳናዉ ሎይሰ ዳር እጻያ አሳ። ትምቢትያ ኦድያ አሳ ግዲደ ኦሳና ማላ ጸሳይ ኦ ጼሴዳ ድራዉ፡ ባረና ጋኬዳ መቱዋ ጋሱዋን እ ካዮቲዳ ምና ካዩ እ ማጻፋ ግደን ዳር ሳእን ጸፊት ኤቲዳ። ጾሳ ቃላይ ኦ ዎዛና ግደን ታማዳን ጸግያ ድራዉ፡ ሄዎ ባረደ ዎሰ አጋናዉ ዳንዳይቤናዎ ቆንጭሴዳ።

ሀ ማጻፋን ጸፊቲዳ ትምቢትያ ኦዳዳ ዎልቃማ ዎልቃማ ቃላቱዋፕ እቱ እቱ መቱ ኩሚዳ ኤርማሳ ላይላፕ አጂደ፡ ዎዛናን ጸፊቲደ ድራዉ፡ ሀሳይሰያ አስታማሪ ኮሻናን፡ ኡባ ገደ ናግያ ኦራሳ ጫቁ ጸሳ አሳዉ እመትያ ዎዲ ያናዉ ደእያዎ ማላቲና (31:31-34)።

### ሸምፓቱዋ ኡባቶ አመቲዳ ቃንሳ ቆፋቱዋ

- ጸሳይ ኤርማሳ ዶራዳ 1:1-19
- ጸሳይ ይሁዳን እስራኤልያ አሳ ሙርያዎ 2:1—25:38
- ኤርማስ ዎርዶ ናባቱዋ ኤቀቲዳ 26:1—29:32
- ጸሳይ ባረ አሳ ባረንቱ ቢታዉ ዛራና 30:1—33:26
- ኤርማሳ ዳማ ዳማ ኦሶቱዋ 34:1—38:28
- የሩሳላሙ ኩንደላሳ ይሁዳን መጠቲዳ ሀናታቱዋ 39:1—42:22
- ኤርማስ ግብጾ ቤዳ 43:1—44:30
- ባርካዉ ኦይቲዳ ትምቢትያ 45:1-5
- ናቢ ዳማ ዳማ አሳዉ ኦዳዳ ትምቢትያ 46:1—51:64
- የሩሳላሙ ኩንደላባዉ ከታቲዳ ጉጂ ኦዳዳ 52:1-34

### ጸሳይ ኤርማሳ ዶራዳ (1:1-19)

- 1 በንያማ ቢታን አናቶታ ካታማን ደእያ ቁሳቱ ዋፕ እቱዋ ግድያ ሀልቂያ ናኦ ኤርማሳ ቃላይ ሀዋ።
- 2 እሞና ናኦይ፡ ይሁዳ ካቲ እዮሰያሰ ካተቲዳ ታማን ሄዘንላ ላይላን መቲና ጎዳ ቃላይ ኤርማሳዉ ዬዳ።
- 3 ቃይ እዮሰያሰ ናኦይ፡ ይሁዳ ካቲ እዮእቁም ካተቲዳ ላይላቱዋን ጾሳ ቃላይ ኤርማሳዉ ዬዳ። ቃይካ እዮሰያሰ ናኦይ፡ ሰደቅያሰ ካተትና፡ ታማን እት ላይላ ጋካናዉ፡ ጾሳ ቃላይ ዳር ገደ አዉ ዬዳ። ሄ ላይሰ እቲሻንላ አግናን የሩሳላሙ አሳይ ኦሞደቲደ ቤዳ።

### ኤርማስ ጼሴቲዳ

- 4 መቲና ጎዳ ቃላይ ታኮ ሀዋዳን ያገደ ዬዳ፤
- 5 “ታን ኔና ነ እት ኡሉዋን አታናፕ ካስ ኤራድ። ኔን ኡሉዋፕ የለታናፕ ካስ ታን ኔና ገሻደ ዳማያ ዎላድ። ቃይ ካዉተላቶ ትምቢትያ ኦድያዎ ኦላደ ኔና ሰንሳድ” ያገደ።
- 6 ታን፡ “ሀእ ኡባ ዎድያ መቲና ጎዳዉ፡ ታን ናኦ። ታን ዎት ሃሳይንቶካ ኤርከ” ያጋድ።

7 ሽን መድና ጎዳይ ታና ሀዋዳን ያጌዳ፤ “ ታን ኔና ከትያ አሳ ኡባኮ ባ። ታን አዛዝያዎ ኡባካ ኦድ።

8 ኡንቱንቶ ያዮፓ። አያዉ ጎፐ። ታን ኔና አሻናዉ ኔናና እትፕ ደአና። መድና ጎዳይ ሀዋ ኦዳድ” ያጌዳ።

9 መድና ጎዳይ ባረ ኩሽያ የዲደ። ታ ዶና ቦቼዳ። ያፒደ። “በእ፤ ታን ታ ቃላ ነ ዶናን ዋላድ።

10 ኔን ሾዳናዉን ኮላናዉ። ቆይሳናዉን አላ የገናዉ። ኬጸናዉን ቶካናዉ። ደርያ አሳ ቦላን ካወተላቱዋ ቦላ ታን ሀቕ ኔና ሱንሳድ” ያጌዳ።

11 መድና ጎዳ ቃላይ ታኮ ዪደ። “ኤርማሳ፣ ነዉ አያይ ቤቲ?” ያጌዳ።

ታን ዛራደ። “ላዉዝያ ግያ ሞላፕ ከሴዳ ጋትማይ ቤቲ” ያገድ።

12 መድና ጎዳይ ታና። “ኔን ልከ በአዳ። አያዉ ጎፐ። ታንካ ታ ቃላይ ፖለትና፣ ሄዋዳን በአናዉ ናጋይ” ያጌዳ።

13 ላኤንሱዋካ መድና ጎዳ ቃላይ ታኮ ዪደ። “ሀራባይ ቃይ አያይ ቤቲ?” ያጌዳ።

ታን ዛራደ። “እት ፐንትያ ጸሩ ሀ-ጸሳ ባጋፕ ሃ ሰማደ። ኩንዳናዉ ማት ኡቲዳዌ ቤቲ” ያገድ።

14 መድና ጎዳይ ታና። “ሀ-ጸሳ ባጋፕ ባሻይ ፖላደ። ቢታን ደአና አሳ ኡባ ቦላ ጉካና።

15 ታን ሀ-ጸሳ ባጋ ካወተላቱዋን ደአና አሳ ኡባ ጸሳና ሀናይ። ታን መድና ጎዳይ ሀዋ ኦዳድ። ኡንቱንቱ ካተቱ ዪደ። የሩሳላመ ገልያ ፐንገቱዋን፣ ድርሳ የሹዋ ኡባንን ይሁዳ ካታማቱዋ ኡባን ባረንቱ አራታቱዋ ዋላና።

16 ይሁዳ አሳይ ታና አገደ። ሀራ ጸሳቶ ያርሺደን ባረንቱ ኩሽያን ኡንቱንቱ ኦሌዳባዉ ጎይኒደ። ኦሌዳ ኡንቱንቱ ኢታተላ ኡባ ድራዉ። ታን ታ ፕርዳ ኡንቱንቱ ቦላ ኦዳና።

17 “ሽን ኔን ነ ሀ-ጸያዉ ገጋ! ደንዳ ኤቃደ። ታን ኔና አዛዝያዎ ኡባ ኡንቱንቶ ኦዳ። ኡንቱንቶ ያዮፓ። ኔን ኡንቱንቶ ያዮፐ። ታን ኔና ኡንቱንቱ ሰንሳን ጉጃ ያሸሳና።

18 ሀቕ ታን ኔና ሀ ቢታ ኡባ ቦላ። ይሁዳ ካተቱ ቦላ። ካፖቱዋ ቦላ። ቄሳቱ ዋ ቦላን ሀ ቢታ አሳ ቦላ ግምበቲዳ ካታማዳን፣ ብራታ ቱሳዳንን ናሃሰያ ብራታን ድራዳ ድርሳዳን ኦላደ ሞንሳድ።

19 ኡንቱንቱ ኔናና ኦላታና። ሽን ታን አሻናዉ ኔናና እትፕ ደአና ድራዉ። ኔና ጸንክና። መድና ጎዳይ ሀዋ ኦዳድ” ያጌዳ።

## ጳሳይ ይሁዳን እስራኤልያ አሳ ሙርያዎ

### 2

(ኤር. 2:1—25:38)

እስራኤልያ አሳ ናጋራ

1 መድና ጎዳ ቃላይ ታዉ ዪደ።

2 “ላደ የሩሳላመ አሳ ሀይላን ሀዋዳን ያገደ አዋያ፤ ሩን ያላጋተላን ታዉ አይ ኬሻ አማነቲደንቶ፣ ቃይ ኔን ብር ሞሽራን ደአና ዋደ። ታና አይ ኬሻ ሲቄደንቶ፣ ታን ጳሳይ ሀሳያይ። ኔን ባዞ ግዳዋና፣ ዘረሳይ ዘረት ኤረና ቢታና ታና ካላዳ።

3 ሄ ዋደ እስራኤሊ መድና ጎዳዉ ጌሻ። አዉ ባይራ ካላ ማላ፤ አፕ ሜዳ ኡባቱ ባይዛንቻ ግዲና። ያትና፣ ኡንቱንቱ ቦላ ኢታባይ ዬዳ። መድና ጎዳይ ሀዋ ኦዳድ” ያጋ” ያጌ።

4 ሀንተና፣ ያቆባ አሳቶ፣ እስራኤልያ ዘረቶ፣ ኡባይካ መድና ጎዳ ቃላ ሰሰተ!

5 መድና ጎዳይ ሀዋዳን ያጌ፤ “ካሰ ህንተ አዎቱ ታናን አይ ባይዘዋ ደሚደ። ታፕ ሃኪደ ቤድና? ኡንቱንቱ ፓርና ኤቃቶ ጎይኒደ። ፓርናባ ግዳድና።

6 ኡንቱንቱ፣ ሩና ግብጾፕ ከሴዳዌ፣ መላ አሮ ግዳዳ ባዘዋና፣ ኮሻይን ድጽ ጎ ቆማይ ደአና ቢታና፣ አይ አሳይን አርና ዋይ ደኤና ሳና ካለሌዳ መድና ጎዳይ ሀቃን ደአ?” ያግበይክና።

7 ህንተ አፕ ቴራን ሎኦባ ማና ማላ፣ ታን ህንተና ቱኤ ቢታዉ አሃድ፤ ሽን ህንተ ዪደ። ታ ቢታ ቱንሴድታን ታ ላታ ኢሴድታ።

8 ቄሳቱ ካ፣ “መድና ጎዳይ ሀቃን ደአ?” ያግበይክና። ታ ህገ ኡንቱንቱ ኩሽያን ደአና አሳቱካ ታና ኤርበይክና። አሳ ሞድያዋንቱካ ታ ቦላ ማካሌድና። ትምቢትያ ኦድያዋንቱካ ባአላ ሱንሳን ትምቢትያ ኦዲደ። ፓርና ኤቃቶ ጎይኒድና” ያጌ።

9 ቃይካ መድና ጎዳይ ሀዋዳን ያጌ፤ “ሄዋ ድራዉ። ታን ህንተና ብሮካ ሞታና፤ ህንተ ናናቱዋ ናናቱዋካ ሞታና።

10 እነ አዋይ ዶልያ ባጋ ቢደ። ቆጸርሳ ግያ ሃላን ዶደቲዳ ቢታ ጸላተ። ዋይ አዋይ ዉልያ ባጋ ቁረጭ ግያ ቢታ አሳ ከቲደ ጸዋሰሰተ። ያፒደ እነ ሀዋ ማላባይ ሀዋፕ ካሰ ባጋን ሀኔደንቶን በአተ።

11 ኡንቱንቱ ቱሙ፣ ጳሳቱዋ ግዳና ቆዮፕነ፣ ደሪ ባረ ጳሳቱዋ ላምቤና። ሽን ታ አሳይ ታና ባረ ቦንቹዋ ፓርና ኤቃቱዋን ላሚዳ” ያጌ።

12 ቃይካ መድና ጎዳይ ሀዋዳን ያጌ፤ “ሳሎቶ፣ ‘ፖራ!’ ገቲ፤ ዳጋሚደ ኮኮርተ!

13 እያው ጎጥ፣ ታ አሳይ ላኦ ኢታባቱዋ ኦሌዳ፤ ሄዋንቱን፣ ደኡዋ ሃላ ፑልቱዋ ታና እኒዳ፤ ሃላ ኦይቃናው ዳንዳየና፣ ጸኤት ድጌዳ አላ ባረው ቦኬዳ።

14 “አሰራኤሊ ቆማን ግደና፤ ሶን የለቲዳ አይለን ግደና። ያትና፣ እ እያው ደአይ ኦይቄያዋ ግዳዳ?

15 አ ሞርከቱ ጋሙዋዳን፣ እ ቦላን ጉዳድና። ኡንቱንቱ ባረንቱ ቃላ ቆቁ ኦሌዳ ዳሬድና፤ ኡንቱንቱ እ ቢታ መላ ከሴድና፤ እ ካታማቱካ ላለቲዳ፣ ደአያዋ ቆዳድና።

16 ሄዋ ቦላካ መሞጥሳን ጸፍናሳ አሳቱ እ ሊጸያ ሜዳድና።

17 ኔና እስራኤልያው፣ እ ኔና ኦግያን ካለሸን፣ መጅና ጎዳ ነ ጸሳ እኒዳዋን ሀዋ ነ ቦላ አሄዳዋ ኔና ግድኪ?

18 ናይለ ሻፋጥ ሃላ ኡሻናው ግብጹ ብያዌ ኔና እያ ማዳኔ? ዋይ ኤፍራዲሳ ሻፋጥ ሃላ ኡሻናው አሰረ ቢታ ብያዌ ኔና እያ ጎእኔ?

19 ሰሞ ነ ኢታተሳይ ኔና ሙራና፤ ኔን ታና እኒዳዋ ነ ቦላ ፕርዳና” ያጌ። መጅና ጎዳይ፣ ኡባጥ ዋልቃማ ጸሳይ ሀዋዳን ያጌ፤ “ኔን ታና መጅና ጎዳ ነ ጸሳ እኒዳዋ አይ ኪሻ ኢታን ጫማ ግድንቶ፣ እነ ኤራነ በእ። ኔን ታው ያይያ ያሻይ ኔናን ባዋ።

20 “ታን ነ ሞርገ ሞላ በን መንሳድ፤ ነ ቃሹዋካ ዲሳድ። ያትናካ፣ ታን ነው ኦሐከን ያጋዳ። ደርያ ኡባ ቦላን ዳሻ ሞላ ኡባ ጋርሳን ሻርሙዳዳን ግሳዳ።

21 ታን ኔና በርተ ዘረሳጥ አካደ፣ ሎኦ ዋይንያ ቱራዳን ቶካድ። ያትና፣ ዋና ጉየ ሰማደ፣ ዋራን ደሌዳ፣ ባዬዳ ዋይንያ ቱራ ግዳዲ?” ያጌ።

22 ቃይካ ኡባ ሞድያ መጅና ጎዳይ ሀዋዳን ያጌ፤ “ኔን ሀንጨጭያን ሜጪታንቶካ፣ ሳሙና ዳርሳደ ጎርጥታንቶካ፣ ነ ባይዙዋ ቅታይ ሀእካ ታ ሰንሳና።

23 ኔን ዋናደ፣ ታን ቱናበይከ፤ ታን ባእላ ኤቃቶ ጎይናናው ዋጸበይከን ጋናው ዳንዳያይ? እነ ኔን ዋሞባን ሀኔዳዋ ጸላ፤ ኔን ኦሌዳዋን እከካ። ኔን ያን ሃነ ዋላ ጅምያ ጋላት ማላ።

24 ኔን ካዙዋ ሜዘቲዳ፣ ባረ ዚታ ዋደ ጫርኩዋ ሰንገለያ ሀራት ማላ። እ ብራሳው ኤቃ ክቸና፣ ኦን እዞ ተአናው ዳንዳዬ? እዞ ዚትያ አይ ዋዳላ ሀሪነ ዳቡራና፤ እ እዞ ጨገናን እዞ ደሞ እኒ።

25 ኔና፣ እስራኤልያ፣ ነ ጫማይ ዉራና ጋካናስነ ነ ኮኪ መላና ጋካናው፣ ሀራ ጸሳቱዋ ጌዲዋ ሀዋዳን ዋጸጋ። ሸን ኔን፣ ኦአጸዳ፤ ሄዌ ታና አይነ ማደና። እያው ጎጥ፣ ታን አማላ ጸሳቱዋ ሲቃ ድጋድ፤ ታን ኡንቱንቶ ጎእናናን ያጋዳ።

26 “ካይሱ ኦይቃቲዳ ዋደ ዬላትያዋዳን፣ እስራኤልያ አሳይ ዬላቲ፤ ኡንቱንቱካ፣ ኡንቱንቱ ካተቱ፣ ኡንቱንቱ ካጋቱ፣ ኡንቱንቱ ቁሳቱ ነ ኡንቱንቱ ትምቢትያ ኦድያዋንቱ ኡባይ ዬላቲና።

27 ኡንቱንቱ ሞላ፣ ኔን ታ አወዋን ያጌና፤ ቃይ ሹቻ፣ ኔን ታና የላዳን ያጌና። ኡንቱንቱ ታው ባረንቱ ሰምኡዋ አጌደ፣ ባረንቱ ዘክያ ዛሬድና። ሸን ኡንቱንቱ መቶትያ ዋደ ታና፣ ደንዳ! ኦና አሻ! ያጌና።

28 ሸን እነ፣ ሀንተ ሀንተው መጂዳ ጸሳቱ ሀቃን ደእና? ሀንተ መቶትያ ዋደ ሀንተና አሻናው ዳንዳየጥ፣ እነ ደንድና! ሀንተና፣ ይሁዳ አሳቶ፣ ሀንተ ጸሳቱ ሀንተ ካታማቱዋ ኪሻ ጮራ” ያጌ።

29 መጅና ጎዳይ ሀዋዳን ያጌ፤ “ሀንተ ታናና እያው ሞተቲቱ? ሀንተ ኡባይካ ታው ማካሊድታ።

30 ታን ሀንተና ጮ መላ ሙራድ፤ ሀንተ ባይበይክታ። ኮሻቲዳ ጋሙዋዳን፣ ሀንተ ማሻይ ሀንተ ትምቢትያ ኦድያዋንታ ሞ ድጌዳ” ያጌ።

31 ሀንተና፣ ሀ ዋድያ የለታቶ፣ መጅና ጎዳ ቃላ ሰሰተ! እ ሀዋዳን ያጌ፤ “ታን ሀንተው፣ እስራኤላቶ ባዞ ማላ ዋይ ድጵ ጎ ቆማ ቢታ ማላ ግዳድታየ? ያትና፣ እያው ታ አሳይ፣ ኔን ኦ ሸንያዳን ባና፤ ላእንሉ ኡባካ ኔኮ ሰሞኮ” ያጌ?

32 ወደራታ ባረ አለቁዋ ዋይ ቡላቼትያና ባረ ቡላቻ ማየዋ ድጋይ? ሸን ታ አሳይ ታና ጋይዲ ባይና ጋላሳ ደጌዳ።

33 ኔን ነ ላገላቶ ጌዲዋ ዋጸያዋ እያ ሜዘታዲ! ሎይሳ ኢታ ማጫ አሳቱካ ነ ኦግያጥ ታማራናው ዳንዳዪና።

34 ቃይ መንገዱ ገልሸና ኦይቄዳ አሳ ሱላን ግደናን፣ ጽሎ ሀዬሳቱዋ ሱላ ቆጩዋን ነ ማየ ባይ ኡቲዳ።

“ኔን ሀዋ ኡባ ኦላደካ፣

35 ታን ጽሎ፤ ቱሙዋጥ ጸሳይ ታ ቦላ ሀንቀተናን ያጋሳ። ኔን፣ ታን ናጋራ ኦላበይከን ግያ ድራጫ፣ ታን ነ ቦላን ፕርዳና።

36 ያትና ኔን ነ ኦግያ ላማናው እያው ብቻራይ? ካሰ ኔና አሰረ ቢታይ ዬላዬዳዋዳን፣ ግብጹ ቢታይካ ዬላያና።

37 ኔን ሀዋጥካ ነ ሀጺያ ኦይቃደ ከሳና። እያው ጎጥ፣ መጅና ጎዳይ ኔን አማነትያዋንታ እጼዳ። ኔን ኡንቱንቱን ማደታካ” ያጌ።



### 3

#### አማኑተና እስራኤላቶ

1 መድና ጎዳይ ሀዋዳን ያጌ፤ “እት አሳይ ባረ ማቻቶ የድና፣ እዛ ባይ ሀራ እሰና ገሎፕ፣ ሄ ብታ፣ ላኢንሎ እዘ ዛሪ? ዛርፕ ሄ ቢታይ እጄዳ ቱና ቱኔ! ሸን ኔን ሻርሙጻዳን፣ ጮራ ላገላቱዋና ደኣዳ፤ ያናደካ ሀእ ኔን ታኮ ሰማኒ!

2 እነ ጾቁ ጋድ፣ እያይነ ባይና ደረቱዋ ይላ። ኔን ሻርሙጻዳን ግሳቤናሳይ ሄዋን ደኢ? አራብያ አሳይ ባዙዋን ኡቲደ ናግዎዳን፣ ኔን ላገላቱዋ ናጋይ ኦግያ ጋጸን ኡታዳ። ያታደ ነ ሻርሙጻን ነ ኢታተላን ቢታ ቱንሳዳ።

3 ሄዋ ድራው፣ ባጄሳይ ተኤቱዳ፤ ባልጉዋ አራይካ ቡከናን እኔዳ። ሄዋ ሆሮፕካ፣ ነዉ ሻርሙጻዎ ማላይ ደኤ፤ ኔን ዬላተናን እጻዳ።

4 “ሀእ ኔን ታና፣ ናታ አዎ፣ ታ ናኢተላደፕ ደዎና፣ ኔን ታና ሲቃሳ።

5 ኔን ኡባ ገደ ታ ቦላ ይሎታይ? ነ ሀንቁ መድናዉካ እገኔ?” ያጋሳ። ኤ፣ ኔን ሀዋ ያጋሳ፤ ሸን ኔን እላናዉ ዳንዳይያ ኢታ ኡባ ኦላሳ” ያጌ።

6 ካቲ እየሰያሰ ካተቱዳ ላይሰ፣ መድና ጎዳይ ታና ሀዋዳን ያጌዳ፤ “ሀና አማኑ ባይና እስራኤላታ ኡላዳዋ ኔን በእድ? አ ደርያ ኡባ ቦላን ዳሻ ሞላቱ ኡባ ጋርሳ ባይ፣ ያን ሻርሙጻዳ።

7 እዛ ሀዋ ኡባ ኦላደካ፣ ታኮ ሰማናኑ ጋይ ቆጋድ፣ ሸን ሰማቦይኩ። ቃይ እ ሞቻታ፣ አማኑተና ይሁዳካ ሄዋ በእዳ።

8 አማኑ ባይና እስራኤላ ዳር ገደ ሻርሙጻዳ ድራው፣ ፓራማ አማይ እዘ የዳድ። ሄዋ ግድናካ እስራኤላ ሞቻታ፣ አማኑተና ይሁዳ ያየናዋ ታን በእድ፤ እካ ከሳደ ሻርሙጻዳ።

9 ሻርሙጻዳዌ እዉ ጺ ላፋባ ግድያ ድራው፣ ሞላናን ሹቻና ሻርሙጻደ ቢታ ቱንሳዳ።

10 ሄዋን ኡባንካ እ ሞቻታ፣ አማኑተና ይሁዳ፣ ጮ ሰሜዳዋ ማላታዉፕ አትና፣ ኩመንሳ ዋዛናፕ ታኮ ሰማቦይኩ። ታን መድና ጎዳይ ሀዋ ኦዳድ” ያጌዳ።

11 መድና ጎዳይ ታዉ ሀዋዳን ያጌዳ፤ “አማኑተና ይሁዳትፕ አማኑ ባይና እስራኤላታ ጽላ።

12 ባ፤ ሁጺሳ ባጋዉ ሀዋዳን ያጋይ አዎያ፤ መድና ጎዳይ ሀዋዳን ያጌ፤ “ሀነ፣ አማኑ ባይና እስራኤላቱ፣ ሰማ! ታን ማርታይ ኩሜዳዋ ግድያ ድራው፣ ታን ኔና ኢታ አይፍያን ይልከ። መድናዉ ሀንቀትከ።

13 ግደፕ፣ ኔን፣ ታን መድና ጎዳ ታ ጸሳ ቦላ ማካላድ። አላጋ ጸሳቱዋና ዳሻ ሞላ ኡባ ጋርሳን ሻርሙጻድ። ነ ቃላዉ እዛዘታቦይከ” ጋይ ነ ባይዙዋ አማናናዉ ኮሺ። ታን መድና ጎዳይ ሀዋ ኦዳድ” ያጌ ያጋ ያጌዳ።

14 “ቃይካ መድና ጎዳይ ሀዋዳን ያጌ፤ ህንተና፣ አማኑተና አሳቶ፣ ሰሞተ፤ እያዉ ጎፕ፣ ታን ህንተ እሰና። ህንተና እቱዋ እት ካታማፕ፣ ላኡዋ እት ያራፕ ደራይ እካና፤ ህንተና ጽዮን አሀና።

15 ሄዋፕ ጉይያን፣ ታን ታ ዋዛናዳን፣ ህንተና ሄዎያ ሄንሳንቻቱዋ ህንተዉ አማና። ኡንቱንቱ ህንተና ኡራተላንከ እከካን ሄማና” ያጌ።

16 ቃይካ መድና ጎዳይ፣ “ሄ ጋላሳቱዋን ህንተ ሄ ቢታን ጮራትያ ዎይ፣ አሳቱ፣ መድና ጎዳ ጫቁዋ ታቦታ” ጊደ ሃሳይክ። አ ኡንቱንቶ ካርህነ ገና፣ ዎይ ሀሳየተና፣ ዎይ ባይናዌካ ኡንቱንቶ ቆፈተና፤ ቃይ ሀራይ ኦሰተና።

17 ሄ ዎድያን ኡንቱንቱ የሩሳላመ መድና ጎዳ ካተቱዋ አራታ ጊደ ይሳና። ካዉተላ ኡባፕ አሳይ መድና ጎዳ ሰንሳ ቦንቻናዉ የሩሳላመ ሺቃና። ሄዋፕ ሰንሳን ኡንቱንቱ እጾዳ ጊደ፣ ባረንቱ ኢታ ቆፋ ካልክና።

18 ሄ ጋላሳቱዋን ይሁዳ አሳቱ እስራኤልያ አሳቱዋና እትፕ ከታይ፣ ሁጺሳ ባጋ ቢታፕ ታን ካሰ ህንተ አዎቱዋ ላትሴዳ ቢታ እትፕ ያና” ያጌ።

#### ጸሳ አሳይ ኤቃ ሞሰለቶ ጎይኔዳ

19 መድና ጎዳይ፤ “ታን ህንተና እቱም ናናቱዋዳን ዎታ ዋሳንንቶን፣ ፓጸ ቢታ፣ ካዉተላ ኡባፕ ኦዳድ፣ ሎእያ ቢታ ዎታ ላትሳንንቶን ቆጋድ። ቃይ ታና፣ ናታ አቦ ጊደ ይሳናን ታና ካልያሳፕ ጉየ ሰምክና ጋይ ቆጋድ።

20 ሸን እስራኤልያ አሳቶ፣ ህንተ ባረ እሰናዉ አማኑተና ማቻቱዳን ታዉ አማኑትቦይክታ” ያጌ።

21 እየንቶ ባይና ጾቃ ደረቱዋ ቦላን ኮሻይ ሰሰቱ፤ ሄዌን፣ እስራኤልያ አሳ ዬኩዋን ዋትዋቱዋ። እያዉ ጎፕ፣ ኡንቱንቱ ባረንቱ ኦግያ ጌላዬድናን መድና ጎዳ ባረንቱ ጸሳ ደጌድና።

22 ጸሳይ ኡንቱንታ፣ “ህንተና፣ አማኑ ባይና አሳቶ፣ ታኮ ሰሞተ። ህንተ አማኑተና ማላ፣ ታን ህንተና ፓላና” ያጌዳ።

ኡንቱንቱ፣ “ኤኖ፣ ኮን ኔኮ ሰማና። እያዉ ጎፕ፣ ኔን መድና ጎዳ ኦ ጸሳ።

23 ኑን ዘዘቱዋ ሁጲያንን ደረቱዋ ሁጲያን ኤቃዉ ጎይንያዌ ቱሙዋጥ ጭሙዋ። ቱሙጥ ኑዉ። እስራኤላቶ አቶተሳይ መጅና ጎዳና። ኑ ጸሳና።

24 ኑ ያለጋተላደጥ ደምር። ኑ አዎቱ ዳቡሪደ ደሚዳዋ። ኡንቱንቱ ደርሳን ሚዛ። ኡንቱንቱ ማጫነ አቱማ ናናቱዋ። ዬላይያ ኤቃቱ ሞ ጳይሴድኖ።

25 ኑ ያለጋተላደጥ ደሚደ። ሆች ጋካናዉ። ኑንካ ኑ አዎቱካ መጅና ጎዳ ኑ ጸሳ ቦላ ናጋራ ኡልደ። መጅና ጎዳ ኑ ጸሳ ቃላዉ እዛዘትቦይኩ። ሄዋ ድራዉ። እነ ኑን ዬላዉ ዱገ ጉፋኔቶ፤ ቃይ ካዉሻይ ኑና አፍላዳን ካሞ” ያገኛ።

### 4

#### ሰምተ ግያ ጸሳ

1 መጅና ጎዳይ ሆዋዳን ያገ፤ “እስራኤልያ አሳዉ። ሰሞጥ። ሃ ታኮ ሰምተ። ህንተ ታን ሸነትያ ህንተ ኤቃቱዋ ታ ሰንላጥ ድጎጥ። ታጥ ዋራ ባና ጳዮጥ፤

2 ህንተ ቱሙዋን። ሱረተላንን ጽሎተላን። ‘መጅና ጎዳይ ኤር!’ ገደ ጫቆጥ። ሄ ዋይ ካዉተላቱ እን እንጀታናን እን ጩቃና” ያገ።

3 መጅና ጎዳይ ይሁዳ አሳዉን የሩሳላመን ደእያዋንቶ ሆዋዳን ያገ፤ “ህንተ ኦላ ቢታ ጎሸተ፤ አንጎላ ቦላ ዘርጥተ።

4 ህንተኖ። ይሁዳ አሳቶ። የሩሳላመን ደእያዋንቶ። ህንተ ህንተ ሁጲያ መጅና ጎዳዉ ቃጸርተ፤ ህንተ ዋዛና ሸኩዋ ድጎጥ። ሄዌ ጳዮጥ። ህንተ ኦልዳ ኢታተላ ድራዉ። ታ ህንቁ ታማዳን ኤጽ ከሳና። እ እንን ቶይሳናዉ ዳንዳየና” ያገ።

#### ጸሳይ ሁጲሳ ባጋ ቢታጥ ኢታባ እዬ

5 ጸሳይ ሆዋዳን ያገ፤ “ይሁዳን ኦድተ። የሩሳላመን። ‘ቢታ ኤባን ማላካታ ጉንተ!’ ያገደ አዋይተ። ህንተ ቃላ ጶቁሲደ። ሆዋዳን ገደ ዋሰተ! ‘እትጥ ሸቅተ! እነ ግምቢ ዩይ አጵዳ ካታማ ደንድተ!’ ያግተ።

6 አሳይ ጽዮን ባና ማላ ማላትተ! ህንተዉ ሳር አታናዉ ባቃትተ! ጋምኦጥተ! አያዉ ጎጥ። ታን ሁጲሳ ባጋ ቢታጥ ኢታባን ዋልቃማ ባሻ አህና ሀናይ።

7 ጋሙ ባረ ደእያ ቡራጥ ከሰያዋዳን። ካዉተላቱዋ ጳይሴያዌ ባረ ሳአጥ ደንዳ። ህንተ ቢታ ጳይሳናዉ ዬዳ። ህንተ ካታማቱ ባዩደ ኦና ግዳናዋ።

8 ሄዋ ድራዉ። ማቃ ማዩደ። ‘እዬ! እየ!’ ያገደ ዝላለተን ዬክተ። አያዉ ጎጥ። መጅና ጎዳ ህንቁ ሱልያዌ ኑ ቦላጥ ክችቤና” ያገ።

9 ቃይካ መጅና ጎዳይ። “ሄ ጋለሰ። ካትያ ዋዛናይን ካፖቱዋ ዋዛናይ ያያና። ቄሳቱ ካ ዳጋማና። ትምቢትያ አድያዋንቱካ። ‘ፖራ!’ ገደ ዶና ኦይቃና” ያገ።

10 ታን። “ሀእ ኡባ ሞድያ መጅና ጎዳዉ። ማሻይ ኡንቱንቱ ቆጵያን ዋጵያ ዋደ። ‘ህንተዉ ሳእይ ሳር ግዳና’ ያገደ። ሀ አሳን የሩሳላመ ሎይሰ ጭሙዋ ጭማዳ” ያጋድ።

11 ሄ ዋድያን ሆ አሳሰን የሩሳላመዉ። መጅና ጎዳይ ሆዋዳን ያገ፤ “ባዙዋን አያይን ባይና ጶቃ ደረቱዋጥ ሞችያ ጫርኩ ታ አሳ ቦላ ጫርካና፤ ሸን ሄዌ ካላ ሰጸናዉን ገሻናሳ ግደና።

12 ሄዋጥ ሎይሰ ዋልቃምያ ጫርኩ ታ አዛዙዋን ጫርካና፤ ሀእ ታን ኡንቱንቱ ቦላ ፕርዳና” ገ። ገ።

#### ይሁዳ ቢታይ ሞርክያን ደደቱዳ

13 ቢአተ። ሞርኪ ሻርያዳን ከሴ። እ ፓራ ጋረቱካ ጎትያ ማላ፤ እ ፓራቱ አርጋንላጥካ እጅ ኤሌሊኖ። አየ አና ኑኖ! ባዋ ጳዩይ!

14 ኑኖ የሩሳላመ። አታና ማላ። ነ ዋዛና ሚጫደ ኢታተላጥ ገሻ ድጋ! ኢታ ቆፋይ ነ ዋዛናን አዉደ ጋካናዉ ጋምእኔ?

15 ዳና ካታማጥን ኤፍራማ ደርያጥ ዬዳዋንቱ ኢታባ አዋዩኖ።

16 መጅና ጎዳይ ሆዋዳን ያገ፤ “ካዉተላቶ ኦድተ፤ የሩሳላምዉካ ሆዋዳን ያገደ አዋይተ፤ ይሁዳ ካታማቱዋ ቦላን። ‘ሃኮ ቢታጥ ኦላ አዋይያ ኦላንቻቱ ይ ደእኖ፤

17 እ ታ ቦላ ማካሌዳ ድራዉ። ጋደን ደእያ ካላ ናግያዋንቱዳን። ሄ ኦላንቻቱ ይሁዳ የሹዋን ዩይ ኦጲኖ’ ያግተ” ያገ።

18 ይሁዳ አሳቶ። ህንተ ሀኑን ህንተ ኦሱ ሆዋ ኡባ ህንተ ቦላ አሄዳ። ሀዌ ህንተዉ ሙር። እ እይ ከሻ ጫምያቤ! ህንተ ዋዛና እይ ከሻ ጫድያቤ!

#### እርምጃ ባረ አሳ ግሻዉ ዝላሌዳ

19 አየ ታና! ታን ሆዋ ዋታ ዳንዳያኔ! አየ ታ ዋዛናዉ! ታ ዋዛናይ ድድቄ፤ ታን ጮኤ ጋናዉ ዳንዳይከ። አያዉ ጎጥ። ታን ማላካታ ጉኑዋን ኦላ ዋሱዋ ሰሳድ።

20 ኢታባይ ኢታባ ካሌ፤ ሙላ ቢታይ ባይዳ። ታ ዲንካነቱ፤ ጋርዳቱ ኤላካ ጳይድና።

21 እወደ ጋካናወ አላ ማላታ ጸላኔ፤ ማላካታ ፑኑሳ ሰሳኔ?

22 ጸሳይ ሀዋዳን ያጌ፤ “ታ አሳይ ቦዛ፤ ኡንቱንቱ ታና ኤርክና። ኡንቱንቱ ቆፍ ባይና ናናቱዋ፤ ኡንቱንቶ እኩክ ባዋ። ኡንቱንቱ ኢታባ ኦላናወ ኤራንቻ፤ ሽን ሎኦባ ኦላናወ ኤርክና” ያጌ።

ኤርማሳ በኤዳ ሳፃ

23 ታን ሳኣ ጸላድ፤ ሳኣይ ጊገቤናዋ፤ አያይ፤ ባይና ሙላ ግድያዋ በኣድ። ቃይ ሳሎቱዋ ጸላድ፤ ኡንቱንቱን ፖኡ ባይናዋ በኣድ።

24 ደረቱዋ ጸላድ፤ ኡንቱንቱ ቃጽያዋ፤ ዘዘቱ ኡባይ ጉዮ፤ ሰንገላወ ጋጅ ጋጅያዋ በኣድ።

25 ታን ጸላድ፤ ሽን አይ አሳ፤ በአበይከ፤ ሳሎዋ ካፎቱካ ኡባይ ፓሊደ ባቃቱድና።

26 ጸላድ፤ እራዳ ቢታይ ሙላ ግዳዳዋ በኣድ፤ መጅና ጎዳ ሰንገላ፤ እ ሱሎ ሀንቁዋ ሰንገላን ሄ ቢታ ካታማቱካ ዮደቲድና።

27 መጅና ጎዳይ ሀዋዳን ያጌ፤ “ሙላ ቢታይ ባይና፤ ሽን ታን አ ወርሳ ጳይሰከ።

28 ሄዋ ድራወ፤ ሳኣይ ዩካና፤ ሳሎቱካ ቦላን ጳማና። አያወ ጎፕ፤ ታን ጋ ድጋይ፤ ማርሰትከ። ታን ቆፋ ቃቻ ክቻድ፤ አግከ” ያጌ።

29 ፓራ አሳቱ፤ ዋንጻጻና አሳቱ ጋርማሙዋን፤ አሳይ ካታማ ኡባፕ ባቃታና። ባጋቱ ዋጺደ ዋራ ጋርሳ ገልና፤ ባጋቱ ቃይ ዛላ ሸቢና። ካታማይ ኡባይ ኦኒደ፤ ደአያ አሳ ጳይዳ።

30 ኔና፤ ባያ ክቼዳኔ፤ ኔን አይ ኦላይ? ነ ዘኦ ማዩዋ አያወ ማያይ? ዋርቃ አሌቁዋ አያወ ዋላይ? ነ አይፍያ ሰጸንሳ አያወ ኦካይ? ኔን ጮ ሙላ ኔና ሎሎዳዳ። ነ ላገላቱ ኔና ካጼድና፤ ኡንቱንቱ ኔና ዋጳናወ ኮጻና።

31 ታን ዮሉዋ ኦይቀቴዳ ሞሽራታ ዋሰያዋ ማላ ዋሱዋ ሰሳድ። እ ዋሱ ኮይሮ ናኣ ዮልያ ማጫ ሞሽራት ኦልያ ማላ። ሄ ዋሱ፤ ዮሩሳላማ ሸሞፑዋ ተኤታይ፤ ባረ ኩሽያ ሞጫይ፤ “አየ ታኖ! ሄኮ ታና ዋጳናወ ሀኒና!” ያጋደ ዋሰያ ዋሱዋ።

5

ዮሩሳላሙ አሳ ናጋራ

1 ጸሳይ ሀዋዳን ያጌ፤ “አነ ዮሩሳላሙ ኦግያ ፑደነ ዳገ ሀመትተ፤ እነ ዩይ አጂደ ጸልተነ አኩክተ፤ እ ጉታራንካ ኮይተ። ጽሉዋ ፕርድያነ ቱሙዋ ኮይያ እት አሳ ሀንተ ደሞፕ፤ ታን ዮሩሳላሙ ማራና።

2 ሽን ኡንቱንቱ፤ መጅና ጎዳይ ኤሮ፤ ጎፕካ፤ ኡንቱንቱ ቱሙዋፕ ዋርዲዋን ጫቂና” ያጌ።

3 አቤት መጅና ጎዳወ፤ ነ አይፈቱ ቱሙዋ ጸልክናየ? ኔን ኡንቱንታ ደቻዳ፤ ሽን ኡንቱንታ ሳክቤና። ኔን ኡንቱንታ ክንቼራዳዳ፤ ሽን ኡንቱንቱ ሴራ አከናን እጾድና። ኡንቱንቱ ባረንቱ ሶሞኡዋ ዛላፕ አል ሞንሲድ፤ ባረንቱ ናጋራፕ ሰመናን አጾድና።

4 ሄዋፕ ጉይያን፤ ታን ሀዋዳን ያጋደ ቆፓድ፤ “ሀዋንቱ ሀይሳ ጸላላ፤ ሀዋንቱ ቦዛ። አያወ ጎፕ፤ ኡንቱንቱ መጅና ጎዳ ኦግያ፤ ባረንቱ ጸሳ ሀግያ ኤርክና።

5 ሰሞ ታን ዋልቃማ አሳቱዋኮ ባና፤ ኡንቱንቶ ኦዳና። አያወ ጎፕ፤ ኡንቱንቱ መጅና ጎዳ ኦግያ፤ ባረንቱ ጸሳ ሀግያ ኤርክና።

6 ሄዋ ድራወ፤ ጋሙ ባረ ዋራፕ ከሲደ፤ ኡንቱንታ ዋጳና። ጄሪ ባዘዋፕ ከሲደ፤ ኡንቱንቱ ሞ ጳይሳና። ማሄ ኡንቱንቱ ካታማቱዋ ዙገደ ናጋና። ሄ ካታማቱዋፕ ከሰያ ኡባይ ፑዘት ወራና። አያወ ጎፕ፤ ኡንቱንቱ ማካላይ ዳልጌዳ፤ ኡንቱንቱ ቶሽካ ዳራዳ።

7 ጸሳይ ሀዋዳን ያጌ፤ “ታን ሀንተ ናጋራ አያወ አቶ ጎ? ሀንተ ናናቱ ታና አገደ፤ ዋርዶ ጸሳይዋን ጫቂናና። ታን ኡንቱንታ ሞዛደ ካልሳድ፤ ሽን ኡንቱንቱ ሻርሙጾድና፤ ሻርሙጻቱዋ ጎልያ ሲራድና።

8 ኡንቱንቱ ጂከቱዳ ኮሩማ ፓራዲን ዘቲደ፤ ሀራ አሳ ማቻቶ ዋሹማናወ አሞቲና።

9 ቱሙ ታን ሀ ዮዋቱዋ ድራወ፤ ኡንቱንታ ሙራናወ በሰክታ? ሀዋ ማላ ካወተላወ ታ ሀሉዋ ከሰክታ?” ያጌ መጅና ጎዳይ።

10 ቃይካ መጅና ጎዳይ ሀዋዳን ያጌ፤ “እ ዋይንያ ቱራ ማራ ግዳዋና ቢደ ባይዘተ፤ ሽን ወርሰ ጳይሶፕተ። እ ታሸቱዋ ፕንጊ ኦልተ፤ አያወ ጎፕ፤ ኡንቱንቱ መጅና ጎዳሳ ግድክና።

11 እሰራኤልያ አሳቱ፤ ይሁዳ አሳቱ ሙላካ አማነትብይክና” ያጌ።

12 ኡንቱንቱ ሀዋዳን ገደ፤ መጅና ጎዳ ቦላ ዋርዲዋን ሃሳጫድና። “አ አይነ ኮፍ፤ ቆሀያባይ አያይነ ኑ ቦላ ዩና። ሞርክያ ማሻ ዋይ ኮሻ ኔን ሙላካ በኣኮ።

13 ትሞቢትያ ኦድያዋንቱ ጫርኩዋ ማላ፤ ኡንቱንቱን ጸሳ ቃላይ ባዋ። ሄዋ ድራወ፤ ኡንቱንቱ ግያዌ ኡባይ ኡንቱንታ ጋኮ” ያጌና።

14 ሃዋ ድራው፡ መድና ጎዳይ፡ ኡባጥ ዋልቃማ ጸሳይ እስራኤልያ አሳ ሀዋዳን ያገ፤ “ኢንቱንቱ ሀ ቃላ ሃሳዬዳ ድራው፡ ታን ታ ቃላ ነ ደናን ታማ ከሳና፡ ሀ አሳካ ሞላ ከሳና፤ ሄ ታማይ ኢንቱንታ ሞ ላይሳና” ያገ፡፡

15 መድና ጎዳይ ህንተና ሀዋዳን ያገ፤ “ህንተና፡ እስራኤልያ አሳቶ፡ ታን ህንተ ቦላ ሃኮ ቢታጥ እት ካወተላ አሀር፡ እነ ዋልቃማነ በን ካወተላ፡ ኢንቱንቱ ቃላ ህንተ ኤርና፡ ኢንቱንቱ ሃሳያይካ ህንተዉ ገለና ካወተላ፡፡

16 ኢንቱንቱ ጨብያ ሾኩ ደያ ዱሮ ማላ፡፡ ኢንቱንቱ ኡባይካ ዋልቃማ አሳ፡፡

17 ኢንቱንቱ ህንተ ካሳ ቁማ ቦንቁደ ማና፡ ህንተ አቱማ ናናቱዋካ ማጫ ናናቱዋካ ዋዳና፡ ህንተ ደርሳካ ሚዛካ ቦንቁደ ማና፡ ህንተ ዋይንያ ቱራ ቱራካ ባላሰያ ግያ ሞላ ቱራካ ቦንቁደ ማና፡ ህንተ አማንትያ፡ ግምበቱዳ ካታማቱዋካ ኢንቱንቱ ባርንቱ ማሻን ኦሊደ ባይዛና” ያገ፡፡

18 መድና ጎዳይ ኤርማሳ ሀዋዳን ያገ፤ “ሸን ሄ ጋላሳቱዋን ግደጥካ፡ ታን ታ አሳ ኡባና ዉርሳ ላይሰከ፡፡

19 አሳይ ኔና፡ “መድና ጎዳይ ኑ ጸሳይ ኑ ቦላ ሀዋ ኡባ አያዉ ኦሌዳ? ገደ ኦችያ ዋደ፡ ኔን ኢንቱንቶ፡ ‘ህንተ ታና፡ ጸሳ አገደ፡ ህንተ ማታን እማላ ጸሳቶ ኦሌዳዋዳን፡ ሄዋዳን ህንተካ አሳ ማታን እማላ አሳቶ ኦላና’ ያገ” ያገዳ፡፡

**ጸሳይ ባር አሳ፡ “ህንተና ኤርተ” ጌ**

20 ቃይካ ጸሳይ፡ “ሀዋ ያቆባ አሳቶ ኦዳ፤ ይሁዳ ቢታንካ ሀዋዳን ያገደ አዋያ፤

21 ‘ህንተና፡ እይራ ደአሸና ጸላናዋንቶ፡ ሀይላይ ደአሸና ሰሰናዋንቶ፡ ኤያነ ደንጭሎዋንታ አሳቶ፡ ሀዋ ሰሰተ፡፡

22 ላ ህንተ ታዉ አያዉ ያይክቱ? ያገ መድና ጎዳይ፡ ህንተ ታ ሰንላን አያዉ ኮኮርክቱ? አያዉ ጎጥ፡ ታን ሻፈቱዋ አባዉ ዛዋ፡ መድናዉ እ ፕግግና ድርሳ ኦላድ፡፡ ቤታቱ ዋሻከቶጥካ ጸናናዉ ዳንዳይክና፡፡ ኢንቱንቱ ጉሞጥካ ፕናናዉ ዳንዳይክና፡፡

23 ሸን ሀ አሳቶ ሙመን ማካላ ዋዛናይ ደኤ፡፡ ኢንቱንቱ እት ባጋ ሰሚደ፡ ዋራ ቤድና፡፡

24 ኢንቱንቱ ባርንቱ ዋዛናን፡ “ኑዉ እድልያ አራነ እሱራ አራና ዋድያን ዋድያን እምያ፡ ኑና ኑ ካላ ዳቡርሰሰናን ሸሸሰያ መድና ጎዳዉ፡ ኑ ጸሳዉ፡ እነ ያዬቶ” ግቢይክና፡፡

25 ህንተ ኢታ ኦሱ ሀዋንታ ተኤዳ፡ ህንተ ናጋራይ ህንተና ሎኦባጥ እሹዳ ያገ” ያገ፡፡

26 ጸሳይ ሀዋዳን ያገ፤ “ታ አሳ ግደን ኢታ አሳቱ ደአና፡፡ ካፎቱዋ ኦይቃናዉ ናግያ አሳቱዋዳን ዘገደ ናገና፡፡ ኢንቱንቱ ግትያ ሃገና፤ አሳቱዋ ኦይቁና፡፡

27 ኮላን ካፋ ኩሚዳዋዳን፡ ኢንቱንቱ ጎልያን ጭሙ ኩሚዳ፡፡ ሄዋ ድራው፡ ኢንቱንቱ ዋልቃማነ ዱር ግዴድና፡፡

28 ኢንቱንቱ ኦርደነ ሞዶ ግዲደ ድጩድና፡፡ ኢንቱንቱ ኢታ ኦሶ ዛዋይ ባዋ፡፡ ኢንቱንቱ አዉ ባይና ናናቱዋ ሻትንላናዉ ኢንቱንቱ ድራዉ ሞተትክና፤ ሀዬሳቱዋ ማታካ ናግቢይክና፡፡

29 ያትና፡ ታን መድና ጎዳይ ኢንቱንታ ሄዋ ድራው፡ መራናዉ በሰክታ? ሀዋ ማላ ካወተላ ቦላ ታ ሀሉዋ ከሳናዉ በሰክታ?” ያገ፡፡

30 ቃይካ ጸሳይ ሀዋዳን ያገ፤ “ዳር ኢታባይነ ዳጋንሐያባይ ቢታ ቦላን ሀኔዳ፡፡

31 ትምቢትያ ኦድያዋንቱ ዋርዳዋ ኦዳና፤ ጭላቱ ካ ኢንቱንቱ ዞርያን አይሰና፡፡ ታ አሳይካ ሄዋ ማላባ ደሰ፡ ሸን ዉርሰሳን ዋነቲ?” ያገ፡፡

**6**

**የሩሳላመ ሞርክያን ደደቲዳ**

1 ቃይካ ጸሳይ፡ “ህንተና፡ ቢንያማ አሳቶ፡ ህንተ ሸምጥዋ አሻናዉ ባቃትተ፡ የሩሳላመጥ ከሰተ፡ ታቆክ ካታማን ማላካታ ፑንተ፡፡ ቤት-ሀካሬማ ግያ ሳን ማላታ በሰተ፡ አያዉ ጎጥ፡ ሁጲሳላ ባጋገጥ ኢታባይነ ባላ ሻሻይ ያና ሀኔ፡፡

2 ታን ሎአያነ ናሸቻያ ጸዮን ካታማቱዋ ላይሳና፡፡

3 ሞርክቱ ሄንላንቻቱዋዳን ባርንቱ ዉድያ አኪደ፡ አ ቦላ ያና፡፡ አ ዩሹዋን ባርንቱ ዳንካንያ ኤሳና፤ ባርንቱ ዉድያን ባርንቱ ሳክን ሳክን ሄማና፡፡

4 ኢንቱንቱ እቱ እቱዋ፡ የሩሳላመና ኦሊታናዉ ገግተ፡፡ ደንድተ፡ እነ ኑን አ ሴታ ጋላሰ ኦሊቶ፡፡ ሸን አዩ አና፡ ሳክይ ቃሚ፤ ኦማርሳ ኩዋይ አዲቁ አዲቁ ቤ፡፡

5 ሄዋ ድራው፡ ደንድተ፡ እነ ቃማ ኦሊቶ፤ አ ጌሱዋ ላሊቶ፡ ያገደ ማቀቲና” ያገ፡፡

6 ኡባጥ ዋልቃማ መድና ጎዳይ ሀዋዳን ያገ፤ “ሞላቱዋ ቃንጽተ፡፡ የሩሳላመ ግምቢያ ማታን ቢታ ደራደ ድድቅተ፡፡ ሄ ካታማን ናቁ ኩሚዳ ድራው፡ አ ሙረታናዉ በሴ፡፡

7 ኦሳይ ባረ ሃላ ፑልትያዎዳን፣ እካ ባረ ኢታተላ ፑልቴ። ማካላባይን ባሻባይ እ ግደን ሰሰቴ። ኡባ ገደ እ ሳእይን ማዲላይ ታ ሰንላን ቤቴ።

8 ኔሮ የሩሳላሙ። ታን ኔሮ ሴርያዎ አካ። አከናን እጸፕ። ታን ኔፕ ሻከታናን ነ ቢታ እት አሳይን ደኤና ባድን ቢታ ከሳና” ያጌ።

**እስራኤልያ እሳ ማካል**

9 ኡባፕ ዎልቃማ መድና ጎዳይ ሀዋዳን ያጌ፤ “ዎይንያ ቴራ ማጽያዎዳን፣ እስራኤልያ እሳ እቴዳዋንታ ሎይሴደ ማጽተ። ዎይንያ ቴራ ቆርያ አሳዳን፣ ህንተ ኩሽያ ዳሻቴዋ ግደ ላእነሱዋካ የድተ” ያጌ።

10 ታን ኦሰ ኦደሻ? እና ሴሮሻ? ኦን ሰሳንዳሻ? በእተ፣ ኡንቴንቴ ሰሰና ማላ፣ ኡንቴንቴ ሀይላይ ባረት ኡቴዳ። በእተ፣ መድና ጎዳ ቃላይ ኡንቴንቶ ቅሊጭያዋ ግዴዳ፤ ኡንቴንቴ እን ናሽተክና።

11 ሃዋ ድራዉ፣ መድና ጎዳ ሀንቁ ታናን ኩሞ ኡቴዳ። ታን ሀ ሀንቁዋ ተአናዉ ዳንዳይከ።

ያትና፣ ጸሳይ ታና ሀዋዳን ያጌ፤ “ታ ሀንቁዋ ኦግያን ደእያ ናናቴዋ ቦላን ሽቄዳ ያላጋ አሳ ቦላ ትጋ። ማቻቶካ አሰናካ፣ ጭም ዉራዳ አሳካ እ አክ ባና።

12 ታን ሄ ቢታን ደእያዋንቴ ቦላ ታ ኩሽያ የድያ ዎደ፣ ኡንቴንቴ ጎላቴ፣ ኡንቴንቴ ጎሻናካ ኡንቴንቴ ማቼቴዋናካ ኡባይ ሀራቶ እመታና” ያጌ መድና ጎዳይ።

13 ቃይካ ጸሳይ ሀዋዳን ያጌ፤ “ጉላይካ ዳሩካ ኡባይ ዎድያ ማናዉ ይርገቴ። ትምቢትያ ኦድያዋንቴካ ቄሳቴ ካ ኡባይ አሳ ጭሚና።

14 ታ አሳ ማዲላ ሳከናባ ገደ፣ ጉላ ዳልያ ዎሊና። ሳሩ ባይናን፣ ሳሮ፤ ሳሮ!፣ ያጌና።

15 ሀ ሽኒይያ እሱቶ ኦሊደ፣ ኡንቴንቴ ዬላቴድና? ቱይት፣ ኡንቴንቴ ሙላካ ዬላትቢይክና። ኡንቴንቴ ዬላይ እየንቶካ ኤርክና። ሃዋ ድራዉ፣ ኡንቴንቴካ ኩንዴዳዋንቴ ግደን ኩንዳና። ታን ኡንቴንታ ሙርያ ዎደ፣ ኡንቴንታ ካዉሻና” ያጌ መድና ጎዳይ።

16 መድና ጎዳይ ሀዋዳን ያጌ፤ “ኦግያን ኤቄደ ጸልተ፤ በን ሎሶቴ ደኢያሳ ኦቶተ። ‘ሎኦ ኦጊ ሀቃን ደኢ?’ ያጌደ ኦቶተ፣ እን ሀመትተ። ያቴደ ህንተዉ ሸምፕ አክተ። ያግና ህንተ፣ ሓን ሄ ኦግያን ሀመቶኩ!” ያጌድታ።

17 ታን ናግያዋንታ ህንተ ቦላ ሱንላደ፣ ‘ማላካታይ ፑንትያ ዎደ ሰሰተ!’ ያጋደ ኦዲድ። ሽን ህንተ፣ ሓን ሰሶኩ” ያጌድታ።

18 “ሃዋ ድራዉ፣ ካዉተሳቶ፣ ሰሰተ! ማባራቶ፣ ታን ታ አሳ ኦልያዎ እርተ!

19 ሳኦን ደእያ አሳቶ፣ ሀዋ ሰሰተ! ታን ኡንቴንቴ ኢታ ቆፋ ድራዉ፣ ኢታባ ሀ አሳ ቦላ አሃድ። እያዉ ሳፕ፣ ኡንቴንቴ ታ ቃላ ሰሰናን እጼድና፤ ታ ሀግያካ ኦል ባሽድና።

20 ሳባ ግያ ቢታፕ ዬዳ እጸናይ ዎይ ሃኩ ቢታፕ ዬዳ ሳዊያ ቅምሚ ታዉ እይሴ? ህንተ ጸግያ ያርሹካ አከተና። ህንተ ያርሹ ታና ናሽቴና” ያጌ።

21 ሃዋ ድራዉ፣ መድና ጎዳይ ሀዋዳን ያጌ፤ “በእተ፣ ታን ሀ አሳ ሰንላን ጹቢቴዋ ዋላና። አዎቴን ናናቴ እትፕ ኡንቴንቴን ጹቢታና። ሾርቴን ሳገቴ ጳያና” ያጌ።

**ሁጺሳ ባጋፕ ደድያ ኦላንቻቴዋ**

22 ቃይካ መድና ጎዳይ ሀዋዳን ያጌ፤ “በእተ፣ ሁጺሳ ባጋ ቢታፕ ኦላንቻቴ ዬና፤ እት ዎልቃማ ካዉተላይ ሳኦ ጋጸፕ ደንዴ።

23 ኡንቴንቴ ዎንዳፍያን ቶራ ኦይቄድና። ኡንቴንቴ ቃረት ባይናዋንታን የድ ማረናዋንታ። ኡንቴንቴ ባረንቴ ፓራን ፕሪጸያ ዎደ፣ አባይ ጉምያዳን ጉሚና። ህንተና፣ ጸየን ካታማ አሳቶ፣ ኡንቴንቴ ህንተና ኦላናዉ እት አሳዳን ሳልፕድና” ያጌ።

24 ኦን ሄ ኦዲዋ ሰሰና፣ ኦ ኩሽ ሀልሰ ጌዳ። ምሽራቶ ኦይላይ ኦይቄያዎዳን፣ ኦና መቱ ኡንኤዳ።

25 ሾይቃ ከሶፕተ፤ ኦግያናካ ሀመቶተ። እያዉ ሳፕ፣ ሞርኪ ማሻ ኦይቄዳ፤ ያና ሃናካ ዳጋንልያባይ ደኤ።

26 ሀእ ታ አሳዉ፣ ማቃ ማደደ፣ ብድንላን ጎንደረትተ፤ ባረ መጽ እት ናአዉ ዬክያዎዳን ሴላ ዬኩዋ ዬክተ። እያዉ ሳፕ፣ ጳይሰያዎ አኪከናን ደአሽና፣ ኦ ቦላ ያና።

27 ጸሳይ ኤርማሳ ሀዋዳን ያጌ፤ “ኤርማሳ፣ ኔን ኡንቴንቴ ኦግያ ጸሞሳና ማላን ፓጫና ማላ፣ ታን ኔና ብራታ ፓጭያ አሳ ከሳድ፤ ታ አሳካ ፓጨትያ ብራታ ከሳድ።

28 ኡንቴንቴ ኡባይ ከግር ዩይያ፣ ኦድና አከና ማካላንቻ። ኡንቴንቴ ናሃሰያን ብራታ፤ ኡንቴንቴ ኡባይካ ባይዙዋ ኦሊና።

29 ብራታ ቦላን ደእያ ሸኦ ጸጊደ ጌሻና ማላ፣ ዎምፒናይ ዎልቃፕ ዎምፒንቴ። ሽን ጌሻናዉ ዋየቲዳ ዋዩ ኡባይካ ሙላ፤ ታ አሳ ግደን ደእያ ኢታቴ ክቻቢይክና።

30 መድና ጎዳይ ኡንቴንታ ኦል እጌዳ ድራዉ፣ ኡንቴንቴ ኦላቴዳ ብራ ጌተቲና” ያጌ።

7

ኤርማስ ጌሻ ጎልያን አዋዬዳ

- 1 መድና ጎዳጥ ኤርማሳኮ ዬዳ ቃላይ ሀዋ፤
- 2 “መድና ጎዳ ጌሻ ጎልያ ጥንገን ኤቃ። ሀ ቃላ ሀዋዳን ያጋደ አዋያ፤ ህንተና፣ መድና ጎዳዉ ጎደናዉ ሀ ጥንገቱዋን ገልያ ይሁዳ አሳቶ፣ ኡባይካ መድና ጎዳ ቃላ ሰስተ!
- 3 ኡባጥ ዋልቃማ መድና ጎዳይ፣ እስራኤልያ ደሳይ ሀዋዳን ያጌ፤ “ህንተ ኡግያን ህንተ ኡሱዋ ላምተ፤ ታን ህንተና ሀ ሳኳን ዋሳና።
- 4 ጭዋ ቃላን፣ ሀዋ መድና ጎዳ ጌሻ ጎልያ! ሀዋ መድና ጎዳ ጌሻ ጎልያ! ሀዋ መድና ጎዳ ጌሻ ጎልያ ያጊደ አማነቶተ።
- 5 ህንተ ህንተ ኡግያን ኡሱዋ ቱሙዋጥ ላምጥ፣ እቱ እቶ ቱሙዋ ጥርዶጥ፣
- 6 በተቱዋን አዉ ባይና ናናቱዋ፣ እስናይ ሀይቄዳ አምኤ ማጫ አሳ ናቀናን አጎጥ፣ ሀ ሳኳን ጽሎ አሳቱዋ ሱላ ጉሰናን አጎጥ፣ ህንተ ቆሄተናዳን፣ ሀራ ደሳቶ ጎይናን አጎጥ፣
- 7 ታን ህንተ ማይኪ አዋቶ መድ መድናዉ አሜዳ ቢታን ህንተና ዋሳና።
- 8 በእተ! ህንተ እይነ ፓና ጭሙዋ ቃላን አማነቲታ” ያጌ፣ ያጌ።
- 9 ደሳይ ሀዋዳን ያጌ፤ “ህንተ ዉኢታ፣ ዋዲታ፣ ሻርሙጺታ፣ ጫቄደ ዋርዱዋ ማርካቲታ፣ ባኣላ ግያ ኤቃዉ ያርሹዋ ያርሺታ፣ ሀዋጥ ካሰ ህንተ ኤሪና ሀራ ደሳቶ ጎይኒታ።
- 10 ያቲደ ታ ሱንላን ጸገቲዳ ጌሻ ጎልያ ዪደ፣ ታ ሰንላን ኤቄደ፣ ኑን ሳር አቲደ!” ያጌታ። ሸን ሀ ሸነይያ ኡሱዋ ኡባ ኡሳና ሳር አቲደቲ?
- 11 ታ ሰንላን ጸገቲዳ ሀ ጌሻ ጎልያ ህንተዉ ፓንጋቲ ቆሰትያ ጎንጎሎ ጌድቲዩ? ህንተ ኡልያዋ ኡባ ታን ታ ሁጺያን በእድ” ያጌ መድና ጎዳይ።
- 12 ደሳይ ሀዋዳን ያጌ፤ “ታን ታ ሱንላዉ ደኢያሳ ኦላደ ኮይር ዶራዳ፣ ሴሎን ታ ሳኣ አነ ቢተ። ታ አሳ እስራኤልያ ኢታተላ ድራዉ፣ ታን ሄ ሳኣ ዋቲደንቶ በእተ።
- 13 ህንተ ሀ ኡባባ እፊድታ። ታን ህንተዉ ዛራ ዛራደ ኦዳድ፤ ሸን ሰሰናን እጾድታ። ታን ህንተና ጸሳድ፤ ሸን ታዉ ኮይበይክታ ያጌ መድና ጎዳይ።
- 14 ሄዋ ድራዉ፣ ታን ሴሎ ቦላ ኡልዳዋ፣ ሀዋን ህንተ አማነትያ፣ ታ ሱንላን ጸገቲዳ ሀ ጌሻ ጎልያ ቦላካ ኦሳና። ህንተዉን ካሰ ህንተ አዋቶ አሜዳ ሳኳን ሀዋን፣ ታን ሴሎ ቦላ ኡልዳዋ ማላ ዛረሳደ ኦሳና።
- 15 ህንተ ዳቦቱዋ፣ ኤፍሬማ ዘረላቱዋ ታን ድጌዳዋዳን፣ ታ ሰንላጥ ህንተናካ ድጋና” ያጌ።

አሳይ አዛዘተናን እጾዳ

- 16 ደሳይ ሀዋዳን ያጌ፤ “ኤርማሳ፣ ሄዋ ድራዉ፣ ሀ አሳቶ ዋሶፓ፤ ኡንቲንቲ ግሻታ ኡቸፓ ዋይ ዋሶፓ፤ ኔን ኡንቲንቶ ጋናቶፓ። አያዉ ጎጥ፣ ታን ነዉ ሰሰከ።
- 17 ኡንቲንቲ ይሁዳ ካታማቱዋን፤ የሩሳላሙ ክገቲዋን ኡልያዋ አየንቶ በእኪየ?
- 18 ናናይ ሞላ ሞጺና፤ አዋቱ ታማ ኤሊና፤ ማጫ አሳቲ፣ ሳሉዋ ካታቶ” ግያ ደሳትዉ ኡክላ ኡካናዉ ጺልያ ሙናቄና። ኡንቲንቲ ታና ቆሀና ጊደ፣ ኡሻ ያርሹዋ ሀራ ደሳቶ ጉሰና።
- 19 ሀዋን ቱሙ ቆሄትያዋ ታኔ? ሀዋን ቆሄቲደ ዬላትያዋ ባረንቲ ሁጺያዉ ኡንቲንታ ግድክና?” ያጌ መድና ጎዳይ።
- 20 ሄዋ ድራዉ፣ ኡባ ሞድያ ደሳይ ሀዋዳን ያጌ፤ “በእተ፣ ታ ይሉነ ታ ሀንቁ ሀ ሳኣ ቦላ፣ አሳ ቦላነ መሀያ ቦላ፣ ጋደን ደእያ ሞላ ቦላነ ቢታን ደእያ ካላ ቦላ ጉካና። ጉኪደ ኤጻና፤ ቶአናዉካ ዳንዳየና” ያጌ።
- 21 ኡባጥ ዋልቃማ መድና ጎዳይ፣ እስራኤልያ ደሳይ ሀዋዳን ያጌ፤ “ህንተ ጹግያ ያርሹዋ ሀራ ያርሹቱዋና ጉጂደ፣ ሄ አሹዋ ህንተዉ ሚተ።
- 22 ታን ኡንቲንታ ግብጹ ቢታጥ ከሰያ ጋላሰ፣ ጹግያ ያርሹዋባ ግድና፣ ሀራ ያርሹቱዋባ ግድና፣ ህንተ ማይኪ አዋቶ ኡዳበይከ ዋይ አዛዘበይከ።
- 23 ሸን ታን ኡንቲንቶ ሀ አዛዘዋ አማድ፤ ናዉ አዛዘተተ። ያቶጥ፣ ታን ህንተ ደሳ ግዳና፤ ህንተካ ታ አሳ ግዳና። ህንተዉ ሎእና ማላ፣ ታን ህንተና አዛዘያ ኡግያ ኡባን ሀመትተ” ያጌድ።
- 24 ሸን ኡንቲንቲ ታዉ ሰሰናን ዋይ ሀይዘናን እጾድና። ኡንቲንቲ ባረንቲ ኢታ ዋዛና ሙመተላዳን ሀመቲድና፤ ኡንቲንቲ ሰንላዉ ብያዋ አጊደ፣ ጉየ ቤድና።
- 25 ህንተ ማይኪ አዋቶ ግብጹ ቢታጥ ከሴዳ ጋላሳጥ ዶሚደ፣ ሀቼ ጋካናዉ፣ ታን ታ ቆማቱዋ፣ ትምቢትያ ኡድያዋንታ ዋንትና ዋንትና ህንተዉ ኪታደ ታካድ።
- 26 ሸን ህንተ ታዉ ሰሰናን ዋይ ሀይዘናን እጾድታ። ህንተ ሞርግያ ጱልሴድታን ህንተ ማይኪ አዋቱዋጥካ አዲደ፣ ኢታባ ኡልድታ።

27 “ሀዋ ኡባ ኔን ኢንቲንቶ ኦዳና፤ ሽን ኢንቲንጥ ነ ግያዋ ሰሰክኖ። ኔን ኢንቲንታ ጸሳና፤ ሽን ኢንቲንጥ ነዉ ኮይክኖ።

28 ሄዋ ድራው፡ ኤርማሳ፡ ኔን ኢንቲንቶ ሀዋዳን ያጋ፤ መድኛ ጎዳዉ ባረ ጸሳዉ አዛዘተና ዋይ ሴርና ሰመና ካዉተላይ ሀዋ። ቱሙ ጳዬዳ፤ ቱማይ ኢንቲንጥ እንጸርሳጥ ባዬዳ።

29 ህንተ ሀጺያ ሜዲዳ ኦልተ። አያይነ ባይና ጾቃ ደረቱዋ ቦላ ከሲደ ዝላልተ። አያዉ ጎጥ፡ መድኛ ጎዳይ ባረና ይሎዬዳ የለታ እጹዳነ አግ ባሼዳ ያጋ” ያጌ።

30 ቃይካ መድኛ ጎዳይ ሀዋዳን ያጌ፤ “ይሁዳ አሳቱ ታ ሰንሳን ኢታባ ኦፊድኖ። ኢንቲንጥ ታ ሰንሳን ጸገቲዳ ጌሻ ጎልያ ቲንሳናው፡ ታና ሽነይያ ኤቃቱዋ አሂደ፡ እ ግደን ዋፊድኖ።

31 ኢንቲንጥ ባረንጥ አቱማ ናናቱዋ ማጫ ናናቱዋ ታማን ጹጊደ ያርሻናው፡ ህኖማ ዛንጋራ ጾቃን ቶፊታ ግያ ያርሹዋ ሳኣ ግምቤድኖ። ሽን ሄዌ ታን ኢንቲንጥ አዛዘቢናባነ ታ ቆፋን ባይናዋ።

32 ሄዋ ድራው፡ ሄ ሳአይ ህኖማ ዛንጋራ ዋይ ቶፊታ ጌተትያዌ አቲደ፡ ሹካ ዛንጋራ ያገቲደ ጸሰታና ጋላሳቱ ዪኖ ያጌ መድኛ ጎዳይ። አያዉ ጎጥ፡ ሞግያ ሳአይ ባይና ድራው፡ ቶፊት ኢንቲንጥ ባረንጥ አሃ ሞግያ ሳኣ ግዳናዋ።

33 ሄ ዋደ ሄ አሳቱዋ አሃይ ሳሉዋ ካፎቶነ ሳኣ ዶአቶ ቁማ ግዳና፤ ኢንቲንጥ ያሽሲደ የደርሰያዌ ደኤና።

34 ታን አልልሳነ ናሽቻ ኮሻይ፡ ቡላቻያዋነ ቡላቻትያን ኮሻይ ይሁዳ ካታማቱዋንነ የሩሳላመ ኢንቲንጥን ሰሰተናዳን ድጋና። አያዉ ጎጥ፡ ቢታይ መላ አታና” ያጌ።

### 8

1 መድኛ ጎዳይ ሀዋዳን ያጌ፤ “ሄ ዋድያን ይሁዳ ካተቱዋ መቀላይ፡ ካፖቱዋ መቀላይ፡ ቁሳቱ ዋ መቀላይ፡ ትምቢትያ ኦድያዋንጥ መቀላይነ የሩሳላመን ደአያ አሳቱዋ መቀላይ ኡባይ ዲፋዋጥ ማጸቲደ ከሳና።

2 ኢንቲንጥ ሲቁዳ፡ ከተቲዳ፡ ካሌዳ፡ ዘርያ ኦቼዳነ ጎይኔዳ አዋው፡ አግናውነ ሳሉዋ ጸልንትያ ኡባዉ ምጨታና። ኢንቲንጥ መቀላይ ሸቀና ሞገተና፤ ሽን ቢታ ቦላን ፕቱዋ ማላ ግዳናዋ።

3 ላሌዳ ሳአቱዋን ደአያ፡ ሀ ኢታ ካዉተላጥ አቲዳ አሳቱ ኡባይ ደኤዋጥ ሀይቁዋ ዶራና። ታን ኡባጥ ዋልቃማ መድኛ ጎዳይ ሀዋ ኦዳይ” ያጌ።

#### ናጋራነ ሙሩዋ

4 መድኛ ጎዳይ ታና ሀዋዳን ያጌዳ፤ “አሳቶ ያጋ፤ ጸሳይ ሀዋዳን ያጌ፤ እት አሳይ ከንደጥ፡ ሰሚደ ደንደኔየ? ዋይ እት አሳይ ዋራ ቦጥ፡ ጉየ ሰመኔየ?

5 ያትና፡ ሀ አሳይ አያዉ ዋራ ቤዳ? የሩሳላመ አያዉ ኡባ ገደ ዋራ ቤዳ? ኢንቲንጥ ጭሙዋ ባቂ ኦይቁድኖ፤ ሃ ሰመናን እጹድኖ።

6 ታን ምንሳደ ሀይዛድ፤ ሽን ኢንቲንጥ ቱሙዋ ሃሳይክኖ። ታ አያ ኦላድታሻ? ገደ ባረ ኢታ ኦሱዋ ፓጽያዌ አቲነ ባዋ። ኡባይካ ኦላዉ ፕሪጽያ ፓራዳን ባረዉ ባረዉ ግጹ።

7 ሀራይ አቶ፡ ሸማላ ግያ ካፎቱ ባረንጥ ዋድያ ኤሪና፤ ሀራጸቱ፡ ዳግጨቲካ ዋልያ ግያ ካፎቱ ባረንጥ ሰምያ ዋድያ ናጊኖ፤ ሽን ታ አሳይ መድኛ ጎዳ ዋጋ ኤረና።

8 “ያትና፡ ዋጊደ፡ ኩን እጹዳ ኤራንቻ፤ አያዉ ጎጥ፡ መድኛ ጎዳ ህጊ ኦናና ደኤ፡ ጋናዉ ዳንዳየቲ? ዋርዳንቻ ጸፈቱ ባረንጥ ቢርያን ታ ህግያ ዋርዳዋ ከሲዳዋ በአክቲየ?

9 እጹዳ ኤራንቻቱ ዬላታና፤ ኢንቲንጥ ካዉሻናነ ኦይቃታና። ኢንቲንጥ መድኛ ጎዳ ቃላ አል አግና፡ ኢንቲንጥ አይ ጭንጫተላይ ደአ?

10 ሄዋ ድራው፡ ታን ኢንቲንጥ ማቼቱዋ ሀራቶ፡ ኢንቲንጥ ጋድያካ ኢንቲንታ ጸኔዳዋንቶ እማና። አያዉ ጎጥ፡ ጉላይካ ዳሩካ ኡባይ ዋድያ ማናዉ ይርገቲኖ። ትምቢትያ ኦድያዋንጥካ ቁሳቱ ካ ኡባይ አሳ ጭሚኖ።

11 ኢንቲንጥ ታ አሳ ማዱላ ሳከናባ ገደ፡ ጉላ ቆልያ ዋሲኖ። ሳሩ ባይናን፡ ‘ሳር፡ ሳራ!’ ያጊኖ።

12 ሀ ሽነይያ ኦሱዋ ኦልደ፡ ኢንቲንጥ ዬላቲድኖ? ቱይት፡ ኢንቲንጥ ሙላካ ዬላትቢይክኖ። ኢንቲንጥ ዬላይ አየንቶካ ኤርክኖ። ሄዋ ድራው፡ ኢንቲንጥካ ከንዳዳዋንጥ ግደን ከንዳና፤ ኢንቲንጥ ቃጸየትያ ዋደ ካዉሻና። መድኛ ጎዳይ ሀዋ ኦዳድ” ያጌ ያጌዳ።

13 መድኛ ጎዳይ ሀዋዳን ያጌ፤ “ታን ኢንቲንጥ ቱሙዋጥ ዳፋ አካና። ኢንቲንጥ ዋይንያ ቱራን አይፊ ቆያና፤ ባላሰያ ግያ ምሳካካ አይፊ ቆያና። አዉ ቦንጨካ ሹላና፤ ታን ኢንቲንጥ እሜዳባይ ኢንቲንጥጥ አከት ክቻና” ያጌ።

14 እሳቱ ሀዋዳን ያገኘ፤ “ኑን ጮኤ ጊደ እያወ ኡቲና? እነ እትጥ ሸቅተ፤ ህን ግምበቲዳ ካታማቱዋ ገሊደ፤ ያን ሀይቄቶ። መጅና ጎዳይ ኑ ጸሳይ ኑና ሀይቆ ፕርድ ድጌዳ፤ ኑን አ ቦላ ናጋራ ኦሌዳ ድራወ። ኑወ ኡሻናወ ዋጅያ ሃላ እም ድጌዳ።

15 “ሳእይ ሳር ግዳና፣ ጊደ ናሸቻን ናጌዳ፤ ሽን ሎኦባይ ይቤና። ኑን ፓጸና፣ ጊደ ናጌዳ፤ ሽን ዳጋማ ግዴዳ።

16 ኑ ሞርከቲ ፓራ ዳሳይ ዳና ግያ ካታማን ሰሰቲ፤ ኡንቲንቲ ዋታራ ፓራቱዋ ጫገላን ቢታይ ኡባይ ቃጼ። ቢታን ቢታን ደእያዋ ኡባ፣ ካታማነ ካታማን አሳ ኡባ ሞ ቆይሳናወ ዬድና” ያገኘ።

17 መጅና ጎዳይ ሀዋዳን ያገ፤ “በእተ፣ ታን ሾሻቱዋ ህንተ ግደ ዩዳና። ሙሩንያዋንቲ ሙሩኑ ተእናወ ዳንዳየና ሀራቱዋ ህንተ ግደ ዩዳና፤ ኡንቲንቲ ህንተና ዱካና” ያጌ።

ኤርማሳ ካዮቲዳ

18 ፓጸናወ ዳንዳየና ኬሻ ታን ካዮታድ፤ ታ ዋዛናይካ ታ ግደን ሴሬ።

19 ታ አሳይ ሃኮ ቢታን ዋሰያ ዋሱዋ ሰሰተ። ኡንቲንቲ፣ “መጅና ጎዳይ ጸዮነን ባዌ? ሀ ጸዮነ ካቲ ላኤንሶ ያን ደኤኔ?” ያገደ ዋሲና።

ጸሳይ ኡንቲንቲ ካቲ፣ “ኡንቲንቲ ባረንቲ ማሴዳ ሞሰለቱዋን፣ ባረንቲ ፓር አላጋ ኤቃቱዋን ዋን ታና እያወ ይሎዬድና?” ያጌ።

20 አሳይ፣ “ሃኮ ጫካ ዋዲነ እጼዳ፤ ቦኒነ ወሬዳ፤ ኑን እትቦኮ” ያገደ ዋሲና።

21 ሰም ታ አሳይ ማዲንጼዳ ድራወ፣ ታ ዋዛናይካ ማዲንጼዳ። ታን ካዮታይ፤ ያሻይ ታና ኦይቄዳ።

22 ጋላኢደን ትግያ ቆሊ ባዌየ? ያን አክሚ ደኤኔ? ያትና፣ ታ አሳ መኡ እያወ ፓጸኔ?

9

1 ታ ሁጲ ሃላ ኦላ ግዴረኔሻ! ታ አይፈቲካ እፎላ ፑልቶ ግዴርክናሻ! ያትንቶ ታን ታ አሳቱዋጥ ሞርከቲ ኩሽያን ሀይቄዳዋንቶ ቃማነ ጋላሰ ዬካና ሸን!

2 ታ አሳጥ ሻከታደ ባና ማላ፣ ታወ ባዙዋን ሲራይ አቅያ ሳእይ ደኤረኔሻ! እያወ ሳጥ፣ ኡንቲንቲ ኡባይ ሻርሙጻ፤ ኡንቲንቲ ማካልያ አሳ ዛታ።

3 መጅና ጎዳይ ሀዋዳን ያጌ፤ “ታ አሳቲ ባረንቲ እንጸርሳን ኦዳናወ ኡባ ዋደ ገገ ኡቲድና፤ ኡንቲንቲ ቢታን ቱሙዋ ድራወ ዋርዱ ምኔዳ። ኡንቲንቲ ኢታጥ ኢታወ አጻና፤ ታና ኤርክና” ያጌ።

4 ቃይካ ጸሳይ ሀዋዳን ያጌ፤ “ሾሩ ሾሩዋጥ ናገትተ፤ ህንተ እሻቱዋካ አማነቶተተ። እያወ ሳጥ፣ አሻይ ኡባይ ጭምያዋን ሾር ኡባይ ዝግርያዋ።

5 ሾሩ ሾሩዋ ጭሚ፤ እቲነ ቱሙዋ ሃሳየና። ኡንቲንቲ ባረንቲ እንጸርሳ ሃሳያናወ ታማርሰ ዋሌድና። ኡንቲንቲ ናጋራ ኦሌዳ ዳቡሪና።

6 ኔን ጭሙዋ ግደን ደአሳ። ኡንቲንቲ ባረንቲ ጭሙዋን ታና ኤረናን እጾድና” ያጌ መጅና ጎዳይ።

7 ሃዋ ድራወ፣ ኡባጥ ዋልቃማ መጅና ጎዳይ ሀዋዳን ያጌ፤ “ታን ኡንቲንታ ሴርሳደ ፓጫና። ታ አሳ ድራወ፣ ሰም ታን ሀራባ እያ ኦላናወ ዳንዳያይታ?

8 ኡንቲንቲ እንጸርሳይ ዋጅያ ሞንዳፍያ ማላ፤ ኡንቲንቲ እን ጭሙዋ ሃሳዪና። ባረንቲ ዶናን እቲ አቶ ሳር ቃላን ሃሳዪና፤ ሽን ባረንቲ ዋዛናን ጸርያ ዋሊና።

9 ያትና፣ ታን ሀ ዮዋ ኡንቲንታ ሙራናወ በሰክታ? ታን ታ ሁጲያወ ሀዋ ማላ ካወተላ ቦላ ሀሉዋ ከሰክታ?” ያጌ መጅና ጎዳይ።

10 ታን ቆቃ ደረቶ ዬካናን ዋሳና፤ ባዙ ህንላ ጋይቱዋ ዘላላና። እያወ ሳጥ፣ ኡንቲንቲ ባሺድና፤ ያና እት አሳይነ አ ሸና። መህያ ጸንን ሰሰተና፤ ሳሉዋ ካፎቲነ ደኤቲ ባቃቲደ ብ ክቼድና።

11 ጸሳይ ሀዋዳን ያጌ፤ “የሩሳላመ ካታማ ታን ኮለቲዳ ኬሳነ ዋራካናቲ ጌሱ ኦና ኦላና። ይሁዳ ካታማቱዋካ ኡንነ ደኤና መላ ሳእ ኦላና” ያጌ።

12 ሀዋ አኬካናወ እጼዳ ኤሪንቻይ ኦኔ? እ ሀራ አሳወ ኦዳና ማላ፣ መጅና ጎዳይ ባረ እንጸርሳን ኦሰ ኦዳዳ? እት አሳይነ አ ግዴዋና አ ሸና ማላ፣ ቢታይ ባዪደ፣ ባዙዋዳን ኦኔዳዋ እያሴ?

13 መጅና ጎዳይ ያጌዳ፤ ሀዋያ ሀይዳዌ፣ ኡንቲንቶ ታን እሚዳ ሀግያ ኡንቲንቲ እጌዳ ድራሳ። ኡንቲንቲ ታወ አዘዘተናን፤ ሀ ሀግያ ካለናን እጼዳ ድራሳ።

14 ሃዋ አገደ፣ ኡንቲንቲ ባረንቲ ዋዛና ሙሙተላ ካሊድና፤ ኡንቲንቲ ባረንቲ አዋቱዋ ታማርሴዳዋዳንካ ባአላ ግያ ኤቃቶ ጎይኔድና” ያጌዳ።

15 ሃዋ ድራወ፣ ኡባጥ ዋልቃማ መጅና ጎዳይ፣ እሰራኤልያ ጸሳይ ሀዋዳን ያጌ፤ “በእተ፣ ታን ሀ አሳ ጫምያ ቁማ ሚዛናን ዋጅያ ሃላ ኡሻና።

16 ኡንቲንቲ ዋይ ኡንቲንቲ አዋቲ ኤረና ካወተላቱዋ ግደን ታን ኡንቲንታ ላላና። ታን ኡንቲንታ ቆይሳና ጋካናወ፣ ማሻን የደርሳና” ያጌ።



የሩሳላመ አሳይ ዝላሊዳ

17 ቃይነ ኡባጥ ዋልቃማ መድና ጎዳይ ሀዋዳን ያገኘ፤ “እነ ቆጥተ። ዩኩዋ ዩክያ ማጫ አሳቱዋ ዴሲደ አይሰተ፤ ዘላሳ ዘላልያ ኤራንቻ ማጫ አሳቶ ከታተ።

18 ኡንቱንቱ ኤላካ ዪደ፣ ኑ አይፊ አርላ ጽሉዋ ጸካና ጋካናሰነ ኑ አይፍያ ጭሩ ሃላ ፑልታና ጋካናው ኑ ቦላ ዘላልፍ።

19 ጽዮነን ሀዋዳን ግያ ዘላሳ ኮሻይ ሰሰቱ፤ ሓይሮ፤ ኑን ባይደ፤ ኑን ሙለካ ካወሼደ! ኑ ጎሊ ኮላቶ ክቼዳ ድራው፣ ኑን ቢታ አገደ ባናው ኮሼ’ ያገኘ” ያገ።

20 ህንተኛ፣ ማጫ አሳቶ፣ መድና ጎዳ ቃላ ሰሰተ! ህንተ ሀይላይ አ ደናጥ ከሰያ ቃላ ሀይዞ። ህንተ ማጫ ሩናቱዋ ዘላሳ ታማርሰተ፤ ሾራታ ሾራቶ ኮይሱዋ ታማርሰ።

21 አያው ጎጥ፣ ሀይቁ ሩናቱዋ ኦግያን፣ ዋዳላቱዋካ ጉታራን ቁጸደ ዪደ፣ ኑ ማሰኮተቱዋ ጋኬዳ፤ ኑ ካተ ጎላቱዋንካ ገሌዳ።

22 መድና ጎዳይ ታና ሀዋዳን ያገደ አዛዜዳ፤ “ጸሳይ ሀዋዳን ያገኘ፤ ሓሳ አሃይ ጥቱዋዳን ደምባን ላለታና፤ ኡንቱንቱ ጫክያዋንቱ ጫኪደ ኦሌዳ ካላ ማላ፤ ኡንቱንታ ኦንነ ሺሸና’ ያጋ” ያገደ አዛዜዳ።

23 መድና ጎዳይ ሀዋዳን ያገኘ፤ “አዴዳ ኤራንቻይ ባረ ኤራን ጨቆገ፤ ዋልቃማይ ባረ ዋልቃን ጨቆገ፤ ዋይ ዱሪ ባረ ዱረተላን ጨቆገ።

24 ሸን ጨቆያ ኤራይ ኦንነ ታና ኤርያዋንካ እኬክያዋን ጨቆ። አገና ሲቁዋ፣ ሱረ ፕርዳነ ጽሎተላ ሳኣ ቦላን ኦሳያ መድና ጎዳ፣ ታና ኤርያዋን ጨቆ። አያው ጎጥ፣ ታን ሀዋንቱን ሩሸታይ። ታን መድና ጎዳይ ሀዋ ኦዳድ” ያገ።

25 ቃይነ መድና ጎዳይ ሀዋዳን ያገኘ፤ “በእተ፣ ባረንቱ አሹዋ ጸላላ ቃጸረቲዳ አሳቱዋ ታን ሙራና ጋላሳቱ ዪድ።

26 ሄዋንቱካ ግብጾ፣ ይሁዳ፣ ኤደማ፣ አዋናን ሞአባ ቢታ አሳቱዋን ባረንቱ ሁጲያ ሹፊርያ ሜዲደ፣ ባዙዋን ደአያ አሳቱዋ ኡባቱዋ። አያው ጎጥ፣ ሀ ካወተላቱዋ ኡባ አሳይ ቱሙዋጥ ቃጸረቲቤና፤ እስራኤልያ አሳይ ኡባይካ ባረ ዋዛናን ቃጸረቲቤና” ያገ።

10

ጸሳነ ኤቃ

1 ህንተኛ፣ እስራኤልያ አሳቶ፣ መድና ጎዳይ ህንተው ኦድያ ቃላ ሰሰተ!

2 መድና ጎዳይ ሀዋዳን ያገኘ፤ “ደረቱዋ ኦግያ ህንተ ታማርጥተ። ደረቱ ሳሉዋ ቦላ ማላታ በኢደ ዳጋሞጥካ፣ ህንተ ዳጋሞጥተ።

3 አያው ጎጥ፣ ደረቱዋ ዋጋይ መላ። ኡንቱንቱ ሞላ ዋራጥ ቃንጸኛ፤ ማሰያዊ ካልታን ማሴ።

4 ኡንቱንቱ ብራንነ ዋርቃን አሊቁሲኛ፤ ቃጸናዳን ማደሻን ሞሰማርያ ድሺደ ኦይሊኛ።

5 ኡንቱንቱ ኤቃቱ ኡንቱንቱ ሌክያ ጋርሳን ካፋዋ ዳጋንላናው ኤሰያ ሞሰልያ ማላ። ሃሳያናው ዳንዳይክኛ። ሀመታናው ዳንዳየና ድራው፣ አሳይ ኡንቱንታ ቶኬ። ኡንቱንቶ ሙለካ ያዮጥተ። አያው ጎጥ፣ ኡንቱንቱ ህንተና ቆሀናው ዳንዳይክኛ፤ ቃይ ማዳናውካ ዳንዳይክኛ” ያገ።

6 አቤት መድና ጎዳው፣ ነ ማላይ ኦንነ ባዋ። ኔን ዋልቃማ፤ ነ ሰንሳይካ ዋልቃማን ዋልቃማ።

7 አቤት ካወተላቱዋ ካትያው፣ ኔና ቦንቹናን አጋናዌ ኦኔ? ኔና ቦንቻናው በሴ፤ አያው ጎጥ፣ አዴዳ ኤራንቻ አሳ ግደንነ ኡንቱንቱ ካወተላ ኡባ ግደን ነ ማል ባዋ።

8 ኡንቱንቱ ኤያነ ደንጭሎዋንታ፤ ኡንቱንቱ ሞላጥ ማሴዳ፣ ፓና ኤቃቱዋጥ አያ ታማሪና?

9 ሄ ኤቃቱ ታርሴሳጥ ዬዳ ብራንነ ኡላዘጥ ዬዳ ዋርቃን አሊቀቲድኛ። ኡንቱንቱ ዋይንያ ኤሳነ ሳሉዋ ማላትያ መቋዋና ማደዋን ካመቲድኛ። ኡንቱንቱ ኡባይ ኩሸያ ኦሱዋ ሂላቱዋን ኦሰቲድኛ።

10 ሸን መድና ጎዳይ ቱሙ፣ ጸሳነ አ ደኡዋ ጸሳነ መድና ካትያ። አ ሀንቁዋን ቢታይ ቃጾ፤ ካወተላቱካ አ ሀንቁዋ ዳንዳይክኛ።

11 ጸሳይ ሀዋዳን ያገኘ፤ “ኡንቱንቶ ሀዋዳን ያጋደ ኦዳ፤ ሄዋንቱ ሳሉዋን ሳኣ መድቤና ጸሳነ ሳኣጥን ሳሉዋ ጋርሳጥ ቋያና’ ያጋ” ያገ።

ጸሳ ሳቢያ ሳባ

- 12 ባረ ዋልቃን ሳኣ መዴዳዌ፣
  - ባረ አዴዳ ኤራን ሳኣ ኤሴዳዌ፣
  - ባረ እኬካን ሳሉቱዋ ሞጩዳዌ አ።
- 13 አ ዋልቃምያ ዋደ፣
  - ሳሉቱዋን ደአያ ሃላቱ ጉሚኛ።

እ ሻረቱዋ ሳኣ ጋጸጥ ዩደ ደንፎ።  
እ እራ ቡክሲደ።  
ዋልቃንሳ ዋልቃምሴ።  
ጫርኩዋካ ባረ ምንጃ ሳጥ ከሴ።

14 እስ ኡባይ ኤራ ጳዩደ ዳሜዳ፤  
ዋርቃ ትግያ አሳይ ኡባይ  
ባረ ኤቃቱዋን ዩላቲዳ።  
አያዉ ጎጥ፣ ሄ ኤቃቱ ጭሙዋ፤  
ኡንቱንቱን ሸምፑ ባዋ።

15 ኡንቱንቱ ፓ□ናባ፤  
ኡንቱንቱ ቅ□ ኦሱዋ።  
ኡንቱንቱ ሙረትያ ዋድያን ጳያና።

16 ሸን ያቆባ ሳማ ግድያዌ  
ሄዋንቱ ማላ ግደና።  
አያዉ ጎጥ፣ እ ኡባባ መጴዳዋ፤  
እስራኤሊ እ ባረዉ ዶራዳ ካዉተላ።  
እ ሱንሳይካ ኡባጥ ዋልቃማ መጵና ጎዳ።

**ይያ እታ**

17 ህንተኖ፣ ዋርኪ ደዴዳዋንቶ፣ ቢታጥ ከሳናዉ ህንተዉ ደእያዋ ቆሪደ ሺሸተ።  
18 አያዉ ጎጥ፣ መጵና ጎዳይ ሀዋዳን ያጌ፤ “ታን ሀ ዋድያን ሀ ቢታን ደእያ አሳቱዋ ከሳደ ያምባራና። ህንተ ኦሞደታና ማላ፣ ታን ህንተ ቦላ ኢታባ አሀና” ያጌ።  
19 አየ ታ ማዳላዉ! ታ ማዳላይ ፓጸናዋ። ሸን ታን፣ “ሀዌ ታ ሀርግያ፤ ታን ዳንዳያናዉ በሴ” ያጋድ።

20 ታ ዳንካኒ ኮለት ጳዩዳ፤ እ ዋዶራ ኡባይ ዲጸረቲዳ። ታ ናናቱ ኡባይ ታጥ ሻከቲደ ብ ክቼድኖ፤ ኡንቱንቱ ባዋ። ታ ዳንካንያ ዛሪደ ቶላናዉ ዋይ ታ ጋርዱዋ ካቃናዉ ሀእ እት አሳይነ አትቤና።

21 ህንተንቻቱ ዳሚድኖ፤ ኡንቱንቱ መጵና ጎዳ ኦችቢይክኖ። ሄዋ ድራዉ፣ ኡንቱንቶ እንጀተናን አዪዳነ ኡንቱንቱ ዉዲ ኡባይ ላለቲዳ።

22 ስሰተ! ኦራላ ኦዱ ዬዳ፤ ሄዌነ፣ “ሁጸሳ ባገና ደእያ ካዉተላን ዋልቃማ ድርባይ ደንዴ” ያግያዋ። እ ኦላንቻቱ ዪደ፣ ይሁዳ ካታማቱዋ ባዙዋን ዋራካናቱ ጌሶይያሳ ከሳና።

23 አቤት መጵና ጎዳዉ፣ አሳ ደኤ ሄ አዋ ቡዞ ግደናዋን ባረ ሄመታ ሱርሳናዌ አዉ ሸን ግደናዋ ታን ኤራይ።

24 አቤት መጵና ጎዳዉ፣ ታና ሴራ፤ ሸን ልክያን ግደ። ነ ሀንቁዋን ግደ፣ ሄዌ ጳዮጥ ኔን ታና ጉላደ ጳይሳና።

25 ነ ሀንቁዋ ኔና ኤረና ካዉተላቱዋ ቦላነ ነ ሱንሳ ጸሰና አሳቱዋ ቦላ ትጋ። አያዉ ጎጥ፣ ኡንቱንቱ ያቆባ አሳ ሜድኖ፤ ኡንቱንቱ ኡንቱንታ አሸናን ሞ ድጌድኖነ ኡንቱንቱ አዉዋ ቢታ ጳይሴድኖ።

**11**

**ኤርማሳን ጸሳ ጫቁዋ**

1 መጵና ጎዳጥ ኤርማሳዉ ዬዳ ቃላይ ሀዋ፤  
2 “ሀ ጫቁዋ ቃላቱዋ ስሳ፤ ይሁዳ አሳዉነ የሩሳላመ ካታማን ደእያዋንቶ ኦድ።  
3 መጵና ጎዳይ እስራኤልያ ጸሳይ ሀዋዳን ያጌ ጋደ ኦድ። ሀ ጫቁዋ ቃላዉ እዛዘተናዌ ሸቀቲዳዋ ግደ።  
4 ታን ካሰ ህንተ አዋቱዋ ግብጹ ቢታጥ፣ ብራታ ሴርሲያ ጮጭያጥ ከሰያ ዋደ፣ ታዉ ኤና ጌተ፤ ታ ህንተና እዛዘያዋ ኡባ አላተ። ያቶጥ፣ ህንተ ታ አሳ ግዳና፤ ታንካ ህንተ ጸሳ ግዳና ያጋድ።  
5 ሄዋዳንካ፣ ማላነ ኤሳ ጎግያ ቢታ ካሰ ህንተ አዋቶ እማናዉ፣ ታን ጫቁዳ ጫቁዋ ፖላና ያጋድ። ሄዌነ፣ ሀች ህንተ ላቲዳ ቢታ ያጋ” ያጌ።  
ታን፣ “ኤኖ፣ መጵና ጎዳዉ፣ አመንእ” ያጋድ።  
6 መጵና ጎዳይ ታዉ ሀዋዳን ያጌዳ፤ “ሀዋ ታ ቃላ ኡባ ይሁዳ ካታማቱዋን የሩሳላመ ኦንቱዋን ሀዋዳን ያጋደ አዋያ፤ «ሀ ጫቁዋ ቃላ ስሰተ፤ እ ካለተ።  
7 ካሰ ህንተ አዋቱዋ ታን ግብጹ ቢታጥ ከሶደጥ ሀች ጋካናዉ፣ ዛራ ዛራደ፣ “ታዉ እዛዘትተ!” ጋደ ሴራድ።

8 ሽን ኤንቲንቴ ታ ቃላ ሰሰበይክኖ ዎይ ሀይዘበይክኖ። ሄዎ ኦጊደ። ኤንቲንቴ ባረንቴ ኢታ ዋዛና ሙመተላ ካሌድኖ። ታን ታ ጫቁዎ ቃላ ኤንቲንቴ ናጋና ማላ አዛዛድ፤ ሽን ኤንቲንቴ እጾድኖ። ሄዎ ድራው። ሄ ጫቁዎ ግደን ጸፈቲዳ ሸቃ ኡባ ኤንቲንቴ ቦላ አሃድ' ያጋ" ያጌዳ።

9 ዛሪሬካ መድና ጎዳይ ታዉ ሀዋዳን ያጌዳ፤ "ይሁዳ አሳ ግደንን የሩሳላመን ደእያዋንቴ ግደን ማቁ ደኤ።

10 ኤንቲንቴ ካሰ ታ ቃላ ሰሰናን እጾዳ ባረንቴ ማይዛ አዎቱዋ ናጋራው ገዮ ሰሜድኖ። ኤንቲንቴ ሀራ ጸሳቶ ጎይኔድኖን ኤንቲንቴ ኦፊድኖ። እስራኤልያ አሳቲካ ይሁዳ አሳቲካ ታን ካሰ ኤንቲንቴ ማይዛ አዎቱዋና ጫቁቲዳ ጫቁዎ ካንፊድኖ።

11 ሄዎ ድራው። መድና ጎዳይ ኤንቲንጋ ሀዋዳን ያጌ፤ 'ኤንቲንቴ ባቃቲደ አታናዉ ዳንዳየና ሙቱዋ ታን ኤንቲንቴ ቦላ አሀና። ኤንቲንቴ ታዉ ዋሰናካ። ታን ኤንቲንግ ሰሰከ።

12 ሄ ዎይ ይሁዳ ካታማቱዋ አሳቲካ የሩሳላመ አሳቲ ቢደ። ባረንቴ እጻና ጨዋይያ ጸሳቶ ዋሳና። ሽን ሙቱዋ ዎይ ሄ ጸሳቲ ሙለካ ኤንቲንቴ ማድክና።

13 ሀንተኖ። ይሁዳ አሳቶ። ሀንተ ጸሳቲ ሀንተ ካታማቱዋ ከሻ ጮራ። ቃይ ባኣላ ግያ ሄ ዬላ ጸሳዉ እጻና ጨዋያናዉ ሀንተ ኤሴዳ ያርሸያ ሳኦቲ የሩሳላመ ኤንቲኖ ከሻ ጮራ' ያጌ።

14 "ኤርማሳ፣ ሀ አሳቶ ታና እይን ዎሶጋ፤ ኤንቲንቴ ድራው ጋናቶጋ ዎይ ኦቾጋ። አያዉ ሳገ። ኤንቲንቴ ባረንቴ ሙቱዋ ጋላሰ ታና ጸሰያ ዎይ ታን ኤንቲንግ ሰሰከ።

15 "ዳሮቱዋና ባረ ኢታ ማቁዋ ማቅትደ ታ ሲቅያ አሳይ ታ ጌሻ ጎልያን ቤታናዉ በሲ? ሀንተ ሀንተ ኢታ ኦሱዋ ኦሳሸን። ያርሸቲዳ መሀያ አሹ ሀንተና ሙሩዋጥ አሻኔ? አሸንቶ ሀንተ ናሸታና ሸን" ያጌዳ።

16 ሙድና ጎዳይ ኔና። ድጭያ፣ ሎኦ አይፍና አይፍና ዎጋራ ያጊደ ሰንፊዳ። ሽን እ ሀ ዎጋራ ዎልቃማ ዳዳ ገንፋን። ታማን ጸጋና፤ አ ቃንካቲካ መኤረታና።

17 ታን። ሀንተና ቶኬዳ ኡባጥ ዎልቃማ መድና ጎዳይ ሀንተ ቦላ ኢታባ አሀናዉ አዎያድ። አያዉ ሳገ። እስራኤልያ አሳቲካ ይሁዳ አሳቲ ባኣላዉ እጻና ጨዋዩደ። ታና ይሎዬድኖ።

**ኤርማሳ ዎጻናዉ ማቀቲዳ ማቁዋ**

18 መድና ጎዳይ ኤንቲንቴ ማቁዋ ታዉ ቆንጭሴዳ ድራው። ታን ኤራድ። ሄ ዎይ ኤንቲንቴ ኢታ ኦሳያዎ እ ታና በሴዳ።

19 ታን ሹካዉ ካለፊደ አፍያ ኡዳ ደርሳ ማራ ማላ ግዳድ። ኤንቲንቴ ታ ቦላ። "አነ ኮን ሞላካ እ አይፍናካ ቆይሴቶ። እ ሰንጎሳይ ሙለካ ሀሳየተና ማላ። አነ ኮን እ ገጸ ደእያዋንቴ ግደጥ ቶቆሊደ ቆይሴቶ" ያጊደ ማቀቲዳዋ ታን ኤራበይከ።

20 ሽን አቤት ኡባጥ ዎልቃማ መድና ጎዳይ። ጽሉዋ ፕርድያዎ። አሳ ዋዛና ካሃ ቆርያዎ። ኔን ኤንቲንቴ ቦላ ነ ሀሉዋ ከሰያዎ ታና በሳ። አያዉ ሳገ። ታን ታ ቆሁዎ ነዉ ማጋናድ።

21 ሄዎ ድራው። "መድና ጎዳ ሰንጎሳን ትዎቢትያ ኦዶጋ፤ ኔን ኦ ኩሸንግ ሀይቃና" ያጊደ። ኔና ዎጻናዉ ኮይያ አናቶታ አሳዉ መድና ጎዳይ ግያዌ ሀዋ።

22 ኡባጥ ዎልቃማ መድና ጎዳይ ሀዋዳን ያጌ፤ "ታን ኤንቲንጋ ሙራና። ኤንቲንቴ ዎዳላቲ ማሻን ሀይቃና፤ ኤንቲንቴ ማጫ ናናቲክ አቲማ ናናቲ ኮሻን ሀይቃና፤

23 ኤንቲንቴጥ አቲክ ደኤና። አያዉ ሳገ። ታን ሙርያ ላይሳ አናቶታ አሳ ቦላ ኢታባ አሀና" ያጌ።

**12**

**ኤርማሳ ኦሻ**

1 እቤት መድና ጎዳይ። ታን ኔናና ሞተትያ ዎይ። ኡባባንካ ኔን ጽሉዋ። ግደጥ። ታን ጽሎ ፕርዳባ ኔናና ሃሳያናዉ ኮሹ። ኢታ አሳቲ ኦሳያዌ ኤንቲንግ አያዉ እንጀቲ? አማነተናዋንቴ አያዉ እሻሊደ ደእኖ?

2 ኔን ኤንቲንጋ ቶክና፤ ጸጸዋ የዴድኖ፤ ድጩደ አይፍና አይፊድኖ። ኤንቲንቴ ኔና ደናጥ የግክና፤ ሽን ኤንቲንቴ ዋዛናጥ ኔን ሃኩዎን ደእሳ።

3 ሽን እቤት መድና ጎዳይ። ኔን ታና ኤራሳ። ታና በኣሳ፤ ታን ነዉ አያ ቆፕንቶ ጋጫሳ። ሹክያ ደርሳቲዎዳን። ኔን ሄ ኢታ አሳቲዋ ጎቻደ ከሳ! ሹካ ጋላሳዉ ኤንቲንጋ ዳማያደ ዎላ!

4 ቢታይ መላናዌን ደምባ ኡባን ደሌዳ ማታይ ሹላናዌ አዉደ ጋካናሴ? ቢታን ደእያ አሳ ኢታተላ ድራው። ደአይን ካፋ ዉሬዳ። ሄዎ ቦላካ አሳቲ። "ጸሳይ ኮን ኦሳያዎ ደመና" ያጊድ።

**ጸሳ ዛሪዋ**

5 ጸሳይ ኤርማሳዉ ሀዋዳን ጊደ ዛሬዳ፤ "ኔን ገድያን ዎጽን አሳቲዋና ዎላ ናስታይ ዳቡርጥ። ጋራና ዋና ናስታይ? ኔን ሳር ቢታን ቆብቶጥ። ዮርዳኖሳ ዎራ ጋርሳን ዋና ሀመታይ?

6 ነ እሻቲ። ሀንተ ሶ አሳቲ ኔና እፊደ እሜድኖ፤ ኤንቲንቴ ነ ቦላ ደንዴድኖ። ሄዎ ድራው። ኤንቲንቴ ነዉ ሎኦባ ሃሳየጥን። ኤንቲንቴን አማነቶጋ።

7 “ታን እስራኤልያ አገድ፤ ታን ታ ደረቲዳ ካወተላ ኦላድ። ታን ታ ሲቅያ አሳ አ ሞርከቱ ኩሽያን አሳደ እማድ።

8 ታ ደረቲዳ አሳይ ታዉ ባዙዋን ጋሙዋ ማላ ግዴዳ። እ ታ ቦላ ጉዴዳ፤ ሄዋ ድራዉ፤ ታን አ እጻድ።

9 ታ ደረቲዳ አሳይ ታዉ ሀራ ጋጨቱ ደዲደ ዲክያ ሻቻ ጋጫቶ ማላ ግዴዳ? ቢተ፤ ደአቱዋ ኡባ ሺሽተ፤ አ ማና ማላ አህተ።

10 “ዳር አላጋ ካተቱ ታ ዋይንያ ቱራ ሳአ ባይዜድና፤ ታ ጋድያ የጴድና፤ ታ ሎኦ ቢታ ባዙ አሌድና።

11 ሄ ቢታይ ባዪደ ኦዴዳ፤ ታ ሰንላን መላነ አይነ ባይናዋ ግዴዳ። ቃረትያዌ ባይና ድራዉ፤ ሙላ ቢታይካ ባዪድ።

12 ባዙዋን አያይነ ባይና ቶቃ ደረቲዋ ኡባ አጲደ፤ ቦንቁያዋንቱ ዬድና፤ አያዉ ሳጥ፤ መጵና ጎዳ ማሻይ ቢታ ሀ ገጸጥ ህን ጋጸ ጋካናዉ ማዴ። ሄዋ ድራዉ፤ ኦንነ ሳር አታናዉ ዳንዳየና።

13 ኡንቱንቱ ዘርጋ ዘሪደ፤ አጉንላ ጫኬድና። ኡንቱንቱ ዳር ዳቡራድና፤ ሽን አይነ ዎጵሰቢይክና። መጵና ጎዳ ሀንቁዋ ቦሻን ጋሱዋን ኡንቱንቱ ካሳይ ቆዬዳ” ያጌዳ።

14 መጵና ጎዳይ ሀዋዳን ያጌ፤ “ታን ታ አሳቶ እስራኤላቶ እሜዳ ቢታ ኦይቄዳ፤ ታ ኢታ ሾር ካወተላቱዋ ግደጥ፤ ታን ኡንቱንታ ኡንቱንቱ ቢታጥ ቶቆላና። ቃይ ይሁዳ አሳቱዋካ ኡንቱንቱ ግደጥ አሻና።

15 ሽን ኡንቱንቱ ቢታጥ ቶቆሌዳዋጥ ጉይያን፤ ዘረላደ ታን ኡንቱንቶ ቃረታና፤ ታን ኡንቱንቱ ሁጲያን ሁጲያን ኡንቱንቱ ላታ ጋድያ፤ ኡንቱንቱ ካወተላ ቢታ ዛራደ አህና።

16 ካሰ ታ አሳ ባአላ ሱንላን ጫቃናዳን ታማርሴዳዋዳን፤ ኡንቱንቱ ታ አሳ ኦግያ ሎሌል ታማርጥን ታ ሱንላን፤ ‘መጵና ጎዳይ ኤር!’ ያጌደ ጫቆጥ፤ ኡንቱንቱ ታ አሳ ግደን ሞኒደ ደአና።

17 ሽን አይ ካወተላይነ አዛዘተናን እጸጥ፤ ታን አ ኡባና ቶቆላደ ቆይሳና። ታን መጵና ጎዳይ ሀዋ ኦዳድ” ያጌ።

### 13

#### ሊኦዋ ዳንጨዋ

1 መጵና ጎዳይ ታና፤ “ባ፤ ባደ ላይኦዋ ግያ ቃጭናጥ ዳይቲዳ ዳንጨዋ ሻማደ፤ ነ ጼሳን ዳንጫ፤ ሽን ሃላን ቦሽሰጥ” ያጌዳ።

2 ሄዋ ድራዉ፤ ታን መጵና ጎዳይ አዛዜዳዋዳን ዳንጨዋ ሻማደ፤ ታ ጼሳን ዳንጫድ።

3 መጵና ጎዳ ቃላይ ላኢንላ ታኮ ዬዳ፤ ዪደ፤

4 “ኔን ሻሚዳ ዳንጨዋ፤ ነ ጼሳን ኔን ዳንጨዳዋ አካደ፤ ኤፍራጺሳ ሻፋ አፋ። ሹቻ ጎንጎሉዋን ቆሳ” ያጌዳ።

5 ታን መጵና ጎዳይ ታዉ ኦዴዳዋዳን አፋደ፤ ኤፍራጺሳ ሻፋ ማታን ቆሳድ።

6 ዳር ጋላሳጥ ጉይያን መጵና ጎዳይ፤ “ደንዳ፤ ኤፍራጺሳ ሻፋ ባደ፤ ታን ኔና፤ ‘ያን ቆሳ’ ጌዳ ዳንጨዋ አካ” ያጌዳ።

7 ታን ኤፍራጺሳ ሻፋ ባደ፤ ቦካደ፤ ዳንጨዋ ታ ቆሴዳሳጥ ከሳደ አካድ። ሽን ሄ ዳንጨ፤ ሀአ ባዪደ፤ ኡባና አይነ ጎኤናባ ግዴዳ።

8 ሄዋጥ ጉይያን፤ መጵና ጎዳ ቃላይ ታኮ ዬዳ፤

9 “መጵና ጎዳይ ሀዋዳን ያጌ፤ ‘ታን ሄዋዳን ይሁዳ አሳ አዩዋን የሩሳላመ ዋልቃዎ ኦቶሩዋ ጊሻና።

10 ታ ቃላ ሰሰናን እጸደ፤ ባረንቱ ዎዛና ሙመተላ ካሊደ፤ ሀራ ጸሳቶ ኦላናዉነ ጎይናናዉ ብያ ሀ ኢታ አሳቱ፤ ሀ ዳንጨዋዳን ሙላካ ጎኤናባ ግዳናዋ።

11 ዳንጨ፤ አሳ ጼሳ ባቂ ኦይቄያዋዳን፤ ይሁዳ አሳይ ኡባይነ እስራኤልያ አሳይ ኡባይ ታ አሳ ግደና ማላነ ታ ሱንላዉ ጋላታን ቦንቾ ግደና ማላ፤ ኡንቱንቱ ታና ባቂ ኦይቃናዳን ኦላድ። ሽን ኡንቱንቱ ሰሰናን አጼድና” ያጌ መጵና ጎዳይ” ያጌዳ።

#### ዋይንያ ኤሳ ጸጋ

12 ቃይካ እ፤ “ኤርማሳ፤ አሳዉ ሀዋዳን ያጋ፤ መጵና ጎዳይ እስራኤልያ ጸሳይ፤ ‘እት እት ጸጋን ዋይንያ ኤሳይ ኩማና’ ያጌዳ ያጋ። ኡንቱንቱ ኔና፤ ‘ዋን ኦን እት እት ጸጋን ዋይንያ ኤሳይ ኩማናዋ ኤርኩየ?’ ያጎጥ።

13 ኔን ኡንቱንቶ ያጋደ ኦዳ፤ መጵና ጎዳይ ያጌ፤ ‘ታን ሀ ቢታን ደእያ አሳ ኡባ፤ ሀራይ ኦቶ ዳዊታ ካተቱዋ አራታን ኡቶያ ካተቱዋ፤ ቁሳቱ ዋ፤ ትሞቢቶያ ኦድያዋን ታን የሩሳላመን ደእያ አሳ ኡባ፤ ኡንቱንቱ ማስታና ጋካናዉ፤ ዋይንያ ኤሳን ኩንላና።

14 ታን ኡንቱንታ፤ አሳ አሳና፤ አዉዋ ናአና ደሞእሳና። ታን ኡንቱንታ ቆይሳናጥ አትና፤ ኡንቱንቶ ኬክከ፤ ቃረትከነ ማርከን ያጌ መጵና ጎዳይ ያጋ” ያጌዳ።

አሞዲዋባ

15 ሰለተን ሀይዘተ፤ እግተ ኦቶረቶፕተ። እያው ጎጥ፣ ሀዋ መድና ጎዳይ ኦዴዳ።

16 መድና ጎዳይ ሀንተ ጸሳይ ጳሞሳናፕ ካሰቲደ፣ ሀንተ ገዳካ ጳሞያ ደርያን ጳብታናፕ ካሰቲደ፣ አ ቦንቶተ። ሀንተ፣ “ፖኤ ያና” ጊደ ናጊታ፤ ሸን አ ድጵ ጎ ጳማው ላማና።

17 ሸን ሀንተ ሰሰናን እጸጥ፣ ሀንተ ኦቶረቶ ድራው፣ ታን ገማን ዬካይ። መድና ጎዳ ዉዲ አሞድቲደ ብ ክቼዳ ድራው፣ ታን ዬካይ፤ ታ እይፊካ አርላ ሆልሳዬ።

18 ጸሳይ ታና፣ “ካትያውን ካትያ እትው፣ ካታትው ሀዋዳን ያጋደ ኦዴ፤ ሀንተ ቦንቾ አሌቆ ካላቻይ ሀንተ ሁጺያፕ ኩንዴዳ ድራው፣ ሀንተ ካተቱዋ አራታፕ ዲገ ዎቲተ።

19 ኔገባ ቢታን ደእያ ካታማቱ አባይ ጎርደት ክቼድና። ኡንቱንቱ ዶያናው እት አሳይካ ያን ባዋ። ይሁዳ አሳይ ኡባና ቡቲደ ብ ክቼዳ’ ያጋ” ያጌዳ።

20 ቃይካ ጸሳይ፣ “አነ ቆቁ ጋደ፣ ሁጺሳ ባጋፕ ይያዋንታ ጸላ። ነው እመቲዳ ዉዲ፣ ኔን ጨቀቲዳ ደርሳቱ ሀቃን ደእና?

21 ኔን ነው ላገ ግዳና ማላ፣ ኮዬዳዋንቱ ኔና ጸኒደ ሞድያ ዎደ ዋጋይ? የሉዋ ኦይሳይ ኔና ኦይቀኒ?

22 ኔና የሩሳላመ፣ ነ ዎዛናን፣ ሳሀቱ ኡባይ ታ ቦላ እያው ጋኬዴ? ጎጥ፣ ነ ማዩ ቃረቲዳዋን አሳይ ኔና ቦንቁዳዋን ነ ናጋራይ ዳሬዳ ድራሳ።

23 ቱሙ ቶጵያ አሳይ ባረ ቦላ ማላ፣ ዎይ ማሃ ባረ ሻቻተላ ላማናው ዳንዳዪ? ዳንዳየና! ሄዋዳንካ፣ ኢታ ኦሱዋ ኦሳ ሜዘቲዳዋንቱ ሀንተ፣ ሎኦ ኦሱዋ ኦሳናው ሙላካ ዳንዳይክታ” ያጌዳ።

24 መድና ጎዳይ ሀዋዳን ያጌ፤ “ታን ሀንተና ባዘ ጫርኩ አፍያ ሱላዳን ላላና።

25 “ሀንተ ሳማይ፣ ታን ሀንተው እምያ ግሹ ሀዋ። ሀንተ ታና ድጌዳ ድራውን ዎርዶ ጸሳቱዋን አማንቲዳ ድራሳ።

26 ሀንተ ካሉ ቤታና ማላ፣ ታን ሀንተ ቦላፕ ማዩዋ ቃራ የጋና።

27 ኔን ዎሹምያዎ፣ ኔን ዎታራ ፓራዳን፣ ዚታው ጫግያዋን ነ ዬላይ ባይና ሻርሙጸተላ፣ ኔን ደርያንን ደምባን ኦሳያ ሸንይያ ኦሱዋ ታን ቦእድ። የሩሳላመ፣ ነው እየ! ኔን አወደ ጋካናው ጌየናን ደእይ?” ያጌ።

14

ኮሻባ

1 ኮሻባ መድና ጎዳይ ኤርማሳው ኦዴዳ ቃላይ ሀዋ፤

2 “ደሁዳ ቢታይ ካዮቲ፤ አ ካታማቱ ላባኒኖ። አን ደእያ አሳቱ ቢታን ኡቲደ ዬኪኖ፤ የሩሳላመ አሳይ ዋሱዋ ጸልሴ።

3 ዱረ አሳቱ ሃላ ትካናው ባረንቱ ቆማቱዋ ከቲኖ። ኡንቱንቱ ሃላ ኦላ ቢኖ፤ ሸን ሃላ ደምክኖ። ባረንቱ ኦቱዋ መላ ቶክ አኪደ ሰሚኖ። ሀንያዎ ጳይ ዬላቲደ፣ ባረንቱ ሁጺያ ጉለቲኖ።

4 አራይ ቡከና ድራው፣ ቢታይ መሊደ ዛኤ። ጎሻንቻቱ ዬላቲደ፣ ባረንቱ ሁጺያ ጉለቲኖ።

5 ማታይ ባይና ድራው፣ ደጋታ ባረ የሌዳ ጋሎ ማራቶ ደምባን ኦላደ ባው።

6 ዎራ ሀረቱ እያይን ባይና ቆቃ ደረቱዋን ኤቁደ፣ ዎራካናቱዋዳን ያረቲኖ። ኡንቱንቶ ምያባይ ጳይና፣ ኡንቱንቱ እይፊ ጸላናው ዳቡራዳ” ያጌዳ።

7 አሳይ ሀዋዳን ያጌደ ዎሴዳ፤ “አቤት መድና ጎዳው፣ ኑ ናጋራይ ኑ ቦላን ማርካቶፕን፣ ነ ሱንላ ድራው፣ ኑው እትባ ኦላ። ኑን ኔፕ ዳር ገደ ጉየ ሰሚዳ፤ ነ ቦላን ናጋራ ኦሌድ።

8 አቤት እሰራኤሊ ናግያ ናሽቻው፣ መቱዋ ዎድያን አ አሽያዎ፣ ኔን ቢታን እማላዳን፣ እት ቃማ አቃናው ገሌዳ ኦግያ አሳዳን እያው ሀረይ?

9 ኔን ዳጋሜዳ አሳዳን፣ አሻናው ዳንዳየና ሞና አሳዳን እያው ሀረይ? አቤት መድና ጎዳው፣ ኔን ኑ ግዳዋን ደእሳ! ኑን ነ ሱንላን ጸሰቲዳ፤ ኑና ኔን አጎፕ!” ያጌዳ።

10 ሀ አሳቱዋባ መድና ጎዳይ ሀዋዳን ያጌ፤ “ኡንቱንቱ ቶይላካትያዋ ሎይሳ ሲቁኖ፤ ባረንቱ ገድያ ተአክኖ። ሄዋ ድራው፣ መድና ጎዳይ ኡንቱንቱን ናሽተና። አ ኡንቱንታ ኢታ ኦሱዋ ሀሳዪደ፣ ኡንቱንቱ ናጋራ ድራው፣ ኡንቱንታ ሙራና” ያጌ።

11 ሄዋፕ ጉይያን፣ መድና ጎዳይ ታና፤ “ሀ አሳቱዋ ሳረተላው ታና ዎሶፕ።

12 ኡንቱንቱ ጸዋፕካ፣ ታን ኡንቱንቱ ዋሱዋ ሰሰከ። ጸግያ ያርሹዋን ካላ ያርሹዋ ኡንቱንቱ ያርሹፕካ፣ ታን ኡንቱንቱ ያርሹዋ አክከ። ታን ኡንቱንቱ ኦላን፣ ኮሻንን ኢታ ሀርግያን ጳይሳና” ያጌዳ።

13 ታን ሀዋዳን ያጋድ፤ “አቤት ኡባ ሞድያ መድና ጎዳው፣ ትምቢትያ ኦድያዋንቱ ኡንቱንቶ፣ ሀንተ ኦላ ቦእክታ ዎይ ኮሻይ ሀንተና ኦይቀና። ታን ሀንተው ሀ ቢታን ፓጨና ሳረተላ እማና ያጌ ያጌኖ” ያጋድ።

14 መድና ጎዳይ ታወ ሀዋዳን ያጌዳ፤ “ትምቢትያ ኦድያዋንቱ ታ ሱንሳን ዋርዲዋ ኦዲና። ታን ኡንቱንታ ኪታበይከ። ዋይ አዛዛበይከ። ዋይ ኡንቱንቶ ኦዳበይከ። ኡንቱንቱ ህንተወ ትምቢትያ ጊደ ኦድያዋ ዋርዲዋ ሳጸ። ፓርባ ካዩዋን ቆፕ አኪደ ኦድያ ዋርዲዋ።

15 ሂዋ ድሬወ። ታ ሱንሳን ትምቢትያ ኦድያዋንቱባ ግደ። ታን ኡንቱንታ ኪታበይከ። ሽን ኡንቱንቱ። ሓላይ ዋይ ኮሻይ ሀ ቢታ ቦቹና። ያጌና። ሄ ትምቢትያ ኦድያዋንቱ ባረንቱ ሁጲያወ አላንነ ኮሻን ጳያና ያጌ መድና ጎዳይ!

16 ቃይ ኡንቱንቱ ትምቢትያ ኦድያ አሳይ ኮሻነ ኦላ ጋሱዋን ሀይቃና፤ ኡንቱንቱ አሃይ ካረን የሩሳላመ ኦግን አላታና። ኡንቱንቱ ዋይ ኡንቱንቱ ማጫ አሳ። ኡንቱንቱ አቱማ ናናቱዋ ዋይ ኡንቱንቱ ማጫ ናናቱዋ ዋግያዋ ጳያና። ታን ኡንቱንቶ በሰያ ዋይያ ኡንቱንቱ ቦላ ትጋና” ያጌዳ።

17 ታ ካዩዋባ ታን አሳወ ሀዋዳን ያጋደ ኦዳና ማላ። ጳሳይ ታና አዛዛይ፤ “ ታ አሳይ ዳሮ ደሸቲደ። ሎይላ ማዲንጶዳ ድራወ። ታ አይፈቱ ቃማን ጋሳሰ ሽምፕናን አሮጵና።

18 ታን ደምባ ቦፕ። ማሻን ሲፈቱዳዋንታ በአይ። ካታማ ገሎፕ። ቃይ ኮሻን ግልቁዳዋንታ በአይ። ትምቢትያ ኦድያዋንቱን ቁሳቱ። “ኑን ፓጭ ባይናን ኦሌቶ” ጊና፤ ሽን ኡንቱንቱ ባረንቱ አሳያዋ ኤርከና። ያጌ” ያጌዳ።

**አሳይ ጸሳ ዋሴዳ**

19 አቤት ጸሳወ። ኔን ይሁዳ ሙላ አጋዲ? ጽዮን አሳ አጸዳ? ኔን ኑና ፓጸናዳን ኦላይ አያወ ደቻዲ? “ሳሮ ግዳናዋ” ጊደ ናጌደ፤ ሽን አያይነ ሎኦባይ ኑወ ጋክቤና። “ፓጸና ዋዲ ያና” ጊደ ናጌደ፤ ሽን ዳጋማ ጸላላይ ዬዳ።

20 አቤት መድና ጎዳወ። ኑን ኑ ኢታተላ ኤራደ፤ ኑ አዋቱዋ ባይዙዋካ አኬኬይ፤ ኑን ቱሙዋፕ ጎ ቦላ ናጋራ ኦሌደ።

21 ኑና ጎ ሱንሳ ድራወ ካታፓ፤ ጎ ቦንቾ አራታይ ደአያ የሩሳላመ ካወሸ። ኔን ኑናና ጫቀቲዳ ጫቁዋ ሀሳያ፤ ጎ ጫቁዋ ካንሰፓ።

22 ዋን ካወተላቱዋ ኤቃቱዋፕ እቱ እራ ቡክሳናወ ዳንዳዴ? ሳሉ ባረ ሽንያን ፑሰያ ዲገ ኪታናወ ዳንዳዴ? ዳንዳየና! አቤት መድና ጎዳወ። ኑ ጸሳወ። ሂዋ ዳንዳይያዋ ኔና! ሀዋ ኡባ አሳያዋ ኔና ግድያ ድራወ። ኑን ኔናን ናሽቻ ኦሌቶ።

**15**

**ይሁዳ አሳ ቦላ ጋክያ ፕርዳ**

1 ሂዋፕ ጉይያን። መድና ጎዳይ ታወ ሀዋዳን ያጌዳ፤ “ሀራይ አቶ ሙሴነ ሳሚል ታ ሰንሳን ኤቁንቶ፤ ታ ዋዛናይ ሀ አሳቱዋኮ ሰመና። ኡንቱንታ ታ ሰንሳፕ ድጋ፤ ኡንቱንቱ ቢና።

2 ቃይ ኡንቱንቱ ኔና። ሓን ሀቃ ባኔን? ጊደ ኡቾፕ። መድና ጎዳይ ሀዋዳን ያጌ ጋደ ኡንቱንቶ ኦዳ፤ ህይቆ ፕርደቲዳዋንቱ። ሀይቆ ቢና። ማሻወ ፕርደቲዳዋንቱ። ማሻወ ቢና። ኮሻወ ፕርደቲዳዋንቱ። ኮሻወ ቢና። አዋደታናወ ፕርደቲዳዋንቱ። አዋደ ቢና” ያጌ” ያጌዳ።

3 መድና ጎዳይ ሀዋዳን ያጌ፤ “ታን አይዱ ቆዋ ባየላ ኡንቱንቱ ቦላ አሀና፤ ሂዋንቱ፤ ኡንቱንታ ዋጳናወ ማሻ፤ ኡንቱንቱ አሃ ጎቻናወ ካናቱዋ። ኡንቱንቱ አሸዋ ሚደ ጳይሳናወ ሳሉዋ ካፎቱዋን ሳኢ ደአቱዋ።

4 ህዘቂያሳ ናአይ። ይሁዳ ካቲ ምናሰ የሩሳላመን ኦሌዳ ፓላ ድራወ። ታን ኡንቱንታ ሳኢ ካወተላ ኡባወ ዳጋማ ኦላና።

5 “የሩሳላመ አሳቶ። ህንተወ ኦኔ ቃረታናዋ? ህንተወ ካየታናዋ ኦኔ? ‘ህንተ አይ ማሌ?’ ጊደ ህንተና ኡቻናወ ኤቃናዋ ኦኔ?” ያጌ።

6 መድና ጎዳይ ሀዋዳን ያጌ፤ “ህንተ ታና አጌድታ፤ ሀኢ ሀኢካ ህንተ ጉየ ሰሚድታ። ሂዋ ድራወ። ታን ህንተ ቦላ ታ ኩሽያ የዳደ ህንተና ጳይሳድ፤ ታን ህንተወ ቃረታይ ዳቡራድ።

7 ታን ኡንቱንታ ሂ ቢታ ካታማቱዋ ፕንግያን ላይዳ አካደ ሰጸድ። ኡንቱንቱ ናናቱዋካ ዋጳ ወርሳድ፤ ታን ታ አሳ ጳይሳድ። አያወ ጎፕ። ኡንቱንቱ ባረንቱ ኢታ ኡግፕ ሰመናን አጼድና።

8 ታን ኡንቱንቱ አምኤቱዋ ፓይዲዋ አባ ሻፍያፕካ ዳርሳድ። ታን ጋላሳ ሴታን ኡንቱንቱ ዋዳላቱዋ ዋድ ጳይሰያዋንታ ኡንቱንቱ አየቱዋ ቦላ አሃድ። ቆፕናን ደአሸና። ምሹዋን ዳጋማ ታን ኡንቱንቱ ቦላ ዲገ የደድ።

9 ላፑን ናናቱ ሀይቁዳ አታ ሽምፑዋ ላባናዲ። አዘወ ጋላሳይ ቃሚዳ፤ አ ካወሻዲን ዬላታዲ። ብሮ ፓጸ ደአያዋንታካ ታን ኡንቱንቱ ዋርከቱዋ ሰንሳን ማሻን ሲፍሳድ። ታን መድና ጎዳይ ሀዋ ኦዳድ” ያጌ።

**ኤርማሰ ባረ መቱዋ ማጋኔዳ**

- 10 ታወ አየ ታ አቲ! ታና የለናን አጋርኪሻ! ታን ቢታ ኡባን ደእያ አሳና ሞላቀትያን ባጸትያ አሳ ግዳድ። ታን ኦሰነ ታልአበይከ። ሞይ ኦፐነ ታልአይ አካበይከ፤ ግድፐነ። አሳይ ኡባይ ታና ሸቄ።
- 11 መድና ጎዳይ ሀዋዳን ያጌዳ፤ “ቴሙፕ ታን ኔና ሎኦባወ አሻ አካና። ቴሙፕ ነ ሞርከቱ ሙቱዋ ሞደነ ሞይያ ሞደ ነወ ሞትዋታናዳን። ታን ኦላና።
- 12 “ሞን አሳይ ብራታ። ሁጲሳ ባጋና ይያ ብራታ ሞይ ናሰያ መንገጻናወ ዳንዳዳ?
- 13 ቢታ ኡባን ህንተ ኦሌዳ ናጋራ ድራወ። ታን ህንተ አቁዋ ፔሻ። ጮ ቦንቁያዋንቶ እማና።
- 14 ታን ህንተና ህንተ ኤረና ቢታን ህንተ ሞርከቶ አይለያና፤ አያወ ጎፕ። ታ ህንቁ ሞያ ታማ ግዳድ። መድናወ ኤጻና” ያጌዳ።
- 15 አቤት መድና ጎዳወ። ኔን ኤራሳ። ታና ሀሳያደ ማዳ፤ ታና የደርሰያዋንቱ ቦላ ታ ሀሌዋ ከሳ። ኔን ኤንቱንቶ ዳንዳያደ። ታና ሞራ የጎፓ። ታን ነ ድራወ ሸቀትያዋ ቆፓ።
- 16 አቤት መድና ጎዳወ። ኡባ ዳንዳይያ ጸሳወ። ታን ነ ሱንሳን ጸሴቲዳ ድራወ። ነ ቃላይ ታኩ ዪና ማድ። ታና ፓሽክሴዳነ ታ ሞዛና ናሽቼዳ።
- 17 ጮ ፖጩምያዋንቱ ጨቴዎን ኤታበይከ፤ ኤንቱንቱና ናሽታበይከ። ኔን ነ ኩሽያ ታ ቦላ ሞሌዳ ድራወነ ታወ ይሎቲደ ድራወ። ታን ታረካ ዲማ ኤታድ።
- 18 ሳኩ ታፕ ዱጻናን እጽያዌነ ታ ማዳዳይ ፓጻናን እጽያዌ አያሲ? ኔን ታወ መልያ ሻፋዳን። ቶእያ ፑልቱዋዳን። ሀናና ሀናይይ?
- 19 ሃዋ ድራወ። መድና ጎዳይ ሀዋዳን ያጌ፤ “ኔን ታኩ ሰሞፕ። ታን ዛራደ ኔና አካና፤ ኔን ታወ ኦላና። ሀዳ የወዋ አጋደ። ቦንቶ ቃላ ጸላላ ኦደፕ። ኔን ታ ዶና ግዳናሳ። ሀዋንቱ አሳቱ ኔኩ ሰማና፤ ሽን ኔን ኤንቱንቱኩ ሰማካ።
- 20 ታን ኔና ሀ አሳወ ናሰያ ግያ ብራታና ግምቦቲዳ ግምቦሲያ ኦላና። ኤንቱንቱ ኔናና ኦለታና፤ ሽን ኔና ጸንከና። አያወ ጎፕ። ታን መድና ጎዳይ ኔና አሻናወነ ሞላ አካናወ ኔናና ደአይ።
- 21 ኤታቱዋ ኩሽያፕ ታን ኔና አሻና፤ ቃረት ባይናዋንቱፕ ታን ኔና ሞዛና” ያጌ።

# 16

## ጸሳይ ኤርማሳ አዛዜዳዋ

- 1 መድና ጎዳ ቃላይ። ሀዋዳን ያጌደ። ታኩ ዬዳ፤
- 2 “ኔን ማቻቶ አኩፓ፤ ማጫዋ አቲማዋካ ሀ ሳአን የሎፓ።
- 3 ሀ ሳአን የለቲዳ ማጫ ናናቲነ አቲማ ናናቲ። ኤንቱንታ የሌዳ አየቲነ አዋቱ ትምቦትያ ታን መድና ጎዳይ ነወ ሀዋ ኦዳይ።
- 4 ኤንቱንቱ ኤታ ሀርግያን ሀይቃና፤ ኤንቱንቶ ዬከተና። ሞይ ኤንቱንቱ ሞገትክና፤ ኤንቱንቱ አሃይ ቢታ ቦላን ፕቱዋ ማላ ግዳናዋ። ኤንቱንቱ ማሻን ኩሻን ወራና፤ ኤንቱንቱ አሽ፣ ሳሌዋ ካፎቶን ሳአ ደአቶ ቁማ ግዳናዋ” ያጌዳ።
- 5 መድና ጎዳይ ታወ ሀዋዳን ያጌዳ፤ “ዬኩ ጎልያ ገሎፓ፤ ዬካናወ ሞይ ቃረታናወ ቦፓ። አያወ ጎፕ። ታን መድና ጎዳይ ሀ አሳ ቦላፕ ታ ሳርተላ። አገና ታ ሲቁዋነ ታ ማርታ ድጋ ክቻድ።
- 6 ሞጋቲካ ጉላቲካ ሀ ቢታን ሀይቃና፤ ኤንቱንቱ ሞገትክና። አይ አሳይነ ኤንቱንቶ ዬከና፤ አይ አሳይነ ኤንቱንቶ ጎምኦረና ሞይ ሁጲያ ሜድሲደ ካዮተና።
- 7 ዬክያ አሳወ ሃላ ኡሻወ አፊደ። ቁማ አናና አትፕ ሚድነ ኡሽደ። ካዩዋ ባለሰያዌ አቲነ ደኤና። ሀራይ አቶ አታ ሞይ አወ ሀይቁዳ ኡራካ ባለሰያባይ ባዋ።
- 8 “ሞገብራይ ደእያ ጎልያካ ገሎፓ፤ ማናወነ ኡሻናወ ኤንቱንቱና አትፕ ኡቶፓ።
- 9 ኡባፕ ሞልቃማ መድና ጎዳይ። እስራኤልያ ጸሳይ ሀዋ ኦዳይ። በአ። ታን ናሽቻነ አልልሳ ኩሻ። ማቻቶ ቡላቶያዋነ ቡላቶትያን ኩሻ ሀ ሳአፕ ድጋ። ሃዋ አሳይ ባረ ላይላን ባረ አይፍያን በአና።
- 10 “ኔን ሀ ቃላ ኡባ ሀ አሳወ ኦድያ ሞይ። ኤንቱንቱ ኔና። መድና ጎዳይ አያወ ሀዋ ማላ ሞልቃማ ኤታባ ኑ ቦላ አዋዬዳ? ኔን አያ ባይዜደ? መድና ጎዳወ። ኑ ጸሳወ። ‘ኑን ኦሌዳ ናጋራይ አይ?’ ያጋና።
- 11 ሄ ሞደ ኔን ኤንቱንቶ ያጋ፤ ‘ “ታን መድና ጎዳይ ሀዋ ኦሌዳዌ ካሰ ህንተ አዋቱ ታና ኤኔዳ ድራሳ። ኤንቱንቱ ሀራ ጸሳቱዋ ካሌዳ ድራሳ። ኤንቱንቶ ኦሌዳነ ጎይኔዳ ድራሳ። ታና ኤኔዳነ ታ ሀግያ ናገናን እጹዳ ድራሳ።
- 12 ህንተ ካሰ ህንተ አዋቱዋፕካ አቲ አቲዳ ድራሳ። በአተ። ህንተ ሁጲያን ሁጲያን ህንተ ኤታ ሞዛና ሙመተላ ካሊድታ፤ ታወ አዛዘተናን እጹድታ።
- 13 ሃዋ ድራወ። ታን ህንተና ሀ ቢታፕ ደንሳዳ። ህንተ ሞይ ህንተ አዋቱ ኤረና ቢታ ኦላና። ያን ህንተ ሀራ ጸሳቶ ጋላሰነ ቃማ ሀጋዛና። ሙላካ ህንተወ ቃረትከ” ያጌ፣ ያጋ” ያጌዳ።

## ጸሳይ እስራኤላቱዋ ዛሬደ አሀር

14 መድና ጎዳይ ሀዋዳን ያጌ፤ “ ጸሐፊው ለሰው ግብጽ ቢታገዝ ከሴዳ መድና ጎዳይ ኤሮ’ ያጊደ ጫቀና ዋዲ ያና።

15 ‘እስራኤልያ አሳ ሁጺሳ ገጋ ቢታገዝ ኢንቲንታ እ ላሌዳ ቢታቱዋ ኡባጥ ዛሪደ እሄዳ መድና ጎዳይ ኤሮ’ ያጊደ ጫቀና። እያዉ ጎጥ፣ ታን ኢንቲንቱ ካሰ ኢንቲንቱ አዋቶ እሚዳ ቡዞ ቢታ ዛራደ አሀና” ያጌ።

**ይያ ሙሩዋ**

16 መድና ጎዳይ ሀዋዳን ያጌ፤ “በእተ፣ ታን ሞልያ ኦይቂያ ዳር አሳቶ ከታይ፤ ኢንቲንቱ ኢንቲንታ ኦይቂያ። ሄዋጥ ጉይያን፣ ታን ዳር ሻንካንቻቶ ከታና፤ ሻንካንቻቱ ደርያ ኡባጥ፣ ዞዞያ ኡባጥን ሹቻ ኮፖቱዋጥ ኢንቲንታ ሻንካቲደ ከሳና።

17 እያዉ ጎጥ፣ ታን ኢንቲንቱ ኦግያ ኡባ በእይ። ኢንቲንቱ ታጥ ቆሰትበይክና፤ ኢንቲንቱ ናጋራይካ ታ አይፍያጥ ጌምቤና።

18 ታን ኢንቲንቱ ኢታተላን ኢንቲንቱ ናጋራ ድራዉ ኢንቲንቶ ላኡ ኩሽያ ዛራና። እያዉ ጎጥ፣ ኢንቲንቱ ባረንቱ እጸቱዳ ኤቃቱዋን፣ ሄ እሃ ማላትያዋንቱን ታ ቢታ ቱንሴድናን ባረንቱ ሸንይያ ሞሰለቱዋን ታ ላታ ኩንሴድና” ያጌ።

**ኤርማሳ ዋሳ**

19 እቤት መድና ጎዳዉ፣ ታ ዋልቃዉ፣ ታ ዋልቃማ ማጸዉ፣ መቱዋ ጋላሳን ታን ባቃታ አትያ ሳአዉ፣ ካዉተሳቱ ሳኣ ጋጸጥ ኔገ ያና። ዪደ ሀዋዳን ያጋና፤ “ኑ አዋቱ ፓ□ናን ማደና ዋርዶ ጸሳቱዋ ጸላላ ላቱድና።

20 ዋን አሳይ ባረዉ ጸሳቱዋ መቆናዉ ዳንዳይዮ? ዳንዳየና! እ መድንቶካ ኢንቲንቱ ቱሙ ጸሳቱዋ ግድክና!” ያጋና።

21 ጸሳይ ሀዋዳን ያጌ፤ “ሄዋ ድራዉ፣ ታን ኢንቲንታ ኤርሳና። እት ገደነ ታ ዋልቃነ ታ ሞናተላ ኢንቲንታ ኤርሳና፤ ያቶጥ ኢንቲንቱ ታ ሱንሳይ መድና ጎዳ ግድያዋ ኡራና” ያጌ።

**17**

**ይሁዳ ናጋራን ሙሩዋ**

1 ጸሳይ ሀዋዳን ያጌ፤ “ይሁዳ ናጋራይ ብራታ ቢርያን ጸፈቲዳ፤ ኢንቲንቱ ዋዛና ቦላን ኢንቲንቱ ያርሽያሳን ደእያ ካጭያ ቦላ አልማዞያ ግያ ሹቻ ጸራን ቃጩቲደ ጸፈቲዳ።

2 ኢንቲንቱ ናናቱ እርጸ ሞላ ኡባ ጋርሳን፣ ቋቃ ዘዘቱዋ ቦላን ቢታን ደእያ ደረቱዋ ቦላን፣ ጊግሴዳ ያርሽያ ሳአቱዋን አሽሮ ግያ ጸሳትዉ ኤሴዳ ሞሰልያዉ ጎይኒና።

3 ሀንተ ቢታ ኡባ ቦላን ኦሌዳ ናጋራ እጮ ጭጋ ኦላደ፣ ሀንተ ሚሻን ሀንተ አቆቱዋ ኡባ ታን ሀንተ ሞርከቶ እማና።

4 ታን ሀንተና ላትሴዳ ቢታጥ ሀንተ ባና፤ ታን ሀንተና ሀንተ ኤረና ቢታን ሀንተ ሞርከቶ አይለያና። እያዉ ጎጥ፣ ሀንተ ታ ሀንቁዋ ኦይሰሌድታ፤ እ መድናዉ ኤጻና” ያጌ።

**ዴማ ዲማ ሌምሳቱዋ**

5 መድና ጎዳይ ሀዋዳን ያጌ፤ “አሳን፣ ሀይቂያ አሳ ዋልቃን አማነትያዌነ ባረ ዋዛና መድና ጎዳጥ ዋራ ዛርያዌ ሸቀቲዳዋ።

6 ሄ አሳይ ባዙዋን ደሌዳ ሱፓ ሞላ ማላ። ከካባይ ይያ ዋደ በኤና። እ ባዙዋን፣ መላ ሳአን፣ አሳይ ደኤና ማጽነ ቢታን ደአና።

7 “መድና ጎዳን አማነትያ አሳይ፣ እ አማነትያዌ ጸሳ ግድያ አሳይ እንጀቲዳዋ።

8 እ ሃላ ማጋን ቶክቲደ፣ ባረ ጸጸዋ ጎግያ ሃላዉ የዴዳ ሞላ ማላ። አዋ ሱሎካ እ ያየና። እያዉ ጎጥ፣ ሄ ሞላ ሀይሳይ እርጸ እርጸሽን ደኤ። አራይ ቡከና ላይላንካ ሀርገና፤ አይፍያ አይፍያዋካ ቃንጸና።

9 “አሳ ዋዛናይ ኡባገጥ አቲ ጭምያዋን ሎይላ ኢታ። እ ኦን ኤራናዉ ዳንዳይዮ?

10 መድና ጎዳይ አሳዉ ኡባዉ እ ኦግያዳንን እ ኦሱዋዳን ዛራናዉ፣ አሳ ዋዛና ብዳይነ እ ካሃ ፓጫይ” ያጌ።

11 ጸላና ኦግያና ዱረትያ አሳይ ባረዋ ግደና ቁቁልያ ቆጽያ እካት ማላ። እ ባረ ላይላ ብር ባጋዪደ፣ እ አጊደ ቆያና፤ ዉርሰላን እ ቦዛ ግዳናዋ።

12 ኑ ጌሻ ጎሊ ኮይሮጥ ደሚደ፣ ቦንቾ ካተቱዋ አራታዳን፣ ቋቃ ደርያ ሁጺያን ቤቱ።

13 እቤት መድና ጎዳዉ፣ እስራኤሊ ሀድታን ናግያዋ፣ ኔና እኤዳ ኡባቱ ዬላታና። ኔና አጊደ ዋራ ብያዋንቱ፣ ኔና መድና ጎዳ፣ ደኤዋ ሃላ ፑልቱዋ እኤዳ ድራዉ፣ ኢንቲንቱ ባና ቦላ ጸፈታና።

**ኤርማሳ ዋሳ**



14 እቤት መድና ጎዳ። ታና ፓላ፤ ታን ፓዳና። ታና እሻ፤ ታን አታና። እያወ ጎፕ። ኔን ታን ጋላትያዋ።

15 አሳቱ ታና። “መድና ጎዳይ ኑና ናሴዳ ናሲ ሀቃን ደእ? እነ ፖሎ!” ያጊኖ።

16 ሄንሳንቻ ግዳይ ነወ አልያዋ አጋበይከ፤ ኡንቱንቱ መቶታና ጋላሳ ታን አሞታበይከ። ታ ዶናፕ ከሴዳ ቃላ ኔን ኤራራ።

17 ታና ዳጋንልፓ። ኔን መቱዋ ጋላስ ታወ ባቃታ አትያ ሳእ።

18 ታና የደርስያዋንታ ዬላያ፤ ሸን ታና ዬላያ። ኡንቱንታ ዳጋንላ፤ ሸን ታና ዳጋንልፓ። ኡንቱንቱ ቦላ መቶ ጋላሳ አያ፤ ኡንቱንታ ላኦ ኩሽያ ሙሩዋ ሙራ።

**ሳሞባታ ቦንቶያዋ**

19 መድና ጎዳይ ታና ሀዋዳን ያጊዳ፤ “ባ። ይሁዳ ካተቱ ካታማ ገልያን ከሰያ አሳይ ገልያ ፕንግያንነ ሀራ የሩሳላመ ፕንገቱዋ ኡባን ባይ ኤቃ።

20 ኡንቱንታ ሀዋዳን ያጋ፤ ህንተኖ ይሁዳ ካተቶ። ህንተኖ ይሁዳ አሳቶ። ህንተኖ የሩሳላመ አሳቶ። ህንተኖ ሀ ፕንገቱዋና ገልያ አሳቶ። ኡባይካ መድና ጎዳ ቃላ ሰሰተ!

21 መድና ጎዳይ ሀዋዳን ያጊ፤ “ሳሞባታ ጋላሳን ቶኩዋ ቶከና ማላነ እያን ቶኪደ። የሩሳላመ ፕንግያና ገለና ማላ። ህንተወ ናገትተ!

22 ሳሞባታ ጋላሳን ህንተ ጎልያፕ ቶኩዋ ቶኪደ ከሶፕተ። ዋይ እይ ኦሱዋን ኦፕተተ። ካሰ ህንተ አዋቱዋ ታን አዘዘዳዋዳን። ሳሞባታ ጋላሳ ዲማዬደ ቦንቶተ።

23 ግደፕነ። ኡንቱንቱ ሰሰበይክኖ፤ ባረንቱ ሀይላካ ታኮ የግበይክኖ። ኡንቱንቱ ሰሰናን ታፕ ታማረናን አጼድኖ።

24 “ ሸን ህንተ ታን መድና ጎዳይ ኦድያዋ ሰሶፕ። ሳሞባታ ጋላሳን እይ ቶኩዋን ቶኪደ። ሀ ካታማ ፕንገቱዋና ገለናን አጎፕ። ሳሞባታ ጋላሳ ዲማዬደ። እነ እይ ኦሱዋን ኦፕተ። ቦንቶፕ።

25 ዳዊታ ካተቱዋ አራታን ኡትያ ካተቱ ባረንቱ ሞድያዋንቱና ፓራቱዋን ፓራ ጋረቱዋ ቶጊደ። ሄ ፕንገቱዋና ገለና። ኡንቱንቱ ይሁዳ አሳና የሩሳላመ ካታማን ደእያ አሳና ገለና፤ ሀ ካታማይ መድናወ አሳይ ደእያ ካታማ ግዳናዋ።

26 “ ሸን ህንተ ሳሞባታ ጋላሳን ሀራ ያርሹዋ። ካሳ ያርሹዋ። እጻናን ጋላታ ያርሹዋ አኪደ። ይሁዳ ካታማቱዋ። የሩሳላመ የሹዋን ደእያ ሞላቱዋ። ቢንያማ ቢታፕ። ጋላፕ። ገዘያፕነ ኔጌባፕ መድና ጎዳ ጌሻ ጎልያ ያና።

27 “ ሸን ህንተ ሳሞባታ ጋላሳቱዋ ዲማዬደ ቦንቶናዳንነ ሳሞባታ ጋላሳቱዋን ቶኩዋ ቶኪደ። የሩሳላመ ፕንገቱዋና ገለናዳን። ታን ኦዲዳዋ ሰሰናን እጾፕ። ታን ሄ ፕንገቱዋን ታማ ኦይላና። የሩሳላመ ካትያ ጎላቱዋ ማና። ሄ ታማይ ቶኤና” ያጌ” ያጌዳ።

**18**

**ኤርማሰ ኡርቃ መድያ ብታንያ ሶ ቤዳ**

1 መድና ጎዳፕ ኤርማሳወ ዬዳ ቃላይ ሀዋ፤

2 “ደንዳ፤ ኡርቃ መድያ ብታንያ ጎለ ባ። ያን ታን ኔና ታ ቃላ ሰሳና” ያጌዳ።

3 ታን ዲገ ኡርቃ መድያ ብታንያ ጎለ ባይ። እ ባረ መድያ ይንግርያዋን ኡርቃ መድያዋ በእድ።

4 እ መድሸና። ሚሻይ እ ኩሽያን ባዬዳ። እ ሄ ኡርቃ ዛሬይ ሙናቂዳ። ባረና ሎእያ ሀራ ሚሻ ከሲደ መዲዳ።

5 ሄ ዋድያን መድና ጎዳ ቃላይ። ሀዋዳን ያጊደ። ታኮ ዬዳ፤

6 “እስራኤልያ አሳቶ። ሀ ኡርቃ መድያ ብታኒ ኦልያዋዳን። ታን ህንተና ኦላናወ ዳንዳይክታ? ያጌ መድና ጎዳይ። እስራኤልያ አሳቶ። በእተ፤ ኡርቃይ ባረና መድያዋ ኩሽያን ደእያዋዳን። ህንተካ ታ ኩሽያን ደኢታ።

7 አይ ዋደ ግደፕነ። ታን እት ቢታባ ዋይ እት ካወተላባ። ታን ህንተና ቶቆላና። ዮዳናን ጳይሳና። ጋደ ኦድና።

8 ሄ ታን ኦዲዳ ካወተላይ ባረ ኢታተላፕ አጊደ ሰሞፕ። ታን ኡንቱንቱ ቦላ አሀና ጌዳ ኢታባ አሄናን አጋ ባሻና።

9 ቃይ እይ ዋደ ግደፕነ። ታን እት ቢታባ ዋይ እት ካወተላባ። ታን ህንተና ኬጻናን ቶካና ጋደ ኦድና።

10 ሄ ካወተላይ ታን ኦድያዋ ሰሰናን እጾፕ ታ ሰንላን ኢታባ ኦፕተ። ታን ኦላና ጌዳ ሎኦባ ኦፕተናን አጋሻና።

11 “ሄዋ ድራው፣ ሀእ ይሁዳ አሳቶን የሩሳላመን ደእያዋንቱ ሀዋዳን ያጋ፤ መድና ጎዳይ ያጌ፤ በእተ፣ ታን ህንተ ቦላ ኢታባ መጻይን ሀልቻድ። ህንተ ኡባይካ ህንተ ኢታ ኡግያፕ ሰምተ፤ ህንተ ኡግያን ህንተ ኡሱዋ ላምተ ያጌ ያጋ።

12 ሸን ኡንቱንቱ፣ “ሄዋ እይነ ማደና! ኑን ኑ ሀልቹዳዋዳን ሀናና፤ ኑን ሁጲያን ሁጲያን ኑ ኢታ ዋዛና ሙመተላዳን ኦላና” ያጋና” ያጌዳ።

13 ሄዋ ድራው፣ መድና ጎዳይ ሀዋዳን ያጌ፤

“ሀዋ ማላባ ሰሰ ኤሪቴ?

ያጌደ እነ ካወተላቱዋ ግደን ሳልአተ።

ወደራታ እስራኤልያ ሎይሳ ሸነይያዋ ኦላዳ።

14 እ ባረው፣ ሊባናሳ ደርያ ቦላን ደእያ ሻቻይ፣

ዛላ ጸራፕ ጻይ ኤሪ?

ሄ ደርያፕ ጎግያ እርጸ ሃላይ መል ኤሪ?

15 ሸን ታ አሳቱ ታና ደጊድኖ፤

ኡንቱንቱ ፓባና ጸሳቶ እጻና ጨዋዪኖ።

ባረንቱ ኡግያፕ፣ ባረንቱ በን ሎሱዋፕ ጹቡቲድኖ፤

ኡንቱንቱ ኡግያ አጊደ፣ ጋጻና ቤድኖ።

16 ኡንቱንቱ ባረንቱ ቢታ ዳጋንሰያባን፣

መድናዉ ካባቲዳዋ ከሴድኖ።

ያና ኦድያ ኦንነ ሸነቲነ ባረ ሁጲያ ቃሌ።

17 አዋይ ዉልያ ባጋ ጫርኩዋዳን፣

ታን ኡንቱንታ ኡንቱንቱ ሞርከቱዋ ሰንላን ላላና።

ኡንቱንቱ መቱዋ ጋላሰ ታን ኡንቱንቶ ዞክያ ዛራናፕ አትና፣

ታ ሶምኡዋ ሃሳይከ” ያጌ።

**ኤርማሳ ቦላ ማቀቲዳ ማቀዋ**

18 አሳቱ ሀዋዳን ያጌድኖ፤ “ሃ ዪተ፤ እነ ኤርማሳ ቦላ ማቀቲቶ። እያዉ ጎፕ፣ ቁሳቱ ታማርሰያ ሀጌ፣ አጭዳ ኤራንቻቱ እምያ ዞሪ፣ ትምቢትያ ኦድያዋንቱ ኦድያ ቃላይ ጻየና። ሃ ዪተ፤ እነ አ ኑ እንጻርሳን ጸርይተ። አ ኦድያ ቃላ ሰሰናን አጌቶ” ያጌድኖ።

19 አቤት መድና ጎዳው፣ ታ ኦድያዋ ሰሳ፤ ታ ሞርከቱ ታ ቦላ ሃሳይያዋ ሀይዛ።

20 ሎኦ ኦሌዳ አሳው ኢታ ዛሪአ? ሸን ኡንቱንቱ ታዉ ኦላ ቦኪኖ። ታን ነ ሀንቁ ኡንቱንቱፕ ሰማና ማላ፣ ኡንቱንቱ ድራው ሎኦባ ሃሳያናዉ ነ ሰንላን ኤቁዳዋ ቆፓ።

21 ሄዋ ድራው፣ ኡንቱንቱ ናናቱዋ ኮሻዉ አላደ እማ፤ ኡንቱንታካ ማሻዉ አላደ እማ። ኡንቱንቱ ማጫ አሳቱካ ናእይ ባይናዋንታን እምኤ ግድኖ። ኡንቱንቱ አቱማ አሳቱካ ዋድያ ሀርግያን ጋከትኖ፤ ኡንቱንቱ ዋዳላቱካ ኦላን ሲፈትኖ።

22 ኡንቱንቱ ቆፕናን ኔን ኡንቱንቱ ቦላ ቦንቁያዋንታ የድና፣ ኡንቱንቱ ጎልያን ዋሱ ከሶ። እያዉ ጎፕ፣ ኡንቱንቱ ታና ከንድሳናዉ ኦላ ቦኪድኖ፤ ታ ገድያዉካ ጸርያ ዋሌድኖ።

23 ሸን አቤት መድና ጎዳው፣ ኡንቱንቱ ታና ዋዳናዉ ማቀቲዳዋ ኡባ ኔን ኤራሳ። ኔን ኡንቱንቱ ኢታተላ እቶ ጎፕ፣ ዋይ ኡንቱንቱ ናጋራ ነ ሰንላፕ ቁጮፓ። ኡንቱንቱ ነ ሰንላን ጸነቲደ ከንድኖ። ነ ሀንቁዋ ዋደ ኔን ኡንቱንታ ሀዋዳን ኦላ።

**19**

**መኤዳ ባረታ ለምሱዋ**

1 መድና ጎዳይ ሀዋዳን ያጌ፤ “ባ፤ ኡርቃ መድያዋፕ ባራታ ሻማ። ኔናና አማራዳ ጋድያ ጭማቱዋን አማራዳ ቁሰያ ጭማቱዋ አካደ፣

2 ኮንእ መኡዋ ፕግግያ ግያ ፕግግያ ላንቁያና አጻአደ፣ ሀናማ ዛንጋራ ባ፤ ያን ታን ነዉ ኦድያ ቃላ እዋያ።

3 ሀዋዳን ያጋ፤ “ህንተኖ ይሁዳ ካተቶ፣ ህንተኖ የሩሳላመ ካታማ አሳቶ፣ መድና ጎዳ ቃላ ሰሰተ! ኡባፕ ዋልቃማ መድና ጎዳይ፣ እስራኤልያ ጸሳይ ሀዋዳን ያጌ፤ “በእተ፣ ሰሰያ ኡባዉ ሀይላዉ ኢትያ ፓላባ ሀ ቢታ ቦላ ታን አሀና።

4 እያዉ ጎፕ፣ አሳቱ ታና አጌድኖ፤ ኡንቱንቱ ዋይ ኡንቱንቱ አዋቱ፣ ዋይ ይሁዳ ካተቱ ኤረና ሀራ ጸሳቶ እጻና ጨዋዪደ ያርሸያዋን ሀ ሳእ ቱንሴድኖ። ኡንቱንቱ ጽሎ አሳቱዋ ሱላ ሀ ሳእን ከንሴድኖ።

5 ቃይ ታን ኢንቱንታ አዛዛቤናባ፡ ዎይ ኦዳቤናባ፡ ዎይ ታ ዎዛናን ቆጋቤናባ ኦፊድኖ፤ ኢንቱንቱ ባረንቱ እቲማ ናናቱዎ ባአለዉ ታማን ጸጊያን ያርሹዎ ኦፊድ ያርሻናዉ፡ ጎይንያ ጾቃ ሳአቱዋን ያርሸያ ሳ ግሞቤድኖ።

6 ሄዎ ድራዉ፡ ሀ ሳአይ ቶፊታ ዎይ ህኖማ ዛንጋራ ጌተትያዌ አቲደ፡ ሹካ ዛንጋራ ያገቲደ ጸገታና ጋላሳቱ ዪኖ ያጌ መጵኖ ጎዳይ።

7 “ ሩ “ይሁዳነ የሩሳላሙ አሳ ሀልቼዎ ታን ሀ ሳአን ፖለተናዳን ኦላና። ኢንቱንቱ ባረንቱ ዋርከቱዎ ማሻንን ባረንታ ዎቆናዉ ኮይያዋንቱ ኩሽያን ሀይቃናዳን ታን ኦላና። ኢንቱንቱ አሃ ሳሉዎ ካሮቶን ሳአ ደአቶ ቁማ ኦላይ እማና።

8 ሀ ካታማ ባዙዋን ቅሊጭያዎ ከሳና። ሄዋና እጅያ ኡባይ አ ባሻን ማላለቲደ፡ ፖራ! ያጋና።

9 ኢንቱንቱ ባረንቱ ማጫ ናናቱን እቲማ ናናቱዎ አሹዎ ማናዳን ታን ኦላና። ኢንቱንቱ ዎቆናዉ ኮይያ ዋርከቱ ኢንቱንታ ዋይሰያ ዋይያንን ድድያ ድዳን፡ ኢንቱንቱ ኡባይ እቲ እቲዎ አሹዎ ማና” ያጌ፡ ያጋ።

10 “ሄዋፕ ጉይያን፡ ኔናና እትፕ ቤዳ አሳቱዎ ሰንሳን ሄ ባረታ መንሳ።

11 ኢንቱንታ ሀዋዳን ያጋ፤ ሩባፕ ዎልቃማ መጵኖ ጎዳይ ሀዋዳን ያጌ፤ “ዛሪደ ኮልና ኦይቀናዳን ኦፊድ፡ እት አሳይ ባረታ መንሳያዋዳን፡ ታን ሀ ካወተሳን ሀ ካታማ መንፍሳና። አሳቱ አሃ ሞግያ ሳአይ ባይና ድራዉ፡ ቶፊታን ዎጋና።

12 ታን ሀ ሳአን እን ደእያ አሳ ኦላናዌ ሀዋ፤ ታን መጵኖ ጎዳይ ሀ ካታማ ቶፊታዳን ኦላና።

13 የሩሳላሙ አሳ ጎለቱን ይሁዳ ካተቱዎ ጎለቱ፡ ጎልያ ቦላን ደሞባዪደ ኦፊድኖ ሳሉዎ ጸልንተቶ እጻና ጨዋዬዳን ሀራ ጸሳቶ ኡሻ ያርሹዎ ጉሴዳ ጎለቱ ኡባይ ቶፊታ ግያ ሳአዳን ቱኔዳዋንታ ግዳና” ያጌ፡ ያጋ።

14 ሄዋፕ ጉይያን፡ ኤርማሳ መጵኖ ጎዳይ ትምቢትያ ኦዳናዉ ኪቲዳ ቶፊታፕ ሰሚደ ዪደ፡ መጵኖ ጎዳ ጌሻ ጎልያ ግድን ደእያ ዳባባን ኤቁዳ። አሳ ኡባዉ ሀዋዳን ያጌዳ፤

15 “ኡባፕ ዎልቃማ መጵኖ ጎዳይ፡ አሰራኤልያ ጸሳይ ሀዋዳን ያጌ፤ ሳሰተ፡ ታን ሀ ካታማ ቦላን አ ሄራን ደእያ ሞላቱ ኡባ ቦላ አሀና ጌዳ ኢታባ ኡባ ኢንቱንቱ ቦላ አሀና ሀርይ። አያዉ ጎፕ፡ ኢንቱንቱ ዋርጊ ማካላ ግዲደ፡ ታን ኦይዳባ ሰሰናን እጾድኖ” ያጌ፡ ያጌዳ።

## 20

### ኤርማሳን ፓሽሁራ

1 ሄ ዎይ መጵኖ ጎዳ ጌሻ ጎልያን ካቱዎ ግድያ፡ እሜራ ናአ ፓሽሁራ ግያ ቄሲ፡ ኤርማሳ ሀ የዎቱ ትምቢትያ ኦድሸን ሰሴዳ።

2 ፓሽሁር ትምቢትያ ኦድያ ኤርማሳ ደሸሴዳ፤ ቆሞ ቢንያማ ፕንግያ ግያ መጵኖ ጎዳ ጌሻ ጎልያ ገልያሳን ደእያ ዱላ ሉኩዋን ቃሽሴዳ።

3 ዎንተላ ጋላሰ ፓሽሁር ኤርማሳ ቃሹዋፕ ብልና፡ ኤርማሳ አዉ ሀዋዳን ያጌዳ፤ “ሀቸፕ ደምና፡ መጵኖ ጎዳይ ነ ሱንሳ ፓሽሁራ ያገና፤ እ ነ ሱንሳ ያን ሃን ዳጋማ ያጋና።

4 አያዉ ጎፕ፡ መጵኖ ጎዳይ ሀዋዳን ያጌ፤ ታን ኔና ነ ሁጺያዉን ነ ላገቱዎ ኡባዉ ዳጋማ ከሳና። ኢንቱንቱ ኔን ጸልሸን፡ ባረንቱ ዋርከቱዎ ማሻን ዉራና። ይሁዳ አሳ ኡባ ባብሎን ካትያ ኩሽያን አላይ እማና። እ ኢንቱንታ ኦሞዲደ፡ ባብሎን አፋና፤ አፊደ ያን ማሻን ኢንቱንታ ዎቆና።

5 ሄዋዳንካ፡ ሀ ካታማ አቁዎ ፔሻ ኡባ፡ ኦላ ከሴዳባ ኡባ፡ ዱረተላ ኡባን ይሁዳ ካተቱዎ ሚሻ ኡባ ታን ኢንቱንቱ ዋርከቱ አላይ እማና። ኢንቱንቱ ኢንቱንታ ቦንቄ ኦይቀደ፡ ባብሎን አፋና።

6 ቃይ ኔን ፓሽሁርካ ነ ሶን ደእያ አሳይ ኡባይ ኦሞደቲደ፡ ባብሎን ባና። ኔን ትምቢትያ ኦይዳ ነ ላገቱዎ ኡባናካ ያን ሀይቃናን ያን ሞገታና’ ያጌ” ያጌዳ።

### ኤርማሳ ጸሳዉ ማጋኔዳ

7 አቤት መጵኖ ጎዳዉ፡ ኔን ታና ጭማዳ፤ ታንካ ጭመታድ። ኔን ታፕ ሞናደ፡ ታና ጸናዳ። ጋላሳ ኩመንሳ ታን አሳይ ሚጭያዎ ከሳድ፤ ኡባይ ታና ቅሊጮ።

8 ታን ሃሳይያ ዎድያን ኡባን ጾቅሳደ፡ “ማካላባይን ባሻይ ጋኪዳ” ያጋይ ዋሳይ። መጵኖ ጎዳ ቃላይ ታዉ ጋላሳ ኩመንሳን ካጵያን ቅሊጮዎ አሄዳ።

9 ታን፡ “ታን ጸሳባ ደንሳይ ሃሳይከ” ዎይ፡ “አ ሱንሳን ላኤንሶ ኦድከ” ጎፕ፡ ጸሳ ቃላይ ታ መቀላ ግድን ቁምኤቲደ፡ ኡጾያ ታማ ማላ ግዲደ፡ ታ ዎዛናን ሞቼ። ታን ግድን ኦይቃደ አሻና ጋይ ዳቡራድ፤ ሽን ተአናዉ ዳንዳያባይከ።

10 ታን ዳር ሳሱከላ ሰሳድ፤ “ያን ሃን ዳጋማይ ደኤ! እን አ ሞትተ! ኮንካ አ ሞቶይተ” ያገና። ታዉ ማታ ላገቱ ኡባይ ታ ከንደላ ናገደ፡ “ኦን ኤራ፡ ኮን አ ኦይቃና ማላን ኦ ሀሉዎ ከሳና ማላ፡ እ ጭመታናዉ ዳንዳይ” ያገና።

11 ሽን መድና ጎዳይ ያሸሰና ቶራንቻዳን ታናና ደኤ። ሄዋ ድራው፣ ታና የደርሰያዋንቱ ጭብታና፤ ኤንቱንቱ ታና ጸንክና። ኤንቱንቱ ገና ድራው፣ ኤንቱንቱ ዋልቃማ ዬላ ዬላታና። ኤንቱንቱ ካወሻይ ሙሉካ ደገተና።

12 አቤት ኡባጥ ዋልቃማ መድና ጎዳው፣ ጽሎቱዋ ፓጭያዎ፣ ዋዛና ካሃ በእያዎ፣ ኔን ታ ሞርከቱዋ ቦላን ታ ሀሉዋ ከሳደ ታና ቦላ። እያወ ጎጥ፣ ታን ታ ሞቱዋ ነወ አላድ።

13 መድና ጎዳው የጸተ! መድና ጎዳ ጋላትተ! እያወ ጎጥ፣ እ ሀይሳቱዋ ኢታቱዋ ኩሽያጥ አሹ።

14 ታን የለቲዳ ጋላሳይ ሸቀቱዳዋ ግደ! ታ አታ ታና የሌዳ ጋላሳይ እንጀቶግ!

15 ታ አዎ፣ “ነወ ሞሽራቾ፤ ነወ አቱማ ናኤይ የለቲዳ!” ያግ ኦዲደ፣ ዳር ናሽቼዳ ብታኒካ ሸቀቱዳዋ ግደ!

16 ሄ ብታኒ መድና ጎዳይ ቃረተናን እላ የጊደ ጳይሴዳ ካታማቱዋዳን ሀና። ሄ ብታኒ ዋንታ ዋሱዋ፣ ጋላሳ ሲታን፣ “አላይ ጋኪዳ!” ግያ ኦዲዎ ሰሶ።

17 እያወ ጎጥ፣ ታ አታ ታወ ዱፎ ግዳና ማላነ እ ኡሉካ ታና ዋጋ ኦይቂ ኡታና ማላ፣ ታና ኡሉዋን ዋቋቤና።

18 ታን መቱዋን ካየዋ በእናወነ ላይላ ኡባ ዬላታደ ወርሳናወ፣ እያወ ታ አት ኡሉዋጥ ከሳድታሻ?

# 21

## የሩሳላመ ጸንታናዋ ትምቢቲ እደቲዳ

1 ካቲ ሰደቅያሰ ማልክያ ናኣ ፓሽሁራነ ማእሴያ ናኣ ቁሰያ ሶፎናሳ ሀ ኦሻ ኦቻና ማላ፣ መድና ጎዳይ ኤርማሳኩ ከቲዳ።

2 ኤንቱንቱ፣ “ባብሎነ ካቲ ናቡካዳናጾር ባረ ኦላንቻቱዋና ሀ ካታማ ዩይ እጁደ ዶዴዳ ድራው፣ እነ ኦወ መድና ጎዳ ኦቻ። እነ ኤራ፣ መድና ጎዳይ በንዋዳን፣ ማላልሰያ ኦሱዋ ኑ ድራወ ኡሊደ፣ እ ጉየ ዛራነንቶን” ያጌድና።

3 ኤርማሰ ኤንቱንቶ ዛራደ፣ ሀዋዳን ያጌዳ፤ “ቢደ ሰደቅያሳወ ያግጥ፤

4 መድና ጎዳይ እሰራኤልያ ጸሳይ ሀዋዳን ያጌ፤ ሩን ባብሎነ ካትያናን ግምቢያጥ ካረና ነ ካታማ ዶድያ እ ኦላንቻቱዋና ኦለትያ፣ ነ ኩሽያን ደእያ ኦላ ሚሻ ታን ጉየ ነ ቦላ ዛራና። ቃይ ኤንቱንታ ኡባካ ሀ ካታማቱወ ግደ ገልሳና።

5 ታን ታ ሀጺያን የዴዳ ኩሽያን፣ ዋልቃማ ቀሰያን፣ ይሉዋን፣ ሀንቁዋን፤ ዋልቃማ ሲራን ኔና ኦላና።

6 ታን ሀ ካታማን ደእያዋንታ፣ አሳካ መሀያካ ሸጫና። ኤንቱንቱ ኢታ ሀርግያን ወራና።

7 ሄዋጥ ጉይያን፣ ይሁዳ ካትያ ሰደቅያሳ፣ እ ኦላንቻቱዋን ኢታ ሀርግያጥ፣ ማሻጥን ኮሻጥ ፓላሄዳ፣ ሀ ካታማ አሳ ኡባ፣ ባብሎነ ካትያ ናቡካዳናጾራወን ኤንቱንታ ዋቋናወ ከይያ ሞርከቶ ታን መድና ጎዳይ አላደ እማና። እ ኤንቱንቱ ቃራ ማሻን ሲፋና። እ ኤንቱንቶ ቃረተና፣ ዋይ ሳሊደ አገና፣ ዋይ ማረና፣ ያጌ ያግተ” ያጌዳ።

8 መድና ጎዳይ ኤርማሳ፣ “ጉጂደካ እሳወ ሀዋዳን ያጋደ ኦዳ፤ ጸሳይ ሀዋዳን ያጌ፤ ብአተ፣ ታን ሀንተ ሰንሳን ደኡዋ ኦግያን ሀይቁዋ ኦግያ ዋላድ።

9 ሀ ካታማ ግዳን ታክያ እሳይ ኦን፤ ማሻን፣ ኮሻን ዋይ ኢታ ሀርግያን ሀይቃና። ሽን ካታማጥ ከሲደ ቢደ፣ ካታማ ዶዲደ ኦይቁዳ ባብሎነቶ ባረ ኩሽያ እምያ እሳይ ኦን፤ ፓጻ አታናዋ፤ ሄ ኡራይ ባረ ሽምጥዋ ጸላላ አሻና።

10 እያወ ጎጥ፣ ታን ሀ ካታማወ ከካናወ ግደናን ኢታናወ ታ ቆፋ ቃቻድ። ባብሎነ ካትያወ እ አላደ እማና፤ እካ ሀ ካታማ ታማን ጸጋና። ታን መድና ጎዳይ ሀዋ ኦዲድ፣ ያጌ” ያጋ።

11 ቃይካ ይሁዳ ካትያ ጎልያ እሳወ ሀዋዳን ያጋ፤ መድና ጎዳ ቃላ ሰስተ!

12 ሀንተኖ፣ ዳዊታ ዛረቶ፣ መድና ጎዳይ ሀንተና ሀዋዳን ያጌ፤ “ዋንትና ዋንትና ሱረ ፕርድተ፤ ቦንቀቲዳዋንታ ኡቁንያዋንቱ ኩሽያጥ አሸተ። ሄዋ ቆጥ፣ ሀንተ ኢታ ኦሱዋ ጋሱዋን ታ ሀንቁ ታማዳን ኡጽ ከሳና፤ ኦን፤ እ ቶይሰና ያጌ ያጋ” ያጌዳ።

13 መድና ጎዳይ ሀዋዳን ያጌ፤ “ሩና፣ የሩሳላመ፣ ኔን ደምባን ደእያ ዛላዳን፣ ዛንጋራጥ ጉደ ቶቂ ጋደ ቤታሳ፤ ሽን ታን ኔናና ኦለታና። ኔን፣ ሩካን ታ ቦላ ጸላና ዋይ ታ ደኤያሳ ገላና፣ ያጋሳ፤

14 ሽን ታን መድና ጎዳይ ኔና ነ ኦሱዋዳን ሙራና። ታን ነ ካት ጎልያን ታማ ኦይላና፤ ነ የሹዋን ደእያዋ ኡባ ሞ ጳይሳና” ያጌ።

# 22

## ኤርማሰ ይሁዳ ካትያ ሶ እሳወ ኦዴዳ ቃላ

1 መድና ጎዳይ ሀዋዳን ያገኘ፤ “ባ፤ ዲገ ይሁዳ ካትያ ጎላ ባደ፤ ያን ሀ ቃላ ኑዳ።

2 ሳኖ ይሁዳ ካትያው፤ ዳዊታ ካወተላ አራታን ኡትያዎ፤ ኔንካ ነ ፊማቱካ ሀ ፐንግያና ገልያ ነ አሳይ ኡባይካ መድና ጎዳ ቃላ ሰሰተ!

3 መድና ጎዳይ ሀዋዳን ያገኘ፤ “ሱራ ፕርዳኑ ጽሎባ ኦሳተ። ቦንቀቱዳዋንታ ኡቁንያዋንቱ ኩሽያፕ አሸተ። በተቱዋ ቦላ፤ አዉ ባይና ናናቱዋ ቦላን አሰናቱ ሀይቄዳ ማጫ አሳቱዋ ቦላ ገንያባ ዋይ ማካላባ ኦሳፕተ። ቃይ ጽሎ አሳ ሱላ ሀ ሳካን ጉሶፕተ።

4 ሀንተ ታን ጌዳዋዳን ቱመ፤ አዛዘቶ፤ ዳዊታ ካወተላ አራታን ኡትያ ካተቱ ፓራ ፓራ ጋርያ ቶጊድ፤ ባረንቱ ኦሳንቻቱዋናን ባረንቱ አሳና ሀ ካትያ ጎልያ ፐንገቱዋና ገላና።

5 ሸን ሀንተ አዛዘተናን እጸፕ፤ ሀ ካትያ ጎላ ኦና ግዳና ያጋደ ታን መድና ጎዳይ ታ ሁጲያን ጫቃይ” ያጌ’ ያጋ” ያጌ።

6 መድና ጎዳይ ይሁዳ ካትያ ጎልያባ ሀዋዳን ያገኘ፤ “ኔን ታዉ ጋላአደ ቢታን ሊባኖሳ አሳ ጸራ ማላ ግደፕካ፤ ታን ኔና ባዙዋን አሳይ ደኤና ካታማ ኦሳና።

7 ታን ኔና ኮልያዋንታ ሁጲያን ሁጲያን ኦላ ሚሻ ኦይሳደ፤ ነዉ ኪታና። ኡንቱንቱ ዘጋፕ ማሰቱዳ ነ ቱቀቱዋ ቃንጸሬሳደ፤ ታማን ኦላና።

8 “ጮራ ካወተላፕ አሳይ ሄ ካታማ ላንቁያና አቆና። እቱ እቱዋ፤ ‘መድና ጎዳይ እያዉ ሀ ዋልቃማ ካታማ ሀዋዳን ኦሴዳ?’ ያጊደ ኦቻና።

9 እንቱንቱ፤ ሳካንቱንቱ መድና ጎዳ ባረንቱ ጸሳና ጫቀቱዳ ጫቁዋ አጌዳ ግሻሳን ሀራ ጸሳቶ ጎይኔዳን ኦሴዳ ግሻሳን ያጋና” ያጌ።

**ኤርማሳ ሻሉማባ ኦዳዳ ቃላ**

10 ሀይቄዳ ካትያ እዮሰያሳዉ ዬኮፕተ ዋይ ካዮቶፕተ። ሄዋ አጊደ፤ አሞደቲደ ቤዳ ሻሉማዉ \* ሴለቲደ ዬክተ። እያዉ ጎፕ፤ እ ኡባካ ጉዮ ሰመና፤ ባረ የለቲዳ ቢታ ላኤንሳ በኤና።

11 ባረ አዉዋ ድራዉ ይሁዳን ካተቲደ ደኤድ፤ ሀ ሳአፕ ቤዳ እዮሰያሳ ናኦ ሻሉማባ መድና ጎዳይ ሀዋዳን ያገኘ፤ “እ ኡባካ ጉዮ ሰመና።

12 እ አሞደቲደ ቤዳ ቢታን ሀይቃና። ኡባካ ሀ ቢታ በኤና” ያጌ።

**ኤርማሳ እዮአቁማባ ኦዳዳ ቃላ**

13 ባረ ጎልያ ናቁዋን ኪጸያዎ፤ ጽሎ ግደና ኦግን ፖቅያ ቦላ ፖቅያ ጉጅያዎ፤ ባረ ጋድና አሳዉ አይን አመናንን ዋልቃ ጋታያ ጭገናን ኦሰሰያዎ፤ አዉ እዮ!

14 እ፤ “ታን ታዉ እኮ ፖቅያና ደእያ ዋልቃማ ጎልያ ኪጸና” ያጌ። ባረ ጎልያዉ ዋልቃማ ማሰኮተቱዋ፤ ከሲደ ዘጋ ማሰሳን ቦላ ካሚደ፤ ዘኦ ቃላምያ ኦኩ።

15 ባረዉ ኔን ዳሮ ዘጋን ኪጼዳዌ ኔና ሎኦ ካትያ ከሲ ጋደ ቆፓዲ? ነ አዉዋ እዮሰያሳዉ ምያዋን ኡሽያዌ ቆዬዳ? እ ሱራ ፕርዳኑ ጽሎባ ኦሴዳ። ሄዋ ድራዉ፤ አዉ ኡባባይካ እንጀቲዳ።

16 እ ሀዬሳቶን መቶታንቻቶ ሱራ ፕርድያ ድራዉ፤ አዉ ኡባባይካ ሀኔዳ። መድና ጎዳ ኤራ ምግያዌ ሀዋ።

17 ሸን ሀራባ አጊደ፤ ነ አይፊን ነ ዋዛናይ ጃምያዌ ነ ጎኦ ደማናሳን ጽሎ ሱላ ጉሳናሳ፤ አሳ ናቃናሳን ኡቁናናሳ።

18 ሄዋ ድራዉ፤ መድና ጎዳይ እዮሰያሳ ናኦ፤ ይሁዳ ካትያ እዮአቁማባ ሀዋዳን ያገኘ፤ “እ ሀይቄያ ዋደ ኡንቱንቱ አዉ፤ ሳኦ! እዮ! ታ እሻዉ!፤ ያጊደ ዬክክና። ቃይ፤ ታ ጎዳዉ፤ እዮ! ታ ካትያዉ፤ እዮ! ያጊደ ዘላልክና።

19 እ ሞጉካ ሀርያ ሞጉዋ ማላ ግዳናዋ። እ አሃይ ጎሽቲደ፤ የሩሳላመ ፐንገቱዋፕ ያ ባጋን ኦላታና” ያጌ።

**የሩሳላመ ጋክያ መቱዋባ ኤርማሳ ኦዳዳ ቃላ**

20 ጸሳይ የሩሳላመባ ሀዋዳን ያገኘ፤ “ባ፤ ፑደ ሊባኖሳ ባደ፤ ያን ዋሳ። ባሳን ቢታን ዋሱዋ ጽልሳ። አባርማ ደርያንካ ዋሳ። እያዉ ጎፕ፤ ኦላዉ ኔናና ዙፕትያዋንቱ ኡባይ ጸነቲድና።

21 ኔን ሳር ደእሺና፤ ታን ነዉ ኦዳድ፤ ሸን ኔን፤ ‘ታን ሰሰከ’ ያጋዳ። ነ ያላጋተላደፕ ደሚደካ ነ ሀፕ ሀዋ፤ ኔን ታዉ አዛዘተናን እጸዳ።

22 ነ ሄንላንቻቱዋ ኡባ ጫርኩ አፋና፤ ኦላዉ ኔናና ዙፕትያዋንቱካ ኦሞደቲደ ባና። ሄ ዋደ ነ ኢታተላ ኡባ ድራዉ፤ ዬላታናን ካዉሻና።

23 ሀንተኖ፤ ሊባኖሳ ዘጋን ኪጸቲዳ ጎልያን ደእያዋንቶ፤ ኦይሳይ ኦይቄዳ ማጫ ሞሽራትዋ ማላ ኡንኡ ሀንተ ቦላ ፑቱ ግንቶ፤ ዋን ኦላንድቴሻ!” ያጌ።

22:5 ማቶሳ 23:38፤ ሉቃስ 13:35 \* 22:10 ሻሉማ- ሀ ሱንሳይ ሀራ ሳካን፤ “እዮአካዛ” ጌተቲዳ። 22:11 2 ካታ. 23:31-34፤ 2 ኦዳዋ 36:1-4 22:18 2 ካታ. 23:36—24:6፤ 2 ኦዳዋ 36:5-7

24 መድና ጎዳይ ሀዋዳን ያጌ፤ “ታ ደኡ ኤሮ! ኔን እዮአቄማ ናአይ፥ ይሁዳ ካቲ ዮአከን፥ ታ ኡሸቻ ኩሸያን ደእያ ታ አታምያ ሞግዳዋ ግድንቶካ ታ ኔና ከሳ የጋና።

25 ኔና ዋቆናዉ ኮይያዋንቶ፥ ኔን ያይያ ባብሎኅ ካትያ ናቡካዳናጸራውነ አ ኦላንቻቶ ታን ኔና አላደ እማና።

26 ታን ኔናካ ኔና የሌዳ ነ አቶካ ህንተ የለታ ቢታ ግድና ሀራ ቢታዉ ኦላና፤ ህንተ ላኡካ ያን ሀይቃና።

27 ህንተ ሰማናዉ ላሞትያ ቢታ ኡባካ ሰምክታ” ያጌ።

28 ባረዉ ሀ ብታኒ ዮአከን፥ ካዴዳነ መኤዳ ባረቴ? እ ኦንነ ኮየና ሚሼ? እያዉ እነ አ ናናቱ የደርሰቲደ፥ ባረንቱ ኤረና ቢታን ኦላቲደ አቴድኖ?

29 ሀነ ቢታቴ፥ ቢታቴ፥ ቢታቴ! መድና ጎዳ ቃላ ሰሳ!

30 መድና ጎዳይ ሀዋዳን ያጌ፤ “ሀ ብታንያ፥ ናአይ ባይና አሳ፥ ባረ ላይላ ኡባን ደኡ አንጀተና አሳ፥ ጋደ ጻፋ። እያዉ ጎጥ፥ አ ዘረሳጥ እቶነ አንጀተና፤ ዳዋታ ካወተላ አራታን ኡትያዋ ዋይ ይሁዳን ካተትያዋ ኡንቱንቱጥ አቱነ ደኡና” ያጌ።

### 23

#### ጸሳይ ባረ ሀዲያዉ ኦላና ጌዳዋንታ

1 መድና ጎዳይ ሀዋዳን ያጌ፤ “ታ ሄንላ ጋደን ደእያ ድርሳቱዋ ባይዘያነ ላልያ ሄንላንቻቶ እዮ አና፤” ያጌ።

2 መድና ጎዳይ እስራኤልያ ጸሳይ ባረ አሳ ሄምያ ሄንላንቻቱዋባ ሀዋዳን ያጌ፤ “ህንተ ታ ድርሳቱዋ ላሊደ፥ ዋራ የደርሴድታ። ህንተ ኡንቱንታ ጸሞሰቤና ድራው፥ ታን ህንተ ኦሌዳ ኢታተላዉ ኡባዉ ህንተና ሙሩዋን ጸሞሳና ያጌ መድና ጎዳይ።

3 ሄዋጥ ጉይያን፥ ታ ዉድያጥ አቴዳዋንታ ካሰ ላሊዳ ቢታ ኡባጥ ታን ታ ሀዲያን ሸሻና። ኡንቱንታ ጉዮ ኡንቱንታ ሄንላ ጋድያ ዛራና። ኡንቱንቱካ ሀዋን የለቲደ ጮራታና።

4 ታን ኡንቱንታ ሎይሳ ሄምያ ሄንላንቻቱዋ ኡንቱንቶ ዋላና። ኡንቱንቱ ላኡንላ ያይክኖነ ዳጋምክኖ፤ ኡንቱንቱጥ አቱነ ባየና። ታን መድና ጎዳይ ሀዋ ኦዳድ” ያጌ።

5 መድና ጎዳይ ሀዋዳን ያጌ፤ “ታን ዳዋተዉ ጽሎ አጫ ደንላና ጋላሳቱ ያና። እ ካትያዳን ካዉታናን እዴዳ ኡራተላን ሞዳና፤ ቢታን አ ሱረባነ ጸሎባ ኦላና።

6 እ ካተትያ ላይላን ይሁዳይ አታና፤ እስራኤሊካ ሳሮ ደእና። እ ጼሰታና ሱንላይ መድና ጎዳ፥ ኦ ጽሎተላ ጌተታና” ያጌ።

7 ሄዋ ድራው፥ ጸሳይ ሀዋዳን ያጌ፤ “አሳይ፥ ኣስራኤልያ አሳ ግብጹ ቢታጥ ከሲደ አሄዳ መድና ጎዳይ ኤሮ” ያጌደ ጫቄያዋ አጋና።

8 ሸን፥ ኣስራኤልያ ዘረላ ሀዲሳ ባጋ ቢታጥነ አ ላሊዳ ቢታቱዋ ኡባጥ አሄዳ መድና ጎዳይ ኤሮ” ያጌደ ጫቃና ጋላሳቱ ያና። ሄዋጥ ጉይያን ኡንቱንቱ ባረንቱ ቡዞ ቢታን ደኡና” ያጌ።

#### ዋርዶ ትምቢትያ ኦድያዋንቱባ

9 ትምቢትያ ኦድያዋንቱባ ታን ቆጥያ ዋደ፥ ታ ዋዛናይ ካየዋን መኤ፤ ታ መቀላቱ ኡባይካ ኮኮሪና። መድና ጎዳ ድራውነ አ ጌሻ ቃላ ድራው፥ ታን ማላቱዳ አሳ ማላ፥ ዋይንያ ኤሳይ ዋልቃ ድጌዳ አሳ ማላ ግዳድ።

10 እያዉ ጎጥ፥ ቢታይ ሻርሞጽቱዋን ኩሜዳ። ሸቃ ድራው፥ ቢታይ ዩኬ፤ ባዞ ሄንላ ጋይቱካ መሊድኖ። ትምቢትያ ኦድያዋንቱ ኢታ ኦግያ ሀመቲኖ፤ ባረንቱ ዋልቃካ ልከ ግደናሳን ጎኡቲኖ።

11 መድና ጎዳይ፥ “ትምቢትያ ኦድያዋን ቄሲነ ላኡካ ቴኔድኖ፤ ሀራይ አትና፥ ታ ጌሻ ጎልያንካ ኡንቱንቱ ኢታተላ ታን ደማድ” ያጌ።

12 ቃይካ መድና ጎዳይ፥ “ሄዋ ድራው፥ ኡንቱንቱ ኦጊ ሀልጻና፤ ኡንቱንቱ ጳማዉ ላገቲደ፥ አን ኮንዳና። ኡንቱንቱ ቃጸየትያ ላይሳ ታን ኡንቱንቱ ቦላን ኢታባ አህና” ያጌ።

13 ቃይካ አ ሀዋዳን ያጌ፤ “ሳማርያን ደእያ ትምቢትያ ኦድያዋንቱ ግደን ሸንይያዋ በኣድ። ኡንቱንቱ ባኣላ ሱንላን ትምቢትያ ኦድያዋን ታ አሳ እስራኤልያ ዋራ ካለሊኖ።

14 ቃይ የሩሳላመን ደእያ ትምቢትያ ኦድያዋንቱ ግደንካ ዳጋንሰያዋ በኣድ። ኡንቱንቱ ሻርሞጽኖን ዋርዶቲደ ሀመቲኖ። ኡንነ ባረ ኢታ ኦሱዋጥ ሰመናዳን፥ ኡንቱንቱ ኢታ ኡልያዋንታ ገደ ሞን። ሊኖ። ኡንቱንቱ ኡባይካ ታዉ ሶደማ ማላ፤ የሩሳላመ አሳይካ ጋሞራ ማላ” ያጌ።

15 ሄዋ ድራው፥ ኡባጥ ዋልቃማ መድና ጎዳይ ትምቢትያ ኦድያዋንቱባ ሀዋዳን ያጌ፤ “የሩሳላመን ደእያ ትምቢትያ ኦድያዋንቱጥ ቱናባይ ከሲደ፥ ቢታ ኡባን ላላቲዳ ድራው፥ ታን ኡንቱንታ ጫምያ ቁማ ሞዛና፤ ታን ኡንቱንታ ዋድያ ሃላ ኡሻና” ያጌ።

16 ኡባጥ ዋልቃማ መጅና ጎዳይ ሀዋዳን ያገይ፤ “ትምቢትያ ኦድያዋንቱ ኦድያባ ሰሶፕተ። ኡንቱንቱ ሀነናባ፣ ሀናና ገደ፣ ዋርዲዋ ኦዲና። መጅና ጎዳይ ባረ ደናጥ ኦድና ግደናን፣ ኡንቱንቱ ባረጥ ቆፕ አኪደ፣ ሳፃ ኦዲና።

17 ታና ካዲያዋንታ ኡንቱንቱ፣ ሰመጅና ጎዳይ፣ ሀንተ ሳር ደአና ያገ ያገና። ቃይ ባረንቱ ዋዛና ሙሙተላ ካለሌያዋንታ ኡባ ኡንቱንቱ፣ ሀንተ ቦላ አያ ኢታባይነ ዬና ያገና” ያገ።

18 ሸን በአናዉ ዋይ አ ቃላ ሰሳናዉ መጅና ጎዳይ ዘርያሳን ኡንቱንቱጥ ኦንነ ኡቁቤና። አ ቃላ ሀይዜዳዌ ዋይ ሰሲዳዌ ኦንነ ባ።

19 መጅና ጎዳ ጎቲ፣ አሳ ግፃ ሴታይ ሀንቁ ሀዌሾ ከሲዳ፤ አ ኢታ አሳቱዋ ሀዲያን ኤቃና።

20 አ ዋዛና ቆፋ ኦላደ ፖለናን ደኢድ፣ መጅና ጎዳ ሀንቁ ሰመና። ዉርሰላ ጋላሳቱዋን ሀዋ ሀንተ አኬካና።

21 ጸሳይ ሀዋዳን ያገይ፤ “ታን ትምቢትያ ኦድያዋንታ ከታባይከ፤ ሸን ኡንቱንቱ ዋጸና። ታን ኡንቱንቱ ኡዳባይከ፤ ሸን ኡንቱንቱ ትምቢትያ ኦዲና።

22 ኡንቱንቱ ታን ዘርያሳን ኡቁዳዋ ግድንቶ፣ ታ ቃላ ታ አሳዉ ኦዳና ሸን! ኡንቱንቱ ኡንቱንቱ ኢታ ኡግያፕነ ኡንቱንቱ ኢታ ኡሱዋጥ ዛራና ሸን!” ያገ።

23 ቃይካ መጅና ጎዳይ፣ “ታን ማታ ጸላላ ጸሴ? ሃኮ ሳን ጸሳ ግድክታ?

24 ታን በኤናዳን፣ ጌማ ሳኢን ባረና ቆሳናዉ አሳይ ዳንዳዳ? ሳሌዋንነ ሳኢን ኩሜዳዌ ታና መጅና ጎዳ ግድክታ?” ያገ ያገና ጎዳይ።

25 ጸሳይ ሀዋዳን ያገይ፤ “ታ ሱንላን ዋርዲዋ ትምቢትያ ኦድያዋንቱ ግያዋ ሰሳድ። ኡንቱንቱ፣ ‘ታን አኩሙታድ፤ ታን አኩሙታድ!’ ያገና።

26 ሀ ዋይ ባረ ዋዛና ጭሙዋ ትምቢትያ ኦድያ ዋርዶ ናበቱዋ ዋዛናን አዉደ ጋካናዉ ጋምአኔ?

27 ኡንቱንቱ አዋቱ ባኣላ ግያ ኤቃ ጋሱዋን ታ ሱንላ ዶኤዳዋዳን፣ ኡንቱንቱ አቱ አቶ ኦድያ አኩሙዋን ታ አሳይ ታ ሱንላ ዶጋናዳን ኦሳናዉ ቆፕና።

28 አኩሙዋ አኩሙቲደ ትምቢትያ ኦድያዌ ባረ አኩሙዋ ዶድ። ሸን ታ ቃላ ሰሲዳዌ ሄ ቃላ አሸናን ጉጅናን ኦድ። ዳላይነ ዘርጋይ ሀቃን ጋከቲ? ያገ መጅና ጎዳይ።

29 ታ ቃላይ ታማ ማላ ግደኔ? ዛላ መንጋሪላያ ማዶሻ ማላ ግደኔ?” ያገ መጅና ጎዳይ።

30 መጅና ጎዳይ ሀዋዳን ያገይ፤ “ሄዋ ድራዉ፣ ታን ታ ቃላ አቱ አቱዋጥ ዉእያ ትምቢትያ ኦድያዋንቱ ቦላ ደአይ።

31 ሄዋዳንካ፣ ባረንቱ እንጸርሳን ሃሳዬደ፣ መጅና ጎዳይ ያገ ያግያ ትምቢትያ ኦድያዋንቱ ቦላ ደአይ ያገ መጅና ጎዳይ።

32 ታን መጅና ጎዳይ ሀዋ ኦዳይ! ዋርዲዋ አኩሙቲደ፣ ትምቢትያ ኦድያዋንቱ ቦላ ታን ግዳና። ኡንቱንቱ ሄ አኩሙዋ ኦዲደ፣ ባረንቱ ዋርዲዋን ባረንቱ ጨቁዋን ታ አሳ ዋራ ካለሊና። ታን ኡንቱንታ ከታባይከ ዋይ፣ ኦድተ ጋባይከ። ኡንቱንቱ ሀ አሳ አይነ ማድክና። መጅና ጎዳይ ሀዋ ኦዲና” ያገ።

**ጸሳ ኪታ**

33 መጅና ጎዳይ ታና ሀዋዳን ያገዳይ፤ “ኤርማሳ፣ ሀ አሳጥ አቱ፣ ዋይ ትምቢትያ ኦድያዌ፣ ዋይ ቁሴ፣ መጅና ጎዳ ኪታይ አይ?” ገደ ኦቾፕ፣ ኔን ኡንቱንታ፣ መጅና ጎዳ ኪታይ ሀንተና፤ ሄዋ ድራዉ፣ ታ ሀንተና አጋ ባሻና ያገ ያጋ።

34 ትምቢትያ ኦድያዌ፣ ዋይ ቁሴ፣ ዋይ አሳጥ አቱ፣ ሀዌ መጅና ጎዳ ኪታ፣ ያገደ ሃሳዮፕ፣ ታን ሄ ብታንያን አ ሱ አሳ ሙራና።

35 ሄዋ አገደ አሳይ፣ መጅና ጎዳይ ዋጌዴ?” ዋይ፣ መጅና ጎዳይ ኦዴዳባይ አይ?” ያገደ ባረ ላገቱዋን ባረ ዳቦቱዋ አቻናዉ በሴ።

36 ሄዋ ድራዉ፣ ኦንነ፣ መጅና ጎዳ ኪታ፣ ያገደ ላኤንላ ሃሳያዉ በሰና። አያዉ ጎፕ፣ አዉ ደናጥ ከሰያ ቃላይ አዋ ኪታ ግዴ። ሄዋን ደኤዋ ጸሳ፣ ኡባጥ ዋልቃማ መጅና ጎዳ፣ ኑ ጸሳ ቃላ ሀንተ ሞርቂታ።

37 “ኔንካ ትምቢትያ ኦድያዋንታ፣ መጅና ጎዳይ ሀንተና ዋጌዴ? ዋይ፣ መጅና ጎዳይ አያ ኦዴዴ?” ያገደ ኡቻናዉ በሴ።

38 ሸን ሀንተ፣ ሀዌ መጅና ጎዳ ኪታ ጎፕ፣ መጅና ጎዳይ ሀዋዳን ያገይ፤ ‘ታን ሀንተና፣ ሀዌ መጅና ጎዳ ኪታ ጎፕተ’ ያግናካ ሀንተ፣ ሀዌ መጅና ጎዳ ኪታ ገድታ።

39 ሄዋ ድራዉ፣ ቱሙዋጥ ታን ሀንተና ዶጋና፤ ሀንተዉን ሀንተ አዋ አሜዳ ካታማ ታ ሰንላጥ ዋራ አላና።

40 ታን ሀንተ ቦላ መጅና ካዉሻነ መጅናዉ ደገተና ዬላ አሀና ያገ” ያገዳይ።

1 እየአቁማ ናአ፡ ይሁዳ ካትያ የአከና ይሁዳ ሞድያዋንቱና፡ ኩሽያ ኦሱዋ ሂላቱዋናን ብራታ ቆጽያዋንቱና የሩሳላመፕ ባብሎን ካቲ ናቡካዳናጸር ኦሞዲደ፡ ባብሎን አፋ ሰምና፡ መድና ጎዳይ ታና ሳፃ በሴዳ፤ ታን መድና ጎዳ ጌሻ ጎልያው ሰንሳ ባጋና ባላሰያ ቴራ ኦይኬዳ ላኡ ከሻቱዋ በአድ።

2 እት ኬሻን ኮይሮ ቴራዳዋ ማላትያ ዳሮ ሎኦ ባላሰያ ቴራይ ደኤ። ላኤንሶ ኬሻን ቃይ ማናው ገገና ዳርፕ ኢታ ባላሰያ ቴራይ ደኤ።

3 መድና ጎዳይ ታና፡ “ኤርምያ፡ ሄዌ ኔን በእያዌ አይ?” ያጊደ ኦቼዳ።  
ታን፡ “ባላሰያ ቴራ በአይ። ሎኦ ቴራይ ሎይሳ ሎአ፤ ኢታ ቴራይ ቃይ ማናው ገገና ሎይሳ ኢታ” ያጊደ ኦዳድ።

4 ሄዋፕ ጉይያን፡ መድና ጎዳ ቃላይ ታኩ ዬዳ፤  
5 “መድና ጎዳይ አሰራኤልያ ጸሳይ ሀዋዳን ያጌ፤ ታን ይሁዳ ቢታፕ ኦሞዳዋን ባብሎን ቢታ የዱዳ አሳቱዋ፡ ሀ ሎኦ ባላሰያ ቴራዳን ሎአ ጋና።

6 ታን ኪካ አይፍያን ኤንቱንታ ጸላና፤ ቃይ ታን ኤንቱንታ ዛራይ ሀ ቢታ አሀና። ታን ኤንቱንታ ኪጻናፕ አትና ኮልከ። ታን ኤንቱንታ ቶካናፕ አትና ሾድከ።

7 ታን መድና ጎዳ ግድያዋ ኤንቱንቱ ኤራናዳን፡ ታን ኤንቱንቶ ዋዛና እማና። ኤንቱንቱ ባረንቱ ኩመንጎ ዋዛናፕ ታኩ ሰማናው ደእያ ድራው፡ ኤንቱንቱ ታ አሳ ግዳና፤ ታንካ ኤንቱንቱ ጸሳ ግዳና’ ያጌ።

8 “ቃይ መድና ጎዳይ ሀዋዳን ያጌ፤ ‘ይሁዳ ካትያ ሰይቅያሳ፡ አ ካፓቱዋ፡ ሀ ቢታን አቲዳ የሩሳላመ አሳ አቲዳዋንታን ግብጼ ቢታን ደእያዋንታ፡ ማናው ገገና ሄ ሎይሳ ኢታ ባላሰያ ቴራዳን ኢታ ጋና።

9 ላላደ የድያ ቢታ ኡባን ታን ኤንቱንታ ሀ ሳአ ካውተላቱዋን ኤንቱንታ በእያ ኡባው ዳጋማን ሸቃ፡ ቦርያን ሊምሱዋ፡ ቅለጩዋን ቦሄቴዳዋ ኦላና።

10 ታን ኤንቱንቶን ኤንቱንቱ ማይዛ አዋቶ እሜዳ ቢታፕ ኤንቱንቱ ኡባና ጳያና ጋካናው፡ ማሻ፡ ኮሻን ኢታ ሀርግያ ኤንቱንቱ ቦላ የዳና’ ያጌ” ያጌዳ።

## 25

### ላፕን ታሙ ላይሳ ኦሞዳዋ ትምቢትያ

1 እየሰያሳ ናአይ፡ ይሁዳ ካቲ እየአቁሞ ካተቲዳ ኦይደንሶ ላይሳን፡ ባብሎን ካቲ ናቡካዳናጸር ካተቲዳ ኮይሮ ላይሳን፡ ይሁዳ አሳ ኡባ ጸልያዋን ኤርምያከ ዬዳ ቃላይ ሀዋ።

2 ትምቢትያ ኦድያ ኤርምሰ ይሁዳ አሳ ኡባውን የሩሳላመን ደእያ ኡባቶ ሀዋዳን ያጌዳ፤

3 “አዋጾ ናአይ፡ ይሁዳ ካቲ እየሰያሰ ካተቲዳ ታማን ሄዘንሶ ላይሳፕ ደሚደ፡ ሀቕ ጋካናው፡ ላታማን ሄዙ ላይሳ መድና ጎዳ ቃላይ ታኩ ዬዳ። ታንካ ዛራ ዛራይ ህንተው ኦዳድ፤ ሽን ህንተ ሰሰናን እጹድታ።

4 “መድና ጎዳይ ባረ ቆማቱዋ፡ ትምቢትያ ኦድያዋንታ ኡባ ዛር ዛራይካ ህንተው ኪቲዳ፤ ሽን ህንተ ሀይዚደ ሰሰናን እጹድታ።

5 ኤንቱንቱ ሀዋዳን ያጌድና፤ ‘ህንተ ኡባይካ ህንተ ኢታ ኦግያፕን ህንተ ኢታ ኦሱዋፕ ሀእ ሰምተ። ሰምፕ፡ መድና ጎዳይ ህንተውን ህንተ ማይዛ አዋቶ መድ መድናው እሜዳ ቢታን ህንተ ደእና።

6 ሀራ ጸሳቶ ኦላናውን ጎይናናው ካሎፕተ። ቃይ ህንተ ኩሺ ኦሌዳባን ጸሳ ይሎዮፕተ። ያቶፕ ጸሳይ ህንተና ቆሄና’ ያጌድና።

7 “መድና ጎዳይ ሀዋዳን ያጌ፤ ‘ህንተ ታን ኦድያዋ ሰሳናዋ አጊደ፡ ህንተ ኩሺ ኦሌዳባን ታና ይሎዬድታ፤ ያቲደ ህንተና ቆህያዋ ህንተ ሁጲያን አሄድታ’ ያጌ።

8 “ሄዋ ድራው፡ ኡባፕ ዋልቃማ መድና ጎዳይ ሀዋዳን ያጌ፤ ‘ህንተ ታ ቃላው አዘዘተናን እጹዳ ድራው።

9 ታን ሁጲሳ ባጋ አሳ ኡባን ታ ቆማ፡ ባብሎን ካትያ ናቡካዳናጸር ጸሳና። ኤንቱንታ ሀ ቢታ ቦላ፡ ሀ ቢታን ደእያ አሳ ቦላን ሀዋ ሄራን ደእያ ካውተላቱዋ ኡባ ቦላ አሀና። ታን ሀ ቢታቱዋ ኡባና ጳይሳና፤ ቃይ በኤዳዌ ዳጋምያባ፡ “ፖራ!” ግያባን መድናው እይን ባይናዋ ኦላና። ታን መድና ጎዳይ ሀዋ ኦዳድ።

10 ታን ኤንቱንቱፕ ለልልሳን ናሽፕ ኮሻ፡ ቡላቕያዋን ቡላቕትያን ኮሻ፡ ዋጾን ጋጭያ ኮሻን ጸምፕያ ፖኡዋ ጳይሳና።



11 ሀ ቢታይ ኡባና ባሻ እይነ ባይና ቢታ ግዳናዋ፤ ሀ ካወተፋቱካ ባብሎነ ካትያዉ ላፑን ታሙ ላይላ ሞደታና።

12 “ ላፑን ታሙ ላይላይ ፖለት ሰምና፣ ታን መድና ጎዳይ ባብሎነ ካትያን እ ካወተፋ አሳ ኡንቱንቱ ባይዙዋ ድራዉ ሙራና፤ ኡንቱንቱ ቢታካ መድናዉ እይነ ባይናዋ እፋና።

13 ታን ሄ ቢታ ቦላን ሃሳዬዳዋ ኡባ፣ ኤርማሰ ካወተፋቱዋ ኡባ ቦላ፣ “ሀናና” ጊደ ኦዴዳ፣ ሀ ማጸፋን ጸፈቱዳዋ ኡባ ሄ ቢታ ቦላን አሀና።

14 ዳር ካወተፋቱን ያልቃማ ካተቱ ባብሎነቱዋ እይለዪደ ሞዳና። ታን ኡንቱንቶ ኡንቱንቱ ሁቱዋዳንን ኡንቱንቱ ኩሽያ ኡሱዋዳን ቃንጻና፣ ያጌ” ያጌዳ።

**ጸሳይ ካወተፋቱዋ ቦላ አሀያ ፕርዳ**

15 መድና ጎዳይ፣ እስራኤልያ ጸሳይ ታዉ ሀዋዳን ያጌዳ፤ “ሀዋ ታ ሀንቁዋ ዋይንያ እሳይ ኩሚዳ ዋንጫ ሄይ። እፋደ ታን ኔና ኪትያ ካወተፋቱዋ ኡባ ኡሻ።

16 ኡንቱንቱ ኡሺደ፣ ታን ኡንቱንቱ ግደ የድያ ማሻ ጋሱዋን ጋንድጋራናን ጎያና” ያጌዳ።

17 ታን መድና ጎዳ ኩሽያፕ ዋንጫ አካደ፣ እ ታና ኪቱዳ ካወተፋቱዋ ኡባ ኡሻድ።

18 ሀቼ ሀኔዳዋዳንካ ኡንቱንቱ ኡባ ባሻነ ደጋጋ፣ ጫሻነ ቃንገላ ኦፋና ማላ፣ የሩሳልሙነ ይሁዳ ካታማቱዋ፣ እ ካተቱዋን እ ካፓቱዋ ኡባ ኡሻድ።

19 ግብጼ ቢታ ካትያ፣ እ ቆማቱዋ፣ እ ካፓቱዋ፣ እ ቢታ አሳ ኡባን

20 ያን ደእያ አላጋ አሳቱዋ ኡባ ኡሻድ። ኡጸ ቢታ ካተቱዋ ኡባ ኡሻድ። ፕልሰጾማ ቢታን ደእያ አሰቃሎና፣ ጋዛ፣ ኤቅርናን አሸደዳፕ አቴዳ ባጋ ካተቱዋ ኡባ ኡሻድ።

21 ኤደማ፣ ሞአባነ አሞና ኡሻድ።

22 ጸርሳ ካተቱዋ ኡባ፣ ሲዶና ካተቱዋ ኡባን ሚድተራነ አባፕ ሄፍገላ ጋጸን ደእያ ቢታ ካተቱዋካ ኡሻድ።

23 ዳዳና፣ ተማና፣ ቡዛነ ባረንቱ ሁጺያ ሹፌርያ ሚድና አሳቱዋ ኡባቱዋ ኡሻድ።

24 እራና ቢታ ካተቱዋ ኡባን ባዙዋን ደእያ ዛራቱዋ ካተቱዋ ኡባ ኡሻድ።

25 ዝምራ፣ ኤላማነ ሚድና ካተቱዋ ኡባ ኡሻድ።

26 ሁጺሳ ባጋ ቢታ ካተቱዋ ኡባ፣ ሃኩዋንን ማታን ደእያ ካተቱዋ ኡባ ኡንቱንቱ ካል ካል፣ ሳእ ቦላን ደእያ ካወተፋቱዋ ኡባ ኡሻድ። ኡንቱንቱ ኡባፕ ጉይያና፣ ባብሎነ ካወካ ኡሻና።

27 “ሄዋ ድራዉ፣ ኡንቱንቶ ኦዳ፤ ኡንቱንቱ ያልቃማ መድና ጎዳይ፣ እስራኤልያ ጸሳይ ሀንተና፣ “ኡሸተነ ማሶተተ። ጮሸተነ ኩንድተ። ታን ሀንተ ግደ የድያ ማሻ ጋሱዋን ላኢንሶ ደንድፕተ” ያጌ” ያጋ።

28 ሽን ኡንቱንቱ ነ ኩሽያፕ ዋንጫ አከናንን ኡሸናን እጸፕ፣ ኡንቱንቶ ሀዋዳን ያጋደ ኦዳ፤ ኡባፕ ያልቃማ መድና ጎዳይ ሀንተና፣ “ሀንተ ኡሻናዉ ኮሺ!

29 በእተ፣ ታን ታ ሱንፋን ጸሰቱዳ ካታማ ቦላ ኢታባ ኦፋናዉ ደማይ። ያንና ሀንተ ሙረተናን አቴደ ቢቱ? ሀንተ ሙረተናን አቴደ ቢክታ! እያዉ ጎፕ፣ ታን ሳኢን ኡባ ቦላ ማሻ ጸሳይ። ታን ኡባፕ ያልቃማ መድና ጎዳይ ሀዋ ኦዳድ” ያጌ” ያጋ።

30 “ሄዋ ድራዉ፣ ኤርማሳ፣ ሀ ቃላይ ኡባይ ኡንቱንቱ ቦላ ሀናናዋ ኡንቱንቶ ኦዳ፤ ጸሳይ ቦላ ቶቃን ጉማና። መድና ጎዳይ ባረ ደእያ ጌሻ ሳኢፕ ባረ ጉንላ ሰሳና። እ ባረ ሄንላ ጋድያ ቦላን ያልቃፕ ጉማና። እ ዋይንያ ቱራ የጳደ፣ ጉምእያዋንቱ ዋሰያዋዳን፣ ሳኢን ደእያ ኡባ ቦላ ዋሳና።

31 እ ጫቡ ሳኢ ጋጸ ጋኪደ ሰሰቱ። አያዉ ጎፕ፣ መድና ጎዳዉ ካወተፋቱዋና ሞቱ ደኤ። ጸሳይ አሳ ኡባና ፕርደታና፤ እ ኢታቱዋ ማሻዉ አሊደ አማና። ታን መድና ጎዳይ ሀዋ ኦዳድ ያጋ” ያጌዳ።

32 ኡባፕ ያልቃማ መድና ጎዳይ፣ “በእ፣ ኢታባይ ካወተፋፕ ካወተፋዉ ላላቱ፤ ሳኢ ጋጸፕ ጎትያ ጫርኩ ደንዴ” ያጌ።

33 ሄ ዋድያን ጸሳይ ዋዴዳዋንቱ አሃይ፣ ቢታ ቦላን ሀ ጋጸፕ ሀን ጋጸ ጋካናዉ ላለታና። ኡንቱንቶ ዬከተና፣ ኡንቱንቱ አሃይ ሸቀና ዋይ ሞገተና። ኡንቱንቱ ቢታን ፕቱዋ ማላ ግዳናዋ።

34 ሀንተና፣ ሄንፋንቻቶ፣ ዬከተነ ዋሰተ። ሀንተና፣ ዉድያ ካለሌያዋንቱ፣ ብድንፋን ጎንደረትተ። አያዉ ጎፕ፣ ሀንተ ሹከትያ ዋዲ ጋኪደ፤ ሀንተ ኩንዳናን ሎኦ ኡርቃ ሚሻዳን መኤረታና።

35 ሄንፋንቻቱ ባቃቲደ ብያሳእይ ባዋ፤ ዉድያ ካለሌያዋንቱካ ከሰ አክያ ሳኢይ ባዋ።

36 መድና ጎዳይ ኡንቱንቱ ሄንላ ጋድያ ጳይሰያ ድራዉ፣ ሄንፋንቻቱ ዋሰያ ዋሱዋን ዉድያ ካለሌያዋንቱ ዬክያ ዬኩዋ ሰሰተ።

37 መድና ጎዳ ሱሎ ሀንቁዋ ጋሱዋን ሳር ደእያ ሄንላ ጋዲ ኦናና።

38 ጋሙ ባረ ደእያ ዋራፕ ከሰያዋዳን፣ ጸሳይካ ባረ ደእያሳፕ ከሳና። ኡንቱንቱ ቢታይካ ናቂያዋንቱ ማሻንን መድና ጎዳ ሱሎ ሀንቁዋን እይነ ባይናዋ ቢታ ግዳናዋ።

**ኤርማሰ ዋርዶ ናባቱዋ ኤቀቱዳ**

# 26

(26:1-24)

ኤርማስ ሀይቁዋ ፕርዳፕ ኦቲ

1 እየሱያሳ ናእይ ይሁዳ ካቲ እየአቄዎ ኮይሮ ካተቲዳ ዎይ፤ ሀ ቃላይ መድና ጎዳፕ ዬዳ።  
2 መድና ጎዳይ ታና ሀዋዳን ያጌዳ፤ “መድና ጎዳ ጎልያ ዳባባን ኤቃ። መድና ጎዳ ጎልያን ጎይናው ይሁዳ ካታማቱዋፕ ይያ ኡባወ ኦዳ። ታን፤ ሉዳ። ጋይ አዘዘዳ ቃላ ኡባፕ እቱዋን አሾፓ።

3 ኦን ኤራ፤ ኤንቱንቱ ሰሲደ፤ ባረንቱ ኤታ ኦግያፕ ሰማንቶን። ያንንቶ ታንካ ኤንቱንቱ ኦሱዋ ኤታተላ ድራው፤ ኤንቱንታ ቆይሳናወ ቆፔዳዋ አጋ ባሻና።

4 “ኤንቱንቶ ኦዳ፤ መድና ጎዳይ ሀዋዳን ያጌ፤ ህንተ ታን ኦድያዋ ሰሰናን እጸፕ፤ ታን ህንተዉ እሜዳ ሀግያን ቤናን እጸፕ፤

5 (ህንተ ሰሰናን እጸናካ) ታን ዛራ ዛራይ ህንተኮ ከቲዳ፤ ትምቢትያ ኦድያ ታ ቆማቱዋ ቃላ ሰሰናን እጸፕ፤

6 ያቶፕ ታን ሀ ጌሻ ጎልያ ሴሎዳን ኦላና። ሀ ካታማካ ሳካን ደእያ ካወተላቶ ኡባወ ቃንገላ ኦላና ያጌ” ያጋ ያጌዳ።

7 ኤርማስ መድና ጎዳ ጎልያን ሀ ቃላ ኦድሸን፤ ቄሳቱ፤ ትምቢትያ ኦድያዋንቱን አሳይ ኡባይ ሰሲድና።

8 ቃይ ኤርማስ መድና ጎዳይ፤ “አሳ ኡባወ ኦዳ” ጌይ እ አዘዘዳ ቃላ ኡባ ኦዲይ ፖሌዳ ዎይ፤ ቄሳቱ፤ ትምቢትያ ኦድያዋንቱን አሳይ ኡባይ እ ኦይቄድና። ኦይቄድ፤ “ኔን ሀይቃናወ በሳሳ!

9 ኔን፤ ህ ጎሊ ሴሎዳን ሀናና፤ ቃይ ሀ ካታማይካ ባዙዋን እና ግዳና ያጋይ፤ መድና ጎዳ ሱንላን እያወ ትምቢትያ ኦዳዲ።” ያጌድና። መድና ጎዳ ጎልያን ሸቄዳ አሳቱ ኡባይ ኤርማሳ ደይድና።

10 ይሁዳ ካፓቱ ሄዋ ሰሴዳ ዎይ፤ ካትያ ጎልያፕ ከሲደ፤ መድና ጎዳ ጎልያ ዬድና። ዪይ መድና ጎዳ ጎልያ ዩሹዋ ግምቢያዉ ኦራላ ፕንግያ ግያ ፕንግያን ኡቲድና።

11 ቄሳቱ ነ ትምቢትያ ኦድያዋንቱ ካፓቶን አሳ ኡባወ ሀዋዳን ያጌድና፤ “ህንተ ህንተ ሀይላን ሰሲድዋዳን፤ ሀ ብታኒ ሀ ካታማ ቦላን ትምቢትያ ኦዳዳ ድራው፤ እ ሀይቃናወ በሴ!” ያጌድና።

12 ኤርማስ ካፓቶን አሳ ኡባወ ሀዋዳን ያጌይ ሃሳዬዳ፤ “ሀ ህንተ ሰሴዳ ቃላይ ኡባይ ሀ ጎልያ ቦላን ሀ ካታማ ቦላ፤ ህናና። ጋይ ታን ኦዳና ማላ፤ መድና ጎዳይ ታና ከቲዳ።

13 ሄዋ ድራው፤ ሀእ ህንተ ኦግያካ ህንተ ኦሱዋካ ላምተ፤ መድና ጎዳ ህንተ ጸሳ ቃላዉ አዘዘት። ያቶፕ፤ መድና ጎዳይ ህንተ ቦላ አህና ጌዳ ኤታባ አግ ባሻና።

14 ታና ግይፕ፤ ታን ህንተ ኩሸያን ደእይ። ህንተዉ ሎእን ሱረ ማለቲዳባ ታ ቦላ አላተ።

15 ህንተ ማታ ሰዲ ባይናን እትባ ኤርተ። ህንተ ታና ዎቋፕ፤ ህንተ ህንተ ቦላ፤ ሀ ካታማ ቦላን ኦ ግድን አሳ ቦላ ጸሎ ሱላ አጩዋ አህና። አያወ ጎፕ፤ ታን ሀ ቃላ ኡባ ህንተ ሀይላን የጋና ማላ፤ ቱሙዋፕ መድና ጎዳይ ታና ከቲዳ።” ያጌዳ።

16 ካፓቱን አሳይ ኡባይ ቄሳቶን ትምቢትያ ኦድያዋንቶ ሀዋዳን ያጌድና፤ “ሀ ብታኒ ሀይቃናወ በሰጎ! አያወ ጎፕ፤ እ መድና ጎዳ ኑ ጸሳ ሱንላን ኑዉ ኦዳዲ” ያጌድና።

17 ጋድያ ጭማቱዋፕካ እቱ እቱ ኤቄድ፤ ሸቄዳ አሳዉ ኡባወ ሀዋዳን ያጌይ ኦዳድና፤

18 “ህዘቄያሰ ይሁዳ፤ ካተቲዳ ላይላን ሞረሸፕፕ ዬዳ ሚክያሰ ይሁዳ አሳዉ ኡባወ ሀዋዳን ያጌይ፤ ትምቢትያ ኦዳዳ፤ ሉባፕ ዎልቃማ መድና ጎዳይ ሀዋዳን ያጌ፤ “ጸዮኔ ሸይቃዳን ጎሸታና። የሩሳወወ ካታማይካ ኮለቲይ፤ ሹቻ ዶርያ ግዳናዎ። ጌሻ ጎሊ ኬጸቲዳ ደሪ ዎራ ማያና” ያጌ። ያጌዳ።

19 ያትና፤ ይሁዳ ካቲ ህዘቄያሰን ይሁዳ አሳይ ኡባይ እ ዎጴይ? ቱይት፤ ህዘቄያሰ መድና ጎዳዉ ያዩይ፤ ጸሳዉ ዋትዋቲዳ። መድና ጎዳይ ባረ ኦላና ጌዳ ኤታባ አግ ባሼዳ። ሸን ኑን ኑረካ ኑ ቦላ ሎይላ ኤታባ አህና ሀኔቶ” ያጌዳ።

እየአቄወ ኦርዮና ዎድሴዳ

20 (ቅርያት-ይአሪማ ግያ ሳን ደእያ ሻማእያ ናእ ኦርዮና ግያ እት ሀራ ብታኒ ደእ፤ አካ ኤርማስ ኦዳዳዳዳን፤ ሀ ካታማ ቦላን ሀ ቢታ ቦላ መድና ጎዳ ሱንላን ትምቢትያ ኦዳዳ።

21 ካቲ እየአቄዎ፤ እ ኦላንቻቱ፤ እ ኦላንቻቱ ኦርዮን ኦዳዳዋ ሰሴዳ ዎይ፤ ካቲ እ ዎላናወ ኮዬዳ። ኦርዮን ሄዋ ሰሲደ ያዩይ፤ ግብጾ ቢታ ባቃቲዳ።

22 ግድ ሸን፤ ካቲ እየአቄዎ እክቦራ ናእ ኤልናታናን ሀራ አሳቱዋ ግብጾ ከቲዳ።

23 ኤንቱንቱ ኦርዮና ግብጸፕ ከሲደ፤ ካትያ ዮአቄማዉ አፊድና። ማሻን እ አ ዎድሲደ፤ እ አሃ ጋድያ ማካናን ኦልሴዳ።”

24 ሽን ሳፋና ናኦ አሁቃም ኤርማሳ ማዴዳ ድራው፤ አሳይ አ ምዳናው አሊደ እምቤና።

# 27

## ኤርማሰ ባረ ሞርግያን ሞሴዳ ሞርግ ሞላ

1 እየሰያሳ ናኦይ ሰደቅያሰ፤ ይሁዳን ካወተላ ደሜዳ ሄራን፤ ሀ ቃላይ መድና ጎደጥ ኤርማሳኮ ይዳ።

2 መድና ጎዳይ ታወ አደዳዌ ሀዋ፤ “ሳወ ሞርግ ሞላነ ጎንያ ዳፋዋ ዋደራዋና ደእያ ቅንቄራትያ መዳ፤ ነ ሞርግያን ሞላ።

3 ይሁዳ ካትያ ሰደቅያሳኮ የሩሳላመ ከተቴዳ አሳቱዋ ቦላ፤ ኤደማ ካትያው፤ ሞኣባ ካትያው፤ እሞና አሳቱዋ ካትያው፤ ጸርሳ ካትያውነ ሲደና ካትያው ኪታ።

4 ኢንቱንቱ ባረንቱ ጎዳቶ ሀዋዳን ያጊደ ኦዳና ማላ፤ ኢንቱንታ አዛዛ፤ ሉባጥ ምልቃማ መድና ጎዳይ፤ እሰራኤልያ ጸሳይ ሀዋዳን ያጊ፤

5 “ታ ምልቃማ ምልቃንነ ታ የዴዳ ኩሽያን ሀ ሳኣ፤ ሳኣን ደእያ አሳ፤ መሀያነ ደኦ ታን መዳድ። አ ታን ታ ኮይያ ኡራው እማይ።

6 ሰም ሀአ ታን ቢታ ኡባ ታ ቆማው፤ ባብሎነ ካትያ ናቡካዳናጸራው አላደ እማድ። ቃይ ታን ባዘ ደኦቱካ እወ ሞደታና ማላ አላድ።

7 አ ቢታይ ሞደታን ሞዲ ጋካናው፤ ካወተላቱ ኡባይ አው፤ አ ናአውነ አ ናኦ ናአው ሞደታና። ሄዋጥ ጉይያን፤ ዳሮ ካወተላቱነ ምልቃማ ካተቱ አ ሞዳና።

8 “ “ ሽን አይ ቢታይነ ዋይ አይ ካወተላይነ ሀ ባብሎነ ካትያ ናቡካዳናጸራው አዛዛተናን እጸጥ አ ሞርግ ሞላን ገለናን እጸጥ። ታን መድና ጎዳይ ሄ ካወተላ አ ኩሽያን ዳይሳና ጋካናው፤ ማሻን፤ ኮሻንነ ኢታ ሀርግያን ሙራና።

9 ሄዋ ድራው፤ ሀንተና፤ ባብሎነ ካትያው ሃረትክታ ያግያ ሀንተ ትምቢትያ ኦድያዋንታ፤ ሀንተወ ካይያዋንቱ፤ ሀንተ እኩሙዋ ብልያዋንታ፤ ሀንተ ሻራቾቱነ ማልያዋንቱ ኦድያዋ ሰሶጥተ።

10 እያወ ጎጥ፤ ኢንቱንቱ ሀንተወ ዋርዲዋ ኦዲና፤ ሄዋ ሀንተና ሀንተ ቢታጥ ሃሲና። ሀንተና ላጋደ ከሳና፤ ሀንተካ ዳያና።

11 ሽን አይ ካወተላይነ ባብሎነ ካትያ ሞርግ ሞላን ገሊደ፤ አወ ሞደቶጥ፤ ታን መድና ጎዳይ ሄ ካወተላ አ ቢታን አሻና፤ ኢንቱንቱ ሄ ቢታ ጎሻናን ያን ደኦና። ያጌ ያጋ” ያጌዳ።

12 ታን ይሁዳ ካትያ ሰደቅያሳወካ ሀዋ ማላትያ ቃላ ኦዲድ፤ “ባብሎነ ካትያ ሞርግ ሞላን ሆካደ ገላ። አወነ አ አሳወ ሞደታ። ያቶጥ፤ ኔን ገጸ ደኦና።

13 መድና ጎዳይ ባብሎነ ካትያወ ሞደተናን እጸያ ካወተላወ ጌዳዋዳን ማሻን፤ ኮሻንነ ኢታ ሀርግያን ኔንነ ከሳይ እያወ ሀይቁቱ?

14 “ሀንተ ባብሎነ ካትያወ ሃረትክታ ግያ ትምቢትያ ኦድያዋንቱ ቃላ ሰሶጥተ። እያወ ጎጥ፤ ሄዋ ኢንቱንቱ ሀንተወ ኦድያዋ ዋርዲዋ።

15 መድና ጎዳይ ሀዋዳን ያጊ፤ “ታን ኢንቱንቱ ኪታቢይከ፤ ሽን ኢንቱንቱ ታ ሱንላን፤ “ትምቢትያ” ገደ ኦዲና። ሄዋ ድራው፤ ታን ሀንተና ላጋደ ከሳና፤ ሀንተካ ሀንተወ ትምቢትያ ኦድያዋንቱካ ዳያና ያጊ።

16 ሄዋጥ ጉይያን፤ ታን ቁሳቶነ ሀ አሳ ኡባወ ሀዋዳን ያጋደ ሃሳያድ፤ “መድና ጎዳይ ሀዋዳን ያጊ፤ መድና ጎዳ ጎልያ ማሻይ ባብሎነጥ ሀአ ማታና ሰሚደ ያና” ያጊደ ኦድያ ሀንተ ትምቢትያ ኦድያዋንቱ ቃላ ሰሶጥተ። እያወ ጎጥ፤ ኢንቱንቱ ሀንተወ ኦድያዋ ዋርዲዋ።

17 ኢንቱንቱ ግያዋ ሰሶጥተ፤ ባብሎነ ካትያወ ሞደተተነ ገጸ ደኦተ! ሀ ካታማይነ እያወ ኮለት ክቼዳ ሳኦ ግዳኔ?

18 ኢንቱንቱ ትምቢትያ ኦድያዋንታ ግደጥነ መድና ጎዳ ቃላይ ኢንቱንቱን ደኦጥ፤ መድና ጎዳ ጎልያን፤ ይሁዳ ካትያ ጎልያንነ የሩሳላመን አቴዳ ኪሻ ማሻይ ባብሎነ ቤናዳን ታና፤ ኡባጥ ምልቃማ መድና ጎዳ ሞሰኖ ያጌ።

19 ኡባጥ ምልቃማ መድና ጎዳይ፤ “ጌሻ ጎልያጥ ሰንሳ ባጋን ኤቁዳ ላኡ ናሰያ ቱሳቱዋባ፤ እኩ-ከርያባ፤ ጫና ጋረቱዋባነ ሀራ ማሻቱዋ ኡባቱዋባ ሀዋዳን ያጌ።

20 ባብሎነ ካቱ ናቡካዳናጸር እየኦቁማ ናኦ፤ ይሁዳ ካትያ የኦኪናን ይሁዳንነ የሩሳላመን ደእያ ምልቃማ አሳ ኡባ ኦሞዲደ አፌዳ ሞዲያና።

21 “ኡባጥ ምልቃማ መድና ጎዳይ፤ እሰራኤልያ ጸሳይ መድና ጎዳ ጎልያን፤ ይሁዳ ካትያ ጎልያንነ የሩሳላመን አቴዳ ማሻቱዋባ ሀዋዳን ያጊ፤

22 “ኢንቱንቱ ባብሎነ ቢታወ ኬዘታና፤ ታን ኢንቱንቱ ድራው ያና ጋሳሳይ ጋካናው፤ ኢንቱንቱ ያን ደኦና። ሄ ዋደ ታን ኢንቱንታ ጉየ ዛራደ ኢንቱንቱ ሳኣን ሞላና። ታን መድና ጎዳይ ሀዋ ኦዲድ ያጌ” ያጋድ።

# 28

ኤርማሳን ትምህርትን እድያ ሀናንያ

1 ሄ ላይሰ፡ ይሁዳ ካቲ ሰደቅያሰ ካወተላ ደሜዳ ሄራን፡ ኦይደንላ ላይሰ፡ እቼሽንላ እግናን ገባኦና፡ ጌዳ እዙራ ናእይ ትምህርትን እድያ ሀናን፡ መጅና ጎዳ ጎልያን ቄሳቲ ቀነ አሳቱዋ ኡባ ሰንላን ታዉ ሀዋዳን ያጊደ ሃሳዬዳ፤

2 “ኡባ፡ ምልቃማ መጅና ጎዳይ፡ እስራኤልያ ጸሳይ ሀዋዳን ያጊ፤ ታን ባብሎን ካትያ ሞርገ ሞላ መንሳና።

3 ባብሎን ካቲ ናቡካዳናጸር ሀዋ፡ ደንሰይ፡ ባብሎን አፌዳ፡ መጅና ጎዳ ጎልያ ሚሻ ኡባ ታን ላኡ ላይሰ ግደን ዛራደ፡ ሀ ሳኣ አሀና።

4 ቃይ ታን እዮአቄማ ናኣ ይሁዳ ካትያ እዮአከናካ፡ ይሁዳ፡ ጸሞደቲደ፡ ባብሎን ቤዳ አሳ ኡባ ዛራደ ሀ ሳኣ አሀና። እያዉ ጎፐ፡ ታን ባብሎን ካትያ ሞርገ ሞላ መንሳና። መጅና ጎዳይ ሀዋ ኦዳድ ያጊ” ያጊደ።

5 መጅና ጎዳ ጎልያ ግደን ኤቄዳ ቄሳቲ ቀነ አሳቱዋ ኡባቱዋ ሰንላን ትምህርትን እድያ ኤርማሰ ትምህርትን እድያ ሀናንያዉ

6 ሀዋዳን ያጊደ፤ “አመንእ! መጅና ጎዳይ ያቶ! መጅና ጎዳ ጎልያ ሚሻቱዋን ኦሞደቲደ ቤዳ አሳ ኡባ ባብሎን፡ ዛራደ፡ ሀ ሳኣ አሄደ፡ ኔን ኦይዳ ቃላ መጅና ጎዳይ ፖሎ!

7 ግደ፡ ከነ፡ እነ ታን ነዉካ ሀ አሳ ኡባዉካ ኦድያዋ ሰሳ።

8 በን ኔፐን፡ ታፐ፡ ከሰ ደኤዳ ትምህርትን እድያዋን፡ ኦላይ፡ ኢታባይን ኢታ ሀርግያ ዳር ቢታቱዋ ቦላን ምልቃማ ካወተላቱዋ ቦላ ሀናናዋ ኦይድና።

9 ሸን፡ “ሳርባይ ሀናና ጊደ እድያ ትምህርትን እድያዋ ግደ፡ ሄ ኦድያዋ ቃላይ ፖለትያ ምደ፡ ሄ ምደ ቱመዋ፡ መጅና ጎዳይ ኦ ከቲዳዋ ኤረታና” ያጊደ።

10 ሃዋ፡ ጉይያን፡ ትምህርትን እድያ ሀናን ትምህርትን እድያ ኤርማሳ ሞርግያ፡ ሞርገ ሞላ አከደ መንሳዳ።

11 ሀናን አሳ ኡባ ሰንላን ሀዋዳን ያጊደ ሃሳዬዳ፤ “መጅና ጎዳይ ሀዋዳን ያጊ፤ ታን ላኡ ላይሰ፡ ግደን ባብሎን ካትያ ናቡካዳናጸር ሞርገ ሞላ ካወተላቱዋ ኡባ ሞርግያ፡ ደንሳደ ሀዋዳን መንሳና ያጊ” ያጊደ። ያትና፡ ትምህርትን እድያ ኤርማሰ ደንዲደ፡ ባር ብያሳ ቤዳ።

12 ትምህርትን እድያ ሀናን ትምህርትን እድያ ኤርማሳ ሞርግያ፡ ሞርገ ሞላ መንሳዳዋ፡ ጉይያን፡ መጅና ጎዳ ቃላይ ትምህርትን እድያ ኤርማሳዉ ዬዳ፤

13 “ሳ፤ ባደ ሀናንያዉ ኦዳ፤ መጅና ጎዳይ ሀዋዳን ያጊ፤ ኔን ሞላ ሞርገ ሞላ መንሳዳ፤ ሸን ኔን ኦ ድራዉ ብራታ ሞርገ ሞላ መሳና ያጊ።

14 ቃይካ ኡባ፡ ምልቃማ መጅና ጎዳይ፡ እስራኤልያ ጸሳይ ሀዋዳን ያጊ፤ “ኡንቱንቲ ባብሎን ካትያ ናቡካዳናጸርዉ ሞደታና ማላ፡ ታን ሀ ካወተላቱዋ ኡባ ሞርግያን ብራታ ሞርገ ሞላ ዋላና፤ ኡንቱንቲካ አዉ ሞደታና። ሀራይ አትና፡ ባዞ ደአቱዋካ አዉ እማድ” ያጊ ያጋ” ያጊደ።

15 ሃዋ፡ ጉይያን፡ ትምህርትን እድያ ኤርማሰ ትምህርትን እድያ ሀናንያ ሀዋዳን ያጊደ፤ “ሀናንያዉ፡ ሰሳ! መጅና ጎዳይ ኔና ከትቤና፤ ሸን ኔን ሀ አሳይ ሞርዶባን እማነታና ማላ ኦላዳ።

16 ሃዋ ድራዉ፡ መጅና ጎዳይ ሀዋዳን ያጊ፤ ታን ኔና ሀ ሳኣ ቦላ፡ ድጋና። ኔን ሀ አሳይ ታ ቦላን ማካላናዳን ዞሬዳ ድራዉ፡ ኔን ሀ ላይሰ ሀይቃና” ያጊ” ያጊደ መጅና ጎዳይ።

17 ሄ ላይሰካ ላፑንላ እግናን ትምህርትን እድያ ሀናን ሀይቄዳ።

# 29

ኤርማሰ ባብሎንን ደእያ ኦሞደቲዳ አሳዉ የዴዳ ዳብዳቢያ

1 ትምህርትን እድያ ኤርማሰ ኦሞደቲዳዋን፡ ግደን ደእያ አቲዳ ጭማቶ፡ ቄሳቶ፡ ትምህርትን እድያዋን፡ ናቡካዳናጸር የሩሳላመ፡ ኤርማሰ፡ ባብሎን አፌዳ ሀራ አሳቶ ኡባዉ የሩሳላመ፡ የዴዳ ዳብዳቢ ሀዋ፡ ካሊደ ጸፈቲዳዋ።

2 ሀዋ ሀኔዳዋ፡ ካቲ ዮኣከን፡ ካታታ እ አታ፡ እ ኦሳንቻቲ፡ ይሁዳን የሩሳላመ ካፓቲ፡ ኩሸያ ኦሴዋ ሂላንቻቲ ብራታ ቆጵያዋን፡ የሩሳላመ፡ ከሰ ሰምና።

3 ኤርማሰ ይሁዳ ካቲ ሰደቅያሰ ባብሎን ካትያ ናቡካዳናጸርዉ ከትያ ሳፋና ናኣ ኤልአሳን ሀልቄያ ናኣ ጋማርያ ቦላን ሄ ዳብዳቢያ ከቲዳ። ዳብዳቢ ሀዋዳን ያጊደ።

4 “ኡባ፡ ምልቃማ መጅና ጎዳይ፡ እስራኤልያ ጸሳይ፡ ታን የሩሳላመ፡ ባብሎን ኦሞድሳይ የዴዳ አሳዉ ኡባዉ ሀዋዳን ያጋይ፤

5 ጎላቱዋ ከዲደ፡ ኡንቱንቲን ደአተ። ካላ ዘሪደ፡ አይፍያ ሚተ።

6 ማጫ አሳ እክተ፤ እኪደ ማጫዎ አቱማዎ የልተ። ህንተ ናናቶካ ማጫ አሳ ገገሲደ እምተ፤ ህንተ ማጫ ናናቱዋካ እሰናዉ እምተ። ኤንቱንቱካ ማጫዎ አቱማዎ የልተ። ያን ፓይዲዎ ጮራትተ፤ ጉጸጥተ።

7 ቃይ ታን ህንተና አሞዶ የዴዳ ካታማዉ ሳሩ ደእናዳን ኮይተ። ሄ ካታማዉ መድና ጎዳ ዎስተ። እያዉ ጎተ። ሓዉ ሳሩ ደአተ። ህንተዉካ ሳሩ ደእና፣ ያገይ።

8 “ኡባጥ ዎልቃማ መድና ጎዳይ። እሰራኤልያ ጸሳይ ሀዋዳን ያገይ፤ ህንተ ግዶን ህንተ ትምቢትያ ኦድያዎንቱክ ሻራቾቹ ኦድያዎን ጭመቶጥተ። ኤንቱንቱ እኩመትያ እኩመዋካ ሰሰጥተ።

9 እያዉ ጎተ። ኤንቱንቱ ታ ሱንሳን “ትምቢትያ” ጊደ ዎርዶባ ኦዲና፤ ታን ኤንቱንታ ኪታበይኮ፣ ያገይ መድና ጎዳይ።

10 “መድና ጎዳይ ሀዋዳን ያገይ፤ ባብሎን ላይላይ ላፑን ታሙ ፖለትያ ዎደ። ታን ህንተ ድራዉ ያና፤ ታን ህንተና ህንተ ቢታ ዛራደ እሀና ጌዳ ሎኦ ቃላ ፖላና።

11 እያዉ ጎተ። ታን ህንተዉ ሀልቻያ ሀልቻዎ ታን መድና ጎዳይ ኤራይ፤ ሄዋካ፣ ህንተዉ ሰንሳ ሀይታን ናሽቻ እማና ማላ፣ ሳር ሀልቻዎጥ አትና፣ ኢታ ሀልቻዎ ግደና።

12 ሄዎጥ ጉይያን፣ ህንተ ታና ጸሳና፤ ታኮ ያና፤ ታና ሀልቻ፤ ታንካ ህንተዉ ሰሳና።

13 ህንተ ታና ኮያና፤ ህንተ ታና ህንተ ፖሎ ዎዛናጥ ኮዬዳ ዎደ ደማና።

14 ታን ህንተዉ ቢታና። ታን ህንተና አሞዶዎጥ ዛራና። ታን ህንተና ላሌዳ ካዉተላቱዎ ኡባጥን ሳኦ ኡባጥ ሸሻና ያገይ መድና ጎዳይ። ታን ህንተና አሞዶ የዳናጥ ካሰ ህንተ ደኤዳ ሳኦ ጉየ ዛራደ እሀና። ታን መድና ጎዳይ ሀዋ ኦዲና፣ ያገይ።”

15 ህንተ፣ “መድና ጎዳይ ትምቢትያ ኦድያዎ ኑዉ ባብሎንን ደንጮዳ ያገይታ።

16 ሄዎ ድራዉ፣ ዳዊታ ካዉተላ አራታን ኡትያ ካትያዎ፤ ሀ ካታማን ደእያ አሳ ኡባባን ህንተናና አሞዶዎን ከሰቤና ህንተ ዳብቱዋባ መድና ጎዳይ ሀዋዳን ያገይ።

17 ኤ፣ ኡባጥ ዎልቃማ መድና ጎዳይ ሀዋዳን ያገይ፤ ታን ኤንቱንቱ ቦላ ማሻ፣ ኮሻን ኢታ ሀርግያ እሀና። ቃይ ታን ኤንቱንታ ማናዉ ገገና ዎቄዳ ባላሰያ ቱራ ማላ ኦላና።

18 ታን ኤንቱንታ ማሻን፣ ኮሻንን ኢታ ሀርግያን የደርሳና፤ ታን ኤንቱንቱ ሳኦን ደእያ ካዉተላ ኡባዉ ዳጋማ ኦላና። ቃይ ታን ኤንቱንታ ከሳደ የዴዳ ቢታ ኡባን ቃንገላ፣ ዳጋማ፣ ቦርያን ሸቃ ኦላና።

19 እያዉ ጎተ፣ ትምቢትያ ኦድያ ታ ቆማቱዎ ቦላ ታን ኤንቱንቶ ዛራ ዛራደ ኪቱዳ ታ ቃላ ኤንቱንቱ ሰሰናን እጾድና ያገይ መድና ጎዳይ። ህንተካ አሞዶት ቤዳዋንቱ ሰሰናን እጾድታ ያገይ መድና ጎዳይ።

20 ታን የሩሳላመጥ ባብሎን አሞዶሳደ የዴዳ አሳቶ፣ ህንተ ኡባይካ ታ ቃላ፣ መድና ጎዳ ቃላ ሰሰተ፣ ያገይ።

21 “ሀናናዎ ጊደ ህንተዉ ታ ሱንሳን ዎርዶባ ኦድያ ቆላያ ናኦ እካባባን ማእሴያ ናኦ ጽድቅያባ ኡባጥ ዎልቃማ መድና ጎዳይ። እሰራኤልያ ጸሳይ ሀዋዳን ያገይ፤ ታን ኤንቱንታ ባብሎን ካትያ ናቡካዳናጸራዉ እላደ እማና። ህንተ ጸልሸን፣ እ ኤንቱንታ ዎሳና።

22 ሄዎጥ ጉይያን፣ ይሁዳጥ አሞዶተደ፣ ባብሎን ቤዳ አሳይ እት ኡራ ሸቃናዉ ኮዮጥ፣ “መድና ጎዳይ ኔና ባብሎን ካቲ ታማን ጸጌዳ ጽድቅያዳንን እካባዳን ኦሎ” ያገና።

23 እያዉ ጎተ፣ ኤንቱንቱ እሰራኤልያን ሎይላ ናገራ ኦሎድና። ኤንቱንቱ ባረንቱ ሾርቱዎ ማጫ አሳ ዎሾሜድና፤ ያቲደ ታን ኤንቱንታ አዛዛቤና ዎርዶባ ታ ሱንሳን ሃሳዪና። ሄዎ ኤርያዎ ታና፤ ሄዎ ታን ማርካ። ታን መድና ጎዳይ ሀዋ ኦዲና፣ ያገይ።”

**ሻማእያ ዳብዳቢያ**

24 ጸሳይ ሃላላምያ ሻማእያዉ ሀ ኪታ ኪታና ማላ፣ ኤርማሳዉ ኦዴዳ።

25 “ኡባጥ ዎልቃማ መድና ጎዳይ። እሰራኤልያ ጸሳይ ሀዋዳን ያገይ፤ ሓን ከ ሱንሳን ዳብዳቢያ የሩሳላመን ደእያ አሳዉ ኡባዉ፣ ማእሴያ ናኦ ቄሰያ ጸፋንያዉን ሀራ ቄሳቱ ዎ ኡባዉ የዳዳ። ኔን ጸፋንያ ሀዋዳን ያገዳ፤

26 “መድና ጎዳ ጎልያን ካፑዎ ግዳና ማላ፣ ኔና መድና ጎዳይ ዮድሄ ድራዉ ቄሰያ ኦሊደ ሱንጮዳ። ትምቢትያ ኦዴቶ ግያ ጎይያ አሳቱዎ፣ ቃጺያንን ቶላን ገልሳናዉ በሴ።

27 ሄዎ ድራዉ፣ ህንተ ግዶን ትምቢትያ ኦድያ እናቶታጥ ጮዳ ኤርማሳ እያዉ ሄዎዳን ኦላበይኪ?”

28 ኑን ባብሎንን ደእሸና፣ ኤርማሰ ጸፊደ፣ ኑዉ ሀዋዳን ያገይ ኪቱዳ፤ ያን ህንተ ጋምእና። ጎሊቱዎ ኪዲደ፣ ደአተ። ካላ ዘራደ፣ እይፍያ ሚተ” ያገይ።”

29 ቄሰያ ጸፋኒ ትምቢትያ ኦድያ ኤርማሳዉ ሀ ዳብዳቢያ ናባቤዳ።

30 መድና ጎዳ ቃላይ ኤርማሳዉ ሀዋዳን ያገይ ዬዳ፤

31 “ከታ ኦሞዲዎን አሳው ኡባው ሀዋዲን ያገደ ከታ፤ ሳህላምያ ሻማእያባ መድና ጎዳይ ሀዋዲን ያጌ፤ “ታን ከተናን ሻማኢ ሀንተው፤ ሀናናዋ ጊደ ኦዲዳ ድራው፤ ሀንተና ዋርዲዋ አማንጴዳ ድራው።

32 ታን መድና ጎዳይ ሳህላምያ ሻማእያን አ ሶ አሳ ሙራና። ታ ቦላ እ ማካላባ ሃሳዬዳ ድራው። ሀ አሳ ግደን አው እት ኡራይነ ፓጻ ደኤና። ቃይ እ ባረ ሁጺያንካ ታን ታ አሳው ኦላና ኬካተላ በኤና። ታን መድና ጎዳይ ሀዋ ኦዲድ” ያጌ’ ያገ” ያጌዳ።

### ጸሓይ ባረ አሳ ባረንቱ ቢታው ዛራና

## 30

(30:1—33:26)

ጸሓይ ባረ አሳው እማና ጌዳ ህደታ

1 መድና ጎዳፕ ኤርማሳው ዬዳ ቃላይ ሀዋ።

2 መድና ጎዳይ እስራኤልያ ጸሓይ ሀዋዲን ያጌ፤ “ኤርማሳ፣ ታን ነው ኦዲዳ ቃላ ኡባ ጸላ ማጻፋን ጻፋ።

3 ታ አሳ እስራኤልያን ይሁዳ ኦሞዲዋፕ ጉዮ ዛራደ እሻልሶያ ጋላሳቱ ያና፤ ታን ኡንቱንቱ ማይዛ አዋቶ እማዳ ቢታው ኡንቱንታ ዛራና ያጌ መድና ጎዳይ፤ ኡንቱንቱካ ላታናዋንታ። መድና ጎዳይ ሀዋ ኦዲይ” ያጌ።

4 መድና ጎዳይ እስራኤልያ አሳባነ ይሁዳ አሳዋ ኦዲዳ ቃላይ ሀዋ።

5 መድና ጎዳይ ሀዋዲን ያጌ፤ “ታን አሳይ ያሻው ዋሶያ ዋሱዋ ሰሳድ፤ ዳጋማ ዋሶፕ አትና፤ ሀዋ ሳር ዋሶ ግደና።

6 እነ ላልእተነ ዋቾተ! አቱማ እሰ ባንኪደ፣ ናእ የላናው ዳንዳዴ? ያትና፣ አቱማ አሳይ ኡባይ ኦይላይ ኦይቄዳ ማጫ አሳዲን፣ ባረ ኩሽያን ባረ ኡሉዋ ኦይቃ ደእሽን ታን በእያዋ እዬ? አሳ ኡባ ሶምኢ እያው ቶሱ ጌዴ?

7 እየ እና! ሄ ጋላሳይ ኢታ ጋላሳ፤ ሄዋ ማላ ጋላሰ ኡባካ ባዋ። ሄ ጋላሳይ ያቆባ ዛረቶ መቶ ዋይ ግዳናዋ። ግደፕነ ኡንቱንቱ ሄዋፕ አታና” ያጌ።

8 ኡባፕ ዋልቃማ መድና ጎዳይ ሀዋዲን ያጌ፤ “ሄ ጋላሰ ታን ኡንቱንቱ ሞርግያፕ ሞርገ ዋላ መንጻና፤ ኡንቱንቱ ቃሽቱዳ ሳንሳላታካ ዲላና። ሀዋፕ ሰንጻናው አላጋ ቢታ አሳይ ኡንቱንታ አይለየና።

9 ሄዋ አጊደ ኡንቱንቱ መድና ጎዳው፣ ባረንቱ ጸሓው፣ ኦላና፤ ታን ኡንቱንቶ ደንጸያ ካትያ ዳዊተው ኡንቱንቱ ሞደታና።

10 “ሄዋ ድራው፣ ታ ቆማቶ፣ ያቆባ ዛረቶ፣ ያዮፕተ! ህንተና፣ እስራኤላቶ፣ ዳጋሞፕተ! ህንተ ሃኩ ሳን ደእሽና፣ ታን ህንተና አሻና፤ ህንተ ዛራቱዋካ ኡንቱንቱ ኦሞደቲደ ቢታፕ የድሳና። ያቆባ ዛረሐ ሰሚደ፣ እየንቶ ቦቼናን ሳር ደእና፤ ኡንቱንታ አይ አሳይነ ያሽሰና። ታን መድና ጎዳይ ሀዋ ኦዲይ።

11 ታን ህንተና አሻናው ህንተናና ደእይ። ታን መድና ጎዳይ ሀዋ ኦዲይ። ታን ህንተና ላሌዳዋ ኡባ ኡባና ቆይሳና፤ ሽን ህንተና ኡባና ቆይሰከ። ታን ህንተና ልከ ፕርዳን ሙራና፤ ሙራዋ ባይናን ህንተና ኡባና ጮ የድከ” ያጌ።

12 መድና ጎዳይ ሀዋዲን ያጌ፤ “ህንተ ደሽላይ ፓጻናዋ፤ ህንተ ማዲላይካ ኢታ።

13 ህንተ የወዋን ህንተና ማድያዋ ባዋ፤ ህንተ ማዲላይካ ቆሊ ባዋ፤ ህንተው ፓጻ ባዋ።

14 ህንተ ሲቆቱ ኡባቱ ህንተና ደጌድና፤ ኡንቱንቱ ህንተባ ግድክና። ህንተና ሞርክያዲን ሸጫድ፤ መቀሐ ባይና አሳይ ሙሪያዋዲን ሙራድ። እያው ጎፕ፣ ህንተ ባይዙ ዳጌኤዳ፤ ህንተ ናጋራይካ ዳራድ።

15 ሀ ፓጻና ህንተ ደሽላው እያው ዋሲቱ? ህንተ ባይዙ ዳጊደ ድራው፤ ህንተ ናጋራይ ዳራደ ድራው፣ ሀዋ ህንተ ቦላ ታን ኦላይ።

16 “ሸን ህንተና ቢታ ከሰ ሚዳ ኡባቱ ሜተታና፤ ህንተ ሞርከቱ ኡባቱካ ኦሞዶ ባና። ህንተና ቦንቄዳዋንቱ ቦንቄታና፤ ህንተባ ኦላን እኪዳዋንቱባካ ኦላን እካና።

17 ታን ህንተው ኬክሳና፤ ህንተ ማዲላይካ ፓላና። እያው ጎፕ፣ ኡንቱንቱ ህንተና፣ ‘ሀዋንቱ ኦላቱዳዋንታ፤ ጽዮና ጊደ ኮይያዋ ባዋ’ ያጌና። ታን መድና ጎዳይ ሀዋ ኦዲይ” ያጌ።

18 መድና ጎዳይ ሀዋዲን ያጌ፤ “ታን ያቆባ ዛራቱዋ ጎልያ ኦሞደቶደፕ ጉዮ ዛራደ፣ እሻልሳና፤ ኡንቱንቱ ደእያ ሳእውካ ቃረታና። የራሳላሙ ካታማይካ ካሰ ባረ ኮላቲድና፣ ካትያ ጎሊካ ካሰ ባረ ሳካን ሰሚደ ኬጸታና።

19 ያን ደእያ አሳይ ኡባይ ጋላታ ማዘሙርያና ናሽቻ የላ የጻና። ታን ኡንቱንቱ ፓይዲዋ ዳርሳና፤ ኡንቱንቱ ፓይዲ ላኤንጶ ጉጻና። ታን ኡንቱንቱ ቦንቄቱዳ ደርያ ኦላና፤ ኡንቱንቱ ካፓክና።

- 20 ኢንቴንቴ ዘረላይ በን ዎደ ደኡዎዳን ደእና፤ ኢንቴንቴ ማባራይካ ታ ሰንላን ምን ኤቃና። ኢንቴንጎት ኢንኤልያዎንታ ኡባካ ታን ሙራና።
- 21 ኢንቴንቴ ካፑ ኢንቴንቴ አሳፕ እቴዎ ግዳናዎ፤ ኢንቴንጎት ሞድያዌ ኢንቴንቴ ግደፕ ከሳና። ታን አ ታ ማታ አህና፤ እ ታኮ ሺቃና። ታን ሺሸናን ደእሺና፤ ጸሊደ ታኮ ሺቃናዉ ዳንዳይያዌ ኦኔ? ታን መድና ጎዳይ ሀዋ ኦዳይ።
- 22 ሄዋ ድራዉ፤ ህንተ ታ አሳ ግዳና፤ ታንካ ህንተ ጸሳ ግዳናዎ” ያጌ።
- 23 በእተ፤ መድና ጎዳ ህንቁ ጎትያዳን ሀኔ፤ እካ ሰርመቴደ፤ ኢታቱዋ ሀጺያን ያና።
- 24 መድና ጎዳይ ባረ ዋዛና ሀልቸዋ ዉርሲደ ፖላና ጋካናዉ፤ እ ኤጽያ ህንቁ ኑዮ ሰመና። ሄዋ ጉዮፕ ይያ ዎደቱዋን ህንተ አከካና።

# 31

## እስራኤልያ አሳይ ባረ ቢታ ሰማና

- 1 መድና ጎዳይ ሀዋዳን ያጌ፤ “ሄ ዎደ ታን እስራኤልያ ያራቶ ኡባዉ ጸሳ ግዳና፤ ኢንቴንቴካ ታ አሳ ግዳናዎ” ያጌ።
- 2 መድና ጎዳይ ሀዋዳን ያጌ፤ “አዳፕ ፓላሄዳ አሳይ ታፕ እጶ ኬካተላ መላ ቢታን ደሜዳ። እስራኤልያ አሳይ ሸምፕ አካናዉ ኮዬዳ ዎደ።
- 3 ታን መድና ጎዳይ ኢንቴንጎት ሃኮ ሳፕ ሀዋዳን ያጋደ ቆንጫድ፤ እስራኤልያ አሳዉ፤ ታን ህንተና መድና ሲቁዋን ሲቃይ፤ ታ አገና ሲቁዋን ታን ህንተና ታኮ ሺሻድ።
- 4 እስራኤልያ አሳዉ፤ ታን ህንተና ዛረላደ ኬጻና፤ ህንተካ ኬጻታና። ዛረላደካ ካራቡዋ ኦይቂደ፤ ናሽታያዋንቴና የጻናን ዱራና።
- 5 ህንተ ዛረላደካ ሳማርያ ዘዘቱዋ ቦላ ዎይንያ ቱራቱዋ ቶካና፤ ቶኬዳዋንቴ እ ቴራን ናሽታና።
- 6 ኤፍሪማ ገዝያን ናግያዋንቴ፤ “ሃይተ፤ መድና ጎዳኮ፤ ኦ ጸሳኮ፤ ፑደ ጽዮን እነ ቦይተ!” ያጌደ ጸሲያ ዎዲ ያና። ያጋድ” ያጌ።
- 7 መድና ጎዳይ ሀዋዳን ያጌ፤ “የቆባ አሳዉ ናሽቻን የጽተ፤ ካዉተሳቱዋ ኡባፕ አድያ እስራኤልያዉ ሆምቦጫተ። መድና ጎዳይ እስራኤልያ አሳፕ እቴዳዋንታ አሺዳ ያጌደ ጋላታ ማዛሙርያ የጽተ።
- 8 በእተ፤ ታን ኢንቴንቴ ሀጺሳ ባጋ ቢታፕ አህና፤ ሳኦ ጋጸፕካ ታን ኢንቴንጎት ሺሻና። ቆቀቱ፤ ዋባቱ፤ ሻሃራ ማጫ አሳቱን ኦይሳይ ኦይቂዳ ማጫ አሳቱ ኢንቴንጎቱና አትፕ ያና፤ ሎይላ ዳር አሳይ ባረ ቢታ ሰማና።
- 9 ታን ኢንቴንጎት ዛራደ አህያ ዎደ፤ ኢንቴንቴ ናሽቻ ዳሩዋን ዬኪደነ ዎሲደ ያና። ታን ኢንቴንጎት ሻፋ ላንቂያና፤ ኢንቴንጎት ቆብና ሰታ ኦግያና ካለላና። አያዉ ጎፕ፤ ታን እስራኤልያ አሳዉ አዉዎ፤ ኤፍሪምካ ታዉ ባይራ ናኦ።
- 10 “ህንተና፤ ካዉተሳቶ፤ መድና ጎዳ ቃላ ሰሰተ! ሃኮ ሳን፤ አባ ደናን ደእያ ቢታቱዋን ሀዋዳን ያጌደ አዎይተ፤ እስራኤላቱዋ ላሌዳዌ እ ኢንቴንጎት ሺሻና፤ ቃይ ሃንላንቻይ ባረ ዉድያ ደርሳ ሄምያዎዳን፤ እ ኢንቴንጎት ሄማና ያግተ።
- 11 አያዉ ጎፕ፤ መድና ጎዳይ ያቆባ ዛራቱዋ ዎዜዳ፤ እ ኢንቴንጎት ኢንቴንጎቱፕ ሞንያዋንቴፕ ኩሽያፕ አሺዳ።
- 12 ኢንቴንቴ ዪደ ጽዮን ደርያን ናሽቻዉ የጻና፤ ኢንቴንቴ መድና ጎዳይ እምያ ኬካተላን፤ ካላን፤ ዎይንያ ኡሳን፤ ዛይትያን፤ ደርሳ ማራቱዋን ሚዛ ማራቱዋን ናሽታና። ኢንቴንቴ ሃላ ሎይላ ኤሺዳ አታክልትያ ሳኦ ማላ ግዳናዎ፤ ኢንቴንቴ ላኤንላ ሹልክና።
- 13 ሄ ዎደ ጌላዮቱ ናሽቲደ ዱራና፤ ዎዳላቱካ ጭማቱካ ናሽታና። ታን ኢንቴንቴ ዬኩዋ ናሽቻዉ ላማና፤ ታን ኢንቴንጎት ሞንግሳና፤ ኢንቴንቴ ካዪዋ ድራዉ ታን ኢንቴንጎት ናሽቻና።
- 14 ታን ቂሳቶ ዳር ቆማ እማና፤ ታ አሳይካ ታ ኬካተላን ካላና። ታን መድና ጎዳይ ሀዋ ኦዳይ” ያጌ።

## ጸሳይ እስራኤልያ ማራዳ

- 15 መድና ጎዳይ ሀዋዳን ያጌ፤ “ዬኩነ ዘላሳይ ራማ ግያ ካታማን ሰሰቴዳ፤ ራሃላ ባረ ናናቶ ዬካዉ፤ ኢንቴንቴ ቆዬዳ ድራዉ፤ አጋ ገና፤ አገናን አጻዳ” ያጌ።
- 16 መድና ጎዳይ ሀዋዳን ያጌ፤ “ዬክያዎ አገደ፤ ህንተ አይፍያ አፎላ ቆጭተ። አያዉ ጎፕ፤ ህንተ ኦሌዳ ኦሶ ዎይቱዋ ህንተ አካና፤ ሞርክያ ቢታፕ ህንተ ናናቱካ ሰማና። ታን መድና ጎዳይ ሀዋ ኦዳይ።
- 17 ህንተ ናናቱ ባረንቴ ቢታ ሰማናዉ ደእያ ድራዉ፤ ህንተዉ ሰንላናዉ ህደታይ ደኤ። ታን መድና ጎዳይ ሀዋ ኦዳይ።

18 “ኤፍሬም ዛርሳ ካዮቲድ፣ ሀዋዳን ያገደ ኦድያዋ ቱሙዋጥ ታን ሰሳድ፤ ሩን ኦና ዋቅቲቤና ኮሩሚዳን ዋዳዳ፤ ኮንካ እዛዘተቦኮ። ኔን መፅና ጎዳ ኦ ጸሳ ግድያ ድራው፣ እነ ኦና ዛራ፤ ኮን ኔኮ ሰማና።

19 ኮን ካሰ ኔጥ ዋራ ሰሚደ ቤደ፤ ሸን ሀእ ፓጼደ። ኔን ኦና ሙራ ሰምና ዬላቲድ፣ ኦ ትራ ባቄደ፤ ኮን ኦ ያላጋተላ ላይላ ናጋራ ድራው፣ ካወሼደን ዬላቲድ፣ ያጌድና።

20 “ቴሙ ኤፍሬም ታወ አልኦ ናክ ግደኔ? አ ታን ስቅያ ናክ ግደኔ? ኤ! ታን ዳር ገደ አ ስንላ ደንሌዳ ዋደ ኡባን፣ አ ሀሳይያዋ አጋቢይከ። ሄዋ ድራው፣ ታ ዋዛናይ አ ላሞቴ፤ ታን አወ ሎይሳ ቃረታይ። ታን መፅና ጎዳይ ሀዋ ኦዳይ።

21 “ኡግያን ማላ ዋሳተ፤ ማላ ሞላቱዋካ ኤሰተ። ያቲደ ሀንተ ቤዳ ኦገያ እኬክተ። እሰራኤልያ አሳወ፣ ሰምተ፤ ሀንተ ካታማቱዋኮ ሰምተ።

22 ሀንተና፣ አማኑ ባይና እሰራኤላቶ፣ አወደ ጋካናወ ቶይላካታንቴ? መፅና ጎዳይ ሳኦ ቦላን አት ኦራሳባ መዳና፤ ሄሞኤ አሳይ አቲማ አሳ ዩሹዋን ኤቃና።”

**ጸሳ አሳይ ሰንሳናወ እሻላና**

23 ኡባጥ ዋልቃማ መፅና ጎዳይ፣ እሰራኤልያ ጸሳይ፣ ሀዋዳን ያገ፤ “ታን እሰራኤልያ አሳ ኦሞዲዋጥ ዛራደ እሀያ ዋደ፣ ይሁዳ ቢታንን አ ካታማቱዋን ኤንቲንቲ ላኤንሱዋ፣ ሩን ጽሎተሳይ ደእያ ሳኦ። ነኖ ጌሻ ደርያው፣ መፅና ጎዳይ ኔና እንጅ” ያገና።

24 ይሁዳን ይሁዳን ደእያ ካታማቱዋን ኡባን አሳይ ደእና፤ ጎሻንቻቱካ ወድያና ዩይያ ሄንሳንቻቱካ ያን ደእና።

25 ታን ዳቡራንቻቱዋ ዋልቃ ኦራሳና፤ ቃይ ኮሻቲደ ግልቄዳዋንታካ ካልሳና” ያገ።

26 ሄዋን ቢንታደ ታ ዩሹዋ ጸላድ፤ ታ ገምእሹካ ታወ ማልኦ ገምእሹዋ ግዳዳ።

27 መፅና ጎዳይ ሀዋዳን ያገ፤ “ታን እሰራኤልያ ቢታንን ይሁዳ ቢታን አሳን መሀያ ኩንሳያ ዋዳ ያና።

28 ኤንቲንቲ ጳቆላናው፣ ኮላናው፣ አላ አላ የጋናው፣ ዳይሳናውን ባየላ እሀናወ ደሳይ ናጌዳዋ ኬሻ፣ ኤንቲንታ ዛራደ ግምባናውን ቶካናወ ደሳይ ናጋና። ታን መፅና ጎዳይ ሀዋ ኦዳይ።

29 “ሄ ዋደ አሳይ፣ ሳዎቱ ጋምኤ ዋይንያ ቴራ ሚና፣ ናናቱዋ አቻይ ዘልኤዳ፣ ያገደ ሃሳይያዋ አገና።

30 ሸን አሳይ እቱ እቱ ባረ ናጋራን ናጋራን ሀይቃና፤ ጋምኤ ዋይንያ ቴራ ሞያ አሳ ኡባወ አ አቻይ አቻይ ዘልእና” ያገ።

31 መፅና ጎዳይ ሀዋዳን ያገ፤ “ታን እሰራኤልያ አሳናን ይሁዳ አሳና ኦራላ ጫቁዋ ጫቁትያ ጋላሳቱ ያና።

32 ሄ ጫቁ ታን ኤንቲንታ ግብጸጥ ከሳናወ ኤንቲንቲ ኩሸያ ኦይቄዳ ዋደ፣ ኤንቲንቲ ማይዛ አዎቱዋና ጫቁቲዳ ጫቁዋ ማላ ግደና፤ ታን ኤንቲንቶ አሰና ማላ ግዳ ኤትናካ ኤንቲንቲ ታ ጫቁዋ መንሌድና። ታን መፅና ጎዳይ ሀዋ ኦዳይ።

33 ሸን ታን መፅና ጎዳይ ሄ ጋላሳቱዋጥ ጉይያን እሰራኤልያ አሳና ጫቁታና ጫቁ ሀዋ፣ ታን ታ ሀግያ ኤንቲንቲ ግደን ዋላና፤ ቃይ ኤንቲንቲ ዋዛናካን ጻፋና። ታን ኤንቲንቲ ጸሳ ግዳና፤ ቃይ ኤንቲንቲካ ታ አሳ ግዳና።

34 አሳይ ባረ ሾራዋ ዋይ ባረ አሻ፣ “መፅና ጎዳ ኤራ” ያገደ ታማርሰያዋ አጋና፤ አያወ ጎጥ፣ ጉላጥ ደሚደ፣ ዋጋ ጋካናው፣ ኤንቲንቲ ኡባይ ታና ኤራና። ታን ኤንቲንቲ ናቁዋ አቶ ጋና፤ ኤንቲንቲ ናጋራካ ላኤንሳ ሀሳይከ። ታን መፅና ጎዳይ ሀዋ ኦዳይ” ያገ።

35 መፅና ጎዳይ፣ አዋ ጋላሳን ፖእሴዳዌ፣ ኡግደይን ጸልንተቱ ቃማን ፖእናዳን ሀግያ ዋሌዳዌ፣ አባካ ቃሊደ፣ ቤታይ ጉማናዳን አልያዎ፣ ኡባጥ ዋልቃማ መፅና ጎዳ ኤትተያዌ፣ ሀዋዳን ያገ፤

36 “ሄ አቂደ ደእያ መጋታ ሀገ ታ ሰንሳጥ ክቸጥ፣ ሄ ዋደ እሰራኤልያ ዘረላቱ ታ ሰንሳጥ መፅናወ ታ አሳ ግዲደ ደእያዋ አታናዋ። መፅና ጎዳይ ሀዋ ኦዳይ” ያገ።

37 መፅና ጎዳይ ሀዋዳን ያገ፤ “ቦላ ሳሎቱ ልከታናው፣ ዋይ ጋርሳ ሳኦ ባሱካ ኤረታናወ ዳንዳዮጥ፣ ሄ ዋደ ታን እሰራኤልያ ዘረላቱዋ ኡባ፣ ኤንቲንቲ ኦሌዳ ባይዙዋ ኡባ ድራው፣ ታ ሰንሳጥ ድጋና። ታን መፅና ጎዳይ ሀዋ ኦዳይ” ያገ።

38 መፅና ጎዳይ ሀዋዳን ያገ፤ “ሀናንኤላ ኤዲሳ ግምቢያጥ ደሚደ፣ ዘዘያ ጥንግያ ጋካናው፣ የሩሳላመ ካታማይ ታው፣ ጸሳው፣ ካታማ ግዲደ፣ ሰሚደ ኬጸትያ ጋላሳቱ ያና።

39 ሄ ካታማ ዛዋይካ አዋይ ዉልያ ባጋጥ ካል ቢደ፣ ጋራባ ዘዘያን ጎእ ዩሹዋ ጋካናወ አካና።

40 አሃ ሞግያን ብርካላ ኦልያ ዘንጋራይን ቀድሮና ዘንጋራጥ ቆሞና አዋይ ደልያ ባጋ ባጋና ቢደ፣ ፓራ ጥንግያ ዘዘያ ጋካናወ ደእያ ጋድያ ኡባይ መፅና ጎዳወ ዲማቲደ፣ ጌሻ ግዳናዋ። ሀዋጥ ሰንሳናወ ካታማይ መፅናወ ሾደተናን ኮለተና” ያገ።



# 32

## ኤርማሳ ጋድያ ሻሜዳ

1 ይሁዳ ካቲ ሰደቅያሰ ካተቲዳ ታማንፋ ላይላን፣ ባብሎስ ካቲ ናቡካደናጾር ካተቲዳ ታማን ሆሰፕንፋ ላይላን መድና ጎዳፕ ኤርማሳዉ ካላይ ዬዳ።

2 ሄ ዎደ ባብሎስ ካትያ ኦላንቻቱ የሩሳላሙ ደዴድና፤ ትምቢትያ ደዳ ኤርማሰ ይሁዳ ካትያ ጎልያን ደእያ፤ ናግያዋንቱ ዳባባን ጎርደት ኡቲዳ።

3 ይሁዳ ካቲ ሰደቅያሰ ኦ ሄዋን ቃቺደ፤ ሀዋዳን ያጌዳ፤ “ኔን እያዉ ሀዋዳን ያጋደ ትምቢትያ ኦዳይ? መድና ጎዳይ ሀዋዳን ያጌ፤ ‘ብእ፥ ታን ሀ ካታማ ባብሎስ ካትያ ኩሽያን አላደ እማና ሀናይ፤ እምና አ አዋዳና።

4 ይሁዳ ካቲ ሰደቅያሳዉ ባብሎናቱዋ ኩሽያፕ ከሰ እከና፤ እ ቱሙዋፕ ባብሎስ ካትያ ኩሽያን ገላና። እ አ ሰንጎን ኤቁደ፤ አናና ሃሳናና፤ እ አ ባረ አይፍያን በእና።

5 ሄዋፕ ጉይያን፤ ናቡካደናጾር ሰደቅያሳ ባብሎስ አፋና፤ ታን አባ በእና ጋካናዉ፤ እ ያን ደእና። ታን መድና ጎዳይ ሀዋ ኦዳይ። ኔን ባብሎንቱዋና ኦላትያዋ ግደፕ፤ ሄዌ ኔና ከሰና ያጌ” ያጌዳ።

6 ኤርማሰ፤ “መድና ጎዳ ቃላይ ሄ ዎደ ታኮ ሀዋዳን ያጌደ ዬዳ፤

7 ሳ አዉዋ እሻ ሻሉማ ናእይ፤ ሀናምኤል ኔኮ ዪደ፤ “አናቶታ ካታማን ደእያ ታ ጋድያ ሻማ፤ እያዉ ጎፕ፤ ዋዛናዉ ዳቦታይ ጋሳያዌ ኔና” ያጋናዋ” ያጌዳ።

8 “መድና ጎዳይ ጌዳዋዳን፤ ታ አዉዋ እሻ ናእይ ሀናምኤል ታኮ ናግያዋንቱ ዳባባ ዪደ፤ ‘ቢንያማ ቢታን አናቶታን ደእያ ታ ጋድያ ሻማ፤ ጋድያ ዋዛናዉነ ቡዙታናዉ በሰያዌ ኔና” ያጌዳ። ታን ሄዋን መድና ጎዳ ቃላ ግድያዋ ኤራድ።

9 ያጋደ አናቶታ ካታማን ደእያ ጋድያ ታ አዉዋ እሻ ናእ ሀናምኤል፤ ሻማደ እ አክያ ጋትያ አዉ ሚዛናን ልካድ፤ ታማን ላፕን ጸጋራ ብራ ግዴዳ።

10 ሻማ ፓራማ ማርካቲ ደእያ ሳን ፓራማደ፤ አሻጋደ ማታፋ እን ዋላድ፤ ሚሻካ ሚዛናን ልካደ እማድ።

11 “ሄዋፕ ጉይያን፤ ታን አሻገቲደ አታመቲዳ ሻማ ሀናታ ቆንጭሰያ ፓራማን አታመትቤና ሻማ ሀናታ ቆንጭሰያ ፓራማ አካድ።

12 ታ አዉዋ እሻ ናእይ ሀናምኤል፤ ሻማ ፓራማ ፓራሜዳ ማርካቲን ናግያዋንቱ ዳባባን ኡቲዳ አይሁዳቱ ኡባይ ጸልሸን፤ ሄ ሻማ ፓራማ ማህሴያ ናእ ናእ፤ ኔርያ ናእ ባርካዉ እማድ።

13 ኡንቱንታ ሰንጎን ታን ባርካ ሀዋዳን ያጋደ አዛዛድ፤

14 ኡባፕ ዋልቃማ መድና ጎዳይ፤ እሰራኤልያ ጸሳይ፤ ሀዋዳን ያጌ፤ “ዳሮ ዋድያ ጋምእና ማላ፤ ሀ ሻማ ሀናታ ቆንጭሰያ አሻገቲደ አታመቲዳ ፓራማን ሻማ ሀናታ ቆንጭሰያ አታመትቤና ፓራማ እካ አፋደ፤ ኡርቃፕ መጠቲዳ ኦቲዋን ዋላ” ያጌ።

15 እያዉ ጎፕ፤ ኡባፕ ዋልቃማ መድና ጎዳይ፤ እሰራኤልያ ጸሳይ፤ ሀዋዳን ያጌ፤ “ሀ ቢታን አሳይ ዛራደካ ጎልያ፤ ጋድያን ዎይንያ ቱራ ቶክያ ሳእ ሻማና” ያጌ” ያጋድ” ያጌዳ።

## ኤርማሳ ዋሳ

16 ታን ኔርያ ናእ ባርካዉ ሻማ ፓራማ ዋራቃታ እሜዳዋፕ ጉይያን፤ መድና ጎዳ ሀዋዳን ያጋደ ዋሳድ፤

17 “አቤት ኡባ ዋድያ መድና ጎዳዉ፤ ኔን ሳሎቱዋን ሳእ ነ ዋልቃማ ዋልቃን ነ ምጨቲዳ ኩሽያን መዳዳ፤ ነዉ ዳንዳጎናቱዋ ኡባካ ባዋ።

18 ኔን ሻኦቶ አገና ሲቁዋ በሳሳ፤ ሽን እዋቱዋ ባይዙዋ ኡንቱንቱ ናናቱዋ ቦላ ዛራሳ። አቤት ቶቃን ዋልቃማ ጸሳዉ፤ ነ ሱንጎይ ኡባፕ ዋልቃማ መድና ጎዳ ጌተቲ።

19 ነ ዞሪ ዋልቃማ፤ ነ ኦሳያ ኦሱካ ዋልቃማ። አሳ ኦግያ ኡባ ኔን በእሳ፤ አሳዉ ኡባዉካ አ ኦግያዳን ከ አ ኦሱዋዳን ዛራሳ።

20 “ኔን ግብጾን ማላታን ኦራላባ ኦሳዳ፤ ሀቕ ጋካናዉካ ሀ ኦራላ ኦሱቱዋ እሰራኤልያ አሳ ግደንን ሀራ ካዉተላቱዋ ኡባ ግደን ኦሳያዋ አጋ በይካ። ሄዋፕ ደንዴዳዋን ነ ሱንጎይ ኡባ ሳን ኤሪቲዳ።

21 ኔን ነ አሳ እሰራኤልያ ግብጾፕ ማላታንን ኦራላባን፤ ነ ምኖ ቀሰያንን ነ የዴዳ ኩሽያን፤ ቃይ ዋልቃማ ዳጋማን ከሳዳ።

22 ኡንቱንቱ ማይዛ እዋቶ ኔን እማናዉ ጫቄዳ ቢታ፤ ማላይን ኤሳይ ጎግያ ሀ ቢታ ኡንቱንቶ እማዳ፤

23 ኡንቱንቱ ሀ ቢታ ገሊደ ላቲድና። ሽን ኡንቱንቱ ነዉ አዛዘትብይክና፤ ነ ሀግያካ ካልበይክና፤ ኡንቱንቱ ኦሳናዳን ኔን አዛዜዳዋ ኡባካ ኦሳበይክና። ሄዋ ድራዉ፤ ኔን ኡንቱንቱ ቦላ ሀ ባሻ ኡባ እሃዳ።

24 “በእ። ባብሎንቱ ካታማ ኦይቃናው ግምቢያ የሹቸዎን ቢታ ዶሪደ ዶድ ደኢኖ፤ ኦላፕ። ኮሻፕነ ኢታ ሀርግያፕ ደንዴዳዋን፤ ካታማይ ኤንቱንቱና ኦላትያ ባብሎናቱዋ ኩሽያን እጂደ እመት ደኢ። ነን ሀእ በእያዋዳን፤ ነ ጌዳዊ ኡባይ ፖለቲዳ።

25 እቢት ኡባ ዋድያ መድና ጎዳው፤ ካታማይ ባብሎንቱ እመታናው ሀናደካ፤ ነን ታና። “ማርካቱዋ ጸሓዳ፤ ሻሉዋን ሀ ጋድያ ሻማ። ያጋዳ።” ያጋደ ዋሳድ።

26 ሄዋፕ ጉይያን፤ መድና ጎዳ ቃላይ ኤርማሳው ሀዋዳን ያጊደ ዬዳ፤

27 “ታን መድና ጎዳ፤ አሳ ኡባ ጸሳ። ታው ዳንዳየተናዌ ደኢ?” ያጌዳ።

28 ሄዋ ድራው፤ መድና ጎዳይ ሀዋዳን ያጌ፤ “ታን ሀ ካታማ ባብሎንቱን ባብሎን ካትያ ናቡካዳናጸራው አላደ እማና፤ ኤንቱንቱ እ ኦይቃና።

29 ሀ ካታማ ቦላ ኦላው ከሴዳ ባብሎንቱ ዬደ፤ ካታማ ታማን ጸጋር፤ ጎልያ ቦላን ደምባዪደ ኦልድኖ ባኣላው አጻና ጨዋይሴድን ሀራ ጸሳቶ ኡሻ ያርሹዋ ጉሲደ፤ ታና ሀንቀሌድ አሳቱ ደኤዳ ጎለቱዋካ ጸጋና።

30 “እስራኤልያ አሳይን ይሁዳ አሳይ ባረንቱ ያላጋተላፕ ደሚደ፤ ታ ሰንሳን ኢታባ ኦልድኖፕ አትና፤ ሀራባ ኦለበይክኖ፤ ኤንቱንቱ ባረንቱ ኩሽያን ኦልዳ ኦሱዋን ታና ሀንቀሌድኖ ያጌ መድና ጎዳይ።

31 ኪጸቲዳ ዋድያፕ ሆቻ ጋካናው፤ ሀ ካታማ አሳቱ ታና ሀንቀሌድኖን ይሎዬድኖ፤ ሄዋ ድራው፤ ታን ሀ ካታማ ታ ሰንሳፕ ጳይሳና።

32 እስራኤልያ አሳይን ይሁዳ አሳይ፤ ኤንቱንቱ ካተቱን ካፓቱ፤ ኤንቱንቱ ቁላቴ ነ ትምቢትያ ኦድያዋንቱ ኦልዳ ኢታ ኦሱዋ ኡባን ታና ሀንቀሌድኖ።

33 ኤንቱንቱ ባረንቱ ሰምኡዋ አጊደ፤ ባረንቱ ዘክያ ታው ዛሬድኖ። ታን ኤንቱንታ ዛራ ዛራደ ታማርሰንቶካ፤ ኤንቱንቱ ሰሰበይክኖን ሴራካ እክበይክኖ።

34 ኤንቱንቱ ሸይያ ባረንቱ ኤቃቱዋ ታ ሱንሳን ጸሰቲዳ ጌሻ ጎልያ ግድን ኤሲደ ቱንሴድኖ።

35 ኤንቱንቱ ባረንቱ አቱማ ናናቱዋን ማጫ ናናቱዋ ሞሎካ ኢቃው ያርሻኖው ሀኖማ ዘንጋራን ባኣላው ያርሽያ ጳቃ ሳአቱዋ ጊገሴድኖ። ኤንቱንቱ ሄዋ ኦላና ማላ፤ ታን ኤንቱንታ አዛዛበይክ፤ ይሁዳ አሳ ኤንቱንቱ ናጋራ ኦሰሳናው ሄዋ ማላ ሸይያዋ ኦላናዌ ታ ዋዛናን ኡባካ እጅቤና” ያጌዳ።

**ጸሓይ እስራኤልያ አሳ ዛራደ እሻልሳና ያጌዳ**

36 ህንተ የሩሳላመ አሳይ፤ “ሀ ካታማይ ኦላን፤ ኮሻፕነ ኢታ ሀርግያን ባብሎን ካትያ ኩሽያን እጂደ እመታና” ያጌዳ ሀ ካታማባ መድና ጎዳይ እስራኤልያ ጸሓይ ሀዋዳን ያጌ፤

37 “በእተ፤ ታን ታ ሱሎ ሀንቀዋን ነ ቃልቃማ ይሉዋን ኤንቱንታ ላሌዳ ቢታ ኡባፕ ሺሻና፤ ሀ ሳአ ዛራደ አሃደ፤ ኤንቱንቱ ሳርተላን ደአናዳን ኦላና።

38 ኤንቱንቱ ታ አሳ ግዳና፤ ታንካ ኤንቱንቱ ጸሳ ግዳና።

39 ኤንቱንቱ ታው መድናው ያያና ማላ፤ ታን ኤንቱንቶ እት ዋዛናን እት ኦግያ እማና፤ ሄዌ ኤንቱንቶን ኤንቱንቱፕ ጉይያን፤ ኤንቱንቱ ናናቶ ሎእ ግዳናዋ።

40 ታን ኤንቱንቱና መድናው ቃላ ጫቁዋ ጫቁታና። ሄ ጫቁዋን ታን ኤንቱንቶ ሎኦባ ኦልያዋ አግከ፤ ኤንቱንቱ ታፕ ሞራ ሰመና ማላ፤ ታን ኤንቱንቱ ታው ያያናዳን ኦላና።

41 ታን ኤንቱንቶ ሎኦባ ኦልያዋዳን ናሽታና፤ ቃይ ታን ታ ኩመንሳ ዋዛናፕነ ታ ኩመንሳ ሸምፑዋፕ ሀ ቢታን ኤንቱንታ ቱመዋፕ ቶካና” ያጌ።

42 ቃይካ መድና ጎዳይ ሀዋዳን ያጌ፤ “ታን ሀ አሳ ቦላ ሀ ኢታ ባየላ ኡባ እሄዳዋዳን፤ ሄዋዳንካ ታን ኤንቱንቶ እማና ጌዳ ሎኦባ ኡባ እማና።

43 ህንተ፤ ሳህ ቢታይ አሳይካ መሄካ ደኤና፤ አይነ ባይና ቢታ ግዳናዋ፤ እ ባብሎንቱ እመት ክቲዳ፤ ያጌዳ ቢታን አሳይ ዛረሏደ፤ ጋድያ ሻማና።

44 አሳይ ጋድያ ሻሉዋን ሻማና፤ ማርካ ሰንሳን ፓራማ ፓራሚደ፤ ማታፋ ዋላና። ሀዌ ኡባይ በንያማ ቢታን፤ የሩሳላመ የሹቸዋን ደኢያ ሄራቱዋን፤ ይሁዳ ካታማቱዋን፤ ገዢያን ደኢያ ካታማቱዋን፤ ዘዘያፕ ጋርሳና ደኢያ ካታማቱዋን ኔገባ መላ ቢታ ካታማቱዋ ኡባን ሀናና። እያው ጎፕ፤ ታን ኤንቱንቱ ዛራደ እሻልሳና። መድና ጎዳይ ሀዋ ኦዳይ” ያጌ።

**33**

**ጸሓይ ላኤንሉዋካ እስራኤልያ አሳ እሻልሳና ያጌዳ**

1 ኤርማስ ብር ናግያዋንቱ ዳባባን ደአሽና፤ መድና ጎዳ ቃላይ ላኤንሉዋካ ዬዳ።

2 ሳኢ መጪዳ መጽና ጎዳይ፣ ገባሲደ ኦ ሳኢን ዎሴዳ መጽና ጎዳይ፣ ኦ ስንገላይካ መጽና ጎዳ ጌተትያዌ ታና ሀዋዳን ያገ፤

3 “ኔን ታና ጸሓ፤ ታን ነዉ ኮያና፤ ኔን ኤረና ዎጋባን ዎልቃማባ ታን ነዉ ኦዳና።

4 ካብሎናቱዎ ቢታ ዶሪታ፣ ዶደላነ ማሻ ድጋና ማላ፣ ድርሳ ግምቢያ ምንጎናዉ ኮሌዳ ሀ ካታማ ጎለቱዋባነ ይሁዳ ካተቱዎ ጎለቱዋባ ታን መጽና ጎዳይ፣ አስራኤልያ ጸሳይ ኦዳይ።

5 ሀንተናና ኦለታናዉን ታን ታ ሀንቁዋን፤ ይሉዋን ሸጫና አሳቱዎ አሃ ሄ ሳኢቱዋን ኩንጎናዉ ባብሎኑ፤ ገሊና። እያዉ ጎፕ፣ ኤንቱንቱ ኢታተላ ኡባ ድራዉ፣ ታን ሀ ካታማፕ ታ ሶምኡዎ ገንጎዳ።

6 “ግደፕ፣ ታን ሀ ካታማን አን ደእያ አሳ ዛራደ ፓላና፤ ኤንቱንቱ ፓጽተላካ ዛራና፤ ሎደላ ዳር ሳሩዋን ዎፓ ደኡዎ ታን ኤንቱንቱ አማና።

7 ይሁዳ አሳን አስራኤልያ አሳ ኦዎዲዎፕ ዛራደ እሻልሳና፤ ኤንቱንቱ ካሰ ደኤዳዎዳን ኦላደ ታን ኤንቱንታ ግምባና።

8 ኤንቱንቱ ታና ናቄዳ ናጋራ ኡባፕ ታን ኤንቱንታ ጌሻና፤ ጌሻደ ኤንቱንቱ ታና ናቄዳ ናቄዋን ማካሌዳ ማካላ ኡባ አቶ ያጋና።

9 ሄዎፕ ጉይያን፣ የሩሳላመ ካታማይ ታዉ ናሸቻ፣ ቦንቹዋን ጋላታ ሳኢን ደእያ ካዉተላቱዎ ኡባ ስንገላን አሀና። ታን የሩሳላመ አሳዉ ኦላያ ሎኮባነ ሄ ካታማዉ አሀያ ዱረተላነ ሳርተላ ሰሲደ፣ ካዉተላቱ ኡባይ ያሻን ኮኮራና” ያጌ።

10 መጽና ጎዳይ ሀዋዳን ያጌ፤ “ሀንተ፣ ኦሳይነ መሃ ባይና መላ ቢታ” ጌዳ ሀ ሳኢቱዋን፣ አሳይነ መሃ ባይና ይሁዳ ካታማቱዋን፤ የሩሳላመ አገቱዋን፣ ናሸቻን አልልሳ ኮሻይ።

11 ቡላቻያዋን ቡላቻትያን ኮሻይነ መጽና ጎዳ ጌሻ ጎልያ ጋላታ ያርሹዎ አሃደ፣ ሀዋዳን ያጌደ የጽያ አሳ ኮሻይ ሰሰታና።

“ኡባፕ ዎልቃማ መጽና ጎዳ ጋላትተ፤

እያዉ ጎፕ፣ ኦ ኬካ።

አገና ኦ ሰቄ መጽናዎን” ያጌና።

እያዉ ጎፕ፣ “ታን ኤንቱንታ ኦዎዲዎፕ ዛራደ ኤንቱንቱ ቢታ አሀና፤ ኤንቱንታ ካሰ ደኤዳዎዳን ኦላደ፣ ታን እሻልሳደ ዎላና” ያጌ መጽና ጎዳይ።

12 ኡባፕ ዎልቃማ መጽና ጎዳይ ሀዋዳን ያጌ፤ “ሀ አሳይነ መሃ ባይና አይነ ባይና ቢታንነ አን ደእያ ካታማቱዋን ሄንጎንቻቱ ባረንቱ ድርሳ ዉድያ አላጽሰያ ጋዲ ደእና።

13 ገዘያን ደእያ ካታማቱዋን፣ ዞዘያፕ ጋርሳና ደእያ ካታማቱዋን፣ ኔጌባ መላ ቢታን ደእያ ካታማቱዋን፣ ቢንያማ ቢታን፣ የሩሳላመ የሹዋን ደእያ ሄራቱዋን፤ ይሁዳ ካታማቱዋን ሄንጎንቻቱ ባረንቱ ድርሳ ዛረላደ ፓይዲዋን። ታን መጽና ጎዳይ ሀዋ ኦዳይ” ያጌ።

14 መጽና ጎዳይ ሀዋዳን ያጌ፤ “ታን አስራኤልያ አሳዉነ ይሁዳ አሳዉ ኦላና ጌዳ ሎኮ ቃላ ፖልያ ጋላሳቱ ያና፤

15 ሄ ጋላሳትዋንነ ሄ ዎደቱዋን ታን ዳዊታ ዛርያፕ እት ጽሎ አጫ ደንጎና፤ ኦ ሄ ቢታን ሱረ ፕርዳን ጽሎተላ ኦላና።

16 ሄ ዎደ ይሁዳ አሳይ አታና፤ የሩሳላመ አሳይካ ዎፑ ጌደ ደእና፤ ሀ ካታማይካ መጽና ጎዳ፣ ኑ ጽሎተላ ያገት ጸሰታና።

17 ዳዊታ ዘረላፕ አስራኤልያ ካዉተላ አራታን ኡትያ አሳይ ኡባካ ቆየና።

18 ሄዎዳንካ፣ ጸግያ ያርሹዎ፣ ካላ ያርሹነ ሀራ ያርሹዎ ኡባ ገደ ያርሻናዉ ሊዎያ ዛርያፕ ቄሰያ ግድያ አሳይ መጽናዉካ ታ ስንገላን ቆየና። ታን መጽና ጎዳይ ሀዋ ኦዳይ” ያጌ።

19 መጽና ጎዳ ቃላይ ኤርማሳኮ ዬዳ።

20 መጽና ጎዳይ ሀዋዳን ያጌ፤ “ታን ጋላሳናን ቃማና ቃላ ጫቁዎ ጫቁታድ፤ ሄ ጫቁዋን ኤንቱንቱ ባረንቶ ኬረቱዳ ዎድያን ሰመረቱድና። ሄ ጋላሳነ ቃማ ጫቁዎ ሀንተ ለማናዉ ዳንዳፕ፣

21 ታን ኦ ዛርያፕ ካዉተላ አራታን ኡታና አሳይ ኡባካ ቆየናዳን፣ ታ ቆማ ዳዊተና ጫቁቱዳ ጫቁዎ ለማና፤ ቃይ ኡባቶ ታዉ ኦላያ፣ ሊዎያ ዛር ግድያ ቄሳቱ ዋና ጫቁቱዳ ጫቁዋካ ለማና።

22 ታን ታ ቆማ ዳዊታ ዘረላቱዋን ታ ስንገላን ኦላያ ሊዎያ ዛር ቄሳቱ ዎ ፓይዳናዉ ዳንዳየተና ሳሉዎ ጸልጎተቱዋዳን፤ ማክና ዉረና አባ ሻፍያዳን ጮራያና” ያጌ።

23 መጽና ጎዳ ቃላይ ቃይካ ኤርማሳኮ ሀዋዳን ያጌደ ዬዳ፤

24 “ሀ አሳይ፣ መጽና ጎዳይ ባረ ዶሪዳ ላኡ ካዉተላቱዋ፣ አስራኤልያን ይሁዳ አግ ባሹዳ፣ ያጌደ ሃሳይያዎ ኔን እኬካበይኪ? ኤንቱንቱ ታ አሳ ካጲደ፣ ባረና ዳንዳዬዳ ካዉተላ ከሰክና ጌደ ቆፒና።

25 ታን መድና ጎዳይ ጋላሳናን ቃማና ጫቀቴዳ ጫቁዋን ሳሉዋን ሳኣ ህግያ ምንጎቤናባ ግድንቶ።  
 26 ታን ያቆባ ዘረፋቴዋን ታ ቆማ ዳቂታ ዘረፋቴዋ ኦጋ ባሻና፤ ያታቢናዋ ግድንቶ። ኦብራሃማ።  
 ይሳቃን ያቆባ ዛራቴዋ ቦላ ካተያናዉ ዳቂታ ዘረፋ ዶረናን ኦጋና። ታን ታ ኦሳ ማራና፤ ታን ኦንቴንታ ካራዶ ኦሻልሳና። ያጌዳ።

**ኤርማሳ ዲማ ዲማ ኦሎቴዋ**  
**ካትያ ሰደቅያሳዉ ኦደቴዳ ትምቢትያ**

**34**

1 ባብሎን ካቲ ናቡካዳናጾር። ኦ ኦላንቻቱ ኡባይን ኦ ሞድያ ካዉተፋቴዋን ኦሳይ ኡባይ። የሩሳሎን የሩሳሎ ገራሽዋን ደኤያ ካታማቴዋ ኡባ ኦልያ ዋደ። ሀ ቃላይ መድና ጎዳጥ ኤርማሳዉ ዬዳ፤

2 መድና ጎዳይ ኦሰራኤልያ ጸሳይ ሀዋዳን ያጌዳ፤ “ባ፤ ባዶ ይሁዳ ካትያ ሰደቅያሳ ሀዋዳን ያጋ፤ መድና ጎዳይ ሀዋዳን ያጌ፤ ብኦ። ታን ሀ ካታማ ባብሎን ካትያ ኩሽያን ኦላዶ ኦማና፤ ኦ ሀ ካታማ ታማን ጸጋና።

3 ኔን ኦ ኩሽያጥ ከሳ ኦካካ፤ ኔን ኦሞዶታናን ኦዉ ኦፋ ኦመታና። ኔን ኦ ኦይፍናን ባብሎን ካትያ ብኦና፤ ኦካ ኔናና ሃሳያና። ሄዋጥ ጉይያን። ኔን ባብሎን ቢታ ባና ያጌ።

4 “ ግዳጥ፤ ይሁዳ ካትያዉ ሰደቅያሳ። መድና ጎዳይ ግያዋ ሰሳ! ነዋ መድና ጎዳይ ሀዋዳን ያጌ፤ “ኔን ኦላን ሀይቃካ፤

5 ኔን ሳር ሀይቁዋ ሀይቃና። ኔጥ ካሰ ደኤዳ ካተቴዋ ቦንቾ። ነ ማይከ ኦዋቶ ኦጸና ጩዋዬዳዋዳን። ኦሳይ ነ ቦንቾካ ኦጸና ጩውሳና። ያቲደ። ኦዬ ኦ ካትያዉ ያጌደ ነዉ ዬካና። ታን መድና ጎዳይ ሀዋ ኦዳይ” ያጌ’ ያጋደ ኦዳ” ያጌዳ።

6 ሄዋጥ ጉይያን። ትምቢትያ ኦድያ ኤርማሰ ሀ ትምቢትያ ኡባ ይሁዳ ካትያ ሰደቅያሳዉ የሩሳሎን ኦዳ።

7 ሄ ዋደ ባብሎን ካትያ ኦላንቻቱ የሩሳሎን ካታማን ይሁዳን ኦቴዳ ካታማቴዋ ኦሌድና። ላክሻን ኦከቃ ጌተትያ ካታማቴዋ ጸሳላይ ይሁዳን ኦቴዳ ግምቦቴዳ ካታማቴዋ።

**ኦይላቴዋ ኦይላተፋጥ ከሰያ ኦዋዩዋ**

8 ካቲ ሰደቅያሰ ኦይላቴዋ ኦይላተፋጥ ከሰያ ኦዋዩዋ ኦዋያናዉ የሩሳሎን ኦሳ ኡባና ቃላ ጫቁዋ ጫቀቴዳዋጥ ጉይያን። ኤርማሳዉ መድና ጎዳጥ ቃላይ ዬዳ። ሄ ኦዋዩ።

9 “ኦሳይ ኡባይ ባረ ኦብራዌ ኦቴማ ኦሳቴዋን ማጫ ኦሳቴዋ ኦይላተፋጥ ከሶ፤ ኦንን ኦይሁዳ ኦሳ ግዳዳ ባረ ኦሻ ኦይላ ኦፋፖ” ያጌ።

10 ሄዋ ድራዉ። ኦሳይ ኡባይን ካጋቴ ኡባይ ጫቀቴዳ ጫቁዋዳን። ባረንቴ ኦቴማን ማጫ ኦይላቴዋ ኦይላተፋጥ ከሳናዉን ላኤንፊ ዛራደ ኦይላየናን ኦጋናዉ ማዬድና፤ ኦንቴንታ ኦይላተፋጥ ከሴድና።

11 ሽን ባረንቴ ቆፋ ላሚደ። ኦይላተፋጥ ከሴዳ ባረንቴ ኦቴማን ማጫ ኦይላቴዋ ዛራደ ኦይላዬድና።

12 ሄዋጥ ጉይያን። መድና ጎዳ ቃላይ ኤርማሳኩ ዬዳ።

13 መድና ጎዳይ ኦሰራኤልያ ጸሳይ ሀዋዳን ያጌ፤ “ታን ህንተ ማይከ ኦዋቴዋ ግብጾጥ። ኦይላተፋ ቢታጥ ከሴዳ ዋደ። ኦንቴንቴና ቃላ ጫቁዋ ጫቃ ኡታድ።

14 ሄ ቃላ ጫቁዋ ማራን። ኦብራዌ ኦይላ ደኤያ ኦሳይ ኡባይ። ኦይላቴዋ ኡሱፑን ላይፋ ኦሰሰ ሰሚደ። ላፑንፋ ላይፋ ኦይላተፋጥ ከሰ የድተ’ ያጋደ ኦካዛደ። ሽን ህንተ ማይከ ኦዋቴ ታን ኦድያዋ ሰሰናን ኦዬድና ታዉ ኦካዘትቦይክና።

15 ህንተካ ማታ ዋድያጥ ካሰ ህንተ ናጋራ ኦጌደ። ኦይላቴዋ ኦይላተፋጥ ከሳናዉ ኦዋዬድታ፤ ታ ሰንፋን ልከባ ኦኤድታ። ቃይ ሄዋ ኦፋናዉ ታ ሰንፋን። ታ ሱንፋይ ጸሰትያ ታ ጌሻ ጎልያን ጫቁዋ ጫቀቴድታ።

16 ሽን ሀኦካ ህንተ ህንተ ቆፋ ላሚደ። ታ ሱንፋ ቱንሴድታ። ዋቲደ ጎጥ። ኦንቴንቴ ኮዬዳዋዳን። ኦይላተፋጥ ከሴዳ ህንተ ኦቴማን ማጫ ኦይላቴዋ ዛራደ ኦይላዬድታ።

17 “ሄዋ ድራዉ። ታን መድና ጎዳይ ኦድያዌ ሀዋ። ህንተ ታዉ ኦካዘተናን ኦጸደ። ህንተ ኦሻ ዋይ ህንተ ሾራዌ ኦይላተፋጥ ከሰያ ኦዋዩዋ ኦዋያቦይክታ። ብኦ። ህንተ ቦላ ኦላይ ኤታ ሀርጌን ኮሻይ ከሳና ማላ። ታን ኦዋያይ። ታን ህንተና ሳኣ ቦላ ደኤያ ካዉተፋቶ ዳጋማ ኦፋና።

18 ታ ቃላ ጫቁዋ መንጮዳ ኦሳ። ታ ሰንፋን ቃላ ጫቀቴዳ ጫቁዋ ቃላቴዋ ናገናን ኦዬዳ ኦሳ። ኦንቴንቴ ጫቆ ሹኪደ። ባጋ ባጋ ከሰ ማራን ዋልደ። ላኤ ባጋጥ ግዳዋና ኦጲደ። ሄ ማራዳን ታን ኦንቴንታ ኦፋና።

19 ሄ እሳቱካ ይሁዳ ካፓቱዋ፣ የሩሳላሙ ካፓቱዋ፣ ቢታ ሞድያዋንታ፣ ቁሳቱ ዋነ ማራን ዋሌዳ ማራ አሸዋ ግዳዋና መንጠሉዳ እሳ ኡባ።

20 ታን ኡንቱንታ ኡንቱንቱ ሞርከቱዋ ኩሽያንን ኡንቱንታ ዋጻናዉ ኮይያ እሳቱዋ ኩሽያን አላደ እማና፤ ኡንቱንቱ አሃይ ሳሉዋ ካሮቶነ ሳኦ ደአቶ ቁማ ግዳናዋ።

21 “ታን ይሁዳ ካትያ ሰይቅያሳነ እ ካፓቱዋካ ኡንቱንቱ ሞርከቱዋ ኩሽያን፣ ኡንቱንታ ዋጻናዉ ኮይያዋንቱ ኩሽያንን ህንተና አልያዋ እኚዳ ባብሎነ ካትያ ኦላንቻቱዋ ኩሽያን አላደ እማና።

22 ታን መጅና ጎዳይ ባብሎነ ኦላንቻቱዋ አዛዛና፤ ኡንቱንቱ ሀ ካፓማ ሰማና። ኡንቱንቱ ሀ ካፓማ ኦላና፣ አሞዳና፤ ታማን ጹጋና። ይሁዳን ደእያ ካፓማቱዋካ እሳይ ደኤና እይነ ባይና ሳኦ አሳና” ያጌ።

### 35

#### ኤርማሳን ረካባ ያራቱዋ

1 እየሰሰሳና ሩኦ ይሁዳ ካትያ እየአቁማ ላይላን፣ ኤርማሳዉ መጅና ጎዳጥ ቃላይ ሀዋዳን ያጌደ ዬዳ፤

2 “ረካባ ያራ ግድያ አሳኮ ባደ፣ ኡንቱንቱና ሃሳያ። ጌሻ ጎልያ ክፍለቱዋጥ እቱዋ ግዶ ገልሳደ ዋይንያ ኤሳ ኡንቱንቶ እማ” ያጌዳ።

3 ባደ፣ ሀባደንያና ሩኦ ሩኦ፣ ኤርማሳ ሩኦ ያእዛንያ፣ እ አሻቱዋነ እ አቱማ ሩናቱዋ ኡባ፣ ሄዋ ግያዋ ረካባ ያራ ሙልያ አካደ።

4 መጅና ጎዳ ጎልያ አሃድ። ይግዳልያ ሩኦ፣ ትምቢትያ ኦድያ ሀናና ኤርሰያ ቆማቱዋ ክፍልያ ኡንቱንታ ገልሳድ። ሄ ክፍሊ ፕንግያ ሩግያ ሻሉማ ሩኦ ማእሴያ ክፍልያፕ ቦላ ባጋና፣ ካፖቱዋ ክፍልያ ማታን ደኤ።

5 ሄዋፕ ጉይያን፣ ታን ረካባ ያራቱዋ ሰንላን ዋይንያ ኤሳይ ኩሜዳ ጹጋቱዋነ ጹአቱዋ ዋላደ፣ “ዋይንያ ኤሳ ኡሸተ” ያጋድ።

6 ሸን ኡንቱንቱ ዛራድ፣ “ኑን ዋይንያ ኤሳ ኡሸኮ፤ እያዉ ጎፕ፣ ኑ ማይዛ አዉዋ ረካባ ሩኦይ ዮናዳብ ኑና፣ ህንተካ ህንተ ሩናቱካ ዋይንያ ኤሳ መጅናዉ ኡሸተተ።

7 ቃይ ጎልያ ኪጽፕተ፤ ዘረላ ዘርፕተ፤ ዋይንያ ቱራካ ቶኮፕተ። ሄዋ አጌድ፣ ዱንካነ ግድን ደአተ። ያቶፕ ህንተ ኡዳሳ ላይላ ሀ ቢታን ደአና ያጌዳ።

8 ት ማይዛ አዉዋ ረካባ ሩኦይ ዮናዳብ ኑና እዛዜዳ ኡባዉ ኑን እዛዜቱደ። ኑን፣ ዋይ ኑ ማጫ አሳቱ፣ ዋይ ኑ አቱማ ሩናቱ፣ ዋይ ኑ ማጫ ሩናቱ ኑ ደኤዋ ላይላ ኡባን ዋይንያ ኤሳ ኡሸቢይኮ፤

9 ደእያ ጎልያካ ኪጽቢይኮ፤ ዋይንያ ቱራ ሳኦይ፣ ዋይ ጎሻይ፣ ዋይ ዘረላይካ ኑዉ ባዋ።

10 ኑን ዱንካነ ግድን ደኤደ፤ ኑ ማይዛ አዉ ዮናዳብ እዛዜዳ ኡባዉካ እዛዜቱደ።

11 ሸን ባብሎነ ካት የሩሳላሙን ከሩኦ ያጌዳ። ሀእ ኑን የሩሳላሙን ደእያዋ ሄዋሳ” ያጌድና።

12 ሄዋፕ ጉይያን፣ መጅና ጎዳ ቃላይ ኤርማሳዉ ዬዳ።

13 ኡባፕ ዋልቃማ መጅና ጎዳይ፣ እሰራኤልያ ጸሳይ ሀዋዳን ያጌ፤ “ባ፤ ባደ ይሁዳ አሳነ የሩሳላሙ አሳ ሀዋዳን ያጋ፤ ሩታ ቃላ ሰሰሰዋነ ታን ታማርሴዳዋ እዛዘትያዋ እያዉ እጹድቱ? ታን መጅና ጎዳይ ሀዋ ኦዳይ።

14 ረካባ ሩኦይ ዮናዳብ ባረ አቱማ ሩናቱዋ ዋይንያ ኤሳ ኡሸናዳን እዛዜዳ እዛዘቱዋ ኡንቱንቱ ሩጌድና፤ ኡንቱንቱ ባረንቱ ማይዛ አዉዋ እዛዘ እዛዘቱዳ ድራዉ፣ ሀቻ ጋካናዉ ዋይንያ ኤሳ ኡሸኮ። ሀንተዉ ዛራ ዛራደ ኦዳይ፤ ሸን ህንተ ታን ኦድያዋ ሰሰቢይክታ።

15 ቃይ ታን ዛራ ዛራደ ትምቢትያ ኦድያ ታ ቆማቱዋ ኡባ ህንተኮ ዮዳድ፤ ኡንቱንቱ፣ “ህንተ ኡባይካ ህንተ ኡታ ኦግፕፕ ሀእ ሰምተ፤ ህንተ ኡሱዋካ ሎይላተ፤ ሀራ ጸሳቶ ጎይኖፕተነ አላፕተ። ያቶፕ፣ ታን ጸሳይ ህንተዉነ ህንተ ማይዛ አዋቶ አሜዳ ቢታን ህንተ ደአና። ያጌድና። ሸን ህንተ ታን ኦድያዋ ሰሳናዉ ህንተ ሀይላ ታኮ የግክታ።

16 ረካባ ሩኦ ዮናዳብ ዘረላቱ ኡንቱንቱ ማይዛ አዉ ኡንቱንታ እዛዜዳ እዛዘቱዋ ፖሌድና፤ ሸን ሀ አሳይ ታዉ እዛዘትቢና” ያጋ” ያጌ።

17 ሄዋ ድራዉ፣ መጅና ጎዳይ ጸሳይ፣ ኡባፕ ዋልቃማይ፣ እሰራኤልያ ጸሳይ ሀዋዳን ያጌ፤ “ሰሰተ፣ ታን ይሁዳ አሳ ቦላነ የሩሳላሙን ደእያዋንቱ ቦላ አሀና ጌዳ ኢታባ አሀና። እያዉ ጎፕ፣ ታን ኡንቱንቶ ኦዳድ፤ ኡንቱንቱ ሰሰናን እጹድና። ታን ኡንቱንታ ጸሳድ፤ ጸሰና ኡንቱንቱ ኮየናን እጹድና” ያጌ።

18 ሄዋፕ ጉይያን፣ ኤርማሰን ረካባ ያራቱዋ ሀዋዳን ያጌዳ፤ “ኡባፕ ዋልቃማ መጅና ጎዳይ፣ እሰራኤልያ ጸሳይ ህንተና ሀዋዳን ያጌ፤ ህንተ ህንተ ማይዛ አዉዋ ዮናዳባዉ እዛዘቱዳ ድራዉ፣ እ ዋጋ ካሌዳ ድራዉነ እ እዛዜዳዋ ኡባካ ፖሌዳ ድራዉ።

19 ረካባ ናአይ ዮናዳብ ታዉ ኡባጥ ዋልቃማ መድና ጎዳዉ እስራኤልያ ጸሳዉ ኦልያ ኦቱማ እሳ አዉደነ ቆየና’ ያጌ” ያጌዳ።

### 36

#### ባሩክ ጸሓ ማጻፋ እሳዉ ናባቤዳ

1 እዮስያሳ ናአይ ይሁዳ ካቲ እዮአቄም ካተቲዳ ኦይደንሎ ላይላን፣ መድና ጎዳይ ኤርምሳ ሀዋዳን ያጌዳ፤

2 “እት ጸሓ ማጻፋ አካይ፣ ታን እዮስያሳ ዋድያን ኮይሮ ነዉ ኦይዳ ጋላሳጥ ደማይ፣ ሆኑ ጋካናዉ እስራኤልያ ቦላ፣ ይሁዳ ቦላን ሀራ ካዉተላቱዋ ኡባ ቦላ ሃሳዬዳ ቃላ ኡባ ጸፋ።

3 ታን ይሁዳ እሳ ቦላ አሀር ጋይ ሀልቼዳ ቦሻ ኡባ ሰሲይ፣ ኦን ኤሪ፣ ኡንቱንቱ ባረንቱ ኢታ ኦሱዋጥ ሰማንንቶን። ታን ኡንቱንቱ ናቁዋን ኡንቱንቱ ናጋራ አቶ ጋና” ያጌዳ።

4 ሃዋ ድራዉ፣ ኤርምስ ኔርያ ናአ ባሮካ ጸሴዳ፤ መድና ጎዳይ አዉ ኦይዳባ ኡባ ባሮካዉ ኦድና፣ እ ጸሓ ማጻፋን ጸፊዳ።

5 ሃዋጥ ጉይያን፣ ኤርምስ ባሮካ፣ “ታን ቃሾ ጎልያን ደእያ ድራዉ፣ መድና ጎዳ ጌሻ ጎልያ ገላናዉ ዳንዳይከ።

6 ሃዋ ድራዉ፣ ኔን እሳይ ጸምያ ጋላሰ መድና ጎዳ ጎልያ ባይ፣ ታን ኦድና፣ ኔን ጸሓ ማጻፋን ጸፊዳ መድና ጎዳ ቃላ ኡንቱንቶ ናባባ፤ ባረንቱ ካታማቱዋጥ ዬዳ ይሁዳ እሳዉ ኡባዉካ ናባባ።

7 ሀ እሳ ቦላ መድና ጎዳይ አዋዬዳ ሀንቁን ይሉ ኢታ ግድያ ድራዉ፣ ኦን ኤሪ፣ ኡንቱንቱ ባረንቱ ኢታ ኦሱዋጥ ሰሚዳ፣ መድና ጎዳ ዋሳንንቶን” ያጌዳ።

8 ኔርያ ናአይ ባሩክ ትምቢትያ ኦድያ ኤርምስ አዛዜዳዋዳን፣ መድና ጎዳ ጎልያን መድና ጎዳ ቃላ ኡባ ናባቤዳ።

9 እዮስያሳ ናአይ ይሁዳ ካቲ እዮአቄም ካተቲዳ እቼሽንሎ ላይላን፣ ኡዱፑንላ አግናን፣ የሩሳላመን ደእያ እሳዉን ይሁዳ ካታማቱዋጥ ዬዳ እሳዉ ኡባዉ መድና ጎዳ ሰንላን ጸማናዳን አዋዬድና።

10 ባሩክ መድና ጎዳ ጌሻ ጎልያን፣ ቆዋ ባጋ ዳባባን፣ ኦራላ ጥንግያ ግያ ሳን ደእያ፣ ጸፍያ ሳፋና ናአ፣ ጋማርያ ክፍልያን ኤቂይ፣ ኤርምሳ ቃላይ ጸፊቲደ ጸሓ ማጻፋ እሳዉ ኡባዉ ናባቤዳ።

#### ባሩክ ጸሓ ማጻፋ ካፓቶ ናባቤዳ

11 ሳፋና ናአ ናአይ፣ ጋማርያ ናአይ ምካይ ማጻፋጥ መድና ጎዳ ቃላ ባሩክ ናባብሽና ሰሴዳ ዋደ፣

12 ካትያ ጎልያን ጸፊ ኡትያ ክፍልያ ቤዳ። እ ብያ ዋደ፣ ጸፊ ኤልሻማእ፣ ሻማእያ ናአይ ዳላይ፣ አክቦራ ናአይ ኤልናታን፣ ሳፋና ናአይ ጋማሪ፣ ሀናንያ ናአይ ጽድቄን ሀራ ካፓቱ ሃዋን ኡቲድና።

13 ባሩክ እሳዉ ማጻፋጥ ናባብሽና ሰሴዳ ቃላ ኡባ ምካይ ኡንቱንቶ ኦይዳ።

14 ካፓቱ ናታንያ ናአ ይሁዳ ባሩካኮ ከቲደ፣ “እሳዉ ኔን ናባቤዳ ማጻፋ አካይ ሃያ” ያጌድና። ናታኒ ሸሊምያ ናአ፤ ሸሊም ኩሻ ናአ። ያግና ባሩክ ማጻፋ አካይ፣ ኡንቱንቱኮ ዬዳ።

15 ኡንቱንቱካ አ፣ “እነ ኡታደ፣ ኦዉ ማጻፋ ናባባ” ያጌድና።

ባሩክ ማጻፋ ናባቤዳ።

16 እ ናባቤዳ ቃላ ኡባ ሰሴድና፤ ኡባይካ ያዬደ፣ እቱ እቱዋ ጸሊደ፣ ባሮካ፣ “ሀ ቃላ ኡባ ኦን ካትያዉ አዳናዉ ኮሾ” ያጌድና።

17 ቃይካ ዛሪደ፣ “ኔን ሀ ቃላ ኡባ ዋታደ ጸፊደንቶ ኦዉ ኦዳ። ሀዋ ነዉ ኤርምስ ባረ ደናጥ ኦድና ጸፋዲ?” ያጌድና።

18 ባሩክ፣ “ኤ፣ ሀ ቃላ ኡባ ኤርምስ ባረ ደናጥ ታዉ ኦይዳ፤ ታን ቃላምያን ሀ ጸሓ ማጻፋን ጸፋድ” ያጌዳ።

19 ኡንቱንቱ ባሮካ፣ “ኔን ኤርምስ ቢደ ቆስትቲ፤ ሀንተ ደእያ ሳካካ ኦን ኤርፖ” ያጌድና።

#### ካቲ ጸሓ ማጻፋ ጸጌዳ

20 ካፓቱ ማጻፋ ጸፍያ ኤልሻማእ ክፍልያን ዋላዋጥ ጉይያን፣ ካቲ ደእያ ዳባባ ቢደ፣ ሀይዳዋ ኡባ ካትያዉ ኦይድና።

21 ሄ ማጻፋ አሀር ማላ፣ ካቲ ይሁዳ ኪቲዳ፤ ይሁዳይ ጸሓ ማጻፋ ኤልሻማእ ክፍልያጥ አሂደ፣ ካትያዉን እ የሹዋን ኤቄዳ ካፓቶ ናባቤዳ።

22 ኡዱፑንላ አግናን ሳአይ ባልጉዋ ግድያ ድራዉ፣ ካቲ ባልጉዋ እልያ ጎልያን ኡቲዳ። ሄ ዋደ ካትያ ሰንላን ደእያ ጮጮያን ታማይ ኤጼ።

23 ይሁዳይ ሄዙ ዋይ ኦይዱ ሳአቱዋ ናባቤዳዋጥ ጉይያን፣ ካቲ ሄ ሳአቱዋ ጸሓ ማጻፋጥ ሳንጽያን ቃንጽ ቃንጸደ፣ ታማን ኦሊዳ፤ ሃዋዳን ኦሊደ፣ ሄ ማጻፋ ሙለናካ ጸግ አጌዳ።

24 ሀ ቃላ ኡባ ሰሲደካ ካወነ አናና ኦልያ ካገጉቱ እይነ ያይበይክኖ፤ ዎይ ካዮተደ፣ ባረንጉ ማዩዋ ፔጅብይክኖ።

25 ሀራይ እቶ ኤልናጉን፣ ዳላይነ ጋማሪ ካቲ ሄ ማጻፋ ጸገናደን ዎሰናካ፣ ኡንቴንጉቱ ዎሳ ሰሰናን እጹዳ።

26 ካትያ ናእ ራህማኤላ፣ እዝርኤላ ናእ ሳራያነ ኡብድኤላ ናእ ሸሌምያ፣ ጻፍያ ባሮካነ ትምቢትያ ኦድያ ኤርማሳ እይቃና ማላ ካቲ እዛዜዳ። ሸን መጅና ጎዳይ ኡንቴንጉ ቆሴዳ።

**ኤርማሳ ዛር ጻፊዳ ጻላ ማጻፋ**

27 ኤርማሰ ኦድና፣ ባሩክ ጻፊዳ ቃላይ ደእያ ማጻፋ ካቲ ጹግ ሰምና፣ መጅና ጎዳ ቃላይ ኤርማሳኮ ሀዋዳን ያጊደ ዬዳ፤

28 “ሀእካ ሀራ ጻላ ማጻፋ እካደ፣ ይሁዳ ካቲ እዮአቄም ካሰ ጸጌዳ ጻላ ማጻፋ ግደን ደእያ ቃላ ኡባ ጻፋ።

29 ቃይ ይሁዳ ካትያ እዮአቄም ሀዋዳን ያጋ፡- “መጅና ጎዳይ ሀዋዳን ያጊ፤ “ኔን፣ ባብሎነ ካቲ ቱመጥጥ ዪደ፣ ሀ ቢጋ ባይዛና፤ ቃይ እዝ ግደን ደእያ እሳነ መሀያካ ወርሳና” ጋይ እያዎ ጻፋዲ፣? ያጊደ ማጻፋ ጸጋዳ።

30 ሄዋ ድራወ፣ ታን መጅና ጎዳይ ነዉ ይሁዳ ካትያ የአቄማዉ ሀዋ ኦዳይ፡ ዳዊታ ካወተላ አራታን ኡትያ ዛሪ ነዉ ኡባካ ደእና። ነ እሃይካ ጮ ኦለቲደ፣ ጋላሰ እዋ ሱሉዋንነ ቃማ ሜጉዋን ሸጩታና።

31 ህንተ ናጋራ ድራወ ኔና፣ ነ ዛርያነ ኔናና ኦልያ ኡባ ታን ሙራና። ህንተ ታን ኦዳዳዋ ሰሰናን እጹዳ ድራወ፣ ታን ኦዳዳ ኢታባ ኡባ ህንተ ቦላነ ይሁዳንነ የሩሳላመን ደእያ እሳ ቦላ እሀና ያጌ ያጋ” ያጊደ።

32 ሄዋጥ ጉይያን፣ ኤርማሰ ሀራ ጻላ ማጻፋ እኪደ፣ ኔርያ ናእ ጻፍያ ባሮካዉ እሜዳ። ባሩክ ይሁዳ ካቲ እዮአቄም ታማን ጸጌዳ ጻላ ማጻፋ ቃላ ኡባ ኤርማሰ እዉ ዶናን ኦድና ጻፊዳ። ቃይ ኤርማሰ ሄዋ ማላትያ ሀራ ቃላካ ጉጅን፣ ኡባካ ባሩክ ጻፊዳ።

**37**

**ኤርማሳ ካትያ ሰደቅያሳ**

1 ባብሎነ ካቲ ናቡካዳናጾር እዮአቄም ናእ ዮአኪና ሳኣን እዮሰያሳ ናእ ሰደቅያሳ ይሁዳ ቢታን ካወሏዳ።

2 ሰደቅያሰ፣ አናና ኦልያ ካገጉነ ሄ ቢታን ደእያ እሳይ ኡባይካ መጅና ጎዳይ ትምቢትያ ኦድያ ኤርማሳ ባጋና ኦዳዳ ቃላዉ እዛዘትብይክኖ።

3 ሸን ካቲ ሰደቅያሰ ሸሌምያ ናእ የሁካላነ ማእሴያ ናእ ቄሰን ጻፋንያ ሀዋዳን ያጊደ፣ ኤርማሳኮ ኪቲዳ፤ “ሀያና ኑ ድራወ መጅና ጎዳ ኑ ጻሳ ዎሳ” ያጊደ።

4 ሄ ዎደ ኤርማሰ ብሮ ቃሸት ቤና ድራወ፣ እሳ ግደን ሰመረቲ።

5 ግብጹ ካትያ ኦላንቻቱ፣ ግብጹጥ ከሲደ ይያዋ የሩሳላመ ዶዴዳ ባብሎነ ኦላንቻቱ ሰሴዳ ዎደ፣ ኡንቴንጉ የሩሳላመጥ አጊደ፣ ጉየ ሰሜድኖ።

6 ሄዋጥ ጉይያን፣ መጅና ጎዳ ቃላይ ትምቢትያ ኦድያ ኤርማሳኮ ዬዳ።

7 መጅና ጎዳይ እሰራኤልያ ጻሳይ ሀዋዳን ያጊ፤ “ታና ህንተ ኦቻና ማላ፣ ህንተና ኪቲዳ ይሁዳ ካትያዉ ሀዋዳን ያግተ፤ ብእተ፣ ህንተና ማዳናዉ ከሴዳ ግብጹ ካትያ ኦላንቻቱ ባረንጉ ቢታ ሰሚደ ባና።

8 ቃይ ባብሎነ ኦላንቻቱ ሰሚደ ያና፤ ኦለቲደ፣ ሀ ካታማ ኦይቃና፤ ታማንካ እ ጹጋና ያግተ” ያጊ።

9 መጅና ጎዳይ ሀዋዳን ያጊ፤ “ ባብሎነ ኦላንቻቱ ላኔንላ ሰሚደ ዪክኖ፣ ያጊደ ህንተና ህንተረካ ጭዋጥተ። እያዉ ጎጥ፣ ኡንቴንጉ ሰሚደ ያናዌ ደእና!

10 ህንተ ባብሎነ ኦላንቻቱዋ ሙልያ ጸንገቶነ ኡንቴንጉጥ አቲደ፣ ኦላን ማዴዲደ፣ ዲንካንያ ግደን ግሴዳዋንጉካ ደንዲደ፣ ሀ ካታማ ታማን ጹጋና” ያጊ።

**ኤርማሰ ቃሸቴዳ**

11 ግብጹ ካትያ ኦላንቻቱ ማቴዳ ድራወ፣ ባብሎነ ኦላንቻቱ የሩሳላመ አጊደ፣ ባረንጉ ደእያ ሳኣጥ ጉየ ሰሜድኖ።

12 ሄ ዎደ ኤርማሰ ባረና ጋክያ ጋድያ እካናዉ ቢንያማ ቢታ ባናዉ የሩሳላመጥ ደንዴ።

13 ግደ ሸን፣ እ ቢደ፣ ቢንያማ ጥንግያ ግያ ጥንግያ ጋክሸና፣ ጥንግያ ናግያዋንጉጥ አቲ፣ ሀናንያ ናእ ሸሌምያ ናእይ፣ ዪርያ ግያዌ እ፣ “ሳ ኑና ካዳደ ባብሎነ ባሳ ግድኪ?” ያጊደ ኦይቄዳ።

14 ኤርማስ ዛሬደ፡ ሀዋዳን ያጌዳ፤ “ኔን ግያዌ ዋርዲዎ፤ ታን ባብሎን ብያ አሳ ግድከ” ያጌዳ። ሸን ዪሪ እ ግያዋ ሰሰናን እጹዳ፤ ኤርማሳ ኦይቄ አኪደ፤ ካፓቱዋኮ አፌዳ።

15 ካፓቱካ ሎይል ሀንቀቲደ፡ ኤርማሳ ዋዲድና፤ ኤንቱንጉቱ ቃሾ ጎልያ ከሴዳ፤ ጻፍያ ዮናታና ጎልያን አፌደ ዋሌድና።

16 ኤርማስ ሄዋን ቢታ ግደን ደለያ ክፍልያን ዳሮ ዋድያ ጋምኤዳ።

17 ሄዋፕ ጉይያን፤ ካቲ ሰደቅያስ አሳ ከቲደ፡ ኤርማሳ ባረ ደኢያሳ ካትያ ጎልያ ጸሰሴዳ፤ አሳይ ኤረናን እ፡ “መድና ጎዳይ ነው ኦዳዳዌ አየንቶ ደኢ?” ያጌደ ኦቼዳ።

18 ኤርማስ ዛሬደ፡ “ኤ ደኤ፤ ኔን ባብሎን ካትያ ኩሽያን አቆለደ እመታና” ያጌዳ።

19 ቃይካ ኤርማስ ካትያ ሰደቅያሳ ሀዋዳን ያጌደ ኦቼዳ፤ “ታና ሀንተ ቃሾ ጎልያን የገናዉ ታን ነ ቦላን፤ ነው ኦልያ ካፖቱዋ ቦላን ዋይ ሀ አሳ ቦላን እያ ባይዘተዋ ኦልድታ?

20 ቃይ፡ ‘ባብሎን ካቲ ሀንተ ቦላንን ሀ ቢታ ቦላን ዪደ ኦለና’ ያጌደ ነው ትምቢትያ ኦይዳ ነ ናባቲ ሀእ ሀቃን ደእና?

21 ሄዋ ድራው፡ ታ ጎዳዉ ካትያው፡ ሰሳ! ታን ኦቻያዋ ኔን ፖላና ማላ፡ ኔና ዋሳይ። ታን ሄ ሳእን ሀይቀናዳን፤ ቃሾ ጎልያ ግድያ ጻፍያ ዮናታና ጎልያዉ ታና ጉዮ ዛርፓ” ያጌዳ።

22 ሄዋ ድራው፡ ካቲ ሰደቅያሳ ናግያዋንቱ ዳባባን ኤርማሳ ዋላና ማላ አዛዘዱ። ሄዋን አ ዋል ደእሸን፤ ካታማፕ ዳቡ ጳያና ጋካናው፡ ሀቾ ሀቾ እት እት ዳቡዋ ኡክናሳፕ አይ አሂደ፡ አዉ እሜድና። ሄዋ ድራው ኤርማስ ካትያ ዛባን ናጉዋን ጋምኤዳ።

### 38

#### ኤርማስ ሃላ ኦላን ኦለቲዳ

1 ማታና ናአይ ሻፋጸ፡ ፓሽሁራ ናአይ ጋዳሌ፡ ሸለምያ ናአይ የሁካልን ማልክያ ናአይ ፓሽሁር ኤርማስ አሳ ኡባዉ ኦይዳ ቃላቱዋ ሰሴድና።

2 ኤርማስ ጊደ፡ “መድና ጎዳይ ሀዋዳን ያጌ፤ ህ ካታማን አትያ ኦንን ኦላን፤ ኩሻን ኢታ ሀርግን ሀይቃና። ሸን ባብሎንቱዋኮ ብያ ኦንን ሀይቀና። ባረ ሁጲያ አሻና፤ ፓጻካ ደእና ያጌ።

3 ቃይካ መድና ጎዳይ፡ ህዌ የሩሳላሙ ካታማይ ቱሙፕ ባብሎን ካትያ ኦላንቻቱዋ ኩሽያን አጲደ እመታና፤ ኤንቱንጉቱ አ ኦዋዳና ያጌ” ያጌዳ።

4 ሄዋፕ ጉይያን፡ ካፓቱ ካትያኮ ቢደ፡ ሀዋዳን ያጌድና፤ “ሀ ብታኒ ሀይቃናዉ ኩሽ፤ ሀዋ ማላ ጸላ ቃላ ሃሳዪደ፡ ሀ ካታማን ደለያ ኦላንቻቱን አሳይ ኡባይ ሸጋናዳን ኦሌዳ። እ አሳ ቆህያዋ አዋቲፕ አትና፤ ሳርባ አዋተና” ያጌድና።

5 ካቲ ሰደቅያሳ ዛሬደ፡ ሀዋዳን ያጌዳ፤ “ሀንተ አ ቦላ ኦላና ጌዳዋ እያን ታን ሀንተና ድጋናዉ ዳንዳይከ” ያጌዳ።

6 ኤንቱንጉቱ ኤርማሳ ካትያ ጎልያ ዳባባን ደእያ፡ ካትያ ናአ ማልክያ ሃላ ኦላን የጌድና፤ ኤንቱንጉቱ ዋድሩዋን አ ዲጊ ዋሌድና። ሄ ዋይ ሄ ኦላን ሰልሙዋፕ አትና፤ ሃላ ባዋ፤ ኤርማስ ሄ ሰልሙዋ ግደ ገሌዳ።

7 ሸን ቶጵያ አሳ ግድያ፡ ካትያ ጎልያን ኦልያ፡ አበድመሌካ ግያዌ ኤርማስ ኦላን ኦለቲዳዋ ሰሴዳ። ሄ ዋይ ካቲ ቢንያማ ፕንግያን ፕርዳ ቻሎታን ኡቲዳ።

8 አበድመሌካ ካትያኮ ቢደ፡ ሀዋዳን ያጌዳ፤

9 “ታ ጎዳዉ ካትያው፡ ሀ አሳቱ ዋልቃማ ኢታባ ኦሌድና፤ ሄዌካ እዬ ጎፕ፡ ትምቢትያ ኦይያ ኤርማሳ ሃላ ኦላን የጌድና። ቃይ ካታማን ቁም ባይና ድራው፡ እ ሄዋን ኩሻን ሀይቄ” ያጌዳ።

10 ካቲ ዛሬደ፡ ቶጵያ አሳ ግድያ አበድመሌካ፡ “ሀዋፕ ሀታሙ አሳ ኔናና አካደ ባደ፡ ኤርማስ ሀይቀናን ደእሸና፡ ሃላ ኦለፕ ከሰተ” ያጌዳ።

11 አበድመሌካ አሳ አኪደ ቤዳ፤ ካትያ ጎልያን ዱረታ ምንጅያ ክፍልያፕ ጋርሳ ባጋና ደእያ ክፍልያ ገሊደ፡ ኤጫ ማዌዋ ጨርቃ አኪዳ። ሄ ጨርቃ ዋድሩዋ ጴራን ቃቺደ፡ ኤርማሳዉ ዲጊ ኦላ ግደ የዴዳ።

12 ቶጵያ አሳ ግድያ አበድመሌካ ኤርማሳ ኦላ ግደ ዲጊ ዴጊደ፡ “ሀዋ ማዌዋ ጨርቃ ዋድሩዋፕ ጋርሳ ባጋና ነ ሸጵያን ዋላ” ያጌዳ። ኤርማስካ እ ጌዳዋዳን ኦሌዳ።

13 ያቶና፡ ሄ ዋድሩዋን ጎቺደ፡ ኤርማሳ ኦለፕ ከሴድና። ናግያዋንቱ ዳባባ ገልሲደ ጎርዴድና።

#### ሰደቅያስ ኤርማሳ ላኢንሉዋካ ኦቼዳ

14 ሄዋፕ ጉይያን፡ ካቲ ሰደቅያስ ኤርማሳኮ ኪት እህሲደ፡ መድና ጎዳይ ገሻ ጎልያ ጎልያ ሄዘንላ ፕንግያ ማታን እ፡ “ታን እትባ ኔና ኦቻና። ኔን ታፕ እያን ቆሶፓ” ያጌዳ።

15 ኤርማስ ዛሬደ ሰደቅያሳው፡ “ታን ኦይፕ፡ ኔን ታና ዋድኪ? ታን ዘርናካ፡ ኔን ሰሳካ” ያጌዳ።

16 ካቲ ሰደቅያስ ኤርማሳዉ ቆሱዋን ሀዋዳን ያጌደ ጫቄዳ፤ “ታን ኔና ዋርባና ቃይ ኔና ዋቆናዉ ኮይያዋንቶ አላደ እመናዋ ኦዉ ደኡዋ እሜዳ መድና ጎዳ ስንሳን ጫቃይ” ያጌዳ።



17 ኤርማስ ሰደቅያሳዉ ዛሪደ፡ “መጅና ጎዳይ፡ ኡባጥ ዎልቃማ ጸሳይ፡ እስራኤልያ ጸሳይ ሀዋዳን ያጌ፤ ባብሎነ ካትያ ካፖቶ ኩሽያ እዋጥ፡ ኔን ፓጾ አጎና፤ ሀ ካጎማይካ ታማን ጸገተና፤ ኔንካ ነ ጎልያ እሳይካ ፓጾ ደአና።

18 ሸን ኔን ኡንቱንቶ ኩሽያ እመናን እጸጥ፡ ሀ ካጎማ ባብሎነቱ ኦሞዳና፤ ኡንቱንቱ አ ጸጋና፤ ኔንካ ኡንቱንቱጥ ከሳ አካካ” ያጌዳ።

19 ቃይካ ካቲ ሰደቅያሰ ኤርማሳ፡ “ታን ያይያዌ ሀ ቢታጥ ካዲደ፡ ባብሎነቱዋኮ ቤዳ እይሁዳቱዋሳ። እያዉ ጎጥ፡ ባብሎነቱ ታና ኡንቱንቱ ኩሽያን አሊደ እዋጥ፡ እይሁዳቱ ታና ቱጋያና” ያጌዳ።

20 ኤርማስ ዛሪደ፡ “እየንቶ ባዋ! ኡንቱንቱ ኔና ኡንቱንቶ አሊደ እዋክና። ኦድያ መጅና ጎዳ ቃላዉ ሀያና አዛዘታ። ሄዌ ነዉ ሎኦ ግዳናዋ፤ ኔንካ ፓጾ አጎናሳ።

21 ሸን ኔን ኩሽያ እመናን እጸጥ፡ መጅና ጎዳይ ታና በሲዳ ሳጻይ ደኤ።

22 ሄዋካ እዬ ጎጥ፡ ይሁዳ ካትያ ጎልያን አቴዳ ማጫ አሳቱ ኡባይ ኦሞደቲደ፡ ባብሎነ ካጎቱዋኮ ባና። ኡንቱንቱ ኔና ሀዋዳን ያጋና፤ ሳዉ ማታ ላጎ ግድያዋንቱ ኔና ባለሌድና፤ ኡንቱንቱ ኔና ጸጸድና። ሸን ሀእ ነ ገዲ ሰልሙዋ ግዶ ገልና፡ ሄ ላጎቱ ኔና የጊደ ቤድና” ያጋና።

23 ቃይ ነ ማቼቱ፤ ነ ናናቱ ኡባይ ባብሎነቱዋን ኦሞደቲደ ባና። ኔንካ ኡንቱንቱ ኩሽያጥ ከሳ አካካ፤ ባብሎነ ካቲ ኔና ኦይቃና። ሀ ካጎማይካ ታማን ጸገታና” ያጌዳ።

24 ሰደቅያሰ ኤርማሳዉ ዛሪደ፡ ሀዋዳን ያጌዳ፤ “ሀዋ ኔን ታዉ ኦዴዳዋ አሳዉ ኦዳና ጳዮጥ፡ ኔን ሀይቃካ።

25 ካጎቱ ታን ኔና ሃሳዬዳዋ ሰሲደ ዪደ፡ ሳናና ካትያና አይ ሃሳዬደንቶ፡ ኦዉ ኦዳ። ኔን ኦዉ ቆሰናን ኦደጥ፡ ኔን ኔና ዎቻኩ” ያጊደ ኔና ኦቻና።

26 ኔን፡ “ታን ሄ ሳእን ሀይቃናዳን፡ ታና ዛራደ ቃሾ ጎልያ ግድያ ዮናጎና ጎልያ የደናዳን፡ ካትያ ዋሳድ” ያጋደ ዛራ” ያጌዳ።

27 ሄዋጥ ጉይያን፡ ካጎቱ ኡባይ ኤርማሳኩ ዪደ፡ ሄ ኦሻ ኦቼድና። ካቲ አ አዛዘዳዋዳን፡ አካ ኡንቱንቶ ኦዴዳ፡ ኡንቱንቱካ ጮኤ ጊደ ባሽ አጌድና፤ እያዉ ጎጥ፡ ኤርማስ ካትያና ሃሳይሸን ሰሴዳዌ ኦንነ ባዋ።

28 የሩሳላሙ እይቃታና ዎዲ ጋካናዉ፡ ኤርማስ ናግያዋንቱ ዳባባን ጎርደቲደ ጋምኤዳ።

### 39

#### የሩሳላሙ ኩንደላ ይሁዳን መጠቅሚያ ሀናታቱዋ (2 ካጎ. 25:1-12፤ ኤር. 52:4-16)

1 ሰደቅያሰ ይሁዳን ካተቲዳ ኡዲፕንሳ ላይላን፡ ታማንሳ አግናን፡ ባብሎነ ካቲ ናቡካዳናጸርነ አ ኦላንቻቱ ኡባይ ዪደ፡ የሩሳላሙ ደዴድና።

2 ሰደቅያሰ ካተቲዳ ታማን አተንሳ ላይላን፡ ኦይደንሳ አግናን፡ ኡዲፕንሳ ጋሳሳን ባብሎነ ኦላንቻቱ ካጎማ ግምቢያ መንሏድና።

3 ሄ ዎደ ባብሎነ ካትያ ካጎቱ፡ ነርጋል-ሻሬጸራ፡ ሳምጋር-ነባ፡ ሳርሰኪማነ ሀራ ነርጋል-ሻሬጸራ ጌተትያዋንቱ፡ ሀራ ጮራ ሞድያዋንቱና እትጥ ዬድና፤ ግዶ ጥንግያ ግያ ጥንግያን ኡቲድና።

4 ይሁዳ ካቲ ሰደቅያሰን አ ኦላንቻቱ ኡባይ ባብሎነ ኦላንቻቱዋ በኤዳ ዎደ፡ ቃማን ካጎማጥ ከሲደ፡ ካትያ ኦታክልትያ ሳኦ እናያ ኦግያ ኦይቄደ፡ ላኤ ድርሳ ግምበቱዋ እትጥ ጋልያ ጥንግያና ባቃቲድና። ኡንቱንቱ ዮርዳኖሳ ድልቡዋኮ ሰሚደ ቤድና።

5 ሸን ባብሎነ ኦላንቻቱ ኡንቱንታ ጉየና የደርሲደ፡ እያርኩ ደምባ ጋሊደ፡ ሰደቅያሳ ኦይቄድና። ሀማታ ቢታን፡ ርብላ ካጎማን ደእያ ካትያ ናቡካዳናጸራኮ እፌድና። ካቲ ናቡካዳናጸር ያን ሰደቅያሳ ቦላ ፕርዴዳ።

6 ቃይ ሰደቅያሳ አቱማ ናናቱዋ ሰደቅያሰ ጸልሸን፡ ያን ርብላ ካጎማን ዎጴዳ፤ ይሁዳ ካጎቱዋ ኡባካ ዎጴዳ።

7 ሄዋጥ ጉይያን፡ ሰደቅያሳ እይፈቱዋ ዎጭ ከሲደ፡ አ ባብሎነ ቢታ አፋናዉ ሳንሳሳታን ቃቼዳ።

8 ሄ ዎደ ባብሎነ ኦላንቻቱ ካትያ ጎልያን አሳይ ደእያ ኬላቱዋ ኡባ ታማን ጸጌድና፤ የሩሳላሙ ግምቢያካ ኮሌድና።

9 ካትያ ናግያዋንቱ ካጥ ናቡከራዳን ካጎማን አቴዳ አሳቱዋን ካዲደ ባርናን ጋከቲዳ አሳቱዋ ኡባ እትጥ ኦሞዲዋን ባብሎነ ቢታ አፌዳ።

10 ሸን ካትያ ናግያዋንቱ ካጥ ናቡከራዳን እያይን ኡንቱንቶ ባይና ሀዬሳቱዋጥ አማሬዳዋንታ ይሁዳን እጊደ፡ ኡንቱንቶ ዎይንያ ቱራ ሳአቱዋን ጎሽያ ጋደቱዋ እሜዳ።

#### ኤርማሳ ብለሳ

11 ናቡከራዳጸር ካትያ ናግያዋንቱ ካጥ ናቡከራዳና ሀዋዳን ያጊደ አዛዘዳ፤

12 “ባደ ኤርማሳ ኮያ ደማድ፣ አዉ ኮሽያባ ኡባ ኦላ፤ አ ቦላ ሀራ ኢታባ አያነ ኦሎፓ” ያጌዳ።  
 13 ሄዋ ድራዉ፣ ናቡዛራዳን፣ ናቡሻዝባን፣ ነርጋል-ሻሬጸርን ባብሎነ ካትያ ካፓቱ ኡባይ እትፕ ግዲደ ኪቲደ።  
 14 ኤርማስ ቃሸት ኡቲዳ፣ ናግያዋንቱ ዳባባፕ ከሴድኖ። ባረ ጎለ አፊደ ዋሳና ማላ፣ ሳፋና ናአ ናአ፣ አህቃማ ናአ ጋዳልያዉ ሀዳራ እሚድኖ። ሄዋፕ ደንዴዳዋን ኤርማስ ባረ ቢታ አሳና እትፕ ደኤዳ።

**አበመሊካዉ ኦደቲዳ ህደታ**

15 ኤርማስ ናግያዋንቱ ዳባባን ጎርደት ኡት ደእሸን፣ መጅና ጎዳ ቃላይ እኮ ሀዋዳን ያጊደ ዬዳ፤  
 16 “ባደ ቶጵያ አሳ ግድያ አበድመሊካዉ ሀዋዳን ያጋ፤ ፋኡባፕ ዋልቃማ መጅና ጎዳይ፣ አስራኤልያ ጸሳይ፣ ሀዋዳን ያጌ፤ “ሀዋፕ ካስ ታን ኦዴዳዋዳንካ ሀ ካታማ ቦላን ሎኦባ ግደናን፣ ባየላ አሀና። ሄዌ ኡባይ ሀንያ ዋደ፣ ኔንካ ሀ ካታማን ኡታደ፣ ነ አይፍያን በአና።  
 17 ግደ ሸን፣ ሄ ጋላሳን ታን መጅና ጎዳይ ኔና ዋላ አካና፤ ኔን ያይያ ነ ሞርከቱዋ ኩሽያንካ አቋእደ እመታካ።  
 18 ታን ኔና አሻና፤ ኔን ኦላን ሀይቃካ፤ ኔን ታናን አማነቲዳ ድራዉ፣ ሀይቁዋፕ አታናሳ። ታን መጅና ጎዳይ ሀዋ ኦዳይ” ያጌ’ ያጋ” ያጌዳ።

**40**

**ኤርማስ ጋዳልያና ደኤዳ**

1 ካትያ ናግያዋንቱ ካፕ ናቡዛራዳን ኤርማሳ ራማን ብል ሰሞና፣ መጅና ጎዳ ቃላይ ኤርማሳኮ ዬዳ። ኤርማስ ካስ ናቡዛራዳን የሩሳላመፕን ይሁዳፕ ኦሞዲደ፣ ባብሎነ ቢታ አፋናዉ ሳንሳሳታን ቃቼዳ አሳ ግደን ደኤ።  
 2 ካትያ ናግያዋንቱ ካፕ ኤርማሳ ዲማ ከሲደ፣ ሀዋዳን ያጌዳ፤ “መጅና ጎዳይ ነ ጸሳይ ሀ ባየላ ሀ ቢታ ቦላን አሀና ጌዳ።  
 3 ጌዳዋዳን ሀእ መጅና ጎዳይ አሄዳ፤ መጅና ጎዳ ቦላን ህንተ ናጋራ ኦሌዳ ድራዉነ አዉ አዛዘተናን እጼዳ ድራዉ፣ ሀዌ ኡባይ ሀኔዳ።  
 4 በአ፣ ሀእ ታን ነ ኩሽያን ደእያ ሳንሳሳታ ብላደ ኔና የዳድ። ታናና ባብሎነ ቢታ ባና ጎፕ ደንዳ፤ ታን ነዉ ኮሽያባ ኡባ ኩንሳና። ባብሎነ ቢታ ባናዉ ኮያና ቆየፕ ቦፓ። ቢታይ ኡባይ ነ ሰንሳን ደኤ፤ ኔና ሎኤዳ ሳአ ሀቃነ ባ” ያጌዳ።  
 5 ኤርማስ አ ማታፕ ቤናን ደእሸና፣ ናቡዛራዳን ጉጂደካ ያጌዳ፤ “ሳፋና ናአ ናአ፣ አህቃማ ናአ ጋዳልያኮ ባ፤ እያዉ ጎፕ፣ ባብሎነ ካቲ ናቡካዳናጸር አ ይሁዳ ካታማቱዋ ሞድያዋ ኦሊደ ሰንሌዳ። ሄዋ ድራዉ፣ አናና እትፕ ግዳደ፣ ሄዋን አሳና ደኤ። ዋይ ኔና ሎኤዳ ሳአ ሀቃነ ባ” ያጌዳ። ሄዋፕ ጉይያን፣ ካትያ ናግያዋንቱ ካፕ አዉ ቁማን ሀራ ሸንቃ እሚደ የዳድ።  
 6 ኤርማስ ሞጽጳን ደእያ አህቃማ ናአ ጋዳልያኮ ቤዳ። አ ሄዋን አቲዳ አሳና እትፕ ደኤዳ።

**ጋዳሊ ይሁዳ ሞዳዳ (2 ካታ. 25:22-24)**

7 ይሁዳ ኦላ ጋዳዋቱዋፕን ኦላንቻቱዋፕ አማሬዳዋንቱ ባረንቲ ኩሽያ ባብሎነ ካትያዉ ብር አሞቢይክኖ። ኡንቲንቲ ባብሎነ ካቲ ጋዳልያ ሄ ቢታ ሞድያዋ ኦሊደ ሰንሌዳዋን ባብሎነ ቢታ ኦሞደቲደ ቤናን ይሁዳን አቲዳ ሀዬሳቶ ካፕዋ ኦሌዳዋ ሰሴድኖ።  
 8 ናታንያ ናአይ አስማኤል፣ ቃሪሀ ናናቲ የሀናን፤ የናታን፣ ታንሁሜታ ናአይ ሳራይ፣ ናጸፋ ካታማፕ ዬዳ ኤፋያ ናናቲ፤ ማእካ ካታማፕ ዬዳ እት ብታንያ ናአይ ያዛኒ ባረንቲ ኦላንቻቱዋ ኡባና ጋዳልያኮ ሞጽጳ ዬድኖ።  
 9 ሳፋና ናአ ናአይ፣ አህቃማ ናአይ ጋዳሊ ኡንቲንቶ ሀዋዳን ያጊደ ጫቁዳ፤ “ባብሎነቶ ኩሽያ አማናዉ ያየፕተ፤ ሀ ቢታን ኡቲደ ደእተ፤ ባብሎነ ካትያዉካ ሞደትተ። ያቶፕ፣ ኡባባይ ህንተዉ ሎእ ግዳናዋ።  
 10 ታን ሞጽጳን ኡታደ፣ ባብሎነ ቢታፕ ህንተናና ጋከታናዉ ይያ ኡባና ህንተ ዶና ግዳደ ሃሳያና። ሸን ህንተ ህንተ ደእያ ሄራን ሄራን ዋይንያ፣ ዋጋራ ዛይትያን ሀራ ኦፍንላ ካላ አይፍያ ኡባ ሸሺደ ዳጋይተ” ያጌዳ።  
 11 ሄ ዋደ ሞአባ ቢታን፣ አሞና ቢታን፣ ኤደማ ቢታንን ሀራ ቢታቱዋን አይሁዳ ኡባይ ባብሎነ ካቲ አማሬዳ ይሁዳ አሳቱ ይሁዳን አታና ማላ ኦሌዳዋን ኡንቲንታ ሞድያዋ ኦሊደ፣ ሻፋና ናአ አህቃማ ናአ ጋዳልያ ሰንሌዳዋ ሰሴድኖ።

12 ባረንጉ ላለቲደ ደእያ ቢታቱዋጥ ይሁዳ ስሟደ፣ ጋዳሊ ደእያ ሞጽጳ ዬድኖ። ሄዋን ኤንቴንጉቱ ዳር ዋይንያን ሀራ ኦፍንጎ ሃሳ እይፍያ ሺሺደ ዳጋዬድኖ።

እስማኤል ጋዳልያ ዋዴዳ  
(2 ካታ. 25:25-26)

13 ሄዋጥ ጉይያን፣ ቃሬሀ ናእይ የሀናን ኩሽያ እምቤና ኦላ ጋዳዋቱ ኡባይ ጋዳልያኮ ሞጽጳ ዪደ።

14 “እሞና ካቲ ባእሊስ ናታንያ ናእ እስማኤላ ኔና ዋዳና ማላ የዱዳዋ ኡራይ?” ያጌድኖ። ሸን እ ኤንቴንጉቱ ግያዋ አማናን እጹዳ።

15 ሄዋጥ ጉይያን፣ ቃሬሀ ናእይ የሀናን ሞጽጳን ደእያ ጋዳልያኮ ዪደ። ጹራን ሀዋዳን ያጌዳ፤ “ኦን ኤረናን ደእሸና ባደ፣ ናታንያ ናእ እስማኤላ ታን ዋዳና። እያወ ጎጥ፣ እ ኔና ዋድያዋ ግደጥ፣ ነ ማታን ሸቄዳ እይሁዳ ኡባይ ላለታና፤ ቃይ ይሁዳን አቴዳ አሳይ ኡባይካ ዉራና” ያጌዳ።

16 ሸን አሀቃማ ናእይ ጋዳሊ ዛሪደ፣ ሀዋዳን ያጌዳ፤ “እስማኤላባ ኔን ኦድናባይ ኡባይ ዋርዱዋ ግድያ ድራዉ፣ ሄዋ ማላባ ኦላፓ” ያጌዳ።

### 41

1 ላፑንጎ አገናን ካትያ ዛሪ ግዲደ፣ ካትያና ኦላያ ካፓቱዋጥ እቱ፣ ኤልሻማኤ ናእ ናእይ፣ ናታንያ ናእይ እስማኤል ታሙ አሳቱዋና እትጥ ቢታ ሞድያ ጋዳልያና ጋከታናዉ ሞጽጳ ቤዳ። ኡባይካ እትጥ ኡቲደ ቁማ ሚሸን።

2 ናታንያ ናእይ እስማኤልን እናና ደእያ ታሙ አሳቱ ባረንጉ ማሻ ማሻ ከሲደ፣ ባብሎን ካቲ ይሁዳ ሞድያዋ ኦላደ ስንጹዳ አሀካማ ናእ ጋዳልያ ዋዴድኖ።

3 ሄዋ ቦላካ ቃይ እስማኤል ሞጽጳን ጋዳልያና ደእያ እይሁዳቱዋን ባብሎን ኦላንቻቱዋ ኡባ ዋዴዳ።

4 ጋዳሊ ሀይቄዳ ዋንተጎ ጋላስ፣ እ ሀይቄዋ ኦን ኤራናጥ ካስቲደ።

5 ስኪማጥ፣ ሴሎጥን ሳማርያጥ ሆሰፑን ታሙ አሳቱ ካዮቲደ፣ ባረንጉ ቡቻ ሚዲደ፣ ባረንጉ ማዩዋ ፔዲደን ባረንጉ ቦላካ ፑዚደ ዬድኖ። ኤንቴንጉቱ ሙድና ጎዳ ጎልያዉ እምያ ካሳ ያርሹዋን እጻና አሞታ እሄድኖ።

6 እስማኤል ሞጽጳጥ ከሲደ፣ ዬኪደ ኤንቴንጉቱና ጋከታናዉ ቤዳ፤ ኤንቴንጉቱና ጋከቱዳ ዋደ፣ “አሀቃማ ናእ ጋዳልያኮ ሃ ዪተ፤ እ በእተ” ያጌዳ።

7 ኤንቴንጉቱ ካታማ ግደ ገልያን፣ እስማኤልን እናና ደእያ አሳቱ ሄ አሳቱዋ ዋዴደ፣ ሃሳ ዳጋይያ ኦላን ኦል እጌድኖ።

8 ሸን ሄ ሆሰፑን ታሙ አሳቱዋጥ ታማቱ እስማኤላ ሀዋዳን ያጌደ ዋሴድኖ፤ “ሀእ ኦና ዋዶፓ! ኦን ኦ ሸይቃን ቆሴዳ ዳር ዛርጋይ፣ ባንጋይ፣ ዋጋራ ዛይቲን ኤሳይ ደኤ” ያጌድኖ። እ ኤንቴንጉቱ ዋርናን የድ እጌዳ።

9 እስማኤል ዋዴዳ አሳ ኡባ ኦሌዳ ሃሳ ዳጋይያ ኦላይ፣ እስራኤልያ ካቲ ባእሽ ኦላናዉ ዬዳ ዋደ፣ ካቲ አሳ ቦክሴዳ ዋልቃማ ሃሳ ዳጋይናዉ ግሞቤዳ ኦላ። ናታንያ ናእይ እስማኤል ሄ ኦላ እሃን ኩንጹዳ።

10 እስማኤል ካትያ ማጫ ናናቱዋን ሞጽጳን አቴዳ አሳ ኡባ አሞዳዳ። ሄዋንጉ ካትያ ናግያዋንጉ ካቶ ናቡዛራዳን አሀቃማ ናእ ጋዳልያና እትጥ ሞጽጳን ዋጹዳዋንጉ። እ ኤንቴንጉ አሞዲደ፣ ባረናና እኪደ፣ አሞና ቢታ ባናዉ ደንዴ።

11 ቃሬሀ ናእይ የሀናን እናና እትጥ ደእያ ኦላ ጋዳዋቱ እስማኤል ኦሌዳ ኢታባ ኡባ ሰሴድኖ።

12 ባረንጉ አሳ አኪደ፣ እናና ኦላታናዉ ቤድኖ፤ እስማኤላካ ጋባኦናን ደእያ ዋልቃማ ደልእያ ማታን ጋኪደ ኦይቄድኖ።

13 እስማኤል አሞዲደ ባረናና አፊዳ አሳይ ኡባይ ቃሬሀ ናእ የሀናን እናና ደእያ ኦላ ጋዳዋቱዋ በኤዳ ዋደ፣ ሎይሳ ናሽቴድኖ።

14 ሄ አሞደቱዳዋንጉ ኡባይ ጉየ ስሟደ ቢደ፣ ቃሬሀ ናእ የሀናን ጋከቱድኖ።

15 ሸን እስማኤልን ሀራ ሆሰፑን አሳቱ እትጥ የሀናናጥ ከሰ አኪደ፣ አሞና ቢታ ባቃቲድኖ።

16 ሄዋጥ ጉይያን፣ እስማኤል ጋዳልያ ዋዴ ስሟደ፣ ሞጽጳጥ አሞዲደ እሄዳ ኦላንቻቱ፣ ማጫ አሳቱ፣ ናናቱን ሙራሳቱ ኡባይ ቃሬሀ ናእ የሀናን ሀራ ኦላ ጋዳዋቱዋ ደንዲደ ቤድኖ።

17 ኤንቴንጉቱ ያጥ ደንዲደ፣ ግብጹ ባናዉ ቤተሌመ ማታን ደእያ ጌሩታ-ክምሃማ ግያ ሳእን ሸምፔድኖ።

18 ኤንቴንጉቱ ግብጹ ቤዳዋ ባብሎና ካቲ ስንጹዳ እክቃማ ናእ ጎዶልያ እስማኤላ ዋዴዳ ድራዉ ባብሎናቶ ያዪደ ባብሎናጥ ባቃቲደ፣ ግብጹ ባናዉ ዳንዳዬድኖ።

# 42

## ግብጹ ቤናዳን ጸሳይ አዳዳ

1 እላ ጋዳዋቱ ኡባይ፣ ቃሬሀ ናአይ ዮሀናን፣ ሆሻያ ናአይ አዛርያስን አሳይ ኡባይ፣ ጉፋጥ ዋጋ ጋካናዉ ዪደ።

2 ትዋቢትያ ኦድያ ኤርምያ ሀዋዳን ያጌድኖ፤ “ኑን ኔና ኦችያዋ ኑዉ ኦፋርኪ! ሀ እቴዳ ኑ ድሬዉ መድና ጎዳ ነ ጸሳ ዋሳርኪ! ኑን ካሰ ዳራ፤ ሸን ሀእ ኔን በእያዋዳን፣ ጉፋቱዋ ጸላላይ ከቴድ።

3 ኑን ብያ ኡግያን ኑን ኦፋርባ እ ኑና በሳናዳን፣ መድና ጎዳ ነ ጸሳ ኑ ድሬዉ ዋሳ” ያጌድኖ።

4 ትዋቢትያ ኦድያ ኤርምያ ዛሬደ፣ “ሎእ። ህንተ ጌዳዋዳንካ፣ መድና ጎዳ ህንተ ጸሳ ታን ዋሳና፤ ቃይ ህንተጥ አያን ቆሰናን፣ መድና ጎዳይ ኦድያባ ኡባካ ህንተዉ ኦዳና” ያጌድ።

5 ኡንቱንቱ ዛሬደ፣ ኤርምያዉ ሀዋዳን ያጌድኖ፤ “መድና ጎዳይ ነ ጸሳይ ነ ባጋና ኑዉ ከትያዋ ኡባ ኑን ፖላና ቆየጥ፣ ጸሳይ ባረ ሁጺያን ኑ ቦላ ቱሙኅ አማንቱዳ ማርካ ግደ።

6 ኑን ደሰያዋ ግድና፣ እጽያዋ ግድናካ፣ ኑን ኔና አኮ ከትያ መድና ጎዳይ ኑ ጸሳይ አዛዝያዋ ኑን ኦፋር። እያዉ ጎጥ፣ መድና ጎዳዉ አዛዘቶጥ፣ ኑዉ ኡባባይ ሎእ ግዳናዋ” ያጌድኖ።

7 ታሙ ጋላሳጥ ጉይያን፣ መድና ጎዳ ቃላይ ኤርምያሱ ዬዳ።

8 ያትና፣ እ ቃሬሀ ናአ ዮሀናና፣ አናና ደእያ ኦላ ጋዳዋቱዋን አሳ ኡባ፣ ጉፋጥ ዋጋ ጋካናዉ ጸጊደ።

9 ሀዋዳን ያጌዳ፤ “ህንተ ዋሳ ታን አኮ ሸሻር ማላ፣ ህንተ ታና ከቴዳ መድና ጎዳይ እስራኤልያ ጸሳይ ሀዋዳን ያጌ፤

10 ‘ህንተ ሀእ ሀ ቢታን ኡቶጥ፣ ታን ህንተና ኬጻናጥ አትና ኮልከ፤ ቶካናጥ አትና፣ ሾድከ። እያዉ ጎጥ፣ ታን ካሰ ህንተ ቦላን አሄዳ ኢታባይ ታና ካዮዬዳ።

11 ህንተ ሀእ ያይያ ባብሎኅ ካትያዉ አይነ ያዮጥተ! ህንተና እ ኩሸያጥ አሻናዉ ታን ህንተናና ደእያ ድሬዉ ያዮጥተ! ታን መድና ጎዳይ ሀዋ ኦዳይ።

12 ታን ህንተዉ ቃረታና፤ ያታደ እ ህንተዉ ቃረቲደ፣ ህንተና ህንተ ቢታዉ ዛሬናዳን ኦፋር’ ያጌ።

13 “ሸን ህንተ መድና ጎዳዉ፣ ህንተ ጸሳዉ፣ አዛዘተናን እጸደ፣ ‘ሀ ቢታን ኡቶኮ’ ጎጥ።

14 ቃይ ህንተ፣ ‘ኦላ ዋርያን ኦላዉ ዮንያ ማላካታ ሰሰሳናን ኮሻይ ባይናሳ ግብጹ ቢደ፣ ያን ደእና’ ጎጥ።

15 ህንተኖ ይሁዳን አቴዳዋንቶ፣ መድና ጎዳይ ህንተና ግያዋ ሰሰተ። ኡባጥ ዋልቃማ መድና ጎዳይ፣ እስራኤልያ ጸሳይ ሀዋዳን ያጌ፤ ‘ህንተ ግብጹ ቢደ፣ ያን ደእናዉ ቆፋ ቃቸጥ።

16 ሄ ህንተ ያዬዳ ኦላይ ግብጹን ህንተና ኦይቃና፤ ህንተ ሀርጌዳ ኮሻይካ ህንተና ካሊደ ባና፤ ህንተካ ያን ግብጹን ይህቃና።

17 ግብጹ ቢታ ቢደ ደእናዉ ቆፋ ቃቸዳ አሳይ ኡባይ ኦላን፣ ዋይ ኮሻን ዋይ ኢታ ሀርግያን ሀይቃና። ታን ኡንቱንቱ ቦላን አህያ ኢታባጥ አቱነ ከሰ አከና፤ አቱነ አትና’ ያጌ።

18 “ኡባጥ ዋልቃማ መድና ጎዳይ፣ እስራኤልያ ጸሳይ ሀዋዳን ያጌ፤ ‘የሩሳላሙን ደእያዋንቱ ቦላን ታ ሀንቁነ ታ ይሉ ጉኬዳዋዳን፣ ህንተ ግብጹ ገልያ ዋይ ህንተ ቦላንካ ታ ሀንቁ ሄዋዳን ጉካና። ህንተ ዳጋማ፣ ሸቃ፣ ቶሸያን ቅለጭያዋ ግዳንታ፤ ሀ ሳእ ላኤንዳ ኡባካ በእክታ’ ያጌ።

19 “ይሁዳን አቴዳዋንቶ፣ መድና ጎዳይ ህንተና፣ ‘ግብጹ ቦጥተ!’ ያጌዳ። ታን ሀቼ ህንተና፣ ‘የኤ!’ ጌዳዋ ኤርተ።

20 ህንተ ታና፣ ‘ኑ ድሬዉ መድና ጎዳ ኑ ጸሳ ዋሳ፤ እ ነዉ ኦድያባ ኡባካ ኑዉ ኦዳ፤ ኑን ኦፋር’ ያጊደ፣ ታና መድና ጎዳኮ፣ ህንተ ጸሳኮ፣ ከቴድታ፤ ሄዋን ዋልቃማ ባላ ባሌድታ።

21 እ ጌዳዋ ኡባ ሀቼ ህንተዉ ኦዳድ። ሸን መድና ጎዳይ ህንተ ጸሳይ ታ ባጋና ህንተዉ ከቴዳ ቃላዉ ህንተ አዛዘተናን እጸድታ።

22 ሰም ሀዋ ኤርተ፣ ህንተ ቢደ ደእናዉ ኮይያ ቢታን ህንተ ኦላን፣ ኮሻንካ ኢታ ሀርግያን ሀይቁደ ዉራና” ያጌዳ።

# 43

## ኤርምያ ግብጹ ቤዳ

1 መድና ጎዳይ ኡንቱንቱ ጸሳይ ከቴዳ ቃላ ኡባ ኤርምያ ኡንቱንቱ ኦዳደ ዉርሴዳዋጥ ጉይያን፣

2 ሆሻያ ናአይ አዛርያስ፣ ቃሬሀ ናአ ዮሀናንን ኦቶራንቻ አሳይ ኡባይ ኤርምያ ሀዋዳን ያጌድኖ፤ “ኑን ዋርዱዋ ኦዳሳ! መድና ጎዳይ ኑ ጸሳይ ኑን ግብጹ ቢደ ኡተና ማላ ኦዳናዉ፣ ኔና ኑኮ ሙላ ከትሲና።

3 ሸን ባብሎኅ ቢታ አሳይ ኑና ዋፋናዳን ዋይ ኦሞዲደ ባረንቱ ቢታ አፋናዳን፣ ኔን ኑና ኡንቱንቱ ኩሸያን አሳደ እማና ማላ፣ ኔና ኑ ቦላን ደንገጭዳ ኔርያ ናአ ባርካ” ያጌድኖ።

4 ሄዋ ድሬዉ፣ ቃሬሀ ናአይ ዮሀናና፣ ኦላ ጋዳዋቱ ኡባይን አሳይ ኡባይ ይሁዳ ቢታን ደእናዉ፣ መድና ጎዳይ ኡንቱንታ አዛዘዳ አዛዘዋ ፖላናን እጸድኖ።

5 ቃሬሀ ናአይ የሆናንን ኦላ ጋዳዋቱ ኡባይ ባረንቱ ላለቲዳ ካወተጥቱዋ ኡባጥ ይሁዳን ደአናዉ ሰሜዳ ይሁዳ እሳ ባረንቱና አኪደ። ግብጹ ቤድኖ።

6 ቃይ ካትያ ናገያዋቱ ካዡ ናቡዛራዳን ሳፋና ናአ። አህቃማ ናአ ጋዳልያና እትጥ ደአና ማላ አሸዳ አቱማ አሳቱዋ። ማጫ አሳቱዋ። ናናቱዋን ካትያ ማጫ ናናቱዋ ኡባ አፊድኖ። ቃይካ ትምቢትያ ኦድያ ኤርማሳን ኔርያ ናአ ባርካካ አፊድኖ።

7 ሄዋዳን ሀኒደ። መጅና ጎዳይ አዛዜዳዋ እጸደ። ግብጹ ቢታ ገሊደ። ጻፍናሳ ግያ ካታማ ጋካናዉ ቤድኖ።

8 ጻፍናሳን መጅና ጎዳ ቃላይ ኤርማሳኩ ሀዋዳን ያገደ ዬዳ፤

9 “ዋልቃማ ሹቻቱዋ ነ ኩሽያን ኦይቃ አካደ። ይሁዳ አሳይ በእሸና። ጻፍናሳን ደአያ ግብጹ ካትያ ጎልያ ገልያ ሳጥ ሰንጎላ ባጋና ደአያ ባሱዋን ሞጋ።

10 አንቱንታ ሀዋዳን ያጋ፤ ጭባጥ ዋልቃማ መጅና ጎዳይ። እስራኤልያ ጸሳይ ሀዋዳን ያገ፤ “ታን ኪታደ። ታ ቆማ ባብሎን ካትያ ናቡካዳናጾራ አህሳና፤ ሀ ሞገቴዳ ሹቻቱዋ ቦላን አ ካወተጥ አራታ ዋሳና። ያቶጥ አ ባረ ካወተጥ ዲንካንያ አ ቦላን ኤሳና።

11 አ ዪደ ግብጹ ቢታ ኦላና። ሀይቆ ደአያዋንቱ ሀይቃና፤ አሞዶ ደአያዋንቱካ አሞደታና፤ ቃይ ኦላን ሀይቃናዉ ደአያዋንቱካ ኦላን ሀይቃና።

12 ግብጹ ጸሳቱዋ ኪሳቱዋ አ ታማን ኦይላና፤ ኤቃቱዋካ ጸጋና። ዋይ አሞዶ አኪደ አፋና። ሄንጎንቻይ ባረ ጫላ ማይያዋዳን። አ ግብጹ ቢታ ማያና። ያቲደ ሄዋጥ ሳር ባና።

13 ግብጹ ቢታን ሄልዮገልሳ ግያ ካታማን ደአያ ሀወልትያ አ መንግራፋና፤ ግብጹ ጸሳቱዋ ጎለቱዋካ ታማን ጸጋና” ያጌ። ያጋ” ያጌዳ።

### 44

#### ግብጹን ደአያ አይሁዳቶ አደቲዳ ጸሳ ቃላ

1 ግብጹ ቢታን ሞግደላ። ጻፍናሳን መምጥሳ ጌተትያ ካታማቱዋን ገድሳ ባጋና ደአያ ፓትርሳ ቢታን ደአያ አይሁዳቱዋ ጸልያዋን ጸሳ ቃላይ ኤርማሳኩ ሀዋዳን ያገደ ዬዳ፤

2 “ጭባጥ ዋልቃማ መጅና ጎዳይ። እስራኤልያ ጸሳይ። ሀዋዳን ያገ፤ የሩሳላመ ቦላንን ይሁዳ ካታማቱዋ ኡባ ቦላን ታን አሄዳ ባየላ ኡባ ህንተ ህንተ ሁጲያን በኤድታ። አንቱንቱ ሀቛ ጋካናዉ። ኮለት ኡቲድኖ፤ ኦንን ያን ደአና።

3 ሄዋ ሀኔዳዋ አንቱንቱ አታ ኦሱዋ አሊደ። ታና ሀንቀሰሲደ ድራሳ። አንቱንቱ ግድና። ህንተና ግድና። ዋይ ህንተ ማይዛ አዋቱዋ ግድና። ኦንን ኤሪና ሀራ ጸሳዉ እጻና ጨዋዪደ። አዉ ጎይኔድኖ።

4 “ሀዋ ማላ ታን ጸሳይ እጽያ ሽንይያባቱዋ አጭተተ!” ያገደ ኦዳና ማላ። ዛራ ዛራደ ታ ቆማቱዋ። ትምቢትያ ኦድያዋንታ። ኪታድ።

5 ሽን አድያዋ አንቱንቱ ሰሰናን ዋይ ሀይዘናን እጾድኖ። አንቱንቱ ሀራ ጸሳቶ እጻና ጨዋይያ አታ ኦሱዋ አገናን እጾድኖ።

6 ሄዋ ጋሱዋን ታ ሱልያ ሀንቁን ይሉ ትገቱዳ፤ ይሁዳ ካታማቱዋን የሩሳላመ አገቱዋን ኤጾዳ። አንቱንቱካ ሀቛ ህንተ በእያዋዳን። ኮለቲዳዋንታን አይን ባይናዋንታ ግዴድኖ ያጌ።

7 “ሀአካ መጅና ጎዳይ። ኡባጥ ዋልቃማ ጸሳይ። እስራኤልያ ጸሳይ። ሀዋዳን ያገ፤ ህንተዉ ዘረሳይ ደአና ማላ። ማጫ አሳ። አቱማ አሳ። ናናቱዋን ዘረሳ ይሁዳ ቢታጥ ጳይሳናዳን። ሀ ሎይላ አታባ ህንተ ህንተ ቦላ አያዉ አላቲ?”

8 ህንተ ደአናዉ ገሊዳ ሀ ግብጹ ቢታን ሀራ ጸሳቶ እጻና ጨዋይያዋን ታና አያዉ ሀንቀላቲ? ዋይ ሳአን ደአያ ካወተጥቱዋ ኡባ ግደን ሸቃን ቦረ ግዳደ። ህንተ ሁጲያ ባይዘናዉ አያዉ ኮዪቲ?

9 ካሰ ህንተ አዋቱ። ይሁዳ ካተቲ አንቱንቱ ማቼቱ። ቃይ ህንተ ህንተ ማቼቱ ይሁዳ ካታማቱዋን የሩሳላመ አገቱዋን ኦላዳ አታተላ ኡባ ደጌድኖ?

10 ህንተ ሀቛ ጋካናዉ። ህንተናተላ ሆክሰበይክታ፤ ታዉካ ያይበይክታ። ቃይ ታን ህንተዉን ህንተ ማይዛ አዋቶ እሜዳ ሀግያንን ሞጋን ብበይክታ” ያጌ።

11 “ሄዋ ድራዉ። ኡባጥ ዋልቃማ መጅና ጎዳይ። እስራኤልያ ጸሳይ። ሀዋዳን ያገ፤ ታን ህንተና ይሁዳ ዘረሳ ኡባ። ጳይሳናዉ ቆፋ ቃቻድ።

12 ይሁዳን አቲዳዋንቱ ግደጥ። ግብጹ ቢደ። ያን ደአናዉ ቆፋ ቃቻዳዋንታ ታን ጳይሳና። አንቱንቱ ኡባይ ግብጹን ዉራና፤ ኦላንን ኮሻን ሀይቃና። ሞጋጥ ጉላ ጋካናዉ ደአያ ኡባይ ኦላንን ኮሻን ዉራና። አንቱንቱ ዳጋማ። ሸቃ። ቶሽያን ቅለጭያዋ ግዳናዋንታ።

13 ታን የሩሳላመ ኦላን። ኮሻንን አታ ሀርግያን ሙራዳዋዳን። ግብጹ ቢታን ደአያዋንታካ ሙራና።

14 አቲዳ ይሁዳ አሳቱዋጥ ግብጹን ደአናዉ ዬዳዋንቱ ግብጹቱዋ ኩሽያጥ ከሰ አክክኖ። አንቱንቱ ሰም ዪደ ደአና ገደ አሞትያ ይሁዳ ቢታ አይ አሳይን ሰመና፤ ሀይቃዋጥ ፓላሄዳ እት አማራ አሳጥ አትና። ሰሚደ ያና ሀራ አሳይ ደአና ሆጌ” ያጌዳ።

15 ባረንጉቴ ማጫ አሳቱ ሀራ ጸሳቶ እጻና ጨዋይያዋ ኤርያ እቱማ አሳቱ ኡባይነ ሄዋን ኤቄዳ ማጫ አሳቱ ኡባይ ዋልቃማ ማባራ ግዲደ። ግብጾን ገድሳ ባጋና ፓትሮሳ ግያ ሳን ደእያ አሳይ ኡባይ ኤርማሳ ሀዋዳን ያጌድኖ፤

16 “ኔን መቅና ጎዳ ሱንላን ኑዉ ኦድያባ ኡባ ኑን ሰሱኮ።

17 ኑን ኦላና ጌዳዋ ኡባ ኦላና። ኑን፣ ኑ ማይዘ አዎቱ፣ ኑ ካተቱነ ኑ ካፓቱ ይሁዳ ካፓማቱዋንነ የሩሳላሙ ክገቱዋን ካሰ ኦሌዳዋዳን፣ ሳሉዋ ካፓቶ ገተትያ ኑ ጸሳትዉ እጻና ጨዋሳና፤ ኡሻ ያርሹዋካ እዉ ጉሳና። እያዉ ጎፕ፣ ኑን ካሰ ሄዋ ኦልያ ዎደ፣ ኑዉ ዳር ቁማይ ደኤ፤ ሄ ዎደ ኑዉ ሳኢይ ከካ፤ ኑና እያይነ መትቤና።

18 ሸን ሳሉዋ ካፓትዉ እጻና ጨዋይያዋ ኡሻ ያርሹዋ ጉሰያዋ አጎደፕ ሃ ሰሞና፣ ኑዉ ኡባባይካ ፓጩዳ፤ ኑን ኦላንነ ኮሻን ዉራዶ” ያጌድኖ።

19 ማጫ አሳቱ ጉጂደካ ሀዋዳን ያጌድኖ፤ “ኑን ሳሉዋ ካፓቶ ማላትያ ኡክላ ኡክያ ዎደ፣ እጻና ጨዋይያ ዎደነ ኡሻ ያርሹዋ እዉ ጉሰያ ዎደ ኡባን፣ ኑ አሰናቱ ኤረናን ደእሺና፣ ኑን ኦሌዳዋ እያይነ ባዋ” ያጌድኖ።

20 እዉ ሄዋዳን ገደ ዛሬዳ አሳዉ ኡባዉ፣ ማጫነ እቱማዎ፣ ኤርማሰ ሀዋዳን ያጌዳ፤

21 “ህንተነ ህንተ ማይዘ አዎቱ፣ ህንተ ካተቱነ ህንተ ካፓቱ፣ ቃይ ቢታን ደእያ አሳይ ኡባይ ይሁዳ ካፓማቱዋን የሩሳላሙ ክገቱዋን እጻና ጨዋይዳዋ መቅና ጎዳይ ኤረና ዎይ ደጌዳ ገደ ቆፒቴ?

22 ህንተ ኦልያ ኢታነ ሸነይያ ኦሱዋ መቅና ጎዳይ ጮኡ ጋናዉ ዳንዳይቤና ድራዉ፣ ህንተ ቢታይ ባዬዳ፣ ባዘዋነ ሸቀቱዳ ቢታ ኦሌዳ። ሀኙ ህንተ በእያዋዳን፣ ህንተ ቢታይ አሳይ ደኤና ቢታ ግዴዳ።

23 ሀ ባሻይ ኡባይ ህንተና ጋኬዳዌ ህንተ ሀራ ጸሳቶ እጻና ጨዋይዳ ድራሳ፣ መቅና ጎዳ ናቄዳ ድራሳ፣ መቅና ጎዳ ቃላ ሰሰናን እጾዳ ግሻሳነ አ ሀግያዉነ አ ዎጋዉ አዘዘተናን እጾዳ ድራሳ” ያጌዳ።

24 ሄዋፕ ጉይያን፣ ኤርማሰ አሳዉ ኡባዉ፣ ማጫነ እቱማዎ ሀዋዳን ያጌዳ፤ “ህንተና፣ ይሁዳፕ ዪደ፣ ግብጹ ቢታን ደእያ አሳቶ፣ ኡባይካ መቅና ጎዳይ ግያዋ ሰሰተ!

25 ኡባፕ ዋልቃማ መቅና ጎዳይ፣ እስራኤልያ ጸሳይ፣ ሀዋዳን ያጌ፤ ህንተነ ህንተ ማቹቱ፣ “ኑን ሳሉዋ ካፓትዉ እጻና ጨዋሳና፤ ኡሻ ያርሹዋካ እዉ ጉሳና” ገደ ጫቄዳ ጫቁዋ ፖሊደ፣ ኦሱዋን በሲድታ። ሀእካ ግደ፣ ህንተ ጫቁዋ ሞንሰተነ ፖልተ” ያጌ።

26 “ግደፕ፣ ህንተና፣ ግብጹ ቢታን ደእያ ይሁዳ አሳቶ፣ መቅና ጎዳይ ግያዋ ሰሰተ! መቅና ጎዳይ ሀዋዳን ያጌ፤ ሀዋፕ ህን ባጋን ግብጹ ቢታን ደእያ ይሁዳ አሳፕ እቱነ ታ ሱንላን፣ “ኡባ ዋድያ መቅና ጎዳይ ኤር!” ገደ ጫቁና ማላ፣ ታን ታ ዋልቃማ ሱንላን ጫቃድ።

27 ታን ኡንቱንቱ ቦላ ሎኦባ አሀናዉ ግደናን፣ ኢታባ አሀናዉ ጸላይ። ግብጾን ደእያ ይሁዳ አሳይ ኡባና ዉራና ጋካናዉ፣ ኦላንነ ኮሻን ሀይቃና።

28 ሸን ኦላፕ እቱዳ እት እማራዳዋንቱ ግብጾፕ ይሁዳ ሰማና። ሄ ዎደ ግብጾን ደእያ ይሁዳ አሳይ ታ ቃላፕነ ኡንቱንቱ ቃላፕ ኦግ ቱማቲደንቶነ እኬቢደ ኤራና።

29 “ኑን ህንተና ሀ ሳኢነ ሙራናነ፣ “ኑን ህንተ ቦላ ኢታባ አሀና” ጌዳዌ ቱማታናዎ፣ ታን መቅና ጎዳይ ህንተዉ ማላ እማይ።

30 ታን ይሁዳ ካትያ ሰደቅያሳ እዉ ሞርከ ግዲደ፣ አ ዎቆናዉ ኮይያ ባብሎነ ካትያ ናቡካዳናጾራዉ አላደ እሜዳዋዳን፣ ግብጹ ካትያ ሆፍራካ አ ዎቆናዉ ኮይያ አ ሞርከቶ አላደ እማና። መቅና ጎዳይ ሀዋ ኦዳይ” ያጌ።

### 45

#### ባሮካዉ ኦደቲዳ ትሞቢትያ

(45)

1 እየሰያሳ ናእይ እየእቁሞ ይሁዳን ካተቲዳ ኦይደንሉ ላይላን፣ ኔርያ ናእይ ባረክ ሀ ቃላቲዋ ኤርማሰ ኦድና ሰሲደ፣ ማጻፋን ጻፈዳ። ሄ ዎደ ኤርማሰ እዉ ኦዴዳ ቃላይ ሀዋ።

2 “ባሮካ፣ ኔና መቅና ጎዳይ፣ እስራኤልያ ጸሳይ ሀዋዳን ያጌ፤

3 ኔን፣ “መቅና ጎዳይ ታ ሳኩዋ ቦላን ካዩ ጉጂዳ ድራዉ፣ እየ ታኖ! ኦልያን ዳቡራደ ሸሞፕዋካ ቆያድ” ያጋዳ” ያጌ።

4 “ባሮካ፣ ኔና መቅና ጎዳይ ሀዋዳን ያጌ፤ ኑን ኬዴዳዋ ታን ኮላና፤ ታን ቶኬዳዋካ ታን ሾዳና። ሄዋካ ቃይ ታን ቢታን ሳኢነ ኡባን ኦላና።

5 ያትና፣ ኔን ነዉ ዋልቃማባ ኮያይየ? ሄዋ ኮዮፓ። እያዉ ጎፕ፣ አሳ ኡባ ቦላን ታን ኢታባ አሀና። ታን ጸሳይ ሀዋ ኦዳይ። ሸን ኔን ቤዳሳን ኡባን ታን ኔና ሀይቁዋፕ አሻና ያጌ” ያጌዳ።

### ናቢ ዲማ ዲማ አሳው ኦዴዳ ትምቢትያ

## 46

1 ካውተላቱዋባ ኦዳናዉ መድና ጎዳይ ኤርማሳዉ ከቴዳ ቃላይ ሀዋ።

ግብጹ ፕርዳ

2 እየሱስሳ ናኦይ እየአቁም ይሁዳን ካተቱዳ ኦይይንሎ ላይላጎ። ኤፍራዲሳ ሻፋ ማታን። ካርካሚሻ ግያ ሳኦ። ባብሎኅ ካቲ ናቡካዳናጸር ጸኔዳ ግብጹ ካትያ ናቡ ኦላንቻቱዋባ ጸሳይ ሀዋዳን ያገ፤

3 “ህንተ ዋጋ ጎንዳልያን ቄር ጎንዳልያ ገግሰተ፤ ኦሳው ሳልፕተ!

4 ህንተ ፓራ ብጸሊደ ቶግተ፤ ህንተ ሀጺያን ብራታ ቆብያ ዎሴደ። ህንተ ሳኦ ሳኦ ኦይቂተ! ህንተ ቶራ ሊፍተ፤ ህንተ ኦላ ማየዋካ ማይተ! ያገፍ።

5 “ሸን ሀዋ ታን በእያዋ አይ? ግብጹ ኦላንቻቱ ያዩደ። ጉየ ሰሚድና። ዎልቃማቱ ጸነቲድና፤ ጉየን ጸለናን ኤሌሊደ ባቃቲድና። ኡንቱንቱ የሾ ኡባን ደጋማይ ደኤ! መድና ጎዳይ ሀዋ ኦዳይ።

6 ኤሌሊደ ዎጽያዎንቱ ከሰ እካናዉ ዳንዳይክና፤ ምኖ ኦላንቻቱካ ኦሳው ዳንዳይክና። ሀጺሳ ባጋ ቢታን። ኤፍራዲሳ ሻፋ ማታን ኡባይካ ጹብቲደ ኩንድ አገና።

7 “ሄዋ ናይሊ ሻፋይ ኩሚደ። የሹዋ ኡባ ኩምያዋዳን። ቢታ ኡባ ኩሚዳዋ ኦይ?

8 ሄዋ ናይሊ ሻፋይ ኩሚደ። የሹዋ ኡባ ኩምያዋዳን። ቢታ ኡባ ኩሚዳዋ ግብጹ! ግብጹ ሀዋዳን ያገ፤ ታን ክጸደ። ቢታን ሳኦ ኤላና፤ ካታማቱዋን ካታማቱዋን አሳ ኡባ ባይዛና።

9 ፓራቶ። ፕሪጽተ! ፓራ ጋርቱዋ ላግያዎንቶ። ኤላካ ላግተ! ጎንዳልያ ኦይቄዳ ቶጽያፕን ሊብያፕ \* ዬዳ ኦላንቻቶ። ከሰተ! ሊድያፕ ዬዳ ዎንዳፍያ ዱከላን ሎሄዳ ኦላንቻቶ። ዎራጅተ! ያገ።”

10 ሄ ጋላሳይ ጎዳይ። ኡባፕ ዎልቃማ መድና ጎዳ ጋላሳ። ጸሳይ ባረ ሞርከቱዋ ቦላን ሀሉዋ ከሰያ ጋላሳ። አ ማሻይ ካላና ጋካናዉ። ኡንቱንታ ማና፤ አላና ጋካናሰካ ኡንቱንቱ ሰላ ኡሻና። እያዉ ጎፕ። ጎዳይ። ኡባፕ ዎልቃማ መድና ጎዳይ ሀጺሳ ባጋ ቢታን። ኤፍራዲሳ ሻፋ ማታን ኡንቱንታ ያርሹዋ ኡላደ አካና።

11 ህንተና። ግብጹ አሳቶ። ጋላኦይ ቢታ ቢደ። ህንተዉ ኦክትያ ቆልያ ደምተ። ግደ ሸን። ህንተ ጮ መላ ቆልያ ዳርሲታፕ አትና። ህንተዉ ፓጺ ሙላ ባዋ።

12 ህንተ ዬላ ካውተላቱ ሰሴድና፤ ህንተ ዬክያ ዬኩዋ ቢታይ ሳኦይ ሰሴዳ። እያዉ ጎፕ። ህንተ ኦላንቻቱ እቱ እቱዋን ጹብቲደ። ኡባይ አትፕ ኩንዳድና።

ናቡካዳናጸራ የሳ

13 ባብሎኅ ካቲ ናቡካዳናጸር ግብጹ ቢታ ኦላናዉ ይያ ዎደ። መድና ጎዳይ ትምቢትያ ኦድያ ኤርማሳዉ ኦዴዳ ቃላይ ሀዋ።

14 “ሀዋ ግብጹን ኦዳ፤ ቃይ ግብጹ ካታማቱዋን ምግዳላን። መምፕሳንን ጸፍናሳን አዋያ። ሉላይ ህንተ የሹዋን ደእያ አሳ ኡባ ዉርሲድ ደእያ ድራዉ። ደንድ ኤቂደ ገገትተ!” ያጋ።

15 ህንተ ዎልቃማ ኦላንቻቱ እያዉ ኩንዳድና? መድና ጎዳይ ኡንቱንታ ሱጌዳ ድራዉ ኩንዳድና።

16 ህንተ ኦላንቻቱ ጹብቲደ ኩንዳድና። እቱ እቱዋ። ደንድተ! ሀ ሞርክያ ማሻፕ ኦሳናዉ። ኦ አሳኩ። ኦ ቢታ እን ሰሚዳ? ያገፍ።

17 ኡንቱንቱ ያን ግብጹ ካትያ ፓርና። ብረ ካጫን ጎኡተናን ጮ አለያ ኦዳንቻ። ገደ ሱንላና” ያገፍ።

18 ኡባፕ ዎልቃማ መድና ጎዳ ገተትያ ካቲ ሀዋዳን ያገ፤ “ታን ታ ደኡዋን ጫቃይ። ደረቱዋ ግዲዋን ታቦራ ደሪ። ዎይ አባ ላንቄያን ደእያ ቃርመሎሳ ደሪ ኡዲቄያዎዳን አዲቄያ ሞርኪ ህንተ ቦላ ያና።

19 ህንተና። ግብጹ ቢታን ደእያዎንቶ። ኦምዲዋን ባናዉ ገግተ። እያዉ ጎፕ። መምፕሳ ካታማይ ኮላቲደ። ኡንን ደኤና ባዞ ግዳናዋ።

20 “ግብጹ ቢታይ ሎእያ ኡሳት ማላ፤ ሸን ሀጺሳ ባጋ ቢታፕ ይያ ዱክያ ኡዲንጽያን አ ሳኤታና።

21 ግብጹን ሚሻይ ጭገትያ ኦላንቻቱ ሞዴዳ ኮሩማቱዋ ማላ። ኤ። ኡንቱንቱካ አትፕ ጉየ ሰሚደ ባቃቲድና፤ ኡንቱንቱ ባረንቱ ሳኦን ኤቂብይክና። እያዉ ጎፕ። ኡንቱንቱ ባየላ ጋላሳይ። ኡንቱንቱ ሙረታና ዎዲ ጋክ ክሹዳ።

22 “ሞርከቱ ዎልቃን ገልያ ዎደ። ግብጹ አሳይ ባቃትያ ሸሻዳን ሶልዳና፤ ሄ ሞርከቱ ምላ ቃንጽያ አሳቱዋዳን። ካልታ አኪደ። አ ቦላ ያና።

23 እሳይ ሰጽማ ዋራ ቡላደ ጳይሰያዋዳን፣ ግብጹ እሳ ሲፍ ወርሳና። ታን መጅና ጎዳይ ሀዋ ኦዳይ። ሞርከቱዋ ፓይዳ ቦልያፕካ ጮራቲ፤ እንቲንታ ፓይዳናወ ዳንዳየተና።

24 ግብጹ እሳይ ካወሻና፤ ሁጲሳ ባጋፕ ይያ እሳቱዋ ኩሽያንካ ኦጲደ እመታና” ያጌ።

25 ኡባፕ ዋልቃማ መጅና ጎዳይ፣ እስራኤልያ ጳይይ ሀዋዳን ያጌ፤ “ታን ቲብሳ ካታማ ጳሳ አሞና፣ ግብጹ ካትያ፣ ግብጹ ቢታን ግብጹ ጳሳቱዋ፣ ግብጹ ካተቱዋን ግብጹ ካትያን ዘምፕያዋንታ ኡባ መራና።

26 ኡንቲንቲ ዋጳናወ ኮይያ ባብሎን ካትያ ናቡካዳናጾራ ኩሽያን ኦ ኦላንቻቱዋ ኩሽያን አላደ አማና።

“ዳህዋፕ ሰምና፣ ግብጹ ቢታይ ካሰዋዳን እሳይ ደእያ ቢታ ግዳናዋ። መጅና ጎዳይ ሀዋ ኦዳይ።

**ጳሳይ ባረ እሳ አሻና**

27 “ሀንተና፣ ታ ቆማቶ፣ ያቆባ ዛረቶ፣ ያዮፕተ! ሀንተና፣ እስራኤላቶ፣ ዳጋሞፕተ! ሀንተ ሃኩ ሳን ደእሸና፣ ታን ሀንተና አሻና፤ ሀንተ ዛራቱዋካ ኡንቲንቲ አሞደቲደ ቢታፕ የድሳና። ያቆባ ዛራቲ ሰሚደ፣ እንጎቶ ቦቼናን ሳር ደእና። ኡንቲንታ እይ እሳይን ያሸሰና።

28 ሀንተና፣ ታ ቆማቶ፣ ያቆባ ዛረቶ፣ ታን መጅና ጎዳይ ሀንተናና ደእያ ድራወ፣ ያዮፕተ! ታን ሀንተና ላሌዳ ካወተላቱዋ ኡባ ኡባና ጳይሳና፤ ሽን ሀንተና ኡባና ጳይሰከ። ታን ሀንተና ልከ ፕርዳን ሙራና፤ ሙራይ ባይናን ሀንተና ኡባና ጮ የድከ። ጳሳይ ሀዋ ኦዳይ” ያጌ።

**47**

**ፕልሰጾማ ፕርዳ**

1 ግብጹ ካቲ ጋዛ ኦሊደ ጸናናፕ ካሰቲደ፣ ፕልሰጾማ ቢታ ጾልያዋን መጅና ጎዳፕ ትምቢትያ ኦድያ ኤርማሳኩ ዬዳ ቃላይ ሀዋ።

2 መጅና ጎዳይ ሀዋዳን ያጌ፤ “በእተ፣ ሁጲሳ ባጋ ቢታፕ ሃላይ ቆቃናን ድኡ ገሌዳ ኩንሶ ሃላዳን ጎጋና። ቢታን ቢታ ቦላን ደእያዋ ኡባ፣ ካታማቱዋን ካታማቱዋ ግደን ደእያ እሳ ኡባካ ሙካና። ያቶፕ እሳይ ዋሳና፤ ሄ ቢታን ደእያ ኡባይ ዬካና።

3 እያወ ጎፕ፣ ኡንቲንቲ ፓራቱዋ ኮትያ፣ ፓራ ጋረቱዋ ገረሳነ ጋረቱዋ ይንግርያዋን ጎንዶርሳ ሰሳና፤ አዋቱ ባረንቲ ኩሽ አርጋጩዳ ድራወ፣ ባረንቲ ናናቱዋ ማዳናወ ገዮ ሰምክና።

4 ፕልሰጾማ እሳ ጳይሳናወን ጸርሳነ ሲደና እሳይ ፕልሰጾማቱዋን ማደተናዳን፣ አቴዳዋንታ ቢታፕ ዋጳናወ ዋዲ ጋኪዳ። መጅና ጎዳይ ፕልሰጾማ እሳቱዋ፣ ሄዋንቲካ ሜድተራን አባ ሃላን ደደቲዳ ሳኣን አቴዳዋንታ ካፍቶራፕ ዬዳዋንታ ጳይሳና ሀኒ።

5 ጋዛ እሳይ ዋልቃማ ካዩዋ ካዮቲዳ፤ እስቃሎና እሳይካ ሰርጽ ጌዳ። ሀንተና፣ አባ ዛንጋራን ባሻፕ አቴዳዋንቶ፣ ሀንተ አወደ ጋካናወ፣ ሀንተ ቦላ ቃንጸረሊደ ካዮቲቲ፣

6 “ሀንተ፣ ኔጅ መጅና ጎዳ ማሻወ፣ ኔን ጮኡ ጌናን እጽያዋ አወደ ጋካናሴ? ነ ሾኩዋን ሰማ ገላ! ጮኡ ጋደ ሸምፕ!” ያጌጋ።

7 ሸን መጅና ጎዳይ ኦ አዛዝና፣ ኦ ዋን ጮኡ ጎ ጌቲ? እስቃሎና ቦላን አባ ዛንጋራን ቢታን ደእያ እሳ ቦላ ኦ ኦ ሱንሳድጌዳ” ያጌ።

**48**

**ሞኣባ ፕርዳ**

1 ሞኣባ ቢታ ጾልያዋን ኡባፕ ዋልቃማ መጅና ጎዳይ፣ እስራኤልያ ጳይይ ሀዋዳን ያጌ፤ “ናቦ ካታማወ እዮ እና! እያወ ጎፕ፣ ኦ ባያና። ቅርያታይማ ካታማይ ካወሻናን ኦሞደታና፤ ኡንቲንቲ ጌሱካ ካወሻናን መኤረታና።

2 ሀዋፕ ሀን ባጋን ሞኣባ ጩቁ ጳያና። እያወ ጎፕ፣ ሀሰቦና ካታማን ደእያ እሳይ ሞኣባ ቦላ፣ ነሃይተ! ሄ ቢታ እነ ኡባና ጳይሴቶን ያጌደ ኢታባ ማቀቲዳ። ኔና፣ ማድሜና ካታማትወ፣ ኔናካ ሰርጽ ኦላና፤ ነ ጌዳዋ ኦላይ ካላና።

3 “ሆርናይማ እሳይ፣ ነላላላይን ዋልቃማ ባሻይ ጋኪዳ፣ ያጌደ ዋሰያ ዋሱዋ ሰሰተ!

4 ሞኣባ መኤረታና፤ ኦ ናናቲ ዬክያ ዬኩዋ ሰሰተ!

5 ኡንቲንቲ ዬኪደ፣ ሉሃታ ፑደላ ከሳና፤ ሆርናይማ ዲገሳካ ባሻወ ዋሰያዋንቲ ዋሱዋ ሰሰደ ዋጳና።

6 ኡንቲንቲ እቲ እቲዋ፣ ‘ባቃትተ! ሀንተ ሸምፕዋ አሸተ!’ መላ ደምባን ደእያ አርኤራ ካታማ ማላ ግድተ።

46:27 ኤር. 30:10-11 47:1 እሳ. 14:29-31፤ ሀዘ. 25:15-17፤ እዪ. 3:4-8፤ እሞጻ 1:6-8፤ ሲ. 2:4-7፤ ዛካ. 9:5-7 48:1 እሳ. 15:1—16:14፤ 25:10-12፤ ሀዘ. 25:8-11፤ እሞጻ 2:1-3፤ ሲ. 2:8-11



7 ነፍ፣ ሞአባ ቢታወ። ነን ነ ዎልቃን ነ ዲረተላን ጨቀቲዳ ድራወ። ነንካ ኦሞደታ። ቃይ ካሞሻ ግያ ጸሳይካ ባረ ቁሳቲ ዋነ ባረ ሞድያዋንቲና እትጥ ኦሞደቲደ። ሀራሳ ባና።

8 መድና ጎዳይ ኦዲዳዋዳን። ካታማቲዋ ኡባ ጳይሰያዌ ያና፤ እት ካታምነ ደኤና፤ ሞሞባይነ ደሞባይ ኡባይ እትጥ ጳያና።

9 ሞአባወ እ ፓሊደ እትያ ቀፍያ እምተ። እ ካታማቲ ኡባይ እይነ ባይናዋ ግዳና፤ እት አሳይነ ኡንቲንቲን ደኤና።

10 “መድና ጎዳ ኦሱዋ ሸነኮ ጊደ ኦልያ ኡራይ ሸቀቲዳዋ ግደ! ጸሳይ እዛዝ ዎልና። ሱላ ጉሰናዳን ባረ ማሻ ተእያ ኡራይካ ሸቀቲዳዋ ግደ!

11 “ሞአብ ያላጋተላጥ ደሚደ። እሻሉዋን ደኤዳ አሳ ማላ፤ እ ሀራ ቢታወ ኦሞደትቤና። ሞአብ ባላጥ ባላወ ትገተናንነ ቃጸናን። ማልኡ ላመተናንነ ሳወ እገናን። ኡቲደ ደእያ ዎይንያ ኤሳ ማላ።

12 ሞአባ አል የግያዋንታ ታን መድና ጎዳይ ኪትያ ጋላሳቲ ያና። ኡንቲንቲ ኦ አል የጊደ። ባላጥ ጭንግርሳና፤ እ ባላ መንግረሳና።

13 ያትና። እሰራኤልያ አሳይ ባረ አማነቲዳ። ቤቲለን ደእያ ኤቃን ካወሼዳዋዳን። ሞአባ አሳይካ ባረ ጸሳን ካሞሻን ካወሻና።

14 “ህንተ። ሓን ዎልቃማ አሳነ ሞኖ ኦላንቻ። ጊደ እያወ ጨቀቲቲ።

15 በእተ። ሞአባ ቢታይነ ያን ደእያ ካታማቲ ባዬድና። እ ያላጋ አቲማ አሳቲካ ሹከታናወ ዲገ ቤድና። ታን ካቲ። ኡባጥ ዎልቃማ መድና ጎዳ ጌትትያዌ ሀዋ ኦዲይ።

16 ሞአባ ባሻይ ማታቲዳ፤ ቲይይ እ ቦላን ይያ ዎዲካ ኤሌሊደ ጋኬዳ።

17 “እ የሹዋን ደእያ አሳወ። እ ዎጋተላካ ኤርያ ኡባወ። ሞኖ ግዴዳ ካወተላ ጸሞአይ ዋን መኤዳ! ቦንቲቲዳ ጸሞአይ ዋን ክንቲቲዳ!። ያጊደ ዝላልተ።

18 “ህንተና። ድቦና ካታማን ደእያዋንቲ። ህንተ ቦንቻ ሳእጥ ዎዲደ። መላ ቢታን ኡትተ። እያወ ጎጥ። ሞአባ ጳይሰያዌ ህንተ ቦላንካ ያና፤ ህንተ ጌሱዋ ኡባካ ላላና።

19 “እርኤራ ካታማን ደእያዋንቲ። ኦግያ ድናን ኤቁደ ጸልተ፤ ከሰ እኪደ ባቃትያ አቲማ አሳነ ማጫ አሳ። ሓይ ከሴዳዌ?። ያጊደ ኡትተ።

20 “ኡንቲንቲ። ሞአብ መኤዳ ድራወ ካወሼዳ፤ አወ ዬክተን ዝላልተ! ሞአብ ባዬዳዋ አርናና ሻፋ ላንቁያን አዋይተ!። ያጊደ ዛራና።

21 “ገዝያን ደእያ ሆሎና። ያህጻ። መፋአታ።

22 ድቦና። ናቦ። ቤት-ድብላታይማ።

23 ቅርያታይማ። ቤት-ጋመላ። ቤት-ማኦና።

24 ቅርያታ። ቦጽራ ጌትትያ ካታማቲዋ ቦላንነ ማታንነ ሃኩዋን ደእያ ሞአባ ካታማቲዋ ቦላን ፕርዳይ ዬዳ።

25 ሞአባ ካጪ ቃንጸቲዳ፤ እ ቀሲካ መኤዳ።

26 “መድና ጎዳ ቦላን ኦቶረቲዳ ድራወ። ሞአባ ኡሺደ ማላይተ። ባረ ጮሹዳ ጮሻ ቦላን ጎንዶረቶ፤ አሳይ ኡባይካ እ ቦላን ቅሊጮ።

27 ካሰ ነን እሰራኤልያ ቦላን ቅሊጫቢይኪ? አባ ሃሳይያ ዎደ። ነን ካዳይ ሀጺያ ቃልዳዌ እሰራኤሊ ካይሶቲዋ ግደጥ ኦቀቲኔየ?

28 “ህንተና። ሞአባን ደእያዋንቲ። ካታማጥ ከሰ ቢደ። ሹቻ ጎንሳሉዋ ግደን ደእተ። አፋዋ ድናን ባረ ጎልያ ኪጸያ ሀራጸት ማላ ግድተ።

29 ሞአብ ሎይል ኦቶረቲዳ፤ ሞአባ አሳይ አይ ኬሻ እይንቶ። አሌቅንቶን ኦቶረትንቶ። ቃይ ባረገታ ኡንቲንቲ አይ ኬሻ ዶቂሰ ዎልደንቶ። ታን ሰሳድ።

30 ታን መድና ጎዳይ ኡንቲንቲ አሊቁዋ ኡራይ፤ ሸን እይነ ማደና፤ ኡንቲንቲ ጨቁካ እያካ እና።

31 ሄዋ ድራወ። ታን ሞአባወ ዋሳይ፤ ቁርሄራሳ አሳወካ ካዮታደ ዬካይ።

32 “ህንተና። ሲብማ አሳወ። ያእዜራ አሳወ ዬክያዋጥ አላደ ታን ህንተወ ዬካይ። ህንተ ታሺ ዳሺደ። ማጽያ አባ ፕኒደ። ያእዜራ ጋኬዳ ዎይንያ ቲራ ማላ፤ ሸን ህንተ ኦፍገላ ቲራነ ህንተ ዎይንያ ወርጪዋ ቦንቁያዋንቲ ዬደ ጳይሰድጌድና።

33 ሎኦ ካላይ እይፍያ ሞአባ ቢታጥ ፓሸካይነ ናሸቻይ እከት ክቼዳ። ዎይንያ ቲራ ጉሞእያ ሳክቲዋጥካ ዎይንያ ኤሳይ ጎገናዳን ተኦ ድጋድ። ኦንነ ላኡኦል አ አልሊድ ጉሞኤና። አሳ ኮሻይ ሰሰቶጥካ። ናሸቻ ኮሻ ግደና።

34 “ኡንቲንቲ ሀሰቦናንነ ኤልኦላን ዋሰያ ዋሱ ያሃጻ ጋካናወ ሰሰቲ። ቃይ ጸኣርጥ ቢደ። ሆርናይማን ኡግላት-ሻሊሸያ ጋካናወ ሰሰቲ። ሀራይ እቶ ጎሞሪማ ሃላይካ መሊዳ።

35 “ታን ሞአባን አሳይ ጎይንያ ዶቃ ሳክቲዋ ያርሸያዋንታ ባረገቲ ጸሳቶ እጻና ጨቁይያዋንታ ጳይሳና። ታን መድና ጎዳይ ሀዋ ኦዲይ።

36 ኡንቲንቲ ካሰ ደሜዳ ዲረተላይ ኡባይ ሀእ ጳይክቼዳ ድራወ። ታ ዎዛናይ ሞአባወካ ቁርሄራሳ አሳወ ባልያን ሀጽጸያን ዬክያዋዳን ዬኬ።

37 እንቲንቱ ኡባይ ባረንቱ ሁጲያነ ባረንቱ ቡቻ ሜዴድኖ፤ ባረንቱ ኩሽያካ ቃንጸደ ማዴጤድኖ፤ ቃይ ባረንቱ ጸሳንካ ማቃ ዳንጨድኖ።

38 ሞአባን ደእያ ጎልያ ሁጲያ ኡባን ዳባባን ዬኩዋጥ አትና፤ ሀራባይ ባዋ። እያወ ጎጥ፤ ሞአባ ታን ኦን ኮየና ኡቱዋዳን መንሳድ። ታን መጅና ጎዳይ ሀዋ ኦዳይ።

39 “ሞአባ እይ መኡዋ መኡዳ! አ አሳይን እይ ዋሱዋ ዋሰ! ሞአባ ዬላቲደ፤ ባረ ዘክያ ዋራ እይ ዛሩዋ ዛሪ! ሄዋ ድራወ፤ ሞአባ ባረ ዩሹዋን ደእያ ኡባቶ ሚጭያዋን ዳጋምያባ ግዴዳ” ያጌ።

40 መጅና ጎዳይ ሀዋዳን ያጌ፤ “አርጋንላይ ባረ ቀፍያ ፕድ ኦል ፓሊደ ይያዋዳን፤ ሞርኪ ሞአባ ቦላን ያና።

41 አ ካታማቱ ኦይቀታና፤ አ ጌሳቱካ አከታና። ሄ ጋላሰ ሞአባ ምኖ ኦላንቻቱዋ ዋዛናይካ ኦይላይ ኦይቄዳ ማጫ ምሽራት ዋዛና ማላ ግዳናዋ።

42 ሞአባ ታ ቦላን፤ መጅና ጎዳ ቦላን ማካሌዳ ድራወ ጳያና፤ ሀዋጥ ሰንላወ እ ካወተላ ግደና።

43 “ህንተኖ፤ ሞአባን ደእያዋንቶ፤ ያሽያዌ፤ ኦላይን ጸሪ ህንተና ናጌ። ታን መጅና ጎዳይ ሀዋ ኦዳይ።

44 ያሽያዋጥ ባቃቲደ ዋጽያ ኦንን ኦላን ኩንዳና፤ ቃይ ኦላጥ ፑደ ከሰያ ኦንን ጸርያን ኦይቀታና። እያወ ጎጥ፤ ታን ሞአባ ሙርያ ዋድያን ሄዋ ኦላና። መጅና ጎዳይ ሀዋ ኦዳይ።

45 “ባቃቲደ ቤዳዋንቱ ዋልቃ ጳዪደ፤ ሀሰቦና ካታማ ኩዋን ኤቄድኖ። እያወ ጎጥ፤ ሀሰቦና ካታማጥ ታማይ፤ ቃይ ካቲ ሰሆን ቦን ደኤዳ ጎልያጥ ላጩ ከሰደ፤ ሞአባ ቢታ ኡባን አን ደእያ ማካላንቻ አሳ ማና።

46 ሞአባ አሳወ፤ ህንተወ አየ አና! ካሞሻ ግያ ጸሳወ ጎይንያዋንቱ ጳዬድኖ፤ ኡንቲንቱ አቱማ ናናቱን ማጫ ናናቱ አሞደቲደ ቤድኖ።

47 “ግደጥን፤ ዉርሰላ ዋደቱዋን ታን ሞአባ አሳወ ዛራደ ሳኦ አሻልሳና። ታን መጅና ጎዳይ ሀዋ ኦዳይ” ያጌ።

ሞአባ ቦላ ኦደቲዳ ትምቦቲ ሀዋን ዉራዳ።

### 49

#### አሞና ፕርዳ

1 አሞና አሳ ጸልያዋን መጅና ጎዳይ ሀዋዳን ያጌ፤ “አሰራኤልያወ አቱማ ናኦይ ባዌ? ዋይ ላትያዌ ባዌ? ያትና፤ ሞሎካ ግያ ጸሳወ ጎይንያ አሳቱ ጋዳ ቢታ እያወ ኦይቄድኖ? ኡንቲንቱ ካታማንካ እያወ ኡቲድኖ?

2 አሞና አሳይ ደእያ ራባ ካታማ ቦላን ኦላ ዋሱ ሰሰታናዳን፤ ታን መጅና ጎዳይ ኦላና ጋላሳቱ ያና። ሄ ካታማይ ኮላቲደ፤ መላ አታናዋ። አ ዩሹዋን ደእያ ቄር ካታማቱካ ታማን ጸገታና። አሰራኤልያ አሳይካ ባረና ባረ ላታጥ ዩደርሴዳዋንታ ዩደርሳና። ታን መጅና ጎዳይ ሀዋ ኦዳይ።

3 “ህንተኖ፤ ሀሰቦና አሳቶ፤ አታ ካታማይ ኮላት ክቼዳ ድራወ ዝላልተ! ህንተኖ፤ ራባ አሳቶ፤ ዬክተ! ማቃ ማዪደ ካኖትተ! ቃይ ዋዛና ባዪደ፤ ካታማ ግምቢያ ግደን ዋጸረትተ! እያወ ጎጥ፤ ህንተ ጸሳይ ሞሎክ ባረ ቄሳቱ ዋን ባረ ሞድያዋንቱና አሞደታና።

4 ህንተኖ፤ አማኑ ባይና አሳቶ፤ ህንተ፤ ና፣ ቦላን ኦን ዋራጂ።” ያጌደ ህንተ ዱረተላንን ህንተ አራዳ ዋምባቱዋን እያወ ጨቀቲቱ?

5 ታን ነ ዩሹዋን ደእያዋንቱ ኡባይ ኔና ዳጋንላናዳን ኦላና። ታን መጅና ጎዳይ፤ ኡባጥ ዋልቃ ማ መጅና ጎዳይ ሀዋ ኦዳይ። ህንተ ኡባይካ ከሰደ ባቃታና፤ ቃይ ባቃቲደ ቤዳዋንታ ሺሽያዌ ጳያና።

6 “ግደጥን፤ ዉርሰላ ዋደቱዋን ታን አሞና አሳወ ዛራደ አሻልሳና። ታን መጅና ጎዳይ ሀዋ ኦዳይ” ያጌ።

#### ኤደማ ፕርዳ

7 ኤደማ ቢታ ጸልያዋን ኡባጥ ዋልቃ ማ መጅና ጎዳይ ሀዋዳን ያጌ፤ “ተማና አሳወ አዲዳ ኤራተላይ ባዌ? ጭንጫ አሳቱዋጥ ዘሪ ጳይ ክቼዳ? ኡንቲንቱ አዲዳ ኤራተላይ ኡንቲንቱጥ ጎዘት ክቼዳ?

8 ህንተኖ፤ ዳዳናን ደእያዋንቶ፤ ባቃቲደ ጨማ ጎንጎሎዋን ቆሰትተ! እያወ ጎጥ፤ ታን ኤሳ ዘረሳ ሙርያ ዋድያን፤ አ ቦላ ባየላ አሀና።

9 ዋይንያ ማጽያዋንቱ ኮፕ፤ ማጸደ ቃርምያ አሽክኖ? ካይሳቱ ቃማ ገሎፕካ፤ ባረንታ ኮሽያዋ ጸላላ አክክኖ?

49:1 ህዘ. 21:28-32፤ 25:1-7፤ አሞጾ 1:13-15፤ ሰር. 2:8-11 49:7 ኢላ. 34:5-17፤ 63:1-6፤ ህዘ. 25:12-14፤ 35:1-15፤ አሞጾ 1:11-12፤ አብድ. 1-14፤ ሚልክ. 1:2-5

10 ሽን ታን ኤሳ ዘረሳ ቃራደ ካሎ አሻር፤ ኤንቲንቱ ቆስታናው ዳንዳየና ማላ፣ ኤንቲንቱ ቆስትያ ሳኦቱዋካ ታን ቃራደ፣ ቆንጨ ሳኦ ኦላና። ኤሳ ዘረሳይ፣ እ ዳቦቲነ እ ሾርቱ ኡባይ ላያና።

11 ህንተ ግደን ደእያ አዉ ህይ ድጉዳ ናናቱዋ ታዉ አግ ባሽተ፤ ኤንቲንቱ ታን ድቻና። ቃይ ህንተ አምኤቱካ ታናን አማነትና” ያጌ።

12 መድና ጎዳይ ሀዋዳን ያጌ፤ “ሰሞ ሙረታናዉ በሰና አሳቱ ሙሩዋ ጸኦ አሸያዋንታ ግደዋጥ አትና። ህንተ ዋን ሙረተናን አታና ጊደ ቆጥቲ? ቱማ ህንተካ ሙሩዋ ጸኦአጥ ኤሽታጥ አትና። ጮ አትክታ።

13 ቦጽራ ካታማይ መላ ግደደ አታና፤ እ በኤዳ አሳዉ ኡባዉ ዳጋንሰያባ፣ ቅለጭያባነ ቦርያባ ግዳናዋ። ቃይ እ የሹዋን ደእያ ቄር ካታማቱ ኡባይካ መድናዉ ኮለቲደ አታናዋ። ሀዋ ታን መድና ጎዳይ ታ ሱንሳን ጫቃይ” ያጌ።

14 ታን መድና ጎዳጥ ዬዳ እት ከታ ሰሳድ። ካዉተላቱዋ ግደ ከተቱዳዌ፣ “ኤደማ ቦላ ደዳናዉ ሸቅተ! አናና ኦለታናዉ ደንድተ!” ያጌዳ።

15 መድና ጎዳይ ሀዋዳን ያጌ፤ “ሰሞ ታን ህንተና ካዉተላቱዋ ግደን ጉላና፤ አሳ ግደንካ ካፍቲዳዋንታ ኦላና።

16 ህንተና፣ ሹቻ ጎንጎሉዋን ደርያ ቦላን ደእያዋንቶ፣ ህንተ ያሸሰያ ያሻይነ ህንተ ኦቶሩ ህንተና ጭሜዳ። ህንተ ህንተ ጎልያ አርጋንሳዋዳን ቋቃን ኬጸጥካ፣ ታን ህንተና ሄዋጥካ ዲገ ዋላና።

17 “ኤደማ ቢታይ አሳ ዳጋንሰያ ቢታ ግዳናዋ። ያና አድያ አሳይ ኡባይ እ ባየላ በኢደ፣ ዳጋማና፣ ‘ግራ’ ጋና።

18 ሰደምን ጋዋር ባረንቱ የሹዋን ደእያ ካታማቱዋና ባይያ ዋደ ሀይዳዋዳን፣ ኦንነ ያን ደኤና፤ አሳይ ኡባካ ያን ኡተና። ታን መድና ጎዳይ ሀዋ ኦዳይ።

19 “የርዳናሳ ሻፋ ላንቄያን ደእያ ዋራጥ ሎኦ ቆሩ ደኢያሳ ቆጥናን ከሰያ ጋሙዋዳን፣ ታን ያደ፣ ኤደማ አሳቱዋ ቆጥናን ኤንቲንቱ ቢታጥ የደርሳና፣ ሄዋጥ ጉይያን፣ ታ ደራዳ አሳ እ ቦላን ሱንሳና። ታ ማላይ ባዋ፤ ታን ኦላና ጌዳዋካ ተአናዉ ዳንዳይያ አሳይ ባዋ። አይ ሄንሳንቻይ ታናና ኤቀታናዉ ዳንዳይዮ?

20 “ሄዋ ድራዉ፣ ታን መድና ጎዳይ ኤደማ ቦላን ተማና ካታማ አሳ ቦላን ኦላናዉ ሀልቼዳዋን ቆጥዳዋ ሰሰተ! ኤንቲንቱ ናናቱዋ ዋልቃን ጎቼደ አፋና፤ ሄዋ ጋሱዋን ኤንቲንቱ ሶ አሳይ ኡባይ ዳጋማና።

21 ኤደማ ከንደላ ገረሳይ ቢታ ቃላና፤ ኤደማቱዋ ዋሱካ ዘኦ አባ ጋካናዉ ሰሰታና።

22 አርጋንሳይ ባረ ቀፍያ ፕድ ኦላደ፣ ቦላጥ ዲገ ኤላካ ፓሊደ ይያዋዳን፣ ዋርኪ ቦጽራ ቦላን ያና። ሄ ጋላሰ ኤደማ ኦላንቻቱ ኦይላይ ኦይቄዳ ሞሽራቲዳን ሀርጋና” ያጌ።

**ዳማስቆ ፕርዳ**

23 ዳማስቆ ጸልያዋን ጸሳይ ሀዋዳን ያጌ፤ “ኢታ ኦዲዋ ሰሴዳ ድራዉ፣ ሀማታን አርፋዳ ካታማቱዋን ደእያ አሳይ ዬላቲዳነ ያዬዳ። ቤታይ ሹጭያ አባዳን፣ ኤንቲንታ ዋዛናይ ሸሞጥዋ ደማናዉ ዳንዳይቤና።

24 ዳማስቆ አሳይ ዳቡራዳ፤ ኤንቲንቱ ዳጋማን ሻባረቲደ ባቃቲድና፤ ሞሽራቶ ኦይላይ ኦይቄያዋዳን፣ መቲነ ቱጋይ ኤንቲንታ ኦይቄዳ።

25 ናሽቻይ ኩሜዳ ሄ ኤረቲዳ ካታማይ አሳይ ደኤና ሳኦ ግዳናዋ!

26 ሄዋ ድራዉ፣ ሄ ጋላሳን ሄ ካታማን ደእያ ያላጋ አቱማ አሳ ኡባይ ካታማ ግደ ኦንቱዋን ሀይቃና፤ ኦላንቻቱ ኡባይካ ዉራና። ታን፣ ኡባጥ ዋልቃማ መድና ጎዳይ ሀዋ ኦዳይ።

27 ታን ዳማስቆ ካታማ ድርሳ ግሞቢያን ታማ የዳና፤ ሄ ታማይ በንሀዳዳ ካዉተላ ጎልያ ኡባ ማና” ያጌ።

**ቄዳረ ያራቱዋ ቦላን ሀጸራ ካዉተላቱዋ ቦላ ያና ፕርዳ**

28 ባብሎን ካቲ ናቡካዳናጾር ኦሊደ ጸኔዳ ቄዳረን ሀጸራ ካዉተላቱዋ ጸልያዋን መድና ጎዳይ ሀዋዳን ያጌ፤ “ደንድተ፤ ቄዳረ አሳ ኦለተ! ሄ አዋይ ዶልያ ባጋና ደእያ አሳ ዉርሰተ!

29 ኤንቲንቱ ዲንካነቱዋን ኤንቲንቱ ዉደቱዋ አክተ! ኤንቲንቱ ጋርዳቱዋ፣ ኤንቲንቱ ማጸዋ ኡባነ ኤንቲንቱ ጋሎቱዋ አክተ! ያቲደ ኤንቲንቶ፣ ‘ህንተ የሾ ኡባን ሻቢርሳይ ደንዴዳ!’ ያጌደ ኦድተ።

30 “ህንተና፣ ሀጸራን ደእያዋንቶ፣ ባብሎን ካቲ ናቡካዳናጾር ህንተ ቦላን ኢታባ ኦላናዉ ማቀት ኡቲዳ ድራዉ፣ ባቃትተ፤ ሃኮ ሳ ቢደ፣ ጨማ ጎንጎሉዋን ቆስትተ! መድና ጎዳይ ሀዋ ኦዳደ።

31 “ናቡካዳናጾራ፣ ደንዳ! ሀርግ ባይናን ሳር ደእያ ካዉተላቱዋ ቦላ ዋራጃ! ታን መድና ጎዳይ ሀዋ ኦዳይ። ኤንቲንቱ ካታማ ግሞቢያዉ እፍላይ ዋይ ኩሎቡ ባዋ። ኤንቲንቱ ባረካ ደኢና።

32 “አንቱንቱ ጋሎቱ ቦንቀታና፤ አንቱንቱ ወዲካ ነሞደታና። ባረንቱ ሁጲያ ሹፌርያ ሜድሰያዋንታ ኡባ ታን ጫርኩዋን ላላና፤ ታን ኡባ ሳና አንቱንቱ ቦላ ባየላ አሁና። ታን መጵና ጎዳይ ሀዋ ኦዳይ።

33 ሀጸር መጵናወካ ዎራካናቱ ደለያ ባዞ ግዲደ አታናዎ። ኦንነ ያን ደኤና፤ አሳይ ኡባካ ያን ኡተና” ያጌ።

**ኤላማ ፕርዳ**

34 ይሁዳ ካቲ ሰደቅያሰ ኮይሮ ካተቱዳ ዎደ፣ ኤላማ ቢታ ጾልያዋን መጵና ጎዳፕ ኤርምሳኮ ዬዳ ቃላይ ሀዋ።

35 ኡባፕ ዎልቃማ መጵና ጎዳይ ሀዋዳን ያጌ፤ “ኤላማዉ ዋና ዎልቃ ግድያ አንቱንቱ ዎንዳፍያ አሳቱዋ ታን ዎጳና።

36 ኡባ ሳና ታን ኤላማ ቦላን ጫርኩዋ አሁና፤ አንቱንታካ ሄ ጫርኩዋን ኡባሳ ላላና። ሄዎ ድራዉ፣ ኤላማ አሳይ ላለቲደ ጋከና ቢታይ ደኤና።

37 አንቱንቱ ሞርከቱዋ ሰንላንነ አንቱንታ ዎጳናዉ ኮይያዋንቱ ሰንላን ታን ኤላማ ዳጋንላና። ታን ታ ዎልቃማ ሀንቁዋን አንቱንቱ ቦላ ባየላ አሁና። ታን መጵና ጎዳይ ሀዋ ኦዳይ። ታን አንቱንታ ጳይሳና ጋካናዉ፣ ማሻን የደርሳና።

38 ታን ኤላማ ካትያን አንቱንቱ ካፖቱዋ ጳይሳደ፣ ታ ካዉተላ አራታ ያን ዎላና ያጌ መጵና ጎዳይ።

39 “ግደፕነ፣ ዉርሰላ ዎደቱዋን ታን ኤላማ አሳ ዛራደ እሻልሳና። ታን መጵና ጎዳይ ሀዋ ኦዳይ” ያጌ።

**50**

**ባብሎን ፕርዳ**

1 ባብሎን ቢታን ባብሎን አሳ ጾልያዋን ትምቢትያ ኦድያ ኤርምሳ ባጋና መጵና ጎዳይ ኦዴዳ ቃላይ ሀዋ።

2 “ካዉተላቱዋ ግደን ኦድተን አዋይተ። ባንድራ ቶቁ እሳ ኦይቂደ፣ እያን ቆሰናን፣ ሀዋዳን ያጊደ ኦድተ፤ ባብሎን ኩንዴዳ! ቤላን ማርዱካ ጌተትያ እ ደሳቱካ ዬላቴድናን መኤሪቴድና። ቃይ አ ሞሰለቱን አ ኤቃቱ መኤሪቴድና።

3 ሁጲሳ ባጋ ቢታፕ እት ካዉተላይ ያና፤ ባብሎን ቢታ ባይዛና። ያቶፕ አሳይካ መሂካ ኡባይ ባቃታና፤ ኦንነ ያን ደኤና’ ያግተ” ያጌዳ።

**እስራኤልያ አሳይ ሰማና**

4 መጵና ጎዳይ ሀዋዳን ያጌ፤ “ሄ ዎድያንነ ሄ ጋላሳቱዋን እስራኤልያ አሳይነ ይሁዳ አሳይ እትፕ ግዲደ፣ ዬኪደ ያና፤ መጵና ጎዳ ባረንቱ ጸሳ ኮያና።

5 አንቱንቱ ጽዮን አፍያ ኦግያ ኦቺደ፣ ባረንቱ ሰንላ ያ ዛሪደ፣ ‘ሃይተ!’ ኩ ኡባካ ደገተና መጵና ጫቁዋ መጵና ጎዳና እነ ጫቀቱቶ ያጋና።

6 “ታ አሳይ ባዬዳ ደርሳቱዋ ማላ ግዴዳ፤ አንቱንቱ ሃንላንቻቱ አንቱንታ ባለሊደ፣ ደርያን ዎራ የዴድና። እት ሳፕ ሀራ ደርያ ቶይላካቲደ፣ ባረንቱ እቅያ ሳኦ ደጌድና።

7 ደሚዳ ኡባይ አንቱንታ ሻንካቲዳ። አንቱንቱ ሞርከቱ፣ ሓን አይነ ባይዝበይኮ፤ ሀዋ መቱ ኡባይ አንቱንታ ጋኩዳዎ፣ አንቱንቱ መጵና ጎዳ፣ ባረንቱ ሸምፕዋ ሳኦ፣ መጵና ጎዳ ባረንቱ ማይዛ አዎቱዋ ሀይታ ናቄዳ ግሻሳ’ ያጌድና።

8 “ሀንተና፣ እስራኤልያ አሳቶ፣ ሀእ ስም ባብሎን አሳ ግደፕ ከሲደ ባቃትተ! ባብሎናቱዋ ቢታፕ ቢተ! ያቲደ ዉድያ ካለላያ ዴሻ ኦርግያ ማላ ግድተ።

9 እያዉ ጎፕ፣ ታን ሁጲሳ ባጋ ቢታፕ ዎልቃማ ዎልቃማ ካዉተላቱዋ ጭታቱዋ ደንላደ፣ ባብሎን ቦላ አሃደ ደአይ። አንቱንቱ አ ኦሊደካ ኦይቃና፤ አንቱንቱ ዎንዳዉ ዱኪደ የዴዳ ሂሳንቻ ኦላንቻ ማላ።

10 ባብሎን ቢታይ ቦንቀታና፤ እ ቦንቁያ ኡባይ ካላና። ታን መጵና ጎዳይ ሀዋ ኦዳይ።

**ባብሎን ኩንደላ**

11 “ሀንተና፣ ባብሎን አሳቶ፣ ታ አሳ ቦንቁያዋንቶ፣ ሀንተ ናሽቲደ፣ ፖጩ ጌድታ። ቆሩዋ ካሌዳ ኡሳቲዳን፣ ሀንተ ጲጽሌድታ፤ ዎታራ ፓራዳን ጫጌድታ።

12 ሸን ሀእ ሀንተ ዋና ካታማይ ዬላታናን ካዉሻና። ቃይ ካዉተላቱዋ ግደንካ ባብሎን ኡባፕ ዉርሰላ ግዳናዋ፤ ሃሳ ባይና መላ ቢታ ግዳናዋ።

13 መድና ጎዳ ሀንቁዋ ጋሱዋን፣ ባብሎን አሳይ ደኤናሳ ግዳናዋ፤ እ ኡባና ኮለተና። እ ላንቁያና አድያ ኡባይ እ ቦላን ጋኬዳ ቦሻ በኢደ፣ ዳጋማና፣ ፖራ፣ ጋና።

14 “ሀንተኖ፣ ምንዳና ዲክያዋንቶ፣ ባብሎን ኦላናወ እ የሹዋን ሳልጥተ፤ እ መድና ጎዳ ቦላን ናጋራ ኡዳዳ ድራወ፣ ሀንተ ፖላቱዋን ኡባን እ ዱክተ።

15 ኡባ ባጋናካ ባብሎን ቦላን ኦላ ዋሱዋ ዋሰተ፤ ባብሎን ኩሽያ እሚዳ፤ እ ኡዳሳ ግምበቱ ኩንዳድኖ፤ እ ግምቢያ ድርሳይካ ኮለቲዳ። መድና ጎዳይ እ ቦላን ሀሉዋ ከሲደ ደእያ ድራወ፣ ሀንተካ እ ቦላን ሀሉዋ ከሰተ፤ እ ሀራቱ ቦላን ኡዳዳዋ ሀንተካ እ ቦላን ኡዳተ።

16 ዘረላ ዘርያዋን ጫካ ዋይ ሸሻናወ ከሰያዋ ኡባ ባብሎንጥ ጃይሰተ። ኡንኤልያዋንቱ ማሻወ ያዬዳ ድራወ፣ ሄ ቢታን ደእያ አሳይ ኡባይ ባረ ያራኮ ያራኮ ሰሚደ፣ ባረ ቢታ ቢታ ባቃታና።

**እስራኤልያ አሳይ ሰማና**

17 “እስራኤሊ ጋም የደርሲደ ላሌዳ ደርሳ ማላ። ኮይሮ አሶሪ ካቲ እ እሹዋ ሜዳ፤ ወርሰላን ቃይ ባብሎን ካቲ ናቡካዳናጾር እ መቀላ ቋጌዳ።

18 ሄዋ ድራወ፣ ኡባጥ ዋልቃማ መድና ጎዳይ፣ እስራኤልያ ጸሳይ፣ ታን ሀዋ ኦዳይ፣ አሶሪ ካትያ ታን ሙረዳዋዳን፣ ባብሎን ካትያካ እ ቢታካ ሙራና።

19 ሽን እስራኤልያ እ ሄመትያ ሳኣ ዛራና፤ ቃርመሎሳነ ባሳነ ደረቲዋን እ ሄመታና። ቃይ ኡንቲንቱ ኤፍሪማ ገዝያንነ ጋላኣደ ገዝያን ካሊደ ማና።

20 ሄ ዋድያንነ ሄ ጋላሳቱዋን አሳይ እስራኤልያን ባይዘዋ ኮያና፤ ሽን ባይዘ ጃያና፤ ይሁዳን ናጋራ ኮያና፤ ሽን ቤተና። እያወ ጎጥ፣ ሀይቁዋጥ ታን እሹዳ እስራኤልያ አሳ አቲዳዋንቱ ናጋራ ታን አቶ ያጋና። ታን መድና ጎዳይ ሀዋ ኦዳይ” ያጌ።

**ባብሎን ፕርዳ**

21 ቃይካ መድና ጎዳይ ሀዋዳን ያጌ፤ “ምራታይማ ቢታን ጥቆዳ ቢታን ደእያ አሳ ቦላን ደንድተ፤ ኡንቲንታ ኦልተ፣ ዋድተነ ኡንቲንታ ሙላ ጃይሰተ። ታን ሀንተና አዛዜዳዋዳን ኡባባ ኡዳተ።

22 ሄ ቢታን ኦላ ዋሱ ሰሰቲ፣ ምልቃማ ባሻይካ ጋኬዳ።

23 ቢታ ሳኣ ኡባ ሊቅሰያ ድኛኑ አይ መኤዋ መኤዳ፤ አይባ ሊቁዋ ሊቁዳ፤ ካወተላቲዋ ኡባ ግደን ባብሎን አይባ ዳጋንልያባ ግዴዳ።

24 ኔኖ፣ ባብሎን፣ ታን ኔና ኦይቃናወ ጸርያ ዋላድ፤ ኔን ኤሪናን ደእደ ገላደ ኦይቃታዳ። ኔን ታናና፣ መድና ጎዳይ ጋዶቲዳ ድራወ ኦይቃታዳ።

25 ታን መድና ጎዳይ ታ ኦላ ሚሻ ሞልያ ጎልያ ዶያድ፤ ታ ሀንቁዋ ኦላ ሚሻ አጥ ከሳድ። እያወ ጎጥ፣ ታን ጎዳይ፣ ኡባጥ ዋልቃማ መድና ጎዳይ ባብሎን ቢታን ኡልያ ኦሱ ደኤ።

26 ያና ሃና እ ቦላ ዶድተ፤ ካሳይ ደእያ እ ጎታራቲዋ ፖግተ፤ ኦሞዶዋካ ካሳዳን እት ዲራን ጉፕተ፤ እያን እሸናን ወርሰ ጃይሰተ።

27 ቦራቲዋ ሹክያዋዳን፣ ኡንቲንቱ ኦላንቻቲዋ ሲፍተ፤ ባብሎን አሳወ እየ አና፤ እያወ ጎጥ፣ ኡንቲንቱ ጋላሳይ፣ ኡንቲንቱ ሙረትያ ዋዲ ጋኬዳ።

28 “ኦሞዶቲዳ አሳቲ ባብሎንጥ ከሰ አኪደ፣ የሩሳላመ ባቃታና። ባብሎን ቢታ አሳይ ጌሻ ጎልያ ቦላን ኡዳዳባወ መድና ጎዳይ ኡንቲንቱ ጸሳይ ሀሉዋ ከሰያዋ ኡንቲንቱ ጸዮንነ ሃሳያና።

29 “ባብሎን ኦላናወ ሞንዳና ዲክያዋንታ ኡባ ጾግተ፤ አቲነ ከሰ እከናዳን፣ ኡንቲንቱ እ የሹዋን ዶድኖ። መድና ጎዳ ቦላ፣ እስራኤልያ ጌሻ ቦላ፣ እ ኦቶሪቲዳ ድራወ፣ አወ እ ኡሱዋዳን ዛርተ። እ ሀራቱ ቦላን ኡዳዳዋዳን፣ እ ቦላንካ ኡዳተ።

30 ሄዋ ድራወ፣ እ ያላጋ አቲማ አሳቲ ካታማ ግደ ኦግያን ሀይቃና፤ ሄ ጋላሰ እ ኦላንቻቲ ኡባይ ጃያና፤ ሄ ታማይ የሹዋን ደእያ ኡባ ሞ ድጋና” ያጌ።

31 ጎዳይ፣ ኡባጥ ዋልቃማ መድና ጎዳይ ሀዋዳን ያጌ፤ “ኔኖ፣ ኦቶሪንቻወ፣ ታን ነ ቦላ ደንዳድ። እያወ ጎጥ፣ ነ ጋላሳይ፣ ኔን ሙረትያ ዋዲ ጋኬዳ።

32 ኦቶሪንቻይ ቋብቲደ ኩንዳና፤ እ ፑደ ደንልያዊካ ደኤና። ታን እ ካታማቲዋ ግደን ታማ ኡሳና፤ ሄ ታማይ የሹዋን ደእያ ኡባ ሞ ድጋና” ያጌ።

33 ኡባጥ ዋልቃማ መድና ጎዳይ ሀዋዳን ያጌ፤ “እስራኤልያ አሳይነ ይሁዳ አሳይ እትጥ ናቀቲዳ። ኡንቲንታ ኦሞዲደ አፊዳዋንቱ ኡንቲንታ ዋልቃጥ ሞንሰ ኦይቁድኖ፤ የደናን ድጌድኖ።

34 ሽን ኡንቲንታ ዋዝያዋ ሞና፤ እ ሱንሳይካ ኡባጥ ዋልቃማ ጸሳ። እ ኡንቲንቱ ቢታወ ሸሞጥዋ እማናዎ፣ ኡንቲንቱ ድራወ ሞተቲ። ሽን ባብሎን ቢታን ደእያዋንቱ ሻቢርሳ እማና።

35 “ባብሎን አሳይነ ባብሎን ቢታን ደእያዋንቱ ማሻን ሀይቁና፤ “አ ካፓቲነ እ አዴዳ ኤራንቻቲ ማሻን ሀይቁና፤ ታን መድና ጎዳይ ሀዋ ኦዳይ።

36 “አ ዋርዳዋ ትምቢትያ ኡድያዋንቱ፣ ኤያቱ ማሻን ሀይቁና፤ “አ ዋልቃማ ኦላንቻቲ፣ ዳጋሚዳዋንቱ ማሻን ሀይቁና፤

37 “አ ፓራቱዋ ቦላነ አ ፓራቱዋ ጋረቱዋ ቦላ። ቃይ ማጫ አሳ ማላ ግዴዳ አ አላጋ ኦላንቻቱዋ ቦላ ማሻይ ዮ!

“አ ዱረታ ምንጅያ ጎልያ ቦላ ማሻይ ዮ! ያቶፕ አ ዱረታይ ኡባይ ቦንቀታና።

38 “አ ቦላ ኮሻይ ዮ! ያቶፕ አ ሃሳይ ሙላና። አያወ ጎፕ። ባብሎን ቢታይ ኤቃ ምስለቱ ኩሜዳ ቢታይ ሄ ምስለቱ አሳ ዳጋንሴኖን ኤያይኖ።

39 “ሄዋ ድራወ። ባብሎን ባዘ ደአቱን ምራካናቱ ደእያ ሳአ ግዳናዋ፤ ቃይ ሶነነቱካ እን ደአና። አን መጅናወካ አሳይ ደኤና፤ የለታ ኡባንካ አሳይ እን ኡተና።

40 ጸሳይ ቦን ሶድማን ጋሞራ ኡንቱንቱ ዩቮዋን ደእያ ካታማቱዋና አትፕ ጳይሴዳዋዳን። ባብሎንን ኦንነ ደኤና፤ አሳይ ኡባካ ያን ኡተና። ታን መጅና ጎዳይ ሀዋ ኦዳይ።

41 “ባለተ። አሳይ ሁጲሳ ባጋ ቢታፕ ዬ፤ ምኖ ካወተላቱን ዳር ካተቱ ሳአ ጋጸፕ ያናወ ደንዲኖ።

42 ኡንቱንቱ ባረንቱ ምንዳኖያን ቶራ ኦይቄድኖ፤ ኡንቱንቱ መቀላ ኢታነ የድ ማረና አሳ። ኡንቱንቱ ባረንቱ ፓራ ቶጊደ ብያ ዎይ። ቤታይ ቮጭያ አባ ጉንሳዳን ሀኔ። ኔኖ። ባብሎን። ኡንቱንቱ ኡባይካ ኦላወ ጊጌዳ አሳ ግዲደ። ነ ቦላን ሳልፎድኖ።

43 “ባብሎን ካቲ ኡንቱንቱ ኦዶዋ ሰሴዳ፤ አ ኩሺ ዳቡሪደ። ህልሰ ጌዳ፤ ኦይሳይ ኦይቄዳ ምሽራቲዳን። ኡንኤ አ ኦይቄዳ።

44 “ዮርዳኖሳ ሻፋ ላንቄያን ደእያ ምሪፕ ሎኦ ቆሩ ደኢያሳ ቆፕናን ከሰያ ጋሙዋዳን። ታን ያይ። ባብሎን አሳ ኡንቱንቱ ቢታፕ የደርሳና። ሄዋፕ ጉይያን። ታ ድራዳ አሳ አ ቦላን ሱንሳና። አያወ ጎፕ። ታ ማል ባዋ፤ ታን ኦላና ጌዳዋካ ተአናወ ዳንዳይያ አሳይ ባዋ። አይ ሄንሳንቻይ ታናና ኤቃታናወ ዳንዳይ?

45 ሄዋ ድራወ። ታን መጅና ጎዳይ ባብሎን አሳ ቦላንን ባብሎን ቢታ ቦላን ሀልቼዳዋን ቆፕዳዋ ሰሰተ! ኡንቱንቱ ናናቱዋ ዎልቃን ጎቼደ አፋና፤ ሄዋ ጋሱዋን ኡንቱንቱ ሶ አሳይ ኡባይ ዳጋማና።

46 ባብሎን ኩንደላ ጊረላይ ቢታ ቃላና፤ ባብሎናቱዋ ዋሱካ ካወተላቱዋ ኡባን ሰሰታና። ያጌ።

# 51

## ባብሎን ቦላን ጉጅ ፕርዳ

1 መጅና ጎዳይ ሀዋዳን ያጌ፤ “ባብሎን አሳን ባብሎን ቢታ ጳይሰያ ጫርኩዋ ታን ኪታና።

2 ታን ባብሎን ቦላ አላጋቱዋ። ጫርኩዋዳን ፑንያዋንታ ኪታና፤ አ ቢታ አይነ ባይናዋ ኦላና።

አ ባየሳ ጋላሰ ኡንቱንቱ ኡባ ሳና አ ደዳና።

3 አ ኦላንቻቱ ምንዳኖ ዳካናወ ዎይ ባረንቱ ኦላ ማሻ ዳንጫናወ ናጎፕተ። አ ያላጋቱዋ አሸፕተ፤ አ ኦላንቻቱዋ ሙልያ ጳይሰተ።

4 ኡንቱንቱ ባብሎን ቢታን ሲፈት ወራና፤ ኡንቱንቱ ካታማቱዋ አገቱዋንካ ጫደት ኩንዳና።

5 እስራኤልያ ቢታይነ ይሁዳ ቢታይ እስራኤልያ ጌሻ። ታና። ናቄዳ ናጋራን ኩሜዳዋ ግድፕ፤ እስራኤልያ ግድና። ይሁዳ ግድና። ላኡዋካ ታን ኡንቱንቱ ጸሳይ። ኡባፕ ዎልቃማ መጅና ጎዳይ አምኦቲዳን የጋቢይከ።

6 “ባብሎንፕ ባቃትተ! አሳይ ኡባይ ባረ ሸምፑዋ ሸምፑዋ አሸ! አ ኦሌዳ ናጋራ ጋሱዋን ሀንተ ዎጵፕተ! ሀዋ ዎዲ ታን መጅና ጎዳይ ታ ሀሎዋ ከሰያ ዎይ።

7 ባብሎን ሳአን ደእያ አሳይ ኡባይ ኡሺደ ማሶትያ ዎይንያ ኡሳይ ትገትያ። መጅና ጎዳ ኩሽያን ደእያ ዋርቃ ዋንጫ ማላ። ካወተላቱ ኡባቲ ሄ ዎይንያ ኡሳ ኡሺደ ጎዶድኖ።

8 ባብሎን ቆፕናን ኩንዲደ መኤዳ። ሄዋ ድራወ። አወ ዬክተ! አ ማዶላወ ጳልያ አምተ። ኦን ኤሪ። አ ፓጸንጎቶን።

9 ባብሎንን ደእያ አላጋ አሳቱ። ኦንን ባብሎን ፓላናወ ኮዬደ፤ ሽን ፓጸናወ ዳንዳይቤና። አነ አ አግ ባሺደ። ኑ ቢታ ቢታ ሰጫቶ። አያወ ጎፕ። አ ፕርዳይ ሃኪደ። ሳሎዋ ጋኬዳ፤ ቦላ ሻርያ ጋካናወ ፑይ ጶቄዳን ያጌድኖ። ያጌ።

10 እስራኤልያ አሳይ። “መጅና ጎዳይ ኑና ሻትንጤዳ! አነ ጽዮን ቢደ። መጅና ጎዳይ ኑ ጸሳይ ኦሌዳዋ አሳወ ኦደይተ!” ያጋና።

11 መጅና ጎዳይ ባብሎን ጳይሰናወ ቆፋ ቃቼዳ ድራወ። ሜዶናቱዋ ካተቱዋ ኦላወ ደንጤዳ፤ መጅና ጎዳይ ባረ ጌሻ ጎልያ ሀሎዋ ሀዋዳን ኦሊደ ጭገታና። ሜዶናቱዋ ጋዳዋቱ ሀዋዳን ያጌድኖ፤ “ዋንዳኖያ ሌፍተ፤ ጎንዳለቱዋ ኦይቄተ!

12 ባብሎን ቦላ ኦላ ባንድራ ደንሰተ፤ ናግያዋንታካ ምንቅሰተ! ዎቼያዋንታካ ኡንቱንቱ ሳአን ሳአን ዎሰተ፤ ዙጊደ ናግያ ኦላንቻቱዋካ ገገሰተ!” ያጌድኖ። አያወ ጎፕ። መጅና ጎዳይ ባብሎንን ደእያ አሳ ቦላ ሃሳይዳዋን ቆፕዳዋ ኦላና።

13 ባብሎን፣ ኔን ዳር ሻፋቱን ዳር ማጹ ኩሜዳ ቢታ፤ ሸን ነ ወርሰላይ ጋኬዳ፤ ኔን በሰና ኦግያን ደምያ ጎአይካ ዱጼዳ።

14 ኡባጥ ዋልቃማ መድና ጎዳይ፣ “ቦሊ ቢታ ኩምያዋዳን፣ ታን አሳቱዋ ነ ቢታን ኩንላና፤ ኡንቱንቱካ ኔና ጸኔዳ ናሸቻ ባረንጉቱ ቃላ ቶቁ ኦሊደ፣ ነ ቦላን ጋይራና” ያጊደ ባረ ሱንላን ጫቄዳ።

**ጋላታ የላ**

15 ጸሳይ ባረ ዋልቃን ሳኣ መዴዳ፤  
ባረ አዴዳ ኤራተላን ቢታ ባሴዳ፤  
ሳሎቱዋካ ባረ አኬካን ሞጩዳ።

16 አ ሃሳይያ ዋደ፣  
ሳሎዋን ደእያ ሃሳቱ ጉሚና።

ሻራቱዋ አ ሳኣ ጋጸጥ አዬ።  
ቃይ እራይ ቡክያ ዋደካ፣  
ዋልቃንሳ ዋልቃሞሴ።  
ባረ ሞንጅያ ሳኣጥካ ጫርኩዋ ከሴ።

17 አሳይ ኡባይ አኬካይን ኤራይ ባይናዋ።  
ቃይ ዋርቃ ትጊደ፣  
ኤቃ ምሰለቱዋ መድያዋንጉቱ ኡባቱ ዬላቲድና።  
አያዉ ጎጥ፣ ኡንቱንጉቱ ምሰለቱ ዋርዶን ሸምጥ ባይናዋንታ።

18 ሃ ምሰለቱ ፓግናዋንታ፣  
ካግጥዳዋንታ።  
ኡንቱንጉቱ ቦላን ፕርዳይ ይያ ዋደ፣ ኡንቱንጉቱ ዳያና።

19 ሸን ያቆባ ጸሳይ፣  
ሄዋ ማላ ግደና።  
አያዉ ጎጥ፣ አ ኡባባ መዴዳዋ።  
አሰራኤልያ አሳይ አ ባረዉ ዶራዳ ዛረ።  
አ ሱንላይካ ኡባጥ ዋልቃማ መድና ጎዳ።

**ጸሳ ድጅኑዋ**

20 ጸሳይ ሀዋዳን ያጌ፤ “ባብሎን፣ ኔን ታ ድጅኑዋን ታ ኦላ ሚሻ። ኔናን ጎኤታደ ታን ቢታቱዋ መንግራዳ፤ ካዉተላቱዋካ ዳይሳድ።

- 21 ኔናን ጎኤታደ ፓራቱዋን ፓራ ቶግያዋንታ፣ ፓራ ጋረቱዋን ኡንቱንታ ላግያዋንታ መንግራዳ።
- 22 ኔናን ማጫዋን አቲማዋ፣ ጭማን ናናቱዋ፣ ዋዳላቱዋን ጌላዮቱዋ መንግራዳ።
- 23 ኔናን ሄንላንቻን አ ዉድያ፣ ጎሽያዋን አ ዋላ ቦራቱዋ፣ ደርያ ሞድያዋንታን ካፖቱዋ መንግራዳ።”

**ባብሎን ፕርዳ**

24 መድና ጎዳይ ሀዋዳን ያጌ፤ “ባብሎን አሳይን ባብሎንን ደእያዋንጉቱ ጽዮን ቦላ ኦሌዳ ኢታ ሀሉዋ ታን ህንተ ጾልሸን ከሳና።

25 “ኔና፣ ባብሎን፣ ኔን ቢታ ሳኣ ባይዘያ ዋጋ ደርያ ማላ፤ ሸን ታን መድና ጎዳይ ኔና ሞርካይ። ታን ታ ኩሸያ የዳደ፣ ኔና ደርያ ቦላጥ ዱጊ ጎንደርሳና፤ ሄዋጥ ጉይያን፣ ኔን ጸጉጉዳ ደርያ ግዳደ አታና።

26 ላኤንላ ኔጥ ባሱዋን የግያ ዋይ ግምቢያዉ አክያ ሹቻይ ደኤና፤ ኔን መድናዉካ እይን ባይናዋ ግዳናዋ። ታን መድና ጎዳይ ሀዋ ኦዳይ።

27 “ባብሎን ቦላ ኦላ ባንድራ ደንሐተ፤ አሳ ኡባ ግደን ማላካታ ጉንተ። አ ኦላናዉ አሳ ኡባ ጊገሰተ፤ አራራተ፣ ሚና ከሸካናካ ካዉተላቱዋ ጾሰተ። ኦላ ጋዳዋካ ሱንሐተ፤ ቦልያ ኬሻ ዳር ፓራቱዋን አህተ።

28 ባብሎን ኦላናዉ ካዉተላቱዋ ኡባ ጊገሰተ፤ ሜዶና ካተቱዋ፣ ኡንቱንጉቱ ካፖቱዋ፣ ደርያ ሞድያዋንታን ኡንቱንጉቱ ሞድያ ቢታ አሳ ኡባ ደንሐተ።

29 “ባብሎን ኦላን ደኤና ባዞ ኦላናዉ መድና ጎዳይ ሀልቹዳ ሀልቹዋ ፖልያ ድራዉ፣ ቢታይ ኡባይ ኮኮረን ፖርቃካቱ።

30 ባብሎን ኦላንቻቱ ኦላ ኦላትያዋ አጌድና፤ ባረንጉቱ ጌሱዋን ኡት ባሸድና። ኡንቱንጉቱ ዋልቃይ አጸና፤ ኡንቱንጉቱ ማጫ አሳ ማላ ግደድና። ኡንቱንጉቱ ጎላቲካ ጸጉጉድና፤ ኡንቱንጉቱ ካፓማ የሹዋ ግምቢያ ጥንገቱዋ ኩልቡካ መኤድና።

31 ሀ ጋጾጥ ህን ጋጾ ጋካናው፡ ካታማይ ሞርክያን ኦይቀቲዳዎ ባብሎስ ካትያው ኦዳናው፡ ዎጾያዎ ዎጾያዎ ካሊ.ደ፡ ከተቲዳዎካ ከተቲዳዎ ካሊ.ደ ቢኖ።

32 ቃይ ቫፋና ጥንያ ሳክቲ ኦይቀቲዳዎ፡ ቫፋ ዩቩዋን ደእያ ዎራይ ጸገቲዳዎን ኦላንቻቲ ዳጋሜዳዎ ኡንቲንቲ ካትያው ኦዳናው ቢኖ” ያጌ።

33 ኡባጥ ዎልቃማ መቋና ጎዳይ፡ እስራኤልያ ጸሳይ ሀዎዳን ያጌ፤ “ባብሎስ ቢታይ ካላ ቆጾያ ኡዲማ ማላ፤ ጉላ ዎድያጥ ጉይያን፡ እ ጫከትያ ዎዲ ያና” ያጌ።

**ጸሳይ እስራኤልያ አሳ ማዳና**

34 ባብሎስ ካቲ ናቡካዳናጾር ኑና ወርሲደ ሜዳ፤ ኑ ካታማካ መላ ደእያ ኦቲዎ ማላ ከሴዳ። ዳዎ ሞትያዎዳን፡ እ ሞቲዳ፤ ማልኦባ ሚደ ኩንጫዳዎዳን፡ እ ኑ አቁዋን ባረ ጋንጅያ ኩንጫዳ፤ ያቲደ እቲዳዎ ሙጨደ ጩቹዳ።

35 ሄዎ ድራው፡ ጾዮን አሳይ፡ “ባብሎስ ኑ ቦላን ኑ አሳ ቦላ ኦጫዳ ኢታባይ ኡባይ እ ቦላ ሰዋ።” የሩሳላሙ አሳይ፡ “ኑ ሱላ አጩ ባብሎስን ደእያ አሳ አቾ” ያጌ።

36 ሄዎ ድራው፡ መቋና ጎዳይ የሩሳላሙ አሳው ሀዎዳን ያጌ፤ “ሳ ድራው ታን ሞተታና፤ ነ ሀሌዋካ ታን ከሳና። ታን ባብሎስ ሃላ መልሳና፤ እ ፑልቶቲዋካ ቶይሳና።

37 ባብሎስ ቩቻ ኩላን ዎራካናቲ ደእያ ጌሶ ግዳናዎ። ቃይ እ በኤዳ ኡባይ ዳጋማና፡ ‘ፖራ!’ ጋና። እን እት አሳይን ላኢንላ ደኤና።

38 ባብሎስ አሳይ ኡባይ ጋሙዎዳን ጉዳና፤ ቃይ ጋሙዎ ማራዳን ዳራና።

39 ኡንቲንቲ ቦላይ ሆእያ ዎድ፡ ታን ኡንቲንቲ ናቩቾያ ኡቫ ግብራ ጊገሳና፤ ኡንቲንቲ ሄዋጥ ኡቩደ፡ ባረንታ ደጋና ጋካናው፡ ታን ኡንቲንታ ማላያና። ኡንቲንቲ ላኢንላ ደንደናዳን፡ መቋናው ገምእኻና። ታን መቋና ጎዳይ ሀዎ ኦዳይ።

40 ቩካናው አፍያ ዶርሳቲዎዳን፡ ዶርሳ ኦርገቲዎዳንን ዴቫ ኦርገቲዎዳን፡ ታን ኡንቲንታ ቩካው አፋና።

**ባብሎስ ቦላ ጋካናባ**

41 “አሳይ ኡባይ ሳቢያ ባብሎስ ኦይቀቲዳ! ባብሎስ ካውተላቲዎ ኡባ ግድን አይባ ዳጋንሰያባ ግዴይ!

42 ባብሎስ ሞርከቲ አባ ቤታይ ደንድያዎዳን ደንዲደ፡ ካታማን ኤሌድና።

43 እ ካታማቲ ኮለቲደ፡ ዳጋንሰያባ ግዴድና፤ እራይ ቡከና ባዞ ቢታ፡ እይ አሳይን ደኤና ቢታን አሳ ናአይ ግዲዋና አቩና ቢታ ግዴድና።

44 እሌ ግያ ባብሎስ ጸሳ ታን ሙራና፤ እ ሞቲዳዎካ ታን እ ኡሌዋጥ ከሰሳና። ሄዋጥ ጉይያን፡ ካውተላቲ እኮ ዙልያዎ አጋና፤ ባብሎስ ግምቢካ ኩንዳና።

45 “ታ አሳው፡ እ ግደጥ ከሰተ! ህንተ ኡባይካ መቋና ጎዳ ሀንቁዎ ሱሌዋጥ ህንተ ሁጲያ ሁጲያ አሸተ!

46 ቢታን ኦደትያ ኡዲዎ ሰሰያ ዎድ፡ ሀርጎጥተን ያዮጥተ! ላይላን ላይላን ኡዲ ኡዲዎ ካል ካሊ.ደ ያና። ሄ ዎደ ካቲ ካትያ ቦላ ደንድያ ማካላ ኡዲ ቢታን ሰሰታና።

47 “ሄዎ ድራው፡ ታን ባብሎስ ኤቃ ሞሰለቲዎ ሙርያ ጋሳሳቲ ያና። ሄ ቢታይ ኡባይካ ዬላታና፤ ሲፈቲዳዎንቲ ኡባይ ካታማ ግድን ኩንዳና።

48 ሁጲሳ ባጋጥ ይያ ባይዝያዋንቲ ኩቩያን ባብሎስ ኦይቀትያ ድራው፡ ሳሉን ሳአይ ቃይ ኡንቲንቲ ግድን ደእያ ኡባባይ አልላና። ታን መቋና ጎዳይ ሀዎ ኦዳይ።

49 ባብሎስ እስራኤልያ አሳን ሀራ ቢታን ደእያ አሳ ኡባ ዎዴዳዎዳን፡ ባብሎስ አሳይካ ሀይቃናው ኮሼ።

**ባብሎስን ደእያ እስራኤላቶ ኦይቲዳ ትምቢትያ**

50 “ታ አሳው፡ ህንተ ኦላጥ ከሰ እኬድታ። ሄዎ ድራው፡ ቢተ! ሀዋን ኤቆጥተ! ህንተ ደእያ ሃኮ ቢታንካ ታና መቋና ጎዳ ሀሳይቲ፤ የሩሳላሙካ ቆጥተ።

51 ህንቲ፡ ሳን ቦረቲዳ ድራው ካውቩደ፤ አላጋቲ መቋና ጎዳ ጎልያን ጌቫ ሳክቲዎ ገሌዳ ድራው፡ ኑን ዬላ ማዬዶ ያጌድታ።

52 “ሸን ታን መቋና ጎዳይ ባብሎስ ኤቃቲዎ ሙርያ ዎዲ ያና። ደሸቲዳዎንቲ ቢታ ኡባን ኦላና።

53 ባብሎስ ሳሌዎ ፑደ ከሲደ፡ ያን ጌሱዎ መቋናው ዳንዳይንቶን፡ ያ ጋካናው ከሲደ፡ እ ያን ባይዝያ አሳ ታን ኪታና። ታን መቋና ጎዳይ ሀዎ ኦዳይ።

**ባብሎስ ጳያና**

54 “ባብሎስጥ አሳ ዋሱዎ ኮቫይ፡ ባብሎስ ቢታጥ ዎልቃማ ባየላ ኮቩንቻይ ሰሰታና!



55 እያወ ጎጥ፣ መጅና ጎዳይ ባብሎስ ባይዛና፤ አ ዋልቃማ ኮሻካ ጮኤ ኦላና። አባ ቤታዳን ጉምያ ሞርከቱ ዋራጂደ ጋርማማና።

56 ባይዘያዋንቴ ባብሎስ ቦላ ያና፤ አ ኦላንቻቱ ኦይቀታና፤ አንቱንቱ ዋንዳጌካ መእና። ታን መጅና ጎዳይ ሀሉዋ ከሰያ ጸሳ ግድያ ድራወ። አንቱንቱ ኦሱዋዳን ታን አንቱንቶ ዛራና።

57 ታን አ ካፖቱዋ፣ አ እጅዳ ኤራንቻቱዋ፣ አ ደርያ ሞድያዋንታ፣ አ ኦላ ጋዳዋቱዋን አ ኦላንቻቱዋ ማልያና፤ አንቱንቱ ላኤንላ ደንደናዳን፣ መጅናወ ገምእሻና። ታን ካቲ፣ ኡባጥ ዋልቃማ መጅና ጎዳይ ጌተትያዌ ሀዋ ኦዳይ” ያጌ።

58 ኡባጥ ዋልቃማ መጅና ጎዳይ ሀዋዳን ያጌ፤ “ኦርድያን ግምቡቴዳ ባብሎስ የሹዋ ግምቢ ሳኢን ዋላከታና፤ አ ኤዳሳ ፕንገቱካ ታማን ጹገታና። አሳይ ኦፊዳዌ ኡባይ መላ፤ ካወተላቱካ ታማይ ማናባወ ጮ ዳቡሪና” ያጌ።

**ኤርማሳ ባብሎስ ከታ የዴዳ**

59 ማሀሴያ ናኣ ኔርያ ናኣይ ሳራይ ካትያ ሰደቅያሳወ ኦልያ ካፑዋ። ሰደቅያሳ ይሁዳን ካተቱዳ ኦይደንላ ላይላ። ሳራይ እናና ባብሎስ ብያ ዋደ ኤርማሳ ሳራያ ቦላ ከታ የዴዳ።

60 ባብሎስ ቦላን ጋካናወ ደእያ ኢታባ ኡባካ ባብሎስ ጾልያ ሀራባ ኡባ ኤርማሳ እት ጸላ ማጸፋን ጸፊዳ።

61 ሳራያ ሀዋዳን ያጌዳ፤ “ኔን ባብሎስ ቢታ ጋኤዳ ዋደ፣ ነ ቃላ ቋቁ ኦላደ፣ አሳወ ሀ ማጸፋ ናባባ።

62 ቃይ ሀዋዳን ያጋደ ዋሳ፤ “አቤት መጅና ጎዳወ፣ ኔን፣ “ታን ሀ ሳኣ ባይዛና፤ ሀ ሳኢን ፓጾ ቃጽያ መጋታ፣ አሳይካ፣ መሃካ ደኤና፤ ሀ ሳኢይ መጅናወ ባዞ ግዳናዋ” ያጋዳ፣ ያጋ።

63 ሀ ጸላ ማጸፋ ናባባደ ወርሴዳዋጥ ጉይያን፣ ሹቻ ሄ ማጸፋና ጋላ ቃቻደ፣ ኤፍራጺሳ ሻፋን ኦላ።

64 ታን ጸሳይ አ ቦላን አህያ ኢታ ጋሱዋን፣ ባብሎስካ ሀዋዳን ላኤንላ ደንደናዳን ሙከታና፣ ያጋይ ያጋ” ያጌዳ።

ኤርማሳ ሃሳዴዳ ቃላይ ሀዋን ፖለቲዳ።

**52**

**የሩሳላመ ኩንደላባወ ከተቲዳ ጉጃ ኦዲዋ**

(52፤ 2 ካታ. 24:18—25:7፤ ኤር. 39:1-10)

1 ሰደቅያሳ ካተትያ ዋደ፣ ላይላይ አወ ላታማን አታ፤ የሩሳላመን አ ታማን እት ላይላ ካተቲዳ። አ እት ሱንሳይ ሀሙጸሎ፤ አ ሊብና ካታማን ደእያ ኤርማሳ ናቶ።

2 እየአቁሞ ኦፊዳዋዳን፣ ሰደቅያሳካ መጅና ጎዳ ሰንሳን ኢታባ ኦፊዳ።

3 መጅና ጎዳይ የሩሳላመ አሳ ቦላን ይሁዳ አሳ ቦላ ሀንቀቲዳ ድራወ። ወርሰሳን አንቱንታ ባረ ሰንሳጥ ድጌዳ።

ሰደቅያሳ ባብሎስ ካትያ ቦላ ማካሊደ ደንዴ።

4 ሰደቅያሳ ካተቲዳ ኤዲፕንሳ ላይላ፣ ታማንላ አግናን፣ ታማንላ ጋላሰ ባብሎስ ካቲ ናቡካዳናጾር ባረ ኦላንቻቱዋ ኡባ አክ ዪደ፣ የሩሳላመ ዶዴዳ። አንቱንቱ አ የሹዋንካ ቢታ ኬላ ኬሌድና።

5 ሰደቅያሳ ካተቲዳ ታማን አትንላ ላይላ ጋካናወ፣ የሩሳላመ ካታማይ ዶደቲደ ጋምኤዳ።

6 ሄዋ ጋሱዋን ቢታን ኮሻይ ሱልና፣ ሄ ላይላ ኦይደንላ አግናን፣ ኡዲፕንሳ ጋላሳን፣ ሄ ቢታ አሳወ ምያባይ ቆይዳ።

7 ያን ደእሸን ካታማ የሹዋ ግምቢ እት ባጋና ኮለቲዳ። ባብሎስ አሳይ ካታማ ዩይ አጂደ ናጎጥካ፣ ይሁዳ ካትያ ኦላንቻቱ ሙለ ኡባይ ቃማ ካትያ አታክልትያ ሳኣ አፍያ ኦግያ ኦይቂደ፣ ላኤ ድርሳ ግምቡቱዋ እትጥ ጋልያ ፕንግያና ከሲደ ባቃቲድና። አንቱንቱ ዮርዳናሳ ድልቡዋኮ ሰሚደ ቤድና።

8 ሸን ባብሎስ ኦላንቻቱ ካትያ ሰደቅያሳ የደርሲደ፣ እያርኮ ደምባ ጋሊደ ኦይቂድና። አ ኦላንቻቱ ኡባይ አጥ ሻከቲደ ላለቲድና።

9 ሄዋጥ ጉይያን፣ አንቱንቱ አ ሀማታ ቢታን፣ ርብላ ካታማን ደእያ ባብሎስ ካትያኮ አፊድና። ያን ናቡካዳናጾር ሰደቅያሳ ቦላ ፕርዴዳ።

10 ቃይ ሰደቅያሳ ናናቱዋ ሰደቅያሳ ጾልሸን፣ ባብሎስ ካቲ ዋዴዳ። ይሁዳ ካፖቱዋ ኡባካ አንቱንቱ ያን ርብላ ካታማን ዋዴድና።

11 ሄዋጥ ጉይያን፣ ሰደቅያሳ አይፈቱዋ ዋጭ ከሲደ፣ ሳንሳላታን አ ቃቻደ፣ ባብሎስ ቢታ አኪደ አፊድና። አ ሀይቃና ጋካናወ፣ ያን ቃሹ ጎልያን አ ዋፊድና።

ጌሻ ጎሊ ኮለቲዳ

(2 ካታ. 25:8-17)

12 ናቡካዳናጾር ባብሎን ካተቲዳ ታማነ ኡዲፕንጎ ላይጻጎ፣ እቼሸንጎ እግናጎ፣ ታማንጎ ጋላሳጎ፣ ካትያ ኦሳንቻቱዋፕ እቲ፣ ካትያ ናግያዋንቲ ካፑ ናቡዛራዲን የሩሳላሙ ገሊዳ።

13 መጅና ጎዳ ጌሻ ጎልያ፣ ካትያ ጎልያን የሩሳላሙን ደእያ ኬጻቱዋ ኡባ ታማን ጸጌዳ፤ ዋልቃማ ጎልያ ግያ ጎልያ ኡባ ጸጌዳ።

14 ባብሎን ኦላንቻቱ ኡባይ ካትያ ናግያዋንቲ ካፑዋ እዛዙዋ፣ የሩሳላሙ ካታማ የሹዋን ደእያ ድርሳ ግምቢያ ኡባ ቆሊድና።

15 ናቡዛራዲን አማራዳ ህዌሳቱዋ፣ ካታማን እቲዳ አሳቱዋን ካዲደ ባብሎን ኦላንቻቱዋን ጋከቲዳ አሳቱዋ ኩሽያ ሂላ ኤርያ አሳቱዋናካ ጉጂደ፣ አሞዶ አፊዳ።

16 ሸን ናቡዛራዲን ህዌሳቱዋፕ አማራዳዋንታ ዋይንያ ቲራ ቶካናዲን፣ ጋድያ ጎሻናዲን፣ ይሁዲን አሽዳ።

17 ባብሎን አሳቱ መጅና ጎዳ ጌሻ ጎልያ ሰንጻን ደእያ ናሃሰያፕ መጴዳ ቱሳቱዋ፣ ሚሻቱዋ ዋልያ ጋረቱዋን እኩ-ከርያ መንግሥቱዳና፤ ናሰያ ኡባ ባብሎን አፊድና።

18 ሄዋዲንካ፣ ቃይ ከረቱዋ፣ እካፋቱዋ፣ ጸምፕያ ሻሉዋ ጴራ ጉትያባቱዋ፣ ኩይጸርቲዋ፣ እጻና ሳነቱዋን ያርሽያ ዋይ ጎኤትያ ናሃሰያ ሚሻቱዋ ኡባ እክ አፊድና።

19 ካትያ ናግያዋንቲ ካፑ ናቡዛራዲን ቃይካ ዋርቃፕን ብራፕ ኦሰቲዳ ድሰተቱዋ፣ ታማ እክያ ሚሻቱዋ፣ ኩይጸርቲዋ፣ ከረቱዋ፣ ጸምፕያ ዋልያ ባላቱዋ፣ እጻና ሳነቱዋን ኡሻ ያርሾ ጎኤትያ ኦቶቱዋ እክ ቤዳ።

20 ካቲ ሶሎሞን መጅና ጎዳ ጌሻ ጎልያን ኦሰትያባቶ መጴዳ ላኤ ቱሳቱ፣ እባ ጋጸቲ፣ እፕ ጋርሳና ደእያ ታማን ላኤ ኮሩማቱዋ ሞሰለቲን ሚሻቱዋ ዋልያ ጋረቲ መጴዳ ናሃሰያ ብራታቲ ሚዛናን ልካናዉ ዳንዳየተናዋ ኬሻ ዳራ።

21 ላኤ ቱሳቲካ እት ማላ ግዲደ፣ እቲ እቲ ታማን ሆሰፕን ዋፉ አዲሳ። ኡንቲንቲ ጴሳ የሹ ታማን ላኤ ዋፉ። ኡንቲንቶ ግዲ ኮፋ ግዲደ፣ ብራታይ ኦይዲ ብራጅያ ከሻ ኦርድ።

22 ላኤ ቱሳቲካ ዋሊያንካ ናሃሰያፕ ኦሰቲዳ ጉምቦቲ ደእና። እት ጉምቦቱ ጌሳይ እቼሹ ዋፉ ግዲደ፣ የሹ ግትያ ሞሰልያንን ሮማንያ ቲራ ሞሰልያን አሊቀት ኡቲዳ። ላኤንጎ ጉምቦቲካ አ ማላ።

23 ጉምቦቶ ምይያን ምይያን ደእያ ሮማንቲዋ ሞሰለቲ ኡዲፕን ታማን ኡሱፕና፤ የሹዋን ደእያ ግትያ ማላትያ ሞሰለቱዋፕ ቦላ ባጋና ደእያ ሮማንያ ሞሰለቲ ኡባና እት ጴታ።

ይሁዳ አሳይ ኦሞደቲደ ባብሎን ቤዳ

(2 ካታ. 25:18-21፣ 27-30)

24 ካትያ ናግያዋንቲ ካፑ ናቡዛራዲን ቄሰያ ኡባቱዋ ካፑዋ ሳራያ፣ እፕ ካልያ ቄሰያ ጻፋንያን ፕንግያ ናግያ ሀራ ሄዙ አሳቱዋ ኦይቄዳ።

25 ቃይ ሄ ዋይ ጋካናዉ፣ ካታማን ደእያ አሳፕ ኦላ ጋዳዋ፣ ካትያ ዘርያዋንቲ ላፑን አሳቱዋ አፊዳ። ኦላ ጋዳዋ ጻፍያ፣ ሄዋነ ኦላንቻቱዋ አሳ ግደፕ ቆሪደ ከሰያዋን ሀራ ኡሱፕን ታሙ ዋልቃማ አሳቱዋ አፊዳ።

26 ካፑ ናቡዛራዲን ኡንቲንታ ኡባ እኪደ፣ ባብሎን ካትያኩ፣ ርብላ ካታማ አፊዳ።

27 ያን ርብላ ካታማን፣ ሀማታ ቢታን ባብሎን ካቲ ኡንቲንታ ኡባ ዋዴዳ። ሄዋዲን ሀኒደ፣ ይሁዳ አሳይ ባረ ቢታፕ ደንዲደ፣ አሞዶ ቤዳ።

28 ናቡካዳናጾር ካተቲዳ ላፑንጎ ላይጻን ሄዙ ሻእን ላታማን ሄዙ አሳ ይሁዳፕ አሞዴዳ።

29 ቃይ ታማን ሆሰፕንጎ ላይጻን ሆሰፕን ጴታን ሀታማን ላኤ አሳ የሩሳላሙፕ አሞዴዳ።

30 ናቡካዳናጾር ካተቲዳ ላታማን ሄዘንጎ ላይጻን ካትያ ናግያዋንቲ ካፑ ናቡዛራዲን ላፑን ጴታን ኦይታማን እቼሹ አሳ አሞዴዳ። አሳ ፓይደ ኡባና ኦይደ ሻእን ኡሱፕን ጴታ።

31 ኤዋል-ማሮዳክ ካተቲዳ ላይላ ይሁዳ ካትያ ዮኣኪና ቦንቺደ፣ ቃሹዋፕ ብሌዳ። ሄዋ ሀኔዳዋ ዮኣኪን አሞዶት ቃሹቲደ ቤዳ ሀታማን ላፑንጎ ላይላ፣ ታማን ላኤንጎ እግናጎ፣ ላታማን እቼሸንጎ ጋላሳና።

32 ኤዋል-ማሮዳክ ዮኣኪናና ማልኦ ቃላ ሃሳዪደ፣ ባብሎንን አሞዴዋን ደእያ ሀራ ካተቲዋ ኡባፕ አሊደ፣ እ ቦንቺዳ።

33 ሄዋ ድራዉ፣ ዮኣኪን ቃሹ ጎልያን ማዬዳ ማዋዎ ላሜዳ። እ እቲዳ ባረ ደኡዋ ላይላ ኡባን ካትያ ማዳፕ ሜዳ።

34 ዮኣኪን ሀይቃና ጋካናዉ፣ ሆች ሀች እዉ ኮሽያባ ኡባ ባብሎን ካቲ አሜዳ።

# ኤርማሳ ሴላ አድያ ማጻፋ ገሉዋ

ኤርማሳ ሴላ አድያ ማጻፋይ፡ ክርስቶስ የለታናፕ ካስ እኼሹ ጾታን ሆስፑን ታማነ ኡሱፑን ላይላን የሩሳላሙ ላለቲዳ ጋሱዋንን አሳይካ አሞደቲደ ቤዳ ጋሱዋን፡ ጸሳይ ጸሳተላ ሙሩዋ ፖላናው ባብሎናቱዋ ባረ ሾጭያ ጸምእ ኦሊደ ጎኤቲዳ ጋሱዋን፡ ግንጾዋን ጊጌዳ እኼሹ ካዩዋ ዝላሳቱዋ ኦይቄዳዎ። ሀ ማጻፋው ዳርያ ባገይ ዬኩዋባን ካዩዋባ አድያዋ ግደፕ፡ ጸሳን እማነትያዋን ሀደታን ደእያዋ አድያ ክፍለቲካ እን ደእኛ። ሀ ግንጾቱዋ እይሁዳ አሳቱ ክርስቶስ የለታናፕ ካስ እኼሹ ጾታን ሆስፑን ታማነ ኡሱፑን ላይላን፡ ሄ ቢታ ቦላ ጋኬዳ ባየላ ሀሳያናው፡ ላይላን ላይላን ጸምያን ካዮትያ ዋጋቱዋ ፖልያ ጋላሳቱዋን ጎኤቲኛ።

## ሸምፓቱዋ ኡባቶ እመቲዳ ቃንሳ ቆፋቱዋ

- የሩሳላሙ መቱዋን ካዩዋ 1:1-22
- ጸሳይ የሩሳላሙ ቦላ አሄዳ ሙሩዋ 2:1-22
- ብሮ ሀደታይ ደእያዋ ግዱሳ 3:1-66
- የሩሳላሙ ባሻ 4:1-22
- ማርታ ደማናው ዋሳ 5:1-22

### የሩሳላሙ መቱዋን ካዩዋ (1:1-22)

1 ካስ አሳይ ኩሜዳ የሩሳላሙ ካታማታ ሀእ ዋናደ መላ አታደ! ካስ ካወተላቱዋ ግደን ዋልቃማ ግዴዳና ሀእ አስናይ ሀይቄዳ ሞሽራቲዳን፡ ዋናደ ባረካ አታደ! ካታማቱዋ ኡባ ግደን ካታቶ ግዴዳና ሀእ ዋናደ አይለ ግዳደ!

2 ቃማ ኡባን እርሳይ እ ጋጩዋና ሆልሳካትሽን፡ ዬካደ አቃዱ። ካስ እዘ ደሰያዋንቲፕ ሀእ እዘ ሞን። ስልያዌ እቲነ ባዋ። እ ላገቱ እዘ አላ እሚደ፡ እዉ ሞርከ ግዴድኛ።

3 ይሁዳታ ናቃታይን አይለታታደ አሞደታደ ባደ። እዘ ሀእ ካወተላቱዋ ግደን ደአዉ፤ ሽን ሸምፕያ ሳኣ ደማብዮኩ። እዘ የደርሴዳዋንቲ እዘ መቶታ ደእሽን ጋኪደ ደሚድኛ።

4 ላይላ ግደን ቦንቶያ ባላቱዋ ይያዌ ባይና ድራው፡ ጽዮነ ኦገቱ ካዮቲኛ። ካታማ ፕንገቱ መላ አቲድኛ፤ እ ቄሳቱ ካ ኦሊና። እ ዎዶር ናናቲካ ቱጋቲድኛ፤ ቃይ እዘ ባረ ሁጲያዉካ ኢታ ቱጋ ቱጋታደ።

5 አ ሞርከቱ እዉ ጎዳ ግዴድኛ፤ ኡንቲንቶ እንጅና ደኤድኛ። እያዉ ጎፕ፡ እ ናጋራ ዳራዋ ጋሱዋን መቲና ጎዳይ እዘ ቱጋዬዳ፤ እ ጉላ ናናቱ ሞርከያን አሞደቲደ ቤድኛ።

6 ጽዮን ቦንቶ ኡባይ አፕ ቃረት ክቼዳ፤ እ ካፓቲካ ማታ ምያ ሳኣ ቆዬዳ ጋራ ማላ ግዴድኛ። ኡንቲንቱ ዋልቃ ቆዩደ፡ ባረንታ የደርሴዳዋንቲ ሰንሳፕ ባቃቲድኛ።

7 የሩሳላሙ ሀእ ባረ ቱጋነ ባረ ኡንኣ ጋላሳቱዋን ቦን ባረ ቦንቶ ዱረታ ሀሳያዉ። እ አሳይ ኡባይ ሞርከቱዋ ኩሽያን አጲደ እመቲዳ ዎደ፡ እዘ ማድያዌ እቲነ ኦትቤና። እ ሞርከቱ እዘ ጴሊደ፡ እ ባሻን ሚጩኛድኛ።

8 የሩሳላሙ ዋልቃማ ናጋራ ኦላዲ፤ ሄዋ ድራው፡ እዘ ቱናባ ግዳው። ካስ እዘ ቦንቶዳ ኡባይ ሀእ አ ካሉዋ ቤኡዳ ድራው፡ እዘ ካጲ። እካ ኦላዉነ ጉየ ሰማዉ።

9 እ ቱናተላይ እ አፍላ ጴራ ባቄ ኦይቄዳ። ሰንሳፕ ባረ ቦላ ያናባ እዘ ቆፓቢይኩ። ሄዋ ድራው፡ እዘ ኩንደላይ ዳጋንልያዋ። እዘ፡ “አቤት መቲና ጎዳው፡ ታ ቱጋ ቦአ! ታ ሞርከቱ ታና ጸኔድኛ” ጊናካ፡ እዘ ሞን። ስልያዌ እቲነ ባዋ።

10 ሞርከቱ እዘ ቦንቶ ዱረታ ኡባ ቦላን ባረንቱ ኩሽያ የዴድኛ። ጋድያ ካወተላቱ፡ ካስ ኔን ጸሳ ማባራ ግደ ገልሰናን ድጌዳ አሳቱ፡ እ ጌሻ ጎልያ ገልሸን ቦአደ።

11 እዘ አሳቱ ኩሻቲደ፡ ቁማ ደማናው ኦሊና። ኡንቲንቱ ፓጻ ደእና ድራው ጊደ፡ ባረንቱ ቦንቶ ዱረታ ኡባ ቁማን ለሚኛ።

የሩሳላሙ ሀዋዳን ያገዉ፤ “አቤት መቲና ጎዳው፡ ጴላ፤ ታን ካ። ቱዳዋ ቦአ!

12 ህንተኛ፡ ሀዋና አቲያዋንቶ፡ ሀዌ ህንተዉ ኡባዉ እያን ግደኔ? መቱ ኡባይ መቲና ጎዳይ ባረ ኡጽያ ሀንቁዋ ጋላስ ታ ቦላ አሄዳ መቱዋ ማሌ?

13 ጸሳይ ቦላ ቅቃፕ ታማ ዱን የዴዳ፤ ሄ ታማይ ታ መቀላ ግደ ገሌዳ። ታ ገድያ ኦይቃናዉ ጲርያ ዋሌዳ፤ ታና ጉየ ዛራዳ። እ ታና ጋላሳ ኡባን ላባንሲደ፡ የግ ባሹዳ።

14 ታን ኦሌዳ ናጋራ ኡባ ሺሽ ቃቺደ፡ ሞርገ ሞላዳን ታ ሞርገያን ዋሌዳ። ያቲደ ታ ዋልቃ ዉርሴዳ። ታን ኤቃታናዉ ዳንዳናዋንቶ ጎዳይ ታና አላ እሚዳ።

15 ጎዳይ ታ ግደን ዋልቃማ ኦላንቻቱዋ ኡባ እጹዳ። ታ ያላጋቱዋካ ጳይሳናወ ዋድያ ኬሬዳ። ዋይንያ ቱራ ጉምእያ ሳኣን የድያዋዳን። ጎዳይ ይሁዳ አሳ የዴዳ።

16 ታን ዬክያዋን ታ እይሬ አፎላ ሆልሳይያዋ ሂዋሳ። ታና ሞንፍሳናወን ታ ዋልቃ ሞንሰያዌ እት አሳይን ባዋ። ሞርኪ ጎቤዳ፤ ታ ናናቱን ሙላ አቱድና። ያጋወ።

17 ጽዮና ባረ ኩሽያ ሞጫዳ፤ ሸን እዞ ሞንፍሳናዋ ባዋ። እ የሹዋን ደእያዋንቱ እዞ ሞርካናዳን። ሙድና ጎዳይ ኦሌዳ። የሩሳላማ ኦንቱንጉቱ ግደን ቱናባ ግዳዳ።

18 እዛ ሀዋዳን ያጋወ፤ “ሙድና ጎዳይ ጽሉዋ፤ እ ቃላወ አዛዘተናን ማካሌዳና ታና። ህንተና። አሳቶ ኡባይካ ሰሰተ! ታ ሙቱዋካ በእተ። ታ ዋዳላቱን ታ ጌላዮቱ አሞደቲደ ቤድና።

19 ታን ታና ደሰያዋንታ ጸሳድ፤ ሸን ኦንቱንጉቱ ታና ጭማድና። ታ ቄሳቱ ነ ታ ጭማቱ ባረንቱ አካታ ሞንሳናወ ቁማ ከዱደ። ካታማ ግደን ሀይቄድና።

20 አቢት ሙድና ጎዳወ። ታ ዋይያ በእ! ታ ጋርሳይ ሻቢረቱዳ። ታን ሎይላ ማካሌዳ ድራወ። ታ ዋዛይያ ሙኤዳ። ካረን ማሻይ ወርሲ፤ ሰንካ ሀይቆ ጸላላይ ደኤ።

21 አሳይ ታን ዘላልያዋ ሰሴዳ፤ ሸን ታና ሞንፍሳናዋ እት አሳይን ባዋ። ታ ሞርከቱ ኡባይ ታን ሙቶትያዋ ሰሴድና፤ ኔን ኦሌዳባን ናሽቱድና። ኦንቱንቱካ ታናዳን ሀናና ማላ። ኦንቱንቱ ቦላ ኔን አዋዬዳ ጋላሳ እያ!

22 ኦንቱንቱ ኢታተላይ ኡባይ ነ ሰንሳ ጋኮ፤ ታ ናጋራ ኡባ ድራወ። ኔን ታና ሙሬዳዋዳን። ኦንቱንታካ ሙራ! እያወ ጎጥ። ታ ዘላሳይ ዳሬዳ፤ ታ ዋዛናይካ ሙኤዳ። ያጋወ።

## 2

### ጸሳይ የሩሳላመ ቦላ አሄዳ ሙራዋ (2:1-22)

1 ጎዳይ ባረ ሀንቁዋን ሻርያጥ ጋርሳና ጽዮና ዋት ዋሌዳ! እ እሰራኤልያ ፑላ ሳሉዋጥ ዱገ ሳኣ ኦሌዳ። እ ባረ ሀንቁዋ ጋላሳን ባረ ጌሻ ጎልያካ ቆጥቤና።

2 ጎዳይ ይሁዳን ደእያ ኬሳቱዋ ኡባ ቃረተናን ጳይሴዳ። ቃይ ባረ ሀንቁዋን ሄ ቢታ ጌሱዋ ኡባ ኮሌዳ። ሄ ካወተላኝ እ ካገጉቱዋ ሳኣን ደገ ዋሊደ ካወሸሴዳ።

3 ባረ ሱልያ ሀንቁዋን እሰራኤልያ ዋልቃ ኡባ ሙንፍሳናዋ። ሞርኪ እ ኦላናወ ይያ ዋደ። ጎዳይ ባረ ኡሸቻ ኩሽያ ኦንቱንጉቱ ቦላጥ ድጌዳ። ባረ የሹዋን ደእያዋ ኡባ ምያ ላጮትያ ታማዳን። ያቆባ ቦላ ኤጽ ከሴዳ።

4 ሞርክያዳን እ ባረ ዋንዳፍና ኦንቱንጉቱ ቦላ ዳሬዳ። ኡቁንያዋንቱዋዳን እ ባረ ኡሸቻ ኩሽያ ሞንሰይ። ጸልና ሎእያ አሳ ኡባ ዋዴዳ። ጽዮን ጎለቱዋ ቦላ ባረ ሀንቁዋ ሱሉዋ ታማዳን ጉሴዳ።

5 ጎዳይ ሞርክያዳን ሀኒደ። እሰራኤልያ ጳይሴዳ። እ ካትያ ጎለቱዋን ጌሱቱዋ ኡባ ኮሌዳ። ይሁዳ አሳ ቦላን ካዩዋን ዬኩዋ ጉጁዳ።

6 እ ባረ ጌሻ ጎልያ አታክልትያ ግደን ደእያ ዳሰያዳን። ሾድ ኦሌዳ። ላይላ ግደን ቦንቶያ ባላቱን ሳሞባታቱ ሙላ ደገታናዳን። ሙድና ጎዳይ ኦሌዳ። ባረ ዋልቃማ ሀንቁዋን ካትያን ቁሰያ ካዴዳ።

7 ጎዳይ ባረወ ያርሹዋ ያርሸያ ሳኣ እጹዳ፤ ባረ ጌሻ ጎልያካ ባሾዳ። ካትያ ጎለቱዋ ግሞቢያ ሞርከቱዋ ኩሽያን አሊደ እማዳ። አሳይ ላይላ ባላ ቦንቺደ ዋሰያዋዳን። ሞርከቱ ሙድና ጎዳ ጎልያን ዋሴድና።

8 ሙድና ጎዳይ ጽዮን ግሞቢያ ኮላናወ ቃቸዳ፤ እዞ ልክያ ዋደሩዋ ሞጩዳ፤ እዞ ጳይሰናን ደኤዳ። ባረ ኩሽያ ዛረና። ሄዋ ድራወ። ግሞቢን ጌሱ እትጥ ኩንዳናዳን ኦሌዳ።

9 የሩሳላመ ጥንግያ ሳንቃቱ ቢታን ዱገ ሞገቱድና፤ ኦንቱንቱ ኩልቦቱዋካ እ ሙንፍሳናዋ ጳይሴዳ። እ ካቲካ ካገጉቱ አሞደቲደ። ካወተላቱዋ ግደ ቤድና። ሀንያ ታማርሰያዋካ ባዋ፤ እዞ ትምቢትያ ኦድያዋንቶካ ሙድና ጎዳጥ ሳጸይ ይያዋ አጌዳ።

10 ጽዮን ጭማቱ ጮኤ ጊደ። ቢታን ኡት አጌድና፤ ባረንቱ ሁጲያን ባና ቆሊደ። ማቃካ ማዬድና። የሩሳላመ ዋደሮቱ ሳኣወ ዱገ ሆኬድና።

11 ታ እይሬ አፎጽ አፎጺደ ጀሌዳ፤ ታ ዋዛናይካ ካዩዋን ሻቢረቱዳ። እያወ ጎጥ። ታ አሳይ ጳይሴዳ፤ ጉላ ናናቱን ዪኦ ናናቱ ካታማ ኦግያን ላባኒደ ኩንዴድና።

12 ኦንቱንቱ ባረንቱ እዮቱዋ። “ቁማ እማ! ዋይንያ ኡሳ እማ!። ያጊደ ዋሲና። ካታማ ኦግያን ደሸቲደ ላባንያ አሳቱዋዳን ኦንቱንጉቱ ላባንና። ኦንቱንጉቱ እዮቱዋ ክወዋን ኦንቱንጉቱ ሸምፑ ከሴ።

13 ኔና። የሩሳላመ። ታን ነባ እይ ጋናወ ዳንዳያይታ? ዋይ ቃይ ነ ቆሁታ ታን እያና ልካናወ ዳንዳያይታ? ኔና። ደሰቱዳ ጽዮን። ቃይ ታን ኔና ዋታ ሞንፍሳናወ ዳንዳያይታ? ነ ማዲላይ እባ ኬሻ ጨዋ። ያትና። ኔና ኦን ፓሳናወ ዳንዳያይታ?

14 ነ ትምቢትያ ኦድያዋንቱ ነወ ዋርደን ፓፍ ሳዓ በኤድና፤ ኦንቱንቱ ኔን አሞዶ ቤና ማላ። ነ ናጋራ ቆንጭሲደ ኦድቤይክና። ኦንቱንቱ ባለሌያ ዋርደ ሳዓ ነወ በኤድና።

15 ነ ማታና ኦድያ ኡባይ ባረ ብራድና ነ ቦላን ዱኬ። ቃይ። “ቢታን ሳኦን ኡባፕ ኦጻኢደ ሎኦያ ካታማታ ሀኒ? ኩመንላ ቢታዉ ናሽቻ ጌተቴዳ ካታማታ ሀኒ?” ያጌደ ኔና ቅሊጩድና፣ ባረንቱ ሁጲያካ ቃሉና።

16 ነ ሞርከቱ ኡባይ ባረንቱ ዶና ነ ቦላ ዶዬድና፣ ቅሊጩድን ይሉዋን ባረንቱ ኦቻ ጋርጨደ። “ኡን ኦድ ጻይሴደ! ኡን ናጌዳ ጋላሳይካ ሀዋ፤ ሀኦ ጋኪደ በኤዳ!” ያጌና።

17 መድና ጎዳይ ባረ ሀልቸዳዋ ኦሌዳ፤ በን ዋደ ኦ ኦዋዬዳ ባረ ቃላካ ፖሌዳ። የሩሳላምዉ ቃረተናን ኦድ ኮሌዳ። ኦ ሞርከቱዋካ ናሽቸዳ፤ ኦድ ኡቁኔዳዋንቱ ዋልቃካ ቶቁ ቶቁ ኦሌዳ።

18 ኔና፣ ጽዮኔ፣ ጎዳኮ ነ ድርጎ ግምቢ ዋሶ! ነ ኦሪዳይካ ቃማን ጋላሰ ሻፋዳን ጎን! ኔን ኔና ሸምፕሶፓ፤ ነ ኦይድያዉካ ሸምፕዋ ኦዋፓ!

19 ደንዳ፤ ቃማ ደንዳደ ዋሳ። ጎዳ ሰንሳን ነ ዋዛና ሃላዳን ጉሳ። ኡግያ ዶናን ኡባን ኮሻቲደ። ላባኔዳ ነ ናናቱዋ ሸምፖ ነ ኩሽያ ኦድ ዩደ ደንሳደ ዋሳ!

20 ኦቦት መድና ጎዳዉ። በኦ! ኔን ኦ ቦላ ካሰ ሀዋዳን ኦላድንቶ፣ ኦን ቆፓ። ኦድቱ ባረንቱ ክዉዋን ኦሻልሲደ ድቸዳ ባረንቱ ናናቱዋ ሚኖ ጋይ? ቃይ ቁሳቱ ነ ናቦቱ ጎዳ ጌሻ ጎልያ ግዳን ሀይቁኖ ጋይ?

21 ጭማይን ናናይ ካታማ ግደ ኡግያ ባናን ግሴዳ፤ ታ ዋደሮቱን ታ ዋዳላቱ ማሻን ዉሬድና። ኔን ነ ሀንቁዋ ጋላሰ ኦንቱንታ ዋዳዳ፤ ኦንቱንቶ ቃረተናን ኦንቱንታ ሲፋዳ።

22 ግብራ ጋላሳዉ ኦሳ ጸሴያዋዳን፣ ኔን ታና ዳጋንሰያዋንታ ኡባ ሳፕ ጸሳዳ። መድና ጎዳ ሀንቁዋ ጋላሳን ከሰ ኦክ ፓጻ ኦቱዳዌ ኦቱን ባዋ። ታን ታ ክዉዋን ኦሻልሲደ ድቸዳ ናናቱዋ ኡባ ሞርኪ ዋድ ጻይሴዳ።

### 3

#### ብሮ ህደታይ ደኦያዋ ግዳሳ (3:1-66)

- 1 ጸሳ ሀንቁዋ ጋትማን መቱዋ በኤዳ ኦሳይ ታና።
- 2 ኦ ታና ላግ ከሲደ፣ ፖኡ ባይና ጳማዉ ኦፊዳ።
- 3 ኦ ዛር ዛሪደካ ጋላሳ ሙልያ ታና ሸጫናዉ ባረ ኩሽያ ታ ቦላን ደንሴዳ።
- 4 ኦ ታ ጋልባነ ታ ኦሽዋ ኡጭሴዳ፤ ታ መቀሳካ መንሴዳ።
- 5 ኦ ታና ድራዳ፤ መቱዋን፤ ዳቡራን ኦ ታና ዶዴዳ።
- 6 በን ኦይደንቶ ሀይቁዳ ኦሳዳን፣ ታና ጳማ ግደን ዋሴዳ።
- 7 ታን ከሰናዳን፣ ታ የሹዋ ድራዳ፤ ዴጾ ሳንሳላታንካ ታና ቃቸዳ።
- 8 ታን ኦ ጸሳዳ፤ ኦኩ ዋሰናካ፣ ኦ ታ ዋሳ ሰሰናን ኦጾዳ።
- 9 ታ ኡግያን ማሰቲዳ ሹቻ ዋሴደ ጎርዴዳ፤ ታ ኡግያካ ጌላዬዳ።
- 10 ኦ ታዉ ሙግያ ባባንሳ ማላ፣ ዋይ ቆሰቲደ ናግያ ጋመዋ ማላ ግዴዳ።
- 11 ኦ ታና ታ ኡግያፕ ከሰ ኦሊደ፣ ዱሰረሴዳ። ያቲደ ታና ኦሳይ ባይና ሳን የግ ባሼዳ።
- 12 ባረ ዋንዳፍያ ዳፊደ፣ ታና ዴካናዉ ማሌዳ።
- 13 ኦ ባረ ዋንዳፍያ ዳፊደ፣ ታ ዋዛና ኦይፍያ ጫዴዳ።
- 14 ታን ኦሳ ኡባዉ ሚቻን ጋላሳ ኩመንሳ ቦሪደ የጽያዋ ግደድ።
- 15 ኦ ታና ጫመዋን ኩንሴዳ፤ ቃይ ጎዳረ ኡሳዳን ጫምያ ጸኦ ኡሽደ፣ ታና ካልሴዳ።
- 16 ኦ ታ ኦቻ ኦንጩዋን መንሴዳ፤ ባና ግደን ኦ ታና የዴዳ።
- 17 ሳሩ ታፕ ሃኪዳ፤ ታን ኦንጎ ደኡዋ ደጋድ።
- 18 ሄዋ ድራዉ፣ ታን፣ “ታ ዋልቃይ ታፕ ክቸዳ፤ ታን መድና ጎዳን ህደታ ዋሴዳዌ ኡባይካ ጻዬዳ” ያጋድ።
- 19 ታ መቱዋን ታን ቶይላካትያዋ ሀሳይና፣ ደኡ ታና ጫማዳ።
- 20 ሄዌ ታን ኡባካ ደገናባነ ታ ሸምፕካ ካዮትያዋ።
- 21 ግደፕ፣ ታን ሀ ኦትባ ታ ዋዛናን ቆፕያ ዋደ፣ ታዉ ሰንሳናዉ ህደታይ ደኤ።
- 22 ሄዌን፣ መድና ጎዳ ኦንጎ ሲቁዋፕ ደንዳዳዋን ኡን ጻይቦኮ። ኦ ቃረታይካ ሙላ ዉር ኤረና፤
- 23 ኦንቱንቱ ዋንታ ዋንታ ኦራሳ። ኔን ሎይሳ ኦማንትያዋ።
- 24 ታን ታዉ፣ “መድና ጎዳይ ታና ጋኪዳ ሳማ፤ ሄዋ ድራዉ፣ ታን ኦን ህደታ ዋሳይ” ያጋድ።
- 25 ባረንቱ ህደታ ኦን ዋሰንታንቶን ኦ ኮይያዋንቶ መድና ጎዳይ ሎኦ።
- 26 ሄዋ ድራዉ፣ ኦሳይ መድና ጎዳይ ኦሽያ ኦሽዋ ዳንዳያን ናፕፕ ሎኦ።
- 27 ቃይ ኦሳይ ባረ ያላጋተሳን ደኤድ፣ ዳንዳያ ታማሮፕ ሎኦ።
- 28 መድና ጎዳይ መቱዋ ኦህያ ዋደ፣ ኦ ጮኡ ጌደ፣ ባረካ ኡት ኦን።
- 29 ኦ ባረ ሶምኡዋ ቢታ ጋሊደ ሀይዞ። ኡን ኤሪ፣ ኦዉ ሰንሳናዉ ህደታይ ደኤንቶን።
- 30 ኦ ባረ ሻይያ ባቂያዋ በሶ፤ ባረ ሞርከቱ ሸቂያ ሸቃካ ካሎ።

- 31 እያው ጎጥ፣ ጎዳይ እሳ መድናው ኦለና፤
- 32 እት ዋደ ካዩዋ አሆፕ፣ እ ባረ እገና ሲቁዋ ዳሩዋዳን ቃረቱ።
- 33 እያው ጎጥ፣ እ እሳ ቱጋይያዋን መቶይያዋን ናሸተና።
- 34 እ እሳ ካለልያዋንቱ ቃሸቱዳዋንታ ባረገቱ ገድያፕ ጋርሳ ባጋና የዴድና፤
- 35 ቃይ ኡባፕ ጾቁያ ጸሳ ሰንሳን እሳው ደእያ ማታ ድገና፤
- 36 ቃይካ ችሎታን ፕርዳ ገላዪና። ኡንቱንቱ ጎዳይ ሄዋ ኡባ በኤና ገደ ቆፒናየ?
- 37 ጎዳይ አዛዝበናዋ አዛዚደ፣ ፖልሳናው ዳንዳይያዋ ኦኔ?
- 38 ኢታባ ግድና ሎኦባ ግድናካ፣ ሃሳዪደ ፖልያዋ ኡባፕ ጾቁያ ጸሳ ግደኔየ?
- 39 ያትና፣ ኦን እሳ ግድያዋንቱ ኦ ናጋራ ድራው፣ እ ኦና ሙርያ ዋደ፣ እያው ዙዙሜቶ?
- 40 ሄዋ አገደ፣ እነ ኦ ኦግያ ፓጮይተን ቆርይተ፤ መድና ጎዳኮካ እነ ሰዋይተ።
- 41 እነ ኦ ዋዛናን ኦ ኩሽያ ሳሉዋን ደእያ ጸሳኮ ደንሐደ፣ ሀዋዳን ያጎይተ፤
- 42 “ኦን ኦና ቁዳ፤ ነው ማካሊደ፤ ኔንካ ኦው አቶ ጋባካ።
- 43 ነ ሀንቁዋን ኦና የደርሳዳ፤ ቃይ ኔን ኦው ቃረተናን ኦና ሲፋዳ።
- 44 ኦ ዋሳይ ኔኮ እ□ናዳን፣ ነ ሁጲያ ሻርያን ካማዳ።
- 45 እሳ ግድን ኦና ፕቶን ቡራ ኦሳዳ።
- 46 ኦ ሞርከቱ ኡባይ ኦ ቦላን ሃሳዪድና።
- 47 ኦን ዳጋሜዳን ግትያን ገሌደ፤ ባዬዳን ጳዬደ” ያጌቶ።
- 48 ታ እሳይ መቱዋን ጳዬዳ ድራው፣ ታ አይፊ ሻፋዳን አፎላ ጎጌ።
- 49 ታ አይፊ ሙሉ ዋደ አገናን አፎላ ትጌ።
- 50 መድና ጎዳይ ሳሉዋፕ ዲገ ጴሊደ በእና ጋካናው ሄዋ ሀኔ።
- 51 ታ ካታማን ደእያ ማጫ አሳቱዋ ኡባ ቦላን ጋኩዳዋ ታ አይፊ በኤዳ ዋደ፣ ታ ዋዛናይ ካዮቱዳ።
- 52 ጮ ታና ሞርከያዋንቱ ታና ካፋዋ ሻንካትያዋዳን ሻንካቱድና።
- 53 ኡንቱንቱ ታና ፓጾ ደእሸና ኡላን የገደ፣ ኦላ ደና ሹቻን ጎርዶድና።
- 54 ሃሳይ ኩሚደ፣ ታ ሁጲያና ጎግያ ዋደ፣ ታን ጳያድ ጋደ ቆፓድ።
- 55 አቤት መድና ጎዳው፣ ታን ጨማ ኦላ ግድን ደእደ ነ ሰንሳ ጸሳድ።
- 56 ታ ዋሱዋ ሰሳዳዳን ታን ኔና ዋሰያ ዋደ፣ ኔን ታው ሰሳዳ።
- 57 ታን ኔና ጴሴዳ ዋደ፣ ታኮ ሺቃደ፣ “ያዮፓ” ያገዳ።
- 58 አቤት ጎዳው፣ ኔን ታ ሞቱዋ ሞተታደ፣ ታና ዋዛዳ።
- 59 አቤት መድና ጎዳው፣ ኔን ታ ቱጋ በእዳ። ሄዋ ድራው፣ ታ ሞቱዋ ኔን ፕርዳ።
- 60 ኡንቱንቱ ሁሉዋ ከሳናው ታ ቦላን ማቀትያ ማቁዋ ኡባ በእዳ።
- 61 አቤት መድና ጎዳው፣ ኡንቱንቱ ታና ሸቁያ ሸቃን ታ ቦላን ማቀትያ ማቁዋ ኡባ ሰሳዳ።
- 62 ቃይ ታ ሞርከቱ ጋላሳ ኩሙካላ ታ ቦላን ዙዙሞያዋን ሳሱክያዋ ሰሳዳ።
- 63 በእ፣ ኡንቱንቱ ኡቲድን ኡቁደ፣ ታና ቦር ቦሪደ የጸና።
- 64 አቤት መድና ጎዳው፣ ኡንቱንቱ ኡጼዳ ኦሶ በሰያ ጋትያ ኡንቱንቶ ጭጋ!
- 65 ኡንቱንቱ ዋዛና ዳምሳ! ነ ሸቃይ ኡንቱንታ ጋኮ!
- 66 አቤት መድና ጎዳው፣ ኔን ኡንቱንታ ነ ሀንቁዋን የደርሳ፣ ሳሎቱዋፕ ጋርሳና ኡንቱንቱ ደኢያሳፕ ኡንቱንታ ጳይሳ!

4

የሩሳላመ ባሻ (4:1-22)

- 1 ጳልያ ዋርቃይ ባረ ማላ ዋኒደ ታሴዳ። ጌሻ ዋርቃይ ዋኒደ ማላ ጳዬደ። ጌሻ ጎሊ ኬጸቱዳ ሹቻይ ካታማቱዋ ኦግያ ኡባ ደናን ላለት ኡቱዳ።
- 2 ካሰ ቦንቼቱዳ ዋርቃ ላገ ግዶዳ ጽዮን ናናቱ ሀእ ኩሽያ ሃላይ ኡርቃፕ መዴዳ ሚሻ ማላ ግደድና።
- 3 ሀሪይ እቶ ዋራካናቱዋን ባረ ማራ ጳንጻው፤ ሸን ታ አሳይ ባዙዋን ደእያ ሶንጎያዳን፣ ባረ ናናቶ መቀሳ አቲዳ።
- 4 ሳሙዋ ጋሱዋን ጳምያ ናናቱዋ እንጸርሳይ ኮክያና ኦይቀቱዳ፤ ናናቱ ቁማ ዋሴድና፤ ሸን ኡንቱንቶ እምያዋ አቱነ ባዋ።
- 5 ካሰ ማልእያ ቁማ ጸላላ ሜዳዋንቱ ሀእ ኦግያ ደናን ኮሻን ወሪና፤ ቃይ ካሰ እሻሉዋን ድጩዳዋንቱ ሀእ ብድንሳ ቦላ ዛቆሊድና።
- 6 ታ እሳ ናጋራይ ኦ ኩሽን ቦቼናንን ቆፕናን አድ ዋዴዳ ሶደማ ካታማ እሳ ናጋራፕካ ዳሬዳ

7 ይሁዳ ካገቱ ካሰ ሻቻፕ አዲዳ ገሻነ ማገጥ አዲዳ ቦላ። ኡንቱንቱ ቦላይ ዘኦ እንቁፕፕ አዲዳ አርሳ፤ ኡንቱንቱ ማላይካ ሳምፐርያ ግያ አልኦ እንቁፕ ማላ።

8 ሸን ሀእ ኡንቱንቱ ሶሞኢ ሻጥ አዲዳ ካረዱዳ፤ አሳይ ኦግያን በእደ ኡንቱንታ ኤረና። ኡንቱንቱ ገልባይካ ኡንቱንቱ መቀላና ኦይቀቲደ፣ ምላዳን መሊደ።

9 ምያባ ጳዪደ፣ ሎዱ ጊደ፣ ኮሻን ሀይቁዳዋንቱፕ ኦላን ሀይቁዳዋንቱ ኪካ።

10 ታ አሳ ቦላን ዬዳ ባየሳ ጋሱዋን፣ ቃረትያ እየቱ ባረንቱ የሌዳ ናናቱዋ ደይሲደ፣ ባረንቶ ቁማ ከሲደ ሜድና።

11 መድና ጎዳ ሀንቁዋ ጸኦይ ኩሜዳ፤ እ ባረ ሱልያ ሀንቁዋ ትጌዳ። የሩሳላመ ካታማ ባሱዋና ሜዳ ታማ ኤሳ ከሴዳ።

12 ሀ ሳኦን ደእያ ካተቱዋፕ ዎይ ካውተላቱዋ ግደን ደእያ አሳፕ ኦን ሞርኪ የሩሳላመ ፐንግያና ገላና ጊደ አማንቤና።

13 ሸን ሀዌ ሀይዳዌ አ ናበቱነ አ ቁሳቱ ኦሌዳ ናጋራ ድራሳ፤ ቃይ ኡንቱንቱ ጽሎቱዋ ሱላ አ ግደን ጉሴዳ ድራሳ።

14 ኡንቱንቱ ቆቀ አሳዳን፣ ኦግያን ታታፊና፤ ቃይ ኡንቱንቱ ሱላን ቱይዳ ድራላ። ኡንቱንቱ ማየዋ ኦን ቦቻናዉ ኮየና።

15 ሄዋ ድራላ፣ አሳይ ኡንቱንታ፣ “ክቶተ! ሀንተ ቱና! ክቶተ! ኮና ቦቻንተተ!” ያጊደ ኡንቱንቱ ቦላ ዋሴዳ።

ያትና፣ ኡንቱንቱ ባቃቲደ ቶይላካቲዳ ዎደ፣ ካውተላቱዋ ግደን ደእያ አሳይ ኡንቱንታ፣ “ሀንተ ኮና ሀዋን ደእናዉ ዳንዳይክታ” ያጊድና።

16 መድና ጎዳይ ባረ ሀጺያን ኡንቱንታ ላሌዳ፤ እ ኡንቱንቶ ላኤንሳ ቆፕና። ኡንቱንቱ ቁሳቱ ካ ቦንቼትቦይክና፤ ኡንቱንቱ ጭማቱካ ናሽትቦይክና።

17 ኦ አይፊ ማዲዋ ደማናዉ ዬሊደ፣ ጮ መላ ዳቡራዳ። ኮና አሻናዉ ዳንዳየና ካውተላቱዋ፣ ኡንቱንቱ ያና ጊደ ዋቼደ።

18 አሳቱ ኦ ቃታማ ካልያ ድራላ፣ ኦ ካታማ ኦግያን ሄመታናዉ ዳንዳይቦይኮ። ኦ ወርሰላይ ማታቲዳ፤ ኦ ላይላይ ወሬዳ፤ ኦ ጳይያ ዎዲካ ጋኪዳ።

19 ኮና የደርሰያዋንቱ ሳሉዋና ፓልያ አርጋንሳፕካ አዲደ ኤሌሊና። ኡንቱንቱ ኮና ደርያ ሀጺያና የደርሴድና፤ ቃይ ባዙዋን ዙጊደ፣ ኮና ናጊድና።

20 መድና ጎዳይ ኦኪዳ ካትያ፣ ኦን ሲድያና ሸምፕያ ኦ ሸምፕያ፣ ኡንቱንቱ ባረንቱ ጳርያን ኦይቁድና። ኦን እ ኩዋ ጋርሳን ኡቲደ፣ ካውተላቱዋ ግደን ደእና ጊደ ቆፔደ።

21 ሀንተና፣ ኡጸ ኩታን ደእያ ኤደማ አሳቶ፣ ናሽትተነ ፖጩ ከተ። ሸን ሀንቁዋ ጸኦይ ሀንተተካ ጋካናዋ፤ ሀንተካ ማላቲደ፣ ካሎ አታና።

22 ሀንተና፣ ጽዮን አሳቶ፣ ሀንተ ባይዙዋ ሙሩ ፖላቲዳ። ሀዋፕ ሰንላን እ ሀንተና ኦሞዲዋን ዋጋና።

ሸን ኤደማ አሳቶ፣ ሀንተ ባይዙዋ እ ሙራና፤ ሀንተ ናጋራካ ቆንጭሳና።

### 5

#### ማርታ ደማናዉ ዋሳ (5:1-22)

- 1 እቤት መድና ጎዳዉ፣ ኦ ቦላ ጋኪዳዋ ኡባ ሀሳያ፤ ኮና ጸላ፤ ኦ ካወሻካ በእ!
- 2 ኦ ላታ ቢታይ አላጋቶ፣ ኦ ጎሊካ በተቶ አመቲዳ።
- 3 ኦን እዉ ሀይቁዳ ናናቱዋ ግዴደ፤ ኦ እየቱካ እምኤ ማጫ አሳ ግዴድና።
- 4 ኦ ኡሸያ ሃላዉ ሚሻ ጭጌቶ፤ ኡልያ ምሳካ ሻም አኪቶ።
- 5 ኮና የደርሰያዋንቱ ኦ ግንድያ ጸጸዋ ጋኪድና። ኦን ዳቡራደ፣ ሸን ሸምፕናዉ ዳንዳይቦይኮ።
- 6 ኦን ቁማ ካላና ጊደ፣ ግብጾ አሳቶን አሰረ አሳቶ ኩሸያ እሜደ።
- 7 ናጋራ ኦሌዳዋንቱ ኦ ማይዛ አዋቱዋ፤ ሸን ኡንቱንቱ ሀእ ደእክና። ኡንቱንቱ አካናዉ በሰያ ሙሩዋ አክያዋንቱ ኮና።
- 8 አይላቱ ኮና ሞድያዋንታ ግዴድና፤ ኡንቱንቱ ኩሸያፕካ ኮና ዎሳ አክያዌ እቱነ ባዋ።
- 9 ማሻን ዎድያዋንቱ ባዙዋን ደእያ ድራላ፣ ኦን ኦ ሸምፕዋ ሸንኮ ጊደ፣ ኦ ቁማ ደሜደ።
- 10 ኮሻይ ሱሊዳ ጋሱዋን ሀርግና፣ ኦ ጋልባይ ታማ ጮጭያዳን ምቼ።
- 11 ጽዮንን ማጫ አሳቱዋ፣ ይሁዳ ካታማቱዋንካ ዎደሮቱዋ ዎልቃን ኦይቁይ ባይዜድና።
- 12 ካገቱዋ አፊደ ካቁድና፤ ጭማቱካ ቦንቼትቦይክና።
- 13 ያላጋ አቱማ አሳቱ ዎጸን ጋጩድና፤ አቱማ ናናቱካ ዴጸ ምላ ቶኪደ ጋንድጋሬድና።

14 ጭማ አሳቱ ካታማ ፕንገን ፕርዳናዉ ኡትያዋ አጌድኖ፤ ያላጋ አቱማ አሳቱ የላ የጽያዋ አጌድኖ።

15 ኑ ዋዛናፕ ናሽቻይ ብ ክቼዳ፤ ኑ ዲሩሳይካ ዬኮ ላመቲዳ፤

16 ካላቻይ ኑ ሁጲያፕ ኩንድ ክቼዳ። ኑን ናጋራ ኦሌዳ ድራዉ። ኑዉ እየ እና!

17 ሄዋ ድራዉ። ኑ ዋዛናይ ዳቡሬዳ፤ ኑ አይፊካ ጋልጄዳ።

18 እያዉ ጎፕ። ጽዮን ደሪ መላ ግዴዳ፤ ዋራካናቱካ እን ሰመረቲኖ።

19 ሸን አቤት መድና ጎዳዉ። ኔን መድናዉ ካዉታሳ፤ ነ ካዉተላ አራታይካ የለታ ኡባ ጋካናዉ ደኤ።

20 ኔን ኑና እያዉ ኡባ ዋደ ደጋይ? ቃይ ሀዋ ኬሻ አዲሳ ዋድያ ኑና እያዉ አጋይ?

21 አቤት መድና ጎዳዉ። ኑና ኔኮ ዛራ፤ ኑንካ ሰማና! ኑ ዋድያካ በንዋዳን ዛራደ ኦራላ!

22 ኔን ኑና ኡባ መላ አጋዳየ? ነ ሀንቆካ ዛዋይ ባዌየ?



# ህዝቁላ ትምቢትያ ገሎቀ

ትምቢትያ እድያ ህዝቁላ የሩሳላሙ ክርስቶስ የለታጥ ካሰ፡ እኛሹ ጴጥነ ሆሰቸን ታማነ ኡሱቸን ላይላን ላለታናጥ ካሰነ ላለቲዳዋጥ ጉዩ፡ አሞዴዋን ባብሎንን ደኤዳ። እ ትምቢትያ ኦዴዳዌ ባብሎንን አሞዴዋን ደእያ አሳሳነ የሩሳላሙን ደእያ አሳሳ። ህዝቁላ ማጻፋው ኦዴዴ ክፍለቲ ደእኖ።

1. ጸሳ ፕርዳይ እሳ ቦላ ያናው ማቴዳዋን የሩሳላሙ ኦይቀትያን ላለትያ ዋዲ ጋኬዳዋ ምንሲደ ኤርሰያ ኪታ።
2. ጸሳይ ባረ እሳ ኡቁኔዳን ባለቲዳ ዳማ ዳማ ካውተላቲዋ ሙርይያዋ ግድያዋ እድያ ቃላቲዋ።
3. የሩሳላሙ ኩንደላጥ ስምና እስራኤልያ እሳ ምንግሳናው እመቲዳ ኪታን ሰንሳጥካ ሎኦ ካጫይ ጋካናው ደእያዋ እድያ ህደታ ቃላ።
4. ጌሻ ጎሊን እስራኤልያ ካውተላይ በን ባረ ሳኦ ስማናዋ ህዝቁላ ምስልያዳን በሴዳዋ። ህዝቁላ ዋልቃማ አማኑነ እስ ቆጥያ ዋዛናይ ደእያ አሳ። ሰንሳጥ ትምቢትያ እ ሳጸን በኤዳ። እ ኪታጥ ዳርያ ባጋይ ቆንጨ ግዴዳ ለምሶ ኦሱዋን ኦደቲዳ። ህዝቁላ አሳይ ባረ ግድ አሳተላን። ባረ ዋዛናን ባረ እያናን ኦራጸናው ኮሽያዋን አሳይ ኡባይ ባረ ናጋሪን ናጋሪን ኦሽታናው ደእያዋ ምንሲደ ኦዴዳ። ሄዋናካ ጉጂደ። አሳ ደኡ ኦራጸናው ደእያ ህደታ ቆንጭሴዳ። ህዝቁላ ቁሰን ትምቢትያ እድያዋ ግድያዋዳን። ጌሻ ጎልያባን ጌሻተላባ ዳማ ሀናታን ጴልያ አሳ እ ግድያዋ በሴዳ።

## ሸምጋቲዋ ኡባቶ እመቲዳ ቃንላ ቆፋቲዋ

1. ህዝቁላ ናበተላው ጴስቲሳ 1:1—3:27
2. የሩሳላሙ ቦላ ጸሳ ፕርዳ 4:1—24:27
3. አይሁዳ ግደና እሳ ቦላ ጸሳ ፕርዳ 25:1—32:32
4. ጸሳይ ባረ እሳው እሞ ህደታ 33:1—37:28
5. ጎጋ ቦላ ኦደቲዳ ትምቢትያ 38:1—39:29
6. ያናው ደእያ ጌሻ ጎልያን ቢታ ሳፃ 40:1—48:35

### ህዝቁላ ናበተላው ጴስቲሳ (1:1—3:27)

#### 1 ሀታማንላ ላይላን፡

ኦይደንልያ አግናን፡ እኛሽንልያ ጋላሳን፡ ታን ካባራ ሻፋን አሞደት ቤዳዋንቲ ግድን ደእሸን፡ ሳሎቲ ደየትና፡ ጸሳ ሳፃ በእድ።

2 ካቲ ዮኣኪን አሞደቶደጥ እኛሻንልያ ላይላን፡ ሄ አግናጥ እኛሽንልያ ጋላሳን፡

3 ባብሎን ቢታን ካባራ ሻፋ ማታን ደእያ ታኮ፡ ቡዛ ናኦ፡ ቁሰያ ህዝቁላኮ መጵና ጎዳ ቃላይ ዬዳ፤ ሄዋን መጵና ጎዳ ኩሺ ታና ሞዴዳ።

4 ታን ጴልያ ዋደ፡ ጎቲ ሁጲሳና ይያዋ በእድ፤ ዋልቃማ ፖኡ ዋልቃማ ሻርያ ዶድ ዋሴዳ፤ ሄ ሻርያ ግዴዋን ዋልቃንላይ ፖዡ ጌ። ዋልቃንላው ግድ ዋዛናይ ጴልያ ናሰያ ማላቲ።

5 ሄዋ ግድን ኦዴዳ ፓጸ መጋታቲ ደእኖ። ኡንቲንቲ አሳ ማላተና፤

6 ሸን ኡንቲንቲ እቶ እቶ ኦይዴ ኦይዴ ሰምኤን ኦይዴ ኦይዴ ቀፊ ደኤ።

7 ኡንቲንቲ ገዲ ስት ጌዳዋ፤ ኡንቲንቲ ገድያ ያቻይ ማሪ ገድያ ማላን ቁጨደ ጌሹዳ ናሰያ ብራታዳን ጸሌ።

8 ኡንቲንቲ ቀፍያጥ ጋርሳና ኦይዴ ባጋናካ አሳ ኩሽያ ማላትያ ኩሺ ደኤ። ሄ ኦይዳቶካ ዳሙን ቀፊ ደኤ።

9 ኡንቲንቲ ቀፊ እቲ እቲዋ ቦቼ፤ ኡንቲንቲ ኡባይካ ያነ ሃነ ስመናን ስት ጊደ ሰንሳው ቢኖ።

10 ኡንቲንቲ እቶ እቶ ሰንሳ ባጋና አሳ ሰምኤ ደኤ፤ ኡሸቻ ባጋና ጋሙዋ ሰምኤ ደኤ፤ ቃይ ሀድርሳ ባጋና ቦራ ሰምኤ ደኤ፤ ቃይ ጉዩ ባጋና አርጋንሳ ሰምኤ ደኤ፤

11 ኡንቲንቲ ሰምኤ ሄዋ ማላቲ። ኡንቲንቲ ቀፊ ቦላው ምጨት ኡቲዳ፤ ኡንቲንቲ እቶ እቶ ላኡ ቀፊ ላኡ ባጋናካ ሀንኮ መጋታ ቀፍያ ቦቼ፤ ቃይ ላኡ ቀፊ ኡንቲንቲ ቦላ ቦላ ካሜ።

12 ኡንቲንቲ ኡባይካ ስት ጊደ ሰንሳው ቤድኖ፤ ያነ ሃነ ስመናን፡ ጸሳ እያናይ ብያሳ ሀቃን ቢኖ።

13 ሀ ፓጸ ደእያ መጋታቲ ግድን እት ኤጽያ ታማ ቦንቁዋ ማላትያዌን ሰንሳውን ጉዩ ቃጽያ፡ ኤጽያ ጸምጥያ ማላትያዌ ደኤ፤ ሄ ታማይ ጸሌን እ ግድገካ ዋልቃንላይ ከሴ።

14 ሀ ገጽ መጠቀቱ ዋልቃንጻዳን፣ ሰንገላውን ገዮ ኤሌል ሰመረቲኖ።

15 ሀ ኦይዱ መጠቀቱ ታን ጸልሸን፣ ኤንቴንቴ ሞየ ባጋ ሳኒን ደለያ ይንግረትያዋንታ በእድ፤ እት እት መጠቀታ ሞየ ባጋን እት እት ይንግረትያዋ ደኤ።

16 ሀ ይንግረትያዋንቴ አልኦ ሹቻዳን ጸሊኖ፤ ኤንቴንቴ ኦይዱካ መላን ማላን እቱ እቱዋ ማላቲኖ። እት ይንግረላይ ላኤ ይንግረላ ግዲደ መጠቀቲዳ፤ እቱ እቱዋ ግዲዋና ካንሳ እቶዋ ማላቲኖ።

17 ኤንቴንቴ ብያ ዋደ ባረንቴ ሰንገላ ዛር ዋሌዳ ኦይዱ ባጋገ እቱዋኮ ሀቃዋ ግደገን ቢኖ፤ ሀ መጠቀታ ብያ ዋደ ይንግረትያዋ ዋራ ሰመረ።

18 ዋጋን ያሸያ ኦይዱ ይንግረላቱ ደኤኖ፤ ሄ ይንግረላቱዋ ጋጸ የሹዋ ኡባን ጸልያ አይፊ ኩሜዳ።

19 ሀ መጠቀታቱ ብያ ዋደ፣ ኤንቴንቴ ሞይያን ሀ ይንግረላቱ ጎንደረቲኖ፤ ሄ መጠቀታቱ ቢታገ ጉደ ደንድያ ዋደ፣ ሀ ይንግረላቱካ ደንዲደ ቢኖ፤ እያወ ጎገ፣ ሀ ደኤዋ እያናይ ይንግረላቱዋ ግደን ደለያ ድራሳ።

20 ደኤዋ እያናይ ብያ ሀቃን ሀ ይንግረላቱካ ደንዲደ ቢኖ፤ እያወ ጎገ፣ ሀ ደኤዋ እያናይ ይንግረላቱዋ ግደን ደለያ ድራሳ።

21 ሀ መጠቀታቱ ብያ ዋደ፣ ይንግረላቱካ ቢኖ፤ መጠቀታቱ ኤቂያ ዋደ፣ ይንግረላቱካ ኤቂኖ፤ ቃይ መጠቀታቱ ቢታገ ጉደ ደንድያ ዋደ፣ ይንግረላቱ ኤንቴንቴና እትገ ደንዲኖ። እያወ ጎገ፣ ደኤዋ እያናይ ይንግረላቱዋ ግደን ደኤ።

22 ሀ ገጽ መጠቀታቱ ሁጲያገገ ቦላ ባጋና ማሰቶቶያዳን ጸሊደ አይፍያ ጫድያ ሞጨቲዳ ሳሉዋ ጉፋንሱዋ ማላትያባይ ደኤ።

23 ሄ ጉፋንሱዋገገ ጋርሳ ባጋና ኤንቴንቴ ቀፊ ስት ገደ፣ እቱዋዌ እቱዋኮ ሞጨት ኡቲዳ፤ ቃይ ኤንቴንቴ ኡባወካ ኤንቴንቴ ቦላ ካምያ ላኤ ላኤ ቀፊ ደኤ።

24 ሀ መጠቀታቱ ገልያ ዋደ፣ ኤንቴንቴ ቀፍያ ገረሳይ ሃሳ ኩንሱዋ ጉንጻዳን፣ ቃይ ኡባ ዳንዳይያ ጸሳ ኮሻዳንን ጮራ ኦላንቻቱዋ ጫቡዋዳን ሀንያዋ ሰሳድ። ኤንቴንቴ ገሌዋ አገያ ዋደ፣ ባረንቴ ቀፍያ ሺሽ አኪኖ።

25 ኤንቴንቴ ባረንቴ ቀፍያ ሺሽ አኪደ፣ ሄ ሳኒን ኤቂደእሸን፣ ኤንቴንቴ ሁጲያገገ ቦላ ባጋና ደለያ ሄ ጉፋንሱዋ ማላትያዋ ቦላ ባጋገ ኮሻይ ዬዳ።

26 ሄ ጉፋንሱዋ ማላትያዋገገ ቦላ ባጋና ሳምፔርያ ግያ እንቁዋገገ መጠቀቲዳ ካወተላ አራታ ማላትያዋ ደኤ፤ ሄ ካወተላ አራታ ማላትያዋ ቦላ አሳ ማላትያዋ ኡቲዳ።

27 ታን አ በእያ ዋደ፣ አ ጸሳ ማላትያሳገገ ቦላ ባጋይ ታማን ቦንቄዳ ሳንይ ብራታዳን ጸሌ፤ ቃይ ጸሳገ ጋርሳ ባጋይ ታማ ማላቲኖ፤ አ የሹዋን ጸልያ ፖኤ ደኤ።

28 አ የሹዋን ጸልያ ፖኤ እራ ጋላሰ ሻርያን ኤቄዳ ዙሉዋ ማላቲኖ።

ሀዌ መጵና ጎዳ ቦንቹዋ ቆንጨላ ማላቲኖ። ሄዋ በኤዳ ዋደ፣ ቢታን ዳገ ጉፋናደ፣ እቱ ሃሳይያ ኮሻ ሰሳድ።

## 2

1 እ ታና ሀዋዳን ያጌዳ፤ “ላ አሳ ናአዉ፣ ደንዳደ ነ ገድያን ኤቃ። ነዉ ኦዳኖ” ያጌዳ።

2 አ ሃሳዬዳ ዋደ ጸሳ እያናይ ታ ግደ ገሊደ፣ ታና ታ ገድያን ኤሴዳ። አ ታዉ ኦድያዋካ ሰሳድ።

3 ሀዋዳን ያጌዳ፤ “ኔኖ አሳ ናአዉ፣ ታን ኔና እሰራኤልያ አሳኮ፣ ታ ቦላ ማካሊዳ ማካላንቻ ካወተላኮ ኪታይ፤ ኤንቴንቴክ ኤንቴንቴ እዋቲ ሆቻ ጋካናወካ ታ ቦላ ማካሊደ ደኤኖ።

4 ኤንቴንቴ ዋዛና ሙሙን ዬላይ ባይናዋንታ ግድያ ድራዉ፣ ታን ኔና ኤንቴንቴኮ ኪታይ። ባደ፣ ሓባ ዋድያ መጵና ጎዳይ ሀዋዳን ያጌ፣ ያጋ።

5 ኤንቴንቴ ማካላንቻ አሳ ግድያ ድራዉ፣ ኤንቴንቴ ሰሰናካ እጽናካ፣ ናቢ ኤንቴንቴ ግደን ደለያዋ ኤንቴንቴ ኤራና።

6 ኔኖ አሳ ናአዉ፣ ኤንቴንቴካ ኤንቴንቴ ቃላወካ ያዮገገ፤ ኮናይ ደለያን አጉንጻይ ነ የሹዋን ደለያዋ ግደገካ፣ ቃይ ሰጎቱዋ ግዲዋን ኔን ኡቶገካ፣ ያዮገ። ኤንቴንቴ ማካላንቻ አሳ ግድያ ድራዉ፣ ኤንቴንቴ ቃላወ ያዮገገ፤ ዋይ ኤንቴንቴ ሻቢረቶገ።

7 ኤንቴንቴ ማካላንቻ አሳ ግድያ ድራዉ፣ ሰሰናካ እጽናካ፣ ታ ቃላ ኤንቴንቴ ኦዳ።

8 “ሸን፣ አሳ ናአዉ፣ ታን ነዉ ኦድያዋ ሰሳ! ሄ ማካላንቻቱዋዳን፣ ኔንካ ማካላንቻ ግደገ፤ ነ ደና ደያደ፣ ታን ነዉ አምያዋ ማ” ያጌዳ።

9 ሃዋገገ ጉይያን፣ ታን ጸልያ ዋደ፣ ኩሽ ታኮ ሞጨት ኡቲዳዋ በኤድ፤ ሄ ኩሽያን ጸሳ ማጻፋይ ደኤ።

10 እ ታ ሰንገላን ሄ ጸላ ማጻፋ ብሊዳ፤ ሄ ጸላ ማጻፋን ላኤ ባጋናካ ዬኮ፣ ካዩ፣ ሴላ ዋሱ ጸፊት ኡቲዳ።

3

1 ቃይ እ ታዉ ሀዋዳን ያጌዳ፤ “ላ አሳ ናአዉ፡ ሄ ነ ሰንላን ደእያዋ ማ፤ ሀ ጸላ ማጸፋ ማ፡፡  
ባይ፡ እስራኤልያ አሳዉ ኦዳ” ያጌዳ፡፡

2 ታን ሀንጋይ፤ ታን ማናዳን፤ ጸላ ማጸፋ እ ታና ባርሴዳ፡፡

3 ታና፡ “ላ አሳ ናአዉ፡ ሀ ታን ኔና ባርሴያ ጸላ ማጸፋ ማ፤ ነ ኡሎዋ እን ኩንላ” ያጌዳ፡፡ ታን ምያ ዋይ፡ ታ ደናን ኤሳዳን ማልኤዳ፡፡

4 ሄዋፕ ሰሚደ፡ እ ታና ሀዋዳን ያጌዳ፤ “ኔኖ አሳ ናአዉ፡ ሀእ እስራኤልያ አሳኮ ባ፤ ታ ቃላ ኢንቱንቶ ኦዳ፡፡

5 ኔን ኪተቱዳዋ እስራኤልያ አሳሳፕ አትና፡ ድናይ ኤሪተናን ቃላይ ገለና ሃሳያይ እኩከተና አሳኮ ግደና፡፡

6 ቃይ ታንካ ኔና ኢንቱንቱ ቃላይ ገለና፡ ኢንቱንቱ ሃሳያይካ ኤሪተና ኢንቱንቱ ቃላ ኔን ኤራናዉ ዳንዳየና ዳር አሳኮ ኪታበይከ እላጋ ቢታ ቃላ ዳጸዋ ሃሳያይ ዳር አሳኮ ኪታበይከ፡፡ ቱሙ ታን ኔና ሄዋንቱኮ ኪታድታንቶ፡ ኢንቱንቱ ኔን ግያዋ ሰሳና ሸን!

7 እስራኤልያ አሳይ ታን ኦድያዋ ሰሳናዉ ኮየና ድራዉ፡ ኢንቱንቱ ኔን ኦድያዋካ ሰሰክና፡፡ እያዉ ሳፕ፡ ኩሙንላ እስራኤልያ አሳይ ሞርጊ ዞዛነ ዬላይ ባይናዋንታ ግድያ ድራዉ፡ ነ ኦድያዋ ሰሰክና፡፡

8 ሸን ታን ኔናካ ኢንቱንቱዋዳን ዋዛና ሞና ነ ዬላይ ባይናዋ አላና፡፡

9 ታን ኔና ያሻይ ባይና አሳ ኦላና፤ ዛላፕካ እጹ ሞና ከሳና፡፡ ኢንቱንቱ ማካላንቻ አሳ ግደፕካ፡ ኢንቱንቶ ያየፓ፤ ዋይ ኢንቱንቶ ዳጋዋፓ” ያጌዳ፡፡

10 ቃይ እ ታና ሀዋዳን ያጌዳ፤ “ላ አሳ ናአዉ፡ ታን ነዉ ኦድያ ቃላ ኡባ ምንሳደ ሀይዛነ ነ ዋዛናን ዋላ፡፡

11 ሀእ ደንዳ ባይ፡ ኦዋዳዋን ደእያ ነ አሳዉ ኦዳ፡፡ ኢንቱንቱ ሰሰና እጽናካ ኢንቱንቶ፡ “ኡባ ሞድያ ሙድና ጎዳይ ሀዋዳን ያጌ” ያጋይ ኦዳ” ያጌዳ፡፡

12 ሄዋፕ ጉይያን፡ ታና እያናይ ፑደ ደንሴዳ፤ “ሙድና ጎዳ ቦንቹ ደኢያሳፕ ደንድያ ዋይ” ታፕ ጉየና፡ ወልቃማ ኮሻ ሰሳደ፡፡

13 ቃይ ፓጸ ሙጋታቱ ቀሬ እቱ እቱዋና ሸጩትያ ኮሻይ፡ ኢንቱንቱ ሞይያን ደእያ ይንግርያዋ ኮሻና ጋከቲይ፡ ጉጉንላ ኮሻዳን ሀንያ ኮሻ ሰሳደ፡፡

14 ሄዋፕ ጉይያን፡ እያናይ ታና ፑደ ደንሴዳ፡ ሀራ ሳእ እጴዳ፡፡ ያትና፡ ታን ሙድና ጎዳ ዋልቃይ ታና ሞድ ደእሸን፡ ታ እያናን ጫመታደን ይሎታደ ባይ፡፡

15 ከባራ ሻፋ ማታን፡ ተል-አቢባን ኦዋደቱዳዋንቱኮ ጋካድ፡፡ ታን ሄዋን ዳጋማደ፡ ኢንቱንቱና ላፑን ጋላሳ ጋምእድ፡፡

ህዝቁል ዋቕያ አሳ ግዴዳ (ህዝ. 33:1-9)

16 ላፑንላ ጋላሳ ዉርሰላን ሙድና ጎዳ ቃላይ ታኮ ሀዋዳን ያጌደ ዬዳ፤

17 “ኔኖ አሳ ናአዉ፡ ታን ኔና እስራኤልያ አሳዉ ዋቕያዋ ኦላድ፡፡ ታ ደናፕ ከሰያ ቃላ ሰሴዳ ፓይዲዋ ኡባን፡ ኢንቱንቱካ ናገታናዳን ሴራ፡፡

18 ታን ናጋራንቻ፡ ቱሙዋ ኔን ሀይቃና፡ ያግያ ዋይ፡ ኔን ባይ እ ሴራና ቆየፕ፡ እ ሸምፑካ እታና ማላ፡ እ ባረ ናጋራ ኦግያፕ ሰማናዳን ኔን እ፡ “ኔና የኤ!” ጋና ቆየፕ፡ ሄ ናጋራንቻይ ባረ ናጋራን ሀይቃና፤ ሸን እ ሱላ ታን ኔፕ ጭገታና፡፡

19 ሸን ኔን ናጋራንቻ ሴርና፡ እ ባረ ናጋራፕ ዋይ ባረ ኢታ ኦግያፕ ሰሙናን እጸፕ፡ እ ባረ ናጋራን ሀይቃና፤ ሸን ኔን ነ ሁጲያ አሻና፡፡

20 “ቃይ ጽሎ አሳይ ባረ ጽሎተላፕ ጉየ ሰሚደ፡ ኢታ ኦልያ ዋይ፡ ታን እ ሰንላን ቆብያ ዋልና፡ እ ሀይቃና፡ እ ሰማናዳን ኔን እ፡ “ኔና የኤ!” ጋቤና ድራዉ፡ እ ባረ ናጋራን ሀይቃና፤ እ ካሰ ኦሌዳ ጽሎ ኦሱ ዛሪደ ቆፈተና፤ ሸን ታን እ ሱላካ ኔፕ ጭገታና፡፡

21 ቃይ ኔን ጽሎ አሳይ ናጋራ ኦግናዳን ሴርና፡ እካ ናጋራፕ ባረና ናገፕ፡ ቱሙ እ ፓጸ ደእና፡ እያዉ ሳፕ፡ እ ኔን ሴራዳዋ ሰሴዳ፤ ኔንካ ነ ሁጲያ አሻና” ያጌደ ዬዳ፡፡

ህዝቁል ጸሳይ ዲድሴዳ

22 ሄ ሳእን ሙድና ጎዳ ዋልቃይ ታና ሞዳዳ፤ ቃይ እ ታና፡ “ደንዳ፤ ዛንጋራ ባ፡ ነዉ ያን ኦዳና” ያጌዳ፡፡

23 ታን ደንዳይ፡ ዛንጋራ ባይ፡፡ ሄ ሳእን ካሰ ካባራ ሻፋ ማታን ታን በኤዳዋዳን፡ ሄዋን ሙድና ጎዳ ቦንቹ ኤቁዳዋ በእድ፤ ታን ታ ሰምኡዋ ቢታ ጋላደ ጉፋናድ፡፡

24 ሄዋፕ ጉይያን፡ እያናይ ታን ግደ ገለደ፡ ታና ታ ገድያን ኤሰደ፡ ታና ሀዋዳን ያጌዳ፤ “ባ፤ ነ ጎላ ባይ፡ ነ ቦላ ካርያ ጎርዳደ ኡታሻ፡፡

25 ኔኖ አሳ ናአዉ፡ ኔን ዋደሩዋን ቃሸታና፤ ኔን አሳኮ ከሳናዉ ዳንዳያካ፡፡

26 ቃይ ኔን ዱደ ግዳናዳንን ኡንቱንታ ሴረናዳን፣ ታን ነ እንጸርሳ ነ ኮክያና ጋላ ኦይላና። እያወ ሳፕ፣ ኡንቱንቱ ማካላንቻ አሳ።  
 27 ሸን ታን ነዉ ኡድያ ዎደ፣ ታን ነ ዶና ዶይና፣ ኔንካ ኡንቱንቶ፣ ሓባ ሞድያ መድና ጎዳይ ሀዎዳን ያጌ፣ ያጋና፣ ሰሰያ ኡን ሰሰ፣ ሰሰናን እጸያ ኡን እጸ። እያወ ሳፕ፣ ኡንቱንቱ ማካላንቻ አሳ።

### 4

#### የሩሳላመ ቦላ ጸላ ፕርዳ (4:1—24:27)

1 “ኔኖ አሳ ናአዉ፣ ኡርቃፕ መዴዳ ጸብያ አካደ፣ ነ ሰንሳን ዎላ፤ ያታደ የሩሳላመ ካታማ ሞሰልያ አ ቦላ መፋ።  
 2 እ ደዳ፤ ድርሳ ኡን ከሰ አከናዳ ድራ፣ ካታማ ግምቢያ የሹዋን ቢታ ደራ፤ ኦላንቻቱ ኤቂያሳ ገግሳ፤ ግምቢያ ላልያ ኦላ ሚሻ የሹዋን ገግሳ።  
 3 ቃይ ብራታ ባሽያ አካደ፣ ብራታ ጎዳዳን ኔፕን ካታማፕ ግዳዋን ኤሳ። ነ ሰምኡዋካ ሀንቁዋን አኮ ዛራ። ሄ ካታማይ ደደታና፤ ቃይ ደደዳዌካ ኔና። ሀዌ እሰራኤልያ አሳዉ ማላ ግዳናዎ።  
 4 “ሄዋፕ ጉይያን፣ እሰራኤልያ አሳዉ ሙሩዋ ማላ ግዳና ማላ ነ ሀድርሳ ሞይያን ግሳ። ኔን ነ ሀድርሳ ሞይያን ግሴዳ ጋላሳቱዋ ፓይዲዋ ኪሻ እሰራኤልያ አሳ ኡንቱንቱ ዋን ሙረታንንቶ በሳሳ።  
 5 ቃይ ኔን ግሳደ እሰራኤሊ ዎት ሙረታንንቶ በሳናዳን 390 ጋላሳ ነዉ እማድ። ሄ እት እት ጋላሳይ ኡንቱንቱ ሙረትያ እት እት ላይላና ቃራ።  
 6 “ሄ ጋላሳ ነ ዉርሴዳዋፕ ጉይያን፣ ቃይ ዛራደ ነ ኡሸቻ ሞይያን ይሁዳ አሳይ ዎት ሙረታንንቶ በሳናዉ ግሳ፤ እት እት ጋላሳይ እት እት ላይላ ሙሩዋና ቃራ ግድያ ድራዉ፣ ሄዎዳን ኡንቱንቱ ኦሌዳ ናጋራ ሙሩዋ ኦይታሙ ጋላሳ ኔን ግሳናዳን፣ ታን ነዉ እማድ።  
 7 ነ ሰምኡዋ የሩሳላመ ደደላኮ ሀንቁዋን ዛራደ፣ ነ ኩሽያ ደንላ ማንዳደ፣ የሩሳላመ ቦላ ትምቢትያ ኦዳ።  
 8 ሄ ደደላን ኔን ጋምእያ ጋላሳይ ዉራናዉ፣ እት ሞይያፕ ሀራ ሞይያዉ እፋ ዎቫናዳን፣ ታን ኔና ዎደሩዋን ቃቻና።  
 9 “ሀእ ኔን፣ ዛርጋን ባንጋ፣ ባኤላን ሞሰርያ፣ ማልዲዋን ሞርገ ሞላ አካደ፣ ካላ ዎሰያ እት ባላን ቆላደ፣ አፕ ነዉ ቁማ ካላደ፤ ሄዎ ኔን ሞይያን ግሰያ 390 ጋላሳ ማና።  
 10 ሀች ሀች ኔን ምያ ኡክላ ልካ፤ እካ 230 ግራምያ ዴጸያዎ ግደ፤ ሄዎ አ ዎድያን ዎድያን ማ።  
 11 ቃይ ኔን ሀች ሀች ኡሽያ ሃላካ ልካ፤ እካ ላኡ ቡርጩኮ ግደ፤ ሄዎ አ ዎድያን ዎድያን ኡሻ።  
 12 ሄ ዋላኬዳ ካላ ባንጋ ኡክላ ኡክያዎዳን ኡካ፤ አሳይ ጴልሸን፣ አሳ ዎራ ሼሻ መላ ኤላደ ኡካ፤ ያታደ ማ።  
 13 ሄዎ እሰራኤልያ አሳይ ታን ኡንቱንታ ላልያ ካዉተላቱዋ ግደን ደኢድ፣ ቱኔዳ ቁማ ማናዎ ማላታ” ያጌዳ መድና ጎዳይ።  
 14 ያትና፣ ታን ዛራደ ሀዎዳን ያጋድ፤ “ሀይ! ኡባ ሞድያ መድና ጎዳዉ፣ ሄዎ ሀናፕ! ታን ታና ቱንሳ ኤርከ። ታ ናአተላፕ ደማደ ሀች ጋካናዉ፣ ባኩታ ዎይ ባዞ ደኦይ ፑዚደ ዎዴዳዎ ማ ኤርከ፤ ቱኔዳ አሹ ታ ደናኮ ሸቅ ኤረና” ያጋድ።  
 15 እ ዛራደ፣ ታና ሀዎዳን ያጌዳ፤ “ዳር ሎእ፣ ያቶፕ፣ አሳ ዎራ ሼሻ መላን ኡክያዎ አጋደ፣ ሚዛ አሻ ከዌያን ነ ኡክላ ኡካሳ” ያጌዳ።  
 16 እ ቃይካ ሀዎዳን ያጌዳ፤ “ኔኖ አሳ ናአዉ፣ በእ፤ የሩሳላመ ካታማ ካሳ ገለናዳን፣ ታን ድጋና ሀናይ። አሳይ ካላ ሀርጊደ፣ ማኪደ ማና፤ ቃይ ሃላካ ያዩደ፣ ለኪደ ኡሻና።  
 17 ሄዎ ኡንቱንቶ ደኢያ ካላይን ሃላይ ዉራና፤ ኡንቱንቱ እቱ እቱዋ፣ ‘ፖራ’ ጊደ ጴላና፤ ኡንቱንቱ ባርንቱ ናጋራ ሙሩዋን ግልቃና።

### 5

#### የሩሳላመ ቦላ ይያ ባሻ ማላታ

1 “ኔኖ አሳ ናአዉ፣ ቃራ ማሻ አካደ፣ ነ ሁጲያን ነ ቡቻ ሁጲያ ገገሰያዋንቱ ሞላጭያዳን እን ሚዳ። ያታደ ሚዛናን ልካደ፣ ነ ብናና ሄዙ ከሳደ ሻካ።  
 2 ኔን ድድያ ዎዲ ዉርያ ዎደ፣ ነ ሻኪዳ ብናናዉ እት ኩሽያ የሩሳላመ ካታማ ሞሰልያዉ ግዲዋን ታማን ጸጋ። ላኤንሶ ኩሽያ ካታማ የሹዋን ኡባን ማሻን ቃንጸራፋ። ሄዘንሶ ኩሽያ ቃይ ጫርኮ ላላ፤ እያዉ ሳፕ፣ ታን ኡንቱንታ ማሻን የደርሳና።  
 3 ቃይ ሄዋፕ ጉላ ብናና አካደ፣ ነ ማዩዋ ጴራን ቃቻ።

4 ሄ ኔን ቃቼዳዋጥ ጉላ እካደ፡ ታማን ኦላደ ጹጋ። ሄዋን ደሜዳ ታማይ እስራኤልያ አሳ ኡባ ጋካናዋ” ያጌዳ።

5 ኡባ ሞድያ መጅና ጎዳይ ሀዋዳን ያጌ፤ “ሀዋ የሩሳላመ ካታማ፤ ታን ቢታቱዋ እዝ የሹዋን ዋሳደ፤ ካወተላቱዋ ኡባዉ ግደ ጉልእን እዝ ዋሳድ።

6 ሸን እዛ ባረ ኢታ ኦሱዋን፡ ባረ የሹዋን ደእያ ቢታቱዋጥን ካወተላቱዋጥ ያ ኢታደ፡ ታ ሀግያን ታ ዋጋ ናገናን እጸዱ፤ ቱሙካ እዛ ታ ሀግያዉ ማካላዱ፤ ታ ዋጋካ ካለናን እጸዱ” ያጌ።

7 ሄዋ ድራዉ፡ ኡባ ሞድያ መጅና ጎዳይ ሀዋዳን ያጌ፤ “ሀንተንቱ ሀንተ የሹዋ ካወተላጥ እሊደ መቱዋ መጴድታ፤ ታ እዛዙዋ ካለናን ታ ዋጋ ናገናን እጸድታ። ሀራይ እቶ ሸን ሀንተንቱ የሹዋን ደእያ ካወተላቱዋ ዋጋካ ናግበይክታ” ያጌ።

8 ሄዋ ድራዉ፡ ኡባ ሞድያ መጅና ጎዳይ ሀዋዳን ያጌ፤ “ኔና፡ የሩሳላመ፡ ታን ነዉ ሞርከ፤ ሀራ ካወተላቱ ኡባይ በእሸና፡ ነ ቦላ ታ ፕርዳ አሀር።

9 ኔን ታን እጸያ ኤቃ ጎይና ኡባ ኡሌዳ ድራዉ፡ ታን ሀዋጥ ካሰ ሀንቤናዋ፡ ቃይ ሀዋጥ ሰንሳዉካ ሀንና ፕርዳ ነ ቦላ አሀር።

10 ሄዋጥ ደንዴዳዋን፡ ሀንተ ግደን አዋቱ ባረንቱ ናናቱዋ ማና፤ ቃይ ናናቱካ ባረንቱ አዋቱዋ ማና፡ ታን ሀንተ ቦላ ፕርዳ አሀር፤ ሀንተጥ እቱዳዋንታካ ኦይዱ ጫርኩዋ ሚዛና ኡባዉ ላላና።

11 “ሄዋ ሞድዉ፡ ታን ኡባ ሞድያ መጅና ጎዳይ ታ ደኡዋይ፡ ሀንተ ሀንተ ሸንይያ ኤቃቱዋን ቱና ኦሱቱዋን ታ ጌሻ ጎልያ ቱንሴዳ ድራዉ፡ ታንካ ሀንተና ቡላ ጳይሳና። ሀንተዉ ቃረትከን ሀንተጥ እቱዋን እሸከ።

12 ነ አሳጥ እት ከሺ ካታማ ግደን ኢታ ሀርግያን ዋይ ኮሻን ሀይቃና፤ ላኔንሶ ከሺ ካታማጥ ካረና ኦላን ማራና፤ ቃይ ሄዘንሶ ከሸያ ታን ኦይዱ ጫርኩዋ ሚዛናዉ ኡባዉ ላላደ፡ ኡንቱንታ ማሻን የደርሳና።

13 “ታ ይሱ ዉራና፤ ታን ኡንቱንቱ ቦላ ሀንቀቱዳ ሀንቀካ ኤቃና፤ ያቶጥ ታ ሀንቀ ደቻና፡ ታን ኡንቱንቱ ቦላን ሀንቀቱዳ ሀንቀዋ ዉርሰያ ዋይ፡ ታን መጅና ጎዳይ ቃናትያን ሃሳዬዳዋ ኡንቱንቱ ኤራና።

14 “ሀንተንቱ የሹዋን ደእያ ካወተላቱዋ ግደን ሀንተ ማታና ኦይያ ኡባ ሰንሳን ታን ሀንተና ባዙዋን ቅለጭያዋ ኦሳና።

15 ታን ሀንተና ታ ሀንቀዋን፡ ታ ይሉዋንን ቃረታይ ባይና ሴራን ፕርድያ ዋይ፡ ሀንተ ሀንተ የሹዋን ደእያ ካወተላቶ ቅለጭን ሸቃዉ፡ ሀንተና በኤዳ አሳዉ ናገትያባን ዳጋምያባ ግዳና። ታን መጅና ጎዳይ ሀዋ ኦዳድ።

16 ታን ሀንተ ቦላ ዋድያን ጳይሰያ ኮሻ ዋንዳና ዱክያ ዋይ፡ ሀንተና ጳይሳናዉ ዱካና፡ ሀንተዉ ኮሻ ያ ዳ ደርሳና፤ የሩሳላመ ካታማ ካሳይ ገለናዳን፡ ታን ድጋና።

17 ታን ኮሻን ባዙ ደእ ሀንተ ቦላ የድና፡ ኡንቱንቱ ሀንተ ናናቱዋ ጳይሳና፡ ታን ኢታ ሀርግያ፡ ሱላ ጉሰያዋን ኦላ ሀንተ ቦላ አሀር። መጅና ጎዳይ ሀዋ ኦዳድ” ያጌ።

### 6

#### ጸሓይ ኤቃዉ ጎይንያዋ ፕርዳዳ

- 1 መጅና ጎዳይ ቃላይ ታኮ ሀዋዳን ያጌደ ዬዳ፤
- 2 “ኔና አሳ ናእዉ፡ እስራኤልያ ዘዙቱዋኮ ነ ሰምኤዋ ደረቃን ዛራደ፡ ኡንቱንቱ ቦላ ትምቢትያ ኦዳ።
- 3 ሀዋዳን ያጋ፡ ሀንተና፡ እስራኤልያ ዘዙቶ፡ ኡባ ሞድያ መጅና ጎዳይ ቃላ ሰሰተ! ኡባ ሞድያ መጅና ጎዳይ እስራኤልያ ዘዙቶን ከራቶ፡ ቡቡሀቶን ዛንጋራቶ ሀዋዳን ያጌ፤ በእተ፡ ታን፡ ታ ማሻ ሀንተ ቦላ የዳና፤ ቃይ ሀንተ ኤቃ ጎይንያ ሳኣካ ጳይሳና።
- 4 ሀንተ ያርሽያ ሳኣቱ ኮለተና፤ ቃይ ሀንተ እጻና ጩዋይያ ሚሻቱካ መኤረታና፡ ታን ሀንተ አሳ ሀንተ ኤቃቱዋ ሰንሳን ዋዳና።
- 5 ታን እስራኤልያ አሳ አሃ ኡንቱንቱ ኤቃቱዋ ሰንሳን ግሰሳና፤ ሀንተ መቀላካ ሀንተ ያርሽያ ሳኣቱዋ የሹዋን ላላና።
- 6 ሀንተ ደእያ ሳን ኡባን፡ ሀንተ ካታማቱን ሀንተ ጎይንያ ሳኣቱ ኮለተና። ሄዋዳንካ ሀንተ ያርሽያ ሳኣቱ ቱናናን ላለታና፤ ሀንተ ኤቃቱ መኤረታናን ጳይሳና፤ ሀንተ እጻና ጩዋይያ ሳኣቱካ መኤረት ዋዳና፤ ሀንተ ኡሌዳ ኦሱ ኡባይ ፕተት ጳይሳና።
- 7 ሀንተ አሳይ ሹከተደ፡ ሀንተ ግደን ከንዳና። ታን መጅና ጎዳይ ግድያዋ ሀንተ ሄዋን ኤራና።
- 8 “ ታን ሀንተጥ እማራዳዋንታ ፓጻ አሻና፤ ማሻጥ እቱዳዋንቱ ቢታን ካወተላ ግደን ላለታና።
- 9 ማሻጥ እቱዳዋንቱ ያን አሞዳዋን ደእና። ያን ደእያ ዋይ፡ ኡንቱንቱ ታና ሀሳያና፤ ቃይ ዋሹምያ ዋዛናን ባረንቱ አይፍያን ኤቃ ጎይናዉ ጉየ ሰምያዋን፡ ኡንቱንቱ ታ ዋዛና መንጫዳዋ ሀሳያና።

ኢንቴንጌ ባረንጌ ኦሎዳ ኢታ ኦሎፕፕን ኢንቴንጋ ዬላይያ ሀሮታፕ ደንዴዳዋን፣ ባረና ባረ ሁጲያው ሻታና።

10 ቃይ ታን መድና ጎዳ ግድያዋ ኢንቴንጌ ኤራና። ታን ኢንቴንጌ ቦላ ኢታባ አሀና ጌዳዌ ጮ መላ ባብሱዋ ግደና።” ያጌ።

11 ኡባ ሞድያ መድና ጎዳይ ታና ሀዋዳን ያጌ፤ “ላ ብራድያ ሀንቁዋን ጸርሳ! ይሉዋን ነ ገድያንካ ቢታ ቃካ! ቃይ ሀዋዳን ያጋ፤ ‘አሰራኤልያ አሳ ሸጌያ ኦሶ አየ አና!’” ያጋ። አያው ጎፕ፣ ኢንቴንጌ ኦላን፣ ኮሻንካ ኢታ ሀርግያን ዉራና።

12 ሃኩዋን ደአያዌ ኢታ ሀርግያን ሀይቃና፤ ማታን ደአያዌ ኦላን ሀይቃና፤ ቃይ ፓጸ አቴዳዌ ኮሻን ሀይቃና። ሃዋዳን ኦላይ፣ ታን ታ ሀንቁዋ ኢንቴንጌ ቦላ ዉርሳና።

13 ኢንቴንጌ አሳ አሃይ ኢንቴንጌ ኤቃቱዋ ግዲዋ ኡባን፣ ኢንቴንጌ ያርሽያ ሳ ዩሹዋ ኡባን፣ ጶቃ ዘዘቱዋ ቦላን ደረቱዋ ኪክያ ኡባ ቦላን፣ አርጸ ምላ ጋርሳ ኡባን፣ ዳር ቦንጪ ደአያ ኡላ ጋርሳ ከባን፣ ባረንጌ ኤቃቶ ሳዊያ ያርሹዋ ጸጌዳ ሳኣ ኡባን ኮንዴዳ ዋይ፣ ኢንቴንጌ ታን መድና ጎዳ ግድያዋ ኤራና።

14 ቃይ ታን ታ ኩሽያ ኢንቴንጌ ቦላ ምጫይ፣ ኢንቴንጌ ደአያ ቢታ ኡባ፣ ገድሳ ባጋ ባዘዋፕ ቢደ ሁጲሳ ባጋ ርብላ ግያ ካታማ ጋካናው፣ መላ ኦላና። ታን መድና ጎዳ ግድያዋ ኢንቴንጌ ሃዋን ኤራና ያጌ ያጋ” ያጊደ ዬዳ።

# 7

## አሰራኤልያ ዉርሰሳይ ጋኪዳ

1 መድና ጎዳ ቃላይ ታኮ ሀዋዳን ያጊደ ዬዳ፤  
2 “ኔኖ አሳ ናኣው፣ ኡባ ሞድያ መድና ጎዳይ አሰራኤልያ ቢታዉ ሀዋዳን ያጌ፤ ‘ዉርሰሳ በአተ! ኡባ ባጋና ቢታ ቦላን ዉርሰሳይ ጋኪዳ።

3 ሃኩ፣ ዉርሰሳይ ሀንተ ቦላ ጋኪዳ! ታን ታ ሀንቁዋ ሀንተ ቦላ የዳና። ታን ሀንተ ኦሎዋዳን፣ ሀንተ ቦላ ፕርዳና፤ ሀንተ ቱና ሀሮታዳን፣ ታን ሀንተና ሙራና።

4 ታን ሀንተዉ ቃረትከነ ሀንተፕ አቴዋን አሸከ። ሀንተ ኢታ ኦሎዋ ድራዉካ ሙራና፤ ሀንተ ግዲዋን ደአያ አጸቴዳ ኤቃ ጎይቲዋካ ቆንጭሳና። ታን መድና ጎዳ ግድያዋ ሀንተ ሃዋን ኤራና’ ያጌ።

5 “ኡባ ሞድያ መድና ጎዳይ ሀዋዳን ያጌ፤ ባሻ! ባሻ ቦላን ባሻይ ዬ።  
6 ዉርሰሳይ ጋኪዳ! ዉርሰሳይ ጋኪዳ! አ ሀንተ ቦላን ደንዴዳ። በአተ፣ አ ጋኪዳ!

7 ሀ ቢታን ደአያዋንቶ፣ ሀንተ ፕርዳይ ጋኪዳ፤ ዋዲ ጋኪዳ፤ ጋላሳይ ማታቴዳ! ሃዌ ሻቢርሳ ጋላሳፕ አትና፣ ዘዝያ ቦላን ናሽቻን አልልያ ጋላሳ ግደና።

8 ሀአ ማታን ታን ታ ሀንቁዋ ሀንተ ቦላ ጉሳና፤ ታ ይሉዋካ ሀንተ ቦላን ዉርሳና። ታን ሀንተ ኦሎዋዳን፣ ሀንተ ቦላ ፕርዳና፤ ሀንተ ቱና ሀሮታዳን፣ ሀንተና ሙራና።

9 ታን ሀንተዉ ቃረትከነ ሀንተፕ አቴዋን አሸከ። ሀንተ ኢታ ኦሎዋ ድራዉካ ሙራና፤ ሀንተ ግዲዋን ደአያ ኤቃ ጎይቲዋካ ቆንጭሳና። ያቶፕ ሀንተ ሀንተና ሸጩዳዊ ታና መድና ጎዳ ግድያዋ ኤራና።

10 “ ሃኩ ጋላሳይ! ሀዌሽ ጋኪዳ! ሀንተ ባየሳይ ሀንተ ፕንግያ ጋኪዳ! ሀንተ ኢታተላይ ኩኩሜዳ፤ ሀንተ ኦቶሩካ ጪሼዳ።

11 ማካላ ጋሱዋን ኢታ ኦሎ ዳራዳ፤ ኢንቴንጌፕ አቴነ አተና፤ ኢንቴንጌ ጮራተላፕ፣ ዋይ ኢንቴንጌ ዲረተላፕ፣ ዋይ ኢንቴንጌ ቦንቹዋፕ አይነ አተና።

12 ዋዲ ጋኪዳ፤ ጋላሳይካ ማታቴዳ! ሀንቁ አሳ ኡባ ቦላና ግድያ ድራው፣ ሻምያዌ ናሽቶፖ፤ ዋይ ዛልአያዌካ ካዮቶፖ።

13 ኢንቴንጌ ላኡ ፓጸ ደአያ ዋድያን፣ ዛልኤዳዌ ባረ ዛልኤዳዋ ጉየ ሰመና። አራኤልያ አሳ ኡባ ቦላ ኦደቴዳ ሀ ሳጸይ ላመተና፤ ኢንቴንጌ ናጋራፕ ደንዴዳዋን ኢንቴንጌፕ አቴነ ባረ ሸምፑዋ አሸና።

14 ታ ሀንቁ አሳ ኡባ ቦላ ደአያ ድራው፣ ኢንቴንጌ ኦላዉ ኡልቱዋ ፑኒደ፣ ኡባባ ጊገሶፕካ፣ ኦንነ ኦላዉ ከሰና።

## አሰራኤልያ አሳ ናጋራ ጋሱዋን ይያ ሙሩዋ

15 “ ሳኪና ኦላይ፣ ሰና ኢታ ሀርጊነ ኮሻይ ደኤ። ካታማፕ ጋጸን ደአያዌ ኦላን ሀይቃና፤ ካታማ ግድን ደአያዋንቱ ኮሻንካ ኢታ ሀርግያን ዉራና።

16 ኢንቴንጌፕ አቴዳዋንቱ፣ ደምባ ጋድያፕ ያሻን ባቃቴዳ ሀራጸቱዋዳን ባረንጌ ናጋራ ጋሱዋን ደርያ ቦላን ኦላና።

17 ኩሽያ ኡባይ ደንጭላና፤ ጉልባታይ ኡባይ ኮልድና ያሻን ሙሻና።

18 እንቱንቱ ማቃ ማያና፤ ቃይ ያሻን ኮኮራና። እንቱንቱ ኡባ ሶምኢካ ዬላ ማያና፤ እንቱንቱ ኡባ ሁጲካ ሜደታና።

19 እንቱንቱ ባረንቱ ብራ ኦግያን ኦላና፤ እንቱንቱ ዋርቃይካ ቱናባ ግዳናዋ። ኤጾያ መድና ጎዳ ሀንቁዋ ጋላስ። እንቱንቱ ብራይን እንቱንቱ ዋርቃይ እንቱንታ አሻናዉ ዳንዳየና። እንቱንቶ ጳብ ግዳደ። ናጋራን ገልሴዳ ብራይን ዋርቃይ እንቱንቱ ኡሉዋ ኩሚደ። እንቱንታ ኮሻፕ አሸና።

20 “ እንቱንቱ ባረንቱ ሎኦ አሌቁዋን ኦቶረቲድና፤ ሄዋንታ ባረንቱ እጻቴዳ ቱና ኤቃን ዬላይያ ሞሰልያ መጻፍዉ ጎኤቲድና። ሄዋ ድራዉ። ታን ሄ ሎኦ አሌኤቁዋ እንቱንቶ ቱናባ ከሳድ።

21 ታን እንቱንቱ እሌቁዋ ኦሞዱዋ ኦላደ። አላጋዉን ቢታ ኡባን ደእያ ኢታቶ አላደ እምና። እንቱንቱ እ ቱናባ ከሳና።

22 ሄ ዋደ ታን ታ ሶምኡዋ ዋራ ዛራና፤ ቃይ ታ ቦንቾ ጌሻ ጎልያ ፓንጋቱ ገሊደ ቱንሳና።

23 “ ሱረ ፕርዳ ጳዩሳን። ቢታይ ኡባይ ሱላን ኩሚደ ድራዉን ካታማይካ ማካላ ኦሱዋን ኩሚደ ድራዉ። ሳንሳላታ ገግሳ።

24 እንቱንቱ ጎለቱዋ ባረሳ ኦላና ማላ። ታን ኡባፕ ኢታ ካዉተላ እሀና። ዋልቃማቱዋ ኦቶራዋካ ታን ጳይሳና፤ እንቱንቱ ጌሻ ሳአቱካ ቱናና።

25 ዳጋማይ ይያ ዋደ። እንቱንቱ ሳሩዋ ኮያና፤ ሽን ደምክና።

26 ባሻይ ባሻ ባሻ ሰላ። ቃይ ኢታ ኦዱ ኢታ ኦዱዋ ቦላ ያና። እንቱንቱ ትምቢትያ ኦድያዋ። “ነ ሳዓ ኦዳ” ያጋና። ቁሳቶ ታማርሱያ ትምርቲ ጳያና፤ ጭማቶካ ዞርያዋ ጳያና።

27 ካቲ ዬካና፤ ካፑ ሀይታ ቃንጻና፤ ሄ ቢታ አሳ ኩሺ ያሻን ኮኮራና። ታን እንቱንቶ እንቱንቱ ኦሱዋዳን ኦላና፤ እንቱንቱ ፕርዳዳን። እንቱንቱ ቦላ ፕርዳና። ታን መድና ጎዳ ግድያዋ እንቱንቱ ሄዋን ኤራና ያጌ” ያጌደ ዬዳ።

# 8

## ጌሻ ጎልያን ኤቃ ጎይና (8:1—10:22)

1 ኦን ኦሞደቲዳ ኡሱፑንጎላ ላይላን። ኡሱፑንጎላ አግናን። እቼሻንጎላ ጋላሳን። ታን ታ ሶን ኡት ደእሸን። ይሁዳ ጭማቱካ ታ ሰንጎን ኡት ደእሸን። ኡባ ሞድያ መፕና ጎዳ ዋልቃይ ታና ሞዴዳ።

2 ታን ትሽ ኡዳደ ዪልያ ዋደ። አሳ ማላትያዋ በኣድ፤ አዉ ዪሳፕ ጋርሳ ባጋ ማላትያ ሳአይ ታማ ማላቲ፤ ቃይ ዪሳፕ ቦላ ባጋ ማላትያ ሳአይ ጸልያ ናሲያ ብወታ ማላቲ።

3 እ ኩሽያ ማላትያዋ ታኮ የዲደ። ታ ሁጲያ ብናት ኦይቁዳ። እያናይ ታና ሳአፕን ሳሉዋፕ ግደ ፑደ ደንላደ። ጸሳ ሳጸን ታና የሩሳላሙ አፊዳ። ሁጲሳ ባጋና ጌሻ ጎልያ ግደ ዳባባ ገልያ ፕንግያና ገልሲደ። ጸሳ ቃናትያ ደን፤እያ ኤቃይ ኤቁዳዋ በሴዳ።

4 ካሰ ታን ካባራ ሻፋ ማታን ሳጸን በኤዳዋዳን። አሰራኤልያ ጸሳ ቦንቾዋ ሄዋን በኣድ።

5 ሄዋን እ ታዉ ሀዋዳን ያጌዳ፤ “ኔና አሳ ናአዉ። ሁጲሳ ባጋ ዪላ” ያጌዳ። ታን ዪልያ ዋደ። ጸሳ ቃናትያ ደን፤እያ ኤቃ ሞሰልያ ሰንጎን ደእያ ያርሽያ ሳ ማታን ደእያዋ በኣድ።

6 ቃይካ እ ታዉ ሀዋዳን ያጌዳ፤ “ኔና አሳ ናአዉ። እንቱንቱ ኦላያዋ በአይ? ታና ታ ጌሻ ጎልያፕ ሃሳዉ አሰራኤልያ አሳ ባጋና ኦላያ ዋልቃማ እጸትያ ኤቃ ጎይኑዋባ በአይ? ሄዋፕካ እድያ ኢትያ ኤቃ ጸሳቱዋ ጎይና ኔን ብር በአና” ያጌዳ።

7 ሄዋፕ ጉይያን። ታና ጌሻ ጎልያ ዳባባ ፕንገ አሄዳ፤ ሄኮ ታን ዪልያ ዋደ። ጎዳን ጸኢ ደእያዋ በኣድ።

8 እ ታና። “ላ አሳ ናአዉ። ጎዳ ቦካ” ያጌዳ፤ ታን ቦክያ ዋደ። እት ፕንገ ሄዋን ደእያዋ በኣድ።

9 ቃይ እ ታና። “ግላ፤ እንቱንቱ ሀዋን ኦላያ ኢታን ሸንይያ ኤቃ ጸሳቱዋ ጎይኑዋ በአ” ያጌዳ።

10 ታን ግደ ገሊደ ዪልያ ዋደ። ጎዳ ቦላን ዩይ አጂደ ቢታና ጎሸትያ መ፤ታቱ ሞሰሊ። ጌሻ ግደና ደአቱዋ ሞሰሊ ኡባይን አሰራኤልያ አሳ ኤቃቱዋ ኡባ ሞሰሊ ኩሚደዋ በኣድ።

11 እንቱንቱፕ ሰንጎ ሳጋና አሰራኤልያ አሳፕ ላፑን ታሙ ጭማቱ ኤቁድና፤ ቃይ ሻፋና ናኣ ያዛኒካ እንቱንቱ ግደን ኤቁዳ። ኡባይካ እጻና ጩዋይያዋ ባረንቱ ኩሽያን ኦይቁድና፤ እጻና ጩዋይካ ቱሉ ጌ።

12 ቃይ እ ታና ሀዋዳን ያጌዳ፤ “ላ አሳ ናአዉ። ሀዋ አሰራኤልያ አሳ ጭማቱ ኡባይካ ጳማን ባረንቱ ኤቃ ሞሰልያ ጎልያን እንቱንቱ ኦላያዋ በአይ? እያዉ ጎፕ። እንቱንቱ። መድና ጎዳይ ኦና በኤና፤ መድና ጎዳይ ሀ ቢታ ኡኤዳ ያጌና” ያጌዳ።

13 ቃይካ እ ታና። “ሄዋፕካ እድያ እጻቲዳ ኤቃ ጎይኑዋ ኔን ብር በአና” ያጌዳ።

14 ሄዋፕ ጉይያን። እ ታና ጌሻ ጎልያ ሁጲሳ ባጋ ፕንግያኮ አፍና። ሄዋን ታሙዛ ግያ ባረንቱ ጸሳዉ ኡተደ ዬክያ ማጫ አሳቱዋ በኣድ።

15 እ ታና፡ “ኔኖ እሳ ናእው፡ ሀዋ በእይ? ሄዋጥ እጅያ እጸቴዳ ኤቃ ጎይና ኔን ብር በእና” ያጌዳ።

16 ሄዋጥ ጉይያን፡ እ ታና መጅና ጎዳ ጎልያ ግድ ዳባባ እጅዳ፤ ሄዋን ገሻ ጎልያ ጥንጥን ባራንዳጥን ያርሽያ ሳጥ ግዳዋን ላታማን እቼሹ አቱማ እሳ ግድያዋ በእድ። ኢንቱንቱ ባረንቱ ዞክያ መጅና ጎዳ ገሻ ጎልያኩ፡ ባረንቱ ሶምኡዋ አዋይ ዶልያ ባጋ ዛሪድ፡ አዋይ ዶልያ ባጋና አዋው ጎይኒኖ።

17 እ ታና ሀዋዳን ያጌዳ፤ “ኔኖ እሳ ናእው፡ ሀዋ በእድ? ይሁዳ አሳው ሀ እጸቴዳ ኤቃ ጎይኑዋ ሀዋን ኦልያዋ ኡባይ ላፋባ ግዳዳ? ኢንቱንቱ ቢታ ማካላ ኦሱዋን ከንሏድ፡ ዛር ዛሪድ ታና ሀንቀትሳናው በሲ? በእ፡ ኢንቱንቱ ባረንቱ ዳንዳዬዳ ኬናን ታና ኢሲደ ጫሽኖ።

18 ሄዋ ድራው፡ ታን ኢንቱንቱና ሀንቁዋን ጋከታና። ታን ኢንቱንቶ ቃረትከን ኢንቱንቱጥ አቱዋን አሸከ። ኢንቱንቱ ባረንቱ ኮሻ ቋቁ ኦሏድ፡ ታ ሀይሳን ዋሰናካ፡ ታን ኢንቱንቶ ሰሰከ” ያጌዳ።

### 9

#### እቃው ጎይንያዋንታ ዋጂድኖ

1 ሄዋጥ ጉይያን፡ ቋቃ ኮሻን፡ ታን ሰሰሽን፡ “ሀዋንቱ፡ ካታማቶ ሙራናው ከተቱዳዋንቱ፡ ኡባይካ ባረንቱ ዋጂያ ኦላ ማሻ ባረንቱ ኩሽያን ኩሽያን ኦይቁድ፡ ሃ ዪኖ” ያጌዳ።

2 ሄዋጥ፡ ሁጲሳ ጸልያ ቆዋ ባጋ ጥንግናና ዋጂያ ኦላ ማሻ ኦይቁድ፡ ይያ ኡሱፑን አሳቱዋ በእድ። ኢንቱንቱና እትጥ ሊኡዋጥ ዳደቱዳ ማዋዋ ማዪድ፡ ባረ ሞይያን ጸፍያዋ ኮርጂዋን ኦይቁዳ እት ብታኒ ደኤ። ኢንቱንቱ ግድ ገሊድ፡ ናሃሰያጥ ኦሰቱዳ ያርሽያ ሳ ማታን ኡቁድኖ።

3 እሰራኤልያ ጸሳ ቦንቹ ካሰ ባረ ደእያ ክሩበቱዋጥ ደንዲድ፡ ገሻ ጎልያ ጥንግና ጉባንያኮ ቢደ ኡቁዳ። ሄዋን መጅና ጎዳይ ላይኑዋ ማዪድ፡ ባረ ሞይያን ጸፍያዋ ኮርጂዋን ኦይቁዳ ብታንያ ጸሴዳ።

4 እ ሀዋዳን ያጌዳ፤ “የሩሳላመ ካታማ ግዳዋ ባድ፡ ያን ኦሰትያ እጸቴዳ ኤቃ ጎይኑዋ ድራው፡ ኦሊድን ካዮቲደ ደእያ እሳ ሶምኡዋን ማላ ዋሳ” ያጌዳ።

5 ታን ሰሰሽን፡ እ ሀራቱዋካ ሀዋዳን ያጌዳ፤ “እ ጌዶ ካሊድ፡ ካታማ ግዳዋ አጂደ ዋጅተ! አቱዋን አሸጥተ፤ ኦሰን ቃረቶጥተ።

6 ጭማቱዋ፡ ዋዳሳቱዋን ዋደርቱዋ፡ ማጫ አሳቱዋን ናናቱዋ ኡባካ ሹክተ፤ ሽን ሶምኡዋን ማላይ ደእያ እሳ ኦናን ቦቾጥተ። ዋጁዋ ታ ገሻ ጎልያን ደምተ” ያጌዳ። ኢንቱንታ ዋጁዋ ገሻ ጎልያ ሰንሳን ኡቁዳ ጭማቱዋን ደሜድኖ።

7 ሄዋጥ ጉይያን፡ እ ኢንቱንታ ሀዋዳን ያጌዳ፤ “ገሻ ጎልያ ቱንሰተ፤ ዳባባቱዋካ እሃን ኩንሰተ፤ ከሰተ” ያጌዳ። ኢንቱንቱ ከሲድ፡ ካታማ ግዳን ኡባን ዋጁዋ ደሜድኖ።

8 ኢንቱንቱ ዋጅ ደእሸን፡ ታን ታረካ እታድ፡ ታ ሶምኡዋ ቢታ ጋሳ ጉፋናድ፡ ታ ቃላ ቋቁ ኦሳድ፡ “እቤት ኡባ ሞድያ መጅና ጎዳው፡ ሀ ኔን የሩሳላመ ቦላን ጉሰያ፤ ሀንቁዋን፡ እሰራኤልያጥ አቱዳ ሙልያካ ወርሳየ?” ያጋድ።

9 እ ዛሪድ፡ ታው ሀዋዳን ያጌዳ፤ “እሰራኤልያን ይሁዳ ናጋራይ ሎይሰ ዳራዳ፤ ቢታ ኡባይ ሱላን ኩሜዳ፤ ቃይ ካታማ ኡባን ሱሪ ፕርዳይ ባዋ። እያው ጎጥ፡ ኦሳሳይ፡ መጅና ጎዳይ ሀ ቢታ እጌዳ፤ መጅና ጎዳይ በኤና” ያጌዳ።

10 ሄዋ ድራው፡ ታን ኢንቱንቶ ቃረትከን ኢንቱንቱጥ አቱዋን አሸከ። ታን ኢንቱንቶ ኢንቱንቱ ኦግዳዳ ኦሳና።” ያጌዳ።

11 ሄዋጥ ጉይያን፡ ላይኑዋ ማዪድ፡ ባረ ሞይያን ጸፍያዋ ኮርጂዋን ኦይቁዳ ብታኒ ጉዮ ሰሚድ፡ “ኔን ታና አዛዜዳዋዳን ኦሳና” ያጌዳ።

### 10

#### ጸሳ ቦንቹ ገሻ ጎልያጥ ሻከቱዳ

1 ታን ጸልያ ዋደ ሳምፔርያ ግያ እንቁዋጥ ኦሰቱዳ ካውተላ አራታ ማላትያ ክሩበቱዋ ሁጲያጥ ቦላ ባጋና ደእያ ሞጨቱዳ ሳሉዋ ጉፋንሉዋ ማላትያዋን ደእያዋ በእድ።

2 ሊኑዋ ማዬዳ ብታንያ መጅና ጎዳይ ሀዋዳን ያጌዳ፤ “ክሩበቱዋጥ ጋርሳ ባጋና ይንግርያዋን ግዳዋና አጃ ባ፤ ሄዋጥ ጸጸጸጎላ ቦንቁዋ፤ ኩሽያን ኮጸታ አካድ፡ ካታማ ቦላ ላላ” ያጌዳ።

3 ታን ጸልሸን፡ ታማ እካናው ገሊድ።

4 መጅና ጎዳ ቦንቹ ክሩበቱዋ ቦላጥ ደንዲድ፡ ገሻ ጎልያ ጥንግና ጉባንያኮ ቢደ ኡቁዳ። ሻሪ ገሻ ጎልያ ኩሜዳ፤ ዳባባይካ መጅና ጎዳ ቦንቹዋ ጸላላን ኩሜዳ።



5 ክሩብቱዋ ቀፍያ ገረሳይ ኡባ ሞድያ ጸሳይ ሃሳዮደ ሰሰትያ ኮሻዳን፣ ካረ ዳባባን ሰሰቲ።

6 ሊኡዋ ማዬዳ ብታንያ መድኛ ጎዳይ፣ “ክሩብቱዋ ጋርሳ ባጋ ይንግርያዋ ግደጥ ታማ እካ” ያገረ እዛዝና፣ እ ገሊደ እት ይንግረትያዋ ምይያን ኤቁዳ።

7 ክሩብቱዋጥ እቲ ባረንቲ ግደን ደእያ ታማኮ ባረ ኩሽያ የዲደ፣ እጥ ጉሳ እኪደ፣ ላይኑዋ ማዬዳ ብታንያ ኩሽያን ዋሰና፣ እካ እኪደ ከሲዳ።

8 ክሩብቱዋ ቀፍያጥ ጋርሳ ባጋና እሳ ኩሽያ ማላትያዋ ደእ።

9 ታን ጾልያ ዋደ፣ ክሩብቱዋ ምየ ባጋ ኦይዲ ይንግሮቲ ደእኛ፤ እት ክሩብያ ምይያን እት እት ይንግሪ ደእያዋ ቡእድ፤ ሄ ይንግረላቲ እንቁዋዳን ጸሊና።

10 ኡንቲንቲ ኦይዲካ እቲ እቲዋ ማላቲኛ፤ እት እርዘ ላኡ እርዘዋ ግዲደ መፍቲዳ፤ እቲ እቲዋ ግዲዋና ካንሰ ኡቲዳ።

11 ክሩብቲ ብያ ዋደ፣ ኦይዲ ባጋወካ ያን ሃን ሰመናን ቢኛ፤ እት ይንግረላይ ቤዳ ጌዲዋ የንኩ ይንግረትያዋንቲ ያን ሃን ሰመናን ኦይዲዋጥ እቲዋ ሁጺ ሰሞ ሳኦ ሰት ጊደ ቢኛ።

12 ኡንቲንቲ ኩመንሳ ቦላን፣ ሄዋን ኡንቲንቲ ዘኩዋን፣ ኡንቲንቲ ኩሽያን፣ ኡንቲንቲ ቀፍያንን ኡንቲንቲ ኦይዲ ይንግረትያዋንቲን እይፊ ኩሜዳ።

13 ታን ሰሰሽን፣ ይንግረትያዋንቲ ኤሌልያ ይንግረትያዋንቲ ጌተት ጴሰቲድኛ።

14 እት እት ክሩብያወ ኦይዲ ሰሞኢ ደእ። እት ሰሞኢ ክሩብያ ሰሞኡዋ፣ ላኤንሱ እሳ ሰሞኡዋ፣ ሄዘንሱ ጋመዋ ሰሞኡዋ፣ ኦይደንሱ እርጋንሳ ሰሞኡዋ።

15 ሄዋጥ ጉይያን፣ ክሩብቲ ዩደ ደንዴድኛ። ሀዋንቲ ታን ካባራ ሻፋ ማታን በኤዳ ገጾ ደእያ መፍታቲዋ።

16 ቃይ ክሩብቲ ብያ ዋደ፣ ኡንቲንቲ ምየ ባጋን ደእያ እርዘቲካ ቡሉሊኛ፤ ቃይ ክሩብቲ ቢታጥ ዩደ ደንዳናወ ባረንቲ ቀፍያ ምጭያ ዋደካ ይንግረትያዋንቲ ኡንቲንቲ ምይያጥ ሻኩትክና።

17 ኡንቲንቲ ኤቁያ ዋደ፣ ይንግረላቲካ ኤቁኛ፤ ቃይ ኡንቲንቲ ቢታጥ ዩደ ደንድያ ዋደ፣ ኡንቲንቲካ ደንዲኛ። ሄዋካ ገጾ ደእያ መፍታቲ ኡንቲንቲን ደእያ ድራሳ።

18 ሄዋጥ ጉይያን፣ መድኛ ጎዳ ቦንቹ ጌሻ ጎልያ ጥንግያጥ ደንዲደ፣ ክሩብቱዋጥ ቦላ ባጋን ኤቁዳ።

19 ታን ጾልሽን፣ ክሩብቲ ባረንቲ ቀፍያ ምጪደ፣ ይንግረትያዋንቲ እትጥ ቢታጥ ዩደ ደንዴድኛ። ኡንቲንቲ መድኛ ጎዳ ጎልያ እዋይ ዶልያ ባጋን ደእያ ድርሳ ጥንግያና ኤቁድኛ፤ እሰራኤልያ ጸሳ ቦንቹካ ኡንቲንቲጥ ቦላ ባጋን ደእ።

20 ሀዋንቲ ካባራ ሻፋን ታን እሰራኤልያ ጸሳጥ ጋርሳ ባጋና በኤዳ ገጾ መፍታቲዋ፤ ቃይ ኡንቲንቲ ክሩብቱዋ ግድያዋ ታን ኤራድ።

21 ኡንቲንቲ ኡባወካ ኦይዲ ኦይዲ ሰሞኡቲ፣ ኦይዲ ኦይዲ ቀፊቲ ደእኛ፤ ኡንቲንቲ ቀፊቲዋጥ ጋርሳ ባጋና እሳ ኩሽቲዋ ማላትያዋ ደእ።

22 ኡንቲንቲ ሰሞኡቲ ካባራ ሻፋ ማታን ታን በኤዳ ሰሞኡቲዋ ማላቲኛ፣ ኡንቲንቲ ኡባይካ ሰት ጊደ፣ ሰንሳዉ ቢኛ።

# 11

## የሩሳላመ ቦላ ጋኬዳ ጥርዳ

1 ሄዋጥ ጉይያን፣ እያናይ ታና ደንሰደ፣ እዋይ ዶልያ ባጋ ጾልያ መድኛ ጎዳ ጎልያ ድርሳ ጥንገ እፌዳ። ሄዋን ሄ ጥንግያ ገልጻሳን ላታማን እቲኹ እቲማ አሳይ ደኤ፤ ኡንቲንቲ ግደን አሳ ካለለያ እዘራ ናኦ እዛንያን ባናና ናኦ ፓላጽያ በእድ።

2 መድኛ ጎዳይ ታን ሀዋዳን ያጌዳ፤ “ላ አሳ ናኦ። ሀ እቲማ አሳቲ ሀ ካታማን ኢታ ሀልቹዋ ሀልቹያዋንታን ኢታ ዘርያ ዘርያዋንታ።

3 ኡንቲንቲ ሀዋዳን ያጌኛ፤ “ኡን ጎልያ ዘርሐ ኬጻና ዋዲ ሀኦ ግደና። ሀ ካታማይ እሹዋ ጻሩዋ፤ ቃይ ኡን ኢሽ ያጌኛ።

4 ሄዋ ድራዉ፣ አሳ ናኦ። ትምቢትያ ኦዳ! ኡንቲንቲ ቦላ ትምቢትያ ኦዳ!” ያጌዳ።

5 ሄዋጥ ጉይያን፣ መድኛ ጎዳ እያናይ ታ ቦላ ዋዲደ፣ ታና ሀዋዳን ያጌዳ፤ “ኡንቲንቲ ያጋ፤ መድኛ ጎዳይ ሀዋዳን ያጌ፤ እሰራኤልያ አሳዉ። ህንተ ሄዋዳን ጊታ፤ ታን ህንተ አያ ቆጥንቶ ኤራይ።

6 ሀ ካታማን ህንተ ዳሮ አሳ ዋዲደ፣ ኦግያ ኡባን እሃ ኩንሌድታ ያጌ።

7 “ ሄዋ ድራዉ፣ ኡባ ሞድያ መድኛ ጎዳይ ሀዋዳን ያጌ፤ “ህንተ ዋዲደ ሄዋን ኦሌዳ እሃይ እሹዋ፤ ቃይ ሀ ካታማይካ እሹዋ ደይሰያ ጻሩዋ፤ ሽን ታን ህንተና ሀ ካታማጥ የደርሳይ ከሳና።

8 ህንተ ኦላዉ ያዬድታ፤ ታን ሄ ህንተ ያዬዳ ኦላ ህንተ ቦላ አሀና። ኡባ ሞድያ መድኛ ጎዳይ ሀዋ ኦዳይ።

9 ታን ህንተና ሀ ካታማጥ ከሳደ፣ አላጋቲዋ ኩሽያን አሳ እማና፤ ታን ህንተ ቦላ ጥርዳና።

10 ህንተ ኦላን ሠራና፤ ታን ህንተና ህንተ ቢታን ፕርዳና። መድና ጎዳ ግድያዎ ህንተ ሄዋን ኤራና።

11 ሀ ካታማይ ህንተወ አሹዋ ጻሩዎ ግደና፤ ህንተካ አ ግደን አሹዋ ግድክታ። ህንተ ቦላ አሰራኤልያ ቢታን ፕርዳና።

12 መድና ጎዳ ግድያዎ ህንተ ሄዋን ኤራና። አያወ ጎፕ። ህንተ ታ አዘዙዋ ካለናን እጹድታ፤ ታ ዎጋካ ናገናን እጹድ። ህንተ የሹዋን ደእያ ካወተላቱዋ ዎጋዳን ደኤድታ” ያጌ’ ያጋ” ያጌዳ።

13 ታን ትዎቢትያ ኦድሸን። ባናና ናእ ፓላጼ ሀይቄዳ፤ ታን ዱገ ጉፋናደ። ታ ቃላ ቆቄ ኦላደ። ሀዋዳን ያጋደ ዋሳድ፤ “አቤት ኡባ ሞድያ መድና ጎዳወ። አሰራኤልያፕ አቴዳዋንታ ኡባና ወርሳና ሀናይዬ?” ያጋድ።

**ጸሓይ ኦሞዱዋን ደእያዋንቶ እሜዳ ህደታ**

14 ሄዋፕ ጉይያን መድና ጎዳ ቃላይ ታኮ ሀዋዳን ያጊደ ዬዳ፤

15 “ላ አሳ ናአወ። የሩሳላመን ደእያ አሰራኤልያ አሳይ ነ አሻቱዋባን ነ ዳቦቱዋባ። አሞዱዋን ደእያ አሰራኤላቱዋባ ሎንቱንቱ መድና ጎዳፕ ሃኬድና፤ ሀ ቢታይካ ኑወ ላታ ግዲደ አመቱዳ’ ያጊደ ሃሳዪና።

16 “ሄዋ ድራወ። ኔን ሀዋዳን ያጋ፤ ሎባ ሞድያ መድና ጎዳይ ሀዋዳን ያጌ፤ “ኡንቱንታ ሃኮ ካወተላቱዋ ግደ የደፕካ። ቃይ ቢታቱዋን ላሎፕካ። ቤዳ ቢታቱዋን ጉላ ዎድያወ ታን ኡንቱንቱና ግዳና” ያጌ’ ያጋ።

17 “ሄዋ ድራወ። ኔን ሀዋዳን ያጋ፤ ሎባ ሞድያ መድና ጎዳይ ሀዋዳን ያጌ፤ “ታን ህንተና ካወተላቱዋፕን ህንተ ላለቱዳ ቢታቱዋፕ ሺሻና፤ ቃይ አሰራኤልያ ቢታ ታን ዛራደ ህንተወ አማና” ያጌ’ ያጋ።

18 “ኡንቱንቱ ጉየ ሰሚደ ዪደ። ሸነይያ ሞሰልያን ቱና ኤቃ ቢታፕ ጳይሳና።

19 ታንካ ኡንቱንቱ እት ዎዛና አማና፤ ቃይ ኦራሳ አያናካ ኡንቱንቱ ግደን ዎላና። ኡንቱንቱፕ ሹቻ ዎዛና ድጋደ። አሹዋ ዎዛና ኡንቱንቱ አማና።

20 ሄ ዎድያን ኡንቱንቱ ታ ሀግያ ካላና፤ ታ አዘዙዋካ ናጋና። ኡንቱንቱ ታ አሳ ግዳና፤ ታንካ ኡንቱንቱ ጸሳ ግዳና።

21 ሸን ሄ ሸነይያ ሞሰልያን ቱና ኤቃወ ጎይናናወ ደሴዳዋንታ ግደፕ። ታን ኡንቱንቱ ኦሱዋዳን ኡንቱንቱ ኦላና። ታን ኡባ ሞድያ መድና ጎዳይ ሀዋ ኦዳይ” ያጊደ ዬዳ።

**ጸሓ ቦንቹ የሩሳላመፕ ሻከቱዳ**

22 ሄዋፕ ጉይያን። ኡንቱንቱ ሞይያን ይንግረትያዋንቱ ደእያ ክሩባቱ። ባረንቱ ቀፍያ ሞጩድና፤ አሰራኤልያ ጸሳ ቦንቹካ ኡንቱንቱፕ ቦላና ደኤ።

23 መድና ጎዳ ቦንቹ ካታማ ግደፕ ደንዲደ። አዎደ ዶልያ ባጋ ደርያ ቦላ ኤቄዳ።

24 ጸሳ አያናይ ታወ እሜዳ ሳጻን አያናይ ታና ቢታፕ ፑደ ደንሏደ። ባብሎንካ ኦሞድቱዳዋንቱኮ አፊዳ። ሄዋፕ ጉይያን። ሳጻይ ታፕ ሻከቱዳ።

25 ታንካ መድና ጎዳይ ታና ቢሴዳዋ ኡባ ኦሞዱዋን ደእያዋንቶ ኦዳድ።

**12**

**ህዝቁል አሳይ ኦሞድቱደ ብያዎ ማላታ በሴዳ**

1 መድና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናአወ። ኔን ማካላንቻ አሳ ግደን ደአሳ። ኡንቱንቱ ማካላንቻ አሳ ግድያ ድራወ። ኡንቱንቱ አይፊ ደኤ። ሸን ደምክና፤ ኡንቱንቱ ሀይሳይ ደኤ። ሸን ሰሰክና።

3 ሄዋ ድራወ። አሳ ናአወ። ኦሞዱዋን ብያ አሳዳን። ኔን አፋናወ ዳንዳይያዎ ኡባ ሸሻ ቃቻደ። ጋላሰ ኡንቱንቱ ጸልሸን። ከሳደ። ነ ደኤያሳፕ ሀራ ሳአ ባ። ኡንቱንቱ ማካላንቻ አሳ ግደፕ። ኡን ኤራ። ኡንቱንቱ አከካና።

4 ጋላሰ ኡንቱንቱ ጸልሸን። ኦሞዱዋ ብያ አሳዳን። ኔን ቃቹዳዎ ካረ ከሳ፤ ቃይ ኦማርሰ ኡንቱንቱ ጸልሸን። ኦሞዱዋ ብያ አሳዳን ከሳ።

5 ኡንቱንቱ ጸልሸን። ነ ጎልያ ጎዳ መንላደ፤ ሄ መኦ ሳአና ሙሉላደ ከሳ።

6 ኔን ከሴዳ ሚሻ ኡንቱንቱ ጸልሸን። ነ ሀሸያን ቶካደ። ለምእ ለምእሸን ከሳ። ቢታ በኤናዳን። ነ ሶሞኡዋ ካማ። ሀ ኔን ሀንያዌ አሰራኤልያ አሳወ ማላታ ግዳናዳን። ታን ኦላዳ” ያጌዳ።

7 ታንካ አ ታና አዘዙዳዋዳን ኦላድ። ኦሞዶ ብያ አሳዳን። ጋላሰ ታን ቃቹዳዎ ካረ ከሳድ። ኦማርሳን ቃይ ታ ጎልያ ጎዳ ታ ኩሸያን መንላደ ከሳድ፤ ታን ከሴዳ ሚሻ ኡንቱንቱ ጸልሸን። ታ ሀሸያን ቶካደ። ለምእ ለምእሸና ባድ።

8 ዋንተላ መድና ጎዳ ቃላይ ታኮ ሀዋዳን ያጊደ ዬዳ፤

9 “ላ አሳ ናአዉ፡ ሄ ማካላንቻ ዛራቱ፡ እስራኤልያ አሳቱ ነና፡ ኔን ኦልያዌ አዬ?” ጊደ ኦቼድና ግድክና?

10 ኔን ኡንቱንታ ሀዋዳን ያጋ፤ ኡባ ሞድያ መድና ጎዳይ ሀዋዳን ያጌ፤ “ሀ ትምቢቲ የሩሳላመን ካፑዋባን እስራኤልያ አሳ ኩመንሳባ” ያጋ’ ያጌ።

11 ኔን ኡንቱንታ፡ ታን ህንተዉ ማላታ። ታን ኦልዳዋዳን፡ ኡንቱንቱ ቦላ ሀናና፤ ኡንቱንቱ ኦዋድቲደ፡ ሀራ ቢታ ባና’ ያጋ።

12 “ኡንቱንቱ ግደን ደእያ ካፑ ጎዳ ሉክ ከሲደ፡ ባረ ሚሻ ባረ ሀሽያን ቶኪደ፡ ለምእ ለምእሸና ባና፤ እ ቢታ በኤናዳን፡ ባረ ሶምኤዋ ካማና።

13 ታን ግትያ እ ሰንላን የጋና ታ ጸርያንካ ኦይቃና። ታን እ ባብሎን ካታማ አሀና፤ ሸን እ ካላዳዌቱዋ ቢታ ባብሎን ካታማ በኤናን ሀይቃና።

14 እ የሹዋን ደእያ እ ማድያዋንታን እ ኦላንቻቱዋ ኡባ ታን ኡባ ሳኦ ፕሰክ ኦላና፤ ታን ኡንቱንታ ማሻን የደርሳና።

15 “ኡንቱንታ ታን ሀራ ቢታቱክ ካወተላቱዋ ግደ ላልያ ዋደ፡ ታን መድና ጎዳ ግድያዋ ኡንቱንቱ ኤራና።

16 ኡንቱንቱ ባረንቱ ብያ ካወተላቱዋ ግደን ባረንቱ ቱና ኦሱዋ ፓጸና ማላ፡ ታን ኡንቱንቱፕ እማራዋንታ ኦላፕ፡ ኮሻፕን ኢታ ሀርግያፕ ከሰ አካናዳን ኦላና። ሄ ዋደ ታን መድና ጎዳ ግድያዋ ኡንቱንቱ ሄዋን ኤራና” ያጊደ ዬዳ።

**ያሻ ኮኮርያ ትምቢትያ እድያዋ ማላታ**

17 መድና ጎዳ ቃላይ ታኮ ሀዋዳን ያጊደ ዬዳ፤

18 “ላ አሳ ናአዉ፡ ነ ኡክላ ዳጋማን ማ፤ ቃይ ነ ሃላካ ያሻን ኮኮራደ ኡሻ።

19 ቢታን ደእያ አሳዉ ሀዋዳን ያጋ፤ ኡባ ሞድያ መድና ጎዳይ እስራኤልያ ቢታን ደእያ የሩሳላመ አሳባ ሀዋዳን ያጌ፤ “ኡንቱንቱ ባረንቱ ኡክላ ሀርጋን ማና፤ ባረንቱ ሃላካ ሻቢርሳን ኡሻና። እያዉ ጎፕ፡ ያን አሳይ ኡባይ ገናንቻን ማካላንቻ ግዴዳ ድራዉ፡ ኡንቱንቱ ቢታይ ኦና ግዳናዋ።

20 ሀእ አሳይ ኩሜዳ ካታማቱ ጳያና፤ ቃይ ቢታይካ ኦና ግዳናዋ። ሄ ዋደ ታን መድና ጎዳ ግድያዋ ህንተ ሄዋን ኤራና” ያጌ’ ያጋ” ያጊደ ዬዳ።

**አሳ ለምሶ ጸሳይ እሜዳ ዛራዋ**

21 መድና ጎዳ ቃላይ ታኮ ሀዋዳን ያጊደ ዬዳ፤

22 “ላ አሳ ናአዉ፡ እስራኤልያ ቢታባዉ፡ ፓላሳይ እዴዳ፤ ሳጸይ ኡባይካ መላ ግዴዳ’ ያጊደ ህንተንቱ ለምሶያዌ እ እዬ?

23 ሄዋ ድራዉ፡ ኡንቱንቶ ኔን፡ ኡባ ሞድያ መድና ጎዳይ ሀዋዳን ያጌ፤ “ታን ሀ ለምሶ ላኤንሎ ሀሳየተናዳን ኦላና፤ ኡንቱንቱ ዛረሲደ፡ ሄዋ እስራኤልያ ቢታን ለምሰክና” ያጌ’ ያጋ። ቃይ ኡንቱንቶ፡ ፓላሳይ ማታቱዳ፤ ሳጸይ ኡባይካ ፖሊታና ሀኔ’ ያጋ።

24 ሀዋፕ ሰንሳዉ እስራኤልያ አሳ ግደን ዋርዲዋ ሳጸይን ሙሩኑ ኡባይ ደኤና።

25 ታን መድና ጎዳይ፡ ኦዳና ኮዮዋ ኦዳይ፤ ሄዋካ ጋምኤናን ፖሊታና። ህንተና፡ ማካላንቻ አሳቶ፡ ታን ኦድያባ ኡባ ህንተ ላይላን ታን ፖላና። ታን ኡባ ሞድያ መድና ጎዳይ ሀዋ ኦዳይ” ያጊደ ዬዳ።

26 ቃይካ መድና ጎዳ ቃላይ ታኮ ሀዋዳን ያጊደ ዬዳ፤

27 “ላ አሳ ናአዉ፡ እስራኤልያ አሳይ ሀዋዳን ያጌ፤ ኦእ በኤዳ ሳጸይ ሰንሳናዉ ዳር ላይላሳ፤ ቃይ እ አዲሳ ዋድያን ሀናናዋ ኦዳ’ ያጌ።

28 ሄዋ ድራዉ፡ ኔን ኡንቱንቶ ሀዋዳን ያጋ፤ ኡባ ሞድያ መድና ጎዳይ ሀዋዳን ያጌ፤ “ታን ኦድያ ቃላይ ፖሊታናፕ አትና፡ አቱካ ጋምኤና። ታን ኡባ ሞድያ መድና ጎዳይ ሀዋ ኦዳይ” ያጌ’ ያጋ” ያጊደ ዬዳ።

**13**

**ዋርዲ ትምቢትያ እድያ አቱማ አሳቶ ኦደቲዳ ትምቢትያ**

1 መድና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናአዉ፡ እስራኤልያን ሀእ ትምቢትያ ኦድያዋንቱ ቦላ ትምቢትያ ኦዳ። ባረንቱ ቆፋፕ ደንዲደ፡ ትምቢትያ ኦድያዋንታ ሀዋዳን ያጋ፤ ‘መድና ጎዳ ቃላ ሰሰተ!

3 ኡባ ሞድያ መድና ጎዳይ ሀዋዳን ያጌ፤ እያን በኤናን ጮ ባረንቶ ደንድያ ቦዛ ትምቢትያ ኦድያዋንቶ አየ አና!

4 እስራኤልያን አሳው፡ ህንተ ትምቢትያ ኦድያዋንቱ ኮለቲዳ ካታማ ግደን ደእያ ዎራካናቱዋ ማላ።

5 መድና ጎዳ ጋላሰ ድርሳይ ኦላን ምን ኤቃናዳን፣ እስራኤልያን አሳይ ድርሳ ግምቢያ ዛር ግምቢ ምንሳናው፣ ግምቢ ኮለቲዳሳ ፑደ ብበይክኖ።

6 ኤንቱንቱ ሳጸይ ዎርዱዋ፣ ቃይ ኤንቱንቱ ሙሩኔካ ዎርዱዋ። ኤንቱንቱ መድና ጎዳይ ከተናን፣ መድና ጎዳይ ሀዋዳን ያጌ ያጌና። ያቲደ ኤንቱንቱ ኦዳይዋ ጸሳይ ፖላና ያጌደ ናጌና።

7 ታን ኦድናን ደእሸና፣ መድና ጎዳይ ሀዋዳን ያጌ ያጌደ ኦድና ህንተ ዎርዱዋ ሳጸን ዎርዱዋ ሙሩኔዋ በእበይክቱ? ” ያጌ።

8 ሄዋ ድራው፣ ኡባ ሞድያ መድና ጎዳይ ሀዋዳን ያጌ፤ “ህንተ ዎርደባ ሃሳዬዳ ድራውን ህንተ በኤዳ ሳጸይ ዎርደ ግደ ድራው፣ ኡባ ሞድያ መድና ጎዳይ ህንተዉ ሞርከ።

9 ታ ገብ። ዎርደ ሳፃ በኢደ፣ ዎርዱዋ ሙሩንያዋንቱ ቦላ ፕርዳናዉ ደንዴዳ። ኤንቱንቱ ታ አሳ ዘርያ ከግ፣ ቆፋ ቃቻናዉ ገልክኖ፣ ዎይ እስራኤልያን አሳይ ጸፈቲዳ ማዘገብያን ጸፈትክኖ፣ ዎይ ኤንቱንቱ እስራኤልያን ቢታካ ገልክኖ። ሄ ዎደ ታን ኡባ ሞድያ መድና ጎዳ ግድያዋ ህንተ ሄዋን ኤራና።

10 “ሳሩ ባይናን ደእሸና፣ ኤንቱንቱ ታ አሳ፣ ‘ሳእይ ሳራ!’ ያጌደ ዎራ ካለፎድና። ቃይ አሳይ ሹቻ ሙ ከሌደ ድርና፣ ኤንቱንቱ ቦሽንቻ ኦከኖ።

11 ሄዋ ድራው፣ ሄ ቦሽንቻ ኦከያዋንታ፣ ‘ሄ ህንተ ኦከዳ ግምቢ ከንዳና! ዎልቃማ እራይ ቡካና፤ ቃይ ታን ጸሳይ ኦርደ ሻቻ ዴገ የጋና፤ ኢታ ጎቲካ ደንዳና’ ያጌደ ኦድተ።

12 ሄ ግምቢ ከንዴዳ ዎደ፣ አሳይ ህንተና፣ ህንተ ኦ ኦከዳ ቦሽንቻይ አን? ” ጌደ ኦቼናን አጋኔ? ያጌ።

13 ሄዋ ድራው፣ ኡባ ሞድያ መድና ጎዳይ ሀዋዳን ያጌ፤ “ታን ታ ሀንቁዋን ኢታ ጎትያ የዳና፤ ቃይ ግምቢያ ድርሳ ኮላናዉ ታ ይሉዋን ኦርደ ሻቻን ዎልቃማ እራ ሱልያ ሀንቁዋና ከታና።

14 ህንተ ቦሽንቻ ኦከዳ ግምቢያ ታን መንግራሳና፣ ቢታን ላላናን ባሰቀ መላ አሻና። ኦ ከንድያ ዎደ ህንተ ኦ ግደን ሀይቃና፣ ሄ ዎደ ታን መድና ጎዳ ግድያዋ ህንተ ሄዋን ኤራና።

15 ሄዋዳን ሀኒደ፣ ታ ሀንቁ ግምቢያ ቦላን ግምቢያ ቦሽንቻ ኦከዳ ሳትቀ ቦላ ዎቆና። ታን ህንተና፣ ሀእ ግምቢ ባዋ፤ ግምቢያ ቦሽንቻ ኦከዳዋንቱካ ደእክኖ።

16 እስራኤልያን ደእያ፣ የሩሳላመባ ትምቢትያ ኦዳዳዋንቱ፣ ሳሩ ባይናን አዉ ሳሩዋ ሳፃ በኤዳዋንቱ፣ ኤንቱንቱ ደእክኖ ያጋይ። ታን ኡባ ሞድያ መድና ጎዳይ ሀዋ ኦዳይ” ያጌ ያጋ።

**ዎርደ ትምቢትያ ኦድያ ማጫ አሳቶ ኦደቲዳ ትምቢትያ**

17 “ላ አሳ ናእው፣ ባረገቱ ቆፋጥ ደንዴደ፣ ትምቢትያ ኦድና ነ አሳ ማጫ አሳቱዋኮ ሀእ ነ ሶምኡዋ ደረቃን ዛራ፤ ኤንቱንቱ ቦላ ትምቢትያ ኦድ።

18 ሀዋዳን ያጋ፤ ኡባ ሞድያ መድና ጎዳይ ሀዋዳን ያጌ፤ “ሀራ አሳ ቦላን አሳዉ ዎልቃይ ደእናዳን፣ ኤንቱንቱ ኩሽያን ኡባን ሙሩኔቀባ ሰኪደ ዎልያን አሳ ኡባዉ ሁጵያ ሻሽያ ገገሰያ ማጫ አሳቶ፣ ህንተዉ አየ አና! ህንተ ታ አሳ ሽምጥዋ ጸራይ ህንተ ህንተ ሽምጥዋ አሻንቱን።

19 እት ኮጵያ ባንጋ ዎይ እት ባሶ ኡክላ ደማናው፣ ዬላይያዋ ኦላደ፣ ታ አሳ ሰንላን ታና ካዉሸሲታ። ሄዋ ግያዌ ህንተ ሀይቃናዉ በሰናዋንታ ዎቆይ፣ አታናዉ በሰናዋንታ አሸታ ግያዋ። ያቲደ ታ አሳዉ ዎርዱዋ ኦዲታ፤ ኤንቱንቱካ ህንተ ዎርዱዋ ሰሲኖ” ያጌ።

20 “ሄዋ ድራው፣ ኡባ ሞድያ መድና ጎዳይ ሀዋዳን ያጌ፤ “ህንተ ሀራ አሳ ቦላን አሳዉ ዎልቃይ ደእናዳን፣ ህንተ ኩሽያን ዎልዳ ሙሩኔቀ ታን ደንላና። ታን ኦ ህንተ ኩሽያጥ ዲላ ኦላና፤ ጸርያጥ ከሰ አክያ ካፋዋዳን፣ ታን ኤንቱንታ ህንተ ዎልቃጥ አሻ አካና።

21 ታን ህንተ ቢታ ሻሽያካ ዳፋ አካደ፣ ታ አሳ መድናዉ ህንተ ኩሽያጥ ዎላ አካና። ሄ ዎደ ታን መድና ጎዳ ግድያዋ ህንተ ሄዋን ኤራና።

22 ታን ካየያቤና ጸሎ አሳ ዎዛና ህንተ ዎርዱዋን ካየዪታ፤ ናጋራንቻቱካ ባረገቱ ኢታ ኦሱዋጥ ሰሚደ፣ ባረገቱ ሽምጥዋ አሸናዳን፣ ህንተ ኤንቱንታ ምንጫድታ።

23 ሄዋ ድራው፣ ላኤንላ ዎርደ ሳፃ በእክታ፤ ሙሩኔቀባካ ኦልክታ። ታን ታ አሳ ህንተ ኩሽያጥ ዎላ አካና። ሄ ዎደ ታን መድና ጎዳ ግድያዋ ህንተ ሄዋን ኤራና። ያጌ’ ያጋ” ያጌደ ዬዳ።

**14**

**ጸሳይ ኤቃዉ ጎይንያዋንታ ቆይሳና**

- 1 እስራኤልያን ጭማቱዋጥ አማራዳዋንቱ ታኮ ዪደ፣ ታ ሰንላን ኡቲድና።
- 2 ያትና መድና ጎዳ ቃላይ ታኮ ሀዋዳን ያጌደ ዬዳ፤
- 3 “ላ አሳ ናእው፣ ሀ አሳቱ ባረገቱ ዎዛናን ኤቃ ኤሴድና፤ ቃይ ኤንቱንቱ ናጋራይ ኤንቱንቶ ጴቢያ ሹቻ ማላ ግዳዳ። ያትና፣ ታን ኤንቱንቱ ታና ኦቻናዳን ኦላየ?

4 ሃዋ ድራው፡ ኔን ኤንቲንቶ ሀዋዳን ያጋደ ኦዳ፤ ፋኡባ ሞድያ መድና ጎዳይ ሀዋዳን ያገ፤ “እስራኤልያ አሳጥ ኦንነ ኤቃ ባረ ዋዛናን ዋላ፡፡ እ ናጋራይ እው ጹቢያ ሹቻ ማላ ግደ፡፡ ቃይ ትምቢትያ ኦድያዋኮ እ ሰ፡፡ ታን መድና ጎዳይ ታ ሁጺያን ኦ ኤቃቱዋ ጮራተላዳን እው ዛራና።

5 ሃ ኤቃቱ ኡባቱ እስራኤልያ አሳ ታፖ ዋራ ዛራድና፤ ሸን ሀእ ታን ኤንቲንቶ እምያ ዛራዋን ኤንቲንቱ ዋዛና ታኮ ዛራና” ያገ፡፡ ያገ፡፡

6 “ሃዋ ድራው፡ እስራኤልያ አሳው ሀዋዳን ያጋደ ኦዳ፤ ፋኡባ ሞድያ መድና ጎዳይ ሀዋዳን ያገ፤ “ናጋራ ፓጽተ! ሀንተ ኤቃ፡፡ ሰምተ! ሀንተ ቱና ኦሱዋ ኡባጥካ ሰምተ!

7 “ “እስራኤልያ አሳ ግድና፡ ዋይ እስራኤልያ ቢታን ደእያ አላጋ አሳ ግድናካ፡ ታ፡፡ ሻከቲደ፡ ባረ ዋዛናን ኤቃ ዋላ፡፡ እ ናጋራይ እው ጹቢያ ሹቻ ማላ ግደ፡፡ ቃይ እ ታ ዙርያ ኦቻናው ትምቢትያ ኦድያዋኮ ሰ፡፡ ታን መድና ጎዳይ ታ ሁጺያን እው ዛራዋ እማና።

8 ታን ሃ ኡራና ኤቃታና፤ ታን እ ሊምሶን ማላታ ኦላና፤ ታን እ ታ አሳ ግደ፡፡ ሃ ዋደ ታን መድና ጎዳ ግድያዋ ሀንተ ሃዋን ኤራና።

9 “ “ ትምቢትያ ኦድያዋ ጭመቲደ፡ ትምቢትያ ኦድ፡፡ ሃ ትምቢትያ ኦድያዋ ጭሜዳዋ ታና መድና ጎዳ፡፡ ታን እ ቦላ ታ ኩሽያ የዳደ፡ ታ አሳ ግደ፡፡ ሃ ላይሳና።

10 ኤንቲንቱ ላኡካ ባረንቱ ናጋራ ናጋራ ሙሩዋ ቶካና፤ ትምቢትያ ኦድያዋ ሙሩካ ትምቢትያ ኦቻያዋ ሙሩካ እት ማላ ግድያዋ።

11 ሃዋ ድራው፡ እስራኤልያ አሳቱ ታ፡፡ ዋራ ቢክኖ፤ ባረንቱ ናጋራን ኡባን ባረንታ ቱንሰክና። ኤንቲንቱ ታ አሳ ግድና፤ ታንካ ኤንቲንቱ ጸሳ ግድና። ሃ ዋደ ታን ኡባ ሞድያ መድና ጎዳይ ሀዋ ኦዳይ” ያገ፡፡ ያገ፡፡ ያገ፡፡ ያገ፡፡ ያገ፡፡ ያገ፡፡

ኖሀ፡ ዳኔልን እያባ

12 መድና ጎዳ ቃላይ ታኮ ሀዋዳን ያገደ ዬዳ፤

13 “ላ አሳ ናእው፡ እት ቢታ አሳይ ናጋራ ኦላደ፡ ታው እማነተናን እጸ፡፡ ታን ታ ኩሽያ የዳደ፡ ኤንቲንቶ ቁማ ላይሳደ፡ ኮሻ አሀና፤ ሃ ቢታ አሳን መሀያ ዋዳና።

14 ሀራይ አቶ ሀ ሄዙ አሳቱ፡ ኖሄ፡ ዳኔልን እያብ ሃ ቢታን ደእንቶካ፡ ኤንቲንቱ ባረንቱ ጽሎተላን ባረንቱ ሸምቸዋ ጸላላ አሻና። ታን ኡባ ሞድያ መድና ጎዳይ ሀዋ ኦዳይ።

15 “ዋይ ታን ኤንቲንቱ ቢታ ቦላን ባዙዋ ደአቱዋ የድና፡ ሃ ደአቱ እን ደእያ አሳ ላይሰና፡ ሃ ደአቱዋ ጋሱዋን ኦንነ ግዳዋና እናዳን፡ ሃ ቢታይ ኦና ግደ፡፡

16 ታን ኡባ ሞድያ ጸሳይ ታ ደኡዋን ጫቃይ፡ ሀራይ አቶ፡ ሀ ሄዙ አሳቱ ሃ ቢታን ደእንቶካ፡ ኤንቲንቱ ባረንቱ አቱማ፤ ባረንቱ ማጫ ናናቱዋ አሻናው ዳንዳይክና። ኤንቲንቱ ጸላላይ አታናዎ፤ ሸን ቢታይ ኦና ግድያዎ። ታን ኡባ ሞድያ መድና ጎዳይ ሀዋ ኦዳይ።

17 “ዋይ ታን ሃ ቢታ ቦላን ማሻ አሃደ፡ ሀ ቢታና ማሻይ አጹ ጋደ፡ እን አሳን መሀያ ዋዳ፡፡

18 ታን ኡባ ሞድያ መድና ጎዳይ ታ ደኡዋን ጫቃይ፡ ሀ ሄዙ አሳቱ ሃ ቢታን ደእንቶካ፡ ባረንቱ አቱማ፤ ባረንቱ ማጫ ናናቱዋ አሻናው ዳንዳይክና። ኤንቲንቱ ጸላላይ አታናዎ። ታን ጸሳይ ሀዋ ኦዳይ።

19 “ዋይ ታን ሃ ቢታ ቦላን ኢታ ሀርግያ የዳደ፡ ታ ሀንቁዋን አሳይ ሱላ ጉሳና ማላ ኦላ፡፡ እን ደእያ አሳን መሀያ ዋዳ፡፡

20 ታን ኡባ ሞድያ መድና ጎዳይ ታ ደኡዋን ጫቃይ፡ ሀራይ አቶ፡ ኖሄ፡ ዳኔልን እያብ ሃ ቢታን ደእንቶካ፡ ኤንቲንቱ ባረንቱ ጽሎተላን ባረንቱ ሸምቸዋ ጸላላ አሻና፡፡ ባረንቱ አቱማ፤ ባረንቱ ማጫ ናናቱዋ አሻናው ዳንዳይክና። ታን ኡባ ሞድያ ጸሳይ ሀዋ ኦዳይ” ያገደ ዬዳ።

21 ኡባ ሞድያ መድና ጎዳይ ሀዋዳን ያገ፤ “ታን አሳን መሀያ ዋዳናው የሩሳላመ ቦላ ታ ኦይዱ ኢታ ሙርቱዋ፡ ማሻ፡ ኮሻ፡ ባዙ ደእን ኢታ ሀርግያ የድያ ዋደ፡ እ እይ ከሻ አጹ ኢታባ ግዳንዳሻ!

22 ገደ ሸን አቲደ ከሴራ እማራዳ አሳቱ ደእና፤ አቱማ፤ ማጫ ናናቱዋካ ያ፡፡ ከሳና። ኤንቲንቱ ሀንተኮ ይያ ዋደ፡ ኤንቲንቱ ሀናታን ኤንቲንቱ ኦሱዋ ሀንተ በኢደ፡ ታን የሩሳላመ ቦላ እሄዳ ባሻይ ኡባይ በሰያዋ ግድያዋ እኩካና።

23 ሀንተ ኤንቲንቱ ሀናታን ኤንቲንቱ ኦሱዋ በኢደ፡ ታን ኤንቲንቱ ቦላ ጮ ፕርዳቢናዋ ኤራና። ታን ኡባ ሞድያ መድና ጎዳ ሀዋ ኦዳይ” ያገ።

15

ዋይንያ ቱራ ሊምሱዋ

1 መድና ጎዳ ቃላይ ታኮ ሀዋዳን ያገደ ዬዳ፤

2 “ላ አሳ ናእው፡ ዋይንያ እኩ ባዙዋን ደእያ ሀራ ሞላ፡፡ እያን ኩኪን?

3 ጎእይ ደእያባ ኦላናው እ እኩዋ፡፡ ቃንጸት ኤሪ? እየንቶ ካቂያ ኮጫ እ፡፡ ከሳ ኤራይ?

4 እ ኦይሰሉዋዳን ታማን የግርፍ፣ ያ ሳገይን ሀ ሳገይ ታማን ሜተትር፣ ግዲዋን ኦቴዳ ጸጸንጻይ ለይ ማዳኔ?

5 ጸገተናን ደጸድ፣ ካሰ እየንቶ ማድቤናዌ፣ ታማይ ሚና ኤጽ ክቺደ እየንቶ ማድና።

6 “ሄዋ ድራዉ፣ ኡባ ሞድያ መድና ጎዳይ ሀዋዳን ያገ፤ ታን ባዘ ሞላ ግደን ደጸያ ዋይንያ ለኑዋ ታማዉ ኦይሰሉ ኦላደ እሚዳዋዳን፣ የሩሳላሙን ደጸያ ለካሳ ሄዋዳን ኦላና።

7 ታን ታ ሶምኤዋ ኤንቱንቱ ቦላን ዛራና። ኤንቱንቱ እት ታማፕ ከሶፐካ፣ ሀራ ታማይ ኤንቱንታ ማና። ታን ታ ሶምኤዋ ኤንቱንቱ ቦላ ዛርያ ዋደ፣ ታን መድና ጎዳ ግድያዋ ሀንተንቱ ኤራና።

8 ኤንቱንቱ ታናን እማነተናን እኔዳ ድራዉ፣ ታን ኤንቱንቱ ቢታ ኦና ከሳና። ታን ኡባ ሞድያ መድና ጎዳይ ሀዋ ኦዳይ፣ ያገ። ያገደ ዬዳ።

# 16

## እማነተና የሩሳላሞ

1 መድና ጎዳ ቃላይ ታኮ ሀዋዳን ያገደ ዬዳ፤

2 “ላ አሳ ናእዉ፣ የሩሳላሞ እ ቱና ኦሶቱዋ ኤርሳ።

3 ሀዋዳን ያገ፤ ሓባ ሞድያ መድና ጎዳይ የሩሳላሞ ሀዋዳን ያገ፤ “ነ ማይዛይን ነ ሸቫይ ካናን ቢታና፤ ነ እዉ እሞር ቢታ እሳ፤ ነ እታካ ሂተ ቢታ እሳ።

4 ነ የለታይ ጋላሰ ነ ጉልእይ ቃንጸትቤና፤ ዋይ ኔና ጌሻናዉ ሃላን ሚጨታባካ፤ ዋይ ማጽንያን ጎርፕታደ ጫርቂያን ጸጸታባካ።

5 ሀ ጌተቲዳዋንቱፕ አቱዋን ኦላናዉ ነዉ ካዮቲዳዌ ባዋ። ኔን የለቲዳ ጋላሰ ካፍቲዳ ድራዉ፣ ደምባን ኦለታዳፕ አትና፣ ነዉ ኦንን ቃረትቤና።

6 “ ሓሃዋና ታን ካጎላዳ፣ ኔን ነ ሱላ ግደን ሙርቁቃደ ዘሄትሽና በእድ፤ ኔን ነ ሱላ ግደን ግሳ ደእሽና፣ ፓጸ ደእ ያገድ።

7 ታን ኔና ሾይቃን ደጸያ ካላዳን ድቻድ። ኔን ድጫ እዲቃደ፣ ጋማ ጋካዳ። ነ ጻንጻይ ኡቲዳ፤ ነ ብናናይካ ድጩዳ፤ ሽን ኔን ጸራ ካሎ አታዳ።

8 “ ላኤንሱዋ ታን ሄዋና ኦላዳ፣ ኔና ጸልያ ዋደ፣ ኔን ዋደር ጋካደ ቦርሴዳ አሳ ግዳዳ። ያትና፣ ታ ማዩዋ ነ ቦላ የገደ፣ ነ ካሊዋ ካማድ። ታን ነዉ ጫቃደ ኔናና ጫቁዋ ጫቀትና፣ ኔን ታኖ ግዳዳ። ታን ኡባ ሞድያ መድና ጎዳይ ሀዋ ኦዳይ።

9 “ ሓሃ “ ታን ነ ቦላይ ሱላን ባዬዳዋ ሃላን ሚጫ ጌሻደ፣ ዛይትያን ኦካድ።

10 ታን ኔና ጽባብያ ቃምሽያ ማይዛድ፤ ቃይ ሎኦ ጋልባፕ አሰቲዳ ጫማካ ዋሰሳድ፤ ቃይ ላይኑዋ ሻሽያካ ኔና ጎዝሳድ፤ ቃይ አልኦ ኩታካ ቁማይሳድ።

11 ኔና ታ አሊቁዋን አሊቃድ፤ ነ ኩሽያን ሳጋዩዋ ዋላድ፤ ነ ቆድያንካ ቆድያ አሊቁዋ ዋላድ።

12 ቃይ ነ ሲድያን ጉትቻ፣ ነ ሀይላንካ ጉትቻ፣ ነ ሀጺያንካ ሎኦ ካላቻ ዋላድ።

13 ኔን ዋርቃንን ብራን አሊቀታዳ፤ ነ ማዩ ኡባይ ፓጸ ላይኑዋ፣ አልኦ ኩታን አሊቆ ቃምሽያ። ነ ሞያ ቁማይ በርተ ጂልያ፣ ኤሳን ዛይትያ። ኔን ሎይላ ዳሪ ፑላንቻ ግዳደ፣ ካታቶ ከሳናዉ ደንዳዳ።

14 ኔን ፑላንቻ ግድያ ድራዉ፣ ካዉተላቱዋን ኤሪታዳ። አያዉ ጎፕ፣ ታን ነዉ እሚዳ ቦንቹ ኔና ሀዋዳን ፖሎ ኦላዳ። ታን ኡባ ሞድያ መድና ጎዳይ ሀዋ ኦዳይ።

15 “ ሓሃ “ ሸን ኔን ነ ፑላን እማነታዳ፤ ሀራቱዋን ኤሪቲዳዋፕ ደንዳዳዋን ሻርሙጻ ግዳዳ፤ ኦጎያና አድያ ኡባዉ ኔና አላ እማዳ።

16 ነ ማዩዋፕ አማራዳዋ ኦካደ፣ ጎይንያ ሳኦ መጳደ አሊቁሳዳ፤ ያታደ ያን ሻርሙጻዳ። ሄዋ ማላ ሀኖታይ ሀዋፕ ካሰ ሀንቤና፤ ሀዋፕ ሰንሳናዉካ ሀናናዉ በሰና።

17 ነዉ እሚዳ ዋርቃንን ብራን አሰቲዳ ሎኦ አሊቁዋ፣ አቲማ ሞሰሊቱዋ ኦላደ መጳዳ፤ ያታደ ኤንቱንቱና ሻርሙጻዳ።

18 ታን እሚዳ አሊቆ ማዩዋ ሄ ሞሰሊቱዋ ማይዛዳ። ቃይ ታ ዛይትያን ታ እጻና ኤንቱንቶ ሸሻዳ።

19 ቃይ ታን ነዉ እሚዳ ቁማ፣ በርተ ጂልያ፣ ዛይትያን ኤሳ ኤንቱንቱ ሰንሳን ሳዉዋ ቶሹኩ ግያ ያርሹዋ ኦላደ ሸሻዳ። ሀዌካ ሀኔዳ። ታን ኡባ ሞድያ መድና ጎዳይ ሀዋ ኦዳይ።

20 “ ሓሃ “ ቃይካ፣ ኔን ታዉ የሌዳ አቲማ ናናቱዋን ማጫ ናናቱዋ አፋድ፣ ኤቃቱ ማና ማላ ቁማ ኦላደ ያርሻዳ። ኔን ሻርሙጻ ከሴዳዌ ነዉ ጉጹዳ?

21 ኔን ታ ናናቱዋ ሹካደ፣ ኤቃዉ ታማን ያርሻዳ።

22 ኔን ቱናተላንን ነ ሻርሙጻን ኡባን ደእደ፣ ካሰ ነ ያላጋተላ ላይላ፣ ጸራ ካሎ ነ ሱላን ሙርቁቃደ፣ ዘሄቲዳ ዋድያ ድጋዳ።

23 “ ሓሃ “ አየ አና! ነዉ እየ አና! ታን ኡባ ሞድያ መድና ጎዳይ ሀዋ ኦዳይ። ሀ ነ ኢታተላ ኡባ ቦላ ቃይ፣

24 ዳባባ ኡባን ጶቃ ሳኦ ግምባደ ኤቃዉ ጎይንያ ሳኦቱዋ ነዉ ገገሳዳ።

25 ኦገ ደናን ኡባን ሻርሙጽያ ሳእቱዋ ኬጻዳ፣ ነ ፑላ ቱንሳዳ፤ ኦገያና ካንሰያ ኡባው ነ ኦሳተላ ኦላ እማደ፣ ሻርሙጽዋ ዳርሳዳ።

26 ኔን ኦሞ ጸላላን ኩሜዳ፣ ነ ሾሮ ግብጾቱዋና ሻርሙጽዳ፤ ነ ሻርሙጽዋ ዳሩዋንካ ታና ሀንቀላዳ።

27 ሄዋ ድራው፣ ታን ታ ኩሸያ ነ ቦላ የዳድ፤ ኔና ጋክያ ነ ሻኩዋካ ጉላድ። ታን ኔና ነ ፖኮ ሀናታን ዬላትያ፣ ኮዮዋ ኦላናዳን ነ ሞርከቱዋ ፕልሰጾማ ማጫ ኦሳቱዋ ሸንያው ኦላደ እማድ።

28 ኔን ኦላና ኦሳ ግድያ ድራው፣ ኦሪሪ ቢታ ኦሳናካ ሻርሙጽዳ። ሄ ኡባንካ ሀዌ ታው ግዳና ጋባካ።

29 ሄዋፕ ቃይ፣ ዛልኦያን ኦቱዳ ባብሎንቱዋናካ ሻርሙጽያዋ ዳርሳዳ፤ ሄዋንካ ግዳናዋ ጋባካ።

30 “ ሩ “ኔን ሀ ዬላይ ባይና ሻርሙጽቲዳን ሀንያና፣ ነ ኦይባ ላፋ ኦሲ! ታን ኡባ ሞድያ ሙድና ጎዳይ ሀዋ ኦዳይ።

31 ኔን ኦገያ ደናን ሻርሙጽያ ሳእቱዋ ነው ኬጻዳን ዳባባ ኡባን ኤቃው ጎይንያ ሳእቱዋ ገግሳዳ። ሸን ሀራ ሻርሙጽቲዋዳን፣ ሻርሙጽቲ እክያ ሚሻካ ኦካባካ።

32 “ ሩ “ሀን ሀ ሻርሙጽ ማጫ ሞሽራቲ፣ ኔን ነ ኦሲና ጭማደ፣ ኦላጋቱዋና ግሳዳ!

33 ኦቲማ ኦሳይ ሻርሙጽቶ ሚሻ ጭጊ፤ ሸን ኔን ኔናና ግሰያዋንቶ እሞታ እማሳ፤ ኦንቲንቲ ኡባ ሳፕ ኮሶ ያናዳን፣ ማጋንጻ ኦንቲንቲ እማሳ።

34 ሄዋን ነ ሻርሙጽተላይ ሀራ ማጫ ኦሳቱዋፕ ዳማ፤ ኔናና ሻርሙጽዳው ኔና ካልያዌ እቲን ባዋ። ሀራይ ነው ጭገናን፣ ያ ጭጋደ ሻርሙጽያዋን፣ ሀራቱዋፕ ኔን ዳማ” ያጌ።

**ጸሳይ የሩሳላሙ ቦላ ፕርዳና**

35 “ ሄዋ ድራው፣ ሀኔ ሻርሙጽቲ፣ ሙድና ጎዳ ቃላ ሰሳ!

36 ኡባ ሞድያ ሙድና ጎዳይ ሀዋዳን ያጌ፤ “ኔን ነ ሻርሙጽተላ እሙዋን ነ ላገላቶ ነ ቦላ ቃሬዳ ድራው፣ ነ ቱና ኤቃቱዋ ኡባ ድራውን ነ ናናቱዋ ሱላ ኔን ኦንቲንቲ ጉሴዳ ድራው።

37 ኔን ኦንቲንቲን ናሽቲዳ ነ ላገላቱዋ ኡባ፣ ኔን ሲቃያዋንታን ኔን እጽያዋንታ ታን ነው ሞርከ ኦላደ ሸሻና። ታን ኦንቲንታ ነ ቦላ ኡባ ሳና ሸሻደ፣ ኦንቲንቲ ሰንላን ኔና ሙልጾ ኦላደ ቃራና፤ ኦንቲንቲ ነ ካሎዋ በኦና።

38 ታን ሻርሙጽዳ ማጫ ኦሳቱዋ ቦላን ሱላ ጉሴዳ ማጫ ኦሳቱዋ ቦላ ፕርድያዋዳን፣ ነ ቦላ ፕርዳና፤ ታን ታ ሀንቀዋን ነ ታ ሞሹዋን ነ ቦላ ሀይቁዋ እሀና።

39 ታን ኔን ነ ላገላቶ ኦላ እማና፤ ኦንቲንቲ ነ ሻርሙጽያ ሳእቱዋን ኤቃው ጎይንያ ሳእቱዋ ኮል ላይሳና። ኦንቲንቲ ነ ማየዋ ሙልጾ ኦላ ቃራደ፣ ነ ሎኦ ኦላቁዋካ ዋላ ኦኪደ፣ ኔና ካሎ ጸራ ኦሻና።

40 ኦንቲንቲ ኔና ሹቻን ጫድ ዋድያን ባረንቲ ማሻን ቃንጸራልያ ጉይተ ኦሳ ነ ቦላ ኦንቲንቲ እሀና።

41 ኦንቲንቲ ነ ጎልያ ጸጊደ፣ ዳር ማጫ ኦሳ ሰንላን ነ ቦላ ፕርዳና። ታን ነ ሻርሙጽተላ ኦገሳና፤ ኔንካ ነ ላገላቶ ላኤንላ ያ ሚሻ ጭጋካ።

42 ሄዋዳን ኦላና፣ ታን ነ ቦላ ሀንቀቲዳ ሀንቁ ዘርባና፤ ታን ነ ሀናታን ሞሽቲዳ ሞሹካ ሄዋን ኦላና። ታን ሄዋን ሞፑ ጋደ፣ ላኤንላ ሀንቀትከ።

43 “ ሩ “ኔን ነ ያላጋተላ ሳይላ ደጋደ፣ ሀ ኤታ ኦሱዋ ኡባን ታና ሀንቀላዳ። ሄዋ ድራው፣ ቱሙዋፕ ነ ኦሴዳዋ ኡባ ታን ነ ቦላን ዛራና። ኔን ነ ቱና ኦሱቱዋ ኡባ ቦላ ሻርሙጽተላ እያው ጉጃዲ? ታን ኡባ ሞድያ ሙድና ጎዳይ ሀዋ ኦዳይ።

**ናታካ ኦትዳን**

44 “ ሩ “ሀን የሩሳላሙ፣ ኦሳይ ነ ቦላ፣ ናታካ ኦት ማላ ገደ ሊምሱዋ ዦዳና።

45 ቱሙ ኔን ባረ ኦሲና ነ ሻር ሳናቱዋ ሸንቲዳ ነ ኦት ማላ፤ ቃይ ባረንቲ ኦሲና ኦሲናን ባረንቲ ናናቱዋ ሸንቲዳ ነ ሞሹቱዋ ማላ። ነ ኦታ ሂተ ቢታ ኦሳ፤ ነ ኦው ቃይ ኦሞሪ ቢታ ኦሳ።

46 ነ ባይራ ሞቻታ ባረ ማጫ ናናቱዋና ኔፕ ሁጸሳ ባጋና ደኢያ ሳማርያ፤ ቃይ ኔፕ ቲፋ ሞቻታ ባረ ማጫ ናናቱዋና ኔፕ ገድሳ ባጋና ደኢያ ሳዶሞ።

47 ኔን ኦንቲንቲ ኦገያ ካሊዳዌን ኦንቲንቲ ቱና ኦሱቱዋ ኦሴዳዌ ኔና ኦሲና። ሸን ኔን ጉላ ዋድያን ኦሴዳ ኦሱ ኦንቲንቲዋፕ ኤታ ዳራ።

48 “ ሩ “ታን ኡባ ሞድያ ሙድና ጎዳይ ታ ደኤዋን ጫቃይ፣ ኔን ነ ማጫ ናናቲ ኦሴዳዋዳን፣ ነ ሞቻታ ሰደማን ኦ ማጫ ናናቲ ኦላበይክና።

49 ነ ሞቻታ ሰደማ ኦሴዳ ናጋራይ ሀዋ፣ ኦን ኦ ማጫ ናናቲ ኦቶራንቻ፣ ካሊዳዋንታን ኦሻሉዋን ደኢያዋንታ ግደፕ፣ ኦንቲንቲ ናናቲዳዋንታን ሀይሳ ማድበይክና።

50 ኦንቲንቲ ኦቶራንቻ ግዲደ፣ ታ ሰንላን ቱና ኦሱቱዋ ኦሴድና። ሄዋ ድራው፣ ሀንተ በኤዳዋዳን፣ ታን ኦንቲንታ ላይሳድ።

51 “ ለሰማራታ ነን ኦሌዳ ናጋራው ባጋካ ኦላበይኩ፤ ነን ኦንቱንቱዋጥ እዴዳ ቱና ኦሶቱዋ ኦላዳ። ያታደ ሄ ነ ኦሌዳ ቱና ኦሶቱዋ ኦላ ባጋሰዋን፤ ነ ሞቼቱ ጽሌዋ ማላታናዳን ኦላዳ።

52 ነን ነ ሞቼቱዋ ሱረ ኦላ ከሴዳ ድራው፤ ካወሻ ማያ። ኦላዳ ሳጥ፤ ነ ናጋራይ ኦንቱንቱዋጥ እድ ኦሶቱና፤ ሄዋን ኦንቱንቱ ነጥ ጽሌ ማላቱድና። ሄዋ ድራው፤ ዩላታደ፤ ካወሻ ማያ።

53 “ ለ “ ማገደጥ፤ ሳደሞን እ ማጫ ናናቱዋ፤ ቃይ ሳማርያን እ ማጫ ናናቱዋ ታን ዛራይ እሻልሰያ ዋደ፤ ኔናካ እሻልሰና።

54 ነባን ነን ሎይላ ዩላታና፤ ነን ካወሼዳዋን፤ ነ ሞቼቱ ነጥ ኬክያዋ ኦራይ ሞንታና።

55 ነ ሞቼቱ፤ ሰደማ ባረ ማጫ ናናቱዋና፤ ቃይ ሳማራታካ ባረ ማጫ ናናቱዋና ባረንቱ ካሰ እሻሎ ሰማና፤ ኔንካ ነ ማጫ ናናቱዋና ሀንተ ካሰ እሻሎ ሰማና።

56 ነ ኦታተላይ ቆንጫናጥ ካሰ፤ ነ ኦቶራዋ ዋደ፤ ነን ሀራይ ኦቶ፤ ነ ሞቻት ሳደም ቦላ ቅለጫባይኪ?

57 ግደጥ፤ ሀእ ነን ኤደማ ማጫ ናናቱን እ ሾር ኡባይ፤ ቃይ ጥልሰዶማ ማጫ ናናቱን ነ ዩሹዋን ደእያ፤ ኔና እጽያ ኡባይ ቅድያባ ከሳዳ።

58 ነ ሻርሙጽተላንን ነ ቱና ኦሶቱዋ ጋሱዋን ሙረታና። ታን ሙድና ሳዳይ ሀዋ ኦዳይ” ያገ።

59 “ ኡባ ሞድያ ሙድና ሳዳይ ሀዋዳን ያገ፤ “ኔን ቃላ ጫቁዋ ካዶ ድራውን ሀይታ ቃላ ኮሌዳ ድራው፤ ነን ኦሌዳ ኦሶዋዳን፤ ታን ነዉ ኦላና።

60 ግደጥ፤ ታን ነ ያላጋተላ ዋድያን ኔናና ጫቁቱዳ ቃላ ጫቁዋ ሀሳያና፤ ቃይ ሙድና ጫቁዋካ ኔናና ጫቁታናዋ።

61 ሄዋጥ ጉይያን፤ ታን ነ ባይራን ነ ቱፋ ሞቼቱዋ ነኮ እህያ ዋደ፤ ነን ነ ሄሙታ ሀሳያይ ዩላታና። ታን ኦንቱንታ ነዉ ማጫ ናናቱዋ ኦላደ እማና፤ ሽን ሄዋ ታን ኔናና ጫቁቱዳ ጫቁዋዳን ግደና።

62 ሄዋ ታን ታ ጫቁዋ ኔናና ዋላና። ታን ሙድና ሳዳ ግድያዋ ነን ሄዋን ኤራና።

63 ታን ነን ኦሌዳ ናጋራ ኡባ ኦቶ ያግያ ዋደ፤ ነን ነ ኦሌዳዋ ሀሳያደ፤ ዩላዉ ነ ደና ኦይቃና። ታን ኡባ ሞድያ ሙድና ሳዳይ ሀዋ ኦዳይ” ያገ። ያገ” ያገገደ ዩዳ።

# 17

## ላኡ ኦርጋንላቱዋን ዋይንያ ቱራ ለምሱዋ

1 ሙድና ሳዳ ቃላይ ታኮ ሀዋዳን ያገገደ ዩዳ፤

2 “ላ ኦላ ናእዉ፤ እሰራኤልያ ኦላ ቃንእሸያ ቃንእሸ፤ ኦንቱንቱ ለምሱዋን ኦዳ።

3 ሀዋዳን ያገ፤ ኡባ ሞድያ ሙድና ሳዳይ ሀዋዳን ያገ፤ “ዳማ ዳማ ማላና ደእያ ባለቱን ዋልቃዎ ዋልቃዎ ቀፊቱ ደእያ እት ኦርጋንላይ ደኤ። ሄ ኦርጋንላይ ሊባናሳ ዩደ ዘጋ ጼራ ኦይቁዳ።

4 ሄ ዘጋ ልጩዋ ሙንሱዳ፤ ሄ ሙንሱዳ ልጩዋ እኪደ፤ ዛልኢ ዳርያ ቢታ፤ ዛልእንታቱዋ ካታማ ኦራዳ።

5 “ ለ “ ኦእ እሰራኤልያ ቢታጥ ዘረላ ኦራደ፤ ቱኤ ቢታን፤ ዳር ሃላይ ደኢያሳ ማታን ቶኬዳ።

6 ዩደ እጩዳ ቱራይ ዳሪ ኦዱቀናን ዳሼዳ። ኦ ዳሻይ ኦርጋንላኮ ሰሚደ ዳሼዳ፤ ሽን ኦ ጸጶ ቢታ ግደ ገሌዳ። ሄ ቱራይ ማራ ዮሌዳ፤ ሀይላካ ከሴዳ።

7 “ ለ “ ሄዋዳንካ፤ ጮራ ቀፊቱን ዋልቃዎ ዋልቃዎ ባለቱ ደእያ ሀራ እት ኦርጋንላይ ደኤ። ሃላ ደማና ገደ፤ ሄ ቱራይ ባረ ቶከቱዳ ሳጥ ሄ ኦርጋንላይ ደኢያሳኮ፤ ባረ ጸጶዋን ባረ ዳሻ ዩዳዳ።

8 ሽን ኮይራ ኦርጋንላይ ቶከቱዳዊ እጫናው፤ ኦይፋናውን ሎይላ ሎኦ ዋይንያ ግዳናው ዳንዳይያሳን፤ ቱኤ ቢታን፤ ዳር ሃላይ ደኢያሳና። ያገ። ያገ።

9 “ኦንቱንቱ ነን ሀዋዳን ያገ፤ ኡባ ሞድያ ሙድና ሳዳይ ሀዋዳን ያገ፤ “ሄ ቱራይ ድጫይ? ኮይራ ኦ ቶኬዳ ኦርጋንላይ ኦ ሾደይ? ኦ ኦይፊቱዋ ቆቆፊደ፤ ኦ ኦርጸ ሀይላቱዋ ሙልሰይ? ኦ ሄ ሳኦጥ ጸጶዋና ዩደ ሾዳናው ዋልቃዎ ዋልቃ፤ ዋይ ዳር ኦላ ከሸና።

10 ኦ ሾዳደ፤ ሀራ ሳኦን ቶከንቶ፤ ኦ ድጫይ? ኦዎ ዶልያ ባጋ ባዞ ጫርኩ ሾጭና፤ ባረ ቶከቱዳሳን ኡባና ሙላይ?” ያገ። ያገ። ያገገደ ዩዳ።

## ሌምሱዋ ብለላ

11 ሄዋጥ ጉይያን፤ ሙድና ሳዳ ቃላይ ታኮ ሀዋዳን ያገገደ ዩዳ፤

12 “ሀ ማካላንቻ ኦሳዉ ሀዋዳን ያገ፤ “ሄ ሌምሱዋ ብለላይ እየንቶ ኤርክቱ? ሄዋ ኦይ ሳጥ፤ ባብሎን ካቱ ዮሩሳላሙ ዩደ፤ ኦንቱንቱ ካትያን ኦንቱንቱ ካጥቱዋ ኦሞዲደ፤ ባብሎን ኦራዳ።

13 ቃይ ካትያ ገልያ ኦሳጥካ እቱዋ እኪደ፤ ኦናና እትጥ ጫቁይ ጫቁቱዳ፤ ያተደ ኦላ ግደን ኤራቱዳዋንታ ኦሞዲደ ኦራዳ።

14 ሄዋ ኦሌዳዊ ኦንቱንቱ ካዉተላይ ዋልቃ ጳዪደ፤ ላኢንሶ ደንደናዳን፤ ባረንቱ ጫቁዋ ጸላላ ናገደ ደእዳናና።



15 ሽን ይሁዳ ካቲ ማክል ደንዲደ፣ ፓራቱዋን ዳሮ ኦላንቻቱዋ የደናደን፣ ግብጼ ኪቲዳ። እዉ ሄዋ ሀናንዴሻ? ሀዋ ማላባ ኦሌዳዌ እ ባረዉ ከሰ እካንዴ? ቃይ ጫቁዋ አጂደ፣ እ ባረዉ ከሰ እካንዴ?

16 “ ታን ኡባ ሞድያ መድና ጎዳይ ታ ደኡዋን ጫቃይ፡ ባረና ካተዬዳ ካትያና ማየቴዳ ቃላ ድራዉን ጫቁዋ ካጄዳ ድራዉ፣ ሄ ካትያ ቢታን፣ ባብሎንን እ ሀይቃና።

17 ባብሎን ኦላንቻቱ ዳሮ እሳ ዋዳግ ግምቢያ ማታን ቢታ ድድቁይ ጊገሶጥን ድሮጥካ፣ ግብጼ ካቲ ባረ ኦላንቻቱዋናን ባረ ዳሮ እሳና ዪናካ፣ እይን ማደና።

18 እ ጫቁዋ ካጄዳ፣ ጫቁዋ ማሕዳ። እ ባረ ኩሽያካ እሚደ፣ ባረ ጌዳዋ ፖልቤና። ሄዋ ድራዉ፣ እዉ ከሰ እክያ ሳእይ ባዋ።

19 “ ሄዋ ድራዉ፣ ታን ኡባ ሞድያ መድና ጎዳይ ታ ደኡዋን ጫቃይ፤ እ ካጄዳ ታ ጫቁዋን እ መንሌዳ ታ ጫቁዋ ታን እ ሁጲያ ቦላ ዛራደ እሀና።

20 ታን ታ ጲርያ እ ቦላ የገና፣ እ ታ ጲርያን ኦይቀታና። እ ታዉ እማነተናን እጼዳ ድራዉ፣ ታን እ ባብሎን አፋደ፣ ሄዋን እ ቦላ ፕርዳና።

21 ዶረቴዳ እ ኦላንቻቱ ኡባይ ማሻን ሀይቃና፤ ፓጻ እቴዳዋንቱ ዱማ ዱማ ሳእ ላለታና። ሄ ዋይ ሀዋ ሃሳዬዳዌ ታና መድና ጎዳ ግድያዋ ህንተ ኤራና።

22 “ ኡባ ሞድያ መድና ጎዳይ ሀዋዳን ያጌ፤ “ታን ታ ሁጲያዉ እዳሳ ዘጋ ጸራ ልጩዋጥ ጸንቃ እካደ፣ ጶቃን እዳሳ ደርያ ሁጲያን ቶካና።

23 ታን እ እሰራኤልያ ደርያ ሁጲያን ቶካና፤ ሄዋን ማራ የሊደ፣ እይፍያካ እይፋናን ሎኦ ዘጋ ግዳናና። ካፎ ዛሪ ኡባይ እን ኩጻና፤ ኡንቴንቱ እ ቃንካ ኩዋን ሸምፓና።

24 ጶቃ ምሳ ዘቂ ኦሌያዌ፣ ዘቃ ምሳ ጶቁ ኦሌያዌ፣ እርጻ ምሳ መልሰያዌን መላ ምሳካ እጭሰያዌ፣ ታን መድና ጎዳ ግድያዋ ባዘ ምሳ ኡባይ ኤራና። ታን መድና ጎዳይ ሀዋ ኦዳድ፤ ታን ኦዳዳዋ ታንካ ኦላና” ያጌ” ያጌ” ያጌ ዬዳ።

# 18

## ጳሳይ እሳ እ እሱዋዳን ኦሱዋዳን ፕርዳ

- 1 መድና ጎዳ ቃላይ ታኮ ሀዋዳን ያጌደ ዬዳ፤
- 2 “እሰራኤልያ ቢታባ ህንተ፣ ሳዎቱ ጋምኤ ዋይንያ ሚና፣ ናናቱዋ አቻይ ዘልኤዳ” ጊደ ህንተ ሊምሰያዌ አዬ?
- 3 ታን ኡባ ሞድያ መድና ጎዳይ ታ ደኡዋን ጫቃይ፡ ሀዋጥ ሰንሳዉ ህንተ እሰራኤልያ ቢታን ሀ ሊምሱዋ ሊምሰክታ።
- 4 እሳ ኡባ ሸምፑ ታዋ፤ እዉዋ ሸምፑካ ናኦ ሸምፑካ ታዋ። ናጋራ ኦሌያ ሸምፑ እ ባረዉ ሀይቃና።
- 5 “እት እሳይ ጽሎ ግደጥ፣ ቱሙ ፕርዳን ሱረተላ ኦላጥ።
- 6 እ ደርያ ቦላ ደእያ ኤቃዉ ጎይንያ ሳእቱዋን ማና ጳዮጥ፣ እ እሰራኤልያ እሳ ኤቃዉ ጎይናና ጳዮጥ፣ ባረ ሾረዋ ማጫ እሳ ቱንሳና ጳዮጥ፣ ቃይ ፒላይ ዬዳ ማጫሳና ግሳና ጳዮጥ፣
- 7 እናን ኡቁናና ጳዮጥ፣ እጮ ኦይቁዳዋ ጉየ ዛርጥ፣ እት ኡራን ቦንቃና ጳዮጥ፣ ባረዉ ደእያዋጥ ኮሻቴዳ እሳ ምዘጥ፣ ካሎቴዳዋ ማይዘጥ።
- 8 እ ዋጅያ እካናዉ ድቻዉ ታልእና ጳዮጥ፣ ባረ ኩሽያ ባላጥ ሺሽ እኮጥ፣ እሳ ግደን ቱሙዋ ፕርደጥ።
- 9 ታ ህግያን ሄመቶጥ፣ ታ ዋጋካ እማነቲደ ናጎጥ፣ ያቶጥ፣ እ ጽሎ እሳ፣ እ ቱሙ ፓጻ ደእና። ታን ኡባ ሞድያ መድና ጎዳይ ሀዋ ኦዳይ።
- 10 “ሀ ብታንያዉ ሸምፑዋ ዋጅያ፣ ዋይ ሀዋጥ ካሊደ ደእያዋንቱጥ ሀቃዋ ግድናካ ኦሌያ እት ኢታ ናእይ ደኦጥ።
- 11 ባረ እዉ ኦሌያናዋ ኡባባ ኦሌ። እ ደርያ ቦላ ደእያ ኤቃዉ ጎይንያ ሳእቱዋን ሜ፤ እ ባረ ሾረዋ ማጫ እሳ ቱንሰ፤
- 12 እ ሀይሳን ማንቁዋ ኡቁኔ፤ እ እሳባ ቦንቁ፤ እጮ ኦይቁዳዋ ዛርና፤ ኤቃዉካ ጎይኔ፤ ቱናባካ ኦሌ፤
- 13 እ ድቻዉ ታልኢደ፣ ዋጅያ እኩ። ሄዋ ማላ እሳይ ፓጻ ደእኔ? ቱይት፣ እ ፓጻ ደኤና! እ ሄዋ ማላ ቱናባ ኦሌዳ ድራዉ፣ እ ቱማ ሀይቃና፤ እ ሱሳ እጩካ እ ቦላና ግዳናዋ።
- 14 “ሀ ኢታ ብታንያዉ ናእይ ደኦጥ ሄ ናእይ ባረ እዉ ኦሌያ ሀ ናጋራ ኡባ በኢደ፣ እ ሄዋ ማላባ ኦላና ጳዮጥ።
- 15 እ ደርያ ቦላ ኤቃዉ ጎይንያ ሳእቱዋን ማና ጳዮጥ፣ እሰራኤልያ እሳ ኤቃዉ ጎይናና ጳዮጥ፣ እ ባረ ሾረዋ ማጫ እሳ ቱንሳና ጳዮጥ።

- 16 እ ኦናን ኡቁናና ጳዮፕ፣ አጮ ኦይቄዳዋ ገዮ ዛርፕ፣ እ አሳዋ ቦንቃና ጳዮፕ፣ ባረጫ ደእያዋፕ ኮሻቴዳዋንታ ምዘፕ፣ ካሎቴዳዋንታካ ማይዘፕ፣
- 17 እ ባላፕ ኩሽያ ሸሽ እኮፕ፣ ዋድያ እካናጫ ድቻጫ ታልእና ጳዮፕ፣ እ ታ ህግያ ናጎፕ፣ ታ ዋጋንካ ሀመቶፕ፣ ያቶፕ፣ እ ፓጾ ደእናፕ አትና፣ ባረ አጫዋ ናጋራን ሀይቀና።
- 18 ሸን እ አጫ አሳ ማታ ቦንቶቤና ድራጫ፣ ባረ አሻቱዋካ ዋልቃን ቦንቄዳ ድራጫን ባረ አሳ ግደን ኢታ ኦሌዳ ድራጫ፣ ባረ ናጋራን ሀይቃና።
- 19 “ሸን ህንተ፣ ናአይ ባረ አጫዋ ናጋራን እያጫ ሙረተኔ ያገታ። ናአይ ቱሙ ፕርዳን ሱረተላ ኦሌዳ፣ ታ ህግያ ምንሲደ ናጎፕ፣ እ ቱሙ ፓጾ ደእና።
- 20 ናጋራ ኦሌዳ ሸምፑ አ ባረጫ ሀይቃና። ናአይ አጫዋ ናጋራን ሙረተና፤ ሄዋዳንካ፣ አጫ ናአ ናጋራን ሙረታና። ጽሎ አሳ ጽሎተላይ ሄ አጫዋሳ ግዳናዋ፤ ኢታ አሳ ኢታተላይካ ሄ አጫዋሳ ግዳናዋ።
- 21 “ሸን ናጋራንቻይ ባረ ኦሌዳ ናጋራ ኡባፕ ሰሚደ፣ ታ አዛዙዋ ናጎፕ፣ ቱሙ ፕርዳን ሱረተላ አላፕ፣ እ ቱሙ ፓጾ ደእናፕ አትና ሀይቃና።
- 22 እ ኦሌዳ ናጋራፕ አቱን ቆፈተና። ባረ ኦሌዳ ጽሎ ኦሱዋ ድራጫ፣ እ ፓጾ ደእና።
- 23 ናጋራንቻይ ባረ ኦግያፕ ሰሚደ፣ ፓጾ ደእያዋን ናሽታይፕ አትና፣ ታን ኡባ ሞድያ መድና ጎዳይ እ ሀይቁዋን ናሸትከ።
- 24 “ሸን ጽሎ አሳይ ባረ ጽሎተላፕ ገዮ ሰሚደ፣ ናጋራንቻ አሳይ ኦሌዳ ናጋራን ቱና ኦሱዋ አላፕ፣ እ ፓጾ ደእኔ? ቱይት፣ እ ኦሌዳ ጽሎ ኦሱዋፕ አቱን ቆፈተና፤ እ አማነተናን እጼዳ ድራጫን እ ኦሌዳ ናጋራ ኡባ ድራጫ፣ እ ሀይቃና።
- 25 “ሸን ህንተ፣ ጸሳ ኦጊ ሱረ ግደና፣ ያገታ። ህንተና፣ እሰራኤልያ አሳቶ፣ ሀእ ሰሰተ! ሱረ ግደናዌ ታ ኦጊ? ሱረ ግደናዌ ህንተ ኦግያ ግደኔ?
- 26 ጽሎ አሳይ ባረ ጽሎተላፕ ገዮ ሰሚደ፣ ናጋራ ኦሌዳ ዋደ፣ ባረ ናጋራን ሀይቁ። እ ባረ ኦሌዳ ናጋራ ድራጫ ደኡዋን ደእና።
- 27 ሸን ኢታ አሳይ ባረ ኢታተላፕ ገዮ ሰሚደ፣ ቱሙ ፕርዳን ሱረተላ ኦሌዳ ዋደ፣ እ ባረ ሸምፑዋ አሻና።
- 28 እ ባረ ኦሌዳ ናጋራ ኡባ እኩኪደ ሰሜዳ ድራጫ፣ እ ቱሙ ፓጾ ደእናፕ አትና ሀይቃና።
- 29 ሸን እሰራኤልያ አሳቶ፣ ጸሳ ኦጊ ሱረ ግደና ያገደና። ህንተና፣ እሰራኤልያ አሳቶ፣ ሱረ ግደናዌ ታ ኦጊ? ሱረ ግደናዌ ህንተ ኦግያ ግደኔ?
- 30 “ሄዋ ድራጫ፣ ህንተና፣ እሰራኤልያ አሳቶ፣ ታን ህንተና ኡባካ ህንተ ኦግያዳን ኦግያዳን ፕርዳና። ናጋራይ ህንተ ጳዮ ጋሶ ግደናዳን ፓጽተ፤ ህንተ ባይዙዋ ኡባፕካ ሰምተ። ታን ኡባ ሞድያ መድና ጎዳይ ሀዋ ኦዳይ።
- 31 ህንተ ናቄዳ ናቄዋ ኡባ ህንተፕ ሃሲደ፣ ኦራላ ዋዛናን ኦራላ እያና አከተ። ህንተና እሰራኤልያ አሳቶ፣ እያጫ ሀይቁቱ?
- 32 ታን እት አሳ ሀይቁዋን ናሸትከ። ሄዋ ድራጫ፣ ህንተ ናጋራ ፓጾ ሰሚደ፣ ፓጾ ደእተ! ታን ኡባ ሞድያ መድና ጎዳይ ሀዋ ኦዳይ” ያገደ።

# 19

## እሰራኤልያ ዳናቱዋ ዝላሳ

- 1 ጸሳይ ህዝቁላ፣ “እሰራኤልያ ካፓቶ ሀዋዳን ያጋደ ዝላላ፤
- 2 “ህንተ አታ ጋሞቱዋ ግደን፣  
አዛ አይባ ጋማቲ!  
ያላጋ ጋሞቱዋ ግደን ግሳደ፣  
ባረ ማራቱዋ ድቻዲ።
- 3 እዛ ባረ ማራቱዋፕ አቱዋ ድቻና፣  
ዋዳላ ጋሙዋ ከሴዳ።  
እ ሻንካ ታማሪደ፣ አሳ ሚዳ።
- 4 ካጫተላቱ ኡባይ አባ ሰሲደ፣  
ኦላን ገሊደ ኦይቀቱዳ።  
ኡንቱንቱ እ ማጋን ጎቹደ፣  
ግብጹ ቢታ አፌድና።
- 5 “እ አታ ናጎዌ ፖለተናን እጽና፣  
ሀደታይ ጳዬዳዋ በእደ፣



5 ኢንቴንቶ ሀዋዳን ያገኘ፤ ሓባ ሞድያ መድና ጎዳይ ሀዋዳን ያገኘ፤ “ታን እስራኤልያ ዶራዳ ዋደ ታ ኩሽያ ደንጎላደ ጫቃድ፣ ያቆባ ዛረቶ ግብጾን ደእሸና፣ ታናተላ ኤርሳደ፣ ታ ኩሽያካ ደንጎላደ ጫቃድ፣ ታን መድና ጎዳ ህንተ ጸሳ” ጋደ ኦዳድ።

6 ታን ህንተና ግብጾገ ከሳደ፣ ህንተዉ ዶራዳ ቢታ፣ ማላይ ኤሳይ ጎግያ ቢታ፣ ቢታ ኡባገ አዲዳ ሎኦ ቢታ አህና ጋደ ጫቃድ።

7 ቃይ ታን ኢንቴንታ፤ “ህንተገ እቱ እቱ ባረ ሲቅያ ቱና ኤቃቱዋ ድጎ፤ ግብጾ ኤቃቱዋን ቱናፕተ። ታን መድና ጎዳ ህንተ ጸሳ” ያጋድ።

8 “ ሸን ኢንቴንቱ ታዉ ማካሊድ፣ ታ ኦድያዋ ሰሰናን እጾድና። ኢንቴንቱ ባረንቱ አዎቱዳ ቱና ኤቃቱዋ ድጎገቤክና፤ ግብጾ ኤቃዉካ ጎይንያዋ አግቢይክና። ሄዋ ድራዉ፣ ኢንቴንቱ ግብጾን ደእሸና፣ ታ ህንቁዋ ኢንቴንቱ ቦላ ጉሳናዉ፣ ታ ይሉዋካ ኢንቴንቱ ቦላ ዉርሳናዉ ቆፓድ።

9 ሸን ኢንቴንቱ ደእያ ካዉተላቱዋ ግደን እስራኤልያ አሳ ግብጾገ ከሰያዋን፣ ታን ታናተላ ኤርሴዳ አሳ ሰንላን ታ ሱንላይ ቱናናዳን ኦላድ።

10 ሄዋ ድራዉ፣ ታን ኢንቴንታ ግብጾገ ከሳደ፣ መላ ቢታ አሃድ።

11 አዛዘትያ ኡባዉ ደኡዋ እምያ ታ ዋጋ ታን ኢንቴንቶ እማድ፤ ታ ህግያካ ኢንቴንቱ ታማርሳድ።

12 ቃይ ኢንቴንታ ሺሽያዋ ታና መድና ጎዳ ግድያዋ ኢንቴንቱ ኤራና ማላ፣ ታን ታ ሳምባታ ታገን ኢንቴንቱገ ግዱዋን ማላ ኦላደ እማድ።

13 “ ሸን እስራኤልያ አሳይ ሀ መላ ቢታንካ ታ ቦላን ማካሊድና። አዛዘቱዳ ኡባዉ ደኡዋ እምያ ታ ዋጋዳን ሀመትባይክና፤ ታ ህግያካ መንጮድና፤ ታ ሳምባታካ ዳሮ ቱንሴድና። ያትና፣ ታን መላ ቢታን ታ ህንቁዋ ኢንቴንቱ ቦላ ጉሳደ፣ ኢንቴንታ ዉርሳናዉ ቆፓድ።

14 ሸን ታን ኢንቴንታ ግብጾገ ከሰያዋ በኤዳ ካዉተላቱዋ ሰንላን ታ ሱንላይ ቱናናዳን፣ ኢንቴንታ ቆይሳባይክ።

15 ቃይ ኢንቴንቶ እማዳ ቢታ፣ ማላይ ኤሳይ ጎግያ ቢታ፣ ቢታ ኡባገ ሎእያ ቢታ ኢንቴንታ ገልሰናዳን መላ ቢታን ደእሸን ጫቃድ።

16 እያዉ ጎገ፣ ኢንቴንቱ ኤቃዉ ጎይኒደ፣ ታ ህግያ እጾዳ ድራሳ፣ ታ ዋጋዳን ሀመትባይና ድራሳን ታ ሳምባታካ ቱንሴዳ ድራሳ።

17 ግድገ፣ ታን ኢንቴንቶ ቃረቱዳ ድራዉ፣ መላ ቢታን ኢንቴንታ ዉርሳ ቆይሳባይክ።

18 “ ሓንቴንቱ መላ ቢታን ደእሸና፣ ታን ኢንቴንቱ ናናቱዋ ሀዋዳን ያጋድ፤ “ህንተ አዎቱዋ ዋጋዳን ሀመቶፕተ፤ ኢንቴንቱ ህግያካ ናፕተ፤ ዋይ ኢንቴንቱ ኤቃቱዋን ቱናፕተ።

19 ታን መድና ጎዳ ህንተ ጸሳ። ታ ዋጋዳን ሀመትተ፤ ታ ህግያካ ናፕተ።

20 ታገን ህንተገ ግዱዋን ማላ ግዳና ማላን ታን መድና ጎዳ ህንተ ጸሳ ግድያዋ ህንተ ኤራና ማላ፣ ሳምባታ ሀራ ጋላሳገ ዱማይተ” ያጋድ።

21 “ ሸን ሄ ናናቱካ ታ ቦላን ማካሊድና፤ አዛዘትያ አሳ ኡባዉ ደኡዋ እምያ ታ ዋጋዳን ሀመትባይክና፤ ታ ህግያካ ኢንቴንቱ ናግቢይክና፤ ታ ሳምባታካ ቱንሴድና። ያትና፣ ታን መላ ቢታን ታ ህንቁዋ ኢንቴንቱ ቦላ ጉሳናዉ፣ ታ ይሉዋካ ኢንቴንቱ ቦላ ዉርሳናዉ ከያድ።

22 ሸን ታን ታ ኩሽያ ሺሻ አካድ። ታን ኢንቴንታ ግብጾገ ከሰያዋ በኤዳ ካዉተላቱዋ ሰንላን ታ ሱንላይ ቱናናዳን፣ ኢንቴንታ ቆይሳባይክ።

23 ቃይ ኢንቴንታ ሀራ ካዉተላቱን ሀራ ቢታቶ ላላናዉ መላ ቢታን ጫቃድ።

24 እያዉ ጎገ፣ ኢንቴንቱ ታ ዋጋዉ አዛዘተናን እጾድና፤ ታ ህግያካ መንጮድና፤ ታ ሳምባታ ቱንሴድና፤ ባረንቱ አዎቱዋ ኤቃ አዎቱድና።

25 ሄዋዳንካ፣ ቃይ ኢንቴንቶ ሎኦ ግደና ዋጋቱዋን ደኡዋ እመና ህገቱዋ እማድ።

26 ኢንቴንቱ ባረንቱ ያርሹዋን ቱናናዳን፣ ባረንቱ ባይራ ናናቱዋ ያርሹናዳን፣ ታን ኢንቴንታ ዩዳ በሳድ። ታን ሄዋ ኦሌዳዊ ኢንቴንታ ዳጋንላናሳን ታን መድና ጎዳ ግድያዋ ኢንቴንታ ኤርሳናሳ ያገኘ ያጋ።

27 “ሄዋ ድራዉ፣ አሳ ናእዉ፣ እስራኤልያ አሳዉ ሀዋዳን ያጋደ ኦዳ፤ ሓባ ሞድያ መድና ጎዳይ ሀዋዳን ያገኘ፤ ህንተ አዎቱካ ታናን እማነተናን እጾደ፣ ሄ የዎቱዋን ታና ቦራድና።

28 ኢንቴንቱ እማናዉ ታ ኩሽያ ደንጎላ ጫቁዳ ቢታ ኢንቴንታ አሄዳ ዋደ፣ ኢንቴንቱካ ቆቃ ደርያ ኡባን እርጸ ሞላ ኡባ በኤድና። ኢንቴንቱን ኡባን ባረንቱ ያርሹዋ ያርሹድና፣ ባረንቱ ጨዋይያ እጸናንን ባረንቱ ጉሰያ ኡሻ ያርሹዋን ታና ህንቁሌድና።

29 ያትና፣ ታን ኢንቴንታ፣ ሀዋ ህንተ ብያ ቆቃ ሳእይ እዬ? ያጋደ ኦቻድ። ሀኛ ጋካናዉ ሄ ሳእይ ባማ ጌተቴ፤ ሄዋ ጉሳይካ ጎይንያ ቆቃ ሳእ ጉሳ” ያገኘ ያጋ።

30 ሄዋ ድራው፣ እስራኤልያ አሳው ሀዋዳን ያጋደ ኦዳ፤ “ኡባ ሞድያ ጸሳይ ሀዋዳን ያገ፤ ህንተ ማይዛ አዎቱ ኦሎዳ ናጋራ ኡባ ኦሎዳ፣ እያው ህንተና ቱንሲቲ? ኡንቱንቱ ቱና ኤቃ ጎይናናው አዎቲደ እያው ካለቲቱ?

31 ሀንቱካ ሄዋ ማላ እሙዋ ሸሽያ ዎደነ ህንተ አቱማ ናናቱዋ ታማን ጸጊደ ያርሸያ ዎደ፣ ህንተ ኤቃን ኡባን ህንተና ቱንሲታ። ህንተኖ፣ እስራኤልያ አሳቶ፣ ታን ህንተናን ኦሸቶ? ታን ኡባ ሞድያ መጅና ጎዳይ ታ ደኡዋን ጫቃይ፣ ታን ህንተናን ኦሸቱከ።

32 ህንተ፣ “ኡን ሞላውን ሹቻው ጎይንያ ሀራ ካወተላቱዋ ማላነ ጸሳ እማና አሳ ማላ ግዳና” ያጊደ ቆጊታ። ሸን ህንተ ቆፋይ ኡባካ ሀነና።

**ጸሳይ ሙራነ ማራ**

33 “ ታን ኡባ ሞድያ መጅና ጎዳይ ታ ደኡዋን ጫቃይ፣ ታን ታ ሞኖ ቀሰያን፣ ታ ሙራናው ደንሎዳ ኩሸያንነ ታ ጉሴዳ ሀንቁዋን ህንተ ቦላ ካተታና።

34 ካወተላቱዋ ግደፕ ታን ህንተና ከሳና፤ ህንተ ላለቲዳ ቢታ ኡባፕ ታ ሞኖ ቀሰያን፣ ታ ሞጨቲዳ ኩሸያንነ ታ ጉሴዳ ሀንቁዋን ታን ህንተና ሸሻና።

35 ታን ህንተና ካወተላቱዋ መላ ቢታ ግያ ባዙዋ አሀና፤ ህንተና ታ ሰንላን ኤሳደ፣ ህንተ ቦላ ፕርዳና።

36 ግብጾ ቢታ ባዙዋን ህንተ ማይዛ አዎቱዋ ቦላ ፕርዳዳዋዳን፣ ሄዋዳንካ ህንተ ቦላ ፕርዳና። ታን ኡባ ሞድያ መጅና ጎዳይ ሀዋ ኦዳይ።

37 ታን ህንተና ታ ካወተላ ጸምኦ ጋርሳን ዋላና፤ ታ ጫቁዋ ህንተ ናጋናዳን፣ ታን ህንተና ኦላና።

38 ማካላንቻቱዋን ናጋራንቻቱዋ ታን ህንተ ግደፕ ድጋና፤ ሀእ ኡንቱንቱ ደእያ እማላተላ ቢታፕ ታን ኡንቱንታ ከሳና፤ ሸን ኡንቱንቱ እስራኤልያ ቢታ ገለናዳን ድጋና። ሄ ዎደ ታን መጅና ጎዳ ግድያዋ ህንተ ሄዋን ኡራና” ያገ።

39 “ኡባ ሞድያ መጅና ጎዳይ ሀዋዳን ያገ፤ ህንተኖ፣ እስራኤልያ አሳቶ፣ ህንተ ሀእ ታን ኦድያዋ ሰሰናን አጸፕ፣ ቢደ ኡባይካ ህንተ ኤቃው ጎይንተ። ሸን ሄዋፕ ጉይያን፣ ህንተ እሙዋን ህንተ ኤቃን ታ ጌሻ ሰንላ ቱንሰክታ።

40 ታ ጌሻ ደርያን፣ ቶቁ ጌዳ እስራኤልያ ደርያ ቦላን ህንተ እስራኤልያ አሳይ ኩመንላይ ታው፣ ኡባ ሞድያ መጅና ጎዳው ሄ ቢታን ጎይናና። ታንካ ህንተና ሞካ አካና፤ ህንተ ያርሹዋ፣ ህንተ ደረቲዳ እሙዋን ህንተ ጌሻ እሙዋ ታን ህንተፕ ኮያይ።

41 ህንተ ላለቲዳ ካወተላቱዋ ግደፕ ታን ህንተና አሀያ ዎደነ ሀራ ቢታቱዋፕ ታን ህንተና ሸሽያ ዎደ፣ ሳወዋ ቶሹኩ ግያ ያርሹዋ አክያዎዳን፣ ታን ህንተና አካና። ካወተላቱ ጸልሸን፣ ታን ህንተ ግደን ጌሻ ግድያዋ ኤርሳና።

42 ታን ካሰ ህንተ ማይዛ አዎቶ እማና ጋደ ጫቁዳ እስራኤልያ ቢታ ህንተና ዛራደ እሄዳ ዎደ፣ ታን መጅና ጎዳ ግድያዋ ህንተ ኤራና።

43 ህንተ ህንተ ኤታ ሀመታን ህንተ ቱና ኦሱዋ ህንተ ሄ ሳካን ሀሳናና፤ ህንተ ኦሎዳ ኤታ ኦሱዋ ኡባ ህንተ ሸነታና።

44 ህንተኖ፣ እስራኤልያ አሳቶ፣ ታን ህንተ ኤታ ሀመታዳንነ ህንተ ቱና ኦሱዋዳን ግደናን፣ ታ ሰንላ ድራው ታን ኦሎዳ ዎደ፣ ታን ጸሳ ግድያዋ ህንተ ኤራና። ታን ኡባ ሞድያ መጅና ጎዳይ ሀዋ ኦዳይ ያገ፣ ያጊደ ዬዳ።

**ገድሳ ባጋ ታማ ፕርዳ**

45 መጅና ጎዳ ቃላይ ታኮ ሀዋዳን ያጊደ ዬዳ፤

46 “ላ አሳ ናእው፣ ገድሳ ባጋ ሰማይ ጾላ፤ ገድሳ ባጋው ኦዳ፤ ገድሳ ዎራ ቦላ ትምቢትያ ኦዳ።

47 ገድሳ ዎራው ሀዋዳን ያጋ፤ መጅና ጎዳ ቃላ ሰሳ! ኡባ ሞድያ መጅና ጎዳይ ሀዋዳን ያገ፤ ‘ታን ነ ግደን ታማ ኦይላና፤ ሄ ታማይ ነ እርጸ ሞላካ ነ መላ ሞላካ ኡባ ማና። ሄ ኡጽያ ታማይ ቶኤና፤ ገድሳፕ ቢደ፣ ሁጺሳ ጋካናው ደእያ አሳ ሰምኡዋ ኡባ ሄ ላጨ ላባና።

48 ታን መጅና ጎዳይ ኦይሎዳ ታማ ግድያዋ አሳይ ኡባይ በእና። ሄ ታማይ ቶኤና ያገ፣ ያጊደ ዬዳ።

49 ታን ዛራደ፣ “ሀእ ኡባ ሞድያ መጅና ጎዳው፣ ሀዋ ታ ኦዳናው ታና አዛዞፕ። ኡንቱንቱ ታና፣ ‘ኡ ኡባቶ ለምሱዋ ኦዳ ግደኔ?’ ያጊደ ሃሳዪኖ” ያጋደ።

**መጅና ጎዳ ማሻ**

1 መጅና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናእው፣ ነ ሰምኡዋ የሩሳላመኮ ዛራደ፣ አሳይ ጎይንያ ሳክቱዋ ቦላ ቃላ ኦዳ፤ እስራኤልያ ቢታ ቦላን ትምቢትያ ኦዳ።

3 ሀዋዳን ያጋ፤ መጅና ጎዳይ ሀዋዳን ያገ፤ ታን ነዉ ሞርከ። ታን ታ ማሻ ሾኩዋጥ ሾደደ። ጸሎ አሳነ ኢታ አሳ ኡባ ነ ግዳዋጥ ወርሳና።

4 ጸሎዋን ናጋራንቻ ኡባ ጳይሳናዉ ሁጲሳጥ ገድሳ ጋካናዉ ደእያ አሳ ኡባ ቦላ ታ ማሻ ሾደና።

5 ሄዋን ታን መጅና ጎዳይ ታ ማሻ እ ሾኩዋጥ ሾደዳዋን ጉዩ ዛርናዋ አሳይ ኡባይ ኤራና ያገ።

6 ሄዋ ድራዉ፡ “አሳ ናአዉ፡ አሳይ ኡባይ ጸልሸን፤ ነ ዋዛናይ መእና ኦላ፡ ጫዋ ኡንእን ኦላ።

7 ኡንቱንቱ ኔና፡ ሳእያዉ ኦላይ?” ገደ ኦቻያ ዋደ፤ ሀዋዳን ያጋ፤ ሰንሳና ይያ ኢታ ኦድ ኦላይ። ዋዛን ኡባይ ያሻን መሻና፤ ኩሸያ ኡባይ አርጋጫና፤ ኡንቱንቱ ጎባተላይ ኡባይ ኡንቱንቱጥ ክቻና፤ ጉልባታይ ኡባይካ ኮኮራና። ሄ ዋዲ ጋኩዳ! አ ኤላ ገላታና! ታን ኡባ ሞድያ መጅና ጎዳይ ሀዋ ኦዳይ’ ያጋ” ያገደ ዬዳ።

8 መጅና ጎዳ ቃላይ ታኮ ሀዋዳን ያገደ ዬዳ፤

9 “ላ አሳ ናአዉ፡ ሀዋዳን ያጋደ ትምቢትያ ኦዳ፤ ጳሳይ ሀዋዳን ያገ፤ ማሻ! ሌፊቱዳን ቁጠቲዳ ማሻ!

10 ሹካናዉ ሌፊቱዳ። ዋልቃንላዳን ጸልቁ ጋናዉ ቁጠቲዳ። ታ አሳይ እመቲዳ ሴራን ሙሩዋ ኡባ እጲዳ ድራዉ፤ ሀዋጥ ጉይያን፤ ኦን ናሸተና።

11 ጎኡታናዉ ማሻይ ቁጠቲዳ፤ ሌፊቲደን ቁጠቲደ፤ ሹክያዋ እመቲዳ።

12 “ላ አሳ ናአዉ፡ ዬካን ዘላላ! እያዉ ጎጥ፡ ሄ ማሻይ ገባቲዳዊ ታ አሳ ቦላናን እስራኤልያ ካፖቱዋ ኡባ ቦላና። ካፓቱካ ታ አሳና እትጥ ማሻን ሀይቃና። ሄዋ ድራዉ፡ ነ ትራ ባቃ።

13 ታን ታ አሳ ፓጫና፤ ኡንቱንቱ ናጋራ ፓጸናን አጸጥ፤ ሀ መቱ ኡባይ ኡንቱንቱ ቦላ ጋካናዋ። ታን ኡባ ሞድያ መጅና ጎዳይ ሀዋ ኦዳይ ያገ ያጋ።

14 “ሀእካ አሳ ናአዉ፡ ትምቢትያ ኦዳ፤ ነ ኩሸያካ ባቃ። ሄ ዋደ ማሻይ ላኡ ሄዙ ዛሪደ ሾጫና፤ ሄዌካ ዩሹዋ ኡባና ዩዩደ፤ ዳጋንሰያ፤ ዋድያን ሹክያ ማሻ።

15 ሄዋ ኡንቱንቱ ዋዛናይ መሻናዳንን ኡንቱንቱጥ ዳርቱ ጴብታናዳን ኦላና። አዩ አና! ማሻይ ኡባይ ገልያ ግምቢያ ጥንገቱዋን ዋልቃንላዳን ጸልቁ ጌ፤ ሹኩዋጥ ሹካናዉ ሹካናዉ ቁጠቲዳ።

16 ኔና፡ ቃራ ማሻዉ፡ ኡሸቻዉን ሀድርሳዉ፤ ነ ሰሜዳ ባጋ ኡባ ቡሳካ።

17 ታንካ ቃይ ታ ኩሸያ ባቃና፤ ታ ሀንቁካ ዶቻና። ታን መጅና ጎዳይ ሀዋ ኦዳድ” ያገደ ዬዳ።

ባብሎን ካትያ ማሻ

18 መጅና ጎዳ ቃላይ ታኮ ሀዋዳን ያገደ ዬዳ፤

19 “ላ አሳ ናአዉ፡ ባብሎን ካትያ ማሻይ ይያ ላኡ ኡንቱዋን ማላ ዋላ። ላኡ ኡንቱካ እት ቢታጥ ደንደና። ላኡ ኡንቱ ጋክትያ ዳንሱዋን ካታማኮ እፍያ ሳእን ማላ ግድያ ቲሳ ኤሳ።

20 እት ኡግያን ደእያ ማላይ ራባ ግያ አሞናቱዋ ካታማ ብያሳ ማሌ፤ ህንኩ ቃይ ይሁዳን ግምቢቲዳ ዩራሳላመ ካታማ ብያሳ ማሌ።

21 ባብሎን ካት ኡንቱ ጋክትያ ዳንሱዋን፤ ማላ ቲሳቲዋ ማታን ኤቁ። እ ሀቃ ኡግያ ባንንቶ ኤራናዉ፤ ዋንዳፍያ ማሻቲዋ ሳማ ዩጋና፤ ባረ ኤቃቲዋና ዘረታና፤ መሀያ ማራጫያካ ጸላና።

22 ድርሳ ግምቢቲዋ ጥንግያ ላልያ ዲራማ አሀር ማላ፤ ዋቆናዉ አዛዙዋ አላና ማላ፤ ጩቁዋ ጩቁታና ማላ፤ ድርሳ ግምቢቲዋ ጥንግያ ላልያ ዲራማቱዋ ካታማ ጥንግያን ኤሳና ማላን ቢታ ኬሳና ማላ፤ ግምቢያና ባብሎን ሚጶ ገግሳና ማላ፤ ዩራሳላመ ሳማይ አ ኡሸቻ ኩሸያን ዋዴዳ።

23 ዩራሳላመ አሳይ ጋብሎን ካትያ ጫቀቲዳ ድራዉ፤ ሀዌ ባረንቱ ቦላ ጋኬ ገደ ቆፕቦይክና። ሸን ባብሎን ካት ኡንቱንታ ኡንቱንቱ ናጋራ ሀሳይሲደ፤ ኦሞዶ አፋና።

24 “ሄዋ ድራዉ፡ ኡባ ሞድያ መጅና ጎዳይ ሀዋዳን ያገ፤ ህንተ ናጋራይ ቆንጩዳ፤ ህንተ ባይዛንቻ አሳ ግድያዋ አሳይ ኡባይ ኤሬ፤ ህንተ ኦሱ ህንተ ናጋራንቻ ግድያዋ ቦሲ። ሄዋ ድራዉ፤ ህንተ ባይከ ሀሳይታና፤ ህንተካ ህንተ ሞርከያዉ አጲደ እመታና’ ያገ።

25 “ሄድ ኢታን ቱና ግዴዳ እስራኤልያ ካፖ፡ ነ ወርሰላ ፕርዳ ጋላሳይ ጋኩዳ።

26 ኡባ ሞድያ መጅና ጎዳይ ሀዋዳን ያገ፤ ሳ ሁጲያጥ ካሳቻ ደንላ፤ ነ ሁጲያን ጸጺዳዋካ ቃራ። ሀዋጥ ሰንሳናዉ ካሰዋዳን ሀርናዌ ባዋ፤ ዘቂ ጌዳዌ ጶቁ ጋና፤ ጶቁ ጌዳዌካ ዘቂ ጋና።

27 ባሻ! ባሻ! ታን ሀ ካታማ ባይካዉ! ፕርድያ ማታይ ደእያዌ ያና ጋካናዉ፤ ሀ ካታማይ ላኢኦሶ ኩጸተና። እ ይያ ዋደ ታን አዉ አላደ እማና’ ያገ።

28 “ላ አሳ ናአዉ፡ ሀዋዳን ያጋደ ትምቢትያ ኦዳ፤ ሳስራኤልያ ቦርያ አሞናቶ ኡባ ሞድያ መጅና ጎዳይ ሀዋዳን ያገ፤ “ማሻ! ማሻይ ዋቆናዉ ሹኩዋጥ ሾደቲዳ፤ ወርሳናዉን ዋልቃንላዳን ጸልቁ ጋናዉ ቁጠቲዳ።

29 ህንተ በእያ ሳጸይ ዋርዲዋ፤ ህንተ ኦድያ ትምቢቲካ ዋርዲዋ። ህንተ ኢታን ቱና አሳ፤ ህንተ ወርሰላ ፕርዳ ጋላሳይ ጋኩዳ። ህንተ ቆድያን ማሻይ ዋቆና ሀኔ።

30 ማሻ ሹኩዋን ዛርተ። ህንተ መጠቲዳ ሳእን፤ ህንተ የለቲዳ ቢታን ታን ህንተ ቦላ ፕርዳና።

31 ታ ሀንቁዋ ህንተ ቦላ ጉሳና፤ ታ ሀንቁዋ ታማይ ህንተ ቦላ ኤጽ ከሳና። ህንተና ባይዘያዋን ሎሂዳ፤ መቀሰ ባይና አሳቶ አሳ እማና።  
 32 ህንተ ታማዉ ኤላያ ምላ ግዳና፤ ህንተ ሱላይ ህንተ ቢታን ጉካና፤ ህንተ ላኤንሎ ሀሳየትክታ። ታን መድና ጎዳይ ሀዋ ኦዳድ። ያጌ፣ ያጋ። ያጌደ ዬዳ።

## 22

### የሩሳላመ ናጋራ

1 መድና ጎዳ ቃላይ ታኮ ሀዋዳን ያጌደ ዬዳ፤  
 2 “ላ አሳ ናአዉ፤ ሱላ ጉሰያዋንቱ ኩሜዳ ካታማ ቦላ ፕርዳናዉ ጊጋዲ? ያቶፕ፣ እ ኦሌዳ ቱና ኦሱዋ ኡባ አዉ ኦዳ።  
 3 ሀዋዳን ያጋ፤ ሎባ ሞድያ መድና ጎዳይ ሀዋዳን ያጌ፤ “ኔን ዳር አሳ ሱላ ጉሱዳ ድራዉነ ኤቃዉ ጎይንያዋን ኔና ቱንሱዳ ድራዉ፤ ነ ዎዲ ዬዳ።  
 4 ኔን ጉሱዳ ሱላን ባይዘንቻ ግዳዳ፤ ነ መዲዳ ኤቃንካ ቱናዳ። ያትና፤ ነ ፕርዳ ጋላሳይ ማታቱዳ፤ ነ ዉርሰላ ላይሳይካ ጋኪዳ። ሄዎ ድራዉ፤ ታን ኔና ካዉተላቶ ካዲያዋን ሀራ ቢታቶካ ቅሊጭያዋ ከሳና።  
 5 ኔና፣ ሱንሰ ባዬዳን ሻቢረቱዳ ካታማትዉ፤ ማታንነ ሃኩዋን ደእያዋንቱ ኔና ቅሊጫና።  
 6 “ ሩ “ሳ ግዳን ደእያ እሰራኤልያ ካፓቱ ኡባቱ ሱላ ጉሳናዉ ባረንቱ ዎልቃ አይ ኬሻ ጎኤትንቶ በእ።  
 7 ነ ግዳን ደእያዋንቱ ባረንቱ አዉዋን ባረንቱ አቶ ቦንቻክና፤ ኡንቱንቱ በተቱዋካ ኡቁኔድና፤ እምኤቱዋን አዉ አታ ባይና ናናቱዋ ናቂና።  
 8 አንቱንቱ ታ ጌሻ የዎቱዋ ካዲያን ታ ሳምባታካ ቱንሱና።  
 9 ነ ግዳን ደእያዋንቱፕ እቱ እቱ ሀራቱዋ ዎድሳናዉ ዎርዲዋ ኦዲና፤ ሀራቱ ደርያ ቦላ ደእያ ኤቃዉ ጎይንያ ሳኡቱዋን ሚና፤ ቃይ ሀራቱ ኡባባን ቱንያዋንቱ ነ ግዳን ደእያ።  
 10 ነ ግዳን ደእያዋንቱፕ እቱ እቱ ባረ አዉዋ ማቻትና ግሲና፤ ሀራቱ ቃይ ፒላይ ዬዳ ማጫ ሞሽራትና ዎልቃን ጋከቲና።  
 11 ነ ግዳን ደእያዋንቱፕ እቱ እቱ ባረ ሾሩዋ ማቻትና ግሲና፤ ባረ ናእ ማቻትና ግሲና፤ ባረ አዉዋ ናት፤ ባረ ሞቻትና ዎልቃን ግሲና።  
 12 ነ ግዳን ደእያዋንቱፕ እቱ እቱ ሚሻ አኪደ፤ ሸምፕዋ ዎዲና፤ ሀራቱ ባረንቱ ሚሻ ድቻዉ እሚና፤ ባረንቱ ሾሩዋ ሚሻ ያሽሲደ እኪና። ቃይ ህንተ ታና ኡባካ ደጌድታ። ታን ኡባ ሞድያ መድና ጎዳይ ሀዋ ኦዳይ።  
 13 “ ሩ “ሳ ግዳን ደእያ አሳይ በሰና ሚሻ አክያ ድራዉነ ሸምፕዋ ዎዲና ድራዉ፤ ታን ሀንቁዋን ታ ኩሽያ ባቃና።  
 14 ታን ኔና ሙርያ ጋላስ ነ ጎባተላይ ኔናና ደእኔ? ዎይ ነ ኩሽ ሞና ግዳኔ? ታን መድና ጎዳይ ሀዋ ኦዳድ፤ ታን ኦዳዳዋ ታንካ ኦላና።  
 15 ታን ነ አሳ ካዉተላቱዋ ግዳንን ሀራ ቢታቱዋ ግዳን ላላና፤ ነ ቱናተላካ ታን ነ ቦላፕ ዲሳና።  
 16 ሀራ ካዉተላቱዋ ሰንሳን ኔን ካዉሻና፤ ሸን ሄ ዎደ ታን መድና ጎዳ ግዳያዋ ኔን ኤራና። ያጌ፣ ያጋ። ያጌደ ዬዳ።

### ጸሓ ታማይ ጌሼ

17 ሄዋፕ ጉይያን፤ መድና ጎዳ ቃላይ ታኮ ሀዋዳን ያጌደ ዬዳ፤  
 18 “ላ አሳ ናአዉ፤ እሰራኤልያ አሳይ አይነ ፓርና ብራታ ሸእ ማላ፤ አንቱንቱ ኡባይካ ብራ ሙሸሲደ ጌሽያ ዎደ፤ ሸእ ግዲደ አትያ ናሃሰያ፤ ቆርቆሩዋ፣ ብራታን እርሳሰያ ማላ።  
 19 ሄዎ ድራዉ፤ ኡባ ሞድያ መድና ጎዳይ ሀዋዳን ያጌ፤ ህንተ ኡባይካ ብራታ ሸእ ማላ ግዳዳ ድራዉ፤ ታን ህንተና ኡባካ የሩሳላመ ግዳ ሸሻና።  
 20 አሳይ ብራ፣ ናሰያ፣ ብራታ፣ እርሳሰያን ቆርቆሩዋ ታማ ጮጭያኮ ሸሻደ ዎምፒናን ፑኒደ ሙሸሲያዋዳን፤ ታን ታ ሀንቁዋን ታ ይሊዋን ህንተና ሸሻደ፤ ካታማ ግዳን ሙሸሳና።  
 21 ታን ህንተና ሸሻደ፤ ታ ሀንቁዋ ታማ ህንተ ቦላ ዎምፒና ፑንና፤ ህንተ ሄዋን ሙሻና።  
 22 ብራይ ጮጭያን ሙሸያዋዳን፤ ህንተ የሩሳላመን ሙሻና። ሄ ዎደ ታን መድና ጎዳይ ታ ሀንቁዋ ህንተ ቦላ ጉሱዳዋ ህንተ ኤራና ያጌ። ያጌደ ዬዳ።

### እሰራኤልያ አሳ ካለላያዋንቱ ናጋራ

23 መድና ጎዳ ቃላይ ታኮ ዛሪደካ ሀዋዳን ያጌደ ዬዳ፤

24 “ላ አሳ ናአው፤ ኢንቱንቱ ቢታይ ቱኔዳ ድራው፤ ታ ሀንቁዋን እራይ ቡከናዳን ድጋይ፤ ታን እሰራኤልያ አሳ ሙሩዋ ደዋዋ ኢንቱንቱ ኦዳ።

25 ኢንቱንቱ ካፓቱ ባረ ዎዴዳዋ ጉዲደ መንግሥት ጋሙዋ ማላ፤ ኢንቱንቱ አሳ ዎዴና፤ አልኦ ማሻ ግድና፤ ሀራ ዱረታ ግድና፤ ኡባ ባረንቶ አኪና፤ ኢንቱንቱ ሄ ቢታን ዳሮ ማጫ አሳ አምኤ ከሴድና።

26 ቁሳቱ ታ ህግያ መንገድና፤ ታ ገሻባካ ቱንሲድና። ገሻነ ቱና ሻክክና፤ ቃይ ቱና፤ ቱና ግደናዋ፤ ግድዋን ደእያ ዱማተላ ታማርሰክና፤ ታ ሳምባታው ጋትያ እምበይክና። ሄዋ፤ ደንደዳዋን፤ ታን እሰራኤልያ አሳ ግደን ቦንቼታባይከ።

27 እ ግደን ደእያ ካፓቱ ባረንቱ ዎዴዳዋ ዱሰረላያ ኦኮርቱዋ ማላ፤ ኢንቱንቱ ባረንቶ በሰና ዱረተላ ደማናው ሸዋ፤ ዎዴና።

28 የሩሳላመ ካታማን ትምቢትያ ኦድያዋንቱ ጎዳ ቦሽንቻ ኦክያ አሳዳን፤ ዎርዱዋ ሳፃ በእያዋንን ዎርዱዋ ትምቢትያ ኦድያዋን፤ ኢንቱንቱ ናጋራ ገንጪና። መድና ጎዳይ ኦደናን ደእሺና፤ ኡባ ዋድያ መድና ጎዳይ ሀዋዳን ያጌ ያገና።

29 ሄ ቢታ አሳቱ ቦንቁና፤ ዛራፍና፤ ሀይሳቱዋን መቶታንቻቱዋ ኡቁኒና፤ ኢንቱንቱ በተቱዋካ ኡንኤሊደ ሱረ ፕርዳ ገላዪና።

30 “ታን ቢታ ዳይሰናዳን፤ ድርሳ ግምቢያ ኬጽያ፤ ኮለቱዳ ድርሳ ፐንግያ ባጋና ኤቁደ ናግያ እት አሳ ኮያድ፤ ሸን ኦናን ደማበይከ።

31 ሄዋ ድራው፤ ታ ሀንቁዋ ኢንቱንቱ ቦላ ጉሳና፤ ታን ታ ሀንቁዋ ታማን ኢንቱንታ ዳይሳና፤ ታን ኢንቱንቱ ኦሌዳ ኦሱዋ ኢንቱንቱ ቦላ ዛራና። ኡባ ዋድያ መድና ጎዳይ ሀዋ ኦዳይ።” ያጌደ ዬዳ።

### 23

#### ላኤ ሻርሙጽያ ምቹቱዋ ሊምሱዋ

1 መድና ጎዳ ቃላይ ታኮ ሀዋዳን ያጌደ ዬዳ፤

2 “ላ አሳ ናአው፤ እት እትፕ የለቱዳ ላኤ ማጫ አሳቱ ደእና።

3 ኢንቱንቱ ግብጸን ደእድ፤ ባረንቱ ያላጋተላፕካ ደሚደ፤ ሻርሙጽ ግዴድና። ሄ ቢታን ኢንቱንቱ ዳንጎላን እቱማ አሳይ ካኤዳ፤ ኢንቱንቱ ዎደርተላይካ እከቱዳ።

4 ኢንቱንቱ፤ ባይራት ሱንጎይ ኦሆሎ \* ቃይ እ ምቻት ቱፋት ሱንጎይ ኦሆልቦ † ኢንቱንቱ ላኤዋካ ታን እክና፤ ታው እቱማን ማጫ ናናቱዋ የሌድና። ኦሆላ ሳማራቶ፤ ኦሆልባ ቃይ የሩሳላዋ።

5 “ኦሆላ ታው ማቻቶ ግዳደ ደእደካ ሻርሙጽዳ፤ እዛ ባረ ላገላት እሶረ ዎታዳራቱዋ አሙዋን ጸገታደ ካላዳ።

6 ኢንቱንቱ ሳሉዋ ማላትያ ማዩዋ ማዬዳ ኦላንቻቱዋ፤ ቢታ ሞድያዋንታን ኦላ ጋዳዋቱዋ፤ ኢንቱንቱ ኡባይካ ማልሳሳ፤ ያላጋ እቱማ አሳቱዋን ፓራ ቶግያ ፓራ አሳቱዋ።

7 እዛ ባረና ሻርሙጽ ኦላደ፤ ኡባ፤ ሎክያ እሶረ እቱማ አሳቶ እማዳ። እ ሻርሙጽተላይ እሶረ ቢታ ኤቃቶ ጎይናደ፤ ቱናናዳን እዛ ኦሌዳ።

8 እ ግብጸን ደሚዳ ሻርሙጽተላ ሀእካ እጋ በይኩ፤ እ ያላጋተላፕ ደሚደ፤ እቱማ አሳቱ እ ዳንጎላ ካኤናን እናና ሻርሙጽዳ።

9 “ሄዋ ድራው፤ እዛ ምንጎደ አሙዋን ሲቅያ እሶረ ቢታ ላገላቶ ታን እዛ ኦላደ እማዳ።

10 ኢንቱንቱ እዛ ቃራይ ካሎዬድና፤ እዛ እቱማን ማጫ ናናቱዋ አዋድ ኦይቁድና፤ እዛካ ማሻን ዎዴድና። ባረና ጋኬዳ ፕርዳ ጋሱዋን፤ ማጫ አሳቱዋ ግደን ቅሊጭያዋ ግዳዳ።

11 “እ ምቻታ ኦሆልባ ሀዋ በኣዳ፤ እዛ ባረ አሙዋን ባረ ሻርሙጽን ባረ ምቻት፤ ቱና ዳራዳ።

12 እካ ቃይ እሶረ ቢታ ሞድያዋንታ፤ ኦላ ጋዳዋቱዋ፤ ሎክ ማዩዋ ማዬዳ ኦላንቻቱዋን ፓራ ቶግያ ፓራ አሳቱዋ፤ ኡባቱካ አዋይያ፤ ያላጋ አሳቱዋ ምንጎደ ሲቃዳ።

13 እካ ባረና ቱንሲዳዋ በኣዳ፤ ኢንቱንቱ ላኤካ እት ኦግያ ቢና።

14 “እዛ ባረ ሻርሙጽተላ ያ ዳርሳዳ፤ እዛ እቱማ አሳቱዋ ምሰሊ ጎዳ ቦላን ዎጩት መጠቱዳዋ፤ ዘኦ ቃላምያን ኦከት ኡቱዳዋ በኣዳ።

15 ኢንቱንቱ ባረንቱ ዴሳን ዝናርያ ዳንጩዳዋንታን ባረንቱ ሀዲያንካ ሎክያ ጫርቂያ ጸጸዳዋንታ። ኢንቱንቱ ኡባይካ ካላዳዋናቱዋ ቢታ፤ ጌዳ ባብሎን ካፖቱዋ ማላቲና።

16 እዛ ኢንቱንቱ ምሰሊቱዋ በኣሳናካ ዳር አሙዋ ጸገታደ፤ ኢንቱንታ ዴሳናው ባብሎን ቢታ አሳ ከታዳ።

22:26 ዎጋ 10:10 \* 23:4 ኦሆሎ፡- ሀ ሱንጎላ ብላላይ ኦብራዌላዋን፤ “ላ ገሻ ጎልያ” ግያዋ። † 23:4 ኦሆልቦ፡- ሀ ሱንጎላ ብላላይ ኦብራዌላዋን፤ “ታ ገሻ ጎሊ እዛና” ግያዋ።



17 ያትና፡ ባብሎንቱ ኢኮ ዪደ፡ እናና ሻርሙጺደ፡ እዛ ቱንሴድና፡ ቱኔዳዋፕ ጉይያን፡ እዛ ኢንቱንታካ ሸነታደ፡ ዋራ ሰማደ።

18 እዛ ባረ ሻርሙጺተላ ቆንጭያን ኦሌዳ ዋደነ ባረ ካሉዋ ቃራ በሴዳ ዋደ፡ ታን እ ሞቻትፕ ዋራ ሰማዳዋደን፡ ኢፕካ ሸነታደ ዋራ ሰማደ።

19 ሸነ እዛ ግብጾን ሻርሙጺ ግዳደ ደእያ፡ ባረ ያላጋተላ ዋድያ ሀሳያደ፡ ባረ ሻርሙጺ ካሰዋፕ ያ ዳርሳደ።

20 ኢንቱንቱ አቱማተላይ ሀርያዋ ማላ፡ ኡንቱንቱፕ ከሰያ ዘረላይካ ፓራዋ ማላ ግዳዳ ባረ ላገላቱዋ አሙዋን ካላደ።

21 (ኔና፡ ኦሆልቤ፡ ነ ያላጋተላ ዋደ፡ አቱማዋንቱ ነ ቆንላን ካእሸና፡ ነ ዋድርተላካ እክሸና፡ ኔን ፖሌዳ ሻርሙጺተላ ዛራደካ ሀእ ኦላናዉ አዋታሳ።)

**መድና ጎዳይ ላኡ ሞቼቱዋ ቦላ ፕርዳዳ**

22 “ሄዋ ድራዉ፡ ኦሆልቤ፡ ኡባ ዋድያ መድና ጎዳይ ሀዋደን ያጌ፤ ታን ነ ላገላቱዋ፡ ሄ ኔን ሸነታደ ዋራ ሰማዳዋንታ ነ ቦላ ደጎላና፤ ታን ኢንቱንታ ነ ቦላ ኡባ ሳና እሀና።

23 ኢንቱንቱካ ባብሎንቱዋን ካላዳዋቱዋ ኡባ፡ ፓቆዳ፡ ሸእ ኆኦና አቱማ አሳቱዋ፡ አሰራቱዋ ኡባ፡ አሞይያ ያላጋ አሳቱዋ፡ ቢታ ዋድያዋንታ፡ ኦላ ጋዳዋቱዋ፡ ኦላንቻቱዋ፡ ካፓቱዋን ፓራ ቶጎያ ፓራ አሳቱዋ።

24 ኢንቱንቱ ኦላ ፓራ ጋረቱዋና፡ ጫና ጋረቱዋናን ዳር ኦላንቻቱዋና ሀጺሳ ባጋፕ ህንተ ቦላ ያና። ኢንቱንቱ ዋጋ ጎንዳልያን ቁር ጎንዳልያ ኦይቂደ፡ ብራታ ቆብያ ሀሌደ፡ ነ ዩሹዋን ሳልፓና። ታን ኔና ኢንቱንቱን ፕርድሳና፤ ኢንቱንቱካ ኔና ባረንቱ ዋጋደን ፕርዳና።

25 ሀንቁዋ ነ ቦላ ዩዳና፤ ኢንቱንቱካ ኔና ሀንቁዋ ሱሉዋን ጋከታና። ኢንቱንቱ ነ ሲድያን ነ ሀይሳ ቃንጻና፤ ኔፕ አቱዳዋንቱካ ማሻን ቡሳከታና። ኢንቱንቱ ነ አቱማ ናናቱዋን ነ ማጫ ናናቱዋ ኦይቂደና፤ ኔፕ አቱዳዋንታካ ታማን ጸጋና።

26 ኢንቱንቱ ነ ማዌዋ ኡባ ኔፕ ቃር አካና፤ ነ አሌቆ ኡባካ ኔፕ ከሰ እካና።

27 ሄዋደን ኦላደ፡ ኔን ግብጾፕ እሄዳ ሻርሙጺተላ ቃቃ ነ ሻርሙጺተላ ኡባ ታን ኔና ኢግሳና። ኔን ላኢንሶ ግብጾቱዋ ኤቃ ሞሰለቱዋ ቁቁ ጋደ ጸላናደን፡ ዋይ ኢንቱንታ ሀሳዩናደን፡ ታን ኔና ኦላና ያጌ።

28 “ኡባ ዋድያ መድና ጎዳይ ሀዋደን ያጌ፤ ታን ኔና ኔን እጽያዋንቶ፡ ኔን ሸነታደ፡ ኢንቱንቱፕ ዋራ ሰማዳዋንቶ አላደ እማና።

29 ኢንቱንቱ ኔና እጻና ኔን ዳቡራደ ደሜዳዋ ቦንቂ ድጊደ፡ ኔና ካሎ ጺራ አሻና። ነ ሻርሙጺተላ ፖኩ ቆንጫናደን ኦላና። ነ ዚታይነ ነ ሻርሙጺተላ አሙ።

30 ሀዋ ነ ቦላ እሄዳ። እያዉ ጎፕ፡ ኔን ካዉተላቱዋና ሻርሙጺደ፤ ኢንቱንቱ ኤቃቱዋን ኔና ቱንሳደ።

31 ነ ሞቻታ ቤዳ ኦጎያ ኔንካ ባዳ። ሄዋ ድራዉ፡ ኔናካ ታን እ ጸኦ ኡሻና ያጌ።

32 “ኡባ ዋድያ መድና ጎዳይ ሀዋደን ያጌ፤ ሄን ነ ሞቻት ጸኦፕ ኡሻና፤ ሄ ጸኦይካ ዋልቃማን ጭንእ። እ ትግና፡ ዳሩዋ እክያ ድራዉ፡ ነ ቦላ ቅድያን ማቻ አሀና።

33 ኔን ማሉዋ ጀላናን ካዮታና። ሄዌ ሄ ነ ሞቻት ሳማርያ ጸኦይ ዳጋማን ባየላ ጸኦ።

34 ነ እ ጭንግርሳደ ኡሻና፤ ጸኦካ መንላና፤ መንሌዳ ኮንእካን ነ ቆንላ ጋራና። ኡባ ዋድያ መድና ጎዳይ ሀዋ ኦላይ። ያጌ።

35 “ሄዋ ድራዉ፡ ኡባ ዋድያ መድና ጎዳይ ሀዋደን ያጌ፤ ሄን ታና ደጌዳ ድራዉን ታዉ ዘክያ ዛሬዳ ድራዉ፡ ኔን ነ አሙዋን ነ ሻርሙጺዋ ጋትያ እካና ያጌ” ያጌደ ዬዳ።

36 መድና ጎዳይ ታና ሀዋደን ያጌዳ፤ “እ አሳ ናአዉ፡ ኦሆል ቦላን ኦሆልብ ቦላ ፕርዳቲ? ፕርዳፕ፡ ኢንቱንቱ ኦሌዳ ቱና ኦሉዋ ኢንቱንቶ ኦዳ።

37 ኢንቱንቱ ላኡካ ሻርሙጺድናን ሸሞቱዋ ዋዴድና። ኢንቱንቱ ባረንቱ ኤቃዉ ጎይኔድና። ሀይሌ አትና፡ ኢንቱንቱ ታዉ የሌዳ ባረንቱ አቱማ ናናቱዋን ባረንቱ ኤቃቶ ቀማ ኦሌደ ያርሼድና።

38 ሄዋፕካ ሀራባ ኢንቱንቱ ታ ቦላ ኦሌድና፤ ኢንቱንቱ ታ ጌሻ ጎልያ ቱንሴድና፤ ኤቃቶ ያርሼዳ ጋላስ ታ ሳሞባታካ ሻራድና።

39 ኢንቱንቱ ባረንቱ ናናቱዋ ኤቃቶ ያርሼዳ ጋላስ፡ ሄ ጋላስ ኢንቱንቱ ታ ጌሻ ጎልያ ገሊደ ቱንሴድና። ኢንቱንቱ ታ ጎልያን ኦሌዳዌ ሀዋ።

40 “ሄዋደንካ ቃይ፡ ኢንቱንቱ ሃኮ ሳፕ አቱማ አሳቱ ያናደን፡ አሳ ከቲድና፤ ኢንቱንቱካ ዬድና። ህንተ ላኡ ሞቼቱ ህንተ ቦላ ሜጪቱድታ፤ ህንተ አይፍያካ ቃላምያ ኦኪድታ፤ አሌቁዋን ዋዴድታ።

41 ጸርጶዛይ ስንላን ደእያ ሎኦ እርሳ ቦላ ኡቲድታ፤ ህንተ ሄ ጸርጶዛ ቦላን ታ እጻናን ታ ዋጋራ ዛይትያ ዋሌድታ።

42 ሀርግ ባይና አሳ ኮሻይ ህንተ ማታን ሰስቲ፤ ማሉቲዳዋንቱካ ማራይ ባይና አሳና ባዙዋፕ ዬድና። ህንተ ኩሸያን ሳገዮቱዋ ዋሌድና፤ ቃይ ሎእያ ካላቻቱዋካ ህንተ ሀጺያን ዋሌድና።

43 “ታን ታ ዋዛናን፣ ሳህግንቱ እቲማ አሳቱ ሀ ቦላይ ሻርሙጻን ወር ክቼዳ ማጫ አሳቱዋና ደኡካ ኦ ግዴዳዋንቱና ሻርሙጻና ገደ ሀኒኖ?፣ ያጋድ።  
 44 እቲማ አሳይ ሻርሙጻትና ሻርሙጻዎዳን፣ ኤንቲንቲና ሻርሙጻድኖ። ኤ፣ ኤንቲንቲ ሃ ሻርሙጻናው ቃቃትያ ኦህሊና ኦህሊብና ሻርሙጻድኖ።  
 45 ኤንቲንቲ ሻርሙጻ ግድያ ድራውነ ሸምቸዋ ዎድያ ድራው፣ ጽሎ አሳቱ ሻርሙጻቱዋ ቦላን ሸምቸዋ ዎድያዋንቲ ቦላ ፕርድያ ፕርዳ ኤንቲንቲ ቦላ ፕርዲኖ” ያገደ።  
 46 ኡባ ሞድያ መድና ጎዳይ ሀዋዳን ያገደ፤ “ኤንቲንቲ ቦላ ዳር አሳቱዋ ደንባላ አካደ ያ። ኤንቲንታ ሻቢርሰን ኤንቲንታ ቦንቂያ አሳቶ አሳይ እማ።  
 47 ሀ ሻቢርሰን አሳቱ ዬደ፣ ኤንቲንታ ሹቻን ጫድኖን ማሻን ቡሳክኖ፤ ኤንቲንቲ ኤንቲንቲ እቲማን ማጫ ናናቱዋ ዎዳና፤ ኤንቲንቲ ጎልያካ ታማን ጹግኖ።  
 48 ማጫ አሳይ ኡባይ ሀንተና ቁለናዳን ዲጻናው፣ ታን ቢታ ኡባፕ ሻርሙጻተላ ኤሳና።  
 49 ሀንተ ላኦ ሞቼቱ ሀንተ ሻርሙጻተላ ሙሩዋን ኤቃቶ ሀንተ ጎይኔዳ ናጋራ ትታያ አካና። ሄ ዎደ ታን ኡባ ሞድያ መድና ጎዳ ግድያዋ ሀንተ ሄዋን ኤራና” ያገደ።

## 24

### ድስትያ ሌምሱዋ

1 ኔን ኦዎድቲዳ ኡዲፑንላ ላይላን፣ ታማንላ አግናን፣ ታማንላ ጋላሳን፣ መድና ጎዳ ቃላይ ታኮ ሀዋዳን ያገደ ዬዳ፤  
 2 “ላ አሳ ናአው፣ ሀዋ ሀኙ ጋላሳ ማዝገብያን ጻፋ። አያወ ጎፕ፣ ባብሎን ካቲ የሩሳላመ ደዴዳዋ ሆቻ።  
 3 ሀ ማካላንቻ አሳወ ሀ ሌምሱዋ ኦዳ፤ ኡባ ሞድያ መድና ጎዳይ ሀዋዳን ያገደ፤ “ማዳብያ ድስትያ ታማን ዎላደ፣ ሃላ እን ትጋ።  
 4 ያታደ ገድያን አንጎሱዋ ማላትያ ሎኦ አሹዋ ኡባ ሙጻደ፣ እን የጋ፤ ሎኦ መቀላካ ቃንጸራላደ፣ እን ኩንላ።  
 5 ሄዋ ኔን አካና ደርሳይን ዴሻይ ዉድያፕ ደረቲዳዋ ግድ። ሞላ ድስትያፕ ጋርሳና ማራደ፣ አሹዋካ መቀላካ ካእና ጋካናወ ደይሳ” ያገደ ያጋደ ኦዳ።  
 6 “ኡባ ሞድያ መድና ጎዳይ ሀዋዳን ያገደ፤ ሱላ ጉሰያዋንቲ ካታማትዉ እየ አና! ሸኢደ ኡባካ ጌየናን እጹዳ ማዳብያ ድስትያ ማላ አዛ ግደዱ። እ ግድን ደእያ ሙጻቲዳ አሹዋ ኡባ ሳማ የገናን ኩሽያን ጋከቲዳዎ፣ እቲዋ እቲዋ ከሳደ አካ።  
 7 “ ኡያወ ጎፕ፣ ሄ ካታማታ ዎዴዳ አሳ ሱላይ ሀኖ ጋካናሰካ እናን ደኤ፤ ሱላ ጉሳደ፣ ባናን ካማናወ ቢታን ጉሰናን፣ አያይን ካመና ዛላ ቦላን ጉሳዳ።  
 8 ሀሉዋ ከሳናው፣ ታ ሀንቁዋ ደንባላናዳን፣ እ ካመተና ማላ፣ እዛ ጉሴዳ ሱላ ታን ዛላ ቦላን ዎላድ” ያገደ።  
 9 “ሄዋ ድራው፣ ኡባ ሞድያ መድና ጎዳይ ሀዋዳን ያገደ፤ ሱላ ጉሰያ ካታማትዉ እየ አና! ታንካ ሞላ ሎይላ ገጋና።  
 10 ሄዋ ድራው፣ ዳር ሞላ ዎላ፤ ታማካ ኤላ፣ አሹዋ ሎይላደ ደይሳ፤ ጫባካ ማልኤላ፤ መቀላይ ጸገቶ።  
 11 እ ሱሊደ ፕንትና፣ እ ቦላን ደእያ ማዳቢካ ቦንቂና፣ እ ቦላን ደእያ ቅታይ ሴራናዳንን እ ቦላን ደእያ ሸኢይ ጸገት ጳያናዳን፣ መላ ድስትያ ታማ ቦንቁዋ ቦላ ዎላ።  
 12 ሄ ዳቡራይ ኡባይ ጮ መላ ግዴዳ፤ እ ቦላን ደእያ ዳር ሸኢይ ሀራይ እቶ፣ ታማንካ ክቶቤና።  
 13 ሀን የሩሳላመ፣ ኔን ቲኔዳዌ ነ ኤታ ኦሱዋና። ታን ኔና ጌሻናወ ዳቡርናና፣ ኔን ነ ቱናተላፕን ነ ኤታ ኦሱዋፕ ጌየናን እጹዳ ድራው፣ ነ ቦላን ታ ሀንቁ ዉራና ጋካናው፣ ኔን ላኤንላ ጌያካ።  
 14 ታን መድና ጎዳይ ሀዋ ኦዳድ፤ ሀዋ ሀናና፣ ታን ጉየ ሰምከ፤ ቃረትከ፤ ታ ቆፋ ላምከ። ነ ኦግያዳንን ነ ኦሱዋዳን፣ ታን ኔና ፕርዳና። ታን ኡባ ሞድያ መድና ጎዳይ ሀዋ ኦዳይ” ያገደ ዬዳ።

### ህዝቁላ ማቻታ ሀይቃዲ

15 መድና ጎዳ ቃላይ ቃይካ ታኮ ሀዋዳን ያገደ ዬዳ፤  
 16 “ላ አሳ ናአው፣ ኔን ሲቅያን ነ አይፍያወ ሎእያ ነ ማቻቶ ታን እት ኩላን ዎዳ አጋና። ሄዋን ካዮቶ፣ ዬኮፕን አርጸ።  
 17 ኦላ፣ ሸን ነ ኦልያ አሳይ ሰሶፖ፤ ሀይቁዳዎ ካዮቶ፣ ኔን ነ ሀጺያን ጸጽያዎ ጸጸ፤ ነ ገድያንካ ጫማ ዎላ። ነ ዶና ካዎ፣ ሸቻካ ሞፕ” ያገደ ዬዳ።

18 ዋንታ ታን አሳዉ ኦድድ፤ ሄ ጋለስ ኦማርስ ታ ማቻታ ሀይቃዲ። ዋንተላ ጋለስ ዋንታ ጻሳይ ታን አዛዚዳዋዳን ኦዳድ።

19 ያትና፡ አሳይ ታና፡ “ሀ ኔን ኦልያዎ ብለላይ አየንቶ ኑዉ አያዉ ኦድኪ?” ያጊደ ኦቼዳ።

20 ታን ኡንቲንቶ ሀዋዳን ያጋደ ዛራድ፤ “መድና ጎዳ ቃላይ ታኮ ሀዋዳን ያጊደ ዬዳ፤

21 “አስራኤልያ አሳ ሀዋዳን ያጋ፤ ኡባ ዋድያ መድና ጎዳይ ሀዋዳን ያጊ፤ ህንተ ጩቀትያ፡ ህንተ አይፍያዉ ሎእያን ህንተ ሸዋፑ አዋትያ ታ ጌሻ ጎልያ ታን ቱንሳና ሀናይ። ህንተ ጉየ አሼዳ ህንተ አቲማ ናናቲ፤ ህንተ ማጫ ናናቲ ማሻን ዉራና።

22 ሄ ዋደ ታን ኦልዳዋዳን፡ ህንተካ ኦላና። ህንተ ዶና ካዋክታ፤ ሸቻካ ማክታ።

23 ህንተ ሁጲያ ጸጺታ፤ ህንተ ገድያን ጫማ ዋልታ። ካዮትክታ ዋይ ዬክክታ። ሸን ህንተ ህንተ ናጋራ ጋሱዋን ግልቃናን እቲ እቶ ኦላና።

24 ሄ ዋድያን ህዝቁል ህንተዉ ማላታ ግዳናዋ፤ ኡባባካ እ ኦልዳዋዳን፡ ህንተ ኦላና። ሀዋ ሀንያ ዋደ፡ ታን ኡባ ዋድያ መድና ጎዳ ግድያዋ ህንተ ኡራና ያጊ።

25 ጻሳይ ታና ሀዋዳን ያጊዳ፤ “ላ አሳ ናአዉ፡ ታን ኡንቲንቲ ናሸቻን ቦንቸዋ፡ ኡንቲንቲ አይፍያዉ ሎእያን ኡንቲንቲ ዋዛናይ አዋትያባ፡ ቃይ ሞና ግዴዳ ጌሻ ጎልያ፡ ኡንቲንቲ አቲማ ናናቲዋን ኡንቲንቲ ማጫ ናናቲዋ ኡንቲንቲቲ ዋላ አካና።

26 ሄ ጋለስ ነዉ ዋርያ ኦዳናዉ እት ከስ አኪደ አቲዳ አሳይ ያና።

27 ሄ ጋለስ ነ ዶናይ ዶየታና፤ ኔንካ አናና ሃሳያና፤ ላኤንሶ ዱደ ከሳካ። ሄዋዳን ሀናደ፡ ኔን አሳዉ ማላታ ግዳናሳ። ታን መድና ጎዳ ግድያዋ ኡንቲንቲ ሄዋን ኡራና ያጊደ ያጊደ ዬዳ” ያጋድ።

### እይሁዳ ግደና አሳ ቦላ ኦደቲዳ ፕርዳ

## 25

(ህዝ. 25:1—32:32)

አዋናቲዋ ቦላ ኦደቲዳ ትምቢትያ

1 መድና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናአዉ፡ ነ ሰምኡዋ አዋና ቢታኮ ዛራደ፡ አዋናቲዋ ቦላ ትምቢትያ ኦዳ።

3 ሀዋዳን ያጋ፤ ኡባ ዋድያ መድና ጎዳ ቃላ ሰስተ። ኡባ ዋድያ መድና ጎዳይ ሀዋዳን ያጊ፤ “ህንተ ታ ጌሻ ጎሊ ቱንያ ዋደ፡ አስራኤልያ ቢታይ መላ አትያ ዋደን ይሁዳ አሳይ ኦዋዶ ብያ ዋደ፡ ሀሹ! ጌዳ ድራዉ።

4 ታን ህንተና አዋይ ዶልያ ባጋ ቢታ አሳዉ ላታ ኦላይ እማና። ያቶጉ ኡንቲንቲ ህንተ ግደን ካዋቢያ ኬጻና፤ ደአና። ህንተ ማና ቲራ ኡንቲንቲ ማና፤ ህንተ ማላካ ኡንቲንቲ ኡሻና።

5 ታን ራባ ካታማ ጋሎቲ ሄመትያ ሳአ ከሳና፤ አዋናቲዋ ጋድያካ ደርሳ ዉዲ አላጽያ ሳአ ኦላና። ታን መድና ጎዳ ግድያዋ ህንተ ሄዋን ኡራና” ያጊ።

6 “ ኡያደ ጎጥ፡ ኡባ ዋድያ መድና ጎዳይ ሀዋዳን ያጊ፤ “ህንተ አስራኤልያ ባሻን ኩሽያ ባቄዳ ድራዉ፡ ጉፔዳ ድራዉን ናሽቲደ ቅለጩዳ ድራዉ።

7 ታን ህንተ ቦላ ታ ኩሽያ የዳድ። ህንተና ካዉተላቶ ኦዋዳዋ ኦላይ እማና። ታን ህንተና አሳ ግደገ ሾዳና፤ ካዉተላቲዋ ግደገካ ጳይሳና። ታን መድና ጎዳ ግድያዋ ህንተ ሄዋን ኡራና” ያጊ።

ሞአባ ቢታ ቦላ ኦደቲዳ ትምቢትያ

8 “ ኡባ ዋድያ መድና ጎዳይ ሀዋዳን ያጊ፤ “ሞኡብን ሰአር፡ በአተ፡ ይሁዳይ ሀራ ካዉተላቲዋ ማላ ያጊደ ድራዉ።

9 ታን ሞአባ ቢታ ቦላን ገላደ፤ ዋራጃደ እ ዛዋ ናግያ፡ ቤት-ያሽዋጋ፡ ባኣል-ማኦናን ቅርያታይማ ጌተትያ፡ ኤራቲዳ ካታማቲዋ ጳይሳና።

10 ሀዋገ ሰንላናዉ አዋናቲዋናካ ጉጃደ፡ ኡንቲንቲ ካዉተላቲዋ ግደን ሀሳየተናዳን፡ ታን ኡንቲንታ አዋይ ዶልያ ባጋ ቢታገ ዬዳ አሳቶ ዲራታዳን አላይ እማና።

11 ታን ሞአባ ፕርዳና። ሄ ዋደ ታን መድና ጎዳ ግድያዋ ኡንቲንቲ ሄዋን ኡራና” ያጊ።

ኤደማ ቢታ ቦላ ኦደቲዳ ትምቢትያ

12 “ ኡባ ዋድያ መድና ጎዳይ ሀዋዳን ያጊ፤ “ኤደማቲ ይሁዳ ቦላ ሀሉዋ ከሴዳ ድራዉን ዳር ባይዛንቻ ግዴዳ ድራዉ።

13 ታን ኡባ ዋድያ መድና ጎዳይ ታ ኩሽያ ኤደማ ቦላ የዳና። እን ደአያ አሳን መሀያ ሙላ ጳይሳና፤ ጳይሳደ መላ ከሳና። ተማና ካታማገ ቢደ፡ ዳዳና ካታማ ጋካናዉ፡ ኡንቲንቲ ማሻን ቡሳከታና።

25:1 ኤር. 49:1-6፤ ህዝ. 21:28-32፤ አዋጽ 1:13-15፤ ሶር. 2:8-11 25:8 ኢሳ. 15:1—16:14፤ 25:10-12፤ ኤር. 48:1-47፤ አዋጽ 2:1-3፤ ሶር. 2:8-11 25:12 ኢሳ. 34:5-17፤ 63:1-6፤ ኤር. 49:7-22፤ ህዝ. 35:1-15፤ አዋጽ 1:11-12፤ አብድ. 1-14፤ ማላኪ. 1:2-5

14 ታን ኤደማወ ታ አሳ እስራኤልያ ባጋና ሀሉዋ ከሳና። እስራኤላቱ ኢንቱንቴ ቦላ ታ ሀንቁዋን ታ ሀንቁዋ ኪሻ ኦላና። ታን ሀሉዋ ከሴዳዋ ኢንቱንቴ ኤራና። ታን ኡባ ሞድያ መጅና ጎዳይ ሀዋ ኦዳይ። ያጌ።

**ፕልስጶማቱዋ ቦላ ኦደቲዳ ትምቢትያ**

15 “ኡባ ሞድያ መጅና ጎዳይ ሀዋዳን ያጌ፤ “ፕልስጶማቱ ባረንቴ ዋዛና ኢታተሳን ሀሉዋ ከሴዳ ድራወን ጋምኤዳ ሞርከተሳን ይሁዳ ካጂደ ጃይሳናወ ኮዬዳ።

16 ሄዋ ድራወ ኡባ ሞድያ መጅና ጎዳይ ሀዋዳን ያጌ፤ ታን ታ ኩሽያ ፕልስጶማቱዋ ቦላ የዳደ ከሊታዌቱዋ ቃንጸና። ታን ኢንቱንታን አባ ዶናን አቴዳዋንታ ኡባ ጃይሳና።

17 ታን ኢንቱንቶ ዋልቃማ ሀሉዋ ከሳና፤ ታ ሀንቁዋን ኢንቱንታ ሙራና። ታን ኢንቱንቶ ሀሉዋ ከሰያ ዋደ። ታን መጅና ጎዳ ግድያዋ ኢንቱንቴ ኤራና። ያጌ። ያጋ” ያጌደ ዬዳ።

**26**

**ጸርሳ ካታማ ቦላ ኦደቲዳ ትምቢትያ**

1 ኩን አዋደቲዳ ታማን እተንላ ላይሳን፣ አግናወ ኮይሮ ጋላሳን፣ መጅና ጎዳ ቃላይ ታኮ ሀዋዳን ያጌደ ዬዳ፤

2 “ላ አሳ ናአወ፣ ጸርሳ ካታማ አሳይ ናሽቲደ፣ ሀሹ! የሩሳላመ ኩንዳዳ፤ እዛ ላላታደ ጃዬዳ፣ እዝ ፐንጊ ዋጋግ ገደ ዶየቲዳ ድራወ ሀዋፐ ስንሳን ኩን ዱረታና። ያጌና።

3 ሄዋ ድራወ፣ ኡባ ሞድያ መጅና ጎዳይ ሀዋዳን ያጌ፤ ሄና፣ ጸርሳ ካታማቱ፣ ታን ነወ ሞርከ። አባ ቢታይ ይያዋዳን፣ ታን ዳሮ ካወተላቱዋ ነ ቦላን አሀና።

4 ኢንቱንቱ ነ ድርሳ ግምቢያ ኮላና፤ ነ ሚጸካ ላላና። ታን ኔና ቢታ ኡባ ቁጭ አፍ ድግና፣ ካሎ ደእያ ዛላ ኦላና።

5 ያተፐ ኔን አባ ግድን አሳቱ ባረንቴ ሞልያ ግትያ መልሳናወ ሞጭያ ሳአ ግዳና። ታን ኡባ ሞድያ መጅና ጎዳይ ሀዋ ኦዳይ። ሀራ ካወተላቱ ጸርሳ ካታማ ቦንቃናዋንታ።

6 ሄ ቢታይ ሁጸትያ ካታማቱዋን ደእያ ቁር ካታማቱ አባፐ ጉላ ሃክያዋንቴ ማሻን ወርሳና። ሄ ዋደ ታን መጅና ጎዳ ግድያዋ ኢንቱንቴ ሄዋን ኤራና። ያጌ።

7 “ኡባ ሞድያ ጸሳይ ሀዋዳን ያጌ፤ ጸርሳ ቦላ ኦላ ደንሳና ማላ፣ ካተቶ ካትያ ግድያ ባብሎን ካትያ ናቡካዳናጾራ ታን ሁጸሳ ባጋፐ አሀና፤ እ ታን ፓራቱዋና፣ ፓራ ጋረቱዋና፣ ፓራ አሳቱዋናን ዳሮ ኦላንቻቱዋና አሀና።

8 ኢንቱንቴ ሁጸትያ ቢታን ቁር ካታማቱዋ ማሻን ወርሳና፤ ኢንቱንቴ ኔና ዶዲደ፣ ነ ድርሳ ግምቢያና ጋላደ፣ ቢታ ካላና። ያቲደ ባረንቴ ጎንዳልያ ነ ቦላ ደንሳና።

9 ድርሳ ግምቢቱዋ ዶምኢደ ላልያ ሚሻን ድርሳ ግምቢያ መንጋራላና፤ ባረንቴ ኦላ ሚሻንካ ነ ሚጸ ላላና።

10 እ ፓራቱ ዳሮ ግድያ ድራወ፣ ኢንቱንቴ ደንሰያ ባናይ ኔና ካማና። ፓራቱን ፓራቱዋ ጋረቱ ላላቲዳ ካታማ ድርሳ ፐንግያ ገልያዋዳን፣ ገልያ ዋደ፣ ኢንቱንቴ ሰሰያ ጋርማሱን ገረሳይ ነ ድርሳ ግምቢያ ቃላና።

11 ኢንቱንቴ ፓራቱ ነ ግድን ደእያ ኦባቱዋ ኡባ የጻና። ነ አሳካ ማሻን ወርሳና፤ ነ ዋልቃማ ቱሳቱካ ሳእን ኩንዳና።

12 ባብሎንቴ ነ አቁዋን ነ ዛልእያ ሚሻቱዋ ቦንቃናዋንታ። ነ ድርሳ ግምቢቱዋን ነ ሎኦ ኬላቱዋ ኡባ ኮላና፤ ሄ ሹቻ፣ ሄ ሞላን ሄ ላላቲዳ ቡርጨ ኡባ አፊደ፣ አባን ኦላና።

13 ነ ማልኦ የላ ታን ድጋና፤ ነ ዲላ ኮሻይካ ላኤንላ ሰሰተና።

14 ታን ኔና ካሎ ደእያ ዛላ ኦላና፤ ቃይ ኔን አሳቱ ባረንቴ ሞልያ ግትያ መልሳናወ ሞጭያ ሳአ ግዳና። ታን መጅና ጎዳይ ሀዋ ኦዳዳ ድራወ፣ ኔን ላኤንላ ኬጸታካ። ታን ኡባ ሞድያ መጅና ጎዳይ ሀዋ ኦዳይ። ያጌ።

15 “ኡባ ሞድያ መጅና ጎዳይ ጸርሳ ካታማወ ሀዋዳን ያጌ፤ ሳ ሞርከቱ ነ ቦላን ገልያ ዋደ፣ አባ ዶና ቢታቱዋን ደእያ ነ አሳይ ሲፈቲድ ገርምያ ገርንላ ሰሲደ፣ ያሻወ ኮኮራና።

16 ሄዋፐ ጉይያን፣ አባ ዶና ቢታቱዋን ደእያ ሞድያዋንቴ ባረንቴ አይድያፐ ፐጻና። ባረንቴ ቁማዳን ኩሽያን ሰኪደ አላቁሴዳ ባረንቴ ማዩዋ ቃራና፤ ያሻወ ኮኮራና። ቢታን ኡታና። ነ ቦላ ጋኩዳ መቱዋ ቆፒደ፣ ኢንቱንቴ ዳሮ ቫቢረታና፤ ኮኮራይካ ኢንቱንታ አገናን አጸና።

17 “ ሄዋፐ ጉይያን፣ ኢንቱንቴ ነወ ሀዋዳን ያጌደ ዝላላና፤

“ ኣላየ፣ ኤረቲዳ ካታማቱ፣

አባ ግድን ዋልቃዎያ አሳቱ ደእያ ካታማቱ፣

ኔን ዋና ላለታዲ!  
ኔን ነ ግደን ደኤዳ አሳቱ  
አባ ላንቁያን ደእያ አሳ ኡባ ያሽሴድታ ሸን!

18 ኔን ኩንድያ ጋላሰ።  
አባ ጋጸን ደእያዋንቱ ኮኮሬድኖ።  
አባ ግደን ደእያ አሳቱካ።  
ኔን ላለቱዳ ጋሱዋን ዳጋሜድኖ  
ያጋናዋ ያጌ።

19 “አባ ሞድያ መጅና ጎዳይ ሀዋዳን ያጌ፤ ሀእ አሳይ ደኤና ካታማቱዋዳን፣ ታን ኔና መላ ከሳና። ቃይ ታን ጨማ አባ ነ ቦላን አሀና፤ ሄ ዳሮ ሃሳይ ኔና ካማና።

20 ሄ ዋደ ታን ኔና ዱገ ጨማ ኦላው ብያዋንቱና እት፣ አዲሳ ዎድያ፣ ካሰ ሀይቁዳ አሳቱዋኮ ዱገ የጋና። ኔን ቢታ፣ ጋርሳን፣ በን ሞገቱዳ ቡርጨቱ ደእያ ሳን፣ ጨማ ኦላው ብያዋንቱና እት፣ ደእናዳን፣ ታን ኔና ኦላና። ኔን ላኤንሶ አሳይ ደእያ ካታማ ከሳካ፤ ፓጻ ደእያዋንቱ ቢታካካ ሰማይ፣ ነ ሳእ አይቃካ።

21 ታን ነ ዉርሰላ ዳጋንሎ ዉርሰላ ኦላና፤ ኔን ላኤንሶ ኡባካ ደአካ። አሳይ ኔና ኮያና፤ ሸን ኔን ላኤንሶ ኡባካ ቤታካ። ታን ኡባ ሞድያ መጅና ጎዳይ ሀዋ ኦዳይ’ ያጌ” ያጌደ ዬዳ።

### 27

#### ጲሮሳዉ ከሴዳ ዝላሳ

1 መጅና ጎዳይ ቃላይ ታኮ ሀዋዳን ያጌደ ዬዳ፤

2 “ላ አሳ ናኸው፣ ጲሮሳዉ ዝላላ።

3 አባ ዶናን ደእያን አባ ዶና ዳሮ ቢታቱዋን ደእያ አሳና ዛልእያ፣ ሄ ካታማው ሀዋዳን ያጋይ ኦዳ፤ ኡባ ሞድያ መጅና ጎዳይ ሀዋዳን ያጌ፤ “ኔሮ ጲሮሳ፣ ኔን፣ ታን ፑላን ልከትያዌ ባይና ኩመንላ ያጋይ ኦቶሪታዳ።

4 ነ ዛዋይ አባ ጉልእና፤ ኔና ኬጽያዋንቱ ኔና ሎይሊደ ኬጾድኖ።

5 ነ ሳንቃ ሳራራ ግያ ሳአ፣ ቃንጾዳ ዲዳን ኦፊድኖ፤ ነ ማርካብያ ቱሳ ለባናሳ፣ ዬዳ ዝጋ፣ ገግሴድኖ።

6 ማርካብያ ሶልድሳናው ሃላ ጉየ ፑሻክያ ነ ሞቀቱዋ ባሳን ኤላ፣ ኦፊድኖ፤ ነ ዉይግያ ቆጶሪሳ፣ ዬዳ ዲማ ዲዳ ሳንቃን ኦፊድኖ፤ ሄ ዉይግያ ዳንጋርሳ ዛልያን አሌቀቱዳ።

7 ነ ሻራይ ባንድራዳን ሃኩዋን ቤታና ማላ፣ ኩሽያን ሰኪደ አሌቁሴዳ ግብጾቱዋ ሊኦዋ፣ ኦስቱዳዋ፤ ኔና ካዎያ ጋርዶቱካ ኤላሻ ዎምባ፣ ዬዳ፣ ሳሌዋ ማላትያን ኦቻ ቴራ ማላትያ ጫርቁያ፣ ኦስቱዳዋንታ።

8 ነ ማርካብያ ሶልድሳያዋንቱ ሲዶናን አርዋዳ ጌተትያ ካታማቱዋ፣ ዬዳዋንታ፤ ነ ማርካብያ ላግያዋንቱ ሎሂዳ ነ አሳቱዋ።

9 ማርካብያ ግደን ዛኤዳሳ ሸድያዋንቱ ገባላ፣ ዬዳ ጭማቱዋን ኤራንቻ አሳቱዋ፤ አባን ብያ ማርካብያ ኡባን ደእያ አሳንቻቱ ነ ግደን ዎጳ ዎይ ጉጃ ጊደ ፓሉመቲደ ዛልእኖ።

10 “ ፣ “ፓሪሳ፣ ሊድያ፣ ሊብያ፣ ዬዳ ኦላንቻቱ ነ ኦላንቻቱዋ ማዲደ ኦላቱድኖ፤ ባሪንቱ ጎንዳልያን ባሪንቱ ኦላ ቆብያ ነ ግደን ካቁድኖ፤ ኦንቱንቱ ኔና ቦንቲሴዳዋንታ።

11 አርዋደ፣ ሄሊካ፣ ዬዳ ኦላንቻቱ ነ ድርሳ ግምቢያን ናጊኖ፤ ጋማዳ፣ ዬዳ አሳቱ ነ ኡዳ ግምቢያን ናጊኖ። ኦንቱንቱ ባሪንቱ ጎንዳልያ ነ ግምቢያ የሾዋን ካቁድኖ፤ ነ ፑላና ልከትያዌ ባይና ኩመንላ ግዳዳን ኦፊድኖንቱ ኦንቱንታ።

12 “ ፣ “ሳ ዲረተላ ዳሩዋ ጋሱዋን ታርሴስ ኔና ዛልኤዳ፤ እ ብራ፣ ብራታ፣ ቆርቆሩዋን እርሳሰያ እሚደ፣ ነ ሚሻና ላሚዳ።

13 ግሪኪ፣ ቱባልን መሸክ ኔና ዛልኤድኖ፤ አይለቱዋን ናሰያ ብራታ፣ ኦስቱዳ ሚሻ እሚደ፣ ነ ሚሻና ላሚድኖ።

14 ቤት-ቶጋርዋ ቶግያ ፓራቱዋ፣ ኦላ ፓራቱዋን ባሉቆቱዋ እሚደ፣ ነ ሚሻና ላሚዳ።

15 ሮዳ ቢታ አሳይ ኔና ዛልኤዳ፤ ቃይ አባ ዶና ቢታቱዋን አሳይ ዳንጋርሳ ዛልያን ዘጽያ ግያ ሞላ አሂደ፣ ነው ቃንጾዳ።

16 “ ፣ “ሳ ዲረተላ ዳሩዋ ጋሱዋን፣ ሶርያ አሳቱካ ኔና ዛልኤድኖ፤ ኦንቱንቱ ማታ ማላትያ እንቁዋ፣ ዘኦ እንቁዋ፣ የሌሉዋ፣ ኦስቱዳ አሌቁዋ፣ ኦቻ ቴራ ማላትያ ጫርቁያ፣ ሌኦ ሊኦዋን አሌቁዋ ሰኪደ ማዩዋ እሚደ፣ ነ ሚሻና ላሚድኖ።

17 ይሁዳን አሰራኤልያ አሳቱ ኔና ዛልኤድኖ፤ ኦንቱንቱ ሞንገ፣ ጋይ ዛርጋ፣ ማልዱዋ፣ ኤሳ፣ ዛይትያን ባላሳመ ግያ ጳልያ ዛይትያ እሚደ፣ ነ ሚሻና ላሚድኖ።

18 ነ ዲረተላ ዳሩዋ ጋሱዋን ነ ሺሼዳ ዲማ ዲማ ሚሻቱዋ ጋሱዋን ዳማስቆ አሳቱ ኔናና ዘልኤድኖ፤ ኡንቱንቱ ሄልቦና ዋይንያ ኡሳነ ሳሆራ ዶርሳ እስክያ አሚኖ።

19 ኡዛላን ደእያ ዳናዌቱነ ግሪኮ አዋናቱ ነ ሚሻና ላሚድኖ። ሄዋዳንካ ቃይ፣ ቆዳዳ ብራታን ዲማ ዲማ ቅማመቱዋ ነዉ አሚደ ላሚድኖ።

20 “ ፣ “ዳዳና አሳቱ ኮራ ግላሰያ እሂደ ዘልኤድኖ።

21 አራባቱነ ቁዳረ ቢታ ካፓቱ ኡባይ ነ ዘልእያ ሚሻዉ ዶርሳ ማራቱዋ፣ ዶርሳ ኦርገቱዋን ዳሻቱዋ እሂደ ዘልኤድኖ።

22 ሳባነ ራእማ ዘልእንቻቱ እንቁዋ፣ ዋርቃነ ሎኦ ዶረቱዳ ቅማመቱዋ አሚደ፣ ነ ሚሻና ላሚድኖ።

23 ካራነ፣ ካኔሀ፣ ኤደነ፣ ሳባ፣ እሶረን ክልማዳ ጌተትያ ካታማቱ ኡባይ ኔናና ዘልኤድኖ።

24 ኡንቱንቱ ሎኦ ማዮቱዋ፣ ሳሎዋ ማላትያ ማዩዋ፣ አሊቁዋ ስኬዳ ማዩዋ፣ ጋዛ ምንጻፊቱዋ፣ ሎይሶ ዶቄዳ ባቀሳነ ዋዶሩዋ አሚደ፣ ነ ገያን ሚሻና ላሚድኖ።

25 “ ፣ “ሚሻቱ ተርሴሰ ዘልእንቻቱዋ ዋልቃማ ማርካባቱዋን ጫነቲደ ቤድኖ። ኔንካ ዳርባይ ጫነትና ኩማደ፣ አባ ቦላን ብያ ማርካብያ ማላ ግዳዳ።

26 ነ ማርካብያ ሶልድሰያዋንቱ ኔና እኪደ፣ አባዉ ግዶ ግሻቻ አፊድኖ፤ ሽን አዋይ ዉልያ ባጋ ጫርኩ ኔና አባዉ ግዶ ግሻቻ ማርካብያ ማላ ግዳዳ።

27 ኔን መኤረቲዳ ጋላሰ ነ ዲረተላይነ ነ ዘልእያ ሚሻይ ኡባይ፣ ነ ማርካብያ ሶልድሰያዋንቱ፣ ነ ማርካብያ ላግያዋንቱ፣ ነ ማርካብያ ግዶን ዛኤዳሳ ሽድያዋንቱ፣ ነ ዛልእንቻቱ ነ ግዶን ኦላንቻቱ ኡባይ አባ ግዶ ሙከቲድኖ።

28 ማርካብያን ብያ አሳቱዋ ዋሱዋ ኮሻይ አባ ጋጸ ጋካናዉ ሰሰቱ።

29 “ ፣ “ማርካብያ ሶልድሰያዋንቱን ላግያዋንቱ ኡባይ ባረንቱ ማርካብቱዋ፣ ከሲደ፣ አባ ጋጸን ኤቄድኖ።

30 ኡንቱንቱ ኡባይካ ባረንቱ ሁጺያን ባና ቆሊደ፣ ብድንላን ጎንዶረቲደ፣ ነ ባየላ ድራዉ፣ ኢታ ዬኩዋ ዬኬድኖ።

32 ነዉ ኡንቱንቱ ሀዋዳን ያጊደ ዘላሌድኖ፤

“ ፣ “ሀእ አባ ግዶን ሰርጽ ጌዳ፣  
ጸርሳና ልክትያዌ ኦኔ?

33 ነ ዘልእያ ሚሻይ አባ ፕኒደ ይያ ዋደ፣  
ቢታን ደእያ ዳር አሳ ካልሳዳ፤  
ነ ማጺዋን ካተቱ ዲረቲድኖ።

34 ሽን ሀእ አባ ጨማን መኤረታዳ።  
ነ ዘልእያ ሚሻይካ፣ ነዉ ኦሳያ አሳቱ ኡባቲካ፣  
ኔናና አባ ግዶን ሙከቲደ ጻዬድኖ።

35 አባ ዶና ቢታቱዋን ደእያ አሳይ ኡባይ፣  
ነ ቦላ ጋኬዳዋ ቢኢደ ዳጋሚድኖ።

ኡንቱንቱ ካተቱካ ዳር ያዬድኖ፤  
ኡንቱንቱ ሶሞኢ ያሻ ኤርሴ።

36 ነ ዉርሰሳይ ዳጋንሰያዋ ግዴዳ፤  
ኔን ላኤንሎ ኡባካ ደእካ።  
ሄዋ ድራዉ፣ ቢታ ኡባን ደእያ፣  
ዘልእንቻቱ፣ ፖራ! ጌድኖ

ያጊደ ዘላሌድኖ” ያጌ” ያጋ” ያጊደ ዬዳ።

## 28

### ጸርሳ ሞድያዋንቱ ቦላ ያና ፕርዳ

1 መድና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናከዉ፣ ጸርሳ ካፑዋ ሀዋዳን ያጋደ ኦዳ፤ ሌባ ሞድያ መድና ጎዳይ ሀዋዳን ያጌ፤ “ነ ዋዛናይ ኦቶረቲዳ ድራዉ፣ ታን ጸሳ፤ ታን አባ ግዶ ግሻቻን፣ ጸሳቱዋ አራታን ኡታድ ያጋዳ። ኔን፣ ታን ጸሳዳን፣ አዴዳ ኤራንቻ ከሳድ ጋደ ቆፖፕ፣ ኔን አሳፕ አትና፣ ጸሳ ግዳካ።

3 ኔን ዳኔላፕካ አዴዳ ኤራንቻ፣ አይ ጸራይካ ኔፕ ጌመኔ?

4 ቱሙካ ኔን ነ አዴዳ ኤራንቻ ነ እኩካን ዲረ ግዳዳ፤ ብራነ ዋርቃ ነ ዲረታ ሞንጅያ ጎልያ ሸሻዳ።

5 ነ ዘልእያ ኤራን ዳር ዋድያ ደማዳ፤ ነ ዲረታ፣ ደንዴዳዋን ነ ዋዛናይ ኦቶረቲዳ” ያጌ።

6 “ ሄዋ ድራሬ፡ ኡባ ሞድያ መጅና ጎዳይ ሀዋዳን ያጌ፤ “ኔን፣ ታን ጸሳዳን፣ አጭዳ ኤራንቻ ጋይ ቆፕያ ድራሬ።

7 ታን ነ ሰላ ካዉተላቱዋ ኡባፕ መቀስ ባይና፣ ኢታ ሞርከቱዋ አሀና፤ ኔን ነ አጭዳ ኤራን ቪሽዶ ማጸዋ ኡባ ኡንቱንቱ ባረንቱ ማሻን ጃይሳና፤ ነ ሰንቹዋካ ኡንቱንቱ ቱንሳና።

8 ኔና ኡንቱንቱ ዋጂደ፣ አባ ጨማን ኦላና።

9 ያትና፣ ኔና ዋጃና ሀንያዋ ሰንሳን ኔን፣ ቱሙ ታን ጸሳ ጋጌ? ኔና ዋጅያዋንቱ ኩሽያን ኔን አሳፕ አትና፣ ጸሳ ግዳካ።

10 ኔን አላጋቱዋ ኩሽያን አማና አሳይ ሀይቂያ ሀይቁዋ ሀይቃና። ታን ኡባ ሞድያ መጅና ጎዳይ ሀዋ ኦዳድ” ያጌ” ያጌደ ዬዳ።

**ጸረሳ ካትያ ኩንደላ**

11 ቃይካ መጅና ጎዳ ቃላይ ታኩ ሀዋዳን ያጌደ ዬዳ፤

12 “ላ አሳ ናአ፡ ጸረሳ ካትያዉ ሀዋዳን ያጌደ ዝላላ፤ ኡባ ሞድያ መጅና ጎዳይ ሀዋዳን ያጌ፤ “ኔን ካሰ አጭዳ ኤራን ኩሚዳዋ፤ ኔን አሳይ ለምሲደ ኦድያ አጭዳ ፑላንቻ ግዳዳ።

13 ኔን ኡደነን፣ ጸሳ ገነትያን ካሰ ደአዳ፤ ሳርድዮን፣ ቶጳዝዮን፣ አልማዝ፣ ብራላ፣ ማርግደ፣ ያሰጸደ፣ ሳምፔረን ባሉራ ጌተትያ አልኦ ሹቻን አሌቀታደ፣ ሎኦ ዋርቃ አሌቁዋ ካሰ ማያዳ፤ ኔን መጠቅዳ ጋላሰ ሀዋ ኡባይ ነዉ ገጌዳ።

14 ታን ኔና ናግያ ክሩብ ኦሳደ ሱንሳድ፤ ያታደ ኔና ኦካድ። ታ ጌሻ ደርና ሰላን ኔን ደአዳ፤ ቃይ ታማዳን ጸልያ አልኦ ሹቻቱዋ ግደን ሰመረታዳ።

15 “ ፣ “ኔን መጠቅዳ ጋላሳፕ ደማደ፣ ኢታባይ ነ ሰላ ቤቴዳ ጋላሳይ ጋካና፡ ነ ኦግያ ኡባን ቶሺ ባይናን ደአዳ።

16 ነ ዳር ዛልእያፕ ደንዴዳዋን፣ ማካላን ኩማደ፣ ናጋራ ኦሳዳ። ሄዋ ድራሬ፡ ታ ጌሻ ደርያፕ ቱናባዳን፣ ኔና ዋልቃን ከሳድ። ኔና፣ ናግያ ክሩብያዉ፣ ሄ ታማዳን ጸልያ አልኦ ሹቻቱዋ ግደፕ ታን ኔና ዩደርሳድ።

17 ኔን ፑላንቻ ግዳያ ድራሬ፣ ዳር ኦቶረታዳ፤ ነ ሰንቹዋ ጋሱዋን፣ ነ አጭዳ ኤራ ቱንሳዳ። ሄዋ ድራሬ፡ ታን ኔና ሳኣን ኦላድ፤ ሀራ ካተቱ ኔና በኢደ ስረታናዳን ኦሳድ።

18 ነ ናጋራ ዳርዋን ነ ጭሙዋ ዛልእያን፣ ነ ጎይንያ ሳኦቱዋ ኡባ ቱንሳዳ። ሄዋ ድራሬ፡ ታን ታማይ ነ ግደፕ ከሳናዳን ኦሳድ፤ እካ ኔና ሜዳ። ኡባቱ ጸልሽን፣ ታን ኔና ሳኦ ሰላን ብድንሳ ከሳድ።

19 ኔና ካሰ ኤርያ ካዉተላቱ ኡባይ ነባን ዳጋሚድና። ነ ዉርሰሳይ ያሽያዋ ግዳዳ፤ ኔን ላኤንላ ኡባካ ደአካ” ያጌ” ያጌደ ዝላላ” ያጌደ ዬዳ።

**ሲድና ሰላ ያና ፕርዳ**

20 መጅና ጎዳ ቃላይ ታኩ ሀዋዳን ያጌደ ዬዳ፤

21 “ላ አሳ ናአ፡ ነ ሰምኡዋ ሲድና ካታማኩ ዛራደ፣ አ ሰላ ትምቢትያ ኦዳ።

22 ሀዋዳን ያጌ፤ ኡባ ሞድያ መጅና ጎዳይ ሀዋዳን ያጌ፤ “ኔና፣ ሲድና፣ ታን ነዉ ሞርከ! ነ ሰላ አልያዋን ታ ሰንቹ ቆንጫና። ነ ግደን ደአያዋንታ ፕርድያዋን ታን ታ ጌሻተላ በሰያ ዋደ፣ ታን መጅና ጎዳ ግድያዋ ኡንቱንቱ ኡባይ ኤራና።

23 ታን ነ ግደን ኢታ ሀርግያ ዩዳና፤ ነ ኦግያን ሱሳይ ጉካናዳን ኦሳና። ኡባ ባጋና ይያ ኦላ ጋሱዋን ነ አሳይ ማሻን ሀይቃና። ታን መጅና ጎዳ ግድያዋ ኡንቱንቱ ሄዋን ኤራና።

24 “ ፣ “ሀዋፕ ሰንሳናዉ እሰራኤልያ ዩሹዋን ደአያ፣ አ ካጂደ ጸልያ ቢታ ኡባፕ፣ አጉንሳ ማላን ካሽያ ማላ ግዳደ ቆሀያባይ ኦንነ ደኤና። ታን ኡባ ሞድያ መጅና ጎዳ ግድያዋ ኡንቱንቱ ሄዋን ኤራና” ያጌ” ያጌደ ዬዳ።

**አሰራኤልያ አሳ አንጃዋ**

25 ኡባ ሞድያ መጅና ጎዳይ ሀዋዳን ያጌ፤ “አሰራኤልያ አሳ ኡንቱንቱ ላለቴዳ ካዉተላ ኡባፕ ቪሻደ፣ ታን አሀያ ዋደነ ኡንቱንቱ ሄ ካዉተላቱዋ ኡባ ሰንሳን ታን ታ ጌሻተላ በሰያ ዋደ፣ ታን ታ ቆማ ያቆባዉ አሜዳ ባረንቱ ቢታን ኡንቱንቱ ደአና።

26 ሄዋን ኡንቱንቱ ሳርዋን ደአና፤ ጎልያ ኬጻና፤ ዋይንያ ቱራካ ቶካና። ኡንቱንታ ካጂደ ጸልያ ኡንቱንቱ ሾርቱዋ ኡባካ ታን ፕርድያ ዋደ፣ አሰራኤልያ አሳይ ሳርዋን ደአና። ሄ ዋደ ታን መጅና ጎዳይ ኡንቱንቱ ጸሳ ግድያዋ ኡንቱንቱ ሄዋን ኤራና” ያጌ።

1 ኑን አሞድቲዳ ታማኅላ ላይላን፣ ታማኅላ አግናን፣ ታማነ ላኢኅላ ጋላሳን፣ መቅና ጎዳ ቃላይ ታኩ ሀዋዳን ያጊደ ዬዳ፤

2 “ላ አሳ ናአው፣ ነ ሰሞኡዋ ግብጾ ካትያኩ ዛራደ፣ አ ቦላነ ግብጾ ቢታ ኡባ ቦላ ትምቢትያ ኦዳ።

3 ሀዋዳን ያጋ፤ ሩኡባ ሞድያ መቅና ጎዳይ ሀዋዳን ያጌ፤ “ኔና፣ ፓርኦና፤ ናይለ ሻፋ ግድን ግሴዳ፣ ሎይላ ዋልቃማነ ያሸያ ዶአው፣ ናይለ ሻፋይ ታዋ፤ አ መጫዳዌ ታና ያግያ ግብጾ ካትያው፣ ታን ነው ሞርከ!

4 ታን ነ ጎሳጩዋን ህንግላ ገልሳና፤ ነ ሻፋን ደእያ ሞለቱ ነ ጋልባ ፖቁዋና ኦይቀታናን ኦላና፤ ሞለቱ ነ ጋልባና ኦይቀት ኡት ደእሸን፣ ታን ኔና ሃላቱዋፕ ጎቻደ ጋጾ ከሳና።

5 ታን ኔና ነ ሻፋን ደእያ ሞለቱዋ ኡባ መላ ቢታን ኦላና፤ ነ እሃይ ደምባን ኦለት አታናዋ፤ ነ እሃ ሸሺደ ሞግያዌ ጳያና። ታን ኔና ሳሉዋ ካፎቶን ሳኦ ዶአቶ ቁማ ኦላና።

6 ግብጾን ደእያ አሳይ ኡባይ ታን መቅና ጎዳ ግድያዋ ሃዋን ኤራና።  
“ ፣ “ኔን አሰራኤልያ አሳው ማቃ ጉፍያ ግዳዳ፤

7 ኡንቱንቱ ኔና ኦይቁዳ ዋደ መእደ፣ ኡንቱንቱ ሀሸያ ጫዳዳ፤ ኡንቱንቱ ኔናን ዘምፔዳ ዋደ መእደ፣ ኡንቱንቱ ዘክያ ዱዳዳ።

8 ሃዋ ድራው፣ ታን ኡባ ሞድያ መቅና ጎዳይ ነ ቦላን ማሻ ደንሐያዋንታ አሀና፤ ኡንቱንቱ ነ አሳነ ነ መሀያ ኡባ ወርሳና።

9 ግብጾ ቢታይ አሳይ ባይና መላነ ኦና ቢታ ግዳና። ታን መቅና ጎዳ ግድያዋ ኡንቱንቱ ሃዋን ኤራና።  
“ ፣ “ሃዌካ ኔን፣ ናይለ ሻፋይ ታዋ፤ አ መጫዳዌ ታና ያጌዳ ድራው፣

10 ታን ነ ቦላነ ነ ሻፋ ቦላ ደንዳድ። ታን ሁጺሳ ባጋና ሞግደላፕ ደማደ፣ ገድሳ ባጋና አሰዋን ካታማ፣ ሃዋፕካ ቶጵያ ዛዋ ጋካናው ግብጾ ኡባ አሳይ ባይና መላነ ኦና ሳኦ ከሳና።

11 ኡሳ ግድና መሀያ ግድና፣ ሃዋና አጋና፤ ኦይታሙ ላይላይ ወራና ጋካናው፣ እያይነ ሃዋን ደኤና።

12 ታን ግብጾ ቢታይ ቢታ ኡባፕ አጫዳ መላነ ኦና ቢታ ኦላና፤ አ ካታማቱካ ኦይታሙ ላይላይ ወራናው፣ ሀራ ኮለቲዳ ካታማ ኡባፕ አጫዳ ኮለቲደ ደእና። ግብጾ አሳ ታን ካወተላቱዋ ግድንነ ሀራ አሳ ግድን ላላና” ያጌ።

13 “ ሩኡባ ሞድያ መቅና ጎዳይ ሀዋዳን ያጌ፤ “ኦይታሙ ላይላፕ ጉይያን፣ ታን ግብጾቱዋ ላሌዳ ካወተላቱዋ ግደፕ ሸሻና።

14 ታን ኡንቱንታ ዛራደ እሻልሳና፤ ኡንቱንቱ የለቲዳ ገድሳ ግብጾን ደእያ ፓትሮሳ ቢታ ዛራና፤ ሃዋን ኡንቱንቱ ላፋ ካወተላ ግዳደ ደእና።

15 ግብጾ ሀራ ካወተላቱዋ ኡባፕ አጫዳ ላፋ ካወተላ ግዳና። ላኢንሶ ሀራ ካወተላቱዋ ቦላ ባረና ጾቁ ጾቁ ኦጋና። ላኢንሶ አ ሀራ ካወተላ ሞደናዳን፣ ታን እዘ ጉላና።

16 አሰራኤልያ አሳይ ላኢንሶ ማዳዋ ደማናው ኡንቱንቱን አማነተና፤ ግብጾን አማነቲዳዌ እይ ኬሻ ባይዘንቶ አሰራኤልያ አሳይ አከካና። ኡባ ሞድያ መቅና ጎዳ ግድያዋ ኡንቱንቱ ሃዋን ኤራና” ያጌ’ ያጋ” ያጊደ ዬዳ።

**ካቲ ናቡካዳናጾር ግብጾ ጸናና**

17 ካን አሞደተዳ ላታማነ ላፑንላ ላይላን፣ ኮይሮ አግናን፣ ኮይሮ ጋላሳን፣ መቅና ጎዳ ቃላይ ታኩ ሀዋዳን ያጊደ ዬዳ፤

18 “ላ አሳ ናአው፣ ባብሎነ ካቲ ናቡካዳናጾር ጸሮሳ ቦላ ኦላ ደንጋላው ጊጌዳ፤ ኡንቱንቶ ሁጺ ቦአታና ጋካናሰነ ሀሸካ ማዳዳና ጋካናው፣ ኦላንቻቱ ዳጾ ቶኩዋ ቶካናዳን ኡጫድና፤ ግደ ሸን፣ ካወካ ኦላንቻቱካ ሀ ዶቡራ ኡባን ኡንቱንቱ ጸሮሳፕ ደሜዳዌ ባዋ።

19 ሃዋ ድራው፣ ኡባ ሞድያ መቅና ጎዳይ ሀዋዳን ያጌ፤ “ታን ግብጾ ቢታ ባብሎነ ካትያ ናቡካዳናጾራው አላደ አማና፤ እካ ባረ ኦላንቻቱዋ ድርጉዋ ግዳና ማላ፣ አሞዳዋንነ ቦንቁያን አከዳዋ ኡባ አከደ ባና።

20 እነ አ ኦላንቻቱ ታው ኡጫዳ ድራው፣ ታን አው ግብጾ ቢታ ኡንቱንቱ ዳቡራው ድርጉዋ ኦላደ አማና። ታን ኡባ ሞድያ መቅና ጎዳይ ሀዋ ኦዳይ’ ያጌ።

21 “ሃ ጋላሰ ታን አሰራኤልያ አሳ ሞንላና። ህዝቁላ፣ ኔንካ አሳው ኦዳናዳን፣ ታን ኔና ሞንላና። ታን መቅና ጎዳ ግድያዋ ኡንቱንቱ ሃዋን ኤራና” ያጊደ ዬዳ።

**30**

**ጸሳይ ግብጾ ሙራና**



1 ቃይካ መድና ጎዳ ቃላይ ታኮ ሀዋዳን ያገደ ዬዳ፤

2 “ላ አሳ ናአው፡ ሀዋዳን ያገደ ትምቢትያ ኦዳ፤ ሌባ ሞድያ መድና ጎዳይ ሀዋዳን ያገ፤ “ሄ ገላሳው፡ አየ አና! ያገደ ዝላልተ!

3 እያው ጎጥ፡ ሄ ገላሳይ ማቴዳ! መድና ጎዳ ገላሳይ ጋኬዳ! ሄ ገላሳይ ሻሪ ስኬዳ ገላሳይ ካወተላቱዋ ኡባዉ መቶ ገላሳ ግዳናዋ።

4 ግብጹ ቦላ ኦላይ ያና፤ ቶጵያ ቦላነካ ቱጋይ ያና። ዳሮቱ ግብጹ ቢታን ሀይቃና፤ ሄ ቢታ ዱረተላይ ቦንቃታና፤ አ ባሱካ ባያና።

5 ሄ ኦላይ ቶጵያ፡ ሊድያ፡ ሊብያ፡ አራባነ ታ ጫቆ ቢታ አሳ ኡባ ግብጹና ጋሊደ ወርሳና” ያገ።

6 “ መድና ጎዳይ ሀዋዳን ያገ፤ “ግብጹ ማድያዋንቱ ኩንዳና፤ አ ኦቶረትያ ዋልቃይ ወራና። ሞግደላፕ ቢደ አስዋነ ጋካናው፡ ኡንቱንቱ ማሻን ሀይቃና። ታን ኡባ ሞድያ መድና ጎዳይ ሀዋ ኦዳይ።

7 ግብጹ ቢታይ ቢታ ኡባፕ እጭዳ መላ ቢታ ግዳናዋ፤ አ ካታማቱካ ሀራ ኮለቱዳ ካታማ ኡባፕ እጭዋ ኮለቲደ ደእና።

8 ታን ግብጹ ታማን ኦይልያ ዋደነ አ ማድያዋንቱ ኡባይ ሀይቁ ወርያ ዋደ፡ ታን መድና ጎዳ ግድያዋ ኡንቱንቱ ኡራና።

9 “ ሄ ገላሳ ታን ሳር ደእያ ቶጵያ አሳ ዳጋንሳናው አሳቱዋ ማርካብያን ኪታና። ግብጹ መራረትያ ገላሳ ቶጵያ አሳ ቦላ ቱጋይ ያና። በእተ፡ ሄ ገላሳይ ጋኬዳ!” ያገ።

10 “ ሌባ ሞድያ መድና ጎዳይ ሀዋዳን ያገ፤ “ባብሎነ ካትያ ናቡካዳናጾራ ኩሽያን ታን ግብጹ ዱረተላ ጳይሳና።

11 ካወተላቱዋ ኡባፕ እጭደ፡ መቀላ እትያ ኦላንቻቱዋ ካለሊደ ዪደ፡ አ ቢታ ጳይሳና፤ ኡንቱንቱ ግብጹ አሳ ቦላን ማሻ ሾዲደ፡ ቢታን አሃ ኩንሳና።

12 ናይለ ሻፋ ታን መልሳና፤ ታን ግብጹ ኢታ አሳቱዋ ኩሽያን አላደ እማና፤ ኡንቱንታ፡ ሄ ቢታን እን ደእያዋ ኡባ አላጋቱዋ ኩሽያን ጳይሳና። ታን መድና ጎዳይ ሀዋ ኦዳድ” ያገ።

13 “ ሌባ ሞድያ መድና ጎዳይ ሀዋዳን ያገ፤ “መምጥሳ ካታማን ደእያ ኤቃቱዋን ሞሰለቱዋ ኡባ ታን ጳይሳና፤ ግብጹ ቢታን ላኤንሎ ካፖ ግድያዋ ደኤና፤ ቢታ ኡባ ታን ያሽሳና።

14 ታን ፓትሮሳ ግያ ገራሳ ባጋ ግብጹ መላ ከሳና፤ ሁጲሳ ባጋና ደእያ ጸአነ ካታማን ታማ ዩዳና፤ ቴብሳ ካታማካ ሙራና።

15 ግብጹዉ ጌሶ ግዴዳ ፕሌሰያማን ታ ሀንቁዋ ጉሳና፤ ቴብሳ አሳ ኡባ ወርሳና።

16 ታን ግብጹን ታማ ኦይላና፤ ፕሌሰያምካ ሎይል ቱጋታና፤ ቴብሳ ድርሳ ግምቢ ኮለታና፤ መምጥሳ ካታማን ዱጸና መቱ ጋካናዋ።

17 ኦና ካታማ ያላጋ አሳቱነ ብባስታ ካታማን ደእያ ያላጋይ ኡባይ ማሻን ወራና፤ ሄ ካታማቱካ ኦሞደቲደ ባና።

18 ግብጹ ዋልቃ ታን መንግራልያ ዋደ፡ ጻፍናሳን ገላሳይ ቃማና፤ አ ኦቶረትያ ዋልቃይ ወራና፤ ግብጹ ሻሪ ካማና፤ ጻፍናሳ ዩሹዋን ደእያ ካታማቱዋ ኡባን ደእያ አሳይ ኦሞዳዋን ባና።

19 ታን ግብጹ ሄዋዳን ሙራና። ሄ ዋደ ታን መድና ጎዳ ግድያዋ ኡንቱንቱ ሄዋን ኡራና” ያገ። ያገደ ዬዳ።

**ግብጹ ካቲ ጸነቱዳ**

20 ኡን ኦሞደተዳ ታማነ እተንላ ላይላን፡ ኮይሮ አግናን፡ ላፑንላ ገላሳን፡ መድና ጎዳ ቃላይ ታኮ ሀዋዳን ያገደ ዬዳ፤

21 “ላ አሳ ናአው፡ ታን ግብጹ ካትያ ቀስያ መንሳድ፤ አ ዋሻንነ ጩርቃን ጻጽ ኮሊደ ፓልያ ሂላይካ ባዋ፤ ሀዋፕ ሰንሳናው አ ሞናተላ አሂደ፡ ማሻ ኦይቃናው ዳንዳና።

22 ሄዋ ድራው፡ ኡባ ሞድያ መድና ጎዳይ ሀዋዳን ያገ፤ ታን ግብጹ ካትያዉ ሞርከ። አዉ ካሰ መኦ ቀስያን ፓጽ ደእያ ቀስያ ላኡዋካ ታን መንሳና፤ አ ማሻይካ አ ኩሽያፕ ሳአን ሞጻናዳን ኦላና።

23 ግብጹቱዋ ካወተላቱዋ ግድን ሀራ ቢታቱዋን ላላና።

24 “ ታን ባብሎነ ካትያ ላኤ ቀስያ ሞንሳደ፡ ታ ማሻ አ ኦይላና። ሽን ግብጹ ካትያ ቀስያ መንሳና፤ ባረ ሞርከያ ሰንሳን አ ሀይቃና ሀንያዋ ኦልያዋዳን ኦላና።

25 ኤ፡ ታን ግብጹ ካትያ ላኤ ቀስያ ዳቡርሳደ፡ ባብሎነ ካትያ ቀስያ ሞንሳና። ታን ባብሎነ ካትያ ታ ማሻ ኦይልያ ዋደነ አ ግብጹ ቦላ አ ደንልያ ዋደ፡ ግብጹቱ ታን መድና ጎዳ ግድያዋ ኡራና።

26 ግብጹቱዋ ታን ካወተላቱዋ ግድን ቢታ ኡባን ላላና። ሄ ዋደ ታን መድና ጎዳ ግድያዋ ኡንቱንቱ ሄዋን ኡራና ያገ። ያገደ ዬዳ።

# 31

## ግብጹ ዝገን ለምስቴዳ

1 ኑን ኦምደቲዳ ታማነ እተንላ ላይላን፣ ሄዘንላ እግናን፣ ኮይሮ ጋላሳን፣ መድና ጎዳ ቃላይ ታኮ ሀዋዳን ያገደ ዬዳ፤

2 “ላ አሳ ናእዉ፣ ግብጹ ካትያዉነ አሳ ኡባዉ ሀዋዳን ያገደ ኦዳ፤ ናጎ ግታተላን ኔና ታን ኦናና ልኮ?

3 “ ኔን ሎኦ ዳሻ ኩዋይ ደእያ ለባኖሳ ዝጋ ማላ። እ ኡዱቂደ ድጨዳ፤ እ ጸራይካ ሻርያ ጋኪዳ።

4 ሄዋን እ ድኻያ ሃላይ ደኤ፤ ጨሙዋጥ ከሰያ ፑልቶቲካ እ ቶኮቲዳ ሳኣን የሹዋን ኡባን ጎጊኖ፤ ሄ ፑልቶቲ ሞላይ ሞክያሳ ኡባ ጋኪደ ኡሺኖ።

5 ሄ ሞላይ ሃላይ ዳራዳ ድራዉ፣ ዋራን ደእያ ሀራ ሞላ ኡባጥ ጌሳ ኡዱቄ፤ እ ዳሻቲካ ኦርደነ አዲሳ።

6 ሳሉዋ ካፎቲ ኡባይ እ ዳሻን ባረንቲ ጎልያ ኬጼድኖ፤ ባዙዋ ደኣቲካ እ ዳሻ ጋርሳን ማራ የሌድኖ፤ ሞልቃማ ካዉተላቲ ኡባይ እ ኩዋን ኡተኖ።

7 ሄ ሞላይ ባረ ግታተላናን ባረ ዳሻ ኡዱሳተላና እያ ሎኤ! ባረ ጸጸዋካ ሃላ ጨማዉ ዲገ የድ ሞላዳ።

8 ሀራይ አቶ ጸሳ ጋናትያንካ ሄ ዝጋና ልከትያ ዝግ ባዋ፤ አዋ ማላ ዳሻይ ደእያ ጸዲይካ ባዋ፤ ሄዋ ማላ ቦእያ ሞላካ ባዋ። ጸሳ ጋናትያንካ ሄዋ ማላ ሎኦ ሞላይ ባዋ።

9 “ ታን እ ዳር ዳሻን ፑላንቻ ኦላድ። ኤደነ ግያ ጸሳ ገነትያን ደእያ ሞላቲ ኡባይ እ ቃናቲድኖ።

10 “ ሄዋ ድራዉ፣ ኡባ ሞድያ መድና ጎዳይ ሀዋዳን ያገ፤ “ሄ ሞላይ አዱቂደ ድጨዳ ድራዉ፣ እ ጸራይካ ሻርያ ጋኪዳ ድራዉነ እ ባረ ጌሳን ኦቶረቲዳ ድራዉ።

11 ታን እ አጋ አጋድ፤ ያታደ ሞልቃማ፣ አላጋ ካዉተላዉ አላደ እማድ። ሄ ካዉተላይ እዉ እ ኢታተላዳን ኦላና።

12 መቀሳ ኢታ አላጋቲ ሄ ሞላ ቃንጽ ኦላና፤ ቃንጹዳ ታሽቲ ደረቲዋን፣ ሞምባቲዋንነ ዛንጋራቲዋን ኦላት ኦታና። እ ኩዋን ኡትያ ሀራ ካዉተላቲ ኡባይ ሄ ሳኣ አገደ ባና።

13 ሳሉዋ ካፎቲ ዬደ ኩንዴዳ ሞላ ቦላ ኡታና፤ ባዙዋ ደኣቲካ እ ታሽቲዋ የፋና።

14 ሃላ ማታን ድጨያ ሞላቲ ግደን አዋዳን አዱቂደ፣ ጸራይ ሻርያ ጋኪያ ሞላይ ደኤና። ሀይቂያ አሳ ቦላ ጋኪያ ሀይቂዋ ፕርዳይ ሄ ሞላ ቦላ ጋካናዋ፤ ሄ ፕርዳይ እ ሀይቂደ፣ ዱፋዋን ገልያዋንቲና ሰኦልያን ገላናሳ” ያገ።

15 “ ኡባ ሞድያ መድና ጎዳይ ሀዋዳን ያገ፤ “ሄ ሞላይ ሰኦልያን ገልያ ጋላሰ ጨሙዋጥ ከሰያ ፑልቶቲ እዉ ካዮታናዳን ታን ኦላና፤ ሄ ፑልቶቲዋ ሃላይ ጎገናዳን ታን ኦላና፤ ለባኖሰካ እ ድራዉ ካዮታናዳን ኦላና። ቃይ ዋራ ሞላይ ኡባይ ሹላና።

16 ታን ሄ ሞላ ሰኦልያን ኦልያ ዋደ፣ እ ኩንደላ ኮሻን ካዉተላይ ኡባይ ቃጻና። ኩንዲደ ሰኦልያን ገሌዳ ኤደነ ሞላቲነ ሃላ ኡሸን ደረቲዳነ ሎኦ ለባኖሳ ሞላቲ ኡባይ እ ኩንደላን ሞነታና።

17 ካዉተላቲዋ ግደን ኦናና ማደቲዳነ እ ኩዋን ኡቲዳ ኡባይ ካሰ ማሻን ሀይቂዳዋንቲና ጋኪታናዉ ኦናና እትገ ሰኦልያን ገላና።

18 ኤደነ ጋናትያ ግደ ሞላቲዋንካ ሄዋ ኬሻ ግታይነ ሎኤ ባዋ፤ ሸን ሀእ ኤደነ ሞላቲዋዳን፣ እካ ሀይቂ ሰኦልያን ገሌ፤ ሄዋን እ ማሻን ሀይቂዳ አማንቤናዋንቲ ኡባን ጋኪታና።

“ “ ሄ ሞላይ ግብጹ ካትያነ እ አሳ ኡባ ለምሶ። ታን ኡባ ሞድያ መድና ጎዳይ ሀዋ ኦዳይ” ያገ ያገ” ያገደ ዬዳ።

# 32

## ግብጹ ጸድያን ለምስቴዳ

1 ኑን ኦምደቲዳ ታማነ ላኤንላ ላይላን፣ ታማነ ላኤንላ እግናን፣ ኮይሮ ጋላሳን፣ መድና ጎዳ ቃላይ ታኮ ሀዋዳን ያገደ ዬዳ፤

2 “ላ አሳ ናእዉ፣ ግብጹ ካትያዉ ዝላላ! ሀዋዳን ያገ፤ ኔን ካዉተላቲዋ ግደን ኔና ጋሙዋ ከሳዳ፤ ሸን ኔን አባ ግደን ደእያ ጸድያ ማላ። ኔን ሃላቲዋጥ ከሳዳ፤ ነ ገደቲዋን ፑርቻካደ፣ ሃላ ቡሉቃዳ።

3 “ ኡባ ሞድያ መድና ጎዳይ ሀዋዳን ያገ፤ “ዳሮ አሳይ ሸቅያ ዋደ፣ ታን ታ ግትያን ኔና ኦይቃና፤ ሄ አሳይ ኔና ጎቺደ፣ ሃላጥ ጋጸ ከሳና።

4 ታን ኔና ቢታን ኦላ አጋና፤ ደምባ ቦላካ ሞጫና፤ ያታደ ሳሉዋ ካፎቲዋ ኡባይ ነ ቦላ ኡትሳና፤ ቢታ ኡባን ደእያ ባዙዋ ደኣቲዋካ ነ አሹዋ ካልሳና።

5 ታን ነ አሹዋ ደረቲዋ ቦላን ላላና፤ ነ ሞምባቲዋካ ነ እሃን ኩንሳና።

6 ደረቱዋ ካሟደ፣ ሻፋቱዋ ኩማና ጋካናው፣ ነ ሱላይ ጉካናደን ኦላና።

7 ታን ኔና ጳይሰያ ዎደ፣ ሳሉዋ ጎዛና፤ ጸልንተቱዋካ ጴምሳና፤ አዋካ ሻርያን ካማና፤ አግናይካ ባረ ፖኤዋ ድጋና።

8 ኔፕ ቦላና ደእያ ሳሉዋ ፖኤቱዋ ኡባ ጳይሳደ፣ ነዉ ቢታ ጴምሳና። ታን ኡባ ሞድያ መድና ጎዳይ ሀዋ ኦዳይ።

9 “ ል “ ታን ነ ቦላ ጋኬዳ ባየላ ኦዲዋ ኔን ኤረና ካወተላቱዋ ኡባ ሰሰያ ዎደ፣ ጮራ አሳ ዋዛናይ ሻቢረታና።

10 ታን ነ ቦላ ጋሕያዌ ካወተላቱዋ ኡባ ዳጋንላና። ታን ታ ማሻ ኤንቱንቱ ሰንላን ለለሰያ ዎደ፣ ካተቱ ያሻን ኮኮራና፤ ኔን ኩንድያ ጋላሰ ኤንቱንቱ ኡባይካ ባረንቱ ሸምፖ ሸምፖ ያያና” ያኔ።

11 “ ሉባ ሞድያ መድና ጎዳይ ግብጹ ካትያዉ ሀዋዳን ያኔ፤ “ብብሎካ ካትያ ማሻይ ነ ቦላን ያና።

12 ሀራ ካወተላፕ አጲደ፣ መቀላ ኢትያ ኦላንቻቱ ባረንቱ ማሻን ነ ጮራ አሳ ዉርሳናደን ታን ኦላና። ኤንቱንቱ ግብጹ ኦቶሩዋ ጳይሳና፤ አ ጮራ አሳይካ ዉራና።

13 ዳሮ ሃላ ማታን ደእያ መሀያ ኡባካ ታን ጳይሳና፤ ሄዋፕ ጉይያን፣ ሃላ ቡሉቂያ አሳ ግድና መሀያ ግድና፣ ኡባካ ደኤና።

14 ሄ ዎደ ታን ነ ሃላቱዋ ጸልሳና፤ ነ ሻፋቱዋካ ዎፑ ኦላደ ጎግሳና። ታን ኡባ ሞድያ መድና ጎዳይ ሀዋ ኦዳይ።

15 ታን ግብጹ መላ ከሰያ ዎደ፣ እን ደእያዋ ኡባ ቁጫደ ጳይሰያ ዎደን እን ደእያ አሳ ኡባ ሸጮያ ዎደ፣ ታን መድና ጎዳ ግድያዋ ኤንቱንቱ ኤራና።

16 “ ል “ ሄዌ ኡባይ ኤንቱንቶ ዝላልያ ዝላሳ ግዳናዋ። ካወተላቱዋ ማጫ አሳቱ ግብጹሰን አ ጮራ አሳዉ ዝላላና። ታን ኡባ ሞድያ መድና ጎዳይ ሀዋ ኦዳይ” ያኔ፣ ያጋ” ያጊደ ዩዳ።

**ዲፋዋ ገልያ አሳቱዋባ**

17 ኩን ኦሞደቱዳ ታማነ ላኤንላ ላይላን፣ ሄ አግናን፣ ታማነ እኹሽንላ ጋላሳን፣ መድና ጎዳ ቃላይ ታፕ ሀዋዳን ያጊደ ዩዳ፤

18 “ላ አሳ ናኤዉ፣ ግብጹ ጮራ ኦላንቻቱዋ ድራዉ ዩካ፤ ግብጹን ዎልቃማ ካወተላቱዋ ማጫ ናናቱዋ፣ ሀራ ሀይቂደ ዲፋዋን ገሌዳዋንቱና እትፕ ሰኦልያ ሞይዛ።

19 ኤንቱንቱ፣ ህንተኖ ግብጹቶ፣ ህንተ ሀራቱዋፕ እድ ሎኤቱ? ህንተ ሰኦልያን ገላና፤ ሄዋን ህንተ ጸሳ አማንቤናዋንቱና እትፕ ሞገታና።”

20 “ግብጹ ቢታዉ ማሻይ ሸደት ኡቱዳ ድራዉ፣ ኤንቱንቱ ማሻን ሀይቂዳዋንቱ ግደ ከንዳና፤ ግብጹ ባረ ጮራ አሳ ኡባና ዲጎ ሸታና።

21 ሰኦልያን ደእያ ዎልቃማ ካፓቱ ግብጹባን ግብጹ ማዴዳዋንቱባ ሃሳዩደ፣ ሉንቱንቱ ሃ ዲጎ ዩድና፤ ጸሳ አማንና፤ ማሻን ሀይቂዳዋንቱና ኤንቱንቱ ግሴድና” ያጊና።

22 “አሰረ ሰኦልያን ደኤ። ኦላን ሀይቂዳ አሰረ ኦላንቻቱዋ ዲፎቱ አ የሹዋን ደድ ኡቱድና።

23 ሄ ዲፎቱ ጨማ ኦላቱዋፕ ወርሰሳን ደኤና። አ ኦላንቻቱ፣ ካሰ ካወተላቱዋ ኡባ ስሴድና፤ ኮኮርሴዳዋንቱ፣ ሀእ አ ኦላንቻቱ ዲፋዋ የሹዋን ሸቂድና። ደኤዋን ደእያዋንቱ ቢታን ሻቢረላ መዲዳዋንቱ ኡባቱ ማሻን ዉራድና።

24 “ኤላምካ ሰኦልያን ደኤ። ኤላማ ኦላንቻቱ ኡባይ አ ዲፋዋ የሹዋን ደድ ኡቱድና። ኡባቱ ሹከቱድና፣ ማሻን ከንዴድና፤ ደኤዋን ደእያ አሳ ቢታን ሻባርሳ ደንሌዳ ኡባይ አማንናዋንታ ግዲደ ዩላን ቢታ ጋርሳ እዴድና፤ ዲፋዋ ጋርሳ ገሊደ ግሴድና።

25 ሀይቂዳዋንቱ ግዲዋን ኤላማዉ ሳእይ ገግ ኡቱዳ። ኤላማ ኦላንቻቱዋ ኡባ ዲፎቱ አ የሹዋን ደኤና፤ ኤንቱንቱ ኡባይካ ማሻን ሀይቂድና። ኤንቱንቱ ኡባይካ ጸሳ አማንቤናዋንታ። ኤንቱንቱ ደኤዋን ደእያዋንቱ ግደን ሻቢረላ ደንሌዳ ድራዉ ዲፋዋ ገሌዳዋንቱና እትፕ ግሴድና።

26 “መሸክክ ቱባላ ኦላንቻቱዋ አሳቱዋ ዲፋ እትፕ ሄዋን ደኤና፤ ኤንቱንቱ ካሰ ደኤዋን ደእያዋንቱ ቢታን ካወተላቱዋ ኡባ ያሻን ሻባርሴዳዋንታ ግደፕካ፣ ኤንቱንቱ ኡባይካ ማሻን ሀይቂድና። ኤንቱንቱ ኡባይካ ጸሳ አማንናዋንታ።

27 ካሰ ኦላንቻቱ ሞገትያዌ ባረንቱ ኩመንላ ኦላ ሚሻና፤ ኤንቱንቱ ጎንዳላቱዋ ኤንቱንቱ ትራን ዎሐና፣ ኤንቱንቱ ማሻቱዋ ኤንቱንቱ ሁጲሳን ዎሐና፣ ሞገቱድና። ሽን ሀዋንቱ ሄዋ ማላ ኩመንላ ቦንቾ እመትና ሞገትቤይክና። ኤንቱንቱ ካሰ ደኤዋን ደእያዋንቱ ካወተላቱዋ ሻባርሴድና።

28 “ህንተ ግብጹ አሳቱካ ጸንታና፤ ማሻን ሀይቂዳ፣ አማንና አሳቱዋና እትፕ ግሳና።

29 “ኤደሞ ባረ ካተቱዋና፤ ባረ ሞድያዋንቱና እትፕ ሰኦልያን ደኤ፤ ኤንቱንቱካ ካሰ ሞኖ ኦላንቻቱዋ፤ ሽን ሀእ ኦላን ሀይቂዳ፣ አማንና አሳቱዋና ጨማ ኦላን ገሌድና።

30 “ሁጲሳ ባጋ ካፓቱ ሲደና አሳቱ ኡባይ ዲፋዋን ደእኖ። ኡንቱንቱ ካሰ ባረንቱ ዎልቃን አሳ ያሸሴድኖ፤ ሸን ሀእ ኡንቱንቱካ ሹከቱዳዋንቱና ባረንቱ ዬላና ያ ገሌድኖ። ጳሳ አማነናዋንታ ግዲደ። ማሻን ሀይቄዳ አሳቱዋና ኦትፐ ጋከቲደ። ዬላቲደ ዲፋዋ ገሊኖ።

31 “ግብጼ ካወነ እ ኦላንቻቱ ማሻን ሀይቄዳ ኦላንቻቱዋ ያን በእደ ምነታና። ታን ኡባ ዋድያ መጵና ጎዳይ ሀዋ ኦዳይ።

32 ታን ሀዋፕ ካሰ ካወተላቱ ኡባይ ግብጼ ካትያዉ ደእዋን ደእያዋንቱ ቢታን ያያናዳን ኦሌዳዋ ግደፕካ። እነ እ ኦላንቻቱ ጳሳ አማነናን። ማሻን ሀይቄዳ አሳቱዋና ኦትፕ ግሳና። ታን ኡባ ዋድያ መጵና ጎዳይ ሀዋ ኦዳይ።” ያጌዳ።

### ጳሳይ ባረ አሳዉ አዎ ሀደታ

## 33

(33:1—37:28)

ጳሳይ ህዝቁላ ዎችያ አሳ ኦሊደ ሱንሌዳ

(ህዘ. 3:16-21)

1 መጵና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናእዉ። ነ ቢታ አሳዉ ሀዋዳን ያጋደ ኦዳ፤ ታን እት ቢታ ቦላን ኦላ አህያ ዎደ። ህ ቢታ አሳይ ባረንቱ ቦላ ይያዋ ዎችያ አሳ ደሮ።

3 ህ ዎችያዋ ሞርኪ ይያዋ በእነ አሳይ ናገታናዳን። ማላካታ ፑናፕ፤

4 አይ አሳይነ ህ ማላካታ ኮሻ ሰሲደ። ናገተናን እጽና። ኦላይ ዬደ እ ዎጵፕ። ሱላ አጩ አዋ።

5 እ ማላካታ ኮሻ ሰሲደ። ናገተናን እጾዳ ድራዉ። እ ሱላ አጩ እ ቦላና። እ ሰሲደ ናገቲደንቶ። ሀይቄዋፕ እትያዋ ሸን!

6 ሸን ህ ዎችያዋ ሞርኪ ይያዋ በእደ። ማላካታ ፑናን አሳን እሳ ኤርሳና ጳዮፕ። ኦላይካ ዬደ። ህ አሳፕ እት ኡራ ዎጵፕ። ህ ኡራይ ባረ ናጋራን ሀይቄ፤ ሸን ታን እ ሱላ ዎችያዋ አቻና። ያጋ።

7 “ላ አሳ ናእዉ። ታን ኔና አሰራኤልያ አሳዉ ዎችያዋ ኦላዳ፤ ታን ነዉ ኦድያዎ ሰሳደ አሳካ ኤርሳ።

8 እት ኢታ አሳ ታን። ‘ላ ኔን ቱሙ ሀይቃና። ያግያ ዎደ። እ ባረ ናጋራፕ ሰማና ማላ። ኔን አዉ ኦዳና ሸን። ህ ናጋራንቻይ ባረ ናጋራን ሀይቄ፤ ሸን ታን እ ሱላ ኔፕ ጭገታና።

9 እን ናጋራንቻይ ባረ ናጋራፕ ሰማናዳን ኔን ኦድና። እ አጸፕ። ባረ ናጋራን ሀይቄ፤ ሸን ኔን ነ ሸምፑዋ አሻዳ።

### ጳሳይ ልክያ ፕርዳ

10 “ላ አሳ ናእዉ። አሰራኤልያ አሳዉ ሀዋዳን ያጋ፤ ‘ህንተ። “ኔን ኦሌዳ ናጋራይነ ናቄ ኑ ቦላ ደእ፤ ህዋፕ ደንዲዳዋን ኑን ግልቄ ዉራደ። ያትና። ኔን ዋኒደ ፓጸ ደእናዉ ዳንዳዬቶ?” ያጊታ።

11 ታን መጵና ጎዳይ ደእዋን ሀዋዳን ያጋደ ጫቃይ፤ “ናጋራንቻይ ባረ ናጋራ አጊደ። ፓጸ ደእና ማላ ኮያይፕ አትና። ናጋራንቻ ሀይቄዋን ናሸትከ። ታን ኡባ ዋድያ መጵና ጎዳይ ሀዋ ኦዳይ። ህንተና። አሰራኤልያ አሳዉ። ሰምተ፤ ህንተ ኢታ ኦሱዋፕ ጉዮ ሰምተ! እያዉ ሀይቃናዉ ኮዩቱ?” ያጋይ። ያጋ።

12 “ላ አሳ ናእዉ። ነ ቢታ አሳዉ ሀዋዳን ያጋደ ኦዳ፤ ‘ጽሎ አሳይ ናጋራ ኦላፕ። እ ጽሎተላይ እ አሸና፤ ቃይ ናጋራንቻይ ባረ ናጋራፕ ሰም ክቸፕ። ካሰ ናጋራን እ ሙራተና። ጽሎ አሳይካ ናጋራ ኦላፕ። ካሰ ጽሎተላ ድራዉ ደእዋን ደእናዉ ዳንዳዩና።

13 ታን ጽሎ አሳ። “ኔን ቱሙ ፓጸ ደእና።” ያጌዳ ዎደ። እ ባረ ጽሎተላን አማነቲደ ናጋራ ኦላፕ። ባረ ኦሌዳ ናጋራን እ ሀይቃናፕ አትና። ካሰ ጽሎተላይ አዉ ቆፈተና።

14 ቃይ ታን ናጋራንቻ አሳ። “ኔን ቱሙ ሀይቃና።” ያጌዳ ዎደ። እ ባረ ናጋራፕ ሰሚደ። ፕርዳን ሱረ ኦሱዋ ኦላፕ።

15 ሚሻ ታልእናዉ ኦይሌዳዋ ዛርፕ። ዉኤዳባካ ጉዮ ዛርፕ። ናጋራ ኦላያዋ አጊደ። ደእዋ አዎያ ሀግያ ካሎፕ። ያቶፕ። እ ቱማ ፓጸ ደእናፕ አትና ሀይቃና።

16 እ ካሰ ኦሌዳ ናጋራይ እቲነ ቆፈተና፤ ሀእ ፕርዳን ሱረ ኦሱዋ ኦሌዳ ድራዉ። እ ቱማ ፓጸ ደእና።

17 “ሸን ነ ቢታ አሳይ። “ጎዳ ኦጊ ልክ ግደና” ያጊኖ፤ ሸን ልክ ግደናዋ ኡንቱንቱ ኦግያ።

18 ጽሎ አሳይ ባረ ጽሎተላ አጊደ። ናጋራ ኦላፕ። እ ባረ ናጋራን ሀይቃና።

19 ቃይ ናጋራንቻ አሳይ ባረ ናጋራፕ ሰሚደ። ፕርዳን ሱረ ኦሱዋ ኦላፕ። ህ ኦሱዋን እ ፓጸ ደእና።

20 ሸን ህንተ። “ጎዳ ኦጊ ልክ ግደና” ያጊታ። አሰራኤልያ አሳዉ። ታን እቱዋ እቱዋ ቦላ ህንተ ኦሱዋዳን ኦሱዋዳን ፕርዳና። ያጋ። ያጊደ ዬዳ።

- 21 ኑን ኦሞድቲደ ታማነ ላኤንሶ ላይላን፣ ታማንሶ ኦግናን፣ እቺሽንሶ ጋላሳን፣ የሩሳላመፕ ከሰ እክ ዬዳ እት እሳይ ካታማይ ኩንዳዳዋ ታዉ ኦዳዳ።
- 22 ሄ ብታኒ ያናፕ እት ጋላሳ ካሰቲደ ደእያ ኦማርሰ መጅና ጎዳ ኩሺ ታ ቦላን ሸምፔዳ፤ ታ ደናይካ ዳየቲዳ፤ ሞንጉሳ ጋላሰ ሄ ብታኒ ታኩ ጋካናፕ ካሰታይ፣ ታንካ ሃሳያናዉ ዳንዳያድ።
- 23 ያትና፣ መጅና ጎዳ ቃላይ ታኩ ሀዋዳን ያጊደ ዬዳ፤
- 24 “ላ እሳ ናእዉ፣ እሰራኤልያ ቢታን ኮለቲዳ ካታማቱዋን ደእያ እሳቱ ሀዋዳን ያጊና፤ ሓብራሃመ ባረካ ደእያ እት ሳሳ፤ ሀ ቢታ ላቲዳ፤ ሽን ኑን ጮራ፤ ቢታይካ ቱማ ኑዉ ላታ ጋያ፤ ግዲደ እመቲዳ፣ ያጊና።
- 25 “ሄዋ ድራዉ፣ ኡንቲንት ሀዋዳን ያጋ፤ ኡባ ሞድያ መጅና ጎዳይ ሀዋዳን ያጊ፤ “ሀንተ ሀእካ ሹኪደ፣ ሱላይ ከሰቤና እሹዋ ማታ፤ ቃይ ኤቃዉ ጎይኒታ፤ ሸምቸዋ ዋጂታ። ሀዋ ኡባ ኦሊደ፣ ቱሙ ሀንተ ቢታ ላቲቲ።
- 26 ሀንተ ሀንተ ማሻን እማነቲታ፤ ሀንተ ቱና ኡሱዋ ኦሊታ፤ ሀንተ ኡባይካ ሀንተ ሸሩዋ ሸሩዋ ማጫ እሳ ቲንሲታ። ሄዋ ኡባ ኦሊደ፣ ቱሙ ሀንተ ቢታ ላቲቲ።” ያጊ፣ ያጋ።
- 27 “ኡንቲንት ሀዋዳን ያጋ፤ ኡባ ሞድያ መጅና ጎዳይ ሀዋዳን ያጊ፤ “ታን ታ ደኡዋን ጫቃይ፣ ኮለቲዳ ካታማቱዋን ደእያ እሳቱ ማሻን ሀይቃና፤ ካታማፕ ጋጾን ደእያ እሳቱዋ ታን ባዘዋ ደእዉ ቁማ ኡሳደ እማና፤ ደረቱዋ ቦላ ጎንጎሎቱዋን ደእያ እሳቱ ኤታ ሀርግያን ሀይቃና።
- 28 ታን ሄ ቢታ ባዬዳን መላ ቢታ ከሳና፤ ኡንቲንቲ ኦቶሪትያ ዋልቃይ ዉራና፤ እሰራኤልያ ደረቲ ኦይ እሳይነ እገና መላ ሳእ ግዳና።
- 29 ኡንቲንቲ ኡላዳ ቲናባ ጋሱዋን ታን ቢታ ባዬዳን መላ ቢታ ከሰያ ዋይ፣ ታን መጅና ጎዳ ግድያዋ ኡንቲንቲ ኤራና፣ ያጊ፣ ያጋ።
- 30 “ላ እሳ ናእዉ፣ እሳይ ካታማ ድርሳ ሞይያንነ ባረንቲ ጎለቱዋ ፕንግያን ኤቂደ፣ እቲ እቲዋና ሀዋዳን ያጊደ፣ ነባ ሃሳይ፤ ሃይታ፤ መጅና ጎዳ ማታፕ ዬዳ ቃላይ እየንቶ እነ ሰሴቶ፣ ያጊና።
- 31 ኡንቲንቲ ካሰ እሳይ ይያዋዳን ኑኮ ዪና፤ ታ ኡሳዳን ነ ሰጎሳን ኡቲና፤ ኑን ኦድያዋካ ሰሲና፤ ሽን ኦላክና። ኡንቲንቲ ሲቁዋባ ሃሳዬና፤ ሽን ኡንቲንቲ ዋዛናይ ጎእ ጸላላዉ ያረቲ።
- 32 በእ፣ ኑን ኡንቲንቲ እት ሲቁዋ ማዘመርያ ሎኦ ኮሻን የጽዳን ዲላ ሎይሊደ ዲጽያ እሳ ማላ። ኦያዉ ጎፕ፣ ኡንቲንቲ ኑን ኦድያዋ ሰሲና፤ ሽን እቲዋካ ኦላክና።
- 33 “ሽን ኑን ኦዳዳዋ ቱሙ ፖለታና፤ ፖለትያ ዋይ፣ ትምቢትያ ኦድያዋ ኡንቲንቲ ግዳን ደእያዋ ኡንቲንቲ ኤራና፣ ያጊደ ዬዳ።

### 34

#### እሰራኤልያ ሄንሳንቻቱዋ

- 1 መጅና ጎዳ ቃላይ ታኩ ሀዋዳን ያጊደ ዬዳ፤
- 2 “ላ እሳ ናእዉ፣ እሰራኤልያ ሄንሳንቻቱዋ ቦላን ሀዋዳን ያጋይ ትምቢትያ ኦዳ፤ ኡባ ሞድያ መጅና ጎዳይ ሀዋዳን ያጊ፤ “ሀንተና፣ ሀንተና ሄምያ እሰራኤልያ ሄንሳንቻቶ፣ ሀንተዉ እየ ኦና! ሀንተ ዉድያ ሄማናዉ በሰኔ?
- 3 ኡንቲንቲ ማሳ ኡሺታ፤ ኡንቲንቲ እሰክያፕ ዳይቲዳ ሱናያ ማይታ፤ ኡንቲንቲፕ ሞጂዳዋንታ ሹኪደ ማታ፤ ሽን ዉድያ ሱሪ ሄምክታ።
- 4 ዳቡራዳዋንታ ሞንሰበይክታ፤ ሀርኪዳዋንታ ፓሐበይክታ፤ መኤዳዋንታ ኮልበይክታ፤ ዋራ ቤዳዋንታ ዛርበይክታ፤ ባዬዳዋንታ ኮይበይክታ። ሀንተ ኡንቲንታ ዋልቃ ሙቁላ ኢቲደ ሞዴድታ።
- 5 ዉዲ ኡባይ ሄምያዋ ጳይና ላለቲድና፤ ባዘዋ ደኦቶ ኡባዉ ቁማ ግዴድና።
- 6 ታ ዉይቲ ላለቲድና፤ ኡንቲንቲ ዘዘቱዋ ኡባ ቦላን ጶቃ ደረቲዋ ኡባ ቦላ ብቻሬድና። ቢታ ኡባ ጋጾ ጋካናዉ ላለቲድና፤ ሽን ኡንቲንታ ጸሞሰያዋ ዋይ ኮይያዋ ባዋ” ያጊ።
- 7 “ሄዋ ድራዉ፣ ሀንተና፣ ሄንሳንቻቶ፣ መጅና ጎዳ ቃላ ሰሰተ!
- 8 ኡባ ሞድያ መጅና ጎዳይ ሀዋዳን ያጊ፤ “ታን ታ ደኡዋን ጫቃይ፣ ታ ዉድያ ሄምያዋ ጳይና፣ ታ ደርሳቲ ኦይቀቲደ፣ ባዘዋ ደኦቶ ኡባዉ ቁማ ግዴድና። ታ ሄንሳንቻቲ ታ ዉይቲዋ ኮይቤና ድራዉነ ኡንቲንቲ ታ ዉይቲዋ ሄመናን እጊደ፣ ባረንታ ሄሜዳ ድራዉ።
- 9 ሀንተና፣ ሄንሳንቻቶ፣ መጅና ጎዳ ቃላ ሰሰተ!
- 10 ታን ሀንተ ሄንሳንቻቶ ሞርከ፤ ታ ዉይቲዋ ታን ሀንተፕ ኦካና፤ ታን ሀንተና ላኤንሶ ኡንቲንቶ ሄንሳንቻ ከሰከ። ሀዋፕ ሰጎሳዉ ሀንተ ሀንተ ጸላላ ሄሚደ ደእክታ። ታ ዉይቲዋ ታን ሀንተፕ ዋላ ኦካና፤ ሀዋፕ ሰጎሳን ኡንቲንቲ ሀንተዉ ቁማ ከሰክና። ታን ኡባ ሞድያ መጅና ጎዳይ ሀዋ ኦዳይ” ያጊ።

#### ሎኦ ሄንሳንቻ

11 “ ላያው ጎጥ፣ ኡባ ሞድያ መድና ጎዳይ ሀዋዳን ያጌ፤ “ታን ታ ሀጺያን ታ ወደቱዋ ጸሞሳናን ኮኖና።

12 ሃንጻንቻይ ባረ ወደቱዋጥ ባይና ኮይያዋዳን፣ ታንካ ታ ወደቱዋ ኮኖና፤ ሻሪ ጎዜዳን ጴማይ ሰኪዳ ጋላሰ ኢንቱንቱ ላለቱዳ ሳኦ ኡባጥ ታን ኢንቱንታ ሸሻና።

13 ቃይ ታን ካወተላቱዋ ግደጥን ሀራ ቢታ ኡባጥ ከሳደ ሸሻና፤ ኢንቱንቱ ቢታ አሀር። እሰራኤልያ ደረቱዋን፣ ፑልቶቱዋንን አሳይ ደእያ ሳኦቱዋ ኡባን ታን ኢንቱንታ ሄማና።

14 ታን ኢንቱንታ ሎኦ ቆሩዋን ሄማና፤ ቃይ እሰራኤልያ ጶቃ ደረቱ ኢንቱንቱ ሄመትያ ሳኦ ግደጥና። ሄዋን ኢንቱንቱ ሎኦ ቆሩ ደእያ እሰራኤልያ ዘዘቱዋ ቦላ ሂመትናን አላዳና።

15 ታን ታ ሀጺያን ታ ወደቱዋ ሄማናን አላዳና። ታን ኡባ ሞድያ መድና ጎዳይ ሀዋ ኦዳይ።

16 ባዬዳዋ ኮኖና፤ ዋራ ቤዳዋ ዛራና፤ መኤዳዋ ኮላና፤ ሀርጌዳዋካ ፓላና። ሸን ሞዴዳዋን ሞኔዳዋ ጳይሳና፤ እያው ጎጥ፣ ታን ሱረ ፕርድያ ሃንጻንቻ” ያጌ።

17 “ ህንተኖ፣ ታ ወድያ ደርሳቶ፣ ህንተባ ግደጥ፣ ኡባ ሞድያ መድና ጎዳይ ሀዋዳን ያጌ፤ “ህንተና ኡባካ ታን ፕርዳና፤ ኪካ ኢታጥ፣ ደርሳ ዳሻጥ ታን ሻካና።

18 ህንተ ሎኦ ቆሩዋን ሄመትያዋ ግደና ጳይኔ፣ አቱዳ ማታ ህንተ ገድያን የ፫ልያዋ? ቃይ ህንተ ጽሎ ሃሳ ኡሸያዋ ግደና ጳይኔ፣ አቱዳ ሃሳ ገድያን ቡሉቁያዋ?

19 ታ ወደቱ ህንተ ህንተ ገድያን የ፫ልያዋ ማታ ማናውን ህንተ ህንተ ገድያን ቡሉቆየዳ ሃሳ ኡሻናወ በሲ?” ያጌ።

20 “ ሄዋ ድራወ፣ ኢንቱንቶ፣ ኡባ ሞድያ መድና ጎዳይ ሀዋዳን ያጌ፤ “በአተ፣ ሞጶ መሀያ ግደን ግልቃ መሀያ ግደዋን ታን ታ ሀጺያው ፕርዳና።

21 ለፋቱዋ ህንተ ህንተ ሞይያንን ህንተ ሞርግያን ሱግያ ድራውን ጋጸ ከሳና ጋካናወ፣ ህንተ ኢንቱንታ ህንተ ካጭያን ቃይጭያ ድራወ፣

22 ታን ታ ወደቱዋ አሻና። ሀዋጥ ሰንጻወ ኢን ኢንቱንታ ኦይቀና፤ ታ ኪካ መሀያጥን ታ ኢታ መሃቱዋጥ ግደዋን ታን ፕርዳና።

23 ታን ኢንቱንቱ ቦላን እት ሃንጻንቻ፣ ታ ቆማ ዳዊታ ሱንጻና፤ እ ኢንቱንታ ሄማናን ኢንቱንቶ ሃንጻንቻ ግደናዋ።

24 ሄዋጥ ሰንጻን ታን መድና ጎዳይ ኢንቱንቱ ጸሳ ግደና፤ ታ ቆማይ ዳውት ኢንቱንቱ ግደን ካጥፍ ግደና። ታን መድና ጎዳይ ሀዋ ኦዳይ።

25 “ ላ “ ታን ኢንቱንቱና ሳርተላ ጫቁዋ ጫቀታና፤ ኢታ ደኦቱዋካ ታን ቢታጥ ድጋና፤ ያቶጥ ታ ወዲ ባዘዋን ሳር ደእና፤ ዋራ ጋርሳንካ ሀርግ ባይናን አላዳና።

26 ኢንቱንታን ታ ደርያ የሹዋን ደእያ ሳኦቱዋ አንጃና። ኢንቱንቶ ኮሽያ እራካ ዋድያን እማና፤ ሄ እራይ ኢንቱንቶ አንጃ ግደና።

27 ጋደን ደእያ ሞላቱ እይፋና፤ ቢታይካ ካላ ሞካና። አሳይ ኡባይ ባረንቱ ቢታን ሳር ደእና። ታን ኢንቱንቱ ሞርግ ሞላ መንጻዳ፣ ኢንቱንታ እይለዬዳዋንቱ ኩሸፕጥ ከሰያ ዋድ፣ ታን መድና ጎዳይ ግድያዋ ኢንቱንቱ ኤራና።

28 ሄዋጥ ጉይያን፣ ኢንቱንቱ ሀራ ካወተላቶ ቦንቁያባ ግድክና፤ ቢታን ደእያ ደኦቱካ ኢንቱንታ ማክና። እያይነ ዳጋን፫ና፣ ኢንቱንቱ ሳር ደእና።

29 ታን ኢንቱንቶ እራዳ ጋድያ እማና፤ ኢንቱንቱ ላኢንጻ ኮሻን ወርክና፤ ዋይ ቃይ ሀራ ካወተላቶ ሸቁያባ ከሰክና።

30 ሄ ዋደ ኢንቱንቱ ታን መድና ጎዳይ፣ ኢንቱንቱ ጸሳይ ኢንቱንቱና ደእያዋን እሰራኤልያ አሳይ ታ አሳ ግድያዋ ኤራና። ኡባ ሞድያ ጸሳይ ሀዋ ኦዳይ።

31 ህንተኖ፣ እሰራኤልያ አሳቶ፣ ህንተ ታ ወደቱዋ፤ ታ ቆሩዋን ምያ ወደቱዋ፤ ህንተ ታ አሳ፤ ታንካ ህንተ ጸሳ። ታን ኡባ ሞድያ መድና ጎዳይ ሀዋ ኦዳይ” ያጌ” ያጋ” ያጌ ደ ዬዳ።

### 35

#### ኤደማ ፕርዳ

- 1 መድና ጎዳ ቃላይ ታኮ ሀዋዳን ያጌደ ዬዳ፤
- 2 “ላ አሳ ናእወ፣ ኤደማ ቢታን ደእያ ሰኢራ ደርያ ቦላ ነ ሶሞእያ ዛራደ ትሞቢትያ ኦዳ።
- 3 ሀዋዳን ያጋ፤ ሎባ ሞድያ መድና ጎዳይ ሀዋዳን ያጌ፤ ኔና፣ ሰኢራ ደርያወ፣ ታን ነወ ሞርከ፤ ታን ታ ኩሽያ ነ ቦላ የደደ፣ ኔና ባዬዳን መላ ሳኦ ከሳና።
- 4 ታን ነ ካታማቱዋ ኮላና፤ ኔንካ መላ ግደና። ታን መድና ጎዳይ ግድያዋ ኔን ሄዋን ኤራና።
- 5 “ ሳወ እሰራኤልያና ወረና ሞርከተላይ ደእያ ድራወ፣ ኢንቱንቱ መቱዋ ዋደ፣ ኢንቱንቱ ወርሰላ ሙሩዋ ዋደ፣ ኢንቱንታ ኔን ማሻወ አሳደ እማዳ ድራወ።

6 ታን ኡባ ሞድያ መጅና ጎዳይ ታ ደኡዋን ጫቃይ፤ ታን ኔና ሀይቁዋን ሙራና፤ ኔን ሀይቁዋጥ ከሳ አካናዉ ኡባካ ዳንዳያካ! ኔን አሳ ዎጅያዎ አጸና ድራዉ። ኔና ዎጅያ አሳይ ኔና ካላና!

7 ታን ሰኢራ ደርያ ባዬዳ መላ ከሳና፤ ቃይ ሄዋና ያን ሃን እጅያ ኡባካ ድጋና።

8 ታን ነ ደረቱዋ ኡባ አሃን ኩንፋና፤ ነ ዙዝያ፤ ነ ዎምባቱን ነ ዛንጋራቱ ማሻን ሀይቁዳዋንቱ እሃን ካመታና።

9 ታን ኔና መጅናዉ መላ ኦላና፤ ነ ካታማቱ ኦና ግዳና። ታን መጅና ጎዳ ግድያዎ ህንተ ሄ ዎደ ኤራና።

10 “ ታን መጅና ጎዳይ እስራኤልያን ይሁዳ ቢታቱዋን ደአሽና ህንተ። ሀ ላኡ ካወተፋቱዋን ሀ ላኡ ቢታቱዋ ኩን አይቃና፤ ኡንቱንቱ ኩሳ ግዳና ጌዳ ድራዉ።

11 ታን ኡባ ሞድያ መጅና ጎዳይ ታ ደኡዋን ጫቃይ፤ ህንተ ኡንቱንታ ዋርኪደ። ኡንቱንቱ ቦላ ይሎተዳ ይሎዋዳንን ቃናቱዳ ቃናትያዳን። ታን ህንተዉ ዛራና። ታን ህንተና ፕርድያ ዎደ። ታን ታናተፋ ህንተና ኤርሳና።

12 ቃይ ህንተ። እስራኤልያ ደረቱ መላ እቴድና፤ ኩን ኡንቱንታ ማና ማላ። ኦዉ እመቴድና። ጊደ። ሃሳዬዳ ቦርያ ኡባ ታን መጅና ጎዳይ ሰሴዳዋ ህንተ ሄ ዎደ ኤራና።

13 ኔን ታ ቦላ ኦቶረታዳን ዳርሳደ ሃሳያዳ፤ ታንካ ሄዋ ሰሳድ” ያጌ።

14 ኡባ ሞድያ መጅና ጎዳይ ሀዋዳን ያጌ፤ “ቢታይ ሳአይ ናሽታና ማላ። ታን ህንተና መላ ከሳና።

15 እስራኤልያ አሳ ላታይ መላ ግዳዳዋን ህንተ ናሽቱዳ ድራዉ። ሰኢራ ደርያን ኤዶማ ቢታ ኡባ ታን መላ ኦላና። ታን መጅና ጎዳ ግድያዎ ህንተ ሄዋን ኤራና ያጌ ያጋ።”

### 36

#### ጳሳይ እስራኤልያ አንጃና

1 “ላ አሳ ናአዉ። እስራኤልያ ደረቶ ትምቢትያ ሀዋዳን ያጋደ ኦዳ፤ ህንተና። እስራኤልያ ደረቶ። መጅና ጎዳ ቃላ ሰሰተ!

2-3 ኡባ ሞድያ መጅና ጎዳይ ህንተ ዋርከቱ። ሀሹ! “ቡን ቆቃ ደረቱ ኡባይ ኦዉ ላታ ግደድና!” ያጌድና። ሄዋ ድራዉ ያግ ትምቢትያ ኦድተ። ኡንቱንቱ ህንተና ኡባ ሳአና መንገጃላደ መላ ኦሌዳ ድራዉ። ህንተ ጮራ ካወተፋቱዋን ሞደታናዳን ኦሌዳ ድራዉ። ህንተ ዳር ቦረትያባን ቅሊጨትያባ ኦሰቴድታ ያጌ ኡባ ሞድያ መጅና ጎዳይ።

4 መጅና ጎዳ ቃላ ሰሰተ! ኡባ ሞድያ መጅና ጎዳይ ደረቶን ዘዘቶ። ዛንጋራቶን ዎምባቶ። ዩሹዋን ደአያ ሀራ ካወተፋቱ ኦይቱዳን ቅሊጨዳ ሳአቶን ባዬዳን መላ ግዳዳ ካታማቶ ሀዋዳን ያጌ።

5 ኡባ ሞድያ መጅና ጎዳይ ቱሙዋጥ ሀዋዳን ያጌ፤ “ታን ታ ኤጽያ ሀንቁዋን ሀራ ካወተፋቱዋ ቦላን ኤዶማ ኡባ ቦላ ሃሳያድ። ኡንቱንቱ ዎዛናጥ ናሽቲደን ካጂደ። ታ ቢታ ባረንቶ እኬድና፤ ሄንሳ ጋደቱዋካ ላቴድና።

6 ሄዋ ድራዉ። እስራኤልያ ቢታባ ትምቢትያ ኦዳ። ካወተፋቱዋ ቦርያ ድራዉ። ኡባ ሞድያ መጅና ጎዳይ ሀንቁዋን ሞሽታደ ግያዋ ኡባ ደረቶ ዘዘቶ። ዛንጋራቶን ዎምባቶ ኦዳ።

7 ዩሹዋን ደአያ ካወተፋቱ ኡባይ ቦረታናዋ ታን ኡባ ሞድያ መጅና ጎዳይ ቱሙዋጥ ጫቃደ ኦዳይ።

8 “ ። “ሸን ህንተና። እስራኤልያ ደረቶ። ህንተ ዳሻና፤ ታ አሳዉ እስራኤልያዉ አይፋና። አያዉ ጎጥ። ኡንቱንቱ ኤላካ ባረንቱ ቢታ ሰማና።

9 ታን ህንተናና ደአይ፤ ታን ህንተኮ ሰማና፤ ህንተ ቢታይ ጎሽታናን ዘረታና።

10 ታን እስራኤልያ አሳ ፓይዱዋ ሀ ቢታን ዳርሳና፤ ካታማቱዋን አሳይ ደአና፤ ላላቴዳ ሳአቱ ሰሚደ ግምቦታና።

11 ታን አሳካ መሀያካ ህንተ ቦላ ዳርሳና፤ ኡንቱንቱ የለታናን ጮራታና። ቡንዋዳንካ ህንተ ቦላ አሳይ ደአናዳን ታን ኦላና። ታን ህንተዉ ካሰዋጥ እጅያ ሎኡባ ኦላና። ታን መጅና ጎዳ ግድያዎ ህንተ ሄዋን ኤራና።

12 ታን ታ አሳይ እስራኤሊ ህንተ ቦላን ዛር ደአናዳን ኦላና። ላኤንፆ ሄ ቢታይ ህንተ ናናቱዋ ጳይሰና። ኡንቱንቱ ህንተና ላታና፤ ህንተካ ኡንቱንቶ ላታ ግዳና” ያጌ።

13 “ ኡባ ሞድያ መጅና ጎዳይ ሀዋዳን ያጌ፤ አሳይ ሄ ቢታ። ህንተ ካወተፋይካ ናአይ ባይናዋ ኦሌዳ ህንተ ቢታይካ አሳ ዎያዋ ያግያዋ ቱማ።

14 ሄዋ ድራዉ። ሀዋጥ ሰንሳፋዉ ሀ ቢታቱ አሳ ሚክታን ህንተ ካወተፋ ናአይ ባይናዋ ከሰክታ። ታን ኡባ ሞድያ መጅና ጎዳይ ሀዋ ኦዳይ።

15 ቃይ ካወተላቱዋ ቦርያ ሀዋጥ ስንላናዉ ታን ህንተና ስሰከ፤ ህንተ ኦሳ ዬላካ ሀዋጥ ስንላናዉ ቶክክታ፤ ቃይ ሄ ቢታይ ህንተዉ ጹብ ግዳና። ኡባ ሞድያ መጅና ጎዳይ ሀዋ ኦዳይ ያጌ፣ ያጋ” ያጊደ ዬዳ።

16 ቃይካ መጅና ጎዳ ቃላይ ታኮ ሀዋዳን ያጊደ ዬዳ፤

17 “ላ ኦሳ ናከዉ፣ እስራኤልያ ኦሳቱ ባረንቱ ቢታን ደእያ ዎደ፣ ኡንቱንቱ ባረንቱ ኦግያንነ ባረንቱ ኦሱዋን ቢታ ቱንሴድና፤ ታ ስንላን ኡንቱንቱ ኤሻይ ማጫ ኦሳ ፒላ ቱናተላ ማላ።

18 ኡንቱንቱ ቢታን ሱላ ጉሴዳ ድራዉነ ባረንቱ ኤቃን ቢታ ቱንሴዳ ድራዉ፣ ታ ህንቁዋ ኡንቱንቱ ቦላን ጉሳድ።

19 ታን ኡንቱንታ ካወተላቱዋ ግደን ላላድ፤ ኡንቱንቱካ ቢታ ኡባን ላለቱድና። ታን ኡንቱንታ ኡንቱንቱ ኤሻዳንነ ኡንቱንቱ ኦሱዋዳን ፕርዳድ።

20 ኡንቱንቱ ቤዳ ሳኦ ኡባን ኦሳይ ኡንቱንታ፣ ሀዋንቱ መጅና ጎዳ ኦሳቱዋ፤ ሸን ኡንቱንቱ ኦ ቢታጥ ከሴዳዋንታ፣ ያጊ፤ ሄዋን ኡንቱንቱ ታ ጌሻ ሱንላ ቱንሴድና።

21 ሸን እስራኤልያ ኦሳይ ቤዳ ካወተላቱዋ ኡባ ግደን ቱንሴዳ ታ ጌሻ ሱንላባይ ታና ሞቼ።

22 “ሄዋ ድራዉ፣ ኔን እስራኤልያ ኦሳዉ ሀዋዳን ያጋ፤ ኡባ ሞድያ መጅና ጎዳይ ሀዋዳን ያጊ፤ “ህንተና፣ እስራኤልያ ኦሳቶ፣ ታን ሀዋ ኦሳያዎ፣ ህንተ ቤዳ ካወተላቱዋ ኡባ ግደን ቱንሴዳ ታ ጌሻ ሱንላ ድራሳጥ ኦሳቶ፣ ህንተ ድራሳ ግደና።

23 ህንተ ቱንሰና፣ ካወተላቱዋ ግደን ቱኔዳ ታ ዎልቃማ ሱንላ ጌሻተላ ታን በሳና። ኡንቱንቱ ጸልሸን፣ ህንተ ባገና ታን ታ ጌሻተላ በሰያ ዎደ፣ ታን መጅና ጎዳ ግድያዋ ኡንቱንቱ ኤራና። ታን ኡባ ሞድያ መጅና ጎዳይ ሀዋ ኦዳይ።

24 “ ልያዉ ጎጥ፣ ታን ህንተና ካወተላቱዋ ግደጥ ከሳና፤ ቢታ ኡባጥካ ሸሻና። ህንተ ቢታ ዛራደ እሀና።

25 ታን ህንተና ጸሎ ሃላን ጥሻካና፤ ህንተካ ጌያና፤ ያታደ ህንተና ህንተ ቱናተላ ኡባጥነ ህንተ ኤቃ ኡባጥ ጌሻና።

26 “ ልያ ህንተዉ ኦራላ ዎዛና እማና፤ ኦራላ እያናካ ህንተ ግደን ዎላና፤ ቃይ ሹቻ ዎዛና ህንተጥ ከሳደ፣ ኦሹዋ ዎዛና እማና።

27 ታን ታ እያና ህንተ ግደን ዎላና፤ ያታደ ህንተ ታ ዎጋ ካላናዳንነ ታ ህግያ ሞንሲደ ናገናዳን ኦላና።

28 ታን ህንተ ማይዛ እዋቶ እሜዳ ቢታን ህንተ ደእና፤ ህንተ ታ ኦሳ ግዳና፤ ታንካ ህንተ ጸሳ ግዳና።

29 ህንተ ቱናተላ ኡባጥ ታን ህንተና ኦሻና፤ ካላይ ህንተዉ ዳራናዳን ኦላና፤ ኮሻካ ላኤንላ ህንተ ቦላ እሀከ።

30 ኮሻ ጋሱዋን ህንተ ካወተላቱዋ ግደን ካወሸናዳን፣ ታን ህንተ ሞላ እይፍያን ህንተ ሾይቃ ካላ ዳርሳና።

31 ሄ ዎደ ህንተ ህንተ ኢታ ኦግያን ህንተ ሎኦ ግደና ኦሱዋ ሀሳያና፤ ህንተ ናገራን ህንተ ቱና ኦሱዋ ድራዉ፣ ህንተ ህንተና ሸነታና።

32 ታን ሀዋ ኡባ ኦሳያዎ ህንተ ድራሳ ግደናዋ ኤርተ። ህንተና፣ እስራኤልያ ኦሳቶ፣ ህንተ ህንተ ሀናታን ዬላተተነ ካወሸተ። ታን ኡባ ሞድያ መጅና ጎዳይ ሀዋ ኦዳይ” ያጊ።

33 “ ኡባ ሞድያ መጅና ጎዳይ ሀዋዳን ያጊ፤ “ታን ህንተና ህንተ ናገራ ኡባጥ ጌሸያ ጋላሰ፣ ህንተ ካትማቱዋን ዛረፈደ ኦሳይ ደእናዳን ኦላና፤ ኮለቱዳዋንቱካ ስሚደ ግሞበታና።

34 ኦ ማታ ኦሳይ ኦሳ ስንላን መላ ግደደ ደእያ ቢታይ መላ ግድያዋ ኦጊደ ጎሸታና።

35 ኦሳይ ሃሳዬደ፣ ሀዋ ካሰ መላ ግዳዳ ቢታይ ሀኦ ኤደነ ገነትያ ማላ ግዳዳ፤ ካሰ ኮለቱዳ፣ ኦሳይ ደእናን መላ ካትማቱካ ሀኦ ዩሹ ግሞበቱዳን ኦሳይ ደእያ ካትማቱዋ ግዳድና ያገና።

36 ሄ ዎደ ህንተ ዩሹዋን ደእያ ኦሳቱ ካወተላቱ፣ ታን መጅና ጎዳይ ኮለቱዳ ካትማቱዋ ዛራደ ከጾዳዋን መላ ቢታይ ስሚደ ካላ ሞካናዳን ኡሌዳዋ ኤራና። ታን መጅና ጎዳይ ሀዋ ኦዳድ፤ ታን ኦዳዳዋ ታንካ ኦላና” ያጊ።

37 “ ኡባ ሞድያ መጅና ጎዳይ ሀዋዳን ያጊ፤ “እስራኤልያ ኦሳይ ቃይካ ኦሳ ገደነ ታና ማዲዋ ኦቻናዳን ኦላና፤ ያታደ ኡንቱንቱ ፓይዲዋ ዉድያዳን ጮርሳና።

38 ያርሸያ መሀያ ዉድያዳን፣ ዩሩሳላመን ባላ ጋላሳን ያርሾ ሸሹዳ ዉድያዳን፣ ኡንቱንቱ ኮለቱዳ ካትማቱዋን ኦሳ ዉዲ ኩማና። ታን መጅና ጎዳ ግድያዋ ኡንቱንቱ ሄ ዎደ ኤራና” ያጊ። ያጊደ ዬዳ።

37

መላ መቀላይ ደእያ ዛንጋራ



1 መጅና ጎዳ ኩሺ ታ ቦላ ዎጂዳ፤ እ ታና መጅና ጎዳ እያናን ከሲደ፣ መቀላይ ኩም ኡቴዳ ሞምባን ዎሴዳ።

2 እ ታና ኡንቴንቴ ግደን ያነ ሃነ ካለሌዳ፤ ታንካ ክንችል መሌዳ ዳር መቀላቴ ኩሜዳዋንታ ሞምባ ግደን በእድ።

3 እ ታና፣ “ላ አሳ ናአው፣ ሀ መቀላቴ ሰሚደ፣ ፓጾ ሸምጥዋና ደእናው ዳንዳዪና?” ያጌዳ። ታን፣ “ኡባ ሞድያ መጅና ጎዳው፣ ሀዋ ኔን ኤራሳ” ያጋድ።

4 እ ታና ሀዋዳን ያጌዳ፤ “ሀ መቀላቶ ሀዋዳን ያጋደ ትምቢትያ ኦዳ፤ ህንተኖ፣ መላ መቀላቶ መጅና ጎዳ ቃላ ሰሰተ።

5 ኡባ ሞድያ መጅና ጎዳይ ሀ መቀላቶ ሀዋዳን ያጌ፤ “ታን ሸምጥዋ ህንተ ግደ ገልሳና፤ ያቶፕ ህንተ ፓጾ ደእና።

6 ታን ህንተ ቦላ ግልዳይያ (ጻጸቱዋ) ዎላደ፣ አሹካ ህንተ ቦላ ሰማናዳን ኦላደ፣ ህንተና ጋልባ ማይዛና። ህንተ ፓጾ ሸምጥዋና ደእና ማላ፣ ታን ህንተ ግደ ሸምጥዋ ገልሳና። ሄ ዎደ ህንተ ታን መጅና ጎዳ ግድያዋ ኤራና” ያጌ፣ ያጌ።

7 እ ታና አዛዜዳዋዳን ትምቢትያ ኦዳድ፤ ታን ትምቢትያ ኦድሸን፣ ቃልጭቃልጭያ ኮሻይ ሰሰቴዳ፤ ቃይ መቀላቴ ሸቋደ፣ ባረ ሳእን ሳእን ኦይቀቴድኖ።

8 ታን ጸልያ ዎደ፣ ኡንቴንቴ ቦላን ጻጸቱ ደእና፤ አሹካ ኡንቴንቴ ቦላን ሰሚዳ፤ ጋልባካ ማይድኖ፤ ሸን ሸምጥ ኡንቴንቴን ደእና።

9 ያቶና፣ እ ታና ሀዋዳን ያጌዳ፤ “ላ አሳ ናአው፣ ጫርኮ ትምቢትያ ሀዋዳን ያጋደ ኦዳ፤ ኡባ ሞድያ መጅና ጎዳይ ሀዋዳን ያጌ፤ “ኔኖ፣ ጫርኮ፣ ኦይዳ ዘዘያናካ ሃያ፤ ኡንቴንቴ ሸምጥዋና ደእናዳን፣ ሀ ሀይቄዳዋንቴ ግደ ዛራደ ጥና” ያጌ፣ ያጌ።

10 እ ታና አዛዜዳዋዳን፣ ታን ትምቢትያ ኦዳድ፤ ሸምጥ ኡንቴንቴ ግደ ገልና ፓጺደ፣ ሎይላ ዳር ኦላንቻቴዋ ግዳደ ኤቄድኖ።

11 ሄዋፕ ጉይያን፣ እ ታው ሀዋዳን ያጌዳ፤ “ላ አሳ ናአው፣ ሀ መቀላቴ ኩመንላ እሰራኤልያ አሳ ለምሶ፤ እሰራኤልያ አሳይካ፣ ኦ መቀላቴ መሌድኖ፤ ኦ ሰንላ ናሸቻይካ ክቼዳ፤ ኦን ኡባና ቆይዶ” ያጌኖ።

12 ሄዋ ድራው፣ ኡንቴንቴ ሀዋዳን ያጋደ ትምቢትያ ኦዳ፤ ኡባ ሞድያ መጅና ጎዳይ ሀዋዳን ያጌ፤ “ህንተኖ፣ ታ አሳቶ፣ ታን ህንተ ዱፋዋ ዶያና፤ ህንተና ሄዋፕ ከሳና፤ ታን ህንተና ዛራደ፣ እሰራኤልያ ቢታ አሀና።

13 ታ አሳቶ፣ ታን ህንተ ዱፋዋ ዶይያ ዎደን ህንተና ከሰያ ዎደ፣ ታን መጅና ጎዳ ግድያዋ ህንተ ኤራና።

14 ታን ታ እያና ህንተ ግደን ዎላና፤ ህንተ ፓጾ ደእና። ቃይ ታን ህንተና ህንተ ቢታን ዎላና። ሄ ዎደ ታን መጅና ጎዳይ ኡድያዋን ኡዳደ ኦሌዳዋ ህንተ ኤራና። ታን መጅና ጎዳይ ሀዋ ኦዳይ” ያጌ፣ ያጌ።

እት ካትያን እት አሳ

15 ዛራደካ መጅና ጎዳ ቃላይ ታኮ ሀዋዳን ያጌደ ዬዳ፤

16 “ላ አሳ ናአው፣ እት ሞላ ጸምኦ አካደ፣ እ ቦላ፣ ህዌይ ይሁዳዋን አናና ደእያ እሰራኤልያ አሳዋ” ያግያዋ ጻፋ። ቃይ ሀራ ጸምኦ አካደ፣ እ ቦላ፣ ህዌይ ኤፍራማዋ፤ አካ ቃይ ዮሴፎዋን አናና ደእያ እሰራኤልያ አሳዋ” ያግያዋ ጻፋ።

17 ሄዋፕ ጉይያን፣ ኡንቴንቴ ነ ኩሸንጎ እት ጋትማ ግዳናዳን፣ ኡንቴንቴ ላኡዋ እትፕ ጋላ።

18 “ኅ ቢታ አሳይ ኔና፣ ህዌይ ኔን ኦላያዌ አይ? ኑው ብለላ ኦዳ፣ ያጌደ ኦቻያ ዎደ፤

19 ኡንቴንቴ ሀዋዳን ያጋ፤ ኡባ ሞድያ መጅና ጎዳይ ሀዋዳን ያጌ፤ “ታን ኤፍራማ ኩሸንጎ ደእያ ዮሴፎ ጋትማን አናና ደእያ እሰራኤልያ ዛራቴዋ አካናው ሀናይ፤ አካደ ኡንቴንቴ ላኡዋ እት ጋትማ ኦላናው፣ ይሁዳ ጋትማና ጋላና። ያቶፕ ኡንቴንቴ ላኡ ታ ኩሸንጎ እቴዋ ግዳና” ያጌ፣ ያጌ።

20 “ሄ ኔን ኡንቴንቴ ቦላ ጻፊዳ ላኡ ጋትማቴዋ ኡንቴንቴ ሰንላን ለይቃደ፤

21 ኡንቴንጋ ሀዋዳን ያጋ፤ ኡባ ሞድያ መጅና ጎዳይ ሀዋዳን ያጌ፤ “እሰራኤልያ አሳ ኡንቴንቴ ቤዳ ካውተላቴዋ ግደፕ ከሳና፤ ታን ኡንቴንጋ ኡባ ሳፕ ሸቫደ፣ ኡንቴንቴ ቢታ ዛራደ አሀና።

22 እሰራኤልያ ደረጅዋ ቦላ፣ ኡንቴንቴ ቢታን ታን ኡንቴንጋ እት ካውተላ ኦላና፤ ኡንቴንቴ ኡባ ቦላ እት ካቴ ካተታና። ቃይ ኡንቴንቴ ላኡንላ ላኡ ቢታ ከሰክና፤ ዎይ ላኡ ካውተላ ግዳደ ሻከትክና።

23 ሄዋፕ ጉይያን፣ ኡንቴንቴ ባረንቴ ኤቃቴዋንን ባረንቴ ሸንይያባቴዋን፣ ዎይ ባረንቴ ናቁዋን ባረንጋ ቱንሰክና። ዋሊደ ጎፕ፣ ታን ኡንቴንጋ ኡንቴንቴ ጉዮ ሰሚዳ ናጋራ ኡባፕ አሻና፤ ቃይ ታን ኡንቴንጋ ጌሻና። ኡንቴንቴ ታ አሳ ግዳና፤ ታንካ ኡንቴንቴ ጸሳ ግዳና።

24 “ ል ል ል ቆማይ ዳውት ኤንቴንቶ ካትያ ግዳና፤ ኤንቴንቶ ኡባው እት ሂንጎንቻ ጸላላይ ደእና። ኤንቴንቶ ታ ህግያ ካላና፤ ታ ዎጋካ ሞንሲይ ናጋና።

25 ታን ታ ቆማ ያቆባው እማዳን ህንተ ማይዛ እዎቱ ደኤዳ ቢታን ኤንቴንቶ ደእና። ሄ ቢታን ኤንቴንቶ፤ ኤንቴንቶ ናናቱን ኤንቴንቶ ናናቱዎ ናናቱ መድናው ደእና፤ ታ ቆማይ ዳውት ኤንቴንቶ ቦላን መድናው ካፑዎ ግዳና።

26 ታን ኤንቴንቶና ሳርተላ ጫቁዎ ጫቁታና፤ ሄ ጫቁካ ኤንቴንቶና መድና ጫቁዎ ግዳናዎ። ታን ኤንቴንቶ ሞንሳይ ኤሳና፤ ኤንቴንቶ ፓይዲዎካ ጮርሳና፤ ታ ጌሻ ጎልያካ መድናው ኤንቴንቶ ግዳን ዎላና።

27 ያታይ ታን ሄዎን ኤንቴንቶና ደእና። ታን ኤንቴንቶ ጸላ ግዳና፤ ኤንቴንቶካ ታ አሳ ግዳና።  
28 ታ ጌሻ ጎሊ ኤንቴንቶ ግዳን መድናው ደእያ ዎይ፤ እስራኤላቱዎ ጌሽያዎ ታና፤ መድና ጎዳ ግድያዎ ካወተላቱ ኤራና” ያጌ” ያጌ” ያጌ ይዳ።

### 38

#### ጎጋ ቦላ ኦድቴዳ ትምቢትያ (38:1—39:29)

1 መድና ጎዳ ቃላይ ታኮ ሀዎዳን ያጌ ይዳ፤  
2 “ላ አሳ ናእው፤ ማጎጋ ቢታን ደእያ ጎጋኮ፤ መሸካን ቱባላ አሳው ዋና ካፑዎኮ ሰማይ፤ አ ቦላ ትምቢትያ ኦድ።

3 ሀዎዳን ያጌ፤ ሉባ ሞድያ መድና ጎዳይ ሀዎዳን ያጌ፤ ላ ጎጋ፤ መሸካን ቱባላ አሳው ዋና ካፖ፤ ታን ነው ሞርኮ።

4 ታን ኔና ጉዩ ዛራና፤ ነ ጎሳጩዎን ማጋ ገልሳይ፤ ኔና ነ ኩመንሳ ኦላንቻቱዋና፤ ነ ፓራቱዋና፤ ኩመንሳ ኦላ ሚሻ ማዬዳ ነ ፓራ አሳቱዋናን ባረንቱ ማሻ ለለሰያ፤ ዎልቃማን ጉላ ጎንዳልያ ኦይቄዳ ጉይተ አሳና ኔና ጎቻደ ከሳና።

5 ፓርሰፕ፡ ቶጵያፕ፡ ሊብያፕ ይዳ አሳይ ጎንዳልያ ኦይቄዳ፤ ሁጲያን ብራታ ቆብያ ዎሊድ፤ ኤንቴንቶና ግዳና። \*

6 ቃይ ጎመርን አ ኦላንቻቱ ኡባይ፤ ሁጲሳ ጋጸን ቤት-ቶጋርምን አ ኦላንቻቱ ጉይቲ፤ ሄ ጮራ አሳቱ ኔናና ግዳና።

7 “ ሉንን ኔኮ ሸቄዳ አሳይ ኡባይ ግገተ፤ ህንተና ማክተ። ያታይ ኔን ኤንቴንታ አዘዘያዎ ግዳ።

8 ዳር ዎድያፕ ጉይያን፤ ኔን ኮዮታና፤ ሰንሳፕ ያና ላይሳቱዎን ኔን ዳር ዎድያ መላ ግዳይ ደኤዳ ቢታ፤ ኦላፕ ሸዎፔዳ ቢታ፤ እን አሳይ ዳር ካወተላቱዎፕ ሸቄዳዎንታን ኡባይካ ህእ ሳርዋን ደእያዎንታ።

9 ኔን፤ ነ ኦላንቻቱን ኔናና ደእያ ዳር ካወተላቱ ጎትያዳን ደንዳና፤ ህንተ ሻርያዳን፤ ቢታ ካማና” ያጌ።

10 ኡባ ሞድያ መድና ጎዳይ ሀዎዳን ያጌ፤ “ሄ ዎደ ቆፋይ ነ ዎዛና ግደ ዪና፤ ኔን ኢታባ ሀልቻና።

11 ኔን ሀዎዳን ያጌና፤ ሉታ ሄ ድረትቤና ቄር ካታማቱ ደእያ ቢታ ገላደ፤ ሄ ዎፑ ጌድ፤ ህርግ ባይናን ደእያ አሳቱዎ፤ ኤንቴንቶ ኡባውካ ድርሳ፤ ፐንጊ ዎይ ኩሉቡ ባይናዎንታ ታን ኦላና።

12 ታን ኤንቴንታ ኦሞዳናን ቦንቃና፤ ካሰ መላ ግዳዳ ቢታ ሰማይ ኡቲዳ፤ ካወተላቱዎ ግደፕ ሸቄዳ፤ ሚዛን ሚሻ ዎዳዳ፤ ቢታው ጉልእን ኡቲዳ አሳ ቦላን ታ ኩሽያ ደንሳና ያጌና።

13 ሳባ አሳይ፤ ዳዳና አሳይን ታርሴሰ ካታማቱዎ ዛልእንቻቱ ያላጋ ኦላንቻቱ ኡባይ፤ ኔን ቦንቃናው ደድ? ኔን ነ ኦላንቻቱዎ ኦሞዳዎ ቶሳናው፤ ብራን ዎርቃ አናሳናው፤ ሚዛን ሚሻ አካናውን ሎይሳ ዳር ኦሞዳዎ ኦይቃናው ሸሻዲ? ያጌና ያጌ” ያጌ።

14 ሄዎ ድራው፤ “አሳ ናእው፤ ጎጋ ቦላ ትምቢትያ ኦድ። ሀዎዳን ያጌ፤ ሉባ ሞድያ መድና ጎዳይ ሀዎዳን ያጌ፤ ሄ ዎደ፤ ታ አሳይ እስራኤሊ ህርግ ባይናን ደእያ ዎደ፤ ኔን እኩካና።

15 ኔን ደእያ ሁጲሳ ጋጸ ቢታፕ ያና። ኔንን ኔናና ጮራ ካወተላቱ ፓራ ቶጊድ፤ ሞና ኦላንቻ ግዳይ፤ ጉይቲ ያና።

16 ቢታ ካምያ ሻርያዳን፤ ኔን ታ አሳ እስራኤልያ ቦላ ኦላና። ላ ጎጋ፤ ሰንሳፕ ያና ዎደ፤ ታን ኔና ታ ቢታ ቦላ ዎራጅሳና። ሄዎ ታን ኦላያዌ ካወተላቱ ታና ኤራናሳን ታን ነ ባጋና ኦላያዎን ታ ጌሻተላይ ኤንቴንቶ ሰንሳን ቤታናሳ” ያጌ።

17 ኡባ ሞድያ መድና ጎዳይ ሀዎዳን ያጌ፤ “ታን ታ ቆማቱ ባጋና፤ እስራኤልያን ትምቢትያ ኦድያዎንቱ ባጋና ካሰ አዲዳ ዎደ ኦዳዳዌ ኔና። ኤንቴንቶ ሄ ዎደ ዳር ላይሳ ታን ኔና ኤንቴንቶ ቦላ አሀናዎ ኦዳድና” ያጌ።

37:24 ህዝ. 34:24 37:27 2 ቆር. 6:16፤ ሳዮ 21:3 38:2 ሳዮ 20:8 \* 38:5 ሊብያፕ፡ እብራዌላዎን ሄ ቢታይ “ፑዳ” ጌተቲ።

ጎጋ ቦላ ይያ ፕርዳ

- 18 ኡባ ሞድያ መድና ጎዳይ ሀዋዳን ያገ፤ “ጎግ እስራኤልያ ቦላ ገልያ ዋይ፣ ታ ሀንቁ ሱላና።
- 19 ሄ ዋይ እስራኤልያ ቢታን ዋልቃማ ቢታ ቃላይ ሀናና፤ ሄዋ ታን ታ ሞሹዋንነ ታ ኡጽያ ሀንቁዋን አዋያይ።
- 20 አባ ሞሊ፣ ሳሉዋ ካፋ፣ ደርያን ደእያ መሄነ ደእይ፣ ሳአ ቦላን ዋጽ ቃጽያ መ□ታ ኡባይነ ሳአን ደእያ አሳይ ኡባይ ታ ሰንላን ኮኮራና። ደረቱ ኮንዳና፤ እርቱካ ዋዳና፤ ቃይ ድርሳ ግምቢ ኡባይካ ኮለተና።
- 21 ታን ታ ደረቱዋ ኡባን ጎጋ ቦላ ማሻይ ደንዳናዳን ኦላና፤ ኦላንቻቱ ባረንቱ ማሻ ባረንቱ ቦላ ዛሪይ፣ እቱ እቱዋ ሲፋና። ታን ኡባ ሞድያ መድና ጎዳይ ሀዋ ኦዳይ።
- 22 ታን ኢታ ሀርግያንነ ሀይቁዋን አ ሙራና፤ ቃይ ዋልቃማ እራ፣ ሻቻ፣ ኤጽያ ዲንያ ታን አ ቦላ፣ አ ኦላንቻቱዋ ቦላን እናና ደእያ ጮራ ካውተላቱዋ ቦላ ኮከሳና።
- 23 ሄዋዳን ኦላይ፣ ታን ታ ግታተላነ ታ ገሻተላ በሳና። ቃይ ዳር ካውተላቱዋ ታን ታናተላ ኤርሳና። ታን መድና ጎዳ ግድያዋ ኡንቱንቱ ሄዋን ኤራና” ያገ ያጋ።

39

ጎግ ጸነታና

- 1 “ኡባ ሞድያ መድና ጎዳይ ሀዋዳን ያገ፤ ‘ላ አሳ ናአው፣ ጎገ ቦላ ትምቢትያ ኦዳ። ሀዋዳን ያጋ፤ “መሸካነ ቱባላ አሳው ዋና ካፖ ጎጋ፣ ታን ነው ሞርከ።
- 2 ታን ኔና ጉዮ ዛራና፤ ሀጺሳ ሃኮ ቢታፕ ጎቻ ከሳይ፣ እስራኤልያ ደረቱዋ ቦላ ታን ኔና አሀና።
- 3 ሄዋፕ ጉይያን፣ ታን ነ ሀድርሳ ኩሽያፕ ዋንዳፍያ፣ ነ ኡሽቻ ኩሽያፕ ዋንዳፍያ ፖላ ሾጫይ ኦልሳና።
- 4 ኔን፣ ነ ኦላንቻቱነ ኔናና ደእያ ካውተላቱ ኡባይ እስራኤልያ ደርያ ቦላን ኩንድ አታና። ታን ሀንተ አሹዋ ሞያ ካርቶነ ባዙዋ ደእቶ ቁማ ኦላይ እማና።
- 5 ታን ኡባ ሞድያ መድና ጎዳይ ኦዳይ ድራው፣ ሀንተ ሞልጽ ጉዳ ደምባን ኩንድ አታና።
- 6 ማጎጋ ቢታንነ አባ ዳና፣ ሀርግ ባይናን ኡቱዳ አሳ ቦላን ታን ኤጽያ ታማ የዳና። ታን መድና ጎዳ ግድያዋ ኡንቱንቱ ሄዋን ኤራና።
- 7 ታን ታ ገሻ ሱንላይ ታ አሳ እስራኤልያ ግድን ኤረታናዳን ኦላና። ሀዋፕ ሰንላናው ታ ገሻ ሱንላይ ሸቀተና። ሄዋፕ ጉይያን፣ ካውተላቱ ታን መድና ጎዳ፣ እስራኤልያ ገሻ ግድያዋ ኤራና” ያጋ ያገ።
- 8 “ኡባ ሞድያ መድና ጎዳይ ሀዋዳን ያገ፤ ‘ሄ ጋላሳይ ያና፤ አተና” ያጋይ ታን ኦዳይ ጋላሳይ ሀዋ።
- 9 ሄ ዋይ እስራኤልያ ካታማቱዋን ደእያ አሳይ ከሲይ፣ ኦላ ሚሻቱዋ ኡባ ታማን ኤላና፤ ሄዋንቱካ ዋልቃማነ ጉላ ጎንዳላቱዋ፣ ዋንዳፈቱዋነ ማሻቱዋ፣ ቶራቱዋነ ዳላቱዋ። ላፑን ላይላ ኩመንላ ኡንቱንቱ ሄዋንታ ኤልያ ሞላ ከሲይ ጎኤታና።
- 10 ኡንቱንቱ ሞላ ሞጻናው ዋይ ዋራፕ ኤልያ ሞላ ቃንጻናው ኮሸና። አያው ጎፕ፣ ኡንቱንቱ ሸሹዳ ኦላ ሚሻቱዋ ኤልያ ሞላ ኦሊይ ጎኤታና። ባረንታ ቦንቁዳዋንታ ኡንቱንቱ ቦንቃና፤ ባረንቱባ እኩዳዋንቱ፣ ኡንቱንቱዋ አካና። ታን ኡባ ሞድያ መድና ጎዳይ ሀዋ ኦዳይ።
- 11 “ሄ ጋላሰ ጎግ ሞንትያ ሳአ ታን አው እስራኤልያ ቢታን አማና፣ ሄ ሳአይ አባፕ አዋይ ዳልያ ባጋና ደእያ ኦግያ አሳቱዋ ዋምባ ግያ ዋምባ ግድና ግዳናዋ። ጎግነ አ ኦላንቻቱ ኡባይ ሄዋን ሞንትያ ድራው፣ ኡንቱንቱ ዱፋ ሄዋና ሀመትያ አሳው ኦግያ ጎርዳና። ሄ ሳአይካ ቃይ፣ “ጎጋ ኦላንቻቱዋ ዋምባ” ጌተቲይ ጸገታና።
- 12 ሄዋፕ ጉይያን፣ እስራኤልያ አሳይ ቢታ ገሻናው፣ ላፑን አግና ኩመንላ ሄ አሃ ሞጊይ ጋምእና።
- 13 ሄ ቢታን ደእያ አሳይ ኡባይ አሃ ሞግያዋን ማደታና፤ ሄዋ ድራው፣ ታን ታ ቦንቹዋ ቆንጮሰያ ዋይ ኡንቱንቶ ቦንቹ ሱንላ ግዳናዋ። ታን ኡባ ሞድያ መድና ጎዳይ ሀዋ ኦዳይ።
- 14 ላፑን አግናፕ ጉይያን፣ እቱዳ አሃይ ደእፕ፣ ቢታይ ጌናዳናን፣ ዩይ ዩይደ እቱዳ አሃ ኮይ ሞጋናው፣ አሳይ ደረታና።
- 15 ኡንቱንቱ ቢታን ዩይሸና፣ አሳ መቀላይ ቤቶፕ፣ ሄ መቀላ ሞይያን ማላታ ዋላና። ሞግያዋንቱ ዩይ፣ ጎጋ ኡላንቻቱዋ ዋምባን ሞጋና።
- 16 ሄዋዳን አልና ቢታይ ሰሚደ ጌናና። ሄዋ ሄራን፣ “ኡላንቻቱዋ ካታማ” ጌተት ጸገትያ ካታማይ ደእና ያገ።
- 17 “ኡባ ሞድያ መድና ጎዳይ ሀዋዳን ያገ፤ ‘ላ አሳ ናአው፣ ካፋዋ ዛረ ኡባነ ሳአ ደእቱዋ ኡባ ሀዋዳን ያጋይ ጸሳ፤ “ታን ሀንተው እስራኤልያ ደረቱዋ ሀጺያን ግገሴዳ ዋልቃማ ያርሹዋ ኡባ ሳፕ ሸቀይ፣ እትፕ ሃይተ። ሄዋን ሀንተ አሹዋ ማና፤ ሱላካ ኡሻና።

18 ህንተ ምኖ አሳቱዋ አሹዋ ማና፤ ቢታ ካፖቱዋ ሱላካ ኡሻና። ኡንቱንቱ ህንተዉ ደርሳ ጋልሳ፣ አንቃራ ደርሳ፣ ዴሻ ኮልያን ኦርዶ ቦራ ማላ ግዳና። ኡንቱንቱ ኡባይካ ጲከቱዳ ባሳን ሙሄቱዋ ማላ።

19 ታን ህንተዉ ገገሰያ ያርሹዋፕ ካላና ጋካናዉ፣ ሞጱዋ ህንተ ማና፤ ቃይ ማሉታና ጋካናዉ፣ ሱላ ህንተ ኡሻና።

20 ታን ህንተዉ አልያ ማዳፕ ፓራቱዋ፣ ፓራ አሳቱዋ፣ ሞና አሳቱዋን ዲማ ዲማ ቆሞ ዎታዳራቱዋ ህንተ ጋንጂ ካላና ጋካናዉ ህንተ ማና። ያፓደ ጼሳ። ኡባ ሞድያ ሙጵና ጎዳይ ሀዋ ኦዳይ።

21 “ኅን ካዉተላቱዋ ህንተ ታ ቦንቹዋ ቆንጭሳና። ቃይ ታን ሙርያ ሙሩዋን ታን ኡንቱንቱ ቦላን ደንጼዳ ታ ኩሽያ ካዉተላቱ ኡባይ በእና።

22 ሄ ጋላሳፕ ደሚደ፣ እሰራኤልያ አሳይ ታን ሙጵና ጎዳ ኡንቱንቱ ዳሳ ግድያዋ ኤራና።

23 ቃይ እሰራኤልያ አሳይ ኦሞዲዋን ቤዳዌ ባረንቱ ናጋራ ጋሱዋና ግድያዋ ሀራ ካዉተላቱ ኤራና። ኡንቱንቱ ታዉ አማነተናን እጼዳ ድራዉ፣ ታን ታ ሰሞኤዋ ኡንቱንቱፕ ገንሳደ፣ ኡንቱንታ ኡንቱንቱ ሞርከቶ አላደ አማድ፤ ኡንቱንቱ ኡባይካ ኦላን ሀይቂ ዉራድና።

24 ኡንቱንቱ ቱናተሳን ኡንቱንቱ ኢታተላ ኬሻ ኡንቱንቶ በሰያ ሙሩዋ ሙራድ፤ ታ ሰሞኤዋካ ኡንቱንቱፕ ገንሳድ” ያጌ።

25 “ኡባ ሞድያ ሙጵና ጎዳይ ሀዋዳን ያጌ፤ ህእ ታን ያቆባ ዛራቱዋ ኦሞዲዋፕ ዛራደ ዳረያና፤ ቃይ እሰራኤልያ አሳ ኡባዉ ቃረታና። ታን ታ ጌሻ ሱንሳይ ሸቀተናዳን ኦላና።

26 ኡንቱንቱ ኡንቱንታ ያሽያዌ አቱክ ባይና ሳን፣ ባረንቱ ቢታን ሳር ደኡሳ ደምያ ዎደ፣ ካሰ ባረንቱ ዬላን ታዉ ኡንቱንቱ አማነተናን እጼዳዋ ደጋና።

27 ታን ኡንቱንቱ ካዉተላቱዋ ኡባ ግደፕ ዛራደ አሀና፤ ቃይ ኡንቱንቱ ሞርከቱዋ ቢታፕካ ኡንቱንታ ሸሻና። ሄዎዳን ኦላደ፣ ታን ጌሻ ግድያዋ ኡንቱንቱ ባጋና ካዉተላቱዋ ኡባ በሳና።

28 ታን ኡንቱንቱ ካዉተላቱዋ ግደ ኦሞዶ የዴዳ ድራዉን ኡንቱንታ ሸሻደ፣ ኡንቱንቱ ቢታ ዛራዳ ድራዉ፣ ታን ሙጵና ጎዳ ኡንቱንቱ ዳሳ ግድያዋ ኡንቱንቱ ኤራና። ታን ኡንቱንቱፕ አቱዋን ካዉተላቱዋ ግደን አገከ።

29 ታን ታ አያና እሰራኤልያ አሳ ቦላ ጉሳና፤ ላኤንሶ ታ ሰሞኤዋ ኡንቱንቱፕ ኡባካ ገንሰከ። ታን ኡባ ሞድያ ሙጵና ጎዳይ ሀዋ ኦዳይ” ያጌ” ያጌደ ዬዳ።

**ያናዉ ደእያ ጌሻ ጎልያን ቢታ ሳዓ**

**40**

(40:1—48:35)

ህዝቁል ሳዳን የሩሳላሙ ቤዳ

1 ኑን ኦሞደቱዳ ላታማን አቼሽንላ ላይላን፣ የሩሳላሙ ጸነቱዳ ታማን ኦይደንሶ ላይላን፣ ኦራሳ ላይላይ ገሌዳ ኮይር አግናን ታማንላ ጋላሳን፣ ሙጵና ጎዳ ዎልቃይ ታ ቦላ ደኤ። እ ታና ደንጼደ የሩሳላሙ አፌዳ።

2 ዳሳ ሳዳን እ ታና እሰራኤልያ ቢታ አፊደ፣ እት ዳር ጶቃ ደርያ ሁጲያን ኤሴዳ። ሄ ደርያፕ ገድሳ ባጋና ካታማ ማላታን ግምቢያ ጎለቱዋ በእድ።

3 እ ታና ያ አኪደ አፊዳ፤ ታን ናሰያ ብራታዳን ጸልያ እት ብታንያ በእድ። ሄ ብታኒ ሊኦዋፕ ኦሰቱዳ ሜትርያን ልክያ ጸምኦ ኦይቂደ፣ ድርሳ ፕንገን ኤቁዳ።

4 እ ታና ሀዋዳን ያጌዳ፤ “ላ አሳ ናአዉ፣ ኔና ታን ሀ ሳኦ አሄዳዌ ታን ኔና በሰያዋ ኡባ ኔን ሞንሳ አኪካናሳ። ሄዎ ድራዉ፣ ነ እይፍያን ጼላ፤ ነ ሀይላን ሰሳ፤ ነ ዎካናን ዎላ። ኔን በእያዋ ኡባ እሰራኤልያ አሳዉ ኦዳ” ያጌዳ።

አዎይ ደልያ ባጋ ፕንግያ

5 ታን ጌሻ ጎልያ ኡባና የይ አዴዳ ድርሳ ግምቢያ በእድ። ሄ ብታንያ ኩሽያን ልክያ ኡሱቱን አዲሳ ዎቆ ጸምእይ ደኤ። እት አዲሳ ዎቆይ እት ዎቆ ቦላ ኦይዲ ብራቱዋ ጉጂዳዋ። እ ግምቢያ ልኪዳ፤ ግምቢያዉ ጌሳይ 6 ዎቆ፤ ጎምፓይካ 6 ዎቆ ግዴዳ።

6 ሄዋፕ ጉይያን፣ አዎይ ደልያ ባጋና ደእያ ድርሳ ፕንግያኮ ቤዳ። ደላቱዋ ዌደ ከሲደ፣ ፕንግያ ጎጭላ ልክና 6 ዎቆ ግዴዳ።

7 ሄዋፕ አድና፣ ሎሱን ኡሽቻናን ሀድርሳና ፕንግያ ናግያዋንቱ ኤቂያ ሄዙ ሄዙ ክፍለቱ ደኢና፤ እት እት ክፍለ 6 ዎቆ አዲሳን 6 ዎቆ አካ። ኡንቱንቱ ግደን ደእያ ጎዳቱ 5 ዎቆ ኦርዲዋ። ፕንግያ ናግያዋንቱ ክፍለቱዋፕ ያ ባጋና፣ ጌሻ ጎልያ ጼልያ ባራንዳ ጎጭላይ 6 ዎቆ።

8 ሄዋፕ ጉይያን፣ ሄ ብታኒ ገልያሳ ባራንዳ ልኪዳ፤ 8 ዎቆ ግዴዳ።

9 ሃዌ ጌሻ ጎልያ ጾልያ ጥንግያ ወርሰላን ደኤ። ሄ ባራንዳ ቆሰለላቱዋ ኦርዶተላይ ላኡ ላኡ ዋቆ።

10 አዋይ ዶልያ ባጋ ጥንግያን ሶ ባጋና፣ ገልያ ሎሱዋ ጥንግያ ናግያዋንቱ ክፍለቱ፣ ሀ ባጋና ሄዙ ያ ባጋና ሄዙ ደኤኖ። ኤንቱንቱ ጎምጋይ ኡባዌካ ቃራ፤ ኤንቱንታ ሻክያ ድርሳ ግምቢያ ኦርዶተላይካ ቃራ።

11 ሃዋጥ ጉይያን፣ ሄ ብታኒ ድርሳ ጥንግያ አድያ ሳኣ ጎምጋ ልኬዳ፤ ኡባና 10 ዋቆ ግዴዳ። ጥንግቱዋጥ ግዴዋን ደኤያ ሎሱ 13 ዋቆ።

12 እት እት ጥንግያ ናግያዋንቱ ክፍልያ ሰንላን ደኤያ ግምቢያ ጌሳይ እት ዋቆ፣ ጎምጋይካ እት ዋቆ ግዴዳ ጎዳይ ደኤ፤ ናግያዋንቱ ክፍለቱ ላኡ ባጋናካ ኡሱፑን ኡሱፑን ዋቆ።

13 ሀፍንላን ደኤያ ናግያዋንቱ ክፍለቱዋ ጉዮ ጋጸጥ ሄፍንላን ደኤያ ናግያዋንቱ ክፍለቱዋ ጉዮ ጋጸ ጋካናዉ ደኤያ ሳኣ ልክና 25 ዋቆ ግዴዳ።

14 ሄ ብታኒ ዳባባ ጾልያ ወርሰላ ክፍልያ ልክና 20 ዋቆ ግዴዳ።

15 ጥንግያ ገልያ ሳጥ ቢደ፣ ሀን ወርሰላን ደኤያ አ ባራንዳ ጋካናዉ ደኤያ አዲሳተላይ 50 ዋቆ።

16 ክፍለቱዋ ኡባን ካረ ባጋ ጾልያ ጉላ ጉላ ማሰኮተቱ ደኤኖ፤ ቃይ ክፍለቱዋጥ ግዴዋን ደኤያ ጎዳዉካ ማሰኮተቱ ደኤኖ። ያን ሃን ሻክያ ጎዳቱዋ ቦላን ዛምባ ምሰሊ መፍት ኡቲዳ።

**ካረ ዳባባ**

17 ሃዋጥ ጉይያን፣ ሄ ብታኒ ታና ካረ ዳባባኮ አፊዳ። ሄዋን ታን ዳባባ የሹዋን ሹቻ ሂጸቲዳ ባሱዋን ሄ ባሱዋ የሹዋን ኬጸቲዳ ሀታሙ ክፍለቱዋ በኣድ።

18 ሹቻይ ሂጸቲዳ ባሱ ዳባባ የሹዋ ኡባ ጋኬዳ፤ ሄዌ ካረ ዳባባይ ግዶ ዳባባጥ ዝቄ።

19 ግዶ ዳባባኮ ጋልያ፣ ቶቃን ኦሰቲዳ፣ ድርሳ ጥንገ ደኤ። ሄ ብታኒ ላኡ ጥንግቱዋጥ ግዴዋን ደኤያ ሳኣ ልክና ሁጲሳ ባጋን ገድሳ ባጋ ጎምጋይ 100 ዋቆ ግዴዳ።

**ሁጲሳ ጥንግያ**

20 ሃዋጥ ጉይያን፣ ሄ ብታኒ ታና ሁጲሳ ባጋ አፊዳ። ሁጲሳ ባጋ ጾልያ ድርሳ ጥንግያ ጉታራን ጎምጋ እ ልኬዳ። ሄ ድርሳ ጥንገ ካረ ዳባባኮ ጋልያዋ።

21 ሎሱዋጥ ኡሸቻን ሀድርሳ ባጋና ደኤያ ሄዙ ሄዙ ናግያዋንቱ ክፍለቱ፣ ኤንቱንቱጥ ግዴዋን ደኤያ ጎዳቲን አ ባራንዳይ ኮይር አዋይ ዶልያ ጥንግያ ባጋን ልኬዳዋንቱና ብጸ ላገ ግዴድኖ። ድርሳ ጥንግያ ጉታራይ ኡባና 50 ዋቆ፤ ጎምጋይካ 25 ዋቆ።

22 ባራንዳይ፣ ማሰኮተቱ መፍትዳ ዛምባ ምሰሊ ካሰ አዋይ ዶልያ ጥንግያ ባጋን በኡዳዋንቱና እት ማላ። ያ ጋልያ ላፑን ደላቱ ደኤኖ። ባራንዳይ ዳባባ ሰንላን ወርሰላ ባጋና ደኤ።

23 አዋይ ዶልያ ባጋዳን፣ ሀ ሁጲሳ ባጋንካ ግዶ ዳባባዉካ ሀራ ጥንገ ደኤ። ሄ ብታኒ ሀ ላኡ ድርሳ ጥንግቱዋጥ ግዴዋን ሳኣ ልክና 100 ዋቆ ግዴዳ።

**ገድሳ ጥንግያ**

24 ሃዋጥ ስሚድ፣ ሄ ብታኒ ታና ገድሳ ባጋ ድርሳ ጥንገ ካለሉና ባድ፣ ሄዋን ሀራ ድርሳ ጥንግያ በኣድ። እ አ ልክያ ዋድ፣ ግዶ ግምባቱዋን ሀራቱዋ ልክና እካ ሀራቱዋ ኬሻ ግዴዳ።

25 ልክያ ሀራቱዋዳን፣ ሀ ድርሳ ጥንግያ ማታን ደኤያ ክፍለቶ ኡባዉ ማሰኮተቱ ደኤኖ። ድርሳ ጥንግያ አዲሳተላይ 50 ዋቆ፤ ጎምጋይካ 25 ዋቆ።

26 ያ ጋልያ ላፑን ደላቱ ደኤኖ። ባራንዳይ ዳባባ ሰንላን ወርሰላ ባጋና ደኤ። ጥንግያ ቦላ ያ ባጋናን ሀ ባጋና ዛምባ ምሰሊ መፍት ኡቲዳ።

27 ግዶ ዳባባዉካ ሀራ ጥንገ ደኤ። ሄ ብታኒ ሀ ላኡ ድርሳ ጥንግቱዋጥ ግዴዋን ደኤያ ሳኣ ልክና 100 ዋቆ ግዴዳ።

**ግዶ ዳባባዉ ገድሳ ባጋ ጥንግያ**

28 ሄ ብታኒ ታና ገድሳ ድርሳ ጥንግያ ባጋና ሀን ግዶ ዳባባኮ አፊዳ። እ ድርሳ ጥንግያ ልክና፣ ሀራ ጥንግቱዋና ልክ ግዴዳ።

29 ሃዋ ናግያዋንቱ ክፍለቱ፣ ጎዳቲን ባራንዳቲ ኡባይ ሀራ ድርሳ ጥንግቱዋና እት ማላ። ሄ ድርሳ ጥንግያ የሹዋን ክፍለቱዋ ኡባዉ ማሰኮተቱ ደኤኖ። ሀ ጥንግያ አዲሳተላይ 50 ዋቆ፤ ጎምጋይካ 25 ዋቆ።

30 አ የሹዋን ባራንዳቲ ደኤኖ፤ ኤንቱንቱ አዲሳተላይ 25 ዋቆ፤ ጎምጋይካ 5 ዋቆ።

31 ሄ ባራንዳቲ ካረ ባጋ ዳባባ ጾሊኖ። ጥንግያ ቦላ ያ ባጋናን ሀ ባጋና ዛምባ ምሰሊ መፍት ኡቲዳ። ያ ጋልያ ሆሰፑን ደላቱ ደኤኖ።

**ግዶ ዳባባዉ አዋይ ዶልያ ባጋ ጥንግያ**

32 ሄ ብታኒ ታና አዋይ ዶልያ ባጋ ድርሳ ጥንግያና ሀን ግዶ ዳባባኮ አፊዳ። እ ሄ ድርሳ ጥንግያ ልክና፣ ሀራ ጥንግቱዋና ልክ ግዴዳ።

33 ናግያዎንቱ ክፍለቱ፣ ጎዳቱን ባራንዳይ ኡባይ ሀራ ድርሳ ጥንገቱዋና እት ማለ። ሄ ድርሳ ጥንገያ የሹዋን ደእያ ክፍለቱዋ ኡባወ ማስኮተቱ ደእኖ። ሄ ጥንገያ አዲሳተላይ 50 ዋቋ፤ ጎምፓይካ 25 ዋቋ።

34 ባራንዳይ ካረ ባጋ ዳባባ ጸሌ። ጥንገያ ቦላ ያ ባጋና ሀ ባጋና ዛምባ ሞሰሊ መጠት ኡቴዳ። ያ ጋልያ ሆሰፑን ደላቱ ደእኖ።

**ግዶ ዳባባወ ሀጺሳ ባጋ ጥንገያ**

35 ሄ ብታኒ ታና ሀጺሳ ባጋ ድርሳ ጥንገያኮ እፌዳ። እ ሄ ድርሳ ጥንገያ ልክና፣ እካ ሀራ ጥንገቱዋና ልክ ግዶዳ።

36 ናግያዎንቱ ክፍለቱ፣ ጎዳቱን ባራንዳይ ኡባይ ሀራ ድርሳ ጥንገቱዋና እት ማለ። ሄ ድርሳ ጥንገያ የሹዋን ማስኮተቱ ደእኖ። ሄ ጥንገያ አዲሳተላይ 50 ዋቋ፤ ጎምፓይካ 25 ዋቋ።

37 ባራንዳይ ካረ ባጋ ዳባባ ጸሌ። ጥንገያ ቦላ ያ ባጋና ሀ ባጋና ዛምባ ሞሰሊ መጠት ኡቴዳ። ያ ጋልያ ሆሰፑን ደላቱ ደእኖ።

**ያርሹዋ ጊገሰያ ክፍለቱዋ**

38 ካረ ዳባባወ ሀጺሳ ባጋና፣ ግዶ ድርሳ ጥንገያ ባራንዳና ኦይቀቴዳ፣ ሀራ ክፍሊካ ደእኖ። ጸግያ ያርሹ አህያ መሀያ እሹ ሜጨትያዊ ሄ ክፍልያና።

39 ሄ ባራንዳን ሀ ባጋና ለኡ ጸርጺዛቱ፣ ያ ባጋናካ ለኡ ጸርጺዛቱ ደእኖ፤ ጸግያ ያርሹ፣ ናጋራ ያርሹና ናቀዋ ያርሹ ሹክያ መሀያ ኡባይ ሹክትያዊ ሄ ጸርጺዛቱዋ ቦላና።

40 ባራንዳፕ ካረ ባጋና ሀጺሳ ድርሳ ጥንገያ ማታን ለኡ ጸርጺዛቱ ሀ ባጋና፣ ለኡ ጸርጺዛቱ ያ ባጋና ደእኖ።

41 ሄዋ ድራወ፣ ያርሹ ሽቄዳ መሄ ሹክትያ ኡባና ሆሰፑን ጸርጺዛቱ ደእኖ፤ ኡንቴንቴፕ ኦይዳቱ ባራንዳን ደእኖ፤ ኦይዳቱ ቃይ ካረ ዳባባን ደእኖ።

42 ቃይ ጸግያ ያርሹዋ ዋላናወ ጊገሰዳ፣ ሹቻፕ ማስቲዶ ኦስቴዳ ኦይዳ ጸርጺዛቱ ደእኖ። ኡንቴንቶ ጌሳይ እት ዋቋ፤ አዲሳተላይ እት ዋቋን ታካ፤ ቃይ ጎምፓይካ እት ዋቋን ታካ፤ ጸግያ ያርሹዋን ሀራ ያርሹዋዋ ኡባ ሹክያ ሚሻቱ ሄ ጸርጺዛቱዋ ቦላን ኡቴና።

43 ኦይዳ ብራድያ አዲቂያ ካቂያ ማጋቱ ጎዳ ቦላ ዩይ እጺደ ድሸት ኡቴድና። ያርሹ ሺሽያ አሹ ኡባይ ሄ ጸርጺዛቱዋ ቦላ ዋቋ።

44 ሄዋፕ ጉይያን፣ ሄ ብታኒ ታና ግዶ ዳባባ ገልሴዳ። ሄዋን ጥንገቱ ግዶ ዳባባኮ ደየትያ ለኡ ክፍለቱ ደእኖ። ኡንቴንቴፕ እት ክፍሊ ሀጺሳ ድርሳ ጥንገያ ማታና ገድሳ ባጋ ጸሌ፤ ለኡንጠ ቃይ ገድሳ ድርሳ ጥንገያ ማታና ሀጺሳ ባጋ ጸሌ።

45 ሄ ብታኒ ታና ሀዋዳን ያጌዳ፤ “ገድሳ ባጋ ጸልያ ክፍሊ ጌሻ ጎልያን ኦልያ ቂሳቱ ዋ።

46 ሀጺሳ ባጋ ጸልያ ክፍሊ ቃይ ያርሹያሳን ኦልያ ቂሳቱ ዋ። ቂሳቱ ኡባይ ጸደቃ ያራፕ የለቴዳ ሊዋቱዋ፤ መድና ጎዳኮ ሸቂድ፣ አሰ ኦላናወ ቢሰና ጌተቲዳዊ ኡንቴንቴ ጸላላ” ያጌዳ።

**ግዶ ዳባባን ጌሻ ጎልያ**

47 ሄ ብታኒ ዳባባ ልክና አዲሳተላይ 100 ዋቋ፣ ጎምፓይካ 100 ዋቋ ግዶዳ። ዳባባን ጌሻ ጎልያፕ ሰንላ ባጋና እት ያርሹያሳይ ደእኖ።

48 ሄዋፕ ጉይያን፣ እ ታና ጌሻ ጎልያ ባራንዳ እፌዳ። ባራንዳ ገልያ ቆሰላላ ልክና ጌሳይ 5 ዋቋ፤ ጎምፓይካ 14 ዋቋ። ሀድርሳናን ኡሸቻና ደእያ ጎዳቱዋ ኦርዶተላይ ሄዙ ሄዙ ዋቋ ግዶዳ።

49 ባራንዳ አዲሳተላይ 20 ዋቋ፤ ጎምፓይካ 12 ዋቋ። ያ ጋልያ 10 ደላቱ ደእኖ። ገልያሳን ኡሸቻናን ሀድርሳና ኡቂዳ ለኡ ቱቀቱ ደእኖ።

**41**

1 ሄዋፕ ሰሚዶ፣ ሄ ብታኒ ታና ጌሻ ጎልያን ደእያ ጌሻ ሳኣ ገልሴዳ። ሄ ጌሻ ሳኣ ጎዳ ኦርዶተላ ልክና 6 ዋቋ ግዶዳ።

2 ጥንገያ ጎምፓይ ቃይ 10 ዋቋ ግዶዳ። ሀድርሳናን ኡሸቻና ደእያ ጎዳቱዋ ጎምፓይ እቼሹ እቼሹ ዋቋ። ቃይ እ ጌሻ ሳኣ ልክና 40 ዋቋ፣ ጎምፓይካ 20 ዋቋ ግዶዳ።

3 ሄዋፕ ጉይያን፣ ቆልኦ ገሊዳ። ሄ ገልያ ጥንገያ ጎዳ ኦርዶተላ ልክና 2 ዋቋ ግዶዳ። ጥንገያ ጎምፓይ 6 ዋቋ ግዶዳ፤ ሀድርሳናን ኡሸቻና ደእያ ጎዳቱዋ አኮተላይ ላፑን ላፑን ዋቋ።

4 ቃይ እ ቆልኦዋ ልክና አዲሳተላይ 20 ዋቋ፣ ጎምፓይካ 20 ዋቋ ግዶዳ። ሄዋፕ ጉይያን እ ታና፣ “ሀዋ ኡባፕ እድያ ጌሻ ሳኣ” ያጌዳ።

**ጌሻ ጎልያ የሹዋን ኬጸቴዳ ክፍለቱዋ**

5 ሄ ብታኒ ጌሻ ጎልያ ጎዳ ልክና ኦርዶተላይ 6 ዋቋ ግዶዳ። ሄ ጎዳና ኦይቀቴዳ፣ ጌሻ ጎልያ የሹዋን ኬጸቴዳ ኦይዳ ኦይዳ ዋቋ አክያ ዳር ክፍለቱ ደእኖ።

6 ሄ ክፍለቱ እቱ እቱዋ ቦላ ኪጸቴዳ ሄዙ ፖቀ ግድሸር፣ እት እት ፖቅያዉ ሀታሙ ክፍለቱ ደእኖ። ዘንጎልሰ የግያ ምሳይ ገሻ ሳእ ግድ ገለና ማላ፣ ኮይሮ ጎዳና ኦይሰሊደ፣ ሀራ ሹቻ ሞሊድኖ።

7 ሄ ሹቻይ ጋርሳ ዉርሰሳ ፖቅያን ኦርዴዳ ድራውን ፑደ ሸቀደ ሌእያ ድራው፣ ክፍለቱካ ፑደ ሸቀያ ሞደ፣ አክ እኪደ ቢኖ። ኮይሮ ዉይግያፕ ግድ ፖቅያና አጲደ፣ ክል ዉርሰሳ ፖቅያ ጋካናዉ እፍያ ደላቱ ደእኖ።

8 ታን ገሻ ጎልያ የሹዋን ቋቀ ጌዳ ባሱ ደእያዋ በእድ። እ የሹዋን ደእያ ክፍለቱ ሄ ባሱዋ ቦላን ኪጸቴድኖ፤ ሄ ባሱ ግድ ዳባባፕ 6 ዋቋ ቋቋ።

9-11 ሄ ክፍለቱዋ ካረ ባጋ ጎዳ ኦርድተላይ 5 ዋቋ። ክፍለቱዋ ገልያ ላኡ ፐንገቱ፣ እቱ ሀጲሳ ባጋ፣ እቱ ቃይ ገድሳ ባጋና ደእኖ፤ ቃይ ሄ ክፍለቱዋ የሹዋን ደእያ ባሱዋ አኮተላይ 5 ዋቋ። ገሻ ጎልያ ባሱዋፕን ግድ ዳባባን ደእያ ክፍለቱዋፕ ግድዋን ደእያ ሙላ ሳእይ 20 ዋቋ።

**አዋይ ዉልያ ባጋና ኪጸቴዳ ጎልያ**

12 ገሻ ጎልያፕ አዋይ ዉልያ ባጋና ደእያ ሙላ ሳእፕ ሄፍንሳ ባጋና እት ጎሊ ደኤ። ሄ ጎልያ 90 ዋቋ፤ ጎምፓይካ 70 ዋቋ። ሄ ጎልያ ጎዳይ 5 ዋቋ ኦርድ።

**ገሻ ጎሊ ልክቴዳ**

13 ሄ ብታኒ ገሻ ጎልያ ካረ ባጋ ልክና አዲሳተላይ 100 ዋቋ። ገሻ ጎልያ ዘክሳፕ ቢደ፣ ህን አዋይ ዉልያ ባጋ ጎልያ ዘክሳ ጋካናዉ ሳእ ልክና፣ 100 ዋቋ ግዴዳ።

14 አዋይ ዶልያ ባጋና ደእያ ገሻ ጎልያ ጎምፓይ ላኡ ሙላ ሳእቱዋ ጉጂደ ልክና፣ 100 ዋቋ እኬ።

15 ላኡ ባጋናካ ደእያ አጵያ ሳእቱዋ ጉጂደ፣ አዋይ ዉልያ ባጋና ደእያ ጎልያ ልክና 100 ዋቋ ግዴዳ።

**ገሻ ጎልያዉ ግድ ኦሶቱዋ**

ገሻ ጎልያ ገሻ ሳእይ፣ አ ቆልኦን አ ባራንዳይ

16 ዉይግያፕ ቢደ፣ ማሰኮተቱዋ ጋካናዉ፣ ሞላን ሌጸት ኡቴዳ፤ ማሰኮተቱካ ሞላን ሌጸት ኡቴድኖ።

17-18 ገሻ ጎልያዉ ሶ ባጋ ክፍለቱዋ ጎዳይ ፐንገቱዋፕ ቦላዉ አፋና ጋካናዉ፣ ዛምባቱዋን ክሩቡቱዋ ምሰለቱዋን አሊቀት ኡቴዳ፤ ክፍልያን ዩይ አፋናዉካ ዛምባ ምሰሊን ክሩብያ ምሰሊ ዋላካን መፍት ኡቴዳ። ክሩብቶ ኡባዉ ላኡ ላኡ ሶምኢ ደኤ።

19 እት ባጋና አሳ ሶምኡዋ ማላትያዌ ዛምባ ምሰልያኮ ጸሊ፤ ቃይ ሀራ ባጋና ጋሙዋ ሶምኡዋ ማላትያዌ ዛምባ ምሰልያኮ ጸሊ።

20 ዉይግያፕ ደንድ ቢደ፣ ፐንገቱዋፕ ቦላ ባጋን ደእያ ሳእ ጋካናዉ፣ ጎዳ የሹዋ ኡባይ ሄዋዳን አሊቀቱድ።

21 ገሻ ጎልያ ፐንገ ቆሰላላቱ ኡባይ ኦይዱ ማረ ግዲደ ማሰቴዳዋንታ፤ ኡንቱንቱ ኡባይካ እት ልከ።

**ምላፕ መጴዳ ያርሸያ ሳ**

ኡባፕ አጴዳ ገሻ ሳእ ገልያሳ ሰንሳን

22 ሞላፕ መፍቱዳ ያርሸያ ሳ ማላትያዌ ቤቴ። እካ ኦይዱ ማረ ግዲደ፣ አዲሳተላይ ጎምፓይካ ቃራ፤ ኡንቱንቱ ላኡካ ላኡ ላኡ ዋቋ፤ አዉ ገሳይ ቃይ ሄዙ ዋቋ። ማዛናቱዋ ቱሳቱ፣ ገደቱን ምይያና ደእያ ሳንቃቱ ኡባይካ ሞላፕ ኦሰቴዳዋንታ። ሄ ብታኒ ታና፣ “ሀዌ መጵና ጎዳ ሰንሳን ደእያ ጸርጺዛ” ያጌዳ።

**ገሻ ጎልያ ፐንገቱዋ**

23 ገሻ ሳእዉ እት ፐንገ ደኤ፤ ቃይ ኡባፕ አጴዳ ገሻ ሳእዉ እት ፐንገ ደኤ።

24 እት እት ፐንግያዉ ግዴዋን ደኮቲደ ደየትያ ላኡ ሳንቃቱ ደእኖ።

25 ገሻ ሳእ ጎዳቱዋ ቦላ መፍቱዳዋዳን፣ ፐንገቱዋ ሳንቃቱዋ ቦላካ ክሩቡቱዋን ዛምባቱዋ ምሰሊ መፍት ኡቴዳ። ባራንዳፕ ቦላ ባጋና ሰንሳና ደእያ ሳንቃ ካራይ ሞላፕ ኦሰቴዳዋ።

26 ሄ ባራንዳ ጎዳቱዋ ምይያን ማሰኮተቱ ደእኖ። ላኡ ባጋ ጎዳቱካ ዛምባ ምሰልያን አሊቀቱድኖ። ሀድርሳ ባጋና ኡሸቻ ባጋና ደእያ ደላ ክፍለቶ ካሜዳ ካራይ ደኤ።

**42**

**ገሻ ጎልያ ማታን ኪጸቴዳ ላኡ ጎለቱዋ**

1 ሄዋፕ ጉይያን፣ ሄ ብታኒ ታና ሀጲሳ ባጋ ፐንግያና ካረ ዳባባ ካለሊደ ገሻ ጎልያ ግድ ዳባባ ግምቢያና ኦይቀቱዳ ጎልያኮ፣ ታና አሂዳ።

2 ሄ ጎልያ ፐንገ ፑደ ባጋ ሰሚደ፣ ሄ ጎሊ 100 ዋቋ አዲሳን 50 ዋቋ እኮ።

- 3 ግድ ዳባባጥ ላታሙ ዋቋ ሃኪድ፣ ቃይ ሰንላ ባጋና ካረ ዳባባን ደእያ ሂጸቲድ ሹቻጥ ሰንላ ባጋና እቲ እቲዋና ጸሌትያ ሃዙ ደሳይ ደእያ ፖቂ ደኤ።
- 4 ሄ ክፍለቲዋ ፐንገቲ ሁጲሳ ጸሌፍ። ኤንቲንቲጥ ሰንላ ባጋና 10 ዋቋ እኮነ 100 ዋቋ እዲሳ ግዴዳ፣ ግዴዋና አሰያ ኦጊ ደኤ።
- 5 ሄ ጎልያ ቦላ ሄዘንጶ ፖቂ ላኤንሱዋጥ ጸሚ፣ ላኤንሱ ቃይ ኮይሩዋጥ ጸሚ። ጋሶታይካ ኤንቲንቲ እቲ እቲዋጥ ጉየ ሺቆ ሸቂይ ግምባቲዳ ድራሳ።
- 6 ቃይ ኤንቲንቲ ሃዙ ፖቆያን ደእያ ክፍለቲ ቆምዋንቲጥ ጋርሳዋንቲ ግድ ዛዋን ደእያ ክፍለቲ ጸምያ ድራዉ ካረ ዳባባን ደእያ ሀራ ጎለቲዋዳን፣ ኤንቲንቲ ቲሳይ ባዋ።
- 7 ሄ ክፍለቲዋጥ ሰንላ ባጋና፣ 50 ዋቋ እዲቂያ ካረ ዳባባ ባጋና ደእያ እት ግምቢ ደኤ።
- 8 ካረ ዳባባ ባጋና ደእያ ክፍለቲዋ እዲሳተሳይ 50 ዋቋ እዲቂያዋ ግድሽን ጌሻ ጎልያ ሰንላን ደእያ ክፍልያ እዲሳተሳይ 100 ዋቋ።
- 9 ካረ ዳባባጥ ሶ ጎልያ ዋይ አዋይ ዶልያ ባጋና ጋርሳ ክፍለቲዋ ጎልያ ፐንጊ ደኤ።
- 10 ሄዋዳንካ፣ ጌሻ ጎልያጥ ገድሳ ባጋና ካረ ዳባባ ግምቢያ ካሊደ ጌሻ ጎልያ ዳባባና ኦይቀቲዳን ካረ ዳባባኮ ጸልያ ሀራ ክፍለቲ ደእኛ።
- 11 ሄ ጎልያ ክፍለቲዋ ሰንላን አሳይ ሀመትያ ኦጊ ደኤ። ሄ ጎሊ ሁጲሳ ባጋን ደእያ ጎልያና እት ማላ፤ እዲሳተሳይ፣ እኮተሳይ፣ ክፍለቲክ ፐንገቲ ኡባይ እት ማላ።
- 12 ድርሳ ግምቢ ዉርያ አዋይ ዶልያ ባጋ ጋጸጥ ዶሚደ ግምቢ ዶምያ ገድሳ ባጋና ደእያ ክፍለቲዋ ጎልያ ፐንጊ ደኤ።
- 13 ሄዋጥ ጉይያን፣ ሄ ብታኒ ታና ሀዋዳን ያጌዳ፤ “ሀዋንቲ ክፍለቲ፣ ሁጲሳናን ገድሳና ጌሻ ጎልያ ካረ ዳባባኮ ጸልያዋንቲ ቁሳቲ ዋ ክፍለቲዋ። ኤንቲንቲ ግድን መድና ጎዳ ሰንላን ኦልያ ቁሳቲ ኡባጥ እዴዳ ጌሻ ቆማ ማና። ሄ ክፍለቲ ጌሻ ግዴዳ ድራዉ፣ ኡባጥ እዴዳ ጌሻ አዋታ፣ ሄዋንቲ ካሳ ያርሹዋ፣ ናጋራ ያርሹዋን ናቁዋ ያርሹዋ ኡባ፣ ኤንቲንቲ ሄዋን ዋላና።
- 14 ጌሻ ጎልያ ገሌዳ ቁሳቲ ካረ ዳባባ ከሰያ ዋድ፣ ጳሳዉ ኦልያ ዋይ ማዬዳ ጌሻ ማዬዳ ከሲድ፣ ሄ ክፍለቲዋን ዋጊናን ከሰክና። እያዉ ጎጥ፣ ማዮቲ ጌሻ። ኤንቲንቲ ካረ አሳኮ ከሲድ፣ ካሰ ማይያ ሀራ ማዮቲዋ ማዬዳ ከሳናዉ ኮሺ” ያጌዳ።

**ጌሻ ጎልያ የሹዋ ልክያ**

- 15 ሄ ብታኒ ጌሻ ጎልያ ጋርሳ ዳባባን ደእያ ኬላቲዋ ልኪ ዉርሲድ፣ አዋይ ዶልያ ባጋ ጸልያ ድርሳ ፐንግያና ታና ካረ ከሲድ። ጌሻ ጎልያ የሽ አሊደ ልኬዳ።
- 16 ጸምእ አኪደ፣ አዋይ ዶልያ ባጋ ልክና፣ 500 ዋቋ ግዴዳ።
- 17 ሰሚደ ሁጲሳ ባጋ ሄ ጋትማን ልክና 500 ዋቋ ግዴዳ።
- 18 ሰሚደ ገድሳ ባጋ ልክና 500 ዋቋ ግዴዳ።
- 19 ሰሚደካ አዋይ ዉልያ ባጋ ልኬዳ፤ አካ 500 ዋቋ ግዴዳ።
- 20 ሄዋዳን ኦሊደ፣ እ ኦይዱ ባጋቲዋካ ልኬዳ። እ የሹዋን 500 ዋቋ እዲቂድ፣ 500 ዋቋ እክያ ድርሳ ግምቢ ደኤ። ሄ ግምቢ ጌሻ ሳካ የንኮ ጮ ሳኦጥ ሻካናሳ።

**43**

**ጳሳ ቦንቹ ጌሻ ጎልያ ሰሚዳ**

- 1 ሄዋጥ ጉይያን፣ ሄ ብታኒ ታና አዋይ ዶልያ ባጋ ጸልያ ፐንግያኮ አሄዳ።
- 2 ታን እሰራኤልያ ጳሳ ቦንቹ አዋይ ዶልያ ባጋጥ ይያዋ በእድ። እ የሳ ኮሻይ ዳር ሃላ ከንሱዋ ጉንሳ ማላ፤ ቃይ ቢታይካ እ ቦንቹዋን ፖኤዳ።
- 3 በኤዳ ሳጳይ ካሰ ጳሳይ የሩሳላመ ካታማ ጳይሳናዉ ዬዳ ዋይ በኤዳ ሳዋ ማላቲ፤ ቃይ ኮባራ ሻፋ ማታን ታን በኤዳ ሳጳካ ማላቲ። ሄዋ በእድ፣ ታን ታ ስምኤዋ ቢታ ጋላይ ጉፋናድ።
- 4 መድና ጎዳ ቦንቹ አዋይ ዶልያ ባጋ ጸልያ ፐንግያና ጌሻ ጎልያ ግድ ገሊዳ።
- 5 ሄ ዋይ ጳሳ እያናይ ታና ፑደ ደንሱደ፣ ግድ ዳባባ ገልሴዳ፤ በእ! መድና ጎዳ ቦንቹ ጌሻ ጎልያ ኩሚዳ።
- 6 ሄዋን ሄ ብታኒ ታ ምይያን ኤቂደእሽን፣ እቲ ጌሻ ጎልያ ግድጥ ታዉ ሃሳይሸን ሰሳድ።
- 7 እ ሀዋዳን ያጌዳ፤ “ላ አሳ ናአዉ፣ ሀዋ ታ አራታ ሳነ ታ ገዴ የድያ ሳካ። ታን እሰራኤልያ አሳ ግድን መድናዉ ደእና። ሀዋጥ ሰንላዉ እሰራኤልያ አሳ ግድና፣ ኤንቲንቲ ካተቲዋ ግድና፣ ሀራ ጳሳቲ ጎይንያዋን፣ ዋይ ሸምፑ ባይና ባረንቲ ካተቲዋ ሀዉልትያዉ ጎይንያዋን ታ ጌሻ ሰንላ ቲንሰክና።



8 ዋቲደ ጎጥ፡ እት ጎዳ ጸላላይ ታናነ ኤንቱንታን ሻክና፡ ባረንቱ ጥንግያ ታዋ ሞይያን፡ ባረንቱ ጥንግ ሞላካ ታዋ ሞይያን ኤሴድና፡ ባረንቱ ሸነይያ ኦሱዋን ታ ጌሻ ሰንላ ቱንሴድና፡ ሄዋ ድራው፡ ታን ታ ሀንቁዋን ኤንቱንታ ጳይሳድና፡

9 ሀእ ሰም ሀራ ጸላቶ ጎይንያዋ አግና፤ ባረንቱ ካተቱዋ ሀውልትያ ጎይንያዋ ታ ማታጥ ድግና፡ ያቶጥ፡ ታን ኤንቱንቱ ግደን ሙድናወ ደእና፡

10 “ላ አሳ ናአው፡ ታን ኔና በሴዳ ጌሻ ጎልያባ እሰራኤልያ አሳወ ኦዳ፤ ኤንቱንቱ ባረንቱ ኦልዳ ናጋራን ዬላታና ማላ፡ እ ሙዳባን እ ኬጸቴዳ ማራ ኤንቱንቶ ኦዳ፡

11 ኤንቱንቱ ባረንቱ ኦልዳባን ዬላትያዋንታ ግደጥ፡ ጌሻ ጎልያ ማላ፡ እ ኬጸቴዳ ማራ፡ ከሰያ ሳኦቱዋ፡ ጎልያ ሳኦቱዋን እ ኩሙንላ ሞሰልያ ኤንቱንቶ ቆንጭሳ፡ ሄዋዳንካ ቃይ፡ እ ዋጋ ኡባን እ ህግያ ኡባ ኤንቱንታ ኤርሳ፡ ቃይካ ሄ ጎሊ ዋት ኬጸቴደንቶን ኤንቱንቱ እ ዋጋ ኡባን ህግያ ኡባ ናጋናወነ ፖላናወ ዳንዳያና ማላ፡ ኔን ኤንቱንቱ ጸልሸን ጸፋ፡

12 “ጌሻ ጎልያ ህጊ ሀዋ፡ ጌሻ ጎሊ ኬጸቴዳ ደርያ ሁጲን እ የሹዋን ደእያ ሄራይ ኡባይ ኡባጥ እጭዳ ጌሻ ግዳናዋ፡ ኤ፡ ጌሻ ጎልያ ህጊ ሀዋ፡

**ያርሽያ ሳእ**

13 “ያርሽያሳይ ካሰ ጌሻ ጎልያ ልክያዳንካ፡ እት ዋቆ ቦላ ኦይዱ ብራቅቱዋ ጉጂዳ፡ እዱሳ ዋቆን ልክቴዳ፡ ያርሽያ ሳእ ባሱዋ የሹዋን እት ዋቆ ዝቁያን እት ዋቆ እክያ ኦላይ ደእ፤ ሄ ኦላወ ካረ ባጋ ደላይ እት ታካድያ ቶቄ፡ ያርሽያ ሳእ ጌሳይ ሀዋ ማላ፡

14 ባሱዋጥ ቢደ፡ ኮይሮ ደላ ጋካናወ 2 ዋቆ፤ ላኤንላ ደላይ እት ዋቆ ያርሽያ ሳእኮ ሸቅ ደሚደ፡ 4 ዋቆ ቶቄ፤ ቃይካ እት ዋቆ ያርሽያ ሳእ ከቅደ፡

15 ያርሹ ጸገትያ ጮጪ ደእያ ሄዘንላ ደላይ 4 ዋቆ ቶቄ፡ እ ኦይዱ ሞዛና ግዳደ፡ ኦይዱ ማርያንካ እት እት ካጪ ደእ፡

16 ያርሹዋ ጸግያ ጮጪ ኦይዱ ሚዛናን ግዳደ፡ 12 ዋቆ፡ ጎምጋይካ 12 ዋቆ፡

17 ላኤንላ ደላይካ ሄዋ ማላ ኦይዱ ሞዛና ግዳደ፡ 14 ዋቆ፡ ጎምጋይካ 14 ዋቆ፡ ሄ ደላወ ካረ ባጋ ጋጾይ እት ታካቅ ቶቄ፡ የሹዋ ኡባን እት ዋቆ ግዳዳ ኦላይ ደእ፡ ያርሽያ ሳእ ጥደ አፍያ ደላቱ አዋይ ዶልያ ባጋን ደእና” ያንዳ፡

18 ቃይካ እ ታና ሀዋዳን ያንዳ፤ “ላ አሳ ናአው፡ ኡባ ሞድያ ሙድና ጎዳይ ሀዋዳን ያን፤ ያርሽያ ሳእ ዋጋይ ሀዋ፡ ጸግያ ያርሹዋ ያርሻናወነ ሱላ ጥሻካወ፡ ያርሽያ ሳእ ግምቢደ ፖልያ ጋላሰ፡

19 ታኮ ሸቅደ፡ ታወ ኦልያ ጸድቃ ያራጥ የለቴዳ ለዊያ ዛረ ቁሳቶ ናጋራ ያርሹዋ ኦላደ፡ እት ኮሩማ እማ፡ ኡባ ሞድያ ሙድና ጎዳይ ሀዋ ኦዳይ፡

20 ኔን ሄ ሱላጥ አካደ፡ ኦይዱ ካጪቱዋ፡ ላኤንላ ደላ ኦይዱ ሚዛናን ሄ ደላወ ጋጾ ኦካ፡ ሄዋዳን ኦላደ፡ ያርሽያ ሳእ ቱናተላጥ ጌሻ፡

21 ቃይ ናጋራ ያርሹ እሙቴዳ ሄ ኮሩማ አካደ፡ ጌሻ ጎልያዋ ግዳደ፡ ጌሻ ሳእጥ ካረ ባጋና አወ እዛዘቴዳ ሳእን ጸጋ፡

22 “ ምንተላ ጋላሰ ትላ ቦላና ደእያ እት ዳሻ ኦርግያ አካደ፡ ናጋራ ያርሹ ያርሻ፡ ካሰ ኮሩማ ሱላን ጌሹዳዋዳን፡ ሄ ዳሻ ኦርግያ ሱላን ያርሽያ ሳእ ጌሻ፡

23 ጌሽያዋ ፖላደ፡ ትላ ቦላና ደእያ እት ኮሩማን ትላ ቦላና ደእያ እት ደርሳ ኦርግያ አካደ፡

24 ላኡዋካ ሙድና ጎዳ ሰንላ ሸሻ፡ ያቶጥ ቁሳቱ ኤንቱንቱ ቦላ ማጽንያ ቆሊደ፡ ሙድና ጎዳወ ጸግያ ያርሹዋ ኦላደ ያርሹና፡

25 “ ላፑን ጋላሳ ኩሙንላ፡ ሆቻ ሆቻ እት ዳሻ ኮልያ ናጋራ ያርሹ፡ ቃይ ትላ ቦላና ደእያ እት ኮሩማን ትላ ቦላና ደእያ እት ደርሳ ኦርግያ ሸሻ፡

26 ቁሳቱ ላፑን ጋላሳ ኩሙንላ ያርሽያ ሳእ ቱናተላጥ ጌሽና፡ ያቲደ ጸሳወ እ ዱማይና፡

27 ሀ ጋላሳቱ ወርያ ዋደ፡ ሆሰፑንላ ጋላሳጥ ደሚደ፡ ቁሳቱ ህንተ ጸግያ ያርሹዋን ህንተ እትተላ ያርሹዋ ያርሽያ ሳእ ቦላን ያርሹና፡ ሄ ዋደ ታን ህንተናን ናሸታና፡ ታን ኡባ ሞድያ ሙድና ጎዳይ ሀዋ ኦዳይ’ ያን” ያንዳ፡

**44**

**አዋይ ዶልያ ጥንግያ ዋጋ**

1 ሄዋጥ ጉይያን፡ ሄ ብታኪ ታና ጉየ ዛሪደ፡ ጌሻ ጎልያወ አዋይ ዶልያ ባጋና ደእያ ካረ ባጋ ድርሳ ጥንግያኮ እህያ ዋደ፡ ድርሳ ጥንገ ጎርደት ኡቴዳ፡

2 መድና ጎዳይ ታና ሀዋዳን ያጌዳ፤ “ሀ ጥንገ ጎርዱዋን ደእ ባሻናጥ አትና፣ ላኤንሎ ደየተና። አሳይካ እናና ገለና፤ እያው ጎጥ፣ መድና ጎዳይ እስራኤልያ ጸሳይ እናና ገለዳ። ሄዋ ድራው፣ ሄ ጥንገ ጎርዱዋን ደእና።

3 ግደጥነ፣ እስራኤልያ ቁስያ ጸላላይ መድና ጎዳ ስንላን ኡክላ ማናው ሄዋን ኡታና ዳንዳዬ። ጥንግያ ባራንዳና እ ገላናውን ከሳናው ዳንዳዬ” ያጌዳ።

**ጌሻ ጎልያ ገልያ ዎጋ**

4 ሄዋጥ ጉይያን፣ ሄ ብታኒ ታና ሁጸሳ ጥንግያኮ አፍያ ኦግያና አዕድ፣ ጌሻ ጎልያ ስንላ ባጋ ጋሌድ። ሄዋን ታን ጸልያ ዎደ፣ መድና ጎዳ ቦንቹ መድና ጎዳ ጎልያ ኩም ኡቲዳዋ በእድ፤ ሄኮ፣ ታ ሰምኡዋ ቢታ ጋሳደ ጉፋናድ።

5 ያትና፣ መድና ጎዳይ ታና ሀዋዳን ያጌዳ፤ “ላ አሳ ናአው፣ መድና ጎዳ ጌሻ ጎልያ ዎጋቱዋ ኡባነ እ ሀገቱዋ ኡባ ጸልያዋን ታን ነው ኦድያዋ ነ ሀይላን ሎይላደ ሰሳ፤ ነ እይፍያንካ ሎይላደ ጸላ። ጌሻ ጎልያ ገላናውን ከሳናው በስያ አሳቱን በሰና አሳቱ ሀቃዋንተንቶ ሎይላደ እኩካ።

6 ማካላንቻ እስራኤልያ አሳው ሀዋዳን ያጋደ ኦዳ፤ ኡባ ሞድያ መድና ጎዳይ ሀዋዳን ያጌ፤ “ሀንተና፣ እስራኤልያ አሳቶ፣ ሀንተ ኦልያ ቱና ኦሱ ኤቆ።

7 ሀንተ ታው ታ ቁማ፣ ሞቆዋን ሱላ ያርሹዋ ኦሊደ ሺሽያ ዎደ፣ ዎዛናይን እሹ ቃጸረትቤና አላጋ አሳቱዋ ታ ጌሻ ጎልያ ገልሲደ፣ ኡንቱንቱ እ ቱንሳናዳን ኦሊድታ። ሀንተ ቱናተላ ኡባ ቦላንካ ጉጂደ፣ ታ ቃላ ጫቁዋ ኮሊድታ።

8 ቃይ ታ ጌሻ ማሻቱዋ ቦላ ሀዋተናን እጸደ፣ ታ ጌሻ ጎልያን አላጋቱዋ እዎዬድታ” ያጌ።

9 “ሄዋ ድራው፣ ኡባ ሞድያ መድና ጎዳይ ሀዋዳን ያጌ፤ “እስራኤልያ አሳ ግደን ደእያ አላጋ አሳይ፣ ባረ ዎዛናንን ባረ እሹዋን ቃጸረትቤናዎ፣ ኡን ታ ጌሻ ጎልያ ገሎፖ።

**ሌዋቱ እክያ ሙሩዋ**

10 “ ፣ “ታጥ ሃኬዳ ሌዋቱ፣ እስራኤልያ አሳይ ታና አገደ ዎራ ሰምና፣ ባረንቱ ኤቃቶ ጎይናናው ዎራ ሰሚዳዋንቱ፣ ባረንቱ ሙሩዋ እክና።

11 ግደጥነ፣ ኡንቱንቱ ታ ጌሻ ጎልያን ኦሳንቻ ግድና፤ ታ ጌሻ ጎልያ ድርሳ ጥንገቱዋ ናግና፤ ጌሻ ጎልያ ኦሱዋካ ኦሳና። ኡንቱንቱ ጸግያ ያርሹዋን አሳይ እሀያ ሀራ ያርሹዋ ሹክና፤ ቃይ አሳው ኦሳናው፣ ኡንቱንቱ አሳኮ ሺቆና።

12 ሸን ኡንቱንቱ ካሰ እስራኤልያ አሳ ኤቃቶ ጎይንሴዳ ድራውን አሳ ናጋራን ከንድሰያ ቆብ ግዴዳ ድራው፣ ኡንቱንቱ ባረንቱ ናጋራ ሙሩዋ አካናዳን፣ ታን ከሺያ ደንላደ ጫቃድ። ታን ኡባ ሞድያ መድና ጎዳይ ሀዋ ኦዳይ።

13 ኡንቱንቱ ቁስያ ግዲደ ኦሳናው ታኮ ሺቆጥና፤ ዎይ ታው ዲማቲዳ ጌሻባኮን ኡባጥ አዴዳ ጌሻባኮ ሺቆጥና። ኡንቱንቱ ባረንቱ ኦሊዳ ቱና ኦሱዋ ድራው፣ ዬላ ማይና።

14 ግደጥነ፣ ኡንቱንቱ ጌሻ ጎልያን አዎታናዳን እ ግደን ኦሳናው ደእያ ኦሱዋ ኡባካ ኦሳናዳን፣ ታን ኡንቱንታ ሱንላና።

**ቄሳቱ ዋ ዎጋ**

15 “ ፣ “ሸን እስራኤልያ አሳይ ታና አገደ፣ ዎራ ሰሚዳ ዎደ፣ ታ ጌሻ ጎልያ ዎጋ አማነቲደ ፖሌዳ፣ ሌዊያ ዛረ ቄሳቱ፣ ጸደቃ ያራቱ፣ ኡንቱንቱ ታው ኦሳናው ታኮ ሺቆና። ሞቆዋን ሱላ ሺሺደ፣ ኡንቱንቱ ታ ስንላን ኦሳና። ታን ኡባ ሞድያ መድና ጎዳይ ሀዋ ኦዳይ።

16 ታ ጌሻ ጎልያ ኡንቱንቱ ገልና፤ ታው ኦሳናው ታ ያርሸያ ሳ ኡንቱንቱ ሺቆና፤ አዎተላካ ኡንቱንቱ ኦይቆና።

17 ኡንቱንቱ ጌሻ ጎልያው ግደ ዳባባ ገልያ ዎደ፣ ሊኦዋጥ ዳደቲዳ ማዩዋ ማይና፤ ግደ ዳባባ ጥንገን ዎይ ጌሻ ጎልያ ግደን ኦልያ ዎደ፣ ሱፍያ ማዩዋ ማፕና።

18 ኡንቱንቱ ባረንቱ ሁጸያን ላይኦዋ ሻሽያ ጸጵና፤ ባረንቱ ጸሳንካ ላይኦዋ ቃንላ ሱርያ ዳንጫና። ባረንታ ጫዋይያዋ እያን ማፕና።

19 አሳይ ደእያ ካረ ዳባባ ኡንቱንቱ ከሰያ ዎደ፣ ጌሻ ጎልያን ኦሊደ ማይዳ ማዩዋ ቃሪደ፣ ጌሻ ክፍለቱዋን ዎሳና። ሄዎ ጳፕ፣ ኡንቱንቱ ባረንቱ ጌሻ ማዩዋን አሳ ጸሳው ጌሻና።

20 “ ፣ “ቄሳቱ ባረንቱ ሁጸያ ማደቶጥና፣ ዎይ ባረንቱ ብናና ኡዲሰጥና፤ ባረንቱ ሁጸያ ልክያን ቃንጽሰና።

21 እይ ቁስን ግደ ዳባባ ገልያ ዎደ፣ ዎይንያ ኤሳ ኡሾፖ።

22 ኡንቱንቱ እሰናይ ሀይቁዳ፣ ዎይ የደቲዳ ማጫ አሳ እኮጥና። እስራኤልያ አሳጥ ጌላያቶ እክና፤ ዎይ እሰናይ ቁስያ ግዲደ ደኢድ ሀይቁዳ ማጫ አሳ እክና።

23 “ ‘ “ቁሳቱ ጸሳው ዲማቴዳዎፕን ዲማተናን ጮ ደእያዎፕ ግዲዎን ደእያ ዲማተላ ታ አሳ ታማርሰኛ። ቃይ ጌሻፕን ቱናፕ ግዲዎን ደእያ ዲማተላ ኢንቱንቱ በሰኛ።

24 እይ ሞቱ ደንደፕ፣ ቁሳቱ ታ ህጊ ኦድያዎዲን ፕርድኛ። ታ ህግነ ታ ዎጋ ናጊደ፣ ታ ባላቱዎ ቦንቶኛ፤ ታ ሳምባታካ ዲማዬደ ቦንቶኛ።

25 “ ‘ “ቁሲ ሀይቁዳ እሃኮ ሺቁደ፣ ባረና ቱንሰገ። ግደፕ፣ ሀይቁዳዌ አወዎ፣ ዎይ እቶ፣ ዎይ የሊዳ አቱማ ናአ፣ ዎይ ማጫ ናአ፣ ዎይ እሻ፣ ዎይ እስና ገላቤና ምቻቶ ግደፕ፣ እሃ ቦቻናዉ ዲንዳዬ።

26 እ ባረ ቱናተላፕ ጌዬዳዎፕ ጉይያን፣ ላፑን ጋላሳ ፓይዲደ ታኮ። ሄዎፕ ጉይያን፣ እ ጌሻ ግዳና።

27 ሄዎፕ ስሚደ፣ ጌሻ ሳአን ኦላናዉ ግደ ዳባባ ብያ ጋላሰ፣ ባረ ናጋራ ያርሹዎ ሺሾ። ታን ኡባ ሞድያ መድና ጎዳይ ሀዎ ኦዳይ።

28 “ ‘ “ቁሳቶ ላታይ ባዎ፤ ታን ኡንቱንቶ ላታ። እስራኤልያ ቢታን ኡንቱንቶ አይ ላታን እሞፕተ፤ ኡንቱንቱ ላታይ ታና።

29 ኡንቱንቱ ካላ ያርሹዎ፣ ናጋራ ያርሹዎን ናቁዎ ያርሹዎ ሚና። እስራኤልያ ቢታን መድና ጎዳዉ ዲማዬዳዌ ኡባይ ኡንቱንቱሳ።

30 ኮይር ጋክያ ዲማ ዲማ ካላዉ ኮይር አይፊን ህንተ ጸሳዉ እምያ እሞታ ኡባይ ቁሳቱ ዋሳ። ህንተ ጎልያን እንጂ ሸምፓና ማላ፣ ህንተ ጲልያፕ ኮይር ኩሽያ ኡንቱንቶ እሞተ።

31 ቁሳቱ ባኩቱዳዎ ዎይ ደአይ ዎዴዳዎ ካፋዎ እሹዎ ግድና፣ መሀያ እሹዎ ግድና፣ አያን ሞፕኖ።

### 45

#### መድና ጎዳዉ ዲማዬዳ ሳማ

1 “ ‘ “ቢታ ህንተ ላታናዉ ሳማን ሻክያ ዎደ፣ ሄ ቢታፕ እት ሳማ መድና ጎዳዉ ዲማዬደ ዎሐተ። ሄዎካ ታማን ላኡ ክሎ ሜትረን ባጋ ኡዲቁያን ታሙ፣ ክሎ ሜትረ አክያ ሳአ ግድ። ሄ ሳአይ ኡባይካ ጌሻ ሳአ ግድ።

2 ሄ ሳአፕ ኦይዲ ማክነ ቃራ ግዴዳ አዲሳተላይ 500 ዋቶ፣ ጎምፓይካ 500 ዋቶ ግዴዳ ሳአይ ጌሻ ጎልያሳ ግደ፤ እ የሹዎን 50 ዋቶ ግዴዳ መላ ሳአይ ደኡ።

3 ሄ ጸሳዉ ዲማዬዳ ሳአፕ አዲሳተላይ ታማን ላኡ ክሎ ሜትረን ባጋ፣ ጎምፓይ ቃይ እቼሹ ክሎ ሜትረ ግዴዳ ሳአ ልካደ ሻካ። ሄዎን ጌሻ ጎሊ፣ እካ፣ ኡባፕ አዴዳ ጌሻይ ደአያ ጌሻ ጎልያዉ ሳአ ግዲደ ደኡ።

4 ሄዎ ጌሻ ጎልያ ግደን መድና ጎዳዉ ኦላናዉ፣ እኮ ሸቆያ ቁሳቶ ዲማቴዳ ጌሻ ሳአ ግደ፤ ቃይ ኡንቱንቱ ባረንቱ ጎልያ ኬጽያ ሳነ ጌሻ ጎልያዉካ ጌሻ ሳአ ግደ።

5 ቃይ አትያ ታማን ላኡ ክሎ ሜትረ ባጋ ኡዲቁያን እቼሹ ክሎ ሜትረ ባጋ አክያ ሳአይ ጌሻ ጎልያን ኦልያ ለዎቱዋሳ ላታ ግደ፤ ኡንቱንቱ ባረንቶ ደአያ ካታማቱዎ ሄዎን ኬጽኖ።

6 “ ‘ “ሄ መድና ጎዳዉ ዲማዬዳ ሳአ ሞይያን ታማን ላኡ ክሎ ሜትረን ባጋ ኡዲቁያን ላኡ ክሎ ሜትረን ባጋ አክያ ሳአይ ካታማ ኬጻናዉ ደኡዎ፤ ሄ ሳአይ እስራኤልያ ሳሳዉ ኡባዉ ግድ።

#### እስራኤልያ ካፖ እመቲዳ ሳማ

7 “ ‘ “እስራኤልያ ካፖ እመቲዳ ሳማይ ላኡ ባጋናካ ጸሳዉ ዲማዬዳ ሳአንን ካታማ ሳአን ዘዎቲ። እ አዎይ ዉልያ ባጋና ሜድተራን አባ ጋኬ፤ አዎይ ደልያ ባጋና እስራኤልያ ቢታ ዘዎ ጋኬ። እዉ እስራኤልያ ዛርያፕ አቱዎ ሳማዳን፣ አዎይ ዉልያ ባጋ ዘዎፕ ቢደ፣ አዎይ ደልያ ባጋ ዘዎ ጋኬ።

8 ሄ ሳማይ እስራኤልያ ቢታ ካፖ ላታ ጋድያ ግድ። ሀዎፕ ሰንላን ታ ካፓቲ ታ አሳ ኡቁናፕኖ፤ ኡንቱንቱ እስራኤልያ አሳይ ኡባይ ባረ ዛርያን ዛርያን ጋድያ አካናዲን አላኖ” ያጌ።

#### ካፕ እዛዘትያ ሀግያ

9 “ ‘ “ኡባ ሞድያ መድና ጎዳይ ሀዎዳን ያጌ፤ “ህንተኖ፣ እስራኤልያ ካፓቶ፣ ህንተዉ ሀእ ግዳና! ህንተ ሻቢረሳካ አሳ ኡቁንያዎ አግተ፤ ሱረ ፕርዳን ጽሎተላ ኦሐተ። ታ አሳ ኡንቱንቱ ላታ ቢታፕ ጶቆሊደ የደርሰያዎ አግተ። ታን ኡባ ሞድያ መድና ጎዳይ ሀዎ ኦዳይ።

10 “ ‘ “ህንተ ኡባዉካ ልከ ሚዛናይን ቃራ ግዴዳ ማክያባይ ደኡ።

11 ልክያባቱ ኡባዉ ግድ ግድያ ጎሞረ \* ያግያ ልክያ ሚሻ ግድ። መላባ ማክያ ኤፋ ግያ ሚሻይ ጎሞረ ኦይቁያዎ ታሙዋጥ እት ኩሽያ ግድ፤ ቃይ ጉክያዎ ማክያ ባትያ ግያ ሚሻይካ ጎሞረያዉ ታሙዋጥ እት ኩሽያ ግድ። ሄዋ ግያዌ እፋይነ ባቲ ብጸ ላገ ግያዎ።

12 ጉላባ ልክያ ዎድ፤ ህንተ ልክያ ሚሻይ ሳቅለ † ግድ። ላታሙ ጌራይ እት ሳቅለ ግድ፤ ቃይ ኡሱፑን ታሙ ሳቅለ እት ሞናን ግድ።

13 “ ል “ ህንተ እሙዋ እሚድ፤ ሀዋዲን እምተ። ህንተ ቆጵ ሺሽያ ዛርጋጥ ኡሱፑን ታሙዋጥ እት ኩሽያ፤ ባንጋጥ ኡሱፑን ታሙዋጥ እት ኩሽያ።

14 ቃይ ዎጋራ ዛይትያጥ ጴቱዋጥ እት ኩሽያ እምተ። ሀዋንታ ልክያ ዎድ፤ ኔን ማክያ ሚሻይ ባተ ግድ። ታሙ ባቲ እት ጎሞረ ዎይ እት ኮረ ግድ።

15 እስራኤልያ አሳይ ሄምያ ላኡ ላኡ ጴቱ መሀያ ዉዲ ደእያዋጥ እት ዉድያጥ እት እት ድርሳ እምተ። ሄዋንቱ አሳ ናጋራ አቶ ገሳናዉ፤ ካላ ያርሹዋ፤ ጸግያ ያርሹዋን እትጥተላ ያርሹ ግድና። ታን ኡባ ሞድያ መድና ጎዳይ ሀዋ ኦዳይ።

16 ቢታን ደእያ አሳይ ኡባይ ሀዋ ኡባ እስራኤልያ ካፖ እም።

17 ካፑ ኦላናዉ በሰያ ኦሱ። እስራኤልያ አሳይ ቦንቻያ ባላቱዋን፤ አግናይ ጴርያ ጋላሳትዋን፤ ሳምባታቱዋን ጸግያ ያርሹቶ፤ ካላ ያርሹቶን ኡሻ ያርሹቶ ኩሽያዎ እም። እስራኤልያ አሳ ናጋራ አቶ ገሳናዉ፤ ናጋራ ያርሹቱዋ፤ ካላ ያርሹቶ፤ ጸግያ ያርሹቶን እትጥተላ ያርሹቶ ኡባዉ ኮሽያዎ እ እም” ያጌ።

18 “ ሉባ ሞድያ መድና ጎዳይ ሀዋዲን ያጌ፤ “ኮይሮ አግናን፤ ኮይሮ ጋላስ ትላ ቦላና እት ኮሩማ ጌሻ ጎልያ ጌሻናዉ ሺሻ።

19 ቁሲ ሀ ናጋራ ያርሹዋ ሱላጥ አኪድ፤ ጌሻ ጎልያ ጥንግያ ቆስለላቱዋ፤ ያርሽያ ሳ ዩሹዋን ደእያ ደላዉ ኦይዱ ምዛናዉን ግድ ዳባባ እፍያ ድርሳ ጥንግያ ቆስለላቱዋ ኦኩ።

20 ኦንነ ቆጥናን ዎይ ኡራና ጳጴዲ ኦጴዳ ናጋራ አቶ ገሳናዉ፤ አግናዉ ላፑንላ ጋላሳን ሄዋዲንካ ኦላ። ያታደ ጌሻ ጎልያ ቱናተላጥ ጌሻ።

21 “ ል “ ኮይሮ አግናን፤ ታማነ ኦይደንሎ ጋላሳን ፓሰጋ ባላ ቦንቻተ፤ ቃይ ላፑን ጋላስ ጋካናዉ፤ እርሹ ገልበና ኡክላ ሚተ።

22 ህ ኮይሮ ጋላሳን ካፑ ባረ ግሻነ ባረ አሳ ድራዉ ናጋራ ያርሹዋ ኦሊደ ኮሽያዎ፤ እት ኮሩማ እም።

23 ሄ ባላይ ቦንቻትያ ላፑን ጋላሳቱዋን ሀቕ ሀቕ ላፑን ኮሩማቱዋን ላፑን ድርሳ ኦርገቱዋ ኡባይካ ትላ ቦላና ደእያዋንታ ጸግያ ያርሹዋ ኦሊደ፤ መድና ጎዳዉ ኮሽያዎ እም። ሄዋናካ እትጥ ናጋራ ያርሹ ሀቕ ሀቕ እት ዳሻ ኦርግያ እም።

24 እት እት ኮሩማን እት እት ድርሳ ኦርግያ ያርሽያ ዎድ፤ ካላ ያርሹ 17 ክሎ ግራመ ዛርጋን ሄዙ ሊትሮ ዛይትያ እም።

25 “ ል “ ላፑንላ አግናን፤ ታማነ እቼሻንላ ጋላሳን ደምያ ላፑን ጋላሳ ባላ ዎድያን ኡባን፤ ናጋራ ያርሹዋ፤ ጸግያ ያርሹዋ፤ ካላ ያርሹዋን ዛይትያ ካሰዋጥ ዱማየናን ካፑ እም” ያጌ።

# 46

## ያርሹዋ ዎጋ

1 “ ሉባ ሞድያ መድና ጎዳይ ሀዋዲን ያጌ፤ “ግድ ዳባባ ገልሰያ አዋይ ደልያ ባጋ ድርሳ ጥንገ ኡሱዋ ጋላሳቱዋን ኡሱፑናቱዋንካ ጎርደቲደ ጋምኦ፤ ሽን ሳምባታ ጋላሰነ አግናይ ጴርያ ጋላሰ ደዩቶ።

2 እስራኤልያ አሳ ካፑ ድርሳዉ ጥንገ ባጋ ዳባባጥ ገልያ ባራንዳ ባጋና ገሊደ፤ ድርሳ ጥንገ ሞላ ማታን ኤቆ። ቁሳቱ እ እሚዳ ጸግያ ያርሹዋን እትጥተላ ያርሹዋ ያርሽና። እ ሄዋን ድርሳ ጥንገን ጎይኒደ፤ ሰሚደ ካረ ከሶ። ሽን ድርሳ ጥንገ ኦማርሳናሰካ ጎርደቶ።

3 ሄ ቢታ አሳይካ ሳምባታን አግናይ ጴርያ ዎድያን ግድ ዳባባ ድርሳ ጥንግያ ገልያሳን፤ መድና ጎዳ ሰንሳን ጎይንና።

4 “ ል “ ካፑ ሳምባታ ጋላሰ መድና ጎዳዉ ጸግያ ያርሹዋ ኦሊደ፤ ኡሱፑን ድርሳ ማራቱዋን እት ድርሳ ኦርግያ፤ ኡባይካ ትላ ቦላና ደእያዋንታ እም።

5 እት ድርሳ ኦርግያና 17 ክሎ ግራመ ካላ ያርሹዋ እም። ድርሳ ማራቱዋና ሸቅያ ካላ ያርሹ ካፑ ባረዉ ሺሻናዉ ኮዬዳዎ ኬሻ ግድ። ቃይ እት እት 17 ክሎ ግራመ ካላና ሄዙ ሄዙ ሊትሮ ዛይትያ እም።

\* 45:11 ጎሞረ- እት ጎሞረ 220 ክሎ ግራመ ዎይ 220 ሊትሮ ግድ። † 45:12 ሳቅለ- እት ሳቅለ ታማነ እት ግራመን ባጋ ዴዴ። 45:21 ከሳ 12:1-20፤ ፓይ. 28:16-25 45:25 ዎጋ 23:33-36፤ ፓይ. 29:12-38

6 “ ‘ “አግሮይ ጸርያ ጋላስ ጋላስ ቃይ እት ኮሩማ፣ ኡሱፑን ድርሳ ማራቱዋን እት ድርሳ ኦርግያ፣ ኡባይካ ትላ ቦላና ደእያዋንታ እዋ።

7 እት እት ኮሩማን እት እት ድርሳ ኦርግያ ያርሽያ ዎደ፣ ካላ ያርሾ እት እት 17 ክሎ ግራመ ዛርጋን ሄዙ ሄዙ ሊትሮ ዛይትያ እዋ። ድርሳ ማራቱዋና ሸቅያ ካላ ያርሹ ካፍ ባረወ ሸሻናዉ ኮዬዳዋ ኬሻ ግድ።

8 ካፍ ገሊደ፣ ድርሳ ጥንግያ ባራንዳና አዲደ ገሎ፤ ከሲደካ ሄዋና ከሶ።

9 “ ‘ “ሸን ሄ ቢታ አሳይ ባላ ጋላስ መድና ጎዳ ሰንገላን ጎይናናዉ ይያ ዎደ፣ ጎይና ሁጺሳ ጥንግያና ገሌዳዋንቱ ገድሳ ጥንግያና ከሰና፤ ቃይ ገድሳ ጥንግያና ገሌዳዋንቱ ሁጺሳ ጥንግያና ከሰና። አይ አሳይን ባረ ሰንገላን ደእያ ጥንግያና ስት ጊደ ከሶፕ እትና፣ ባረ ገሌዳ ሳና ከሶፖ።

10 ኡንቱንቱ ገልያ ዎደ፣ ካፍ ኡንቱንቱና ገሎ፤ ኡንቱንቱ ከሰያ ዎደካ፣ ኡንቱንቱና ከሶ።

11 “ ‘ “ናሸቻ ጋላሳትዋን ላይላ ባላቱዋን እት እት ኮሩማናን እት እት ድርሳ ኦርግያና ሸቅያ ካላ ያርሹ እት እት 17 ክሎ ግራመ ዛርጋን ሄዙ ሄዙ ሊትሮ ዛይት ግድ። ቃይ ድርሳ ማራቱዋና ሸቅያ ያርሹ ካፍ ባረወ ሸሻናዉ ኮዬዳዋ ኬሻ ግድ።

12 ካፍ ባረ ደሱዋን እምያ ያርሹዋ፣ ጸግያ ያርሹዋ፣ ዎይ እትተተላ ያርሹዋ መድና ጎዳዉ እህያ ዎደ፣ አዋይ ዶልያ ባጋ ግድ ዳባባ ድርሳ ጥንጊ እዉ ደየቶ። ባረ ጸግያ ያርሹዋ ዎይ እትተተላ ያርሹዋ ሳምባታ ጋላስ እ እምያዋዳን እዋ። ያተደ እ ከሲደ ቢና፣ ድርሳ ጥንጊ ጎርደቶ።

**ሀኝ ሀኝ ሺሽያ ያርሹዋ**

13 “ ‘ “ካፍ ሀኝ ሀኝ ትላ ቦላና ደእያ እት ላይላ ግዴዳ እት ድርሳ ጸግያ ያርሹዋ ኦሊደ፣ መድና ጎዳዉ እዋ፤ እ ሄዋ ዎንታ ዎንታ ፓጩናን እሆ።

14 ሄዋናካ ላኡ ክሎ ግራመ ዲሊ እት ሊትሮ ዛይትያን ሙናቀቲደ፣ ዎንታ ዎንታ ካላ ያርሹዋ ግዲደ ሺቆ። ሀዋ ህንተ መድና ጎዳዉ ሀኝ ሀኝ ሺሽያ ያርሹዋ ዎጋ።

15 ሀዋ ሰም ኦርጎ ድርሳይ፣ ካላ ያርሹን ዛይቲ ፓጭ ባይናን ዎንታ ዎንታ ሺቃናዉ በሰያ ጸጉትያ ያርሹዋ” ያጌ።

**ካፍዋ ጋድያባዉ እመቲዳ ዎጋ**

16 “ ‘ “ኡባ ዋድያ መድና ጎዳይ ሀዋዳን ያጌ፤ “ካፍ ባረ ጋድያፕ ሻኪደ፣ ባረ አቱማ ናናቱዋፕ እቶ እዋፕ፣ ሄዋ ሄ ናኣሳን እ ናናቱዋሰ ላታ ግድ።

17 ሸን ካፍ ባረ ጋድያፕ ሻኪደ፣ ባረ ቆማቱዋፕ እቶ እዋፕ፣ እሻታማንላ ላይላ ባላይ ጋካናዉ፣ ሄ ጋዲ አዋ። ሄዋፕ ጉይያን፣ ካፖ ሰዋ፤ ሄዋ ካፖ ግድያ ድራዉ፣ መድናዉ አሳን እ ናናቶ ላታ ግድ።

18 ካፍ አሳ ሱጊደ፣ አሳ ላታ ጋድያ ዎልቃን አኮፖ። ታ አሳይ ባረ ላታ ጋድያፕ ዶቆለተና ማላ፣ እ ባረ አቱማ ናናቶ ባረ ጋድያፕ እዋ” ያጌ’ ያጋ” ያጌዳ።

**ያርሹዋ ደይሰያ ሳእቱዋ**

19 ሄዋፕ ጉይያን፣ ሄ ብታኒ ታና ሁጺሳ ጾልያ፣ ቄሳቱ ዋ ጌሻ ክፍለቱዋኮ ገልያሳ አሄዳ። ሄዋንቱካ ግድ ዳባባዉ ጋልያ ዲጎ ባጋ ድርሳ ጥንግያ ማታን ደእያዋንታ። ኡንቱንቱፕ አዋይ ዉልያ ባጋና ታን እት ሳእ በእድ። እ ታና ሀዋዳን ያጌዳ፤

20 “ሀ ሳእይ ቄሳቱ ናጋራ ያርሹዋን ናቀዋ ያርሹዋ ደይሰያ ሳን ካላ ያርሹዋ ኡክያ ሳእ። ሀ ሳእን ጎኡትያ ጋሱ ሄ ጌሻ ያርሹቱዋ አሳኮ ካረ ዳባባ ከሰና፣ አሳይ ጌሻባ ቦቺደ ጌየናዳን ናጋናሳ” ያጌዳ።

21 ሄዋፕ ጉይያን፣ ሄ ብታኒ ታና ካረ ባጋ ዳባባዉ አፊደ፣ ሄ ዳባባዉ ኦይዲ ማዛንያ ታና የሹዳ። ሄ ዳባባ ማርያን ኡባንካ ቄር ዳባባቱ ደእያዋንታ በእድ።

22 ኡንቱንቶ ኡባዉካ 40 ዎቋ፤ ጎምፓይካ 30 ዎቋ፤ ኦይዲ ማርያን ደእያ ዳባባቱካ እት ላገ።

23 ሄ ኦይዲ ዳባባቱዋ የሹዋንካ ሹቻ ግምቢ ደኤ፤ ቃይ ግምቢያ ላንቄያን አኮ ሸቀደ ኦሰቱዳ፣ ታማ ኤልያ ሳእቱ ደእና።

24 ሄ ብታኒ ታና፣ “ሀዋንቱ ኡባይ ጌሻ ጎልያን ኦልያዋንቱ እህያ ያርሹዋ ደይሰያ ሳእቱዋ” ያጌዳ።

**47**

**ጌሻ ጎልያ ጋርሳፕ ፑልትያ ሃላ**

1 ሄ ብታኒ ዛፊደ፣ ታና ጌሻ ጎልያ ገልያሳ አፊደ። ጌሻ ጎልያ ገልያ ጥንግያፕ ጋርሳና ሃላይ ፑልቲደ፣ ጌሻ ጎልያፕ አዋይ ዶልያ ባጋ ጎጌ። ጋሱካ መድና ጎዳ ጌሻ ጎልያ ጥንጊ አዋይ ዶልያ ባጋፕ ሰንገላና ደኤ። ጌሻ ጎልያዉ ገድሳ ባጋና ዲጎ ጎጊደ፣ ያርሽያ ሳፕ ገድሳ ባጋና አዴ።

2 እ ታና ሁጲሳ ጥገግያ ባጋና ከሲድ፣ አዋይ ዶልያ ባጋ ጸልያ ጥገግያ የሹዋና ካለሌደ አፊዳ። ሄ ጥገግያጥ ገድሳ ባጋና ሃላይ ጎሊ።

3 ሄ ብታኒ ልክያ ሜትርያ ባረ ኩሽያን ኦይቄድ፣ አዋይ ዶልያ ባጋ ቢድ፣ ጎግያ ሃላ ካሊደ፣ 1,000 ዋጳ ልኬዳ። ታና ሃላ ግዳዋና ካለሌዳ፤ ሃላይ ታወ ሜሽ ሙቀላ ጋኬ።

4 ላኢንሉዋካ 1,000 ዋጳ ልኬድ፣ ሃላ ግዳዋና ታና ካለሌዳ። ሃላይ ታወ ጉልባታ ጋኬዳ። ቃይ 1,000 ዋጳ ልኬድ፣ ታና ሃላ ግዳዋና ካለሌዳ። ሄ ዋይ ሃላይ ታወ ጸሳ ጋኬዳ።

5 እ ቃይካ 1,000 ዋጳ ልኬዳ። ሽን ሄ ሃላይ ዳር ጨማ ግዳዳ ድራው፣ ታን ጥናናወ ዳንዳያበይከ፤ እ አሳይ ዋፍናን ጥናናወ ዳንዳየና ሻፋ ግዳዳ።

6 ሄ ብታኒ ታና፣ “ላ አሳ ናአው፣ ሀዋ በአድ?” ያጌዳ። ሄዋጥ ጉይያን፣ እ ታና ሻፋ ጋጸዉ ጉየ ዛራዳ።

7 ታን ሰማደ ያ ጋክያ ዋይ፣ ሻፋ ደናን ሀ ባጋናን ያ ባጋና ሎይላ ዳር ሞላይ ደእያዋ በአድ። እ አ ታና ሀዋዳን ያጌዳ፤ “ሀ ሃላይ አዋይ ዶልያ ባጋ ቢታወ ጎሊድ፣ አራባ ዋምባን ገሌ። እ ሄዋን ጎጎና ማጽገያ አባን ገልያ ዋይ፣ ሄ ሃላይ ኦራጺደ፣ ጽሎ ሃላ ከሴ።

9 ሀ ሻፋይ ጎሊደ ብያ ሳአን ደእያ፣ ሻምእ ግያ ሙጋታቱ ኡባይ ገጸ ደእና፤ ቃይ ሄ ሻፋይ ያ ጎሊድ፣ አባ ሃላ ኦራጺሲደ ጽልሰያ ድራው፣ ፓይዳዋን ዳር ጮራቱዳ ሞለቱ ያን ደእና። ሄዋጥ ደንዳዳዋን፣ ሄ ሻፋይ ጎግያሳን ደእያባይ ኡባይ ገጸ ደእና።

10 ሞልያ ኦይቄያዋንቱ አባ ደናን ኤቃና፤ ኤንጋዳጥ ቢደ ኤን-ኤግላይማ ጋካናወ ደእያ ሳአይ ግትያ ምጭያ ሳአ ግዳና። ሜድተራን አባን ደእያ ሞለቱዋዳን፣ ሄዋንካ ዳር ዳማ ዳማ ቆሞ ሞለቱ ደእና።

11 ሽን አባ ደናን ደእያ ጫሪን ሃላይ ኩሞ ኦላይ ማጽን ግዲደ አታናጥ አትና፣ ኦራጽክና።

12 ሄ ሻፋ ደናን ሀ ባጋናን ያ ባጋና ሞያ አይፍያ አይፍያ፣ ዳር ዳማ ዳማ ቆሞ ሞለቱ ደእና። ኡንቱንቱ ሀይላይ ቆቆፈተና፤ አይፍያዋካ አግክና። ጌሻ ጎልያጥ ከሰያ ሃላይ ኡንቱንቱገ ጎግያ ድራው፣ ኡንቱንቱ አግናን አግናን ኦራሳ አይፍያ አይፋና። ኡንቱንቱ አይፊዳ አይፊ ቁማ ግዳናዋ፤ ኡንቱንቱ ሀይላይካ ጳለ ግዳናዋ” ያጌ።

**ቢታ ዛዋቱዋ**

13 ኡባ ሞድያ ሙድና ጎዳይ ሀዋዳን ያጌ፤ “አሰራኤልያ ዛረቶ ታማነ ላአቶ ቢታ ላታ ጋድያ አላድ፣ ኔን ሻካና ዛዋይ ሀዋ። ዮሴፎ ዛረቶ ላኡ ሳማይ አመቶ።

14 ታን ካሰ ሀንተ ማይዛ አዋቶ ሀ ቢታ ላትሳናዉ ታ ኩሽያ ደንላደ ጫቃድ፤ ሀእ ሀንተ ኡባይካ ልክያን ሻኪደ ላትተ።

15 “ቢታወ ሁጲሳ ባጋ ዛዋይ ሀዋ፣ ሜድተራን አባጥ ደንዲድ፣ ሄትሎና ካታማነ ሀማታ ጥኑዋ አጲድ፣ ጸዳደ ካታማ ጋኬ።

16 ሄዋጥ ቃይ ዳማሰቆጥን ሀማታጥ ግዶ ዛዋን ደእያ በርታን ሰብራይማ ካታማቱዋ አጲድ፣ ሀወራና ዛዋን ደእያ ቲኮና \* ካታማ ጋኬ።

17 ሄዋ አሰራኤልያ ቢታወ ዛዋይ ሀማታ ቢታ ሁጲሳ ባጋወ አጊድ፣ ሜድተራን አባጥ አዋይ ዶልያ ባጋ ቢድ፣ ዳማሰቆ ቢታ ዛዋን ደእያ ደእር-ኤናና ካታማ ጋኬ።

18 “አዋይ ዶልያ ባጋ ዛዋይ ሀደር-ኤናናጥ ደንዲድ፣ ዳማሰቆጥን ሀወራናጥ ግዳዋና አጲ። ሄዋጥ ቃይ አሰራኤልያጥን ጋላአደጥ ግዳዋን ደእያ ዮርዳኖሳ ሻፋን ዛዋቲድ፣ ማጽገያ አባ አጲደ ቢድ፣ ታማራ ካታማ ጋኬ።

19 “ገድሳ ባጋ ዛዋይ ታማራጥ ደንዲደ ቢድ፣ ማሪባ-ቃዳሳን ደእያ ፑልቱዋ ጋኬ። ሄዋጥ ሁጲሳና አዋይ ዉልያ ባጋ ኦይቅክቄድ፣ ግብጾ ሻፋ ካሊደ ቢድ፣ ሜድተራንያ አባ ጋኬ።

20 “አዋይ ዉልያ ባጋ ዛዋይ ሜድተራን አባ ግዳድ፣ ሁጲሳ ባጋና አጲደ ሀማተን ዛዋቱ።

21 “ሄዋ ድራው፣ ሀ ቢታ አሰራኤልያ ዛራቱዋ ፓይዳዋ ልክያን ሻክ አክተ።

22 ሀንተዉን ሀንተ ግድን ናናቱዋ የሊደ ደእያ በተቶ ቢታ ላታ አሊደ ሻክተ። ኡንቱንታ ሀንተ ሀንተ ቢታን የሌቱዳ አሰራኤልያ አሳዳን ጸልተ። ኡንቱንቱ ሀንተናና አትጥ አሰራኤልያ ዛራቱዋና ጋድያ ሳማን አክና።

23 በቲ አሰራኤልያን አይ ዛርያና ደኦጥካ፣ ሄ እ ደእያ ዛርያ ግድን አዉ ላታ ቢታ አምተ። ታን ኡባ ሞድያ ሙድና ጎዳይ ሀዋ ኦዳይ።

**48**

**ቢታ ሻኩዋ**

1 “ቢታ ሻካናወ ማዘጋበቱዳ ዛራቱዋ ሰንላይ ሀዋ፣ ሁጲሳ ባጋና አት ሳማይ ዳና ዛርያወ አመቶ። ሄዋካ ሄትሎናጥ ሀማታዉ አፍያ ኦግያ ካሊድ፣ ሄዋጥካ ዳማሰቆ ዛዋን ደእያ ሀደር-ኤናና

ማታ ካታማ እዲደ ሀማተ ማታን ዛቀቱ። ሄዌ እዋይ ዶልያ ባገጥ ቢደ እዋይ ዉልያ ባገጥ ጋካናዉ ደእያ ሳእዉ ሁጲሳ ባገጥ ዛቀ ግዳና።

2 ዳና ዛቀና ኦይቀቲደ፣ እዋይ ዶልያ ባገጥ እዋይ ዉልያ ጋካናዉ ደእያ እት ሳማይ እሴራ ዛርያዉ እመቶ።

3 እሴራ ዛቀና ኦይቀቲደ፣ እዋይ ዶልያ ባገጥ እዋይ ዉልያ ጋካናዉ ደእያ እት ሳማይ ንፍታሌማ ዛርያዉ እመቶ።

4 ንፍታሌማ ዛቀና ኦይቀቲደ፣ እዋይ ዶልያ ባገጥ እዋይ ዉልያ ጋካናዉ ደእያ እት ሳማይ ሞናሰ ዛርያዉ እመቶ።

5 ሞናሰ ዛቀና ኦይቀቲደ፣ እዋይ ዶልያ ባገጥ እዋይ ዉልያ ባገጥ ጋካናዉ እት ሳማይ ኤፍሬማ ዛርያዉ እመቶ።

6 ኤፍሬማ ዛቀና ኦይቀቲደ፣ እዋይ ዶልያ ባገጥ እዋይ ዉልያ ጋካናዉ እት ሳማይ ሮቤላ ዛርያዉ እመቶ።

7 ሮቤላ ዛቀና ኦይቀቲደ፣ እዋይ ዶልያ ባገጥ እዋይ ዉልያ ጋካናዉ እት ሳማይ ይሁዳ ዛርያዉ እመቶ።

8 “ይሁዳ ዛቀና ኦይቀቲደ፣ እዋይ ዶልያ ባገጥ እዋይ ዉልያ ባገጥ ጋካናዉ ደእያ እት ሳማ ዲማያ ዋላ። እዉ ጎምጋይ ታማነ ላኡ ክሎ ሜትረነ ባገጥ ግዳ። እዋይ ዶልያ ባገጥ እዋይ ዉልያ ባገጥ ጋካናዉ ደእያ እት ዛርያ ሻክና ጋክያ ሳማና ቃራ። እዉ ግዳ ግሸቻን ጌሻ ጎሊ ደኤ።

9 “ሄ ሳማጥ ኔን መጵና ጎዳዉ ዲማያደ ዋልያ ሳእይ ታማነ ላኡ ክሎ ሜትረነ ባገጥ አዲሳነ ታሙ ክሎ ሜትረ እኮ ግዳ።

10 ሄ ሳእይ ቁሳቶ ዲማዬዳ ሳእ ግዳ፤ እ ሁጲሳ ባገጥ ታማነ ላኡ ክሎ ሜትረነ ባገጥ አዲሳ፤ እዋይ ዉልያ ባገጥ እቼሹ ክሎ ሜትረ እኮነ እዋይ ዶልያ ባገጥና ክሎ ሜትረ እኮ፤ ቃይ ገድሳ ባገጥ ታማነ ላኡ ክሎ ሜትረነ ባገጥ አዲሳ። መጵና ጎዳ ጌሻ ጎሊ እዉ ግዳ ግሸቻን ደኤ።

11 ሀ ዲማይ ዋልዳ ሳእይ እስራኤልያ እሳይ ታ ኦግጥ ዋራ ሰምያ ዋደ፣ ኡንቲንቲና ዋራ ሰሜዳ ሌዋቲዋዳን ግደናን፣ እማነቲደ ታዉ ኦሊደ ጋምኤዳ፣ ጌሻ ቁሳቶ፣ ጳደቃ ያራቶ እመቶ።

12 ሄዋ መጵና ጎዳዉ ዲማዬዳ ቢታጥ ኡንቲንቲ ዲማ ሳማ፤ እ ኡባጥ እዲዳ ጌሻ። ኡንቲንቲ ሳማይ ሌዋቲ ሳማን ዛቀቶ።

13 “ቁሳቲ ዋ ዛቀና ኦይቀቲደ፣ ሌዋቲካ አዲሳተላ ታማነ ላኡ ክሎ ሜትረነ ባገጥ፣ ጎምጋይካ እቼሹ ክሎ ሜትረ ግዳዳ እት ሳማይ እመቶ።

14 ኡንቲንቲ ሄ ጋድያጥ እያነ ባይዘጥና ዋይ ላሞጥና። ሄዋ ቢታ ኡባን ዲማቲዳዋ ግድያ ድራዉ፣ ሀራ እሳ ኩሸያን ገላናዉ በሰና፤ መጵና ጎዳዉ እ ጌሻ ሳእ።

15 “እኩዳ ላኡ ክሎ ሜትረነ ባገጥ እኮነ ታማነ ላኡ ክሎ ሜትረነ ባገጥ አዲሳ ሳእይ ካታማ እሳይ ኡባይ ኩላን ጎኡትያ ጎልያ ኬጽያነ መሀያ ሄምያ ሳእ ግዳ፤ ካታማይ ሄ ቢታዉ ግዳ ግሸቻን ደኤ።

16 ሄ ካታማይ ኦይዱ ሚዛናን ደኤ። ሁጲሳ ባገገይ 4 ክሎ ሜትረነ ባገጥ፤ ገድሳ ባገገይ 4 ክሎ ሜትረነ ባገጥ፤ እዋይ ዶልያ ባገገይ 4 ክሎ ሜትረነ ባገጥ፤ እዋይ ዉልያ ባገገይካ 4 ክሎ ሜትረነ ባገጥ።

17 ካታማዉ ሄንሳ ጋዲ ደኤ፤ ሄ ጋዲ ሁጲሳ ባገገና፣ ገድሳ ባገገና፣ እዋይ ዶልያ ባገገና እዋይ ዉልያ ባገገና 250 ዋላ እኮ ግዳ።

18 ጌሻ ሳእ ባገገና እቲዳ ሳእይ እዋይ ዶልያ ባገጥ ዋድያ ዋደ፣ አዲሳተላይ እቼሹ ክሎ ሜትረ፤ እዋይ ዉልያ ባገጥ ዋድያ ዋደ፣ አዲሳተላይ እቼሹ ክሎ ሜትረ። ሄ ሳእን ሞኬዳዊ ኡባይ ሄ ካታማን ኡልያዋንቶ ቁማ ግዳና።

19 እስራኤልያ ዛረ ኡባጥ ሄ ካታማን ኦላናዉ ይያዋንቲ ሄ ቢታ ጎሸና።

20 ሀንተ ዲማይያ ሳእይ ኡባና ኦይዱ ማርያናካ ታማነ ላኡ ክሎ ሜትረነ ባገጥ አዲቁ። ሄ ሳእይ ካታማይ ኬጽቴዳ ሳእን ጌሻ ሳእ ባረናን ጉጵ።

21-22 “ጌሻ ጎልያጥ፣ ቁሳቲ ዋ ሳማጥ፣ ሌዋቲዋ ሳማጥን ካታማ ሳእጥ እዋይ ዶልያ ባገገና እዋይ ዉልያ ባገገና ደእያ እቲዳ ቢታይ ካፖ ግዳ። ሄ ቢታዉ ጎምጋይ ታማነ ላኡ ክሎ ሜትረነ ባገጥ። ሄ ካፖዋ ቢታይ ሁጲሳ ባገገና ይሁዳ ጋኬዳ ሳማን፣ ገድሳ ባገገና ቢንያማ ጋኬዳ ሳማን ዛቀቲ።

23 እቲዳ ዛረቶ ቢታይ ሀዋዳን ሻክቲ። እዋይ ዶልያ ባገጥ እዋይ ዉልያ ባገጥ ጋካናዉ፣ እት ሳማይ ቢንያማ ዛርያዉ እመቶ።

24 ቢንያማ ዛቀና ኦይቀቲደ፣ እዋይ ዶልያ ባገጥ እዋይ ዉልያ ባገጥ ጋካናዉ ደእያ እት ሳማይ ሰሞና ዛርያዉ እመቶ።

25 ሰሞና ዛቀና ኦይቀቲደ፣ እዋይ ዶልያ ባገጥ እዋይ ዉልያ ባገጥ ጋካናዉ ደእያ እት ሳማይ ይሳኮራ ዛርያዉ እመቶ።

26 ይሳኮራ ዛቀና ኦይቀቲደ፣ እዋይ ዶልያ ባገጥ እዋይ ዉልያ ባገጥ ጋካናዉ ደእያ እት ሳማይ ዛብሎና ዛርያዉ እመቶ።

27 ዛብሎና ዛዋና ኦይቀቲደ፣ አዋይ ዶልያ ባጋጥ አዋይ ወልያ ባጋ ጋካናዉ ደእያ እት ሳማይ ጋዳ ዛርያዉ እመቶ።

28 ጋዳ ገድሳ ዛዋይ ታማራ ካታማጥ ደንዲደ፣ ማሪባ-ቃዳሳን ደእያ ፑልቱዋና አዲይ፣ ግብጹ ሻፋ ካሊደ ቢደ፣ ሜድተራነ አባ ጋኬ።

29 “ህንተ እስራኤልያ አሳዉ ላታ ኦላደ ሻካና ቢታይ ሀዋ፤ ሀዋንቱ ኡንቱንታ ጋካና ሳማቱዋ። ታን ኡባ ሞድያ መጵና ጎዳይ ሀዋ ኦዳይ።

**ካታማ ፐንገቱዋ**

30 “ካታማጥ ከሰያ ፐንገቱ ሀዋንታ። ኡንቱንቱ እስራኤልያ ዛራቱዋ ሱንላን ጸገታና። ሁጲሳ ድርሳ ግምቢ 4,500 ዋቆ አዲቃና፤

31 ካታማ ፐንገቱ እስራኤልያ ዘረላ ሱንላን ጸገታና። ሁጲሳ ባጋና፤ ርቤላ ፐንገያ፣ ይሁዳ ፐንገያን ሌዊያ ፐንገያ ጌተትያ ሄዙ ፐንገቱ ደእና።

32 አዋይ ወልያ ድርሳ ግምቢ 4,500 ዋቆ አዲቃና፤ ሄ ግምቢያን ዮሴፎ ፐንገያ፣ ቢንያማ ፐንገያን ዳና ፐንገያ ጌተትያ ሄዙ ፐንገቱ ደእና።

33 ገድሳ ድርሳ ግምቢ 4,500 ዋቆ አዲቃና፤ ሄ ግምቢያን ሰሞና ፐንገያ፣ ይሳኮራ ፐንገያን ዛብሎና ፐንገያ ጌተትያ ሄዙ ፐንገቱ ደእና።

34 አዋይ ወልያ ድርሳ ግምቢ 4,500 ዋቆ አዲቃና፤ ሄ ግምቢያን ጋዳ ፐንገያ፣ አሴራ ፐንገያን ንፍታሌማ ፐንገያ ጌተትያ ሄዙ ፐንገቱ ደእና።

35 “ካታማ ዩሹ ኡባና ልክና፣ 18,000 ዋቆ ግዳናዋ። ሄ ዎድያጥ ዶሚደ ሄ ካታማይ፣ ‘መጵና ጎዳይ ሄዋን ደኤ’ ያጌቲደ ጸሰታና’ ያጌ።



# ዳኤላ ትምቢትና ገሎብ

ዳኤል የሩሳላም ኦሞድቴዳ ዎደ እትጥ ኦሞድት ቢደ ባብሎንን ደእያ ናብያ። ዳኤላ ትምቢት ጸፈቴዳዊ እይሁዳ አሳቱ እይሁዳ ግድ ካዉተላቱባ ሞዲባ ጋርሳን አቀደ፣ ዎልቃማ የደሳይን ኡቁናይ ጋክና፣ ኡንቱንቱ መቱባ በእያ ዎድያና። ማጻፋ ጸፊዳዊ ሳጸጥ ቤቴዳ ታርከቱባንን ኦሳቱባንን ጎኤቲደ፣ ሄ ዎደ ደእያ አሳ ሞንግጡ። ጸሳይ ኡቁኒደ ሞድያ ካትያ ጳይሲደ፣ አሳ ኡቁና ቃሹባጥ ከሳናባ ህደታ እሚ።

ሀ ማጻፋይ ላኡ ሀጸ ሀጸ ክፍለቱባን ሻከቱ።

1. ዳኤልን አናና እትጥ ኦሞዲባን ደእያ እማሬዳ አሳቱ ጸሳ እማንያ ሞኖ አማኑባንን እዉ እዛዘትያ ሀናታን ባርንቱ ሞርከቱባ ጸኔዳባ ኦድያ ታርከቱባ ግድሻን፣ ኡንቱንቱካ ፖለቴዳዊ ባብሎንን ፓርሰ ካዉተላ ላይላና።
2. ዳኤል ዲማ ዲማ ሳፃ በኤዳ። ሄ ሳጻቱባ ሊምሱባን በሲደ፣ ባብሎንጥ ደሚደ፣ ዲማ ዲማ ካዉተላቱ ደንድ ደንዲደ ኩንዳናባን ኡንቱንታ ሞድያ እይሁዳ ግድና ካቲ ጳይና፣ ጸሳ አሳይ ጸኑባ ደማናባ በሲ።

## ሸምጋቱባ ኡባቶ እመቴዳ ቃንሳ ቆፋቱባ

1. ዳኤላን እ ሄዙ ላገላቱባ 1:1-21
2. ካትያ ናቡካዳናጸራ እኩሙባ 2:1-49
3. ሰድራቃ፣ ሞሳቃን አብድናጉባ ጸሳይ ኤጸያ ታማጥ እሹዳ 3:1-30
4. ናቡካዳናጸራ ላፑ ላይላ ባር ካዉተላ ጳይዳ 4:1-37
5. ካትያ በልሻጸራን ጎዳ ቦላ ጻፋባ 5:1-31
6. ጸሳይ ዳኤላ ጋሙባ ደናጥ እሹዳ 6:1-28
7. ዳኤል በኤዳ ኦይዳ ደአቱባ ሳፃ 7:1-27
8. ዳኤል በኤዳ ድርሳ ኦርግያን ዴሻ ኦርግያ ሳፃ 8:1-27
9. ዳኤል ባር አሳ ድራጫ ዎሴዳ 9:1-27
10. ዳኤል ጸግርሳ ሻፋ ማታን በኤዳ ሳፃ 10:1—11:45
11. ዉርሰላ ዎድያባ 12:1-13

### ዳኤላን እ ሄዙ ላገላቱባ (1:1-21)

1 ይሁዳ ካቲ ዮአቁም ካተቴዳ ሄዘንሎ ላይላ፣ ባብሎን ካቲ ናቡካዳናጸራ የሩሳላመ ካታማ ቦላ ደንዲደ፣ ሄ ካታማ ደዴዳ።

2 ጎዳይ ይሁዳ ካትያ ዮአቁማን ጸሳ ገሻ ጎልያን ደእያ ሚሻቱባጥ ኡንደንዳዎ አ ኩሽያን አሲደ እሚዳ። እካ ሄ ሚሻቱባ ባብሎን ጋድያን ደእያ ባር ጸሳቱባ ኤቃ ጎልያ አሄዳ፤ ባር ጸሳ ሚሻ ሞንጅያ ጎልያን ዎሌዳ።

3 ሄባጥ ጉይያን፣ ካቲ አሸፋናዛ ግያ ባር ኦሳንቻቱባ ካፑባ ሀዎዳን ያገደ እዛዜዳ፤ “እሰራኤልያ አሳ ግደጥ ካትያ ዛር ግድያባንታን ዎልቃማ አሳቱባ ዛር ግድያባንታ ደራ።

4 ያላጋቱ አሳተላን ፓጫይ ባይናባንታ፣ ማላንቻቱባ፣ ማላንቻቱባ፣ ማላንቻቱባ፣ ኡናናዉ ደንዲይያባንታ፣ እኩክያባንታ፣ ኡራተላይ ኩሚዳባንታን ካትያ ጎልያን ኦላናዉ ደንዲይያባንታ። ኡንቱንታ ባብሎንቱባ ቃላን ጸፋትያ ታማርሳ” ያገደ።

5 ቃይ ኡንቱንቱ ሀቻ ሀቻ ማና ቁማይን ኡሻና ዎይንያ ኤሳይ ካትያዉ ካኤዳ ቁማጥን ኡሻጥ ግዳናዳን፣ ካቲ እዛዜዳ። ሄዎዳንካ፣ ሄዙ ላይላ ሎሄዳባጥ ጉይያን፣ ካትያ ሰንሳ ሸቂደ፣ ኡሱባ ደማናዳን ቃቹዳ።

6 ድርቴዳባንቱ ግደጥ ይሁዳ ዛር ግድያባንቱ ዳኤላ፣ ሀናንያ፣ ሞሻኤላን እዛርያ ግያባንቱ ደኢና።

7 ኦሳንቻቱባ ካፑ ኡንቱንቱ ሱንሳ ላሚደ፣ ዳኤላ ብልጻሶራ፣ ሀናንያ ስድራቃ፣ ሞሻኤላ ሞሳቃ፣ እዛርያ አብዳናጎ ገደ ሱንሴዳ።

8 ዳኤል ካትያ ቁም ምያባንን ዎይንያ ኤሳ ኡሽያባን ባርና ቱንሰና ማላ፣ ባር ዎዛናን ቆፋ ቃቹዳ፤ ሄ ቆፋን ማያናዳን፣ ኦሳንቻቱባ ካፑባ ዎሴዳ።

9 ሄ ካፑ ዳኤላ ሳባና ማላን እዉ ቃረታና ማላ፣ ጸሳይ ኦሌዳ።

10 ግደ ሸን፣ ኦሳንቻቱዋ ካፑ ዳኔላው ኦዲደ፣ “ታን ሀንተንቶ ሀ ቁማን ኡሻ አዛዜዳ ታ ጎዳ ካትያው ያያይ። ሀንተናና ላገትያ ያላጋቱ ሰምኡዋፕ ሀንተ ሰምኢ ግልቂ ቤቶፕ፣ ሀንተ ጋሱዋን ካቲ ታና ዎቆና” ያጌዳ።

11 ሄዋፕ ጉይያን፣ ኦሳንቻቱዋ ካፑ ሱንሰና ዳኔላ፣ ሀናንያ፣ ሞሻኤላን አዛርያ ሀዳራ አኩዳ ብታንያ ዳኔል ሀዋዳን ያጌዳ።

12 “ኑው ማናው አታክልትያ፣ ኡሻናውካ ሃላ ዳላ ለማደ፣ ኑና ነ ቆማቱዋ ታሙ ጋላሳቱዋን ፓጫ።

13 ሄዋፕ ጉይያን፣ ኑ ሰምኡዋን ካትያ ቁማ ምያ ያላጋ አሳቱዋ ሰምኡዋ ጌዳራ ይላደ፣ ኑና ነ ቆማቱዋ ነው ማላት ቤቱዳዋዳን ኦላ” ያጌዳ።

14 እ ሄዋ ማዪደ፣ ታሙ ጋላሳ ኡንቱንታ ፓጩድ።

15 ታሙ ጋላሳፕ ጉይያን ኡንቱንቱ፣ ካትያ ቁማ ሜዳ ያላጋቱዋ ኡባፕ ፓጺደን አንቃሪ ቤቱድና።

16 ያትና፣ ኡንቱንቶ ጊሌ ቁማን ዎይንያ ኤሳ ድጊደ፣ አታክልትያ ለሚደ።

17 ሀ ኦይዱ ያላጋቶ ዳሳይ ኤሳን ኡባ ቆሞ ጽፋቲን ትምርቲ ገልያ አከካ ለሚደ። ዳኔል ቃይ ሳጸን አኩሙዋ ኡባ ብለላ ኤራ።

18 ካቲ ያላጋቱ ባረኮ ገላናዳን አዛዜዳ ዎዲ ፖለትና፣ ኦሳንቻቱዋ ካፑ ኡንቱንታ ናቡካዳናጸሪ ሰንላ አሌዳ።

19 ካቲ ኡንቱንታ ሃሳይቤዳ ዎደ፣ ዳኔላ፣ ሀናንያ፣ ሞሻኤላን አዛርያ ማላ አሳይ ኡንቱንቱ ግደን ቤትቤና። ያትና፣ ኡንቱንቱ ካትያው ኦሳናው ገሌድና።

20 ካቲ ኡንቱንታ ኦቼዳ አይ አይዳ ኤራተላን አከካ ኦሻን፣ እ ካውተላን ደእያ ሻሬቾቱዋፕን ሙሩንያዋንቱ ኡባፕ ኡንቱንቱ ታሙ ኩሽያ አጲደ ቤቱድና።

21 ዳኔል ካቲ ቂርሰ ካተቱዳ ኮይሮ ላይላይ ጋካናው ጋምኤዳ።

## 2

### ካትያ ናቡካዳናጸሪ አኩሙዋ

(2:1-49)

1 ናቡካዳናጸሪ ባረ ካተቱዳ ላኤንሶ ላይሰ አኩሙዋ አኩሙቱዳ። ሄ አኩሙ፣ አ ሎይሰ ሻቢርና፣ ገምእሹ እ አፌናን እጹዳ።

2 ያትና፣ እ አኩሙቱዳ አኩሙዋ አው ኦዳና ማላ፣ ሻሬቾቱ፣ ሙሩንያዋንቱ፣ ብትያዋንቱን ዳልንትያ ይላደ ካይያዋንቱ ዲገት ያናዳን ካቲ አዛዜዳ። ዪደ፣ እ ሰንላን ኤቂድና።

3 ካቲ ኡንቱንታ፣ “ታን ታና ሻቢርሰያ አኩሙዋ አኩሙታድ፤ ሄ አኩሙ፣ እየንቶ ኤራናው ኮያይ” ያጌዳ።

4 ዳልንትያ ይላደ ካይያዋንቱ ካትያ ሰራቱዋ \* ቃላን፣ “ካትያው፣ መጵናው ደእ! ነ አኩሙዋ ኑው ነ ቆማቶ ኦዳ፤ ኑን ነው እ ብለላ ኦዳና” ያጌድና።

5 ካቲ ዳልንትያ ይላደ ካይያዋንታ ሀዋዳን ያጌዳ፤ “ታን ሎይላደ ቃቼዳ ቆፋይ ሀዋ። ሀንተ ሀ አኩሙዋን እ ብለላ ታና ኤርሳና ቆየፕ፣ ታን ሀንተና ቃንጸ የጋና፤ ሀንተ ጎላቲካ ቡራ ኦልያ ሳእ ከሳና።

6 ሸን ሀንተ አኩሙዋን እ ብለላ ታው ኦደፕ፣ እሙዋ፣ ዎይቱዋን ዳሮ ቦንቹዋ ታፕ ሀንተ አካና። ሄዋ ድራው፣ እነ አኩሙዋን እ ብለላ ታና ኤርሰተ” ያጌዳ።

7 ላኤንሶዋካ ኡንቱንቱ ዛሪደ፣ “ካቲ አኩሙዋ ኑው ባረ ቆማቶ ኦደ፤ ኑን እ ብለላ ኤርሳና” ያጌድና።

8 ካቲ ኡንቱንቶ ዛሪደ፣ “ታን ሀንተ ሀልቹዋ ኤራይ፤ ታን ሎይላደ ቃቼዳ ቆፋ ሀንተካ ኤራዳ ድራው፣ ሀዋ ሱጋና ጊደ ሀኒታ ያጌዳ።

9 ሀንተ አኩሙዋ ታው ኦዳና ቆየፕ፣ እት ቀጩ ሀንተና ናጌ። ሀናታይ ላመታናዋ ጊደ ሀንተ ሀደታ እልያ ድራው፣ ታው ዎርደን ገንያ ቃላ ኦዳናው ማቀቱድታ። ሄዋ ድራው፣ አኩሙዋ ታው ኦድተ፤ ያቶፕ፣ ሀንተ እ ብለላ ኤርሳናው ዳንዳይያዋ ታን ኤራይ” ያጌዳ።

10 ዳልንትያ ይላደ ካይያዋንቱ ካትያው ዛሪደ፣ “ካቲ ኦቼያ ኦሻ ዛሪናው ዳንዳይያ እት አሳይን ጋድያን ባዋ። አይ ግታቱዳን ዎልቃሜዳ ካውካ ሀዋ ማላባ ሻሬቾቱዋ፣ ሙሩንያዋንታ ዎይ ዳልንትያ ይላደ ካይያዋንታ ኦቼ ኤረና።

11 ካቲ ኦቼዳ ኦሻይ ዴጸ፤ አሳና እትፕ ደኤና ዳሳቱዋፕ እትና፣ ሀዋ ካትያው ቆንጭሳናው ዳንዳይያዋ ሙላካ ባዋ” ያጌድና።

12 ሄዋ ድራው፣ ካቲ ሎይሰ ሀንቀቲደ ባብሎን ደእያ ካትያ ዘርያዋንታ ኡባ ዉርሳናዳን አዛዜዳ።

2:2 ደመላ 41:8 \* 2:4 ዳን። 2:4 ፕ ቢደ ሸምፑዋ 7 ጋካናው ደእያዎ፣ ሰራቱዋ አሳ ቃላን ዳፈቱዳ።

13 ካትያ ዘርያዋንታ ዋቆናወ አዋዩ ከሴዳ። ዋቆያዋንቱ ዳኔላነ አ ላገቱዋ ዋቆናወ ኮዬድና።

ጸሓይ ዳኔላ እኩሙዋ ብለላ ኤርሴዳ

14 ካትያ ናግያ ኦላንቻቱዋ ካፑ አርዮክ፣ ባብሎንን ደእያ ካትያ ዘርያዋንታ ዋቆናወ ከሰያ ዋደ፣ ዳኔል አ እኩካንነ ሂሳን ሃሳይሴዳ።

15 እ ካትያ ናግያ ኦላንቻቱዋ ካፑዋ አርዮካ፣ “ካትያ አዋዩ እያወ ሀዋዳን ፓላቴዳ?” ገደ ኦቼዳ። አርዮክ ሀናታ ዳኔላወ ኦዳዳ።

16 ሄዋን ዳኔል ካትያኮ ገሊደ፣ እኩሙዋ ብለላ ኤርሳናወ፣ ባረወ ዋደ እመታና ማላ ዋሴዳ።

17 ሄዋጥ ጉይያን፣ ዳኔል ባረ ጎሊ ሰሚደ፣ ባረ ሄዙ ላገቶ፣ ሀናንያወ፣ ሞሻኤልወን አዛርያወ ሀናታ ኦዳዳ።

18 እንቱንቱ ባብሎንን ደእያ የንኮ ካትያ ዘርያዋንቱና እትጥ ሀይቀናዳን፣ ሳሉዋ ጸሓይ ማርታ እንቱንቶ ኦሊደ፣ ሀ ጹራ እንቱንቶ ቆንጭሳናወ ዋሳና ማላ፣ እንቱንቶ ኦዳዳ።

19 ሄ ቃማን ጹራይ ዳኔላወ ሳጸን ቆንጭዳ። ያትና፣ ዳኔል ሳሉዋ ጸሓ ሀዋዳን ያገደ ጋላቴዳ፤

20 “እዴዳ ኤራተሳይን ዋልቃይ፣

ጸሓሳ ግድያ ድራወ፣

አ ሱንሳይ መቅናጥ መቅና ጋካናወ

ጋላቴዳዋ ግደ።

21 ዋደቱዋን አግናቱዋ አ ላሜ።

ካተቱዋ ካዉተሳጥ ድገ፤

ቃይ ካተቱዋ ካዉተሳን ኡትሴ።

እዴዳ ኤራንቻቶ እዴዳ ኤራ፣

እኩክያዋንቶካ ኤራ አ እሜ።

22 ጨማ ጹራን ገሜዳ የወዋ፣

አ ቆንጭሴ።

ጹማን ደእያዋካ አ ኤራ፤

ፖኡካ እናና ደኤ።

23 አቤት ታ ማይዛ አዋቱዋ ጸሓወ፣

ታን ኔና ጋላታይን ሳባይ።

እያወ ጎጥ፣ ኔን ታወ፣

እዴዳ ኤራን ዋልቃ እማዳ።

ኮን ኔና ኦቼዳዋ፣

ታና ሀእ ኤርሳዳ።

ካትያ እኩሙዋ ኮና ኤርሳዳ።

ያጌዳ።

ዳኔል እኩሙዋን አ ብለላ ካትያ ኤርሴዳ

24 ሄዋጥ ጉይያን፣ ዳኔል ባብሎንን ደእያ ካትያ ዘርያዋንታ ወርሳናወ ካትያጥ አዛዙዋ እኩዳ አርዮካኮ ቢደ፣ “ካትያ ዘርያዋንታ ዋቆ። ታና ካትያኮ ገልሳ፤ ያቶጥ ታን አ እኩሙዋ ብለላ አ ኤርሳና” ያጌዳ።

25 አርዮክ ኤላካ ዳኔላ ካትያኮ ገልሲደ፣ ካትያወ፣ “ይሁዳጥ አዋደቲደ ዬዳ አሳጥ ካትያ እኩሙዋ ብለላ ኤርሳናወ ዳንዳይያ አሳ ደማድ” ያጌዳ።

26 ከቲ ብልጸሶራ ገብትያ ዳኔላ፣ “ታን እኩሙቲዳ እኩሙዋን አ ብለላ ታና ኤርሳናወ ዳንዳይያ?” ገደ ኦቼዳ።

27 ዳኔል ሀዋዳን ያገደ ዛራዳ፤ “ካትያወ፣ ኔን ኦቼዳ ጹራ ቆንጭሳናወ ዳንዳይያ እዴዳ ኤራንቻይ፣ ሻራቹ፣ ሙሩንያዋ፣ ዋይ እያንትያዋ ባዋ።

28 ሽን ጹራቲዋ ቆንጭሳና እት ጸሓይ ሳሉዋን ደኤ። ወርሰላ ጋላሳቲዋን ሀናናባ አ ኔና በሴዳ። ነ አርሳን ዛቆላደ፣ ኔን እኩሙቲዳ እኩሙን ሳጸይ ሀዋ።

29 “ካትያወ፣ ኔን አርሳን ዛቆላደ፣ ሰንሳጥ ሀናናባ ቆጥዳ። ሄ ዋደ ጹራ ቆንጭሳና ጸሓይ ሰንሳጥ ሀናናዋ ኔና በሴዳ።

30 ሀ ጹራይ ታወ ቆንጭዳዌ ታን ሀራ አሳጥ እዴዳ ኤራንቻ ግድና ግድናን፣ ኔን ካቲ እኩሙዋ ብለላ ኤራናዳናን ነ ሁጺያ ግድን ሰመረቲዳ ቆፋ እኩካናዳና።

31 “ካትያወ፣ ኔን ሎይሳ ዋልቃማ፣ ጳልያን ጸላናወ ያሽያ ሞሰሊ ነ ሰንሳን ኤቁዳዋ በእዳ።

32 ሀ ሞሰልያ ሁጺ ገቫ ዋርቃጥ፣ አ ትራይን ኩሽቱ ብራጥ፣ ኤላን ዋድረቱ ናሃሰያ ግያ ብራታጥ፣

33 ሱይሊ ብራታጥን ገድያወ ያቻይ ባጋይ ብራታጥ ባጋይ ኡርቃጥ ሙቲዳ።

34 ኔን ሀ ሞሰልያ ጸልሽን፣ እት ሹቻይ አሳ ኩሽ ቦቹናን ደርያጥ ጽቆላቲደ፣ ብራታጥን ኡርቃጥ ሙቲዳ ሞሰልያ ገድያ ያቻቱዋ ቦላ ዋቆደ ጋጩዳ።

35 ሄ ዋደ ብራታይ፣ ኡርቃይ፣ ናሃስ ግያ ብራታይ፣ ብራይነ ዋርቃይ ኡባይ ጋጩቲደ፣ ቦንያን ኡዲማን ደእያ ሱላ ማላ ግዴዳ፣ እያን እሸናን ጫርኩ ፕቲደ አፊዳ። ሽን ምስልያ ቦላ ዋዴዳ ሹቻይ ዋጋ ደርያ ከሲደ፣ ቢታ ሳኦ ኩሜዳ።

36 “ሀዌ ነ እኩሙዋ፤ ቃይ ሀእ ብለላ ኦን ነዉ ኦዳና።

37 ካትያዉ፣ ኔን ካተቶ ካትያ። ሳሉዋ ጸሳይ ነዉ ካወተላነ ዋልቃ፣ ምናተላነ ቦንቹዋ እሜዳ።

38 ቢታ ኡባ ቦላን ኔና ሞድያዋ ኡጼዳ፣ አሳ፣ ባዙዋ ዶኢን ሳሉዋ ካፋዋ ነ ኩሺያን ዋጼዳ። ሄዋ ድግዳ፣ ዋርቃ ሁጲ ኔና።

39 “ኔፕ ጉይያን፣ ምናተላን ኔና ጋከና ሀራ ካወተላይ ደንዳና። ካሊደ፣ ቢታ ኡባ ሞድያ፣ ናሃስ ብራታ ግድያ፣ ሄዘንላ ካወተላይ ደንዳና።

40 ወርሰላን ኡባባ ጋጩሬላ ሊቅሰያ ብራታዳን ምኔዳ ኦይደንላ ካወተላይ ደንዳና። ብራታይ ኡባ ጋጩሬላደ ሊቅሰያዋዳን፣ እካ ባረፕ ካሰ ደንዳዳ ካወተላቱዋ ጋጩሬላደ ሊቅሳና።

41 “ግደቱነ ገድያ ብጋቴ ባጋይ ብራታ፣ ባጋይ ኡርቃፕ ሙጋቴዳዋንታ ኔን በኡዳዋዳንካ፣ ሄ ካወተላይ ቫከቲደ ካወተላ ግዳናዋ። ብራታይ ኡርቃና ዋላከቲዳዋ ነ በኡዳዋዳንካ፣ ባጋይ ብራታዳን ምኔዳዋ ግዳና።

42 ገድያ ብራጋቴ ባጋይ ብራታ፣ ባጋይ ኡርቃ ግዴዳዋዳን፣ ሄዋዳንካ ሀ ካወተላዉ ባጋይ ምና፣ ባጋይ ላፋ ግዳናዋ።

43 ብራታይ ኡርቃና ዋላከቲዳዋ ነ በኡዳዋዳን፣ ሄ ላኡ ባጋ አሳይ ገሉዋን እኩዋን ዋላከታና፤ ሽን ብራታይ ኡርቃና ዋላከታናዉ ዳንዳዳዋዳንካ፣ ኡንቲንቲ እቱዋ ግዴደ ጋምእናዉ ዳንዳይክና።

44 “ሄ ካተቱዋ ላይላን፣ ሳሉዋ ጸሳይ ሙላካ ኩንደና፣ ሀራ አሳዉካ አመተና ካወተላ ኡሳና። ሄ ኡቁዳ ካወተላይ ሄ ካወተላቱዋ ኡባ ጋጩሬላ ቆይሳና፤ ሽን እ መድናዉ ኡቁደ ደኢና።

45 ኡሳ ኩሺ ቦቼናን ደርፕፕ ቱቆለት ዋዲደ፣ ብራታ፣ ናሃስያፕ፣ ኡርቃ፣ ብራፕ፣ ብራፕ፣ ብራፕ፣ ብራፕ፣ ሙጋቴዳ ምስልያ ጋጩሬላዳ ሹቻ ብለላይ ሄ ካወተላ።

“ዋልቃማ ጸሳይ ሰንሳዉ ሀናናባ ካትያ በሴዳ። እኩሙካ ቱማ፤ ብለላይካ እማነቲዳዋ” ያጊደ ዛሬዳ።

**ካቲ ዳኔላስ ዋይቲዳ**

46 ሄዋፕ ጉይያን፣ ካቲ ናቡካዳናጸር ዳኔላ ቦንቹደ፣ ሶምኡዋ ቢታ ጋሊደ ጉፋኔዳ፤ ያቲደ አሳይ አ ሰንሳን ያርሹዋ ያርሻናዳንን እጸና ጨዋያናዳን አዛዜዳ።

47 ካቲ ዳኔላ፣ “ቱሙዋፕ ነ ጸሳይ ጸሳቱዋ ጸሳ፣ ካተቱ ጎዳን ጸራ ቆንጭሰያዋ። ኔን ሀ ጸራ ቆንጭሳናዉ ዳንዳይያዌ ሄዋሳ” ያጊደ።

48 ሄዋፕ ጉይያን፣ ካቲ ዳኔላ ሎይላ ቦንቹዳ፤ ዳርን አልኦ እዋጋቱዋካ እዉ እሜዳ፤ ባብሎን ቢታ ሞድያዋ ኡጼዳ። ቃይ ባብሎንን ደእያ እዴዳ ኡራንቻቱዋ ኡባ ቦላ ካፑዋ ኡሊደ፣ አ ሰንሳዳ።

49 ዳኔል ኦችና፣ ካቲ ሰድራቃ፣ ምሳቃን አብዳናጋ ባብሎን ቢታ አይሰያዋንታ ኡሊደ ሱንሳዳ፤ ሽን ዳኔል ካትያ ጎልያን ጋምኤዳ።

**3**

**ሰድራቃ፣ ምሳቃ፣ አብድናጉዋ ጸሳይ ኤጵያ ታማፕ እሹዳ (3:1-30)**

1 ካቲ ናቡካዳናጸር ጌሳይ ኡሱፑን ታሙ ዋጻ፣ ጎምፓይ ኡሱፑን ዋጻ ግድያ ምስልያ ዋርቃፕ ሙዲደ፣ ባብሎን ጋድያን ዲራ ደምባን ኤሴዳ።

2 ሄ ምስልያ አንጅሳናዉ ያናዳን፣ ካትያፕ ጋርሳና ጋድያ ሞድያዋንታ፣ ሱንሳቱዋ፣ አዉራጅ ሞድያዋንታ፣ ካትያ ዘርያዋንታ፣ ሚሻ ጎልያን ኡልያዋንታ፣ ፕርዳ ዳናቱዋ፣ ህገ ኡራንቻቱዋን አዉራጅን አዉራጅን ደእያ ሀራ ካፖቱዋ ጸጌዳ።

3 ያችና፣ ካትያፕ ጋርሳና ጋድያ ሞድያዋንታ፣ ሱንሳቱ፣ አዉራጅ ሞድያዋንታ፣ ካትያ ዘርያዋንታ፣ ሚሻ ጎልያን ኡልያዋንታ፣ ፕርዳ ዳናቱ፣ ህገ ኡራንቻቱን አዉራጅን አዉራጅን ደእያ ሀራ ካፓቱ እትፕ ሄ ምስልያ አንጅሳናዉ ሸቂደ፣ ካቲ ናቡካዳናጸር ኤሴዳ ምስልያ ሰንሳን ኡቁድና።

4 ሄ ዋደ እዋዩዋ እዋይያዌ ባረ ቃላ ቶቁ ኡሊደ፣ ሀዋዳን ያጌዳ፤ “ህንተና፣ አሳዉ፣ ካወተላቶ፣ ዳማ ዲማ ቃላን ሃሳይያ ዘረቶ፣

5 ኡባይካ ማላካታ፣ ሱሱልያ፣ ዛይያ፣ ማሰንቁዋ፣ ዲላን ጮራ ባቁቲዳ ክርያን ዋጸቲዳ ዲላን ሀራ ሙዚቃ ሚሻቱዋ እትፕ ካእያ ዋደ ሰሶ ሳናካ፣ ካቲ ናቡካዳናጸር ኤሴዳ ዋርቃ ምስልያዉ ጉፋኒደ ጎይንተ።

6 ምስልያ ሰንሳን ጉፋኒደ ጎይና ኦንን ሄ ሳትያን ኤጵያ እቶንያ ታማ ግደ ኦለታና” ያጊደ።

7 አሳይ ኡባይ፣ ካወተላቱ ኡባይን ዳማ ዳማ ቃላን ሃሳይያ ዛራቲ ኡባይ ማላካታ፣ ሱሱልያ ዛይያ፣ ማሰንቁዋ፣ ዲላን ጮራ ባቁቲዳ ክርያን ዋጸቲዳ ዲላ እትፕ ካእያ ዋደ ሰሶ ሳናካ፣ ሳኦን ጉፋኒደ፣ ካቲ ናቡካዳናጸር ኤሴዳ ዋርቃ ምስልያዉ ጎይኔድና።

**ምስልገዳ ጎይናን እጽና ሄዙ አይሁዳቱዋ ሞቲድኖ**

- 8 ሄዋ ድራሬ፡ ሄ ዋደ እት እት ባብሎን አሳቱ ሰንገላው አጂደ፡ አይሁዳቱዋ ሞቲድኖ።
- 9 አንቱንቱ ካትያ ናቡካዳናጾራ ሀዋዳን ያጌድኖ፤ “ካትያው፡ መድኛው ደእ።
- 10 ካትያው፡ ኔን ማላካታ፡ ሱሱልያ፡ ዛይያ፡ ማሰንቁዋ፡ ዲላን ጮራ ባቀቴዳ ክርያን ዋጾቴዳ ዲላ እትጉ ካለያ ዋደ፡ ሰሰያ ነንን ሳእን ጉፋኒደ፡ ዋርቃ ምስልገዳ ጎይናናን፤
- 11 ቃይ ሳእን ጉፋኒደ ጎይና አሳይ ደአ፡ ኤጾያ እቶን ታማ ግደ ኦለታናዳን አዋዌዋ ከሳደ።
- 12 ሸን ካትያው፡ ኔን ባብሎን ቢታ ቦላ ሱንጤዳ አይሁዳቱ፡ ሰድራቅ፡ ምሳቅን አብዳናጉ ነ አዛዙዋ እጾድኖ፤ ነ ጸሳቶ ኦስክኖ፤ ቃይ ነ ኤሴዳ ዋርቃ ምስልገዳካ ጎይንክኖ” ያጌድኖ።
- 13 ናቡካዳናጾራ ሄዋ ሰሴዳ ዋደ፡ ሀንቁዋ ኤጾ ከሲደ፡ ሰድራቃ፡ ምሳቅን አብዳናጉ አዛዜዳ። አንቱንታ ካትያ ሰንገላ አሄድኖ።
- 14 ናቡካዳናጾራ አንቱንታ ሀዋዳን ያጌዳ፤ “ሰድራቃ፡ ምሳቅ፡ አብዳናጉ፡ ሀ ሀንተ ታ ጸሳቶ እ□ናዌን ታ ኤሴዳ ዋርቃ ምስልገዳ ጎይናናዌ ትሜን?
- 15 ሀእ ማላካታ፡ ሱሱልያ፡ ዛይያ ማሰንቁዋ፡ ዲላን ጮራ ባቀቴዳ ክርያን ዋጾቴዳ ዲላን ሀራ ሙዚቃ ሚሻቱዋ ካለያዋ ሰሶ ዋደ፡ ታን ኤሴዳ ምስልገዳ ጉፋኒደ ጎይና፡ ዳር ሎእ። ሸን ሀንተ ጎይናን እጾ፡ ኤላካ ኤጾያ እቶን ታማ ግደን ኦለታና። አይ ጸሳቱ ሀንተና ታ ኩሽያ፡ አሻናዌ?” ያጌድኖ።
- 16 ሸድራቅ፡ ምሻቅን አብዳናጉ ካትያው ዛሪደ፡ “ካትያው፡ ናቡካዳናጾራ፡ ሀ የወዋ ኑን ነዉ ዛራዋ እማናዉ በሰና።
- 17 ካትያው፡ ኑን ኤጾያ እቶን ታማ ግደ ኦለትንቶካ፡ ኑን አዉ አልያ ጸሳይ ሄ ታማ፡ አሻናዉ ዳንዳዬ። ቃይ ካትያው፡ እ ኑና ነ ኩሽያ፡ አሻና።
- 18 ሸን ካትያው፡ ኤባ እ ኑና አሻናን እጾንቶካ፡ ኑን ነ ጸሳቶ እ□ናዋን ኔን ኤሴዳ ዋርቃ ምስልገዳ ጎይናናዋ ኤራ” ያጌድኖ።

**ሄዙ አይሁዳቱዋ ሀይቆ ፕርዴድኖ**

- 19 ሄ ዋደ ናቡካዳናጾራ ሸድራቃ፡ ምሻቅን አብዳናጉ ቦላ ሀንቁዋ ሱሴዳ፤ እ ሰምኢ አንቱንቶ ካሰዋ፡ ዳማቱዳ። ታማይ ካሰ ኤጾያዋ፡ ላፑን ኩሽያ አጂደ ኤጾናዳን አዛዜዳ።
- 20 ሸድራቃ፡ ምሻቅን አብዳናጉ ቃቺደ፡ ኤጾያ እቶን ታማ ግደ ኦለታና፡ ባረ ኦላንቻቱዋ ግደ፡ ምኖ አሳቱዋ አዛዜዳ።
- 21 ያትና፡ ሀ አሳቱዋ፡ አንቱንቱ ማዌዋና፡ ሱርያና፡ ሀጲያን ጸጾዳ ጸላናን ሀራ ማዌዋ ኡባና ጋል ቃቺደ፡ ኤጾያ እቶን ታማ ግደ ኦለድኖ።
- 22 ካትያ አዛዙ ሎይል ኤሌልሰያዋ ግዴዳ ድራሬን እቶን ታማይካ ካሰዋ፡ አጂ ኤጾያ ድራሬ፡ ሰድራቃ፡ ምሳቅን፡ አብዳናጉ ታማን ኦሌዳ ሄ ምኖ አሳቱዋ ታማ ላጩ ላቢደ ዋዴዳ።
- 23 ሀ ሄዙ ቃሸቱዳ አሳቱ፡ ሸድራቅ፡ ምሻቅን አብዳናጉ፡ ኤጾያ እቶን ታማ ግደ ዋዴድኖ።
- 24 ሄዋ፡ ጉይያን፡ ካቲ ናቡካዳናጾራ ባረና ማላልሰና ኤላካ ደንድ አቂደ፡ “ኑን ቃቺደ ኤጾያ እቶን ታማ ግደ ኦሌዳ አሳቱ ሄዛ ግድክኖ?” ያጌደ ባረና ዘርያዋንታ ኦቼዳ። አንቱንቱ፡ “ካትያው፡ ኤ ሄዛ” ያጌደ ዛሪድኖ።
- 25 ካቲ ዛሪደ፡ “በአተ፡ ታን ቃሸቱዋ፡ ብለቱዳ፡ ታማ ግደን ያ፡ ሃ ሀመትያ፡ ታማይካ አይነ ቦቼና ኦይዱ አሳቱዋ በአይ! ኦይደንሉ ቃይ ጸሳቱዋ ናኣ ማላቲ” ያጌድኖ።

**ሄዙ አይሁዳቱ ታማ፡ ከሴድኖ**

- 26 ያትና፡ ናቡካዳናጾራ ኤጾያ እቶን ታማ ማታ ሸቂደ፡ ባረ ቃላ ቆቁ ኦሊደ፡ “ኤባ፡ ጸቂዳ ጸሳ ቆማቶ፡ ሸድራቃ፡ ምሻቅ፡ አብዳናጉ፡ ከሰተ! ሃይተ!” ያጌደ ጸጌዳ። ያትና፡ ሸድራቅ፡ ምሻቅን አብዳናጉ ታማ ግደ ከሴድኖ።
- 27 ካትያ፡ ጋርሳና ቢታ ምድያዋንቱ፡ ሱንገላቱ፡ አዉራጃ ምድያዋንቱ፡ ካትያው አልያ ሀራ ካፓቱ ኡባይ አንቱንቱሮ ሸቂድኖ። ታማይ አንቱንቱ ቦላ ቦቼቤናዋ፡ አንቱንቱ ሀጲያ ብናና፡ እቲካ ማላተቲቤናዋ፡ አንቱንቱ ማዌካ ቦሸትቤናዋን ታማ ፔኑካ አንቱንቱን ባይናዋ በኤድኖ።
- 28 ሄዋ፡ ጉይያን፡ ናቡካዳናጾራ ሀዋዳን ያጌዳ፤ “ሰድራቃ፡ ምሳቅን አብዳናጉ ጸሳይ ጋላተቶ! እ ባረ ኪታንቻ ኪቲደ፡ ባረናን እማነቲዳ ባረ ቆማቱዋ አሸደ። አንቱንቱ ካትያ አዛዙዋ እጾድኖ፤ ባረንቱ ጸሳ፡ ሀራ ጸሳው ኦላና፡ ጎይናና፡ ሀይቃናዋ ደሴድኖ።
- 29 ሄዋ ድራሬ፡ ሸድራቃ፡ ምሻቅን አብዳናጉ ጸሳ ቆቂደ ሃሳይያ አይ አሰካ፡ ዋይ አይ ካዉተላይካ፡ ዋይ ዳሚ ዳሚ ቃላን ሃሳይያ አይ ዛሪካ ቃንጾታናን ሙጾታና ማላ፡ አንቱንቱ ጎሊካ ላለቲደ፡ ፕቱ ኦለትያ ሳኣ ግዳና ማላ፡ ታን አዋያደ። አያው ጎፕ፡ ሀራ አይ ጸሰን ሀዋዳን ኦሊደ፡ አሳ አሸና” ያጌድኖ።
- 30 ሄዋ፡ ጉይያን፡ ካቲ ሸድራቃ፡ ምሻቅን አብዳናጉ ባብሎን ጋድያን ቆቁ ቆቁ ኦሊደ ሱንገላዳ።

**ናቡካዳናጾራ ላፑ ላይሳ ባረ ካዉተላ ጳዬዳ**

4

(4:1-37)

ናቡካደናጾር ላኢንሉ አኩሙዋ

1 ካቲ ናቡካደናጾር እሳ ኡባዉ፡ ካዉተላቱዋ ኡባዉን ዲማ ዲማ ቃላን ሃሳይያ ዛራቱዋ ኡባዉ ሀዋዳን ያግ፡ ዲብዳቢያ ኪቲዳ።

“ሳሮ ደኢቲ፤

2 “ኡባጥ ቶቂያ ጸሳይ ታዉ ኦፊዳ ማላልሲያን ኦራላባ ታን ሀንተንቶ ኦዳናዉ ኮያይ።

3 “ኡ ማላታይ ዋት ግቲ፤  
እ ኦፊያ ኦራላባይ ዋት ምኔ፤

እ ካዉተላይ ሙድና ካዉተላ፤  
እ ማታይካ የለታጥ የለታ ጋካናሳ።

4 “ታን ናቡካደናጾር፡ ታ ጎልያ እንጅያን፡ ታ ካዉተላ ጎልያን ሚኩዋን ደኢይ።

5 እት ጋላሰ ታን ያሸያ ኢኩሙዋ አኩሙታድ። ታን ታ ኦርሳን ዛቆላደ፡ በኤዳ ኢኩሙን ሳጻይ ታና ዳጋጎሌዳ።

6 ሄዋ ድራዉ፡ ሀ ኢኩሙዋ ብለላ ታና ኤርሳና ማላ፡ ባብሎንን ደኢያ ካትያ ዘርያዋንታ ኡባ ታኩ እሀዳዳን አዛዛድ።

7 ሄ ዋደ ሻራቸቱ፡ ሙሩንያዋንቱ፡ እያንትያዋንቱ፤ ጸልንትያ ጸሊደ ካይያዋንቱ ታኩ ዪና፡ ታ ኢኩሙዋ ኡንቱንቶ ኦዳድ፤ ሸን ኡንቱንቱ ብለላ ታና ኤርሳናዉ ዳንዳይበይክና።

8 ዉርሰሳን ታ ጸሳ ሰንሳን ብልጸሶራ ጌተት ጸገትያ፡ ጌሻ ጸሳቱዋ አያናይ እን ደኢያ ዳኔል ታኩ ገለና፡ አዉ ታ ኢኩሙዋ ሀዋዳን ጋደ ኦዳድ።

9 “አዲዳ ኤራንቻቱዋ ካጥዋ ብልጸሶራ፡ ጌሻ ጸሳቱዋ አያናይ ኔናን ደኢያዋን እያ ጸርን ኔጥ ጌሙዋ ታን ኡራይ። ታን ኢኩሙቲዳ ኢኩሙ ሀዋ፤ እን ታዉ ኦ ብለላ ኦዳ።

10 “ታን ታ ኦርሳን ዛቆላደ፡ ቢታዉ ግድ ልክያን እት ምሳይ ኤቁዳዋ ሳጻን በኡድ፤ ሄ ምሳዉ ጌሳይ ዳሮ አዳሳ።

11 ሄ ምሳይ ድጨደ ግታቲዳን ምኔዳ፤ አዉ ጸራይ ሳሉዋ ጋኬ፤ ሳኡጥ ሳኡ ጋጸ ጋካናዉ ቤቲ።

12 ሄ ምሳ ሀይሳይ ጸላናዉ ሎኤያዋ፤ እ አይፊካ ሎይሉ ዳራ፤ ኡባዉካ ምያባይ እን ደኢ። ዋራ ደኡቲ ኦ ኩዋን ሸምፔድና፤ ሳሉዋ ካፎቲካ እ ዳሻ ግድን ኬጺደ ደኤድና። ጋጸ ደኢያ ኡባይ አጥ ሚዳ።

13 “ታ ኦርሳን ዛቆላደ፡ ጌሻ ኪታንቻይ ሳሉዋጥ ዋድሸን ሳጻን በኡድ።

14 እካ ባረ ቃላ ቶቁ ኦሊደ፡ ሀዋዳን ያጌዳ፤ ህ ምሳ ቃንጽተ፤ እ ታሸያ ካርተ፤ እ ሀይሳካ ጥሪጽተ፤ እ አይፍያካ ሳልተ። እ ጋርሳን ደኢያ ደኡቲ፤ እ ዳሻን ደኢያ ካፎቲ ኡባይ ባቃትና።

15 ሸን ዲሩማን እ ጸጸዋ፡ ብራታጥን ናሃሰያጥ ቆጶዳ ሳንሳላታን ቃቸደ፡ ሳኡን፡ ማታ ግድን አግ ባሸተ፡ ሳሉዋጥ ዋድያ ከተርሳን ካሎ፤ ቃይ ባዙዋን ማታ ግድን ደኡና ደኡ።

16 እ ዋዛናይ ካህይ አሳዋጥ ደኡዉ ለመቶ፡ ሄዋዳን ሀን ደኢሸን፡ እ ቦላ ላፑን ላይሳይ ዉር።

17 ኡባጥ ቶቂያ ጸሳይ እሳ ናናቲ ካዉተላ ኡባ ሞድያዋ፡ ካዉተላ እ ባረ ኮይያ ኡራዉ እምያዋን ሀራይ አቶ፡ እሳ ኡባጥ ካፎቲዳዋንታካ እ ሰንሳያዋ ጋጸ ደኢያ አሳይ ኡባይ ኤራና ማላ፡ ቃሸቴዳ ቆፋ ኪታንቻቱ አዋዬድና። ፕርዳካ ጌሻቲ ኦዳድና፡ ያጌዳ።

18 “ታን ካቲ ናቡካደናጾር ኢኩሙቲዳ ኢኩሙ ሀዋ። ሀእ ሰም ብልጸሶራ፡ ታዉ ኦ ብለላ ኦዳ። እያዉ ሳጥ፡ ታ ካዉተላ ግድን ደኢያ ካትያ ዘርያዋንቲጥ እቲ፤ ታና ብለላ ኤርሳናዉ ዳንዳይበና፤ ሸን ጌሻ ጸሳቱዋ አያናይ ኔናን ደኢያ ድራዉ፡ ኔን ዳንዳያሳ” ያጋድ።

ዳኔል ኢኩሙዋ ብሊዳ

19 ሄ ዋድያን ብልጸሶራ ጌተትያ ዳኔል ዳጋሚደ፡ ሀንያዋ ቆይዳ። እ ባረ ቆፋን ሻባረቲዳ ድራዉ፡ ጉላ ዋድያ ጮኡ ጌደ ታኩዳ። ያትና፡ ካቲ፡ “ብልጸሶራ፡ ሀ ኢኩሙን ኦ ብለላይ ኔና ዳጋንሉፖ” ያጌዳ።

ብልጸሶር ዛሪደ፡ “ታ ጎዳዉ፡ ሀ ኢኩሙ ኔና እጽያዋንቶ፡ እ ብለላይካ ቃይ ነ ሞርከቶ ግዳሪኔሻ፤  
20 ኔን ኢኩሙዋን በኤዳ ምሳይ፡ ድጨደ ምኔዳዌ፡ ጸራይ ሳሉዋ ጋኬዳዌ፡ ሳኡጥ ሳኡ ጋጸ ጋካናዉ ቤቲዳዌ፡

21 ሀይሳይ ጸላናዉ ሎኤዳዌ፡ አይፊካ ሎይሉ ዳራዳዌ፡ ኡባዉ ምያባይ እን ደኢያዌ፡ ባዙዋ ደኡቲ ኦ ኩዋን ሸምፔዳዌን ሳሉዋ ካፎቲካ እ ዳሻ ግድን ኬጺደ ደኤዳዌ፡

22 ካትያዉ፡ ሄ ምሳይ ኔና፤ ኔን ግታታዳን ምናዳ፤ ነ ግታተላይ ድጨደ፡ ሳሉዋ ጋኬዳ፤ ነ ካተተላ ማታይካ ሳኡ ጋጸ ጋኬዳ።

23 “ካትያዉ፡ ኔን ጌሻ ኪታንቻይ ሳሉዋጥ ዋዲደ፡ ህ ምሳ ቃንጸደ ቆይሰተ፤ ሸን እ ዲሩማን እ ጸጸዋ ብራታጥን ናሃሰያጥ ቆጶዳ ሳንሳላታን ቃቸደ፡ ሳኡን፡ ማታ ግድን አግ ባሸተ። ሳሉዋጥ ዋድያ ከተርሳን እ ካሎ፤ ላፑን ላይሳይ ዉራና ጋካናዉ፡ ባዙዋ ደኡዳን ደኢ፤ ግያ ዋደ በኡድ።

24 “ካትያው፡ እ ብለላይ ሀዋ። ሀዋ ኡባጥ ቆቂያ ጸሳይ ታ ጎዳ ካትያ ቦላ ፖላናዉ ኪቴዳ ፕርዳ።

25 ኔን ኦሳ ግደጥ የደርሴታደ፡ ባዙዋ ዶአቱዋና እትጥ ደእና። ኔን ቦራዳን ማታ ማናን ሳሉዋጥ ዋቂያ ከተርሳን ካላና። ቃይ ኡባጥ ቆቂያ ጸሳይ ኦሳ ናናቱ ካዉተላ ኡባ ሞድያዋን ካዉተላ ባረ ኮዬዳ ኡራዉ እምያዋ ኔን ኡራና ጋካናዉ፡ ላፑን ላይሳይ ነ ቦላን አቆና።

26 “ዱሩማይ ባረ ጸጺዋና ጋድያን እታናዳ እዛዘቴዳዎ፡ ኔን ሳሉዋ ጸሳይ ቢታ ኡባ ሞድያዋ ኤርያ ዋደ፡ ነ ካዉተላይ ነዉ ሰማናዋ በሰ።

27 ሃዋ ድራዉ፡ ካዋ፡ ታ ዘርያ እካ። ናጋራ ኦሳያዋ እጋደ፡ ጽሎባ ኦሳ፤ መቱዋን ኡቅነቴዳዋንታ ናቂያዋ እጋደ፡ ኡንቴንታ ቃረታ። ያቶፕ፡ ኔን ሳር ደእና ዋዲ አዲቀናን እገና” ያጌዳ።

28 ሀዋ ኡባይ ካትያ ናቡካዳናጸረ ቦላ ጋኬዳ።

29 ታማን ላኡ አገናጥ ጉይያን፡ ካቲ ባብሎካን ደእያ ካትያ ጎልያ ቦላ ደምባይ ኬጼዳሳን ሀመቲደ

30 ሀዋዳን ያጌዳ፤ ሀዋ ታ ካዉተላ ጎሊ እን ደእና ማላ፡ ታን ታ ዋልቃማ ዋልቃን፣ ታ ግታተላ ቦንቾ ግምቢሴዳ ባብሎካ ካታማ ግታ ግደኔ? ያጌዳ።

31 እ ሃሳዪደ ዉርሰናን ደእሸን፡ ሳሉዋጥ ሀዋዳን ግያ ቃላይ ፑቱ ጌዳ፤ ካትያ ናቡካዳናጸራ፡ ነ ቦላን ፕርድቲዳ ፕርዳይ ሀዋ፡ ነ ካዉተላይ ኔጥ እከቲዳ።

32 ኔን ኦሳ ግደጥ የደርሴታደ፡ ባዙዋ ዶአና ደእና፤ ኔን ቦራዳን ማታ ማና። ኡባጥ ቆቂያ ጸሳይ ኦሳ ናናቱ ካዉተላ ኡባ ሞድያዋን ካዉተላ እ ባረ ኮዬዳ ኡራዉ እምያዋ ኔን ኡራና ጋካናዉ፡ ላፑን ላይሳይ ነ ቦላ አቆና ያጌዳ።

33 ናቡካዳናጸረ ቦላ ጌዳዌ ባሱዋናካ ፖለቲዳ። ኦሳ ግደጥ ጎደቲደ፡ ቦራዳን ማታ ሜዳ። እ ቦላይካ ሳሉዋጥ ዋቂያ ከተርሳን ካሌዳ። እ ብናይይ እንኩዋ ባልያዳን፡ እ ጸጉንላይካ ካፋዋ ጸጉንላዳን ድጩዳ።

ናቡካዳናጸር ጸሳ ጋላቲዳ

34 ሄ ላፑን ላይሳይ ዉራዳ ዋደ፡ ታን ናቡካዳናጸረ ቆቂ ጋይ ሳሉዋ ጸላድ፤ ታ ዋዛናይ ካሀይካ ሰሜዳ። ኡባጥ ቆቂያ ጸሳ ጋላታድ፤ መቅናዉ ደእያዋካ ቦንቾድን ሳባድ።

እ ማታይ መቅና ማታ፤

እ ካዉተላይካ የለታጥ የለታ ጋካናሳ።

35 ሳእን ደእያ ኦሳይ ኡባይ

እዉ እያን ግደና።

ሳሉዋን ደእያ መጋታቱዋ ቦላን

ሳእን ደእያ ኦሳ ቦላ

እ ባረ ዶሶዋ ኦላ።

እ ኩሽያ ተእናዉ ዳንዳይያዌ ባዋ፡

ዋይ እ እያ ኦላይ? ያጌደ

ኦቻዌ ባዋ።

36 ታ ዋዛናይ ሰሚና፡ ታ ካዉተላ ቦንቾዋ ድራዉ፡ ታ እንጋይን ታ ፑላይ ታዉ ሰም እጌዳ። ካሰ ታና ዘርያዋንቲን ታ ካፓቱ ታና ኮዬድና። ታን ታ ካዉተላን ሞናድ፤ ካሰዋጥካ እቂያ ግታተላይ ታዉ ጉጀቲዳ።

37 ሀእ ሰም ታን ናቡካዳናጸር ሳሉዋ ካትያ ጋላታይ፤ እ ቆቂ ቆቂ ኦላይን ቦንቾይ። እያዉ ጎፕ፡ እ ኦሳያባይ ኡባይ ልከ፤ እ ኦገቱ ኡባይካ ጽሉዋ፤ ቃይ ኦቶናዋን ብያዋንታ እ ካዉሻናዉ ዳንዳይ ያጌዳ።

5

ካትያ በልሻጸራን ጎዳ ቦላ ጸፋዋ

(5:1-31)

1 እት ጋላሰ ካቲ በልሻጸር ባረ ኦሳንቻቱዋጥ እት ሻእቶ ግብራ ጊግሲደ ኡንቴንቲና እትጥ ዋይንያ ኡሳ ኡሺዳ።

2 በልሻጸር ዋይንያ ኡሳ ኡሺደ ማሉቲዳ ዋደ፡ ባረ እዉ ናቡካዳናጸር የሩሳላመን ደእያ ጌሻ ጎልያጥ እሄዳ ዋርቃጥን ብራጥ ኦሰቲዳ ኡሻ ሚሻቱዋ እሀና ማላ እዛዘዳ። እያዉ ጎፕ፡ እን እ ኦሳንቻቱ፡ እ ማቼቲ እ ባኩቱ ኡባይ ሄ ኡሻ ሚሻቱዋን ኡሳ ኡሻና ማላ፡ እ ኮዬዳ።

3 ያቶና፡ ኡንቴንቲ ሄ የሩሳላመን ደእያ ጸሳ ጌሻ ጎልያጥ እሄዳ ዋርቃጥ ኦሰቲዳ ኡሻ ሚሻቱዋ ካትያዉ እሄድና። ካቲ፡ እ ኦሳንቻቱ፡ እ ማቼቲ እ ባኩቱ ሄ ሚሻቱዋን ትገቲዳ ዋይንያ ኡሳ ኡሺድና።

4 እንቱንቱ ሄ ዎይንያ ሌሳ ኡሺድ፣ ዎርቃጥ ብራጥ፣ ናሃሰያጥ፣ ብራጋጥ፣ ሞላጥን ሹቻጥ ኦሰቲዳ ጸሳቱዎ ጋላቲድኖ።

5 ሄ ዎይ ቆጥናን ደእሸን፣ እሳ ኩሸያ ብራጃቱ ሀቃጥንቶ ከሲድ ዪድ፣ ካትያ ጎልያን ሳሳነቲዳ ጎዳ ቦላን፣ ጸምጥያ ዎሳያ ባላ ሰንሳን ጸፊዳ። ነ ኩሸ ዳፍያ ዎይ፣ ካቲ ባረ ሁጺያን በኤዳ።

6 ኦ ሰሞኤ ላመቲድ፣ ብድንሳ ማላቲዳ፤ ቃይ ያሻን ኦ ጋዲ ኮኮራዳ፤ ኦ ጉልባጋይካ እጼዳ።

7 ካቲ ባረ ቃላ ቆቁ ኦሊድ፣ ሙሩንያዎንታ፣ ጸልንትያ ጸሊድ ካይያዎንታን ሻራቸቱዎ አሀናዳን አዛዙዳ። ኡንቱንቱ ዪና ባብሎን እጼዳ ኡራንቻቱዎ ሀዋዳን ያጌዳ፤ “ሀ ጽፋትያ ናባቢድ፣ ኦ ብለሳ ታዉ ኦድያ ኡራድ ኦንን፣ ኦቻ ቲራ ማላትያ ማየቆ ማየና፤ ኦ ቆቲያን ዎርቃ ሀብልያ አላና፤ ቃይ ኦ ታ ካወተላ ሞድያ ሄዘንሳ እሳ ግዳናዎ” ያጌዳ።

8 ሄዎጥ ጉይያን፣ ካትያ ዘርያዎንቱ ኡባይ ኦ ሰንሳ እጼድኖ፤ ሸን እንቱንቱጥ ኦንን ሄ ጽፋትያ ናባባናዉ፣ ዎይ ኦ ብለሳ ኦዳናዉ ዳንዳይቤና።

9 ሄዎን ካቲ በልሻጸር ካሰዎጥ እጅ ዳጋምና፣ ኦ ሰሞኤካ ካሰዎጥ እጅ ብድንሳ ማላቲዳ። ኦ ካጋቲካ ሀንያዎ ቆይድኖ።

10 ካቲነ ኦ ካጋቲቱ ጫቡዎ ኦ ዳያ ካታታ ሰሳድ፣ ኡንቱንቱ ግብራ ምያ እኮ ጎልያ ገላድ፣ ሀዋዳን ያጋዳ፤ “ካትያዉ፣ ሙድናዉ ደእ! ሀ ቆፋን ሎይላ ሻባረቶጋ፤ ኦ ሰሞኤካ ላመቶጋ።

11 ጌሻ ጸሳቱዎ አያናይ ኦን ደእያ እት አሳይ ኦ ካወተላ ግዳን ደኤ። ኡራይ፣ እኩካይን ጸሳቱዎ ማላ እጼዳ ኡራተላይ ኦን ደኤ። ካሰ ኦ አዉ ካቲ ናቡካዳናጸር ኦ ሻራቸቶ፣ ሙሩንያዎንቶ፣ ጸልንትያ ጸሊድ ካይያዎንቶን እያንትያዎንቶ ካጥዎ ኦሊድ ሰንሳዳ።

12 አያዉ ጎጥ፣ አዉ ሎኦ አያናይ፣ ኡራይን እኩካይ ደኤ፤ እኩሙዎ ብላናዉ፣ ቃንሸያ ኦዳናዉን ጸራ ቆንጭሳናዉ ኦ ዳንዳይ። ሄዎ ድራዉ፣ ካቲ ብልጸሶራ ገደ ሰንሳዳ ዳኔላ ጼሳ። ኦ ነዉ ጽፋትያ ብለሳ ኦዳና” ያጋዳ።

**ዳኔል ጽፋትያ ብሊዳ**

13 ሄ ዎይ ዳኔላ ካትያኮ አሀና፣ ካቲ ኦ ሀዋዳን ያጌዳ፤ “ኔን ዳኔሌ? ታ አዉ ካቲ ይሁዳጥ ኦሞዲድ እሄዳዎንቱጥ እቱዎ ግያዎ ኔን?

14 ጸሳቱዎ አያናይ ኔናን ደእያዎን ኡራይ፣ እኩካይን ሎይላ እጼዳ ኡራተላይ ነዉ ደእያዎ ታን ሰሳድ።

15 ሀ ጽፋትያ ናባባናዉን ኦ ብለሳ ታዉ ኦዳናዉ ሙሩንያዎንቱን ካትያ ዘርያዎንቱ ዬድኖ፤ ሸን ኡንቱንቱ ብለሳ ታዉ ኦዳናዉ ዳንዳይቤባና።

16 ኔን ብለሳ ኦዳናዉን ጼጾ ኦሻቱዎ ዛርዎ እማናዉ ዳንዳይያዎ ታን ሰሳድ። ሁእ ሰሞ ኔን ሀ ጽፋትያ ናባባናዉን ኦ ብለሳ ታዉ ኦዳናዉ ዳንዳየጥ፣ ኦቻ ቲራ ማላትያ ማየቆ ማየና፤ ኦ ቆቲያን ዎርቃ ሀብሊ ኦሳና፤ ቃይ ኔን ካወተላ ሞድያ ሄዘንሳ እሳ ግዳናዎ” ያጌዳ።

17 ዳኔል ካትያዉ ዛሪድ፣ “ኔን እምያ እሙ ኔሳ ግድ፤ ኦ ዎይቱዎካ ሀራ ኡራዉ እማ። ሀናጥን ታን ጽፋትያ ካትያዉ ናባባና፤ ብለሳካ ኦዳና።

18 “ካትያዉ፣ ኡባጥ ቆቂያ ጸሳይ ኦ አዉዎ ናቡካዳናጸራዉ ካተቱዎ፣ ግታተላ፣ ቦንቹዎን አንጋ አሜዳ።

19 ኦ አዉ እሚዳ ግታተላ ጋሱዎን ሄ እሳቱን ዱማ ዳማ ቃላ ሃሳይያ ዛራቲ አዉ ያዬድናን ኮኮራድኖ። ባረ ዎላናዉ ኮይያዎ ዎቆዳ፤ አሻናዉ ኮይያዎካ እሸዳ፤ ባረ ቆቂሳናዉ ኮይዳዎካ ቆቂሴዳ፤ ካዉሻናዉ ኮይዳዎካ ካዉሸዳ።

20 ሸን ኦ ኦቶሪቲዳ ዎይን ኦ ዎዛናይ ሙሚዳ ዎይ፣ ባረ ካወተላ አራታጥ ዎቆዳ፤ ኦ ቦንቹካ ቃረቲዳ።

21 እሳ ግደጥ የደርሰቲዳ፤ ኦ ዎዛናይ ካሀይካ ላመትና፣ ዶእ ማላ ግዴዳ። ቦራዳን ማታ ማደ፣ ደምባ ሀረቱዎና እትጥ ደኤዳ። ኦ ቦላይካ ሳሉዎጥ ዎቆያ ከተርሳን ጽርከኤዳ። ሄዎካ ኡባጥ ቆቂያ ጸሳይ እሳ ናቲቱ ካወተላ ኡባ ዎድያዎን ኦ ባረ ኮይዳ ኡራዉ እምያዎ ኦ ኡራዉ ጋካናሳ።

22 “ሸን ነና፣ በልሻጸራ፣ ኔን ኦ ናኦይ ሄ ኡባ ኡራደካ፣ ኦ ሁጺያ ዝቂ ኦሳባካ።

23 ቃይ ሳሉዎ ጎዳ ቦላን ኦቶሪቲዳ፣ ኦ ሁጺያ ቆቂ ቆቂ ኦላዳ። ኦ ጌሻ ጎልያጥ ቦንቁያን ዬዳ ዎርቃ ሚሻቱዎ ኔን አሀሰና፣ ኦ ኦሳንቻቱ፣ ኦ ማቹቱን ኦ ባኮቱ ዎይንያ ኡሳ ኡንቱንቱን ኡሸድኖ። ቃይ ጸላናዉ፣ ሰሳናዉን ኡራዉ ዳንዳየና ጸሳቱዎ፣ ብራጥ፣ ዎርቃጥ፣ ናሃሰያጥ፣ ብራጋጥ፣ ሞላጥን ሹቻጥ ኦሰቲዳዎንታ ጋላታዳ። ኦ ሸምጥካ ኦ ገላ ከሳ ባረ ኩሸያን ኤላቆዳ ጸሳ ቦንቻባይካ።

24 ሄዎ ድራዉ፣ ሀ ኩሸያ ብራጃቱ አጥ ኪተትና፣ ሀ ጽፋት ጸፊቲዳ።

25 “ጸፋካ፣ ማን፣ ማን፣ ተቀል፣ ፓሬሰ” ያግያዎ።

26 ኦ ብለሳይካ ሀዎ፡-

“ማን ግያዎ፣ ጸሳይ ኦ ካተተላ ላይላ ፓይዲድ፣  
ዉራናዳን ኦሌዳ ግያዎ።



- 27 ተቀል ግያዌ ሚዛናን ልከታደ፤  
ካወሻደ ቤታዳ ግያዌ።
- 28 ፓራስ ግያዌ ነ ካወተላይ ሻከቲደ፤  
ሚደናቶን ፓርሰቶ እመቲዳ ግያዌ” ያጌዳ።
- 29 ሄዋጥ ጉይያን፣ በልሻጻር አዛዝና፣ ኦቻ ቲራ ማላትያ ማየዋ ዳኤላ ማይዜድኖ፤ እ ቆፎያንካ ሞርቃ ሀብልያ አሴድኖ፤ ቃይ ካወተላ ሞድያ ሄዘንሎ እሳ ግዳናዳን አዋዬድኖ።
- 30 ሄ ጋላስ ቃማ ሞርከቲ ገሊደ፣ ባብሎን ካትያ በልሻጻራ ዋጄድኖ።
- 31 እ ካወተላ ሜደንያ ዳርዮስ አኬዳ። ሄ ዋደ ዳርዮሳዉ ላይሳይ ኡሱፑን ታማን ላእ።

### 6

#### ጳሳይ ዳኤላ ጋሞቱዋ ደናፕ እሼዳ (6:1-28)

- 1 ካቲ ዳርዮስ ባረ ካወተላ ኡባ ግደን ባረፕ ጋርሳና ቢታ ሞድያ ጴታን ላታሙ፤ አሳቱዋ ሱንሰያዌ ሎእ ገደ ቆፔዳ።
- 2 ቃይ ካትያዉ እያን ፓዌስናዳን፣ ሄ ቢታ ሞድያዋንታ ጸላና ማላ፣ ሄዙ አሳቱዋ ካፑዋ ኦሴደ ደሬዳ፤ ደረቲዳዋንቱፕ እቲ ዳኤላ።
- 3 ዳኤል ኦሱዋ ኦላናዉ ባረዉ ደእያ ዲማ ኤራን ሀራ ካፓቱዋፕን ቢታ ሞድያዋንቱፕ እጲደ ቤቲዳ። ሄዋ ድራዉ፣ ካቲ እ ባረ ኩመንላ ካወተላ ቦላ ጶቃ ኦሴደ ሱንሰናዉ ሀልቼዳ።
- 4 ያትና፣ ቢታ ሞድያዋንቱ ካፓቲ ዳኤላ ሞታናዉ፣ እ አይሰያ አይሱዋ ቦላ ባላ ደማና ገደ ኮዬድኖ። ሸን እ ሎይሰ ሱረን አማነትያ አሳ፤ ቃይ ጌላባ ኦፍ እሳ ግዴዳ ድራዉ፣ እ ሞታናዉ እ ቦላ አይ ባላን ደምቦይከና።
- 5 ዉርሰላን ኡንቲንቲ ገደ፣ “እ ጳሳ ሀግያ ባጋና ግደፕፕ እትና፣ ሀራ ባጋና ዳኤላ ሞትያባ ደሞኮ” ያጌድኖ።
- 6 ሄዋጥ ጉይያን፣ ቢታ ሞድያዋንቱ ካፓቲ እትፕ ካትያኮ ቢደ፣ ሀዋዳን ያጌድኖ፤ “ካትያዉ ዳርዮሳ፣ ወፎናዉ ደእ!
- 7 ኦን ነ ካወተላ ኦሱዋ ኦሰያ ካፓቲ፣ ቢታ ሞድያዋንቱ፣ ኦላ ጋዳዋቲ፣ ዘርያዋንቱን አዉራጃ ሞድያዋንቲ ኡባይ ማዬዳ እት ዘረታይ ደኤ። ሄዌካ ሀቕፕ ቢደ ሀታሙ፣ ጋላሳይ ጋካናዉ፣ አይ አሳይን ኔና ካትያ ዋሳናፕ እትና፣ ሀራ አይ አሳካ ዋይ አይ ጳሳካ ዋሳናዳን፣ ኔን አዋየዋ ከሳናዳን ኢጼዳ ዋሰያዌ ደእፕ፣ ጋሞቱዋ ኦላን ኦላታናዳን ኔን አዛዛናሳ።
- 8 ሰዎ ካትያዉ፣ ሀ አዋየ ሻረተና ሚደናቱዋን ፓርሰቱዋ ሀግያዳን፣ ሞኖን ላመተናዋ ግዳና ማላ ፓራማ” ያጌድኖ።
- 9 ሄዋ ድራዉ፣ ካቲ ዳርዮስ አዋየዋ ጳፊደ ፓራሚዳ።
- 10 ዳኤል አዋየ ፓራመት ከሰዳዋ ኤራዳ ዋደ፣ ባረ ጎላ ቤዳ፤ ፖቅያን ደእያ ክፍልያ ገሊዳ። ሄ ክፍልያ ማስኮቲ የራሳላመ ባጋ ሰሚደ ደየት ደእሸን፣ ባረ ካሰ ዋሰያዋዳንካ ጉልባቲደ፣ ባረ ጳሳ ጋላቲደ፣ ሀቕ ሀቕ ሄዙ ገደ ዋሰዴ።
- 11 ሄዋጥ ጉይያን፣ ሀ አሳቲ እትፕ ቢደ፣ ዳኤል ባረ ጳሳ ዋሰሸናን ማዴዋ ኦቕሸን ደሚድኖ።
- 12 ካትያኮ ቤድኖ፤ ካትያ፣ “ካትያዉ፣ ሀ ሀታሙ፣ ጋላሳቱዋ ግደን ኔና ዋሳናፕ እትና፣ ሀራ አይ አሳካ ዋይ አይ ጳሳካ ዋሰያዌ ጋሞቱዋ ኦላን ኦላታናዳን አዋየቦይኪየ?” ያጌደ አዋየዋባ ሃሳዬድኖ።
- ካቲ ዛሪደ፣ “አዋያድ፤ አዋየ ሻረተና ሚደናቱዋን ፓርሰቱዋ ሀግያዳን ሞኔዳዋ” ያጌዳ።
- 13 ኡንቲንቲ፣ “ካትያዉ፣ ያትና ሄኮ ይሁዳፕ አዋደቲደ፣ ዬዳዋንቱፕ እቲዋ ግድያ ዳኤል፣ ነዉካ ኔን ፓራማደ ከሰዴ ነ አዋየካ አዛዘተና። እ ሀእካ ሀቕ ሀቕ ሄዙ ገደ ባረ ጳሳ ዋሰ” ያጌድኖ።
- 14 ካቲ ሄዋ ሰሴዳ ዋደ ሎይሰ ካዮቲዳ፤ ዳኤላ አሻናዉ ቆፋ ቃቺደ፣ አዋይ ዉላና ጋካናዉ፣ አሸያ ኦግያ ኡባ ኮዬዳ።
- 15 ሄ ዋደ አሳቲ እትፕ ካትያኮ ቢደ፣ “ካትያዉ፣ ሚደናቱዋን ፓርሰቱዋ ሀግያዳን ግደፕ፣ ካቲ አዋዬዳ አዋየ ዋይ አዛዜዳ አዛዙ ላመተናዋ ነዉ ኤራ” ያጌድኖ።
- 16 ሄዋ ድራዉ፣ ካቲ አዛዝና፣ ዳኤላ አሂደ፣ ጋሞቱዋ ኦላን ኦሌድኖ። ካቲ ዳኤላ፣ “ኔን ኡባ ገደ ጎይንያ ጳሳይ ኔና አሸ” ያጌዳ።
- 17 ኡንቲንቲ ሹቻ አሂደ፣ ኦላ ደና ባራድኖ፤ ዳኤላ ቦላ ኦስቲዳባይ ላመተና ማላ፣ ካቲ ባረ ማታላ ባረ ካወተላ ካፓቲዋ ማታፋ ጎርዴዳ ሹቻ ቦላ ዋሴዳ።
- 18 ሄዋጥ ጉይያን፣ ካቲ ባረ ጎልያ ሰሚደ፣ ቁማ ሚናንካ ፓሸክሰያዋ አያካ ባረኮ ሺሸናን፣ ገምእሹዋና ቆዪደ አቁዳ።
- 19 ዋንታ ጉራን ካቲ ደንዲደ፣ ኤሌሊደ ጋሞቱዋ ኦላኮ ቤዳ።

20 ኦሳህ ጋኪድ ካዩዋን፡ “ደኡዋ ጸሳ ቆማዉ ዳኔላ፡ ኔን ኡባ ገደ ጎይንያ ነ ጸሳይ ኔና ጋዋቱዋፕ አሻናዉ ዳንዳዬዳን” ያጊደ ጸሴዳ።

21 ዳኔል ዛሪደ፡ “ካትያዉ፡ መድናዉ ደእ!

22 ታ ጸሳይ ባረ ኪታንቻ ኪቲደ፡ ጋዋቱዋ ዶና ጎርዴዳ፤ ኡንቲንቲ ታና ቦቻብይክና። እያዉ ጎፕ፡ ታን እ ሰንሳን ጽሉዋ። ቃይ ካዋ፡ ታን ነ ሰንሳንካ ኢታባ ኦሳብይከ” ያጊደ።

23 ካቲ ሎይል ናሽቲዳ፤ ዳኔላ ኦላፕ ከሳናዳን እዛዜዳ። ዳኔል ኦላፕ ከሴዳ፤ ባረ ጸሳን እ አማነቲዳ ድራዉ፡ እ ቦላን እያ ደሽቲዳ ሳእይካ ቤትቤና።

24 ሄዋፕ ጉይያን፡ ዳኔላ ሞቲዳ እሳቲዋ እሀናዳን ካቲ እዛዜዳ። ኡንቲንቲ ኦይቀቲደ፡ ባረንቲ ማጫ እሳናን ባረንቲ ናናቲዋና እትፕ ዪደ፡ ኡባይካ ጋሙዋ ኦላን ኦላቲድና። ኡንቲንቲ ኦላ ዉርሰሳ ጋከናን ደእሸን፡ ጋዋቲ ሶጺ እኪደ፡ ኡንቲንቲ መቀሳ መንግራፊድና።

25 ሄዋፕ ጉይያን፡ ካቲ ዳርዮስ እሳ ኡባዉ፡ ካዉተላቶ ኡባዉን ዱማ ዱማ ቃላን ሃሳይያ ዛረቶ ኡባዉ ሀዋዳን ያጊደ ጸፊዳ፡-

“ሳር ደእቲ!

26 “ታ ካዉተላን ደእያ እሳይ ኡባይ ዳኔላ ጸሳዉ ያያና ማላን ኮኮራና ማላ፡ ታን አዋዩዋ ከሳድ።

“እያዉ ጎፕ፡ እ ደኡዋ ጸሳ፤

ቃይ እ መድናዉ ደእያዎ።

እ ካዉተላይ ሙላካ ጻየና፤

እ ካትቲዋ ማታይካ ሙላ አተና።

27 እ አሼን፡

መቲዋፕ ከሰ እኪ።

ሳሉዋንካ ሳንካ፡ ማላታን ኦራሳባ ኦሴ።

ዳኔላ ጋዋቱዋ ዶናፕ፡

አሼዳዌ እ!” ያጊደ።

28 ሄዋ ድራዉ፡ ሀ ዳኔል ዳርዮስ ካዉተላ ዋደን ፓርሰያ ቂርሳ ካዉተላ ዋደ ኡባን አሻሊደ ደኤዳ።

# 7

## ዳኔል በኤዳ ኦይዱ ደእቲዋ ሳፃ

(7:1-27)

1 ባብሎን ካቲ በልሻጸር ካተቲዳ ኮይሮ ላይሉ፡ ዳኔል ባረ አርሳን ዛቀሊደ፡ እኩሙዋን ሳፃ በኤዳ። እ ባረ እኩሙዋን በኤዳ አይፈ የዋቲዋ ጸፊዳ።

2 ዳኔል ሀዋዳን ያጊደ ጸፊዳ፤ “ቃማ ታን ታ ሳጸን ሳሉዋፕ ዬዳ ኦይዱ ጫርኮቲ ዋጋ አባ ቡልእክሸን በእድ።

3 ቃይ እቲ አቲዋፕ ዱማትያ ኦይዱ ዋልቃማ ደእቲ አባፕ ከሴድና።

4 “ኮይሮ ደእይ ጋሙዋ ማላቲ፤ ቃይ እዉ እንኩዋዳን ቀፊ ደእ። ታ ጸልሸን፡ እ ቀፊ ሾደትና፡ ሳአፕ ደንዲደ፡ አሳዳን ላኡ ገድያን ኤቃናዳን ኦስቲዳ፤ ቃይ አሳ ዋዛናይካ እዉ እመቲዳ።

5 “ቃይ ላኡንሳ ደእይ እት ባጋ ቋቁ ጊደ ኤቄዳ ባባንሳ ግያ ኢታ ደእ ማላቲ። ሄ ደእይ ሄዙ ጋይልያ መቀሳ ባረ ዶናን ባሪደ፡ ባረ ማታን ሳእ ኦይቄዳ። ያቲዳዌ፡ ደንዲደ ዶር አሹዋ ማን ጌተቲዳ።

6 “ሄዋፕ ሰምና ቃይ፡ ማህያ ማላትያ ሀራ ደእ በእድ። እ ዞክያን ካፋዋ ቀፍያ ማላትያ ኦይዱ ቀፊቲ ደእኛ። ቃይ እዉ ኦይዱ ሀጸቲ ደእኛ። ሀ ደእዉ ሞድያ ማታይ እመቲዳ።

7 “ሄዋፕ ሰምና፡ ቃማ ሳጸን ያሸያ፡ ዳጋንሱያን ሎይል ምን ኦይደንሳ ደእ በእድ። እዉ ዋልቃማ ብራታ አቻቲ ደእኛ። እ ባረናን ጋከቲዳዋ ኡባ ኡንቲንቲን መንግራፊድ ሜን አቲዳዋ ባረ ገድያን የግራፊ። ካሰ ታ በኤዳ ደእቲዋ ኡባፕ እ ዱማቲ፤ እዉ ታሙ ካጪ ደእ።

8 ታን ሀ ካጪቲዋባ ቆፕሸና፡ ሄ ካጪቲዋ ግደፕ ሀራ እት ጉሳ ካጪ ከሰሸን በእድ፤ ሄ ካጪ የንኮ ካጪቲዋፕ ሄዛቲዋ ቋቆሊደ ኦሊዳ። ሀ ካጭያዉ አሳ አይፍያ ማላትያ አይፊን ኦቶሩዋን ሃሳይያ እንጸርሳይ ደእ።

## መድናዉ ደእያዋፕ ቆንጩዳ ሳፃ

9 “ታን ሄዋ ጸልሸን፡ ካተቲዋ አራታቲ ኡተላዉ ጊቤድና። መድናፕ ደእያዌ ባረ አራታን ኡቲዳ። እ ማዩ ሻቻዳን፡ እ ሀጺያ ብናናይካ ፑቲዋዳን ቦላ። እ አራታይን አራታ ይንግረላቲ ታማዳን ላጮቲና።

10 ታማ ሻፋይ እ ሰንሳጥ ፑልቲደ ከሴ። ሻእ ገደ ሻእቱ እዉ ኦሊኖ፤ ቃይ ዳር ሚሎነቱ እ ሰንሳጥ ኤቄድኖ። ያት ደእሸን ፕርዳ ፕርድያዌ ደመቲዳ፤ ማጻፋቱካ ደየቲድኖ።

11 “ሀ ጉላ ካጪ ሃሳይያ ኦቶር ቃላይ ታዉ ሰስቱያ ድራዉ። ታን ሀእካ ጂሸሳደ ጸላድ። ታን ጸልሸን ሀ ደኣይ ሀይቁደ፤ ኤጾያ ታማን ኦላቲደ ጳዬዳ።

12 የንገ ሄዙ ደኣቱዋፕ፣ ኤንቲንቲ ማታይካ እከቲዳ፤ ሸን ኤንቲንቲ ኬሪቲዳ ዋድያ ፓጻ ደእኖ ጌተቲድኖ።

13 “ቃይካ ታን ሄ ቃማ ሳጸን፣ እሳ ናእ ማላትያዌ ሳሉዋ ሻርያና ይያዋ በኣድ። መጅናፕ ደእያዋገሮ ሸቅና፣ ኤንቲንቲ እ እ ሰንሳ ኤፊድኖ።

14 እዉ ማታይ፣ በንቹን ካዉተሳይ እመቲዳ። እሳይ ኡባይ፣ ካዉተሳቲ ኡባይን ዱማ ዱማ ቃላን ሃሳይያ ዛራቲ ኡባይ እዉ ሞድቲድኖ። እ ማታይ መጅናዉ ሻሪተና ማታ፤ እ ካዉተሳይ ሙሉካ ጳዮናዋ።

**ሳፃ ብለላ**

15 “ታና ዳኤላ ግደፕ፣ ታ በኤዳዋን ኡባን ዳጋማድ፤ ታ ሳጸይካ ታና ሻባርሴዳ።

16 ታን ሄዋ ኤቄዳዋንቲፕ እቲዋገሮ ሸቃድ፣ ሀ ኡባዉ ቲሙ ብለሳይ እየንቶ ኦቻድ። እ ታዉ እ ብለላ ኡባ ሀዋዳን ያገደ ኦዳዳ፤

17 ሀ ሀይዱ ዋልቃማ ደኣቲ ሀ ሳእን ሰንሳጥ ደንዳና ሀይዱ ካዉተሳቲዋ።

18 ሸን ኡባፕ ጾቁያ ጸሳ ጌሻቲ እ ካዉተሳ እከደ፣ መጅናዉ ባሪሳ ኦላና፤ መጅና ካዉተሳ ኤንቲንቲ ላታና’ ያጌዳ።

19 “ሄዋፕ ጉይያን፣ ታን ሀራ ደኣቲዋ ኡባፕ ዱማቲደ ያሸያ ኦይደንላ ደኣዉ ደእያ ቲሙ ብለላ ኤራናዉ ኮያድ። ሄ ደኣዉ ብራታ እቻይን ናሃሰ ብራታ ጸጉንሳይ ደኤ፤ እ ባሪናን ጋከቲዳዋ ኡባ መንግራፊደ ሜን ሚሸን እቲዳዋ ባሪ ገድያን የግራፊ።

20 ቃይ ሀ ደኣ ሀጺያን ደእያ ታሙ ካጨቲዋባን ቃይ ጉየፕ ከሲደ፣ ኤንቲንቲፕ ሄዛቲዋ ጾቆል ኦሌዳ ቁር ካጭያባካ ኤራናዉ ኮያድ። ሄ ቁር ካጭያዉ እይፈቲነ ኦቶር ቃላ ሃሳይያ እንጻርሳይ ደኤ። ሄ ካጪ የንኮቲዋ ኡባፕ አቲ ያሸያዋ።

21 ታን ጸልሸን፣ ሀ ካጪ ጌሻቲዋና ኦላ ጋከቲደ፣ ኤንቲንታ ጸኔዳ።

22 ሄዌ ሀይዳዋ፣ መጅናፕ ደእያዌ ያና ጋካናዉ፤ ኡባፕ ጾቁያ ጸሳ ጌሻቶ ፕርዳይ ፕርድታና ጋካናሳ፤ ኤንቲንቲ ካዉተሳ ላትያ ዋዳካ ጋከዳ።

23 “እ ታዉ ብለላ ሀዋዳን ያግ ኦዳዳ፤ ኦይደንላ ደኣይ ሀ ሳእን ሰንሳጥ ደንዳና ኦይደንላ ካዉተሳ። ሄ ካዉተሳይ ሀራ ካዉተሳ ኡባፕ ዱማ፤ ቢታ ሳእ እ ማና፣ የጳናን መንግራፊና።

24 ቃይ ታሙ ካጨቲ ሀ ካዉተሳቲዋፕ ደንዳና ታሙ ካተቲዋ። ሄዋፕ ጉይያን፣ ካሰ ታሙ ካተቲዋፕ ዱማትያ ሀራ ካቲ ደንዳና። እ ኤንቲንቲፕ ሄዙ ካተቲዋ ጸኒደ ሞዳና።

25 እ ኡባፕ ጾቁያ ጸሳ ባላ ጸሊደ ሃሳያና፤ እ ጌሻቲዋካ ኤቅናና። ቃይ ዋደቲዋን ዋጋ ላማናዉ ቃቃታናዋ። ዋዳ፣ ዋደቲነ ዋድያ ባጋይ ጋካናዉ ጌሻቲ እ ማታፕ ጋርሳና ሞደታና።

26 “ ሸን ሄዋፕ ጉይያን፣ ፕርዳ ፕርድያዌ ደመታና፤ እ ማታይ ሙሊ አከታና፤ እ መጅናዉ ጳያና።

27 ሳሉዋፕ ጋርሳና ደእያ ካዉተሳቲዋ ኡባ ማታይ፣ ዋልቃይን ግታተሳይ ኡባፕ ጾቁያ ጸሳ ጌሻ እሳቶ እመታና። እ ካዉተሳይካ መጅና ካዉተሳ ግዳናዋ፤ ሳእ ሞድያዋንቲ ኡባቲ እዉ አዛዘታናን እዉ ኦላና’ ያጌዳ።

28 “ታ ሳጸባይ ሀዋን ዉሬዳ። ታን ዳኤል፣ ታ ቆፋን ዳር ሻባሪታድ፤ ታ ሶምኢካ ሄዋ ኤርሴ። ሸን ኡባባካ ታን ታ ዋዛናን ዋሳድ” ያገደ ጸፊዳ።

**8**

**ዳኤል በኤዳ ደርሳ ኦርግያን ዳሻ ኦርግያ ሳፃ (8:1-27)**

1 በልሻጸር ካተቲዳ ሄዘንላ ላይሰ፣ ታን ዳኤል ሀዋፕ ካሰ በኤዳ ሳጸፕ ሀራ ሳፃ በኣድ።

2 ሄ ሳጸን እያ በኣድታ ሳፕ፣ ኤላማ ጋድያን ሱሳ ግያ ካታማን፣ ኤላያ ግያ ሻፋ ማታን ኤቄዳ ታና በኣድ።

3 ሄ ሻፋ ማታን ላኡ ኡዳሳ ካጨቲ ደእያ ደርሳ ኦርጊ ኤቄዳ። ላኡ ካጨቲዋፕ እቲ ጉየፕ ደሌዳ፤ ሸን ኮይሮ ደሌዳዋፕ አዳቄ።

7:10 ሳፃ 5:11፤ 20:12    7:13 ማቶሳ 24:30፤ 26:64፤ ማር. 13:26፤ 14:62፤ ሉቃሳ 21:27፤ ሳፃ 1:7፤ 13፤ 14:14  
7:14 ሳፃ 11:15    7:18 ሳፃ 22:5    7:21 ሳፃ 13:7    7:22 ሳፃ 20:4    7:24 ሳፃ 17:12    7:25 ሳፃ 12:14፤ 13:5-6    7:27 ሳፃ 20:4፤ 22:5

4 ሄ ደርሳ ኦርጊ ባረ ካጭያን ቃይጫናው፡ አዋይ ወልያ ባጋ፡ ሀጸሳ ባጋና ገድሳ ባጋ ስግግሥን በእድ፡ እናና ኤቀታናውን አ ዋልቃጥ ከሰ አካናው እይ መሃካ ደንዳይቤና፡ እ ባረ ኮጭዳዋ ኦሌዳ፤ ያቲደ ባረና ግታዬዳ፡፡

5 ቃይ ታን ሳጻባ ቆጥሽን፡ እት ዳሻ ኦርጊ አዋይ ወልያ ባጋጥ ከሲደ፡ ቢታ ሳኦ አጲደ፡ ገዲ ሳኦ የሰናን ዬዳ፤ እዉ ላኡ አይፈቱዋጥ ግዲዋን እት ዋጋ ካጪ ደኤ፡፡

6 እካ ዳር ሀንቁዋና ዲሲደ፡ ሻፋ ማታን ታን በኤዳ ላኡ ካጭያና ደእያ ደርሳኩ፡ ዋጋታዉ ስጊደ ዬዳ፡፡

7 ጋኪደ፡ ዳር ይሎቲደ፡ ታን ጸልሽን፡ ደርሳ ኦርጊያ ካጪቱ ላኡካ መእና ጋካናው፡ ኢታ ደምኤላ ደምኤዳ፡፡ ደርሳ ኦርጊያዉ እናና ኤቀታናዉ ዋልቃይ ባዋ፤ ሄዋ ድራዉ፡ ዳሻ ኦርጊ አ ኩንድሲደ፡ የድ ኤቁዳ፡፡ ዳሻ ኦርጊያ ዋልቃጥ ሄ ደርሳ ኦርጊያ አሽያዌ ባዋ፡፡

8 ሄ ዳሻ ኦርጊ ሎይሎ ግታቱዳ፤ ሽን አ ዋልቃይ ዳር ዳር ብያ ዋደ፡ አ ዋጋ ካጪ መኤዳ፤ ኤላካ፡ ኦይዱ ዋጋ ካጪቱ ቢታዉ ኦይዱ ባጋ ሰሚደ ድጩድና፡፡

9 ሀ ኦይዱ ካጪቱዋጥ እቱዋ ቦላ ሀራ ጉላ ካጪ ደሊደ፡ ዋልቃን ገድሳኩ፡ አዋይ ደልያ ባጋ አሰራኤልያ ጋድያኩ ሰሚደ ድጩድና፡፡

10 እ ቢደ ሳሉዋን ደእያ ኦላንቻቱዋ ጋካናዉ ድጩዳ፤ ሳሉዋ ጸልንተቱዋጥ ኤንደናዋንታ ሳኦን ዳን ኦሊደ፡ ኤንቱንታ የዲዳ፡፡

11 ቃይ አ ባረና ቆቁ ኦሊደ፡ ኦላንቻቱዋ ጋዳዉዋ ጸሳና ልክሲዳ፡፡ ሀቼ ሀቻ አሳይ ያርሽያ ጸጉትያ ያርሹዋካ ተኤዳ፡፡ ቃይ አ ጌሻ ጎልያካ ቱንሴዳ፡፡

12 ማካላ ጋሱዋን ጌሻቱዋ ኦላንቻቱን ሀቻ ሀቻ ያርሽያ ያርሹ ሄ ካጭያዉ እመቲዳ፡፡ ቱሙካ ሳኦን ኦላቲዳ፤ ሄ ካጪ ኦልያባይ ኡባይ እዉ እንጀቱዳ፡፡

13 ሄዋጥ ጉይያን፡ እት ጌሻ ከታንቻይ ሃሳይሽን ታን ሰሳድ፡፡ የንኮ ጌሻ ከታንቻይ ሀ ከታንቻ፡ “ሀ ሀቻ ሀቻ ያርሽያ ያርሹዋባ፡ ሀ ማካላይ እህያ ባሻባን ሳሉዋ ኦላንቻቱን ጌሻ ሳኦይ የቲደ ደእናባ ኦድያ ሳጻይ እዉደ ፖለኑን?” ያጊደ ኦቼዳ፡፡

14 እ ዛሪደ፡ “ላኡ ሻኦን ሄዙ ጸቱ ዋንታይን ኦማርሳይ ጋካናዉ ጋምእና፤ ሄዋጥ ጉይያን፡ ጌሻ ሳሊ ጌያና” ያጊደ ኦድሽን ሰሳድ፡፡

**ከታንቻይ ጋብሬል ሳፃ ብሌዳ**

15 ታን፡ ዳኔል፡ ሀ ሳፃ በእደነ አ ብሌላ ኤራናዉ ቆገደ ደእሽን፡ እት አሳ ማላትያዌ ታ ሰንላን ኤቁዳዋ በእድ፡፡

16 ቃይ ታን ኡላያ ሻፋጥ፡ “ጋብሬል፡ ሀ ብታንያዉ ሀ ሳፃ ብሌላ ኦዳ” ያገያ ኮሻ ሰሳድ፡፡

17 እ ዪደ ታን ኤቁዳ ሳኦ ማቲዳ ዋደ፡ ታን ዳጋማደ፡ ታ ሰምኤዋ ቢታዉ ዳገ ዛሪደ ኩንዳድ፡፡ አ ታና፡ “አሳ ናእዉ፡ ሀ ሳጻይ ዉርሰላ ዋድያባ በሰያዋ ግድያዋ እኩካ” ያጌዳ፡፡

18 እ ታናና ሃሳይያ ዋደ፡ ታን ሳኦን ጉፋናደ፡ ገምእሹዋ ካይርታድ፡፡ ያትና፡ አ ታና ሳኦጥ ቸደ ደንሲደ፡ ታ ገድያን ኤሲዳ፡፡

19 ታና፡ “ሰሳ፡ ታን ጸሳ ሀንቁዋ ዉርሰላን ሀናናዉ ደእያዋ ኦዳይ፤ እያዉ ሳጥ፡ ሀ ሳጻይ ጸሳይ ኬር ዋሌዳ ዉርሰላ ዋድያን ሀናናባ ኦዳ፡፡

20 “ኔን በኤዳ ላኡ ካጭያና ደእያ ደርሳ ኦርጊ ሜድናን ፓርሰ ካተቱ ለምሱዋ፡፡

21 ዳሻ ኦርጊ ቃይ ግሪከ ካትያ ለምሱዋ፤ አ ላኡ አይፈቱዋጥ ግዲዋን ደእያ ዋጋ ካጪ ኮይር ካትያ፡፡

22 ካጪ መእ ዋድና፡ አ ሳኦን ደሌዳ ኦይዱ ካጪቱ አ ካዉተሳጥ ሻከቲደ ከሳና ኦይዱ ካዉተሳቱዋ ለምሱዋ፤ ሽን ኤንቱንቱ ዋልቃይ ኮይርዋ ዋልቃ ጋከና፡፡

23 “ኤንቱንቱ ካዉተሳ ዉርሰላይ ጋከያ ዋደን ኤንቱንቱ ማካላይ ዛዋ ጋከያ ዋደ፡ እት መቀላ ኢታን ጭምያ ጭንጫ ካቲ ደንዳና፡፡

24 እ ሎይሎ ምና ግዳና፤ ሽን ባረ ዋልቃና ግደና፡ ዳጋንልያ ባሻ አ ባይዛና፤ አ ኦልያባይ ኡባባይ አዉ እንጀታና፡፡ አ ምና አሳቱዋን ጌሻ አሳቱዋ ጳይሳና፡፡

25 እ ጭምያ ድራዉ፡ አዉ እንጀታና፤ ቃይ አ ባረና ኡባጥ ቆቁ ቆቁ ኦላና፡፡ ኤንቱንቱ ሳኦይ ሳራ ግ ደእሽን፡ ኤንቱንቱጥ ዳርቱዋ ዋላና፤ ቃይ ካጋቱዋ ካጥዋና ኤቀታና፡፡ ሽን አሳይ ቦቼናን አ ባረዉ ጳያና፡፡

26 “ኔዉ ኦይቲዳ ላኡ ሻኦን ሄዙ ጸቱ ዋንታን ኦማርሳ ጸልያ ሳጻይ ቱማ፤ ሽን ዳር ዋድያጥ ጉይያን ፖለታናዉ ደእያ ድራዉ፡ ጎርዳደ ማታፋ አ ቦላ ዋላደ ናጋ” ያጌዳ፡፡

27 ታን ዳኔል፡ ሎይሎ ዳቡራዳ ድራዉ፡ ሳከታይ ዳር ጋላሳ ግሳድ፡፡ ሄዋጥ ጉይያን ደንዳደ፡ ካትያ ኡሱዋ ባድ፡፡ ሀ ሳጻን ታን ሎይሎ ሻቢረታድ፤ እኩካናዉካ ደንዳያባይከ፡፡

# 9

## ዳኤል ባረ አሳ ድራሬ ዋሴዳ (9:1-27)

- 1 ሜዶና ቢታ አሳ ግድያ እርጸክሰሳ ናእይ ዳርዮስ ባብሎንን ካተቱዳ።
- 2 እ ካተቱዳ ኮይሮ ላይሱ፤ ታን ዳኤል፤ ገሻ ማጻፋቱዋ ናባባድ፤ ትምቢትያ ኦድያ ኤርማሳወ መድኛ ጎዳይ ኦዲዳዋዳን የሩሳላሙ ለፑን ታሙ ላይላ ኮለቲይ ጋምእናወ ደእያዋ እኩካድ።
- 3 ሄዋ ድራሬ፤ ታን ጎዳ ዳሳኮ ሰሚደ፤ ማቃ ማያደ፤ ብድንላ ታ ሁጲያ ቦላ ቆላደ፤ ጸማደ፤ እ ዋሳይን አወ ዋትዋታይ።
- 4 ታን ናጋራ ፓጻደ፤ መድኛ ጎዳ ታ ጸሳ ሀዋዳን ያጋይ ዋሳድ፤ “እቤት ጎዳወ፤ ዋልቃማን ያሸያ ጸሳወ፤ ኔና ሲቅያዋንቶን ነ አዛዙ ኤኖ ግያዋንቶወ ነ እገና ሲቁዋን ጫቁዋ ናግያዋ።
- 5 ኑን ናጋራ ኦሌደን ባሊደ፤ ኑን ኢታባ ኦሌደን ማካሌደ፤ ነ አዛዙዋጥን ነ ዋጋጥ ዋራ ሰሚደ።
- 6 ኑ ካተቶ፤ ኑ ካፓቶ፤ ኑ አዋቶን ሳእን ደእያ አሳ ኡባወ ነ ሱንላን ትምቢትያ ኦዲዳ ነ ቆማቱ ኦዲዳዋ ስሰናን እጾደ።
- 7 “እቤት ጎዳወ፤ ኔን ጽሉዋ፤ ሸን ኑን ሀቕ ዬላ ማዬደ። ይሁዳንን የሩሳላሙን ደእያ አሳይ ኡባይ፤ ኑን ነወ እማነተናን እጽና፤ ኔን ሃኮ ቢታንን ማታ ጋድያን ላሌዳ እስራኤልያ አሳይ ኡባይ ዬሳቱደ።
- 8 እቤት መድኛ ጎዳወ፤ ኑን፤ ኑ ካተቱ፤ ኑ ካፓቱን ኑ አዋቱ ኔና ናቄዳ ጋሱዋን ዬላ ማዬደ።
- 9 ሸን ኑን አወ ማካሌዳባ ግደጥካ፤ ጎዳይ ኑ ጸሳይ ማርያዋን አቶ ያግያዋ።
- 10 ኑን መድኛ ጎዳወ፤ ኑ ጸሳወ፤ አዛዘትቦኮ፤ ቃይ ትምቢትያ ኦድያ ባረ ቆማቱ ባጋና እ እሜዳ እ ሀግያ ናግቢይኮ።
- 11 እስራኤልያ አሳይ ኡባይ ነ ሀግያ መንሊደ፤ ዋራ ሰሚድና፤ ነ አዛዘካ ኤኖ ግቢይክና። “ኑን ነ ቦላ ናጋራ ኦሌዳ ድራሬ፤ ጸሳ ቆማ ሙሴ ሀግያ ማጻፋን ጻፈቱዳ ሸቃይን ፕርዳይ ኑ ቦላ ትገቱዳ።
- 12 ቃይ ኑ ቦላን ኑና ካለልያዋንቱ ቦላ ዋልቃማ ባሻ እሀናወ ኔን ሃሳዬዳ ቃላ ኑ ቦላ ፖላዳ። እያወ ጎጥ፤ የሩሳላሙ ቦላ ጋኬዳዋ ማላይ ሳሉዋጥ ጋርሳን ሀራ ጋድያ ቦላ ሙላካ ጋከቤና።
- 13 ሙሴ ሀግያን ጻፈቱዳዋዳን፤ ሀ ባሻይ ኡባይ ኑ ቦላ ጋኬዳ። ኑ ናጋራጥ ሰምቦይኮ፤ ነ ቱሙዋ ስሰቢይኮ፤ ኔና፤ መድኛ ጎዳ ኑ ጸሳካ ማርታ ኦቶቢይኮ።
- 14 መድኛ ጎዳይ ሀ ባሻ ኑ ቦላን እሀናወ ገዩ ግቢና፤ እያወ ጎጥ፤ መድኛ ጎዳይ ኑ ጸሳይ ባረ ኦልያባን ኡባን ጽሉዋ፤ ሸን ኑን አወ አዛዘተናን እጾደ።
- 15 “እቤት ጎዳወ፤ ኑ ጸሳወ፤ ካሰ ነ አሳ ነ ምኖ ኩሸያን ግብጾጥ ከሳደ፤ ሆቼዋዳንካ ነ ሱንላ ጾሰሴዳዎ፤ ኑን ናጋራ ኦሌደ፤ ኑን ባሊደ።
- 16 እቤት ጎዳወ፤ ኔን ካሰ ነ ጽሎ ኦሱዋ ኡባ ኦሌዳዋዳን፤ ሀእ ነ ሀንቁዋን ነ ቦሻን ነ ካታማጥ፤ የሩሳላሙጥ፤ ነ ገሻ ደርያጥ፤ ዋራ ዛራ። ኑን ኦሌዳ ናጋራይን ኑ አዋቱ ኦሌዳ ባይዙ የሩሳላሙን ነ አሳን ኑ ዩቹዋን ደእያ ኡባወ ቅሊጩዋ ከሴዳ።
- 17 “ሰም ሀእ ኑ ጸሳወ፤ ታን ነ ቆማይ ዋሰያ ዋሳን ዋትዋቱዋ ሰሳ። ጸሳወ፤ ነ ሱንላ ድራሬ ጋደ፤ ሀ ኮለቲዳ ነ ገሻ ጎልያ ነ ኬካ እይፍያን ጾላ።
- 18 እቤት ታ ጸሳወ፤ ነ ሀይላ ኑኮ የጋይ ሰሳ፤ ነ እይፍያካ ደያደ፤ ነ ሱንላን ጾሰቲዳ ካታማ ባየላ ጾላ። ኑን ነወ ዋትዋትያዌ፤ ኑ ጽሎተላ ድራሬ ግደናን፤ ነ ዋልቃማ ማርታላ ድራራ።
- 19 “እቤት ጸሳወ፤ ሰሳ! እቤት ጸሳወ፤ አቶ ጋ! እቤት ጸሳወ፤ ሀይዛን ኦሳ! ነ ካታማይን ነ አሳይ ነ ሱንላን ጾሰቲዳ ድራሬ፤ እቤት ታ ጸሳወ፤ ነ ሱንላ ድራሬ ጋምኦፓ” ያጋድ።

## ጋብሬል ዳኤላወ ስንላጥ ሀናና ጎዳዳ

- 20 ታን ዋሳደ፤ ታ ናጋራን ታ አሳ እስራኤልያ ናጋራ ፓጻደን ታ ጸሳ ገሻ አሳ፤ የሩሳላሙባ መድኛ ጎዳወ ታ ጸሳወ ዋትዋታይ ታካድ።
- 21 ሄዋዳን ሀናደ ታን ደእሸና፤ ካሰ ሳጻን ታን በኤዳ ጋብሬል፤ ታኮ ኤላካ ፓሊደ፤ ኦማርሳ ያርሹዋ ያርሸያ ሳትያን ፑቱ ጌዳ።
- 22 እ ሀዋዳን ያጊደ፤ ታወ ኦዲዳ፤ “ዳኤላ፤ ታን ኤራን እኩካ ነወ እማናወ ሀእ ያድ።
- 23 ኔን ብሮ ዋሳ ደዋደ፤ ነ ዋሳ ዛሩ እመቲዳ፤ ታንካ ሄዋ ነወ ኦዲናወ ያድ። እያወ ጎጥ፤ ጸሳይ ኔና ሎይሳ ደሴ። ሄዋ ድራሬ፤ ታን ኦድያዋ ቆፓ፤ ሳጻካ እኩካ።
- 24 “ለፑ ገደ ለፑን ታሙ ላይሳይ ጸሳይ ነ አሳወን ነ ገሻ ካታማወ ኬራዳ ዋድያ። ሄ ዋደቱዋን ናቁ ወራና፤ ናጋራ እሱ አታና፤ ባይዙ ማረታና፤ መድኛ ጽሎተላይ ገላና፤ ሳጻይን ትምቢቲ ፖሊታናን ኡባጥ እዴዳ ገሻ ሳእይ ኦከታና።

25 “ሄዎ ድራው፡ ሀዋ ኤራነ እኩካ። የሩሳላሙ ካታማይ ኦራዳናዲን ኬጾታናዲን እዛዙ ከሴዳ ጋላሳጥ ቢደ ካፍ እኩቶዌ ያና ጋካናው፡ ላፑን ገደ ላፑኑነ ኡሱፑን ታማነ ላኡ ገደ ላፑን ላይሳይ አፋና። ሄዋን የሩሳላሙ ካታማይ ኦራዳና፤ ኦገቱካ የሹዋ ግምቡቱካ ኦሳታና። ሸን ግምቡትያ ዋዲ ሙቶ ዋደ ግዳናዋ።

26 “ኡሱፑን ታማነ ላኡ ገደ ላፑን ላይሳጥ ጉይያን፡ ኦኩቴዳዋ አሳይ ዋፋና። እ ማታን እያይነ ባዋ። ይያ ካፑዋ አሳይ፡ ካታማነ ጌሻ ጎልያ ላላና። ሄ ካታማ ዉርሰሳይ ድኡዋዳን እኩከናን ያና። ሄ ዋድያጥ ቢደ ዉርሰሳይ ጋካናው፡ ኦላነ ባሻ አዋዬዳ።

27 ሄ ካፑ ላፑን ላይሳይ ግድን አሳና ምኖ ጫቁዋ ጫቀታናዋ። ሄ ላፑን ላይሳቴዋ ግደ ግሸቻን እ ያርሹዋ ያርሸያዋን አዋታ እምያዋ ድጋና። ጌሻ ጎልያዉ ግደ ግሸቻን ባየላ ቱናተላ እ ኤሳና። ዉርሰሳን አዋየቴዳ ቦሻይ እ ቦላ ትገታናዋ” ያጌዳ።

# 10

## ዳኔል ጸግሮሳ ሻፋ ማታን በኤዳ ሳፃ (10:1—11:45)

1 ፓርሰ ካቲ ቂርሰ ካተቴዳ ሄዘንሎ ላይሰ፡ ብልጸሶረ ግያ ዳኔላዉ ሀራ ሳጻይ ቆንጨዳ። ሄ ሳጻን ቆንጨዳዌ ቱማ፤ ቆንጨዳዌካ ዋልቃማ ኦላባ። ሄ እኩካይ እዉ እሙቴዳዌ ሳጻና።

2 ሄ ዋደ ታን፡ ዳኔል፡ ሄዙ ሳምንታ ዩካድ።

3 ሄዙ ሳምንታይ ዉራና ጋካናዉ ሎኦ ቁማ ማበይከ፤ እሹ ዋይ ዋይንያ ኤሳይ ታ ደናኮ ሸቅቤና። ታ ሁጲያካ እያን እከታበይከ።

4 ኮይሮ አግናን ላታማነ ኦይደንሎ ጋላሳን፡ ጸግሮሳ ግያ ዋልቃማ ሻፋ ማታን ታን ኤቃይ ጸላድ፤

5 ላይኑዋ ግያ ማጻዋ ማዬዳ እት ብታንያ በኣድ። እ ባረ ጸሳን በርተ ዋርቃጥ ኦሰቴዳ ሳቂያ ዳንጨዳ።

6 እ ቦላይ ጸልያ እንቁዋ ማላቴ፤ እ ሶምኢ ዋልቃንሳዳን ጸልቁ ጌ፤ እ አይፈቱካ ታማ ላጨዋ ማላቴና፤ እ ኩሸነ እ ገዲ ቁጨቴዳ ናሰያ ብራታዳን ፖእሴ፤ እ ቃላይካ ዳሮ አሳይ ሃሳይያ ቃላዳን ሀኔ።

7 ሀ ሳፃ ታን ዳኔል ታረካ በኣድ። ታናና ደእያ አሳቲ በእበይክና፤ ኦንቴንቴ ሎይሰ ዳጋሜዳ ድራው፡ ባቃት ቆሰቴድና።

8 ታን ሀ ዋልቃማ ሳፃ ጸላድ፡ ታረካ አታድ፤ ታዉ ዋልቃይ እጽና ዳቡራድ፤ ታ ሶምኢ ሎይሰ ቡላቴዳ።

9 ሄ ዋደ ታን እ ሃሳይያዋ ሰሳድ፤ ቢታን ዱገ ታ ሶምኡዋን ጉፋናድ፤ ገምእሹዋ ታይርታድ።

10 ሄዋጥ ጉይያን፡ እት ኩሸ ታና ቦቹዳ፤ ታን ኮኮራደ ደእሸና፡ ታና ታ ኩሸያንነ ታ ጉልባታን ደንሏደ ኤሴዳ።

11 እ ታና፡ “ላ፡ ጸሳይ ሎይሰ ሰቂዳ ዳኔላ፡ ታን ነዉ ኦድያ ቃላ ሎይሳደ እኩካ፤ ደንዳ ኤቃ። እያዉ ጎጥ፡ ታን ኔኮ ከተታደ ያድ” ያጌዳ። እ ታና ሀዋዳን ያግና፡ ታን ኮኮራደ ደንዳ ኤቃድ።

12 ቃይካ እ ሀዋዳን ያጌዳ፤ “ዳኔላ፡ አይነ ያዮፓ! እያዉ ጎጥ፡ ኔን እኩካ ደማናዉ ቆፋ ቃቹዳን ነ ጸሳ ሰንሳን ነ ሁጲያ ካዉሺዳ ኮይሮ ጋላሳጥ ደሚደ፡ ነ ዋሳይ ሰሰቴዳ፤ ታንካ ሄዋ ዛሩዋ እካደ ያድ።

13 ሸን ፓርሰ ካዉተላ ካፑዋ ግድያ እያናይ ላታማነ እት ጋላሳ ታና ተኤዳ። ታን ታረካ ፓርሰ ካዉተላ ካፑዋና ያን አታድ። ሄዋ ድራዉ ኪታንቻቴዋ ካፓቴዋጥ እቴ፡ ምካኤል ታና ማዳናዉ ዬዳ።

14 ታን ሀእ ኔኮ ዬዳዌ፡ ዉርሰሳ ጋላሳቴዋን ነ አሳ ቦላ ሀናናዉ ደእያዋ ነዉ ቆንጭሳናሳ፤ እያዉ ጎጥ፡ ሀ ሳጻይ ሰንሳጥ ሀናናዉ ደእያዋ” ያጌዳ።

15 እ ሄዋ ታዉ ኦድያ ዋደ፡ ታን ታ ሶምኡዋን ጸጉናደ፡ ግያዋ ጳያድ።

16 ሄዋጥ ጉይያን፡ አሳ ማላትያ እቴ ታ ሙተርሻ ቦቹዳ፤ ታ ደናይ ደየትና፡ ሃሳያ ደማድ። ታ ሰንሳን ኤቁዳዋ ሀዋዳን ያጋድ፤ “ታ ጎዳዉ፡ ሀ ሳጻን ታን ሎይሰ ዳጋሜዳ ድራው፡ ዳሮ ዳቡራድ።

17 ታን ነ ቆማይ ኔና ታ ጎዳና ሃሳያናዉ ዋታ ዳንዳያይታ። ታ ዋልቃይ ዉራዳ፤ ሸምፓናዉካ ታዉ እጸቴዳ” ያጋድ።

18 ሄ አሳ ማላትያ እቴ ላኢንሎ-ዋካ ታና ቦቹደ፡ ታዉ ዋልቃ አሜዳ።

19 ያቴደ ታና፡ “ላ፡ ጸሳይ ሎይሰ ሰቂዳ ብታንያዉ፡ አይነ ያዮፓ! ሳሩ ነዉ ግደ። ሀእ ሰም ሞና፤ ኤ ሞና” ያጌዳ።

እ ሄዋዳን ገና፡ ታን ሞናድ፤ “ታ ጎዳዉ፡ ኔን ታና ምንሶ ድራው፡ ሀእ ኦዳ” ያጋድ።

20 እ ዛሬይ፡ “ታን ነኮ እያወ ያድታንቶ ኤራይ? ሀእ ታን ሰማይ ባይ፡ ፓርሰ ካፑዋ ግድያ እያናና ኦሊታና፤ ቃይ ታን ቢና፡ ግሪከ ካፑዋ ግድያ እያናይ ያና።

21 ሸን ታን ነወ ቱሙዋ ማጻፋን ጸፈቱዳዋ ኦዳና። ታን ኤንቱንቱና ኦሊታያ ዎይ፡ ሀንተ ካፑዋ ሞካኤለፕ አትና፡ ታና ማድያ ሀራይ እቲነ ባዋ።

# 11

## ሁጲሳ ቢታ ካትያን ገድሳ ቢታ ካትያ

1 “ሚዶና ቢታ አሳ ግድያ ዳርዮሰ ካተቲዳ ኮይሮ ላይላን፡ ታን እ ማዳናዉን ምንሳናዉ እ ሞይያን ኤቃድ።

2 “ሀእ ሰም ታን ነወ ቱሙዋ ኦዳይ። ሀራ ሂዙ ካተቲ ፓርሰ ቢታን ካተታና፤ ቃይ ኤንቱንቱፕ ጉይያን ካተትያ ኦይደንላ ካቲ፡ ካሰዋንቱ ኡባቱዋፕ እጭዳ ዱረ ግዳናዋ። እ ባረ ዱረተላ ጋሱዋን ዎልቃ ደምያ ዎይ፡ አሳይ ኡባይ ግሪከ ካዉተላና ኦሊታና ማላ ደንባፋና።

3 “ሄዋፕ ጉይያን፡ ዎልቃን ሞድያ ምኖ ካቲ ደንዳናዋ፤ ባረ ኮጭዳዋ ኡባ ኦላና።

4 እ ደንዳዳዋፕ ጉይያን፡ እ ካዉተላይ ዱጸረቲይ፡ ኦይዳ ሳእን ሻከታና። እ ዛሬእ እ ካዉተላ ላትክና፤ እ እይሰያ ዎደዋዳን ካዉተላዉ ዎልቃይ ደኤና። እያወ ጎፕ፡ እ ካዉተላይ እፕ አከቲይ፡ ሀራቶ እመታና።

5 “ገድሳ ቢታ ካቲ ምኖ ግዳናዋ፤ ሸን እ ካፓቱዋፕ እቲ እፕ እፎ ምኒይ፡ ሄ ዎልቃማ ካዉተላ ሞዳና።

6 “ጉላ ላይላፕ ጉይያን፡ ገድሳ ቢታ ካቲነ ሁጲሳ ቢታ ካቲ ባረንቱ ግድን ዳቦተላ ጫቁዋ ጫቁታናዋንታ። ገድሳ ቢታ ካትያ ናታ ሁጲሳ ቢታ ካትያ ገላናኑ፤ ሸን እዝ ዎልቃይካ ምንና፤ ቃይ እካ እ ዎልቃይካ ዳሮ ዎድያ ጋምኤና። ሄ ዎደ አዞ፡ አዞ አጃብያዋንቱ፡ አዞ ናአይነ አዝ አሰናይ ኡባይ እጃደ እመታና።

7 “ሄዋፕ ሰምና፡ እዝ ዳቦቱዋፕ እቲ ገድሳ ቢታን ካተታና። ሁጲሳ ቢታ ካትያ ቦላን ገሊይ፤ እ ጌሱዋ መንሐ ገሊይ፡ እ ጸናና።

8 ቃይ ኤንቱንቱ ጸሳቱዋ፡ ሞሰለቱዋን ብራፕነ ዎርቃፕ ኦሰቲዳ ሚሻቱዋ አኪይ፡ ግብጾ አፋና። ያቲይ እማራዳ ዎድያዉ ሁጲሳ ቢታ ካትያ ቦቼናን አጋና።

9 ሄዋፕ ጉይያን፡ ሁጲሳ ቢታ ካቲ ገድሳ ቢታ ካዉተላ ቦላ ገላና፤ ሸን ድግና፡ ጉዮ ባረ ቢታ ሰማና።

10 “ሁጲሳ ቢታ ካትያ እቲማ ናናቱ ኦላዉ ገጊይ፡ ዳሮ ኦላንቻቱዋ ሸሻና፤ ሰንላን ጋከትያዋ ኡባ ማጭያ ዎልቃማ ድኡዋዳን፡ እጃደ ኦሊይ፡ ገድሳ ካትያ ጌሱዋ ኦላናዋንታ።

11 ሄ ዎድያን ገድሳ ቢታ ካቲ ሎይሐ ሀንቀቲይ፡ ሁጲሳ ቢታ ካትያ ኦላናዉ ደንዳናዋ። ሁጲሳ ቢታ ካቲ ሸጌዳ ዳሮ ኦላንቻቱዋና ኦሊቲይ፡ ኤንቱንታ ጸናና።

12 ዳሮ ኦላንቻቱዋ ኦሞዴዳዋፕ ጉይያን፡ ገድሳ ቢታ ካቲ ኦቶሩዋን ፑገታና። ያቲይ ዳሮ ሻእ ዎጻና፤ ሸን እ ጸኑ እናና ጋምኤና።

13 “ሞኒይ ጎፕ፡ ሁጲሳ ቢታ ካቲ ካሰዋፕ እፎያ ሀራ ኦላንቻቱዋ ገግሳና፤ እማራዳ ላይላቱዋ ጋምኤይ፡ ኩመንላ ኦላ ሚሻ ኦይቄዳ ሀ ኦላንቻቱዋ አኪይ፡ ኦላዉ ከሳና።

14 ሄ ዎድያን ዳሩ ገድሳ ቢታ ካትያ ቦላ ደንዳናዋ። ሳጸይ ፖሊና ማላ፡ ነ አሳፕካ እት እት ማካላንቻ አሳቱ ደንዳናዋንታ፤ ሸን ጸንክና።

15 “ሄዋፕ ጉይያን፡ ሁጲሳ ቢታ ካቲ ገድሳ ቢታ ዪይ፡ ዩሹ ግምባት ኡቲዳ እት ካታማ ኦሊይ ኦይቃና። ገድሳ ቢታ ካትያ ኦላንቻቱ ዎልቃ ጻያና፤ ሀራይ እቶ ኤንቱንቱፕ ምኖ ኦላንቻቱካ ኤንቱንቱና ኤቃታናዉ ዳንዳይክና።

16 እናና ኤቃትያዌ ሙለካ ባይና ድራሬ፡ ሁጲሳ ቢታ ካቲ ባረ ኮይያዋ ኡባ ኦላና። እ እሰራኤልያ ግያ ሎኦ ቢታን ባረዉ ምን ኤቄይ፡ እ ጳይሰያ ዎልቃ ደማና።

17 እ ባረ ካዉተላዉ ደኤያ ዎልቃ ኡባ አኪይ ያናዉ ቆፋ ቃቻና፤ ዪይ፡ ገድሳ ቢታ ካትያና ዳቦተላ ጫቁዋ ጫቁታናዋ። ሄ ካዉተላ ኤንጋናዉ ሀልቲይ፡ ባረ ናቶ እዉ እማና፤ ሸን እ ሀልቹ ፖለተና።

18 “ሄዋፕ ጉይያን፡ እ ባረ ቆፋ አባ ጋጸን ደኤያ ቢታቱዋኮ ዛሬይ፡ ኤንቱንቱፕ ዳሮቱዋ ኦሊይ፡ ባረዉ እካና። ሸን እት ኦላ ጋዳዉ እ ኦቶሩዋ ገሻና፤ ያቲይ እ ኦቶሩዋ እ ቦላ ዛሬና።

19 ሄዋፕ ጉይያን፡ ሁጲሳ ቢታ ካቲ ባረ ቢታ ባረ ጌሱዋ ሰማና። ሸን እ ሄዋን ጭብቲይ ከንዳና፤ እ ላኤንሎ ኦኒነ በኤና።

20 “እ ሳእን ካተቲዳዌ ባረ ካዉተላ ቦንቹዋ ናጋናዉ ጌራ ገርሰያ አሳ ካዉተላ ግደ ኪታና። ግደፕነ፡ ቃንላ ዎድያፕ ጉይያን፡ ቆንጭያን ዎይ ኦላን ግደናን እ ጮ ሀይቂ ጻያና።

## ሁጲሳ ቢታ ካትያ ካቲዳዋ

21 “እ ሳእን ቃይ እት ካቲዳ ኦላይ ደንዳናዋ፤ ሸን ኤንቱንቱ ካዉተላ ቦንቹዋ አዉ እምክና። አሳይ ሳአይ ሳራ ጊደ ደእሸን፡ ጭም ገሊይ፡ ካዉተላ እ ኦይቃና።

22 ሄዋጥ ጉይያን፣ ዳሮ ኦላንቻቱ እ ሰንሳጥ ፕተቲደ ጳያና፤ ጫቁዋ ካፑካ ሀይቃና።

23 እናና ጫቁዋ ጫቀት ሰሚደ፣ ባረ ኦልያዋ ጭሙዋን ኦላና፤ አማራዳ አሳቱዋ ጸላላና እ ሞናና።

24 አሳይ ሳኦይ ሳሮ ገደ ደአሸን፣ ሄ ቢታን ዳሮ ዱረትያ እት ባጋ እ ገላና። ካሰ ባረ አዉ ዋይ ባረ ማይዛ አዎቱ ኦልቤናዋ ኦላና፤ ባረ አሞድ ሺሼዳ ዱረተላን አቁዋ ባረና ካልያዋንቶ ግሻና። ጌሴቱዋካ ላላናዉ እ ሀልቻናዋ፤ ሸን ሄዋ እ ኦልያዌ ጉሳ ዋድያሳ።

25 “ሄዋጥ ጉይያን ጸሊደ፣ ባረ ዋልቃካ ምንሲደ፣ ዳሮ ኦላንቻቱዋና ገድሳ ቢታ ካትያ ቦላ ደንዳናዋ። ቃይ ገድሳ ቢታ ካቲ ሎይሳ ዳሮን ዋልቃማ ኦላንቻቱዋና ኦላዉ ደንዲደ፣ እናና ኦለታና። ሸን እ ቦላ ኦንቱንቱ ካሰቲደ ማቄዳ ማቁዋ ጋሱዋን፣ እ ኦንቱንቱና ኤቃታናዉ ዳንዳና።

26 ካትያና እት ማዳን ምያዋንቱ እ ጳይሳና፤ እ ኦላንቻቱ ፕተታና፤ እ ኦላንቻቱዋጥ ዳሮቱ ኦላን ሀይቃና።

27 ሀ ላኤ ካተቱካ ባረንቱ ዎዛናን ኢታ ቆፕያ ድራዉ፣ ኦንቱንቱ እትጥ እት ኦይድያን ኡቲደ ሃሳዪደ፣ እቱ እቶ ዎርዶታና። ሸን ኦንቱንቱ ኦላና ግያዌ ኦንቱንቶ እንጀተና፤ እያዉ ጎጥ፣ ጳሳይ ኬራዳ ዎዲ ብሮ ጋክቤና።

28 “ሀጲሳ ቢታ ካቲ ዳሮ ዱረተላና ባረ ቢታ ሰማና። ሸን እ ባረ ዎዛናን ጌሻ ጫቁዋ እጸና። እ ቆሀናዉ እትባ እ ቦላ ኦሊደ፣ ባረ ቢታ ሰማና።

29 “ጳሳይ ኬራዳ ዎዲ ጋክና፣ እ ዛሪደ ገድሳ ቢታ ቦላ ገላና፤ ሸን አዉ ካሰዎዳን እንጀተና።

30 እያዉ ጎጥ፣ አዋይ ዉልያ ባጋ ቢታጥ ይያ ኦላ ማርካባቱ እ ዳጋንላና። ያቶጥ እ ጉዮ ሰሚደ፣ ጌሻ ጫቁዋ ቦላ ሀንቀታና። ቃይ ሄዋጥ ሰሚደ፣ ጌሻ ጫቁዋ አገያዋንቱና ዳቦታና።

31 “እ ኦላንቻቱ ጌሻ ጎልያካ እ ያሹዋ ግምቤያካ ቱንሳናን ሀቕ ሀቕ ያርሸያ ያርሹዋካ ድጋና። ያቲደ ኦንቱንቱ ባየላ ቱናተላ ያን ኤሳና።

32 ጫቁዋ ኮልያዋንታ እ ባረ ጭሙዋ ቃላን ባረ ባጋ ኦላና፤ ሸን ባረንቱ ጳሳ ኤርያ አሳይ ሞናናን እናና ኤቃታና።

33 “አሳ ግደን ደአያ አዴዳ ኤራንቻቱ ዳሮ አሳ ታማርሳና፤ ሸን ጉሳ ዋድያ ጋርሳን ሀ ታማርሲያዋንቱ ማሻን ቡሳከታና፣ ታማን ጸገታና፣ አሞደታና ዋይ ቦንቀታና።

34 ሄ ሙቶቱዋ ግደን ደአድ፣ ኦንቱንቱ ጉሳ ማዲዋ ደማና፤ ዳሮ አሳይካ ኦንቱንቱ ባጋ ማላቲደ፣ ኦንቱንቱኮ ሺቃና፤ ሸን ዎዛናጥ ግደና።

35 አዴዳ ኤራንቻቱዋጥ ኦንደናዋንቱ ጱብታና። ሄዋዳን ሀኒደ፣ ዉርሰሳ ዎዲ ጋክናዉ፣ ኦንቱንቱ ጋጩቲደ ከሳና፣ ጌያናን ቶሺ ባይናዋንታ ግደና። እያዉ ጎጥ፣ ጳሳይ ኬራዳ ዎዲ ብሮ ጋክቤና።

**ባረና ቶቂሰያ ካትያ**

36 “ካቲ ባረና ኮሾዋ ኦላና፤ ጳሳቱዋ ኡባጥ ቦላ ባረና ቶቂ ኦሊደ ዳርሳና፤ ቃይ ጳሳቱዋ ጳሳ ቦላ ካሰ ስሰት ኤረና ኢታ ቃላ ሃሳያና። ሀናናዉ ቆፋን ቃሸት ኡቲዳዌ ሀናናዉ ደአያ ድራዉ፣ ጳሳ ሀንቀ ፖለታና ጋክናዉ፣ እ ኦልያዌ ኡባይ አዉ እንጀታና።

37 እ ካሰ ባረ ማይዛ አዎቱዋ ጳሳቱዋ፣ ዎይ ማጫ አሳይ ሲቅያ ጳሳ ካላና፤ እ ባረ ጸላላ ሀራ ኡባጥ አሊደ ቶቂ ኦላናጥ እትና፣ ሀራ አይ ጳሳን ኮየና።

38 እ ኦንቱንታ ቦንቻናዋ አገደ ጌሱዋ ጳሳ ቦንቻና፤ እ ማይዛ አዎቱ ኤረና ጳሳዉ ዎርቃ፣ ብራ፣ አልጹ ሹቻን ሎኦ እሙዋ አሚደ ቦንቻና።

39 አማሳ ጳሳ ማዲዋን ምና ጌሱዋ ቦላ እ ደንዳና። ቃይ ባረ ማታ ኤርያዋንታ እ ዳሮ ቦንቻና። እ ኦንቱንታ ዳሮ አሳ ሞድያዋንታ ኦሊደ ሱንላና፤ ቃይ ቢታካ ዎይቱዋ ኦሊደ፣ ኦንቱንቶ ሻክ ሻኪደ እማና።

40 “ዉርሰሳ ዎዲ ጋክና፣ ገድሳ ቢታ ካቲ ደንዲደ፣ ሀጲሳ ቢታ ካትያ ኦላና። ሸን ሀጲሳ ቢታ ካቲ ፓራ ጋረቱዋ፣ ፓራ አሳቱዋን ዳሮ ማርካባቱዋ እኪደ፣ እ ቦላ ጎትያዳን ያና። ዳሮ ቢታ ቦላ ገሊደ፤ ድኡዋዳን ኦንቱንታ ሚጨደ አላና።

41 ቃይ እ እሰራኤልያ ግያ ሎኦ ቢታ ቦላንካ ገላና። ዳሮ ቢታቱ እ ኩሽያጥ ኩንዳና፤ ሸን ኤደማ፣ ሞኦባን አሞና ቢታቱ እ ኩሽያጥ አታና።

42 እ ዳሮ ቢታቱዋ ቦላ ገልያ ዎደ፣ ግብጾካ አጥ ከሰ አከና።

43 ግብጾ ቢታ ዎርቃ፣ ብራን ዱረተላ ኡባ እ ባረ ኩሽያ ኦላና። ሊቢን ቶጶ አዉ ሞደታና።

44 “ሸን አዋይ ደልያ ባጋገጥ ሀጲሳ ባጋገጥ ይያ ኦዲ እ ዳጋንላና፤ ሀንቀዋ ኤጽ ከሲደ፣ ዳሮቱዋ ዎቆናዉን ሙላ ጳይሳናዉ ደንዳናዋ።

45 እ ባረ ካተቱዋ ዳንካንያ አባጥን ፑላንቻ ጌሻ አሳጥ ግዲዋን ቶካና። ሸን እ ዉርሰሳይ ጋክናዋ፤ እ ማድያዌካ ጳያና።



# 12

## ወርሰላ ዎድያባ (12:1-13)

1 “ሄ ዎድያን፣ ነ አሳ ሄምያ ዎልቃማ ካፑ ምካኤል ደንዳናዎ። ካወተላይ ደሞደፒ ደምና፣ ሄ ዎደ ጋካናወ፣ በእ ኤሪና መቶ ዎደ ሀናና። ግደፒ፣ እ ሱንሳይ ጸሳ ማጻፋን ጸፈቱዳ ነ አሳይ ኡባይ ሄ ዎደ አታናዎ።

2 ካሰ ሀይቂደ ሞገቱዳ አሳፒ ዳሮቱ ደንዳና። ኤንቴንቴፒ ባጋቱ መድና ደኦ፣ ባጋቱ ቃይ ዬላወነ መድና ካወሻወ ደንዳና።

3 እዴዳ ኤራንቻቱ፣ ሳሉዎ ፖኡዎዳን፣ ቃይ ዳሮቱዎ ጽሎተላ ኦግያ ካለሌዳዎንቴ መድ መድናወ ጸልንትያዳን ፖኦና።

4 “ሸን ነኖ ዳኤላ፣ ኔን ወርሰላ ዎደ ጋካናወ፣ ሀ ማጻፋ ቃላ ጎርዳደ፣ ማታፋ ዎላ። ዳሮቱ ያነ ሃነ ብንኮታና፤ ኤራይካ ዳራና” ያጌዳ።

5 ሄዎፒ ጉይያን፣ ታን ዳኤል፣ ሀራ ላአቱዎ፣ እቱ ሻፋፒ ሀፍንሳ ላንቂያን፣ እቱ ሻፋፒ ሄፍንሳ ላንቂያን ኤቁዳዎንታ በእድ።

6 ኤንቴንቴፒ እቱ ላይኑዎ ማዪደ፣ ሻፋ ሃላፒ ቦላ ባጋና ኤቁዳዎ ኦቺደ፣ “ሀ ማላልሰያዎንቴ ፖለታናወ ዎይሳ ዎድያ ጋምኦንዳሻ?” ያጌዳ።

7 ሄ ላይኑዎ ማዪደ፣ ሻፋ ሃላፒ ቦላ ባጋና ደእያዌ ባረ ኡሸቻ ኩሸያነ ባረ ሀድርሳ ኩሸያ ሳሉዎ ዘር ደንሰደ፣ መድናወ ደእያዎ ሱንሳን ሀዎዳን ያጌደ ጫቄዳ፤ “ሀዌ ዎዳ፣ ዎደቱነ ዎድያ ባጋይ ጋካናወ ጋምኦና፤ ቃይ ጌሻ አሳቱ ዎልቃይ ክንቼቲደ ወርያ ዎደ፣ ሀ ኡባባይካ ፖለታና” ያጌዳ።

8 ሀዎ ኡባ ታን ሰሳድ፤ ሸን ታዉ ገልቤና። ያትና፣ ታን፣ “ታ ጎዳወ፣ ሀ የዎ ኡባዉ ወርሰላይ እያ ግዳኔ?” ጋደ ኦቻድ።

9 እ ዛሪደ፣ ሀዎዳን ያጌዳ፤ “ዳኤላ፣ ባ። እያዉ ጎፒ፣ ሀዌ ማጻፋይ ወርሰላ ዎደ ጋካናወ ጎርደቱዳዎነ ማታፋይ እ ቦላ ዎዴዳዎ።

10 ዳሮቱ ፓጨቲደ ከሳና፣ ጌያናን ቶሺ ባይናዎንታ ግዳና፤ ሸን ኢታቱ ኢታባ ኦላና። ኢታቱዎፒ እት ኡራይነ እኩከና፤ ሸን እዴዳ ኤራንቻቱ እኩከና።

11 “ሀፕኑ ሀፕኑ ያርሸያ ያርሸኑ ድገቶደፒነ ባየላ ቱናተላይ ሄ ሳኦን ኤቆደፒ 1,290 ጋላሳ።

12 ገንጨደ 1,335 ጋላሳቱ ወራናዉ ጋለያ ኡራይ እንጀቱዳዎ።

13 “ኔና ግደፒ፣ ኔን ወርሰላይ ጋካናወ ባ። ኔን ሸምፓና፤ ጋላሳቱዎ ወርሰላን ኔና ጋክያ ላታ አካናወ ደንዳናሳ” ያጌዳ።

12:1 ማቶሳ 24:21፤ ማር. 13:19፤ ሳዓ 7:14፤ 12:7 12:2 እሳ. 26:19፤ ማቶሳ 25:46፤ ዮሃ. 5:29 12:4 ሳዓ 22:10 12:7 ሳዓ 10:5፤ 12:14 12:10 ሳዓ 22:11 12:11 ዳኤላ 9:27፤ 11:31፤ ማቶሳ 24:15፤ ማር. 13:14

# ሆስ ትምቢትያ ገሉዋ

ሆስ ትምቢቲ፣ ሳማሪ ክርስቶስ የላታገ ካስ 721 ላይላን ከንዳናገ ካስቲይ፣ ሆናታቱ መቶ ግድ ኡቲዳ ዋድያን፣ ትምቢትያ ኦዴዳ፤ እ ትምቢትያ ኦዴዳ ትምቢትያ ኦዴዳ አሞጸገ ገዮ ግድሽን፣ ሁጲሳ ገጋ እስራኤልያ ካውተላን ኦዴዳ። ሆስኤ ሎይሳ ዳርሲይ ኦዴዳዋ አሳይ ኤቃው ጎይኔዳይ፣ ጸሳ አማንያ አማኑዋ ፓጭሴዳዋ። ሆስኤ ሆዋ አሳይ ጸሳው አማነተናን አግያዋ ቆንጭሲደ ኦዴዳው፣ እት አማነተና ምሽራቶ ማቺ ኦዴዳ እኩዳዋ ለምሱዋ ኦዴዳ ጎኤቲ። እ ማቻታ ጎሜራ አው አማነተናን እጹዳዋዳን፣ ጸሳ አሳይካ ጸሳ አግ አጌዳ። ሄዋ ጋሱዋን እስራኤልያ አሳ ሶላ ፕርዳይ ያና ሆ። ግድገነ ዉርሰሳን ጸሳይ ባረ አሳ ሲቅያ ሲቁ ዳርያ ድራው፣ ባረ አሳ ባረኮ ዛሪይ፣ ባረነ ባረ አሳገ ግዳዋን ደእያ ሲቁዋ ኦራጽሴ። እ ዋልቃማ ሲቁ ሆዋገ ካልያ ሃሳያን ቆንጭዳ፤ “እስራኤልያ አሳቶ፣ ታን ሀንተና ዋታ ኦሎ? ታን ሀንተና ዋታ አሳደ እሞ? ታን ሀንተና ሲቅያ ሲቁ ዋልቃማ ግድያ ድራው፣ ታን ሆዋ ኦሳ ኦሳናው ታ ዋዛናይ ኤና ገና” (11:8) ያጌዳ።

## ሸምፓቲዋ ኡባቶ አመቴዳ ቃንሳ ቆላቲዋ

1. ሆስ ሶ አሳይ አማኑ ባንታ ጸሳ አሳው ለምሶ ግዴድና 1:1—3:5
2. ጸሳይ እስራኤልያ፣ ይሁዳን ኡንቲንታ ካለልያዋንታ ሴራዳ 4:1—5:15
3. አሳይ ጸሳኮ ሰሞዋ ማላትሴዳ 6:1—7:10
4. እስራኤልያ አሳይ ጸሳን አማነትቤና 7:11—8:14
5. እስራኤልያ አሳይ በሰያ ሙሩዋ ደማና 9:1-16
6. እስራኤልያ አሳው አመቴዳ ሴራ 9:17—10:15
7. ጸሳይ ባረ አሳው ደእያ ሲቁዋ 11:1-11
8. ጸሳይ ባረ አሳ ሶላ አሌዳ ፕርዳ 11:12—13:16
9. ናጋራ ማሮታን እንጂዋ ሀይታ 14:1-9

ሆስ ሶ አሳይ አማኑ ባይና ጸሳ አሳው ለምሶ ግዴድና (1:1—3:5)

1 ኦዲያ፣ እዮኦታም፣ አካዝነ ሀዝቂያስ ካል ካሊደ ይሁዳን ካተቴዳ ዋይ፣ ቃይ ዮኦሻ ናአይ አዮርባሞ እስራኤልያን ካተቴዳ ዋይ፣ ብኤራ ናአ ሆስኮ ዬዳ መጅና ጎዳ ቃላይ ሆዋ።

### ሆስ ማቻቶን ናናቲዋ

2 መጅና ጎዳይ ኮይሮ ሆስእ ባጋና ሃሳዬዳ ዋይ፣ መጅና ጎዳይ ሆስእ፣ “ባ፤ ሻርሙጻ ምሽራቶ ነው አካ፤ ሻርሙጻትገ ናናቲዋ የላ። እያው ጎገ፣ ሻርሙጻያ ምሽራታ ባረ አስናገ ሻከትያዋዳን፣ ታ አሳይ ታገ ሻከቲዳ” ያጌ መጅና ጎዳይ።

3 ቢደ፣ ድብላይማ ናቶ ጎሜሮ እኩዳ፤ ሻሃራይ፣ አቲማ ናአ አው የላዴ።

4 ያትና፣ መጅና ጎዳይ ሆስእ፣ “ናአ ሱንሳ ላከራኤላ” ያጋደ ሱንሳ። እያው ጎገ፣ እዘራኤላን ጉኩዳ ሱላ አጩዋ ታን ዬሁ ዛራቲዋ ቃንሳ ዋድያን አቻና፤ እስራኤልያ ካውተላካ ቆይሳና።

5 ሄ ጋላስ ታን እዘራኤላ ዛንጋራን እስራኤልያ ኦላንቻቲዋ መንገራላና” ያጌዳ።

6 ጎሜራ ላኢንሱዋ ሻሃራይ፣ ማጫ ናቶ የላዴ። ያትና፣ መጅና ጎዳይ ሆስእ፣ “እ ሱንሳ ሎሩሃሞ” ያጋደ ሱንሳ። እያው ጎገ፣ ሆዋገ ሰንሳናው ታን እስራኤልያ አሳው ቃረትከ፤ ኡንቲንቶ ሙለካ አቶ ጊከ። 1:6 ሎሩሃሞ፣ ሎሩሃሞ ግያዌ ቃረተናና ግያዋ።

7 ሸን ታን ይሁዳ አሳው ቃረታና፤ ታን መጅና ጎዳን፣ ኡንቲንቲ ጸሳን፣ ኡንቲንታ አሻናገ አትና፣ ዋንዳፍያን ዋይ ማሻን ዋይ ኦላን ዋይ ፓራቲዋን ዋይ ፓራ አሳቲዋን አሸከን” ያጌዳ።

8 ጎሜራ ሎሩሃሞ ቆንሳ ዳሌዳዋገ ጉይያን፣ ሀራ ሻሃራይ፣ አቲማ ናአ የላዴ።

9 ያትና፣ መጅና ጎዳይ ሆስእ፣ “እ ሱንሳ ሎላማ” ያጋደ ሱንሳ። እያው ጎገ፣ ሀንተ ታ አሳ ግድክታ፤ ታንካ ሀንተ ጸሳ ግድከ” \* ግያዋ።

### እስራኤልያ አሳይ ኦራዳና

10 ግድገነ “እስራኤልያ አሳይ ልካናውን ፓይዳናው ዳንዳየተና አባ ሻፍያ ከሻ ግዳናዋ። ኡንቲንቶ፣ ላህንተ ታ አሳ ግድክታ” ጌተት ኦይቲዳሳን፣ ላህንተ ደኤዋ ጸሳ ናናቲዋ ጌተታና።

11 ይሁዳ አሳይን እስራኤልያ አሳይ እት ሺቃና፤ ባረወ እት ካገዘዋ ዶራና፤ ኦምዲዋ ጋድያፕ ሰማና፤ እሻሊደ ደእና። እያወ ጎፕ። እዘራኤል † ጋላሳይ ዋልቃማ ጋላሳ ግዳናዋ።

2

1 “ህንተ እሻቱዋ። ጸሳይ ህንተና። ሳም (ታ እሳ ግያዋ) ያጌ፣ ያግተ። ቃይ ህንተ ሞቼቱዋ። ጸሳይ ህንተና። ሩሃማታ (ህንተንቶ ቃረታይ ግያዋ) ያጌ፣ ያግተ።

እስራኤልያ አሳይ ሻርሙጻት ጎሜር ማላ አማነተናዋ

2 “ህንተ ዳዮ ሲርተ፤ እዘ ሲርተ። እያወ ጎፕ። አ ታ ማቼ ግዲኩ፤ ታንካ እ አሰና ግድከ። እዘ ባረ ሶምኤዋ ሻርሙጻዳን በሰያዋ አጉ፤ ባረ ሻርሙጻ ኦሎዋካ ባረ ቆንጎቱዋ ግዲዋፕ ድጉ።

3 ሄዌ ቆዮፕ። እዘ የለቴዳ ጋላሳዳን። ታን እዘ ጸራ ካሎ እሻና። ቃይ መሌዳ ቢታዳን እዘ ኦላና፤ ታን እዘ ሳሙዋን ዋቆና።

4 ኢንቴንቱ ሻርሙጻት የለቴዳ ናናቱዋ ግዲዳ ድራወ። ታን እ ናናቶ ቃረትከ።

5 ኢንቴንቱ ዳያ ሻርሙጻዳ፤ ኢንቴንታ ባረ ኡሎዋን ቶኬዳና ካወሻባ ሀናዳ። ዋናደ ጎፕ። እዘ። ታን ታ ቆማን ታ ሃላ። ታ ሱፍያን ታ ሊኦዋ። ታ ዛይትያን ታ ኡሻ ታወ እምያ ታ ላገላቱዋ ካላደ ባና፣ ያጋዳ።

6 “ሄዋ ድራወ። ታን እ ኦግያ ኢንጎላን ጎርዳና፤ እዘ ባረ ሎሱዋ ደመና ማላ። ታን ግምቢያ ግምባና።

7 እዘ ባረ ላገላቱዋ ጌዴዋ ዋጸና። ሸን ጋኩኩ፤ ኢንቴንታ ኮያና። ሸን ደሙኩ። ሄዋፕ ጉይያን እዘ። ታወ ሀእ ደኡሳፕ በንግዌ ኬክያ ድራወ። ሰማደ ታ ኮይር አሰናኮ ባና፣ ያጋና።

8 “ካላ። ዋይንያ ኤሳን ዛይትያ እዘወ እሚዳዌን ኢንቴንቱ ባላላ ግያ ኤቃወ ሺሸያ ብራን ዋርቃ እዘወ ዳርሴዳዌ ታና ግድያዋ እዘ ኤረናን አጸዱ።

9 ሄዋ ድራወ። ካእያ ዋደ ታ ካላ። ቃይ ቴርያ ዋደ ታ ዋይንያ ታን ኢፕ ዛራደ እካና። ሄዋዳንካ። እዘ ካሉዋ ማይዛናወ። ሱፍያፕን ሊኦዋፕ ዳደቴዳ ማደዋካ ኢፕ ቃራ እካና።

10 ቃይ እዘ ሲቃቱዋ ሰንላን ታን እዘ ካሉዋ በሳና፤ ታ ኩሸያፕ ኦንን እዘ አሸና።

11 ታን እዘ ናሸቻይ ኡባይ። እዘ ባላይ። እዘ አግናይ ጸርያ ጋላሳቱ። እዘ ሳምባታ ጋላሳቱ። ላይላን ላይላን ቦንቼትያ እዘ ባላቱ ኡባይ ኢፕናዳን። ኦላና።

12 እዘካ። ታ ሲቃቱ ታወ እሚዳ የወ ሀዋ፣ ያጌዳ እዘ ዋይንያ ቱራቱዋን ባላሰያ ጌተትያ ሞላቱዋ ታን ቆይሳና፤ ታን ኢንቴንታ ዋራ ኦላና፤ ባዙዋ ደኦቱ ኢንቴንታ ማና።

13 እዘ ታና ድጋደ። ባረ ሲቃቱዋ ካላደ። ጉቱቻቱዋንን አሊቆቱዋን ባረወ አሊቆታደ። ባላላ ግያ ኤቃወ አጸና ጩዋዬዳ ባላ ጋላሳቱዋ ድራወ። ታን እዘ ሙራና። ታን መድና ጎዳይ ሀዋ ኦዳድ።

ጸሳይ እስራኤልያ አሳ ሲቆዳ

14 “ሄዋ ድራወ። ታን እዘ ላባደ መላ ቢታ አሀና፤ ታን እዘወ ሲቆዋ ቃላን ኦዳና።

15 ያን ታን እዘ ዋይንያ ቱራ ሳእ እዘወ ዛራደ እማና፤ መቱዋ ዛንጋራ እዘ ሀድታን ናግያባይ ገልያ ፕንግያ ኦላና። ግብጼ ጋድያፕ ከሴዳ ዋድያዳን። የጼዳዋዳ ባረ ዋደርተላ ላይላዳን። እዘ ያን የጸና። ያጌ።

16 ቃይካ መድና ጎዳይ ሀዋዳን ያጌ፤ “ሄ ጋላሰ እዘ ታና። ታ አሰና፣ ያጋ ጸሳናፕ አትና። ሀዋፕ ሰንላናወ። ታ ሳላላ፣ ያጋ ጸሴኩ።

17 እያወ ጎፕ። ታን እዘ ደናፕ ባላላ ስንላ ድጋና፤ ሀዋፕ ሰንላናወ ታን እዘ ባላላ ስንላ ጴሰሰከ።

18 ሄ ጋላሰ ታን ታ አሳ ድራወ ሳእ ደኦቱዋና። ሳሉዋ ካፎቱዋናን ቢታና ጎሸትያ መታቱዋና ጫቁዋ ጫቃታና። ታን ጋድያፕ ዋንዳፍያ። ማሻን ኦላ ቆይሳና፤ ያቶፕ ኢንቴንቱ ዋፕ ጊደ። ሳር ደእና።

19 “ታን ኔና መድናወ ታወ ገግሳና፤ ጽሎተላንን ሱረ ፕርዳን። አገና ሲቆዋንን ማርታን ታወ ገግሳና፤

20 ታን እማንታደ ኔና ታወ ገግሳና። ኔንካ መድና ጎዳ ኤራና” ያጌ።

21 ቃይካ መድና ጎዳይ። “ሄ ጋላሰ ታን ዛሩዋ እማና፤ ታን ሳሎቶ ዛሩዋ እምና። ኢንቴንቱ ሳእወ ዛሩዋ እማና።

22 ሳእይካ ካላወ። ዋይንያ ኤሳወን ዛይትያወ ዛሩዋ እማና፤ ኢንቴንቱ እዘራኤልያወ ዛሩዋ እማና።

23 ታን እዘ ጋድያን ታወ ቶካና። ካሰ ታን ‘ሎሩሃማ ጎንወ’ (ቃረታቢናንወ) ሀእ ቃረታና። ቃይ ‘ሎእም’ ጎዋወ (ታ እሳ ግደናዋንታ)። ሳም (ታ እሳ) ጋና፤ ኢንቴንቱካ ታና። ሳን ኦ ጸሳ፣ ያጋና። ያጌ።

† 1:11 እዘራኤላ- ሀ ሰንላ ብላላይ እበራዌላዋን። “ጸሳይ ዘራ” ጉሳ ግዲደ ጸሳይ ድቻያዋን እሻሉዋን ዋልያዋ በሴ። 2:15 ኢያሳ 7:24-26 2:23 ርሙ 9:25፤ 1 ጸጹ. 2:10

### 3

ሆሳእነ ሻርሙጻ ሞሽራቶ

1 መድና ጎዳይ ታና፡ “እስራኤልያ አሳይ ሀራ ጸሳቱዋኮ ሰሚደ፡ ዎይንያ ቴራ መላ ኡክሳ ሲቅሽንካ መድና ጎዳይ ኢንቱንታ ሲቅያዎዳን፡ ባ፤ ባደ ላገላቱዋ ሲቃደ፡ ሻርሙጻደ ደእያ በን ነ ማቻቶ ኔንካ ዛረሳደ ሲቃ” ያጌዳ።

2 ታን እዘ ታማነ እቸሹ ጸጋራ ብሪራን ዴታነ እሻታሙ ኪሎ ግራመ ዴጸያ ዛርጋን ሻማድ።

3 እዘ፡ “ኔን ሻርሙጻናን ሀራ አሳና ደኤናን ታናና ዳሮ ዎድያ ደእናወ ኮሹ። ታንካ ኔናና ደእና” ያጋድ።

4 ሄዋዳንካ፡ እስራኤልያ አሳይ ካቲ ዎይ ካፑ ባይናን፡ ያርሹ ዎይ ኤቃ ቱሰ ባይናን ኤፋድያ ግያ ማዩ ዎይ ሶ ግድ ኤቃ ሞሰሊ ባይናን ዳሮ ዎድያ ደእና።

5 ሄዋፕ ጉይያን፡ እስራኤልያ አሳይ ሰሚደ፡ መድና ጎዳ ባረንቱ ጸሳነ ዳዊታ ባረንቱ ካትያ ኮያና፤ ወርሰላ ጋላሳቱዋን ኢንቱንቱ ኮኮራደ፡ መድና ጎዳኮነ እ ኢንጂዋኮ ያና።

### **ጸሳይ እስራኤልያ፡ ይሁዳነ ኢንቱንታ ካለላያዋንታ ሴሬዳ**

### 4

(4:1—5:15)

ጸሳይ እስራኤልያ ሞቴዳ

1 ህንተና፡ እስራኤልያ አሳቶ፡ መድና ጎዳ ቃላ ሰሰተ! እያወ ጎፕ፡ ሀ ጋድያን ደእያ አሳ ኡባ መድና ጎዳይ ሞትያባይ ደኤ። ሄዌካ፡ ሀ ጋድያን እማኑ፡ ሲቁነ ጸሳ ኤርያዌ ባዋ።

2 ሀ ጋድያን ደእያባይ ሸቃ፡ ዎርዲዋ፡ አሳ ዎድያዎ፡ ወኤሳነ ሻርሙጻ ጸላላ። ኢንቱንቱ ጫቁዋ ኡባ ኮሊድና፤ አሳ ዎቆ ዎቆዋ ካሊ።

3 ሄዋ ጋሱዋን ቢታይ መላና፤ ጋድያን ደእያ ኡባይ ዳቡራና። ሳእ ደአቱካ፡ ሳሉዋ ካፎቱካ፡ ሀራይ አትና፡ አባ ሞላቱካ ሀይቃና።

ጸሳይ ቄሳቲ ዋ ሞቴዳ

4 ጸሳይ ሀዋዳን ያጌ፤ “ህንተና፡ ቄሳቶ፡ ታን ህንተና ሞትያባይ ደኤ። ሄዋ ድራወ፡ ኢን ሀራ አሳና ፓሌመቶፖ፤ ቃይ ኢን ሀራ አሳ ሞቶፖ።

5 ህንተ ጋላሰ ቆብታና፤ ትዎቢትያ እድያዋንቱካ ህንተናና ቃማ ቆብታና። ሄዋ ድራወ፡ ታን ህንተ ዳዮ ቆይሳና።

6 ታ አሳይ ኤራተሳይ ቆይና ባዌዳ። ህንተ ኤራተሳ እይዳ ድራወ፡ ታንካ ህንተ ታወ ቄሰያ ግዳናዋ አጸይ። ህንተ ጸሳ ህግያ ህንተ ደጌዳ ድራወ፡ ታንካ ህንተ ናናቱዋ ድጋና።

7 “ቄሳቲ ዳር ዳር ቤዳ ኮና፡ ታና ዳርሰ ናቄድና፤ ታንካ ኢንቱንቱ ቦንቸዋ ዩላወ ላማና።

8 ታ አሳ ናጋራይ ኢንቱንቶ ቁማ ግዴዳ፤ ሄዋ ድራወ፡ ኢንቱንቱ ታ አሳ ኢታባ እሰሳናወ ጀሚና።

9 ቄሳቲ ካ አሳይ ህንያዋዳን ሀናና። ታን ኢንቱንቱ ሀናታ ድራወ፡ ኢንቱንታ ሙራና፤ ቃይ ኢንቱንቱ ኦሱዋዳን፡ ኢንቱንቶ ዛራና።

10 ኢንቱንቱ መድና ጎዳ እጌዳ ድራወ፡ ማና፡ ሸን ካልክና፤ ሻርሙጻና፡ ሸን ናናቱዋ ጮርሰክና።

ጸሳይ ኤቃወ ጎይንያዋ እጸ

11 “ሻርሙጻተሳይ፡ ጋምኤዳ ዎይንያ ኤሳይነ ያላጋ ዎይንያ ኤሳይ ታ አሳ ዎዛና ባይዘ።

12 ታ አሳይ ሞላፕ ኦሰቴዳ ኤቃ ሞሰልያ ዘርያ ኦቸ፤ ኢንቱንቱ ጸምእይ ኢንቱንቱ ኦሻ ዛራ። ሻርሙጻ እያናይ ኢንቱንታ ባለፎ፤ ኢንቱንቱ ባረንቱ ጸሳፕ ሻከቲደ ሻርሙጻድና።

13 ደረቱዋ ሁጲያን ያርሹዋ ያርሺና፤ ዘዘቱዋ ቦላንካ ኩዋይ ሎኦ ግድያ እዲሳነ ዳሻ ሞላቱዋ ጋርሳንካ እጻና ጨዋዪና።

“ሄዋ ድራወ፡ ህንተ ማጫ ናናይ ሻርሙጻ ግዲና፤ ህንተ ናናቱዋ ማጫ አሳቱካ ሻርሙጻና።

14 ህንተ ማጫ ናናይ ሻርሙጻዎ ዎይን ህንተ ናናቱ ማጫ አሳቱ ሻርሙጻዎ ዎይ፡ ታን ቃጸይከ፤ እያወ ጎፕ፡ አቱማ አሳቱ ባረንቱ ሁጲያን ሻርሙጻዎንቱና ዘፐቲና፤ ሻርሙጻዎንቱና ያርሹዋ ያርሺና። ሄዋ ድራወ፡ እኩካይ ባይና አሳይ እድ ዎቆና።

15 “እስራኤልያ አሳቶ፡ ህንተ ሻርሙጻ ከሶፕካ፡ ይሁዳ አሳይ ህንተዋዳን፡ ባይዘንቻ ግደፖ።

ገልጋላ ቦፕቲ፤ ቤት-አዌንካ ፑደ ከሶፕቲ፤ ደኤዋን ደእያ መድና ጎዳይ ኤር! ያጌደ ጫቆፕተ።

16 እስራኤልያ አሳይ ማካላንቻ ኡሳትዋዳን ማካሌዳ። ያትና፡ መድና ጎዳይ ኢንቱንታ እኮ ደምባን ደርሳ ማራቱዋዳን ዋቲደ ሄማኔ።

17 ኤርሬማ አሳይ ኤቃቱዋን ጋኮቱዳ፤ ኢንቱንታ እግ ባሸተ።

18 ኢንቱንቱ ዳሮ ዎይንያ ኤሽ ሰሚደ፡ ሻርሙጻዎ ኦገክና፤ ኢንቱንታ ሞድያዋንቱካ ዩላይያዋ ሎይላ ደሲና።

19 ጫርኩ ኡንቱንታ እፋና፤ ባረንቱ ኤቃዉ ያርሼዳ ያርሾቱ ጋሱዋን ኡንቱንቱ ዬላታና።

### 5

1 “ህንተና፣ ቁሳቶ፣ ሀዋ ሰሰተ! ህንተና፣ እስራኤልያ አሳቶ፣ ሰሰተ! ካትያ ጎልያ አሳቶ፣ እኬክተ! ሀ ፕርዳይ ህንተ ቦላ ፕርደቱዳ። ህንተ ሞጽጸን ጲርያዳን ህኔድታ፤ ታቦራ ደርያ ቦላካ ሞጬዳ ግትያዳን ህኔድታ።

2 ማካላንቻቱ ዎድያ ዲዛዳን ህኔድና፤ ሄዎ ድራዉ፣ ታን ኡንቱንታ ኡባ ሙራና።

3 ኤፍሬማዋ ታን ኤራይ፤ እስራኤልካ ታፕ ጌምቤና። ኤፍሬማ፣ ኔን ሀእ ሻርሙጻ ከሳዳ፤ እስራኤልካ ቱኔዳ” ያጌ።

ሆሰኤ አሳይ ኤቃዉ ጎይነናዳን ሴራዳ

4 እስራኤልያ አሳይ ባረንቱ ጸሳኮ ሰመናዳን፣ ኡንቱንቱ ኢታ ኦሱ ኡንቱንታ ተኤዳ፤ ሻርሙጻ እያናይ ኡንቱንቱ ግደን ደኤ። ሄዎ ድራዉ፣ ኡንቱንቱ መድና ጎዳ ኤርክና።

5 እስራኤልያ አሳ ኦቶሩ ኡንቱንቱ ቦላን ማርካቱ፤ ሄዎ ድራዉ፣ እስራኤልያ አሳይ፤ ኤፍሬማ አሳይ ባረንቱ ናጋራን ቆብቲና፤ ይሁዳ አሳይካ ኡንቱንቱና ቆብቲ።

6 ኡንቱንቱ መድና ጎዳዉ ያርሻናዉ ባረንቱ ደርሳቱዋ ዉድያን መሀያ ዉድያ ላግ እኪደ ባና፤ ሸን ኡንቱንቱ እ ደምክና። እያዉ ጎፕ፣ እ ኡንቱንቱ፣ ሻከቲዳ።

7 ኡንቱንቱ መድና ጎዳዉ እማነትቦይክና፤ ኡንቱንቱ የሌዳ ናናይካ ሻርሙጻ ናና። ሄዎ ድራዉ፣ ሀ አግናይ ጸራናዉ፣ ኡንቱንቱካ ኡንቱንቱ ቢታይካ ቆያና።

እስራኤልን ይሁዳይ ኦለትያ ኦላ

8 ግብእ ካታማን ማላካታ፣ ራማ ካታማን ጸሩምባ ፑንጎ። “ቢንያማ አሳዉ፣ ህንተ ጉይያን ደእያባ ጸልተ፤ ሄዎ ኤርተ፤” ያጌደ፣ ቤት-አዌናን ዋሱዋ ጸ-ልሰተ።

9 ቃጸየትያ ጋላሰ ኤፍሬመ መላ አታና፤ እስራኤልያ ዛራቱ ግደን ቱሙ ትምቢትያ ታን ኦዳይ።

10 ጸሳይ ሀዋዳን ያጌ፣ “ይሁዳ ካፓቱ ዛዋ ሹቻ ሱግያዋንቱ ማላ ግዴድና፤ ታን ታ ህንቁዋ ኡንቱንቱ ቦላን ሃላዳን ጉሳና።

11 ኤፍሬማ አሳይ ማዳናዉ ዳንዳየና ካዉተላቱዋፕ ማዳዋ ኦቻናዉ ቃቼዳ ድራዉ፣ ናቀቲዳን ፕርዳን ቆሄቲዳ።

12 ሄዎ ድራዉ፣ ታን ኤፍሬማ አሳዉ ብልእ ማላ፣ ይሁዳ አሳዉካ ቁኑዋ ማላ።

13 “ኤፍሬመ ባረ ሀርግያ፣ ይሁዳይካ ባረ ማዳላ በኤዳ ዎደ፣ ኤፍሬመ እሶረ ቢታ ቤዳ፤ ሄ ቢታ ሞድያ ዎልቃማ ካትያ ማዳዋ ኦቼዳ። ሸን እ ኡንቱንቱ ሀርግያ ቆላናዉ ዎይ ኡንቱንቱ ማዳላ ፓላናዉ ዳንዳይቤና።

14 ሄዎ ድራዉ፣ ታን ኤፍሬማዉ ጋሙዋዳን ሀናና፤ ይሁዳዉካ ዎዳላ ጋሙዋዳን ሀናና። ታን ኡንቱንታ መንግራዳደ፣ ቶካ አካደ ባና፤ ኦን፤ ኡንቱንታ ታፕ ዎላ እከና።

15 ኡንቱንቱ ባረንቱ ባይዙዋ እኪካና ጋካናዉ፤ ታና ኮያና ጋካናዉ፣ ታን ጉየ ታ ሳእ ሰማሻና። ኡንቱንቱ ባረንቱ ቱጋዉ ታና ሞንሲደ ኮያና” ያጌ።

### 6

አሳይ ጸሳኮ ሰዋዋ ማላትሴዳ (6:1—7:10)

1 እስራኤልያ አሳይ ሀዋዳን ያጌ፤ “ሃይተ! እነ መድና ጎዳኮ ሰዋይተ። እ ኦና መንግራዳዳ፣ ሸን እ ኦና ፓላና፤ እ ኦና ማዳላዳ፣ ሸን እ ኦና ማዳላ ቃቻናዋ።

2 ላኤ ጋላሳፕ ጉይያን፣ እ ኦና ፓላና፤ ሄዘንላ ጋላሰ ኦን እ ሰጎላን ደእና ማላ፣ እ ኦና ደንላና።

3 መድና ጎዳ እነ ኤርይተ፤ እ ኤራና ማላ፣ ሞንሲደ እነ እ ካሎይተ። አዋይ ሞክያዋ ቱማ ግድያዋዳን፣ እካ ቱሙ ቤታና። ባይሳ አራዳን፣ ቢታ አልያ ባልጉዋ አራዳን፣ እ ኦኑ ያና” ያጌ።

4 ጸሳይ ሀዋዳን ያጌ፤ “ኤፍሬማ አሳዉ፣ ታን ህንተና ዎቶሻ! ይሁዳ አሳዉ፣ ታን ህንተና ዎቶሻ! እያዉ ጎፕ፣ ህንተ ሲቁ ዎንታ ሻርያ ማላ፤ ኤላካ ቆይያ ጉራ ከተርሳ ማላ።

5 ሄዎ ድራዉ፣ ታን ትምቢትያ ኦድያዋንቱ ባጋና ህንተና ቃንጸሬላድ፤ ታ ደናፕ ከሴዳ ቃላን ታን ህንተና ዎቆድ። ታን ፕርዳይካ ህንተ ቦላ ዎልቃንላዳን ዎልቃና።

6 እያዉ ጎፕ፣ ታን አገና ሲቁዋ ኮያይፕ አትና፣ ያርሹዋ ኮይከ፤ ጸሳ ኤርያዋ ኮያይፕ አትና፣ ጸግያ ያርሹዋ ኮይከ።

7 “ሸን ኡንቱንቱ አዳመዋዳን፣ ጫቁዋ ኮሌድና፤ ያን ታዉ እማነተናን እጸድና።

8 ጋላኣደ ካታማይ ኢታ ኦሱዋ ኦልያ አሳቱ ደእያ ካታማ፤ ሄ ካታማይ አሳ ሱላን ባይ ኡቲዳ።

- 9 ፓንጋቱ አሳ ዋዳና ጭሰት ኡቲደ ናግሚዋዳን፣ ቄሳቱ ዋ ጭታይካ ሄዋዳን ናጌ፤ ሰኬማ ካታማ አፍያ ኦግያን አሳ ዋፌ። ኤ፣ ኤንቲንቱ ዬሳይያ ኮባባ ኦሊኖ።
- 10 ታን አሰራኤልያ አሳን ዳጋንሰያባ በኣድ። ኤፍሬማ ግደን ሻርሙጻተላይ ደኤ፤ አሰራኤልካ ቱኔዳ።
- 11 “ደሁዳ ቢታ አሳቶ፣ ሀንተናካ ሙራና ጋላሳ ታን ኬራ ዋላድ።

### 7

- 1 “ታን አሰራኤልያ ፓላናዊን ዛረላደ አሻልሳናዊ ኮይያ ዋደ፣ ኤፍሬማ ናጋራይን ሳማርያ አሳ ኢታ ኦሱ ቆንጭ ቤቱ። አያዉ ጎፕ፣ ኤንቲንቱ ዋርደቲኖ፤ ካይሳቱ ሶን ጎልያ መንሰ ገሊደ ዉኢኖ፤ ፓንጋቱካ ካረን ቦንቁኖ።
- 2 ሸን ታን ኤንቲንቱ ኢታ ኦሱዋ ኡባ ሀሳይያዋ ኤንቲንቱ አከክክኖ። ኤንቲንቱ ኢታ ኦሱቱ ኤንቲንታ ዶድ ዋሌድኖ፤ ሄ ኢታ ኦሱቱ ኡባ ዋደካ ታ ሰንላን ደኢኖ።
- ካትያ ጎለን ደንዴዳ ማቁዋ
- 3 “ኤንቲንቱ ካትያ ባረንቱ ኢታተላን፣ ካፓቱዋካ ባረና ዋርደዋን ናሸቺኖ።
- 4 ኤንቲንቱ ኡባይካ ሻርሙጻቱዋ፤ ዳቡዋ ኡክያዌ ጮጭያን ኤሌዳ ታማዳን፣ ኤንቲንቱ ሀንቁዋን ኤጽ ከሲኖ። ሄ ኡክያዌ ሙናቂያዋ ፖሊደ፣ ሙናቃይ ደንዳና ጋካናዉ፣ ታማ ኤጋና።
- 5 ኑ ካትያ ባለ ቦንቆያ ጋላሰ፣ ማካላንቻቱ ካፓቱዋ ዋይንያ ኤሳን ማሶደ ሀርግሴድኖ፤ ኡክያዌ ባረ ኩሸያ ደንሊደ፣ ቅሊጭያዋንቶ ሞጩ።
- 6 ኤንቲንቱ ዋዛናይ ታማ ጮጩ ማላ፤ ኤንቲንቱ ሸቂደ ማቀቲድኖ። ኡክያዌ ቃማ ኡባ ገምአሺደ አቁ፤ ሳአይ ዋንትያ ዋደ ታማ ላጩዋዳን፣ አ ሀንቁ ኤጽ ከሲ።
- 7 ኤንቲንቱ ኡባይካ ታማ ጮጭያዳን ሞቺኖ፤ ባረና ዋድያዋንታ ሚኖ። ኤንቲንቱ ካተቱ ኡባይካ ኩንዴድኖ፤ ኤንቲንቱፕ ኦንነ ታና ጸሴያዌ ባዋ።

#### አሰራኤልያ አሳን ሀራ ካዉተላቱዋ አሳ

- 8 “ኤፍሬማ አሳይ ሀራ ካዉተላቱዋ አሳና ዋላከቲዳ፤ ኤፍሬማ አሳይ አሰ የግቤና ኡክላ ማላ ግደዳ።
- 9 አላጋቱ አ ዋልቃ ሜድኖ፣ ሸን አ ሄዋ ኤርቤና፤ አ ሀጺካ ፑሉሜዳ፣ ሸን አ ሄዋ ኤርቤና።
- 10 አሰራኤልያ አሳ ኦቶና ኤንቲንቱ ቦላን ማርካቱ። ሄዌ ኡባይ ሀንናካ ኤንቲንቱ መድና ጎዳኮ፣ ባረንቱ ጸሳኮ፣ ሰምቤክኖ ዋይ አ ኮይቤክኖ።

#### አሰራኤልያ አሳይ ጸሳን አማነትቤና (7:11—8:14)

- 11 “ኤፍሬማ አሳይ ቆፋይ ባይና ኤያ ሀራጵያ ማላ። ማዲዋ ደማናዉ አቶደን ግብጹ ጸሴ፤ አቶደን ቃይ አሶረኮ ሰሜ።
- 12 ኤንቲንቱ ብያ ዋደ፣ ታን ኤንቲንቱ ቦላን ግትያ የጋና፤ ታን ኤንቲንቱ ሳሉዋ ካፎቱዋዳን፣ ዲገ ጎቻደ ዋላና። ኤንቲንቱ ኢታ ኦሱዋ ድራዉ፣ ታን ኤንቲንታ ሙራና።
- 13 “ኤንቲንቶ አየ አና! አያዉ ጎፕ፣ ኤንቲንቱ ታፕ ዋራ ሰሜድኖ። ኤንቲንታ ባይዘያባይ ዮ! አያዉ ጎፕ፣ ኤንቲንቱ ታ ቦላ ማካሌድኖ። ታን ኤንቲንቱ ዋዛናዉ ኮያድ፤ ሸን ኤንቲንቱ ታ ቦላ ዋርደዋ ሃሳዪኖ።
- 14 ባረ ሄጸን ግሲደ ዝላሊኖፕ አትና፣ ባረንቱ ዋዛናፕ ታና ዋሰክኖ። ካላዉን ዋይንያ ኤሳዉ ባረንቱ ቦላ ማሻን ቃንጺደ፣ ሀራ ጸሳቱዋ ዋሲኖ፤ ሸን ኤንቲንቱ ታ ቦላ ማካሌድኖ።
- 15 “ታን ኤንቲንታ ሎሀሳድን ሞንሳድ፤ ያትናካ ታዉ ኢታባ ማቀቲኖ።
- 16 ኤንቲንቱ ሰሚኖ፣ ሸን ታኮ ሰምክኖ፣ ኤንቲንቱ ዋራ ጸንግያ ዋንዳፍያ ማላ። ኤንቲንቱ ካፓቱ ኢታባ ሃሳይያዋ ሀዳን፣ ማሻን ዉራና፤ ሄዋን ኤንቲንቱ ግብጹ አሳን ቅሊጩታና።

### 8

#### መድና ጎዳይ አሰራኤልያ ኤቃ ጎይኑሳን ፕርዴዳ

- 1 “መላካታ ፑና! አያዉ ጎፕ፣ ኤንቲንቱ ታ ጫቁዋ አጲደ፣ ታ ሀግያ መንሴዳ ድራዉ፣ መድና ጎዳ አሳ ቦላ ዋርኪ አርጋንላዳን ኩዌዳ።
- 2 ኤንቲንቱ፣ ላኪቤት ኑ ጸሳዉ፣ ኩን አሰራኤልያ አሳይ ኔና ኤራቶ፣ ያጊደ ታዉ ዋሲኖ።
- 3 ሸን አሰራኤልያ አሳይ ሎኦባ አጼዳ ድራዉ፣ ዋርኪ ኤንቲንታ የደርሳና።
- 4 “ኤንቲንቱ ታና ኦቼናን ባረዉ ካተቱዋ ካተዬድኖ፤ ታን ኦደናን ደኢሸን፣ ካፓቱዋ ደሬድኖ። ባረ ቆኖ ጋሱዋ ግድያ ኤቃ ሞሰለቱዋ ባረንቱ ብራፕን ዋርቃፕ መዴድኖ።
- 5 ሳማርያ አሳዉ፣ ማራ ማላትሲደ ሀንተ መዴዳ ኤቃ ታን አጸድ፤ ታ ሀንቁ ሀንተ ቦላ ኤጽ ከሴዳ። ኤንቲንቱ ጌሻ ግድናን አዉደ ጋካናዉ ደኢኔ?

6 ኩሽያ ሂላንቻይ እስራኤልያፕ እ መዴዳፕ አትና፣ እ ጸሳ ግደና። ሳማርያ ኤቃ ሞሰሊ መኤረታና።

7 “እንቱንቱ ጫርኩዋ ዘሪኖ፤ ጎትያ ቆይጨፍ። ኤቁዋን ደእያ ኡንቱንቱ ካላጣ አይፊ ባዋ፤ ሄዋ ድሬጣ። ዲሊ ባዋ፤ ዲሊ ደእንቶካ አላጋቱ ማና።

8 እስራኤልያ አሳይ ሞተቱዳ፤ ሀእ ኡንቱንቱ አላጋ አሳቱዋ ግደን ደእና፤ ኡንቱንቱ መኤዳ ሚሻዳን፣ ፓርና አሳ ግደድና።

9 ኡንቱንቱ ባዶ ሀርዲዳይ ባረካ ዩይያዋዳን ዩዩደ፣ እሶረ ቢታ ቤድኖ፤ ኤፍሬማ አሳይ ባረና ማድያ አሳ ሻሉዋን ሻሚዳ።

10 ታን ኡንቱንታ ሺሻና። ካረ ጋድያ ካተቱነ ካፓቱ ኡንቱንታ ኡቁናፕ፣ ኡንቱንቱ ኤለካ ግልቃና።

11 “ኤፍሬማ አሳይ ናጋራ ያርሹዋ ያርሸያ ዳሮ ሳኣ ኬጼ፤ ሸን ሄ ያርሹዋ ሳኣቱ ናጋራ ኦልያ ሳ ግደድና።

12 ታን ኡንቱንቶ ታ ሀግያን ዳሮባ ጸፋድ፤ ሸን ኡንቱንቱ ሄ ሀግያ አላጋባዳን ጸሌድና።

13 ኡንቱንቱ ያርሻናጣ ደሲኖ፤ ያርሹዋ አሹዋካ ሚኖ፤ ሸን መድና ጎዳይ ኡንቱንቱን ናሸትቤና። እ ሀእ ኡንቱንቱ ባይዙዋ ሀሳያና፤ ቃይ ኡንቱንቱ ናጋራ ግሻጣካ ኡንቱንታ ሙራና፤ ኡንቱንቱ ግብጼ ቢታ ባና።

14 እስራኤልያ አሳይ ባረና መዴዳዋ ደጊደ፣ ካትያ ጎላቱዋ ኬጼ፤ ይሁዳ አሳይካ ግሞቡቱዳ ዳሮ ካታማቱዋ ኬጼ። ሸን ታን ሄ ካታማቱዋን ታማ የዳና፤ ኡንቱንቱ ጌሶቱዋ ማና” ያጌ።

### 9

#### እስራኤልያ አሳይ በሰያ ሙሩዋ ደማና (9:1-16)

1 እስራኤልያ አሳቶ፣ ናሸቶፕተ! ሀራ ካጣተላቱዋዳን፣ ፖጨ ጎፕተ! እያጣ ጎፕ፣ ሀንተ ሀንተ ጸሳፕ ሻከቲደ፣ ሻርሙዴታ፣ ካላ ቡክያ ኡዳማ ኡባን ሻርሙጸታ እምያ ጋትያ ደሴድታ።

2 ሄዋ ሀዳን ሀንተ ኡዳማፕ ካላ፣ ዋይንያ ጉምኤያሳፕካ ኤሳ ደምክታ፤ ቃይ ዋይንያ ቱራይካ ኡንቱንቶ አይፈና።

3 ኡንቱንቱ መድና ጎዳ ቢታንካ ጋምእክና። ሸን ኤፍሬማ ግብጼ ቢታ ሰማና፤ ቃይ እሶረ ጋድያን ቱና ቁማ ማና።

4 ኡንቱንቱ መድና ጎዳጣ ዋይንያ ኤሳ ያርሹዋ ጉሰክኖ፤ ኡንቱንቱ ያርሹካ እ ናሸቼና። ሄ ያርሹ ኡንቱንቶ ሾቻ ሙሉ ግዳናዋ፤ ሄዋ ሞያ ኡባይ ቱናና። ሄ ኡክሳይ ኡንቱንቱ ማናሳፕ አትና፣ መድና ጎዳ ጌሻ ጎልያ ገለና።

5 ኬራዳ ባላ ጋላሰነ መድና ጎዳ ቦንቻያ ባላ ጋላሰ፣ ሀንተ እያ ኡዳንቱ?

6 ኡንቱንቱ ባሻፕ ከሰ እኩፕካ፣ ግብጼ ኡንቱንታ ሺሻና፤ መምፒሳ ግያ ካታማይ ኡንቱንታ ሞጋና። ኡንቱንቱ ሺሹዳ ብራ ሚሻ ኡባይ ሻራፋ ማይ አታና፤ ኡንቱንቱ ዲንካንያ ግዳንካ ቡሉ ቡዙ ሞካና።

7 ሙሩዋ ጋላሳይ ዬዳ፤ ጸሳይ አሳይ እ ኦሱዋዳን ኦሱዋዳን ዘርያ ሞዲ ጋኬዳ። እስራኤልያ አሳይ ሄዋ ኤር! ሀንተ ኢታ ናጋራ ድራጣነ ሀንተ ሞርከተላ ድራጣ ሀንተ፣ “ትምቢትያ ኦድያዋንቱ ኤያ፤ ሳፃ በእያዋንቱካ ጎይያዋንታ” ያጌድታ።

8 ትምቢትያ ኦድያዋ ታ ጸሳና አትፕ ግዲደ፣ ኤፍሬማ ናግያዋ። ሸን ሀመትያ ኦጎ ኡባን ኤፍሬማጣ ካፋዋ ኦይቂያዋዳን፣ ጸራ ዋድ ኡቱዳ፤ እ ጸሳ ጎልያንካ ሞርከተላይ ደኤ።

9 በን ግብኣ ካታማን ሀኤዳዋዳን፣ ኡንቱንቱ ሎይላ ቱኤድና። ጸሳይ ኡንቱንቱ ባይዙዋ ሀሳያና፤ ኡንቱንቱ ናጋራ ሙራና።

#### እስራኤልያ አሳ ናጋራን እ ካልያ ፕርዳ

10 ጸሳይ ሀዋዳን ያጌ፤ “ታን እስራኤልያ አሳ መላ ቢታን ዋይንያ ቱራ ደምያዋዳን ደማድ። ታን ሀንተ አዋቱዋ ባላሰያ ግያ ሞላን ደእያ ኮይሮ አይፍያ በእያዋዳን በኣድ። ሸን ኡንቱንቱ ባኣል-ፓኦራ ግያሳ ዩደ፣ ባኣላ ግያ ኤቃጣ ጎይኔድና፤ ያቲደ ባረንቱ ደሴዳ ኤቃዳንካ ቱኔድና።

11 ኤፍሬማ ቦንቼ ካፋዋዳን ፓል ጳያና፤ ሀዋፕ ሰንላና፤ የልያባይ ባዋ፤ ሻሃራይካ ባዋ፤ ሻሃርያባይ ባዋ።

12 ኡንቱንቱ ናናቱዋ የሊደ ድቸፕካ፣ እቱነ እተናን ዋቋ ድጋደ፣ ኡንቱንቱ የሉ ባይና አሳ ከሳና። ታን ኡንቱንቱፕ ሃኬዳ ዋደ፣ ኡንቱንቶ እየ እና።

13 ኤፍሬማ አሳይ ሎይላ ሎእያ ታሃረ ቢታ ማትያዋ በኣድ፤ ኤፍሬማ አሳይ ባረንቱ ናናቱዋ ሹክያዋንቶ ከሲደ እማናጣ ኮሼ” ያጌ።

14 እቤት መድና ጎዳው፡ ኤንቲንቶ እማ! ኔን ኤንቲንቶ እያ እማኒ? ኔን ኤንቲንቶ ቦሽትያ ቃንላን መሌዳ ቋንላ እማ።

15 ጸሳይ ሀዋዲን ያገ፤ “ኤንቲንቲ ኢታተላ ኡባይ ገልጋላ ግያ ሳና፤ ታን ኤንቲንታ እጽያዎ ያን ደማድ። ኤንቲንቲ ኦሱዋ ኢታተላ ድራው፡ ታን ኤንቲንታ ታ ገልፆ፤ ሃደርሳና፤ ሀዋፕ ሰንላናው ታን ኤንቲንታ ሲቅከ፤ ኤንቲንታ ሞድያዋንቲካ ማካላንቻ።

16 ኤፍሬማ አሳይ ደሸትና፡ ኤንቲንቲ ጸጹ መሌዳ፤ እይፍያካ እይፍክና፡ ኤንቲንቲ ናናቱዋ የሎፕካ፡ ታን ኤንቲንቲ ሲቅያ ናናቱዋ ዋጃና” ያገ።

እስራኤልያ አሳው እመቴዳ ሴራ (9:17—10:15)

17 ኤንቲንቲ ታን ጸሳይ ግያዎ ሰሰና ድራው፡ እ ኤንቲንታ ፕጽ ኦላና፤ ኤንቲንቲ ካውተላቱዋ ግደን ቶይላካትያዋንታ ግዳና።

10

1 እስራኤልያ አሳይ ዳሼዳ ዎይንያ ቱራ ማላ፤ ኤንቲንቲ ባረው እይፍያ እይፊና። ኤንቲንቲ እይፍያ እይፊ ዳራዳ ከና ያርሽያ ሳኣ ዳርሰ ከጾድና። ኤንቲንቲ ቢታይ ዱረቴዳ ከና፡ ጎይንያ ኤቃ ቱሳቱዋ አለቂሲይ መይድና።

2 ኤንቲንቲ ዋዛናን ገኒ ኩሜዳ፤ ሀእ ኤንቲንቲ ባረንቲ ባይዙዋ ሙሩዋ አካናው ኮሼ። መድና ጎዳይ ኤንቲንቲ ያርሽያ ሳኣ ላላና፤ ኤንቲንቲ ኤቃ ቱሳቱዋ ቆይሳና።

3 ሄ ዎይ ኤንቲንቲ፡ “ኑን መድና ጎዳው ያይቤና ድራው፡ ኑው ካቲ ባዋ፤ ሽን ኑው ዎን ካቲ ደእንቶን እያ ኦላኔ?” ያገና።

4 ኤንቲንቲ ሀዳባ ሃሳዩና፤ ጫቁዋ ጫቁቲደካ ዎርዱዋን ጫቁና። ሄዋ ድራው፡ ዎድያ ሻራፋይ ሾይቃን ዶልያዋዳን፡ ኤንቲንቲ ቦላን ፕርዳይ ደላና።

5 ሳማርያ ካታማን ደእያ አሳይ ቤት-አዌናን ደእያ ማራ ሞሰልያው ያዩና። እ ቦንቹ አፕ ሻከት ክቹዳ ድራው፡ አሳይ እው ዩካና፤ ሄ ኤቃ ሞሰልያው ኦልያ ቁሳቲ ካ ዋሳና።

6 ሄ ኤቃ ሞሰሊ አሶረ ቢታ ቶከት ቢደ፡ ዎልቃማ ካትያው ገራዳን እመታና። ኤፍሬማ አሳይ ዩላታና፤ እስራኤልያ አሳይካ ባረ ኤቃ ሞሰለቱዋ ሀዳን ካውሻና።

7 ሳማርያ ካቲ ሃላ ቦላን ቃይጾሪ ቶከትያዋዳን፡ ቶከት ቆያና።

8 ቃይ እስራኤልያ አሳይ አዌና ግያ ካታማን ኤቃው ጎይኒደ፡ ናጋራ ኦልያ ቆቃ ሳኣቲካ ኮላታና፤ ኤንቲንቲ ያርሽያሳን እንጎላይን ጎምኦሪ ሞካና። ያትና፡ ኤንቲንቲ ደረቱዋ፡ “ኑና ገንሱተ!” ያገና። ከራቱዋካ፡ “ኑ ቦላ ኮንድተ!” ያገና።

ጸሳይ እስራኤልያ ቦላ ፕርዳይ

9 ጸሳይ ሀዋዲን ያገ፤ “እስራኤላቶ፡ ህንተ ግብእን ናጋራ ኦልያ ጋላሳፕ ደሚደ፡ ናጋራ ኦልያዋ አግቤይክታ። ሄዋ ድራው፡ ግብእ ካታማን ህንተ ቦላ ኦላይ ደንዳና።

10 ታን ኮይያ ዎይ፡ ሄ ማካላንቻቱዋ ሙራና። ኤንቲንቲ ኦልያ ላኡ ናጋራ ጋሱዋን ታን ኤንቲንታ ሙራያ ዎይ፡ ካውተላቱ ኤንቲንቲ ቦላን ሺቃና።

11 “ኤፍሬሙ ካላ የ□ላ ደሰያ፡ ዎጃደ ከሴዳ ኮሩሚ ማላ፤ ሽን ታን አ ፑላ ሞርግያን ሞርገ ዎላ ዎላደ ዋጃና። ይሁዳ አሳይ ጎሻናው ኮሼ፤ ያቆባ አሳይካ ጋድያ ጳልቃናው ኮሼ።

12 መድና ጎዳይ ዪደ፡ ጽሎተላ ህንተ ቦላ አራዳን ቡክሳና ጋካናው፡ ህንተ አ ኮይያ ዎይ ግድያ ድራው፡ ህንተው ጽሎተላ ዘርተ፤ አገና ሲቁዋ ጫክተ፤ ኦላ ቢታካ ጳልቁተ።

13 “ህንተ ኢታተላ ዘሪደ፡ ናጋራ ጫኪድታ፤ ህንተ ዎርዱዋ እይፍያካ ሜድታ።

14 ህንተ ህንተ ዎልቃን፤ ህንተ ዳር ኦላንቻቱዋን አማንቲዳ ድራው።

15 ህንተ አሳ ቦላ ኦላ ድርባይ ደንዳና፤ ቦን ኦላ ዎይ ካቲ ሻልማን ቤት-አርቤላ ካታማ ኦሊደ ባይዜዳዋዳን፤ እየቱዋና ናናቱዋና ጋላ መንግጫዳዋዳን፡ ህንተ ገሶቲ ሄዋዳን ኦልና ባያና።

16 ህንተና፡ ቤቲላ ካታማ አሳቶ፡ ህንተ ዎልቃማ ኢታተላ ሀዳን ህንተ ቦላካ ሀዋ ማላባይ ጋካና። ሄ ጋላሰ ሳኣይ ዎንትያ ዎይ፡ እስራኤልያ ካቲ ኡባና ቆያና።

11

ጸሳይ ባረ አሳው ደእያ ሲቁዋ (11:1-11)

1 “እስራኤሊ ናኦተላን ደእያ ዎይ፡ ታን አ ሲቃድ፤ ታን ታ ናኣ ግብጹ ጋድያፕ ጸሳድ።  
2 ታን ኤንቲንታ ዳርሳይ ጸሰና፡ ኤንቲንቲ ታፕ ዳር ሃኪደ ቤድና። ባኣላ ጌተትያ ኤቃቶ ያርሹዋ ያርሹድና፤ ቃይ ኤቃ ሞሰለቶ እጻና ጨዋይድና።



3 ኤፍሬማ አሳ ሀራቅያ ኦይቃይ ሀመላ ታማርሴዳዌ ታና፤ ሸን ኡንቱንቱ ፓሌዳዌ ታና ግድያዋ ኡንቱንቱ ኤርከኖ።

4 ታን ኡንቱንቱ ቃረታንነ ሲቁዋ ዎደሩዋን ጎቻድ፤ ኡንቱንቱ ሞርግያፕ ሞርገ ሞላ ደንላድ፤ ሆካደ ኡንቱንታ ሙዛድ።

5 “ኡንቱንቱ ታኮ ሰመናን እጹዳ ድራው፣ ግብጼ ቢታ ሰማና፤ ቃይ አሶረ ቢታ ካቲ ኡንቱንቱ ቦላ ካተታና።

6 ኡንቱንቱ ሞርክያ ማሻይ ኡንቱንቱ ካታማቱዋ ኦላና። ኡንቱንቱ ካታማቱዋ ፐንገቱዋካ ሙን።

7 ታ አሳይ ታፕ ሃኪደ ባናዉ ቆፋ ቃቼዳ። ሁቁና ሞርገ ሞላ ጋሱዋን ኡንቱንቱ ዋሳና፤ ሸን ኦንነ ሄ ሞርገ ሞላ ኡንቱንቱ ሞርግያፕ ደን።

8 “ኤፍሬማ፣ ታን ኔና ዋታደ አጎ? እሰራኤልያው፣ ታን ኔና ዋታደ አላ እዋ? ታን ኔና ዋታደ እዳማ ግያ ካታማዳን ኦሉ? ታን ኔና ዋታደ ጸቦይማ ግያ ካታማዳን ኦሉ? ታን ኔና ሎይሰ ሲቅያ ድራው፣ ታ ዎዛናይ ሄዋ ኤኖ ጌና።

9 ታን ታ ሱልያ ሀንቁዋን ኡንቱንታ አይነ ኦሳክ፤ ቃይ ኤፍሬማ ላኤንሱዋ ጳይሰከ። እያዉ ጎፕ፣ ታን ጸሳፕ አትና፣ አሳ ግድከ። ታን ጌሻ ጸሳይ ሀንተ ግድን ደአይ፤ ሀንተኮ ሱሎ ሀንቁዋን ዩከ።

10 “ኡንቱንቱ መድና ጎዳ ካላና፤ እካ ጋሙዋዳን ጉዳና። እ ጉድያ ዎድ፣ አ ናናይ አዋይ ዉልያ ባጋፕ ያና፤

11 ግብጼ ጋድያፕ ካፎቱዋዳን፣ አሶረ ቢታፕካ ሀራጸቱዋዳን፣ ፓሊደ ያና። ታን ኡንቱንታ ኡንቱንቱ ጎልያን ጎልያን ዎላና። ታን መድና ጎዳይ ሀዋ ኦዳድ” ያጌ።

**ጸሳይ ባረ አሳ ቦላ አሌዳ ፕርዳ (11:12—13:16)**

12 ኤፍሬማ አሳይ ዎርዱዋን፣ እሰራኤልያ አሳይካ ጭሙዋን ታና ዶዴድና። ይሁዳ አሳይካ አማንሱያ ጌሻ ጸሳ ቦላ ጸልታሜዳ።

**12**

1 ኤፍሬማ አሳይ ዎንታፕ ሎማርሰ ጋካናዉ ኦሳይባይ ኡባይ፣ አዋይ ዉልያ ባጋፕ ይያ ጫርኩዋ ኩጭያዎዳን ዋይ የደርሰያዎ ማላ ጎኤና። ኡንቱንቱ ዎርዱዋን ማካላ ኦሱዋ ዳርሲና፤ አሶረ ቢታና ጫቁዋ ጫቀቲና፤ ዎጋራ ዛይትያ ግብጼ ቢታ የዳና።

2 መድና ጎዳዉ ይሁዳ አሳና ሞቱ ደኤ፤ እ ያቆባ አሳ ኡንቱንቱ ኦግዳን ሙራና፤ ኡንቱንቱ ኦሱዋዳንካ አዉ ዛራና።

3 ያቆብ ባረ ዳይ ኡሉዋን ደኤድ፣ ባረ እሻ ግንድያ ኦይቄዳ። ቃይ ጋማ ጋኪድ፣ ጸሳና ባጸቲዳ፤

4 ኪታንቻናካ ባጸቲዳ ጸኢዳ። ባረና ኬካ አይፍያን ጸላናዳን፣ ዩኪደ ዎሴዳ። ያቆብ ጸሳ ቤቲሊን ደሜዳ፤ ጸሳይ ያን አናና ሃሳዬዳ።

5 ሄዋ መድና ጎዳ፣ ኡባፕ ዎልቃማ ጸሳ። እ ኤሪቲዳ ሱንሳይካ መድና ጎዳ ጌተቲ።

6 ሄዋ ድራው፣ ሀንተ ጸሳኮ ሰሞተ፤ ሲቁዋን ሱረ ፕርዳ ሞንሰ ኦይቁተ፤ ሀንተ ጸሳይ ኦላናዉ ናግተ።

7 ዛልእንቻ ኩሸያን ዎርዶ ሚዛናይ ደኤ፤ አሳ እ ጭምያዎ ደሴ።

8 ኤፍሬማ፣ “ታን ዳሮ ዱረ፤ ታን ታዉ ዱረታ ደማድ። ታ አቁዋ ኡባ ግድን ታናን ኡንቱንቱ ባላ ዎይ ናጋራ ግድያባ ደምክና” ያጌዳ።

9 መድና ጎዳይ ሀዋዳን ያጌ፤ “ታን ሀንተና ግብጼ ጋድያፕ ከሳይ አሄዳ መድና ጎዳ ሀንተ ጸሳ፤ ዳሰያ ባላ ጋላሳዳን፣ ታን ሀንተና ላኤንሱዋካ ዲንካንያን ዎላና።

10 ታን ትምቢትያ ኦድያዎንቶ ሃሳያድ። ዳሮ ሳጻካ ኡንቱንቶ እማድ፤ ቃይ ኡንቱንቱ ባጋና ዳሮ ሊምሳቱዋ ኦዳድ” ያጌ።

11 ጋላኦን ናጋራይ ደኤ፤ ጋላኦን አሳቲ ቱሙዋፕ ፓፍዋንታ። ኡንቱንቱ ገልጋላን ኮሩማቱዋ ያርሸና። ሄዋ ድራው፣ ኡንቱንቱ ያርሸያ ሳአቲ ጎሻ ግድን ኬሌዳ ሹቻ ማላ ግዳናዎ።

12 ያቆብ ሶርያ ቢታ ባቃቲዳ፤ እሰራኤሊ ማጫ አሳ አካናዉ ከራ ኦሌዳ። ማጫ አሳ አካና ድራው፣ እ ያን ደርሳ ሃሜዳ።

13 መድና ጎዳይ እሰራኤልያ አሳ ትምቢትያ ኦድያዎ ባጋና ግብጼ ጋድያፕ ከሴዳ፤ ሄ ትምቢትያ ኦድያዎ ባጋና ኡንቱንታ ናጌዳ።

14 ሸን ኤፍሬማ ጸሳ ሎይሰ ሀንቀሰሴዳ፤ ሱላ እ ጉሴዳዋ አጩዋ አ ጎዳይ እ አቻና፤ ቃይ እ ጫሻ አዉ ዛራና።

# 13

## እስራኤልያ ወርሰላ ፕርዳ

- 1 ኤፍሬማ አሳይ ሃሳዬዳ ዋይ፣ ሰሴዳ አሳይ ያሻወ ኮኮሬዳ፤ እስራኤልያ ጋድያን ኡንቱንቱ ቦንቹቲዳ አሳ። ሸን ባኣላ ግያ ኤቃወ ጎይኔድኖ፤ ሄ ባይዘቀ ጋሱቀን ሀይቄድኖ።
- 2 ሀእካ ናጋራ ቦላ ናጋራ ኦሌዳ፤ ቃይ ባረወ ጎይናናወ፣ ሲልሲይ ምሰለቱቀ መጴኖ። ሄ ምሰለቱ ሂላን ብራገገ መፍቲዳቀንታ፤ ኡንቱንቱ ኡባይካ ኩሸያ ሂላይ መጴዳቀንታ። ኡንቱንቱቀ አሳይ ሃሳዬዳ። “አሳ ያርሹቀ ያርሸተ፤ ሀ ማራ ምሰልያካ የርተ” ያግኖ።
- 3 ሄቀ ሀዳን ኡንቱንቱ ቀንታ ሻርያ ማላ፣ ዋይ ጉራን ቆለትያ ቀንታ ከተርሳ ማላ ዋይ ጫርኩ ኡዳማገ ደንሴደ አፍያ ሱላ ማላ ዋይ ማሰኮትያና ከሰያ ፔኦቀ ማላ ግዳናቀ።
- 4 ጳሳይ ሀቀዳን ያጌ፤ “ታን ሀንተና ግብጹ ጋድያገ ከሳደ አሄዳ መጵና ጎዳ ሀንተ ጳሳ። ሀንተ ታገ አትና፣ ሀራ ጳሳ ኤርክታ፤ አሸያዌካ ታገ አትና፣ ሀራይ ባቀ።
- 5 መላ ቢታን፣ መላ ጋድያን ታን ሀንተና ናጋድ።
- 6 ታን ሀንተና ምዝና፣ ማደ ካሌድታ፤ ካሊደ ኦቶሪቲድታ፤ ሄቀገ ጉይያን፣ ታና ዶጌድታ።
- 7 ሄቀ ድራወ፣ ታን ሀንተ ቦላ ጋመቀ ማላ ግዳናቀ፤ ቃይ ማህያዳን፣ ኦግያ ዶናን ዙጋና።
- 8 ማራቱቀ ዋላ አኩዳ ማህቲዳን፣ ታን ሀንተናና ገክታና፤ ሀንተና ዳከራላና። ቃይ ታን ሀንተና ጋመቀዳን ያን ማና፤ ባዙቀ ዶኣዳን፣ ሀንተና ፖሽሪላና።
- 9 “እስራኤልያ አሳቶ፣ ሀንተ ታ ቦላ፣ ሀንተና ማድያቀ ቦላ ሞርከተላን ደንድያ ድራወ፣ ታን ሀንተና ጳይሳና።
- 10 ሀንተ ታና፣ ኡወ ካትያን ጋድያ ሞድያቀንታ እማ፣ ያጊደ ኦቹድታ። ሀንተና አሻናወ ሀንተ ካቲ አኔ? ሀንተ ጋድያ ሞድያቀንቱ ሀንተ ካታማቱቀ ግደን ሀቃን ደኣና?
- 11 ታን ታ ሀንቁቀን ሀንተንቶ ካትያ እማድ፤ ታ ይሉቀን አ ድጋድ።
- 12 “ኤፍሬማ ባይዘን ናጋራይ ጳፈቲደ፣ ማዘገባ ጎልያን ኡቲዳ።
- 13 የሉ ኦይቄዳ ምሽራታ ቱጋትያቀ ማላ ቱጋይ አ ቦላ ያና። ሸን አ ኤር ባይና ናኣ፤ አያወ ጎገ፣ አ የለትያ ዋዴ ገክና፣ ባረ ዳይ ኡሉቀገ ዋፍን አጸያ ናኣ ማላ።
- 14 ኡንቱንታ ታን ዱፋቀገ አሻና፤ ሀይቁቀ ዋልቃገካ ዋዛና። ሀይቆ፣ ነ ኢታ ሀርገቱ ሀቃን? ዱፎ፣ ነ ባሻይ ሀቃን?
- 15 “ታን ታ አሳወ ቃረትከ።
- 16 ኤፍሬማ ባረ አሻቱቀ ግደን ምንጎቶካ፣ መጵና ጎዳይ የዴዳ አቀይ ዶልያ ባጋ ጫርኩ መላ ቢታገ ጫርኪደ ያና። አ ፑልቶቱ ቶኣና፤ አ ሃላ ኦሳቲካ መላና። አ ምንጅያ ጎለቱቀን ደኣያ አልኦ ሚሻ ኡባይ ቦንቃታናቀ።
- 17 ሳማርያ አሳይ ባረንቱ ጳሳ ቦላ ማካሌዳ ድራወ፣ ባረንቱ ባይዘቀ ሙራ አካናወ በሰ። ኡንቱንቱ ማሻን ቡሳከታና፤ ኡንቱንቱ ጉላ ናናይካ ክንቹታና፤ ኡንቱንቱ ሻሃራ ማጫ አሳቲቀ ኡሉካ ጳልቃታና” ያጌ።

# 14

## ናጋራ ማርታን እንጂቀ ሀይታ (14:1-9)

- 1 እስራኤልያ አሳወ፣ ሀንተ ናጋራ ጋሱቀን ጴኮቲደ ኩንዴድታ። ሀንተ ሀእ መጵና ጎዳኮ፣ ሀንተ ጳሳኮ ሰምተ።
- 2 መጵና ጎዳኮ ሰሚደ፣ ሀቀዳን ያጊደ ዋሰተ፤ “ኦ ናጋራ ኡባገ ኦና ማራ፤ ኔን ኦና ነ ኬካተላን ሸሻ አካ፤ ያትና ኦን ኦ እንጸርሳን ኔና ጋላታና።
- 3 አሶሪ ጋዴ ኦና አሸና፤ ኦን ኦላ ገራቱቀካ ቶካኮ። ኦን ኦ ኩሸያን መጴዳ ኤቃ ምሰለቱቀ ሙሉካ፣ ሳቀንቱ ኦ ጳሳቲቀ” ካኮ። አወ ባይናቀንቶ ቃረሰያዌ ኔና” ያግተ።
- ጳሳይ እስራኤልያ አሳ ኦራጽሳናወ ሀይታ እሚዳ
- 4 ጳሳይ ሀቀዳን ያጌ፤ “ታ ሀንቁ ኡንቱንቱ ሰሚዳ፤ ሄቀ ድራወ፣ ታን ኡንቱንቱ ማካላ ሀኑቀገ ኡንቱንታ ፓሳና፤ ኡንቱንታ ዋዛና ሲቃና።
- 5 ታን እስራኤልያ አሳወ ጮኩቀ ማላ ግዳና፤ ኡንቱንቱ ጨሻዳን ጨሻደ፣ ሊባናሳ ዝጋዳን፣ ጳጴቀ የዳና።
- 6 ኡንቱንቱ ያላጋ ማራቱ ዳሻና፤ ዋጋራዳን ኡንቱንቱ ሎአና። ኡንቱንቱ ሳወካ ሊባናሳ ዝጋዳን ቶሹኩ ጋና።

7 አሳይ ሰሚደ፣ ታ ኩዋ ጋርሳን ደእና፤ ካላ ጫርሻዳን፣ ኡንቱንቱ ሳልክሳልካና፤ ቃይ ኡንቱንቱ ዋይንያ ቱራዳን ጨሻና፤ ለባኖሳ ዋይንያ ኤሳዳን፣ ደሪ ኤርያዋ ግዳናዋ።

8 ሀዋጥ ሰንላን ኤፍሬማ አሳይ ኤቃ ሞሰላትና ጋከተና፤ ታን ህንተ ዋሳ ሰሳናን ህንተና ናጋና። ታን እርጸ ዝጋ ማላ፤ ህንተንቶ እንጂ ኡባይ ታጥ ቤታና” ያጌ።

9 አጭዳ ኤራይ ደእያ ኦንነ ሀዋ እኬጥ፤ ዋዛን ደእያ ኦንነ ሀዋ ኤሮ። መቋና ጎዳ ኦጊ ሱረ፤ ጸሎቱ ሄ ኦጊያና ሀመቲኖ። ሸን ናጋራንቻቱ እን ቆብቲኖ።

# አዩኤላ ትምቢትያ ገሉዋ

ትምቢትያ እድያ አዩኤል አወደ ደኤደንቶ አ ደኤዋ ታርክያን ዳር ኤሪትያዌ ባዋ። ግደ ሸን፥ አ ሱጎላ ብለላይ፥ “መድና ጎዳይ ታ ጸሳ” ግያዋ ግደደ ጸሳይ አናና ደእያዋ ባቤ። ሀ ማጸፋ ትምቢትያዉ ሀራ ጌሻ ማጸፋቱዋና ቃራ ማታይ ደኤ። ማጸፋይ ቤቴዳዌ ክርሰትሳ የለታጥ ካሰ፥ ኦይደጎላ ዋይ እቼሸጎላ ጾቱ ላይላ ሄራና ጌተቲደ ቆፈቱ። ሄ ዋዲ ፓርሰ ካተተሳይ ደእያ ዋደ። አዩኤል እዲደ፥ አሰራኤልያ ጋድያን ዳር ቦሊ ያናዋን ጋድያ ባይዝያ አዋይ አዋጽና ጋዲ ኮሻታናዋ እዲ። ሀ ሀናታቱ ቃይ ጎዳ ጋላሳይ ማታቴዳዋ እዲና። ጎዳ ጋላሳይ ጋክያ ዋደ፥ አ ጌሻ ሸን ፖለተናዳን ዋ፤ትያዋንታ ኡባ አ ሙራናዋካ ጉጂደ እዲና። ትምቢትያ እድያዌ አሳይ ናጋራጥ ሰምያዋ ግደጥ፥ ጸሳይ ኡንቱንታ ካሰ ኡንቱንቱ ደእያ ሀናታኮ ዘራደ፥ እንጃናዋ ሀሳይሴዲ። ሀናና ጊደ አ ኦዴዳዋጥ ግታቲደ ቤትያ ሀደታይ ጸሳይ እቱማ አሳቱዋን ማጫ አሳቱዋ ቦላ፥ ያላጋቱዋን ጭማቱዋ ቦላ፥ ባረ አሳ ኡባ ቦላ ባረ አያና ጉሳናዋ እድያ ሳኣ።

## ሸምፓቱዋ ኡባቶ አመቲዳ ቃጎሳ ቆሳቱዋ

- 1. ቦልያን ዋርክያ ዋታዳራ 1:1—2:17
- 2. ጎዳ ጋላሳ 2:18-32
- 3. ጎዳይ አማናናዋንታ ሙርያዋ 3:1-21

ቦልያን ዋርክያ ዋታዳራ  
(ሆሰ 1:1—2:17)

- 1 ፑቱኤላ ናኣ አዩኤላኮ መድና ጎዳይ ኪቴዳ ቃላይ ሀዋ።
- 2 ሀንተና ጭማቶ፥ ሀዋ ሰሰተ! ይሁዳ ጋድያን ደእያ አሳዉ ኡባዉ፥ ሰሰተ! ሀዋ ማላባይ ሀንተ ዋደ ዋይ ሀንተ አዋቱዋ ዋደ ሀን ኤሪ?
- 3 ሄዋ ሀንተ ናናቶ እድተ፤ ሀንተ ናናይ ባረጎቱ ናናቶ እድና፤ ቃይ ኡንቱንቱ ናናይካ ካልያ የለታዉ እድና።
- 4 ጎንዲዋጥ እቴዳ ካሳ ዉደ ቦሊ ሜዳ፤ ዉደ ቦልያጥ እቴዳ ካሳ ቡምቡረሳይ ሜዳ፤ ቃይ ቡምቡረሳጥካ እቴዳ ካሳ ኩኩባይ ሜዳ።
- 5 ሀንተና ማሳትያዋንቶ፥ ቤተደ ዬክተ! ሀንተና፥ ዋይንያ ኤሳ ኡሸያዋንቶ ኡባ ገደ፥ ዘለልተ! አያዉ ጎጥ፥ ማልእያ ዋይንያ ኤሳይ ሀንተ ደናጥ እቴዳ።
- 6 ጋይዲ ባይና ኡላንቻይ ታ ጋድያ ማዬዳ። ኡንቱንቱ አቻይ ጋሙዋ አቻ ማላ፤ ቃይ ኡንቱንቱ ካሰለካ ጋማት ካሰልያ ማላ።
- 7 ኡንቱንቱ ታ ዋይንያ ቱራ ባይዜድና፤ ታ ባላሰያ ሞላካ ጮሜድና። ኡንቱንቱ ፖቁዋ ኡባ ሞ ድጌዳ ድራዉ፥ ዋይንያን ባላሰያ ታሸቱ ኡባይ ቦጼድና።
- 8 እቱማዋ፥ ባረ ያላጋተላን አ ጊጌዳ አሰናይ ሀይቂና፥ ዋሩዋ ማያደ ዬክያ ጌላያቲዳን፥ ኡባይካ ዬክተ!
- 9 ካሳ ያርሹን ኡሻ ያርሹ መድና ጎዳ ጌሻ ጎልያ ብያዋ ኡኤዳ፤ ሄዋ ድራዉ፥ መድና ጎዳዉ እልያ ቂሳቱ ዬኪና።
- 10 ሸይቃይ መላ እቴዳ፤ ቢታይካ ዬኬ። አያዉ ጎጥ፥ ካሳይ ጳዬዳ፤ ዋይንያ ቱራይ መሌዳ፤ ዛይቲካ ላፌዳ።
- 11 ሀንተና ጎሻንቻቶ፥ ካናትተ! ሀንተና፥ ዋይንያ ቱራ ቶክያዋንቶ፥ ዘለልተ! አያዉ ጎጥ፥ ጫኩ ጋኬዳ ዛርጋይን ባንጋይ ጋይን ጳይክቼዳ።
- 12 ዋይንያ ቱራይ መሌዳ፤ ባላሰያ ሞላይካ ሹሌዳ፤ ሮማንያ ግያ ሞላይ፥ ተምርያ ግያ ሞላይ፥ አፕልያ ግያ ሞላይ፤ ቃይ ሸይቃን ደእያ ሀራ ሞላ ኡባይካ መሌዳ። ሄዋ ድራዉ፥ አሳጥ ናሸቻይ ሃኪዳ።

ሰማናዳንን ዋሳናዳን ሸቆ ጸሳ  
(ሆሰ 1:11—2:17)

- 13 ሀንተና ቂሳቶ፥ ዋሩዋ ማዬደ ዬክተ! ሀንተና፥ ያርሸያሳን እልያ ቂሳቶ፥ አዬ! አዬ! ጌተ፤ ሀንተና፥ ታ ጸሳ ሰንላን እልያዋንቶ፥ ጌሻ ጎልያ ገልተ፤ ዋሩዋ ማዬደ እቅተ። አያዉ ጎጥ፥ ካሳ ያርሹዋን ኡሻ ያርሹዋ ጸሳ ጌሻ ጎልያን ያርሸያዌ ባዋ።
- 14 ጸማ አዋይተ፤ ጌሻ ያእዉ አሳ ጸሴደ ሺሸተ፤ ጭማቱዋን ጋድያን ደእያ አሳ ኡባ መድና ጎዳ ሀንተ ጸሳ ጌሻ ጎልያ ሺሸተ፤ ያቲደ ያን መድና ጎዳኮ ዋሰተ!

15 መድና ጎዳ ጋላሳይ ማቲዳ፤ ሄ ጋላሳዉ እየ እና! ሄ ጋላሳይ ኡባ ዳንዲያዊ ያሳጥ ባሻ ጋላሳ ግዲደ ዬ።

16 ኑ እይፍያ ሰንገጥ ካላይ፡ ኑ ጸሳ ጌሻ ጎልያጥ ናሽቻይን እልልሳይ ጳዬዳ ግድኔ?

17 ዘረቲዳ ዘረላይ ቢታ ግድን ቡቁዳ፤ ካላይ መል ክቼዳ ድራዉ፡ ዬሲካ ኡባይ መላ ግዴዳ፤ ድዮቲካ ኮለቲድና።

18 መሄቲ ሎይል ዋሲና፤ ሚዛ ዉድያዉካ ማታይ ባይና ድራዉ፡ ያነ ሃነ ብቻሪና። ሀራይ እቶ፡ ድርሳ ዉደቲካ ቲጋቲና።

19 እቤት መድና ጎዳዉ፡ ታማይ ባዙዋን ደእያ ሄንላ ጋይቲዋ ሞ ድጌዳ ድራዉ፤ ደምባን ደእያ ሞላ ኡባ ላጩ ድጌዳ ድራዉ፡ ታን ኔኮ ዋሳይ።

20 ጎግያ ሃላይ መሌዳ ድራዉ፤ ታማይ ባዙዋን ደእያ ማታ ሞ ድጌዳ ድራዉ፡ ሀራይ እቶ፡ ባዙዋ ደእቲካ ኔኮ ዋሲና።

## 2

1 ጽዮንን ማላካታ ፑንተ፤ ታ ጌሻ ደርያንካ ማላካታ ሰሰተ! ይሁዳ ጋርያን ደእያ አሳይ ኡባይ ያሻዉ ኮኮር፤ እያዉ ጎጥ፡ መድና ጎዳ ጋላሳይ ዬ፤ ማታቲዳ።

2 ሄ ጋላሳይ ጳማነ ሻናቻ ጋላሳ፤ ሻርያን ባራ ጳማ ጋላሳ! ጮራነ ሞኖ ኦላንቻቲ ደረቲዋ ቦላን ጸልቂ ከሰያዋዳን ከሰ ዋጴድና። ኡንቲንቲ ማላይ ባንገጥ ደምና ደእቤና፤ ሀዋጥ ሰንገሩዉ ዳር የለታ ጋካናዉካ ኡንቲንቲ ማላይ ደእና።

3 ኡንቲንቲ ባረጥ ሰንገሩ ደእያ ጮርሻ ኡባ ታማዳን ሚና፤ ቃይ ኡንቲንቲጥ ጉየና ደእያባ ላጩዋዳን ጸጊና፤ ኡንቲንቲጥ ሰንገሩ ደእያ ሳእይ ኤደነ ገነትያ ማላ፤ ሽን ኡንቲንቲጥ ጉዬ መላ ባዙዋ ማላ፤ ኡንቲንቲጥ እያይነ እተና።

4 ኡንቲንቲ ማላይ ፓራ ማላ ማላ፤ ኡንቲንቲ ኦላ ፓራቲዋዳን፤ ኤለካ ዋጲና።

5 ፓራይ ጎቻያ ጋረቲዋ ኮሻ ገሪና፤ ኡንቲንቲ ደረቲዋ ጸራና ጉጊና፤ ዳላ ሞያ ታማ ላጩዋዳን ጸራጊና፤ ኦላ ባናዉ ሳልፔዳ ዋልቃማ ኦላንቻቲዋዳን ማራን ሀመቲና።

6 ኡንቲንቲጥ ሰንገሩ አሳይ ኮኮሪ፤ ኡንቲንቲ ያሻዉ ኡባ ሶምኢ ላመቲዳ።

7 ኡንቲንቲ ኦላንቻቲዋዳን ዋጲና፤ ድርሳ ግምቢያካ ግእና። ኡንቲንቲ ኡባይካ ባረ ማራን ሳልጊና፤ ባረንቲ ሳልጊናጥ ጋጸ ከሰክና።

8 ኡንቲንቲ እቲ እቲዋና ሰጎትክና፤ ኡባይካ ባረ ሳልጊናን ሳልጊናን ሰት ጊደ፡ ሰንገሩዉ ሀመቲና። ኡንቲንቲ ባረናና ኦለትያዋንቲ ግዲዋና ጳሲደ እጲና፤ ሄ ዋደ ኡንቲንታ ተእያባይ ባዋ።

9 ኡንቲንቲ ካታማ ኤለካ ዋራጂና፤ ድርሳ ግምቢያ ቦላንካ ዋጲና። ኡንቲንቲ ጎልያ ቦላካ ከሲና፤ ቃይ ካይሱዋዳን፤ ማሰኮትያና ገሊና።

10 ኡንቲንቲጥ ሰንገሩ ጋዲ ቃጾ፤ ሳሎቲካ ኮኮሪና። እዋይነ አግሪይ ጳሚና፤ ቃይ ጸልንተቲካ ባረንቲ ፖሎዋ ገንፊና።

11 መድና ጎዳይ ሀዋዳን ያጌ፤ “ሀእካ ጸሚደ፡ ዬኪድነ ካዮቲደ ፖሎ ዋዛናጥ ታኮ ሰምተ። መድና ጎዳ ጋላሳይ ግታን ዳርጥ ያሸንዋ። ሄ ጋላሳ ዳንዲያናዌ ኦኔ?

### ናጋራጥ ሰማናዳን ጸሳ

12 መድና ጎዳይ ሀዋዳን ያጌ፤ “ሀእካ ጸሚደ፡ ዬኪድነ ካዮቲደ ፖሎ ዋዛናጥ ታኮ ሰምተ።

13 ሀንተ ዋዛናጥ እትና፡ ሀንተ ማዩዋ ፔድጥተ” ያጌ።

መድና ጎዳኮ፡ ሀንተ ጸሳኮ፡ ሰምተ፤ እያዉ ጎጥ፡ እ ቃረታይነ ማርታይ ኩሚዳዋ፤ ሀንቆ ኤሌለናዋነ ሰቁ ዳራዳዋ፤ እ ሀንተና መራራዉ ኮየናዋ።

14 ኡን ኤሪ፡ ጸሳይ ሀንተ ጸሳይ፡ ባረ ሀንቆዋጥ ሰሚደ፡ ሀንተንቶ ዳር ካላ እንጂዋ እማነንቲ። ሄ ዋደ መድና ጎዳዉ፡ ሀንተ ጸሳዉ፡ ካላ ያርሹዋነ ኡሻ ያርሹዋ ሀንተ ያርሻና።

15 ጽዮንን ማላካታ ፑንተ፤ ያእዉ አሳ ሺሽተ! ጸማ አዋይተ፤

16 ሺቁዋ ጌሽተ፤ ጭማቲዋ እትጥ እህተ፤ ጉላ ናናቲዋነ ጳምያዋንታካ እሾጥተ። አክያዌ ቡላቻ ጎልያጥ ከሲ፤ ቡላቼትያናካ ባረ ሲርጸጥ ከሱ።

17 መድና ጎዳዉ እጳያ ቄሳቲ ጌሻ ጎልያ ባራንዳጥነ ያርሸያ ሳኣጥ ግዲዋን ኤቂደ ዬክና። ኡንቲንቲ ሀዋዳን ያጊደ ዋሰና፤ “አቤት መድና ጎዳዉ፡ ነ አሳዉ ቃረታ፤ ነ አሳ ካዉተላቲዋ ግድን ቦርያባነ ቅሊጭሰያዋ ከሶፓ። አሳይ ባረ ግድን እያዉ፡ ‘ኡንቲንቲ ጸሳይ ሀቃን ደእኔ?’ ያጋኔ?’ ያግና።

### ጎዳ ጋላሳ (2:18-32)

18 ያትና፡ መድና ጎዳይ ባረ ቢታዉ ሲለታና፤ ቃይ ባረ አሳዉካ ቃረታና።

19 መድና ጎዳይ ዛሬ ባር አሳ ሀዋዳን ያጌ፤ “በእት፡ ታን ህንተንቶ ካላ፡ ዋይንያ ኤሳነ ዛይትያ ህንተና ኡዳ ካልሰያዋ ዩዳና፤ ታን ህንተና ሙሉካ ካውተላቱዋ ግደን ቦርያ ከሰከ።

20 “ሁጲሳ ባገር ዬዳ ቦልያዳን ግዳዳ ሞርከቱዋ ታን የደርሳደ፡ ህንተጥ ሃሳና፤ ባዙዋነ መላ ቢታ ታን ኡንቱንታ የደርሳና። እዋይ ዶልያ ባገር ደእያዋንታ ማጽነ አሳው፡ እዋይ ዉልያ ባገር ደእያዋንታ ቃይ ሜድተራነ አሳው ዛሬ ዩዳና፤ ኡንቱንቱ አሃይ ጽንቁዋ ጸኡ ገና። ሄዋ ኡባይ ኡንቱንቱ ህንተ ቦላ ዋልቃማ ኢታባ ኡፌዳ ግሻሳ” ያጌ።

21 ቢታው፡ ሰሞ ያዮገ፤ መድና ጎዳይ ግታባ ኡፌዳ ድራው፡ ናሽታነ ሀሽ ገ!

22 ህንተኖ ሳኣ መሄቶ፡ ያዮገ፤ እያው ጎጥ፡ ባዙዋን ደእያ ሄንሳ ጋዲ እጩዳ፤ ሞላይካ ባር አይፍያ እይፌ፤ ኡላ ሞላይነ ዋይንያ ቱራይካ አይፍያ ዶርጸጹ።

23 ህንተኖ ጽዮነ አሳቶ፡ ናሽተት፤ መድና ጎዳን፡ ህንተ ጸሳን፡ ሀሽ ገተ! እያው ጎጥ፡ እ ባልጉዋ እራ ህንተንቶ ዳርሲደ እሜዳ፤ ቃይ እ ካሰዋዳን፡ ህንተንቶ ባልጉዋ እራነ ኡድልያ እራ ግድሲደ እሜዳ።

24 ካላ ቡክያ ኡዳማቱዋን ካላይ ኩማና፤ ዋይንያ ኤሳይነ ዋጋራ ዛይቲ ጉምእያ ኦላቱዋ ኩሚደ ፓላሀና።

25 መድና ጎዳይ ህንተ ጸሳይ ሀዋዳን ያጌ፤ “ካሰ ታን ህንተ ግደ የዳዳ፡ ታ ዋልቃማ ኦላንቻቱዋ፡ ጎንዶቱ፡ ቦለቱ፡ ቡምቡርቱነ ኩኩቦቱ ሜዳ ላይላቱዋ አጩዋ ታን ህንተንቶ ጭጋ።

26 ማናው ህንተንቶ ዳር ቁማይ ደእና። ሄዋ ድራው፡ ህንተ ካላናነ ማልልሰያባ ህንተንቶ ኡፌዳ ታና መድና ጎዳ ህንተ ጸሳ ሱንሳ ጋላታና። ቃይ ታ አሳይ ላኤንሎ ሙሉካ ዬላተና።

27 ሄ ዋይ ታን እሰራኤልያ ግደን ደእያዋ፡ ታን መድና ጎዳይ ህንተ ጸሳ ግድያዋነ ታጥ አትና፡ ሀራ ጸሰ ባይናዋ ህንተ ኤራና። ቃይ ታ አሳይ ላኤንሎ ሙሉካ ዬላተና።

28 “ሄዋጥ ጉይያን ሀዋዳን ሀናና፤ ታን አሳ ኡባ ቦላ ታ አያና ጉሳና። ህንተ አቱማ ናናቱነ ህንተ ማጫ ናናይ ትምቢታን ኦዳና፤ ህንተ ጭማቱካ እኩሙዋ እኩሙታና፤ ህንተ ዋዳላ ናናይካ ሳፃ በእና።

29 ሄ ጋላሳቱዋን ታ አቱማ ቆማቱ ቦላነ ታ ማጫ ቆማቱ ቦላ ታን ታ አያና ጉሳና።

30 “ቃይ ታን ቦላ ሳሉዋን ማልልሰያባ፡ ጋርሳ ሳንካ ሱላ፡ ታማነ ሰት ጊደ ፑደ ደንድያ ጨዋ በሳና።

31 ግታነ ዳርጥ ያሸያ መድና ጎዳ ጋላሳይ ጋካናጥ ካሰ እዋይ ጱማና፤ አገናይካ ሱላ ማላታና።

32 ሄ ዋይ ሀዋዳን ሀናና፤ መድና ጎዳ ሱንሳ ጸሰያ ኡባይ አታና። መድና ጎዳይ ጌዳዋዳን፡ ጽዮነ ደርያንነ የሩሳላመን አትያዋንቱ ደእና። ሄዋንቱጥካ መድና ጎዳይ ጸሰዳዋንቱ ፓጻ ደእና።”

### 3

#### ጎዳይ እማናዋንታ ሙርያዋ (3:1-21)

1 መድና ጎዳይ ሀዋዳን ያጌ፡ “ሄ ጋላሳቱዋን ሄ ዋድያን ታን ይሁዳነ የሩሳላመ አሳ አዋዲዋ ዛሬናነ እሻልሳደ ዋላና።

2 ታን ካውተላቱዋ ኡባን ደእያ አሳ ሸሻደ፡ ዲን እዮሳፈጸ ዋምባ ዋላና፤ ኡንቱንቱ ታ አሳ እሰራኤልያ ቦላ ኡፌዳ ባይዙዋ ኡባ ድራው፡ ታን ኡንቱንታ ያን ፕርዳና። እያው ጎጥ፡ ኡንቱንቱ ታ አሳ ካውተላቱዋ ግደን ላሌድኖ፤ ቃይ ታ ቢታካ ባረገው ግሽ እኬድኖ፤

3 አዋድቱዳ ታ አሳ ቦላን ሳማ የጌድኖ፤ ሻርሙጻ ማጫ አሳ ደማናው፡ አቱማ ናኣ እሜድኖ፤ ቃይ ዋይንያ ኤሳ ኡሻናው፡ ማጫ ናቶ ባይዜድኖ።

4 “ሄዋዳንካ፡ ህንተኖ፡ ጸርሳ፡ ሲዶናነ ፕልሰጾማ ጋድያ አሳቶ፡ ህንተ ታ ቦላ አይ ኦላናው ቆፕድቱ፡ ታን ኡፌዳዋ ሀሉዋ ከሳናው ኮዩቱ፡ ሄዋ ህንተ ኮዮጥ፡ ታን ኤሌላደ ህንተ ኡፌዳ ኦሉዋ ህንተ ቦላ ዛሬና።

5 እያው ጎጥ፡ ህንተ ታ ብራነ ታ ዋርቃ እኬድታ፤ ታ አልኦ ሚሻካ ህንተ ኤቃ ጎላቱዋ ገልሴድታ።

6 ይሁዳ ጋድያ አሳነ የሩሳላመ ካታማ አሳ ኡንቱንቱ ጋድያጥ ሃሰ አፊደ፡ ግሪክ ጋድያ አሳው ዛልኤድታ።

7 በእት፡ ህንተ ዛልኤዳ ሳኣጥ ታን ኡንቱንታ ሀእ ደንባላና፤ ህንተ ኡፌዳዋ ኡባ ህንተ ሁጲያን ዛሬና።

8 ታን ህንተ አቱማ ናናቱዋነ ህንተ ማጫ ናናቱዋ ይሁዳ ጋድያ አሳው ዛልኤታናዳን ኦላና፤ ቃይ ኡንቱንቱካ ሃኮ ጋድያን ደእያ ሳባ ጋድያ አሳው ኡንቱንታ ዛልእና። ታን መድና ጎዳይ ሀዋ ኡዳድ።

2:28 ኪታ 2:17-21 2:31 ማቶሳ 24:29፤ ማር. 13:24-25፤ ሉቃሳ 21:25፤ ሳፃ 6:12-13 2:32 ሮሞ 10:13 3:4 ኢሳ. 14:29-31፤ 23:1-18፤ ኤር. 47:1-7፤ ህዘ. 25:15—28:26፤ እሞጻ 1:6-10፤ ሶር. 2:4-7፤ ዛካ. 9:1-7፤ ማቶሳ 11:21-22፤ ሉቃሳ 10:13-14

ጳጳሪ አማካኝ አሳ ቦላ አሄዳ ፕርዳ

9 “ሀዋዳን ያጊደ እይሁዳ ግደና አሳቱዋ ግደን አዋይተ፤ ሌላው ገግተ፤ ምኖ አሳቱዋ ደን ስላተ፤ አላንቻቱ ኡባይ ሺቅናን ከሰና።

10 ህንተ ማራሻ ማሻ፡ ህንተ ባጫካ ቶራ ከሳናው ቆጽተ፤ ዳቡራንቻይ፡ ታን ምና፤ ያጎ።

11 ህንተኖ፡ ዩቩዋን ደእያ ካውተላ ኡባቶ፡ ኤለካ ሃ ዪተ፤ ሄዋን ሺቅተ” ያግተ” ያጌ።

አቤት መድና ጎዳው፡ ነ አላንቻቱዋ ያ ዲገ ዋሳ፤

12 ቃይካ ጳጳሪ ሀዋዳን ያጌ፤ “ካውተላቱ ደንዲደ፡ እዮሳፈጸ ዋምባ ቢና፤ እያው ጎጥ፡ ዩቩዋን ደእያ ካውተላቱዋ ኡባ ቦላን ፕርዳናው ታን ያን ኡታና።

13 ኡንቱንቱ ኢታተሳይ ሎይሳ ዳራዳ። ሄዋ ድራው፡ ጫካ ዋዲ ጋክና ባጫን ጫክያዋዳን፡ ኡንቱንታ ጫክተ፤ ዋይንያ እይፊ ጉምእያ ኦላን ኩምና የድያዋዳንካ፡ ኡንቱንታ የድተ።”

14 ፕርዳ ዛንጋራን መድና ጎዳ ጋላሳይ ጋኬዳ፤ ሄዋ ድራው፡ ዳር ዳር አሳይ ፕርዳ ዛንጋራን ደኤ።

15 ሄ ጋላስ አዋይን አግናይ ቆማና፤ ጸልንተቱካ ባረንቱ ፖኡዋ ገንፋና።

16 መድና ጎዳይ ጽዮንን ግዲደ ጉማና፤ የሩሳላመንካ ባረ ኮሻ ሰሳና፤ ሳሉን ሳእይ ኮኮራና። ሸን መድና ጎዳይ ባረ አሳው እስራኤላው ባቃት አትያ ሳእን ደኡዋ ግዳናዋ።

ጳጳሪ ባረ አሳ እንጀና

17 መድና ጎዳይ፡ “ታን ታ ጌሻ ደርያን ጽዮንን ደእያ መድና ጎዳ ህንተ ጳጳ ግድያዋ ህንተ ሄ ዋደ ኤራና። የሩሳላመ ካታማይ ጌሻ ግዳናዋ፤ ቃይ አላጋቱዋ ኡላንቻቱ ላኤንሉ የሩሳላመ ዋራጅክና።

18 “ሄ ጋላስ ደረቱ እይፍያ ዋይንያ ቱራን ካመታና፤ ደረቱዋ ቦላንካ ዳር ማላ እምያ ሚዛይ ሄመታና። ይሁዳ ጋድያን ደእያ ሻፋ ኡባና ሃሳይ ፑልታና። መድና ጎዳ ጌሻ ጎልያፕ ፑልቱ ጎጋና፤ ሺጽማ ዛንጋራ ኡሻና።

19 “ግብጼ ጋዲ መላ ግዳናዋ፤ ኤዶማ ቢታይካ እይነ ደለና ቢታ ግዳናዋ። እያው ጎጥ፡ ኡንቱንቱ ይሁዳ አሳ ቦላ ኢታባ ኦጼድኖ፤ ቃይ ይሁዳ ጋድያን ጽሎ አሳ ሱላካ ጉሴድኖ።

20 ሸን ይሁዳ ጋዲ መድናው፡ የሩሳላመካ የለታ ኡባ ጋካናው፡ አሳይ ደኢያሳ ግዳናዋ።

21 ታን ጭገተናን እኤዳ ኡንቱንቱ ሱላ ሀሉዋ ብር ከሳና፤ እያው ጎጥ፡ ጳጳሪ ጽዮንን ደኤ” ያጌ።

### አሞጽ ትምቢትያ ገሉዋ

ሀ ትምቢትያን እደቱዳ ኪታይ ገሻ ማጻፋ ግድን ሀራቱዋፕ አዲሳ ዋድያፕ ካሰና ጸፈቲዳ ማጻፋይ አሞጽ ትምቢትያ ማጻፋ። አሞጽ ይሁዳን ደእያ እት ካታማፕ ዬዳ አሳ ግድፕ፣ ክርሰቶሳ የለታፕ ካሰ፣ ሆሰፑንሳ ጸቱ ላይላው ባጋ ሄራን ሀ ኪታ ሁጸሳ ባጋና ደእያ እስራኤልያ ካውተላው አሌዳ። ሄ ዋዲ ዳር ዱረተላይ፣ አያና ደኡዋንካ አሳይ ድጩዳን አማንሰያ ሀናተላይ ቤቲዳ ዋድ። ግድፕን አሞጽ ዱረተላይ ዱረ አሳ ጸላላው እመቲዳዋ በኤዳ፤ ቃይ ሀራ ባጋና ሱረ ፕርዳይ ላይያዋን ሀዬሳቲዋ ኡቅንያዋ ጋድያን ዳራዳዋ በኤዳ። አማኑዋ ኦይቀላ ግድፕካ ቱሙዋፕ ሃኬዳዋ፣ ሎኦ ማላትያ ኢታይ ኩሜዳዋን እኑ ባይና ሳርተላይ ደእያዋካ በኤዳ። ሄዋ ጋሱዋን ጸሳይ ባረ አሳ ቦላ ሙሩዋ አሀናዋ ሀንቁዋንን ጸላን ኩሚደ ኦዳዳ። ሄዋናካ፣ “ሱረ ፕርዳይ ሻፋ ሃላዳን ጎጎ” ያጊደ ቆፍሴዳ። ሄዋዳን ሀናፕ፣ “ኡባ ዋድያ ጎዳይ እቲዳ እስራኤልያ አሳው ቃረቲደ ማራነንቶን እን ኤሪ!” ያጌዳ (5:15)።

#### ሸምፓቲዋ ኡባቶ እመቲዳ ቃንሳ ቆፋቲዋ

1. አሳ ዘረላ ኡባይ ባረ ዋንጃላን እሸትያዋ 1:1—3:2
2. እስራኤልያን ሳማርያ ባሻ 3:3—6:14
3. እስራኤልያ ሙሩዋባ አሞጽ በኤዳ እቺሹ ሳጸቲዋ 7:1—9:10
4. እስራኤልያ ፖኦ ሀይታ 9:11-15

አሳ ዘረላ ኡባይ ባረ ዋንጃላን እሸትያዋ (1:1—3:2)

1 ኦዘያን ይሁዳ ጋድያን ካትያ፣ ቃይ ዮእሻ ናእይ እዮርባሞ እስራኤልያ ጋድያን ካትያ ግዳደ ደኤዳ ላይላን ታቆኦ ጋድያን ዶርሳ ሄምያዋንቲፕ እቲ አሞጽ፣ ቢታይ ቃጻናፕ ላኤ ላይላፕ ካሰ እስራኤልያባ በኤዳ ሳጻይ ሀዋ።

2 አ ሀዋዳን ያጌዳ፤ “መድና ጎዳይ ጽዮን ደርያን ጉዳይ፤ የሩሳላሙ ካታማንካ ባረ ኮሻ ሰሴ። ሄንላንቻቲ ሙሀያ ሄምያ ሄንላ ጋድቲ ሙሊና፤ ቃርሙሎሳ ደርያ ሁጸያን ደእያ እርጻይካ ሹሌ” ያጌዳ።

#### እስራኤልያ የሹዋን ደእያ ጋድቲዋ ቦላን ጸሳይ ፕርድያ ፕርዳ ሶርያ

3 መድና ጎዳይ ሀዋዳን ያጌ፤ “ዳማስቆ አሳይ ዘር ዘሪደ ኦሌዳ ናጋራ ድራው፣ ታን ኡንቲንታ ሙረናን እግከ። እያው ጎፕ፣ ኡንቲንቲ ጋላኦይ ቢታ አሳ ብራታ እቻና ደእያ ጋርያን የድሲደ ቆጶድና።

4 ሄዋ ድራው፣ ታን ካትያ ሀዘኤላ ጎልያን ታማ የዳና፤ የድና ሄ ታማይ ካትያ በንሀዳዳ ጌሱዋካ ማና።

5 ታን ዳማስቆ ካታማ ፕንግያ ኩልቡዋ መንላና፤ አዋና ዘንጋራን ደእያ አሳ የደርሳናን ካተቲዋ ጸምኦ ኦይቁዳዋካ ቤት-ኤዳናፕ ላይሳና፤ ቃይ ሶርያ ጋድያ አሳይካ ኦዋድቲደ፣ ቁራ ግያሳ ባና” ያጌ መድና ጎዳይ።

#### ፕልሰጾማ

6 መድና ጎዳይ ሀዋዳን ያጌ፤ “ጋዘ ካታማ አሳይ ዘር ዘሪደ ኦሌዳ ናጋራ ድራው፣ ታን ኡንቲንታ ሙረናን እግከ። እያው ጎፕ፣ ኡንቲንቲ ጋድያን ደእያ አሳ ኡባ ኦዋዳደ፣ ኤዶማ ጋድያ አሳው ባይዜድና።

7 ሄዋ ድራው፣ ታን ጋዘ ካታማ ድርሳን ታማ የዳና፤ ሄ ታማይ ካታማ ጌሱዋካ ማና።

8 እሸዶዳን ደእያ አሳ ታን የደርሳናን ካተቲዋ ጸምኦ ኦይቁዳዋካ እስቀሎናፕ ላይሳና። ኤቅሮና ካታማን ደእያ አሳካ ሙራና፤ ቃይ ፕልሰጾማ ጋድያ አሳፕ እቲዳዋንቲካ ሀይቃና። ታን ኡባ ዋድያ መድና ጎዳይ ሀዋ ኦዳይ” ያጌ።

#### ጸርሳ

1:1 2 ካታ. 15:1-7፤ 2 ኦዳዋ 26:1-23፤ 2 ካታ. 14:23-29 1:2 እዪ. 3:16 1:3 እላ. 17:1-3፤ እር. 49:23-27፤ ካካ. 9:1 1:6 እላ. 14:29-31፤ እር. 47:1-7፤ ሀዘ. 25:15-17፤ እዪ. 3:4-8፤ ሶፎ. 2:4-7፤ ካካ. 9:5-7



9 መጅና ጎዳይ ሀዋዳን ያጌ፤ “ጺሮሳ ካታማ አሳይ ዛር ዛሪይ ኦሌዳ ናጋራ ድራው፤ ታን ኤንቱንታ ሙረናን አግከ። አያው ጎጥ፤ ኤንቱንቱ ጫቀቱዳ እሻተሳ ጫቀዋ አጂይ፤ ኦሞደቲዳ አሳ ኡባ ኤደማ አሳው ባይዜድኖ።

10 ሄዋ ድራው፤ ታን ጺሮሳ ካታማ ድርሳን ታማ የዳና፤ ሄ ታማይ ካታማ ጌሱዋካ ማና” ያጌ።

**ኤደማ**

11 መጅና ጎዳይ ሀዋዳን ያጌ፤ “ኤደማ ጋድያ አሳይ ዛር ዛሪይ ኦሌዳ ናጋራ ድራው፤ ታን ኤንቱንታ ሙረናን አግከ። አያው ጎጥ፤ ኤንቱንቱ ባረንቱ አሻቱዋ እስራኤላቱዋ ማሻን የደርሴድኖ፤ ኤንቱንቱ ኤንቱንቶ ቀረትበይክኖ። ኤንቱንቱ ኡባ ገደ ሀንቀቲኖ፤ ኤንቱንቱ ይሉ መጅናውካ ሰመና።

12 ሄዋ ድራው፤ ታን ቱማና ካታማ ቦላ ታማ የዳና፤ ሄ ታማይ ቦጵራ ካታማ ጌሱቱዋ ማና” ያጌ።

**አሞና**

13 መጅና ጎዳይ ሀዋዳን ያጌ፤ “አሞና ጋድያ አሳይ ዛር ዛሪይ ኦሌዳ ናጋራ ድራው፤ ታን ኤንቱንታ ሙረናን አግከ። አያው ጎጥ፤ ኤንቱንቱ ባረንቱ ዛዋ አሳናው ጋላእደ ጋድያን ደእያ ሻሃራ ማጫ አሳቱ ኡሉዋ ዳኪድኖ።

14 ሄዋ ድራው፤ ታን ራባ ካታማ ድርሳን ታማ የዳና፤ ሄ ታማይ ካታማ ጌሱቱዋ ማና። ሄዋጥ ጉይያን፤ ኦላ ጋላሰ ዋሱ ዳራና፤ ቃይ ኦላንቻቱ ጎትያዳን ዋልቃማና።

15 ኤንቱንቱ ካቲነ አናና ኦላያ ካገቱ ኡባይ ኦሞደቲደ እትጥ ባና” ያጌ መጅና ጎዳይ።

**2**

**ሞአባ**

1 መጅና ጎዳይ ሀዋዳን ያጌ፤ “ሞአባ ጋድያ አሳይ ዛር ዛሪይ ኦሌዳ ናጋራ ድራው፤ ታን ኤንቱንታ ሙረናን አግከ። አያው ጎጥ፤ ኤንቱንቱ ኤደማ ጋድያ ካትያ መቀላ ብድንሳ ከሳና ጋካናው ጸጌድኖ።

2 ሄዋ ድራው፤ ታን ሞአባ ጋድያን ታማ የዳና፤ ሄ ታማይ ቅርዮታ ካታማ ጌሱቱዋ ማና። ሞአባ ጋድያ አሳይ ሻበርሳ ግደን፤ ኦላ ዋሱዋ ግዴዋንን ማላካታ ፑኡዋ ግደን ሀይቂ ሠራና።

3 ታን ሞአባ ጋድያ ሞድያዋ ቆይሳና፤ ቃይ ካገቱዋ ኡባካ አናና እትጥ ዋቆና” ያጌ መጅና ጎዳይ።

4 መጅና ጎዳይ ሀዋዳን ያጌ፤ “ይሁዳ ጋድያ አሳይ ዛር ዛሪይ ኦሌዳ ናጋራ ድራው፤ ታን ኤንቱንታ ሙረናን አግከ። አያው ጎጥ፤ ኤንቱንቱ መጅና ጎዳ ሀግያ አጼድኖ፤ አ አዛዙዋካ ናግበይክኖ። ኤንቱንቱ አዎቱ ካሌዳ ዋርደ ጸሳቱ ኤንቱንታካ ባለሌድኖ።

5 ሄዋ ድራው፤ ታን ይሁዳ ጋድያ ቦላ ታማ የዳና፤ ሄ ታማይ የሩሳላመ ጌሱቱዋ ማና” ያጌ።

**እስራኤልያ ቦላን ጸሳይ ፕርድያ ፕርዳ**

6 መጅና ጎዳይ ሀዋዳን ያጌ፤ “እስራኤልያ አሳይ ዛር ዛሪይ ኦሌዳ ናጋራ ድራው፤ ታን ኤንቱንታ ሙረናን አግከ። አያው ጎጥ፤ ኤንቱንቱ ሚሻ አካና ድራው፤ ጽሉዋ ዛልአኖ፤ ቃይ ጫማ አጩዋ አካና ግሻውካ ሀይሳ ዛልአኖ።

7 ማንቆቱዋ ጋድያ ባናን ከንድሲደ፤ ኤንቱንቱ ሁጲያ የጳኖ፤ ናቀቱዳዋንቱ ፕርዳካ ጌላዪኖ። ቃይ አውነ ናኦይ ላኤ እት ሞሽራቶ ዋሹምያዋን ታ ጌሻ ሱንሳ ሎይሳ ቱንሲኖ።

8 ኤንቱንቱ አሳጥ አጮ ኦይቄዳ ማዩዋ ያርሽያ ሳኦን ኡባ ማታን ሄጺደ፤ እን ግሲኖ፤ ቃይ አሳጥ ማቃጮ ኦሊደ አኬዳ ዋይንያ ኤሳ ባረንቱ ጸሳ ጎልያን ኤሽኖ።

9 “ግደጥን፤ ዘጋዳን አዲቂደ፤ ዋላዳን ሞኔዳ አሞረ ጋድያ አሳቱዋ ኤንቱንቱ ሰንላጥ ቆይሴዳዌ ታና። ታን ኤንቱንቶ ቦላ አይፍያናካ ጋርሳ ጸጸዋናካ ኡባ ቆይሳደ።

10 ታን ሀንተና ግብጼ ጋድያጥ ከሳደ፤ ባዙዋን ኦይታሙ ላይሳ ካለላድ፤ ቃይ አሞረቱ ቢታካ ሀንተንቶ ላታ ኦሳደ አማድ።

11 “ሀንተ አቱማ ናናቱ ግደጥ ትሞበትያ ኦድያዋንታ፤ ሀንተ ያላጋ አሳ ግደጥካ ባረና ጸሳው ዲማዬዳ ናዘራዌቱዋ ደንሳድ። ሀንተና፤ እስራኤልያ አሳቶ፤ ሀዌ ቱማ ግደኔ? ሀዋ ታን ጸሳይ ኦዲኖ።

1:9 ኢሳ. 23:1-18፤ ህዘ. 26:1—28:19፤ እዪ. 3:4-8፤ ዛካ. 9:1-4፤ ማቶሳ 11:21-22፤ ሉቃሳ 10:13-14 1:11 ኢሳ. 34:5-17፤ 63:1-6፤ ኤር. 49:7-23፤ ህዘ. 25:12-14፤ 35:1-15፤ አብድ. 1-14፤ ማልክ. 1:2-5 1:13 ኤር. 49:1-6፤ ህዘ. 21:28-32፤ 25:1-7፤ ሶር. 2:8-11 2:1 ኢሳ. 15:1—16:14፤ 25:10-12፤ ኤር. 48:1-47፤ ህዘ. 25:8-11፤ ሶር. 2:8-11 2:9 ዘር. 3:8-11 2:11 ገይ. 6:1-8

- 12 ሽን ህንተ ሄ ናዝራዌቱዋ ጫቅዋ ኮልሲደ፣ ዋይንያ ኤሳ ኡሼድታ፤ ትምቢትያ ኦድያዋንታካ፣ ሓምቢትያ ኦድፕተ፣ ያጊደ እዛዜድታ።
- 13 “በእተ፣ ካላ ዳርሲደ ጫኔዳ ጋሪ መእያዋዳን፣ ታን ህንተና መንፃና።
- 14 ፓላ ዋጽያዌ ባቃቲደ ከሰ እከና፤ ሞኖ ዋልቃይ እጻና፤ ኦላንቻይካ ባሪ ሸምፕዋ እሸና።
- 15 ሞንዳፍያን ዱክያዌ ባሪ ሳእን ኤቃናዉ ዳንዳየና፤ ገድያ ኤሱካ ከሰ እከና፤ ፓራዉካ ባሪ ሸምፕዋ እሸና።
- 16 ሄ ጋላሰ ሀራይ እቶ ኦላንቻቱዋ ግድን ሎይል ጻላንቻ ግያዋንቱካ ካሎ ጸራ ባቃታና” ያጌ መድና ጎዳይ።

### 3

- 1 ህንተኖ እስራኤልያ እሳቶ፣ መድና ጎዳይ ህንተ ቦላ፣ ግብጹ ጋድያፕ እ ከሴዳ እሳ ኡባ ቦላ ሃሳዬዳዋ ሰሰተ።
- 2 “ሳእን ደእያ እሳ ኡባፕ ታን ህንተ ጻላላ ዶራድ። ሄዋ ድራዉ፣ ህንተ እኤዳ ናጋራ ኡባዉ ታን ህንተና ሙራና” ያጌ።

እስራኤልያን ሳማርያ ባሻ  
(3:3—6:14)

- 3 ላኡ እሳቱ ቆፋይ እታ ግድናን ደእደ እትፕ ሀመቲኖ?
- 4 ጋመ ኦይቁያዋ ደመናን ዋራን ጮ ጉዲየ? ዋይ ዋዳላ ጋመ፣ እየንቶ የደርሲደ ኦይቀናን ባሪ ጌሱዋን ዳሪየ?
- 5 ኦይቃናዉ የጌዳ ግትያ ግድን ካላይ ቆየፕ፣ ካፋ ጮ ኦይቀቲ? ዋይ ጸራ እየንቶ ኦይቁያባይ ባይናን ጮ ፕሪ?
- 6 ካታማ ግድን ኦላ ማላካታይ ፑነትያ ዋደ፣ አሳይ ያሻን ኮኮሪኔየ? ዋይ መድና ጎዳይ ኪተናን ደእሸን፣ ባሻይ እት ካታማ ቦላን ዪየ?
- 7 ቱሙዋፕ ኡባ ሞድያ መድና ጎዳይ ባሪ ጸራ ትምቢትያ ኦድያ ባሪ ቆማቶ ካሰቲደ ቆንጮሰናን ደእደ፣ እያን ኡፍና።
- 8 ጋመ ጉድና፣ ያየናዌ ኦኔ? ኡባ ሞድያ መድና ጎዳይ ኦድና፣ ትምቢትያ ኦድናዌ ኦኔ?

ሳማርያ ከንደላ

- 9 አሽዶዳ ካታማን፣ ግብጹ ካትያ ጎለቱዋን ደእያ ኡባቶ ሀዋዳን ያጊደ አዋይተ፤ “ሳማርያ ደረቱዋ ቦላ ሸቅተ፤ ሸቁደ ያን ህንያ ዋልቃማ ዋጪላን ሱገላ ኦሱዋ በእተ” ያግተ።
- 10 መድና ጎዳይ ሀዋዳን ያጌ፤ “ሀ እሳቱ ሱረባ ኦልያዋ ኤርከና፤ ሱገላን፣ ቦንቁደ እሄዳ ሻሉዋን ባረንቱ ጎልያ ኩንል ዋልድኖ” ያጌ።
- 11 ሄዋ ድራዉ፣ ኡባ ሞድያ ጸሳይ ሀዋዳን ያጌ፤ “ሞርኪ ህንተ ቢታ ዶዳና፤ ህንተ ጌሱዋ ላላና፤ ህንተ ዳረቱዋ ጎልያካ ቦንቃና” ያጌ።
- 12 መድና ጎዳይ ሀዋዳን ያጌ፤ “ሄንሳንቻይ ጋሙዋ ደናፕ ዶርሳ ዋል እክያ ዋደ፣ ዶርሳዉ ላኡ ገደቱዋ ዋይ ዱጸ ሀይሳ ዋል እክያዋዳን፣ ሄዋዳንካ ሳማርያ ጋድያን እሻሉዋን ኡቲዳ እስራኤልያ አሳፕ እማራዳዋንቱ ጸላላይ አታና” ያጌ።
- 13 መድና ጎዳይ፣ ኡባፕ ዋልቃማ ጸሳይ መድና ጎዳይ ሀዋዳን ያጌ፤ “ሀዋ ሰሰተ፤ ያቆባ ዛራቱዋ ቦላ ማርካትተ።
- 14 ታን እስራኤልያ እሳ ኡንቱንቱ ናጋራ ድራዉ ሙራያ ጋላሰ፣ ቤቲላ ካታማን ደእያ ያርሸያ ሳኦ ኮላና፤ ያርሸያ ሳኦን ደእያ ካጪቱካ መእደ፣ ሳኦን ዋቆና።
- 15 ባልጉዋን ኡንቱንቱ ደእያ ጎልያን ቦንያን ኡንቱንቱ ደእያ ጎልያ ኡባ ታን ቆይሳና። ዳንጋርሳ ዛልያን እሌቁሲደ፣ ኡንቱንቱ ኬጼዳ ጎሊካ ኮላታና፤ ቃይ ዋልቃማ ዋልቃማ ጎለቱ ኡባይካ ቆያና” ያጌ መድና ጎዳይ።

### 4

- 1 ህንተኖ፣ ሳማርያ ማጫዋንቶ፣ ባሳን ጋድያ ማጫ ሚዛቱዋዳን ሞዴዳዋንቶ፣ ሀዋ ሰሰተ! ህንተ ሀይሳቱዋ ኡቁኒታ፤ ማንቆቱዋካ ቱጋዪታ። ህንተ እሰናቱዋካ፣ “ኡዉ ኡሻ ሀምተ” ያጌታ።
- 2 ኡባ ሞድያ መድና ጎዳይ ሀዋዳን ያጌደ፣ ባሪ ጌሻተላን ጫቃ፤ “ህንተ ማጋን ኦይቁደ ጎሽታና ጋላሳይን ህንተፕ አቲዳ እማራዳዋንቱካ ማጋን ኦይቁደ ብያ ሞላቱዋዳን ሀናና ጋላሳይ ያና።
- 3 ህንተ ኡባይካ ዶርሳ ጸእያና ጎሻና ከሲደ፣ ሄርሞንን ኦላታና” ያጌደ ጫቁዳ መድና ጎዳይ።

እስራኤልያ አሳይ ባሪ ባላፕ ታማራናዉ ዳንዳይበይከኖ

4-5 ኡባ ሞድያ መድና ጎዳይ ሀዋዲን ያገ፤ “ህንተኖ፣ እስራኤልያ አሳቶ፣ ቢተ፤ ቤቴለ ቢድ፣ ናጋራ ኦሳተ፤ ጋልጋላካ ቢድ፣ ናጋራ ጉጂደ ኦሳተ። ዋንታ ዋንታ ህንተ ያርሹዋ ያርሹተ፤ ሄዘንላ ጋለሰ ጋለሰ ህንተ እስራታ አህተ። እርሹዋ የጊደ ኤኤዳ ኡክላ ጸጊደ፣ ጋላታ ያርሹዋ ያርሹተ። ህንተ ህንተ ደሱዋን እምያዎ ድራው፣ ኦቶሪቲደ እዋይተ። እያው ጎጥ፣ ህንተ ኦላናው ደሰያዌ ሄዋ” ያገ።

6 ቃይካ መድና ጎዳይ ሀዋዲን ያገ፤ “ህንተ ካታማ ኡባን ታን ኮሻ የዳደ፣ ሀራይ እቶ ህንተ ማታን ዳጵያባካ ጳይሳድ፤ ሽን ህንተ ሄዋንካ ታኮ ሰምቦይክታ”

7 ካላ ጫክያ ዋዲ ጋካናው ብር ሄዙ እግናይ ደእሸን፣ ታን ህንተንቶ እራ ተእድ። ታን እት ካታማን እራ ቡክሳይ ሀራ ካታማን ቡከናዳን ድጋድ፤ እት ሾይቃን ቡኤዳ፤ ሀራ ቡክቤና ሾይቃይ ቃይ መሌዳ።

8 ሄዋ ድራው፣ ላኡ ዋይ ሄዙ ካታማቱዋ አሳይ ሃላ ኡሻናው እት ካታማ ቤድኖ፤ ሽን አልቦይክኖ። ሄዋንካ ቃይ ህንተ ታኮ ሰምቦይክታ” ያገ መድና ጎዳይ።

9 መድና ጎዳይ፣ “ታን ህንተ ካላ ቦላን ሀርግያ የዳድ፤ ህንተ አታክልትያን ህንተ ዋይንያ ቱራ፣ ህንተ ባለሰያ ሞላን ህንተ ዋጋራ ኡባ ቦሊ ሜዳ፤ ሽን ህንተ ሄዋንካ ታኮ ሰምቦይክታ” ያገ።

10 መድና ጎዳይ፣ “ታን ግብጹ አሳቱዋ ቦላ ኢታ ሀርግያ የዳዳዋዲን፣ ህንተ ቦላንካ ቦሻ የዳድ፤ ህንተ ዋዳላ ናናቱዋ ማሻን ዋዳድ፤ ህንተ ፓራቱካ አምይታዳን ኡዳድ። ህንተ ሞላን ሀይቄዳ አሳ አሃ ጽንቁዋን ህንተና ኡላድ፤ ሽን ህንተ ሄዋንካ ታኮ ሰምቦይክታ” ያገ።

11 መድና ጎዳይ፣ “ሶዶማን ጋሞራ ካታማቱዋ ጳይሴዳዋዲን፣ ህንተጥካ ዳርቱዋ ጳይሳድ፤ ሀ እቴዳ ህንተካ ታማጥ ኤጲደ አቴዳ ጸፋ ማላ፤ ሽን ህንተ ሄዋንካ ታኮ ሰምቦይክታ” ያገ።

12 ጸሳይ፣ “ሄዋ ድራው፣ እስራኤልያ አሳቶ፣ ታን ህንተና ሄዋዲን ኦላይ ሙራና ሀር። ታን ህንተና ሀዋዲን ኦላይ ሙራና ሀር። እስራኤልያ አሳው፣ ህንተ ጸሳይ ጋከታናው ግጥ” ያገ።

13 ደረቱዋ ጊግሴዳዌ፣ ጫርኩዋካ መዲዳዌ፣ ባረ ዋዛና ቆፋ አሳው ቆንጭሰያዌ፣ ዋንታ ፖኡዋ ጴማው ላምያዌ፣ ጋድያን ደእያ ጶቃ ደረቱዋ የድያዌ፣ አው ሱንሳይ መድና ጎዳይ፣ ኡባጥ ዋልቃማ ጸሳ።

### 5

#### እስራኤልያ አሳይ ናጋራ ፓጻና ማላ እደቲዳ

1 እስራኤልያ አሳቶ፣ ታን ህንተ ቦላ ዝላልያ ዝላሳ ሰሰተ!

2 “ወደሮ እስራኤላታ ኩንዳዲ፤

ሰም ላኤንሶ ደንዱኩ።

ሳኢን ኦለታዲ፤

እዞ ደንሰያዌካ ባዋ!” ያጋድ።

3 ኡባ ሞድያ መድና ጎዳይ ሀዋዲን ያገ፤ “ሻኡ ኦላንቻቱዋ ኦላው የድያ እስራኤልያ ካታማው ጴቱ ኦላንቻቱዋ ጸላላይ አታና፤ ጴቱ ኦላንቻቱዋ ኦላው የድያ እስራኤልያ ካታማው ቃይ ታሙ ኦላንቻቱዋ ጸላላይ አታና” ያገ።

4 መድና ጎዳይ እስራኤልያ አሳው ሀዋዲን ያገ፤ “ታና ኮይተ፤ ያቶጥ፣ ህንተ ደኡዋን ደእና።

5 ሽን ቤቴለ ኮዮፕተ። ገልጋላ ገሎፕተ። በርሳባህ ፕኖፕተ። እያው ጎጥ፣ ገልጋል ኦሞይታና፤ ቤቴልካ ጳያና” ያገ።

6 መድና ጎዳ ኮይተ፤ ያቶጥ፣ ህንተ ደኡዋን ደእና። ሄዌ ጳዮጥ፣ እ ዮሴፎ ዛርያ ታማዲን ጸጋና፤ ቤቴለን ደእያ አሳካ ታማይ ማና። ሄ ታማ ኡንቱንቶ ኦንከ ቶይሰና።

7 ህንተኖ፣ ሱሪ ፕርዳ ጌላዳዋንቶ፣ ጽሎተሳካ ሳኢን ኦልያዋንቶ፣ ሀዋ ሰሰተ።

8 ፕልያድሳ ጌተትያ ላፑን ጸልንተቱዋን ኦርዮና ጌተትያ ጸልንተቱዋ ጭታ መዲዳዌ፣ ባራ ጴማ ዋንታው፣ ጋላሳ ፖኡዋካ ቃማው ላምያዌን አባን ደእያ ሃላቱዋ ፑደ ሳሉዋ ጸሲደ፣ ሳኢ ሞጨላ ቦላ ዲን ትግያዌ፣ አው ሱንሳይ መድና ጎዳይ።

9 እ ጌሶቱዋ ላላናው ዋልቃማቱዋ ቦላ ባሻ እዬ።

10 ህንተ ፕርዳ ጌታሪን ሴርያዋ እጸታ፤ ቱሙዋ ኦድያዋካ ሸነቲታ።

11 ህንተ ሀይሳቱዋ የዲደ፣ ኡንቱንቱ ካሳካ ኡንቱንቱጥ ቦንቁደ እኬድታ። ያቲደ ማሰቲዳ ሹቻን ጎለቱዋ ግምቤድታ፤ ሽን ህንተ ሄ ጎለቱዋን ደእክታ። ሎእያ ዋይንያ ቱራቱዋካ ቶኪድታ፤ ሽን ህንተ ሄ ዋይንያ ኡሳ ኡሸክታ።

12 እያው ጎጥ፣ ህንተ ናቁ አፑንቶን ህንተ ናጋራይካ አይ ኪሻ ዋልቃማንቶ ታን ኤራይ። ህንተ ጽሎቱዋ ናቂታ፤ ማታይያካ እኪታ፤ ቃይ ጌታራን ሀይሳቱዋ ፕርዳ ጌላዳታ።

- 13 ሃዋ ድራው፡ ሀዋ ማላ ዋድያን ጭንጨ አሳይ ጮኤ ጌ፤ እያው ጎጥ፡ ዋዲ ኢታ።
- 14 ደኡዋን ደእናው ሎኦገጥ አትና፡ ኢታባ ኦሳጥተ፤ ያቶጥ፡ ሀንተ ግያዋዳን፡ መድና ጎዳይ፡ ኡገጥ ዋልቃማ መድና ጎዳይ ሀንተናና ግዳና።
- 15 ኢታባ እጽተ። ሎኦገ ደሰተ። ጥርዳ ጉታሪንካ ሱረ ጥርዳ ጥርድተ። ያቶጥ፡ ኦን ኤሪ፡ ጸሳይ፡ ኡገጥ ዋልቃማ ጸሳይ ዮሴፍ ዘረፋቱዋጥ አቴዳ አማራዳዋንቶ ቃረታንጎቶን።
- 16 ሃዋ ድራው፡ ጎዳይ፡ ኡገጥ ዋልቃማ መድና ጎዳይ ሀዋዳን ያጌ፤ “ዳባባ ኡባን ዋሱ ከሳና፤ ኦገ ኡባንካ አሳይ፡ ላየ፡ አየ!” ጋና። ጎሻንቻቱ ዬኮ፡ ዘላልያዋንቱካ ዘላሳው ጴሰታና።
- 17 ዋይንያ ቱራ ሳ ኡባን ዬኮ ደእና፤ እያው ጎጥ፡ ታን ሀንተና ሙራናው ሀንተ ግዳና እጽና” ያጌ መድና ጎዳይ።
- 18 ሀንተና፡ መድና ጎዳ ጋላሳይ ያናዳን አዎትያዋንቶ፡ ሀንተንቶ አየ እና! መድና ጎዳ ጋላሳ እያው አዎቲቱ? ሄ ጋላሳይ ጴማጥ አትና፡ ፖኦ ጋላሳ ግደና።
- 19 ሄ ጋላሳ ሀንተ ጋሙዋጥ ባቃት አትያ ዋደ፡ ማሂ ጋከትያ አሳ ማላ፡ ሄዋጥካ ቃይ ባቃት ባረ ጎላ ገሊደ፡ ባረ ኩሽያ ጎዳን ዘዎጥሲያ ዋደ፡ ሾሻይ ዱክያ አሳ ማላ ግዳና።
- 20 መድና ጎዳ ጋላሳይ ጴማጥ አትና፡ ፖኦ ግደና፤ ባራ ጴማጥ አትና፡ ፖኦ ሾራይ ሙለካ ባዋ!
- 21 ጸሳይ ሀዋዳን ያጌ፤ “ታን ሀንተ ቦንቶያ ባላቱዋ እጸድነ ሸነታድ፤ ሀንተ ጌሻ ሺቁካ ታና ናሽቶክና።
- 22 ሀንተ ታው ጸግያ ያርሹዋን ካላ ያርሹዋን ያርሺታ፤ ሸን ታን ሄዋ እክከ። ቃይ ሀንተ ታው ጋላታው አህያ አትተላ ያርሹዋ ሞጶ መሄቱዋካ ጸልከ።
- 23 ሀንተ ማገዘሙርያ ጫንጨላ ታ ማታጥ ሃሰተ፤ ሀንተ ዱጽያ ዱላካ ሰሰከ።
- 24 ሸን ሱረ ጥርዳይ ፑልቶ ሃላዳን፡ ጽሎተላይካ ቶኤና ሻፋ ሃላዳን ጎጎ።
- 25 “ሀንተና፡ እሰራኤልያ አሳቶ፡ ታን ሀንተና ባዙዋን ኦይታሙ ላይላ ካለሉያ ዋደ፡ ታው ያርሹዋ ያርሹድቱ? ዋይ አዎታ አሜድቱ?
- 26 ሄ ዋደ ሀንተ ሀንተ ኩሽያን መጴዳ ካትያ ሳኩታ ግያ ኤቃነ ከፍጥ ግያ ሀንተ ጸልንትያ ጸሳ ኤቃ ቶኤድታ።
- 27 ሃዋ ድራው፡ ታን ሀንተና ኦዎድሳይ ዳማሰቆ ካታማጥ አላይ ሃኮ ሳ ዩዳና” ያጌ። ሀዋ ግያዋ ዘው ሱንላይ ኡገጥ ዋልቃማ ጸሳ ጌተትያ መድና ጎዳቱ።

### 6

#### እሰራኤልያ ጳዩዋ

- 1 ሀንተና፡ እሰራኤልያ አሳይ ማዳዋ ኦችያ ቦንቱቱዳ እሰራኤልያ ጋድያ ካፓቶ፡ ሀንተና፡ ጽዮንን አሻሎዋን ደእያዋንቶ፡ ሳማርያ ካታማንካ ሀርግ ባይናን ኡቱዳዋንቶ፡ ሀንተንቶ አየ እና!
- 2 እነ ካልነ ግያ ካታማ ቢደ በአተ። ሄዋጥ ቃይ ሀንተ ግያ ዋልቃማ ካታማ ቢደ፡ ያና ቃይ ዲገ ፕልሰጸማቱዋ ካታማ ጋተ ዋድተ። ኦንቱንቱ ሀንተ ላኤ ካውተላቱዋጥ ኬኪና? ኦንቱንቱ ጋይ ሀንተ ጋድያጥ አኪ?
- 3 ሀንተና፡ ኢታ ጋላሳይ ኤለካ ዬና ጊደ፡ ሱገላ ኦሱዋ ኦልያዋንቶ፡
- 4 ዳንጋርሳ ዘልያጥ ኦልዳ አርሳን ግሰያዋንቶ፡ ሞንጸፍያንካ እንጀቲደ ኡትያዋንቶ፡ ቃይ ደርሳ ወድያጥ ቦልት ቦልታቱዋን ሚዛ ዘዳሎዋጥ ሞጶ ማራ እሹዋ ምያዋንቶ፡
- 5 ዳዊተዳን ዩላ ሚሻሻ ሀንተንቶ ገግሲደ፡ ማሰንቁዋን ዳማ ዳማ ዩላ ዩጽያዋንቶ፡
- 6 ዋይንያ ኤሳ ከርያና ጋንያዋንቶ፡ ሎይላ አልእ ሸቱዋካ ኦከትያዋንቶ፡ ዮሴፍ ዛራቱዋ ባይዛድ አይነ ካዮተናዋንቶ፡ ሀንተንቶ አየ እና!
- 7 ሃዋ ድራው፡ ኦዎድቲደ ባናዋንቱጥ ኮይርቱ ሀንተና ግዳና፤ ሄ ዋደ ሀንተ እንጀ ደኡሳይነ ሀንተ አሻልያዋ አታና።
- 8 መድና ጎዳይ፡ ኡገጥ ዋልቃማ መድና ጎዳይ ጸሳይ ሀዋዳን ያጌደ፡ ባረካ ባረናን ጫቄዳ፤ “ታን ያቆሳ ኦቶረዋ እጸይ፤ ኦንቱንቱ ጌሱዋካ ሸነታድ፤ ታን ካታማን ካታማን ደእያ ኡባ ኦንቱንቱ ዋርከቶ አላደ እማና” ያጌዳ።
- 9 እት ጎልያን ታሙ አሳይ አቶጥ፡ ኦንቱንቱካ ሀይቃና።
- 10 ኦንቱንቱ ዳቦቱዋጥ አቱ አሃ ሞጋናው ጎለጥ ከሲደ አፋና፤ ሄ ጎልያ ቆልኦን ደእያ ብታንያ፡ “ኔና አቴዳ ሀራ አሳይ ደኢ?” ያጌደ ኦቻና። እ ዛሪደ፡ “ሳዋ” ያጋና። ኦችያዋ፡ “ሀይዛ፡ ሀይዛ! መድና ጎዳ ሱንላ ኦን ጸሳናው ኩሽና” ያጋና።
- 11 መድና ጎዳይ እዛዘና፡ ዋጋ ጎለቱ ኮለታና፤ ቁር ጎለቱካ መኤረታና።
- 12 ፓራቱ ዘላ ቦላን ጋልፋናው ዳንዳዬና? ዋይ ቃይ ጎሻንቻይ ቦራ ዋዲደ፡ አባ ጎሻናው ዳንዳዬ? ሸን ሀንተ ቱሙ ጥርዳ ማርዘያው፡ ጽሎተላ ኦይፍያካ ጫዋ ላሜድታ።

13 ህንተ ሎዳባራ ካታማ ጸኔዳ ድራጫ ናሸቲታ፤ ቃይ፥ “ኑን ቃርናይማ ካታማካ ኑ ሞኖተጥን ኦይቁይ” ያገታ።

14 መድና ጎዳይ፥ ኡባጥ ዎልቃማ ጸሳይ ሀዋዳን ያገ፤ “ህንተኖ፥ እስራኤልያ አሳቶ፥ ታን ህንተ ቦላ እት ካወተጥ ደንጎና፤ ኡንቲንቲ ህንተና ሀማታ ፕኑዋጥ ደሚደ፥ አራባ ዎምባ ጋካናዉ ቲጋናና” ያገ።

### እስራኤልያ ሙሩዋባ አሞጽ ቦኤዳ እቼሹ ሳጻቱዋ

## 7

(7:1—9:10)

#### ቦሊ ያናዋ በስያ ሳፃ

1 ኡባ ሞድያ መድና ጎዳይ ታና ሳፃ በሴዳ። ሄ ሳጻን ታን ካትያ ጋክያ ካላይ ጫከቲዳዋጥ ጉይያን፥ ላኤንጥጥ ጫሬዳ ጫርሻ ቦላ እ ቦልያ ዉድያ መድሸን በእድ።

2 ኡንቲንቲ እርጸባ ኡባ ሚደ ዉርሱዳ ዎይ ታን፥ “አቤት ኡባ ሞድያ መድና ጎዳይ፥ ሀያና እቶ ጋርኪ! ያቆባ ዛራቲ ዋኒደ አታናዉ ዳንዳዪኖ? ኡንቲንቲ ቁር ጉጎቲዋቲ!” ያገድ።

3 ሄዎ ድራጫ፥ መድና ጎዳይ ቃሪቲዳ፥ ባረ ቆፋ ላሚዳ፤ ላሚደ ሀዋዳን ያገዳ፤ “ሀ ኔን በኤዳባይ ፖለተናዋ” ያገዳ መድና ጎዳይ።

#### ታማን ፕርዳናዋ በስያ ሳፃ

4 ኡባ ሞድያ መድና ጎዳይ ታና ሀራ ሳፃ በሴዳ። ኡባ ሞድያ መድና ጎዳይ ባረ እሳ ፕርዳናዉ ታማ ጸኔዳ፤ ሄ ታማይ ዎልቃማ ጪማ አባ ሞ ድገደ፥ ቢታካ ጸጋናዉ ደሚዳ።

5 ያትና ታን ሀዋዳን ያገድ፤ “አቤት ኡባ ሞድያ መድና ጎዳይ፥ ሀያና ሀ ታማ ቶይሳርኪ! ያቆባ ዛራቲ ዋኒደ አታናዉ ዳንዳዪኖ? ኡንቲንቲ ቁር ጉጎቲዋቲ!” ያገድ።

6 ሄዎ ድራጫ፥ መድና ጎዳይ ቃሪቲዳ፥ ባረ ቆፋ ላሚዳ፤ ላሚደ ኡባ ሞድያ መድና ጎዳይ ሀዋዳን ያገዳ፤ “ሀዋካ ቃይ ፖለተናዋ” ያገዳ።

#### ግምቢያ ስታተጥ ልክያ ቱምቢያ በስያ ሳፃ

7 ቃይካ እ ታና ሀራ ሳፃ በሴዳ። ታን ሄ ሳጻን በእያ ዎይ፥ ጎዳይ ግምቢያ ስታተጥ ልክያ ቱምቢያ ኦይቁይ፥ ቱምቢያን ልከቲደ ግምቢቲዳ ግምቢያ ማታን ኡቁዳ።

8 መድና ጎዳይ ታና፥ “አሞጻ፥ ሀ ኔን ጸልያዌ አይ? ” ያገደ ኦቹዳ።

ታን፥ “ቱምቢያ” ያገድ።

መድና ጎዳይ ታና፥ “በእ፥ ታን ታ አሳ እስራኤልያ ግደን ቱምቢያ የጋይ፤ ታን ኡንቲንታ ሙራናን አድከ።

9 ይሳቃ ዛራቲ ጎይንያ ጶቃ ሳእቲ ኮለታና፤ እስራኤልያ ገሻ ሳእቲካ ጳያና፤ ቃይ እዮርባማ ካወተጥ ቦላካ ታን ማሻና ደንዳና” ያገዳ።

#### አሞጻን አሜሰያሳ

10 ቤቲለ ካታማን ቁሰን ግዲደ ደእያ አሜሰያሴ እስራኤልያ ካትያ እዮርባመኮ ሀዋዳን ያገደ ኪቲዳ፤ “አሞጽ እስራኤልያ አሳ ግደን ደኢደ፥ ነ ቦላ ማቀቲዳ፤ እ ባረ ኦዲዋን ጋድያ ባይዚ።

11 አያዉ ጎጥ፥ እ ሀዋዳን ያገ፤ “አዮርባማ ማሻን ሀይቃና፤ እስራኤልያ አሳይካ ባረንቲ ጋድያጥ አዋደቲደ ባና” ያገ። ያገዳ።

12 ያትና አሜሰያሴ አሞጻ ሀዋዳን ያገዳ፤ “ኔኖ ትምቢትያ ኦድያዎ፥ ባይ ህን ይሁዳ ቢታ ባቃታ ባይ፥ ያን ቁማ ማ፤ ትምቢትያ ያን ኦዳ።

13 ሸን ሀዋ ቤቲለ ካቲ ጎይንያ ሳእን ካወተጥ ገሻ ሳ ግድያ ድራጫ፥ ላኤንጥ ሀ ሳእን ትምቢትያ ኦድፓ” ያገዳ።

14 አሞጽ ዛሪደ፥ አሜሰያሴ ሀዋዳን ያገዳ፤ “ታን መሀያ ሄምያዋን ኡንቲንቲ አይፍና ማጽያዋጥ አትና፥ ትምቢትያ ኦድያዋ ዎይ ትምቢትያ ኦድያዋ ናእ ግድከ።

15 ሸን መድና ጎዳይ ታና ዶርሳ ዉድያ ሄምያ ሳጥ አኪደ፥ “ባይ ታ አሳዉ እስራኤልያዉ ትምቢትያ ኦዳ” ያገዳ።

16 ሀእ ስም መድና ጎዳይ ግያዋ ሰሳ! ኔን፥ ኡስራኤልያ ቦላ ትምቢትያ ኦድፓ፤ ይሳቃ ዛራቲዋ ቦላካ ማርካቶፓ” ያገዳ።

17 ሄዎ ድራጫ፥ መድና ጎዳይ ሀዋዳን ያገ፤ ሳ ማቻታ ካታማ ግደን ሻርሙጻ ግዳናዋ፤ ነ አቲማ ናናቲን ነ ማጫ ናናይ ማሻን ሀይቃና፤ ነ ቢታይካ ዎዶሩዋን ሻከታና፤ ቃይ ኔን ነ ሁጲያዉካ አላጋ ጋድያን ሀይቃና፥ እስራኤልያ አሳይካ ባረንቲ ጋድያጥ አዋደቲደ ቱማ ባና” ያገዳ።

# 8

ቴራይ ኩሜዳ ኪሻ በሰያ ሳፃ

1 ኡባ ሞድያ መድና ጎዳይ ታና ሀራ ሳፃ በሴዳ፤ ሄዌካ፣ ቴራይ ኩሜዳ ኪሻ።

2 እ ታና፣ “እሞጻ፣ ሀ ኔን በእያዌ እዬ?” ያጊደ ኦቼዳ።

ታን፣ “ቴራይ ኩሜዳ ኪሻ በእይ” ያጋድ።

ያትና መድና ጎዳይ ታዉ ሀዋዳን ያጌዳ፤ “ታ አሳ እስራኤላዉ ወርሰላይ\* ንኬዳ፤ ሀዋፕ ሰንሳናዉ ታን ኡንቱንታ ሙረናን አድከ” ያጌዳ።

3 ኡባ ሞድያ መድና ጎዳይ ሀዋዳን ያጌ፤ “ሄ ጋላሰ ካትያ ጎልያን የጽያ የሳይ ዬኮ ላመታናዋ፤ ሀይቄዳ አሳ እሃይ ሙላ ሳኣን ዳራና፤ ቃይ ጮኡ ጊና፣ ያን ሃን አለታና” ያጌ።

እስራኤልያ ኩንደላ

4 ሀንተኛ፣ መቶታንቻቱዋ የድያዋንቶ፣ ጋድያን ደእያ ሀይሳቱዋካ ጳይሳናዉ ኮይያዋንቶ፣ ሀዋ ሰሰተ!

5 ሀንተ ሀዋዳን ያጊታ፤ “ኡን ካላ ዛልእናዉ እገናይ ጾርያ ባላይ አዉደ አጻኔ! ቃይ ኦን ኑ ዛልእያ ደማናዉ ሳምባታይ አዉደ አጻንዳሻ! ያትንቶ ኦን ካላ ጉላባን ማክ ማኪደ፣ ዳሮ ሚሻ አኪደ ባይዛና። ቃይ ዋርዶ ሚዛናን ልኪ ልኪደ፣ አሳ ጭማና።

6 ኦን ሀይሳ ብራን፣ መቶታንቻካ መጽ ላኡ ገድያ ጫማን ሻማና፤ ቃይ ዛርጋ ሀርቁዋ ሙሩታ ዛርጋ ንትያን ባይዛና። ያጊታ።

7 መድና ጎዳይ ያቆብ ጩቀትያ ባረ ሱንሳን ሀዋዳን ያጊደ ጫቄዳ፤ “ታን ኡንቱንቱ ኦሌዳ ኢታ ኦሰቀ ሙላካ ደግከ።

8 ቢታይ ቃጽያዋን ጋድያን ደእያ አሳይ ኡባይ ዬክያዌ ሄዋ ጋሱዋና ግደኔየ? ኤ ናይላ ሻፋይ ኩንሉደ ቃጽያዋዳን፣ ቢታ ኡባይ ቃጺደ ባልቡቀታና፤ ቃይ ሄ ኩንሉ ዋድያዋዳን ዋጻና” ያጌዳ።

9 ኡባ ሞድያ መድና ጎዳይ ሀዋዳን ያጌ፤ “ሄ ጋላሰ ታን አዋ ሴታ ጋላሰ ዉልሳና፤ ሳኣካ ጋላሰ ጳምሳና።

10 ታን ሀንተ ባላ ናሽቻ ካዮ፣ ሀንተ የላካ ዬኮ ላማና። መጽ እት ናእይ ሀይቄና ዬክያ አሳዳን፣ ሀንተ ሀንተ ሀጺያ ሜድቲደ ዋሩዋ ማያናዳን፣ ታን ሀንተና ኦላና። ሄ ጋላሰ ዉርሰላይ ዳሮ ጫዋ ግዳናዋ” ያጌ።

11 ኡባ ሞድያ መድና ጎዳይ ሀዋዳን ያጌ፤ “በእተ፣ ታን ቢታ ኡባ ቦላን ኮሻ የድያ ጋላሳቱ ዪኛ። ታን ኮሻ የድያ ጋላሰ፣ አሳይ ሰሳናዉ መድና ጎዳ ቃላ ጳይደ ኮሻታናፕ አትና፣ ካላ ጳይደ ኮሻትና ዋይ ሃላ ጳይደ ሳመተና።

12 አሳይ አዋይ ዉልያ ባጋ አባፕ አዋይ ደልያ ባጋ አባ ጋካናዉካ ሀጺሳፕ ገድሳ ጋካናዉ ብቻራና። ኡንቱንቱ መድና ጎዳ ቃላ ኮያናዉ ያን ሃን ዋጻና፣ ሽን ደምክና።

13 ሄ ጋላሰ ማላ ሎኦ ዋድራቱክ ዋዳላቱ ሳሙዋን ዚል አጋና።

14 ሳማርያ ኤቃቱዋን ጫቄያዋንቱ፣ ዳና ጸሳይ ኤሮ!፣ ያግያዋንቱ፣ ብርሳቤሀ ጸሳይ ኤሮ፣ ያግያዋንቱ ኩንዳና፣ ኡንቱንቱ ላኤንሉ ሙላካ ደንድክኛ” ያጌ።

# 9

ጸሳ ፕርዳ

1 ያርሽያ ሳኣ ማታን ጎዳይ ኤቃ ደእሸን፣ ታን በእድ። እ ታና ሀዋዳን ያጌዳ፤ “ባሱ ቃጽናዳን፣ ገሻ ማቅዳሲያ ጉምቡዋ ሸጫ፤ አሳ ኡባ ሀጺያን መንግራጫ። ሄዋፕ አትያ አሳ ታን ማሻን ዋጻና። ባቃትያ አሳይ ከሰ አከና፤ ከሰ አኬዳ አሰካ ፓጸ አትና።

2 ኡንቱንቱ ጋድያ ቦኪደ፣ ሰሌልያዉ ዱጊ ዋድፕካ፣ ታን ኡንቱንታ ሄዋፕ ከሳና። ሳሉዋ ፑደ ከሰፕካ፣ ታን ኡንቱንታ ሄዋፕ ዲጊ ዋላና።

3 ኡንቱንቱ ቃርመሎሳ ደርያ ጾራን ቆሰቶፕካ፣ ታን ኡንቱንታ ኮያደ ሄዋፕ ከሳና። አባ ጨሙዋ ግደ ገሊደ፣ ታ ሰንሳፕ ገዋፕካ፣ ታን ዳዊያ አዛዝና፣ እ ኡንቱንታ ዲካና።

4 ቃይ ባረንቱ ዋርከቱዋን አምደቲደ፣ ኡንቱንቱ ቦፕካ፣ ያን ኡንቱንቱ ማሻን ሀይቃናዳን፣ ታን አዛዛና፤ ታን ኡንቱንታ ኢታ አይፍያን ጾላናፕ አትና፣ ሎኦ አይፍያን ጾልከ” ያጌዳ።

5 ጎዳይ፣ ኡባፕ ዋልቃማ መድና ጎዳይ ሳኣ ቦቼ፤ ሳኣይ ሴሬ፤ ቃይ ሳኣን ደእያባይ ኡባይካ ዬኪ። ናይላ ሻፋይ ኩንሉደ ባልቡቀትያዋዳን፣ ቢታ ኡባይ ባልቡቀቱ፤ ቃይ ሄ ኩንሉ ዋድያዋዳንካ ዋዴ።

6 እ ባረዉ ደእያ ሳኣ ሳሉዋን ገግሰ፤ እ ባሉዋካ ሳኣን ባሴ። ቃይ እ አባ ሃላቱዋ ጾሴደ፣ ጋድያ ቦላን ዲጊ ጉሴ፤ አዉ ሰንሳይ መድና ጎዳ።

\* 8:2 ዉርሰላይ፡- ግያዌ እብራይስጥ ቃላን “ቴራ” ማለቱ።

7 መድና ጎዳይ ሀዋዳን ያጌ፤ “ህንተኖ፣ እስራኤልያ አሳቶ፣ ህንተ ታዉ ቶጵያ አሳ ማላ ግድክቲየ? ታን ህንተና ግብጾ ጋድያፕ ከሴዳዋዳን፣ ፕልሰጾማ አሳ ካፍቶራፕ፣ ቃይ ሶርያ አሳካ ቂራፕ ከሳድ” ያጌ።

8 መድና ጎዳይ ሀዋዳን ያጌ፤ “በእተ፣ ኡባ ሞድያ መድና ጎዳ እይፊ ናጋራንቻ ካዉተላ ቦላን ደኤ። ታን ኦ ጋድያ ቦላፕ ጳይሳና፤ ሽን ታን ያቆባ ዛርያ ኡባና ጳይሰከ።

9 “በእተ፣ ካላ ዛዘርያን ዛዘርያዋዳን፣ እስራኤልያ አሳ ካዉተላቱዋ ኡባ ግድን ዛዘራናዳን፣ ታን እዛዛና፤ ሽን ኡንቲንቲ ግድን እማነትያዋንቲፕ አቲክ ሳእን ዎጲደ ጳየና።

10 ኅና እያ ኢታባይነ ጋከና ዎይ ደመና፣ ያግያ ታ አሳ ግድን ደእያ ናጋራንቻቲ ኡባይ ማሻን ዉራና” ያጌ።

**እስራኤልያ ፖኦ ህድታ**

**(9:11-15)**

11 ቃይካ ጸሳይ፣ “ሄ ጋላሰ ታን ኮለቲደ ኩንዴዳ ጎልያዳን ሀኔዳ ዳዊታ ካዉተላ ደንላና፤ ጸኤቲዳ ሳክቲዋካ ባራና፤ ቃይ ኮለቲዳሳካ ኦራላና፤ ታን ኦ በንዋዳን ኦላደ ኬጻና።

12 ሄዌነ እስራኤልያ አሳይ ኤዶማ ጋድያፕ አቴዳዋንታን ታ ሱንላን ጼሰቲዳ ካዉተላቱዋ ኡባ ላታናሳ” ያጌ። ሀዋ ኦላያዌ ታና መድና ጎዳ።

13 መድና ጎዳይ ሀዋዳን ያጌ፤ “በእተ፣ ካላ ጫክያዋንቲ ጫኪደ ዉርሰናን ደእሸን፣ ጋድያ ጎሽያዋንቲ ጋክያ ዎዲ፣ ዎይንያ ቴራ ጉምእያዋንቲካ ጉምኢደ ዉርሰናን ደእሸን፣ ዎይንያ ዘርያዋንቲ ጋክያ ጋላሳቲ ያና። ሄ ዎደ ደረቲ ማልኦ ዎይንያ ኤሳ ጸካና፤ ዘዘቲዋ ኡባፕካ ዎይንያ ኤሳይ ጎጋና።

14 ኦሞዲዋን ቤዳ ታ አሳ እስራኤልያ ዛራደ እሻልሳና። ኡንቲንቲ ኮለቲዳ ካታማቲዋ ዛርሐ ኬጺደ፣ ኡንቲንቲን ደእና። ዎይንያ ቴራካ ቶኪደ፣ አፕ ዎይንያ ኤሳ ኡሻና። ቃይ ኢታክልተቲዋካ ቶኪደ፣ ኡንቲንቲ አይፍያ ማና።

15 ታን እስራኤልያ ኡንቲንቲ ጋድያን ቶካና፤ ኡንቲንቲ ታን ኡንቲንቶ እሜዳ ጋድያፕ ላኤንላ ሙለካ ሾደትክኖ” ያጌ። ሀዋ ኦድያዌ መድና ጎዳ ህንተ ጸሳ።

# አብድዩ ትምቢትያ ገሉዋ

አብድዩ ግያ ሱንሳ ብለላይ፡ “ጸሳ ቆማ” ግያዋ። ሀ ቃንሳ ማጸፋይ የሩሳላመ ኦላ ጋሱዋን ላለታናፕ ካሰ፡ ዳሪ ኤረተና ዋድያን ጸፈቲዳ። ሄ ዋደ ገድሳዉ ባቂያ አዋይ ዉልያ ባጋ ባጋን ደእያን ይሁዳና አዲሳ ዋድያ ሞርከቲደ ደኤዳ ኤደሞ የሩሳላመ ላለላን ናሽቲደ፡ እ ቦላን ኦላዉ ከሴዳ ሞርከቲዋ ማዲድነ ካታማ ዱረታካ ቦንቂደ ደኤ። አብድዩ፡ ኤደሞ እስራኤልያ ሞርከቲዋ ሀራቲዋካ ጸገታናዉን አታ ሙሩዋ አካናዉ ደእያዋ ኦደዳ።

## ሸምፓቲዋ ኡባቶ እመቴዳ ቃንሳ ቆፋቲዋ

- 1. ኤደማ ኦቶሩዋን ሙሩዋ 1-9
- 2. ኤደማ ጸላተላ 10-14
- 3. እስራኤልያ ጸኑዋ 15-21

### ኤደማ ኦቶሩዋን ሙሩዋ (1-9)

1 ኡባ ሞድያ መጅና ጎዳይ ኤደማ አሳባ አብድዩሰ ቆንጭሴዳ ሳጸይ ሀዋ። ኤደማባ መጅና ጎዳይ ሀዋዳን ያገደ፡ ባረ ኪትያ ኡራ ቦላን ካዉተላቲዋኮ ኪቲዳዋ ኑን ሰሴይ፤ “ደንድተ! ኤደማ ቢታ ኦሊቶ” ያገደ ኪቲዳ።

2 መጅና ጎዳይ ኤደማ ሀዋዳን ያገ፤ “በእ፡ ካዉተላቲዋ ግደን ታን ኔና ላፋ ከሳና፤ ኔን ሎይሰ ካ□ታና።

3 ኔኖ፡ ሞኖ ዛላን ጌሱ ኪጸቲዳ ካታማ ግደን ደእያዋ፡ ነ ጎልያ ቆቃ ደረቲዋ ቦላን ኪጼዳዋ፡ ቃይ ነ ዋዛና፡ ‘ታና ሀዋፕ ዲገ ኦን ዋሏ?’ ያግያዋ፡ ኔና ነ ዋዛና ኦቶሩ ጭሚዳ።

4 ኔን አርጋሳ ጎልያዳን፡ ነ ጎልያ ቆቃሳን ኪጸፕካ፡ ነ ደኤያሳ ጸልንተቲዋ ግደን አላፕካ፡ ታን ኔና ሄዋፕ ዲገ ዋላና” ያገ መጅና ጎዳይ።

5 “ካይሳቲ ዋይ ቦንቂያዋንቲ ቃማ ኖፕ፡ ባረጎቶ ኮሽያዋ ኪሻ ጸላላ ዉአና፤ ዋይንያ ቴራ ማጸያዋንቲካ ማጸደ፡ ቃርሞያ አሺኖ፤ ሽን ኔኮ ይያ ባይዛንቻቲ ኔና ኡባና ላይሳና።

6 ሀንተን ኤደማ አሳቶ ኤሳ ዘረላቶ፡ ዋን ቦንቃታንድቴሻ! ቆሱዋን ደእያ ሀንተንቲ አቁካ ዋን ቆጭረታንደሻ!

7 ኔናና ጫቁዋን ደእያዋንቲ ኡባይ ኔና ነ ቢታፕ ጋጸ የደርሳና፤ ቃይ ነ ላገላቲካ ጭሚደ ኔና ጸናና፡ ኔናና ሞያዋንቲካ ነዉ ጸርያ ጸራራና፤ ሽን ኔን ሄዋ እኪካካ” ያገ።

8 መጅና ጎዳይ ቃይካ ሀዋዳን ያገ፤ “ኤደሞያሰ ሙረትያ ሄ ጋላሰ ታን ኤደማፕ አይዳ ኤራንቻቲዋን ኤሳ ደርያፕካ ኤራ ላይሳና።

9 ሀንተኖ፡ ተማና አሳቶ፡ ሀንተ ኦላንቻቲ ዳጋማና፤ ኤሳ አሳ ቦላ ደእያ አሳይ ኡባይካ ሹከታና።

### ኤደማ ጸላተላ (10-14)

10 “ያቆባ ዛረ ግድያ ነ እሻቲዋ ኔን ዋይዳን ቦንቂዳ ድራዉ፡ ኔን ዬላ ማያና፤ ኔን መጅናዉ ላያና።

11 ሞርከቲ ዪደ ኡንቲንቲ አቁዋ ቦንቂያ ዋይ፡ ሄ ጋላሰ ኔን ጋጸ ሺቃደ ኤቃ ጸላዳ። ቃይ ፕንግያና ገሊደ፡ የሩሳላመ ካታማ ሳማ የጊደ ሻኬዳ አላጋቲዋፕ ኔን እቲዋ ማላታሳ።

12 ኔን ነ እሻይ መቶትያ ጋላሰ አ መቲዋን ናሽታናዉ በሰና፤ ቃይ ይሁዳ ጋድያን ደእያ ነ እሻቲዋ ቦላ ባሻይ ጋክያ ጋላሰ ሆኹ ጋናዉ በሰና። ኤ፡ ኡንቲንቲ ኡንኦ ጋላሰ ኡንቲንቲ ቦላ ሚጫናዉን ኦቶረታናዉ በሰና!

13 ኡንቲንቲ ቲጋ ጋላሰ ታ አሳይ ደእያ ካታማ ገላናዉን ኡንቲንቲ ዋይያ ጋላሰ ኔን ናሽታናዉ በሰና ሽን! ቃይ ኡንቲንቲ ባሻ ጋላሰ ኔን ኡንቲንቲ ዱረታ ቦንቃናዉ በሰና፤

14 ኡንቲንቲፕ ባቃትያዋንታ ዋላናዉ ኔን ባላ ኦግያን ቆሰታ ኡታደ ናጋናዉን አቲዳዋንታካ ኡንቲንቲ ኡንኦ ጋላሰ ሞርከቶ አላደ አማናዉ በሰና ሽን!

### እስራኤልያ ጸኑዋ (15-21)

15 “አይሁዳ ግድያ አሳቲዋ ኡባ ቦላ መጅና ጎዳ ጋላሳይ ጋኪዳ። ኔኖ ኤደማ፡ ኔን ሀራቲ ቦላ ኡሴዳዌ ነ ቦላ ኦሰታና፤ ነ ኮባይካ ነ ሁጲያን ሰማና።



16 ታ ጌሻ ደርያ ቦላን ኡሼዳዋዳን፣ ሄዋዳንካ ኡንቱንቱ የሹዋን ካወተላቱ ዛር ዛሪደካ መቱዋ ጸኢ ኡሻና፤ ኡሼደ ኡንቱንቱ ኡባይካ ካሰ ሀን ኡሪናዋ ሀናና።

17 “ሸን ጽዮን ደርያን ባሻገ ስሰ አክያዋንቱ ደአና፤ ጽዮንካ ጌሻ ግዳናዋ፤ ያቆባ ዛራቱካ ባረንቱ ቢታ ላታና።

18 ያቆባ ዘረሳይ ታማ ግዳና፤ ዮሴፎ ዛራቱካ ላጮ ግዳና፤ ኤሳ ዛራቱ ኡቱላ ግዳናዋንታ። ታማይ ኡቱላ ሞያዋዳን፣ ያቆባ ዛራቱን ዮሴፎ ዛራቱ ኤሳ ዛራቱዋ ሚደ ኡባናካ ቆይሳና” ያጌ መቅና ጎዳይ።

19 ይሁዳጥ ገድሳ ባጋን ደእያ አሳይ ኤሳ አሳ ላታና፤ ጋቆትያ ቢታን ደእያ አሳይ ፕልሰጾማቱዋ ቢታ ላታና። ኡንቱንቱ ኤፍሬማ ቢታን ሳማርያ ቢታ ላታና። ቃይ ቢንያማ ዛራቱካ ጋላአደ ቢታ ላታና።

20 ኦሞደቲደ ደኤዳ እስራኤልያ አሳይ ሰሚደ፣ ካናን ቢታ ሰራፍታ ግያ ካታማ ጋካናዉ ላታና፤ ቃይ የሩሳላመጥ ኦሞደቲደ፣ ሳፋራዳ ግያ ሳኦን ደእያ አሳቱ ይሁዳጥ ገድሳ ባጋን ደእያ ካታማቱዋ ላታናዋንታ።

21 አሸያ እስራኤልያ አሳቱ ኤሳ ቢታ ሞዳናዉ ጽዮን ቢታ ቦላ ከሳና፤ ካወተላይካ መቅና ጎዳዋ ግዳናዋ።

### ዮና ጉምቢትያ ገሉዋ

ዮና ማጻፋይ ጸላ አዛዙዋ ፖሐከ ገደ እት ፍብያ ቦላ ጋኬዳ ዴማ ዴማ መቱዋ ኦድያ ታርኪያ ማጻፋ ግድያ ግሻዉ፡ ሀራ ማጻፋቱዋ ጸላ ዴማቱ፡ ጸላይ ዮና፡ “እስራኤልያዉ ዋና ሞርከ ግዴዳነ ዋልቃማ፡ እስራ ካውተላዉ ዋና ካታማ ግዴዳ ነነዌ ባ” ያገደ አዛዜዳ፤ ሽን ዮና፡ “ጸላይ ካስ ሄ ካታማ ጸይሳና ገደ ኦዴዳ ሞና ኦዴዋ ኪታን ፔሸናን አጋናዉ ሀኔዳ” ገደ ቆፔዳ ድራዉ፡ ጸላ ቃላ እኪደ ነነዌ ባናዉ ከይቤና፡ ዳር ታርከባቱ ፖሐቱዳዋ ጉዮ ፍሸተናን ደኢደ አዛዘቱዳ፡ ካስ ኦድቲዳ ባሻ ሀናናዌ ፖሐትቤና ግሻዉ ሀንቀቲዳ፡

ሀ ማጻፋይ ኡባባ ቦላን ጸላዉ ማታይ ደኢያዋ ኦዴዳ፡ ኡባ ቃይ ጎዳይ ሲቁነ ማርተላይ ኩሜዳ ጸላ ግድያ ግሻዉ፡ ባረ አሳ ሞርከቱዋ ሙርያዋጉነ ጸይሰያዋጉ፡ ኡንቲንቶ አቶ ግያዋን ኡንቲንታ እሸያዋ ደሰያዋ ቆንጭሴዳ፡

#### ሸምጋቱዋ ኡባቶ አመቲዳ ቃንላ ቆፋቱዋ

1. ዮናስ ጎዳጥ ባቃቲሳ 1:1-17
2. ዮናስ ዋሳ 2:1-10
3. ዮናስ ናናዌ ቡሳነ አሳ ናጋራ ፓጸላ 3:1-10
4. ጸላይ እሜዳ ማርታን ዮናስ ሀንቁዋ 4:1-11

#### ዮናስ ጎዳጥ ባቃቲሳ (1:1-17)

1. <sup>1</sup> መድና ጎዳ ቃላይ አሚታያ ናእ ዮናሳኩ ሀዋዳን ያገደ ዬዳ፤
2. <sup>2</sup> “ደንዳ! ሄ ዋልቃማ ካታማ ነነዌ ባ፤ ባደ ሄ ካታማ አሳ ኢታተላይ ታ ሰንላ ጋኬዳ ግሻዉ፡ ኡንቲንቶ ማርካታ” ያገደ፡፡
3. ሽን ዮናስ መድና ጎዳ ሰንላጥ ባቃቲደ፡ ታርሴስ ግያ ጋድያ ባናዉ ደንዴዳ፤ እ ዮጶ ካታማ ዋጳደ፡ ታርሴስ ብያ ማርካብያ ደሜዳ፡ መድና ጎዳ ሰንላጥ ባቃቲደ፡ ኡንቲንቲና ታርሴስ ባናዉ ሚሻ ጭገደ፡ ማርካብያን ገሊዳ፡፡
4. ሽን ማርካብ ቢሸን፡ መድና ጎዳይ አባ ቦላ ዋልቃማ ጫርኩዋ ደንሌዳ፤ ደንሐና አባ ቤታይ ሎይሐ ዳራዳ ግሻዉ፡ ማርካብ መእና ሀኔዳ፡፡
5. ያቶና፡ ማርካብያ ላግያዋንቱ ያዬደ፡ ኡባይካ ባረንቱ ጸሳኩ ጸሳኩ ዋሴድና፡ ቃይ ማርካብ ካዉሻና ማላ፡ እ ግድን ደኢያ ጫና ደንሏደ፡ አባን ኦሌድና፡ ሽን ዮናስ ማርካብያዉ ግደ ክፍልያ ገሊደ፡ ያን ግሲደ፡ ገምእሹዋ ፓኑራዳ፡፡
6. ማርካብያ ካፑ ገምእሻድ ቢደ፡ “አያዉ ገምእሻዲ? ደንዳ፡ ነ ጸላ ዋሳ! ኦን ኤራ፡ እ ባረ ሎኦ አይፍያን ጸሊደ፡ ኑና አሻናዌንቶን” ያገደ፡፡
7. ማርካብያ ላግያዋንቱ እቱ አቶ ሀዋዳን ያገደና፤ “ሃይቲ፤ ሀ ኢታባይ ኑና ኑ ጋሱዋን ጋከደንቶን ኤራናዉ ሳማ ዮጎይተ” ያገደና፡፡ ሳማ ዮጎና፡ ሳማይ ዮናሳ ቦላን ዋጴዳ፡፡
8. ኡንቲንቲና ዮናሳ ሀዋዳን ያገደ ኦፔድና፤ “ሀ ኢታባይ ኑ ጋሱዋን ኑ ቦላ ጋከደንቶን፡ እነ ኑዉ ኦዴ፡ ነ ከታይ እዬ? ሀቃጥ ያድ? ነ ጋዲ ሀቁ? ኔን ኑ ዛረ?” ያገደና፡፡
9. ዮናስ ዛሪደ፡ ሀዋዳን ያገደና፤ “ታን አብራዌ አሳ፤ አባን ጋድያ መዴዳ መድና ጎዳዉ፡ ሳሉዋ ጸላዉ ጎይናይ” ያገደ፡፡
10. መድና ጎዳ ሰንላጥ እ ባቃትያዋ እ ኡንቲንቶ ኦዴዳባጥ አሳቱ ኤራዳ ግሻዉ ያዬድና፡ እ፡ “ላ አይባ ፓላባ ኦላዲ?” ያገደና፡፡
11. ቃይ አባ ቤታይ ካሰዋጥ ሃ ዳራዳ ግሻዉ፡ አሳቱ ዮናሳ፡ “ኑዉ አባይ ዋጋና ማላ፡ ኔና ኑን ዋጋን?” ያገደ ኦፔድና፡፡
12. እ ኡንቲንቶ፡ “ሀ ዋልቃማ ቤታይ ሀንተንቲ ቦላን ደንዲደ ታ ጋሱዋና ግድያዋ ታን ኤራይ፡፡ ሄዋ ግሻዉ፡ ታና ደንሏደ፡ አባን ኦልተ፡፡ ያቶ፡ አባይ ሀንተንቶ ዋፑ ጋናዋ” ያገደ፡፡
13. ሽን ማርካብያ ላግያዋንቱ ማርካብያ ጉዮ አባ ዳናዉ ከሳናዉ ዋልቃጥ ባጸቲድና፤ ግድገና፡ አባ ቤታይ ሎይሐ ዳራዳ ግሻዉ፡ ከሳናዉ ዳንዳይቤክና፡፡
14. ሄዋ ግሻዉ፡ ኡንቲንቲ ሀዋዳን ያገደ፡ መድና ጎዳኩ ዋሴድና፤ “እቤት መድና ጎዳዉ፡ ሀ ብታንያ ሸምፑዋ ግሻዉ፡ ኔን ኑና ጸይሰናዳንነ ሀ ጌሻ ሱላ አጩዋ ኔን ኑጥ አፔናዳን፡ ኑን ኔና ሞንሲደ ዋሴቶ፡ አያዉ ሳጥ፡ መድና ጎዳዉ፡ ኔን ነ ኮዮዋዳን ኦላዳ” ያገደና፡፡
15. ሄዋጥ ጉዮ፡ ዮናሳ ደንሏደ፡ አባን ኦሌድና፤ ኦልና አባ ቤታይ ዋፑ ጌዳ፡፡

- 16 ያትና፡ አሳቱ መጅና ጎዳዉ ሎይህ ያዬድኖ፤ መጅና ጎዳዉ ያርሹዋ ያርሼድኖ፤ ሺቁዋካ ሺቁድኖ።
- 17 ዮናሳ ሞታና ማላ፡ እት ዎልቃማ ሞልያ መጅና ጎዳይ ገገሴዳ፤ ሄ ሞልያ ኡሉዋን ዮናሰ ሄዙ ጋላሳን ሄዙ ቃማ ደኤዳ።

## 2

### ዮናሳ ዎሳ (2:1-10)

- 1 ዮናሰ ሞልያ ኡሉዋን ደኢደ፡ ሀዋዳን ያገደ፡ መጅና ጎዳኩ፡ ባረ ጸሳኩ፡ ዎሴዳ፤
- 2 “ታን ታ ቱጋ ግደን ደኢደ መጅና ጎዳ ጸሳድ፤ ጸሰና እ ታዉ ኮዬዳ። ታን ሰኦልያ ኡሎ ግደን ደኢደ ዋሳድ፤ ኔንካ ታ ዋሱዋ ሰሳዳ።
- 3 ኔን ታና ጨማ አባ ጋርሳን ዱገ ኦላዳ፤ ሃሳይ ታ ዩሹዋ ዶዴዳ፤ ነ ኡሞቡለትያ ነ ቤታይ ታ ቦላና አዲድኖ።
- 4 ሄዋ ግሻዉ፡ ታን ሀዋዳን ያጋድ፤ ታን ነ ሰንሳጥ ዎራ ኦለታድ፤ ግደገኑ፡ ታን ነ ጌሻ ጎልያ ዛራደ በአና’ ያጋድ።
- 5 “ሃሳይ ታዉ ቆቲያ ጋካናዉ ሞቲዳ፤ ጨማ አባይ ታና ሙኬዳ፤ አባን ደኢያ ማታይካ ታ ሁጲያን ጸጸቲዳ።
- 6 ታን ደር ባሰቲዳ ሳእ ዱገ ዎቆኢድ፤ ቢታንን እ ኩቡዋን መጅናዉ ጎርደታድ። ሸን እቤት መጅና ጎዳዉ፡ ታ ጸሳዉ፡ ኔን ታ ሸሞቹዋ ጨማ ኦላጥ ከሳዳ።
- 7 “ታን ዎደ፡ ኔና መጅና ጎዳ ሀሳያድ። ታ ዎሳይካ ኔኩ፡ ነ ጌሻ ጎልያ ማቅዳሰያ ጋኬዳ።
- 8 ሀዳ ኤቃቶ ጎይንያዋንቱ ግኡድኡን አማነትያዋ አኼድኖ።
- 9 ሸን ታን ጋላታና ነዉ ያርሻና፤ ታን ሸቄዳዋ ኡባካ ጋላና። አያዉ ጎጥ፡ አቶተሳይ መጅና ጎዳጥ ዬ” ያገደ።
- 10 ሄዋጥ ጉዮ፡ መጅና ጎዳይ ሞልያ አዛዝና፡ ሞሊ ዮናሳ ቢታ ቦላን ጮሼዳ።

## 3

### ዮናሰ ናናዌ ቡሳን አሳ ናጋራ ፓጸላ (3:1-10)

- 1 መጅና ጎዳ ቃላይ ላኢንሱዋ ዮናሳኩ ሀዋዳን ያገደ ዬዳ፤
- 2 “ደንዳ! ሄ ዎልቃማ ካታማ ነነዌ ባ፤ ታን ነዉ ኦድያ ቃላ ኡንቱንቶ ማርካታ” ያገደ።
- 3 ዮናሰ ደንዳደ፡ መጅና ጎዳ ቃላዳን ነነዌ ቤዳ። ናናዌ ሎይህ ዎልቃማ ካታማ፤ ሀ ጋጸጥ ያ ጋጸ ጋካናዉ ሄዙ ጋላሳ ሀመትሴ።
- 4 ዮናሰ ካታማ ብ ጋኪደ፡ እት ጋላሳ ኦግያ ካታማ ግዱዋኮ ሀመቲዳ፤ ሀመቲደ፡ “ኦይታሙ ጋላሳጥ ጉዮ፡ ናናዌ ቆያና” ያገደ አዋዬዳ።
- 5 ያትና፡ ነነዌ አሳይ ጸሳ አማኔዳ፤ ጸማ አዋዬዳ። ዎጋጥ ቄራ ጋካናዉ፡ ኡባይካ ማቅያ ማዬድኖ።
- 6 ኦድ ነነዌ ካትያኮ ጋኬዳ፤ እ ባረ ካዉተላ አራታጥ ዎጲደ፡ ካዉተላ ማዩዋ ማዬዳዋካ ቃሪደ፡ ማቅያ ማዩደ፡ ብድንሳን ኡቲዳ።
- 7 ያትደ ነነዌ አሳዉ ሀዋዳን ያገደ አዋይሴዳ፤ “ካትያጥን ካትያ ኦሳንቻቱዋጥ አመቲዳ አዛዙዋ ማራን፡ ሀቼጥ ደሚደ፡ አሳይን መሄ፡ ሚዛይን ደርሳይካ ኡባይ እያን እንጸርሳን ላጮኖኖ፤ ሃላካ ጋንጸኖኖ።
- 8 አሳይካ መሄካ ማቅያ ማዮ፤ አሳይ ኡባይ ሞንሲደ ጸሳኮ ዋሶ፤ ባረንቱ ኢታ ኦግያጥን ናቆ ኦሱዋጥካ ሰሞኖ።
- 9 ያትንቶ ኦን ኤራ፡ ጸሳይ ኡዉ ቃረቲደ፡ ኦን ቆየናዳን፡ ባረ ዎልቃማ ሀንቁዋጥ ሰማንንቶን” ያገደ።
- 10 ኡንቱንቱ ባረንቱ ኢታ ኦግያጥ ሰሜዳዋ ጸሳይ በኤዳ ዎደ፡ ኡንቱንቶ ቃረቲደ፡ ኡንቱንቱ ቦላ አሀና ጌዳ ኢታባ አግ ባሺዳ።

## 4

### ጸሳይ እሜዳ ማርታን ዮናሳ ሀንቁዋ (4:1-11)

- 1 ሸን ሄዌ ዮናሳ ኡባካ ናሸቹቤና። ሄዋ ግሻዉ፡ እ ሎይህ ሀንቀቲዳ፤

2 መጅና ጎዳ ሀዋዳን ያጊደ ዋሴዳ፤ “እቤት መጅና ጎዳ። ታን ብር ታ ጋደን ደአደ ጌዳዌ ሀዋ ግደኔ? ታን ነ ሰንሳጥ ባቃታደ ታርሴስ ባናዉ ኤሌሊዳዌ ሀዋሳ። ኔን ቃረታይነ ማርተሳይ ኩሜዳ ጸሳ ግድያዎ። ሀንቆ ኤሌሊናዋነ እገና ሲቁዋን ኩሜዳዎ። ቃይ አሀና ጌዳ ኢታባካ እግያ ጸሳ ግድያዎ ታን ካሰካ ኤራድ።

3 እቤት መጅና ጎዳ። ሀእ ሰም ሀይ ሀያና ታና ዎቋ፤ ገጻ ደእያዋጥ ሀይቂያዌ ታዉ ሎእ” ያጌዳ።

4 መጅና ጎዳይ አ ሀዋዳን ያጌዳ፤ “ቱሙ ኔን ሀዋ ሀንቀታናዉ በሲ?” ያጌዳ።

5 ዮናስ ካታማጥ ከሲደ ቤዳ፤ ቢደ ካታማጥ አዋይ ዶልያ ባጋን ኡቴዳ። ሄዋን ባረዉ ዳሲያ ዳሴዳ፤ አ ኩዋን ኡቲደ፤ ካታማ ቦላ ጋክያዎ በአናዉ ናጌዳ።

6 አዋ ሱሉዋጥ ዮናስ አሻና ማላ፤ መጅና ጎዳይ ጸሳይ እት ጎሰያ ዶልሲደ ጊግሴዳ፤ ሄ ጎሰያ ሀይሳይካ ዮናስ ሁጲያጥ ቦላ ባጋና ኩዋ ግዳናዳን ኦፊዳ። ዮናስ ሄ ጎሰያ ጋሱዋን ሎይላ ናሽቴዳ።

7 ሸን ዋንተላ ጋላስ ዋንታ ጸሳይ ጉጹንያ ጊግሴዳ፤ ሄ ጉጹኒ ጎሰያ ሞዋን፤ ጎሲ መል አጌዳ።

8 አዋይ ከሶ ዎደ፤ ጸሳይ ሞቕያ ጫርኩዋ አዋይ ዶልያ ባጋጥ የዴዳ፤ ሄዋጥ ደንደዳዋን ዮናስ ላባናና ጋካናዉ፤ አዋይ ዮናስ ሁጲያ ጹጌዳ። ያትና እ፤ “ገጻ ደእያዋጥ ሀይቂያዌ ታዉ ሎእ” ያጌደ ሀይቃናዉ ዋሴዳ።

9 ጸሳይ ዮናስ ሀዋዳን ያጌዳ፤ “ቱሙ ኔን ሀ ጎሰያ ግሻዉ ሀንቀታናዉ በሲ?” ያጌዳ። ዮናስ፤ “ኤ በሰ፤ ኡባ ሀይቃና ጋካናዉ ሀንቀታናዉ በሰ” ያጌዳ።

10 መጅና ጎዳይ ዮናስ ሀዋዳን ያጌዳ፤ “እት ቃማን ዶላደ፤ ላኤንላ ቃማ መሌዳ ጎሰያዉ፤ ኔን እን ዳቡራቤናባዉን ድቻቤናባዉ ሀዋ ኪሻ ቃረታዳ።

11 ኡሸቻን ሀድርሳ ሻክ ኤርቤና ጴታን ላታሙ ሻእ አሳይነ ዳር መሂ ናናዌን ደኤ። ያትና ታን ሀ ዎልቃማ ካታማዉ ቃረታናዉ በሰኔ?” ያጌዳ።

# ሚክያ ጥምቢትና ገሎጥ

ጥምቢትና እድያ ሚክያስ ኢስያሳ ዋደ ደኤዳ አሳ። እ የለቴዳዌ ገድሳ ባጋ ይሁዳ ካወተላ ግድን ደእያ እት ጉላ ጋጾር ካገገማና። አሞጽ ሁጸሳ ካወተላ ቦላ ባሻይ ያናዋ ኦዴዳዋዳን፣ ሚክያስካ ሄ ጋሶቴዋን ይሁዳ ካወተላ ቦላ ባሻይ ጋካናዋ ኦዴዳ። አሳይ ገርዳ ገላይያ፣ ሄ ሽነይያ ኦሱዋ ቦላ ጸሳይ ገርዳ እህናዋ ምንሲደ ኤርሴዳ። ግድግዳ ሚክያሳ ጥምቢትና ቃላይ ሰንሳጥ ሎኦባቴ ያናዋ ደእያዋ በሰያ ዳር ማላጋቴዋካ ጉጂደ ኦይቄዳ።

ዳማዩደ ምንስ ጸላናዉ በሰያ ክፍላቴ ጸሳ ሞዳዋ ጋርሳን ኩመንላ ሳአይ ሳሩዋ ደማናዋ (4:1-4)፤ ዳዊታ ካወተላ ቱራጥ ዋልቃማ ካቴ ደንዳደ፣ አሳይ ሳሩዋ እማናዋ (5:2-4)፤ ሄዋዳንካ ቃይ አስራኤልያን ጥምቢትና ኦዴዳዋንቴ ቃላይ መጽ እት ጽቅሰያን ኩሸትያዋ ኦድያዋንጋ። ሄ ጽቅሲ ኦዳደ፣ “እ ኦጥ ኮይያዌ፣ ኦን ልከባ ኦላናዋ፣ ኬካተላይ ኩሜዳ ሲቁዋ በሳናዋካ ኦ ጸሳና ኩመንላ አሸከተላን ሀመታናዋ” (6:8)።

## ሸምጋጥቴዎ ኡባቶ እመቴዳ ቃንሳ ቆፋቴዎ

1. ጎዳይ ባረ አሳ ሙራና 1:1—2:11
2. ሰንሳ ሀድታ 2:12-13
3. ጸሳይ ኢታ ካለልያዋንጋን ዋርዳ ናባቴዎ ሙራና 3:1-12
4. ኦራሳ አስራኤልትን ኦራሳ ገሻ ጎልያ 4:1—5:15
5. አስራኤልያ ናቄ ቆንጩሳ 6:1—7:7
6. አሳይ ጸሳኩ ሰሙሳ 7:8-20

### ጎዳይ ባረ አሳ ሙራና (1:1—2:11)

1 እየኦኦጥም፣ አካዝካ ህዝቄያስ ካል ካሊደ ይሁዳን ካተቴዳ ዋደ፣ ሞረሽታ ካታማ አሳ ግድን ሚክያሳኩ ዬዳ መጽና ጎዳ ቃላይ ሀዋ፤ እ በኤዳ ሳጸይ ሳማርያዋን የሩሳላመባ።

2 ህንተና፣ አሳዉ ኡባዉ፣ ሰሰተ! ቃይ ሳአዉን ሳኦን ደእያ ኡባ ገደ፣ ሀዋ ሰሰተ! ኡባ ሞድን መጽና ጎዳይ ህንተ ቦላ ማርካቴ፤ እ ባረ ገሻ ገሻ ጎልያን ህንተዋ ሃሳ።

3 በእተ፣ መጽና ጎዳይ ባረ ደእያ ገሻ ሳኦጥ ዬ፤ ዳገ ዬደ፣ ደረቴዎ ሁጸያን ሀመቴ።

4 ኤሳ ሙቃዳይ ታማን ሴርያዋዳን፣ ደረቴ እ ገድያጥ ጋርሳና ሲላና፤ ኦንቴንቴ ደርያጥ ዛንጋራይ ዲገ ጎግያ ሃሳዳን ጎጋና።

5 ሀዋ ኡባይ ሀንያዋ ያቆባ ዛራቴዎ ባይዙዋ ግሻሳን አስራኤልያ አሳ ናጋራ ግሻሳ። ያቆባ ዛራቴዎ ባይዙ ጋሱዋ ግዴዳዌ ኦኔ? ኦንቴንቴ ካታማ ሳማርያ ግዴኔ? ይሁዳ አሳይ ጎይንያ ጶቃ ሳአይ ሀቄ? የሩሳላመ ግድኔየ?

6 ሄዋ ድራዉ፣ ጸሳይ ሀዋዳን ያገ፤ “ታን ሳማርያ፣ ደምባን ኬለቴዳ ቡርጩ ሹቻን ዋይንያ ቱራ ቶክያ ሳ ኦላና። ቃይ ታን እ ሹቻ ቡርጫያ ዲገ ዛንጋራዉ ኦላና፤ እ ባሱዋካ ካሎያና።

7 እ ኤቃ ሞሰለቴ ኡባይ ክንቼታና፤ እ ኤቃ ጎልያን ኦሳያ ሻርሙጻቶ እመቴዳ ሻርሙጻ የዉ ኡባይ ታማን ጸገታናዋ፤ ታን እ ኤቃቴዎ ኡባ ቆይሳና። አያዉ ጎጥ፣ ሄ የዉ ኡባይካ ሻርሙጻደ ደሜዳዋ ግድያ ድራዉ፣ እካ ቃይ ሰሚደ፣ ሀራ ሻርሙጻዉ እመታና” ያገ።

### ዬኩዋን ዋሱዋ

8 ሄዋ ድራዉ፣ ታን ዬካናን ዋሳና፤ ካሎ ጸራነ መላ ገድያን ሀመታና፤ ዋራካናዳን ዋሳና፤ ቃይ ሰንሳያዳንካ እየ ጋና።

9 አያዉ ጎጥ፣ ሳማርያ ማዲላይ ፓጻናዉ ዳንዳየናዋ። ሄ ቱጋይ ይሁዳ ጋድያ ጋኬዳ፤ ቃይ ታ አሳይ ደእያ የሩሳላመ ካታማ ጥንግያካ ማቴዳ።

10 ጋተ ካታማን ደእያ ኦ ሞርከቶ ሄዋ ኦድፕተ፤ ኦንቴንቴ ሰንሳን ሙለ ዬኮፕተ። ቤት-ኦፍራ ካታማን ባናን ጎንደረትተ።

11 ህንተና፣ ሻፊራ ካታማን ደእያዋንቶ፣ ካሎቴደ ዬላቴደ፣ ኦሞዶ ቤተ። ጸአናና ካታማን ደእያዋንቴ ያጥ ከሳናዉ ጸልክና። ቤት-ኤጼላ ካታማይ ዬኩ ደኢያሳ ግድያ ድራዉ፣ እ ህንተንቶ አትያሳ ግዳናዉ ዳንዳየና።

12 መቱ መጽና ጎዳጥ የሩሳላመ ጥንገ ጋካናዉ ዬዳ ድራዉ፣ ማርታን ደእያ አሳይ፣ “ሎኦባይ ያንዴሻ!” ገደ ናገደ ዳቡራዳ።

13 ህንተኛ፡ ላክሻ ካታማን ደጋያዎንቶ፡ ጋርያ ጎችያ ፓራቱዋ ዋጽተ። የሩሳላመ አሳይ ናጋራ ኦሳናደን ጋሱዋ ግዳዳዊ ህንተኛ፤ እያዉ ጎፕ፡ ጽዮን አሳ ናጋራይ ኮይሮ ህንተ ቦላ ቤቲዳ።

14 ሃዋ ድራዉ፡ ህንተኛ ይሁዳ አሳቶ፡ ህንተ ቢደ፡ ዋረሽፓ።ጋጥ ካታማ አሳዉ አዋጋ እማና። እክዘባ ካታማ አሳይካ እስራኤልያ ካተቱዋ ጭምያዋንታ ግዳና።

15 ህንተኛ፡ ማረሻ ካታማን ደጋያዎንቶ፡ መድና ጎዳይ ህንተና ጸንያዋ ህንተ ቦላ አሀና፤ ቦንቹቲዳ እስራኤልያ ካለልያዋንቱ አዲላማ ጎንጎሉዋን ቆሰታና።

16 ህንተኛ፡ ይሁዳ አሳቶ፡ ህንተ ሲቅያ ናናይ ህንተፕ አዋደቲደ ባናዉ ደእያ ድራዉ፡ ህንተ ሁጲያ ሜደትተ፤ ህንተ ሁጲያካ እንኩዋ ሁጲያዳን ቦእይተ።

## 2

ሀዬሳቱዋ ኡቁንያዋንቱ ቦላን ጋካናዉ ደእያ ኢታ ካጫ

1 ኢታባ ሀልቻያዋንቶ፡ ቃይ ባረንቱ ሂጸን ደኢደ፡ ኢታባ ዋት ኦሳንቶ ቆፕያዋንቶ እየ እና፤ ዋልቃይ ኡንቱንቱ ኩሽያን ደእያ ድራዉ፡ ሳእይ ዎንትያ ዎደ፡ ባረንቱ ሀልቻዋ ፖሊና።

2 ኡንቱንቱ ጎሻ ጋድያ አዋቶፕ፡ አሳዋ ዎልቃን እክ አገና፤ ጎላቱዋ ኮዮፕካ እክ አገና። አሳ ማታ የጲደ፡ እ ሳታ ጮ ቦንቁና።

3 ሃዋ ድራዉ፡ መድና ጎዳይ ሀዋዳን ያገ፤ “በእተ፡ ታን ህንተ ቦላን ኢታባ አሀናዉ ሀልቻይ፤ ሂዋፕ ህንተ ከሰ አካናዉ ዳንዳይክታ። ሃዌ ኢታ ዎደ ግድያ ድራዉ፡ ህንተ ኡቶረቲደ ሰመረታናዉ ዳንዳይክታ።

4 ሄ ጋላሰ ኡንቱንቱ ህንተ ቦላን ሌምሲ ሌምሲደ ቅሊጫና፤ ቃይ ሀዋዳን ያግ ዝላሊደ፡ ህንተና ሀደታ ቃንጽሳና፤

“ኅን ኡባይካ ኡባና ቆይደ።

መድና ጎዳይ ኑ ጋድያ አከደ፡

ማካላንቻቶ ግሽ ግሺደ፡

እም ድጌዳ ያጋና” ያገ።

5 ሃዋ ድራዉ፡ ጋድያ ኤጸን ግሽያ ዎደ፡ መድና ጎዳ ሸቁዋ ግደን ነ ሳማ ከሰያ እት አሳይነ ደኤና።

6 አሳይ ታና ሀዋዳን ያገ፤ “ኑ ቦላ ትምቢትያ ኦድፓ። ህዌ ሀዌ ህንተ ቦላ ሀናን ገደ ኦንነ ሃሳያናዉ ኮሸና። ሃዋ ማላ ካዉሻይ ኑ ቦላ ሙለካ ዬና” ያገና።

7 ታን ኡንቱንታ፡ “ህንተኛ ያቆባ ዛረቶ፡ ሙድና ጎዳ እያናይ ዳንዳያንቻ ግደኔ? እ ሃዋ ማላባ ኦሊየ? ያገደ ህንተ ኦቻናዉ በሲ?” ያጋድ።

ጸሳይ ሀዋዳን ያገ፤ “ሱረ ኦግያን ብያዋንቶ ታ ቃላይ ሎኦባ ኦሴ ግደኔ?

8 ሸን ማታ ዎድያፕ ደሚደ፡ ታ አሳይ እቱ እቱዋ ቦላ ዋርክያዳን ደንዴዳ። ህንተ ሳር አሳቱዋ ማዌዋ፡ ኦላ ቆፋይ ሙለካ ባይናን አማነቲደ እድያ አሳቱዋ ማዌዋ ቃር እከታ፤

9 ታ አሳ ግደን ደእያ ማጫ አሳቱዋ ኡንቱንቱ ሎኦ ጎልያፕ ላግ ከሲታ፤ ታ አንጂዋካ ኡንቱንቱ ናናቱ ቦላፕ መድናዉ እክ ድጊታ።

10 ደንዲደ ቢተ! ሀዌ ህንተንቶ ሸምፕያ ሳ ግደና። እያዉ ጎፕ፡ ሀ ሳእይ ቱናተፋፕ ደንዴዳዋን ዳሮ ባዬዳ።

11 “እት ጭምያ ዎርዳንቻይ ዪደ፡ ህንተዉ ሰንፋፕ ዎይንያ ኤሳይነ ማላይያ ኡሻይ ጉፈታና። ያገደ ዎርዱዋ ትምቢትያ ኦድንቶ፡ እ ህንተንቶ ትምቢትያ ኦድያዋ ግዳና።

ሰንፋ ሀደታ

(2:12-13)

12 “ህንተኛ፡ ያቆባ ዛረቶ፡ ታን ህንተና ኡባካ ሸሻና፤ ታን እስራኤልያ አሳፕ ኦቲዳዋንታ ቱሙዋፕ ኡባካ ሸሻና። ዶርሳቱ ካሉዋን ሸቅያዋዳንን ዶርሳ ዉዲ ሂንፋ ጋደን ሸቅያዋዳን፡ ታን ኡንቱንታ እትፕ ሸሻደ ዎፋና። ሄ ሳእይ ዳሮ አሳ ሻባረቱሳን ኩማና።

13 ኡንቱንታ ከሰያዌ ኡንቱንቱፕ ሰንፋቲደ ከሳና፤ ኡንቱንቱካ ፕንግያ መንፈደ፡ ሂዋና ከሲደ ባና። መድና ጎዳይ ባሮ ሀጲያን ኡንቱንቶ ካትያ ግዲደ፡ ኡንቱንታ ሰንፋዉ አጲደ፡ ኡንቱንታ ካለፋና” ያገ።

## 3

ጸሳይ ኢታ ካለልያዋንታን ዎርዶ ናባቱዋ ሙራና

(3:1-12)

1 ታን ሀዋዳን ያጋድ፤ “ህንተኛ፡ ያቆባ ዛራቱዋ ካፓቶን እስራኤልያ አሳ ካለልያዋንቶ፡ ሰስተ! ህንተ ሱረ ፕርዳ ኤራናዉ ህንተንቶ በሰኔየ?

2 ህንተ ሎኡዋ እጸደ፣ ኢታ ደሲታ። ታ አሳፕ ኡንቴንቴ ጋልባ ቃሪታ፤ ኡንቴንቴ አሹዋካ ኡንቴንቴ መቀላፕ ሻኪታ።

3 ህንተ ታ አሳ አሹዋ ሚታ፤ ኡንቴንቴ ጋልባካ ኡንቴንቴፕ ቃሪታ፤ ኡንቴንቴ መቀላ መንግራልደ፣ ኡንቴንቴ አሹዋካ ጸሩዋን የጋናው ሙጽያዋዳን ሙጸረቲታ” ያጋድ።

4 ሄ ዎደ ኡንቴንቴ መድና ጎዳኮ ዋሳና፣ ሽን እ ኡንቴንቴ ዛረና፤ እ ባረ ዳሙዋ ሄ ዎደ ኡንቴንቴፕ ቆሳና፤ እያው ጎፕ፣ ኡንቴንቴ ኢታ ኦሱዋ ኦሴድኖ።

5 ባረ አሳ ዎራ ካለልያ ትምቢትያ ኦድያዋንቴባ መድና ጎዳይ ሀዋዳን ያጌ፤ “ህንተው ምያዋ እምያ ዎደ፣ ጎው ሳእይ ሳራ” ያጌታ፤ ሽን ህንተና ቁማ ምዘናዋ ቦላ ኦላ አዋዴታ።

6 ሄዋ ድራው፣ ህንተንቶ ጋላሳይ ቃማ ግዳናፕ አትና፣ ሳዓ በእክታ፤ ሳእይካ ጭማናፕ አትና፣ ላኤንሶ ሙሩንክታ። ትምቢትያ ኦድያዋንቶ አዋይ ወልና፣ ጋላሳይ ጭማና።

7 ሳዓ በእያዋንቴ ዬላታና፤ ሙሩንያዋንቴካ ካዉሻና፣ ጸሳ ማታፕ ኡንቴንቶ ዛሩ ባይና ድራው፣ ኡንቴንቴ ዬላቲደ፣ ኡባይካ ባረንቴ ዶና ኦይቃና” ያጌ።

8 ሽን ታ ግደፕ፣ ታን ያቆባ ዛረቶ ኡንቴንታ ባይዙዋ፣ እስራኤልያ አሳሰካ ኡንቴንቴ ናጋራ ኦዳና ማላ፣ ዎልቃን፣ መድና ጎዳ አያና፣ ሱረ ፕርዳንከ ምኖተላን ኩማድ።

9 ህንተኖ፣ ሱረ ፕርዳ እጽያነ ስታ የወዋካ ዶቂያዋንቶ ያቆባ ዛራቱዋ ካፓቶነ እስራኤልያ አሳ ዎድያዋንቶ፣ ሀዋ ሰሰተ።

10 ህንተ ጽዮነ ካታማ ሱሳ ጉሲደ ኬጺታ፤ የሩሳላመ ካታማካ ማካላን ኬጺታ።

11 እ ካፓቱ ማታይያን ፕርዳና፤ እ ቁሳቱ ድርጉዋን ታማርሲና፤ ቃይ እ ትምቢትያ ኦድያዋንቴካ ሚሻ ቃንጽና ሙሩንና። ሽን ያቲደካ፣ “መድና ጎዳይ ኑ ግደን ደኤ ግደኔ? ኑ ቦላ እያ ኢታባይካ ዬና” ያጌደ መድና ጎዳን አማካቲኖ።

12 ሄዋ ድራው፣ ህንተ ጋሱዋን ጽዮነ ደርያ ሽይቃዳን ጎሽታና፤ የሩሳላመ ካታማይካ ኮለቲደ እትሳን ዶረቲዳ ሱፓ ሹቻ ግዳናዋ። ጌሻ ጎልያ ኬጺቲዳ ሳእይካ ዎራ ግዳናዋ።

### 4

#### ኦራሳ እስራኤላትን ኦራሳ ጌሻ ጎልያ (ሆሰ 4:1—5:15)

1 ዉርሰሳ ጋላሳቱዋን መድና ጎዳ ጌሻ ጎልያ ኬጸቲዳ ደሪ ደረቱዋ ኡባፕ ጶቂደ ቤታና፤ ከራ ኡባቱዋፕካ ቦላና ጶቁ ጶቁ ጋና። ጋድያ አሳይ እኮ ዛታና።

2 ዳሮ ካዉተሳቱዋ አሳይ ዪደ፣ “ሃይተ፤ መድና ጎዳ ደርያ፣ ያቆባ ጸሳ ጌሻ ጎልያ እነ ፑደ ከሶይተ። እ ኮይያዋዳን ኑን ባና ማላ፣ እ ኑና ባረ ኦግያ ታማርሳና” ያጋና። እያው ጎፕ፣ ህጌ ጽዮነፕ፣ መድና ጎዳ ቃላይካ የሩሳላመፕ ከሳና።

3 እ ዳሮ አሳቱ ግዲዋን ፕርዳና፤ ሃኩዋን ደእያ ምኖ ካዉተሳቱዋ ፓሌምያካ ሻካና። ኡንቴንቴ ባረንቴ ማሻ ማራሻ፣ ባረንቴ ቶራካ ባጫ ከሳናው ቆጻና፤ ካተተሳይ ካዉተሳ ቦላ ማሻ ደንግና። ሀዋፕ ጉይያን፣ ኡንቴንቴ ኡባና ኦላ ትምርትያ ታማርክኖ።

4 ሽን አሳይ ኡባይ ባረ ዎይንያ ቱራ ኩዋንከ ባላሰያ ኩዋን ዎፑ ጌደ ኡታና፤ እይ አሳይነ ኡንቴንታ ያሸሰና። እያው ጎፕ፣ ኡባፕ ዎልቃማ መድና ጎዳይ ሀዋ ሃሳዬዳ።

5 አሳይ ኡባይ ባረ መድና ጎዳ ጸሳ ሱንሳን ሀመታና፤ ሽን ኑን መድና ጎዳ ኑ ጸሳ ሱንሳን መድፕ መድናው ሀመታና።

#### እስራኤልያ አሳይ ኦዎዲዋፕ ሰማና

6 መድና ጎዳይ ሀዋዳን ያጌ፤ “ሄ ጋላሰ ታን ዎባቱዋ ሸሻና፤ ቃይ ኦዎዲዋን ሃኮ ሳእ ቤዳዋንታን ታን ቱጋዬዳዋንታካ ሸሻና።

7 ታን ዎባቱዋ ዉሪደ አቲዳ አቶዋንታ ኦላና፤ ቃይ ኦዎዲዋን ሃኮ ሳእ ቤዳዋንታካ ምኖ ካዉተሳ ከሳና። ሄ ዎድያፕ ደማደ መድና ጋካናው፣ ታን መድና ጎዳይ ጽዮነ ደርያን ኡንቴንቴ ቦላ ካተታና” ያጌ።

8 ኔኖ፣ መድና ጎዳ አሳ ዎቾያ የሩሳላመ ጶቃ ግምቢያው፣ ነዉ ካስ ነ ዎድያ ማታይ፣ ቃይ የሩሳላመ ካዉተሳ ዛዋይ ኡባይካ ሰማና።

9 ሀእ ኔን ኮሻ ጶቁ ኦላይ ዋሰያዌን የሉ ኦይቄዳ ምሽራቲዳን ኡንኤልያዌ እያሴ? ነዉ ካቲ ባይና ግሻሴየ? ዎይ ኔና ዘርያዌ ጳዬዳ ድራሴ?

10 ህንተኖ፣ ጽዮነ አሳቶ፣ የሉ ኦይቄዳ ምሽራቲዳን ኦሊደ ጎንዶረትተ። እያው ጎፕ፣ ህንተ ካታማፕ ከሰያዌ አተና፤ ከሲደ ደምባን ደእና፤ ሄዋፕካ ባብሎነ ባና። ግደፕ፣ ያን ህንተ አታና፤ መድና ጎዳይ ህንተና ህንተ ሞርከቱዋ ኩሽያፕ ዎዛና።

11 ሽን ሀእ ዳሮ ካወተላቱ ነ ሶላ ሺቁድኖ፤ ሸቁድ፡ “የሩሳላመ ቱኖ፤ ኑ እይፊካ ጽዮነ ደረቆ” ያጊኖ።

12 ሽን ኡንቱንቱ መድና ጎዳ ቆላ ኤርክኖ፤ እ ሀልቸዋካ እኬክክኖ። ካላ ቡክያ ኡዳማዉ ሺሺዳ ሞርቁያዳን፡ መድና ጎዳይ ኡንቱንታ ሙራናዉ ሺሺዳ።

13 ህንተኖ፡ የሩሳላመ አሳቶ፡ ደንድተ፤ ደንዲደ፡ ህንተ ሞርከቱዋ ቆጽተ። ታን ህንተ ካጭያ ብራታ፡ ህንተ ቅንጫፍልያካ ናሃሰ ኦላና። ህንተ ዳሮ ካወተላቱዋ ክንቼራላና፤ ኡንቱንቱ ሱገላን ሺሺዳባ ኡባ ህንተ መድና ጎዳዉ ዳማያና፤ ህንተ፡ ኡንቱንቱ አቀዋካ ሳእ ኡባ ጎዳዉ አማና ያጌ።

### 5

1 ህንተኖ፡ የሩሳላመ አሳቶ፡ ህንተ ኦላንቻቱዋ ሺሸተ! እያዉ ጎጥ፡ ኑን ሞርከቱዋን ዳደቲዳ፤ ኡንቱንቱካ እሰራኤልያ ካለልያዋ ጋፓታ ጋትማን ሸጫናዉ ሀኒኖ።

ቤተሌመጥ ካለልያዌ ከሰናዌ ትምቢትያን ኦደቲዳ

2 መድና ጎዳይ ሀዋዳን ያጌ፤ “ኔኖ ኤፍራታ፡ ቤተሌመ ካታማዉ፡ ኔን ይሁዳ ካታማቱዋ ግደን ጉላ፤ ሽን እዉ ደንዲ በንጥ ደማደ፡ መድናጥ ግዴዳዌ፡ እሰራኤልያ አሳ ሞድያዌ ታዉ ኔጥ ከሰና” ያጌ።

3 ሄዋ ድራዉ፡ የሉዋ ኦይቀትያ ሞሸራታ ሄ ናእ የላና ጋካናዉ፡ መድና ጎዳይ እሰራኤልያ አሳ ሞርከቱዋ ኩሽያን አሊደ እማና። ሄዋጥ ጉይያን፡ ኦሞዲዋን ደእያ እ እሻቱ ሰማደ፡ ባረንቱ አሳና ሞላከታና።

4 እ ያና፤ መድና ጎዳ ሞናተላን፡ መድና ጎዳ ባረ ጸሳ ሱንላ ግታተላን ባረ አሳ ሄማና። እ ሳእ ጋጸ ጋካናዉ ሞልቃማ ግድያ ድራዉ፡ ኡንቱንቱ ሳርተላን ደእና።

5 እ ኡንቱንቶ ሳርተላ ግዳናዋ።

መድና ጎዳይ እሰራኤልያ አሳ እሻናን ኡንቱንቱ ሞርከቱዋካ ጳይሳና

እሰረ ጋድያ አሳቱ ኑ ጋድያ ሞራጅያ ዋደነ ኑ ጌሱዋካ የደርሲደ ገልያ ዋደ፡ ኑን አሳ ሄማናዉን ካለላናዉ ግድያን ግዲደ ፓላህያ አሳ ደንሏደ፡ ኡንቱንቱና ኦላ ጋከታና።

6 ኡንቱንቱ አሰረ ጋድያ ኦላን ጸናና፤ ቃይ ሄ ጋድያን ደእያ ናሞራድ ኬጼዳ ጋድያ ሞዳና። አሰረ ጋድያ አሳቱ ኑ ጋድያ ሞራጅያ ዋደነ ኑ ዛዋካ የቋያ ዋደ፡ ኑ ጋድያ ሞድያዌ ኑና ኡንቱንቱጥ እሻና።

7 ያቆባ ዛራቱ አትያዋንቱ ዳሮ ጋደ አሳ ግደን መድና ጎዳይ ከቲዳ ጮኩዋ ማላነ ማታ ቦላን ዋቋያ ዮሰያ ማላ ግዳናዋ። ጮኩነ ዮሰ ያናዉ አሳ አዛዙዋ ናገናዋዳን፡ እሰራኤልያ አሳይካ መድና ጎዳጥ አትና፡ አሳ ናገና።

8 ያቆባ ዛራቱ አትያዋንቱ ካወተላቱዋ ግደን፡ ዳሮ አሳ ግደን፡ ባዙዋ ዶአቱዋ ግደን ደእያ ጋሙዋ ማላነ ዶርሳ ዉድያ ግደን ደእያ ዋዳላ ጋሙዋ ማላ ግዳናዋ። እ ሄዋና ካንልያ ዋደ የረረቲን መንግራሌ፤ ኦንነ እሻናዉ ዳንዳየና።

9 ነ ኩሺ ኔናና ኤቀትያዋንቱ ቦላ ደንዳና፤ ነ ሞርከቱ ኡባይካ ጳያና።

10 መድና ጎዳይ ሀዋዳን ያጌ፤ “ሄ ጋላሰ ታን ነ ፓራቱዋ ነ ግደጥ ጳይሳና፤ ነ ፓራ ጋረቱዋካ መንግራላና።

11 ታን ነ ጋድያ ካታማቱዋ ጳይሳና፤ ነ ጌሱዋካ ኡባ ላላና።

12 ቃይ ነ ካዩዋ ታን ጳይሳና፤ ሙሩንያዋንቱካ ሀዋጥ ሰንላናዉ ነ ግደን ደእክና።

13 ታን ነ ኤቃ ሞሰለቱዋ ነ ነይናናዉ ኤሴዳ ሹቻቱዋ ነ ግደጥ ጳይሳና፤ ሀዋጥ ሰንላናዉ ኔን ነ ኩሽያን መጼዳባዉ ጎይናካ።

14 ታን እሺሮ ግያ ጸሳት ሞሰልያ ነ ግደጥ ቋቆላና፤ ነ ካታማቱዋካ ጳይሳና።

15 ታዉ አዛዘትቤና ካወተላቱዋ ቦላ ይሉዋንን ሀንቁዋን ታን ሀሉዋ ከሰና” ያጌ።

### 6

እሰራኤልያ ናቁ ቆንጩሳ

(6:1—7:7)

1 መድና ጎዳይ እሰራኤልያ አሳና ሞተትያዋ ሰሰተ።

“ደንዳ! ደንዳደ ቋቃ ደረቱዋ ሰንላን ፕርደታ፤ ኔን ግያዋ ደረቱካ ሰሰና።

2 ህንተኖ ደረቶ፡ ህንተኖ፡ ሳእይ ኤቁዳ ሞኖ ባሰቶ፡ መድና ጎዳይ ሞትያ ሞቱዋ ሰሰተ። መድና ጎዳይ ባረ አሳና ሞተቲ፤ እሰራኤልያ አሳና እ ፓሉመቲ።”

3 መድና ጎዳይ ኡንቱንታ ሀዋዳን ያጌ፤ “ታ አሳዉ፡ ታን ህንተና ዋታድታ? ታን ህንተንቶ ሞናደ ቶኩዋ ግዳድታ? እነ ታዉ ኦድተ!



4 ታን ህንተና ግብጹ ጋድያፕ ከሳድ፤ ቃይ ህንተና አይለተፋፕ ዋዛድ። ህንተና ካለፋና ማለ ሙሳ፣ አርናነ ሚርያዎ ህንተው ከታድ።

5 ታ አሳው፣ ሞአባ ካትያ ባላቅ ሀልቼዳዋነ ብእራ ናእይ ባላም አው ዛሬዳዋ ሀሳያ። ሺጽማ ግያ ሳፕ ገልጋል ኔነ ብያ ዎይ፣ ኦግያን ህይዳዋ አነ ሀሳያ። ሄዎ ሀሳዮፕ፣ ታን መድና ጎዳይ ኔና አሻናው ኦሌዳ ኦሉዎ ኔነ አከካና” ያጌ።

**መድና ጎዳይ ባረ አሳፕ ኮይያዎ**

6 መድና ጎዳይ፣ ጾቃ ሳእን ደእያ ጸሳ ሰንፋን ጎይናናው ያደ ታን እያ እካደ ሺቆ? አው ጸገትያ ያርሹዎ ግዳና ማላ፣ እት ላይላ ግዴዳ ኮሩማቱዋ እካደ፣ አ ሰንፋ ዮሻ?

7 መድና ጎዳይ ሻእ ደርሳ ኦርገቱዋን ዎይ ታሙ ሻእ ሻፋቱዋን ደእያ ሃላ ከሻ ዎጋራ ዛይትያን ናሽታንዴ? ታ ናቁዎ ድራው፣ ታ ባይራ ናእ፣ ታ ሸምቱዋ ናጋራ ግሻውካ ታ የሉዎ እሞሻ?

8 ሀይ አሳው፣ መድና ጎዳይ ነው ሎኦባ ኦድ ዎሌዳቱ። መድና ጎዳይ ኔፕ ኮይያዎ እዬ ጎፕ፣ ኔን ሱረባ ኦላናዋ፣ አገና ሲቁዋ በሳናዋነ አሽከተፋን ነ ጸሳና ሀመታናዋ።

9 መድና ጎዳይ ያይያዎ አጼዳ ኤራተፋ። የሩሳላመ ካታማ አሳ ጸሳይ ሀዋዳን ያጌ፤ “ሙራና ጋትማነ ሄ ጋትማ ግገሴዳዌካ ኦንጎቶ አከክተ።

10 ናጋራንቻ ጎልያን ደእያ ናጋራን ሺሼዳ ሻሉዋነ ታ እጽያ ዎርዶ ማክያ ሚሻቱዋ ታን ደጋኔየ?

11 ያትና፣ ሀ ዎርዶ ሚዛናን ልክያዋነ ዎርዶ ሚሻን ማክያ አሳ ናጋራ ታን ዋታደ እቶ ጋናው ዳንዳያይታ?

12 ሄ ካታማ ዱረቱ ማካላን ኩሚዳዋንታ፤ እን ደእያ አሳይ ኡባይ ዎርዶዋ። አንቱንቱ ዶና ግደን ደእያ አንቱንቱ እንጸርሳይካ ባረ ሁጺያው ጌላ።

13 “ሄዎ ድራው፣ ታን ህንተ ናጋራ ጋሱዋን ህንተና ቆይሳናውካ ድጋናው ደንዳድ።

14 ህንተ ማና፣ ሽን ካልክታ፤ ናፍሳይካ ህንተፕ ዱጸና። ህንተ ቡራይ ሺሻና፣ ሽን ህንተንቶ ዳጋት፤ ህንተ ዳጋዬዳዋካ ታን ኦላ የዳደ ቆይሳና።

15 ህንተ ካላ ዘራና፣ ሽን ጋክና ጫክክታ፤ ዎጋራ ቱራ ጉምአና፣ ሽን ሄ ዛይትያ ኦከትክታ፤ ዎይንያ ቱራካ ህንተ ጉምአና፣ ሽን አ ኤሳ ኡሸክታ።

16 ህንተ ካትያ ኦምራ ዎጋ፣ አ ናእ ካትያ እካባ ጎል ኢታ ኦሉዋነ አንቱንቱ ዘርያ ካሌዳ ድራው፣ ታን ህንተና ቆይሳና፤ ታን ህንተና አሳይ ኡባይ ቦርያባ ኦላና። አሳይ ኡባይ ህንተና ሸቄያ ሸቃካ ህንተ ቶካና” ያጌ።

# 7

**እስራኤልያ አሳ ቱናተፋ**

1 እየ እና ታና፤ ታን ቱራይ ማጸት ዉር ክችና ዪድ፣ ዎይንያ ቱራፕነ ባላሰያ ሞፋፕ ባረ እሞቱዳዎ ደማናው ዳንዳይቤና ኮሻቲዳ ብታንያ ማላ ግዳ ክቻድ።

2 ጸሳ ዶሰያ ከካ አሳይ ጋድያን ሙለካ ባዋ፤ አሳ ጋርሳን ሱረ አሳይ ቆይዳ። አሳይ ኡባይ አሳ ሱላ ጉሳናው ዙጊድ ናጌ፤ ቃይ ኡባይካ ባረ አሻ ግትያን ላይቃናው ካሊ።

3 አንቱንቱ ኩሸቱ ላኡካ ኢታባ ኦላናው ሎሀ ኡቱድና። ካፕ ዳናይ ማታይያ ኦቺና፤ ዎልቃማ አሳቱ ባረንቱ እሞቱዳዎ ኦዲና፤ አንቱንቱ ኡባይካ እትፕ ኢታ ኦሊና።

4 አንቱንቱ ጋርሳን ኤበሎ ከካ ግያዌ አጉንፋ ማላ፤ ቃይ ኤበሎ ሱረ ግያዌ ጎምኦርያ ማላ። ጸሳይ ትምቢትያ ኦድያዋንቱ ባጋና ኦዴዳዋዳን፣ አ ባረ አ ሙሪያ ጋላሳይ ጋኬዳ፤ አንቱንቱ ሻቢረትያ ዎዳካ ሀእ።

5 ነ ሸሩዋ እማናፕ፤ ነ ላግያካ እማንቶ። ኔን ቆማደ እቅያ ነ ማቻትዉካ ኦድያዋካ እከካደ ኦዳ።

6 እያው ጎፕ፣ ናእይ ባረ እዉዎ ካቆ፤ ናታ ባረ ዳይ ቦላ፣ ናእ ማቻታካ ባረ ቦሎታት ቦላ ደንድና፤ እዎ አው ሶ አሳይ ሞርከ ግዴ።

7 ሽን ታና ግደፕ፣ ታን ህይታን መድና ጎዳ ዪላሻና፤ ታና አሸያ ጸሳ ታን ናጋሻና፤ ታ ጸሳይ ታዎ ሰሳና።

**አሳይ ጸሳኮ ሰሙሳ  
(7:8-20)**

8 ታ ሞርክያው፣ ታ መቱዋን ናሽቶ። ታን ኩንደፕካ ደንዳና፤ ታን ቆማን ኡቶፕካ፣ መድና ጎዳይ ታዉ ፖአና።

9 ታን ጸሳ ናቃድ፤ ሄዎ ድራው፣ አ ታዉ ሞተቲደ፣ ታ ፕርዳ ከሳና ጋካናው፣ ታን አ ህንቁዎ ዳንዳያና። አ ታና ፖኡዎ ከሳና፤ ታንካ አ አሸያ አሹዎ በአና።

10 ሄ ዎደ ታ ሞርከካ በእና፤ ቃይ ታና፡ “መድና ጎዳይ ነ ጸሳይ ሀቃን ደኢ?” ያግ ያግ ቅለጭያዎ ዬላ ማያና፤ እ ኦግያን ደእያ ኡርቃዳን የቅትሸንካ ታን ታ አይፍያን በእና፡፡

11 ሀንተና፡ እስራኤልያ አሳቶ፡ ሀንተ ካታማ ግሞቢያ ድርሳቱ ድረትያ ጋላሳይ ያና፤ ሄ ጋላሳ ሀንተ ዘዋይካ እካና፡፡

12 ሄ ጋላሳ ሀንተ አሳይ ሀንተኮ ሰማና፡ ኡንቱንቱ አሶረ ጋድያ፡፡ ግብጼ ካታማቱዋ፡፡ አፍራጺሳ ሻፋ ሄራን ደእያ ሳአቱዋ፡፡ ቃይ ሃኮ ሳን ደእያ አባቱዋ ዶና፡፡ ቃይ ደረቱዋ፡፡ ሀንተኮ ሰማና፡፡

13 ሸን ቢታይ እን ደእያ አሳ ኢታተላ ጋሱዋን አሳይ ባይና መላ ግዳና፡፡

**መድና ጎዳይ እስራኤልያዉ ቃረቴዳ ቃረታ**

14 ኔን ነ አሳ፡ እራዳ ቢታይ የሸዋን ደእያ ባዙዋን ባረካ ደእያ ነ ቡዞ ድርሳ ዉድያ ነ ጋትማን ሄማ፡፡ ኡንቱንቱ ካሰዋዳንካ ባሳንን፤ ጋላኢደን ሄመትና፡፡

15 መድና ጎዳይ፡ “ሀንተ ግብጼ ጋድያ፡፡ ከሴዳ ዎድያዳን፡ ታን ሀንተና ማላልሰያ ባሳና” ያገ፡፡

16 ካዉተላቱ ኡባይ ሄዋ በኢደ ዬላታና፤ ኡንቱንቱ ዎልቃይካ ሀዳ ግድያ ድራዉ፡ ኡንቱንቱ ዬላቲደ፡ ባረንቱ ዶና ኦይቃና፤ ኡንቱንቱ ሀይላይካ ቱላና፡፡

17 ኡንቱንቱ ሸሻዳን፡ ቢታ ላጫና፤ ሳእና ትራን ጎሸትያ መታቱዋዳን ኮኮሪደ፡ ባረንቱ ጌሱዋ፡፡ ከሳና፡፡ ዎልቃማ ዳጋማን መድና ጎዳኮ፡ ኦ ጸሳኮ፡ ሰማና፤ ኡንቱንቱ ኔና ያዬደ ደእና፡፡

18 ናቁዋ አቶ ያግያዌ፡ ባረ አሳ አቴዳዋንቱ ማካላ ፓይደናዌ ነ ማላ ጸሳይ ኦኔ? ኔን ሀንቁ ሀንቆሸን፡ መድናዉ ደእ አጋካ፤ አያዉ ጎ፡፡ ኔን ነ አሳዉ ነ አገና ሲቁዋ በሰያዋን ናሸታሳ፡፡

19 ኔን ኡዉ ቃይካ ቃረታና፤ ኦ ናቁዋ ነ ገድያን የጳና፤ ኤ ኦ ናጋራካ አባ ጨሙዋን ኡላና፡፡

20 ኔን በንፕካ ዶማደ ኦ ማይዛ አዋቶ ገፓደ ጫቄዳዋዳን፡ አብራሃማን ያቆባ ዛረ ግዴዳ ነ አሳዉ ነ አማንትያዋን ነ አገና ሲቁዋ በሳና፡፡

# ናሆማ ትምህርትና ገሎቆ

ናሆማ ግን ሱንሳ ብለላይ፤ “ጸሳይ ምንጫያዎ ግያዎ።” ናሆማ ማጻፋይ በንጥ ደሚደ እስራኤልያዎ ሞርከ ግዲደ ደኤዳ አሰረ ካዉተሳ ዋና ካታማ ነዌ ኩንደሳ ናሸቻ ግጽምያን ኦዴ። መቀላ ኢታን ኦቶራንቻ ግዴዳ ነዌ ካታማይ፤ የሱሳ የለታጥ ካሰ ላፑንሳ ጸቱ ላይሳ ዉርሰላን ኦላን ባዬዳ። ሄዌካ መቀላ ኢታን ኦቶራንቻ አሳ ቦላ ጸሳይ ዎት ፕርድንቶ በሴ።

## ሸምጋቱዎ ኡባቶ እመቴዳ ቃንሳ ቆፋቱዎ

1. ያሸያ ጸሳ ሀንቁዎ 1:1-6
2. አሰራ ቦላ እዴዳ ፕርዳይ እስራኤልያ አሳዉ ህደታ ቤትሴዳ 1:7-15
3. አሰራ ሁጳ ካታማ ናናዌ ባየሳ 2:1—3:19

ያሸያ ጸሳ ሀንቁዎ (1:1-6)

1 ኤልቆሻ ጌተትያ ሳን ደእያ ናሆመ ነዌ ቦላ ጸሳጥ አኬዳ ኪታይን በኤዳ ሳዎ ማጻፋይ ሀዎ።

ነዌ ቦላን ጸሳይ ሀንቀቴዳ ሀንቁዎ

2 መድና ጎዳይ ቃናትያን ሀሎዎ ከሰያ ጸሳ፤ መድና ጎዳይ ሀሎዎ ከሰያዋን ሀንቁዎን ኩሜዳዋ፤ መድና ጎዳይ ባረናና ኤቀትያዋንቶ ሀሎዎ ከሴ፤ ቃይ ባረ ሞርከቱዎ ሙራናዉ ባረ ሀንቁዎ ገገሰ ዎሴዳ።

3 መድና ጎዳይ ሀንቀታናዉ ኤሌሊና፤ ዎልቃይካ አዌ ዎልቃማ፤ እ ባይዛንቻ አያ ግደጥ፤ ሙራናን አገና።

መድና ጎዳዉ ጎቱዎንን ቤታ ግድን ኦጊ ደኤ፤ ሻሪካ እ ገዲ የድና ደንድያ ባና።

4 እ አባ ሴሪደ መልሴ፤ ሻፋቱዎ ኡባካ ቶይሴ። ባሳንንን ቃርመሎሳን ደእያ ምላቱን ማታቱ ሹሊኖ። ሊባናሳ ጨሻይካ ቆቆቲ።

5 እ ሰንሳን ደረቱ ቃጸኒ፤ ዘዘቱካ ሲሊኖ። እ ቆንጭያ ዎደ ቢታይ ሳእይ ቃጸና፤ ሳኣን ደእያባይ ኡባይካ ኮኮራና።

6 እ ሀንቁዎ ሰንሳን ኤቃናዌ ኦኔ? እ ሀንቁዎ ሱሎዋካ ዳንዲያናዌ ኦኔ? እ ሀንቁ ታማዳን ቡክያ ዎደ፤ ዛላቱ ዛኢደ ጳልቀቲኖ።

አሰረ ቦላ እዴዳ ፕርዳይ እስራኤልያ አሳዉ ህደታ ቤትሴዳ (1:7-15)

7 መድና ጎዳይ ከካ፤ መቱዎ ጋለሰካ ባቃት አትያሳ፤ እ ባረኮ ባቃት አታናዉ ኮይያዋንታ ኤሬ።

8 ሸን እ ባረ ሞርከቱዎ ድኡዎን ሙክሲደ ጳይሳና፤ ባረናና ኤቀትያዋንታካ ጹማዉ የደርሳና።

9 ሀንተ መድና ጎዳ ቦላ ማቀትያዌ እ አይ? እ ሀንተና ኡባና ጳይሳና፤ ላኢንሉዎ ጳይሳናዉ ደንድና።

10 ሀንተንቱ፤ ባጸባለቲዳ አጉንሳ ማላቱ፤ ቃይ ኡሺደ ማላቲዳዎዳን ጋንድጋርያዋንቱ፤ መላ ኡቱላዳን ታማን ጸገት ጳይና።

11 ነዌ፤ መድና ጎዳ ቦላ ኢታባ ቆጥያዌ፤ ኢታ ዘርያ ዘርያዌ ነ ግደጥ ከሴዳ።

12 መድና ጎዳይ ሀዋዳን ያጌ፤ “ናናዌቱ ምናን ጮራ ግደጥ፤ ቶቆለቲደ ጳይና። ይሁዳ አሳዉ፤ ታን ሀንተና ካሰ ቱጋያድ፤ ሸን ሀዋጥ ሰንሳናዉ ቱጋይከ።

13 ሀእ ታን አሰረቱዎ ሞርገ ምላ ሀንተ ሞርግያጥ መንሳና፤ ሀንተ ኡቁና ቃሹዋካ ታን ዱሰረላና” ያጌ።

14 ነዌ፤ መድና ጎዳይ ነ ቦላ ፕርዴዳ ፕርዳይ ሀዋዳን ያግያዎ፤ “ሀዋጥ ሰንሳናዉ ነ ሱንሳ ጴሰሰያ ዘረሳይ ነዉ ደኤና። ነ ጸሳቱዎ ጎልያን ደእያ ምሰለቱዋን ኤቃቱዎ ታን ጳይሳና። ኔን ዳምበናዎ ግዴዳ ድራዉ፤ ታን ነ ዲፋዎ ቦካና” ያግያዎ።

15 በአተ፤ አት ከተቴዳዌ ሎኦ ምሽራቹዎ ኦዲድን ሳርተሳ አዎዪደ፤ ቶቃ ደረቱዎ ቦላና ጋኬዳ። ሀንተና፤ ይሁዳ አሳቶ፤ ሀንተና ጳይሰያ ሞርከቱ ኡባና ጳይድና፤ ኡንቱንቱ ላኢንሉ ሀንተ ቢታ ዎራጅክና። ሄዎ ድራዉ፤ ሀንተ ባላቱዎ ቦንቶተ፤ ሀንተ ሺቆዳዋካ ጋሳተ።

# 2

## እስራ ሁጸ ካታማ ናናዌ ባየላ (2:1—3:19)

1 ኔኖ ናናዌ ካታማው፥ ጳይስያባይ ዬዳ! ሄዋ ድራው፥ ነ ጌሱዋ ናጋ፤ ነ ኦግያካ ዎቻ፤ ነ ዳንጨዋ ሞንሳ፤ ነ ዎልቃካ ሎይላ ሞንሳ።

2 ጳይስያዋን፥ እስራኤልያ አሳነ ዎይንያ ቱራ ጳይሶጥካ፥ መድኑ ጎዳይ እስራኤልያ ቦንቹዋን ያቆባ ቦንቹዋ ዛራና።

3 ኦላንቻቱዋ ጎንዳላቱ ዘኣ፤ ኦላንቻቱካ ዘኣ ማዩዋ ማዬድና። ኡንቱንቱ ኦላው ገገያ ዎደ፥ ፓራ ጋረቱዋ ብራታይ ታማ ላጨዋዳን ጸልቁ ገኖ፤ ኡንቱንቱ ባረንቱ ቶራ ቶማካ ገገሲድና።

4 ፓራ ጋረቱ ኦግያን እንዳራሱዋ ክንቹና፤ ኡንቱንቱ ያነ ሃነ ጃሚደ፥ ካታማ ኦግያን ዩዩና። ቃይ ኡንቱንቱ ላጨ ፖዱ ግያ ጸምጎያ ማላቲና፤ ዎልቃንላዳንካ ኤሌሊና።

5 ኣ ባረ ኦላ ካፓቱዋ ዪሲደ ሺሼ፤ ሽን ኣ ካፓቱ ሀመቲደ ጴብቲና። ኡንቱንቱ ካታማ ግምቢያ ድርሳኩ ኤሌሊና፤ ኡንቱንታ ሞርከቱዋ ቆሁዋጥ ናግያ ዎልቃማ ጎንዳሊ ገጌዳ።

6 ሻፋ ባጋና ደኣያ ካታማ ድርሳ ጥንገቱ ዶዩቲድና፤ ካትያ ጎሊካ ሻቢረቲድና።

7 ካታማታ ኦሞደታደ ባዱ፤ እዝ ማጫ ቆማቱካ ካዮቲደ፥ ሀራጸቱዋዳን ዋሲና፤ ባረንቱ ትራካ ባቂና።

8 ዳጋት ኡቲዳ ሃላይ ፖክ በሰና ጎግያዋዳን፥ ነነዌ አሳይ ካታማጥ ባቃታና። አሳይ ኡንቱንቱ ባረ ቃላ ጶቁ ኦላደ፥ “ኡቂተ፤ ኡቂተ!” ያጊደ ጸሳና፤ ሽን ኦንነ ገዮ ጸለና።

9 ሃ ካታማ አቆ፥ እን ሞንጀቲዳ ቦንቾ ሚሻሰካ ፓይዱ ባዋ። ሄዋ ድራው፥ ሄ ብራ ቦንቂተ! ሄ ዎርቃካ ቃይ ቦንቂተ!

10 ነነዌ ካታማይ መላ ግዴዳ፤ ቃይ ኦኒደ ባዬዳ! አሳ ዎዛናይ ያሻን ሲሌዳ፤ ፓዱካ ኮኮራዳ፤ አሳ ኡባ ጸሳይ ጋጅ ጋጃዳ፤ ሶሞኢካ ቡላቲዳ!

11 ጋማቱዋ ጌሱዋ ማላ፥ ዎደላ ጋማቱ ደኢያሳ ማላነ አቱማነ ማጫ ጋማቱ ባረንቱ ማራቱዋና ኡንቱንቱ ያሽሰያዌ ባይና። ዩይያ ዎራ ማላ ግዴዳ ናናዌ ካታማይ ሀእ ሀቃን ደኢ?

12 ጋሙ ባረ ማራቶ ግድያባ ኦይቄዳ፤ ማጫ ጋማትሰካ መንገድላደ እሜዳ። ባረ ጌሱዋ ሃሰ ኦይቄዳዋን፥ ባረ ጎንጎሉዋካ ሃሰ ኣሄዳ አሹዋን ኩንሌዳ።

13 ኡባጥ ዎልቃማ መድኑ ጎዳይ ሀዋዳን ያጌ። “በእ፥ ታን ነ ቦላን ደንዳድ! ታን ነ ፓራ ጋረቱዋ ታማን ጸጋና፤ ነ ዎዳላ ጋማቱዋካ ማሻይ ማና። ኔን ሃሳይያዋ ታን ቢታ ኡባጥ ጳይሳና፤ ነዉ ከተትያዋንቱ ቃላይካ ላኢንላ ሙላካ ሰሰተና” ያጌ።

# 3

## ናናዌ ካታማትዉ እየ እና!

1 ዳር አሳ ሱላ ጉሴዳ ነነዌ ካታማትዉ አዬር! ዎርዱ እዝን ኩሞ ኡቲዳ። እዛ ዎልቃን አኬዳነ ቦንቄዳ ዱረታዉ ፓይዱ ባዋ።

2 ናናዌ ካታማትን ልሱዋ አርፔሉ፥ ፓራ ጋርያ ገድያ ጉንሳይ፥ ፓራቱዋ እንዳራሱነ ፓራ ጋረቱዋ ጉፋይ ሰሰቲ።

3 ፓራ አሳቲ ነ ቦላ ዬድና፤ ማሻይ ጸሉጸሌ፤ ቶራቱካ ጸሊና። ዳር አሳይ ሀይቄዳ! አሃይ አሃ ቦላ ደረቲዳ! ሀይቄዳባይ ፓይዱ ባዋ! ሄዋና አጂደ ብያ አሳይካ አሃን ጴብቲ።

4 ሀዌ አባይ ሀይዳዌ ዛዋይ ባይና ነነዌ ጫራተላ ጋሱዋና። እዛ ጮራ ሙሩና አቶ፤ ካዉተላቱዋ ባረ ጫራተላን፥ አሳካ ባረ ሙሩኑዋን አይሊያዱ።

5 ኡባጥ ዎልቃማ መድኑ ጎዳይ፥ “በእ፥ ታን ነ ቦላን ደንዳድ! ታን ነ ማዩዋ ነ ቦላጥ ቃራና፤ ነ ካሉዋ ጋይ አሳ፥ ነ ፖኩዋካ ካዉተላቱዋ በሳና።

6 ታን ኔና ፕቱዋ ኦልያ ሳ ከሳና፤ ታን ኔና ካቆና፤ ቃይ አሳይ ኡባይ ኔናን ቅሊጮያዋ ኦላና።

7 ኔና በእያ ኡባይ ኔጥ ሸልእ ገደ፥ በእተ፥ ናናዌ ካታማታ መላ ግዳዱ። እዝዉ ካዮትያዌ ኦኔ? እዝ ሞንገሳዊካ ሀቃጥ ቢታንዳሻ! ያጋና” ያጌ።

8 ኔና ነነዌ ካታማቲ፥ ኔን ቲብሶ ግያ ገብጼ ካታማትጥ ዳራይ፥ እዝ ናይላ ሻፋይ ዶድ ዎሌዳ። ሻፋይ እዝዉ ተእያ ግምቢያ፤ ሃላቱካ እዝዉ ድርሳ።

9 ቶጶን ግብጼ እዝዉ ዛዋይ ባይና ዎልቃ፤ ፑጶን ሊቢ እዝ ማድያዋንታ።

10 ግደጥ፥ እዛ ኦሞደታደ ባዱ፤ እዝን ደኣያ ጉላ ናናይካ ዳራጸቲደ፥ ኦግያ ጋጸን ኡባን ከንዳድና። እዝ ቦንቹቲዳ አሳቱዋ ቦላን ሳማይ የገቲዳ፤ እዝ ዎልቃማ አሳቲ ኡባይካ ሳንላላታን ቃሽቲድና።

11 ኔና ነነዌ ካታማቲ፥ ኔን ቃይ ማላቲደ ጋንድጋርያ አሳዳን ሀናና። ነ ሞርከቱዋ ሰንላጥ ቆሰታደ አትያሳ ኔን ኮያና።

12 ነ ጌሳቱ ኡባይ ኮይሮ ቴሬዳ ቴሬይ ጋዉጨቴዳ ባላሰያ ሞላቱዋ ማላ፤ ሄ ባላሰያ ሞላ ቃልያ ዋይ፤ ቴሬይ ሞያዋ ዶናን ዋዴ።

13 በእ፥ ነ ኦላንቻቱ ኡባይ ማጫ እሳ ማላ። ነ ዛዋ ፐንገቱካ ነ ሞርከቶ እኪደ ደየቴድኖ፤ ጎርድያ ሞላካ ታማይ ሞ ድጌዳ።

14 ነ ሞርከቱ ኔና ደዲደ ኡንኤልያ ዋደ ኡሻናዉ ሃላ ትካ። ነ ጌሱዋካ ሞንሳ፤ ኡርቃ የዳ፤ አፐ ጸብያ መድያ ሚሻን ጸብያ ገግሳ።

15 ኔና ያን ታማይ ማና፤ ቦሊ ካላ ሞያዋዳን፤ ኔና ማሻን ቃንጸሬላና። ኔን ቦልያዳን ዳራ፤ ቦልያዋዳንካ ጮራታ።

16 ኔን ነ ዛልእንቻቱዋ ሳሉዋ ጸልንተቱዋፐ አላደ ጮራያዳ። ሽን ሄዋንቱ ኡባይ ቦልያዳን ኡባባ ሞ ድጌደ፤ ፓል ዳያና።

17 ነ ካፓቱን ማታይ ደእያዋንቱ፥ ሜሳ ጋላሰ ድርሳ ቦላን ኡቲደ፥ አዋይ ከሰያ ዋደ ፓል ዳይያ ቦላቱዋ ማላ፤ ኡንቱንቱ ቤዳ ሳካ ኤርያዌ ባዋ።

18 ኔና አሶረ ካተዉ፥ ነ ሄንላንቻቱ ገሞእሼድኖ፤ ነ ቦንቼቱዳ አሳቱካ ጌርቴድኖ። ነ አሳይ ደረቱዋ ቦላን ሳላቴዳ፤ ኡንቱንታ ሸሽያዌካ ባዋ።

19 ነ መኡ ኮለተና፤ ነ ማዲላይካ ፓጸና። ነባ ሰሴዳ ኡባይ ናሸቲደ፥ ኩሸያ ባቃና፥ አያዉ ጎፐ፥ ነ ዛዋይ ባይና ኢታተላፐ ከሰ እኬዳ እሳይ ሙለካ ባዋ።

# እምባቆማ ትምቢትያ ገሉዋ

ትምቢትያ ኦድያ እምባቆማው ትምቢትያ ቃላይ ዬዳዌ ባብሎናቱ ዳሪ ምኔዳ ዋድያን፣ ክርስቶሳ የለታጥ ካስ፣ ላፕንጎ ጾቱ ላይላ ወርሰላና። ሀ መቀላ ኢታ ኦሳቱ ኦሲደ ደእያ ሱገላ ኦሱዋን እምባቆም ሎይሌ ዳር ኦንኤቱዳ ድራው። “ያትና ሀዋንታ ማካላንቻቱዋ ዋታ ጮኡ ጋደ ጸላይ? ናጋራንቻቱ ባረፕ ጽሉዋ ዳርያዋንታ ጳይሳናዉ ደንድያ ዋደ፣ እያዉ ጮኡ ጋድ?” ያገደ ጸሳ ኦቹዳ (1:13)። ጸሳይ አዉ ዛሩዋ እሚደ፣ “ታን ኡባባካ ታ ዋድያን ኦሳይ” ያግ ዛሬዳዋፕ ጉይያን፣ ሄዌ ጋካናው፣ “ጽሉ እማኑዋን ደኡዋ ደሜ” ያጌዳ (2:4)።

ማጻፋው እትያ ክፍለ ማካላንቻቱዋ ቦላን ጋክያ ባሻባዉ ኦይቱዳ ትምቢትያ ግድሽና፣ ወርሰላ ሄራን ጸሳ ግታተላባነ ሀ ግጽምያ ጸፊዳ ብታንያ እማኑዋ ምናተላባ ቆንጭስያ ማዛሙራ ደኤ።

## ሸምጋቱዋ ኡባቶ አመቱዳ ቃንሳ ቆላቱዋ

1. እምባቆማ ማጋናን ጎዳ ዛሩዋ 1:1—2:4
2. ናጋራንቻቱዋ ቦላ እጮዳ ፕርዳ 2:5-20
3. እምባቆማ ዋሳ 3:1-19

እምባቆማ ማጋናን ጎዳ ዛሩዋ (1:1—2:4)

1 ትምቢትያ ኦድያ እምባቆማው መቅና ጎዳይ ሳጸን እሜዳ ኪታይ ሀዋ።

እምባቆም ሱረ ፕርዳይ ጳዬዳዋ መቅና ጎዳዉ ማጋኔዳ

2 እምባቆም፣ “አቤት መቅና ጎዳው፣ ኔን ማዳናዳን ታን ጸሰያ ዋደ፣ አዉደ ጋካናዉ ሰሰናን አጸይ? ቃይ ታን ማካላዉ ነዉ ዋሰያ ዋደ፣ አዉደ ጋካናዉ አሸናን አጸይ?

3 ሀ ናቆዋን ባይዙዋ ታና እያዉ በሳይ? ማካላነ ባሻ ጸላደ ኔን እያዉ ጮኡ ጋደ ዳንዳያይ? ዋታይን ኦሻይ ቢታ ኡባን ዳራዳ።

4 ሄዋ ድራው፣ ሀጊ ለፒዳ፤ ቱሙ ከሰ ኤረና። ቃይ ናጋራንቻቱ ጽሎ አሳቱዋ ዶድ ኦይቱዳ ድራው፣ ፕርዳይ ገላቱ” ያጌዳ።

መቅና ጎዳይ እምባቆማው እሜዳ ዛሩዋ

5 ጸሳይ ዛራደ፣ “ሀንተ የቹዋን ደእያ ካዉተላ ጸላደ ማላለትተ! እያዉ ጎፕ፣ ሀንተዉ ኦድንቶካ ሀንተ እማኑና ኦሱዋ ታን ሀንተ ዋድያን ኦላና ሀሰይ።

6 ታን ባብሎናዌቱዋ፣ ሄ መቀላ ባይና ድርቢያ አሳቱዋ ደንሳይ። ኡንቱንቱ ባረንቱባ ግደና ቢታ ኦሊደ ኦይቃናዉ ቢታ ኡባን የዪና።

7 ኡንቱንቱ ያሸሰያዋንታን ዳጋንሰያዋንታ። ኡንቱንቱ ፕርዳይን ቦንቹ ኡንቱንቱፕ ከሴ።

8 ኡንቱንቱ ፓራቱ ማሄቱዋፕካ እጮዳ ድርቢያን ኦማርሳ ኦኩራቱዋፕካ እጮዳ ኢታ። ኡንቱንቱ ፓራ አሳቱ ፕሪደደ፣ ሃኮ ሳፕ ዪና፤ ኡንቱንቱ አርጋንሳይ እየንቶ ኦይቃናዉ ፓልያዋዳን ፓለና።

9 ኡንቱንቱ ኦላንቻቱ ኡባይ ማካላባ ኦላናዉ ባዞ ጫርኩዋዳን ጫርኪደ ዪና። አሳ ኦዋዳደ፣ ሻፍያዳን ሸሺና።

10 ኡንቱንቱ ካተቱዋ ቦላ ቅሊጪና፤ ዋድያዋንታካ ሚቻ ከሰና፤ ቃይ ቹቻን ድረቱዳ ጌሳቱዋ ኡባን ኡንቱንቱ ሚጪና። ሄ ጌሶቱዋ ኦሞዳናዉ ኡንቱንቱ ላንቂያን ቢታ ኩሊና።

11 ሄዋፕ ጉይያን፣ ኡንቱንቱ ጫርኩዋዳን አላና። ሄ ናቂያዋንቶ ኡንቱንቱ ዋልቃይ ኡንቱንቱ ጸሳ” ያጌዳ።

እምባቆም ላኤንሱዋካ ጸሳዉ ማጋኔዳ

12 አቤት መቅና ጎዳው፣ ታ ጸሳው፣ ታ ገሻው፣ ኔን መቅናፕ ደሚደ ደእያ መቅና ጎዳ ግድኪን? ኔን ኑ ዛላ ግድያ ድራው፣ ኑን ሀይቆኩ። አቤት ጸሳው፣ ባብሎናዌቱዋ ኑ ቦላ ፕርዳ ፖላናዳን፣ ኔን ደንሳይ ዋልቃካ ኡንቱንቶ እማና።

13 ነ እይፈቱ ዳር ገሻ ግድያ ድራው፣ ኢታባ ጸላናዉ ደሰክና፤ ኢታባይ ኦስትያ ዋደ በኣደ ጮኡ ጋናዉ ዳንዳያካ። ያትና፣ ሀ ጭምያዋንታ እያዉ ጮኡ ጋደ ጸላይ? ናጋራንቻቱ ባረፕ ጽልያ አሳቱዋ ሞትያ ዋደ እያዉ ጮኡ ጋይ?

14 ኔን አሳ አባ ሞለቱዋዳን፣ ካለሰያዌ ኡንቱንቶ ባይና ትራን ጎሽትያ መታቱዋዳን ኦላዳ።

15 ባብሎናዊቱ ጋድያ እሳ ኡባ ቃጺያን ቆሪደ ከሳና፤ ኢንቲንቴ ኢንቲንታ ባረንቴ ቀሪ ግትያን ኦይቃና፤ ቃይካ ኢንቲንቴ ኢንቲንታ ባረንቴ ዎጋ ግትያን ቡሪደ ሺሻና፤ ያቲደ ኢንቲንቴ ናሽታና፤ ሀሹ ጋና።

16 ሄዎ ድራው፡ ኢንቲንቴ ባረንቴ ቁሪ ግትያው ያርሺና፤ ባረንቴ ዎጋ ግትያው እጻና ጨዋዪና። እያው ጎጥ፡ ኢንቲንቴ እሻሎዋን ደእያዌን ማልኡዋ ሞያዌ ሄ ግትቱዋ ዋልቃና።

17 ያትና፡ ኢንቲንቴ ባረንቴ ግትያ ቆቆፊደ ካውተላቱዋ ኡባ ዎደ ቃረት ባይናን ዎዲደ ደእኔ?

## 2

1 ዎቾያ አዲሳ ግምቢያ ቦላ ከሳ ኤቃደ ታን ናጋና። ሄ ሳኣን ጸሳይ ታና ግያባነ ታ ማጋናው እ እምያ ዛሩዋ ሰሳናው ጸላሻና።

መድና ጎዳይ እምባቆማው እሚዳ ላኢንሶ ዛሩዋ

2 መድና ጎዳይ ታው ዛሪደ፡ “ዎጽያ ኡራይካ ናባባና ማላ፡ ማሰቲዳ ሹቻ ቦላ ታን ነው ቆንጭሰያ ሳዎ እርዱዋን ጸፋ።

3 ኢደው ጎጥ፡ ሳጸን ቤቲዳዌ ባረ ኬረቲዳ ዎድያ ናጌ። ሄ ሳጸይ ፖለትያ ዎዲ ኤለካ ጋካናዋ፤ ዎርዱዋ ግዲደ ደእኔና። ታክያባ ማላትንቶካ ናጋ፤ እያው ጎጥ፡ እ ቱሙዋጥ ያና፤ ጋምኤና።

4 “በእ፡ እ ኦቶረቲዳ፤ እ ቆፋ ኡባይካ ሱረ ግደና፤ ሸን ጽሱ ባረ እማኑዋን ደእና።”

### ናጋራንቻቱዋ ቦላ እዴዳ ፕርዳ (2:5-20)

5 ዲረተላይ እሳ ጭሚ፤ ኦቶራንቻ እሳው ሸምፖ ባዋ። እ ዲፋዋዳን ዮራ ግድያ ድራውን ሀይቁዋዳን ካል ኤረና እሳ ግድያ ድራው፡ ካውተላቱዋ ኡባ ባረው ሺሺ፤ እሳ ኡባካ ባረው እምዳ።

6 “አሳይ ባረንታ ኦዎዴዳዋንታ፡ ‘ባረዋ ግደና ሚሻ ሺሺደ ዳጋይያዋን አጩዋ እሳጥ ዋልቃን አኬዳ ማጽዋን ዲረትያዎ አየር! ሀዌ ሀዋዳን ሀኒደ፡ አውደ ጋካናው ደእኔ?’ ያግ ቅሊጫናን ቶቻና።

7 ኔን ኢንቲንቴ ታልኤዳ እሳቱ ነ አኬከናን ነ ቦላ ደንዲደ፡ ኔና ኮኮርሳና። ሄዋጥ ጉይያን፡ ኢንቲንቴ ነ ማጽዋ ኡባ ቦንቃናዋንታ።

8 ኔን ጮራ ያራ ማጽዋ ቦንቄዳ ድራው፡ ኢንቲንቴጥ አቲዳዋንቱ ነ ማጽዋ ቦንቃናዋንታ። እያው ጎጥ፡ ነ ዳር እሳ ሱላ ጉሳዳ፤ ቃይ ሳኣ ኡባን፡ ካታማቱዋ ቦላን ኢንቲንቴን እሳ ቦላካ ሱገላ ኦሱዋ ኦሳዳ።

9 “መቱ ኔና ጋከናዳን፡ ነ ጎልያ ቶቃሳን ኬጸናው ናቁዋን ሚሻ ሺሺያዎ፡ ነው አየር!

10 ዳር እሳ ነ ገናደ ጳይሴዳዋ ጋሱዋን ነ ሶ እሳ ካውሻዳ፤ ኔን ነ ቦላ ባየላ አሃዳ።

11 ሀራይ ኦቶ ነ ጎልያ ግምቢያ ሹቻይካ ነ ቦላ ዋሳና፤ ቲላቲካ ዋሱዋ አላናዋንታ።

12 “ካታማ ማካላን ባሲደ፡ እሳ ሱላን ኬጽያዋንቶ፡ ሀንተው እየ አና!

13 ኡባጥ ዋልቃማ መድና ጎዳይ እሳይ ኦሳይ ኡባይ ታማ ካተ ግዳናዳን፡ ቃይ ካውተላቱ ኡባይ ዳቡርያዌ ጮ መላ ግዳናዳን፡ ቆፋ ቃቾ ዋሴዳ።

14 እያው ጎጥ፡ ሃሳይ እባ ካምያዋዳን፡ መድና ጎዳ ቦንቄዋ ኤራተላይ ሳኣ ኩማና።

15 “ባረ ሸር እሳይ ካሎትና በእና ጊደ፡ ኢታባ ጉጃንን ኢንቲንታ ኡሺደ ማላይያ ኡራው እየ አና!

16 ኔን ቦንቄዋ ድራው ካውሻ ማያና። ሀእ ሰም ላ ኔና፡ ኡሻ! ኡሻደ ጋንድጋራ! መድና ጎዳው ኡሸቻ ኩሸያን ደእያ ጸኡይ ኔኮ ያና፤ ነ ቦንቄ ካውሻው ላመታና።

17 ኔን ለባናሳ ጳይሴዳዋዳን፡ ኔንካ ጳያና። ኔን ደእቱዋ ዎራ ወርሳዳ፤ ሀእ ቃይ ኢንቲንቴ ኔና ያሸሳና። እያው ጎጥ፡ ነ ዳር እሳ ሱላ ጉሳዳ፤ ቃይ ሳኣ ኡባን፡ ካታማቱዋ ቦላን ኢንቲንቴን ደእያ እሳ ቦላካ ሱገላ ኦሱዋ ኦሳዳ።

18 “እ ባረው ኤቃይ እያ ማዲ? እ አሳይ ገግሴዳ ግደኔ? ዎርዱዋጥ አትና፡ እን ሀራባይ እያይን በተና። ያትና፡ እ መዴዳ ብታኒ ሀ አይን ሃሳየና ኤቃ እማንያዌ እ እያ ማዳናሴ?

19 ዎላጥ ማሰቲዳዋ ‘ቤጎታ!’ ግያዎ፡ ቃይ ሹቻጥ ማሰቲዳ ዲድያ፡ ‘ደንዳ ኤቃ!’ ግያዎ፡ ነው እየ አና! እ ዎን ነው እየንቶ ቆንጭሳናው ዳንደዱ? በእ፡ እ ዎርቃንን ብራን ሺሺዳዋ፤ አው ሸምፕ ባዋ።

20 “ሸን መድና ጎዳይ ባረ ጌሻ ጌሻ ጎልያና። ሄዋ ድራው፡ ቢታን ሳኣን ደእያ እሳይ ኡባይ እ ሰንሳን ጮኡ ጎ” ያጌዳ።

### 3

#### እምባቆማ ዋሳ

(3:1-19)

- 1 ትምቢትያ ኦድያ እምባቆም ማዝሙርያዳን የጸደቀ፣ ዋሴዳ ዋሳይ ሆሞ-
- 2 እቤት መድና ጎዳሜ፣ ኔን ካሰ ኦሌዳዋ ታን ሰሳደ ያያድ። እቤት መድና ጎዳሜ፣ ኑ ዋድያንካ ሄ እሱቱዋ ዛረላደ ኦላ፤ ኡንቴንቴ ኑ ዋድያንካ ኤረትኖ። ኔን ሀንቀሰያ ዋደ ነ ማርታ ቆጋ።
- 3 ጸሳይ ተማና ግያ ሳኣጥ ዬ፤ ሄ ጌሻይ ፓራና ደርያጥ ዬ። እ ቦንቹ ሳሉዋ ካሜዳ፤ እ ጋላታይካ ሳኣ ኩሜዳ።
- 4 እ ጸላላይካ አዋ ፖኡዋ ማላ፤ እ ዋልቃይ ቆሰት ኡቴዳ እ ኩሽያጥ ፖዥ ግያ ፖኡ ከሴ።
- 5 ጸሳይ እታ ሀርግያ ባረጥ ሰንሳሜ ኪቲ፤ ሀይቁዋካ ባረ ጌዳዋ ካለሌ።
- 6 እ ኤቂደ ቢታ ቃሌዳ። ቃይ እ ጸሊደ ካውተላቱዋ ኮኮርሴዳ። መድናደጥ ደኤዳ ደረቱ መኤረቴድኖ፤ ቃይ እ ኡንቴንቴ ቦላን ሀመትያ በኒደጥ ደኤዳ ደረቱካ ላለቴድኖ።
- 7 ታን ቶጵያ አሳይ ቱጋትሽን በኣድ፤ ምድያማ ቢታ አሳይካ ኮኮርሺና በኣድ።
- 8 እቤት መድና ጎዳሜ፣ ኔን እያሜ ሀንቀታዲ? ሻፋቱ ኔና ሀንቀሰሴድኖ? ዋይ አባ ቦላ ሀንቁዋ ኤጸ ከሳዲ? ቱይት፣ ኔን ነ ፓራቱዋን ነ ፓራ ጋረቱዋ ቶጌዳዌ ነ አሳሜ ጸኑዋ እማናሳ።
- 9 ኔን ነ ዋንዳፍያ ጊግሳዳ፤ ፖላቱዋ ዲካናሚ ዳፋዳ። ቢታ ጸልቃይ ሃላ ከሳዳ።
- 10 ደረቱ ኔና በኣደ፣ ያሻሻሚ ኮኮራድኖ፤ ሃላ ክጸይካ አጼዳ። ቃይ ሃላ ጨማቱካ ዋሲኖ፤ ዋሲደ ባረንቴ ዲምባላ ሃ ሃ ዳርሴድኖ።
- 11 እ ጸንጊደ የዱዳ ፖላቱ ፖኡዋን ነ ኑቶቱዋ ጸለላን አዋይን አግናይ ባረንቴ ደእያ ሳን ደእያ ሳን ኤቁድኖ።
- 12 ኔን ሀንቀታደ ቢታ ኡባን ዩያዳ፤ ካውተላቱዋካ ሀንቁዋን የጻዳ።
- 13 ኔን ነ አሳ አሻናሚ ነ ኦከቴዳዋ አሻናሚ ከሳዳ፤ ኢታቱዋ ካፑዋ ሾጫዳ፤ እ ማዌዋ ቃራደ አ ካሎ ጸራ አሻዳ።
- 14 እ ኦላንቻቱዋ ጋዳዋ ኔን እ ቶራን አ ጫዳዳ። ኡንቴንቴ ኑና ላላናሚ ጎትያዳን ዪኖ፤ መቶታንቻካ ጌማን ምታናሚ ደሲኖ።
- 15 ኔን ነ ፓራቱዋን አባ የጻደ አጵያ ዋደ፣ ዳር ሃላይ ሆሙዋ ጎፑ ጌ።
- 16 ታን ሀዋ ኡባ ሰሰና፣ ታ ቦላይ ጋጅ ጋጃዳ፤ ታ መተርሻይ ኮኮራዳ፤ ታ መቀላይካ ዋቁዳ፤ ታ ገደቱካ ቃይ ጉንዴድኖ። ኑና ቱጋይያዋንታ ጸሳይ ሙራና ጋካናሚ፣ መቱዋ ጋላሳ ታን ዲንዲያን ናጋና።
- 17 ባለሰያ ግያ ምላይ እይፋና ጻዮጥካ፣ ዋይንያ ቱራን አይፊ ጻዮጥካ፣ ዋጋራይ እይፊናን እጸጥካ፣ ጋዲ ካላ ሞከናን እጸጥካ፣ ሰኩዋን ደርሰ ጻዮጥካ፣ ቃይ አቁዋን መሂ ጻዮጥካ፣
- 18 ሄዌ ኡባይ ጻዮጥካ፣ ታን መድና ጎዳን ናሽታና፤ ታና አሽያ መድና ጎዳን ታን ናሽቻ ፖጩ ጋና።
- 19 ኡባ ሞድያ መድና ጎዳይ ታሚ ዋልቃ፤ ታ ገድያ ጋራ ገድያዳን ምንሴ፤ ታን ጶቃ ሳኡቱዋን ሄመታናሚ ታና ዲንዲይሴ።  
(የጸያዋንታ ካለሌያዋ ሀሳይሰያዋ፡ ሀ ማዝሙራ ዲጵያዋ ዲጲደ የጸያ ማዝሙርያ።)



# ሶፎና ጥምቢትያ ገሌቆ

ጥምቢትያ ኦድያ ሶፎናስ ባረ ከታ አልዳዌ ክርስቶስ የለታጥ ካስ ላፕንላ ጾቱ ላይላው ላኤንላ ሻኩቆና ግድሽን፣ ሄዌ እዮሰያስ ክርስቶስ የለታጥ ካስ፡ ኤሱፑን ጾታን ላታማነ እት ላይላን፡ እማኑቆ ምጋ ኦራላናጥ ታሙ ላይላ ካስቲግ ግድናን አገና፡ ማጻፋይ ካሴይጥ አሳይ ሰስ ሜዘቲዳ ትምቢትያ ሃሳባዳ ኦይቄዳ፡፡ ሄዋንቲካ ሀቃዋንቲ ጎጥ፡ ይሁዳይ አላጋ ጸሳቶ ጎይኔዳ ጋሱቆን ሙረትያ ምደ፡ እ ባያናቆን ደማናቆ በሰያዋንታ፡፡ ቃይ ጸሳይ ሄ ምደ ሀራ አሳካ ጉጂይ ሙራና፡ የሩሳላሙ ላልያ ዳባን ጋከቶጥ፡፡ ምድያጥ ካታማይ ኦራጺድ፡ በን ባረ ሳኦ ሰማና፤ አሽከቲነ ጽሎተላ ካልያ አሳቲ እን ደአና፡፡

## ሸምጋቲቆ ኡባቶ እመቲዳ ቃንሳ ቆፋቲቆ

1. ይሁዳይ ቦላ አድያ ፕርዳ 1:1-18
2. ናጋራ ፓጾሳ 2:1-3
3. እስራኤልያ የሹቆን ደእያ ካውተላቲቆ ኩንደላ 2:4-15
4. ይሁዳይን ሀራ አሳቲ ጎዳኮ ሰሙሳ 3:1-20

### ይሁዳይ ቦላ አድያ ፕርዳ (1:1-18)

- 1 እሞና ናእይ እዮሰያስ ይሁዳይ ካተቲዳ ምደ ሶፎናሳኮ ዬዳ መድና ጎዳ ቃላይ ሀዋ፡ ሶፎናስ ኩሻ ናኣ፤ ኩሽ ጋዳልያ ናኣ፤ ጋዳሊ እማርያ ናኣ፤ አማር ካትያ ሀዘቂያሳ ናኣ፡፡
- 2 መድና ጎዳይ ሀዋዳን ያገ፤ “ታን ጋድያ ቦላን ደእያዎ ኡባ ሙላጺ ኦላደ ቆይሳና፡፡
- 3 ታን አሳነ መሀያ፡ ሳሉቆ ካቲቲቆን አባ ሞለቲቆካ ቆይሳና፡፡ ቃይ ታን ኢታ አሳቲቆ አላ የጋና፤ አሳ ዛርያካ ቢታ ቦላጥ ቆይሳና” ያገ መድና ጎዳይ፡፡
- 4 ቃይካ ጸሳይ ሀዋዳን ያገ፤ “ታን ይሁዳይን የሩሳላሙን ደእያ ኡባ ሙራናው ታ ኩሽያ ደንላና፤ ባኣላ ግያ ኤቃው ጎይንያ አቲዳዋንታን አው አልያ ቁሳቲ ቆ ሄ ሳኣጥ ሙላጺ ኦላደ ቆይሳና፡፡
- 5 ጎልያ ሀጺያ ደምባዬደ ኦልድና፤ ሄዋ ቦላ ከሲደ፡ አዋወ፡ አገናሰነ ጸልጎተቶ ጎይንያዋንታ ታን ቆይሳና፡፡ መድና ጎዳው ጎይኒድነ እ ስንላን ጫቂደ፡ ቃይ ሞሎካ ግያ ኤቃ ስንላን ጫቂያዋንታ ታን ቆይሳና፡፡
- 6 መድና ጎዳ ካልያዎ አገደ ገዮ ሰሜዳዋንታ፡ መድና ጎዳ ኮይቤናዋንታን ኤንቲንታ ካለላናዳን ኦቶቤናዋንታካ ታን ቆይሳና” ያገ፡፡
- 7 መድና ጎዳ ጋላሳይ ማቴዳ ድራው፡ ኡባ ሞድያ መድና ጎዳ ስንላን ጮኤ ገተ! መድና ጎዳይ ባረ አሳ ያርሾ ጌጌዳ መሀያዳን አል እማናው ገግሴዳ፤ ቃይ ይሁዳይ ቦንቂያ ሞርከቲቆካ ዳማዬደ ገግሴዳ፡፡
- 8 መድና ጎዳይ ሀዋዳን ያገ፤ “ታ አሳ አላ እምያ ጋላስ ካጥቲቆ፡ ካትያ ናናቲቆነ አላጋ ቢታ ምጋ ካልያዋንታ ኡባቲቆ ታን ሙራና፡፡
- 9 ሄ ጋላስ አላጋ ቢታ አሳቲቆዋዳን፡ ኤቃው ጎይንያዋንታን ባረንቲ ጎዳ ጎልያ ማካላንን ጭሙቆን ኩንሳያዋንታ ታን ሙራና” ያገ፡፡
- 10 መድና ጎዳይ ሀዋዳን ያገ፤ “ሄ ጋላስ የሩሳላሙ ድርሳን ሞልያ ጥንግያ ማታን ደእያ ኦራላ ካታማ ሻኩቆን ሞሰነ ዬኩ ሰስታና፡ ዘዘቲቆ ቦላንካ ጶቆ ጌዳ ደምኤላ ኩሻይ ገሩማና፡፡
- 11 ሀንተና፡ ካታማው ሀርክ ባጋን ደእያዋንቶ፡ ዬኩተ፤ እያው ጎጥ፡ ሄዋን ካልእያ ኡባቲ ቆይድና፤ አሌቆ ሀንያ ብራ ዛልእያዋንቲካ ሀይቂ ዉራድና፡፡
- 12 ሄ ጋላስ ታን የሩሳላሙ ግዳቆ ጸምፕያን ኮያና፤ ሀርግ ባይናን ምፑ ግ ኡቲደ፡ ባረንቲ ሞክና፡፡ መድና ጎዳይ ሎኦባን ኦ□ና፤ ኢታባነ ኦ□ና ያገያዋንታ ታን ሙራና፡፡
- 13 ኤንቲንቲ ማጺ ቦንቂታናዋ፤ ኤንቲንቲ ጎሊካ ኮላታና፡፡ ኤንቲንቲ ጎልያ ኬጻና፡ ሽን ሄ ጎልያን ደእክና፤ ቃይ ምይንያ ቲራቲቆካ ቶካና፡ ሽን ሄ ምይንያ ኤሳ ኡሸክና” ያገ፡፡
- 14 መድና ጎዳ ምልቃማ ጋላሳይ ማቴዳ፤ ቃይ ሎይላ ኤሌሊደ ዬ፡፡ መድና ጎዳ ጋላሳይ ጫዋ ጋላሳ፡፡ ሄ ጋላሳ ምኖ ኦላንቻቲካ ሞሱቆ ጸልሳና፡፡
- 15 ሄ ጋላሳይ ሀንቁቆ ጋላሳ፡ መቶነ ኡንኦ ጋላሳ፡ ባሻነ ኮላላ ጋላሳ፡ ቆማነ ሻናቻ ጋላሳነ ሻርያን ባራ ቆማ ጋላሳ ግዳናቆ፡፡
- 16 ሄ ጋላሳይ የሹቆ ድረቲዳ ካታማቲቆ ቦላን አዲሳ ግምቡቲቆ ቦላ ኦላ ማላካታይ ፑነትያ ጋላሳነ ኦላንቻቲ ኦላ ኮሻይ ሰስትያ ጋላሳ ግዳናቆ፡፡

17 መድና ጎዳይ ሀዋዳን ያጌ፤ “ኢንቴንቴ ጸሳ ርቁዳ ድራው፤ ቆቅዳን ታታፋና ጋካናው፤ አሳቱዋ ቦላን ታን መቱዋ አሀና። ኢንቴንቴ ሱሳይ ድኡዋዳን ጎጋና፤ ኢንቴንቴ አሃይ ፕቱዋዳን አለታና።  
 18 መድና ጎዳ ሀንቁዋ ጋላሰ ኢንቴንቴ ብራ ግድና፤ ኢንቴንቴ ዋርቃይካ ኢንቴንታ አሻናዉ ዳንዳየና። እ ሳኦን ደእያ ኡባ አከከናን ደእሸን፤ ዉርሰ ጳይሳና፤ ቢታ ኡባይካ እ ሀንቁዋ ታማን ማተታና” ያጌ።

## 2

### ናጋራ ፓጺሳ

(2:1-3)

1 ሀንተኖ፤ ዬላይ ባይና አሳቶ፤ እነ እትፕ ሸቅተ፤  
 2 ጫርኩ፣ ፑኒደ አፍያ ሱላዳን ቤናን ደኢደ፤ ያሸያ መድና ጎዳ ሀንቁ ሀንተ ቦላ ዋርቃይካ ደእሸን፤ መድና ጎዳ ሀንቁዋ ሱሉዋ ጋላሳይካ ሀንተ ቦላን ጋከናን ደእሸን፤ መድና ጎዳኮ ሰምተ።  
 3 ሀንተኖ፤ ጋድያን ደእያ አሸከቶን እ አዛዙዋ ኦላያ ኡባ ገደ፤ መድና ጎዳ ኮይተ፤ ጸሎተላ ኮይተ፤ ቃይ አሸከተላካ ኮይተ። ያቶ፤ ኦን ኤራ፤ መድና ጎዳ ሀንቁዋ ጋላሰ ሀንተና ቆሲደ አሻነንቶ።

### አሰራኤልያ የሹዋን ደእያ ካወተላቱዋ ኩንደላ

(2:4-15)

4 ጋዛ ካታማይ ኦናና፤ አሰቃሎና ካታማይካ መላ ግዳናዋ፤ አሸደዳ ካታማ አሳይ ሴታ ጋላሰ ጎደታና፤ ኤቅርና ካታማይካ ጶቆለታናዋ።  
 5 ሀንተኖ፤ አባ ዶናን ደእያ ፕልሰጾማ አሳቶ፤ ሀንተንቶ አየ አና! ኔኖ፤ ፕልሰጾማቱ ደእያ ካናን ቢታው፤ መድና ጎዳ ፕርዳይ ነ ቦላን ዬ። ታን ኔና ጳይሳና፤ ኔናን እት አሳይነ አተና።  
 6 አባ ዶናን ደእያ ሀንተ ቢታይ መሀያ ሄምያ ሳ፤ ሄንጻንቻቱ ደኢያሳነ መሀያ ዉድያ ባሉዋ ግዳናዋ።  
 7 አባ ዶናይ ይሁዳ አሳፕ አቴዳዋንቶ ላታ ግዳናዋ፤ ሄዋን ኢንቴንቴ ሄመታና። ሳኦይ ቃምያ ዋደ ኢንቴንቴ አሰቃሎና ካታማን ደእያ ጎለቱዋን አቃና፤ አያዉ ጎፕ፤ መድና ጎዳይ ኢንቴንቴ ጸሳይ ኢንቴንቴዋ ቆፓና፤ እ ኢንቴንታ ዛሪደ አሻልሳና።  
 8 ኡባፕ ዋልቃማ መድና ጎዳይ፤ አሰራኤልያ ጸሳይ፤ ሀዋዳን ያጌ፤ “ታን ሞአባ አሳ ቅሊጩዋን አሞና አሳ ቦርና ሰሳድ። ኢንቴንቴ ታ አሳ ቅሊጩድኖ፤ ኢንቴንቴ ቢታ ቦላንካ ኦቶሪቲድኖ።  
 9 ሄዋ ድራው፤ ታ ደኡዋ ስንጻን ጫቃይ፤ ሞአባ ሰዶማዳን ሀናና፤ አሞና አሳይካ ጋሞራ አሳዳን ሀናና። ኢንቴንቴ መድናዉ ማጽንያ ቦክያ ኦላነ አንጎላይ ማዬዳ ባዙዋ ግዳናዋ። ታ አሳፕ አቴዳዋንቱ ኢንቴንቴ ዱሬታ ቦንቃናዋንታ፤ ኢንቴንቴ ቢታካ ላታናዋንታ” ያጌ።  
 10 አሞናን ሞአባ አሳይ ኡባፕ ዋልቃማ መድና ጎዳ አሳ ቦላ ቅሊጩድን ኦቶሪቲደ ሃሳዬዳ ድራው፤ ኢንቴንቴ ቦላ ሀ መቱ ከካናዋ።  
 11 መድና ጎዳይ ኢንቴንቴን ያየቱዳዋ ግዳናዋ፤ ቢታን ደእያ ጸሳይቱ ኡባ እ ጳይሳና፤ ቃይ ሳኦን ደእያ ካወተላቱዋን ደእያ አሳይ ኡባይ ባሪ ደእያ ሳን ደእያ ሳን አዉ ጎይናና።  
 12 ሀንተኖ፤ ቶጵያ አሳቶ፤ ሀንተካ ታ ማሻን ሀይቃና።  
 13 መድና ጎዳይ ባሪ ኩሸያ ሁጺሳ ባጋ ዛሪደ የዳና፤ አሰሪ ቢታ ጳይሳና። ቃይ ናናዌ ካታማካ መላ ባዙዋዳን፤ መላ ሳኦ አፋና።  
 14 ዉዲን ደአቱ ኡባይ እ ግድን አላጸና፤ ጉቱነ ቁጻርሳይ እ ኮለቲዳ ግምቡቱዋ ግድን ደአና፤ ኢንቴንቴ ኮሻይ ማሰኮትያና፤ ፕንግያና ሰሰታና። ጎለቱ ኬጸቴዳ ዘጋይ ካሎታና።  
 15 ሀ ካታማይ፤ “ታና! ታፕ አትና፤ ሀራይ ባሞ” ያጌደ ኦቶሪቲደ ደኡዳዋ፤ ሸን እ ሀአ ደአቱ ጌሱ መላ ሳኦ ግዴዳ። እ ምይያና አድያ ኡባይ ዳርፕ ማላለቲደ፤ ባሪንቱ ኩሸያ ጸርሲደ፤ “ባርቼ!” ጋና።

## 3

### ይሁዳይን ሀራ አሳቱ ጎዳኮ ሰሙሳ

(3:1-20)

1 ማካላንቻትዉ፤ ቱኔዳንዉን ባሪ አሳ ቱጋዬዳ የሩሳላመ ካታማትዉ አየ አና!  
 2 አዛ ኦናን ሰሱኩ፤ ሴርና ሰሙኩ፤ መድና ጎዳን አማነቱኩ፤ ባሪ ጸሳኮካ ሸቆኩ።  
 3 እዝ ግድን ደእያ ካፓቱ ጉድያ ጋሞቱዋ ማላ፤ ዳናቱካ ዋንትዉ አሸናን ደሜዳዋ ኡባ ዉርሰ ሞ ድግያ ኦማርሳ ዋንግራሎቱዋ ማላ።

2:4 አሳ. 14:29-31፤ ኤር. 47:1-7፤ ሀዘ. 25:15-17፤ እዪ. 3:4-8፤ አሞጻ 1:6-8፤ ዛካ. 9:5-7 2:8 አሳ. 15:1—16:14፤ 25:10-12፤ ኤር. 48:1—49:6፤ ሀዘ. 21:28-32፤ 25:1-11፤ አሞጻ 1:13-15 2:9 ደመላ 19:24 2:12 አሳ. 18:1-7 2:13 አሳ. 10:5-34፤ 14:24-27፤ ናህ. 1:1—3:19

4 እዘን ናባቱ ኦቶራንቻን ገናንቻ። እዘ ቁሳቱ ካ ጌሻባ ቱንሰያዋንታ፤ ቃይ ኡንቱንቱ ጸሳ ህግያ ባረንቶ እንጀትያዋዳን። ሞርቁይ ብለኛ።

5 ሸን እዘ ግደን ደእያ መጅና ጎዳይ ጽሉዋ፤ እ ባላባ ኦርፍ፤ ዋንትና ዋንትና ከ እ ባረ ጽሎ ፕርዳ ፕርዳ፤ እይ ዋንታንካ ኦግ ኤረና። ግደፕ፤ እዘን ደእያ ማካላንቻይ እይን ዬላ ኤረና።

6 ጸሳይ ሀዋዳን ያጌ፤ “ታን ካወተላቱዋ ጳይሳድ፤ ኡንቱንቱ ግምበቲዳ ሳኦቲካ ኮለት ክቼድና። ኡንቱንቱ ካታማቱዋ እት አሳይን ደእና ኦና ቢታ ኦላድ፤ ኦንቲካ ኦንን ሄዋና እርፍዋ ግዴድና።

7 ታን ሀዋ ኡባ የሩሳላመዉ ኦላድ፤ ሳሞ ታ አሳይ ታና ቦንቻና፤ ታን ሴርያ ሴራካ አካና፤ ታን አዛዜዳዋካ ደገና፣ ያጋድ። ሸን ኡንቱንቱ ካሰዋፕካ ያ ያ ባረንቱ ኦሶዋን ቱኒደ ቤድና” ያጌ።

8 መጅና ጎዳይ ሀዋዳን ያጌ፤ “እን ታን ፕርድያ ጋላሳይ ጋካናዉ፤ ታክ ጌተ። እያዉ ጎፕ፤ ታን አሳቱዋን ካወተላቱዋ ሸሻናዉ ቃቻድ፤ ሸሻደ ታ ሀንቁዋ ሱሉዋ ኡንቱንቱ ቦላ ጉሳና። ሳኦይ መሉላናካ ታ ሀንቁዋ ታማን ጸገታና።

9 “ሄ ዋደ ታን አሳ ኡባይ ጌሻ ሃሳያ ሃሳያና ማላ ኦላና፤ ያትና፤ ኡንቱንቱ ኡባይካ መጅና ጎዳ ሱንላ ጴጋናን አትፕ አዉ ኦላና።

10 ላለቲዳ ታ አሳቱ፤ ታዉ ቱሙ ጎይንያዋንቱ ቶጵያ ሻላቱዋፕ ሄፍንላ ባጋፕ ታዉ እዋፕ አህና።

11 ሄ ዋደ ህንተ ታ ቦላ ማካሊደ ኦሌዳ ኦሶቱዋ ጋሱዋን ዬላትክታ፤ እያዉ ጎፕ፤ ኦቶረትያን አይያዋንታ ታን ህንተ ግደፕ ድጋ ድጋና። ቃይ ህንተካ ሀዋፕ ሰንላን ታ ጌሻ ደርያን ኦቶረትክታ።

12 ታን ህንተ ግደፕ ባረንቱ ሁጲያ ካዉሸያዋንታን ዝቁ ኦላያ አሳቱዋ አሻና፤ ኡንቱንቱን መጅና ጎዳ ሱንላን አማንትያዋንታን ታፕ ማዴዋ ኮይያዋንታ ግዳና።

13 እሰራኤልያ አሳፕ አቲዳዋንቱ ኦ ቦላን ኢታባ ኦሳክና፤ ዋርዴዋ ሃሳይክና፤ ኡንቱንቱ እንጸርሳንካ ጭሙ ቤተና። ሄዋ ግሻዉ፤ ኡንቱንቱ ሄመታናን አላጸና፤ ኡንቱንታ ያሸሰያባይካ ደኤና” ያጌ።

**ናሽቻ የላ**

14 ጽዮን ናቱ፤ ማዛሙርያ የጸ! እሰራኤልያ አሳዉ፤ አልልተ! የሩሳላመ ስናቱ፤ ነ ፖሎ ዋዛናፕ ናሽቻ፤ ሀሹካ ጋ!

15 መጅና ጎዳይ ህንተ ቦላ ፕርዴዳ ፕርዳ እጌዳ፤ ህንተ ሞርከቱዋካ ድጌዳ። መጅና ጎዳይ፤ እሰራኤልያ ካቲ፤ ህንተ ግደን ደኤ፤ ሀዋፕ ሰንላናዉ ህንተና ያሸሰያዋ ባዋ።

16 ሄ ጋላሰ የሩሳላመባይ ሀዋዳን ያገታና፤ “ጽዮኔ፤ ያዮፕ! ነ ኩሸቲካ አርጋጮፕና።

17 መጅና ጎዳይ ነ ጸሳይ ነ ግደን ደኤ፤ እ ነዉ ጸኑዋ እምያ ኦላንቻ። እ ኔናን ናሽታና፤ እ ባረ ሲቁዋን ኔና ኦራጽሳና፤ አሳይ ባላ ጋላሰ የጽያዋዳን፤ እ ኔናን ናሽቲዳዋ ማዛሙርያ የጸደ በሳና” ያጋና።

18 ጸሳይ ሀዋዳን ያጌ፤ “ሀዋፕ ሰንላናዉ ነ ቦላ ባሻይ ጋከናዳን ታን ኦላና፤ ነ ዬላካ ቁጫና።

19 በእ፤ ሄ ዋደ ታን ኔና ኡቁኔዳዋንታ ኡባ ሙራና። ታን ዋባቱዋ አሻና፤ ላለቲዳዋንታካ ሸሻና። ታን ኡንቱንቱ ካዉሻ ቦንቾ ላማና፤ ያቶፕ ሳኦን ደእያ አሳ ኡባ ማታን ኡንቱንቱ ሱንላይ ኡሪቲዳዋ ግዳናዋ።

20 ሄ ዋደ ታን ህንተና ሸሻና፤ ታን ህንተና አትፕ ሸሻደ ዛራና፤ ያታደ ታን ህንተ እይፊ በእሸን ህንተና አሻልሰያ ዋደ፤ ህንተ ሀ ሳኦን ደእያ አሳ ኡባ ማታን ቦንቼቲዳዋንታን ኡሪቲዳዋንታ ግዳንታ” ያጌ መጅና ጎዳይ።

# ሃገ ትምቢትያ ገሉዋ

ትምቢትያ እድያ ሃገ ማጻፋን ጻፈቴዳ ቃንሳ ቃንሳ ኪታቱ ክርስቶስ የለታገ ካሰ። እቼሹ ጹታን ላታሙ ላይላን ጸሳይ ትምቢትያ እድያ ሃገ ባገና ኦይቴዳዋንታ። እሳይ ኦሞዲዋጥ ሰሚደ የሩሳላሙን ደኡዋ ዳሞደጥ እት እማራዳ ላይላቱ እጹዳዋ ግደጥን። ጌሻ ጎሊ ላለቶሳናካ ደኤ። ሄዋ ድራሬ። ኪታይ እሳ ካለላያዋንቱ ጌሻ ጎልያ ኦሳናዳን ደን።ልያዋ። እሳይ ኦራጸጥን ጌዮጥ። ሰንሳጥ ጸሳይ ኤንቱንቶ ሳሩዋን እንጂዋ እማናዋ ኦዴ።

## ሸምጋቱዋ ኡባቶ እመቴዳ ቃንሳ ቆፋቱዋ

1. መድና ጎዳይ ጌሻ ጎሊ ዛርሰ ኬጻናዳን እዛዙዋ 1:1-15
2. ጎዳይ ባረ እሳዉ እሜዳ እንጂዋን ምን።ልዋ ህደታ 2:1-19
3. ጸሳይ ዛሩባቤላዉ እሜዳ ህደታ 2:20-23

መድና ጎዳይ ጌሻ ጎልያ ዛርሰደ ኬጻናዳን እዛዙዋ (1:1-15)

1 ካቲ ዳርዮሰ ካተቴዳ ላኤንሎ ላይላ። ኡሱቸንሳ እግናን ኮይሮ ጋላሰ መድና ጎዳ ቃላይ ትምቢትያ እድያ ሃገ ባገና ሳላትያላ ናኣ። ይሁዳ ጋድያ ሞድያ ዛሩባቤላሱን እዮጸዴቃ ናኣ። ቄሰ ኡባቲ ካቸዋ ኢያሱኮ ዬዳ፤

2 ኡባጥ ዋልቃማ መድና ጎዳይ። “ሀዌ እሳይ። መድና ጎዳ ጌሻ ጎልያ ዛርሰደ ኬጻያ ዋዲ ብሮ ጋክቤና’ ያጌ።”

3 ያትና። መድና ጎዳ ቃላይ ትምቢትያ እድያ ሃገ ባገና።

4 “ታ እሳዉ። ታ ጌሻ ጎሊ ኮለት ደእሸን። ህንተ ህንተ እለቀቴዳ ጎለቱዋን ደእናዉ ሀዌ ህንተንቶ ዋዳየን?” ያጌድ ዬዳ።

5 ሄዋ ድራሬ። ኡባጥ ዋልቃማ መድና ጎዳይ። “እነ ህንተ ህንተና ጋኪደ ደእያዋ ቆጥተ።

6 ህንተ ዳሩዋ ዘሬድታ፤ ሸን ጉላ ሸሼድታ። ሚታ። ሸን ካልክታ፤ ኡሸታ። ሸን አልክታ። ማዪታ። ሸን ህንተና ሆኤና፤ ድርጉዋ እክያዌ ዳከቶ ቃርጨትያን የጋናዉ እኬ” ያጌ።

7 ቃይካ ኡባጥ ዋልቃማ መድና ጎዳይ። “እነ ህንተ ህንተና ጋኪደ ደእያዋ ቆጥተ።

8 ሰም ደርያ ዌደ ከሲደ። ሞሳ ቃንጸደ እህተ፤ ጌሻ ጎልያ ዛርሰደ ኬጽተ። ያቶጥ ታን እን ናሸታናን ቦንቹታና” ያጌ መድና ጎዳይ።

9 ቃይካ ኡባጥ ዋልቃማ መድና ጎዳይ። “ህንተ ዳር ካሳ ሸሻናዉ ሀልቹድታ፤ ሸን ጉላ ግዴዳ፤ እካ ህንተ ጎሊ ገልሴዳ ዋደ። ታን ፕንያዋን ቆይ አጌዳ። ሀዌ እያዉ ሀኔዴ? ታን ሀዋ ኦፊዳዌ። ህንተ ኡባይካ ህንተ ጎልያ ጎልያ ኦሶ ዋጽሸን። ታ ጎሊ ኮለቲደ አቴዳ ግሻሻ።

10 ሄዋ ድራሬ። ቦላ ሳላ ኦራ እመናን። ቢታይካ ካሳ ሞከናን እጸድና።

11 ቃይ ቢታን ደረቲዋ ቦላ። ካሳ ቦላ። ዋይንያ ቴራን ዛይትያ ዋጋራቱ ቦላ። ቢታይ ዌደ ሞክያዋ ቦላ። እሳነ መሀያ ቦላነ ህንተ ዳቡሪደ ኦፊዳዋ ኡባ ቦላ ታን ኦራ ቆይሳድ” ያጌ።

## እሳይ ጸሳይ እዛዙቴዳ

12 ሄዋጥ ጉይያን። ሳላትያላ ናኣይ ዛሩባቤል። እዮጸዴቃ ናኣይ። ቄሰን ኡባቱ ካቸ ኢያሱነ ሀራ እሳይ ኡባይ መድና ጎዳ ባረንቱ ጸሳ ቃላዉን መድና ጎዳይ ኤንቱንቱ ጸሳይ ትምቢትያ እድያ ሃገ ባገና ኪቴዳ ቃላዉ እዛዙቴድና፤ እሳይካ መድና ጎዳዉ ያዬድና።

13 ያትና። መድና ጎዳይ ኪቴዳ ሀገ እሳ። “እሳዉ። መድና ጎዳይ ህንተና። ታን ህንተናና ደእይ’ ያጌ” ማግ መድና ጎዳ ኪታ እሳዉ ኦዴዳ።

14 ያትና። መድና ጎዳይ ሳላትያላ ናኣ። ይሁዳ ቢታ ሞድያ ዛሩባቤላ። እዮጸዴቃ ናኣ። ቄሰን ኡባቱ ካቸዋ ኢያሳነ ሀራ እሳ ኡባ ደን።ልዳ፤ ኤንቱንቱ ዬደ። ኡባጥ ዋልቃማ መድና ጎዳ። ባረንቱ ጸሳ ጌሻ ጎልያ ኬጹዋ ደሚድና።

15 ሀዌ ሀኔዳዌ ካቲ ዳርዮሰ ካተቴዳ ላኤንሎ ላይላን። ኡሱቸንሳ እግናን ላታማን ኦይደንሎ ጋላሳና።

# 2

ጎዳይ ባረ እሳዉ እሜዳ ምን።ልዋን እንጂዋ ህደታ (2:1-19)

1 ሄ ላይላን ላፑንላ አገናን ላታማን እተንላ ጋላሳን መድና ጎዳ ቃላይ ትምቢትያ ኦድያ ሃገ ባገና ሀዋዲን ያጊድ ዬዳ፤

2 “ሳላትያላ ናኣ፣ ይሁዳ ሞድያ ዛሩባቤላው፣ እዮጸዳቃ ናኣ፣ ቁሰያ ኡባቱ ካፑዋ ኢያሱውነ ሀራ እሳው ሀዋዲን ያገይ ኦዳ፤

3 ‘ሀ ጌሻ ጎልያ ቦንቹ ካሰ እያ ማለንቶ በኤዳ አሳፕ እቴዳዌ ህንተ ግደን ደኢ? ሀቼ ህንተ እ ጸልያ ዋደ፣ ዋን ኡቴዴ? ህንተ እይፍያን እ ባይናዋ ማላቴ ግደኔ?

4 “ ዛሩባቤላ፣ ሀእ ሞና! ታን መድና ጎዳይ ሀዋ ኦዳይ። እዮጸዳቃ ናኣው፣ ቁሰያ ኡባቱ ካፑ ኢያሱ፣ ኔንካ ሞና! ቢታን ደእያ እሳ ኡባው፣ ህንተካ ሞንተ! ሞኒደ እሳተ፤ እያው ጎፕ፣ ታን ህንተናና ደእይ። ታን ኡባፕ ዋልቃማ መድና ጎዳይ ሀዋ ኦዳይ።

5 ህንተ ግብጾፕ ከሰያ ዋደ፣ ታን ህንተናና ጫቀቴዳ ጫቁዋዲን፣ ታ እያናይ ህንተናና ደእያ ድራው ያዮፕተ!

6 “ ቃይካ ታን ኡባፕ ዋልቃማ መድና ጎዳይ ሀዋ ኦዳይ። ታን ማታ ዋድያን እት ገይ ጉጃይ፣ ሳሎቱዋን ሳእ፣ እባነ መላ ቢታካ ቃላና።

7 ካውተላቱዋ ኡባካ ቃላና፤ ካውተላቱዋ ኡባካ ደእያ ዱረታይ ሃ ያናዲን ኦላና። ታን ኡባፕ ዋልቃማ መድና ጎዳይ ሀ ጌሻ ጎልያ ቦንቹዋን ከንላና።

8 ብራይ ታዋ፤ ዋርቃይካ ታዋ።

9 ከድርዋ ቦንቹዋፕ ሀ ላኢንላ ጌሻ ጎልያ ቦንቹ ዳራና፤ ታን ኡባፕ ዋልቃማ መድና ጎዳይ ሀ ሳእን ሳርተላካ እማና፣ ያገይ ኦዳ” ያጌዳ መድና ጎዳይ።

10 ዳርዮሰ ካተቴዳ ላኢንላ ላይላን፣ ኡዲፑንላ አገናን ላታማን ኦይደንላ ጋላሳን መድና ጎዳ ቃላይ ትምቢትያ ኦድያ ሃገ ባገና ሀዋዲን ያጊድ ዬዳ፤

11 “ኡባፕ ዋልቃማ መድና ጎዳይ ሀዋዲን ያጌ፤ ‘ህገ ዋግንቶ ኤራናው እነ ቁሳቱ ዋ ሀዋ ኦዳ።

12 እት ኡራይ ያርሾ ጌሽ ዋልዳ እሹዋ ባረ እፍላ ጸራን ጸጸ እኪደ እፍሽን፣ ሄ እፍላ ጸራይ ኡክላ፣ ዋይ ዋጽያ፣ ዋይ ዋይንያ ኤሳነ ዛይትያ፣ ዋይ ሀራ እያ ቆዋ ቁማን ቦቾፕ፣ ሄ ቦሽቴዳ ቁማይ ቱሙ ጌሻ ግዳናው ዳንዳደን? ያጋ” ያጌዳ።

ቁሳቱ፣ “ግዳናው ዳንዳደን” ያጊደ ዛሬድና።

13 ሀገ ቃይካ፣ “አሃ ቦቾደ ቴኔዳ እት ኡራይ ሀዋንቴፕ እት ቆዋ ቁማን ቦቾፕ፣ ሄ ቁማይ ቱሙ ቴናኔ?” ያጊደ ኦቾዳ።

ቁሳቱ፣ “ኤ ቴናና” ያጊደ ዛሬድና።

14 ያትና፣ ሀገ ዛረሊደ፣ “መድና ጎዳይ ሀዋዲን ያጌ፤ ‘ሀ አሳይነ ሀ ካውተላይ ታ ሰንላን ሄዋካ ማላ፤ ኡንቴንቴ ኦልያ ስሱነ ኡንቴንቴ ሺሽያ ያርሹ ኡባይካ ሄዋካ ማላ ቴና’ ያጌ” ያጌዳ።

**ጸሳይ ባረ እሳ እንጃና**

15 ጸሳይ፣ “ሀቼፕ ደሚደ፣ ህንተ ቦላን ጋኬዳዋእ እኬክተ! መድና ጎዳ ጌሻ ጎልያ ግምቦቱዋ ደማፕፕ ካሰ።

16 ህንተ ላኤ ከንታለ ካላ አካና ጊደ፣ ካላ ዋሳሳ ቤድታ፤ ሽን እት ከንታለ ጸላላ ደሚድታ። ቃይ እት ጸቱ ሊትር ዋይንያ ኤሳ አካናው ዋይንያ ጉምእያ ኦላኮ ቤድታ፤ ሽን ህንተ መጽ ኦይታሙ ሊትር ጸላላ ዋይንያ ኤሳ ደሚድታ።

17 ታን ህንተ ኩሺ ኦልዳ ኦሱዋ ኡባ ቦላን መልሰያ ጫርኩዋ፣ ካላ ሀርግያን ሻቻ ዮዳደ ቆይሳድ። ሽን ህንተ ሀ ኡባንካ ታኮ ሰምቦይክታ” ያጌ መድና ጎዳይ።

18 “ሀቼ ጋላሳፕ፣ ሀ ኡዲፑንላ አገናን ላታማን ኦይደንላ ጋላሳፕ ደሚደ፣ እነ እኬክተ፤ ቃይ መድና ጎዳ ጌሻ ጎልያ ባሱ ባሰቴዳ ጋላሳፕ ደሚደ ቆፕተ።

19 ሀእ ዛረላው ሀንያ ካላይ ህንተ ዬሰያን ቆዮፕ፣ ቃይ ዋይንያ ቱራይ፣ ባላሰያ ጌተትያ ሞላ፣ ሮማንያ ጌተትያ ሞላ፣ ዋጋራ ዛይትያ ሞላይካ ሀቼ ጋካናው እይፍያ እይፋና ቆዮፕ፣ ሀቼፕ ደማደ ታን ህንተና እንጃና” ያጌ።

**ጸሳይ ዛሩባቤላው እሜዳ ህድታ**

(2:20-23)

20 ሄ አገናን ላታማን ኦይደንላ ጋላሳን መድና ጎዳ ቃላይ ላኢንላዋ ሃገኩ ሀዋዲን ያጊድ ዬዳ፤

21 “ይሁዳ ሞድያ ዛሩባቤላው ሀዋዲን ያገይ ኦዳ፤ ‘ታን ሳሎቱዋን ሳእ ቃላና፤

22 ካውተላቱዋ አራታቱዋ አላ የጋና፤ ኡንቴንቴ ዋልቃ ቆይሳና። ፓራ ጋረቱዋ ኡንቴንቴ ላግያዋንቴና አላ የጋና፤ ፓራ-ቱነ ፓራ አሳቱካ ኡባይ ባረንቴ ግደን ሀይቀታና።

23 ታ ቆማው፣ ሳላትያላ ናኣው ዛሩባቤላ፣ ታን ኡባፕ ዋልቃማ መድና ጎዳይ ኔና ሄ ጋላሰ አካደ ታ ማታፋ ሞግዲዋ ማላ ኦላና። እያው ጎፕ፣ ታን ኔና ድራድ” ያገይ ኦዳ” ያጌ ኡባፕ ዋልቃማ መድና ጎዳይ።

# ዛካራሳ ትምቢትያ ገሉዋ

ትምቢትያ እድያ ዛካራሳ ማጻፋይ ላኤዋወ ሻከቱ።

1. ሸምጥዋ 1፡፲ ሲደ 8 ጋካናወ ደእያ ሳእይ ክርስቶስ የለታ፡፡ ካስ እቼሹ ጼታነ ላታሙ ላይላ፡፡ ዪደ እቼሹ ጼታነ ታማነ እቼሹ ላይላ ጋካናወ ደእያ ላይላቱዋ ግድን። ዲማ ዲማ ዋደቱዋን ትምቢትያ እድያ ዛካራስ ኦዴዳ ትምቢትያ ቃላቱዋ ኦይቄዳ ክፍልያ። ሄዋ ጉሳይ እሳይ ኦዋዲዋ፡፡ ስሚዳዋ፡፡ ጉይያና ጉሳ። ሀ ትምቢትያ ኦዴዳ ቃላቱ ሳፃ ማላን ሸቄዳዋንታ ግድሽን። የሩሳላሙ ኦሩዳናዋ፡፡ ጌሻ ጎልያ ስሚደ ግምብታናዋ፡፡ ጸሳ እሳይ ጌያናዋን ሰንሳ፡፡ ያና ማሰያ ላይላሳ ኦድያዋንታ።

2. ሸምጥዋ 9፡፲ ሲደ 14 ጋካናወ ደእያ ክፍሊ ጉሳ ታክሽን ኦደቱዳ ትምቢትያ ቃላቱዋ ኦይቄዳዋ። ሀ ትምቢትያ ኦዴዳ ቃላቱ ሰንሳ፡፡ ያና ማሰያባን ወርሰላ ፕርዳሳ ኦዲና።

## ሸምጥቱዋ ኡባቶ እመቴዳ ቃንሳ ቆፋቱዋ

1. ገሉዋ 1:1-6
2. ቃማ ቤቴዳ ሆሰፑን ሳጻቱዋ 1:7—6:8
3. ቄሰያ ኡባ ካፑዋ ኢያሱ ቦላ ጫነቴዳ ሀሳይሱዋ ካላቻ 6:9-15
4. ልክ ግድና ጸማነ ሰንሳወ እመቴዳ ሀደታ 7:1—8:23
5. ማሰህያ የሳነ ጸሳ ካወተላይ በስያዋዳን ኤረቱሳ 9:1—14:21

### ገሉዋ (1:1-6)

1 ዳርዮስ ካተቴዳ ላኤንላ ላይላን። ሆሰፑንላ እግናን መጅና ጎዳ ቃላይ እደ ናኣ በረክያ ናኣ ትምቢትያ እድያ ዛካራሳኮ ዬዳ።

2 “መጅና ጎዳይ ሀንተ ማይዛ እዋቱዋ ቦላን ሎይሳ ሀንቀቱዳ።

3 ሸን ሀእ እሳወ ሀዋዳን ያጋደ ኦዲ፤ ታኮ ሰምተ፤ ቃይ ታንካ ሀንተኮ ሰማና። ታን ኡባ፡፡ ምልቃማ መጅና ጎዳይ ሀዋ ኦዲይ።

4 ካስ ትምቢትያ እድያዋንቱ። ሓባ፡፡ ምልቃማ መጅና ጎዳይ። ሀንተ ኢታ ኦግያ፡፡ ኢታ ኦሱዋ፡፡ ሰምተ፡፡ ያጌ፡፡ ያጌደ እድና ሰሰናን እጾድናን ታናካ ሰሰናን እጾዳ ሀንተ ማይዛ እዋቱዋዳን ሀና፡፡ ታን መጅና ጎዳይ ሀዋ ኦዲይ።

5 ሀንተ ማይዛ እዋቱ ሀእ ሀቃን ደእና? ሄ ትምቢትያ ኦዲዳዋንቱ መጅናወ ፓጻ ደእና?

6 ግድ ሸን። ትምቢትያ እድያ ታ ቆማቱ ባጋና ታን ኦዴዳ ቃላቱን ሀገቱ ኡባይ ሀንተ ማይዛ እዋቱዋ ቦላን ጋክበይክና? ያትና። ኤንቱንቱካ ካዮቲደ። ኡባ፡፡ ምልቃማ መጅና ጎዳይ ኦ ኦግያዳን ኦ ኦሱዋዳን ኦወ እማና ጌዳዋዳን። ባረ ጌዳዋ ኦሌዳ ያጌድና ያጋ ያጌዳ።

### ቃማ በኤቴዳ ሆሰፑን ሳጻቱዋ (1:7—6:8)

7 ዳርዮስ ካተቴዳ ላኤንላ ላይላን። ሻባጻ ግያ ታማነ እተንላ እግናን። ላታማነ ኦይደንላ ጋላስ መጅና ጎዳይ ቃላይ እደ ናኣ በረክያ ናኣ ትምቢትያ እድያ ዛካራሳኮ ዬዳ።

8 ታን ቃማ ሳጻን ዘኦ ፓራ ቶጌዳ እት ብታንያ በኣድ፤ እካ ዛንጋራን ደእያ ባርሴነትያ ግያ ምላቱዋ ጋርሳን ኤቄዳ፤ ቃይ እፕ ጉዮ ባጋና ዳማ። ዘኣነ ቦላ ፓራቱ ደእና።

9 ያትና። ታን። ታ ጎዳወ። ሀዋንቱ እዬ? ያጋድ።

ታናና ሃሳይያ ኪታንቻይ ዛሪደ ታና። “ሀዋንቱ እየንቶ ታን ኔና በሳና ያጌዳ።

10 “ያትና። ባርሴነትያ ጋርሳን ኤቄዳ ብታኒ። ሀዋንቱ ሳኣ ኡባ የይ የዪደ ጸምሳና ማላ። መጅና ጎዳይ ኪቱዳዋንታ ያጌዳ።

11 “ኤንቱንቱ ባርሴነትያ ጋርሳን ኤቄዳ መጅና ጎዳ ኪታንቻወ ሀዋዳን ያጌድና። ሓን ሳኣ ኡባ የይ የዪደ ጸምሲደ፤ ቢታይ ሳእይ ምፑ ጊደ። ሳር ደኤ? ያጌድና።

12 “ሄዋ፡፡ ጉይያን። መጅና ጎዳ ኪታንቻይ ሀዋዳን ያጌዳ፤ ሓቤት ኡባ፡፡ ምልቃማ መጅና ጎዳወ። ኔን ሀንቀቶደ፡፡ ላፑን ታሙ ላይላ ግዴዳ ሀ የሩሳላሙን ይሁዳ ካታማቱዋ ማረናን ኦወደ ጋካናወ ጋምእይ? ያጌዳ።”

13 መጅና ጎዳይ ታናና ሃሳይያ ኪታንቻወ ሎኦነ ምንባልያ ቃላን ዛረዋ እሚዳ።

14 ሄዋ ድራወ። ታናና ሃሳይያ ኪታንቻይ ታና። “ሀ ቃላ እዋያ፤ ኡባ፡፡ ምልቃማ መጅና ጎዳይ ሀዋዳን ያጌ፤ ታን የሩሳላሙን ጽዮንወ ዳር ምሸታይ።

15 ኑን ሳር ደኤቶ ግያ ካውተላቱዋ ቦላ ታን ዳር ሀንቀታድ፣ ታን ታ አሳ ቦላ ጉላ ሀንቀታድ ሸን ኡንቱንቱ ታ አሳ ቦላ ዳር ቱጋ ጋሌድ።

16 ሄዋ ድራው፣ ታን መድና ጎዳይ ሀዋ ኦዳይ፤ ታን የሩሳላመ ማርታን ሰማድ። ታ ጌሻ ጎሊ ያን ከጸታና፤ የሩሳላመ ካታማይካ ዎዶሩዋን ልከታና። ታን ኡባጥ ዎልቃማ መድና ጎዳይ ሀዋ ኦዳይ፣ ያጌ” ያጋደ አዋያ።

17 “ዛረላደካ ሀዋዳን ያጋደ አዋያ፤ ኡባጥ ዎልቃማ መድና ጎዳይ ታ ካታማቱዋ ዱረተላይ ኩዎ ጎጋና ቃይ ታን መድና ጎዳይ ጽዮን ዛረላደ ሞን፤ ሳና፤ የሩሳላመካ ዛረላደ ዶራና ያጌ” ያጋደ አዋያ” ያጌዳ።

ዛካራ ሳጸን ኦይዱ ካጨቱዋ በኤዳ

18 ቃይካ ታን ሳጸን ኦይዱ ካጨቱዋ በኤድ።

19 ታናና ሃሳይያ ኪታንቻ፣ “ሀዋንቱ አይ? ” ያጋደ ኦቻድ።

እካ ታዉ ዛሪደ፣ “ሀ ካጨቱ ይሁዳ፣ እስራኤላን የሩሳላመ ላሌዳ ካውተላቱዋ” ካውተላቱዋ ለምሳቱዋ ያጌዳ።

20 ሄዋጥ ጉይያን፣ መድና ጎዳይ ታና ብራታ ቆጵያ ኦይዱ ሂላቱዋ በሴዳ።

21 ታን፣ “ሀዋንቱ አያ ኦላናዉ ዬድና?” ያጋደ ኦቻድ።

እ ዛሪደ፣ “ሀዋንቱ ኦን ጾቁ ጌደ ጸላናዳን፣ ይሁዳ ቢታ ላሌዳ ካጨቱዋ ያሸሳናዉ ዬድና፤ ቃይ ይሁዳ ቢታ ላላናዉ ባረንቱ ካጭያ ደንጹዳ አይሁዳ ግደና ካውተላቱዋ ካጭያ ቆጶደ፣ ሳኦን የጋናዉ ዬድና” ያጌዳ።

2

ዛካራ ሳጸን ልክያ ዎዶሩዋ በኤዳ

1 ቃይካ ሀራ ሳጸን ባረ ኩሸያን ልክያ ዎዶሩዋ ኦይቄዳ እት ብታንያ በኤድ።

2 ታን፣ “ኔን ሀቃ ባይ?” ያጋደ እ ኦቻድ።

እ፣ “ታን የሩሳላመ ጎምጋይን ጌሳይ አይ ኬሸንቶ በአናዉ፣ ልካናዉ ባይ” ያጌዳ።

3 ሄዋጥ ጉይያን፣ ታናና ሃሳይያ ኪታንቻይ ከሲደ ቤዳ፤ ቃይ አናና ጋከታናዉ ሀራ ኪታንቻይካ ዬዳ።

4 እ ሀዋዳን ያጌዳ፤ “ዎጸ፤ ባይ ሄ ያላጋ ብታንያ፣ መድና ጎዳይ ሀዋዳን ያጌ፤ ኡሳን መሀያ ዳርተላት ደንዴዳዋን የሩሳላመ ካታማ የሹ ድርሳ ግምቢ ባይና ካታማዳን ደአና።

5 ታን እ የሹዋን ታማ ድርሳ ግዳና፤ ታን እ ግደን ቦንቹዋ ግዳና ያጌ” ያጋ” ያጌዳ መድና ጎዳይ።

መድና ጎዳይ ባረ አሳ ባረንቱ ቢታ ሰማናዳን ጸሴዳ

6 መድና ጎዳይ ባረ አሳ ሀዋዳን ያጌ፤ “ታን ሀንተና ኡባ ሳን ላላድ። ሸን ሀእ ሁጸሳ ባጋ ጋድያጥ ባቃቲደ ክቸት!” ያጌ መድና ጎዳይ።

7 ቃይካ ጸሳይ፣ “ኔና፣ ጽዮኔ፣ ባብሎን ማጫ ናናቱዋና ደአያን ከሳ አካደ ሃያ!” ያጌ።

8 አያዉ ጎጥ፣ ኡባጥ ዎልቃማ መድና ጎዳይ ባረ ቦንቹዋ ቆንጭሳና ማላ፣ ባረ አሳ ቦንቄዳ ካውተላቱዋ ታና ከቲደ፣ ሀዋዳን ያጌዳ፤ “ሀንተና ቦቻያዎ ታ አይፍያ ቡሉዋ ቦቹ።

9 በአት፣ ታን ታ ኩሸያ ኡንቱንቱ ቦላን ደንላና፤ ቃይ ኡንቱንቱካ ካሰ ባረንቱ ቆማቱዋን ኦምደታና” ያጌዳ።

ሄ ዎደ ሀንተ ኡባጥ ዎልቃማ መድና ጎዳይ ታና ከቲደዋ ኤራና።

10 መድና ጎዳይ ሀዋዳን ያጌ፤ “ጽዮን አሳዉ፣ የጽተን ናሸትት! አያዉ ጎጥ፣ ታን ያደ ሀንተ ግደን ደአና” ያጌ።

11 ሄ ዎደ ዳር አይሁዳ ግደና ካውተላቱ መድና ጎዳና ጋከቲደ፣ እ አሳ ግዳና፤ እካ ኡንቱንቱ ግደን ደአና። ቃይ ሀንተካ ኡባጥ ዎልቃማ መድና ጎዳይ ታና ሀንተኩ ከቲደዋ ሄ ዎደ ኤራና።

12 ጌሻ ቢታን መድና ጎዳይ ይሁዳ ባረና ጋኬዳ ግሹዋ ኦሌደ ላታና፤ የሩሳላመካ እ ዛረላደ ዶራና።

13 መድና ጎዳይ ባረ ደአያ ጌሻ ሳኦን ደንዴዳ፤ ሄዋ ድራው፣ እሹዋ ማዬዳ ኡባይ እ ሰንላን ጮኡ ጎ!

3

ዛካራ ሳጸን ቄሰያ ኡባቱዋ ካጥዋ በኤዳ

1 ሄዋጥ ጉይያን፣ ቄሰያ ኡባቱ ካጥ ኢያሱ መድና ጎዳ ኪታንቻ ሰንላን ኤቄዳዋን ሰጸዳይካ ኢያሳ ሞታናዉ አጥ ኡሸቻ ባጋና ኤቄዳዋ መድና ጎዳይ ሳጸን ታና በሴዳ።

2 መጅና ጎዳይ ሴጻና፡ “ሴጻናው፣ መጅና ጎዳይ ነና ሴር፤ የሩሳላመ ዶሬዳ መጅና ጎዳይ ነና ሴር! ሀ ብታኒ ታማጥ ከሲደ አቴዳ ጸፋ ማላ ግደኔ?” ያጌዳ።

3 ኢያሱ ኪታንቻ ሰንገን ኤቄዳ ዋደ፡ ቅታ ማዩዋ ማይ ኡቴዳ።

4 ኪታንቻይ ባረ ሰንገን ኤቄዳዋንታ፡ “አጥ ሀ ቅታ ማዩዋ ቃርተ” ያጌዳ። ቃይ እ ኢያሳ፡ “በእ፥ ታን ነ ባይዙዋ ኔጥ ድጋድ፤ ቦንቸዋ ማዩዋካ ነና ማይዛና” ያጌዳ።

5 ቃይካ ታን፡ “ጌሻ ሻሽያ አ ሁጲያን ጸጸተ” ያጋድ። ኤንቴንቴካ እ አዛዜዳዋዳን ኦፊድና፤ ማዩዋካ አ ማይዜድና። መጅና ጎዳ ኪታንቻይ ሄ ዋደ እ ሞይያን ኤቄዳ።

6 ሄዋጥ ጉይያን፡ መጅና ጎዳ ኪታንቻይ ኢያሱው ሀዋዳን ያጌደ ጲሽሴዳ፤

7 “ኡባጥ ዋልቃማ መጅና ጎዳይ ሀዋዳን ያጌ፤ ሩን ታ ኦግያን ሀመቶን ታ አዛዙዋ ናጎጥ፡ ኔን ታ ጌሻ ጎልያ አይሳና፤ ታ ዳባባንካ አዋታና። ቃይ ሀዋን ኤቄዳዋንቱና እትጥ ኔን ገልያ ማታ ታን ነዉ አማና።

8 “ ሳና ቄሰያ ኡባቴዋ ካጥዋ ኢያሱ፥ ሀዋ ሰሳ! ሰንገና ያና ኪካባዉ ማላታ ግድያ ነናና አልዋንቱካ ሀዋ ሰሰኖ! ታን ታሽያ ጌተትያ ታ ቆማ አሀና።

9 በእ፥ ታን ኢያሱ ሰንገን ሹቻ ዋላና፤ ሄ ሹቻ ቦላ ላፑን አይፈቱ ደአና፤ ታን አ ቦላን ዋጫደ ጸፍያ ጸፋና። ታን ኡባጥ ዋልቃማ መጅና ጎዳይ ሀዋ ኦዳይ። ሄ ጋድያ ናጋራካ ታን እት ጋላሰ ድጋና” ያጌ።

10 “ኡባጥ ዋልቃማ መጅና ጎዳይ ሀዋዳን ያጌ፤ ሩን ጋላሰ ህንተ ኡባይካ ህንተ ዋይንያ ቴራን ህንተ ባላሰያ ሞላ ጋርሳን ኡቲደ፡ ህንተ ሸርቴዋ ሸባና” ያጌዳ።

### 4

#### ዛካርያስ ሳጸን ጸምጥያ ዋልያ ባላን ዋጋራ ሞላ በኤዳ

1 ሄዋጥ ጉይያን፡ ታናና ሃሳዬዳ ኪታንቻይ ሰሞ ዪደ፡ ገምእሼዳ አሳ ቤጎልያዋዳን፡ ታና ቤጎልዳ።

2 እ ታና፡ “ሩን በእያዋ አዬ?” ያጌዳ።

ታን፡ “ታን ዋርቃ ጸላላጥ ኦስቴዳ ጸምጥያ ዋልያ ባላ በአይ፤ አ ጼራን ዛይትያ ጸሩ ደኤ፤ ቃይ አ ቦላን ላፑን ጸምጥቴ ደአና፤ ሄ ላፑን ጸምጥቶካ ላፑን ላፑን ሉኮቴ ደአና።

3 ሄ ጸምጥያ ዋልያ ባላ ማታን ላኡ ዋጋራቴ ደአና፤ ኤንቴንቴካ ዛይትያ ጸሩዋጥ ኡሸቻ ባጋና ሀድርሳ ባጋና ደአና” ያጋድ።

4 ታን ታናና ሃሳይያ ኪታንቻ ቃይካ፡ “ታ ጎዳው፡ ሀዋንቴ አዬ?” ያጋደ ኦቻድ።

5 ታናና ሃሳይያ ኪታንቻይ ዛሪደ፡ “ሀዋንቴ አየንቶ ኤርኪ?” ያጌዳ።

ታን፡ “ታ ጎዳው፡ ታን ኤርኪ” ያጋድ።

#### ጸሳይ ዛሩባቤላው ኦዳዳ ቃላ

6 ቃይካ እ፡ “ዛሩባቤላው መጅና ጎዳይ ኦዳዳ ቃላይ ሀዋ፤ ታ አያናጥ አትና፡ ዋልቃን ዋይ ሞኖተላን ግደና። ታን ኡባጥ ዋልቃማ መጅና ጎዳይ ሀዋ ኦዳይ።

7 ዋልቃማ ደርያው፡ ኔን አዬ? ኔን ዛሩባቤላ ሰንገን ልጲ ጌዳ ደምባ ግዳና። ቃይ ዛሩባቤል ጌሻ ጎልያ ኬጽ ፖሊደ፡ ዉርሰላ ሹቻ ፑደ ከሰያ ዋደ አሳይ፡ “ሀሹ! ሀሹ ፖሊቴ!” ያጋና” ያጌዳ።”

8 ቃይካ መጅና ጎዳ ቃላይ ዛካርያስ ዬዳ።

9 ዛካርያስ ሀዋዳን ያጌዳ፤ “ሀ ጌሻ ጎልያ ባሱዋ ዛሩባቤላ ኩሸቴ ባሴድና፤ ቃይ ፖሊዋካ አ ኩሸቴ ኬጲደ ፖላና። ሄዋጥ ጉይያን፡ ኡባጥ ዋልቃማ መጅና ጎዳይ ታና ህንተኮ ኪቴዳዋ ህንተ ኤራና።

10 ሀ ጉላ ደመላ ካጵያ ኦናን ግደጥ ዛሩባቤላ ኩሸያን ቴምቢያ በኤዳ ዋደ ናሸታና፤ ሀዋንቴ ላፑን ጸምጥቴ ቢታ ኡባ ዩዪደ ጴልያ መጅና ጎዳ አይፈቱዋ” ያጌዳ።

11 ታን ኪታንቻ ዛራደ፡ “ሀ ጸምጥያ ዋልያ ባላጥ ኡሸቻ ባጋና ሀድርሳ ባጋና ደአያ ሀ ላኡ ዋጋራቴ አዬ?” ያጋደ ኦቻድ።

12 ታን ላኤንሉዋካ፡ “ሀ ዛይቴ ኤንቴንቴጥ ጎግያ ላኡ ዋርቃ ቦሞባቴዋ ማታን ደአያ ላኡ ዋጋራ ታሸቴካ አዬ?” ያጋደ ኦቻድ።

13 እካ ዛሪደ፡ “ሀዋንቴ አየንቶ ኔን ኤርኪ?” ያጌዳ።

ታንካ፡ “ታ ጎዳው፡ ታን ኤርኪ” ያጋድ።

14 እ ዛሪደ፡ “ሀዋንቴ ሳኦ ኡባ ጎዳው ኦልያ፡ ላኡ ኦስቴዳ አሳቴዋ” ያጌዳ።



# 5

ዛካራስ ሳጸን ጸጸት ኡቴዳ ማጻፋይ ፓልያዋ በኤዳ

1 ቃይካ ታን ቶቁ ጋይ ጴልያ ዋይ፣ እት ጸጸት ኡቴዳ ማጻፋይ ቦላና ፓልያዋ በኤዳ።

2 ኪታንቻይ ታና፣ “ሀ ነን በእያዌ አይ?” ያጊይ ኦቹዳ።

ታን፣ “ታን እት ጸጸት ኡቴዳ ፓልያ ማጻፋ በእይ፤ እው ጌሳይ ላታው ዋቋ፤ ጎምፓይካ ታው ዋቋ” ያጊይ።

3 እ ታና ሀዋዳን ያጊይ፤ “ሀ ጸላ ማጻፋ ግደን ደእያዌ ቢታ ኡባ ቦላን ይያ ሸቃ። ሄ ማጻፋን እት ባጋና፣ ‘ውእያ ኡባይ ጋድያፕ ጳያና’ ያግያዌ ጸፈቴዳ፤ ቃይ የንኮ ባጋና፣ ‘ዋርዱዋን ጫቂያ ኡባይ ጳያና’ ያግያዌ ጸፈቴዳ።

4 ኡባፕ ዋልቃማ መድና ጎዳይ ሀዋዳን ያጊይ፤ ‘ታን ሄ ሸቃ ኪታና፤ እ ቢይ፣ ካይሱዋ ሶነ ታ ሱንላን ዋርዱዋን ጫቂያዋ ጎለ ገላና፤ ያን ደኢደ፣ ሄ ጎልያ እ ኬጸቴዳ ሞላናን ሹቻና ጋሏደ፣ ሞ ቆይሳና’ ያጊይ” ያጊይ።

ዛካራስ ሳጸን ቁንኣ ግደን ኡቴዳ ሞሽራቶ በኤዳ

5 ሄዋፕ ጉይያን፣ ሄ ታናና ሃሳይያ ኪታንቻይ ታኮ ዪይ፣ “እን ቶቁ ጋይ፣ ሀ ይያዌ አየንቶ በእ” ያጊይ።

6 ታን፣ “እ አይ?” ያጊይ ኦቹዳ።

እ ዛሪደ፣ “ሀዌ ማክያ ቁንኣ” ያጊይ። ቃይካ ጉጂደ፣ “ሀዌ አሳይ ሀ ቢታ ኡባን ኦሌዳ ናቁዋ ማላታ” ያጊይ።

7 እርሳስያ ግያ ብራታፕ ኦስቴዳ ቁንኣ ቁምኢ ፖከቴዳ ዋይ እት ሞሽራታ ቁንኣ ግደን ኡቴዳና በኤዳ።

8 ኪታንቻይ ታው ኦዲደ፣ “ሀና ኢታተላቶ ጌተታው” ያጊይ። እዞ ጉየ ቁንኣ ግደ ሱግ ገልሲደ፣ እርሳስያ ቁምኢያካ ዳገ ናቂደ፣ ቁንኣ ቁምኢደ።

9 ሄዋፕ ጉይያን፣ ታን ቶቁ ጋይ ጴልያ ዋይ፣ ኡንቴንቴ ቀፍያን ጫርኩ ደእያ ላኡ ማጫ አሳቱ ይያዋንታ በኤደ፤ ኡንቴንቴ ቀፍ ሾርትያ ቀፍያ ማላ። ኡንቴንቴ ሄ ኪሻ ሳኣፕን ሳሉዋፕ ግደ ፑደ ደንሴድና።

10 ያትና፣ ታን ታናና ሃሳይያ ኪታንቻ፣ “ሀዋንቴ ቁንኣ ሀቃ አፊና?” ያጊይ ኦቹዳ።

11 እ፣ “ኡንቴንቴ ቁንኣ ጎልያ ኬጸናው ባብሎን ቢታ አፊና፤ ጎሊ ኬጸቴዳ ዋይ፣ ኡንቴንቴ ሄ ቁንኣ እው ጊጌዳ ሳኣን ዋላና” ያጊይ።

# 6

ዛካራስ ሳጸን ኦይዱ ፓራ ጋረቱዋ በኤዳ

1 ቃይካ ታን ቶቁ ጋይ ጴልያ፤ ጴልያ ዋይ ኦይዱ ፓራ ጋረቱ ላኡ ደረቱዋፕ ግዱዋና ይያዋንታ በኤደ፤ ደረቱካ ቃይ ናሃስ ግያ ብራታ ደረቱዋ።

2 ከይር ፓራ ጋርያ ዞኦ ፓራቱ ጎቹና፤ ላኡንላ ፓራ ጋርያ ካረላ ፓራቱ ጎቹና፤

3 ሄዘንላ ፓራ ጋርያ ቦላ ፓራቱ ጎቹና፤ ኦይደንላ ፓራ ጋርያ ዋንጮ ፓራቱ ጎቹና፤ ኡንቴንቴ ኡባቱካ ዋልቃማ።

4 ታን ታናና ሃሳይያ ኪታንቻ፣ “ታ ጎዳው፣ ሀዋንቴ አይ?” ያጊይ ኦቹዳ።

5 ኪታንቻይ፣ “ሀዋንቴ ሳኣ ኡባ ጎዳ ሰንላን ባረና ሸሺደ ከሰያ ኦይዱ ሳሉዋ ጫርኩቱዋ።

6 ካረላ ፓራቱ ጎቹና ጋሪ ሁጲሳ ባጋ ቢታ ቤ፤ ቦላ ፓራቱ ጎቹና ጋሪ አዋይ ደልያ ባጋ ቤ፤ ዋንጮ ፓራቱ ጎቹና ጋሪ ቃይ ገድሳ ባጋ ቤ” ያጊይ ዛሪደ።

7 ሄ ፓራቱ ከሴዳ ዋይ፣ ቢታ ኡባ የዪደ ጸሞሳናው ፓቹሪና። ኪታንቻይ ኡንቴንታ፣ “ብተ፣ ቢታ ኡባ የዪደ ጸሞሳተ” ያጊይ። ኡንቴንቴ ቢታ ኡባ የዪደ ዋቹድና።

8 ሄዋፕ ጉይያን፣ ኪታንቻይ ባረ ቃላ ቶቁ ኦስ ታኮ ዋሲደ፣ “በእ፣ ሁጲሳ ባጋ ቢታ ቤዳ ፓራቱ ባረንቴ ቤዳ ሁጲሳ ባጋ ጋድያን ጸሳ አያና ሸምፕሴድና” ያጊይ።

ቁስያ ኡባ ካፑዋ ኢያሱ ቦላ ጫንቴዳ ሀሳይሱዋ ካላቻ

(6:9-15)

9 መድና ጎዳ ቃላይ ታኮ፣ ቃይካ ሀዋዳን ያጊይ ዬዳ፤

10 “ባብሎን ኦምዱዋፕ ሰሜዳ ሄልዳይ፣ ጸቢን ያዳይ እምያ እሞታ አካ፤ ሄ ጋላሰካ ጸፋንያ ናኣ እዮሰያሳ ጎለ ባ።

11 ኡንቴንቴፕ እኬዳ ብራፕን ዋርቃፕ ካላቻ መቋ፤ እዮጸዴቃ ናኣ፣ ቁስያ ኡባቱ ካፑዋ ኢያሱ ሁጲያን ዋላ።

12 እው፡ ሉባጥ ዋልቃማ መድና ጎዳይ ሀዋዳን ያጌ፤ “በእ፡ እ ሱንሳይ ታሸያ ጌተትያ እት ብታኒ ባረ ደእያ ሳን ድጫና፤ እ መድና ጎዳ ጌሻ ጎልያ ዛር ኪጻና።

13 መድና ጎዳ ጌሻ ጎልያ ኪጻናዋ እ፤ እ ካትያዳን ቦንቹዋ ማዪደ፡ ባረ ካተቱዋ እራታን ኡታናን ዋዳና። ቃይ እ ባረ እራታን ኡቲደ ቄሰተላን ኦላና፤ ኡንቱንቱ ላኡ ባረንቱ ቆፋን እቱዋ ግዳና” ያጌ፣ ያጋ።

14 ሄ ካላቻይ ሄልዳያ፡ ጸቢያ፡ ያዳያን ጻፋንያ ናእ እዮሰያ ሀሳይሰያዋ ግዳደ፡ መድና ጎዳ ጌሻ ጎልያን ደእና” ያጌዳ።

15 ሄ ዋይ ሃኮ ሳን ደእያዋንቱ መድና ጎዳ ጌሻ ጎልያ ኪጻደ ማዳናዉ ያና። ኡባጥ ዋልቃማ መድና ጎዳይካ ታና ሀንተኮ ኪቱዳዋ ሀንተ ሄዋን ኤራና። መድና ጎዳዉ፡ ሀንተ ጸሳዉ፡ ሀንተ ፖሎ አዛዘቶ፡ ሄዋ ሀናና።

### 7

#### ልከ ግደና ጸማን ሰንሳዉ እመቲዳ ህደታ

1 ዳርዮስ ካተቱዳ ኦይደንሳ ላይሳ፡ ክሰለዋ ግያ ኡዲፕላላ አግናን፡ ኦይደንሳ ጋላሳን መድና ጎዳ ቃላይ ዛካራሳኮ ዬዳ።

2 ቤቱለ ካታማ አሳይ ሳርጾጸና፡ ረጌም-መለካን ኡንቱንቱና እትጥ ደእያ አሳቱዋ መድና ጎዳጥ አንጁ ያና ማላ ዋሳናዉ ኪቱድና።

3 ቃይ ኡባጥ ዋልቃማ መድና ጎዳ ጌሻ ጎልያን ኦልያ ቄሳቱ ዋን ትምቢትያ ኦድያዋንታ፡ “ዳሮ ላይሳጥ ኦሳይ ጋምኤዳዋዳን፡ ታን ሀእካ አገናን አቼሸንሳ አግናን ዬካናዉን ጸማናዉ በሲ?” ያጌደ ኦቻናዳን ኪቱድና።

4 ሄዋጥ ጉይያን፡ ኡባጥ ዋልቃማ መድና ጎዳ ቃላይ ሀዋዳን ያጌድ ታኮ ዬዳ፤

5 “ሴታን ደእያ አሳ ኡባን ቄሳቱ ዋ ሀዋዳን ያጌድ ኦቻ፤ ህንተ ሄ ኦይዳ ላፕን ታሙ ላይሳ ግደን አቼሸንሳ አግናን ላፕንሳ አግናን ጸሜዳዋን ዬኪዳዋ ታዉ ጸሜድቱ?”

6 ሀንተ ምያ ዋደን ኡሸያ ዋደ፡ ሀንተንቶ ሚታን ኡሸታ ግደ።

7 የሩሳላመ ካታማንን አ የሹዋን ደእያ ካታማቱዋን አሳይ ደኤዳ ዋደ፡ ኡንቱንቱ እሻሊደ ደኤዳ ዋደን ኔጌበንን እዋይ ዶልያ ባጋ ዝቃ ጋድያን አሳይ ደኤዳ ዋደ፡ መድና ጎዳይ ባረ ትምቢትያ ኦድያዋንቱ ባጋና ኦይዳ ቃላይ ሀዋ ግደኔ?” ያጋ” ያጌዳ።

#### እዛዘተናን እጾዳዌ አዋደታናዉ ጋሶ ግዳዳ

8 መድና ጎዳ ቃላይ ቃይካ ዛካራሳኮ ሀዋዳን ያጌድ ዬዳ፤

9 “ኡባጥ ዋልቃማ መድና ጎዳይ ካስ ሀዋዳን ያጌዳ፤ ጭሙ ፕርዳ ፕርድተ። ሀንተ ግደን እቱ እቶ ኪካተላን ማርተላ አሳተ።

10 እምኤቱዋ፡ አታ እዉ ባይና ናናቱዋ፡ በተቱዋን ሀይሳቱዋ ናቆተተ። ቃይ ሀንተጥ አንነ ባረ እሻ ቦላን ኢታባ አላናዉ ባረ ዋዛናን ቆፖፖ” ያጌዳ” ያጌድ ዬዳ።

11 ሸን ኡንቱንቱ ሰሰናን እጾድና፤ ቃይ ዞክያ ዛራድናን ሰሰናዳን፡ ባረንቱ ሀይሳካ ቱጩድና።

12 ኡባጥ ዋልቃማ መድና ጎዳይ ባረ እያናን ካስ ባረ ትምቢትያ ኦድያዋንቱ ባጋና ኪቱዳ ሀግያን ቃላ ሰሰና ማላ፡ ኡንቱንቱ ባረንቱ ዋዛና ዛላዳን ምንሴድና። ሄዋ ድራዉ፡ ኡባጥ ዋልቃማ መድና ጎዳ ማታጥ ዋልቃማ ሀንቱ ስንቱንቱ ቦላ ዬዳ።

13 ኡባጥ ዋልቃማ መድና ጎዳይ ሀዋዳን ያጌ፤ “ታን ጸሴዳ ዋደ፡ ኡንቱንቱ ሰሰናን እጾዳዋዳን፡ ኡንቱንቱ ጸሴዳ ዋደ፡ ታንካ ሰሰከ።

14 ታን ጎትያ አሃደ፡ ኡንቱንታ ኡንቱንቱ ኤርቤና ካዉተላቱዋ ግደን ላላድ፤ ቢታይ አሳይ ያን ሃን ሰመረተና መላ ቢታ ግዳዳ፤ ሄዋዳን ሀኒደ፡ ሀ ሎኦ ቢታይ መላ ግዳዳ” ያጌ።

### 8

#### የሩሳላመ ኦራጸና

1 ኡባጥ ዋልቃማ መድና ጎዳ ቃላይ ቃይካ ታኮ፡ ሀዋዳን ያጌድ ዬዳ፤

2 “ኡባጥ ዋልቃማ መድና ጎዳይ፡ ታን ጽዮንዉ ሎሎላ ምሸታ፤ ታና እ ምሹ ጸጌ” ያጌ።

3 መድና ጎዳይ ሀዋዳን ያጌ፤ ታን ጽዮን ሰማና፤ የሩሳላመ ግደን ደእና። ቃይ የሩሳላመካ አማንትያ ካታማ ጌታታና፤ ኡባጥ ዋልቃማ መድና ጎዳ ደሪ ቃይ ጌሻ ደርያ ጌተቲደ ጸሰታና” ያጌ።

4 “ኡባጥ ዋልቃማ መድና ጎዳይ ሀዋዳን ያጌ፤ ጭሚደ ጉፍያን ብያ አቱማ አሳይን ማጫ አሳይ ካስዋንቱዋዳን ቃይካ የሩሳላመ ዳባባን ኡታና።

5 የሩሳላመ ካታማ ኦገቱ ካሳ ካእያ እቱማ ናናቱዋንን ማጫ ናናቱዋን ኩማና” ያጌ።

6 ኡባጥ ዋልቃማይ መጅና ጎዳይ፣ ላሀዌ ሀቃ አሳጥ አቴዳዋንቶ ማላልሰያባ ግደጥነ፣ ታዉ ማላልሰያባ ግደና፣ ያኔ ኡባጥ ዋልቃማይ መጅና ጎዳይ።

7 ኡባጥ ዋልቃማይ መጅና ጎዳይ ሀዋዳን ያኔ፤ ብለተ፣ ታን ታ አሳ አዋይ ዉልያ ባጋ ቢታጥነ አዋይ ዶልያ ባጋ ጋድያጥ አሻና።

8 ኡንቱንቱ የሩሳላመ ግደን ደእናዳን አሀና። ኡንቱንቱ ታ አሳ ግዳና፤ ታንካ ኡንቱንቱ ጸሳ፣ አማንትያን ጽሎ ጸሳ ግዳና ያኔ” ያጊድ ዬዳ።

9 ኡባጥ ዋልቃማ መጅና ጎዳይ ሀዋዳን ያኔ፤ “ህንተኖ፣ ኡባጥ ዋልቃማ መጅና ጎዳ ጌሻ ጎልያ ባሱዋ ባሰና ጋላሳጥ ዶሚዶ፣ ትምቢትያ ኡድያዋንቱ ኦዴዳ ቃላ ሰሴዳዋንቶ፣ ህንተ ኩሽያ ምንሲዶ ፖልተ።

10 አያዉ ጎጥ፣ ሄ ጋላሳቱዋጥ ካሰ ባጋን አሳዉ ድርጉ ባዋ፤ መሀያዉካ ከራ ጭጋይ ባዋ፤ ቃይ ታን አሳ ኡባ አቱዋ አቱዋ ቦላ ሞርከተላን ደንሳ ዋልዳ ድራዉ፣ ገልያዋዉን ከሰያዋ ሳሩ ባዋ።

11 ሸን ሀእ ታን ሀ አሳጥ አቴዳዋንታ ካሰ ኦልዳዋዳን ኦልከ። ታን ኡባጥ ዋልቃማ መጅና ጎዳይ ሀዋ ኡዳይ።

12 “ኡንቱንቱ ባረንቱ ዘረላ ሳሩዋን ዘራና፤ ኡንቱንቱ ዋይንያ ቱራይካ ባረ አይፍያ አይፋና፤ ቢታይካ ካላ ዳርሲዶ ሞካና፤ ሳሎቱካ እራ ቡካና። ሀ አሳጥ አቴዳዋንቶ ታን ሀ ኡባ አንጂዋ አማና።

13 ህንተኖ ይሁዳ አሳቶ፣ ህንተኖ እሰራኤልያ አሳቶ፣ ካዉተላቱዋ ግደን ህንተ ሸቀቱዳዋንታ ግዲዶ ደኤድታ፤ ሸን ሀእ ታን ህንተና አሻና፤ ህንተካ አንጀቱዳዋንታ ግዳና። ያዮጥተ! ህንተ ኩሽያካ ምንሰተ!” ያኔ።

14 ኡባጥ ዋልቃማ መጅና ጎዳይ ሀዋዳን ያኔ፤ “ህንተ ማይዛ አዋቱ ታና ሀንቀልዳ ዋዶ፣ ኡንቱንቱ ቦላን ኢታባ አሀና ጋይ ቃቼዳ ቆፋ ላመናን ኦልዳዋዳን፣

15 ሄዋዳንካ ሀእ ታን የሩሳላመዉን ይሁዳዉ ሎኦባ ኦላናዉ ቆፋ ቃቻድ። ሰም ያዮጥተ!

16 ህንተ ኦላናዉ ኮሽያዌ ሀዋንታ፡ እቱ እቱዋና ቱሙዋ ሃሳይተ፤ ህንተ ፕርዳ ጎልያንካ ቱሙዋን ሳሩዋ አሀያ ፕርዳ ፕርድተ፤

17 እቱ እቱዋ ቆሀናዉ ኢታባ ህንተ ዋዛናን ማቀቶጥተ፤ ዋርዲዋን ጫቂያዋ ደሰጥተ። ሄዋንታ ኡባ ታን መጅና ጎዳይ እጻይ” ያኔ።

18 ኡባጥ ዋልቃማ መጅና ጎዳ ቃላይ ቃይካ ታኩ፣ ሀዋዳን ያጊድ ዬዳ፤

19 “ኡባጥ ዋልቃማ መጅና ጎዳይ ሀዋዳን ያኔ፤ ሉይደንሎ፣ አቼሸንሎ፣ ላፑንሎን ታማንሎ አንቱዋን ህንተ ጸሚዳ ጸማቱ ይሁዳ አሳዉ ፓሽክሰያ ዋደን ናሽቶያ ግብራ ግዳናዋ። ሄዋ ድራዉ፣ ህንተ ቱማተላን ሳርተላ ደሰተ” ያኔ።

20 “ኡባጥ ዋልቃማ መጅና ጎዳይ ሀዋዳን ያኔ፤ ሉሳይ፣ ኡባ ቃይ ዳሮ ካታማቱዋን ደእያ አሳይ ብር የሩሳላመ ያና።

21 እት ካታማን ደእያ አሳይ ሀራ ካታማን ደእያ አሳከ ቢዶ፣ “መጅና ጎዳ አንጂ ያና ማላ ዋሳናዉን ኡባጥ ዋልቃማ መጅና ጎዳ ኮያናዉ አን ቤቶ፤ ታንካ ባይ” ያጋና።

22 ቃይ ዳሮ አሳይን ዋልቃማ ካዉተላቱ ኡባጥ ዋልቃማ መጅና ጎዳ ኮያናዉን ዋሳናዉ የሩሳላመ ያና ያኔ።

23 “ኡባጥ ዋልቃማ መጅና ጎዳይ ሀዋዳን ያኔ፤ ሄ ጋላሳቱዋን ዲማ ዲማ ቃላን ሃሳይያ ካዉተላቱዋ ኡባጥ ታሙ አሳቱ ዬዶ፣ እት አይሁዳ ብታንያ ማይዋ ማጫራ ኦይቂዶ፣ “ጸሳይ ህንተናን ደእያዋ ኮን ሰሴዳ ድራዉ፣ አን ኮንካ ኔናና ቤቶ” ያጋና ያኔ” ያጊድ ዬዳ።

### 9

#### ማሰህያ ዩሳን ጸሳ ካዉተላይ በሰያዋዳን ኤረቱሳ

1 ሀድራካ ግያ ቢታይን ዳማሰቆ ካታማይ ሙረታናዋ ጸሳይ ኦዴዳ ፕርዳ ቃላይ ሀዋ። ሶርያ ዋና ካታማይ ዳማሰቆካ መጅና ጎዳሳ ግድያ ድራዉ፣ እሰራኤልያ ዛራቱዋ ጸላላ ግደናን አሳ ኡባ አይፊ ዩዶ መጅና ጎዳኩ ጸሌ።

2 ቃይ ሄ ፕርዳይ ሀድራካና ዛዋትያ ሀማታ ካታማ ቦላካ ጋካና፤ ኡንቱንቱ አዴዳ ኤራንቻ ግደጥነ፣ ጸርሳን ሲደና ካታማቱዋካ ሀ ፕርዳይ ጋካና።

3 ጸርሳ ካታማይ ዳሮ ምኖ ጌሱዋ ግምቤዳ። ቃይ ብራ ቢታዳን ዶራዳ፤ ዋርቃካ ኦግያ ኡርቃዳን ጉፔዳ።

4 ሸን እዛ ሸሺዳዋ ኡባ ጎዳይ ዉርሰ አካና፤ እዝ አባ ዋልቃ ዳይሳና፤ ካታማይካ ታማን ሜተታና።

8:16 ኤ.ፈ. 4:25 9:1 አላ. 17:1-3፤ ኤ.ር. 49:23-27፤ እዋጾ 1:3-5 9:1 አላ. 23:1-18፤ ሀዘ. 26:1—28:26፤ እዩ. 3:4-8፤ እዋጾ 1:9-10፤ ማቶሳ 11:21-22፤ ሉቃሳ 10:13-14

5 እስቃሎና ካታማይ ሄዋ በኢደ ያያና፤ ጋዛ ካታማይካ በኢደ ኤንኤላና፤ ቃይ ኤቅርና ካታማይካ ሀደታ ጳያና። ጋዛ ባረ ካትያ ጳያና፤ እስቃሎና ካታማይካ መላ ግዳናዋ።

6 አሽደዳ ካታማን ዋላካ አሳይ ደከና።

ታን፣ “ፕልሰጸማቱዋ ኦቶሩዋካ ጳይሳና።

7 ታን ሱላ ኤንቱንቱ ደና፣፣ ድገቱዳ ቁማ ኤንቱንቱ አቻፕ ድጋና። ኤንቱንቱፕ አቴዳዋንቱ ኩ ጸሳ አሳ ግዳና። ቃይ ይሁዳ ያራ ማላ ግዳና። ኤቅርና አሳይ ያቡሳ አሳዳን፣ ታ አሳ ግዳና።

8 ሄዋፕ ጉይያን፣ ኦላንቻቱ ካገፍሳና፣ ታን ታ ጋድያ ናጋና። ታን ታ ሁጲያን ናግያ ድራው፣ ላኤንሉ ኦንነ ታ አሳ ኡቁንና” ያጌ።

**ይያ ካትያ**

9 ኔኖ ጽዮን ካታማቲነ የሩሳላሙ ካታማቲ፣ እልላ! በክ፣ ጸኔዳ ነ ጽሎ ካቲ ኔኮ ዬ። ነ ካቲ አሽከ ግዳደ፣ ሀርያ ቦላ፣ ሀርያ ማራ ቦላ ኡቲደ፣ ኔኮ ዬ።

10 ታን፣ “ፓራ ጋረቱዋ እስራኤልያ፣ ኦላ ፓራቱዋካ የሩሳላሙፕ ጳይሳና፤ ኦላ ዋንዳፊካ መኤረታና። ቃይ ነ ካቲ ካወተላቶ ሳሩዋ አዋያና፤ እ ሀ አባ ጋጸፕ ህን አባ ጋጸ ጋካናወነ ኤፍራጺሳ ሻፋፕ ሳኣ ጋጸ ጋካናወ ዋዳና ያጌ።

**ጸሳይ ባረ አሳ አሻና**

11 “ኔና ግደፕ፣ ቃይ ታን ኔናና ጫቁቲዳ ጫቁዋ ሱላ ድራው፣ ነ አሳቱዋ ኤንቱንቱ ቃሽቲዳ ሃላይ ባይና ኦላፕ ታን ከሳደ የዳና።

12 ህንተኖ ህደታን ደእያ ቃሸቶ አሳቶ፣ ህንተ ጌሱዋኮ ሰምተ፤ ካሰዋ ድራው ደኩዋ አቁዋ ህንተንቶ እማናዋ ሀቶ ታን ህንተንቶ አዋያይ።

13 እያወ ጎፕ፣ ታን ይሁዳ ዋንዳፍያዳን፣ እስራኤልያካ ዋንዳፍያ ፖላዳን ጎኤታና። ጽዮኔ፣ ታን ነ ናናቱዋ ግሪካ ጋድያ ናናቱ ቦላ ደንላና፤ ኔናካ ዋልቃማ ኦላንቻ ማሻ ማላ ኦላና” ያጌ።

14 ሄ ዋደ መድና ጎዳይ ኤንቱንቱ ቦላ ቆንጫና፤ እ ዋንዳፊካ ዋልቃንላዳን ዋልቃማና። ኡባ ማርያ መፍና ጎዳይ ማላካታ ዮናና፤ ገድሳ ባጋ ጎቲ አድያዋዳንካ አፋና።

15 ኡባፕ ዋልቃማ መድና ጎዳይ ኤንቱንታ ናጋና። ኤንቱንቱካ ባረንቱ ዋርከቱዋ ወርሳና፤ ያምባርሻን ኦልያዋንታካ የፋና። ኤንቱንቱ ባረንቱ ዋርከቱዋ ሱላ ዋይንያ ኤሳዳን ኡሻና፤ ሱላይ ከርያን ኩምያዋዳን ኩማና፤ ቃይ ያርሽያ ሳኣን ጉክያዋዳን ጉካና።

16 ሄ ጋላሰ መድና ጎዳይ ኤንቱንቱ ጸሳይ ኤንቱንታ አሻና፤ እያወ ጎፕ፣ ኤንቱንቱ እ አሳ ወደቱዋ። ካላቻ ቦላ ደእያ አላቁዋዳን፣ ጸሳ ጋድያ ቦላን ኤንቱንቱ ጸላና።

17 ኤንቱንቱ ዋጊደ ሎኣነ ማላ ፑላ ግዳንድኖሻ! ዋዳላ ናናቱዋ ካላይ፣ ዋዳር ናናቱዋካ ዋይንያ ኤሳይ አጭሳና።

**10**

**መድና ጎዳይ ባረ አሳ አንጃና**

1 ባልጉ ጋክያ ዋደ፣ መድና ጎዳይ እራ እማናዳን ዋሰተ። መድና ጎዳይ እራ ቶኬዳ ሻርያ ኪቲ፤ ቃይ እ አሳወ እራ እማ፤ አታክልትያካ ሾይቃን ሞክሱ።

2 ሶ ኤቃ ሞሰለቲ ኦድያዌ ሀዳ፤ ካይያዋንቱ ዋርዶ ሳዓ በኢና፤ እኩመትያዋንቲካ ዋርዶ እኩመታዋ ኦዳና፤ ሀዳ ምን፤አዋካ ምን፤ሏና። ሄዋ ድራው፣ አሳይ ዱጶዳ ደርሳዳን ቶይላካቲ፤ ኤንቱንታ ህምያዌ ባረ፣ ድራው፣ ኤንቱንቱ ቆሄቲኖ።

3 ታ ህንቁ ሂንላንቻቱዋ ቦላ ኤጽ ከሱዳ፤ ሄ ካለልያዋንታ ታን ሙራና። እያወ ጎፕ፣ ኡባፕ ዋልቃማ መድና ጎዳይ ባረ ደርሳ ወደ ግድያ ይሁዳ አሳ እ ሄሚ፤ እ ኤንቱንታ ኦላወ ሳልፔዳ ባረ ዋልቃማ ፓራ ማላ ኦላና።

4 ይሁዳ አሳ ግደፕ ካለልያዋንቱ ከሳና፤ ኤንቱንቱ ጎልያወ ጎዳ ጸጸዋ ምንሰያ ሹቻዳን፣ ዲንካንያ ጽጌዳዋዳንነ ኦላ ማሻዳን ምኖ ግዳናዋ።

5 ኤንቱንቱ ኦግያ ኡርቃ የድያ ምኖ ኦላንቻቱዋ ማላ ግዳናዋንታ፤ መድና ጎዳይ ኤንቱንቱና ደእያ ድራው፣ ኤንቱንቱ ኦላታና፤ ፓራ አሳቱዋካ ጸናና።

6 “ታን ይሁዳ አሳ ምን፤ላና፤ ዮሴፎ አሳካ አሻና፤ ታን ኤንቱንቶ ቃረትያ ድራው፣ ኤንቱንቱ ዛራደ አሀና፤ ቃይ ኤንቱንቲካ ታን ኤንቱንታ ካሰካ አጋቤናባ ማላ ግዳናዋ። ታን መድና ጎዳ ኤንቱንቱ ጸሳ ግድያ ድራው፣ ኤንቱንቱ ዋሳ ሰሳና።

7 ኤፍራሬማ አሳይ ምኖ ኦላንቻ ማላ ግዳናዋ፤ ዋይንያ ኤሳ ኡሼዳ አሳዳን፣ ኤንቱንቱ ዋዛናይ ናሽታና። ኤንቱንቱ ናናይካ ሄዋ በኢደ፣ ሀሹ ጋና፤ ኤንቱንቱ ዋዛናይ መድና ጎዳን ናሽታና።

9:5 እላ. 14:29-31፤ ኤር. 47:1-7፤ ህዘ. 25:15-17፤ እዪ. 3:4-8፤ እዋጸ 1:6-8፤ ሶር. 2:4-7 9:9 ማቶሳ 21:5፤ ዮሃ. 12:15 9:10 ማዘ. 72:8 9:11 ከሳ 24:8

- 8 “ታን ታ አሳ ሱይቃደ ጸሳና፤ ያታደ፤ ኢንቱንታ እትፕ ሺሻና። እያዉ ጎፕ። ታን ኢንቱንታ ዋዛድ፤ ኢንቱንቱ ካሰዋዳንካ ሙራ ግዳናዋንታ።
- 9 ታን ኢንቱንታ እይሁዳ ግደና ካወተጥቱዋ ግደን ላልንቶካ፤ ኢንቱንቱ ባረንቱ ደእያ ሃኮ ጋድያን ታና ሀሳናና፤ ቃይ ኢንቱንቱካ ኢንቱንቱ ናናይካ ፓጾ አታና ካረንቱ ቢታ ሰማና።
- 10 ታን ኢንቱንታ ግብጹ ጋድያፕ ዛራና፤ አሪሪ ቢታፕካ ታን ኢንቱንታ ሺሻና። ኢንቱንቶ ኡትያ ሳእይ ቆያና ጋካናዉ። ታን ኢንቱንታ ጋላእደ ቢታንካ ሊባሮሳ ጋድያን ኩንጎና።
- 11 ኢንቱንቱ መቶ አባ ግደና አድሸን። ታን ጸሳይ አባ ቤታ ሾጫና፤ ጨማ ግዴዳ ናይላ ሻፋይካ መላና። አሪሪ ቢታ ኦቶሩ ጊያና፤ ግብጹ ካተቱዋ ጸምእይካ መእና።
- 12 ታን ኢንቱንታ መድና ጎዳን ምንጎና፤ ኢንቱንቱካ አ ሱንጎካ ሀመታና። ታን መድና ጎዳይ ሀዋ ኦዳይ” ያጌ።

# 11

## ፕርዳ ሊምሱዋ

- 1 ኔና፣ ልባሮሳ፣ ታማይ ነ ዝጋቱዋ ማና ማላ፣ ነ ፕንገቱዋ ዶያ!
- 2 ኔና ጽድያዉ፣ ዝጋይ ኩንድ ክቼዳ ድራዉ፣ ቃይ ሄ ቦንቹዋ ሞጎቱካ ቆይክቼዳ ድራዉ፣ እየ ጋደ ዩካ! ሀንተሮ ባሳነ ጋድያ ዋላቶ፣ ሄ ኮንሶሴዳ ዋራይ ቃንጸት ክቼዳ ድራዉ፣ እየ ጊደ ዩክተ።
- 3 ሄንጎንቻቱ ዝላሳ ሰሰተ፤ እያዉ ጎፕ። ኢንቱንቱ ቦንቹ ቆይዳ! ጋሞቱ ጉድያዋካ ሰሰተ፤ እያዉ ጎፕ። ዮርዳኖሳ ዋራይ ቆይክቼዳ።

## ኬካነ ኢታ ሄንጎንቻቱዋ

- 4 መድና ጎዳይ ታ ጸሳይ ታና ሀዋዳን ያጌዳ፤ “ሄ ሹከታናዉ ደእያ ደርሳቱዋ ዉድያ ሄማ።
- 5 ኢንቱንታ ሻምያዋንቱ ሹክኖ፤ ሙረተናን እትኖ። ቃይ ዛልእያዋንቱካ፣ ሓን ዱሪቴደ፤ መድና ጎዳይ ጋላተቶ፣ ያጊና፤ ሀራይ እትና፣ ኢንቱንቱ ሄንጎንቻቱካ ኢንቱንቶ ቃረትክኖ” ያጌዳ።
- 6 መድና ጎዳይ ሀዋዳን ያጌ፤ “ታንካ ሀዋፕ ሰንጎናዉ ሀ ጋድያን ደእያ አሳዉ ቃረትክ፤ ታን አሳ ኡባ እቱዋ እቱዋ ኩሸያንካ ካትያ ኩሸያን አላደ እማና። ኢንቱንቱ ጋድያ ባይዛና፤ ታንካ እት አሳነ ኢንቱንቱ ኩሸያፕ አሸከ” ያጌ።
- 7 ሄዋ ድራዉ፣ ታን ሹከታናዉ ደእያ ደርሳቱዋ፣ ኡባ ቃይ ዉድያ ግደን ቱጋቴዳዋንታ ሄምያዋ ግዳድ። ቃይ ላኡ ጋትማቱዋ አካደ ኢንቱንቱፕ እቱዋ ኬካተላ ጋደ ሱንጎና፤ ላኢንጎቱዋ እትፕተላ ጋደ ሱንጎና። ያታደ ደርሳ ዉድያ ሄማድ።
- 8 ሄዋፕ ጉይያን፣ ታን እት አግና ግደን ሄዙ ሄንጎንቻቱዋ ድጋድ። እያዉ ጎፕ። ኢንቱንቱ ሀናተላይ ታዉ ዳንዳየቲቦና፤ ያትና፣ ኢንቱንቱካ ታና እጹድኖ።
- 9 ያታ ሰማደ ታን ደርሳቱዋ፣ “ታን ሀንተና ላኢንጎ ሄምከ፤ ሀይቂያዋ ሀይቆ፤ ባይያዋ ባዮ፤ እትያዌካ እቱ እቱዋና ማተደ ዉሮ” ያጋድ።
- 10 ሰማደ ታን ካወተጥቱዋ ኡባና ጫቀቲዳ ጫቀዋ መንጹዳዋ በሳናዉ ኬካተላ ግያ ታ ጋትማ አካደ መንጎላድ።
- 11 ሄዋ ድራዉ፣ ሄ ጋላሰካ ጫቀዋ መንጎ አጌዳ፤ ያትና፣ ሄ ዋደ ኢንጌት ኡቲዳ ታና ጹልያ ደርሳቱ በኢደ፣ ሀዋ መድና ጎዳ ቃላ ግድያዋ ኡራድኖ።
- 12 ታን ኢንቱንቱ፣ “እማናዉ በሰ ጎፕ፣ ታ ድርጉዋ ሀምተ፤ ኮሸና ጎፕካ፣ አግ ባሸተ” ያጋድ። ኢንቱንቱ ታ ድርጉዋ ሀታሙ ጸጋራ ብራ ታዉ እማድኖ።
- 13 ያትና፣ መድና ጎዳይ ታና፣ “ኢንቱንቱ ሄዋ ከሳና ግ ማየቲደ እማዳ ሄ ካፍቲዳ ብራ መድና ጎዳ ጎልያ ሻሉዋ ምንጅያ ጎልያ ግድዋ ኦላ” ያጌዳ። ታን ሄ ሀታሙ ጸጋራ ብራ አፋደ፣ መድና ጎዳ ጎልያ ሻሉዋ ምንጅያ ጎልያ ግድ ኦላድ።
- 14 ሄዋፕ ጉይያን፣ ታን ይሁዳፕን እሰራኤልያፕ ግዲዋን ደእያ እሻተላይ መኤዳዋ በሳናዉ እትፕተላ ግያ ታ ላኢንጎ ጸምእ መንጎላድ።
- 15 ቃይካ መድና ጎዳይ ታና፣ “ላኢንጎቱዋካ አዛላ ሄንጎንቻ ሚሻቱዋ አካ።
- 16 እያዉ ጎፕ፣ ታን ሀ ጋድያን እት ሄንጎንቻ ደንጎና። ሸን አ ዋየትያ ደርሳቱዋ ማደና፤ ላላቲዳዋንታ ሺሸና፤ ዋቢያዋ ኮላና፤ ፓጻካ ምዘና። እ ሄዋ አጊደ፣ ሞዲዳዋንታ ሹክ ሹኪደ ሜ፤ ኢንቱንቱ ሹቁልያካ ቃንጾ።
- 17 ደርሳ ዉድያ የግ ባሺዳ ሄ ላፋ ፓፍሪ ሄንጎንቻዉ እየ አና! እ ቀሰያን እ ኡሸቻ አይፍያ ቦላን ማሻይ ዋድ። እ ቀሲ ሰሎ፤ እ ኡሸቻ አይፊካ ትፕ ጊደ ቶኦ” ያጌዳ።

# 12

## የሩሳላሙ ጸኑዋ

1 ሀዌ እስራኤልያባ ኦድያ መድና ጎዳ ቃላ። ሳሎቱዋ ምጩዳዋ፣ ሳኦካ መዴዳዋ፣ አሳ ግደንካ አያና መዴዳ መድና ጎዳይ ሀዋዳን ያጌ፤

2 “በእ። ታን የሩሳላሙ ካታማ አ የሹዋን ደእያ አሳ ኡባ ኡሸና ጋንድጋርሰያ ዋይንያ ኤሳ ትግያ ዋንጫ ማላ ኦላና፤ የሩሳላሙ ዶደትያ ዋይ፣ ይሁዳ ካታማቲካ ዶደታና።

3 ሄ ጋላሰ ታን የሩሳላሙ ካታማ አሳ ኡባዉ ደጸ ሹቻ ማላ ኦላና፤ እ ደንሐያ ኡባይ ባረዉ ደሸታና። ቃይ ሳኦ ካዉተላቲ ኡባይ እ ኦላታናዉ እትጥ ሺቃና።

4 ሄ ጋላሰ ታን ጋራ ኡባ ዳጋንላና፤ ጋራ ቶግያዋንታካ ጎሻና። ሄዋ ታን መድና ጎዳይ ኦዳይ። ይሁዳ አሳ ታን ታ ከካ እይፍያን ጸላና፤ ሸን ሞርከቱዋ ጋራቱዋ ኡባካ ቆቅሳና።

5 ሄ ዋይ ይሁዳን ካለሐያዋንቲ ባረንቲ ዋዛናን፣ የሩሳላሙ አሳይ ኡባጥ ዋልቃማ መድና ጎዳና፣ ባረንቲ ጸሳን፣ ሞኖተላ ደሚድኖ፣ ያጋና።

6 “ሄ ጋላሰ ታን ይሁዳን ካለሐያዋንታ ሞላ ዶርያ ግደን ደእያ ጸፋነ ሞርቀቱዋ ግደን ላጮትያ ጸምጥያ ኦላና። ኡንቲንቲ ባረንቲ ኡሸቻን ሀድርሳንን ባረንቲ የሹዋን ደእያ አሳ ኡባ ማና፤ ሸን የሩሳላሙ ካታማይ አሳይ ሳር ደእያሳ ግዳናዋ።

7 “ዳዊታ ጎልያ ቦንቹን የሩሳላሙን ደእያዋንቲ ቦንቹ ይሁዳ አሳ ቦንቹዋጥ እ□ና ማላ፣ ታን መድና ጎዳይ ካሰታደ ይሁዳ አሳዉ ጸኑዋ እማና።

8 ሄ ጋላሰ ኡንቲንቲ ግደን ዳር ላፋ ግያ እሰካ ዳዊታ ማላ ሞኖ ግዳናዳን፣ ታን መድና ጎዳይ የሩሳላሙን ደእያዋንቶ ጎንዳለ ግዳና። ዳዊታ ጎለቲካ ጸሳ ማላ፣ ኡንቲንታ ካለሐያ መድና ጎዳ ኪታንቻ ማላ ግዳና።

9 ሄ ጋላሰ ታን የሩሳላሙ ኦላናዉ ደንድያ ካዉተላቲዋ ኡባ ሳይሳናዉ ደንዳና።

## ባረንቲ ጫዳዳዋ ዬኩዳ ዬኩዋ

10 “ታን ዳዊታ ጎለቲዋ ቦላን የሩሳላሙን ደእያ አሳ ቦላ እጽ ከካተላነ ዋሳ አያና ጉሳና፤ ሄዋ ድራዉ፣ ኡንቲንቲ ባረንቲ ጫዳዳዋ በእያ ዋይ፣ አሳይ ባረ መጽ እት ናእዉ ዬክያዋዳን ዬካና፤ ቃይ ባረ ባይራ ናእዉካ ካኖትያ አሳዳን ካኖታና።

11 ሄ ጋላሰ የሩሳላሙን ዬከትያ ዬኩ ማግደ ደምባን ሀደድ-ርሞናሰ ዬከቲዳ ዬኩዋ ከሻ ዋልቃማ ግዳናዋ።

12 ቢታን ደእያ እት እት ዛሪ ባረዉ ባረዉ ዬካና፤ ዳዊታ ዛራቲ ባረዉ፣ ኡንቲንቲ ማቼቲካ ባረዉ፣ ናታና ዛራቲ ባረዉ፣ ኡንቲንቲ ማቼቲካ ቃይ ባረዉ ዬካና።

13 ቃይካ ሊዊያ ዛራቲ ባረዉ፣ ኡንቲንቲ ማቼቲካ ባረዉ፣ ሸምእ ዛራቲ ባረዉ፣ ኡንቲንቲ ማቼቲካ ባረዉ ዬካና።

14 ቃይ እቲዳ ዛሪ ኡባይካ ባረዉ ባረዉ ዬካና፤ ኡንቲንቲ ማቼቲካ ባረዉ ባረዉ ዬካና” ያጌ።

# 13

## ናጋራጥ ጌዩሳ

1 ኡባጥ ዋልቃማ መድና ጎዳይ ሀዋዳን ያጌ፤ “ሄ ጋላሰ ዳዊታ ጎለቲዋን የሩሳላሙን ደእያዋንታ ናጋራጥ ቲናተላጥ ጌሻናዉ ፑልቲ ፑልታና።

2 ሄ ጋላሰ ታን ኡንቲንቲ ላእንሐ ሀሳየተዳዳን፣ ኤቃቲዋ ሱንሳ ጋድያጥ ሳይሳና። ቃይ ትምቢትያ ኦድያዋንታን ቲና አያና ጋድያጥ ሳይሳና። ታን ኡባጥ ዋልቃማ መድና ጎዳይ ሀዋ ኦዳይ።

3 ቃይካ ኦንጎ፣ ታን ትምቢትያ ኦድያዋ ጎጥ፣ እ የሌዳ እዉን አታ እ፣ ሳን መድና ጎዳ ሱንሳን ዋርዲዋ ኦድያ ድራዉ፣ ገጸ ደእካን ያጋና፤ ያጌደ እ ትምቢትያ ኦድሸን፣ እ የሌዳ እዉን አታ እ ጫዳደ ዋቆና።

4 ሄ ጋላሰ ዋርድ ትምቢትያ ኦድያ ዋይ፣ ባረ በኤዳ ሳዓ ጋሱዋን ዬላታና፤ ቃይ ጭማናዉ እሰክያና ደእያ ዋሩዋካ ማና።

5 ሸን እ፣ ታን ናከተላደገካ ደማደ ቢታ ኦላያ ጎሻንቻጥ እትና፣ ትምቢትያ ኦድያዋ ግድከ፣ ያጋና።

6 እት አሳይ እ፣ ‘ያትና፣ ሀ ነ ቦላን ደእያ ማዲላይ እይ?’ ያጌደ ኦቾጥ፣ እ፣ ‘ሀዌ ታን ታ ላገቱዋ ሶን ማዲዴዳዋ’ ያጋና” ያጌ።

## ሄንሳንቻይ ሸጪቲዳ

7 ኡባጥ ዋልቃማ ጎዳይ ሀዋዳን ያጌ፤ “ማሻዉ፣ ታዉ ማታ ግድያ ታ ዶርሳ ሄምያዋ ቦላ ቤንታ! ዶርሳቲ ላለታናዳን፣ ዶርሳ ሄምያዋ ሸጫ። ታንካ ሄ ጉላ ዶርሳቲዋ ቦላን ታ ኩሸያ ደንሳና።

8 ቢታ ኡባን ደእያ ሄዙ ኩሽ አሳጥ ላኡ ኩሽ ሾጩቲደ ሀይቃና፤ እት ኩሽ ጸላላይ ፓጻ አታና። ታን መድና ጎዳይ ሀዋ ኡዳይ።

9 ሀ አቴዳ ሄዘንሉ ኩሽ አሳ ታን ታማን የጋና፤ ብራይ ታማን ጌይያዋዳን፤ ኡንቱንታ ጌሻና፤ ቃይ ዋርቃይ ፓጩትያዋዳንካ ፓጫና። ሄዋጥ ጉይያን፤ ኡንቱንታ ታ ሱንላን ዋሳና፤ ታንካ ኡንቱንታ ሰሳና። ታን፤ ሀዋንቱ ታ አሳቱዋ። ያጋና። ኡንቱንቱካ፤ ‘መድና ጎዳይ ኑ ጸሳ’ ያጋና” ያጌ።

# 14

## የሩሳላሞን ካወተላቱዋ

1 በእተ። መድና ጎዳ ጋሳሳይ ዩ፤ ሄ ዎደ ሀንተጥ ቦንቄዳዋ ሀንተ ጸልሸን፤ ኡንቱንቱ ሻክ አካና።

2 ጸሳይ ካወተላቱዋ ኡባ የሩሳላሞ ቦላን ኦላወ ሸሻና፤ ካታማይ ኦይቃታና፤ ጎላቱካ ቦንቃታናዋ፤ ማጫ አሳናካ አሳይ ዋልቃን ጋከታና። ካታማ አሳጥ ባጋይ ኦሞዶቲደ ባና፤ ሸን አቴዳ አሳይ ካታማጥ ከሰና።

3 ሄዋጥ ጉይያን መድና ጎዳይ ከሲደ፤ ካሰካ ኦላ ጋላሰ ኦለትያዋዳን፤ ሄ ካወተላቱዋና ኦለታና።

4 ሄ ጋላሰ እ ገደቱ የሩሳላሞጥ አዋይ ወልያ ባጋና ደእያ ዳብረ ዛይተ ደርያ ቦላ ኤቃና። ዳብረ ዛይተ ደሪካ አዋይ ወልያ ባጋጥ አዋይ ደልያ ባጋ ጋካናወ። ላኡ ከሲደ ጸልቃታና፤ ሎይላ እኩ ዋሞባይ መጠታና፤ ያቶጥ ደርያወ ባጋይ ሁጸሳ ባጋ፤ ቃይ ባጋይካ ገድሳ ባጋ ሸርእ ጋጋና።

5 ሄ ዋሞባይ ቢደ እጸላ ጋካና፤ ሀንተ ሄ ዋሞባና እጸደ ባቃታና። ቦን ይሁዳ ካትያ ኦዘያና ላይላ ቢታይ ቃጽና፤ ሀንተ ማይዛ አዋቱ ባቃቱዳዋዳን፤ ሀንተካ ባቃታና። ሄዋጥ ጉይያን፤ መድና ጎዳይ ታ ጸሳይ ያና፤ ቃይ ጌሻቱ ኡባይካ አናና አትጥ ያና።

6 ሄ ጋላሰ ማጉ፤ ሻቻይን ጳማይ ደኤና፤

7 ሄ ጋላሳይ ቃምን ጋላሰ ባይና፤ መድና ጎዳይ ኤርያ ዳማ ጋላሳ ግዳናዋ፤ ሄ ጋላሰ ቃማይካ ፖእ ግዳናዋ።

8 ሄ ጋላሰ ደኤዋ ሃሳይ የሩሳላሞጥ ጎጋና፤ አጥ ባጋይ ማጽንያ አባን ገላና፤ ቃይ ባጋይ ሜድተራን አባን ገላና። ሄ ሃሳይ ባልጉዋን ቦንያን ጎጊደ ደእና።

9 ቃይ መድና ጎዳይ ሳኦ ኡባ ቦላ ካተታና፤ ሄ ጋላሰ እት መድና ጎዳ ጸላላይ ደእና፤ እ ሱንሳይካ መጽ እቱዋ ግዳናዋ።

10 ገባአጥ ደሚደ፤ የሩሳላሞጥ ገድሳ ባጋና ደእያ ርዋና ግያ ካታማ ጋካናወ ደእያ ቢታይ ኡባይ ደምባታና። ሸን የሩሳላሞ ቢንያማጥ ጥንግያጥ ቢደ፤ ቦን ጥንግያ ባጋና ዘዘያ ጥንግያ ጋካናወ፤ ቃይ ሀናንኤላ እዳሳ ግሞቢያጥ ቢደ፤ ካትያ ዋይንያ ጉምኤያሳ ጋካናወ፤ ባረ ሳኦን ጾቁ ጌደ ደእና።

11 የሩሳላሞ፤ አሳይ ደኤያሳ ግዳና፤ ሄዋጥ ጉይያን እዛ ጳዩኩ፤ እዘን ደእያ አሳይካ ሀርግ ባይናን ሳሮ ደእና።

12 መድና ጎዳይ የሩሳላሞና ኦለቱዳ አሳ ኡባ ሾጫና ቦሻይ ሀዋ፤ ኡንቱንቱ ኤቁዋን ደእሸን፤ ኡንቱንቱ እሹ ዎቃና፤ ኡንቱንቱ እይፊ ጮጭያን፤ ኡንቱንቱ እንጸርሳይካ ኡንቱንቱ ኮክያን ዎቃና።

13 ሄ ጋላሰ መድና ጎዳይ ኡንቱንቱ ዋልቃማ ዳጋማ ዳጋንላና፤ አሳይ ኡባይ እቱ እቱዋ ኩሽያ ኦይቁደ፤ እቱ እቱዋና ኦለታና።

14 ይሁዳ አሳይ የሩሳላሞ ባጋ ግዲደ ኦለታና። ቃይ ዩሹዋን ደእያ ካወተላቱዋ ኡባቱዋ አቁዋ፤ ዋርቃ፤ ብራን ማየዋ ፓይዱ ባይናዋ ኦሞዶደ ሸሻና።

15 ሀ ቦሻ ማላ ቦሻይ ፓራቱዋ ቦላ፤ ባቁሎቱዋ ቦላ፤ ጋሎቱዋ ቦላ፤ ሀረቱዋ ቦላ፤ ሞርከቱ ዱንካኔዳሳን ደእያ መሀያ ኡባ ቦላ ያና።

16 ሄዋጥ ጉይያን፤ የሩሳላሞና ኦለቱዳ ካወተላቱዋ ኡባጥ ፓጻ አቴዳ ኡባይ ካትያወ፤ ኡባጥ ዋልቃማ መድና ጎዳወ ጎይናናወን ዳሲያ ባኣላ ቦንቻናወ ላይላን ላይላን የሩሳላሞ ባና።

17 ቃይ ሀ ሳኦን ደእያ አሳጥ ኦንካ ካትያወ፤ ኡባጥ ዋልቃማ መድና ጎዳወ ጎይናናወ የሩሳላሞ ቤናን ጳዮጥ፤ ሄ አሳወ እራይ ቡከና።

18 ግብጹ ቢታ አሳይካ ቢደ ጎይናን እጸጥ እራይ ቡከና፤ ዳሲያ ባላ ቦንቻናወ ቤናን እጽያ አሳ መድና ጎዳይ ሾጫና ቦሻይ ኡንቱንቱ ቦላንካ ያና።

19 ዳሲያ ባላ ቦንቻናወ ቤናን እጽያ ግብጹን ሀራ ካወተላቱ ኡባይ መራታና ሙሩ ሀዋ ግዳናዋ።

20 ሄ ጋላሰ ፓራቱዋ ቆድያን አልያ ዳላቱዋ ቦላንካ፤ “መድና ጎዳወ ጌይዳዋ” ጌተቲደ ጸፈታና። መድና ጎዳ ጌሻ ጎልያን ደእያ ካልያ ኦቶቱካ ያርሸያ ሳኦ ስንላን ደእያ ጌሻ ከረቱዋ ማላ ግዳናዋ።

21 የሩሳላሞን ይሁዳን ደእያ ኦቶ ኡባይ ኡባጥ ዋልቃማ መድና ጎዳወ ጌሻ ግዳናዋ፤ ያቶጥ ያርሹዋ ያርሸያ አሳይ ኡባይ ዩደ፤ ሄ ኦቶቱዋ እኪደ፤ ያርሹዋ እሹዋ ኡንቱንቱን ካሳና። ሄ ጋላሰ ኡባጥ ዋልቃማ መድና ጎዳ ጌሻ ጎልያ ግደን እይ ዛልእንቻይን ደኤና።

# ሚልክያ ጥምቢትያ ገሉዋ

ጥምቢትያ ኦድያ ሚልክያ ማጻፋይ ቤቴዳዌ ክርስቶስ የለታናፕ ካስ እቺሸንጎ ጾቱ ላይሳና ገደሸን፣ የሩሳላሙን ደእያ ጌሻ ጎሊ ላኤንጎ ኦስቴዳዋፕ ጉይያና። ሚልክያ ግያ ሱንጎ ሰለላይ፣ “ታን ኪቴዳዋ” ጉሳ። ጥምቢትያ ኦድያዌ ምንሲደ ቆፍሰያዌ ቁሳቱ ካ የንጉ አሳይካ ጸሳና ጫቁቴዳ ጫቁዋ ኦራፋናዋ። ጸሳ አሳይ ባረ ደእዋንካ ባረ ጎይናካ የዳ ግዲደ፣ ባይዳዌ ኤሪቴዳዋ። ቁሳቱ ካ የንጉ አሳይካ በሰያ ያርሹዋ ሺሸናን እግያዋን እ ኤንቴንቶ እሚዳ ካለሱዋን ቤናን ደኤናን እጽያዋን ጸሳ ናቁድና። ሄዋ ድራው፣ ጸሳይ ኦግያ ገግሳናውን ባረ ጫቁዋ እዋናው ከተትያዋ ካሰቴዳ ናሰያ ባገና ኦዲ፣ አሳ ቦላ ፕርዳናውን አሳ ጌሻናው እ ያና።

## ሸምጋቱዋ ኡባቶ እመቴዳ ቃንጎ ቆፋቱዋ

1. ጎዳይ እስራኤልያው ደእያ ቃላ ጫቁዋ ሲቁ ጲሸቱሳ 1:1-5
2. እስራኤላታ እማነታቤና ድራው ሴራይ ጋኬዳ 1:6—2:16
3. ጎዳ ዩሳይ እዋየቱሳ 2:17—4:6

ጎዳይ እስራኤልያው ደእያ ቃላ ጫቁዋ ሲቁ ጲሸቱሳ (1:1-5)

1 መድና ጎዳይ ባረ አሳ፣ “ታን ህንተና ሲቃድ” ያጌ።

2 መድና ጎዳይ ባረ አሳ፣ “ታን ህንተና ሲቃድ” ያጌ።

ሸን ህንተ፣ “ኔን ኑና አያን ሲቃድ?” ያጌታ።

መድና ጎዳይ፣ “ኤሳይ ያቆባ እሽ ግደኔዬ? ግደፕን ታን ያቆባ ሲቃድ፤

3 ሸን ኤሳ እጸድ። ታን ኤሳ ደረቱዋ መላ ኡዳድ፤ እ ጋድያካ ዋራካናቱ ደእያ ባዘዋ ኡዳድ”

ያጌ።

4 ኤሳ ዘረፋ ግድያ

ኤደማቱ፣ “ኑ ካታማቱ ኮለቲድና፤ ሸን ኑን ኤንቴንታ ዘረፈደ ኬጸና” ያጌና።

ኤባፕ ዋልቃማ መድና ጎዳይ፣ “ኤንቴንታ ዘረፈደ ኬጸናዋንታ፤ ሸን ታን ኮላና። አሳይ ኤንቴንታ፣ ሳ ሆ ቢታይ፣ ኢታ ቢታ፤ ሀ ቢታ አሳይካ መድና ጎዳይ መድናው ሀንቀቴዳ አሳ፣ ያጌና” ያጌ።

5 ሄዋ ህንተ ህንተ አይፍያን በእደ፣ “መድና ጎዳይ እስራኤልያ ቢታ ዘዋፕ ካረናካ ዋልቃማ” ያጌና።

እስራኤላታ እማነታቤና ድራው ሴራይ ጋኬዳ (1:6—2:16)

6 ኤባፕ ዋልቃማ መድና ጎዳይ፣ “ህንተና፣ ታ ሱንጎ ካዉሸያ ቁሳቶ፣ ናእይ ባረ እዉዋ፣ ቆማይካ ባረ ጎዳ ቦንቼ። ያትና፣ ታን ህንተንቶ እዉዋ ግደፕ፣ ህንተ ታና ቦንቶያ ቦንቼ እነ? ቃይ ታን ህንተንቶ ጎዳ ግደፕ፣ ህንተ ታዉ ያይያ ያሻይ እነ? ያቲደ ቃይ፣ ኑን ነ ሱንጎ ዋቲደ ካዉሸደ?” ያጌታ።

7 ህንተ ታዉ ያርሸያ ሳ ቦላን ቱኔዳ ያርሹዋ ሺሸያዋን ታ ሱንጎ ካዉሸድታ።

“ቃይካ ህንተ፣ ኑን ኔና ዋቲደ ቱንሴደ?” ያጌታ።

“ህንተ መድና ጎዳይ ሸሸያ ጋይታይ ካፒቴዳዋ ግደኔ ያጌደ ቆጥያዋን ታና ቱንሴድታ።

8 ህንተ ያርሹዋ ያርሸያ ዋይ፣ ቆቃ ዋይ ሀርጋንቻ ዋይ ዋባ ግዳዳ መሀያ ያርሸፕ፣ ሄዌ ኢታባ ግደኔ? ህንተ ሄዋ ማላ መሀያ ህንተ ካፕ እዋታ ኤሊደ እምንቶ፣ እ ሄዋ ናሸቻን እካናዋ ህንተንቶ ማላቲ?” ያጌ መድና ጎዳይ።

9 ቃይካ ኤባፕ ዋልቃማ መድና ጎዳይ፣ “ጸሳይ ህንተንቶ ቃረታና ማላ፣ ሀእ እ ዋሰተ። ዋን ህንተ ሄዋ ማላባ ኦሰና፣ እ ህንተዉ ዘራናዋ ማላቲ?” ያጌ።

10 ኤባፕ ዋልቃማ መድና ጎዳይ፣ “ህንተ ታዉ ያርሸያ ሳ ቦላን ጮ ታማ ኤልያዋፕ፣ ህንተፕ እት ኡራይ ጌሻ ጎልያ ፕንግያ ጎርድያዋ ግዳሪኔሻ! ታን ህንተናን ናሸትከ፤ ህንተ ያርሸያ ያርሹዋካ እክከ” ያጌ።

11 ቃይካ ኤባፕ ዋልቃማ መድና ጎዳይ፣ “እዋይ ዶልያሳፕ ቢደ ዉልያሳ ጋካናው፣ ታ ሱንጎይ ካዉተላቱዋ ግደን ዋልቃማ። ሳእ ኡባን አሳቱ ታዉ እጸና ጨውሲና፤ ጌሻ ያርሹዋካ ያርሸና፤ እያዉ ጎፕ፣ ታ ሱንጎይ ካዉተላቱዋ ግደን ዋልቃማ” ያጌ።

1:2 ሮሞ 9:13    1:2 እሳ. 34:5-17፤ 63:1-6፤ ኤር. 49:7-22፤ ህዘ. 25:12-14፤ 35:1-15፤ እሞጶ 1:11-12፤ አብድ. 1-14    1:8 ዛረ. 15:21



12 ኡባጥ ዋልቃማ መድና ጎዳይ። “ሸን ህንተ፣ ‘መድና ጎዳዉ ሺሽያ ጋይታይ ቱና፤ እን ዋልያ ያርሹካ ካፍቲዳዋ’ ያጊደ እ ካዉሺድታ።

13 ቃይ ህንተ፣ ‘ሀዌ ዳቡርሰያዋ’ ያግ ቅሊጪደ፣ ህንተ ሲድያን ሰምኢታ።

“ህንተ ሰንቁ እኩዳዋ ዋይ ዋባ ዋይ ሀርጋንቻ እዋታ ኡሊደ ሺሺታ። ያትና፣ ታን ህንተ ኩሽያጥ ሄዋ አኮ?

14 ታዉ ያርሸና ጊደ ሸቀቲዳ አቱማ ደርሳይ እ ዉድያ ግደን ደእሸን፣ ሸነይያባይ ደእያ ደርሳ ያርሸያ ሄ ጭምያዌ ሸቀቲዳዋ ግደ! እያዉ ጎጥ፣ ታን ኡባጥ ዋልቃማ መድና ጎዳ፤ ዋልቃማ ካትያ፤ ታ ሱንሳይካ ካዉተላቱዋ ግደን ያየቲዳዋ” ያጌ።

## 2

1 ቃይካ ኡባጥ ዋልቃማ ጸሳይ ሀዋዳን ያጌ፤ “ቁሳቶ፣ ሀእ ሀ አዛዙ ህንተ።

2 ታ ሱንሳ ሰንቻናዉ ህንተ ሰሰናን እጸጥን ህንተ ዋዛናን ቆጥናን እጸጥ፣ ታን ህንተ ቦላ ሸቃ ኪታና፤ ህንተ እንጃዋካ ታን ሸቃና። ህንተ ህንተ ዋዛናን ታና ሰንቻናዉ ቆጥቤና ድራዉ፣ ታን ሀእካ ህንተና ሸቃ ድጋድ።

3 በእተ፣ ታን ህንተ ዘርሳቱዋ ሙራና። ህንተ ያርሾ አሄዳ መሀያ ቶጭያካ ህንተ ሰምእያን ላላና፤ ህንተካ ሄ ቶጭያና እትጥ እ አልያ ሳ ባና።

4 ሄ ዋይ ታ ጫቁ ለዊያና ምጊደ ደእናዳን፣ ታን ህንተንቶ ሀ አዛዙዋ ኪቲዳዋ ህንተ ኤራና” ያጌ።

5 “ታን ለዊያና ጫቀቲዳ ጫቁ ደኡዋን ሳርተላ ጫቁዋ፤ እ ታዉ ያያናዳን፣ ታን አንቱንታ አዉ እማድ፤ እካ ታዉ ያዬዳን ታ ሱንሳካ ሰንቹዳ።

6 ቱመዋ ህጊ እ ደናን ደኤዳ፤ እ እንጸርሳንካ ዋርዱ ቤትቤና። እ ታናና ሳርተላንካ ሱርተላን ሀመቲዳ፤ ቃይ ጮራቱዋካ ናጋራጥ ዛራዳ።

7 ቁሳይ ኡባጥ ዋልቃማ መድና ጎዳይ ኪቲዳዋ ግዳዳ ድራዉ፣ እ ደናይ ኤራተላን ኩማናዉ ኮሺ፤ አሳይካ ህግያ እ ደናጥ ታማራናዉ በሴ” ያጌ ኡባጥ ዋልቃማ መድና ጎዳይ።

8 ኡባጥ ዋልቃማ መድና ጎዳይ ሀዋዳን ያጌ፤ “ሸን ቁሳቶ፣ ህንተ ኦግያጥ ዋራ ሰሚድታ፤ ህንተ ትምርትያንካ ጮራቱዋ ጱቤድታ፤ ታን ለዊያና ጫቀቲዳ ጫቁዋካ ኮሊድታ።

9 ሄዋ ድራዉ፣ ህንተ ታ ኦግያን ሀመተናን እጼዳንዳን፣ ህንተ ታማርሰያ ህግያንካ አሳ ኡባ እት ልከ ጸለናን እጼዳንዳን፣ ታን ህንተና አሳ ኡባ ሰንሳን ካፍቲዳዋንታ ካዉሺዳዋንታ ኡዳድ” ያጌ።

### አሳይ መድና ጎዳን አማነትቤና

10 ኑዉ ኡባዉ እት አዉ ደኤ ግደኔየ? ኑና እት ጸሳይ መጪዳ ግደኔየ? ያትና፣ ኑን ኑ ማይዛ እዋቱዋ ጫቁዋ ኮልያዋን እቱ እቶ እያዉ አማነተናን እጼቶ?

11 ይሁዳ አሳይ አማነትቤና፤ ቃይ እስራኤልያንካ የሩሳላመን አሳይ ቱናተላ ኦሌዳ፤ እያዉ ጎጥ፣ ይሁዳ አሳይ ጸሳይ ደሰያ ጌሻ ጎልያ ቱንሴዳ፤ ቃይ አላጋ ጸሳዉ ጎይንያ ማጫ ናናቱዋካ እኩዳ።

12 ሀዋ ኦሎያዌ ኦና ግደጥካ፣ መድና ጎዳይ እ ያቆባ ማባራጥ ጳይሶ፤ ሄ አሳይ ኡባጥ ዋልቃማ መድና ጎዳዉ ያርሹዋ አህያዋ ግደጥካ፣ መድና ጎዳይ እ ሾድ።

13 ቃይ ህንተ ኦሎያ ሀራባይ አዬ ጎጥ፣ መድና ጎዳይ ህንተ ያርሹዋኮ ጸለና ድራዉ፣ ዋይ እ አከና ድራዉ፣ ያርሸያ ሳአ ዩኩዋን፣ እድላንካ ዝላሳን ኩንሳታ።

14 ህንተ፣ “አ እያዉ ኑ ያርሹዋ እከኔ?” ያጊደ ኦቾጥ፣ ጋሱ ሀዋ፣ ህንተ ህንተ ያላጋተላን አከና እታ ግዳዳ ማቻትና ማቻትና ሄ ዋይ ጫቀቲዳ ጫቁዋ ኮሊድታ፤ ሄዋ መድና ጎዳይ ማርካ።

15 መድና ጎዳይ ህንተዉን ህንተ ማቻትዉካ ማቻትዉካ እት ቦላይን እት እያናይ ደእናዳን ኦሎኔየ? ሄዋ እያዉ ኦሌዳ? ጌሻ ዘርሳይ ደእናዳና ግደኔ? ሄዋ ድራዉ፣ ህንተጥ ኦንካ ባር ያላጋተላን እኩዳ ማቻትና ጫቀቲዳ ጫቁ አማነተናዋ ግደናዳን ናገቶ።

16 እያዉ ጎጥ፣ “ታን መድና ጎዳይ፣ እስራኤልያ ጸሳይ፣ አሰናይን ማቻታ ብለትያዋ እጸይ፤ ሄዋ ኢታባ” ያጌ። ሄዋ ድራዉ፣ ኡባጥ ዋልቃማ መድና ጎዳይ፣ “ህንተ ማቻትና ማቻትና ጫቀቲዳ ጫቁ አማነተናዋንታ ግደናዳን ናገትተ” ያጌ ኡባጥ ዋልቃማ መድና ጎዳይ።

### ጎዳ ዩሳይ አዋየቱሳ

(2:17—4:6)

17 ህንተ ህንተ ሃሳያን መድና ጎዳ ዳቡርሴድታ።

ሸን ህንተ፣ “ኑን አ ዋቲደ ዳቡርሴዳ?” ያጊታ።

ህንተ እ ዳቡርሴዳዌ፣ “ኢታ ኦሎያዋንቱ ኡባይ መድና ጎዳ ሰንሳን ሎእ፤ ቃይ እካ አንቱንቱን ናሸቱ” ያግያዋን ዋይ፣ “ቱመዋ ፕርድያ ጸሳይ ሀቃን ደኢ?” ያግያዋና።

### 3

1 ኡባጥ ዋልቃማ መድና ጎዳይ፡ “በእተ፡ ታ ብያ ኦግያ ገግሳናዳን፡ ታን ከትያ አሳ ካሰታደ ያዳና፤ ቃይ ህንተ ኮይያ ጎዳይካ ህንተ ቆጥናን ደእሸን፡ ባረ ገሻ ጎልያ ፑቱ ጋና። ህንተ ናሸትያ፡ ቃላ ጫቁዋ ከታንቻይ ያና” ያጌ።

2 ሸን እ ብራነ ዋርቃ ሲልሲደ ገሸያ ታማ ማላን ማየዋ ማጭያ ሳሞና ማላ ግድያ ድራው፡ እ ይያ ጋላሰ ዳንዳያናዊ ኦኒ? ቃይ እ ቆንጭያ ዋደ እ ሰንሳን ኤቃናዊ ዳንዳይያዊ ኦኒ?

3 እ ብራነ ዋርቃ ገሸያዋዳንን ትግያዋዳንን ኡቲይ፡ ሌዊያ ዛራቱዋ ገሻና፤ ኡንቱንቲ መድና ጎዳው ልክ ያርሹዋ ያርሻና ጋካናው፡ እ ኡንቱንቲ ገሻና።

4 ያቶጥ በን ዋደቱዋዳንን እዴዳ ላይሳቱዋዳን፡ ይሁዳ አሳይን ዮሩሳላሙ እሳይ ያርሸያ ያርሹ መድና ጎዳ ናሸትያዋ ግዳናዋ።

5 ኡባጥ ዋልቃማ መድና ጎዳይ፡ “ሄዋጥ ጉይያን፡ ታን ፕርዳ ፕርዳናዊ ህንተኮ ያደ፡ ሙሩንያዋንቱ ሶላ፡ ዋሹዋያዋንቱ ሶላ፡ ዋርዱዋን ጫቂያዋንቱ ሶላ፡ ኦሳንቻቶ በሰያ ድርጉዋ እመናን ድግያዋንቱ ሶላ፡ አሰናይ ሀይቄዳ አምአቶን አታ አዉ ሀይቄዳ ናናቱዋ ቱጋይያዋንቱ ሶላ፡ በትያ ፕርዳ ገላይያዋንቱ ሶላን ታዉ ያየናዋንቱ ሶላ ኤላካ ማርካታና” ያጌ።

#### አሰራታ እዋታ

6 ቃይካ ኡባጥ ዋልቃማ መድና ጎዳይ፡ “ታን መድና ጎዳይ ላመትከ፤ ሄዋ ድራው፡ ህንተኖ ያቆባ ዛረቶ፡ ህንተ ቆይከታ።

7 ህንተ ማይዛ እዋቱዋ ዋድያጥ ደሚይ፡ ህንተ ታ ዋጋጥ ዋራ ሰሚይታ፤ እካ ናግበይክታ። ሀእ ታኮ ሰሞተ፤ ታንካ ህንተኮ ሰማና” ያጌ።

ሸን ህንተ፡ “ኡን ዋን ሰማን?” ያጌደ ኡቺታ።

8 መድና ጎዳይ፡ “አሳይ መድና ጎዳ ዉኢ? ሸን ህንተ ታና ዉኢታ” ያጌ።

ቃይካ ህንተ፡ “ኡን ኔና ዋት ዉኢቶ? ያጌታ” ያጌ።

ኡባጥ ዋልቃማ ጸሳይ፡ “ህንተ አሰራታንን እዋታን ታና ዉኢታ።

9 ህንተ አሰራኤልያ አሳይ ኡባይ ታና ዉኢያ ድራው፡ ህንተ ሸቀቱዳዋንታ።

10 ታ ገሻ ጎልያን ቁማደ ደእናዳን፡ አሰራታ ኡባ ዬሰያን የግተ፡ ያቲደ ታን ሳሉዋ ማሰኮትያ ደያደ እንጅዋ ህንተንቶ ፓላህሳደ ጉሳና ቆየጥ፡ ታና ሄዋን ፓጭተ።

11 ህንተ ቢታይ ሞክያ ካሳ ባይዘናዳን፡ ታን ህንተ ድራው ካሳ ባይዘያባ ኡባ ሲራና፤ ጋደን ደእያ ዋይንያ ቱራይካ እይፍያ ድገና። ታን ኡባጥ ዋልቃማ መድና ጎዳይ ሀዋ ኡዳይ።

12 ህንተ ቢታይ ደእናዊ ናሸትያ ቢታ ግድያ ድራው፡ ካዉተላቱ ኡባይ ህንተና፡ “እንጀቱዳዋንታ” ያጋና” ያጌ።

#### መድና ጎዳይ ባረ አሳ ማራናዊ ኦዳዳ ቃላ

13 መድና ጎዳይ ሀዋዳን ያጌ፤ “ህንተ ታ ሶላ ጸላ ቃላ ሃሳዬድታ። “ያቲደ ቃይ፡ ኡን ነ ሶላ ዋግ ሃሳዬድ?” ያጌደ ኡቺታ።

14 “ቃይካ ህንተ፡ ጸሳዉ ኦልያዋ ሀዳ። እ አዛዙዋ ናግያዋንን ኡባጥ ዋልቃማ መድና ጎዳ ሰንሳን ካዮቲደ ሀመትያዋን ኡን እያ ጎኤቱቶ?

15 ኡን ኡቶረትያዋንቱ እንጀቲና በኤቶ፤ ኢታ ኦልያዋንቱካ እሻሊደ ደእያዋ ጸላላ ግደናን፡ ጸሳ ፓጪደካ ከሰ አከና” ያጌታ” ያጌ።

16 ሄ ዋደ መድና ጎዳው ያይያዋንቱ እቱ እቱዋና ሃሳዬድና፤ መድና ጎዳይካ ሀይዚደ ሰሴዳ። መድና ጎዳው ያዬዳዋንቱን እ ሱንሳካ ሶንቼዳዋንታ ሀሳይሰያ ማጸፋይ እ ሰንሳን ጸፈቲዳ።

17 ኡባጥ ዋልቃማ መድና ጎዳይ፡ “ኡንቱንቲ ታዋ ግዳናዋንታ፤ ታን ኦልያ ጋላሰ ኡንቱንቲ ታዉ ዲማቲዳ እሳ ግዳናዋንታ፤ እዉ ባረዉ ኦልያ ባረ ናኢ ማርያዋዳን፡ ታን ኡንቱንታ ማራና።

18 ሄ ዋደ ህንተ ዛረፊደካ ጸሎዋጥን ናጋራንቻጥ ግዳዋን ደእያ ዛዋን ጸሳዉ አዛዘትያዋንቱጥን አዛዘተናዋንቱጥ ግዳዋን ደእያ ዛዋ በእና” ያጌ።

### 4

#### መድና ጎዳ ጋላሳይ ማታቲዳ

1 ኡባጥ ዋልቃማ መድና ጎዳይ ሀዋዳን ያጌ፤ “በእተ፡ ጮጭያ ታማዳን ኤጵያ ጋላሳይ ማታቲዳ፤ ኡቶረትያዋንቱን ኢታ ኦልያዋንቱ ኡባይ ኡቱላ ማላ ግዳናዋ። ሄ ይያ ጋላሳይ ኡንቱንታ ጹጋና፤ ኡንቱንቶ ጸጸዋ ጴራካ እሸና።

2 ሸን ህንተንቶ፡ ታ ሱንሳዉ ያይያዋንቶ እ ቀፍያ ግድን ፓልያባይ ደእያ ጸሎተላ እዋይ ሞካና። ህንተካ እቁዋጥ ብላቲዳ ጋሎ ማራዳን ቡራቃና።

<sup>3</sup> ታን ኦልያ ጋላስ፣ ናጋራንቻቱ ህንተ ገድያፕ ጋርሳ ባጋና ብድንላ ማላ ግዳናዋንታ፤ ህንተካ ኡንቱንታ የቆንታ። ታን ኡባፕ ዋልቃማ መድና ጎዳይ ሀዋ ኦዳይ።

<sup>4</sup> “እስራኤልያ እሳ ኡባዉ ሲና ደርያ ቦላን ታን ታ ቆማ ሙሴ ባጋና አዛዜዳ አዛዙዋን ሀግያ ሀሳይተ።

<sup>5</sup> “በእተ፣ ግታን ቦንቹቴዳ ጸሳ ጋላሳይ ያናፕ ካስታደ፣ ታን ህንተዉ ትምቢትያ ኦድያ ኤላሳ ኪታና።

<sup>6</sup> እ ዪደ፣ ታን ያደ ቢታ ሸቃን ሾጨናዳን፣ እዎቱዋ ዎዛና ናናቱዋኮ፣ ናናቱዋ ዎዛናካ እዎቱዋኮ ዛራና” ያጌ ኡባፕ ዋልቃማ መድና ጎዳይ።

# ማቶስ ጻፊዳ ሞሽራቹዋ ቃላ ገሌዋ

ማቶስ ጻፊዳ ሞሽራቹ፣ የሱስ ያና ጌተትያ ህድታይ ካስ ኦደት ኡቴዳ ጳልያ ግድያዋን ጸሳይ ካስ ኤጫ ጫቁዋን ባረ አሳወ እሜዳ ህድታ ቃላ ፖሊዳዌ የሱሳ ባጋና ግድያዋ ኦድያ ሞሽራቹዋ ቃላ ኦይቄዳዋ። ሀ ሞሽራቹዋ ቃላይ የሱስ ኡንቴንቴ ግድን የለቲድ ድጩዳዌ አይሁዳቱ ጸላላሳ ግድናን፣ አላምያ ኡባን ደእያ አሳሳ።

ማቶስ ጻፊዳ ሞሽራቹዋ ቃላይ ዳር አኪካን ጻፈቴዳ ማጻፋ። የሱሳ የለታን ደሚድ፣ እ ጸማቀቴዳዋን እ ፓጩቴዳዋ ኦድ ሰሚድ፣ ጋሊላን እ ቃላ ኦይዳዋ፣ ታማርሱዳዋን ሀርጋንቻቴዋ ፓሌዳዋ ኦድ። ሄዋፕ ካሊደ የሱስ ጋሊላፕ የሩሳላሙ ቤዳዋን እ ሀ አላምያን ጋምኤዳ ወርሰሳ ሳምንታን ሀኔዳ የዋቴዋ ቆንጭሴ። ሄዋንቴካ እ ካቀቶዋ፣ ሀይቄዳዋን ደንዴዳዋ ኦድና።

ሀ ሞሽራቹዋ ቃላይ የሱሳ፣ ጸሳ ሀግያ ብለላ አማናወ ማታይ ደእያዋን ጸሳ ካውተላባ ኤርሰያ ዋልቃማ ታማርሱያዋ ኦሊደ ሺሺዳ። እ ትምርትያፕ ዳርያ ባጋይ፣ ዱማ ዱማ ኦግን ገገቴዳ እቼሹ ሳን ሻከቴ።

1. ጸሳ ካውተላን ደእና አሳ ኤሻ፣ ኦሱዋ፣ ማታን ወርሰሳ ካጫ ኦድያ ደርያ ቦላ ትምርትያ (ማቶሳ 5:1—7:28)።
2. ታማን ላኤ የሱሳ ካልያዋንቴ ሞሽራቹዋ ቃላ ታማርሳናወ ቤዳ ዋደ ኡንቴንቶ እመቴዳ ካሊሉዋ (ማቶሳ 10)።
3. ጸሳ ካውተላባ ታማርሰሽን ሸቄዳ ዱማ ዱማ ሊምሳቱዋ (ማቶሳ 13)።
4. የሱሳ ካልያዋንቴባ ብል ኦድያ ትምርትያ (ማቶሳ 18)።
5. ሀእ ዋድያ ወርሰሳን ጸሳ ካውተላ የሳ ጾልያዋን እመቴዳ ትምርትያ (ማቶሳ 24-25)።

## ሸምፓቴዋ ኡባቶ እመቴዳ ቃንሳ ቆፋቴዋ

- የሱስ ክርሰቶሳ ጉዩ ዘርላን የለታ 1:1—2:23
- ጸማቅያ ዮሃንሳ ኦሱዋ 3:1-12
- የሱስ ጸማቀቶዋን ፓጩቶዋ 3:13—4:11
- የሱስ ኦሱዋ ጋሊላን ዳሞዋ 4:12—18:35
- የሱስ ጋሊላፕ የሩሳላሙ ቦዋ 19:1—20:34
- የሩሳላሙን እዝ የቼዋን የሱሳ ወርሰሳ ሳምንታ 21:1—27:66
- ኮ ጎዳ የሱሳ ደንዴዋን ቆንጩላ 28:1-20

የሱስ ክርሰቶሳ የለታ ማራ  
(ሉቃሳ 3:23-38)

- 1 ሀዌ ዳዊታ ዛርያን አብራሃሙ ዘረ ግዴዳ የሱስ ክርሰቶሳ የለታ ኦድያ ማጻፋ።
- 2 አብራሃሙ፣ ይሳቃ የሌዳ፤ ይሳቅ፣ ያቆባ የሌዳ፤ ያቆብ፣ ይሁዳን እ እሻቴዋ የሌዳ።
- 3 ይሁዳይ ትእማርፕ ፓሬሳን ዛራሀ የሌዳ፤ ፓሬሰ፣ ሄጽሮና የሌዳ፤ ሄጽሮን፣ ራማ የሌዳ።
- 4 ራሙ አምናዳባ የሌዳ፤ አምናዳብ፣ ናአሶና የሌዳ፤ ናአሶን፣ ሰልሞና የሌዳ።
- 5 ሰልሞን፣ ራኦባ ጌተትያ ሞሽራትፕ ቦኤዛ የሌዳ፤ ቦኤዛ፣ ኡሩቶ ጌተትያ ሞሽራትፕ አዮቤዳ የሌዳ፤ አዮቤዳ፣ እስይ የሌዳ።
- 6 እስይ ካትያ ዳዊታ የሌዳ።
- 7 ካትያ ዳዊተ፣ ኦርያ ማቻትፕ ሶሎሞና የሌዳ።
- 8 ሶሎሞን፣ ሮብእማ የሌዳ፤ ሮብእሙ፣ አብያ የሌዳ፤ አብያ፣ አሳፋ የሌዳ።
- 9 አሳፊ፣ ዮሳፊዳ የሌዳ፤ ዮሳፊዳ፣ አዮራማ የሌዳ፤ አዮራሙ፣ ኦዝያና የሌዳ።
- 9 ኦዝያን፣ አዮኦታማ የሌዳ፤ አዮኦታሙ፣ አካዛ የሌዳ፤ አካዛ፣ ሀዝቄያሳ የሌዳ።
- 10 ሀዝቄያሳ ሞናሳ የሌዳ፤ ሞናሰ፣ አሞጻ የሌዳ፤ አሞጻ፣ አዮሰያሳ የሌዳ።
- 11 አሰራኤልያ አሳይ ኦሞደቲድ፣ ባብሎን ጋድያ ቤዳ ዋደ፣ አዮሰያሳ እኮንያናን \* እ እሻቴዋ የሌዳ።
- 12 ባብሎን ኦሞዳዋፕ ጉይያን፣ እኮንያናን ሳላትያላ የሌዳ፤ ሳላትያላ፣ ዘሩባቤላ የሌዳ።
- 13 ዘሩባቤላ፣ አብዩዳ የሌዳ፤ አብዩደ፣ ኤልያቄማ የሌዳ፤ ኤልያቄም፣ አዘራ የሌዳ።
- 14 አዘረ ሳዶቃ የሌዳ፤ ሳዶቃ፣ አኪማ የሌዳ፤ አኪሙ ኤልዩዳ የሌዳ።

1:5 ኡሩቶ 4:18-22፤ 1 ኦዲዋ 2:13-15 \* 1:11 ሄዋ ጉሳይ፣ ዮአክና ግያዋ፣ ቃይ ፓይዳዋ 12 ደእያዋካ ብለላይ እቱዋ።  
1:11 2 ካታ. 24:14-15፤ 2 ኦዲዋ 36:10፤ ኤር. 27:20

15 ኤልያድ፣ አልአዛራ የሌዳ፤ አልአዛረ፣ ማታና የሌዳ፤ ማታነ፣ ያቆባ የሌዳ።

16 ያቆብ፣ ክርስቶስ ጌተትያ የሱሳ የሌዳ ማይራሞ ኦቼዳ የሱፋ የሌዳ።

17 ስሞ የለታይ ኡባይ ኦብራሃሞፕ ዳዊታ ጋካናዉ ታማነ ኦይዳ፣ የለታ፤ ዳዊተፕ ደሚድ፣ አሳይ ባብሎነ ጋድያ አሞደቲደ ቤዳ ዋድያ ጋካናዉ ታማነ ኦይዳ፣ የለታ፤ አሳይ ባብሎነ ጋድያ አሞደቲደ ቤዳ ዋድያፕ ክርስቶስ † የለቲዳ ዋድያ ጋካናዉ ታማነ ኦይዳ፣ የለታ።

የሱሰ ክርስቶስ የለታ

(ሉቃሳ 2:1-7)

18 የሱሰ ክርስቶስ የለታይ ሀዋ ማላ፤ አ ዳያ ማይራማ የሱፎ ኦሽታ ቃሽታ ኤታዳ። ሄ ዋደ የሱፎና ጋከተናን ደአደ፣ ጌሻ እያናን ሻሃራዳ።

19 እዞ ገግሰ ዎሌዳ የሱፎ ጸሎ አሳ † ግዴዳ ድራዉ፣ እዞ ካዉሻናዉ ኮይቤና፤ እባ ቆንጭሰናን እዞ አጋናዉ ቆፔዳ።

20 ሸን እ ሄዋ ቆፕሸን፣ ጎዳ ከታንቻይ እኩሙዋን § እናና ጋከቲደ፣ “ዳዊተ ናኣ የሱፎ፣ ማይራማ ጌሻ እያናን ሻሃራዳ ድራዉ \* እዞ አካናዉ ያዮፕ።

21 እዞ አቲማ ናኣ የላናዉኤ፤ ኔንካ፣ እ አሳ ናጋራፕ እሸያ ድራዉ አ ሱንሳ የሱሳ ጋደ ጸሳናሳ” ያጌዳ።

22-23 ቃይ ጎዳይ ናብያ ባጋና፣ “ወድራታ ሻሃራናዉኤ፤ ናኣካ የላናዉኤ፤ እ ሱንሳይካ እማኔላ ጌተታናዋ” ያጌዳዋ ፖለታና ማላ፣ ሀዌ ኡባይ ሃኔዳ፤ “አማኔላ” ያግያዌ፣ “ጸሳይ ኑናና ደኤ” ያግያዋ።

24 የሱፎ ገሞእሹዋፕ ቤንቲደ፣ ጎዳ ከታንቻይ ባረና እዛዘዋዳን፣ ማይራሞ ባረ ጎላ አፊዳ።

25 ሸን ናኣይ የለታና ጋካናዉ የሱፎ እዘኮ ሸቅቤና፤ ቃይ ናኣካ የሱሳ ገደ ሱንሌዳ።

## 2

ደላሃ ባጋፕ ዬዳ ጸልንትያ ፓይድያ አሳቱዋ

1 የሱሰ ይሁዳ ጋድያን ቤተሊሙ ጌተትያ ካታማን ሄሮድስ ካዉቲደ ደእያ ዎደ የለቲዳ፤ ሄዋፕ ጉይያን፣ ጸልንትያ ፓይድያ አሳይ \* አዋይፊ ዶልያ ባጋፕ የሩሳላሙ ዪደ፣

2 “አይሁዳ ካትያ ግዳናዉ የለቲዳ ናኣይ ሀቃን ደእ? ኑን አዋይፊ ዶልያ ባጋና ከሴዳ እ ጸልንትያ በኢደ፣ አዉ ጎይናናዉ ዬደ” ያገደ ኦቼድና።

3 ካትያ ሄሮድስ፣ ሄዋ ሰሲደ ዳጋሜዳ፤ የሩሳላሙን ደእያ አሳይ ኡባይካ ዎዛና ባዬድና።

4 ሄሮድስ ቁሳቱዋ ካፓቱዋ ኡባቲዋን ሙሴ ህግያ ታማርሰያዋንታ ጸሲደ፣ “ክርስቶስ ሀቃን የለታንዴሻ?” ያገደ ኦቼዳ።

5-6 እንቲንቲ ዛሪደ፣ “ይሁዳ ጋድያን ቤተሊሙ ካታማን የለታናዋ። ናቤ፣

“ይሁዳ ጋድያን ደእያ ቤተሊሙ፣

ኔን ይሁዳ ጋድያን ደእያ ዎልቃማ ካታማቱዋፕ ላፋካ።

እስራኤልያ ሞድያዌ ኔፕ ከሳናዋ፣

ገደ ጸፊዳ” ያገደድና።

7 ሄዋፕ ካላ፣ ሄሮድስ አዋይፊ ዶልያ ባጋፕ ዬዳ አሳቱዋ ጌማን ጸሲደ፣ ጸልንቲ ኡንቲንቲ ቤቲዳ ዎድያ ኡንቲንቲ ጌሸደ ኤራዳ።

8 ያቲደ ቤተሊሙ ኡንቲንታ የዲደ፣ “ቢደ ናኣ ሎሎል ኮይተ፤ አ ደሚዳ ዎደ ታንካ ባደ አዉ ጎይናናዳን፣ ታናካ ኤርስተ” ያገደ።

9 ኡንቲንቲ ካቲ ጌዳዋ ሰስ ቢደ ኦግያን አዋይፊ ዶልያ ባጋና ኡንቲንቲ ካሰ በኤዳ ጸልንትያ በኤድና፤ ናኣይ ደኢያሳ ጋከደ ኤቃና ጋካናዉ፣ ጸልንቲ ኡንቲንታ ካለሌዳ።

10 ኡንቲንቲ ሄ ጸልንትያ በኤዳ ዎደ፣ ዛዋይ ባይና ዳሮ ናሽቻ ናሽቲድና።

11 ጎላ ገሊደ፣ ናኣይ ባረ ዳይ ማይራሞና ደእያዋ በኤድና፤ ጉልባቲደ አዉ ጎይኔድና፤ ሄዋፕ ካላ፣ ባረንቲ ሳጽንያ ደዳደ፣ ዎርቃ፣ እጻናን ካዋራ † አዉ አሞታ ሸሼድና።

† 1:17 ክርስቶስ፣ ግያዌ ግሪክ ቃላና ግደደ፣ ሙስህ ጉሳይ እብራይስጥ ቃላና ግደደ ላኦዋ ብላላይካ “ኦክቲዳዋ” ጉሳ።

‡ 1:19 የሱፎ ጸሎ አሳ ግያ ቆፋዉ ሄዙ ኦግያን ብላላይ እመታና ዳንዳዬ፡ 1. ጸሳላዉ አባዉ ኤኖ ገደ እዛዘትያ አሳ፤ እማልያ ሎኦ አሳ። 2. ጋራ (ቃራንታን)። 3. ሎኦዋ። ሄዋ ጉሳይ፣ ኦባ ካላ ሎኦባ እልያ አሳ ጉሳ። § 1:20 እኩሙዋን ጉሳይ፣ ጮካ ጎኤና እኩሙዋ ግደናዳን እይሁዳቱዋ እኩሙዋ ጉሳይ፣ ጸሳይ ልክ ቆንጭያ ኦግያ። \* 1:20 ጌሻ እያናን ሻሃራዳ ድራዉ፣ ጉሳይ እዛ ሀዋ ጋካናሽን የለታናዳን ናግያ ናኣይ፣ ጸሳ ጌሻ እያናፕ ዬ ጉሳ። 1:21 ሉቃሳ 1:31 1:22-23 አሳ. 7:14

1:25 ሉቃሳ 2:21 \* 2:1 ጸልንትያ ፓይድያ አሳ ጉሳይ፣ ኤሪቲዳ ማራ ብላላን ኤራንቻ አሳቱዋ ጉሳ። 2:5-6 ማክ. 5:2 † 2:11 እጻናን ካዋራ፡- እጻናደ፣ ማድያ ጳልያ ግዲደ፣ ታማን የግያ ዎደ ሳዋና፤ ካዋራይካ ሳዋ ማድያ ጳልያ ግዲደ ሸቲዋዳን ማዴ።

12 ኢንቴንቴ ሄሮድስ ስመና ማላ፣ ጸሳይ እኩሙዋን ኢንቴንጋ፣ “ህንተና ኤርተ” ገና ሀራ ኦግያና ባረንጉቴ ጋደ ሰሜድኖ።

**ግብጹ በቴሳ**

13 ኢንቴንቴ ቤዳዋጥ ጉይያን፣ ጎዳ ኪጋንቻይ እኩሙዋን ዮሴፎ ቤተይ፣ “ሄሮድስ ናኣ ዋዳናዉ ኮይያ ድራዉ፣ ደንዲደ ናኣነ ኦ ዳዮ እካይ ግብጹ ጋድያ በጋ፤ ጋን ነዉ ኦዳና ጋካናዉ፣ ያን ደኣሻ” ያጌዴ።

14-15 ዮሴፎ ቃማ ደንዲደ፣ ናኣነ ኦ ዳዮ እኪይ፣ ግብጹ ጋድያ ቤዳ፤ ጎዳይ ናብያ ባገና፣ “ጋን ጋ ናኣ ግብጹ ጋድያጥ ጸሳይ” ያጌዴዌ ፖለጋና ማላ፣ ሄሮድስ ሀይቃና ጋካናዉ እ ያን ደኤዳ።

**ሄሮድስ ቁር ናና ዋድሴዳ**

16 ሄዋጥ ጉይያን፣ ሄሮድስ አዋይፊ ዶልያ ባጋጥ ዬዳዋንጉ ባረና ጭሜዳዋ ኤራዳ ዋይ፣ ዳር ሀንቀቲደ፣ ጸልንቲ ካስ ቤቴዳ ዋድያ ኢንቴንጉጥ ስሴዳዋዳን፣ ዋጋዳራቱዋ ዮዲደ፣ ቤተሌመንነ ዩሹዋን ደእያ ላኡ ላይላ አቲማ ናናነ ላኡ ላይላጥ ጋርሳና ደእያ አቲማ ናና ኡባ ዋድሴዳ።

**17-18 ናብያ ኤርማስ፣**

“ዬኩነ ዘላሳይ ራማ ጌተትያ ካጋማን ሰሰቴዳ፤

ራሄላ ባረ ናናዉ ዬካዉ።

ኢንቴንጉ ሀይቁድጎ ድራዉ፣

አጋ ገና፣ አገናን አጻዱ”

ገደ ኦዳዳዌ ፖለቴዳ።

**ግብጹጥ ስማ**

19 ሄሮድስ ሀይቁዳዋጥ ጉይያን፣ ጎዳ ኪጋንቻይ ግብጹን ዮሴፎ እኩሙዋን ቤተይ

20 አ፣ “ደንዲ፤ ናኣነ ኦ ዳዮ እካይ፣ እስራኤልያ ጋድያ ስማ። ናኣ ዋዳናዉ ኮይያዋንጉ ሀይቁ ድጌድኖ” ያጌዴ።

21 ዮሴፎ ደንዲደ፣ ናኣነ ኦ ዳዮ እኪይ፣ እስራኤልያ ሰሜዳ።

22 ሸን ዮሴፎ አርከላዋስ ባረ አዉዋ ሄሮድሳ ላይድያን ይሁዳ ጋድያን ካዉቲዳዋ ሰሴዳ ዋይ፣ ያ ባናዉ ያዬዳ፤ ጸሳይ ለዉ እኩሙዋን ህንተና ኤርተ ገና፣ ጋለላ ጋድያ ቤዳ።

23 ናባቲ፣ “አሳይ ኦ፣ ናዝሬትያ አሳ፣ ገደ ጸሳይ” ያጌዴዌ ፖለጋና ማላ፣ ናዝሬተ ጌተትያ ካጋማ ቢደ ደኤዳ።

**3**

**ጸማቅያ ዮሃንስ ቃላ ኦዳዳ**

(ማር. 1:1-8፤ ሉቃስ 3:1-18፤ ዮሃ. 1:19-28)

1-2 ሄ ዋይ ጸማቅያ ዮሃንስ አሳ፣ “ሳሉዋ ካዉተሳይ ማጋቴዳ ድራዉ፣ ህንተ ናጋራጥ ሰምተ” ያጊደ፣ ይሁዳ መላ ቢጋን ኦዲደ ዬዳ።

3 እያዉ ጎጥ፣ ናብያ ኢሰያስ፣ ዮሃንሳባ ኦዲደ፣

“እቲ መላ ቢጋን ባረ ቃላ ቶቁ ኦላደ፣

ኅዳ ኦግያ ጊግስተ።

እ ሄመጋጋና ሎሱዋካ

እዉ ሰት ኦሐተ” ጌዳ”

ያጌዴ።

4 ዮሃንሳዉ ጋሉዋ እስክያ ዳይቴዳ ማዩ ደኤ፤ ቃይ ባረ ጸሳን ዳፋዋ ደንጨዳ፤ እ ምያ ቁማይካ ቦልያን ባዙዋ ኤሳ።

5 አሳይ ሄ ዋይ ዩሩሳላመጥ፣ ይሁዳ ጋድያ ኡባ ሳጥን ዮርዳኖሳ ሻፋ ሄራን ደእያ ጋድያ ኡባጥ አኮ ዪኖ።

6 ባረንጉ ናጋራ ፓጽና፣ ዮርዳኖሳ ሻፋን አሳ ጸማቁዳ።

7 ሸን ዮሃንስ ዳር ፓርሳዋቲነ \* ሳዲቃዋናቲ † ጸማቅጋናዉ ባረኮ ይያዋንጋ በኢደ፣ “ሀ ሾሻቶ፣ ጸሳ ሀንቀ ያና ሀንያዋጥ አጋና ማላ፣ ህንተዉ ኦኔ ኦዳዳዌ?

8 ስም ህንተ፣ ህንተንጉ ናጋራጥ ሰሜዳዋ ኤርሰያ ኦሱዋ፣ ኦሐተ።

2:14-15 ሆስ 11:1 2:17-18 ኤር. 31:15 † 2:23 ሀዋ ጌዳዌ ኦንጎቶ ኤርተና። 2:23 ማር. 1:24፤ ሉቃስ 2:39፤ ዮሃ. 1:45 3:1-2 ማጥፋ 4:17፤ ማር. 1:15 3:3 እሳ. 40:3 3:4 1 ካጋ. 1:8 \* 3:7 ፓርሳዋቲዋ፣ ጉሳይ እይሁዳ እሳቲዋ ካለልያ እሳቲዋ ግደጥ ግዲደ ገሻ ቃላን ካስ ኤጫ ጫቁዋ ግደን ደእያ ቃላ ዋጋ ኡባን እማንያዋንጋ። † 3:7 ሳዲቃዋናቲዋ፣ ጉሳይ እይሁዳ እሳቲዋ ካለልያ እሳቲዋ ግደጥ ግዲደ ገሻ ቃላን ካስ ኤጫ ጫቁዋ ግደን ደእያ ቃላ ዋጋጥ ሙሴ ጸዲዳ ኮይር እሹቹ ማጻፋቲዋ ግደን ደእያ ዋጋቲዋ ጸላላን እማንያዋንጋ።

9 ህንተ ህንተንቱ ዋዛናን፣ ላብራሃሙ ኑ አባ፣ ጊደ ቆጥያዋ ህንተው ማላቶ። እያው ጎጥ፣ ታን ህንተንቶ አዳይ፤ ጸሳይ ሀ ሹቻቱዋጥ አብራሃሞ ናና ኦል ደንጎናው ዳንዳይ።

10 ቤጽ ሞላ ጸጸዋን ቃንጸናው ጊገ ኡቲዳ፤ ሎኦ አይፍያ አይፈና ሞላ ኡባይ ቃንጸቲደ፣ ታማን የገታና።

11 “ህንተ ህንተንቱ ናጋራጥ ሰምያዋ በሳናው፣ ታን ህንተና ሃላን ጸማቃይ፤ ሽን ታጥ ጉየና ይያዌ፣ ህንተንታ ጌሻ እያናንነ ታማን ጸማቃና። ፳ አ ታጥ ዳሮ ሞኔ፤ አ ጫማ ቶካናውካ ታን በሰያ አሳ ግድከ።

12 አ ኩሽያን ካላ ሰጸያ ላይዳይ ደኤ። ኡዳማን ደእያ ካላ ሎይል ጌሼ፤ ባረ ዛርጋ ድይያን ቆላና፤ ሽን ዳላ ቶኤና ታማን ጉዳና” ያጌዳ።

የሱስ ጸማቀቲዳ  
(ማር. 1:9-11፤ ሉቃሳ 3:21-22)

13 የሱስ ሄ ዋደ ዮሃንሳን ጸማቀታናው፣ ጋሊላጥ ዮርዳኖሳ ጌተትያ ሻፋ እኮ ቤዳ።

14 ሽን ዮሃንሰ፣ “ታን ኔናን ጸማቀታናው በሰያ ዋደ፣ ኔን ታኮ ያይ?” ያጌደ፣ አ ድጋናው ኮዬዳ።

15 ሽን የሱስ ዛሪደ አ፣ “ኑን ጽሎተላ ኦሱዋ ኡባ ሀዋዳን ፖላናው በሰያ ድራው፣ ሀእ ታው ኤኖ ጋ” ያጌዳ። ዮሃንሰካ እው ኤኖ ጌዳ።

16 የሱስ ጸማቀቶዋጥ ጉይያን፣ ኤላካ ሃላጥ ከሴዳ፤ ሳሎ ደየትና፣ ጸሳ አያናይ ሀራጽያዳን ሳሉዋጥ ዋጂደ ባረ ቦላ ይያ ዋደ በኤዳ፤

17 ቃይ ሳሉዋጥ፣ “ታን ሲቅያ፣ ታና ናሽቶያ፣ ታ ናእይ ሀዋ” ያግያ ቃላይ ዬዳ።

### 4

የሱስ ፓጨቲዳ  
(ማር. 1:12-13፤ ሉቃሳ 4:1-13)

1 ሄዋጥ ጉይያን፣ ጸላህያን ፓጨታና ማላ፣ ጌሻ አያናይ አሳይ ደኤና ሳኦ የሱሳ አፌዳ።

2 የሱስ አይታሙ፣ ጋላሳን አይታሙ፣ ቃማ ጸዋዋጥ ጉይያን ከሻቲዳ።

3 ጸላሂ ዪደ አ፣ “ኔን ጸሳ ናኦ ግደጥ፣ እነ ሀ ሹቻቱዋ ኡክላ ግዳና ማላ ጋ” ያጌዳ።

4 ሽን የሱስ ዛሪደ፣ “ጸሳ ማጸፋን፣ አሳይ ጸሳይ ሃሳይያ ቃላ ኡባን ደእናጥ አትን፣ ኡክላ ጸላላን ደኤና” ያገት ጸፈቲዳ” ያጌዳ።

5 ሄዋጥ ጉይያን፣ ጸላሂ የሱሳ ጌሻ ካታማ እፍ ጌሻ ጎልያ ጼራን ኤሲደ።

6 “ኔን ጸሳ ናኦ ግደጥ፣ እነ ዱገ ኩንዳ። እያው ጎጥ፣ ጸሳ ማጸፋን፣

“ ጸሳይ ባረ ኪታንቻቱዋ

ነው አዛዛናዋ”

ቃይ ኣኡንቲንቲ ነ ገዲ ሹቻን ጹበተና ማላ፣

ባረንቲ ኩሽያን ኔና ደንጎናዋንታ”

ያገት ጸፈቲዳ” ያጌዳ።

7 የሱስ ዛሪደ አ፣ “ቃይካ ጸሳ ማጸፋን፣ ሳዳ ነ ጸሳ ፓጮጋ” ያገት ጸፈቲዳ” ያጌዳ።

8 ቃይ ጸላሂ የሱሳ እት ዳሮ ዋልቃማ ደርያ ጼራ ከሲደ፣ ሀ አላምያን ደእያ ካውተላ ኡባን ኡንቲንቲ ቦንቸዋ

9 በሲደ አ፣ “ኔን ታው ጉልባታደ ጎይኖጥ፣ ታን ሀዋ ኡባ ነው እማና” ያጌዳ።

10 ሄ ዋደ የሱስ ዛሪደ አ፣ “ላ ሀ ቤጻናው ሃካ፤ እያው ጎጥ፣ ጸሳ ማጸፋን፣ ሳዳው፣ ነ ጸሳው ጎይና፤ አ ጸላላ ጎሽታን ጌተት ጸፈቲዳ” ያጌዳ።

11 ሄዋጥ ጉይያን፣ ጸላሂ የሱሳ አግና፣ ኪታንቻቱ ዪደ፣ እው ኡሌድና።

የሱስ ባረ ታማርሰያ ኦሱዋ ጋሊላን ደሜዳ

(ማር. 1:14-15፤ ሉቃሳ 4:14-15)

12 ዮሃንሰ ቃሽቲዳዋ የሱስ ሰሴዳ ዋደ፣ ጋሊላ ጌተትያ ጋድያ ቤዳ።

13 ናዝሬተጥ ከሲደ፣ ቅፍርናሆማ ካታማ ቢደ፣ ያን ደኤዳ፤ ቅፍርናሆማ ዛብሎናንነ ንፍታሊመ ጋድያን ደእያ ጋሊላ አባ ማታን ደኤ።

14 ሀዋ ሀኔዳዌ ናብያ ኢሰያሰ።

15 “ዛብሎን ጋድያንነ ንፍታሊመ ጋድያን፣

አባ ኦግያን ዮርዳኖሳ ሻፋጥ ሄፍንላ ባጋን፣

፳ 3:11 ጌሻ እያናንነ ታማን ጸማቃና፣ ጉሳይ የሱስ ዪደ አሳ ጋርሳ እያና አሳተላ ላምያዋ ታማርሰያዋ። 3:17 ደሙሳ 22:2፤ ማዘ. 2:7፤ እላ. 42:1፤ ማቶሳ 12:18፤ 17:5፤ ማር. 1:11፤ ሉቃሳ 9:35 4:4 ዛረ. 8:3 4:6 ማዘ. 91:11-12 4:7 ዛረ. 6:16 4:10 ዛረ. 6:13

አይሁዳ ግድና አሳይ ደእያ ጋለላን፡

16 ጹማን ደእያ አሳይ፡

ዋልቃማ ፖኤዋ በኤዳ።

ቃይ ሀይቁዋ ኩዋይ ደእያ ጋድያን ኡቴዳዋንት

ፖኤ ከሴዳ”

ያጌዳዌ ፖለታና ማላሳ፡

17 ሄ ዋድያፕ ዶሚደ የሱሱ፡

“ሀንተ ናጋራ ፓጽተ፤ እያዉ ጎፕ፡

ሳሉዋ ካዉተላይ ማታቴዳ ድራሳ”

ገደ ቃላ ኦዴዋ ዶሚዳ።

የሱሱ ባረና ካልያ ኦይዳቱዋ ጸጌዳ

(ማር. 1:16-20፤ ሉቃሳ 5:1-11)

18 የሱሱ ጋለላ አባ ማታና አፏደ፡ ላኡ እሻቱ ጸጽሮሳ ጌተትያ ሰዋንን አ እሻ እንድራሱ፡ ሞልያ አይቁያዋንታ ግደ ድራዉ፡ ዳባ \* አባን የግያዋንታ በኤዳ።

19 ኡንቱንታ፡ “ታና ካልተ፤ ታን ሀንተና ሞልያ ኦይቁያዋዳን አሳ ታኮ አሀያ ኦግያ ታማርሳና” ያጌዳ።

20 ኡንቱንታ ኤለካ ባረንቱ ዳባ አገደ፡ የሱሳ ካሌድና።

21 የሱሱ ሄዋፕ ሰንሳኮ ቢደ፡ ሀራ ላኡ እሻቱዋ፡ ዛብድዮሳ ናና ያቆባን አ እሻ ዮሃንሳ በኤዳ፤ ኡንቱንቱ ባረንቱ አዉዋ ዛብድዮሳና ሃሳ ቦላን ብያ ዋንግርያ ግደን ባረንቱ ዳባ ጊገሰያዋንታ በኤዳ፡ ጸሴዳ።

22 ኡንቱንቱ ኤለካ ሃላን ብያ ዋንግርያን ባረንቱ አዉዋ አገደ፡ የሱሳ ካሌድና።

የሱሱ ጮራ አሳ ታማርሴዳን ፓሌዳ

(ሉቃሳ 6:17-19)

23 የሱሱ አይሁዳ ዋሳ ጎለቱዋን ታማርሴዳ፡ ካዉተላ ምሽራቹዋ ቃላ ኦዲድን ቃይ ሀርግያ ኡባፕን ሳኩዋ ኡባፕ አሳ ፓሌዳ፡ ጋለላ ጋድያ ኡባን ዩዬዳ።

24 አ ዋሪ ሶርያ ጋድያ ኡባ ጋኬዳ፤ ዲማ ዲማ ሀርግያን ኦይቀቲደ ሀርጌዳ አሳ ኡባ፡ ጸላሀቱዋን ኦይቀቲዳዋንታ፡ ዩጩዋ ሳኩ ደእያዋንታ፡ ቃይ ጉንዴዳዋንታ አሳይ የሱሳኮ አሄዳ፤ አ ኡንቱንታ ፓሌዳ።

25 ጮራ አሳይ ጋለላፕ፡ ታሙ ካታማቱዋ፡ የሩሳላሙፕ፡ ይሁዳፕን ዮርዳኖሳፕ ሄፍንላን ደእያ ጋድያፕ የሱሳ ካሌድና።

### 5

የሱሱ ደርያ ቦላን ግዲደ ታማርሴዳ ትምርትያ

(5:1—7:29)

1 የሱሱ ጮራ አሳ በኤዳ፡ ዩደ ደርያ ከሲደ ኡቴዳ፡ አ ካልያዋንቱ አኮ ሸቄድና።

2 ኡንቱንታ ሀዋዳን ያግ ታማርሴዋ ዶሚዳ።

ቱሙ አንጃዋ አክያ አሳቱዋ

(ሉቃሳ 6:20-23)

3 “ባረንቱ እያና ደኡዋን፡

ሀይሳ ግዴዳዋ ኤርያዋንቱ አንጀቴዳዋንታ፤

እያዉ ጎፕ፡ ሳሉዋ ካዉተላይ ኡንቱንቱሳ።

4 ካዮትያዋንቱ አንጀቴዳዋንታ፤

እያዉ ጎፕ፡ ጸሳይ ኡንቱንታ ምንሳና።

5 አሸከ ግዴዳዋንቱ አንጀቴዳዋንታ፤

እያዉ ጎፕ፡

ኡንቱንቱ ሳኦ ላታና።

6 ጽሎተላ ከሻትያዋንቱን ሳሙትያዋንቱ፡ \*

አንጀቴዳዋንታ፤

እያዉ ጎፕ፡ ጸሳይ ኡንቱንታ ካልሳና።

4:16 እሳ. 9:1-2 \* 4:18 ዳባ- ሀዋ ጉሳይ ሞልያ ጸራሬዉ ዋይ ኦይቃናዉ ሃላን የግያ እሚሉዋን ማራብያ ግያዋ።  
5:4 እሳ. 6:1-2 5:5 ማዘ. 37:11 \* 5:6 ሀዋ ብለላይ ጸሳዉ ኤኖ ግያዋንታ ዋይ ሎኦባ ዋይ ቱሞባ ኦልያዋንታ ጉሳ።



7 ማርያዋንቱ እንጀቴዳዋንታ፤  
እያዉ ጎጥ፡

ጸሳይ ኡንቱንታ ማራና።

8 ዋዛና ጌሻቱ እንጀቴዳዋንታ፤  
እያዉ ጎጥ፡

ኡንቱንቱ ጸሳ በእና።

9 አሳ ሰገልያዋንቱ እንጀቴዳዋንታ፤  
እያዉ ጎጥ፡ ጸሳይ ኡንቱንታ፡

ባረ ናና ጌደ ጸሳና።

10 ጽሎተላ ድራዉ፡

የደርሰትያዋንቱ እንጀቴዳዋንታ፤

እያዉ ጎጥ፡ ሳሉዋ ካዉተላይ ኡንቱንቱሳ። †

11 “ህንተ ታና ካልያ ድራዉ፡ አሳይ ህንተና ቦርያ ዎደነ ዋይሰያ ዎደ፡ ቃይ ህንተ ቦላ ኢታባ ኡባ ዎርዱዋን ሃሳይያ ዎደ፡ ህንተ እንጀቴዳዋንታ።

12 ህንተዉ ሳሉዋን ዎልቃማ ዎይታይ ደእያ ድራዉ፡ ናሽተት፤ ሀሹ ጌተ፤ እያዉ ጎጥ፡ አሳይ ህንተጥ ካሰ ደኤዳ ናባቱዋ ሄዎዳን የደርሴድና።

**ማጽናንያን ፖኡዋ ለምሱዋ**

(ማር. 9:50፤ ሉቃሳ 14:34-35)

13 “አሳ ኡባዉ ህንተ ማጽነ ማላ፤ ሽን ማጽኒ ማልእና ጳዮጥ፡ ዛሪደ አ ዎት ማልኤላኔ? ካረ ኦልና፡ አሳይ እ የቶ ሀመታናጥ አትን፡ ሰንላዉ እይነ ማደና።

14 “ሀ አላመዉ ህንተ ፖኡ፤ ደርያ ሁጲያን ኬጸቱዳ ካታማይ ጌማና ዳንዳየና።

15 ጸምጥያ ጸምጥደ፡ ሰይን ደእያ አሳ ኡባዉ ፖኡና ማላ፡ ቶቂያ ሳን ዎልጥ አትን፡ ካምያ ሚሻ ግደን ቁምእ ዎልያ አሳይ ኦንነ ባዎ።

16 ሄዎዳንካ፡ አሳይ ህንተ ኦልያ ሎኦ ኦሱዋ በኢደ፡ ሳሉዋን ደእያ ህንተ እዉዋ ቦንቻና ማላ፡ ህንተ ፖኡ አሳ ሰንላን ፖኡ።

**ሙሴ ህግያባ**

17 “ታን ሙሴ ህግያን ናባቱ ታማርሰያዋ † ጳይሳናዉ ዬዳዋ ህንተዉ ማላቶፖ፤ ታን ፖላናዉ ዬዳዋጥ አትን፡ ጳይሳናዉ ያበይከ።

18 እያዉ ጎጥ፡ ታን ህንተዉ ቱሙዋ ኦዳይ፤ ሳሉነ ሳእይ እጳና ጋካናዉ፡ ቃይ ኡባባይካ ፖለታና ጋካናዉ፡ ስ ህግያጥ እት ጫቻይካ ዎይ ቁር ፕደሊካ እ□ና።

19 ሄዎ ድራዉ፡ ሀ እዛዙዋ ኡባጥ ጉጽያ እት እዛዙዋ መንልያ ኡራይ ኦንነ፡ ቃይ ሀራቱካ ባረዋዳን ሀናናዳን ታማርሰያ ኡራይ ኦንነ፡ ሳሉዋ ካዉተላን ኡባጥ ጉላ ግዳና፤ ሽን እዛዙዋ ኡልያዌነ ሀራንቱካ ኦላናዳን ታማርሰያዌ ኦንነ ሳሉዋ ካዉተላን ቶቃ ግዳና።

20 እያዉ ጎጥ፡ ህንተ ጽሎተላይ ሙሴ ህግያ ታማርሰያዋንቱ ጽሎተላጥነ ፓርሳዋቱዋ ጽሎተላጥ ዳራና ጳዮጥ፡ ሳሉዋ ካዉተላ ህንተ ሙሉ ገለናዋ ታን ኦዳይ።

21 “በን አሳዉ፡ ኦሳ ዎቶፓ፤ አሳ ዎቶዳ ኦንነ ፕርደታና፡ ጌዳዋ ሰሴድታ።

22 ሽን ታን ህንተዉ ኦዳይ፤ ባረ እሻ ህንቀትያ ኡባይ ፕርደታና፤ ባረ እሻ ቦርያ ኡባይ ሻንጉዋ ፕርዳዉ ሽቃና፤ ቃይ ባረ እሻ፡ ‘ጹሎዌ’ ግያ ኡባይ ጋናምያ ታማ ፕርዳዉ ሽቃና።

23 ሄዎ ድራዉ፡ ኔን ያርሽያሳን ያርሽሽን፡ ነ እሻ ናቁዳባይ ነዉ ሄዎን ሀሳየቶጥ፡

24 ነ ያርሹዋ ሄዋን አጋደ ባ፤ ካሰታደ ነ እሻና ሰገታ ድጋ፤ ሄዎጥ ካላ ያደ፡ ነ ያርሹዋ ያርሻ።

25 “ኔና ሞትያዋና ዎደ ደእሽን ኤለ አናና ሰገታ ድጋ፤ ሄዎ ጳዮጥ፡ እ ኔና ዳና ሰንላ አላና፤ ቃይ ዳናይ ኔና ፖልሰዉ እል እምና፡ ፖልሰ ኔና ቃሾ ጎለን የጋና።

26 ታን ነዉ ቱሙዋ ኦዳይ፤ ኔን እት ሳንትሚ አተናን፡ ነ ማጋጨዋ ዉርሳደ ጭጋና ጋካናዉ፡ ሙሊካ ቃሾ ጎለጥ ከሳካ።

**ዎሹማባዉ እመቶ ትምርትያ**

27 “ ‘ዎሹዋጋ’ ጌዳዋ ሰሴድታ።

28 ሽን ታን ህንተዉ ያጋይ፤ ‘ማጫዉኖ ጸሊደ እሞትያ ኡባይ፡ ባረ ዎዛና ግደን ሄ ዎደ አናና ዎሹሚዳ።’

† 5:10 ሳሉዋ ካዉተላይ ኡንቱንቱሳ- ጉሳይ ሄ እሳቱ ሳሉዋ ካዉተላ ላታናዉ ዳንዳይያዋንታ ግድያዋ በሴ። † 5:17 ሙሴ ህግያን ናባቱ ታማርሰያዋ፡ ጉሳይ እይኩድያ ጌሻ ማጸፋ፤ ሄዌኔካ ኤጫ ጫቁዎ። § 5:18 ኡባባይካ ፖለታና ጋካናዉ- ጉሳይ ቃላይ ታማርሰያ ኡባይ ቱሞተላን ቆንጫና ጋካናዉ። 5:21 ከሳ 20:13፤ ዛረ. 5:17 5:27 ከሳ 20:14፤ ዛረ. 5:18

29 ነ ኡሸቻ አይፊ ኔና ናጋራ ኦሰሰጥ፡ ኔጥ ዋጫደ ኦላ አጋ፤ አያዉ ጎጥ፡ ነ ቦላይ ሙሉካ ጋናምያ ታማን ኦላትያዋጥ፡ አጥ አቱ ፓጭንቶ ነዉ ሎአ።

30 ቃይ ነ ኡሸቻ ኩሺ ኔና ናጋራ ኦሰሰጥ፡ ኔጥ ቃንጸደ ኦላ አጋ፤ አያዉ ጎጥ፡ ነ ቦላይ ሙሉካ ጋናምያ ታማን ኦላትያዋጥ፡ አጥ አቱ ፓጭንቶ ነዉ ሎአ።

ማቶያ የደናዳን እመቶ ትምርትያ  
(ማቶሳ 19:9፤ ማር. 10:11-12፤ ሉቃሳ 16:18)

31 “ ቃይ ባረ ማቻቶ የድያ ኦንነ እዞ የድያ ፓራማ አሞ፣ ጌተቱዳ።

32 ሸን ታን ህንተዉ ያጋይ፤ ብረ ማቻታ ዋሹመናን ደእሸን የድያ ኦንነ እዞ ዋሹማ ከሴ፤ ቃይ አሰናይ የዱዳ ሞሽራቶ አክያዌ ኦንነ ዋሹሜ።”

ጫቀናዳን እመቶ ትምርትያ

33 “ቃይ በን አሳዉ፡ ሞርዱዋን ጫቆጋ፤ ሸን ነ ጎዳዉ ጫቁዳዋ ፖላ፣ ጌዳዋ ሰሴድታ።

34 ሸን ታን ህንተዉ ያጋይ፤ ሎካካ ጫቆጥተ፤ ሳሉ ጸሳ ካዉተላ ኦይድያ ግድያ ድራዉ፡ ሳሉዋን ጫቆጥተ።

35 ቃይ ሳአይ አ ገዱ የድያ ሳ ግድያ ድራዉ፡ ሳአን ጫቆጥተ፤ ቃይካ፡ የሩሳላመ ዋልቃማ ካትያ ካታማ ግድያ ድራዉ፡ የሩሳላመንካ ጫቆጥተ።

36 ኔን አት ብናናካ ቦላ ዋይ ካረላ ከሳናዉ ዳንዳየና ድራዉ፡ ሳ ሁጸያንካ ጫቆጋ።”

37 ሸን ህንተ፡ ሎ፣ ዋይ፡ ፣ግድና፣ ጌተ፤ ሀዋንቱጥ ሀራይ ሴጻናጥ ዬ።

ኢታ ኢታን ዛረናዳን እመቶ ትምርትያ

(ሉቃሳ 6:29-30)

38 “ አይፍያ ድራዉ አይፍያ፤ አቻ ድራዉ አቻ፣ ጌዳዋ ሰሴድታ።

39 ሸን ታን ህንተዉ ያጋይ፤ ሳሉዋን ደእያ ህንተ አዋ ናና ግዳና ማላ፡ ህንተ ሞርከቱዋ ሰቅተ፤ ህንተና ሸቂያዋንታ አንጅተ፤ ህንተና እጽያዋንቶ ሎኦባ ኦልተ፤ ህንተና የደርሰያዋንቶ፡ ጸሳ ዋሰተ፤ አያዉ ጎጥ፡ ኢታ አሳዉካ ሎኦ አሳዉካ ጸሳይ ባረ አዋ አዋጽሴ፤ ቃይ ጽላቶካ ናጋራንቻቶካ ባረ አራ ቡክሴ።

40 ነ ሻምጭያ አካናዉ አት ኡራይ ኔና ሞቶጥ፡ ሄ ኡራዉ ነ ኩትያካ ጌጃ አማ።

41 ኦንነ ኔና አት ሳትያ ኦግያ ባረናና ባናዳን ዋልቃንሳጥ፡ አናና ላኡ ሳትያ ኦግያ ባ።

42 ኔና ዋሰያ ኡራዉ አማ፤ ቃይ ኔጥ ታልእና ኮይያ ኡራዉካ ድጎጋ።”

ሞርክያ ሲቃና ማላ እመቶ ትምርትያ

(ሉቃሳ 6:27-36)

43 “ ሳ ላገላቱዋ ሲቃ፤ ነ ሞርክያ ሞርካ፣ ጌዳዋ ሰሴድታ።

44-45 ሸን ታን ህንተዉ ያጋይ፤ ሳሉዋን ደእያ ህንተ አዋ ናና ግዳና ማላ፡ ህንተ ሞርከቱዋ ሰቅተ፤ ህንተና ሸቂያዋንታ አንጅተ፤ ህንተና እጽያዋንቶ ሎኦባ ኦልተ፤ ህንተና የደርሰያዋንቶ፡ ጸሳ ዋሰተ፤ አያዉ ጎጥ፡ ኢታ አሳዉካ ሎኦ አሳዉካ ጸሳይ ባረ አዋ አዋጽሴ፤ ቃይ ጽላቶካ ናጋራንቻቶካ ባረ አራ ቡክሴ።

46 ህንተ ህንተና ሲቃዋንቱ ጸላላ ሲቆጥ፡ ህንተዉ አይ ዋይታይ ደኢ፣ ሀራይ አቶ፡ ናጋራንቻቱካ ሄዋዳን ኦሊፍ።

47 ህንተ ህንተንቱ አሻቱዋ ጸላላ ሳርቶጥ፡ ሀራቱ ኦልያዋጥ አድያባ አያ ኦሌድቱ፣ ሀራይ አቶ፡ አይሁደ ግድና አሳይካ ሄዋዳን ኦሌ።

48 ሄዋ ድራዉ፡ ሳሉዋን ደእያ ህንተ አዉ ፖሎ ግደዋዳን፡ ህንተካ ፖሎ ግድተ።

# 6

ህዬሳዉ እምያ ማራ ታማርሱዋ

1 “ህንተ ሎኦ ኦሱዋ አሳ በሳናዉ አሳ ሰንላን ኦግ ማላ ናገትተ፤ ሄዌ ጳዮጥ፡ ሳሉዋን ደእያ ህንተ አዉ ህንተዉ ጋትያ እመና።

2 “ሄዋ ድራዉ፡ ህንተ አዉደነ ህዬሳዉ እምያ ዋይ፡ ሎኦ ማላትያ ኢታቱ ባረንታ ቦንቶሳናዉ፡ አይሁዳ ዋሳ ጎለን ኦግያን ሀራን በኤታናዉ ኦልያዋዳን ኦላጥተ፤ ታን ህንተዉ ቱሙዋ ኦዳይ፤ ኡንቱንቱ ባረንቱ ጋትያ አክ ድጌድፍ።

3-4 ሸን ኔን ህዬሳዉ እምያ ዋይ፡ ጌማን እማናዳን፡ ነ ኡሸቻ ኩሺ ኦልያዋ ሀድርሳ ኩሺ ኤርፖ።

\* ጌማን ኦሌዳዋ በእያ ነ አቡ፡ ነ ሎኦ ኦሱዋ ጋትያ ዛራናዋ።

5:29 ማቶሳ 18:9፤ ማር. 9:47 5:31 ዛር. 24:1-4፤ ማቶሳ 19:7፤ ማር. 10:4 5:32 ማቶሳ 19:9፤ ማር. 10:11-12፤ ሉቃሳ 16:18፤ 1 ቆር. 7:10-11 5:33 ዋጋ 19:12፤ ፓይ. 30:2፤ ዛር. 23:21 5:35 ኢላ. 66:1፤ ማዘ. 48:2 5:38 ከሳ 21:24፤ ዋጋ 24:20፤ ዛር. 19:21 5:43 ከሳ 19:18 5:48 ከሳ 19:2፤ ዛር. 18:13

\* 6:3-4 ኡሸቻ ኩሺ ኦሌዳዋ ሀድርሳ ኩሺ ኤርፖ፡ ጉሳይ ጸላጥ አትን፡ ኦንነ ኤርፖ ጉሳ።

ዎሳባ

(ሉቃሳ 11:2-4)

5 “ጸሳ ዋሲደ፣ ሎስ ማላትያ ኢታቱዋዳን ሀኖፕተ፤ እያዉ ጎፕ፣ ባረንታ አሳይ በእና ማላ፣ እይሁዳ ዎሳ ጎለንነ ኦግያ ደናን ኤቂደ፣ ጸሳ ዋሲያዋ ደሲኖ፤ ታን ህንተዉ ቱሙዋ ኦዳይ፤ ኡንቱንቱ ባረንቱ ጋትያ ኡባካ እኪድኖ።

6 ሸን ኔን ጸሳ ዋሲያ ዎደ፣ ነ ጎለ ገላ፤ እፍሳ ቃቻደ፣ ቤተና ነ እዉዋ ዎሳ፤ ጌማን ኦሰቶዋ በእያ ነ እቡ ነዉ አማናዋ።

7 “ጸሳ ህንተ ዎሲያ ዎደ፣ ጸሳ አማነና አሳዳን፣ ጮ መላ ዛረሉዋ ዳርሶፕተ፤ ኡንቱንቱ ሃሳያ ዳሩዋን ሰሰቱ ጌደ ቆፒኖ።

8 ሄዋ ድራዉ፣ ሄ አሳዳን ሀኖፕተ፤ እያዉ ጎፕ፣ ህንተ እቡ ህንተና ኮሸያዋ ህንተንቱ ዎሳናፕ ካሰቲደ ኤራ።

9 “ሰም ህንተንቱ ሀዋ ማላ ዎሳ ዎሰተ፤

“ ሳሉዋን ደእያ ኑ እቦ፣  
ነ ጌሻ ሱንሳይ አንጀቶ።

10 ነ ካዉተሳይ ዮ፤  
ነ ሸኒ ሳሉዋን ሀኔዳዋዳን፣  
ሳንካ ሀኖ።

11 ጋላሳን ጋላሳን ኮሸያ ቁማ  
ኑዉ ሀቼ እማ።

12 ኑን ኑና ናቆዋንቶ  
አቶ ያግያዋዳን፣  
ኔንካ ኑ ናቆዋ አቶ ጋ።

13 ኑና ኢታባፕ አሻፕ አትን፣  
ፓጭያን ገልሶፓ።

ካዉተሳይ፣ ዎልቃይነ ቦንቹ  
መድናዉካ ኔሳ።

እመንእ።”

14 “ህንተንቱ ህንተና ናቂዳ ሀራ አሳ ናቆዋ አቶ ጎፕ፣ ሳሉዋን ደእያ ህንተንቱ እዉካ ህንተዉ አቶ ጋና።

15 “ሸን ህንተንቱ ህንተና ናቂዳ ሀራ አሳ ናቆዋ አቶ ጋና ቆዮፕ፣ ህንተንቱ እዉካ ህንተ ናቆዋ አቶ ጌና።

ጸማባ

16 “ቃይ ህንተንቱ ጸምያ ዎደ፣ ሎስ ማላትያ ኢታቱዋዳን፣ ካዮትያዋ ማላቶፕተ፤ እያዉ ጎፕ፣ ኡንቱንቱ ጸምያዋ አሳይ በእና ማላ፣ ባረንቱ ሶምእያ ቡላልሲኖ፤ ታን ህንተንቶ ቱሙዋ ኦዳይ፤ ኡንቱንቱ ባረንቱ ጋትያ እኪድኖ።

17-18 “ሸን ህንተንቱ ጸምያ ዎደ፣ ህንተንቱ እቡ ህንተ ጸምያዋ ኤሮፕ አትን፣ አሳይ ኤረና ማላ፣ ህንተ ሶምእያ ሜጨትተ፤ ህንተ ሁጲያካ ኦከትተ፤ ያቶፕ፣ ቤተና ህንተ እዉ ህንተንቱ ኦሳዎዋ ጌማን በእደ፣ ህንተ ጋትያ አማናዋ።

ሳሉዋን ደእያ ሚሻባ

(ሉቃሳ 12:33-34)

19 “ሚሻ ብልእይ ምያሳንነ ብራታይ ሸኪደ ባይዝያሳን፣ ካይሱካ ቦኪደ ዉኢያሳን፣ ሀ ሳኣን ህንተንቱ ሁጲያዉ ዳጋዮፕተ።

20 ሸን ብልእይ ሜናሳንነ ሸኪደ ሳን፣ ካይሱካ ቦኪደ ዉኤና ሳን ህንተንቱ ሁጲያዉ ሳሉዋን ሚሻ ዳጋይተ።

21 እያዉ ጎፕ፣ ነ ዎዛናይ ነ ሚሻይ ደእያ ሳን ደእና።

ቦላ ፖኡዋባ

(ሉቃሳ 11:34-36)

22 “ቦላ ፖኡ አይፍያ፤ ሄዋ ድራዉ፣ ነ አይፊ ፓጻ ግደፕ፣ ነ ቦላ ኡባይ ፖኡ ግዳና።

23 ሸን ነ አይፊ ፓጻ ግዳና ቆዮፕ፣ ነ ቦላ ኡባይ ቆማና፤ ሰም ኔናን ደእያ ፖኡ ቆሞፕ፣ ቆማይ እይ ከና ዳራኔ!

ደኑ ሀርጋናው በሰና  
(ሉቃሳ 16:13፤ 12:22-31)

- 24 “ላኦ ጎዳቶ ሞደታናው ዳንዳይያዌ ኦንነ ባዋ፤ እያው ጎጥ፤ እቱዋ እጸደ፤ የኩዋ ሲቄ፤ ዎይ እቱዋ ቦንቹደ፤ የኩዋ ካጼ፤ እት አሳይ ጸሳውን ሻሎ ሞደታናው ዳንዳየና።
- 25 “ሄዋ ድራው፤ ታን ሀንተንቱ ኦዳይ፤ ሀንተ ደኑ ማናባውን ኡሻናባው፤ ዎይ ሀንተ ቦላው ማያናባው ሀርጎጥ፤ ሸምጥ ቁማጥ አፍ፤? ቃይ ቦላይ ማየዋጥ አፍ፤?
- 26 ፓልያ ካፋቱዋ ጸልተ፤ ኡንቱንቱ ዘርክና፤ ጫክክና፤ ድይያንካ ቆልክና፤ ሸን ሳሉዋን ደእያ ሀንተንቱ አው ኡንቱንታ ሞዜ፤ ሀንተንቱ ኡንቱንቱጥ ሎይል ዳርክቱ?
- 27 ሀንተንቱ ግደን ዳርሰ ሀርጊደ፤ ባረ ጌሳ ቦላ እት ዋቋ ጉጃናው ዳንዳይያዌ ኦኔ?
- 28 “ኣያው ማዮ ሀርጊቱ? ደምባን ደእያ ጨሻቱ ዎት ድጤጫንቶ፤ እኬክ ጸልተ፤ ኡንቱንቱ ዳቡርክና ዎይ ጥቱዋ ሱቁክና።
- 29 ሸን ታን ሀንተንቱ ኦዳይ፤ ሀራይ አቶ፤ ሶሎሞን ሄዋ ኬና ቦንቹቱዳዋ ግዲደ፤ ሄ ጨሻቱዋጥ እቱዋ ማላካ ማይቤና።
- 30 ሸን ላፋ እማኑ ደእያዋንቶ፤ ጸሳይ፤ ሀቼ ደእደ፤ ዎንት ታማን ኤጸያ ደምባ ማታ ማይዝያዌ፤ ሀንተና ኡንቱዋጥ አልደ ዎት ማይዘኔ?
- 31 ሰም፤ ኡን እያ ማኔ? ዎይ እያ ኡሻኔ? ዎይ እያ ማያኔ? ያጊደ ሀርጎጥ።
- 32 እያው ጎጥ፤ ሄ ኡባባ ጸሳ እማንናዋንቱ ዳርሲደ ኮዪና፤ ሄ ኡባይ ሀንተና ኮሸያዋ ሳሉዋን ደእያ ሀንተንቱ አው ኤራ።
- 33 ሸን ካሰቲደ፤ ጸሳ ካውተላን እ ጽሎተላ ኮይተ፤ እ ሀንተንቶ ሄ ኡባባ እማና።
- 34 ሄዋ ድራው፤ ዎንትባው ሀርጎጥ፤ እያው ጎጥ፤ ዎንት ጋላሳይ ባረው ሀርጋና፤ ጋላሳ ኡባውካ እ ሁጳው ግድያ ዋዪ ደኤ።

7

ሀራ አሳ ቦላ ጥርዳናው ኮሸና  
(ሉቃሳ 6:37-42)

- 1 “ጸሳይ ሀንተንቱ ቦላ ጥርደና ማላ፤ ሀንተካ ሀራቱዋ ቦላ ጥርደጥ።
- 2 እያው ጎጥ፤ ሀንተንቱ ሀራቱዋ ቦላ ጥርደያዋዳን፤ ጸሳይ ሀንተንቱ ቦላ ጥርዳና፤ ቃይ ሀንተንቱ ሀራቶ እማናው ማክያባን እ ሀንተው ማካና።
- 3 ነ እይፍያን ደእያ ቱሳ በእካ፤ ሸን ነ እሻ እይፍያን ደእያ ሱላ እያው ጸላይ?
- 4 ዎይ ነ እይፍያን ቱሳይ ደእሸን፤ ኔን ነ እሻ፤ ኡን ነ እይፍያጥ ሱላ ከሶ፤ ዋናደ ጋናው ዳንዳይያይ?
- 5 ላ ሀ ሎኡዋ ማላትያ ኢታው! ካሰታደ ነ እይፍያጥ ቱሳ ከሳ ድጋ፤ ሄዋጥ ጉይያን፤ ነ እሻ እይፍያጥ ሱላ ከሳናው ጌሻደ ጸላናው ዳንዳያ።
- 6 “ጌሻባ ካናቶ እዋጥ፤ ኡንቱንቱ ጉዮ ሰሚደ፤ ሀንተና ሳእና። ቃይ እንቁዋ ጌተትያ ሀንተንቱ አልኦ ሹቻ ጉዳንላቱዋ ሰንላን ኦሎጥ፤ ኡንቱንቱ ባረንቱ ገድያን የፋና።

ዎሰተ፤ ኮይተ፤ ካርያኮ ዪደ ጸሰተ  
(ሉቃሳ 11:9-13)

- 7 “ዎሰተ፤ ሀንተ እካና። ኮይተ፤ ሀንተ ደማና። ካርያኮ ዪደ ጸሰተ፤ ሀንተው ጥንጊ ደየታና።
- 8 እያው ጎጥ፤ ዎሰያ ኡባይ እካና፤ ኮይያ ኡራይ ደማና፤ ቃይ ካርያኮ ዪደ ጸሰያ ኡራው ጥንጊ ደየታና።
- 9 ዎይ ሀንተንቱ ግደን ባረ ናእይ፤ ኡክላ እማ፤ ጎጥ፤ ሹቻ እምያ አው ደኢ?
- 10 ቃይ፤ ‘ዋልያ እማ፤ ጎጥ፤ አው ሹሻ እማናዌ?
- 11 ሀንተንቱ ኢታ ግዲደ፤ ሀንተንቱ ናናቶ ሎኡባ እምያዋ ኤርጥ፤ ያትና፤ ሳሉዋን ደእያ ሀንተንቱ አው ባረና ዎሰያዋንቶ ሎኡባ ዎት ዳርሰ አመኔ!
- 12 “ሄዋ ድራው፤ ሀራ አሳይ ሀንተው ኦላናው ኮይያ ኡባባ ሀንተካ አሳው ኦላተ፤ እያው ጎጥ፤ ሙሴ ህግያ ብላላይን ናባቱ ታማርሰያዌ ሀዋ።

እንእ ጥንግያባ  
(ሉቃሳ 13:24)

- 13 “ኣንእ ጥንግያና ገልተ። እያው ጎጥ፤ ባየላው አፍያ ጥንጊ እኩዋ፤ ኦጊካ ዎጋ። ሄዋና ገልያ አሳይካ ጮራ።
- 14 “ሸን፤ ደኑ አፍያ ጥንጊ ኡንእ፤ ኦጊካ ጸንላ። ቃይ ሄዋ ደምያዋንቱካ ጉላ።

ምሳይ ባረ እይፍያን ኤሪቴ  
(ሉቃሳ 6:43-44)

15 “ቦላ ባገና ደርሳ ማላቲደ፣ ሀንተኮ ይያ ዋርዶ ናባቱዋጥ ናገትተ፤ ሸን ኡንቱንቱ ጋርሳ ባገና ዋላቱዋ ማላ።

16 ኡንቱንቱ እይፍያ እይፍያዋን ሀንተ ኡንቱንታ ኤሪና፤ እጉንሳይ ዋደንላ እይፍያ እይፈና፤ ጎምኦሪካ ኮክያ እይፍያ እይፈና።

17 ሄዋዳንካ፣ ሎኦ ምሳ ኡባይ ሎኦ እይፍያ እይፈ፤ ሸን ኢታ ምሳይ ኢታ እይፍያ እይፈ።

18 ሎኦ ምሳይ ኢታ እይፍያ እይፋናዉ ዳንዳየና፤ ቃይ ኢታ ምሳይካ ሎኦ እይፍያ እይፋናዉ ዳንዳየና።

19 ሎኦ እይፍያ እይፈና ምሳ ኡባይ ቃንጸቲደ፣ ታማን የገታና።

20 ሄዋ ድራዉ፣ ሀንተ ኡንቱንቱ እይፍያ እይፍያዋን ኡንቱንታ ኤሪንታ።

21 “ሳሉዋን ደእያ ታ እቡ ጌዳዋ ኦልያ ኡራይ ሳሉዋ ካዉተላ ገላናጥ አትን፣ ‘ጎዳዉ፣ ጎዳዉ’ ግያ ኡባይ ገለና።

22 ፕርዳ ጋለሰ ዳር አሳይ ታና፣ ‘ጎዳዉ፣ ጎዳዉ፣ ኑን ነ ሱንላን ጸሳይ ኪቶዋ ኦድቦይኮ? ነ ሱንላን ጸላሀቱዋ ከሰቦይኮ? ቃይ ኑን ጸሳይ ኦልያ ማላልሰያባ ነ ሱንላን ኦልቦይኮ?’ ያገናዋንታ።

23 ታን ሄ ዋደ ኡንቱንታ፣ ‘ታን ሀንተና ኡባካ ኤርከ፤ ኢታባ ኦልያዋንቱ ሀንተ ታ ማታጥ ሃክተ’ ያገና።

ላኡ ማላ ጎላቱዋ  
(ሉቃሳ 6:47-49)

24 “ሄዋ ድራዉ፣ ሀዋ ታ ቃላ ሰሲደ ኦልያ ኡባይ ምኖ ዛላ ቦላ ባረ ጎልያ ኬጾዳ ዋዛናማ አሳ ማላ።

25 እራይ ቡኪደ፣ ድኡ ድኡዳ፤ ጫርኩካ ጫርኪደ፣ ሄ ጎልያ ሱጌዳ። ሸን ጎላ ምኖ ዛላ ቦላ ኬጾቱዳ ድራዉ፣ ከንድቤና።

26 “ሀዋ ታ ቃላ ሰሲደ ኦልያ አሳይ ኡባይ፣ ባረ ጎልያ ሻፍያ ቦላ ኬጾዳ ቦዛ አሳ ማላ።

27 እራይ ቡኪደ፣ ድኡ ድኡዳ፤ ጫርኩካ ጫርኪደ፣ ሄ ጎልያ ሱግና፣ ጎላ ኤለካ ከንዳዳ። ሄ ጎላ ዋልቃማ ከንደላ ከንዳዳ።”

28 የሱሰ ባረ ሃሳይያዋ ዉርሴዳ ዋደ፣ አሳይ እ ታማርሰያዋን ማላለቲድና።

29 እያዉ ጎጥ፣ እ ኡንቱንታ ታማርሰደ፣ ሙሴ ሀግያ ታማርሰያዋንቱዳን ግደናን፣ ማታይ ደእያ አሳዳን ታማርሰ ድራሳ።

### 8

የሱሰ ኦሎ ኦይቄዳ ብታንያ ፓሌዳ  
(ማር. 1:40-45፤ ሉቃሳ 5:12-16)

1 የሱሰ ደርያጥ ዋጼዳ ዋደ፣ ጮራ አሳይ እ ካሌዳ።

2 ሄ ዋደ ኦሎ \* ኦይቄዳ እት ብታኒ የሱሳኮ ይ እ ሰንላን ጉልባቲደ፣ “ጎዳዉ፣ ነ ሸን ግደጥ፣ ታና ፓላደ ጌሻናዉ ዳንዳያ” ያጌዳ።

3 የሱሰ ባረ ከሸያ የድ እ ቦቺደ፣ “ታን ኮያይ፤ ፓጸደ ጌያ!” ያጌዳ። ኤለካ ኦሎ ብታንያ የድ እጌዳ።

4 የሱሰ እ፣ “ሰም ሀዋ እሰን ኦድፓ፤ ሸን ቄሳኮ ባደ ነ ፓጸደ ጌጼዳዋ እ በሳ፤ ነ ፓጸደ ጌጼዳዋ አሳ ኤርሳናዉ ሙሴ እዛዜዳ ያርሹዋ ጸሳዉ ያርሻ” ያጌዳ።

የሱሰ ጾቱዋ ካፑዋ ቆማ ፓሌዳ  
(ሉቃሳ 7:1-10)

5-6 የሱሰ ቅፍርናሆማ ካታማ ገሌዳ ዋደ፣ እት ሮማ ጋደ ጾቱዋ ካፑ እኮ ዪደ፣ “ታ ጎዳዉ፣ ታ ቆማ ቦላይ ጉንድና፣ ዳር ሳክቲደ፣ ሶይን ግሴዳ፤ ሀያ ጎደ ታዉ ፓሳርኪ” ያግ ዋሴዳ።

7 የሱሰ፣ “ታን ባደ እ ፓላና” ያጌዳ።

8 ሸን ጾቱዋ ካፑ ዛሪደ፣ “ታ ጎዳዉ፣ ኔና ታ ሶይ ገልሳናዉ ታዉ በሰና፤ ሸን ኔን ቃላ ጸላላ ሃሳያ፤ ታ ቆማይ ፓጸናዋ።

9 እያዉ ጎጥ፣ ታን ታጥ ቦላና ደእያዋንቶ ኤኖ ግያ አሳ፤ ቃይ ታጥ ጋርሳና ዋታዳራቱ ደእኖ። ታን እቱዋ፣ ‘ባ!’ ጎጥ ቤ፤ ቃይ የኩዋ፣ ‘ሃያ!’ ጎጥ ዬ፤ ታ ቆማ፣ ‘ሀዋ ኦላ!’ ጎጥ ኦሌ” ያጌዳ።

7:23 ማዘ. 6:8 \* 8:2 ኦሎ ኦይቄዳ አሳ ቦላይ ቦጼ። ሀዋ ሳክያ አሳይ ሄ ዋደ ደእያዋን አሳና ደእያ ዋጋ ኡባጥ ሻከቲደ ደኤ። ቃይካ ጌሻ ግደና ጌተቲደ ሀራ አሳን ጾሰቲ። 8:4 ዋጋ 14:1-32

10 የሱስ ሄዋ ሰሴዳ ዋደ ማላለቲደ፣ ባረና ካልያ አሳ፣ “ታን ህንተው ቱሙዋ ኦዳይ፤ ታን ሀዋ ማላ አማኑዋ ሀራይ አቶ፣ እስራኤልያ ጋድያንካ በእባይከ።

11 ጮራ አሳይ አዋይፊ ደልያ ባገገጥ ወልያ ባገገጥ ዪደ፣ አብራሃሞና፣ ይሳቃና ያቆባና ሳሉዋ ካወተላ ጋይታን እትጥ ኡታናዋንታ ያገይ።

12 ሽን ካወተላን ደአናወ በሰያ አሳይ ዋልቃማ ጴማ ጋርሳ ካረ ኦለታና፤ ሄዋን ኡንቱንቱ ዬካናን ባረንቱ እቻ ጳቃናዋንታ” ያገይ።

13 ሄዋጥ ካላ የሱስ ጴቱዋ ካጥዋ፣ “ሳ ሶይ ባይ፤ ኔን አማኔዳዋዳን ነወ ሀና” ያገይ፤ ጴቱዋ ካጥዋ ቆማይ ሄ ሳትያንካ ገጽ እገይ።

**የሱስ ጮራ አሳቱዋ ኡንቱንቱ ሀርግያጥ ፓሌዳ**  
(ማር. 1:29-34፤ ሉቃሳ 4:38-41)

14 የሱስ ጳጽሮሳ ሶይ ቢደ፣ እ ሶሎታታ ቆጶዋ ሀርጋደ ግሴዳወኖ በኤዳ።

15 እዝ ኩሽያ የሱስ ሶቶና፣ ቆጶ እዝ ባሽ እገይ፤ እዛካ ደንዳደ አወ ምያባ ገግሳዲ።

16-17 ሳእይ አማርሴዳ ዋደ፣ አሳይ ኢታ አያናቱ ኦይቄዳ ጮራ አሳ የሱሳኩ አሄዳ፤ ናብያ ኢሰያስ፣ “እ ኦ ዳቡራ ባረወ አኬዳ፤ ቃይ ኦ ሀርግያካ ቶኬዳ” ያገይዋዌ ገለታና ማላ፣ የሱስ ኢታ አያናቱዋ ባረ ቃላን ከሲደ፣ ሀርገዬ አሳ ኡካን ፓሌዳ።

**የሱሳ ካልያዋንታ ጋዝያ ሙቱዋ**  
(ሉቃሳ 9:57-62)

18 የሱስ ጮራ አሳይ ባረ የሹዋን ደአያዋንታ በኢደ፣ አባጥ ሄፍንሳ ጥናና ማላ፣ ባረና ካልያዋንታ አዛዜዳ።

19 ሄዋጥ ጉይያን ሙሴ ህግያ ታማርሰያ እቱ እኩ ዪደ፣ “ታማርሰያዎ፣ ኔን ብያሳ ኡባ ታን ኔና ካላና” ያገይ።

20 የሱስ አ፣ “ዋራካናቶ ኦላይ ደኤ፤ ካፋቱዋሰካ ኬላይ ደኤ፤ ሽን ታወ፣ አሳ ናአወ፣ ሸምገ አክያሳይካ ባዋ” ያገይ።

21 ቃይ ካልያዋንቱ እቱ የሱሳ፣ “ሳዳወ፣ ታን ሰንሳታ ባደ ታ አባ ሞጋናወ ባ ያጋርኪ” ያገይ።

22 ሽን የሱስ አ፣ “ኔን ታና ካላ፤ ሀይቄዳዋንቱ ባረንቱ እሃ ሞግና” ያገይ።

**የሱስ ጎቱዋን ቤታ ጮኤ ጶሌዳ**  
(ማር. 4:35-41፤ ሉቃሳ 8:22-25)

23 የሱስ ዋንግርያን ገሎደ፣ እ ካልያዋንቱ አናና ቤድና።

24 ቤታይ ዋንግርያ ምታና ጋካናወ፣ አባን ዋልቃማ ሆቢ ደንዳዳ፤ ሽን የሱስ ገምእሹዳ።

25 እ ካልያዋንቱ እኩ ቢደ፣ ገምእሹዋጥ ደንሌድና፤ ሄዋጥ ሰማይ እ፣ “ሳዳወ፣ ኔን ጳዬቶ፤ ኦና አሻርኪ” ያገይና።

26 የሱስ ኡንቱንታ፣ “ሀ አማኑ ገጠቱዋንቶ፣ አያወ ያዪቱ?” ያገይ። ሄዋጥ ጉይያን ደንዳዳ፣ ጎቱዋን ቤታ አግተ ገና፣ ጎቱን ቤታይ ጮኤ ገይ።

27 አሳይ ማላለቲደ፣ “ሀዌ ላ ሀራይ አቶ፣ ጎቱን ቤታይ እዛዘትያዌ አይባ እሴ?” ያገይና።

**የሱስ ኢታ አያናይ ኦይቄዳ ላኡ አሳቱዋ ፓሌዳ**  
(ማር. 5:1-20፤ ሉቃሳ 8:26-39)

28 የሱስ ጋለላ አባጥ ሄፍንሳን ደአያ ገርገሰኖና ጌተትያ ጋድያ ጥኔዳ፤ ኢታ አያናቱ ኦይቄዳ ላኡ አሳቱ ሄ ጋድያን ደአያዋንቱ ዱፋዋጥ ከሲደ፣ አናና ጋከቱድና። ኡንቱንቱ ዳር ኢታ ግድያ ድራወ፣ ኦንን ሄ ኦግናና ኦፋናወ ዳንዳይቤና።

29 ኡንቱንቱ ባረንቱ ቃላ ጴቁ ኦሊደ፣ “ጳሳ ናአወ፣ ኦናና ነወ አይ አላሊ ደኤ? ዋዲ ጋከናን ኦና ሙራናወ ያዲ?” ያገይና።

30 ኡንቱንቱጥ ላፋ ሃክያሳን ጉዲንሳ ወዲ ሄሙቱ።

31 ኢታ አያናቱ የሱሳ፣ “ኔን ኦና ከሰያዋ ግደጥ፣ ህን ጉዲንሳ ወድያ ግደ የዳርኪ” ያገይ ዋሴድና።

32 የሱስ ኡንቱንታ፣ “ቢተ!” ገና ኡንቱንቱ ብታናቱዋጥ ከሰ ቢደ፣ ጉዲንሳቱዋን ገሌድና። ጉዲንሳ ወዲ ኡባይ ካካ ላንቄያና ካጆቲደ፣ አባን ገሊደ፣ ምተት እገይና።

33 ጉዲንሳ ወድያ ሄምያዋንቱ ባቃቲደ ካታማ ብ እገይና፤ ቤዳሳን ኢታ አያናቱ ኦይቄዳ አሳቱ ሀኔዳባ ኡባ ኦዳድና።

34 ሄዋ ሰሴዳ ካታማን ደአያ አሳይ ኡባይ የሱሳና ጋከታናወ ከሴድና፤ እ በኤዳ ዋደ፣ ባረንቱ ጋድያጥ ባና ማላ ዋሴድና።

9

የሱስ ቦላይ ጉንዴዳ ብታንያ ፓሌዳ  
(ማር. 2:1-12፤ ሉቃሳ 5:17-26)

- 1 ሀዋጥ ካላ የሱስ ዋንግርያን ገሊደ፣ አባ ፕሊደ፣ ባሪ ካታማ ዬድ።
- 2 አማራጭ አሳይ ቦላይ ጉንዴዳ እቶ ብታንያ ሻንቻማን ቶኪደ፣ የሱሳኮ አሄድኖ፤ የሱስ አንቱንቱ አማኑዋ በአደ፣ ቦላይ ጉንዴዳ ብታንያ፣ “ታ ናአው፣ ያዮፓ፤ ነ ናጋራይ አቶ ጌተቱዳ” ያጌዳ።
- 3 ህግያ ታማርሰያዋንቱ፣ እቱ እቱ ባሪንቱ ዋዛናን፣ “ላ ሀ ብታኒ ጸሳ ቦላ ኢታባ ሃሳዬ፣!” ያግ ቆፔድኖ።
- 4 የሱስ አንቱንቱ ቆፋ ኤሪደ፣ አንቱንታ ሀዋዳን ያጌዳ፤ “ህንተንቱ ህንተ ዋዛናን ሀዋ ማላ ኢታባ አያወ ቆፒቱ?”
- 5 ሳ ናጋራይ አቶ ጌተቱዳ፣ ያግያዌ ማቱዬ? ዋይ፣ ‘ደንዳ ኤቃይ ሀመታ’ ያግያዌ ማቱ?
- 6 ሽን ሳአ ቦላን ናጋራ አቶ ጋናወ ታወ፣ አሳ ናአው፣ ማታይ ደእያዋ ታን ህንተና ኤርሳና” ያጌደ፣ ሄዋ፣ ጉዮ እ ሄ ቦላይ ጉንዴዳ ብታንያ፣ “ደንዳ ኤቃ፤ ያታይ ነ ሻንቻማ ቶኪደ፣ ነ ጎላ ባ” ያጌዳ።
- 7 ጉንዴዳ ብታኒካ ደንድ ኤቁደ፣ ባሪ ጎላ ቤዳ።
- 8 ሽን ዳር አሳይ ሄዋ በአደ ያዬድኖ፤ አሳዉ ሀዋ ማላ ማታ እሜዳ ጸሳ ጋላቴድኖ።

የሱስ ሌዌያ ማቶሳ ጸሌዳ  
(ማር. 2:13-17፤ ሉቃሳ 5:27-32)

- 9 የሱስ ሄዋና አጂደ፣ ማቶሳ ያግያዌ ቃራጸ ቃንጽያ ሳን ኤቱዳዋ ደሚደ እ፣ “ታና ካላ” ያጌዳ። ማቶሳካ ደንድ ኤቁደ፣ አ ካሌዳ።
- 10 የሱስ ማቶሳ ጎላን ቁማ ማናወ ኤቶ ደእሽን፣ ቃራጸ እክያ ጮራ አሳይነ ናጋራንቻቱ ዪደ፣ አናናን አ ካልያዋንቱና እት፣ ጋይታን ኤቱድኖ።
- 11 እቶ እቶ ፓርሳዋቱ ሄዋ በአደ፣ የሱሳ ካልያዋንታ፣ “ህንተና ታማርሰያዌ ቃራጸ ቃንጽያዋንቱና ናጋራንቻቱዋና ቁማ አያወ እት፣ ማ?” ያጌድኖ።
- 12 ሽን የሱስ አንቱንቱ ዋንግር ያሰሰደ፣ “ሀርጋንቻቱዋ፣ እትን፣ ፓጸቶ እክሚ ኮሸና።
- 13 ሽን ህንተንቱ ቢደ፣ ጸሳ ማጸፋይ፣ “ታን ማርተላ ኮያይ፣ እትን፣ ያርሹዋ ኮይከን ያግያዌ ዋንግርቱን ኤርተ፤ አያወ ጎ፣ ታን ናጋራንቻቱዋ ጸሳናዉ ዬዳዋ፣ እትን፣ ጽላቱዋ ጸሳናዉ ያበይከ” ያጌዳ።

ጸማባ ኦቼዳ ኦሻ  
(ማር. 2:18-22፤ ሉቃሳ 5:33-39)

- 14 ሄ ዋይ ዮሃንሳ ካልያዋንቱ የሱሳኮ ዪደ፣ “ኑን ፓርሳዋቱ ኡባ ዋይ ጸሜቶ፤ ሽን ኔና ካልያዋንቱ አያዉ ጸምክና?” ያጌደ አ ኦቼድኖ።
- 15 የሱስ አንቱንታ፣ “ቡላቻ ዬዳ አሳይ ማቻቶ እክያዌ ባሪንቱና ደእሽን፣ ካዮታናዉ ዳንዳዪኖ? ዳንዳይክኖ፤ ሽን ማቻቶ እክያዋ አንቱንቱ ማታ፣ እፋና ዋዲ ያና፤ አንቱንቱ ሄ ዋይ ጸማናዋንታ” ያጌዳ።
- 16 “ኤጫ ማዩዋ ቦላ ኦራሳ ፍያ ዋሊደ ስክያ አሳይ ባዋ፤ አያወ ጎ፣ ኦራሳ ፍ ኤጫ ማዩዋ ፔፍራና፤ ፔፍራና ካሰዋ፣ ዳራናዋ።
- 17 ሆኦ ዋይንያ ኤሳ ኤጫ አጎሩዋን ናእያ አሳይ ባዋ። ሽን ናኦ፣ ሄ ዋይንያ ኤሳይ አጎሩዋ ዳካና፤ ባሪዉካ ዋሪታና፤ አጎሩካ ባያናዋ። ሽን፣ ሆኦ ዋይንያ ኤሳ ኦራሳ አጎሩዋን ናኦናዉ በሴ፤ ላኡካ ባይክኖ” ያጌዳ።

ያእርሳ ናትባነ የሱሳ ማዩዋ ቦቼዳ ሞሽራትባ  
(ማር. 5:21-43፤ ሉቃሳ 8:40-56)

- 18 የሱስ አንቱንቶ ሄዋ ኦድሽን፣ አይሁደ ዋሳ ጎላ ካፓቱዋ፣ እቱ እኮ ይ እ ሰንገላን ጉልባቲደ፣ “ታ ናታ ሀእ ሀይቃዳ፤ ሽን ኔን ያይ ነ ኩሽያ እዝ ቦላ ዋሳርኪ፤ አዛ ደኡዋን ደእናዉኑ” ያጌዳ።
- 19 የሱስ ደንዲደ፣ ባሪና ካልያዋንቱና እት፣ ብታንያ ካሊደ ቤዳ።
- 20 ሄ ዋይ ታማን ላኡ ላይላ ኩሙንገ፣ እዝ ቦላ፣ ሱሳይ ጎግያ እት ሞሽራታ ጉዮና ሺቃደ፣ የሱሳ ማዩዋ ማጫራ ቦቻዳ።
- 21 ሀዋ እዛ አላዌ፣ እዛ ባሪ ዋዛናን፣ “ታን አ ማዩዋ ጸላላ ቦቻንቶ ፓጸና” ያጋይ ቆፓዳ።
- 22 ሽን የሱስ ዪይ እዞ ጸሊደ፣ “ታ ናቱ፣ ያዮፓ፤ ኔና ነ አማኑ ፓሌዳ” ያጌዳ። ሄ ማንእያን ሞሽራታ ፓጸ አጋዳ።
- 23 የሱስ አይሁዳ ዋሳ ጎላ ካፒዋ ሶይ ጋኬዳ ዋይ፣ ዬኩዋን ድንካ ፑንያ አሳነ ዬክያ አሳ በአደ፣

24 “ካረ ከሰተ፤ ጉላ ናታ ገሞአሻዲ፣ ለትን፤ ሀይቃበይኩ” ያጌዳ። ሄዋጥ ጉይያን አሳይ እ ቦላ ዳሪ ሚጠጡዳ።

25 ሸን ጮራ አሳ ካረ እ ከሴዳዋጥ ጉይያን፤ ጎላ ገሊደ፤ ናት ኩሽያ ኦይቄዳ፤ ናታካ ደንዳ አጋዳ።

26 ሄ ዋሪ፤ ሄ ማንእያን ሄ ጋድያን ኡባን ሰሰቱዳ።

**የሱስ ላኤ ቆቃቱዋ ፓሌዳ**

27 የሱስ ሄዋና አዲደ ብያ ዋደ፤ ላኤ ቆቃቱ ባረገቱ ቃላ ቁቄ ኦሊደ፤ “ዳዊተ ናከጤ፤ ኑና ማራርኪ” ያጌደ እ ካሌድና።

28 የሱስ ጎላ ገሊዳ ዋደ፤ ቆቃቱ እኮ ዩድና፤ የሱስ ኡንቱንታ፤ “ታን ሀዋ ኦላናዉ ዳንዳይያዋ አማኒቱ?” ያጌዳ።

እንቱንቱ፤ “ኤ ጎዳዉ” ያግ ዛሬድና።

29 ሄዋጥ ጉይያን፤ የሱስ ኡንቱንቱ እይፍያ ባረ ኩሽያን ቦቺደ ኡንቱንታ፤ “ሀንተዉ ሀንተንቱ አማኑዋዳን ሀና” ያጌዳ።

30 እንቱንቱ እይፊ ደየት እጌዳ፤ የሱስ ኡንቱንቱ፤ “ሀዋ ኦሰን ኦድፕተ” ያጌደ ምንሲደ ኦዳዳ።

31 ሸን ኡንቱንቱ ቢደ፤ ሄ ጋድያ ኡባን የሱሳባ ኦዳድና።

**የሱስ እት ዱድያ ፓሌዳ**

32 ኡንቱንቱ ከሲደ ብያ ዋደ፤ አማሬዳ አሳይ ኢታ እያናይ ኦይቄና ዱዳዳ ብታንያ የሱሳኮ አሄድና።

33 የሱስ ኢታ እያና ከሴዳዋጥ ጉይያን፤ ዱደ ብታኒ ሃሳዬዳ። አሳይ፤ “ሀዌ ኦራላባ፤ ሀዋ ማላባይ አስራኤልያ ጋድያን ኡባካ ሀንቤና” ያግ ማላለቱድና።

34 ሸን ፓርሳዋቱ፤ “እ ኢታ እያናቱዋ ካቱዋ ዋልቃን ጸላሀቱዋ ከሴ” ያጌድና።

**የሱስ አሳዉ ቃረቱዳ**

35 የሱስ ኡንቱንታ እይሁዳ ዋሳ ጎለቱዋን ታማርሲደን ካዉተላ ዋንጋላ ምሽራቹዋ ኦዳደ፤ ቃይ ሀርግያ ኡባጥን ሳኩዋ ኡባጥ አሳ ፓሊደ፤ ዋጋ ካታማቱዋን ቄር ካታማቱዋ ኡባን ዩዬዳ።

36 ጮራ አሳ በእደ፤ ሄምያ አሳይ ባይና ደርሳዳን አሳይ ሀርገትያ ድራዉን አሳ ማድያባይ ባይና ድራዉ፤ አሳዉ ቃረቱዳ።

37 ያቲደ ባረና ካልያዋንታ፤ “ቆይቻዉ ጋካ ካሳይ ዳራ፤ ሸን ጫክያ አሳይ ጉላ።

38 ሰም ካሳ ጎዳይ ካሳ ጫካናዉ ኦሳንቻቱዋ የዳና ማላ፤ እ ዋሰተ” ያጌዳ።

# 10

**የሱስ ኪቲዳ ታማን ላኤ አሳቱዋባ**

(ማር. 3:13-19፤ ሉቃሳ 6:12-16)

1 የሱስ ባረ ታማን ላኤ ካልያዋንታ ጴሲደ፤ ኡንቱንቱ ኢታ እያና ከሳና ማላ፤ ቃይ ሀርግያ ኡባን ሳኩዋ ኡባጥ ፓላና ማላ፤ ኡንቱንቱ ማታ እማዳ።

2 የሱስ ኪቲዳ ታማን ላኤቱዋ ሰንሳይ፤ ኮይሮዋ ጸጽሮሳ ጌተትያ ሰምናን እ እሻ እንድራሳ፤ ዛብድኖሳ ናና፤ ያቆባን ዮሃንሳ፤

3 ፕልጳሳ፤ ባርታላምሳ፤ ቶማሳ፤ ቃራጸ እክያ ማቶሳ፤ አልፕኖሳ ናኦ ያቆባን ታዶሳ፤

4 ባረ ጋደዉ ቃረትያ ሰምናን የሱሳ አላ እማዳ አስቆርቱ ይሁዳ።

**የሱስ ኪቲዳ ታማን ላኤቱ ታማርሳናዉ ኪተቲድና**

(ማር. 6:7-13፤ ሉቃሳ 9:1-6)

5 የሱስ ሀ ታማን ላኤቱዋ ሀዋዳን ያጌደ ኪቲዳ፤ “እይሁዳ ግደና አሳ ጋድያ ቦፕተ፤ ቃይ ሳማረቱዋ ካታማካ ገሎፕተ፤

6 ሄዋ ድራ ባዬዳ ደርሳኮ፤ እስራኤልያ አሳኮ

7 ቢደ፤ ‘ሳሉዋ ካዉተሳይ ማቴዳ’ ያጌደ ኦድተ።

8 ሀርጋንቻቱዋ ፓላተ፤ እሃ ሀይቁዋጥ ደንላተ፤ ኦሉ ኦይቄዳዋንታ ፓላተ፤ ኢታ እያናቱዋካ ከሰተ። ሀንተንቱ ጮ እኪድታ፤ ጮ እምተ።

9 ዋርቃ ዋይ ብራ ዋይ ሳንትምያ ሀንተንቱ ኪሰያን ኦይቆፕተ፤

10 ዋይ ኦገዉ ቃርጨትያ፤ ዋይ ላኤክልያ ማዩዋ፤ ዋይ ጫማ ዋይ ጸምእ ኦይቆፕተ። እያዉ ሳፕ፤ ኦሳንቻዉ ኮሽያባይ ቁማ።

9:34 10:25፤ 12:24፤ ማር. 3:22፤ ሉቃሳ 11:15      9:35 ማቶሳ 4:23፤ ማር. 1:39፤ ሉቃሳ 4:44      9:36 ፓይ. 27:17፤ 1 ካታ. 22:17፤ 2 ኦዳዋ 18:16፤ ህኪ. 34:5፤ ማር. 6:34      10:7 ሉቃሳ 10:4-12      10:10 1 ቆር. 9:14፤ 1 ጳዎ. 5:18



11 “ህንተንቱ ገልፆ ካታማን ዎይ ቄር ካታማ ኡባን ህንተና ሞካናወ ናሽቲያዌ ኦነንቶ እኩካን ጸሞስተ፤ ህንተንቱ ሄዋፒ ከሳና ጋካናወ። ሄዋን ኡትተ።

12 ቃይ ጎለ ገሊደ ሳርትተ።

13 ሄ ጎለን ደእያ አሳይ ህንተና ሞከፕ። ህንተንቱ ሳርቲዳ ሳርቲይ ኤንቱንታ ጋኮ። ሸን ኤንቱንቱ ህንተና ሞከናን እጸፕ። ህንተንቱ ሳርቲዳ ሳርቲይ ህንተወ ገዮ ሰሞ።

14 ቃይ እት እት ጎለ ዎይ ካታማይ ህንተና ሞከናን ዎይ ህንተንቱ ኦድያዎ ሰሰናን እጸፕ። ሄ ጎለፕ ዎይ ሄ ካታማፕ ከሲደ። ህንተንቱ ገድያፕ ባና ሸጭተ።

15 ታን ህንተወ ቱሙዋ ኦዳይ፤ ጸሳይ ፕርድያ ጋላሰ ሄ ካታማ አሳፕ። ሶዶማ ካታማ አሳወን ጋሞራ ካታማ አሳወ ፕርዳ ካወሸሳና።

ጎዳይ ያናፕ ካሰቲደ፤ የደርሱነ መቱ ሀናና  
(ማር. 13:9-13፤ ሉቃሳ 21:12-17)

16 “በእተ! ታን ህንተና ደርሳ ዋላቱዋ ግዶ የድያዎዳን የዳይ። ሄዎ ድራወ። ሸሻዳን ጭንጫ ግድተ፤ ቃይ ሀራጵያዳን፤ አሸከ ግድተ።

17 ሸን አሳፕ ናገትተ። እያወ ጎፕ። አሳይ ህንተና ፕርዳ ጎለወ አሌደ እማና፤ ቃይ ባረ እይሁዳ ዋሳ ጎለቱዋንካ ህንተና ልሱዋን ፔዳና።

18 ጋድያ እይሰያዋንቱ ሰንላንካ ካታቱዋ ሰንላን ታ ድራወ ህንተንቱ ኤቂደ፤ ኤንቱንቶነ እይሁዳ ግድና አሳ ሰንላን ታወ ማርካ ግድንታ።

19 ሸን ኤንቱንቱ ህንተና ፕርዳወ አላያ ዎደ፤ ህንተንቱ ሃሳናባ ሄ ሳትያን ጸሳይ ህንተወ እሞያ ድራወ። ህንተንቱ ጋናባወነ ዎይ ዋጊደ ሃሳያንቶነ ሀርጎፕተ።

20 እያወ ጎፕ። ህንተንቱን አቂደ ሃሳይያዌ ህንተንቱ አወዋ ጌሻ እያናፕ አትን፤ ሃሳይያዋንቱ ህንተንታ ግድክታ።

21 “እሻይ ባረ አሻ፤ አወ ባረ ናአ ቦላ ደንዳና፤ ናናይ ባረንቱ አትነ አወዋ ቦላ ደንዳደ፤ ኤንቱንታ ዎድሳና።

22 ቃይ አሳይ ኡባይ ህንተንታ ታ ሱንላ ድራወ እጸና፤ ሸን ዉርሰሳይ ጋካናወ ገንጭያዌ አታናዋ።

23 ኤንቱንቱ ህንተና እት ካታማፕ የደርሰፕ። ሀራ ካታማ ቢተ። እያወ ጎፕ። ታን ህንተወ ቱሙዋ ጋይ፤ ታን፤ አሳ ናአይ። ያና ጋካናወ። ህንተንቱ ህንተ ኦሱዋ እሰራሌልያ ካታማ ኡባን ኦሌደ ዉርሰክታ።

24 “ታማርያዌ ባረና ታማርሰያዋፕ ዳረና፤ ቆማይካ ባረ ጎዳፕ ዳረና።

25 ታማርያዌ ባረና ታማርሰያዋ ከና ግድያዌ፤ ቆማይካ ባረ ጎዳ ከና ግድያዌ አወ ግዳና፤ ኤንቱንቱ ጎለ ጎዳ ብሌል-ዘቡላ ጊደ ጾሶፕ። አ ጎለ አሳ ዋግ ጾሳይሻ!

ኦሰ ያናናወ በሰንቶ  
(ሉቃሳ 12:2-7)

26 “ሰሞ አሳወ ያዮፕተ፤ እያወ ጎፕ። ገንሎ ዎሌዳባይ ቆንጭያ ከሰናን አተና፤ ቆሴዳባይካ ኤራተናን አተና።

27 ታን ህንተንቶ ጱማን ኦድያባ ፖኡዋን ሃሳይተ፤ ህንተወ ሀይላን ሳሱኪደ ኦዳዳዎ፤ ጱቃሳን አዋይተ።

28 እሹዋ ዎድያዋንቶ ያዮፕተ፤ ኤንቱንቱ፤ ሸሞፕዋ ዎዳናወ ዳንዳይክና። ሸን ሸሞፕዋን እሹዋ ጋናዎያን ጳይሳናወ ዳንዳይያ ጸሳወ ያይተ።

29 ለኡ ሱንያ ካፋቱ ሳንትሞያን ዛልኤትክና? ህንተንቱ አወዋ ሸንያ ግዳና ቆዮፕ። ሄ ሱንያ ካፋቱዋፕ እትናካ ሳእን ዎዳደ ባይኩ።

30 ሸን ሀራይ አቶ፤ ህንተንቱ ሁጲያን ደእያ ብናናይ ኡባይካ ፓይዳዋን ደኤ።

31 ሰሞ ያዮፕተ፤ ዳር ሱንያ ካፋቱዋፕ ህንተንቱ አጂታ።

ክርስቶሳባ ማርካታናወ በሴ  
(ሉቃሳ 12:8-9)

32 “ሄዎ ድራወ። አሳ ሰንላን ታባ ማርካትያ ኦሰ ግድፕ። ታንካ ሳሉዋን ደእያ ታ አቡ ሰንላን ማርካታና፤

33 ሸን አሳ ሰንላን ታና ካድያ ኦናን ታንካ ቃይ ሳሉዋን ደእያ ታ አቡ ሰንላን አ ካዳና።

34 “ታን ሳእወ ሳርተሳ አሀናወ ዬዳዋ ህንተወ ማላቶፕ፤ ታን ቶራ አሀናወ ዬዳዋፕ አትን፤ ሳርተሳ አሀናወ ያበይከ።

35 እያወ ጎፕ። ታን ናአ አ አቡፕ። ናቶ እዝ ዳይፕ። ናአ ማቻቶካ እዝ ቦሎታትፕ ሻካናወ ያድ፤

36 አሳወ ሞርከቱ አ ጎለ አሳቱዋ ግዳናዋንታ።

37 “ባረ አባ ዎይ ባረ ዳዮ ታፕ አሊደ ሲቅያዌ ታዋ ግዳናዉ በሰና፤ ባረ አቱማ ናኣ ዎይ ባረ ማጫ ናቶ ታፕ አሊደ ሲቅያዌ ታዋ ግዳናዉ በሰና።  
 38 ባረ ማስቃልያ ቶኪደ፤ ታ ጌዲዋ ካለናዌ ታዋ ግዳናዉ በሰና።  
 39 ባረ ሸምፑዋ አሸያዌ ባይዛናዋ፤ ሽን ታ ድራዉ ባረ ሸምፑዋ ባይዘያዌ አሻናዋ።  
 40 “ህንተንታ ሞክያዌ ታና ሞኬ፤ ቃይ ታና ሞክያዌ ታና ኪቲዳዋ ሞኬ።  
 41 ናብያ፤ ናብያ ሱንላን ሞክያዌ፤ ናብያ ጋትያ እናና ግሽታናዋ፤ ቃይ ጽሉዋ፤ ጽሉዋ ሱንላን ሞክያዌ፤ ጽሉዋ ጋትያ እናና ግሽታናዋ።  
 42 እንነ ሀ ታና ካልያዋንቱ፣ ጉጽያ እቶ፤ ሀራይ እቶ ቡልያ ሃላ ጸላላ ኡሻናዉ እሞፕካ፤ ታን ህንተንቶ ቱሙዋ ጋይ፤ እ ባረ ጋትያ አካና” ያጌዳ።

# 11

ጸማቅያ ዮሃንሳፕ የሱሳኩ ኪተቲዳ አሳቱዋ  
 (ሉቃሳ 7:18-35)

1 የሱሰ ባረ ታማነ ላኡ ካልያዋንታ አዛዝያዋ ፖሌዳ ዎይ፤ ሄዋፕ ደንዲደ፤ ካታማቱዋን ታማርሳናዉን ኡዳናዉ ቤዳ።  
 2 ጸማቅያ ዮሃንስ ቃሾ ጎለን ደኢደ፤ የሱሰ ኦፊዳዋ ሰሲደ፤ ባረና ካልያዋንታ እኮ ከቲደ፤  
 3 “ያናዌ ኔኔየ? ዎይ ሀራ ናጋኔ?” ያግ ኦቻናዳን ኦፊዳ።  
 4 የሱሰ ዛሪደ፤ ኤንቲንቶ ሀዋዳን ያጌዳ፤ “ቢደ ህንተንቱ በእያዋነ ሰሰዋ ዮሃንሳዉ ኦድተ፤  
 5 ቆቃቱ ጸሊኖ፤ ዋባቱ ሀመቲኖ፤ ኦሉ ደቄዳዋንቱ ፓጺደ ጌዴኖ፤ \* ቱላቱ ሰሲኖ፤ ሀይቄዳዋንቱ ደንዲኖ፤ ሀይሳቱ ዎንጋላ ምሽራቹዋ ሰሲኖ።  
 6 ታባ ሰፍ ኡራይ እንጀቲዳዋ” ያጌዳ።  
 7 ዮሃንሳ ካልያዋንቱ ሰም ቤዳ ዎይ፤ የሱሰ ዮሃንሳባ ሸቄዳ አሳዉ ሀዋዳን ያግ ሃሳዬዳ፤ “እያ በአናዉ አሳይ ደኢና መሳ ቢታ ከሴድቲ? ጫርኩ ቃልያ ማቃ በአናዉ ከሴድቲ?  
 8 ያትና፤ እያ በአናዉ ከሴድቲ? ሎእያ ማዩዋ ማዬዳ ብታንያ በአናዉ ከሴድቲ? ሎእያ ማዩዋ ማዬዳዋንቱ ካታቱዋ ጎለን ደኢና።  
 9 ያትና፤ እያ በአናዉ ከሴድቲ? ናብያ በአናዉ ከሴድቲ? ኤ፤ ታን ህንተዉ ኦዳይ፤ ናብያፕካ አድያዋ በኤድታ።  
 10 እያዉ ጎፕ፤ ጸሳ ማጸፋን፤  
 “ ጸሳይ፤ “በእ፤ ታን ኪትያዋ ኔፕ ሰንሳዉ የዳና።”  
 እ ነዉ ኦግያ ጊግሳናዋ” ያጌዳ  
 ጌተቲደ ዮሃንሳባይ ጸፈቲዳ።”  
 11 ታን ህንተንቶ ቱሙዋ ኦዳይ፤ አት ኡሉዋፕ የለቲዳ አሳ ኡባን ጸማቅያ ዮሃንሳፕ አድያዋ ኦንነ ደንድቢና፤ ሽን ሳሉዋ ካዉተላን ኡባፕ ላፍያዌ አፕ አፋና።  
 12 ጸማቅያ ዮሃንሳ ዎድያፕ ደሚደ፤ ሀቼ ጋካናዉ፤ ሳሉዋ ካዉተላታ ዳር ናቀታዉ፤ ምን ባጸትያዋንቱ እዘ ደሚኖ።  
 13 እያዉ ጎፕ፤ ናባቱ ኡባቱነ ሙሴ ህጊ ዮሃንሳ ዎዲ ጋካናዉ፤ ትምቢትያ ሃሳዬድኖ፤  
 14 ሰም ህንተንቱ ኤንቲንቱ ሃሳዮዋ አማናናዋ ግደፕ፤ ያናዋ ጌተቲዳ ኤላሰ ሀ ዮሃንሳ።  
 15 ሰሰያ ሀይሳይ ደኢያዌ ሰሰ!  
 16 “ሸን ታን ሀ ዎድያ አሳ እያና ለምሶ? ኤንቲንቱ ቆጫን ኡትያ ናና ማሳቲኖ፤ ኤንቲንቱ ባረንቱ ላገላቱዋ ጸሲደ፤  
 17 “ኑን ህንተንቶ ህጽጽያ ፑኔይ፤ ሸን ዲርቢይክታ፤ ዩኩዋ የሳካ ከሴይ፤ ሸን ዩክቢይክታ” ያጊኖ።  
 18 እያዉ ጎፕ፤ ዮሃንስ ጸሚደነ ዎይንያ ኤሳ ኡሸናን ዩና ኤንቲንቱ፤ “አ ቦላ ኢታ እያናይ ደኤ” ያጌድኖ።  
 19 ታን፤ አሳ ናእይ፤ ማደነ ኡሻይ ዩና፤ ኤንቲንቱ ታና፤ “ሀ ናፍሳማነ ዎይንያ ኤሳ ኡሸያዋ በአተ፤ ቃራጸ ቃንጽያዋንቱናን ናጋራንቻቱዋና ሲቀቱ” ያጊኖ፤ ሸን ጸሳ አዲዳ ኤራተሳይ ባረ ኦሱዋን ቱማ ግዲደ ቤቲ” ያጌዳ።

እማነናን እጼዳ ድራዉ ቶሽቲዳ ካታማቱዋ  
 (ሉቃሳ 10:13-15)

\* 11:5 ፓጺደ ጌዴኖ ግያዋ ሎልላ አክካናዉ 8:2 ጸደና ደእያ ብለላን ጸፈቲዳዋ በእና ዳንዳየቲ። 11:5 እሳ. 35:5-6፤ 61:1 11:10 ሚልክ. 3:1 11:14 ሚልክ. 4:5፤ ማቶሳ 17:10-13፤ ማር. 9:11-13

20 ሄዋጥ ጉይያን፣ የሱስ ባረ ማላታጥ ዳርያ ባጋ ኦሌዳ ካታማቱዋን ደለያ አሳይ ባረንቴ ናጋራጥ ሰምቤና ድራው፣ ኢንቴንታ ሀዋዳን ያጊይ፣ ቶሽያ ዶሜዳ፤

21 “ኮራዚን ካታማው፣ ነው እየሮ፤ ቤተሳይዳ ካታማው፣ ነውካ እየሮ፤ አያው ጎጥ፣ ህንተንቴ ቦላ ጸሳይ ኦሌዳ ማላታይ ጸረሳ ካታማን ሲዶና ካታማን አሰቶዋ ግድንቶ፣ ኡንቴንቴ ማቅያ ማዪዶ፣ ብድንሳ ኦክቲይ፣ በን ባረንቴ ናጋራጥ ሰማናዋንታሸን።

22 ታን ህንተው ኦዳይ፣ ፕሮዳ ጋላስ ጸሳይ ህንተጥ ጸረሳ ካታማውን ሲዶና ካታማው ፕሮዳ ካውሸሳና።

23 ቃይ ቅፍርናሆማ ካታማው፣ ኔን ሳሉዋ ፑደ ቋቋ ጋናው ከያድ? ኔን ሰኦልያ ዴን የገታና፤ አያው ጎጥ፣ ነ ቦላ ጸሳይ ኦሌዳ ማላታይ ሲዶማ ካታማን አሰቶዋ ግድንቶ፣ ሲዶማ ካታማይ ሀቼ ጋካናሰካ ደአናዋሸን።

24 ታን ህንተው ኦዳይ፣ ፕሮዳ ጋላስ ጸሳይ ኔጥ ሲዶማው ፕሮዳ ካውሸሳና” ያጊይ።

**የሱሳን ሸምጥዋ ደምያዋ**  
**(ሉቃሳ 10:21-22)**

25 የሱሰ ሄ ዋደ ዛሪይ፣ ሀዋዳን ያጊይ፤ “ታ አቦ፣ ሳሉዋ ሳአ ጎዳው፣ ኔን ሀዋ አጼዳ ኤራንቻቱዋጥን አከካንቻቱዋጥ ገንሳይ፣ ኤሪና ናናቶ ቆንጭሴዳ ድራው፣ ኔና ጋላታይ፤

26 ኤ ታ አቦ፣ አያው ጎጥ፣ ሀዋ ነ ሸንያዳን አሰቲዳ።

27 “ታ አቦ ታው ኡባባ እሜዳ፤ አውዋጥ ሀራይ ናአ ኤሪና፤ ናአጥን ናአይ አውዋ ቆንጭሳናው ኮይያ አሳጥ አትን፣ ሀራይ አውዋ ኤሪና።

28 “ዳቡራንቻቶ፣ ዴጹዋ ቶኮዋንቶ ኡባቶ፣ ታኮ ህ ዪተ፤ ታን ህንተንታ ሸምጥሳና።

29 ታን ጋራነ ታ ዋዛናን አሸከ ግደ ድራው፣ ታ ሞርገ ምላን ዋጸትተ፤ ታጥ ታማርተ፤ ህንተንቴ ሸምጥካ ህንተ ሸምጥዋ ደምያ።

30 አያው ጎጥ፣ ታ ሞርገ ምላይ ጊጋ፤ ቃይ ታን ህንተንታ ቶሴዳዌካ ካውሻ” ያጊይ።

# 12

**ሳምባታባው ሸቄዳ ኦሻ**  
**(ማር. 2:23-28፤ ሉቃሳ 6:1-5)**

1 የሱሰ ሄ ዋደ ሳምባታ ጋላስ፣ ትሻ ባንጋ ግደና አጅሸን አ ካልያዋንቴ ኮሻቲይ፣ ትሻ ባንጋ ዴሊይ፣ ሙሳ ዶሜድና።

2 ሸን ፓርሳዋቱ ሄዋ በአደ የሱሳ፣ “በአ፣ ኔና ካልያዋንቴ ሳምባታ ጋላስ ኦላናው ዋጋ ግደናባ ኦሊኖ” ያጊይና።

3 ሸን የሱሰ ኡንቴንቶ ሀዋዳን ያጊይ፤ “ዳዊተን አናና ደአያዋንቴ ኮሻቲይ ዋደ፣ ዳዊተ ኦሌዳዋ ናባብ በይክቴ?

4 ዳዊተ ጸሳ ጎለ ገሊይ፣ ቄሳቱዋ ጸላላይ ማናጥ አትን፣ እነ አናና ደአያዋንቴ ማናው ዋጋ ግደና ጸሳው ያርሼዳ ቁማ ሜዳ።

5 ዋይ ሳምባታ ኡባን ጌሻ ጎልያን ደአያ ቄሳቱ ሳምባታ ዋጋ ሙንሐያዋ፣ ቃይ ኡንቴንቶ ሄዌ ባይዞ ግደናዋ ሙሴ ህግያን ናባብ በይክቴ?

6 ሸን ታን ህንተው ኦዳይ፤ ጌሻ ጎልያጥ አጅያዌ ሀዋን ደኤ።

7 ጸሳ ማጸፋይ፣ “ታን ማርተላ ኮያይጥ አትን፣ ያርሹዋ ኮይከን ያግያዌ ዋግያዌንቶ ህንተንቴ ኤራተንቶ፣ ባይዙ ባይና አሳ ቦላ ፕሮድክታ።

8 አያው ጎጥ፣ ታን፣ አሳ ናአይ፣ ሳምባታ ጎዳ” ያጊይ።

**የሱሰ ኩሺ ጉንዴዳ ብታንያ ፓሌዳ**  
**(ማር. 3:1-6፤ ሉቃሳ 6:6-11)**

9 የሱሰ ሄዋጥ ደንዴይ፣ አይሁዳ ዋሳ ጎለ ቤዳ።

10 ሄዋን ኩሺ ጉንዴዳ እት ብታኒ ደኤ፤ የሱሳ ሞታናው ጋሱዋ ኮይያ አሳቱ፣ “ሳምባታን፣ ሀርጋንቻ ፓሌያዌ ዋጊ?” ያጊይ አ ኦቼድና።

11 የሱሰ ኡንቴንታ፣ “ህንተንቴ ግደን እት ዶርሳይ ደአያ ኡራይ፣ ሄ ዶርሳይ ሳምባታ ጋላስ ኦላን ኩንድጥ፣ አይቄይ ከሰናዌ ኦኔ?

12 ያትና፣ አሳይ ዶርሳጥ ዋት ሎይሊደ ዳረኔ! ሄዋ ድራው፣ ሳምባታ ጋላስ ሎኮባ ኦሌያዌ ዋጋ” ያጊይ።

---

11:21 አላ. 23:1-18፤ ህዘ. 26:1—28:26፤ አዪ. 3:4-8፤ አሞጸ 1:9-10፤ ዛካ. 9:2-4 11:23 አላ. 14:13-15፤ ደሙሳ 19:24-28 11:29 አር. 6:16 12:1 ዛረ. 23:25 12:3 1 ሳሜላ 21:1-6 12:4 ዋጋ 24:9 12:5 ፓይ. 28:9-10 12:7 ማቶሳ 9:13፤ ሆሰ 6:6

13 ሄዋጥ ጉይያንን ብታንያ፡ “ነ ኩሽያ ፕድ ኦላ” ያግና ብታኒ ፕድ ኦላዋጥ ጉይያን፡ አ ኩሽያ የኩ ኩሽያዋዳንካ ፓጽ አኒዳ፡፡

14 ሽን ፓርሳዋቱ ካረ ከሲደ፡ የሱሳ ዋት ዎቆነንቶ ማቀቱድና፡፡

**ጳጳይ ዶሬዳ አይልያ**

15 ሽን የሱስ ኤንቱንቱ ዘረታ ኤሪደ፡ ሄዋጥ አገደ ብያ ዎደ፡ ዳር አሳይ አ ካሌዳ፤ ሀርጌዳ ኡባ ፓሌዳ፡፡

16-17 ጳጳይ ናብያ ኢሰያሳ ባጋና ኦዴዳዌ ፖለታና ማላ፡ የሱስ አሳቶ፡ “ታባ ሀራ አሳዉ ኦደፕተ” ያጌዳ፡፡

18 ጳጳይ ኢሰያሳ ባጋና ሀዋዳን ያጌዳ፤

“ታን ዶሬዳ ታ አይሊ፡

ታን ሲቅያ፡ ታና ናሽቶያዌ ሀዌኩ፡፡

ታን ታ አያና አ ቦላ ዎላና፡፡

አ ሱረ ፕርዳ አሳዉ ኡባዉ ኦደናዎ፡፡

19 አ ፓሉመተና፤ ዎይ ዋሰና፡፡

ባረ ቃላካ ኦግያን ሰሰና፡፡

20 ሱረ ፕርዳይ ጸን ከሳና ጋካናዉ፡

ትንጨቱዳ ማቃ መንፍፍ፤\*

ቃይ ጨዋትያ ሙቃዳ ቁንጨትያካ አ ቶይሰና፡፡

21 አይሁዳ ግደና አሳይ ኡባይ፡

አ ቦላ ባረንቱ ሀደታ ዎላና”

ያጌዳ፡፡

**የሱሳባን ብኤል-ዘቡሳባ**

(ማር. 3:20-30፤ ሉቃስ 11:14-23)

22 ሄዋጥ ጉይያን፡ አማራዳ አሳቱ ኢታ አያናይ ኦይቁና ዱዴዳ እት ቆቃ ብታንያ የሱሳኩ አሄድና፤ የሱስ ሄ ዱደ ብታንያ ፓሌዳ፤ ብታኒካ ሃሳያን ጼላ ደሜዳ፡፡

23 አሳይ ኡባይ ማላላቲደ፡ “ላ ሀዌ ዳዊተ ናኦ ግዳንዴሻ?” ያጌድና፡፡

24 ሽን ፓርሳዋቱ ሄዎ ሰሲደ፡ “ሀ ብታኒ ኢታ አያናቱዋ ካፑ ‘ብኤል-ዘቡል’ ባረዉ ዎልቃ አምና፡ ጸላሀቱዋ ከሴ” ያጌድና፡፡

25 ሽን የሱስ ኤንቱንቱ ቆፋ ኤሪደ፡ ኤንቱንታ ሀዋዳን ያጌዳ፤ “ባረ ግደን ሻከትያ ካዉተላይ ኡባይ ቆያና፤ ቃይ ባረ ግደን ሻከትያ ካታማይ ዎይ ጎለን ደአያ አሳይካ ምናና፡፡

26 ቃይ ሴጻናይ ሴጻና ከሰያዋ ግደፕ፡ ባረ ግደን ሻከቱ፤ ያትና፡ አ ካዉተላይ ዋኒደ ምን ኤቃናዌ?

27 ታዉ ብኤል-ዘቡል ዎልቃ አምና፡ ታን ጸላሀቱዋ ከሰያዋ ግደፕ፡ ህንተንቱ አሳዉ ዎልቃ ኦን አምና ጸላሀቱዋ ከሳይ? ሄዎ ድራዉ፡ ኤንቱንቱ ህንተ ቦላ ፕርዳና፡፡

28 ሽን ጸሳ ጌሻ አያናይ ታዉ ዎልቃ አምና፡ ታን ጸላሀቱዋ ከሰያዋ ግደፕ፡ ሰም ጸሳ ካዉተላይ ህንተ ቦላ ይ ድጌዳ፡፡

29 “ዎይ አሳይ ካሰቲደ፡ ዎልቃማ አሳ ቃቼናን ደአደ፡ አ ጎለ ገሊደ፡ አ ሚሻ ቦንቃናዉ ዋኒደ ዳንዳዬ? ቃቼዳዋጥ ጉይያን፡ አ ሚሻ ቦንቃናዉ ዳንዳዬ፡፡

30 “ታ ባጋ ግደና ኡራይ ታዋ አጼ፤ ቃይ ታናና እትፕ ሸሸናዌ ላሊ፡፡

31 ሄዎ ድራዉ፡ ታን ህንተዉ ኦዳይ፤ ጳጳይ አሳዉ አይ ናጋራ ግድናካ፡ ቃይ አይ ቦረ ግድናካ አቶ ጋና፤ ሽን ጌሻ አያና ቦርያዋ አቶ ጌና፡፡

32 ታ ቦላ፡ አሳ ናኦ ቦላ፡ ኢታባ ሃሳይያ ኦ ናጋራን ጳጳይ አቶ ጋና፤ ሽን ጌሻ አያና ቦላ ኢታባ ሃሳይያ ኦ ናጋራን ሳኦን ግድና፡ ሳሉዋንካ ጳጳይ አቶ ጌና፡፡

**ሎኦ ምላይ ባረ አይፍያን ኤረቱ**

(ሉቃስ 6:43-45)

33 “ሎኦ አይፍያ ደማናዉ ሎኦ ምላ ድቻናዉ በሴ፤ ኢታ ምላ ህንተንቱ ድቸፕ፡ ኢታ አይፍያ ደማንታ፤ አያዉ ጎፕ፡ ምላይ ኤረትያዌ ባረ አይፍያ አይፍያዎና፡፡

34 ሸሻቶ፡ ህንተንቱ ኢታ ግዲደ፡ ዎት ሎኦባ ሃሳያናዉ ዳንዳዬቱ? አያዉ ጎፕ፡ ዶደይ ዎዛና ግደን ኩሜዳዋ ሃሳይ፡፡

\* 12:18 አሊ. 42:1-4    12:20 አ፡ ትንጨቱዳ ማቃ መንፍፍ፤ ሀዋ ጉሳይ፡ ማዲ ባይናዋንቶን ዳቡራንቻቶ የሱስ ከካነ ጋራ ጉሳ፡ ብ፡ ጨዋትያ ሙቃዳ ቁንጨትያካ አ ቶይሰና ጉሳይ፡ የሱስ ዳቡራንቻቶ ጉዙማ ግደናዳን ከካ ጉሳ፡፡

35 ሎኦ አሳይ ባረ ሎኦ ምንጂዋጥ ሎኦባ ከሴ፤ ቃይ ኢታ አሳይ ባረ ኢታ ምንጂዋጥ ኢታባ ከሴ።

36 ታን ህንተንቶ ኦዳይ፤ አሳይ ባረ ሃሳዬዳ ማደና ሃሳያ ኡባዉ ፕርዳ ጋላሰ ዛሩዋ እማናዋ።  
37 እያዉ ሳፕ፣ ነ ሃሳያይ ኔና ጽልሳና፤ ዎይ ነ ሃሳያይ ነ ቦላ ፕርድሳና” ያጌዳ።

ማላታ በአናዉ ሸቄዳ ኦሻ  
(ማር. 8:11-12፤ ሉቃሳ 11:29-32)

38 ሄዋጥ ጉይያን፣ ህግያ ታማርሰያ እት እት አሳይ፤ ፓርሳዋቱ ዛሪደ የሱሳ፣ “ታማርሰያዎ፣ ኔን ማላታ ኦሳሸን፣ ኔን በአናዉ ኮዬቶ” ያጌድና።

39 ሸን እ ዛሪደ፣ ኡንቱንቶ ሀዋዳን ያጌዳ፤ “ሀ ዎድያ አሳይ ኢታን ጸሳ እማናና ድራዉ፣ ማላታ ኮዬ፤ ናብያ ዮናሳ ማላታጥ እትን፣ ሀራ ማላታይ እመተና።

40 ዮናሰ ዎጋ ሞልያ ኡሉዋን ሄዙ ጋላሳን ሄዙ ቃማ ደኤዳዋዳን፣ አሳ ናአይካ፣ ቢታ ግደን ሄዙ ጋላሳን ሄዙ ቃማ ደአናዋ።

41 ነዌ አሳይ ዮናሰ ኦዳዳዋን ባረንቱ ናጋራጥ ሰሜዳ ድራዉ፣ ፕርዳ ጋላሰ ደንዲደ፣ ህንተንታ ሞታናዋንታ፤ በይተ፣ ዮናሳጥ እድያዌ ሀዋን ደኤ።

42 ዲገ ባጋ ጋድያ ካታታ ሶሎሞንዉ ደእያ እዶ ኤራተላ ሰሳናዉ ሳአ ጋጸጥ ዬዳ ድራዉ፣ ፕርዳ ጋላሰ ደንዲደ፣ ህንተንታ ሞታናዉኡ፤ በይተ፣ ሶሎሞንጥካ እድያዌ ሀዋን ደኤ።

ኢታ አያናይ አሳ ጋርሳ ሰሚደ ገልያዋ  
(ሉቃሳ 11:24-26)

43 “ኢታ አያናይ አሳጥ ከሴዳ ዎድ፣ ባረዉ ሸሞጥያ ሳ ኮዪደ፣ ሃላይ ባይና መላሳና ዩዬ፤ ሸን ደመና።

44 ሄ ዎድ፣ ታን አጋይ ዬዳ ታ ጎላ ሰማና ያጌ፤ ሰሚደ ይያ ዎድ፣ ጎሊ መላ ደእያዋን ጥተት ጌዪደ፣ ገገ ኡቱዳዋ ደሚ።

45 ሄዋጥ ጉይያን፣ ቢደ ባረጥ ኢትያ ላፑ ሀራ አያናቱዋ እኪደ ዬ፤ ሄ አያናቱ ገሊደ፣ ሄዋን ደአና። ሄ ብታንያ ደኤ ካሰዋጥ ዳሪ እቲ፣ ሀ ዎድያ ኢታ አሳዉካ ቃይ ሄዋዳን ሀናና” ያጌዳ።

የሱሳ ዳዮን እ እሻቱዋ  
(ማር. 3:31-35፤ ሉቃሳ 8:19-21)

46 የሱሰ ዳር አሳዉ ሃሳይሸን፣ አ ዳያን እ እሻቱ አናና ሃሳያናዉ ኮዪደ፣ ካረን ኤቄድና።  
47 ሄዋን ደእያ አሳጥ እቲ እ፣ “ሳ ዳያን ነ እሻቱ ኔናና ሃሳያናዉ ኮዪደ፣ ካረን ኤቄድና” ያጌዳ።

†  
48 ሸን የሱሰ ዛሪደ፣ “ታ ዳያ ኦኔ? ታ እሻቱ ኦኔ?” ያጌዳ።  
49 ባረ ኩሽያን ባረና ካልያዋንቱኮ ጸርሲደ፣ “በይተ፣ ታ ዳያን ታ እሻቱ ሀዋንቱሸ።  
50 እያዉ ሳፕ፣ ሳሉዋን ደእያ ታ እቡ ሸንያ ኦሳያ ኡባይ፣ ታ እሻ፣ ታ ሞቶቶን ታ ዳዮ” ያጌዳ።

### 13

ዘርያዋ ሌምሱዋ  
(ማር. 4:1-9፤ ሉቃሳ 8:4-8)

1 የሱሰ ሄ ጋላሰ ሶይጥ ከሴደ፣ አባ ጋጸን ኡቲዳ።  
2 ዳር ጮራ አሳይ ባረ የሹዋን ዩይ እዲደ ሸቅና፣ ዎንግርያ ግዶ ገሊደ ኡቲዳ፤ አሳይ ኡባይ እባ ጋጸን ኤቄዳ።

3 አሳዉ ሌምሱዋን ዳርባ ሀዋዳን ያጌደ ኦዳዳ፤ “እት ብታኒ ዘርሳ ዘራናዉ ከሴዳ።  
4 እ ዘርሸን፣ እት እት ዘርሳይ ኦግያ ደናን ዎዲዳ፤ ያትና ካፋ ዩደ ሜዳ።  
5 ቃይ እት እት ዘርሳይ እንጮ ግዳዳ ቢታ ቦላ ዎዲዳ፤ ዳር ቢታይ ባይና ድራዉ፣ ሄ ዘርሳይ ኤለካ ደሌዳ።

6 ሸን አዋይ ከሴዳ ዎድ ጫርሻይ ሹሌዳ፤ አዲሳ ጸጸዋ የድቡና ድራዉ መላ አጌዳ።  
7 እት እት ዘርሳይ እጉንላ ግደን ዎዲዳ፤ ሄዋን ደሌዳዋ እጉንላይ ድጪደ ጩሌዳ።  
8 እት እት ዘርሳይ ቱኤ ቢታን ዎዲደ ደሌዳ፤ እቲ ጸቱ አይፍያ፣ እቲ ኡሱፑን ታሙዋ፣ እቲ ሀታሙዋ አይፊዳ።

9 ሰሰይ ሀይላይ ደእያ ኡራይ ሰሶ!” ያጌዳ።

የሱሰ ሌምሱዋን ኦድ ጋሱዋ  
(ማር. 4:10-12፤ ሉቃሳ 8:9-10)

10 የሱሳ ካልያዎንቱ እኮ ሸቂደ፡ “ኔን እያወ አሳወ ለምሱዋን ኦዳይ?” ያጌድኖ።

11 የሱሳ ዛሬደ፡ ኤንቱንቶ ሀዋዲን ያጌዳ፤ “ህንተንቶ ሳሎዋ ካወተላ ጸራ ኤሩሳይ እመቲዳ፤ ሸን ኤንቱንቶ እመቲቤና።

12 እያወ ጎጥ፡ ደእያዎ ጉጀታና፤ እው ዳራናዋ፤ ሸን ባይናዋጥ ሀራይ አቶ፡ ሄ ደእያዋካ እከታናዋ።

13 ታን ኤንቱንቱ ጸሊደ ጸሊናዋዳን፡ ሰሲደ ሰሰናዋዳን ሀንያ ድራው፡ ዋይ ቃይ እኬከና ድራው ኤንቱንቶ ለምሱዋን ኦዳይ።

14 “እሰያሰ ኤንቱንቱባ ሀዋዲን ኦዳዌ ሃለታናዋ፤

“ህንተንቱ ሰሳ ሰሳና፤

ሸን ህንተንቶ ገለና፤

ህንተንቱ ጸላ ጸላና፤

ሸን በእክታ።

15 እያወ ጎጥ፡ ሀ አሳ ዋዛናይ ጉዙሜዳ፤

ባረንቱ ሀይላ ቱልሴድኖ፤

ባረንቱ እይፍያካ ጨሎሜድኖ።

ሀዌ ባዌንቶ፡ ኤንቱንቱ ባረንቱ እይፍያን በእና፤

ባረንቱ ሀይላን ሰሳና፤

ባረንቱ ዋዛናንካ እኬካና፤

ኤንቱንቱ ታኮ፡ ጸሳኮ ሰማና፤

ታንካ ኤንቱንታ ፓላና።

ያጌ።

16 “ሸን ህንተንቱ እይፊ ጸልያ ድራውን ህንተንቱ ሀይላይካ ሰሰያ ድራው፡ ህንተንቱ እንጀቲዳዋንታ።

17 ታን ህንተንቶ ቱሙዋ ኦዳይ፤ ዳር ናባቱ፤ ጸላቱ ህንተንቱ በእያዋ በእናወ አሞቲድኖ፤ ሸን በእበይክኖ። ህንተንቱ ሰሰያዋ ሰሰናወ አሞቲድኖ፤ ሸን ሰሰበይክኖ።

የሱሳ ዘርያዋ ለምሱዋ ብለላ ኦዳዳ

(ማር. 4:13-20፤ ሉቃሳ 8:11-15)

18 “ሰዎ ካላ ዘርያዋ ለምሱዋ ብለላይ ግያዋ ሰሰተ።

19 ካወተላ ቃላ ሰሲደ፡ እኬከና ኦን ኦግያ ደናን ዋዴዳ ዘረላ ማላ፤ ጸላህያ ካፑ ዪደ፡ ኤንቱንቱ ዋዛናን ዘረቲዳዋ ማጽ ድጌ።

20 እንጮ ቢታን ዋዴዳ ዘረላይ ቃላ ሰሲደ፡ ኤላካ ናሸቻን እክያዋንታ ማላቲ።

21 ሸን ሄ አሳቱ ሀእሳጥ አትን፡ ኤንቱንቱን ጸጸ ባዋ፤ ቃላ ጋሱዋን ሙቱ ዋይ የደሳይ ይያ ዋይ፡ ኤላካ ጹቦት አገና።

22 ቃይ አጉንሳ ግደን ዋዴዳዌ ቃላ ሰሰያዋ በሴ፤ ሸን ሀ ሳኦ ደኦ ህርጉሳይን ዳረተላ ሰቁሳይ ቃላ ጩሌ፤ ሀ ጋሱዋን ሄ ዘረላይካ እይፈናን አት አጌ።

23 ቱኤ ቢታን ዘረቲዳዌ፡ ቃላ ሰሲደ፡ እኬክያ አሳ በሴ፤ እካ እይፊ፤ እቱ ጸቱዋ፡ እቱ ኡሱፑን ታሙዋ፡ እቱ ሀታሙዋ እይፊ” ያጌዳ።

**ዘርንግያ ለምሱዋ**

24 የሱሳ ኤንቱንቶ ሀራ ለምሱዋ ሀዋዲን ያጌደ ኦዳዳ፤ “ሳሎዋ ካወተላይ ባረ ጎሻን ሎኦ ዘረላ ዘራዳ ብታንያ ማላቲ።

25 ሸን ቃማ አሳይ ገሞእሸድግና፡ አ ሞርኪ ዪደ፡ ዛርጋ ዘራዳዋ ቦላ ዛርንግያ ዘራይ ቤዳ።

26 ሸን ዛርጋይ ዶል እይፊዳ ዋይ፡ ዛርንጊ ሄ ዋይ ቤቲዳ።

27 “አ ቆማቱ እኮ ዪደ፡ ሳዳው፡ ኔን ነ ጎሻን ሎኦ ዘረላ ዘራባይኪ? ያትና፡ ዛርንጊ ሀቃጥ ዪዳ? ያጌድኖ።

28 “ሄዋጥ ጉይያን ጎዳይ፡ ሄዋ ሞርኪ ኦሌዳ? ያጌዳ።

ቆማቱ፡ ሳን ቢደ ሸዳናዳን ዳሳይ? ያጌድኖ።

29 “ሸን እ፡ ሳግተ፡ ዛርንግያ ህንተንቱ ሸዲደ፡ ዛርጋና ሸዳንታ።

30 ቦቾጥተ፤ ቆይጭያ ዋዲ ገካናው፡ እትጥ ድጭኖ። ቆይጭያ ዋዲ ጋኮደ፡ ታን ቆይጭያዋንታ፡ ካሰቲደ ዛርንግያ ማጽተ፤ ታማን ጉዳናወ ፖቾን ፖቾን ቃቾተ፤ ሸን ዛርጋ ሸሺደ ድይያን ቆልተ፡ ጋና” ያጌዳ።

ሳናፍጭያ ጌተትያ ሞላት ዘረላ ለምሱዋ

(ማር. 4:30-32፤ ሉቃሳ 13:18-19)

31 የሱስ እንቱንቶ ሀራ ሊምሱዋ ያጊደ ኦዴዳ፤ “ሳሉዋ ካወተላይ ሳናጭያ ጌተትያ ጉላ ሞላት እይፍያ ማላቲ፤ ሄ ሞላት እይፍያ አሳይ እኪደ፤ ባረ ጎሻን ዘራዳ።

32 ሄ ዘረሳታ ሀራ ዘረሳ ኡባጥ ጉጻወ፤ ሽን ድጩዳ ዋደ፤ ሀራ ኦታክልትያ ኡባጥ ዳራወ፤ ካፋ ዪደ፤ እዝ ቃንካን ኬጽያዋ ኬና ዋጋ ሞላ ግዳዴ” ያጊደ።

**እርሹዋ ሊምሱዋ**  
(ሉቃሳ 13:20-21)

33 ቃይ የሱስ ሀራ ሊምሱዋ እንቱንቶ ያጊደ ኦዴዳ፤ “ሳሉዋ ካወተላይ እት ምሽራታ ሄዙ ከርያ ጲልያ እካደ፤ ሙናቄዳ ሙናቃይ ኡባይ ደንዳና ጋካናወ፤ እን ትጌዳ እርሹዋ ማላቲ” ያጊደ።

**የሱስ ሊምሱዋን ታማርሴዳ ጋሱዋ**  
(ማር. 4:33-34)

34-35 የሱስ አሳወ ሄ ኡባ ሊምሱዋን ኦዴዳ፤ ሊምሱ ባይናን እ እትባካ ኦደና፤ ናቢ፤ “ታን እንቱንቶ ሃሳይያ ዋደ፤

ሊምሱዋን ሃሳያይ።

አላሚ መጠቅደጥ ደሚደ

ጌሜዳ የዋቱዋ ኦዳይ”

ያጊዳዌ ፖለታና ማላ፤ ሄዋ እ ኦዴዳ።

**የሱስ ዛርንግያ ሊምሱዋ ብለላ ኦዴዳ**

36 ሄዋጥ ጉይያን፤ የሱስ አሳ እጊደ፤ ሰይ ገሌዳ፤ እ ካልያዋንቱ እኮ ቢደ፤ “ጎሻን ደእያ ዛርንግያ ሊምሱዋ ብለላ ኦዴዳ” ያጊድኖ።

37 የሱስ ዛሪደ፤ ሀዋዳን ያጊደ፤ “ሎኦ ዘረሳ ዘርያዌ አሳ ናእ፤

38 ጎሻይ ሀ አላዎያ፤ ሎኦ ዘረሳይ ጸሳ ካወተላ አሳ፤ ዛርንጊ ጸላህያ ካገዋ ናና።

39 ዛርንግያ ዘራዳዌ ሞርክያ ጸላህያ፤ ቆይቻ ዋዴ፤ ዎድያ ወርሰላ፤ ቃይ ቆይጭያዋንቱ ኪታንቻቱዋ።

40 “ሄዋ ድራወ፤ ዛርንግያ ማጸደ፤ ታማን ጉድያዋዳን፤ ዎድያ ወርሰላን ሄዋ ማላ ግዳናዋ።

41 አሳ ናእይ፤ ኪታንቻቱዋ ኪታናዋ፤ ኡንቱንቱ እ ካወተላ ግደን ናጋራወ ጋሶ ግድያ ኡባቱዋን ኢታባ አልያዋንታ ማጸደ ከሳናዋንታ።

42 ያቲደ ቶኤና ታማን ኦላናዋንታ፤ ሄዋን ኡንቱንቱ ዩካናዋንታን አቻ ቃቃናዋንታ።

43 ሄ ዋደ ጽላቲ ባረንቱ እቡ ካወተላን አዋዳን ፖእና። ሰሰያ ሀይላይ ደእያ ኡራይ ሰሶ!

**ሞገቲዳ ሚሻ ሊምሱዋ**

44 “ሳሉዋ ካወተላይ ጎሻን ሞገቲዳ ሚሻ በሴ፤ እት ብታኒ ሄ ሚሻ ደሚደ፤ ዛሪደ ሞግ እጌዳ፤ ዳር ናሽቲደ ቢደ፤ ባረወ ደእያዋ ኡባ ዛልኢደ፤ ሄ ጎሻ ሻሜዳ።

**እንቁዋ ጌተትያ ዳር አልኦ ሹቻ ሊምሱዋ**

45 “ቃይ ሳሉዋ ካወተላይ እንቁዋ ጌተትያ ዳር አልኦ ሹቻ ሻማናወ ኮይያ ዛልእንቻ ማላቲ።

46 ሄ ዛልእንቻይ ዳር አልኦ እንቁዋ ደሚደ፤ ቢደ ባረወ ደእያዋ ኡባ ዛልኢደ፤ እ ሻሜዳ።

**ዳባ ሊምሱዋ**

47 “ቃይ ሳሉዋ ካወተላይ ኡባ ቆሞ ሞልያ ኦይቂያ፤ አባን የገቲዳ ዳባ ማላቲ።

48 ሞላ ዳባ ኩሜዳ ዋደ፤ ሞልያ ኦይቂያ አሳቱ አባጥ ጋጾ ከሲደ ኡቴድኖ፤ ያቲደ ሎኦ ሞልያ ቆሪደ፤ የግያ ሚሻን የጌድኖ፤ ሽን ኢታ ሞልያ ዋራ ኦሌድኖ።

49 ዎድያ ወርሰላን ሄዋዳን ሀናና፤ ኪታንቻቱ ዪደ፤ ናጋራንቻቱዋ ጽላቱዋ ግደጥ ቆሪደ፤

50 ቶኤና ታማን ኦላናዋንታ፤ ሄዋን ኡንቱንቱ ዩካናዋንታን አቻ ቃቃናዋንታ።

51 “ሀዌ ኡባይ ሀንተንቶ ገሌዳ?” ያጊደ ኡንቱንታ ኦቼዳ።

ኡንቱንቱ፤ “ኤ” ያጊድኖ።

52 እ፤ “ሄዋ ድራወ፤ ሳሉዋ ካወተላ ጸራ ሎይሳ ኤርያ፤ ህግያ ታማርሰያ ኡባይ፤ ባረ ሚሻ ሽሽ ሞሌዳ ጎልፕጥ ጉራላ ሚሻን ኤጫ ሚሻ ሻክ ከሰያ እዛዋ ማላቲ” ያግ ዛራዳ።

**ናዝራትን የሱሳ ጋኬዳ እጸዋ**

(ማር. 6:1-6፤ ሉቃሳ 4:16-30)

53 የሱስ ሀ ሊምሳቱዋ ኦድ ወርሰዋጥ ጉይያን፤ ሄዋጥ ደንዲደ፤

54 ባረ ካታማ ናዝራት ቢደ። እይሁዳ ዋሳ ጎለን ታማርሰያዋ ሰሴዳ አሳይ ማላላቲደ፤ ሀዋዳን ያጊደ፤ “ሀዌ ሀ አጵ ኤራተላን ጸሳይ እልያ ማላታ ኦላናወ ዋልቃ ሀቃጥ እኬዳ?

55 ሀዌ አናጽዖ ናላ ግደኔ? አ ዳያ ማይራሞ ግደኬ? አ እሻቱ ያቆባ፣ የሱፎ፣ ሰሞናን ይሁዳ ግደክኖ?

56 አ ምቻቱ ኡባይ ኑናና ደእክኖ? ያትና፣ አ ሀ ኤራ ኡባ ሀቃጥ ደሜዴ?” ያጌድኖ።

57 ኡንቱንቱ አ ግያባ አከናን እጸድኖ።

ሽን የሱስ ሄ አሳው። “ናቢ ባረ ጋድያንን ባረ ሶይ አሳን ቦንቸተና፤ ሽን ሀራሳ ኡባን ቦንቸቱ” ያጌዴ።

58 ኡንቱንቱ እማንቤና ድራው፣ የሱስ ዳር ማላታ ሄ ሳን ኦልቤና።

# 14

ጸማቅያ ዮሃንሳ ሀይቁዋ

(ማር. 6:14-29፤ ሉቃሳ 9:7-9)

1 ሄ ዋይ ጋለላ ጋድያ አይሰያ ሄርድስ የሱሳባ ሰሴዳ፤

2 ያተደ ባረ ቆማቶ፣ “ሀዌ ሀይቁዋጥ ደንዴዳ ጸማቅያ ዮሃንሳ፤ ጸሳይ ኦልያ ዋልቃማ ማላታ አ ኦልያዌ ሄዋሳ” ያጌዴ።

3 አያው ጎጥ፣ ሄርድስ ባረ እሻ ፕልጶሳ ማቻት ሄርድያድ ጋሶታን ዮሃንሳ ኦይል ቃሽሲደ፣ ቃሽ ጎለን የግ ዋሌዳ።

4 አያው ጎጥ፣ ዮሃንሰ ሄርድሳ፣ “ኔን ሄርድያድ፣ ነ እሻ ማቻቶ አካናው ሀጊ ድጌ” ያጌዴ።

5 ሄርድስ ዮሃንሳ ዋጻናው ኮዬዳ፤ ሽን ይሁዳ አሳይ ናብያዳን ዮሃንሳ ጸሌዳ ድራው፣ አሳው ያጌዴ።

6 ሽን ሄርድስ የላቲዳ ጋላሳ ባላይ ጋክና፣ ሄርድያድ ናታ አሳ ሰንፋን ዱራይ ሄርድሳ ናሽቻው።

7 ሄርድስ ናቶ፣ “ኔና ሎኤዳዋ አያን ግደጥ፣ ታና ኦቻ፤ ታን ነው እማና” ያጊደ እዘው ጫቄዳ።

8 ናታ ባረ ዳይ ዘርያ አካደ ሄርድሳ፣ “ጸማቅያ ዮሃንሳ ሀጲያ ሀ ዋጪትያን ዋላደ ታው እማ” ያጋዴ።

9 ካቲ እው ቃረቲዳ፤ ሽን ባረ ጫቁዋ ድራውን ባረናና ማዳን ኡቲዳ እማላ ድራው፣ እዘው ዮሃንሳ ሀጲ እመታና ማላ አዘዜዳ።

10 ካቲ ከቲደ፣ ዮሃንሳ ቆጵያ ቃሽ ጎለን ሙጭሴዳ።

11 ሀጲያ ዋጪትያን ዋል አሂደ፣ ናትው እሜድኖ፤ ናታ ሄ ሀጲያ ባረ አትኮ አፋዳ።

12 ዮሃንሳ ካልያዋንቱ ዪደ፣ አ አሃ አፊደ ሞጌድኖ፤ ሄዋጥ ሰሚደ ሀ የወዋ የሱሳው ቢደ ኦዴድኖ።

የሱስ እቺሹ ሻእ አሳ ሞዜዳ

(ማር. 6:30-44፤ ሉቃሳ 9:10-17፤ ዮሃ. 6:1-14)

13 የሱስ ሄዋ ሰሲደ፣ ዋንግርያን ገሊደ፣ ሄዋጥ ባረካ አሳይ ባይናሳ ቤዳ፤ አሳይ ሄዋ ሰሲደ፣ ካታማጥ ደንዴደ፣ ገድያን አ ካሌድኖ።

14 የሱስ ዋንግርያጥ ከሴዳ ዋይ፣ ዳር አሳ በኢደ፣ ሄ አሳው ቃረቲዳ፤ ያተደ ኡንቱንቱና ደእያ ሀርጋንቻቱዋ ገሌዳ።

15 ሳእይ ኦማርሰያ ዋይ፣ የሱሳ ካልያዋንቱ አኮ ዪደ፣ “ሀዌ ሳእይ አሳይ ባይናሳ፤ ሀእ ሳእይ ቃዎ ድጌዳ፤ አሳይ ኡባይ ቁር ካታማቱዋ ቢደ፣ ባረንቶ ቁማ ሻማና ማላ፣ አሳ ሞይዛ” ያጌድኖ።

16 ሽን የሱስ ኡንቱንታ፣ “አሳይ ባናው ኮሸና፤ አሳው ሜተትያባ ሀንተንቱ እሞተ” ያጌዴ።

17 ኡንቱንቱ ዘሪደ አ፣ “ኅው ሀዋን እቺሹ ኡክፋጥን ላኡ ሞልያጥ አትን፣ ሀራይ ባዋ” ያጌድኖ።

18 የሱስ ኡንቱንታ፣ “ሄዋንታ፣ ሃ ታኮ አህተ” ያጌዴ።

19 አሳይ ማታን ኡታና ማላ፣ የሱስ አዘዜዳ፤ እቺሹ ኡክፋን ላኡ ሞልያ ኦይቂደ፣ ሳሊዋ ፑደ ጸሊደ፣ ጸሳ ጋላቲዳ፤ ሄ ኡክፋ ማንጸደ፣ ባረና ካልያዋንቶ እሞና፣ ኡንቱንቱ ጮራ አሳው ግሼድኖ።

20 አሳይ ኡባይ ሚደ ካሌዳ፤ አቲዳ ሱፓ ደካ ታማን ላኡ ዘሞቤልያ ኮሜዳዋ ደንጤድኖ።

21 ሜዳ አሳይ ማጫ አሳን ናና ፓይደና፣ እቺሹ ሻእ ግድያዋ ከና።

የሱስ አባ ቦላና ሀመቲደ ቤዳ

(ማር. 6:45-52፤ ዮሃ. 6:15-21)

22 የሱስ ጮራ አሳ ሞይዚደ፣ ባረና ካልያዋንታ ዋንግርያን ገሊደ፣ ባረጥ ሰንፋቲደ፣ አባጥ ሄናንፋ ጥናና ማላ አዘዜዳ።

23 አሳ ሞይዚደ፣ ጸሳ ዋሳናው ደርያ ሀጲያ ባረካ ከሴዳ፤ ሳእይ ቃዎ ድግናካ ሄዋን ባረካ ደኤ።

24 ሽን ዋንግሪ ሄ ዋይ፣ አባ ቦላን ደእሸን፣ ሰንፋ ባጋና ጫርኩ ጫርክያ ድራው፣ ቤታይ ዋንግርያ ያን ሃን ሱጌ።



25 ባይራ ኩቱ ዋሰ ሰሞና፣ የሱስ አባ ቦላ ሀመቲድ፣ አንቱንቱኮ ዬዳ።  
 26 እ ካልያዋንቱ አባ ቦላ እ ሀመትሽን በእ ዳጋሚድ፣ “ሀዌ ሞይትልያ ግደኔ!” ግ ያዪደ ዋሴድኖ።  
 27 ሽን የሱስ ኤላካ አንቱንታ፣ “አይነ ባዋ፤ ታናተ፤ ያየጥተ!” ያጌዳ።  
 28 ጳጵሮስ ዛሬደ አ፣ “ታ ጎዳዉ፣ ሀዌ ኔና ግደጥ፣ ታን ሃላ ቦላና ኔኮ ባና ማላ፣ ታና አዛዘርኪ” ያጌዳ።  
 29 የሱስ ጳጵሮሳ፣ “ሃያ!” ያጌዳ።  
 ጳጵሮስ ዋንግርያጥ ዋጂድ፣ ሃላ ቦላና ሀመቲድ፣ የሱሳኩ ቡሳ ደሜዳ።  
 30 ሽን ጫርኩዋ ዋልቃ በኢደ፣ ያዬዳ፤ ሃላይ ባረና ሞቱዋ ደሜዳ ዋደ፣ ባረ ኮሻ ጶቁ ኦሊደ፣ “ታ ጎዳዉ ታና አሻርኪ!” ያግ ዋሴዳ።  
 31 ሄ ማንእያን የሱስ ባረ ኩሽያ የድ ጳጵሮሳ ኦይቂደ፣ “ላ ሀ አማኑ ላፌዳዎ! አያዉ ሰላዲ?” ያጌዳ።  
 32 አንቱንቱ ላኤ ዋንግርያን ገሌዳ ዋደ፣ ጫርኩ ዋፑ ጌዳ።  
 33 ዋንግርያ ግደን ደእያ እ ካልያዋንቱ የሱሳ፣ “ኔን ጸሳ ናክ ግደዳዌ ቱማ” ያጌደ አዉ ጎይኔድኖ።

**የሱስ ገንሳሬጸን ሀርጋንቻ ፓሌዳ**  
 (ማር. 6:53-56)

34 አንቱንቱ አባ ጥጌድ፣ ገንሳሬጸ ጌተትያ ጋድያ ጋኬድኖ።  
 35 ሄ ጋድያ አሳይ የሱሳ ግድያዋ ኤሬድኖ፤ ሄዋ ሄራ ጋድያ ኡባ ከቲደ፣ ሀርግያ አሳ ኡባ አኮ አሄድኖ።  
 36 ሀርግያ አሳይ አ ማዩዋ ማጫራ ጸላላ ቦቻና ማላ፣ አ ዋሴድኖ፤ አ ማዩዋ ማጫራ ቦቹዳ ኡባይካ ፓጺዳ።

**15**

**አዎቱዋ ዎጋባ**  
 (ማር. 7:1-13)

1 ሄዋጥ ጉይያን፣ ህግያ ታማርሰያ እት እት አሳይነ ፓርሳዋቱ የሩሳላመጥ የሱሳኩ ዪደ።  
 2 “ኔና ካልያዋንቱ አያዉ ኑ አዎቱዋ ዎጋ ባይዚኖ? እያዉ ጎጥ፣ አንቱንቱ ቁማ ማናጥ ካሰቲደ፣ ባረንቱ ኩሽያ ሜጫትክኖ” ያጌድኖ።  
 3 የሱስ ዛሬደ፣ አንቱንታ ሀዋዳን ያጌዳ፤ “ህንተንቱ ህንተ ዎጋ ድራዉ፣ ጸሳ አዛዘዋ ፖልያዋ አያዉ እጸቲ።  
 4 አያዉ ጎጥ ጸሳይ፣ ና አባነ ነ ዳዮ ቦንቻ፣ ቃይ፣ ባረ አባ ዎይ ባረ ዳዮ ቦርያዌ ሀይቆ ያጌዳ።  
 5-6 ሽን ህንተንቱ፣ ሓት አሳይ ባረ አባ ዎይ ባረ ዳዮ ማድያባይ ባረዉ ደኢና፣ ሄዌ ጸሳዋ ጎጥ፣ ባረ አባ ዎይ ባረ ዳዮ ቦንቻናዉ በሰና፣ ያጌታ፤ ያቲደ ህንተንቱ ህንተንቱ ዎጋ ፖላናዉ ጸሳ ቃላዉ አዛዘትክታ።  
 7 ሀ ሎአ ማላትያ ኢታ አሳቶ፣ እሰያሰ ባለናን ህንተንቱባዉ ትምቢትያ ኦዲደ።  
 8 “ ጸሳይ ሀዋዳን ያጌዳ፤  
     “ሀዌ አሳይ ታና፣  
     ባረ ቦላ ደናን ቦንቹ፤  
     ሽን አንቱንቱ ዎዛናይ፣  
     ታጥ ሃኩዋን ደኤ።  
 9 አሳይ ታዉ መላ ጎይኔ፤  
     አያዉ ጎጥ፣ አሳይ ኦሌዳ አዛዘዋ፣  
 ጸሳ ሀግያ ማላትሲደ፣  
     ታማርሴድኖ” ጌዳ፣ ”  
 ያጌዳ።

**አሳ ቱንሰያዋንታ**  
 (ማር. 7:14-23)

10 የሱስ ዳር አሳ ባረኮ ጸሲደ፣ “ሰሰተነ እኩክተ፤  
 11 አሳ ቱንሰያዌ ደና ግደ ገልያዋ ግደና፤ ሽን አሳ ቱንሰያዌ ደናጥ ከሰያዎ” ያጌዳ።  
 12 ሄዋጥ ጉይያን፣ አ ካልያዋንቱ እኮ ዪደ፣ “ፓርሳዋቱ ኔን ሃሳይዳዋ ሰሲደ፣ ሀንቀቱዳዋ እኩካይ?” ያጌድኖ።

13 ሽን የሱስ ዛሬደ፡ “ሳሉዋን ደእያ ታ አቡ ቶክቤና ምላ ኡባይ ሾደታናዋ።

14 እንቲንቶ ሀርገተገጥ፤ እንቲንቲ ቆቃ ካለልያ ቆቃቱዋ፤ ቆቃይ ቆቃ ካለል፡ ላኡካ ኦላን ኩንዳ።”  
ያጌዳ።

15 ጳጳርስ ዛሬደ፡ “ሀ ሊምሱዋ ብለላ ኑዉ ኦዳርኪ።” ያጌዳ።

16 የሱስ ኡንቲንታ ሀዋዳን ያጌዳ፤ “ህንተንቶ ቃይ ሀእ ጋካናዉካ ገልቤኔ።

17 ደናና ገልያ ኡባይ ኡሉዋ ግድ ቢደ፡ ቃይ ኡሉዋ፡ ካረ ከሰያዋ ኤርክቲ።

18 ሽን ደና፡ ከሰያዋ ዋዛና፡ ከሰፊ፤ አሳ ቲንሰያዋ ሄዋ ማላ።

19 እያዉ ጎፐ፡ ዋዛና ግርግር ኢታ ቆፋይ፡ ዋጵያዋ፡ ዋሹምያዋ፡ ቃይ ዋሹማናዉ ካጆልያዋ ኡባይ፡ ዉእያዋ፡ ዋርዱዋን ማርካትያዋ፡ ቦሪ ከሴ።

20 ሄዋ ማላትያዋ አሳ ቲንሰያዋ፡ ኢትን፡ ማጭቤና ኩሽያን ምያዋ አሳ ቲንሰና።” ያጌዳ።

**ካናን አሳ ግዴዳ እት ማጫዉን አማኑዋ**

(ማር. 7:24-30)

21 ሄዋ፡ ጉይያን፡ የሱስ ሄዋ፡ እጊደ፡ ጸርሳን ሲደና ጌተትያ ካታማቱ ደእያ ጋድያ ቤዳ።

22 ካናን ጌተትያ ጋድያ ማጫዉና እትና ሄዋ፡ የሱሳኩ ያደ፡ ባረ ኮሻ ጶቁ ኦላደ፡ “ታ ጎዳዉ፡ ዳዋታ ናአዉ፡ ታዉ ቃረታርኪ፤ ታ ናቶ ኢታ አያናይ ሎኤና ኦይላ ኦይቁዳ።” ያጌዳ።

23 ሽን የሱስ እዝዉ አይ ቃላን ቃትቤና፤ እ ካልያዋንቱ እኩ ዪደ፡ “ሀ ምሽራታ ኑ ጌዱዋ ካላ ካላደ፡ ባረ ኮሻ ጶቁ ኦላደ ኦዳዉ፤ ሄዋ ድራዉ፡ ኔን እዝ የዳርኪ።” ያጌደ ዋሴድና።

24 የሱስ ዛሬደ፡ “ታን ባዬዳ ደርሳዉ፡ እስራኤልያ አሳ ጸላላዉ ከተታድ።” ያጌዳ።

25 ሽን እዛ ያደ፡ “ታ ጎዳዉ፡ ታና ማዳርኪ።” ያጌደ እዉ ጎይናዳ።

26 ቃይ እ ዛሬደ፡ “ናና ቁማ እኪደ፡ ካና ማራዉ ኦልያዋ ሎእ ግድና።” ያጌዳ።

27 ምሽራታ፡ “ኤ ታ ጎዳዉ፡ ሄዋ ቱማ፤ ሽን ሀራይ አቶ ካና ማራቱ ባረንቱ ጎዳቱ ሚና፡ ሳምፓፕ ላለቲዳ ሱፓ ሚናቲ።” ያጌዳ።

28 የሱስ ዛሬደ እዝ፡ “ሀ ምሽራቱ፡ ነ አማኑ ዋልቃማ፤ ኔን ኮዬዳዋዳን ነዉ ሀና።” ያጌዳ። እዝ ናታ ኤለካ ፓጻ አጋዳ።

**የሱስ ጮራ ሀርጋንቻቱዋ ፓሌዳ**

29 የሱስ ሄዋ፡ ደንዲደ፡ ጋለላ አባ ማታ ቤዳ፤ ቃይ እት ደርያ ቦላ ከሲደ፡ ሄዋን ኡቲዳ።

30 ዳር አሳይ ዋባቱዋ፡ ቆቃቱዋ፡ ቁናቱዋን ዱደቱዋ፡ ቃይ ሀራ ጮራቱዋ እኩ አሂደ፡ እ ማታን ዋሌዳ፡ የሱስ ኡንቲንታ ፓሌዳ።

31 ሄዋ ድራዉ፡ አሳይ ዱዳቱ ሃሳይሽን፡ ቁናቱ ሱርሽን ዋባቱ ሀመትሽን፡ ቆቃቱ ጸልሽን በእ ማላለቲደ፡ እስራኤልያ ጸሳ ጋላቲድና።

**የሱስ ኦይዱ ሻእ አሳ ምዜዳ**

(ማር. 8:1-10)

32 የሱስ ባረና ካልያዋንታ ባረኩ ጸሲደ፡ “ሀ ጮራ አሳይ ታናና ሄዝ ጋላሳይ ጋካናዉ ጋምኤዳ ድራዉ፡ ታን ሀ አሳዉ ቃረታይ፤ ኡንቲንቶ ሀእ ምያዋ ባዋ። ቃይ ኡንቲንቲ ኦግን ዳቡሪደ ኩንደና ማላ፡ ቁማ ምዜናን ኡንቲንታ መላ የዳናዉካ ኮይከ።” ያጌዳ።

33 እ ካልያዋንቲ ዛሬደ የሱሳ፡ “ኡን ሀ ባዙዋን ሀዋ ኪና አሳ ካልሰያ ቁማ ሀቃ፡ ደማኔ?” ያጌድና።

34 ቃይ የሱስ ኡንቲንታ፡ “ህንተንቶ እፑን ኡክላይ ደእ?” ያጌደ ኦቹዳ።

ኡንቲንቲ፡ “ላፑ ኡክላይን ሞለቱዋ፡ እማራዳዋንቲ ደእና።” ያጌድና።

35 የሱስ አሳ፡ “ሳእን ኡትተ።” ያጌዳ።

36 ሄ ላፑ ኡክላይን ሞልያ ኦይቁደ፡ ጸሳ ጋላቲዳ፤ መንገዱ ወላደ ባረና ካልያዋንቶ እማዳ፤ ቃይ ኡንቲንቲ ጮራ አሳዉ እማድና።

37 አሳይ ኡባይ ሚደ ካሊዳ፤ ሚና ኦቲዳ ላፑ ዛምቤልያ ኩሚዳ ሱፓ እ ካልያዋንቲ ደንጌድና።

38 ሚዳ አሳይ ማጫ አሳን ናና ፓይደናን፡ ኦይዱ ሻእ እቲማ አሳ።

39 የሱስ አሳ የደዋ፡ ጉይያን፡ ዋንግርያን ገሊደ፡ መገደን ጌተትያ ጋድያ ቤዳ።

**16**

**ማላታ በእናዉ ኦቹዳ እሻ**

(ማር. 8:11-13፤ ሉቃሳ 12:54-56)

1 እት እት ፓርሳዋቱን ሳዱቃዋናቱ የሱሳኩ ዪደ፡ እ ፓጫናዉ ኮዬድና፤ ያቲደ ባረንታ ሳሉዋ፡ ማላታ በሳና ማላ ዋሴድና።

2 ሽን የሱስ ዛሬደ፡ ኡንቲንታ ሀዋዳን ያጌዳ፤ “ሳእይ ቃምያ ዋደ ህንተንቲ፡ ሳሉ ዘኤዳ ድራዉ፡ ሳእይ ሻማናዋ” ያጌታ፤

3 ዋንቱማላን ቃይ፡ ሳሉ ዘኢደ ጉባኔዳ ድራው፡ ሀቼ እራይ ቡካናዋ፡ ያጊታ፤ ሳሉዋ ጸሊደ፡ ሳእይ ሀናናዋ ኤራናዋ ዳንዳይታ፤ ሸን ታ ዩሳ ዋድያ ማላታ ሻክ ኤራናዋ ዳንዳይክቲ? \*

4 ሀ ዋድያ አሳይ ኢታይን ዋሹምያዌ፡ ጸሳዉ እማነተናዌ፡ ማላታ ኮዬ፤ ናብያ ዮናሳ ማላታገ አትን፡ ሀራ ማላታይ አዉ እመተና። ያጊዳ። ሄዋጥ ሰሚደ፡ ኤንቱንታ አጊደ ቤዳ።

**ፓርሳዋቱዋ ሳዱቃዋናቱዋ እርሹዋ**  
(ማር. 8:14-21)

5 እ ካልያዋንቱ አባ ጥኔዳ ዋደ፡ ቁማ አፋናዋ ደጊድና።

6 የሱስ ኤንቱንታ፡ “ፓርሳዋቱዋ እርሹዋጥን ሳዱቃዋናቱዋ እርሹዋጥ ሀንተንታ ኤሪደ ናገትተ” ያጊዳ።

7 እንቱንቱ ባረንቱ ግደን፡ “እ ሀዋ ያግያዌ ኩን ቁማ አህበና ድራሳ” ያጊደ ሃሳያ ደሚድና።

8 ሸን ኤንቱንቱ ግያዋ የሱስ ኤሪደ፡ “ሀ አማኑ ፓጩዳዋንቶ፡ ቁማይ ባይና ድራው፡ እያዉ ሀንተንቱ ግደን ሃሳዩቲ?

9 ሀእካ ሀንተንቶ ገልቤኔ? ታን እቼሹ ኡክላ እቼሹ ሻእ አሳ ምዛደ ካልሴዳዋ፡ ቃይ ሀንተንቱ እፑን ዛምቤልያ ኩንሲደ አቴዳ ሱፓ ደንሴድተንቶ ዋዛና አልክቲ?

10 ዋይ ታን ሳፑ ኡክላ ኢዱዱ ሻእ አሳ ምዛ ካልሴዳዋ፡ ቃይ ሀንተንቱ እፑን ዛምቤልያ ኩንሲደ አቴዳ ሱፓ ደንሴድተንቶ ዋዛና አልክቲ?

11 ታን ሀንተንታ ፓርሳዋቱዋ እርሹዋጥን ሳዱቃዋናቱዋ እርሹዋጥ ናገትተ ግያዋጥ አትን፡ ኡክላባ ሀንተንቶ ሃሳያባናዋ ሀንተንቱ ዋኒደ እኬክክቲ?” ያጊዳ።

12 እ ካልያዋንቱ የሱስ ባረንቶ ኡዳዳዋ፡ ፓርሳዋቱዋ ትምርትያጥን ሳዱቃዋናቱዋ ትምርትያጥ አንቱንቱ ናገታና ማላ ኦደቶዋጥ አትን፡ ሙናቃን ትግያ እርሹዋጥ ናገታና ማላ ግደናዋ ሄ ዋይ እኬኬድና።

**ጳጳርሳ እማኑዋን ማርካተሳ**  
(ማር. 8:27-30፤ ሉቃሳ 9:18-21)

13 የሱስ ቁሳርያ ፕሊጶሳ ጌተትያ ጋድያ ጋኬዳ ዋደ፡ ባረና ካልያዋንታ፡ “አሳይ ታና፡ አሳ ናኣ ኦና ጊ?” ያጊደ ኦቼዳ።

14 እ ካልያዋንቱ ዛሪደ፡ “ኔና እት እት አሳይ፡ ጸማቅያ ዮሃንሳ ያጊ፤ ሀራንቱ ቃይ ኤሳሳ ያጊና፤ ቃይ ሀራንቱ ኤርማሳ ዋይ ናባቱዋጥ እቱዋ ያጊና” ያጊድና።

15 የሱስ ኤንቱንታ፡ “ያትና ሀንተንቱ ታና ኦና ጊቲ?” ያጊዳ።

16 ሰዋን ጳጳርሰ ዛሪደ፡ “ኔን ደኡዋ ጸሳ ናኣ ክርሰቶሳ” ያጊዳ።

17 የሱስ ዛሪደ፡ ሀዋዳን ያጊዳ፤ “ዮና ናኣ ሰዋና፡ ሀዋ ነዉ ሳሉዋን ደእያ ታ እቡ ኤርሴዳዋጥ አትን፡ አሳይ ኦንነ ኔና ኤርሰቤና ድራው፡ ኔን እንጀቲዳዋ።

18 ጳጳርሳ፡ ታን ነዉ ኦዳይ፤ ኔን ሹቻ፤ ታን ሀ ዛላ ቦላ ታ ዋሳ ጎልያ ኬዳና፤ ታ ዋሳ ጎልያ ሀራይ እቶ፡ ስኦልያ ዋልቃይካ ጸናናዉ ዳንዳየና።

19 ታን ነዉ ሳሉዋ ካዉተሳ ቁልፕያ እማና፤ ኔን ሳኣን ሀሮ ጎዌ ኡባይ ሳሉዋን ጸሳ ሰንላን ሀናና፤ ሸን ኔን ሳኣን ሀሮ፣ ጌዳዌ ሳሉዋንካ ሀናና” ያጊዳ።

20 ሄዋጥ ጉይያን፡ እ ክርሰቶሳ ግዴዳዋ እ ካልያዋንቱ ኦስነ ኦደና ማላ፡ ኤንቱንታ አዛዘዳ።

**የሱስ ባረና ጋካና ሙቱዋባን ሀይቁዋባ ኮይሮ ኦዲዋ ኦዲዳ**  
(ማር. 8:31-33፤ ሉቃሳ 9:22-27)

21 ሄ ዋድያጥ ደሚደ የሱስ፡ “ታን የሩሳላመ ቤና፡ ታና ጭማቱ፡ ቁሳቱዋ ካፓቲነ ህግያ ታማርሰያዋንቱ ዳሪ ዋይሳናዉ በሴ፤ ኤንቱንቱ ታና ዋሳናዉን ታን ሄዛኦጶ ጋላስ ሀይቁዋጥ ደንዳናዉ በሴ” ያጊደ፡ ባረና ካልያዋንቶ ጌሽደ ኦዲዋ ደሚዳ።

22 ጳጳርሰ እ እት ባጋ ዛሪደ፡ “ታ ጎዳዉ፡ ጸሳይ ኔና ሄዋጥ እሹ፤ ሀዌ ነ ቦላ ኡባካ ዬና” ያጊደ እ ዘራናዉ ደሚዳ።

23 ሸን የሱስ ጉዮ ሰሚደ ጳጳርሳ፡ “ሀ ሴዳናዉ፡ ኔን ታ ማታጥ ክቻ፤ ኔን አሳይ ደሰያዋ ቆፕያዋጥ አትን፡ ጸሳይ ደሰያዋ ቆፕና ድራው፡ ታዉ ጴቦ ግዳዳ” ያጊዳ።

**የሱሳ ካላናዉ ኮሽያ ኦግያ**  
(ማር. 8:34—9:1፤ ሉቃሳ 9:23-27)

24 ሄዋጥ ጉይያን፡ የሱስ ባረና ካልያዋንታ ሀዋዳን ያጊዳ፤ “ታና ካላናዉ ኮይያ ኡራይ ደአፕ፡ ባረና ካደ፤ ያቲደ ባረ ማስቃልያ ቶኪደ፡ ታና ካሎ።

25 እያዉ ጎፕ፡ ባረ ሸምፑዋ አሻናዉ ኮይያ ኡራይ ባይዛናዋ፤ ሸን ባረ ሸምፑዋ ታ ድራዉ ባይዝያ ኡራይ አሻናዋ።

\* 16:3 እት እት ጌሻ ማጻፋ በን ብለላቱዋን የሱሳ ቃላቱ ሀ ጋይዳቱዋን ባዋ።

26 እት ኡራይ ሳእን ደእያ ኡባባ ባረጠ ሺሺደ፣ ባረ ሸምጥዋ ባይዘጥ፣ እ እያ ማዳኒ? ዋይ እት ኡራይ ባረ ሸምጥዋ ዋዘናጠ እያ እማና ዳንዳዪ?  
 27 እያጠ ሳጥ፣ ታን፣ እሳ ናእይ፣ ታ እሱ ቦንቹዋን ታ ኪታንቻቱዋና ያና ሀናይ፤ እሳ ኡባጠ ሄ ዋይ እ እሱዋ ጋትያ እማና።  
 28 ታን ሀንተንቶ ቱሙዋ ጋይ፤ እማራዳ እሳቱ፣ ታን፣ እሳ ናእይ፣ ካትያ ግዳደ ይያዋ በእና ጋካናጠ፣ ሀይቀናዋንቱ ሀዋን ደእና” ያጌዳ።

# 17

የሱሳ ማላይ ላመቲዳ  
 (ማር. 9:2-13፤ ሉቃስ 9:28-36)

1 የሱሱ ኡሱዋን ጋላሳጥ ጉይያን፣ ባረናና ጳጳሮሳ፣ ያቆባ፣ ያቆባ እሻ ዮሃንሳ እኪደ፣ ኡንቱንቱ ጸላላ ዋጋ ደርያ ሁጲያ ከሴዳ።  
 2 ቃይ ኡንቱንቱ ጸልሸን፣ ኡንቱንቱ ሰንሳን ላመቲዳ፤ እ ዳሙ እዋይፍያዳን ፖኤዳ፤ እ ማዩካ ፖኤዳን ጸሌዳ።  
 3 ሙሴን ኤላሰ የሱሳና ሃሳይሸን፣ ሀ ሄዙ እ ካልያዋንቱ በኤድና።  
 4 ጳጳሮሰ የሱሳ፣ “ታ ጎዳጠ፣ ኡን ሀዋን ደእያዋ ኑጠ ሎእ፤ ኔን ደሶጥ፣ ኡን ሀዋን ሄዙ ዳሰያ እቱዋ ነጠ፣ እቱዋ ሙሴጠ፣ እቱዋ ኤላሳጠ ኬዳና” ያጌዳ።  
 5 እ ሃሳይሸን፣ ፖእያ ሻሪ ዪን ኡንቱንታ ካም እጌዳ፤ ሻርያ ግደጥ፣ “ሀዋ ታን ሲቅያ ታና ናሸቻያ ታ ናእ፤ እ ግያዋ ሰሰጥ” ግያ ቃላይ ዬዳ።  
 6 እ ካልያዋንቱ ሄ ቃላ ሰሴዳ ዋይ፣ ዳር ያዪደ፣ ጉፋን እጌድና።  
 7 የሱሰ ኡንቱንቱን ዪደ፣ ኡንቱንታ ቦቹደ፣ “ዳጎድተ፤ ያዮጥተ” ያጌዳ።  
 8 ኡንቱንቱ ጶቁ ጊደ ጸልያ ዋይ፣ የሱሳ ጸላላጥ እትን፣ ሀራ እሳ ኡናን በእበይክና።  
 9 ኡንቱንቱ ደርያጥ ዋድሸን፣ የሱሰ ኡንቱንታ፣ “ታን እሳ ናእይ፣ ሀይቁዋጥ ደንዳና ጋካናጠ፣ ሀ ሀንተንቱ በኤዳዋ ኦስን ኦደጥተ” ያጌደ እዛዜዳ።  
 10 እ ካልያዋንቱ የሱሳ፣ “ያትና፣ ሀግያ ታማርሰያዋንቱ እያጠ፣ ኤላሰ ካሰቲደ ያናጠ በሴ” ጊና?” ያጌደ ኦቹድና።  
 11 እ ዛሪደ ያጌዳ፤ “ኤላሰ ካሰት ዪደ፣ ኡባባ ገገሳናዋ።  
 12 ሸን ታን ሀንተንቶ ኦዳይ፤ ኤላሰ ሀዋጥ ካሰ ይ ድጌዳ። ሄ ዋይ እሳይ እ፣ ባረንቶ ኮዬዳዋዳን ኡባ ኡልዳዋጥ እትን እ ኤርበይክና፤ ሄዋዳንካ፣ ቃይ ታና፣ እሳ ናእ፣ እሳይ ዋይሳናዋ” ያጌዳ።  
 13 እ ካልያዋንቱ ሄ ዋይ ባረንቶ የሱሰ ጸማቅያ ዮሃንሳባ ኦድያዋ እኬኬድና።

የሱሰ ኢታ እያናይ ኦይቁዳ ናእ ፓሌዳ  
 (ማር. 9:14-29፤ ሉቃስ 9:37-43)

14 ኡንቱንቱ ዳር እሳኮ ዬዳ ዋይ፣ እት ብታጌ የሱሳኮ ዪደ፣ እ ሰንሳን ጉልባቲደ፣  
 15 “ታ ጎዳጠ፣ ታ ናእ ዋዘና ባይዘያ ሀርጌ ኦይቁና፣ እ ዳር ዋይ ታማን፣ ቃይ ዳር ዋይ ሃሳን ከንድያ ድራጠ፣ እ ዳር ሳኮቲ፤ እ ፓላርኪ።  
 16 ኔና ካልያዋንቱኮካ እ እሃድ፤ ሸን ፓላርጠ ዳንዳይበይክና” ያጌዳ።  
 17 የሱሰ ዛሪደ ኡንቱንታ፣ “እማና ሀ ዋድያ ጌላ እሳጠ! ታን ሀንተናና እጠደ ጋካናጠ ደእኔ? ቃይ ሀንተንቱባ እጠደ ጋካናጠ ዳንዳያን? ናእ ታኮ ሃ እኪደ ዪተ” ያጌዳ።  
 18 የሱሰ ኢታ እያና፣ “እጥ ከሳ” ጊደ እዛዘና፣ ኢታ እያናይ ናእጥ ከሰ እጌዳ፤ ኤላካ ናእይ ፓጽ እጌዳ።  
 19 ሄዋጥ ጉይያን፣ እ ካልያዋንቱ ባረንቱ ጸላላ የሱሳኮ ዪደ፣ “ኡን ኢታ እያና ከሳናጠ እያጠ ዳንዳይበይኮን?” ያጌድና።  
 20 የሱሰ ኡንቱንታ ያጌዳ፤ “ሄዋ ሀንተንቱ እማኑ ጉዬዳ ድራሳ፤ ታን ሀንተንቶ ቱሙዋ ኦዳይ፤ ሀንተንቶ ሳናፍጫያ ጌተትያ ጉላ ሞሳት እይፍያ ከና እማኑ ደእንቶ፣ ሀንተንቱ ሀ ደርያ፣ ሀዋጥ ያ ሸቃ ያግገቶ እ ሺቃና፤ ሀንተንቱ እያን ኦሳናጠካ ዳንዳያንታ።  
 21 ሸን ሀዋ ማላ ዋሳጥን ጸማጥ ሀራባይ ከሳናጠ ዳንዳያና” ያጌዳ።

የሱሰ ባረ ሀይቁዋባ ላእኑሱዋ ኦዳዳ  
 (ማር. 9:30-32፤ ሉቃስ 9:43-45)

22 እ ካልያዋንቱ ጋለላን፣ እትጥ ሸቃ ኡት ደእሸን፣ የሱሰ ኡንቱንታ፣ “ታና፣ እሳ ናእ፣ እሳይ እሳጠ እሌደ እማና።

23 አሳይ ታና ዎጻናዎ፤ ሄዋጥ ጉይያን ታን ሄዘንልያ ጋለሰ ሀይቁዋጥ ደንዳና። ያጌዳ። እ ካልያዋንቱ ዳሮ ቃረቲድኖ።

**ጌሻ ጎልያ ጌራ ጌርያዎ**

24 የሱሰን እ ካልያዋንቱ ቅፍርናሆማ ካታማ ዬዳ ዎደ፣ ጌሻ ጎልያሰ ቃራጸ እክያዋንቱ ጸጽሮሳኩ ዪደ፣ “ሀንተንታ ታማርሰያዌ ጌሻ ጎልያ ጌራ ጌርኔን?” ያጌድኖ።

25 እ ዛሪደ፣ “ጌራ” ያጌዳ።

ጸጽሮሰ ሰይ ገሌዳ ዎደ፣ የሱሰ ካሰቲደ እ፣ “ሰሞና፣ ነ ቆፋይ እዬ? ሀ ሳኣ ካታቱ ቃራጸ ዎይ ጌራ ኦፐ እኪኖ? ባረንቱ ጋድያ አሳፐ እኪኖ ዎይ ሀራ ጋድያ አሳፐ እኪኖ?” ያጌዳ።

26 ጸጽሮሰ፣ “ሀራ ጋድያ አሳፐ እኪኖ” ያጌዳ።

የሱሰ ጸጽሮሳ፣ “ያቶፐ፣ ጋድያ አሳይ ጌራናዉ በሰና።

27 ሽን ኑን ሀ አሳቱዋ ሀንቀፋናዉ ኮኮኮ፤ ኔን አባ ባደ እን ዳባ የጋ፤ ያታደ ኮይሮ ከሰያ ሞልያ ኦይቃደ፣ እ ዶና ፖቅያ ዎደ፣ ጌራዉ ግድያ ሚሻ ኔን ደማና። ሄዋ አካደ፣ ታ ጌራነ ነ ጌራ ኤንቱንቶ እማ” ያጌዳ።

# 18

**ኡባፐ አድያዌ ኦኔ?**

(ማር. 9:33-37፤ ሉቃሳ 9:46-48)

- 1 እ ካልያዋንቱ የሱሰኩ ሄ ዎደ ዪደ፣ “ሳሉዋ ካዉተላን ኡባፐ አድያዌ ኦኔ?” ያጌድኖ።
- 2 የሱሰ እት ጉላ ናኣ ጸሰ ኤንቱንቱ ግደን ኤሲደ፣ ሀዋዳን ያጌዳ፤
- 3 “ታን ሀንተንቶ ቱሙዋ ኦዳይ፤ ጸሳኩ ሀንተንቱ ሰሚደ፣ ጉላ ናናዳን ሀናና ጳዮፐ፣ ሳሉዋ ካዉተላ ኡባካ ገላናዉ ዳንዳይክታ።
- 4 ሰዎ ሀ ጉላ ናኣዳን፣ ባረና ካዉሽያ ኦንን ሳሉዋ ካዉተላን ኡባፐ አድያዎ።
- 5 ቃይ ሀዋ ማላ ናኣ ታ ሱንላን ሞክያ ኦንን ታና ሞኪ።
- 6 ሽን ታና አማንያ ሀ ጉላ ናናፐ እቱዋ ባለልያ ኦንን፣ ጋጭያ ዎጋ ዎጸ ባረ ቆድያን ቃቺደ፣ አባ ጨሙዋን ሞተትያዌ አዉ ሎኦ።

**ጱቦ ጋሶ ግድያዎ**

(ማር. 9:42-48፤ ሉቃሳ 17:1-2)

- 7 “አሳሚ አሳ ጱቦን ድራዉ፣ ሳኦዉ አየሮ፤ እያዉ ጎፐ፣ ጱቦያባይ ዩሳ አገና፤ ሽን ጱቡ እ ጋሶታን ይያ ኡራዉ አየሮ።
- 8 “ኔና ኩሺ ዎይ ነ ገዲ ኔና ባለላፐ፣ ኔፐ ቃንጸ ኦላ፤ ኔን ላኡ ኩሽያናን ላኡ ገድያና መድና ታማን ኦለትያዋፐ ዋባ ዎይ ዱጸ ኩሽያና መድና ደኡዋ ገልያዌ ነዉ ሎኦ።
- 9 ቃይ ነ አይፊ ኔና ባለላፐ፣ ኔፐ ዎጫ ከሳ ኦላ፤ ኔን ላኡ አይፍያና ጋናምያ ታማን ኦለትያዋፐ እት አይፍያና መድና ደኡዋ ገልያዌ ነዉ ሎኦ።
- 10 “ሀንተንቱ ሀ ጉላቱዋፐ እቱዋን ካፍ ማላ፣ ሀንተንታ ናግተ፤ እያዉ ጎፐ፣ ታን ሀንተንቶ ኦዳይ፤ ሳሉዋን ኤንቱንቱ ከታንቻቱ ኡባ ዎደ፣ ሳሉዋን ደእያ ታ አቡ ሰንላን ደእኖ።
- 11 እያዉ ጎፐ፣ ታን፣ አሳ ናኣይ፣ ባዬዳዋ አሻናዉ ያድ።

**ባዬዳ ድርሳ ለምሱዋ**

(ሉቃሳ 15:3-7)

- 12 “እት አሳዉ ጹቱ ድርሳቱ ደእያዋንቱፐ እቱ ባዮፐ፣ ኡዱፐ ታማን ኡዱፐቱዋ ደርያን አገደ፣ ሄ ባዬዳዋ ኮያናዉ ቤን? ሀንተንቱ ዋጊቱ?
- 13 ታን ሀንተንቶ ቱሙዋ ጋይ፤ እ ደሞፐ፣ ባይቤና ኡዱፐ ታማን ኡዱፐ ድርሳቱዋፐ አሊደ፣ ሄ እት ድርሳን ናሽቱ።
- 14 ሄዋዳንካ፣ ሳሉዋን ደእያ ሀንተንቱ አቡ ሀ ጉላቱዋፐ እቱ ባያናዋካ ኮየና።

**ባይዜዳ አሳዉ ኦፋናዉ በሰያባ**

- 15 “እሻይ ኔና ናቆፐ፣ ኔረካ እኮ ባደ፣ እ ናቁዋ አዉ ኦዳ፤ እ ነዋ ሰሰፐ፣ ነ እሻ ባላፐ ዛራዳ።
- 16 ሽን እ ነዋ ሰሰናን እጸፐ፣ ላኡ ዎይ ሄዙ ማርካይ ማርካቶዋን የዉ ኡባይ ቱማትያ ድራዉ፣ ሀራ እት ዎይ ላኡ አሳ ኔናና እትፐ አፋ።
- 17 እ ኤንቱንቱባ ሰሰናን እጸፐ፣ ኡባባ አማንያ አሳዉ ኦዳ፤ ቃይ አማንያ አሳይ ግያዋካ እ ሰሰናን እጸፐ፣ አማንና አሳዳንን ቃራጸ ሺሽያ አሳዳን እ ፓይዳ።
- 18 “ታን ሀንተንቶ ቱሙዋ ጋይ፤ ኔን ሳኣን ሀኖ ጎዌ ኡባይ ሳሉዋን ጸሳ ሰንላን ሀናና፤ ሽን ኔን ሳኣን ሀኖፐ ጌዳዌ ሳሉዋንካ ሀነና።

19 “ቃይካ ታን ህንተንቶ ኦዳይ፤ ህንተተ ላኡ ኡራይ ሳእን ጳሳ ዋሰያዋን እይ የወዋንን እት ዋዛና ግደፕ፡ ሳሉዋን ደእያ ታ እቡ ሄዋ ህንተንቶ እማና።  
 20 እያወ ጎፕ፡ ላኡ ኡራይ ዋይ ሄዙ ኡራይ ታ ሱንሳን ሺቅያሳን፡ ታን ሄዋን ኡንቱንቱ ግዲዋን ደእይ” ያጌዳ።

**አቶ ግያዋ**

21 ጳድሮስ፤ ሄ ዋይ የሱሳኮ ዪደ፡ “ጎዳወ፡ ታ እሻይ ታና አፑ ካላ ናቆፕ ታን እወ አቶ ጋናወ በሲ? ላፑኑዋ ጋካናወ ናቂኔዬ?” ያጌደ አ ኦቹዳ።  
 22 የሱሰ ዛሪደ እ፡ “ግደና፡ ታን ኔና ላፑን ታሙ ካላ ላፑኑዋ ጋይፕ እትን፡ ላፑኑዋ ጸላላ ጊከ።  
 23 “እያወ ጎፕ፡ ሳሉዋ ካወተላይ ባረ ቆማቱዋና ሚሻ ሄተታናወ ቆፕዳ ካትያ በሲ።  
 24 ሄ ካቲ ሚሻ ሄተታናወ ደሚዳ ዋይ፡ ዳሮ ሚሎን ብራ አጩ ደእያ እት ብታንያ እኮ አሄድና።  
 25 ሸን ሄ ቆማወ አጩዋ ጭግያዋ ቆይና፡ አ ጎዳይ ሄ አጩዋ ጭጋናወ፡ አ ማቻታን እን አ ናናይ፡ ቃይ እወ ደእያ ኡባባይ ዛልኤታና ማላ፡ አ አዛዜዳ።  
 26 ሄዋ ድራወ፡ ቆማይ ባረ ጎዳ ሰንሳን ጉልባቲደ፡ ታ ጎዳወ፡ ሀያ ጎዳ ጉላ ዋድያ ናጋርኪ፤ ታን ነወ ኡባባካ ጭጋና ያጌደ አ ዋሴዳ።”  
 27 አ ጎዳይ እወ ቃረቲደ፡ አ የድ አጌዳ፤ አ አጩዋካ እወ ማር አጌዳ።  
 28 “ሸን ሄ ቆማይ ከሲደ፡ ባረ ላገላ ቆማቱዋፕ እቱ ባረፕ ጸቱ ብራ ሳንትሞያ ታልኡዳዋና ጋከቲደ፡ ና ቦላ ደእያ ታ ሚሻ ጭጋ” ያግ አይቁደ፡ አ ጩሌዳ።  
 29 “ያትና ሄ አ ላገላ ቆማይ አ ሰንሳን ጉልባቲደ፡ ሀእ ታይሻይ ጉላ ዋድያ ናጋርኪ፤ ታን ነወ ኡባባካ ጭጋና ያጌደ አ ዋሴዳ።  
 30 “ሸን እጽ አክ ቢደ፡ አ ላገላይ ሄ አጩዋ ቃንጸና ጋካናወ፡ ቃሾ ጎላ ገልሴዳ።  
 31 ሄዋ ድራወ፡ አ ላገላ ቆማቱ ሄዋ በኢደ፡ ዳሮ ይሎቴድና፤ ባረንቱ ጎዳኮ ቢደ፡ አ ኦሌዳ ኡባባ እወ ኦዳድና።  
 32 “ሄዋፕ ጉይያን፡ ጎዳይ ሄ ቆማ ጸሲደ፡ ሀ ኢታ ቆማወ፡ ኔን ታና ዋሴዳ ድራወ፡ ታን ሄ አጩዋ ኡባ ነወ ማራ አጋድ።  
 33 ታን ነወ ሄ አጩዋ ማራዳዋዳን፡ ኔንካ ነ ላገላ ቆማወ ማራናወ በሲን? ያጌዳ።  
 34 ሄዋፕ ሰሚደ እወ ዳሮ ሀንቀቲደ፡ ባረ አጩዋ ኡባ አ ጭግ ወርሳና ጋካናወ፡ ፓጸ ካኤታና ማላ፡ ቃሾ ጎላ ገልሴዳ።  
 35 “ህንተንቱ ሁጲያን ሁጲያን ህንተንቱ እሻወ ዋዛናፕ እቶ ጋና ቆፕ፡ ሄ ጎዳይ ባረ ቆማ ኦሌዳዋዳን፡ ሳሉዋን ደእያ ታ እቡካ ህንተንታ ሄዋዳን ኦላና” ያጌዳ።

**19**

**የሱሰ ገሉዋባን አካባ ታማርሴዳ (ማር. 10:1-12)**

1 የሱሰ ሄ ሃሳያ ወርሶዋፕ ጉይያን፡ ጋሊላፕ ደንዲደ፡ ዮርዳኖሳ ሻፋፕ ሄናንሳን ደእያ ይሁዳ ጋድያ ቤዳ።  
 2 ዳሮ አሳይ አ ካሊደ ቤዳዋ ሄዋን ፓሌዳ።  
 3 እት እት ፓርሳዋቱ ፓጫናወ የሱሳኮ ዪደ፡ “እት አሳይ እይ ጋሱዋን፡ ባረ ማቻቶ የዳናወ ኑ ሀጊ አዛዜ?” ያጌደ አ ኦቹዳና።  
 4 የሱሰ ዛሪደ፡ ሀዋዳን ያጌዳ፤ “ጸሳይ ኮይሮ ኡንቱንታ መጲደ፡ አቱማዋን ማጫወና ኦሌዳ።  
 5 ሄዋ ድራወ፡ ኣት አሳይ ባረ አባነ ባረ ዳዮ አጌደ፡ ባረ ማቻትና እትፕ ደኤ፤ ኡንቱንቱ ላኡ እት አሳ ግዲኖ ያግያ ቃላ ናባብበይክቱ?  
 6 ሄዋ ድራወ፡ ኡንቱንቱ እት አሳ ግድያዋፕ እትን፡ ላኡ አሳ ግድክኖ፤ ሄዋ ድራወ፡ ጸሳይ እትፕ ደእናዳን ጋላዋ አሳይ ሻኮፕ” ያጌዳ።  
 7 ፓርሳዋቱ የሱሳ፡ “ያትና፡ ሙሴ እያወ እት ኡራይ ባረ ማቻቶ ፕርማ ፔጲደ የዳና ማላ አዛዜዳ?” ያጌድና።  
 8 የሱሰ ዛሪደ፡ “ህንተንቱ ህንተንቱ ማቻቱዋ የዳና ማላ፡ ሙሴ ህንተንታ አዛዜዳዋ፡ ህንተንቱ ኦድና ሰሰና ጉዙማ ግድ ድራፕ እትን፡ ኮይሮ ሄዋ ማላ ግድና።  
 9 ታን ህንተንቶ ኦዳይ፤ ባረ ማቻቶ ዋሹመናን ደእሸን የዲደ፡ ሀራር እክያ ኦንካ ዋሹሜ፤ ሀራይ የዳዳወና እክያዌካ ዋሹሜ” ያጌዳ።  
 10 የሱሳ ካልያዋንቱ እ፡ “አሰና ግዲዋንን ማቻት ግዲዋን ደእያ ዋጋይ ሄዋ ማላ ግድፕ፡ አከናንን ገለናን ደእያዌ ሎእ” ያጌድና።

11 ሽን የሱስ ኤንቲንታ ያጌዳ፤ “ሄዋ ማላ ትምርቲ ጸሳይ እሞዋንቲሳጥ አትን፣ አሳ ኡባሳ ግደና፤

12 እያወ ጎጥ፣ ባረንቱ ዳይ ኡሉዋጥ የለትያ ዋደካ፣ ሹፋ ግዴዳዋንቱ ደእኖ፤ ቃይ አሳይ ቃራትና ሙራሳ ግዴዳዋንቱ ደእኖ፤ ቃይ ሳሉዋ ካወተላ ድራወ፣ ባረንታ ሹፋ ኡሉዳዋንቱ ደእኖ፤ ሀ ትምርትያ አካናወ ዳንዳይያዌ ኦንነ አኮ” ያጌዳ።

የሱስ ቁር ናና ቦላ ባረ ኩሽያ ዋሌዳ  
(ማር. 10:13-16፤ ሉቃሳ 18:15-17)

13 የሱስ ሄ ዋደ ባረ ኩሽያ ጉላ ናና ቦላ ዋሊደ፣ ጸሳ ዋሳና ማላ፣ አት አት አሳይ ናና አኮ እሄዳ፤ ሽን የሱሳ ካልያዋንቱ ሄ አሳ እሄና ማላ ሀንቀቲድና።

14 ሽን የሱስ፣ “ቁር ናናይ ታኮ ይያዋ ድጎጥተ፤ እያወ ጎጥ፣ ሳሉዋ ካወተሳይ ሄዋንቱ ማላሳ” ያጌዳ።

15 ሄዋጥ ሰሚደ ባረ ኩሽያ ኤንቲንቱ ቦላ ዋሌዳዋጥ ጉይያን፣ ሄዋጥ ባሽ ቤዳ።

ያላጋ፣ ዱረ ብታንያ አሻ  
(ማር. 10:17-31፤ ሉቃሳ 18:18-30)

16 አት ብታኒ የሱሳኮ ዪደ፣ “ታማርሰያዎ፣ ታን መድና ደኡዋ ደማናወ ሎኦባ እያ አሉ?” ያጌዳ።

17 የሱስ አ፣ “ሎኦባይ አየንቶ ታና እያወ ኡቻይ? አቱዋ ጸላላይ ሎእ፤ ሽን ኔን መድናወ ደእናወ ኮዮጥ፣ አዛዛቱዋ ናጋ” ያጌዳ።

18 ብታኒ፣ “ሀቃዋንታ?” ያጌደ ኡቹዳ።

የሱስ ዛሪደ፣ “ዋጹጋ፤ ዋሹዋጋ፤ ወእጋ፤ ዋርዱዋ ማርካቶጋ፤

19 ነ አባነ ነ ዳዮ ቦንቻ፤ ነ ሸሩዋካ ነ ሀጲያዳን ሲቃ” ያጌዳ።

20 ሄ ያላጋ ብታኒ የሱሳ፣ “ታን ሄዋ ኡባካ ጉላተሳጥ ደማደ ናጋድ፤ ያትና፣ ታወ ጋጭያዌ አዬ?” ያጌዳ።

21 የሱስ ብታንያ፣ “ኔን ገሎ አሳ ግዳናወ ኮዮጥ፣ ባደ ነወ ደእያዋ ዛልአደ፣ ሄ ሚሻ ሀዬሳወ እማ፤ ኔን ሳሉዋን ዱረታና፤ ያታደ ያደ ታና ካላ” ያጌዳ።

22 ሽን ሄ ያላጋ ብታኒ ሄዋ ሰሴዳ ዋደ፣ እ ዳር ዱረ ግድያ ድራወ፣ ቃረቲደ ባሽ ቤዳ።

23 የሱስ ባረና ካልያዋንቱ፣ “ታን ሀንተንቶ ቱሙዋ ጋይ፤ ዱረ አሳይ ሳሉዋ ካወተላ ገላናዌ ዳር ሙቶ ግዳናዋ።

24 ታን ጉጃደካ ሀንተንቶ ኡዳይ፤ ዱረ አሳይ ጸሳ ካወተላ ገላናጥ፣ ጋሉ ማርጥያ ሉኩዋና አቆናዌ ማታቲ” ያጌዳ።

25 አ ካልያዋንቱ ሄዋ ሰሰ ማላለቲደ፣ “ያትና፣ ኦን አታናወ ዳንዳይ?” ያጌድና።

26 የሱስ ኤንቲንታ ጫድ ጸሊደ፣ “ሀዌ አሳወ ዳንዳየተና፤ ሽን ጸሳወ ኡባባይ ዳንዳየቱ” ያጌዳ።

27 ጳጵርሰ ሄ ዋደ ዛሪደ የሱሳ፣ “በአ፣ ኮን ኑወ ደእያ ኡባባ ባሽደ፣ ኔና ካሌደ፤ ያቲደ ኮን እያ ደማኔሻ?” ያጌዳ።

28 የሱስ ኤንቲንታ ሀዋዳን ያጌዳ፤ “ታን ሀንተንቶ ቱሙዋ ጋይ፤ ታን፣ አሳ ናአይ፣ ኦራላ ጋድያን ታ ካወተላ አይድያን ኡትያ ዋደ፣ ታና ካሌዳ ሀንተንቱካ ታማነ ላኡ እሰራኤልያ ዛራቱዋ ቦላ ጥርዳናወ፣ ታማነ ላኡ ካወተላ አይድያን ኡታንታ።

29 ታ ሱንላ ድራወ፣ ጎልያ ዋይ እሻቱዋ ዋይ ሞቻቱዋ፣ ዋይ እወዋ ዋይ አቶ ዋይ ማቻቶ፣ ዋይ ናና ዋይ ጋድያ አኔዳ ኦን፤ ጸቱ ዳኩዋጥ ዳሩዋ አካና፤ ቃይ መድና ደኡዋካ ላታና።

30 ሽን ጮራቱ ሀእ ሰንላቴዳዋንቱ ጉየታናዋንታ፤ ቃይ ጮራቱ ሀእ ጉየን ደእያዋንቱ ሰንላታናዋንታ።

## 20

ዋይንያ ቱራ ግደን አልያ ኦሳንቻቱዋ ሊሞሱዋ

1 “ሳሉዋ ካወተሳይ ዋይንያ ጌተትያ ቱራ ግዴዋ አልያዋንታ ኤንያ ኦሰሳናወ፣ ዋንታ ጉራን ከሴዳ ዋይንያ ቱራ ጎዳ በሴ።

2 እ ሄ ኦሳንቻቶ ሀቼ ሀቼ ኡሉዳዋ ዋልቃ ጋትያ ጭጋናወ ኤንቲንቱና ገጊደ፣ ባረ ዋይንያ ቱራ ግዴዋ ኦሰሳናወ ኤንቲንታ የዳዳ።

3 “ቃይ ሄዙ ሳትያ ግደደ ከሲደ፣ ኦሱ ባይናን ቆጫን ኤቄዳ ሀራ አሳቱዋ በእደ፣

- 4 ኢንቲጎታ፡ ህንጥንቲካ ቃይ ታ ዋይንያ ቱራ ግዲዋ ኦላናዉ ቢተ፤ ታን ህንጥንቶ በሰያ ጋትያ ጭጋና፣ ያጌዳ፤ ሄዋፕ ጉይያን ኢንቲጎታ ቤድኖ።
- 5 ላኢንሎብካ ኡሱፑን ሳትያን ኡዲፑ ሳትያን ከሲደ፣ ሄዋዳን ኦሌዳ።
- 6 ታማነ እት ሳትያ ሄራን እ ከሰያ ዋደ፣ ሀራንቲ ሄዋን ኤቄዳዋንታ ደሚደ፣ ሉሱዋ ኦባናን ኩመንላ ጋላሳ ሀዋን ኢያዉ ኤቄ ፔሼድ፣? ያጌዳ።
- 7 “ኢንቲጎታ፣ ሉና ኦሰሰያ አሳይ ቆይዳ ድራዉ ኤቄ ፔሼደ፣ ያጌድኖ።
- 8 “እ፣ ኢንቲጎታካ ቃይ ታ ዋይንያ ቱራ ግዲዋ ኦላናዉ ቢተ፣ ያጌዳ።
- 8 “ሳእይ ኦማርሰያ ዋደ፣ ዋይንያ ቱራ ጎዳይ ኦላያዋንቲ ካፕዋ፣ ሉሳንቻቱዋ ዴሳደ፣ ዉርሰላን ኦሱዋን ገሌዳዋንቲ ደሚደ ኮይሮ ገሌዳዋንታ ጋካናዉ፣ ኢንቲጎታ ኦሱዋ ድርጉዋ ጭጋ፣ ያጌዳ።

- 9 “ታማነ እት ሳትያ ሄራን ኦሱዋ ደሚዳዋንቲ ደደ፣ ሀጺያን ሀጺያን ኦሊደ ፔሼዳ ዋልቃ ጋትያ እኬድኖ።
- 10 ኮይሮ ኦሱዋ ደሚዳ አሳይ ዬዳ ዋደ፣ ዳሩዋ አካናዉ ቆፔድኖ፤ ሽን ኢንቲጎታካ ሀጺያን ሀጺያን ባረንቲ ኦሱዋ ዋልቃ ጋትያ እኬድኖ።
- 11-12 ሄዋፕ ጉይያን፣ ህ ገየፕ ዬዳዋንቲ እት ሳትያ ጸላላ ኦሊድኖ፤ ኩመንላ ጋላሳ ዳቡሪደ ጫዋቲዳ ኑዋና ኢንቲጎታ ኦሱዋ ድርጉዋ ቃራ ኦላዳ፣ ያጌደ ባረንታ ኦሱዋን ገሊሴዳዋ ቦላ ዙዙሚድኖ።
- 13 “ሸን እ ኢንቲጎታፕ እቱዋ ሀዋዳን ያጌዳ፤ ታ ላገዉ፣ ታን ኔና ናቃበይከ፤ ኦላደ ፔሼዳ ዋልቃ ጋትያ ታናና ገጋበይክዬ?
- 14 ነዋ አካደ ባ፤ ታን ሀእ ዉርሰላን ኦሱዋን ገሌዳዋካ ነዋ ከና እማናዉ ኮያይ።
- 15 ታን ታ ሚሻን ታ ኮይዳዋዳን ኦላናዉ ታዉ ማታይ ባዋ፣ ዋይ ታን ሎእ ግዴዳ ድራዉ፣ ኔን ቃናታይ፣? ያጌዳ።
- 16 “ሄዋዳንካ፣ ቃይ ገየቲዳዋንቲ ሰንላታናዋንታ፤ ሰንላቲዳዋንቲ ቃይ ገየታናዋንታ፤ ኢያዉ ሳፕ፣ ጸሰቲዳዋንቲ ጮራ፤ ሽን ደራቲዳዋንቲ ጉላ” ያጌዳ።

**የሱሰ ባረ ሀይቁዋባ ሄዘንሎዋ ኦዴዳ**  
(ማር. 10:32-34፤ ሉቃሳ 18:31-34)

- 17 የሱሰ የሩሳላሙ ቢደ፣ ኦግንያ ባረናና ብያ ታማነ ላኡ ባረና ካልያዋንታ ጋጸ ከሲደ፣ ዲማ ኢንቲጎቶ ያጌዳ።
- 18 “በእተ፣ ኑን የሩሳላሙ ሀእ ከሴቶ። ያን ታና፣ አሳ ናእ ቁሳቱዋ ካፓቶ፤ ህግያ ታማርሰያዋንቲ ኦሊደ እማናዋንታ፤ ኢንቲጎታ ታ ቦላ ሀይቁዋ ፕርዳ ፕርዳናዋንታ።
- 19 ቃይ እይሁዳ ግደና አሳዉካ ታና ኦሊደ እማናዋንታ፤ ሄ እይሁዳ ግደና አሳይ ታ ቦላ ቅለጫናዋንታን ታና ልሱዋን ሾጫናዋንታ፤ ያቲደ ማሰቃልያ ቦላ ምሰማርያን ቋሺደ፣ ታና ካቃናዋንታ፤ ታን ሄዘንሎያ ጋላሰ ሀይቁዋፕ ደንዳና” ያጌዳ።

**ዛብድዮሳ ናና ዳይ ዋሳ**  
(ማር. 10:35-45)

- 20 ሄ ዋደ ዛብድዮሳ ናና ዳያ ባረ ናናና የሱሳኩ ያዳ፤ እ ሰንላን ጉልባታደ እትባ እ ዋሳዳ።
- 21 የሱሰ እዙ፣ “እያ ኮያይ? ” ያጌደ ኦቼዳ።
- እዛ ዛራደ፣ “ሀ ታ ላኡ ናናይ ነ ካዉተላን እቲ ኔፕ ኡሸቻ ባጋና፣ ቃይ እቲ ኔፕ ሀድርሳ ባጋና ኡትኖ ያጋርኪ” ያጋደ ዋሳዳ።
- 22 ሸን የሱሰ ዛራደ ናና፣ “ህንጥንቲ ኢያ ዋሳናዉ በሰንቶ ኤርክታ። ታና ጋክያ ዋልቃማ መቱዋ መቶታንቲ? ታን ጸማቅታና ጽንቃታ ጸማቅታናዉ ዳንዳይቲ?” ያጌዳ።
- ኢንቲጎታ፣ “ኤ ዳንዳያና” ያጌድኖ።
- 23 የሱሰ፣ “ታና ጋክያ ዋልቃማ መቱዋ ቱማካ ህንጥንቲ መቶታንታ፤ ሸን ታፕ ኡሸቻ ባጋናን ሀድርሳ ባጋና ኡታናዋንታ ደራናዉ ታዉ ማታይ ባዋ፤ ሸን ሄ ሳእይ ታ ኢቡ እማናዉ ገግሰ ዋሌዳዋንቲሳ” ያጌዳ።
- 24 የኮ ታሙ፣ የሱሳ ካልያዋንቲ ሄዋ ሰሴዳ ዋደ፣ ሄ ላኡ አሻቶ ሀንቀቲድኖ።
- 25 ሸን የሱሰ ኢንቲጎታ ኡባቲዋካ ባረኮ ጴሲደ፣ ሀዋዳን ያጌዳ፤ “እህዛብ አሳቱዋ ካፓቲን ሀዋንታ ካለሌያ አሳቲ ባረንቲ አሳ እይሰያዋ ኤሪታ።
- 26 ህንጥንቲ ግዲዋን ሄዋ ማላ ግደና፤ ሸን ህንጥንቲ ግዲዋን ቋቃተላ ኮይያ ኢን ህንጥንቶ ቆማ ግዳናዉ በሴ።
- 27 ቃይ ህንጥንቲ ግዲዋን ኡባፕ ቦላ ግዳናዉ ኮይያዋ ኢን ህንጥንቶ እይለ ግዳናዉ በሴ።



28 ሄዋዳን ታን፣ አሳ ናአይ፣ አሳዉ ኦላናዉን ዳር አሳ ዋዛናዉ ታ ሸሞጥዋ እማናዉ ዬዳዋጥ አትን፣ አሳይ ታዉ ኦላና ማላ ያበይከ” ያጌዳ።

የሱስ ላኤ ቆቃቱዋ ፓሌዳ  
(ማር. 10:46-52፤ ሉቃሳ 18:35-43)

29 የሱስን እ ካልያዋንቱ እያርከጥ ከሰሸን፣ ዳር አሳይ አንቱንታ ካሌዳ።

30 ላኤ ቆቃ አሳቱ ኦግያ ዶናን ኡቴዳዋንቱ የሱስ ሄዋና አድያዎ ሰሲደ፣ ባርንቱ ኮሻ ቆቁ ኦሊደ፣ “ኅዳዉ፣ ዳዊታ ናአዉ፣ ኑዉ ቃረታርኪ” ያጌድኖ።

31 ዳር አሳይ አንቱንታ፣ “ሀይዘተ” ጌደ ሀንቀቴዳ፤ ሽን አንቱንቱ ባርንቱ ኮሻ ዳሪ ቆቁ ኦሊደ፣ “ኅዳዉ፣ ዳዊታ ናአዉ፣ ኑና ማራርኪ!” ያጌድኖ።

32 የሱስ ኦግያን ኤቁደ፣ አንቱንታ ጸሲደ፣ “ታን ሀንተንቶ እያ ኦላና ማላ ኮዪቴ?” ያጌዳ።

33 ቆቃቱ፣ “ኅዳዉ፣ ኑ አይፍያ ፓላርኪ” ያጌድኖ።

34 የሱስ አንቱንቶ ቃረቲደ፣ አንቱንቱ አይፍያ ቦቹዳ፤ ኤለካ አንቱንቱ አይፊ ጸል አገና፣ እ ካል አጌድኖ።

## 21

የሱስ ዋልቃማ ቦንቹዋን የሩሳላሙ ገሌዳ  
(ማር. 11:1-11፤ ሉቃሳ 19:28-40፤ ዮሀ. 12:12-19)

1 አንቱንቱ የሩሳላሙ ማቲደ፣ ደብረ ዛይተ ጌተትያ ደርያ ላንቁያን ደእያ ቤተፋገ ጌተትያ ቁር ካታማ ጋኬድኖ፤ የሱስ ባረና ካልያዋንቱ ላኤዋ ሰንሳዎ ከቲደ።

2 አንቱንታ ሀዋዳን ያጌዳ፤ “ሀንተንቱ ሰንሳን ደእያ ቁር ካታማ ቢተ፤ ሄዋን እት ሀራታ ቃሹዋን ደኤዉኖ እዝ ማራና ሀንተንቱ ብ ሰሞ ሳንካ ደማንታ፤ አንቱንታ ብሊደ፣ ታዉ እክ ዪተ።

3 እን ሀንተንታ ኦቾጥ፣ “ኅዳይ ሀዋንታ ኮዬ፣ ያግተ፤ ኤለካ እ አንቱንታ የድ አጋናዋ።”\*

4-5 ትምቢትያ ኦድያ ናቢ፣

“ጽዮን ካታማ አሳዉ፣

‘ቦአ፣ ነ ካቲ አሸከ ግዲደ፣

ሀርያ ቦላ፣ ሀረ ማራ ቦላ ኡቲደ፣

ኔኮ ዬ፣ ያግተ”

ያጌደ ሃሳዬዳዌ ፖለታና ማላ፣ ሀዌ ሃኔዳ።

6 እ ካልያዋንቱ ቢደ፣ የሱስ ባርንታ እዛዘዋዳን ኦሊድኖ።

7 ሀራቶን ሀረ ማራ እሂደ፣ ባርንቱ ማዩዋ አንቱንቱ ዘክያን ዋሌድኖ፤ ሄዋጥ ሰሞና የሱስ ቶጌዳ።

8 ሄ ጮራ አሳጥ ዳርያ ባጋይ ባረ ማዩዋ ኦግያን ሃጼዳ፤ ቃይ ሀራንቱ ምሳ ሀይላ ካር ካሪደ፣ ኦግያን ዮጌድኖ።

9 የሱሳጥ ሰንሳና ሀመትያ ጮራ አሳይን ቃይ እ ጌዲዋ ካልያ ጮራ አሳይ፣ ባርንቱ ኮሻ ቆቁ ኦሊደ።

“ዳዊታ ናአይ ጋላተቶ!

ጎዳ ሰንሳን ይያዌ እንጀቴዳዋ!

ጸሳይ ጋላተቶ!”

ያጌዳ።

10 የሱስ የሩሳላሙ ካታማ ገሌዳ ዋደ፣ ካታማን ደእያ አሳይ ኡባይ፣ “ሀዌ ኦኔ?” ያጌደ ሻቢረቲድኖ።

11 አሳይ፣ “ሀዌ ጋሊላን ደእያ ናዘራተ ጌተትያ ካታማጥ ዬዳ ናብያ የሱሳ” ያጌዳ።

የሱስ ጌሻ ጎልያ ገሌዳ

(ማር. 11:15-19፤ ሉቃሳ 19:45-48፤ ዮሀ. 2:13-22)

12 የሱስ ጌሻ ጎልያ ገሌደ፣ ሄዋን ዛልእያዋንታን ሻምያዋንታ ኡባ ካረ የደርሴዳ፤ ቃይ ሚሻ ላምያዋንቱ ጸራጼዛን ደጎሙዋ ዛልእያዋንቱ ኦይድያ ጉጽ የጌደ።

13 አንቱንታ፣ “ጸሳ ማጸፋን፣ ‘ታ ጎሊ ጸሳ ዋሰያ ጎልያ ጌተታና’ ያገቲደ ጸፈት ኡቴዳ፤ ሽን ሀንተንቱ እ ቦንቁያዋንቱ ቆሰትያ ጎንጎሉዋ ከሴድታ” ያጌዳ።

14 ቆቃቱን ገዲ ሰሌዳዋንቱ የሱሳኮ ጌሻ ጎልያ ዪና፣ እ አንቱንታ ፓሌዳ።

15 ሽን ቁሳቱዋ ካፓቱን ሀግያ ታማርሰያዋንቱ የሱስ ኦላያ ኦራላባ ቦሌዳ ዋደን፣ ጉላ ናናይ ጌሻ ጎልያን ባርንቱ ኮሻ ቆቁ ኦሊደ፣ “ዳዊታ ናአይ ጋላተቶ” ያግያዎ ቦሌዳ ዋደ ሀንቀቴድኖ።

16 ያቲደ የሱሳ፣ “ሀዋንቱ ግያዎ ሰሳይ?” ያጌድኖ።

\* 21:3 ጎዳይ፦ ሀራቱዋ ጎዳ ጉሳ። 21:4-5 ዛካ. 9:9 21:9 ማዘ. 118:25፣ 26 21:13 ኢሳ. 56:7፤ ኤር. 7:11 21:16 ማዘ. 8:2

የሱሱ፣ “ኤ ሰሳይ፤ ጸሳ ማጻፋይ፣ ጉላ ናናይ፤ ጳምያ ናናይ ኔና ጋላታና ማላ፣ ኤንቱንታ ኤርሳዳ፣ ያግያዋ ኡባካ ናባብ በይክቱ፣” ያጌድ።

17 የሱሱ ኤንቱንታ አጊድ፣ ሄ ካታማፕ ቢታንያ ጌተትያ ካታማ ቢድ፣ ያን አቁዳ።

**እይፊ ጳዬዳ ባላሰያ ምሳቶ**  
(ማር. 11:12-14፣ 20-24)

18 የሱሱ ዋንታ ጉራና ካታማ ቤዳ ድራው ኮሻቱዳ።

19 ኦግያ ድናን እት ባላሰያ ጌተትያ ምሳቶ በኢድ፣ ኢኮ ቤዳ፤ ብ ጋክያ ዎደ ሄ ምሳትን ሀይሳ ጸላላፕ እትን፣ እይፍያ እይ፤ ደምቤና፤ እዞ፣ “ላኤንሱዋ መድረፍካ እይፎፓ” ያግና፣ ሄ ባላሳታ ኤላካ መላ አገድ።

20 እ ካልያዋንቱ ሄዋ በኢድ ማላለቲድ፣ “ሀ ባላሳታ ዋናደ እት ኩላን መላ አገድ?” ያጌድና።

21 የሱሱ ዛሪድ፣ “ታን ሀንተንቶ ቱሙዋ ጋይ፤ ሀንተንቱ አማኑ ደእያዋንታ ስርካዋንታ ግደፕ፣ ሀ ባላሳቶ ታን ኤልዳዋ ማላ ጸላላ ኦላክታ፤ ሽን ሀራይ አቶ ሀንተንቱ ሀ ደርያ፣ ደንዳደ አባን ኮንዳ፣ ግንቶካ ሀናና፤

22 ሀንተንቱ አማኒደ ጸሳ ዋሰያዋ እያ ግድንቶካ አካና” ያጌድ።

**የሱሳ ማታይ ዬዳሳ**  
(ማር. 11:27-33፤ ሉቃሳ 20:1-8)

23 የሱሱ ጌሻ ጎልያ ዪደ ታማርሰሽን፣ ቄሳቱዋ ካፓቱን እይሁዳ ጭማቱ አኮ ዪደ፣ “ኔን ሀዋ ኦላናው ነው እይ ማታይ ደኢ? ነው ሀ ማታ ኦኔ አሚዳዌ?” ያጌድና።

24 የሱሱ ዛሪድ ኤንቱንታ፣ “ታንካ ሀንተንታ እትባ ኦቻና፤ ሀንተንቱ ታው ሄዋ ኦደፕ፣ ታን ሀዋ እይ ማታን ኦላይታንቶ፣ ሀንተንቶ ኦዳና፤

25 ዮሃንስ ጸማቅያ ማታይ ሀቃፕ ዬዳ? ጸሳፕ ዬደየ አሳፕ ዬዳ?” ያጌድ።

ኤንቱንቱ ባረንቱ ግዳዋን ፓሉማ ደሚድ፣ “ኑን፣ ጸሳፕ ዬዳ፣ ያሳፕ እ ኑና፣ ያቶፕ፣ ዮሃንስ ኦዳዋ እያው አማንበይክቱ?” ያጋናዋ።

26 ሽን ኑን፣ ጸሳፕ ዬዳ፣ ያሳፕ፣ አሳይ ኡባይ ዮሃንስ ናብያ ግዳዳዋ ኤርያ ድራው፣ አሳው ያዬቶ” ያጌድና።

27 ኤንቱንቱ የሱሳው፣ “ኑን ኤርኮ” ያጊደ ዛሪድና።

የሱሱ፣ “ታንካ ሀዋ እይ ማታን ኦላይታንቶ፣ ሀንተንቶ ኦድከ” ያጌድ።

**ላኤ ናና ለምሱዋ**

28 “ሽን ሀንተንቱ እያ ቆፕቱ? ላኤ ናናይ ደእያ እት ብታኒ ደኢ፤ ሄ ብታኒ ባይራ ናኣኮ ቢድ፣ ታ ናኣው፣ ሀቼ ባደ ታ ዎይንያ ቱራ ኦላ” ያጌድ።

29 ናኣይ ዛሪድ፣ “ቢከ” ጌዳ፤ ሽን ገየፕ ባረ ዋዛናን ቆፕ አኪድ፣ ዎይንያ ቱራ ኦላናው ቤዳ።

30 አው የኮ ናኣኮ ቢድ፣ ባይራው ጌዳዋዳንካ አው ጌዳ፤ ቱፋ ናኣይ ዛሪድ፣ ሎኦ ታ ጎዳው ያጌዳ፤ ሽን ብቤና።

31 ሀ ላኤ ናናፕ ባረ አው ኮዬዳዋ ኤልዳዌ ሀቃዌ?” ያጌድ።

ኤንቱንቱ፣ “ባይራ” ያጌድና።

የሱሱ ኤንቱንታ ሀዋዳን ያጌዳ፤ “ታን ሀንተንቶ ቱሙዋ ጋይ፤ ቃራጸ አክያዋንቱን ዎሹምያዋንቱ ሀንተፕ ሰንሳቲድ፣ ጸሳ ካወተላ ገላና።

32 እያው ጎፕ፣ ጸማቅያ ዮሃንስ ጸሎተላ ኦግያ ታማርሰድ፣ ሀንተኮ ዪና፣ አ ግያዋ አማንበይክታ። ሽን ቃራጸ አክያዋንቱን ዎሹምያዋንቱን አ ግያዋ አማኔድና፤ ሀንተንቱ ሀራይ አቶ ሄዋ በኢደካ፣ ሀንተንቱ ናጋራፕ ሰሚድ፣ አ ግይያዋ አማንበይክታ” ያጌድ።

**ዎይንያ ቱራ ግደን ኦልያ ጎሻንቻቱዋ ለምሱዋ**  
(ማር. 12:1-12፤ ሉቃሳ 20:9-19)

33 ቃይካ የሱሰ ሀዋዳን ያጌዳ፤ “ሀራ ለምሱዋካ ሰሰተ፤ ዎይንያ ጌተትያ ቱራ ቶኬዳ እት ብታኒ ደኢ፤ ዎይንያ ቱራ የሽ አሊደ ድራዳ፤ ቃይ ሄ ዎይንያ ጉምእያ ኦላካ ቦኬዳ፤ ሄዋ ናግያ አሳው እዲሳ ሹቻ ግምቤዳ። ሄዋፕ ጉይያን፣ ኮላ ኦልያ አሳው አሚድ፣ ሀራ ጋደ ቤዳ።

34 ዎይንያ እይፍያ ማጻያ ዎዳ ጋክና፣ ባረና ጋክያዋ አኪደ ያና ማላ፣ ባረ ቆማቱዋ ባረ ኮላዋቱዋኮ ኪቲዳ።

35 ኮላዋቱ አ ቆማቱዋ እይቂድ፣ እቱዋ ዎዴድና፤ ቃይ የኩዋ ሹቻን ጳልቂድና።

36 ቃይካ ሄ ብታኒ ካሰዋንቱፕ ዳርያ ሀራ ቆማቱዋ ኪቲዳ፤ ኮላዋቱ ሄ ቆማቱዋካ ካሰዋንቱዋዳን ኤልድና።

37 “ሽን ወርሰላን እ፣ ታ ናኣ ኤንቱንቱ ቦንቻናዋንታ” ያጊደ ባረ ናኣ ኤንቱንቱኮ ኪቲዳ።

38 “ሽን ኮላዋቱ ናኣ በኢደ፣ ባረንቴ ግዲዋን፣ ጋድያ ላታናዌ ሀዋ፤ ቢደ ኦ ዋጂደ፣ ጋድያ ኮን ላታና፣ ያጌድኖ።

39 ናኣ ኦይቂደ፣ ዋይንያ ቱራ ግደፕ ጋጸ ከሲደ ዋጂድኖ።

40 “ሰም ዋይንያ ቱራ ጎዳይ ይያ ዋይ፣ ሄ ኮላዋቱዋ ዋጋኑ፤” ያጌደ ኦቼዳ።

41 ኡንቴንቴ፣ “ኣ ሄ ኢታ ኣሳቱዋ ዋጅ ወርሲደ፣ ዋይንያ ቱራይ ኣይፍያ ዋደ ባረና ጋክያዋ ዋድያን ሼድያ ሀራ ኮላዋቶ ኣማና” ያጌድኖ።

42 የሱስ ኡንቴንታ ሀዋዳን ያጌዳ፤

“ ግምቢያዋንቴ ካጂደ እጹዳ ሹቻይ፣ ጎዳ ጸጸዋ ምንሰያ፣ ኡባፕ ኣድያ ሹቻ ግዴዳ።

ሀዌ ጎዳይ ኣጴዳዋ፤ ቃይ ኑ ጸላወካ ማላልሰያዋ

ያግያዋ ጸሳ ማጸፋፕ ኡባካ ናባብ በይክኑ?

43 “ሄዋ ድራወ፣ ታን ህንተንቶ ኦዳይ፤ ጸሳ ካወተላይ ህንተፕ ኣከቲደ፣ ሎኦ ኣይፍያ ኣምያ ኣሳወ ኣመታናዋ።

44 ሄ ሹቻ ቦላ ኮንድያ ኡባይ መኤረታና፤ ቃይ ሄ ሹቻይ ኣሳ ቦላ ኮንድፕ፣ ሄ ኮንዴዳ ኡራ ሊቅሳና” ያጌዳ።

45 ቁሳቱዋ ካፓቱን ፓርሳዋቱ የሱስ ኦዴዳ ለምሱዋ ሰሴዳ ዋደ፣ ባረንቴዋ ሃሳይያዋ ኤሬድኖ።

46 ኡንቴንቴ የሱሳ ኣይቃናወ ኮዬድኖ፤ ሽን የሱሳ ዳር ኣሳይ ናብያ ጊደ ቆፕ ኡቴዳ ድራወ፣ ሄ ኣሳወ ያዬድኖ።

## 22

ኣካን ገሉዋ ኦዳዋ ለምሱዋ (ሉቃሳ 14:15-24)

1 የሱስ ኣሳወ ላኢንሱዋ ለምሱዋን ሀዋዳን ያጌደ ሃሳይዳ፤

2 “ሳሉዋ ካወተላይ ባረ ናኣወ ማቻያ ኣማናወ ኡባባ ማኬዳ ካትያ ማላ።

3 ሄ ካቲ ቡላቻወ ኦድ ዋጴዳ ኣሳቱዋ ጴሳናወ ባረ ቆማቱዋ ኪቴዳ፤ ሽን ኣሳቱ ያናወ ኮይበይክኖ።

4 “ቃይ ሀራ ቆማቱዋ፣ ጴሰቴዳዋንታ፣ “ታን ቁማ ገግሳድ፤ ታ ሳንጋቱን ታ ዋጶ ምያቱ ሹከቴድኖ፤ ኡባባይካ ማከቴዳ። ቡላቻ ሄ ደተ” ያግተ” ያጌደ ኪቴዳ።

5 ሽን ጴሰቴዳዋንቴ ኮየናን ኣጸደ፣ ባረንቴ ኦሶ ቤድኖ፤ ኣቲ ባረ ጎሻወ ቢና፣ የኩ ባረ ዛልኤወ ቤዳ።

6 ኣቴዳዋንቴ ቃይ ካትያ ቆማቱዋ ኦይቂ ዋጂደ ዋጂድኖ።

7 “ካቲ ዳር ህንቅቴዳ፤ ቃይ ባረ ዋጋዳራቱዋ የዲደ፣ ሄ ሸምፑዋ ዋጂዳዋንታ ዋጅሲደ፣ ኡንቴንቴ ካታማ ጉድሴዳ።

8 ሄዋፕ ጉይያን፣ ባረ ቆማቱዋ፣ ቡላቻይ ማከቴዳ፤ ሽን ጴሰቴዳዋንቴ ቡላቻወ በሰያ ኣሳ ግድክኖ።

9 ሄዋ ድራወ፣ ዋጋ ቃፋ ቢደ፣ ህንተንቴ ደሚዳ ኣሳ ኡባ ቡላቻወ ጴሰተ” ያጌዳ።

10 ሄ ቆማቱ ቃፋ ቢደ፣ ባረንቴ ደሚዳ ኣሳ ኡባ ሎኤዋ ኢታ ሺሺደ፣ ቡላቻ ዳሰያ ኮንጸድኖ።

11 “ሽን ካቲ ቁማ ማናወ ኡቴዳ ኣሳ በኣናወ ገሌዳ ዋደ፣ ቡላቻ ማየዋ ማይቤና ኣት ብታንያ ሄዋን በኢደ።

12 ታ ላገወ፣ ቡላቻ ማየዋ ማየናን ዋናይ ሀዋ ገላዲ?” ያግና ብታኒ ጮኤ ጌዳ።

13 “ሄዋፕ ጉይያን፣ ካቲ ባረ ቆማቱዋ፣ ሀ ብታንያ ኮሽያን ገድያ ቃቺደ፣ ካረ ጴማ ከሰ ኦልተ፤ ኣ ሄዋን ዬካናን ኣቻ ቃፋን ያጌዳ።

14 “ኣያወ ጎፕ፣ ጴሰቴዳዋንቴ ዳራ፤ ሽን ደረቴዳዋንቴ ጉላ” ያጌዳ።

ጊራ ዋት ጊራነንቶ ኦቼዳ ኦሻ (ማር. 12:13-17፣ ሉቃሳ 20:20-26)

15 ሄዋፕ ጉይያን፣ ፓርሳዋቱ ቢደ፣ ኣ ሃሳያፕ ባላ ደሚደ፣ ኣ ኣይቃና ማላ ማቅቴድኖ።

16 ቃይ ባረንታ ካልያዋንቴፕን ሄርድሳ ባጋቱዋፕ ኣማራዳዋንታ ኣኮ ኪቴድኖ። ኡንቴንቴ፣ “ታማርሰያዎ፣ ኔን ቱሙዋ ሃሳይያዋን ጸሳ ኦገያ ቱማተሳን ታማርሰያዋ ኮን ኤራቶ፤ ኣያወ ጎፕ፣ ኔን ኣሳፕ ኣሳ ሻካካን ዳማካን።

17 ነን ቆፋይ ኣየንቶ ኑወ ኦዳ፤ ኮን ሮመ ጋድያ ካትያ ቁሳረወ ጊራ ገርያዌ ዋጌየ ዋጋ ግደኔ?” ያጌድኖ።

18 ሽን የሱስ ኡንቴንቴ ኢታ ቆፋ ኤሬደ፣ “ሀ ሎኣ ማላትያ ኢታ ኣሳቶ፣ ኣያወ ታና ፓጩቲ?

- 19 ገራ ገርያ ሚሻ ታና በስተ” ያጌዳ። ሄዋጥ ጉየ ኤንቲንቴ ብራ ሳንትምያ አጫ አሄድኖ።
- 20 እ። “ሀ ማላይን ሱንሳይ ኦቄ?” ያጌዳ።
- 21 ሄዋጥ ሰሚደ ኤንቲንታ ኦቅና። ኤንቲንቲ። “ሮመ ጋድያ ካትያ ቄሳረዋ” ያጌድኖ።
- ሄዋጥ ጉይያን። የሱስ ኤንቲንታ። “ያቶ፣ ቄሳረዋ ቄሳረጫ። ጸሳዋ ጸሳጫ አምተ” ያጌዳ።
- 22 ኤንቲንቲ ሄዋ ሰሴዳ ዎደ። ማላላቲደ እ አጊደ ቤድኖ።

**ሀይቄዳዋንቲ ደንዲዋባ**  
 (ማር. 12:18-27፤ ሉቃሳ 20:27-40)

- 23 ሀይቄዳ አሳይ ደንደና ግያ ሳዴቃዋናቱዋጥ እት እት አሳቲ ሄ ጋላሰ የሱሳኮ ዪደ። ሀዋዳን ያጊደ። እ ኦቅድኖ፤
- 24 “ታማርሰያዎ። ሙሴ። ጻት አሳይ ናኣ የለናን ሀይቆ፣ ሄ ሀይቄዳዋ እሻይ እ ማቻቶ ላቲደ። ባረ እሻጫ ናኣ የላናጫ በሴ” ያጌዳ።
- 25 ኦናና ላፑ እሻቲ ደኢኖ፤ ባይራይ ማቻቶ አኪደ። ናኣ የለናን ሀይቄዳ፤ ሄዋጥ ጉይያን እ ማቻቶ እ እሻይ አኪዳ።
- 26 ቃይ ላኢንሰያዊካ ሀይቄዳ፤ ሄዘሰያዊካ። ላፑንሳ ጋካናጫካ ሄዋዳን ሀኔድኖ።
- 27 ኡባጥ ጉይያን። ሄ ምሽራታ ሀይቃድ።
- 28 ያትና። ሀይቄዳ አሳይ ሀይቁዋጥ ደንድያ ጋላሰ ሄ ምሽራታ ላፑናቱዋጥ ሀቃዎ ማቼ ግዳኔ? አያጫ ጎ፣ ላፑናቲ ኡባይካ እዘ አኪድኖ” ያጌድኖ።
- 29 የሱስ ዛሪደ። ሀዋዳን ያጌዳ፤ “ጸሳ ማጸፋቱዋ ዎይ እ ዎልቃ ሀንተንቲ ኤረና ድራጫ ባሊታ።
- 30 አያጫ ጎ፣ ሀይቄዳ አሳይ ሀይቁዋጥ ደንድያ ጋላሰ። ሳሉዋን ደኢያ ኪታንቻቱዋ ማላ ግዳናጥ አትን። እቲማ አሳይን አከና፤ ማጫ አሳይን ገለና።
- 31-32 ሽን ሀይቄዳዋንቲ ደንዲዋባ ግደ፣ ጸሳይ። ታን አብራሃመ ጸሳ። ይሳቃ ጸሳ። ያቆባ ጸሳ? ያጊደ ሀንተጫ ኦዴዳዋ ኡባካ ናባብ በይክቲ? ጸሳይ ፓጻ ደኢያዋንቲ ጸሳ ግድያዋጥ አትን። ሀይቄዳዋንቲ ጸሳ ግደና” ያጌዳ።
- 33 ዳር አሳይ ሄዋ ሰሴደ። እ ትምርትያን ማላላቲድኖ።

**ኡባጥ አድያ አዛዙዋ**  
 (ማር. 12:28-34፤ ሉቃሳ 10:25-28)

- 34 ሽን የሱስ ሳዴቃዋናቱዋ ጮኤ ኦሌዳዋ ፓርሳዋቲ ሰሴዳ ዎደ። እትሳ ሸቄድኖ።
- 35 ኤንቲንቲ ግደጥ ሀግያ ታማርሰያ እቲ። የሱሳ ፓጫናጫ እትባ ኦቅድኖ።
- 36 “ታማርሰያዎ። ሀግያ ግዲዋን ኡባጥ አድያ አዛዙ ሀቃዎ?” ያጊደ እ ኦቅድኖ።
- 37 የሱስ ዛሪደ። ሀዋዳን ያጌዳ፤ “ ኔን ጎዳ ነ ጸሳ ነ ኩመንሳ ዎዛና፣ ነ ኩመንሳ ሸምፑዋ፣ ነ ኩመንሳ ቆፋ፣ ስቃ” ያጌዳ።
- 38 ሄዋ ኡባጥ ዳርያ አዛዙዋን ቃይ ኡባጥ አድያ አዛዙዋ።
- 39 ቃይ ላኢንሰያ አዛዙካ እ ማላ፤ ሄዎ። ኔን ነ ሸሩዋ ነ ሁጲያዳን ስቃ” ግያዎ።
- 40 ሙሴ ሀግያ ኡባይን ናባቱዋ ትምርቲ ሀ ላኤ አዛዛቱዋን ቃሸቲ” ያጌዳ።

**ክርስቶሳባ ኦቅድ ኦሻ**  
 (ማር. 12:35-37፤ ሉቃሳ 20:41-44)

- 41-42 ፓርሳዋቲ እትሳ ሸቄዳሳን የሱስ ኤንቲንታ። “ክርስቶሳባ ዋጊደ ቆጊቲ? እ ኦ ናኤ?” ያጊደ ኦቅድ።
- ኤንቲንቲ። “ክርስቶስ ዳዊታ ናኣ” ያጌድኖ።
- 43 የሱስ ኤንቲንታ። “ያትና። ዳዊተ ባረና ጌሻ እያናይ ሃሳይሰና ክርስቶሳ ዋጊደ። ሳዳ” ጊደ ጹሲ?
- 44 ቃይካ ዳዊተ።
- “ሳዳይ ታ ጎዳ። ታን። ሳ ሞርከቲዋ።
- ኔን የቆ ኤቄያዋ ኦሳና ጋካናጫ።
- ሀዋን ታ፣ ኡሸቻ ባጋና ኡታደ ታናና እት፣ ዳናታ ጌዳ” ያጌዳ።
- 45 ዳዊተ ክርስቶሳ። ሳዳ” ጊደ ጹሲ፣ ያትና። ክርስቶስ ዋጊደ ዳዊታ ናኣ ግዲ?” ያጌዳ።
- 46 የሱሳጫ እት ቃላ ዛራናጫ ዳንዳዬዳ እት አሳይን ባዋ፤ ቃይ ሄ ጋላሳ፣ ደምና። ሀራ ኦሻ እ አቻናጫ ጸሌዳዊ ኦንን ባዋ።

# 23

ሙሴ ህግን ታማርሰያዋንቱን ፓርሳዋቱዋ ኢታተላ  
(ማር. 12:38-39፤ ሉቃሳ 11:43-46፤ 20:45-46)

- 1 ሄዋጥ ጉይያን፣ የሱሰ ሸቄዳ አሳውን ባረና ካልያዋንቶ ሀዋዳን ያገደ ሃሳዬዳ፤
- 2 “ህግን ታማርሰያዋንቱን ፓርሳዋቱ ሙሴ ህግን ታማርሰያ ማታና ደአና።
- 3 ሄዋ ድራው፣ ህንተንቱ ኦላና ማላ፣ ኤንቱንቱ ህንተንታ አዛዝያ ኡባባ ኦሳተን ቃይ ናግተ፤ ሸን ኤንቱንቱ ኦላያዋዳን ኦሳጥተ፤ አያው ጎጥ፣ ኤንቱንቱ ባረንቱ ኦድያዋ ኦላከና።
- 4 ቶካናው ዴጾያ ቶኩዋ ኤንቱንቱ ቃቺደ፣ አሳ ቶሲኖ፤ ሸን ባረንቱ ሁጲያን ሀራይ አቶ፣ ሄ ቶኩዋ ብራድያን ቦቻናውካ ኮይከና።
- 5 “ሸን ኤንቱንቱ ባረንቱ ኦሉዋ ኡባ አሳይ በአናዳን ኦሊኖ፤ አያው ጎጥ፣ ባረንቱ ሶምእያንን ባረንቱ ኩሸያ ቀሰያን ቃቻና ጽቅሰያና ደአያ ክታፋ አሲኖን ባረንቱ ማዩዋ ማጫራካ አድሲኖ።
- 6 አሳይ ባረንታ ሾቢደ አፎሳን ቦንቾ ኡቱዋ ዶሲኖ፤ ቃይ አይሁዳ ዋሳ ጎለቱዋንካ ዳሮ ሎአያ ኦይድያ ዶሲኖ።
- 7 አሳይ ገዋን ባረንታ ቦንቹደ ሳሮታና ማላን ‘ታማርሰያዋ’ ገደ ባረንታ ጸሳናዳን ኮዩና።
- 8 “ሸን ህንተንታ ታማርሰያዌ አቱዋ ጸላላ ግዴዳ ድራውን ህንተንቱ ኡባይ አሻቱዋ ግዴዳ ድራው፣ አቱ አቱዋ፣ ‘ታማርሰያዋ’ ገደ ጸሶጥተ።
- 9 ሀ ሳአን ኦናን ‘ኣውዋ’ ገደ ጸሶጥተ፤ አያው ጎጥ፣ ህንተንቶ ሳሉዋን ደአያ አት አው ደአ።
- 10 አቱ አቱዋ፣ ‘ታማርሰያዋ’ ገደካ ጸሶጥተ፤ አያው ጎጥ፣ ህንተንቶ አት ጎዳይ፣ ክርሰቶሳ ጸላላይ ደአ።
- 11 ህንተንቱ ግድን ኡባጥ ዳርያዌ ህንተንቶ ቆማ ግዳናው በሴ።
- 12 ባረና ዳርሰያዌ ኦንካ ቶሽታና፤ ቃይ ባረና ቶቻያዌ ኦንካ ጶቁ ጋና።

ህግን ታማርሰያዋንቱን ፓርሳዋቱ ቦረቱድኖ  
(ማር. 12:40፤ ሉቃሳ 11:39-42፤ 44፤ 52፤ 20:47)

- 13 “ሎአ ማላትያ ኢታቶ፣ ህግን ታማርሰያዋንቶን ፓርሳዋቶ፣ አሳው ሳሉዋ ካውተላ ህንተንቱ ጎርድያ ድራው፣ ህንተንቶ አየር፤ አያው ጎጥ፣ ህንተንቱ ሁጲውን ገልክታ፤ ቃይ ገላናው ኮይያዋንታካ ገልሰክታ።
- 14 “ሎአ ማላትያ ኢታቶ፣ ህግን ታማርሰያዋንቶን ፓርሳዋቶ አምኡቱዋ ጎልያ ህንተንቱ ቦንቄደ፣ ህንተንቶ ሎአ ማላታናው ጸሳ ዋሳ አድሲታ፤ ሄዋ ድራው፣ ህንተንቶ አየር፤ ኡባጥ አድያ ፕርዳ ህንተንቱ አካና።
- 15 “ሎአ ማላትያ ኢታቶ፣ ህግን ታማርሰያዋንቶን ፓርሳዋቶ ህንተንቱ አት ኡራ አማንላናው አባንን ሳአን ዩይያ ድራውን ቃይ ህንተንቱ አ አማንላያ ዋደ፣ ሄ ኡራ ህንተንቱዋጥ ላኡ ኩሸያ ኢቱዳ ጋናው ናኦ ኦላያ ድራው፣ ህንተንቶ አየር።
- 16 “ኣኦን ገሻ ጎልያን ጫቆጥ፣ አይነ ባዋ፤ ሸን ገሻ ጎልያን ደአያ ዋርቃን ጫቆጥ፣ ሄ ጫቁ አ ጋኪ’ ግያ ህንተንቶ ቆቅ ኡቲደ አሳ ካለላያዋንቶ፣ ህንተንቶ አየር።
- 17 ሀ ኤያቱ፣ ሀ ቆቃቱ፣ ዋርቃይ አዲዬ? ዋርቃ ገሻ ኦላያ ገሻ ጎሊ አዲ?
- 18 ቃይ ህንተንቱ፣ ኣኦን ያርሹዋ ያርሹያባን ጫቆጥ፣ አይኔካ ባዋ፤ ሸን ኦንካ አ ቦላ ደአያ ያርሹዋን ጫቆጥ፣ ሄ ጫቁ አ ጋኪ’ ያገደ ታማርሰታ።
- 19 ሀ ኤያቱ፣ ሀ ቆቃቱ፣ ያርሹ አዲዬ? ዋይ ያርሹዋ ገሻ ኦላያ አ ያርሹያባይ አዲ?
- 20 ሄዋ ድራው፣ ያርሹዋ ያርሹያባን ጫቁያ ኡራይ ሄ ያርሹያዋንካ ጫቁ፤ ቃይ አ ቦላ ደአያ ኡባባንካ ጫቁ።
- 21 ገሻ ጎልያን ጫቁያ ኡራይ፣ ሄ ገሻ ጎልያን አ ግድን ደአያ ጸሳን ጫቁ።
- 22 ሳሉዋን ጫቁያ ኡራይ፣ ጸሳ ካውተላ ኦይድያን ሄ ኦይድያን ኡትያዋን ጫቁ።
- 23 “ሎአ ማላትያ ኢታቶ፣ ህግን ታማርሰያዋንቶን ፓርሳዋቶ፣ ህንተንቶ አየር። አያው ጎጥ፣ ካረላ አኡጋጥ፣ ሸላርያጥን ኦካሸያጥ አሰራታ ህንተንቱ አሚታ፤ ሸን ህግን ደአያ ዳሪ ኩሸያዋንታ አገታ፤ ሄዋንቱ ፕርዳ፣ ማርተላን ጽሎተላ። ሀራንታካ አገናን፣ ህንተንቱ ኦላናው በሰያ የዋቱ ሀዋንታ።
- 24 ህንተንቶ ቆቅ ኡቲደ፣ አሳ ካለላያዋንቶ፣ ህንተንቱ ኡሻጥ ኡዱንጽያ ጋጠደ፣ ጋሉዋ ምቲታ።
- 25 “ሎአ ማላትያ ኢታቶ፣ ህግን ታማርሰያዋንቶን ፓርሳዋቶ፣ ህንተንቶ አየር። አያው ጎጥ፣ ህንተንቱ ሻታን ከርያ ቦላ ባጋ ገሺታ፤ ሸን አ ግዴዋን ቦንቄያንካ ኡዘተላን ኩንሌድታ።
- 26 ሀ ቆቃ ፓርሳዌው፣ ሻታን ከርያ ጋርሳ ካሰታደ ገሻ ድጋ፤ ሄዋጥ ጉይያን፣ ቦላ ባጋይካ ገሻ ግዳናዋ።

27 “ሎአ ማላትያ ኢታቶ፣ ህግያ ታማርሲያዋንቶን ፓርሳዋቶ፣ ህንተንቶ አየር። አያዉ ጎፕ፣ ካረ ባጋና ቦሽንቻን ኦከቲደ፣ ሎኦ ኤቲደ፣ ቃይ ጋርሳ ባጋና ሀይቄዳ አሳ ሙቀላይን ዋቄዳባይ ኡባባይ ኩሜዳ ዲፎቲቱዋ ማላቲታ።

28 ሄዋዳንካ፣ ቃይ ቦላ ባጋና አሳ ኡባዉ ጽሎዋ ማላቲታ፤ ሸን ህንተንቶ ጋርሳ ባጋና ሎአ ማላትያ ኢታተላይን ማካላይ ኩዎ ኡቲዳ።

29 “ሎአ ማላትያ ኢታቶ፣ ህግያ ታማርሲያዋንቶን ፓርሳዋቶ፣ ህንተንቶ አየር። አያዉ ጎፕ፣ ናባቱዋ ዱፋዋ ቦላ ጎልያ ኬጺታ፤ ቃይ ጽላቱዋ ዱፋዋካ ሎይሲታ።

30 ቃይ ህንተንቱ፣ ፋን ቦን ኑ አዎቱዋ ዋደ ደኤዳዋንታ ግድንቶ፣ ኤንቱንቱና እትፕ ናባቱዋ ዋዶኮ ሸን ያጌታ።

31 ሄዋ ግደፕ፣ ናባቱዋ ዋዶዳዋንቱ ናና ህንተንቱ ግዳዳዋ ህንተንቱ ሀጺያን ማርካቲታ።

32 ሰዎ ህንተንቱ አዎቱ ደሜዳዋ ፖልክቲ!

33 “ሀ ሸሻቶ፣ ሸሻ ናናዉ፣ ጋናዎያ ፕርዳፕ ዋኒደ አታንቲ።

34 ሄዋ ድራዉ፣ ቦይተ፣ ታን ናባቱዋ አጼ ኤራንቻቱዋን ህግያ ታማርሲያዋንታ ህንተኩ ኪታና። ኤንቱንቱፕ እቱዋ እቱዋ ህንተንቱ ዋዳናን ማሰቃልያ ቦላ ምሰማርያን ድሺደ ካቃንታ፤ ቃይ እቱዋ እቱዋ ህንተንቱ ዋሳ ጎላቱን ልሱዋን ሸጫንታን ካታማፕ ካታማ የደርሳንታ።

35 ሄዋ ድራዉ፣ ጽሎዋ አቤላ ዋዶደፕ ደሚደ፣ ጌሻ ጎልያፕን ያርሸያ ሳፕ ግዳዋን ህንተንቱ ዋዶዳ ባራክያ ናኣ ዛካራሳ ዋድያ ጋካናዉ፣ ሀይቄዳ ጽላቱዋ ኡባቱዋ ሱላ ድራዉ፣ ህንተንቱ ሙረታንታ።

36 ታን ህንተንቶ ቱሙዋ ኦዳይ፤ ሀ ኡባባይ ሀ ዋድያ አሳ ቦላ ጋካናዋ።

**የሩሳላሙዉ ኦደቲዳ ምኖ ኦዲዋ**  
**(ሉቃሳ 13:34-35)**

37 “የሩሳላሙ ካታማ አሳዉ፣ የሩሳላሙ ካታማ አሳዉ፣ ናባቱዋ ህንተንቱ ዋዶታ፤ ጸሳይ ህንተንቱኩ ኪቲዳዋንታካ ሹቻን ጫዲታ፤ ኩታታ ባረ ማራቱዋ ባረ ቀፍያን ሀጽያዋዳን፣ ታን ህንተንቱ አሳ እትሳ ሸሻናዉ አፑ ካላ ኮያድታ! ሸን ታና ድጌድታ።

38 በእተ፣ ህንተንቱ ጎሊ ኡባካ ኦና ግዳናዋ።

39 አያዉ ጎፕ፣ ታን ህንተንቶ ኦዳይ፤ ህንተንቱ፣ ፋን ሱንላን ይያዌ አንጀቲዳዋ ጋና ጋካናዉ፣ ላኤንሉዋ ታና በእክታ” ጋይ” ያጌዳ።

# 24

**የሱሰ ጌሻ ጎሊ ኮለታናዋ ካሰቲደ ኦዳዳ**  
**(ማር. 13:1-2፤ ሉቃሳ 21:5-6)**

1 የሱሰ ጌሻ ጎልያፕ ከሲደ ሰያ ዋደ፣ ጌሻ ጎልያ ድርሳ ግደን ደእያ ጎልያ በሳናዉ አ ካልያዋንቱ አኩ ዬድኖ።

2 የሱሰ ዛሪደ ኤንቱንታ፣ “ሄዋ ኡባ በእቲ? ታን ህንተንቶ ቱሙዋ ኦዳይ፤ ሀ ጎላቱዋን ደእያ እት ሹቻይን አተናን ኡባይ ኮለታና” ያጌዳ።

**ዋድያ ዉርሰላባ**  
**(ማር. 13:3-13፤ ሉቃሳ 21:7-19)**

3 የሱሰ ደብረ ዛይተ ጌተትያ ደርያ ቦላን ኡት ደእሸን፣ አ ካልያዋንቱ ባረንቱ ጸላላ አኩ ዬደ አ፣ “ሄዌ አዉደ ሀናንቶ፣ ኑዉ ኦዳርከ፤ ቃይ ነ የሳዉን ዋድያ ዉርሰላዉ ማላይ አያ ግዳኔ?” ያጌድኖ።

4 የሱሰ ዛሪደ፣ ኤንቱንታ ሀዋዳን ያጌዳ፤ “ህንተንታ ኦን ባለፍ ማላ ናገትተ።

5 አያዉ ጎፕ፣ ዳሮ አሳይ ታ ሱንላን፣ ታን ክርሰቶሳ” ያጌደ ያኖ፤ ያቲደ ዳሮ አሳ ባለላና።

6 ማታን ደእያ ኦላ ዋሱዋን ሃኩዋን ደእያ ኦላ ኦዲዋ በሳናዉ ህንተንቱ ደእታ፤ ሄዋ ማላባይ ሀናናዉ በሰያ ድራዉ፣ ናገትተ፤ ህርጎፕተ፤ ሸን ዉርሰላይ ሰራ።

7 አያዉ ጎፕ፣ እት ጋድያ አሳይ ሀራ ጋድያ አሳና ኦለታና፤ ቃይ እት ካዉተላይ ሀራ ካዉተላና ኦለታና፤ ኩሻይን ቢታ ቃላይ ኡባ ሳን ደእናዋ።

8 ሄዌ ኡባይካ ኮይሮ ኦይላ ማላ።

9 “አሳይ ሄ ዋደ ህንተንታ ዋይሳናን ዋዳናዋ፤ ታ ሱንላ ድራዉ፣ ጋደ ኡባይ ህንተንታ አጸናዋ።

10 ሄ ዋደ ጮራ አሳይ አማኑዋ አጋናዋንታ፤ ባረንቱ ግደን እቲ እቲዋ አሲደ እማናን እቲ እቲዋ አጸናዋ።

11 ቃይ ዋርደ ናባቱ ጮራቱ ደንዲደ፣ ዳሮ አሳ ጭማናዋንታ።

- 12 ማካላይ ዳርያ ድራሬ። ጮራ እሳ ሲቆ እርጻርና።
- 13 ሽን ወርሰላይ ጋካናወ ገንጭያ ኡራይ አታና።
- 14 እሳወ ኡባወ ማርካ ግዳና ማላ። ካወተሳ ዋንጋላ ሞሽራቹ ሳኦ ኡባን ኦደታና፤ ሄዋጥ ጉይያን፤ ወርሰላይ ጋካና።”

**ባሻ ቱናተሳ**

(ማር. 13:14-23፤ ሉቃሳ 21:20-24)

- 15 “ሄዋ ድራሬ። ናብያ ዳኔል ኦዳዳ ባሻ ቱናተላይ ጌሻ ሳን ኤቄዳዋ ህንተንቱ በእና፤ ሄዋ ዋግያዌንቶ፤ ናባብያዌ አኬኮ።
- 16 “ይሁዳ ጋድያን ሄ ዋደ ደእያዋንቱ ደርያኮ ከሰና።
- 17 ጎልያ ሀጺያን ደእያ ኡራይካ ባረ ሰይን ደእያዋ አካናወ ዋዶ።
- 18 ጋደን ደእያዌ ባረ ማዩዋ አካናወ ጉዩ ሰዋ።
- 19 ሄ ዋደ ሻሃራ ማጫዋንቶን ቶንሰያ ማጫዋንቶ አየር።
- 20 ባልጉዋን ዋይ ሳምባታን ህንተንቱ በተና ማላ፤ ጸሳ ዋሰተ፤
- 21 እያወ ጎጥ፤ አላሚ መጠቶደጥ ሆቼ ጋካናወ ደእቢናባይን ቃይ ሀዋጥ ሰንላወካ ኡባ ደኤና ኢታ ዋዩ ሄ ዋደ ደእና።
- 22 ጸሳይ ሄ ጋላሳቱዋ ፓይዲዋ ጉልያዌ ባዌንቶ፤ እሳ ግዴዳ ኦንነ አተና፤ ሽን እ ባረ ዶሬዳ አሳቱዋ ድራሬ። ሄ ጋላሳቱዋ ፓይዲዋ ጉላና።
- 23 “ሄ ዋደ ኦንነ ህንተንታ፤ ‘በእተ። ክርስቶስ ሀዋን ደኤ’ ዋይ፤ ‘ሄዋን ደኤ’ ያጎጥ አዋ አማናጥተ።
- 24 እያወ ጎጥ፤ ዋርዶ ክርስቶሳቱን ዋርዶ ናባቱ ደንዳና፤ ያቲደ ባረንቶ ዳንዳየቶጥ፤ ሀራይ አቶ ጸሳይ ዶሬዳዋንታካ ባለላናወ ዋልቃማ ማላታን ማላልሰያባ በሳና።
- 25 በእተ፤ ታን ህንተወ ሄዋ ካሰታደ ኦዳድ።
- 26 “ሄዋ ድራሬ። አሳይ ህንተንታ፤ ‘በእተ፤ ክርስቶስ ባዙዋን ደኤ’ ጎጥ፤ ያ ቦጥተ፤ ዋይ ህንተንታ፤ ‘በእተ፤ ቆልኦን ደኤ’ ግንቶካ፤ ኡንቱንቱባ አማናጥተ።
- 27 እያወ ጎጥ፤ ዋልቃንላይ አዋይፊ ዶልያ ባጋጥ ዋልቃሚደ፤ አዋይፊ ወልያ ባጋ ጋካናወ ጸልቁ ግያዋዳን፤ ታ የሳይ፤ አሳ ናኦ የሳይ፤ ሄዋዳን ሀናና።
- 28 “ባኩታይ ደኤያሳ ሾርቲ ሺቃና።”

**እሳ ናኦይ፤ ክርስቶስ ላኤንሱዋ ያና**  
(ማር. 13:24-27፤ ሉቃሳ 21:25-28)

- 29 “ሄ ዋደ ዋይያጥ ጉይያን፤ ኤላካ አዋይ ጱማና፤ አገናይ ፖእያዋ አጋና፤ ጸልንታቱ ሳሉዋጥ ኩንዳናዋንታ፤ ቃይ ሳሉዋን ደእያ ዋልቃቱካ ቃጸታናዋንታ።
- 30 ሄ ዋደ ታ ማላይ፤ አሳ ናኦ ማላይ፤ ሳሉዋን ቤታና፤ ሳኦን ሄ ዋደ ደእያ አሳ ዛሪ ኡባይ ዩካናዋንታ። ቃይ ታን፤ አሳ ናኦይ፤ ዋልቃናን ዋልቃማ ቦንቹዋና ሳሉዋጥ ሻርያ ግድና ዪሽን፤ ኡንቱንቱ በእና።
- 31 እ ባረ ኪታንቻቱዋ ዋልቃማ ማላካታና ኪታና፤ ኪታንቻቱ አለመወ ሀ ጋጸጥ ያ ጋጸ ጋካናወ፤ ቃይ ሳኦን ኦይዱ ባጋጥ አወ ዶረቲዳ አሳ ሺሻና።

**ጎዳይ ያና ጋላሳ ማላታ**  
(ማር. 13:28-31፤ ሉቃሳ 21:29-33)

- 32 “ለምሱዋ ባላሳቶ ጌተቶ ምላትጥ አኬክተ፤ ባላሳታ አጭያ ዋደነ እዝ ሀይላይ ቆለትያ ዋደ፤ ቦኒ ማቴዳዋ ህንተንቱ ኤራንታ።
- 33 ሄዋዳንካ፤ ህንተንቱ ሄ ኡባባ በእያ ዋደ፤ እ ማቴደ ጥንግያ ሺቄዳዋ ኤርተ።
- 34 ታን ህንተንቶ ቱሙዋ ኦዳይ፤ ሀ ኡባባይ ሀናና ጋካናወ፤ ሀ ዋድያ አሳይ ሀይቂድገና።
- 35 ሳሉነ ሳኦይ አጻና፤ ሽን ታ ቃላይ ኡባካ አገና።

**ጎዳይ ያና ጋላሳ ኦንነ ኤረና**  
(ማር. 13:32-37፤ ሉቃሳ 17:26-30፤ 34-36)

- 36 “ሽን ሄ ጋላሳነ ሄ ሳትያ አወዋ ጸላላጥ አትን፤ ሀራይ አቶ ሳሉዋን ደእያ ኪታንቻቱዋ ግድና፤ ዋይ ታና ናኦ ግድናካ ኦንነ ኤርያዌ ባዋ።

- 37 ታ ዩሳይ፣ አሳ ናአ ዩሳይ፣ ኖሄ ዋደ ሆኖዋ ማላ ግዳናዋ።
- 38 አያዉ ጎጥ፣ ባሻ ሃላ ዩሳጥ ካሰ ዋደ፣ ኖሄ ማርካብያን ገሌዳ ጋላሳይ ጋካናዉ፣ አሳይ ሜነ ኡሼነ፤ ቃይ አቱማ አሳይ አከነ ማጫ አሳይ አሰና ገሌ።
- 39 ባሻ ሃላይ ዩደ፣ ኡንቱንታ ኡባ አፋና ጋካናዉ፣ ኡንቱንቱ አከክበይክኖ፤ ታን፣ አሳ ናአይ፣ ይያ ዋደ፣ ሄዋ ማላ ግዳናዋ።
- 40 “ሄ ዋደ ላኡ አሳቱ ጋደን ኦልያዋንቱጥ አቱዋ አፋና፤ አቱ አታናዋ።
- 41 ላኡ ማጫዋንቱ ዋጸን ጋጭያዋንቱጥ አትኖ አፋና፤ አትና አታና።
- 42 “ሰም ሀንተ ጎዳይ አይ ጋላሰ ያናዌንቶ ሀንተንቱ ኤረና ድራዉ፣ ናግ ኡትተ።
- 43 ሽን ካይሱ ቃማጥ ዋይሳ ዋድያን ያንንቶ ጎልያ ጎዳይ ኤድደንቶ፣ ባረ ጎሊ ቦከተና ማላ፣ ቤጎቲደ ናግ ኡትናዋ ኤርተ።
- 44 ሄዋ ድራዉ፣ ሀንተንቱካ ጊግ ኡትተ፤ አያዉ ጎጥ፣ ታን፣ አሳ ናአይ፣ ሀንተንቱ ቆጥና ሳትያን ያና።

**ኢታነ ሎኦ ቆማ ሊምሱዋ**  
 (ሉቃሳ 12:41-48)

- 45 “ያትና፣ ባረ ሶይ አሳዉ ቁማ ኮሽያ ዋድያን እማና ማላ፣ አ ጎዳይ ሱንጮዳ እማነቴዳ ዋካናማ ቆማይ ኦኔ?
- 46 አ ሄዋዳን ኦልሸን፣ አ ጎዳይ ዩደ ደምያ ቆማይ አንጀቴዳዋ።
- 47 ታን ሀንተንቶ ቱሙዋ ኦዳይ፤ ጎዳይ ሄ ቆማ ባረዋ ኡባ ቦላ ሱንጎና።
- 48 ሸን ቆማይ ኢታ ግደጥ፣ ታ ጎዳይ ጋምኢደ ያናዋ፣ ያጊደ ባረ ዋካናን ቆጥደ፣
- 49 ባረ ላገላ ቆማቱዋ ዋቆ ደሞጥ፣ ማሳትያዋንቱና ሞጥነ ኡሸጥ፣
- 50 ሄ ቆማ ጎዳይ አ ቆጥቤና ጋላሳን አ ኤርቤና ሳትያን ያና።
- 51 ሄዋጥ ጉይያን አ ቃንጸጸሊደ።\* ሎኦ ማላትያ ኢታ አሳቱ ደአያ ሳን ዋልና፤ ሄዋን አ ዬካናነ አቻ ላቃና።

**25**

**ታሙ ዋድራቱዋ ሊምሱዋ**

- 1 “ሄ ዋደ ሳሉዋ ካዉተላይ ባረንቱ ኩራዝያ ኦይቂደ፣ ማቻቶ አክያዋ ሞካናዉ ካረ ከሴዳ ታሙ ዋድራቱዋ ማላታና።
- 2 ኡንቱንቱጥ አቼሻቱ ቦዛቱዋ፤ ቃይ አቼሻቱ ጭንጫ።
- 3 ቦዛቱ ባረንቱ ኩራዝያ ኦይቂድኖ፤ ሸን ላምባ ኦይቂባይክኖ።
- 4 ሸን ጭንጫቱ ባረንቱ ኩራዝያን ጸራሙሰያን ላምባ ኦይቂድኖ።
- 5 ማቻቶ አክያዋ ዬናን ጋምእና፣ ሄ ዋድራቱ ባረንታ ገምእሸሰና ግሰ አኔድኖ።
- 6 “ሰላሄ ግዴዳ ዋደ፣ ‘ብአተ፣ ማቻቶ አክያዋ ጋኬዳ፤ አ ሞካናዉ ካረ ከሰተ፣ ያግያ ዋልቃማ ጫቡ ደንዴዳ።
- 7 “ሄ ዋደ ሄ ዋድራቱ ኡባቱ ቤጎቲደ፣ ባረንቱ ኩራዝያ ጊግሴድኖ።
- 8 ቦዛቱ ጭንጫቱዋ፣ ኑ ኩራዝ ቶአና ሀንያ ድራዉ፣ ሀንተንቱ ላምባጥ ኑዉ እሚርክቱ፣ ያጊድኖ።
- 9 “ሸን ጭንጫቱ ዛሪደ አንቱንታ፣ ኅጎጥ፣ ኑዉን ሀንተንቶ ግደና፤ ሄዋ ድራ ሀንተዉ ዛልእያዋንቱኮ ቢደ ሻዎ አክተ፣ ያጊድኖ።
- 10 ሄዋጥ ጉዮ ቦዛ ዋድራቱ ላምባ ሻማናዉ ብድግና፣ ማቻቶ አክያዋ ጥቱ ጊና፣ ጊግ ኡቴዳ አቼሹ ዋድራቱ አናና አትጥ ቡሳቻ ጎልያ ገሊድኖ፤ እፍላይካ ጎርደት አኔዳ።
- 11 “ጉዮጥ ቃይ የኮ ዋድራቱ ዩደ፣ ኅጎዳዉ፣ ጎዳዉ፣ ኑዉ ደያርኪ፣ ያጊድኖ።
- 12 “ሸን ማቻቶ አክያዋ ዛሪደ፣ ታን ሀንተንቶ ቱሙዋ ኦዳይ፤ ታን ሀንተንታ ኤርከ፣ ያጊድኖ።
- 13 “ሰም ታን፣ አሳ ናአይ፣ ያና ጋላሳ ዋይ ሳትያ ሀንተንቱ ኤረና ድራዉ፣ ናግ ኡትተ።

**ሄዙ ቆማቱዋ ሊምሱዋ**  
 (ሉቃሳ 19:11-27)

- 14 “አያዉ ጎጥ፣ ሳሉዋ ካዉተላይ ባረ ቆማቱዋ ዴሲደ፣ ባረዉ ደአያዋ ኡንቱንቶ ሼጲደ፣ ኦግያ ባና ሀንያ ብታንያ ቦሲ።
- 15 ኡንቱንቱ ሁጲያን ሁጲያን ኡንቱንቱ ዋልቃ ከና እቶ አቼሹ ሻአ ብራ፣ እቶ ላኡ ሻአ ብራ፣ ቃይ እቶ እቶ ሻአ ብራ እሚደ፣ ባረ ኦግያ ቤዳ።
- 16 አቼሹ ሻአ ብራ አከዳ ቆማይ ኤላካ ቢደ ዛልኢደ፣ ሀራ አቼሹ ሻአ ብራ ዋድሴዳ።
- 17 ሄዋዳንካ፣ ቃይ ላኡ ሻአ ብራ አከዳ ቆማይ ሀራ ላኡ ሻአ ብራ ዋድሴዳ።



- 18 ሽን እት ሻእ ብራ እኩዳዌ ቢደ፣ ኦላ ቦኪደ፣ ባረ ጎዳ ሚሻ ሞግ እጌዳ።
- 19 “ዳር ዎድያፕ ጉይያን፣ ሄ ቆማቱዋ ጎዳይ ዪደ፣ ባረ ሚሻ ኡንቱንቱና ሄተቱዳ።
- 20 እቼሹ ሻእ ብራ እማዳ ቆማይ ዪደ፣ ሀራ እቼሹ ሻእ ብራ ሹቋደ፣ ታ ጎዳዉ፣ ኔን ታዉ እቼሹ ሻእ ብራ እማዳ፤ በእ፣ ሀራ እቼሹ ሻእ ብራ ዎቋሳድ፣ ያጌዳ።
- 21 እ ጎዳይ እ፣ ህያናሹ! ኔን ሎእነ እማነትያ ቆማ፤ ኔን ጉላባን እማነታዳ። ታን ኔና ዳርባዉ ካፖ ኦላና፤ ሃ ገላደ ነ ጎዳና ናሽታ። ያጌዳ።
- 22 “ቃይ ላኡ ሻእ ብራ እኩዳዌካ ዪደ፣ ታ ጎዳዉ፣ ኔን ታዉ ላኡ ሻእ ብራ እማዳ፤ በእ፣ ታን ሀራ ላኡ ሻእ ብራ ዎቋሳድ፣ ያጌዳ።
- 23 እ ጎዳይ እ፣ ህያናሹ! ኔን ሎእነ እማነትያ ቆማ፤ ኔን ጉላባን እማነታዳ። ታን ኔና ዳርባዉ ካፖ ኦላና፤ ሃ ገላደ ነ ጎዳና ናሽታ። ያጌዳ።
- 24 “እት ሻእ ብራ እኩዳዌ ቃይ ዪደ፣ ታ ጎዳዉ፣ ኔን ዘራቤናሳፕ ቆይጭያ አሳ ግድያዋ ካላ ላላቤናሳፕ ማጽያ መቀሰ ባይና አሳ ግድያዋ ታን ኤራይ።
- 25 ታን ያያድ፤ ያታደ ባደ ነ ብራ ቢታን ሞጋድ፤ በእ፣ ነ ብራይ ሀዌኩ፣ ያጌዳ።
- 26 “እ ጎዳይ ዛሪደ፣ እ ሀዋዳን ያጌዳ፤ ህ ኢታ እዛላ ቆማዉ፣ ታን ዘራቤናሳፕ ቆይጭያ አሳ ግድያዋ ካላ ላላቤናሳፕ ማጽያ አሳ ግድያዋ ኤራዳ?
- 27 ያትና፣ ኔን ታ ሚሻ ዎቋሳያዋንቱ ማታን ዎሌዳዋ ግድንቶ፣ ታን ሰምያ ዎደ ታ ሚሻ ዎቋሳያ ላካናዋሽን አቱዳ።
- 28 ሄዎ ድራዉ፣ ሄ ሚሻ እፕ ዎሰ እኪደ፣ ታሙ ሻእ ብራይ ደእያዎ እምተ።
- 29 እያዉ ጎፕ፣ ደእያ ኡባዉ ሀራይ ጉጅታና፤ እ ባረዉ ግድያዋፕ ዳርሲደ አካና፤ ሽን ባይናዎ ሀራይ አቶ፣ ሄ አዉ ደእያ ጉላይካ እፕ አከታናዎ።
- 30 ጎጌና ቆማ ካረ ቋማ ከሰ ኦልተ፤ ሄዋን አ ዬካና ካረ አቻ ቋቃና ያጌዳ።

**ዎድያ ዉርሰላን ህናና ፕርዳ**

- 31 “ታን፣ አሳ ናአይ፣ ኪታንቻቱዋ ኡባቱዋና ቦንቹዋን ይያ ዎደ፣ ታ ቦንቹ ካዉተላ ኦይድያን ኡታና።
- 32 ሳእን ደእያ አሳይ ኡባይ ታ ሰንላ ሺቃናዋንታ፤ ሄምያዌ ደርሳቱዋ ዴሻቱዋፕ ሻክያዋዳን፣ ታን ሄ አሳ ላኡ ከሳይ ሻካና።
- 33 ቃይ ደርሳቱዋ ታፕ ኡሸቻ ባጋና ኤሳይ፣ ዴሻቱዋ ታፕ ሀድርሳ ባጋና ኤሳና።
- 34 “ሄዋፕ ጉይያን፣ ታን ካቲ ታፕ ኡሸቻ ባጋና ደእያዋንታ ሀዋዳን ያጋና፤ ታ እቡ እንጄዳዋንቶ፣ ሃ ዪደ ሳእይ መፍታደፕ ሀቼ ጋካናዉ፣ ህንተንቶ ጊጌዳ ካዉተላ ላትተ።
- 35 እያዉ ጎፕ፣ ታን ከሻትና ሞዜድታ፤ ሳመትና ኡሺድታ፤ እማላ ግዳይ ቢናካ ሞዜድታ።
- 36 ታን ካሎትና ማይዜድታ፤ ሀርግና በኤድታ፤ ቃሸትና ታን ጋኪደ ኡቼድታ። ያጋና።
- 37 “ሄዋፕ ጉይያን፣ ጽላቱ ዛሪደ፣ እ ሀዋዳን ያጋና፤ ሳዳዉ፣ ኔን ከሻትና፣ አዉደ በእደ ሞዜድ? ዎይ ኔን ሳመትና፣ አዉደ በእደ ኡሺድ?
- 38 ኔን እማላ ግዳይ ዪና አዉደ በእደ ሞዜድ? ዎይ ኔን ካሎትና አዉደ ማይዜድ?
- 39 ቃይ ኔን ሀርግና፣ ዎይ ቃሸትና ኔኮ ቢደ አዉደ ኔና በኤድ? ያጋናዋንታ።
- 40 ታን ካቲ ዛሪደ፣ ታን ህንተንቶ ቱሙዋ ኦዳይ፤ ህንተንቱ ሀ ታ እሻቱዋ ኡባፕ ሀራይ አቶ፣ ላፍያ አቶ ኡሌዳዋ ግድንቶካ፣ ሄዎ ታዉ ኡሌድታ። ያጋና።
- 41 “ሄ ዎደ፣ ታፕ ሀድርሳ ባጋና ደእያዋንታ ታን ያጋና፤ ህ ሸቀቱዳዋንቶ፣ ታ ማታፕ ክቹተ፤ ቢደ ጸላህያ ካፖን አ ኪታንቻቶ ጊጌዳ መቋና ታማን ገልተ።
- 42 እያዉ ጎፕ፣ ታን ከሻትና፣ ታና ሞዘበይክታ፤ ሳመትና ኡሸበይክታ።
- 43 ታን እማላ ግዳይ ቢና፣ ታና ሞዘበይክታ፤ ካሎትና ማይዘበይክታ፤ ቃይ ሀርግና፣ ቃሸትናካ ታና በእበይክታ። ያጋና።
- 44 “ሄ ዎደ ኡንቱንቱ ቃይ ሀዋዳን ያጊደ ዛሪናዋንታ፤ ሳዳዉ፣ ኔን ከሻትና ዎይ ሳመትና፣ ዎይ እማላ ግዳይ ቢና ዎይ ካሎትና፣ ዎይ ሀርግና ዎይ ቃሸትና፣ አዉደ በእደ፣ ኔና ማደናን እጹድ? ያጋናዋንታ።
- 45 “ሄ ዎደ ታን ካቲ ዛሪደ ኡንቱንታ፣ ታን ህንተንቶ ቱሙዋ ኦዳይ፤ ህንተንቱ ሀ ኡባፕ ላፍያ አቱዋ ማደናን እጹዳዌ፣ ታና ማደናን እጹዳዋ። ያጋና።
- 46 ሄዋንቱ መቋና ሙራዉ ባና፤ ሽን ጽላቱ መቋና ደኦ ባና። ያጌዳ።

**26**

የሱሳ ቦላ ማቀቲድኛ  
(ማር. 14:1-2፤ ሉቃሳ 22:1-2፤ ዮሃ. 11:45-53)

- 1 የሱስ ሀ ትምርትና ኡባ ወርሴዳ ዎደ፣ ባረና ካልያዋንታ።
- 2 “ላኡ ጋላሳ፣ ጉይያን፣ ጋላሳ ባላ ቦንቶያ ጋላሳ ግድያዎ ኡሪታ። ሄ ጋላሳ ታና፣ አሳ ናኣ፣ አሳይ ማስቃልያ ቦላ ምስማርያን ድቪይ ካቃናዉ አሊደ እማና።” ያጌዳ።
- 3 ሄ ዎደ ቄሳቱዋ ካፓቲኑ ጋድያ ጭማቱ ቃያፋ ጌተትያ ቄሳቱዋ ኡባቱዋ ካፑዋ ዎጋ ጎልያን ሸቂዳ።
- 4 እሳይ ኤረናን የሱሳ ኦይቂደ፣ ዎጃናዉ ማቀቲድና።
- 5 ሸን ኡንቱንቱ፣ “አሳይ ዋላሳ ከሰና ማላ፣ ጋላሳ ቦንቶያ ጋላሳ ሄዎ ኦሎኮ” ያጌድና።

እት ማጫ ምሽራታ የሱሳ ሸቱዋ ጫጫፋዱ  
(ማር. 14:3-9፤ ዮሃ. 12:1-8)

- 6 የሱስ ቢታንያ ካታማን ኦሎዋ ሀርግያ ሰሞና ሶይን ደእሸን።
- 7 እት ምሽራታ አልባሰጽሮሳ ጌተትያ ቩቻፕ ኦሰቲዳ አልባሰጽሮሳ ባራታ ኩሜዳ ዳሪ አልእ ሸቱዋ አካደ ዬዳዉና ቁማ እ ሚና፣ ሄ ሸቱዋ የሱሳ ሀጺያን ጫጫፋዱ።
- 8 ሸን የሱሳ ካልያዋንቱ ሄዎ በኢደ፣ “ሀ ሸቱዋ ጮ ባይዙሳይ አያሴን?
- 9 አያዉ ጎፕ፣ ሀ ሸቱዋ አልእ ጋትያን ዛልኢደ፣ ሚሻ ሀይሳዉ እማናዉ ዳንዳየቱ” ያጌድና።
- 10 የሱስ ኡንቱንቱ ግያዋ ኤሪደ፣ ኡንቱንታ ሀዋዳን ያጌዳ፤ “ሀ ምሽራቶ አያዉ ዋይሴቲ? እዛ ታዉ ሎኦባ አላዱ።
- 11 ሀይሳቱ ኡባ ዎደ ህንተናና ደኢኖ፤ ሸን ታን ህንተናና ኡባ ዎደ ደእከ፤
- 12 እዛ ሀ ሸቱዋ ታ ቦላ ትግያዎ ታና ሞጋናዉ ገግሳሳና።
- 13 ታን ህንተንቶ ቱሙዋ ኦዳይ፤ ሳኣ ኡባን ሀ ዎንጋላ ምሽራቹዋ ኦድያሳን ሀቃን፣ አሳይ እዞ ዎዛና አላና ማላ፣ እዛ ኦሌዳዌ ኦደታናዎ” ያጌዳ።

ይሁዳይ የሱሳ አሊደ እማናዉ የወዋን ጊጌዳ  
(ማር. 14:10-11፤ ሉቃሳ 22:3-6)

- 14 ሄ ዎደ ታማን ላኡ የሱሳ ካልያዋንቱ፣ እቲ ይሁዳ አስቆሮቲ ያገትያዎ ቄሳቱዋ ካፓቱዋኮ
- 15 ቢደ፣ “ታን ህንተንቶ የሱሳ ኦይሶፕ፣ ታዉ አያ እማንቲ?” ያግና ኡንቱንቲ አዉ ሀታሙ ብራ ቆፒደ እሚድና።
- 16 ሄዋፕ ጉይያን፣ ይሁዳይ የሱሳ አላ እማናዉ እንጀትያ ዎድያ ዎቹ።

የሱስ አይሁዳቲ ጋላሳ ካወዋ ባረና ካልያዋንቱና ሜዳ  
(ማር. 14:12-21፤ ሉቃሳ 22:7-14፣ 21-23፤ ዮሃ. 13:21-30)

- 17 ባላ ዳቡዋ ምያ ጋላሳ ቦንቶያ ኮይሮ ጋላሳ፣ የሱሳ ካልያዋንቱ እኮ ዪደ፣ “ጋላሳ ቦንቶያ ጋላሳ ኔን ማና ቁማ ሀቃን ገግሳኔ?” ያጌድና።
- 18 ሄዋፕ ጉየ የሱስ ኡንቱንታ፣ “ካታማ ቢደ፣ እት ብታንያ፣ ታማርሰያዌ ኔና፣ ታዉ ዎደ ጋኪዳ፤ ታን ታና ካልያዋንቱና ጋላሳ ቦንቶያ ጋላሳ ነ ሶይን አላና” ጌዳ፣ ጌተ” ያጌዳ።
- 19 እ ካልያዋንቱ የሱስ ባረንታ አዛዞዎዳን ኦሊደ፣ ጋላሳ ቦንቶያ ጋላሳ ማና ቁማ ገግሴድና።
- 20 ሳኢይ ኦማርሴዳ ዎደ፣ የሱስ ታማን ላኡ እ ካልያዋንቱና ቁማ ማናዉ ኡቲዳ።
- 21 ኡንቱንቲ ሚሸን፣ የሱስ ኡንቱንታ፣ “ታን ህንተንቶ ቱሙዋ ኦዳይ፤ ህንተፕ እት ኡራይ ታና አሊደ እማናዎ” ያጌዳ።
- 22 ኡንቱንቲ ዳሪ ዳጋሚደ፣ ሀጺያን ሀጺያን፣ “ጎዳዉ፣ ቱሙ ታኔሻ?” ጉሳ ደሚድና።
- 23 የሱስ ዛሪደ፣ “ባረ ኩሸያ ታናና እትፕ ዎጪትያፕ የዳደ ቱሸያዌ ታና አላ እማና።
- 24 ታን፣ አሳ ናኣይ፣ ጸሳ ማጻፋይ ሀይቃና ጌዳዎዳን ሀይቃና፤ ሸን ታና፣ አሳ ናኣ፣ አላ እምያ ኡራዉ አየር፤ ሄ ኡራይ የለተናን አቴደንቶ አዉ ሎኦ ሸን” ያጌዳ።
- 25 እ አላ እምያ ይሁዳይ ዛሪደ፣ “ታማርሰያዎ፣ ኔን ግያዌ ታኔ?” ያጌዳ።
- የሱስ ዛሪደ እ፣ “ኔን ነ ሀጺያን ጋዳ” ያጌዳ።

ጎዳ ካወዋ አክያ ዎጋ  
(ማር. 14:22-26፤ ሉቃሳ 22:15-20፤ 1 ቆር. 11:23-25)

- 26 ኡንቱንቲ ሚሸን፣ የሱስ ዳቡዋ አኪደ፣ ጸሳ ጋላቲዳ፤ ሄ ዳቡዋ ሙን፣ ጋሊደ፣ ባረና ካልያዋንቶ እሚደ፣ “ሄይተ፤ ሀዌ ታ አሹዋ” ያጌዳ።
- 27 ዲኣ አኪደ፣ ጸሳ ጋላቲዳ። ኡንቱንቶ እሚደ፣ “ኡባይ ሀዋፕ ኡሸተ፤
- 28 አያዉ ጎፕ፣ ሀዌ ዳሮ አሳ ናጋራይ አቶ ጌተታና ድራዉ ጉክያ ታ ሱሳ፤ ታ ሱሳይ ኡራሳ ጫቁዎ።

29 ሽን ታን ህንተንቶ ኦዳይ፤ ታን ታ አቡ ካውተላን ኦራላ ዋይንያ ሌሳ ህንተንቱና ኡሻና ጋላሳይ ጋካናዉ፡ ላኢንሱዋ ሀ ዋይንያ ሌሳ ኡባካ ኡሽከ” ያጌዳ።

30 ማዝሙርያ የጸዋጥ ጉይያን፡ ደብረ ዛይተ ጌተትያ ደርያ ቤድኖ።

የሱስ ጳጳርሰ ካዳናዋ ካሰቲደ ኦዴዳ  
(ማር. 14:27-31፤ ሉቃሳ 22:31-34፤ ዮሃ. 13:36-38)

31 የሱስ ሄ ዋደ ኡንቱንታ፡ “ሆቼ ቃማ ህንተንቱ ኡባይ ታና አገደ ክቻና፤ እያዉ ጎጥ፡ ጸሳ ማጻፋይ፡

“ ጸሳይ ደርሳ ሄምያዋ ዋጳናዋ፤  
ሄዋጥ ጉይያን ደርሳ ዉዲ ላለታናዋ’

ያጌ።

32 ሽን ታን ሀይቁዋጥ ደንዶዋጥ ጉይያን፡ ህንተጥ ካሰታደ ጋለላ ባና” ያጌዳ።

33 ጳጳርሰ ዛሪደ፡ “ኡንቱንቱ ኡባቱ ኔና አገደ ክቻናዋንታ፤ ታን ኔና ኡባካ የጋደ ክቻከ” ያጌዳ።

34 የሱስ ጳጳርሳ፡ “ታን ነዉ ቱሙዋ ኦዳይ፤ ሆቼ ቃማ ኩቱ ዋሳናጥ ካሰ፡ ኔን ታና ሄዙ ካላ ካዳናሳ” ያጌዳ።

35 ጳጳርሰ ዛሪደ፡ “ታን ሀራይ አቶ፡ ኔናና እትጥ ሀይቁንቶካ፡ ኔና ኡባካ ካድከ” ያጌዳ። ቃይ የሱሳ ካልያዋንቱ ኡባቱካ ሄዋዳን ጌድና።

የሱስ ጌተሰማንያን ዋሴዳ  
(ማር. 14:32-42፤ ሉቃሳ 22:39-46)

36 የሱስ ሄ ዋደ ባረና ካልያዋንቱና ጌተሰማንያ ጌተትያሳ ቢደ ኡንቱንታ፡ “ታን ህን ባደ ጸሳ ዋሰሽን፡ ህንተንቱ ሀዋን ኡትሸተ” ያጌዳ።

37 ሄዋጥ ጉየ ጳጳርሳነ ዛብድዮሳ ናና ላኡዋ ባረናና አፊደ፡ ዳር ካዳዋን ኡጋ ደሚዳ።

38 ቃይ ኡንቱንታ፡ “ታን ሀይቃና ጋካናዉካ ካዮታይ፤ ሀዋን ቤንቲደ፡ ታናና ናግተ” ያጌዳ።

39 ላፋ ሰንሳኮ ሸቂደ፡ ሳኡን ጉፋኒደ፡ “ታ አቦ፡ ዳንዳየትያዋ ግደጥ፡ ሀ ጸኡ ታጥ ድጋይ ሽን ኔን ኮይያዋዳን ሀናጥ አትን፡ ታን ኮይያዋዳን ሀናጥ” ያጌደ ጸሳ ዋሴዳ።

40 የሱስ ባረና ካልያዋንቱ ሰሚደ ዬዳ፤ ገምእሸዋንታ ደሚደ ጳጳርሳ፡ “ህንተንቱ እት ሳተንቶካ ገምእሸንታ ታናና ናጋናዉ ዳንዳይቤይክቱ?

41 ገጭያን ህንተንቱ ገለና ማላ፡ ምንተነ ጸሳ ዋሰተ፤ እያናይ ገገ ኡቲዳ፤ ሽን አሳተላ ኡሻይ ዳቡራንቻ” ያጌዳ።

42 የሱስ ቃይ ላኢንሱዋ ቢደ፡ “ታ አቦ፡ ታን ሀ ዋልቃማ ሙቱዋ አከናን ደእሽን ጸኡ ደንላናዉ ዳንዳየተናዋ ግደጥ፡ ኔን ግያዌ ሀና” ያጌደ ጸሳ ዋሴዳ።

43 ቃይካ ሰም ዪደ፡ አ ካልያዋንቱ እይፍያ ገምእሸ ጎዘ ዋጱዳ ድራዉ፡ ገምእሸዋንታ ደሚዳ።

44 ቃይካ ኡንቱንታ የግ ቢደ፡ ሄዘንሱዋ ካሰ ቃላ ዛሪደ፡ ጸሳ ዋሴዳ።

45 ሄዋጥ ጉይያን፡ ባረና ካልያዋንቶ ዪደ፡ “ሀእ ጋካናዉካ ገምእሸቲነ ሸምጥቲ? በእተ፡ ታና፡ አሳ ናኡ፡ ናጋራንቻ አሳቶ አሉደ እምያ ዋዲ ጋኬዳ።

46 ደንድና ቦይተ፤ በእተ፡ ታና አሉ እምያዌ ሀዌኩ ጋኬዳ” ያጌዳ።

የሱስ ባረ ሞርከቱዋን ኦይቀቲዳ  
(ማር. 14:43-50፤ ሉቃሳ 22:47-53፤ ዮሃ. 18:3-12)

47 የሱስ ሄዋ ብር ሃሳይሸን፡ ታማነ ላኡ አ ካልያዋንቱጥ እቲ፡ ይሁዳይ፡ ጋክ ዋዴዳ፤ ቃይ ቁሳቱዋ ካጋቲነ ጋድያ ጭማቱ ከትና፡ ማሻነ ጸምኡ ኦይቁዳ ጮራ አሳይ እናና እትጥ ዬዳ።

48 የሱሳ አሉ እምያዌ ሄ ጮራ አሳ፡ “ታን የርያዌ አ፤ አ ኦይቁተ” ያጌደ ማላ ኦድ ዋጱዳ።

49 ኡለካ የሱሳኮ ሸቂደ፡ “ታማርሰያዎ፡ ሳር ደእይ” ያጌደ አ የር እኩዳ።

50 የሱስ ይሁዳ፡ “ታ ላገዉ፡ ኔን ስላናባ ኦላ ኢጋ” ያጌዳ።

ሄዋጥ ጉይያን፡ ሄ ጮራ አሳይ ሸቂደ፡ የሱሳ ሎይሉ ኦይቁዳ።

51 የሱሳና ደእያዋንቱጥ እቲ ባረ ማሻ ከሲደ ቁሳቱዋ ኡባቱዋ ካገዋዋ ቆማ ሀይላ ቃንጽ ኦሎዳ።

52 የሱስ ሄ ዋደ አ ሀዋዳን ያጌዳ፤ “ኅ ማሻ እኬዳሳን ዛራደ ዋሳ፤ እያዉ ጎጥ፡ ማሻ ደንሰያ ኡባይ ማሻን ሀይቃና።

53 ታ አቡ ዳር ሻእ ከታንቻቱዋ እት ኩላን የዲደ፡ ታና ማዳና ማላ፡ ታን አ ዋሳናዉ ዳንዳይያዋ ኡርኪ?

54 ያትና፡ ጸሳ ቃላይ ሀዋዳን ሀናናዉ በሴ ያጌዳዌ ዋኒደ ፖለታናዉ ዳንዳይዩ?” ያጌዳ።



5 ይሁዳይ ብራ ገሻ ጎልያን ኦል አጌዳ፤ ኤንቲንቱ ማጋጥ ቢደ፣ ሱለት ሀይቄዳ።

6 ቄሳቱዋ ካፓቱ ብራ አኪደ፣ “ሀ ብራይ ሱላ ሚሻ ግድሽን፣ ኑን ገሻ ጎልያ ሚሻና ጋልያዌ ዋጋ ግደና” ያጌድና።

7 ሄዋጥ ጉዩ እትጥ ዘረቲደ፣ እማላ አሳዉ ሞሳ ጋድያ ኦላናዉ ኤርቃጥ ሚሻ መድያዋንቱ ጋድያ ሻሚድና።

8 ሄዋ ድራዉ፣ ሄ ጋዲ ሀቼ ጋካናዉካ፣ ሱላ ጋድያ ጌተቲደ ጸሴቱ።

9 ናብያ ኤርማስ፣ “ኤንቲንቱ አዉ እማናዉ ቆጥዳ ሀጋሙ ሹቻ ብራ አኪደ፣

10 ጎዳይ ታና እዛዘዋዳን፣ ኤርቃጥ ሚሻ መድያዋንቱ ጋድያ ሻማናዉ እሚድና” ጌተቶዌ ሄ ዋደ ገለቴዳ ጌዳ።

**ጵላጸስ የሱሳ ኡባባ ኦቼዳ**

(ማር. 15:2-5፤ ሉቃስ 23:3-5፤ ዮሃ. 18:33-38)

11 የሱስ ጋድያ አይስያዋ ሰንሳ ሸቅና፣ ጋድያ አይስያዌ አ፣ “ኔን አይሁዳቱዋ ካቱ?” ያጌደ ኦቼዳ።

የሱስ አ፣ “ኔንካ ጋደአ” ያጌዳ።

12 ቄሳቱዋ ካፓቱን ጋድያ ጭማቱ አ ሞትና፣ ኤንቲንቶ አይን ዘሩዋ እምቤና።

13 ሄ ዋደ፣ ጵላጸስ የሱሳ፣ “ሀዋንቱ ኔና ሞትያባ ኡባ ሰስኪ?” ያጌዳ።

14 የሱስ ሀራይ አቶ፣ እት ቃላካ ዛረናን እጽና፣ ጋድያ አይስያዋንቱ ዳሪ ማላለቲዳ።

**የሱስ ሀይቆ ፕርደቲዳ**

(ማር. 15:6-15፤ ሉቃስ 23:13-25፤ ዮሃ. 18:39-40፤ 19:1-16)

15 ጋድያ አይስያዌ ፓስጋ ቦንቶያ ጋላሳን፣ አሳይ ኮይያ እት ኡራ ቃሹዋጥ ብልያ ዋጋይ ደኤ።

16 ሄ ዋደ እት ባርባና ጌተትያ የሱስ ዳር ኤረቲዳ ኢታ ብታኒ ቃሽ ጎለን ደኤ።

17 ሄዋ ድራዉ፣ ጮራ አሳይ እትሳ ሸቄዳሳን ጵላጸስ፣ “ታን ሀንተንቶ ባርባና ግያ የሱሳ ብሎ፣ ዋይ ክርሰቶሳ ጌተትያ የሱሳ ብሎ?” ያጌደ አሳ ኦቼዳ።

18 እያዉ ጎጥ፣ ኤንቲንቱ ቃናቲደ የሱሳ ኦሌዳዋ አ ኤሬ።

19 ጵላጸስ ፕርዳ ጎለን ኤት ደእሸን፣ አ ማቻታ አዉ፣ “ሄ ጵሎ ብታንያ አይን ኦላፓ፤ እያዉ ጎጥ፣ ታን ሀቼ ቃማ እኩሙዋን አባን ዳር መቶታድ” ያጌደ ኪታዲ።

20 ሸን ቄሳቱዋ ካፓቱን ጋድያ ጭማቱ ጵላጸስ ባርባና ብሊደ፣ የሱሳ ዋቋናዳን፣ ሸቄዳ አሳይ አ ዋሳና ማላ፣ አሳ ጭሚድና።

21 ጵላጸስ ዛሪደ ኤንቲንታ፣ “ታን ኤንቲንቱ ላእቱዋጥ ሀንተዉ ኦና ብላናዳን ኮይቲ?” ያግና ኤንቲንቱ፣ “ባርባና ብላናዳን ኮይቶ” ያጌድና።

22 ጵላጸስ፣ “ያትና፣ ክርሰቶሳ ጌተትያ የሱሳ ዋቶ?” ያጌደ ኤንቲንታ ኦቼና ኡባይ፣ “ማስቃልያ ቦላ ምስማርያን ድሸቲደ ካቀቶ” ያጌድና።

23 ጵላጸስ አሳ፣ “አያዉ? አይ ኢታባ ኦሌዴ?” ያጌዳ።

ሸን አሳይ ካስዋጥካ ባረንቱ ኮሻ ቋቁ ኦሌደ፣ “ማስቃልያ ቦላ ምስማርያን ድሸቲደ አ ካቀቶ” ያጌድና።

24 ዋላሳይ ደንዳናዋጥ አትን፣ አይን ሀንናዋ ጵላጸስ በኢደ፣ ሃላ አኪደ፣ “ሀ ብታኒ ሀይቄያዋን ታን ገልከ፤ ሄዋ ሀንተንቱ ኤርተ” ያጌደ ሸቄዳ አሳ ሰንሳን ባረ ኩሸያ ሚጨቲዳ።

25 ሸቄዳ አሳይ ኡባይ ዛሪደ፣ “አ ሱላ ጎሚ ኑና ኑ ናና ጋኮ” ያጌዳ።

26 ሄዋጥ ጉይያን፣ ጵላጸስ ባርባና ኤንቲንቶ ብሊደ፤ ልሱዋን የሱሳ ሾጩደ፣ ማስቃልያ ቦላ ምስማርያን ድሸደ ካቃናዉ ኤንቲንቶ አሊደ እሚዳ።

**ዋታዳራቱ የሱሳ ቦላ ቅሊጩድና**

(ማር. 15:16-20፤ ዮሃ. 19:2-3)

27 ሄዋጥ ጉይያን፣ ጵላጸሳ ዋታዳራቱ የሱሳ ጋድያ አይስያዋ ቤሩዋ አፍና፣ ዋታዳራቱ ኡባይ አ ምይያን ዩይ አዲደ ኤቄድና።

28 አ ማዩዋ ቃር አኪደ፣ ዘኦ ማዩዋ አ ማይዜድና።

29 ቃይ አጉላላ ካላቻ ገግሲደ፣ አ ሁጲያን ዋሌድና፤ አ ኡሸቻ ኩሸያን ማቃ ጸምአ ኦይሊደ፣ አ ሰንሳን ጉልባቲደ፣ “አይሁዳቱዋ ካተዉ፣ ሳር ደአይ!” ያጌደ፣ አ ቦላ ቅሊጩድና።

30 አ ቦላ ጩቼድና፤ ሄ ማቃ ጸምአ አኪደ፣ አ ሁጲያ ሾጩድና።

31 ኤንቲንቱ አ ቦላ ቅሊጩዳዋጥ ጉይያን፣ ዘኦ ማዩዋ አጥ ቃር አኪደ፣ አ ማዩዋ አ ማይዜድና፤ ቃይ ማስቃልያ ቦላ ምስማርያን ድሸደ አ ካቃናዉ አፌድና።

የሱስ ካቀቴዳ

(ማር. 15:21-32፤ ሉቃስ 23:25-43፤ ዮሃ. 19:17-27)

32 ኢንቴንቴ ካረ ከሲደ፣ እት ሰሞና ጌተትያ ቀሪና ጋደ እሳ ደሚደ፣ የሱሳ ማስቃልያ ዋልቃን ቶሴድኖ።

33 ጎልጎታ ጌተትያሳ ጋኬድኖ። “ጎልጎታ” ያገትያዌ “ሁጲያሳ” ግያዋ።

34 ሄዋን ኢንቴንቴ ጫሚዳ ዋይንያ ኤሳ የሱሳዉ ኡሻናዉ እሚድኖ፤ እ ሄዋ ጋንጽ ጸሊደ፣ ኡሸናን እጾዳ።

35 ኢንቴንቴ ማስቃልያ ቦላ ሞሰማርያን ድሺደ እ ካቆዋጥ ጉይያን፣ እ ማዩዋ ሻኪደ፣ ሳማ የጊደ እኬድኖ።

36 ሄዋጥ ጉይያን፣ እ ናጋናዉ ሄዋን ኡት እጌድኖ።

37 ቃይ፣ “ሀዌ እይሁዳቴ ካትያ የሱሳ” ያጊደ ሞቱ ጸፈቶዋ እ ሁጲ ባጋና ዋልድኖ።

38 የሱሳና ሄ ዋደ ላኡ ካይሳቱዋ እቱዋ እጥ ኡሸቻ ባጋና፣ ቃይ እቱዋ እጥ ሀድርሳ ባጋና፣ ማስቃልያ ቦላ ሞሰማርያን ድሺደ ካቆድኖ።

39 ኢግያና እድያ አሳይ የሱሳ ካዲደ፣ ባረንቴ ሁጲያ ቃሊደ ቦሬድኖ።

40 “ጌሻ ጎልያ ኮላደ ሄዙ ጋላሳ ግድን ኬጽያዎ፣ ነ ሁጲያ እሻ፤ ኔን ጸሳ ናኣ ግደጥ፣ እነ ማስቃልያ ቦላጥ ዋዳ” ያጌድኖ።

41 ሄዋዳንካ፣ ቄሳቱዋ ካፓቱ ሀግያ ታማርሰያዋንቴናን ጭማቱዋና እትጥ የሱሳ ቦላ ቅሊጨደ፣ ሀዋዳን ያጌድኖ፤

42 “ሀራንታ አሺዳ፤ ሸን ባረና አሻናዉ ዳንዳየና። እ እሰራኤልያ ካትያ፤ እነ ማስቃልያ ቦላጥ ሀእ ዋዳ፤ ኑንካ ቃይ እነ አማርና።

43 ጸሳን እ አማንቴ፤ ጸሳይ እ አሻናዉ ኮዮጥ እነ አሸ፤ እያዉ ጎጥ፣ እ ባረና፣ ‘ታን ጸሳ ናኣ’ ጌ” ያጌድኖ።

44 ቃይ ሀራይ እቶ፣ እናና ማስቃልያ ቦላ ሞሰማርያን ድሸቲደ ካቀቴዳ ካይሳቱካ ሄዋዳን ጊደ፣ እ ቦላ ቅሊጨቶድኖ።

የሱስ ሀይቄዳ

(ማር. 15:33-41፤ ሉቃስ 23:44-49፤ ዮሃ. 19:28-30)

45 ኡሱፑን ሳትያጥ ደሚደ፣ ኡዱፑ ሳትያ ጋካናዉ፣ ቢታይ ኡባይ ጱሚዳ።

46 ኡዱፑ ሳት ግድያ ሄራን የሱስ ባረ ቃላ ቶቁ ኦሊደ፣ “ኤሎሄ፣ ኤሎሄ፣ ላማ ሳባቅታኒ?” ያጌዳ። ሄዋ ጉሳይ፣ “ታ ጸሳዉ፣ ታ ጸሳዉ፣ ታና አያዉ ጮኡ ጋድ?” ጉሳ።

47 ሄዋን ኡቄዳ አሳጥ እቱ ሄዋ ሰሲደ፣ “ሀ ብታኒ ኤላሳ ጾሲ” ያጌዳ።

48 ሄ ማንእያን ኢንቴንቴጥ እቱ ዋጺደ፣ እሰፖንጅያ እኪደ፣ ጫላ ዋይንያ ኤሳ ግደ የጊደ፣ ሄዋ ማቃ ጸሞእ ጾራን ዋሊደ፣ ኡሻናዉ እ ደናኮ ሸሺዳ።

49 ሸን የኮንቴ፣ “እነ ደአሻ፣ ኤላሰ እ አሻናዉ ያናዌንቶ በእና” ያጌድኖ።

50 የሱስ ላኤንሱዋ ባረ ቃላ ቶቁ ኦሊ ዋሲደ፣ ሀይቄ እጌዳ።

51 እኬክተ፤ ጌሻ ጎልያን ካቀቴዳ ጋርዱ ቆሞጥ ዲጎ ጋካናዉ፣ ላኡ ከሲደ፣ ፖሸት ዋዴዳ፤ ሳእይ ቃዴዳ። ቃይ ዛላይካ ጳልቀቴዳ፤

52 ጮራ ዱፋ ደየቴዳ። ጸሳ እሳጥ ጮራቴ ሀይቄዳዋንቴ፣ ሀይቄዋጥ ደንዴድኖ።

53 ኢንቴንቴ ዱፋዋጥ ከሲደ፣ የሱስ ሀይቄዋጥ ደንደዋጥ ጉይያን፣ ጌሻ ካታማ ቤድኖ፤ ሄዋን ኡንቴንታ ጮራ አሳይ በኤዳ።

54 ጾቱዋ ካፑን እናና የሱሳ ናግያ ዋታዳራቴ ሳእይ ቃጽያዋን ሄዋን ሀኔዳዋ ኡባ በኤዳ ዋደ ዳር ያሞድኖ፤ ያሻ ጋሱዋን፣ “ቴሙ ሀዌ ጸሳ ናኣ” ያጌድኖ።

55 ሄዋን ጮራ ማጫዋንቴ፣ ጋለላጥ ደሚደ፣ የሱሳ ማዲደ ካልያዋንቴ፣ ሃኩዋን ኤቂደ ጸሊኖ።

56 ኢንቴንቴ ግድን ማግደላ ጌተትያ ካታማጥ ዬዳ ማይራማ፣ ያቆባን የሴሬ ዳያ ማይራማን ዛብድዮሳ ናና ዳያ ደእኖ።

የሱስ ሞገቴዳ

(ማር. 15:42-47፤ ሉቃስ 23:50-56፤ ዮሃ. 19:38-42)

57 ሳእይ ኦማርሰያ ዋደ፣ የሴሬ ጌተትያ እት ዱረ ብታኒ፣ አርማትያሳ ካታማ ብታኒ ዬዳ፤ እ ባረ ሁጲዉካ የሱሳ ካልያዋ።

58 የሴሬ ጽላጸሳኮ ቢደ፣ የሱሳ እሃ እካናዉ ዋሴዳ፤ ጽላጸሰ የሴሬ እመታና ማላ እዛዜዳ።

59 የሱሳ እሃ እኪደ፣ ጌሻ ሞገጥ ማዩዋን

60 ጸጺድ ባረጠ ሞገታናው ሹቻ ዋጩዳ ኦራሳ ጎንጎሉዋ ግድን እ እሃ ዋጩዳ፤ ቃይ ሃ ጎንጎሉዋ ድናን ዋጋ ሹቻ ጎንደርስ ዋጩዳ፤ ባሽ ቤዳ።

61 ማግዳላ ካታማጥ ዬዳ ማይራማነ የኮ ማይራማ ሄዋን ጎንጎሉዋኮ ሰሚድ ኡቴድና።

62 ሳምባታው ገገትያ ጋላሳጥ ዋንተላ ጋላሰ፤ ቄሳቱዋ ካፓቱክ ፓርሳዋቱ ጵላጸሳና ጋከቲድ፤ ሀዋዳን ያጌድና፤

63 “ሳዳው፤ ሄ ዋርዱ ፓጾ ደእያ ዋድ፤ ታን ሄዙ ጋላሳጥ ጉይያን፤ ሀይቁዋጥ ደንዳና፤ ያግዋ ኑን ሀሳዬድ።

64 ሄዋ ድራው፤ እ ሞጌዳ ጎንጎሉዋ ሄዙ ጋላሳ ጋካናው፤ ሎይሰ ናጋና ማላ አዛዛርኪ፤ ሄዋ ጳዮጥ እ ካልያዋንቱ ቢድ፤ እ እሃ ዉኢድ አሳው፤ ሀይቁዋጥ ደንዳዳ፤ ያጋናዋንታ፤ ላኢንላያ ባላይ ካሰ ባላጥ ኡባ ያ ኢታና” ያጌድና።

65 ጵላጸሰ ኡንቱንታ፤ “ሀንተንቶ ናግያዋንቱ ደእና፤ ቢድ ሀንተንቶ ዳንዳየትያ ከና ናግሸተ” ያጌድና።

66 ሄዋጥ ጉየ ኡንቱንቱ ቢድ፤ ሹቻ ቦላ ማታፋ አታሚድ፤ ቃይ ናግያዋ ያን ዋጩዳ፤ የሱሳ ሞጌዳ ጎንጎሉዋ ናግሴድና።

## 28

### የሱስ ሀይቁዋጥ ደንዳዳ

(ማር. 16:1-10፤ ሉቃሳ 24:1-12፤ ዮሃ. 20:1-10)

1 ሳምባታይ አድና ዋጋ ጋላሰ ዋንታ ባካልያን፤ ማግዳላ ጌተትያ ካታማጥ ዬዳ ማይራማነ የኮ ማይራማ የሱስ ሞገቱዳ ጎንጎሉዋ በእናው ቤድና።

2 ጎዳ ኪታንቻይ ሳሉዋጥ ዋጶዳ ድራው፤ ሳኢይ ዳር ቃጶዳ፤ ሄ ኪታንቻይ ዩድ፤ ሹቻ ጎንደርሰ ኦሊድ፤ እ ቦላ ከሰ ኡቴዳ።

3 እ ማላይ ዋልቃንሳ ማላቲ፤ እ ማዩካ ሻቻዳን ቦላ።

4 ናግያዋንቱ ኪታንቻው ያሻ ኮኮሪድ፤ ሀይቁዳ አሳዳን ሀኔድና።

5 ኪታንቻይ ማጫዋንታ ሀዋዳን ያጌዳ፤ “ያዮጥተ፤ እያው ጎጥ፤ ማስቃልያ ቦላ ምስማርያን ድሺድ ካቁዳ የሱሳ ሀንተንቱ ኮይያዋ ታን ኤራይ።

6 እ ሀዋን ባዋ፤ እያው ጎጥ፤ እ ባረ ጌዳዋዳንካ ሀይቁዋጥ ደንድ ድጌዳ፤ ሃ ዩድ፤ እ ሞገት ግሶሳ በአተ።

7 ሀንተንቱ ሀእ ኤላካ ቢድ፤ የሱሳ ካልያዋንቶ፤ የሱስ ሀይቁዋጥ ደንድ ድጌዳ። ቃይ እ ሀንተጥ ካሰቲድ፤ ጋላላ ቤ፤ ሀንተንቱ እ ያን በእና፤ ያጌድ ኦድተ። በአተ፤ ታን ሀንተንቶ ኦድድ” ያጌዳ።

8 ኡንቱንቱ ያዩድን ቃይ ዳር ናሸቲድ፤ የሱስ ሞገቱዳ ጎንጎሉዋ ማታጥ ኤላካ ክቺድ፤ የሱሳ ካልያዋንቶ ኦድናው ዋጶድና።

9 ሄ ማንእያን የሱስ ኡንቱንቱና ጋከቲድ ኡንቱንታ፤ “ሳር ደእቲ” ያግ አጌዳ፤ ኡንቱንቱ እኮ ሺቅ እ ገድያ ኦይቂድ፤ እዉ ጎይኔድና።

10 የሱስ ሄ ዋድ ኡንቱንታ፤ “ያዮጥተ፤ ታ እሻቲ ጋላላ ባና ማላ፤ ቢድ ኡንቱንቶ ኦድተ፤ ኡንቱንቱ ታና ያን በእናዋንታ” ያጌዳ።

11 ሄ ማጫዋንቱ ብያ ዋድ፤ ጎንጎሉዋ ናግያ ዋታዳራቱዋጥ አማራዳዋንቱ ካታማ ቢድ፤ ሀኔዳዋ ኡባ ቄሳቱዋ ካፓቶ ኦድድና።

12 ቄሳቱዋ ካፓቱ ጭማቱዋና እትጥ ሺቅ ዘረቲድ፤ ዋታዳራቶ ዳር ሚሻ እሚድ፤

13 “ ሓን ገምጫሹዋን ደእሸን እ ካልያዋንቱ ቃማ ዩድ፤ እ እሃ ዉኢድና፤ ያግተ።

14 ሀ የወዋ ጋድያ እይሰያዋ ሰሶጥ፤ ኑን እዉ ኦድ አማንላና፤ ቃይ ሀንተንታ እይነ ሀርግሰናዳን ኦላና” ያጌድና።

15 ዋታዳራቱ ሚሻ እኪድ፤ ባረንቶ ኦድዳዋዳን ኦድድና። ሀ የወ እይሁዳቱዋ ማታን ሀቺ ጋካናው፤ ኦድቲድ ደኤ።

### የሱስ ባረና ካልያዋንቶ ቤቲዳ

(ማር. 16:14-18፤ ሉቃሳ 24:36-49፤ ዮሃ. 20:19-23፤ ኪታ 1:6-8፤ 1 ቆር. 15:3-8)

16-17 ሸን ታማነ እት እ ካልያዋንቱ የሱስ ባረንታ ቢት ጌዳ ጋላላ ጋድያ ቢድ እ በኤዳ ዋድ፤ እዉ ጎይኔድና፤ ሸን ኡንቱንቱጥ እቱ እቱ ሰዴድና።

18 የሱስ ኡንቱንቱኮ ሸቂድ፤ ኡንቱንታ ሀዋዳን ያጌዳ፤ “ማታይ ኡባይ ሳሉዋንነ ሳኢን ታው እመቲዳ።

19 ሄዋ ድራው፤ ሀንተንቱ ቢድ፤ አሳ ኡባ ታና ካልያዋንታ ኦሳተ፤ እዉዋ ሱንላን፤ ናኢ ሱንላንን ጌሻ እያና ሱንላን ኡንቱንታ ጸማቅተ።

20 ታን ህንተንታ አዛዜዳባ ኡባ ኡንቱንቱ ናጋና ማላ፥ ኡንቱንታ ታማርሰተ፤ ታን ዋድያ ዉርሰላይ ጋካናዉካ ኡባ ዋደ ህንተንቱና ደእያዋ እኬክተ” ያጌዳ።



# ማርቆስ ጻፌዳ ምሽራቹዋ ቃላ ገሉዋ

ማርቆስ ጻፌዳ ምሽራቹ ኮይሮ ዶሚድካ፡ “ሀዌ ጸሳ ናእ የሱስ ክርስቶስ ምሽራቹዋ ቃላዉ ደመላ” ያገ። ሀ ምሽራቹዋ ቃላ ግዶን የሱስ ኦሱዋ አሳነ ማታይ ደእያ አሳ ግዲደ ሺቄዳ። የሱሳ ማታይ እ ትምርትያን። ጸላህያ ጭታ ቦላ አዉ ደእያ ዎልቃንነ አሳ ናጋራ አቶ ግያዋን በኤቴዳ። የሱሳ፡ “ታን አሳ ናአይ ዬዳዌ፡ አሳ፡ ናጋራ አይለተፋጥ ላእ ከሳናዉ ታ ደኡዋ አሳደ እማናሳ” ያገደ እ ባረ ሁጸዉ ሃሳዬዳ።

ማርቆስ የሱሳ ታርክያ ሱረነ ዎልቃ ኩሜዳ ኦግያን ኦዴዳ። እ ጋናዉ ኮዮ ቆፋይካ የሱሳ ቃላነ ትምርትያ ግደናን እ ኦሴዳ ማላልሰያ አሳቱዋ ቦላና። ጸማቅያ ዮሃንሳ ታርክያ፡ የሱሳ ጽንቃታን ፓጭያ ቃንፋን ኤርሰ ሰሚደ፡ የሱሳ ትምርትያን ፓሉዋባ አሲደ ኦዴዳ። ዎድያፕ ጉይያን የሱሳ ካልያዋንቱ እ ሎይሶ ኤር ቤዳዋ ኩና አናና ኤቀትያዋንቱ እ ሎይሶ እጼድኖ። ዉርሰሳ ሸምፓቱ የሱሳ ደኡዋን ዉርሰሳ ሳምንታ ግዶን ፖለቴዳ ኦሳቱዋ፤ ሄዋንቱካ እ ካቀላባነ እ ደንዲዋባ ኦድያዋንታ።

ማርቆስ ምሽራቹዋ ዉርሰሳን ቅንፍያ ግዶን ደእያ 16:9-20 ፓይዳቱ ጌሻ ቃላ እት እት ብለላ ጸላላን ደእያዋንታ።

## ሸምፓቱዋ ኡባቶ አመቴዳ ቃንሳ ቆፋቱዋ

ምሽራቹዋ ደመላ 1:1-13

የሱስ ኦሱዋ ጋሊላን ዶሚዳዋ 1:14—9:50

የሱስ የሩሳላመን አላዋ 10:1-52

የሩሳላመን እዝ ዩሹዋን የሱሳ ዉርሰሳ ሳምንታ 11:1—15:47

ጎዳ የሱሳ ደንዲዋ 16:1-8

ሀይቁዋፕ ደንዲዳ ጎዳ ቆንጨሳነ ሳሉዋ ቡሳ 16:9-20

ጸማቅያ ዮሃንሳ አዋዩዋ

(ማቶሳ 3:1-12፤ ሉቃሳ 3:1-18፤ ዮሃ. 1:19-28)

1 ጸሳ ናእ \* የሱስ ክርስቶስ ዋንጋላ ምሽራቹዋ ደመላ።

2 ናብያ እስያስ ጻፌዳ ማጸፋን ጸሳይ።

“በእ፤ ታ ከትያዋ ታን ኔፕ ሰንሳዉ የዳና።

እ ነዉ ኦግያ ከሳናዋ።

3 እት ብታኒ ቢታ ባዙዋን ባረ ኮሻ ቱቁ አሊደ።

“ሳዳ ኦግያ ገብሰተ።

እ ሀመታና ሎሱዋካ።

እዉ ሱርሰተ” ጌዳዋዳን”

ሀኔዳ።

4 ጸማቅያ ዮሃንሳ አሳ ጸማቁድነ፡ “ጸሳይ ሀንተ ናጋራ አቶ ጋና ማላ፡ ሀንተንቱ ናጋራፕ ሰሚደ ጸማቀትተ” ያግ ቃላ ኦዲደ ቢታ ባዙዋን ከሰ ዎዴዳ።

5 ይሁዳ ጋድያን ደእያ አሳይ ኡባይነ የሩሳላመ ካታማ አሳይ ኡባይ ዮሃንሳኮ ዬድኖ። ባረንቱ ናጋራካ ፓጽና፡ ዮሃንሰ ሄ አሳ ዮርዳኖሳ ሻፋን ጸማቁዳ።

6 ዮሃንሰ ጋሉዋ አስክያፕ ዳደቴዳ ማዩዋ ማዬደ፡ ባረ ዬሳን ዳፋዋ ዳንጨዳ፤ ቃይ ቦልያን ዎራ ኤሳ ሜዳ።

7 ዮሃንሰ ቃላ ኦዲደ፡ “ታፕ ጉየና ዳር ምንያዌ ዬ፤ ሀራይ አቶ፡ እ ጫማካ ገድያፕ ከሳ ቶካናዉ ታን በሰከ።

8 ታን ሀንተንታ ሃላን ጸማቃይ፤ ሸን እ ሀንተንታ ጌሻ አያናን ጸማቃናዋ” ያገደ።

የሱስ ጸማቀቴዳዋን ፓጨቴዳዋ

(ማቶሳ 3:13-17፤ 4:1-11፤ ሉቃሳ 3:21-22፤ 4:1-13)

9 የሱስ ሄ ዎደ ጋሊላ ጋድያን ደእያ ናዝሬተ ካታማፕ ዪና፡ ዮሃንሰ ዮርዳኖሳ ሻፋን እ ጸማቁዳ።

10 የሱስ ሃላፕ ከሶሳና ሳሉ ደየትሺናን ጌሻ አያናይ ባረ ቦላ ሀራጽያዳን ዎድሸን በኤዳ።

\* 1:1 ጸሳ ናእ- በን ጸፈቴዳ እት እት ብለላን ሀዌ ባዋ። 1:2 ሚልክ. 3:1 1:6 2 ካታ. 1:8

11 ቃይ ሳሉዋ፡፡ “ታን ሲቅያ ታ ናአይ ኔና፤ ታና ነባይ ናሸቼ” ያግያ ቃላይ ሰሰቲዳ።

12 ኤለካ ገሻ እያናይ አሳይ ባይና ሙላ ሳ እ የዴዳ።

13 የሱሰ አሳይ ባይና ሳን ባርና ሴጻናይ ፓጭሽን፤ ኦይታሙ ጋላሳ ጋሌዳ፤ ዲአናካ ደኤዳ፤ ኪታንቻቱካ ዪደ፤ አጫ ኦሌድና።

የሱሰ ሞልያ ኦይቂያ ኦይዱ አሳቱዋ ጸሴዳ  
(ማቶሳ 4:12-22፤ ሉቃሳ 4:14-15፤ 5:1-11)

14 ዮሃንስ ቃሸቶዋ፡፡ ፑይያን፤ የሱሰ ጸሳ ካጫተላ ዋንጋላ ምሽራቸው ኦዲደ፤ ጋሊላ ጋድያ ቢደ።

15 “ዋዲ ጋኬዳ፤ ጸሳ ካጫተላይካ ማታቲዳ። ህንተንቱ ናጋራ፡፡ ሰሚደ፤ ዋንጋላ ምሽራቸው አማንተ” ያጌዳ።

16 የሱሰ ጋሊላ አባ ላንቂያና ኦሂደ፤ ሞልያ ኦይቂያዋንታ፤ ሰሞናን እ እሻ እንድራሳ፤ ባረንቱ ዳባ አባን የግያዋንታ በኤዳ።

17 ያቲደ ኡንቱንታ፤ “ታና ካልተ፤ ታን ህንተንታ ሞልያ ኦይቂያዋዳን አሳ ታኮ አህያ ኦግያ ታማርሳና” ያጌዳ።

18 ሄዋ፡፡ ፑይያን ኡንቱንቱ ኤለካ ባረንቱ ዳባ አገደ። የሱሳ ካሌድና።

19 የሱሰ ጉላ ሰንገላጤኮ ቢደ፤ ዛብድዮሳ ናና ላኦ እሻቱዋ፤ ያቆባን ዮሃንሳ ዋንግርያ ግደን ባረንቱ ዳባ ግገሰያዋንታ በኤዳ።

20 እ በኦሳንካ ኡንቱንታ ጸሰና፤ ባረንቱ አጫዋ፤ ዛብድዮሳ፤ እ ኦሳንቻቱዋና ዋንግርያ ግደን አገደ፤ የሱሳ ካሊደ ቤድና።

ኢታ እያናይ ኦይቂዳ ብታኒ ፓጺዳ  
(ሉቃሳ 4:31-37)

21 ኡንቱንቱ ቅፍርናሆማ ጌተትያ ካታማ ዪደ ገሌድና፤ የሱሰ ሳሞባታ ጋላሳይ ጋኮ ዋደ፤ አይሁዳ ዋሳ ጎላ ገሊደ፤ ታማርሱዋ ዶሞ አጌዳ።

22 ባረጫ ማታይ ደእያ አሳዳን፤ አሳ እ ታማርሰያዋ፡፡ አትን፤ ህግያ ታማርሰያዋንታዳን ታማርሰና ድራጫ፤ አሳይ እ ትምርትያን ማላለቲዳ።

23 ሄ ዋደ ኢታ እያናይ ደእያ እት ብታኒ አይሁዳ ዋሳ ጎላ ገሎሳካ ባረ ኮሻ ቋቁ ኦሊደ።

24 “ና፡፡ ዘራትያ የሱሳ፤ ኔን ኑ፡፡ እያ ኮያይ? ኑና ቆይሳናጫ ያድ? ኔን ኦንቶ ኤራይ፤ ኔን ጸሳ፡፡ ከተቲዳ ገሻ ግድከ!” ያጌዳ።

25 የሱሰ ሄ ኢታ እያና፤ “ሀይዛ፤ ብታንያ፡፡ ከሳ” ያገደ አዛዜዳ።

26 ኢታ እያናይ ብታንያ ቡጨሬላ፤ ዳሪ ዋሰሲደ፤ አፕ ከሰ አጌዳ።

27 አሳይ ኡባይ ማላለቲደ፤ “ሀዌ አይ? ሀ ብታኒ ባረ ማታን ሀራይ አቶ፤ ኢታ እያናቱዋካ አዛዜዳ፤ ኡንቱንቱካ ቃይ አጫ አዛዘተና፤ ሀዌ አይበ ኦራሳ ትምርቱ?” ያገደ፤ ባረ ግደን እቲ አቱዋ ኦቹዳ።

28 ጋሊላ ጋድያን ደእያ ሄራይ ኡባይ ኤለካ የሱሳ ዋርያ ሲሴድና።

የሱሰ ዳር ሀርጋንቻቱዋ ፓሌዳ  
(ማቶሳ 8:14-17፤ ሉቃሳ 4:38-41)

29 የሱሰ አይሁዳ ዋሳ ጎልያ፡፡ ከሰሳን፤ ያቆባናን ዮሃንሳና እት፡፡ ሰሞናን እንድራሳ ሶይ ብ አጌዳ።

30 ሰሞና ሰሎታታ ቆጶዋ ሀርጋይ ግሴዳጫንባ እ ያ ጋኮሳካ አጫ ኦድ አጌድና።

31 እ አዘኮ ሸቂደ፤ አዘ ኮሽያ ኦይቂደ፤ አዘ ደንላ ኤሴዳ፤ ቆጶ አዘ አግና፤ አዛ ኡንቱንቶ አሳዳ።

32 ሀርጌዳ አሳ ኡባን ኢታ እያናቲ ኦይቂዳ አሳ ኡባ ኦማርሰ አዋይ ጫዳዋ፡፡ ፑይያን፤ አሳይ አኮ አሄድና።

33 ካታማን ደእያ አሳይ ኡባይ ሄ ካርያ ሸቂዳ።

34 የሱሰ ዲማ ዲማ ሀርግያን ኦይቂቲዳ ጮራ አሳ ፓሊደ፤ ጮራ ጸላሁቱዋካ ከሴዳ። እ ክርሰቶሳ ግድያዋ ኢታ እያናቲ ኤራዳ ድራጫ፤ ኡንቱንታ ሃሳይሰናን ድጌዳ።

የሱሰ ጋሊላን ታማርሴዳ  
(ሉቃሳ 4:42-44)

35 የሱሰ ጉራ ዋንቱማላን ደንዲደ፤ ሶይ፡፡ ከሰደ፤ አሳይ ባይናሳ ቢደ ያን ጸሳ ዋሴዳ።

36 ሰሞንን እናና ደእያዋንቱ እ ኮቆደ ቤድና።

37 ኡንቱንቱ እ ደሚደ፤ “አሳይ ኡባይ ኔና ኮዬ” ያጌድና።

38 ሄዋጥ ጉዮ የሱስ ቃይ አንቱንታ፡ “ሄዋ ሄራን ደእያ ሀራ ካታማቱዋ ቦይተ፤ ታን ሄዋን ቃላ ኦዳናዉ በሲ፤ እያዉ ጎጥ፡ ታን ዬዳዌ ሄዋሳ” ያጌዳ።

39 አይሁዳ ዋሳ ጎላቱዋን ቃላ ኦዲድ፤ ኢታ አያናቱዋ ከሲደ፡ ጋሊላ ጋድያ ኡባ ዩዬዳ።

የሱስ ኦሉ ኦይቄዳ ብታንያ ፓሌዳ  
(ማቶሳ 8:1-4፤ ሉቃሳ 5:12-17)

40 ኦሉ ኦይቄዳ እት ብታኒ የሱሳከ ዪደ፡ አ ሰንላን ጉልባቲደ፡ “ኔን ኮዮጥ፡ ታና ጌሻ ፓላናዉ፣ ዳንዳያ” ያጌደ ዋሴዳ።

41 የሱስ አዉ ቃረቲዳ፤ ባረ ኩሽያ የድ፡ አ ቦቺደ፡ “ታን ኮያይ፤ ጌያ፤ ፓጸ፤” ያጌዳ።

42 ኤለካ ኦሉ ብታንያ የድ አግና፡ ብታኒ ጌይ ፓጸ አጌዳ።

43 የሱስ ዳሪ ሀንቀቲደ፡ ኤለካ አ ከሰ የዩዳ።

44 አ ብታንያ፡ “ኔና ኤራ! ሀዋ ኦሰነ ኦዳፓ፤ ሽን ባይ ነ ቦላ ቄሳ በሳ፤ ቃይ ኔን ሀአ ጌሻ ግዴዳዋ አሳ ኤርሳናዉ፡ ሙሴ አዛዜዳ ያርሹዋ ያርሻ” ያጌዳ።

45 ሽን ብታኒ ቢደ፡ የዉዋ ኡባ ሳን አሳ ኡባዉ ኦዲዋን ላለላ ዶሜዳ፤ ሄዋ ድራዉ፡ የሱስ ቆንጭያ ከሲደ፡ ካታማ ገላናዉ ዳንዳይቤና፤ ሽን አሳይ ባይናሳ ጋጸን ደኤዳ፤ ቃይ አሳይ ኡባ ሳጥ አኮ ዬድኖ።

## 2

የሱስ ቦላይ ሰሌዳ ብታንያ ፓሌዳ  
(ማቶሳ 9:1-8፤ ሉቃሳ 5:17-26)

1 አማራዳ ጋላጎጥ ጉይያን፡ “የሱስ ቅፍርናሆማ ጉዮ ሰሚደ፡ ሶይን ደኤ” ግያ ሃሳያይ ሰሰቲዳ።

2 ጎሊ አከናን አጽና፡ ሀራይ አቶ፡ ካሪካ ኤንአና ጋካናዉ ጮራ አሳይ ሺቄዳ፤ ሄዋንቶ የሱስ ቃላ ኦዳ።

3 እይዱ አሳቲ ቦላይ ሰሌዳ እት ብታንያ ቶኪደ፡ አኮ እሄድኖ።

4 አሳይ ጮራዳ ድራዉ፡ ብታንያ የሱሳከ አፋናዉ ኤንቲንቶ ዳንዳየተናን አጽና፡ የሱስ ደእያ ባጋና ጎልያ ቃሪደ፡ ካራ ሉኬድኖ፤ ሄ ሉኬዳሳና ብታንያ አ ግሴዳ ሻንቻማኖ ዲገ ዋጮድኖ።

5 የሱስ ኤንቲንቲ አማኡዋ በኢደ፡ ሄ ቦላይ ሰሌዳ ብታንያ፡ “ታ ናአዉ፡ ነ ናጋራይ አቶ ጌተቲዳ” ያጌዳ።

6 ሀግያ ታማርሰያዋንቲጥ ሄዋን ኡቲዳ እቲ እቲ ባረንቲ ዋዛናን፡

7 “ላ ሀ ብታኒ ሀዋ ማላ ኢታባ ጸሳ ቦላ እያዉ ሃሳዩ? ጸሳ ጸላላጥ አትን፡ ሀራይ ኦኔ ናጋራ አቶ ጋናዉ ዳንዳይያዋ?” ያጌደ ቆፔድኖ።

8 ኤንቲንቲ ባረንቲ ዋዛናን ሄዋዳን ቆፖዋ የሱስ ኤለካ ባረ አያናን ኤሪደ፡ ኤንቲንታ “ሀንተንቲ ሀንተ ዋዛናን እያዉ ሄዋዳን ቆፔቲ?”

9 ቦላይ ሰሌዳ ብታንያ፡ ሳ ናጋራይ አቶ ጌተቲዳ፡ ግያዌ ማቲዬ? ዋይ፡ ፎንዳ ኤቃደ ነ ሻንቻማ ቶካደ ሀመታን ግያዌ ማቲ?

10 ሽን ታን፡ አሳ ናአዉ፡ ሳአ ቦላን ናጋራ አቶ ጋናዉ ማታይ ደእያዋ ታን ሀንተንታ ኤርሳና” ያጌደ ሄ ቦላይ ሰሌዳ ብታንያ፡

11 “ኔና ጋይ፤ ደንዳ ኤቃ፤ ያታደ ነ ሻንቻማ ቶካደ ነ ሶይ ባ” ያጌዳ።

12 ብታኒ ኤለካ ደንድ ኤቄደ፡ ባረ ሻንቻማ ቶኪደ፡ አሳይ ኡባይ ጸልሸን ቢና አሳይ ኡባይ ማላላቲደ፡ “ኦን ሀዋ ማላባ ኡባካ በአ ኤርኮ” ያጌደ ጸሳ ጋላቲድኖ።

የሱስ ሊዊያ ጸሴዳ  
(ማቶሳ 9:9-13፤ ሉቃሳ 5:27-32)

13 የሱስ ጉጅካ ጋሊላ አባ ደና ቤዳ፤ አሳይ ኡባይ አኮ ዬዳዋንታ ታማርሴዳ።

14 ሄዋና አጲደ፡ አልጥዮሳ ናአ ሊዊያ፡ ግያዌ ቃራጸ ቃንጽያ ሳን ኡቲዳዋ ደሚደ፡ “ታና ካላ” ያጌዳ። ሄዋጥ ጉዮ ሊዊ ደንድ ኤቄደ፡ አ ካሊዳ።

15 የሱስ ቀማ ማናዉ ሊዊያ ሶይን ኡቲዳ ዋይ፡ ቃራጸ አክያ ጮራ አሳይን ናጋራንቻቲ አናና አ ካልያዋንቲና እትጥ ኡቲድኖ። አ ካልያዋንቲ ግደን ሄዋንቲ ማላ አሳቲ ዳሬድኖ።

16 ሀግያ ታማርሰያ እት እት ፓርሳዋ፡ የሱስ ናጋራንቻቲዋናን ቃራጸ አክያዋንቲና ቀማ ሚሸን በኢደ፡ “አ እያዉ ናጋራንቻቲዋናን ቃራጸ አክያዋንቲና ቀማ ሚ?” ያጌደ፡ አ ካልያዋንታ ቲቸድኖ።

17 የሱስ ኤንቲንቲ ግያዋ ሰሲደ፡ “ሀርጋንቻቲዋጥ አትን፡ ፓጸ አሳዉ አክሚ ኮሸና፤ ታን ናጋራንቻቲዋ ጸሳናዉ ዬዳዋጥ አትን፡ ጽላቲዋ ጸሳናዉ ያበይኮ” ያጌደ ኤንቲንቲ ዛሬዳ።

† 1:40 ታና ጌሻ ፓላ- ሀዋ ጉሳይ፡ ሀ ሀርጊ ቆፈቲዳዌ ላመታናዉ ዳንዳየና ኤሪቲዳ ጋይ ዋጋነ ማራን፡ ሀራ አሳ ቆፋን እት አሳይ ጌሻ ግደና ጋና ማላ ኦድያዋ።

ጸማባ ኤራናው ሸቄዳ አሻ

(ማቶሳ 9:14-17፤ ሉቃሳ 5:33-39)

18 ጸማቂያ ዮሃንስ ካልያዋንቱን ፓርሳዋቱ ጸሚኖ፤ አማራጭ አሳቱ የሱሳኮ ዪደ፣ “ዮሃንስ ካልያዋንቱን ፓርሳዋቱዋ ካልያዋንቱ ጸሚኖ፤ ሽን ነና ካልያዋንቱ እያወ ጸምክና?” ያጌድኖ።

19 የሱስ ኤንቱንታ “ቡላቻ ዬዳ አሳቱ ማቻቶ እክያዌ ባረንጉና ደእሸን፣ ጸማናዉ ዳንዳይክና? ማቻቶ እክያዌ ኤንቱንቱና ደእሸን፣ ጸማናዉ ዳንዳይክና።

20 ሽን ማቻቶ እክያዋ ኤንቱንቱን ማታፕ አፋና ዋዲ ያናዋ፤ ኤንቱንቱ ሄ ዋደ ጸማናዋንታ።

21 “ኤጫ ማዩዋ ቦላ ኦራሳ ፳፭ ዋል ስክያ አሳይ ባዋ፤ ኤጫ ዋል ሰኮፕ፣ ኦራሳ ፳፩ ኤጫ ማዩዋ ፔ፳፭፤ ፔ፳፯ካ ኮይርዋፕ ዳራና።

22 ቃይ ሆኑ ዋይንያ ኤሳ ኤጫ ኦጎሩዋን ናእያ አሳይ ባዋ፤ ሽን ናኦፕ፣ ሄ ዋይንያ ኤሳይ ኦጎሩዋ ዳኬ፤ ባረዉካ ዋፊቱ፤ ኦጎሩካ ባዬ፤ ሽን ሆኑ ዋይንያ ኤሳ ኦራሳ ኦጎሩዋን ናኤቱ” ያጌድኖ።

ሳምባታባ ኤራናው ሸቄዳ አሻ

(ማቶሳ 12:1-8፤ ሉቃሳ 6:1-5)

23 የሱስ እት ሳምባታ ጋለስ ትሻ ባንጋ ግደና አድሸን፣ እ ካልያዋንቱና አናና ቢደ፣ ባንጋ ትሻፕ ዱሳ ደሚድኖ።

24 ፓርሳዋቱ የሱሳ፣ “በእነ ነና ካልያዋንቱ ሳምባታ ጋለስ ህገ ግደናባ እያዉ እሌኖ?” ያጌድኖ።

25 የሱስ ኤንቱንታ፣ “ዳዊተ ኮሻቲደ፣ ምያባ ኮዬዳ ዋደ፣ ባረናና ደእያዋንቱና ኦሌዳዋ ኡባካ ናባብ በይክቱ?

26 እብያታር ቁሳቶ ኡባቶ ካፖ ግደዳ ዋደ፣ ዳዊተ ጸሳ ጎልያ ገሊደ፣ ቁሳቱዋ ጸላላይ ማናፕ አትን፣ ኦንነ ማናዉ ህገ ግደናዋ ጎዳ ሰንሳን ዋሌዳ ቁማ ሚደ፣ ባረናና ደእያዋንቱካ እሚዳ” ያጌድኖ።

27 ቃይካ የሱስ ኤንቱንታ፣ “ሳምባታይ አሳዉ መ፳ቲዳዋፕ አትን፣ አሳይ ሳምባታዉ መ፳ትቤና።

28 ሄዋ ድራዉ፣ ታን፣ አሳ ናአይ፣ ሀራይ አቶ፣ ሳምባታዉካ ጎዳ” ያጌድኖ።

### 3

ኩሺ ሰሌዳ ብታንያ

(ማቶሳ 12:9-14፤ ሉቃሳ 6:6-11)

1 የሱስ እይሁዳ ዋሳ ጎልያ ሸረትካ ገሊደ፤ ሄዋን ኩሺ ሰሌዳ እት ብታኒ ደኤ።

2 እት እት አሳይ የሱሳ ሞታናዉ ኮዪደ፣ ኩሺ ሰሌዳ ብታንያ ሳምባታን እ ፓልፕ በአናዉ ናጌ።

3 የሱስ ሄ ኩሺ ሰሌዳ ብታንያ፣ “ደንዳ ኤቃደ ሰንሳዉ ሃያ” ያጌድኖ።

4 ሄዋፕ ጉይያን አሳ፣ “ሳምባታን ሎኦባ ኦልያዌ ዋጌ? አሳ ሸምፑዋ አሸያዌ ዋጌ? ዋጌያዌ ዋጌ?” ያጌደ ኦቼዳ።

ሸን አሳይ ጮኡ ጌዳ።

5 የሱስ ሀንቀቲደ፣ ኤንቱንታ የሸ እል ጸሊደ፣ ኤንቱንቱ ኦድና ሰሰናዋንታ ግድያ ድራዉ፣ ኤንቱንቶ ዳሪ ካዮቲዳ፤ ሄ ብታንያ፣ “ሳ ኩሺያ ፕድ ኦላ” ያጌድኖ፤ ብታኒ ፕድ ኦልና፣ እ ኩሺ ፓጽ አጌዳ።

6 ፓርሳዋቱ እይሁዳ ዋሳ ጎልያፕ ካረ ከሲደ፣ የሱሳ ዋት ዋሳንቶ ሄርድሳና ደእያዋንቱና ማቀቲድኖ።

አሳይ አባ ላንቂያን የሱሳኮ ሸቄድኖ

7 የሱስ ባረና ካልያዋንቱና ጋለላ አባ ቤዳ፤ ጋለላፕ ጮራ አሳይ እ ካሊደ።

8 ቃይካ ጮራ አሳይ ይሁዳ፣ የራሳላመፕ፣ ኤደምያሳፕ፣ ዮርዳኖሳ ሻፋፕ ሄናጌላ ባፓፕ፣ ጸርሳ ካታማፕን ሲደና ካታማፕ የሱስ ኦሌዳዋ ሰሲደ፣ እኮ ዬዳ።

9 የሱስ ጮራ አሳይ ባረና ሱግ ኤንኤ፳ና ማላ፣ ባረና ካልያዋንታ ዋንግርያ ባረዉ ጋምኤላና ማላ እዛዜዳ።

10 ዳር አሳ እ ፓሌዳ ድራዉ፣ ሀርጌያ አሳይ ኡባይ እ ቦቻናዉ ሱገረቲ።

11 እታ እያናይ ደእያ አሳቲካ እ በኤዳ ዋደ ኡባን እ ሰንሳን ጉፋኒደ፣ ባረንቱ ቃላ ቋቁ ኦሌደ፣ “ኔን ጸሳ ናእ ግድኪ!” ያጌድኖ።

12 የሱስ ሄ እታ እያናቲ ባረባ አሳዉ ኦዲደ፣ ባረና ቆንጮያ ከሰና ማላ፣ ኤንቱንታ ምንሲደ እዛዜዳ።

የሱስ ባረ ኪትያዋንታ ደሬዳ

(ማቶሳ 10:1-4፤ ሉቃሳ 6:12-16)

- 13 የሱስ ደርያ ቦላ ከሲድ፣ ባረ ኮዬዳ አሳቱዋ ባረኮ ጸሴዳ፤ ሄዋጥ ገዮ አኮ ቤድኖ።
- 14-15 ኢንቴንጌ ባረናና ደእና ማላነ ቃላ ኦዳናው ኢንቴንጌ ከታና ማላ፣ ኢታ ኢያናቱዋ አሳጥ ከሳናው ኢንቴንጌ ማታይ ደእና ማላ፣ ታማነ ላኤ አሳቱዋ ደሬድ።
- 16 እ ደሬዳ ታማነ ላኤ፣ ሀዋንታ፣ ጸጽሮሳ ያገደ ሱንጹዳ ሰሞና።
- 17 ቦኣነርጌሳ ያገደ ሱንጹዳ ዛብድኖሳ ናና ያቆባነ ያቆባ እሻ የሃንሳ። “ቦኣነርጌሳ” ግያዌ “ዋልቃማ አሳቱዋ” ግያዋ።
- 18 እንድራሳነ ፕልጸሳ፣ ባርታላሞሳነ ማቶሳ፣ ቶማሳነ እልፕኖሳ ናኣ ያቆባ፣ ታዶሳነ ባረ ቢታው ሴለትያ ሰሞና።
- 19 የሱሳ አላ እሜዳ ይሁዳ አስቆርታ።

**የሱሳነ ብኤል-ዘቡላ**  
 (ማቶሳ 12:22-32፤ ሉቃሳ 11:14-23፤ 12:10)

- 20 የሱስ ሶይ ቤዳ፤ ላኤንሉዋካ ቃይ ጮራ አሳይ ሺቅና፣ እነ እ ካልያዋንቴና ሀራይ አቶ፣ ቁማ ማናውካ ዳንዳይበይክና፤
- 21 አሳይ አ፣ “ሳዬ” ግያ ድራው፣ እ ዳባቱ ሄዋ ሰሲድ፣ እ አካናው ቤድኖ።
- 22 ሀግያ ታማርሰያ እት እት አሳቱ የሩሳላመጥ ዪድ፣ “የሱሳ ቦላ ብኤል-ዘቡል ደኤ” ያገደኖ፤ ቃይ፣ “ጸላሁቱዋ ካፕ ባረው ዋልቃ እሞና፣ ኢታ ኢያናቱዋ ከሴ” ያገደ ሃሳዬድኖ።
- 23 የሱስ አሳ ባረኮ ጸሴድ፣ ሊሞሱዋ ኦዲድ፣ “ሴጸናይ ሴጸና ዋት ከሳናው ዳንዳይ?
- 24 እት ካውተሳይ ባረ ግደን ሻከቶ፣ ሄ ካውተሳይ ኤቃናው ዳንዳይና፤
- 25 ቃይ እት ጎላ አሳይካ ባረ ግደን ሻከቶ፣ ሄ ጎላ አሳይካ ኤቃናው ዳንዳይና።
- 26 ሴጸናይ ባረናና ዋላቀቲደ ሻከቶ፣ ባያናጥ አትን፣ ደእና ዳንዳይና።
- 27 “ሸን ዋልቃማ አሳ ጎላ ገሊደ ካስቲደ እ ቃቼናን ደኢድ፣ እ ሚሻ ቦንቃናው ዳንዳይያ አሳይ ባዋ፤ ቃቼዳዋጥ ጉይያን፣ እ ጎልያ ቦንቃናው ዳንዳይ።
- 28 “ታን ሀንተንቶ ቱሙዋ ጋይ፤ ጸሳይ አሳ ናናው ናጋራ ኡባነ ኢንቴንጌ ቦርያ ቦርያ \* ኡባ አቶ ጋና፤
- 29 ሸን ጌሻ ኢያና ቦላ ኢታ ቦርያ ሃሳይያ ኦስነ መፍናው ናጋራ ግዳናጥ አትን፣ ጸሳይ ኡባካ አቶ ገና” ያገደ።
- 30 የሱስ ሄዋ ጌዳዌ፣ እት እት አሳቱ፣ “የሱሳ ቦላ ኢታ ኢያናይ ደኤ” ያገደ ድራሳ።

**የሱሳ ዳዮነ እሻቱዋ**  
 (ማቶሳ 12:46-50፤ ሉቃሳ 8:19-21)

- 31 የሱሳ ዳዮነ እ እሻቱ ዪድ፣ ካረን ኤቁ አኮ አሳ ከቲደ፣ እ ጸሰሴድኖ።
- 32 ጮራ አሳይ እ ማታን ኡቴድኖ፤ ሄ ከተቴዳዌ አ፣ “በእነ፤ ነ ዳዮነ ነ እሻቱ ካረን ኤቁድ፣ ኔናና ጋከታናው ኮዪኖ” ያገደ።
- 33 የሱስ ዛሪድ፣ “ታ ዳያ ኦኔ? ቃይ ታ እሻቱ ኦኔ?” ያገደ።
- 34 ባረ ማታን ኡቴዳ አሳ የሸ አላ ጸሊድ፣ “በእተ፤ ታ ዳያነ ታ እሻቱ ሀዋንጌሸ።
- 35 ጸሳይ ኮይያዋ ኦልያ ኡባይ ታ እሻ፣ ታ ሞቻቶነ ታ ዳዮ” ያገደ።

**4**

**ዘረሳ ዘርያዋ ሊሞሱዋ**  
 (ማቶሳ 13:1-9፤ ሉቃሳ 8:4-8)

- 1 የሱስ ሸርትካ ጋሊላ አባ ማታን ታማርሱዋ ዶሜዳ፤ ጮራ አሳይ ባረ ሞይያን ዩይ እጂደ ሸቅ ኡትና፣ አባን ደእያ ምንግርያ ግዶ ገሊድ፣ እን ኡቴድኖ፤ ቃይ ሄ አሳይ ኡባይ አባ ሞይያን ደኤ።
- 2 እ ኢንቴንጌ ዳርባ ሊሞሱዋን ታማርሲድ፣
- 3 “ሰስተ፤ እት ብታኒ ዘረሳ ዘራናው ከሴዳ።
- 4 እ ዘርሸን፣ እት እት ዘረሳይ ኦግያ ደናን ዋጴዳ፤ ሄዋ ካቃ ዪደ ሜዳ።
- 5 እት እት ዘረሳይ እንጮ ቢታ ቦላ ዋጴዳ፤ ዳር ቢታይ ባይና ድራው፣ ሄ ዘረሳይ ኤለካ ሞኬዳ።
- 6 አዋይ ከሴዳ ዋደ ሹሊዳ፤ አዲሳ ጸጸዋ የድቤና ድራው፣ መል አጌዳ።
- 7 እት እት ዘረሳይ እጉንሳ ግደን ዋጴዳ፤ ሄዋን ሞኬዳዋ እጉንሳይ ድጨደ ጨልና፣ አይፈናን አቴዳ።
- 8 እት እት ዘረሳይ ቱኤ ቢታን ዘረቲደ ሞኬዳ፤ ድጨደ እቱ ሀታሙዋ፣ እቱ ኡሱፑን ታሙዋ አይፍና፣ እቱ ጴቱዋ አይፊዳ።”

3:19 14:10      3:22 ማቶሳ 9:34፤ 10:25      \* 3:28 ቦርያ ቦርያ- ጉሳይ ጸሳ ቦላን አሳይ ሃሳይያ ኢታ፣ ባላነ ጌላ ሃሳያ።      3:29 ሉቃሳ 12:10      4:1 ሉቃሳ 5:1-3

9 ቃይካ የሱስ፡ “ሰሳናዉ ሀይላይ ደእያ ኡራይ ሰሶ” ያጌዳ።

የሱስ ሊምሱዋን ኦዴዳ ጋሱዋ  
(ማቶሳ 13:10-17፤ ሉቃሳ 8:9-10)

10 ታማነ ላኡ የሱሳ ካልያዋንቱነ እ ኦዴዳዋ ሰሌዳ ሀራ አሳቱ እ ባረካ ደእሸን እኮ ሸቂደ፤ ሄ ሊምሱዋ ብለላ እ ኦቼድኖ።

11-12 የሱስ ኤንቱንቶ፡ “ሀንተንቶ ጸሳ ካዉተላ ጸራ የዉዋ ኡራይ እመቲዳ፤ ሸን ሀራቱ ካዉተላጥ ካረና ደእያዋንቱ፡ ጸላ ጸሊደ በኤና ማላ፡ ቃይ ሰሳ ሰሲድካ እኬከና ማላ፡ ኤንቱንቱ ሸረቲደ ጸሳኮ ሰምና፡ እ ኤንቱንቱ ናጋራ አቶ ጌና ማላ፡ ኤንቱንቶ ኡባባይ ሊምሱዋን ኦደቲ” ያጌዳ።

ዘርያዋ ሊምሱዋ ብለላ  
(ማቶሳ 13:18-23፤ ሉቃሳ 8:11-15)

13 የሱስ ኤንቱንቱ፡ “ሀ ሊምሱዋ ኤርክቲ? ያትና፡ ሊምሱዋ ኡባ ዋት ኤራንቲ?

14 ዘርያዋ ጸሳ ቃላ ዘራ።

15 ቃላይ ዘረትያ ኦግያ ደናን ደእያዋንቱ ሀዋንታ፤ ኤንቱንቱ ቃላ ሰሰያ ዎደ፡ ሴጻናይ ኤለካ ዪደ፡ ኤንቱንቱ ዎዛናን ዘረቲዳ ቃላ አፍ ድጌዳ።

16 ሀዋዳንካ ቃይ እንጮትያ ቢታን ዘረቲዳዋንቱ ሀዋንታ፤ ኤንቱንቱ ቃላ ሰሲደ፡ ኤለካ ናሸቻን እኪኖ።

17 ኤንቱንቱ ሀእዉ ደእኖጥ አትን፡ ኤንቱንቶ ምኖ ጸጹ ባዋ፤ ጉየጥ ቃላ ጋሱዋን ዎዪ ዎይ የደርሱ ይያ ዎደ፡ ኤንቱንቱ ኤለካ ጹብት እጊኖ።

18 ቃይ አጉንላ ግደን ዘረቲዳዋንቱ ሀዋንታ፤ ኤንቱንቱ ቃላ ሰሰያዋንታ።

19 ሸን ሀ ሳእ ደኦ ሀርግያዋ ዱረተላ ዶሰያዌነ ሀራባ አዎትያዌ ኤንቱንቱ ዎዛናን ገሊደ፡ ቃላ ጩልና አይፈናን አት እጌዳ።

20 ሸን ቱኤ ቢታን ዘረቲዳዋንቱ ቃላ ሰሲደ እክያዋንታ፤ እቱ ሀታሙዋ፡ እቱ ኡሱቸን ታሙዋ አይፍና፡ እቱ ጹቱዋ አይፊዳ” ያጌዳ።

ጸምጥያ ሊምሱዋ  
(ሉቃሳ 8:16-18)

21 የሱስ ጉጂደ፡ “ጸምጥያ አሂደ፡ ግላጥ ዎይ አርሳጥ ጋርሳና ዎልያ አሳይ ደኢ? ጵቃሳን ዎ□ኔ?

22 እያዉ ጎጥ፡ ቆሴዳባይ ኡባይ ቆንጭያ ከሳናዋ፤ ቃይ ጌማን ዎልዳባይ ኡባይ ቤተናን አተና።

23 ሰሳናዉ ሀይላይ ደእያ ኡራይ ደኦጥ ሰሶ” ያጌዳ።

24 ቃይካ ኤንቱንታ፡ “ሀንተንቱ ሰሰያዋ እኬኪደ ሰሰተ፤ ጸሳይ ሀንተ ማኬዳ ቁንኣን ሀንተንቶ ማካናዋ። እ ሀንተንቶ ዳርሲደ እማና፤

25 ደእያ ኡራዉ ጉጅ እማና፤ ባይናዋጥ ሀራይ አቶ፡ አዉ ደእያ ሄ ጉላቶካ እክ ድጋና” ያጌዳ።

ድጭያ ዘረላ ሊምሱዋ

26 የሱስ ቃይካ፡ “ጸሳ ካዉተላይ ጋደን ካላ ዘርያ አሳ ማላ።

27 ሄ ብታኒ ቃማ ገምእሼ፤ ጉራ ደንዳ፤ እ ባረ ሁጳዉ ዋንንቶ ኡረናን፡ ሄ ዘረላይ ሞኬነ ድጩ።

28 ቢታይ ካላ ባረካ ሞኬነ አይፊ፤ ኮይሮ ጫርሻይ ጫሬ፤ ጉየጥ አይፋናዉ ኩኩሜ፤ ቃይ ዉርሰላን ኩሙንላ አይፍያ አይፊ።

29 ሸን ካላይ ጋክያ ዎደ፡ ካላ ሺሽያ ዎዳ ጋኬዳ ድራዉ፡ ብታኒ ኤለካ ባጫን ጫኩዋ ገል አጌዳ” ያጌዳ።

ሳናፍጭያ ዘረላ ሊምሱዋ  
(ማቶሳ 13:31-34፤ ሉቃሳ 13:18-19)

30 የሱስ፡ “ኡን ጸሳ ካዉተላ እያ ማላቲ ጋኔ? ዎይ እያና ሊምሳኔ?

31 ጸሳ ካዉተላይ ሳናፍጭያ አይፋቶ ማላቲ። ሄ አይፋታ ዘርያ ዎደ፡ ሳኣን ደእያ ሞላ አይፊያ ኡባጥካ ጉጻዉ፤

32 ሄኖ ዘርና ሞካደ ሀራ አታክልትያ ኡባጥ ዳራዉ፤ ዳሮ ዳሻ ዳሻዉ። ካፋ እዝ ቃንካ ኩዋን ጎልያ ኬጻና ዳንዳዬ” ያጌዳ።

33 የሱስ ሀዋ ማላ ዳሮ ሊምሱዋን አሳይ ሰሳናዉ ዳንዳይያዎ ኬና፡ ባረ ቃላ ኦዴዳ።

34 አሳዉ ሊምሱ ባይናን ኦደና፤ ሸን የሱስ ባረና ካልያዋንቱ ጸላላና ደእያ ዎደ፡ ኤንቱንቶ ኡባባ ብለሊደ ኦዴ።

የሱስ ቤታ ጮኤ ኦሴዳ  
(ማቶሳ 8:23-27፤ ሉቃስ 8:22-25)

- 35 ሄ ጋላስ ሳኦይ ኦማርሰና፣ የሱስ ባረና ካልያዋንታ “አባጥ ሄፍንሳ ፕሮይተ” ያጌዳ።
- 36 እ ካልያዋንቱ አሳ አጊደ፣ የሱስ ካስ ገል ኡቴዳ ዋንግርያን ገሊደ፣ የሱሳ ባረንቱና አፌድና፤ ሀራ ዋንግራቱካ ሄዋን ደኢና።
- 37 ዋልቃማ ጎቱ ደንድና፣ ቤታይ ዋንግርያ ሾጭና፣ ሃላይ ኩማና ጋካናዉ ዋንግርያ ግደ ገሊደ።
- 38 ሄ ዋደ የሱስ ዋንግርያን ጉዮ ባገና ቦርኮላ ቦርኩቲደ ገምእሹዳ። የሱሳ ካልያዋንቱ እ ደንሳደ፣ “ተማርሰያዎ፣ ኑን ጳይያ ዋደ ጮኤ ጋደ ጸላይ?” ያጌድና።
- 39 እ ቤጎቲደ ጎቱዋ፣ “ጮኤ ጋ” ጊደ፣ አባካ፣ “ዋፑ ጋ” ጌዳ፤ ጎቱካ ጮኤ ጊና፣ ኡባባይካ ዋፑ ጌዳ።
- 40 የሱስ ባረና ካልያዋንታ “አያዉ ሀዋዳን ያዩቴ? ሀንተንቱ ዋን አማንክቴ?” ያጌዳ።
- 41 አንጉንቱ ዳር ያዩደ ባረንቱ ግደን፣ “ሀዌ ላ ሀራይ አቶ፣ ጎቱን አባይ አዘዘትያዌ ኦኔ?” ያጌድና።

### 5

የሱስ ኢታ አያናይ ኦይቄዳ ብታንያ ፓሴዳ  
(ማቶሳ 8:28-34፤ ሉቃስ 8:26-39)

- 1 የሱስን እ ካልያዋንቱ አባጥ ሄፍንሳዉ ፕጊደ፣ ገርገሰናና ጌተትያ ጋድያ ጋኬድና።
- 2 አሳ ዋግያ ዱፋ ደኢያሳጥ ኢታ አያናይ ደኢያ እት ብታጌ ከሲደ፣ የሱስ ዋንግርያጥ ከሴዳ ዋደ፣ የሱሳና ጋከቴዳ።
- 3 ብታጌ ሄ ዱፋ ደኢያ ሳን እቅ ፔሺደ፣ ያን ደኤ፤ እ ኦንነ ሀራይ አቶ፣ ሳንላላታን ቃቻናዉካ ዳንዳይቤና።
- 4 አያዉ ጎጥ፣ እ ዳር ዋደ ኡቁናንነ ሳንላላታን ቃሸቲደ ደኤ፤ ሸን ሳንላላታ ዱሰረሴዳ፤ ኡቁናካ መንገድሴዳ፤ እ ጸናናዉ ዳንዳይዳዌ ኦንነ ባዋ።
- 5 እ ኡባ ዋደ ጋላሰነ ቃማ፣ ሄ ዱፋ ደኢያሳንነ ደርያ ቦላ ዋሴ፤ ባረ ቦላካ ሹቻን ጋራ።
- 6 የሱሳ ሃኩዋን በኤዳ ዋደ፣ እኮ ዋጽ ዪደ አዉ ጎይኔዳ።
- 7 ሄ ብታጌ ባረ ኮሻ ቆቁ ኦላደ፣ “ኡባጥ ቦላ ጸሳ ናአዉ፣ የሱሳ፣ ኔናነ ታና አዬ ጋላ? ታና መራረና ማላ፣ ታን ኔና ጸሳ ሱንሳን ዋሳይ” ያጌዳ።
- 8 እ ሄዋ አያዉ ጌዳ ጎጥ፣ የሱስ እ፣ “ላ ሀ ኢታ አያናዉ፣ ሀ ብታንያጥ ከሳ” ያጌዳዋሳ።
- 9 የሱስ እ፣ “ነ ሱንሳይ ኦኔ?” ያጌደ ኦቼዳ።
- እ፣ “ኦን ጮራ ግድያ ድራዉ፣ ታ ሱንሳይ ለግኖና” ያጌዳ።
- 10 ኢታ አያናቱዋ ሄ ጋድያጥ ከሰ የደና ማላ፣ የሱሳ ምንሲደ ዋሴዳ።
- 11 ሄ ደርያ ቦላን ጮራ ጉዲንሳ ዉዲ ሄመቲ፤
- 12 ኢታ አያናቱ የሱሳ፣ “ኦና ሀን ጉዲንሳ ዉድያኮ የዳርከ፤ አንጉንቱን ቢደ ገላና” ያጌደ ዋሰና።
- 13 የሱስ፣ “ቢተ” ያጌዳ። ኢታ አያናቱ ብታንያጥ ከሲደ፣ ጉዲንሳቱዋን ገሊድና፤ ላኡ ሻእ ግድያ ጉዲንሳ ዉዲ ካካ ሁጲያና ካጆቲደ፣ አባን ገሊደ፣ ሞተት አጌዳ።
- 14 ጉዲንሳ ዉድያ ሄምያዋንቱ ባቃቲደ፣ ሀኔዳዋ ካታማንነ ካታማጥ ጋጸ ጋድያን ኦዴድና፤ ሄዋ በአናዉ አሳይ ዬዳ።
- 15 አሳይ የሱሳኮ ዪደ፣ ጮራ ኢታ አያናቱ በን ኦይቄዳ ብታጌ ባረ ዋዛናይ ሰምና፣ ማዌዋ ማዪደ፣ ሄዋን ኡቴዳዋ በኢደ፣ ኡባይ ያዬዳ።
- 16 ሄዋ በኤዳ አሳቱ ኢታ አያናቱ ኦይቄዳ ብታጌ ሀኔዳዋን ቃይ ጉዲንሳ ዉድያባ ሄ አሳዉ ኦዴድና።
- 17 ሄዋ ድራዉ፣ አሳይ ባረንቱ ጋድያጥ የሱስ ባና ማላ፣ ዋሳ ዶሚዳ።
- 18 የሱስ ዋንግርያን ገልሸን፣ ኢታ አያናቱ ኦይቄዳ ብታጌ የሱሳና ደኢና ማላ፣ የሱሳ ዋሴዳ።
- 19 ሸን የሱስ አጲደ እ፣ “ነ ሶይ ሰማደ፣ ጎዳይ ነዉ አይ ማላ ዋልቃማባ ኦሴደንቶን ቃይ እ ነዉ አይ ማላ ከኮንቶ ነ ሶይ አሳዉ ኦዳ” ያጌዳ።
- 20 ብታጌ ቢደ፣ ታሙ ካታማ \* ግያ ሳን ዩዩደ፣ የሱስ ባረዉ አይ ማላ ዋልቃማባ ኦሴደንቶ፣ ኦዲዋ ዶሚዳ፤ እ ኦዲዳዋ ሰሴዳ አሳይ ኡባይ ማላለቴዳ።

ያእርሳ ናቶን የሱሳ ማዌዋ ቦቼዳ ምሽራቶ  
(ማቶሳ 9:18-26፤ ሉቃስ 8:40-56)

\* 5:20 ታሙ ካታማ- ሀዋንቱ እት ጭታ ግዴዳ ካታማቱ ሳማርያጥን ጋላላ ጋድያ አዋይ ዶልያ ባገና ደኢያዋንታ ግዴዳ፣ ሄዋንቱን ደኢያ አሳቱዋ ኤሻይካ ግሪክ አሳቱዋ ደኡዋ ኦግያ ካልያዋ በሴ።

21 የሱስ ሰሚደ፣ ዋንግርያን ገሊደ፣ እባ ፕኔዳዋፕ ጉይያን፣ ጮራ አሳይ እባ ማታን እኮ ዩይ አጲይ ሸቁድኖ።

22 ያእርሳ ግያዌ፣ አይሁዳ ዋሳ ጎልያ ካፓቱዋፕ እቱ፣ የሱሳ በኤዳ ዋደ እኮ ይ አ ገድያን ኩንዲደ፣

23 “ታ ናታ ሀርጋይ ሀይቃናወ፤ እዛ ፓጺደ ሎኦ ደእና ማላ፣ ያደ ነ ኩሽያ እዛ ቦላ ዋሳርኪ” ያገደ የሱሳ ምንሲደ ዋሲዳ።

24 የሱስ ያእርሳና ቤዳ፤ አ ቢሸን ጮራ አሳይ አ ካሊደ መቶጩድኖ።

25 ታማነ ላኡ ላይላ ኡባ እዝ ቦላፕ ሱሳይ ጎግያ እት ምሽራታ ደእወ።

26 ጮራ እክማቱ እዛ እክምሸንካ፣ እዛ ፓጺ ካኤታዲ፤ ባረ ሚሻ ኡባ ወርሰናካ እዝወ ሃ አቲዳዋፕ አትን፣ አይነ እዛ ማድቢና።

27 ሄ ምሽራታ የሱሳሳ ሰሳደ፣ እሳ ግደና የሱሳፕ ጉየና ያደ፣ አ ማዩዋ ቦቻዲ።

28 አያወ ጎፕ እዛ፣ “ታን ሀራይ አቶ፣ አ ማዩዋ ቦቻፕካ ፓጺዳ፣ ያገደ ቆፓዲ።

29 ኢፕ ጎግያ ሱሳይ ኤላካ ኤቁ አኼዳ፤ እዛ ባረ ዋይያፕ ፓጺዳዋ ባረ ቦላን ኤራ አገዲ።

30 የሱስ ባረፕ ዋልቃይ ከሴዳዋ ባረ ሀጸወ ኤሪደ፣ ኤላካ ጮራ አሳ ግድን ጉየ ሰሚደ፣ “ታ ማዩዋ ቦቻዳዌ ኦኔ?” ያገደ።

31 የሱሳ ካልያዋንቱ አ፣ “አሳይ ነና ሱግያ ዋደ በእደ፣ ታና ኦኔ ቦቻዳዌ?” ያገይ?” ጌድና።

32 የሱስ ሄዋ ኦኔ ኦጺደንቶን በእናወ የሸ አሊደ ጴሌዳ፤

33 ሸን ምሽራታ ባረወ ሀይዳዋ ኤራደ፣ ያሻ ኮኮራደ ያደ የሱሳ ሰንላን ጉፋናዲ፤ ቃይ ቱማተላን ሀይዳዋ ኡባ አወ ኦዲዳ።

34 የሱስ እዘ፣ “ታ ናቱ፣ ነና ነ እማኑ ፓጺዳ፤ ሳሩዋን ባ፤ ነ ዋይያፕካ ፓጺ” ያገደ።

35 የሱስ ብር ሄዋ ገሸን፣ አይሁዳ ዋሳ ጎልያ ካፕዋ ሶይፕ ከተቱዳ አሳቱ ዩደ፣ “ኅ ናታ ሀይቃድጋዲ፤ ሰም ታማርሰያዋ አያወ ዳቡርሳይ?” ያገደኖ።

36 ሸን የሱስ ኤንቱንቱ ግያዋ ሰሲደ፣ አይሁዳ ዋሳ ጎልያ ካፕዋ፣ “አማኖ ጸላላ አማናፕ አትን፣ ያፕፓ” ያገደ።

37 የሱስ ጸጽርሳፕ፣ ያቆባፕን ያቆባ እሻ ዮሃንሳፕ ሀራይ ኦንነ ባረና ካለና ማላ ድጌዳ።

38 ኤንቱንቱ አይሁዳ ዋሳ ጎልያ ካፕዋ ሶይ ጋኬዳ ዋደ፣ የሱስ አሳይ ሎይሳ ክክያዋን ዝላልያዋ በኤዳ።

39 ገሊደ አሳ፣ “አያወ ሎይሳ ክኩቲ? ናታ ገምእሻዲፕ አትን፣ ሀይቃቢይኩ” ያገደ።

40 ሄዋፕ ጉየ አሳይ አ ቦላ ሚጩዳ፤ ሸን አሳ ኡባ ካረ ከሲደ፣ ናት አወዋን አቶ ሄዋን ባረናና ደእያ አ ካልያዋንታን እኪደ፣ ናታ ደኢያሳ ገሊዳ።

41 የሱስ ናት ኩሽያ ኦይቁደ፣ “ጸልታ፣ ቁሚ”፣ ያገደ፤ ሄዋ ብለላይ፣ “ጉላ ናቱ፣ ታን ነና ደንዳ ጋይ” ግያዋ።

42 ናታ ኤላካ ደንዳ ኤቃደ ሀመታዲ፤ እዛ ታማነ ላኡ ላይላ ናቶ፤ ሄዋ ሀንያዋን አሳይ ዳር ማላለቲዳ።

43 የሱስ ሄዋ ኤንቱንቱ ኦስነ ኦደና ማላ፣ ኤንቱንታ ምንሰ አዛዚደ፣ “እዝወ ምያባ አምተ” ያገደ።

### 6

የሱሳ ናዝራተን እከናን እጴድኖ (ማቶሳ 13:53-58፤ ሉቃሳ 4:16-30)

1 የሱስ ሄዋፕ ከሲደ፣ ባረ ጋድያ ናዝራተ ካታማ ቤዳ፤ አ ካልያዋንቱካ አ ካሊደ ቤድኖ።

2 ሳምባታ ጋላስ አይሁዳ ዋሳ ጎልያን ታማርሱዋ ደሜዳ፤ አ ታማርሰያዋ ሰሴዳ ጮራ አሳይ ማላለቲደ፣ “ሀዌ ሀ ኡባባ ሀቃፕ ደሜዳ? ሀ አወ አመቲዳ አፉ ኤራተላይ አይ? ጸሳይ ኦልያ ማላታ አ ዋት ኦሊ? 3 ሀዌ አናጽያ \* ግደኔ? ማይራም ናኦ፣ ያቆባ እሻ፣ ዮሳ እሻ፣ ይሁዳ እሻ፣ ሰምዳ እሻ ግደኔ? አ ምቻቱ ኑናና ሀዋን ደእያዋንታ ግድክና?” ያገደ፣ አ ግያዋ እከናን እጴድኖ።

4 የሱስ ሄ አሳወ፣ “ናቢ ባረ ጋድያን፣ ባረ ዳባቱዋን ባረንቱ ሶይ አሳን ቦንቼተናዋፕ አትን፣ ኡባ ሳን ቦንቼቱ” ያገደ።

5 አ ሄዋን ባረ ኩሽያ አማራዳ አሳቱዋ ቦላ ዋሊደ፣ ኤንቱንታ ፓጺዳዋፕ አትን፣ ጮራ ማላታ ኦላናወ አይነ ዳንዳይቤና።

6 አሳይ አማንቤና ድራወ ማላለቲዳ።

† 5:41 ጸልታ፣ ቁሚ- ሀ ቃላቱ እራማይክ ጌተንታ ቃላን የሱሳ ዋድያን ጋላስቲን ጋይን ሃሳየትያዋ። ጸልታ ግያዌን ቁም ግያዌ አማራጭ ቃላ ግደና። ሸን ግሪክያ ቃላ። \* 6:3 አናጽያ- ግሪክ ብለላን ሹቻ ዋይ ኦርቃ መልሲደ መድያ እሳ ገደ ጎኤ።



የሱስ ታማነ ላኢ ባረና ካልያዋንቱ ታማርሳናዳን ኪቲዳ  
(ማቶሳ 10:5-15፤ ሉቃሳ 9:1-6)

ሄዋጥ ጉይያን፣ የሱስ ሄዋ ሄራን ደእያ ቁር ካታማቱዋን ዩይ ዩዩደ፣ አሳ ታማርሴዳ።

7 የሱስ ታማነ ላኢ ባረና ካልያዋንታ ባረኮ ጸሴደ፣ ላኡዋ ላኡዋ ኪቲዳ፤ ቃይ ኢንቱንቶ ኢጋ ኢናናቱዋ ከሰያ ማታ እሜዳ።

8 ኢንቱንታ፣ “ኡግያ ጸምአጥ አትን፣ ቁማ፣ ቃርጨትያ፣ ሀንተዉ ማሻ እያኔካ ኦይቆጥተ።

9 ሀንተንቱ ገድያን ጫማካ ዋሳተ፤ ሽን ላኢ ማዩዋ ማዮጥተ” ያጌዳ።

10 ቃይካ ኢንቱንታ፣ “ሀንተንታ አሳይ ሀቃን ሞኮጥነ፣ ሄዋጥ ከሳና ጋካናዉ፣ ሄ ጎልያን ኡት አግተ።

11 ሀንተንታ አሳይ ዋከናሳ ዋይ ሀንተ ኦድያባ ሰሰናሳ ሀቃ ግደጥካ፣ ሄ ጋድያን ደእያ አሳዉ ሄዌ ማርካ ግዳና ማላ፣ ሄዋጥ ከሲደ፣ ሀንተ ገድያጥ ባና ሸጭተ” ያጌዳ።

12 ታማነ ላኢ አ ካልያዋንቱ ቢደ፣ አሳይ ባረንቱ ናጋራጥ ሰማናዳን፣ ቃላ ኦደድና።

13 ኢንቱንቱ አሳጥ ዳር ኢጋ ኢናናቱዋ ከሲደ፣ ሀርግያ አሳ ጮራ ዛይትያ ኦኪደ ፓሌድና።

ጳማቅያ ዮሃንሳ ሀይቁዋ  
(ማቶሳ 14:1-12፤ ሉቃሳ 9:7-9)

14 አሳይ የሱሳ ሱሳዳ ደንሐያ ድራዉ፣ ካትያ ሄርድስ ሄዋ ኡባ ሰሴዳ፤ እት እት አሳይ፣ “ጳማቅያ ዮሃንስ ሀይቁዋጥ ደንዴዳ፤ ሄዋ አዉ ዋልቃማ ማላታ ኦሐያ ዋልቃይ ደኤ” ያጌዳ።

15 ሽን ሀራንቱ አ፣ “ሀዌ ኤላሳ” ያጌድና።

ሀራንቱ ቃይ፣ “ሀዌ በን ዋደ ናባቱዋ ማላትያ ናብያ” ያጌድና።

16 ሽን ሄርድስ ሄዋ ሰሴዳ ዋደ፣ “ሄዌ ታን ቆድያ ሙጭሴዳ ጳማቅያ ዮሃንሳ። አ ሀይቁዋጥ ፓጺዳ” ያጌዳ።

17 እያዉ ጎጥ፣ ሄርድስ ባረ አሻ ፕልጳሳ ማቻቶ ሄርድያደ አክ ዋሌዳ፤ ሄርድስ አክ ድራዉ፣ ባረ ሁጳዉ አሳ ኪቲደ፣ ዮሃንሳ ኦይሌደ፣ ቃሽሰ ዋሌዳ።

18 እያዉ ጎጥ፣ ዮሃንሳ ሄርድሳ፣ “ኔን ነ አሻ ማቻቶ አካናዉ በሰና” ያግ ዋሌዳ።

19 ሄርድያደ ዮሃንሳዉ ኡሉዋን ሞርክያ ኦይቃደ አ ዋድሳናዉ ኮያዲ፤ ሽን ዳንዳያበይኩ።

20 ዮሃንሳ ጽሎ አሳነ ገሻ አሳ ግዴዳዋ ሄርድስ ኤራዳ ድራዉ፣ አዉ ያዩደ፣ ሎይሐ ናግ ዋሌዳ፤ ዮሃንሳ ግያዋ ሰሲደ፣ ባረ ዋሳን ዳርሰ ሙቶቲደካ አባ ናሽቻን ሰሴዳ።

21 ሄርድስ ባረ የለቲዳ ጋላሰ፣ ጋድያ አይሰያዋንቶ፣ ሻላቃቶን ጋለላን ደእያ ዋልቃማ አሳዉ ሹብያ ገግሴዳ ዋደ፣ ዉርሰሳን ሄርድያደ እንጀ ጋላሳ ደማዳ።

22 ሄርድያድ ናታ እማላ ሞክያሳ ገላ ዳራደ፣ ሄርድሳነ አ እማላቱዋ ናሽቻዳ፤ ሄዋጥ ጉዮ ካቲ ናትዉ፣ “ኔን ሎኤዳዋ እያ ግደጥነ ታና ኦቻ፤ ታን ነዉ እማና” ያጌዳ።

23 ቃይ ኢዘዉ ዳሪ ጫቁደ፣ “ኔን ኦቻዳዋ እያ ግደጥካ፣ ታን ነዉ እማና፤ ሀራይ አቶ፣ ታ ካዉተላጥ ባጋ ግደጥካ፣ ታን ነዉ እማና” ያጌዳ።

24 ናታ ካረ ከሳደ ባረ ዳዮ፣ “ኢያ እማ ጎ?” ያጋደ ኦቻዳ።

አ ዳያ፣ “ጳማቅያ ዮሃንሳ ሁጲያ እማ ጋ” ያጋዳ።

25 ናታ ኤለካ ካትያኮ ባደ አ፣ “ጳማቅያ ዮሃንሳ ሁጲያ ዋጨትያን ዋላደ፣ ኔን ሀእ ታዉ እማናዳን ኮያይ” ያጋዳ።

26 ሄዋጥ ጉዮ ካቲ ዳሪ ቃረቲዳ፤ ሽን ባረ ጫቁዋ ድራዉነ ባረ እማላቱዋ ድራዉ እዘዉ ጫቁዳ ጫቁዋ ኮላናዉ ኮይቤና።

27 ሄዋ ድራዉ፣ ኤለካ ናግያዋ ኪቲደ፣ ዮሃንሳ ሁጲያ እሀና ማላ አዛዜዳ፤ ናግያዌ ቃሾ ጎለ ቢደ፣ ዮሃንሳ ቆድያ ሙጩዳ።

28 ሄ ሙጩዳዋ ዋጨትያን ዋሐ አሂደ፣ ናትዉ እሜዳ፤ ናታ ቃይ ባረ እትዉ እማዳ።

29 ዮሃንሳ ካልያዋንቱ ሄዋ ሰሴዳ ዋደ ዩደ፣ አ እሂ አፊደ ሞጌድና።

የሱስ እቼሹ ሻእ አሳ ሞዚደ ካልሴዳ ታርክያ  
(ማቶሳ 14:13-21፤ ሉቃሳ 9:10-17፤ ዮሃ. 6:1-14)

30 የሱስ ኪቲዳዋንቱ ሰሚደ፣ የሱሳና ጋከቲደ፣ ባረንቱ ኦሌዳባነ ባረንቱ ታማርሴዳባ ኡባ የሱሳዉ ኦደድና።

31 ብያ አሳይነ ይያ አሳይ ዳርና፣ ሀራይ አቶ ቁማ ማናዉካ ኢንቱንታ ጋ□ናን እጼዳ ድራዉ፣ የሱስ ኢንቱንታ፣ “ኑረካ ጉላ ሸምጥ አካናዉ አሳይ ባይናሳ ቢይተ” ያጌዳ።

32 የሱስነ ኢንቱንቱ ባረንቱ ጸላላ ዋንግርያን ኡቲደ፣ አሳይ ባይናሳ ቤድና።

† 6:11 ሀንተ ገድያጥ ባና ሸጭተ- ሀዌ አሳይ እጼዳዋ በሰያዋ። 6:13 ያቆሳ 5:14 ‡ 6:31 አሳይ ባይናሳ- ሀዌ ጋለላ ጌተንያ ዋምባጥ ዩዩሃ ደላ ባጋና ደኤ። 6:45 ጴጳተ።

33 እንቲንቱ ቢሸን፣ ጮራ እሳይ እንቲንታ በኢደ ኤሬዳ፤ ካታማ ኡባጥ ገድያን ዋጺደ፣ እንቲንቱ ብሰሳ እንቲንቱጥ ካሰቲደ ጋኬድኖ።

34 የሱስ ዋንግርያጥ ከሰደ፣ ጮራ እሳ በኤዳ፤ እሳይ ሄምያ እሳይ ባይና ደርሳ ማላ ግዴዳ ድራጫ፣ ቃረቲደ እሳ ዳርባ ታማርሱዋ ደሚዳ።

35 ሳኢይ ኦማርሰያ ዋደ፣ የሱሳ ካልያዋንቱ አኮ ዪደ፣ “ሀዌ ሳኢይ እሳይ ባይና ሳኢ፤ ሀኢ ሳኢይካ ቃም ድጌዳ፤

36 እሳይ ሄራን ቁር ካታማቱዋ ግደ ቢደ፣ ባረንቶ ምያባ ሻማና ማላ፣ እሳ ሞይዛ” ያጌድኖ።

37 ሸን የሱስ ዛሬደ እንቲንታ፣ “እሳጫ ምያባ ሀንተ እምተ” ያጌዳ።

ሄዋጥ ጉየ እንቲንቱ፣ “ኡን ቢደ፣ ላኤ ጸቱ ብራ ሳንትምያ ስ ቁማ ሻሚደ፣ እሳይ ማናጫ እማኔ?” ያጌደ እ ኦቹድኖ።

38 የሱስ እንቲንታ፣ “ሀንተንቶ አጉን ዳቡ ደኢ? ቢደ በአተ” ያጌዳ።

እንቲንቱ በኢደ፣ “እቹሹ ዳቡዋን ላኤ ሞልያ” ያጌድኖ።

39 የሱስ ባረና ካልያዋንታ እሳ ኡባ ጭታን ሻክ ሻኪደ፣ ማታን ኡትሳና ማላ እዛዜዳ።

40 እሳይ ጸቱ ጸቱን እሻታሙ እሻታሙ ጭታን ጭታን ኡቲድኖ።

41 የሱስ እቹሹ ዳቡዋን ላኤ ሞልያ ኦይቁደ፣ ፑደ ሳሉዋ ጸሊደ፣ ጸሳ ጋላቲዳ፤ ዳቦቱዋ መንገደደ ከሳጫ ግሻና ማላ፣ ባረና ካልያዋንቶ እሚዳ፤ ቃይ ላኤ ሞልያካ እንቲንቱ ኡባጫ ሻኪዳ።

42 እሳይ ኡባይ ሚደ ካሊድኖ።

43 ሄዋጥ ጉየ አቲዳ ዳቦቱዋ ደካይን ሞልያ ደካይ ታማን ላኤ ዛምቤልያ ኩሜዳዋ የሱሳ ካልያዋንቱ ደንጫድኖ።

44 ዳቦቱዋ ሚዳ አቲማ እሳይ እቹሹ ሻኢ።

የሱስ አባ ቦላን ሀመቲደ ቤዳ  
(ማቶሳ 14:22-33፤ ዮሃ. 6:15-21)

45 ኤለካ የሱስ ሄ ጮራ እሳ ሞይዘደ፣ ባረና ካልያዋንቱ ዋንግርያን ገሊደ፣ አባጥ ሄፍንሳን ደእያ ቤተሳይዳ ግያ ካታማ ባረጥ ስንሳቲደ ባናዳን እዛዜዳ።

46 እንቲንታ ሞይዘዳዋጥ ጉይያን፣ ጸሳ ዋሳናጫ ዘዘያ ከሰዳ።

47 ሳኢይ ቃምያ ዋደ ዋንግሪ ዋምባ ግዴዋን ደእሸን፣ የሱስ ዋምባጥ ጋጸን ባረካ ደኢ።

48 ጫርኩ እ ካልያዋንቱኮ ጫርክያ ድራጫ፣ ባረና ካልያዋንታ ዋምባ ቤታይ መቶልያዋ የሱስ በኢደ፣ ኩቱ ዋሳና ሀንያ ዋደ ዋምባ ቦላን ሀመቲደ፣ እንቲንቱኮ ዬዳ፤ እንቲንታ የግ አቶናጫ ኮዬዳ።

49 ሸን ዋምባ ቦላን እ ሀመትሸን፣ እንቲንቱ አ በኢደ፣ ባረንቶ ሞይትልያ ማላትና ዋሴድኖ።

50 እያጫ ሳጥ፣ እንቲንቱ ኡባይ እ በኢደ፣ ያሻ ኮኮሬድኖ፤ ሸን ኤለካ የሱስ እንቲንታ፣ “እይን ባዋ፤ ታናተኔ ያዮጥተ” ያጌዳ።

51 የሱስ እንቲንቱና አትጥ ዋንግርያን ገልና፣ ጫርኩ ዋፑ ጌዳ፤ እንቲንቱ ዳር ማላለቲድኖ።

52 እያጫ ሳጥ፣ እንቲንቱ ዋዛናይ ጀሌዳ ድራጫ፣ እንቲንቱ ኡክሳባ እኬክበይክና።

የሱስ ገንሳሬጸን ሀርጋንቻቱዋ ፓጯዳ  
(ማቶሳ 14:34-36)

53 እንቲንቱ አባ ጥጌደ፣ ገንሳሬጸ ግያ ቢታ ጋኬድኖ፤ ያን ዋንግርያ ጋጸ ሺሸ ቃቹድኖ።

54 እንቲንቱ ዋንግርያጥ ዋቋያዋን፣ እሳይ ኤለካ የሱሳ ኢርን

55 ሄዋ ሄራን ደእያ ጋድያ ኡባን ዋጸረቲደ፣ ሀርጋንቻቱዋ ሻንቻማን ቶኪደ፣ “የሱስ ደኤ” ገና ስሊደሳ እሁዋ ደሚዳ።

56 የሱስ ቤዳ ሳ ኡባን ቁር ካታማን ግድና፣ ዋልቃማ ካታማን ግድና፣ ሄራ ግድን ግድናካ፣ ገያ ደንባን እሳይ ሀርጋንቻቱዋ አኮ አፌ። የሱስ ባረ ማዩዋ ማጫራ ግደጥን ሀርጋንቻቱዋ ቦሸሳና ማላ፣ እሳይ እ ዋሴዳ፤ ቦቹዳ ኡባይ ፓጯዳ።

7

የሱስ አባ ዋጋጥ ኮሸናዋ ጳልቁዳ  
(ማቶሳ 15:1-9)

1 ፓርሳዋቱን የሩሳለመጥ ዪደ፣ ሙሴ ሀግያ ታማርሰያ እማሬዳ እሳቱ የሱሳኮ ሸቁድኖ።

2 የሱሳ ካልያዋንቱጥ እቱ እቱ ቱና ኩሸያን፣ ሄዋ ግያዌ ሚጨተናን ቁማ ምያዋንታ \* በኤድኖ።

6:34 ፓይ. 27:17፤ 1 ካታ. 22:17፤ 2 ኦዲዋ 18:16፤ ሀዘ. 34:5፤ ማቶሳ 9:36 ስ 6:37 ብራ ሳንትምያ- በን ዋድያን እሳ ጋድያን እት ጋላሳ ኦንያ ኦኦ ፔሼዳ እሳጫ እት ብራ ሳንትሚ እመቲ። ማት። 20:2 ጸልተ። \* 7:2 ሚጨተናን ቁማ ምያዋንታ- እይሁደ እሳቱዋ ዋጋን ሚጨተና ከሸያን ቁማ ሙሳይ ቱናዳን ፓይደቲ። ሄዋ ቁማ ማጥ ካሰና ከሸያ ሚቻ ሉደል ምንሲኖ።

3 እያው ጎጥ፣ ፓርሳዋቱን እይሁዳ አሳይ ኡባይ ባረንጉቱ አዎቱዋ ዋጋ ናጊደ፣ ባረንጉቱ ኩሽያ ሎይሰ ሜጨተናን ሚክና።

4 ቃይ ገግፕ ዪደካ ሜጨተናን ደኢደ ሚክና። ቃይ ኡንቱንጉቱ ባረንጉቱ አዎቱዋጥ እኬዳ ሀራ ጮራ ዋጋ፣ ገግፕ ደኢ፤ ሄዌካ ዋንጫ፣ ከርያ፣ ብራታጥ ሙዲዳ ሚሻነ አርሳ ሚጭያ ዋጋ።

5 ፓርሳዋቱን ሙሴ ህግያ ታማርሰያዋንጉቱ የሱሳ፣ “ኔና ካልያዋንጉቱ እያው ኑ አዎቱዋ ዋጋ ካለናን እጸደ፣ ባረንጉቱ ኩሽያ ሜጨተናን ቁማ ሚና?” ያጊደ ኦቹድና።

6-7 የሱሰ ኡንቱንጉታ ሀዋዲን ያጊደ፤ “እስያሰ ትምቢትያ ኦዴዳ ዋደ፣ ህንተንቱባ፣ ሎኦ ማላትያ ኢታቱባ ጸፊዳዋዲንካ።

“ ጳሳይ፣ “ሀዌ አሳይ ታና።

ባረ ቦላ ዶናን ቦንቹ።

ሽን ኡንቱንጉቱ ዋዛናይ ታጥ ሃኩዋን ደኤ፤

አሳይ ታው መላ ጎይኔ።

እያው ጎጥ፣ አሳይ ኦሎዳ አዛዙዋ፣

ጳሳ ህግያ ማላትሲደ ታማርሴ” ጌዳ፣

ያጊደ ትምቢትያ ቱሙዋ ኦዴዳ።

8 “ጳሳ አዛዙዋ ህንተ እጊደ፣ አሳ ዋጋ ምንሲደ ናጊታ” ያጊደ።

9 ቃይካ የሱሰ፣ “ህንተንጉቱ ህንተ ዋጋ ናጋናው ጳሳ አዛዙዋ እጊታ።

10 እያው ጎጥ ሙሴ፣ ጎ አባነ ነ ዳዮ ቦንቻ” ቃይ፣ “ባረ አባነ ባረ አቶ ቦርያዌ ሀይቁዋን ሙረቶ” ያጊደ።

11 ሽን እት ኡራው ባረ አውዋ ዋይ ባረ አቶ ማድናባይ ደእሽን እ፣ ሀዌ ቁርባንያ፤ ሀዋ ጉሳይ ጳሳባ ግያዋ” ጎጥ።

12 እ ባረ አውዋ ዋይ ባረ አቶ ዋደጥ ማዳናዋ እይነ ኮይክታ።

13 ሀ ሀናታን ህንተ ህንተንጉቱ ዋጋ ናጋናው፣ ጳሳ ቃላ ኮሊደ፣ ሄዋ ማላ ዳርባ አሊታ” ያጊደ።

አሳ ቱንሰያዋንታ

(ማቶሳ 15:10-20)

14 የሱሰ ጮራ አሳ ቃይካ ባረኮ ጸሲደ፣ “ኡባይ ታን ግያዋ ሰሰተነ እኬክተ።

15 አሳጥ ከሰያዌ አሳ ቱንሰያዋጥ አትን፣ ካረጥ አሳ ግዶ ገሊደ፣ አሳ ቱንሰያባይ እይነ ባዋ፤

16 ሰሰናው ሀይላይ ደእያ ኡራይ ኦንነ ሰሰ” ያጊደ።

17 የሱሰ ጮራ አሳ እጊደ ሶይ ገሌዳ ዋደ፣ እ ካልያዋንጉቱ ሄ ሌምሱዋባ እ ኦቹድና።

18 እ ኡንቱንጉታ፣ “ህንተንቶካ ቃይ ገልቤኔ? ካረጥ አሳ ዋዛናን ገልያባይ እይነ አሳ ቱንሰናው ዳንዳየናዋ እኬከቱ?

19 እያው ጎጥ፣ ቁማይ አሳ ኡሎዋ ግዶ ገሊደ፣ ካረገው ከሰያዋጥ አትን፣ አሳ ዋዛና ግዶ ገሊና” ያጊደ። ሀዋዲንካ የሱሰ ቁማ ኡባይ ቱና ግደናዋ ኤርሴዳ።

20 ቃይካ የሱሰ ሀዋዲን ያጊደ፤ “አሳ ቱንሰያባይ አሳ ዋዛና ግደጥ ከሰያዋ።

21 እያው ጎጥ፣ አሳ ዋዛና ግደጥ ከሰያዌ ኢታ ቆፋ፤ ዋሽምያዋ፤ ዉእያዋ፤ ዋጵያዋ፤ ጫራተላ፤

22 ዮራተላ፤ ኡክያ ዋይ ባረና ዶሰያዋ፤ ኢታተላ ዋይ ጭምያዋ፤ ገንያ፤ ማጫዋ አምትያዋ፤ ቃናትያዋ፤ ቦርያዋ ዋይ ዝግርያዋ፤ አዩዋ፤ ኤያተላ።

23 ሀ ኢታባይ ኡባይ አሳ ዋዛና ግደጥ ከሲደ፣ አሳ ቱንሴ” ያጊደ።

እት ግሪክ ምሽራት አማኑዋ

(ማቶሳ 15:21-28)

24 የሱሰ ሄዋጥ እጊደ፣ ጸርሳነ ሲዶና ግያ ካታማቱዋ ማታን ደእያ ጋድያ ቢደ፣ እት ጎልያ ገሊደ፤ ቃይ እ ያን ደእያዋ ኦንነ ኡራናዋ ኮይቤና፤ ሽን ቆሰተደ ጋምኣናው ዳንዳይቤና።

25 ሽን ባረ ጉላ ናት ቦላ ኢታ እያይ ደእያ እት ምሽራታ የሱሳባ ሰሰደ፣ ኤሊካ እኮ ያነ እ ገድያን ጉፋና ኢጋዴ።

26 ሄ ምሽራታ እይሁዳ አሳ ግዴኩ፤ እ የላቲዳዌካ ሶርያ ግያ ጋድያና፤ እ ባረ ናትጥ ጸላህያ ከሳና ማላ፣ የሱሳ ዋሳዲ።

27 ሽን የሱሰ ዛሪደ፣ “ናናይ ካሰተደ ቁማ ካልና፤ እያው ጎጥ፣ ናና ቁማ አኪደ፣ ካናቶ ተ ኦልያዌ ሎኦ ግደና” ያጊደ።

28 ምሽራታ ዛሪደ፣ “ቱማካ ታ ጎዳው፣ ሀራይ አቶ ሳምፓ ምይያን ደእያ ካናቱካ ናናቱዋጥ አቲዳ ሱፓ ሚና” ያጊደ።

7:6-7 እሳ. 29:13 7:10 ከሳ 20:12፤ 21:17፤ ዋጋ 20:9፤ ዛሪ. 5:16 † 7:27 ካናቶ- ሀ ቃላ እት እት እይሁዳ አሳይ፣ እይሁዳ ግደና አሳቶ ጎእትያዋ።

29 የሱስ ቃይ እዞ፡ “ሀ ኔን ሃሳዬዳ ቃላ ድራጫ፡ ጸላሂ ነ ሩትጥ ከሴዳ፤ ሰም ነ ሶይ ባ” ያጌዳ።

30 ምሽራታ ባረ ሶይ ብያ ዋደ፡ እዝ ሩትጥ ጸላሂ ከሰና፡ ሂጸን ግሴዳወኖ ደማዳ።

የሱስ ቱለን ዱደ ግዴዳ እት ብታንያ ፓሌዳ

31 የሱስ ጸርሳ ጋድያፕ ከሲደ፡ ሲደናና ነ ታሙ ካታማ ግያ ጋድያና ካንሌደ፡ ጋለላ አባኮ ቤዳ።

32 እሳይ ቱለን ዱደ ግዴዳ ብታንያ የሱሳኮ አሂደ፡ ባረ ኩሽያ አ ቦላን ዋፋና ማላ፡ የሱሳ ዋሴድኖ።

33 የሱስ ባረካ ሂ ብታንያ ጮራ አሳፕ ጋጸ ከሲደ፡ ባረ ብራድያ አ ሀይላን የዴዳ፤ ቃይ ጨቻ ጨቻደ፡ እ እንጸርሳ ቦቹዳ።

34 ሳሉዋ ፑደ ጸሊደ፡ ቶክ ሸምፒደ፡ “ኤፍታህ”፥ ያጌዳ፤ ሄዋ ግያዌ ደየታ ግያዋ።

35 ብታንያ ሀይላይ ኤለካ ደየት አጌዳ፤ ቃይ አ ሃሳየና እንጸርሳይካ ብለት አጌዳ፤ ብታኒ እይን ዋየተናን ሃሳዩ አጌዳ።

36 የሱስ አሳወ፡ “ሀዋ ኦስን ኦደፕተ” ያጌደ ኦዴዳ፤ ሸን አ ዳርሰ ምንሰ ኦድና፡ አሳይ ቃይ ኦዲዋ ያ ዳርሴዳ።

37 ሄዋ ሰሴዳ አሳይ ኡባይ ዳር ማላለቲደ፡ “ኡባባካ አ ሎይላ ኦሌ። ሀራይ አቶ ቱልያካ ሰሴ፤ ቃይ ዱድያካ ሃሳይሴ” ያጌድኖ።

# 8

የሱስ ኦይዱ ሻእ አሳ ምዜዳ

(ማቶሳ 15:32-39)

1 ሄ ዋደ፡ ጮራ አሳይ ቃይ የሱሳኮ ሸቆዳ፤ አሳወ ምያባይ ጳይና፡ የሱስ ባረና ካልያዋንታ ባረኮ ጸሲደ።

2 “ሀ ጮራ አሳይ ታናና ሄዙ ጋላሳይ ጋካናወ ጋምኢደ፡ ምያባ እይን ደምቤና ድራጫ፡ ታን ኡንቱንቶ ቃረታይ።

3 ታን ኡንቱንቶ ኮሻና ሶይ የደፕ፡ ቢደ ኦግያን ዳቡሪደ ኩንዳና፤ እያወ ሳፕ፡ እቱ እቱ ሃኮ ሳፕ ዬዳ” ያጌዳ።

4 እ ካልያዋንቱ ዛሪደ፡ “ሀ አሳይ ባይና ሳን ሀ አሳ ኡባ ምዛናወ ግድያ ቁማ ደማናወ ዳንዳይያዌ ኦኔ?” ያጌድኖ።

5 የሱስ ኡንቱንታ፡ “ሀንተንቶ አፑን ዳቡ ደኢ?” ያጌደ ኦቹዳ።

ኡንቱንቱ፡ “ላፑ ዳቡ ደኢ” ያጌድኖ።

6 የሱስ አሳ፡ “ሳእን ኡትተ” ያጌደ አዛዜዳ፤ ቃይ ላፑ ዳቡዋ አኪደ፡ ጸሳ ጋላቲዳ፤ ሄ ዳቡዋ ሙንሌደ፡ አሳወ ግሻና ማላ፡ ባረና ካልያዋንቶ እሜዳ። የሱሳ ካልያዋንቱ ሄ ጮራ አሳወ ግሸድኖ።

7 ኡንቱንቶ ቃይካ እሚራዳ ሱፓ ሞለቱ ደኢና፤ የሱስ ሄዋንቶካ ጸሳ ጋላቲደ፡ አሳወ ግሻና ማላ፡ ባረና ካልያዋንታ አዛዜዳ።

8 አሳይ ኡባይ ሚደ ካልና አቱዳ ደካይ ላፑ ዛምቤልያ ኩሜዳዋ አ ካልያዋንቱ ደንሴድኖ።

9 ቁማ ሜዳ አሳይ ኦይዱ ሻእ ግዳና፤ ሄዋፕ ጉይያን፡ የሱስ አሳ የዴዳ።

10 እ ቃይ ባረና ካልያዋንቱና ኤለካ ዋንግርያን ገሊደ፡ ዳልማኑታ \* ግያ ጋድያ ቤዳ።

ፓርሳዋቱ ባረንቶ ማላታይ ኦስታና ማላ ኦቹድኖ

(ማቶሳ 16:1-4)

11 ፓርሳዋቱ ዩደ፡ የሱሳና ፓሉማ ደሜድኖ።

የሱሳ ፓጫናወ ኮዩደ፡ ሳሉዋፕ ማላታ ባረንታ በሳና ማላ ኦቹድኖ።

12 የሱስ ዳርሰ ቶክ ሸምፒደ፡ “ሀ ዋድያ አሳይ እያወ ማላታ ኮዩ? ታን ሀንተንቶ ቱሙዋ ኦዳይ፤ ሀ ዋድያ አሳወ ማላታይ ኡባካ እሙተና” ያጌዳ።

13 ቃይ ኡንቱንታ ሄዋን አጌደ፡ ዛር ዋንግርያን ገሊደ፡ አባፕ ሄፍንላ ፕኔዳ።

ፓርሳዋቱዋ እርሹዋን ሄርድሳ እርሹዋ

(ማቶሳ 16:5-12)

14 የሱሳ ካልያዋንቱ ቁማ አፋናዋ ደጌድኖ፤ ኡንቱንቶ ዋንግርያ ግድን እት ኡክሳፕ ሀራይ ባዋ።

15 የሱስ ኡንቱንታ፡ “ሀንተንታ ኤርተ፤ ፓርሳዋቱዋ እርሹዋፕን ሄርድሳ † እርሹዋፕ ሩንትተ” ያጌደ አዛዜዳ።

‡ 7:34 ኤፍታህ- ሀ ቃላይ የሱስ ሀ አለምያን ደኢደ ታማርሰያ ዋደ፡ ጎኤትያ አራማይክ ያገትያ ቃላን ሃሳዬዳዋ። \* 8:10 ዳልማኑታ- ሀዌ ኤርተና ሳእ። † 8:15 ሄርድሳ- ሀዌ ሄርድሰ ኡንትጸሳ ጌትቶያ ዋጋ ሄርድሳ ጌትቶያ ናእ።

16 እንቱንቱ ባረንቱ ግደን፣ “እ ሀዋ ግያዌ ኑወ ቁማይ ባይና ድራሳ” ያጊደ ሃሳያ ደሚድኖ።

17 የሱስ እንቱንቱ ግያዋ ኤሪደ፣ “ህንተንቶ ዳቡ ባይናዋ እያወ ሃሳዩቴ? ሀእ ጋካናወ ህንተወ ገለኔ? ዋይ እኬክክቴ? ህንተ ዋዛናይ ጀሌዳ?”

18 ህንተንቶ እይፊ ደኤ፤ በእክቴ? ቃይ ሀይላይ ደኤ፤ ሰስክቴ? ህንተንቶ ሀሳየተኔ?

19 ታን እቸቹ ዳቡዋ እቸቹ ሻእ እሳወ መንሳ እሚዳ ዋይ፣ እፑን ዛምቤልያ ኩሚዳ ደካ ደንሌድቴ?” ያጊድ።

እንቱንቱ፣ “ታማነ ላኡ ዛምቤልያ ኩሚዳ ደካ ደንሌድ” ያጊድኖ።

20 “ታን ቃይካ ላፑ ዳቡዋ ኦይዱ ሻእ እሳወ መንሳደ እሚዳ ዋይ፣ እፑን ዛምቤልያ ኩሚዳ ደካ ደንሌድቴ?” ያጊድ።

እንቱንቱ፣ “ላፑ ዛምቤልያ ኩሚዳ ደካ ደንሌድ” ያጊድኖ።

21 እ ቃይ፣ “ሀእካ እኬክበይክቴ?” ያጊድ።

**የሱስ ቤተሳይዳን እት ቆቃ ፓሌዳ**

22 የሱስን እ ካልያዋንቱ ቤተሳይዳ ግያ ካታማ ቤድኖ፤ እሳቱ ቆቃ ብታንያ የሱሳኮ እሂደ፣ ሄ ብታንያ ቦቻና ማላ፣ እ ዋሴድኖ።

23 የሱስ ቆቃ ብታንያ ኩሽያ ኦይቂደ፣ ሄራፕ ጋጸ ከሴዳ፤ እ አይፍያን ጨቹደ፣ ባረ ኩሽያ እ ቦላ ዋሌደ፣ “ኅወ እየንቶ ቤቴ?” ያጊደ ኦቹዳ።

24 ብታኒ ጾቂደ፣ “ታን እሳ በእይ፤ ሽን እሳይ ሀመቲደ፣ ሞላ ማላቴ” ያጊድ።

25 ሄዋፕ ጉይያን፣ የሱስ ሽረቲደ ብታንያ አይፍያን ባረ ኩሽያ ዋሌዳ። እ አይፊ ፓዬዳ፤ ብታኒካ ሎይሳ ዬሌዳ፤ ቃይ ኡባባካ ጌሺደ በኤዳ።

26 የሱስ ብታንያ፣ “ሄራ ገሎፓ” ያግ እ ሶይ የዴዳ።

**ጳጵርሳ እማኑዋን እ ማርካተሳ**

(ማቶሳ 16:13-20፤ ሉቃሳ 9:18-21)

27 የሱስ ባረና ካልያዋንቱና ቁሳርያ ፕሊጸሳ ደእያ ቁር ሄራቱዋ ቤዳ፤ እ ቢሽን ኦግያን የሱስ፣ “ታና እሳይ ኦና ገ?” ያጊደ ባረና ካልያዋንታ ኦቹዳ።

28 እ ካልያዋንቱ፣ “እት እት እሳይ ኦና፣ ጸማቅያ የሃንግካ ጌ፤ ሀራንቱ፣ ‘ኤላሳ’ ገኖ፤ ቃይ ሀራንቱ፣ ‘ናባቱዋፕ እቱዋ’ ገኖ” ያጊድኖ።

29 የሱስ እንቱንታ፣ “ህንተሽ ታና ኦና ገቴ?” ያጊደ ኦቹዳ።

ጳጵርሰ፣ “ኔን ደረቲዳ ክርሰቶሳ” ያጊደ ዛሬዳ።

30 የሱስ፣ “ታባ ኦስን ኦዶፕተ” ያጊደ እንቱንታ እዛዜዳ።

**የሱስ ባረና ጋካና መቱዋባን ዋይያባ ኮይራዋ ሃሳዬ**

(ማቶሳ 16:21-28፤ ሉቃሳ 9:22-27)

31 የሱስ ባረና ካልያዋንታ፣ “ታን፣ እሳ ናኦይ፣ ዳሪ ዋየታናወ በሴ፤ ጭማቱ፣ ቁሳቱዋ ካፓቱነ ሀግያ ታማርሰያዋንቱ ታና እጻናወ በሴ፤ እንቱንቱ ታና ዋጻናወነ ታን ሄዘንሌያ ጋላሳፕ ጉይያን፣ ሀይቁዋፕ ደንዳናወ በሴ” ያጊደ ታማርሱዋ ደሚድኖ።

32 ሄዋ እ እንቱንቶ ጌሺደ ኦይዳ፤ ጳጵርሰ እ እት ባጋ ዛሬይ፣ ዘረታ ደሚድኖ።

33 ሽን የሱስ ጉየ ሰሚደ፣ ባረና ካልያዋንታ ዬሌደ ጳጵርሳ፣ “ሀ ሴጻናወ፣ ክቻ ታ ማታፕ! ኔን እሳይ ቆፕያዋ ቆፕሳፕ አትን፣ ጸሳይ ቆፕያዋ ግደና” ያጊድ።

**የሱሳ ካሉሳይ ኦቻያ ጋትያ**

(ማቶሳ 10:38-39፤ 16:24-28፤ ሉቃሳ 9:23-27፤ 14:26-27)

34 የሱስ ጮራ እሳን ባረና ካልያዋንታ ባረኮ ዬሲደ፣ “ታና ካላና ኮይያ ኡራይ ደአፕ፣ ባረና ካዶ፤ ያቲደ ባረ ማስቃልያ ቶኪደ፣ ታና ካሎ።

35 እያወ ሳፕ፣ ባረ ሽምፑዋ ፥ እሻና ኮይያ ኡራይ ባይዛናዋ፤ ሽን ታ ድራወነ ዋንጋላ ምሽራቸው ድራወ ባረ ሽምፑዋ ባይዝያ ኡራይ እሻናዋ።

36 እት ኡራይ ሳእን ደእያ ኡባባ ባረወ ሽሺደ፣ ባረ ሽምፑዋ ባይዘፕ፣ እ እያ ማዳኔ?

37 እት ኡራይ ባረ ሽምፑዋ ዋዛናወ እያ እማና ደንዳይ?

38 ጸሳ እማና ሀ ናጋሪንቻ የለታ ዋድያን፣ እት ኡራይ ታናንነ ታ ቃላን ዬላቶፕ፣ ታንካ፣ እሳ ናኦይ፣ ቃይ ታ እወዋ ቦንቸዋን ጌሻ ኪታንቻቱዋና ይያ ዋድካ፣ እን ዬላታና” ያጊድ።

# 9

የሱሳ ማላይ ላመቲዳዋ እድያ ታርክያ  
(ማቶሳ 17:1-13፤ ሉቃሳ 9:28-36)

- 1 የሱሳ እንቱንታ፡ “ታን ህንተንቶ ቱሙዋ ጋይ፤ አማራዳ አሳቱ ጸሳ ካወተላይ ዋልቃና ይያዋ በኤን ሀይቀናዋንቱ ሀዋን ደእኖ” ያጌዳ።
- 2 የሱሳ ኡሱቱን ጋላሳ፣ ጉይያን፡ ባረናና ጳጳርሳ፡ ያቆባነ የሃንሳ እኪደ፡ እንቱንቱ ጸላላ ዋልቃማ ደርያ ቦላ ከሴዳ፤ እንቱንቱ ሰንፋን ላመቲዳ፤
- 3 እ ማዩካ ጳሌዳ፤ ሳእን ማዩዋ ሜጭያ እን ገሻናዉ ዳንዳየናዋ ከና ዳሪ ቦዴ።
- 4 ሄ ሄዙ የሱሳ ካልያዋንቱ፡ ኤላሰነ ሙሴ የሱሳና ሃሳይያዋንታ በኤድኖ።
- 5 ጳጳርሰ የሱሳ፡ “ታማርሰያዎ፡ ኑን ሀዋን ደእያዌ ኑዉ ሎእ፤ ኑን ሄዙ ዳሳቱዋ እቱዋ ነዉ፡ እቱዋ ሙሴዉ፡ ቃይ እቱዋ ኤላሳዉ ከጸና” ያጌዳ።
- 6 እ ዋጋንንቶን ኤርቢና፤ እያዉ ጎፕ፡ እካ የኩንቱካ ዳሪ ያዬድኖ።
- 7 ሄዋፕ ጉይያን፡ ሻሪ ዪደ እንቱንታ ካምና ሻርያፕ፡ “ሀዌ ታን ሲቅያ ታ ናኣ፤ እ ግያዋ ሰሰተ” ግያ ቃላይ ዬዳ።
- 8 ኤላካ እንቱንቱ የሽ አል ጳልያ ዋደ፡ የሱሳፕ አትን፡ ሀራ ኑና ባረንቱ ማታን በእበይክኖ።
- 9 እንቱንቱ ደርያፕ ዋድሸን፡ የሱሳ እንቱንታ፡ “ታን፡ አሳ ናአይ፡ ሀይቁዋፕ ደንዳና ጋካናዉ፡ ህንተ በኤዳባ ኑሰነ ኦደፕተ” ያጌደ አዛዜዳ።
- 10 እ አዛዜዳዋ እንቱንቱ፡ “ ኤኖ” ገደ፡ ሀ ሀይቁዋፕ ደንድያዋ ግያዌ ዋግያዌ” ያጌደ፡ ባረንቱ ግደን ሃሳየቲድኖ።
- 11 እንቱንቱ የሱሳ፡ “ሀግያ ታማርሰያዋንቱ እያዉ፡ ኤላሰ ካሰቲደ ያናዉ በሴ” ገኖ?” ያጌደ ኦቹድኖ።
- 12 እ ዛሪደ ያጌዳ፤ “ቱማካ፡ ኤላሰ ካሰት ዪደ፡ ኡባባ ገግሴ፤ ያትና፡ እያዉ ጸሳ ማጸፋይ፡ ናአሳ ናአይ ዳሪ ዋየታና ካጸታና” ያጌ።
- 13 ሸን ታን ህንተንቶ ኦዳይ፤ ኤላሰ ዬዳ፤ ቃይ አባይ ጸሳ ማጸፋን ጸፈቲዳዋዳንካ፡ አሳይ እ ባረ ኮዬዳባ ኦሌዳ” ያጌዳ።

የሱሳ ኢታ እያናይ ኦይቁዳ ናአ ፓሌዳ  
(ማቶሳ 17:14-21፤ ሉቃሳ 9:37-43)

- 14 የሱሳ፡ ጳጳርሰ፡ ያቆብነ የሃንሰ የኩ የሱሳ ካልያዋንቱ ሰሚደ ይያ ዋደ፡ ጮራ አሳይ ሄ ካልያዋንቱ የሹዋን ኤቁዳዋን ሀግያ ታማርሰያ አማራዳ አሳቱ እንቱንቱና ፓሉሙትያዋንታ በኤድኖ።
- 15 ሄ ጮራ አሳይ የሱሳ በኤዳ ዋደ ማላለት ዳጋሚደ፡ ኤላካ አኮ ዋጽ ዪደ፡ አ ሳርቲዳ።
- 16 የሱሳ ባረና ካልያዋንታ “እንቱንቱና እያ ፓሉሙቲቱ?” ያጌደ ኦቹዳ።
- 17 ሄ ጮራ አሳ ግደፕ እት ብታኒ ዛሪደ፡ “ታማርሰያዎ፡ ታ ናኣ ቦላን ሃሳያ ድግያ ኢታ እያናይ ደእያ ድራዉ፡ አ ኔኮ አካደ ያድ።
- 18 ሀ ኢታ እያናይ እ ኦይቁያ ዋደ ኡባን፡ አ ኦሊ፤ አ ደናናካ ሆሙ ፓርቲ፤ ቃይ እቻ ጋርጭሴ፤ ቦላካ ዘልሴ። አፕ ሀ ኢታ እያና ከሳና ማላ፡ ኔና ካልያዋንቶ ኦዳድ፡ ሸን ከሳናዉ ዳንዳይበይክኖ” ያጌዳ።
- 19 የሱሳ ዛሪደ እንቱንታ፡ “አማና ሀ ዋድያ አሳዉ! ታን ህንተንቱና አዉደ ጋካናዉ ደእኔ? ቃይ ህንተንቱባ አዉደ ጋካናዉ ዳንዳያኔ? ናአ ታኮ ሃ እክ ዪተ” ያጌዳ።
- 20 እንቱንቱ ናአ አኮ አሄድኖ፤ ሄ ኢታ እያናይ የሱሳ በኤዳ ኤላካ ናአ ኮኮርሲ አጌዳ፤ ናአይ ሳእን ከንዲደ፡ ደናና ሆሙ ጎፕ ገሸን ጎንደሪቲዳ።
- 21 የሱሳ ሄ ናአ አዉዋ፡ “ሀዌ ነ ናአ ኦይቆደፕ ዋይሳ ዋደ ግዳኔ?” ያጌደ ኦቹዳ። ናአ አኮ፡ “አ ናአተላን ደእያ ዋድያፕ ደሚዳ።
- 22 እ ዋጻናዉ ዳር ዋደ ታማንነ ሃሳን ኦሌዳ፤ ሸን ኔን ዳንዳየፕ፡ ኑዉ ቃሪታደ ኑና ማዳርኪ” ያጌዳ።
- 23 የሱሳ አ፡ “ኔን ዳንዳየፕ ጋይ? አማንያ አሳዉ ኡባባይ ዳንዳየቱ” ያጌዳ።
- 24 ኤላካ ናአ አኮ ባረ ኮሻ ቆቁ ኦሊደ፡ “ታን አማናይ፤ ሸን ጉጃ አማናዳን፡ ታና ማዳርኪ” ያጌዳ።
- 25 የሱሳ አሳይ ዳር ዳር ብያዋ በኢደ፡ ኢታ እያና፡ “ናአ ቱለነ ዱደ ኦሌዳ እያናዉ፡ ሀ ናአፕ ከሳ ጋደ ኔና ታ አዛዛይ፤ ቃይ ዛረላደ እን ገሎፕ” ያጌዳ።
- 26 ሄ ኢታ እያናይ ዋሲደ፡ ናአ ዳርሰ ኮኮርሲደ፡ አፕ ከሴዳ። ናአይ ሀይቁዳዋ ማላትና፡ ዳር አሳይ፡ “ናአይ ሀይቁዳ” ያጌዳ።
- 27 ሸን የሱሳ ናአ ኮሸያ ኦይቁደ ደንጎና፡ ናአይ ደንድ ኤቁዳ።

28 የሱስ ሰይ ገሌዳዋ ጉይያን፣ እ ካልያዋንቱ የሱሳ ዳማ፣ “ኑን ሄ ኢታ አያና ከሳናው አያው ዳንዳይበይኮ?” ያጊደ ኦቹድና።

29 የሱስ ዛሬደ፣ “ሄዋ ማለይ ዋሳጥን ጸማጥ አትን፣ ሀራባን ከሳናው ዳንዳየና” ያጊደ።

የሱስ ባረና ጋካና መቱዋባን ሀይቁዋባ ላኢንሱዋ እዳዳ

(ማቶሳ 17:22-23፤ ሉቃሳ 9:43-45)

30 ኡንቱንቱ ሄዋጥ ደንዲደ፣ ጋለላና አዲይ ቤድኖ፤ የሱስ ባረ ደኢያሳ ኦንን ኤራና ማለ ኮይቤና።

31 አያው ጎጥ፣ እ ባረና ካልያዋንታ “ታና፣ አሳ ናኣ፣ አሳይ አሳው አሉይ እማናን ዋቆና፤ ታን ቃይ ሄዙ ጋለሳጥ ጉይያን፣ ሀይቁዋጥ ደንዳና” ያጊደ ታማርሴ።

32 ሽን ኡንቱንቶ እ ግያዌ ገልቤና፤ ቃይ እ ኦቻናውካ ያዌድና።

ኡባጥ አድያዌ ኦኔ?

(ማቶሳ 18:1-5፤ ሉቃሳ 9:46-48)

33 ኡንቱንቱ ቅፍርናሆማ ግያ ካታማ ቤድኖ፤ ሰይ ገሌዳዋጥ ጉይያን፣ የሱስ ኡንቱንታ፣ “ኡግያን አያ ፓሉመቲቲ?” ያጊደ ኦቹድና።

34 ሽን ኡንቱንቱ ቢደ ኦግያን፣ “ኑ ግድን ኑ ኡባጥ አድያዌ ኦኔ?” ያጊደ ፓሉመቲዳ ድራው፣ ጮኤ ጌድና።

35 የሱስ ኡቲደ፣ ታማን ላኤ ባረና ካልያዋንታ ጸሴይ ኡንቱንታ፣ “ኡንን ሰንሳው እቆና ኮዮጥ፣ ኡባጥ ጉዮ አዲደ፣ ሄ ኡባው ቆማ ግዳናው በሴ” ያጊደ።

36 እት ጉሳ ናኣ አይቂደ፣ ኡንቱንቱ ግድን ኤሴዳ፤ ሄ ጉሳ ናኣ እድሚይ ኡንቱንታ፣

37 “ሀዋንቱ ማለ ጉሳ ናናጥ እቲዋ ታ ሰንሳን ሞክያ ኦንን ታና ሞኬ፤ ቃይ ታና ሞክያ ኦንን ታና ኪቲዳዋ ሞክያዋጥ አትን፣ ታ ጸላላ ሞከና” ያጊደ።

የሱስ፣ “ኑባ ኤቀተና ኡራይ ኑ ባጋ” ያጊደ

(ሉቃሳ 9:49-50)

38 ዮሃንስ አ፣ “ታማርሴያዎ፣ እት አሳይ ነ ሰንሳን ኢታ አያናቱዋ ከሰያዋ ኑን በኢደ፣ ኑ ባጋ ግድና ድራው፣ እ ድጌደ” ያጊደ።

39 ሽን የሱስ ያጊደ፤ “ኡንን ታ ሰንሳን ማለታ ኡሉደ፣ ኤለካ ታ ቦላ ኢታባ ሃሳናው ዳንዳይያዌ ባይና ድራው ድሳጥተ፤

40 አያው ጎጥ፣ ኑባ ኤቀተና ኡራይ ኑ ባጋ።

41 ታን ሀንተንቶ ቱሙዋ ኦዳይ፤ ሀንተ ታዋንታ ክርሰቶሳዋንታ ግድና ድራው፣ ኦንን ሀንተንቶ ታ ሰንሳን ቡልያ ሃላ ኡሻናው እሞጥካ፣ ባረ ጋትያ አካናዋ።

ናጋራ ጋሱዋ

(ማቶሳ 18:6-9፤ ሉቃሳ 17:1-2)

42 “ታና አማንያ ሀ ጉሳቱዋጥ እቲዋ ባለሉያ ኦናን፣ ጋጭያ ዋጋ ዋጸ እ ቆድያን ቃቺደ፣ አባን እ ኡልያዌ አው ሎኣ።

43-44 ነ ኩሺ ኔና ባለሉጥ፣ ቃንጸ ኦላ፤ ኔን ላኤ ኩሽያና \* ቃይ ኡባካ ቶኤና ጋናምያ ታማን ገልያዋጥ፣ ዱጸ ኩሽያና ደኤዋ ገልያዌ ነው ሎኣ።

45-46 ነ ገዱ ኔና ባለሉጥ፣ ቃንጸ ኦላ፤ ኔን ላኤ ገድያና ኡባካ ቶኤና ጋናምያ ታማን የገትያዋጥ፣ ደማ ግዳይ ደኤዋ ገልያዌ ነው ሎኣ።

47-48 ነ አይፊ ኔና ባለሉጥ፣ ዋጫ ኦላ፤ ኔን ላኤ አይፍናና ኡባካ ቶኤና ጋናምያ ታማን የገትያዋጥ፣ እት አይፍናና ጸሳ ካውተሳ ገልያዌ ነው ሎኣ።

49 “ቆማን ማጽንያ የግያዋዳን፣ ታማይ አሳ ኡባ ቦላ የገታና።

50 ማጽኒ ሎኣ፤ ሽን እ ማልእና ቆዮጥ፣ ዛሪደ እ ዋት ማልኤላንቲ? ሀንተንቱን ማጽኒ ደኣ፤ ተ ያቲደ እቲ እቲዋና ሳርተሳን ደኣተ” ያጊደ።

# 10

ማቻቶ የዳናው በሰና

(ማቶሳ 19:1-2፤ ሉቃሳ 16:18)

1 የሱስ ሄዋጥ ደንዲደ፣ ዮርዳኖሳ ሻፋጥ ሄፍንሳ ባጋና ይሁዳ ጋድያ ቤድ። ጮራ አሳይ ሸረቲደ እኮ ሸቅና፣ ካሰ እ ኡልያዋዳንካ ሄ አሳ ታማርሱዋ ደሚዳ።

\* 9:43-44 ሀራ ገሻ ማጸጸ ሳለላ፣ ጉጸኒ ሙሉ ሀይቀናሳን ቃይ ሙሉካ ቶኤና ጋናምያ ታማን፣ ያጊ። 9:45፣ 47 ጸልተ።  
† 9:50 ሀንተንቱን ማጽኒ ደኡ ሀዋ ጉሳይ የሱሳን አማንያዋንቱ ባረንቱ አማኑዋጥ ደንደ ጋሱዋን ኡንቱንቱ ቦላ ሙቱ ጋክንቶካ እቲ እቲዋና ሳርተሳን ደኣናው በሴ።

2 እት እት ፓርሳዋቱ ፓጫና ያሉሳኮ ዪደ፡ “እት አሳይ ባረ ማቻቶ ዩዳናዉ ኑዉ ህጊ አዛዚ?” ምጊደ እ ኦቹድና፡፡

3 እ ዛሪደ፡ “ሙሴ ህንተንታ ዋግ አዛዜዴ?” ምጊደ፡፡

4 ኤንቱንቱ፡ “ሙሴ፡ ፋእት አሳይ ባረ ማቻቶ ፓራሚደ ዩዶ ጌዳ” ምጊድና፡፡

5 ዮሱስ ዛሪደ ኤንቱንታ፡ “ህንተንቱ ኦድና ሰሰናዋንታ ግድያ ድራዉ፡ ሙሴ ህ አዛዙዋ ህንተንቶ ጸፊዳ፡፡

6 ሸን ጸሳይ ኮይሮ መጵያ ዋደ፡ አቱማ አሳነ ማጫ አሳ ኦሊደ፡ ኤንቱንታ መጵዳ፡፡

7 ሄዋ ድራዉ፡ እት አሳይ ባረ አባነ ባረ ዳዮ አጊደ፡ ባረ ማቻትና እቱዋ ግዳ፤

8 ኤንቱንቱ ላአቱ እት እሾ ግዲና፤ ሄዋ ድራዉ፡ ኤንቱንቱ እት አሳ ግድያዋፕ አትን፡ ላኡ አሳ ግድክና፡፡

9 ሄዋ ድራዉ፡ ጸሳይ እትፕ ጋሌዳዋ አሳይ ሻኮፖ” ምጊደ፡፡

10 ኤንቱንቱ ሶይ ሰሚዳ ዋደ፡ ዮሱሳ ካልያዋንቱ ህ ዩዋዋ ዮሱሳ ዛር ኦቹድና፡፡

11 ዮሱሳ ኤንቱንታ፡ “ባረ ማቻቶ ዩዲደ፡ ሀራሮ እክያ ኡራይ ኦንነ እዝና ዋሹሚ፡፡

12 ቃይ ማጫዉናካ ባረ አሰናፕ ከሳደ ሀራ አሰና ገሎፕ ዋሹማዉ” ምጊደ፡፡

**ዮሱስ ጉላ ናና አንጃዳ**

**(ማቶሳ 19:13-15፤ ሉቃሳ 18:15-17)**

13 ዮሱስ ጉላ ናና ቦቻና ማላ፡ እት እት አሳይ ናና እኮ እሄዳ፤ ሸን ዮሱሳ ካልያዋንቱ ሄ አሳ ሰራድና፡፡

14 ዮሱሳ ሄዋ በኢደ፡ ባረና ካልያዋንታ ህንቀቱዳ፤ ኤንቱንታ፡ “ጉላ ናናይ ታኮ ይያዋንታ ድጎፕተ፤ እያዉ ጎፕ፡ ጸሳ ካዉተላይ ሀዋንቱ ማሳሳ፡፡

15 ታን ህንተንቶ ቱሙዋ ጋይ፤ ጸሳ ካዉተላ ጉላ ናኣዳን እከና ኡራይ ኦንነ ሄ ካዉተላ ኡባካ ገላና” ምጊደ፡፡

16 ጉላ ናና እድሚደ፡ ባረ ኩሸያ ኤንቱንቱ ቦላ ሀ-ጲያን ሀ-ጲያን ዋሊደ፡ ኤንቱንታ አንጃዳ፡፡

**ሚሻ ሲቁሳይ እህያ መቱዋ**

**(ማቶሳ 19:16-30፤ ሉቃሳ 18:18-30)**

17 ዮሱሳ ባናዉ ከሴዳ ዋደ፡ እት ብታኒ ዋጲደ ይ እ ሰንላን ጉልባቲደ፡ “ሎኦ ታማርሰያዎ፡ መጵና ደኤዋ ላታናዉ ታን እያ ኦሉ?” ምጊደ እ ኦቹድና፡፡

18 ዮሱሳ፡ “እያዉ ታና ሎኦ ጋይ? ጸሳ ጸላላፕ አትን፡ ሀራ ሎኦ ኦንነ ባዋ፡፡

19 ጸሳ እዛዙዋ፡ ጥጵፓ፤ ዋሹዋፓ፤ ዉእፓ፤ ዋርዶዋ ማርካቶፓ፤ ጭዋፓ፤ ነ አባነ ነ ዳዮ ቦንቻ” ምጊደ ድራሳ” ምጊደ፡፡

20 ብታኒ ዮሱሳ፡ “ታማርሰያዎ፡ ታን ሄዋ ኡባ ናክተላፕ ደማደ ሀእ ጋካናዉካ ናጋይ” ምጊደ፡፡

21 ዮሱሳ ብታኒ ደሴዳ፤ እ ጫድ ጸሊደ፡ “ነዉ አትባይ ፓጩዳ፤ ባደ ነዉ ደእያባ ኡባ ዛልኣደ፡ ሄ ሚሻ ህዩሳዉ እማ፤ ኔን ሳሎዋን ዱራታና፡ ያቶዋፕ ፓይያን ያደ ታና ካላ” ምጊደ፡፡

22 ሸን ብታኒ ሄዋ ሰሲደ፡ እ ዳር ዱራ ግድያ ድራዉ፡ ባረ ሶምእያ ጴምሲደ፡ ናሸተናን አጊደ ቤዳ፡፡

23 ዮሱሳ ባረና ካልያዋንታ ዩሽ እሐ ጸሊደ፡ “ዳር ዱራ አሳይ ጸሳ ካዉተላ ገላናዉ ዋን መታንዳሻ!” ምጊደ፡፡

24 እ ካልያዋንቱ እ ሃሳያ ሰሲደ ማላላቲድና፤ ሸን ዮሱሳ ቃይካ ኤንቱንታ፡ “ናቶ፡ ጸሳ ካዉተላ ገላናዉ ዋት መታንዳሻ!”

25 ዱራ አሳይ ጸሳ ካዉተላ ገላናዋፕ፡ ጋሌ ማርፕያ ጸእያና አጻናዋ ማታቱ” ምጊደ፡፡

26 ዮሱሳ ካልያዋንቱ ማላላቲደ፡ “ያትና፡ ኦኔ አታናዉ ዳንዳይያዋ?” ምጊደ እቱ እቱዋ ኦቹድና፡፡

27 ዮሱሳ ኤንቱንታ ጫድ ጸሊደ፡ “ሀዌ ጸሳዉ ዳንዳይያዋፕ አትን፡ አሳዉ ዳንዳይያተና፤ እያዉ ጎፕ፡ ጸሳዉ ኡባባይካ ዳንዳይያቱ” ምጊደ፡፡

28 ጳድሮስ ዮሱሳ፡ “በእ፤ ኦን ኦባ ኡባ አጊደ፡ ኔና ካሌደ” ምጊደ፡፡

29 ዮሱሳ፡ “ታን ህንተንቶ ቱሙዋ ጋይ፤ ታ ድራዉን ዋንጋላ ምሽራቹዋ ድራዉ፡ ጎልያ ዋይ እሻዋ ዋይ ምቻቱዋ፡ ዋይ አዉዋ ዋይ አቶ ዋይ ማቻቶ፡ ዋይ ናና ዋይ ጋድያ እጌዳ አሳይ ኦንነ፡፡

30 ሀእ ሀ ዋድያን ጴቴ ዳኩዋፕ ዳርያ ጎለቱዋ፡ እሻቱዋ፡ እቶ፡ ናና፡ ጋድያ፡ ቃይ መቱዋካ እካናዋ፡ ሰንላፕ ያና ዋድያንካ መጵና ደኤዋ እካናዋ፡፡

31 ሸን ጮራቱ ሀእ ሰንላን ደእያዋንቱ ጉዮ አጻና፤ ቃይ ጮራቱ ሀእ ጉዮን ደእያዋንቱ ሰንላዉ አጻና” ምጊደ፡፡



የሱስ ባረና ጋካና መቱዋባን ሀይቁዋባ ሄዘንሉዋ ኦዲዳ

(ማቶሳ 20:17-19፤ ሉቃሳ 18:31-34)

32 ኢንቱንቱ የሩሳላመ ቢድ፣ ኦግያን ደኢኖ፤ የሱስ ባረና ካልያዋንቱ ሰንፋና ሀመቱ። ኢንቱንቱ ማላለቴድኖ፤ እ ካልያዋንቱ ያዬድኖ። ዛሪደ ታማነ ላኡ ባረና ካልያዋንታ ጋጾ ከሲደ፣ ባረና ጋካናባ ዲማዬደ ኢንቱንቶ ሀዋዲን ያጊደ ኦዲዳ፤

33 “በእተ፤ ኑን የሩሳላመ ሀእ ከሶይተ፤ ያን ታና፣ አሳ ናእ፣ ቄሳቱዋ ካፓቶን ሙሴ ህግያ ታማርሰያዋንቶ አሊደ አማና። ኢንቱንቱ ታ ቦላን ሀይቁዋ ፕርዳ ፕርዳና፤ ቃይ አይሁዳ ግደና አሳዉካ ታና አሊደ አማና።

34 ሄ አይሁዳ ግደና አሳይ ታ ቦላ ቅለጫናን ጨቻና፤ ታና ልሱዋን ሾጫናን ዋጻና፤ ታን ቃይ ሄዙ ጋላሳፕ ጉይያን፣ ሀይቁዋፕ ደንዳና።”

ያቆብነ የሃንሰ ዋሴዳ ዋሳ

(ማቶሳ 20:20-28)

35 ዛብድኖሳ ናናይ ያቆብነ የሃንሰ የሱሳኩ ዪድ፣ “ታማርሰያዎ፣ ኑን ኔና ዋሰያባ ኡባባ ኑዉ አሳርኪ” ያጌድኖ።

36 የሱስ ኢንቱንታ፣ “ታን ህንተንቶ እያ አላ?” ያጌድ።

37 ኢንቱንቱ እ፣ “ሳ ቦንቾ ካዉተሳን ኔን ኡትያ ዋይ፣ ኑፕ እቱዋ ኔፕ ኡሸቻ ባጋና ቃይ እቱዋ ሀድርሳ ባጋና ኡትሳርኪ” ያጌድኖ።

38 ሸን የሱስ ኢንቱንታ፣ “ህንተንቱ እያ ዋሳናዉ በሰንቶካ ኤርከታ፤ ታን ኡሻናዉ በሰያ መቱዋ ጸኢ ኡሻናዉ ዳንዳይቱ? ቃይ ታን ጸማቀታናዉ በሰያ ጽንቃታ ፣ ጸማቀታናዉ ዳንዳይቱ?” ያጌድ።

39 ሄዋፕ ጉየ ኢንቱንቱ ዛሪደ፣ “ኤ ዳንዳይቶ” ያጌድኖ።

የሱስ ቃይ፣ “ታን ኡሻናዉ በሰያ መቱዋ ጸኢ ህንተ ኡሻና፤ ታን ጸማቀታናዉ በሰያ ጽንቃታካ ህንተ ጸማቀታና።

40 ሸን ታፕ ኡሸቻ ባጋና ሀድርሳ ባጋና ኡታናዋንታ ደርያዌ ታና ግድከ፤ ሸን ሄ ሳአይ ጸሳይ እማናዉ ገግሰ ዋሌዳዋንቱሳ” ያጌድ።

41 የኩ ታመ፣ የሱሳ ካልያዋንቱ ሄዋ ሰሴዳ ዋይ፣ ያቆባነ የሃንሳ ሀንቀቲድኖ።

42 የሱስ ኢንቱንታ ኡባ ባረኮ ጸሲደ፣ ሀዋዲን ያጌዳ፤ “ አይሁዳ ግደናዋንታ ሞድያዋንታ ገደ ቆፕያዋንቱን ሄዋንታ ካለላያ አሳቱ ባረንቱ አሳ ሞድያዋ ኤሪታ።

43 ሸን ህንተ ግደን ሄዋ ማላ ግደና፤ ህንተ ግደን ዋጋታና ኮይያ ኦንነ ህንተንቶ ቆማ ግዳናዉ በሴ።

44 ቃይ ህንተ ግደን ኡባፕ ቦላ ግዳና ኮይያ ኦንነ ህንተ ኡባዉ አይለ ግዳናዉ በሴ።

45 አያዉ ሳፕ፣ ሀራይ እቶ ታን፣ አሳ ናአይካ፣ አሳዉ አሳናዉን ጮራቱዋ ዋዛናዉ ዬዳዋፕ አትን፣ አሳይ ታዉ ኦላና ማላ ያበይከ” ያጌድ።

የሱስ ቆቃ ባርጸሞሳ አይፍያ ፓሌዳ

(ማቶሳ 20:29-34፤ ሉቃሳ 18:35-43)

46 ኢንቱንቱ እያርኮ ግያ ካታማ ቤድኖ፤ የሱስ ባረና ካልያዋንቱናን ጮራ አሳና እያርኮፕ ከሰሸን፣ ጽሞሳ ናአይ ቆቃይ፣ ባርጸሞሳ ግያዌ፣ ኦግያ ደናን ዋሲደ ኡቲዳ።

47 ባርጸሞሳ ናዝራትያ የሱሳ ግዴዳዋ ሰሲደ፣ ባረ ኮሻ ቋቁ አሊደ፣ “ዳዊተ ናእ ፣ የሱሳ፣ ታና ማራርኪ!” ያጉሳ ደሜዳ።

48 ጮራ አሳይ እ፣ “ሀይዛ!” ገደ ሀንቀቲድ።

ሸን፣ እ ባረ ኮሻ ካሰዋፕካ ዳርሰ ቋቁ አሊደ፣ “ዳዊተ ናአዉ፣ ታና ማራርኪ!” ያጌድ።

49 የሱስ ኦግያን ኤቂደ፣ “እ ሃ ጾሰተ” ያጌድ።

ኢንቱንቱ ቆቃ፣ “አይነ ባዋ፤ ደንዳ ኤቃ፤ ኔና ጾሴ” ያጊደ ጾሴድኖ።

50 ቆቃይ ባረ ማዩዋ ኦል አጊደ፣ ጉፕ ደንድ ኤቂደ፣ የሱሳኩ ቤዳ።

51 የሱስ እ፣ “ታን ነዉ እያ ኦላናዉ ኮይያ?” ያጌድ።

ቆቃይ፣ “ታማርሰያዎ፣ ታን ጸላናዋ ኮይያ” ያጌድ።

52 የሱስ እ፣ “ሳ፤ ነ እማኑ ኔና ፓሌዳ” ያጌድ። ኤላካ እ አይሬ ጾል አግና፣ ኦግያን የሱሳ ካል አጌዳ።

# 11

የሱስ ዋልቃማ ቦንቹዋን የሩሳላመ ገሌዳ

(ማቶሳ 21:1-11፤ ሉቃሳ 19:28-40፤ ዮሃ. 12:12-19)

† 10:38 ጽንቃታ- ሀዋ ጉሳይ የሱሳ ጋኪዳ መቱዋ ጸኢ ጉሳ። ‡ 10:47 ዳዊተ ናእ- አይሁድ አሳቱ ጸሳን ኦከቶዌ ዳዊተ ዘረፋፕ የላታናዋ ያጊደ ቆፕያ ድራዉ፣ ጸሳን ኦከቶዌ “ዳዊተ ናእ” ያገኑ ጸሲቲ።

1 እንቲቲቱ የሩሳላመ ማቲድ፣ ደብረ ዛይተ ደርያ ማጋን ደእያ ቤተፋንብ ቢታንያ ጋኬድኖ፤ የሱስ ባረና ካልያዋንቲ፣ ላኤዋ ሰንፋወ ኪቲድ፤

2 “ህንተንቲ ሰንፋን ደእያ ሄራ ብተ፤ ያ ገሎሳና ኦንነ ኡባ ቶግቤና ቃሹዋን ደእያ ሀረ ማራ ህንተ ደማና፤ እ ብል ሃ እኪደ ዪተ።

3 ኦንነ ህንተንታ፣ ‘ሄዋ እያወ ኦሳተ?’ ያጊደ ኦቾ፣፣ ‘ጎዳዉ\* ሀዌ ኮሺ፤ ኤላካ ዛር ሃ የዳናዋ’ ያግተ” ያጊድ።

4 እንቲቲቱ ቢደ፣ ሀረ ማራ ፕንግያ ማጋን ኦግያን ቃቾ ዋሴዳዋ ደሚደ ብሌድኖ።

5 ሄዋን ኤቄዳ እት እት አሳቱ እንቲቲታ፣ “ሀረ ማራ ዋታናወ ብሊቲታ?” ያጊድኖ።

6 የሱሳ ካልያዋንቲ የሱስ ባረንታ አዘዘዳዋ ኦድና፣ አሳቱ የድ እኬድኖ።

7 እንቲቲቱ ሀረ ማራ የሱሳኮ እሂድ፣ ባረንቲ ማየዋ አ ዘክያን ዋሴድኖ፤ የሱስ ሄ ሀረ ማራ ቶጊድ።

8 ጮራ አሳይ ባረንቲ ማየዋ ኦግያን ሂዱዳ፤ ቃይ ሀራንቲ ሞፋ ሀይፋ ካር ካሪድ፣ ኦግያን ሂዱድኖ።

9 የሱሳፕ ሰንፋና ሀመትያ አሳይነ አ ጌዱዋ ካልያ አሳይ ባረንቲ ኮሻ ጶቄ ኦሊድ፣

“ጸሳይ ጋላተቶ!

ጎዳ ሱንፋን ይያዌ እንጀቲዳዋ።

10 ጎዳ ሱንፋን ይያ ኑ አወዋ

ዳዊተ ካወተሳይ እንጀቲዳዋ።

ሳሉዋ ኡባፕ ቦላ ሳሉዋን

ደእያ ጸሳይ ጋላተቶ”

ያጊድኖ።

11 የሱስ የሩሳላመ ቢደ፣ ጌሻ ጎልያ ገሌዳ፤ ቃይ ኡባባ ዩይ ዩይ ጸሌዳዋፕ ጉይያን፣ ሳእይ ቃምያ ድራዉ፣ ታማነ ላኤ የሱሳ ካልያዋንቲና ቢታንያ ቤዳ።

**የሱስ ሸቄዳ ባላሰያ ምሳቶ**

(ማቶሳ 21:18-19)

12 ዋንተፋ ጋላስ እንቲቲቱ ቢታንያፕ ከሲደ ቢሸን፣ የሱስ ኮሻቲድ።

13 ሃኩዋን እት ባላሰያ ግያ ምሳቶ ሀይፋ ማያ ኡቲዳወኖ በእድ፣ ኦን ኤር እ ቦላ እይሬ ቤቶፕን ጊደ፣ በእናወ እዘኮ ቤዳ፤ ሸን እዘኮ እ ብያ ዋደ፣ ሀይፋ ጸላላፕ እትን፣ እይነ እይፍያ ደምቤና፤ እያወ ጎፕ፣ ባላሲ እይፍያ ዋዲ ጋከቤና።

14 የሱስ ሄ ባላሳቶ፣ “ኔፕ ሸረቲደ መድናዉ ኦንነ እይፍያ ሞፕ” ያጊድ። የሱሳ ካልያዋንቲ እ ግያዋ ስሴድኖ።

**የሱስ ጌሻ ጎልያን ዛልእያዋንታ ከሴዳ**

(ማቶሳ 21:12-17፤ ሉቃሳ 19:45-48፤ ዮሃ. 2:13-22)

15 እንቲቲቱ የሩሳላመ ቤድኖ፤ የሱስ ጌሻ ጎልያ ገሊድ፣ ሄዋን ዛልእያዋንታን ሻምያዋንታ ካረ የደርሱዋ ደሜዳ፤ ቃይ ሚሻ ላምያዋንቲ ጸራጸዛነ ደጎሙዋ ዛልእያዋንቲ ኦይድያ አላ የጊድ፣

16 ኦንነ አየንቶ ቶኪድ፣ ጌሻ ጎልያ ግቢያ ግድና አፋናዋ ድጌዳ።

17 የሱስ አሳ ሀዋዳን ያጊደ ታማርሴዳ፣ “ጸሳ ማጸፋን፣ ታ ጎሊ እይሁዳ ግድና አሳይ ኡባይ ጸሳ ምሰያ ጎሊ ጌተታና” ያገቲደ ጸፊት ኡቲዳ፤ ሸን ህንተ አ ቦንቃንቻቲ ቆሰትያ ጎንጎሉዋ ከሴድታ።”

18 ቄሳቲዋ ካፓቲቱ ሙሴ ህግያ ታማርሴያዋንቲ ሄዋ ሰሲድ፣ አ ዋፋና ኦግያ ኮሻ ደሜድኖ፤ ሸን ጮራ አሳይ እ ታማርሴያዋን ማላለትያ ድራዉ፣ አዉ ያይድኖ።

19 ሳእይ ኦማርሴዳ ዋደ፣ የሱስነ አ ካልያዋንቲ ካታማፕ ጋጸ ከሴድኖ።

**ባላሰያ ግያ ምሳታ መላዴ**

(ማቶሳ 21:20-22)

20 እንቲቲቱ ዋንተፋ ጋላስ ጉራ ኦግያና አፂድ፣ ሄ ባላሳታ ጸጸዋና መላ ድጌዳወኖ በኤድኖ።

21 ጸጽርሰ ሀሳዬድ፣ “ታማርሴያዎ፣ በእ፤ ኔን ሸቄዳ ባላሳታ መላ ድጋዴ” ያጊድ።

22 የሱስ ዛሪድ፣ እንቲቲታ ሀዋዳን ያጊዳ፤ “ጸሳ እማንተ።

23 ታን ህንተንቶ ቱሙዋ ጋይ፤ ኦንነ ባረ ዋዛናን ሰፍን ባረ ጌዳባይ ሀናናዋ አማኒድ፣ ሀ ደርያ፣ ‘ደንዳደ አባን ኩንዳ’ ጎፕ ሀናና።

24 ሄዋ ድራዉ፣ ጸሳ ህንተ ምሰያባን ኦቾያባ ኡባ እክ ድጎዋዳን እማንተ፤ ህንተ አካና።

\* 11:3 ጎዳ- ሀዋ ጉሳይ ሀርያ ጎዳ። 11:9 ማዘ. 118:25-26 11:17 እሳ. 56:7፤ ኤር. 7:11

25 ጸላ ዋሳናዉ ህንተ ኤቂያ ዎደ፣ ሳሉዋን ደእያ ህንተ እዉ ህንተ ናጋራ እቶ ጋና ማላ፣ ኦንነ ህንተንታ ናቂዳባይ ደኦተ፣ እዉ እቶ ጌተ።  
 26 ሸን እሳ ናጋራ ህንተ እቶ ጋና ጳዮተ፣ ሳሉዋን ደእያ ህንተ እዉካ ህንተ ናጋራ ህንተንቶ እቶ ጌና።”

የሱስ እያ ማታን እሴ ግያ እሻ  
 (ማቶሳ 21:23-27፤ ሉቃሳ 20:1-8)

27 ኡንቱንቱ ቃይካ የሩሳላሙ ቤድኖ፤ የሱስ ጌሻ ጎልያን ሀመትሸን፣ ቄሳቱዎ ካፓቱ፣ ሙሴ ሀግያ ታማርሲያዋንቱነ ጭማቱ የሱሳኮ ዬድኖ።  
 28 እ፣ “ኔን ሀዋ ኦላናዉ ነዉ እይ ማታይ ደኢ? ዎይ ነዉ ሀ ማታ እሜዳዌ ኦኔ?” ያጌድኖ።  
 29 የሱስ ዛሬደ ኡንቱንታ፣ “ታንካ ህንተንታ እትባ አቻሩ፤ ታዉ ኦድተ፤ ታን ቃይ ሀዋ እይ ማታን ኦሳይታንቶ፣ ህንተንቶ ኦድኖ።  
 30 ዮሃንስ ጸማቅያ ማታ እኪዳዌ ጸሳፔየ ዎይ አሳፔ? ታዉ ኦድተ” ያጌዳ።  
 31 ኡንቱንቱ ባረንቱ ግደን ፓሉማ ደሚደ፣ “ኦን፣ ጸሳፕ ዬዳ፣ ያሳተ፣ እ ኦና፣ ያትና፣ ዮሃንስ ኦደዳዎ እያዉ አማንበይክቲ?” ያጋና።  
 32 ሸን፣ “አሳፕ ዬዳ ጋኔ?” ” ያጌድኖ፤ ቃይ አሳይ ኡባይ ዮሃንስ ናብያ ግዴዳዎ ኤርያ ድራዉ፣ አሳዉ ያዬድኖ።  
 33 ሄዎ ድራዉ፣ ኡንቱንቱ የሱሳዉ፣ “ኦን ኤርኮ” ያጌደ ዛሬድኖ።  
 የሱስ፣ “ታንካ ሀዋ እይ ማታን ኦሳይታንቶ፣ ህንተንቶ ኦድኮ” ያጌዳ።

## 12

ዎይንያ ቱራ ቶክያ ኦሳንቻቱዎ ሌምሱዎ  
 (ማቶሳ 21:33-46፤ ሉቃሳ 20:9-19)

1 የሱስ ኡንቱንቶ ኦድዎ ሌምሱዋን ያጌደ ደሚዳ፤ “እት ብታኒ ዎይንያ ግያ ቱራ ቶኪደ፣ ድርሳ የሸ አሊደ ድራዳ፤ ቃይ ሄ ዎይንያ ጉምእያ ኦላካ ቦኪዳ፤ ሄዎ ናግያ አሳዉ ናግያሳ ኬዶዳ፤ ሄዎፕ ጉይያን፣ ኮላ ኦላያ አሳዉ አሚደ፣ ሀራ ጋደ ቤዳ።  
 2 ዎይንያ እይፍያ ማጽያ ዎዲ ጋክና፣ ባረና ጋክያዎ እኪደ ያና ማላ፣ እት ቆማ ባረ ኮላዋቱዋኮ ኪቲዳ።  
 3 ኮላ ኦላያዋንቱ እ ቆማ ኦይቂ ዎዲደ፣ ኩሸ መላ የደድኖ።  
 4 ላእንሉዎ ሀራ ቆማ ኡንቱንቱኮ ኪቲዳ፤ ኡንቱንቱ ሄ ቆማ ሀጲያ ጳልቂደ ፖክስ የደድኖ።  
 5 ዎይንያ ቱራ ጎዳይ ቃይካ ሀራ ቆማ ኪቲዳ፤ ሄ ቆማ ዎዲድኖ፤ ቃይ ሀራ ጮራቱዋካ ሄዎዳን ኦሊድኖ፤ እቱዎ እቱዎ ዎዲደ፣ ሀራቱዎ ዎዲድኖ።  
 6 “ዎይንያ ቱራ ጎዳዉ ኪታናዉ ኡባፕ ወርሰላን እ ዳሪ ሲቅያ እ ናእ ጸላላይ አቲዳ፤ እ፣ ኡንቱንቱ ታ ናእ ቦንቹናን አግክኖ” ጌደ፣ ባረ ናእ ኡንቱንቱኮ ኪቲዳ።  
 7 “ሸን ኮላ ኦላያዋንቱ ባረንቱ ግደን፣ ‘ላታናዌ ሀዋ፤ ቢደ እ ዎዲይተ፤ እዉ ደእያዌ ኦዎ ግዳና!’ ያጌድኖ።  
 8 ናእ ኦይቂ ዎዲደ፣ እ እሃ ዎይንያ ቱራ ግደፕ ጋጸ ከሰ ኦሊድኖ።  
 9 “እሞ ዎይንያ ቱራ ጎዳይ ዎታኔ? ዪደ ሄ ኮላዋቱዎ ዎዲ ወርሲደ፣ ዎይንያ ቱራ ኮላ ኦላያ ሀራ አሳዉ አማናዎ።  
 10-11 “ ግምቢያዋንቱ ካድ እጼዳ ሹቻይ ጎዳ ጸጸዎ ምንሰያ፣ ኡባፕ አድያ ሹቻ ግዴዳ፣ ሀዌ ጎዳይ ኦሊዳዎ፤ ቃይ ኦናካ ማላልሰያዎ፣ ያግያዎ ጸሳ ማጸፋፕ ናባብ በይክቲ?” ያጌዳ።

12 ቄሳቱዎ ካፓቱ፣ ሀግያ ታማርሲያዋንቱነ ጭማቱ የሱስ ሄ ሌምሱዎ ባረንቱን ሌምሴዳዎ ኤሬዳ ድራዉ፣ እ ኦይቃናዉ ኮዬድኖ፤ ሸን አሳዉ ያዬደ፣ ባሸ ቤድኖ።

ጌራ ጌራኔ እጋኔ ግያ እሻ  
 (ማቶሳ 22:15-22፤ ሉቃሳ 20:20-26)

13 ቃይ እ ሃሳያፕ ባላ ደማና ማላ፣ ፓርሳዋቱዋፕን ሄሮድሳ ባጋቱዋፕ \* እማሬዳዋንቱ እኮ ከከትና ዪደ።

14 “ታማርሰያዎ፣ ኔን ቱሙዋ ሃሳይያዋን አሳፕ እሳ ሻከናዋ ኑን ኤሬቶ፤ እያዉ ጎፕ፣ ኔን እሳ ዲማያካ፤ ቃይ ጸሳ እግያ ቱማተላን ታማርሳ። ኑን ሮማ ካትያ ቁሳረዉ ጊራ ጊርያቄ ዎጊያ ዎጋ ግደኔ? ጊራ ጊራኔኔ ድጋኔ?” ያጌድኖ።

15 ሸን እንቱንቱ ሎእ ማላትያ ኢታ እሳ ግዴዳዋ የሱሰ ኤሬደ፣ “ታና እያዉ ፓጩቱ? እት ሳንትምያ ሃ ታኮ እህተ፤ ታን እነ በእና” ያጌድኖ።

16 እንቱንቱ፣ “እሄድኖ፤ “ሀ ማላይነ ሱንሳይ ኦቄ?” ያጊደ እንቱንታ ኦቄድ።

እንቱንቱ፣ “ቁሳረዋ” ያጌድኖ።

17 የሱሰ ዛሬደ እንቱንታ፣ “ያቶ፣ ቁሳረዋ ቁሳረዉ፣ ጸሳዋ ጸሳዉ እምተ” ያግና እንቱንቱ እባ ማለላቲድኖ።

**ሀይቁዋፕ ደንዲዋ እሻ**

(ማቶሳ 22:23-33፤ ሉቃሳ 20:27-40)

18 ሀይቁዳ አሳይ ደንደና ግያ ሳዲቃዋናቱዋፕ እት እት አሳቱ የሱሳኮ ዪደ፣ ሀዋዳን ያጊደ፣ እ ኦቄድኖ፤

19 “ታማርሰያዎ፣ ሙሴ ኑዉ ህግያ ጸፊደ፣ ማቻቶ እኩዳ አሳይ ናእ የለናን ሀይቆፕ፣ ሄ ሀይቁዳዋ እሻይ እ ማቻቶ ላተደ፣ ባረ እሻዉ ናእ የሳናዉ በሱ” ያግያዋ ጸፊዳ።

20 እት ዋደ ላፑ እሻቱ ደእያዋንቱፕ ባይራይ ማቻቶ እኪደ፣ ናእ የለናን ሀይቁዳ።

21 ላኢንሳያ እሻይ እዞ እኩዳ፤ እካ ናእ የለናን ሀይቁዳ፤ ሄዘንሳያዌካ ሄዋዳን ሀይዳ።

22 ላፑናቱካ እዞ እኪደ፣ ናእ የለናን ሀይቁድኖ፤ ኡባፕ ጉይያን፣ ቃይ ሄ ምሽራታ ሀይቃድ።

23 ያኑና፣ ሀይቁዳ አሳይ ሀይቁዋፕ ደንድያ ዋደ፣ እዞ እንቱንቱፕ ሀቃዋ ማቄ ግዳኔ? እያዉ ጎፕ፣ ላፑናቱካ እዞ እኪድኖ።

24 የሱሰ ዛሬደ እንቱንታ፣ “ህንተንቱ ባለትያዌ፣ ጸሳ ማጸፋቱዋን እ ዋልቃ ኤረና ድራሳ!

25 እያዉ ጎፕ፣ ሀይቁዳ አሳይ ሀይቁዋፕ ደንድያ ዋደ፣ ሳሉዋን ደእያ ኪታንቻቱዋ ማላ ግዳናፕ ኦቅን፣ እቱማ አሳይነ እከና፤ ማጫ አሳይነ ገለና።

26 ሸን ሀይቁዳዋንቱ ደንዲዋዋ ግደፕ፣ ሙሴ ማጸፋን ጸፊቲዳ ጸራጋይ ምያ ቡራባ ኦድያ ሳካን፣ ጸሳይ ሙሳ፣ ታን አብራሃሙ ጸሳ፣ ይሳቃ ጸሳ፣ ያቆባ ጸሳ፣ ግድያዋ ኡባካ ናባብ በይክቲ?

27 እ ፓጸ ደእያዋንቱ ጸሳ ግድያዋፕ ኦቅን፣ ሀይቁዳዋንቱ ጸሳ ግደኖ፤ ህንተ ዳርሰ ባሌድታ” ያጌዳ።

**ኡባፕ አድያ አዛዙዋ**

(ማቶሳ 22:34-40፤ ሉቃሳ 10:25-28)

28 ህግያ ታማርሰያዋንቱፕ እቱ እንቱንቱ ፓሉሙትያዋ ሸቂደ ሰሴዳ፤ ቃይ የሱሰ እንቱንቶ ሎእ ዛሬዳዋ ሰሴደ፣ “አዛዙዋ ኡባፕ አድያ አዛዙ ሀቃዋ?” ያጊደ የሱሳ ኦቄድኖ።

29 የሱሰ ዛሬደ፣ እ “አዛዙዋ ኡባፕ አድያ አዛዙዋ፣ ኅእሰራኤልያ አሳይ ሰሰተ፣ ጎዳይ ኑ ጸሳይ እት ጎዳ።

30 ህንተንቱ ጎዳ ህንተ ጸሳ ህንተ ኩሙንሳ ዋዛና፣ ህንተ ኩሙንሳ ሸምፑዋ፣ ህንተ ኩሙንሳ ቆፋ፣ ህንተ ኩሙንሳ ዋልቃፕ ሲቅተ” ያጌ።

31 ቃይ አዛዙዋ ኡባፕ አድያ ላኢንሳ አዛዙ ሀዋ፤ “ኔን ነ ሾሩዋ ነ ሀጺያዳን ሲቃ” ግያዋ፤ ሀዋንቱፕ አድያ ሀራ አዛዙ ባዋ” ያጌዳ።

32 ህግያ ታማርሰያዌ የሱሳ ያጌዳ፤ “ታማርሰያዎ፣ ቱሙዋ ጋዳ፤ ኔን ‘ጸሳይ እት ጸሳ ጸላላ። እፕ ኦቅን፣ ሀራይ ባዋ፣ ጌዳዌ ቱማ።

33 ጸሳ ኩሙንሳ ዋዛና፣ ኩሙንሳ ቆፋ፣ ኩሙንሳ ዋልቃፕ ደሰያዌን ቃይ ባረ ሾሩዋካ ባረ ሀጺያዳን ሲቅያዌ፣ ጉድያ ያርሹዋፕን ሀራ ያርሹዋ ኡባፕ አድ” ያጌዳ።

34 የሱሰ ህግያ ታማርሰያዋ ዛሩ አድ ኤራንቻ እሳ ዛሩዋ ግዴዳዋ በኢደ፣ “ኔን ጸሳ ካዉተሳፕ ሃካበይካ” ያጌዳ፤ ሄዋፕ ጉይያን፣ የሱሳ ሀራባ ኦቅናዉ ኡን ጸልቤና።

**“የሱሰ ኦ ናኤ” ያግያ እሻ**

(ማቶሳ 22:41-46፤ ሉቃሳ 20:41-46)

35 የሱሰ ጌሻ ጎልያን ታማርሰድ፣ “ህግያ ታማርሰያዋንቱ ክርሰቶሳ ዋት ዳዊተ ናእ ጊኖ?

36 ዳዊተ ባረና ጌሻ እያናይ ሃሳይሰና፣

“ ሳዳይ ታ ጎዳ፣ “ታን ነ ሞርከቱዋ፣

\* 12:13 ሄሮድሳ ባጋቱዋ- ሀዋንታ ጉሳይ ሄ ዋደ ደእያ ካዉተሳ ፖሎትካ ባጋና ካሰ ዎጋ ሄሮድሳን እ ናእ ሄሮድ እንትጸሳ ባጋቱዋን እንቱንታ ካልያ አሳቱዋ። 12:19 ዛሩ. 25:5 12:26 ከሳ 3:6 12:29 ዛሩ. 6:4-5 12:31 ዎጋ 19:18 12:32 ዛሩ. 4:35 12:33 ሆሰ 6:6

ኔን የጳ ኤቂያባ ኦሳና ጋካናው፤  
ሀዋን ታጥ ኡሸቻ ባጋና፤ ቦንቼታደ ኡታ” ጌዳ።

ያጌዳ።  
37 ዳዊተ ባረ ሁጸው ክርስቶስ፤ ‘ሳዳ’ ጊደ ጴሶጥ፤ ያትና፤ ክርስቶስ ዋኒደ፤ ዳዊተ ናኣ ግዲ?”  
ያጌዳ።

ጮራ አሳይ የሱስ ግያዋ ናሸቻን ሰሴዳ።

የሱስ፤ “ሙሴ ህግያ ታማርሰያዋንቱጥ ናገትተ” ያጌዳ  
(ማቶሳ 23:1-36፤ ሉቃሳ 20:45-47)

38 የሱስ ታማርሰድ፤ “ህግያ ታማርሰያዋንቱጥ ናገትተ፤ ኡንቱንቱ አዲሳ ማዩዋ ማዩደ ዩይያዋን  
ግያ ሄራንካ አሳይ ኡንቱንታ ቦንቼደ ሳርትያዋ ደሲና።

39 ኡንቱንቱ እይሁዳ ዋሳ ጎላቱዋን ዳሪ ሎእያ ኦይድያ ደሲና፤ ቃይ አሳይ ባረንታ እማላተላን  
ዋክያሳንካ ቦንቹ ሳኣ ደሲና።

40 ኡንቱንቱ አምኤቱ ጎልያ ቦንቁደ፤ ባረንቶ ሎእ ማላታናው ጸሳ ዋሳ አዲሲና፤ ኡንቱንቱ ኡባጥ  
እድያ ሙራ አካናዋንታ” ያጌዳ።

አምኤት ምጹዋታ  
(ሉቃሳ 21:1-4)

41 የሱስ ጌሻ ጎልያን አዋታ የግያ ሳጽንያ ማታን ኡቲደ፤ አሳይ ባረ ሚሻ ሄ ሳጽንያን የግያዋ  
በኤዳ፤ ጮራ ዱረ አሳይ ዳር ሚሻ ሄ ሳጽንያን የጌድና።

42 እት ሀዩሳ አምኤታ ያደ፤ እት ሳንትምያን ላመቶያ ላኤ ስምበራቱዋ ሄ ሳጽንያን የጋዴ።

43 የሱስ ባረና ካልያዋንታ ጸሲደ፤ “ታን ህንተንቶ ቱሙዋ ጋይ፤ አዋታ ሳጽንያን የጌዳ አሳ  
ኡባጥ ሀ ሀዩሳ አምኤታ ዳርሳደ የጋዴ።

44 እያው ጎጥ፤ ሀራቱ ኡባይ ባረንቶ ፓላሄዳ ሚሻጥ የጌድና፤ ሽን እዛ ባረ ፓጫጥ፤ ባረው ደእያ  
ደኡዋ ሙላካ አማ አጋዴ” ያጌዳ።

### 13

የሱስ ጌሻ ጎሊ ኮለታናዋ ካሰቲደ ኦዴዳ  
(ማቶሳ 24:1-2፤ ሉቃሳ 21:5-6)

1 የሱስ ጌሻ ጎልያጥ ከሰሸን፤ አ ካልያዋንቱጥ እቱ አ፤ “ታማርሰያዋ፤ ሀዌ አይበ ሎእ ሹቻተንቶን  
ቃይ እይበ ሎእ ሹቻ ጎላቱዋ በእይ” ያጌዳ።

2 የሱስ ዛርደ፤ “ሀ ዋልቃማ ሹቻ ጎላቱዋ በእይ? ሀ ጎላቱዋን ደእያ እት ሹቻይን አተናን  
ኡባይ ኮለታና” ያጌዳ።

ጎዳይ ያናጥ ካሰቲደ ጋካና የደርሱዋን ዋይያ  
(ማቶሳ 24:3-14፤ ሉቃሳ 21:7-19)

3 የሱስ ጌሻ ጎልያጥ ህን ባጋና ደብረ ዛይተ ደርያ ቦላን ኡቴዳ ዋደ፤ ጸጽርሰ፤ ያቆብ፤ የሃንስነ  
እንድራሰ ባረንቱ ጸላላ እኮ ዩደ እ፤

4 “ሄዌ አውደ ሀናንቶ፤ ኑው ኦዳርኪ፤ ቃይ ሄዌ ኡባይ ፖለታና ዋድያ ኤርሰያ ማላቱ እያ  
ግዳኔ?” ያጌደ ኦቹድና።

5 የሱስ ቃይ ኡንቱንቶ ሀዋዳን ያጌደ፤ ኦዴዋ ደሜዳ፤ ህንተንታ ኦንነ ባለፍ ማላ ናገትተ።

6 ጮራ አሳቱ ታ ሱንላን፤ “ታን ክርስቶስ” ያጌደ ያናዋ፤ ጮራ አሳ ባለላና።

7 ማታን ደእያ ኦላ ኮሻን ሃኩዋን ደእያ ኦላ ኦዴዋ ህንተ ሰሰያ ዋደ፤ ሀርጎጥተ፤ ሄዋ ማላባይ  
ሀናናው በሴ፤ ሽን ወርሰላይ ብራ።

8 እያው ጎጥ፤ እት ጋደ አሳይ ሀራ ጋደ አሳና ኦለታና፤ ቃይ እት ካውተላይ ሀራ ካውተላና ኦለታና፤  
ቢታ ቃላይ ኡባ ሳን ደእና፤ ኮሻይካ ደእና፤ ሽን ሄዌ ኮይሮ የሉዋ ኦይላ ማላ።

9 ሽን ህንተ ህንተንቱ ሁጸው ናገትተ፤ እያው ጎጥ፤ አሳይ ህንተንታ ኦይቂደ፤ ፕርዳ ጎሊው አሊደ  
እማና፤ ቃይ ባረ እይሁዳ ዋሳ ጎላቱዋንካ ህንተንታ ልሱዋን ሸጫና፤ ጋድያ ዋድያዋንቱ ሰንላንነ  
ካታቱዋ ሰንላን ታ ድራው ህንተ ማርካታናው ኤቃና።

10 ምሽራቹዋ ቃላይ ኮይሮና አሳው ኡባው ኦደት ድጋናው በሴ።

11 ኡንቱንቱ ህንተንታ ፕርዳ ጎሊ እህያ ዋደነ አሊደ እምያ ዋደ፤ ዋት ሃሳያንተንቶ ኮይሮና  
ሀርጎጥተ፤ ሄ ሳትያን ጸሳይ ህንተንቶ እምያባ ሃሳይተ። እያው ጎጥ፤ ጌሻ እያናይ ሃሳናጥ አትን፤  
ሃሳይያዋንቱ ህንተንታ ገድክታ።

12 እሻይ ባረ እሻ፤ እው ባረ ናኣ ዋድሳና፤ ቃይ ናናይ ባረንቱ አዋቱዋ ቦላን ባረንቱ አየቱዋ  
ቦላ ደንዲደ፤ ኡንቱንታ ዋድሳና።

13 እሳይ ኡባይ ህንተንታ ታ ሱንላ ድራው እጻና፤ ሽን ዉርሰላይ ጋካናዉ ገንጭያዌ አታና።

የሩሳላመ ጋካና ዋልቃማ ኢታ መቱዋ  
(ማቶሳ 24:15-28፤ ሉቃሳ 21:20-24)

14 ሽን ሩብያ ዳኔል ኦዴዳ ባሻ ቱናተላይ ኤቃናዉ በሰናሳን ኤቁሽን ህንተ በእያ ዋድ፣ ሄዋ  
ዋግያዌንቶ፣ ሩባብያዌ እኩኮ፤ ይሁዳ ጋድያን ሄ ዋድ ደእያዋንቱ ደርያኩ በትኖ።

15 ጎልያ ሁጲያን ደእያ ኡራይካ አትባ አካናዉ ዲገ ዋጂድ፣ ባረ ሶይ ገሎፖ።

16 ጋደን ደእያዌካ ባረ ማዩዋ አካናዉ ገዩ ሰዋፖ።

17 ሄ ዋድ ሻሃራ ማጫዋንቶን ቆንሳያ ማጫዋንቶ አዬር።

18 ሽን ሀዌ ኡባይ ሀንያ ዋዲ ባልጉዋ ግደና ማላ፣ ጸሳ ዋሰተ፤

19 እያዉ ጎፕ፣ ጸሳይ ሳአ ኮይሮ መጴዳዋፕ ደሚድ፣ ሀእ ጋካናዉ፣ ኡባካ ደእቤና መቱ፣ ቃይ  
ሀዋፕ ሰንሳዉካ ኡባ ደእና መቱ አሳ ሶላ ሄ ዋድ ደእና።

20 ጎዳይ ሄ ጋላሳቱዋ ፓይዱዋ ጉሐያዌ ባዌንቶ፣ አሳ ግዴዳ ኦንነ አተና፤ ሽን እ ባረ ደሬዳ  
አሳቱዋ ድራዉ፣ ሄ ጋላሳቱዋ ፓይዱዋ ጉሐዳ።

21 ሄ ዋድ ኦንነ ህንተንታ፣ “በእተ፤ ክርሰቶሰ ሀዋን ደኤ” ዋይ፣ “በእተ፤ ክርሰቶሰ፣ ሄዋን  
ደኤ” ያሳፕ፣ ሄዋ አማኖፕተ።

22 እያዉ ጎፕ፣ ዋርዳንቻ ክርሰቶሳቱን ዋርዶ ሩባቱ ደንዲደ ባረገቶ ዳንዳየቶ፣ ሀራይ አቶ  
ጸሳይ ደሬዳዋንታካ ባለላናዉ ማላታን ማላልሰያባ በሳና።

23 ሽን ህንተ ሩገትተ፤ ታን ህንተንቶ ኡባባ ካሰታደ ኦዲድ።

ክርሰቶሳ ላኤንላ ዩሳ  
(ማቶሳ 24:29-31፤ ሉቃሳ 21:25-28)

24 ሽን ሄ ዋድ ሄ ዋይያፕ ጉይያን፣

አዋይ ጴማና፤  
አገናይ ፖእያዋ አጋና፤

25 ጸልንታቱ ሳሉዋፕ ኩንዳና።  
ቃይ ሳሉዋን ደእያ ዋልቃቱካ ቃጸታና።

26 ሄ ዋድ ታን፣ አሳ ሩአይ፣ ዋልቃማ ዋልቃናን ቦንቸዋና ሻርያ ግደና ዪሽን፣ አንቱንቱ በአና።

27 ሄ ዋድ ታን ኪታንቻቱዋ ሳአ ኦይዱ ባጋ ኪታና፤ ሳአ ጋጸፕ ሳሉዋ ጋጸ ጋካናዉ፣ ጸሳይ ደሬዳ  
አሳ ሺሻና።

ዋድያ ዉርሰላይ ጋኬዳዋ ማላታ በሰያ ባላሰያ ሞላቶ  
(ማቶሳ 24:32-35፤ ሉቃሳ 21:29-33)

28 ሊምሱዋ ባላሳቶ ግያ ሞላትፕ ታማርተ፤ ባላሳታ አጭያ ዋደነ እዝ ሀይላይ ሀይትያ ዋድ፣  
ቦኒ ማቴዳዋ ህንተ ኤሪታ።

29 ሀዋዳንካ ህንተ ሄ ኡባባይ ሀንያዋ በእያ ዋድ፣ እ \* ማታቲደ ፕንግያ ሸቄዳዋ † ኤርተ።

30 ታን ህንተንቶ ቱሙዋ ኦዲይ፤ ሀ ኡባባይ ሀናና ጋካናዉ፣ ሀ ዋድያ የለታይ ሀይቂድገና።

31 ሳሉ፣ ሳአይ አጻና፤ ሽን ታ ቃላይ ኡባካ አ□ና።

ዉርሰላ ጋላሳን ሳትያ ኦንነ ኤረና  
(ማቶሳ 24:36-44)

32 ሽን ሄ ጋላሳን ሄ ሳትያ አዉዋ ጸላላፕ አትን፣ ሀራይ አቶ ሳሉዋን ደእያ ኪታንቻቱዋ ግድና፣  
ዋይ ታና ሩአ ግድናካ ኦንነ ኤርያባይ ባዋ።

33 ሄ ዋድ አዉደ ግዳንቶ፣ ህንተ ኤረና ድራዉ፣ ሩገትተ፤ ሞንተ፤ ጸሳ ዋሰተ።

34 ታ ዩሳይ ባረ ጎልያ አገደ፣ ኦግያ ብያ ብታንያ ማላ፤ ብታኒ ባረ ቆማቶ ሁጲያን ሁጲያን  
ኡሱዋ አሚድ፣ አንቱንታ ባረ ኦሶ ካፖ ኡሌዳ፤ ቃይ ካርያ ሩግያዌካ ሞንሲደ ሩጋና ማላ አዛዜዳ።

35 ሄዋ ድራዉ፣ ሞንተ፤ እያዉ ጎፕ፣ ጎልያዉ ኦማርሳ ግድና፣ ዋይ ቃማ ብላሄ ግድና፣ ዋይ ኩቱ  
ዋሰያ ዋድ ግድና፣ ዋይ ጉራ ዋንቱማላን ግድና አዉደ ያንንቶ፣ ህንተ ኤርክታ።

36 ህንተንቱ እኩከናን እ ዮፕ፣ ህንተንታ ገምእሺዳዋንታ ደመና ማላ ሞንተ።

37 ታን ህንተንቶ ኡድያዋ አሳ ኡባዉ ኦዲይ፤ ሞንተ።

# 14

ክርስቶስ ሰላ ማቀቴድኖ

(ማቶስ 26:1-5፤ ሉቃስ 22:1-2፤ ዮሃ. 11:45-53)

1 ፓሰጋ ባላ ግያዎ ቦንቶያ ጋላሳይን ጫልቤና ኡክላ ሙሳ ቦንቶያ ባላ ጋላሳይ ጋካናዉ ላኡ ጋላሳይ አቴዳ፤ ቁሳቱዎ ካፓቱኑ ህግያ ታማርሰያዎንቴ አሳይ ኤሪናን የሱሳ ኦይቂደ ዎፋና ኦግያ ኮዪኖ።

2 “አሳይ ዋላሳ ከሰና ማላ፣ ፓሰጋ ቦንቶያ ጋላሰ ሄዎ ኦሎኮ” ያጌድኖ።

የሱሳ ሸቱዎ ኦኬዳ ምሽራቶ

(ማቶስ 26:6-13፤ ዮሃ. 12:1-8)

3 የሱሰ ቢታንያ ጋድያን ኦሎዎ ሀርግያ ሰዋና ሶይን ቁማ ማናዉ ኡቴዳ ዎደ፣ እት ምሽራታ አልባሰጽሮሳ ባራታ ኩሜዳ ናርዶሳ ግያ ዳሪ አልኦ ሸቱዎ \* አካደ ያዲ፤ ሄ አልባሰጽሮሳ ባራታ ማንላደ ሸቱዎ የሱሳ ሁጲያን ትጋዲ።

4-5 ሄዎን ደእያ አሳፕ እቱ እቱ ሀንቀቲደ፣ “ሀ ሸቱዎ ጮ አያዉ ባይዛይ? ሀ ሸቱዎ ሄኩ ጾቱ ብራ ሳንትምያን † ዛልኢደ፣ ሚሻ ህይሳዉ እማናዉ ዳንዳየቱ” ያጌደ ባረንቴ ግደን ሃሳዪኖ፤ ያቲደ ሄ ምሽራቶ ዳርሰ ሀንቀቲድኖ።

6 ሸን የሱሰ ሀዋዳን ያጌዳ፤ “ሀ ምሽራቶ እይን ጎፕተ፤ እዞ አያዉ ሙቶላቴ? እዞ ታዉ ሎኦባ እሳዲ።

7 ህይሳቱ ኡባ ዎደ ህንተንቴና ደእኖ፤ ህንተ ኮዬዳ ዎደ እዉደን ኡንቴንታ ማዳናዉ ዳንዳይታ፤ ሸን ታን ኡባ ዎደ ህንተንቴና ደእከ።

8 እዛ ባረዉ ዳንዳየቴዳዎ ኦላዲ፤ ቃይ ታ አሳተላይ ሞገታናፕ ካሰታደ ሞሳ ገግሳናዉ ሸቱዎ አካዲ።

9 ታን ህንተንቶ ቱሙዎ ኦዳይ፤ ሳኦ ኡባን ዎንጋላ ምሽራቹዎ ኦድያሳን ሀቃንካካ፣ አሳይ እዞ ቆፓና ማላ፣ ሀ እዞ ኦሎዳዌ ኦድታና” ያጌዲ።

ይሁዳ አሰቆሮቱ የሱሳ አሊደ እማናዉ ዞሪታ ኤኖ ጌዳ

(ማቶስ 26:14-16፤ ሉቃስ 22:3-6)

10 ታማን ላኡ የሱሳ ካልያዎንቴፕ እቱ ይሁዳ አሰቆሮቱ ‡ ግያዌ፣ የሱሳ ቁሳቱዎ ካፓቶ አሊደ እማናዉ ኡንቴንቴኮ ቤዳ።

11 ኡንቴንቴ ሄዎ ሰሴዳ ዎደ ናሸቲደ፣ “ኦን ነዉ ሚሻ እማና” ያጌድኖ፤ ይሁዳ አሰቆሮቱ የሱሳ አሊደ እማናዉ እንጀትያ ዎድያ ዎቹ።

የሱሰ ባረና ካልያዎንቴና ፓሰጋ ቁማ ሜዳ

(ማቶስ 26:17-25፤ ሉቃስ 22:7-14፤ 21-23፤ ዮሃ. 13:21-30)

12 ጫልቤና ኡክላ ምያ ባላ ጋላሳ ቦንቶያ ኮይሮ ጋላሰ፣ ፓሰጋ ቁማ ማናዉ ደርሳ ሹክያ ዎደ፣ የሱሳ ካልያዎንቴ ኦ፣ “ፓሰጋ ቦንቶያ ጋላሰ ኔን ማና ቁማ ኦን ሀቃ ቢደ ገግሳኔ?” ያጌደ ኦቹድኖ።

13 የሱሰ ባረና ካልያዎንቴፕ ላኦቱዎ ሀዋዳን ያጌደ ኪቴዳ፤ “ካታማ ቢተ፤ ህንተ ቢሸን፣ ኦቱዎን ሃሳ ቶኬዳ እት ብታኒ ህንተንቴና ጋከታናዎ፤ እ ካልተ።

14 እ ቢደ ገልያ ገልያዉዎ፣ “ታማርሰያዌ ኔና፣ “ታን ታና ካልያዎንቴና ፓሰጋ ቁማ ማናዉ ታ እማላ ክፍሊ ሀቃኔ?” ያጌ ያግተ።

15 ገልያዉ ህንተንታ ፖቅያ ቦላን ደእያ ገግ ኡቴዳ አኮ ክፍልያ ቦሳና፤ ሄዎን ኡዉ ገግሰተ” ያጌዲ።

16 ሄ ላኡ የሱሳ ካልያዎንቴ ከሲደ፣ ካታማ ቤድኖ፤ የሱሰ ባረንቶ ኦዴዳዎዳንካ ኡባባ ደሚደ፣ ፓሰጋ ቁማ ገግሴድኖ።

17 ሳኦይ ኦማርሰያ ዎደ የሱሰ ታማን ላኡ ባረና ካልያዎንቴና ያ ቤዳ።

18 ኡንቴንቴ ኡቲደ ሳምፓፕ ቁማ ሚሸን፣ የሱሰ ኡንቴንታ፣ “ታን ህንተንቶ ቱሙዎ ኦዳይ፤ ህንተንቴፕ እቱ ታናና ምያዌ፣ ታና አሊደ እማናዎ” ያጌዲ።

19 አ ካልያዎንቴ ሎይሳ ሰሰትና፣ ሁጲያን ሁጲያን ኦ፣ “ቱሙ ታኔሻ?” ግያዎ ደሚድኖ።

20 የሱሰ ዛሪደ፣ “አ ሀ ህንተንቴ ታማን ላኦቱዎፕ እቱዎ፤ እ ታናና እትፕ ቱሻናዉ ባረ ዳቡዎ ሻታን የድያዎ።

21 ታን፣ አሳ ናኦይ፣ ጳሳ ማጻፋይ ሀይቃና ጌዳዎዳን ሀይቃና፤ ሸን ታና፣ አሳ ናኦ፣ አሊደ እምያ ኡራዉ እዬር፤ ሄ ኡራይ የለተናን አቴደንቶ፣ አዉ ሎኦ ሸን” ያጌዲ።

14:1 ከሳ 12:1-27 \* 14:3 ዳሪ አልኦ ሸቱዎ- ጉሳይ ሎይሳ ሳዊዎ ጉሳ። † 14:4-5 ብራ ሳንትምያ- 6:37 ጸልተ። 14:7 ዛሪ. 15:11 ‡ 14:10 ይሁዳ አሰቆሮቱ- 3:19 ጸልተ። 14:18 ማዞ. 41:9

ጎዳ ካወቀ አክያዎ ዋጋ

(ማቶሳ 26:26-30፤ ሉቃሳ 22:14-20፤ 1 ቆር. 11:23-25)

22 እንቱንቱ ሚሸን፣ የሱስ ደቡብ አከባ፣ ጸሳ ጋላቴዳ፤ ሄ ዳቡብ ማንሊድ፣ ባርና ካልያዋንቶ አሚድ፣ “ሄይቲ፤ ሀዌ ታ አሸዋ” ያጌዳ።

23 ጸኢ አከባድ፣ ጸሳ ጋላቴድ፣ እንቱንቶ አሚዳ፤ ኡባይ ሄ ጸኢ፣ ጉሮድኖ።

24 የሱስ፣ “ሀዌ ኦራሳ ጫቁዋን § ጮራ አሳ ድራጫ ጉክያ ታ ሱላ።

25 ታን ሀንተንቶ ቱሙቀ ኦዳይ፤ ታን ጸሳ ካወተላን ኦራሳ ዋይንያ ኤሳ ኡሻና ጋላሳይ ጋካና። ላእኑሉቀ ሀ ዋይንያ ኤሳ ኡባካ ኡሸሽ” ያጌዳ።

26 ማዝሙርያ የጼዳዋ፣ ጉይያን፣ ደብረ ዛይተ ደርያ ቤድኖ።

ጸጵርሰ ካዳናዋ የሱስ ካሰቲደ ኦዳዳ

(ማቶሳ 26:31-35፤ ሉቃሳ 22:31-34፤ ዮሃ. 13:36-38)

27 የሱስ ባርና ካልያዋንቶ፣

“ሀንተንቱ ኡባይ ታና የጊደ ዋጸንታ፤ አያወ ጎፕ፣

ጸሳ ማጸፋይ፣ ጸሳይ ደርሳ ሄምያዋ ዋጸና፤

ሄዋ፣ ጉይያን ደርሳይ ኡባይ ላለታና ጌ”

ያጌዳ።

28 ሸን ታን ሀይቁዋ፣ ደንዴዳዋ፣ ጉይያን፣ ሀንተንቱ ካሰታደ ጋለላ ባና” ያጌዳ።

29 ጸጵርሰ ዛሪድ፣ “እንቱንቱ ኡባቱ ነና የጊደ ቦፕካ፣ ታን ነና ሙላካ የግሽ” ያጌዳ።

30 የሱስ ጸጵርሳ፣ “ታን ነጫ ቱሙቀ ኦዳይ፤ ሀቼ ቃማ ኩቱ ላእኑሉቀ ዋሳና፣ ካሰ፣ ኔን ታና ሄዘ ገደ ካዳናሳ” ያጌዳ።

31 ሸን ጸጵርሰ ካሰዋ፣ ማንሲድ፣ “ታን ሀራይ አቶ፣ ነና አት፣ ሀይቁንቶካ፣ ነና ሙላካ ካድከ” ያጌዳ። ቃይ ሀራቱ ኡባቱካ ሄዋዳን ጌድኖ።

የሱስ ጌተሰማንያን ዋሴዳ

(ማቶሳ 26:36-46፤ ሉቃሳ 22:39-46)

32 ጌተሰማን ግያ ሳኦ ቤድኖ፤ የሱስ ባርና ካልያዋንታ “ታን ጸሳ ዋሳና። ሀንተንቱ ሀዋን ኡትሸተ” ያጌዳ።

33 የሱስ ጸጵርሳ፣ ያቆባን የሃንሳ ባርናና አፌዳ፤ ዳሪ ካዮቱዳን ሙቶቱዳ።

34 ቃይ እንቱንታ፣ “ታን ሀይቃና ጋካና፣ ካዮታይ፤ ሀዋን ታክሸተ፤ ገምእሸፕተ” ያጌዳ።

35 ጉላ ሰንሳኮ ሸቂድ፣ ሳኦን ጉፋኒድ፣ ዳንዳየትያዋ ግደፕ፣ ሄ ዋዲ ባር፣ አጻና ማላ፣ ጸሳ ዋሴዳ።

36 ቃይካ፣ “አባቦ፣\* ታ አቦ፣ ኡባባይ ነጫ ዳንዳየቱ፤ ሀ ጸኢ ታ፣ ድጋ፤ ሸን ነ ሸንያዳን ሀና፣ ለትን፣ ታ ሸንያዳን ሀና፣” ያጌዳ።

37 የሱስ ባርና ካልያዋንቱስ ሰም ዪድ፣ ገምእሸዳዋንታ ደሚደ ጸጵርሳ፣ “ሰዋና፣ ገምእሻዲ? ኔን እት ሳተንቶን ናጋና፣ ዳንዳየባይከ?”

38 ፓጭያን ሀንተ ገለና ማላ፣ ናገትተን ጸሳ ዋሰተ፤ አያናይ ገግ ኡቱዳ፤ ሸን እሹ ዳቡራንቻ” ያጌዳ።

39 ቃይካ ቢደ ካሰዋዳንካ ጸሳ ዋሴዳ።

40 አ ካልያዋንቱስ ጉየ ሰሚደ እ ደያ ዋድ፣ ገምእሸዳዋንታ ደሚዳ፤ እንቱንቱ አይፍያ ገምእሹ ጎዘ ዋሴዳ ድራጫ፣ አወ አያ ሃሳዬኖንቶካ ኤርበይክኖ።

41 ሄዘንሉቀ እንቱንቱስ ዪድ፣ “ሀእ ጋካና፣ ካልያዋንቱን ገምእሹቱን ሸምፕቲ? ግዳና፤ ዋዲ ጋከዳ፤ በአተ፣ ታና፣ አሳ ናኦ፣ ናጋራንቻ አሳቱዋ ኩሸያን አሊደ አምያ ዋዲ ጋከዳ።

42 ደንድና ቦይተ፤ በአተ፣ ታና አሊደ አምያዋ ሀዌኩ ጋከዳ” ያጌዳ።

የሱስ ባር ሞርከቱዋ ኩሸያን አይቀቱዳ

(ማቶሳ 26:47-56፤ ሉቃሳ 22:47-53፤ ዮሃ. 18:3-12)

43 የሱስ ሄዋ ብር ሃሳይሸን፣ ታማን ላኡ አ ካልያዋንቱ፣ እቱ፣ ይሁዳ አሰቆርቱ፣ ኤላካ ጋክ ዋዴዳ፤ ቃይ ቁሳቱዋ ካፕቱ ሀግያ ታማርሰያዋንቱን ጭማቱ ከትና፣ ማሻን ጸምእ ኦይቁዳ ጮራ አሳይ አናና አት፣ ዪድ።

44 የሱስ አላ አምያዋ ሄ ጮራ አሳ፣ “ታን የርያዋ አ፤ አ ኦይቁደ ሎይሰ ናጊድ፣ አፍተ” ያጊደ ማላ ኦድ ዋሴዳ።

§ 14:24 ኦራሳ ጫቁዋ፣ ጸሳይ ባር አሳ፣ የሱስ ሀይቁዋ ባጋና ቃላ ገሌዳ ኦራሳ ቃላ ጫቁዋ፣ ሄዌካካ አ ጋክያ ጸኢ፣ እ ባር ሱላ ጉሲደ አላ አሚዳ አ ደኤዋ። ሄዌካካ፣ ኦ ኤጫ አሳተሳይ ኡባይ ላመትና፣ ኦራዴዳ ጸሳ ሀገ ኦ ዋካናን ጸፈቲዳዋ ኦዳ።

14:24 ከሳ 24:8፤ ኤር. 31:31-34 14:27 ዛካ. 13:7 \* 14:36 አባራ ጉሳይ ግሪክ ቃላንካ “አባን” ግድያ ዋድ፣ አራማይክ ቃላን “አባን” ግያዋ።



45 ይሁዳ እስቆሮቱ ጋኮሳናካ የሱሳኮ ሸቂቅ፤ “ታማርሰያም” ያጊደ የሱሳ የር እኩዳ።

46 ሄ ጮራ አሳይ የሱሳ ምንስ ኦይቄዳ።

47 ሽን ማታን ኤቄዳዋንቱፕ እቱ ባረ ጨብያ ሾድን ቄሳቱዋ ኡባቱዋ ካፕዋ ቆማ ሾጩደ፤ አ ሀይሳ ቃንጽ ኦሌዳ።

48 የሱሳ ዛሪደ፤ ሄ ሸቂቅ ጮራ አሳ፤ “ታና ቦንቃንቻ ከሲደ፤ ቦንቃንቻ ኦይቄያዋዳን ኦይቃናዉ ጨብያን ጸምእ ኦይቄደ ዬድቱ፤

49 ታን ጌሻ ጎልያን ታማርሰደ፤ ጋላሳን ጋላሳን ሀንተንቱና ደእያ ዎደ ታና ኦይቄበይክታ፤ ሽን ጸሳ ማጻፋቱ ጌዳዌ ፖለታናዉ በሴ” ያጊደ።

50 የሱሳ ካልያዋንቱ ኡባቱ አ የጊደ ብ እኩድኖ።

51 ናጸላ ጸላላ ማዬዳ እት ያላጋ ብታኒ የሱሳ ካልያዋ አሳይ ኦይቄዳ።

52 ሽን ሄ ብታኒ ናጸላ ኦሊደ፤ ካሎ ጺራ ዎጾዳ።

የሱሳ ፕርድያ ሻንጋቱዋኮ አፌድኖ

(ማቶሳ 26:57-68፤ ሉቃሳ 22:54-55፤ 63-71፤ ዮሃ. 18:13-14፤ 19-24)

53 አሳይ የሱሳ ቄሳቱዋ ኡባቱዋ ካፕዋ ሶይ፤ ቄሳቱዋ ካፕቱዋ ኡባቱ፤ ጭማቱነ ህግያ ታማርሰያዋንቱ ሸቂቅሳሳ አፌድኖ።

54 ጸጽሮስ ቄሳቱዋ ኡባቱዋ ካፕዋ ድርሳ ግዲዋ ጋካናዉ ሃኩዋን አ ካሊዳ፤ ያን ናግያዋና ታማ ካሸደ፤ ኡት አኒዳ።

55 ቄሳቱዋ ካፕቱነ ሄዋን ሸቂቅ አሳይ ኡባይ የሱሳ ዎጻናዉ አ ቦላ ማርካ ኮዬድኖ፤ ሽን አይነ ደምበይክኖ።

56 አያዉ ጎፕ፤ ጮራ አሳቱ አ ቦላን ዎርዲዋ ማርካቴድኖ፤ ሽን ኡንቱንቱ ማርካተሳይ እት ማላ ግደና።

57-58 እት እት አሳቱ ደንድ ኤቄደ የሱሳ ቦላ፤ “አ፤ ታን አሳይ ኬጾዳ ሀ ጌሻ ጎልያ ኮላደ፤ አሳይ ኬጽቤና ሀራ ጌሻ ጎልያ ሄዙ ጋላሳ ግደን ኬጻና፤ ጌሽን፤ ኑን ሰሴደ” ያጊደ ዎርዲዋ ማርካቴድኖ።

59 ሽን ሀራይ አቶ ኡንቱንቱ ማርካተሳይ ሄዋን እት ማላ ግደቤና።

60 ቄሳቱዋ ኡባቱዋ ካፕ አሳ ኡባ ሰንሳን ደንድ ኤቄደ የሱሳ፤ “ሀዋንቱ ኔና ሞትያ ሞቶ ነዉ ዛርያባይ ባዌ?” ያጊደ አቸዳ።

61 ሽን የሱሳ ጮኤ ጊደ፤ አይነ ዛርቤና፤ ቄሳቱዋ ኡባቱዋ ካፕ አ፤ “አንጀቱዳ ጸሳ ናአይ ክርሰቶስ ኔኔ?” ያጊደ ላኤንሉዋ ኦቸዳ።

62 የሱሳ ዛሪደ፤ “ኤ፤ ታና፤ ሀንተ ታና፤ አሳ ናአ፤ ዎልቃማ ጸሳፕ ኡሸቻ ባጋና ኡትደአሸናጎ ሳሉዋ ሻርያና ዪሽን በአና” ያጊደ።

63 ቄሳቱዋ ኡባቱዋ ካፕ ባረ ማዩዋ ፔቶ ኦሊደ፤ “ኑና ሀዋፕ ሰንሳን እያዉ ሀራ ማርካ ኮሺ?

64 ሀንተንቱ አ ቦርያ ሰሴድታ፤ ሀንተ ቆፋይ አይ?” ያጊደ፤ ኡንቱንቱ ኡባይ፤ “አ ሀይቃና በሴ” ያጊደ አ ቦላ ፕርድድኖ።

65 ኡንቱንቱፕ እቱ እቱ አ ቦላ ጨሽሳ ደሜድኖ፤ አ አይፍያ ካም ደቺደ፤ “ኔና ደቺዳዌ ኦኔ? አን ትምቢትያ ኦዳ!” ያጊድኖ፤ ቃይ ናግያዋንቱካ አ ቅንጻልያ ባቂደ አፌድኖ።

ጸጽሮስ የሱሳ ካዴዳ

(ማቶሳ 26:69-75፤ ሉቃሳ 22:56-62፤ ዮሃ. 18:15-18፤ 25-27)

66 ጸጽሮስ ድርሳ ግደን ሀርክና ደእሸን፤ ቄሳቱዋ ኡባቱዋ ካፕዋ ማጫ ቆማቱዋፕ እትና ያዱ።

67 ጸጽሮስ ታማ ካሸያዋ በአደ፤ ጫዳ ጾላደ፤ “ኔንካ ናዝራትያ የሱሳና እትፕ ደእ” ያጊደ።

68 ሽን ጸጽሮስ፤ “ኔን ግያዌ አየንቶ ታን ኤርከ፤ ታዉ እኬከተና” ያጊደ ካዴዳ፤ ያቲደ ድርሳ ፕንግያኮ ከሲዳ፤ ኩቱካ ዋሴዳ። †

69 ሄ ቆማታ ጸጽሮሳ በአደ፤ አ ማታን ኤቄዳ አሳቱዋ፤ “ሀ ብታኒካ ኡንቱንቱና ደእ” ጋደ ጉጃደ ኦዲዋ ደማዳ።

70 ሽን ጸጽሮስ ቃይካ ካዴዳ።

71 ጋምእሸን፤ ማታን ኤቄዳ አሳቱ ላኤንሉዋ ጸጽሮሳ፤ “ኔን ቱማ ኡንቱንቱና እትፕ ደእ፤ እያዉ ጎፕ፤ ኔን ጋሊላ ጋድያ አሳ” ያጊድኖ።

71 ሽን ጸጽሮስ፤ “ታን ሄዋ ሀንተ ግያ ብታንያ ኤርከ!” ያጊደ ባረና ሸቃን ጫቁዋ ደሜዳ።

72 ኤላካ ኩቱ ላኤንሉዋ ዋሴ አኒዳ፤ ጸጽሮስ ባረና የሱሳ፤ “ኔን ኩቱ ላኤንሉዋ ዋሳናፕ ካሰ ሄዙ ገደ ታና ካዳናሳ” ጌዳዋ ሀሳዪደ፤ ዳሪ ዬኬዳ።

# 15

የሱሳ ጽላጸሳኮ አፊድኖ

(ማቶሳ 27:1-2፣ 11-14፤ ሉቃሳ 23:1-5፤ ዮሃ. 18:28-38)

1 ምንታ ጉሪን ኤሊካ ቄሳቱዋ ካፓቱ ጭማቱዋናኝ ሙሴ ሀግያ ታማርሲያዋንቱና ሄዋን ሺቄዳ አይሁዳ ሻንጋቱዋ ኡባና ማቀቲደ፣ የሱሳ ቃች አፊደ፣ ጽላጸሳወ አሊደ አሜድኖ።

2 ጽላጸሰ እ፣ “ኔን አይሁዳቱዋ ካቲ?” ያጊደ ኦቼዳ።

የሱሰ ዛሬደ እ፣ “ነ ግያዋዳና” ያጊደ።

3 ቄሳቱዋ ካፓቱ የሱሳ ዳርባን ሞቲድኖ።

4 ጽላጸሰ ሸረቲደ የሱሳ፣ “ነወ ዛርያባይ ባዌ? ኡንቲንቲ ነ ቦላ ዎይሳ ሞቲዋ አህንቶ በእኪ?” ያጊደ ኦቼዳ።

5 ሸን የሱሰ ሀራባ ዛርናን እጽና፣ ጽላጸሰ ማላላቲዳ።

የሱሳ ቦላ ሀይቁዋ ፕርዴድኖ

(ማቶሳ 27:15-26፤ ሉቃሳ 23:13-25፤ ዮሃ. 18:39-40፤ 19:1-16)

6 ጽላጸሳወ ፓሰጋ ባላ ቦንቻያ ጋላሳን አሳይ ኮይያ እት ኡራ ቃሹዋፕ ብልያ ዋጋይ ደእ።

7 ሄ ዎደ እት ባርባና ግያ ብታኒ ዋሳሳ ከሲደ ሸሞፕዋ ዎዴዳ አሳቱዋና እትፕ ቃሹ ጎልያን ደእ።

8 ሺቄዳ ጮራ አሳይ ጽላጸሰ ካሰ ኤረቶዋዳንካ ባረንቶ ማርታ ኦላና ማላ፣ እ ኦቼድኖ።

9 ጽላጸሰ እሳ ዛሬደ፣ “ታን ሀንተንቶ አይሁዳቱዋ ካትያ ብልያዋ ኮዩቲ?” ያጊደ ኦቼዳ።

10 አያወ ጎፕ፣ ቄሳቱዋ ካፓቱ የሱሳ ቃናቲደ አላ አሜዳዋ ጽላጸሰ ኤፊዳ።

11 ሸን ቄሳቱዋ ካፓቱ የሱሳ ኮታ ባርባና ብላናዳን፣ ሄ ሺቄዳ አሳይ ጽላጸሳ ዎሳና ማላ፣ አሳ ማቄድኖ።

12 ጽላጸሰ ላኢንሎዋ ዛሬደ፣ “ያትና፣ ሀ አይሁዳ ካትያ ሀንተንቲ ግያዋ ዎቶ?” ያጊደ።

13 አሳይ ጽላጸሳወ ዛር ዛር ባረንቲ ኮሻ ቶቁ አሊደ፣ “እ ካቃ” ያጊድኖ።

14 ጽላጸሰ አሳ፣ “አያወ? እ አይ ኢታባ ኦሌዳ?” ያጊደ።

ሸን አሳይ ካሰዋፕካ ባረ ኮሻ ቶቁ አሊደ፣ “እ ካቃ” ያጊድኖ።

15 ጽላጸሰ አሳ ናሸቻናወ ኮዩደ፣ ባርባና አሳወ ብሌዳ፤ ያቲደ ልሱዋን የሱሳ ዎታዳራቱዋን ሸጭሲደ፣ ካቃና ማላ ኡንቲንቶ አላ አሜዳ።

ዎታዳራቱ የሱሳ ቅሊጩድኖ

(ማቶሳ 27:27-31፤ ዮሃ. 19:2-3)

16 ሄዋፕ ጉይያን፣ ዎታዳራቱ የሱሳ ጋድያ ሞድያዋ ግቢያ አፊደ፣ ሀራ ዎታዳራቱዋ ኡባ እትፕ ጸሴድኖ።

17 ቃይ ዞኦ ማዩዋ እ ማይዜድኖ፤ አጉንሳ ካላቻ ገግሲደ፣ እ ሀጲያን ዎሌድኖ።

18 ሄዋፕ ጉይያን እ፣ “አይሁዳቱዋ ካተዉ፣ ሳርታይ ነወ ግደ” ያግ ሳርቲደ፣ እ ቅሊጩዋ ደሜድኖ።

19 የሱሳ ሀጲያ ማቃ ጸሞእን ሸጩድኖ፤ ቃይ እ ቦላን ጩቼድኖ፤ ጉልባቲደ አዉ ጎይኔድኖ።

20 እ ቦላ ቅሊጩዳዋፕ ጉይያን፣ ዞኦ ማዩዋ አፕ ቃር አኪደ፣ እ ማዩዋ እ ማይዜድኖ፤ ያቲደ ማሰቃልያ ቦላን ምሰማርያን ደሸደ፣ እ ካቃናወ አፊድኖ።

የሱሳ ካቄድኖ

(ማቶሳ 27:32-44፤ ሉቃሳ 23:26-43፤ ዮሃ. 19:17-27)

21 ኡንቲንቲ ቢደ፣ እሰክንድራን ሩሩሳ የሌዳ አዉዋ፣ እት ሰዋና ግያ ቀሪና ጋድያ አሳይ፣ ጋደፕ ካታማ ይያዋና ጋከቲደ፣ የሱሳ ማሰቃልያ ዎልቃን ቶሴድኖ።

22 ያቲደ ጎልጎታ ጌተትያሳ የሱሳ አፊድኖ፣ “ጎልጎታ” ግያዌ “ሁጲያ ጎሰያሳ”\* ግያዋ።

23 ካዋራ ግያ ቆሊ ዋላከቲዳ ዎይንያ ኤሳ የሱሳወ ኤሻናወ አሜድኖ፤ ሸን እ ኡሸናን እጾዳ።

24 ኡንቲንቲ እ ካቄድኖ፣ ቃይ ኦና ኦና ጋካንቶ ኤራናወ እ ማዩዋ ሻኪደ፣ ሳማ የጊድኖ።

25 ኡንቲንቲ እ ካቄያ ዎደ፣ ዎንታፕ ሄዙ ሳተ።

26 “አይሁዳቱዋ ካትያ” ያግ አ ሞትያ ጸፋ ጸፊት ኡቲዳ።

27 የሱሳና ላኡ ካይሳቱዋ እቲዋ አፕ ኡሸቻ ባጋና፣ ቃይ እቲዋ አፕ ሀድርሳ ባጋና ማሰቃልያ ቦላ ምሰማርያን ደሸደ ካቄድኖ።

28 ጸሳ ማጸፋይ፣ “ኢታባ ኦሌዳ አሳቱዋና እ ፓይደቲዳ” ያግያዌ ፖላቲዳ።

15:21 ሮጦ 16:13 \* 15:22 “ሁጲያ ጎሰያሳ” ጌተትያዌ፣ አሳ ሁጲያ ማላትያ ሹቻይ ሄዋን ደእያ ድራጫ፣ ሁጲያ ጎሰያ ጌተቲዳ። 15:24 ማዘ. 22:18 15:28 ኢሳ. 53:12

29 ኦግሮስ አድያ አሳይ የሱሳ ካጲድ፣ ባረንቴ ሁጲያ ቃሊደ ቦራድኖ፤ “ሰም፣ ጌሻ ጎልያ ኮላደ ሄዙ ጋላሳ ግደን ኬጸያዎ፤

30 እነ ማሰቃልያ ቦላጥ ዋዳደ፣ ነ ሁጲያ አሻ” ያጌድኖ።

31 ሀዋዳንካ ቄሳቱዋ ካፓቱ ሙሴ ሀግያ ታማርሰያዋንጥቱና እትጥ የሱሳ ቦላ፣ “ሀራ አሳቱዋ እሹዳ፤ ሽን ባረና አሻናዉ ዳንዳየና፤

32 ኑን በኢደ አማናና ማላ፣ ክርሰቶስ እስራኤልያ ካቱ፣ እነ ማሰቃልያ ቦላጥ ሀእ ዋዳ” ጊደ ቅሊጩድኖ። ቃይ ሀራይ አቶ፣ አናና ማሰቃልያ ቦላ ምስማርያን ድሸቲደ ካቀቱዳዋንጥቱካ እ ቦላ ቅሊጩድኖ።

**የሱሳ ሀይቁዋባ**

(ማቶሳ 27:45-56፤ ሉቃሳ 23:44-49፤ ዮሃ. 19:28-30)

33 ኡሱፑን ሳትያጥ ደሚደ፣ ኡዲፑ ሳትያ ጋካናዉ፣ ጋድያ ኡባይ ቋሜዳ።

34 ኡዲፑ ሳትያን የሱሰ ባረ ቃላ ቋቁ ኦሊደ፣ “ኤሎሄ፣ ኤሎሄ፣ ላማ ሳባቅታኒ?” ተ። ያጌዳ። ሄዋ ግያዋ፣ “ታ ጸሳዉ፣ ታ ጸሳዉ፣ ታና አያዉ አጋዲ?” ግያዋ።

35 ሄዋን ኤቁደ አሳጥ እቱ እቱ ሄዋ ሰሲደ፣ “በእተ፤ ኤላሳ ጾሴ” ያጌዳ።

36 ሄ አሳጥ እቱ ዋጽ ዪደ፣ ዛንዛ ማላትያዋን ጫላ ዋይንያ ኤሳ ኩንሱዳ፤ ሄዋ ማቃ ጋትማ ጾራን ዋሊደ፣ “ደእሸተ እነ፤ ኤላሰ ማሰቃልያጥ እ ዋላናዉ ያንንቶን እነ በእይተ” ያጌደ የሱሳ ድናጥ ኡሻናዉ ሺሺዳ።

37 የሱሰ ቃላ ቋቁ ኦላ ዋሲደ፣ ሀይቁ እጌዳ።

38 ጌሻ ጎልያን ቃሸቱዳ ጋርዱ ቆሞጥ ዲገ ጋካናዉ፣ ላኡ ከሲደ ፖሸት ዋዴዳ።

39 ማሰቃልያጥ ሰንሳ ባጋና ሄዋን ኤቁዳ እት ጾቱዋ ካፑ፣ ሄዋ ከና የሱሰ ዋሲደ ሀይቁዳዋ በኤዳ ዋደ፣ “ሀ ብታኒ ቱሙ ጸሳ ናእ” ያጌዳ።

40 ሄዋን ሃኩዋን ኤቁደ ጾልያ አማራዳ ማጫዋንጥቱ ደኢኖ፤ ኡንቱንጥ ግደን ማግዳላ ግያ ካታማጥ ዬዳ ማይራማ፣ ቱፋ ያቆባነ ዮሳ ዳያ ማይራማን ሳሎማ ደኢኖ።

41 ሄ ማጫ አሳቱ የሱሰ ጋሊላን ደኢያ ዋደ፣ እ ካሊዳዋንጥቱ እ ማዴዳዋንጥቱ፤ ቃይ የሱሳና እትጥ የሩሳላሙ ቤዳ ሀራ ጮራ ማጫ አሳቱ ሄዋን ደኢኖ።

**የሱሳ ሞጉዋባ**

(ማቶሳ 27:57-61፤ ሉቃሳ 23:50-56፤ ዮሃ. 19:38-42)

42-43 ሳኢይ አማርሴዳ ዋደ፣ ሄዋን ሸቄዳ አሳን ቦንቹቲዳ እት የሱሪ ግያ ብታኒ፣ ጸሳ ካዉተሳይ ያናዋ ናግ ኡቲዳዋ፣ አርማትያሳ ግያ ካታማ አሳይ ዬዳ፤ ሄ ጋላሳይ ዋንተሳ ሳሞባታዉ ገገትያ ጋላሳ ግዴዳ ድራዉ፣ የሱሪ ጸሊደ ጽላጸሳጥ ቢደ፣ የሱሳ እሃ እካናዉ ዋሴዳ።

44 ጽላጸሰ፣ የሱሰ ኤላካ ሀይቁ ድጌዳዋ ሰሴዳ ዋደ ማላለቲዳ፤ ጾቱዋ ካፑዋ ጾሴደ፣ “እ ሀይቆደጥ ጋምኤዳ?” ያጌደ ኦቹዳ።

45 ጽላጸሰ የሱሰ ሀይቁዳዋ ጾቱዋ ካፑዋጥ ሰሲደ፣ እ እሃ የሱሪ እካናዳን ኦሊዳ።

46 የሱሪ ሞጉዋ ማዩዋ ሻሜዳ፤ የሱሳ እሃ ማሰቃልያጥ ዋላ ማዩዋን ጸጺደ፣ ሹቻ ዋጩዳ አሳ ሞግያ ጎንጎሉዋ ግደን እ እሃ ዋሊዳ፤ ቃይ ሄ ጎንጎሉዋ ደናን ዋልቃማ ሹቻ ጎንደርሲደ ዋሊዳ።

47 ማግዳላ ካታማጥ ዬዳ ማይራማን ዮሳ ዳያ ማይራማ የሱሳ እሃ ኡንቱንጥ ሀቃን ዋላንቶ በኢኖ።

**16**

**የሱሰ ሀይቁዋጥ ደንዴዳ**

(ማቶሳ 28:1-8፤ ሉቃሳ 24:1-12፤ ዮሃ. 20:1-10)

1 ሳሞባታይ አዲዳዋጥ ጉይያን፣ ማግዳላ ካታማጥ ዬዳ ማይራማ፣ ያቆባ ዳያ ማይራማን ሳሎማ ቢደ፣ የሱሳ እሃ ኦካናዉ ሸቱዋ ሻሜድኖ።

2 ዋጋ ጋላሰ ዋንጥማላ ዳር ጉራን ጸልቁ ከሰሸን፣ ሄ ጎንጎሉዋ ቤድኖ።

3 ኡንቱንጥ ባረንጥ ግደን እቱ እቱዋና፣ “ጎንጎሉዋ ደናጥ ኑዉ ሹቻ ኦኔ ጎንደርሲደ ድጋናዌሻ?” ያጌደ ሃሳዩኖ።

4 ኡንቱንጥ ጾልያ ዋደ፣ ሄ ዳር ዋልቃማ ሹቻ ጎንደርሰድጌዳዋ በኤድኖ።

5 የሱሰ ሞገቲዳ ጎንጎሉዋ ግደ ገልያ ዋደ፣ እት ዋዳላ ብታኒ ቦሳ ማዩዋ ማዩደ፣ ኡሸቻ ባጋና ኡቲዳዋ በኢደ ዳጋሜድኖ።

15:29 ማዘ. 22:7፤ 109:25፤ ማር. 14:58፤ ዮሃ. 2:19 † 15:34 ኤሎሄ፣ ኤሎሄ፣ ላማ ሳባቅታኒ፡- ሀ ቃላቱ የሱሰ ሀ አላምያን እሹዋ ማዩደ ስመረትያ ዋደ ሃሳየትያ አራማይክ ጌተትያ ቃላን ሃሳየትዋ። 15:34 ማዘ. 22:1 15:36 ማዘ. 69:21 15:38 ከሳ 26:31-36

6 ሸን እ ኡንቱንታ፡ “ዳጋዋፕተ፡፡ ማስቃልያ ቦላ ካቀቲዳ ናዝሬትያ የሱሳ ህንተንቱ ኮይያዋ ኤራይ፡፡ እ ሀዋን ባዋ፤ ደንድ ድጊዳ፡፡ ኡንቱንቱ እ ዋሴዳሳ ሀዋ በእተ፡፡

7 ሸን ቢደ የሱስ ባረና ካልያዋንቶን ጸጽሮሳዉ፡፡ የሱስ ህንተንቱ፡፡ ካሰቲደ ጋለላ ቤ፤ እ ህንተንቶ ኦዴዳዋዳንካ ህንተንቱ እ ያን በእና፡፡ ያጊደ ሀዋ ኦድተ፡፡ ያጊዳ፡፡

8 ማጫ አሳቱ ያሻን ኮኮሪደ፡፡ የሱስ ሞገቲዳ ጎንጎሉዋፕ ከሲደ ባቃት ኣጌድና፤ ቃይ ኡንቱንቱ ያዬዳ ድራዉ፡፡ አሳዉ ሄዋ ኦሰን እይን ኦድበይክና፡፡

ማጫ አሳቱ ቢደ፡፡ ባረንቶ ኦድቲዳባ ኡባ ጸጽሮሳዉን እናና ደእያዋንቶ ቃንሳን ኦዴድና፤ ሄዋፕ ጉይያን፡፡ የሱስ ባረ ሀጸዉ ባረና ካልያዋንቱ ቦላ፡፡ መጵናዉ እሸያ ላመተና ጌሻ ምሽራቹዋ ቃላ፡፡ አዋይ ሞክያሳፕ ዉልያሳ ጋካናዉ ኪቲዳ፡፡

የሱስ ማግዳላ ማይራምዉ ቤቲዳ  
(ማቶሳ 28:9-10፤ ዮሃ. 20:11-18)

9 የሱስ ሀይቁዋፕ ደንዴዳዋፕ ጉይያን፡፡ ዋጋ ጋላስ ጉራ፡፡ ላፑ ኢታ እያናቱዋ ከሴዳ ማግዳላ ካታማፕ ዬዳ ማይራምዉ ካሰቲደ ቤቲዳ፡፡

10 እዛ ባደ ካሰ እናና ደእያዋንቶ፡፡ ቃረቲድን ዬኪደ ኡቲዳዋንቶ ኦዳዲ፤

11 ሸን የሱስ ፓጻ ደእያዋን እዝዉ ቤቲዳዋ ኡንቱንቱ ሰሴዳ ዋደ፡፡ እዝ ኦዲዋ ቱማ ግበይክና፡፡

የሱስ ላኡ ባረና ካልያዋንቶ ቤቲዳ  
(ሉቃሳ 24:13-35)

12 ሄዋፕ ጉይያን፡፡ ኡንቱንቱፕ ላእቱ ካታማፕ ከሲደ ቢሸን፡፡ ኦገያን የሱስ ኮይሮዋፕ ዳማቲደ፡፡ ኡንቱንቶ ቤቲዳ፡፡

13 ኡንቱንቱ ጉየ ሰሚደ፡፡ ሀራቶ ኦዴድና፤ ሸን ሄዋንቱ ኡንቱንቱ ኦዲዋ ቱማ ግበይክና፡፡

የሱስ ታማን እት ባረና ካልያዋንቶ ቤቲዳ  
(ማቶሳ 28:16-20፤ ሉቃሳ 24:36-49፤ ዮሃ. 20:19-23፤ ኪታ 1:6-8)

14 ጉየፕ ታማን እት የሱሳ ካልያዋንቱ ቁማ ሚሸን፡፡ የሱስ ኡንቱንቶ ቤቲዳ፡፡ ኡንቱንቶ አማኡ ባይና ድራዉ፡፡ እ ኡንቱንታ ሴራዲ፤ ቃይ ሀይቁዋፕ እ ደንዴዳዋ በኤዳዋንቱ ኡንቱንቶ ኦድና፡፡ ኡንቱንቱ አማናን እጹዳ ድራዉን ኦድና ሰሰናዋንታ ግድያ ድራዉ፡፡ እ ኡንቱንታ ሴራዳ፡፡

15 እ ኡንቱንታ ሀዋዳን ያጊዳ፤ “አላምያ ኡባ ቢደ፡፡ አሳ ኡባዉ ዋንጋላ ምሽራቹዋ ቃላ ኦድተ፡፡

16 አማኖዋን ጸማቆቶዌ አታና፤ ሸን አማናዋ ቦላ ጸሳይ ፕርዳና፡፡

17 ታናን አማንያዋንቱ ሀ ማላታቱዋ ኦሳናዋንታ፡፡ ኡንቱንቱ ታ ሱንሳን ኢታ እያናቱዋ ከሳናዋንታ፤ ቃይ ኡንቱንቱ ዳማ ዳማ ኦራሳ ቃላን ሃሳያናዋንታ፡፡

18 ኡንቱንቱ ሸሻ ኦይቆፕካ፡፡ ዋይ እያን ዋጵያ ማርዝያ ኡሸንቶካ ኡንቱንታ ቆሃና፡፡ ቃይ ኡንቱንቱ ባረንቱ ኩሸያ ሀርጋንቻቱዋ ቦላ ዋላና፤ ሄ ሀርጋንቻቱ ፓጻና፡፡ ያጊዳ፡፡

የሱስ ሳሉዋ ፑደ ከሴዳ  
(ሉቃሳ 24:50-53፤ ኪታ 1:9-11)

19 ጎዳ የሱስ ባረና ካልያዋንቱና ሃሳዬዳዋፕ ጉይያን፡፡ ጸሳይ እ ፑደ ሳሉዋ አፍና፡፡ ጸሳፕ ኡሸቻ ባጋና ኡቲዳ፡፡

20 እ ካልያዋንቱ ቢደ፡፡ ኡባ ሳን ዋንጋላ ምሽራቹዋ ኦዴድና፡፡ ጎዳይካ ኡንቱንቱና እትፕ ጉሌ፤ ኡንቱንቱ ኦድያ ቃላይካ ቱማ ግዴዳዋ ኡንቱንቱ ኦልያ ማላታቱዋን ኤርሴዳ፡፡ \*

\* 16:20 እት እት በን ጌሻ ማጻፋቱዋን ሀ ፓይዳቱ ባዋ፡፡



18 ዛካራሰካ ኪታንቻ፡ “ታን ጭማድ፣ ታማቻታካ ባረ ላይላን ሱጌዳወና፣ ሀዋ ታን እያን ኤራንታ?” ጌዳ።

19 ኪታንቻይካ ዛሪደ፡ “ታን ጸሳ ሰንላን ኤቁያ ጋብራላ፤ ሀዋ ምሽራቸዋ ነዉ ኦዳናዉ ኔኮ ከተታድ፤

20 ሄኮ ሄ ዋድያን ሀናና ታ ቃላ ነ እማናቤና ድራዉ፡ ሀ የዉ ሀናና ጋሳሳይ ጋካናዉ ኔን ዱደ ግዳናሳ፤ ሃሳያናዉካ ደንዳያካ” ጌዳ።

21 ሄ ዋደ አሳይ፡ ዛካራሰ ጌሻ ጎልያፕ ከሰናን አያዉ ጋምኤደንቶ ማላለቲደ ናጊና።

22 ከሴዳ ዋድያንካ ሃሳያናዉ ደንዳይቤና፤ ጌሻ ጎልያን ሳፃ እ በኤዳዋ አኬኬድና፤ እካ ሃሳያናዉ ደንዳይቤናዋ ጸርሰ በሲደ፡ ዱደ ግዳዲ ደኤዳ።

23 ዛካራሰካ ባረ ኦሱዋ ዋድያ ዉርሶ ዋደ፡ ባረ ጎላ ስሜዳ።

24 ሄዋፕ ጉይያን ኦ ማቻታ ኤልሳቤዳ ሻሃራደ እቸሹ አገና ባረና ገንሳዳ።

25 ኤልሳቤዳካ፡ “ታ ቶሽያ አሳ ግደፕ ድጋናዉ § ጎዳይ ባረ ማርተላን ታና ጴሎ ዋደ፡ ሀዋዳን ታዉ ኦሴዳ” ጋዲ።

የሱሳ የለታይ ካስቲደ አደቴዳ

26 ኡሱፑንሳ አገናን ጸሳ ኪታንቻ ጋብራል ጋለላ ጋድያን ናዝሬተ ካታማ

27 ዳዊታ ያራፕ ግዴዳ የሴፎ ጌተትያ ብታነዉ እሽታ ቃሽቴዳ ዋደራትኮ ጸሳ ማታፕ ኪተቴዳ፤ ዋደራት ሱንሳይካ ማይራዎ ጌተቴ።

28 ኪታንቻይካ ማይራዎኮ ዪደ፡ “ዳርሳደ ደስታዉ፤ ሳርተላይ ነዉ ግደ፤ ጎዳይካ ኔናና ጋሶ ደኤ፤ ኔንካ ማጫዋንቱ ግደን አንጀቴዳዉና” \* ያጌዳ።

29 ማይራማካ አ ሃሳያፕ ደንደዋን ዳርሳ ዳጋማደ፡ “ሀዋ አያ ማላ ሳርታ ግዳኔ” ጋደ የዉዋ ቆፓዲ።

30 ኪታንቻይ እዘ፡ “ሀነ ማይራሜ፡ ጸሳ ማታን ሳባ ደማዳ ያዮፓ።

31 ኔን ሻሃራደ፡ አቱማ ናአ የላናሳ፤ አ ሱንሳካ የሱሳ ጋናሳ።

32 እካ ዳራ ግዳናዋ፤ ኡባፕ ጶቃ ጸሳ ናአ ጌተታና፤ ጎዳ ጸሳይ አ አቡ ዳዊታ ካዉተላ ኦይድያ አዉ እማናዋ።

33 እካ ያቆባ ጎላን ሙቋናዉ ካዉታናዋ፤ አ ካዉተላዉካ ዉርሰሳይ ባዋ” ያጌዳ።

34 ማይራማካ ኪታንቻ፡ “ታን ዋደራቶ ግደ ድራዉ፡ ሀዋ ዋት ሀናናዋ?” ያጋዲ።

35 ኪታንቻይካ ዛሪደ እዘዉ፡ “አያና ጌሻይ ነ ቦላ ያናዋ፤ ጶቃ ጸሳ ዋልቃይ ኔናን ሸምፓናዋ። ሄዋ ድራዉ፡ ኔፕ የለትያዋ ጌሻ ጸሳ ናአ ጌተታና።

36 ነ ዳባታ ኤልሳቤዳ ባረ ጭማተላ ዋድያን አቱማ ናአ ሻሃራዲ። ማንላ ጌተቴዳዉና ኤልሳቤዳ ሻሃራደፕ ኡሱፑንሳ አገና አይቃዲ።

37 ጸሳ ጸንያ የዉ ባዋ” ያጌዳ።

38 ማይራማካ፡ “ታን ጎዳ አይላቶ፤ ኔን ጎዋዳን ሀና” ጋዲ። ሄዋፕ ጉይያን ኪታንቻይ እዘ ማታፕ ቤዳ።

ማይራማካ ኤልሳቤዳ ኦቻናዉ ባዲ

39 ማይራማካ ሄ አገና ግደን ደንዳደ ክል ዞዘትያ ይሁዳ ጋደን ደአያ እት ካታማ ኤሌላ ከሳዲ።

40 ዛካራሳ ጎላ ገላደ ኤልሳቤዳ ሳርታዲ።

41 ኤልሳቤዳካ ማይራዎ ሳርታ ሰሴዳ ዋደ፡ እዘ ኡሉዋን ደአያ ሻሃራይ ጉፔዳ፤ ኤልሳቤዳካ አያና ጌሻን ኩማዲ።

42 ባረ ኮሻካ ጶቁ አሳደ፡ “ኔን ማጫዋንቱ ግደፕ አንጀቴዳዉና። ኔፕ የለትያዋካ አንጀቶዋ።

43 ኔን ታ ጎዳ ዳያ ታኮ ያናዉ ታን ኦኔ?

44 ሄኮ ነ ሳርታ ኮሻይ ታ ሀይላን ሰሰቴዳ ዋደ፡ ታ ኡሉዋን ደአያ ሻሃራይ ናሽቻን ጉፔዳ።

45 ጎዳይ ፖለቴ ጊደ እዘዉ ኦዴዳዋ አማኔዳዉና እዘ አንጀቴዳዉና” ያጋዲ።

ማይራዎ ጋላታ የሳ

(1:46-53)

46 ማይራማካ፡ “ታ ሸምፓታ ታ ጎዳ ቦንቻዉ፡

1:19 ዳኤላ 8:16፤ 9:21 § 1:25 ታ ቶሽያ አሳ ግደፕ ድጋናዉ፡- አሰና ገሌዳ ምሽሪታ ናአ የላናን አቶፕ፡ አሰራኤልያ አሳ ቆፋን፡ “ጸሳይ እዘ ሙር ደኤ” ያገታዉ። 1:27 ማቶሳ 1:18 \* 1:28 ኔንካ ማጫዋንቱ ግደን አንጀቴዳዉና፡ ሀ ቆፋይ በን ጭሚዳ ግሪክያ ማጸፋን ባይናዋ ግድያ ድራዉ፡ እት እት እንግልዙሉዋን አማራሱዋ ማጸፋንካ ባዋ። 1:31 ማቶሳ 1:21 1:33 2 ሳሜላ 7:12፤ 13፤ 16፤ ኢላ. 9:7 1:37 ደመላ 18:14

- 47 ታ አያናይካ ታ ጸሳ፥ ታ ጳልያን፥  
ሎይላ ናሽታው።
- 48 እካ ባረ አይላት ቶሽያ ጸሌዳ።  
ሀቼፕ ደሚደ የለታይ ኡባይ  
እንጀቴዳውኔ ገኖ።
- 49 ዋልቃማ ግዴዳ እ፥  
ዳሮ የወዋ ታው ኦሴዳ፤
- እ ሱንሳይካ ጌሻ።
- 50 አ ማርታይ ያይያዋንቶ፥  
የለታፕ የለታይ ጋካናዉ ደኤ።
- 51 ባረ ዋልቃን ሞኖ ኪታ ኪተቴዳ፤  
ባረንቱ ዋዛና ቆፋን ኦቶረትያዋንታ፥  
ላሌዳ።
- 52 ሞድያዋንታ ካውተሳ ማታ አይድያፕ ዋሴዳ፤  
እሽካቱዋካ ቃይ ጶቁ ጶቁ ኦሴዳ።
- 53 ኮሻቴዳዋንታ ሎኦ የወዋን ካልሴዳ፤  
ዲራቱዋ ቃይ መላ የደርሴዳ።
- 54 ባረ ማርተላ ቆፒደ፥  
ባረ አይልያ እሰራኤልያ ማዴዳ።
- 55 ኑ አዋቶ እ ኦዴዳዋዳን፥  
አብራሃመዉን አ ያራው ጌዳዋ፥  
መፅናዉ ናጋና ድራሳ።

ያጋዱ።

56 ማይራማካ ሄዙ እገና ከና ኤልሳቤጽ ማታን ጋምኦዋፕ ጉይያን ባረ ጎለ ሰማዱ።

ጸማቅያ ዮሃንሳ የለታ

- 57 ኤልሳቤጽዉካ የልያ ዋዲ ጋክና፥ አቱማ ናኦ የላዳ።
- 58 እዝ ሾራቱን እዝ ዳቦ ግዴዳዋንቱ፥ ጎዳይ ማርተላ እዘዉ ኦሴዳዋ ሰሲደ እዝና እትፕ ናሽቴድድ።
- 59 ሆሰፑንላ ጋላሳን ናኦ ቃጸራናዉ ዬድኖ፤ አ፥ አወዋ ሱንሳን ዛካራሳ ገደ ሱንሳናዉ ኮዬድኖ።

60 አ ዳያ ቃይ፥ “ሀንና፥ ዮሃንሳ ጌተታናዉ ኮሼ” ያጋዱ።

61 ኡንቱንቱካ እዞ፥ “ሳ ዳባቱዋፕ ሀቼ ጋካናዉ እቱካ ሀ ሱንሳን ጸሰትቤና” ያጌድኖ።

62 አ አባ፥ ኦና ግያ ሱንሳን ጸገታናዉ ኮይንቶ ጸርሰ ኦቼድኖ።

63 አ አቡካ ጻፍያባ ኦቾ አኪደ፥ “ናኦ ሱንሳይ ዮሃንሳ” ገደ ጻፍና፥ ኡባቱካ የወዋን ማላለቴድኖ።

64 ሄዋንካ ዛካራሳ ደናይ ደየቱዳ፥ አ እንጸርሳይካ ብለትና ሃሳዎ ደሜዳ፥ ጸሳካ ጋላቱዳ።

65 ኦ ሾራቱካ ደኢያሳ ኡባን ያሻን ኩሜድኖ። ሀ የዉካ ዘዘትያ ይሁዳ ጋድያ ኡባን ዳሪ ሃሳየቱዳ።

66 ሀዋካ ሰሴዳዋንቱ ኡባቱ፥ “ሀ ናኦአይ አያ ግዳኔሻ?” ያገደ የወዋ ባረንቱ ዋዛናን ኦይቄድኖ፤ ጸሳይካ አናና ደእያዋ ኤሬድኖ።

ዛካራሳ ጋላታን ትምቢትያ ኦዴዋ

67 ዮሃንሳ እቡ ዛካራሰ አያና ጌሻን ኩሚደ ትምቢትያ ያግ ኦዴዳ።

68 “እሰራኤልያ ጎዳይ ጸሳይ እንጀቶ፤  
ዬደ ባረ አሳ ጸሞሴዳን ሞኬዳ።

69 ባረ አይልያ ዳዊተ ጎልያን፤  
ዋልቃማ እሽያዋ ኑዉ ገግሴዳ።

70 ሀዋካ በን ጎዳ ጌሻ ናባቱዋ ደናን ኦደቶዋዳን፥

71 አ ኑና፥ ኑ ሞርከቱዋፕን፥  
ኑናና ኤቀትያዋንቱ ኩሽያፕ አሻናሳ።

72 ሀዋካ አ ኦሴዳዋ፥ ኑ አዋቶ፥  
ማርተላ በሳናሳን፥

ባረ ጌሻ ጫቁዋ ዋዛና አላናሳ።

73 ኑ አወዋ አብራሃሞ፥

- ጫቂዳ ጫቁዋ ቆገናው።
- 74 ኑ ሞርከቱዋ ኩሽያፕ ከሲደ፤ ያሻይ ባጎታጎ እዉ ኦላናዳጎ፤ ማታ ኑዉ እሜዳ።
  - 75 ሀዌኔካ፣ ኑና ኑ ዎድያ ኡባጎ፤ ጌሻተላጎን ጽሎተላጎ፤ ባረ ሰጎላጎ ኤሳና ድራሳ።
  - 76 ዛሪደካ፣ ኔኖ፣ ታ ናአዉ፤ ጶቃ ጸሳ ናብያ ጌተታናሳ፤ ኦግያ ጌግሳናዉ ጎዳፕ ሰጎላና፤ ባናሳ።
  - 77 አሳ ናጋራ ማርያ አቶተላ ኤራ፤ ኡንቱንቶ አማናሳ።
  - 78 ሄዌካ ክልፕ ዬዳ ፖኡ፤ ኑና ጸሞሴዳዌ፤ ኑ ጸሳ ማርተላን ቃረታ ጋሱዋና።
  - 79 አ ፖኡካ ቆማጎን ሀይቁዋ ኩዋጎ፤ ኡቴዳዋንቶ ፖእሴ፤ ኑ ገድያካ ሳርተላ ኦግያን ሱርሴ።”
- 80 ናአይካ ድጩደ፣ እያናጎ ምኔዳ፤ እስራኤልያ አሳዉ ቤቴዳ ጋላሳይ ጋካናዉ መላ ቢታጎ ደኤዳ።

## 2

### የሱሳ የለታባ (ማቶሳ 1:18-25)

- 1 ሄ ዎደ \* ሮማ ካወተላ ጋርሳጎ ደእያ አሳይ ኡባይ ሱጎላ ጸፈታናዳጎን ፓይይታናዳጎን አዉግሰጸሰ ቁሳረፕ † አዛዙ ከሴዳ።
- 2 ሄዌኔካ፣ ቀረጎዮሰ ‡ ሰርያ ጋድያ ሞድያ ዎደ ሀኔዳ ኮይሮ አሳ ፓይዲዋ።
- 3 ሀዋ ድራዉ እት እት አሳይ ጸፈታናዉ ባረ ካታማ ባረ ካታማ ቤዳ።
- 4 ዮሴፎካ ዳዊታ ጎልያፕጎን ያራፕ ግድያ ድራዉ ጋለላ አዉራጃጎ ደእያ ናዘራተ ካታማፕ ደጎዲደ ዳዊታ ካታማ ግዴዳዉንኮ ይሁዳጎ ደእያ ቤተሌመ ጌተትያ ካታማ ከሴዳ።
- 5 ሄ ዎደ የልያ ዎዲ ማቴዳ አዉ ኦሽታ ኡቴዳ ማይራማካ አናና እትፕ ባዱ።
- 6 ኡንቱንቱ ሄዋጎ ደእሸጎ አዘዉ የልያ ዎዲ ጋኪ አጌዳ።
- 7 አዛካ ባይራ ናአ § ግዴዳ አቴማ ናአ የላዱ፤ እማላይ ሸሞፕያ ሳ ደማቤና ድራዉ፣ ናአ ማዩዋጎ ጸጸደ ጋጸትያጎ \* ቀራዱ።

### ዉድያ ሄምያዋንታክ ኪታንቻቱዋ

- 8 ሄ ጋድያጎ ቃማ ባረጎቱ ዉድያ ሄሚደ ደምባጎ አቅያዋንቱ ደእኖ።
  - 9 ጸሳ ኪታንቻይ ቆፕናጎ ዪደ ኡንቱንቱ ምይያጎ ኤቁዳ፤ ጎዳ ቦንቹ ኡንቱንቱ የቼዋጎ ፖኡዳ ዎደ፤ ዋልቃማ ያሻይ ኡንቱንታ ኦይቁዳ።
  - 10 ኪታንቻይ ኡንቱንታ፣ “ያዮፕተ፣ አሳዉ ኡባዉ ሀንያ ዳር ናሸቾያ ምሽራቹዋ ታጎ ሀንተጎቶ አሃድ።
  - 11 ሀቹ ዳዊታ ካታማጎ አሸያዌ የለቴዳ። እካ ጎዳ ክርሰቶሳ።
  - 12 ሀዌ ሀንተጎቶ ማላ ግደ፣ ጋጮኖ ናአይ ማዩዋጎ ጸጸተደ ጋጸትያ ግደጎ ግሴዳዋ ደማጎታ” ያጌዳ።
  - 13 ቆፕናጎ ጮራ ጸሳ ኪታንቻቱ ኮይሮ ኪታንቻና እትፕ ቆንጨፎድና።
  - 14 ጸሳካ ጋላቲደ፣ ሀዋዳጎ ጌድኖ።
- “ቦንቹ ጸሳዉ ቦላ ሳሉዋጎ ግደ።

\* 2:1 ሄ ዎደ፣ ጌተቶዌ ጸማቅያ ዮሃንስ የለት ሰሚደ ብር ጉተላጎ ደእሸጎ የሱስ የለቶ ዎድያና። † 2:1 ቁሳራ፡- ግያ ሱጎላይ ካትያ ጉሳ። ሄዌኔካ ጮራ ጋድያ ሞድያ ዋልቃይ ደእያ ጮራ ካታዋካ ካትያ ጉሳ። ‡ 2:2 ቀረጎዮሳ፡- ጌተትያዌ ሮማ ካቴ አዉግሰጸሰ፣ ሰርያ ጌተትያ ይሁዳጎ ጋለላ አዉራጃቱዋ ኦይቁዳ ጋድያጎ ሰጎላዬዳዋ። § 2:7 ባይራ ናአ፡- እስራኤልያ አሳይ የለቴዳ ናአ ኡባ ጎልያጎን ጸሳዉ በሰዎዋ ጌኖ። \* 2:7 ጋጸትያ፡- ሀ ሚሻይ ምይያ ምያባይ ሳካጎ ላለተናጎ ማና ማላ የጊደ እምያባ።



ሳእን እ ደሰያ አሳዉ ሳርተሳይ ግደ” ያጌድኖ።

15 ከታንቻቱ ኡንቱንቱፕ ሻከቲደ ሳሉዋ ከሰዋፕ ጉዩ፣ ዉድያ ሄምያዋንቱ፣ “ጎዳይ ኑዉ ቆንጭሴዳዋ፣ ሀዋ ሀኔዳ የወዋ በእናዉ ቤተሌወ ቦይተ” ጌተቲድኖ።

16 ኡንቱንቱካ ኤሌሊደ ቤድኖ። ማይራዋን ዮሴፎ ደሚደ፣ ጋጭኖ ናአይካ ጋጳትያን ግሴዳዋ በኤድኖ።

17 ሄዋፕ ጉይያን ጉላ ናአ ድራዉ ኦይቲዳዋ ቆንጭሴደ ኦይድኖ።

18 ሀዋ ሰሴዳ ኡባይ ኡንቱንቱ ኦይዳ የወዋን ማላለቲድኖ።

19 ማይራማ ቃይ ሀዋ ኡባ ባረ ዋዛናን ኦይቃደ ቆፓደ ጋምኦድ።

20 ዉድያ ሄምያዋንቱካ ኡባ የዉ ኡንቱንቶ ኦይቲዳዋዳን ሀንና ደዋ ድራዉ፣ ሰሴዳዋን በኤዳዋ ኡባዉ ጸሳ ቦንቸድን ጋላቲደ ሰሜድኖ።

21 ናአዉ ሆሰፑን ጋላሳ ግድና ቃጸረትያ ዋዲ ጋኮ ዋደ፣ እ ኦት ኡሉዋን ኦታናፕ ካሰ፣ ከታንቻይ ከሶ ሱንላን፣ የሱሳ ጌተቲዳ።

የሱሰ ጌሻ ጎልያን ጸሳዉ ሸቅቲዳ

22 ሙሴ ዋጋ ማራዳን ጌይያ ዋዲ † ፖለቲዳ ዋደ ዮሴፎን ማይራማ ጋጭኖ ናአ ጸሳዉ ሸቆናዉ የሩሳላወ አክ ቤድኖ።

23 ሄዌይካ ጎዳ ዋጋን፣ “አቲማ ናአ ግዴዳ ባይራ ናአይ † ኡባይ ጸሳዉ ዲማቲዳዋ ግዳናዋ” ጌተት ጸፈቲዳዋዳን።

24 ቃይካ ጎዳ ዋጋን፣ “ላኡ ደጎማቲዋ ዋይ ላኡ ሀራጳ ማራቲዋ” ጌተቶዋዳን፣ ጎዳዉ ያርሹዋ ያርሻናዉ አፌድኖ።

25 ሄ ዋደ ጸሎን ገንጫ ግዴዳ ሰዋና ጌተትያ እት ብታኒ የሩሳላወን ደኤ። እካ፣ እሰራኤልያ አሳዉ አቶተሳ ሀይታ ናግያዋን እያና ጌሻይ እ ቦላን ሸምፔዳ አሳ።

26 ጎዳን ኦከቲዳ ክርስቶሳ በኤናን ሀይቆናዋ እያና ጌሻን አዉ ቆንጭሴዳ።

27 እካ ሄ ዋደ እያና ጌሻይ ካለለና፣ ጌሻ ጎልያ ገሌዳ። ናአ የላዋንቱ ኤርያ ዋጋ ማራዳን፣ ኮሽያዋ አዉ ፖላናዉ ጉላ ናአ የሱሳ ኦይቂደ ገሌ ዋደ።

28 ሰዋን ሞክ እክ ናአ እድሚደ ጸሳ ጋላቲደ ሀዋ ያጌድ።

29 “ጎዳዉ፣ ኔን ቃላ ገሎ ማራዳን፣ ሀእ ታና ነ አይልያ ሳሩዋን ኔኮ አፋ።

30-31 ጋሱካ፣ ታ አይፋቲ፣ እሳ ኡባ ሰንሳን ኔን ገገሴዳ፣ አሽያ ሀይታ በኤድኖ።

32 ሄዌካ እሰራኤልያ ግድና አሳዉ፣ ቆንጫሳ አምያ ፖኡዋ።

ቃይ ነ አሳዉ እሰራኤላዉ ቦንቸዋ።”

33 ዮሴፎን እ ዳያ እ ድራዉ ሃሳየቲዳ ዋግ ማላለቲድኖ።

34 ሰዋንካ እንጂደ ማይራዋ፣ “ሀዌ ናአይ እሰራኤልያን ጮራቶ ደንዲዋስን ኩንደላዉ ጋሰ ግዳናዉ፣ ቃይካ ኡታ ሃሳይያዋንቶ ማላ ግዳናዉ ደረቲዳ።

35 ጮራቶካ ዋዛና ቆፋይ ቆንጮዋ ግዳናዉ፣ ነ ሸምፑካ ማሻን ቃንጸዋዳን ሰለታናዋ” ያጌድ።

36 ቃይካ እሴራ ያራፕ ግዴዳ ፓኡኤላ ናታ ሃኖ ጌተትያ ናባታ ደአዉ፤ እዛካ ሎይላ ጭማዱ። ባረ ዋደርተሳን ገሌዳ እሰናና ላፑ ላይሳ ደኤዳዉኖ።

37 እዛ ላይሳይካ ሆሰፑን ታማን ኦይዳዋ ግድና ጋካናዉ ጋላሳን ቃማ ጌሻ ጎልያፕ ሻከተናን ጸማንካ ዋሳን ከተታደ አምኤ ስ ግዳደ ጋምኦድ።

38 ሄ ዋደካ ሸቃይ ጸሳ ጋላታዳ፤ ቃይካ የሩሳላወ አሳይ ዋዛታናዉ ናግያዋንቶ ኡባቶ ጋጭኖ ናአ የሱሳባ ኦይዳ።

ዮሴፎን ማይራማ ናዘሬተ ሰሜድኖ

39 ዮሴፎን ማይራማ ጎዳ ሀግያን እዛዘቲዳዋ ኡባ ፖሎዋፕ ጉዩ ጋለላ አዉራጂን ደእያ ባረንቱ ካታማ ናዘሬተ ሰሜድኖ።

2:21 ዋጋ 12:31 ሉቃስ 1:31 † 2:22 ጌይያ ዋዲ፦ እይሁዳቲዋ ማጫ አሳይ አቲማ ናአ የሎዋፕ ጉይያን፣ “ጌሻ ግዲኩ” ያግ ቆፒኖ። ቃይካ ሄ ናአይ ቃጸረታና ጋካናዉ እዛ ሰይፕ ከሰናዳን ኦሰታዉ። ሀ ዋዲ፣ ጌይያ ዋደያ ጌተቲ። † 2:23 ባይራ ናአይ፦ 2:7 ጸፈተ። 2:23 ከሳ 13:21 12 ስ 2:37 አምኤ፦ አምኤ ጉሳይ እሰናና ሀይቆና ገላናን ጋምኤዳ ማጫዉኖ። ሀ ፓይዳዋን ጸፈቲዳ ሞሽራታ ላፑ ላይሳ ጸላላ እሰናና ጋምኦዋፕ ጉዩ 84 ላይሳ ኡባ አምኤ ግዳደ ጋምኤዳ። 2:39 ማቶሳ 2:23

40 ጉላ ናኦይካ ድጨደነ ምኒደ ቤዳ፤ እጾ ኤራንካ ኩሜዳ፤ ጳሳ እጾ ኪካተላይ እ ቦላን ሸምፔዳ።

ጉላ ናኦ የሱስ ጌሻ ጎልያን

- 41 የሴፎነ ማይራማ ላይላን ላይላን ፓሰጋ ባላ ቦንቻናው የሩሳላም ካታማ ቢኖ።
- 42 ናኦይካ ታማነ ላኡ ላይላ ግደ ዋደ ደያዳን ባላው ህን የሩሳላም ከሴድኖ።
- 43 ባላ ፖሎግጥ ካላ ባረንቱ ጎላ ኤንቱንቱ ሰሞደ ጉላ ናኦ የሱስ የሴፎነ ማይራማ ኤረናን የሩሳላምን አት አኒዳ።
- 44 ኤንቱንቱና አትፕ ደያዳዋ ማላትና አት ጋላሳ ኦግያ ሀመቴድኖ። ጉየፕ ቃይካ ባረንቱ ዳባቱዋናን ባረንቱ ሲቀትያዋንቱ ማታን ኮሻ ደሜድኖ።
- 45 ጳዩ ዋደ ኮዪደ ህን የሩሳላም ሰሜድኖ።
- 46 ሄዙ ጋላሳፕ ጉየ። ታማርሰያዋንቱ ግደን የሱስ ኡቲደ ኤንቱንቱ ግያዋ ሰሲደነ ኤንቱንታ ኦቹደ ጌሻ ጎልያ ጋርሳን ደእያዋ በኤድኖ።
- 47 ሰሰያዋንቱ ኡባቱካ። እ አኪካንነ እ ዛርዋን ማላለቲድኖ።
- 48 የሴፎነ እ ዳያ እ በኦ ዋደ ማላለቲድኖ። እ ዳያካ። “ታ ናኦ። እያው ኑና ሀዋዳን ኦላይ? ነ አቡክ ታን ኔና ኮዪደ። ዳር መቶቲድ” ያጋዲ።
- 49 የሱስካ ኤንቱንቶ። “እያው ታና ኮዪቲ? ታ አቡ ጎላን \* ደእናው ታው ኮሻያዋ ኤርበይክቲ?” ያግ ዛሪዳ።
- 50 ሄዋ ያግ ኦደፕ አትን። ኤንቱንቶ እ ኦዲዳ የው እያ ግንቶ ገልቤና።
- 51 ሄዋፕ ሰሚደ። ኤንቱንቱና አትፕ ህን ናዝሬተ ቤዳ፤ ሄዋንካ ኤንቱንቶ አዛዘቲ። እ ዳያካ ሄዋ ኡባ ባረ ዋዛናን ዋላዳ።
- 52 የሱስካ ኤራንነ ጌሳን። ሳባንካ ጳሳን እሳ ሰንላን ድጨዳ።

### 3

ጳጳሳዎን የሃንሰ የሱሳው ኦግያ ገግሴ (ማቶሳ 3:1-12፤ ማር. 1:1-8)

- 1 ጽርዮሳ ጌተትያ ካቲ ካውቲዳ ታማነ እቹሽልያ ላይላን ጳንጸናውያ ጽላጸሰ ይሁዳ ሞድያ ዋደ። ሄርድስ ጋላላን ኦይደንልያ ሻኩዋ ሞድያ ዋደ። እ አሻይ ፕልጸሰካ እጸርያንነ ጽርኮንደሳን ኦይደንልያ ሻኩዋ ሞድያ ዋደ። ልሳንየሱካ አብሌነን ኦይደንልያ ሻኩዋ ሞድያዋ ግዲደ ሞድ ደእሸን።
- 2 ሃንነ ቀያፋይ ቁሳቱዋ ካፓቱዋ \* ግዲደ ደእሸን። ጳሳ ቃላይ ዛካራሳ ናኦ የሃንሳኮ መላ ቢታን ዬዳ።
- 3 የሃንሰ ዮርዳኖሳ ሻፋ ሄራ ኡባ ቢደ። “ህንተ ናጋራይ አቶ ጌተታና ማላ ናጋራ ፓጺደ ጳጳሳቱተ” ያግ ታማርሴዳ።
- 4 ናብያ ኢሰያሳ ማጸፋን ጳፊቲዳ ቃላዳን። “መላ ቢታን ዋሰያ ብታንያ ኮሻይ። ሳዳው ኦግያ ገግሰተ፤ እ ኦግያካ ሱርሰተ።
- 5 ኦላይ ኡባይ ኩዋ፤ ደሪነ ዘዚ ደንባ ግድ። ገገና ኦጊ ኡባይ ገገ። ሀንቹር ኦጊ ኡባይ ሊቆ።
- 6 ሄዋ ግደፕ። እሳይ ኡባይ ጳሳይ እሸያዋ በእና ” ያጌዳ።
- 7 ሀዋ ድራው የሃንሰ እ ኩሽያን ጳጳሳታናው ከሴዳ አሳው ሀዋዳን ኦዲዋ ደሜዳ። “ሄንተኖ። ሸሻ ናቶ፤ ይያ ሀንቁዋፕ አታና ማላ ሀንተንታ ኦን ማቁይ?

2:41 ከሳ 12:1-27፤ ዛረ. 16:1-8 \* 2:49 ታ አቡ ጎላን፡- ጉሳይ፡- ታ አቡ ኪቲዳ ኦሎዋ ፖላናው በሴ ጉሳ። 2:52 1 ሳሜላ 2:26፤ ሊሞ. 3:4 \* 3:2 ቁሳቱዋ ካፓቱ ሃንነ ቀያፋይ፡- ሃና ካፖተላ ዋዳ የሱስ የለታፕፕ ካሰ 6-15 ላይላ ጋካናሳ። ቀያፋ ጌተትያ ሃና ቦሉ 18-37 ላይላ ካፖ ግዲደ የሱሳ የለታፕ ካሰ ጋምኤዳ። 3:4 እላ. 40:3-5 3:7 ማቶሳ 12:34፤ 23:33

8 ሰሞ ህንተንቴ ናጋራጥ ሰሜዳዋንቶ በሰያ አይፍያ አይፍተ። ህንተንቴ ዋዛናን አብራሃሞ ኑ አቡ ደኤ ጎጥተ። ጳጳይ አብራሃሞ ተ ናና ሀ ሹቻቱዋጥ ደንገላናዉ ዳንዳዬ ያገደ ታን ህንተንቶ ኦዲይ።

9 ሰአ ኡባ ቤጽ ሞላ ጸጹዋን ቃንጸናዉ ጊገ ኡቴዳ፤ ሰሞ ሎኦ አይፍያ አይፈና ሞላይ ኡባይ ቃንጸተደ ታማን ኦለታናዋ።”

10 “ያተና ሀአ ኑ አያ ኡዳኔ?” ያጊደ አ ጮራ አሳይ ኦቹዳ።

11 ዮሃንስካ፣ “ላኡ ማዩ ደአያዌ ባይናዋ አዋ፤ ቁማይ ደአያዌካ ባይናዋ ግሽ” ያግ ዛሬዳ።

12 ቃራጸ ሺሽያዋንቱካ ጸማቀታናዉ ዪደ፣ “ታማርሰያዎ፣ ኑ አያ ኡዳኔ?” ያግ ኦቹድና።

13 እ ኡንቴንቶ፣ “ጌተቶዋጥ አጵ ቃራጸ አላ ሺሽጥተ” ያግ ኦዲዳ።

14 ሄዋጥ ካላ ዋታዳራቱ፣ “ኑንሽ፣ አያ ኡዳኔ?” ያግ አ ኦቹድና።

ዮሃንስካ፣ “አሳ ሻሉዋ ናቁዋን ቦንቁ አኮጥተ፣ ኦናን ዋርዳዋን ሞቶጥተ፣ ህንተንቴ ድርጉ ህንተንቶ ግዳና።” ያግ ዛሬዳ።

15 ሄ ዋደ አሳይ ኡባይ ክርሰቶሳ ዩሳ ናጊደ ደአያ ድራዉ ዮሃንሳ፣ “ሀዌካ ክርሰቶሳ ግደናን አተና” ያጊደ ባረንቴ ዋዛናን ማሌድና።

16 ዮሃንስ ኡባቱዋካ፣ “ታን ሃሳን ጸማቃይ፤ ግደጥ አትን ታጥ ዋልቃማይን ታንካ አ ጫማ ቃሹዋ ብላና ዳንዳዮንቱካ ጸማቀታናዉ ቶ፣ ብር ያናዋ፤ እካ እያና ጌሻንን ታማን ጸማቃናዋ፤

17 እ ኩሽያን ካላ ዳላጥ ሻክ ጌሽያ ላይዳይ ደኤ። ካላ ኡዳማን ቡኮዋ ጌሽ ፑኒደ አይፍያ ድይያን ቆላ፤ ሽን ዳላ ቶኤና ታማን ጉዴ።”

18 ዮሃንስካ ሀራ ጮራ ቃላን ጮራ አሳ ማቂደ ሞሽራቸዋ ቃላ ኦዲዳ።

**ሄርድስ ጸማቅያ ዮሃንሳ ቃቻዳ**

19 ገለላ ሞድያ ሄርድሳ ቃይ ባረ እሻ ጥልጸሳ ማቻቶ ሄርድያደ እ አኬዳ ድራዉን ሀራካ ጮራ ኢታ ኪታ ኪተቶ ድራዉ፣ ዮሃንስ ሴራዳ።

20 ሀዋ ድራዉ ሀ ኡባ ጉጂደ ሄርድስ ዮሃንሳ ቃሹ ጎላ ገልሴዳ።

**ዮሃንስ የሱሳ ጸማቁዳ**

(ማቶሳ 3:13-17፤ ማር. 1:9-11)

21 አሳይ ኡባይ ጸማቀት ሰሞዋጥ ጉይያን የሱሳ ጸማቀቱዳ። እ ዋስ ደአሽንካ ሳሉ ደየት አጌዳ።

22 ጌሻ እያናይካ ሀራጽያ ማላተደ አ ቦላን ዋዴዳ። ሳሉዋጥካ፣ “ታ ደሰያ ናአይ ኔና፤ ኔናን ታን ናሽታይ” ያግያ ቃላይ ዬዳ።

**የሱሳ የለታይ ካስ ጉየ ማይዛጥ ደአያ ፓይዳዋ**

(ማቶሳ 1:1-17)

23 የሱሳ ታማርሱዋ ደሞደ አዉ ሀታሙ ላይላ ግዴዳ፤ ጮራ አሳይካ ባረንቶ ማላቶዋዳን አ ዮሴፎ ናኣ ያጊና፤ ዮሴፎ ኤለ ናኣ፤

24 ኤለ ማተ ናኣ፤ ማተ ሌዊያ ናኣ፤ ሌዊ ሞልከ ናኣ፤ ሞልከ ዮና ናኣ፤ ዮን ዮሴፎ ናኣ፤

25 ዮሴፎ ማታትያ ናኣ፤ ማታት አሞጾ ናኣ፤ አሞጾ ናሆመ ናኣ፤ ናሆመ ኤሰሊሙ ናኣ፤ ኤሰሊሙ ናገ ናኣ፤

26 ናገ ማአተ ናኣ፤ ማአተ ማታትዩ ናኣ፤ ማታትዩ ሴመየ ናኣ፤ ሴመይ ዮሴፎ ናኣ፤ ዮሴፎ ዮዳ ናኣ፤

27 ዮድ ዮናና ናኣ፤ ዮናን ሬስ ናኣ፤ ሬስ ዘሩባቤላ ናኣ፤ ዘሩባቤል ሳላትያላ ናኣ፤ ሳላትያላ ኔለ ናኣ፤

28 ኔል ሞልከ ናኣ፤ ሞልከ ሃደ ናኣ፤ ሃደ ዮሳስ ናኣ፤ ዮሳስ ቆሳማ ናኣ፤ ቆሳም ኤልማደመ ናኣ፤ ኤልማደመ ኤረ ናኣ፤

29 ኤረ ዮሴኤ ናኣ፤ ዮሴኤ፣ ኤልኤዘራ ናኣ፤ ኤልኤዘረ፣ ዮራመ ናኣ፤ ዮራሞ ማጸተ ናኣ፤ ማጸተ ሌዊያ ናኣ፤

30 ሌዊ ሰሞና ናኣ፤ ሰሞን ይሁዳ ናኣ፤ ይሁዳይ ዮሴፎ ናኣ፤ ዮሴፎ ዮናና ናኣ፤ ዮናን ኤልያቄማ ናኣ፤

31 ኤልያቄማ ሜልያ ናኣ፤ ሜልየ ማይናና ናኣ፤ ማይናን ማጸተ ናኣ፤ ማጸተ ናታን ናኣ፤ ናታን ዳዊተ ናኣ፤

32 ዳዊተ እስይ ናኣ፤ እስይ አዮቤዳ ናኣ፤ አዮቤድ ቦኤዛ ናኣ፤ ቦኤዝ ሳልሞና ናኣ፤ ሳልሞን ናሆሽና ናኣ፤

† 3:8 አብራሃሞ ናና፡ አይሁዳ አሳቱ ባረንታ ጳጳይ ደሬዳ እሳ ያግ ቆጥና። ጋሱነካ፣ በን ሀይታ ቃላይ ጸላጥ ኑ አቡ አብራሃሞ አሙቲዳ ያጊደ ቆጥያ ድራሳ። 3:9 ማቶሳ 7:19 3:12 ሉቃስ 7:29 ‡ 3:16 አ ጫማ ቃሹዋ ብላና ዳንዳዮንቱ-ሀዌ ቆማ ዋይ ዳንገጽራት ኦሉዋ። 3:20 ማቶሳ 14:3-4፤ ማር. 6:17-18 3:22 ደሙሳ 22:2፤ ማዝ. 2:7፤ ኢሊ. 42:1፤ ማቶሳ 1:17፤ ማር. 1:11፤ ሉቃስ 9:35

- 33 ናህሽን አምናዳባ ናኣ፤ አምናዳብ ራማ ናኣ፤ ራም አሪና ናኣ፤ አሪናይ ሄዘርና ናኣ፤ ሄዘርን ፐሬዛ ናኣ፤ ፐሬዛ ይሁዳ ናኣ፤
- 34 ይሁዳይ ያቆባ ናኣ፤ ያቆብ ይሳቃ ናኣ፤ ይሳቅ ኦብራሃም ናኣ፤ ኦብራሃም ታራ ናኣ፤ ታር ናኩራ ናኣ፤
- 35 ናኩር ሴሮሄ ናኣ፤ ሴሮህ ራጋዋ ናኣ፤ ራጋው ፐሊጋ ናኣ፤ ፐሊግ አቤራ ናኣ፤ አቤር ሳላ ናኣ፤
- 36 ሳል ቃይናና ናኣ፤ ቃይናን አርፋክሲደ ናኣ፤ አርፋክሲደ ሴመ ናኣ፤ ሴም ሮሄ ናኣ፤ ሮሄ ላሜሄ ናኣ፤
- 37 ላሜህ ማቱሳል ናኣ፤ ማቱሳል ሄኖክ ናኣ፤ ሄኖክ ያሬዳ ናኣ፤ ያሬድ ማላልኤላ ናኣ፤ ማላልኤል ቃይናና ናኣ፤
- 38 ቃይናን ሄኖሳ ናኣ፤ ሄኖሰ ሴተ ናኣ፤ ሴት አዳማ ናኣ፤ አዳም ጸሳ ናኣ።

### 4

የሱሳዉ ሸቄዳ ጸላህያ ፓጭያ  
 (4:1-13፤ ማቶሳ 4:1-11፤ ማር. 1:12፤ 13)

- 1 የሱስ ጌሻ አያናን ኩሚደ ዮርዳኖሳ ሻፋፕ ሰሜዳ፤ አያናን መላ ሳኣ ካለሰቲደ ቤዳ።
- 2 ሄዋን ኦይታሙ። ጋላሳ ዳብሎሳን ፓጩቲዳ። ሄ ጋላሳቱዋን አያን ምቤና ድራሬ ዉርሰላ ፖሌዋ ሄራን እ ኮሻቲዳ።
- 3 ዳብሎሳካ፡ “ኔን ጸሳ ናኣ ግደፕ ሀ ሹቻ፡ ‘ኡክላ ግዳ፣ ጋደ አዛዛ” ያጌዳ።
- 4 የሱሰካ፡ “ ኣሳይ ጸሳ ቃላ ኡባፕ አትን ኡክላ ጸላላን ደኤና፣ ጌተት ጸሳ ቃላን ጸፈቲዳ” ያግ ዛሬዳ።
- 5 ዳብሎሳካ ቋቃ ግዳዳ ደርያ የሱሳ ከሲደ አላምያ ካወተላ ኡባ ልጾ አይሬ ሰማናዉ በሴዳ።
- 6 ዳብሎሳካ፡ “ሀ ካወተላ ማታይን ቦንቹ ኡባይ ታዉ አመቲዳ። ታን ታ ደሲያ ኦሰን አማና፤ ነዉካ አማና።
- 7 ሄዋ ግድያ ድራሬ፡ ነ ታ ሰንላን ታዉ ጎይኖፕ ሀ ኡባይ ኔሳ ግዳናዋ” ያጌዳ።
- 8 የሱሰካ ዛሬዳ፡ “ ኣጎዳ ጸሳዉ ጎይና፡ አ ጸላላ ጎዳያ፣ ጌተት ጸሳ ቃላን ጸፈቲዳ” ያጌዳ።
- 9-11 ዳብሎሳካ የሱሳ የሩሳላመ አፊደ ጌሻ ጎልያ ሁጲያ ከሲደ፡
- “ ጸሳይ ኔና ናጋና ማላ፡  
 ኪታንቻቱዋ ኪታናዋ፡  
 ኡንቲንቲካ ነ ገዲ ሹቻን ቋብተና ማላ፡  
 ባርንቲ ኩሽያን ኔና ደንላናዋንታ” ያገቲደ።
- ጌሻ ማጻፋን ጸፈቲዳ፤  
 አን ኔን ጸሳ ናኣ ግደፕ፡  
 ሀዋፕ ዲገ ኔና ኦላ”

- ያጌዳ።
- 12 የሱሰካ ዛሬዳ፡ “ ኣ ጎዳ ጸሳ ፓጩፓ፣ ጌተቲዳ” ያጌዳ።
- 13 ዳብሎሳካ ፓጭያ ኡባ ዉርሰዋፕ ጉየ ጉላ ዋደዉ የሱሳፕ ሻከቲዳ።

የሱሰ ጋሊላን ኦሱዋ ደሜዳ  
 (ማቶሳ 4:12-17፤ ማር. 1:14፤ 15)

- 14 የሱሰካ አያና ዋልቃን ጋሊላ ጋድያ ሰሜዳ። አ ዋሪካ የቆዋን ደአያ ኡባ ጋከዳ።
- 15 የሱሰካ አይሁዳቲዋ ዋሳ ጎልያን ታማርሲደ አሳን ኡባን ጋላተቲዳ።
- ናዝሬተን የሱሳ አጼድኖ  
 (ማቶሳ 13:53-58፤ ማር. 6:1-6)
- 16 አ ባር ድጮ ካታማ ናዝሬተ ዬዳ፤ ካሰ ኦልያዋደንካ ሳምባታ ጋሊሰ አይሁዳቲዋ ዋሳ ጎሊ ገሊደ ናባባናዉ ደንዲደ ኤቄዳ።
- 17-19 ናብያ ኢሴያሳ ጎ ጸፈቲደ ጸጸቲዳ ማጻፋ አዉ አሜድኖ። ሄ ማጻፋ ብለደ፡  
 “ታን ሀየሳቶ ምሽራቹዋ ኦዳናዉ  
 ኦከቲዳ ድራሬ ጎዳ አያናይ ታ ቦላን ደኤ።  
 ቃሽቲዳዋንቶ ብለላ፡  
 ቆቃቶ ጸላና ማላ ኦዳናዉ፡  
 ቃይካ ናቀቲዳዋንታ ናቁዋፕ  
 ከሳና ማላ ደሰቲዳ ጎዳ ላይላ  
 ኦዳና ማላ፡ ታና ኪቲዳ”

ጌተት ጻፈቲዳሳ ደሚዳ።

20 ማጸፋካ ጻጺደ እይሁዳቱዋ ዋሳ ጎልያን ኦልያዎ እሚደ ኡቲዳ። እይሁዳቱዋ ዋሳ ጎልያን ደእያ አሳይ ኡባይ እ ጫድ ጸሌዳ።

21 የሱሰካ፣ “ሀቼ ህንተው ናባበትና ህንተንቱ ስሴዳ ቃላይ ፖለቲዳ” ያጌዳ።

22 ኡባይ እው ማርካቲድኖ። እ ዶናፕ ከሰያ እጾ ከካተላ ቃላፕ ደንጫዳዋን ማላለቲደ፣ “ሀዌ የሴፎ ናኣ ግደኔ?” ጌድኖ።

23 የሱሰካ ስ □ ባንታን ሀ ሊሞሱዋን፣ “ህንተንቱ ታው ጳልያ ጎዳው፣ ነ ሁጲያ ፓላ፣ ኔን ቅፍርናሆማን ኦልና ኑ ስሰዋ ኡባ ሀ ነ ካታማንካ ቃይ ኦላ፣ ያጌደ ኡዲታ” ያጌዳ።

24 ቃይካ፣ “ቱሙዋ ያጋይ፣ ናቢ ባረ የለቶ ጋድያን ጋማካ ቦንቼተና።

25 “የወዋን ቃይ ቱሙዋ ኦዳይ፣ ኤላሳ ዋድያን ሄዙ ላይላን ኡሱፕን አገና እራይ ቡከናን እጽና ሳኣ ኡባን ዋልቃማ ኮሻይ ገሌዳ ዋይ፣ እስራኤላን ጮራ አሞአቱ ደኢኖ።

26 ኤላሰካ ሲዶና ጋድያን ደእያ ሰራፍታ ሄራ እት አሞአትኮ ኪተቲዳፕ አትን ኦኮነ ኪተትቤና።

27 ናብያ ኤልሳኣ ዋድያንካ እስራኤልያን ጮራ ኦሉዋ ሀርግያን \* ኦይቀቲዳዋንቱ ደኢኖ፤ ሶርያ ቢታን ደእያ ንእማነፕ አትን ኡንቱንቱፕ ኦንነ ፓጾ ቤና” ያጌዳ።

28 እይሁዳቱዋ ዋሳ ጎልያን ደእያዋንቱ ኡባቱ ሀዋ ስሴደ ዳርሲደ ሀንቀቲድኖ።

29 ኡንቱንቱ ደንዲደ የሱሳ ካታማፕ ጋጾ ከሰደ ዲጊ ኦላኖው ካታማይ ኬጾቲዳ ደርያ ሁጲያ አፌድኖ።

30 ሽን የሱሰ ኡንቱንቱ ግዲዋና አጲደ ቤዳ።

ኢታ እያናይ ኦይቄዳ ብታንያ (4:31-37፤ ማር. 1:21-28)

31 ሄዋፕ ጉይያን የሱሰ ጋለላ ጋድያን ደእያ ቅፍርናሆማ ካታማ ቤዳ። ሳሞባታ ጋላሳንካ ኦሳ ታማርሴዳ።

32 እ ታማርሴዳ ትምርቲ ማታን ግድያ ድራው ስሴዳ አሳይ ኡባይ ማላለቲድኖ።

33 እይሁዳቱዋ ዋሳ ጎልያን ኢታ እያናይ ኦይቄዳ ብታን ኪ ደኢ፤ ባረ ኮሻ ጾቄ ኦል ዋሲደ፣

34 “ሀያ ጎደ አጋርካ ናዝራትያ የሱሳ፤ ኑው ኔናና እይ እትፕተላላይ ደኢ? ኔን ባይዛናው ያድ? ኔን ኦንጎቶ ኡራድ፤ ከን ጸሳ እው ከቲዳ ጌሻ ግድኪ!” ያጌዳ።

35 የሱሰካ፣ “ጮኡ ጋ፣ አፕካ ከሳ” ያግ ሴራዳ። ኢታ እያናይ ብታንያ ኡንቱንቱ ግዲዋን ኩንድሲደ እይነ ቆሄኖን አፕ ከሴዳ።

36 አሳይ ኡባይ ማላለቲደ እቱ እቶ፣ “ሀዌ እያ ቃሉ? ባረው ደእያ ማታንነ ዋልቃን ኢታ እያናቱዋ ሴሬ፤ ቃይ ኢታ እያናይካ ከሴ” ያጌደ ሃሳዬድኖ።

37 እ ዋሪካ ሄ የሹዋን ደእያ ጋድያ ኡባ ጋኬዳ።

የሱሰ ጮራ ሀርጋንቻ አሳ ፓሌዳ (ማቶሳ 8:14-17፤ ማር. 1:29-34)

38 የሱሰ እይሁዳቱዋ ዋሳ ጎልያፕ ደንዲደ ሰሞና ጎልያ ገሌዳ፣ ሰሞና ቦሎታታ ዋልቃማ ቆጶዋ ሀርግያን ሀርገታደ ግሴዳውንው የሱሰ እዞ ፓላናዳን አሳይ እ ዋሲዳ።

39 እ ማታን ኡቁደ ቆጶዋ ሀርግያ ሴርና፣ ሀርጊ የዲሹዳ፤ ሄ ዋድያንካ ደንዲደ ኡንቱንቶ ኪተታዲ።

40 አዋይ ወሎ ዋድያን ዲማ ዲማ ሀርግያን ኦይቀቲዳ ሀርጋንቻቱዋ ኡባ እኮ እሄድኖ፤ እካ እቱዋ እቱዋ ቦላ ባረ ኩሽያ ዋላደ ፓሌዳ።

41 ኢታ እያናቱካ፣ “ኔን ክርስቶሳ ጸሳ ናኣ” ያግ ዋሲደ ጮራ አሳፕ ከሴድኖ። እ ክርስቶሳ ግደዋ ኡንቱንቱ ኤራዳ ድራው ሃሳየና ማላ ድጌዳ።

የሱሰ ጋለላን ታማርሴዳ (ማቶሳ 4:23-25፤ ማር. 1:35-39)

42 ሳኢይ ዋንቶ ዋይ አሳይ ባይናሳ ቤዳ፤ አሳይ ኡባይ እ ኮዬደ እ ደኢያሳ ዬድኖ። ባረንቱፕ ሻከት ቤናዳን ድጋጋው ኮዬድኖ።

43 እ ቃይ፣ “ህን ሀራ ካታማቶ ባደ ጸሳ ካውተላ ሞሽራቸዋ ቃላ ኦዳናው ኮሼ፤ ታን ኪተቲዳዌ ሀዋ ድራሳ” ያጌዳ።

44 ጋለላን ደእያ እይሁዳቱዋ ዋሳ ጎልን ቃላ ታማርሲደ ጋሞኤዳ።

4:17-19 እሳ. 6:1-2 4:24 የሃ. 4:44 4:25 1 ካታ. 17:1 4:26 1 ካታ. 17:8-16 \* 4:27 ኦሉዋ ሀርግያ- ጸሳ ቃላይ ታማርሴትያ ዋድያ ኡባን፣ “ኦሉዋ” ግያ ቃላይ ጋልባ ቦላን ሳከያ ሳከዋ ኡባው እከትያዋ። 4:27 2 ካታ. 5:1-14 4:32 ማቶሳ 7:28፣ 29

5

የሱሰ ኮይር ባረና ካልያዋንታ ደሬዳ  
(ማቶሳ 4:18-22፤ ማር. 1:16-20)

- 1 እት ጋላስ የሱሰ ገንሳሬጸ እባ \* ጋጸን ኤቄደ ደእሸን ጮራ እሳይ እኮ ሸቄደ ጸሳ ቃላ ሰሳናው ሰገት ደእኖ።
- 2 ሄ ዎደ ላኤ ዎንግራቱ † አባ ጋጸን ኤቆዋ እ በኤዳ፤ ሞልያ ጲርያዋንቱ ቃይ ዎንግራቱዋፕ ዎጲደ ባረንቱ ዳባ ሚጭ ደእኖ።
- 3 የሱሰ ዎንግራቱዋ ግደፕ ሰሞናውኖ ግዴዳውንን ገሊደ ሳገፕ ያ አባኮ ጉላ ሸሻናዳን ኦቹዳ። ሄዋፕ ጉዮ ዎንግራቱዋ ቦላን ኡቲደ አሳ ታማርሱዋ ደሚዳ።
- 4 ታማርሱዋ በሉዋፕ ጉይያን ሰሞና። “ዎንግሪያ ያ አባ ጨሙዋኮ ሸሸተ፤ ህንተንቱ ዳባካ ሞልያ ጲራናው ኦልተ” ያጌዳ።
- 5 ሰሞንካ። “ጎዳው። ቃማ ኩሙንላ ዳቡር አቄደ አይነካ ኦይቁበይኮ፤ ሸን ሀእ ኔን ጎሞዳን ዳባ ኦሊቶ” ያግ ዛሬዳ።
- 6 ሄዋዳንካ ኦሌዳ ዎደ። ዳር ጮራ ሞልያ ኦይቁድና። ኤንቱንቱ ዳባቱካ ዳጸረታናው ሀኔድና።
- 7 ሀራ ዎንግሪያን ደእያ ላገላቱ ዪደ ማዳናዳን ሠቲድና፤ ኤንቱንቱ ላኤ ዎንግራቱዋንካ ሞልያ ኩንሸና ዎንግራቱ ሞተቱሳ ደሚድና።
- 8 ሰሞን ጸጵርሰካ ሀዋ በኤዳ ዎደ የሱሳ ጉልባታን ኩንዲደ። “ጎዳው። ታን ናጋራንቻ አሳ ግደ ድሬው ታፕ ሻከታ” ያጌዳ።
- 9 ሀዋ ጌዳዌ እን አናና እትፕ ደእያዋንቱ ኡባይ ባረንቱ ኦይቁዳ ሞልያ ጮራተላን ማላለቲድና።
- 10 ሄዋዳንካ ቃይ ሰሞና ላገላ ግዴዳዋንቱ ዛብድዮሳ ናናቱ ያቆብን ዮሃንስ ማላለቲድና። የሱሰካ ሰሞና። “ያዮፓ ሀዋፕ ጉይያን አሳ ጲርያዋ ግዳናሳ” ጌዳ።
- 11 ኤንቱንቱካ ዎንግራቱዋ ሃሳፕ ጋጸ ከሲደ። ኡባባ አገደ የሱሳ ካሊድና።

የሱሰ ኦሌ ኦይቁዳ ብታንያ ፓሌዳ  
(ማቶሳ 8:1-4፤ ማር. 1:40-45)

- 12 የሱሰ ካታማቱዋፕ እቲዋን ደእሸን ኦሌ ‡ ቦላ ኡባ ሚዳ ብታጌ ደእያዌ የሱሳ በእደ አ ሰንላንካ ኩንዲደ። “ጎዳው። ኔን ኮዮፕ ታና ፓላናው ዳንዲያ” ያጌደ ዎሴዳ።
- 13 የሱሰካ ባረ ኩሸያ የድ ቦቹደ። “ደሳይ ጌያ” ጌዳ። ሄዋንእያንካ ኦሌ አ ዮዳዳ።
- 14 የሱሰ አ። “ሀዋ ኦሰን ኦዲፓ። ሸን ቁሳኮ ባደ ኔና በሳ። ሄዋፕ ጉዮ ኦሉዋ ሀርግያፕ ፓጼዳዎ ማርካ ግዳናዳን ሙሴ ሀግያን አዛዘቲዳ ያርሹዋ ሸሻ” ጌዳ።
- 15 ግደ ሸን አ ዋር ሎይላ አኪደ ቤዳ፤ ዳር ጮራ አሳይካ የሱሰ ኦድያዎ ሰሳናውን ባረንቱ ሀርግያፕ ፓጸናው ሸቁድና።
- 16 የሱሰ ጮራ ዎደ ጌማሳ ቢደ ዎሴ።

የሱሰ ቦላይ ሰሌዳ ብታንያ ፓሌዳ  
(5:18-26፤ ማቶሳ 9:2-8፤ ማር. 2:3-12)

- 17 እት ጋላስ የሱሰ ታማርሲደ ደእሸን ጋሊላፕን ይሁዳ ሄራ ኡባፕ። የሩሳላሙ ዬዳ ፓርሳዋቱን ሀግያ ታማርሲያዋንቱ ኡት ደእሸን ሀርጋንቻቱዋ ፓላና ማላ ጸሳ አወዋ ዎልቃይ አወ አመቲዳ።
- 18 ሄ ዎደ ቦላይ ሰሌዳ § እት ብታንያ አማራዳ አሳይ ሻንቻማን ቶክ አህ ጎላ ገልሲደ የሱሳ ሰንላን ዎላናው ኮዬድና።
- 19 አሳ ጮራተላፕ ደንዴዳዋን የሱሳኮ ሸቃናው ዳንዲይበይክና። ሄዋ ድራው ቦላው ግእ ጎልያ ካራ \* ቃሪደ እ። ሻንቻማና አሳ ግደን የሱሳ ሰንላን ዎሌድና።
- 20 የሱሰካ ኤንቱንቱ አማኡዋ በኢደ። “ሀ ብታንሠ። ነ ናጋራይ አቶ ጌተቲዳ” ያጌዳ።
- 21 ሙሴ ሀግያ ታማርሲያዋንቱን ፓርሳዋቱ። “ሀዌ ጸሳ ቦርያዌ ኦኔ? እት ጸሳፕ እትን ናጋራ አቶ ጋናው እን ዳንዲዩ?” ያግ ቆፋ ደሚድና።
- 22 የሱሰካ ኤንቱንቱ ቆፋ ኤር ድራው ሀዋዳን ጌዳ። “አያው ህንተንቱ ዎዛናን ሀዋዳን ቆፕቲቲ?”
- 23 ሳ ናጋራይ አቶ ጌተቲዳ። ጋናዋፕን ።ደንዲደ ባ። ጋናዋፕ ሀቃዌ ማቲ?

\* 5:1 ገንሳሬጸ እባ፡- ጋሊላ አባው አመቲዳ ዳማ ሱንሳ። 5:1 ማቶሳ 13:1፤ 2፤ ማር. 3:9፤ 10፤ 4:1 † 5:2 ዎንግሪያ፡- ዎንግሪያ ጌተቶዌ። ዎጋ ሃላ ዎይ አባ ቦላን አሳይ ሄፍንላ ባጋ ፕናናው ጎኤትያ ሚሻ። ሀይቆ አሳይ ሞገትያዎ ግደናዎ ኤራናው ኮሸ። 5:5 ዮሃ. 21:3 5:6 ዮሃ. 21:6 ‡ 5:12 ኦሉዋ፡- 4:27 ጸልተ። § 5:18 ቦላይ ሰሌዳ፡- ሀዋ ጉሳይ ግሪክ ቃላን “ፓራሉዋእይ” ጌተትያዋ። ሀ ቃላ ብላላይ እግልዘሉዋን “ፓራላይዘና” ጉሳ። ሀ ላእቲዋካ ዳወርሉዋን ብላላ አሞድ። ኪቹዳዎ ዎይ ቃጸና ማላ ዳቡራዳዎ ጉሳ። \* 5:19 ካራ፡- ሀ ፓይዳዋን ጌተቲዳ ጎልያ ካራይ ዳወርሉዋ ማላ ግድናዳን። ፓላስተን ጋይን ጎልያ ቦላን ደእያ ካራይ ገደ ቀረቲደ ኪጸቲ። ሄዌ ያቲደ ቃይ ዳፈቲደ ጋጸን ጋጸን ሀራ ሞላ፤ ተጨትና ሎይላ ኪጸቲ። ሄዋ ማላ ኪጸይ ኦራሳ ቃላ ጫቁዎ ዎድያን ኤራቲዳዋ።

- 24 የወዋን ቃይ ሀዋ ታን ጌዳዌ፣ እሳ ናእይ ቢታ ቦላን ናጋራ ማራናዉ ማታይ ደእያዋ ህንተንቱ ኤራናዳና።” ሄዋጥካ ጉንዴዳ ብታንያ፣ “ደንዳ ነ ሻንቻማ ቶኪደ ነ ጎላ ባ ጋይ” ያጌዳ።
- 25 ጉንዳይካ እሳ ሰንገላን ደንደዋሽን ባረ ሻንቻማ ቶኪደ ጸሳ ጋላተደ ባረ ስይ ቤዳ።
- 26 ሀ ዋደ ኡባቱካ ዳሪ ማላለቲድና፤ ጸሳካ ጋላተደ፣ “ሀቼ ማላባ በኤደ” ያጌደ ያሻን ኩሜድና።

የሱስ ለዊያ ደራዳ  
(5:27-32፤ ማቶሳ 9:9-13፤ ማር. 2:13-17)

- 27 ሄዋጥ ጉይያን የሱስ ከሲደ ቤዳ፤ ለዊያ ጌተትያ ቃራጸ ሺሽያዌ፣ ቃራጸ ሺሽያሳን ኡቶዋ በእደ፣ “ታና ካሳ” ጌዳ።
- 28 እካ ደንዲደ ኡባባ አገደ እ ካሌዳ።
- 29 ሄዋጥ ሰሚደ ሌዋ ባረ ጎላን ዳር ሾብያ ገግሴዳ፤ ጮራ ቃራጸ ሺሽያዋንቱክ ሀራ ጮራ አሳይካ እንቱንቱና ኡተደ ሞ ደእኛ።
- 30 ፓርሳዋቱክ ሀግያ ታማርስያ፣ እንቱንቱና እልያዋንቱ፣ የሱሳ ካልያዋንቱ ቦላን፣ “እያዉ ቃራጸ ቃንጽያዋንቱና ናጋራንቻቱዋና ሚቴኔ ኡሽቲ?” ያጌደ ዙዙሜድና።
- 31 የሱስካ፣ “ሀርጋንቻ እሳጥ እትን ፓጸ አሳዉ እክምያ ኮሸና።
- 32 ታን ዬዳዌ፣ ናጋራንቻቱ ባረንቱ ናጋራ ፓጸደ ሰማናዳናጥ እትን፣ ጽላቱዋ ጸሳናዉ ያበይከ” ያግ ዛራዳ።

የሱስ ጸማባ ኦሽቲዳ  
(5:33-39፤ ማቶሳ 9:14-17፤ ማር. 2:18-22)

- 33 ሀዋጥ ጉይያን የሱሳ፣ “የሃንሳ ካልያዋንቱክ ፓርሳዋቱዋ ካልያዋንቱ ኡባ ዋደ ጸሚናን ዋሲና፤ ሸን ኔና ካልያዋንቱ ቃይ ኡባ ጋላስ ሚናን ኡሺና” ያጌደ ኦቼድና።
- 34 የሱስካ፣ “ምሽራይ እንቱንቱና ደእሸን ሞያታቱ ጸማናዉ ዳንዳደና?”
- 35 የወዋን ቃይ ሞሽራይ እንቱንቱጥ ሻከቲደ ባና ዋዲ ያናዋ፤ ሄ ዋደ ጸማናዋንታ” ያግ ዛራዳ።
- 36 የሱስካ ካልያ ለምሱዋ ኦዴዳ፣ “ኦራሳ ማዩዋጥ ፔጅ እኪደ ኤጫ ማዩዋ ቦላን □ጥያዌ ባዋ፤ ጋሱካ ሀዋዳ አጥጥ ኦራሳ ማዩዋ ፔጅ፤ ኦራሳ □ፊካ ኤጫ ማዩዋን ገገና።
- 37 ሀዋዳንካ ኤጫጽ ጭልግያን † ኦራሳ ዋይንያ ኤሳ ዋልያዋ ባዋ፤ ዋላጥ ቃይ ኦራሳ ዋይንያ ኤሳይ ጭልግያ ጹሴ፤ ኤሳይካ ጉከ፤ ጭልጋይካ ባዬ።
- 38 ኦራሳ ዋይንያ ኤሳ፣ ኦራሳ ጭልግያን ዋሳናዉ በሲ።
- 39 ኤጫ ዋይንያ ኤሳ ኡሺደ ኦራሳ ኮይያዌ ኦንከ ባዋ፤ ጋሱካ ኤጫይ ማልኤ ግያ ድራዉ።”

## 6

የሱሳ ካልያዋንቱ ሳምባታን ትሻ ዲጫድና  
(ማቶሳ 12:1-8፤ ማር. 2:23-28)

- 1 ሳምባታ ጋላስ የሱስ ባረና ካልያዋንቱና እትጥ እት ጎሻ ግዴዋና እጅያ ዋደ እ ካልያዋንቱ ዛርጋጥ ትሻ ዲጫደ ባረንቱ ኩሽያን ሸገቺደ ሙሳ ደሚድና።
- 2 ፓርሳዋቱዋ ግደጥ፣ “ሳምባታ ጋላሳን አሳናዉ ዋጋ ግደናዋ እያዉ እሴቲ?” ያጌድና።
- 3 የሱስ፣ “ካትያ ዳዊተን እትጥ ደእያዋንቱ ኮሻቲዳ ዋደ ኤጫዳዋ ናባብ በይክቲ?”
- 4 ዳዊተ ጸሳ ጎልያ ገሊደ ቁሳቱዋጥ እትን ሀራ አሳይ ሚናዳን ድገቲዳ፣ ጸሳዉ ያርሸቲዳ ቁማ ሜዳ። እትጥ ደእያዋንቱክ እ እምናደ ሜድና” ያግ ዛራዳ።
- 5 ሀዋጥ ካሊደ የሱስ፣ “እሳ ናእይ ሳምባታዉ ጎዳ!” ጌዳ።

የሱስ ኩሺ ጉንዴዳ ብታንያ ፓሌዳ  
(ማቶሳ 12:9-14፤ ማር. 3:1-6)

- 6 ሀራ ሳምባታ ጋላሳን የሱስ አይሁዳቱዋ ዋሲያ ጎልያ ገሊደ ታማርስ ደኤ። ሄዋንካ ኡሸቻ ኩሺ ሰሌዳ ብታኒ ደኤ።
- 7 ሀግያ ታማርስያዋንቱክ ፓርሳዋቱ የሱሳ ሞትያ ጋሱዋ ደሚደ እ ሳምባታን አሳ ፓላጥ በእና ገደ ናግ ደእኛ።
- 8 እካ እንቱንቱ ቆፋ ኤሪደ ኩሺ ሰሌዳ ብታንያ፣ “ደንዳ አሳ ግዴዋን ኤቃ” ያጌዳ። ብታኒካ ደንድ ኤቆዳ።
- 9 ሄዋጥ ሰሚደ የሱስ፣ “ሀንንቶን ሳምባታ ጋላሳን ሎኦባ ኦሳናዉ በሲዬ ኢታባ ኦሳናዉ በሲ? ሸምጥዋ አሻናዉ በሲዬ ዋቆናዉ በሲ?” ያጌዳ።

10 የሱስ ባረ የሹዋን ደእያ እሳ ኡባ ጸሎዋጥ ጉይያን ብታንያ፡ “ነ ኩሽያ ምጫ!” ያጌዳ።  
እካ ምጫደ ፓጼዳ።

11 ኤንቲንቲ ሎይሐ ሀንቄቲደ የሱሳ ቦላ ኦላናዋ ባረንቲ ግደን ማቀቲድና።

የሱስ ታማነ ላኤ ከተቲዳዋንታ ደሬዳ

(ማቶሳ 10:1-4፤ ማር. 3:13-19)

12 ሄ ዋድያን የሱስ ደርያ ቦላ ዋሳናዉ ከሴዳ፤ ሄዋንካ ቃማ ኩመንሳ ጸሳኩ ምሲደ እቄዳ።

13 ሳእይ ዋንቶዋን ባረና ካልያዋንታ ጸሴዳ። ሄዋንቲጥካ ታማነ ላኤቱዋ ደሬደ።

“ከተቲዳዋንታ”\* ያጌደ ሱንሴዳ።

14 ኤንቲንቲ ሱንሳይካ፡ ጸጵሮሳ ገደ እ ሱንሴዳ ሰሞና፤ እ እሻ እንድራሳ፤ ያቆባ፤ ዮሃንሳ፤ ፕልጸሳነ ባርታላሞሳ፤

15 ማቶሳ፤ ቶማሳ፤ አልፕዮሳ ናእ ያቆባ፤ ባረ ገደዉ ሴለትያ ሰሞና፤

16 ያቆባ ናእ ይሁዳነ የሱሳ አሐ እሜዳ አስቆሮቲ ይሁዳ። †

የሱስ ጮራ እሳ ታማርሴዳነ ፓሴዳ

(ማቶሳ 4:23-25)

17 የሱስካ ኤንቲንቲና እትጥ ደርያጥ ዋጂደ ደምባሳን እቄዳ። እ ካልያዋንቲካ ጮራ አሳይ ሄዋን ደኤ። ቃይካ አጥ ሰሳናዉን ባረንቲ ሀርግያጥ ፓጸናዉ ይሁዳ ጋድያጥ፤ የሩሳላሙ ካታማጥ፤ አባ ማታን ደእያ ጸረሮሳጥን ሲደናጥ ዬዳ ጮራ አሳይ ሄዋን ደኤና።

18 ሀ አሳይካ እ ሰሳናዉን ባረንቲ ሀርግያጥ ፓጸናዉ ዬድና። ቱና እያናን ኦይቀቲደ ሙቶትያዋንቲካ ፓጼድና።

19 ዋልቃይ አጥ ከሲደ ኡባ ፓሐያ ድራዉ አሳይ ኡባይ አ ቦቻናዉ ኮዬ።

እንጂዋባነ ሙቱዋባ

(ማቶሳ 5:1-12)

20 ባረና ካልያዋንታ ጸሊደ ያጌዳ፡

“ሀንተንቲ ማንቃቲ እንጀቲዳዋንታ፤

እያዉ ጎጥ፤ ጸሳ ካዉተሳይ ሀንተንቲዋ።

21 ሀንተንቲ ሀእ ኮሻትያዋንቲ እንጀቲዳዋንታ፤

ግድን ካላንታ፤ ሀንተንቲ ሀእ ዬክያዋንቲ

እንጀቲዳዋንታ፤

ግድን ሚጫንታ።

22 “አሳ ናእ ድራዉ ሀንተንታ አሳይ እጽያ ዋደነ ቶችያ ዋደ፤ ሀንተንቲ ሱንሳካ ኢታን ደንልያ ዋደ፤ እንጀቲድታ።

23 ሳሉዋን ሀንተንቲ እካና ዋይታይ ዳራ ግድያ ድራዉ ሄ ጋላሰ ናሽቻን ጉፕተ፤ ጋሱካ ካሰ ሀንተንቲ እዋቲ ናባቲዋ ቦላን ሀዋዳን ኦሴደ ደኤድና።

24 “የዉዋን ቃይ፡ ዱረ አሳቶ ሀንተንቶ እየ፤

ሀንተንቲ አሻሎ ደኡዋን ደኤድታ።

25 ሀንተንቶ ሀእ ካሊዳዋንቶ እየ፤

ግድን ኮሻታንታ፤

ሀንተንቶ ሀእ ሚጫያዋንቶ እየ፤

ግድን ካዮታንታነ ዬካንታ።

26 አሳይ ኡባይ ሀንተንቲ ሎኦተላባ ሃሳይያ ዋደ፤

ሀንተንቶ እየ፤

ካሰ ሀንተንቲ እዋቲ ዋርዶ ናባቶ፤

ሀዋዳን ኦሴድና።

ሞርክያ ሲቃናዉ በሴ

(ማቶሳ 5:38-48፤ 7:12)

27 “ሽን ታን ኦድያዋ ሰሰያዋንቶ ያገይ፡ ሀንተንቲ ሞርከቱዋ ዶሰተ፤ ሀንተና እጽያዋንቶ፤ ሎኡዋ ኦሐተ፤

28 ሀንተና ሽቄያዋንታ እንጅተ፤ ሀንተና ናቄያዋንቶ፤ ዋሰተ።

29 እት ባጋ ሻይያ ባቄያዋ፤ ላኤንሉዋካ በሳ፤ ኦንነ ነ ኮትያ እክያዋ፤ ነ ሻምጫያካ ድጎጋ።

\* 6:13 ከተቲዳዋንታ- ሀዋ ጉሳይ ታማነ ላኤ የሱስ ኪቲዳ ሀዋራቱዋ ጉሳ። † 6:16 አስቆሮቲ- ሀዋ ጉሳይ እይሁዳ ጋድያን ደእያ አስቆሮቲ ጌትትያ ጋድያጥ ዬናን አተና ጉሳ። ሀ ሰንሳ ብለሳይ፤ “ዋርዳንቻ”። ቃይካ፤ “ሀይቆ አሐ እምያዋ” ጉሳ።



30 “ነገር ደለያዎ ነና ዋስያዎ፣ እማ፤ ነዋ እኬዳዎ፣ ዛራ ጋይ ኦቻ።

31 እሳይ ህንተንቶ አላና ማላ ህንተንቱ ደስያዋዳን፣ ህንተንቱክ ሀራሬ ሀዋዳን አላተ።

32 “ህንተንታ ደስያዋንታ ጸላላ ደሰጥ አይ ጋላታይ ደኢ? ሀዋ ግደጥ ናጋራንቻቱክ ባረና ደስያዋንታ ደሰና።

33 ህንተንቶ ሎኦባ አልያዋንቱ ጸላላው ህንተንቱ ሎኦባ አጥ ሄዋ አይ ጋላታይ ደኢ? ናጋራንቻቱክ ሀዋዳን አላና።

34 ታልኢደ ህንተው ዛራናው ዳንዳይያዋንቱ ጸላላው ታልኦጥ አይ ጋላታይ ደኢ? ባረ ታልኤዳዋ ዛራደ እካናው ናጋራንቻቱክ ባረንቱ ጋርሳን ታልኤቲና።

35 ሽን ህንተንቱ፣ ህንተንቱ ሞርክያ ደሰተ፤ አንቱንቶክ ሎኦባ አላተ፤ ህንተንቱጥ ታልኦዋ ዛራድ እካናው ቆፖጥተ። ሀዋ ህንተንቱ ፖሎጥ ህንተንቶ ጋቲ ዳራናዎ። ቃይ ህንተንቱ ኡባጥ ቦላ ጸሳ ናና ግዳንታ። እ ኢታቶን ጋላተናዋንቶክ ከካ።

36 ህንተንቱ እሱ ማርያዋ ግደዋዳን ህንተንቱክ ማርያዋንታ ግድተ።

**ሀራ እሳ ፕርዳናው በሰና**

(ማቶሳ 7:1-5)

37 “ኦ ቦላንክ ፕርደጥተ፣ ህንተንቱ ቦላንክ ፕርደተና፤ ሀራ ቦላ ኩናንያ አጥተ፤ ህንተንቱ ቦላንክ ኩናን አሰተና። አቶ ጊቱ፤ ጸሳይ ህንተንቶ አቶ ጋና።

38 እማተ፤ ህንተንቶ እመታና። ህንተንቱ ማኬዳ ማካን ህንተንቶ ማከታና። ባቂ ናቂና ሲል ኩም ፓላህ ላላትያ ማካ ህንተንቱ ከወዋን አድንሳና። ጌዳ።

39 ቃይክ የሱስ ሀዋጥ ካልያ ለምሱዋ ኦዳዳ፤ “ቆቃይ ቆቃ ካለላናው ዳንዳይ? ቆቃይ ቆቃ ካለጥ ላእቱክ ኦይቀቲደ ኦላን ኩንድክና?

40 ታማርያዋ ባረና ታማርሰያዋጥ አፍ፣ ታማርያዋ ምን ታማርጥ ባረና ታማርሰዋ ማላ ግዳናው ዳንዳይ።

41 “ነ አይፍያ ግደን ደለያ ቱሳ ከሰናን ደኢደ ሀራ ነ ላግያ አይፍያ ግደን ደለያ ሱላ አያው ጸላይ?

42 ነ አይፍያ ጋርሳን ደለያ ቱሳ በኤናን ሀራ አሳኩ ሺቃድ፣ ታ አሻው፣ ነ አይፍያ ጋርሳጥ ሱላ ታ ከሰን? ያጋናው ዋታ ዳንዳይያይ? ሀ ሎኤዋ ማላትያ ኢታው፣ ኮይጭታይ ነ አይፍያ ግደን ደለያ ቱሳ ከሰ። ሄዋጥ ጉይያን ነ አሻ አይፍያ ግደን ደለያ ሱላ ከሳናው ገሻደ ጸላናው ዳንዳይ።

**ምሳቶን እዛ አይፊዳ አይፍያ**

(ማቶሳ 7:16-20፤ 12:33-35)

43 “ሎኦ ምሳይ ኢታ አይፍያ አይፈና፤ ሄዋዳንክ ኢታ ምሳይ ሎኦ አይፍያ አይፋናው ዳንዳየና።

44 ምሳይ ኡባይ ባረ አይፍያ አይፍያዋን ኤረቱ። አጉንሳጥ ዋደንሳ አይፊ ማጸተና፤ ሀዋዳንክ፣ ጸንዳቂያጥ ፤ ላድያ አይፍያ ማጸናው ዳንዳየተና።

45 ሎኦ አሳይ ባረ ሎኦ ዋዛናጥ ሎኦ የወዋ ሃሳይ። ቃይ ኢታ አሳይ ባረ ኢታ ዋዛናጥ ኢታ የወዋ ሃሳይ። አያው ጎጥ፣ አሳይ ባረ ደናን ሃሳይያዋ ባረ ዋዛናን ኩሜዳዋ ደናይ ሃሳይያ ድራሳ።

**ላኡ ቆዋ ጎልያ ኬጵያ አሳ**

(ማቶሳ 7:24-27)

46 “ታን አደዋ አላክታ፣ ሽን እያው ጎዳው፣ ጎዳው፣ ያጊደ ታና ጸጊቱ?

47 ታኩ ይያ ኡባይ ታ ቃላክ ሰሲደ ኦሱዋን ፔሽያዋ ኦና ማላትንቶ ታ ህንተንታ በሳና፤

48 እክ ጎልያ ኬጵደ ዳር ኦላ ቦኪደ ዛላ ቦላ ግንቢደ ኬጵዳ አሳ ማላቴ፤ ድኡ ድኡደ ሄ ጎልያ ሱግናክ፣ ምና ዛላ ቦላ ኬጵጥ ድራው ቃላናው ዳንዳይቤና።

49 ቃይ ታ ቃላ ሰሲደ ኦሱዋን ፔሽና ኡራይ ባሱ ባንታሳ ሻፍያ ቦላን ጎልያ ኬጵዳዋ ማላቴ። ድኡ ድኡደ ሄ ጎልያ ሱሳ ዋደ ኤለክ ኩንዳዳ፤ ሄ ጎላክ ኢታ ዋዳ ዋዲደ ባይዳ።” ያጊዳ።

**7**

**የሱስ ጴጥ ካፑዋ ቆማ ፓሌዳ**

(ማቶሳ 8:5-13፤ ዮሃ. 4:43-54)

1 የሱስክ ሀዋ ኡባ አሳ ሰንሳን ሃሳይ ወርሶዋጥ ጉይያን ህን ቅፍርናሆማ ቤዳ።

2 ሄዋንክ እት ጴጥ ካፑ ደኢ። እ ዳርጥ ደሰያ እ ቆማይ ሀርጊደ ሀያናው ማቴዳ።

3 እክ የሱሳባ ሰሲዳ ዋደ፣ ባረ ቆማ ዋሲደ ፓላና ማላ ይሁዳ ጭማጥ ህን አኮ ከቲዳ።

4 አንቱንቱክ የሱሳክ ዋደ፣ “ሀ ብታነ፣ ኔን አ ማዳናዳን ዳርጥ ኮይዳ፤

5 ጋሱክ ኦ አሳ እ ዳርጥ ደሲደ አይሁዳቱዋ ዋሰያ ጎልያ ኬጵሶዋክ እ” ያጊደ ዳርጥ ዋሲድና።

6 የሱሰካ ኤንቴንቴና እትጥ ቤዳ። እካ ህን ጎልያ ሄራ ጋኬዳ ዋይ ጴቱዋ ካፑ ባረ ላገላቱዋ ባረኮ ጴሲደ። “ታ ጎዳጫ። ዳቡርፓ፤ እያዉ ጎፕ። ኔና ታ ጎልያ ካራፕ ጋርሳ ባጋና ገልሳናዉ ታዉ በሰና።

7 ሀዋ ድራዉ ነ ሰንላን ኤቃናዉካ ሀራይ አቶ በሰያዋ ግድከ። ሸን ኔን ቃላ ጸላላ ኦዳ፤ ታ ቆማይካ ፓጻናዋ።

8 ታን ታፕ ቦላና ማታይ ደእያዋንቶ ኤኖ ጋይ ደእያ አሳ። ታፕ ጋርሳናካ ታን ኪትሰያ ዋታዳራቱ ደእኖ። እቱዋ። “ባ ምገያ ዋይ። ቤ፤ ሀራካ ቃይ። ሃያ” ጎፕ ዬ። ታ ቆማይካ፤ ሀዋ ሓላ ግያ ዋይ አዛዘቲ፤ አሌ” ያጌዳ።

9 የሱሰካ ሀዋ ሰሲደ አ የወዋን ማላለቲዳ፤ ጉየ ሰሚደ አ ካልያ ዳሮ አሳ። “ታን ህንተንቶ ቱውዋ ጋይ፤ ታን ሀዋ ማላ አማኑዋ ሀራይ አቶ፤ እሰራኤልያ ጋርሳንካ በአበይከ” ያጌዳ።

10 ካሰ ኪተቲዳ አሳቲካ ጴቱዋ ካፑዋ ጎላ ጉየ ሰዎያ ዋይ፤ አ ቆማይ ፓጻዋ በኤድኖ።

**የሱሰካ አምእት ናእ ሀይቆዋፕ ደንሴዳ**

11 ዋንትሳ ጋላሰ የሱሰካ ባረና ካልያዋንቴናን ጮራ አሳና እትፕ ናይኖ ጌተትያ ካታማቶ ቤድኖ።

12 የሱሰካ ካታማ ጋካና ጴቱዋ ዋይ፤ አሳይ ሀይቁዳ አሃ ቶኪደ ከሲድኖ። ሀይቆዌካ ባረ ዳይዉ ሙጽ እት ናእ፤ አታካ እሰናይ ባይና አምእቶ። ዳሮ ካታማ አሳይካ እዞ ካሌድኖ።

13 የሱሰካ እዞ በኤዳ ዋይ ቃረቲደ። “ዩኩፓ!” ያጌዳ።

14 ሸቁይ ሻንቻማ ቦቼዳ፤ ቶኩዋንቴካ ኤቁድኖ። የሱሰካ። “ኔኖ ያላጋዉ፤ ደንዳ ጋይ!” ያግና።

15 ሰታኒ ሱር ኡቲዳ። ሃሳያካ ደሚዳ። የሱሰካ አ፤ አ ዳይዉ አሚዳ።

16 ኡባይካ ያሻን ኩሚደ። “ዋልቃማ ናቢ ኑ ጋርሳን ደንዴዳ፤ ጸሳይካ ባረ አሳ አሻናዉ ዬዳ!” ያጌደ ጸሳ ጋላቲድኖ።

17 ሄዌኔካ የሱሳ ዋሪ ይሁዳ የሹዋን ደእያ ጋድያ ኡባን ሰሰቲዳ።

**ጸማቅያ ዮሃንሳ  
(ማቶሳ 11:1-19)**

18 ዮሃንሳ ካልያዋንቲ ሀኖዋ ኡባ አዉ አደድኖ። ዮሃንሰካ ባረና ካልያዋንቲ ላእቲዋ ጴሲደ።

19 “ያናዌ ኔኔየ? ዋይ ኔን ሀራ ናጋኔ?” ያግ፤ ኤንቴንቴ ኦቻና ማላ ህን የሱሳኩ ኪቲዳ።

20 አሳቲካ የሱሳኩ ዪደ። “ጸማቅያ ዮሃንሰ። ያና ጌተቲዳዌ ኔኔየ? ዋይ ሀራ ናጋኔ? ያጌደ አቻና ማላ ኔኩ ኪቲዳ” ያጌድኖ።

21 ሃ ዋድያን የሱሰካ ጮራ አሳ ዱማ ዱማ ሀርግያፕ ፓሌዳ፤ ቱና እያናቲዋካ አሳፕ ከሴዳ፤ ጮራ ቆቃቲዋ አይፍያ ደዬዳ።

22 የሱሰካ ዮሃንሰ ኪቶዋንቶ። “ቢደ ህንተንቲ በኤዳዋን ሰሴዳዋ ዮሃንሳዉ ኦድተ፤ ቆቃቲ ጴላናዋንታ፤ ጉንዳቲ ሀመታናዋንታ፤ ኦሉ ኦይቆዋንቲ ጌያናዋንታ፤ ቲሌዳዋንቲ ሰሳናዋንታ፤ ሀይቁዳዋንቲ ደንዳናዋንታ፤ ሀዬሳቶካ ምሽራቸው ቃላይ ኦድታናዋ።

23 ታናን ጹብተና አሳይ ኡባይ እንጀቲዳዋንታ” ያጌዳ።

24 ዮሃንሰ ኪቲዳዋንቲ ብድጎዋፕ ጉይያን የሱሰካ አሳዉ ዮሃንሳባ ኡዱዋ ደሚዳ። “እያ በእናዉ ቢታ ባዙዋ ከሴድቲ? ጫርኩ ቃልያ ኡሱንሳ?

25 ዋይ እያ በእናዉ ከሴድቲ? ሎኦ ማዩዋ ማዬዳ አሳ ደኡዋ? ሎኦ ማዩዋ ማዬዳዋንቲን ባረና ጊገሰያዋንቲ ካትያ ጎለን ደእኖ።

26 ዋይ እያ በእናዉ ከሴድቲ? ናብያ በእናዉ ከሴድቲ? ኤ፤ ታን ህንተንቶ ያጋይ፤ ህንተንቲ በእናዉ ከሰዌ ናብያፕካ አቆዋ።

27 ጸሳ ማጻፋን፤ ና ኦግያ ኔፕ ሰንላና ጊገሰያ ኪታንቻ ኔፕ ሰንላያይ ኪታና ጌተት ዮሃንሳባይ ጸፈቲዳዌ ሀዋ።

28 ማጫዋንቲፕ የለቲዳዋንቲ ጋርሳን ጸማቅያ ዮሃንሳፕ አድያ ኦንን ባዋ። ጸሳ ካዉተላን ቃይ ኡባፕ ላኋ ጌተትያዌካ እፕ አቆናዋ” ያጌዳ።

29 ሀራይ አቶ ሸን ቃራጻ ከሰያዋንቲ አተናን ሀዋ የሱሰካ ሃሳኖዋ ሰሴዳ ኡባይ ዮሃንሳ ኩሽያን ጸማቆቶዋንቲ ጸሳዉ በሰያ ቦንቸዋ አሚድኖ።

30 ሸን ህግያ ታማርሰያዋንቲን ፓርሳዋቲ ዮሃንሳን ጸማቆትቤና ድራዉ። ጸሳይ ኤንቴንቶ ቆፔዳዋ አጼድኖ።

31 የሱሰካ። “ሰዎ ታን ሀ ዋድያ አሳ እያና ለዎሶ? ኤንቴንቲ እያ ማላቲኖ?

32 ኤንቴንቲ ገያሳን ኡቲደ እቲ እቲዋ ጴሲደ፤ ሱሱልያ ህንተንቶ ፑንናካ ካእበይክታ፤ ዩኩዋ የሳ ከሴዳሸንካ ዩኩበይክታ

ያገትያ ናና ማላቲኖ፣ ጌዳ።

33 ጸማቅያ የሃንሰ ቁማ ማናን ወይንያ ኤሳካ ኡሸናን ዪና፣ ላ ሰላን ጋሊናይ ደኤ፣ ያጌድታ።

34 ታን አሳ ናእይ ማይን ኤሻደ ዪና፣ ሳሀዌ ናፍሳማ፤ ወይንያ ኤሳካ ኡሸያዎ፤ ቃራጽያዎንቶን ናጋራንቻቶ ዳሱዎን ያጌታ።

35 ግደጥ አትን ጸሳ አጾ ኤራተላይ ባረ ኦሱዋን ቱማ ግዲደ ቤቴዳ፣ ያጌዳ።

**ፓርሳዊያ ሰሞና**

36 ፓርሳዊቱዋጥ እቲ ባረናና ቁማ ማና ማላ ሸቢና፣ የሱሰ አ ሶይ ቢደ ማናዉ ኡቴዳ።

37 ሄ ካታማን ናጋራንቻ ጌተቴዳ እት ምሽራታ ደኤዉና፣ የሱሰ አ ሶይን ኡቴዳዋ ሰሳደ፣ አልባሰጽርሳ ጌተትያ ሹቻጥ ኦሰቴዳ አልባሰጽርሳ ባራታ ኩሜዳ ሸቱዋ እካ ያደ።

38 ጉየና አ ገድያ ማታን ኤቃደ፣ ዬካደ አ ገድያካ ባረ አሮላን ኦካ ደማዲ፤ እከ አሮላይ ባይዜዳ አ ገድያካ ባረ ሀጺያ ብናናን ቁጫደን አ ገድያ የራደ ገድያን ሸቱዋካ ጫጫፋዲ።

39 የሱሳ ባረ ሶይ ጸሴዳ ፓርሳዊካ ሀዋ በኤደ፣ ሳሀዌ ናብያ ግዴደንቶ፣ ሀና አ ቦቻያ ምሽራታ ኦንቶን ቃይካ እካ ናጋራንቻ ግድያዋ አ ኤራና ሸን፣ ያጌዳ።

40 የሱሰካ ዛሬደ፣ ሰሞና፣ ታን ነዉ ኦድያ የዉ ደኤ፣ ያግና፣

ሰሞንካ፣ ሳሀዌ ሰሞና፣ ሳሀዌ፣ ያጌዳ።

41 የሱሰ፣ ሳሀዌ ብታንያጥ ሚሻ ታልኤዳ ላኤ አሳቱ ደኤና፣ እቱዋ ማታን እቲሹ ጾቱ ዲናር፣ ቃይ የኩዋ ማታን እሻታሙ ደኤ።

42 ላአቶካ ጭግያዌ ጳይና፣ ላአቱዋ አጩዋካ ማር አጌዳ። ሀዋንቱጥ ሀቃዌ ሎይላ ደሰያዋ ማላቲ፣ ያጌዳ።

43 ሰሞንካ ዛሬደ፣ ሳሀዌ ኦሳዋ ማላቲ፣ ያጌዳ። የሱሰካ፣ ሳሀዌ ሰሞና፣ ያጌዳ።

44 የሱሰ ምሽራትኮ ጸሊደ፣ ሰሞና ሀዋዲን ያጌዳ፤ ሳሀዌ ምሽራቶ በኣዲ፣ ታን ነ ጎላ ዪና ሀራይ አቶ ሸን ሃላካ ታ ገድያዉ እማ በይካ፤ ሸን እካ ባረ አሮላን ታ ገድያ አርጽሳዴ፤ ባረ ሀጺያ ብናናካ ቁጫዲ።

45 ኔን ታና የራ በይካ፤ ሸን እካ ታን ገሎደጥ ደማደ ታ ገድያ የርያዋ አጋ በይኩ።

46 ኔን ታ ሀጺያን ዛይትያ ኦካ በይካ፤ ሸን እካ ታ ገድያን ሸቱዋ ጫጫፋዲ።

47 ሀዋ ድራዉ ታ ሀንተንቶ ኦዳይ፣ ዳርጥ እካ ደሴዳዋ ድራዉ፣ ዳር ናጋራይ እከዉ ደኤያዌ ማረቴዳ፤ ጉላይ ማረትያዌ ጉላ ደሴ፣ ያጌዳ።

48 የሱሰ ምሽራቶ፣ ሳሀዌ ናጋራይ ቁጩቴዳ፣ ያጌዳ።

49 የሱሰና እትጥ ቁማ ማናዉ ኡቴዳዋንቱ ባረንቱ ዋዛናን፣ ሳሀዌ ማረናዉ ዳንዳይያዌ ሀዋ ኦኔ፣ ያጌድና።

50 የሱሰ ምሽራቶ፣ ሳሀዌ ኦንቶ ኔና አሸዳ፣ ሳርተላን ነ ጎላ ባ፣ ያጌዳ።

**8**

**የሱሳ ካሊዳ ማጫዋንታ**

1 የሱሰ ሀዋጥ ሰሚደ፣ ሳባኪድን ጸሳ ካዉተላ ምሽራቹዋ ቃላ ካታማን ነራን ኦዲደ አዴዳ። ታማን ላኤ የሱሳ ካልያዋንቱካ አናና እትጥ ደኤና።

2 ኤታ አያናጥን ዋልቃማ ሀርግያጥ ፓጺዳዋንቱ እት እት ማጫዋንቱካ ደኤና። ሄዋንቱካ፣ ላፑ ጸላሂ ከሴዳ ማግዳላ ጌተትያ ካታማጥ ዬዳ ማይራዋን፤

3 ሄርድሳ ጎልያን ሱሳላ ግዴዳ ኩዛ ማቻት የሃና፣ ሶሰና ጌተተዉናን ሀራ ጮራቱዋና እትጥ ግዲደ፣ የሱሳን አ ካልያዋንታ ሚሻን ማዴድና።

**ዘረላ ለምሱዋ**

(ማቶሳ 13:1-9፤ ማር. 4:1-9)

4 ጮራ አሳይ ዳር ካታማቱዋጥ ሸቂደ፣ የሱሳኮ ዬዳ ዋድያን ለምሱዋን፣

5 ሳሀዌ ወይን ዘረላ ዘራናዉ ከሴዳ። ዘርያ ዋደ እት እት ዘረላይ፣ ኦግያ ደናን ዋዲደ የጠቅላይ። ያትና ሳሉዋ ካፋ ሄዋ ሜዳ።

6 ሀራይ ቃይ ዛላ ቦላ ዋዲደ ደሌዳ ዋደ ኮሸያ ሃላ ደመና ድራዉ መሌዳ።

7 ሀራ ዘረላይ እጉንላ ጋርሳን ዋዲደ። እጉንላይ እትጥ ድጩደ ሞቴዳ።

8 ሀራይ ሎኤያ ቱኤ ቢታን ዋዲደ። ደሎዋጥ ጉይያን፣ ዘረቶዋጥ ጾቱ ኮሸያ ዳኩዋ ሞኬዳ። ያጌዳ።

**የሱሰ ለምሱዋን ሃሳዬዳ ጋሱዋ**

(ማቶሳ 13:10-17፤ ማር. 4:10-12)

የሱሰ ሀዋላ ሃሳዬደ፡ “ሀይላይ ደእያ ኡባይ ስሶ” ያግ ቃላ ቶቁ ኦሊደ ዋሴዳ።

9 እ ካልያዋንቱ፡ “ሀ ሌምሱ እያ ጉሴ?” ያግ እ ኦቼድኖ።

10 እካ ዛሬደ፡

“ሀንተንቶ ጸሳ ካወተላ ጸራ ኤራይ እመቲዳ፤ ሽን ሀራቶ፡ ጸሊድካ ኤረና ማላ፡ ሰሲድካ አከከና ማላ ሌምሱዋን ኦዳይ” ያጌዳ።

የሱሰ ዘረሳ ሌምሱዋ ብሊደ ኦዳዳ  
(ማቶሳ 13:18-23፤ ማር. 4:13-20)

11 የሱሰ፡ “ዘረሳ ሌምሱ ሀዋ፡ ዘረሳይ ጸሳ ቃላ።

12 ኦገያ ጋጸን ዋዴዳ ዘረሳይ፡ ጉሳ ዋደዉ ቃላ ስሰያ አሳ፤ ኤላካ ጸላሂ ዪ፤ ኤንቱንቱ ሰሶዋን አማን አተና ማላ፤ ቃላይ ዋዛና፤ ገገታና ማላ ኦላ።

13 ዛላ ቦላን ዋዴዳ ዘረሳይ፡ ኮይር ቃላ ናሽቻን ስሰያዋንታ። ሄዋንቱካ ጉሳ ዋድያ አማንኔ ፓጪ ጋክያ ዋድያን ጸጹ ባንታ ድራዉ ኤላካ አማኑዋ ካዲኖ።

14 እኩላ ጋርሳን ዋዴዳ ዘረሳይ፡ ቃላ ስሰያዋንታ፤ ሽን ደኡዋ ሀርጋይ፤ ዱረተላ እሻሉ ጨሌዳዋንታ። ሄዋንቱ ሎኦ እይፍያ አማናዉ ዳንዳይክና።

15 ሎኦ ቱኤ ቢታን ዋዴዳ ዘረሳይ በሰያዋ፡ ሎእነ ጸሎ ዋዛናን ቃላ ስሰደ ናገያ አሳ፤ ሄ ቃላን ምን ኤቁይ ሎኦ እይፍያ አይፍያዋንታ።

ጸምፕያ  
(ማር. 4:21-25)

16 “ጸምፕያ ሳሊደ አትባን ቁምእ አገያዌ ዋይ አርሳፕ ጋርሳና ዋልያዌ ኦንነ ባዋ።

17 ቆንጨናን ቆሱዋን አትያባይ አት የዉነ ባዋ። ኤረተናንነ ቤትያሳ ከሰናን አታናባይ እይነ ባዋ።

18 ሄዋ ግድያ ድራዉ ሎይል አከካን ሰሰተ። ዋዛና፤ ስሰያዋ ኡባዉ ጉጅ አከካይ እመታና፤ አከከናዋ፤ ሄ አዉ ደእያዋ ማላትያ አከካይካ አከታናዋ” ያጌዳ።

የሱሳ ዳዮን አ እሻቱዋ  
(ማቶሳ 12:46-50፤ ማር. 3:31-35)

19 ሄ ዋድያን አታን እሻቱ የሱሳና ጋከታናዉ አኮ ዬድኖ፤ ሽን አሳ ጮራተላፕ ደንደ ጋሱዋን አ ደማናዉ ዳንዳይበይክና።

20 አት ብታኒ፡ “ሳ ዳያን ነ እሻቱ ኔና ጋከታናዉ ኮዮ ድራዉ ካረን ዪደ ኤቁድኖ” ያግ ኦዳዳ።

21 እካ፡ “ታ ዳያን ታ እሻቱ፡ ጸሳ ቃላ ስሰደ ኦሱዋ ቦላን ፔሽያዋንታ” ያግ ዛሬዳ።

የሱሰ ቤታ ጮኤ ኦላዳ  
(ማቶሳ 8:23-27፤ ማር. 4:35-41)

22 አት ጋላሰ የሱሰ ባረና ካልያዋንቱ አትፕ ዋንግርያ ገሊደ፡ “አባፕ ሄፍንላ ቦይተ” ጌዳ። አንቱንቱካ ደንዳይ ሀመታ ደሜድኖ።

23 ፕን ደእያ ዋደ፡ የሱሰ ገምእሼዳ። አባን ጎቱዋ ጫርኩ ደንደ ድራዉ፡ ዋንግርያ ጋርሳን ሃላይ ኩምና ዳር መቶቲድኖ።

24 አንቱንቱ የሱሳኮ ሸቁደ፡ “ጎዳዉ፡ ጎዳዉ! ኩን ባዮይተቲ!” ያጌደ እ ቤንጴድኖ።

እካ ቤንቲደ ጎቱዋን ሃላ ቤታ ሴርና፡ ጎቱን ሃላ ቤታይ ኤቁዳ፤ ኡባባይካ ጮኤ ጌዳ።

25 እካ፡ “ሀንተንቶ አማኑ ሀቃን ደእኑ?” ያጌዳ።

አንቱንቱካ ያይ ማላላተደ አቱ አቱዋ፡ “ሀዋዳን ጫርኩን ሃላይ ጮኤ ገተ ገና አዛዘትያዌ ሀዌ ኦኒ?” ያገቲድኖ።

የሱሰ ጸላሂ ኦይቁዳ ብታንያ ፓሌዳ  
(ማቶሳ 8:28-34፤ ማር. 5:1-20)

26 ጋሊላ አባፕ ሄፍንላና ደእያ ገርገሰኖና ጌተትያ ጋድያ፡ የሱሰነ አ ካልያዋንቱ፡ ዋንግርያን ፕኒደ ጋከድኖ።

27 ሄ ሃላፕ ፕን ሳእ ዋዶ ዋደ፡ ኢታ አያናን እይቀቲዳ አት ብታኒ፡ ካታማፕ ከሲደ አናና ጋከቲዳ። ዳር ዋድያፕ ደሚደ ማየኖን ካሎ ጎልያ አገደ ዳፋዋን ደኤ።

28 የሱሰ ደምዋፕ ጉይያን፡ ዋሰ እ ሰንላን ጉፋኒደ ዋልቃማ ኮሻን፡ “ዋልቃማ ጸሳ ናአ የሱሳ፡ ታዉን ነዉ እይበ አትተላይ ደእኑ? ታና ዋይሰፓርኪ፤ ታ ኔና ዋሳይ” ያጌዳ።

29 እ ሄዋ እያዉ ጌዳ ጎፕ፡ ብታንያ የግ ከሳና ማላ የሱሰ እ አዛዘ ድራሳ።

ኢታ እያናይ ብታንያ ኦይቆደፕ ዳር ዋደ ግደ ድራው። ብራታ ሳንሳላታን ገድያን ኩሽያ ቃሽቲደ ናገቱ። ሳንሳላታ ዱሐ እኪደ ኢታ እያናይ ካለሐና ባዙዋ ቤ።

30 የሱሰካ። “ሳ ሱንሳይ ኦኔ?” ያግ ኦቹዳ። እካ ጮራ ኢታ እያናይ ገል ኡቶ ድራው። “ሌግዮና” \* ያጌዳ።

31 ባረንታ የሱሰ። “ህን ጨዋ ኦላ ቢተ” ያገና ማላ ዋሴድና።

32 ሄዋን ደእያ ዞዞያ ጋጸን ሄመትያ ጮራ ጉድንሳቱ ደእና። ጮራ ቱና እያናቱ። ሄ ጉድንሳቱዋ ጋርሳ። “ገልተ” ጋና ማላ የሱሳ ዋሴድና። እካ። “ቢደ ገልተ” ጌዳ።

33 ኢታ እያናቱካ ብታንያፕ ከሲደ ጉድንሳቱዋ ጋርሳ ገሌድና። ጉድንሳ ዉዳካ ላንቁያፕ ካጃቲደ ኤላካ እባን ሞተቲድና።

34 ጉድንሳ ሄምያዋንቱ ሀኖዋ ኡባ በኦ ዋደ ሀራሳ ቢደ። ሄ ካታማንነ የሹዋን ሀኖዋ ኦዴድና።

35 እዬ ሀኔደንቶ በእናዉ ከሲደ። አሳይ የሱሳኩ ዬድና። ኢታ እያናይ ከሴዳ ብታኒ። እ ዋዛናይ ሰምና ማዋደ ማዋደ የሱሳ ገድያ ማታን ኡቶዋ በእደ ያዬድና።

36 ኢታ እያናን ኦይቀቲዳ ብታኒ ዋት ፓጼደንቶ በኤዳ አሳይ። ሀራ አሳዉ ኦዴድና።

37 ገርገሰናና ጋድያንነ ሄ ሄራን ደእያ አሳይ ኡባይ ዳሪ ያዬዳ ድራው። የሱሰ ባረንቱ ማታፕ ባና ማላ ዋሴድና። እካ ዋንግርያን ገሊደ ቤዳ።

38 ኢታ እያናይ ከሴዳ ብታኒካ የሱሳና ባና ጌደ። እ ዋሴዳ፤ ሽን የሱሰ።

39 “ሳ ጎላ ሰማደ ጸሳይ ነዉ ኦላ ዋልቃማባይ እየንቶ ማርካታ” ያግ የዴዳ።

ሀይቂዳ ናቶነ ሳከትያ ሞሽራቶ

(ማቶሳ 9:18-26፤ ማር. 5:21-43)

40 የሱሰ ሰሜዳ ዋደ አሳይ ኡባይ ናግ ደእያ ድራው። እ ሞክ እኬድና።

41 ሄ ዋደ። እይሁደ አሳ ዋሳ ጎለዉ ሱንሳ ግዴዳ ያእርሳ ያገትያ ብታኒ እኩ ዬዳ። እካ የሱሳ ገድያ ሰንሳካ ኩንዲደ። ባረ ጎላ ጎሳና ማላ ዋሴዳ።

42 ጋሶተላይካ ታማነ ላኡ ላይላይ ኩሜዳ እዉ ደእያ እት ናታ ሀይቃናዉ ማታ ኡቶ ድራሳ። የሱሰ ብያ ዋደ ጮራ አሳይ እ የሹዋን ሰገቲደ መቶሌድና።

43 ሄ አሳ ግደን ሄ ዋድያን ታማነ ላኡ ላይላ ኡባ ሱላይ ጎግያ ሞሽራታ ደእዉ። ባረ ደእያ ሻሉዋ ኡባ ጳልያ ኤርያዋንቶ ዉርሰናካ ፓላናዉ ዳንዳዮዌ ኦንነ ባዋ።

44 ጉዮና ያደ እ ማዋደ ማጫራ ቦቻዲ፤ ሄ ማንእያን እፕ ጎግያ ሱላይ ኤቂ እጌዳ።

45 የሱሰ። “ኦኔ ታና ቦቻዊ?” ያጌዳ።

ኡባይ ካድና ጸጽርሰ። “ሳዳዉ። አሳይ ሰገቲደ መቶትያ ዋደ። ‘ኦኔ ታና ቦቻዊ’ ያጌይ?” ጌዳ።

46 ሽን የሱሰ። “እት አሳይ ታና ቦቻዳ፤ ዋልቃይካ ታፕ ከሰዋ ታን ኤራይ” ያጌዳ።

47 ሞሽራታካ። የሱሳ እካ ቦቻዊ ኤራተናን እትቤናዋ ኤራደ። ኮኮራይ ዮና የሱሳ ሰንሳካ ኩንዳ እጋዳ። እያ ጋሱዋን የሱሳ ቦቻደንቶ እካ ፓጸዋ ኡባ አሳ ሰንሳካ ኦዴዳ።

48 እካ እዝዉ። “ሀ ሞሽራቲ! ነ እማኦ ኔና ፓሌዳ፤ ሳር ባ” ያጌዳ።

49 የሱሰ ሃሳይ ደእሸን። እይሁዳ አሳ እማንያዋንቱ ሱንሳ ሶይፕ እት ብታኒ ዬዳዌ። “ሳ ናታ ሀያዲ፤ ሰም ታማርሰያዋ መቶሳፕ” ያጌዳ።

50 የሱሰ ሀዋ ሰሲደ። “ያእርሳ። እማናፕ አትን። ያዮፕ! እካ ፓጸናዉኡ” ያግ ዛሬዳ።

51 ሶይ ገሊደ። ጸጽርሳፕ። ያቆባፕ። ዮሃንሳፕ። ናት እሱፕነ ናት ዳይፕ አትን። ኦንነ ገላናዳን ኤኖ ግቤና።

52 ኡባይ ሄ ናትዉ ዬኪደነ ካዮቲድ ደእና። ሽን የሱሰ። “ዬኮፕተ። ግሳዲፕ አትን ሀያበይኩ” ያጌዳ።

53 እካ ሀይቂዳዋ ኤሪደ እ ቦላ ሚጨድና።

54 ግደፕ አትን የሱሰ እዝ ኩሽያ ኦይቂደ። “ሀ ናቱ። ቤንታ!” ያጌዳ።

55 እዝ ሸምፑካ ሰምና ኤላካ ደንዳ ኤቂና ማናባ እማና ማላ። የሱሰ እዛዜዳ።

56 እዝ እሱነ እዝ ዳያ ማላለቲድና። ሽን የሱሰ ኤንቱንታ። ሀኖ የዉዋ ኦስነ ኦደና ማላ እዛዜዳ።

9

የሱሰ ባረና ካልያ ታማነ ላኦቱዋ ኪቲዳ

(ማቶሳ 10:5-15፤ ማር. 6:7-13)

1 የሱሰ ታማነ ላኡ እ ካልያዋንታ እትፕ ባረኮ ጼሲደ። ጸላህያ ኡባ አሳፕ ከሳናዉነ ሀርግያዋንታ ፓላና ማላ ዋልቃነ ማታ እሜዳ።

2 ጸሳ ካዉተላባ ኡዳናዉነ ሀርጋንቻቱዋ ፓላና ማላ ኤንቱንታ ኪቲዳ።

\* 8:30 ሌግዮና- ሀ ሱንሳይ ግሪክ ጌተትያ ቃላፕ እከቲዳ። ሱንሳ ብለላይ “ጮራ” ጉሳ።

3 እ ኢንቴንታ ከተደፈ፣ “እግዚአብሔር ይደምክ ግድናካ፣ ወይ ቃርጨትያ፣ ወይ ቁማ፣ ወይ ማሻ ግድናካ እያን ኦይቆጥተ፤ ላእኒንልያ ማየዋካ ኦይቆጥተ።

4 ህንተና አሳይ ሀቃን ሞኮጥ፤ ሄዋጥ ከሰፈር ጋካና፣ ህንተንቱ ገሌዳ ጎልያን ጋምእተ።

5 ሄ ካታማ አሳይ ህንተና ሞከናን እጸጥ፣ ሄዋጥ ከሰፈር፣ ኢንቴንቱ ህንተና ሞከናን እጸዎ ማርካ ግዳና ማላ፣ ህንተንቱ ገድያጥ ባና ሾጭ ድጊደ ቢተ” ያጌድ።

6 እ ካልያዋንቱ ቢደ፣ ቁር ካታማ ኡባን ምሽራቸው ቃላ ኦዲደን ሀርጋንቻ ፓሊደ ዩዬድና።

**ሄርድስ ኦሴዳባ**

(ማቶሳ 14:1-12፤ ማር. 6:14-29)

7 ሀእ ጋላላ ቢታ ካትያ ሄርድስካ ሀኔዳ የወዋ ሰሲደ ያት ጌዳ። ጋሶተላይነካ እት እት አሳይ፣ “ዮሃንስ ሀይቁዋጥ ደንዴዳ” ያጌ።

8 ሀራ አሳይ፣ “ኤላስ ከሰፈር ቤቴዳ” ያግያ ወደ፣ ሀራንቱ ቃይ፣ “በን ናባቱዋጥ እቱ ሀይቁዋጥ ደንዴዳ” ያጌ።

9 ሄርድስካ፣ “ታን ዮሃንስ ቆድያ ቃንጽሳ ድጋድሽን፣ ሀዋዳን አሳይ ሃሳይያ ብታኒ ኦኔ?” ያጌደ፣ የሱሳ በእናጢ ኮዬዳ።

**የሱስ እቼሹ ሻእ አሳ ምዚደ ካልሴዳ**

(ማቶሳ 14:13-21፤ ማር. 6:30-44፤ ዮሃ. 6:1-14)

10 የሱስ ከቶዋንቱ ሰሚደ፣ ኢንቴንቱ ኦሴዳዎ ኡባባ የሱሳጣ ኦዬድና። እካ ኢንቴንታ እኪደ፣ ቤተሳባይዳ ያገትያ ካታማ ማታን ደእያ ታካሳ ቤዳ።

11 አሳይ እ ደእያሳ ኦሴዳ ካልና፣ ኢንቴንታ ሞክ እኪደ ጸሳ ካወተሳባ ኦዬዳ፤ ሀርግያጥ ፓጻናጣ በሰያዋንታካ ፓሊደ።

12 ሳእይ ኦሞርሰያ ወደ፣ የሱሳ ካልያ ታማን ላእቱ እኮ ዪደ፣ “ሀ አሳይ ኡባይ ኦ የሹዋን ደእያ ሄራ ግደን ቁር ካታማቱዋ ግደ ቢደ፣ አቅያሳነ ቁማ ደማና ማላ ሞይዛ፤ እያወ ሳጥ ኦን ሀዋን አሳይ ባይናሳን ደኡቶ” ያጌድና።

13 ሽን የሱስ ኢንቴንታ፣ “አሳጣ ሜተትያባ ህንተንቱ እምተ” ያጌድ።

ኢንቴንቱ ዛሪደ፣ “አን ቢደ፣ ሀ ኡባ አሳጣ ቁማ ሻመናን ጸዮጥ ኦወ እቼሹ ሶሉዋጥን ላኡ ሞልያጥ ሀራይ ባዋ፤ ሄዎ ኦን ሀ ጮራ አሳጣ ቁማ ሻማና ማላ ኮያይ?” ያጌድና።

14 (ጋሱካ፣ ሄዋን ደእያ አሳይ እቼሹ ሻእ ኪና።)\*

የሱስ ባረና ካልያዋንታ፣ “አሻታሙ አሻታሙ አሳ ጭታን ጭታን ሻክ ሻክ ኡትሰተ” ያጌድ።

15 ኢንቴንቱካ እ ጎዋዳን ኡባ አሳካ ኡትሴድና።

16 የሱስካ እቼሹ ሶሉዋን ላኡ ሞልያ ኦይቁደ፣ ፑደ ሳሉዋ በንጎት ጼሊደ ጸሳ ጋላቴዳ፤ ዲሊደ፣ አሳጣ ግሻና ማላ እ ካልያዋንቶ እሚደ።

17 አሳይ ኡባይካ ሚደ ካሌድና። ኢንቴንቱጥ እቴዳ ደካ፣ ታማን ላኡ ሳምፓ ኩሚዳዋ ደንሴድና።

**ጳጵርሰ የሱሳባ እዋዬዳ**

(ማቶሳ 16:13-19፤ ማር. 8:27-29)

18 እት ጋላስ የሱስ ባረካ ዋሰያ ወደ፣ እ ካልያዋንቱካ እናና እትጥ ደእሸን፣ “አሳይ ታና ኦና ጊኖ?” ጊደ ኢንቴንታ ኦቼዳ።

19 ኢንቴንቱ ዛሪደ፣ “አሳይ ኔና ጸማቅያ ዮሃንስ ያጌ፤ ሀራ አሳይ ቃይ ኤላሳ ተ ያጌ፤ ሀራይ ቃይ በን ናባቱዋጥ እቱ ደንዴዳ ያጌ” ያጌድና።

20 የሱስ ኢንቴንታ፣ “ህንተሽ፣ ታና ኦና ጊቱ?” ያጌድ።

ጳጵርሰካ ዛሪደ፣ “ኔን ጸሳይ ኦኩዳ ክርሰቶሳ” ያጌድ።

**የሱሳ ካልያዋንቱ ሀናናጣ በሰያባ**

(ማቶሳ 10:38-39፤ 16:24-26፤ ማር. 8:34-38፤ ሉቃስ 14:26-27)

21 የሱስካ ኢንቴንታ፣ “ሀዋ ኦስን ኦድጥተ” ያግ ምንስ አዛዚደ፣

22 “ታን፣ እሳ ናኦይ፣ ዳር መቱዋ አካናጣ በሲ፤ ጭማቱዋን፣ ቁሳቱዋ ካፓቱዋን ሙሴ ሀግያ ታማርሰያዋንቱን እጸታናጣ ኮሼ፤ ኢንቴንቱ ታና ዋጻናዋንታ፤ ታንካ ሄዘንሳ ጋላስ ሀይቁዋጥ ደንዳናጣ በሴ” ያጌድ።

9:3 ሉቃስ 10:4-11 \* 9:14 እቼሹ ሻእ፡ እስራኤልያ ዎጋን ማጫዋን ቁር ናናይ ፓይደተና ድራሬ፡ እቼሹ ሻእ ጉሳይ ማጫዋን ቁር ናናይ ፓይደናን ኩሚዳዋ፡ ሀ ፓይዳ ደእያ ኮይር ማራይ በን ማጻፋ እቱዋ እቱዋን ባዋ፡ † 9:19 ኦላሳ፡ ሀ ናቢ እ ሀይቆጥጥ ዳር ዎደጥ ገዮ፣ የሱስ ክርሰቶስ ቢታ ቦላን ታማርሰይ ደርፍ ቦላ ዎወደ ከሰፈር ላመት ቦሊዳዋጥ ገዮ ባጋን እናናን ሙሴና ሃሳዬዳ፡ ሄዋ ጉሳይ ሀይቁ ሰሚደ ዳር ጮራ ዎድያጥ ገዮ ፓጻ ቆንጩዳ ጉሳ፡ 9:19 ማቶሳ 14:1፣ 2፤ ማር. 6:14፣ 15፤ ሉቃስ 9:7፣ 8 9:20 ዮሃ. 6:68፣ 69

23 የሱሰካ እሳ ኡባ፡ “ታና ካላናው ደሰያዌ ደአፕ፡ ባረ ሁጲያ ካደ፤ ባረ ማስቃልያ ቶ ጋላሳን ጋላሳን ቶኪደ ታና ካሎ።

24 ባረ ሸሞፑዋ አሻናው ደሰያዌ ኡባይ ባይዜ፤ ሽን ታ ድራው ባረ ሸሞፑዋ ባይዘያዌ ኡባይ አሸ።

25 እት ኡራይ ሀ አላሞያባ ኡባ አሸደ ባረ ሸሞፑዋ ባይዘፐ ወይ ባረው ፓጭሶፕ፡ እያ ማዲ?

26 አሳይ ታናንነ ታ ቃላን ዬላቶፕ፡ ታን አሳ ናአይ፡ ታ ቦንቸዋናን ጌሻ ኪታንቻቸዋ ቦንቸዋና ይያ ዋደ እን ዬላታናቸ።

27 ታን ሀንተንቶ ቱሙዋ ያገይ፤ ሀዋን ደእያ አሳፕ፡ ጸሳ ካውተሳ በእና ጋካናው ሀይቁዋ ሀይቀናዋንቱ እቱ እቱ ደእኖ” ያጌዳ።

የሱሳ ማላይ ላሙቴዳ (ማቶሳ 17:1-8፤ ማር. 9:2-8)

28 የሱሰ ሀዋ ጎዋፕ ጉይያን፡ እት ሳምንታ ከና ጋምኢደ፡ ጸጽሮሳን የሃንሳ፡ ያቆባካ አኪደ፡ ዋሳናው ደርያ ሁጲያ ከሴድ።

29 እ ዋሰሽን፡ እ ዴሙዋ ማላይ ላሙቴዳ፤ እ ማዩካ ቦጺደ ጸልቁዳ።

30 ቆፕናን ላኡ አሳቱ፡ ሙሴን ኡላሰ ከሰ ቤቲደ፡ የሱሳና ሃሳይ ደእኖ።

31 ኡንቱንቱ ቦንቸዋን ቆንጭ ቤቲደ፡ የሱሰ ጸሳ ቆፋ ፖላናው የሩሳላሙን ሀይቃናዋ § አናና ሃሳዬድኖ።

32 ጸጽሮሳን አናና እትፕ ደእያዋንታ ገሞእሹ ጌርዬዳሽን፡ ኡለካ ቤሳቲደ እ ቦንቸዋን አናና ጋላ ኡቁዳ ላኡ አሳቱዋ በኤድኖ።

33 ሄ ላኡ አሳቱ፡ የሱሳ ምይያፕ ሻከትያ ዋደ፡ ጸጽሮሰ የሱሳ፡ “ጎዳው፡ ሀዋን ደእያዌ ኡው ሎእ ግድያ ድራው፡ ሄዙ ዳሰያ እቱዋ ነው፡ እቱዋ ሙሴው፡ እቱዋ ኡላሳው ከጸና” ያጌዳ።

34 ጸጽሮሰ ሄዋ ሃሳይ ደእሸን፡ ሻሪ ዬደ ኡንቱንታ ካሞ አገና የሱሳ ካልያዋንቱ ያዬድኖ።

35 ሻርያፕካ፡ “ታን ዶራዳ ታ ናአይ ሀዋ፤ እ ግያዋ ሰሰተ” ያግያ ቃላይ ዬዳ።

36 ቃላይ ሰሰቶዋፕ ጉይያን፡ የሱሰ ባረ ጸላላ ግዲደ ቤቲዳ፤ ኡንቱንቱካ የወዋ ባረንቱ ዋዛናን ኦይቁደ ሄ ዋድያን እንነካ እያን ኦድቤና።

የሱሰ ኢታ እያናን ኦይቀቲዳ ላኡ አሳቱዋ ፓሌዳ (ማቶሳ 17:14-18፤ ማር. 9:14-27)

37 ዋንተንታ ጋላሰ፡ የሱሰን ሄዙ እ ካልያዋንቱ ደርያፕ ደገ ዋድያ ዋደ፡ ጮራ አሳይ የሱሳና ጋከቲዳ።

38 ሄ ዋደ አሳፕ እት ብታኒ ባረ ኮሻ ቶቁ ኦሊደ፡ “ታማርሰያዎ፡ ታው ደእያዌ እት ናአ ግድ ድራው፡ ኔን እ በእና ማላ ኔና ዋሳይ፤

39 ቃይ ኢታ እያናይ ዋዛና ከ□ናን ደንዲደ እ ዋሰሴ፤ ዶናና ፓርያና ጋካናው እ ኮኮርሲደ፡ ኡባ ጋላሰ ሙቶሰያዋፕ አትን፡ እ ኡላ የደና።

40 ኔና ካልያዋንቱ ሄ ኢታ እያና ከሳና ማላ፡ ታን ኡንቱንታ ዋሳድ፤ ሽን ዳንዳይቦይክኖ” ያጌዳ።

41 የሱሰ ዛሪደ ኡንቱንታ፡ “እማንና ሀ ዋድያ ደሻ አሳው፡ ታን ሀንተናና እውደ ጋካናው ደእኔ? ቃይ ሀንተንቱባ እውደ ጋካናው ዳንዳያኔ? ነ ናአ ሃ እካያ” ያጌዳ።

42 ናአይ ዬደ ደእሸን፡ ኢታ እያናይ እ ሳኔን ኦሊደ ኮኮርሲዳ፤ የሱሰ ኢታ እያና አጋ ግ ናአ ፓሊደ እ እቦ ዛሪደ እሜዳ።

43 አሳይ ኡባይካ ጸሳ ዋልቃማ ዋልቃፕ ደንደዋን ማላለቲድኖ።

የሱሰ ባረ ሀይቁዋባ ላኢንሉዋ ኦዴዳ (ማቶሳ 17:22-23፤ ማር. 9:30-32)

44 “ታና አሳ ናአ፡ አሳይ አሳ ኩሽያን አሊደ እማናዋ፤ ሀንተንቱ ሀ የወዋ ደሳፕተ” ያጌዳ።

45 ሽን እ ግያዋ ኡንቱንቱ እኩክበይክኖ። ኡንቱንቶ ገለና ማላ ኡንቱንቱፕ ጌሜዳ ድራው፡ ሀ የወዋ የሱሳ ኦቻናው ያዬድኖ።

ኡባፕ እድያዌ ኦይሻ? ያግያ ኦሻ (ማቶሳ 18:1-5፤ ማር. 9:33-37)

46 እ ካልያዋንቱ፡ “ኑ ግደፕ ዳርያዌ ኦይ?” ያጌደ ፓሉሙቲድኖ።

47 የሱሰ ኡንቱንቱ ዋዛና ቆፋ ኤሪደ፡ ጉሳ ናአ አሂደ፡ ባረ ማታን ኤሲደ።

9:23 ማቶሳ 10:38፤ ሉቃስ 14:27 ቶ 9:23 ማስቃልያ- ሀዋ ጉሳይ፡ እት አሳይ ባረ ላይላ ኡባን ጸሳ ካሊደ ሻከተናን ቶካናው በሰያ ሙቱዋን ዋይያ። 9:28 2 ጸጽ. 1:17፣ 18 § 9:31 ሀይቃናዎ- ግሪክ ማጻፋ ቆፋን ሀዋ ጉሳይ፡ “የሱሰ ሳሉዋ ብያዎ”፤ ሀዌ ቃይ እ ሀይቁዋፕ ደንደያዋን ያቲደ ሳሉዋ ብያዋ ኡባ ሸሽ ኦይቁዳ ቆፋ። 9:46 ሉቃስ 22:24

48 “ሀ ጉላ ናእ ታ ሱንላን ሞክያዌ ኦንነ ታና ሞኬዳ፤ ቃይ ታና ሞክያ ኡባይ፤ ታና ኪቴዳ ታ አባ ሞኬ። ሀንተንቱ ኡባፕ ጉጽያዌ ኡባፕ ዳራ” ያጌዳ።

ሀንተንቱ ግያዋ ጳልቀና ኡራይ ሀንተንቱ ባጋ

(ማር. 9:38-40)

49 ዮሃንስካ ዛሪደ፤ “ጎዳወ፤ እት አሳይ ነ ሱንላን ኢታ አያናቱዋ ከሰያዋ ኮን በእደ፤ ኑ ባጋ ግደና ድራወ፤ አ ድጌደ” ያጌዳ።

50 ሸን የሱስ አ፤ “ሀንተንቱ ግያዋ ጳልቀናዌ ሀንተንቱ ባጋ ግደና ድራወ፤ አ ድጎፕተ” ያጌዳ።

ሳማርያ ካታማ አሳቱ የሱሳ ሞካናወ ኮይበይክና

51 የሱስ ሳሉዋ ብያ ዎዲ ማትና፤ ባረ ዎዛና ቆፋ የሩሳላመኮ ዛሬዳ።

52 ባረፕ ስንሳወ ኡባ የወዋ ጊግሳና ማላ፤ ኪተትያ አሳ ሳማርያ ካታማ ኪቴዳ።

53 ሸን አ የሩሳላመ ባናወ ደንዴዳ ድራወ፤ አሳይ አ ሞክበይክና።

54 አ ካልያዎንቱ ያቆብነ ዮሃንስ ሄዋ በእደ፤ “ጎዳወ፤ ኮን ኤላስ አላዋዳን፤\* ታማይ ሳሉዋፕ ዪደ ኡንቱንታ ማናዳን ጸሳና ማላ ኮያይ?” ያጌድና።

55 ሸን የሱስ ጉዮ ሰሚደ፤ ኡንቱንታ ሴሬዳ። †

56 “ታን፤ አሳ ናእይ፤ አሳ ሸምፕዋ አሻናወ ዮዋፕ አትን፤ ባይዛናወ ያበይከ” ያጌዳ። ኡንቱንቱ ሀራሳን ደእያ ቄር ካታማ ቤድኖ።

የሱሳ ካልያዎንታ ጋክያ ፓጭያ

(ማቶሳ 8:19-22)

57 ኡንቱንቱ ኡግያና ቢሸን፤ እት ብታኒ የሱሳ፤ “ጎዳወ፤ ኔን ብያሳ ኡባ ታን ኔና ካላና” ያጌዳ።

58 የሱስ አ፤ “ዋራካናቶ ኦላይ፤ ሳሉዋ ካፋቶካ ጎሊ ደኤ፤ ሸን ታን፤ አሳ ናእይ፤ ጎሊ ሸምፓ አክያ ሳእይ ታወ ባዋ” ያጌዳ።

59 የሱስ ሀራ ኡራ፤ “ታና ካላ” ያጌዳ።

ሸን፤ ብታኒ፤ “ጎዳወ፤ ታን ካሰያን ባይ ታ አባ ሞጋና” ያጌዳ።

60 የሱስ፤ “ሀይቆዋንታ ባረንቱ ሀይቆዋንቱ ሞግኖ፤ ኔን ባይ፤ ጸሳ ካወተላባ ኦዳ” ያጌዳ።

61 ቃይ ሀራ ብታኒ፤ “ጎዳወ፤ ታን ኔና ካላና፤ ሸን ኮይሩዋን ታ ሶይ አሳ ባይ ሳርታና” ያጌዳ።

62 ሸን የሱስ አ፤ “ቦራ ጎሻናወ ደዋዌ ኦንነ ጉዮ ጸሎፕ ጸሳ ካወተላወ በሰና” ያጌዳ።

# 10

ሞሽራቹዋ ቃላወ ኪተቱዳ አሳቱዋ

1 ሀዋፕ ካላ ጎዳይ ሀራ ላፑን ታሙ \* አሳ ሱንሊደ ላኡዋ ላኡዋ ኦሊደ አ ባናወ ደእያ ካታማ ኡባ ኪቴዳ።

2 የሱስ ኡንቱንታ፤

“ቆይቻወ ጋኬዳ ካሳይ ዳራ፤ ኪተትያ አሳይ ጉላ። ሰም ቆይጨትያ ካላ ጎዳይ፤ ቆይቻወ ኪተትያዋንታ የዳና ማላ ዋሰተ።

3 ታን ደርሳቱዋዳን ዋላቱዋ ግደ ሀንተና ኪታይ፤ ቢተ።

4 ሀንተንቱ ኦገወ እያን ኦይቆፕተ፤ ቦርሳ፤ ቃርጨትያ፤ ጫማ፤ ግድናካ ኦይቆፕተ፤ አሳና ሳርተቲደ ኦግያን ዎድያ ወርሰፕተ። †

5 “ሀንተንቱ ገልያ ጎሊ ኡባ ካሰያን፤ ሳርተላይ ሀ ጎሊወ ግደ፤ ያግተ።

6 ሄ ጎልያን ሳርተላ ደሰያ አሳይ ደአፕ፤ ሀንተንቱ ሳርታይ ሄ ጎልያን አቃናዋ፤ ኮየናዋ ግደፕ፤ ሀንተንቱ ሳርታይ ሀንተንቶ ሰማናዋ።

7 ሄ ጎልያን ኡንቱንቶ ደእያዋፕ ሚድን ኡሺደ ደአሸተ፤ ኦሳንቻወ አ ድርጉዋ ጭጋይ ኮሺ፤ እት ጎልያፕ ሀራ ጎልያ የዮፕተ።

\* “አይ ካታማን ሀንተንቱ ገልያ ዎደ፤ አሳይ ሀንተና ሞክ አኪደ ሞዛናወ ሺሸዋ እያን ሚተ።

\* 9:54 ኤላስ አላዋዳን፤ እት እት ገሻ ማጸፋ ብላላን፤ “ሀ አሳ ወርሳናወ” ያጌ። † 9:55 ኡንቱንታ ሴሬዳ፤ እት እት ገሻ ማጸፋን ደእያ ብላላይ፤ “ኔን አይ ማላ አያንቶ፤ ኔና ኤርኪ? አሳ ናእይ አሳ ሸምፕዋ አሻናወ ዬዳፕ አትን፤ ባይዛናወ ይቤና” ያጌ። 9:61 1 ካታ. 19:20 \* 10:1 ላፑን ታሙ፤ እት እት ገሻ ማጸፋ ብላላን፤ “ላፑን ታማን ላኡ”። አይሁዳ ዋጋን ቢታ ቦላን ደእያ አሳ ዘረላይ ላፑን ታማ። ሸን ካሰ ኤጫ ግሪክ ማጸፋ ብላላን ደእያዋ፤ “ላፑን ታማን ላኡ”። ኦን ኤር የሱስ ባረ ቃላ አላዋያ የሹዋን ጋሳናወ ሀ ፓይዳዋና ቃራ አሳ ሱንሊደ ከተናን እና ያግያ ቆፋይ ደኤ። 10:2 ማቶሳ 9:37፤ 38 10:3 ማቶሳ 10:16 † 10:4 አሳና ሳርተቲደ ኦግያን ዎድያ ወርሰፕተ፤ ሄ ጋላሳን ጋራተላን ኦልያ ሳርታይ ዎድያ ሎይላ ማያ ድራወ፤ ሀዌ ሃሳየቱዳ። 10:4 ማቶሳ 10:7-14፤ ማር. 6:8-11፤ ሉቃሳ 9:3-5 10:7 1 ቆር. 9:14፤ 1 ጽዋ. 5:18



9 ሄ ካታማትን ደእያ ሀርጋንቻቱዋ ፓሊደ አሳዉ። ጸሓ ካዉተላይ ህንተኮ ማቴዳ፥ ያጊደ እድተ።

10 የዉዋን ቃይ እይ ካታማን ገሎደ። አሳይ ህንተንታ ሞክ እከርዋንታ ግደፕ ሄ ካታማ ቃጳእኮ ከሰኔ።

11 ጉን ህንተና ዬላያናዉ። ሀራይ አቶ ኑ ገድያ ቦላን ደእያ ህንተንቱ ካታማ ባናካ ህንተንቶ ቆቆፌቶ ፍ፤ የዉዋን ቃይ። ጸሓ ካዉተላይ ህንተንቱን ማቴዳዋ ኤርተ። ያግተ።

12 ፕርዳ ጋላሰ ሀ ካታማት ሶደማ ካታማ ጋኬዳ ሙራይ ካዉሻናዋ ያጋይ ታን ህንተዉ ኦዳይ።

አማናን እጹዳ ካታማቱዋ  
(ማቶሳ 11:20-24)

13 “እየ ነዉ ኮራዚኒ፤ እየ ነዉ ቤተሳይደ፤ ህንተንቱን ሀኔዳ ማላታቱ ጸርሳ ካታማን ሲደና ካታማን ሀኔደንቶ። ሄዋን ደእያ አሳቱ ካዩዋ ማዩዋ ማዩደ። ብድንሳ ቦላን ኡቲደ። በገፕ ባርንቱ ናጋራፕ ሰማናዋንታሽን።

14 ሀዋ ድራዉ። ሙረትያ ጋላሰ ህንተንቱፕ አሊደ ጸርሳ ካታማዉን ሲደና ካታማዉ ሙራይ ካዉሻናዋ።

15 ሀን ቅፍርናሆሙ። ኔን ሳሉዋ ፑደ ቶቁ ጋናዉ ኮያድ? ዱገ ሰኦልያ ዋጻናሳ።

16 “ህንተንቱ ግያዋ ሰሰያ አሳይ። ታን ግያዋ ሰሰ፤ ህንተንታ እጽያ ኡራይ ታና እጹ፤ ታና እጽያ ኡራይ ታና ኪቴዳዋካ እጹ” ያጌዳ።

አ ካልያዋንቱ ኪተቴዳሳፕ ሰማድኖ

17 ላፑን ታሙ አሳቱካ። “ጎዳዉ። ኢታ እያናቱካ ነ ሱንላን ኑዉ አዛዘቴድኖ” ያጊደ ናሽቻን ሰማድኖ።

18 የሱሰካ ኡንቱንቶ። “ሴጸናይ ዋልቃንሳዳን ሳሉዋፕ ዋጵሽን በእድ።

19 ሰም ሸሻን ሱጉዋ የጻጸናን ህንተንቱ ሞርክያ ጸላህያ ዋልቃ ጸናና ማላ ማታ እማድ። ህንተንታ ቆሀናዋ አይኔካ ደኤና።

20 ግደፕ አትን ህንተንቱ ሱንላይ ሳሉዋ ማዘንሳሰያን ጸፈቶ ድራዉ። ናሽተተፕ አትን ኢታ እያናቱ አዛዘቶ ድራዉ ናሽቶፕተ” ያጌዳ።

የሱሰ ባር ናሽቻ ቆንጭሴዳ

(ማቶሳ 11:25-27፤ 16:13-17)

21 ሄ ዋድያን የሱሰ እያና ጌሻን ዳር ናሽቲደ። “ሳሉዋን ሳኦ ጎዳዉ። ኔን ሀ የዉዋ ታማርዋንቱፕን እጶ ኡራንቻቱዋፕ ገንሳይ። ቁር ናናዉ ቆንጭሶ ድራዉ። ኔና ጋላታይ፤ ኤ። ታ አቦ። እያዉ ሳፕ። ሀዋ ኡሳናዉ ነ ሎኦ ሽን ግዴዳ።

22 “ኡባ የዉ ታዉ ታ አቡፕ እሙቴዳ። ናእይ ኦንንቶ እዉዋፕ አትሽን ኦንን ኤርያዌ ባዋ፤ ሄዋዳንካ እዉ ኦንንቶ ናኦፕን እ ቆንጭሳናዉ ኮዮ ኡራፕ አትን። ሀራይ ኦንን ኤርያዌ ባዋ” ያጌዳ።

23 ካሊደካ የሱሰ ባርና ካልያዋንቱን ሰም ዋጲደ። ኡንቱንቱ ጸላላ። “ህንተንቱ በእያዋ ጴልያ አይፋቱ እንጀቴዳዋንታ።

24 ታ ህንተዉ ኦድያዌ አይ ሳፕ። ጮራ ናባቱን ካታቱ ህንተንቱ በእያዋ በእናዉ አሞቴድኖሽን በእበይክና፤ ህንተንቱ ሰሰያዋካ ሰሳናዉ አሞቴድኖ፤ ሽን ሰሰበይክና” ያጌዳ።

አሳዉ ቃረትያ ሳማርያ ብታንያ

25 አት ጋላሰ ሀግያ ኤርያዌ እቱ የሱሳ ፓጫናዉ አኮ ዪደ። “ታማርሰያዎ። ሙጵና ደኡዋ ላታናዉ። ታን እያ ኦሎ?” ያግ ኦቹዳ።

26 የሱሰ ዛሪደ። “ሙሴ ሀግያ ማጸፋን ጸፈቶዌ አይ? ኔን እያ ጋይ ብላይ?” ያጌዳ።

27 ብታኒካ። “ሙሴ ሀግያ ማጸፋይ። ጸሳ ነ ጎዳ ፖሎ ነ ዋዛናፕ። ፖሎ ነ ሸምፑዋፕ። ፖሎ ነ ዋልቃን ፖሎ ነ ቆፋፕ ሲቃ፤ ሄዋዳንካ ነ ላገላካ ነ ሀጲያዳን ደሳግ ጌ” ያጌዳ።

28 የሱሰ አ። “ልክ። ቱሙዋ ጋዳ፤ ሰም ኔንካ ሀዋ ኦላ፤ ደኡዋን ደአናሳ” ያጌዳ።

29 ሙሴ ሀግያ ታማርሰያ ብታኒ ቃይ ባርና ጸሎ ኦላናዉ ኮዪደ የሱሳ። “ሀናሽን። ታ ላገላይ ኦኒ?” ያጊደ ኦቹዳ።

30 የሱሰ ዛሪደ። “አት ብታኒ የሩሳላሙፕ እያርኮ ቢደ ደእሽን። ኦግያ ቦላን ፓናቱ አ ደሚደ። አ ማዩዋ ቃርዋፕ ጉዮ ሾጪደ። ሀይቃናዉ ፖሎ ጎደ ኦሊደ ቤድኖ።

‡ 10:9 ጸሓ ካዉተላይ ህንተኮ ማቴዳ- ሀዋ ጉሳይ። “ጸሓ ካዉተላይ ሀዋን ዋይ ህንተንቱ ግደን ደኤ” ጉሳ። § 10:11 ባናካ ህንተንቶ ቆቆፌቶ- ሀዋ ጉሳይ። እጹዋ በሰያዋ። 10:11 ከታ 13:51 10:12 ደሙሳ 19:24-28፤ ማቶሳ 10:15፤ 11:24 10:15 አላ. 14:13-15 10:16 ማቶሳ 10:40፤ ማር. 9:37፤ ሉቃስ 9:48፤ ዮሀ. 13:20 10:27 ዋጋ 19:18፤ ዛር. 6:5

31 ቆጥሩን እት ቁሳይ ሄ ኦግያና ብደእያዌ፣ ሾጨቲደ ኩንዴዳ ብታንያ በኤዳ ዋደ፣ እያነ ኦግናን ምይያና አጂደ ቤዳ።

32 ሄዋዳንካ እት ሊዌ ሄ ኦግያና ብደእኤ። እካ ብታንያ በኤደ፣ ምየት አጂዳ።

33 ሸን ሳማርያ አሳ ግዴዳ እት ብታኒ፣ ሄ ባገና አጂደ፣ ሀ ብታንያኮ ዬዳ። እ በኤዳ ዋደ አዉ ቃረቲዳ።

34 እኮካ ሸቂደ፣ ዛይትያን ዋይንያ ኤሳ \* አ ማይላን ትጊደ፣ ቃቼዳ። ሄዋጥ ጉየ ባረ ሀርያ ቶግሲደ፣ አማሳይ አቅያ ጎልያ እክ ቤዳ፤ ሄዋን ብላዪደ ናጌዳ።

35 ምንተላ ጋላሰ ጉላ ብራ ባረ ከሲያጥ ከሲደ፣ አማሳይ አቅያ ጎልያ ጎዳዉ አሚደ፣ ሀ ብታንያ ታዉ ሎይላ ብላጃ፤ ሀዋጥ ዳሩዋ ኔን ከሶጥካ፣ ታን ሰምያ ዋደ ነዉ ጭጋና፣ ያጌዳ።

36 “ሰም ሀ ሄኮ አሳቱዋጥ፣ ፓናቱዋ ኩሸያን ሾጨቲደ ኩንዴዳ ብታንዉ፣ ላገ ግዴዳዌ ሀቃዋ ማላቲ?” ያጌዳ።

37 ሀግያ ታማርሲያዌካ፣ “ሄ አዉ ቃረቶዋ” ያጌዳ።

የሱሰካ እ፣ “ሰም ባደ ኔንካ ሄዋዳን ኦላ” ያጌዳ።

የሱሰ ማርትነ ማይራም ሰይ ቤዳ

38 የሱሰ ባረና ካልያዋንቱና ኦግያ ቢደ፣ እት ሄራ ጋርሳ ጋኬዳ። ሄዋን ማርቶ ጌተትያ እት ምሽራታ ባረ ጎለን ሞካዲ።

39 እዘዉካ ማይራም ጌተትያ ምቻታ ደእዉ፤ ሄናካ የሱሳ ገድያ ማታን ኡታደ፣ እ ኦድያዋ ሀይዛደ ደእዉ።

40 ማርታ ቃይ ሰይባ ገግሳደ ዳቡራ ደእዉ፤ ሄዋ ድራዉ የሱሳኮ ሸቃደ፣ “ሀር ታ ምቻታ፣ ከታ ኡባ ታ ቦላ ኦልና፣ ታን ታረካ ላባናደ ጸላደ ጮኤ ጋይ? ሀያና ታና ማዳናደን እዘዉ ኡዳ” ያጋዲ።

41 የሱሰካ ዛሪደ እዘ፣ “ማርቲ፣ ማርቲ፣ ኔን ጮራ የዉዋ ቆጋደ ሀርጋ፤ ቃይካ ሙቶታ።

42 ሸን ኩሸያዌ አትባ፤ ማይራም ባረጥ ኦንክ እከና ሎኦባ ድራዲ” ያጌዳ።

11

የሱሰ ዋሳባ ታማርሲዳ (ማቶሳ 6:9-13፤ 7:7-11)

1 እት ጋላሰ የሱሰ እትሳን ዋሳ ዋሰ ደእኤ። ዋሳ ዉርሶዋጥ ጉየ እ ካልያዋንቱጥ እቲ፣ “ጎዳዉ! የሃንሰ ባረና ካልያዋንታ ዋሳ ታማርሲዋዳን፣ ኑናካ ኔን ዋግ ዋሳንጉቶ ታማርሳ” ያጌዳ።

2 እካ እንቱንታ፣ “ጸሳ ዋሲደ ያግ ዋሰተ፡

- “ ሳሉዋን ደእያ ኑ አቦ፣
- ነ ሱንላይ እንጅቶ፤
- ነ ካዉተላይ ዮ፤
- ነ ሸኒ ሳሉዋን ሀኖዋዳን ሳንካ ሀኖ፤

3 ጋላሳን ጋላሳን ኩሸያ ቁማ፣

ኡዉ ሀቼ አማ፤

4 ኑን ኑና ናቁዳዋንቱዋ፣

- ኡባ አቶ ጎዋዳን፣
- ኔንካ ኑ ናቁዋ አቶ ያጋ፤
- ኑና ኡታጥ ናጋጥ አትን፣
- ፓጭያን ገልሶጋ፣

ያግተ” ያጌዳ።

5 ቃይካ የሱሰ ባረና ካልያዋንታ፣ “ሀንተንቱጥ እቶ ሲቆ ላገ ደእንቶ ግደ ብላሀያን አኮ ዪደ፣ ማ ሲቆ ላገዉ፣ ታዉ ሄኮ ሱሉዋ ታልእ፤

6 እያዉ ጎጥ፣ እት ታ ላገላይ ዪና አ ምዝያዋ ጳያድ” ያግ ዋሲዳ ጎይተ።

7 ባረ ጎለን ደእያ እ ሲቆ ላገ ሰይጥ ሃሳዪደ፣ ማና ሙቶላጋ፤ ጥንገ ቃሸቴዳ፤ ታናናይካ ታናና ግሴድኖ፤ ሄዋ ድራዉ ታን ደንዳደ ነዉ አይነ አማናዉ ዳንዳይኮ፣ ጋናዌ?

8 ታን ሀንተንቶ ኦድያዌ እዬ ጎጥ፣ እ አዉ ሲቆ ላግያ ግደ ድራዉ፣ አመነንቶኔካ ኡንኤሉ ድራዉ እ ኮይያዋ ኡባ አሚ።

9 ሀዋ ድራዉ፣ ምሰተ፣ ሀንተንቶካ እመታናዋ፤ ኮይተ፣ ደማንታ፤ ካርያ ዪደ ጸሰተ፣ ሀንተንቶ ደየታናዋ” ያጋይ።

10:32 2 ኦዲዋ 28:15 \* 10:34 ዛይትያን ዋይንያ ኤሳ- ኦራሳ ጫቀዋ ዋድያን ሀዋንቱ ጳልያዋንታ ጌተቲደ እከተኖ። ኡባ ሀዋን ጸፈቲዳ ዛይቲ፣ ኦራሳ ጳልያ ማላታ ጌተቲ። ያይ። 5:14 ጸልተ። 10:38 ዮሃ. 11:1

10 ጋሱካ፣ ዎስያ ኡባይ አካናዋ፤ ኮይያ ኡራይካ ደማናዋ፤ ካርያ ዪዶ ጴሲያ ኡራው፣ ጥንጊ ደየታናዋ።

11 “ህንተንቱ ግደጥ ባረ ናአው፣ ሞልያ ዎስና ሾሻ፣ ቁማ እማ ጊና ሹቻ እምያ አው ደእ።

12 ዎይ ቁቁልያ ዎስና ሱጉዋ እምዬ።

13 ህንተንቱ ኢታ ግድ ደእደ ህንተንቱ ናናው ሎኦባ እምያዎ ኤርፕ፣ ያትና ሳሉዋን ደእያ ህንተንቱ አው ባረና ዎስያዋንቶ እያና ጌሻ ዎት ዳርሲደ እማንደሻ?” ያጌዳ።

የሱሳነ ብኤል-ዘቡላ  
(ማቶሳ 12:22-30፤ ማር. 3:20-27)

14 እት ጋላሰ የሱሰ እት ብታንያፕ ዱድሰያ እያና ከሶዋፕ ጉዩ ዱደ ብታኒ ሃሳይ ደምና፣ አሳይ ማላላቲዳ።

15 ሽን ከንቱንቱፕ እቱ እቱ፣ “ጋሊናቱዋ ካፑዋ ብኤል-ዘቡላ አው ዎልቃ እምና ጋሊናቱዋ ከሴ” ያጌድኖ።

16 እቱ እቱ ቃይ የሱሳ ፓጫናው ሳሉዋፕ ማላታ በሳናደን አፕ ኮዬድኖ።

17 ሽን የሱሰካ ኡንቱንቱ ቆፋ ኤሪደ ኡንቱንታ ሀዋ ያጌዳ። “ባረ ግደን ሻከትያ ካወተላይ ኡባይ ጳያናዋ፤ ሻከትያ ጎሊካ ኩንደ።

18 ያትና ሴጻና ካወተላይ ባረ ግደን ሻከቶፕ እ ካወተላይ ዎት ኤቃናዌ? ህንተንቱ ታና፣ ጳላህያ ካፑዋ ብኤል-ዘቡላ ነው ዎልቃ እምና ከሳ፣ ያግ ሃሳይታ።

19 ሰም ታን ብኤል-ዘቡላ ዎልቃን ጋሊናቱዋ ከሰያዋ ግደፕ ህንተንቱ ናናይ እ ዎልቃን ከሳናዋንቱ? ሀዋ ግድያ ድራው፣ ኡንቱንቱ ህንተንቱ ቦላን ፕርድያዋንታ ግዳናዋንታ።

20 ሽን ታን ጋሊናቱዋ ከሰያዋ ዶሳ ዎልቃና ግደፕ፣ ሰም ዶሳ ካወተላይ ህንተንቱኮ ዬዳዋ ኤርፕ።

21 “ዎልቃማ አሳይ በሰያዋደን ምኒደ ባረ ጎልያ ናጎፕ፣ እ ሻሎ ሎይል ናጎታናዋ።

22 የውዋን ቃይ አፕ ምኡዋ ዳርያዌ ዪደ እ ቆሆፕን ጸናፕ እ አማንቲዳ ቶራን ጎንዳልያ አፕ ዎል አከደ፣ አው ደእያ ሚሻ ግሽት እኩ።

23 “ታ ባጋ ግደናዎ ታናና ኤቀቱ፤ ታናና ሸሽ ቤናዌካ ላሌ።

ቱና እያናይ ካሰ የግ ቤዳ አሳኮ ሰሚደ ይያ ጋሱዋ  
(ማቶሳ 12:43-45)

24 “ቱና እያናይ አሳፕ ከሴዳ ዎደ፣ ባረው ሸምፕያ ሳ ኮዪደ፣ ሃላይ ባንታሳና አቲ ቤ። ሸምፕያ ሳ ደመናን አቶፕ፣ ታን ካሰ የጋ ከሴዳ ታ ጎልያ ሰማና፣ ያጌ፤

25 ሰምያ ዎደካ ጎሊ ፕተቲደ ጎሻዋ ደሜ።

26 ሃዋፕ ካላ፣ ቢደ ሀራ አፕ ኢታ ላፑ ቱና እያናቱዋ እክ ያ ገሊደ፣ ሄዋን ደእኖ፤ ሄ ብታንያ ደኡ ኮይርዋፕ ካላዌ ኢቶዋ ግዴ” ያጌዳ።

27 የሱሰ ሀዋ ሃሳይ ደእሸን፣ እት ሞሽራታ ጮራ አሳ ግደፕ ባረ ኮሻ ቁቁ አላደ፣ “ኔና የሌዳውናን ጳንሌዳ ነ ዳያ አንጀቱዳውኖ” ያጋዳ።

28 የሱሰ ቃይ፣ “አንጀቱዳዋንቱ ዶሳ ቃላ ሰሲደ አዛዘትያዋንታ” ያግ ዛራዳ።

ጸሳፕ ኦሰቶ ማላታ  
(ማቶሳ 12:38-42፤ ማር. 8:12)

29 ጮራ አሳይ ሸቆ ዎደ የሱሰ፣ “ሀ የለታይ ኢታ፤ ኦራላ ማላታ ኮዬ፤ ሽን ናብያ ዮናሳ ማላታፕ ሀራይ እመተና።

30 ጋሱካ ዮናሰ ነነዌ ካታማ አሳው ማላታ ግደዋደን፣ ታን፣ አሳ ናአይካ፣ ሀ የለታው ማላታ ግዳና።

31 አዋይ ሞክያሳ ጴልያ ዎደ፣ ኡሸቻ ዲገ ባጋና ደእያ ጋድያ ካታታ ሶሎሞንዉ ደእያ አቶ ኤራተላ ሰሳናው ቢታ ጋጸፕ ዬዳ ድራው፣ ፕርዳ ዎደ ሀ የለታን ደንዳደ ፕርዳናውኔ፤ በእተ፣ ሶሎሞንፕካ አቲያዌ ሀዋን ደኤ።

32 ነነዌ አሳይ ፕርዳ ዎደ ህንተንቱ ቦላ ደንዳደ ፕርዳናዋንታ፤ እያው ጎፕ፣ ኡንቱንቱ ዮናሰ ኦዶዋ ሰሲደ ባረንቱ ናጋራ ፓጽ ሰሚዳ ድራሳ፤ በእተ፣ ዮናሳፕ አቲያዌ ሀዋን ደኤ።

ቦላ ፖእሰያ ጸምፕያ  
(ማቶሳ 5:15፤ 6:22-23)

33 “ሶይ ገልያ አሳው ፖኦናዳን፣ ጸምፕያ ጸምፕደ ጾቃሳን ዋሳናፕ አትን፣ ጌማሳን ዋይ ፖኦቶ ካምያ የወዋፕ ጋርሳና ዋልያዌ ኦንነ ባዋ።

34 ነ አሳተላው ነ አይፊ ጸምፕያ ማላ፤ ነ አይፊ ፓጻ ግደፕ ነ ኩመንላ አሳተላይካ ፖኦቶ ደሜ፤ ሸን ነ አይፊ ሀርሳፕ ነ ኩመንላ አሳተላይካ ጹማ።

35 አኩካ፤ ሄዋ ግድያ ድራው፣ ነ ጋርሳን ደእያ ፖኦ ጹመናዳን ናገታ።

36 ሰም ነ አሳተላይ ኡባይ ፖኦቶን ኩሜዳዋ ግደፕ፤ ጹሜዳ አሳተላይ ኔናን ባይናዋ ግደፕ፣ ነ አሳተላይ ኡባይ፣ ጸምፕ ባረ ፖኦቶ ነ ቦላን ፖኦሰያዋዳን፣ ነ ቦላን ዋጋጋ ፖኦቶ ግዳናዋ” ያጌዳ።

የሱሰ ፓርሳዋቱዋን ሙሴ ህግያ ታማርሰያዋንታ ኩናኔዳ (ማቶሳ 23:1-36፤ ማር. 12:38-40፤ ሉቃሳ 20:45-47)

37 የሱሰ ሃሳና ወርሶዋፕ ካላ፣ እት ፓርሳዌ ብታኒ ባረ ጎለን ቁማ ማናዳን አታሌዳ፤ የሱሰካ አትፕ ገሊደ ጋይታን ኡቲዳ። \*

38 ፓርሳዌካ የሱሰ ቁማ ማናፕ ካሰን ኩሸያ ሜጨት ቤናዋ በኢደ ማላለትና፣

39 ጎዳይካ፣ “ህንተንቶ ፓርሳዋቶ፣ ጸኣነ ሻታ ቦላ ባጋ ጌሺታ፤ ሸን ህንተንቱ ጋርሳይ ኡዘያንነ ኢታተላን ኩሜዳ።

40 ህንተንቶ ኤያቶ! ቦላ ባጋ መጫዳዌ ጋርሳ መጽቤኔ?

41 ሸን ህንተንቱ ጸኣነ ሻታ ጋርሳን ደእያዋ ሀይሳቶ አምተ፤ ሄ ዋይ ኡባባይካ ህንተው ጌሻ ግዳናዋ።

42 “ሸን ህንተንቶ ፓርሳዋቶ፣ ህንተው አየ! አያው ጎፕ፣ አኑጋፕን ጸሎትያፕ፣ አፕፕያ ደኡዋፕ፣ ታው ኩሸያፕ እት ኩሸያ ጸሳው እሚታ፤ ሸን ቱሙ ፕርዳን ጸሳ ሲቅያዋ ህንተንቱ አገታ። የወዋን ቃይ ሄዋ አገናን ሀዋ ኦሳናው ቢሴ።

43 “ህንተንቶ ፓርሳዋቶ፣ ህንተው አየ! አያው ጎፕ፣ አይሁዳ አሳ ዋሳ ጎለን ቦንቾ ኡቲዋ፣ ገያ ግደንካ ቦንቾ ሳርታ ኮዪታ።

44 “አሳይ ኤረናን ቦላና ሀመትያ ቤተና ዱፋዋ ማላትያ ድራው ህንተው አየ!” ያጌዳ።

45 ሙሴ ህግያ ታማርሰያዋንቱፕ አቱ፣ “ታማርሰያዋ፣ ኔን ሀዋ ያጋ ሃሳዮ ድራው ኑና ቦራዳ” ያግ ዛሬዳ።

46 የሱሰ፣ “ህንተና ህግያ ኤርያዋንቶ፣ ሄንተው አየ! አያው ጎፕ፣ አሳይ ቶኪደ ዳንዳየና ዴጸ ቶኩዋ ሀራ ቶሲታ፤ ሸን ህንተንቱ ህንተ ሁጸው ብራጽያንካ ቦቾክታ።

47 “ህንተንቱ አዎቱ ዋጫዳ ናባቱዋ ዱፋዋ ሎይሰያ ድራው ህንተው አየ!

48 ሰም ህንተንቱ አዎቱ ናባቱዋ ዋጅና፣ ህንተንቱ ኤንቱንቱ ዱፋዋ ቦላን ጎልያ ኬጽያ ድራው፣ ናባቱዋ አሱ ሎአ ያጌደ፣ ኤንቱንቱዋ ማርካቲታ።

49 ሀዋ ድራው፣ ጸሳ አጾ ኤራተላይ፣ ታን ናባቱዋን የሱሰ ኪቶዋንታ ኤንቱንቱኮ ኪታና፣ ኤንቱንቱካ ሄዋንቱፕ አቱዋ አቱዋ ዋጃናዋንታ፤ አቱዋ አቱዋ መቶላናዋንታ ያጌዳ።

50 ሀዋ ግድያ ድራው፣ ሀ አላሚ መቶደፕ ደሚደ ጉኬዳ ናባቱዋ ሱላው ሀ የለታይ አሸቱ።

51 አቤላፕ ደሚደ ያርሹዋሳፕን ጌሻ ጎልያፕ ግዳዋን ጉኬዳ ዛካራሳ ሱላ ጋካናው ኮየቱ። † ኤ! ታን ጋይ፤ ሀ የለታይ ሀዋ አሸትያዋ።

52 “ህንተንቶ ሙሴ ህግያ ኤርያዋንቶ፣ ህንተው አየ! አያው ጎፕ ኤራ ፕንገያ ደይያ ቁልፕያ አኪድታ። ህንተንቱ ህንተ ሁጸውካ ገልበይክታ፤ ቃይ ገላናው ኮይያዋንታካ ድጌድታ” ያጌዳ።

53 የሱሰ ሄዋፕ ከሶዋፕ ጉይያን፣ ህግያ ታማርሰያዋንቱን ፓርሳዋቱ አ ኦሻን ኤርፕንሉሳን ኤቀቱሳ ደሚድና።

54 አ ደናፕ ሎኤናባይ ከሶፕ አይቃናው ጌዳና፤ ሸን ደምቦይክና።

# 12

ሎአ ማላትያ ኢታተላፕ ናገታና ማላ ሴራ (ማቶሳ 10:26፣ 27)

1 ሄ ዋጅያን ጮራ ሻአን ፓይደትያ አሳይ እቱ አቱዋ የጻፍ ጋካናው ሸቅ ደእሸን፣ የሱሰ ባረና ካልያዋንቶ ኮይሮ ኦዳናው ደሚደ፣ “ፓርሳዋቱዋ አርሹዋፕ ናገተቱ፤ ሀዌካ ሎአ ማላትያ ኤንቱንቱ አምያ ኢታ ትምርትያ።

2 ሸን አያንነ ካሙቲዳ የወ ቆንጮያ ከሰናን አተና፤ ቃይካ ጌሜዳ የወ ኤረተናን አተና።

11:33 ማቶሳ 5:15፤ ማር. 4:21፤ ሉቃሳ 8:16 \* 11:37 ጋይታን ኡቲዳ- ቁማ ማናው አቲዳ ጉሳ። 11:42 ጋጋ 27:30 † 11:51 አይሁዳቱዋ ማጻፋቱዋ ጋርሳን ደሙላ ማጻፋይ ኮይሮ ማጻፋ። አካ፣ አቤል አሳ ኤባፕ ኮይረዋን አሻይ አ ዋጫዳ ዋይ። አይሁዳቱዋ ጌሻ ማጻፋቱዋ ወርሰላ ማጻፋይ ላኤንሰያ ኦዳዋ ማጻፋ። ሄ ማጻፋን ዛካራሰ ወርሰላን ሀይቁዳዋ ኦድያ ድራሳ ሉቃሰ አቤላፕ ዛካራሳ ጋካናው ጌዳዌ። 12:1 ማቶሳ 16:6፤ ማር. 8:15

3 ሄዋ ድራው ህንጥ ጭማን ሃሳዮዌ ኡባይ፣ ጋላስ ፖኡዋን ሰስታናዋ፤ ህንጥንቱ አሳይ ባይናሳን ህን ግሶ ጎልያን ሀይላን ሳሱኮዌ ኡባይ ጶቄ ጌዳ ሰስትያ ቆንጨሳን አዋየታናዋ።

እት ጸሳ ጸላላው ያያና በሴ  
(ማቶሳ 10:28-31)

4 “ታናዳን አማንያዋንቶ፣ ታን ህንተው ያጋይ፤ ሀእ አሹዋ ዋጵያዋንታ፣ ሄዋጥ ካላ ቃይ እያን አሳናው ዳንዳየናዋንታ ያዮፕተ።

5 የወዋን ቃይ ህንተንቱ እስ ያያናው በሰንቶ ታን ህንተንታ ኤርሳና፤ ሄዌካ ዋጵዋጥ ጉይያን ጋናዎያን ኦላናው ማታይ ደእያ ጸሳ ጸላላው ያይተ፤ ኤ፣ አው ያይተ ያጋይ።

6 “አጅሹ ሱንያ ካፋቱ ሳንትሞያን ሻመትክናየ? ሄዋንቱጥ እትናን ኡሳ ጸሳይ ደገና።

7 ሸን ሀራይ እቶ ህንተንቱ ሁጲያን ደእያ ብናናይ ኡባይካ ፓይደቴዳዋ፤ ሀዋ ድራው ያዮፕተ፤ ህንተንቱ ጮራ ሱንያ ካፋቱዋጥ ዳሪታ።

የሱሳን አማንያዋንታን እ እጽያዋንታ  
(ማቶሳ 10:32፣ 33፤ 12:32፤ 10:19፣ 20)

8 “ታን ህንተው ኡዳይ፤ ታባ አሳ ሰንሳን ማርካትያዋ እስን ታንካ አሳ ናእይ፣ ቃይ ጸሳ ኪታንቻቱዋ ሰንሳን ማርካታና፤

9 ሸን አሳ ሰንሳን ታና ካድያዋንታ ታንካ አሳ ናእይ፣ ቃይ ጸሳ ኪታንቻቱዋ ሰንሳን ካዳና።

10 “ታ ሶላ፣ አሳ ናእ ሶላ፣ ሶርያ ቃላ ሃሳይያዌ ደእጥ እ ናቄ አቶ ጌተታና፤ ሸን ጌሻ እያና ሶላ ሶርያ ቃላ ሃሳይያዌ ደእጥ ቃይ እ ናቄ አቶ ጌተተና።

11 “አሳይ ህንተንታ እይሁደ ዋሰያ ጎልያኮ፣ ጋድያ እይሰያዋንቱክን ማታይ ደእያዋንቱ ሰንሳ ፕርዳወ ሺሸያ ዋደ፣ ‘ዋግ ዛራኔሻ? ዋይ እያ ጊደ ሃሳይኔሻ?’ ያጊደ ሀርጎፕተ፤

12 እያወ ጎፕ፣ ህንተና እያና ጌሻይ ህንተንቱ ሄ ሳትያን ሃሳያናው በሰያባ ታማርሳናዋ” ያጌዳ።

ዱረ ብታንያ ቦዛተሳ ኦድያ ለምሱዋ

13 አሳ ጋርሳፕ እት ብታኒ የሱሳ፣ “ታማርሰያዎ፣ ኑ እቡ ሀይቁና ኑን ላታና ማላ አቴዳባ፣ ታወ ግሻና ማላ ሀያ ጎዶ ታ አሻወ አዳ” ያጌዳ።

14 የሱሰ ቃይ፣ “ሀ ብታነው፣ ህንተንቱ ሶላን ፕርድያዋ ግዳናዳን ሄዋ ህንተው ግሻናዳን ታና ኦኔ ሱንሴዳዌ?” ያጌዳ።

15 ጉጂደካ ኡባቱዋ፣ “አሳ ሸምፖ ሻሉዋ ዱረተላይ ደእዋ እመና ድራው፣ ያሪትያዋጥን የራትያዋጥ ናገትተ፤ ዱረተላ እመዋ ኡባጥካ ህንተና ናግጥ” ያጌዳ።

16 ካሊደካ ሀዋዳን ያግ ለምሱዋ ኡንቱንቶ ኦዳዳ፣ “አወ ደእያ ቢታይ ዳርሲደ ካላ ሞኬዳ እት ዱረ ብታኒ ደኤ።

17 ሀ ብታኒ፣ ‘ታወ ታ ካላ ዋላናው ግድያ ሳእይ ባንታዋ ድራው እያ ኦላሻ?’ ያጊደ፣ ባረ ዋዛናን ቆፔዳ፤

18 ሀዋዳን ያግ ማሌዳ፤ ‘ታን ዋታን ጎፕ፣ ታወ ደእያ ዬሰያ ኮላደ፣ ሀራ እክያ ዬሰያ መላና ያጊደ ማሌዳ፤ ሄዋን ታ ካላ፤ ታወ ደእያ ሚሻ ኡባ ዋላና።

19 ያታደ ታና፣ ‘ሳ ካጫይ ዳር ሎአ፤ ነወ ዳር ዋድያወ ግድያ ማጶዋ ሺሻዳ፤ ሰም ሸምፓደ ማ፣ ኡሻ፣ ናሸታ” ጋና ያጌዳ።

20 “ሸን ጸሳይ እ፣ ‘ሀ ቦዛው፣ ሀቼ ቃማ ኔን ሀይቃ። ያትና ሀ ኔን ሺሼዳ ማጶ ኡባይ ኦስ ግዳናዌ?’ ያጌዳ።

21 “ሳረወ ቢታ ሶላን ሻሉዋ ሺሸያዌ፣ ጸሳ ሰንሳን ቃይ ማንቆ ግዴዳ አሳይ ሀ ብታንያ ማላ” ያጌዳ።

ኡባ ዋደ ጸሳን አማንቱሳ ኮሺ  
(ማቶሳ 6:25-34)

22 ሀዋጥ ካላ የሱሰ ባረና ካልያዋንታ፣ “ሀዋ ድራው፣ ታ ህንተው ኦዳይ፣ ህንተንቱ ፓጻ ደእናው እያ ማኔ? ህንተንቱ ሶላወ እያ ማያኔ? ያጊደ ሀርጎፕተ።

23 “ጋሱካ፣ ሸምፕ ቀማፕ፣ ቃይ አሳተላይ ማዩዋጥ እሴኔ?

24 እን ቁራቱዋ ዴልተ፤ ኡንቱንቱ ዘርክና፤ ጫክክና፤ ኡንቱንቱ ካላ ሺሸያ ሳእይ ዋይ ዬሲ ባዋ፤ ሀናፕ እትን፣ ኡንቱንታ ጸሳይ ምዜ፤ ህንተንቱ ካፋቱዋጥ ዳርፕ ዳርክቲ?

25 ህንተንቱጥ ዳሪ ቆፔደ ዳር ዋድያ ደእናው ዳንዳይያዌ ኦኔ?

26 “ሰም ህንተንቱ ሀ ላፋባ አሳናው ዳንዳየናዋንታ ግደፕ እያወ ሀራባው ሀርገቲቲ፣

27 ጨሻቱ ዋት ድጨናንቶ እነ ጸልተ፤ አንቱንቱ ኪታን ዳቡርክኖ፤ ፑቱዋ ሱቁክኖ፤ ግደ ሸን ታን ህንተዉ ኦድያዌ፣ ሶሎሞን ሄዋ ኬና ቦንቼቴዳዋ \* ግዲደ፣ ሄ ጨሻቱዋፀ ለቱዋ ማላን ማይቤና።

28 ህንተንቶ ላፋ አማኑ ደእያዋንቶ፣ ያቶፀ ጸሳይ ሆቼ ቤቲደ፣ ዋንታ ታማን ኤጻናዉ አለትያ፣ ደንባን ደልያ ማታ ሀዋዳን ማይዝያዋ ግደፒ፣ ህንተንታ ዋቲደ አንቱንቱፀ ለጳደ ማይዘኔ?

29 “ሀዋ ድራዉ፣ ላያ ማኔ? እያ ኡሻኔ?” ያጊደ ኡባ ዋደ ኮኖፕተነ ሀርገፕተ።

30 እያዉ ጎፕ፣ ሀዋ ደማናዉ ሀ አላምያን ደእያ ጸሳን አማነተና አሳይ ሀርገቲኖ። ህንተንቶ ሀዋ ኡባይ ኮሽያዋ ሳሉዋን ደእያ ህንተንቱ አዉ ኤሬ።

31 ሄዋ ሀንያዋ አጊደ፣ ጸሳ ካዉተላ ኮይተ፤ እ ህንተንታ ኮሽያዋ ኡባ አማናዋ።

**ሳኢን ባረ ዲረተላን አማነቶዌ ሳሉዋን ዋኒ?**  
(ማቶሳ 6:19-21)

32 “ህንተንቱ ጉላ ግድንቶነ፣ ሳሉዋ ህንተንቱ አዉ ባረ ካዉተላ ህንተንቶ አማናዉ ናሽቴዳ ድራዉ ያኖፕተ።

33 “ህንተዉ ደእያዋ ዛልኢደ ማንቆ አምተ፤ ካይሱ ሺቀናሳን፣ ብልአይካ ሚናሳን፣ ሳሉዋን ዉረና ሚሻ ዳጋዪደ፣ ኤጨና ቃርጭታቱዋ ህንተንቱ ሀጸዉ ዋሳተ።

34 እያዉ ጎፕ፣ ህንተንቱ ዋዛናይ ህንተ ሚሻይ ደእያ ሳን ደእናዋ።

**ምኖ ኦሳንቻ**

35 “ህንተ ጸሳይ ዳንጨቶዋ፣ ህንተ ጸምፒካ ፖኤዳዋ ግደ።

36 ህንተንቱካ፣ ባረንቱ ጎዳይ ዪደ ፐንግያ ቆጵያ ዋደ፣ ኤለካ ደያናዉ ቡላቻፀ ሰማና ጋካናዉ ናግያ ኦሳንቻቱዋ ማለትተ።

37 ባረንቱ ጎዳይ ሶይ ዬዳ ዋደ ቤጎት ደእሸን ደምያ ሄ ኦሳንቻቱ አንጀቴዳዋንታ። ታን ቱሙዋ ጋይ፤ እ አንቱንታ፣ ላኡተተ” ጊደ፣ ባረ ዳንጨቱዋ ምንሲደ አንቱንቶ ቁማ አላደ ሾባናዋ።

38 ጎዳይ ሄካ ብላህያን ዋይ ሄካ ብላህያፀ ካላ ዬዳ ዋደ፣ ቤጎቲደ ገንጭ ናጊደ ቤትያ ቆማቱ አንጀቴዳዋንታ።

39 ሀዋ ቃይ ኤርተ፤ ካይሱ አይ ሳትያን ይንቶ ጎልያዉ ኤርንቶ፣ ጎሊ ቦከትያ ዋደ ጮኡ ጊደ ጸሊናሸን።

40 እሳ ናአይ ቆፕና ሳትያን ያናዋ፤ ህንተንቱ ገቢት ናግተ” ያጊደ።

41 ጸጵሮስካ “ጎዳዉ፣ ሀ ለምሱዋ ኔን ኦድያዌ ኑ ጸላላሴ ሀራ ኡባዉካ እትፀ ኦዳይ?” ያጊደ።

42 ጎዳይካ፣ “ሰም አንቱንቱ ባረ ሶይ አሳዉ ቁማ አማናዉ በሰያ ሳትያን አማና ማላ፣ እ ጎዳይ ሱንሳያ አማነቲዳን ኤራንቻ ምዝያ ቆማይ ኦኔ?” ያጊደ።

43 ጎዳይ ሰምያ ዋደ ሀዋዳን ከተተና ደምያ ቆማይ እ አንጀቴዳዋ።

44 ታን ህንተዉ ቱሙዋ ኦዳይ፤ ደእያ ማጺዋ ኡባ ቦላን እ ሱንሳናዋ።

45 የዉዋን ቃይ ሄ ቆማይ፣ “ታ ጎዳይ ኤለ ዬና፤ ጋምአናዋ” ያግ ባረ ዋዛናን ቆፖፕነ አቱማነ ማጨ ቆማቱዋ ሾቻ ደሞፕ፣ ቃይካ ኮኖዋዳን ሙሳነ ኡሻ፣ ማሶቱሳካ ደሞፕ።

46 ሄ ቆማ ጎዳይ፣ እ ቆፕና ጋላሰነ ሰፎቤና ሳትያን ያናዋ፤ ሄ ዋድያን እ ቃንጸጸሊደ፣ እ ግሹዋ ካጫካ አማነናዋንቱና እትሳ ኡዳናዋ።

47 ባረ ጎዳ ሸንያ ኤሪደ ገቢናዌነ እ ሸንያዳን ከተተና ቆማይ፣ እ ኢታ ጶላባ ጶኦበታናዋ።

48 ኤርቤናዌ ቃይ ጶኦበታናዉ በሰያዋ ኡፊዳዌ፣ ጉላ ጶኦበቱ። ዳርባይ አሙቴዳ አሳ ኡባፕ፣ አፕ ዳርባይ ኮየቴ፤ ዋልቃማ ሀዳራይ አሙቶዋፕ፣ አፕ ዳርሲደ ኮየቴ።

49 የሱሰ፣ “ታን ዬዳዌ፣ ሀ ሳኢ ቦላ ታማ ሳፋናሳ፤ ሀእካ ኤጼደንቶ፣ ታና አይ ኬና ናሽቻናዌሻ።

50 ታን ጸማቃታና ሙቱዋ ጽንቃታይ ፖለታና ጋካናዉ ዋናደ አንኤታይታ!

51 ሀ ሳኢ ታን ዬዳዌ፣ ሳርተላ አህናሳ ማላቲዬ? ህንተዉ ማላቶ። ታን ዮዌ፣ ሳርታዉ ግደናን ሻካናሳፕ እትን።

52 እያዉ ጎፕ፣ ሀእፀ ደምና እት ጎልያን ደእያ እቼሹ አሳቱ ሻከታናዋንታ፤ ሄዛቱ ላአቱዋ ቦላ፣ ላአቱካ ሄዛቱዋ ቦላ ደንዲደ ዋላቃታናዋንታ።

53 እዉ ናአ ቦላ፣ ናአይካ አዉዋ ቦላ፣ አታ ናት ቦላ፣ ናታካ እት ቦላ፣ ቦሎታታ ናአ ማኑ ቦላ፣ ናአ ማቻካ ቦሎታት ቦላ፣ ዋላሳን ደንዲደ ሻከታናዋንታ” ያጊደ።

\* 12:27 ሳሉዋን ሄዋ ኬና ቦንቼቴዳዋ፣ አይሁዳ ሳሳይ ሳሉዋን ባረ ደኤዳ ላይላ ኡባን ዳር ዲረተላን ደኤዳ ጊደ ቆፒኖ።  
12:27 1 ካታ. 10:4-7፤ 2 ኦዳዋ 9:3-6    12:35 ማቶሳ 25:1-13    12:36 ማር. 13:34-36    12:39 ማቶሳ 24:43፣ 44    12:50 ማር. 10:38    12:53 ሚክ. 7:6

ዎድያ ሀናታ ኤሩዋ  
(ማቶሳ 16:2-3)

54 ቃይካ የሱስ አሳው፡ “አዋይ ወልያ ባጋና ህንተ ሻርያ በአጥ፡ ሀእ ሀ ሳትያን ሄኮ ዎልቃማ እራይ ቡካና ሀኔ፣ ያጊታ፤ ቱሙካ ቃይ ቡኩ።

55 ዱገ ባጋና ጫርኩ ጫርኩደ፡ ሀቼ ሻማናዋ፣ ያጊታ፤ ጌተቶዋዳንካ ቃይ ሀኔ።

56 ህንተኖ ሎአ ማላትያ ኢታቶ፡ ሳክነ ሳሉዋ ዴሊደ፡ ሀናናዋ ኤራታ፤ ሽን ሀ ዎድያባ ዎት ኤራናው ዳንዳይክቲ?

ስጋተላባነ ሞቱዋባ  
(ማቶሳ 5:25-26)

57 “ዎይ ህንተንቲ ጽሎ ግዴዳ የወዋ ህንተንቲ አያው ፕርድክቲ?

58 ነ ሞርከያና እትጥ ፕርድያ ዳና ስንላን ሺቃናው ቦደ፡ ብር ኦግያ ቦላ ደእሽን ስገታ ድጋ። ሄዌ ጳዮጥ ኔና ጎቹደ ፕርድያ ዳናኮ አፋና፤ ዳናይካ ፖልሰው አላ እማናዋ፤ ፖልሰ ቃሾ ጎላነ የጋናዋ።

59 ታን ነው ኦድያዎ፡ ወርሰላ እጩዋ ጭጋና ጋካናው ሄዋጥ ከሳካ” ያጌዳ።

### 13

ናጋራጥ ሰመና ኡባይ ጳያና

1 ሄ ዎድያን እት እት አሳቲ የሱሳኮ ዪደ ጽላጸሰ ጋለላ አሳ ዎዲደ ኡንቲንቲ ሱላ ያርሹዋና እትጥ ዋሳኪዳዋ አው ኡዴድኖ።

2 የሱስካ ዛሪደ፡ “ሀዋንቲ ጋለላ አሳቲ ሀይቄዳ ድራው፡ ያትና ኡንቲንቲ ሀራ ጋለላ አሳ ኡባጥካ እዲደ ናጋራንታቸዋ ግደዋንታ ማላቲኖ?

3 ታን ያጋይ፡ ሀዋዳን ግደና፤ የወዋን ቃይ ህንተ ናጋራ ፓጸደ ናጋራጥ ሰመናን እጸጥ፡ ህንተንቲ ኡባቲካ ሄዋዳን ሀይቄታ።

4 ዎይ ሳልሆማ ግምቢ ኡንቲንቲ ቦላ ኩንዲደ፡ ዎዲደ ታማነ ሆሰፑን አሳቲዋ የሩሳላመን ደእያዋንቲ ኡባጥ እዲደ ናቆዋንታ ማላቲኖ?

5 ሀዋዳን ግደና ያጋይ፤ የወዋን ቃይ ናጋራ ፓጸና ጳዮጥ ኡባቲካ ሀዋዳን ባያንታ” ያጌዳ።

6 የሱስካ ሀዋዳን ያግ ለምሱዋ ኦዲዳ፡ “እት ብታንሳው ዎይንያ ቱራ ጎሻ ጋደን ቶከቲዳ ባላሰያ ጌተትያ እይፊ ሜተትያ ምላታ ደእው፤ ሄ ብታንካ ምላታ እይፋደንቶነ ጊደ ዬዳዎ፡ እይኔካ እይፍያ ደምቤና።

7 ዎይንያ ቱራ ናግያዋ እ፡ “ታን ሀ ባላሰያ ጌተትያ ምላትጥ እይፍያ ደማናው ሄዙ ላይላ ስመርታድ እያነ ደማበይከ። ሄዋ ድራው ደካ ደንሳ ድጋ፤ እያው ቢታ ጮ መልሳይ?” ያጌዳ።

8 ናግያዋካ ዛሪደ፡ “ጎዳው፡ ታን እ የሹዋ ሀሩማናውን ጌቱዋ ኦላናው፡ ሀ ላይላ ጸላላው ባሻ።

9 ስንሳው እይፎጥ ሎአ፤ ሽን እይፈናን እጸጥ ደከቱ” ያጌዳ።

የሱስ ቁና ሞሽራቶ ሳምባታ ጋላሳ ፓጼዳ

10 የሱስካ እት ሳምባታ ጋላሰ እይሁዳ ዋሳ ጎላቲዋጥ እቲዋን ታማርሰ ደኢ።

11 ሄዋንካ ታማነ ሆሰፑን ላይላ ኩሙንላ ቲና እያናይ ቁንሴዳ ሞሽራታ ደእው። እዛካ ሱራደ ኤቃናው እይነ ዳንዳያበይከ።

12 የሱስካ እዞ በኤዳ ዎደ ዴሲደ፡ “ሀ ሞሽራቲ፡ ነ ሀርግያጥ ፓጸዳ” ያጌዳ።

13 የሱስ ባረ ኩሽያ እዞ ቦላ ዎሰና፡ ሄ ዎደ ሱራ ስት ጋ ኤቃደ ባረ ጸሳ ጋላታዳ።

14 ሽን እይሁዳ ዋሳ ጎላ ካፑ ቃይ የሱስ ሳምባታን ፓጼዳዋ ድራው ሀንቀት ዛርዋሽን አሳቲዋ፡ “ከተታናው በሰያ ኡሱፑን ጋላሳቲ ደእኖ፤ ሄ ጋላሳቲን ዪደ ፓጽተጥ እትን ሳምባታን ግደና” ያጌዳ።

15 ጎዳይካ ዛሪደ፡ “ሀ ሎአ ማላትያ ኢታ አሳቶ፡ ህንተንቲጥ እቲካ ሳምባታ ጋላሰ ቦራ ማጋዲዋጥ ዎይ ሀርያ ጋጸታጥ ብሊደ ሃሳ ኡሻናው አፈኔ?

16 ሀና ኡብራሃዋ ያራ ግዴዳውና፡ ታማነ ሆሰፑን ላይላ ኩሙንላ ጸላሂ ቃቹዳውና ሳምባታ ጋላሰ ሄ ቃሹዋጥ ብለታናው በስኬ?” ያጌዳ።

17 ሀዋ ኡዴዳ ዎደ ኤቀትያዋንቲ ኡባይ ዬላቲድኖ፤ አሳይ ኡባይ ቃይ እ ኡጼዳ ማላልሰያ ኡሱዋን ኡባን ናሽቲድኖ።

ሳናፍጭያ እይፍያ ዘርሳ ለምሱዋ

18 የሱስካ፡ “ጸሳ ካውተላይ እያ ማላቲ? እ እያ ማላትንቶ፡ ታን ህንተንታ ዎታ በሶ?

19 ጸሳ ካወተላይ ሳናፍጫያ ጌተትያ ቄር ሞላት አይፍያ ማላቱ። ሄ ሞላት አይፍያ አሳይ አኪደ ጎሻ ጋርሳን ዘራዳ፤ ዘረቶና ድጫደ ዎጋ ሞላ ግዳዴ፤ ያትና ሳሉዋ ካፋቱካ እዝ እጫ ቦላ ባረገቶ ጎልያ ኬጶድኖ” ያጌዳ።

እርሹዋ ሊምሱዋ  
(ማቶሳ 13:33)

20 የሱሰካ ዛሪደ። “ጸሳ ካወተላይ እያ ማላትንቶ። ታን ህንተንታ ዎታ በሶ?”

21 እት ምሽራታ ሄዙ ከርያ ጴልያ አካደ። ሙናቄዳ ሙናቃይ ኡባይ ደንዳና ጋካናወ። አን ትጌዳ እርሹዋ ማላቱ” ያጌዳ።

ኡንእ ፐንግያባ  
(ማቶሳ 7:13፣ 14፣ 21፣ 22)

22 ሄዋፐ ካላ የሱሰ የሩሳላመ ቢደ። ዎጋ ካታማንነ ቄር ካታማን ደእያ አሳ ታማርሲደ እጴዴ።

23 ሄ ዎደ እት ብታኒ ሺቄደ እ። “ጎዳወ። ጸሳ ፕርዳፐ አትያዋንቱ ጉላ አሳ ጸላሌ?” ያጌዳ። ሄዋፐ ጉየ የሱሰ አንቱንታ።

24 “ታን ህንተንቶ ኦዳይ፤ ኡንእ ፐንግያና ገላናወ ባጸትተ። ጮራ አሳይ ገላናወ ኮጶና፤ ሸን ዳንዳይበይክኖ።

25 ጎልያወ ደንዳደ። እፍላ ቃቾዋፐ ጉየ ህንተንቱ ካረን ኤቄደ። ጎዳወ። ጎዳወ። ኑወ ዳያርኪ” ያጌደ ጶሳ ደሞያ ዎደ። እካ ዛሪደ። ሳቃፐ ዬድተንቶ። ታን ህንተንታ ኤርከ” ያጋናዋ።

26 “ሄ ዎደ ህንተንቱ። ጉን ነናና አትፐ ሜዳ፤ ኡሺዳ፤ ኔን ኑ ሄራንካ ታማርሳዳ” ያጋናዋንታ።

27 “የሱሰ ቃይ። ታን ህንተንቶ ኦዳይ፤ ህንተንቱ ሳቃፐ ዬድተንቶ። ታን ህንተንታ ኤርከ፤ ኡባቱካ ማካላንቻቱ ታ ማታፐ ሃክተ” ያጋናዋ።

28 “አብራሃሞ። ደሳቅ። ያቆብነ ናባቱ ኡባይ ህንተንቱ ካረን ኤቄሸን። ጸሳ ካወተላን ደእያዋንታ ህንተንቱ በእያ ዎደ። ህንተንቶ ዬኮን እቻ ጳቆዋ ግዳናዋ።

29 “አሳይ አዋይ ዶልሳሳፐን ወልሳሳፐ። ቃይ ክልባጋፐን ሀርክባጋፐ ዪደ። ጸሳ ካወተላ ጋይታን ኡቲኖ።

30 በእተ፤ ጉየቱዳዋንቱ። ሰንሳታናዋንታ፤ ሰንሳቱዳዋንቱ ቃይ ጉየታናዋንታ” ያጌዳ።

የሱሰ የሩሳላመን ኦሌዳባ  
(ማቶሳ 23:37-39)

31 ሄ ዎደ ፓርሳዋቱዋፐ እቱ እቱ የሱሳኮ ዪደ። “ሄርድሰ ነና ዎሳናወ ኮይያ ድራወ። ሀዋፐ ባ ድጋ” ያጌድኖ።

32 የሱሰ ዛሪደ። “ቢደ ሄ ዎራካናወ። ሳቄነ ዎንት ኢታ እያናቱዋ ከሳና፤ ሀርጋንቻቱካ ፓላና፤ ሄዘንሉ ጋላስ ታ ኡሱዋ ወርሳና” ያግተ።

33 ሀናፐ አትን ናቢ የሩሳላመፐ ሀራሳን ሀይቃናወ በሰና ድራወ። ታን ሀቄ። ዎንትነ ዎንትፔሽ ኦግያ ቦላ ደእናወ በሴ።

34 “የሩሳላመ ካታማ አሳወ። የሩሳላመ ካታማ አሳወ። ናባቱዋ ዎቋያዋንቶ። ህንተንቱኮ ከተቶዋንታ ሹቻን ጫድያዋንቶ። ከታታ ባረ ማራቱዋ ባረ ቀፍያፐ ጋርሳና ሺሻ ሀጽያዋዳን። ታን ህንተንቱ ናና እት ጋድያ ሺሻናወ አፑ ገደ ኮያድታ! ሸን ታና ድጌድታ።

35 በእተ፤ ጸሳይ ህንተንቱ ጎልያ አይነ ኦልቤና፤ ታን ህንተንቶ ያጋይ፤ ህንተንቱ። ጎዳ ሱንሳን ይያዌ አንጀቱዳዋ” ጋና ጋካናወ። ታና በእክታ” ያጌዳ።

14

የሱሰ ሀርጋንቻ ሳምባታን ፓሌዳ

1 ሳምባታ ጋላስ ፓርሳዋቱዋ ሱንሳቱዋፐ እቱዋ ጎላ የሱሰ ቁማ ማናወ ገሌዳ ዎደ። እያ ከተትንቶ በእናወ አሳቱ ናግ ደእኖ።

2 ቦላይ ጋፍና ሙቶቶያ እት ብታኒ የሱሳፐ ሰንሳና ደኤ።

3 የሱሰ ሀግያ ታማርሰያዋንታን ፓርሳዋቱዋ። “ሳምባታን ፓላናወ ዳንዳየት ዳንዳየተኔ?” ጊደ ኦቼዳ።

4 ኡንቱንቱካ ጮኤ ጌድኖ። እ ሄ ብታንያ ቦላ ቦቻ ፓሌደ አ ሞይዜዳ።

5 የሱሰ ኡንቱንታ። “ህንተንቱፐ ሀሪ ዎይ ቦራይ ኦላን ከንድንቶ። ሳምባታ ጊደ ኤሌል ከሰናወ ኦኔ?” ጌዳ።

6 ኡንቱንቱካ ሀ የዎ እት ዛሩዋን እማናወ ዳንዳይበይክኖ።



አሸከተላባ

7 የሱሰ ሾበቶዋንቱ ቦንቾሳ ዶርያ ዋደ ደሊደ።

8 “አንነ ቡላቻ ደሶ፣ ቦንቹቴዳሳን ኡቶ፣ ኦን ኤር ነፕ አሊደ ቦንቹቶዌ ደሰቴዳዋ ግዳናዋ።

9 ኔናነ እነ ጸሳዌ ዪደ። ሳዋ፣ ኡቱዋ እዉ ዬዳ፣ ያግና፤ ሄ ዋድያን ዬላታደ ዳደና ደእያ ሳን ኡቱዋ ደማሳ፤

10 የወዋን ቃይ ኔን ጸሴቶ ዋደ ኔና ደሶዌ ዪደ። ሳታ ላገዉ፣ ክል ቆቃሳን ኡታ፣ ጋና ማላ፣ ባደ ኡባፕ ሆካሳን ኡታ፤ ሄ ዋደ ኔናና እትፕ ኡቱዳዋንቱ ኡባቱዋ ሰንሳን ነዉ ቦንቹ እወጋታናዋ፤

11 ባረ ሁጲያ ቆቁ ኦሳያ ኡባይ ቶሽታናዋ፤ ባረ ሁጲያ ቶቾያዋንቱ ቆቁ ገና” ያግ ሊሞሱዋ ኡንቱንቶ ኦዴዳ።

12 የሱሰ ባረና ጸሴዳዋ ዛሪደ። “ኔን ላጻ ዋይ ካዉዋ ጊግሴዳ ዋደ። ነ ላገላቱዋ ዋይ ነ እሻቱዋ ዋይ ዱረ ነ ሾራቱዋ ደሶ፣ እያዉ ጎፕ፣ ኡንቱንቱ ኔና ባረንቱ ታራን ደሴደ ኩሽያ ጭጋና ዳንዳዪና።

13 ሽን አታልያባ ጊግሴዳ ዋደ። ሀዬሳቱዋ፣ ጉንዳቱዋ፣ ደማቱዋን ቆቃቱዋ ደሳ።

14 ኡንቱንቱ ነዉ ኩሽያ ዛራናዉ ዳንዳዪናዋንታ ግድያ ድራዉ፣ ኔን እንጀታናሳ። ጽላቱ ሀይቁዋፕ ደንድያ ዋደ ጸሳይ ነዉ ኩሽያ ዛራናዋ” ያጌዳ።

ዋልቃሚ ባላ ሊሞሱዋ

(ማቶሳ 22:1-10)

15 የሱሰ ሃሳያ ዉርሰያ ዋደ። ቁማ ማናዉ ኡቶ አሳፕ እቱ ሀዋ ሰሲደ። “ጸሳ ካዉተላ ጋይታን ኡትያዌ አንጀቴዳዋ” ጌዳ።

16 የሱሰካ ሀዋዳን ጌዳ፤ “እት ብታኒ ዳር ሎኦ ካዉዋ ጊግሴደ። ጮራ አሳቱዋ ደሴዳ።

17 ካዉዋ ዋደ ጋክና፣ ካሰ ደሴቶዋንታ፣ ሀእ ካዉ ጊጌዳ፣ ሃይተ፣ ጊደ ደሳና ማላ ባረ ጎለን ኪተትያ ቆማ ኡንቱንቱኮ ኪቲዳ።

18 ሽን ኡባቱካ እት፣ ቤናዳን አጋና ማላ ዋሴድና፤ ኮይሮ ብታኒ ቆማዉ ኦዲደ። ሳታን ቢታ ሻሚዳ ድራዉ ባደ በአናዉ ኮሼ፤ ሄዋ ድራዉ ሀያ ጎደ ታዉ ሀንቀቶፓርክ” ጌዳ።

19 “ላኤንሳያዎ ጌዳ፣ ሳታን እቼሹ ዋላ ቦራቱዋ ሻሚዳዋንታ ዋጻ በአናዉ ብያ ድራዉ። ሀያ ጎደ ታዉ ሀንቀቶፓርክ” ጌዳ።

20 “ሀራይ ቃይ፣ ሳታን ማቻቶ እኬዳ ድራዉ፣ ያናዉ ዳንዳያበይከ” ጌዳ።

21 “ቆማይካ ዪደ ባረ ጎዳዉ፣ ሀናዋ ኡባ ኦዴዳ። ሄ ዋደ ጎዳይ ዳር ሀንቀቲደ። ባረ ጎልያን ኪተትያ ቆማ፣ ሳታን ካታማ ኡግያ ሎሶ ኡግያ ኤሊላደ ከሳ፤ ማንቃቱዋን ጉንዳቱዋ፣ ደማቱዋን ቆቃቱዋ ሃ አካደ ያ” ጌዳ።

22 “እ ቆማይካ፣ ሳዳዉ፣ ኔን ታና አዛዘዋዳን ኦሳድ፤ ሽን ሀእካ ሀራ አሳ አክያ ሳአይ ደኤ” ጌዳ።

23 ጎዳይካ ባረ ቆማ፣ ሳታ ጎሊ ኩማናዳን ሀን ኡግያፕ ካረ ባጋን ድርሳ ጋጻ ኡባ ከሳደ፣ አሳ ታ ጎሊ አካደ ያ።

24 እያዉ ጎፕ፣ ኮይሮ ታ ጎሊ ሾበቴዳዋንቱፕ እት አሳይን ታ ቁማ ሜና ጌዳ” ያጌዳ።

የሱሳ ካላናዉ ባረና ያርሹሳ ኮሼ

(ማቶሳ 10:37-38)

25 ጮራ አሳይ የሱሳና እትፕ ብደእያ ዋደ። እካ አሳኮ ገዮ ሰሚደ።

26 “አንነ ታኮ ይሳዌ ደኦፕ ባረ አባነ አቶ፣ ባረ ማቻቶን ባረ ናና፣ ባረ እሻቱዋን ሞቻቱዋ፣ ባረ ደኡዋ እሽናን ታፕ አሳ ደሶ፣ ታና ካልያዋ ጌተታናዉ ዳንዳዪና።

27 ኦንነ ባረ ማሰቃልያ ቶኪደ። ታ ጌዴዋ ካለናን ቆዮ፣ ታና ካልያዋ ግዳናዉ ዳንዳዪና።

28 “ሀንተንቱፕ እቱ ሹቻ ጎልያ ኬጻናዉ ኮዮ፣ ኪታ ዉርሳናዉ ግድያ ሻሎዋ ካሰቲደ ኡት ሄተናዌ ኦኔ?

29 ሄዌ ቆዮ፣ ጎልያ ደሚደ። ኪታ ዉርሳናዉ ዋልቃይ አጸፕ።

30 በኤዳዋንቱ ኡባይ፣ ሳታ ብታኒ ኬጻናዉ ደሚዳ፤ ሽን ኪታ ዉርሳናዉ ዳንዳይቤና፣ ጊደ ቅሊጪና።

31 “ዋይ ታሙ ሻእ ኦላንቻቱዋ ኦይቄዳ እት ካቲ፣ ሀራ ላታሙ ሻእ ኦላንቻቱዋ ኦይቄዳዋንቱና ኦላታናዉ ዳንዳዮፕን ኮይሮና፣ ታን ጸናኔ ጸንክታሻ ጊደ ኡት ቆፕኔ?

32 ባረዉ ዳንዳዮተናን ቆዮ፣ ኦላዉ ይያ የኮ ካቲ ሃኩዋን ደእሽን ኪቲደ ሰገታናዉ ዋሴ።

33 ስሞ ሀዋዳንካ ሀንተንቱፕ ኦንነ ባረዉ ደእያዋ ኡባ አገናዌ፣ ታና ካልያዋ ግዳናዉ ዳንዳዪና።

ጎሌና ማጽንያባ

(ማቶሳ 5:13፤ ማር. 9:50)

34 “ማጽኒ ሎእ፤ ሽን ሎቅሎቅናን ጻዮ፡ ላኤንሶ ለ ዋት ሎቅሎቅሳናዉ ዳንዳየቲ።

35 ቢታወካ ሎኤና፤ ቱኤያናወካ ማደናዋ ግዶ ድራዉ። አሳይ አ ኦል አጌ። ሰሰያ ሀይሳይ ደእያዋ ሀዋ ሰሶ” ያጌዳ።

15

ባዬዳ ደርሳ

(ማቶሳ 18:12-14)

1 አት ጋላሰ። ቃራጸ ሺሽያዋንቱ፤ ናጋራንቻቱ ኡባይ የሱሳ ሰሳናዉ አኮ ሺቄድኖ።

2 ፓርሳዋቱ፤ ሙሴ ህግያ ታማርሰያዋንቱ። “ሀ ብታኒ። ናጋራንቻቱዋ ሺሽያዋ፤ ኤንቱንቱና ቁማ ምያዋ” ያጌደ ዙዙሚድኖ።

3 የሱሰካ ለምሱዋን ዛራዋ ሀዋዳን ያግ ኦዴዳ።

4 “ጹቱ ደርሳይ ደእያ ኡራይ ህንተንቱ ግደ፤ ደእንቶ ሄዋ፤ አቱ ባይንቶ ኡዲ፤ ታማን ኡዲ፤ ጉቱ ደንባን አጌደ ባዬዳዋ ቤታና ጋካናዉ ኮየናዋ ኦኔ።

5 ደሚዳ ዋይ ናሽቻን ባረ ሀሽያ ቦላን ደርሳ ቶክ።

6 ባረ ጎላ ሰሚደ። ባረ ደሰያዋንታን ሾራቱዋ አት፤ ጸሴደ። “ባዬዳ ታ ደርሳ ደሞ ድራዉ። ታና አት፤ ናሽታት” ያጌደ ኦዴ።

7 ሄዋዳንካ ናጋራ ፓጸላ ኮሽና ኡዲ፤ ታማን ኡዲ፤ ጸላቱዋ፤ አሊደ ናጋራ ፓጸያ አት ናጋራንቻን ሳሉዋን ዳሮ ናሽቻይ ግዳናዋ።

ባዬደ ቤቴዳ ሳንትምያ

8 “ቃይካ ታሙ ናሃሰያ ሳንትሚ \* ደእያ ምሽራታ ታሙዋ፤ አቱ ባይንቶ ደማና ጋካናዉ ጸምፕያ ጸምፓደ። ጎልያ ፕታደ ሎይሳ ኮየናዉና አዛ ኦኔ።

9 አዛካ ደሚዳ ዋድያን ባረ ደሰያዋንታን ባረ ሾራቱዋ አት፤ ጸሴደ። “ታ፤ ባዬዳ ሳንትምያ ደሚዳ ድራዉ። ታና አት፤ ናሽታት” ያጌደ ኦዴዉ።

10 ሄዋዳንካ ናጋራ ፓጸያ አት ናጋራንቻ ጋሶተላን ጸሳ ኪታንቻቱዋ ሰንላን ናሽቻይ ሀናናዋ” ያጌዳ።

ባያ ናኣ

11 ጉጂደ የሱሰ። “ላኤ ናናይ ደእያ አት ብታኒ ደኤ፤

12 ኤንቱንቱ፤ ጉካ ናኣይ። “ሳ ማጸዋ፤ ታና ጋክያዋ እማ። ጌዳ። አወካ ባረ ማጸዋ፤ ናናቶ ግሺዳ።

13 ጉላ ዋድያ፤ ጉይያን ጉካ ናኣይ ባረና ጋኬዳዋ ኡባ ሺሽ አኪደ ህን ሃኮ ጋይ ቤዳ፤ ሄዋን ባረ አኬዳ ሚሻ ኡባ ላል ወርሰ አጌዳ።

14 አካ ደእያዋ ኡባ ወርሴዳዋ፤ ጉይያን ሄ ጋደን ዋልቃማ ኮሻይ ገሌዳ፤ አካ ሙቱዋን ኤንኤቱሳ ደሚዳ።

15 ሀዋ ድራዉ ሄ ጋደን ደእያዋንቱ፤ አቱዋኮ ሺቄደ። “ታና ነዉ ቆማ ኦሳርኪን?” ያግና። ብታኒካ ባረ ጉዲንሳ ዉድያ ሄማና ማላ አ ደምባ የዴዳ።

16 ጉዲንሳ ዉዲ ምያ ሀልኤዋ ማናዉ አሞቱዳ፤ ሽን ሄዋንቶካ አዉ አምያዋ ቤትቤና።

17 “ባረ ባይዙዋ ኤሮ ዋደ። “ቁማይ ጸኒደ ሳኣን አትያ ታ አቦ ኦሳያዋንቱ አፑኔ፤ ሽን ታን ሀዋን ኮሻን ሀይቃና ማታይታ።

18 ደንዳደ ታ አቡኮ ባኔ፤ ሀዋዳን ያጋና፤ “ታ አቦ። ጸሳካ ኔናካ ናቃድ፤

19 ሀንፕ ጉየ ነ ናኣ ያገታደ ጸሰታናዉ በሰከ፤ ነዉ ኪተትያዋንቱ፤ አቱዋዳን ታና ዋሳርኪ ጋና። ጌዳ።

20 ሄ ማንእያን ደንዳደ ባረ አቡኮ ዬዳ።

“አ ብሮ ሃኮዋን ደእሸን። አዉ በኢደ። አዉ ቃረቱዳ፤ አኮ ዋጽ ቢደ። አ አድም የራዳ።

21 “ናኣይካ። “ታ አቦ። ታን ጸሳካ ኔናካ ናቃድ፤ ሀንፕ ጉየ ነ ናኣ ጌተታደ ጸሰታናዉ በሰከ። ያጌዳ።

22 “ሸን አዉ ባረ ኦሳንቻቱዋ። “ኤሊል ቢደ። ኡባ፤ ደረቱዳ ሎኦ ማዩዋ አሂደ። አ ማይዘተ፤ አ ብራድያን ምግዴዋ። አ ገድያንካ ጫማ ተ ዋሰተ።

15:2 ለቃሳ 5:29-30 \* 15:8 ናሃሰያ ሳንትሚ- ግሪክ ቃላ ብላላን እትና። እት ጋላሳ ሙምያ ኦል ፔሺዳ ዋልቃ ኦሳንቻዉ ጭንቅያ ሚሻ ከና ግድያዋ ኦዴ። † 15:22 ምግዴዋ። ጫማ- ሀ ቃላቱ ናኣ አቦ። አ ገሎ ዋዛና፤ አኮዋ በሰያዋንታ። ምግዴ። ሄ ናኣይ ጎላን ደእያ አሳቱዋ ኡባ፤ ሎኦ ጸላቱዳዋ በሴ። ጫማይ ቃይ። አ ባረ አቦ አይላ ግድናን ናኣ ግድያዋ በሴ። አይላቱ ሄ ዋይ ጫማ ዋሰኑና።

23 ሞጴዴ ኮረማ አሂደ ሹክተ፤ ሞይተ፡ ርሸቶይተ፡፡

24 አያው ጎጥ፡ ሀዌ ታ ርአይ ሀይቄዳ፤ ሽን ሀእ ፓጼዳ፤ ባዬዳ፤ ሽን ሀእ ቤቲዳ፣ ያግር፡ ርሸቻ ደሚድኖ፡፡

25 “ሄ ዋድያን፡ ባይራ ርአይ ጋደን ደአያዌ ዪደ ጎለኮ ማትያ ዋደ፡ የላነ ዱሩዋ ኮሹንቻ ሰሴዳ፡፡

26 እካ የወ አየንቶ ኤራራወ ኮዪደ፡ ቆማቱዋጥ እቱዋ ጸሴደ፡ ሳሀዌ አይ? ጊደ ኦቼዳ፡፡

27 ቆማቲካ፡ ርላ አሻይ ሳር ዬዳ ድራወ፡ ነ አቡ ሞጶ ኮረማ አወ ሹኩዳ፣ ያግ ኦዴድኖ፡፡

28 “ባይራ ርአይ ሀንቀቲደ ጎለ ገልከ ያግ አጽር፡ አወ ካረወ ከሲደ፡ ገላናዳ ዋሴዳ፡፡

29 ሽን እ ዛሪደ ባረ አባ፡ ሂኮ ሀዋ ዜና ዋድያ ቆማዳን ነወ ከተታድ፤ ነ አዛዛዋጥ እቱዋነካ ፓጭሳ በይከ፤ ታ ለገላቱዋና እትጥ ርሸታና ማላ ሀራይ አቶ እት ዳሻ ቡልኡዋነ ታወ አማ በይካ፤

30 ሽን ሀዌ ነ ርአይ ነ ሚሻ ጫራቱዋና እትጥ ዲፍሲደ ዪና፡ ቋኮ ቦራ ሹካዳ፣ ያጊዳ፡፡

31 “አወካ እ፡ ታ ርአወ፡ ኔን ኡባ ጋላሳ ታናና እትጥ ደአ፤ ታሳ ግዴዳባይ ኡባይካ ነዋ፡፡

32 ሽን ሀዌ ነ አሻይ፡ ሀይቄዳዌ ፓጸ ድራወነ ባዬዳዌ ቤቶ ድራወ፡ ኩን ሚድን ኡሺደ ርሸታናወ በሴ፣ ያጊዳ፡፡

### 16

#### ጋርሳና ሱንላተላ እኩዳ ጭንጫ ብታንያ

1 የሱስ ባረና ካልያዋንቶ ኦዲደ፡ “እት ዱረ ብታኒ፡ ባረ ጎልያ ኡባ ቦላ ሱንጫዳ እት ብታኒ ደኤ፤ ሽን ሀ ብታኒ እ ሚሻ ባይዜ ያግያ ዝግርሳይ እ ጋኬዳ፤

2 ሄዋ ድራወ ባረ ሱንጫዳ ብታንያ ጸሴደ፡ ሳሀዌ ታን ሰስያ የወ አይ? ሀንጥ ጉየ ኔን ታ ጎልያንን ታ ሚሻ ቦላ ታጥ ጋርሳና ሱንጫታደ ከተታናወ ዳንዳያቤና ድራወ፡ ሆቼ ጋካናወ ከተቲዳዋ ሄታደ ሹቆ፣ ያጊዳ፡፡

3 “ሱንጫቲዳዌ ባረ ዋዛናን፡ ታ ጎዳይ ታና ሱንላተላጥ ኮላና ሀይ፤ ሽን ታ ዋኖሻ? ጎሻናወ ዋልቃይ ታወ ባዋ፤ ዋሳናወ ቃይ ታወ ፖኬ፡፡

4 ታ ኦላናባ ታ ኤራይ፤ እ ታና ሱንላተላጥ ከሶጥ፡ ባረንቲ ጎለ ቢና፡ ታና ሞክያ ለገላቱዋ ታን ደማና፣ ያጊዳ፡፡

5 “ባረ ጎዳጥ ሻሉዋ ታልኤዳ አሳቱዋ ሀጺያን ሀጺያን ጸሴደ፡ ኮይሮ ብታንያ፡ ራን ታ ጎዳጥ ዋይሳ ከና ሻሉዋ ታልኤዳ?” ያጊዳ፡፡

6 “አካ፡ ታን ጸቲ ባሪታ ኩሚዳ ዛይትያ ታልኤዳ” ያጊዳ፡፡

7 “ሱንጫቲዳ ብታኒካ፡ ኔን ፓራማና ዋራቃታ ሄይ፤ ኡታደ ኤለካ አሻታማ፣ ጋደ ጻፋ ያጊዳ፡፡

8 “ሄዋጥ ሀራ ብታንያ፡ ራን አፑኑዋ ታልኤዳ?” ያጊዳ፡፡

9 “ጸቲ ቁንኣ ዛርጋ” ያጊዳ፡፡

10 “ሱንላይካ፡ ሞራቃታ ሄይ፤ ሆሰፑን ታማ ጋደ ጻፋ፣ ያጊዳ፡፡

11 “ሄ ሱንላይ ጭንጫተላን ኦጼዳ ድራወ፡ እ ጎዳይ እ ጋላቲዳ፤ አያው ጎጥ፡ ሀ አላምያ አሳይ ባረንቲዋ ፖኬዋ አሳጥ አጼዳ ጭንጫቱዋ፡፡

12 “ታን ህንተንቶ ያጋይ፡ ሳሀዌ ሻሉ ወርያ ዋደ፡ መጵናወ ወረና ጎልያን ህንተንታ ሞካና ማላ፡ ሀ ሚሻን ህንተንቶ ለግያ ደምተ፡፡

13 ላፋ የወዋን አማነቲዳዌ፡ ዋጋባንካ አማነቲ፡፡ ሽን ላፋ የወዋን አማነትቤናዌ፡ ዋጋባንካ አማነተና፡፡

14 ሰም ህንተንቲ ሀ አላምያ ሻሉዋን አማነተናዋ ግደጥ፡ ቲማተላ ሻሉዋ ህንተንቶ ኦኔ ሀዳራ ጊደ አማናዌ?

15 ህንተንቲ ሀራ አሳ ሻሉዋን አማነተናዋ ግደጥ፡ ህንተንቲ ሚሻ ኦኔ ህንተንቶ አማናዌ?” ጊዳ፡፡

16 “እት ካላ ላኡ ጎዳቶ ቆማታናወ ዳንዳይያዌ አይ ቆማይካ ባዋ፤ አያው ጎጥ፡ እቲዋ እጺደ፡ ሀራ ደሴ፤ ዋይ እቲዋ ቦንቹደ፡ ሀራ ካጺ፤ ጸሳወን ሻሎ ሞደታናወ ዳንዳይክታ” ያጊዳ፡፡

17 ሻሉዋ ደሴያ ፓርሳዋቲ ሀዋ ኡባ ሰሴደ፡ የሱሳ ቦላ ቆሊጩድኖ፡፡

18 ሽን የሱስ ኡንቲንታ፡ “ህንተንቲ አሳ ሱንላን ህንተንታ ጽሎ አሳ ኦጼያዋንታ፤ ሽን ጸሳይ ህንተንቲ ዋዛና ኤሬ፤ አያው ጎጥ፡ አሳ ሱንላን ቦንቹቲዳዌ ጸሳ ሱንላን ቱና ግዴ፡፡

#### ሙሴ ህግያባነ ገሉዋ አካባ

(ማቶሳ 5:31-32፤ 11:12-13፤ ማር. 10:11-12)

16 “ሙሴ ህግያን ርባቲ ጸፊዳ ማጻፋ \* ዮሃንሳ ዋድያ ጋካናወ አሳይ አዛዘቲደ ደኤድኖ፤ ሄዋጥ ካላ ቃይ ጸሳ ካወተሳይ ኦድቲዳ፤ አሳይ ኡባይ ያ ገላናወ ኬሰቲ፡፡

\* 16:16 ሙሴ ህግያን ርባቲ ማጻፋ፡ እይሁዳቱዋ ጌሻ ማጻፋቱዋ፤ ሄዋንታ ጉሳይ ኤጫ ጫቀዋ ማጻፋ፡፡ 16:16 ማቶሳ 11:12፣ 13

17 ሽን ህግያጥ እትባይ አትያዋጥ ሳሉን ሳእይ አድያዎ ማታቱ።

18 “ባረ ማቻቶ ብሊሊድ ሀራሮ አክያዎ ኡባይ ዋሹሜ፤ ቃይ አሰናጥ ብለቱዳ ማጫወኖ አክያዎ ኦንነካ ዋሹሜ።

ዱረ ብታንያባን ማንቆ ግዴዳ አልአዛራባ

19 “ጋቲ ሎይሊድ አልኦ ግዴዳ ማደዋ ማደድን ጋላሳን ጋላሳን ኦቶሩዋን ናሽቲደ ደእያ እት ዱረ ብታኒ ደኤ።

20 ቃይካ ኩሙንላ አሳተላን ማይላይ ደእያ እት አልአዛራ ጌተትያ ህይሳይ፣ ሀ ዱረ ብታንያ ካርያን ግሴዳ።

21 ሀ ዱረ ብታንያ ሳምጋጥ ላለቲዳ ሱጋ ማናዉ አሞቴ፤ ሀራይ አቶ ካናቲካ ዪደ አ ማይላ ላጨኖ።

22 “ሀ ህይሳ ብታኒ ሀይቁና፣ ኪታንቻቱ አ አብራሃሞ ባጋ ቦንቾሳ አፌድኖ፤ ዱረ ብታኒካ ቃይ ሀይቁደ ሞገቲዳ።

23 ሰኦልያን ዳር ሴለቲደ ደእሸን፣ ቶቁ ገደ ሃኩዋን አልአዛራ፣ አብራሃሞ ባጋን ደእያዋ በኤዳ።

24 “አካ ባረ ኮሻ ቶቁ አላደ፣ ኣአብራሃሞ፣ ታ አቦ፣ ታዉ ቃረታ። ሀ ታማ ሴላን ሙቶታ ደእያ ድራዉ፣ አልአዛር ባረ ብራድያ ዪራ ሃላን ቦቺደ፣ ታ እንጻርሳ እርጽሳናዳን ሀያና ታኮ ኪታርኪ’ ያጌዳ።

25 “አብራሃሞ ቃይ፣ ኃ ናኦዉ፣ ኔን ጋጸ ደአደ፣ ሎኦ ደኤዋ ደእና፣ አልአዛር ሎኤና ሙቶ ደኤዋ ደኤዳዋ ቆጋ። ሀእ ቃይ አ ሀዋን ናሽትያ ዋደ፣ ኔን ሙቲዋ ቦላ ደአ።

26 “ሀዋጥ ሀራይ ቃይ፣ ሀዋጥ ያ ህንተንቲኮ አቆናዉ ኮይያዋንቲ አፍሩን፣ ያን ደእያዋንቲካ ቃይ ሃ ኮኮ ጥንናዳን፣ ኑ ግደንን ህንተንቲ ግደን ዋጋ አፋ ሙፍቲዳ’ ያጌዳ።

27 “ዱረ ብታኒካ፣ ኣአብራሃሞ፣ ሰም ሄዋ ግደጥ፣ ኔን አልአዛራ ታ አኮ ጎለ ዩዳና ማላ፣ ኔና ዋሳይ።

28 እያዉ ጎጥ፣ ታዉ አቺሹ እሻቲ ደእያ ድራዉ፣ ኡንቲንቲ ቃይ ሀ ሙቲዋሳ ዬና ማላ፣ ኡንቲንቲ አልአዛር ቢደ ማርካቶ’ ያጌዳ።

29 “አብራሃሞ ቃይ፣ ሙሴን ናባቲ ጸፊዳ ማጻፋይ ኡንቲንቲ ደእ፤ ሄ ማጻፋይ ግያዋ ኡንቲንቲ ሰሰኖ’ ያጌዳ።

30 “ዱረ ብታኒ፣ ኃአ፤ አብራሃሞ፣ ታ አቦ፣ ሄዋ ግደና፤ ሸን እት ብታኒ ሀይቁዋጥ ደንዲደ፣ ኡንቲንቲኮ ብንቶ፣ ኡንቲንቲ ባረንቲ ናጋራ ጋጸደ፣ ሰማናዋንታ’ ያጌዳ።

31 “አብራሃሞካ፣ ኣኡንቲንቲ ሙሴን ናባቲ ጸፊዳ ማጻፋ ሰሰናዋ ግደጥ፣ ሀራይ አቶ እት ኡራይ ሀይቁዋጥ ደንድ ይንቶካ አማንክኖ ጌዳ” ያጌዳ።

# 17

ናጋራባ የሱስ ኦይዳ

(ማቶሳ 18:6፣ 7፣ 21፣ 22፤ ማር. 9:42)

1 የሱስ ባረና ካልያዋንታ፣ “አሳ ባለሰያዌ ዬናን አተና፤ ሸን ባለሰያዋ አህያ ኡራዉ አዉ እየ፤

2 ሄ ብታኒ ሀ ጉሳቲዋጥ አቲዋ ባለሰያዋጥ፣ ጋጭያ ዋጻ ባረ ቆድያን ቃሽቲደ አባን ምተትያዌ አዉ ሎአ።

3 ህንተ ሁጸዉ ናገትተ።

“ነ እሻይ ኔና ናቆጥ፣ አ ዘራ። ቃይ ናጋራጥ አ ሰሞጥ፣ አዉ አቶ ያጋ።

4 እት ጋላስ አ ኔና ላፑ ገደ ናቂደ፣ ላፑ ገደካ፣ ኣኔ ታ ናቃድ፣ ታና ማራ ገደ ኔኮ ዮጥ፣ አዉ አቶ ጋ” ያጌዳ።

5 ኪተቲዳዋንቲካ ጎዳ፣ “ኑዉ አማኑዋ ጉጃ” ያገደ ኦቺድኖ።

6 ጎዳይካ፣ “ህንተዉ ሳናፍጭያ እይፍያ ከና አማኑ ደእአቶ፣ ህንተንቲ ሀ ቦእያ፣ ሀዋጥ ሸደታደ፣ አባን ቶከታ” ግንቶ ህንተዉ አና ጋና” ያጌዳ።

ቆማይ ኦላናዉ በሰያ ኦሱዋ

7 ቃይካ የሱስ፣ “ህንተጥ ጎሽያዌ ዋይ ምያ ሄምያ ቆማይ ደእያ አሳይ ሀቀት ደአጥ፣ ጎሻ ጋደጥ ዋይ ምያ ጋደጥ ሰሞ ዋደ ኤላካ፣ ኣሃያ ሸምጋ አካ፣ ቆማ ማናዉ ኤታ’ ያግያዌ ኦኔ?

8 የወዋን ቃይ፣ ኃ ማና ካወዋ ገግሳ፤ ታ ማናን ኡሻና ጋካናዉ ሞናደ ታና ኤቃደ ሞዛ። ሄዋጥ ገዮ ነዉ ማ፣ ኡሻ’ ያግያዋ ግደኒ?

9 ሄ ቆማይ ኪተቲዳባ ኦሌዳ ድራዉ፣ ሄ ብታኒ ጋላታናዉ በሰኔ?

10 ጎዳዳንካ ህንተ ቃይ አሳይ ህንተና ኪቶ ኦሱዋ ኦሌዳ ዋደ፣ ኣኑ ማደና ቆማቲዋ፤ ኑ ኦሶ ጸላላ ኦሌዳ’ ያግተ” ያጌዳ።

የሱስ ኦሎ ኦይቄዳ ታሙ አሳቱዋ ፓሌዳ

11 የሱስ የሩሳላሙ ቢደ፣ ጋለላፒነ ሳማርያ ግያ ጋዳቱዋፕ ግዳዋና አዲድ።

12 እ እት ጉላ ካታማቶ ገልያ ዎድያን፣ ሃኩዋን ኤቄዳ ታሙ ኦሎዋን ኦይቀቱዳዋንቱ እ በኤድኖ። እንቱንቱካ ሃኩዋን ኤቄደ።

13 ባረንቱ ኮሻ ቆቆ ኦሊደ፣ “የሱሳ፣ ጎዳው፣ ሆያ ጎደ ኑና ፓላርኪ!” ያጌድኖ።

14 የሱስ እንቱንታ በኢደ፣ “ቢደ፣ ሀንተንቱ ቦላ ቄሳቱዋ በስተ” ያጌድኖ።

እንቱንቱካ ቄሳቱዋኮ ብደኢደ ኦሎዋፕ ፓዬድኖ።

15 እንቱንቱፕ እቱ ባረ ሀርግያፕ ፓዬዳዋ በኢደ፣ ባረ ኮሻ ቆቆ ኦሊደ፣ ጸሳ ቦንቸደ ስሜዳ።

16 ጋላቲደካ የሱሳ ገድያ ማታን ጉልባቲዳ። ሄ ብታኒ ሳማርያ አሳ።

17 የሱስ ዛሪደ፣ “ታሙ ፓጽብይክኖ? ያትና ኤዲፕናቱ ሀቃን ደኢኖ?

18 እይሁዳ አሳ ግደና ሳማርያ ብታንያፕ አትን፣ ጸሳ ቦንቸኖው ስሜዳዋንቱ ባዋ ጉሴ?” ያጌድኖ።

19 የሱስ አ፣ “ደንዳ ባይ ነ አማኑ ኑና ፓሌዳ” ያጌድኖ።

ጸሳ ካውተላ ዩሳባ

(ማቶሳ 24:23-28፣ 37-41)

20 ፓርሳዋቱ እት ጋላስ፣ “ጸሳ ካውተላይ አወደ ያኔ?” ጊደ እችና የሱስ፣ “ጸሳ ካውተላይ ሀንተንቱ ናግያ ኦግያን ዬና” ያግ ዛሪዳ።

21 ቃይካ፣ “አንነ፣ ጸሳ ካውተላይ ሀዋን ደኤ፣ ዎይ ሄዋን ደኤ፣ ጋናው ዳንዳየና፤ ጸሳ ካውተላይ ሀንተንቱ ዎዛና ግደን ደኤ” ያጌድኖ።

22 የሱስ ባረና ካልያዋንቶ ኦዲደ፣ “አሳ ናአይ ቆንጭያ ጋላሳቱዋፕ እቱዋ በአናው ሀንተንቱ አዋትያ ዎዲ ያና፤ ሽን በእክታ።

23 ቃይ እንቱንቱ ሀንተና፣ ሳዊኩ ሀዋና፣ ዎይ ሄዋና፣ ያጋናዋንታ። ሽን እንቱንታ ካሊደ፣ እንቱንቱና ቦፕተ።

24 ዋልቃንሳይ ሳሎዋን ዎልቃምያ ዎደ፣ ሀ ጋጸፕ ህን ጋጸ ፖኤ ፖእያዋዳን፣ አሳ ናአ ዩሳይካ ሄዋዳን ሀናናዋ።

25 ሽን ኮይሮቲደ አሳ ናአይ ዳሮ መቱዋ መቶታናውን ሄ ዎድያን ደእያ የለታን አጸታናው በሴ።

26 “ኖሃ ዎድያን ሀናዋዳንካ፣ አሳ ናአይ ቆንጭያ ጋላሳንካ ሄዋዳን ሀናናዋ።

27 ኖሃ ማርካብያ ገሎ ጋላሳይ ጋካናው እንቱንቱ፣ ሚድነ ኡሺደ፣ እኪድነ አከቲደ ደእሽን፣ ባሻ ሃላይ ዪደ ኡባ አሳካ ባይዜዳ።

28 “ሄዋዳንካ፣ ሎጸ \* ዎድያን፣ አሳይ ሚድነ ኡሺደ፣ ዛልኢደ፣ ቶኪድነ ጎልያ ኬዲደ ደኤድኖ።

29 ሽን ሎጸ፣ ሶዶማፕ ከሶ ጋላሳን ቃይ ሳሎዋፕ ታማይን ኤጽያ ባንቆ ሹቻይ ቡኪዳ፤ ኡባባካ ሚደ ዉርሴዳ።

30 “አሳ ናአይ ቆንጭያ ጋላሳንካ ሀዋዳን ሀናናዋ።

31 ሄ ጋላሳን፣ ጎልያ ሁጲያን ደእያዎ፣ ጎላ ጋርሳን ደእያ ሚሻ አካናው ዎቆፖ፤ ሀዋዳንካ ጎሻ ጋደን ደእያዎ፣ ጉየ ሰዋፖ።

32 እነ ሎጸ ማቻትባ ቆፕተ!

33 ባረ ሽምቸዋ አሻናው ኮይያ ኡባይ፣ ባይዜ፤ ባረ ሽምቸዋ ባይዝያ ኡባይ፣ ደኡዋን ናጌ።

34 ታ ሀንተው ኦድያዎ አይ ጎፕ፣ ሄ ቃማን ላኤ አሳቱ እት ግሱዋን ግሳናዋንታ፤ እንቱንቱፕ እቱ አከትና ላኤንልያዎ አታናዋ።

35 ላኤ ማጫ አሳቱ እት ዎጸን ጋጫናዋንታ፤ እትና አከትና፣ እትና አታናውን።

36 ላኤ አሳቱ ጎሻ ጋርሳን ደኢኖ፤ እቱ አከታናዋ፣ ላኤንልያዎ አታናዋ” ያጌድኖ።

37 እ ካልያዋንቱ የሱሳ፣ “ጎዳው፣ ሄዎ ሀቃን ሀናናዎ?” ያጌድኖ።

አካ ዛሪደ፣ “ባኩታይ ደኢያሳ ሸርቲ ሺቃናዎ” ያጌድኖ።

# 18

ማንቆ ግዴዳ አምእትባነ ማካላንቻ ዳናባ

1 የሱስ ባረና ካልያወንቶ፣ ሳለተናን ኡባ ጋላስ ዎሳናዳን ሊምሱዋን ኦዲዳ።

2 እካ፣ “እት ካታማን ጸሳው ያየናዎ፣ አሳካ ቦንቸኖ እት ዳናይ ደኤ።

17:14 ዎጋ 14:1-32 17:26 ደመላ 6:5-8 17:27 ደመላ 7:6-24 \* 17:28 ኖሃ፣ ሎጸ፡- ጸሳይ ቢታ ባሻ ሃላን ባይዜዳ ዎደ፣ እ ናህነ እ ጎላ አሳ አሺዳ፣ ጸሳይ ሶዶማን ጋዋራ ካታማቱዋ፣ እዝን ደእያ ኢታ አሳቱዋ ኡባ ታማን ባይዜዳ ዎደ፣ ሎጸን እ ጎላ አሳ አሺዳ (ደመላ 19:1-29 ጴላተ)። 17:29 ደመላ 18:20—19:25 17:31 ማቶሳ 24:17፣ 18፣ ማር. 13:15፣ 16 17:32 ደመላ 19:26 17:33 ማቶሳ 10:39፣ 16:25፣ ማር. 8:35፣ ሉቃስ 9:24፣ ዮሃ. 12:25 17:36 ማቶሳ 24:40

3 ሄ ካታማን አምኤ ምሽራታ ደአው። እዛካ ሄ ዳናኮ ያደ፣ ታ ሞርከወላ ታወ ደአያ የወዋ ፕርዳ፣ ያጋደ።

4 “ዳር ዋድያን እዘወ ፕርደናን እደዳ። ሽን ባረ ዋዛናን ቆፒደ፣ ታጎ፣ ኡባ ጸሳወ ያናና ጳዮፕካ፣ አሳካ ቃይ ቦንቻና ጳዮፕ፣

5 ሀ አምኤ ምሽራታ ታና ላባንልያ ድራውላ ኡባ ዋደ ታኮ ያደ ታና ዳቡርሰና ማላ፣ ታን እዘወ ፕርደና፣ ጌደ።

6 “ሄ ማካላንቻ ዳናይ ጎዋ እኬክተ።

7 ጸሳይ ጋላሰን ቃማ ባረንታ ማዳና ማላ፣ ዳንዳያን እኮ ዋሰያ ደረታዋንቶ ፕርደይየ? እ ኡንቱንቶ ኤላካ ዛረኔ?

8 ታን ሀንተንቶ ያጋይ፣ ኡንቱንቶ ኤላል ፕርደና፣ ሽን አሳ ናአይ ይያ ዋደ ሀ ቢታን አማኑዋ ደማኔሻ?” ያጌዳ።

ኑቶረትያ ፓርሳዊያን ባረና ካወሽሴዳ ቃራጸ ቃንጽያ ብታንያ

9 ባረንታ ጌሻ ጌደ አማንትያዋንቶን ሀራ ኡባ ዳሪ ካድያዋንቶ፣ የሱሰ ሀ ሌምሱዋ ኦዴዳ።

10 “ላኤ አሳቱ ዋሳናወ ጌሻ ጎልያ \* ገሌድኖ። ሄዋንቱፕ እቱ ፓርሳዊያ፣ እቱ ቃይ ቃራጸ ቃንጽያዋ።

11 ፓርሳዊ ደንድ ኤቂደ ባረ ዋዛናን ዋሲደ፣ ጸሳወ፣ ታን ሀራ አሳዳን፣ ቦንቂያዋንቱዳን፣ ማካልያዋንቱዳን፣ ዋሹምያዋንቱዳን፣ ዋይ ሀዋዳን ቃራጸ ሽሽና ድራወ ኔና ጋላታይ።

12 ሳምንታን ላኤ ካላ ጸማይ፣ ታን ደምያ ኡባፕ ታሙ ኩሽያፕ እቱዋ አማይ፣ ያጌዳ።

13 “ሽን ቃራጸያ ብታኒ ሃኩዋን ኤቂደ፣ ባረ አይፍያን ፑደ ሳሉዋ ጶቁ ጌደ ጸላናወካ ኮይቤና። ሽን ባረ ትራ ባቂደ፣ ጸሳወ፣ ታን ናጋራንቻ፣ ታና ማራ፣ ያጌዳ።

14 ታን ሀንተንቶ ኦድያዌ እዬ ጎፕ፣ ካሰ ብታንያፕ አጁደ ሀ ብታኒ ጽሎ ግዲደ ባረ ጎላ ሰሜዳ፣ ባረና ጶቁ አልያ ኡባይ ካወሻና፣ ባረና ቃይ ካወሽሰያ ኡራይ ጶቁ ጋና።” ያጌዳ።

የሱሰ ጉላ ናና አንጃዳ

(ማቶሳ 19:13-15፤ ማር. 10:13-16)

15 የሱሰ ባረ ኩሽያ ዋሲደ አንጃና ማላ አሳይ ጉላ ናና አኪደ እኮ ዬድኖ። እ ካልያዋንቱካ በኢደ፣ አሳ አሄና ማላ ጌድኖ።

16 የሱሰ ቃይ ጉላ ናና ባረኮ ጸሲደ፣ “ጉላ ናናይ ታኮ ያና ማላ አግተ፣ ድጎፕፕ፣ ጸሳ ካወተላይ ሀዋንቱ ማላሳ።

17 ታን ሀንተንቶ ቱሙዋ ኦዳይ፣ ጸሳ ካወተላ ጉላ ናናዳን አከናዋንቱ ኡባይ ሄ ካወተላ ሙላካ ገላና።” ያጌዳ።

18 ይሁዳ ቢታ ሞድያዋንቱፕ እቱ፣ “ሎኦ ታማርሰያዎ፣ ታን መድና ደኡዋ ላታናወ አያ ኦላናወ በሲ፣” ያጌደ የሱሳ ኦቼዳ።

19 የሱሰካ አወ፣ “አያወ ታና ሎኦ፣ ያጋይ? እት ጸሳፕ እትን፣ ሎኦ ኦንነ ባዋ፤

20 ጸሳ እዛዛቱዋ፣ ዋሹሞፕ፣ ዋዲፕ፣ ወእፕ፣ ዋርዲዋ ማርካቶፕ፣ ነ አባነ ነ ዳዮ ቦንቻ ያግያዋ ኤራ፣” ያጌደ ዛሬዳ።

21 ብታኒ ዛሬደ፣ “ሀዋ ኡባ፣ ናአተላፕ ደማደ ናጋድ።” ያጌዳ።

22 የሱሰካ ሀዋ ሰሲደ፣ “ኣትባይ ኔን ብሮን እፍን አቶቂ ደኤ፤ ሄቂኔካ፣ ነወ ደአያዋ ኡባ ዛልአደ ማንቃቶ አማ፤ ሀዋ ኦላፕ ሳሉዋንካ ኔን ዳረታና፣ ሄዋፕ ጉየ ታ ጌዲዋ ካላ።” ያጌዳ።

23 ሄ ብታኒ ቃይ ሄዋ ሰሲደ ዳር ዳረ ግደ ድራወ ዳር ካዮቱዳ።

24 የሱሰካ ሀ ብታኒ ዳር ካዮቶዋ በኢደ፣ “ዳረ አሳይ ጸሳ ካወተላ ገላናወ ዋት መታንዴሻ!

25 ዳረ አሳይ ጸሳ ካወተላ ገላናዋፕ ጋሉ ማርፕያ ጸአያና አላቂዋ ማታቱ።” ያጌዳ።

26 ሄዋ ሰሲዳ አሳይ፣ “ሰም ኦን አታናወ ዳንዳዪ?” ያጌድኖ።

27 እካ ቃይ ዛሬደ፣ “አሳወ ዳንዳየተናዌ ጸሳወ ዳንዳየቱ።” ያጌዳ።

28 ጸጽሮሰ ዛሬደ፣ “ሰም ኦን ኑወ ደአያ ኡባ አጌደ ኔና ካሊደ።” ያጌዳ።

29 እካ፣ “ቱሙዋ ጋይ፣ ጸሳ ካወተላ ድራወ ባረ ጎልያ፣ ዋይ ባረና የላዋንታ፣ ዋይ ባረ ማቶያ፣ ዋይ ባረ ናና፣ ዋይ አሻቱዋ አጌዳዌ።

30 ሀ ዋድያን ዳር ዳኩዋ፣ ሰንሳ ይያ ካወተላንካ መድና ደኡዋ አከናዌ ኦንነ ባዋ።” ያጌዳ።

የሱሰ ባረ ሀይቁዋባ ሄዘንሉዋ ኦዴዳ

(ማቶሳ 20:17-19፤ ማር. 10:32-34)

31 የሱሰካ ታማነ ላኤ ባረና ካልያዋንታ ባረኮ ጸሲደ፣ “ሰም የሩሳላመ ባና፣ አሳ ናአባይካ ናባቱ ማጸፋን ጸፈቱዳባይ ኡባይ ያን ፖለታና።

\* 18:10 ዋሳናወ ጌሻ ጎልያ፡- እይሁዳ አሳይ ኡባ ዋደ ጌሻ ጎልያ ዋንታ ጉራንነ ጋላሳ ዋሰና።

- 32 እይሁደ ግድናዋንቶ እ እላ ለማና፣ ቅሊጫና፣ ዳሮ መቶላና፣ እ ቦላን ጨቻና፤
- 33 ሾጮዋጥ ጉይያን ዋሳና፣ ሄዘንሰያ ጋላሰ እ ደንዳና” ያጊዳ።
- 34 ኤንቲንቲካ ሀ የወዋጥ እያን እኬክበይክና፤ ሀይቁካ ኤንቲንቲካ እኬክትቤና ድራጫ እ ሃሳዮባካ ኤርበይክና።
- 35 የሱሰ እያርኮኮ ማቴዳ ዋድያን፣ እት ቆቃ ብታኒ ዋሲደ ኦግያ ጋጸን ኡቴዳ።
- 36 ጮራ አሳይ እድያዋ ሰሲደ፣ “ሀዌ አይሻን?” ያግ ኦቴዳ።
- 37 አሳይካ አጫ፣ “ናዝሬትያ የሱሰ ሀዋና እድ ደኤ” ያግ ዛሬድና።
- 38 እካ፣ “ዳዊተ ናኦ የሱሳ፣ ታና ማራርኪ” ጊደ ዋሲዳ።
- 39 አፕ ሰንሳና ቢደ ደእያዋንቲካ፣ ጮኤ ጋናዳን ሀንቀቴድና። እ ቃይ፣ “ዳዊተ ናአጫ፣ ታና ማራርኪ” ጊደ ዳሪ ዋሲዳ።
- 40 የሱሰካ ኤቂደ፣ ባረኮ አሀናዳን አሳጫ ኦዴዳ።
- 41 የሱሰካ እ ጴቴዋ ዋድያን፣ የሱሰ፣ “ታን ነጫ እያ ኦላናዳን ኮያይ?” ያጊደ እ ኦቴዳ። እካ ዛሬደ፣ “ኅዳጫ፣ ጴላናጫ ኮያይ” ጌዳ።
- 42 የሱሰካ፣ “ጴላ፣ ነ አማኑ ኔና ፓሴዳ” ያጌዳ።
- 43 ሄ ዋድያንካ ጴላ አጌዳ፤ ጸሳካ ቦንቺደ እ ጌዱዋ ካሌዳ።
- አሳይ ኡባይ ብታንያ ጴሊደ፣ ጸሳ ጋላቴድና።

### 19

#### የሱሳካ ዛክሮሳ

- 1 የሱሰ ሀን እያርኮ ካታማ ገሊደ፣ ሄዋና እድ ደኤ።
- 2 ሰንሳይ ዛክሮሳ ጌተትያ እት ዱረ ብታኒ ሄዋን ደኤ። እካ ቃራጽያዋንቶ ካፒዋ።
- 3 ዛክሮሰ የሱሳ ጌተትያዌ ሀቃዌንቶ በእናጫ ኮይሽን ቃንሳ ግዴዳዋ ድራጫ፣ አሳ ጮራተላፕ ደንደዋን በእናጫ ዳንዳይቤና።
- 4 የሱሰ ሄ ኦግያና እድያ ድራጫ፣ ሰንሳጫ አዲደ እት ቦእያ ቦላ ከሲዳ።
- 5 የሱሰ ሄ ሳኦ ጋኪደ፣ ጶቁ ግ ፑደ ጴሊደ፣ “ዛክሮሳ፣ ሀቺ ነ ጎላን ፔሻናጫ በሰያ ድራጫ ኤላ ዋዳ” ያጌዳ።
- 6 እካ ኤሊል ቦእያፕ ዋዲደ፣ ናሽቻን የሱሳ ሞኪዳ።
- 7 ሄዋን ደእያ አሳ ኡባይ ሀዋ በእደ፣ “ሀዌ ናጋራንቻ ጎላን ገሊደ እማላ ግዲደ ሾበታና ሀኔ” ጊደ ኡባቴካ ዙዙንሳ ደሚድና።
- 8 ዛክሮሰካ ቃይ ኤቂደ ጎዳ፣ “ኅዳጫ፣ ሰም ታጫ ደእያዋ ኡባፕ ባጋ ሀየሳቶ እማና፤ ኦፕንካ ዋርዱዋን እኬዳዋ ግደፕ፣ ኦይዱ ዳኩዋ ኡዳደ ዛራና” ያጌዳ።
- 9 የሱሰካ ዛክሮሳጫ ኡዳደ፣ “ኔንካ እብራሃዋ ሼሻ ግድያ ድራጫ፣ ሀቺ አቶተላይ ሀ ጎላ አሳጫ ዬዳ።
- 10 እያጫ ጎፕ፣ አሳ ናእይ ባዬዳዋ ኮያናጫ አሻናጫ ዬዳ” ያጌዳ።

#### ታሙ ቆማቲዋ ሊምሱዋ (ማቶሳ 25:14-30)

- 11 አሳይ ሀዋ ሰሲደ ደእሽን የሱሰ፣ ሀን የሩሳላመ ጴቴዋ ድራጫን ኤንቲንቲካ ጸሳ ካጫተላይ ሀእካ ቆንጭዋዋ ማላቶ ድራጫ ሊምሱዋ ኦዴዳ።
- 12 ሀዋዳን ያግ ደሚዳ፤ “እት ዋልቃማ ብታኒ ባረጫ ካጫተላ ቦንቺዋ እኪደ ሰማናጫ፣ ሀን ሃኮ ጋድያ ቤዳ።
- 13 ባረ ቆማቲዋ ግደፕ ታሙዋ ጴሲደ፣ ኤንቲንቲካ ታሙ ሚና \* ጌተትያ ሚሻ እሞዋሽን፣ ታን ሰማደ ያና ጋካናጫ፣ ሀ ሚሻን ዛልእሽት” ያጌዳ።
- 14 “ሽን እ ጋድያ አሳይ እ እጸ ድራጫ፣ ሀ ብታኒ ኑ ቦላ ካተታናዳን ኑን ኮዮኩ” ያጊደ፣ ጉየና እ ደእያሳ አሳ ከቴድና።
- 15 ግደፕ አትን፣ ሀ ብታኒ ካተ ግዲደ ሀን ባረ ጋደ ሰሜዳ። ሄ ቆማቲ ሁጲያን ሁጲያን እ እሞ ሚሻን ዛልእደ እይ ከና ዋድሲድናንቶ ኤራናጫ ጴሲሲዳ።
- 16 “ኮይሮ ቆማይ ሸቂደ፣ ኅዳጫ፣ ኔን ታጫ እሚዳ ታሙ ሚና ዋድያ ታሙዋ ደማድ” ያጌዳ።
- 17 እ ጎዳይ እ፣ ሀያናሽ! ኔን ሎኦ ቆማ፤ ኔን ጉላ የወዋን እማኑቴዳዋ ግዲደ ቤቶ ድራጫ፣ ታሙ ካታማቲዋ ቦላን ማታይ ነጫ እመቲዳ” ያጌዳ።
- 18 “ላእኤንሰያዌካ ሸቂደ፣ ኅዳጫ፣ ኔን ታጫ እሚዳ እቺሹ ሚና ጌተትያ ሚሻይ እቺሹዋ ዋዴዳ” ያጌዳ።

19:10 ማቶሳ 18:11    19:11 ማቶሳ 25:14-30    \* 19:13 ሚና፦ ሚና ጌተትያዌ፣ ግሪክ ቃላን ሞናሰ ግያዋ። ሀዋ ብላላይ፣ ሄ ዋደ ደእያ ኦሳንቻ አሳጫ እመትያ ሄዙ እገና ድርጉዋ።

- 19 እ ጎዳይካ እ፡ ኅወ እቼሹ ካታማቱዋ ቦላን ማታይ እመቲዳ፡ ያጌዳ።
- 20 ሀራ ሄዘንሉያ ቆማይ ሸቄይ፡ ኅጎዳው፡ ጨርቃን ጸጸ ዋሌዳ ነ ሚሻ ሀዋ በእ።
- 21 እያው ጎጥ፡ ኔን ዋሳቤናሳጥ አክያዎ፤ ዘራቤናዋ ቆይጭያ መቀሰ ባይና እሳ ግድያ ድራው፡ ነወ ያያድ፡ ያጌዳ።
- 22 “ኅጎዳይካ፡ ህ ኢታ ቆማይ፤ ኔን ሃሳዮ ቃላን ነ ቦላ ታን ፕርዳና። ዋሳቤናዋ አክያዎ፡ ዘራቤናዋ ቆይጭያ መቀሰ ባይና እሳ ግድያዋ ኤርጥ።
- 23 ታን ያይ ታ ሚሻ ዋድያና እካና ማላ፡ እያው ዋድሰያዋንቶ እማበይኪ፡” ያጌዳ።
- 24 “ኅጎዳይካ፡ ሄዋን ኤቆዋንታ፡ ህ ሚሻ አጥ ዋሰ አኪይ ታሙ ማይይ ደእያዋ እዎተ፡ ያጌዳ።
- 25 እንቱንቱካ፡ ኅጎዳው፡ እወ ታሙ ማይይ ደእ፡ ያጌድኖ።
- 26 “እካ፡ ታን ህንተንቶ ኦድያዎ፡ ደእያዋ ኡባወ ጉጀታናዎ፤ ባይናዋጥ ቃይ ሄ ደእያዋካ አከታናዎ።
- 27 የወዋን ቃይ ታን እንቱንቱ ቦላን ካወተናዳን ኮዬዳ ታ ሞርካቱዋ ታኮ እሂይ ታ ሰንሳን ሹክተ ጌዳ” ያጌዳ።

የሱስ ዳር ቦንቸዋን የሩሳላሙ ገሌዳ

(ማቶሳ 21:1-11፤ ማር. 11:1-11፤ ዮሃ. 12:12-15)

- 28 የሱስ ሀዋ ጎዋጥ ካላ ህን የሩሳላሙ ከሳናወ ባረና ካልያዋንቱ ሰንሳቲይ ቤዳ።
- 29 ደብረ ዛይተ ጌተትያ ደርያ ማታን ደእያ ህን ቤተፋን ቢታንያ ጌተትያ ሄራ ካታማቱዋኮ ሸቄዳ ዋይ ባረና ካልያዋንቱ ላእቱዋ።
- 30 “ህንተንቱጥ ሰንሳን ደእያ ቄር ካታማቱዋ ቢተ፤ ያ ህንተንቱ ገልያ ዋይ፡ ኦንነ ብር ኡትቤና ሀረ ማራይ ቃሽት ኡቲዳዋ ደማንታ፤ እ ብሊደ ሃ እክ ዪተ።
- 31 እንነ ህንተንታ፡ ህዋ እያው ብሊቲ፡” ጊይ ኡቸጥ፡ ኅላ ባረ ጎዳወ † ኮሽያ ድራሳ፡ ያግተ” ያጌዳ።
- 32 ኪተቲዳዋንቱካ ቢይ፡ የሱስ እንቱንቶ ኦድዋዳን ሀንና ደማድና።
- 33 እንቱንቱ ሀረ ማራ ብልያ ዋይ በእይ ሀርያ ጎዳይ፡ “ሀረ ማራ እያው ብሊቲ፡” ያጌዳ።
- 34 እንቱንቱካ፡ “ጎዳወ ሀዋ ኮሽ” ያጊይ።
- 35 ሀረ ማራ የሱሳኮ እሂድኖ፤ ባረንቱ ማዌዋ እ ቦላን ዋላይ የሱሳ ሀርያ ቶግሴድኖ።
- 36 አሳይካ የሱስ ብያ ኦግያ ቦላ ባረንቱ ማዌዋ ሂጾድኖ፡ †
- 37 እ ደብረ ዛይተ ጌተትያ ደርያ ደገላ እፍያ ኦግያ ማቲዳ ዋይ፡ ዳር ጮራ ግዳዳ እ ካልያዋንቱ በኤዳ ጸሳይ ኦሌዳ ማላታወ ኡባወ ናሽቲይ፡ ባረንቱ ኮሻ ቋቁ አሊይ።
- 38 “ጎዳ ሱንሳን ይያ ካቲ፡  
 እንጀቲዳዋ፤  
 ሳሉዋን ሳርታይ ግድ።  
 ቃይ ክል ቋቃ ሳሉዋን ደእያ።

ጸሳይ ቦንቸቶ”

ያጌድኖ።

- 39 እሳ ጋርሳን ደእያ እት እት ፓርሳዋቱ የሱሳ፡ “ታማርሰያዎ፡ ኔና ካልያዋንታ ጮኡ ኦላርኪ” ያጌድኖ።
- 40 እካ ዛሪይ፡ “ታን ህንተንቶ ኦዳይ፡ እንቱንቱ ጮኡ ጎጥ፡ ሹቻይካ ዋሳናዋ” ያጌዳ።
- 41 የሱስ የሩሳላሙ ማቲዳ ዋይ፡ ካታማቶ በእይ፡ ዬኪይ።
- 42 ኅ ሳርታወ ግድያዋ ኔን ሀቼ ኤራድንቶ ሎኢ፤ ሽን ሀእ ሄዌ ነ እይፍያጥ ጌሜዳ።
- 43 እያው ጎጥ፡ ነ ቦላ ያና ዋዲ ደኤ፤ ሄ ዋይ ኔና እጽያዋንቱ ነ የሹዋን ድርሳ ድሪይ፡ ያጥነ ሃጥነ ደዲይ፡ ኔና ኡንኤሉያ ዋዲ ያናዎ።
- 44 ኔና ነ ድርሳ ጋርሳን ደእያ ነ እሳ መንግራላና። ጸሳይ ኔና በእናወ ዬዳ ዋድያ ኔን ኤራቤና ድራው፡ ኔና እጽያዋንቱ ሹቻ ኡባ እቱዋ እቱዋ ቦላጥ ደንሊይ ላላናዋ” ያጌዳ።

የሱስ ጌሻ ጎልያን ዛልእያዋንታ የደርሴዳ

(ማቶሳ 21:12-17፤ ማር. 11:15-19፤ ዮሃ. 2:13-22)

- 45 ሀዋጥ ካላ የሱስ ጌሻ ጎልያ ገሊይ፡ ዛልእያዋንታ ሄዋጥ ከሴዳ።
- 46 የሱስ ዛሪይ፡ “ ታ ጎሊ ጸሳ ዋሰያ ጎልያ ግዳናዋ ጌተቲይ ጸሳ ቃላን ጸፈቲዳ። ሽን ህንተንቱ እ ጉቱዋ ጎንጎሉዋ ኦሌድታ” ያጌዳ።

---

19:26 ማቶሳ 13:12፤ ማር. 4:25፤ ሉቃስ 8:18 ፣ 19:31 ጎዳው፡ ሀዋን ጎዳወ ጌተቶዎ፡ ሀረ ማራ ጎዳጥሽን፡ ጸሳ ግድና። † 19:36 ማዌዋ ሂጾድኖ፡ ሀዋ ጉሳይ፡ እይሁዳ እሳ ዋጋን፡ ኤሪቲዳን ቦንቸትያ እሳወ እሰትያ እማሳ ሞካ ዋጋ። 19:38 ማዘ. 118:26 19:46 እሳ. 56:7፤ ኤር. 7:11



47 የሱስ ኡባ ወደ ጌሻ ጎልያን ታማርስ ደለሸን፣ ቁሳቸዎ ካፓቱ፣ ሙሴ ህግያ ታማርስያዎንቱነ አሳ አይሰያዎንቱ እ ዋቆናዉ ኮዪኖ።  
 48 ሽን አሳይ ኡባይ አ ሃሳያፕ እቱነ እተናን ሰሰ ኡቶ ድራዉ፣ አ ዎቲያ ኦግያ ኡንቱንቱ ጳዬድኖ።

# 20

የሱሳ ማታ ቦላ ደንዴዳ ኦሻ  
 (ማቶሳ 21:23-27፤ ማር. 11:27-33)

1 እት ጋላሰ የሱስ አሳ ጌሻ ጎልያን ታማርሲደነ ሞሽራቸዎ ቃላ ኦዲደ ደእያ ዎደ፣ ቁሳቸዎ ካፓቱነ ሙሴ ህግያ ታማርስያዎንቱ ጋድያ ጭጭቱዋና እትፕ የሱሳኮ ዬድኖ።

2 ኡንቱንቱካ፣ “ሀ የወዋ ኔን ኦልያዌ አይ ማታነንቶ ኦዳ፤ ሀ ማታካ ነዉ እሜዳዌ አ ኦኔ?” ያጊደ ኦቼድኖ።

3 እካ፣ “ታ ህንተና እት ኦሻ ኦቾያዌ ደእያዎ አነ ዛርተ።

4 ዮሃንሳ ጽንቃታይ ጸሳፔ ዎይ አሳፔ?” ያግ ኦቼዳ።

5 ኡንቱንቱ ባረ ግደን ማቀቲድ፣ “ጸሳፕ ጎፕ፣ ሄዎ ግደፕ ላያዉ አማንበይክቱ፣ ኑና ያጋናዎ፤

6 ላሳፕ፣ ጎፕ፣ አሳይ ኡባይ ዮሃንስ ናብያ ግድያዎ አማንያ ድራዉ ሹቻን ኑና ደቻናዎንታ” ያጊድኖ።

7 ሀዋሰ፣ “ሀቃፕ ዬደንቶ ኤሮኮ” ጊደ አዉ ዛሪድኖ።

8 የሱሰካ፣ “ሀዋ ግደፕ ታንካ፣ ታን ኦ ማታን ሀ የወዋ ኦልይታንቶ ህንተንቶ ኦድከ” ያጊድ።

9 ሀዋፕ ሰሚደ የሱስ አሳዉ ሀ ሊምሱዋ ያግ ኦዲዋ ደሚዳ፣ “እት ብታኒ ዳር ዎይንያ ቱራቱዋ ቶኬዳ። ጎሻንቻቶ ኮላዉ እሚደ፣ አ ህን ሀራ ጋድያ ቢደ ጮራ ዎድያ ጋምኤዳ።

10 ዎይኒ አይፍያ አይሮ ዎደ፣ ዎይንያ ጎሻ ጎዳይ ባረና ጋክያዎ አሀርዳን እት ቆማ ኮላዋቱዋኮ ኪቲዳ። ኪተት ቢዳዋካ ቶኦቢደ፣ ሙላ ኩሽያ የዴድኖ።

11 ሄዋፕ ሀራ ቆማ ኪቲዳ። ኡንቱንቱ ሄዋካ ቃይ ቶኦቢደ፣ ቶቼደ፣ ሙላ ኩሽያ የዴድኖ።

12 ሀእካ ሀራ ሄዘንልያ ቆማ ኪቲዳ። ኡንቱንቱካ ቃይ አ ማሱንሲደ፣ ህን ካረ ኦሊድኖ።

13 “ሄ ዎይንያ ቱራ ጎዳይካ፣ ሰም አያ ኦሉ? አነ ሀእ ታ ደሰያ ናኣ ኪታና፤ አን ኤር አ ቦንቸፕን” ጊዳ።

14 ጎሻንቻቱ ቃይ ናኣ በኤዳ ዎደ፣ ሀዌ አ ላትያዎ ግደ ድራዉ፣ ሀይተ ዎቲይተ፤ ሄዋፕ ጉየ፣ ቢታይ ኑሳ ግዳናዎ” ጊደ ዛረቲድኖ።

15 ዎይንያ ቱራ ሳኣፕ፣ ህን ካረዉ ከሲደ አ ዎቲድኖ።

“ዎይንያ ቱራ ጎዳይካ ኡንቱንታ አያ ኦላጎዳሻ?”

16 ዮፕ ሄ ጎሻንቻቱዋ፣ ዎቆናዎ፤ ዎይንያ ቱራ ሳኣካ ሀራንቶ እማናዎ” ያጊድኖ።

አሳቱካ ሀዋ ሰሶ ዎደ፣ “ሀዋ ማላባ አሆፕ” ያጊድኖ።

17 የሱሰካ ህን ኡንቱንቱኮ ጴሊደ፣

“ ሰም ሹቻ ጎልያ ኪጽያዎንቱ ካጴዳ ሹቻይ፣

አ ዋና ጎልያ ምንሰያ ሁጸ ሹቻ ግዴዳ”

ጌተቲደ ጸፈቲዳዋ ብለላላይ አዬ?

18 ሀ ሹቻ ቦላን ከጎድያ ኡባይ ሙኤረቲ፤ ሹቻይካ አ ቦላን ከጎድያ ኡባይ በንቼታናዎ” ያጊድ።

ጊራ፣ ጊራኔ አጋኔ ግያ ኦሻ  
 (ማቶሳ 22:15-22፤ ማር. 12:13-17)

19 ሙሴ ህግያ ጸፍያዎንቱነ ቁሳቸዎ ካፓቱ የሱስ ሃሳዬዳ ሊምሱ፣ ኡንቱንቱ ቦላን ጌተቶዎ ኤር ድራዉ፣ ሄ ሳትያንካ አ ኦይቃናዉ ኮዬድኖ። ሽን አሳዉ ያዬድኖ።

20 የሱሳ፣ ሄ ጋድያ ሞድያዎን አ ማታዉ አሊደ እማናዉ አ ዶናፕ ከሰያ ቃላን ኦይቃናዉ አንጀትያ ዎድያ ናጊኖ። ሄዎ ድራዉ ጌሻ ማላቲደ ኦይላናዉ ዎቾያዎንታ ኪቲድኖ።

21 ሄ ኪተቶዎንቱካ የሱሳ፣ “ታማርስያዎ፣ ኔን ቱማ የወዋ ሃሳይያዎን ታማርስያዎ፣ ሄዎዳንካ ቃይ ጸሳ ኦግያ ቱማተላን ታማርስያዎን ኦሰነ ዲማየናዎ ኑን ኤራቶ።

22 ቃይካ ኡንቱንቱ፣ ሮማ ካትያ ቁሳረዉ ጊራ ጭጋዉ ኮሺ ዎይ ኮሸኔ?” ያግ ኦቼድኖ።

23 አ ቃይ ኡንቱንቱ ደሻተላ ኤሪደ፣

24 “አነ ታና እት ዲናርያ \* በሰተ፤ ሄዎ ቦላን ደእያ ሞሰሊነ ጸፈቶዌ ኦና በሲ?” ጊዳ።

25 ኡንቱንቱካ፣ “ቁሳረዎ” ጊደ ዛሪድኖ። እኔካ፣ “ሄዎ ግደፕ፣ ቁሳረዎ፣ ቁሳረዉ እምተ፤ ጸሳዎ፣ ጸሳዉ እምተ” ያጊድ።

19:47 ሉቃስ 21:37    20:9 ኢሳ. 5:1    20:17 ማዚ. 118:22    \* 20:24 ድናርያ- ሄ ዎደ ሮማ ቢታ አሳይ ጎኤትያ ሚሻ።

26 ኢንቴንቴካ፣ እ ሃሳዬዳ ቃላን እሳ ሰንገላን ኮይቃናው ዳንዲይበይክና። እ ዛሩዋን ማላለቲደ ጮኤ ጌድና።

ሀይቁዋፕ ደንዲዋባ ኦሻ  
(ማቶሳ 22:23-33፤ ማር. 12:18-27)

- 27 ሳዲቃዋናቴፕ እቴ እቴ የሱሳኮ ዪደ፣ ኦሻ እው ሺሺድና።
- 28 ኢንቴንቴካ የሱሳ፣ “ታማርሰያዎ፣ እት ብታኒ ማቻቶ እኪደ ናኣ የለናን ሀይያዋ ግዶፕ፣ ምሽራቶ ሄዋ እሻይ ላታ እክ ናኣ የሊደ ባረ እሻው ዘረሳ ዋላና ማላ ሙሴ ኑው ጸፊዳ።
- 29 እት ዋድያን ላፑ እሻቴ ደእያዋንቴፕ፣ ባይራይ ማቻቶ እኪደ የለናን ሀይቁ እጌዳ።
- 30 ላኢንሰያዊካ እዞ ላቴዳ።
- 31 ሄዘንሰያዊካ ቃይ እዞ እኪዳ፤ ላፑናቴካ እዞ እኪደ ናኣ የለናን ሀይቁድና።
- 32 ዉርሰላን ምሽራታካ ሀይቃ አጋዲ።
- 33 ስም ላፑናቴካ ሄ ምሽራቶ እኪዳ ድራው፣ ሀይቁዋፕ ደንዲዳ ዎደ፣ እዛ ኦሰ ማቼ ግዳኔ?”

- ያግ ኦቼድና።
- 34 የሱሳካ፣ “ሀ አላምያ ናናይ እኪናን እክቴና።
- 35 ሽን ሀይቁዋፕ ደንዲደ፣ ሰንገላፕ ይያ ዎድያን ደእናው በሰያዋንቴ እክክናን እክትክና።
- 36 ኢንቴንቴ ጸሳ ከታንቻ ማላቲደ ደእያ ድራው፣ ሄዋፕ ሰሚደ ሀይቁክና። ሀይቁዋፕ ደንድያዋንታ ግድያ ድራው ኢንቴንቴ ጸሳ ናና።
- 37 ሙሴ፣ ጸሳይ እው ቆንጩዳ ዋራባ ጸፊዳ ታርክያ ጋርሳን፣ ጎዳ ጸሳ፣ ላክብራሃዎ ጸሳ፣ ይሳቃ ጸሳ፣ ያቆባ ጸሳ፣ ያጊደ ጸሱሳይ፣ ሀይቃዋንቴ ደንድያዎ በሴ።
- 38 ኢባይካ እው ሀይቁ ቤናዋንታ ግድያ ድራው፣ እ ሀይቁቤናዋንቴ ጸሳፕ እትን፣ ሀይቆዋንቴዎ ግደና” ያጌዳ።
- 39 እት እት ሙሴ ሀግያ ጸፊዳዋንቴካ፣ “ታማርሰያዎ፣ ሎኤዎ ሃሳያዳ” ያጌድና።
- 40 ሀዋፕ ሰሚደ፣ እቴካ አ ኦቻናው ጸሎዌ ባዎ።

የሱሳ ኦኔ ግያ ኦሻ  
(ማቶሳ 22:41-46፤ ማር. 12:35-37)

- 41 ሀዋፕ ካላ የሱሳ ኢንቴንቴ፣ “ኣሳይ ክርሰቶሳ ዎት ዳዊተ ናኣ” ያጌና?
- 42-43 ጋሶተላይኔካ፣ ዳዊተ ባረ ሀጸጸ ማዘሙረ ማጻፋ ጋርሳን፣
- “ ሳዲይ ታ ጎዳ፣ “ታን ነ ሞርከቴዎ፣
- ነ ገድያፕ ጋርሳና ደእናዳን ኦላና ጋካናው፣
- ታ ኡሸቻን ኡታ” ጌዳ።
- ያጌዳ።
- 44 “ስም ዳዊተ ክርሰቶሳ፣ ሳዳ፣ ጊደ ጸሰያዎ ግዶፕ፣ ዎት እው ናኣ ግዳና ዳንዳዪ?”
- ያጌዳ።

ሙሴ ሀግያ ታማርሰያዋንቴፕ ናገታና ማላ፣ የሱሳ ሴሬዳ ሴራ  
(ማቶሳ 23:1-36፤ ማር. 12:38-40)

- 45 አሳይ ኡባይ ሰሰሽን ባረና ካልያዋንቶ፣
- 46 “ሙሴ ሀግያ ታማርሰያዋንቴፕ ናገትተ፤ ኢንቴንቴካ፣ አዲሳ ቃምሸያ ማዪደ ዩናናው፣ ገያይ ደእያ ሳን ቦንቾ ሳርታ አካናው፣ ዎሰያ ጎሊን ቦንቾ ኦይድያን ኡታናው፣ ሾቡቴዳሳን ቦንቾሳ ኮይያዋንታ።
- 47 ሄዋንቴካ እምኦቴዎ ጎልያ ካሎይያዋንታ፤ ባረንታ በሳናው ዎሳ አዲሰያዋንታ፤ ኢንቴንታ ኢታ ፕርዳይ ናገ” ያጌዳ።

# 21

እምኦትባኒ እዘ እምታ  
(ማር. 12:41-44)

- 1 የሱሰ ጶቁ ጊደ ጸፊያ ዎደ፣ ዱረ አሳይ ጌሻ ጎልያን እምታ ሺሽያ ሚሻ ግድን ባረንቶ ደእያዋፕ ኡንቴንቴ የግያ ዎደ በኤዳ።
- 2 ቃይካ እት ሀዬሳ እምኤ ምሽራታ ላኤ ስምበርያ ሄዋን የግያ ዎደ በኢደ፣
- 3 “ታ ሀንተው ቱሙዎ ጋይ፣ ሀ ሀዬሳ እምኤ ምሽራታ፣ ኦፕን ዳሩዎ እማዲ።
- 4 ሀ አሳይ ኡባይ ባረንቶ ፓላሆዋፕ እሚድና፤ ሽን እዛ ባረ ሀዬሳተትሃ ዎልቃን ባረው ደእያዎ ኡባ እማዲ” ያጌዳ።

ጌሻ ጎሊ ኮለታናዋ የሱስ ካሰቲደ ኦዴዳ

(ማቶሳ 24:1-2፤ ማር. 13:1-2)

5 እ ካልያዋንቱጥ እቴ እቴ። “ጌሻ ጎሊ ሎኦ ሹቻንን ባላ ሸቆዋ እዋታን ሎኤዳዋ” ያግ ሃሳይያ ዋደ የሱስ።

6 “ሀዌ ህንተንቴ በእያዌ ኡባይ ኮለተናን፣ ሹቻይ ሹቻ ቦላን ኬለቲደ አተና ዋዲ ያናዋ” ያጌዳ።

7 አንቴንቴካ፣ “ታማርሰያዎ፣ ሰም ሀዌ ሀናናዌ አዉዴ? ቃይካ ሀዌ ሀናናዉ ማላይ አይ? ” ያጌድ ኦቹድና።

የሱስ መቴዋ ዋዲን ናሸቻ ዋዲ ያናዋ ኦዴዳ

(ማቶሳ 24:3-13፤ ማር. 13:3-13)

8 እካ፣ “አንን ባለፍዳን ናገትተ፤ ጮራ አሳይ፣ ታን ክርሰቶሳን ያጌደ ቃይካ፣ ‘ዋዲ ማቴዳ’ ያጌደ ታ ሱንሳን ያናዋንታ፤ ህንተንቴ ቃይ አንቴንታ ካሎፕተ።

9 እላ የዉዋን አሳ ማካላባ ሰሰያ ዋደ ዲጋዋፕተ፤ ሀዌ ኮይር ሀናናዉ በሰያዋ ግዳ ድራፕ አትን ዉርሰሳይ ብራ” ያጌዳ።

10 ሄዋፕ ካሊደ አሳዉ፣ “አሳይ አሳ ቦላ፣ ካዉተሳይካ ካዉተሳ ቦላ፣ ደንዳናዋ፤

11 ዋልቃማ ቢታ ቃላይ ሀናናዋ፤ ኮሻይን ሀርጊ፣ ዲማ ዲማሳን መጋታናዋ፤ ያሸያ የዉን ኡባካ ዋልቃማ ማላታይ ሳሉዋፕ ሀናናዋ።

12 “ሀዌ ኡባይ ሀናናፕ ካሰያን ቃይ አሳይ ህንተንታ ኦይቃናዋንታ፣ መቶሳናዋንታ፤ ህን እይሁዳቱዋ ዋሳ ጎሊ አሳዉ እላ አማናዋንታ፤ ቃሾ ጎሊካ ገልሳናዋንታ፤ ካታቱዋ ሰንሳንን ሞድያዋንታ ሰንሳን ሸሻናዋንታ፤ ሀዌ ኡባይ ታ ሱንሳ ጋሱዋን ህንተንታ ጋካናዋ።

13 ሀዌካ ማርካታናዉ ህንተዉ ሎኦ ካጫ ግዳናዋ።

14 ሀዋ ግድያ ድራዉ፣ እይ ዛራዋ እማኔ ጌደ ኮይርቲደ ህንተንቴ አንኤተና ማላ ሀዋ ዋዛና አለተ።

15 ኤቀትያዋንቴ ኡባይ፣ ኤቀታናዉን ላካናዉ ዳንዳየና ቃላን እቶ ጭንጫተሳ ታን ህንተንቶ እማና።

16 ህንተንታ የሌዳዋንቴን ህንተንቴ እሻቴ፣ ህንተንቴ ዳባቱን ህንተንቴ ላገላቱካ አተናን ህንተንታ አለ አማናዋንታ፤ ህንተንቴፕካ እቴዋ እቴዋ ዋሳናዋንታ።

17 ታ ሱንሳ ድራዉ አሳ ኡባ ማታን እጸቴዳዋንታ ግዳንታ።

18 የዉዋን ቃይ ህንተንቴ ሁጲያ ብናፕካ እትናን ባዩኩ።

19 ምን ኤቂደ ህንተንቴ ሸምፑዋ አሺታ።

የሱስ የሩሳላመ ባየላባ ኦዴዳ

(ማቶሳ 24:15-21፤ ማር. 13:14-19)

20 “የሩሳላመ እላ አሳን ደደቲዳ ዋደ፣ እዝ ባየላይ ማቴዳዋ ኤርተ።

21 ሄ ዋደ ይሁዳን ደእያዋንቴ ደርያኩ ባቃትና፤ ካታማን ደእያዋንቴ ቃይ ሄዋፕ ከሰና፤ ባላጋርያን ደእያዋንቴካ ያ ካታማኮ ገሎፕና፤

22 ጸሳ ቃላን ጸፈቲዳዌ ኡባይ ፖለታናዳን ሀዌ ሀሉዋ ከሰያ ዋድያ።

23 ቢታ ቦላን ዋልቃማ መቴ ሀናናዋ፤ ሀእ ደእያ አሳ ቦላን ሀንቁ ያናዋ፤ ሄዋ ድራዉ ሄ ዋድያን ሻሃርዋንቶን ቆንሰያዋንቶ እየ!

24 አሳይ ኡባይ ማሻን ሀይቃናዋንታ፤ ጸሳ ኤርና ጋድያ ኡባቱካ ኦሞዳዋን ባናዋንታ፤ የሩሳላመካ እይሁዳ ግድናዋንቴ ዋዲ ፖለታና ጋካናዉ፣ አንቴንቴን የፀቲዳዉና ግዳናዉኑ።

ክርሰቶሳ ላኤንሉ ዩሳ

(ማቶሳ 24:29-31፤ ማር. 13:24-27)

25 “እዋ፣ አገናንን ጸልንትያ ቦላ ማላታይ ሀናናዋ፤ አባፕን ቢታ ኮሻፕ ደንደ ጋሱዋን ቢታ ቦላን ደእያ አሳይ ኡባይ አንኤታናዋንታ፤ ሀርጋናዋንታ።

26 ሳሉዋ ዋልቃይ ኡባይ ቃጽያ \* ድራዉ አሳይ ያሻንን አላምያ ቦላ እይ ያናዌሻ ያጌደ ናጉዋን ዳቡራናዋንታ።

27 ሄ ዋደ አሳ ናኪይ ዋልቃንን ዋልቃማ ቦንቹዋን ሻርያን ይያ ዋደ በእናዋንታ።

28 ህንተንቴካ፣ ሀ የዉ ፖለቲሳ ደምያ ዋደ፣ ዋዙ ጾቱዋ ድራዉ ስት ጌደ ኤቂተ፤ ፑደ ቶቁ ጌደ ጾልተ” ጌዳ።

21:15 ሉቃሳ 12:11-12    21:22 ሆስ 9:7    21:25 እላ. 13:10፤ ህዘ. 32:7፤ እዬ. 2:31፤ ሳዓ 6:12፤ 13 \* 21:26 ሳሉዋ ዋልቃይ ኡባይ ቃጽያ፡ ሀዋ ጉሳይ፡ በን ዋደ አሳይ፡ ሳሉዋን ደእያ ጸልንተ ኡባይ እያና ዋልቃና ደኤ ጌደ ቆፔ።  
21:27 ዳኤላ 7:13፤ ሳዓ 1:7

ባላስያ ጌተትያ ምላ ሌምሱዋ  
(ማቶሳ 24:32-35፤ ማር. 13:28-31)

- 29 ካሊደካ፣ ሀዋ ያግ ሌምሱዋ ኦዴዳ፣ “ዋደንግጥነ ሀራ ምላ ኡባጥ ጸልተ፤
- 30 ሀይላይ አጭና በእያ ዋደ፣ ሄ ዋደ ቦኒ ማቴዳዋ ህንተንቱ ኤሪታ።
- 31 ሄዋደንካ ቃይ የዋቱ ፖለትያዋ በእያ ዋደ፣ ጸሳ ካወተሳታ ማቴዳወና ኤርተ።
- 32 “ታን ህንተዉ ቱሙዋ ጋይ፤ ሀዌ ኡባይ ፖለታና ጋካናዉ ሀ የለታይ አ።።
- 33 ሳሌነ ሳእይ አቆና፤ ሽን ታ ቃላይ አ።።
- 34 ሰም ዛዋይ ባይና ደኡዋን፣ አሻ ዳርዋን ደኡዋባን ኤንኤትሽን ህንተንቱ ዋዛናይ ለፐናደንነ ሄ ጋላሳይ ጸርያደን ቆፐናን ህንተና ጋከናደን ናገትተ፤
- 35 ሀዌ ቢታ ኡባን ደኡዋንቱ ኡባቱዋ ቦላን ጋካናዋ።
- 36 ሰም ይያ ኡታባ ኡባግ ህንተንቱ አታናደንነ አሳ ናኦ ሰንሳንካ ኤቃናዉ ዳንዳያና ማላ፣ ኡባ ዋደ ምን ዋሰተ” ያጌዳ።
- 37 የሱስ ጋላስ ጋላስ ጌሻ ጎልያን ታማርሲደ፣ ቃማ ቃማ ደብረ ዛይተ ያገትያ ደርያኮ ከሲደ አቁ።
- 38 አሳይ ኡባይ አ ሰሳናዉ ጉራን ያ ጌሻ ጎልያ አኮ ዪና።

## 22

ክርስቶሳ ዋቆናዉ ማቀቲድኖ  
(ማቶሳ 26:1-5፤ ማር. 14:1-2፤ ዮሃ. 11:45-53)

- 1 ፓሰጋ ጌተትያ ማጋገ ኡክሳ ምያ ባላይ ማቴዳ።
- 2 ቁሳቱዋ ካፓቱኮ ሙሴ ህግያ ጸፍያዋንቱ የሱሳ ዋት ዋቆንንቶ፣ ዋቆያ ኦግያ ጌማን ኮዪና፤ ሽን አሳዉ ያዪና።
- 3 ጸላሂካ ታማነ ላኡ ካልያዋንቱጥ እቱዋ ግዴዳ አሰቆርቱ ይሁደን ገሊዳ።
- 4 እካ ቢደ፣ የሱሳ ዋት አል እማንንቶ ቁሳቱዋ ካፓቱዋና ጌሻ ጎልያ ናግያዋንቱ ካፓቱዋና አትፐ ሃሳዬዳ።
- 5 ኤንቱንቱካ ናሽቲደ፣ ሚሻካ ይሁዳዉ እማናዉ ዉለቲድኖ።
- 6 እካ ኤኖ ጌዳ፤ አሳይ ባይና ሳን የሱሳ አል እማናዉ እንጀትያ ዋድያ ኮዬ።

የሱስ አይሁዳቱዋ ፓሰጋ ማናዉ ገገቲዳ  
(ማቶሳ 26:17-25፤ ማር. 14:12-21፤ ዮሃ. 13:21-30)

- 7 ማጋገ ኡክሳ ምያ ባላ ቦንቆያ ዋዲ ጋኬዳ፤ ሄ ዋዲካ ፓሰጋዉ ደርሳ ሹካናዉ በሰያ ዋድያ።
- 8 የሱስ ጸጽሮሳነ ዮሃንሳ፣ “ፓሰጋ ቁማ ኑን ማናደን ቢደ ገገሰተ” ጌደ ከቲዳ።
- 9 ኤንቱንቱካ ዛሪደ፣ “ሀቃን ገገሳናደን ኮያይ?” ያግ አቼድኖ።
- 10 እካ፣ “ህንተንቱ፣ ካታማ ገልያ ዋደ ኦቱዋና ሃሳ ቶኬዳ ብታኒ \* ህንተንቱና ጋከታናዋ፤ እ ገልያ ጎልያ አ ካሊደ ገልተ፤
- 11 ሄ ጎልያዋካ፣ ታማርሰያዌ ኔና፣ “ታን፣ ታና ካልያዋንቱና አትፐ ፓሰጋ ቁማ ምያ እማላ ክፍሊ ሀቃ ባጋና ደኢ?” ያጌ” ጌተ።
- 12 ሄ ብታኒካ ፖቆያ ቦላን ደኢያ ሃጸት ኡቲዳ አኮ ክፍልያ ህንተንታ በሳናዋ፤ ሄዋንካ ሳኦ ገገሰተ” ያጌዳ።
- 13 ኤንቱንቱ ቢደ፣ የሱስ ጎዋደንካ ብታንያ ደሚደ ፓሰጋ ቁማ ገግሴድኖ።
- 14 ፓሰጋ ቁማይ ሚተትያ ሳቲ ጋኮ ዋደ፣ ታማነ ላኡ ከተቆዋንቱና አትፐ ቁማ ማናዉ ኡቲዳ።
- 15 እካ፣ “ታና ሙቱ ጋካናፐ ካሰያን ህንተንቱና ሀ ፓሰጋ ቁማ ማናዉ ዳር አዋታይ ደኢይ።
- 16 እያዉ ጎፐ፣ ታ ህንተዉ ኡድያዌ፣ ሀዌ ጸሳ ካወተሳን ፖለታና ጋካናዉ፣ ታን ላኤንሱዋ ሀዋፐፐ ሚከ” ያጌዳ።
- 17 ጸኦ አከደ፣ ጸሳ ጋላቲደ፣ “ሀዋ ሄይተ፣ ህንተንቱ ግዴዋን ግሸት ኤሸተ።
- 18 እያዉ ጎፐ፣ ታ ህንተንቶ ያጋይ፣ ጸሳ ካወተሳይ ያና ጋካናዉ፣ ሀቼፐ ደማደ ዋይንያ ኤሳ ኤሸከ” ያጌዳ።
- 19 ቃይ ማጋገ ኡክሳ አከደ፣ ጸሳ ጋላቲዳ፤ ሄ ኡክሳ ሙንሳ ኤንቱንቶ እሚደ፣ “ሀዌ ህንተንቶ እሙትያዌ ታ አሹዋ፤ ሀዋን ታና ቆፓና ማላ ሀዋ ሚተ” ያጌዳ።
- 20 ካወዋ ሞዋፐ ጉይያን፣ ካሰዋደን ጸኦ ደንሳ ኤንቱንቶ እሚደ፣ ሀዋደን ያጌዳ፣ “ሀ ጸኦይ፣ ታ ህንተንቱ ድራዉ ጉሰያ ታ ሱሳ ቆፊልያ ኦራሳ ጫቁዋ።
- 21 ሽን በአተ፣ ታና አል እማናዉ ደኢያ ብታኒ ጋይታን ታናና አትፐ ሚ።

22:1 ከሳ 12:1-27 \* 22:10 ሃሳ ቶኬዳ ብታኒ- ሄ ዋደ ሄ ጋደን አሳ ጎላን ከተትያ እቲማ ቆማይ ሃሳ ቶተ፣ ሄ ጎሊ ዲረ ግድያዋ በሴ። 22:20 ማቶሳ 26:26-28፤ ማር. 14:22-24፤ 1 ቆር. 11:23-25

22 እያዉ ጎጥ፣ ታን እሳ ናእይ ጸሳይ ጎዋዳን ባይ፤ ሸን ታና እሊደ እምያ ኡራዉ አዉ እየ” ያጌዳ።

23 ኡንቱንቱ ግደጥ ሄዎ ኦላናዉ ደእያዌ እና ግዳነንቶ፣ ባረንቱ ግደን ኦሻ ደሜድና።

ኡባጥ እድያዌ ኦኔ? ያግያ ኦሻ

24 ቃይ ባረንቱ ግደጥ ኡን እድንቶ ያገትያ ፓሉማይ ኡንቱንቱ ግደን ከሴዳ።

25 የሱስ ኡንቱንታ ያጌዳ፡ “ሀ እላምያ ሞድያዎንቱ ባረንቱ እሳ ቦላ ጎዳቲና፤ ኡንቱንታ ሞድያዎንቱ ከካቱዋ ጌተቲና።

26 ሸን ሀንተንቱ ሀዋዳን ሀሮፕተ፤ የዉዋን ቃይ ሀንተንቱጥ ጵቃ ግዳዳዌ ሀንተ ኡባጥ ጉጽያዋ፤ ሀንተንታ ሞድያዌካ፣ ሀንተንቶ ቆማዳን ሀሮ።

27 “ቁማ ማናዉ ኡቴዳዋጥን ቁማ እሳዉ እላያዋጥን ኡን ቦንቼቲ? ቁማ ማናዉ ኡቴዳዋ ግደኔ? ታን ቃይ ሀንተንቱ ግደን ቁማ እላያ ቆማ ማላ።

28 ቃይ ታን ፓጩትያ ሞድያን ሀንተንቱ ታናና እትጥ ምን ኡቁዳዋንታ።

29-30 አ ካዉተላ ኦይድያን ኡታና ማላ ታ እቡ ታና ሱንሶዋዳን፣ ታን ቃይ ታ ካዉተላን ታ ጋይታጥ ማናዳን ኡሻናዳን፣ ታማን ላኡ እስራኤልያ ያራቱዋ ቦላ ፕርዲደ፣ ካዉተላ ኦይድያን ኡታና ማላ ሀንተንታ ሱንሳድ” ያጌዳ።

ጳጵርሰ ካዳናዋ የሱስ ካስቲደ ኦዳዳ

(ማቶሳ 26:31-35፤ ማር. 14:27-31፤ ዮሃ. 13:36-38)

31 ጎዳይ፣ “ሰሞና፣ ሰሞና፣ ታን ኡድያዋ ሰሳ፤ ጸላሂ ሀንተንታ እሳይ ዛርጋ ሀልእያዋዳን፣ ሀልእናዉ ጸሳ ዋሴዳ።

32 ሸን ታን ነ አማኑ ባየናዳን ነ ድራዉ ጋናታድ። ኔን ታኮ ሰምያ ዋይ ነ እሻቱዋ ምንሳ” ያጌዳ።

33 ሰምን ዛርደ፣ “ጎዳዉ፣ ታን ኔናና ቃሸታናዉን ኔናና እትጥ ሀይቃናዉ ጊጋ ኡታድ” ያጌዳ።

34 የሱስ ቃይ፣ “ጳጵርሳ፣ ታን ነዉ ያጋይ፤ ሀቼ ብላሀያን፣ ኩቱ ዋሳናዉ ሄዙ ገደ ታና ኔን፣ ‘አ ታን ኡርከን ጋደ ካዳናሳ” ያጌዳ።

35 የሱስ ባረና ካልያዎንቶ፣ “ኮርጂ፣ ቃርጨቲ፣ ጫማይ ባንታን ታን ሀንተንታ ከቶ ዋይ፣ ሀንተንቶ እትባይ ፓጮዌ ደእን?” ያጌዳ።

ኡንቱንቱካ፣ “እትባይን ኦዉ ፓጮቤና” ያጌድና።

36 እነ ዛርደ፣ “ሀእ ቃይ ኮርጂኡ ደእያዌ እክ ቦ፤ ቃርጨት ደእያዌካ ሄዋዳን ኦሉ፤ ባይናዌ ቃይ ባረ ማዩዋ ዛልኢደ ማሻ ሻዋ።

37 እያዉ ጎጥ ታ ሀንተዉ ያጋይ፣ ‘ሀዌ ማካላንቻቱና እትጥ ፓይደቲዳ’ ያገት ጸሳ ማጸፋን ጸፈቲዳዌ፣ ታናን ፖለተናን እተና። ኡ፣ ታዉ ጌተቲዳዌ ሀእ ፖለታናዋ” ያጌዳ።

38 አ ካልያዎንቱ፣ “ጎዳዉ፣ ሀዋን ላኡ ማሻይ ደኤ” ያግና እካ፣ “ሄዌ ግዳናዋ” ያጌዳ።

የሱስ ደብረ ዛይተ ደርያን ዋሴዳ

(ማቶሳ 26:36-40፤ ማር. 14:32-42)

39 የሱስ ካታማጥ ከሲደ፣ ሀራ ጋለስ ብያዋዳንካ ደብረ ዛይተ ቤዳ። ቃይ አ ካልያዎንቱካ አ ጌዴዋ ቤድና።

40 ሄ ሳአ ጋኪደ፣ “ፓጮያን ሀንተንቱ ገለናን ኡታና ማላ፣ ዋስተ” ያጌዳ።

41 ሹቻ ኦልና ጋክያሳ ከና ኡንቱንቱጥ ሃክ ቤዳ። ጉልባቲደ፣

42 “ታ እቦ፣ ኔን ኮይያዋ ግደጥ፣ ሀ ሙቱዋ ጸኢ ታጥ ድጋ፤ ሸን ታ ሸን ግደግ፤ ነ ሸን ግደጥ እትን” ያጌደ ዋሴዳ።

43 ሳሉዋጥ ዪደ ምንሰያ ኪታንቻይ አዉ ቤቲዳ።

44 ባረ ዋዛና ግደን ሴላቲደ፣ ዳሪ ዋሴዳ። አ ጫዋትያ ጫዉካ ሳአ ቦላን ጸክያ ሱላ ማላቲዳ።

45 ዋሳጥ ደንዲደ፣ ባረና ካልያዎንቱኮ ጉዩ ቢደ፣ ኡንቱንቱ ዳርጥ ቃሪቲዳ ድራዉ፣ ዳቡሪደ ገምእሾዋንታ ጸሊደ፣

46 “እያዉ ገምእሺቲ? ፓጮያን ገለናዳን ደንድ ዋስተ” ያጌዳ።

የሱስ ባረ ሞርከቱዋ ኩሽያን ኦይቃቲዳ

(ማቶሳ 26:47-56፤ ማር. 14:43-50፤ ዮሃ. 18:3-11)

47 የሱስ ሄዋ ሃሳይ ደእሸን፣ ጮራ አሳይ ዬድና። ታማን ላኡ አ ካልያዎንቱጥ እቱዋ ግዳዳ ይሁዳ ጌተትያዌ ሄ እሳ ካለሊደ የራናዉ የሱሳኮ ሸቄዳ።

48 የሱስ ቃይ፣ “ይሁዳዉ፣ ኔን ታና እሳ ናአ የራደ አላ እማይ?” ያጌዳ።

49 አ የሹዋን ደእያ አ ካልያዎንቱ ሀንትያ የዉዋ በኦ ዋይ አ፣ “ጎዳዉ፣ ሀ እሳ ኦን ማሻን ቃንጻኔ?” ያጌድና።

50 እንቱንቱ፣ እቱ፣ ቄሳቱዋ ኡባቱዋ ካፑዋ ቆማ ሾጠደ፣ እ ኡሸቻ ሀይሳ ቃንጾ ኦሌዳ።  
 51 የሱሰ ቃይ ዛሬደ፣ “እግተ፣ ባሸተ” ያጌዳ። ብታንያ ሀይሳካ ቦቹደ ፓሌዳ።  
 52 የሱሰካ ባረኮ ዬዳ ቄሳቱዋ ካፓቶ፣ ጌሻ ጎልያ ናግሚዋንቶ፣ ሱንሳቶነ ጋድያ ጭማቶ፣ “ፓኑዋ አይቁያዋደን ማሻነ ጸምእ ኦይቁደ ዪቱ፣  
 53 ጌሻ ጎልያን ታን ጋላሳን፣ ጋላሳን ሀንተንቱና ደእያ ዋደ፣ ታና ኦይቁበይክታ፤ ሸን ሀእ ሀዌ ሀንተንቱ ዋደነ ልማ ዋልቃ ዋደ” ያጌዳ።

ጳጳርሰ የሱሳ ካዴዳ  
 (ማቶሳ 26:57-58፣ 69-72፤ ማር. 14:53-54፣ 66-72፤ ዮሃ. 18:12-18፣ 25-27)

54 የሱሳ ኦይቁ ቃቹደ፣ ቄሳቱዋ ኡባ ካፑዋ ጎለ አፊደ ገልሴድና። ጳጳርሰካ እንቱንቱ፣ ጉዮ ሃኩዋን እንቱንቱ ጌዳዋ ካሌ።  
 55 ድርሳ ግደን ታማ ኤሊደ፣ እት፣ እት ደእሸን፣ ጳጳርሰ እንቱንቱ ግደን ዪደ ኡት አጌዳ።  
 56 ታማይ ፖእያ ባጋና ጳጳርሰ ኡቲደ ደእሸን፣ እት ቆማታ ሎይሳ ጸላደ፣ “ሀዌካ እናና እት፣ ጉደ” ያጋዲ።  
 57 ጳጳርሰ ቃይ፣ “ሀነ ምሽራቱ፣ ታን እ ኤርከ” ያግ ካዴዳ።  
 58 ጉላ ዋድያ፣ ጉይያን፣ ሀራ ብታኒ ጳጳርሳ በእደ፣ “ኔን እንቱንቱና ጋሶ ደእ” ያግና።  
 ጳጳርሰ ቃይ፣ “ሀዋ ብታንዉ፣ ታን እናና ጋሶ ደእከ” ያጌዳ።  
 59 እት ሳተ ግድያዋ ጋምኢደ ሀራ ብታኒ ቆንጭሲደ፣ “እ ጋለላ ጋደ አሳ ግድያ ድራዉ፣ ሀ ብታኒ እናና እት፣ ደእያዋ ቱማ” ያጌዳ።  
 60 ጳጳርሰ ቃይ፣ “ሀ ብታንዉ፣ ኔን ግያዌ እየንቶ ታን ኤርከ” ያጌዳ። ሄ ዋድያን እ ብርካ ሃሳይ ደእሸን፣ ኤሊካ ኩቱ ዋሰ አጌዳ።  
 61 ጎዳይ ጉየ ሰሚደ፣ ጳጳርሳ ጸሌዳ። ጳጳርሰ ጎዳይ ባረና፣ “ሀቼ ኩቱ ዋሳና ጋካናዉ፣ ሄዙ ገደ ታና ካዳናሳ” ጌዳ ጎዳ ቃላይ እዉ ቆፈት አጌዳ።  
 62 ጳጳርሰ ድርሳ፣ ካረ ከሲደ፣ ሴለቲደ ዬኬዳ።  
 63 የሱሳ ኦይቁዳ አሳይ ቅለጠጠናን ሾጠና።  
 64 እ አይቆያ ጎዘ ባቂደ፣ “ኔን ባቂዳዌ ኦኔ፣ ናብያ ግደ፣ ኔና ደቻዋ እነ ኦዳ” ያጌደ እ ኦቹድና።  
 65 ቃይ እ ሀራ ጮራ ቦርያ ቦሬድና።

የሱሳ ፕርዳዉ አፊድና  
 (ማቶሳ 26:59-66፤ ማር. 14:55-64፤ ዮሃ. 18:19-24)

66 ሳይደ ዋንትና ጋድያ ጭማ አሳቱ፣ ቄሳቱዋ ካፓቱን ሙሴ ሀግያ ታማርሲያዋንቱ፣ የሱሳ ባረንቱ ሸቄዳሳ አፊደ፣  
 67 “ክርሰቶሰ ኔኔ? እነ ኦ ኦዳ” ያጌድና።  
 ሸን እ፣ “ታን ሀንተንቶ ኦደ፣ ታና እማንክታ፤  
 68 ቃይ ሀንተንታ ታን ኦቻ፣ ኦድክታ፤ ዋይ ቃሹዋ፣ ታና ብልክታ።  
 69 ሸን ሀ ሳትያ፣ ደምና ታን አሳ ናእይ፣ ሀእ፣ ደማደ፣ ዋልቃማ ጸሳ ኡሸቻ ባጋና ኡታና” ያጌዳ።  
 70 እንቱንቱ ኡባይ የሱሳ፣ “ያትና ኔን ጸሳ ናኤ?” ያጌድና።  
 እካ ዛሬደ፣ “ታን ጸሳ ናኤ ግደዋ ሀንተንቱ ሃሳይድታ” ያጌዳ።  
 71 እንቱንቱካ፣ “ኔን ኦ ሀጸዉ እ ድና፣ ሰሴደ፤ ሀዋ፣ ሰንሳዉ አይ ማርካ ኮሺ?” ያጌድና።

**23**

ጳላጸሰ የሱሳ ኦቹዳ  
 (ማቶሳ 27:1፣ 2፣ 11-14፤ ማር. 15:1-5፤ ዮሃ. 18:28-38)

1 ሃዋን ሸቄዳ ኡባቱካ እት፣ ደንዲደ፣ የሱሳ ጳላጸሳኮ አፊድና።  
 2 ኡንቱንቱካ፣ “ሀ ብታኒ ኦ አሳ ባለሊደ፣ አሳይ ርመ ቢታ ካትያ ቄሳራዉ ገራ እመና ማላ ድጊደ፣ ቃይ፣ ታን ካትያ” ያግሸን ደሚደ። ያጌደ ሞቱዋ ደሚድና።  
 3 ጳላጸሰካ የሱሳ፣ “ሀዋ፣ አይሁዳቱዋ ካቲ ኔኔ?” ያጌደ ኦቹዳ።  
 የሱሰ ዛሬደ እ፣ “ኔን ጋ ደእሳ” ያጌዳ።  
 4 ጳላጸሰ ቄሳቱዋ ካፓቶነ አሳዉ ኦዲደ፣ “ታን ሀ ብታንያ ቦላን አይነ ኢታ ኦሱዋ ደማበይከ” ያጌዳ።  
 5 ግደ፣ እትን እንቱንቱ፣ “ሀ ብታኒ ጋለላ፣ ደሚደ፣ ሀራይ እቶ ሀዋ ጋካናዉካ፣ ይሁዳ ጋድያ ኡባ ባረ ትምርትያን ቃሊደ ደኤ” ያጌደ ምንሰ ኦዲድና።

የሱሰ ሄርድሳ ሰንሳ ሸቄዳ

6 ጵላጸስካ ሀዋ ሰሲደ፡ “እ ጋሊላ እሴ?” ያጊደ ኤራናዉ ኦቹዳ።

7 ጵላጸስ ሄሮድስ ሞድያ ጋድያፕ የሱስ ዬዳዋ ኤራዳ ዋደ፡ ሄሮድስካ ቃይ ሄ ዋድያን የሩሳላመን ደእያ ድራው፡ እኮ የሱሳ የዴዳ።

8 ሄሮድስ ዳሮ ዋድያፕ ደሚደ የሱሳ በእናዉ እሞት ደእያ ድራው፡ እ በኤዳ ዋደ ዳሮፕ ርሸትዳ። የሱሳ ዋርያ ስሴዳዋ ድራው፡ እ ኦራሳባ ኦሎሽን በእናዉ ህደታን ጋሞኤዳ።

9 ሄሮድስ የሱሳ ዳርባ ኦቹዳ፤ ሽን የሱስ እዉ እያን ዛርቤና።

10 ቁሳቸዋ ካፓቱን ሙሴ ህግያ ታማርስያዋንቱ ሄዋን ኤቁደ፡ የሱሳ ሎይሐ ሞቲደ ደእና።

11 ሄሮድስን እ ዋታዳራቱ የሱሳ ካቋደ፡ እ ቦላ ቅሊጩድና። ቦንቹቲዳ ማዩዋ እ ማይዚደ፡ ጵላጸሳኮ ዛሪደ የዴድና።

12 ሄሮድስን ጵላጸስ ሀዋፕ ካሰና ሞርክያን ደእና፤ ሽን ሄ ጋሊላ ሰገቲድና።

የሱሳ ህይቃና ማላ ሞቲድኖ

(ማቶሳ 27:15-26፤ ማር. 15:6-15፤ ዮሃ. 18:39—19:16)

13 ጵላጸስ ቁሳቸዋ ካፓቸዋ፡ እይስያዋንታን ሀራ ጮራ እሳ እትፕ ጸሲደ፡

14 ሀዋዳን ያጌዳ፡ “ሳ ስታኒ እሳ ማካላተላዉ ደን።” ያጊደ ታኮ እሄድታ፤ ታንካ ህንተንቱ ሰንላን ብዳ ጸላደ፡ ህንተንቱ ሺሼዳ ሞቲዋን እት ባላን እ ቦላን ደማበይከ።

15 ቃይ ሄሮድስካ እ ቦላን እይን ደሞቤና ድራው፡ ሃ ኦኮ ዛር የዴዳ፤ ህንተንቱ በእያዋዳንካ፡ ሀ ስታኒ እ ህይቆ ጋሐያባ እይን ኦሎቤና።

16 ሀዋ ድራው ታን እ ሙራደ ብላና” ያጌዳ።

17 \*

18 እሳይ ኡባይ እትፕ ግዳደ፡ “ሀ ስታንያ ያ ድጋ! ባርባና ግያ የሱሳ ኦዉ ብላ!” ያጊደ ጫቦቲድና።

19 ባርባን ካታማን ዋላሳ ደንሲደ፡ እሳ ዋጄዳ ድራው፡ ቃሸቲዳዋ።

20 ጵላጸስ የሱሳ ብላናዉ ኮዬደ፡ እሳዉ ላኤንሱዋ ጉጂደ ሃሳዬዳ።

21 ሽን ኤንቲንቱ፡ “ማስቃልያ ቦላ ሞስማርያን ድሻደ ካቃ! ካቃ!” ያግ ዋሴድና።

22 ጵላጸስካ ሄዘንሱዋ ኤንቲንታ፡ “እያዉ? ሀ ስታኒ ኦሌዳ ኤታ ኦሱዳ? ታን እ ህይቆ ጋሐያ ርቁዋ እይን እፕ ደማበይከ፤ ሀዋ ድራው፡ እ ሙራደ ብላ የዳና” ያጌዳ።

23 ሽን ኤንቲንቱ ባረንቲ ኮሻ ጶቁ ኦሊደ፡ ካቃታናዳን ዳሪ ዋሴድና። ኤንቲንቱ ዋሱካ ጵላጸሳ ቆፋ ለሚዳ።

24 ሀዋ ድራው፡ ጵላጸስካ ኤንቲንቱ ኦሻይ ሰማናዳን የሱሳ ቦላን ፕርዴዳ።

25 እሳ ማካላዉ ደን። ደን ሸሞቸዋ ዋጂደ፡ ቃሸቲዳ ስታንያ ብለታናዳን ኤንቲንቱ ዋሶ ድራው፡ ሄ ስታንያ ብሌዳ። ሽን የሱሳ ባረንቲ ሸንያዳን ኮዮዋ ኦላና ማላ፡ እሐ ለሚዳ።

የሱስ ማስቃልያን ካቃቲዳ

(ማቶሳ 27:31-44፤ ማር. 15:21-32፤ ዮሃ. 19:17-27)

26 የሱሳ ኦይቁ አፊደ ደእሸን፡ ሰሞና ጌተትያ ቀሪና ስታኒ ሄራፕ ዪደ ደእሸን ደሚደ፡ ማስቃልያ ቶሲደ የሱሳና ባና ማላ ኦሌድና።

27 ዳሮ ጮራ እሳይን ዬክያ ማጫዋንቱ ጉየና ካለና።

28 የሱስ ጉየ ሰሚደ ኤንቲንቶ፡ “ህንተና፡ የሩሳላመ ማጫዋንቶ፡ ህንተንቱ ሁጳዉን ህንተንቱ ርናዉ ዬክተፕ እትን፡ ታዉ ዬኮፕተ፤

29 ማንላ ግዴዳዋንቱን የልቤና ኡሉ፡ ቋንሐቤና ቋንሐይ፡ እንጀቲዳዋንታን ጌተትያ ዋደ ያናዋ።

30 ሃ ዋድያን፡ ተዛቶ፡ ኦ ቦላ ዋድተ፤ ዙኩላቲዋካ፡ ኦና ቆስተ፡ ያጋንታ።

31 ሰሞ ቃየ ሞላን ሀዋዳን ሀሮፕ፡ መላ ሞላን ዋናናዊ?” ያጌዳ።

32 የሱሳና እትፕ ካቃታና ማላ፡ ኤታ ኦሱዋ ኦሌዳ ሀራ ላኡ ኦሳቲዋካ እፊድና።

33 ቁራንዉ ጌተትያሳ ጋኬዳ ዋድያን፡ የሱሳ ካቁድና። ኤታ ኦሳዋንታካ፡ እቲዋ ኤሸቻና፡ የኩዋ ሀድርሳና ካቁድና።

34 የሱሳ፡ “ታ እቦ፡ ኤንቲንቱ ባረንቲ ኦሐያዋ ኤረና ድራው፡ ኤንቲንቱ ርጋራ እቶ ጋ” ያጌዳ። ኤንቲንቱካ እ ማዩዋ ሳማ የገቲደ ግሽት እኬድና።

35 እሳይ ኤቁ ጸልሸን፡ ጋድያ ሞድያዋንቱ፡ “ሀራንታ እሸ፤ ጸሳን ደረቲዳ ክርስቶስ እ ግደፕ፡ እን ባረ ሁጲያ እሸኔን?” ያጊደ ቅሊጩድና።

36 ቃይ ዋታዳራቲካ ሸቁደ ቅሊጩድና፤ ጫሚዳ ዋይንያ ኤሳ እዉ እህ ለሚደ፡

37 “ሀዋ፡ ኔን እይሁዳ ካትያ ግደፕ፡ ነ ሁጲያ እሻ!” ያጌድና።

\* 23:17 ሀ ፓይዳ፡- “ጵላጸሳዉ ፓስጋ ባላ ቦንቹዋ ጋላሳን እት ኤራ ቃሸቸፕ ብልያ ደያይ ደእኤ” ያጌ። ሽን፡ ዳዉርሱዋ ገሻ ማጻፋ ኦራላ ጫቁዋ ግዳዋን ሀ ፓይዳ ጸፈትቤና ጋሱ፡ ሀራ ገሻ ማጻፋቲዋ ብላላቲዋን ኡባቲዋን ጸፈትቤና ድራሳ፡ 23:30 ሆስ 10:8፤ ሳፃ 6:16

- 38 ሁጲሳናካ፡ “ሀዌ እይሁዳ ካትያ” ያግያ ጻፋዋ ጻፈድና።
- 39 እ.ታ ኦሳይ ካቀቴዳዋንቴፕ እቱ፡ ቦሪድን ቶቺደ፡ “ሀዋ ኔን ክርስቶሳ ግድኪ? እነ እ ግድፕ፡ ነ ሁጲያን ኑና አሻ” ያጌዳ።
- 40 የኩ ቃይ እ፡ “ኔን ሀዋ ማላትያ ፕርዳ ቦላ ደእይካ ጸሳዉ ያይኪ?
- 41 ኑን ኪተቴዳ ባላን ሙራ እኪደ ደኤቶ፤ ኑዉ በሰያ ሙራ ቦላን ደኤቶ፤ ሽን ሀ ብታኒ እት ኢታባኒ ኦሳቢና” ያግ ዛሬዳ።
- 42 እ የሱሳ፡ “ኔን ነ ካዉተላ ዋልቃን ይያ ዋደ፡ ታና ቆፓ” ያጌዳ።
- 43 የሱሳካ፡ “ታን ነዉ ቱሙዋ ኦዳይ፡ ሆቼ ታናና እትፕ ጋናትያን ደእናሳ” ያጌዳ።

የሱሳ ሀይቁዋ

(ማቶሳ 27:45-56፤ ማር. 15:33-41፤ ዮሃ. 19:28-30)

- 44 ሄ ዋደ ኡሱቸን ሳተ ግድያ ኪና፤ ሄዋፕ ኡዲቸ ሳትያ ጋካናዉ፡ ቢታ ኡባ ቦላን ጴማ ግዴዳ።
- 45 አዋይካ ባረ ፖኡዋ ድጌዳ፤ ጌሻ ጎልያ ጋርዲካ ፔፍቲደ ላኡዋ ከሴዳ።
- 46 የሱሳካ ዳር ጶቁ ጌዳ ቃላን ዋሲደ፡ “ታ አቦ፡ ታን ታ ሸዋቸዋ ነ ኩሽያን አላ እማይ!” ያግ ሰሞዋፕ ጉይያን እ ሀይቁዳ።
- 47 ጴቱዋ ካቸ ሀኔዳ የዉዋ በኤዳ ዋደ፡ “ሀ ብታኒ ቱማካ ጽሎ አሳ” ያጌደ ጸሳ ጋላቴዳ።
- 48 ሀዋ በእናዉ እትሳ ሸቄዳ እሳይ ኡባይ ሀኔዳ የዉዋ በእደ፡ ባረንቱ ትራ ባቂደ ሰሜድና።
- 49 የሱሳ ኤርያ አሳይ ኡባይን ጋለላፕ ደሚደ አ ካሌዳ ማጫዋንቱ ሀዋ ጴሊደ፡ ሃኩዋን ኤቁድና።

የሱስ ሞገቴዳ

(ማቶሳ 27:57-61፤ ማር. 15:42-47፤ ዮሃ. 19:38-42)

- 50 እይሁዳ ሻንጋቱዋ ግዴዳዋንቴፕ እቱ፡ የሴፎ ጌተትያ ሎእነ ጽሎ ብታኒ ደኤ።
- 51 ሀ ብታኒ ሻንጋቱዋ ማቁዋን ኤንቱንቱ ኦሱዋን እትፕተላ ኦሳቢና። ጸሳ ካዉተላ ዩሳ ሀደታን ርጊደ ደኤ።
- 52 የሴፎካ ጽላጸሳኩ ቢደ፡ የሱሳ እሃ እካናዉ ዋሴዳ።
- 53 አካናዳን ጌተቶዋፕ ጉየ፡ እሃ ቦላፕ ዋሴደ፡ ሎኦ ሞጉዋ ማዩዋን ጸጸደ፡ ሹቻፕ ዋጤቲደ ሙፍቱዳ፡ ኦንነ ካሰ ሞገትቤና ኦላ ግደን ዋሴዳ።
- 54 ጋላሳይካ ሳምባታ ሞካናዉ ጊግያ ጋላሳ፤ ሳምባታይካ ገላና ሀይ።
- 55 ጋለላፕ ደሚደ የሱሳና እትፕ ዬዳ ማጫዋንቱ ካሊደ፡ ዲፋዋን እ እሃ ዋቲደ ዋሴድናንቶ በኤድና።
- 56 ኤንቱንቱ ሀዋፕ ሶይ ሰሚደ፡ ሸቱዋን ኦክያዋ እንሀዉ ጊገሴድና። ሀግያ ማራዳን ሳምባታ ጋለሰ ሸዋፔድና።

# 24

የሱስ ሀይቁዋፕ ደንዴዳ

(ማቶሳ 28:1-10፤ ማር. 16:1-8፤ ዮሃ. 20:1-10)

- 1 ሳምንታፕ ኮይር ጋላሳ፡ ማጫዋንቱ ጊገሴዳ ሸቱዋ ኦይቂደ ዳሪ ጉሪደ ዲፋዋኩ ቤድና።
- 2 ሹቻይካ ዲፋዋ ደናፕ ጎንደረትና በኤድና።
- 3 ኤንቱንቱ ዲፋዋ ጋርሳ ኦላ ገሎ ዋደ፡ ጎዳ የሱሳ እሃ ደምበይክና።
- 4 ማጫዋንቱ ሰጴደ ደእሸን፡ ዋጭዋጭያ ማዩዋ ማዬዳ ላኡ አሳቱ፡ ቆፕናን ኤንቱንቱ ሞይያን ኤቁድና።
- 5 ማጫዋንቱካ ያሻፕ ደንደዋን ሳኦ ጴሊደ ደእሸን፡ ላኡ አሳቱ፡ “ደኡዋን ደእያዋ፡ እ እያዉ ሀይቆዋንቱ ግድፕ ኮዩቲ?
- 6-7 እ ደንዴዳ፤ ሀዋን ባዋ፡ ቃይካ ጋለላን ደእያ ዋድያን፡ ሳሳ ናእይ ናጋሪንቻቱዋ ኩሽያን አጵ እመታናዋ፤ ማሰቃልያ ቦላን ካቀታናዋ፡ ሄዘንሉ ጋለሰ ሀይቁዋፕ ደንዳናዋ” ያገቶዋ ቆፕተ” ያጌድና።
- 8 ማጫዋንቱካ ሄ ዋደ ቃላ እኪኬድና።
- 9 ኤንቱንቱካ ዲፋዋፕ ሰሚደ ሀ ኡባ የዉዋ ታማነ እት ኪተቶዋንቶን ኤንቱንታ ካልያዋንቶ ኡባቶ ኦዴድና።
- 10 ሀዋ የሱስ ኪቶዋንቶ ኦዴዳዋንቱ፡ ማግዳላፕ ዬዳ ማይራሞ፡ ዮሃና፡ ያቆባ ዳዮ ማይራሞን ኤንቱንቱና እትፕ ደእያ ሀራ ማጫዋንታ።
- 11 ኤንቱንቶ ማጫዋንቱ ኦድያ ቃላይ ቃጅያዋ ማላትና አማንበይክና።
- 12 ሽን ሄ ዋደ ጳጳርሰ ደንዲደ ዲፋዋኩ ዋዴዳ። ያ ጋኪደ ሆክ ጴልያ ዋደ፡ ጋርሳን ሞጉዋ ማዮ ጸላላይ ደእያዋ በኤዳ። ሀሮ የዉዋንካ ማላላቲደ፡ ጎላ ሰሜዳ።



ኤማሁሳ ኦግያን የሱስ ላኤ አሳቶ ቆንጨዳ  
(ማር. 16:12፣ 13)

13 ሄ ጋላስ የሱሳ ካልያዋንቱ፣ ላኤ አሳቱ የሩሳላመ፣ ላኤ ሳትያ ሃክያ ኤማሁሳ ጌተትያ ሄራ ቢደ፤

14 እቱ እቱዋና ሀኔዳ የወዋ ኡባ ሃሳይ ደአኖ።

15 ኤንቱንቱ ሃሳይና ዘረቲደ ደአሸን፣ የሱስ ባረ ሁጻው ዪደ ኤንቱንቱ ምያይ ሸቂደ ኤንቱንቱና ቢደ ደኤ።

16 ሸን ኤንቱንቱ ባረ አይፍያን ጸሊደ አ ግድያዋ ሻክ ኤራናወ ዳንዳይበይክና።

17 የሱስ፣ “ሀንተንቱ ኦግያ ቦላን እቱ እቱዋና ሃሳይያዌ አይ?” ምግ ኦቹዳ። ኤንቱንቱካ ዳጋማን ለቸሚደ ኤቁድና።

18 ኤንቱንቱ፣ እቱ ቀልድጻ ጌተትያዌ፣ “ሀ ግዲዋን የሩሳላመን ሀኖ የወዋ ኤረናዌ ነ ጸላላይ ሀ ጋደወ አማላ?” ምግ ዛሬድ።

19 የሱስ፣ “አ አይ?” ምግና፣ ኤንቱንቱካ፣ “ጸሳ ሰንሳን ከሳ ኡባ ሰንሳን ቃላን ኪታን ምና ናብያ ግዲዳ ናዝሬትያ የሱሳባ ሃሳይቶ።

20 አካ ቄሳቱዋ ካፓቱ ኑና ሞድያዋንቱ ሀይቁዋ ፕርዳወ አል አሜድና፤ ማስቃልያ ቦላን ሞዲድና።

21 ኑን ካሰና፣ ‘አሰራኤልያ አሳ ዋዛናዋ’ ምግ ሀይቶዌ አ፤ ሸን ሀ የወ ሀነቲደ አቶደ፣ ሄዙ ቃማ ግዲዳ።

22 ኑ ግደ፣ እት እት ማጫዋንቱ ኑና ማላልሴድና። ኤንቱንቱ ጉራን ሀን ዲፋዋ ቤድና፣

23 ሸን የሱሳ አሃ ኤንቱንቱ ጳዮ ዋደ ሸረት ሰሚደ፣ አ ደንዲዳ፤ ምግያዋ ኪታንቻቱ ኦድሸን በኤደ ምግ ኦዲድና።

24 ኑ ግደ፣ እት እት አሳይ ዲፋዋ ቢደ ኤንቱንቱ ጎዋዳን ሀንና በኤድና፤ ሸን የሱሳ አሃ ደሞበይክና” ምግ ደና።

25 የሱስ ኤንቱንቶ፣ “ሀንተና፣ አኬከና አሳቶ፣ ሀንተንቱ ዋዛናን ናባቱ ኦደዋ ኡባ ኤላ አማናዋንቶ፤

26 ክርስቶስ ሀ መቱዋ አካናወን ባረ ቦንቸዋኮ ገላናወ በሰኔ?” ምግ ደና።

27 ሄዋ፣ ሰሚደ የሱስ ሙሴ ማጻፋቱዋ፣ ናባቱ ጸፊዳ ማጻፋቱዋ፣ ደሚደ፣ ጸሳ ማጻፋቱዋ ኡባን ጸፈቴዳ ባረባ ኤንቱንቶ ብሊደ ኦዲዳ።

28 ኤንቱንቱ ብደአያ ሄራ ማቴዳ ዋደ፣ የሱስ ሀራሳ ብያዋ ማላቲዳ።

29 ሄ ዋደ ኤንቱንቱ አ፣ “ጋሳሳይ ቃሚደ ደአያ ድራወ፣ ኦማርሳይ ማቴዳ፤ ኑና እት፣ አቃ!” ምግ ምንሰ ዋሴድና። ሀዋ ድራወ፣ አካ ኤንቱንቱና እት፣ አቃናወ ገሌዳ።

30 ኤንቱንቱ እት፣ ጋይታን ኡቲዳ ዋደ፣ ዳቡዋ ደንሊደ አንጃዳ፤ መንሊደ ኤንቱንቶ አሜዳ።

31 ኤንቱንቱ አይፊካ አ አኬካና ማላ ደየትና፣ የሱሳ ግድያዋ ኤራድና። አካ ኤንቱንቱ ሰንሳ፣ ገሚዳ።

32 ኤንቱንቱካ እቱ እቱዋ፣ “ቃላን እት፣ ኑ ደአሸን፣ ኑና አ ሃሳይሰያ ዋድያንን ጸሳ ማጻፋቱዋካ ኑወ ቆንጭሲደ አ ኦድያ ዋድያን፣ ኑ ዋዛና ግደን ታማዳን ሴሌ ግደኔ?” ጌተቲድና።

33-34 ሄ ዋድያንካ ደንዲደ የሩሳላመ ሰሚድና። የሱስ ኪቶ ታማን እታቶን ኤንቱንቱና እት፣ ደአያዋንቶ፣ “ጎዳይ ቱሙዋካ ደንዲዳ፣ ሰሞናወካ ቤቲዳ” ምግ ደረ ሄዋን እት፣ ሸቆ ኡቲዳዋንታ ደሚድና።

35 ሄ ላለቱ፣ ቃላን ሀኔዳዋን የሱስ ዳቡዋ መንሊያ ዋደ ዋት አ ኤራድናንቶ ኤንቱንቶ ኦዲድና።

የሱስ ባረና ካልያዋንቶ ቤቲዳ  
(ማቶሳ 28:16-20፣ ማር. 16:14-18፣ ዮሀ. 20:19-23፤ ኪታ 1:6-8)

36 ሀዋ ኤንቱንቱ ሃሳይ ደአሸን፣ የሱስ ኤንቱንቱ ግደን ኤቂደ፣ “ሳሮተላይ ሀንተወ ግደ” ምግ ደና።

37 ኤንቱንቶ ሞይትልያ በአዋ ማላትና ዳጋሚደ፣ ምግ ኩሚድና።

38 አካ ኤንቱንታ፣ “አያወ ዳጋሚቲ? አያ ድራወ ሀንተንቱ ዋዛናይ ሰፊ?”

39 ታን የሱሳ ግድያዋ ኤራናወ፣ አነ ታ ኩሸያን ታ ገድያ በአተ፣ ታናን ሀንተንቱ በአያዋዳን፣ ሞይትለወ አሸን መቀላይ ባዋ። አነ ታና ሀንተንቱ ኩሸያን ኦቂቂ በአተ” ምግ ደና።

40 ሀዋ ምግ ሰሚደ፣ ባረ ኩሸያን ባረ ገድያ በሴዳ።

41 ኤንቱንቱካ ናሸቻ፣ ደንዲዳዋ፣ አማናን ማላለት ደአሸን አ፣ “ሀዋን ሜተትያዋ ሀንተንቶ ደአን?” ምግ ኤንቱንታ ኦቹዳ።

42 ኤንቱንቱካ፣ ጸጸቴዳ ሞልያ፣ ላፋ ፑሩዋ አወ አሜድና።

43 አካ አኪደ ኤንቱንቱ ሰንሳን ሚዳ።

44 እካ፡ “ታን ህንተንቱና እትጥ ደእደ፡ ሙሴ ማጻፋን፣ ናባቱዋ ማጻፋንን ቃላን ጻፈቶ ማዝሙረቱዋን ታ ድራዉ ጻፈቱዳ ኡባይ ፖለታናዉ በሴ’ ያጋደ ህንተንቶ ኦዴዳ የዉ ሀዋ” ያጌዳ።

45 ሄ ዋድያንካ ጸሓ ማጻፋቱዋን ጌተቶዋ አከካና ማላ፡ ኡንቱንቱ ዋዛና ዶዬዳ።

46 ኡንቱንቶ፡ “ ክርስቶስ መቱ ጋካናዋ፤ ሄዘንልያ ጋላስ ሀይቁዋጥ ደንዳናዋ።

47 አ አ ሱንላን ናጋራ ፓጻላይን ማርታ ደሙሳይ የሩሳላመጥ ዶሚደ አሳዉ ኡባዉ ኦደታናዋ’ ያገቲደ ጻፈቱዳ።

48 “ህንተንቱካ ሀዋ ማርካቱዋ።

49 ታ ህንተንቶ፡ ታ አቡ ቃላ ገሌዳ ሀደታ የዳና፤ ሄዋ ጋካናዉን ህንተንቶ ዋልቃይ ሳሉዋጥ እመታና ጋካናዉ፡ የሩሳላመ ካታማን ናግሸተ” ያጌዳ።

የሱስ ሳሉዋ ሰሚደ ቤዳ  
(ማር. 16:19፣ 20፤ ኪታ 1:9-11)

50 ሀዋጥ ጉይያን፣ ቢታንያ ጌተትያ ካታማ ጋካናዉ፡ ኡንቱንታ አፌዳ፤ ባረ ኩሽያ ሞጪደ ኡንቱንታ እንጂዳ።

51 ኡንቱንቱጥ ሻከቲደ፡ ሳሉዋ ቤዳ።

52 ኡንቱንቱ እዉ ጎይኒደ፡ ዳሮ ናሽቻን የሩሳላመ ሰሚድኖ።

53 ቃይ ፓጪናን ጸሓ ጋላቲደ፡ ጌሻ ጎልያን ደኤድኖ።

# የሃገሰ ጸፊዳ ሞሽራቹዋ ቃላ ገሉዋ

የሃገሰ ጸፊዳ ሞሽራቹ፡ የሱሰ አሹዋ ማዪደ አሳ ግዲዋን ቤቴዳ ደኡዋ ጸሳ ቃላ ግድያዋ ቆንጭሴ። ሀ ማጸፋይ ባረ ሁጸዉ ቆንጭሰያዋዳን ሀ ሞሽራቹዋ ቃላይ ጸፈቴዳዌ፡ እ ናባብያ አሳይ የሱሰ አሳ አሽያ ቆልያ ግዲደ ያናዋ ጌተቴዳ ጸሳ ናኣ ግድያዋ አማናና ማላነ እን አማኖ ጋሱዋን መጅና ደኡ ኤንቴንቶ ደአናዋ ኤንቴንቶ ኤራና ማላ ጸፈቴዳ (20:31)።

ሞሽራቹዋ ቃላዉ ኮይሮ ቫኩ መጅና ጸሳ ቃላይን የሱሰነ አቴዋ ግድያዋ ኦድ ሰሚደ፡ የሱሰ አሽያዋ ግዲደ ያና ጌተቴዳ ጸሳ ናኣ ግድያዋ በሰያ ዱማ ዱማ ማላታቱዋ ሺሼ። ሄዋጥ ካሊደ ቃይ ሀ ማላታቱዋጥ ቤቴዳ አይፍያ ኦድያ ታርካቱ ካሊና። ሀ ክፍሊ እት እት አሳይ የሱሰን አማኒደ፡ እ ካልያዋንታ ግዲዳዋ ኦዳ፤ ሀራቱ ቃይ እ እያዉ እጾደንቶን እን እያዉ አማኖኩ ጌደንቶ ኦዲና። (ሸምጥዋ 13-17) የሱሰ ኦይቀቴዳ ኦማርሰ አዉ እ ካልያዋንቱና እይ ኪና ሞኖ እትጥሳይ ደአንቶ፤ ቃይ እ ካታታናዉ ማቴዳ ዋንተላ ጋላሰ ኤንቴንቶ ገገታና ማላነ ሞናና ማላ እ ሃሳዬዳ ቃላ ኦዲና። ዉርሰላ ሸምጥቱ የሱሰ ኦይቀቴዳዋን ፕርዳዉ ሸቆዳዋ፡ እ ካቀዋን እ ደንዲዋ፡ ቃይካ ደንዲዋጥ ጉይያን ባረና ካልያዋንቶ እ ቆንጩዳ ሀናታ ኦዲና።

የሃገሰ ገዳ የሱሰ ክርስቶሳ ባገና ቤትያ መጅና ደኡዋ ቆንጭያን በሰያ ሀ እጾ ኪካተሳይ ሀአጥ ደሚደ የሱሰ አገ፡ ቱማን ደኡ ግድያዋ አማንያዋንቱሳ። የሃገሰ ጸፊዳ ሞሽራቹዋ ቃላ ሀራቱዋጥ ዱማይያዌ፡ እያና ቱማተላቱዋ ታማርሳናዉ ደኡዋ ኡባን አሳይ ሜዘቴዳ ቃላቱዋ ጎኤትያ ድራሳ። ሄዋንቴካ፡ ሃላ፡ ሶሉዋ፡ ፖኡዋ፡ ሄንላንቻ፡ ድርሳ፡ ዋይንያ ሞላ፡ ዋይንያ አይፍያን ሄዋንታ ማላትያዋንታ።

ዋሹማደ ኦይቀቴዳ ሞሽራት ታርክያ 7:53—8:11 ጮራ ብለላቱን በን ማጸፋቱ ባረንጌን ጉጅክኖ፤ ሀራቱ የሃገሳ ሞሽራቹዋን 21:24ጥ ጉይያን ገልሲኖ፤ ሀራንጌ ቃይ ሉቃሳ ሞሽራቹዋ ሉቃሳ 21:38ጥ ጉይያን ገልሲኖ፤ እት በን ጸፈቴዳ ብለላይ የሃገሳ ሞሽራቹዋ 7:36ጥ ጉይያን ገልሴዳ።

## ሸምጥቱዋ ኡባቶ እመቴዳ ቃንሳ ቆፋቱዋ

- ሀ ማጸፋ ጸፊዳዋ ቆፋ 1:1-18
- ጸማቅያ የሃገሳን የሱሰ ኮይሮ ካሌዳዋንታ 1:19-51
- የሱሰ ኦሱዋ ደመላ 2:1—12:50
- የሩሳላመንነ አዘ የሹዋን ዉርሰሳ ጋላሳቱዋን ሀኔዳ የሱሰ ኦሱዋ 13:1—19:42
- ጎዳ የሱሰ ደንዲዋን ቆንጩላ 20:1-31
- ዉርሰሳ ቅትያ፡ ጋሊላን ዛሪደ ባረና ካልያዋንቶ የሱሰ ቆንጩዳዋ 21:1-25

### ደኡዋ ቃላ

- 1 ቃላይ ኮይሮ ደኡ፤ ቃላይካ ጸሳና እትጥ ደኡ፤ ቃላይካ ጸሳ።
- 2 እ ኮይሮጥካ ጸሳና ደኡ።
- 3 ኡባባይ ቃላ ባገና መፍቱዳ። መፍቱዳባን ኡባባን እ ባይናን እትባይን መፍቱቤና።
- 4 እን ደኡ ደኡ፤ ደኡ አሳዉ ፖኡዋ።
- 5 ፖኡ ጾማን ፖኡ፤ ጾማይ ፖኡዋ ጸንቤና።
- 6 ጸሳጥ ኪትት ዬዳ እ ሱንሳይ የሃገሳ ጌትትያ እት ብታነ ደኡ።
- 7 አሳይ ኡባይ እ ባገና አማናና ማላ፡ ፖኡዋባ ማርካታናዉ ዬዳ።
- 8 ፖኡዋባ ማርካታናዉ ዬዳጥ አትን፡ እ ባረ ሁጸዉ ፖኡዋ ግድና።
- 9 እካ ቱሙ ፖኡዋ ግዲዳዌ አሳዉ ፖኡሳናዉ ሀ ሳኣ ይያዋ።
- 10 ቃላይ አላምያን ደኡ፤ ጸሳይ ቃላን አላምያ መጴዳ፤ ሸን አላሚ እ ኤርቤና።
- 11 እ ባረ ባገታዋኩ ዬዳ፤ ሸን ኤንቴንቱ እ ሺሽ አክበይክኖ።
- 12 ግደጥ አትን እ ባረና ሺሽ አኪዳ ኡባቶ፡ ባረ ሱንሳን አማኔዳዋንቶ፡ ጸሳ ናና ግድና ማላ፡

ማታ አማዳ።  
13 ኤንቴንቱ ጸሳጥ የለቴድኖጥ አትን፡ አሳይ የልያ ማራን ዋይ አሹዋ ሸንያን ዋይ አቴማ አሳ ሸንያ ጸላላን የለትበይክኖ።  
14 ቃላይ አሳ ግዲደ፡ እጾ ኪካተላንነ ቱማተላን ኩሚደ ኑ ግዲዋን ደኡዳ። ኑን፡ እ ባረ አቦ እት ናኣ ግዲደ አኪዳ አዉ ደአያ ባረ አዉዋ ቦንቹዋ በኤደ።

- 15 የሃገሰ አባ ባረ ኮሻ ቆቁ ኦሊድ፣ “ታገ፣ ታገጥ ካላ ይያዌ ታገጥ ቦላ፤ አያው ሳገ፣ ታ የለታናጥ ካሰና አ ደእያዎ” ጋደ ህገተገቶ አደዌ ሀዋ” ያግ ማርካቴድ።
- 16 ኮን ኡባይ አ ኩሙንሳ አቶ ኪካተላጎ ፓላሂዳ እንጂዋ አኪድ።
- 17 ጸሳይ ሀግያ ሙሴ ባገና አሚዳ፤ ሽን አቶ ኪካተላይን ተማተላይ የሱሰ ክርሰቶሳ ባገና ዬዳ።
- 18 ጸሳ በኤዳ አሳይ ኦንጎ ባዋ፤ ባረ አውዋ ማታጎ ደእያ ባረ ሁጸው ጸሳ ግዴዳዌ እት ናአ ጸላላይ አባ ማርካቴድ።

**ጸማቅያ የሃገሳ ማርካቴሳ**  
(ማቶሳ 3:1-12፤ ማር. 1:1-8፤ ሉቃሳ 3:1-18)

- 19 የሩሳላሙን ደእያ አይሁዳቲዋ አይሰያዋንቱ ቄሳቲዋን ለዋቲዋ የሃገሳኩ፣ “ኔን ኦኔ?” ጊደ አ ኦቻና ማላ ኪትና፣ የሃገሰ ኡንቲንቶ ማርካቴዳ ማርካቴሳ ሀዋ።
- 20 የሃገሰ፣ “ታጎ ክርሰቶሳ ግድክ” ያጊደ ጌሽ ማርካቴዳዋጥ አትጎ፣ ማርካቴሳ እጽቤና።
- 21 ኡንቲንቲ፣ “ያትና፣ ኔን ኦኔ? ኔን ኤላሴ?” ያጊደ ኦቹድና።
- የሃገሰ፣ “አ ግድክ” ያጊደ።
- ቃይካ ኡንቲንቲ፣ “ኔን ናቤ?” ያጊደ ኦቹድና።
- የሃገሰ፣ “ግድክ” ያግ ዛሬዳ።
- 22 ኡንቲንቲ፣ “ያትና ኔን ኦኔ? ኮን ኦና ኪቲዳዋንቶ ኦዳና ማላ፣ ኔን ኔና ኦና ጋይ?” ያጊድና።
- 23 የሃገሰ ዛሬድ፣ “ናብያ እሳያሰ ጌዳዋዳጎ፣ ዋራን ባረ ቃላ ቆቁ ኦሊድ።
- “ ሳዳ ኦግያ ሰት አላተ!”
- ግያ ኮሻይ ታዋ”

ያጊደ።

- 24 ቃይ ፓርሳዋቲ ኪቲዳ አሳቲ
- 25 የሃገሳ፣ “ኔን ክርሰቶሳ ዋይ፣ ኤላሳ ዋይ ናብያ ግዳና ቆዮጥ፣ ያትና አያው ጸማቃይ?” ያጊደ ኦቹድና።
- 26 የሃገሰ፣ “ታጎ ሃላጎ ጸማቃይ፤ ሽን ህገተገቲ ኤረናዌ እቲ ሀዋን ህገተገቲ ግዴዋን ደኤ።
- 27 አ ታገ ካላ ዬ። ታጎ አ ጫማ ቃሹዋ ብላናውካ በሰከ” ያግ ዛሬዳ።
- 28 ሀዋ ኡባይ የርዳኖሳ ሻፋጥ ሄፍጎላ ባጋ የሃገሰ ጸማቅያሳ ቢታጎን ሀኔዳ።

**ጸሳ ኦርገ ደርሳ**

- 29 የሃገሰ ዋንተላ ጋላሰ የሱሰ ባረኮ ይያዋ በኤድ፣ “ጸሳ ኦርገ ደርሳ፣ \* አላምያ አሳ ናጋራ ቆይሰያዎ፣ ሀዋሽ!
- 30 ታጎ፣ “ታገ ካላ እቲ ያናዋ፤ አ ታገ ቦላ፤ አያው ሳገ፣ ታ የለታናጥ ካሰና አ ደእያዎ” ጋደ ኦዴዳዌ ሀዋ።
- 31 አ ኡንቲንቲ ታጎ ኤርከ፤ ሽን እሰራኤልያ አሳው አ ቆንጭሳናው ሃላጎ ጸማቃይ ያድ” ያጊደ።
- 32 የሃገሰ ማርካቴድ፣ “ጌሻ አያናይ ሳሉዋጥ ሀራጽያዳን ዋቶሽናን አ ቦላጎ ኡትሽጎ፣ ታጎ በኢድ።
- 33 ታጎ አ ኤርከ፤ ሽን ሃላጎ ጸማቃና ማላ ታና ኪቲዳ ጸሳይ፣ “ጌሻ አያናይ ዋዲድ፣ እት አሳ ቦላ ሽዋጥሽጎ፣ ኔን በአና፤ እካ ጌሻ አያናን ጸማቁ” ያጊደ ታው ኦዴዳ።
- 34 ታጎ ሄዋ በኢድ፤ አ ጸሳ ናአ ግድያዋካ ማርካቴይ” ያጊደ።

**የሱሰ ኮይሮ ባረና ካልያዋንታ ደራዳ**

- 35 ዋንተላ ጋላሰ የሃገሰ ሽረቲደካ ባረና ካልያዋንቲ ላአቲዋና እትጥ ኤቄዳ፤
- 36 አ የሱሰ አቶሽን በኤድ፣ “ጸሳ ደርሳይ ሀዋሽ!” ያጊደ።
- 37 የሃገሳ ካልያ ላአቲ የሃገሰ ግያዋ ሰሲድ፣ የሱሳ ካሌድና።
- 38 የሱሰ ባረና ካልያዋንታ ገዮ ሰዎ በኤድ፣ “አያ ኮዪቲ?” ያግ ኦቹድ።
- ኡንቲንቲ ዛሬድ፣ “ረቢ፣ ኔን ሀቃን ደእይ?” ያጊድና። “ረቢ” ጉሳይ “ታማርሰያዎ” ግያዋ።
- 39 የሱሰ ኡንቲንቲ፣ “ሃ ዪደ በአተ” ያጊደ። ኡንቲንቲ ቢድ፣ አ ደኤዳሳ በኤድና፤ ሄ ጋላሰ ሳይረ ታሙ ሳተ ሄራ ግድያ ድራው፣ ኡንቲንቲ እናና ፔሺድና።
- 40 የሃገሰ ጌዋዋ ሰሲድ፣ የሱሳ ካሌዳ ላኤ አሳቲዋጥ አቲ፣ ሰዋና ጸጽርሳ አሻ እንድራሳ።
- 41 እንድራሰ ኮይሮ ባረ እሻ ሰዋና ደሚድ፣ “ኦን ጸሳይ ኪቲዳዋና ጋከቲዶ” ያጊደ። ሄዋ ጉሳይ “ክርሰቶሳ” ግያዋ።

---

1:21 ዛረ. 18:15፣ 18፤ ሚልክ. 4:5      1:23 ኢላ. 40:3      \* 1:29 ጸሳ ኦርገ ደርሳ- ፓሰጎ (ከሱዋ)፣ አይሁዳ አሳቲዋ ፓይዳዋን ኒሳን ጌተያ አገና ግዳድ ቶቶያ አሳ ፓይዳዋን ላፑንያ ሀሰፑንያ አገናቲዋ። አይሁዳ አሳን ፓሰጎ ጌተቶዋ፣ ጸሳይ አሰራኤልያ አሳቲዋ ግብጽጥ ዋልቃማ ማላን ከሲዳ ዋድያ ግድያ ድራሳ። ዋጋ 23:5-8 ጸልተ። ጸሳ ኦርገ ደርሳ፣ ኦራሳ ጫቁን ክርሰቶሳን ዪሴቶ ጋሱ፣ አ ሀ አላምያ አሳ ሀይቆ ባረና አላ አሚድ መድና ሙራጥ ከሰ እኮ ድራሳ፣ 1 ቆር. 5:7፤ 1 ጸጹ. 1:18-19 ጸልተ።

42 እንድራስ ሰሞና የሱሳኮ እሄዳ።

የሱሳ ሰሞና በእ.ድ.፣ “ኔን የሃንሳ ናእ ሰሞና፤ ነ ስንሳይ ኪፋ ጌተታናዋ” ያጌዳ። “ኪፋ” ግያዋ ብለላይ “ጳጳርሳ” ዋይ “ዛላ” ግያዋ።

የሱሳ ፕልጶሳን ናትናኤላ ጸጌዳ

43 ዋንተላ ጋላስ የሱሳ ጋሊላ ባናዉ ቆፋ ቃቼዳ፤ እ ፕልጶሳና ጋከቲድ፣ “ታና ካላ!” ያጌዳ።

44 ፕልጶሳ፣ እንድራስን ጳጳርሰ ደኤዳ ቤተሳይዳ ጌተትያ ካታማፕ ዬዳ አሳ።

45 ፕልጶሳ ናትናኤላና ጋከቲድ፣ “ሙሴ ማጻፋቱዋንን ናባቱዋ ማጻፋቱዋን ተ አባይ ጻፈቲዳዋዳን፣ የሴፎ ናእ የሱሳ ናከሬተ ካታማን ደእያዋና ኔን ጋከቲድ” ያግ አዳዳ።

46 ናትናኤላ ዛሪድ፣ “ናከሬተ ካታማፕ ሎኦባይ ከሳናዉ ዳንዳዪ?” ያጌዳ።

ፕልጶሳ፣ “ያደ በእ” ያጌዳ።

47 ናትናኤላ ባረኮ ይያዋ የሱሳ በእድ፣ “ማካላይ ባይና ቱሙ እሰራኤልያ አሳይ ሀዋ!” ያጌዳ።

48 ናትናኤላ የሱሳ፣ “ኔን ታና ሀቃን ኤራይ?” ያግ ኦቼዳ።

የሱሳ ዛሪድ፣ “ፕልጶሳ ኔና ጸሳናፕ ካሰ፣ ኔን ባላሰያ ጌተትያ ምላፕ ሀርክና ደእሸን፣ ታን ኔና በእድ” ያጌዳ።

49 ናትናኤላ ዛሪድ፣ “ታማርሰያዎ፣ ኔን ጸሳ ናእ! ኔን እሰራኤልያ ካትያ!” ያጌዳ።

50 የሱሳ፣ “ታን ኔና ባላሰያ ጌተትያ ምላፕ ሀርክና በእድ ጌዳ ድራዉ አማናይ? ኔን ሀዋፕ አድያዋ በእና!” ያጌዳ።

51 ቃይካ የሱሳ፣ “ታን ሀንተንቶ ቱሙዋ ኦዳይ፤ ሳሎ ደየትና፣ ጸሳ ኪታንቻቱ ታ ቦላ፣ አሳ ናእ ቦላ፣ ቸደ ከሰሸና ኡገ ዋቲሸን፣ ሀንተንቱ በእና” ያጌዳ።

## 2

የሱሳ ቃና ካታማ ቡላቻሳ ቤዳ

1 ሄዘንላ ጋላስ ጋሊላ ጋድያን ቃና ጌተትያ ካታማን ቡላቻይ ቡላቼቲዳ፤ የሱሳ ዳያ ሄ ቡላቻን ደእዉ።

2 የሱሳካ ባረና ካልያዋንቱና አትፕ ሄ ቡላቻ ጸሰቲዳ።

3 ዋይንያ ኡቫይ ወር ድግና፣ የሱሳ ዳያ አ፣ “ኡንቱንቶ ዋይንያ ኡቫይ ወር ድጌዳ” ያጋ ኦቻድ።

4 የሱሳ ዛሪድ፣ “ታ ዳይ፣ ሀዌ ታ ኦሱዋ ግድያ ድራዉ፣ ነ ያያና ኮሸና። ታ ዋዲ \* ብር ጋከቤና” ያጌዳ።

5 የሱሳ ዳያ ከተትያዋንቶ፣ “አ ሀንተንቶ ኦድያዋ እያ ግድፕ ኦላተ” ያጋ ኦዳድ።

6 አይሁዳቲ ካሰ ኦላያ ደያዳን፣ ሜቻ ዋጋዉ እቲ እቲ ጸቲ ጸራሙሰያ ኦይቂያ ኡሱፑን ሹቻ ባላቲ ሄዋን ደእድ።

7 የሱሳ ከተትያዋንታ፣ “ባላቲዋን ሃላ ኩንሳተ” ያጌዳ፤ ጌተቶዋዳንካ ኡንቲንቲ ባላቲዋን ዶና ጋካናዉ ሃላ ኩንሴድና።

8 የሱሳ ኡንቲንታ፣ “ሀእ ዳቂድ፣ ቡላቻ ካፖ አምተ” ያጌዳ፤ ኡንቲንቲ እዉ አፊደ አሚድና።

9 ቡላቻ ካፑ ዋይንያ ኡቫ ግዴዳ ሃላ ጋንጽ ጸሊድ፣ ሀቃፕ ዬደንቶ ኤርቤና፤ ሸን ሃላ ኩንሴዳ ኡሳንቻቲ ኤሪና። ቡላቻ ካፑ ማቻቶ አክያዋ ጸሰደ።

10 “ኡን ኦይፊ ግዴዳ ዋይንያ ኡቫ አማላ አሳ ካሰቲድ ኡሼ፤ ያቲደ አሳይ ዳርሰ ኡሼዳዋፕ ጉይያን፣ ቅራርያ ኡሼ። ሸን ኔን ኦይፊ ግዴዳ ዋይንያ ኡቫ ሀኖ ጋካናዉ ናጋዳ!” ያጌዳ።

11 የሱሳ ባረ ኦሌዳ ዋልቃማ ማላታቱዋፕ ሀዋ ኮይሩዋ ጋሊላ ጋድያን ቃና ጌተትያ ሄራን ኦሌዳ፤ ሄዋን ባረ ቦንቹዋ እ ቆንጭሰና፣ እ ካልያዋንቲ እን አማኤድና።

12 ሄዋፕ ጉይያን፣ የሱሳ ባረ ዳይና፣ ባረ እቫቱዋናን ባረና ካልያዋንቲና አትፕ ቅፍርናሆማ ጌተትያ ካታማ ቢደ አማራዳ ጋላሳ ታኬድና።

የሱሳ ጌቫ ጎልያ ግቢያፕ ዛልእያዋንታ ከሴዳ

(ማቶሳ 21:12-13፤ ማር. 11:15-17፤ ሉቃሳ 19:45-46)

13 አይሁዳቲ ቦንቻያ ፓሰጋ ባላ ጋላሳይ ማታትና፣ የሱሳ የሩሳላሙ ቤዳ።

14 ጌቫ ጎልያ ግቢያን ሚዛ፣ ዶርሳን ደጎማቱዋ ዛልእያ አሳ ደሜዳ፤ ቃይ ሀራቲ ባረንቲ ኦይድያን ኡቲድ፣ ሚቫ ላምያዋንታ ደሚዳ።

15 እ ጎላ ጅራፍያ ደቂድ፣ አሳ ኡባ ዶርሳናን ምያና ጌቫ ጎልያ ግቢያፕ ካረዉ ከሲደ የደርሴዳ። ሚቫ ላምያዋንቲ ኦይድያካ አላ የጊድ፣ ኡንቲንቲ ሚቫ ላሊዳ።

† 1:45 ሙሴ ማጻፋቱዋንን ናባቱዋ ማጻፋቱዋን- አይሁዳቲዋ ማጻፋ፣ ኤጫ ጫቱዋ። 1:51 ደሙሳ 28:12 \* 2:4 ታ ዋዲ- ሀዋ ጉሳይ የሱሳ ቱሙ ቦንቹ በኤታናዉ በሰን እ ጸሳ ናእ ግድዌ ኤታናዉ በሴ ግያዋ።

16 ደገሙዎ ዛሬያዎንታ እ፡ “ሀ ደገማቱዎ ሀዋጥ ከሰተ፤ ታ እቡ ጎልያ ገያ ኦፍጥተ!” ያጌዳ።

17 የሱሳ ካልያዎንቱ ጸሳ ማጻፋን፡ “ታን ነ ጎለዉ ሴለትያ ሴላይ ታና ታማደን ጉዳ” ጌተቲደ ጸፈቲዳዎ ሀሳዬድኖ።

18 ሄዋጥ ጉዮ፡ እይሁደ አሳ እይሰያዎንቱ ዛሪደ፡ “ነዉ ሀዎ ኦፋናዉ ደንዳይያ ማታይ ደእያዎ ኦና እያ ማላታ በሳኒ?” ያጌድኖ።

19 የሱስ፡ “ሀ ጌሻ ጎልያ ኮልተ፤ ታን ሄዙ ጋላሳን ዛራደ ኬጻና” ያጌዳ።

20 ቃይካ እይሁደ አሳ እይሰያዎንቱ፡ “ሀ ጌሻ ጎልያ ኬጻናዉ እይታማን ኡሱፑን ላይላ እኬዳ፤ ሸን ኔን ሄዙ ጋላሳን ኬጻኒ?” ያጌድኖ።

21 ሸን እ ሃሳዬዳ ጌሻ ጎሊ ባረ አሳተላባ።

22 ሄዎ ድራዉ፡ የሱስ ሀይቁዋጥ ደንዳዳዋጥ ጉይያን፡ የሱሳ ካልያዎንቱ እ ሄዎ ጌዳዎ ሀሳዬድኖ፡ ቃይ እንቱንቱ ጸሳ ማጻፋይ ጌዳዋን የሱስ ሃሳዬዳዎ አማኔድኖ።

23 ፓሰጋ ባላ በንቶያ ዎደ፡ የሱስ የሩሳላሙን ደእሸን፡ እ ኦሌዳ ማላታ በኢደ፡ ጮራ አሳይ እ አማኔድኖ።

24 ሸን የሱስ አሳ ኡባ ኤርያ ድራዉ፡ ሄዋንታ አማንቤና።

25 አሳባ ኦንን እዉ ማርካታና ማላ ኮይቤና፤ እያዉ ጎጥ፡ አሳ ዎዛናን እዬ ደእንቶ፡ እ ባረ ሁጸዉ ኤርያ ድራሳ።

### 3

#### የሱሳን ንቆድሞሳ

1 ፓርሳዎቱዋጥ ግዳዳ ካጉዎ ንቆድሞሳ ጌተትያ እት ብታኒ ደኤ።

2 ንቆድሞስ ቃማ የሱሳኮ ዪደ፡ “ታማርሰያዎ፡ ኔን ኦና ታማርሳና ማላ ጸሳይ ከቲዳ ግድያዎ ኦን ኤራቶ፤ እያዉ ጎጥ፡ ጸሳይ አናና ደእያ አሳጥ አትን፡ ሀ ኔን ኦልያ ዎልቃማ ማላታቱዎ ኦፋናዉ ደንዳይያ አሳይ ባዎ” ያጌዳ።

3 የሱስ ዛሪደ፡ “ታን ነዉ ቱሙዎ ኦዳይ፤ አሳይ ላኤንሱዎ የለታና ጳዮጥ፡ ጸሳ ካዉተላ በእናዉ ደንዳየና” ያጌዳ።

4 ንቆድሞስ፡ “ጭማ አሳይ ዋኒደ ላኤንሱዎ የለታናዉ ደንዳይ? ባረ ዳይ ኡሉዎ ሰም ገሊደ፡ ላኤንሱዎ የለታናዉ አሳይ ደንዳይ?” ያጌዳ።

5 የሱስ ዛሪደ፡ “ታን ነዉ ቱሙዎ ኦዳይ፤ አሳይ ሃላጥን ጌሻ እያናጥ የለታና ጳዮጥ፡ ጸሳ ካዉተላ ገላናዉ ደንዳየና።

6 አሳይ እሹዋን አሳጥ የለቲ፤ ሸን አሳይ እያናን ጌሻ እያናጥ የለቲ፤

7 ህንተንቱ ላኤንሱዎ የለታናዉ በሴ፡ ጋይ ታን ኦዳዳ ድራዉ፡ ማላለቶ።

8 ጫርኩ ባረ ኮዬዳሳ ጫርኩ። ኔን እ ኮሹንቻ ሰሳሳ፤ ሸን እ ሀቃጥ ይንቶ ዎይ ሀቃ ብንቶ ኤራካ። ጌሻ እያናጥ የለቲዳ ኡባይ ሄዎ ማላ” ያጌዳ።

9 ንቆድሞስ፡ “ሀዎ ዋኒደ ሀናናዉ ደንዳይ?” ያጌደ ኦቹዳ።

10 የሱስ ዛሪደ፡ “ኔን እሰራኤላቱዎ ታማርሰያዎ ግዳደ ሀዎ ኤርኪን?

11 ታን ነዉ ቱሙዎ ኦዳይ፤ ኦን ኤርያዎ ሃሳዬቶን በኤዳዎ ማርካቶቶ፤ ሸን ኦን ማርካትያዎ ሀንተንቱ አክክታ።

12 ታን ሀንተንቶ ሳሳባ ኦድና፡ አማንናዎንታ ግደጥ፡ ሳሉዋባ ኦድና ዋን አማንናቱ?

13 ሳሉዋጥ ዎዴዳ ታጥ አትን፡ ሳሉዋ ከሴዳዎ ኦንን ባዎ፤ ሳሉዋን ደእያ አሳ ናአይ ታና።

14-15 “ሙሴ ዎሪን ጸንቆማሉዎ ሸሻ ሱሉዳዎዳን፡ ታና አማኔዳ ኡባይ መቅና ደኡዎ አካና ማላ፡ ታን አሳ ናአይ ማስቃልያ ባላ ጥደ ደንዳና በሴ።

16 “ጸሳ ናአ አማንያ ኡባይ መቅና ደኡዎ አካናጥ አትን፡ ጳዮና ማላ፡ ጸሳይ ሀ አላምያ አሳ ሎይሰ ሰቄዳ ድራዉ፡ ባረ መጽ እት ናአ አሜዳ።

17 እያዉ ጎጥ፡ ጸሳይ ባረ ናአ ሀ አላምያ አሳ ፕርዳናዉ ከትቤና፤ ሸን ኡንቱንታ እ ባጋና አሻናዉ ከቲዳ።

18 “አ ናአ አማንያ ኦንን ፕርደተና፤ ሸን ናአን አማንና ኦንን፡ ጸሳ ናአ እቱዎ አማንቤና ድራዉ፡ ሀእካ ፕርደት ኡቲዳ።

19 አሳ ቦላ ይያ ፕርዳይ ሀዎ፡ ፖኤ ሀ አላምያ ዬዳ፤ ሸን አሳ ከታይ ኢታ ግድያ ድራዉ፡ ፖኤዋጥ አላደ፡ ቆማ ሰቄዳ።

20 ኢታባ ኦልያ ኦንን ፖኤዎ እጾ፤ እያዉ ጎጥ፡ ባረ ከታይ ቆንጨና ማላ፡ ፖኤዋኮ ሸቆና።

21 ሸን ቱሙዎ ኦልያ ኦንን ጸሳይ አዛዜዳዎዳን፡ እ ኦሌዳዎ ፖኤ ቆንጭሳና ማላ፡ ፖኤዋኮ ሸቆ” ያጌዳ።

የሱሳነ ጸማቅያ የሃገሳ

22 ሄዋጥ ጉይያን፣ የሱሰነ እ ካልያዋንቱ ይሁዳ ጋድያ ቤድኖ፤ የሱሰ ሄ ጋድያን እንቱንቱና እማራዳ ዋድያ ኡቲደ፣ አሳ ጸማቂደ ደኤ።

23 ቃይ የሃገሰ ሳለመ ማታን ደእያ ሄኖና ግያ ሳን ዋጋ ሃላይ ደእያ ድራው፣ አሳይ እኮ ዪና ጸማቂ።

24 ሄዋ ሀኔዳዌ የሃገሰ ቃሽጋናጥ ካሰና።

25 ሄዋጥ ጉይያን፣ የሃገሳ ካልያዋንቱና እማራዳ እይሁዳቱዋ ሜቻ ዋጋግ \* ፓሉመቲድኖ።

26 እንቱንቱ የሃገሳኮ ቢደ፣ “ታማርሰያዎ፣ የርዳኖሳ ሻፋጥ ሄፍንጎን ኔና ደእያዌ፣ ኔን አባ ማርካቶዌ፣ በእ ሀእ ጸማቂ፣ አሳይ ኡባይካ እኮ ቤ” ያጌድኖ።

27 የሃገሰ ዛሪደ፣ “ጸሳይ እማና ጳዮጥ፣ አሳይ አይነ አካናወ ዳንዳየና።

28 ታን ክርሰቶሳ ግድከ፤ ሽን ታን አጥ ሰንገላወ ከተታድ፣ ጌዳዋ ህንተ ህንተንቱ ሁጸወ ማርካ።

29 ሞሽራ ማጫወና ደእያ ኡራይ እካ ሞሽራ፤ ሄ ሞሽራ ሞያታይ ኡቂደ፣ እ ግያዋ ሰሰያዌ እ ሃሳያን ዳር ናሽቱ። ሄዋ ድራው፣ ሀዌ ታ ናሽቻይ ፖሉቲዳ።

30 እ ዳርና ታ ጉዳና በሴ” ያጌድ።

31 ቦላጥ ይያዌ ኡባጥ ቦላ። ሳአጥ ቤቲዳዌ ሳአሳ። እካ ሳአባ ሃሳዬ። ሳሉዋጥ ይያዌ ኡባጥ ቦላ።

32 እ ባረ በኤዳባነ ሰሴዳባ ማርካቲ፤ ሽን እ ማርካተላ እክያዌ ባዋ።

33 እ ማርካተላ እክያ ኦንነ ጸሳይ ቱማንቻ ግድያዋ ሄዋን ማርካቲ።

34 ጸሳይ ከቲዳዌ ጸሳ ቃላ ኦዳ፤ እያወ ጎጥ፣ ጸሳይ ባረ ጌሻ እያና ፓላህሲደ እሜ።

35 ጸሳይ ባረ ናእ ሰቂደ ኡባባ እ ኩሽያን ዋሌዳ።

36 ናእ እማንያ ኡራወ መጵና ደኤ ደኤ፤ ሽን ናእ እማነናዋ ቦላ ጸሳ ሀንቁ ደእናዋጥ አትን፣ እ ደኡዋ በኤና።

4

የሱሳነ ሳማርያ ሞሽራቶ

1-3 የሱሰ የሃገሳዋጥ ዳርያ ባረና ካልያዋንታ ባረኮ ሺሽነ ጸማቂ ግያዋ ፓርሳዋቱ ሰሴዳዋ የሱሰ ኡራዳ ዋደ፣ ይሁዳ እጊደ፣ ጋሊላ ቤዳ፤ ግድግዳ፣ የሱሳ ካልያዋንቱ ጸማቂዳዋጥ አትን፣ የሱሰ ባረ ሁጸወ ኦናነ ጸማቅቤና።

4 ጋሊላ ቢደ፣ ሳማርያና አጻናዌ እ እሽናባ ግዳዳ።

5 ሄዋ ድራው፣ ያቆብ ባረ ናእ የሱፎ እሜዳ ጋድያ ማታን ደእያ ሰካር ጌተትያ ሳማርያ ካታማ ቤዳ።

6 ሄ ሳአን ያቆባ ሃላ ኦላይ ደኤ፤ የሱሰ ሀመታን ዳቡራደ፣ ሄ ሃላ ኦላ ማታን ኡቲዳ። ሄ ዋደ ሳአይ ኡሱፑን ሳትያ ሄራ።

7 ሳማርያ ሞሽራታ ሃላ ዱቃናወ ዬዳወኖ የሱሰ፣ “ታና ሃላ ኡሻርኪ!” ያጌድ።

8 የሱሳ ካልያዋንቱ ቁማ ሻማናወ ካታማ ቤድኖ።

9 ሄ ሞሽራታ ዛሪደ እ፣ “ኔን እይሁዳ አሳ ግዳደ፣ ሳማርያ ማጫ አሳ ግዳዳ ታና፣ ዋታ ደኡዋ እምያ ሃላ ኡሻ ጋይ?” ያጋዱ፤ እያወ ጎጥ፣ እይሁዳቶነ ሳማርያ አሳወ እትጥላይ ባይና ድራሳ።

10 የሱሰ ዛሪደ እዘ፣ “ኔን ጸሳ እምታን ቃይ ኔና ታና ሃላ ኡሻ” ግያዌ ኦንነቶ ኤርያዋ ግድንቶ፣ እ ዋሳናባ፤ እካ ነወ ደኡዋ እምያ ሃላ እማና” ያጌድ።

11 ሞሽራታ ዛሪደ፣ “ሳዳወ፣ ነወ ዱቂያባይ ባዋ፤ ኦላይካ ጨሙዋ። ያትና፣ ደኡዋ እምያ ሃላ ሀቃጥ እካኒ?”

12 ኦወ ሀ ሃላ ኦላ እሜዳ ኦ አወዋ ያቆባጥ ኔን ዳራይ? እ፣ አ ናናይነ አ መሄ ሀዋጥ ኡሼድኖ” ያጋዱ።

13 የሱሰ ዛሪደ፣ “ሀ ሃላጥ ኡሽያ ኦንነ ላኤንሉዋ ሳመታናዋ።

14 ሽን ታን እምያ ሃላ ኡሽያ ኦንነ ላኤንሉዋ ሳመተና። ታን እምያ ሃላይ ሄ እ ግድን መጵና ደኡዋስ ፑልትያ ፑልቱዋ ግዳናዋ” ያጌድ።

15 ሞሽራታ፣ “ሳዳወ፣ ታን ሳመተና ማላነ ሃላ ትካናወካ ሃ ዬና ማላ፣ ታወ ሄ ሃላ እማ!” ያጋዱ።

16 የሱሰ እዘ፣ “ባደ ነ አሰና ጸሳደ ሃ ሰማ” ያጌድ።

17 ሞሽራታ ዛሪደ፣ “ታወ አሰናይ ባዋ” ያጋዱ።

የሱሰ፣ “ታወ አሰናይ ባዋ ግያዋን ቱሙዋ ጋደ።

\* 3:25 እይሁዳቱዋ ሜቻ ዋጋግ፣ ሀዋ ጉሳይ እይሁዳቱ ባረንቱ ጎይና ጋሳወ እልያ ዳማ ዳማ ባረንታ ሜቻባይነ ባረንቱ ሳንያ ማጭያ ዋጋቱ ደእያዋ በሴ። 4:5 ደመላ 33:19፤ ኢያሳ 24:32 4:9 እዝራ 4:1-5፤ ናህ. 4:1-2

18 ኔን እቸሹ አሰና ገላዳ፤ ሀእ ኔናና ደእያ ብታኒ ነ አሰና ግድና። ኔን ሀእ ታዉ ኦዴዳዌ ቱማ” ያጌዳ።

19 ሞሽራታ ቃይ፡ “ሳዳዉ፡ ኔን ናብያ ግድያዋ ታ ሀእ ኤራድ፤

20 ኑ ሳማርያ አሳ አዋቱ ሀ ደርያን \* ጎይኔድና፤ ሽን አይሁዳቱ ህንተንቱ አሳይ ዳሳዉ ጎይናናዉ በሰያ ሳአይ የሩሳላመና ያገዱ።

21 የሱሰ፡ “ሀ ሞሽራቱ፡ ታና አማና፤ ሀ ደርያን ዋይ የሩሳላመን አወዋ ዳሳዉ ህንተንቱ ጎይናና ዋዲ ያናዋ።

22 ህንተንቱ ሳማርያ አሳይ ህንተ ኤሪናባዉ ጎይኒታ፤ ዳሳይ ኑና አይሁዳቱዋ ጎኤቲደ አቶተሳ አሀያ ድራዉ፡ ኔን ኑ ኤርያዋ ጎይኔቶ።

23 ሽን አወዋ ዳሳዉ ቱሙዋጥ ጎይንያዋንቱ አ፡ ጌሻ አያና ዋልቃንን ዳሳ ዳሳተላዳን ጎይንያ ዋዲ ማታቱዳ፤ ኡባ ሀእካ ጋኬዳ። አያዉ ጎጥ፡ አሳ ባረዉ ጎይናና ማላ፡ አዉ ዳሳይካ ሀ ኦግያን ጎይንያዋንታ ኮዬ።

24 ዳሳይ አያና፤ አዉ ጎይንያዋንቱካ ጌሻ አያና ዋልቃን ዳሳ ዳሳተላዳን ጎይናናዉ በሴ” ያጌዳ።

25 ሞሽራታ፡ “ማሰሀያ ጌተትያ ኦከቶዌ ያናዋ ታን ኤራይ። እ ይያ ዋደ ኑዉ ኡባባ ኦዳናዋ” ያገዱ።

26 የሱሰ፡ “ሀ ኔናና ሃሳይያዌ ታን እ” ያጌዳ።

27 ሀዋ ኡንቱንቱ ሃሳይሽን፡ የሱሳ ካልያዋንቱ ቤዳሳጥ ሰሚድና። የሱሰ ሞሽራትና ሃሳይሽን ኡንቱንቱ በኢደ ዳርሰ ማላላቲድና፤ ሽን ሞሽራቶ፡ “አያ ኮያይ?” ዋይ የሱሳ፡ “አናና አያዉ ሃሳይያይ?” ጌደ አቸዌ ኦንነ ባዋ።

28 ሄዋጥ ጉይያን፡ ሞሽራታ ባረ ሃሳ ኦቱዋ አጋ ባሻ ጉየ ካታማ ባደ አሳዉ፡

29 “ታን ኦሌዳዋ ኡባ ታዉ ኦዴዳ ብታንያ በአናዉ ደንድተ፤ ሄዌ ክርሰቶሳ ግዳንዴሻ?” ያገዱ።

30 አሳይ ካታማጥ ከሲደ፡ የሱሳኮ ቤዳ።

31 ሄዌ ሀንሽን፡ እ ካልያዋንቱ የሱሳ፡ “ጉላባ ማርኪ!” ያጌደ ዋሴድና።

32 ሽን እ፡ “ታዉ ህንተንቱ ኤሪና ቁማይ ታን ሞያዌ ደኤ” ያጌዳ።

33 ሃዋ ድራዉ፡ እ ካልያዋንቱ ባረንቱ ግደን፡ “አዉ ሞያባ አሃዳ አሳይ ደአንዴሻ?” ያጌድና።

34 የሱሰ ኡንቱንቱ፡ “ታ ቁማይ ታና ከቲዳዋ ሽንያ ኡሱሳን እ ኡሱዋ ፖሉሳ።

35 ህንተንቱ፡ ሳይዲ አገናጥ ጉይያን፡ ካሳይ ጫከታናዋ ጊክቲዬ? ታን ህንተንቶ ኦዳይ፤ ጎሻ ሎይሌ ጾልተ፤ ካሳይ ጫካ በሴዳ።

36 ዘርያዌን ጫክያዌ አትጥ ናሽታና ማላ፡ ጫክያዌ ድርጉዋ አከነ ካላ መድና ደኤ ሺሽ።

37 ሀ ጋሱዋን፡ ሳቲ ዘራ፤ ሰይ ባቲ ጫኪ” ግያ ሃሳይ ቱማ።

38 ህንተንቱ ዳቡርቤናዋ ጫካና ማላ፡ ታን ህንተንታ ኪታድ፤ ሀራቱ ኦል ዳቡራድና፤ ህንተንቱ ሀራቱዋ ዳቡራን ገሌድታ” ያጌዱ።

39 ሞሽራታ፡ “እ ታን ኦሌዳ ኡባባ ኦዳዳ” ጋደ ማርካቲዳ ድራዉ፡ ሄ ካታማን ደእያ ሳማርያ አሳጥ ጮራይ የሱሳ አማኔዳ።

40 ሳማርያ አሳይ የሱሳኮ ዬዳ ዋደ፡ ባረንቱ ማታን ጋምአና ማላ፡ የሱሳ ዋሰና እ ያን ላኡ ጋሳሳ ኡቲዳ።

41 እ ኦድያ ቃላ ድራዉ፡ ካሰዋጥ ጮራ አሳይ አማኔዳ፤

42 ቃይ ኡንቱንቱ ሞሽራቶ፡ “ኡን ኑ ሁጳዉ እ ግያዋ ሰሲደ አማኔዳዋጥ አትን፡ ኔን ማርካቲዳ ድራሳ ግድና፤ እ ቱሙ አላምያ አሳ አሽያዋ ግድያዋካ ኑን ኤሬደ” ያጌድና።

**የሱሰ እት ካጥዋ ናእ ፓሌዳ**

43 ላኡ ጋላሳጥ ጉይያን፡ የሱሰ ሳማርያጥ ከሲደ፡ ጋሊላ ጋድያ ቤዳ።

44 አያዉ ጎጥ፡ እ ባረ ሁጳዉ፡ “ናቢ ባረ ጋድያን ቦንቸተና” ያግ ኦዴዳ።

45 የሱሰ ጋሊላ ጋኬዳ ዋደ፡ ጋሊላ አሳይ እ ሞኬዳ፤ ፓሰጋ ቦንቸያ ጋላሰ ኡንቱንቱ የሩሳላመን ደእያ ድራዉ፡ እ ኦሌዳ ኡባባ በኤድና።

46 የሱሰ ሃሳ ዋይንያ ኡሻ ከሲደ፡ ጋሊላን ደእያ ቃና ካታማ ቤዳ። ቅፍርናሆማን እ ናኦይ ሳከትያ፡ ካትያ ጎሊን ኦልያ እት ካጥ ደኤ።

47 የሱሰ ይሁዳጥ ጋሊላ ዬዳዋ ሄ ካጥ ሰሲደ፡ አኮ ዬደ ሀይቃናዉ ማቲዳ ባረ ናኦ ቢደ ፓላና ማላ፡ የሱሳ ዋሴዳ።

48 የሱሰ ሄ ካጥዋ፡ “ዳሳይ ኦልያ ማላታን ሄቸ ጊሰያባ በኤናን ደኤደ፡ ህንተንቱ አይነ አማንክታ” ያጌዳ።

49 ሄ ካጥ ዛሪደ፡ “ሳዳዉ፡ ታ ናአይ ሀይቃናን ደአሽን፡ ታናና ባርኪ” ያጌዳ።

50 የሱሰ፡ “ባ፤ ነ ናአይ ፓጾ ደአናዋ!” ያጌዳ።

\* 4:20 ሀ ደርያን፡ ግያዌ ደርያ ጌርካና ግዳደ ሌኬማ ጌተትያ ካታማ ማታን ደእያዋ።



ሂ ካፑ የሱስ ጌዳዋ አማኒደ ቤዳ።

51 እ ባረ ገለ ቢሸን፣ እ ቆማቱ እናና ኦግያን ጋከቲደ እ፣ “ነ ናአይ ፓጸ ደኤ” ጌድኖ።

52 እ ባረ ቆማቱዋ ባረ ናአው እይ ሳትያን ኬኬደንቶ ኦቻና ኤንቲንቲ፣ “ዝኖ ላፑ ሳትያን ቆጶ እ አኔዳ” ያጌድኖ።

53 ናአ አው የሱስ ባረው፣ “ነ ናአይ ፓጸ ደአናዋ” ጌዳዌ ሂ ሳትያና ግጫዳዋ ሀሳዬዳ። ሄዋ ድራው፣ እነ እ ሶይ አሳይ ኡባይ አማኔድኖ።

54 ሀዌ የሱስ ይሁዳፕ ጋለላ ዱደ ኦፊዳ ላኤንላ ማላታ።

### 5

የሱስ ጉንዳ ብታንያ ዳጋት ኡቴዳ ሃላ ማታን ፓፊዳ

1 ሄዋፕ ጉይያን፣ የሱስ አይሁዳቱ ቦንቻያ ባላው የሩሳላሙ ቤዳ።

2 የሩሳላሙን ደርሳ ፕንግያ ማታን እብራይስጸ ቃላን ቤተሳይዳ ጌተትያ ዳጋት ኡቴዳ ሃላይ ደኤ፤ ሂ ዳጋት ኡቴዳ ሃላ ዩይ እጫዳ እቸሹ ካሻይ ደኤ።

3 ሄዋን ጮራ ሀርጋንቻቱ፣ ቆቃቱ፣ ዋባቲነ ሰሌዳዋንቲ ግሴድኖ። [ሃላይ ቃጽያዋ ናጊኖ።

4 እያው ሳፕ፣ እት እት ገደ ጎዳ ኪታንቻይ ሂ ዳጋቲዳ ሃላኮ ገሊደ፣ ሃላ ቃፊ፤ ሃላይ ቃጽዳዋፕ ጉይያን፣ ኮይሮ ገሌዳ ኡራይ ባረና አይቄዳ እይ ሀርግያፕካ ፓጶ።]\*

5 ሄዋን ሀታማን ሆሰፑን ላይላ ሳከቴዳ እት ብታኒ ደኤ።

6 ሂ ብታኒ ሄዋን ግሴዳዋ የሱስ በኢደ፣ ዳሮ ዋድያ ሳከቴዳዋካ ኤሪደ ብታንያ፣ “ፓጸናው ኮያይ?” ያጌዳ።

7 ሳከትያ ብታኒ ዛሪደ፣ “ሳዳው፣ ሃላይ ቃጽያ ዋደ፣ ታና ሃላን የግያ አሳይ ቆይዳ፤ ታን ገላና ሀንያ ዋደ፣ ሀራ ኡራይ ታፕ ካሰቲደ ገል አኔ” ያጌዳ።

8 የሱስ እ፣ “ደንዳ ኤቃ፤ ኔን ግሱዋ ቶካደ ባ” ያጌዳ።

9 ብታኒ ኤለካ ፓጽ አኔዳ፤ ባረ ግሱዋ ቶኪደ ቤዳ።

ሄዌ ሀኔዳዌ ሳምባታ ጋላሳና።

10 ሄዋ ድራው፣ አይሁዳቱ ፓጶዳ ብታንያ፣ “ሀቸ ሳአይ ሳምባታ፤ ኔን ነ ግሱዋ ቶካ ብያዌ ዋጋ ግደና” ያጌድኖ።

11 ሸን ብታኒ፣ “ታና ፓፊዳዌ፣ ና ግሱዋ ቶካደ ባ” ያጌዳ። ጌደ ኤንቲንቲ ዛሪዳ።

12 ኤንቲንቲ እ፣ “ኔና፣ ና ግሱዋ ቶካደ ባ” ጌዳዌ እ ኦኔ?” ጌደ ኦቸድኖ።

13 ሸን ሄዋን ጮራ አሳይ ደአያ ድራውን፣ የሱስካ ጌሙቴዳ ድራው፣ ብታኒ ባረና ፓፊዳዌ እንንቶ ኤረና።

14 የሱስ ጉየፕ ሂ ብታንያ ጌሻ ጎልያን ደሚደ፣ “በእ፣ ኔን ሀእ ፓጸዳ፤ ሀዋፕካ ኢታባይ ኔና ጋከና ማላ፣ ላኤንላ ናጋራ ኦሶፕ” ያጌዳ።

15 ሄዋፕ ጉይያን፣ ብታኒ ቢደ፣ ባረና ፓፊዳዌ የሱሳ ግድያዋ አይሁዳ አሳ ካፕቶ ኦጫዳ።

16 የሱስ ሀዋ ሳምባታን ኦፊዳ ድራው፣ ኤንቲንቲ የሱሳ የደሳን ዋይሱዋ ደሚድኖ።

17 የሱስ ዛሪደ ኤንቲንቲ፣ “ታ አኩ ኡባ ዋደ ኦፊ፤ ታካካ ኦሳናው በሴ” ያጌዳ።

18 ሄዋ ድራው፣ የሱስ ሳምባታ ጋላሳ ቦንቸና ድራ ጸላላሳ ግደናን፣ ባረና ጸላሳ ቃራዬደ፣ “ጸላይ ታ አባ” ጌዳ ድራው፣ አይሁዳ አሳ ካፕቲ አ ዋጻናው ካሰዋፕ ምንሲደ ኮዩኖ።

ጸላ ናአ ማታ

19 የሱስ ዛሪደ ኤንቲንቲ፣ “ታን ሀንተንቶ ቱሙዋ ኦዳይ፤ ናአይ ባረካ እይ ነ ጌ።፣ እ ባረ እቡ ኦሸሸን በእያዋ ጸላላ ኦፊ፤ አው ኦሸሸዋ ናአይካ ኦፊ።

20 እያው ሳፕ፣ አው ባረ ናአ ሰቄ፤ ቃይ እ ኦሸሸ ኦሱዋ ኡባባ ባረ ናአ በሴ። ኡባ ሀንተንቲ ማላላታና ጋካናው፣ እ ሀዋፕ ኦፊዳ ኦሱዋካ ባረ ናአ በሳናዋ።

21 ጋሶኔ፣ አው ሀይቄዳዋንታ ሀይቄዋፕ ደንሴደ ሸዋፑዋና ዋሳያዋዳን፣ ናአይካ ቃይ ባረ ኮዩኖንታ ሸዋፑዋና ዋሴ።

22-23 አሳይ ኡባይ አውዋ ቦንቻያዋዳን፣ ናአካ ቦንቻና ማላ፣ አው ፕርዳ ኡባ ናአው እሜዳዋፕ አትን፣ እ ኦናን ፕርደና፤ ናአ ቦንቸና ኡራይ፣ እ ከቴዳ አውዋካ ቦንቸና።

24 “ታን ሀንተንቲ ቱሙዋ ኦዳይ፤ ታ ቃላ ስሰያዎን ታና ከቴዳዋን አማንያዎ ሙድና ደኤ ደኤ። ሀይቄዋፕ ደኤ እ ፕኔዳዋፕ አትን፣ ፕርደተና።

25 ታን ሀንተንቲ ቱሙዋ ኦዳይ፤ ሀይቄዳ አሳይ ጸላ ናአ ኮሻ ስሰያ ዋዲ ያናዋ፤ ሄዌኔካ ሀእ። ሂ ኮሻ ስሰያዋንቲ ሸዋፑዋና ደአና።

26 እያው ሳፕ፣ አዋ ደኤዋ አምያ ዋልቃይ ደአያዋዳን፣ ደኤዋ አምያ ሂ ዋልቃ ባረ ናአውካ እሜዳ።

27 ጸላ አው ባረ ናአው ፕርድያ ማታ እሜዳ፤ እያው ሳፕ፣ ናአይ አሳ ናአ።

\* 5:4 ሀ ፓይዱ እት በን ኮይሮቲደ ጸፈቲዳ ጌሻ ማጻፋቱዋን ባዋ። 5:10 ናሀ. 13:19፤ ኤር. 17:21

28 “ሀዋን ማላለቶፕፕ፤ እያወ ጎፕ፡ ዲፋዋን ደእያዋንቱ እ ኮሻ ሰሰያ ዎዲ ዬ።

29 ሰሲደ ኢንቱንቱ ዲፋዋፕ ጋጸ ከሳፕ፤ ሎኦባ ኦሌዳዋንቱ ደኡዋን ደእናወ ደንዳና፤ ቃይ ኢታባ ኦሌዳዋንቱ ፕርደታናወ ደንዳናዋንታ።

የሱሳወ ማርካቲዳ አሳቱዋ

30 “ታን ታፕ አይነ ኦሳናወ ዳንዳይክ፤ ጸሳይ ታወ ኦዴዳዋዳን ፕርዳይ። ታ ፕርዳይ ቱማ፤ እያወ ጎፕ፡ ታን ታና ኪቲዳዋ ሽንያ ፖልያዋፕ አትን፤ ታን ደሰያዋ ኦላክ።

31 “ታን ታ ሁጸወ ታባ ማርካቶፕ፡ ታ ማርካተላይ ቱማ ግደና።

32 ታባ ማርካትያዌ ሀራይ ደኤ፤ እ ታባ ማርካትያዌ ቱማ ግደያዋ ታን ኤራይ።

33 “ህንተንቱ የሃንሳኮ አሳ ኪትና፤ እ ኢንቱንቶ ቱሙዋ ማርካቲዳ።

34 ታን ሄዋ ህንተንታ አትና ጋደ ግያዋፕ አትን፤ አሳ ማርካተላይ ታወ ከሽና ግደና።

35 የሃንሰ ሙቃዳዳን፤ ኤዴዳን ፖኦሲዳ፤ ህንተንቱካ አማራዳ ዎድያ እ ፖኡዋን ናሽታናወ ኮዬድታ።

36 “ሽን ታወ የሃንሳዋፕ አቋያ ማርካተላይ ደኤ፤ እያወ ጎፕ፡ ታን ወርሳናወ ታ አቡ ታወ አሜዳ ኪታይ፤ ሀ ታን ኦላያዌ፤ እ ታና ኪቲዳዋ ግድያዋ ማርካቲ።

37 “ቃይ ታና ኪቲዳ ታ አቡ ባረ ሁጸወ ታባ ማርካቲ። ህንተንቱ እ ኮሻ አይነ ሰሰበይክታ፤ እ ማላካ በእበይክታ።

38 እ ኪቲዳዋ አማናና ድራወ፤ እ ቃላይ ህንተንቱ ዎዛናን ባዋ።

39 “ጸሳ ማጸፋቱዋፕ መጵና ደኡዋ ደምያዋ ህንተወ ማላትና፤ ኢንቱንታ ብዲታ፤ ኢንቱንቱካ ታባ ማርካትያዋንታ።

40 ሽን ደኡዋ ደማናወ ታኮ ይያዋ ህንተንቱ ኮይክታ።

41 “ታን አሳፕ ቦንቾዋ ኮይክ።

42 ሽን ታን ህንተንቱ ዎዛናን ጸሳ ሲቁ ባይናዋ ኤራይ።

43 ታን ታ አቡ ሰንላን ያድ፤ ሽን ታና አክበይክታ። ሽን ሀራ አሳይ ባረ ሰንላን ይያ ዎደ፤ እ አኪታ።

44 ህንተንቱ እቱ እቱዋ ቦንቾታ፤ ሽን እት ጸሳፕ ይያ ቦንቾዋ ኮይክታ። ያትና፤ ዋኒደ አማናናወ ዳንዳይቲ?

45 “ታን ታ አቡ ሰንላን ህንተንታ ሞትያዋ ህንተወ ማላቶፖ፤ ህንተንታ ሞትያዌ፤ ህንተ ሀድታ ዎላያ ሙሳ።

46 ህንተንቱ ሙሳ አማኔዳባ ግድንቶ፤ ታናካ አማናንታ፤ እያወ ጎፕ፡ ታባ ጸፌዳዋ እ።

47 ሽን ህንተንቱ እ ጸፌዳዋ አማናን እጸፕ፤ ታን ግያዋ ዎት አማናንቱ?” ያጌዳ።

### 6

የሱሰ 5,000 አሳ ሞዜዳ

(ማቶሳ 14:13-21፤ ማር. 6:30-44፤ ሉቃሳ 9:10-17)

1 ሄዋፕ ጉይያን፤ የሱሰ ጋለላ አባፕ ዎይ ጽብርያዳሳ አባፕ ሄፍንላ ፕኔዳ።

2 እ ሀርጋንቻቱዋ ቦላ ኦሌዳ ዎልቃማ ማላታ በኤዳ ድራወ፤ ጮራ አሳይ እ ካሌዳ።

3 የሱሰ ደርያ ከሲደ፤ ያን ባረና ካልያዋንቱና አትፕ ኡቲዳ።

4 አይሁዳቱ ቦንቻያ ፓሰጋ ጋላሳይ ጋኬዳ።

5 የሱሰ ሰንላኮ ጼሊደ፤ ጮራ አሳይ ባረኮ ይያዋ በኢደ ፕልጸሳ፤ “ሀ አሳ ኡባ ሞዛናወ ግድያ ቁማ ሀቃፕ ሻማኔ?” ያጌዳ።

6 እ ሄዋ ፕልጸሳ ፓጫናወ ጌዳ፤ እያወ ጎፕ፡ እ ባረ ሁጸወ እያ ኦሳና በሰንቶ ኦሳናባ ኤሬ።

7 ፕልጸሰ ዛሪደ የሱሳ፤ “ሁጸያን ሁጸያን፤ ሀራይ አቶ እት እት ባርሱዋ ጋላናወ፤ ላኡ ጾቱ ድናርያን ሻማዳ ኡክላይካ ግደና” ያጌዳ።

8 ቃይ የሱሳ ካልያዋንቱፕ እቱ፤ ሰዎን ጸጽርሳ እሻይ እንድራሰ፤

9 “ባንጋ ኡክላ አቼሹነ ላኡ ሞሊ ደእያ እት ናእይ ሀዋን ደኤ፤ ሽን ሀ አሳ ኡባወ ሄዋ ዎት ግዳኔ?” ያጌዳ።

10 የሱሰ ባረና ካልያዋንታ፤ “አሳይ ኡታናዳን አላተ” ያጌዳ። ሄ ሳኦን ዳር ማታይ ደኤ። አሳይ ኡባይ ኡቲዳ፤ አቱማ አሳይ አቼሹ ሻእ ግድያዋ።

11 የሱሰ ኡክላ አኬዳ፤ ጸሳ ጋላቲደ፤ ሄዋን ኡቲዳ አሳወ ግሼዳ። ሞልያካ ሄዋዳን ኦሳና አሳይ ባረ ኮዬዳዋ ከና ሜዳ።

12 ኢንቱንቱ ኡባይ ካሌዳዋፕ ጉይያን፤ የሱሰ ባረና ካልያዋንታ “እትባይካ ጮ ባየና ማላ፤ አቲዳ ደካ ሺሸተ” ያጌዳ።

13 ሃዋ ድራው፤ ኢንቱንቴ ኡባካ ሺሺድኖ፤ አሳይ ካልና እቴዳ ባንጋ ኡክላ ዶካ ሺሺድ፤ ታማነ ላኡ ዛምቤልያ ከንሌድኖ።

14 አሳይ የሱስ ኦሌዳ ዋልቃማ ማላታ በኤዳ ዋደ፤ “ሀዌ ቱሙዋፕ ሀ ሳኦ ያና ጌዳ ናብያ” ያጌድኖ።

15 ኢንቱንቴ ዪደ ባረና ዋልቃን ኦይቂ ካትያ ኦላናዉ ሀንያዋ የሱስ ኤሪደ፤ ባረካ ደርያ ቦላ ሸረቲደ ከሴዳ።

የሱስ አባ ቦላን ሀመቲደ ቤዳ  
(ማቶሳ 14:22-33፤ ማር. 6:45-52)

16 ሳኦይ ኦማርቤዳ ዋደ፤ የሱሳ ካልያዋንቱ አባኮ ቤድኖ፤  
17 ሳኦይ ቃሚዳ፤ ሸን የሱስ ኢንቱንቴኮ ሄ ሳቲ ጋካናዉ ደቤና፤ ሃዋ ኢንቱንቴ ዋንግርያን ገሊደ፤ አባ ፕን ሄፍንላ ቅፍርናሆማ ቤድኖ።

18 ዋልቃማ ጫርኩ ጫርኩዳ ድራው፤ አባይ ቃዴዳ፤

19 እት ሳትያ ኬና ኢንቱንቴ አባ ሻሻዋፕ ጉይያን፤ የሱስ አባ ቦላና ሀመቲደ ይያዋ በኢደ ያዬድኖ።

20 ሸን እ፤ “ያዮፕተ፤ ታናቲ!” ያጌዳ።

21 ኢንቱንቴ ዋንግርያን እ ገልሳናዉ ኮዬድኖ፤ ዋንግሪ ኢንቱንቴ ብያሳ አባ ጋጾ ኤላካ ጋክ አጌዳ።

**የሱስ ደኡዋ ኡክላ**

22 ዋንተላ ጋላሰ፤ አባፕ ሄፍንላና እቴዳ ጮራ አሳይ አባ ቦላ እት ዋንግርያ ጸላላይ ደኢያዋ በኤድኖ፤ የሱስ ባረና ካልያዋንቱና ዋንግርያን ገሊደ፤ ኢንቱንቴና ቤናን፤ ኢንቱንቴ ባረካ ቤዳዋ እኬኬድኖ።

23 ሸን ጽብርያደሳፕ ሀራ ዋንግራቱ የሱስ ጸሳ ጋላትና፤ አሳይ ኡክላ ሜዳሳ ማታ ዬድኖ።

24 አሳይ የሱስ ዋይ እ ካልያዋንቱ ሄዋን ባይናዋ በኢደ፤ የሱሳ ኮያናዉ ዋንግርያን ገሊደ፤ ቅፍርናሆማ ቤድኖ።

25 አሳይ የሱሳ አባፕ ሄፍንላን ደሚዳ ዋደ፤ “ታማርሰያዎ፤ ሀዋ አዉደ ያዲ?” ያጌድኖ።

26 የሱስ ዛሪደ፤ “ታን ሀንተንቶ ቱሙዋ ኦዳይ፤ ሀንተንቴ ታና ኮይያዌ ኡክላ ሜዳ ድራሳን ካሌዳ ድራሳ ግድያዋፕ አትን፤ ዋልቃማ ማላታ በኤዳ ድራሳ ግድና።

27 መድና ደኡዋ ቁማዉ፤ ታን አሳ ናኦይ ሀንተንቶ አማናዎ፤ አላተፕ አትን፤ ሳምያ ቁማዉ አላተ፤ እያዉ ሳፕ፤ አዉ ጸሳይ ሄዋ ጂሸሳናዉ ማታፋ አታም ዋሌዳ” ያጌዳ።

28 ሃዋፕ ጉይያን ኢንቱንቴ፤ “ኡን ጸሳ ኦሉዋ ኦላናዉ እያ ኦላናዉ በሲ?” ያጌደ የሱሳ ኦቼድኖ።

29 የሱስ ዛሪደ፤ “ሀንተንቴ ኦላና ማላ፤ ጸሳይ ኮይያ ኪታይ ሀዋ፤ እ ኪቴዳዋን አማንተ” ያጌዳ።

30 ኢንቱንቴ ዛሪደ፤ “ኡን በኢደ፤ ኔናን አማናና ማላ፤ አይ ዋልቃማ ማላታ ኦላኒ? እያ ኪተታኒ?

31 ጸሳ ማጸፋን፤ ኢንቱንቴ ማና \* ማላ ሳሉዋፕ ኡክላ አሜዳ፣ ያንት ጸፈቶዋዳን፤ ኑ አዎቱ መላ ቢታን ማና ሜድኖ” ያጌድኖ።

32 የሱስ፤ “ታን ሀንተንቶ ቱሙዋ ኦዳይ፤ ሀንተንቶ ሳሉዋፕ ቱሙ ኡክላ አምያዌ ታ አባፕ አትን፤ ሀንተንቶ ሳሉዋፕ ኡክላ አሜዳዌ ሙሳ ግድና።

33 እያዉ ሳፕ፤ ቱማ ግዴዳ ጸሳ ኡክላይ፤ ሳሉዋፕ ዋድያዌ ሀ አላምያ አሳዉ ደኡዋ አሜ” ያጌዳ።

34 ኢንቱንቴ ዛሪደ፤ “ሳዳዉ፤ ኑካ ሄ ኡክላ ኡባ ዋደ አማ” ያጌድኖ።

35 የሱስ፤ “ታን ደኡዋ ኡክላ፤ ታኮ ይያ ኡራይ ኡባካ ኮሻተና። ቃይ ታና አማንያ ኡራይ እይነ ሳመተና።

36 ሸን ታን ሀንተንቶ ኦዴዳዋዳን፤ ሀንተንቴ ታና በኤድታ፤ ሸን አማንክታ።

37 ታ አቡ ታዉ አምያ ኡባይ ታኮ ያናዋ፤ ቃይ ታኮ ይያ ኦናን ኡባካ ታን ካረ ያድክ።

38 እያዉ ሳፕ፤ ታን ታና ኪቴዳዌ ሸንያ ፖላናዉ ሳሉዋፕ ያድፕ አትን፤ ታ ሸንያ ፖላናዉ ያበይክ።

39 ታና ኪቴዳዌ ኮይያዌ ሀዋ፤ ታን እ ታዉ አሜዳ ኡባቱዋካ ዉርሰላ ጋላሰ ደንላናፕ አትን፤ እቴዋካ ባይዛና ማላ ኮየና።

40 እያዉ ሳፕ፤ ታ አቡ ኮይያዌ ሀዋ፤ ታና ናኦ በኢደ፤ አማንያ ኡባቱ መድና ደኡዋ አካናዋንታ፤ ታንካ ሄ ኡባቱዋ ዉርሰላ ጋላሰ ደንላና” ያጌዳ።

41 የሱስ፤ “ታን ሳሉዋፕ ዋዴዳ ኡክላ” ጌዳ ድራው፤ አይሁዳቱ እ ቦላ ዙዙሜድኖ።

\* 6:31 ማና- እስራኤልያ አሳይ ግብጽ ጋድያፕ ከሰ ካናን ቢደ መላ ቢታን ሀመቲደ ብያ ዋደ፤ ኢንቱንቴ ማናዳን ጸሳይ አሜዳ ማልእያ ቁማ። ማና ጉሳይ እብራይስጽያ ቃላን “ሀዌ እዬ?” ግያዋ። 6:31 ከሳ 16:4፤ 15፤ ማዘ. 78:24

42 ኢንቴንጅ፡ “ሀዌ ኮን እ አወዋን እ አቶ ኤርያ የሴፎ ናኣ የሱሳ ግደኔ? ያችና፡ እ ዋጊደ፡ ግን ሳሉዋጥ ዋቆድ፡ ጋናዉ ዳንዳዪ?” ያጌድኖ።

43 የሱስ ዛሪደ፡ “እቲ እቲዋና ዙዙምያዋ እግተ።

44 ታና ኪቲዳ ታ እሱ ታኑ እሄዳ እሳጥ አትን፡ ታኑ ያናዉ ዳንዳይያ እሳይ ባዋ፤ ታንካ ዉርሰሳ ጋላስ እ ደንሳና።

45 ናባቲ ጸሳይ እሳ ኡባ ታማርሳና፡ ያጊደ ዳፌድኖ፤ እዉ ግያዋ ሰሰያዌን እዉዋጥ ታማርያዌ ኦንን ታኑ ዬ።

46 ጸሳ ማታጥ ዬዳዋጥ አትን፡ ጸሳ በኤዳ እሳይ ባዋ፤ እ ጸላላይ ጸሳ በኤዳ።

47 “ታን ህንተንቶ ቱሙዋ ኦዳይ፤ ታና እማንያ ኡራዉ መቋና ደኡ ደኡ።

48 ታን ደኡዋ ኡክላ።

49 ህንተንቲ እዋቱ መላ ቢታን ማና ማድኖ፤ ሽን ሀይቄድኖ።

50 እሳይ እጥ ሚደ ሀይቀና ኡክላይ ሳሉዋጥ ይያዌ ሀዋ።

51 ሳሉዋጥ ዋቆድ ደኡዋ ኡክላይ ታና፤ ኦንን ሀ ኡክላጥ ሞጥ፡ መቋናዉ ደእናዋ፤ ቃይ ሀ አላምያ አሳዉ ደኡ ግዳና ማላ፡ ታን እማና ኡክላይ ታ አሹዋ” ያጌድና።

52 አይሁዳቲ፡ “ሀ ብታኒ ባረ አሹዋ ኮን ማና ማላ፡ ኮዉ ዋቲደ እማናዉ ዳንዳዪ?” ያጊደ ባረንቲ ግዳዋን ፓሉመቲድኖ።

53 ሄዋ ድራዉ፡ የሱስ ኡንቲንታ፡ “ታን ህንተንቶ ቱሙዋ ኦዳይ፤ ታ አሹዋ፡ እሳ ናኣ አሹዋ፡ ህንተንቲ ማና ቆዮጥ፡ ቃይ ታ ሱሳካ ኡሻና ቆዮጥ፡ ህንተዉ ደኡ ባዋ።

54 ታ አሹዋ ሞያ ኡራዉን፡ ታ ሱሳ ኡሽያ ኡራዉ መቋና ደኡ ደኡ። ታን ዉርሰሳ ጋላስ ኡንቲንታ ደንሳና።

55 አያዉ ጎጥ፡ ታ አሹ ቱሙ ቁማ፤ ታ ሱሳይካ ቱሙ ኡሻ።

56 ታ አሹዋ ምያ ኡራይን ታ ሱሳ ኡሽያ ኡራይ ታናን ደኡ፤ ታንካ እናን ደኡ።

57 ደኡዋ እዉ ታና ኪትና፡ ታን አ ጋሱዋን ደእያዋዳን፡ ታና ሞያ ኡራይካ ታ ጋሱዋን ደእና።

58 ሳሉዋጥ ዋቆድ ኡክላይ ሀዋ፤ ህንተንቲ እዋቱ ሚደ ሀይቄዳ ማና ማላ ግደና፤ ሀ ኡክላ ሞያ ኡራይ መቋናዉ ደእና” ያጌድና።

59 የሱስ ቅፍርናሆማ ካታማን አይሁዳ ዋሳ ጎለን ታማርሲደ፡ ሀዋ ኦዳድ።

**መቋና ደኡዋ ቃላ**

60 የሱሳ ካልያዋንቲጥ ዳርያ ባጋይ ሄዋ ሰሴዳ ዋደ፡ “ሀዌ ገለና ትምርትያ፤ ሀዋ ኦን እካናዌ?” ያጌድኖ።

61 ሽን የሱስ ባረና ካልያዋንቲ ሄዋ ዙዙሚዳዋ ኤሪደ፡ “ሀዌ ህንተንታ ቆቢ?

62 ሰሞ ታን፡ እሳ ናኣይ፡ ካሰ ደኡያሳ ዩደ ከሰሽን በእንቶ እያ ጋንቲ?

63 ጌሻ አያናይ ደኡዋ እማ፤ እሳ ምናታይ አይን ጎኤና። ታን ህንተንቶ ኦዳድ ቃላይ አያና ደኡዋ።

64 ሽን ህንተንቲ ግዳዋን እማናዋንቲ ደእኖ” ያጌድና፤ አያዉ ጎጥ፡ እማናዋንቲ ሀቃዋንተንቶን ባረና እሳ እማናዌ ኦንቶ የሱስ ኮይርጥ ደሚደ ኤሬድ።

65 ቃይካ የሱስ፡ “ታ እሱጥ ግዳና ቆዮጥ ኦንን ታኑ ያናዉ ዳንዳየና ያጋደ ታ ኦዳዳዌ ሄዋ ድራሳ” ያጌድና።

66 ሄዋ ጋሱዋን፡ የሱሳ ካልያዋንቲጥ ጮራቲ እ አጊደ፡ ጉየ ሰሚድኖ፤ ላኤንሳ እ ካልበይክኖ።

67 የሱስ ቃይ ታማን ላኤ ባረና ካልያዋንታ “ህንተካ እጊደ ባናዉ ኮዪቲ?” ያጌድና።

68 ሰሞን ጸጽሮስ ዛሪደ፡ “ጎዳዉ፡ ኮን እኮ ባኔ? ነዉ መቋና ደኡዋ ቃላይ ደኡ።

69 ኔን ጸሳ ጌሻ ግድያዋ ኮን እማኔቶን ኤሬቶ” ያጌድና።

70 የሱስ ኡንቲንታ፡ “ታን ህንተንታ ታማን ላአቲዋ ደራበይክታ? ቃይ ህንተጥ እቲ ጸላህያ” ያጌድና።

71 የሱስ ሄዋ ሰሞና ናኣ ይሁዳ አሰቆርታ ተ ጌ፤ አያዉ ጎጥ፡ ይሁዳይ የሱሳ ካልያ ታማን ላአቲዋጥ እቲዋ፤ እ የሱሳ እሳ እማናዋ።

**7**

**የሱስ ዳሰያ ባላዉ የሩሳላመ ቤዳ**

1 ሄዋጥ ጉየ፡ የሱስ ጋላላን ያ ሃ ዩዬዳ፤ አይሁዳቲ እ ዋቆናዉ ኮይያ ድራዉ፡ ይሁዳን ዩያና ኮይቤና።

2 አይሁዳቲ ቦንቶያ ዳሰያ ባላይ ጋክ ኡቲዳ።

6:45 እሳ. 54:13 † 6:71 እሰቆርታ- ሀ ቃላ ብለላይ፡ “ዋረትያ ብታንያ” ዋይ “ሀይቆ እሳ እምያ ብታንያ” ግያዋ። 7:2 ዋጋ 23:34፤ ዛረ. 16:13

3 ሄዋ ድራው፡ የሱሳ እሻቱ እ፡ “ኔና ካልያዋንቱ ኔን ኦልያዋ በእና ማለ፡ ሀዋጥ ደንዳደ ይሁዳ ጋድያ ባ፡፡

4 እያው ጎጥ፡ ባረው ኤሪታናው ኮይያ አሳይ ኦንነ ባረ ኦሱዋ ገንፍ፡፡ ኔን ሀዋንታ ኦልና፡ ነባ አላዋን ኡባይ ኤሮ!” ያጌድኖ፡፡

5 እያው ጎጥ፡ ሀራይ እቶ እ እሻቱካ እ እማንበይክኖ፡፡

6 የሱሰ ኡንቱንታ፡ “ታው እንጀትያ ዋዲ ጋክቤና፤ ሽን ህንተንቶ አይ ዋደካ እንጀቱ፡፡

7 አላሚ ህንተንታ አዳናው ዳንዳናና፤ ሽን ታን ሳኦ ኪታይ ኢታ ግድያዋ ማርካትያ ድራው፡ ታና እዱዳ፡፡

8 ባላ ቦንቶያሳ ህንተንቱ ቢተ፤ ታው እንጀትያ ዋዲ ጋክቤና ድራው፡ ታን ባላ ቦንቶያሳ ባናዌ ብራ” ያጌድኖ፡፡

9 እ ሀዋ ጊደ፡ ጋሊላን አቴዳ፡፡

**የሱሰ ዳሰያ ባላሳን ቤቱዳ**

10 ሽን እ እሻቱ ባላ ጋላሳ ቦንቶያሳ ቤዳዋጥ ጉይያን፡ እካ አሳይ በኤናን ጌማን ያ ቤዳ፡፡

11 አይሁዳቱ ባላ ጋላሳ ቦንቶያሳን እ ኮዩኖን፡ “እ ሀቃን ደኢ?” ያጌደ፡ እ ላቢኖ፡፡

12 አሳ ግዲዋን ዳር ዙዙንሳይ ደንዴዳ፡፡ አማራዳ አሳይ፡ “እ ሎኦ አሳ” ያጌ፤ ሀራቱ ቃይ፡ “እ፡ እ አሳ ባለሌ” ያጌኖ፡፡

13 ሽን አይሁዳቱ ያዬዳ ድራው፡ ኦንነ አባ ቆንጭያን ሃሳየና፡፡

14 ባላ ቦንቶያ ጋላሳ ባጋን፡ የሱሰ ጌሻ ጎልያ ቢደ፡ ታማርሱዋ ደሚዳ፡፡

15 አይሁዳቱ ማላለቲደ፡ “ሀ ብታኒ አይነ ታማረናን ሀዋ ከና ዋን ኤሬዴ?” ያጌድኖ፡፡

16 ሄዋ ድራው፡ የሱሰ ዛሪደ፡ “ታና ታማርሰያዌ ታና ከቴዳ ዳሳ ማታጥ ይያዋጥ አትን፡ ታዋ ግደና፡፡

17 ገዳ ሸንያ ኦላናው ዳሰያ ኦንነ ሀ ታን ታማርሰያዌ ዳሳ ማታጥ ይንቶ ዋይ ቃይ ታን ታጥ ሃሳያይታንቶ ኤራና፡፡

18 ባረዋ ሃሳይያ ኡራይ ባረ ሁጲያው ቦንቶዋ ኮዬ፤ ሽን ባረና ከቴዳዌ ቦንቶታና ማላ ኮይያ ኡራይ ተማንቻ፤ እን ዋርደባይ ባዋ፡፡

19 ሙሴ ህንተንቶ ሀግያ እምቤኔ? ሽን ህንተጥ አቴነ ሀግያ ናገና፡፡ ታና እያው ዋዳናው ኮዩቴ?” ያጌድኖ፡፡

20 አሳይ ዛሪደ፡ “ኔናን ዳላሂ ደኤ፤ ኔና ዋዳናው ኦኔ ኮዬዳዌ?” ያጌድኖ፡፡

21 የሱሰ፡ “ታን እት ዋልቃማባ ኦልና፡ ህንተንቱ ኡባይ ማላለቲድታ፡፡

22 ህንተንቱ ናና ህንተንቱ ደካላና ማላ፡ ሙሴ ህንተንታ አዛዜዳ፡፡ ሽን ደካሉሳይ ህንተንቱ አዋቱዋና ዬዳዋጥ አትን፡ ሙሴና ይቤና፤ ሄዋ ህንተንቱ ሳምባታን አቴማ ናና ደካሊታ፡፡

23 ሙሴ ህጊ አዛዜዳ ድራው፡ ህንተንቱ ሳምባታን ደካልያዋ ግደጥ፡ ያትና ታን እት አሳው ኩሙንሳ ቦላ ገሌዳ ድራው፡ ታና እያው ህንቀቲቴ?

24 ቱሙ ጥርዳ ጥርድተጥ አትን፡ አሳ ዴሙዋ ጴሊደ ጥርድተጥ” ያጌድኖ፡፡

**ሀዌ ክርሰቶሰ?**

25 ሄዋ ድራው፡ የሩሳላሙ አሳጥ አቱ አቱ፡ “ኡንቱንቱ ዋዳናው ኮይያ ብታኒ ሀዋ ግደኔ?

26 በአተ፡ ቆንጭያን እ ሃሳዬ፤ ኡንቱንቱ እ አይነ ጊክኖ፡፡ ሀዌ ክርሰቶሰ ግድያዋ ኑ ካገቱ ቱሙ ኤሪናሻ?

27 ሽን ኩን እ ሀቃጥ ዬደንቶ ኤርይተ፤ ክርሰቶሰ ይያ ዋደ፡ እ ሀቃጥ ይንቶን ኦንነ ኤረና” ያጌድኖ፡፡

28 ሄዋጥ ጉይያን፡ የሱሰ ጌሻ ጎልያን ታማርሲደ፡ ባረ ቃላ ቱቁ አሊደ፡ “ህንተንቱ ታና ኤሪታ፤ ቃይ ታን ሀቃጥ ዬደንቶካ ኤሪታ፡፡ ታን ታ ሸንያን ያበይከ፤ ሽን ታና ከቴዳዌ ተማንቻ፤ ህንተንቱ እ ኤርክታ፡፡

29 ሽን ታን እ ኤራይ፤ እያው ጎጥ፡ እ ታና ኪትና፡ ታን እ ማታጥ ያድ” ያጌድኖ፡፡

30 ሄዋ ድራው፡ ኡንቱንቱ እ እይቃናው ኮዬድኖ፤ ሽን እ ዋዲ ብር ጋክቤና ድራው፡ ኦንነ እ ቦላ ኩሸያ ዋልቤና፡፡

31 ሽን ዳር አሳይ የሱሳ አማኒደ፡ “ክርሰቶሰ ይያ ዋደ፡ ሀ ብታኒ ኦሌዳ ማላታጥ ዳርያዋ አላኔዬ?” ያጌድኖ፡፡

**የሱሳ እይቃናው ዋታዳራቱ ኪተቴድኖ**

32 ፓርሳዋቱ ዳር አሳይ የሱሳ ቡዙምያዋ ሰሴድኖ፤ ቁሳቱዋ ካገቱን ፓርሳዋቱ እ እይቁ ቃሽሳናው አማራዳ ዋታዳራቱዋ ኪተቴድኖ፡፡

33 የሱሰ፡ “ታን ህንተናና ላፋ ጋምላና፤ ሄዋጥ ጉይያን፡ ታና ከቴዳዋኮ ባና፡፡

34 ህንተንጉቱ ታና ኮያና፤ ሽን ደሞክታ፤ አያወ ጎጠ፣ ታን ደእያ ሳኣ ህንተንጉቱ ባናወ ዳንዳይክታ” ያጌዳ።

35 አይሁዳቱ እቱ እቱዋና፣ “ሀዌ ኑን አ ደመናሳ ሀቃ ባና ሀኒ? አይሁዳቱ ደእያ ግሪክ ካታማ ቢደ፣ ግሪክ አሳቱዋ ታማርሳና ሀኒ?”

36 እ፣ ‘ህንተ ታና ኮያና፤ ሽን ደሞክታ’ ቃይ፣ ‘ታን ደእያሳ ህንተንጉቱ ባናወ ዳንዳይክታ’ ያጌ፤ ሄዋ ግያዌ ዋግያዌ?” ያጌድና።

**ደኡዋ እምያ ሃላ**

37 ሄ ባላ ጋላሳ ቦንቶያ ጋላሳጥ ዋናትያ ወርሰላ ጋላሳን የሱሰ ደንድ ኤቂደ፣ ባረ ቃላ ቶቁ አሊደ፣ “ሳመቴዳ ኡራይ ኦንነ ታኮ ዪደ ኡሾ።

38 ታናን አማንያዎ፣ ጸሳ ማጻፋይ ግያዋዳን፣ እ ኡሉዋጥ ደኡዋ እምያ ሃላ ፑልቱ ጎጋናዋ” ያጌዳ።

39 እ ሄዋ እ አማኔዳዋንቱ አካና ጌሻ አያናባ ሃሳዬዳ። የሱሰ ብር ባረ ቦንቸዋኮ ከሰቤና \* ድራወ፣ ሄ ዋደ ጌሻ አያናይ ኡንቱንቶ አመትቤና።

**አሳ ግደን መጠጥጫ ጸልቀላ**

40 ሄ አሳጥ ዳርያ ባጋይ እ ግያዋ ስሲደ፣ “ቴሙ ሀዌ ናገትያ ናብያ” ያጌድና።

41 ሀራንቱ፣ “ሀዌ ክርሰቶሳ” ያጌድና።

ሽን ሀራንቱ ቃይ፣ “ክርሰቶሰ ጋሊላጥ ዬና።

42 ጸሳ ማጻፋይ፣ ‘ክርሰቶሰ ዳዊተ ዛርያጥ፣ ዳዊተ ደኤዳ ቤተሊመ ካታማጥ ያና’ ጌነዬ?” ያጌድና።

43 የሱሳ ጋሱዋን አሳይ ባረ ግዳዋን ሻከቱዳ።

44 ሄ አሳጥ እቱ እቱ እ ኦይቃናወ ኮዬድና፤ ሽን ኩሽያንነ እ ቦቾብይክና።

45 ጌሻ ጎልያ ናግያዋንቱ ቁሳቱዋ ካፓቱዋኮነ ፓርሳዋቱዋኮ ሰም ዬዳ ዋደ ኡንቱንጉቱ ናግያዋንታ፣ “አያወ እ አህበይክቱ?” ያጌደ ኦቾድና።

46 ጌሻ ጎልያ ናግያዋንቱ ኡንቱንቶ፣ “ሀ ብታኒ ሃሳዬዳዋዳን፣ ኡባካ ኦንነ ሃሳይቤና!” ያጌደ ዛሬድና።

47 ፓርሳዋቱ ዛሪደ፣ “እ ህንተናካ ባለሉዋ?

48 ካፓቱዋጥ ዋይ ፓርሳዋቱዋጥ እ አማኔዳ አሳይ ደኢ?

49 ሽን ህግያ ኤሪና ሀ አሳይ ሸቀቱዳዋ” ያጌድና።

50 ኡንቱንቱጥ እቱ ካሰና የሱሳኮ ቤዳ ንቆድሞስ ኡንቱንታ።

51 “እት ኡራይ ግያባ ሰሰናን ዋይ እ አያ ኦሌደንቶ ኤሪናን ደኢደ፣ ካሰቲደ እ ቦላ ፕርድያዌ ኑ ህግያን ደኢ?” ያጌዳ።

52 ኡንቱንቱ ዛሪደ እ፣ “ኔንካ ቃይ ጋሊላ ጋድያ አሴ? ጋሊላ ጋድያጥ ናቤ ቤተናዋ ጸሳ ማጻፋቱዋ ብዳደ ኤራ” ያጌድና።

**ዋሹማደ ኦይቀቴዳ ሞሽራቶ**

53 አሳይ ኡባይ አጊደ፣ ባረ ሶይ ባረ ሶይ ቤዳ።

**8**

1 ሽን የሱሰ ዋጋራ ሞላን ኤረቴዳ ደርያኮ ቤዳ።

2 ዋንተላ ጋላሰ ጉራን ጌሻ ጎልያ ሰሜዳ፤ ኡባ አሳይ አኮ ዪና፣ ኡቲደ ኡንቱንታ ታማርሱዋ ደሜዳ።

3 ሙሴ ህግያ ታማርሰያዋንቱን ፓርሳዋቱ ዋሹሞሽን ኦይቀቴዳ እት ሞሽራቶ አኮ እሄድና። ኡንቱንቱ አሳ ኡባ ሰንሳን እዞ ኤሲደ የሱሳ።

4 “ታማርሰያዎ፣ ሀ ሞሽራታ ዋሹማደ ኦይቀታዳ።

5 ህግያ ቦላን ሙሴ ሀን ማላ ማጫ አሳ ሹቻን ጫዳና ማላ፣ ኑና አዛዜዳ። ያትና ኔን ዋጋይ?” ያጌድና።

6 ኡንቱንቱ ሄዋ ጌዳዌ የሱሳ ሞትያዋ ደሚደ እ ፓጫናሳ፤ ሽን የሱሰ ሆኪደ፣ ባረ ብራድያን ቢታ ቦላ ጸፊዳ።

7 ኡንቱንቱ እ ኦቾደ አገናን እጽና፣ ፑደ ቶቁ ጊደ፣ “ህንተንጉቱ ግዳዋን ናጋራ ኦሰቤና አሳይ ካሰቲደ፣ እዞ ሹቻን ጫደ” ያጌዳ።

7:37 ዋጋ 23:36 7:38 ህዘ. 47:1፤ ዛካ. 14:8 \* 7:39 የሱሰ ብር ባረ ቦንቸዋኮ ከሰቤና- የሃንሳ ሞሽራቸዋ ቃላን፣ የሱሳወ ኩመንላ ቦንቸ አመቲዳዌ፣ እ ማሰቃልያ ቦላን ካቀቴዳ ዋደን ባረ እቡ አሸቻ ባጋን ኡታናወ ሀይቁዋ ጸኒደ ደንዳዳ ዋድያና ግድያዋ ቆንጭሱ። 7:42 2 ሳሜላ 7:12፤ ሚክ. 5:2 8:5 ዋጋ 20:10፤ ዛረ. 22:22-24

8 ቃይካ ሆኪደ፣ ቢታ ቦላ ጻፊዳ።

9 ኢንቱንቴ ሄዋ ሰሴዳ ዋደ፣ ካሰቲደ ጭማቱ ከሰና፣ እቱ እቱ ከሲደ ጠሬድና፣ እ ሰንግን ሞሽራታ ኤቃ ደእሸን፣ የሱሰ ባረ ጸላላ አቱዳ።

10 እ ፑደ ጶቁ ገደ ሞሽራቶ፣ “ሞሽራቱ፣ አሳቱ ሀቃን ደእና? ኦንነ ነ ቦላ ፕርድቤኔ?” ያጌዳ።

11 ሞሽራታ፣ “ሳዳጤ፣ ኦንነ ታ ቦላ ፕርድቤና” ያጋዱ።

የሱሰ አዘ፣ “ታንካ ነ ቦላ ፕርድከ፤ ባ፤ ላኤንላደ ናጋራ አላፓ” ያጌዳ። \*

12 ቃይካ የሱሰ አሳጤ፣ “ታን አላመወ ፖኡዋ፤ ታና ካልያ ኦንነ ደኡዋ እምያ ፖኡዋ ደማናፕ አትን፣ ጹማን ኡባካ ሀመተና” ያጌደ ሃሳዬዳ።

13 ሄዋፕ ጉየ ፓርሳዋቱ፣ “ኔን ነባ ማርካታሳ፤ ነ ማርካተላይ ቱማ ግደና” ያጌድና።

14 የሱሰ ዛሬደ፣ “ታን ታባ ማርካቶፕካ፣ ታ ማርካተላይ ቱማ፤ እያወ ጎፕ፣ ታን ሀቃፕ ያድታንቶን ቃይ ሀቃ ባይታንቶ ኤራይ፤ ሽን ህንተንቱ ኤርክታ።

15 አሳይ ፕርድያ ኦጊያን ህንተንቱ ፕርዲታ፤ ታን እት ኡራ ቦላካ ፕርድከ።

16 ሽን ታን ፕርድያዋ ግደፕ፣ ታ ፕርዳይ ቱማ፤ እያወ ጎፕ፣ ታና ከቱዳ ታ አቡ ታናና ደኡፕ አትን፣ ታን ታረካ ደእከ።

17 ላኡ አሳ ማርካተላይ ቱማ ግድያዋ ህንተንቱ ሀግያን ጸፈት ኡቱዳ።

18 ታን ታባ ታ ሁጸዉ ማርካታድ፤ ቃይ ታና ከቱዳ ታ አቡካ ታባ ማርካቱ” ያጌዳ።

19 ኡንቱንቱ፣ “ኅ አቡ ሀቃን ደእ?” ያጌደ የሱሳ ኦቹድና።

የሱሰ ዛሬደ፣ “ህንተንቱ ታናካ ዋይ ታ አባካ ኤርክታ፤ ታና ኤሬዳዋ ግድንቶ፣ ታ አባካ ኤራጎታ” ያጌዳ።

20 የሱሰ ጌሻ ጎልያ ታማርሲደ፣ እዋታ ሚሻይ ኡትያ ሳጽንያ ማታን ሄዋ ሃሳዬዳ። እ ኦንነ ኦይቁቤና፤ እያወ ጎፕ፣ እ ዋዲ ብሮ ጋክበና።

አማናን እጹዳዋንቶ እመቲዳ ሞኖ አኬክሱዋ

21 ቃይካ የሱሰ ኡንቱንታ፣ “ታን ባና ህንተንቱ ታና ኮያና፤ ሽን ህንተንቱ፣ ህንተንቱ ናጋራን ሀይቃንታ። ታን ብያሳካ ባናዉ ህንተንቱ ዳንዳይክታ” ያጌዳ።

22 አይሁዳቱ፣ “አ፣ ታን ብያሳ ህንተንቱ ባናዉ ዳንዳይክታ” ያጌ፤ እ ባረና ባረካ ዋቆኔየ?” ያጌድና።

23 የሱሰ ዛሬደ፣ “ህንተንቱ ጋርሳ አሳ፤ ታን ቦላ አሳ። ህንተንቱ ሀ አላምያ አሳ፤ ታን ሀ አላምያ አሳ ግድከ።

24 ህንተንቱ፣ ህንተንቱ ናጋራን ሀይቃናዋ ታን ህንተንቶ ኦዴዳዋ ሀዋሳ፤ ታን ታና † ግድያዋ ህንተንቱ አማናና ቆየፕ፣ ህንተንቱ፣ ህንተንቱ ናጋራን ሀያንታ” ያጌዳ።

25 ኡንቱንቱ፣ “ኔን ኦኔ?” ያጌደ ኦቹድና።

የሱሰ ዛሬደ፣ “ታን ታና።

26 ታን ህንተባ ሃሳይያባይን ፕርድያባይ ዳርባይ ደኤ። ሽን ታና ከቱዳዋ ቱማንቻ፤ ቃይ ታን አፕ ሰሴዳዋ አላምያ አሳዉ ኦዳይ” ያጌዳ።

27 እ ባረ አዉዋባ ሃሳይያዋ ኡንቱንቱ አኬክበይክና።

28 ሄዋ ድራዉ፣ የሱሰ ኡንቱንታ፣ “ታና አሳ ናእ ህንተንቱ ማስቃልያ ቦላ ፑደ ደንልያ ዋደ፣ ታን ታና ግድያዋን ቃይ ታን ታ አቡ ታና ታማርሴዳዋዳን ሃሳይያዋፕ አትን፣ ታ ሽንያን አይነ ኦርናዋ ህንተንቱ ኤራጎታ።

29 ቃይ ታና ከቱዳዋ ታናና ደኤ፤ ታን ኡባ ዋደ እ ናሸኝያዋ ኦልያ ድራዉ፣ እ ታ ጸላላ አግቤና” ያጌዳ።

30 የሱሰ ሄዋ ሃሳይሽን ሰሴዳ ዳር አሳይ እ አማኔድና።

ናጋራ አይለተላፕ ላእ ከሳ

31 የሱሰ ባረና አማኔዳ አይሁዳቱዋ፣ “ህንተንቱ ታን ታማርሲያዋ አዛዘቶፕ፣ ቱሙ ታና ካልያዋንታ።

32 ህንተንቱ ቱማተላካ ኤራጎታ፤ ቃይ ቱማተላይ ህንተንታ አይለተላፕ ከሳናዋ” ያጌዳ።

33 ኡንቱንቱ ዛሬደ፣ “ኡን አብራሃዋ ዛረ፤ ኦን ኦስነካ አይለተብይኮ። ያትና ኔን ጋጋደ፣ አይለተላፕ ህንተንቱ ከሳንታ” ያጌዳ።

34 የሱሰ፣ “ታን ህንተንቶ ቱሙዋ ኦዳይ፤ ናጋራ ኦልያ ኦንነ ናጋራ አይልያ።

35 አይሊ ኡባ ዋደ ሶይን ደኤና፤ ሽን ናእይ መፍራዉ ጎለን ደኤ።

36 ናእይ ህንተንታ አይለተላፕ ከሶፕ፣ ህንተንቱ አይለተላፕ ቱሙ ከሳንታ።

\* 8:11 7:53—8:11 እት እት በን ጸፈቲዳ ጌሻ ማጻፋቱዋን ሀ ፓይዳ ባዋ። 8:17 ዛረ. 19:15 † 8:24 ታን ታና- አይሁደ አሳዉ ዋልቃማን ጌሻ ግዳደ ጸላ ሱገላይ “ያህዌህ” ግዳደ፣ ሀዋ ብለላይካ ታን ታና ግያዋ።

37 ህገተንቱ አብራሃም ዛር ግድያዋ ታን ኤራይ፤ ሸን ታ ታማርሰያዋ ህገተንቱ አከና ድራው፤ ታና ዋዳናዉ ኮዪታ።

38 ሸን ታ አቡ ታና በሴዳዋ ሃሳይያ፤ ቃይ ህገተንቱካ ህገተንቱ አወዋጥ ሰሴዳዋ ኦሊታ። ያጌድ።

39 ኡንቱንቱ ዛሪደ፤ “ኑ አቡ አብራሃም” ያጌድ።

የሱሰ ኡንቱንታ፤ “ህገተንቱ አብራሃም ናና ግዴደንቶ፤ እ ኡዲዳ ኦሱዋ ማላ ኦሳንታ።

40 ሸን ጸሳጥ ሰሴዳ ቱሙዋ ኦዴዳ ታና ህገተንቱ ዋዳናዉ ኮዪታ፤ አብራሃም ሄዋዳን ኦሊቤና።

41 ህገተንቱ፤ ህገተንቱ አዉ ኡዲዳዋ ኦሊታ። ያጌድ።

ኡንቱንቱ ዛሪደ፤ “ኑን ዋሹማን ድቃላተላ የለትበይኮ፤ ኑዉ እት አዉ፤ ጸሳ ጸላላይ ደኤ” ያጌድ።

42 የሱሰ ኡንቱንታ፤ “ህገተንቱ ጸሳ ናና ቱሙ ግዴደንቶ፤ ታና ሲቃና፤ አያዉ ጎጥ፤ ታን ጸሳ ማገጥ ያደ ሀዋን ደአይ። ታና እ ኪቱዳዋጥ አትን፤ ታን ታ ሸንያን ያበይከ።

43 ታን ታማርሰያዋ ህገተንቱ አከከናዌ አያሴ? ታን ታማርሰያዋ ህገተንቱ አከና ድራሳ።

44 ህገተንቱ፤ ህገተንቱ አወዋ ኢታ አያና ናና፤ ቃይ ህገተንቱ፤ ህገተንቱ አዉ አዋትያዋ ኦላናዉ ኮዪታ። እ ካሰጥ ደማደ፤ ሸምጥዋ ዋዴዳዋ፤ ቱማተላይ እን ባይና ድራዉ፤ ቱማተላኮ ሸቅ ኤረና። እ ዋርዳዋ ሃሳይያ ዋደ፤ ባረጥ ሃሳይ፤ አያዉ ጎጥ፤ እ ዋርዳንቻን ቃይ ዋርዳካ አወዋ።

45 ሸን ታን ቱሙዋ ሃሳይያ ድራዉ፤ ህገተንቱ ታና አማንክታ።

46 ህገተጥ ታና ናጋራ ኦሳሸን በአድ ጋናዉ ዳንዳይያዋ ኦኔ? ታን ቱሙዋ ሃሳይያዋ ግደጥ፤ ታና አያዉ አማንክቱ?

47 ጸሳ አሳ ግዴዳ ኡራይ ጸሳይ ግያዋ ሰሴ፤ ህገተንቱ ጸሳ አሳ ግደና ድራዉ፤ ጸሳይ ግያዋ ሰሰክታ። ያጌድ።

የሱሰ አብራሃምጥ ካሰናካ ደኤ

48 አይሁዳቱ ዛሪደ፤ “ኑን ኔና፤ ኔን ሳማርያ አሳ፤ ኔናን ኢታ አያናይ ደኤ፣ ጊደ ባይዜዶ?” ያጌድ።

49 የሱሰ ኡንቱንታ፤ “ታ ቦላ ኢታ አያናይ ባዋ። ታን ታ አባ ቦንቻይ፤ ሸን ህገተንቱ ታና ካዉሺታ።

50 ታን ታ ሁጲያዉ ቦንቹዋ ኮይክ፤ ሄዋ ታዉ ኮይያዌን ፕርድያዌ ደኤ።

51 ታን ህገተንቶ ቱሙዋ ኦዳይ፤ ታን ታማርሰያዋ ናግያ ኦንን ኡባካ ሀይቀና” ያጌድ።

52 አይሁዳቱ ዛሪደ፤ “እ ቦላ ኢታ አያናይ ደአያዋ ኑን ሀእ ኤራደ። አብራሃም ሀይቁዳ፤ ናባቱ ሀይቁድ፤ ሸን ኔን፤ ታ ቃላ ናግያ ኦንን ኡባካ ሀይቀና ያጋ።

53 ኔን ሀይቁዳ ኑ አወዋ አብራሃምጥ ዳራይ? ናባቱ ቃይ ሀይቁድ። ኔን ኔና ኦና ጋደ ቆገይ?” ያጌድ።

54 የሱሰ፤ “ታን ታና ቦንቾጥ፤ ታ ቦንቹ ሙላ፤ ህገተንቱ ኑ ጸሳ ግያ ታ አቡ ታና ቦንቹ።

55 ህገተንቱ እ ኤራና ጳዮጥካ፤ ታን እ ኤራይ። ታን እ ኤርከ ጎጥ፤ ህገተንቱዋዳን ዋርደ ግዳይ፤ ሸን ታን እ ኤራይ፤ ቃይ እ ቃላካ ናጋይ።

56 ህገተንቱ አዉ አብራሃም፤ ታ የሳ ዋድያ በአናዉ ላዋትዳ፤ በአደካ ናሸትዳ” ያጌድ።

57 አይሁዳቱ ዛሪደ እ፤ “እዉ ሀራይ እቶ አሻታሙ ላይላ ኩምቤናዌ አብራሃም በአዲ?” ያጌድ።

58 የሱሰ ኡንቱንታ፤ “ታን ህገተንቶ ቱሙዋ ኦዳይ፤ አብራሃም የለታናጥካ ካሰ ታን ታና” ያጌድ።

59 ሄዋ ድራዉ፤ ኡንቱንቱ የሱሳ ጫዳናዉ ሹቻ አኬድና፤ ሸን የሱሰ ኡንቱንቱጥ ገመቲደ፤ ገሻ ጎልያጥ ቤዳ።

### 9

የሱሰ ቆቃ ግዲደ የለቲዳ ብታንያ ፓሌዳ

1 የሱሰ ቢደ፤ የለቶደጥ ቆቃ ግዲደ ደአያ እት ብታንያ በኤዳ።

2 የሱሰ ካልያዋንቱ የሱሳ፤ “ታማርሰያዋ፤ ሀ ብታንኒ ቆቃ ግዲደ የለታናዳን፤ ናጋራ ኦሌዳዌ ኦኔ? እ ኦሌዳየ? ዋይ እ የሌዳዋንቱ ኦሌድና?” ያጌደ ኦቹድ።

3 የሱሰ፤ “ጸሳ ከታይ እ ቦላን ቆንጫና ማላ ቆቁዳጥ አትን፤ እ ዋይ እ ዳያን እ አቡ ናጋራ ኦሊቤክና።

4 ኑን ሳአይ ቃሙናን ደአሸን፤ ታና ኪቱዳዋ ኦሱዋ ኦላናዉ በሴ። ኦንን ኦላናዉ ዳንዳየና ቃማይ ዬ።

5 ታን አላምያን ደአደ አላመዉ ፖኦ” ያጌድ።



6 የሱሰ ሄዋ ጊደ፣ ሳኣን ጨቼዳ፤ ባረ ጨቻን ጉላ ኡርቃ ሹግሲደ፣ ሄ ኡርቃን ቆቃ ብታንያ አይፍያ ኦከደ።

7 “ባደ ሳልሆማ ግያ ዳጋቲዳ ሃሳን ነ አይፍያ ሜጫ” ያጌዳ። “ሳልሆማ” ግያዌ “ከተቲዳዋ” ጉሳ። ሄዋ ድራሬ፣ ብታኒ ቢደ፣ ባረ አይፍያ ሜጫቲደ፣ ዴሊደ ሰሜዳ።

8 ብታንያ ሹራቲነ ብታኒ ካሰ ዋሰሽን በኡዳ አሳይ፣ “ሀዌ ኡተደ ዋሰያ ብታንያ ግደኔዬ?” ያጌድኖ።

9 ቃይ አማራዳዋንቱ፣ “ሀዌ አተኔ” ያጌድኖ።

ሀራንቱ ቃይ፣ “ቱይት፣ ሀዌ አ ማላትያዋጥ አትን፣ አ ግደና” ያጌድኖ።

ሸን ብታኒ፣ “ታን አቱ” ያጌዳ።

10 ኡንቱንቱ ብታንያ፣ “ያትና፣ ነ አይሬ ዋን ዴሊደ?” ያጌደ ኦቼድኖ።

11 አ ዛሪደ፣ “የሱሳ ጌተትያ ብታኒ ጉላ ኡርቃ ሹግሲደ፣ ታ አይፍያ ኦከደ፣ ሳልሆማ ጌተትያ ዳጋቲዳ ሃሳን ባደ ነ አይፍያ ሜጫታ ያጌዳ። ታን ባደ ሜጫታደ ዴሊደ” ያጌዳ።

12 ኡንቱንቱ አ፣ “አ ሀቃን ደኢ?” ያጌደ ኦቼድኖ።

ብታኒ፣ “ታን ኡርከ” ያጌዳ።

13 ኡንቱንቱ ካሰ ቆቂደ ዴሊደ ብታንያ ፓርሳዋቱዋኮ አፊድኖ።

14 የሱሰ ኡርቃ ሹግሲደ፣ ብታንያ አይፍያ ፓሌዳ ጋሳሳይ ሳምባታ ጋሳሳ።

15 ሄዋ ድራሬ፣ ብታኒ ዋን ዴሊደንቶን ፓርሳዋቱ አ ጉጂደ ኦቼድኖ። ብታኒ ኡንቱንቱ፣ “አ ታ አይፍያን ጉላ ኡርቃ ዋሌዳ። ታ አይፍያ ሜጫታደ ሀአ ዴሊደ” ያጌዳ።

16 ፓርሳዋቱዋጥ አቱ አቱ፣ “ሀዋ ኦሌዳ ብታኒ ሳምባታ ሀግያ ናገና ድራሬ፣ ጸሳ ማታጥ ይቤና” ያጌድኖ።

ሸን ሀራንቱ፣ “ናጋራንቻ አሳይ ሀዋ ማላ ዋልቃማ ማላታ ዋን ኦሳናዉ ዳንዳዴ?” ያጌደ ኡንቱንቱ ባረንቱ ግዳዋን ሻከቲድኖ።

17 ሄዋ ድራሬ፣ ፓርሳዋቱ ብታንያ አት ካላ ጉጂደ፣ “አ ነ አይፍያ ዶዬዳ ድራሬ፣ አባ ዋጋይ?” ያጌድኖ።

ብታኒ፣ “አ ናብያ” ያጌዳ።

18 አይሁዳቱ ሄ ዴሊደ ብታንያ አቶን አዉዋ ዴሊደ ኦቻና ጋካናዉ፣ ብታኒ ቆቃ ግዴዳዋን ሀአ አ ዴልያዋ አማንበይክኖ።

19 አይሁዳቱ አ አቶን አዉዋ፣ “ሀንተንቱ፣ ቆቃ ግዲደ የለቲዳ” ግያ ሀንተንቱ ናአይ ሀዌ? ያትና፣ ሀአ ዋኒደ ዴሊደ?” ያጌደ ኦቼድኖ።

20 ብታንያ ዳያን አዉ፣ “ሀዌ ኑ ናአ ግዴዳዋን ቆቃ ግዲደ የለቲዳዋ ኑን ኤራቶ።

21 ሸን ሀአ አ ዋን ዴሊደንቶ፣ ኑን ኤርኮ፤ ዋይ አ አይፍያ ኦን ፓሌደንቶ፣ ኑን ኤርኮ። አ ኦቻተ፤ አ ደንዛ አሳ፤ ባረባ ሃሳያናዉ ዳንዳዴ!” ያጌድኖ።

22 ብታንያ ዳያን አዉ አይሁዳቶ ያዬዳ ድራሬ፣ ሄዋ ጌድኖ፤ አያዉ ሳጥ፣ አይሁዳቱ የሱሰ ክርሰቶሳ ያጌደ ማርካትያ ኡራይ ደኦጥ፣ ሄ ኡራ አይሁዳ ዋሳ ጎልያጥ ከሳናዉ ካሰት ቆፋ ቃቻ ዋሌድኖ።

23 አ ዳያን አዉ፣ “አ ደንዛ አሳ፤ አ ኦቻተ!” ጌዳዌ ሀዋሳ።

24 ሄዋ ድራሬ፣ ቆቃ ግዲደ የለቲዳ ብታንያ ኡንቱንቱ ላኤንሎዋ ዴሊደ፣ “ጸሳ ጋላታ፤ ሀ ብታኒ ናጋራንቻ ግድያዋ ኑን ኤራቶ” ያጌድኖ።

25 ብታኒ፣ “አ ናጋራንቻ ግድያዋ፣ ግድናዋ ኤርከ፤ ታን ቆቃ ግድያዋን ሀአ ዴልያዋ ሄ አትባ ኤራይ” ያጌዳ።

26 ኡንቱንቱ ዛሪደ ብታንያ፣ “አ ነዉ አያ ኦሌዳ? አ ነ አይፍያ ዋት ፓሌዳ?” ያጌድኖ።

27 አ ኡንቱንታ፣ “ታን ሀንተንቱ ኦዳድ፤ ሰሰበይክታ። አያዉ ላኤንሎዋ ሰሳናዉ ኮዪቲ? ሀንተካ የሱሳ ካልያዋንታ ግዳናዉ ኮዪቲ?” ያጌዳ።

28 ኡንቱንቱ አ ቦሪደ፣ “ኔን ሄ ብታንያ ካልያዋ፤ ኑን ሙሳ ካልያዋንታ።

29 ጸሳይ ሙሴዉ ሃሳዬዳዋ ኑን ኤራቶ፤ ሸን ሀ ብታንያ ግድጥ፣ አ ሀቃጥ ዬደንቶን ኑን ኤርኮ” ያጌድኖ።

30 ብታኒ፣ “አ ሀቃጥ ዬደንቶን ሀንተንቱ ኤሪናዌ ማላልሰያዋ፤ ሸን አ ታ አይፍያ ፓሌዳ!

31 ጸሳዉ ያይያ ኡራይን ጸሳይ ኮይያዋ ኦልያ ኡራይ ደኦጥ፣ ሄ ኡራባ ጸሳይ ሰሰያዋጥ አትን፣ ናጋራንቻቱዋባ ሰሰና።

32 ቆቃ ግዲደ የለቲዳ አሳ አይፍያ ኡንን ፓላና፣ ሳአይ ሙቶደጥ ደምና፣ ሰሰት ኤሪና።

33 ሀ ብታኒ ጸሳጥ ይቤናዋ ግድንቶ፣ አትባን ኦሳናዉካ ዳንዳዴ” ያጌዳ።

34 ኡንቱንቱ ዛሪደ አዉ፣ “ኔን ናጋራን የለታደ ድጩዳዌ ኑና ታማርሳናዉ ኮያይ?” ያጌድኖ፤ አይሁዳ ዋሳ ጎልያጥ ካረ አ ከሴድኖ።

ዋዛና ቆቃተሳ

- 35 እንቲንቲ ብታንያ ካረ ከሴዳዋ የሱሰ ሰሴዳ፤ የሱሰ ብታንያ ደሚዳ፤ “አሳ ናአ አማናይ?” ያጌዳ።
- 36 ብታኒ የሱሳ፤ “ሳዳወ፤ ታን አ አማናናዳን አ ኦኔ? ታወ አዳርኪ!” ያጌዳ።
- 37 የሱሰ ብታንያ፤ “ኔን አ በአዳ፤ ሀ ኔና ሃሳይያዌካ አ” ያጌዳ።
- 38 ብታኒ ዛሪደ፤ “ሳዳወ፤ አማናይ” ያጌደ የሱሳው ጎይኔዳ።
- 39 የሱሰ፤ “ቆቃቲ ጸላና ማላን ጸልያዋንቲ ቆቃና ማላ፤ ታን ፕርዳናወ ሀ ሳአ ያደ” ያጌዳ።
- 40 አናና ደእያ አማራዳ ፓርሳዋቲ ሄዋ ሰሴደ፤ “ኑንካ ቆቆይ?” ያጌደ ኦቹድና።
- 41 የሱሰ፤ “ሀንተንቲ ቆቆ ግዴደንቶ፤ ሀንተንቶ ናጋራ ግደና፤ ሽን ሀአ ሀንተንቲ፤ ኑን ጸሌቶ” ያጌታ፤ ሀንተንቲ ናጋራና ደኢታ” ያጌዳ።

# 10

## የሱሰ ሎኦ ሄንጻንቻ

- 1 የሱሰ፤ “ታን ሀንተንቶ ቱሙዋ ኦዳይ፤ ደርሳ ስኩዋ ፕንግያና ገለናን ሀራሳና ገልያ ኦን ካይሱዋን ፓኑዋ።
- 2 ሽን ፕንግያና ገልያዌ ደርሳ ሄምያ አሳ።
- 3 ፕንግያ ናግያዌ አወ ፕንግያ ደዬ፤ ደርሳቲካ አ ኮሻ ሰሳና፤ አ ባረ ደርሳቲዋ ኡንቲንቲ ሱንጻን ሱንጻን ጸሴደ፤ ካረ ካለላና።
- 4 አ ባረዋንታ ካረ ከሴዳዋ ፕይያን፤ ኡንቲንቲ ሰንጻና ሀሙቲ፤ ኡንቲንቲካ አ ኮሻ ኤርያ ድራወ፤ አ ካለፍ።
- 5 ሀራ ኡራ ኮሻ ኡንቲንቲ ኤረና ድራወ፤ አ ፕ ባቃታና ፕ አትን፤ አ ጌዳዋ ካልክና” ያጌዳ።
- 6 የሱሰ ኡንቲንቶ ሀ ለምሱዋ ኦዳይ፤ ሽን አ ኡንቲንቶ አይ ኦድንቶካ ኡንቲንቲ አኬክበይክና።
- 7 የሱሰ ቃይካ ኡንቲንቶ፤ “ታን ሀንተንቶ ቱሙዋ ኦዳይ፤ ታን ደርሳቶ ገልያ ፕንግያ።
- 8 ታ ፕ ካሰ ዬዳ ኡባይ ካይሱዋን ፓኑዋ፤ ሽን ደርሳቲ ኡንቲንቲ ግያዋ ሰሰበይክና።
- 9 ፕንጌ ታና፤ ታናን ገልያ ኦን አታናዋ። አ ገላናን ከሳና፤ ቃይ ሎኦ ማታይ ደእያ ሳካ ደማናዋ።
- 10 ካይሱ ወአናወ፤ ዋቆናወን ቆይሳናወ ይያዋ ፕ አትን፤ ሀራባወ ዬና፤ ታን ኡንቲንቶ ደኡ ደእና ማላን ኩሚደ ፓላሀና ማላ ያደ።
- 11 “ታን ደርሳ ሎይላ ሄምያዋ፤ ደርሳ ሎይላ ሄምያዋ ሄ ደርሳቲዋ ድራወ ሀይቄ።
- 12 ሚሻ አኪደ ሄምያ ኡራይ ዋልያ ይያ ዋደ በኢደ፤ ደርሳቲዋ የግ ባሽደ ባቃቲ፤ እያወ ጎፕ፤ ደርሳቲ አዋንታ ግድክና፤ ቃይ አካ ደርሳቲዋ ሄምያዋ ግደና። ሄዋ ድራወ፤ ደርሳቲዋ ኦይቄን ላሌ።
- 13 ሻሉዋ አኪደ ሄምያዋ ባረ ሻሎ ሄምያ ድራወን ደርሳባይ አ ቆፈና ድራወ፤ ደርሳቲዋ አጌደ ባቃቲ።
- 14-15 “ታን ደርሳ ሎይላ ሄምያዋ፤ ታ አቡ ታና ኤርያዋዳን፤ ታንካ ቃይ ታ አባ ኤራይ። ሄምያንካ፤ ታን ታ ደርሳቲዋ ኤራይ፤ ታ ደርሳቲካ ታና ኤሪና። ቃይ ታን ታ ደርሳቲዋ ድራወ፤ ሀይቃናወ ኮያድ።
- 16 ሀ ስኩዋን ባይና ሀራ ደርሳቲካ ታወ ደእና። ታን ኡንቲንታካ አሀናወ በሴ። ቃይ ኡንቲንቲ ታ ኮሻ ሰሳና፤ እት ወዲ ደእና፤ ሄምያዌካ እቲዋ ግዳናዋ።
- 17 “ታን ታ ሸምፑዋ ዛራደ አካና ማላ፤ አላደ አማናወ ኮይያ ድራወ፤ ታ አቡ ታና ሲቄ።
- 18 ታን ደሳደ ታ ሸምፑዋ አላ አምያዋ ፕ አትን፤ አከና። ታወ ታ ሸምፑዋ አላ አምያ ማታይ ደኢ፤ ቃይ ዛራደ አካናወካ ማታይ ደኢ። ታን ሀ አዛዙዋ ታ አወዋፕ አካና” ያጌዳ።
- 19 ሄ ሃሳያ ድራወ፤ አይሁዳቲዋ ግዳዋን ቃይካ ሻኩ ሙፕቲዳ።
- 20 ኡንቲንቲ ጸርያ ባጋይ፤ “ኣን ጸላሂ ደኤ! አ ጎዬ! አ ሃሳያ እያወ ሰሴቲ?” ያጌድና።
- 21 ሀራቲ ቃይ “ጸላሂ ኦይቄዳ አሳይ ሀዋዳን ሃሳየና፤ ጸላሂ ቆቆ አሳ አይፍያ ጸልሳናወ ዳንዳዩዩ?” ያጌድና።
- 22 የሱሰ አጸቴዳ
- 23 የሩሳላሙን ጌሻ ጎልያ አንጅሴዳ ጋሳሳ ሀሳይሰያ ባላይ ጋኬዳ፤ ሳኔይ ሄ ዋደ ባልጉዋ።
- 24 የሱሰ ጌሻ ጎልያን ስሎሞና ባራንዳን፤ ያን ሃን ሀሙቲ።
- 24 አይሁዳቲ የሱሳ ማታን ዩይ አዲደ፤ “ኔን ኑና አወደ ጋካናወ ስፉሳደ ዋላን? ኔን ክርሰቶሳ ግደፕ፤ ኑወ ጌሻደ ኦዳ” ያጌድና።
- 25 የሱሰ ኡንቲንቲ ዛሪደ፤ “ታን ሀንተንቶ ኦዳድ፤ ሽን ታና አማንክታ፤ ታን ታ አቡ ሱንጻን ኦልያ ኪታይ ታባ ማርካቲ።
- 26 ሽን ሀንተንቲ ታ ደርሳ ግደና ድራወ አማንክታ።
- 27 ታ ደርሳቲ ታ ኮሻ ሰሴና፤ ታን ኡንቲንታ ኤራይ፤ ኡንቲንቲካ ታና ካለፍ።

28 ታን ኢንቱንቶ መድና ደኡዋ እማይ፤ ቃይ ኢንቱንቱ ኡባካ ሀይቁክና። ኦንነ ታ ኩሽያፕ ኢንቱንታ ዋስ አካናወ ዳንዳየና።

29 ኢንቱንታ ታዉ እማዳ ታ አቡ ኦፕነ \* አዲ፤ ኦንነ ታ አቡ ኩሽያፕ ኢንቱንታ ዋስ አካናወ ዳንዳየና።

30 ታነ ታ አቡ እቱዋ” ያጌዳ።

31 አይሁዳቱ የሱሳ ጫዳናዉ ቃይካ ሹቻ ደንሌድና።

32 የሱሰ ኢንቱንታ። “ታን ኦሳናዉ ታ አቡ ታዉ እማዳ ዳር ሎኦ ኦሱዋ ሀንተንታ በሳድ፤ ሃዋንቱፕ ሀቃዋንቱ ድራዉ። ታና ሹቻን ጫዳናዉ ኮዪቱ?” ያጌዳ።

33 አይሁዳቱ ዛሪደ። “ኑን ኔና ሎኦ ኦሱዋ ድራዉ። ሹቻን ጫዳናዉ ኮዮኮ፤ ሸን ኔን ጸሳ ቦላ ቦርያ ቃላ ሃሳይያ ድራዉን ቃይ አሳ ግዳደ ነ ሁጲያ ጸሳ ኦሌዳ ድራዉ። ጫዳናዉ ኮዪቶ!” ያጌድና።

34 የሱሰ ዛሪደ። “ሀንተንቱ ሀግያን ጸሳይ። ‘ሀንተ ጸሳቱዋ’ ጌዳዌ ጸፈትቤኔ?

35 ጸሳ ማጻፋቱዋ ላማናዉ ዳንዳየተና፤ ጸሳይ ባረ ቃላይ ዬዳ አሳቱ። ‘ጸሳቱዋ’ ጊደ ጸሴዳዋ ግደፕ።

36 ታን። ‘ታን ጸሳ ናኣ’ ጌዳ ድራዉ። ታ አቡ እንጂደ። ሳኣ ኪቱዳ ታና። ‘ጸሳ ቦላ ቦርያ ቃላ ሃሳያ’ ያጌቱ?

37 ታን ታ አቡ ኦሌያዋ ኦላና ጳዮፕ። ታና አማናፕተ።

38 ሸን ታን ኦሌያዋ ግደፕ። ሀራይ አቶ ሀንተንቱ ታና አማና ጳዮፕካ። ታ አቡ ታናን ደእያዋን ታንካ ታ አቡን ደእያዋ ኤራናዳንን እኪካናዳን። ታ ኦሱዋ አማንተ” ያጌዳ።

39 ቃይካ ኢንቱንቱ አ ኦይቃናዉ ኮዪድና፤ ሸን እ ኢንቱንቱፕ ከሰ አኪደ ቤዳ።

40 ጥሃንሰ ካሰ ጸማቅያሳ ዮርዳኖሳ ሻፋፕ ሄፍንሳ የሱሰ ፕኒደ። ያን ደኤዳ።

41 ዳር አሳይ የሱሳኩ ዪደ። “ጥሃንሰ ዋልቃማ ማላታ ኦሌቤና፤ ሸን እ ሀ ብታንያባ ሃሳዬዳባይ ኡባይ ቱማ” ያጌድና።

42 ያን ዳር አሳይ የሱሳ አማኔዳ።

# 11

## አልአዛራ ሀይቁዋ

1 ቢታንያ ግያ ቁር ካታማን አልአዛራ ግያ አት ብታኒ ሀርጌዳ፤ ሄ ካታማይ ማይራማን እዝ ሞቻታ ማርታ ደኤዳ ካታማ።

2 ሳዳ ገድያ ሸቱዋ ኦካደ። ባረ ብናናን አ ገድያ ቁጩዳዉና ሄ ማይራዋ፤ ሀርጌዳዋ ቃይ እዝ አሻ አልአዛራ።

3 ሄዋ ድራዉ። ሞቻቱ። “ሳዳዉ። ኔን ሲቅያዌ ሀርጌዳ” ጊደ የሱሳዉ ኪቱድና።

4 የሱሰ ሄዋ ሰሴዳ ዋደ። “ታን ጸሳ ናአይ ሀርግያ ጋሱዋን ቦንቼታና ማላ። ጸሳ ቦንቻ ሀ ሀርጌ አልአዛራ ኦይቁዳፕ አትን። ዋድያ ሀርግያ ግደና” ያጌዳ።

5 የሱሰ ማርቶ። እዝ ሞቻቶን አልአዛራ ሲቁ፤

6 አልአዛር ሀርጌዳዋ የሱሰ ሰሴዳ ዋደ። ባረ ደእያ ሳኣን ላኡ ጋላሳ ፔሼዳ።

7 ሄዋፕ ጉይያን። የሱሰ ባረና ካልያዋንታ “ላኤንሉዋ ይሁዳ ጋድያ ቦይተ” ያጌዳ።

8 የሱሳ ካልያዋንቱ ዛሪደ። “ታማርሰያዎ። ጉሳ ዋድያፕ ካሰ አይሁዳቱ ኔና ሹቻን ጫዳናዉ ኮዪድና፤ ቃይካ ያ ባኒ?” ያጌድና።

9 የሱሰ። “አት ጋላሳን ታማን ላኡ ሳቱ ደኤኔየ? ጋላሰ ሀመትያ አሳይ ጱብተና፤ አያዉ ሳፕ። እ ሀ ሳኣ ፖኡዋ በኤ።

10 ሸን ቃማ ሀመትያ ኡራይ ደአፕ። ፖኡ አን ባይና ድራዉ። ጱብቱ” ያጌዳ።

11 የሱሰ ሄዋ ጌዳዋፕ ጉይያን። ቃይካ ኢንቱንቶ። “ኑ ዳቡ አልአዛር ገምእሼዳ፤ ሸን ገምእሹዋፕ አ ደንሳናዉ ታን ባይ” ያጌዳ።

12 የሱሳ ካልያዋንቱ ዛሪደ። “ሳዳዉ። እ ገምእሹዳዋ ግደፕ። አዉ ሎአናዋ” ያጌድና።

13 አልአዛር ሀይቁዳዋ የሱሰ ኦዴዳ፤ ሸን አልአዛር ገምእሼደ ግሴዳዋ ኦዴዳ ጊደ። ኢንቱንቱ ቆፔድና።

14 ሄዋ ድራዉ። የሱሰ ጌሺደ ኢንቱንታ። “አልአዛር ሀይቁዳ።

15 ሀንተንቱ አማናና ማላ። ታን ሄ ሳኣን ደኤናዎ። ሀንተንቱ ድራዉ ናሸታይ። ሸን ደንድተ፤ እኩ ቦይተ” ያጌዳ።

16 ሄዋፕ ጉይያን። ማንትያ ጌተትያ ቶማሰ ባረ ላገላቱዋ የሱሳ ካልያዋንታ። “የሱሳና ሀይቃናዉ ኦንካ ቃይ ቦይተ!” ያጌዳ።

\* 10:29 ኦፕነ፡- ኡባፕ ጉሳ። 10:33 ዋጋ 24:16 10:34 ማዝ. 82:6

የሱስ፣ ደንዲዋን ደኤዋ

- 17 የሱስ ጋዘያ ዋደ፣ አልአዛራው ሞገቶደገ ስይዱ ጋላሳ ግዴዳዋ ደሚዳ።
- 18 ቢታጋያ ካታማይ የሩሳላመጥ ሄዙ ኪሎ ሚትርያ ከና ሃኪ።
- 19 ዳር አይሁዳቱ ማርቶን ማይራዎ አንቱንቱ እሻይ ሀይቁዳዎ መገፋፋናዎ ዬድና።
- 20 ማርታ የሱስ ዬዳዎ ሰሳደ፣ አ ሞካናወ ከሳዲ፤ ሽን ማይራማ ጎለን አታዲ።
- 21 ማርታ የሱሳ፣ “ጎዳወ፣ ኔን ሀዋን ደኤዳዎ ግድንቶ፣ ታ እሻይ ሀይቁና።
- 22 ሽን ኔን ዋሰያዎ አይ ግደገ፣፣ ጸሳይ ነወ ሀራይ አቶ ሀእካ አማናዎ ታን ኤራይ።” ያጋዲ።
- 23 የሱስ፣ “ሳ እሻይ ሀይቁዋጥ ደንዲና።” ያገደ።
- 24 ማርታ፣ “ዋድያ ወርሰላን\* ደንዲዋ ጋላሳ፣ አ ሀይቁዋጥ ደንዲናዎ ታን ኤራይ።” ያጋዲ።
- 25 የሱስ እዘወ፣ “ታን ደንዲዋን ደኤዋ፤ ታና አማንያ ኤራይ ሀራይ አቶ፣ ሀይቆጥካ ደኤዋን ደእናዎ።
- 26 ቃይ ደኤዋን ደእያ ኤራይነ ታና አማንያ ኤራይ ኡባካ ሀይቁና፤ ሄዋ ኔን አማናይ?” ያገደ።
- 27 ማርታ ዛራደ፣ “ጎዳወ፣ ኤ ታን አማናይ፤ ኔን ጸሳ ናኣ፣ ሳኣ ያናወ ደእያ ክርሰቶሳ ግድያዎ ታን አማናይ።” ያጋዲ።
- 28 ማርታ ሄዋ ጌዳዋጥ ጉይያን፣ ባደ ባረ ሞቻትወ ጌማን ጸሳደ፣ “ታማርሰያዌ ዪደ፣ ኔና ኮዬ።” ያጋዲ።
- 29 ማይራማ ሄዋ ሰሴዳ ዋደ፣ ኤሌላ ደንዲ ኤቃይ የሱሳኮ ባዲ።
- 30 የሱስ ማርታ አ ሞኪዳ ሳኣን ደኤጥ አትን፣ ብር ቁር ካታማ ጋዘቤና።
- 31 ማይራዎ መገፋፋደ፣ ጎለን እዘና ደእያ አይሁዳቱ፣ እዛ ኤላካ ደንዲ ኤቃይ ካረ ከሰያዎ በኢደ፣ አልአዛር ሞገቶደ ዲፋዎ ባደ ያን ዬካናወ ሀናወ ያገደ፣ እዘ ካሊደ ከሴድና።
- 32 ማይራማ የሱስ ደኢያሳ ባደ የሱሳ በኤዳ ዋደ፣ አ ገድያ ቦላን ኩንዳዲ፤ “ጎዳወ፣ ኔን ሀዋን ደኤዳዎ ግድንቶ፣ ታ እሻይ ሀይቁና ሽን!” ያጋዲ።
- 33 የሱስ እዛ ዬክያዎን ቃይ እዘና ዬዳ አይሁዳቱካ ዬክያዎ በኢደ፣ ባረ ዋዛናን ዳር ሴለቴዳ፤ ቃይ ቶክ ሸምጥደ።
- 34 አንቱንታ፣ “ሀቃን ሞጌድቱ?” ያገደ ኦቶና፣ “ጎዳወ፣ ያደ በእ” ያገደ ዛራድና።
- 35 የሱስ አርጾዳ።
- 36 ሄዋ ድራወ፣ አይሁዳቱ፣ “አልአዛራ አ አይ ከና ሲቅንቶ በእተ!” ያገደና።
- 37 ሽን አንቱንቱጥ እቱ እቱ፣ “ሀዌ ቆቃ ብታንያ ጸልሴዳዌ ሀ ብታኒ ሀይቁናዳን ኤዳናወ ደንዲየኔ?” ያገደና።

የሱስ አልአዛራ ሀይቁዋጥ ደንጤዳ

- 38 የሱስ ቃይካ ዋዛናጥ ቃረቲደ፣ አልአዛር ሞገቶደ ዲፋዎኮ ቤዳ፤ ሄ ዲፋ ጎንጎሉዋ ግዲደ ሹቻን ቁምኤት ኡቲዳ።
- 39 የሱስ፣ “ሹቻ ድግተ!” ያገደ አዛዜዳ።
- ሀይቁዳ ብታንያ ሞቻታ ማርታ፣ “ጎዳወ፣ አ ሀይቆደጥ ስይዱ ጋላሳ ግዴዳ ድራወ፣ ሀእ ጽንቃናዋ!” ያጋዲ።
- 40 የሱስ ማርቶ፣ “አማንያዎ ግደገ፣ ኔን ጸሳ ቦንቹዎ በእናዎ ታን ነወ ኦዳበይክታ?” ያገደ።
- 41 አንቱንቱ ሹቻ ደንጤድና፤ የሱስ ሳሉዋ ጥደ ጸሊደ፣ “እዎ፣ ታን ግያዎ ኔን ሰሴዳ ድራወ፣ ኔና ጋላታይ።
- 42 ኔን ኡባ ዋደ ሰሰያዎ ታን ኤራይ፤ ሽን ሀዋን ዩይ አጂደ ኤቁዳ አሳይ ኔን ታና ከቲዳዎ አማናና ማላ፣ ሀዋ ታን አንቱንቱ ድራወ ጋይ።” ያገደ።
- 43 የሱስ ሄዋ ጌዳዋጥ ጉይያን፣ ባረ ቃላ ቶቁ ኦሲደ፣ “አልአዛራ፣ ሃ ከሳ!” ያገደ።
- 44 ሀይቁዳ አልአዛራ ኩሽን ገዲ ሻሉዋን ቃሸት ኡቲደ አ ዳሙካ አፍላን ካመት ኡቲዳዌ ከሰና የሱስ አንቱንታ፣ “ብል አግተ! ቦ!” ያገደ።

ክርሰቶሳ ቦላ ማቀቴድኖ

(ማቶ 26:1-5፤ ማር. 14:1-2፤ ሉቃ 22:1-2)

- 45 ሄዋ ድራወ፣ ማይራምኮ ዬዳ አይሁዳቱዋጥ ጮራቱ የሱስ ኦሴዳዎ በኢደ፣ አ አማኔድና።
- 46 ሽን አንቱንቱጥ እቱ እቱ ፓርሳዎቱዋኮ ቤደ፣ የሱስ ኦሴዳዎ አንቱንቶ ኦዳድና።
- 47 ሄዋጥ ጉይያን፣ ቁሳቱዋ ካፓቱን ፓርሳዎቱ ሸቁዋ ሺሺደ፣ “ሀ ብታኒ ዳር ዋልቃማ ማላታ አሰያ ድራወ፣ አያ ኦሳኔ?
- 48 ኦን አ ጮኤ ገደ፣ አግጥ፣ አሳይ ኡባይ አ አማናናዎ፤ ቃይ ርመ ጋድያ አሳቱ ዪደ፣ ኦ ጌሻ ጎልያን ኦ አሳ ጳይሳና።” ያገደና።

\* 11:24 ዋድያ ወርሰላን፦ ጸሳይ አሳ ዘረሳ ኡባ ጥርዳወ ሺሽያ ዋደ ጉሳ።

49 ኡንቲንቲፕ እቲ ቃያፋ ግያ፣ ሄ ላይል ቄሳቲዋ ኡባቲዋ ካፖ ግዴዳዌ፣ “ሀንተንቲ ኣይነ ኤርክታ!

50 ኣሳይ ኡባይ ጳይያዋፕ ኣሳ ኡባ ድራሬ፣ እት ኣሳይ ሀይቂያዌ ሎኦ ግድያዋ ሀንተንቲ ኣኪክት?” ያጌዳ።

51 እ ሄዋ ባረፕ ግቤና፣ ሽን ሄ ላይል ቄሳቲዋ ኡባቲዋ ካፖ ግድያ ድራሬ፣ የሱስ ኣይሁዳ ኣሳ ድራሬ ሀይቃናወ በስያዋ ናቢ ኦዴዳ።

52 ቃይ የሱስ ኣይሁዳ ኣሳ ጸላላዉ ሀይቃና፣ ሽን ላለት ደእያ ጸሳ ናና እቲዋ ኦል ሺሻናዉ ሀይቃናዋ።

53 ሄ ጋላሳፕ ደሚደ፣ ኡንቲንቲ እ ዋቆናዉ ማቀቲድና።

54 ሄዋ ድራሬ፣ የሱስ ኣይሁዳቲ ግዴዋን ቆንጭያን ያ ሃ ሀመትቤና፣ ሽን መላ ቢታ ጋጸን ደእያ ጋድያ፣ ኤፍሬማ ጌተትያ ካፓማ ቤዳ። ባረና ካልያዋንቲና ሄዋን ታኬዳ።

55 ኣይሁዳቲ ፓሰጋ ቦንችያ ጋላሳይ ማቴዳ፤ ቃይ ዳር ኣሳይ ባረና ጌሻናዉ፣ ፓሰጋ ቦንችያ ጋላሳይ ጋካናፕ ካሰ ዳማ ዳማ ሳፕ የሩሳላመ ቤዳ።

56 ኡንቲንቲ የሱሳ ኮዩና፣ ጌሻ ጎልያን ኤቂደ፣ “ኣያ ቆፕቲ? ፓሰጋ ቦንችያሳ የሱስ ዩኔ?” ያጌደ እቲ እቲዋ ኦቼድና።

57 ቃይ ቄሳቲዋ ካፓቲን ፓርሳዋቲ የሱሳ ቃቻናዉ፣ እ ደእያሳ ኤርያዌ ኦንነ ባረንቶ ኦዳና ማላ ኣዛዜድና።

# 12

የሱሳ ሸቲዋ ኦኬዳ ሞሸራቶ

(ማቶሳ 26:6-13፤ ማር. 14:3-9)

1 ፓሰጋ ቦንችያ ጋላሳፕ ኡሱቸን ጋላሳ ካሰቲደ፣ የሱስ እ ሀይቁዋፕ ደንጮዳ ኣልኣዛር ደእያ ቢታንያ ግያ ካፓማ ቤዳ።

2 ሄ ሳንነ ኡንቲንቲ ኣዉ ካዉዋ ካጮድና፣ ኣልኣዛር ኣናና ኡቲደ እትፕ ምያዋንቲ ግደን ኡት ደእሸን፣ ማርታ ካዉዋ ግሻ ሞዛዳ።

3 ማይራማ ዳር ሻላዋን ዛልኤትያ እት ጸራሙሰያ ግድያ ናርዶሳ ጌተትያ ጌሻ ሸቲዋ ኣሃደ፣ የሱሳ ገድያ ኦካደ ባረ ብናን እ ገድያ ቁጫዳ፤ ጎልያ ኡባይ ሸቲዋ ሳዉዋን ቶሸኩ ጌ።

4 ሽን የሱሳ ካልያዋንቲ እቲ፣ የሱሳ ኣል ኣማናዌ፣ ይሁዳ ኣሰቆርቲ።

5 “ሀ ሸቲ ሄዙ ጸቲ ዳርናን ዛልኤትና፣ ኣያዉ ሄዌ ህዬሳዉ ኣመተኔ?” ያጌዳ።

6 እ ካይሱዋ ግዴዳ ድራሬ፣ ሄዋ ጌዳፕ እትን፣ ህዬሳዉ ቃረቲደ ግቤና፣ እ ሚሻ ቃርጨትያ ኦይቂያዋ ግድያ ድራሬ፣ ኡባ ዋደ ኣፕ ባረዉ ኣኪዳ።

7 የሱስ፣ “ሀ ሸቲዋ ታን ሞገትያ ጋላሳይ ጋካናዉ ኣዛ ኣያዉ ምንጃኔ? ኣዛ ኣግተ።

8 ህዬሳቲ ኡባ ዋደ ሀንተናና ደኣና፣ ሽን ታን ኡባ ዋደ ሀንተናና ደእከን” ያጌዳ።

9 ኣይሁዳቲዋፕ ዳር ኣሳይ የሱስ ቢታንያን ደእያዋ ሰሲደ፣ ያ ቤዳ፤ ኡንቲንቲ የሱሳ በኣና ግሻ ጸላላዉ ግድናን፣ እ ሀይቁዋፕ ደንጮዳ ኣልኣዛራካ በኣናዉ ቤድና።

10 ሄዋ ድራሬ፣ ቄሳቲዋ ካፓቲ ኣልኣዛራካ ቃይ ዋቆናዉ ማቀቲድና።

11 ኣያዉ ጎፕ፣ ኣልኣዛራ ጋሱዋን ዳር ኣይሁዳቲ ባረና ካለልያዋንታ ኣጊደ፣ የሱሳ ኣማኒና።

የሱስ ቦንቸዋን የሩሳላመ ገሌዳ

(ማቶሳ 21:1-11፤ ማር. 11:1-11፤ ሉቃሳ 19:28-40)

12 ዋንተላ ጋላሰ ፓሰጋ ቦንችያሳ ዬዳ ዳር ኣሳይ የሱስ የሩሳላመ ብያዋ ሰሴዳ።

13 ያቲደ ዛሞባ ሀይሳ ኦይቂደ፣ \* እ ሞካናዉ ከሴድና። ባረንቲ ኮሻ ቆቁ ኦሊደ፣ “ጸሳይ ጋላተቶ!

ጸሳ ሱንጎን ይያ ኣሰራኤልያ ካቲ ኣንጀቲዳዋ!”

ያጌድና።

14-15 ጸሳ ማጸፋይ፣

“ጽዮን ካፓማዉ፣ ያዮፓ!

በእ፣ ነ ካቲ ሀረ ማራ ቦላ ኡቲደ ዬ።”

ግያዋዳን፣ የሱስ ሀረ ማራ ደሚደ፣ እ ቶጌዳ።

16 የሱሳ ካልያዋንቲ ሄዋ ካሰ ኣኪክበይክና፣ ሽን የሱስ ቦንቸቲዳዋፕ ጉይያን፣ ጸሳ ማጸፋይ ሄዋ ኡባ ጌዳዋን ቃይ ኡንቲንቲካ ሄዋ ኡባ የሱሳዉ ኣጮዳዋ ሀሳዬድና።

17 እልእዘር ሞገቱዳ ጎንጎሎፕፕ የሱሰ እ ጼሲደ፣ ሀይቁፕፕ ደንጩዳ ዋደ፣ የሱሳና ደእያ ዳር አሳይ የሱሳው ማርካቲዳ።

18 ዳር አሳይ አ ሞካናው ከሴዳዌ፣ እ ሄ ዋልቃማ ማለልያዋ ኦሌዳ ድራሳ።

19 ሄዋ ድራው፣ ፓርሳዋቱ እቱ እቱዋ፣ “ሀንተንቱ እይነ ኦሳናው ዳንዳየናዋ በእቲ፤ በእተ፣ ጋደ ኡባይ እ ጌዳዋ ካሌዳ” ያጌድኖ።

20 ፓሰጋ ሰንቻያ ጋላሰ ገይናናው የሩሳላሙ ቤዳዋንቱ ግደን እት እት ግሪክ አሳቱ ደእኖ።

21 ኡንቱንቱ ጋለላ ጋድያን ቤተሳይዳ ጌተትያ ካታማፕ ዬዳ ፕልጳሳኩ ቢደ፣ “ጎዳው፣ ኑን የሱሳ በእናው ኮዬቶ” ያጌደ ሞሴድኖ።

22 ፕልጳሰ ቢደ፣ እንድራሳው እድና ላእቱካ ቢደ፣ የሱሳው ኦዳድኖ።

23 የሱሰ ኡንቱንቶ ሀዋዳን ያጌዳ፤ “ታን፣ አሳ ናእይ፣ ሰንቹትያ ሳቲ ጋኬዳ።

24 ታን ሀንተንቶ ቱሙዋ ኦዳይ፤ እት ዛርጋ እይፋታ ቢታን ዋሕእደ ዋቃና ሕዋፕ፣ ባረካ አታው። ሸን ሄ ዛርጋ እይፋታ ዋቆፕ፣ ዳር እይፍያ እይፋው።

25 ሳሪ ሸሞፕዋ ሰቅያ ኦንነ ባይዘ፤ ቃይ ባረ ሸሞፕዋ ሀ ሳእን እጽያ ኦንነ ሙድና ደእ አሹ።

26 ኦንነ ታው ኦሳፕ፣ ታና ካሳናው በሴ፤ ቃይ ታን ደእያ ሳእን ታው ኦሳያዌካ ደእናዋ። ታው ኦሳያ ኦናነ፣ ታ አሱካ እ ሰንቻናዋ።

27 “ሀእ ታ ሸሞፕ ዳር ኡንኤቲዳ፤ ያትና ዋጎ? ታን፣ ታ አሱ፣ ታና ሀ ሳታትፕ እሸርክ። ያጎ? ቱይት፣ ታን ሀ ሳትያን ዬዳዌ ሀዋ ድራሳ።

28 ታ አሱ፣ ነ ሱንሳ ሰንቻ” ያጌዳ።

ሄ ዋደ ሳሉዋ፣ “ታን ታ ሱንሳ ሰንቻድ፤ ቃይካ ጉጃደ ሰንቻና” ያግያ ቃላይ ዬዳ።

29 ሄ ሳእን ኤቁዳ ጮራ አሳይ ሄ ቃላ ሰሲደ፣ “ሄዌ ጉጉንሳ” ያጌዳ።

ሀራቲቱ ቃይ፣ “ኪታንቻይ እው ሃሳዬዳ” ያጌድኖ።

30 የሱሰ ዛሪደ ኡንቱንታ፣ “ሀ ቃላይ ሀንተንቱ ድራው ዬዳዋፕ አትን፣ ታ ድራሳ ግደና።

31 ሀ ሳእይ ፕርደትያ ዋዲ ሀእ፤ ሀ ሳእ ተ ሞድያዌ ሀእ ካረ ኦላታናዋ።

32 ቃይ ታን ማሰቃልያ ሰላ ካቀትያ ዋደ፣ አሳ ኡባ ታኩ ጎቻና” ያጌዳ።

33 እ ሄዋ ጌዳዌ እይ ማላ ሀይቁዋ እ ሀይቃነንቶን ኡንቱንታ ኤርሳናሳ።

34 ዳር አሳይ ዛሪደ የሱሳ፣ “ኑ ሀጌ ክርሰቶሰ ሙድናው ደእያዋ ኦዳ። ያትና፣ ኔን ዋጋይ፣ ኦሳ ሳእይ ማሰቃልያ ሰላ ካቀታና” ጋይ? ሄ አሳ ናእይ ኦኔን?” ያጌድኖ።

35 የሱሰ፣ “ፖኤ ሀንተናና ጉሳ ዋድያ ጋምእናዋ። ሀንተንቶ ሓሙና ማላ፣ ፖኤ ደእሸን፣ ፖኤዋን ሀሙትተ። ሓማን ሀሙትያ ኡራይ ሀቃ ብንቶን ኤረና።

36 ፖኤዋ አሳ ግዳና ማላ፣ ሀንተንቶ ፖኤ ደእሸን፣ ፖኤዋ አማንተ” ያጌዳ። የሱሰ ሄዋ ሃሳዬዳዋፕ ጉይያን፣ ቢደ ኡንቱንቱፕ ጌሙቲዳ።

እይሁዳቲ አማንናን እጸዳ ሀርታ

37-38 እ ሄዋ ከና ዋልቃማ ማላታ ኡንቱንቱ ሰንሳን ኦሳፕካ፣ ናሰያ እሳያሰ።

“ጎዳው፣ ኑ ማርካተሳ እን አማኔዳ?

ጎዳይ ባረ ዋልቃ ኦና በሴዳ?”

ጌዳዌ ቱማ ግዳና ማላ፣ ኡንቱንቱ አ አማንበይክኖ።

39-40 እሳያሰ ቃይካ፣

“ኡንቱንቱ እይፊ ጸላና ማላ፣

ኡንቱንቱ ዋዛናይካ እኬከና ማላ፣

ኡንቱንቱ ጸሳኩ ሰሞና፣ እ ኡንቱንታ ፓርና ማላ፣

ጸሳይ ኡንቱንቱ እይፍያ ቆቅሴዳ።

ኡንቱንቱ ዋዛና ዳሞሴዳ”

ጌዳ ድራው፣ ኡንቱንቱ አማናናው ዳንዳይበይክኖ።

41 እሳያሰ የሱሳ ሰንቹዋ በኤዳ ድራውን ቃይ አባ ሃሳዬዳ ድራው፣ ቶ ሄዋ ጌዳ።

42 ሄዋ ግድናካ፣ ሀራይ እቶ እይሁዳቲ ካፓቲዋፕካ ጮራቲ የሱሳ አማኔድኖ። ሸን ፓርሳዋቱ ባረና እይሁዳቲ ዋጎ ጎልፕፕ ከሲኖ ጌደ ያዬዳ ድራው፣ አማኔዳ ጌደ ማርካትበይክኖ።

43 እያው ጎፕ፣ ኡንቱንቱ ጸሳ ሳባፕ አሊደ፣ አሳ ሳባ ሰቂድኖ።

44 የሱሰ ባረ ቃላ ቆቁ ኦሊደ ያጌዳ፤ “ታና አማንያ ኦንነ ታና ኪቲዳዋካ አማንያዋፕ አትን፣ ታ ጸላላ አማንና።

45 ታና በእያ ኦንነ ታና ኪቲዳዋካ በኤ።

† 12:31 ሀ ሳእ- ጉሳይ ሀ አለሞያ ግዳደ ሀ የሃገሳ ምሽራቹዋን ደእያ ሀ ሳእ ግያዌ ሀ ሳእ ሰላ ደእያ እሳን ኡንቱንቱ ካሃ ባረሳ ኦሊደ ዋድያ እታ እያና ዋልቃ በሲ። 12:34 ማኪ. 110:4፤ እሳ. 9:7፤ ሀኪ. 37:25፤ ዳኦ 7:14 12:37-38 እሳ. 53:1 12:39-40 እሳ. 6:10 ‡ 12:41 እሳያሰ የሱሳ ሰንቹዋ በኤዳ ድራውን ቃይ አባ ሃሳዬዳ ድራው፣ ዋይ እሳያሰ ጸሳ ሰንቹዋ በኤዳ ድራውን ቃይ የሱሳ ሃሳዬዳ ድራው።

- 46 ታና አማንያ ኡባይ ጭማን ደኤና ማላ፤ ታን ፖኡዋ ግዳደ ሳኣ ያድ።
- 47 ታ ቃላ ስሲደ አዛዘተና ኡራ ኦናን ታን ፕርድከ፤ እያው ጎጥ፤ ታን አላምያ አሻናው ዬዳዋጥ አትን፤ ፕርዳናው ያበይከ።
- 48 ታን እጽያ ኦናን ቃይ ታ ቃላ እከና ኦናን ፕርድያዌ ደኤ። ታን ኦዴዳ ቃላይ ወርሰላ ጋላስ ሄ ኡራ ፕርዳና።
- 49 እያው ጎጥ፤ ታን ሀዋ ታጥ ሃሳያበይከ፤ ሸን ታና ኪቴዳ ታ አቡ ታን ጋናዋን ሃሳናዋ ታና አዛዜዳ።
- 50 ቃይ እ አዛዘ መጵና ደኡዋ አህያዋ ታን ኤራይ፤ ሄዋ ድራው፤ ታን ኦድያዌ ታ አቡ ታና ኦዳ ጊደ ኦዴዳዋ” ያጌዳ።

### 13

የሱስ ባረ ካልያዋንቱ ገድያ ሜጬዳ

- 1 ፓሰጋ ቦንቻያ ጋላሳይ ጋካናጥ ካስቲደ፤ ሀ ሳአጥ ሻከቲደ፤ አወዋኮ ብያ ዋዲ ጋኬዳዋ የሱስ ኤሬዳ፤ ሀ ሳአን ደእያ ባረዋንታ ኡባ ዋደ ሲቁዳ፤ ወርሰሳይ ጋካናው ኡንቱንታ ሲቁዳ።
- 2 የሱስን ካልያዋንቱ ካወዋ ሚሸን፤ ሰሞና ናኣ ይሁዳ አስቆርቱ የሱሳ አላ እማናዳን፤ ጸላሂ አ ቆፍሰ ዋሌዳ።
- 3 የሱስ ባረ አወ ኡባባ አ ኩሽያን ዋሌዳዋ፤ ቃይ ጸሳ ማታጥ እ ዬዳዋን፤ ሰሚደ እኮ ባናዋ ኤሬዳ።
- 4 የሱስ ምያሳጥ ደንድ ኤቂደ፤ ቦላ ባጋ ማዩዋ ቃር ዋሊደ፤ ፖጸ ባረ ጸሳን ዳንጬዳ።
- 5 ሄዋጥ ጉይያን፤ ሃላ ማቻ ሚሻን ትጊደ፤ ባረና ካልያዋንቱ ገድያ ሚቻን ባረ ጸሳን ዳንጬዳዳ ፖጸን ቁጬሳ ደሚዳ።
- 6 የሱስ ሰሞን ጸጽሮሳኮ ዪና ጸጽሮሰ፤ “ጎዳው፤ ኔን ታ ገድያ ሜጬናው ሀናይዬ?” ያጌዳ።
- 7 የሱስ ዛሬደ አ፤ “ታን ኦላያዋ ኔን ሀእ ኤራካ፤ ሸን ጉየጥ ኤራናሳ” ያጌዳ።
- 8 ጸጽሮሰ፤ “ኔን ታ ገድያ ኡባካ ሜጬካ!” ያጌዳ።
- 9 የሱስ አ፤ “ታን ነ ገድያ ሜጬና ጳዮጥ፤ ነወነ ታወነ እትተላይ ባዋ” ያጊደ ዛሬዳ።
- 10 የሱስ ጸጽሮሰ የሱሳ፤ “ጎዳው፤ ያቶጥ፤ ታ ገድያ ጸላላ ሜጬጋ፤ ታ ኩሽያካ ታ ሀጲያካ ማጬ!” ያጌዳ።
- 11 የሱስ ዛሬደ፤ “ቦላ ሜጬት ድጌዳ ኡራይ እንን ገድያጥ ሀራባ ሚጬታናው ኮሸና፤ አወ ኡባሳይካ ጌሻ። ቃይ ህንተንቱካ ጌሻ፤ ሸን ኡባይ ጌሻ ግድክታ” ያጌዳ።
- 12 እንቱንቱ ገድያ ሜጬዳዋጥ ጉይያን፤ የሱስ ባረ ማዩዋ ማደደ፤ ባረሳ ጉየ ሰም ብ ኡቲደ እንቱንታ ያጌዳ፤ “ታን ህንተንቶ ኦሌዳዋ እኬኪቱ?”
- 13 ህንተንቱ ታና፤ ታማርሰያዋን ጎዳው ጊጋ፤ ታን ሄ ህንተንቱ ግያዋ ግድያ ድራው፤ ሎይጬዳ።
- 14 ታን ህንተንቶ ጎዳን ህንተንታ ታማርሰያዋ ግዳደ፤ ህንተንቱ ገድያ ሜጬያዋ ግደጥ፤ ህንተንቱካ እቱ እቱዋ ገድያ ሜጬናው በሴ።
- 15 እያው ጎጥ፤ ታን ህንተንቶ ኦሌዳዋዳን፤ ህንተንቱካ ኦላና ማላ፤ ህንተንቶ ሌምሱዋ ግዳድ።
- 16 ታን ህንተንቶ ቱሙዋ ኦዳይ፤ ቆማይ ባረ ጎዳጥ አ□ና። ቃይ ኪትቴዳ ኡራይካ ባረና ኪቴዳዋጥ አ□ና።
- 17 ህንተንቱ ሄዋ ኤሬደ ኦላያዋ ግደጥ እንጀቱዳዋንታ።
- 18 “ታን ህንተንቶ ኡባባ ሃሳይከ። ታን ድሬዳዋንታ ኡራይ፤ ሸን ጸሳ ማጸፋይ፤ ታን ባርሴዳዋ ታ ኩሽያ ሳኤዳ፤ ጌዳዌ ቱማ ግዳናው በሴ።
- 19 ሄዌ ህንያ ዋደ ታን ታና \* ግድያዋ ህንተንቱ እማናና ማላ፤ ሄዌ ሀናናጥ ካስታደ ህንተንቶ ሀናናዋ ኦዳይ።
- 20 ታን ህንተንቶ ቱሙዋ ኦዳይ፤ ታን ኪትያ ኦናን ሞክያ ኡራይ ታናካ ሞኬ፤ ቃይ ታና ሞክያ ኦንን ታና ኪቴዳዋ ሞኬ” ያጌዳ።
- የሱስ ባረና አላ እማናዌ ኦንንቶ ካስቲደ ኦዳዳ  
(ማቶሳ 26:20-25፤ ማር. 14:17-21፤ ሉቃሳ 22:21-23)
- 21 የሱስ ሄዋ ሃሳዬዳዋጥ ጉይያን፤ ባረ ዋዛናን ዳር መቶቲደ፤ “ታን ህንተንቶ ቱሙዋ ኦዳይ፤ ታን ህንተንቶ እቱ አላ እማናዋ” ጊደ ቆንጭያን አዳዳ።
- 22 እ ኦና ሃሳይንቶን፤ ካልያዋንቶ ኡባካ ኤረተናን እጽና፤ እቱ እቱዋ ዪሌድና።
- 23 የሱሳ ካልያዋንቱጥ እቱ፤ የሱስ ሲቅያዌ፤ የሱሳ ማታን ኡቲዳ።

- 24 ሃዋ ድራሬ፡ ሰሞና ጳጳርሰ ሄ ካልያዋ ሰሞኢደ፡ “እ ኦና ግንቶ፡ እነ ኦ ኦቻ” ያጌዳ።
- 25 ሃዋ ድራሬ፡ ሄ ካልያዋ የሱሳ ሀይሳኮ ሸቂደ፡ “ጎዳሬ፡ እ ኦኔ?” ያጌዳ።
- 26 የሱሰ ዛሬደ፡ “ታጎ ኡክላጎ ጫባ ቱሻደ እምያዋ ኦ” ያጌዳ። ቃይ ኡክላ ማንላ እኪደ፡ ጫባ ቱሻደ፡ ሰሞና ናኦ፡ ይሁዳ እስቆርታዉ እማዳ።
- 27 ይሁዳይ ኡክላ ማንላዋ አኮዋፕ ጉይያን፡ ሴጻናይ ኤለካ ይሁዳን ገሌዳ። የሱሰ እ፡ “ኔን ኦላናዋ ኤሌላ ኦላ!” ያጌዳ።
- 28 ሸን ሄ ሳኦን ኡቱዳዋንቱፕ ኦንጎ የሱሰ ሃዋ እ ኦያዉ ጌደንቶን ኤርቤና።
- 29 ይሁዳይ ማሻ ቃርጨትያ ኦይቂያ ድራሬ፡ ካልያዋንቱፕ እቱ እቱ የሱሰ ይሁዳ፡ “ፓሰጋ ቦንቶያ ጋላሳዉ ባረና ኮሸያዋ ባደ ሻማ ዋይ ሀይሳዉ ሞጶዋታ እማ ጌዳ” ያጌደ ቆፔድና።
- 30 ይሁዳይ ኡክላ ማንላዋ እኪደ፡ ኤለካ ካረ ከሴዳ፤ ሄ ዋደ ሳእይ ቃማ።

**ኦራሳ አዛዙዋ**

- 31 ይሁዳይ ካረ ከሴዳዋፕ ጉይያን፡ የሱሰ ያጌዳ፤ “ሀእ ታጎ ኦሳ ናኦይ ቦንቶታድ፡ ጸሳይካ ታ ባጋና ቦንቶቱዳ።
- 32 ጸሳይ ታ ባጋና፡ ኦሳ ናኦ ባጋና ቦንቶቶፕ፡ እ ባረ ሁጳዉ ታና ኦሳ ናኦ ቦንቶናዋ፤ ቃይ እ ታና ኤለካ ቦንቶናዋ።
- 33 ታ ናቶ፡ ታጎ ሀንተናና ዳር ዋድያ ጋምእከ። ሀንተንቱ ታና ኮያና፤ ሸን ታጎ እይሁዳቱዋ፡ ታጎ ብያሳ ሀንተንቱ ባናዉ ዳንዳይክታ፤ ጌዳዋዳን፡ ሀንተዉካ ሀእ ኦዳይ።
- 34 ታጎ ሀንተንታ ኦራሳ አዛዙዋ እዛዛይ፤ እቱ እቱዋ ሲቅተ። ታጎ ሀንተንታ ሲቆዳዋዳንካ፡ ሀንተንቱ እቱ እቱዋ ሲቃና በሴ።
- 35 ሀንተንቱ እቱ እቱዋና ሲቅቶፕ፡ ታና ካልያዋንታ ግድያዋ ሳሳይ ኡባይ ኤራና” ያጌዳ።

ጳጳርሰ ካዳናዋ የሱሰ ካሰቲደ ኦዳዳ  
(ማቶሳ 26:31-35፤ ማር. 14:27-31፤ ሉቃሳ 22:31-34)

- 36 ሰሞን ጳጳርሰ የሱሳ፡ “ጎዳሬ፡ ኔን ሀቃ ባይ?” ያጌዳ።
- የሱሰ ዛሬደ፡ “ታጎ ብያሳ ኔን ሀእ ታና ካላናዉ ዳንዳያካ፤ ሸን ጉየፕ ካላና” ያጌዳ።
- 37 ጳጳርሰ፡ “ጎዳሬ፡ ታጎ ኔና ሀእ ካላናዉ እያዉ ዳንዳይክታ? ታጎ ነ ድራሬ፡ ሀይቃናዉካ ጊጋ ኡታድ!” ያጌዳ።
- 38 የሱሰ ዛሬደ፡ “ታ ድራሬ ሀይቃናዉ ሀእ ቱሙ ጊጋ ኡታዲ? ታጎ ነዉ ቱሙዋ ኦዳይ፤ ኩቱ ዋሳናፕ ካሰ፡ ኔን ታና ሄዙ ገደ ካዳናሳ” ያጌዳ።

**14**

**የሱሰ አዉዋኮ አፍያ ኦግያ**

- 1 የሱሰ ካልያዋንታ “ሀንተንቱ ዋዛናይ ሀርጎፕ፤ ጸሳን አማንተ፤ ታናንካ አማንተ። \*
- 2 ታ አቡ ጎለን ዳር ሳእይ ደኤ። ሃዋ ግደነንቶ፡ ታጎ ሀንተንቶ ሃዋ ኦድከ፤ ታጎ ሀንተንቶ ሳእ ገግሳናዉ ባይ።
- 3 ታጎ ባደ ሳእ ገግሴዳዋፕ ጉይያን፡ ታጎ ደእያ ሳኦን ሀንተንቱካ ደእና ማላ፡ ሰማ ያደ ሀንተንታ ታኮ አፋና።
- 4 ቃይ ሀንተንቱ ታጎ ብያ ኦግያ ኤሪታ” ያጌዳ።
- 5 ቶማስ፡ “ጎዳሬ፡ ኔን ብያሳ ኦን ኤርኮ፤ ኦግያ ዋኒደ ኤራናዉ ዳንዳይቶ?” ያጌዳ።
- 6 የሱሰ ዛሬደ፡ “ኦጎ፡ ቱሙን ደኤ ታና፤ ታ ባጋናፕ አትን፡ ኦንጎ ታ እቡኮ ባናዉ ዳንዳየና።
- 7 ሀንተንቱ ታና ኤርያዋ ግድንቶ፡ ታ አባካ ኤራና፤ ሀእፕ ደሚደ፡ ሀንተንቱ እ ኤሪታን ቃይ እ በኤድታ” ያጌዳ።
- 8 ፕልጶስ የሱሳ፡ “ጎዳሬ፡ አዉዋ ኦና በሳ፤ ሄዋ ኩዉ ግዳናዋ” ያጌዳ።
- 9 የሱሰ ዛሬደ ያጌዳ፤ “ፕልጶሳ፡ ታጎ ሀዋ ኬና ዋድያ ሀንተናና ደእናካ ታና ኤርከ? ታና በኤዳ ኤራይ አዉዋካ በኤዳ፤ ያትና፡ ኔን ዋጋደ፡ ‘አዉዋ ኦና በሳ’ ጋይ?”
- 10 ታጎ አዉዋ ግደን ደእያዋ ቃይ አዉካ ታ ግደን ደእያዋ ኔን አማንከ? ታጎ ሀንተንቶ ኦድያ ቃላ ታጎ ገፕ ኦድከ፤ ሸን ታ ግደን ደእያ አዉ ባረ ኦሱዋ ኦሴ።
- 11 ታጎ አዉዋ ግደን ደእያዋን ቃይ አዉካ ታ ግደን ደእያዋ ታና አማንተ፤ ሄዋ ቆየፕ፡ ታ ኦሱዋባዉ ታና አማንተ።
- 12 “ታጎ ሀንተንቶ ቱሙዋ ኦዳይ፤ ታና አማንያ ኡራይ ታጎ ኦልያ ኦሱዋ ኦላና። ታጎ አዉዋኮ ብያ ድራሬ፡ ሄ ኡራይ ሀዋፕ እድያ ኦሱዋ ኦላና።

\* 14:1 ጸሳን አማንተ፤ ታናንካ አማንተ፡ ጸሳን አማኑ ሀንተዉ ደኤ ጉሳይ፡ ታናንካ አማኑ ደኤ ጉሳ።



13 እዉ ናእ ጋሱዋን፣ ታ ባጋና ቦንቼታና ማለ፣ ታ ሱንላን ህንተንቱ ዋሰያ ኡባባ ታን ህንተንቶ ፖላና።

14 ህንተንቱ ታ ሱንላን ታና እያን ኦቾፕካ፣ ታን ፖላና።

የሱሰ እያና ጌሻ ኪታናዉ እሜዳ ህደታ

15 “ህንተንቱ ታና ሲቅያዋ ግደፕ፣ ታ አዛዙዋ ናጋና።

16-17 ታን አዉዋ ዋሳና፤ ህንተናና መጅናዉ ደእና ማለ፣ ቱማተላ አያና፣ ሀራ መንጃሰዋ ህንተንቶ እ እማና። ሀ ሳእይ ሄ ቱማተላ አያና በኤናዋን ኤሪናዋ ግድያ ድራዉ፣ እ እካናዉ ዳንዳየና፤ ሸን እ ህንተናና ደእያ ድራዉን ህንተንቱ ግደን ደእና ድራዉ፣ ህንተንቱ እ ኤሪታ።

18 “ታን ህንተንታ እዉን አታ ባይና ዪኦ ናናዳን ህንተረካ አጋባሽከ፤ ታን ሰማደ ህንተንቱኮ ያና።

19 ጉላ ዋድያፕ ጉይያን፣ አላሚ ታና ላኤንሉዋ በኤና፤ ሸን ህንተንቱ ታና በአና፤ ታን ደኡዋን ደእያ ድራዉ፣ ህንተንቱካ ቃይ ደኡዋን ደእና።

20 ታን ታ አዉዋ ግደን ደእያዋን ህንተንቱ ታ ግደን ደእያዋ፣ ቃይ ታን ህንተንቱ ግደን ደእያዋን ህንተንቱ ሄ ጋላሰ ኤራና።

21 “ታ አዛዙ እ ማታን ደእያ አሳይ፣ ቃይ ሄ አዛዙዋካ ናግያዋ፣ እ ታና ሲቅያ አሳ። ታና ሲቅያ አሳ ታ አቡካ ሲቅ፤ ታንካ እ ሲቃይ። ታን አዉ ቆንጫና” ያጌዳ።

22 ይሁዳ አሰቆርታ ግደና ይሁዳይ የሱሳ፣ “ጎዳዉ፣ ኔን ነ ሁጲያ አላምያ በሰናን፣ ኑና በሳና ግያዋ ዋጋደ ጋይ?” ያጌዳ።

23 የሱሳ፣ “ታና ሲቅያ ኦንነ ታ ቃላ ናጌ፤ ታ አቡ እ ሲቃናዋ፤ ቃይ ታ አቡነ ታንነ አቡ ዪዳ፣ አናና ደአና።

24 ታና ሲቀና ኡራይ ኦንነ ታ ቃላዉ አዛዙተና፤ ህንተንቱ ሰሰያ ቃላይ ታና ኪቲዳ አዉዋፕ እትን፣ ታዋ ግደና።

25 “ታን ህንተናና እትፕ ደእደ ሀዋ ህንተንቶ ኦዳድ፤

26 ሸን ጌሻ አያናይ፣ መንጃሰዋዋ፣ አዉ ታ ሱንላን ኪታናዋ፣ ህንተንታ ኡባባ ታማርሳናዋ። ታን ህንተንቶ ኦዳዳ ኡባባካ ህንተንታ ሀሳይሳናዋ።

27 “ታን ሳርተላ ህንተናና ዋላይ፤ ታ ሳርተላ ህንተንቶ እማይ። ታን አላሚ እምያ ሳርተላ ማላ እምከ። ህንተንቱ ሀርጎፕተነ ያዮፕተ።

28 ታን ህንተንቶ፣ ታን ባይ፤ ሸን ሰማደ ህንተንቱኮ ያና ጌዳዋ ሰሴድታ፤ ህንተንቱ ታና ሲቅያዋ ግድንቶ፣ ታፕ አዉ ዳርያ ድራዉ፣ ታን አዉዋኮ ብያዋን ህንተንቱ ናሽታንታ።

29 ሄዌ ሀንያ ዋደ ህንተንቱ እማናና ማለ፣ ሄዌ ሀናን ደእሸን፣ ሃናና ካሰታደ ታን ህንተንቶ ኦዳድ።

30 “ሀ አላምያ ዋድያዋ ይያ ድራዉ፣ ታን ሀዋፕ ሰንላን ህንተናና ሎይላ ሃሳይከ። ታና እ እይነ ኦሳናዉ ዳንዳየና።

31 ሸን ታን አዉዋ ሲቅያዋ አላሚ ኤራናዉ በሴ፤ ቃይ ታንካ አዉ ታና አዛዙዳዋዳን ኦሳይ። ደንድ ኤቁተ፤ ሀዋፕ ቦይተ።

# 15

ዋይንያ ግያ ቱራዉ ቱሙ አኑ የሱሳ

1 “ታን ዋይንያ ጌተቶያ ቱራዉ ቱሙ አና፤ ጎሻንቻይ ታ አባ።

2 ታ ግደን ደእያ አይፍያ አይፈና ቱራ ማራ ኡባ እ ካሬ፤ አይፍያ ቱራ ማራ ኡባይ ካሰዋፕ ሎይላ አይፋናዳን፣ ሄ ማራ ጼራ እ ጭጊደ ጌሻና።

3 ታን ህንተንቶ ሀእ ኦዳዳ ቃላ ጋሱዋን፣ ህንተንቱ ጌሻ።

4 ታ ግደን ደእተ፤ ታንካ ህንተንቱ ግደን ደእና። ዋይንያ ቱራ ማራይ አኑዋና እትፕ ደኤናን ቆየፕ፣ ሄ ማራይ ባረካ አይፍያ አይፋናዉ ዳንዳየናዋዳን፣ ህንተንቱካ ታ ግደን ደኤናን ቆየፕ፣ አይፍያ አይፋናዉ ዳንዳይክታ።

5 “ታን ዋይንያ ቱራዉ አና፤ ህንተንቱ ሄ ቱራ ማራቱዋ። ታ ግደን ደእያ ኡራይ፣ ታንካ እ ግደን ደእያ ኡራይ፣ ዳር አይፍያ አይፋና፤ እያዉ ጎፕ፣ ታን ባይናን ህንተረካ እይነ ኦሳናዉ ዳንዳይክታ።

6 ታ ግደን ደኤና ኡራይ ቱራ ማራዳን፣ ካረን የግና መሌዳዋ ሸሸደ ታማን ዋሳና፣ እ ኤጻናዋ።

7 ህንተንቱ ታ ግደን ደእፕ፣ ቃይ ታ ቃላይካ ህንተንቱ ግደን ደእፕ፣ ህንተንቱ ኮዬዳዋ አያ ግድናካ ዋሰተ፤ ህንተንቱ አካንታ።

8 ህንተንቱ ዳር አይፍያ አይፎፕነ ቃይ ታና ካልያዋንታ ግደፕ፣ ሄዋን ታ አቡ ቦንቼታናዋ።

9 አዉ ታና ሲቅዳዋዳን፣ ታንካ ህንተንታ ሲቃድ፤ ታ ሲቅዋን ደእተ።

10 ታን ታ አቡ አዛዙዋ ናጋደ እ ሲቅዋን ደኤዳዋዳን፣ ህንተንቱካ ታ አዛዙዋ ናጎፕ፣ ታ ሲቅዋን ደእነታ።

- 11 “ታ ናሽቻይ ህንተናና ደእና ማለ፤ ህንተንቱ ናሽቻይ ኩመንላ ግዳና ማለ፤ ታን ሀዋ ህንተንቶ ኦዲድ።
- 12 ታ አዛዙ ሀዋ፤ ታን ህንተንታ ሲቅያዋዳን፤ ህንተንቱካ እቱ እቱዋና ሲቀትተ።
- 13 ባረ ሸሞጥዋ ባረ ላገጧ አሊደ እምያዋጥ አድያ ሲቁ እስነካ ባዋ።
- 14 ታን ህንተንታ አዛዜዳዋ ኡባ ኦፕ፤ ህንተንቱ ታ ላገቱዋ።
- 15 “አይሊ ባረ ጎዳይ አልያዋ ኡረና ድራሬ። ታን ህንተንታ ሀዋጥ ሰንላጧ አይላቱዋ ገኪ፤ ሸን ታን ህንተንታ ታ ላገቱዋ ጋድ። አያዉ ጎጥ፤ ታ አወዋጥ ሰሴዳ ኡባባ ታን ህንተንቶ ኦዲድ።
- 16 ታን ህንተንታ ደራዳዋጥ አትን፤ ህንተንቱ ታና ደርባይክታ። ህንተንቱ ቢደ አይፍያ አይፋና ማለ፤ ደእና ማለ፤ ታን ህንተንታ ሱንላድ። ቃይ አዉካ ህንተንቱ ታ ሱንላን\* ዋሴዳዋ ኡባ እማና።
- 17 ታን ህንተንታ አዛዝያዋ ሀዋ፤ እቱ እቱዋና ሲቀትተ።

የሱሰ ሀ አላሚ እጽያዋ ኦዲዳ

- 18 “አላሚ ህንተንታ አጸ፤ ካሰቲደ ታና እጾዳዋ አኬክተ።
- 19 ህንተንቱ አላሞያሳ ግዴደንቶ፤ አላሚ ባረዋዳን ህንተንታ ሲቃና፤ ሸን ታን ህንተንታ አላሞያፕ ደራዳዋጥ አትን፤ ህንተንቱ አላሞያሳ ግድክታ፤ አላሚ ህንተንታ እጽያዋ ሀዋሳ።
- 20 “አይሊ ባረ ጎዳፕ ዳረና፤ ጋደ ታን ህንተንቶ ኦዲዳዋ ሀሳይተ። ኡንቱንቱ ታና የደርሴዳዋ ግደ፤ ህንተናካ የደርሳና፤ ኡንቱንቱ ታ ቃላ ናጌዳዋ ግደ፤ ህንተንቱ ቃላካ ናጋናዋንታ።
- 21 ሸን ኡንቱንቱ ታና ኪቱዳዋ ኡረና ድራሬ። ሀ ኡባ ታ ጋሱዋን ኡንቱንቱ ህንተንቱ ቦላ አላናዋንታ።
- 22 ታን ያደ ኡንቱንቶ ኦደናዋ ግድንቶ፤ ኡንቱንቶ ናጋራ ግደና፤ ሸን ሀእ ኡንቱንቱ አልያ ናጋራ ጋሲይያዋ ባዋ።
- 23-24 ታና እጽያዋ ታ አወዋካ እጾዳ። ኦንነ አላቤና ኦሱዋ ኡንቱንቱ ግደን ታን ኦላቤናባ ግድንቶ፤ ኡንቱንቶ ናጋራ ግደናን አታናዋ፤ ሸን ሀእ ኡንቱንቱ ታን ኦሌዳ ኦሱዋ ባእደ፤ ታናካ ታ አወዋካ እጾድና።
- 25 ሸን ኡንቱንቱ ሀግያን፤ ‘ታና ጮ እጾድና’ ጌተቲደ ጸፈቲዳዋ ፖለታና ማለ፤ ሀዋ ሀኔዳ።
- 26 “ሸን አወዋጥ ይያ ቱማተላ እያናይ መን።አያዋ ያናዋ። ታን አወዋጥ ህንተንቶ አ የዳና፤ ቃይ አ ታባ ማርካታናዋ።
- 27 ህንተካ ቃይ ካሰጥ ደሚደ፤ ታናና ደእያ ድራሬ፤ ታባ ማርካታና።

# 16

- 1 “ታን ሀዋ ህንተንቱ ጹባተና ማለ፤ ህንተንቶ ኦዲድ።
- 2 ኡንቱንቱ ህንተንታ ባረንቱ አይሁዳ ዋሳ ጎልያፕ ከሰ የዳናዋንታ። ሄዋ ቦላ ቃይ ህንተንታ ዋድያ ኡራይ ጸሳዉ አልያዋ አዉ ማላትያ ዋዲ ያናዋ።
- 3 ኡንቱንቱ ሄዋ ህንተንቱ ቦላ አልያዋ ታናን አወዋ ኡረና ድራሳ።
- 4 ሸን ኡንቱንቱ ሄዋ ህንተንቱ ቦላ አልያ ዋዲ ጋክያ ዋደ፤ ታን ህንተንቶ ኦዲዳዋ ህንተንቱ ሀሳና ማለ፤ ታን ህንተንቶ ሀዋ ኦዲድ።

ገሻ እያና ኦሱዋ

- “ታን ህንተናና ደእያ ድራሬ። ኮይሮ ሄዋ ህንተንቶ ኦዲባይከ።
- 5 ሸን ሀእ ታን ታና ኪቱዳዋኮ ባይ፤ ሸን ህንተፕ ኦንነ፤ ‘ሀቃ ባይ?’ ገደ ታና ኡችያዋ ባዋ።
- 6 ሸን ታን ሀዋ ኦዲዳ ድራሬ። ህንተንቱ ዋዛናን ዳሮ ካዩ ደኢ።
- 7 ሸን ታን ህንተንቶ ቱሙዋ ኦዲይ፤ ታን ብያዋ ህንተንቶ ሎአ። አያዉ ጎጥ፤ ታን ባና ጸዮፕ፤ መን።አያዋ ህንተንቱኮ ዬና፤ ሸን ታን ቦፕ፤ አ ህንተንቱኮ የዳና።
- 8 ቃይ መን።አያዋ ዬደ፤ ኡንቱንቱ ናጋራባ፤ ጸሳ ጽሎተላባነ ፕርዳባ ሀ ሳአ አሳይ ባይዜዳዋ ባሳናዋ።
- 9 ናጋራባይ አሳይ ታና አማነና ድራሳ።
- 10 ጽሎተላባይ ቃይ ታን አወዋኮ ብያ ድራሬ። ህንተንቱ ታና ላኤንሉዋ ባእክታ።
- 11 ጸሳ ፕርዳባይ ቃይ አላሞያ ሞድያዋ ፕርደቱዳ ድራሳ።
- 12 “ታን ህንተንቶ ኦድያባይ ዳሮባይ ደኢ፤ ሸን ሀእ ህንተንቶ ገለና።
- 13 ቱማተላ እያናይ ይያ ዋደ፤ ህንተንታ ቱማተላ ኡባኮ ካለላናዋ። አያዉ ጎጥ፤ አ ባረ ሰሴዳዋ ኦዳናፕ አትን፤ ባረፕ አይነ ኦደና። ቃይ ሰንላፕ ያናባ ህንተንቶ አ ኦዳናዋ።
- 14 አ ታና ቦንቻናዋ፤ አያዉ ጎጥ፤ አ ታዉ ደእያዋጥ አኪደ፤ ህንተንቶ ኦዳናዋ።
- 15 አዋ ደእያባይ ኡባይ ታዋ፤ መን።አያዋ ታዉ ደእያባፕ አኪደ፤ ህንተንቶ ኦዳናዋ ታን ጌዳዋ ሀዋሳ።

\* 15:16 ታ ሱንላን- ዋይ “ታና ካልያዋንታ ግድያ ድራሬ” 15:25 ማዘ. 35:19፤ 69:4

የሱሳ ካልያዋንቱ ካዩ ናሽቻዉ ላመታና

16 “ጉላ ዋድያፕ ጉይያን፣ ህንተንቱ ታና በእክታ፤ ቃይ ጉላ ዋድያፕ ጉይያን፣ ህንተንቱ ታና በእና፣ ያጌድ።

17 የሱሳ ካልያዋንቱ፤ እቱ እቱ ባረንቱ ግድን፣ “ ጉላ ዋድያፕ ጉይያን፣ ህንተንቱ ታና በእክታ፤ ቃይ ጉላ ዋድያፕ ጉይያን፣ ህንተንቱ ታና በእክታ፤ እያዉ ጎፕ፣ ታን እዉዋኮ ባይ፣ ግያዌ ሄዌ ዋግያዌ?” ያጌድ።

18 “ ጉላ ዋድያፕ ጉይያን፣ ግያዌ ዋግያዌ? እ እያዉ ሃሳይንቶን ኑዉ ኤረተና” ያጌድ።

19 ኤንቱንቱ ባረና ኦቻናዉ ኮይያዋ የሱሳ ኤሪድ፣ ኤንቱንታ ያጌዳ፤ “ታን፣ ጉላ ዋድያፕ ጉይያን፣ ህንተንቱ ታና በእክታ፤ ቃይ ጉላ ዋድያፕ ጉይያን፣ ህንተንቱ ታና በእና፣ ጌዳዋ ህንተንቱ እቱ አቱዋ ኦቹቱ?

20 ታን ህንተንቶ ቱሙዋ ኦዳይ። ህንተንቱ ዬካናን ካዮታና፤ ሽን ሀ አላሚ ናሽታና። ቃይ ህንተንቱ ካዮታና፤ ሽን ህንተንቱ ካዮቶዌ ናሽቻ ግዳናዋ።

21 እኑ ምሽራታ ናኣ የላና ሀንያ ዋድ፣ ባረ የልያ ዋዲ ጋኬዳ ድራዉ፣ ኦይቀታዉ፤ ሽን ናኣይ የለቲዳዋፕ ጉይያን፣ ናኣይ ሀ ሳኣን የለቲዳ ናሽቻ ድራዉ፣ ባረ ኦይላ ሀሳዩኩ።

22 ሄዋ ድራዉ፣ ህንተንቱካ ህንተንቱ ዋዛናን ካዮቲታ፤ ሽን ታን ላኤንሉዋ ህንተንታ በእና፤ ቃይ ህንተንቱ ዋዛናይ ሎይላ ናሽታና፤ ህንተንቱ ናሽቻ ኦን ህንተፕ እከና።

23 “ሄ ጋላሰ ህንተንቱ ታና እይን ዋሰክታ። ታን ህንተንቶ ቱሙዋ ኦዳይ፤ ህንተንቱ ታ ሱንላን ዋሰያዋ ኡባ እዉ ህንተንቶ እማናዋ።

24 ሀእ ጋካናዉ ታ ሱንላን እይን ዋሰበይክታ፤ ህንተንቱ ናሽቻይ ፖለታና ማላ፣ ጸሳ ዋሰተ፤ ህንተንቱ ኦካና።

25 “ሀዋ ታን ህንተንቶ ለምሱዋን ኦዳይ፤ ሽን ታን ለምሱዋን ኦዳይ ያናዋ፤ ሽን እዉዋባ ታን ህንተንቶ ቆንጭያን ኦዳና።

26 ታን ሄ ጋላሰ፣ ህንተንቱ ታ ሱንላን እዉዋ ዋሳና፤ ቃይ ህንተንቱ ድራዉ፣ ታን እዉዋ ዋሳና ጊከ።

27 እያዉ ጎፕ፣ እዉ ባረ ሀጸዉ ህንተንታ ሲቄ፤ ህንተንቱ ታና ሲቅያ ድራዉን ታን እዉዋ ማታፕ ዬዳዋ እማና ድራዉ፣ እ ህንተንታ ሲቄ።

28 ታን እዉዋ ማታፕ ሀ አላምያ ያድ፤ ቃይ ሀ አላምያ አጋይ እዉዋኮ ባና” ያጌድ።

29 የሱሳ ካልያዋንቱ ዛሪድ የሱሳ፣ “በእ፣ ሀእ ኔን ቆንጭያን ሃሳያሳ፤ ለምሱዋን እይን ሃሳያካ።

30 ኔን ኡባባ ኤርያዋ ኩ ሀእ ኤራቶ፤ ቃይ ኔና ኦን ኦቻ ማላ፣ ኔን ኮየናዋ ኤሬቶ። ሄዌ ኦና ኔን ጸሳፕ ዬዳዋ አማንሉ” ያጌድ።

31 የሱሳ ዛሪድ ኤንቱንታ፣ “ሀእ አማንቲቱ?

32 በእተ፣ ህንተንቱ ህንተንቱ ጎለ ጎለ ላለቲያ ዋዲን ታ ጸላላ የግ ባሽያ ዋዲ ያናዋ፤ ሀእካ ይ ድጌዳ። ሽን እዉ ታናና ደእያ ድራዉ፣ ታ ጸላላ ግድከ።

33 ህንተንቱ ታ ግድን ደእድ፣ ሳር ደእና ማላ፣ ታን ሀዋ ህንተንቶ ኦዳይ። አላምያን ህንተንቱ ዋየታና። ሽን ምንተ፤ ታን አላምያ ጸናድ” ያጌድ።

# 17

የሱሳ ዋሳ

1 የሱሳ ሄዋ ሃሳዬዳዋፕ ጉይያን፣ ፑድ ሳሉዋ ጸሊድ፣ ሀዋዳን ያጌዳ፤ “ታ እቦ፣ ዋዲ ጋኬዳ፤ ነ ናኣይ ኔና ቦንቻና ማላ፣ ኔንካ ነ ናኣ ቦንቻ።

2 እያዉ ጎፕ፣ ኔን እዉ እሜዳ ኡባዉ መድና ደኡዋ እ እማና ማላ፣ አሳ ኡባ ቦላን እዉ ማታ እማዳ።

3 አሳይ ኔና እኑ ቱሙ፣ ጸሳ ግዴዳዋ ኤራና ማላ፣ ቃይ ኔን ኪቲዳ የሱሳ ክርሰቶሳ ኤራና ማላ፣ ሀዋ መድና ደኡዋ።

4 ኔን ታዉ ኦላናዉ እሜዳ ኦሱዋ ፖላድ፣ ኔና ሳኣን ቦንቻድ።

5 ሀእካ ቃይ አዋ፣ አላሚ መጠታናፕ ካሰ ነ ማታን ታዉ ደእያ ቦንቻዋን ነ ሰንላን ታና ቦንቻ።

6 “አላምያ አሳፕ ኔን ታዉ እሜዳዋንቶ ነ ሱንላ ኤርሳድ፤ ኤንቱንቱ ነግንታ፤ ቃይ ኔን ኤንቱንታ ታዉ እማዳ። ኤንቱንቱ ነ ቃላዉካ አዘዘቲድ።

7 ሀእ ኔን ታዉ እሜዳ ኡባባይ ኔፕ ዬዳዋ ኤንቱንቱ ኤሪና።

8 እያዉ ጎፕ፣ ኔን ታዉ እሜዳ ቃላ ታን ኤንቱንቶ እማድ፤ ኤንቱንቱካ ሄ ቃላ እኪድና። ታን ነ ማታፕ ዬዳዌ ቱሙ ግድያዋ ኤሪድ ኔን ታና ኪቲዳዋካ እማኔድና።

9 “ታን ኤንቱንቶ ዋሳይ፤ አላመዉ ኔና ዋሰከ። ሽን ኔን ታዉ እሜዳ አሳዉ ዋሳይ፤ እያዉ ጎፕ፣ ኤንቱንቱ ነግንታ።

10 ታዉ ደእያ ኡባባይ ነባ፤ ቃይ ነዉ ደእያ ኡባባይካ ታባ። ታን ኤንቱንቱ ባጋና ቦንቻታድ።

11 ታን ሀዋጥ ጉይያን፣ አላምያን ደአከ፤ አንቱንቱ አላምያን ደአኖ፤ ታን ሀእ ነኮ ባይ። ገሻ አዎ፣ ሀ ኔን ታዉ እሜዳዋንቱ ኔን፤ ታን እቱዋ ግድያዋዳን፣ አንቱንቱ እቱዋ ግዳና ማላ፣ አንቱንታ ነ ሱንላን ናጋ።

12 ታን አንቱንቱና አላምያን ደአደ፣ ኔን ታዉ እሜዳ ነ ሱንላ ዋልቃን አንቱንታ ናጋድ። ታን አንቱንታ ናጋድ፤ ጸሳ ማጸፋይ ጌዳዌ ሀላታና ማላ፣ ባሻይ በሰያ ኡራጥ አትን፣ አንቱንቱጥ ሀራይ እን፤ ባይቢና።

13 “ሀእ ታን ነኮ ባይ፤ አንቱንቱ ዋዛናን ታ ናሸቻይ ሀላታና ማላ፣ ሀዋ ታን አላምያን ሃሳያይ።  
14 ታን አንቱንቱ ነ ቃላ እሜዳ፤ ታን አላምያሳ ግድናዋዳን፣ አንቱንቱካ አላምያሳ ግድና ድራዉ፣ አላሚ አንቱንታ አጼዳ።

15 ኔን ጸላህያጥ አንቱንታ ናጋና ማላ ዋሰያዋጥ አትን፣ አላምያጥ ከሳና ማላ ዋሰከ።

16 ታን አላምያሳ ግድናዋዳን፣ አንቱንቱካ አላምያሳ ግድከና።

17 ኔን ቱማተላን አንቱንታ ነዋንታ አላ፤ ነ ቃላይካ ቱማተላ።

18 ኔን ታና አላምያ ኪቴዳዋዳን፣ ታንካ አንቱንታ አላምያ ኪታድ፤

19 ቃይ አንቱንቱ ቱማተላን ነዉ ዲማታና ማላ፣ አንቱንቱ ድራዉ፣ ታን ታ ሁጲያ ነዉ ዲማያድ።

20 “ታን አንቱንቱ ጸላላዉ ዋሰከ፤ ሽን አንቱንቱ ቃላ ኦድና፣ ታና አማኔዳዋንቱካ ዋሳይ።

21 አንቱንቱ ኡባይ እቱዋ ግዳና ማላ፣ ታን ዋሳይ። አዎ፣ ኔን ታ ግድን ደአያዋዳን፣ ቃይ ታንካ ነ ግድን ደአያዋዳን፣ አንቱንቱ ኑ ግድን ደአኖ። ቃይ ኔን ታና ኪቴዳዋ አላሚ አማናና ማላ፣ አንቱንቱ እቱዋ ግድና።

22 ኔን፤ ታን እቱዋ ግድናዋዳን፣ አንቱንቱ እቱዋ ግዳና ማላ፣ ኔን ታና ቦንቼዳዋዳን፣ ታንካ አንቱንታ ቦንቻድ።

23 ታን አንቱንቱ ግድን ደአና፣ ኔን ታ ግድን ደአና፣ ቃይ ኔን ታና ሲሰያዋዳን፣ አንቱንታካ ሲቆዋን ኔን ታና ሀ አላምያ ኪቴዳዋ አላሚ ኤራናዳን፣ አንቱንቱ ኡባ እቱዋ ግድና።

24 “አዎ፣ ሳአይ መጋታናጥ ካሰ ኔን ታና ሲቆዳ ድራዉ፣ ታዉ እሜዳ ታ ቦንቼዋ አንቱንቱ በአና ማላ፣ ኔን ታዉ እሜዳዋንቱ ታን ደአያ ሳአን ታናና ደአና ማላ ኮያድ።

25 “ጽሎ አዎ፣ አላምያ አሳይ ኔና ኤራና፤ ሽን ታን ኔና ኤራይ። ቃይ ኔን ታና ኪቴዳዋ ሀዋንቱ ኤሪኖ።

26 ኔን ታና ሲቆዳ ሲቆ አንቱንቱ ግድን ደአና ማላ፣ ቃይ ታንካ አንቱንቱ ግድን ደአና ማላ፣ ታን ነ ሱንላ አንቱንታ ኤርሳድ፤ ሰንላዉካ ኤርሳና።” ያጌዳ።

# 18

የሱሰ ባረ ሞርከቱዋ ኩሽያን አይቀቱዳ  
(ማቶሳ 26:47-56፤ ማር. 14:43-50፤ ሉቃሳ 22:47-53)

1 የሱሰ ሄዋ ጌድ፣ ጸሳ ዋሴዳዋጥ ጉይያን፣ ባረና ካልያዋንቱና ቀድሮና ግያ ዛንጋራ ፕኔዳ። ሄ ሳአን አትክልትያ ሳአይ ደአ፤ የሱሰን የሱሳ ካልያዋንቱ ገሊድኖ።

2 የሱሳ አል እሜዳ ይሁዳይ ሄ ሳአ ኤሬዳ፤ አያዉ ሳጥ፣ የሱሰ ኡባ ዋይ ባረና ካልያዋንቱና ሄዋን ሺቁ።

3 ሄዋ ድራዉ፣ ካለልያ ቄሳቱዋ ካፓቱን ፓርሳዋቱ ይሁዳና ባናዳን እሜዳ ሮማ ዋታዳራቱን ገሻ ሳልያ ናግያዋንቱ ኩራዝያ፣ ያቢያን ቶራ ኦይቄይ ሄ ሳአ ቤድኖ።

4 የሱሰ ባረና ጋካናዉ ሀንያ ኡባባ ኤሪይ፣ ጋጸ ከሲይ፣ “ኦና ኮዪቱ?” ያጌዳ።

5 አንቱንቱ ዛሪይ፣ “ናዝራትያ የሱሳ ኮዪቶ” ያጌድኖ።

የሱሰ ዛሪይ፣ “ታን አ” ያጌዳ።

የሱሳ አል እሜዳ ይሁዳይካ ሄዋን አንቱንቱና ኤቄዳ፤

6 የሱሰ፣ “ታን አ” ጌዳ ዋይ፣ አንቱንቱ ጉየኮ ሺቄይ፣ ሳአን ኩንዴድኖ።

7 የሱሰ ቃይካ፣ “ኦና ኮዪቱ?”

ያግ እቶና አንቱንቱ፣ “ናዝራትያ የሱሳ” ያጌድኖ።

8 የሱሰ ዛሪይ፣ “ታን አ ግድያዋ ሀንተንቶ ኦዳድ፤ ሰም ሀንተንቱ ታና ኮይያዋ ግድገ፣ ሀዋንታ የድቶ” ያጌዳ።

9 አ፣ “ታ አቦ፣ ኔን ታዉ እሜዳዋንቱጥ ሀራይ አቶ፣ እቱዋካ ባይዛበይከ” ጌዳዌ ሀላታና ማላ፣ ሄዋ ጌዳ።

10 ሰዋን ጸጽሮሳዉ ማሻይ ደአ፤ እ ሄ ማሻ ሾድን ቄሳቱዋ ኡባቱዋ ካፑዋ ቆማ ኡሸቻ ሀይላ ሾጪድ፣ ቃንጽ የጌዳ። ሄ ቆማ ሱንላይ ማልኮሳ።

11 የሱሰ ጸጽሮሳ፣ “ነ ማሻ ሾኩዋን ዛራይ ዋላ! ታ አቡ ታዉ እሜዳ መቱዋ ጸአ ታን ኡሸክታ?” ያጌዳ።

የሱሰ ቁሳቸዋ ካገዘዋ ሃና ሰንሳ ሺቄዳ

- 12 ሻላቃይ፣ ዳር ዋታዳራቲነ ቃይ ጌሻ ጎልያ ናግያዋንቱ የሱሳ እይቁደ ቃቹድኖ።
- 13 ኮይሮ የሱሳ ሃናኮ አፊድኖ፤ ሃን ሄ ላይላ ቁሳቸዋ ካገገቱዋ ግዴዳ ቃያፋ ቦሉዋ።
- 14 “እሳ ኡባ ድራዉ፣ እት እሳይ ሀይቁንቶ ሎእ” ገደ እይሁዳቲቱዋ ዞራዳቄ ቃያፋ።

ጳጳርሰ የሱሳ ካዴዳ

(ማቶሳ 26:69-70፤ ማር. 14:66-68፤ ሉቃሳ 22:55-57)

- 15 ሰዋን ጳጳርሰነ ሀራ እት ካልያዌ የሱሳ ካሊደ ቤድኖ። ሄ ሀራ ካልያዋ ቁሳቸዋ ካገ ሌራዳ፤ ሃዌ የሱሳና ቁሳቸዋ ካገዋ ድርሳ ጋርሳ ገሊዳ።
- 16 ሽን ጳጳርሰ ካረና ድርሳ ገንግያን ሌቄዳ። ቁሳቸዋ ኡባቲቱዋ ካገ ሌርያ ሀራ ካልያዌ ካረ ከሲደ፣ ገንግያ ናግያ ናትዉ ኦዲደ፣ ጳጳርሰ ድርሳ ጋርሳ ገሊሴዳ።
- 17 ገንግያ ናግያ ናታ ጳጳርሳ፣ “ኔን ሀ ብታንያ ካልያዋንቱ ለቲቱዋ ግድኪዬ?” ያገዱ።
- እ፣ “ቱይት፣ ታን ግድከ” ያጌዳ።
- 18 ሳይሄ ማግያ ድራዉ፣ እይላቲነ ጌሻ ጎልያ ናግያዋንቱ ታማ ኤዲደ፣ ቦንቄዳዋ ዩይ እቲ ኤቄደ ካሺኖ፤ ጳጳርሰካ ኤንቱንቱና ኤቄደ፣ ሄ ታማ ካሺ።

ቁሳቸዋ ካገ የሱሳ ኦቻ ኦሻ

(ማቶሳ 26:59-66፤ ማር. 14:55-64፤ ሉቃሳ 22:66-71)

- 19 ቁሳቸዋ ኡባቲቱዋ ካገ፣ የሱሳ ካልያዋንቱባነ እ ትምርትያባ ኦቹዳ።
- 20 የሱሰ አዉ ዛራደ፣ “ታን እሳ ኡባዉ ቆንጭያን ኦዲድ። ታን እይሁዳ ኡባይ ሺቅያ እይሁዳ ዋሳ ጎሊን ጌሻ ጎልያን ኡባ ዋደ ታማርሳድ፤ ጌማን እይነ ሃሳያበይከ።
- 21 ያትና፣ ኔን ታና እያዉ ኦቻይ? ታን ኦዴዳዋ ሰሴዳ እሳ ኦቻ፤ ሄ እሳይ ታን ኦዴዳዋ ኤራዳ” ያጌዳ።
- 22 የሱሰ ሄዋ ጌዳ ዋደ፣ ሄዋን ሌቄዳ ዋታዳራቲቱዋ ለቲ የሱሳ ባቄደ፣ “ቁሳቸዋ ኡባቲቱዋ ካገዋ ቦላ ሀዋዳን ዛራይ?” ያጌዳ።
- 23 የሱሰ ዛራደ፣ “ታን ባላባ ሃሳዬዳዋ ግደገ፣ ሀዋን ደእያ እሳ ኡባዉ ኦዳ፤ ሽን ታን ቱሙዋ ሃሳዬዳዋ ግደገ፣ ታና እያዉ ባቃይ?” ያጌዳ።
- 24 ሄዋ ድራዉ፣ ሃን፣ ቃሽት ኡቲዳ የሱሳ፣ ቁሳቸዋ ኡባቲቱዋ ካገዋ፣ ቃያፋኮ የዴዳ።

ጳጳርሰ የሱሳ ላኤንሎዋ ካዴዳ

(ማቶሳ 26:71-75፤ ማር. 14:69-72፤ ሉቃሳ 22:58-62)

- 25 ጳጳርሰ ሄዋን ኤቄደ፣ ታማ ካሺ፤ ሀራንቱ እ፣ “ኔን ሀ ብታንያ ካልያዋንቱ ለቲቱዋ ግድኪዬ?” ያጌዳ።
- ጳጳርሰ፣ “ቱይት፤ ታን ግድከ” ያጌደ ካዴዳ።
- 26 ቁሳቸዋ ኡባቲቱዋ ካገዋ ቆማቸዋገ ለቲቱዋ፣ ጳጳርሰ ሀይላ ቃንጾዳ ብታንያ ዳቡ ጳጳርሳ፣ “ታን ኔና አናና ዳር አታክልትያ ግድን በአበይክታዬ?” ያጌደ ኦቹዳ።
- 27 ጳጳርሰ ቃይካ ካዴዳ፤ ኤለካ ኩቲ ዋሰ አጌዳ።

የሱሰ ጵላጸሳ ሰንሳ ሺቄዳ

(ማቶሳ 27:1-2፤ 11-14፤ ማር. 15:1-5፤ ሉቃሳ 23:1-5)

- 28 ኤንቱንቱ የሱሳ ቃያፋ ጎለገ ሮመ እሳ እይሰያዋ ኦሶ ጎልያ አፊድኖ። ሳይሄ ዋንታ ጉራ፤ እይሁዳቲ ፓሰጋ ቦንቻያ ጋላሳ ቁማ ማናዉ፣ ባረንቱ ሁዲያዉ ቲና ማላ፣ ሮመ እሳ እይሰያዋ ኦሶ ጎልያ ገልበይክኖ።
- 29 ሄዋ ድራዉ፣ ጵላጸሰ ኤንቱንቱኮ ካረ ከሲደ፣ “ሀ ብታንያ ህንተንቱ እያን ሞቲቲ?” ያጌዳ።
- 30 ኤንቱንቱ፣ “እ ኢታባ አልቤናዋ ግድንቶ፣ ኩን እ ኔኮ አሆኮ” ያጌድኖ።
- 31 ጵላጸሰ ዛራደ ኤንቱንቶ፣ “ህንተንቱ እ አፊደ፣ ህንተንቱ ህጊ ግያዋዳን፣ እ ቦላ ጥርድተ” ያጌዳ።
- እይሁዳቲ፣ “ኦናን ዋድያ ማታይ ኑዉ ባዋ” ያጌድኖ።
- 32 ሀዌ ሁኔዳዌ የሱሰ እይ ማላ ሀይቁዋ ሀይቃንቶ ኤርሳናዉ ሃሳዬዳዌ ፖለታናሳ።
- 33 ጵላጸሰ ባረ ኦሱዋ ጎለ ላኤንሎዋ ገሊደ፣ የሱሳ ጴሲደ፣ “ኔን እይሁዳ ካቲ?” ያጌደ እ ኦቹዳ።
- 34 የሱሰ ጵላጸሳ፣ “ሀ ኦሻ ኔን ኔገ ኦቻይዬ ዋይ ሀራ እሳይ ነዉ ታባ ኦዴዳ?” ያጌዳ።
- 35 ጵላጸሰ ዛራደ፣ “ታና እይሁዳ እሳ ጋይ? ነ ዛራቲነ ቁሳቸዋ ካገገቱ ኔና ታዉ አል ለሜድኖ፤ ኔን እያ ኦላዲ?” ያጌዳ።
- 36 የሱሰ፣ “ታ ካዉተላይ ሀ አላምያና ግደና። ታ ካዉተላይ ሀ አላምያና ግደደንቶ፣ ታና እይሁዳቶ አል አመናዳን፣ ታዉ አልያዋንቱ ታዉ ኦለታና፤ ሽን ታ ካዉተላይ ሀ አላምያና ግደና” ያጌዳ።
- 37 ሄዋ ድራዉ፣ ጵላጸሰ የሱሳ፣ “ያትና፣ ኔን ካቲየ?” ያጌደ ኦቹዳ።

የሱስ ዛሬደ፡ “ኔን ታና ካትያ ጋዳ። ታን ቱሙዋ ማርካታና ድራጫ የለታድ፤ ቃይ ሄዋ ድራጫ። ሀ እላምያ ያድ። ቱሙዋ ባጋ ግዳዳ ኦንነ ታን ግያዋ ሰሴዳ” ያጌዳ።

38 ጵላጸስ፡ “ቱሙ እዬ?” ያጌዳ።

ጵላጸስ ሄዋ ጌዳዋ፣ ጉይያን፡ እይሁዳቱዋኮ ካረ ከሲደ፡ “ታን እን እይ ባላነ ደማበይከ።

39 ሽን ፓሰጋ ቦንቶያ ጋላሰ፡ እት አሳ ታን ህንተንቶ ቃሹዋ፣ ጠልያ ደያይ ደኤ፤ ታን ህንተንቶ እይሁዳቱ ካትያ ብልያዋ ኮዩቱ?” ያጌዳ።

40 እንቱንቱ ዛሬደ፡ ባረንቱ ኮሻ ቆቁ ኦሊደ፡ “ባርባና ብላፕ እትን፡ አ ግደና!” ያጌድና። ሽን ባርባን ፓኑዋ።

# 19

ዎታዳራቱ የሱሳ ቦላ ቅሊጩድኖ  
(ማቶሳ 27:27-32፤ ማር. 15:15-21)

1 ሄዋ፣ ጉይያን፡ ጵላጸስ የሱሳ ኦይቂደ፡ ልሱዋን ሾጩድና።

2 ዎታዳራቱ እንገላፕ ካላቻ ገግሲደ፡ እ ሁጺያን ዋሌድኖ፤ ቃይ ዘኦ ማዩዋካ እ ማይዜድና።

3 እኮ ሸቂደ፡ “እይሁዳ ካተጠ፡ ሸምቸዋ ጋምእ!” ያጌደ አ ሻይያ ባቂድኖ።

4 ጵላጸስ ቃይካ ካረ ከሲደ እይሁዳቱዋ፡ “በእተ፡ ታን እን እይ ባላነ ደማበናዋ ህንተንቱ ኤራና ማላ፡ አ ህንተንቱ ካረ ከሳና” ያጌዳ።

5 ሄዋ፣ ጉይያን፡ የሱስ እንገላ ካላቻ ባረ ሁጺያን ዋሊደ፡ ዘኦ ማዩዋ ማዩደ፡ ካረ ከሴዳ፤ ጵላጸስ እይሁዳቱዋ፡ “ብታንያ ሀዋ በእተ” ያጌዳ።

6 ቄሳቱዋ ካፓቱን ዎታዳራቱ አ በኤዳ ዋደ፡ ባረንቱ ኮሻ ቆቁ ኦሊደ፡ “ማስቃልያ ቦላ ሞስማርያን ትሻደ አ ሱላ! ሱላ!” ያጌድና።

ጵላጸስ እንቱንታ፡ “ህንተንቱ አ አፊደ፡ ማስቃልያ ቦላ ሞስማርያን ትሻደ ሱልተ፤ እያወ ጎፕ፡ ታን እይ ባላነ ደማበይከ” ያጌዳ።

7 እይሁዳቱ ዛሬደ፡ “ኅጫ ህጊ ደኤ፤ ኑ ህጊ ግያዋዳን፡ አ ሀይቃናወ በሴ፤ እያወ ጎፕ፡ አ ባረና ጸሳ ና አ ኦሊደ” ያጌድና።

8 ጵላጸስ ሄዋ ሰሴዳ ዋደ፡ ካሰዋ፣ ሎይላ ያዬዳ።

9 ቃይካ ጵላጸስ ባረ ኦሱዋ ጎላ ሰሞ ገሊደ የሱሳ፡ “ኔን ሀቃ፣ ያደን?” ያጌደ ኦቼዳ፤ ሽን የሱስ አወ እይነ ዛርቢና።

10 ሄዋ ድራጫ፡ ጵላጸስ አ፡ “ታወ ኦድኪ? ኔና ብላናወ ዋይ ማስቃልያ ቦላ ሞስማርያን ትሻደ ካቃናወ ታወ ማታይ ደእያዋ ኤርኪየ?” ያጌዳ።

11 የሱስ፡ “ጸሳይ ነወ ቦላ፣ ማታ እምቤናባ ግድንቶ፡ ነወ ታ ቦላ ማታይ ደኤና ሽን። ሄዋ ድራጫ፡ ታና ነወ እላ እሜዳዌ እድያ ናጋራ ኦሊደ” ያጌዳ።

የሱሳ ሀይቆ ፕርዳድኖ  
(ማቶሳ 27:15-31፤ ማር. 15:6-20፤ ሉቃሳ 23:13-25)

12 ጵላጸስ ሄዋ ሰሴዳ ዋደ፡ የሱሳ ብላናወ ኦግያ ኮዬዳ፤ ሽን እይሁዳቱ ባረንቱ ኮሻ ቆቁ ኦሊደ፡ “ኔን አ ብልያዋ ግደ፣ ካትያ ቄሳረ ዳቦ ግዳካ! ባረና ካትያ ግያ ኦንነ ቄሳረ ሞርከ!” ያጌድና።

13 ጵላጸስ ሄዋ ሰሴደ፡ የሱሳ ካረ ከሴዳ። ያቲደ ሹቻ ባሱዋ ግያ ሳካን ፕርዳ ኦይድያን ኡቲዳ፤ እብራይስጻ ቃላን ሄ ሳእይ ጋይታ ግያዋ።

14 ሄ ጋላሳይ ፓሰጋ ቦንቶያ ጋላሳወ ገገሰያ ጋላሳ፤ ሳእይ ኡሱፑን ሳትያ ሄራ ግዳናዋ። ጵላጸስ እይሁዳቱዋ፡ “ህንተንቱ ካትያ ሀዋ በእተ!” ያጌዳ።

15 እይሁዳቱ ባረንቱ ኮሻ ቆቁ ኦሊደ፡ “ድጋ! ማስቃልያ ቦላ ሞስማርያን ትሻደ ሱላ!” ያጌድና።

ጵላጸስ ዛሬደ፡ “ህንተንቱ ካትያ ታን ማስቃልያ ቦላ ሞስማርያን ትሻደ ሱልያዋ ኮዩቱ?” ያጌደ ኦቼዳ።

ቄሳቱዋ ካፓቱ፡ “ቄሳረ፣ ሀራ ካቲ ኑወ ባዋ!” ያጌድና።

16 ሄዋ፣ ጉይያን፡ እንቱንቱ ማስቃልያ ቦላ ሞስማርያን ትሻደ፡ የሱሳ ካቃና ማላ፡ ጵላጸስ እንቱንቶ እላ እሜዳ።

የሱሳ ሱሊድኖ  
(ማቶሳ 27:32-44፤ ማር. 15:21-32፤ ሉቃሳ 23:26-43)

እንቱንቱ የሱሳ ኦይቂደ፡ አፊድና።

17 የሱሰ ባረ ማስቃልያ ቶኪድ፣ ጉግያሳ ጌተትያሳ ቤዳ። “ጉግያሳ”\* ግያዌ አብራይስጵ ቃላን “ጎልጎታ” ግያዋ።

18 ኤንቱንቱ ሄ ሳኣን ማስቃልያ ቦላ ሞስማርያን ድሽደ፣ የሱሳ ካቄድኖ፤ ቃይ አናና ሀራ ላኤ አሳቱ፣ እቱዋ ያ ባጋና ቃይ እቱዋ ሀ ባጋና የሱሳ ግዴዋን ዋሊድ፣ ማስቃልያ ቦላ ሞስማርያን ድሽደ ካቄድኖ።

19 ጽላጸስ ጽፋትያ ጻፊድ፣ ማስቃልያ ቦላ ዋሌድ። እ ጻፊዳዌ፣ “አይሁዳቱ ካትያ፣ ናዘሬትያ የሱሳ” ያጌ።

20 የሱሰ ማስቃልያ ቦላ ሞስማርያን ድሽቲደ ሱለቲዳ ሳኣይ ካታማ ማታን ደእያ ድራው፣ ዳሮ አይሁዳቱ ሄ ጽፋትያ ናባቤድኖ። ጽፋቲ አብራይስጵ ቃላን፣ ሮማይስጵ ቃላን ግሪክ ቃላን ጻፈቱዳ።

21 ሄዋ ድራው፣ አይሁዳ ቄሳቱዋ ካጋቱ ጽላጸሳ፣ “ ሳ ብታጌ ባረና አይሁዳ ካትያ ያጌዳ” ጋይ ጻፋጥ እትን፣ ‘አይሁዳ ካትያ’ ጋይ ጻፎጋ” ያጌድኖ።

22 ጽላጸስ፣ “ታን ጻፊዳዋ ጻፋ ድጋድ” ያጌይ ዛሬዳ።

23 ዋታዳራቲ ማስቃልያ ቦላ ሞስማርያን ድሽደ፣ የሱሳ ካቄዳዋጥ ጉይያን፣ እ ማየዋ አኪድ፣ ኦይዱ ከሰ ሻኬድኖ፤ እት እት ዋታዳራ እት ሻኩ ጋኬዳ። እ አዲሳ ማየዋካ አኬድኖ፤ አዲሳ ማየ ሀሽያጥ ደሚድ፣ ዳገ ጋካናዋ የድ ማየትያዋጥ እትን፣ ቃንጸቲደ ስከትቤና።

24 ዋታዳራቲ እቱ እቱዋ፣ “እና ጋካንጎቶ፣ ሳማ ዋይ ኤጸ የጋናጥ እትን፣ ማየዋ ፔጶኮ” ያጌድኖ። ሄዋ ሀኔዳዌ ጸሳ ማጸፋይ፣ “ታ ማየዋ ሻክ አኬድኖ፤ ታ አዲሳ ማየዋን ሳማ የጌድኖ” ግያዌ ገሊታናሳ። ሄዋ ድራው፣ ዋታዳራቲ ሄዋ ኦሌድኖ።

25 ሽን የሱሳ ማስቃልያ ማታን እ ዳያ፣ እ እት ሞቻታ፣ ቃልዮጳ ማቻታ ማይራማን ማግዳላ ጌተትያ ካታማጥ ዬዳ ማይራማ ኤቄድኖ።

26 የሱሰ ባረ ዳያን እ ሲቅያ ካልያዌ ሄዋን ኤቄዳዋንታ በኢድ፣ ባረ ዳዮ፣ “ሀ ሞሽራቱ፣ ነ ናኣ ሀዋ በእ!” ያጌዳ።

27 ሄዋጥ ጉይያን፣ ሄ ካልያዋ “ነ ዳዮ ሀኖ በእ!” ያጌዳ። ሄ ካልያዌ እዘ ሄ ሳትያጥ ደሚድ፣ ባረ ሶይ አፊዳ።

**የሱሳ ሀይቁዋ**

(ማቶሳ 27:45-56፤ ማር. 15:33-41፤ ሉቃሳ 23:44-49)

28 ሄዋጥ ጉይያን፣ የሱሰ ኡባባይ ሀቅ ገለቲዳዋ ኤሬድ፣ ጸሳ ማጸፋይ ጌዳዌ ገሊታና ማላ፣ “ታና ሳሜ” ያጌዳ።

29 ሄ ሳኣን እት ጸጋ ኩሜዳ ጫላ ዋይንያ ኤሳይ ደኤ። ኤንቱንቱ እስፖንጅያ ሄ ዋይንያ ኤሳን የገደ፣ ሀሰጽያ ጌተትያ ሞላ ጸራን ዋሊድ፣ የሱሳ ደናኮ ሺሺድኖ።

30 የሱሰ ዋይንያ ኤሳ ጋንጽ በኤዳዋጥ ጉይያን፣ “ገሊቲዳ” ያጌዳ።

**የሱሳ ምይያ ቶራን ጫዳድኖ**

ቃይ ሄዋጥ ጉይያን፣ ባረ ሁጺያ ቶቺድ፣ ባረ ሽምጥዋ እሜዳ።

31 ሄ ጋላሳይ አይሁዳቶ ገገትያ ጋላሳ † ግድያ ድራውን ቃይ ሄ ሳምባታይ ዳሮ ቦንቾ ግድያ ድራው፣ ሳምባታን አሳቱዋ እሃይ ማስቃልያ ቦላ ፔሽና ማላ፣ ሱለቲዳ አሳቱዋ ሱይልያ መንገዱድ፤ ማስቃልያጥ ዋሳና ማላ፣ አይሁዳቱ ጽላጸሳ ዋሲድኖ።

32 ሄዋ ድራው፣ ዋታዳራቲ ዪድ፣ የሱሳና ሱለቲዳ ኮይሮ ብታንያ ሱይልያ መንገዱድኖ፤ ቃይ አናና ሱለቲዳ ላኤንጾ ብታንያ ሱይልያካ መንገዱድኖ።

33 ሽን የሱሳኩ ዬዳ ዋደ እ ሀይቁ ድጌዳዋ በኢድ፣ እ ሱይልያ መንገደክና።

34 ግደጥ፣ ዋታዳራቲዋጥ እቱ እ ምይያ ቶራን ጫዳድ። ኤላካ ሱሳይን ሃሳይ ሳግ አጌዳ።

35 ሀንተንቱ አማናና ማላ፣ ሀዋ በኤዳዌ ማርካቲዳ፤ እ ማርካትያዌካ ቱሙዋ፤ ቃይ ባረ ሃሳያይ ቱማ ግድያዋ እ ኤሬዳ።

36 ሄዋ ሀኔዳዌ ጸሳ ማጸፋይ፣ “እ መቀላቱዋጥ እቱ፤ መኤና” ጌዳዌ ገሊታናሳ።

37 ቃይካ ጸሳ ማጸፋይ ሀራይ፣ “አሳይ ባረ ጫዳዳዋ በእና” ያጌ።

**የሱሰ ሞገቲዳ**

(ማቶሳ 27:57-61፤ ማር. 15:42-47፤ ሉቃሳ 23:50-56)

\* 19:17 “ጉግያሳ” ሄዋን እሳ ጉግያ ማላት መጠቅዳ ዋጋ ሹቻይ ደእያ ድራው፣ “ጉግያሳ ጌተቲዳ”። 19:24 ማዘ. 22:18 19:28 ማዘ. 69:21፤ 22:15 † 19:31 አይሁዳቶ ገገትያ ጋላሳ፣ ጋላሳይ ሳምባታ ጌት ጋላሳ አዉደን ግዳና ዳንዳዬ፤ ሽን ዮሃንሳ ሞሽራቹዋ 19:31 ማስቃልያን፣ ጋላሳ ዋዲ ሀናና ሰሰዳዌ፣ ላይላ ላይላን የሱሰ ማስቃልያን ካቀት ሀይቁና ሳምባታ ግዳና ኮሺ። ‡ 19:31 ሱለቲዳ አሳቱዋ ሱይልያ መንገዱድ፣ ሀ ዋጋይ ሮማ ካዉተሳ ዋጋዳን፣ ማስቃልያን ሱለቲዳ አሳቱ ኤላካ ሀይቃና ማላ ኦልያ ኦግያ ጉሳ። 19:36 ከሳ 12:46፤ ገይ. 9:12፤ ማዘ. 34:20 19:37 ዛካ. 12:10፤ ሳዩ 1:7

38 ሄዋጥ ጉይያን፣ አርማትያሳ ጌተትያ ካታማጥ ዬዳ የሴፎ የሱሳ እሃ አኪደ አፋናዉ ጽላጸሳ ሞሴዳ፤ የሴፎ እይሁዳቶ ያዬዳ ድራዉ፣ አሳይ ኤረናን የሱሳ ካልያዋ።

የሴፎ ዎስና ጽላጸሰ፣ “አፋ” ያጌዳ። ሄዋ ድራዉ፣ የሴፎ ቢደ፣ የሱሳ እሃ አፊዳ።

39 ቃይ ንቆድሞስ ሄዋጥ ካስ የሱሳኩ ቃማ ዬዳዌ፣ ካሞራናን ጎዳረ ኡፋና ዋላከቲዳ ኦይታማኒ አቼቩ ኪሎ ግራመ ግድያዋ ከና ሸቲዋ ኦይቁ አኪደ፣ የሴፎና ዬዳ።

40 ሄ ላኡ አሳቲ የሱሳ እሃ አኪደ፣ እይሁዳቲ እሃ ጸጽያ ዎጋዳን፣ ሸቲዋና ጋሊደ፣ ሞጉዋ አፍላን ጸጹድኖ።

41 የሱስ ማስቃልያ ቦላ ሞስማርያን ጽሸቲደ ሱለቲዳ ሳኒን ዳር አትክልትያ ሳኒይ ደኤ፤ ሄ አትክልትያ ሳኒ ግደን ሹቻ ዎጭ ከሴዳ ብር ኦኒን ሞገትቤና ኦራሳ ዳፋ ደኤ።

42 ሄ ዱፋ ማታን ደእያ ድራዉኒ ቃይ እይሁዳቲ ሳሞባታዉ ገገትያ ጋላሳ ግድያ ድራዉ፣ የሱሳ ያን ዎፊድኖ።

## 20

### የሱስ ሀይቁዋጥ ደንዴዳ

(ማቶሳ 28:1-8፤ ማር. 16:1-8፤ ሉቃሳ 24:1-12)

1 ዎጋ ጋላስ ጉራን፣ ብር ዳብዳብያዎን፣ ማግዳላ ጌተትያ ካታማጥ ዬዳ ማይራማ የሱስ ሞገቲዳ ዱፋዎኩ ባደ ሹቻይ ሄ ጎንጎሉዋ ዶናጥ ደንድክቼዳዋ በእዱ።

2 ሰሞን ጸጽርሳኩ የሱስ ሲቅያ የኩ ካልያዋኩ፣ እዛ ዎጸደ ባደ፣ “ዱፋዎጥ ጎዳ አፍ ድጌድኖ፤ ሀቃን ኦ ዎፊድኖንቶኒ ኦን ኤርኩ” ያጋዳ።

3 ሄዋ ድራዉ፣ ጸጽርሳኒ የኩ ካልያዌ አገደ፣ ዱፋዎኩ ቤድኖ።

4 ላኡካ አትጥ ዎጹድኖ፤ ሽን የኩ ካልያዌ ጸጽርሳጥ አቼ ካስቲደ፣ ሄ ዱፋዎኩ ጋኬዳ።

5 ሄ ካልያዌ ሆኪደ፣ ሞጉዋ አፍላ በኤዳ፤ ሽን ግደ ገልቤና።

6 ሰሞን ጸጽርሳኒ አ ካል ዪደ፣ ዱፋዎ ግደ ገሌዳ። ያቲደ ሞጉዋ አፍላይ ሄዎን ደእያዋ በኤዳ፤

7 ቃይ የሱሳ ሀጺያን ጸጸት ኡቲዳ አፍላይ ሄ ጸጸቲዳዎዳኒካ ዱማ እት ሳኒን ደእያዋ በኤዳ፤ ሄ አፍላይ ዱማ ደኤጥ አት፣ ሞጉዋ አፍላና አትጥ ደኤና።

8 ሄ ዎደ፣ ካስቲደ ጎንጎሉዎኩ ጋኬዳ የኩ ካልያዌ ገል በኢደ አማኔዳ።

9 የሱስ ሀይቁዋጥ ደንዳናዉ በሰያዋ ኦድያ ጸሳ ማጸፋ ኡንቲንቲ ብር እኬክበይክና።

10 ሄዋጥ ጉይያን፣ ካልያዎንቲ ባረንቲ ጎላ ሰሚደ ቤድኖ።

### የሱስ ማግዳላ ማይራሞዉ ቤቲዳ

(ማቶሳ 28:9-10፤ ማር. 16:9-11)

11 ሽን ማይራማ ሄ ዱፋዋ ዶናን ኤቃይ ዬካደ ሆካደ ዱፋዋ ግደ ጸላዳ።

12 ቦሳ ማዩዋ ማይራ ላኡ ኪታንቻቲ የሱሳ እሃይ ግሴዳ ሳኒን እቲ ሁጲሳና እቲ ገድሳና ኡቲዳዎንታ በእዱ።

13 ኡንቲንቲ እዞ፣ “ሞሽራቲ፣ አያዉ ዬካይ?” ያገደ ኦቼድኖ።

እዞ፣ “አሳቲ ታ ጎዳ አፍ ድጌድኖ፤ ኡንቲንቲ ሀቃን ዎፊድኖንቶኒ ታን ኤርኩ” ያጋዳ።

14 ሄዋ ጌዳዋጥ ጉይያን፣ ጉየ ሰማ ጸላደ፣ የሱስ ኤቁዳዋ በእዱ። ሽን እ የሱሳ ግዴዳዋ እኪካበይኩ።

15 የሱስ እዞ፣ “ሞሽራቲ፣ አያዉ ዬካይ? ኦና ኮያይ?” ያገደ ኦቼድ።

ማይራማ አትክልትያ ናግያዋ ጋደ፣ “ጎዳዉ፣ ኔን እኬዳዋ ግደጥ፣ እ ሀቃን ዎፋድንቶ፣ ታዉ ኡርክ፤ ታን አ አካና” ያጋዳ።

16 የሱስ እዞ፣ “ማይራሚ” ያገደ።

እ ከኩ ሰማደ፣ እብራይስጻ ቃላን “ራቡኒ” ያጋዳ፤ ሄዋ ብለላይ “ታማርሰያዎ” ግያዋ።

17 የሱስ እዞ፣ “ታን ብር ታ አዉዎኩ ባቤና ድራዉ፣ ታና ቦቻጎ፤ ሽን ታ አሻቲዎኩ ባደ፣ ታን ታ አዉዎኩን ሀንተንቲ አዉዎኩ፣ ታ ጸሳኩን ሀንተንቲ ጸሳኩ፣ ጥደ ባይ ጌዳ ጋደ ኡንቲንቲ ኦዳ” ያጌዳ።

18 ማግዳላ ጌተትያ ካታማጥ ዬዳ ማይራማ ጎዳ በኤዳዋን እዘዉ እ ሄዋ ኡዴዳዋ ባደ ካልያዎንቶ ኦዳዳ።

### የሱስ ባረ ካልያዎንቶ ቤቲዳ

(ማቶሳ 28:16-20፤ ማር. 16:14-18፤ ሉቃሳ 24:36-40)

19 ሄ ዎጋ ጋላስ ኦማርኩ፣ ካልያዎንቲ እይሁዳቶ ያዬዳ ድራዉ፣ ጥንግያ ጎርዲደ፣ ሸቅ ኡት ደእሸን፣ የሱስ ዪደ፣ ኡንቲንቲ ግዴዋን ኤቁደ፣ “ሳርተላይ ሀንተንቶ ግደ” ያጌዳ።

20 ሄዋ ጌዳዋጥ ጉይያን፣ ባረ ኩሽያኒ ባረ ሞይያ ኡንቲንታ በሴዳ፤ ካልያዎንቲ ጎዳ በኤዳ ዎደ ሎይላ ናሸቲድኖ።



- 21 የሱስ ላኤንሎቶ ኢንቴንቶቶ፣ “ሳርተላይ ሀንተንቶ ግደ፤ ታ ኣቡ ታና ከቴዳዎዳን፣ ታንካ ሀንተንታ ከታይ” ያጌዳ።
- 22 ሄዎ ጌዳዋ፣ ጉይያን፣ ኢንቴንቶቶ ቦላ ኡፉ ጊደ ሸምፔዳ፤ ቃይ፣ “ጌሻ ኣያና ኣክተ።
- 23 ሀንተንቶ ኣቶ ጌዳ ኣሳ ናጋራይ ኣቶ ጌተታናዋ፤ ሀንተንቶ ኣቶ ጌናዋንቱ ናጋራይ ኣቶ ጌተተና” ያጌዳ።

የሱሳን ቶማሳ

- 24 ሸን ታማነ ላኤ ካልያዋንቱ፣ ኣቲ፣ ማንትያ ግያ ቶማስ፣ የሱስ ዬዳ ዎደ ኢንቴንቶና ባዎ።
- 25 ሄዎ ድራዉ፣ የኩ ካልያዋንቱ ቶማሳዉ፣ “ኑን ጎዳ በኤደ፤” ያጌዳ።
- ሸን ቶማስ ኢንቴንቶቶ፣ “ምስማርያን ኣ ጫደቴዳ ኣ ኩሸያን ደኣያ ማላ በኤናንነ ሄ ማላ ታ ብራድያን ቦቼናን፣ ቃይ ታ ኩሸያ ኣ ሞይያን ዬዳ በኤናን ታን ኣማንከ” ያጌዳ።
- 26 ሳምንታ፣ የሱሳ ካልያዋንቱ ቃይካ ጎለን ሸቅ ኡቴድና፤ ቶማስካ ኢንቴንቶና ደኤ። ፐንጊ ቃሸት ኡት ደኣሸን፣ የሱስ ዬደ፣ ኢንቴንቶ ግዳዋን ኤቂደ፣ “ሳርተላይ ሀንተንቶ ግደ” ያጌዳ።
- 27 ሄዎ፣ ጉይያን፣ የሱስ ቶማሳ፣ “ኑ ኩሸያ ሃ ኣሃደ፣ ታ ኩሸያ በኣ፣ ቃይ ነ ኩሸያ ሃ ኣሃደ፣ ታ ሞይያን ዬዳ በኣ፣ ኔን ኣማንያዎ ግዳ፣ ኣትን፣ ኣማንናዎ ግደ፤” ያጌዳ።
- 28 ቶማስ ዛሪደ፣ “ታ ጎዳዉ፣ ታ ጸሳዉ፤” ያጌዳ።
- 29 የሱስ፣ “ኔን ታና በኤዳ ድራዉ ኣማናደ፤ በኤናን ኣማንናዎንቱ ኣንጀቴዳዋንታ” ያጌዳ።

ሀ ማጻፋ ቆፋ

- 30 የሱስ ሀ ማጻፋን ጸፊትቤና ሀራ ዳር ማላታቱዋ ባረና ካልያዋንቱ ሰንሳን ኦሌዳ።
- 31 ሸን የሱስ፣ ኣ ክርስቶሳ፣ ጸሳ ናኣ ግድያዎ ሀንተንቶ ኣማናና ማላነ፣ ቃይ ኣ ኣማኒደ ኣ ሱሳን ደኤዎ ሀንተንቶ ደማና ማላ፣ ሀዌ ጸፊቴዳ።

# 21

የሱስ ላፑ ካልያዋንቶ ቤቴዳ

- 1 ሄዎ፣ ጉይያን፣ የሱስ ጽብርያደሳ ጌተትያ ኣባ ጋጸን ባረ ካልያዋንቶ ላኤንሎቶ ቤቴዳ። ኣ ኢንቴንቶ ሀዋዳን ቤቴዳ።
- 2 ሰሞን ጸጽርሰነ ማንትያ ጌተትያ ቶማስ፣ ቃና ጋለላ፣ ዬዳ ናትናኤል፣ ዛብድዮሳ ናናይን \* የሱሳ ካልያዋንቱ ሀራ ላኣቴ ኣትፎ ደኣና።
- 3 ሰሞን ጸጽርሰነ ኢንቴንቶቶ፣ “ታን ሞልያ ኦይቃናዉ ባይ” ያጌዳ።
- ኢንቴንቶቶ፣ “ኑንካ ኔና ባና” ያጌደ፣ ከሲደ ዎንግርያ ግደ ገሌድና፤ ሸን ኢንቴንቶ ሄ ጋለሰ ቃማ ሞልያ ኣይነ ኦይቁበይክና።
- 4 ዎንትያ ዎደ ኣዋይ ከሳና፣ የሱስ ኣባ ጋጸን ኤቁዳ፤ ሸን ኣ ካልያዋንቱ የሱሳ ግዳዳዎ ኤርበይክና።
- 5 የሱስ ኢንቴንቶቶ፣ “ናቶ፣ ሞልያ ኦይቁበይክኮ፣” ያጌዳ።
- ኢንቴንቶቶ ዛሪደ፣ “ኣይነ ኦይቁበይኮ” ያጌድና።
- 6 ኣ ዛሪደ፣ “ሀንተንቶ ዳባ ዎንግርያ፣ ኡሸቻ ባጋኩ የግተ፤ ኣማራዳዎ ሀንተንቶ ኦይቃና” ያጌዳ። ሄዎ ድራዉ፣ ዳባ ኡሸቻ ባጋኩ የግና፣ ሞላ ዳራዳ ድራዉ፣ ጎቻ ከሳናዎ ኢንቴንታ ጸኔዳ።
- 7 የሱስ ሲቅያ ኣ ካልያዎ ጸጽርሳ፣ “ሀዌ ጎዳተኔ!” ያጌዳ። ሰሞን ጸጽርሰነ ጎዳ ኣ ግዳዳዎ ሰሌዳ ዎደ፣ ካሎ ደኣያ ድራዉ፣ ባረ ማዩዎ ማዩደ፣ ኣባ ግደ ጉፕ ገሌዳ።
- 8 ሸን የኩ ካልያዋንቱ ሞላ ኩም ኡቴዳ ዳባ ጎቹደ፣ ዎንግርያን ኣባ፣ ጋጸ ከሴድና፤ ኢንቴንቶ ኣባ፣ ላኤ ጸቴ ዋቻ ከና ሃኪደ ደኣና፣ ኣትን፣ ሎይላ ሃኪደ ደኣክና።
- 9 ኢንቴንቶቶ ኣባ፣ ጋጸ ከሴዳ ዎደ፣ ጸጸንሳ ቦንቁዋን ሞላ ደኣያዎን ኡክሳ በኤድና።
- 10 የሱስ ኢንቴንቶቶ፣ “ሀኣ ሀንተንቶ ኦይቁዳ ሞልያ፣ ኣማራዳዎ ሃምተ” ያጌዳ።
- 11 ሰሞን ጸጽርሰነ ዎንግርያን ገሊደ፣ ጸጸን ኣሻታማነ ሄዙ ዎጋ ሞላቴ ኩም ኡቴዳ ዳባ ጎቹደ፣ ኣባ፣ ጋጸ ከሴዳ፤ ሞላ ሄዎ ከና ዳር ግድናካ ዳባይ ዳክትቤና።
- 12 የሱስ ኢንቴንቶቶ፣ “ሀ ዬደ፣ ቃንኣያ ቃንኣተ” ያጌዳ። የሱሳ ካልያዋንቱ ላቴ፣ “ኔን ኦኔ?” ጊደ ኣ ኦቻናዉ ጸልቤና፤ ኣያዎ ጎፕ፣ ጎዳ ኣ ግዳዳዎ ኢንቴንቶ ኤራድና።
- 13 የሱስ ዬደ፣ ኡክሳ ኣኪደ፣ ኢንቴንቶ ኣማዳ፤ ሞልያካ ሄዎዳን ኣማዳ።
- 14 የሱስ ሀይቁዋ፣ ደንዴዳዋ፣ ጉይያን፣ ባረ ካልያዋንቶ ቤትሸን ሀዌ ሄዘንሎቶ።

የሱሳን ጸጽርሳ

\* 21:2 ዛብድዮሳ ናና፣ ኣሻቱዎ ግዳዳ ያቆሳነ የሃንሳ።

15 ኢንቱንቱ ቁማ ሜዳዋፕ ጉይያን፣ የሱስ ሰሞን ጳጳርሳ፣ “የሃንሳ ናኣ ሰሞና፣ ታና ሀዋንቱፕ አላደ ሲቃይ?”ፊ ያጌዳ።

ሰሞን ጳጳርሳ፣ “ኤ ጎዳው፣ ታን ኔና ደሰያዋ ኔን ኤራሳ” ያጌዳ።

የሱስ አ፣ “ታ ደርሳ ማራቱዋ ሄማ” ያጌዳ።

16 የሱስ ቃይካ፣ “የሃንሳ ናኣ ሰሞና፣ ታና ሲቃይ?” ያጌዳ።

ሰሞን ጳጳርሳ፣ “ኤ ጎዳው፣ ታን ኔና ደሰያዋ ኔን ኤራሳ” ያጌዳ።

የሱስ፣ “ታ ደርሳቱዋ ሄማ” ያጌዳ።

17 የሱስ ሄዘንሱዋ፣ “የሃንሳ ናኣ ሰሞና፣ ታና ደሳይ?” ያጌዳ።

የሱስ ሄዘንሱዋ ሰሞን ጳጳርሳ፣ “ታና ደሳይ?” ያጌደ ኦቼዳ ድራው፣ ጳጳርሳ ካዮቲደ፣

“ጎዳው፣ ኔን ኡባባ ኤራሳ፤ ታን ኔና ደሰያዋ ኔን ኤራሳ” ያጌዳ።

የሱስ፣ “ታ ደርሳቱዋ ሄማ።

18 ታን ነዉ ቱሙዋ ኦዳይ፤ ኔን ዋዳላተላን ደአያ ዋደ፣ ነ ዴሳን ሳቂያ ኔረካ ዳንጫደ፣ ኔን ኮዬዳሳ ባሳ። ሸን ጭሚዳዋፕ ጉይያን፣ ነ ኩሸያ ሞጫ በሳሳ። ኔና ሀራ ኡራይ ዳንጭሳናዋ፤ ኔን ደሰናሳካ አፊ” ያጌዳ።

19 የሱስ ሄዋ ጳጳርሳ አይ ማላ ሀይቁዋ ሀይቂደ፣ ጸሳ ቦንቸሳነንቶን ኤርሳናዉ ጌዳ፤ ቃይ ሄዋ ጌዳዋፕ ጉይያን፣ የሱስ ጳጳርሳ፣ “ታና ካላ” ያጌዳ።

**የሱሳነ የኮ ካልያዋ**

20 ጳጳርሳ ጉየ ሰሚደ፣ የሱስ ሲቅያ ካልያዌ ባረፕ ጉየና ይያዋ በኤዳ፤ ሄ ካልያዌ ካዉዋ ምያ ሳኣን የሱሳኮ ሸቂደ አ፣ “ጎዳው፣ ኔና አላ አማናዌ ኦኔ?” ያጌዳዋ።

21 ጳጳርሳ ሄ ካልያዋ በኢደ የሱሳ፣ “ጎዳው፣ ሀ ብታኒ ቃይ ዋናኔ?” ያጌዳ።

22 የሱስ አ፣ “ታን ያና ጋካናዉ እ ደአና ማላ ታን ኮዮፕ፣ ሄዌ ኔና አያ መቲ? ኔን ታና ካላ” ያጌዳ።

23 ሄዋ ድራው፣ ሄ ካልያዌ ሀይቀና ግያ ሃሳያይ አሻቱዋ ኡባኮ ጋኬዳ፤ ሸን የሱስ፣ “ታን ያና ጋካናዉ፣ እ ደአና ማላ፣ ታን ኮዮፕ፣ ኔና አያ መቲ?” ጌዳዋፕ አትን፣ “ሀይቀና” ግቤና።

24 ሄ የዉዋባ ማርካቲዳዌን ቃይ ሄዋ ጳፊዳዌ ሄ ካልያዋ አ ማርካተሳይ ቱማ ግድያዋ ኑን ኤሬቶ።

25 የሱስ ኦሌዳ ሀራ ዳርባይካ ደኤ፤ ኡባባይ ሁጲያን ሁጲያን ጸፈትንቶ፣ ጸፈትያ ማጻፋቶ ሀ ሙላ አላሚ ግዳናዋ ታዉ ማለተና።

† 21:15 “ታና ሀዋንቱፕ አላደ ሲቃይ?” ሀዋ ጉሳይ፣ “ታና ሀ የዋቱዋ ሲቅያዋፕ አላደ ሲቃይ?” ጉሳ።

# የሱስ ኪቴዳዋንቱ ኦሎቀ ገሉቀ

የሱስ ኪቴዳዋንቱ ኦሎቀ ጌተትያ ማጻፋይ፣ ሉቃስ ሞሽራቸዋ ካሊደ ጻፈቴዳ ማጻፋ። እው ደእያ ሁጸ ቆፋይ ኮይሮ የሱስ ካሊዳ አሳቱ ጌሻ እያናን ካለሰቲደ፣ እባ ኦድያ ሞሽራቸዋ ቃላ “የሩሳላመን፣ ይሁዳ ጋድያ ኡባን፣ ሳማርያን፣ ሳኦ ጋጾ ጋካናው” ሞሽራቸዋ ቃላ ዋት ጋድያ ኡባ ጋጼደንቶ ኦድናሳ (ኪታ 1:8)። ማጻፋይ ክርስትና እማኑ እይሁዳ አሳቱዋ ግደን ደመቲደ፣ ኩመንሳ አላምያን ደእያ እሳ ኡባ እማኑዋ ግደና ጋካናው ዋን እኬደንቶ ኦድያ ታርክያ። ጻፈ፣ እማንያ አሳቱ ሮማ ካውተላ ኦላናው ጋርሳና ማቅትያ እሳ ግደናዋን ክርስትና እማኑ እይሁዳቱዋ እማኑዋ ኩመንሳ ኦልያዋ ግድያዋ ኤርሳናው ዳርሰ ዳቡሪደ ኦጼዳ።

የሱስ ኪቴዳዋንቱ ኦሎ የሱሳባ ኦድያ ሞሽራቸዋ ቃላይ ጋክያ ሳእይ ዋድያን ዋድያን እክ እክ ብያዋን ዋሳ ገሊ ኤቆዳዋ ቆንጭሰያዋ ሄዙ ሁጸ ሳን ሻካናው ዳንዳየቴ።

- 1. ክርስትና እማኑ የሱስ ሳሉዋ ጉደ ብ ሰምና ደመቲዳየ፤
- 2. እሰራኤልያ ጋድያ ኡባ ጋኬዳባ፤
- 3. ሮመ ጉጂደ ሜድትራንያ እባ የሹዋን ደእያ ጋድያን እኬዳዋ ኦዳ።

የሱስ ኪቴዳዋንቱ ኦሎቀ ማጻፋን ዳርፕ ኤርቶቸዋ ጌሻ እያና ኦሎቀ ግድሽን፣ ጸንጾቆስተ ጋላሰ የሩሳላመን ደእያ እማንያዋንቱ ቦላ ዋልቃፕ እ ዋዴዳዋ፣ ሀዋዳንካ ማጻፋ ግደን ኦደቴዳ ኦሳቱዋ ኡባን ቤቴዳዋዳን፣ ጌሻ እያናይ ዋሳ ገልያን ዋሳ ገልያ ካላለያዋንታ ካላለያዳዋን ማንጊሴዋ ጉጂደ ኦዳ። በን ዋደ ኦስትያ ክርስትና ኪታይ ዴማ ዴማ ኦዴዳ ቃላ ግደፕ ማጻ ከሰና፣ ቃንሳን ሸቄዳ። የሱስ ኪቴዳዋንቱ ኦሎቀ ግደን ፖሊቴዳ ኪታቲካ ሄ ኦሱ እማንያ እሳ ደኤዋንን እማንያዋንቱ እትፕተላን ደእያ ዋልቃይ እይ ከና ዳርጌቶ ኦዳ።

## ሸምፓቲዋ ኡባቶ እመቴዳ ቃንሳ ቆፋቲዋ

- ማርካተላው ጊጉዋ 1:1-26
- ዉርሰላን የሱስ እሜዳ አዛዙዋን ህደታ 1:1-14
- ይሁዳ ኮታ ገሌዳዋ 1:15-26
- የሩሳላመን ኦስቴዳ ማርካተላ 2:1—8:3
- ይሁዳንን ሳማርያን ኦስቴዳ ማርካተላ 8:4—12:25
- ጳውሎስ ኪጥቴዳ ኦሎቀ 13:1—28:31
- ጳውሎስ ኪጥቴዳ ኦሶ ኮይሮ ሀመታ 13:1—14:28
- የሩሳላመ ሸቄዋ 15:1-35
- ጳውሎስ ኪጥቴዳ ኦሶ ላኤንሶ ሀመታ 15:36—18:22
- ጳውሎስ ኪጥቴዳ ኦሶ ሄዘንሶ ሀመታ 18:23—21:16
- የሩሳላመን፣ ቄሳርያንን ሮመን ሀኔዳ ጳውሎሳ ቃሹዋ 21:17—28:31

1-2 ቶፍሎሳ፣ የሱስ ሳሉዋ ቤዳ ጋላሳይ ጋካናው፣ ኦሳናውን ታማርሳናው ደሜዳዋ ኡባባ ታን ታ ኮይሮ ማጻፋን \* ጻፋድ። ሳሉዋ ባናፕ ካሰ እ ባረ ደሪደ ኪቴዳዋንታ ጌሻ እያናን አዛዜዳ።

3 እ ባረ ኪቴዳዋንቶ ኦይታሙ፣ ጋላሳ ቤቴድን ቃይ ዳሳ ካውተላባ ኡንቴንቶ ኦዴደ፣ ሳረ ዋይያፕ ጉይያን፣ ሀይቆዋፕ ደንዴዳዋ ሰ ሰ ባይናን ሎይሶ እማንሊደ፣ ባረና ኡንቴንታ በሴዳ።

4 ኡንቴንቲና እትፕ ደእደ፣ ኡንቴንታ ሀዋዳን ያጊደ አዛዜዳ። “የሩሳላመፕ ከሶፕተ፤ ሽን ሀንተንቲ ታፕ ሰሴዳ ታ አሱ ሀንተንቶ እማና ጊደ ሀደቴዳዋ ና ግተ።

5 እያው ሳፕ፣ ዮሃንስ ሃሳን ጳማቆዳ፤ ሽን ጉላ ዋድያፕ ጉይያን፣ ጌሻ እያናን ሀንተንቲ ጳማቅንታ” ያጊደ።

የሱስ ሳሉዋ ቤዳ (ማር. 16:19-20፤ ሉቃስ 24:50-53)

6 የሱስ ኪቴዳዋንቱ የሱሳና ጋከቴዳ ዋደ እ፣ “ሳዳው፣ ሀ ዋድያንን እሰራኤላቶ ካውተላ ዛራኒ?” ያጊደ ኦቼድና።

7 የሱስ ኡንቴንታ፣ “ታ እሱ ባረ ጎዳተላን ኬሪዳ እገናን ዋድያ ሀንተንቲ ኤሪናሳ ግደና።

8 ሽን ጌሻ እያናይ ሀንተንቲ ቦላ ዋድያ ዋደ፣ ዋልቃ ሀንተንቲ አካንታ፤ ያቲደ የሩሳላመንን ይሁዳ ጋድያ ኡባን፣ ሳማርያንን ጋድያ ጋጾ ኡባ ጋካናው ታው ማርካትያዋንታ ግደንታ” ያጊደ።

9 ሄዋ ጌዳዋፕ ጉይያን፣ ኡንቴንቲ ጼልሽን፣ ቶቁ ቶቁ ጊደ፣ ሳሉዋ ቢና፣ ኡንቴንቲ እይፍያፕ ሻሪ እ ገንሌዳ።

10 የሱስ ቦላው ደንድያ ዎደ፣ ኤንቴንቴ ሳሉዋ ጫድ ጸልሸን፣ ቦላ ማዩዋ ማዬዳ ላኤ አሳቱ ኤላካ ኤንቴንቴ ማጎን ኤቁደ።

11 “ጋለላ አሳቶ፣ ሳሉዋ ጸሊደ፣ ህንተንቴ አያው ኤቁድቴ? ሀ ህንተንቴጥ ሳሉዋ ቤዳ የሱስ ሳሉዋ ብያዋ ህንተንቴ በኤዳዋዳንካ፣ ሰሚደ ያናዋ” ያጌድኖ።

ይሁዳ ኮጋ ማትያስ ደረቴዳ  
(ማቶሳ 27:3-10)

12 ሄዋጥ ጉይያን፣ የሱስ ከቴዎድሮስ ደብረ ዛይተ ጌተትያ ዎጋራ ምላ ደርያጥ የሩሳላመ ሰሚድኖ። ዎጋራ ምላ ደሪ የሩሳላመጥ እት ኪሎ ምትርያ ኪኖ።

13 የሱስ ከቴዎድሮስ የሩሳላመ ገሊደ፣ ባረንቴ ደአያ ሳኦ ጶቃ ፑደ ከሴድኖ፤ ያ ከሴዳዎንቴ ሱንሳይ ጸጽርሳ፣ የሃንሳ፣ ያቆባ፣ አንድራሳ፣ ፕልጸሳ፣ ቶማሳ፣ ባርታላሞሳ፣ ማቶሳ፣ አልፕሮሳ ናኦ ያቆባ፣ ባረ ጋድያው ሴለትያ ተ ሰሞናን ያቆባ ናኦ ይሁዳ።

14 ሀዋንቴ ኡባቴ ማጫዎንቴና፣ የሱሳ ዳይ ማይራሞናን የሱሳ እሻቴዋና ኡባይ እት ዎዛና ግዲደ፣ ኡባ ዎደ እትጥተላን ዎሳው ሸቁኖ።

15 ሄ ዎደ፣ ጸጽርሰ ጸታን ላጋማ ግድያ አማንያ አሳ ሸቁዋን እትጥ ደአያ ባረ እሻቴዋ ግድን ደንድ ኤቁደ፣ ሀዋዳን ያጌዳ፤

16 “ተናዳን አማንያዎንቶ፣ የሱሳ ኦይቄዳዎንታ ካለፌዳ ይሁዳባ ጌሻ አያናይ ካሰ ዳዊተ ድናን ኦዴዳ ጸሳ ማጸፋ ቃላይ ፖለታናው በሴ።

17 አያው ጎጥ፣ ይሁዳ አስቆርቴ ኑናና ደኤ፤ ቃይ ኑናና እቴዋ ግድ ፓይደቲደ ኦሱዋ ባጋይ ደአና ማላ ደረቴዳ” ያጌዳ።

18 ይሁዳ አስቆርቴ ባረ ኢጋ ኦሱዋን ደሚዳ ሚሻን ጋድያ ሻሚዳ፤ ሰንሳው ጉፋኒደ ኩንድና፣ አ ኡሉ ግዲዋጥ ዳከቴዳ፤ አ ማራጨ ኡባይካ ካረው ጸልጸት ከሰ አጌዳ።

19 ይሁዳ ቦላ ሀይዳዋ የሩሳላመን ደአያ አሳይ ኡባይ ሰሴዳ፤ ሄዋ ድራው፣ ሄ ጋድያ ባረንቴ ቃላን እከልዳማ ጊደ ሱንሳይኖ፤ ሄዋ ብለሳይ ሱሳ ጋድያ ግያዋ።

20 ጸጽርሰ ኦዲደ፣ አያው ጎጥ፣ ማዘሙርያ ማጸፋን፣ አ ጎሊ መላ አቶ፤

እንነ ሄዋን ደኦፖ

ቃይ

አ ሱንሳተሳካ ሀራይ እኮ ጌተቲደ ጸፈቴዳ።

21-22 ሄዋ ድራው፣ እት አሳይ ጎዳ የሱሳ ደንዲዋ ማርካታናው፣ ኑናና ጋከታናው በሴ፤ የሃንሰ ጸማቄዳ ዎደያጥ ደሚደ፣ የሱስ ኑጥ ሳሉዋ ቤዳ ዎደ ጋካናው፣ ጎዳ የሱስ ኑናና ሀመቴዳ ዎድያ ኡባን አ ኑናና ደአያዎንቴጥ እቴዋ ግድ ሱንጋታናው በሴ።

23 ሄዋጥ ጉዮ አማንያ አሳይ ደር የሰጸሳ ግያ ባርሳባ ጌተትያ የሴሬን ማትያሳ ላኤዋ ኤሴድኖ።

24-25 ሄዋጥ ጉይያን፣ ጸሳ ዎሲደ፣ “ኡባ ዎዛና ኤርያ ጎዳው፣ ይሁዳ አስቆርቴ ባረሳ ባናው የጊደ ቤዳ ኦሱዋን የሱስ ከቴዳ ኦሱዋ ሀድራ አካናዳን፣ ሀ ላኤ አሳቴዋጥ እቴዋ ኔን ደራዳዋ ኑና በሳ” ያጌድኖ።

26 ኤንቴንቴን ሳማ የጌድኖ፤ ሳማይ ማትያሳ ቦላን ዎድና፣ ማትያሳ የሱስ ከቴዳ ታማን እት ከተታዋንቴና ፓይደቲዳ።

## 2

### የሱሳ ካልያዎንቴ ቦላ ጌሻ አያና ዎሳ

1 ጸንጸቆስተ\* ግያ ጋላሳይ ጋኬዳ ዎደ፣ አማንያዎንቴ ኡባቴ እትጥ ግዲደ፣ እትሳ ሸቅ ደአሸን፣

2 ዎልቃማ ጎቴዋዳን ጉምያ ጉንሳይ ዎዛና አጋናን ሳሉዋጥ ዩደ፣ ኤንቴንቴ ኡቴዳ ጎልያ ኡባ ከሚዳ።

3 ቃይ ታማ ላጨዋዳን ፖዲግያዌ ኤንቴንቴ ቤቲደ፣ ሻከት ሻከት፣ ኤንቴንቴ ኡባ ቦላ ዎዲዳ።

4 ኤንቴንቴ ኡባን ጌሻ አያናይ ኩሚደ፣ ዲማ ዲማ ቃላን ሃሳያና ማላ፣ ኤንቴንጋ ዳንዳይሰና፣ ሃሳያ ደሚድኖ።

5 ሳኦን ደአያ አሳ ዘረላ ኡባጥ ዩደ፣ ጸሳው ያይያ እትጥ ደአያ አይሁዳቴ የሩሳላመን ደአኖ።

† 1:13 ባረ ጋድያው ሴለትያ- ሀ ሰንሳይ ካላጥ ሮመ አሳና ኤቀቲደ እላቴዳ አይሁዳ አሳው አመቴዳዎ። 1:20 ማዘ. 69:25፤ 109:8 \* 2:1 ጸንጸቆስተ- አይሁድያ አሳይ ፓሰጋ ባላ ቦንቾደጥ እሻታሙ ጋላሳይ እቴ ሰምና ቦንቾትያ ዘርጋ ቆይቻ ባላ ጌተትያዎ። 2:1 ዎጋ 23:15-21፤ ዛረ. 16:9-11

6 ሀ ጉንጥ ሰሴዳ ዎደ፣ አሳይ ኡባይ ሸቄዳ፤ ኡንቴንቴ ባረንቴ ቃላን ቃላን ሃሳይሸን ሰሴዳ ድራጫ፣ ግያዎ ጳዬድኖ።

7 አሳይ ኡባይ ማላለቴደን ሀዌ ኦራጥ ጊደ፣ “በእተ፤ ሀ ሃሳይያዎንቴ ኡባቴ ጋለላ አሳቴዎ ግድክኖ?

8 ያትና፣ ኑን ኑ የለቴዳ ጋደ ቃላን ኡንቴንቴ ሃሳይሸን ዋኒደ ሰሴቶ?

9 ኑን ጳርተ አሳቴ፣ ሜደን አሳቴ፣ ኤላሜጸ አሳቴ፣ ላኡ ሻፋቴዎፕ ግዱዎን ደእያዎንቴ፣ ይሁዳን፣ ቃጳጳቅያን፣ ጳንጸሳን፣ ኢሰያን።

10-11 ፕርግያን፣ ጳንፍልያን፣ ግብጾን፣ ቀሪና ባጋን ደእያ ሊብያ ዎራዳቴዎን ደእያዎንቴ፣ ሮመፕ ዬዳ እማሳቴ፣ አይሁዳቴ፣ አይሁዳተላጣ ላመቴዳ ኑፕ እማራዳዎንቴ፣ ቃርጼሰ አሳቴ፣ አራብያ አሳቴ፣ ጳሳይ ኡሌዳ ዎልቃማ ኦሱዎ ኑ ቃላን ኡንቴንቴ ሃሳይሸን ሰሴዳ” ያጌድኖ።

12 ኡባይካ ማላለቴደ፣ የዉ ባረንቶ ገለናን እጵና ባረንቴ ግደን፣ “ላ ሀዌ ዎግያዎ?” ያጌድኖ።

13 ሸን ሀራ አሳቴ እማንያዎንቴ ቦላን ቅለጪደ፣ “ሀዎንቴ ኡሸደ ማላቴድኖ” ያጌድኖ።

**ጳጵርሳ ሃሳያ**

14 ሸን ጳጵርሰ፣ የሱሰ ከቴዳ ሀራ ታማን እት ከተቶዎንቴና ደንድ ኤቄደ፣ ባረ ኮሻ ቶቀ ኦላደ፣ ኡንቴንቶ ሀዎዳን ያግ ኦዴዳ፤ “አይሁዳቶ፣ ቃይ የሩሳላመን ደእያ ኡባቶ፣ ታን ኦድያዎ ሰሰተ። ሀዌ ሀንተንቶ ኤራቶ፤ ሀንተንቴ ቆፕያዎዳን፣ ሀዎንቴ ማላትቦይክኖ።

15 እያዉ ጎፕ፣ ዎንታፕ ብሮ ሄዙ ሳተ ግዴ።

16 ሸን ሀዌ ናብያ ኢዩኤል ሃሳዬዳዎ።

17 “አ ሃሳዬደ፣ ጳሳይ ሀዎዳን ያጌዳ፤ ዎድያ ዉርሰላን ሀዎዳን ሀናናዎ።

ታን አሳ ኡባ ቦላን ታ እያና ጉሳና።

ሀንተንቴ አቴማ ናናይን ሀንተንቴ ማጫ ናናይ

ትዎቢትያ ኦዳናዎንታ።

ሀንተንቴ ዎዳላ ናናይካ ሳፃ በእናዎንታ፤

ሀንተንቴ ጭማቴካ እኩሙዎ እኩሙታናዎንታ።

18 ሄ ጋላሳቴን ታ አቴማ ቆማቴዎ ቦላን፤ ታ ማጫ ቆማቴዎ ቦላን

ታን ታ እያና ጉሳና።

ሄዎፕ ጉየ ኡንቴንቴ ትዎቢትያ ኦዳናዎንታ።

19 ቃይ ታን ቦላ ሳሉዎን ኦራጥ፣ ጋርሳ ሳንካ ማላታ በሳና።

ሱላይ፣ ታማይን ሻርያዳን፣ ካሜዳ ጩዋይ ደእና።

20 ዎልቃማን ቦንቾ ግዴዳ ጎዳ ጋላሳይ፣ ጋካናፕ ካሰ አዋይ ጴማና፤ አገናይካ ሱላ ማላታና።

21 ሄ ዎደ ሀዎዳን ሀናናዎ፤ ጎዳ ሱንላ ጴሰያ ኦን፤ አታና።

ያጌዳ።

22 “አበራኤልያ አሳቶ፣ ሀ ቃላ ሰሰተ፤ ናዝሬትያ የሱሰ ሀንተንቴ ግደን ጳሳይ ባረናን ኡሌዳ ዎልቃማ ኦሱዎን፣ ኦራጥን፤ ማላታን ሀንተንቶ ጲሸሴዳ አሳ፤ ሄዎ ሀንተንቴካ ኤሪታ።

23 የሱሰ ሀንተንቶ እመታና ማላ፣ ጳሳይ ካሰ ባረ ሸንያን፤ ባረ ኤሪን ባረ ቆፋ ቃቾ ዎሌዳ፤ ያትና፣ አ ሀንተንቴ ናጋራንቻቴዎ ኩሸያን ማሰቃልያ ቦላ ሞሰማርያን ጲሸሴዳ፣ ካቅሰ ዎድሴድታ።

24 ሸን ሀይቁ የሱሳ ኦይቃናዉ ዳንዳይቤና ድራጫ፣ ጳሳይ ሀይቁዎ ሴላ አፕ ጳይሴደ፣ አ ደንሌዳ።

25 እያዉ ጎፕ፣ ዳዊተ የሱሳባ ሀዎዳን ያጌዳ፤ “ ታን ሙቶተናዳን፣

ጎዳይ ታ ኡሸቻን ደእያ ድራጫ፣

ታን ኡባ ዎደ ጎዳ ታ ማታን በእይ።

26 ሄዎ ድራጫ፣ ታ ዎዛናይ ናሸቴዳ፤ ታ እንጳርሳንካ ናሸቻይ ኩሜዳ።

ቃይ ታ ቦላይካ ሎኦ ደእና ጊደ፣ ናሸቻን ናጌ።

27 እያዉ ጎፕ፣ ታ ሸዎፕዎ፣

ሰከሊያን አጋካ።

ቃይ ነ ጌሻ ርክ አሃካ ዋቀሳካ።

28 ኔን ታና ደኡዋ ኦግያ ኤርሳዳ።

ኔን ታናና ደኡያዋን።

ታን ዳሪ ናሽታይ።

ያጌዳ።

29 “አሻቶ፣ ኑ አዎቱዋ ካጥዋ ዳዊተባ ታን ህንተንቶ ጌሻደ ኦዳናዉ በሴ፤ ዳዊተ ሀይቂደ ዋግቲዳ፤ እ ዴፋ ሀቼ ጋካናዉካ ኑ ማታን ደኤ።

30 ዳዊተ ርብያ ግዴዳ ድራዉን ጸሳይ እ ርና ዘረፋጥ እቲዋ እ ካዉተላ ኦይድያን ኡትሳናዉ እዉ ጫቄዳዋ ኤሬዳ ድራዉ።

31 ክርሰቶሳ ደንዱዋ ሰንሳዉ ጸሊደ፣ ሳክ ሸዎ፣ ሰከሊያን አትቤና፤ እ ቦላይካ ዎቂቤና፣ ጌደ ኦዴዳ።

32 “ጸሳይ የሱሳ ሀይቁዋ፣ ደንጤዳዎ ኑን ኡባይ ማርካ።

33 ሄዎ ድራዉ፣ ጸሳይ ባረጥ ኡሸቻ ባጋን ተ እ ጶቁ ጶቁ ኦሊደ፣ እዉ ጌሻ እያና እማና ጌዳዋዳን፣ ጌሻ እያና እኪደ፣ ሀዋ ህንተንቲ ሀእ በእያዋን ሰሰያዋ ኑ ቦላ ጉሴዳ።

34-35 “እያዉ ጎጥ፣ ዳዊተ ባረ ሁጸዉ ሳሉዋ ከሰቤና፤ ሽን ያጌዳ፤

“ ሳዳይ ታ ጎዳ፤ “ታን ነ ሞርከቲዋ።

ኔን ገድያን የጳ ኤቄያዋ ኦሳና ጋካናዉ

ሀዋን ታጥ ኡሸቻ ባጋና ኡታ” ጌዳ።

ያጌዳ።

36 “ሄዎ ድራዉ፣ ጸሳይ ማስቃልያ ቦላ ሞስማርያን ሀ ህንተንቲ ድሸደ ካቄዳ የሱሳ ጎዳን ክርሰቶሳ ኦሊዳዋ እሰራኤልያ እሳ ዘረሳይ ኡባይ ቲሙጥ ኤር” ያጌዳ።

37 እሳይ ጸጽሮስ ጌዳዋ ሰሴዳ ዎደ፣ እሳዉ ዎዛናይ ዳር፣ ቦሸትና፣ ጸጽሮሳን የሱሰ ከቴዳ ሀራቲዋ፣ “ኑ አሻቶ፣ ያትና ኑን እያ ኡዳኔን?” ያጌድ።

38 ጸጽሮስ ኡንቲንታ፣ “ህንተንቲ ናጋራይ አቶ ጌተታና ማላ፣ ናጋራጥ ሰሚደ፣ ህንተንቲ ሁጲያን ሁጲያን የሱሰ ክርሰቶሳ ሱንሳን ጸማቀትተ። ጸሳይ እምያ ጌሻ እያና ህንተንቲ አካና።

39 እያዉ ጎጥ፣ ጸሳይ እማና ጌዳ ቃላይ ህንተንቲሳ፣ ህንተንቲ ርናቲዋሳን ጎዳይ ኑ ጸሳይ ባረኮ ጸሰያ ሃኩዋን ደኡያዋንቲ ኡባሳ” ያጌዳ።

40 ጸጽሮስ ኡንቲንቶ ቃላ ሀራካ ጉጅ ማርካቲደ፣ “ሀ ዎድያ ጌላ እሳጥ ህንተንቲ ሁጲያ አሸተ” ያጌደ ዘሬዳ።

41 ጸጽሮስ ኦዴዳዋ እኩዳዋንቲ ጸማቀቲድ፣ ሄ ጋላሰ ሄኩ ሻእ ግድያ እሳይ እማኔድ።

42 ኡንቲንቲ የሱሰ ከቴዳዋንቲ ትምርትያን፣ እትጥተሳን ኡክሳ መንሳ ምያዋንን ጸሳ ዎሳን ገንጪ።

**እማንያ እሳይ አሻተሳንን እትጥተሳን ደኡያ ደኡዋ**

43 የሱሰ ከቴዳዋንቲ ኩሸያን ዳር ኦራሳባይን ማሳታቲ ኦሰትና፣ እሳ ኡባ ያሻይ ኦይቄዳ።

44 እማኔዳ ኡባቲ እትጥ ደኡና፤ ቃይ ባረንቶ ደኡያባ ኡባካ እትጥ ሻክ እኬድ።

45 ኡንቲንቲ ባረንቲ ጋድያን ባረንቶ ደኡያባ ዛልእ ዛልኤደ፣ ኦናን ኮሼዳ ኬና ሚሻ ኡባዉ ሻኬድ።

46 ቃይ ኡባ ጋላሰ፣ እት ዎዛና ግዲደ፣ ጌሻ ጎልያን ፓጩናን ጋከቲደ፣ ባረንቲ ጎላ ጎላ ጸሰቲደ ናሽቻንን ፓሸካ ዎዛናን ቁማ ሚ።

47 ጸሳ ጋላቲደ፣ እሳ ኡባን ሳበቲድ። ቃይ ጎዳይ እማን እትያዋንታ ጋላሰ ጋላሰካ ኡንቲንቲ ቦላ ጉጅ።

**3**

**እት ዎባ ብታኒ ፓጸዳ**

1 እት ጋላሰ፣ ጸጽሮስን የሃንሰ ጸሳ ዎሳናዉ ኡዴ፣ ሳትያን ጌሻ ጎልያ ቤድ።

2 የለቶደጥ ደሚደ፣ ጉንዳ ግዲደ ደኡያ እት ብታኒ ጌሻ ጎልያ ገልያ እሳጥ ሚሻ ዎሳናዉ፣ ኡባ ጋላሰ ዳሪ ሎእ ግያ ጌሻ ጎልያ ፐንግያን እሳይ አሬደ ዎልዎ ደኤ።

3 ሄ ዎባ ብታኒ፣ ጸጽሮስን የሃንሰ ጌሻ ጎልያ ገልያ ህንሸን በኪደ፣ ሚሻ ኡንቲንታ ዎሴዳ።

4 ጸጽሮስ የሃንሳና እ ጫድ ጸሊደ፣ “ኑኮ ሃ ጸላ” ያጌዳ።

5 ዎባ ብታኒ ኡንቲንቲጥ እትባ አካናዉ ኮቧደ፣ ኡንቲንቲኮ ጸሊዳ።

6 ሽን ጳጳርሰን እ፡ “ታወ ሚሻይ ባዋ፤ ሽን ታወ ደእያባ ታን ነወ እማና፤ ናዝራትያ የሱሰ ክርስቶስ ሱንላን ደንዳደ ሀመታ” ያጌዳ።

7 ያጌደ፡ ዋየ ብታንያ ባረ ኡሸቻ ኩሸያን ኦይቁደ፡ ፑደ ደንጹዳ፤ ኤለካ አ ገዲነ ሚሽ መቀላይ ሞን አጌዳ።

8 ብታጌ ፑደ ጉፒደ፡ ደንድ ኤቁዳ፤ ያነ ሃነ ሀመታ ደሚዳ። ሄዋፒ ጉይያን ሀመቲደ፡ ጉፒደን ጸሳ ጋላቲደ፡ ኤንቱንቱና እትፒ ጌሻ ጎልያ ገሌዳ።

9 አ ሀመቲሺናን ጸሳ ጋላትሸን፡ አሳይ ኡባይ አ በኤዳ።

10 ያጌደ፡ ሚሻ ሞሳናዉ ዳሪ ሎአ ግያ ጌሻ ጎልያ ፐንግያን ኡቴዳዋ አ ግዴዳዋ እኬኬድና፤ አ ሀይዳዋ በአደ ማላለቴድና።

**ጳጳርሰን ጌሻ ጎልያን ሃሳዬዳ ሃሳዎ**

11 ብታጌ ጳጳርሰን የሃንሳ ኦይቁ ኡቴዳ ዋደ፡ አሳይ ኡባይ ማላለቲደ፡ ሶሎሞን ባራንዳ \* ግያ ሳን እትፒ ኤንቱንቱኮ ሞጼድና።

12 ጳጳርሰን አሳ በኤዳ ዋደ ኤንቱንቱ ያጌዳ፤ “እስራኤልያ አሳቶ፡ አያዉ ሀዋ ማላለቲቴ? ዋይ አያዉ ኑና ጫድ ጸሊቴ? ኑን ኑ ዋልቃን ዋይ ጸሳ ማላትያዋን ሀ ብታንያ ሀመጹዳዋ ሀንተንቶ ማላቲ?”

13 አብራሃሞ ጸሳይ፡ ይሳቃ ጸሳይ፡ ያቆባ ጸሳይ፡ ኑ አዋቱዋ ጸሳይ፡ ሀንተንቱ እሰ እሚዳዋ ጽላጸሰ ብላናዉ ቆሻ ኡቴዳ ዋደ፡ ሀንተንቱ አ ሰንላን፡ ኑን አ ኤርኮን ጌዳ ባረ ናአ የሱሳ ባንቼዳ።

14 ሽን ሀንተንቱ ጌሻን ጽሉዋ፡ ኑን አ ኤርኮን ጌደ፡ ሸሞፑዋ ዋዴዳዋ አ ድራ ሀንተንቶ ብላናዉ ጽላጸሳ ዋሴድታ።

15 ደኡዋ አሞያዋ ሀንተንቱ ዋዴድታ፤ ሽን ጸሳይ ሀይቁዋፒ አ ደንጹዳዋ ኑን ማርካ።

16 ሀ ዋባ ብታንያ የሱሳ ሱንላ ዋልቃይ ሞንሴዳ፤ ሀንተንቱ በአያዌን ኤርያዌካ እ አ ሱንላን እማንያዋን አሰቴዳ፤ ሀ ሀንተንቱ ኡባ ሰንላን አ ሀዋዳን ሎይጹዳዌ፡ የሱሳ አ እማንያዋ።

17 “ሀአካ ታናዳን እማንያዋንቶ፡ ሀንተንቱካ ሀንተንታ ካልያዋንቱዳን፡ ኤርናን እጹዳዋ ታን ኤራይ።

18 ሽን ጸሳይ በን፡ ናባቱዋ ኡባቱዋ ደናን፡ ‘ክርስቶስ ዋየታና በሴ’ ያጌደ ኦዴዳ፤ ባረ ኦዴዳዋካ ሃዋዳን ፖሊዳ።

19-20 ስሞ ጸሳይ ሀንተንቱ ናጋራ ማራናዳን፡ ጎዳ ማታፒ አያና ሞናተላ ዋዴ ሀንተንቶ ያናዳንን ጸሳይ የሱሰ ክርስቶስ ካሰ ሀንተንቶ ኦደቶዋዳን የዳናዳን፡ ሀንተንቱ ናጋራ ፓጺደ ጸሳኮ ስሞተ።

21 ጸሳይ ጌሻ ግዴዳ ባረ ናባቱዋ ደናን በንፒ ደሚደ ሃሳዬዳዋዳን፡ ኡባባይ ኡራጽያ ዋዴ ጋካናዉ፡ የሱሰ ሳሉዋን ጋሞአናዉ በሴ።

22 ሙሴ፡ ‘ጎዳይ ጸሳይ፡ ሀንተንቱ ዛርያ ግደፒ ሀንተንቶ ታናዳን ናብያ ደንላና፤ ሀንተንቱ አ ግያዋ ኡባ ሰሰተ።

23 ሄ ናቤ ኦዴያዋ ሰሰና አሳይ ኡንን አሳ ግደፒ ሻክት ቆየን ያጌዳ።

24 “ቃይ ሳሚላፒ ደሚደ፡ አፒ ካላ ደንዴዳ ናባቱ ኡባቱ፡ ሀ ዋድያባ ኦዴድና።

25 ሀንተንቱ ናባቱዋ ናና፤ ቃይ ጸሳይ አብራሃሞ፡ ‘ሳኣን ደእያ አሳ ኡባ ታን ነ ዘረሳ ባጋና እንጅና’ ያጌደ ኑ አዋቱዋና ጫቁን ጫቁዋ ላትያ ናና።

26 ጸሳይ ሀንተንታ ኡባቱዋ ሀንተንቱ ኢታ ኦሱዋፒ ዛሪደ እንጅና ማላ፡ ባረ ቆማ † ደንጹደ፡ ሀንተንቶ ኮይሮ የዴዳ” ያጌዳ።

**4**

**ጳጳርሰን የሃንሰ እይሁዳቱዋ ሻንጋቱዋ ሰንላ ሸቄድና**

1 ጳጳርሰን የሃንሰ አሳዉ ኦድሸን፡ ቁሳቱዋ ካፓቱ፡ ጌሻ ጎልያ ዋታዳራቱዋ አዛዝያዌን ሳዱቃዋናቱ።

2 ኤንቱንቱ አሳ ታማርሰያ ድራዉን ሀራ አሳቱ ሀይቁዋፒ ደንዳናዋ ማርካ ግዳና ማላ፡ የሱሰ ሀይቁዋፒ ደንዳዳዋ ኦዴዳ ድራዉ፡ ዳሪ ይሎቲደ፡ ኤንቱንቱኮ ዬድና።

3 ኤንቱንታ ኦይቁደ፡ ሳአይ እማርሰድጎ ድራዉ ዋንታናዉ ቃሽ ጎላ ገልሴድና።

4 ሽን ቃላ ስሴዳዋንቱፒ ጮራቱ እማኔድና፤ አቴማ አሳ ፓይዳ እቼሹ ሻአ ከና ግዴዳ።

5-6 ዋንተላ ጋላሰ፡ ኤንቱንታ ሞድያዋንቱ፡ እይሁዳ አሳ ጭማቱ፡ ሙሴ ሀግያ ታማርሰያዋንቱ፡ ቁሳቱዋ ኡባቱዋ ካፓቱ ሃን፡ ቃያፍ፡ የሃንሰ እሰክንድርን ቁሳቱዋ ኡባቱዋ ካፓቱዋ ዳባቱ ኡባይ የራሳላመን ሸቄድና።

\* 3:11 ሶሎሞን ባራንዳ፡ ጌሻ ጎልያ አዋይ ዶልያ ሰንላ ባጋና ጮራ አሳይ ሸቆያ እዳሳነ እኮ ሳኣ። 3:22 ዛረ. 18:15፤ 18 3:23 ዛረ. 18:19 3:25 ደመላ 22:18 † 3:26 ቆማ፡ ጸሳ እጫዋን ደራቴዳ ናኣ።

7 የሱስ ኩቴዳዋንታ ባረንቱ ግዲዋን ኤሲደ፣ “እያ ወልቃን ወይ ኦ ሱንግን ሀዋ ሀንተንቱ ኦሌድቱ?” ያገደ ኦቼድድ።

8 ሄ ወደ ጳጳርሰሳ ባረናን ጌሻ እያናይ ኩምና፣ ኡንቱንታ ሀዋዳን ያጌዳ፤ “አሳ ካለልያዋንቶ፣ አይሁዳ አሳ ጭማቶ፣

9 ሆቼ ሀ ሀርጋንቻ ብታንያወ ኦሰቲዳ ሎኦ ኦሱዋባነ እ ዋን ፓጼደንቶ፣ ሀንተንቱ ኑና ኦቸ፣

10 ማስቃልያ ቦላ ምስማርያን ሀንተንቱ ድሺደ ካቁና፣ ጳሳይ ሀይቁዋ፣ ደንጮዳ ናዝሪትያ የሱስ ክርስቶሳ ሱንግን ሀ ብታጌ ፓጼደ፣ ሀንተንቱ ሱንግን ኤቁዳዌ ሀንተንቱ ኡባዉነ እስራኤልያ አሳ ኡባዉ ኤረቶ።

11 ጎልያ ኬጽያዋንቱ ሀንተንቱ ካጂደ እጼዳ ቱሳይ ጎልያ ኡባ ቶክያ ኮሽያ ቱሳ ግዴዳ።

12 አሳይ አቶተሳ የሱሳ ባጋና ደማና፣ ሀራ ኦ ባጋናነ ደመና፣ ኑን እ ሱንግን ኦሳናወ በሴ፤ እያወ ጎ፣ ጳሳይ ሳሉዋ፣ ጋርሳን አሳዉ እማዳ ሀራ ሱንግይ ባዋ” ያጌዳ።

13 ሽቁዋ አሳይ ጳጳርሰሳ የሃንስ ጳሌዳ ጳላ በኤዳ ወደ፣ ኡንቱንቱ ታማርቤና ጮ አሳ ግዴዳዋ እኪኪደ ማለቲድድ፤ ኡንቱንቱ የሱሳና ደእያዋካ ኤሬድድ።

14 ቃይ ፓጼዳ ብታጌ ጳጳርሳና የሃንሳና ኤቁዳዋ አሳይ በኢደ፣ ግያዋ ጳይድድ።

15 ሸን ጳጳርሰሳ የሃንስ ሸቁዋ፣ ካረ ከሳና ማላ አሳይ አዛዚደ፣ ባረ ግደን ዘረቲደ፣

16 “ሀ አሳቱዋ እያ ኡዳኔ? እያወ ጎ፣ ኡንቱንቱ ኩሽያን ኦሰቲዳ ወልቃዎ ማላታቱ የሩሳላመን ደእያ ኡባዉ ቤቲዳ፣ ኑን ሄዋ ኤርኮ ጋናወ ዳንዳዮኮ።

17 ሸን የወ አሳዉ ላለተና ማላ፣ ሀዋ፣ ሰንግላ ሀ አሳቱ የሱሳ ሱንግ ኦሰነ ኦደናዳን፣ ምንሲደ ኡንቱንታ፣ ‘ሀንተና ኤርኮ’ ጎይተ” ያጌድድ።

18 ኡንቱንቱ ጴሲደ፣ የሱሳ ሱንግ ሙለካ ደንጋናዳንነ አባ ታማርሰናዳን አዛዜድድ።

19 ሸን ጳጳርሰሳ የሃንስ ዛሪደ፣ “ጳሳዉ ኤፍ ግያዋ አገደ፣ ሀንተንቶ ኤፍ ግያዌ ጳሳ ሰንግን ሎኤንቶነ እነ ሀንተ ፕርድተ።

20 እያወ ጎ፣ ኑን በኤዳባነ ሰሴዳባ ኦደናን አጋናወ ዳንዳዮኮ” ያገደ ሸቁዳ አሳዉ ኦዴድድ።

21 ሸቁዳ አሳይ ኡንቱንታ ሙራናወ ጋሶትያባይ ጳይና፣ ላኤንሎዋ ዳርሰ ፓሎመቲደ፣ ሀይዳባወ አሳይ ኡባዉ ጳሳ ጋላትያ ድራወ፣ ኡንቱንታ ብሊደ የዴድድ።

22 ሄ ሀርግ፣ ፓላያ ፓላያ ሎጋቱ አወ ኦሰቲዳ ብታጌ የለቶደ፣ ላይሳይ አወ ኦይታሙዋ፣ አጂዳ።

**የሱስ ኩቴዳዋንቱን ሀራ አማንያ አሳቱ ጴማ ወደ ዋሴዳ ዋሳ**

23 ጳጳርሰሳ የሃንስ ብለቲደ፣ ባረንቱ ዳባቱዋኮ ቢደ፣ ቁሳቱዋ ካፓቱነ አይሁዳ ጭማቱ ባረንታ ጌዳባ ኡባ ኡንቱንቶ ኦዴድድ።

24 ኡንቱንቱ ሄዋ ሰሴዳ ወደ፣ አት ዋዛና ግዴደ፣ ጳሳ ሀዋዳን ያገደ ዋሴድድ፤ “ኡባ ሞድያ ጎዳወ፣ ሳሉዋ፣ ሳላ፣ አባነ ኡንቱንቱ ግደን ደእያ ኡባባ መጂዳዎ፣

25 ኑን ነወ ኦላል ኑ አወዋ ዳዋተ ደናን ጌሻ እያናን ሃሳያደ።

“ ኣይሁዳ ግደና አሳይ እያወ ይሎቲዳ?  
ቃይ አሳይ እያወ ዳንበናባወ ማቀቲዳ?

26 ሳእ ካታቱ ገቢቲድድ፤  
ጋድያ ሞድያዋንቱ ጎዳ ቦላንነ

እ ኦኬዳ ክርስቶሳ ቦላ አት፣ ደንዴድድ፣  
ያጋደ ሃሳያዳ።

27 “ኣያወ ጎ፣ ሄርድሰነ ጳንጳናዎያ ጵላጳሰ አይሁዳ ግደና አሳናን እስራኤልያ አሳና፣ ኑን ኦኬዳ ክርስቶሳ ነ ጌሻ ናእ የሱሳ ቦላ ደንዳናወ፣ ሀ ካታማን ሸቁዳዌ ቱማ።

28 ቃይ ኑን ነ ወልቃን ነ ሸንያን ሀናና ጋይ ቆፓ ኡቲዳባ ኡባ ኦሳናወ ሸቁድድ።

29 ሀእካ ጎዳወ፣ ኡንቱንቱ ናሰያ ጴዳ፤ ኑን ኔና ካልያዋንቱ፣ ነ ቃላ ኩመንጎሳ ቆንጨተሳን ኦዳናዳን፣ ኑና ዳንዳይሳ።

30 ፓላናወ ነ ወልቃ በሳ፤ ቃይ ነ ጌሻ ናእ የሱሳ ሱንግን ኦራላባነ ማላታ ኦሰሳ” ጊደ ዋሴድድ።

31 ኡንቱንቱ ጳሳ ዋሴዳዋ፣ ጉይያን፣ ሄ ኡንቱንቱ ሸቁዳሳይ ቃጴዳ። ኡንቱንቱ ኡባን ጌሻ እያናይ ኩምና፣ ጳሳ ቃላ ቆንጨተሳን ኦዴድድ።

**ኮይር አማኔዳ አሳቱዋ አትተሳ ደኤዋ**

32 አማንያዋንቱ ኡባቱ ቆፋንነ ዋዛናን አቲዋ ግዴድድ። ኡንቱንቱ መሄ ኡባይ አት፣ ደእያዋ፣ አትን፣ ባረወ ደኤዳባ ኦንነ ባረንቱባ ግቤና።

33 የሱስ ኩቴዳዋንቱ ጎዳ የሱስ ሀይቁዋ፣ ደንዴዳዋ ወልቃዎ ወልቃን ማርካቲድ፤ ቃይ ጳሳይ ኡንቱንቶ ኡባዉ አጼ ኬካተሳ ዳርሲደ አማዳ።



- 34 እማንያዋንቱ ግደን መቶታንቻይ እቱነ ባዋ፤ እያው ጎጥ፣ ቢታይ ወይ ጎሊ ደእያዋንቱ ኡባቱ ዘልእደ፣ እኲዳ ሚሻ አሂደ፤
- 35 የሱሰ ኪትዳዋንቱ እማኛ፤ ሃ ሚሻይ አሳው ኮሽያዋዳን ሻከት፣ ሁጲያን ሁጲያን እመቲ።
- 36 ቆጲርሳ ጌተትያ ሳን የለቲዳ የሴፎ ግያ ለዌያ ዛሪ እቱ ደእ፤ እ ስንሳ የሱሰ ኪትዳዋንቱ ባርናሳ ጌድኖ። ሃዋ ብለላይ “መገጃያ ናእ” ግያዋ።
- 37 ባርናሳስ ባረጫ ደእያ ጋድያ ዘልኤዳ ሚሻ አሂደ፣ የሱሰ ኪትዳዋንቱ እማዳ።

### 5

#### ሀርንያን እ ማቻት ሳጺር

- 1 እት ሀርንያ ጌተትያ ብታኒ ባረ ማቻት ሳጺርና ጋድያ ዘልኤዳ።
- 2 ሃ ዘልኤዳ ሚሻጥ ባረ ማቻታ ኤርሽን እሺደ፣ አቶዋ የሱሰ ኪትዳዋንቱ እማዳ።
- 3 ሽን ጸጵርስ ሀርንያ፣ “ኔን ጌሻ እያና ጭማይ ነ ጋድያ ዘልኤዳ ሚሻጥ ሻካ እሻና ማላ፣ ጸላሂ ነ ዋዛናን እያው ገሌዴ?
- 4 ኔን ዘልእናጥ ካሰ ጋዲ ነዋ ግደኔ? ቃይ ኔን ዘልእ ሰምናካ ሚሻይ ኔሳ ግደኔ? ያትና፣ ሀዋ ማላባ ኦላናው እያው ነ ዋዛናን ቆገዲ? ኔን ጸሳው ዋርዶቶዋጥ እትን፣ አሳው ዋርዶታበይካ” ያጌዳ።
- 5 ሀርኒ ሃ ቃላ ሰሴዳ ኤለካ ኩንዲደ ሀይቂ እጌዳ፤ ሃዋ ሰሴዳ ኡባይ ዳር ያዬዳ።
- 6 ዋዳላ አሳቱ ሶይ ገሊደ፣ እ እሃ ጸጲደ፣ ካረጫ ከሰ እ ሞጌድኖ።
- 7 ሄዙ ሳተ ግድዋጥ ጉይያን፣ ሀርንያ ማቻታ ሃዋ ኤረናን ደእደ ገላዲ።
- 8 ጸጵርስ እዞ፣ “ሀንተንቱ ጋድያ ሀን ከና ሚሻን ዘልኤድቲ? እነ ታው ኦዳ” ያጌዳ።
- እዛ፣ “ኤ ሀን ከና ሚሻን ዘልኤደ” ያጋዲ።
- 9 ጸጵርስ ሞሽራቶ፣ “ኔን ነ እሰናይ ጎዳ እያና ጋጫናው እያው ዘረቲድቲ? በእ፤ ነ እሰና ሞጌዳ አሳቱ ካረን ደእኖ፤ ነ እሃካ ኡንቲንቱ ካረ ከሳና” ያጌዳ።
- 10 ሞሽራታ ሃ ማንእያን ጸጵርሳ ገድያ ማታን ኩንዲደ ሀይቃ አጋዲ፤ ዋዳላ አሳቱ ገልያ ዋደ ሀይቁዳወና ደማደ፣ ካረ ከሴዳዋጥ ጉዩ፣ እዝ እሰና ዲፋዋ ማታን ሞጌድኖ።
- 11 እማንያ አሳ ኡባይን ሃዋ ሰሴዳ ሀራ አሳይ ኡባይ ዳሪ ያዬዳ።

#### የሱሰ ኪትዳዋንቱ ኩሽያን ኦሰቲዳ ኦራላባቲዋን ማላልሰያዋንታ

- 12 የሱሰ ኪትዳዋንቱ ዳር ማላታን ኦራላባ አሳ ግደን ኦሊኖ፤ እማንያ ኡባቱ ሶሎሞን ባራንዳን እት ሸቂኖ።
- 13 ሀራ አሳጥ ኡንቲንቱና ጋከታናው ሀራይ እቶ እቱነ ጸልቤና፤ ሽን አሳይ ኡንቲንታ ቦንቼ።
- 14 እማንያ አቲማ አሳይን ማጫ አሳይ ካሰዋጥ ጮራይ ጎዳው ጉጀቲ።
- 15 ሃዋ ድራጫ፣ አሳይ ሀርንያቻቲዋ ሻንቻማን ሳሌናን ቀር ቶኪደ፣ ጸጵርስ ሃዋና አቲያ ዋደ ሀራይ እቶ፣ እው ኩዌንቶን ኡንቲንቱጥ እቲዋ እቲዋ ቦላና አቶና ማላ፣ ካታማ ኡግያ ዶና ከሲደ ዋሴ።
- 16 ቃይ ጮራ አሳይ የሩሳላመ ማታን ደእያ ካታማቲዋጥ ሀርንያቻቲዋን ኢታ እያናን ኦይቀቲዳ አሳቲዋ እክ ዬድኖ፤ ኡባቲካ ፓጼድኖ።

#### የሱሰ ኪትዳዋንቱ ቦላ የደሳይ ደንዴዳ

- 17 ሃዋጥ ሰምና ቂሳቲዋ ካዥነ እናና ደእያ ሳዱቃዋናቲ ኡባቱ የሱሰ ኪትዳዋንታ ዳር ቃናቲደ፣ እንቲንቱ ቦላ ደንዴድኖ።
- 18 ቃይ የሱሰ ኪትዳዋንታ ኦይቂደ፣ ኡባ አሳ ቃቻያ ጎልያን የጌድኖ።
- 19 ሽን ጎዳ ኪታንቻይ ቃማ ቃሾ ጎሊ ጥንግያ ዶዴደ፣ የሱሰ ኪትዳዋንታ ካረ ከሲደ፣
- 20 “ሀንተንቱ ቢደ፣ ጌሻ ጎልያን ኤቂደ፣ ሀ ኦራላ ደኡዋ ቃላ ኡባ አሳው ኦድተ” ያጌዳ።
- 21 የሱሰ ኪትዳዋንቱ ሃዋ ሰሴዳ ዋደ፣ ዋንቲማሳን ጌሻ ጎልያ ገሊደ፣ ታማርሳናው ደማድኖ።
- ቃይ ቂሳቲዋ ካዥነ እናና ደእያዋንቱ ዬደ፣ ሸቂዳ አሳና እሰራኤልያ ጭማቲዋ ኡባቲዋ እትጥ ጸሲደ፣ የሱሰ ኪትዳዋንታ ባረንቱ ሰንሳ እሀና ማላ፣ ዋታዳራቲዋ ቃሾ ጎሊ ኪትድኖ።
- 22-23 ሽን ዋታዳራቲ ቃሾ ጎሊ ቢደ፣ የሱሰ ኪትዳዋንታ ደሞበይክኖ፤ ጉየ ሰሚደ ሸቂዳ አሳው፣ “ኑን ብያ ዋደ ቃሾ ጎሊ ካርያ ዳር ሞንስ ቃቻና፣ ናግያዋንቲካ ጥንግያን ኤቂዳዋንታ ደማደ፤ ሽን ኑን ቃሾ ጎልያ ዶይያ ዋደ፣ ጎሊ ጋርሳን ሀራይ እቶ እት አሳይን ባዋ” ያጌድኖ።
- 24 ጌሻ ጎልያ ዋታዳራቲዋ ከትያዋጥ ቂሳቲዋ ካገጥቲ ሃዋ ሰሴዳ ዋደ፣ “ሀዋ ዋኑዋሻ? ቃይ ግድን እዬ ሀርንዴሻን” ያጌደ ሀርጌድኖ።
- 25 ሃዋጥ ጉይያን፣ እት ብታኒ ኡንቲንቲኮ ዬደ፣ “በእቲ፤ ቃሾ ጎልያን ሀንተ ቃቼዳ አሳቱ ጌሻ ጎልያን ኤቂደ፣ አሳ ታማርሲኖ” ያጌደ እንቲንቶ ኦዳዳ።

26 ገሻ ጎልያ ዎታዳራቱዋ አዛዘያዌ ዎታዳራቱዋና ቢደ፣ የሱስ ከቴዎድሮስን እሄዳ፤ ሽን ኤንቲንቲ ባረንታ አሳይ ሸቻን ጫዳናዋንታ ገደ ያዬዳ ድራው፣ ኤንቲንታ ሎዳን እሄድና።

27 ኤንቲንቲ የሱስ ከቴዎድሮስን እሄደ፣ ሄዋ ሸቄዳ ሻንጉዋ ሰንገላን ኤሰና፣ ቄሳቱዋ ካፑ ኤንቲንታ።  
28 “ሀንተንታ ኩነ ሄ ብታንያ ሰንገላን ታማርሰና ማላ ምንሲደ አዛዘበይኮ? በእት፤ ሀንተ ትምርትያ የሩሳላሙ ካታማ ኡባ ጋሌድታ፤ ቃይ ሄ ብታንያ ሸምጥዋን ኑና ኦይላናዉ ቆፒታ!” ያገደ ኦቹዳ።

29 ጳጵርሰነ የሱስ ከቴዳ ሀራንቲ ዛሪደ ያጌድና፤ “ኑን አሳዉ አዛዘታናፕ ጸሳዉ አዛዘታናዉ በሲ።

30 ማሰቃልያ ቦላ ምሰማርያን ጅሽ ካቂደ፣ ሀንተ ዎዴዳ የሱሳ ኑ አዎቱዋ ጸሳይ ሀይቁዋፕ ደንሌዳ፤

31 አሰራሌላቶ ናጋራፕ ሰማነ ናጋራ አቶ ጉሳ የሱስ እማና ማላ፣ ጸሳይ ሞድያዋነ አሽያዋ አ ኤሲደ፣ ባረፕ ኡሸቻ ባጋን ቶቁ ቶቁ ኦሌዳ።

32 ሄዋ ኑን ማርካ፤ ቃይ ጸሳይ ባረፀ አዛዘትያዎንቶ እሚዳ ገሻ እያናይካ ማርካ” ያጌድና።  
33 ሸቄዳ አሳይ ሄዋ ሰሴዳ ዎደ፣ ዳር ይሎቲደ፣ የሱስ ከቴዎድሮስን ዎዳናዉ ቆፒድና።

34 ሸን አሳ ኡባን ዳር ቦንቹቲዳ ጋማልያላ ኤተትያ፣ ሀግያ ታማርሰያ እት ፓርሳዌ፣ ሸቄዋን ደንድ ኤቂደ፣ የሱስ ከቴዎድሮስን ጉሳ ዎድያ ካረ ከሳና ማላ

35 አዛዘደ ሄዋን ሸቄዳ አሳ ሀዋዳን ያጌዳ፤ “አሰራሌልያ አሳቶ፣ ሀንተ ሀ አሳቱዋ ኦላና ቆፕያዋን ሀንተንታ ናግ።።

36 እያዉ ጎፕ፣ ሀዋፕ ካሰ ዎድያን ተዎዳሳ ጌተትያዌ ባረና ዎልቃማ ገደ ደንዴዳ፤ ደንድና ኦይደ ጸቱ ግድያ አሳቱ እናና ጋከቲድና፤ ሸን አ ዎድና፣ አ ካሌዳ ኡባቱካ ላለቲደ፣ ማደና አሳ ግዲደ አቲድና።

37 ሄዋፕ ጉይያን፣ አሳይ ፓይደትያ ዎደ፣ ጋለላ ይሁዳይ ደንዲደ፣ ዳር አሳ ፓኑዋ ኤሲደ ካለሌዳ፤ ሸን አካ ዎድና፣ አ ካሌዳ አሳይ ኡባይ ላለቲዳ።

38 “ሀአካ ታን ሀንተንቶ ኦዳይ፤ ሀ አሳቱዋፕ ሻከትት፤ ኤንቲንታ ቦቾፕተ። እያዉ ጎፕ፣ ሀ ቆፋይን ሀ ኦሱ አሳይ ኦሌዳዋ ግደፕ ዳያና።

39 ሸን ሀ ቆፋይን ሀ ኦሱ ጸሳፕ ዬዳዋ ግደፕ፣ ሀንተ ኤንቲንታ ዳይሳናዉ ዳንዳይክታ፤ ኦን ኤር ሀዋ ሀኒደ ጸሳና ሀንተ አተተናዳን” ያጌዳ።

40 ሄዋፕ ጉየ ሸቄዳ አሳይ ጋማልያላ ዘርያ አከደ፣ የሱስ ከቴዎድሮስን ጸሲደ፣ ልሱዋን ሸጫሴድና፤ ሄዋፕ ጉይያን ኤንቲንታ፣ “የሱሳ ሱንጎ ላኤንሉዋ ኡባካ ደንሶፕተ” ግ ብለደ የደድና።

41 የሱሳ ሱንጎ ድራው፣ ኤንቲንቲ ኡጋቲደ ዬላታናዉ በሰያባ ቆፒዳ ድራው፣ ሻንጉዋ ሰንገላፕ ናሽቲደ ከሴድና።

42 ኤንቲንቲ ኡባ ጋለሰ ገሻ ጎልያንን አሳ ሶይን የሱሰ፣ ክርሰቶሳ ግዴዳዋ ታማርሰያዋን ኦድያዋ ያ ጉጁድና።

### 6

#### ዎሳ ጎልያ ማድያ ላፑ አሳቱ ደረቲድና

1 ሄ ዎደ፣ ካልያዋንቲ ፓይዱ ዳር ዳር በሸን፣ ግሪክ ቃላ ሃሳይያ አይሁዳቱን ይሁዳን ደእያ አይሁዳቲ ዋላቀቲድና፤ እያዉ ጎፕ፣ ግሪክ ቃላ ሃሳይያ አይሁዳቲ፣ “ኡባ ጋለሰ ግሸትያ ቁማን ኑ አሰናይ ሀይቆ ማጫዋንቲ ናቀቲና” ያጌድና።

2 የሱስ ከቴዳ ታማን ላእቲ ዎሳ ጎላ አሳ ኡባ ጸሲደ፣ ሀዋዳን ያጌድና፤ “ኑን ጸሳ ቃላ ኦድያዋ አገደ፣ ቁማ ግሻናዉ ኑዉ በሰና።

3 አሻቶ፣ ሎአ ጌተትያዎንታ ገሻ እያናይን አቶ ኤራተላይ ኩሜዳ ላፑ አሳቱዋ ሀንተ ግደፕ ደርተ፤ ኦን ቃይ ኤንቲንታ ሀ ኦሱ ሱንጎና።

4 ሸን ኦን ጸሳ ዎሳንን ቃላ ኦድያዋ ምናና” ያጌድና።

5 የሱስ ከቴዎድሮስን ሃሳይያ ሃሳይያ አሳ ኡባ ናሽቹዳ፤ ሄዋፕ ጉየ፣ እማኑን ገሻ እያናይ ኩሜዳ አሰጽፋና፤ ፕልጸሳ፣ ጵርኩርሳ፣ ጎቃርና፣ ጵሞና፣ ጳርሜናን አይሁዳቱዋ እማኑዋን ገሌዳ አንጸክያ ኒቆላዎሳ ደሬድና።

6 ያቲደ የሱስ ከቴዎድሮስን ሰንገላን ኤንቲንታ ኤሰና፣ የሱስ ከቴዎድሮስን ጸሳ ዎሴዳዋፕ ጉይያን፣ ባረንቲ ኩሸያ ኤንቲንቲ ቦላ ዎሌድና።

7 ጸሳ ቃላይ እክ እክ ቤዳ፤ ካልያዋንቲ ፓይዱዋን የሩሳላሙን ዳርሰ ዳር ዳር ቤዳ፤ ቃይ ጮራ ቁሳቲካ እማኔድና።

#### ዎሳ ጎልያ ካለሌያ አሰጽፋናሰ ኦይቀቲዳ

8 እቶ ኬካተላይን ዎልቃይ ኩሜዳ አሰጽፋናሰ፣ አሳ ግደን ኦራሳባን ዎልቃማ ማላታ ኦሌ።

9 እይለተጠጥ ከሴዳ አሳ ግያ እይሁዳ እማንያዋንቱ፣ ቀሪና፣ እስክንድርያ አሳቱዋ፣ ከልቁያ፣ ከሲያ፣ ከዴዳ እት እት አሳቱ ደንዳዴ፣ እስጵፋኖሳና ፓሌሙቲድና።

10 ሽን እስጵፋኖሳ አጽ ኤራተላንን እያናን ሃሳይያዋ ድጋናዉ ዳንዳይበይክና።

11 ሄ ዋይ ኤንቱንቱ፣ “ሙሴ ቦላን ጸሳ ቦላ እ ቦርያ ቃላ ሃሳይሽን ሰሴዶ” ግያ ዋርዶ አሳቱዋ ሻሚድና።

12 አሳ ኡባ፣ ጭማቱዋን ሙሴ ህግያ ታማርሰያዋንታ ሀንቀሌድና፣ እስጵፋኖሳኩ ዪደ እ እይቂደ፣ ሸቆዳ አሳኩ አህና።

13 እ ቦላ ጴሴዳ ዋርዶ ማርካቱ፣ “ሀ ብታጌ ሀ ጌሻ ጎልያን ሙሴ ህግያ ቦርያዋ አዉደን አገና።

14 እያዉ ጎፕ እ፣ “ሀዌ ናዘራትያ የሱሰ ሀ ጌሻ ጎልያ ኮላና፣ ሙሴ ኑዉ እሚዳ ህግያካ ላማና፣ ያግሸን፣ ኑን ሰሴዶ” ያጌድና።

15 ሸቆዋን ኡቴዳ አሳይ ኡባይ እስጵፋኖሳ አኬኪደ ጴልያ ዋድ፣ እ ሶምእ ኪታንቻ ሶምእያ ማላቲ።

# 7

## እስጵፋኖሳ ሃሳይ

1 ቁሳቱዋ ኡባቱዋ ካፑ እስጵፋኖሳ፣ “ሀዌ ቱሚን” ያጌደ ኦቼዳ።

2 እስጵፋኖሳ፣ “ታናዳን እማንያዋንቱ፣ ታ አዋቶ፣ ሰሰተ! ኑ አዉዋ አብራሃዎ ብር ካራን ባና፣ ካሰ ማሰጸጸምያን ደአሸን፣ ቦንቾ ጸሳይ አዉ ቤቲደ።

3 ኅ ቢታፕ፣ ነ ዳባቱዋ፣ ሻከታደ፣ ታን ኔና በሰያ ጋድያ ባ፣ ያጌድ።

4 ሄ ዋይ አብራሃዎ ካላዳዋቱ ጋድያ፣ ከሲደ፣ ካራንን ደአናዉ ቤዳ። እ እቡ ሀይቁዳዋ፣ ጉይያን፣ ጸሳይ እ ሀ ጋደ ሀንተ ሀእ ደኢያሳ አሄዳ።

5 እ ሀ ጋድያ፣ ሀራይ አቶ፣ ገድያን የጵያ ሳኣካ አብራሃዎ እምቤና፣ ሽን አዉ ናእይ ጳዮ፣ ገካ፣ ጸሳይ እ፣ “ታን ነዉን ኔፕ ጉይያን፣ ነ ዘረላዉ ሀ ጋድያ ላታ አላደ እማና፣ ያጌድ።

6 ጸሳይ አብራሃዎ፣ ኅ ዛራቱ ሀራ ጋድያን ደአና፣ ያን ኦይዱ ጴቴ ላይላዉ ኤንቱንቱ እይለታና ናታ።

7 ሽን ታን ነ ዘረላ ዋድያ አሳ ቦላ ፕርዳና፣ ሄዋ፣ ጉይያን፣ ኤንቱንቱ ሄ ጋድያ፣ ከሲደ፣ ሀዋን ታዉ ጎይናና፣ ያጌድ።

8 ጸሳይ አብራሃዎ ዘረላይ ቃጸረታና ማላ አናና ጫቁና፣ ይሳቃ እ የሊደ፣ ሆሰፑንላ ጋላሰ ቃጸራደ፣ ይሳቅ ያቆሰ ቃጸርና፣ ቃይ ያቆሰ ታማኑ ላኡ አዋቱዋ ካፕቱዋ ቃጸራደ።

9 “አዋቱዋ ካፕቱ የሴፎ ቃናቲደ፣ ግብጹ ጋድያዉ እይለታናዳን፣ እ ዘልኤድና፣ ሽን ጸሳይ አናና እትፕ ደኤ።

10 ጸሳይ ዋይያ ኡባ፣ እ ከሴዳ፣ ቃይ ግብጹ ካትያ ሰንላንካ ናሹዋን አጽ ኤራተላ አዉ እማዳ፣ ግብጹ ካት የሴፎዉ ግብጹ ጋድያን ባረ ጎልያ ኡባ ዋዳናዳን፣ ሱንላተላ እማዳ።

11 “ግብጹ ጋድያን ካናን ጋድያን ኡባን ኮሻይ ገሊደ፣ ጮራ አሳ ሙቶሌድ፣ ሄ ጋሱዋን ኑ አዋቱ ቁማ ደምባይክና።

12 ያቆሰ ግብጹ ጋድያን ካላይ ደእያዋ ሰሲደ፣ ኑ አዋቱዋ ኮይር ያ የዴዳ።

13 ላኤንሎዋ ቡሳን የሴፎ ባረ እሻቶ ኤራቲዳ፣ ቃይ ግብጹ ካትካ የሴፎ ዘርያ ኤራዳ።

14 የሴፎ ባረ አዉዋ ያቆሰን ባረ ዳቡ ኡባይ ሙላካ ላፑን ታማኑ አቼሹ አሳይ ባረኮ ያና ማላ፣ ከቲደ ጴግሴዳ።

15 ያቆሰ ግብጹ ጋድያ ዋጂደ ሀይቁዳ፣ ኑ አዋቱዋ ያን ሀይቁድና።

16 ኤንቱንቱ እሃይ ሄዋ፣ ሰኬማ ጌተትያ ጋድያ ቶከቲደ፣ ያን አብራሃዎ ሀዋራ ናና፣ ገር ብራን ሻሚድ ዲፋዋን ሞገቲዳ።

17-18 “ሽን ጸሳይ አብራሃዎ እማና ጌዳዌ ፖለትያ ዋዲ ጋካና ማትና፣ የሴፎ ኤረና ሀራ ካት ግብጹ ጋድያን ደንዳና ጋካናዉ፣ አሳይ ዳር ዳር ቤዳ።

19 ሄ ካት ኑ ዘርያ ጭሚደ፣ ጉላ ናናይ ሀይቃና ማላ፣ ካረ ኤንቱንታ ከሰ ኦላናዳን፣ ኑ አዋቱዋ ኡንኤሌዳ።

20 “ሙሴ የለቴዳዌ ሄ ዋድ፣ ጸሳ ሰንላን እ ዳር ሎኦ ናኣ ግዳዳ፣ ባረ አዉዋ ጎልያን ሄዙ አገና ጋካናዉ ድጩዳ።

21 ሙሴ ዋራ ኦለቴዳ ዋድ፣ ግብጹ ካትያ ናታ ደማደ ባረ ናኣዳን እ ድቻዴ።

7:2 ደመላ 12:1    7:4 ደመላ 11:31፤ 12:4    7:5 ደመላ 12:7፤ 13:15፤ 15:18፤ 17:8    7:6 ደመላ 15:13-14  
7:7 ከሳ 3:12    7:8 ደመላ 17:10-14፤ 21:2-4፤ 25:26፤ 29:31—35:18    7:9 ደመላ 37:11፤ 28፤ 39:2፤ 21  
7:10 ደመላ 41:39-41    7:11 ደመላ 42:1-2    7:13 ደመላ 45:1፤ 16    7:14 ደመላ 45:9-10፤ 17-18፤ 46:27  
7:15 ደመላ 46:1-7፤ 49:33    7:16 ደመላ 23:3-16፤ 33:19፤ 50:7-13፤ ኢያሳ 24:32    7:17-18 ከሳ 1:7-8  
7:19 ከሳ 1:10-11፤ 22    7:20 ከሳ 2:2    7:21 ከሳ 2:3-10

22 ሙሴ ግብጻቱዋ አቶ ኤራተላ ኡባ ታማሪደ፣ ቃላንን ኦሎብን ዋልቃማ አሳ ግዴዳ።

23 “ሸን ሙሴው የለቶደገ ላይላይ ኦይታሙዋ ኩሜዳ ዋደ፣ ባረ እሻቱዋ፣ እስራኤልያ አሳቱዋ በአናው ባረ ዋዛናን ቆፔዳ።

24 እስራኤላቱዋጥ እቱዋ ግብጻጥ እቱ ናቀሸን በኢደ፣ ሄ እስራኤልያ ማዴዳ፤ ሄ ናቄዳ ግብጹ ብታንያ ዋዲደ፣ አ ሀሉዋ ከሴዳ።

25 ሙሴ ባረ እሻቱዋ ባረ ባገና ጸሳይ አሻና ሀንያዋ ኡንቱንቱ አከከኔድና ገደ ቆፔዳ፤ ሸን ኡንቱንቱ አከከበይክና።

26 “ዋንተላ ጋላሰ ላኡ እስራኤልያ አሳቱ እቱ እቱዋና ዋጋታዋንታ ደሚደ፣ ኡንቱንታ ሰባናው ኮዪደ፣ ኡሳቶ፣ እሻቱ ሀንተንቱ አያው እቱ እቱዋ ናቄቱ? ፣ ያጌዳ።

27 “ሸን ሄ ባረ ሾራዋ ናቄያዋ ሙሳ፣ ኂና ኑ ቦላ ሞድያዋን ዳና ኦሲደ፣ ሱንሌዳዌ ኦኔ?

28 ኔን ዝኖ ግብጹ ብታንያ ዋዲዳዋዳን፣ ታናካ ዋዳናው ኮያይ? ፣ ያጌደ፣ ሙሳ ካረው ሱግ የጌዳ።

29 ሙሴ ሄዋ ሰሴዳ ዋደ ግብጻጥ ከሰደ፣ ሞድያማ ጋድያን በተ ግድ ደኢደ፣ ላኡ እቱማ ናና ያን የሌዳ።

30 “ኅዳ ኪታንቻይ ኦይታሙ ላይላጥ ጉይያን፣ ሲና ደርያ ማታን ደኢያ ባዙዋ ቡራን ኤጽያ ታማ ላጩዋ ግደን ሙሴው ቤቱዳ።

31-32 ሙሴ ባረ በኤዳዋ ማላለቲደ፣ አከከ ጼላናው ቡራ ማታን እ ሸቆ ደኢሸን፣ ኅዳ ቃላይ፣ ናታን ነ አዋቱዋ ጸሳ፣ አብራሃም ጸሳ፣ ይሳቃ ጸሳ፣ ያቆባ ጸሳ፣ ያጌደ ሙሴኮ ዬዳ። ሙሴ ያሻ ኮኮሪደ፣ ጼላናው ጸልቤና።

33 “ኅዳይ ሙሳ፣ ኂን ኤቄዳ ቢታይ ጌሻ ግድያ ድራው፣ ነ ገድያን ደኢያ ጫማካ ከሳ።

34 ታን ግብጻን ደኢያ ታ አሳ ዋይያ ጌሻ በኣደ፣ ቃይ ኡንቱንቱ ኦልያካ ሰሳደ፣ ኡንቱንታ አሻናው ዋዳኢደ። ሀአ ሃያ። ታን ኔና ግብጹ ኪታና፣ ያጌዳ።

35 “ሄ ሙሳ እስራኤላቱ፤ ኂና ኑና ሞድያዋን ዳና ኦሲደ ሱንሌዳዌ ኦኔ? ፣ ያጌደ እጾድና፤ ቡራ ግደን አው ቤቱዳ ኪታንቻን ሞድያዋን እሸያዋ ግዳና ማላ፣ ጸሳይ አ ኪቱዳ።

36 ሄ ሙሴ እስራኤላቱዋ ግብጹ ጋድያን ዞኦ አባንን ሙላ ቢታን፣ ኦይታሙ ላይላው ኦራላባን ማላታ ኦሲደ፣ ግብጻጥ ካለሌዳ።

37 “አስራኤልያ አሳው፣ ጸሳይ ታና ደንሌዳዋዳን፣ ሀንተ ዛርያ ግደጥ ታ ማላ ናብያ ሀንተንቶ ደንሳናዋ፣ ያጌዳዌ ሄ ሙሳ።

38 እ እስራኤልያ አሳ ማባራና እትጥ ሙላ ቢታን ደኢዳዋ፤ እ ኑ አዋቱዋናን ሲና ደርያ ቦላን ባረው ሃሳዬዳ ኪታንቻና እትጥ ደኢዳ። ያቲደ ጸሳጥ ደኢዋ ቃላ ኑው እማናው አከኢዳ።

39 “ሙሴው ኑ አዋቱ አዛዘታናው ደሰበይክና፤ ሸን ገደ አ ሱግ ኦሲደ፣ ጉየ ግብጹ ሰማናው አዋቱድና።

40 ቃይ አርና፣ ኑና ካለሌያ ጸሳቱዋ ኑው መቋ፤ አያው ሳጥ፣ ሀ ኑና ግብጻጥ አሄዳ ሙሴ ዋኔደንቶ ኑን ኤርኮ፣ ያጌድና።

41 ሚዛ ማራ ማላትሲደ፣ ሄ ዋደ ኤቃ ኦሌድና፤ ሄ ኤቃው ያርሹዋ ያርሹደ፣ ባረንቱ ኩሽ ኦሌዳ ኦሎብን ናሸቱድና።

42 ሸን ጸሳይ ኡንቱንቶ ዞክያ ዛራዳ፤ ኡንቱንቱ ሳሉዋ ጸልንትያው ጎይናናዳን፣ ኡንቱንታ አኤዳ፤ ናባቱዋ ማጸፋን፣

“ አስራኤልያ አሳቶ፣ ኦይታሙ ላይላ፣  
አሳይ ባይና ሳን ሹኬዳ መሀያን ያርሹዋ፣  
ታው ያርሹድቱ?

43 ሀንተንቱ ሀንተንቶ ጎይናናው  
ኦሌዳ ኤቃቱዋ፣ ሞሎካ ዲንካንያን  
ረፋና ግያ ሀንተ ጸሳ ጸልንትያ ቶኬድታ።  
ታን ሀንተንታ ባብሎንጥ  
ሀን ባጋ የዳና፣  
ገተቲደ ጸፈቱዳ።

44 “ሙሴ ባረ በኤዳዋ ማላትሲደ፣ ኅዳይ አው ኦዴዳዋዳን መጴዳ ማርካ ዲንካኒ ኑ አዋቶ ሙላ ቢታን ደኢ።

45 ቃይ ኑ አዎቱ ዲንካንያ ባረንቱ አዎቱዋጥ ካላን አኪደ፣ ጳሳይ ካሰ የደርሴዳ አይሁዳ ግደና አሳ ቢታ ኦይቄዳ ዋደ፣ ኢያሱና ገልሴድኖ፤ ሄ ዲንካኒ ዳዊተ ደእያ ዋዲ ጋካናወካ ሄዋን ደኤዳ።

46 ዳዊተ ጳሳን ሳበቲዳ፤ ቃይ ያቆባ፣ ጎዳይ ደእና ጎልያ ኬጻናወ ጳሳ ዋሴዳ።

47 ሸን አዉ ጎልያ ኬጻዳዊ ሶሎሞና።

48-50 “ሸን ናቢ፣

“ ጎዳይ፣ “ሳሉ ታ ካዉተላ ኦይድያ፤

ሳኤይካ ታ ገዲ የድያ ሳ።

ያትና፣ ታዉ እያ ማላ ጎልያ ኬጻንቲ?

ዋይ ታን ሸምፓናሳይ ሀቃኔ?

ሀ ኡባባ ታ ኩሸያን መጻቢይክታ?” ያጌ፣

ጌዳዋዳን፣ ኡባጥ ቦላ ጳሳይ አሳይ ኬጻዳ ጎልያን ደኤና።

51 “ሀንተንቲ አይቦ ሞርጊ ምኖ አሴ? ሀንተንቲ ዋዛናይ ጳሳ ቃላ አካናወ አይቦ ዳሜዳዊ? ሀንተንቲ ሀይሳይካ ዋን ቱሌዳ? ኡባ ዋደ ጌሻ አያናዉ አዛዘተናን እጸታ።

52-53 ናባቲዋን ሀንተንቲ አዎቱ የደርሰቤናዊ ኦኔ? ጳሳ ናአይ ጽሉ ያናዋ ካሰቲደ ኦዴዳዋንታካ ዋጴድኖ። ሀእ ሀንተንቲካ ኪታንቻቱዋ ኩሸያጥ ጳሳ ሀግያ እኪደ አዛዘተቤናዋንቲ፣ ጽሉዋ አእ አሚደ ዋጴድታ” ያጌዳ።

**እስጵፋኖሳ ሹቻን ደቺደ ዋጴድኖ**

54 ኡንቲንቲ ሄዋ ሰሴዳ ዋደ፣ ባረንቲ ዋዛናን እስጵፋኖሳዉ ዳሮ ይሎቲደ፣ ባረንቲ መተርሻ ሳኢደ ናሴድኖ።

55 ሸን እስጵፋኖሳ ባረናን ጌሻ አያናይ ኩምና፣ ሳሉዋ ጉደ ጫድ ጸሊደ፣ ጳሳ ቦንቹዋን የሱሰ ጳሳጥ ኡሸቻ ባጋን ኡቄዳዋ ቦኤዳ።

56 ያቲደ፣ “ጸልተ፣ ታን ሳሉ ዳየትና፣ አሳ ናአይ ጳሳጥ ኡሸቻ ባጋን ኡቄዳዋ ቦኤዳ” ያጌዳ።

57 ኮሻ ቁቁ አል ዋሴደ፣ ባረንቲ ሀይሳ ቱጪደ፣ እትጥ ግድ እኮ ዋጴድኖ።

58 ካታማጥ ጋጸ አ ከሲደ፣ ሹቻን ጫዴድኖ። ማርካቲካ ባረንቲ ማዩዋ ከሲደ፣ እት ሳኦላ ጌተትያ ዋዳላ ማታን ዋጴድኖ።

59 እስጵፋኖሳ፣ “ታ ጎዳ የሱሳ፣ ታ ሸምጥዋ አካ” ያጌደ ጸግሸን፣ ኡንቲንቲ ሹቻን አ ደቺኖ።

60 ሄ ዋደ እ ጉልባቲደ፣ ባረ ኮሻ ቁቁ ኡልደ፣ “ታ ጎዳዉ፣ ሀ ናጋራ ኡንቲንቲ አቶ ጋ” ያጌዳ። ሄዋ ጊን ሀይቄ አጌዳ።

# 8

**ሳኦል አማንያ አሳ የደርሴዳ**

1 ሳኦል እስጵፋኖሰ ሀይቄ ሎእ ግ አኪደ። ሄ ጋላሰ የሩሳላመን ደእያ አማንያዋንቲ ቦላ ዋልቃማ የደርሱ ደንዳዳ፤ የሱሰ ኪቴዳዋንቲ አትን፣ አማንያዋንቲ ኡባቲ ይሁዳ ጋድያን ሳማርያ ጋድያን ላለቲድኖ።

2 ጳሳ አሳቱ እስጵፋኖሳ ሞጌድኖ፤ ቃይ አዉ ዳሮ ዬኬድኖ።

3 ሸን ሳኦል አማንያ አሳ ቆይሳናዉ ባጸቲ፤ ኡባ ጎልያ ገል ገሊደ፣ አቲማ አሳን ማጫ አሳ ጎኙ ጎቺደ፣ ቃሾ ጎል የዴ።

**ዋንጋላ ሞሽራቹ ሳማርያን አደቲዳ**

4 ላለቲዳ አማንያዋንቲ ቃላ ኦዲደ፣ ኡባሳ ቤድኖ።

5 ፕልጸሰ ሳማርያ ካታማ ዋጴደ፣ ክርሰቶሳባ አሳዉ ኦዴዳ።

6 ጮራ አሳይ ፕልጸሰ ጌዳዋ ዳርሰ አኬኪደ ሰሴዳ፤ እ ኡልያ ማላታካ ቦኤዳ።

7 አያዉ ጎጥ፣ ኡታ አያናቲ ኮሻ ቁቁ አል ሃሳዪደ፣ ጮራ አሳጥ ከሴድኖ፤ ቃይ ጮራ ሰሌዳዋንቲን ዋባቲ ፓጴድኖ።

8 ሄ ካታማን አሳይ ዳሮ ናሸቲዳ።

9 ሸን ሰሞና ጌተትያ እት ብታኒ ካሰ፣ ባረና ዋልቃማ ግ ካዪድ፣ ሳማርያ አሳ፣ “ላ ሀዌ አይቦ ኦራሳቤ” ገሲደ ሄ ካታማን ደኤዳ።

10 ጉላተላጥ ደሚደ፣ ዋጋተላ ጋካናዉ፣ አሳይ ኡባይ፣ “ጳሳ ዋልቃይ ዳሮ ዋልቃማይ ሀዋ” ገደ አባ ሰሴ።

11 ዳሮ ዋድያጥ ደሚደ፣ ካዩዋን ሳማርያ አሳ “ላ ሀዌ አይባ ኦራሳቤ” ገሴዳ ድራዉ፣ አሳይ አባ ሰሴ።

12 ሽን ፕልጸሰ ጸሳ ካወተላባን የሱስ ክርሰቶሳ ሱንላባ እቴጌዎንቶን ማጫዎንቶ ምሽራቸዎ ኦሊዲድ፣ ኦንቲንቲ እባ እማኒደ ጸማቀቴድኛ።

13 ቃይ ሰሞንካ ባረ ሁጳወ እማኒደ ጸማቀቴድዋፕ ጉይያን፣ ፕልጸሳና እትፕ ደኢድ፣ ኦስትያ ማላታን ጸሳይ ኦሎድ ምልቃማ ማላታ በኢደ ማላለቴድ።

14 የሱስ ኪቴዳ የሩሳላመን ደኢያዋንቲ፣ ሳማርያ አሳይ ጸሳ ቃላ ኦኪዳዋ ሰሴዳ ዋድ፣ ጸጽሮሳን የሃንሳ ኦንቲንቲኮ የዴድኛ።

15 ጸጽሮሰን የሃንሰ ምጲድ፣ እማንያዋንቲ ጌሻ ኢያና አካና ማላ፣ ኦንቲንቲ ጸሳ ዋሴድኛ፤

16 እያወ ጎፕ፣ ሳማርያ አሳቲ ጎዳ የሱሳ ሱንላን ጽንቃታ ጸላላ ጸማቀቴድዋፕ እትን፣ ኦንቲንቲፕ እቲዋ ቦላን ጌሻ ኢያናዎ ምድቤና።

17 ሄ ዋድ ጸጽሮሰን የሃንሰ ባረንቲ ኩሽያ ኦንቲንቲ ቦላ ዋላዋፕ ጉይያን ኦንቲንቲ ጌሻ ኢያና ኦኪድኛ።

18 የሱስ ኪቴዳዋንቲ ባረንቲ ኩሽያ ኦንቲንቲ ቦላ ዋላና፣ ኦንቲንቲ ጌሻ ኢያናዎ እመቴዳዋ ሰሞን በኤዳ ዋድ፣ ጸጽሮሳሰን የሃንሳወ ሚሻ ኦሂድ።

19 “ታንካ ታ ኩሽያ ዋላያ ኦሳይ ጌሻ ኢያና አካና ማላ፣ ሀ ማታ ታወካ እማርክቲ።” ያጌዳ።

20 ሽን ጸጽሮሰ እወ ሀዋዳን ያጌዳ፤ “ኔን ጸሳ እሞታ ሚሻን ሻማናወ ቆፔዳ ድራወ፣ ነ ሚሻይ ኔናና ጮ ጳየ።”

21 ነ ዋዛናይ ጸሳ ሰንላን ሱረ ግድና ድራወ፣ ነወ ሀዋን ግሻ ሰሞ።

22 ያቶዋፕ ጉይያን ሀ ነ ዋዛና ኢታ ቆፋ ድራወ፣ ናጋራፕ ሰማ፤ ኦን ኤር ነ ዋዛናን ደኢያ ኢታ ቆፋ ጸሳይ አቶ ጋንንቶን ጸሳ ዋሳ።

23 እያወ ጎፕ፣ ኔን ዳር ቃናትያ ኦይቃደ ናጋራ ቃሹዋን ደኢያዋ ታን በኢይ” ያጌዳ።

24 ሄዋፕ ጉየ ሰሞን ጸጽሮሳሰን የሃንሳወ ዛሪድ፣ “ሀንተንቲ ጌዳዋፕ እትባይን ታና ጋከና ማላ፣ ሀንተ ታወ ጸሳ ዋሰተ” ያጌዳ።

25 ጸጽሮሰን የሃንሰ ማርካቴዳዋፕን ጎዳ ቃላ ኦዴዳዋፕ ጉይያን፣ ጉየ የሩሳላመ ሰሚድኛ፤ ያፒድ ሳማርያን ደኢያ ዳር ቄር ካታማቴዋን ምሽራቸዎ ቃላ ኦዴድኛ።

**ፕልጸሰ ቶጵያ አሳ ግዴዳ ሹፋ ጸማቄዳ**

26 ጎዳ ከታንቻይ ፕልጸሳ፣ “ደንዳደ የሩሳላመፕ ጋዛ አፍያ አሰ ባይና መላ ሳኦ ኦግያኮ ባ፤ ሄ ኦጊ አዋይ ከሰያሳ ጸልያ ዋድ ኦሽቻ ዳገሃ ባጋና ደኢ” ያጌዳ።

27 ፕልጸሰ ደንዳደ ቤዳ። ሀንደኮ ጌትትያ ቶጵያ ካታትወ ቢታ ሞድያ እ ሚሻ ኡካና ናግያ ቶጵያ አሳ ግዴዳ እት ሹፋይ ደኢያዋ ጎይናናወ የሩሳላመ ቤዳ።

28 ፓራይ ጎቾያ ጋርያን ኡቲድ፣ የሩሳላመፕ ጉየ ሰሚድ፣ ናብያ ኢሰያሳ ማጻፋ ናባቤ።

29 ጌሻ ኢያናይ ፕልጸሳ፣ “ሄ ጋርያኮ ሽቃደ እትፕ ግዳ” ያጌዳ።

30 ፕልጸሰ ዋጽ ዪድ፣ ናብያ ኢሰያሳ ማጻፋ ሹፋይ ናባብሽን ሰሴደ እ፣ “ኔን ናባብያዋ ኦኪካይ?” ያጌዳ።

31 ሹፋይ፣ “ታወ ኦዲደ ኦኪክሰያ አሳይ ባይናን ዋኒደ ኦኪክቲ?” ያጌዳ፤ ቃይ ባረናና ጋርያን ከሲደ ኡታና ማላ፣ ፕልጸሳ ዋሴዳ።

32 ሹፋይ ናባብያ ማጻፋይ፣ “ደርሳዳን እ ሹከታናወ ላገቲ። ደርሳ ማራይ ባረ ኦኪክያ ቃንጽያዋ ሰንላን ጮኡ ግያዋዳን፣ አካ ባረ ደና ፖክቤና።

33 እ ካወሹዳዋዳን እወ ጽሎ ፕርዳይ ጳዬዳ። የሱሳ ደኡ ሀ ሳኦፕ ፑደ ኦኪክት ድጌዳ ድራወ፣ ኦ ዛርያባ ኦኔ ኦዳናዋ?” ያጌዳ።

34 ሹፋይ ዛሪደ ፕልጸሳወ፣ “ናቢ ሀዋ ኦዋ ኦዲ? ባረባ ኦድዬ ዋይ ሀራ አሳባ ኦዲ? ታወ ኦዲርኪ” ያጌዳ።

35 ፕልጸሰ ዛሪድ፣ ጸሳ ማጻፋ ኦ ናባብያሳፕ ደሚድ፣ የሱሳባ ምሽራቸዎ ቃላ እወ ኦዴዳ።

36 ኦንቲንቲ ኦግያ ኦይቄ ቤድ፣ ሃላይ ደኢያሳ ጋኬድኛ፤ ሹፋይ፣ “ሃላ ሀዋ በኢ፤ ጸማቀትያዋ ታና ድግያዋ እዬ?” ያጌዳ።

37 ፕልጸሰ እ፣ “ኔን ነ ኩመንላ ዋዛናፕ አማናፕ፣ ዳንዳዳ” ያጌዳ። እ ዛሪድ፣ “የሱስ ክርሰቶሳ ጸሳ ናኦ ግድያዋ ታን አማናይ” ያጌዳ።

38 ጋር ኤቃና ማላ ሹፋይ ኦዛዛና፣ እን ፕልጸሰ ላኦቲ ዳገ ዋጲድ፣ ሃላን ገልና ፕልጸሰ ኦ ጸማቄዳ።

39 ኡንቱንቱ ሃላፕ ጋዳ ከሴዳ ዎደ፣ ጎዳ እያናይ ፕልጶሳ ልጽ ኑሊደ፣ አፍ ኡጌዳ፣ ላኤንሎዎ ሹፋይ ፕልጶሳ በእቤና፤ ሽን ባረ ኦግያ ናሽቲደ ቤዳ።  
 40 ፕልጶሳ ባረ ሁጶዉ እዘጶሳን ደእያዎ ኤሬዳ፤ ቃይ ቁሳርያ ያና ጋካናዉካ፣ ካታማ ኡባን ዩዩደ ሞሽራቹዋ ቃላ ኡዳ።

# 9

**ሳኦል ክርስቶስን አማኔዳ**  
 (22:6-16፤ 26:12-18)

- 1 ሽን ሳኦል ጎዳ ካልያዋንታ ማጻፍዉ ማንዲደ፣ ቁሳቱዋ ኡባቱዋ ካፕዋኮ ቤዳ።
- 2 ያቲደ ጎዳ ኡግያ ካልያ አሳቱዋ ማጫዋንታን አቲማዋንታ ደሞፕ፣ ቃቺደ የሩሳላመ አሀናዉ፣ ዳማስቆን ደእያ እይሁዳ ዎሳ ጎለቶ ዳብደቢያ ጸፋናዉ አ ዎሴዳ።
- 3 አ ቢደ፣ ዳማስቆ ካታማ ጋካና ማቶደ፣ ቆፕናን ሳሉዋፕ ዎልቃማ ፖኡ ከ የሹዋ ኡባን ፖኤዳ።
- 4 ሳኦል ሳኦን ኩንድ ኡትና፣ “ሳኦል ሳኦል፣ አያዉ ታና ዎይሳይ?” ግያ ቃላ ሰሴዳ።
- 5 ሳኦል፣ “ታ ጎዳዉ፣ ኔን ኦኔ?” ያጊደ ኦቼዳ።
- 6 የሱሰካ፣ “ታን ኔን የደርሳደ ደእያ የሱሳ” ያጌዳ።
- 7 ሽን ሳኦል ኮኮሪድን ማላለቲደ፣ “ታ ጎዳዉ፣ ታን እያ ኦላናዳን ኮያይ?” ያጌዳ። ጎዳይ አ፣ “ደንዳደ ካታማ ገላ፤ ኔን ኦላናዉ በሰያባይ ነዉ ያን ኦደታናዋ” ያጌዳ።
- 8 ሳኦል ሳኦፕ ደንድና፣ አ እይፊ ደየቲዳ ዎደ፣ አይን ጸላናዉ ዳንዳይቤና፤ ሄዎ ድራዉ፣ ኡንቱንቱ አ ኩሽያ ኦይቁ ጎቼደ፣ ዳማስቆ ገልሴድኖ።
- 9 ሄዙ ጋላሳ ጋካናዉካ አ ጸልቤና፤ አይን ሞቤና፤ አያኔካ ኡሸቤና።
- 10 ዳማስቆን አት ሀርንያ ግያ ካልያዎ ደኤ፤ ጎዳይ ሳጸን አ፣ “ሀርንዉ” ያጌዳ።
- 11 ሀርን፣ “ታ ጎዳዉ፣ ሀዋን ደእይ” ያጌዳ።
- 12 ጎዳይ አ፣ “ደንዳደ ሱረ ጌተቶያ ኦግያ ባደ፣ ይሁዳ ሶይን አት ሳኦል ግያ ጸርሴሰፕ ዬዳ ብታንያ ኮያ፤ አያዉ ጎፕ፣ አ ዎሴ።
- 13 ቃይ ሀርንያ ግያ ብታኒ ገሊደ፣ ሳኦል ላኤንሎዎ ጸላናዳን፣ ባረ ኩሽያ አ ቦላ ዎልያዎ ሳጸን በኤዳ” ያጌዳ።
- 14 ሀርን ዛሬደ፣ “ታ ጎዳዉ፣ የሩሳላመን ነ ጌሻ አሳ ቦላ ሄ ብታኒ አይ ኬና ኢታባ ኦፊደንቶ፣ ታን ዳሮ አሳፕ ሰሳድ።
- 15 ቃይ ዳማስቆን ነ ሱንሳ ጸሰያዋንታ ኡባ ቃቻናዉ፣ ቁሳቱዋ ካፓቱ አዉ ማታ እሜድኖ” ያጌዳ።
- 16 ሽን ጎዳይ አ፣ “ሳኦል አይሁዳ ግደና አሳ ሰንሳን፣ ካታቱዋ ሰንሳንን እሰራኤልያ አሳ ሰንሳን፣ ታ ሱንሳ ኤርሳናዉን ታዉ ኦላናዳን ደረቲዳ ማሻ ግድያ ድራዉ፣ ኔን ባ።
- 17 አያዉ ጎፕ፣ ታ ሱንሳ ድራዉ፣ አ አይ ኬና ዎየታናዉ በሰንቶ፣ ታን አ በሳና” ያጌዳ።
- 18 ሀርን ቢደ፣ ሶይ ገሊደ፣ ባረ ኩሽያ ሳኦል ቦላ ዎሊደ፣ “ታ አሻዉ ሳኦል፣ ኔን ይያ ኦግያን ነዉ ቤቲዳ የሱሰ፣ ኔን ጸላና ማላን ጌሻ አያናይ ኔናን ኩማና ማላ፣ ታና ኪቲዳ” ያጌዳ።
- 19 ኡለካ፣ አየንቶ ፖቁዋ ማላይ ሳኦል አይፍያፕ ዎቲና፣ ሳኦል ላኤንሎዎ ጸሎዳ፤ ቃይ ደንዳደ ጸማቀቲዳ።
- 20 ቁማ ሚደ ሞነት፣ ዳማስቆን ደእያ ካልያዋንቱና አማራዳ ጋላሳ ጋምኤዳ።

**ሳኦል ዳማስቆን ታማርሴዳ**

- 20 ኡለካ፣ “የሱሰ ክርስቶስ ጸሳ ናኦ” ያጊደ፣ አይሁዳ ዎሳ ጎለቱዋን ቃላ ኦዳዳ።
- 21 ሄዎ ሰሴዳ ኡባይ ማላለቲደ፣ “ሀዌ የሩሳላመን የሱሳ ሱንሳ ጸሰያዋንታ ጳይሰያዎ ግደኔ? ቃይ ኡንቱንታ ቃቺደ፣ ቁሳቱዋ ካፓቱዋ ሰንሳ ኦላናዉ ይቤኔየ?” ያጌድኖ።
- 22 ሽን ሳኦል ቃላ ኡድያ ኦዱ ምን ቤዳ፤ የሱሰ ቃይ ክርስቶስ ግድያዋካ አ እኬክሲደ ኦዳዳ ድራዉ፣ ዳማስቆን ደእያ አይሁዳቱ አዉ ዛርያዎ ጳይድኖ።
- 23 ጮራ ጋላሳፕ ጉይያን፣ አይሁዳቱ ሸቁደ፣ ሳኦል ዎጻናዉ ዞረቲድኖ።
- 24 ሽን አይሁዳቱ ባረና ዎጻናዉ ቆፖዋ ሳኦል ሰሴዳ፤ ኡንቱንቱ አ ዎጻናዉ ቃማን ጋላሳ ካታማ ፕግግያ ናጊኖ።
- 25 ሽን ካልያዋንታ አ ቃማ አፊደ፣ ድርሳ ሁጲያና ቁንኣን ዲገ ዎሌድኖ።

**ሳኦል የሩሳላመን ታማርሴዳ**

26 ሳኦል የሩሳላመን ጋኬዳ ዎደ፣ ካልያዋንቱና አትፕ ጋከታናዉ ሸቅ በኤዳ፤ ሽን ካልያዎ አ ግዴዳዎ ኡባይ አማኒናን አጸደ፣ አዉ ያዩድኖ።

27 ሽን ባርናባስ ሳኦላ የሱስ ከቴዎዋንቱኮ አፊዳ፤ ኦግን ጎዳ አ ዋኒደ በኤደንቶ፣ አወ ጎዳይ ዋት ሃሳይደንቶን ቃይ ሳኦል ዳማስቆን የሱሳ ሱንጎን ያየናን ዋት ቃላ ኦዴደንቶ፣ ኡንቱንቶ ጌሺደ አዳዳ።

28 ሳኦል የሩሳላመን ዩዩደን ጎዳ የሱሳ ሱንጎን ያየናን ቃላ ኦዳደ፣ የሱስ ከቴዎዋንቱና እትጥ ደኤዳ።

29 ቃይ ሳኦል ግርክ ቃላ ሃሳይያ አይሁዳቱዋና ሃሳይን ፓሌሙቴ፤ ሽን ኡንቱንቱ አ ዋዳናወ ኮዬድና።

30 እሻቱ ሄዋ ስሲደ፣ ሳኦላ ዱገ ቁሳርያ አፊደ፣ ጸርሴስ የዬድና።

31 ይሁዳን፣ ጋሊላንን ሳማርያን ኡባን ደእያ እማንያ አሳቱ ሳርተሳን ደኤድና፤ ቃይ ሞኔድና፤ ጎዳወ ያይያዋንን ጌሻ እያና ማዲዋን ጌሙቲደ፣ ፓይዲዋንካ ዳር ዳር ቤድና።

**ጸጽርስ ሊድያንን የጸን ታማርሴዳ**

32 ጸጽርስ ኡባ ሳን ዩዩደ፣ ሊዳን ደእያ ጌሻ አሳቱዋኮ ቃይ ዋዲዳ።

33 ያቴደ ሄዋን ሆሰፑን ላይላ ሰሊደ፣ አርሳን ግሲደ ደእያ እት ኤንያ ግያ ብታንያ ደማዳ።

34 ጸጽርስ ኤንያ፣ “ኤናወ፣ የሱስ ክርስቶስ ኔና ፓሌ፤ ደንዳደ ነ ሂጸ የጋ”\* ያጌዳ። ሄዋጥ ጉየ ኤላካ ደንድ ኤቆዳ።

35 ሊዳንን ሳርናን ደእያ አሳይ ኡባይ ኤንያ በኢደ፣ ጎዳኮ ሰማድና።

36 የጸ ካታማን እት ጸቢቶ ጌተትያ እማነወና ደእወ፤ ጸቢቶ ጉሳይ ግርክ ቃላን ደርቆ ግያዋ። አካ ባይ ደኤዳ ዋድያ ኡባን ሎኦባ ኦላደን ሀይሳ ማዳደ ደእወ።

37 ሄ ዋደ አካ ሀርጋደ ሀይቀና፣ አሳይ አካ አሃ ማጨደ፣ ፖእያ ፑደ ከሲደ ግሰሴዳ።

38 ሊዳይ ዮጸወ ማታ፤ ካልያዋንቱ ጸጽርስ ሊድያን ደእያዋ ዮጸን ሰሲደ፣ “ሀያና ኑኮ ኤላካ ያርኪ” ያግያ ከታ ላኤ አሳቱዋ ቦላ አኮ ከቴድና።

39 ሄዋጥ ጉየ ጸጽርስ ደንዳደ፣ ኤንቱንቱና ብ ጋክና፣ ፖቅያ ፑደ አ ከሲደ፣ ክፍልያ ገልሴድና። አሰን ባይና አምኤ ማጫዋንቱ ኡባይ ዩኪደን ደርቃ ኤንቱንቱና ደእያ ዋደ ኦሌዳ ቃምሻቱዋን ማያቱዋ ኡባ ጸጽርሳ በሲደ፣ አ የሹዋን ዩይ አጂደ ኤቆድና።

40 ጸጽርስ ኤንቱንታ ኡባ ካር ከሲደ፣ ጉልባት ጸሳ ዋሴዳ፤ ቃይ አሃኮ ሰማደ፣ “ጸቢቱ፣ ደንዳ” ያጌዳ፤ ጸቢታካ ባር አይፍያ ደያ ጸጽርሳ በኢደ፣ ጾቃ ኤታደ።

41 ጸጽርስ አካ ባር ኩሽን ማዲደ፣ ደንላ ኤሴዳ፤ ሄዋጥ ጉይያን፣ እማንያዋንታን አሰን ባይና አምኤ ማጫዋንታ ጸሲደ፣ ፓዴዳወና ኤንቱንቶ እማዳ።

42 ሀ የወ ዮጸ ካታማ ኡባን ላለትና ጮራ አሳይ ጎዳ እማኔድና።

43 ጸጽርስ ዮጸን እት ሰሞና ግያ ጋልባ ቃጭያዋና ዳር ዋድያ ጋምኤዳ።

**10**

**ጸጽርሳን ቆርነልዮሳ**

1 ቁሳርያን “ጸላቱዋ ኦላ አሳቱዋ” ጌተትያ ኦላንቻቶ እት ጸታቱዋ ካፑ ቆርነልዮሳ ግያዋ ደኢ።

2 ቆርነልዮስ ጸሳ ሎይሌደ እማንያ አሳን፣ ባር ሶይ አሳ ኡባና እትጥ ጸሳወ ጎይንያ አሳ፤ አይሁዳ ሀይሳካ እ ዳር ማዳ፤ ቃይ ጸሳ ኡባ ዋደ ዋሴ።

3 እት ጋለስ ኡዱፑ ሳትያ ሄራን፣ “ቆርነልዮሳ” ጊደ ጸሰያ ጸሳ ከታንቻይ ባርኮ ገልሽን፣ ቆርነልዮስ ሳጸን ጌሺደ በኤዳ።

4 ቆርነልዮስ ያዩደ፣ ከታንቻ ጫድ ጸሊደ፣ “ታ ጎዳወ፣ አ አይ?” ያጌዳ።

ከታንቻይ ዛሬደ፣ ሀዋዳን ያጌዳ፤ “ነ ዋሳይን ኔን ሀይሳ ማድያዋ ጸሳ ሰንጎን ሀሳየታናወ ሳሉዋ ቤዳ።

5 ሀእ ዮጸ አሳ ከታደ፣ ጸጽርሳ ጌተትያ ሰሞና አሀሳ።

6 ጸጽርስ አባ ድናን ደእያ ጋልባ ቃጭያ ሰሞና ጎሊን እማላተላን ኡቲዳ፤ ኔን ኦላናወ በሰያዋ አ ጎወ ኦዳናዋ” ያጌዳ።

7 ቆርነልዮስ ባርወ ኦዳዳ ከታንቻይ ቤና፣ ባር ቆማቱዋጥ ላኦቱዋን ጸሳወ ጎይንያ ባርጥ ሻከተና ዋታዳራቱዋጥ እቱዋ ጸሲደ።

8 ኤንቱንቶ ኡባባ ኦዲደ፣ ኤንቱንታ ዮጸ ከቲዳ።

9 ዋንተላ ጋላስ ኤንቱንቱ ቤደ፣ ዮጸ ካታማኮ ማትሽን፣ ጸጽርስ ኡሱፑን ሳትያ ሄራን ጎልያ ቦላን ደምባዩደ ኦሌዳሳ ጸሳ ዋሳናወ ከሴዳ።

10 ቃይ ከሻቲደ፣ ቆማ ማናወ ኮዬዳ፤ ሽን ቆማይ ካእሽን፣ ሳፃ በኤዳ።

11 ሳላ ደየትና፣ ዋልቃማ ማዳዋ ማላትያባይ ኦይዲ ባጋና ኦይቀቲደ፣ ሳኦን ዋድሽን፣ ጸጽርስ በኤዳ።

\* 9:34 ሂጸ የጋ፡- ሀዋ ጉሳይ ሜተትያባ ጊግሳ ጉሳ።



12 ሃዋን ኦይዱ ገድያና ደእያ መሄ፣ ደእይ፣ ሸሻይ፣ ዛሬን ካፋ ኡባይ ደኤ።

13 “ጳጳርሰ፣ ደንዳ ኤቃይ ሹካ ማ” ግያ ቃላይ እኮ ዬዳ።

14 ሸን ጳጳርሰ፣ “ታ ጎዳ፣ ሀነና! ታን ቱናባን ሸነይያባ ኡባካ ማ ኤርከ” ያጌዳ።

15 ቃይ ላኤንሉዋ፣ “ጳጳርሰ ጌሹዳዋ ኔን ቱንሶፓ” ግያ ቃላይ እኮ ዬዳ።

16 ሃዙ ገደ ሃዋዳን ጌዳ፤ ሃዋፕ ጉይያን፣ ኤለካ ሄ ዎልቃማ ማዩዋ ማላትያዌ ፑደ ሳሉዋ እከት እጌዳ።

17 ጳጳርሰ ባረ በኤዳ ሳፃ ብለላይ እያ ግዳንዳሻ? ያጌደ፣ ባረ ዋዛና ግዳን፣ “ላ ሀዌ አዬ?” ጊሸን፣ ቆርነልዮስ ኪቴዳ አሳቱ ሰሞና ጎሊ ደኢያሳ ኮዩደ፣ አ ፐንግያን ኤቁድኖ።

18 ባረንቱ ኮሻ ጶቁ ኦሊደ፣ “ጳጳርሰ ጌትትያ ሰሞና ግያ አማላይ ሃዋን ደኢ?” ያጌደ ኦቹድኖ።

19 ጳጳርሰ ሳጳን በኤዳባ እኪካናዉ ቆፋን ሼክደእሸን፣ ጌሻ እያናይ እ፣ “በእ፣ ሃዙ \* አሳቱ ኔና ኮዩኖ፤

20 ደንዳደ ዎጳ፤ ታን ኡንቱንታ ኪቴዳ ድራዉ፣ ሰ□ናን ኡንቱንቱና ባ” ያጌዳ።

21 ጳጳርሰ አሳቱዋኮ ዎጳደ፣ “ሀንተንቱ ኮይያዌ ታና። እያ እካና ዬድቱ?” ያጌዳ።

22 ኡንቱንቱ፣ “ጳጳርሰ ያይያ ጽሉ እይሁዳ አሳ ኡባን ዳር ቦንቹቱዳ ጴታቱዋ ካፑዋ ቆርነልዮስ፣ ኔና ባረ ሶይ አናሲደ፣ ቃላ ኔፕ ሰሳና ማላ፣ ጳሳ ጌሻ ኪታንቻይ አዉ ኡዳዳ።”

23 ጳጳርሰ አሳቱዋ አማላ አላ ሸባናዉ ሶይ ሞኪዳ።

ዎንተላ ጋላስ፣ ደንዳደ ኡንቱንቱና ቤዳ፤ ዮጳ ካታማን ደእያ እሻቱዋፕ እቱ እቱ አናና እትፕ ቤድኖ።

24 ዎንተላ ጋላስ፣ ቁሳርያ ጋኬድኖ፤ ቆርነልዮስ ባረ ዳባቱዋን ባረ ላገላቱዋ እትፕ ጴስ ሺሺደ፣ ጳጳርሰ ናጌ።

25 ጳጳርሰ ገላና ሀንሸን፣ ቆርነልዮስ አናና ጋከቲደ፣ አ ሰንላን ኩንዲደ፣ አዉ ጎይኔዳ።

26 ሸን ጳጳርሰ፣ “ደንዳ! ታንካ ታ ሀጳዉ አሳ” ያጌደ አ ደንሴዳ።

27 ጳጳርሰ ቆርነልዮስ ሃሳዩደ፣ ሶይ ገሊዳ፤ አ ገልያ ዎደ ጮራ እሳይ ሸቁዳዋ ደሚደ፣

28 አሳ፣ “አይሁዳ አሳይ ሀራ ዛርያና እትፕተላን ደአናዉ፣ ዎይ ጋከታናዉ ዎጋ ግደናዋ ሀንተ ሀጳዉ ኤሪታ፤ ሸን ታን ናናን ቱና ዎይ ሸነይያባ ጌና ማላ፣ ጳሳይ ታና በሴዳ።

29 ሃዋ ድራዉ፣ ሀንተ ታዉ ከትና፣ ፓሉማይ ባይናን ያድ። ሀእ፣ ‘ታና እያዉ አሀሴድቱ?’ ያጋደ ሀንተንታ እቻይ” ያጌዳ።

30 ቆርነልዮስ ሀዋዳን ያጌዳ፤ “ታን ሀቹ ኦይዱ ጋላሳፕ ካስ ሀ ሳትያን ኡዲፑ ሳትያ ዎሳ ታ ሶይን ጳሳ ዎስሸን፣ ጳልቁያ ማዩዋ ማዬዳ አሳይ ታ ሰንላን ኤቁደ፣

31 ታና፣ ‘ቆርነልዮስ፣ ጳሳይ ነ ዎሳ ሰሴዳ፤ ኔን ሀዬሳ ማድያዎካ ሀሳዬዳ።

32 ሰሞ አሳ ዮጳ ኪታደ፣ ሰሞን ጳጳርሰ ግያዋ ጴስሳ፤ ሰሞን ጳጳርሰ ሰሞና ግያ ጋልባ ቃጭያዋ ጎሊን አባ ድናን አማላተላ ኡቴዳ” ያጌዳ።

33 ሃዋ ድራዉ፣ ታን ኮኮ ኤለካ ኪታድ፤ ኔንነ ያደ ሎይላዳ፤ ሰሞ ኔን ኑዉ ኦዳናዉ ጳሳይ ኔና አዛዜዳዋ ኡባ ሰሳናዉ ሀእ ኔን ኡባይ ሀዋን ጳሳ ሰንላን ደኤቶ” ያጌዳ።

**ጳጳርሰ ሃሳያ**

34-35 ጳጳርሰ ሃሳያ ሀዋዳን ያግ ደሚዳ፤ “ጳሳይ አሳ ሰሞእያ ጴላና፤ ሸን ጋደ ኡባን ባረዉ ያይያዋን ጽሉ እሱዋ ኡላያዋ ጋላትያዋ ታን ቱሙ እኪካድ።

36 ጳሳይ አሳ ኡባ ጎዳ፣ የሱስ ክርስቶሳ ባጋና፣ ሳርተላ ኡዲደ፣ ሀ ዎንጋላ ሞሽራቹዋ እሰራኤልያ አሳዉ ኪቴዳዋ ሀንተንቱ ኤሪታ።

37 ዮሃንስ ቃላ ኡዳዳ ጽንቃታፕ ጉይያን፣ ጋለፕ ደሚደ፣ ይሁዳ ጋድያ ኡባን ሀኔዳዋ ሀንተ ኤሪታ።

38 ጳሳይ ናዝሬትያ የሱሳ ጌሻ እያናን ዎልቃን ኩንሴዳ፤ ጳሳይ አናና ደእያ ድራዉ፣ ሎኦባ እ ኡሴዳን ጳላህያ ካፕ ሞድቱዳ ኡባ ፓሊደ ዩዬዳ።

39 “አይሁዳ ጋድያንነ የሩሳላመን እ ኡሴዳ ኡባባዉ ኔን ማርካ። ኡንቱንቱ ማስቃልያ ቦላ ሞስማርያን ድሸ ካቁደ፣ አ ዎዬድኖ።

40 ሸን ጳሳይ ሄዘንሉያ ጋላሳን ሀይቁዋፕ አ ደንሴደ በሴዳ።

41 ጳሳይ ኮይር ደሬዳ ማርካቱዋ ኑና፣ አ በሴዳፕ እትን፣ አሳ ኡባ ግደና፤ ሀይቁዋፕ አ ደንዳዳዋፕ ጉይያን፣ ኔን አናና ሜዳን ኡሺደ።

42 ጳሳይ ዎንጋላ ሞሽራቹዋ አሳዉ ኔን ኡዳናዉ፣ ፓጳ ደእያዋንቱ ቦላን ሀይቁዳዋንቱ ቦላን ፕርዳናዉ እ ሱንሴዳዊ የሱሳ ግዴዳዋ ኔን ማርካታናዉ ኑና አዛዜዳ።

43 ጳሳይ እን አማንያ ኡባ ናጋራ እ ሱንላን እቶ ጋናዋ ናባቱ ኡባቱ ማርካቲኖ” ያጌዳ።

\* 10:19 ሃዙ- እት እት ማጻፋቱ ጮራ ጊኖ፤ እት ማጻፋይ ላኤ ያጌ። 10:34-35 ዛረ. 10:17

እይሁዳ ግደና አሳቱ አማኒደ ጌሻ አያና አኬድኖ

44 ጳጳሮስ ብሮ ሄ የወዋ እድሽን፣ ቃላ ሰሰያ ኡባ ቦላ ጌሻ አያናይ ዎቋ አጌዳ።

45 ጳጳሮሳና የጳጳጥ ዬዳ፣ አማንያ ቃጸረቴዳ እይሁዳ ኡባቱ እይሁዳ ግደናዋንቱ ቦላንካ ጌሻ አያና አዋታይ ጉኬዳ ድራው ማለላቴድኖ።

46 አያው ጎጥ፣ ኡንቱንቱ ዳማ ዳማ ቃላን ሃሳይሽንን ጸሳ ዳሮተላ ሳቢሽን ሰሴድኖ።

ሄ ዎደ ጳጳሮስ ዛሪደ።

47 “ሀዋንቱ ቃይ ኑናዳን ጌሻ አያና አኬዳዋንቱ ጸማቀተናዳን፣ ሃላ ኡንቱንታ ድጋናው ዳንዳይያዋ ኦኔ?” ያጌዳ።

48 ኡንቱንቱ የሱስ ክርስቶሳ ሱንፋን ጸማቀታና ማላ፣ ኡንቱንታ አዛዜዳ፤ ሄዋጥ ጉይያን፣ ኡንቱንቱ ባረንቱና አማሬዳ ጋሳሳ ኡታና ማላ፣ አ ዎሴድኖ።

# 11

ጳጳሮስ እይሁዳ ግደና አሳጥ አማኔዳዋንቱ ሰይ እያው ገሌደንቶ አዳዳ

1 የሱስ ከቴዎዋንቱን ይሁዳ ኡባን ደእያ አሻቱ፣ እይሁዳ ግደናዋንቱካ ጸሳ ቃላ አኬዳዋ ሰሴድኖ።

2 ጳጳሮስ የሩሳላሙ ቤዳ ዎደ፣ ቃጸረቴዳ አሳቱ አናና ፓሌሙቲደ።

3 እ፣ “ኔን ቃጸረትቤናዋንቱኮ ገላደ፣ ኡንቱንቱና ቁማ ማዳ” ያጌድኖ።

4 ሽን ጳጳሮስ ሀይዳዋ ኮይሩዋጥ ደሚደ፣ ማራን ማራን ሀዋዳን ያጌደ አዳዳ፤

5 “ታን የጳ ካታማን ጸሳ ዎሰሽን፣ ታን አያናን ግዳደ ሳዎ በአድ፤ ዎልቃማ ማዩዋ ማላትያዌ አይዱ ባጋና ኦይቀቲደ፣ ሳላዋጥ ዎቋደ፣ ታኮ ዬዳ።

6 ሄዋ ግዳዋ ታን ጫዳ ጸልያ ዎደ፣ ኦይዱ ገዲ ደእያ ሙሀያ፣ ዱዳ፣ ሾሻ፣ ዛርያን ካፋዋ በአድ።

7 ቃይ፣ ጳጳሮሳ፣ ደንዳ፤ ሹካ ማን ግያ ቃላ ታን ሰሳድ።

8 “ሽን ታን፣ ታ ጎዳዉ፣ ሀነና! ቱናባይ ዎይ ሽነይያባይ ኡባካ ታ ድናኮ ሽቅ ኤረና፣ ጋድ።

9 “ቃላይ ሳላዋጥ ላኢንሉዋካ፣ ጸሳይ ጌሹዳዋ ኔን ቱና ጎጥ” ያጌደ ታው ዛሪደ።

10 “ሄዌ ሄኮ ገደ ሀንና፣ ዉርስፋን ኡባባይ ሳላዋ ጉደ ጎሽቱዳ።

11 ሄ ማንእያን ሄኮ አሳቱ ቁሳርያጥ ታኮ ከተቲደ፣ ታን ደእያ ጎልያ ጋክ አጌድኖ።

12 ታንካ ሰርናን ኡንቱንቱና ሳላ ማላ፣ ጌሻ አያናይ ታው አዳዳ። ቃይ ሀ ኡሱፑን አሻቱ የጳጥ ታናና ቁሳርያ ቢና፣ ኑን ቆርነልዮሳ ሰይ ገሌደ።

13-14 ከታንቻይ ባረ ሰይን ኡቁደ ባረና፣ ጳጳሮሳ ጌተትያ ሰሞና ጸሳናው አሳ የጳ ከታ፤ ኔንነ ነ ጎላ አሳይ ኡባይ አትያ ቃላ እ ነው ኡዳናዋ ጌዳዋ ቆርነልዮስ ዎት ሰሴደንቶ፣ ኑው አዳዳ።

15 “ታን ሃሳናው ደምያዋን ጌሻ አያናይ ኮይሮ ኑ ቦላ ዎዴዳዋዳን፣ ኡንቱንቱ ቦላካ ዎቋ አጌዳ።

16 ጎዳይ፣ ዮሃንስ ሃላን ጸማቁዳ፤ ሽን ሀንተንቱ ጌሻ አያናን ጸማቀታንታ” ያጌዳ ቃላ ታን ሀሳናድ።

17 ጳሳይ ኑው ጎዳ የሱስ ክርስቶሳ አማኔዳዋንቶ አሜዳ አዎታ ማላ እይሁዳ ግደናዋንቶካ ቃይ አዋጥ፣ ሰሞ ጸሳ ድጋናው ታን ኦኔ?” ያጌዳ።

አማንያዋንቱ ክርስታን ጌተቴድኖ

18 ኡንቱንቱ ሀዋ ሰሴዳ ዎደ ባረንቱ ፓሌማ አጌደ፣ “ያትና፣ ጳሳይ እይሁዳ ግደናዋንቱካ ቃይ ናጋራጥ ሰሚደ ደእናዳን፣ ኡንቱንታ ካጩዳ” ያጌደ ጸሳ ጋላቴድኖ።

19 እስጳፋኖሳ ቦላ ጋኬዳ ዋይያ ጌዳዋን ላለቴዳ አማንያዋንቱ ቃላ እይሁዳቱዋ ጸላላጥ አትን፣ ሀራው እቶን አደና፣ ፕንቀ፣ ቆጶሮሳን አንጾክያ ጋካናው የዬድኖ።

20 ሽን ቆጶሮሳጥን ቀሪናጥ ዬዳ እት እት አማንያ አሳቱ አንጾክያ ቢደ፣ ጎዳ የሱሳ ዎንጋላ ዎሽራቹዋ ኡዲደ፣ ግሪክ አሳዉካ \* አዳድኖ።

21 ጎዳ የወልቃይ ኡንቱንቱና ደኤ፤ ቃይ ጮራ አሳይ አማኒደ፣ ጎዳኮ ሰሚድኖ።

22 ሀ ዎደ የሩሳላሙን ደእያ አማንያ አሳው ሰሰትና፣ አማንያ አሳይ ባርናባሳ አንጾክያ ከቲዳ።

23 ባርናባሳ አንጾክያ ቤዳ ዎደ፣ ጳሳ አቶ ከካተላ ኦሱዋ በኢደ ናሽቱዳ፤ ኡንቱንቱ ኡባይ ጎዳን ባረንቱ ኩሙንፋ ዎዛናጥ ሞን ደእናዳን፣ ኡንቱንታ ዘሪዳ።

24 አያው ጎጥ፣ ባርናባሳ ጌሻ አያናይን አማኑ ኩሜዳ ሎኮ አሳ፤ ሄ ጋሱዋን ጮራ አሳይ ጎዳኮ ዬድኖ።

25 ሄዋጥ ጉይያን፣ ባርናባሳ ሳኦላ ኮያናው ጸርሴስ ቤዳ።

\* 11:20 ግሪክ አሳ- ሀዋ ጉሳይ ግሪክ ቃላ ሃሳይያ እይሁዳ ዎይ ሀራ አሳ።

- 26 ያቲደ ሳኦላ ደሜዳ ዋደ፡ እንጾክያ አሄዳ። ባርናባሰነ ሳኦላ አማንያ አሳና እት ላይላ ኩመንላ ኡቲደ፡ ጮራ አሳ ታማርሲድኖ፤ ካልያዋንቱ እንጾክያን አማንያ አሳ ጌተቲደ፡ ኮይሮ ጸሰቴድኖ።
- 27 ናባቱ የሩሳላመፕ እንጾክያ ሄ ዋደ ዋዲድኖ።
- 28 ኡንቱንቱ ግደፕ አገቦሳ ግያዌ ደንዲደ፡ ሳኦ ኡባን ዋልቃዎ ኮሻይ ደንዳናዋ እያና ዋልቃን ትምቢትያ ኦዴዳ፤ ሄዌ ሀኔዳዌ ቃላዉደኖሳ ካዉተላ ዋድያና።
- 29 ካልያዋንቱ ሀጺያን ሀጺያን ባረንቱ ዋልቃ ከና ሚሻ ከሲደ፡ ይሁዳን ደእያ ባረንቱ እሻቶ ማዲዋ የዳናዉ ቆፋ ቃቻድኖ።
- 30 ኡንቱንቱ ሄዋዳን ኦሊደ፡ ሚሻ ባርናባሳ ቦላንነ ሳኦላ ቦላ ዋሳ ጎላ ጭማቶ የዴድኖ።

## 12

ዋሳ ጎላን ዋልቃዎ አታ የደሳይ ደሜዳ

- 1 ካትያ ሄርድሰ \* ሄ ዋደ ዋሳ ጎላ አሳፕ አማራዳዋንታ ዋይሱዋ ደሜዳ።
- 2 የሃንሳ እሻ ያቆባ ማሻን ዋድሴድ።
- 3 ሄዌ አይሁዳቱዋ ናሽቴዳዋ በእደ፡ ጉጅ ጸጽሮሳካ ኦይቄዳ፤ ሄዌ ማጋገ ኡክላ ባላ ቦንችያ ጋላሳቱዋና።
- 4 ጸጽሮሳ ኦይቄደ ቃቻድ። ፓሰጋ ባላ ቦንችያ ጋላሳቱዋፕ ጉይያን፤ ጋደ አሳ ሰንላ አላናዉ ቆፒደ፡ ኦይዱ ኦይዱ ዋታዳራቱ አ ናጋናዳን፤ ታማነ ኡሱቸን ዋታዳራቶ አሊደ አሜዳ።
- 5 ሄዋ ድራዉ፡ ጸጽሮሰ ቃሾ ጎልያን ናገቱ፤ ሸን ዋሳ ጎላ አሳይ አዉ ምንሲደ ጸሳ ዋሴ።

ኪታንቻይ ጸጽሮሳ ቃሾ ጎልፕ ከሴዳ

- 6 ሄርድሰ ጸጽሮሳ አሳ ሰንላ አላናዉ ቆፓናፕ ካሰ ቃዎ፡ ጸጽሮሰ ላኡ ሳንላላታን ቃሸቲደ፡ ላኡ ዋታዳራቱዋፕ ግዴዋን ገምእሺዳ፤ ናግያዋንቱካ ቃሾ ጎላ ፕንግያን ኤቄደ ናገኖ።
- 7 አከከናን ደእሸን፡ ጎዳ ኪታንቻይ ሄዋን ኤቄ አጌዳ፤ ቃሾ ጎልንካ ፖኡ ፖኢ አጌዳ። ኪታንቻይ ጸጽሮሳ ምይያ ደቻ ቤጎሊደ እ፡ “ኡላ ደንዳ” ያጌዳ፤ ሄ ማንእያን ሳንላላታይ አ ኩሸያፕ ዋድ አጌዳ።
- 8 ኪታንቻይ እ፡ “ሳ ሱርያ ዳንጫ፤ ነ ጫማካ ዋላ” ያግና፡ ጸጽሮሰ ሄዋዳን ኦሊዳ፤ ኪታንቻይ፡ “ሳ ማየዋ ማያይ ታና ካላ” ያጌዳ።
- 9 ጸጽሮሰ ቃሾ ጎልያፕ ከሲደ፡ ኪታንቻ ካሌዳ፤ አዉ ሳዓ በእያዋ ማላቲዳፕ አትን፡ ኪታንቻይ ኦላያባይ ቱማ ግዴዳዋ ኤርቤና።
- 10 ኪታንቻይን ጸጽሮሰ ኮይሮ ዋታዳራፕነ ላኤንላ ዋታዳራፕ አጲደ፡ ካታማ አፍያ ብራታ ፕንግያኮ ጋኬድኖ፤ ፕንገካ ኡንቱንቶ ባረካ ደየት አጌዳ፤ ኡንቱንቱ ከሲደ እት ኦግያና ቢሸን፡ ኪታንቻይ ኤካ ጸጽሮሳፕ ሻከት አጌዳ።
- 11 ጸጽሮሰ ባረና ጋኬዳባ አከኪደ፡ “ታና ጎዳይ ባረ ኪታንቻ ከቲደ፡ ሄርድሳ ኩሸያፕነ አይሁዳ አሳይ ናግ ኡቲዳ ኡባባፕ አሸዳዋ ሀእ ቱሙ ኤራድ” ያጌዳ።
- 12 እ ሄዋ አከኪዳ ዋደ፡ ጮራ አሳይ እትፕ ሸቄደ ጸሳ ዋሰያሳ፡ ማርቆሳ ግያ የሃንሳ ዳይ ማይራም ሰይ
- 13 ቢደ ፕንግያን ጸሰና፡ እት ሮዳ ግያ ቆማታ ደያናዉ ያዴ።
- 14 ሮዳ ጸጽሮሳ ቃላ ግዴዳዋ ኤራዳ ዋደ፡ ባረና ናሽችና፡ ፕንግያ ደየናን ጉየ ዋጸደ፡ ጸጽሮሰ ካረን ኤቄዳዋ አሳዉ ኦዳዳ።
- 15 አሳይ አዘ፡ “ሀነ፡ ነን ጎያ” ያጌዳ። ሮዳ ጸጽሮሳ ግዴዳዋ ገሻደ ኦዳዳ። ኡንቱንቱ፡ “ሄዌ አ ኪታንቻ”† ያጌድኖ።
- 16 ሸን ጸጽሮሰ ካረን ጸሰደ አገናን አጽና፡ አሳይ ካርያ ደይ፡ አ በእደ ማላላቲድኖ።
- 17 ሸን ኡንቱንቱ ጮኡ ጋና ማላ፡ ጸጽሮሰ ባረ ኩሸያን ጸርሲደ፡ ጎዳይ ቃሾ ጎልያፕ አ ዋት ከሴደንቶ፡ ኡንቱንቶ ቆንጭሰ ኦዲደ፡ “ሀዋ ያቆባዉን ፤ እሻቶ § ኦድተ” ገደ፡ ከሰ ሀራሳ ቤዳ።

ሄርድሳ ሀይቆዋ

- 18 ሳኦይ ዋንቱዳ ዋደ፡ ጸጽሮሰ ሀቃ ብድጌደንቶ ገና ዋታዳራቱዋ ግደን ዳሮ ዋላሳይ ከሴዳ።
- 19 ሄርድሰ ጸጽሮሳ ኮይሸን፡ እ ጻዬዳ ዋደ፡ ናግያዋንታ ቆሪደ፡ ኡንቱንታ ዋላና ማላ አዛዜዳ፤ ሄዋፕ ጉይያን፡ ይሁዳፕ ቂሳርያ ዋጲደ፡ ሄዋን አማራዳ ዋድያ ኡቲዳ።

\* 12:1 ሄርድሰ- ሀዋ ጉሳይ ሄርድሰ እግሪጻ ኮይራዋ ግዲደ፡ ፓላስቲን ግያ ጋድያ ኡባ ዋድያዎ። ሄዌካ ዎጋ ሄርድሰ ሄዘላ የለታ። 12:4 ከሳ 12:1-27 † 12:15 አ ኪታንቻ- አ ናግያ ኪታንቻ ግደናን አገና ጉሳ። ‡ 12:17 ያቆባ- ጎዳ እሻ። § 12:17 እሻቶ- አማንያ ሀራቶ።

20 ሄሮድስ ጸረሳ አሳውን ሲደና አሳው ሎይህ ሀንቀቴዳ፤ ኢንቱንቴ ጋይ አሳይ ካላ ሄሮድሳ ጋይ አሳጥ ደምያ ድራው። ኢንቱንቴ እትጥ ግዲደ። እ ጎልያ ካፍጥ ብላሰጸሳ ሳረንቴ ባጋ ኦሲደ። ሰገታና ማላ ዋሳናው ሄሮድሳኮ ቤድኖ።

21 ሄሮድስ ስንጠቴዳ ጋላሰ። ባረ ካውተላ ማዩጥ ማዩደ። ካውተላ ኦይድያን ኡቲደ። አሳው ሃሳዬዳ።

22 አሳይ። “ሀዌ ጸሳ ቃላ፤ አሳ ቃላ ግደና” ያገደ ኮሻ ቶቂሲ ደ ሃሳዬዳ።

23 ሄሮድስ ጸሳ ቦንቮርና ድራው። ሄ ማንእያን ጎዳ ኪታንቻይ እ ደችና። ጉጹንያን ሜተቲደ። ሀይቂ እኬዳ።

24 ሸን ጸሳ ቃላይ ድጩን ዳር ዳር ቤ።

25 ባርናባሰን ሳኦል ባረንቴ ኦሱጥ ፖሊደ። ማርቆሳ ግያ ዮሃንሳ ባረንቴና አኪደ። ዮሩሳላሙጥ ስሜድኖ።

### 13

#### ባርናባሰን ሳኦል ጌሻ እያናይ ዶርና፤ ታማርሳናው ከተቴድኖ

1 እንጾክያን ደእያ አማንያ አሳ ግደን ናባቲን ታማርሰያዋንቴ ደእኖ፤ ኢንቱንቴካ ባርናባሳ፤ ካረሳ ግያ ሰሞና፤ ቀሪናጥ ዬዳ ሎቅዮሳ፤ ጋድያ ሞድያ ሄሮድሳና \* ድጩዳ ሞናሀን ሳኦል።

2 ኢንቱንቴ ጎዳው ጎይንሸና፤ ጸሞሸን። ጌሻ እያናይ። “ታን ጴሴዳ ኦሶ ባርናባሰን ሳኦል ታው ዲማይተ” ያጌዳ።

3 ኢንቱንቴ ጸሜዳጥን ሆሴዳጥጥ ጉይያን። ባረንቴ ኩሽያ ባርናባሳ ቦላንን ሳኦል ቦላን ሞሊደ። ኢንቱንጋ ዮዴድኖ።

#### ባርናባሰን ሳኦል ቆጶርሳ ቤድኖ

4 ሄጥ ድራው። ጌሻ እያናይ ኢንቱንጋ ኪትና፤ ሴሎቅያ ሞዴድኖ፤ ሄጥ ሞንግርያን ገሊደ። ቆጶርሳ ሃሳን ደደቲዳሳ ቤድኖ።

5 ኢንቱንቴ ሰልማና ጋኪደ። አይሁዳ ዋሳ ጎለቱዋን ጸሳ ቃላ ኦይድኖ፤ ኢንቱንጋ ማዳናው ዮሃንስ ተ ኢንቱንቴና ደኤ።

6 ኢንቱንቴ ቆጶርሳ ሃሳን ደደቲዳ ሳኦ ኡባ ጳፉ ጋካናው ዩዩደ። ናቦን እት ሞርዳንቻ። አይሁዳ አሳ ባር-ዮሱሳ ግያ ሻሪቹጥ ደሚድኖ።

7 ሄ ሻሪቹ ጋድያ ሞድያ ሳርግዮሳ ጳውሎሳ ግያ እኪካንቻ ብታንያና ደኤ። ሳርግዮሳ ጳውሎሳ ባርናባሰን ሳኦል ባረኮ ጴሲደ። ጸሳ ቃላ ሰሳናው ኮዬዳ።

8 ሸን ሻሪቹጥ ኤልማስ (ግሪኮ ቃላን ሄዌ እ ሱንላ) ጋድያ ሞድያዋ አማኑዋ ድጋናው ኮዩደ። ኢንቱንቴ ሃሳያ ጳልቄዳ።

9 ሸን ጳውሎሳ ግያ ሳኦል ባረናን ጌሻ እያናይ ኩሞና፤ ሻሪቹጥ ጫድ ጴሊደ።

10 እ። “ላ ሀ ጸላህያ ካፍጥ ናኸው። ገነተሳይ ኡባይን ኢታተሳይ ኡባይ ኩሜዳዎ። ጽሎተላ ኡባ ሞርከው። ጎዳ ኦግያ ሱርያ ጌላይያዋ እግኪ?”

11 በእ፤ ሀእ ጎዳ ኩሽ ነ ቦላ ደኤ፤ ኔን ቆቃ ግዳና፤ አማራዳ ዋዲ ጋካናው። አጥ ፖኡጥ በእካ” ያጌዳ።

ሄ ማንእያን ሻኖቻይን ቆማይ እ አይፍያ ጎዝና፤ ባረ ኩሽያ ኦይቂደ። ካለላያ ኡራ ኮዩደ ዩዬዳ።

12 ሄ ሞደ ጋድያ ሞድያዎ ሄጥ በኤዳ ሞደ። ጎዳይ ታማርሰያዋን ማላለቲደ አማኔዳ።

#### ባርናባሰን ጳውሎሳ ጴሲድያን ደእያ እንጾክያ ቤድኖ

13 ጳውሎሰን አናና ደእያዋንቴ ጳፉጥ ደንዲደ። ጽንፍልያን ደእያ ጸርገ ሞንግርያን ቤድኖ፤ ዮሃንስ ኢንቱንግጥ ሻከት። ዮሩሳላሙ ስሜዳ።

14 ሸን ኢንቱንቴ ጸርገጥ እፉደ። ጴሲድያን ደእያ እንጾክያ ጋኪድኖ፤ ሳሞባታ ጋላሳን አይሁዳ ዋሳ ጎሊ ገሊደ ኡቴድኖ።

15 ሙሴ ሀገን ናባቲዎ ማጻፋይ ናባበቲዳጥጥ ጉይያን። አይሁዳ ዋሳ ጎሊ ካጋጉ። “ኑ እሻቶ አሳ ሞንሰያ ቃላይ ሀንተንቶ ደእጥ። አሳው ሃሳዬርክቴ” ያገደ ኢንቱንቶ ኪቴድኖ።

16 ጳውሎሰ ደንድ ኤቂደ። ባረ ኩሽያን ጸርሲደ። ሀሞዳን ያጌዳ፤ “እስራኤልያ አሳቶ። ጸሳው ያይያዋንቶ ሰሰተ።

17 ሀ እስራኤልያ አሳ ጸሳይ ኑ አሞቲዎ ደሪደ። ግብጼ ጋድያን አማላተሳን ኢንቱንግ ደእሸን። ኢንቱንጋ ጮርሲዳ፤ ባረ ሞልቃማ ሞልቃንካ ግብጼ ጋድያጥ ኢንቱንጋ ከሴዳ።

18 ባዙዋን ኦይታሙ። ላይላ ከና ኑ አሞቲዎ እ ዳንዳዬዳ።

\* 13:1 ሄሮድስ- ሄሮድ እንጾካ ጌተያ ሞን ሄሮድስ ናኤ። ሄዩኔካ ጋላላ ግያ ጋድያ ሞድያዎ። ሎቅ። 3:1 ጸልተ። † 13:5 ዮሃንሳ- ሀራ ሰጎሳይ ማር. 12:12፤ 25 ጸልተ። 13:17 ከሳ 1:7፤ 12:51 13:18 ገይ. 14:34፤ ዛረ. 1:31

19 ካናን ግያ ጋድያን አይሁዳ ግድና ላፑ ካወተላ ጳይሲይ፣ ኤንቴንጌ ጋድያ ባረ አሳ ላትሴዳ።

20 ሄዋጥ ጉይያን፣ ናብያ ሳሜላ ዋድያ ጋካናዉ፣ ኦይዱ ጸጋን እሻጋሙ ላይላ ኬና ዳናቱዋ ኤንቴንጌ አሜዳ።

21 ሄዋጥ ጉይያን፣ ኤንቴንጌ ባረንቶ ካትያ እማና ማላ ዋሰና፣ ጸሳይ ቢንያማ ዛርያጥ ቂሳ ናኣ ሳኦላ አይታሙ ላይላዉ ካተታና ማላ፣ ኤንቴንጌ አሜዳ።

22 ጸሳይ ሳኦላ ሻራዳዋጥ ጉይያን፣ ኤንቴንጌ ቦላ ዳዊተ ካተታና ማላ፣ አ ደንሌዳ፤ ዳዊተባ ማርካቲደ፣ ታን ኮይያ ኡባባ ታ ዋዛናዳን ኦሳያ አሰይ ናኣ ዳዊታ ደማድ” ያጌዳ።

23 “ጸሳይ፣ ታን ዳዊታ ዛርያጥ እስራኤልያ አሳ እሸያዋ አሀና” ቃላ ገሌዳዋዳንካ፣ የሱሳ አሄዳ።

24 የሱሰ ያናፕ ካሰ እስራኤልያ አሳይ ኡባይ ባረንጌ ናጋራፕ ሰሚደ ጸማቃታና ማላ፣ ዮሃንስ ቃላ ኦይዳ።

25 ቃይ ዮሃንስ ባረ ኦሱዋ ወርሳና ሀኒደ አሳ፣ ታና ኦና ጌደ ቆፕቲ? ታን ሀንተ ናግያዋ ግድከ፤ ሸን በአተ፣ አ ገድያ ጫማ ቃሹዋካ ገድያፕ ብላናዉ ታዉ በሰናዌ ታፕ ጉየና ዬ” ያጌዳ።

26 “ታናዳን እማንያዋንቶ፣ አብራሃሙ ዘርላቶ፣ ቃይ ሀዋን አይሁዳ ግድናዋንቶ ጸሳዉ ያይያዋንቶ፣ ሀ አቶተላ ቃላይ ኦዉ ከተቴዳ።

27 እያዉ ሳፕ፣ የሩሳላሙን ደእያ አሳይን ኤንቴንጌ ካፓቲ የሱሳን ሳምባታ ጋላሳ ኡባን ናባበትያ ናባቱዋ ቃላ እኬክቤና ድራዉ፣ አ ቦላ ፕርዲደ፣ ናባቱዋ ቃላ ፖሊድና።

28 የሱሳ ዋድሳናዉ እት ጋሱካ ኤንቴንጌ ቤተናን እጽና፣ ጽላጸሰ አ ዋሳና ማላ ዋሴድና።

29 “ኤንቴንጌ የሱሳባይ ጸሳ ማጸፋን ጸፈቴዳዋ ኡባ ፖሌዳ ዋይ፣ ማሰቃልያፕ አ ዋሴደ ሞጌድና።

30 ሸን ጸሳይ ሀይቁዋፕ የሱሳ ደንሌዳ።

31 ሄዋጥ ጉይያን አ ባረናና ጋሊላፕ የሩሳላሙ ዬዳ አሳቶ ጮራ ጋላሳ ቤቴዳ ኤንቴንጌ ሀአ አባ አሳዉ ማርካቲና።

32 “ጸሳይ ኦ አዋቶ እማና ጌዳ ዋንጋላ ሞሽራቹዋ ኦን ሀንተንቶ ኦዴቶ።

33 ዳዊተ ማዝሙርያ ማጸፋን ላኤንሎ ሸሞፑዋን፣

“ ኔን ታ ናኣ።  
ሀቹ ታን ነ አወዋ ግዳድ”

ጌተቲደ ጸፈቴዳዋዳን፣ ጸሳይ የሱሳ ደንሌዳ፣ ኦ አዋቶ እማና ጌዳዋ ኦዉ ኤንቴንጌ ናናዉ ፖሊድ።

34 ላኤንሎዋ አ ሀይቁና ማላ፣ ሀይቁዋፕ አ ደንሌዳዋ ጸሳይ፣ ታን ዳዊተዉ እማና ጌዳ እማነቴዳ ጌሻ እንጂዋ ሀንተንቶ እማና” ያጌደ ሃሳዬዳ።

35 ሄዋ ድራዉ፣ ማዝሙርያ ማጸፋን ሀራሳን ቃይ፣ ና ጌሻ ናኣ አሃካ ሙሰሳካ” ያጌዳ።

36 እያዉ ሳፕ፣ ዳዊተ ባረ ዋድያን ጸሳ ቆፋ ኦሌዳዋፕ ጉይያን ሀይቁደ፣ ባረ አዋቱዋና ሀይቁ ሙሴዳ።

37 ሸን ጸሳይ ሀይቁዋፕ ደንሌዳዊ ሙሰቤና።

38-39 “ሄዋ ድራዉ፣ ታናዳን እማንያዋንቶ፣ ናጋራ አቶ ጌተቴዳዊ ሀንተንቶ የሱሳ ባጋና ኦድቴዳዊን፣ ሙሴ ሀግያን ጽላናዉ ሀንተንቶ ዳንዳየተና ኡባባፕ እን እማንያ ኡባይ ጽላናዊ ሀንተንቶ ኤረቶ።

40 ሄዋ ድራዉ፣ ናባቲ ጌዳዌ ሀንተ ቦላ ጋከና ማላ ናገትተ፤

41 “ ጸሳይ ጌዳባ ቅለጭያዋንቶ፣  
በአተ፤ ሀራይ አቶ እት ኡራይ ሀንተንቶ ኦድንቶካ፣  
ሀንተ እማንና ኦሱዋ ታን ሀንተንጌ ዋድያን፣  
ኦሳያ ድራዉ፣ ፖራ ጌተ፤ ሀይቁተ”

ጌድና” ያጌዳ።

42 ጳዉሎስን ባርናባስ አይሁዳ ዋሳ ጎልያፕ ከሰሸን፣ አሳይ ኤንቴንጌ ላኤንሎዋ ሳምባታንካ ሄዋ ጉጂደ ኦዳና ማላ ዋሴድና።

43 ሸቆ ላለቴዳዋፕ ጉይያን፣ ጮራ አይሁዳቲነ አይሁዳቲዋ እማኑዋን ገሊደ ጸሳዉ ያይያ ጮራቲ፣ ጳዉሎስን ባርናባስ ካሌድና፤ የሱሰ ኪቴዳዋንቲ ጸሳ አቆ ኬካተላን ምን ደአና ማላ፣ ኤንቴንጌ ኦዲደ ምንሴድና።

44 ላኤንሎዋ ሳምባታን እማራዳ አሳቱዋፕ አትን፣ ካታማ አሳይ ኡባይ ጸሳ ቃላ ሰሳናዉ ሸቆዳ።

45 ሸን አይሁዳቲ ጮራ አሳ በኤዳ ዋይ፣ ጳዉሎስ ቃናቴድና፤ አ ሃሳያ ጸፈቁደ፣ አ ቦራድና።

13:19 ዛር. 7:1፤ ኢያሳ 14:1    13:20 ዳኤ 2:16፤ 1 ሳሜላ 3:20    13:21 1 ሳሜላ 8:5፤ 10:21    13:22 1 ሳሜላ 13:14፤ 16:12፤ ማዝ. 89:20    13:24 ማር. 1:4፤ ሉቃሳ 3:3    13:33 ማዝ. 2:7    13:35 ማዝ. 16:10  
13:41 እምባ. 1:5

46 ጳውሎስን ባርናባስ ጸሊፈ፣ “ጳላ ቃላይ ካሰቲደ ህንተንቶ ኦደታናው ኮቪ፤ ሽን ቃላ ህንተ እጹዳ ድራውን መድና ደኡቀ አካናው ህንተንቶ በሰና ጊደ፣ ህንተ ህንተንቱ ሁጲያን ፕርዴዳ ድራው፣ በአተ፣ ኮን አይሁዳ ግደናዋንቱኮ ሰሜቶ።

47 አያው ጎፕ፣ ጎዳይ ኑና፣

“ ኣሳይ ኡባይ ህንተ ባጋና አታና ማላ፣

ህንተንታ ታን፣

አይሁዳ ግደናዋንቶ ፖኡቀ ኦላድ፣ ያግ አዛዜዳ።” ያጌድና።

48 አይሁዳ ግደናዋንቱ ሄዋ ሰሴዳ ዎደ፣ ናሽቲደ ጸላ ቃላ ቦንቼድና፤ ቃይ መድና ደኦ ደረቴዳ ኡባይ አማኔድና።

49 ጎዳ ቃላይ ሄ ጋድያ ኡባ ጋኬዳ።

50 ሽን አይሁዳቱ ጸሳው ጎይንያ ቦንቼቲዳ ማጫዋንታን ካታማን ደእያ ዎልቃማ አሳቲቀ ጳውሎስ ቦላንን ባርናባስ ቦላ ደንጳ፣ አሳቲ ኡንቲንታ የደርሱቀ ደሚደ፣ ባረንቱ ጋድያፕ ከሴድና።

51 ሽን የሱስ ከቴዎድሮስ ኡንቲንታ እጵያዋንቶ ማላታ ግዳና ማላ፣ ባረንቱ ገድያፕ ባና ሾጪደ፣ ፎ አቆንዮን ካታማ ቤድና።

52 ቃይ እንጻክያን ደእያ ካልያዋንቱንካ ጌሻ አያናይን ናሽቻይ ኩሜዳ።

# 14

ጳውሎስን ባርናባስ እቆንዮን ቤድና

1 ካሰዋዳንካ ጳውሎስን ባርናባስ እቆንዮንን አይሁዳቲቀ ዎሳ ጎላ ገሊደ፣ ቃላ ኦዴድና፤ ሄዋፕ ፑይያን ጮራ አይሁዳቲነ አይሁዳ ግደናዋንቱ አማኔድና።

2 ሽን አማንቤና አይሁዳቲነ አይሁዳ ግደናዋንቱ ዎዛና ላሚደ፣ እሻቲቀ ቦላ ሀንቀሴድና።

3 የሱስ ከቴዎድሮስ ሄዋን ዳር ዎድያ ጋዎኤድና፤ ኡንቲንቱ ጎዳባ ያየናን ኦዴድና፤ ጎዳይ ማላታን ኦራባባ ኡንቲንቱ ኦላና ማላ፣ ኡንቲንቶ ዎልቃ አሜዳዋን ባረ እቆ ከካተላ ቃላባይ ቲማ ግዴዳዎ ማርካቲዳ።

4 ሽን ካታማ አሳይ ሻከት፣ ባጋይ አይሁዳቲቀኮ፣ ባጋይ የሱስ ከቴዎድሮስ ሰሜድና።

5 አይሁዳ ግደናዋንቱን አይሁዳቲ ባረንቱ ካፓቲቀና እትፕ የሱስ ከቴዎድሮስ ቆሀናውን ሹቻን ጫዳናው ቆፔዳ ዎደ፣

6 የሱስ ከቴዎድሮስ ሄዋ ኤሪደ፣ ልስጽራን ደርቦ ጌተትያ ልቃኦንያ ካታማቲቀን ኡንቲንቱ ሄራን ደእያ ጋድያ ብ አጌድና፤

7 ሄዋን ዎንጋላ ዎሽራቸቀ ኦዴና።

8 ባረ ዳይ ኡሉዋፕ የለቶደፕ ደሚደ፣ ላኡ ገዲ ሰልና፣ ኡባካ ሀመተና እት ብታኒ ልስጽራን ደኤ።

9 ሄ ብታኒ ጳውሎስ ኦድሽን ሰሴ፤ ጳውሎስ አ ጫድ ጴልያ ዎደ፣ ፓዳናው አው አማኑ ደእያዎ በአደ፣

10 ኮሻ ቆቂሲደ አ፣ “ሰት ጋደ ነ ገድያን ኤቃ” ያጌዳ፤ ጉፕ ደንዲደ፣ ሀመታ ደሚደ።

11 ጳውሎስ ኦሴዳዎ አሳይ በአደ፣ ባረ ኮሻ ልቃኦንያ ቃላን ቆቂ ኦሴደ፣ “ጳላቲ አሳ ማላቲደ ኮኮ ዎዴድና” ያጌዳ።

12 አሳይ ባርናባስ፣ “ድያ” \* ጊደ፣ ጳውሎስ ሃሳያው ዋናትያ ድራው፣ አ፣ “ሄርሜሳ” ጊደ ስንሴዳ።

13 ጌሻ ጎላ ካታማ ማታን ደእያ ድያ ቄሳይን አሳይ ኮራማቲቀን ዳሪ ሎእያ ጪሻቲቀ የሱስ ከቴዎድሮስ ያርሹዎ ያርሻናው ኮዬደ፣ ፕንግያ አሄድና።

14 ሽን የሱስ ከቴዎድሮስ ባርናባስን ጳውሎስ ሄዋ ሰሴዳ ዎደ ባረንቱ ማዩዎ ፔዲደ፣ አሳ ግዶ ዎጺደ፣

15 ባረንቱ ኮሻ ቆቂ ኦሴደ፣ ሀዋዳን ያጌድና፤ “አሳው፣ ሀዋ አያው ኦሴቲ፣ ኮንካ ህንተንቲቀዳን መጠቲዳ አሳ፤ ሀ ፓጋና የውዋፕ ሳሉቀን ሳካ፣ አባን ኡንቲንቱ ግደን ደእያ ኡባባ መዴዳ ደኡቀ ጳላኮ ህንተ ሰሜና ማላ፣ ህንተንቶ ኮን ዎንጋላ ዎሽራቸቀ ኦዴቶ።

16 አ በን አሳ ዘረሳይ ኡባይ ባረንቱ ኦግያ ባና ማላ የድ አጌዳ።

17 ህንተንቶ እራ ሳሉዋፕ ቡክሴዳ፤ ካሳካ አ ዎድያን አሜዳ፤ ቃይ ቁማ አሚደ፣ ህንተንታ ሎይሳ ናሽቼ፤ ያቲደ ህንተንቶ ሎኦባ ኦሴደ፣ ኡባ ዎደካ ባረው ማርካ ቆይቤና” ያጌድና።

18 የሱስ ከቴዎድሮስ ሄዋ ጊደ፣ ባረንቶ አሳይ ያርሽና ማላ፣ መቶቲደ ድጌድና።

13:47 አላ. 42:6፤ 49:6    † 13:51 ባረንቱ ገድያፕ ባና ሾጪደ- ሀዩ አሳይ እከናን እጸዋ በሰያ ኦግያ።    \* 14:12 ድያ- ጉሳይ ግሪካቲቀ ጳላቲቀ ኡባቲቀፕ ቦላ ጌተት ፓይደትያ ኡንቲንቱ ኤቃ።    14:15 ከሳ 20:11፤ ማክ. 146:6

19 እንጾክያፕን እቆንዮንፕ ዬዳ እይሁዳቱ እሳ ባረንቱ ባጋ ዛሪደ፣ ቩቻን ጳውሎሳ ጫዴድኖ፣ ኡንቱንቶ ሀይቁዳዋ ማላትና፣ ካታማፕ ካረጫ እ ጎቶ ከሴድኖ።

20 ሸን ካልያዋንቱ እ ማታን ዩይ ኦጲደ ኤቂሸን፣ እ ደንዲደ፣ ካታማ ገሌዳ። ዋንተላ ጋላሰ ባርናባሳና እትፕ ደርቦ ቤዳ።

**ጳውሎስን ባርናባስ እንጾክያ ሰሜድኖ**

21-22 ኡንቱንቱ ደርቦ ካታማን ዋንጋላ ሞሽራቹዋ ኦዲደ፣ ጮራ እሳይ የሱሳ እማናና ማላ ኦፊዳዋፕ ጉይያን፣ ልሰጾራ፣ እቆንዮንን ጲሲድያን ደእያ እንጾክያ ሰሜድኖ፣ ያቲድ ሄዋን ካልያዋንታ ሞንሲደን ኡንቱንቱ እማኑዋን ሞን ደእና ማላ ዛሪደ፣ “ኑን ጸሳ ካወተላ ገላናጫ ሎይል ዋየታና በሴ” ያጌድኖ።

23 ቃይ እማንያዋንቶ ደእያ ሳን ደእያ ሳን ጭማቱዋ ዶሪደ፣ ጸሜዳዋፕን ዋሴዳዋፕ ጉይያን፣ ኡንቱንቱ እማኔዳ ጎዳጫ ኡንቱንታ ሀዳራ እሜድኖ።

24 ጲሲድያ ጋድያፕ ኦጲደ፣ ጵንፍልያ ዬድኖ፣

25 ጸርገን ቃላ ኦፊዳዋፕ ጉይያን፣ አጻልያ ቤድኖ።

26 ሄዋፕ ኡንቱንቱ ባረንቱ ፖሌዳ ኦሎፍ ድራጫ፣ እሳይ ኡንቱንቱ ሀዳራ ጸሳ እቶ ኬካተላጫ እሜዳ እንጾክያ ማርካብያን ሰሜድኖ።

27 እንጾክያ ጋኩዳ ዋደ እማንያ እሳ ሸሸደ፣ ጸሳይ ባረንቱና እትፕ ኦፊዳ ኡባባ፣ እይሁዳ ግደና እሳይ እማናና ማላ፣ ኡንቱንቶ ፕንግያ ዶዬዳዋ፣ እሳጫ ኦፊድኖ።

28 ያቲድ ሄዋን ካልያዋንቱና ዳር ዋድያ ጋሞኤድኖ።

**15**

**የሩሳላሙ ሸቁዋ**

1 እት እት እሳቱ ይሁዳፕ እንጾክያ ዋጲደ፣ “ሙሴ ዋጋዳን፣ ሀንተ ቃጸረተናዋ ግደፕ፣ አታናጫ ዳንዳይክታ” ያጌደ እሻቱዋ ታማርሱዋ ዶሜድኖ።

2 ጳውሎስን ባርናባስ ኡንቱንቱና ዳርቦ ዋላቀቲደ ፓሎሙትና፣ እንጾክያን ደእያ እት እት ሀራ እሳቱ ሄ ፓሎማ ድራጫ፣ ጳውሎስን ባርናባስ የሩሳላሙ ቤደ፣ የሱሰ ኪቴዳዋንቱናን ጭማቱዋና ጋከታናጫ ቆፋይ ቃሸቱዳ።

3 እማንያ እሳቱ ኡንቱንታ ከቲደ ኦግያን ማድሸን፣ እይሁዳ ግደናዋንቱ ጸሳኮ ሰሜዳዋ ኦዲደ፣ ፕንቂያናን ሳማርያና ኦጲድኖ፣ ሄዋ እሻቱዋ ኡባ ሎይል ናሸቹዳ።

4 ኡንቱንቱ የሩሳላሙ ጋኩዳ ዋደ፣ እማንያዋንቱ፣ የሱሰ ኪቴዳዋንቱን ጭማቱ ኡንቱንታ ሞኬድኖ፣ ጸሳይ ባረንቱን ኦፊዳዋ ኡባ ኦፊድኖ።

5 ሸን ፓርሳቀቱዋ ባጋፕ እማኔዳ እት እት እሳቱ ደንድ ኤቂደ፣ “ሀንተንቱ ኡንቱንታ ቃጸራናጫ ሙሴ ሀንያ ናጋና ማላ አዛዛናጫ በሴ” ያጌድኖ።

6 የሱሰ ኪቴዳዋንቱን ጭማቱ ሄዋ ዞረታናጫ ሸቁድኖ።

7 ሎይል ሃሳዬዳዋፕ ጉይያን፣ ጸጽርሰ ደንድ ኤቂደ፣ ኡንቱንታ ሀዋዳን ያጌዳ፣ “ታናዳን እማንያዋንቶ፣ እይሁዳ ግደናዋንቱ ዋንጋላ ሞሽራቹዋ ቃላ ታ ዶናፕ ሰሲደ እማናና ማላ፣ ታና ጸሳይ ሀንተ ግደፕ በን ዶራዳዋ ሀንተንቱ ኤሪታ።

8 እሳ ዋዛና ኤርያ ጸሳይ ጌሻ እያና ኑጫ እሜዳዋን፣ ኡንቱንቶካ እሚደ ቱሞዬዳ።

9 ኡንቱንቱ እማኔዳ ድራጫ፣ እ ኡንቱንቱ ዋዛና ጌሸደ፣ ኑ ግዲዋንን ኡንቱንቱ ግዲዋን ዲማተላ ዋሰሰና።

10 ሄዋ ድራጫ፣ ኑ እዋቱን ኑን ቶካናጫ ዳንዳይቤና ዋልቃማ ቶኩዋ ካልያዋንቱ ሞርግያን ዋሊደ፣ ሀእ ሀንተ እያጫ ጸሳ ፓጩቲ?

11 ሸን ጎዳ የሱሰ ክርሰቶሳ እቶ ኬካተላን ኡንቱንቱ አቴዳዋዳን፣ ኑንካ አቴዳዋ እማኔቶ” ያጌዳ።

12 እሳይ ኡባይ ጮኤ ገደ፣ ባርናባስን ጳውሎስ እይሁዳ ግደና እሳ ግደን ባረንቱ ባጋና ጸሳይ ኦፊዳ ማሳታን ኦራላባ ኡባ ኦድሸን ሰሴ።

13 ኡንቱንቱ ሃሳያ ጫርሴዳዋፕ ጉይያን፣ ያቆቦ ሀዋዳን ያጌደ ዛሪዳ፣ “እሻቶ፣ ታን ግያዋ ሰሰተ።

14 ጸሳይ እይሁዳ ግደናዋንቱ ግደፕ ባረጫ ሀንያ እሳ አካናጫ እይሁዳ ግደናዋንቶ ኮይሮ ዋት ቆፔደንቶ ሰሞን ኦፊድኖ።

15-18 ናብያ ቃላይ ሀዋና ገጌ፣ ጎዳይ ዳር ዋድያፕ ዶሜደ፣ እሳ ሀዋ ኤርሲደ፣ ጸሳ ማጻፋን ሀዋዳን ያጌዳ፣

“ ላዋፕ ጉይያን፣ ሳእን ደእያ ሀራ እሳይ ኡባይ።

ታዋ ግዳናው፡፡  
ታን ጸሴዳ እይሁዳ ግደና አሳይ ኡባይ፡፡  
ጎዳ ኮያና ማላ፡ ታን ሰማና፡፡

ታን ኮለቲደ ከንዴዳ ጎልያዳን፡፡  
ሀኔዳ ዳዊተ ካወተላ ደንላና፡፡

ኮለቲዳዋካ ዛራደ ኬዳና፤

ታን ላኤንሱዋ አ ኤሳና፡፡

ያጌዳ፡፡

19 “ሄዋ ድራው፡ ታ ቆፋ ግደ፡ እይሁዳ ግደናዋንቱ፣ ጸሳኮ ሰምያዋንታ ኑን መቶላናው ኮሸና፡፡

20 ሸን ኤንቱንቱ ኤቃን ቱኔዳዋ ሜና ማላ፡ ዋሹመና ማላ፡ ባኩቴዳ መሀያ አሹዋ ሜና ማላ፤ ሰላ ኡሸና ማላ፡ ኤንቱንቶ ኑን ዳብዳቢያ ጸፋናው ኮሸ፡፡

21 እያወ ጎ፡፡ ሙሴ ሀግያ ካሰ የለታ፣ ደሚደ ሳምባታን እይሁዳ ዋሳ ጎለቱዋን ናባቢደ፡ አ ቃላ ካታማ ኡባን ኦድያዋንቱ ደእኖ” ያጌዳ፡፡

22 ሄዋ፣ ጉይያን፡ የሱስ ከቴዳዋንቱ፣ ጭማቱ ዋሳ ጎለ አሳ ኡባና እት፣ ባረንቱ ግደ፣ አማሬዳ አሳቱዋ ደራደ፡፡ ጳውሎሳናን ባርናባሳና አንጸክያ የዳናው ቆፋ ቃቺድና፤ ኤንቱንቱ ዳር ቦንቼቴዳ ላኤ አሳቱዋ ባርሳባ ጌተትያ ለሁዳን ስላሳ ደራድና፡፡

23 ያቲደ ሀዋዳን ግያ ዳብዳቢያ ጸፊደ፡ ኤንቱንቱ ቦላ ከቴድና፤ “ኑን የሱስ ከቴዳዋንቱ፣ ጭማቱ ሀንተ አሻቱ፡ አንጸክያን፡ ሶርያን ክልቂያን ደእያ እይሁዳ ባጋ ግደና አሻቶ ኑ ሳርታ ከቴቶ፡፡

24 “ኑን አዛዝቤና አሳቱ ኑ ግደ፣ ሀንተንቱ ቃጸረታናውን ሙሴ ሀግያ ናጋናው በሴ’ ጊደ፡ ሀንተንታ መቶሌዳዋን ለሎዴዳዋ ሰሲደ፡፡

25-26 ኑ ጎዳ የሱስ ክርሰቶሳ ሱንላ ድራው፡ ባረንቱ ሸምፑዋ ኦሌዳ ኑን ሲቅያ ባርናባሳናን ጳውሎሳና ደረቴዳ አሳቱዋ ሀንተንቱኮ ከታናው እት ዋዛናን ኑ ቆፋ ቃቺድ፡፡

27 ሄዋ ድራው፡ ኑን ጳፊዳዋ ኤንቱንቱ ባረንቱ ሁጸወ ባረንቱ ደናን ሀንተንቶ ኦዳና ማላ፡ ለሁዳን ስላሳ ከቴድ፡፡

28-29 “አያው ጎ፡፡ ኤቃው ያርሼዳዋ ሞፕተ፤ ሰላ ኡሸፕተ፤ ባኩቴዳ መሀያ አሹዋ ሞፕተ፤ ዋሹሞፕተ፡፡ ሀ ኮሸያዋንቱ፣ እትን፡ ሀራ ዴጸያ የወዋ ሀንተንታ ቶሰና ማላ፡ ኑን ጌሻ እያናይ የወዋ ኤና ጊደ አኬደ፤ ሀ ኡባባ፣ ሀንተ ሁጸያ ናፕ፡ ሀንተንቱ ሎካባ ኦሊታ፡፡ ሰም ሳር ደእተ” ያጌድና፡፡

30 ሄዋ ድራው፡ ከተቴዳዋንቱ ዋይዘት፡ አንጸክያ ዋጂደ፡ አማንያ አሳ ሸሺደ፡ ዳብዳቢያ አሳው አሜድና፡፡

31 ኤንቱንቱ ሄ ምንሰያ ዳብዳቢያ ናባቢዳ ዋደ፡ ናሽቴድና፡፡

32 ቃይ ለሁዳይን ስላሰ ባረንቱ ሁጸወ ናባቱዋ ግድያ ድራው፡ አሻቱዋ ሎይላ ማቂደ ምንሴድና፡፡

33 ኤንቱንቱ አንጸክያን አማሬዳ ጋላሳ ኡቴዳዋ፣ ጉይያን፡ አሻቱ ሳርተላን ሞይዝና፡ ባረንታ ከቴዳዋንቱኮ ሰሜድና፡፡

34 ሸን ስላሰ ያን አታናው ባረ ቆፋ ቃቺድ፡፡ \*

35 ቃይ ጳውሎስን ባርናባሰ ሀራ ጮራ አሳቱዋና እት፣ ጎዳ ቃላ ታማርሲደን ዋንጋላ ሞሽራቹዋ ኦዲደ፡ አንጸክያን ኡቴድና፡፡

**ጳውሎስን ባርናባሰ ሻከቴድና**

36 አማሬዳ ጋላሳ፣ ጉይያን፡ ጳውሎስ ባርናባሳ፡ “ኑን ጎዳ ቃላ ኦዴዳ ካታማ ኡባን ኑ አሻቱ ዋት ደእኖንቶ፡ ጉየ ሰሚደ፡ ጸሞስ በኦይተ” ያጌዳ፡፡

37 ሄዋ፣ ጉየ ባርናባሰ ማርቆሳ ጌተትያ ዮሃንሳ ባረንቱና አፋናው ኮዬዳ፡፡

38 ሸን ጳውሎስ ማርቆሳ ባረንቱና አፋናው ኮይቤና፤ አያው ጎ፡፡ አ ኤንቱንቱ ጵንፍልያን ሻከቴዳ፤ ቃይ ኤንቱንቱና ኦሶ ብቤና፡፡

39 ኤንቱንቱ ግዳዋን ሎኤና ዋላሳይ ከሰና፡ እቱ እቱዋ፣ ሻከቴዳ፤ ባርናባሰ ማርቆሳ አኪደ፡ ማርካብያን ቆጲሮሳ ቤዳ፡፡

40 ሸን ጳውሎስ ስላሳ አክና፡ አሻቱ አ ሀዳራ ጸሳ አቶ ከካተላው አሜዳዋ፣ ጉይያን ቤዳ፡፡

41 ያቲደ አማንያ አሳቱዋ ምንሲደ፡ ሶርያን ክልቂያና አጂዳ፡፡

**16**

**ጽሞቶስ ጳውሎስን ስላሰና ጋከቴዳ**

15:20 ከሳ 34:15-17፤ ዋጋ 17:10-16፤ 18:6-23 \* 15:34 ስላሰ አንጸክያን አታናው ባረ ቆፋ ቃቺዳ፡ ግጭ ጮራ ሀራ ቃላ ብለላን ባዋ፡፡



1 ጳውሎስ ቃይ ደርበኝ ልስጽራ ቤዳ፤ ሄዋን ጽሞቶሳ ጌተትያ ካልያዎ፣ እት አማንያ እይሁዳ ሞሽራት ናኢይ ደኤ፤ እ አቡ ግሪክ አሳ።

2 ልስጽራንኝ እቆንዮንኝ ደእያ እሻቱ ጽሞቶሳ ሎይል ማርካቴድኖ።

3 ጳውሎስ እ ጽሞቶሳ ባረናና እ ከፋናዉ ኮዪደ፣ እ አቡ ግሪክ \* አሳ ግዴዳዋ ሄዋን ደእያ እይሁዳ ኡባይ ኤርያ ድራዉ፣ እ ኦቄቂይ ቃጻራዳ።

4 ኡንቱንቱ ካታማቱዋና ቢደ፣ የሱስ ኪቴዳ የሩሳሎምን ደእያዋንቱን ጭማቱ ዋፌዳ ህግያ አማንያዋንቱ ናጋና ማላ፣ ኡንቱንቱ ኦዲደ እጄድኖ።

5 ሄዋ ድራዉ፣ አማንያዋንቱ አማኑዋን ምን፣ ፓይዲዋንካ ጋላሳፕ ጋላሳን ዳር ዳር ቤድኖ።

**ጳውሎስ ማቅደንያ ባናዳን ጸገቲዳ**

6 ኢስያን ቃላ ኦደና ማላ፣ ጌሻ እያናይ ኡንቱንታ ድጌዳ ድራዉ፣ ፕርግያ ጋድያናን ጋላትያ ጋድያና እጄድኖ።

7 ኡንቱንቱ ሚሲያ ዛዋ ጋኬዳ ዋደ፣ ቢታንያ ባናዉ ኮዪድኖ፤ ሽን የሱሳ እያናይ ኡንቱንታ ድጌዳ።

8 ሄዋ ድራዉ፣ ኡንቱንቱ ሚሲያ ማታና አጂደ፣ ጽርእዳ ዋጄድኖ።

9 ጳውሎስ ቃማ ሳጻን እት ማቅደንያ ብታኒ ባረና፣ “ማቅደንያ ፕናደ ኑና ማዳርኪ” ያጊደ ኤቂ ዋስሽን በኤዳ።

10 ሳዩ እ በኤዳዋፕ ጉይያን፣ ኑን ኤላካ ማቅደንያ ባናዉ ኮዪደ፤ እያዉ ጎፕ፣ ዋንጋላ ሞሽራቹዋ ያን ደእያ አሳዉ ኦዳናዉ፣ ጸሳይ ኑና ጸሴዳዋ ኑዉ ማላቴዳ።

**ሊዳ ፕልጽሰዮሳን ክርስቶሳ አማናዲ**

11 ሄዋ ድራዉ፣ ጽርእዳፕ ደንዲደ፣ ስት ጊደ ማርካብያን ሳሞትራቀ ቤደ፤ ዋንተላ ጋላስ ናጹላ ቤደ።

12 ሄዋፕ ፕልጽሰዮሳ ቤደ፤ ፕልጽሰዮሳ ማቅደንያ ቢታዉ ሁጸ ካታማ፤ ቃይ ሮመ አሳይ ደእያ ካታማ፤ ኑን ሄ ካታማን አማራዳ ጋላሳ ኡቴደ።

13 ሳሞባታ ጋላስ፣ ካታማፕ ጋጻን ሻፋ ደናን እይሁዳቱ ጸሳ ዋስያ ሳኢይ ደእያዋ እኬኪደ ቤደ፤ ሄዋን ኡቲደ ሸቄዳ ማጫ አሳዉ ቃላ ኦዲደ።

14 እት ሊድያ ጌተተዉና፣ ትያጽርና ካታማፕ ያደ ጸሳ አማንዉና፣ ዘኦ ማዩዋ ዛልእያ ሞሽራታ፣ ኑን ኦድያዋ ሰሳዲ፤ ጳውሎስ ኦድያዋካ እዛ ሰሳና ማላ ጸሳይ እ ዋዛና ዶዬዳ።

15 ሊድያ ባረ ሶይ አሳና እትፕ ጸማቅቴዳዋፕ ጉይያን ኑና፣ “ህንተንቱ ታና ጎዳ ቴማተላን አማናዉ ጊደ ቆፖፕ፣ ታ ሶይን ደእሸተ” ጋደ ዋሳዲ፤ ሞንሳዲ ሸባዲ።

**ጳውሎስን ሰላስ ቃሽቴድኖ**

16 ኑን ጸሳ ዋስያሳ ቢሸን፣ ኢታ እያናይ እዘ ቦላ እቅና ካይያ እት ቆማ ናታ ኑናና ጋከታዲ፤ ሄ ናታ ካያደ ዳር ሚሻ ባረ ጎዳቶ ደማዲ።

17 ጋከታደ ጳውሎስን ኑና ካላደ፣ “ሀዋንቱ ህንተንቶ አታና ኡግያ ኦድያዋንቱ፣ ኡባፕ ቦላ ጸሳ እይላቱዋ” ጋደ ኮሻ ቶቁ ኦላደ ሃሳያዉ።

18 ኡባ ጋላስ ሄዋዳን ጋዉ፤ ሸን ጳውሎስ ይሎቲደ ጉዮ ሰም፣ ሄ ኢታ እያና፣ “ኔን ኢፕ ከሳና ማላ የሱስ ክርስቶሳ ሱንሳን ኔና አዛዛይ” ያጌዳ፤ ሄ ማንእያን ኢታ እያናይ ኢፕ ከሰ አጌዳ።

19 ሸን እዘ ጎዳቱ ባረንቱ ሚሻ ደማና ኦጊ ጳዬዳዋ በእደ፣ ጳውሎስን ሰላሳ ኦቄቂደ፣ ገያ ሳኢን ደእያ ዳናቱዋ ሰንሳ ጎቶ ከሴድኖ።

20 ዳናቱዋ ሰንሳ ኡንቱንታ አፊደ፣ “ሀዋንቱ እይሁዳ አሳ ግዲደ፣ ኑ ካታማ አሳ ሎይል ሙቶላኖ።

21 ኑን ሮመ ጋድያ አሳ ግዲደ፣ እካናዉን ኦላናዉ ዋጋ ግደናባ ታማርሲኖ” ያጌድኖ።

22 አሳይ እት ባጋ ግዲደ፣ ጳውሎስ ቦላንን ሰላሳ ቦላ ደንዲዳ፤ ዳናቱካ ኡንቱንቱ ማዩዋ ቃር እኪደ፣ ጸምኢን ኡንቱንታ ሸጫና ማላ አዛዜድኖ።

23 ኡንቱንቱ ዳርሰ ዋጄዳዋፕ ጉይያን፣ ቃሾ ጎልያን የጌድኖ። ቃሾ ጎልያ ናግያዌካ ኡንቱንታ ሞንስ ናጋናዳን አዛዜድኖ።

24 ቃሾ ጎልያ ናግያዌ ሄ አዛዙዋ እኪደ፣ ጳውሎስን ሰላሳ ቃሾ ጎልያ ቆልኦ ገልሴዳ፤ ኡንቱንቱ ገድያካ ሞላና ጋል ዳራጸደ ቃቶዳ።

25 ሸን ቃማ ብላሄ ግድያ ሄራን ጳውሎስን ሰላስ ጸሳ ዋሲደ፣ ማዘሙርያ የጸደ ጸሳ ጋላቲኖ፤ ቃሾቶ አሳይ ኡንቱንቱ ግያዋ ሰሴ።

26 ቃሾ ጎልያ ጸጹ ቃጻና ጋካናዉ ዋዛና አፍን ቢታይ ዳርሰ ቃጹዳ፤ ሄ ማንእያን ፕንጊካ ኡባይ ደየት አግና፣ ቃሽቴዳ አሳ ኡባ ሳንሳላታይ ብለት ዋጄዳ።

\* 16:3 እ አቡ ግሪክ እ ኦቄቂይ ቃጻራዳ፡ ግሪክ አሳይ ባረንቱ ናና ቃጻርከኖ። ሸን ጽሞቶስ ቃጻራታና ጳዮፕ፣ እይሁደ አሳይ እ አከና ድራዉ፣ ጳውሎስ እ ኦቄቂይ ቃጻራዳ።

27 ቃሾ ጎልያ ናግሆዌ ገምእሹዋፕ ቤተሰብ ወይ፡ ቃሾ ጎልያ ፕንጊካ ኡባይ ደየቲዳዋ በእደ፡ ቃሾቶ አሳይ ከሰ አከደ ብድጌዳዋ አዉ ማላትና፡ ባረና ዎፋሪዉ ቆፕደ፡ ጨብያ አከደ።

28 ሸን ጳውሎስ ኮሻ ቋቁ አሏደ፡ “ኔን ኔና አያነ ኦሎፓ፤ አያዉ ጎፕ፡ ኑን ኡባይ ሀዋን ደኤቶ” ያጌዳ።

29 ቃሾ ጎልያ ናግሆዌ ጸምፕያ ዋሰ አከደ፡ ኤለካ ቆልኦ ዎጾዳ፤ ኮኮሪደ ጳውሎሳ ሰንፋንነ ሰላሰ ሰንፋን ጉፋኔዳ፤

30 ኡንቲንታ ካረ ከሲደ፡ “ታ ጎዳቶ፡ ታን አታናዉ አያ ኦፋና በሲ?” ያጌዳ።

31 ጳውሎስን ሰላሰ አ፡ “ጎዳ የሱስ ክርሰቶሳ አማና፤ ኔን አታና፤ ነ ሶይ አሳይካ” ያጌድና።

32 ኡንቲንቲ እዉነ አ ሶይን ደእያ ኡባዉ ጎዳ ቃላ ኦዳድና።

33 ቃማ ሄ ሳትያንካ ቃሾ ጎልያ ናግሆዌ ኡንቲንታ አዕደ ኡንቲንቲ ማይላ ሜጩዳ፤ ሄ ማንእያን ባረ ሶይ አሳ ኡባና ጸማቀት አኔዳ።

34 ጳውሎሳን ሰላሳ ደደ ባረ ሶይ አዕደ፡ ኡንቲንቶ ቁማ አሌዳ፤ አ ባረ ሶይ አሳ ኡባና ጸሳ አማኔዳ ድራዉ፡ ናሽቲዳ።

35 ዎንትና ዳናቲ፡ “ሄ አሳቱዋ ብላ” ያጌደ፡ ፖልሰያ ካፓቱዋ አኮ ከቴድና።

36 ሄዋፕ ጉየ ቃሾ ጎልያ ናግሆዌ፡ “ሀንተንቲ ብለታና ማላ፡ ዳናቲ ታዉ ከቴድና፤ ሰም ሀእ ከሲደ ሳርተላን ቢተ” ያጌደ ሄ ከታ ጳውሎሳዉ ኦዳድ።

37 ሸን ጳውሎስ ሄ ፖልሰያ ካፓቲዋ፡ “ኑን ርመ ጋደ አሳ ተ ግድሸን፡ ኡንቲንቲ ኑና ፕርዳይ ባይናን አሳ ሰንፋን ዎጲደ፡ ቃሾ ጎልያን የጌድና። ሀእ ኑና ጌማን ከሰ የዲና? ሀነና፤ ኡንቲንቲ ባረንቲ ሀጳዉ ዪደ፡ ኑና ከሰና” ያጌዳ።

38 ፖልሰያ ካፓቲ ዳናቶ ሄዋ ኦድና፡ ጳውሎስን ሰላሰ ርመ ጋደ አሳ ግዴዳዋ ሰሴዳ ዎደ፡ ያዬድና።

39 ሄዋ ድራዉ፡ ዳናቲ ዪደ ኡንቲንታ፡ “ኑን ሀንተንታ ናቂደ” ጌድና። ቃሾ ጎልያፕ ካረ ኡንቲንታ ከሲደ፡ ካታማፕ ከሲደ ባና ማላ ዎሴድና።

40 ጳውሎስን ሰላሰ ቃሾ ጎልያፕ ከሲደ፡ ሊድያ ሶይ ቤድና፤ ያን አሻቲዋና ጋከቲደ፡ ኡንቲንታ ምንሲደ ሄዋፕ ቤድና።

# 17

## ተሰሎንቀን ደንዴዳ ዋላሳ

1 ጳውሎስን ሰላሰ፡ አምፕጸሊሳናን አጳሎንያና አጲደ፡ ተሰሎንቀ ዬድና፤ ተሰሎንቀን አይሁዳ ዋሳ ጎሊ ደኤ።

2 ጳውሎስ ባረ ደያዳንካ ያ ገሌዳ፤ ሄዋን ሄዙ ሳምባታ ጋላሳቲዋን ጸሳ ማጸፋቲዋፕ አሳና ሃሳዬዳ፤

3 ክርሰቶስ ዋይያ አካናዉነ ሀይቁዋፕ ደንዳናዉ በሰያዋ ኡንቲንቶ ብሊደ ኦዲድነ ቱማ ግዴዳዋካ ኡንቲንታ ኤርሲደ፡ “የሱስ ሀ ታን ሀንተንቶ ኦድያዌ ክርሰቶሳ” ያጌ።

4 ኡንቲንቲፕ አቲ አቲ የዉ ቱማ ግዴዳዋ አኬኪደ፡ ጳውሎሳን ሰላሰና ጋከቲድና፤ ሀዋዳንካ፡ ጸሳዉ ጎይንያ ጮራ ግሪክ አሳይነ ጮራ ቦንቼቲዳ ማጫዋንቲ፡ ጳውሎሳን ሰላሰና ጋከቲድና።

5 ሸን አይሁዳቲ ቃናቲደ፡ አት አት ኦሱ ባይና ኢታ አሳቲዋ ቆጫፕ ሺሺደ ካታማ አሳ ዋላሴድና፤ ጳውሎሳን ሰላሳ አሳኮ ከሳና ማላ ኮዩደ፡ ያሶና ጎልያ ደዳድና።

6 ጳውሎስን ሰላሰ ኡንቲንቶ ቤተናን እጽና፡ ያሶና አት አት አሻቲዋ ካታማ ካፓቲዋኮ አዕደ፡ “ሀዋንቲ ጋድያ ኡባ መቶፊዳዋንቲ፡ ሀዋካ ዬድና።

7 ያትና ያሶን ኡንቲንታ ባረ ሶይን ዎሌዳ፤ ሀዋንቲ ኡባይ፡ “የሱሳ ግያ ሀራ ካቲ ደኤ” ገደ ቁሳረ አዛዙዋ ምንሲና” ያጌደ፡ ኮሻ ቋቂሲደ ሃሳዬድና።

8 ሸቁዳ አሳይነ ካታማ ካፓቲ ሄዋ ሰሲደ መቶቲድና።

9 ካፓቲ ያሶና ሀራቲዋ ዋሰያን ብሌድና።

## ጳውሎስን ሰላሰ ቤርያ ቤድና

10 አማንያዋንቲ ጳውሎሳን ሰላሳ ሳኦይ ቃምያዋን ኤለካ ቤርያ የዳድና። ያ ጋኪደ፡ አይሁዳ ዋሳ ጎሊ ገሌድና።

11 ቤርያ አሳቲ ተሰሎንቀን ደእያ አሳቲዋፕካ አቋ ደየቶ ዎዛናይ ደእያ ድራዉ፡ “ጳውሎስ ጌዳዌ ቱመንቶን” ያጌደ፡ ኡባ ጋላሰ ጸሳ ማጸፋቲዋ ታማሪደ፡ ቃላ ኩመንፋ ሳምታን አኬድና።

12 ሄዋ ድራዉ፡ ኡንቲንቲፕ ጮራቲ፡ ግሪካቲዋፕ ቦንቼቲዳ ጮራ ማጫዋንቲነ ጮራ አቲማ አሳቲ አማኔድና።

† 16:37 ርመ ጋደ አሳ፡ ርመ ካዉተሳን ኤረቲደ ደእያ ጉላ አሳይ ሄ ጋደ አሳቲዋ ጌተቲና። ሄዋንቲካ ቃይ ሀራቲዋፕ ዳማትያ ማታይነ ካጫይ ደኤ።

13 ሽን ተሰሎንቀን ደእያ አይሁዳቱ ጳውሎስ ጸላ ቃላ ቤርያንካ ኦዴዳዋ ስሴዳ ዎደ፣ ቤርያ ዪደ፣ አሳ አናና ዋላሴድኛ።

14 ሄዋጥ ጉይያን፣ አሻቱ ሌላካ ጳውሎስ አባ ማታን የድ አጌድኛ፤ ሽን ሰላሰን ጽዋቶስ ቤርያን አቴድኛ።

15 ጳውሎስ ሞይዜዳ አሳቱ አቴና ጋጩድኛ፤ ሄ አሳቱ ሰላሰን ጽዋቶስ ባረንቶ ዳንዳየቴዳዋዳን፣ ሌላካ ባረኮ ያና ማላ፣ ጳውሎስ ኪቴዳ ኪታ አኪደ፣ ቤርያ ሰሜድኛ።

ጳውሎስ አቴና ቤዳ

16 ጳውሎስ አቴናን ሰላሳን ጽዋቶሳ ናጊደ፣ ካታማን ሌቃይ ኩሚዳዋ በአደ ይሎቴዳ።

17 ሄዋ ድራው፣ አይሁዳ ዎሳ ጎልያን አይሁዳቱዋናን ጸላው ጎይንያ አይሁዳ ግደና አሳቱዋና ፓሉመቴ፤ ቃይ ኡባ ጋላስ ገያን ባረናና ጋከትያ አሳናካ ፓሉመቴ።

18 ቃይ ኢፕቆርሳፕን \* አስጸአክያፕ ቶ ዬዳ እት እት ኤራንቻቱ ጳውሎስና ፓሉመቴድኛ፤ ኤንቱንቱፕ አቴ አቴ፣ “ሀ ቶፊናይ ኢያ ሃሳያናው ኮዪ?” ያጌድኛ።

ሀራቱ ጳውሎስ የሱሳሳን ሀይቁዋፕ እ ደንዴዳዋ ባረንቶ ኦድያ ድራው፣ “ኦራላ ጸላቱባ ኦድያዋ ማላቴ” ያጌድኛ።

19-20 ጳውሎስ አይቁደ፣ “ሀ ኔን ታማርሰያ ኦራላ የው አየንቶ ኑና ኤርሳርኪ? አያው ጎፕ፣ ኔን ኑው ኦራላባ ኦዳሳ፤ ሰም ሀዌ አየንቶ ኑን ኤራናው ኮዬቶ” ያጊደ ጳውሎስ አርዮሰፓጎሳ ጌተትያሳ አፌድኛ።

21 አቴና አሳይ ኡባይን ሄዋን ደእያ እማላቱ ኦራላባ ሃሳዪድን ሰሲደ ፔሽያዋፕ አትን፣ ሀራባን ፔሽክኛ።

22 ጳውሎስ አርዮሰፓጎሳን ደእያ ሸቆዋ ሰንላን ሌቁደ፣ ሀዋዳን ያጌዳ፤ “አቴና አሳቶ፣ ጸላቶ ኡባባን ሀንተንቱ ዳሪ ያይያዋ ታን በአይ።

23 አያው ጎፕ፣ ታን ሀንተንቱ ጎይንያዋ ጸላደ አድሽን፣ ‘ኤረተና ጸላው’ ጌተቲደ ጸፈቴዳ ያርሹዋ ሳኦ ቃይ ደማድ፤ ሄዋ ድራው፣ ሀ ሀንተ ኤረናን ጎይንያዋ ታን ሀንተንቶ ኦዳይ።

24 “አላምያን አላምያን ደእያ ኡባባ መዴዳ ጸላይ ሳሉዋን ሳኦ ጎዳይ፣ አሳይ ኬዴዳ ጌሻ ጎልያን ደኤና።

25 አየንቶ ፓጩዳ አሳዳን፣ አሳ ኩሽያ እ ጾላና፤ አያው ጎፕ፣ አ ባረ ሀጸጸ ደኤዋ ሸምፑዋን ኡባባ አሳ ኡባው አሜዳ።

26 ጸላይ አሳ ዛርያ ኡባ እት ኡራፕ መዲደ፣ ጋድያ ኡባን ዋጱዳ፤ እ ባረ ሀጸጸ ኤንቱንቱ ደእና ዎድያን ሳኦ ካስ ዛዋዬዳ።

27 “እ ሄዋ ኦጱዳዌ ኤንቱንቱ እይቁ ኦይቁ ጾሊደ፣ ባረና ኮዪደ፣ ኦን ኤር ደማናዋንቴሻ ግያዋና፤ ግደፕ፣ ጸላይ ኑፕ ኦስን ሃኮ ግደና።

28 አያው ጎፕ፣ ሀንተንቱፕ እት እት ኤራንቻቱ፣ ኑን እ ናና፣ ጌዳዋዳን፣ ኑን ኢን ፓጸ ደኤቶን ቃጸቴቶ።

29 ሰም ኑን ጸላ ናና ግዴዳ ድራው፣ ጸላይ አሳ ጭንጫተላንን ቆፋን ዋርቃፕ ዎይ ብራፕ ዎይ ሹቻፕ ኦስቴዳዋ ማላቴ ያጊደ፣ ቆፓናው በሰና።

30 ሄዋ ድራው፣ ጸላይ አሳይ ኤርቤና ዎድያ አጱዳ፤ ሽን ሀኦ ኡባ ሳን አሳይ ኡባይ ናጋራፕ ሰማና ማላ አዛዜዳ።

31 አያው ጎፕ፣ ጸላይ ዎድያ ኬር ዋጱዳ፤ ሄ ዎድያን ባረ ደራዳ ኡራን ሳኦን ደእያ አሳ ኡባ ቦላ ጽሎ ፕርዳ እ ፕርዳና፤ አሳ ኡባው ሀይቁዋፕ የሱሳ ደንጱዳዋን ሄዋ ቱሚዬዳ” ያጌድኛ።

32 ኤንቱንቱፕ እት እት አሳቱ ሀይቁዋፕ ደንዴዋባ ጳውሎስፕ ሰሲደ፣ አ ቦላ ቅሊጩድኛ፤ ሽን ሀራ አሳቱ አ፣ “ኑን ሀዋ ኔፕ ጉጂደ ሰሳና ኮዬቶ” ጌድኛ።

33 ሄዋ ድራው፣ ጳውሎስ ኤንቱንቱ ግደፕ ከሴድ።

34 ሽን እት እት አቴማ አሳቱ ጳውሎስና ጋከቲደ አሜኔድኛ፤ ኤንቱንቱ ግዴዋን አርዮሰፓጎሳን ደእያ ፕርዳ ጎላ ዳናይ ድኖናሰኖ፣ ዳማሪሶ ጌተትያ እት ምሽራትና ሀራ አሳቱ ደኤና።

18

ጳውሎስ ቆሮንቶሳ ቤዳ

1 ሄዋጥ ጉይያን፣ ጳውሎስ አቴናፕ ከሲደ፣ ቆሮንቶሳ ቤዳ።

\* 17:18 ኢፕቆርሳ- ሀዌ ጋድያ ግዳደ፣ ሀ ጋድያን ደእያ አሳቱ ናሽቾያ አሳ ደኦ ኮይር ሳኦ እይቁዳ ያግ ታማርሰያ ኢፕቆርሳ ግያ ብታንያ ትምርትያ ካልያዋንታ። † 17:18 አስጸአክያ- ሀዌካ ጋድያ ግዳደ፣ ሀ ጋድያን ደእያ አሳቱ፣ ባረና ሞዳሳን ባረ ቆፋን ካለሰትያዋ አሳይ ታማራና በሴ፣ ያግያ ትምርትያ ታማርሰያ ዜና ያገትያ ብታንያ ትምርትያ ካልያዋንታ። 17:24 1 ካታ. 8:27፤ አሳ. 42:5፤ ኪታ 7:48

2 ሄዋን አቁላ ግያ እት አይሁዳ ብታንያ ደሜዳ፤ አቁላይ ጳጳሳን የለቴዳ፤ አይሁዳ አሳይ ኡባይ ሮመፕ ከሳና ማላ፣ ቃላውደዮስ አዛዘዳ ድራው፣ አማራዳ ዎድያፕ ካስ፣ አ ባረ ማቻት ጳርሰቁላና ጳልያፕ ዬዳ፤ ጳውሎስ ኡንቱንቱና ጋከታናው ቤዳ።

3 አ ኦሱን ኡንቱንቱ ስሉ እት ማላ ዱንካንያ ሰካ ግድያ ድራው፣ ኡንቱንቱና ኡቲድ፣ እትፕ ኦሌዳ።

4 ጳውሎስ ሳሞባታ ኡባን አይሁዳቱዋና ግሪካቱዋ አማንሳናው አይሁዳ ዋሳ ጎልያን ፓሎሙቴ።

5 ስላሰን ጽዋቶስ ማቅደንያፕ ዬዳ ዎድ፣ ጳውሎስ አይሁዳቶ የሱስ ባረ ሁጳው ክርሰቶሳ ግዴዳዎ ቃላ ኦዲዎ ቶሌዳ።

6 ሽን ኡንቱንቱ ጳውሎስ ሃሳያ ጳልቁናን አ ቦርና፣ ጳውሎስ ባረ ማዩዋፕ ባና ቆቆፊድ፣ \* “ህንተንቱ ኢታተላይ ህንተንታ ኦይቆ፤ ታን ሄዋን ገልክ፤ ሀዋፕ ህን ባጋን ታን አይሁዳ ግድና አሳኮ ባይ” ያጌዳ።

7 ሄዋፕ ከሲድ፣ ጳላው ጎይንያ ዮሰጸሳ ግያ ብታንያ ሶይ ቤዳ፤ ዮሰጸሳ ጎሊ አይሁዳ ዋሳ ጎልያ ማታን ደኤ።

8 አይሁዳ ዋሳ ጎሊ ካቸ ቃርሰጸሰ ባረ ሶይ አሳ ኡባና ጎዳ አማኔዳ፤ ቆርንቶሳ አሳቱዋፕካ ጮራቱ ጸሳ ቃላ ሰሴዳ ዎድ፣ አማኒደ ጸማቁቲድኖ።

9-10 ጎዴይ እት ቃሙ ሳጸን ጳውሎስ፣ “ያዮፓ፤ ኦዳ፤ ጮኡ ጎፓ። ታን ኔናና ደእያ ድራው፣ ኔና ቆሀው ኢታባን የጋና አሳይ ኦንነ ባዋ፤ አያው ጎፕ፣ ታው ሀ ካታማን ጮራ አሳይ ደኤ” ያጌዳ።

11 ጳውሎስ ጸሳ ቃላ አሳ ታማርሲድ፣ እት ላይላን ኡሱፑን አገና ኡንቱንቱና ኡቲድ።

12 ጋልዮስ አካይያ ጋድያ ሞድያ ዎድ፣ አይሁዳቱ እትፕ ጳውሎስ ቦላ ደንዲድ፣ ፕርዳ ጎሊ አ ኦፊድ።

13 “ሀ ብታኒ ሙሴ ሀግያ እጸድ፣ አሳይ ጳላው ጎይናና ማላ ጮሜ” ያጌድኖ።

14 ጳውሎስ ሃሳያና ሀንሽን፣ ጋልዮስ አይሁዳቱዋ፣ “አይሁዳቶ፣ ሄዎ ባላ ኦሱጥ ዎይ ኢታ ናቆ ግደፕ፣ ታን ህንተንቱ ባንዲያደ ሰሳናው ቦሴ።

15 ሽን ቃላው ሰንሳላውን ህንተ ሁጳ ሀግያው ህንተንቱ ፓሎሙቶ፣ ህንተ ሁጳው ኤርተ፤ ሀዋ ታን ፕርድክ” ያጌዳ።

16 ፕርዳ ጎልያፕ ካረው ኡንቱንታ ከሴዳ።

17 ሄዋፕ ጉይያን፣ ግሪክ አሳይ ኡባይ አይሁዳ ዋሳ ጎሊ ካቸዋ ሰሰተኒሳ ኦይቁድ፣ ፕርዳ ጎልያ ሰንሳን ሾጮድኖ፤ ሽን ጋልዮስ ሄዎ አይነ ሙትቤና።

**ጳውሎስ አንጻክያ ቤዳ**

18 ጳውሎስ ዳር ዎድያ ቆርንቶሳን ኡቲዳዋፕ ጉይያን፣ አሻቱዋ ሳርቲድ፣ ጳርሰቁልናን አቁላና ማርካብያን ሶርያ ቤዳ፤ ባረው ሸቄዳ ጋሱ ደእያ ድራው፣ ክንክርያ ካታማን ባረ ሁጳያ ሜድቲዳ።

† 19 ኡንቱንቱ ኤፈሶን ጋኬዳ ዎድ፣ ጳውሎስ ጳርሰቁሎን አቁላ ያን የግ ዬዳ፤ ሽን ባረው አይሁዳ ዋሳ ጎሊ ገሊድ፣ አይሁዳቱዋና ፓሎሙቴዳ።

20 ኡንቱንቱ ባረንቱና ዳር ዎድያ ኡታና ማላ ጳውሎስ ዎሰና አ እጾዳ።

21 ሽን ኡንቱንቱፕ ሻከቲድ፣ “ጳሳይ ጎፕ፣ ላኤንሱዋ ህንተንቱኮ ሰማና” ያጌድ ኤፈሶናፕ ማርካብያን ቤዳ።

22 ቁሳርያ ጋኬዳ ዎድ የሩሳላሙ ቤድ፣ አማንያ አሳ ሳርቲዳዋፕ ጉይያን፣ አንጻክያ ዎዴዳ።

23 ያን አማራዳ ዎድያ ጋሞኢድ ቤዳ፤ ካልያዋንታ ኡባ ሞንሲድ፣ ጋላትያናን ፕርግያና አዴዳ።

**አጲሎስ ኤፈሶናን ቆርንቶሳ ቤዳ**

24 እስክንድርያን የለቴዳ አይሁዳ አሳ እት አጲሎስ ግያ ሎኦ ሃሳይያዎ ኤፈሶን ቤዳ፤ ጳሳ ማጻፋቱዋ አ ዳርሰ ኤርያ አሳ።

25 ጎዳ ኦግያካ ታማራዳ አሳ፤ ዮሃንሳ ጽንቃታ ጸላላ ኤሪድ፣ አያናን ባረ ጋርሳን ኤጸቲድ፣ የሱሳ ባ ሱርሲደ ሃሳዬዳን ታማርሲድ።

26 ያቲድ አይሁዳ ዋሳ ጎልያን ያየናን ሃሳያ ደሜዳ። ጳርሰቁላይን አቁላይ አ ኦድያዎ ሰሴዳ ዎድ፣ ባረንቱና ሶይ አ ኦፊድ፣ ጳሳ ኦግያ ካሰፕ ሱርሲድ፣ አው ጌሽ ኦዲድኖ።

27 አጲሎስ አካይያ ፕናና ኮይና፣ አሻቱ አ ሞንሲድ፣ አካይያን ደእያ ካልያዋንቱ አ ሞካና ማላ፣ ኡንቱንቶ ዱብዳቢያ ጸፊድኖ፤ አ ያከድ፣ ጳሳ አጼ ኪካተሳን አማንያዋንታ ዳር ማዴዳ።

28 አያው ጎፕ፣ የሱስ ባረ ሁጳው ክርሰቶሳ ግዴዳዎ አይሁዳቶ ጳሳ ማጻፋቱዋፕ ቆንጭሲድ፣ አሳ ሰንሳን ሞንሲድ ኦዴዳ።

\* 18:6 ማዩፕ ባና ቆቆፊድ- ሀዋ ጉሳይ ገድያፕ ባና ቆቆፍያዎና እታ። † 18:18 ሁጳያ ሜድቲዳ- ጳውሎስ ጉሳ ዎድያው “ዳማታና” ጌደ ጫቁዳ። ሀዋ ጉሳይ፣ ባረ ሁጳያካ ሜድቲዳ፤ ዎይንያካ ኤሽና ጉሳ። ሽን አ ጫቁዳ ዎድ ወርድ፣ ባረ ሁጳያ ሜድቲድ ጳላው ያርሹዋ ያርሻናው ቦሴ ጉሳ። 18:18 ፓይ. 6:18

# 19

ጳውሎስ ኤፈሶን ቤዳ

1 እጲሎስ ቆርንቶሳን ደእሸን፡ ጳውሎስ ቆዋ ባጋና አዲድ፡ ኤፈሶን ቤዳ፤ እት እት ካልያዋንታ ደሜዳ።

2 ጳውሎስ ኤንቱንታ፡ “ሀንተንቱ አማኔዳ ዎደ ጌሻ እያና አኬድቱ?” ያጊደ ኦቹዳ።

ኤንቱንቱ፡ “ቲይት፡ አክባይኮ፤ ሀራይ አቶ፡ ጌሻ እያናይ ደእያዋካ ሰበሰይኮ” ያጊድና።

3 ጳውሎስ ኤንቱንታ፡ “ያትና፡ እያን ጸማቁቲድቱ?”\* ያጊዳ።

ኤንቱንቱ፡ “ኩን ዮሃንሳ ጽንቃታን ጸማቁቲድ” ያጊደ ዛሬድና።

4 ጳውሎስ፡ “ዮሃንሳ ባረገጥ ጉይያን ይያ የሱስ ክርስቶሳን አሳይ አማናና ማላ፡ አሳወ ኦዲደ፡ ርጋጥ ሰምያ ጽንቃታን ጸማቁዳ” ያጊዳ።

5 ኤንቱንቱ ሄዋ ሰሴዳ ዎደ፡ ጎዳ የሱስ ክርስቶሳወ ግዳናወ ጸማቁቲድና።

6 ጳውሎስ ባረ ኩሸያ ኤንቱንቱ ቦላ ዎሌዳ ዎደ ጌሻ እያናይ ኤንቱንቱ ቦላን ዎቲና፡ ዲማ ዲማ ቃላን ሃሳዬድና፤ ቃይ ትምቢትያካ ኦዴድና።

7 ሄዋን ታማነ ላኡ አሳቱዋ ግድያዋንቱ ደእኛ።

8 ጳውሎስ እይሁዳ ዎሳ ጎላ ገሊደ፡ ጸሳ ካወተላባ ፓሎሙቲድን እኬክሲደ፡ አሳና ሄዙ አገና ግድያዋ ከና ያየናን ሃሳዬ።

9 ሸን ኤንቱንቱጥ እቱ እቱ ማካሊደ፡ ጮራ አሳ ሰንሳን ጎዳ ኦግያ ቦሪደ አማናን እጽና፡ ጳውሎስ ኤንቱንቱጥ ሻከት፡ ባረና ካልያዋንታ ባረናና አፌዳ፤ ጽራኖሳ ግያ ትምርተ ጎልያን ኡባ ጋለስ ፓሎሙቲ።

10 ጳውሎስ ላኡ ላይሳ ጋካናወ ቃላ ኦዲዳ፤ ሄዋ ድራወ፡ ኢሰያን ደእያ አሳይ ኡባይ፡ እይሁዳቱካ እይሁዳ ግድያዋንቱካ ጎዳ ቃላ ሰሴድና።

ጸሳይ ጳውሎስ ኩሸያን ኦሌዳ ኦራላባ

11 ጸሳይ ጳውሎስ ባጋና ዲማ ማላታ ኦሌዳ።

12 ሄዋ ድራወ፡ አሳይ አ ቦላይ ቦቹዳ ማራብያ ዎይ ማዩዋ ሀርጋንቻቶ አፌ፤ ሀርጋንቻቱካ ፓጺኖ፤ ኢታ እያናቱካ ኤንቱንቱጥ ከሲና።

13 ኢታ እያናቱዋ ከሲደ ዩይያ እይሁዳቱዋጥ እቱ እቱ፡ “ጳውሎስ ቃላ ኦድያ የሱሳ ሰንሳን ኩን ሀንተንታ ከሰተ ጊደ አዛዜቶ” ያጊደ፡ ኢታ እያናቱ ደእያ አሳቱዋ ቦላን ጎዳ የሱሳ ሰንሳ ጴሰ ቢኤድና።

14 ቄሳቱዋ ካቱዋ አሰቁዋ ግያ እት እይሁዳ ብታንያወ ሄዋ ኦሌዳ ላፑ ናናይ ደእኛ።

15 ኢታ እያናይ ኤንቱንቱ ካሪደ፡ “ታን የሱሳ ኤራይ፤ ጳውሎስካ ኤራይ። ሸን ሀንተንቱ ኦኔ?” ያጊዳ።

16 ኢታ እያናይ ደእያ ብታኒ ኤንቱንቱ ቦላ ጉፕ ዎቲና፡ ኤንቱንቱ ማሱንጺደ፡ ሄ ጎልያጥ ካሎ ዎጻና ጋካናወ፡ ዎልቃሚደ ጸኔዳ።

17 ኤፈሶንን ደእያ እይሁዳቱን እይሁዳ ግድያዋንቱ ኡባይ ሄዋ ሰሲደ ኡባይ ዳር ያዬድና፤ ጎዳ የሱሳ ሰንሳይካ ዳር ቦንቹቲዳ።

18 አማንያዋንቱጥ ጮራ አሳቱ ባረንቱ ኦሌዳዋ ፓጺድን ቆንጮያን ኦዲደ ዪኖ።

19 ብትያዋንቱጥ ጮራቱ ባረንቱ ማጻፋቱዋ ሸሺደ፡ አሳ ኡባ ሰንሳን ጉዬድና፤ ሄ ማጻፋቱዋ ጋታያ ሄትያ ዎደ፡ እሻታሙ ሻአ ብራ ሳንትምያ ግዴዳ።

20 ሄዋ ማላ ዎልቃማ ኦግያን ጸሳ ቃላይ ድጨን እኬ።

ኤፈሶን ካታማን ዋላሳይ ደንዴዳ

21 ሄዋ ፖሊቲዳዋጥ ጉይያን ጳውሎስ፡ “ታን የሩሳላሙ ባደ ሮሙካ ቃይ ባእናወ በሴ”† ያጊደ፡ ማቅደንያናን አካይያና አዲድ፡ የሩሳላሙ ባናወ ቆፋ ቃቹዳ።

22 ቃይ ባረና ማድያዋንቱጥ ላእቱዋ ጽሞቶሳን ኤራሰጸሳ ማቅደንያ ኪቲደ፡ ባረወ ኢሰያን አማራዳ ዎድያ ጋምኤዳ።

23 ጎዳ ኦግያ ድራወ፡ ሄ ዎደ ዳር ዋላሳይ ከሴዳ።

24 እያወ ጎፕ፡ ጸጋራ ብራ ሙሸሲደ ትግ ሙቲያ ድመጽርሳ ግያ እት ብታኒ አርጸሚስ ጌሻ ጎልያ ምስልያ ብራጥ ትግ ትጊደ፡ ኦሳንቻቶ ዳር ዎቲያ ደሜ።

25 ሄዋንታን ኤንቱንቱዋ ማላ እሱዋ ኦልያዋንታ እትጥ ሸሺደ፡ ሀዋዳን ያጊዳ፤ “አሳወ፡ ኩ ዱረተላይ ሀ ኦሱዋና ግድያዋ ሀንተ ኤሪታ።

\* 19:3 እያን ጸማቁቲድቱ? ሀዋ ጉሳይ ኦ ሰንሳን ጸማቁቲድቱ፡ ጉሳ። † 19:21 ጳውሎስ ሀዋ እያና ጌሻን ካለሰቲደ ሃሳዬዳዋ።

26 ሃዋ ዳወሎስ፡ ላላ ከሺ መጪዳዎንቴ ጸላቱዋ ግድክኖ፣ ያጊደ፣ ኤፊሶን ጸላላን ግድናን አማራዳ ጋዳቱዋጥ አትን፡ ኢሰያን ኡባን ጮራ አሳዉ እድ አማንሌዳዋ ሀንተንቴ በኤድታን ሰሴድታ።

27 ሎኤናባይ፡ ኑ ኦሱ ካጋታዋ ጸላላ ግድና፤ ሸን ኢሰያን ደእያ ኡባቱን ሳኣ ኡባን ደእያዎንቴ ጎይንያ ዋልቃማ ጸላቶ ጌተትያ እርጸሚሰ ጌሻ ጎሊ ቦንቼተናን አታናዋ፤ እዝ ዳርተላይ ከንዳናዋ” ያጊደ።

28 አሳይ ሃዋ ሰሴዳ ዋደ ሎይሰ ሀንቀቲደ “ኤፊሶን እርጸሚሳ ዋልቃማ” ያጊደ ጫቦቲድና።  
29 ካታማ ኡባን ዋላሳይ ደንዴዳ፤ ጸዉሎሳና ሀመትያ ማቅድንያ አሳቱዋ ጋዮሳን አርሰጽርኩሳ ባረንቱና ኦይቄ አኪደ፤ አትጥ ካሳ ሳኣ ዋጼድና።

30 ጸዉሎሰካ አሳይ ሸቄዳሳ ገላናዉ ኮዬዳ። ሸን ካልያዎንቴ አ ድጊድና።  
31 ኢሰያ ጋድያ ካጋቱዋጥ ጸዉሎሳ ላገላቱዋጥ እቱ እቱ ጸዉሎሳዉ ከቲደ፤ ካሳ ሳኣን ቆንጭያ ከሲደ እ ቤተና ማላ፡ አ ዋሴድና።

32 ሸቄዋን ዋላሳይ ደንድና፡ ዳርያ ባጋ አሳይ ሀራይ እቶ እያዉ ሸቄደንቶ ኤረና ድራዉ፡ እቱ አትባዉ ዋላቀትያ ዋደ፤ የኩ ቃይ ሀራባዉ ዋላቀቱ።  
33 አይሁዳቱ እስክንድራ አሰ በሰና፡ እት እት አሳይ እ ሃሳያና ማላ፡ አሳ ግደጥ ሰንሳዉ እ አላዳ፤ አሳይ ጮኡ ጋና ማላ፡ እ ባረ ከሸያን ጸርሰ በሲደ፤ አሳዉ ሞተታናዉ ኮዬዳ።

34 ሸን እስክንድራ አይሁዳ አሳ ግዴዳዋ አሳይ ኤሬዳ ዋደ፤ ላኡ ሳተ ግድያዋ ከና ኡባይ እት ቃላን፡ “ኤፊሶን እርጸሚሳ ዋልቃማ” ያጊደ ጫቦቲድና።  
35 ካታማዉ ጸፈ ግዴዳዋ አሳ ጮኡ ኦሴደ፤ ሀዋዳን ያጊደ፤ “ኤፊሶን አሳዉ፡ ኤፊሶን ካታማይ ዋልቃማ እርጸሚሰሰን ሳሉዋጥ ዋጼዳ ኤቃ ሹቻዉ ኤቃ ጎልያ ናግያዋ ግዴዳዋ ኤረና አሳይ ኦኔ፤

36 ሀዋ ካድያ አሳይ ባይና ድራዉ፡ ሀንተንቴ ዋፑ ጋናዉን ድርበናን አገናዉ በሴ።  
37 አያዉ ጎጥ፡ ሀዋንቴ ጌሻ ጎልያ ሚሻ ዉእቤናዎንታ ኑ ጸላቱዋካ ቦርቤናዎንታ እሄድታ።  
38 ሃዋ ድራዉ፡ ድመጽርሰን አናና ደእያ ኦሳንቻቱ አሳ ሞተታናዉ ኮዮጥ፡ ፕርዳ ጎሊ ደያ ደኤ፤ ቃይ ጋድያ ሞድያዎንቱካ ደኢና፤ ኡንቱንቴ ባረንቴ ግደን ሞተቲና።

39 ሸን ሀንተ ሀራ የዉዋ ኮዮጥ፡ ሀግያ ሸቄዋን የዉዋ ቃቻና።  
40 አያዉ ጎጥ፡ ሀቼ ሀኔዳዋ ሻሲረሳ ጊደ፤ ሮመ ጋድያ አሳቱ ኑና ሞተታና፤ ሀ ሸቆካ ጋሱ ባይና ድራዉ፡ ኑን ጋሱዋ ኦዳናዉ ዳንዳዮኩ”  
41 ያጊደ ሸቄዋ ላላደ።

## 20

### ጸዉሎሰ ማቅደንያን ግሪክ ቤዳ

1 ዋላሳይ እርጸዳዋጥ ጉይያን፡ ጸዉሎሰ ካልያዎንታ እሀሲደ ዘራዳ፤ ኡንቱንታ፡ “ሳናዎን ደእተ” ጊደ፡ ማቅደንያ ባናዉ ከሴዳ።  
2 ሄ ጋድያና አጂደ፡ ቃላ ኦዲደ፤ አሳ ሎይሰ ሞንሴዳዋጥ ጉይያን፡ ግሪክ ጋይ ዬዳ።

3 እ ሃዋን ሄዙ አገና ኡቲደ፤ ማርካብያን ሶርያ ባናዉ ቆፕሸን፡ አይሁዳቱ ባረና ዋፃናዉ ኮይያዋ በኢደ፤ ማቅደንያና ጉየ ሰማናዉ ባረ ቆፋ ቃቼዳ።  
4 ጸዉሎሳ ሞይዜዳዎንቱ፡ ቤርያጥ ጳርሃሳ ናኣ ሶሲጸጽርሳ፡ ተሰሎንቀጥ አርሰጽርኩሳን ሰኩንድሳ፤ ደርበጥ ጋዮሳን ኢሰያጥ ትክቆሳን ጽርፍሞሳ፤ ቃይ ጸሞቶሳ።

5 ሃዋንቴ ሰንሳዉ ቢደ፤ ኑና ጽርኣዳን ናጊና።  
6 ኑን ኡክላ ባላ ጋላሳ ቦንቻዋጥ ጉይያን፡ ፕልጽሰዮሳ ግያ ጋድያጥ ማርካብያን ደንዲደ፤ እቼሹ ጋላሳን ጽርኣዳን ኡንቱንታ ጋኪደ፤ ያን ላፑ ጋላሳ ኡቲደ።

### ጸዉሎሰ ጽርኣዳ ቤዳ

7 ኑን ዋጋ ጋላሰ \* ኡክላ መንሳናዉ ሸቅ ደእሸን፡ ጸዉሎሰ ዋንትና ባናዉ ቆፔዳ ድራዉ፤ ኡንቱንቶ ቃላ ኦዲደ፤ ቃማ ብላሂ ጋካናዉ የዉዋ አዲሴዳ።  
8 ኑን ሸቅ ኡቲዳ ፖቅያን ጮራ ጸሞጥ ደኤ።

9 ኤዉጽኩሳ ግያ እት ዋዳላይ ማስኮትያ ቦላ ኡቲደ፤ ዳርሰ ገሞእሹደ። ጸዉሎሰ ሃሳያ አዲሴዳ ዋደ፤ ኤዉጽኩሰ ገሞእሹዋን ሀይራዳዋ ሄዘንላያ ፖቅያጥ ሳኣን ከንዲደ ሀይቄዳዋ አሳይ ደንሌዳ።  
10 ሸን ጸዉሎሰ ዋጼደ፤ አ ቦላ ጉፋኔዳ። አ እድሚደ፤ “ኣ ሸሞፑ ከሰቤና ድራዉ ሀርጎፕተ” ያጊደ።

11 ያቲደ ፑደ ፖቅያ ከሲደ፤ ኡክላ መንሌደ ሜዳ፤ ሳኣይ ዋንታና ጋካናዉ፤ ዳር ዋድያ ሃሳይዳዋጥ ጉይያን ቤዳ።  
12 ዋዳላይ ፓጽና፡ ሶይ አፊደ፤ ዳርሰ ናሽቲድና።

\* 20:7 ዋጋ ጋላሰ፡ ግሪክያ ማጻፋን፡ ሳሞባታቱዋጥ እቱዋን ያጊ።

ጳውሎስ ጽሮአዳፕ ምሊጸ ቤዳ

13 ሽን ጳውሎስ ባረና ምላ፣ ኑወ ኦዴዳ ድራው፣ ካስቲደ ማርካብያኮ ቢደ፣ እሰሳ ባናው ደንዴደ፤ እያው ጎፕ፣ ገድያን ባናው እ ቆፔዳ ድራው ኑና ሃዋዳን አዛዘዱ።

14 እ ኑናና እሰሳን ጋከትና፣ ማርካብያን እ እኪደ ሞጽሊን ይደ።

15 ዋንተላ ጋላስ ምርካብያን ደንዴደ፣ ክዮሳ ሃራ ጋከደ፤ ቃይ ዋንተላ ጋላስ ሳሞሳ ፕኔደ፤ ትሮግልዮሙን አቂደ፣ ዋንትና ምሊጸ ይደ።

16 እያው ጎፕ፣ ጳውሎስ ኢስያን ዳሪ ጋምኤናን ኤፊሶን ላንቁያና አቆናው ባረ ቆላ ቃቺዳ፤ ባረው ደንዳዮቶ፣ ጸንጻቆስተ ጌተትያ ጋላስ የሩሳላሙ ጋካናው ኤሌሌ።

ጳውሎስ ኤፊሶን ጭማቶ ወርሰሳ ሃሳያ ሃሳዬዳ

17 ጳውሎስ ምሊጸፕ ኤፊሶን ከቲደ፣ አማንያ አሳ ካለልያዋንታ ጸግሴዳ።

18-19 ዋሳ ጎለ ጭማቱ ጳውሎሳኮ ዪና፣ ኤንቱንታ እ ሀዋዳን ያጌደ፤ “ታን ኢስያ ገሌዳ ኮይሮ ጋላሳፕ ደምና፣ ካወሻተላንን ዳሮ እሮሳን ጎዳው ኦላደ፣ እይሁዳቱዋ ሺቁዋፕ ታና ጋከደ ፓጪ ግዴዳ ዋድያ ኡባን ህንተንቱና ዋናደ ደእድታንቶ ህንተንቱ ኤሪታ።

20-21 ናጋሪፕ ጸሳኮ ሰምያዋኑ ኑ ጎዳ የሱስ ክርስቶሳ አማንያዋ እይሁዳቶን እይሁዳ ግደናዋንቶ ማርካታደ፣ ሺቁዋንካ ህንተንቱ ጎለን ጎለንካ ህንተንቶ ኦዳደ ታማርሴዳዋፕ አትን፣ ህንተንታ ጎለያባፕ አትባኑ ፓጭሳ በይከ።

22 “በአተ፤ ሀእካ ታን ጌሻ እያናው አዛዘታደ፣ የሩሳላሙባይ፤ ያን ታወ እዬ ከሳንቶን ኤርከ።

23 ጌሻ እያናይ ቃሽን ዋዪ ታና ናግያዋ ካታማ ኡባን ታወ ኦደ።

24 ሽን ታ ዋሳ ፖላናውን ጎዳ የሱስ ክርስቶሳፕ ታን እኬዳ ኦሱዋ ጸሳ አቶ ከካተላ ዋንጋላ ሞሽራቹዋ ማርካትያዋ ፖላናው፣ ታ ሽምፑዋ ማደናዋዳን ፓይዳይ።

25 “በአተ፤ ታን ሀእካ ጸሳ ካወተላባ ኦዳደ፣ ህንተንቱ ኡባ ግደን ዩያድ፤ ሰም ሀዋፕ ሰንሳወ ህንተንቱፕ ኦኪን ታና በኤናዋ ኤራይ።

26 ሃዋ ድራው፣ ህንተንቱፕ እት ኡራይ ባዮፕካ ታን ሃዋን ገለናዋ ሀቺ ህንተንቶ ጌሻደ ኦዳይ።

27 እያው ጎፕ፣ ጸሳይ ኦላናው ቆፔዳዋ ኡባ ህንተንቶ እይን አሸናን ኦዳደ።

28 “የሱስ ባረ ሱሳን ዋዚዳ ጸሳ አማንያዋንታ ናግተ፤ ቃይ ጌሻ እያናይ ህንተንታ ካፓቱዋ ኦላደ ሱንሌዳ ወድያ ኡባን ህንተንቱ ሁጲያ ናግተ።

29-30 ታን ቤዳዋፕ ጉይያን፣ ወድያው ቃረተና ኢታ ዋራካናቱ ህንተንቱ ግደ ገለናዋንታ፣ ካልያዋንታ ባረንቱ ጌዱዋ ካለላናው ዋርዱዋ ሃሳይያ አሳቱ ህንተንቱ ግደፕ ደንዳናዋ ኤሪይ።

31 ሃዋ ድራው፣ ታን ሃዙ ላይላ ቃማን ጋላሳ አሮሳን ህንተንታ ሁጲያን ሁጲያን ሞንሰያዋ አጋቤናዋ ቆፔደ ገንጭተ።

32 “ሀእካ ህንተንታ ሞንሳናውን ጌሻ አሳ ኡባ ግደን ላትሳናው ዳንዳይያ ጸሳውን እ አቶ ከካተላ ቃላው ህንተንታ ሀደራ እማይ።

33 “ታን አፕን ብራ ዋይ ዋርቃ ዋይ ማዩዋ አሞታበይከ፤

34 ታን ሀ ታ ኩሽያን ታናን ታናና እትፕ ደእያዋንታ ኮሺዳዋ ኦሌዳዋ ህንተንቱ ህንተንቱ ሁጲወ ኤሪታ።

35 ህንተንቱ ሀዋዳን ዳቡር ኦላደ፣ ዳቡራንቻቱዋ ማዳናውን ጎዳ የሱስ ባረ ሁጲወ፣ ፋእክያዋፕ እምያዋ አንጀቱዳዋ ጌዳዋዳን፣ እ ቃላ ህንተንቱ ዋዛና አላናው በሰያዋ ታን ጮራ ኦግያን ህንተንታ በሳድ።” ያጌዳ።

36 ጳውሎስ ሃዋ ሃሳይ ወርሲደ፣ ኤንቱንቱ ኡባና እትፕ ጉልባቲደ፣ ጸሳ ዋሴዳ።

37 ኤንቱንቱ ኡባይ ጳውሎሳ እድሚደ፣ ዬኪደ የሬድና።

38 ኡባፕ እ፣ “ታና ላኤንሱዋ ኡባካ በእክታ” ያጌዳ ቃላይ ኤንቱንታ ዳሮ ቃረለና ማርካብያ ጋካናው እ ዋይዜድና።

# 21

ጳውሎስ የሩሳላሙ ቤዳ

1 ኑን ኤፊሶን ጭማቱዋፕ ሻከቲደ፣ ቆሳ ጌተትያ ሃላን ደደቶ ሳኦ ዪ አጌደ፤ ዋንትሳ ጋላስ ሮዳ ጋከደ፤ ሃዋፕ ጸጵራ ቤደ።

2 ፕንቀ ፕንያ ማርካብያ ደሚደ፣ እን ገሊደ ባናው ደንዴደ።

3 ኑን ቆጲሮሳፕ በእናው ዳንዳይያሳ ዪደ፣ አዋይ ከሰያሳ ጸልያ ዋይ ቆጲሮሳ ሀድሮሳ ባጋ የጌደ፣ ሶርያ ቤደ፤ ሃዋፕ ጉይያን ጸሮሳ ጋከደ፤ እያው ጎፕ፣ ማርካብ ባረ ጫና ጸሮሳን ዋሌ።

4 ያን ካልያዋንታ ደሚደ፣ ኤንቱንቱና ላፕ ጋላሳ ኡቱደ፤ ጳውሎስ የሩሳላሙ ቤና ማላ፣ ኤንቱንቱ እወ እያናን ኦዴድና።

5 ኑን ኤንቱንቱና ኡትያ ዋዲ ወርና፣ ከሲደ ቤደ፤ ኤንቱንቱ ኡባቱ ባረንቱ ማጫዋንቱናን ባረንቱ ናናና እትፕ ካታማፕ ካረው ከሳና ጋካናው፣ ኑና ሞይዜድና፤ ኑን አባ ደናን ጉልባቲደ፣ ጸሳ ዋሴደ።

6 ሄዋጥ ጉይያን፣ እቲ እቲዋ ሳርቲደ፣ ማርካብያን ገሊደ፤ እንቲንቲ ባረንቲ ሶይ ሰሜድኖ።  
 7 ኑን አባ ኦግያ ወርሲደ፣ ጸሮሳጥ ጸጸለማይሰ ጋኪደ፤ እሻቱዋ ሳርቲደ፣ እንቲንቲ ማጋን እት ጋላ ገሼደ።  
 8 ዋንትሳ ጋላሰ ከሲደ፣ ቁሳርያ ቤደ፤ ዋንጋላ ሞሽራቹዋ ኦድያ ጥልጸሳ ሶይ ጋኪደ፣ እ ማጋን ኡቲደ፤ የሩሳላሙን ደረቲዳ ላቸናቱዋጥ እ እቲዋ።  
 9 ጥልጸሳው ሩባቱዋ ግዴዳ ኦይዱ ዋዶሮ ማጫ ሩናቱ ደእኖ።  
 10 ኑን ኡንደኔዳ ጋላሳ ኡቲዳ ዋዶ፣ ሩብያ አጋቦሳ ግያ ስታጌ ይሁዳጥ ቁሳርያ ዬዳ።  
 11 ኑን ኦይ ዮደ፣ ጳውሎሳ ሳቁያ እኪደ ባረ ከሽያነ ባረ ገድያ ቃቺደ፣ “ጌሻ እያናይ ግያዌ ሀዋ፤ ሀ ሳቁያ ጎዳ የሩሳላሙን እይሁዳቲ ሀዋዳን ቃቺደ፣ እይሁዳ ግደና አሳቶ አሊደ እማና” ያጌዳ።  
 12 ኑን ሄዋ ሰሴዳ ዋዶ፣ ኑን ያን ደእያ አሳቶ ጳውሎሰ የሩሳላሙ ቤና ማላ ዋሴደ።  
 13 ሸን ጳውሎሰ ዛሪደ፣ “ሀንተንቲ ዬኪደነ ታ ዋዛና ቃረትሲደ ዋጊቲ? ታን ጎዳ የሱሳ ሱንሳ ድራወ ቃሸታናዋ ጸላላ ግደናን፣ ሀራይ እቶ የሩሳላሙን ሀይቃናወካ ገጋ ኡታድ” ያጌዳ።  
 14 ዘርያ እ እከናን እጽና፣ “ጎዳይ ጌዳዌ ሀኖ” ያጌደ ጮኡ ጌደ።  
 15 ያን እማሬዳ ዋድያ ጋምኤዳዋጥ ጉይያን፣ ገቢቲደ የሩሳላሙ ባራወ ከሴዳ።  
 16 ቁሳርያን ደእያ ካልያዋንቲ እማሬዳዋንቲ ቃይ ኑናና ቤድኖ፤ እንቲንቲ ኑን አቃናሳ ሞናሶና ግያ ቆጶሮሳ ብታንያ ሶይ ኑና አፊድኖ፤ ሞናሶን ዳሮ ዋድያጥ ደሚደ ካልያዋ።

**ጳውሎሰ የሩሳላሙን ያቆባ ኦቺዳ**

17 ኑን የሩሳላሙ ጋኪደ ዋዶ፣ እሻቲ ኑና ናሸቻን ሞኪድኖ።  
 18 ዋንትሳ ጋላሰ፣ ጳውሎሰነ ኑን ያቆባና ጋከታናወ ቤደ። ዋሳ ጎላ ጭማቲ ኡባቲካ ደእኖ።  
 19 ጳውሎሰ እንቲንታ ሳርቲዳዋጥ ጉይያን፣ እይሁዳ ግደና አሳ ግደን ባረ ባጋና ጸሳይ ኡልዳዋ ኡንቲንቶ ወርሲደ ኦይዳ።  
 20 እንቲንቲ ሄዋ ሰሴዳ ዋዶ ጸሳ ጋላቲደ፣ ጳውሎሳ ሀዋዳን ያጌድኖ፤ “ኑ እሻዉ፣ እይሁዳቱዋ ግደን ጸሳ እማኔዳዋንቲ እቸን ሻእይ ደእኖንቶ በእሳ፤ እንቲንቲ ኡባይ ሀግያ ምሰሰ ናጊኖ።  
 21 የሩሳላሙ እይሁዳቲ፣ እይሁዳ ግደናዋንቲ ጋድያን ደእያ እይሁዳ ኡባቲ ባረንቲ ሩና ቃጸረና ማላ፣ ዋይ እይሁዳቲ ኦልያዋ ካለና ማላ፣ ሙሴ ሀግያካ ባይዛና ማላ ኔን ታማርሰያዋ ሰሴድኖ።  
 22 ያቲና፣ እዬ ሎኡ? ኔን ዬዳዋ ጮራቲ ሰሰያ ድራወ፣ ሸቃናን እግከኖ።  
 23 “ሄዋ ድራወ፣ ሀዋ ኑን ነዉ ኦድያዋ ኦላ፤ እት ሸቁ ደእያ ኦይዱ አሳቲ ኑ ማጋን ደእኖ።  
 24 እንቲንታ እካደ እንቲንቲና ጌያ፤ ቃይ እንቲንቲ ባረንቲ ሀጲያ ሜደታና ማላ፣ እንቲንቶ ሚሻ እማ፤ እንቲንቲ ኡባይ ነዋ ሲሴዳዌ ቲማ ግደናዋ ኔን ነ ሀጲዳወካ ቃይ ሙሴ ሀግያ ናጋደ ማራን ደእያዋ ኤራና።  
 25 “ሸን እማኔዳ እይሁዳ ግደና አሳቲዋ ግደጥ፣ እንቲንቲ ኤቃዉ ያርሼዳዋ ሜና ማላነ ሱሳ ኡሸና ማላ፣ ባኩቲዳ መሀያ እሹዋ ሜና ማላነ ዋሹመና ማላ፣ ኑን የወዋ ቃቺደ፣ እንቲንቶ ዳብናቢያ ጸፊደ” ያጌድኖ።  
 26 ሄዋጥ ጉይያን፣ ጳውሎሰ ዋንትሳ ጋላሰ አሳቲዋ እኪደ፣ እንቲንቲና ጌዬዳ፤ እ ባረንታ ጌሹሳ አወደ ፖልንቶ ኤርሳናወነ ቃይ ያርሹዋ ሀጲያን ሀጲያን አወደ እማንቶ ኤርሳናወ ጌሻ ጎልያ ገሊደ።

**ጳውሎሰ ጌሻ ጎልያን ኦይቀቲዳ**

27-28 ላቸ ጋላሳይ ወራና ሀኖደ፣ ኢሰያጥ ዬዳ እይሁዳቲ ጌሻ ጎልያን ጳውሎሳ በእደ፣ አሳ ኡባ ሀንቀሊደ፣ “እሰራኤልያ አሳወ፣ ኑና ማድተ፤ እሰራኤልያ አሳ፣ ሙሴ ሀግያን ሀ ጌሻ ጎልያ እጸደ፣ ኡባ ጎሳ አሳ ኡባ ታማርሰያዌ ሀ ብታንያ፤ ጉጂደ ቃይ ግሪከ አሳካ ጌሻ ጎልያ ገልሲደ፣ ሀ ጌሻ ሳኦ ቱንሴድ” ያግ ዋሴደ፣ ጳውሎሳ ኦይቁድኖ።  
 29 እንቲንቲ ካሰ ኤፈሶንን ደእያ ጸርፍሞሳ ጳውሎሳና ካታማን በኤዳ ድራወ፣ ጌሻ ጎልያ ጳውሎሰ እ ገልሴዳዋ እንቲንቶ ማላቲደ።  
 30 ካታማ ኡባይ ሻቢራቲዳ፤ አሳይ ኡባይ ሸቁደ ጳውሎሳ ኦይቁደ፣ ጌሻ ጎልያጥ ካረወ ጎቶ ከሴዳ፤ ሄ ማንእያን ጌሻ ጎልያ ጥንገቱ ቃሸት እጌድኖ።  
 31 አሳይ ጳውሎሳ ዋቆና ሀንሸን፣ “የሩሳላሙ ካታማይ ሙላካ ሻቢራት ድጌዳ” ግያ ሃሳያይ ሮመ ጋድያ ኦላ ካፖ ጋኪደ።  
 32 ሄ ኦላ ካቸ ዋታዳራቲዋን ጸታቱዋ ካፓቱዋ እትጥ እኪደ፣ ዋጲደ አሳ ቦላ ከሰ ዋዴዳ፤ አሳይ ኦላ ካቸዋን ዋታዳራቲዋ በኤዳ ዋዶ፣ ጳውሎሳ ሸጭያዋ ባሸ እጌድኖ።  
 33 ሄ ዋዶ፣ ሄ ኦላ ካቸ ሸቅ፣ ጳውሎሳ ኦይቁደ፣ ላኡ ሳንሳላታን ቃሸት ማላ እዛዚደ፣ እ ኦንቶን ቃይ እያ ኦልደንቶን አሳ ኦቺዳ።  
 34 አሳጥ ባጋይ እት-ባወ ዋሴያ ዋዶ፣ ባጋይ ሀራባወ ዋሴ፤ ዋሴ ጮራዳ ድራወ፣ ኦላ ካፖ ቲሙዋ ኤራናወ ዳንዳየተናን እጽና፣ ዋታዳራቲ ጳውሎሳ ባረንቲ ደእያሳ አፋና ማላ፣ እንቲንታ እዛዜዳ።



35 የዲደ ከሰያ ደላ ጳውሎስ ጋኬዳ ዋደ፣ እሳ ሱገላ ድራው፣ ዋታዳራቱ እ ቶኬድኖ።  
36 እያው ጎጥ፣ ጮራ እሳይ፣ “አ ዋላ!” ያጊድን ዋሲደ ካሊ።

**ጳውሎስ ዋቶ ዛሩዋ እሜዳ**

37 ዋታዳራቱ ጳውሎስ ባረንቱ ደኢያሳ አፋና ሀንሽን ጳውሎስ ኦላ ካፑዋ፣ “ታን ነው እትባ ኦደ?” ያጊድ።

ሄ ኦላ ካፑ ጳውሎስ፣ “ኔን ግሪክ ቃላ ኤራይ?”

38 ኔን ሀዋጥ ካስ ዋደ፣ ዋላሳ ከሳይ ሸምቶዋ ዋዴዳዋንቱጥ ኦይዱ ሻእ እሳቱዋ አሳይ ባይና ሙላ ሳእ ካለፊዳ ግብጼ ብታንያ ግድኪ?” ያጊድ።

39 ሸን ጳውሎስ፣ “ታን አይሁዳ አሳ፤ ቃይ ክልቂያን ደእያ ጸርሴስን የለቲዳ ሁጸ ካታማን ደእያ አሳ። ሀያና ታና አሳው ሃሳይሳርኪ?” ያጊድ።

40 ኦላ ካፑ አ፣ “ሃሳያ” ያግና፣ ጳውሎስ የዲደ ከሰያ ደላን ኤቁደ፣ አሳይ ጮኤ ጋና ማላ፣ ባረ ኩሽያን አሳኮ ጸርሴዳ። አሳይ ጮኤ ገና፣ አብራይስጵ ቃላን ሃሳዩደ፣ ሀዋዳን ያጊድ።

**22**

1 “ታናዳን እማንያዋንቶ፣ ታ አዋቶ፣ ታን ሀእ ሀንተንቶ ኦድያ የወዋ ሰስተ!”

2 ጳውሎስ ኡንቱንቶ አብራይስጵ ቃላን ሃሳይያዋ ሰሲደ፣ ካሰጥ ሎይል ጮኤ ገና እ ሀዋዳን ያጊድ።

3 “ታን ክልቂያን ደእያ ጸርሴስን የለታደ፣ ሀ ካታማን ጋማልያል ታና ታማርሰና ድጫይ፣ ኑ አዋቱዋ ሀግያካ ምንሳ ታማራደ፣ ሀቼ ሀንተ ኡባይ ሀንያዋዳንካ፣ ታን ጸሳ የዋ ሴለትያ አይሁዳ አሳ።

4 ታን ማጫ አሳን አቲማ አሳ ኦይቃ ኦይቃደ ቃሾ ጎለን የጌዳ አሳን፣ ሀ ኦግያ ካልያ አሳ ዋድሳና ጋካናው መቶፊዳ አሳ።

5 ሀዋዳንካ፣ ቃይ፣ ቁሳቱዋ ኡባቱዋ ካፑን ጭማ ኡባ ሸቁ ታዋ ማርካታናው ዳንዳዩ፤ ታን ዳማስቆን ደእያ ኡንቱንቱ አሻቱዋ አይሁዳቶ፣ ኡንቱንቱጥ ዳብዳቢያ አካደ፣ ሄዋን ደእያ አሳቱ ቆሄቲደ ሙረታናዳን፣ የሩሳላሙ ኡንቱንታ አሀናው ያ ባድ።

**ጳውሎስ ክርስቶስኮ ሰሜዳ ባረ ሰማባ ኦይዳ (9:1-19፤ 26:12-18)**

6 “ታን ባይ ዳማስቆ ማቴዳ ዋደ፣ ሴታ ጋላሳ ግድሸን፣ ቆጥናን ሳሉዋጥ ዋልቃማ ፖኤ ታ ማታን ዩይ አዲደ ፖኤዳ።

7 ታን ሳእን ኩንዳ ኡታደ፣ ‘ሳኦላ፣ ሳኦላ፣ ታና እያው የደርሳይ?’ ግያ ቃላ ሰሳድ።

8 “ታን ዛራደ፣ ‘ታ ጎዳው፣ ኔን ኦኔ?’ ያጋድ።

“ሄዋጥ ጉየ፣ ‘ታን ኔን የደርሰያ ናዝሬትያ የሱሳ’ ያጊድ።

9 ታናና እትጥ ደእያዋንቱ ፖኤዋ በኢደ ያዬድኖ፤ ሸን ታው ሃሳይያዋ ቃላ ሰሰበይክኖ።

10 “ ‘ታ ጎዳው፣ ታን አያ ኦሶ?’ ያጋድ።

“ጎዳይ ታና፣ ‘ደንዳይ ዳማስቆ ባ። ኔን ኦሳናው ጸሳይ ቆፔዳ ኡባባይ ነው ያን ኦደታናዋ’ ያጊድ።

11 ሄ ዋልቃማ ፖኤዋ ድራው፣ ታ አይፊ ቆቅና፣ ታናና ደእያ አሳቱ ታ ኩሽያ ኦይቁደ፣ ታና ጎችና፣ ዳማስቆ ጋካድ።

12 “ዳማስቆን ደእያ አይሁዳ ኡባይ ሎይል ቦንችያ እት ሀናንያ ግያ ብታኒ፣ ኑ ሀግያው አዛዘቲደ፣ ጸሳው እመቲዳ አሳ።

13 ሀናኒ ታኮ ዩደ፣ ታ ማታን ኤቁደ ታና፣ ‘ታ አሻው ሳኦላ፣ ጸላ’ ያጊድ። ታን ሄ ዋደ ሄ ማንእያን አኮ ጸላ አጋድ።

14 “አ ታና ሀዋዳን ያጊድ፤ ሩኑ አዋቱዋ ጸሳይ ኔን እ ቆፋ ኤራናው፣ እ ጸሎ ናእ በእናውን እ ደናጥካ ሃሳያ ሰሳናው ኔና ካሰና ዶሬዳ።

15 እያው ጎጥ፣ ኔን በኤዳባን ሰሴዳባ አሳ ኡባ ሰንላን አው ማርካታናሳ።

16 ሀእካ እያው ጋምአይ? ደንዳይ ጸማቁታ፤ እ ሱንሳ ጸሳይ፣ ነ ናጋራጥካ ሜጫታ ያጊድ።

17 “ታን ጉየ የሩሳላሙ ሰማይ ጌሻ ጎልያን ዋሰሸን፣ ታ አያናን ግድድ።

18 ጎዳይ ታና፣ ‘ኤሌላደ፣ የሩሳላሙ ከሳ እያው ጎጥ፣ ኔን ታው ሀዋን ማርካትያዋ አሳይ አከና’ ያግሸን ታን እ በአድ።

19 “ታን፣ ‘ታ ጎዳው፣ አይሁዳ ዋሳ ጎልያ ኡባን ኔና እማንያዋንታ ኦይቃደ ዋዴዳዋን ቃሾ ጎልያን የጊዳዋ ኡንቱንቱ ኤሪኖ።

20 ኡንቱንቱ ነ ማርካ አስጸፋኖሳ ዋድያ ዋደ፣ ታን ሄ የወዋ ኤኖ ጋድ። ቃይ ኡንቱንቱ ሞይያን ኤቃደ፣ እ ዋድያዋንቱ ማዩዋ ናጋይ’ ያጊድ።

21 “ጎዳይ ታና፣ ‘ታን ኔና አይሁዳ ግደና አሳኮ ሃኮ ሳ ከትያ ድራው ባ ጌዳ’ ያጊድ።

ጳውሎስ ርመ አሳ ግድያዎ ቆንጭሴዳ

22 ጳውሎስ ሄ ቃላ ሃሳያና ጋካናዉ አሳይ እ ግያዎ ሰሴ፤ ሄዋፕ ጉይያን፣ ባረንቱ ኮሻ ቆቁ አሊድ፣ “ሀዋ ጋድያፕ ጳይሰነ እ ደእናዉ በሰና” ያጌድና።

23-24 ኢንቱንቱ ዋሰሽን፣ ባረንቱ ማዌዎ ቦላዉ ኦልሽንን ባና ጫርኩዋን ላልሸን፣ ኦላ ካፕ ዎታዳራቱ ጳውሎሳ ባረንቱ ደእያሳ አፋና ማላ አዛዜዳ። ቃይ አሳይ እያዉ ሄዋዳን አ ቦላ ዋሴድናንቱ ኤራናዉ፣ ጳውሎሳ ልሱዋን ሸጫና ማላ፣ ኢንቱንታ አዛዜዳ።

25 ሸን ዎታዳራቱ ጳውሎሳ ዳፋዋን ምንሰ ቃቼዳ ዎደ፣ ጳውሎስ ባረ ማታን ኤቁዳ ጴታቱዋ ካፕዋ፣ “ርመ ጋድያ አሳ ፕርዳይ ባይናን ሸጭያዌ ህንተንቶ ዋጌ?” ያጌድ።

26 ሄዋ ጴታቱዋ ካፕ ሰሴዳ ዎደ፣ ኦላ ካፕዋኮ ቢደ፣ “ሀ ብታኒ ርመ አሳ። ኔን እያ ኦላና ቆፓይ?” ያጌደ ኦቼዳ።

27 ኦላ ካፕ ጳውሎሳኮ ሸቂደ፣ “ኔን ርመ አሴ? ታዉ ኦዳ” ያጌድ።

ጳውሎስ፣ “ኤ” ያጌድ።

28 ኦላ ካፕ ጳውሎሳዉ ዛሪደ፣ “ታን ሀ ዛረተላ ዳር ሚሻን ሻማድ” ያጌድ።

ሸን ጳውሎስ፣ “ታን ሄ ዛረላፕ የለታድ” ያጌድ።

29 ሄዋ ድራዉ፣ ጳውሎሳ ብዳናዉ ቆፕዳዋንቱ ኤላካ አፕ ሻከት አጌድና። ኦላ ካፕካ ጳውሎስ ርመ አሳ ግዳዳዋ ኤራዳ ዎደ ያዬዳ፤ እያዉ ጎፕ፣ ሳንሳላታን አ ቃሽሰ ዋሴዳ።

ጳውሎስ እይሁዳቱዋ ሻንጋቱዋኮ ሸቆዳ

30 ዎንተላ ጋላስ ኦላ ካፕ፣ እይሁዳቱ ጳውሎሳ እያዉ ሞቴድናንቶን ጌሺደ ኤራናዉ ኮዪደ፣ ጳውሎሳ ብሴዳ። ያቴደ ቁሳቱዋ ካፕቱኔ አሳይ ኡባይ ሸቃና ማላ አዛዜዳ፤ ቃይ ጳውሎሳ ዲገ ዋሊደ፣ ኢንቱንቱ ሰንሳን ኤሴዳ።

### 23

1 ጳውሎስ ሄዋን ሸቆዳ አሳ ጫድ ጴሊደ፣ “ታናዳን አማንያዋንቶ፣ ታን ሀቼ ጋካናዉካ ጸሳ ሰንሳን ታ ደኡዋ ኡባን ትላ ዎዛናን ደእድ” ያጌድ።

2 ቁሳቱዋ ኡባቱዋ ካፕ ሀናኒ፣ ጳውሎሳ ደና ባቃና ማላ፣ አ ማታን ኤቁዳዋንታ አዛዜዳ።

3 ጳውሎስ ሄ ዎደ እ፣ “ሀ ቦሽንቻን ኦኬዳ \* ጎዳዉ፣ ጸሳይ ኔና ባቃና። ኔን ታ ቦላ ሀግያን ፕርዳናዉ ኡታደ፣ ዎጋይ ባይናን ታና ባቃና ማላ አዛዜዳ?” ያጌድ።

4 ጳውሎሳ ማታን ኤቁዳዋንቱ እ፣ “ኔን ጸሳ ቁሳቱዋ ኡባቱዋ ካፕዋ ቦራይ?” ያጌድና።

5 ሄዋፕ ጉየ ጳውሎስ፣ “ታናዳን አማንያዋንቶ፣ አ ቁሳቱዋ ኡባቱዋ ካፕዋ ግዳዳዋ ታን ኤራብይከ፤ እያዉ ጎፕ፣ ና፣ ጋድያ ሞድያዎ ቦላ ኢታ ቃላ ሃሳየፕን ጌተቲደ ጸሳ ማጸፋን ጸፈቲዳ” ያጌድ።

6 ሸን ጳውሎስ ባጋቱ ሳዱቃዋናቱዋ፤ ባጋቱ ፓርሳዋቱዋ ግዳዳዋ በእደ፣ “ታናዳን አማንያዋንቶ፣ ታን ፓርሳዋዊን ፓርሳዋዊና ኢ፤ ሀይቁዳዋንቱ ሀይቁዋፕ ደንዳናዋንታ” ጋደ ታን ናሽቻን ናግያ ድራዉ፣ ኡንቱንቱ ታ ቦላ ፕርዲና” ያጌደ፣ ቆቁ ኦሊደ ሃሳዬዳ።

7 ጳውሎስ ሄዋ ያግና፣ ፓርሳዋቱዋ ግደንን ሳዱቃዋናቱዋ ግደን ዋላሳይ ከሰና፣ ሸቆዳ አሳይ ላለቲዳ።

8 እያዉ ጎፕ፣ ሳዱቃዋናቱ፣ “ሀይቁዳ አሳይ ደንደና፤ ኪታንቻይካ እያናይካ ባዎ” ያጌድና፤ ፓርሳዋቱ ቃይ ላኡካ ደእያዎ አማኒና።

9 ዎልቃማ ዋላሳይ ደንዳዳ፤ ፓርሳዋቱዋ ባጋፕ ሙሴ ሀግያ ታማርሰያዋንቱ ደንድ ኤቁደ፣ “ሀ ብታንዎ ቦላ እይን ባላ ደምበይኮ፤ እዉ እያናዎ ዎይ ኪታንቻይ ሃሳየናን አገና” ያጌደ ፓሉሙቴድና።

10 ዋላሳይ ዳርና፣ ኦላ ካፕ ጳውሎሳ ኡንቱንቱ ሙን፤ ራሳንንቱን ግ ያዪደ፣ ባረ ዎታዳራቱ ዎጲደ፣ ኡንቱንቱ ግደፕ አ ኤላካ ከሰደ፣ ባረንቱ ደእያሳ አፋና ማላ አዛዜዳ።

11 ሄ ቃማ ጎዳይ ጳውሎሳ ማታን ኤቁደ፣ “ጳውሎሳ፣ ኔን ታዉ የሩሳላሙን ማርካቴዳዋዳን፣ ርመንካ ማርካታናዉ በሴ፤ ሞና፤ እይን ባዎ” ያጌድ።

ጳውሎሳ ዎቆናዉ ኦሰቴዳ ማቁዋ

12 ዎንቱሳ ጋላስ፣ እይሁዳቱ ጳውሎሳ ዎቆና ጋካናዉ፣ ማርዳንን ኤሸናዳን፣ ጫቀቲደ ገንቴድና።

13 ጳውሎሳ ቦላ ሄዋ ማቁቲዳ አሳቱ ኦይታሙዋፕ ዳሪና።

14 ኢንቱንቱ ቁሳቱዋ ካፕቱዋኮን ጭማቱዋኮ ዪደ፣ “ኡን ጳውሎሳ ዎቆና ጋካናዉ፣ እይን ባረናዳን፣ ገገቱ ኡቲደ።

15 ሄዋ ድራዉ፣ ህንተንቱን ሸቆዳ አሳይ ጳውሎሳ ባ ጌሺደ ብድያዎ ማላቲደ፣ ኦላ ካፕ አ ህንተንቱኮ ዲገ ዎላና ማላ ኦኝተ፤ ኦን እ ሃ ሸቃናፕ ካሰና አ ዎቆናዉ ገገ ኡቲደ” ያጌድና።

\* 23:3 ቦሽንቻን ኦኬዳ- እት ኤራይ ሎአ ማላታና ማላ ኦሎሳ፣ ሸን ግድና። 23:5 ከሳ 22:28

16 ሽን ጳውሎስ ሞቻት ናአይ ሄ ማቁዋ ሰሴዳ ዎደ፣ ቢደ ዎታዳራቱ ደኢያሳ ገሊደ፣ ጳውሎስዉ ኦዴዳ።

17 ጳውሎስ ጸታቱዋ ካፓቱዋፕ እቱዋ ጸሲደ፣ “ሀ ናአ ኦላ ካፑዋኮ አፋ፤ አያዉ ጎፕ፣ ኦላ ካፖ አ ኦድያዋ ደኤ” ያጌዳ።

18 ሄዋ ድራዉ፣ ጸታቱዋ ካፑ ናአ ኦላ ካፑዋኮ አፊደ፣ “ቃሾ ጎሊን ደአያ ጳውሎስ፣ ሀ ናአይ ጎዉ አየንቶ ኦድያባይ ደአያ ድራዉ፣ ታና ባረኮ ጸሲደ፣ አ ኔኮ አሀናዳን፣ ታና ዋሴዳ” ያጌዳ።

19 ኦላ ካፑ ናአ ኩሽያ ኦይቁደ፣ ዳማ ጋጸ ከሲደ፣ “ኔን ታዉ ኦዳናባይ አይ?” ያጌደ ኦቼዳ።

20 ናአይ ኦላ ካፖ፣ “አይሁዳቱ ጳውሎስባ ካሰፕ ሞንሰ ኦቻያዋ ማላቲደ፣ ኔን ሺቁዋ አ ኡትሳናዳን፣ ኔና ዎንት ዎሳናዉ ዘረታ ቃቼድኖ።

21 ሽን ኔን ኡንቱንቱ ግያዋ ሰሰፓ፤ አያዉ ጎፕ፣ ኦይታሙዋፕ ዳርያ አሳቱ ጳውሎስ ዎቆና ጋካናዉ፣ ቁማ ሜናዳን ሃላ ኡሸናዳን፣ ጫቀቲደ ጌመት ኡቲደ አ ናጊኖ፤ ኔን ግያዋ ሰሳናዉ ሀአካ ጊፕት ኡቲደ ናጊኖ” ያጌዳ።

22 ሄዋ ድራዉ፣ ኦላ ካፑ ናአ፣ “ሀ የወዋ ኔን ታና ኤርሴዳዋ ኦሰነ ኦደፓ” ያጌደ አዛዜዳዋፕ ጉይያን፣ አ የዴዳ።

**ጳውሎስ ጋድያ ሞድያ ፍልክሳ ሰንላ ሺቁዳ**

23 ኦላ ካፑ ጸታቱዋ ካፓቱዋፕ ላኤዋ ጸሲደ፣ “ቁሳርያ ባናዉ፣ ላኤ ጸቱ ዎታዳራቱዋ፣ ላፑን ታሙ ፓራ ኦይቁዳ አሳቱዋነ ላኤ ጸቱ ቶራንቻቱዋ ቃማፕ ሄዙ ሳትያን ጊፕሰተ፤

24 ጋድያ ሞድያ ፍልክሳኮ ጳውሎስ ሳሮተላን ጋሳናዉ ቶጎሰያ መሀያን ጊፕሰተ” ያጌደ፣ ኡንቱንታ አዛዜዳ።

25 ኦላ ካፑ ሀዋዳን ግያ ዳብዳቢያ ጸፊዳ።

26 “ቃላዉደየሳ ሉሰኖሳፕ፤ ጋድያ ሞድያ ቦንቼቱዳ ፍልክሳ! ሳሮተላይ ጎዉ ግደ።

27 አይሁዳቱ ሀ ብታንያ ኦይቁደ ዎቆና ሀንሽን፣ ሮመ ካታማ አሳ አ ግዴዳዋ ኤራደ፣ ዎታዳራቱዋና ጋካደ አ አሻድ።

28 ኡንቱንቱ አ አያዉ ሞቲድኖንቶ ኤራናዉ ኮያደ፣ ዲገ ኡንቱንቱ ሺቆ አ አፋድ።

29 ኡንቱንቱ ባረንቱ ሀግያባ አ ኦቼዳዎ አ ሞቴዳዋፕ አትን፣ አ ዎድሰያ ዎይ ቃሽሰያ ሞቶ ግደና።

30 ኡንቱንቱ ሀ ብታንያ ቦላ ማቀት ኡቲዳ ዝግርሳይ ታና ጋክና፣ ታን ሄ ማንአያን አ ኔኮ የዳ አጋድ፤ አ ሞትያዋንቱካ ቢደ፣ ነ ሰንላን ሞታና ማላ ኦዳድ፤ ሳሮ ደአ” ያጌዳ።

31 ሄዋ ድራዉ፣ ዎታዳራቱ አዛዘቲዳዋዳንካ ጳውሎስ አኪደ፣ ቃማ አንትጳጽሪሳ ጋልድኖ።

32 ዎንትሳ ጋለስ አናና ባና ማላ ፓራ ቶሳ አሳቱዋ ዎልደ፣ ገድያን ብያዋንቱ ጉየ ዎታዳራቱ ደኢያሳ ሰሚድኖ።

33 ፓራዋንቱ ቁሳርያ ገሊደ፣ ዳብዳቢያ ጋድያ ሞድያዎ አሚደ፣ ጳውሎስ አ ሰንላ አልድኖ።

34 ጋድያ ሞድያዋ ዳብዳቢያ ናባቤዳዋፕ ጉይያን፣ ጳውሎስ ሀቃ አዉራጅ አሰንቶ አ ኦቼዳ፤ ክልቁያ አሳ አ ግዴዳዋ ኤራዳ ዎደ፣

35 “ታን ጎባ ኔና ሞትያዋንቱ ይያ ዎደ ሰሳና” ያጌደ፣ ዎታዳራቱ ሄርድሳ ካዉተላ ጎሊን አ ናጋና ማላ አዛዜዳ።

**24**

**ጳውሎስ አይሁዳቱ ሞቴድኖ**

1 እቼሹ ጋሳሳፕ ጉይያን፣ ቁሳቱዋ ኡባቱዋ ካፑ፣ ሀናንያ፣ ጭማቱዋና፤ ጳርጸሉሳ ግያ እት ጸባቃና ዲገ ቁሳርያ ዎዴዳ፤ ኡንቱንቱ ጋድያ ሞድያዋ ቦላ ጳውሎስ ሞቴድኖ።

2-3 ጳውሎስ ጸሰቲዳ ዎደ፣ ጳርጸሉስ አ ሀዋዳን ያጌደ፣ ሞቱዋ ደሚደ።

“ቦንቼቱዳ ፍልክሳ፣ ኑን ነ ባጋና ዳሮ ሳሮተላ ደሚደሽን፣ ነ ቆፋን ሀ ጋድያዉ ኡባባን ኡባሳንካ ሉላ ሳሚ ቤትያዎ ኔና ሎይላ ጋሳቲደ፣ ሀዋ አኪቶ።

4 ኡን ታን ኔና ጋምኤፍን፣ ደያ ግዴዳ ነ ኬካተላን ኑባ ኔን ቃንላን ሰሳና ማላ፣ ኔና ዋሳይ።

5 አያዉ ጎፕ፣ ሀ ብታኒ ጴቦ ግዲደ፣ ሳአ ኡባን ደአያ አይሁዳቱዋ ግደን ዋሳሳ ደንሌዳ፣ ናዝራዋቱ ባጋ አሳ ካለሌያዋ ግዴዳዋ ኤራደ።

6 ሀራይ አቶ ጌሻ ጎልያካ ቱንሳናዉ ኮይሸን አ ኦይቁደ፣ ኑ ሀግያዳን፣ አ ቦላ ፕርዳናዉ ቆፔደ፤

7 ሽን ኦላ ካፑዋ ሉሰኖስ ዪደ፣ ዎልቃን ኑ ኩሽያፕ አ ዎላ አኪዳ።

8 አ ሞትያዋንቱካ ኔኮ ያና ማላ አዛዜዳ፤ ኔን ነ ሀጸዳ ሀ ብታንያ ብዳደ፣ ኑን አ ሞትያ የወዋ ኡባ ኤራናዉ ዳንዳያ” ያጌዳ።

9 አይሁዳቱካ ቃይ፣ “ሀ የዉ ቱማ” ጊደ፣ አ ቆፋ አኪድኖ።

ጳውሎስ ፍልክሳ ሰንላን ሞቶ ዛራዋ አሚዳ

10 ጋድያ ሞድያዌ ጳውሎስ ያናዳን ወትሩ፤ እ ሀዋዳን ያጊደ ዛሬዳ፤ “ኔን ዳር ዎድያፕ ደማደ፤ ሀ እሳወ ፕርዳደ ደእያዎ ታን ኢራደ፤ ታ የወዋ ናሽቻን ዛሬይ።

11 ታን የሩሳላመ ጎይናናወ ከሶደፕ ታማነ ላኡ ጋላሳፕ ዳረናዎ ኔን ነ ሀጳወ ኡራና ዳንዳያ።  
12 እይሁዳቱ ታና ጌሻ ጎልያን ግድና፤ እይሁዳ ዋሳ ጎሊን ግድና፤ ካታማን ግድና፤ ኦናና ጋሎፕትሽን ዎይ እሳ ሽሻደ ማቁሽን፤ እት ኡራናነ በእበይክና።

13 ኤንቱንቱ ሀእካ ታና ሞትያዎ ሻትማናወ ዳንዳይክና።  
14 “ሽን ታን ሀዋ ነወ ኦዳይ፤ ታን ሙሴ ህግያን ደእያዎነ ናባቱ ጳፌዳ ኡባባ እማናናዳን፤ ኑ አዎቱዋ ጳሳወ ኤንቱንቱ ዋርደ ግያ ኦግያን ጎሽታይ።

15 ሀዋንቱ ባረንቱ ሀጳወ፤ ላሳይ ኡባይ፤ ዋርዳካ ጽሉካ ሀይቁዋፕ ደንዳናዋንታ ግያዋዳን፤ ታንካ ኤንቱንቱ ደንድያዎ ጳሳን ሀይታ ዋላደ አሙዋን ናጋይ።

16 ሄዋ ድራወ፤ ታን ቃይ፤ ጳሳ ሰንላንነ እሳ ሰንላን ኡባ ዎደ፤ ፖኩ ባይና ትላ ዎዛናይ ታወ ደእና ማላ ሞናይ።

17 “ታን የሩሳላመፕ ከሶደፕ ጮራ ላይላፕ ጉይያን፤ ታ ጋይ ህዬሳወ ሚሻ እማናወነ ያርሹዋ ያርሻናወ የሩሳላመ ባድ።

18 ሄዋ ኦሳሽን፤ እሳይ ሸቀናን፤ ዋላሳይ ደንደናን፤ ታን ጌሻ ጎልያን ጌይሽን፤ ኤንቱንቱ ታና ደሚድና።

19 ሽን ኢስፕፕ ዬዳ እት እት እይሁዳቱ ሄዋን ደእና፤ ኤንቱንቱ ታ ቦላ የወዋ ኮዮፕ፤ ዪደ ታና ነ ቦላን ሞታናወ በሴ።

20-21 ዎይ ታን ኤንቱንቱ ግደን ኤቃይ፤ ህይቁዳዋንቱ ደንዳናዎ አማንያ ድራወ፤ ሀቼ ህንተ ሰንላን ታ ቦላ ፕርዲና። ጋይ ሃ ጶቁሳደ ሃሳዬዳ እት ቃላፕ አትን፤ ሸቁዋ ሰንላን ኤቁሽን፤ ታ ቦላ እት ባይዙዋ ደሚዳዋ ግደፕ፤ ሀዋንቱ ባረንቱ ሀጳወ ሀዋን ኦዳናዋንታ” ያጌዳ።

22 ሽን ፍልክስ ጳሳ ኦግያባ ጌሽ ኤሬዳ ድራወ፤ “ታን ህንተ የወዋ ኦላ ካፑዋ ሉሰዮስ ይያ ዎደ ኦግያ ኦይላና” ያጌደ፤ ፕርድያ ዎድያ ሰንሳወ ኬሬዳ።

23 ፍልክስ ቃይ ጳውሎስ ቃቼናን ናጋና ማላነ እ ዳባቱዋፕ ኦንነ እወ ኦሳሽን፤ ዎይ አኮ ዪሽን ድገና ማላ፤ ጴታቱዋ ካፑዋ አዛዜዳ።

**ጳውሎስ ፍልክሳን ድራሰላ ሰንሳ ሸቁዳ**

24 አማሬዳ ጋላሳፕ ጉይያን፤ ፍልክስ እይሁዳ እሳ ዛረ ግዴዳ ባረ ማቻት ድራሰልና ዪደ፤ ጳውሎስ ከት አህሲደ፤ የሱስ ክርሰቶሳን አማንያ ኦግያ እ ሃሳይሽን ሰሴዳ።

25 ጳውሎስ ጽሎተላባ፤ ባረ ሀጳያ ናፕዋባነ ያና ፕርዳባ ሃሳይሽን፤ ፍልክስ ያዪደ፤ “ኔን ሀእወ ባ፤ ታወ ሚኬዳ ዎደ፤ ኔና ከታደ ጴግሳና” ያጌዳ።

26 ሄ ዎደ ቃይ ጳውሎስ ብለታናወ፤ ባረወ ማጋንጸ አማንዴሻ ጊደ ቆፔዳ፤ ሄዋ ድራወ፤ ዳር ዎደ እ አህስ አህሲደ፤ እናና ሃሳዬ።

27 ላኡ ላይላ ኩሜዳዋፕ ጉይያን፤ ፍልክሳ ኮታ ጳርቁዮሳ ፕሰጸስ እኬዳ። ፍልክስ እይሁዳቱዋ ናሽቻናወ ኮዪደ፤ ቃሽ ጎሊን ጳውሎስ ባሽ አጌዳ።

**25**

**ጳውሎስ ሮመ ካትያኮ ባረ የወዋ አኪደ ባናወ ኦቼዳ**

1 ፕሰጸስ አወራጃ ገሊዳ ሄዘንሰያ ጋላሳፕ ጉይያን፤ ቁሳርያፕ የሩሳላመ ቤዳ።

2 ያን ቁሳቱዋ ካፓቱነ እይሁዳቱዋ ካላለያዋንቱ ጳውሎስ ሞቲድና።

3 ኤንቱንቱ ጳውሎስ ዎቻናወ ኦግያን ቆስት ኡታናወ፤ ባረንቶ ሎኦባ ኦላደ እ የሩሳላመ አሀና ማላ፤ ፕሰጸሳ ዎሴድና።

4 ፕሰጸስ ኤንቱንቶ፤ “ጳውሎስ ቁሳርያን ቃሽት ኡቲዳ፤ ታን ታ ሀጳወካ ኤላካ ያ ጉዮ ሰማናወ ቆፓ ኡታድ።

5 ሄዋ ድራወ፤ እ እየንቶ ባይዜዳዌ ደእፕ፤ ህንተንቱ ግደን አዎትያዋንቱ ታናና ቁሳርያ ቤዳ፤ እ ሞትና” ያጌደ ዛሬዳ።

6 ፕሰጸስ የሩሳላመን ሆሰፑን ዎይ ታሙ፤ ጋላሳፕ አፍናን ኡቲድ፤ ቁሳርያ ቤዳ፤ ዎንትሳ ጋላስ ፕርድያሳን ኡቲድ፤ ጳውሎስ አሀና ማላ አዛዜዳ።

7 እ ጋኬዳ ዎደ፤ የሩሳላመፕ ዬዳ እይሁዳቱ እ ማታን ዩይ አቶ ኤቁደ፤ ባረንቶ ሻትማናወ ዳንዳየተና ዳር ዳጾ ሞቱዋ እ ቦላ ዎሏድና።

8 ጳውሎስ ሞተቲድ፤ “ታን እይሁዳቱዋ ህግያካ ጌሻ ጎልያካ ሮመ ካትያ ቁሳራካ እይነ ናቃበይከ” ያጌዳ።

9 ፕሰጸስ እይሁዳቱዋ ናሽቻናወ ኮዪደ ጳውሎስ፤ “ፑደ የሩሳላመ ከሳደ፤ ሀ የወዋባ ያን ታ ሰንላን ኦሽታናወ ኮያይ?” ያጌደ ኦቼዳ።

10 ሽን ጳውሎስ፡ “ታን ኦሽታናወ በሰያ ቄሳራ ፕርዳ ጎለን ኤቃድ። ነንካ ሎይላ ኤርያዋዳን፡ ታን አይሁዳቱዋ እይነ ናቃበይከ።

11 ስዎ ታን ናቄዳዋ ዎይ ሀይቃናወ በሰያዋ ኦሌዳዋ ግደፕ፡ ሀይቁዋፕ አታና ጊከ፤ ሽን ኦንቱንቱ ታና ሞትያ ሞቱ ሙላ ግዴዳዋፕ ሀን ባጋን፡ ኦንነ ታና ኦንቱንቱ አሊደ እማናወ ዳንዳየና፤ ቄሳሪ ታባ ፕርዳ ጋይ ኦቻይ” ያጌዳ።

12 ሄዋፕ ጉይያን፡ ፕሰጸሰ ባረናና ዘረትያዋንቱና ዘረት ሰሚደ እ፡ “ኔን ቄሳሪ ታባ ፕርዳ ጋይ ኦቻዳ፤ ቄሳራኩ ባናሳ” ያጌደ ዛሬዳ።

**ፕሰጸሰ ጳውሎሳባ እግርጳና ማቀቱዳ**

13 እማራዳ ጋላሳፕ ጉይያን፡ ካትያ አግሪጳይነ ባርኒቀ ፕሰጸሳ ሳርታናወ ቄሳርያ ቤድና።

14 ያን ኦንቱንቱ ጮራ ጋላሳ ኡት ደእሸን፡ ፕሰጸሰ ካትያወ ጳውሎሳባ ሀዋዳን ያጌደ ኦዴዳ፤ “ሀዋን ፍልክሰ ቃቸደ ባሽ ቤዳ እት ብታኒ ደኤ።

15 ታን የሩሳላሙን ደእሸን፡ ቄሳቱዋ ካፓቱነ አይሁዳ ጭማቱ አ ቦላ ፕርዳና ማላ፡ ታና ዎሲደ፡ አባ ታዉ ኦዴድና።

16 ታን፡ ሞተቱዳ ኡራይ ባረና ሞትያዋንቱና እትፕ ኤቀናንነ ባረና ሞቱዳ የዎ ዛሩዋ እመናን፡ ኦና ግደፕነ አሊደ እምያዎ ሮመ አሳዉ ዎጋ ግደና፡ ያጋይ ኦንቱንቱ ዛሬድ።

17 “ሄዋ ድራዉ፡ ኦንቱንቱ ሀዋን ሸቄዳ ዎደ፡ ታን ጋምኤናን ዎንትሳ ጋላስ፡ ፕርዳ ጎለ ገላደ ጳውሎሳ እሀና ማላ አዛዛድ።

18 አ ሞትያዋንቱ ኤቄደ፡ ኢታባን አ ሞተናን አግክኖ ጋይ ታን ቆፔዳዋዳን፡ እይነ አ ሞትበይክኖ።

19 ሽን ኦንቱንቱ ባረንቱ እማኔዳባንቱባነ ጳውሎስ፡ ‘ፓጻ ደኤ’ ግያ ሀይቄዳ እት የሱሳ ጌተትያ ብታንያባ አናና ፓሉመቱድና።

20 ታን ሀ የዉዋ ዎታደ ብዳ ደማንታንቶ፡ ቆፋ ቃቸናን ደእደ፡ ጳውሎስ የሩሳላሙ ቢደ፡ ሀ የዉዋ ያን ኦሽታናወ ኮይንቶነ ጋይ አ ኦቻድ፤

21 ሽን ጳውሎስ ባረ የዉዋ አዉግሰጸሰ ቄሳሪ ኦግያ ኦይላና ጋካናወ ናገታናዳን ኦቻና፡ ታን አ ቄሳራኩ የዳና ጋካናወ፡ አ ቃሽታና ማላ አዛዛድ” ያጌዳ።

22 ሄዋፕ ጉየ አግሪጳይ ፕሰጸሳ፡ “ታን ታ ሀጳዉካ ቃይ ሄ ብታኒ ግያዎ ሰሳና ኮያይ” ያጌዳ። ፕሰጸሰ እ፡ “ኔን ዎንት አ ግያዎ ሰሳናሳ” ያጌዳ።

23 ዎንትሳ ጋላስ፡ አግሪጳይነ ባርኒቀ ዳሮ ቦንቹዋን ኦላ ካፓቱዋናነ ካታማን ደእያ ዎልቃማ አሳና ዪደ፡ ፕርዳ ጎለ ገሊድና፤ ፕሰጸሰ ጳውሎሳ እሀና ማላ አዛዛና አሄድና።

24 ፕሰጸሰ ሀዋዳን ያጌዳ፤ “ካትያ አግሪጳ፡ ሀዋን ኦናና ደእያ አሳ ኡባዉ፡ አይሁዳ አሳይ ኡባይ የሩሳላሙንካ ሀዋንካ ዋሲደ፡ ኦላ ሀዋፕ ሰንሳዉ ፓጻ ደእናዉ በሰና” ያጌደ፡ ታና ዎሴዳ ብታንያ ሀዋ በኢታ።

25 ሽን አ እይነ ሀይቃናወ በሰያዋ ኦሌዳዋ ታን ደማበይከ፤ አ ባረ ሀጳዉ፡ ኦላዉግሰጸሰ ቄሳሪ ታባ ፕርዳ ያጋይ ኦቻድ፡ ጌዳ ድራዉ፡ ቄሳራኩ አ የዳናዉ ታን ቆፓድ።

26 ታን አባ ታ ጎዳ አዉግሰጸሰ ቄሳሪዉ ጻፋናዉ ቱሙ የዉ ታዉ እይነ ባዋ፤ ሄዋ ድራዉ፡ አ ሎይላ ኦሽቶዋፕ ጉይያን፡ ታን ጻፍያባ ደማና ማላ፡ ሀንተንቱ ሰንሳ፡ ካትያ አግሪጳ፡ ኡባ ነ ሰንሳ አ አሃድ።

27 እያዉ ጎፕ፡ ቃሽቱዳ ኡራ ኪትያ ዎደ፡ አ እያዉ ሞቱደንቶ፡ ኤርሰናን ጮኤ ግ ባሽያዎ ታዉ ኤያተላ ማላቱ” ያጌዳ።

**26**

**ጳውሎስ አግሪጳ ሰንሳን ሃሳዬዳ ሃሳያ**

1 አግሪጳይ ጳውሎሳ፡ “ኔን ነባ ሃሳያናወ ዳንዳያ” ያጌዳ። ሄ ዎይ ጳውሎስ ባረ ኩሽያ ሞጢደ ሀዋዳን ያግ ዛሬዳ።

2-3 “ካትያ አግሪጳ፡ አይሁዳቱዋ ዎጋነ ፓሉማ ኡባ ኔን ሎይላይ ኤርያ ድራዉ፡ ታና አይሁዳቱ ሞትያ የዉዋ ኡባ ሆቼ ታን ነ ሰንሳን ዛርያዎ ታ ካጫይ ዳርሰ ሎኦ ያጋይ ቆፓይ፤ ሄዋ ድራዉ፡ ኔን ታ ሃሳያ ሳለተናን ሰሳና ማላ፡ ኔና ዋሳይ።

4 “ታን ናአተላፕ ደማደ ታ አሳ ግደንነ የሩሳላሙን ደኤዳ ታ ደኡዋ አይሁዳ ኡባቱ ካሰፕ ደሚደ ኤሪኖ።

5 ታን ኮይርፕ ደማደ፡ ኑ እማኑዋ ሀግያ ኦፕነ ሞንሲደ ናግያ ፓርሳዋቱዋ ባጋ ፓርሳዌ ግዳደ ደእያዋ፡ ኦንቱንቱ ማርካታናዉ ኮየፕ ኤሪኖ።

6 ታን ሀእካ ጳሳይ ኑ አዋቶ እማና ጌዳዋ ናሽቻን ናግያ ድራዉ፡ ፕርደታናወ ሀዋን ኤቃይ።

7 ቃይ ታማነ ላኤ ኑ አዋቱዋ ዛራቱ ጳሳዉ ቃማነ ጋላስ ኡባይ ሞንሰ ጎይኒደ፡ ጳሳይ እማና ጌዳዋ አካናወ ናሽቻን ናጌና፤ ካትያ አግሪጳ፡ አይሁዳቱ ታና ሞትያዎ ታን ሄዋ ናሽቻን ናግያ ድራሳ።

8 እይሁዳቶ፣ ጸላይ ሀይቄዳዋንታ ደንልያዎ እያወ አማንክቲ።

9 “ታን ታ ሁጸወካ ናዝሬትያ የሱሳ ኤቃታናወ በሴ ጋደ ካሰ ቆጋድ።

10 ታን የሩሳሳመን ኤልዳዌ ሀዋ፤ ቄሳቲዋ ካገቱዋጥ ማታ አካደ፣ ጸላ አሳቲዋጥ ጮራቲዋ ቃሽሳድ፤ ኤንቲንታ ዋድያ ዋደካ ኤንቲንቲ ሀይቄያዎ ደሳድ።

11 እይሁዳ ዋሳ ገለ ኡባን ዳር ዋደ ኤንቲንታ ሙራድ፣ ባረንቲ አማኑዋ ኤንቲንቲ አጋና ማላ ጎደታድ፤ ታን ዋጋይ ባይናዋ ኤንቲንቲ ሀንቀታድ፣ ሀራይ አቶ፣ ሀራ ጋድያ ካታማ ጋካናወካ ኤንቲንታ ሙቶሳይ።

ጳውሎስ ባረ ሁጸወ ክርስቶስ ዋት አማኔደንቶ ኦዴዳ

(9:1-19፤ 22:6-16)

12 “ታን ሀ የዋ ቄሳቲዋ ካገቱዋጥ ማታን አዛዙዋ አካደ ዳማስቆ ባድ።

13 ካተወ፣ ታን ሴታ ጋላስ ኦግያን ደአሸን፣ አዋ ፖኤዋጥ ሎይሳ አድያ ፖኤ ታናን ታናና ቤዳዋንታ ዩይ አዲድ፣ ሳሉዋጥ ፖአሸን በአድ።

14 ኮን ኡባይ ሳካን ኩንዴዳ ዋድ፣ አብራይስጶ ቃሳን፣ ሳኦላ፣ ሳኦላ፣ ታና እያወ የደሳን ሙቶሳይ? ነን ታና እጸሳን ነና ቆሃሳ? ያገደ ታወ ኦድሸን ሰሳድ።

15 “ያታደ፣ ‘ታ ጎዳወ፣ ነን ኦኔ?’ ያጋድ።

16 “ጎዳይ፣ ‘ታን ነን የደሳን ሙቶሳይ የሱሳ።

17 ሽን ደንዳ ኤቃ፤ እያወ ጎጥ፣ ሀቼ ነን ታና ቤኤዳዋን ታን ነና ስንላጥ በሳናዋ ሀራንቶ ማርካታና ማላ፣ ታወ ኤልያዋ ኡዳደ ነና ሱንሳናወ ነወ ቆንጫድ።

17-18 ኤንቲንቲ ታና አማንና፣ ኤንቲንቲ ናጋራይ አቶ ጌተታናዳን፣ ጸላይ ዶራዳ አሳ ግደን ኤንቲንቲ ባረንቲ ደአያሳ ደማናዳን፣ ቃይ ቋማጥ ፖኤዋ ሰማናዳን፤ ጸላህያ ጎዳተላገክ ጸላኩ ሰማናዳን፣ ኤንቲንቲ አይፍያ ነን ደያና ማላ፣ እስራኤልያ አሳገን ታን ነና ኤንቲንቲኩ ኪትያ አይሁዳ ግደናዋንቲ ነና አሻና? ያገዳ።

19 “ካትያ አገሪጻ፣ ሄዋ ድራወ፣ ታወ ሳሉዋጥ ቤቲዳ ሳጸወ ታን አዛዘታናዋ አጸበይከ።

20 ሽን ታን ካሰታደ፣ ዳማስቆን የሩሳሳመን ሄዋጥ ጉይያን፣ ይሁዳ ጋድያ ኡባን ደአያዋንቲስ አይሁዳ ግደናዋንቶ ባረንቲ ናጋራጥ ሰማና ማላ፣ ቃይ ናጋራጥ ሰማናወ በሰያዋ ኦልድ፣ ጸላኩ ሰማና ማላ ቃላ ኦድድ።

21 ሄዋ ድራወ፣ እይሁዳቲ ታና ገሻ ጎልያን አይቄደ ዋቆናወ ኮዬድና።

22-23 ሄዋ ድራወ፣ ታን ጸላ ማዲዋ አካደ፣ ዳርን ጉላወ ሀቼ ጋካናወካ ኤቃይ ማርካታይ። ናባቲን ሙሴ፣ ‘ክርስቶስ ሙቶታናወ በሴ፤ ቃይ ሀይቄዋጥ ኮይሮ ደንዳድ፣ እይሁዳቶን እይሁዳ ግደናዋንቶ አቶተላ ፖኤዋ ኦዳናወ በሴ’ ጌዳዋዳን፣ ታንካ ኤንቲንቲ ሃሳዬዳዋጥ ሀራ እትባን ሃሳዬዳባይ ባዋ” ያገዳ።

24 ጳውሎስ ባረንቲባ ሀዋዳን ያገደ ዛርሸን፣ ፕስጶስ ኮሻ ቆቁ ኦልድ አ ሃሳያ ቋባናወ። “ጳውሎሳ፣ ነን ጎያ፤ ነን ዳሪ ታማራዳዌ ነና ጎሻና ሀኔ” ያገዳ።

25 ሽን ጳውሎስ ሀዋዳን ያገደ፤ “ቦንቼቲዳ ፕስጶሳ፣ ታን ቲማተላን ሎኦ የወዋን ዋዛና ቆፋ ሃሳይያዋጥ አትን ጎይከ።

26 ታን ካትያ አገሪጻወ ሀ የወዋ ቆንጭያን ኦድያዋ አ ኤራ፤ እያወ ጎጥ፣ ሀ የወ ጌማን ኦስትቤና ድራወ፣ ሀዋጥ አቲን አጥ ጌመናዋ ታን ገሻደ ኤራይ።

27 “ካትያ አገሪጻ፣ ነን ናባቲ ጌዳዋ አማናይ? ነን ኤንቲንቲ ጌዳዋ አማንያዋ ታን ኤራይ” ያገዳ።

28 ካትያ አገሪጻይ ጳውሎሳ፣ “ሀእ ሀ ቃንላ ዋዳትንካ ታና አማንሳናወ ኮያይ?” ያገዳ።

29 ሄዋጥ ጉየ ጳውሎስ፣ “ዳር ዋደ ግድና፣ ጉላ ዋደ ግድና፣ ነ ጸላላ ግዳካ፤ ሽን ሀቼ ታን ኦድያዋ ሰሰያ ኡባይ ቃይ ታዋዳን ቃሸቶፕኖ አትን፣ ታ ማላ ግዳናዳን ጸላ ዋሳይ” ያገዳ።

30 ሄዋጥ ጉይያን ካቲ፣ ሞድያ ፕስጶስ፣ ባርኒቀን፣ ኤንቲንቲና ደአያ ኡባይ ደንድ።

31 እት ባጋ ሰሚድ፣ እቲ እቲዋና፣ “ሀ ብታኒ ሀይቄሳይ አቶ ሸን፣ ቃሸዋሰካ በሰያባ ኦልቤና” ያግ ሃሳዬድና።

32 አገሪጻይ ፕስጶሳ፣ “ሀ ብታኒ፣ ‘ቄሳሪ ታባ ፕርዶ’ ግቤነንቶ፣ ብለታናወ ዳንዳይ ሸን” ያገዳ።

## 27

ጳውሎስ ሮመ ቤዳ

1 ኮን ማርካብያን ጸልያ ባናወ ቆፕ ኡቲዳ ዋደ፣ ጳውሎሳን ሀራ አማራዳ ቃሸቲዳ አሳቲዋ አወግሰጸሳ ዋታዳራቲዋ ግያዋንቲጥ እት ዩልዮሳ ግያ ጴታቲዋ ካፖ አሊደ አማድና።

2 እሱን ጋዳን ደእያ ጋዳቱዋ ብያ እድራምጽዮና ማርካብያን ገሊደ ቤደ፤ ማቅደንያ አሳ ግድያ ተሰሎንቀ እርሰጽሮኩስ ኑናና ደእ።

3 ዋንትሳ ጋላስ ኑን ሲደና ጋክሸን፣ ዩልዮስ ጳውሎሳው ዳርጥ እ፣ “ነ ዳባቱ ኑና ኮሸያባ ማዳና ማላ፣ ኑን ኡንቱንቱክ ባናው ዳንዳያ” ያጌዳ።

4 ሄዋጥ ደንዲደ፣ ሰንሳኑ ኑ ቦላ ጫርክያ ድራው፣ ቆጶሮሳ ሃላን ደደቲዳ ሳእን ጫርከና ባጋ ቤደ።

5 ክልቂያ ማጉንን ጽንፍልያ ማጉን ደእያ አባ ጥጊደ፣ ልቅያን ደእያ ሙራ ጋኬድ።

6 ሄዋን ጴጋቱዋ ካፑ ጸልያ ብያ እስክንድርያ ማርካብያ ደሚደ፣ እን ኑና ገልሴዳ።

7 ኑን ጮራ ዋድያ ሎዳን ቢደ፣ ዳር መቱዋን ቀንዶሳ ካጉማ ጋኬደ፤ ሄዋና ባናው ኑና ጫርኩ ድግና ሳልሞናና አጂደ፣ ሃላን ደደቲዳ ቃርጾሳን ጫርኩዋጥ ተኦቲደ ቤደ።

8 ቃይካ ዳር መቱዋን ጋዳና ጋዳና አጂደ፣ ላሰያ ካጉማ ማጉን ደእያ አባ ድናን ማርካብ ዋፑ ጊደ ሸምጥያ ሳ ጌተትያሳ ዩደ።

9 ኑን ሄዋን ጮራ ዋድያ ጋምኤዳዋጥ ጉይያን፣ ጸማይ ብለት ድጌዳ ድራው፣ ማርካብያን ብያዌካ ሀርግሸን ጳውሎስ ኡንቱንታ ዞሪደ።

10 “አሳው፣ ኑ ቡሳን ዋልቃማ ቦሻይን ዳር ባሻይ ደአናዌ ታው ቤቱ፤ ባሻይ ይያዌ ጫና ቦላን ማርካብያ ቦላ ጸላላን ግድና፤ ኑ ሸምጥዋ ቦላካ ያናዋ” ያጌዳ።

11 ሸን ጴጋቱዋ ካፑ ጳውሎስ ጌዳዋጥ አሊደ፣ ማርካብያን ደእያዋንታ አዛዝያዌን ማርካብያ ጎዳይ ግያዋ አማኔ።

12 ሄ አባ ማጉ ካጉማይ ባልጉዋ ሻጫናው ኡንቱንቶ ሚከና ካጉማ፤ ሄዋ ድራው፣ ጮራ አሳቱ ባርጎቶ ዳንዳቶ፣ ጥንቀ ግያ ካጉማ ጋኬደ፣ ባልጉዋ ያን ሻጫና ማላ፣ ያጥ ደንዳናው ዘርቴድና፤ ጥንቀን ደእያ ማርካብ ሸምጥያ ሚከ ሳእይ ደየቲዳዌ፣ አዋይ ወልደሳጥን ኡሸቻ ባጋጥ ግዳዋን፣ ቃይ ወልደሳጥን ሀድርሳጥ ግዳዋና።

**አባ ቦላን ጎቱ ደንዳዳ**

13 አዋይ ከሰያሳ ጸልያ ዋይ ኡሸቻ ዳገሃ ባጋ ጫርኩ ሎዳን ጫርኬዳ ዋይ፣ ባርጎቱ ቆፔዳዋዳን ሀኔዳዋ ኡንቱንቶ ማላትና ደንዳድና፤ ማርካብ ቤና ማላ ኦይቂያ ብራታ ዋይ ዳዕደ፣ ቃርጾሳ ማጉቲደ፣ ላንቂያና አጂድና።

14 ሸን ዳሪ ጋምኤናን፣ “አወራቂስ”\* ግያ ዳር ዋልቃማ ጎቱ ሃላ ግደን ደእያ ሳአጥ ዳገ ኡንቱንቱ ቦላ ደንዳዳ።

15 ሄ ጎቱ ማርካብያ ደቺደ አ□ናን ድግና፣ ባናው ኑወ ዳንዳየተናን እጾዳ ድራው፣ ማርካብያ እ አፍያሳ አጊደ ቤደ።

16 ኑን ቂዳ ግያ ሃላን ደደቲዳ ጫርኩዋጥ ጌሜዳ ሳና አጅያ ዋይ፣ ዳርስ መቶቲደ ማርካብያ ዋንግርያን ናግ አሻናው ዳንዳዬደ።

17 ኡንቱንቱ ዋንግርያ ዋይ ከሴዳዋጥ ጉይያን፣ ጋድያን ማርካብያ ጸጺደ፣ ምንሰ ቃቼድና፤ ሰርጽሳ ግያ ሻዕ ኩሚዳ ሳን ባርጎታ ኩንድሳንቶን ጊደ ሀርጊደ፣ ማርካብያ አፍያ ሻራ ዋሊደ፣ ጫርኩዋን ማርካብያ ጮ የድ አጌድና።

18 ጎቱ ዋልቃሚደ ኑ ቦላን ዋልቃሚዳ ድራው፣ ዋንትሳ ጋላስ ጫናጥ አባን ኦሉዋ ደሚድና።

19 ሄዘንሰያ ጋላሰካ ማርካብያን ደእያ ሚሻ ኡንቱንቱ ባርጎቱ ኩሸያን ኦሊድና።

20 ኑን ዳር ዋድያ አዋን ጸልንትያ በኤናን፣ ዋልቃማ ኡሹ ኑ ቦላ ቡክሸን፣ ሰንሳጥ ጳየናን አቶኮ ጊደ ቆፔደ።

21 ኡንቱንቱ ዳር ዋድያ ቁማ ሚናን ጋምኤዳዋጥ ጉይያን፣ ጳውሎስ ሄ ዋይ ኡንቱንቱ ግድን ደንድ ኤቂደ፣ ሀዋዳን ያጌዳ፤ “አሳው፣ ሀንተንቱ ታ ዘርያ እኩደንቶን ቃርጾሳጥ ደንደናን አቲደንቶ፣ ሀዋ ማላ ባየላይን ቆሁ ኑና ጋከና።

22 ሸን ሀእካ ታን ሀንተንታ ያዮጥተ ጋይ ዞራይ፤ እያው ጎጥ፣ ሀ ማርካብ ባናጥ አትን፣ ሀንተንቱጥ አት ኡራ ሸምጥካ ባየና።

23 እያው ጎጥ፣ ጸሳ ከታንቻይ፣ ታና ሞዴዳ ታን ጎይንያ ጸሳዌ፣ ዝና ቃማ ታ ማጉን ኤቂደ።

24 ጳውሎሳ፣ ያዮጥ፤ ኑን ርመ ጋድያ ካትያ ቁሳራ ሰንሳን ኤቃናው በሲ፤ በእ፣ ጸሳይ ባር ከካተላን ኔናና ብያ አሳ ኡባ ሸምጥዋ አሻና ያጌዳ።

25 ሄዋ ድራው አሳው፣ ያዮጥተ። እያው ጎጥ፣ ሄ ከታንቻይ ታው ኦዴዳዋዳን ሀናናዋ ታን ጸሳ አማናይ።

26 ሸን ጫርኩ ኑና አት ሃላን ደደቲዳ ሳእን አባ ድናን ደምእሳና” ያጌዳ።

27 ታማን ኦይደንሳ ጋላስ ሚድትራንያ አባን ኑና ጫርኩ ያን ሃን ሱግሸን፣ ማርካብያን ኦልያዋንቶ ቃማ ብላሂ ቢታኮ ማቲዳዋ ማላቲዳ።

\* 27:14 “አወራቂስ” ጌተትያ ዋልቃማ ጎቱ ክል ዩይጥ ወላሃ ባጋ ጫርክያዋ ግድያዋ በሲ።

28 እንቲንቱ ልክያ ጋድያ ጸራን ጸድያ ቃቺደ፡ ሃላን የግር፡ ሃላይ ኦይታሙ ሞትርያ ጨማቴዳዋ ኤሬድኖ። ጉላ ጋምኢደ፡ ላኢንሱዋ የጊደ፡ ሀታሙ ሞትርያ ጨማቴዳዋ ኤሬድኖ።

29 እንቲንቱ ሹቻትያንን ኩንደና ማላ ያዪደ፡ ማርካቢ ቤና ማላ ኦይቂያ ኦይዱ ብራታ ማርካብያ፣ ጉዳና አባን የጊደ፡ ሳእይ ምንታና ማላ፡ ባረንቱ ጸሳቱዋ ሞሲኖ።

30 ማርካብያን ኦልያዋንቱ ማርካብያ፣ ክቻናዉ ኮዪደ፡ ማርካቢ ቤና ማላ ኦይቂያ አማሬዳ ብራታቱዋ ማርካብያ፣ ሰንላ ባጋና አባን የጊያዋ ማላቲደ፡ ምንግርያ አባን ዋልዳ ዋደ።

31 ጳውሎስ ጴጋቱዋ ካፑዋን ምታዳራቱዋ፡ “ሀዋንቱ ማርካብያ ግደን ደኢና ጳየ፣ ሀንተንቱ አታናዉ ዳንዳይክታ” ያጌደ።

32 ሄዋ፣ ጉይያን፡ ምታዳራቱ ምንግሪ ቃሽቲዳ ጋድያ ቃንጺደ፡ የድ እጌድኖ።

33 ሳእይ ምንታና ሀንሸን፡ ጳውሎስ ኡባይ ቁማ ማና ማላ፡ ሀዋዳን ያጊደ ዋሴዳ፤ “ሀንተንቱ ሀቼና ታማን ኦይዱ ጋላሳ ናጌድታ፤ ቃይ ሄ ኡባንካ ቁማ ምባይክታ።

34 ሃዋ ድራዉ፡ ጉላ ቁማ ሀንተንቱ ማና ማላ፡ ታን ሀንተንታ ምሳይ፤ እያዉ ሳ፣ ሀንተንቱ ፓጸ ደኢናዉ ጉላ ቁማ ማና ኮሼ፤ ሀራይ አቶ ሀንተንቱ ሁጺያ ብናና፣ እቲካ ባየና” ያጌዳ።

35 ጳውሎስ ሀዋ ጊደ፡ ኡክላ አኪደ፡ ኡባ ሰንላን ጸሳ ጋላቲዳ፤ መንሰ ሙሳ ደሚዳ።

36 ሄዋ፣ ጉይያን ኡባይ ሎይሰ፡ ባረንቶ ቃይ ቁማ ሚድኖ።

37 ኑን ማርካብያን ደኢያዋንቱ ላኡ ጴጋን ላፑን ታማን ኡሱፑና።

38 እንቲንቱ ሚደ ካሌዳ ዋደ፡ ጫና ዛርጋ አባን ኦሊደ ማርካብያ ደጸዋ ካዉሸሴድኖ።

**ማርካብያ መኡሳ**

39 ሳእይ ምንቲዳ ዋደ፡ ማርካብያን ኦልያዋንቱ ጋድያ ኤርባይክና፤ ሸን ሃላይ ገጊደ አባን ገሊዳሳ ምይያን ደኢያ ሻፍያ እኩካን ጸሌድኖ። ባረንቶ ዳንዳየትንቶ፡ ማርካብያ ሄ ሻፍያኮ ላጋናዉ ባረንቱ ቆፋ ቃቺድኖ።

40 ያቲደ ማርካቢ ቤና ማላ ኦይቂያ ብራታቱዋ ብሊደ፡ አባ ግደ የጌድኖ፤ ሄ ዋደ፡ ማርካብያ ኮዪዳሳ ዛሪደ ላግያ ምላ ቃቺዳ ጋድያ ብሊድኖ፤ ሄዋ፣ ጉይያን፡ ጫርኩ ማርካብያ ሰንላዉ ሱጋና ማላ፡ ማርካብያ አፍያ ሻራ ሰንላ ባጋና ጴቁ ኦሊደ፡ ቡሳ ደሚድኖ።

41 ሸን ማርካቢ ጨሙ ደኢያሳ፣ ስኢደ ሃላን ደደቲዳ ሳእ ማታን ደኢያ ደላሳን ደምኤት ኤቁዳ፤ ማርካብያዉ ጉየ ባጋይ ቤታ ሰንላን መኡራትሸን፡ ሰንላ ባጋይ ዱገ ትሸቲደ፡ ቃጸናን እጸ አጌዳ።

42 ምታዳራቱ ቃሽቲዳ አሳ፣ እቲን ሃላ ዋጲደ ከሰ እክቤና ማላ፡ ኡንቲንታ ምጻናዉ ዞረቲድኖ።

43 ሸን ጴጋቱዋ ካፑ ጳውሎስ አሻናዉ ኮዪደ፡ ምታዳራቱዋ ማቁዋ እጸዳ፤ ሃላ ዋጻ ኤርያ ኡባይ ማርካብያ፣ ሃላን ጉፕ ጉፒደ ካሰቲደ ጋጸ ከሳና ማላ አዛዜዳ።

44 እቴዎዋንቱ፣ አማራዳዋንቱ ሳንቃን፡ አማራዳዋንቱ ቃይ ማርካብያ መኡዋን ከሳና ማላ አዛዜዳ፤ ሄዋዳን ኡባቲካ ጋጸ ሳርተላን ከሴድኖ።

**28**

**ጳውሎስ ማልታ ግያ ሃላን ደደቲዳ ሳእ ቤዳ**

1 ኑን ጋጸ ሳርተላን ከሴዳ ዋደ፡ ሄ ሃላን ደደቲዳ ሳእይ ማልታ ጌተትያዋ ኤሬድ።

2 ሃላን ደደቲዳ ሳእን ደኢያ አሳቲ ኑዉ ዳር ከካተላ ኬኬድኖ፤ አራይ ቡካናዉ ደሚዳ ድራዉን ማጉዋ ድራዉ፡ ታማ ኤሊደ፡ ኑና ኡባ ሞኬድኖ።

3 ጳውሎስ ዳር ቃይጶርያ ምላ ምጺደ ታማን የግሸን፡ ማርካማ ሾሻይ ሲላ ድራዉ ከሲደ፡ አ ኩሽያን ጸጸቲደ፡ አ ዱኬዳ።

4 ሃላን ደደቲዳ ሳእን ደኢያ አሳቲ ቅርጫንትያ ሾሻይ ጳውሎስ ኩሽያን ጸጸቲዳዋ በኤዳ ዋደ እቲ እቶ፡ “ቴሙ ሀ ብታኒ ሸምፑዋ ዋቲያ አሳ፤ ሀራይ አቶ አባ፣ እ እትናካ ኑ ጸሳ ፕርዳይ አ ፓጸ ደኢ ግቤና” ያጌድኖ።

5 ሸን ጳውሎስ ባረ ኩሽያ፣ ቅርጫንትያ ሾሻ ወጸኪደ፡ ታማን ኦሊዳ፤ አ እይን ኦሊቤና።

6 እንቲንቱ፡ “አ ቦላይካ ጋሬ፤ ዋይ እኩክናን ኩንዳደ ሀዪ” ያጊደ አ ናጊኖ፤ ሸን ጮራ ዋድያ ናጊደ፡ አ ቦላን እይን ዲማቴዳባይ ጳይና፡ “ሀዋ ጸሳ” ያጊደ ባረንቱ ቆፋ ባሽ አጌድኖ።

7 ሄዋ ሄራን ሃላን ደደቲ ኡቴዳ ሳእ ካፑዋ ፑፕልዮ ግያዋ ጋዲ ደኤ፤ አ ኑና አማላተላ፡ ሄዘ ጋላሳ ሲቁዋን ሞክ ሞይዜዳ።

8 ፑፕልዮ ሳእ ኡቆጶዳ፡ ሲላን ኡሉዋ ካጻ ሳከት ግሲደ ደኤ፤ ጳውሎስ አ ሶይ ገሊደ፡ አዉ ጸሳ ዋሴዳ፤ ባረ ኩሽያ አ ቦላ ዋሊደ፡ አ ፓሌዳ።

9 ሄዋ፣ ጉይያን፡ ሄ ሃላን ደደቲዳ ሳእን ሀርግያ ሀራ ኡባ አሳይካ ቃይ ዪደ ፓጶዳ።

10 ሄዋ፣ ሰምና ኑና ዳር ቦንቹዋ ቦንቹድኖ፤ ኑን ማርካብያን ባናዉ ደንዳዳ ዋደ፡ ኦገዉ ኑና ኩሽያባ ኑዉ አሚድኖ።



ጳውሎስ ማልታጥ ሮሙ ቤዳ

11 ሄዙ አገናጥ ጉይያን፣ ሃሳን ደድቲዳ ሳኒን ባልጉዋ አሊደ፣ “ማንተ ጸሳ”\* ግያ እስክንድርያ ማርካብያን ባናው ደንዶደ።

12 ኑን ስራኩስ ግያ ካታማ ገሊደ፣ ያን ሄዙ ጋላ ጹቲደ።

13 ሄዋጥ የዪደ፣ ረገደሙ ግያ ካታማ ጋኬደ። እት ጋላሳጥ ጉይያን፣ አዋይ ከሰያሳ ጾልያ ዋደ ኡሸቻ ዱገሃ ባጋ ጫርኩ ጫርክና፣ ዋንትሳ ጋላስ ፑትያሉሳ ግያ ካታማ ዬደ።

14 ሄዋን ኑን እት እት አማንያዋንታ ደምና፣ ባረንቲና ላፑ ጋላሳ ኡታና ማላ፣ ኑና ዋሴድና፤ ሄዋጥ ቃይ ሮሙ ዬደ።

15 ሮሙን ደሊያ አማንያዋንቱ ኑባ ሰሲደ፣ አፍያሳ ገያን “ሄዙ አቅያሳ ጌተትያሳ” ጋካናው ኑና ዋካናው ዬድና፤ ጳውሎስ ኡንቲንታ በኤዳ ዋደ ጸሳ ጋላቲደ፣ ዋካናን ዋንሴዳ።

ጳውሎስ ሮሙን ታማርሴዳ

16 ኑን ሮሙ ገሊዳ ዋደ፣ ጳውሎስ ባረና ናግያ ዋታዳራና ባረካ ደአናዳን ኦስቲዳ።

17 ሄዙ ጋላሳጥ ጉይያን፣ ጳውሎስ አይሁዳቱዋ ካፓቱዋ ባረኩ ጸሴዳ፤ ኡንቲንቱ ሸቄዳ ዋደ፣ ኡንቲንታ ሀዋዳን ያጌዳ፤ “ታናዳን አማንያዋንቶ፣ ታን ኑ አሳ ዋይ ኑ አዋቱዋ ዋጋ ኢታባ አይነ ኦጋና፣ ታና የሩሳላሙን ቃቺደ፣ ሮሙ አሳው አሊደ አሜድና።

18 ኡንቲንቱ ታና ብዴዳዋጥ ጉዮ፣ ሀይቃናው በሰያባይ ታ ቦላ አይነ ባይና ድራው፣ ታና ብላናው ኮዬድና።

19 ሸን ሄዋ አይሁዳቱ ኤኖ ጌናን እጾዳ ዋደ፣ ‘ታባ ቄሳረ ፕርዶ’ ጋናዌ ታና ኮሼዳጥ አትን፣ ታን ታ ዘርያ ሞትያባይ ታው ደአና ግደና።

20 ታን ህንተንቲና ጋከታናውን ሃሳያናው ህንተንታ ጾሴዳዌ ሄዋሳ፤ እያው ጎጥ፣ እስራኤልያ አሳይ ናሸቻን ናግያዋ ድራው ታን ሀ ሳንሳላታን ቃሸታድ” ያጌዳ።

21 አይሁዳ ጭማቱ ጳውሎሳ፣ “ኑን ይሁዳጥ ነባው ዳብዳቢያ እክበይኩ። ኑ አሻቱዋጥካ ሀራይ አቶ፣ አቲካ ዪደ፣ ነባ ኦድቤና፤ ዋይ ነ ሱንላ ባይዚደ፣ ኑው ኦድቤና።

22 ሸን ሄ አሳ ሱንላ ኡባ ሳን አሳይ ባይዚደ ሃሳይያዋ ኑን ኤርያ ድራው፣ ነ ቆፋ ሰሳናው ኮዬቶ” ያጌድና።

23 ኡንቲንቱ ባረንቱ ያና ጋላሳ ጳውሎሳው ኬሪደ፣ ሄ ጋላስ ጮሪደ እ ደሊያሳ ዬድና፤ እካ ኡንቲንቶ ጸሳ ካውተሳባ ማርካቲዳ። ቃይ ኡንቲንቱ የሱሳባ አማናና ማላ፣ ሙሴ ህግያጥን ናባቱ ጸፊዳዋጥ እኪደ ኡንቲንታ ታማርሴደ፣ ዋንታጥ አማርስ ጋካናው ሎልላ ኦዴዳ።

24 ባጋቱ ጳውሎስ ጌዳዋ አሜድና፤ ሸን ባጋቱ አማንበይክና።

25 ኡንቲንቱ ባረንቱ ግደን የወዋ ኤኖ ጌናን እጾዳ ዋደ፣ ጳውሎስ እትባ ጌዳዋጥ ጉይያን ቤድና፤ እ ሀዋዳን ያጌዳ፤ “ጌሻ አያናይ ኑ አዋቶ ናብያ ኢሰያሳ ማጸፋን፣

26 “ ኔን ሄ አሳኩ ባደ ሀዋዳን ጋ፤

“ህንተንቱ ሰሳ ሰሳና፣

ሸን ህንተንቶ ገለና፤

ህንተንቱ ጾላ ጾላና፣

ሸን በእክታ።

27 አያው ጎጥ፣ ሀ አሳ ዋካናይ ጉዙሜዳ፤

ባረንቱ ሀይላ ቱልሴድና፤

ባረንቱ አይፍያካ ጨሎሜድና።

ሄዌ ባዌንቶ፣ ባረንቱ አይፍያን በአና፤

ኡንቲንቱ ሀይላይካ ሰሳና፤

ኡንቲንቱ ዋካናይካ እኬካና፤

ኡንቲንቱ ታኩ ጸሳኩ ሰማና።

ቃይ ታንካ ኡንቲንታ ፓላና”

ያጋ፣ ያጌዳ።

28 “ሰም ሀዌ ጸሳ አቶተላይ፣ አይሁዳ ግደናዋንቶ ኪተቲዳዌ ህንተንቶ ኤረቶ። ቃይ ኡንቲንቲካ ሰሳና” ያጌዳ።

29 [ጳውሎስ ሄዋ ጌዳዋጥ ጉይያን፣ አይሁዳቱ ባረንቱ ግደን ዳር ፓሎሙቲደ ቤድና።]†

30 ጳውሎስ ክራ ገልያን ላኡ ላይላ ኩሙንላ ደኢደ፣ ባረኩ ይያ ኡባ ሞኪ።

31 ባረና ኡንካ ድገናን ጸሳ ካውተሳባን ጎዳ የሱስ ክርስቶስሳባ ኦዲደ፣ ያየናን ዳሪ ቆንጭሲደ ታማርሴዳ።

\* 28:11 ማንተ ጸሳ፡- ሀዋንቱ ላኡ አቲማ ናናቱ፣ ካሰቶርን ፓሎክሳ ጌተትያዋንቱ ዘወሰ ናናቱዋ ግዲደ፣ ማርካብያን ደሊያ አሳቱዋ ናግያ ጸሳቱዋ ጌተቲደ ጾሴቲና። 28:27 እሳ. 6:9-10 † 28:29 ዲማ ዲማ ማጸፋቱ ሀዋ ጌቻድዋ፣ ጳውሎስ ሀዋ ጌዳዋጥ ጉይያን ግያዋና።

# ጳውሎስ ርመ አሳዉ ጸፊዳ ኪታ ገሉዋ

የሱስ ኪቲዳ ጳውሎስ ርመ አሳዉ ጸፊዳ ኪታይ፣ ጳውሎስ ርመን ደእያ ዋሳ ጎልያ ጸሞሳናዉ ቆፔዳ ድራዉ፣ እ ባናዉ ኡንቲንቲ ገዢደ ናጋናዳን ኦላናሳ። ጳውሎሳ ቆፋይ ርመን ደእያ አማንያዋንቲና ጉላ ዋድያ ኦፊዳዋፕ ጉይያን፣ ኡንቲንቲ ማድና እስፔን ባናሳ። ክርሰትና አማኑዋባ ባረ ኡሬዳዋን ሄዋ ቃይ አማንያ አሳይ ኡሱዋን ፔሻና ሀናታ ቆንጭሲደ ጸፊዳ። ጳውሎሳ ቆፋይ ኩመንላ ሀናታን ቤትያዌ ሀ ኪታና።

ጳውሎስ ርመን ደእያ አማንያዋንቲ ሳርታ አላዋፕን ኡንቲንቲ ዋሳናዋካ ሀድታ አሞዋፕ ጉይያን፣ ኪታዉ ግደ ቆፋይ “ሞሽራቹዋ ቃላይ ጸሳይ እሳ ጽልሰያዌ፣ ኮይሩዋፕ ዉርሰሳ ጋካናዉ አማኑዋና ግድያዋ ኦዳ” (1:17)

ሄዋፕ ጉይያን ጳውሎስ ሀ ቆፋ እሲደ ጸፊ። አይሁዳቲዋ ግድናካ አይሁዳ ግድና አሳ ግድናካ ኡባይ ናጋራዉ ሞደትያዋንታ ግድያ ድራዉ፣ ኡንቲንቲ ጸሳና ሰገታናዉ ኮሼ። አሳይ ጸሳና ሰገታናዉ ዳንዳይያዌ የሱስ ክርሰትሳን አማንያዋና። ጸሳና መድያ ኦራሳ እትፕተሳ አይፊ ኦራሳ ደኡዋ ግድያዋ ጳውሎስ እሲደ ኦዳዳ። አማንያ አሳይ ጸሳና ሳር ደኡ። ቃይ ጸሳ አያና ባጋና ናጋራን ሀይቆዋ ዋልቃፕ ብለቲ። ጳውሎስ ጸሳ ቆፋይን አማንያ አሳ ደኡዋ ግድን ኦፊያ ጸሳ አያና ዋልቃ ቆፋይ አየንቶ ኦዳ (5-8)። ሄዋፕ ካሊደ ቃይ ጳውሎስ፣ “ጸሳይ አሳ ናናዉ ቆፔዳ ቆፋ ግድን አይሁዳቲን አይሁዳ ግድና አሳቲ ዋኒደ እትፕ ዋጸታናዉ ዳንዳይያናዋንቲሻ?” ያግያ ኦሻ ዛራናዉ ባጸቲደ ደኡ።

ቃይካ ጳውሎስ፣ አይሁዳቲ የሱሳ አከናን አኼዳዌ ጸሳ ቆፋ ግድያዋ ኦዳ። አያዉ ጎፕ፣ ሀዋ ማላ ሀናታን አሳ ዘርሳይ ኡባይ ጸሳይ የሱሳ ባጋና ቆንጭሴዳ አቶ ኬካተሳን እትፕተሳ ኦላናሳ። ግደ ሸን፣ አይሁዳቲ የሱሳ አካናዉ ዋዳ ያናዋ ጳውሎስ አማኑ። ዉርሰሳን ጳውሎስ ክርሰትና ደኡዋ ዋኒደ ደአናዉ በሰንቶ ኦዳ። ጸሳዉ ኦላናሳ፣ አማንያ አሳቲ ባረንቲ ጋድያሰን ባረንቲ ግድን አቲ እቶ ሰቆዋን ማታን ኦላናሳን ቆፋ ጋሱዋን ደንድያ ኦሻቲዋባ ቆንጭሲደ ኦዳ።

## ሸሞፓቲዋ ኡባቶ አመቲዳ ቃንሳ ቆፋቲዋ

- ርመ ኪታ ሁጸ ቆፋ ገሉዋ 1:1-17
- አቶተሳይ አሳዉ ኮሻያዋ ግድያዋ 1:18—3:20
- ጸሳ አሸዋ ኦግያ 3:21—4:25
- የሱሳን ቤትያ ኦራሳ ደኡዋ 5:1—8:39
- እስራኤልያ አሳዉ ደእያ ጸሳ ቆፋ 9:1—11:36
- ክርሰትናዉ በሰያ ኡሱዋ 12:1—15:13
- ዉርሰሳ ቆፋን ሳርታ 15:14—16:27

1 ባረ ሞሽራቹዋ ቃላ ኦዳናዉ ጸሳይ ዶሪደ ጼሴዳ ክርሰትሳ የሱሳ ቆማይ፣ የሱስ ክርሰትሳ ኪቲዳ ጳውሎስ፣ ታን ሀ ዳብዳቢያ ጸፋይ።

2 ጸሳይ ዳር ዋደፕ ካስ ባረ ናባቲዋ ባጋና ሞሽራቹዋ ቃላ አማና ያጌዳዌ ጸሳ ጌሻ ማጻፋቲዋን ጸፈቲዳ፤

3 ሄ ሞሽራቹዋ ቃላይ አሳ ግዲደ ዳዊተ ዛርያፕ የለቲዳ ጸሳ ናኦ፣ ኑ ጎዳ የሱስ ክርሰትሳሳ።

4 ቃይ እ ባረ ጌሻ አያናን \* ሀይቆዋፕ ደንዳዳዋን፣ ጸሳ ናኦ ግድያዋ ዋልቃማ ዋልቃን በሴዳ።

5 አይሁዳ ግድና አሳይ ኡባይ አማናናዳንን አዛዘታናዳን፣ ኑን ኡንቲንታ ካለላና ማላ፣ ጸሳይ ክርሰትሳ ሱንሳ ድራዉ፣ ክርሰትሳ ባጋና አቶ ኬካተሳን የሱስ ኪቲዳዋንታ ግድያ ማታ ኑዉ አሜዳ።

6 የሱስ ክርሰትሳዋ ግዳናዳን፣ ጸሳይ ጼሴዳ ህንተንቲካ ሄዋንቲ ግድን ደኡታ።

7 ጸሳይ ሰቆያዋንቲን ጌሻባ ኦላናዉ ጼሴዳ ርመ ጋድያን ደእያ ኡባቶ ጸሳ ኑ አዉዋፕን ጎዳ የሱስ ክርሰትሳፕ አቶ ኬካተሳይን ሳርተሳይ ህንተንቶ ግድ።

## ጋላታ ዋሳ

8 ካሰታደ ታን ህንተንቲ አማኑ ሳኦ ኡባን ሰስቲዳ ድራዉ፣ የሱስ ክርሰትሳ ባጋና ህንተንቶ ታን ጸሳ ጋላታይ።

9-10 አያዉ ጎፕ፣ ታን ኡባ ዋደ ታ ዋሳን ህንተንታ ሀሳይሰያዎ፣ ጸሳይ፣ ታን እ ናኦ ሞሽራቹዋ ቃላ ኦድያዋን ታ አያናን አዉ ኦፊያዌ ማርካ። ጸሳይ፣ ባረ ሸንያን፣ ታን ሀኦ ህንተንቲኮ ባናዉ ታ ኦግያ ሚኮያናዳን፣ ኡባ ዋደ ዋሳይ።

\* 1:4 ባረ ጌሻ አያናን- ዋይ “አን ደእያ ጌሻ አያና”

11 እያዉ ሳጥ፡ ታን ህንተንታ ምንሳናዉ፡ ህንተንቱና እትጥ እያና እሞታ ሻካና ማላ፡ ህንተንታ በእናዉ ላሞታይ።

12 ታን ግያዌ፡ ህንተንቱካ ታካ እት ዎደ ምነታና። ህንተንቱ ታ እማኑዋን፡ ቃይ ታንካ ህንተ እማኑዋን ምነታና።

13 ታናዳን እማንያዋንቶ፡ ታን ኡባ ዎደ ህንተንቱኮ ባናዉ ቆጋድ። ሽን ታና ድግያባይ ደእያዋ ህንተ ኤራናዉ በሴ፤ ታን ሀራይ እቶ እይሁዳ ግደና ሀራ እሳጥካ እይፍያ ደሚዳዋዳን፡ ህንተንቱጥካ እይፍያ ደማናዉ ኮያይ።

14 ታን እሳ ኡባዉ፡ ግሪክ እሳዉነ ታማርቤና እሳዉ ቃይ እጾ ኤራንቻቶን ኤያቶ ቃንጻና እጩ ደኤ።

15 ሄዋ ድራዉ፡ ታዉ ዳንዳየቲዳ ኬናን ሮመን ደእያ ህንተንቱካ ሞሽራቹዋ ቃላ ኦዳናዉ እሞታይ።

**ምሽራቹዋ ቃላይ ጸሳ ዎልቃ**

16 ሞሽራቹዋ ቃላይ ታና ዬላየና፤ እ እማንያ ኡባ፡ ካሰቲደ እይሁዳ እሳ ቃይ እይሁዳ ግደና እሳ እሻናዉ ጸሳጥ ይያ ዎልቃ።

17 እያዉ ሳጥ፡ ጸሳ ማጻፋይ፡ “ጽሎ ጸሳን እማነቲደ ደእና” ያግያዋዳን፡ ጸሳይ እሳ ኮይሮጥ ዉርሰላ ጋካናዉ፡ እማኑዋን ጽልሰያዋ ሞሽራቹዋ ቃላይ ቆንጭሴ።

**እሳ ኢታ ኦሱዋ**

18 ቱማተላይ ኤሪታናዋ ባረንቱ ኢታ ሀናታን ድግያ ናጋራ ኦሱዋ ኡባ ቦላንነ እሳ ኢታ ኦሱዋ ኡባ ቦላን፡ ጸሳ ህንቁ ሳሉዋጥ ዎጲደ ቆንጫና።

19 ኡንቱንቱ ጸሳባ ኤራና ዳንዳይያዋ ኡንቱንቶ ቆንጩ፤ እያዉ ሳጥ፡ ጸሳይ ኡንቱንቶ ቆንጭሴዳ።

20 ቤተና እ ሀናታይ፡ ሄዋካ እ መድና ዎልቃይነ እ ጸሳተላይ እትጥ ጸሳይ ሀ እላሞያ መጴዳዋጥ ደሚደ፡ ኡንቱንቶ ቆንጩደ ቤቲዳ፤ ኡንቱንቱ ሄዋ ጸሳይ መጴዳባጥ በእናዉ ዳንዳይያ ድራዉ፡ ኡንቱንቶ ጋሶይያባይ ባዋ።

21 እያዉ ሳጥ፡ ኡንቱንቱ ጸሳ ኤሮጥካ፡ እዉ በሰያ ቦንቹዋ እምቦይክና፤ ቃይ እ ጋላትክና። ሽን ኡንቱንቱ እላላ ከሰናባ ቆጥና፤ ቃይ ኡንቱንቱ እኪከና ዎዛይ ጴሚዳ።

22 ኡንቱንቱ ባረንታ እጴዳ ኤራንቻ ጊና፤ ሽን ኡንቱንቱ ኤያ።

23 ኡንቱንቱ ሀይቀና ጸሳዉ ጎይንያዋ እጸደ፡ ሀይቁያ እሳ መ□ታ፡ ካፋቱዋ መ□ታ፡ ደእቱዋ መ□ታን ትራን ጎሽትያዋንቱ መ□ታ መ□ታዳዋንቶ ጎይኔድና።

24 ሄዋ ድራዉ፡ ኡንቱንቱ እቲ እቲዋና ፖኮባ ኦላና ማላ፡ ጸሳይ ኡንቱንቱ ዎዛይ እሞትያ ቱናባ ኦላናዳን ኡንቱንታ ኡኤዳ።

25 እያዉ ሳጥ፡ ኡንቱንቱ ጸሳ ቱማተላ ዎርዱዋን ላሚድና፤ ቃይ መጴዳ ጸሳ እጊደ፡ እ መጴዳባዉ ጎይኔድና፤ እጴድና። ጸሳይ መድናዉ ጋላተቲዳዋ። እመንእ።

26 ሄዋ ድራዉ፡ ጸሳይ ኡንቱንቱ ፖኮባ እሞታና ማላ፡ ኡንቱንታ ኡኤዳ፤ ሀራይ እቶ ኡንቱንቱ ማጫዋንቱ ባረንቶ በሰያዋ ኡጊደ፡ በሰናዋ ሀኔድና።

27 ሀዋዳንካ፡ እቲማ እሳይ ቃይ ባረንቶ በሰያዋዳን ማጫዋንቱና ጋከትያዋ እጊደ፡ እቲ እቲዋና ጋከታናዉ ኮዬድና፤ እቲማ እሳይ እቲ እቲዋና ፖኮባ ኡጲደ፡ ባረንቱ ኡጲዳ ባላን ባረንቶ በሰያ ፕርዳ እኪድና።

28 ኡንቱንቱ ጸሳ ኤራናዉ ደሰናን እጹዳዋ ኬና ጸሳይ ኡንቱንቱ በሰናዋ ኦላና ማላ፡ ኡንቱንቶ ፓ□ና ቆፋ እሜዳ።

29 ኡንቱንቱን ቱናተላይ፡ ኢታተላይ፡ ዮራተላይነ ኢታ ሀናታይ ኩሜዳ፤ ቃይ ኡንቱንቱን ቃናቲ፡ ሸምጥዋ ዎጲያ ቆፋይ፡ ፓሉማይ፡ ጭሙሳይነ ኢታ ቆፋይ ኩሜዳ፤ ቃይ ኡንቱንቱ ሰቅያዋንታ።

30 ዝግርያዋንታ፡ ጸሳ እጸያዋንታ፡ ቦርያዋንታ፡ ኦቶሪትያዋንታ፡ ጩቅትያዋንታ፡ ኢታባ ኦላናዉ ኮይያዋንታን ባረንቱ እዋነ እትዉ እዛዘተናዋንታ።

31 ቆፋይ ባይናዋንታ፡ እማኑ ባይናዋንታ፡ ሀራንቶ ቃረተናዋንታን ማረናዋንታ።

32 ኡንቱንቱ ሀዋንቱ ማላ ኡጸያዋንቶ ሀይቁ በሴ ግያ ጸሳ ሀግያ ኤሪደ፡ ሀዋንታ ኡላና፤ ሄዋ ጸላላ ግደናን፡ ሀዋንታ ኡጸያዋንታካ ኡጸተ ጊደ ሞንሲና።

**2**

**ጸሳ ፕርዳ**

1 ሄዋ ድራዉ፡ ኔና ሀራንቱ ቦላ ፕርድያዎ፡ ነዉ ጋሶይያባይ ባዋ፤ እያዉ ሳጥ፡ ኔን ሀራንቱ ቦላ ፕርዳደ፡ ሄ ኔን ኡንቱንቱ ቦላ ፕርድያዋ ማላ ኡጸጥ፡ ነ ቦላ ፕርዳሳ።

2 ኔን ሀዋ ማላ ኡሱዋ ኡጸያዋንቱ ቦላ ጸሳይ ጽሎ ፕርዳ ፕርድያዋ ኤራቶ።

- 3 ነድ፣ ሀዋ ማለ እሱዋ እልያዎንቱ ቦላ ፕርድያዎ፣ ቃይ ሄ ኔን ፕርድያዎ ማለ እልያዎ፣ ኔን ጸሓ ፕርድፕ እትያዎ ማላቲ?
- 4 ዋይ ጸሓ ዋልቃማ ከካተላ፣ ገንጨዋን ዳንዳያ ካቆይሻ? ጸሓይ ኔና ናጋራፕ ዛራናዉ ኮይያ ድራዉ፣ እ ከካ ግድያዎ ኔን ኡራሳ።
- 5 ሸን ሀንተንቶ ጉዙማ ዋዛናይን ናጋራፕ ሰመና ዋዛናይ ደኤ፤ ሄዋ ድራዉ፣ ጸሓ ሀንቁን ጽሎ ፕርዳይ ቆንጭያ ጋላሱ፣ ኔን ነ ቦላ ሀንቁዋ ካሰዋፕ ዳርሳሳ።
- 6 ጸሓይ አሳ ኡባዉ እ እሱዋ ማለ እማናዎ።
- 7 እት እት አሳቱ ሎኦባ ዳንዳያን ኡሊኖ፤ ቃይ ጋላታ፣ ቦንቹዋን ባየና ደኤዋ ኮዪኖ፤ ኡንቱንቶ ጸሓይ መድና ደኤዋ እማና።
- 8 ሸን ሀራንቱ ኢታባ አላናዉ ያረቲኖን ቱማተላ እጺኖ፤ ጸሓይ ኡንቱንቱ ቦላ ባሻን ሀንቁዋ የዳና።
- 9 ኢታባ እልያ አሳይ ኡባይ መቶታናን ዋየታና፤ ሄዋ ካሰቲድ፣ አይሁዳ አሳ ጋካና፤ ሄዋፕ ቃይ አይሁዳ ግደና አሳ ጋካና።
- 10 ሸን ጸሓይ ሎኦ እሱዋ እልያ ኡባቶ ጋላታ፣ ቦንቹዋን ሳርተላ እማና። ካሰቲድ አይሁዳቶ እማና፤ ሄዋፕ ቃይ አይሁዳ ግደናዋንቶ እማና።
- 11 እያዉ ሳፕ፣ ጸሓ አይፍያን አሳይ ኡባይ እት ማለ።
- 12 ሙሴ ህገ ባይናን ናጋራ ኡሊኖ ኡባይ ህገ ባይናን ቆያና። ሙሴ ህገ ደእሸን፣ ናጋራ ኡሊኖ ኡባይ ህግያን ፕርድታና።
- 13 እያዉ ሳፕ፣ ጸሓ ሰንላን ህግያ ናግያዋንቱ ጽሊኖፕ እትን፣ ህግያ ሰሰያዋንቱ ጽልክና።
- 14 አይሁዳ ግደና አሳዉ ህገ ባዋ፤ ሸን ባረንቱ ትላ ቆላን ህገ አዛዝያዎ ኡሊኖ፤ ኡንቱንቶ ህገ ቆየፕካ፣ ኡንቱንቱ ባረንቱ ሁጸዉ ህገ።
- 15 ህገ አዛዝያዎ ኡንቱንቱ ዋዛና ግድን ጸፈቲዳዎ ኡንቱንቱ ሀናታይ በሰ፤ እት እት ካላ ኡንቱንቱ ትላ ቆላይ ኡንቱንቶ ማርካትያ ድራዉን ቃይ እት እት ካላ ኡንቱንቱ ቆላይ ኡንቱንታ ዋትያ ድራዉ፣ ዋይ ቃይ ኡንቱንቱና ጋዳትያ ድራዉ፣ ሄዋ ቱማ ግድያዎ ኤርሴ።
- 16 ታን ታማርሴዳ ሞሽራቹዎ ቃላዳን፣ አሳ ዋዛናን ጌሜዳ ቆላ ጸሓይ የሱሰ ክርሰቶሳ ባጋና ሀዋዳን ፕርዳና።

**አይሁዳቱዋን ሙሴ ህግያ**

- 17 ሸን ኔን ኔና አይሁዳ ጋሳ፤ ህግያን ዘምፓደ ጸሓን ጨቀታሳ።
- 18 ኔን ኡላና ማለ፣ ጸሓይ ኮይያዌ አየንቶ ኤራ፤ ቃይ ቱማ ግድያዎ ደራናዉ ህግያፕ ታማራዳ።
- 19-20 ኔን ቆቃቱዋ ካለልያዎ፣ ቃይ ቆማን ደእያዋንቶካ ፖእሰያዎ፣ ኤርናዋንታ ኤርሰያዎን ናናቱዋ ታማርሰያዎ ግድያዎ ኤራድ፤ ህግያፕ ኔን ኩሙንላ ኤራተላን ቱማተላ ደምያዎ ኤራሳ።
- 21 ያትና፣ ኔን ሀራቱዋ ታማርሰያዎ ኔና ነ ሁጸዉ እያዉ ታማርሰኪ? ኔን፣ “ዉኦፓ” ያጋደ ቃላ ኡዳሳ። ሸን ኔን ነ ሁጸዉ ዉእይየ?
- 22 ኔን፣ “ዋሹዋፓ” ያጋ። ሸን ኔን ነ ሁጸዉ ዋሹማይ? ኔን ኤቃ ሸነታ። ሸን ኤቃይ ደእያ ጎልያ ቦንቃይ?
- 23 ጸሓ ህገ ነዉ ደእያ ድራዉ፣ ኔን ጨቀታሳ፤ ሸን ሄ ህግያ መንላደ ጸሓ ዬላያይ?
- 24 እያዉ ሳፕ፣ ጸሓ ማጸፋይ፣ “አይሁዳ አሳቶ፣ ህንተ ጋሱዋን አይሁዳ ግደና አሳቱዋ ግድን ጸሓ ሱንላይ ባዬ” ያገ።
- 25 ኔን ህገዉ አዛዝቶፕ፣ ነ ቃጸራይ ማዲዋና ደኤ፤ ሸን ኔን ህግያ መንላፕ፣ ኔን ቃጸረቲዳዌ ቃጸረትቤናዋዳን ፓይደቲ።
- 26 አይሁዳ ግደና አሳይ ቃጸረተናን ህገ አዛዝያዎ ናፕ፣ ጸሓይ እ ቃጸረቲዳዋዳን ፓይደይ?
- 27 ህንተንቱ፣ አይሁዳ አሳቱ፣ ህንተንቶ ጸፈቲዳ ህገ ደኡፕካ ቃይ ህንተ ቃጸረቶፕካ፣ ህግያ ህንተ መንላያ ድራዉ፣ አይሁዳ ግደና አሳይ ቦላ ቃጸረታና ቆየፕካ፣ ህገዉ አዛዝቲድ፣ ህንተ ቦላ ፕርዳና።
- 28 እያዉ ሳፕ፣ አይሁዳ አሳ ማላትያ ኡባይ ቱሙ፣ አይሁዳ አሳ ግደና፤ ቃይ አሳይ ባረ አሹዋ አሳተላ ቃጸረቲዳ ድራዉ፣ ቱሙ አይሁዳ አሳ ግደና።
- 29 ሸን ቱሙ፣ አይሁዳ አሳ ግያ ኡራይ ጋርሳ ባጋና አይሁዳ አሳ \* ግደዳዋ፤ ቃጸረትያዎ ጸሓ አያናን ኡሰትያ ዋዛና ቃጸራፕ እትን፣ ጸፈቲዳ ህግያና ግደና፤ ሄ ኡራይ ባረ ጋላታ ጸሓ ሳፕ አክያዋፕ እትን፣ አሳፕ አክቤና።

**3**

**አይሁዳቱ እማናን እትሳን ባይዜድና**

---

2:6 ማዘ. 62:12፤ ለም. 24:12    2:11 ዛረ. 10:17    2:24 እሳ. 52:5    \* 2:29 አይሁዳ ጉሳይ ጋላተትያዎ ግዲደ ሰንላይ ይሁዳፕ ዬዳ።    2:29 ዛረ. 30:6

- 1 ያትና፡ አይሁዳ አሳቱ እያን አይሁዳ ግደና አሳጥ አጂና? ዋይ ቃጸረትያዋን አይ ማዱ ደኢ?
- 2 ሀዌ አይሁዳቱዋ ኡባባን ሎይሰ ማዳ፤ ኡባባጥ ካሰ ጸሳይ ባረ ኪታ ሀዳራ አይሁዳቶ እሜዳ።
- 3 ያትና ኡንቱንቱጥ እቱ እቱ አማነተናዋ ግደጥ፡ ዋኒ? ሄዋ ድራው፡ ጸሳይ አማነተና ያግያዌ?
- 4 ሄዋ ግደና፤ አሳይ ኡባይ ዋርዳንቻ ግደጥካ፡ ጸሳይ ግያዌ ቱማ ግዳናው በሴ። ጸሳ ማጸፋይ፡ “ኔን ሃሳይያ ዋደ፡ ኔን ጽሎ ግድያዋ ኤርሳናው ኮሺ፤ ኔን ሞተትያ ዋደ፡ ሻትማናው በሴ” ያገ።
- 5 ሸን ኑ ባይዙ ጸሳ ጽሎ ኦሱዋ ኤርሰንቶ፡ ኑን ዋጋን? ኑ ቦላ ሀንቁዋ እህያ ጸሳይ ባይዛንቹ? ታን አሳይ ግያዋዳን ጋይ።
- 6 ሄዋ ዋዩ ሀናና። አያው ጎጥ፡ ሄዋዳን ግደጥ፡ ጸሳይ ሀ አለምያ ቦላ ዋት ፕርዳይ?
- 7 ሸን ታ ዋርዳዋን ጸሳ ቱማተላይ እ ቦንቾ ዳርጥ፡ ያትና፡ ሀዋ ጋካናው አያው ታ ቦላ ናጋራንቻዳን ፕርዳ?
- 8 ያትና ኑን፡ “ሎኡ ያናዳን፡ እነ ኢታባ አላይተ” አያው ጎጥ? እት እት አሳይ ሀዋ ታና ሞቲደ ቦሬድና፤ ኡንቱንቱ ጸሳጥ በሰያ ፕርዳ አካና።

አሳይ ኡባይ ናጋራንቻ

- 9 ሄዋ ድራው፡ ኑን ዋጋን? ኑን አይሁዳቱ፡ አይሁዳ ግደና አሳጥ ዳራቶ? ሄዋ ግደና፤ አያው ጎጥ፡ አይሁዳቱካ አይሁዳ ግደና አሳቱካ ኡባይ እትጥ ናጋራጥ ጋርሳን ደአያዋ ታን ካሰ ህንተንቶ ኦዳድ።
- 10 ጸሳ ማጸፋይ ሀዋዳን ያገ፤ “ጽሎ አሳይ እቱነ ባዋ።
- 11 እኬክያ አሳይካ ባዋ፤ ዋይ ጸሳ ኮይያዌካ ባዋ።
- 12 አሳይ ኡባይ ኦግያጥ ካረ ከሴድና፤ ኡባይ ሙላካ ማደናዋ ግዳዳ። ሎኦባ ኦላያ ኦንነ ባዋ፤ ሀራይ አቶ እቱነ ባዋ።
- 13 ኡንቱንቱ ድናይ ዳያ ደአያ ዱፋዋ ማላ። ባረንቱ እንጸርሳን ዋርደቲድና። ኡንቱንቱ ድናጥ አሳ ዋድያ ሸሻ ይሻ ማላ ሃሳያይ ከሴ።
- 14 ኡንቱንቱ ድናን ሸቃይነ ጫሞባይ ኩሜዳ።
- 15 ኡንቱንቱ ሱላ ጉሳናው፡ ዳሪ ኤሌሊና።
- 16 ባይዙነ ኮለላይ፡ ኡንቱንቱ ቤዳሳን ሀቃንነ ጳየና።
- 17 ኡንቱንቱ ሳርተላ ኦግያካ ኤርክና።
- 18 ቃይ ጸሳው ያይያባይ፡ ኡንቱንቱ ቆፋን ባዋ”

ያገ።

- 19 አሳ ኡባ ሃሳያ ድጋና ማላነ ኩሙንላ ሳኣ ጸሳ ፕርዳጥ ጋርሳው አላና ማላ፡ ሀግያ ግደን ኦደቲዳ ኡባባይ ሀግያጥ ጋርሳን ደአያ አሳው ሃሳይያዋ ኑን ኤሬቶ።
- 20 ጸሳ ሰንሳን ኦንነ ህጊ አዛዝያዋ ኦላያዋን ጽላና፤ ህጊ እት አሳይ ናጋራ ኦላዳዋ ኤራናዳን ኦላ።

አሳይ ጽልያዌ አማኑዋና

- 21 ሸን ጸሳይ አሳ ጽልሰያ ኦጊ ህጊ ባይናን ሀእ ቆንጩዳ፤ ህጊነ ናባቱ ሄ ጽሎተላባ ማርካቲድና።
- 22 ጸሳይ አሳ የሱሰ ክርሰቶሳ አማንያዋን ጽልሴ፤ ጸሳይ ሄዋ አ አማንያ ኡባው ኦላ፤ አይ ሻኩተላይነ ባዋ።
- 23 አያው ጎጥ፡ አሳይ ኡባይ ናጋራ ኦላዳ፤ ጸሳ ቦንቹካ ኡንቱንቶ ጉዳዳ።
- 24 ሸን ኡንቱንቱ ጸሳይ አምያ አ እጾ ኬካተላን፡ ባረንታ ዋዝያ ክርሰቶሰ የሱሳ ባጋና ጮ ጽሌድና።
- 25 የሱሳ ሱላን አሳይ አ አማኒደ፡ ባረ ናጋራው ማርተላ ደማናው፡ ጸሳይ አ አሜዳ፤ ጸሳይ ሄዋ ባረ ጽሎተላ በሳናው ኦላዳ፤ አ በን ዋድያን አሳ ናጋራ ዳንዳዪደ፡ ካቲ ባሽ አኔዳ፤ ሸን

26 ሀ ዋድያን ባረ ጽሎተላ በሳናው አሳ ናጋራ አገና፤ ጸሳይ ሄዋ ኦልያዋን እ ባረ ሁጸጧ ጽሎ ግድያዋን የሱሳ አማንያ ኡባ ጽልሰያዋ በሴ።

27 ያትና፡ ኑን አያዉ ጨቀታኔ? አይነ ባዋ። አያ ጋሱዋኔ? ኑን ሀገዉ ኤኖ ግያዋኔ? ግድና፤ አማኑዋ ሀግያናጥ አትን።

28 አያዉ ጎጥ፡ አሳይ አማኑዋን ጽላናጥ አትን፡ ሀጊ አዛዝያዋ ኦልያዋና ግድና ያጊደ ቆፔቶ።

29 ዋይ ጸሳይ አይሁዳቱዋ ጸላላዉ ጸሴ? አይሁዳ ግድና አሳዉ ጸሳ ግድኔ? ቱማ፡ አይሁዳ ግድናዋንቶካ እ ቃይ ጸሳ።

30 እት ጸሳ ጸላላይ ደኤ፤ አይሁዳቱዋ ኤንቱንቱ አማኑዋን እ ጽልሳና፤ ቃይ አይሁዳ ግድናዋንታካ ኡንቱንቱ አማኑዋን ጽልሳና።

31 ያትና፡ ኑን ሀግያ አማኑዋን ጋጸ ሱጋኔ? ግድና፤ ሀግያ ምንሶይተጥ አትን።

### 4

#### አብራሃም አማኑዋን ጽሌዳ

1 ያትና፡ ኑን ኑዉ አሹዋን ዛረ ግድያ አብራሃም አያ ደሚዳ ጋኔ?  
2 አያዉ ጎጥ፡ አብራሃም ኦሱዋን ጽሌዳዋ ግድጥ፡ አዉ ጨቀትያባይ ደኤ፤ ሸን ጸሳ ሰንሳን ጨቀታና ዳንዳና።

3 አያዉ ጎጥ፡ ጸሳ ማጸፋይ ዋጊ? “አብራሃም ጸሳ አማኔዳ፤ ጸሳይ ሄዋ አዉ ጽሎተላን ገይዴዳ” ያጌ።

4 ኦልያ ኡራይ አክያ ሚሻ ባረዉ በሰና አኬጥ አትን፡ አዉ ጮ አመትያዋዳን ገይደተና።

5 ሸን ኦሱዋ አ፯ናን፡ ናጋራንቻ ጽልሰያ ጸሳ አማንያ ኡራ፡ ጸሳይ እ አማኑዋን እ ጽልሴ።

6 ሀዋዳንካ፡ አይ ኦሱነ ባይናን፡ ጸሳይ ጽሎዋዳን ገይዴዳ አሳ ናሽቶያባ ዳዊተ ሃሳዬዳ ዋይ ገዳዊ ሀዋ።

7 “ጸሳይ ኤንቱንቱ ባይዙዋ  
አቶ ጌዳዋንቱነ  
ኤንቱንቱ ናጋራ ካሚዳዋንቱ  
አንጀቱዳዋንታ።

8 ጎዳይ እ ናጋራ ገይደና አሳይ  
አንጀቱዳዋ”

ያጌ።

9 ያትና፡ ሀ ዳዊተ ሃሳዬዳ አንጂ ቃጸረቱዳ አሳ ጸላላሴየ? ዋይ ቃይ ቃጸረትቤና አሳቱዋሴ? አያዉ ጎጥ ኑን፡ “ጸሳ ማጸፋይ፡ ኡብራሃም ጸሳ አማኔዳ፤ ጸሳይ ሄዋ አዉ ጽሎተላን ገይዴዳ” ያጌ” ጎይተ።

10 ያትና፡ ሀዋ አዉደ ሀኔዳ? አብራሃም ቃጸረት ሰምነየ? ዋይ ቃጸረታናጥ ካሰኔ? ቃጸረታናጥ ካሰናጥ አትን፡ ቃጸረትና ግድና።

11 ጉየጥ እ ቃጸረቱዳ፤ ጸሳይ እ አማኑዋ ድራዉ፡ እ ቃጸረታናጥ ካሰ እ ጽሎ ኦልዳዋ ኤርሳናዉ፡ እ ቃጸራይ ማላ ግዴዳ። ሄዋካ ቃይ ቃጸረተናን ጸሳ አማንያ ኡባቱዋ ጸሳይ ጽሎ ኦልደ ገይዳናዳን፡ ኡንቱንቶ አብራሃም አዉዋ ግድናሳ።

12 እ ቃጸረቱዳዋንቶካ አዉዋ፤ ግድጥካ፡ ኤንቱንቱ ቃጸረቱዳ ድራሳ ግድና፤ ሸን ኑ አዉዋ አብራሃም ቃጸረታናጥ ካሰ አማንያ አማኑዋ ማላ ካልያዋንቶካ አዉዋ።

#### ጸሳይ አማና ጌዳባይ አማኑዋን አከቲ

13 አብራሃምሰነ እ ዘረሳዉ ጸሳይ፡ “ሀ ሳእ ታን ሀንተንቶ አማና” ያጌዳዌ፡ አብራሃም ጸሳ አማኔደ ጽሌዳ ድራሳጥ አትን፡ ሀገዉ እ አዛዘቱዳ ድራሳ ግድና።

14 አያዉ ጎጥ፡ ሀገዉ አዛዘትያዋንቱ ጸሳይ አማና ጌዳዋ ላትያዋንታ ግድጥ፡ አሳ አማኑ ማደናባ ግዴዳ፤ ጸሳይ ጌዳዌካ ሙላ ግዴዳ፤

15 ሀጊ ጸሳ ቦሻ አሄ፤ ሸን ሀጊ ባይናሳን ሀግያ መንሰያባይ ባዋ።

16-17 ሄዋ ድራዉ፡ ሀግያ ናግያዋንቱ ጸላላዉ ግድናን፡ ቃይ አብራሃም አማኔዳዋዳን፡ አማንያ አብራሃምዉ ዘረሳ ኡባዉ ጸሳይ አማና ጌዳዌ፡ ዋይታዳን ቱማታናዊ አማኑዋና። አብራሃም ኑዉ ኡባዉ አዉዋ። ጸሳ ማጸፋይ፡ “ታን ኑና ጮራ ካዉተላቶ አዋ ኦሳድ” ግያዋዳን፡ ሀይቁዳዋንቶ ደኤዋ አምያ፡ ባረ አዛዘዋን ባይናባ ደአያባዳን ኦልደ ጴሴያ፡ እ አማኔዳ ጸሳ ሰንሳን አብራሃም ኑዉ ኡባዉ አዉዋ።

18 ጸሳ ማጻፋይ አብራሃም፡ “ነ ዘረሳይ ሀዋ ኪና ግዳና” ያጌዳዋዳን፡ ሀዋ ኪና ግዳና ጊደ፡ ናሽቻን ናገናወ ዳንዳየና ዎደ፡ አብራሃም አማኒደን ሰንሳተ ደማና ጊደ፡ ናሽቻን ናጊደ፡ ጮራ ዘረሳዉ አወዋ ግዳዳ።

19 ሄ ዎደ፡ አብራሃም የለቶደገ ጸቱ ላይላ ኩማና ህንያ ጭማ፤ ሽን ባረ ዳቡራንቻ አሳተላን ሳራ ናኣ የሳናወ ዳንዳየናዋ ቆፔዳ ዎደ፡ እ ባረ አማኑዋን ዳቡርቤና።

20-21 ጸሳ እ ቦንቹደ፡ አዉ አማና ጌዳ ጸሳይ ቃይ ፖላናወ ዳንዳይያዋ ሎይላ ኤሪደ ባረ አማኑዋን ሞኔዳዋጥ አትን፡ አማናን አዲደ፡ ጸሳይ አማና ጌዳዋ ስቲቤና።

22 ሄዋ ድራዉ፡ ጸሳይ ቃይ እ አማኑዋ ጸሎተላን ገይዳዳ።

23 “አዉ ጸሎተላን ገይዳዳ” ግያ ቃላይ እ ጸላላዉ ጸፈትቤና።

24 ሄ ቃላይ ኑ ጎዳ የሱሳ ሀይቁዋጥ ደንጮዳ ጸሳ አማንያ ኑዉካ ጸሎተላን ገይደታና ማላ ጸፈቲዳ።

25 ጸሳይ እ ኑ ናገራ ድራዉ፡ ሀይቆ አሲደ እምና፡ እ ኑና ጸልሳናዉ ሀይቁዋጥ ደንዳዳ።

### 5

#### አማኑዋን ቤትያ ሳርተላን ሰጋተላ

1 ሄዋ ድራዉ፡ ኑን አማኑዋን ጸሌዳዋን፡ ኑ ጎዳ የሱሰ ክርስቶሳ ባገና ኑዉ ጸሳና ሳርተላይ ደኤ፤

2 ቃይ እ ኑና ሀእ ኑን ደእያ ጸሳ አቶ ኬካተላ ግዳ አማኑዋን አሄዳ፤ ያትና፡ ኑን ጸሳ ቦንቹዋ ሻካናዉ ኑዉ ደእያ ሀይታን ጩቀቲቶ።

3-4 ሄዋ ጸላላ ግደና፤ ኑን ቀይያንካ ናሽቲቶ፤ እያዉ ጎጥ፡ ዋይያጥ ዳንዳይያ፡ ቃይ ዳንዳይጥ ገጭያን ምንያዌ፡ ገጭያን ምናታጥ ሀይታይ ይያዋ ኑን ኤራቶ።

5 ጸሳይ ኑዉ አማዳ ጌሻ እያና ባገና ባረ ሲቁዋ ኑ ዎዛናን ጉሴዳ ድራዉ፡ ሄ ኑን ደማናዉ ናሽቻን ናግ ኡቲዳዌ ኑና ዬላየና።

6 እያዉ ጎጥ፡ ኑን ብር ዎልቃይ ባይናዋንታ ግዲደ ደእሸን፡ ጸሳይ ደራዳ ዎዲ ጋክና፡ ክርስቶሰ ናገራንቻቲዋ ድራዉ ሀይቁዳ።

7 ጸሎ ኡራ ድራዉ፡ እት ኡራይ ሀይቃናዌ ዳር መቶባ፤ ሽን ሎኦ አሳ ድራዉ ሀይቃናዉ፡ “ኤና” ግያ ኡራይ ኦን ኤር ቤተናን አገና።

8 ሽን ኑን ብር ናገራንቻ ግዲደ ደእሸን፡ ክርስቶሰ ኑ ድራዉ ሀይቁዳ፤ ሄዌ ጸሳይ ኑና አይ ኬና ሲቅንቶን እ ሲቁዋ ኡርሴ።

9 ሰም ኑን ሀእ እ ሱላን ጸሌዳዋ ግደጥ፡ እ ባገና ጸሳ ሀንቁዋጥ አታና።

10 እያዉ ጎጥ፡ ኑን ጸሳና ካሰ ሞርከ፤ ሽን እ ናኣ ሀይቁዋን አናና ሰገቲደ። ሄዋጥ አሲደ፡ ሀእ ኑን ጸሳና ሰገቲዳዋጥ ጉይያን፡ እ ፓጻ ግድያ ድራዉ ኑና አሻና።

11 ሽን ሄዋ ጸላላ ግደና፤ ሀእ ኑና ጸሳና ሰገጮዳ ኑ ጎዳ የሱሰ ክርስቶሳ ባገና ኑና ጸሳባይ ናሽቹ።

#### ሀይቁ አዳማን ዪና፡ ደኤ ክርስቶሳን ዬዳ

12 ሄዋ ድራዉ፡ ናገራይ ሀ ሳኣ እት አሳ ባገና ገሌዳ፤ ሄ ናገራይ ባረናና ሀይቁዋ አሄዳ፤ ሄዋ ጋሱዋን፡ አሳይ ኡባይ አዳማ ባገና ናገራ ኦጮዳ ድራዉ፡ ሀይቁ አሳ ዛርያ ኡባ ጋኬዳ።

13 ሀጊ አመታናጥ ካሰ፡ ሀ አላምያን ናገራይ ደኤ፤ ሽን ሀጊ ባይና ዎደ ናገራይ ገይደተና።

14 ሽን አዳማ ዎድያጥ፡ ሙሴ ዎድያ ጋካናዉ፡ ሀይቁ አሳ ኡባ ሞዴዳ፤ ሀራይ አቶ አዳም ጸሳ ሀገዉ አዛዘተናን እጼዳዋዳን፡ ናገራ አልቤናዋንታካ ሀይቁ ሞዴዳ።

እያዉ ጎጥ፡ አዳም ያናዋ ሊምሱዋ።

15 ሽን ጸሳ አምታይ አዳማ ናገራ ኬና ግደና ድራዉ፡ አንቲንቲ እት ማላ ግድክና፤ እት ብታንያ ናገራ ድራዉ፡ ጮራ አሳይ ሀይቁዳዌ ቲማ፤ ሽን ጸሳ አቶ ኬካተላይን እ አምታይ እት አሳ አቶ ኬካተላ ባገና፡ የሱሰ ክርስቶሳ አቶ ኬካተላ ባገና ጮራ አሳዉ ዳራዳ።

16 ጸሳ አምታይ ናገራ ኦጮዳ ብታንያ ባገና ዬዳዋ ማላ ግደና፤ እያዉ ጎጥ፡ አዳም እት ናገራ ኦጮዳዋጥ ጉይያን፡ ጸሳይ እ ባይዜዳዋዳን ፕርዴዳ፤ ሽን አሳይ ዳር ናገራ ኦጮዳዋጥ ጉይያን ጸሳይ፡ “ሀንተንቲ ባይዘበይክታ” ጊደ፡ ባረ አቶ ኬካተላ አንቲንታ ባሴ።

17 እያዉ ጎጥ፡ እት ብታንያ ናገራ ጋሱዋን፡ እ ናገራ ባገና፡ ሀይቁ ካዉቲዳዌ ቲማ፤ ሽን እት ኡራይ፡ የሱሰ ክርስቶሰ ኦጮዳዳይ አይ ኬና ዳራ፤ ጸሳ ዳር አቶ ኬካተላን ጸሎተላ አምታ አክያ ኡባይ ክርስቶሳ ባገና ጸኒደ ደእና።

18 ሰም እት ኡራይ ናገራ ኦጮዳ ጋሱዋን አሳ ኡባ ቦላ ባይዜዳዋዳን ፕርዴይ ዬዳ። ሄዋዳንካ እት ኡራይ ጸሎባ ኦጮዳ ጋሱዋን፡ ጸሳይ አሳ ኡባ፡ “ባይዘበይክታ” ጊደ አንቲንቶ ደኤዋ አማዳ።

19 እያው ጎጥ፡ እት ኡራይ እዛዘተናን እጼዳ ጋሱዋን፡ ዳሮ አሳይ ናጋራንቻ ግዴዳ፡ ሀዋዳንካ ቃይ እቱ ኤኖ ጌዳዋን ጮራ አሳይ ጽላና።

20 ናጋራ ዳርሳናው፡ ህጊ ዬዳ፤ ሽን ናጋራይ ዳርያ ዋይ ጸሳ እጹ ኬካተላይ ሎይላ ዳሬዳ።

21 ናጋራይ ሀይቁዋ ዋልቃን ካወቲዳዋዳን፡ ሀዋዳንካ ቃይ ጸሳ እጹ ኬካተላይ ጽሎተላ ዋልቃን ካወቲደ፡ ኑ ጎዳ የሱሰ ክርስቶሳ ባጋና፡ ኑና ሙድና ደኔ ካለፏ።

### 6

#### ናጋራጥ ሻከቲደ ክርስቶሳን ደኡሳ

1 ያትና፡ ኑን ዋጋኔ? ጸሳ እጹ ኬካተላይ ዳራናዳን፡ ናጋራን ምኒደ ደእኔ?

2 ግደና፤ ኑን ናጋራ ክገና ማላ ሀይቁድጌደ። ያትና፡ ኑን ሀዋጥ ሰንሳወ ዋት እ ግደን ደእኔ?

3 ዋይ ኑን ኡባቱ ክርስቶሳ የሱሳና እትጥ ግዳናው፡ ጸማቁቲዳ ዋይ፡ እ ሀይቁዋንካ አናና እትጥ ግዳናው ጸማቁቲዳዋ ኤርክቲ?

4 ሄዋ ድራው፡ ክርስቶሳ ባረ አወዋ ቦንቾ ዋልቃን ሀይቁዋጥ ደንደዋዳን፡ ኑንካ ኑራላ ደኡዋ ደእናው፡ እ ሀይቁዋ አናና ሻካናው ጽንቃታን አናና እትጥ ሞገቲደ።

5 እያው ጎጥ፡ ኑን እ ሀይቁዳዋዳን ሀይቁደ፡ አናና እቲዋ ግደጥ፡ ሀዋዳንካ፡ ሀይቁዋጥ እ ደንደዋዳን ኑንካ ደንዲደ፡ አናና እቲዋ ግዳና።

6 ኑን ሀዋጥ ሰንሳወ ናጋራው አይለ ግደና ማላ፡ ቃይ ኑ ናጋራንቻ አሳተላ ዋልቃይ ጳያና ማላ፡ ኑ ኤጫ አሳተላ ክርስቶሳና ማሰቃልያ ቦላ ምሰማርያን ድሸት ካቀቲዳዋ ኤሬቶ።

7 እያው ጎጥ፡ እት ኡራይ ሀይቁያ ዋይ ናጋራ ዋልቃይ እ ሞደና፤ ሽን

8 ኑን ክርስቶሳና ሀይቁዳዋ ግደጥ፡ አናና ቃይ ደእናዋ አማኔቶ።

9 እያው ጎጥ፡ ክርስቶሳ ሀይቁዋጥ ደንደዳዋ፡ ቃይ ላኤንጎላዋ እ ሀይቁናዋን ሀይቁ ሰንሳወ እ ሞደናዋ ኑን ኤሬቶ።

10 እ እት ካላካ ሀይቁዳ፤ ናጋራው እ ቦላ ዋልቃይ ባዋ፤ ሽን እ ሀ ደእያ ደኡዋ ጸሳወ ደኡ።

11 ሀዋዳን ቃይ ህንተ ናጋራ ክገናዳን፡ ህንተንታ ሀይቁዳዋዳን ቆጥተ፤ ሽን ጎዳ ክርስቶሳ የሱሳ ባጋና ጸሳወ ህንተ ፓጻ ደእያዋዳን፡ ህንተንታ ቆጥተ።

12 ሄዋ ድራው፡ ህንተ ህንተንቱ አሳተላ አዋ እዛዘታና ማላ፡ ናጋራይ ሀይቁያ ህንተ አሳተላ ሞደጎ።

13 ቃይ ህንተ አሳተላጥ እት ሳነ ኢታ ኦሱዋ ኦላናው ናጋራው አሞጥተ፤ ሽን ሀይቁዋጥ ደንደዳ አሳዳን ህንተንታ ጸሳወ አሞተ፤ ቃይ ህንተ ኩሙንላ አሳተላካ ጽሎ ኦሱዋ ኦላናው ጸሳወ አሞተ፤

14 እያው ጎጥ፡ ናጋራይ ህንተንታ ሞዳናው ዳንዳየና፤ ህንተ ጸሳ እጹ ኬካተላ ጋርሳና ደኢታጥ እትን፡ ሀግያጥ ጋርሳና ደእከታ።

#### ጽሎተላወ አይለ ግደያዋ

15 ያትና፡ ዋናኔ? ጸሳ እጹ ኬካተላ ጋርሳና ደእናጥ እትን፡ ሀግያጥ ጋርሳና ደኤና ድራው፡ ናጋራ ኦላኔ? ግደና፤

16 ህንተ ህንተንታ እት ኡራው እዛዘታናው፡ አይልያዳን ኦሊደ አሞያ ዋይ፡ ሄ ህንተንታ እዛዘያዋ አይለቲዋ ግደያዋ ኤሬታ፤ ዋይ ህንተ ህንተንቶ ሀይቁዋ አህያ ናጋራው ኤኖ ጌታ፤ ዋይ ህንተ ህንተንታ ጽሎ ኦላያ እዛዘ ኤኖ ጌታ።

17 ሽን ጸሳወ ጋላታይ ግደ፤ እያው ጎጥ፡ ናጋራው ካሰ ህንተ አይለ፤ ሽን ጉየጥ ህንተ አኬዳ ትሞርትያ ግደን ደእያ ቲማተላወ ህንተ ኩሙንላ ዋዛናጥ እዛዘቲድታ።

18 ህንተንቱ ናጋራ አይለተላጥ ከሲደ፡ ጽሎተላወ አይለ ግደድታ።

19 ህንተንቱ ሙጋን ዳቡራንቻ ግደያ ድራው፡ ታን ኦሰካ ገልያ ሃሳይ ሃሳይ፤ ህንተ ካሰ ህንተ ኩሙንላ አሳተላ ናቁዋ ኦላናው፡ ቲናተላወን ናቆ አይለ ኦሊደ እሜድታ፤ ሀእ ሄዋዳንካ ህንተ ኩሙንላ አሳተላ ጊሻባ ኦላናው፡ ጽሎተላወ አይለ ኦሊደ አሞተ።

20 ህንተንቱ ናጋራው አይለቲደ ደእያ ዋይ፡ ጽሎተላይ ህንተንቶ ጎዳ ግደና።

21 ህንተንታ ሀእ ዬላይያ የዋቲዋ ሄ ዋይ ኦሌዳዋጥ አይ ማዴዋ ደሜድቲ? እያው ጎጥ፡ ሄ የዋቲዋ ወርሰላይ ሀይቁዋ።

22 ሽን ናጋራ አይለተላጥ ህንተ ከሲደ፡ ጸሳወ ኤኖ ጌድታ፤ ቃይ ህንተ ኦላያ ኡባባን ህንተንታ ኡባካ አወ አሊደ እሜድታ። ሄዋ ህንተንቶ ዋር፤ ሄዋ ወርሰላይ ሙድና ደኡዋ።

23 እያው ጎጥ፡ ናጋራ ጋቲ ሀይቁዋ። ሽን ጸሳይ ኑ ጎዳ ክርስቶሳ የሱሳ ባጋና አሞያ አሞታይ ሙድና ደኡዋ።

### 7

#### ሙሴ ህግያ ቃሹዋጥ ብለትያዋ



1 ታናዳን አማንያዎንቶ፣ ህንተንቱ ኡባይ ሀግያ ኤርያ ድራው፣ ታን ግያዎ ሎይል ኤሪታ፤ ህጊ እት አሳይ ፓጾ ደኤዳ ዎይ ጸላላን አ ሞዴ።

2 አያው ጎጥ፣ እስና ገሌዳ ሞሽራታ እዝ እስናይ ፓጾ ደኤዳ ኬናን፣ ሀግያን አናና ቃሸታ ኡታዲ፤ ሸን እዝ እስናይ ሀይቆፕ፣ አናና ጫቁዳ ህጊ እዝ ሞዴና።

3 ሄዎ ድራው፣ እዛ ባረ እስናይ ፓጾ ደእሸን፣ ሀራ እቲማዎ ገሎፕ፣ አሳይ እዝ፣ “ዎሹመውና” ጋና። ሸን እዝ እስናይ ሀይቆፕ፣ ህጊ እዝ ሞዴና፤ እዛ ሀራ እስና ገሎፕን እዝ ኦን፣ “ዎሹመውና” ጌና።

4 ታናዳን አማንያዎንቶ፣ ሄዎዳን ህንተንቱ ቃይ ክርሰቶሳ አሳተላፕ እት ባጋ ግድያ ድራው፣ ህንተንቱ አ ባጋና ሀይቁድታ። ቃይ ኑን ጸሳ ማድያ ኦሱዋ ኦሳና ማላ፣ ህንተንቱ ጸሳይ ሀይቁዋፕ ደንጩዳ ክርሰቶሳዋንታ።

5 አያው ጎጥ፣ ኑን ኑ አሳተላይ ኮዬዳዎዳን ደእያ ዎድ፣ ህጊ ኑን ናጋራ ኦሳናዳን፣ ኑና ደንጩ፤ ኑ አሳተላ ግድን ኢታ አሙ ደእያ ድራው፣ ኑን ሀይቆ እይፍያ እይፊድ።

6 ሸን ሀእ ኑን ኑና ቃቼዳዎ ሀይቁዳ ድራው፣ ጸሳይ ኑና ሀግያ ቃሹዋፕ ብሌዳ። ሄዎ ድራው፣ ኑን ጌሻ አያናይ ገግሴዳ ኦራሳ ኦግያን ጸሳው ኤና ጋናዋፕ እትን፣ ጸፈቴዳ ህጊ ኑው ገግሴዳ ኤጫ ኦግያን ኤና ጎሱ።

**ሀግያን ናጋራ**

7 ያትና፣ ኑን ዋጋይ? ህጊ ባረ ሀጻው ናጋራ? ሄዎ ግድና፤ ሸን ህጊ ናጋራይ እየንቶ ታና ኤርሴዳ። አያው ጎጥ፣ ታን ህጊ፣ “አሳባ አሞቶፓ” ግብንቶ፣ አሳባ አሞትያዌ እየንቶ ኤርከ።

8 ሸን ናጋራይ ታን ኡባባ አሞታና ማላ፣ አዛዙዋ ባጋና ታ ቦላ ኦግያ ደሜዳ፤ አያው ጎጥ፣ ህጊ ባዌንቶ፣ ናጋራው ዎልቃይ ባዋ።

9 ካሰ ህጊ ባይና ዎይ ታን ፓጾ፤ ሸን አዛዙ ዬዳ ዎድ ናጋራይ ደኦ ሰሞና፤

10 ታን ቃይ ሀይቃድ፤ ታና ፓጾ ዎሳናው ጸሳይ ቆፔዳ አዛዙ፣ ታው ሀይቁዋ አሄዳ።

11 አያው ጎጥ፣ ናጋራይ አዛዙዋ ባጋና ታና ጭምያ ኦግያ ደሚድ፣ ሄ አዛዙዋን ታና ዎዴዳ።

12 ሄዎ ድራው፣ ህጊ ጌሻ፤ አዛዙካ ጌሻ፣ ጽላን ሎአ።

13 ያትና፣ ሎኦባይ ታው ሀይቁዋ አሄዳ? ሄዎ ግድና፤ ሸን ታው ሄዎ ናጋራይ አሄዳ፤ አሳይ ናጋራይ እየንቶ ሻኪድ ኤራና ማላ፣ ናጋራይ ሎኦባ ባጋና፣ ታው ሀይቁዋ አሄዳ። ቃይ አዛዙ፣ “ኦንን ናጋራ ኦሳናው በሰና” ያግያ ድራው፣ ናጋራይ ካሰዋፕ እቲ አቴዳ።

**አሳ ደኡዋ ጋርሳን ደእያ ባጽፎ**

14 ኑን ህጊ ጸሳዎ ግድያዎ ኤራቶ፤ ሸን ታን ታና ናጋራው ዛልኤዳ ሀይቁያ አሳ፤

15 ታን ኦሳዎዎ ዎዛና አላከ፤ አያው ጎጥ፣ ታን አጽያዎ ኦሳይፕ እትን፣ ታን ኦሳናው ደሰያዎ ኦላከ።

16 ታን አጽያዎ ኦሳዎዎ ግድፕ፣ ህጊ ሎአ ግድያዎ ማርካታይ።

17 ሄዎ ግድፕ፣ ሄ የወዎ ታ ቦላ ደእያ ናጋራይ ኦሳዎዎፕ እትን፣ ሀእ ታን ኦላከ።

18 ታናን፣ ሄዌን ታ አሳተላን ሎኦባይ ደኤናዎ ታን ኤራይ፤ አያው ጎጥ፣ ሎኦባ ኦሳዎ አሙ ታ ቦላ ደኦፕካ፣ ታን ሄ ሎኦባ ኦሳናው ዳንዳይከ።

19 ታን አጽያ ኢታባ ኦሳይፕ እትን፣ ታን ደሰያ ሎኦባ ኦላከ።

20 ሸን ታን አጽያዎ ኦሳዎዎ ግድፕ፣ ሄዎ ታ ቦላ ደእያ ናጋራይ ኦሳዎዎፕ እትን፣ ሀእ ሄዎ ኦሳዎዎ ታና ግድከ።

21 ሰሞ ታን ሎኦባ ኦሳናው ደሰሸን፣ ኢታባ ኦሳዎዎ ታው ህገ ግድያዎ ደማድ።

22 አያው ጎጥ፣ ታን ታ ዎዛና ግድን ጸሳ ሀግያን ናሸታይ፤

23 ሸን ታ ቦላ ግድን ደእያ ታ ዎዛና ቆፋ ሀግያና ዋሽታያ ዳሚ ሀግያ በእይ። ሄ ህጊ ታ ቦላ ግድን ደእያ ናጋራ ኦሰሰያ ሀግያን ታና ቃሸሴ።

24 ታን አይባ ናሸቶ ባይና እሴ! ታና ሀይቆ አፍያ ሀ አሳተላፕ አሻናዌ ኦኔ?

25 ኑ ጎዳ የሱሰ ክርሰቶሳ ባጋና ጸሳው ጋላታይ ግድ።

ሰሞ ታን ታ ዎዛና ቆፋን ጸሳ ሀገው ኤና ጋይ። ሸን ታ አሳተላፕ ታና ናጋራ ኦሰሰያ ሀገው ኤና ጋይ።

**8**

**ጌሻ አያናይ ኮይያዎዳን ደኡሳ**

1 ሄዎ ድራው፣ ክርሰቶሳ የሱሳና ደእያዎንቱ ቦላን ፕርዳይ ሀእ ባዋ፤

2 አያው ጎጥ፣ ክርሰቶሳ የሱሳ ባጋና ኑው ደኡዋ አሞያ ጌሻ አያና ህጊ ታና \* ናጋራ ሀግያ አይለተላፕን ሀይቁዋ ሀግያ አይለተላፕ ከሴዳ።

7:7 ከሳ 20:17 7:11 ደመላ 3:13 7:15 ጋላ. 5:17 \* 8:2 ታና- እት እት ጌሻ ቃላ ብላላይ፣ ኑና ዎይ ህንተንታ ያጌ፤ ሀራይ ቃይ ኑና ያጌ።

3 እሳ አሳተላይ ዳቡራንቻ ግድያ ድራሬ። ሀገ ኦላናዉ ዳንዳይቤናዎ ጸሳይ ኦሌዳ፤ ናጋራንቻቱዎ አሳተላ ማላ አሳተላና ደእያ ባረ ናኦ። አሳይ ኦሌዳ ናጋራዉ ያርቩዎ ግዳናዉ ጸሳይ ከቲደ። አሳ አሳተላ ግድን ደእያ ናጋራ ፕርዴዳ።

4 ጌሻ እያናይ ከይያዎዳን ደእያዎንቱፕ አትን። ኦ አሳተላይ ኮይያዎዳን ደእናዎንቱ ቦላ። ኦ ቦላ። ሀግያ ጽሎ ኦዘዙ ሪላታና ማላ። ጸሳይ ሀዋ ኦሌዳ።

5 ባረንቱ አሳተላይ ኮይያዎዳን ደእያዎንቱ ባረንቱ አሳተላባ ቆፒና፤ ሸን ጌሻ እያናይ ኮይያዎዳን ደእያዎንቱ ጌሻ እያናባ ቆፒና።

6 አሳተላባ ቆፋሳይ ሀይቁዎ እሄ፤ ሸን ጌሻ እያናባ ቆፋሳይ ደኡዎን ሳርተላ እሄ።

7 አሳተላባ ቆፋሳይ ጸሳይ እጸ፤ እያዉ ጎፕ። አሳተላይ ጸሳ ሀገዉ ኤና ጌና፤ ቃይ ኤና ጋናዉካ አዉ ዳንዳየተና።

8 ባረንቱ አሳተላዉ ኤና ግያዎንቱ ጸሳ ናሽቻናዉ ዳንዳይክና።

9 ሸን ጸሳ እያናይ ሀንተንቱን ደኦፕ። ጌሻ እያናይ ግያዎዳን ደኡታፕ አትን። ሀንተ አሳተላይ ኮይያዎዳን ደእክታ። ሸን እንነ ክርሰቶሳ እያናይ ባይናዎ ግደፕ። ሄ ኡራይ ክርሰቶሳዎ ግደና።

10 ሸን ክርሰቶሳ ሀንተንቱን ደኦፕ። ሀንተ አሳተላይ ናጋራ ጋሱዎን ሀይቁዳዎ፤ ሸን ሀንተ እያናይ ጽሎተላ ጋሱዎን ሀንተንቱን ፓጸ ደኡ።

11 ሸን የሱሳ ሀይቁዎፕ ደንሌዳ ጸሳ እያናይ ሀንተ ግደን ደኦፕ። ሀይቁዎፕ ክርሰቶሳ ደንሌዳ ጸሳይ ቃይ ሀንተንቱን ደእያ ባረ ጌሻ እያና። ሀይቁዎ ሀንተ አሳተላዉካ ደኡዎ እማና።

12 ሰዎ ታናዳን አማንያዎንቶ። ኦን አጩዋና ደኡቶ፤ ኦ አሳተላይ ኮይያዎዳን ደእናዉ ኦዉ በሰና።

13 እያዉ ጎፕ። ሀንተ ሀንተ አሳተላይ ግያዎዳን ደኦፕ። ሀንተ ሀይቃና፤ ሸን ሀንተ ሀንተ ናጋራ ኦሱዎ ጌሻ እያናን ዎጶፕ። ፓጸ ደእና።

14 ጸሳ እያናይ ካለልያ ኡባቱ ጸሳ ናና።

15 እያዉ ጎፕ። ኦን ኦ ኮሻ ጶቁ ኦሌደ። “አባ! ታ አቦ” ያገደ ጸሰያ። ኦና ጸሳ ናና ከሰያ ጌሻ እያና ጸሳፕ አኬደፕ አትን። ላኤንሎዎ ያያናዉ አይለ ከሰያ እያና አክበይኮ።

16 ጸሳ እያናይ ባረ ሁጸዉ ኦ እያና ግደደ። ኦን ጸሳ ናና ግድያዎ ማርካቱ።

17 ኦን አ ናና ግደፕ። እ ባረ አሳዉ ምንጄዳ እንጄዎ ላጽና፤ ቃይ ኦን ጸሳይ ክርሰቶሳዉ ምንጄዳዎካ እናና ሳታና፤ ኦን ክርሰቶሳ ዋይያ እናና ሻኮፕ። እ ቦንቹዎካ እናና ሻካና።

**ጸሳ ናናዉ ቆንጫናዉ ደእያ ቦንቹዎ**

18 እያዉ ጎፕ። ኦን ሀለ ዎየትያ ዋይያ ኦዉ ሰንሳፕ ቆንጫና ቦንቹዎና ጋላናዉ። ኡባካ ዳንዳየተና ጋደ ታን ቆፓይ።

19 ጸሳይ መጫዳ መፍታ ኡባይ ጸሳ ናናይ ቆንጫናዎ ሎይሰ ላዎት ኡቲዳ።

20 እያዉ ጎፕ። መፍታ ኡባይ ማዲ ባይናባ ግዳናዳን። ጸሳይ አ ቦላ ፕርዴዳ፤ ሰንሳፕ ደማና ገደ ናሽቻን ናግ ኡታናዳን ኦሌዳ ጸሳይ ኮዬዳ ድራሬ ሀይዳፕ አትን። መፍታ ኡባይ ባረ ሁጸዉ ኮዬዳዎን ግደና።

21 መፍታ ኡባይ ባረ ሁጸዉ ባሻ አይለተላፕ አት ጋላሰ ከሳናዎ፤ ቃይ ሄ መፍታቱ ጸሳ ናናይ አይለተላፕ ከሴዳ ቦንቹ ከሳ ሻካና።

22 እያዉ ጎፕ። መፍታ ኡባይ አትፕ ሀዋ ጋካናዉ። ማጫ እሳ የሉ ላይቁና ኦልያዎዳን። ሳኩዎን ኦልያዎ ኦን ኤራቶ።

23 ቃይ ሄዎ ጸላላ ግደና፤ ኦን። ጌሻ እያና ጸሳ ባይራ አዎታዳን ኦሌደ አኬዳዎንቱ። ኦ ሁጸዉ ጸሳይ ኦን ባረ ናና ኦላናዳንነ ኦ ኩመንሳ አሳተላ ዎዛናዳን ናገደ። ኦ ግደን ኦሌቶ።

24 እያዉ ጎፕ። ኦን ጸሳይ እማና ጌዳዎን አቲደ። ሸን ኦን ጸሳይ እማና ጌዳዎ በአፕ። ያትና። ሄዎ ናሽቻን ናግያዎ ግደና፤ እያዉ ጎፕ። ባረ በእያዎ ደማና ገደ። ናሽቻን ናግያዎ ኦኔ?

25 ሸን ኦን በኤናዎ ደማና ገደ። ናሽቻን ናጎፕ። ሄዎ ዳንዳዪና ናጌቶ።

26 ሀዋዳን ቃይ ጌሻ እያናይ ኦ ዳቡራ ማዳናዉ ዬ፤ እያዉ ጎፕ። ኦን ጸሳ ዎት ዎሳናዉ በሰንቶ ኤርኮ፤ ሸን ጌሻ እያናይ ባረ ሁጸዉ ቃላን ቆንጫሳናዉ ዳንዳየተና ኦልያን ኦዉ ጋናቱ።

27 ቃይ አሳ ዎዛና ላደያ ጸሳይ። ጌሻ እያናይ አ ኮይያዎዳን። ጸሳ ናቶ ጋናትያ ድራሬ። ጌሻ እያና ቆፋይ እየንቶ ኤራ።

28 ጸሳይ ባረና ሲቆያዎንቶ። ባረ ቆፋዳን ጸሴዳዎንቶ። ኡባ የወዎ ሎኦተላዉ ኦልያዎ ኦን ኤራቶ።

29 ጸሳይ ባረ ናኦይ ጮራ እሻቱዎ ግደን ባይራ ግዳናዳን። እ ካሰ ኤራዳዎንታ ቃይ ባረ ናኦ ማላታናዳን። ካሰቲደ ቆፋ ቃቹዳ።

30 ጸሳይ ካሰቲደ ቆፕዳዎንታ። ኡንቱንታ ቃይ ጸሴዳ፤ ሄ ጸሴዳዎንታካ ጌሼዳ፤ ሄ ጌሼዳዎንታካ ቃይ ቦንቹዳ።

**ጸሳ ሲቁዎ**

31 ያትና። ኦን ሀዋ ኡባ ዎጋኔ? ጸሳይ ኦ ባጋ ግደፕ። ኦና ኦን ኤቃታናዌ?

32 እ ሀራይ እቶ ባረ ናእካ ዋይያፕ ጉዮ እሽቤና፤ ሸን እ ኑወ ኡባዉ አሊደ እሞ እኑዳ። እ ባረ ናእ እሚዳዌ ቃይ ኑወ ኡባባ ሎ እሙኔ?

33 ጸሳይ ደራዳዋንታ ኦይ ሞታናዌ? ጸሳይ ባረ ሀጸዉ ኡንቱንታ ጽልሴዳ።

34 ያትና፡ ኡንቱንቱ ቦላ ፕርዳናዉ ዳንዳይያዌ ኦይ? ሄዋ ጎፕ፡ ሀይቁዋፕ ደንዲደ፡ ጸሳፕ ኡሸቻ ባጋና ኡቲዳ፡ ክርሰቶሰ የሱሳይ እ ቃይ ኑወ ጋናቲ።

35 ሰሞ ኑና ክርሰቶሰ ሲቁዋፕ ሻካናዌ ኦይ? ዋዪ ዎይ ሙቱ ዎይ የደርሱ ዎይ ኮሻይ ዎይ ካሉ ዎይ ያሻይ ዎይ ኦሳይ ኑና ሻካኔ?

36 ጸሳ ማጻፋይ፡ “ኡን ነ ድራዉ፡ ኡባ ጋላሰ ሀይቁቶ፤ ሹካዉ እፍያ ደርሳዳን ፓይደቲቶ” ያጌ።

37 ሸን ኦን ኑና ሲቁዳ እን ሀ የዉዋ ኡባን ኑና ጸንያዋንቱፕ እጼቶ።

38-39 እያዉ ጎፕ፡ ሀይቁዋ ግድና፡ ደኡዋ፡ ኪታንቻቱዋ ግድና፡ ሞድያዋንታ፡ ሀእ ደእያዋንታ ግድና፡ ሰንሳፕ ያናዋ፡ ዎልቃማቱዋ ግድና፡ ቦላ ሳሉዋ ግድና፡ ጋርሳ ሳኦ፡ አይ ሙፓ ግድናካ፡ ኑ ጎዳ ክርሰቶሰ የሱሳን ደእያ ጸሳ ሲቁዋፕ ኑና ሻካናዉ ዳንዳየናዋ ታን ኤራድ።

### 9

#### ጸሳይ ካሰ ደራዳ እስራኤልያ አሳ

1 ታን ቱሙዋ ሃሳያይ፤ ታን ክርሰቶሰሳይ፤ ቃይ ዎርደትከ። ጌሻ አያናይ ሞድያ ታ ትላ ዎዛናይ ታን ዎርደተናዋ ታዉ ማርካቲ።

2-3 ታዉ እሹዋን ዛረ ግድያ ታናዳን እማንያዋንቶ፡ ታ ዎዛናን ዳር ቃረታይን አገና ቆፋይ ደኤ። እያዉ ጎፕ፡ ታን ታ ሀጸዉ ኡንቱንቱ ድራዉ፡ ጸሳ ሸቃፕ ጋርሳና ደእርክታሻ! ቃይ ክርሰቶሰሳፕካ ሻክታርክታሻ!

4 ኡንቱንቱ እስራኤልያ አሳቱዋ፤ ጸሳይ ኡንቱንታ ባረ ናና ኦሊደ፡ ባረ ቦንቹዋ ኡንቱንቱና ሻኬዳ። ኡንቱንቱና ቃላ ገሊደ፡ ሀግያ ኡንቱንቶ እሜዳ። ኡንቱንቱ ጸሳዉ በሰያ ኡግያን ጎይኒና፤ ቃይ ጸሳይ እማና ጌዳዋካ እኪድና።

5 ኡንቱንቱ ዘረሳን ካሰ አዎታዋ ዛረ፤ ቃይ ክርሰቶሰካ እሹዋን ኡንቱንቱ ዛረ። እ፡ ኡባፕ ቦላ ግዲደ ሞድያ፡ ሙድናዉ ጋለተዳዌ ጸሳ። አሙንእ።

6 ሸን ታን፡ “ጸሳይ እማና ጌዳዌ አታና” ያገከ። እያዉ ጎፕ፡ እስራኤልያ አሳ ኡባቲ ጸሳይ ደራዳዋንታ ግድክና።

7 ቃይ እብራሃሙ ዘረሳቱ ኡባቲ ጸሳ ናና ግድክና። ጸሳይ እብራሃሞ፡ “ነ ዘረሳይ ይሳቃ ባጋና ጸሰታናዋ” ያጌዳ።

8 ሄዋ ጉሳይ ኡንቱንቱ ጸሳይ እማና ጌዳ ኡግያን የለቲዳ ናናይ ዛርያዳን ፓይደታና፤ ሸን አሳ ቆፋዳን የለቲዳዋንቱ ጸሳ ናና ግድክና ጉሳ።

9 እያዉ ጎፕ፡ ጸሳይ እማና ጌደ ሃሳዬዳዌ ሀዋ፤ “ታን ሀ ጌተዳዋዳን ሄ ዎደ ያና፤ ሳራካ እቲማ ናእ የላና” ያጌዳ።

10 ሄዋ ጸሳሳካ ግደና፤ እርቢቃ የሌዳ ማንተ ናና እዉ እቲዋ፤ አካ ኑ አዉዋ ይሳቃ።

11-12 ሸን እት ናእ ደራዳ ጸሳይ ባረ ሀጸዉ ቆፕዳዋ ግዳናዳን፡ ጸሳይ እርቢቅዉ፡ “ባይራይ ቲፋዉ እዛዘታና” ያጌዳ፤ እ ሄዋ ኡንቱንቱ የለታናፕ ኢታባ ዎይ ሎኦባ አይን ኦላናፕ ካሰና ጌዳ። ሄዋ ድራዉ፡ ጸሳ ደራ እ ጸሴዳዋዳንፕ አትን፡ ኡንቱንቱ ኦሌዳዋና ግደና።

13 ጸሳ ማጻፋይ፡ “ያቆባ ሲቃድ፤ ሸን ኤሳ አጻድ” ያጌ።

14 ያትና፡ ኑን ዋጋኔ? ጸሳይ ደሸሲደ ፕርዲ? ሄዋ ግደና።

15 እያዉ ጎፕ፡ ሙሴዉ እ፤

“ታን ማራናዉ ኮይያዋንታ ማራና፤ ቃይ ቃረታናዉ ኮይያዋንቶካ ቃረታና” ያጌዳ።

16 ሰሞ ጸሳይ አሳ ማርያዌ እ ማራናዉ ኮይያ ድራሳፕ አትን፡ ጸሳይ ኮይያ ዎይ ኦላያ ድራሳ ግደና።

17 እያዉ ጎፕ፡ ጸሳ ማጻፋይ ግብጼ ካትያዉ፡ “ታን ታ ዎልቃ ኔናን በሳናዉን ታ ሰንሳይ አላሞያ ኡባን ኦይታናዉ፡ ሄዋ ታን ኔና ካዉላድ” ያጌ።

18 ሰሞ ጸሳይ ማራና ኮይያዋ ማራ፤ ቃይ ዎዛና ጎርዳና ኮይያዋ ዎዛና ጎርዳ።

#### ጸሳ ሀንቁዋን ማርታ

19 ሰሞ ሀንተ ታና፡ “ሄዌ ቱማ ግደፕ፡ ጸሳይ አሳ ባይዘ እያዉ ቶሺ? ጸሳይ ጌዳዋ እጻድ ጋናዌ ኦይ?” ያጋናዉ ዳንዳዪታ።

20 ሸን ታ ላገጠ። ጸሳው ዛራናው ኔን ኦኔ? ኡርቃፕ መጠቴዳ ሚሻይ ጉዮ ዛሪደ ባረና መጪዳዋ።  
“ታና ሀዋዳን እያው መጻዲ?” ገደ ኦቻናው ዳንዳዪ?

21 ዋይ ኡርቃ መጽያዋ ባረ መጽያ ኡርቃ ባረ ኮይያዋዳን ኦላናውን እት ማላ ኡርቃፕ እቱዋ ቦንሻ ሚሻ ኦሌደ። ቃይ እቱዋ ቶሸቲዳ ኦሱዋ ኦላያ ሚሻ ኦሌደ መጻናው እው ማት ባዌ?

22 ጸሳይ ኦሌዳዋ ሀዋና እቱዋ። እ ባረ ሀንቁዋ በሳናውን ባረ ዋልቃ ኤርሳናው ኮዬዳ፤ እ ባረ ሀንቁዋን ፕርዳናዋንታ። ባይዛናው ገግ ኡቴዳዋንታ። ዳር ገንጨዋን ዳንዳዬዳ።

23 ቃይ እ ማሪዳዋንታ። ባረ ቦንቹዋ አካናው ገግሰ ዋሌዳዋንታ እ አይ ኪና ቦንቹትንቶን በሳናው ኮዬዳ።

24 ኦን እ ዴሴዳዋንታ፤ ሸን አይሁዳ አሳ ጸላላፕ ግደና። አይሁዳ ግደና አሳ ግደፕካ ዴሴዳ።

25 ሆሰእ ማጻፋን እ ግያዌ ሀዋ፤

“ታ አሳ ግደናዋንታ።

‘ታ አሳ’ ገደ ዴሳና።

ታን ሲቃቤና ዛርያካ።

‘ታ ሲቃቶ’ ገደ ዴሳና።

26 ላንተንቱ ታ አሳ ግደክታ’ ግያዋ።

ኡንቱንቱ ሰሴዳ ሄ ሳኣን።

ኡንቱንቱ። ‘ደኡዋ ጸሳ ናና’ ጌተቲደ ዴሰታናዋንታ”

ያጌ።

27 እሰያሰ እሰራኤልያ አሳባ ያጌደ ሃሳዬዳ፤

“እሰራኤልያ አሳይ አባ ማታን

ደእያ ሻፍያ ኪና ግደፕካ።

ኡንቱንቱፕ አማራዳዋንቱ ጸላላይ አታና።

28 እያው ጎፕ።

ጎዳይ ሳኣ ቦላን ደእያ አሳ ኡባ ቦላ።

ኤላካ ፕርዳና”

ያጌዳ።

29 እሰያሰ ካሰቲደ።

“ኡባፕ ዋልቃማ ጎዳይ።

ኦው አማራዳ ዘረላ አሸንጎቶ።

ኦን። ሶደማ ካታማዳን።

ጋሞራ ካታማዳን ሀኔደሸን”

ያግ ሃሳዬዳ።

30 ያትና። ኦን ዋጋኔ? ጽሎተላ ኮይቤና አይሁዳ ግደና አሳይ አማኑዋን ጽሌዳ፤

31 ሸን እሰራኤልያ አሳይ ባረንታ ጽልሰያ ህግያ ኮዬዳዋንቱ ሄ ህግያ ደምበይክኖ።

32-33 እያው ደምበይክኖ? ኡንቱንቱ ኦሱዋናፕ እትን። አማኑዋን ጽሎተላ ኮይቤና ድራራ።  
ኡንቱንቱ ጸሳ ማጻፋይ።

“አኪክተ፤ ታን ጽዮንን አሳ ጭቢያ ሹቻ።

ኡንቱንቱ ኦግያን ዛላ ዋላና።

ሸን እን አማንያ ኦንን ዬላተና”

ያጌደ ጸፈቶዋዳን ጭቢያ ሹቻን ጭብቲድና።

# 10

## እሰራኤልያ አሳይ ጸሳ ኦግያ ካልቤና

1 ታናዳን አማንያዋንቶ። ታን እሰራኤልያ አሳው ታ ኩመንላ ዋዛናፕ አሞትያዌን ጸሳ ዋሰያዋ ኡንቱንቱ አታናሳ፤

2 እያው ጎፕ። ኡንቱንቱ ጸሳው ኦላናው ሎይላ ኮይያዋ ታን ማርካታይ፤ ሸን ኡንቱንቱ ጸሳው ኦላናው ሎይላ ኮይያ ኮሻይ ቱሙ ኤራተላፕ ግደና።

3 እያው ጎፕ። ጸሳይ አሳ ጽልሰያ ኦግያ ኡንቱንቱ ኤረና። ባረንቱ ሁጸ ጽሎተላ ኤሳናው ኮዬድኖ፤ ቃይ ባረንቱ ሁጸው ጸሳይ አሳ ጽልሰያ ኦግያ ኡንቱንቱ ኡኖ ግበይክኖ።

4 እያው ጎፕ። አማኔዳ ኡባይ ጽላናዳን። ክርሰቶሰ ህግያ ቆፋ ፖሌዳ።

## አቶተላይ ኡባሳ

5 አሳይ ህገወ እዛዘቲደ ጽልያባዉ ሙሴ፣ “ህጊ እዛዘያዎ ኦልያ ኦንነ ሄ ህግያን ፓጻ ደአና” ያግ ጸፊዳ፤

6 ሸን አማኑዋን ጽልያባዉ ጌተቲዳዌ ሀዋ፤ “ነ ዋዛናን፣ ኦን ሳሉዋ ዩደ ባኔ?” ጎፓ። ሄዌ ክርሰቶሳ ዲገ ዋላናሳ፤

7 ዋይ “ዲገ ሳእ ጋርሳ ዋላናዌ ኦኔ?” ጎፓ። ሄዌ ክርሰቶሳ ሀይቁዋፕ ደንላናሳ።

8 ሸን እ ግያዌ ሀዋ፤ ጸሳ ቃላይ ነ ማጎና፤ ነ ደናንነ ነ ዋዛናን ደኤ፣ ጌተቲዳ” ያጌ። ሄዌካ ኦን ህንተንቶ ኦድያ አማኑዋ ቃላ።

9 ኔን፣ “የሱሰ ጎዳ” ጋደ ነ ደናን ማርካቶፕ፣ ቃይ ጸሳይ ሀይቁዋፕ እ ደንጮዳዋ ነ ዋዛናን አማናፕ፣ ኔን አጎና።

10 አያዉ ጎፕ፣ አሳይ ባረ ዋዛናን አማኒደ ጽሌ፤ ባረ ደናንነ ማርካቲደ አቴ።

11 ጸሳ ማጸፋይ፣ “አን አማንያ ኦንነ ዬላተና” ያጌ።

12 አይሁዳ አሳነ አይሁዳ ግደና አሳ ግደን ዲማተላይ ባዋ። እት ጸሳይ ኡባ ጎዳ፤ እ ባረና ጴሰያ ኡባቶ ዳር ኬካ።

13 አያዉ ጎፕ፣ ጸሳ ማጸፋይ፣ “ጎዳ ሱንላ ጴሰያ ኦንነ አጎና” ያጌ።

14 ያትና፣ አንቲንቲ እ አማንቤናዋንጎ ግደፕ፣ ዋት እ ጴሳናዉ ዲንዳዪና? ቃይ ቃላ ሰሰቤናዋንቲ ዋን አማናናዉ ዲንዳዪና? ቃላ ኦድያዌ ጳዮፕ፣ አንቲንቲ ዋን ሰሳናዉ ዲንዳዪና?

15 ቃይ ቃላ ኦድያዋንቲ ከተተናን አጎፕ፣ ኦሱ ዋት ኦደጎናዉ ዲንዳዪና? አያዉ ጎፕ፣ ጸሳ ማጸፋይ፣ “ናሸቶያ ሞሸራቹዋ ኦድያዋንቲ ዩሳይ ዋት ሎኢ!” ያጌ።

16 ሸን አንቲንቲ ኡባይ ዋንጋላዉ እዛዘትቤይክና፤ አያዉ ጎፕ አሰያሰ፣ “ጎ ጎዳዉ፣ ኦን ማርካቲዳዋ ኦን አማኔዳ?” ያጌዳ።

17 ሰሞ አሳይ ቃላ ሰሲደ አማኔ፤ ቃይ እት ኡራይ ክርሰቶሳ ቃላ፣ ኦድና ሰሴ።

18 ሸን አንቲንቲ ቃላ ሰሰቤናዌ ቲማ ጋደ ጎን ኦቻይ። ቲማ አንቲንቲ ሰሴድና፤ ጸሳ ማጸፋይ፣ “አንቲንቲ ሃሳያ ኮሻይ

ሳእ ኡባን ላለቲዳ፤ አንቲንቲ ቃላይካ ሳእ ጋጻ ጋኬዳ”

ያጌዳ።

19 ሸን አሰራኤልያ አሳቲ ኤርቤይክናዬ ጋደ ጎን ኦቻይ። ሙሴ ካሰ፣

“ጎን ህንተንታ አሳ ግደና አሳቲዋን ሴልሳና፤ ቃይ ኤያ አሳቲዋን ጎን ህንተንታ ሀንቀሰሳና”

ያጌዳ።

20 ቃይ አሰያሰ ዳር ጸሊደ፣

“ጎና ኮይቤናዋንቶ ቤጎድ፤ ጎና ኦቶቤናዋንቶካ ቆንጫድ”

ያጌ።

21 ሸን አሰራኤላቲዋባ እ ሃሳዪደ፣

“ጋሳሳ ኡባ እዛዘተናዋንቶን ጎፓ አጽያዋንቶ ጎ ኩሸያ ሞጫድ” ያጌ።

# 11

ጸሳይ አሰራኤልያ አሳ ዉርሰ ኦልቤና

1 ያትና፣ ጸሳይ ባረ አሳ እጴደ ጋደ ኦቻ? ሄዋ ግደና፤ አያዉ ጎፕ፣ ጎን ጎ ሁጸዉ አሰራኤልያ አሳ፤ አብራሃሙ ዛረ፤ ቢንያማ ያራ።

2 ጸሳይ ኮይሮ ደሬዳ ባረ አሳቲዋ አጸና፤ ጸሳ ማጸፋይ፣ ኤላሳ ጎርክያ ግደን፣ ኤላሰ አሰራኤላቲዋ ጸሳ ሰንላን ዋት ዋትንቶ፣ ህንተ ኤሪጎ።

3 “ጎዳዉ፣ አንቲንቲ ሄ ሱንላን ናባቲዋ ዋይድና፤ ነ ያርሸያ ሳካ ኮሌድና። ያትና፣ ጎን ጎ ጸላላይ አጎድ። ቃይ አንቲንቲ ጎናካ ዋላናዉ ኮዪና” ያጌዳ።

4 ጸሳይ አዉ ዋግ ዛሬዳ? “ጎን ኤቃ ባኣላዉ ጉልባትቤና ላፑ ሻእ አሳ ጎዉ አሻድ” ያጌዳ።

5 ሀዋዲንካ ቃይ ሀ ዋድያን፣ ጸሳይ ባረ አጼ ኬካተላን ደሬዳ አማራዳ አሳቲ ደአና።

6 ሸን እ ባረ አጼ ኬካተላን ደሬዳፕ እትን፣ አንቲንቲ ኦሱዋን አንቲንቲ ደርቤና፤ ሄዌ ጳዮፕ፣ እ አጼ ኬካተላይ ቲሙ አጼ ኬካተላ ግደና።

7 ያትሩ፣ እዬ? እስራኤልያ አሳቱ ባረንቱ ኮይያዎ ደምበይክኖ፤ ሽን ጸሳይ ዶራዳ አማራዳዋንቱ ደሜድኖ። የኮንቱ ዋዛናይ ምኔዳ።

8 ሀዋዳንካ፣ ጸሳ ማጻፋይ፣  
“ጸሳይ ኤንቱንቱ ባረንቱ እይፍያን በኤናዳንን  
ባረንቱ ሀይላን ሰሰናዳን፣  
ሀዋ ጋካናወ ኤንቱንቶ፣  
አዛላ እያና አሜዳ”

ያጌዳ።

9 ቃይ ዳዊተ ያጌዳ፤  
“ኤንቱንቱ ምያ ጋይታይ ኤንቱንታ ጲርያዳን ኦይቆ፤  
ኤንቱንታ ጉፋንሶ፤ ኤንቱንቶ ኩሽያ ሸር ጭን።

10 ኤንቱንቱ ጸለናዳን፣ ኤንቱንቱ እይፊ ጎዘቶ፤  
ኡባ ዋይ ባረንቱ ሙቱዋን ቁኒደ ደእኖ”

ያጌዳ።

11 ያትሩ፣ እይሁዳቱ ቆብቲዳ ዋይ፣ ደንደናዳን ኩንዴድኖ? ሄዎ ግደና፤ ኤንቱንቱ ናጋራ ኦሌዳ ድራወ፣ አቶተሳይ ኤንቱንቱ እይሁዳ ግደና አሳቱዋ ቃናታናዳን፣ እይሁዳ ግደና አሳወ ዬዳ።

12 ሸን እይሁዳቱ ናጋራ ኦሌዳ ድራወ፣ አላመወ ዳር እንጂ ዬዳ፤ ቃይ ኤንቱንቱ ኩንደላይካ እይሁዳ ግደና አሳወ ዳር እንጂዋ እሄዳ። ያትሩ፣ እይሁዳቱ ኡባይ ጉጀትያ ዋይ፣ እንጂ ዋይሳ ከና ዳራንዴሻ!

**እይሁዳ ግደና አሳይ አታና አቶተሳ**

13 ሸን ታን ሀእ ሀንተንቶ፣ እይሁዳ ግደና አሳወ ሃሳያይ፤ ታን እይሁዳ ግደና አሳወ የሱሰ ከቲዳዋ ግደና ድራወ፣ ታ ኦሱዋ ቦንቻና።

14 ታን ታ ዛረ ግደና አሳቱዋ ቃናታንቻቱዋ አላፎ፣ ኦን ኤር ኤንቱንቱፎ አማራዳዋንታ አሸናን አግከ።

15 እያወ ሳፎ፣ ጸሳይ ኤንቱንታ እጹዳ ዋይ፣ ሀ አላሚ ጸሳና ሰገቱ። ያትሩ ጸሳይ ኤንቱንታ ሸሽ አክያ ዋይ፣ ሀይቁዳድ ደኤዋ ደማናፎ አትን፣ እዬ ሀናኔ?

16 ኮይሮ እይፊ ባጋ ሙናቃይ እንጀቲዳዋ ግደፎ፣ ሙመ ሙናቃይካ ቃይ እንጀቲዳዋ ግደና፤ አት ሞላ ጸጹ እንጀቲዳዋ ግደፎ፣ ሀይሳይ ኡባይካ ቃይ እንጀቲዳዋ ግደና።

17 ሸን ዋራን ዶሌዳ ዋጋራ ሞላ ቃንካፎ አቱዋ አቱዋ ካራዳሳን፣ ኔና ዋራን ዶሌዳ ዋጋራ ሞላ ማላ ሄ ዋጋራና ጋሳ ቃቼደ፤ ኔን ቃይ ዛይቲ ከሰያ ዋጋራ ሞላ ጸጹዋና አትፎ ደእ።

18 ሰም ኔን ሄ ካረት ዋዴዳ ቃንካቱዋ ቦላን ኦቶረታናወ በሰና፤ ሸን ኔን ኦቶረትያዋ ግደፎ፣ ጸጹ ኔና ቶኪፎ አትን፣ ኔን ጸጹዋ ቶከናዋ እኪካ።

19 ሄዋ ድራወ ኔን፣ “ኤ፤ ሸን ቃንካቱ ታን ኤንቱንቱ ሳካን ገላናዳን ካረቲድኖ” ያጋና።

20 ሄዌ ቱማ፤ ኤንቱንቱ አማንቤና ድራወ፣ ካረቲድኖ፤ ኔን አማኔዳ ድራወ፣ ሄ ሳካን ኤቃዳ። ሸን ያያፎ አትን፣ ኦቶር ቆፋ ቆፎ፣

21 እያወ ሳፎ፣ ጸሳይ ሙ[ ]ታ ቃንካ ማላትያዋንቶ፣ እይሁዳቶ ቃረትቤናዋ ግደፎ፣ ነዉ ቃረትያዋ ማላቲ?

22 ሰም ጸሳ ኪካተላን ጸላተላ በእ። ኩንዴዳዋንቶ እ ጸላ፤ ሸን ኔን እ ኪካተላን ምናደ ደእፎ፣ እ ነዉ ኪካ፤ ሄዌ ቆየፎ፣ ኔንካ ቃይ ቃንጸታና።

23 እይሁዳቱካ ቃይ አማንናን እጹያዋ አሳፎ፣ ጸሳይ ካሰ ኤንቱንቱ ደእያ ሳን ዛሪደ ዋላና፤ እያወ ሳፎ፣ እ ኤንቱንታ ዛሪደ ዋላናወ ዳንዳዬ።

24 እያወ ሳፎ፣ ጸሳይ ሀንተንታ ዋራን ደእያ ኮይሮ ሙ[ ]ታ ዋጋራ ሞላፎ ቃንጸደ፣ ሀንተንቱ ሙ[ ]ታን ዋራን ዶሌዳዋንቱን ግደና አሳ ኩሙንላ ፎይዳ ጸሳን ጋካናወ ጋምእና።  
25 ሀዋዳንካ፣ እስራኤልያ አሳይ ኡባይ አታና፤ ጸሳ ማጻፋይ ሀዋዳን ያጌ፤  
“አሸያዌ ጸዮን ጌተትያ ካታማፎ ዪደ፣  
ናጋራ ኦሱዋ ኡባ ያቆባ ዛርያፎ ድጋና።

**ጸሳ ማርታይ ኤባሳ**

25 ታናዳን አማንያዋንቶ፣ ታን ሀንተ ኤራናዳን ኮይያ ቱሙ ጸራ የወ ደእ፤ ሄዌ ሀንተ ሀንተንታ ሀንተረካ፣ ኩን እጹዳ ኤራንቻ ያጌደ ቆፎያዋ ድጌ፤ እስራኤልያ አሳፎ ባጋይ ሰሰናን እጹዳ፤ ሸን ሄ ሰሰናን እጹያዌ እይሁዳ ግደና አሳ ኩሙንላ ፎይዳ ጸሳን ጋካናወ ጋምእና።

26 ሀዋዳንካ፣ እስራኤልያ አሳይ ኡባይ አታና፤ ጸሳ ማጻፋይ ሀዋዳን ያጌ፤

“አሸያዌ ጸዮን ጌተትያ ካታማፎ ዪደ፣  
ናጋራ ኦሱዋ ኡባ ያቆባ ዛርያፎ ድጋና።

27 ታን ኡንቱንቱ ናጋራ እቶ ያግያ ዎደ፤ ኡንቱንቱና ገላና ቃላ ጫቁ ሀዎ” ያጌ።

28 እይሁዳ ግደና አሳቶ፣ እይሁዳቱ ዎንጋላ ሞሽራቹዎ ባገና ህንተ ድራሬ። ጸሳና ሞርከ፤ ሽን ጸሳ ደረረዎ ባገና አዎቱዎ ድራሬ። ኡንቱንቱ እ ሲቅያዎንታ።

29 እያወ ጎጥ፣ ጸሳይ ባረ እሜዳዎ ገዮ አከና፤ ቃይ ባረ ጸሴዳዎ እጸድ ጌና።

30 እይሁዳ ግደናዎንቶ፣ ጸሳወ ህንተ ካሰና አዛዘተባይክታ፤ ሽን እይሁዳቱ አዛዘተናን እጸዳ ድራሬ። ጸሳ ማርተላ ሀእ ህንተ እኬድታ።

31 ሀዎዳን፣ ህንተ እኬዳ ማርተላ ድራሬ። እይሁዳቱ ቃይ ጸሳ ማርተላ ሀእ አካናዳን፣ ጸሳወ አዛዘተናን እጸድድና።

32 እያወ ጎጥ፣ ጸሳይ አሳ ኡባ ማራና ማላ፣ አሳይ ኡባይ አወ አዛዘተናን እጸያ ሀናታን ቃቹዳ።

33 ጸሳ ዱረተላይ ዎይሳ ከና ዳሬ? አ አቆ ኡራተላይን አ ኡራተላይ ዎይሳ ከና ጨሜ? አ ፐርዳ ኦዳናዌ ኦኔ? አ ባረ ኦልያዎ እያወ ኦልንቶ፣ ኦኔ እኬክያዌ?

34 ሄዎ ጸሳ ማጸፋይ፣ “ላዳ ዎዛና ኤርያዌ ኦኔ? አ ዘራናወ ዳንዳይያዌ ኦኔ?

35 ዎይ ባረ ኩሽያ ዛራና ማላ፣ አወ እትባ እሜዳዌ ደኢ?” ያጌ።

36 እያወ ጎጥ፣ ኡባባ እ መጴዳ፤ ቃይ ኡባባይካ እ ማታንን እወን ደኤ፤ ጸሳወ መጵናወ ቦንቹ ግድ። አመንአ።

# 12

## ጸሳወ ኦሳናዳን ኑን ዎኒደ ደእናወ በሲ?

1 ሰሞ ታናዳን እማንያዎንቶ፣ ህንተ ህንተ ኦናተላ ጸሳ ናሽቶያ ደኢን ጌሻ ያርሹዎ ኦሊደ፣ ጸሳወ ሸሻናዳን፣ ታን ህንተንታ ጸሳ ማርተላን ዎሳይ፤ ጸሳወ ህንተ ጎይናወ በሲያ ቱሙ እጊ ሄዎ።

2 ጸሳይ ህንተ ቆፋ ኡባና ዱማዪድ፣ ህንተንታ ላሞጥ አትን፣ ሀ አላምያ አሳ ማላቶጥተ። ሄ ዎይ ህንተ፣ ጸሳ ሸኒ ሎኦባይ፣ አ ናሽቶያባይን ቃይ ፖሎ ግዴዳባይ አዮንቶ ኤራንታ።

3 ጸሳይ ሸኒ ወን አሜዳ አቆ ኬካተላን ታን ህንተንቶ ኦዳይ። ህንተንቱ ቆገናወ በሲያዎጥ አሊደ፣ ኦቶራዎን ቆፖጥተ፤ ሄዎ እጊደ፣ ዎዛና ማርተላን ቆጥተ፤ ጸሳይ ህንተንቶ ሁጲያን ሁጲያን እሜዳ እማኑዎ ከናን ህንተ ቦላ ፐርድተ።

4 ኑ አት ቦላ ግደን፣ ጮራ ቦላ ቆሞቱ ደኢና፤ ሄ ቆሞቱዎ ኡባወካ ዳማ ዱማ ኦሎ ደኢ።

5 ሀዎዳን፣ ኑን ጮራ አሳ ግደጥካ፣ ክርሰቶሳ ባገና አት አሳ። ቃይ ኑን አት አሳተላ ቆሞቱዎዳን፣ አቱ አቱዎና ኦይቀት ኡቴደ።

6 ጸሳይ ኑወ አሜዳ አቆ ኬካተላን ዳማ ዱማ እሞታይ ደኢ። ኑ እሞታይ ናበተላ ግደጥ፣ ኑወ ደእያ እማኑዎ ከና ኦዳናወ በሲ።

7 ሀራቱዎ ማዲሳ ግደጥ፣ ሄ ኦሎዎን ምናናወ በሲ፤ ታማርሱሳ ግደጥ፣ ሄ ታማርሱዎን ምናናወ በሲ።

8 ሀራ አሳቱዎ ምንሱሳ ግደጥ፣ ሄ ኦሎዎን ምናናወ በሲ። ባረ ሁጲወ ደእያባጥ ሀራቶ እምያ ኦንን ዎዛናጥ አሞ። ማታይ ደእያ ኡራይ ምንሰ ኦሳናወ በሲ፤ ሀራቶ ኬክያ ኡራይ ናሽቻን ኬካናወ በሲ።

9 ህንተንቱ ሲቁ አሳ በሳናወ ሲቀትያዎ ግዳናወ በሲና። ኢታባ እጸተ፤ ሎኦባ ምንሲደ ኦይቂተ።

10 አቱ አቱዎና እሻቱዎዳን ሲቀትተ፤ አቱ አቱዎ ቦንቶያዎን ናሽትተ።

11 ምኒደ አልተ፤ አዛሎጥተ፤ ህንተ ኩሙንላ ዎዛናጥ ጎዳወ አልተ።\*

12 ጸሳይ ህንተንቶ እማና ጌዳዎን ናሽትተ፤ ዎይያን ገንጭተ። ኡባ ዎይ ጸሳ ዎሰተ፤

13 ጸሳ አሳቱዎ ኩሽያባን ማድተ፤ እማላ ሞክተ።

14 ህንተንታ ደርሰያዎንታ አንጅተ፤ ኡንቱንታ አንጅተተ አትን፣ ሸቆጥተ።

15 ናሽቶያዎንቱና ናሽትተ፤ ዩክያዎንቱናካ ዩክተ።

16 አሳ ኡባወ አት ማላ ቆፋ ቆጥተ፤ ኦልያባን ኡባን ህንተንታ ቶቹደ ደልተጥ ፣ አትን፣ ኦቶቶጥተ፤ ህንተንታ ህንተረካ አቆ ኤራንቻ ጊደ ቆፖጥተ።

17 ኦንን ህንተንቶ ኢታባ ኦልጥ፣ ሄ ኡራወ ኢታባ ኦል ዛርጥተ፤ አሳ ኡባወ ሎኦባ ኦሳናወ ቆጥተ።

18 አሳ ኡባና ሳርተላን ደእናወ፣ ህንተ ባገና፣ ህንተንቶ ዳንዳዮቲዳባ ኡባ አልተ።

19 ታናዳን እማንያዎንቶ፣ ህንተ ህንተ ሁጲወ አሳወ ሀሉዎ ከሰጥተ። ጸሳይ ሀሉዎ ከሳናዳን፣ አ ቦላ ኦልተ። እያወ ጎጥ፣ ጸሳ ማጸፋይ፣ “ላዳይ፣ ታን ሀሉዎ ከሳና፤

11:27 ኤር. 31:33-34    11:33 ኢሳ. 55:8    11:34 ኢሳ. 40:13    11:35 ኢዮባ 41:11    11:36 1 ቆር. 8:6    \* 12:11 ኩሙንላ ዎዛናጥ ጎዳወ አልተ- ጌሻ እያና ካለሰቲደ ከተትያዎንታ ግድተ።    † 12:16 ህንተንታ ቶቹደ ደልተ- እሽከ ግድተ ጉሳ።    12:16 ለሞ. 3:7

ታን ኩሽያ ጭጋና ጌ”

ያጌ።

20 ሸን ጸሳ ማጻፋይ፡

“ነ ሞርኪ ኮሻቶ፡ ሞዛ።

ሳመቶ፡ ኡሻ።

አያው ጎ፡ ኔን ሄዋ ኦልያዋን፡

እ ዳርሳ ዬላያሳ”

ያጌ።

21 ኢታባ ሎኦባን ጸናፕ አትን፡ ኢታባይ ኔና ጸናፕ።

### 13

ጋድያ አይሰያዋንቶ ኤኖ ጋናው በሴ

1 አሳይ ኡባይ ጋድያ አይሰያዋንቶ ኤኖ ጋናው በሴ፤ አያው ጎ፡ ጸሳይ ጌናን ደለሸን፡ ጋድያ አይሰያዋ ደአናው ዳንዳየና። ሀእ ደአያ አይሰያዋንቱካ ጸሳይ ዋፌዳዋንታ።

2 ሄዋ ድራው፡ ሀእ ደአያ አይሰያዋንታ እጽያ ኦንነ ጸሳ አዛዙዋ እጾ፤ ባረ ቦላ ፕርዳ አሄ።

3 አያው ጎ፡ አይሰያዋንቱ ኢታባ ኦልያዋንታ ያሻናዋፕ አትን፡ ሎኦባ ኦልያዋንታ ያሸክኖ። አይሰያዋ ያየናን አጋናው ኮያይ? ያቶፕ ሎኦባ ኦሳ፤ እ ኔና ጋላታና።

4 አያው ጎ፡ እ ነው ሎኦባ ኦሳናው፡ ጸሳው ቆማ። ሸን ኔን ኢታባ ኦላ፡ ኢታባ ኦፌዳዋ እ ሴርያ ድራው፡ አው ያያ፤ እ ጸሳ ቆማ። ቃይ ኢታባ ኦልያዋንቱ ቦላ ጸሳ ሀንቁዋ እ አሄ።

5 ሄዋ ድራው፡ ጋድያ አይሰያዋንቶ ኤኖ ግያዌ ጸሳ ሙራ ጸላላሳ ግደናን፡ ሀንተንቱ ዋዛና ቆፋ ድራውካ ኤኖ ጋናው በሴ።

6 አያው ጎ፡ ጋድያ አይሰያዋንቱ ባረንቱ ኦሱዋ ኦልያ ዋደ፡ ጸሳው ኦልያ ድራው፡ ሀንተ ቃራጸ ቃንጽያዌ ሄዋሳ።

7 ኡባ አሳውካ በሰያዋ እምተ። ጌራ ጌራናው በሰያዋ ጌርተ፤ ቃራጸ ቃንጸናው በሰያዋ ቃንጽተ፤ ያያናው በሰያዋ ያይተ፤ ቦንቹ በሰያዋ ቦንቶተ።

እቱ እቱዋና ሲቀትተ

8 ሀንተንቱ እቱ እቱዋና ሲቀታናፕ አትን፡ ሀራ አጩ ኦ ቦላንነ ደኦ። አያው ጎ፡ ሀራ ሲቅያ ኦንነ ሀጊ ግያዋ ፖሊዳ።

9 “ዋሹዋፓ፤ ዋጾፓ፤ ወአፓ፤ አሳባ እምቶፓ” ግያ አዛዛቱን ሀራ አዛዛቱ ኡባቱ፡ “ነ ሾሩዋ ነ ሁጲያዳን ሲቃ” ግያ አዛዛቱን ኩሚኖ።

10 ባረ ሾሩዋ ሲቅያ ኦንነ አው ኢታባ ኦ□ና፤ ሄዋ ድራው፡ ሾሩዋ ሲቅያዌ ሀግያ ኡባው ኤኖ ግያዋ።

11 ገምእሹዋፕ ሀንተ ቤጎትያ ሳቲ ሀእ ጋኬዳ ድራው፡ ሀ ዋድያ አኬክተ። አያው ጎ፡ ኦን ኮይር አማኔዳ ዋድያ፡ ኦን አትያ ዋዲ ሀእ ኦኮ ማታቱዳ።

12 ቃማይ አቆናው ሀኔ፤ ጋላሳይ ማታቱዳ። ሰም ኦን ቆማ ኦሱዋ አጊደ፡ ፖኡዋን ኦላታናው፡ ኦላ ሚሻ ማኖይተ፤

13 ጋላሰ ፖኡዋን ደአያ አሳዳን፡ አነ ማራ ደኔይተ። የሳንነ ማሉዋን ግደፖ፤ ዋሹሙሳንነ ዋሹማናው ካጄሉሳና ግደፖ፤ ፓሉማንነ ቃናትያን ግደፖ።

14 ሸን ጎዳ የሱሰ ክርሰቶሳ፡ ኦላ ሚሻ አ ማይተ፤ ሀንተ ናጋራንቻ አሳተሳይ ባረ ዋዛና እሙዋ ፖላናዳን፡ አው ቆፖፕተ።

### 14

አሳ ቦላ ፕርደናን አኩሳ

1 አማኑዋን አዛልያ ኡራ ሺሸ አክተ። ሸን እ ባረ ሁጲው ቆፕያባን አናና ፓሉሙቶፕተ።

2 አት ኡራ አማኑ እ አያ ሚናን ድገና። ሸን አማኑዋን አዛልያ ኡራይ ጋደን ሞኬዳባ ጸላላ ሚ።

3 ኡባባ ሞያ ኡራይ ኡባባ ሚና ኡራ ካጾፖ፤ ኡባባ ሚና ኡራይካ ኡባባ ሞያ ኡራ ቦላ ፕርደፖ። አያው ጎ፡ ጸሳይ እ ሺሸ አኬዳ።

4 ሀራ አሳ ቆማ ቦላ ፕርደያዌ ኔን ኦኔ? እ ኩንድና ዋይ ደንድና ባረ ጎዳሳ፤ ሸን ጎዳይ እ ደንፋናው ዳንዳይያ ድራው፡ እ ኤቃና።

5 አት ኡራይ፡ “ሀቃ ጋላሳይ ሀራ ጋላሳቱዋፕ እጴ” ያጊደ ቆፕያ ዋደ፡ ሀራይ፡ “ኡባ ጋላሳቱካ አት ማላ” ጊደ ቆፕ። አሳይ ኡባይ ሁጲያን ሁጲያን ሄዋዳን አያው ቆፕንቶ አኬኮ።



6 እት ጋላሳ ሀራ ጋላሳቱዋጥ አሊደ ቦንቾያ ኡራይ ጎዳ ቦንቾ ቦንቼ፤ ቁማ ምያ ኡራይካ ጎዳ ቦንቾ ማ። እያዉ ጎጥ፣ እ ሄ ቁማ ድራው፣ ጸሳ ጋላቴ። ቁማ ማናዊካ ጎዳ ቦንቾ ማናን እኑዳ፤ ቃይ ጸሳ ጋላቴ።

7 እያዉ ጎጥ፣ ኑጥ ኦንነ ባረ ሁጳ ጸላላዉ ደኤና፤ ቃይ ኦንነ ባረ ሁጳ ጸላላዉ ሀይቀና።

8 ኑን ገጸ ደኦጥ፣ ጎዳዉ ደኤቶ፤ ቃይ ሀይቆጥካ፣ ጎዳዉ ሀይቁቶ። ሰም ኑን ገጸ ደኦጥ ዋይ ሀይቆጥካ ጎዳሳ።

9 ሄዋ ድራው፣ ክርሰቶሰ ገጸ ደእያዋንቶን ሀይቁዳዋንቶ ጎዳ ግዳናዉ ሀይቁደ፣ ሀይቁዋጥ ደንዴዳ።

10 ያትና፣ ኔን ነ እሻ ቦላ እያዉ ጥርዳይ? ዋይ ኔን ነ እሻ እያዉ ካጳይ? ኑን ኡባይካ ጸሳ ጥርዳ ኦይድያ ሰንላን ኤቃና።

11 እያዉ ጎጥ፣ ጸሳ ማጻፋይ፣

“ ታን ጎዳይ ታ ደኡዋን ጫቃይ፤ አሳይ ኡባይ ታ ሰንላን ጉልባታና። ቃይ ታን ጸሳ ግድያዋ፣

አሳይ ኡባይ ማርካታና፣ ያጋይ”

ያጌ።

12 ሰም ኑን ሁጲያን ሁጲያን ኑባ ጸሳዉ ኦዳና።

**ናጋራ ኦሶ ጋሱዋ ግድጋ**

13 ሄዋ ድራው፣ ኑን እቱ እቱዋ ቦላ ጥርድያዋ ሀዋጥ ሰንላዉ እነ አጎይተ። ሸን ኡባጥ አሊደ፣ ሀንተ እሻ ቆቢያባ ዋይ ናጋራን ኦልያባ ክርድዳን ቆፋ ቃቕተ።

14 ታን ጎዳ የሱሰ ክርሰቶሳና ደእያዋን፣ ባረ ሁጳዉ ቱና ግድያባይ ባይናዋ ኡራይነ እኩካይ። ሸን እት ኡራይ እትባ ቱና ጊደ ቆገጥ፣ ሄዌ እዉ ቱና ግዳ።

15 ኔን ምያባ ድራው፣ ነ እሻ ቆሆጥ፣ ሰም ኔን ሲቁዋን ደኡካ። ክርሰቶሰ እ ድራው ሀይቁዳ አሳ ነ ምያ ቁማን ባይዘገ።

16 ሰም ኔን ሎኦባ ግያዋ አሳይ ካጳፖ።

17 እያዉ ጎጥ፣ ጸሳ ካዉተሳይ ጌሻ እያናይ እምያ ጽሎተሳ፣ ሳርተላነ ናሽቻ ግድያዋጥ አትን፣ ሙሳነ ኡሻ ግድና።

18 እያዉ ጎጥ፣ ክርሰቶሳዉ ሀዋዳን ኦልያ ኡራይ ኦንነ ጸሳ ናሽቼ፤ አሳይካ እ ጋላቴ።

19 ያቶጥ፣ እነ ኑን ሳርተላ እህያባነ ኑና እቱዋ እቱዋና ምንሰያባ ኡባ ኮይቶ።

20 ጸሳ ኦሱዋ ቁማ ድራው ባይዘገ። ቁማይ ኡባይ ጌሻ፤ ሸን ሀራ ኡራ ናጋራን የግያዋ ሙሳይ ኢታ።

21 ሄዋ እሹዋ ማናን ዋይ ኡሻ ኡሸናን ኡግያዌ ዋይ ነ እሻ ቆቢያባ እያን ኦባናን ኡግያዌ ሎኦ።

22 ሀ የዉዋን ነ እማኑዋ ኔጥን ጸሳጥ ግዳዋን ናጋ። እት ኡራይ ሎእ ጊደ እ እማነቲዳዋ ኦልያ ዋደ፣ “ታን ሎኡዋ ኦሳድ” ጊደ ባረ ዋዛናን እማነቶጥ፣ ሄ ኡራይ ቱሙ እንጀቲዳዋ።

23 ሸን እ ሄ ምያባን ሰታኦጥ፣ እ ሙሳይ እማኑዋና ግድና ድራው፣ ጸሳይ እ ቦላ ጥርዳ፤ ቃይ እማኑ ባይናን ኦልዳዌ እያይኔካ ናጋራ።

**15**

**አሳ ናሽቻናዉ በሰያ ኦግያ**

1 ኑን እማኑዋን ምኔዳዋንቱ ዳቡራንቻቱዋ ቶኩዋ ቶካናዉ በሴ፤ ኑን ኑ ጸላላ ናሽቻናዉ በሰና።

2 ኑን ሁጲያን ሁጲያን ኑ እሻ ማዳናዉ፣ እማኑዋን እ ምንሳናዉን ናሽቻናዉ በሴ።

3 እያዉ ጎጥ፣ ሀራይ እቶ ክርሰቶሰካ ባረና ናሽቻቤና። ሸን ጸሳ ማጻፋይ፣ “ኔና ቦራዳዋንቱ ቦራዳ ቦሪ ታ ቦላ ዋዴዳ” ጌዳዋዳን ሀይዳ።

4 ጸሳ ማጻፋይ ኑዉ እምያ ገንጫንን ምናታን ኑን ደማና ጊደ ናሽቻን ናግ ኡቲዳዌ ደእና ማላ፣ ጸሳ ማጻፋን ጸፈቲዳ ኡባባይ ኑና ታማርሳናዉ ጸፈቲዳ።

5-6 ሀንተንቱ ኡባይ እት ዋዛና ግዳደ፣ እት ቃላን ጸሳ፣ ኑ ጎዳ የሱሰ ክርሰቶሳ እዉዋ፣ ቦንቻና ማላ፣ ገንጨቱን ምናተሳ እምያ ጸሳይ፣ ሀንተንቶ ክርሰቶሰ የሱሰ ኦልዳዋዳን፣ እቱ እቱዋና እትጥ ደእያ እት ቆፋ እዋ።

**ጳውሎሳ ኦሱዋን እማነና አሳዉ ጋኬዳ ምሽራቹዋ ቃላ**

7 ሄዋ ድራው፣ ክርሰቶሰ ሀንተንታ ሞኪዳዋዳን፣ ጸሳ ቦንቾ እቱ እቱዋ ሞክተ።

8-9 እያወ ጎጠ፣ ጸሳይ አማኒቲዳዋ ግድያዋ ኤርሳናው። ጸሳይ አዋቶ አማና ጌዳዋ ቱማያናውን አይሁዳ ግድና አሳይ ጸሳ አ ማርተላ ድራዉ ቦንቻናዉ ክርስቶስ አይሁዳቶ ቆማ ግዴዳዋ ሀንተንቶ ኦዳይ። ሄዋ ጸሳ ማጸፋይ።

“ሄዋ ድራዉ፣ ታን ኔና፣  
አይሁዳ ግድና አሳ ግድን ጋላታና፤  
ነ ሱንላካ ሳባና”

ያጌ።

10 ቃይካ፣

“አይሁዳ ግድና አሳቶ፣  
ጸሳ አሳቱዋና ናሽትተ”

ያጌ።

11 ቃይካ ጉጂይ፣

“ሀንተንቶ፣ አይሁዳ ግድና አሳቶ ኡባቶ፣  
ጎዳ ጋላትተ፤ አሳዉ ኡባዉ፣ አ ጋላትተ”

ያጌ።

12 ቃይካ እስያስ፣

“እስይ ዘረሳይ ዪይ፣  
አይሁዳ ግድና አሳ ሞዳናዉ ደንዳና።  
ቃይ ኡንቱንቱ አ ባጋና ደማና ጊይ፣  
ናሽቻን ናጋና”

ያጌ።

13 ሀንተንቱ አካና ጊይ ናሽቻን ናግያዌ ጌሻ እያና ዋልቃን ድጫናዳን፣ ሀንተንቶ አማና ጌዳ ጸሳይ፣ ሀንተ አ አማንያ ድራዉ፣ ሀንተንቶ ናሽቻን ሳርተላ ኩንሴይ አዋ።

**ጳውሎስ ጸሊደ ጸፊዳ ጋሱዋ**

14 ታናዳን አማንያዋንቶ፣ ሀንተንቱን ሎተላይነ ኤራተላይ ኡባይ ኩሜዳዋን ቃይ አቱ አቱዋ ዘራናዉ ዳንዳይያዋ ታን ታ ሀጸዉ ኤራድ።

15-16 ሸን ታን ሀንተንታ አትባ አትባ ጉጂ ቆፍሳናዉ፣ ሀ ዳብዳቢያ ግድን እይነ ያየናን ሀንተንቶ ጸፋድ። ታን ክርስቶሳ የሱሳ ቆማ ግድና፣ አይሁዳ ግድና አሳዉ ኦሳናዳን፣ ጸሳይ ታዉ አዶ ከካተሳ አሜዳ ድራዉ፣ ታን እይነ ያያበይከ፤ አይሁዳ ግድና አሳይ ጌሻ እያና ባጋና ጸሳዉ ጌሻ ግዲይ፣ አ ናሽቻን ያርሹዋ ግድናዳን፣ ጸሳ ዋንጋላ ሞሽራቹዋ ኦድያዋን ጌሻተላን ኦሳይ።

17 ሄዋ ድራዉ፣ ታን ክርስቶሳ የሱሳን ግድና ጸሳዉ ኦሳዉ ኦሳዳን ጌሻተላን ኦሳይ።

18-19 አይሁዳ ግድና አሳይ ጸሳዉ አዛዘታናዳን፣ ክርስቶስ ታ ባጋና ቃላን፣ ኦሱዋን፣ ማላን፣ ማላታ ዋልቃን ጌሻ እያና ዋልቃን ኦሳዳዋ ጸላላ ታን ኦዳናጥ አትን፣ ሀራባ ኦዳናዉ ጸልከ። ሄዋ ድራዉ፣ የራሳላመጥ ደማይ፣ አልዋርቆና ጌተትያ ጋድያ ጋካናዉ ዩያይ፣ ክርስቶሳ ዋንጋላ ሞሽራቹዋ ወርሳ ኦዳድ።

20 ሀዋዳንካ፣ ታን ሀራ አሳይ ደሜዳዋ ቦላን ደመናዳን፣ ክርስቶሳ ሱንላይ ጸሰትቤናሳን ዋንጋላ ሞሽራቹዋ ኦዳናዉ አሞታድ።

21 ሸን ጸሳ ማጸፋይ፣

“አባይ ሀዋ ጋካናዉ ኦዳትቤናዋንቱ አ በአናዋንታ፤  
ቃይ አባ ሰሰቤናዋንቱ አኬካናዋንታ”

ያጌ።

**ጳውሎስ ርመ ባናዉ ቆፔዳ**

22 ሄዋ ድራዉ፣ ታን ጮራ ዋይ ሀንተንቱኩ ያናዉ ኮያይ፤ ሸን ያናዉ ዳንዳያበይከ።

23 ሸን ታን ሀእ ሀ ሄራን ታ ኦሱዋ ወርሴዳ ድራዉን ጮራ ላይላጥ ደማይ ሀንተንታ ባይ በአናዉ ላሞቲዳ ድራዉ

24 ሀእካ ሀንተንቱኩ ባና ጋይ ቆፓይ፤ ታን እስፔን ጌተትያ ጋድያ ባይ ሀንተንታ በአናዉ ኮያይ፤ ቃይ አማራዳ ዋድያ ሀንተንታ በአይ ናሽቶዋጥ ጉይያን፣ እስፔን ቢሸን፣ ሀንተ ታና ማዳና ማላ ኮያይ።

25 ሸን ሀእ ታን ጸሳ አሳቱዋ ማዳናዉ፣ የራሳላመባይ።

26 እያወ ጎጠ፣ ማቅዶንያን አካይያ ጌተትያ ጋድያን ደእያ ዋሳ ጎላ አሳቱ የራሳላመን ደእያ ሀዬሳቶ ሚሻ አማናዉ ኮዬድኖ።

27 ኢንቴንቴ ባረንቴ ሁጸዉ ሀዋ ኦፋናዉ ቆፋ ቃቺድና። ኢንቴንቴ ሄ ሀዬሳቴዋ ማዳናዋ ኢንቴንቴ ኦፊድ ደኤ፤ ኢያዉ ጎፐ። ኢይሁዳቴ ባረንቴ ኢያና ኢንጂዋ ኢይሁዳ ግደና ኢሳቴዋና ሻኬዳዋ ግደፐ። ኢይሁዳ ግደና ኢሳቴካ ቃይ ባረንቴ ደኤዳባን ኢይሁዳቴዋ ማዳናዉ በሴ።

28 ሄዋ ድራዉ። ታን ሀ ኦሱዋ ዉርሴዳዋፐ ጉይያንን ኢንቴንቴ ሸቱዳ ሚሻ ኡባ ኢሜዳዋፐ ጉይያን። ኢሰፔን ባደ ህንተ ማታና ኢፋና።

29 ታን ህንተንቴኮ ብያ ዋደ። ክርሰቶሳ ኢንጂ ታናን ኩምና ባናዋ ኡራይ።

30 ታናናን ኢማንያዋንፍ። ታዉ ጸሳ ህንተ ዋሲደ። ዋሳን ህንተ ታናና ምናናዳን። ጎዳ የሱሰ ክርሰቶሳ ባገናን ጌሻ ኢያናይ ኢምያ ሲቆተሳን ታን ህንተንታ ዋሳይ።

31 ታን ይሁዳን ደኢያ ኢማንናዋንቴፐ ኢታናዳንን ቃይ ታን የሩሳላሙን ኦልያ ኦሱ ያን ደኢያ ጸሳ ኢሳቴዋ ናሸቶያዋ ግዳናዳን። ጸሳ ዋሰተ።

32 ቃይ ጸሳይ ጎፐ። ታን ህንተንቴኮ ናሸቻን ባደ። ህንተ ማታን ሸዎፓና።

33 ሳርተላ ጸሳይ ህንተንቴና ኡባና ግደ። ኢሙንኢ።

# 16

## ሳርታ

1 ክንክርያ ጌተትያ ካታማን ደኢያ ኢማንያ ኢሳና ኦልያ ኑ ምቻታ ፔባ ሎኦ ማጫ ኢሳ ግድያዋ ታን ህንተንታ ኤርሳይ።

2 ህንተንቴ ኢዛ ጌሻቴ ጎዳ ሱንላን ሞክያዋዳን ሞክተ፤ ቃይ ኢዛ ህንተንቴፐ ኮይያዋ ኢያ ግደፐ። ኢዛ ማድተ፤ ኢያዉ ጎፐ። ኢዛ ባረ ሁጸዉ ጮራ ኢሳ ማዳዉ፤ ቃይ ታና ታ ሁጸዉካ ዳርሳ ማዳዉ።

3 ክርሰቶሳ የሱሳ ኦሱዋ ታናና ኢትፐ ኦልያ ጵርሰቁልዉን ኢዛ ኢሰና ኢቁላሰ ታ ሳርቶዋ ኦድተ።

4 ኢንቴንቴ ታ ሸምፑዋ ድራዉ። ባረንቴ ሸምፑዋ ኢሰ ኢሜድና። ኢንቴንቴ ታ ጸላላ ግደናን። ኢይሁዳ ግደና ኢሳ ኢማንያ ኢሳይ ኡባይካ ጋላቴ።

5 ቃይ ኢንቴንቴ ጎልያ ኢማንያ ኢሳይ ሸቆያሳ ኦልደ ጋክትያ ኢሳ ኡባ ሳር ጌተ። ኢሰያ ጋድያን ክርሰቶሳ ኮይሮ ኢማኔዳ ታ ሲቆያ ኤፓንቶሳዉ። ታ ሳርቶዋ ኦድተ።

6 ህንተንቴ ሎይላ ዳቡራዳ ማይራዋ ሳርትተ።

7 ታናና ቃሻ ጎለን ደኤዳ ታ ዳቦ ግዴዳ ኢይሁዳቴዋ። ኢንድርንቆሳን የንያሳ ሳርትተ። የሱሰ ከቲዳዋንቴ ግደን ኢንቴንቴ ሎይላ ኤረቴዳዋን። ቃይ ኢንቴንቴ ክርሰቶሳ ታፐ ካሰና ኢማኔድና።

8 ጎዳና ኢትተላን ደኢያ ታ ሲቆ ላግያ ኢምፕልያቶሳዉ ታ ሳርቶዋ ኦድተ።

9 ክርሰቶሳ ኦሱዋ ኦናና ኢትፐ ኦልያ ኤርባናሳን ታን ሲቆያ ኢሰጸኩሳ ሳርትተ።

10 ክርሰቶሳና ኢ ደኢያዋ ኤረትና ፓጭያ ጸኔዳ ኢጸሊሳዉ ታ ሳርቶዋ ኦድተ፤ ኢርሰጸብሎሳ ሶይ ኢሳዉካ ታ ሳርቶዋ ኦድተ።

11 ታ ዳቦ ግዴዳ ኢይሁዳዉያ ሄርድዮናን ክርሰቶሳ ኢማንያ ናርሲሰሳ ሶይ ኢሳ ሳርትተ።

12 ጎዳ ኦሱዋን የቡርያ ትሩፎሶ ጌተትያ ማጫዋንታ ሳርትተ፤ ቃይ ጎዳዉ ዳር ዳቡራድ ኦልያ ሲቆያ ፐርሲሶ ሳርትተ።

13 ጎዳ ኦሱዋን ሎይላ ኤረቴዳ ሩፎሳየዉን ታና ባረ ናኢዳን ማዴዳ ኢ ዳይዉ ታ ሳርቶዋ ኦድተ።

14 ታ ሳርቶዋ ኢሰንክሪቶሳዉ። ፕሊንናዉ። ሄርሜሳዉ። ፓትሮባሳዉን ኢንቴንቴና ደኢያ ኢማንያ ኢሻቴዋ ኡባዉ ኦድተ።

15 ፕሊንና። የሎ። ኔርያ። ኢ ምቻቶ። ኦሎምፖሳን ኢንቴንቴና ደኢያ ጸሳ ኢሳቴዋ ኡባ ሳርትተ።

16 ጌሻ ኢሳዉ በሰያ የረታ የረቲደ። ኢቱ ኢቱዋ ሳርትተ፤ ክርሰቶሳን ኢማንያዋንቴ ኡባቴ ህንተንታ ሳር ያጌድና።

## ዉርሰላ ዘርያ

17 ታናዳን ኢማንያዋንፍ። ኢሳ ግደን ሻኩተላ ሙድያዋን። ኢሳ ኢማና ቆቦ ግድያዋንታን ህንተ ታማራዳ ትምርትያና ጋክተናዋ ታማርሰያዋንታ ኢከካናዳን። ታን ህንተንታ ዋሳይ። ኢንቴንቴኮ ሸቆፕተ።

18 ኢያዉ ጎፐ። ሄዋ ማላባ ኦልያዋንቴ ባረንቴ ኡሎ ኦልፎፐፐ ኢትን። ኑ ጎዳ የሱሰ ክርሰቶሳዉ ኦልክና፤ ባረንቴ ላብያ ሃሳንን ቅድያን ኢታባ ቆፕና ኢሳ ዋዛና ባለሊፎ።

19 ዋንጋላዉ ህንተ ኢዛከቴዳዋ ኢሳይ ኡባይ ሰሴዳ። ሄዋ ድራዉ። ታን ህንተባን ናሸታይ፤ ሸን ሎኦተላዉ ህንተ ኢዴዳ ኤራንቻ ግዳናዳንን ቃይ ኢታባዉ ኢሸከ ግዳናዳን ኮያይ።

20 ሳርተላ ጸሳይ ሲጸና ህንተ ገድያፐ ጋርሳና ሃክና ማታ ዋደ ጋጫና።

ኑ ጎዳ የሱሰ ክርሰቶሳ ኢዶ ከካተሳይ ህንተንቴና ግደ።

21 ታናና ኦልያ ጵሞቶሰ ህንተንታ ሳር ያጌ፤ ቃይ ሀዋዳንካ። ታ ዳባቴ ሎቅዮሰ። ያሶንን ሶሲጸጵርሰ ህንተንታ ሳር ያጌና።

22 ታን። ጸርጸዮሰ። ሀ ዳብዳቢያ ጸፊዳዌ። ህንተንቴ ጎዳ ሱንላን ሳርታ ከታይ።

23 አማንያ አሳይ ኡባይ እ ሶይን ሸቅያ ታ ሲራ ጋዮሰ ህንተንታ ሳሮ ያጌ፤ ካታማ ሚሻ ኦይቂያ ኤራሰጸሰነ ኑ እሻይ ቁዋርጸሰ ህንተንታ ሳሮ ያጌኖ።

24 ኑ ጎዳ የሱሰ ክርስቶሳ አቶ ኬካተሳይ ህንተንቱና ኡባና ግድ። አመንእ።

25 ኑን ጸሳ ጋላቴቶ። ታን ዋንጋላ ባጋና የሱሰ ክርስቶሳባ ኦዴዳዋዳንነ ዳሮ ዎድያፕ ጌሚደ፣ ሀእ ቆንጩዳ ቱማተሳዳን፣ ህንተ አማኑዋን ህንተንታ ጸሳይ ሞንሳናዉ ዳንዳዬ።

26 ሸን ሀእ ናባቱ ጸፊዳዋ ባጋና ቱማተሳይ ቆንጭያን ኤረታናዳን ኦሌዳ፤ ቃይ አሳ ኡባይ ጸሳ አማኒደ አዛዘታናዳን፣ መድና ጸሳ አዛዙዋን፣ ሀ አላምያን ደእያ አሳ ዘረሳ ኡባዉ ቆንጩዳ።

27 አቆዳ ኤራተሳይ እ ጸላላዉ ደእያ አት ጸሳዉ የሱሰ ክርስቶሳ ባጋና መድናዉ ቦንቹ ግድ። አመንእ።

# ጳውሎስ ቆርንቶሳ አሳው ጻፈዱ ኮይር ኪታ ገሉቀ

ጳውሎስ ቆርንቶሳ አሳው ጻፈዱ ኮይር ኪታይ፡ ጳውሎስ ቆርንቶሳ ካታማን ደእያ እማንያዎንቱ ግደን ክርሰትና ደኡዎን እማኑዎ ጴጥላን ደንዴዳ መቱዎ ቆይሳናዎ ቆጊደ ጻፈዱዎ። ሄ ዎደ ቆርንቶሳ ካታማይ ሄ ጋደን ደእያ አሳይ ጎኤትያ ኤሪቴዳ ግሪክ ካታማ። ሄዎ ቦላካ ቃይ አካይያ ጌትትያ ርማ ካውተሳው ሁጸ ካታማ። ሀ ካታማይ ዎልቃማ ዛልእያን፡ ጋምኢደ ምኔዳ ዎጋን፡ ሎይል እክ እክ ብያ የዳ ደኡዎን ዎይ ገገናባ ሀንያዎንን ሀይማኖትያ ጮራተላን ኤሪቴዳዎ።

የሱስ ኪቴዳዎ ምንሲደ ኦዳናዉ ኮዬዳዎ፡ ሄ እማንያዎንቱ ግደን ደእያ ሻኩተላባን የዳ ደኡዎባ፡ ዎሹማባን ገሉቀ አካባ፡ ዎሳ ጎለ ዎጋባ፡ ጌሻ እያና እሞታቱዎባን ሀይቁዎ ደንዱዎባ። የሱስ ኪቴዳዎ ሀ ምሽራቹዎ ቃላ ሀ እሻቱዎ ቦላ ምንሲደ ኦድያዎ ናጊደ ሺሺ።

ሲቁ ጸሳይ ባረ አሳው እሜዳ እሞታ ኡባጥ እድያዎ ግድያዎ ኦድያ ሸምጥዎ ታማን ሄዙ፡ ሀ ማጻፋን ዳር ኤሪቴዳዎ ጌተቲደ ቆፈቲ።

### ሸምጥቱዎ ኡባቶ እመቴዳ ቃንሳ ቆፋቱዎ

- ገሉቀ 1:1-9
- እማንያዎንቱ ግደን ደንዴዳ ሻኩተላ 1:10—4:21
- የዳ ደኡዎባን ሶይ አሳ ደኡዎባ 5:1—7:40
- እማንያዎንታን ክርሰትና እማኑዎ እክቤናዎንታ 8:1—11:1
- እማንያዎንቱ ደኡዎን ጎሽታ ዎጋ 11:2—14:40
- ክርሰቶስ ሀይቁዎ ጸን ደንድዎን እማንያዎንቱ ደንዱዎባ 15:1-58
- ይሁዳን ደእያ መቶታንቻቶ እመቴዳ ማዲዎባ 16:1-4
- ዉርሰሳ ቁትያ 16:5-24

- 1 ታን፡ ጸሳ ሸንያን የሱስ ክርሰቶስ ኪቴዳዎ ግዳናዉ ጴስቴዳ ጳውሎስ፡ ኑ እሻ ሰስተኒስ፡
- 2 ቆርንቶሳን ደእያ ጸሳ እማንያ አሳቶ፡ የሱስ ክርሰቶሳን ጌዬዳዎንቱስ፡ ኑዉ ጎዳ ግድያ ኑ ጎዳ የሱስ ክርሰቶሳ ሱጎላ ኡባ ሳኑን ጴስያ ኡባቱዎና ጌሻ ግዳናዉ ጴስቴዳዎንቶ ሀ ዳብዳቢያ ጻፈቶ።
- 3 ጸሳይ፡ ኑ እዉን ኑ ጎዳይ የሱስ ክርሰቶስ ሀንተንቶ እቶ ኬካተላን ሳርተላ እሞ።

### ጸሳ ጋላቱሳ

- 4 ጸሳይ ክርሰቶሳ የሱሳ ባጋና ሀንተንቶ እሜዳ እቶ ኬካተላ ድራዉ፡ ታን ኡባ ዎደ ሀንተንቶ ጸሳ ጋላታይ።
- 5-6 ታን ክርሰቶሳዉ ማርካትያዎ ሀንተንቱን ምኔዳ ድራዉ፡ ሀንተ ኡባባን፡ ሃሳያ ኡባን ኤራተላ ኡባን፡ እን ዲረቴድታ።
- 7 ሀዎዳን ሀንተ ኑ ጎዳ የሱስ ክርሰቶሳ ዩሳ ናግሸን፡ እያና እሞታጥ ሀራይ እቶ እቱን ሀንተንቶ ገጤና።
- 8 ቃይ ኑ ጎዳ የሱስ ክርሰቶሳ ጋላሳን ሀንተ ካጼ ባይናዎንታ ግዳናዳን፡ ዉርሰሳይ ጋካናዉ እ ሀንተንታ ምንሳናዎ።
- 9 ባረ ናኦ ኑ ጎዳ የሱስ ክርሰቶሳ እትተላዉ ሀንተንታ ጴሴዳ ጸሳይ እማኑቴዳዎ።

### እማንያ አሳ ግደን ሻኩተላይ መጠቆም

- 10 ሸን ታናዳን እማንያዎንቶ፡ እት ዎዛናንን እት ቆፋን እትጥ ግዳናጥ እትን፡ ሻኩተላይ ሀንተ ግደን ደኡና ማላ፡ ሀንተ ኡባይ እት ሃሳያ ሃሳያናዳን፡ ኑ ጎዳ የሱስ ክርሰቶሳ ሱጎላን ታን ሀንተንታ ዎሳይ።
- 11 እያዉ ጎጥ፡ ታናዳን እማንያዎንቶ፡ ቃሎኦ ሶይ አሳይ ሀንተንቱባ፡ ሀንተ ግደን ዎላሳይ ደእያዎ፡ ታዉ ኑዳድና።
- 12 ታን ግያዎ ሀዎ፤ ሀንተንቱ ሁጸያን ሁጸያን፡ “ታን ጳውሎሳዎ። ታን እጲሎሳዎ። ታን ኬፋዎ።
- \* ታን ክርሰቶሳዎ” ያጌታ።
- 13 ክርሰቶስ ሻኩቴዳ? ሀንተንቱ ድራዉ፡ ማስቃልያ ቦላ ምስማርያን ድሸቲደ ካቀቴዳዎ ጳውሎስ? ዎይ ሀንተ ጳውሎሳዉ ግዳናዉ ጸማቀቴድቴ?

\* 1:12 ኬፋ፡ ሀዎ ግሪክ ሱጎላ ግዲደ፡ ብለላይ ዛላ ግያዎ። ሀራ ጌሻ ማጻፋቱዎን ኬፋ ሱጎላይ ጸጽርሳ።

14 ታን ቃርሰጳላገገን ጋዮሳጥ አትን፤ ህንተንቲጥ ኦናን ጸማቃቤና ድራው፤ ጸሳ ጋላታይ።

15 ሄዋ ድራው፤ ኦንን ህንተንታ ታው ግዳናዳን ጸማቀቲድታ ጋናው ዳንዳየና።

16 ቃይ፤ ኤ፣ እስጵፋናሳ ሶይ አሳካ ታን ጸማቃይ። ሽን ሀራ ጉጃደ ጸማቃድታንቶን ዋዛና አላከ።

17 እያው ጎጥ፤ ክርሰቶስ ታና ሞሽራቹዋ ቃላ ኦዳና ማላ ከቲዳጥ አትን፤ ጸማቃና ማላ ከትቤና፤ ቃይ ክርሰቶስ ማሰቃልያ ቦላ ሀይቄዳዊ መላ ግደና ማላ፤ ታን አሳ አዴዳ ኤራተላ ቃላን ታማርሰከ።

**ክርሰቶስ ጸሳ አዴዳ ኤራተላ ዋልቃ**

18 እያው ጎጥ፤ ክርሰቶስ ማሰቃልያ ቦላ ሀይቄዳዊ ኦድያ ቃላይ ጳይያዋንቶ ኤያተላ። ሽን ኦው አትያዋንቶ ጸሳ ዋልቃ።

19 ጸሳ ማጻፋይ፤

“ታን ኤራንቻቱዋ አዴዳ ኤራተላ፤

ባይዛና፤

ቃይ እኩካንቻቱዋ እኩካን ጳይሳና”

ያጌ።

20 አዴዳ ኤራንቻይ ሀቃን ደኢ? ህግያ ታማርሰያዊ ሀቃን ደኢ? ዋይ ሀ አላምያ ጸናናው ፓሉመትያዋንቲ ዋናንድናሻ? ጸሳይ ሀ ሳኦ አዴ ኤራተላይ ኤያተላ ግድያዋ በሴዳ!

21 እያው ጎጥ፤ አሳይ ባረ ሀጸ አዴ ኤራተላን ባረና ጸሳ ኤሪና ማላ፤ ጸሳይ ባረ አዴ ኤራተላን ድጊደ፤ ኦን ኦድያ ኤያ ቃላን አማንያዋንታ አሻናው ቆፔዳ።

22 አይሁዳቲ ማላታ ኦቹና። ቃይ ግሪክ አሳቲ አዴ ኤራተላ ዋልቃዎ ኮሻ ኮዪና።

23 ሽን ኦን ማሰቃልያ ቦላ ሞሰማርያን ቲሽቲደ ካቀቲዳ ክርሰቶሳባ ኦዴቶ። ሄዌ አይሁዳቶ ጳቦ፤ ቃይ አይሁዳ ግድናዋንቶ ኤያተላ።

24 ሽን ጸሳይ ጴሴዳዋንቶ አይሁዳቶካ ግሪካቶካ ኦን ኦድያ ጸሳ ዋልቃይን አ አዴ ኤራተላይ ክርሰቶሳ።

25 እያው ጎጥ፤ ጸሳ ኤያተላይ አሳ አዴዳ ኤራተላጥ አዴ፤ ቃይ አ ላፋተላ ጌተትያዌካ አሳ ሞኖተላጥ ሞኤ።

26 ሰዎ ታናዳን አማንያዋንቶ፤ ጸሳይ ህንተንታ ጴሰያ ዋይ ህንተ ዋይሳ ማላ አሰንቶ ቆፕተ። አሳ ቆፋን ህንተ ግደን አዴ ኤራንቻቲ፤ ዋልቃዎንቲን ቶቃ ሺሻቲ ዳራ ግድክና።

27 ሽን ጸሳይ አዴዳ ኤራንቻቲዋ ዬላያናው፤ አላምያን ደኢያ ኤያቲዋ ደራዳ፤ ቃይ ሞናቲዋ ዬላያናው፤ አላምያን ደኢያ ላፋቲዋ ደራዳ።

28 ጸሳይ ሀ አላምያን ዋልቃማባ ጊደ ቆፕያዋ ጳይሳናው፤ ሀ አላምያ ማደናባ ካቶባን ሀንቤናባ ደራዳ።

29 ሄዋ ድራው፤ ኦንን ጸሳ ሰንላን ጨቀታናው በሰና።

30 ሽን ጸሳይ ህንተንቶ ክርሰቶስ የሱሳ ደኤዋ ኦላ አማዴ። ክርሰቶስ ኦው አዴ ኤራተላ፤ ጵሎተላ፤ ጌሻተላ፤ አቶተላ ግዴዳ።

31 ሄዋ ድራው፤ ጸሳ ማጻፋይ፤

“ጨቀትያ ኤራይ ኦንን፤

ጎዳይ ኦሌዳዋን ጨቀቶ”

ያጌ።

**2**

**ኦን ክርሰቶሳ ካቃባ ማርካቲቶ**

1 ታናዳን አማንያዋንቶ፤ ታን ጸሳ ቲማተላ ጹራ \* ህንተንቶ ኦዳናው ህንተንቲኮ ዬዳ ዋይ፤ ቶቃ ቃላንን አዴዳ ኤራተላን ኦዳናው ያበይከ።

2 እያው ጎጥ፤ ታን ህንተንቲና ደኢደ፤ የሱስ ክርሰቶሳገገን ቃይ ማሰቃልያ ቦላ ሞሰማርያን ቲሽቲደ አ ካቀቲዳዋጥ አትን፤ ሀራግ ኤሪናዳን፤ ታ ቆፋ ቃቻድ።

3 ታን ዳቡራንን ያሻን ዳር ኮኮርሳን ህንተንቲና ደኢድ።

4 ታን ታማርሰያዋን ኦድያዋ ጸሳ አያናንን ዋልቃን ቆንጭሳይጥ አትን፤ ጨማ ግዴደ አዴዳ ኤራተላ ቃላና ግደና።

5 ሄዋ ድራው፤ ህንተ አማኑ ጸሳ ዋልቃናጥ አትን፤ አሳ አዴ ኤራተላን ዘምጥቤና።

**ጸሳ አዴዳ ኤራ**

6 ኦን አያናን ዋዛናማቲዋ ግደን አዴ ኤራተላ ሃሳዬቶ። ሽን ሄዌካ ሀ አላምያ አዴ ኤራተላ ግደና፤ ዋይ ሀ አላምያ ሞድያ ጳይያዋንቲ አዴ ኤራተላ ግደና።

1:19 እሳ. 29:14 1:20 እናባ 12:17፤ እሳ. 19:12፤ 33:18፤ 44:25 1:31 ኤር. 9:24 \* 2:1 ጸሳ ቲማተላ ጹራ፡- እት እት ጌሻ ማጻፋ ብለላቱ፤ ጸሳባ ማርካተላ፤ ያጊና።

7 ሽን ኑን ኦድያ አቶ ኤራተላይ፣ ጸሳይ ካስቲድ፣ ጮራ ዋድያፕ ካስ ኑ ቦንቾ ደራዳ አሳፕ ጌሜዳ እ ጸራ አቶ ኤራተላይ።

8 ሀ አላምያ ዋድያዋንቱፕ ኦንነ ሀ አቶ ኤራተላ ኤርቤና። አንቱንቱ ኤራዳዋ ግድንቶ፣ ቦንቾ ጎዳ ማስቃልያ ቦላ ምስማርያን ድሺደ ካቂክና።

9 ሽን ጸሳ ማጻፋይ፣  
“ኦንነ አይፍያን በእቤናዌ፣  
ሀይሳንካ ሰብሲናዌ፣  
ቃይ ኦንነ ባረ ዋዛናን ቆፕቤናዌ  
ጸሳይ ባረና ሲቅያዋንቶ ገግሴዳዋ”

ግያዋዳን ኑን ሃሳዬቶ።  
10 ጸሳይ ባረ ጸራ የወዋ ባረ አያናን ኑና ኤርሴዳ፤ አያወ ጎፕ፣ ጌሻ አያናይ ጸሳባ ሀራይ አቶ ገሜዳ የወዋ ኡባ ብደ።

11 አያወ ጎፕ፣ አሳን ደእያ አሳ አያናፕ አትን፣ አሳባ ኤርያዌ ኦኔ? ሀዋዳንካ፣ ቃይ ጸሳባ ጸሳ አያናፕ አትን፣ ኦንነ ኤረና።

12 ኑን ጸሳይ ኑወ አሜዳባ ኡባ ኤራናወ እ ኑወ የዳዳ አያና አኬዶፕ አትን፣ አላምያ አያና አክበይኮ።

13 ኑን አያና የወዋ † አያና የወዋና ጋሊድ፣ ጌሻ አያናይ ኑና ታማርሴዳ ቃላን ሀዋ ሃሳዬቶፕ አትን፣ አሳ አቶ ኤራተላይ ኑና ታማርሴዳ ቃላን ሃሳዮኮ።

14 ሽን ጌሻ አያናይ ባይና አሳይ ጸሳ አያና የወዋ አከና፤ አያወ ጎፕ፣ ሄዌ አወ ኤያተላ። ዌሻ አያናን ፓጩትያ ድራወ፣ እ ኤራናወ ዳንዳየና።

15 ሽን ጌሻ አያናይ ደእያ አሳይ ኡባባ ሻኬ፤ ሽን እ ባረ ሀጸወ ኦናንነ ሻከተና።

16 አያወ ጎፕ፣ ጸሳ ማጻፋይ፣  
“ጎዳ ዋዛና ኤርያዌ ኦኔ?  
እ ዞራናወ ዳንዳይያዌ ኦኔ?”  
ያጌ። ሽን ኑወ ክርስቶስ ዋዛናይ ደኤ። †

### 3

#### ጸሳ ካልያዋንቱ ኦሱዋ

1 ታርዳን አማንያዋንቶ፣ ታን ጌሻ አያናይ ደእያ አሳወ ሃሳይያዋዳን፣ ሀንተንቶ ሃሳናወ ዳንዳያባይከ። ሽን ሀ አላምያ አሳወ ሃሳይያዋዳንነ አማኑዋን ምንቤና ክርስቶስን ደእያ ጉላ ናና ማላ አሳወ ሃሳይያዋዳን ሃሳያድ።

2 ሀንተንቱ ብር ምኖ ቁማ ማናወ ዳንዳይቤና ድራወ፣ ታን ሀንተንታ ማላ ፓካድ፤ ሀራይ አቶ፣ ሀእካ ዳንዳይቤይክታ።

3 አያወ ጎፕ፣ ሀንተ ሀእካ ሀ አላምያ አሳዳን ደእታ። ሀንተንቱ ሀ አላምያ አሳ ግድያዋ ሀንተ ግድን ደእያ ቃናቲነ ፓሎማይ ኤርሰኔ? ቃይ ሀ አላምያ አሳዳን ሰመረቲታ።

4 አያወ ጎፕ፣ ሀንተንቱፕ አቱ፣ “ታን ጳወሎሳዋ” ጎፕ፣ ሀራይ ቃይ፣ “ታን አጲሎሳዋ” ጎፕ፣ ሀ አላምያ አሳ ማላ ግድከቱ?

5 ያቶና፣ አጲሎሰ ኦኔ? ጳወሎሰ ኦኔ? ኑን ሀንተንታ አማንጮዳ ጸሳ ካልያዋንታ። ጸሳይ ኑወ ሀጲያን ሀጲያን አሜዳ ኦሱዋ ኦሌቶ።

6 ታን ፑትያ ቶካድ፤ አጲሎሰ ሃላ ኡሼዳ፤ ሽን ጸሳይ ፑትያ ድቼዳ።

7 ሄዋ ድራወ፣ ድቼያ ጸሳፕ አትን፣ ቶክያዌካ ሃላ ኡሼያዌካ አያን ግድና።

8 ቶክያዌካ ሃላ ኡሼያዌ አት ማላ፤ ሽን ጸሳይ ሀጲያን ሀጲያን ኦ ዳቡራ ኬና አወ ዋይታና።

9 ኑን ጸሳወ አትፕ ኦሌያ እ ኦሳንቻቱዋ ግድያ ድራወ፣ ሀንተ ኦ ኦሱዋ ሳኤ።

ቃይካ ሀንተ ጸሳ ጎልያ።

10 ጸሳይ ታወ አሜዳ አቶ ኬካተላን ኤራንቻ አናጽያዳን፣ ጎልያ ባሱዋ ባሳድ። ሀራ ኡራይ እ ቦላ ኬጾ። ሽን እ ቦላ ኬጾያ ኦንነ ዋት ኬጾንቶ፣ ባረ ሀጸወ ናገቶ።

11 አያወ ጎፕ፣ ጸሳይ የሱሰ ክርስቶስ ጳላላ ባሶ ኦሌድ ዋሌዳ። አፕ ሀራ ባሱዋ ባሳናወ ኦንነ ዳንዳየና።

12 ሽን ሀ ባሱዋ ቦላ ኦንነ ዋርቃን ግድና፣ ብራን ግድና፣ አልእ ሹቻን ግድና፣ ምላን ግድና፣ ጋታን ዋይ ማቃን ኬጾፕ።

13 አሳ ኡባ ኦሱ ቆንጮያ ከሳናዋ። አያወ ጎፕ፣ ታማን ቆንጮና ድራወ፣ ሄ ጋላሳይ አሳ ኡባ ኦሱዋ በሳና። አሳይ ኡባይ ባረ ኦሱዋ ዋት ኦሌደንቶን ታማይ ፓጫና።

2:9 እላ. 64:4 † 2:13 አያና የወዋ- ጌሻ አያናይ አሜዳ ቃላ። ‡ 2:16 ኑወ ክርስቶስ ዋዛናይ ደኤ- ሀዋ ጉሳይ፣ ኑን ክርስቶስ ቆፕያዋዳን ቆፕቶ ጉሳ። 2:16 እላ. 40:13

14 እንነ ባሱዋ ቦላ ኪጼዳ ኦሱ ምኒደ አቶ፣ እ ዋይታ አካናዋ።

15 ኦ ኦሱነ ጉደቶ፣ ሄ ኡራይ ቆሄታና። እ ባረ ሁጸዉ አታና፤ ሽን ታማ ግደፕ ከሰ አኮዋዳን አታና።

16 ሀንተንቱ ጸሳይ አቅያ ገሻ ጎልያ ግድያዋነ ጸሳ አያናይ ሀንተንቱን ደእያዋ ኤርክቱ።

17 እንነ ጸሳ ገሻ ጎልያ ኮሎፕ፣ ጸሳይ አ ኮላና። አያዉ ጎፕ፣ ጸሳይ አቅያ ገሻ ጎሊ ገሻ፤ ሄ ገሻ ጎሊካ ሀንተንታ።

18 እንነ ባረ ሁጸይ ጭዋ። ሀንተንቱፕ እንነ ባረና ሀ አላምያን አቶ ኤራንቻ ያጊደ ቆፖ፣ አቶ ኤራንቻ ግዳናዉ፣ ኤያ ግድ።

19 አያዉ ጎፕ፣ ሀ አላምያ አቶ ኤራተላይ ጸሳ ሰንላን ኤያተላ። ጸሳ ማጻፋይ፣

“ጸሳይ አቶ ኤራንቻቱዋ፣  
ኤንቱንታ ኤንቱንቱ ገንያን ኦይቄ”

ያጌ።

20 ቃይ፣

“አጼዳ ኤራንቻቱዋ ቆፋይካ፣  
ማዱ ባይናዋ ግድያዋ ጎዳይ ኤራ”

ያጌ።

21 ሄዋ ድራዉ፣ እንነ አሳን ጨቀቶ። አያዉ ጎፕ፣ ኡባባይካ ሀንተዋ።

22 ጳዉሎሰካ፣ አጲሎሰካ፣ ኬፋይካ፣ ሀ አላሚካ፣ ደኡካ፣ ሀይቁካ፣ ሀእ ደእያዌካ፣ ሰንላፕ ያናዌካ፣ ኡባይካ ሀንተዋ።

23 ሀንተንቱ ክርሰቶሳዋንታ፤ ክርሰቶሰካ ጸሳዋ።

### 4

#### ክርሰቶሳ ካልያዋንታ

1 አሳይ ኑና ክርሰቶሳዉ አልያዋንቱዳንነ ጸሳ ጎሊን ደእያ ጹራ ናግያ አሳዳን ቆፖ።

2 ያቲደ ሄ አሳቱ ባረንቱ ጎዳዉ አማነቱዳዋንታ ግዲደ፣ ቤታዉ ኮሼ።

3 ሽን ሀንተ ዋይ ሀራይ ታ ቦላ ፕርደፕ፣ አይነ ግደና፣ ሀራይ አቶ፣ ታንካ ታ ሁጲያን ፕርድክ።

4 አያዉ ጎፕ፣ ታን ታ ሁጲያን አያኔካ ኤርያባይ ባዋ፤ ሽን ታና ሄዌ ጸልሰና። ታና ፕርድያዌ ጎዳ።

5 ሄዋ ድራዉ፣ ጎዳይ ቋማን ጌማዳባ ፖኡዋ ከሰያዌ፣ ዋዛና ቆፋ ቆንጭሰያዌ ያና ዋዲ ጋካናዉ ኦ ቦላንነ ኦናነ ፕርደፕተ። ሄ ዋይ፣ አሳይ ኡባይ ሁጲያን ሁጲያን ጸሳፕ ሳባ ደማናዋ።

6 ታናዳን አማንያዋንቶ፣ ሀንተንቱፕ እንነ እቱ ታማርሰያዋ ሳቢደ፣ ሀራይ ታማርሰያዋ ቦረና ማላ፣ “ጸሳ ማጻፋን ጸፈቱዳዋ ቦንቻ” ያግያዋ ሀንተ ኡናና ታማራና ማላ፣ ሀንተ ድራዉ፣ ታባነ አጲሎሳባ ሊምሱዋዳን ኦዳድ።

7 አያዉ ጎፕ፣ ሀራቱዋፕ ኑና ኦኔ ቶቁሴዳዌ? ኔን ጸሳፕ አካቤናባይ ነዉ አዬ ደእያዌ? ያትና፣ ኔን አኩዳዋ ግደፕ፣ አያዉ አካቤናዋዳን ጨቀታይ?

8 ሀእ ሀንተ ካሊድታ። ሀእ ዱረቱድታ። ኔን ባይናን ሀንተረካ ካዉቱድታ። ኔንካ ሀንተንቱና ካተታናዳን፣ ሀንተ ካዉቱድተንቶ ሎእ ሽን።

9 አያዉ ጎፕ፣ ታዉ ማላትያዋዳን፣ ኔን ሀ ሳእዉ፣ ኪታንቻቶነ አሳዉ ካሳ ግዳዳ ድራዉ፣ ጸሳይ ኑና የሱሰ ኪቱዳዋንታ ሀይቆ ፕርደቱዳ አሳዳን፣ ኡባፕ ዉርሰሳ ኦልዳ።

10 ኔን ክርሰቶሳ ድራዉ ኤያ፣ ሽን ሀንተ ክርሰቶሳን አጼዳ ኤራንቻ። ኔን ዳቡራንቻ፣ ሽን ሀንተ ምና፣ ሀንተንቱ ቦንቹቱዳዋንታ፣ ሽን ኔን ቶሽቱዳዋንታ።

11 ሀ ዋዲ ጋካናዉ፣ ኔን ኮሻቱቶ፤ ሳሙቱቶ፤ ካሎቱቶ፤ ደሸቱቶ። ቃይ ደእያ ሳኦ ቆይደ የዬቶ።

12 ኔን ኦ ኮሽያን ኦልደ ዳቡራቶ። ኑና አሳይ ሸቁያ ዋይ፣ እንጃቶ፣ ኑና የደርሰ የይያ ዋደካ ዳንዳዬቶ።

13 ኦ ቦላ ኢታባ ሃሳይያ ዋደ፣ ኔን ሎእ ቃላ ዛሬቶ። ኔን ሀዋ ጋካናሰካ፣ ሀ ሳኦ ፕቱዋነ ኡባባ ቡራ ግዲደ።

14 ታን ታ ሲቅያ ናናዳን፣ ሀንተንታ ሴራናዉ ሀዋ ጸፋድፕ አትን፣ ዬላያናዉ ጸፋቢይክ።

15 አያዉ ጎፕ፣ ክርሰቶሳን ሀንተንታ ድቕያ ታሙ ሻእ አሳይ ሀንተንቶ ደኦፕካ፣ ሀንተንቶ እት አዉዋፕ ሀራይ ባዋ። አያዉ ጎፕ፣ ታን ምሽራቹዋ ቃላ ሀንተንቶ አሄዳዋዳን፣ ክርሰቶሳ የሱሳን ሀንተንቶ አዉዋ ግዲድ።

16 ሰም ታናዳን ሀንተ ያጋይ ሀንተንታ ዋሳይ።

17 ሄዋ ድራዉ፣ ጎዳን አማነቱዳ ታ ሲቅያ ታ ናኦ ጽዋቶሳ ሀንተንቱኮ ኪታድ። እ ኡባ ሳኦን ደእያ አማንያ አሳ ኡባዉ ታን ታማርሰያ ክርሰቶሳ የሱሳን ደእያ ታ ኦግያ ሀንተንታ ሀሳይሳናዋ።



- 18 ታን ህንተንታ በአናወ ህንተንቱሮ ዬናባ ማላትና፡ ኦቶሪትያ እት እት አሳቱ ደእና።
- 19 ሸን ጎዳይ ጎጥ፡ ታን ህንተንቱሮ ኤለካ ባደ ሄ ኦቶሪትያ አሳቶ ሃሳያ ግድና፡ ኤንቱንቱ ዎልቃ ኤራና።
- 20 እያወ ጎጥ፡ ጸሓ ካወተላይ ጸሓ ዎልቃናጥ አትን፡ ሃሳያና ግድና።
- 21 ታን ህንተንቱሮ ሙርያ ጸምእና ዮዮ ዎይ ሲቁዋናን አሸከ እያናና ዮ? ሀቃዎ ዶሪቴ?

### 5

#### አማንያ አሳ ግድን እስቴዳ ፖኮባ

- 1 ህንተንቱ ግድን ፖኮ ዎሹማ እሱ ደእያዌ ዝግሪቴ፤ ሄዎ ማላ ፖኮ ዎሹማ እሱ ሀራይ አቶ፡ ጸሓ እማና አሳ ግድንን ባዎ። እያወ ጎጥ፡ ባረ አወዎ ማቻቶ አኬዳ አሳይ ደኤ።
- 2 ህንተንቱካ ኦቶሪቴድታ። ሄዎጥ ህንተ ካዮታናወ በሰኔ? ሄዎ ማላ ፖኮ እሱዋ ኦሌዳ ብታኒ ህንተ ግድጥ ክቻናወ በሴ።
- 3-4 እያ ግድናካ ታን ታ አሳተላን ህንተንቱና ደኤናን ጻዮጥካ፡ እያናን ህንተንቱና ደእይ። ሀእ ህንተንቱና ደእያዎዳን ሀናደ፡ ሄዎ ማላ እሱዋ ኦሌዳ ብታንያ ቦላ ኦ ጎዳ የሱስ ክርስቶሳ ሱንላን ፕርዳድጋድ። ህንተንቱን ታ እያናይ ኦ ጎዳ የሱስ ክርስቶሳ ዎልቃና አትጥ ሸቂይ።
- 5 ሄ ብታንያ እያናይ ጎዳ የሱስ ፕርዳወ ይያ ጋላሳን አታና ማላ፡ ናጋራን ኩሜዳ አ ቦላ ኮላናዳን ሴጻናወ ህንተ እማናዳን፡ ታን ፕርዳድ።
- 6 ህንተንቱ ጩቁ ሎእ ግድና። ጉላ እርሹ ሙናቃ ኡባ ደንሐያዎ ኤርክቴ?
- 7 ህንተንቱ ኦራላ ግድና ማላ፡ ናጋራ እርሹ ጫሌዳዎ ከሰተ። ህንተንቱ እርሹ ባይና ሙናቃ ማላ። እያወ ጎጥ፡ ኦ ፓሰጋ ዶርሳይ፡ ክርስቶስ ያርሹቴዳ።
- 8 ሄዎ ድራወ፡ ኦን ኤክላ ባላ ሱረተላንን ቴማተላን ቦንቻናጥ አትን፡ ጫላ እርሹዋን፡ ኢታተላ እርሹዋንን ጌላተላ እርሹዋን ቦንቻኮ።
- 9 ዎሹማናወ ቆፕያዎንቱና ህንተ እትጥ ጋይተና ማላ፡ ህንተንቶ ዳብዳቢያ ጸፋድ። \*
- 10 ታን ግያዌ ሀ አላምያን ደእያ ዎሹማናወ ቆፕያዎንቱጥ ዎይ ዮራትያዎንቱጥ፡ ካይሶትያዎንቱጥን ዎይ ኤቃወ ጎይንያዎንቱጥ ኡባካ ሻከታና ማላ ግድና። ሄዎ ግድጥ፡ ሀ አላምያጥ ህንተ ሻከት ባናወ በሴ ጉሳ።
- 11 ሸን እሻቴዎ ሀእ ጌተትያዎንቱጥ እቱን ዎሹማናወ ቆፕያዎንቱ ዎይ ሚሻወ ዮራትያዎንቱ ዎይ ኤቃወ ጎይንያዎንቱ ዎይ አሳ ሱንላ ባይዘያዎንቱ ዎይ ማላትያዎንቱ ዎይ ወእያዎንቱና ህንተንቱ እትጥተላ ኦፍ ማላ፡ ታን ህንተንቶ ጸፋድ። ሄዎንቱ ማላና ሀራይ አቶ፡ ቁማካ እትጥ ሞጥተ።
- 12 እያወ ጎጥ፡ ዎሳ ጎለጥ ካረና ደእያዎንቱ ቦላ ፕርዳናወ ታና አዬ ጋሊ? ህንተንቱ ግድን ዎሳ ጎለን ደእያዎንቱ ቦላን ህንተ ፕርድክቴየ?
- 13 ሸን ካረና ደእያዎንቱ ቦላን ጸሓይ ፕርዳና። ሄ ኢታባ ኦሌያ ኡራ ህንተ ግድጥ ከሰ ድግጥ።

### 6

#### አማንያ አሳ ግድን ደእያ ዋላሳ ዎቲደ ጳይሳናወ በሲ?

- 1 ህንተንቱጥ እት ኡራወ ባረ እሻና ሞቱ ደእያባ ግድጥ፡ አማንያዎንቱ ቦላ ፕርድታናዎ ባሺደ፡ አማንናዎንቱ ቦላ ፕርድታናወ ዎን ጸሊደ ቤዳ?
- 2 አማንያዎንቱ አላምያ ቦላ ፕርዳናዎ ኤርክቴ? ያትና፡ አላምያ ቦላ ህንተ ፕርዳናዎንታ ግድጥ፡ ኡባባጥ ጉጽያዎ ፕርዳናወ ዳንዳይክቴ?
- 3 ሀ ደኤዋባይ አቶ ሸን፡ አማንያዎንቱ ከታንቻቴዎ ቦላ ፕርዳናዎ ኤርክቴ?
- 4 ያትና፡ ህንተንታ ሀ አላምያ ደኤዋባወ ፕርዳ ጎለ ቡሳይ ኮሸጥ፡ አማንያ አሳይ ካዴዳ አሳን ፕርድሳናወ አፊቴ?
- 5 ታን ህንተንታ ዬላያናወ ሀዎ ጋይ፤ ሀዎ ግዳናወ በሲ? ህንተንቱ ግድን እሻቴዎ ሰገላናወ ዳንዳይያ ሎኦ ኤራንቻ አሳይ እቱን ባዌ?
- 6 ሸን እት እሻይ የኮ እሻ ፕርዳ ጎለን ሞቲደ፡ ሄ የወዎ አማንና አሳን ፕርድሲ?
- 7 ሰም እቱ እቱዎ ሞትያዌ ህንተ ግድን ደኤጥ፡ ሄዌ ህንተ ኩንዴዳዎ በሴ። ሄዎጥ ህንተ ናቀትያዌን ጭመትያዌ ሎኤኔ?
- 8 ሸን ህንተ ህንተ ሁጸጸ እቱ እቱዎ ሀራይ አቶ፡ ህንተ እሻቴዎካ ናቂታን ጭሚታ።
- 9 ዎይ ማካላንቻቴ ጸሓ ካወተላ ላተናዎ ኤርክቴ? ባሎጥተ። ዎሹማናወ ቆፕያዎንቱ ዎይ ኤቃወ ጎይንያዎንቱ ዎይ ዎሹምያዎንቱ ዎይ አቱማዎ ግዲደ፡ አቱማዎና ግሰያዎንቱ።

10 ዎይ ካይሳቱ ዎይ ሚሻው የራትያዎንቱ ዎይ ማሶትያዎንቱ ዎይ እሳ ሱጉላ ባይዘያዎንቱ ዎይ ቦንቁያዎንቱ ጸሳ ካውተላ ላትክኛ።

11 ህንተንቱፕካ እት እት እሳይ ሄዋንቱ ማላ። ሽን ጎዳ የሱሰ ክርሰቶሳ ሱጉላንነ ኑ ጸሳ እያናን ህንተ ሜጨቲደ ጌዬድታ፤ ቃይ ጸሊድታ።

ህንተንቱ እሳተላ ጸሳ ቦንቾ ፔሽተ

12 እት ኡራይ፣ “ታን ኮዬዳባ ኡባ ኦላናው ዳንዳያይ” ጋና ዳንዳይ። ሽን ኡባይካ ታና ማደና። ታን ኮዬዳባ ኡባ ኦላናው ዳንዳያይ። ሽን እዬኔካ ታና ሞደና።

13 ቃይ ሀራይካ፣ “ቁማይ ኡሉዋሳ፤ ኡሉካ ቁማሳ” ጌ። ሽን ጸሳይ ኡሉዋካ ቁማካ ቆይሳና። እሳ እሳተላይ ጎዳ የሱሳሳፕ እትን፣ ዎሹማሳ ግደና። ጎዳ የሱሰካ እሳ እሳተላሳ።

14 ጸሳይ ጎዳ የሱሳ ሀይቁዋፕ ደንፌዳ፤ ቃይ ኑናካ ሀይቁዋፕ ባረ ዎልቃን ደንላና።

15 ህንተንቱ እሳተላይ ክርሰቶሳ እሳተላና እቱዋ ግድያዋ ህንተ ኤርክቱ? ያትና፣ ታን ክርሰቶሳ እሳተላና እቱዋ ግድያዋ አፋደ፣ ጫራት እሳተላና እቱዋ ኦላናው በሲ? በሲና!

16 ዎይ ጫራትና እትፕተላ ሙድያ ኡራይ እዝና እት እሳተላ ግድያዋ ኤርክቱ? እያው ጎፕ፣ ጸሳ ማጻፋይ፣ “ኡንቱንቱ ላእቱ እት እሹ ግዳና” ያጌ።

17 ሽን ጎዳና እትፕተላ ሙድያ ኡራይ እያናን እናና እቱዋ ግድ።

18 ዎሹማፕ ሃክተ። እት ኡራይ ኦልያ ሀራ ናጋራ ኡባይ እ እሳተላፕ ካረና ደኤ፤ ሽን ዎሹምያዌ ባረ ቦላን ናጋራ ኦል።

19 ዎይ ህንተ ቦላይ ጸሳይ ህንተንቱ እሜዳ ህንተንቱን ደእያ ጌሻ እያናይ እቅያ ጌሻ ጎልያ ግድያዋ ኤርክቱ? ቃይ ህንተ ህንተ ሀ-ጲያሳ ግድክታ።

20 እያው ጎፕ፣ ጸሳይ ህንተንታ ጋትያን ሻሜዳ። ሄዋ ድራው፣ ህንተ እሳተላን እ ቦንቾተ።

7

ገሉዋ እካባሰ ኦሽቴዳ ኦሻነ እመቴዳ ዛሩዋ

1 ህንተንቱ ታው ጸፊዳ የዎ እቱማ እሳይ ማጫውና ቦቼንንቱ ሎእ።

2 ሽን ዎሹማ ጋሱዋ ድራው፣ እቱማ እሳው ሀ-ጲያን ሀ-ጲያን ማቻታ ደኤ። ቃይ ማጫ እሳውካ ሀ-ጲያን ሀ-ጲያን እሰናይ ደኤ።

3 እሰናይ ባረ ማቻትው እሰናተላን በሰያባ ኦል፤ ቃይ ሄዋዳን፣ ማቻታካ ባረ እሰናው ማቼተላን በሰያባ ኦል።

4 ማቻታ ባረ እሳተላው ጎዳ ግድኩ፤ ሽን እዝ እሰናይ ጎዳ። ሀዋዳንካ፣ ቃይ እሰናይ ባረ እሳተላው ጎዳ ግድና፤ ሽን እ ማቻታ ጎዳ።

5 ህንተንቱ ህንተ ግድን ጸሳ ሞሳን ገንጫናው ሄ ዎድያው ዘረታን ድገታናፕ እትን፣ እቱ እቱዋ ድጎፕተ። ህንተንቱ ህንተንታ ናገና ድራው፣ ሴጻናይ ህንተንታ ፓጩናዳን፣ እትፕ ደኤተ።

6 ሽን ታን ህንተንታ ሄዋ ህንተ ደሰዋዳን ህንተ ጋይፕ እትን፣ እዛዘከ።

7 ታን እሳይ ኡባይ ታናዳን ህንተንቱ ደሳይ። ሽን ጸሳይ እሳው ሀ-ጲያን ሀ-ጲያን ዲማ ዲማ እዎታ እዎ ዎሌዳ፤ እቶ ሀዋዳን፣ ቃይ የኩ ሄዋዳን እዎ ዎሌዳ።

8 ሄዋ ድራው፣ ታን ማቻቶ እክቤናዎንቱን እሰናይ ሀይቆ ማጫዎንቱ ታናዳን ጮ ደኤናንቶ፣ ኡንቱንቶ ሎእ ጋይ።

9 ሽን እመዋን ጉደትያዋፕ እክያዌን ገልያዌ ሎእ ግድያ ድራው፣ ኡንቱንቱ ባረንታ ናጋናው ዳንዳያና ቆየፕ፣ እክናን ገልና።

10-11 ማቻታ ባረ እሰናፕ ሻከቱቹ። ሽን ሻከቶን ገለናን ደኤ፤ ዎይ ባረ እሰና ሰገቱ። እሰናይካ ባረ ማቻቶ የደፖ ያጋደ፣ እኩዳዋንታን ገሌዳዋንታ እዛዛይ። ሽን ሀዋ እዛዘያዌ ጎዳፕ እትን፣ ታና ግድከ።

12 ታን ሀራቱዋ ሀዋዳን ጋይ፤ ጎዳ ግድና። እማንና ማቻታ ደእያ እማንያ እሳይ ኡንከ ደኤፕ፣ እ ማቻታ እናና እትፕ ደእያዋ እ ዶሶፕ፣ እዘ የደፖ።

13 ቃይ እማንና እሰናይ ደእያ እማንያ ማቻታ ደኤፕ፣ እዝ እሰናይ እዝና እትፕ ደእያዋ እዝ ዶሶፕ፣ እፕ ሻከቱቹ።

14 እያው ጎፕ፣ እማንና እሰናይ ባረ እማንያ ማቻትና ደኤደ ጌዬዳ። ቃይ እማንና ማቻታ ባረ እማንያ እሰናይ ደኤደ ጌያዳ። ሄዋ ባዌንቶ፣ ህንተንቱ ናናይ ቱና፤ ሽን ሀእ ኡንቱንቱ ጌሻ።

15 ሽን እማንናዌ ሻከታና ኮየፕ ሻከቶ። እማንያ ማቻቶ ግድና፣ ዎይ እሰና ግድና፣ ዎይ ማላ የወዋን ቃሽትክኛ። እያው ጎፕ፣ ጸሳይ ኑና ሳሮተላን ደእናው ጸሴዳ።

16 እማንያ ማቻቱ፣ ኔን ነ እሰና እሻንንቶን ኑ ኤር? ዎይ እማንያ እሰናው ኔን ነ ማቻቶ እሻንንቶን ኑ ኤር?

ጳጳሪ ህንተንታ ኮይሮ ጴሰያ ዎይ ህንተንቱ ደእያ ሆናታን ደእተ

17 ግደጥነ፣ አሳይ ሁጲያን ሁጲያን ጎዳይ እው እማዳዎዳንን ቃይ ጳጳሪ ባረና ጴሴዳዎዳን ደኡ። ሄዎ እማንያ አሳ ኡባ ታን ታማርሴዳ ህግያ።

18 ኦንነ ቃጸረት ኡቲይ፣ ጳጳ አማኒዳዎ ግደጥ፣ ባረ ቃጸራ ማላ ድጎጥ። ቃይ ኦንነ ቃጸረተናን ደኢደ፣ ጳጳ አማኒዳዎ ግደጥ ቃጸረቶጥ።

19 እያው ጎጥ፣ ጳጳ አዛዙዎ ናጋናጥ አትን፣ ቃጸረትና ቃጸረታና ጳይና አላሊ ባዎ።

20 አሳይ ሁጲያን ሁጲያን ጳጳይ ባረና ጴሰያ ዎይ ደእያዎዳን ደኡ።

21 ጳጳይ ኔና ጴሰያ ዎይ ኔን አይለ? እይነ ባዎ፤ ሸን ኔን አይለተላጥ ከሳናው ዳንዳየጥ ከሳ።

22 እያው ጎጥ፣ አይለ ግድ ኡቴዳ አሳ ጎዳይ ጴሶጥ፣ እ ጎዳይ አይለተላጥ ከሴዳ አሳ። ሆዳዳንካ፣ አይለ ግደና አሳ ክርሰቶሶ ጴሶጥ፣ እ ክርሰቶሶ አይለ።

23 ጳጳይ ህንተንታ ጋትያን ሻማዳ። አሳ አይለ ግደጥተ።

24 ታናዳን አማንያዎንቶ፣ አሳይ ሁጲያን ሁጲያን ጳጳይ እ ጴሰያ ዎይ ደእያ ደኡዎዳን፣ ጳጳና ደኡ።

ገለት እከትቤናዎንቱባነ እምኤቱዋባው እሸቴዳ ኦሻ

25 ዎድራቶ ጎዳይ ታና አዛዜዳባይ ባዎ። ሸን ታን ጎዳው አማንቴዳዎ ግዴዳ ድራው፣ አጥ ማርተላ እኩዳዎዳን፣ ህንተንታ ዙራይ።

26 ሰዎ ሀእ መቶ ታው ሀዌ ሎእ ማላቴ፤ አሳይ ሀዎዳን ሀኒደ ደኡጥ ሎእ።

27 ኔን ማቻቶ አካ ድጌዳዎ ግደጥ፣ እዞ የዳናው ኮዮጥ። ማቻቶ አካቤናዎ ግደጥ፣ አካናው ኮዮጥ።

28 ሸን ኔን ማቻቶ አኮጥ፣ ናጋራ ኦላባይካ። ወደራታካ አሰና ገሎጥ፣ ናጋራ ኦላባይኩ። ሸን እከትያዎንቶን ገለትያዎንቶ ኡንቱንቱ ደኡዎን ዎልቃማ መቱ ደኡ። ታን ህንተንታ ሄ መቱዋጥ እሻናው ኮዮይ።

29 ሸን ታናዳን አማንያዎንቶ፣ ታን ግያዌ ሀዋ፤ ዎዲ ሠራዳ። ሀዋጥ ሰንሳው እኩዳ አሳቱ፣ አክቤና አሳዳን ሀንና።

30 ዬክያዎንቱ ዬከናዎዳን፣ ናሸትያዎንቱ ናሸተናዎዳን፣ ሻምያዎንቱካ ሻሚደ እይነ ባይናዎዳን፣

31 ሀ አላምያ ደኡዎን ማደትያዎንቱ ኡባካ ማደተናዎዳን ሀንና። እያው ጎጥ፣ ሀ አላምያ ደኡ አትያዎ።

32 ህንተንቱ ሀርገናን ደእናዎ ታን ደሳይ። አክቤናዌ ጎዳ ናሸቻናው ኮይያ ድራው፣ እ ኡሱዋባ ቆጥ።

33 ሸን እኩዳዌ ባረ ማቻቶ ናሸቻናው ኮይያ ድራው፣ ሳኣባ ቆጥ።

34 እ ቆፋይ ሻከቴዳ። አሰና ገላቤና ወድራታ ባረ እሹዋንነ ባረ ሸምጥዋን ጌያናው ኮይያ ድራው፣ ጎዳ ኡሱዋባ ቆጥ። ሸን አሰና ገሌዳዳና ባረ አሰና ናሸቻናው ኮይያ ድራው፣ ሳኣባ ቆጥ።

35 ታን ሀዎ ህንተንታ ማዳና ማላ ጋይጥ አትን፣ ህንተንታ ፉባናው ጊከ። ሸን ሀንተ በሰያዎዳን ደኢደ፣ ጎዳ ኡሱዋ ህንተና እሚደ ኦላና ማላ ኮዮይ።

36 ኦንነ ባረ ጊግሴዳ ዎድራቶ አክያ ዎዲ ጋክና፣ ባረና ናጋናው እው ዳንዳየተናን እጸጥ፣ እዞ አኮ። እ እዞ አኮጥ፣ ሄዎን ናጋራይ ባዎ።

37 ሸን እ ባረ ዎዛናን ምናጥ፣ እከናን ጋምእና ዳንዳይ። ቃይ ባረና ናጌይ፣ ባረ ጊግሴዳ ዎድራቶ እከናን ጋምእና ጎጥ፣ ኦንነ ዎልቃንግናን ባረ ዎዛናን ቆፋ ቃቼዳዎ ግደጥ ሎይሌዳ።

38 ሄዎ ድራው፣ ዎድራቶ አክያ ኡራይ ሎይሌዳ፤ ቃይ እከናዌ ኡባ አላ ሎይሌዳ።

39 አሰና ገሌዳ ምሽራታ ባረ አሰናይ ደኡዳ ኬናን አናና አትጥ ደእናዳን ቃሸታ ኡታዳ። ሸን እ ሀይቆጥ፣ ጎዳ አማንያ አሳ አናን ግደጥ፣ ባረ ደሴዳ አሰና ገላናው ዳንዳየው።

40 ታ ቆፋ ግደጥ፣ ገላናን ደእንቶ፣ እዛ ናሸቻን ደእና። ቃይ ታናን ጳጳ አያናይ ደእያዎ ታን ኡራይ።

### 8

ኤቃው ያርሸቴዳ ቁማባ

1 ኤቃው ያርሸቴዳ ቁማባ ግደጥ፣ ኔን ኡባይካ ኡራቶ። ኡራይ ኦቶርሴ፤ ሸን ሲቁ አማኑዋን ድቼ።

2 ኦንነ ባረው አትባ ኤርያዎ ማላቶጥ፣ እ ብር ኡራናው በሰያዎ ኤርቤና።

3 ሸን ኦንነ ጳጳ ሲቆጥ፣ ጳጳይ እ ኡራ።

4 ሄዎ ድራው፣ ኤቃው ያርሸቴዳ ቁማ ሙሳባ ግደጥ፣ ኤቃ ኡባይ አላምያን እያን ግደናዎን፣ አት ጳጳጥ አትን፣ ሀራይ አሳይናዎ ኔን ኡራቶ።

5 እያው ጎጥ፣ ጮራ ጳጳቱን ጮራ ጎዳቱ ደእና። ሸን ሀራይ አቶ፣ ሳሉዋን ግድና ሳኣን ግድና፣ ጳጳቱዎ ጌተትያዎንቱ ደኡጥካ።

6 ኡባባ መጭዳዌ ኑን አዉ ደእያዌ፡ እት ጸሳይ፡ አዉ፡ ኑዉ ደኤ። ቃይ ኡባባይ እን መፍቲዳዌን ኑን እን ደእያዌ እት ጎዳይ፡ የሱስ ክርስቶስካ ኑዉ ደኤ።

7 ሸን ሀ ኤራይ አሳ ኡባዉ ደኤና። እት እት አሳቱ ኤቃ ደዬዳ ድራዉ፡ ሀእ ጋካናዉካ፡ “ኤቃዉ ያርሼዳ ቁማ” ያጊደ ሚና። ቃይ ኡንቱንቱ ዎዛናይ ሹጋ ግጫዋን፡ ኡንቱንቶ ሀ ቁማን ቱኔዳዎ ማላቱ።

8 ሸን ቁማይ ኑና ጸሳኮ ሺቃናዳን ማደና። ኑን ማና ጳይንቶካ ኑዉ እይን ፓጨና፤ ዋጥን ኑዉ አይን ጉጀተና።

9 ሸን ሀዌ ህንተ ህንተ ደሰዋዳን ሀንያዌ ሹጎ አማኑዋና ደእያዎንታ ናጋራን የገና ማላ ናገትተ።

10 እያዉ ጎጥ፡ ኔን ኤራንቻይ ኤቃዉ ያርሼዳ ቁማ ማናዉ ኤቃ ጎልያን ኡቴዳ ዎደ፡ ሹጎ አማኑዋና ደእያ እት አሳይ ኔና በኦፕ፡ ኤቃዉ ያርሼዳ ቁማ አ ማናዉ አ ዎዛናይ ቆጥኔዬ?

11 ህዋ ግደጥ ሀ ሹጎ አማኑዋና ደእያ ነ አሻይ፡ ክርስቶስ አ ድራዉ ሀይቁዳዌ፡ ነ ኤራን ባዬ።

12 ሀዋዳንካ፡ ህንተ ህንተ እሻቱዋ ናቂያዎን ኡንቱንቱ ሹጎ ዎዛና ማይሰያዎን ክርስቶሳ ናቂታ።

13 ህዋ ድራዉ፡ ቁማይ አማንያ ታ እሻ ጴቢያዎ ግደጥ፡ አ ጴቢና ማላ፡ ታ ደእያ ላይላን ሙላካ አሹዋ ሚከ።

### 9

የሱስ ኪቴዳዎንቶ ደእያ ማታን ኡንቱንቱ ኦላናዉ በሰያባ

1 ታን እይለተላይ ባይና አሳ ግድክታ? የሱስ ኪቴዳዎ ግድክታ? ኑ ጎዳ የሱስ ክርስቶሳ በአበይክታ? ህንተንቱ ታን ጎዳዉ ኦጫዳ ታ ኦሱዋጥ ቤቴዳዎንታ ግድክቴዬ?

2 ታን ሀራንቶ የሱስ ኪቴዳዎ ግደና ጳዮጥካ፡ ህንተንቶ የሱስ ኪቴዳዎ ግድያዌ ኤረቴዳዎ፤ አያዉ ጎጥ፡ ታን ጎዳን የሱስ ኪቴዳዎ ግድያዎ ህንተ ማርካ።

3 ታን ቦርያዎንቶ ታን አዎያ ዛሩ ሀዋ።

4 ማናዉን ኤሻናዉ ኑዉ ማት ባዌ?

5 የሱስ ኪቴዳ ሀራቴዋዳን ጎዳ እሻቱዋዳን፡ ጳጵሮሳዋዳን፡ ኤኖ ግያ ማቻቶ እትጥ አኪደ ባናዉ ኑዉ ማታይ ባዌ?

6 ዎይ ኑ ደኦ ኦሊደ ባጸታናዉ በሰያዌ ታናን ባርናባሳ ጸላሌ?

7 አይ ዎደን ባረ ሚሻ ሚደ፡ ዎታዳራተላ ኦላያዌ ኦኔ? ዎይ ዎይንያ ቱራ ቶኪደ፡ አ አይፍያ ሚናዌ ኦኔ? ዎይ ሚዛ ዉድያ ሄሚደ፡ ሄ ሚዛ ዉድያጥ ማላ ኡሸናዌ ኦኔ?

8 ታን ሀዋ አሳ ቆፋ ጸላላን ጋይታ? ዎይ ህጊ ቃይ ሀዋ ጌኔ?

9 አያዉ ጎጥ፡ ሙሴ ህግያን፡ “ካላ የድያ ሙሀያ ደና ቃቻፓ” ጌተተደ ጸፈቴዳ። ጸሳይ ሙሀያባ ቆጥደ ሀዋ ጌ?

10 ዎይ አ ህዋ ግያዌ ሙላካ ኑ ድራሳ ግደኔ? ቱማካ ኑ ድራዉ ጸፈቴዳ፤ ጎሽያ ብታኒካ ካላ ቡክያ ብታኒካ፡ “ታና ጋክያዎ አካና” ያጊደ ኦላናዉ በሴ።

11 ኑን ህንተ ግደን እያና የዉዋ ዘሬዳዎንታ ግዲደ፡ ኑ አሾ ማደ ግድያዎ ህንተንቱጥ ጫኮጥ ዳርቤ?

12 ሀራቴ ህዋ ህንተንቱጥ አካናዉ ኡንቱንቶ ማታይ ደአጥ፡ ኑዉ ኡንቱንቱዋጥ አድያ ማታይ ባዌ? ሸን ኑን ክርስቶሳ ሞሽራቹዋ ቃላዉ ጴቦ ግደናዳን፡ ኡባባ ገንጭያዋጥ አትን፡ ሄ ማታን ጎኤትበይኮ።

13 ጌሻ ጎልያን ኦላያ አሳቱ ባረንቱ ቁማ ጌሻ ጎልያጥ አክያዎ ኤርክቱ? ቃይ ያርሸያሳን ኦላያዎንቱ ያርሹዋጥ አክያዎ ኤርክቱ?

14 ሀዋዳንካ፡ ቃይ ሞሽራቹዋ ቃላ ኦድያዎንቱ ባረንቱ ደኦ ኮሽያባ አጥ ደማናዳን፡ ጎዳይ አዛዜዳ።

15 ሸን ታን ሀ ማታ ኡባን እይን ጎኤታበይከ። ታን ሀዋ ጸፊዳዌ ህዋ ማላ ማታይ ታዉ ደእናዉ በሴ ያግያዎና ግደና። አያዉ ጎጥ፡ ታ ጩቁዋ ኦንን ሙላ ከሰያዋጥ ሀይቁያዌ ታዉ ሎኦ።

16 ሞሽራቹዋ ቃላ ኦዳናዉ ታን አዛዘታ ኡቴዳ ድራዉ፡ አ ኦደጥካ ታዉ ጩቀትያባዌ ባዋ። ሞሽራቹዋ ቃላ ኦደናን አጎጥ፡ ታዉ አየሮ።

17 አያዉ ጎጥ፡ ታን ሀዋ ደሳደ ኦፊጥ፡ ታዉ ዎይታይ ደኤ። ሸን ታን ደሰናን እጸጥካ፡ ሞሽራቹዋ ቃላ ድራዉ ሀዳራ ጸሳይ ታዉ አሚዳ።

18 ያትና፡ ታ ዎይታይ እዬ? ሞሽራቹዋ ቃላ ኦዳደ፡ ታዉ ዎንጋላን ደእያ ኩመንላ ማታን ጎኤተናን፡ ሞሽራቹዋ ቃላ ጮ ኦድያዎ።

19 ታን ኦሰን አይለ ግድከ ሸን፡ ጮራቱዋ ዛራናዉ ታና ኡባዉ አይለ ከሳድ።

20 ታን አይሁዳቱዋ ዛራናዉ ኡንቱንቱና ኡንቱንታ ግዲደ ደኤደ። ታ ሀጸዉ ህግያጥ ጋርሳና ደእከ። ሸን ህግያጥ ጋርሳና ደእያዎንታ ዛራናዉ ህግያጥ ጋርሳና ደእያ አሳ ማላ ግዲድ።

- 21 ታን ህጊ ባይና አሳቱዋና ደእደ፡ ህጊ ባይና አሳዳን ሀናድ። ጸሳ ህጊ ጳይና ግድና። ሸን ህጊ ባይናዋንታ ዛራናው፡ ክርስቶሳ ህግያፕ ጋርሳና ደእድ።
- 22 ታን እማኑዋን ዳቡርያዋንታ ዛራናው፡ ኢንቱንቱ ማላ ግዳድ። ታን እይ ኦግያንን እማሬዳ አሳቱዋ አሻናው፡ ኡባ አሳቱዋና ኡባባን ኢንቱንቱ ማላ ግዳድ።
- 23 ታን ሞሽራቹዋ ቃላ እንጂዋ ሻካናው፡ ሞሽራቹዋ ቃላ ድራው፡ ኡባባ ኦላይ።
- 24 ሞላን ጸናና ጊደ ዋጽያ ኡባይ እትፕ ዋጽ። ሸን እቱዋ ጸላላይ ዋይታ እክያዋ ኤርክቱ? ሀዋዳን ህንተንቱካ ዋይታ አካናው ዋጽተ።
- 25 ካሳው ባረና ገጠሰያ እንነ ባረና ናጌ። አሳይ ሄዋ ዳቡርያዋ ጸኔዳዎ እመትያ ባይያ ካላቻ ደማናሳ። ሸን ኩን ዳቡርያዋ መቋናው ደእያዋን ባየና ካላቻ ደማናሳ።
- 26 ሄዋ ድራው፡ ታን ቆፍ ባይናን ዋጽያዋዳን ዋጽከ። ጫርኩዋ ይሞፕያ አሳዳንካ ጮ ኦለትከ።
- 27 ሸን ታን ሀራንቶ ኦዲዳዋፕ ጉይያን፡ ታ ሁጸው ዋይታፕ አተና ማላ፡ ታ አሳተላ ናገታናዳን ኦላይ።

### 10

#### ኤቃው ጎይናናው በሰና

- 1 ሄዋ ቦላን ታናዳን እማንያዋንቶ፡ ታን ህንተ ሀዋ ኤራና ማላ ኮያይ። ኑ እዎቱ ኡባይ ሻርያፕ ጋርሳና ደእድና፤ ኡባይካ አባ ግዳና ፕኔድና።
- 2 ኢንቱንቱ ኡባይ ሙሴና እትፕ ግዳናው፡ ሻርያንን አባን ጸማቀቱድና።
- 3 ኢንቱንቱ ኡባይ ሄ እት እያና ቁማ ሜድና።
- 4 ቃይ ኡባይካ ሄ እት እያና ኡሻ ኡሺድና። እያው ጎፕ፡ ኢንቱንቱ ባረንታ ካለልያ እያና ዛላፕ ፑልቶዋ ኡሺድና፤ ሄ ዛላይካ ክርስቶሳ።
- 5 ሸን ጸሳይ ኢንቱንቱፕ ዳርያ ባጋቱዋን ናሸትቤና ድራው፡ ኢንቱንቱ እሃይ አሳይ ባይና ሳን ላለቱዳ።
- 6 ኢንቱንቱ ኢታባ እዋቱዳዋዳን፡ ኑ ዋዛናይ ቃይ ኢታባ እመዋፕ ናገታናዳን፡ ሄዋ ኡባይ ኑው ትሞርተ ግዳዳ።
- 7 ጸሳ ማጻፋይ፡ “አሳይ ማናውን ኡሻናው ኡቱድና፤ ቃይ ዱር ደንድ ኤቁድና” ያግያዋዳን፡ ኢንቱንቱፕ እቱ እቱ ኤቃው ጎይኔዳዋዳን፡ ህንተ ጎይናፕተ።
- 8 ኢንቱንቱፕ እቱ እቱ ዋሹሜዳዋዳን፡ ኩን ዋሹማናው በሰና። ሄዋ ጋሱዋን ኢንቱንቱፕ እት ጋለሰ ላታማን ሄዙ ሻእይ ሀይቁዳ።
- 9 ኢንቱንቱፕ እቱ እቱ ጎዳ ፓጢደ፡ ሸሻን ዱከት ሀይቁዳዋዳን፡ ኩን ጎዳ ፓጢናው በሰና።
- 10 ኢንቱንቱፕ እቱ እቱ ዙዙምና፡ ዋቋያ ኪታንቻን ኢንቱንታ ጳይሴዳዋዳን ዙዙዋፕተ።
- 11 ሀዋ ኡባይ ሀራቶ ትሞርተ ግዳናዳን ኢንቱንቱ ቦላ ጋኪዳ። ቃይ ኑና ዋቋያ ዉርሰላይ ጋካና ማቱዳዋንታ ሴራናው ጸፈቱዳ።
- 12 ሄዋ ድራው፡ ሞና ኤቃድ ጊደ ቆፕያ ኡራይ እንነ ኩንደናዳን፡ ባረና ናጌ።
- 13 ህንተንታ ጋክያ ፓጢ፡ አሳ ኡባ ጋክያ ፓጮያ ማላፕ አትን፡ እይነ ዲማተና። ህንተንቱ ዋልቃይ ዳንዳይያዋፕ እቋያ ፓጮያን ህንተ ፓጢታናው ኮየና ጸሳይ እማንቱዳዋ። ሸን ህንተንታ ፓጢ ጋክያ ዋድ፡ ሄ ፓጮያ እ ህንተንታ ዳንዳይሳና። ቃይ ሄ ፓጮያፕ ህንተንቱ ከሰያ ኦግያካ እ እማና።
- 14 ሄዋ ድራው፡ ታ ደሰያዋንቶ፡ ኤቃው ጎይናፕተ።
- 15 ህንተንቱ ዋዛናማ አሳ ግዳዳ ድራው፡ ታን ህንተንቶ ኦይይ። ታን ግያዋ ህንተ ፕርድተ።
- 16 ኩን ጸሳ ጋላቲደ ሻክያ እንጂዋ ጸእይ ክርስቶሳ ሱላና እትፕተላይ ደእያዋ ግይኑ? ቃይ ኩን መንልያ ኡክላይ ክርስቶሳ አሹዋና እትፕተላይ ደእያዋ ግይኑ?
- 17 እት ኡክላይ ደእያ ድራው፡ ኩን ጮራ ግደፕካ፡ እት አሳተላ። እያው ጎፕ፡ ኩን ኡባይካ ሄ እት ኡክላ ሻከቱቶ።
- 18 እሰራኤልያ አሳ ጸልተ። ያርሹዋ ሞያዋንቱ ያርሸያሳና እትፕተላይ ደእያዋንታ ግድክና?
- 19 ሰሞ ታን ዋጋይታ? ኤቃው ያርሸቱዳ ቁማይ ማዲ ዋይ ኤቃይ ማዲ?
- 20 ማደና፤ ሸን ታን ግያዋ ጸሳ እማና አሳቱ ኢታ እያናቶ ያርሸያዋፕ አትን፡ ጸሳው ያርሸክና። ኢታ እያናቱዋ ህንተ እትፕ ዙፕታና ማላ፡ ታን ኮይከ።
- 21 ጎዳ ጸእፕ ኡሺደ ቃይ ኢታ እያናቱዋ ጸእፕ ኡሻናው ህንተ ዳንዳይክታ። ጎዳ ጋይታፕ ህንተ ግሸቲደ ቃይ ኢታ እያናቱዋ ጋይታፕ ማናው ዳንዳይክታ።
- 22 ሄዋ ኦሊደ ኩን ጎዳና ጸድታናው ኮሺ? ኩን አፕ ሞኔቶ?

23 ህንተተ እቱ እቱ፤ “ኡባባ ኦላናው ታና ድግያባይ ባዋ”፤ ሸን ኡባባይ ማደና። “ኡባባ ኦላናው ድግያባይ ባዋ፤ ሸን ኡባባይ ጌሸና” ያጊና።

24 እንነ ሀራ አሳ ማድያባ ቆፖፕ አትን፤ ሀራይ አቶ እቱነ ባረና ማድያባ ቆፖፖ።

25 ገያን አዳረ ታራን ዛልኤትያ አሹዋ ህንተ ዋዛና ቆፋን፤ እይነ ሰፍን ሚተ።

26 እያው ጎፕ፤ አላሚነ እን ደእያባይ ኡባይ ጎዳባ።

27 እት አማነና አሳይ ህንተንታ እማላ አል ሾባናው ጸሴና ባናው ኮዮፕ፤ ህንተ ዋዛና ቆፋን፤ እይነ ሰፍን ህንተ ሰንላ እ አልያባ ኡባ ሚተ።

28 ሸን እት ኡራይ ህንተንቶ፤ “ሀዌ ኤቃው ያርሼዳዋ” ጎፕ፤ ሄ ህንተንቶ ኦይዳ ብታንያ ድራውነ ቃይ ህንተ ዋዛና ቆፋ ድራው፤ ሄ ቁማ ሞፕተ።

29 ታን ግያዌ ነ ዋዛና ቆፋ ድራሳ ግደና፤ ሸን የኮ ብታንያ ዋዛና ቆፋ ድራሳ።

ታን ታ ሀናናው ዳንዳይያ ታ ሀናታ ሀራ አሳ ዋዛናይ እያው ፕርዲ?

30 ታን ጸሳ ጋላታይ ቁማ ሞፕ፤ ጸሳ ጋላታይ ሜዳ ቁማው እያው ቦረታይታ?

31 ሰም ህንተ እያነ ሞፕ፤ ዋይ እያነ ኡሾፕ፤ ዋይ ህንተ እያነ ኦሎፕ፤ ኡባባ ጸሳ ቦንቾ ኦሎፕ።

32 ህንተንቱ እይሁዳ አሳቶ ዋይ ግሪከ አሳቶ ዋይ ጸሳ አማንያዋንቶ ቆቦ ግደፕተ።

33 ታን ቃይ ጮራቱ አታና ማላ፤ አንቱንቱ ኡባ ማዳናዳንፕ አትን፤ ታ ሁጸው ማዳዋ ኮዮናን፤ አሳ ኡባ ኡባባን ናሽቶያዋዳን፤ ህንተንቱካ ሄዋዳ ኦሎፕ።

# 11

1 ታን ክርስቶሳ ለምሱዋ ካልያዋዳን፤ ህንተንቱካ ታዋ ካልተ።

እሳይ እትፕ ዋሰያ ዋይ ደእናው በሰያ ዋጋ

2 ታናዳን አማንያዋንቶ፤ ህንተ ኡባባን ታና ሀሳይያ ድራውነ፤ ዋጋ ታን ህንተንቶ አሜዳዋዳን፤ ህንተ ሞንሲደ ናፕያ ድራው፤ ህንተንታ ጋላታይ።

3 ሸን ክርስቶሰ አቱማዋ ኡባው ሁጸ ግድያዋ፤ አቱማ አሳይ ማጫ አሳው ሁጸ ግድያዋነ ቃይ ጸሳይ ክርስቶሳው ሁጸ ግድያዋ ህንተ ኤራና ማላ ኮያይ።

4 ጸሳ ዋሲደ፤ ዋይ ትምቢትያ ኦዲደ፤ ባረ ሁጸያ ጎዘያ አቱማ አሳይ ኡባይ ክርስቶሳ ቶቼ።

5 ቃይ ጸሳ ዋሳደ ዋይ ትምቢትያ ኦዲደ፤ ባረ ሁጸያ ጎዘና ማጫውና ባረ አሰና ቶቻው፤ እያው ጎፕ፤ እዛ ባረ ሁጸያ ሜይታ ድጎንና አት ማላ።

6 ማጫውና ባረ ሁጸያ ጎዘና ጳዮፕ፤ ቃንጽሱ። ሸን እዛ ባረ ሁጸያ ቃንጽሳናዋ ዋይ ሜድሳናዋ ፖኮፕ፤ ባረ ሁጸያ ጎዘ።

7 አቱማዌ ጸሳ ለምሱዋነ ቦንቹዋ ግድያ ድራው፤ ባረ ሁጸያ ጎዘናው በሰና፤ ሸን ማጫውና አቱማዋ ቦንቾ።

8 እያው ጎፕ፤ ማጫውና አቱማዋፕ ቤታዲፕ አትን፤ አቱማዌ ማጫውንፕ ቤትቤና።

9 እያው ጎፕ፤ ማጫውና አቱማዋ ድራው መፍታዲፕ አትን፤ አቱማዌ ማጫውን ድራው መፍታዲ።

10 ሄዋ ድራው፤ ማጫውና ባረ አሰና አይሱዋፕ ጋርሳና ደእያዋ ኤርሳናውነ ኪታንቻቱዋ ድራው፤ እዘ ሁጸያን ጎዘያባይ ደእናው በሴ።

11 ሸን ጎዳን ማጫውና አቱማዌ ባይናን ደኢኩ፤ አቱማዌካ ማጫውና ባይናን ደኢና።

12 እያው ጎፕ፤ ማጫውና አቱማዋፕ መፍታዲዋዳን፤ ቃይ አቱማዌካ ማጫውንፕ የለቱዳ። ቃይ ኡባባይካ ጸሳፕ ዬ።

13 ህንተንቱ ህንተ ሁጸው ፕርድተ። ማጫውና ባረ ሁጸያ ጎዘናን ጸሳ ዋሳናው በሰ?

14-15 አቱማዌ ባረ ሁጸያ ድቾፕ፤ አው ፖኮ። ሸን ማጫውና ባረ ሁጸያ ድቾፕ፤ እዘው ቦንቾ ግድያዋ ሀራይ አቶ፤ መፍታዲዋነ ህንተንታ ታማርሰኔ? እያው ጎፕ፤ ማጫውን ሁጸ እዘ ካማናው እዘው እመቲዳ።

16 ሸን ኦንነ ሀ የዋዋን ፓሉመታናው ኮዮፕ፤ ኡው ግድና ዋይ ጸሳ አማንያዋንቶ ግድናካ፤ ሀዋፕ ሀራ ዋጋይ ባዋ።

ጎዳ ካወዋ እክያ ዋጋ

(ማቶሳ 26:26-29፤ ማር. 14:22-25፤ ሉቃሳ 22:14-20)

17 ህንተ ሸቅያዌ ኢታባሳፕ አትን፤ ሎኮባሳ ግድና ድራው፤ ታን ሀ እዛዙዋ እማደ ህንተንታ ጋላትከ።

18 ሸን ህንተ ዋሳ ጎለን ሸቅያ ዋይ፤ ህንተ ግደን ጳልቀላይ ደእያዋ ታን ሰሳይ። ቃይ ሄዌ እት ባጋና ቱማ ግድያዋ አማናይ።

19 እያው ጎፕ፤ ህንተ ማታን አማነቲዳዋንቱ ቆንጭ ኤረታና ማላ፤ ህንተ ግደንካ ቃይ ሸኩ ደእናው በሴ።

20 ሄዋ ድራጩ፡ ህንተ እትጥ ሸቅያ ዎደ፡ ህንተ ሸቁ ጎዳ ካወዋ ማናሳ ግደና።

21 እያወ ጎጥ፡ ህንተ ቁማ ምያ ዎደ፡ ኡባይ ሁጲያን ሁጲያን ባረዋ ባረዋ ምያ ድራጩ፡ እቲ ኮሻቲ፤ እቲ ቃይ ማላቲ።

22 ማናወሳ ኡሻናወ ህንተንቶ ጎሊ ባዌ? ዎይ ጸሳ ዎሳ ጎልያ ካጲቲ? ቃይ እይነ ባይናዋንጥ ዩላዪቲ? ታን ህንተንጥ ዎሳ? ሀ የወዋን ታን ህንተንጥ ጋላቶ? ጋላትከ።

23 እያወ ጎጥ፡ ታን ቃይ ህንተንቶ እሜዳ ትምርትያ ጎዳጥ እካድ። ጎዳ የሱሰ ኡንቲንቲ እ አሊደ እሜዳ ቃማ ዳቡዋ አኪደ።

24 ጸሳ ጋላቲዳ፤ ዳቡዋ መንሳደ፡ “ሄይተ፤ ሚተ። ሀዌ ህንተ ግሻጥወ ባረና እሜዳ ታ እሹዋ። ሀዋን ታና ቆፕተ” ያጌዳ።

25 ሀዋዳንካ፡ ካወዋ ሚደ ሰምና፡ ጸእ ቃይ አኪደ፡ “ሀዌ ጸእይ ታ ሱሳን ታን ጫቄዳ ኑራላ ጫቄዎ። ህንተንቲ እጥ ኡሹዳ ዎደ ኡባን ሄዋን ታና ቆፕተ” ያጌዳ።

26 እያወ ጎጥ፡ ህንተ ሀ ዳቡዋ ሚዳ ዎደ ኡባን ሀ ጸእጥ ኡሹዳ ዎደ ኡባን ጎዳይ ያና ጋካናወካ፡ እ ሀይቁዋ ኑዲታ።

27 ሄዋ ድራጩ፡ በሰናን ደኢደ ጎዳ ዳቡዋ ምያዌ፡ ዎይ ጎዳ ጸእጥ ኡሹዳዎ ኮን እ አሹዋን እ ሱሳ አጮቲ።

28 ሸን አሳይ ባረ ሁጲያ ፓጮ። ያቲደ ዳቡዋ ዋ። ጸእጥካ ኡሹ።

29 እያወ ጎጥ፡ ጎዳ አሹዋ ሻኪደ ኤረናን ዳቡዋ ምያዌን ጸእጥካ ኡሹዳዎ ባረ ሁጲዋ ፕርዳ ሜኔ ኡሹ።

30 ሄዋ ድራጩ፡ ህንተ ግደን ጮራቲ ዳቡራንቻን ሀርጋንቻ ግዴድና፤ ቃይ ኡንደኔዳዋንቲ ሀይቄድና።

31 ሸን ኑን ኑ ሁጲያ ቱሙ ፓጮደንቶ፡ ጸሳይ ኑና ፕርደና።

32 ኑን ፕርደትያ ዎደ፡ ሀ አላምያና እትጥ ፕርደተና ማላ፡ ጎዳይ ኑና ሴራ።

33 ሄዋ ድራጩ፡ ታናዳን አማንያዋንቶ፡ ጎዳ ካወዋ ማናወ ህንተ ሸቅያ ዎደ፡ እቲ እቲዋ ናግተ።

34 ኦን ኮሻቲዳዋ ግደጥ፡ እትጥ ሸቅያ ዎደ ጸሳ ፕርደን ህንተ ገለና ማላ፡ ባረ ሶይን ዋ። እቲዳዋ ታን ያ ባደ ገግሳና።

## 12

### ጌሻ እያና እሞታቱዋ

1 ታናዳን አማንያዋንቶ፡ ጌሻ እያና እሞታታ ህንተ ኤራናወ ኮያይ።

2 ህንተንቲ ጸሳ አማንና ዎደ፡ ኡባ ዎደ ካልያዋዳንካ፡ ሃሳየና ኤቃቱዋኮ ህንተ ቤዳዋ ኤሪታ።

3 ሄዋ ድራጩ፡ ጸሳ እያናይ ካለላያ አሳይ ኦን፡ “የሱሰ ሸቀቶ” ያጌደ ሃሳየናዋን ቃይ ጌሻ እያናይ ካለላፕጥ እትን፡ ሀራይ እቶ እት አሳይን፡ “የሱሰ ጎዳ” ጋናወ ዳንዳየናዋ ታን ህንተንጥ ኤርሳይ።

4 እያና እሞታይ ዲማ ዲማ፤ ሸን እምና እያናይ እቲዋ።

5 ቃይ ኦላያ ኦሱ ዲማ ዲማ፤ ሸን ጎዳይ እቲዋ።

6 ኦሱዋ ኦላናወ ዲማ ዲማ ኦጊ ደእሸን፡ ሄ ኦላያ ኦጊያ ኡባ አሳ ኡባወ ቆንጭሰያ ጸሳይ እቲዋ።

7 ሸን አሳ ኡባ ማናወ፡ ጌሻ እያና ቆንጭሰያ ዎልቃይ ኡባወ ሁጲያን ሁጲያን አመቲዳ።

8 እያወ ጎጥ፡ ጌሻ እያናይ እቶ እቶ ኤራተላ ሃሳየ እሜዳ፤ ቃይ እቶ ኤራተላ ሃሳየ እሜዳ።

9 ሄ ጌሻ እያናይ እቶ አማኑዋ እሜዳ፡ የኮ ሀርጋንቻ ፓላያ ዎልቃ እሜዳ።

10 ጌሻ እያናይ እቶ ማላታ ኦላያ ዎልቃ እሜዳ፡ እቶ ትምቢትያ ኦድያ ዎልቃ እሜዳ። እቶ እያናቱዋ ግዳዋን ደእያ ዲማተላ ኤርያ ዎልቃ እሜዳ፡ እቶ ዲማ ዲማ ቃላን ሃሳይያ ዎልቃ እሜዳ። ቃይ እቶ ዲማ ዲማ ቃላን ሃሳይዳዋ ብልያ ዎልቃ እሜዳ

11 ሸን ሀ ኡባን ኦላያዌ ሄ እት ጌሻ እያና። አሳ ኡባወ እ ባረ ኮያዎዳን፡ ዲማ ዲማ እሞታ ሻክ ሻኪደ እሜዳ።

### እት ቦላን ደእያ ዲማ ዲማ አሳተላቱዋ

12 ክርሰቶሰ ጮራ አሳተላቲ ደእያ እት ቦላ ማላ። ቦላይ ጮራ አሳተላቲዋጥ መጠቲዳዋ ግደጥካ፡ እት ቦላ።

13 እያወ ጎጥ፡ ኑን አይሁዳ አሳ ግደጥን ዎይ ግሪክ አሳ ግደጥ፡ ዎይ አይላ ግደጥን ዎይ ዎማና ግደጥ፡ ኡባይ እት ጌሻ እያናን እት ቦላ ግዳናወ ጸማቁቲድ። ቃይ ኑን ኡባይ እት ጌሻ እያና ኡሹደ።

14 እያወ ጎጥ፡ ቦላወ አሳተላይ ጮራ ግድያዋጥ እትን፡ እቲዋ ግደና።

- 15 ገዲ፣ “ታን ኩሽያ ግደና ድራሬ፣ ቦላ ቆሞ ግድከ” ጎጥ፣ እ ሄዋ ግያዌ ቦላ ቆሞ ግድያዋ ድጋኔ?
  - 16 ሀይላይካ፣ “ታን እይፍና ግደና ድራሬ፣ ቦላ ቆሞ ግድከ” ጎጥ፣ እ ሄዋ ግያዌ ቦላ ቆሞ ግድያዋ ድጋኔ?
  - 17 ቦላይ ኡባይ እይፍና ጸላላ ግድንቶ፣ ዋቲደ ሰሳናዉ ዳንዳዪ? ቃይ ቦላይ ኡባይ ሀይላ ጸላላ ግድንቶ፣ ዋቲደ ሰንጋናዉ ዳንዳዪ?
  - 18 ሽን ጸሳይ ባረ ኮዬዳዋዳን፣ ቦላ አሳተላቱዋ እቱዋ እቱዋ ቦላን ዋጩዳ።
  - 19 ኡባይ እት ቆሞ ግድንቶ፣ ቦላይ ሀቃን ደእኔ?
  - 20 ሽን አሳተላቱ ጮራ ግድግድ፣ ቦላይ እቱዋ።
  - 21 እይሬ ኩሽያ፣ “ኔን ታና ኮሻካ” ጋናዉ ዳንዳዪና። ዋይ ቃይ ሁጲ ገዳቱዋ፣ “ሀንተንቱ ታና ኮሽከታ” ጋናዉ ዳንዳዪና።
  - 22 ሽን ላፋ ማላትያ ቦላ አሳተላቱ ሎይላ ኮሽያዋንታ።
  - 23 ቦላ አሳተላቱዋጥ ቦንቼተናዋንታ ኑዉ ማላትያዋንታ ኑን ሎይላ ቦንቼቶ። ቃይ ኑና ዬላይያ ቦላ አሳተላቱዋካ ሎይላ ቦንቼቶ።
  - 24 ኑ ቦላጥ ቤትያ ባጋዉ ማዪ ኮሸና፤ ሽን ፖክያ ባጋ አሳተላቱዋ ሎይላ ማይዛናዳን፣ ጸሳይ አሳተላ እትጥ ጋጱዳ።
  - 25 ቦላ አሳተላቱ እቱ እቶ እት ማላ ቆፋ ቆጋናጥ እትን፣ ቦላን ዲማተላይ ደእናዉ በሰና።
  - 26 ቦላ አሳተላቱዋጥ እቱ ሴለቶጥ፣ ቦላ አሳተላቱ ኡባይካ አናና ሴለቲና፤ ቦላ አሳተላቱዋጥ እቱ ቦንቼቶጥ፣ ቦላ አሳተላቱ ኡባይ አናና ናሽቲና።
  - 27 ሀንተንቱ ኡባይ ክርሰቶሳ ቦላ፤ ቃይ ሁጲያን ሁጲያን ሀንተ ኡባይካ እ ቦላ አሳተላቱዋ።
  - 28 ጸሳይ ዋሳ ጎለን እት እት አሳቱዋ፣ ኮይሩዋን የሱሰ ኪቲዳዋንታ፣ ላኢንሱዋን ናባቱዋ፣ ሄዘንሱዋን ታማርሰያዋንታ፣ ሄዋጥ ጉይያን፣ ማላታ ኦሎያዋንታ፣ ሄዋጥ ጉይያን፣ ጋሎ ዋልቃይ ደእያዋንታ፣ ማድያዋንታ፣ ዋሳ ጎልያ እይሰያዋንታ ዲማ ዲማ ቃላን ሃሳይያዋንታ ኦሎዳ።
  - 29 ኡባቱ የሱሰ ኪቲዳዋንቱ? ኡባቱ ናባቱ? ኡባቱ ታማርሰያዋንቱ? ኡባቱ ማላታ ኦሎዳ?
  - 30 ኡባዉ ጋሎ ዋልቃይ ደእ? ኡባቱ ዲማ ዲማ ቃላን ሃሳይያ? ቃይ ዲማ ዲማ ቃላን ሃሳይያዋ ኡባቱ ብለና?
  - 31 ሽን ኡባጥ አጵያ እሞታ ሎይላ ኮይተ።
- ቃይ ኡባጥ ሎይላ አጵያ ኦግያ ታን ሀንተንታ በሳና።

### 13

#### ቱሙ ሲቁዋ

- 1 ታን አሳ ቃላንን ኪታንቻ ቃላን ሃሳዮጥካ ታዉ ሲቁ ጳዮጥ፣ ታ ሃሳይይ ጮ ዋሰያ ዳዋላ ማላ፤ ዋይ ቆልጫካትያ ጽናጽልያ ማላ።
- 2 ናበተላ እሞታይ ታዉ ደኣጥካ፣ ታን ጌሜዳ የዉዋ ኡባን ኤራተላ ኡባ ኤርንቶካ፣ ቃይ ደርያ ደንሳ ድግያ እማኑ ታዉ ደኣጥካ፣ ሲቁ ጳዮጥ፣ ታን እያን ግድከ።
- 3 ታዉ ደእያዋ ኡባ ሀይሳቱዋ ሞዛናዉ እምንቶካ ሀራይ አቶ፣ ታ ቦላ ታማን ጉዳናዉ አሳ እምንቶካ ሲቁ ጳዮጥ፣ ታና እይን ማደና።
- 4 ሲቁ ዳንዳዪያን። ሲቁ ኪኪ። ሲቁ ቃናተና። ጩቀተና፤ ቃይ እቶረተና።
- 5 ሲቁ ባረዉ በሰናዋ ኑ፤ና፤ ኡዜተና፤ ይሎተና፤ ሲቁ ናቀቲዳዋን ገይደና።
- 6 ሲቁ ቱማተላን ናሽትያዋጥ እትን፣ ዋርዳዋን ናሽተና።
- 7 ሲቁ ኡባባ ዳንዳዪ። ኡባባይካ ሀናናዋ ገደ፣ ናሽቻን ናጌ። ኡባባን ገንጩ።
- 8 ሲቁ ሙላካ ጳዮና። ሽን ናበተላይካ አታና። ዲማ ዲማ ቃላን ሃሳይያዋካ አታና። ኤራተላይካ ጳዮና።
- 9 እያዉ ጎጥ፣ ኑን ኤራተላጥ ገጫ ኤሬቶ፤ ትሞቢትያጥካ ገጫ ኦይቶ።
- 10 ሽን ኩሙንላ ግዴዳዌ ይያ ዋደ፣ ገጫይ ጳዮና።
- 11 ታን ናአተላን ደእያ ዋደ፣ ናኣዳን ሃሳይይ። ናኣዳን ቆገይ። ቃይ ናኣዳንካ እኪካይ። ዋዳላ ግዴዳ ዋደ፣ ናአተላ ሁኑዋ አገድ።
- 12 ኑን ሀእ በእያዌ ማሰቶትያን በእያ ለምእ ለምእያ ማላ ማላ፤ ሽን ሄ ዋይ ኑን ኑ እይፍያን ቆንጭያን በእና። ሀእ ታን ኤራተላጥ ገጫ ኤራይ፤ ሽን ጸሳይ ታና ዉርሲደ ኤርያዋዳን፣ ሄ ዋይ ታንካ ዉርሳ ኤራና።
- 13 ሽን ሄዋ ግድግድ፣ እማኑ፣ ሀናናዋ ገደ ናሽቻን ናግያዌን ሲቁ፣ ሀዋንቱ ሄዛቱ ሞኒደ ደእና። ሀዋንቱጥ አጵያዌ ሲቁዋ።



# 14

ጌሻ እያና እሞታነ ኢንቱንቱ ማዲዋ

- 1 ሲቁዋ ካልተፈፀመ፡፡ እያና እሞታካ ሎይላ ኮይተ፡፡ ሽን ኡባጥ አሊደ፣ ናበተላ ኮይተ፡፡
- 2 እያው ጎጥ፡ ዲማ ዲማ ቃላን ሃሳይያ ኡራይ ጸሳው ሃሳይጥ አትን፡፡ አሳው ሃሳየና፡፡ እያው ጎጥ፡ ለ ሃሳይያዋ ኦንነ አኩከና፡፡ ሽን አሳው ቆንጭቤና የወዋ እያና ዋልቃን ሃሳይ፡፡
- 3 ሽን ናቢ አሳ ማዲናው፡፡ ዘራናውን ምንሳናው አሳው ሃሳይ፡፡
- 4 ዲማ ዲማ ቃላን ሃሳይያ ኡራይ ባረና ማዲ፡፡ ሽን ናቢ ዋሳ ጎልያ ማዲ፡፡
- 5 ህንተንቱ ኡባይ ዲማ ዲማ ቃላን ሀሳናናዋ ታን ደሳይ፡፡ ሽን ናበተላ ሄዋጥ አሳደ ደሳይ፡፡ እያው ጎጥ፡ ዲማ ዲማ ቃላን ሃሳይያዋ ሄ ሃሳይዳዋ ዋሳ ጎልያ ማዲናው ብልያ አሳይ ቆየጥ፡ ዲማ ዲማ ቃላን ሃሳይያዋጥ ናበተላይ አይ፡፡
- 6 ሽን ታናዳን አማንያዋንቶ፡፡ ሀእ ታን ህንተንቱኮ ባይ፡ ዲማ ዲማ ቃላን ሃሳይያ፡ ሳጸን ዋይ ኡራተላን ዋይ ናበተላን ዋይ ታማርሰያዋን ህንተንቶ ኦዳና ቆየጥ፡ ታን ህንተንታ እያ ማዲይታ፡፡
- 7 ሀራይ አቶ፡ ሸምፑ ባይናባይ ሱሱልያ ግድና ዋይ ዲላ ግድና ካኢደ፡ ባረ ካሳ ዲማተላ ኡርሳና ቆየጥ፡ ሱሱልያ ፑናጥን፡ ዋይ ዲላ ዲጸጥ፡ አሳይ ዋቲደ ኡራይ፡፡
- 8 ቃይ ጸሩናዋባ ዋሱ ሎይላ ኡራታና ቆየጥ፡ አላው ኦኔ ገታናዋ፡፡
- 9 ሀዋዳንካ፡ ቃይ ዲማ ዲማ ቃላን ህንተ ሃሳይያዋ ቆንጨ ግድናን ቆየጥ፡ ህንተ ሃሳይያዋ አሳይ ዋት አከካኔ? እያው ጎጥ፡ ጫርኮ ህንተ ሃሳይያ፡፡
- 10 ሀ አላምያን ጮራ ቃላይ ደኤ፤ ሽን ብለላይ ባይና ቃላይ አቱን ባዋ፡፡
- 11 ሽን አት አሳይ ሃሳይያ ቃላ ታን ኡራና ቆየጥ፡ ሄ ሃሳይያዋ ታው እማላ ግዴ፤ ታንካ እው እማላ ግዴይ፡፡
- 12 ሀዋዳንካ፡ ቃይ ጌሻ እያና እሞታ ህንተ አካናው ሎይላ ኮይያዋንታ ግድና ድራው፡ ዋሳ ጎልያ ድቻናው ማዲዋ ኡባባጥ አሊደ ኮይተ፡፡
- 13 ሄዋ ድራው፡ ዲማ ዲማ ቃላን ሃሳይያዋ ባረ ሃሳይዳዋ ብለናው ዳንዳያና ማላ፡ ጸሳ ዋሱ፡፡
- 14 እያው ጎጥ፡ ታን ዲማ ዲማ ቃላን ጸሳ ዋሶጥ፡ ታ እያይካ ዋሱ፤ ሽን ታ ጋርሳ ቆፋይ እይነ ጎኡተና፡፡
- 15 ያትና፡ ታን ዋቶ? ታን ታ እያናን ጸሳ ዋሳና፤ ቃይ ታ ቆፋንካ ጸሳ ዋሳና፡፡ ታ እያናን የጻና፤ ቃይ ታ ቆፋንካ የጻና፡፡
- 16 ሄዋ ግድና ቆየጥ፡ ኔን ነ እያና ጸላላን ጸሳ ጋላትያዋ ግድጥ፡ ሄ ሳካን ኔን ግያዋ ኡረና አሳይ ኔን ጸሳ ጋላትያዋ ኡረናን፡ ኔን ጋላቲዳዋን ዋቲደ፡ “አመንእ” ጋኔ?
- 17 ኔን ጸሳ ጋላትያዋ ሎኢ፤ ሽን ሄዋ የኮ ብታንያ ማድና፡፡
- 18 ታን ዲማ ዲማ ቃላን ህንተ ኡባጥ አሳደ ሃሳይያ ድራው፡ ጸሳ ጋላታይ፡፡
- 19 ሽን ታን ዋሳ ጎልን ሀራቲዋ ታማርሳናው ዲማ ዲማ ቃላን ታው ቫእ ቃላቲዋ ሃሳይያዋጥ እቼሹ ቃላቲዋ ታ ዋዛና ቆፋን ሃሳይያው ደሳይ፡፡
- 20 ታናዳን አማንያዋንቶ፡ ህንተ ኢታ የወዋን ጉላ ናና ማላ ግድናጥ አትን፡ ቆፋን ጉላ ናና ማላ ግድናተ፤ ህንተ ጋርሳ ቆፋን ዋዛናማቲዋ ግድተ፡፡
- 21 ጸሳ ማጻፋን፡

“ሳይይ፡ ታን ሀ አሳው፡  
 ዲማ ዲማ ቃላን ሃሳይያ አሳንነ፡  
 እማላቲዋ ድናን ሃሳይያና፡  
 ሽን ሄዋንካ፡  
 ታን ግያዋ ኡንቱንቱ ሰሰክኖ ያጌ”

ጌተቲደ ጸፈቲደ፡፡

- 22 ሰም ዲማ ዲማ ቃላን ሃሳይያዋ አማንናዋንቶ ማላታ ግድያዋጥ አትን፡ አማንናዋንቶ ማላታ ግድና፡ ቃይ ናባቲዋጥ ሃሳይያዋዎ አማንናዋንቶ ማላታ ግድያዋጥ አትን፡ አማንናዋንቶ ማላታ ግድና፡፡
- 23 ሄዋ ድራው፡ አማንያ አሳይ ኡባይ አት ሸቂደ፡ ቃይ ኡባይካ ዲማ ዲማ ቃላን ሃሳየጥ፡ ታማርቤና አሳይ ዋይ አማንና አሳይ ገሊደ፡ ህንተንታ ኡባ፡ “ሳይታ” ጌኔ?
- 24 ሽን ታማርቤና አሳይ ዋይ አማንና አሳይ ዋሳ ጎል ገልያ ዋይ፡ አሳይ ኡባይ ትምቢታን ኦደጥ፡ ለ ባረ ሰሰዋን ባረ ናጋራ አኩከ፡፡ ቃይ ሄ ሰሴዳባ ኡባንካ እ ፕርደታና፡፡
- 25 እ ዋዛናን ጌማይ ቆፋይካ ቆንጫና፡፡ ሀዋዳንካ ቃይ፡ “ጸሳይ ቲሙ ህንተ ግድን ደኤ” ያጌደ ማርካቲደ፡ ጉፋኒደ ጸሳው ጎረናና፡፡

አሳይ አትጥ ዋሰያ ዋይ ደኢናው በሰያ ዋጋ

26 ስም ታናዳን አማንያዎንቶ፣ እዬ? ህንተንቱ እትጥ ሸቅያ ዎደ፣ ሁጲያን ሁጲያን፣ እቶ ማዝሙራ ደኤ፤ እቶ ታማርሰያዌ ደኤ፤ እቶ ሳጸይ ደኤ፤ ቃይ እቶ ዲማ ዲማ ቃላን ሃሳይያዌ ደኤ፤ እቶ ብልያዌ ደኤ። ኡባይካ ዎሳ ጎልያ ማድያዎ ግዳናዉ በሴ።

27 ኦን ዲማ ዲማ ቃላን ሃሳዮ፣ ላኡ ግዲደ፣ ዎይ ዳርጥ ሄዙ ግዲደ፣ ካላን ካላን ሃሳናዉ በሴ። ቃይ ሀራ እቶ ኡንቱንቱ ሃሳዬዳዎ ብሎ።

28 ሸን ብልያ አሳይ ቆዮ፣ ዲማ ዲማ ቃላን ሃሳይያዌ ዎሳ ጎልያን ጮኡ ጎ። ባረ ሁጲዉን ጸሳዉ ሃሳዮ።

29 ናባቲካ ላኡ ግዲደ ዎይ ሄዙ ግዲደ ሃሳይና። ቃይ ሀራንቱ ኡንቱንቱ ግያዎ ሻክና።

30 ሸን ጸሳይ ሄ ሳኣን ኡቲዳ ሀራዉ እትባ ቆንጭሶ፣ ካሰና ሃሳይያዌ ጮኡ ጎ።

31 አያዉ ጎ፣ ኡባይ ታማራና ማላን ኡባይ ምናና ማላ፣ ካላን ካላን ትምቢትያ ኡዳናዉ ዳንዳዪ።

32 ትምቢትያ ኡድያዎንቱ እሞታይ ኡንቱንቶ አዛዘቱ።

33 አያዉ ጎ፣ ጸሳይ ሳርተሳ ጸሳ፣ እትን፣ ጫቡዋ ጸሳ ግደና።

ገሻቱ ዎሳ ጎለቱዋ ኡባን።

34 ማጫዎንቱ ሸቆዋ ጋርሳን ጮኡ ገና። አያዉ ጎ፣ አይሁዳቱዋ ህጊ ግያዎዳንካ ኡንቱንቱ ዎደታና፣ እትን፣ ሸቆዋ ጋርሳን ሃሳናዉ ኡንቱንቶ ማት ባዎ።

35 ማጫዎንቱ ሸቆዋ ጋርሳን ሃሳይያዌ ፖኮ ግድያ ድራዉ፣ አየንቶ ኡራናዉ ኮዮ፣ ሰይን ባረንቱ አሰና ኡቶና።

36 ጸሳ ቃላይ ኮይር ህንተ፣ ዬዳ? ዎይ ህንተ ጸላላኮ ዬዳ?

37 ኦን ባረና ናብያ ዎይ ጸሳ አያናይ ደኤ አሳ ያገደ ቆፖ፣ ታን ህንተንቶ ጸፍያዌ ጎዳ አዛዘዋ ግድያዎ አኪኮ።

38 ሸን ኦን አኪካና ቆዮ፣ አኪኮፖ ባሸ አጎ።

39 ሄዎ ድራዉ፣ ታናዳን አማንያዎንቶ፣ ትምቢትያ ኡዳናዉ ሎይል አሞት። ቃይ ዲማ ዲማ ቃላን ሃሳይያዎካ ድጎ፣፣።

40 ሸን ኡባባይካ ዎጋን ማራን ሀና።

# 15

## ክርስቶስ ሀይቁዋ፣ ደንዴዳባ

1 ታናዳን አማንያዎንቶ፣ ታን ህንተንቶ ኡዳዳ ምሽራቹዎ ቃላ ህንተ አኪካዎን ቃይ ህንተ አማኑ አን ኡቁዳዎ ህንተንታ ቆፊሳይ።

2 ህንተንቱ አማኑ መላ ግዳና ቆዮ፣ ቃይ ታን ህንተንቶ ኡዳዳ ቃላ ሎይል ኦይቆ፣ ህንተ ሄ ምሽራቹዎ ቃላን አቲድ።

3 አያዉ ጎ፣ ታን ቃይ አኪካዎ ኡባባ፣ አጲደ ኮሽያዎ ካስታደ ህንተንቶ አማድ። ሄዎ አዬ ጎ፣ ጸሳ ማጻፋይ ግያዎዳን፣ ክርስቶስ ኑ ናጋራ ድራዉ

4 ሀይቁደ ሞገቱዳ። ጸሳ ማጻፋይ ግያዎዳንካ፣ ሄዘንልያ ጋላስ ሀይቁዋ፣

5 ደንዲደ፣ ጸጽርሳዉ ቆንጩዳ። ሄዎ፣ ገይያን፣ ባረ ኪቲዳ ታማኑ ላኦቶ ቆንጩዳ።

6 ሄዎ፣ ገይያን፣ እቸሹ ጸቲዋ፣ ዳርያ ባረና ካልያ አሳዉ እት ካላ ቆንጩዳ። ኡንቱንቱ፣ ዳርያ ባረና ሀና ጋካናሰካ ፓጸ ደኤና፤ ሸን አማራዳዎንቱ ሀይቁድና።

7 ሄዎ፣ ገይያን፣ ያቆባዉ ቆንጩዳ፤ ገዮ፣ ባረ ኪቲዳ ኡባቶ ቆንጩዳ።

8 ቃይ ኡባ፣ ወርሰሳን፣ ዎዲ ጋክናን የለቲዳ ታዉካ ቆንጩዳ።

9 አያዉ ጎ፣ የሱስ ኪቲዳ ኡባ፣ ታን ላፋ፤ ታን ጸሳ ዎሳ ጎልያ ወይሴዳ ድራዉ፣ የሱስ ኪቲዳዎ ጌተታይ ጸሰታናዉካ በሰከ።

10 ሸን ጸሳ አጼ ኪካተላን ታን ታናካ። ቃይ ታዉ እ አማዳ አጼ ኪካተላይ መላ ግድቤና፤ ሸን ታን ኡንቱንታ ኡባ፣ አሳይ ኦላድ። ሸን ታናና ደኤያ ጸሳ አጼ ኪካተላይ ኦሌዳ፣ እትን፣ ታና ግድከ።

11 ስም ታና ግደ፣፣፣ ዎይ ኡንቱንታ ግደ፣፣፣ ኦን ኡባይ ኡድያዌ ሀዋ፤ ህንተንቱካ ሀዋ አማኔድታ።

## አሳይ ሀይቁዋ፣ ደንዳና

12 ክርስቶስ ሀይቁዋ፣ ደንዴዳዎ ኡድያዎ ግደ፣፣ ህንተንቱ፣ እት እት አሳቱ ያትና ዎቲደ፣ “ሀይቁዳ አሳይ ሀይቁዋ፣ ደንደና” ያገና?

13 ሀይቁዳ ኡራይ ሀይቁዋ፣ ደንደቤናዎ ግደ፣፣ ያትና ሄኮ ክርስቶስካ ሀይቁዋ፣ ደንደቤና ግያዎ።

14 ክርስቶስ ሀይቁዋጥ ደንድቤናዋ ግደጥ፣ ያትና ኑን ኦድያዊካ መላ፤ ቃይ ህንተ አማኑካ መላ።

15 ቃይ ኑን፣ “ክርስቶሳ ሀይቁዋጥ ደንፌዳ” ያጊደ ጸሳባ ማርካቴዳ ድራው፣ አ ዋርዶ ማርካቴዋ ግዲደ ቤቴደ። ሽን ሀይቁዳዋንታ ሀይቁዋጥ እ ደንሰቤናዋ ግደጥ፣ ክርስቶሳካ ደንሰቤና።

16 እያው ጎጥ፣ ሀይቁዳዋንታ ሀይቁዋጥ ደንደናዋ ግደጥ፣ ሰም ክርስቶሶካ ደንድቤና።

17 ክርስቶስ ሀይቁዋጥ ደንድቤናዋ ግደጥ፣ ህንተ አማኑካ መላ፤ ቃይ ህንተ ሀዋ ኃካናዉካ ናጋራና ደኢታ።

18 ሰም ክርስቶሳ አማኒደ ሀይቁዳዋንታክ ቃይ ቆይድና ግያዋ።

19 ኑን ሀ ደኡዋ ጸላላዉ ክርስቶሳን ሀይቲዳ \* ግደጥ፣ ሀ አላምያን ደእያ አሳ ኡባጥካ ኑባይ ሎኤና።

20 ሽን ክርስቶስ ሀይቁዳዋንታ ደንደ ባይራ ግዲደ፣ ሀይቁዋጥ ደንደዳዊ ቲማ።

21 እያው ጎጥ፣ ሀይቁ እት አሳ ባጋና ሀ አላምያ ዬዳ፣ ሀይቁዳዋንታ ደንደካ ቃይ እት አሳ ባጋና ዬዳ።

22 እያው ጎጥ፣ አሳይ ኡባይ አዳማና እትጥተላ መጺዳ ድራው ሀይቁዳዋዳን፣ ክርስቶሳና እትጥተላ መጺዳ ድራው፣ ኡባይ ደኑ ደንደና።

23 ሽን ኡባይካ ባረ ካላን ካላን ደንደና። ክርስቶስ ኡባጥ ካስቲደ ደንደዳ፤ ሄዋጥ ጉይያን፣ ክርስቶሳዋንታ ክርስቶስ ይያ ዋደ ደንደና።

24 ሄዋጥ ጉይያን፣ ክርስቶስ ማታ ኡባ፣ ጎዳተላ ኡባን ዋልቃ ኡባ ቆይሲደ፣ ጸሳው ባረ አቦ ካውተላ እምያ ዋደ፣ ዋድያ ዉርስላይ ያናዋ።

25 እያው ጎጥ፣ ጸሳይ አ ሞርከቲዋ ኡባ አ ገድያጥ ጋርሳና ዋሳና ኃካናዉ፣ ክርስቶስ ሞዳናዉ በሴ።

26 ኡባጥ ዉርስላን ቆይደ ደእያ ሞርኪ ሀይቁዋ።

27 እያው ጎጥ፣ ጸሳ ማጻፋይ፣ “ጸሳይ ኡባባ አ ገድያጥ ጋርሳና ዋሊደ ሞድሴዳ” ያጊ። ሽን ኡባባ አ ገድያጥ ጋርሳና ዋሊደ ሞድሴዳ ግያ ዋደ፣ ኡባባ ኦሌዳ ጸሳጥ አትን፣ የኩ ኡባይ ሞድቲዳ ግያዌ ቆንጨ።

28 ሽን ኡባባይ ክርስቶሳዉ ሞድቲዳዋጥ ጉይያን፣ ክርስቶስ ቃይ ባረ ሀጸዉ ኡባባ ባረና ሞድሴዳ ጸሳዉ ሞድታና። ጸሳይ ቃይ ኡባባ ዉርሲደ ሞዳና።

29 ሄዋ ግዳና ቆየጥ፣ ሀይቁዳዋንታ ኩታ ጸማቅትያዋንታ እያ ኦሊኖ? ሀይቁዳዋንታ ኡባካ ደንደናዋ ግደጥ፣ አሳይ ሀይቁዳዋንታ ኩታ እያዉ ጸማቅት?

30 ያትና፣ ኑን ኡባ ዋደ እያዉ ሀሳየና መቲዋን ገሊቶ?

31 ታናዳን አማንያዋንቶ፣ ታን ኑ ጎዳ ክርስቶሳ የሱሳን ታዉ ደእያ ህንተናን ጨቀታደ፣ ጋላሳን ጋላሳን ሀይቃይ።

32 ታን ኤፊሶንን አሳ ቆፋዳን ዱዳና ባጸቲዳዊ ታና እያ ማዲ? ሽን ሀይቁዳዋንታ ሀይቁዋጥ ደንደናዋ ግደጥ፣

“ሰም ሞይተነ ኡሾይተ፤

እያው ጎጥ፣ ኑን ዋንት ሀይቃና” ግያዋ ማላ።

33 ጭመቶተ፤ ኢታ ላገተላይ ሎኦ ሀኖታ ባይዜ።

34 ጽሎተላኮ ሰምተ። ናጋራ ኦልጥ። ህንተንቱጥ እት እት አሳይ ጸሳ ኤረና፤ ታን ሀዋ ህንተንታ ዬላያናዉ ጋይ።

**ሀይቁዋጥ ደንደዳ ቦላ ሀኖታ**

35 ሽን እት አሳይ፣ “ሀይቁዳ አሳይ ዋኒደ ደንደኔ? ኡንቱንቱ እያ ማላ ቦላና ያኔ?” ያገናን አገና።

36 ኔኖ ኤያዉ፣ ኔን ጋድያን ዘርያ ዘረላይ ሀይቀናን ሞከና።

37 ኔን ዘርያዊ ዘርጋ ግድና ዋይ ሀራ ቆሞ ካላ ግድና፣ አይፍያ ጸላላጥ አትን፣ ላም ደሊደ ከሰያዋ ግደና።

38 ሽን ጸሳይ ዘረላዉ ባረ ደሴዳ ቦላ እሚ፤ ቃይ ዘረላ ኡባዉካ ሀ-ጲያን ሀ-ጲያን ኡንቱንቱ ቦላ እሚ።

39 መጋታ ኡባ አሹ እቲዋ ግደና። ሽን አሳ አሹ እቲዋ፤ መሀያ እሹ ዲማ፤ ካፋቲዋ እሹካ ዲማ፤ ቃይ ሞልያ አሹካ ዲማ።

40 ቃይ ሳሉዋ አሳተላቲነ ሳአ አሳተላቲ ደኢኖ። ሽን ሳሉዋ ቦላ ቦንቹ ዲማ፤ ቃይ ሳአ ቦላ ቦንቹ ዲማ።

\* 15:19 ሀይታ- ክርስቶሳን ኑ ዋሌዳ ኑ ኡባ ሀይታይ፣ ሀ አላምያን ደኡዋ ግደጥ፣ ሀ አላምያን ደእያ ሀራ አሳቲዋ ኡባጥካ ኑባይ አጲደ ኢታ፣ ጉሳ። 15:25 ማዘ. 110:1 15:27 ማዘ. 8:6 15:32 አሳ. 22:13

41 እዋይናዎ ለ ሁጸ ጦንቹ ደኤ። እገናወካ እ ሁጸ ጦንቹ ደኤ። ቃይ ጸልንታቶካ ዲማ ጦንቹ ደኤ፤ እያዉ ሳጥ። እት ጸልንቲ የኮ ጸልንትያጥ ጦንቹዋን ዲማቴ።

42 ቃይ ሀይቄዳዋንቲ ሀይቁዋጥ ደንድያ ዎደ ሄዋዳን ሀናና ሀይቄያ ጦላይ ሞገቲደ። ሀይቀና ጦላ ግዲደ ደንዳና።

43 ጦላይ ቶሽያን ሞገቲደ። ጦንቹዋን ደንዳና። ቃይ ዳቡራን ሞገቲደ። ዎልቃን ደንዳና።

44 መጋታ ጦላይ ሞገቲደ። ጌሻ እያናን ካለሰትያ ጦላ ግዲደ ደንዳና። መጋታ ጦላይ ደኤጥ። ቃይ ጌሻ እያናን ካለሰትያ ጦላይካ ደኤ።

45 ሀዋዳንካ። ቃይ ጸሳ ማጻፋን። “ኮይሮ ብታን፤ አዳም። ፓጻ ደእያ እሳ ግዲደ መጋቲዳ” ያጌ። ሽን ወርሰሳ አዳም ደኡዋ አምያ እሳ ግዲዳ።

46 ሽን መጋታ እሳይ ኮይሮ ዪና። ጌዶጥ እያና እሳይ ዬዶጥ አትን። እያናዌ ኮይሮ ይቤና።

47 ኮይሮ አዳም ቢታጥ መጋቲዳ፤ እ ቢታጥ መጋቲዳዋ። ላኤንሎዋ አዳም ሳሎዋጥ ዬዳ።

48 ሀ ሳኣ እሳቲ ቢታጥ መጋቲዳዋ ማላቲና። ቃይ ሳሎዋ እሳቲ ሳሎዋጥ ዬዳዋ ማላቲና።

49 ኑን ቢታጥ መጋቲዳዋ ማላ ማዬዳዋዳን። ሳሎዋጥ ዬዳዋ ማላካ ቃይ ማያና።

50 ታዳዳን አማንያዎንቶ። ታን ግያዌ ሀዋ፤ እሽኑ ሱላይ፤ ጸሳ ካወተላ ላታና ዳንዳየና። ቃይ ዎቂያዌ ዎቀናዋ ላተና።

51-52 ሰሰተ! ታን ሀንተንቶ እትባ ጹራይ። ኑን ኡባይ ሀይቆኮ። ሽን ወርሰሳ ጹራምባይ ዮንትያ ዎደ። ልጹዳ እይፊ ጹላናዉ ዎዛና እጋናን ላመታና። እያዉ ሳጥ። ጹራምባይ ዮንትያ ዎደ። ሀይቄዳ እሳይ ዎቀና እሳ ግዲደ ደንዳና፤ ኑንካ ላመታና።

53 እያዉ ሳጥ። ሀዌ ዎቂያዌ ዎቀናዋ ማያናዉ በሲ፤ ቃይ ሀዌ ሀይቄያዌ ሀይቀናዋ ማያናዉ በሲ።

54 ሽን ሀዌ ዎቂያዌ ዎቀናዋ ማያና ዎደ። ቃይ ሀዌ ሀይቄያዌ ሀይቀናዋ ማያና ዎደ። ሄ ዎደ። ጸሳ ማጻፋይ።

“ሀይቁ ጸነቲደ ምተቴዳ።

55 ሀይቆ። ነ ይሻይ ሀቃኔ? ሀይቆ። ነ ጸኑ ሀቃኔ?”

ጌዳ ቃላይ ፖላታና።

56 ሀይቁ ዱክያ ዎልቃ ናጋራጥ ደሜ፤ ቃይ ናጋራይ ዎልቃ ሀግያጥ ደሜ።

57 ሽን ኑ ጎዳ የሱሰ ክርሰቶሳ ባጋና ኑና ጸንሰያ ጸሳ ጋላታይ ጋኮ።

58 ታን ሲቅያ ታናዳን አማንያዎንቶ። ሄዎ ድራዉ። ቃጻናን ምን ኤቂተ። ሀንተንቲ ዳቡራይ ጎዳ ባጋና መላ ግደናዋ ኤራይ። ኡባ ዎደ ጎዳ ኡሱዋ አዛለናን ኤሳተ።

# 16

የሩሳላመን ደእያ አማንያ እሳዉ ሸቄዳ ሚሻ ማዲዋ

1 ጸሳ እሳቶ ሚሻ ሸሻናዉ ጋላትያን ደእያ አማንያ እሳቶ ታን ቃላ ገሌዳዋዳን። ሀንተንቲካ ቃይ ሄዋዳን ኤሳተ።

2 ሀንተንቲ ታን ያ ብያ ዎደ። ሚሻ ሸሻና ማላ። ሀንተ ኡባይ ዎጋ ጋላስ ጋላስ። ሀንተ ደምያ ከናጥ ሀንተ ጎለን ዳጋይተ።

3 ታን ያ ጋክያ ዎደ። ሀንተ አማንያ እሳ ኦና ግዶጥ፤ ሀንተ አሜዳዋ ጋላና ማላ። ዳብዳቢያና ኤንቲንታ የሩሳላመ ኪታና።

4 ቃይ ታን ኤንቲንቲና ባናዉ ኮሾጥ። ኤንቲንቲ ታናና እትጥ ባናዋንታ።

ጳውሎሳ ቆፋቲዋ

5 ታን ማቅደንያና አፋእይ። ሀንተንቲኮ ባና፤ እያዉ ሳጥ። ታን ማቅደንያና አፋይ።

6 ታን ብያሳ ሀቃ ግዶጥ፤ ታ ቡሳን ሀንተ ታና ማዳና ማላ። ሀንተ ማታን አማራዳ ዎድያ ጋምኤናን አገከ። ዎይ ባልጥባካ ሀንተ ማታን ሻጨናን ዋያ አጋና።

7 እያዉ ሳጥ። ታን ሀኢ ያና አፋእይ ሄ ኦግያና ሀንተንታ በአናዉ ኮይከ። ጎዳይ ሳጥ። ሀንተ ማታን አማራዳ ዎድያ ታካናዉ ቆጋይ።

8 ሽን ታን ጸንጸቆስተ ግያ ጋላሳይ ጋካናዉ ኤፊሶንን ጋምኤና።

9 ታዉ ኡሱ ኩሜዳ አኮ ጥንጌካ ያን ደየቲዳ። ቃይ ታዉ ጮራ ሞርከቲ ደእና።

10 ጽዋቶስ ሀንተንቲኮ የጥ። ሀንተ ማታን እ ያየናን ደእናዳን። አ ሎይሳ ኦይቂተ። እያዉ ሳጥ። አካ ቃይ ጎዳ ኡሱዋ ኦሴ።

11 ሄዎ ድራዉ። ኡንን እ ካጵፖ። ሽን እ ታኮ ሳር ሰማና ማላ። አ ማዲደ ሳርተሳን ሞይዝተ። እያዉ ሳጥ። ታን እ እሻቲዋና ሰማናዋ ናጋ ኤታድ።

12 ሸን ኑ እሻ እጲሎስ የኮ እሻቱዋና ህንተንቱኮ ባና ማላ፥ ታን ኦ ሞንሳ ዋሳድ። ሸን ሀእ ህንተንቱኮ ባናዉ ኮይቤና፤ እ ባረዉ ሚክያ ዋደ ህንተንቱኮ ባናዋ።

**ዉርሰላ ዞርያን ሳሮታ**

13 ቤጎትተ። አማኑዋን ምን ኤቂተ። ጸልተ። ጎብተ።

14 ኦሱዋ ኡባ ሲቁዋን ኦሳተ።

15-16 ታናዳን አማንያዋንቶ፥ እስጵፋኖስን ኦ ሶይ አሳይ ግሪከን ኮይሮ አማኔዳዋንታ ግድያዋን ጸሳ አሳቶ ኦላናዉ ባረንታ አሜዳዋ ህንተ ኤሪታ። ህንተንቱካ ኡንቱንቱ ማላ አሳዉነ፥ ኡንቱንቱና ኦሳያ ኡባዉ ዳቡርያ ኡባዉ ኤኖ ጋናዳን፥ ታን ህንተንታ ዋሳይ።

17 እስጵፋኖስ፥ ፓርዶናጵስን አካይቆስ ህንተ ባይናሳን ታና ቦራሰሰቤና ድራዉ፥ ኡንቱንቱ ዩሳን ታን ናሸታይ።

18 ኡንቱንቱ ህንተንታ ኤያናን ምንሴዳዋዳን፥ ታናካ ኤያናን ምንሴዳ ድራዉ፥ ሄዋንቱ ማላ አሳቱዋ ደጎፕተ።

19 ኢሰያን ደእያ አማንያ አሳይ ህንተንታ፥ “ሳሬ፥ ሎኤ” ጊኖ። አቁላይነ ጵርሰቂላ ባረንቱ ሶይን ሸቅያ ዋሳ ጎለ አሳናካ ህንተንቶ ጎዳ ሳሮታ ዋዛናፕ ኪቲኖ።

20 እሻቱ ኡባይ ህንተንቶ ሳሮታ ኪቲኖ።

እቱ አቱዋና ጌሻ የረታ የረቲደ ሳሮተትተ።

21 ታን ጳዉሎስ ሀ ሳሮታ ታ ኩሸያን ጸፋድ።

22 ጎዳ የሱስ ክርሰቶሳ ሲቀና አሳይ ደኦፕ፥ እ ሸቀቲዳዋ ግደ። ኑ ጎዳዉ፥ ሃያ።

23 ጎዳ የሱስ ክርሰቶሳ እጵ ኬካተላይ ህንተንቱና ግደ።

24 ክርሰቶሳ የሱሳን ደእያ ህንተንቱ ኡባና ታ ሲቁ ግደ። አመንእ።

# ጳውሎስ ቆርንቶሳ አሳው ጻፌዳ ላኤንሶ ኪታ ገሉዋ

ጳውሎስ ቆርንቶሳ አሳው ጻፌዳ ላኤንሶ ኪታይ ጻፈቲዳዌ፡ ጳውሎሳው ቆርንቶሳን ደእያ አማንያ አሳና ደእያ ጋከሳይ ዳር መቲዋ ግድ ገል ኡቲዳ ዋድያና፡ እት እት አማንያ አሳቲ እት እት ቶሽያ ጳውሎሳ ሶላ ዋሌድና፤ ግድገና ጳውሎስ ስጋተላ መቆናዉ ላሞታይ ባረዉ ደእያዋ በሲደ፡ ሄዌ ሀንያ ዋደ ዋልቃማ ናሽቻ ናሽታናዉ ዳንዳይያዋ ቆንጭሲ፡

ሀ ኪታ ኮይር ደመላን ጳውሎስ ቆርንቶሳን ደእያ አማንያዋንቲና ባረዉ ደእያ ጋኮተላ ቆንጭሲደ፡ አማንያዋንቲ ግድን ደንዴዳ ቶሽያሲን ጻልቀላዉ፡ እ ኡንቲንቶ እያዉ ሞና ዛሩዋ አሜደንቶ ኦዴ፡ ሄዋናካ ጋሊደ ሀዌ እ ሴራይ ኡንቲንታ ናጋራጥ ሰማዉን ስጋተላዉ ካለሌዳ ድራዉ፡ ሰሰቲዳ ናሽቻ ኡንቲንቶ ቆንጭሲ፡ ካሊደ ቃይ ይሁዳን ደእያ አማንያዋንታ ማድያዋ ባረንቲዋጥ ጮ እማና ማላ፡ ኡንቲንታ ሀሳይሴ፡ ዉርሰላ ሽምጋቲዋን ጳውሎስ የሱሳጥ ከተቲዳዋ ግድያዋ ሶላ ሸቄዳ ሞቶ ዛሩዋ ቃላ እሜ፡ እያዉ ጎጥ፡ ቆርንቶሳ አማንያዋንቲ ግድን እት እት አሳቲ ባረንታ ቲሙ የሱስ ኪቲዳዋንታ ከሲደ፡ “ጳውሎስ የሱስ ኪቲዳዋ ግድና፤ እ ዋርዳዋ” ያጊደ፡ እ ሞቲና፡

### ሽምጋቲዋ ኡባቶ እመቲዳ ቃንሳ ቆፋቲዋ

ኡባጥ ሰንሳትያ የወዋ 1:1-11

ጳውሎሳን ቆርንቶሳን ደእያ አማንያዋንታ 1:12—7:16

ይሁዳን ደእያ አማንያዋንቶ እመቲዳ ማዳዋ 8:1—9:15

ጳውሎስ ባረ ከተቲዳ ማታዉ ኤቃታናዉ ሺሼዳ ቃላ ማርካ 10:1—13:10

ዉርሰላ ቁትያ 13:11-14

1 ታን ጳውሎስ፡ ጸሳ ሽንያን፡ ክርሰቶስ የሱስ ኪቲዳዌን ኑ እሻይ ጽሞቶስ ጸሳዉ ጎይንያ ቆርንቶሳ ካታማን ደእያ አማንያዋንቶን አካይያን ደእያ ጸሳ ናናቶ ሀ ዳብዳቢያ ጻፌቶ፡

2 ጸሳ ኑ እዉዋጥን ጎዳ የሱስ ክርሰቶሳጥ፡ እቶ ከካተላይን ሳርተላይ ህንተንቶ ግድ፡

### ጳውሎስ ጸሳዉ ሺሼዳ ጋላታ

3 ጸሳ ኑ ጎዳ የሱስ ክርሰቶሳ አዉዋ፡ ማርተላ አዉዋን መንፍቀ ኡባ ጸሳ ጋላታይ ጋኮ፤

4 ጸሳይ ኑና ኑ ሁጳዉ መንፍቀዳ መንፍቀዳን፡ ዳር ዋይያ ዋየትያዋንታ ኑካካ መንፍቀዳን፡ ኑ ዋይያ ኡባን እ ኑና መንፍቀ፡

5 እያዉ ጎጥ፡ ኑካ ክርሰቶሳ ባጋና ዳር ዋይያ ዋየትያዋዳን፡ ሄዋዳንካ፡ ቃይ ኑና እ ባጋና ዳር መንፍቀን መንፍቀ፡

6 ኑካ ዋየቶ፡ ሄዌ ህንተና መንፍቀሳን ህንተና አሻናሳ፤ ቃይ ኑካ ምነቶ፡ ኑካ ዳንዳይዳ ዋይያ ማላ ህንተካ ገንጨደ ዳንዳያና ማላ፡ ጸሳይ ህንተዉካ ቃይ መንፍቀን ዳንዳያ አማናሳ፡

7 ህንተ ደማና ጊደ፡ ህድታን ናግ ኡቲዳዌ ዳር ሞና፤ እያዉ ጎጥ፡ ህንተ ኑናና ዋየቲዳዋዳን፡ ሄዋዳን መንፍቀካ ኑናና አካናዋ ኑካ ኤራቶ፡

8 ኑ ኑናዳን ጸሳ ካልያዋንቶ፡ ኑካ ኢስያ ጋድያን ዋየቲዳ ዋይያ ህንተና ሀሳይሳናዉ ኮዬቶ፤ ኑ ዋዪ ኑ ዋልቃጥ ዳርና፡ ኑና ዋዪ ጊደ፡ ሀርጋና ጋካናዉ፡ ኑና ዋጋይ ባይናዋ ዴዴዳ፡

9 ኑካ ኑ ሶላ ሀይቁዋ ፕርዳይ ፕርደቲዳ ያጊደ ቆፔዳ፤ ሽን ሄዌ ሀኔዳዋ ሀይቁዳ አሳ ሀይቁዋጥ ደንሐያ ጸሳን ኑካ አማንነታጥ አትን፡ ኑ ሁጲያን አማንነታዳና፡

10 ጸሳይ ሀዋ ማላ ኢታ ሀይቁዋጥ ኑና እሼዳ፤ እ ኑና አሻና፤ ሰንሳጥካ እ ኑና አሻናዋ ጊደ፡ ሀይታን ናግ ኡቲዳ፡

11 ህንተ ዋሴዳ ዳር ዋሳን ኑዉ እንጂ ሰሜዳ ድራዉ፡ ዳር አሳይ ኑ ድራዉ ጸሳ ጋላታና ማላ፡ ህንተካ ቃይ ኑና ዋሳን ማዳና ኮሼ፡

### እመቲዳ ጳውሎሳ ቆፋ

12 ኑካ ጨቀትያዋ ሀዋ፤ ሀ ሳሳን ኑካ ደእያ ደኡ፡ ኡባ ቃይ ህንተናና ኑዉ ደእያ እትጥተላይ ጸሳ እቶ ከካተላናጥ አትን፡ አሳ እቶዳ ኤራተላና ግድናዋ፡ ቃይ ጸሳይ እሜዳ ጌሻተላንን ሱራተላን ኑካ ደእያዋ ዋካና ቆፋይ ኑዉ ማርካቲ፡

13-14 እያዉ ጎጥ፡ ህንተ ናባባናዉን አከካናዉ ዳንዳይያዋ ጸላላ ህንተንቶ ጸፍያዋጥ አትን፡ ኑካ ሀራባ ህንተንቶ ጸፎኩ፡ ኑ ጎዳ የሱሳ ጋላስ ኑካ ህንተናን ጨቀታናዋዳን፡ ህንተካ ኑናን ጨቀታና ማላ፡ ህንተ ሀእ ዉርሰ አከከና የወዋ ግድን ዉርሰ አከካና ጋደ ቆጋይ፡

15 ሄዎ ታን ሎይላ ኤሬዳ ድራው። ህንተ ላኡ ገደ ጎኤታና ማላ፣ ኡባፕ ካስታደ ህንተኮ ባናዉ ቆፋ ቃቻድ።

16 ታን ማቅደንያ ባደ ህንተናና ጋከታናዋነ ቃይ ያፕ ሰማደ ህንተ ማታና ይሁዳ እድሹን፣ ህንተ ታና ማዳናዋ ቆፓ ኡታድ።

17 ሄዎ ድራው። ታን ሄዎ ቆፓደ ታናን አማነትብይክታ? ታን ታ ቆፋ ቃቻያ ዎደ፣ ሳኦ አሳዳን እት ከላን፣ “ኤ፣ ኤ” ዎይ፣ “ግደና፣ ግደና” ጋናዉ ጊጋ ኡታድታ?

18 ሸን ጸሳይ አማነቲዳዎ ግድያዌ ቱማ ግድያዎዳን፣ ኑን ህንተንቶ ኦድያ ቃላይ “ኤ” ግያዋነ “ግደና” ግያዎ ግደና።

19 አያዉ ጎፕ፣ ታን፣ ሰላስነ ጽሞቶስ ህንተ ግደን ኦዳዳ ጸሳ ናኤይ፣ የሱስ ክርስቶስ “ኤ” ግያዋፕ እትን፣ “ግደና” ግያዎ ግደና። ሸን ጸሳ ባጋና እ ኡባ ዎደካ “ኤ”።

20 አያዉ ጎፕ፣ ጸሳይ አማና ጌዳባዉ ኡባዉ ኤኖ ጌዳዌ ክርስቶሳ ባጋና ፖለታና፤ ሄዎ ድራው። ኑን ክርስቶሳ ባጋና ጸሳ ቦንቾ፣ አመንእ \* ጌቶ።

21 ጸሳይ ክርስቶሳ ባጋና ኑናን ህንተና መንግሥት ኦኤ።

22 ኑን አዎ ግድያዎ ኤርሰያ ማታፋ እ ኑ ቦላ ዎሊደ፣ ባረ ጌሻ አያና ዋስያዳን፣ ኑ ዎዛና ግደን ዎሊደ።

23 ቃይ ታን ቆርንቶሳ ቤናን እኤዳዌ ህንተና ቆሄናዳና። ሄዌ ዎርዶ ግደፕ ታና ሙራናዉ ታ ሸምፑዋን ጸሳይ ማርካ።

24 ኑን ህንተና ናሽቻናዉ ህንተናና እትፕ ኦልያዋንታፕ እትን፣ ህንተ አማንያዎን ህንተና ጎደታናዉ ኮይያዎንታ ግደኮ፤ አያዉ ጎፕ፣ ህንተንቱ ህንተ አማኑሳን ምኒደ ደኢታ።

## 2

1 ታን ላኤንሉዎ ህንተና ካኖየና ማላ፣ ህንተኮ ቤናዳን፣ ታ ቆፋ ቃቻድ።

2 አያዉ ጎፕ፣ ታን ህንተና ካኖይያዎ ግደፕ፣ ሀ ታን ካኖይዳ ህንተ ታና ናሽቻናፕ እትን፣ ኦኤ ታና ናሽቻናዌ?

3 ታን ህንተንቶ ሄ ዳብዳቢያ ጸፊዳዌ፣ ታና ናሽቻናዉ በሰያ አሳቱዋን ታን ካኖታናዉ ህንተኮ ባናዉ ኮያቤናዋሳ፤ ታን ናሽቻያ ዎደ፣ ህንተ ኡባይካ ቃይ ናሽታናዎ ህንተ ኡባን አማነታይ።

4 አያዉ ጎፕ፣ ታን ህንተንቶ ዳር ዋይያንነ ቱጋን ቃይ ዳር አርላና ጸፊዳዌ፣ ህንተና ካኖይናሳ ግደና፤ ሸን ታን ህንተና ኡባቱዋ እይ ኬና ሲቃይታንቶ ህንተ ኡራናዳና።

### ባይዛንቻዉ አቶ ግያዎ

5 ሸን እት ኡራይ ሀራ ካኖይዳዎ ግደፕ፣ ታን አ የዉዎ ዳርሳናዉ ኮይከ፤ እ ህንተና ኡባቱዋ ካኖይዳፕ እትን፣ ታ ጸላላ ካኖይቤና።

6 ህንተፕ ዳርያ ባጋ እሳይ ሄ ብታንያ ማላ እሳ ሄዎዳን ሙርፕ፣ ሄ ሙራይ እዉ ግዳናዎ።

7 ሄዎ ድራው፣ ሄ ብታኒ ሎይላ ካኖትና ማላ፣ ህንተ እዉ አቶ ጋናዉ እ መንግሥታናዉ በሲ።

8 ሄዎ ድራው፣ ህንተ አ ምንሲደ ሲቅያዎ እ ኡራና ማላ፣ ታን ህንተና ዎሳይ።

9 አያዉ ጎፕ፣ ህንተ ታዉ አዛዘታናዉ ኡባ ዎደ ጊግ ኡቴድተንቶን ቃይ ፓጭያ ህንተ ዳንዳይንቶ ኡራናዉ፣ ሄ ዳብዳቢያ ህንተንቶ ጸፋድ።

10 እት ኡራይ ናቁዳዎ ህንተ አቶ ግያ ዎደ፣ ታንካ ቃይ አቶ ጋይ፤ ታን አቶ ጌዳዎ ግደፕ፣ አቶ ጌዳዎ እያን ክርስቶሳ ሰንሳን ህንተ ድራው፣ አቶ ጋድ።

11 ሲጸናይ ኑኮ ዪደ፣ ኑና ጭመና ማላ፣ ታን አቶ ጋድ፤ አያዉ ጎፕ፣ ኑን አ ቆፋ ኤሬቶ።

### ኦራሳ ጫቁዎ ኦሳንቻቱዎ ጸኑዎ

12 ታን ክርስቶሳ ሞሽራቹዎ ቃላ ኦዳናዉ ጽሮኦዳ ቤዳ ዎደ፣ ጎዳይ ያን ታዉ ፕንግያ ዳይ ዎሊደ።

13 ታን ታ እሻ ቲታ ያን ደማቤና ድራው፣ ታዉ አያናይ ሸምፕቤና። ሄዎ ድራው፣ ያን ደእያ አሳ፣ “ሳር ደእት” ጋደ ማቅደንያ ባድ።

14 ሸን ክርስቶሳ ባጋና ኡባ ዎደ ኑና ጸኖ ካለልያ ጸሳ፣ ቃይ ክርስቶሳ ትምርትያ ኑ ባጋና ሸቱዎዳን፣ ኡባሳ ጋልያዎ ጋላታይ ጋኮ።

15 አያዉ ጎፕ፣ ኑን አትያ አሳ ግዲዎንነ ጳይያ አሳ ግደን ክርስቶስ ጸሳዉ ያርሸያ ሳዉዎ ቶሽኩ ግያ ሸቱዎ ማላ።

16 ኑን ጳይያዎንቶ ዜእያ ሀይቁዎ፤ ቃይ አትያዎንቶ ደኡዎ እምያ ሳዉያ ሸቱዎ፤ ያትና፣ ሄዎ ኦሳናዉ ዳንዳይያዌ ኦኤ?

17 ኑን ጸሳ ቃላ ገሎባዳን፣ ዋላኪደ ዛልእያ ሀራ ጭራ አሳቱዎ ማላ ግደኮ፤ ሸን ጸሳይ ኑና ኪትና፣ አማነቲደ ጸሳ ሰንሳን ክርስቶሳ ባጋና ቃላ ኦዳቶ።

\* 1:20 እመንእ- “እመንእ” ግያ ቃላይ ሀዋን “ኤ” ያገትያ ብላላ ኦይቆ።

### 3

#### ጳጳሳ ጵራሳ ጫቁዋ

1 ኑን ሸረቲድ፡ ኑ ሁጲያ ሳባናዉ ደሜደዬ? ዎይ ሀራ እሳቱዋዋደን፡ ሳባ ዳብደቢያ ህንተንቶ የዳናዉ ዎይ ህንተጥ አካናዉ ኮዬቶ?

2 ህንተንቱ ህንተ ሁጲያን አሳይ ኡባይ ኡራናደንነ ናባባናደን፡ ኑ ዎዛናን ጸፈት ኡቲዳ ኑ ዳብደቢያ።

3 ሀ ዳብደቢያ ክርስቶስ ባረ ሁጲያን ጸፊድ፡ ኑ ቦላ ከቲዳዌ ቱማ፤ ሀ ዳብደቢ ደኡዋ ጳጳሳ ጌሻ እያናን አሳ ዎዛናን ጸፈቲዳዋጥ አትን፡ ሹቻ ቦላ ቃላምያን ጸፈትቤና።

4 ኑዉ ክርስቶሳ ባገና ጳጳሳን ሀዋ ማላ አማኑ ደኤ።

5 ኑ ዳንዳይ ዳሳጥ ይያዋጥ አትን፡ ሀ ኦሱዋ ኑን ኑ ሁጲያን ኦሳናዉ ዳንዳይቶ ግያዌ ኑዉ አያይነ ባዋ።

6 ኑን ጵራሳ ጫቁ ኦሳና ማላ፡ ጳጳሳይ ኑና ዳንዳይሴዳ፤ ሄ ጵራሳ ጫቁ ጌሻ እያናዋጥ አትን፡ ጳፈቲዳ ህግያዋ ግደና። ጳፈቲዳ ህጊ ሀይቁዋ አሄ፤ ሸን ጌሻ እያናይ ደኡዋ አሄ።

7 ሹቻ ዎጪደ ጳፊዳ ህጊ እመትያ ዎደ፡ ጳጳሳ ቦንቹ ቤቲዳ፤ ሙሴ ሶምእያን ደእያ ጸለላይ ቆይያዋ ግደጥካ፡ ሄ ጸለላይ ዳር ዎልቃማ ግድያ ድራዉ፡ እስራኤልያ አሳይ አ ሶምእያ ትሸ ኦሳ ጴላናዉ ዳንዳይቤና። ሀይቁዋ አህያ ህጊ ኦሳያ ኦሱ ሀዋ ማላ ቦንቹዋና ይያዋ ግደጥ።

8 ጌሻ እያናይ ኦሳያ ኦሱዋ ቦንቹ አይ ከና ዳራኔ?

9 እያዉ ጎጥ፡ አሳይ ጥርዳ አከያ ኦሱ ቦንቹ ግደጥ፡ አሳይ ጽልያ ኦሱዋ ቦንቹ ዋኒደ ዳራንዳሻ?

10 እያዉ ጎጥ፡ ካስ ቦንቹ ሀእ ባረጥ ሎይሳ አቲያ ቦንቹዋ ጋሱዋን ቦንቹዋ ቆይዳዌ ቱማ።

11 እያዉ ጎጥ፡ ሄ ቆይዳዋን ቦንቹ ደእያዋ ግደጥ፡ መቲናዉ ደእያዋን አይ ከና ዎልቃማ ቦንቹ ደእያዳሻ?

12 ኑን ህዶታን ናግያ ሀዋ ማላባይ ኑዉ ደእያ ድራዉ፡ ቆንጮያን ጸለደ ሃሳዬቶ።

13 እስራኤልያ አሳይ ቆይያ ቦንቹዋ ዉርስሳ በኤና ማላ፡ ባረ ሶምእያ ናጻሳን ካሜዳ ሙሴ ማላ ግደኮ።

14 ሸን ኡንቱንቱ ዎዛናይ ደንጮሌዳ፤ እያዉ ጎጥ፡ ኡንቱንቱ ኤጫ ጫቁዋ ናባብያ ዎደ፡ ሀቹ ጋካናዉካ፡ ሄ ናጻላይ ኡንቱንቱ ዎዛና ካዎ ዎሌዳ፤ ኦንነ ክርስቶሳና ጋከትያ ዎደ ጸላላን ሄ ናጻላይ ክቹ።

15 ሸን ኡንቱንቱ ሙሴ ማጻፋ ናባብያ ዎደ ኡባን ሀቹ ጋካናዉካ፡ ሄ ናጻላይ ኡንቱንቱ ዎዛና ካዎ ዎሌዳ።

16 ሸን ጳጳሳ ማጻፋይ፡ “ኦንነ ጎዳኮ ሰምያ ዎደ፡ አዉደነ ሄ ናጻላይ ቃረቲ” ያጌ።

17 ጎዳይ ጌሻ እያና፡ ጎዳ እያናይ ደእያ ሳን አይለተላይ ባዋ።

18 ኑን ኡባይካ ናጻላን ካመትቤና ሶምእያን ጎዳ ቦንቹዋ በእና \* ቃይ ጌሻ እያና ግድያ ጎዳጥ ይያ ሄ ቦንቹ ኑና ባረና ማላትሲድ፡ ቦንቹዋጥ ቦንቹ ላማና።

### 4

#### ጳጳሳ ሳሳ ባረ ኦሱዋን አማነቲዳ አሳ

1 ሰም ጳጳሳይ ኑዉ ሀ ኦሱዋ ባረ ማሮተሳን ኦሳናደን እሜዳ ድራዉ፡ ኑን ሳለቶኮ።

2 ኑን ጌማን ኦሳያ ዬላይያ ኦሱዋ ኡባ አጎይተ፤ ቃይ ገንያ ኦሱዋካ ኦሳይ፤ ዎይ ጳጳሳ ቃላ ዎርዲዋና ዋላኮኮ። ሄዳደንካ፡ ቱሙዋ ቆንጮያን ሃሳዬድ፡ ጳጳሳ ሰንሳን ሱረ ዎዛናዉ ኑና ሸቪደተ።

3 ኑን ኦድያ ዎንጋላ ዎሸራቹ ጌሜዳዋ ግደጥካ፡ ቆይያ አሳቲዋ ጸላላዉ ጌሜዳ።

4 ሀ ሳሳ ጳጳሳይ አማነና አሳቲዋ ቆፋ ጆልሴዳ፤ ክርስቶሳ ቦንቹዋ፡ ዎንጋላ ዎሸራቹዋ ፖኡዋ ባረንቶ ፖእያዋ፡ ጳጳሳ ማላትያዋ ኡንቱንቱ በኤና ማላ፡ ኡንቱንታ ድጌዳ።

5 እያዉ ጎጥ፡ የሱስ ክርስቶስ ጎዳ ግድያዋን አ ድራዉ ኑን ኑ ሁጲያን ህንተንቶ ቆማ ግድያዋ ኦደቶጥ አትን፡ ኑባ ኦደኮ።

6 እያዉ ጎጥ፡ “ቆማጥ ፖኡ ፖእና” ጌዳ ጳጳሳይ ኑ ዎዛናን ባረ ፖኡዋ ፖእሴዳ፤ ቃይ አ ባረ ቦንቹ ኡራተላ ፖኡዋ ክርስቶሳ ሰንሳን ፖእያዋ ኑዉ አማናዉ ፖእሴዳ።

7 ሸን ኡባጥ አቲያ ዎልቃይ ጳጳሳዋ አትን፡ ኑሳ ግድያዋ በሳናዉ ኑዉ ሀ ምንጃይ ኡርቃጥ መጠቲዳ ሚሻ ግዳዳ ኑ ግደን ደኤ።

8 ኑን ኡባ ባገናካ ኡንኤቲዳ፤ ሸን መኤርትባይኮ፤ ቃይ አት አት ዎደ ሰዴቶ፤ ሸን ኑ ኡባናካ አግባይኮ።

3:3 ከሳ 24:12፤ ኤር. 31:33፤ ህዘ. 11:19፤ 36:26    3:6 ኤር. 31:31    3:7 ከሳ 34:29    3:13 ከሳ 34:33  
3:16 ከሳ 34:34    \*    3:18 ናጻላን ካመትቤና ሶምእያን- እት አሳ ደኡዋን ሰንሳ ሀናናይ፡ ካሃ ጋርሳን ጸልቁ ቤትያዋደን ጉሳ።    4:6 ደመላ 1:3



9 ነን የደርሰቱደ፤ ሸን ጸሳይ ኑና ኦልቤና፤ ቃይ ኑ ሞርከቱ ኑና ኦል ኣጌድና፤ ሸን ኑን ጳይበይኩ።  
 10 ቃይ የሱሳ ደኡ ኑ ኣሳተላን ቤታና ማላ፤ ኑን ኡባ ዎደ እ ሀይቁዎ ኑ ኣሳተላን ቶክ የዬቶ።  
 11 ኣያው ጎፕ፡ ሀይቁያ ኑ ኣሳተላ ቦላ የሱሳ ደኡ ቤታና ማላ፡ ፓጻ ደኣያ ኑን ኣ ድራው፡ ኡባ ዎደ ሀይቁቶ።

12 ሄዎ ድራው፡ ሀይቁ ኑ ግደን ኦሌ፤ ሸን ደኡ ቃይ ሀንተ ግደን ኦሌ።

13 ጸሳ ማጻፋይ፡ “ታን ኣማኔዳ ድራው ሃሳያድ” ያጌ፤ ሄ ኣማኑዎ ኣያናይ ኑውካ ደኣያ ድራው፡ ኑንካ ኣማኔቶ፤ ሄዎ ድራው፡ ሃሳያቶ።

14 ጸሳይ፡ ጎዳ የሱሳ ሀይቁዎፕ ደንሌዳዌ፡ ኑናካ ቃይ የሱሳና ሀይቁዎፕ ደንሌዳ፡ ሀንተናና ኣትፕ ባረ ሰንሳ ሺሻናዎ ኤራቶ።

15 ሀዌ ኡባይ ሀንተ ድራሳ፤ ጸሳ ኣጼ ኬካተላይ ዳሮ ኣሳ ጋክያ ዎደ፡ ኣሳይ ጸሳ ቦንሾ ዳሮ ጋላታ ኣማና።

**ኣማኑዎን ደኡሳ**

16 ሄዎ ድራው፡ ኑን ሳለቶኮ፤ ኑው ሀራይ ኣቶ፡ ቦላ ባጋ ኣሳተላይ ዎቁንቶካ፡ ጋርሳ ባጋ ኣሳተላይ ጋላሳን ጋላሳን ኦራጾ።

17 ኣያው ጎፕ፡ ሀእወ ዎየትያ ሀ ጉላ ዎዩ፡ ኡባፕ ሎይሳ ዳርያ መድና ቦንቹዎ ኑው ቤትሳና።

18 ኑን ቤተናዎ ጸሌቶፕ ኣትን፡ ቤትያዎ ጸሌቶ፤ ኣያው ጎፕ፡ ቤትያባይ ሀእሳ፤ ሸን ቤተናዎ መድናው ደኣያዎ።

**5**

1 ኣያው ጎፕ፡ ኑን ደኣያ ሀ ሳኣ ዲንካኒ ኮለቶፕ፡ ኑው ኣሳይ ኬጽቤና ጎሊ፡ ጸሳይ ኬጾዳዌ፡ ሳሎዎን መድናው ደኣያዎ ኑን ኤራቶ።

2 ኑን ሀ ኣላዎያን ደኢደ ዳሮ ኦሌቶን ሳሎዎን ደኣና ኑ ጎልያ ማያናው ሎይሳ ኣሞቴቶ።

3 ኑን ሄዎ ማዪደ፡ ካሎቶኮ፤

4 ኑን ሀ ሳኣ ዲንካንያን ደኢደ፡ ዴጸቲደ ኦሌቶ፤ ኣያው ጎፕ፡ ሀይቁያ ኣሳተላይ ደኡዎን ሞተታታ ማላ፡ ኑን ማያናው ኮዬቶፕ ኣትን፡ ካሎታናው ኮዮኮ።

5 ኑና ሀዎ ገግሴዳዌ ጸሳ፤ ቃይ እ ባረ ጌሻ ኣያና ዋሰ ኦሌደ፡ ኣሜዳዌ ኣ።

6 ሄዎ ድራው፡ ኑን ኡባ ዎደ ኣማነቴቶ፤ ቃይ ኑን ኑ ጎለን ሀ ኣሳተላን ደኡዳ ኬናን፡ ጎዳፕ ሻከቲደ ደኣያዎካ ኤራቶ።

7 ኣያው ጎፕ፡ ኑን ኣማኑዎን ደኡቶፕ ኣትን፡ በኣያዎን ደኡኮ።

8 ኑና ኣማነጹ፤ ቃይ ሀ ኣሳተላን ኑ ጎልያ ኣግ ጎሊ ቢደ ጎዳና ኣትፕ ደኣያዎ ኑና ናሸቹ።

9 ሄዎ ድራው፡ ኑን ቃይ ኣሹዎን ደኣና ደኣና ጳይና፡ ኑ ቆፋይ ኣ ናሸቻናሳ።

10 ኣያው ጎፕ፡ ኑን ሁጺያን ሁጺያን ኦሌዳ ኦሱ ሎኣ ግድና፡ ዎይ ኢታ ግድና፡ ኑው በሰያዎ ኣካናው፡ ክርሰቶሳ ፕርዳ ኦይድያ ሰንሳን ኡባይካ ሺቃናው በሴ።

**ኣሳ ጸሳና ዳቦይያ ኦሱዎ**

11 ሄዎ ድራው፡ ኑን ጸሳው ያዩሳይ ኣየንቶ ኤራደ፡ ሄዎዳን ቃይ ኣሳካ ኣማነጹቶ፤ ጸሳይ ኑና ኡባና ኤራ፤ ቃይ ሀንተካ ሀንተ ዎዛና ቆፋን ኑና ኤራታ ያጋደ ቆፓይ።

12 ቤትያባን ጨቀትያዎንቱፕ ኣትን፡ ዎዛናን ደኣያዎን ጨቀተና ኣሳቶ ሀንተ ኦድ ዛርያባይ ደኣና ማላ፡ ሀንተ ኑናን ጨቀታናዳን፡ ኑን ሀንተንቶ ጋሱዎ ግዳናው ኮይያዎፕ ኣትን፡ ኑና ጋላታናው ኮዮኮ።

13 ኑን ጎይያዎ ግደፕ፡ ጸሳ ቦንቹዎሳ፤ ዎይ ቃይ ዎዛናና ደኣያዎ ግደፕካ፡ ሀንተና ጎኣና።

14 ክርሰቶሳ ሲቁ ኑና ግጫ፤ ኣያው ጎፕ፡ ኣት ኣሳይ ኣሳ ኡባው ሀይቁዳዎ ኑን ኣኬኪደ፤ ሄዎ ግደፕ ኣሳይ ኡባይ ኣናና ሀይቁዳ።

15 ፓጻ ደኣያዎንቱ ባረንቱ ድራው ሀይቁዳዎን ቃይ ሀይቁዎፕ ደንጫዳዎ ደኣናፕ ኣትን፡ ሰንሳፕ ባረንቱ ሁጸው ደኢና ማላ፡ እ ኣሳ ኡባ ድራው ሀይቁዳ።

16 ሄዎ ድራው፡ ኑን ሀዎፕ ሰንሳው ኦናን ኣሳ ቆፋን ፕርዶኮ፤ ሀራይ ኣቶ፡ ኑን ክርሰቶሳ ካሰ ኣሳ ቆፋን ፕርዶዳዎ ግደፕካ፡ ሰዎ ሰንሳፕ ሄዎዳን ፕርዶኮ።

17 ሄዎ ድራው፡ ኦንን ክርሰቶሳና ደኡፕ፡ ኦራላ መፍታ፤ ጭማይ ኣዴዳ፤ በኣተ፡ ኡባባይካ ኦራጾዳ።

18 ክርሰቶሳ ባጋና ኑና ባረናና ሰገሌዳ ጸሳይ ኡባባካ ኦሌዳ፤ ቃይ እ ኑው ሀራቴዎ ባረናና ሰገሌያ ኦሱዎ ኣሜዳ።

19 ጸሳይ ክርሰቶሳ ባጋና ኣሳ ኡባ ባረናና ሰገሌ፤ ኣሳ ናጋራካ ኣሳ ቦላ ፓይደና፤ ቃይ ኣሳ ባረናና ሰገሌያ ኪታካ ኑው ኣሜዳ።

20 ሰዎ ጸሳይ ኑ ባጋና ህንተንቶ ሃሳይያዎዳን፣ ኑንካ ክርስቶሳ ድራው ሃሳይያ እ ኪቲዳዎንታ፤ ቃይ ኑን ህንተና፣ “ጸሳና ሰገትተ” ጊደ፣ ክርስቶሳ ድራው ዎሴቶ።

21 ኑን ጸሳ ጽሎተሳ ክርስቶሳ ባጋና አካና ማላ፣ ናጋራ ኤረና ክርስቶሳ ኑ ድራው፣ ጸሳይ ናጋራንቻ ኦሴዳ።

### 6

1 ህንተ ኑናና ጸሳ ኦሴዎ ኦሴደ፣ እ አጼ ኪካተሳ አኪደ ሀነና ኦግያን ጎኤተና ማላ፣ ኑን ህንተና ዎሴቶ።

2 አያው ጎጥ ጸሳይ፣

“ታን እንጀ ዎድያን፣

ኔን ግያዎ ሰሳድ፤

ቃይ አቶተሳ ጋላሰ፣

ኔና ማዳድ”

ያጌ። በአተ፣ እንጀ ዎዲ ሀእ። በአተ፣ አቶተሳ ጋላሳይ ሀቻ።

3 ኑን ኑ ኦሴዎ ኦንን ቦራናዎ ኮዮኮ፤ ቃይ ኦናን ጹባናዎ ኮዮኮ።

4 ሸን ኡባባን ኑን ጸሳ ኦሳንቻቱዎ ግድያዎ ኑ ሁጺያን በሴደ፤ ዳር ገንጫን፣ ዎይያን፣ መቱዋን፣ ዎልቃማ ቱጋን፣

5 ልሱዋን ሸጩትያዎን፣ ቃሹዋን፣ ሻቢረቱሳን፣ ዳቡራን፣ ገምእሹዎ ጳይያዎን፣ ጸማን፣

6 ጌሻተሳን፣ ኤራተሳን፣ ዳንዲያን፣ ኪካተሳን፣ ጌሻ አያናን፣ ቱሙ ሲቁዋን፣

7 ቱሙዎ ሃሳይያዎን፣ ጸሳ ዎልቃን ኑን ጸሳ ኦሳንቻቱዎ ግድያዎ ኑ ሁጺያን በሴደ፤ ቃይ ጽሎተሳ ቶራ ኡሸቻ ኩሸያን፣ ጎንዳልያ ሀድርሳ ኩሸያን ኦይቃና።

8 ኑን ቦንቹቲደን ቶሸቲደ፤ ቦረቲደን ጋላተቲደ። ቃይ ቱሙዎ ሃሳይቶ፤ ሸን አሳይ ኑና ዎርዲዎ ጊደ ቆጉ።

9 ኑን አሳይ ኤረና አሳ ማላ፤ ሸን አሳይ ኡባይ ኑና ኤራ፤ ኑን ሀይቁዳ አሳ ማላ፤ ሸን ህንተ በአያዎዳንካ ደኤቶ፤ ሙረቲዳ አሳ ማላ፤ ሸን ሀይቁበይኮ።

10 ኑን ካዮትያዎንታ ግደጥካ፣ ኡባ ዎደ ናሸቲቶ። ሀይሳ ማላቲቶ፤ ሸን ዳር አሳ ዲረዬቶ፤ ቃይ አያይን ባይና አሳ ማላቲቶ፤ ሸን ኡባባይካ ኑዎ።

11 ቆርንቶሳን ደአያ አሳዉ፣ ኑን ህንተንቶ ቆንጭያን አይደ፤ ኑ ኡሎዋካ ህንተና በሴደ፤

12 ኑን ህንተንቶ ድብበይኮ፤ ድቡዳዋንቱ ህንተና። ኑን ኑ ኡሎዎ ህንተንቶ ገንልበይኮ፤ ሸን ህንተ ኡሎዎ ኑዉ ገንልዳዋንቱ ህንተና።

13 ሀእ ታን ታ ናናዉ ሃሳይያዎዳን፣ ህንተንቶ ሃሳይይ፤ ኑን ህንተና ኑ ኡሎዎ በሴዳዎዳን፣ ህንተካ ኑና ህንተ ኡሎዎ አሰ ደደደ በሰተ።

አማነና አሳና ዙጥተና ማላ ሴራ

14 አማነና አሳቱዋና ዙጥቲደ፣ ገገና ኦሴዎ ኦሎጥተ። አያው ጎጥ፣ ጽሎተሳዉን ናጋራው አያን ጋከሳይ ደኢ? ፖኦን ጹማዉ አያን እትጥተሳይ ደኢ?

15 ክርስቶሳን ዳብሎሳ \* እትጥ ጋልያባይ አይ? ቃይ አማንያዌን አማነናዌ ኮጽያዌ አይ ደኢ?

16 ጸሳ ጌሻ ጎላዉን ኤቃዉ አይበ ዙጥተሳይ ደኢ? አያው ጎጥ ጸሳይ፣

“ታን ኡንቱንቱ ግደጥ ከአናን

ኡንቱንቱ ግደጥ ሀመታና።

ታን ኡንቱንቱ ጸሳ ግዳና፤

ቃይ ኡንቱንቱካ ታ አሳቱዎ ግዳና”

ጌዳዎዳን፣ ኑን ደኡዎ ጸሳ ጌሻ ጎልያ።

17 ሄዎዳንካ፣ ቃይ ጎዳይ፣

“ኡንቱንቱ ግደጥ ከሰተ፤

ኡንቱንቱጥ ሻከትተ።

ቱናባካ ቦቾጥተ።

ታን ህንተና ሞካ አካና።

18 ቃይ ታን ህንተንቶ አዉዎ ግዳና፤

ህንተካ ታዉ አቱማ ናናቱዋን፣

ማጫ ናናቱዎ ግዳንታ።

ታን ኡባጥ ዎልቃማ ጎዳይ፣

6:2 እሳ. 49:8 \* 6:15 ዳብሎሳ- ግሪክያ ማጻፋይ “በልያር” ጌ። ሄዎ ጉባይ እብራይስጽያን “በልያል” ግያዎ። ላኡዎ ብላላይካ “ማካላንቻ” ዎይ “ማደናዎ” ጉሳ። 6:16 ዎጋ 26:12፤ ህኪ. 37:27፤ 1 ቆር. 3:16፤ 6:19 6:17 እሳ. 52:11

ሆዋ ኦዲይ”  
ያጌዳ።

### 7

1 ሃዋ ድራሬ፡ ታ ሲቃቶ፡ ጳሳይ ሀ ኡባባ ኑዉ እማና ጌዳዋፕ ህን ባጋን፡ ኑ እሹዋን ኑ ሸሞፕዋ ቱንሰያ ኡባባፕ ኑ ሁጲያ እን ጌሾይተ፤ ቃይ ጳሳዉ ያይያዋን ኡባና ጌደይ ደኤቶ።

ጳዉሎሳ ናሸቻ

2 ህንተ ኡሉዋ ኑና በሰተ፤ ኑን ኡናን ናቁበይኮ፤ ኡናን ቆሀበይኮ፤ ቃይ ኡናን ጭምበይኮ።

3 ታን ሃዋ ህንተ ቦላ ፕርዳናዉ ጊከ፤ እያዉ ጎፕ፡ ታን ካሰ ህንተንቶ ጌዳዋደንካ፡ ህንተንቱ ኑ ዋዛናን ደኢታ፤ ኑን ደእናካ ሀይቁናካ፡ እትፕ ደኤቶ።

4 ታን ሃሳይያዋ ህንተፕ ቆሰከ፤ ታን ህንተናን ጩቀታይ፤ ኑ ዋይያ ኡባን ታን ሎይላ ምናይን ናሸታይ።

5 እያዉ ጎፕ፡ ሀራይ እቶ ኑን ማቅደንያ ቤዳ ዋይ፡ ኡባ ባጋንካ ዋየቲደፕ እትን፡ ሸምፕበይኮ፤ ሀራ እሳና ዋላሳይ ደኤ፤ ኑ ዋዛናንካ ያሻይ ደኤ።

6 ሸን ካዉሹዳዋንታ መንፍሰያ ጳሳይ፡ ቲቶ ዩሳን ኑና መንፍሰያ።

7 ኑና ካሰዋፕ አላ ናሸቻያዋ፡ ቲቶ ዩሳ ጳላላ ግደና፤ ሸን ህንተ እ መንፍሰያዋ፡ ህንተ ታና በእናዉ አሞቲዳዋን ታዉ ቃሪቲዳዋ ቃይ ህንተ ታና ማዳናዉ ገገቲዳዋ እ ኑዉ ኦዲዳ።

8 እያዉ ጎፕ፡ ታ ዱብዳቢ ህንተና ካዮዬዳዋ ግደፕካ፡ እያዉ ጳፋድታሻ ጊከ፤ እያዉ ጳፋድታሻ ጎፕካ፡ ታ ዱብዳቢ ህንተና ጉላ ዋድያ ካዮዬዳዋ በእይ።

9 ሀእ ታና ናሸቻያዋ ታን ህንተና ካዮዬዳ ድራሳ ግደና፤ ሸን ህንተ ካዩ ህንተና ናጋራፕ ዛሬዳዋ ድራሳ፤ እያዉ ጎፕ፡ ኑን ህንተና እያንን ቆሃናደን፡ ጳሳይ ባሪ ኮዬዳዋደን፡ ህንተና ካዮዬዳ።

10 እያዉ ጎፕ፡ ጳሳይ ኮይያ ካዩ ናጋራፕ ዛሬይ እቶተላኮ እሄ፤ ሄዌካ ታን ባይዛድ ጌና ዋዛና፤ ሸን አላምያ ካዩ ሀይቁዋ እሄ።

11 ጳሳይ ሄ ህንተ ካዩዋን እይ እይፍና እሜደንቶ በእተ። ህንተና እይ ከና ደንፍሰያደንቶን ህንተ ጌሻተላ ቱማያናዉ ህንተና እይ ከና ዛራዋ እምሴደንቶ፡ እይ ከና ሀንቀሴደንቶን እይ ከና ታዉ ያሸሴደንቶ፡ እይ ከና ሴልሴደንቶ፡ እያ ከና ታና ላሞትሴደንቶን ናቆ ኡሱዋ አላዋንታ ሙራናዉ እይ ከና ጊገሴደንቶ ፓጭ በእተ፤ ህንተ ህንተ ሁጲያን ጌሻ ግዳዳዋ ኡባባንካ ኡርሴድታ።

12 ሃዋ ድራሬ፡ ታን ሄ ዱብዳቢያ ህንተንቶ ጳፊዳዋ ግደፕካ፡ ናቆዳ ኡራ ዋይ ናቀቲዳ ኡራ ድራሳ ግደና፤ ሸን ህንተ ኑዉ ዋይሳ ቆፕንቶን ጳሳ ሰንላን ህንተንቶ ቆንጭሳናዉ ታን ጳፋድ።

13 ኑን ምኔዳዌ ሃዋ ድራሳ፤ ሄ ኑ ምናታ ቦላ፡ ቲቶ ናሸቲዳዋ ኑን ኡባፕ ዳርያ ናሸቻ ናሸቲዳ። እያዉ ጎፕ፡ ህንተ ኡባይ እ ሀርጋፕ ሸምፕሴድታ።

14 ታን ህንተዋ ሳባይ እዉ ኦድና፡ ህንተ ታና ዩላይበይክታ፤ ሸን ኑን ህንተንቶ ኡባ ዋይ ቱሙዋ ሃሳዬደ፤ ሄዋዳንካ፡ ኑን ቲቶ ሰንላን ህንተዋ ሳቢዳዌ ቱማ ግዳዳ።

15 ሃዋ ድራሬ፡ ህንተ ኡባይ እዉ ያደይ ኮኮሪደ፡ እ ዋት ሞኪድተንቶን ቃይ እዉ እይ ከና እዛዘቲድተንቶ እ ሀሳይያ ዋይ፡ ህንተና ሎይላ ሰቁ።

16 ታን ኡባባን ህንተና እማንያ ድራሬ ናሸታይ።

### 8

ጳሳ እሳቲዋ ከካተላ እሞታ

1 ኑዋዳን ጳሳ እሳቶ፡ ጳሳ እጾ ከካተላይ ማቅደንያ እማንያዋንቱ ግደን ኦሌዳዋ ህንተና ኡርሳናዉ ኮዬቶ።

2 ኡንቲንቲ እጾዳ ዋይያን ዋልቃማ ፓጭያ ፓጩቲድና፤ ሸን ኡንቲንቲ ሀይሳ ግደፕካ፡ ባሪንቲ እምያዋን ዳር ኪክናን ቃይ ዋልቃማ ናሸቻ ናሸቲና።

3 እያዉ ጎፕ፡ ኡንቲንቲ ባሪንቲ ዋልቃ ከና ቃይ ሀራይ እቶ ባሪንቲ ዋልቃፕካ ዳርያዋ ደሲይ እሜዳዋ ታን ማርካ።

4 ኡንቲንቲ ጳሳ እሳቲዋ ማድያ ሎኦ ኡሱዋ ኑናና ኦላናዉ ኑና ዳር ዋሴድና።

5 ኡንቲንቲ ኑን ቆፕዳዋፕ አላይ ኦሌድና፤ ካሰቲይ ኡንቲንቲ ባሪንቲ ሁጲያ ጎዳዉ እሜዳዋፕ ጉይያን፡ ጳሳ ሸንያዳን፡ ኑዉካ ባሪንቲ ሁጲያ እሜድና።

6 ሃዋ ድራሬ፡ ኑን ሀ ሎኦ ኡሱዋ ደሜዳ ቲቶ ጉጅ ኦላናዳንን ህንተና ማዲይ፡ ሄ ኡሱዋ ፖሳናዳን አ ዋሴድ።

7 ሸን ህንተ ኡባባን፡ እማኑዋን፡ ሃሳያን፡ ኡራተላን፡ ዋልቃማ ሎኦ እሙዋን፡ ኑና ሲቆያዋንካ ዱራቲዳዋደን፡ ሀ ሎኦ ኡሱዋንካ ህንተንቲ ከካ ግዳናዋ ኑን ኮዬቶ።

8 ታን ሄዋ እዛዛናዉ ጊከ፤ ሸን ሀራቱዋ ዋልቃማ ሎኦ እሙዋ ባጋና ህንተ ሲቁ እይ ኬና ቱመንቶ ኤራናዉ ጋይ።

9 እያዉ ጎጥ፡ ህንተ ኑ ጎዳ የሱሰ ክርስቶሳ እጾ ኬካተላ ኤሪታ፤ ክርስቶሰ ዱረ ግድ ደእደ፡ ህንተ እ ሀዬሳተላን ዱረታናዳን፡ ህንተ ድራዉ ሀዬሴዳ።

10 ታን ሀ የወዋ ህንተና ዘርያዋ ሀዋ፤ ዝላይሳ ህንተ ደሜዳዋ ሀእ ወርሰያዋ ህንተንቶ ሎእ፤ ህንተ ኦሶ ጸላላዉ ግደናን፡ ኦላና ቆፋዉካ ካስቴዳዋንታ።

11 ህንተ ኦላናዉ ሎይሳ እሞቲዳዋ ኦላደ ፖሌዳዋና ገጋ ግዳና ማላ፡ ህንተንቶ ዳንዳየቲዳዋዳንካ ኦሱዋ ፖልተ።

12 እያዉ ጎጥ፡ እት ኡራይ እማናዉ ሎይሳ ኮዮጥ፡ እ ባረዉ ደኤዳ ኬና እማናጥ እትን፡ እዉ ባይናዋ አጥ እከና።

13 እያዉ ጎጥ፡ ታን ሀራንቱ ዋይያጥ ሸሞጥና፡ ህንተ ዋየትተ ጊከ፤ ህንተ ኡባይካ ቃራ ደእናዳናጥ እትን።

14 ኡንቲንቱ ፓላሀይ ህንተ ፓጫ ኩንላና ማላ፡ ህንተንቶ ሀ ዋድያን ደእያ ፓላሀይ ኡንቲንቱ ፓጫ ኩንላና ኮሺ፤ ላኡካ ሄዋን ቃራን ጎኤቲና።

15 ጸሳ ማጻፋን፡ “ዳርሲደ ሺሺዳዋ ፓላሀይና፤ ቃይ ጉላ ሺሺዳዋካ ፓጭቤና” ጌተቲደ ጸፈቲዳ።

**ቲታን እ ላገላ**

16 ሸን ኩን ህንተንቶ ቆጥያዋ ማላ፡ ዋልቃማ ቆፋ ቲታ ቆፍሲዳ ጸሳ ጋላታይ ጋኮ።

17 ቲቶ ህንተኮ ባናዉ ባረ ቆፋ ቃቹዳዌ፡ ባረ ሁጺያን ህንተና ማዳናዉ ዳር እሞቲዳ ግሻጥ እትን፡ ኑ ዘርያ ጸላላ እኩዳዋና ግደና።

18 ሞሽራቹዋ ቃላ ኦድያ ባረ ኦሱዋን እማነትያ እማንያዋንቱ ሰንላ ኡባን ዳር ቦንቹቲዳ እሻ ኩን እናና እትጥ ኪቲቶ።

19 ሄዋ ቦላን ቃይ፡ ሀ ኩን ኦላያ ሎኦ ኦሱዋ እ ኑናና እትጥ ኦላናዉካ ጎዳ ቦንቾ ኩን ሀራቱዋ ማዳናዉ ሎይሳ እሞትያዋ በሳናዉ እማንያ እሳቱ እ ዶሪይ ሱንጤድና።

20 ኩን ኦላያ ሀ ኬካ እሞታ ድራዉ፡ ኩን ኑና ዝግረና ማላ ናገቲቶ።

21 እያዉ ጎጥ፡ ኩን ጎዳ ሰንላን ሎኦባ ኦላናዋ ጸላላ ግደና፤ ሸን እሳ ሰንላንካ ሎኦባ ኦላናዉ ቆፕቶ።

22 ኩን ዳር ገደ ፓጭ በኤዳ ኑ እሻ፤ ኡባ ዋደ ህንተና ማዳናዉ ዳር እሞትያዋ፡ ሀ እሳቱዋና ህንተኮ ኪቲቶ፤ ቃይ ሀእ እ ህንተና ዳር እማንያ ድራዉ፡ ህንተና ማዳናዉ ካስዋጥ አላደ ሎይሳ እሞቲ።

23 ቲቶዋ ግደጥ፡ እ ህንተና ማዳናዉ ታናና እትጥ ኦላያ ታ ላግያ፤ የኮ እሻቱዋባ ግደጥ፡ ኡንቲንቱ እማንያ እሳቱ ኪቲዳዋንታን ኡንቲንቱ ደኤ ክርስቶሳ ቦንቾሰያዋ።

24 ሰሞ እማንያዋንቱ ኡባቱ ህንተ ሲቁ ቱማ ግድያዋ ኤራና ማላ፡ ቃይ ኩን ህንተዋ ሳቢያዊ ልከ ግድያዋ ኤራና ማላ፡ ህንተ ሲቁዋ ኡንቲንታ በሰተ።

**9**

**ፓጫይ ደእያዋንታ ማዳሳ**

1 ይሁዳን ደእያ ጌሻ እሳቱዋ ማዳናዉ የድያባዉ ታን ህንተንቶ ጸፋናዉ ኮሸና።

2 ህንተ ማዳናዉ ሎይሳ እሞትያዋ ታን ኤርያ ድራዉ፡ ማቆዶንያን ደእያ እሳዉ ህንተዋ ሳባድ። ታን ኡንቲንቱ፡ “ኣካይያን ደእያ እሻቱ ዝላይሳጥ ደሚደ፡ ማዳናዉ ገገቲድና” ያጋደ ኦዳድ፤ ቃይ ህንተ ዋልቃማ እሙካ ኡንቲንቲጥ ዳርያ ባጋ ደንጫዳ።

3 ሸን ታን ኡንቲንቶ ጌዳዋዳንካ ኩን ሀ የወዋ ህንተናን ጨቀትያዊ መላ ግደና ማላ፡ ህንተ ገገቲዳዋንታ ግዳናዳን፡ ሀ እሻቱዋ ህንተኮ ኪታይ።

4 ማቆዶንያ እሳቱ ታናና ዪደ፡ ህንተ ገገተናን ደእሸን፡ ህንተና ደሞጥ፡ ኑ ጸላላ ግደናዳን፡ ህንተ ኑጥ አጹዋ ዬላታንታ፤ ሸን ኩን ህንተና ሎይሳ እማኒደ ጨቀቲዳዋሳ።

5 ሄዋ ድራዉ፡ ታን ሀ እሻቱ ታጥ ሰንላት ህንተኮ ቢደ፡ ህንተ እማና ጌዳ እሞታ ካስቲደ ገገሳና ማላ፡ ኡንቲንታ ዋሳናዉ ኮሸያዋ እኬካድ። ሄዋጥ ጉይያን፡ ሄ እሞታይ ታን ጋከያ ዋደ ገገ ኡታናዋ፤ ሄዌ ቃይ ዋልቃን ህንተ እሞያዋ ግደናን፡ ዶሲደ እሞያዋ ኤርሴ።

6 ሀዋ እኬክተ፤ ጉላ ዘርላ ዘርያ ኡራይ ጉላ ካላ ጫካና፤ ዳር ዘርላ ዘርያ ኡራይ ቃይ ዳር ካላ ጫካና።

7 ጸሳይ ናሸቻን እሞያ ኡራ ሲቆያ ድራዉ፡ ቃረቲደ ዋይ ዶሰናን እሞያዋ ግደናን፡ እሞያ ኡራይ ሁጺያን ሁጺያን ባረ ዋዛናን ቆፕዳዋ እሞ።

8 ጸሳይ ህንተንቶ ግድያዎ ኡባ ወደ ደአናዳንነ ቃይ ሀራቶካ ህንተ እማናወ ግድያዎ ደአናዳን ህንተና ኮሽያ ኡባባ ህንተንቶ እማናወ ዳንዳይ።

9 ጸሳ ማጻፋይ፤

“እ ሀዬሳ እሳወ ዳርሲደ እማ፤  
ቃይ እ ጽሎተሳይ መድናወ ደአናዎ”

ያጌ።

10 ጸሳይ፣ ዘርያዎ ዘረላነ ማናወ ቁማ እምያዌ፣ ህንተና ኮሽያ ዘረላ ኡባ ህንተንቶ እማና፤ ቃይ ህንተ ጽሎተሳጥ ዳር እይፍያ እይፍሳናወ ሄ ዘረላ ድቻናዎ።

11 ዳር አሳይ ህንተ እምያ እምታ ኑፕ እኪደ፣ ጸሳ ጋላታናዳን፣ ህንተ ኡባ ወደ ዳርሲደ እምያዎንታ ግዳና ማላ፣ ጸሳይ ህንተና ኡባ ባጋና ዱረያና።

12 እያወ ሳፕ፣ ሀ ህንተ ኦልያ ኦሱ ጸሳ ናናወ ኮሽያዎ ኩንል እምያዎ ጸላላ ግደና፤ ሽን ጸሳወ ዳር ጋላታ እምያዎን ኩሚደ ጎጌ።

13 ሀ ህንተ ኦሱ ህንተ እማኑዎ ኤርሰያ ድራወ፣ ዳር አሳይ ክርስቶሳ ዎንጋላ ህንተ እማኒደ ማርካትያዎን ህንተ ማዴዎ እንቱንቱናን ሀራ ኡባቱዋና ሻኪደ፣ ዳርሰ እምያዎ ጸሳ ቦንቻና።

14 እንቱንቱ ህንተንቶ ጸሳ ዎሲደ፣ ህንተናን ደእያ ጸሳ እጾ ኬካተሳይ ዛዋይ ባይናዎ ድራወ፣ ህንተና ላዎቱቶ።

15 ዛዋይ ባይና ጸሳ እጾ ኬካተሳ ድራወ፣ ጸሳ ጋላታይ ጋኩ።

# 10

## ጳውሎስ ሞትያዎንቶ ዛራዳ ዛራዎ

1 ታን ጳውሎስ፣ ህንተ፣ “እ ኦናና ደእያ ወደ እሽከ” ግያዌ፣ ቃይ፣ “ኑፕ ሃክ ደእያ ወደ ኑ ቦላ ጸሌ” ግያዌ፣ ሎእነ እሽከ ግዴዳ ክርስቶሳ ባጋና ህንተና ዎሳይ።

2 ኦና ሀ ሳኦ ደያዳን ደእኖ ጊደ ቆፕያ እት እት አሳቱዎ ቦላ ታን ጸላናዎ ኤራይ፤ ሽን ታን ህንተኩ ብያ ወደ ህንተ ታና ጸልሰና ማላ፣ ህንተና ዎሳይ።

3 እያወ ሳፕ፣ ኦን ሀ ሳኦን ደአፕካ፣ ሀ ሳኦ አሳዳን ኦላቶኩ።

4-5 እያወ ሳፕ፣ ኦን ኦላትያ ቶራይ ሀ ሳኦዎ ግደና። ሽን ጌሱዎ ላላናወ ዎልቃና ደእያ ጸሳ ቶራ። ኦን አሳ ቆፋ ጳይሴቶ፤ ቃይ ጸሳ ኤራተሳ ቦላ ደንዲደ ጱቢያ ኦቶር ቆፋ ኡባ ላላቶ። ሄ ቆፋ ኡባይ ክርስቶሳወ እዛዘታና ማላ ኦዎዴቶ።

6 ህንተ እዛዘትያዎ ፖሊዳዎፕ ጉይያን፣ እዛዘተናን እጽያዎ ኡባ ኦን ሙራናወ ገገታና።

7 ህንተ ሰንላን ደእያዎ ጸልተ፤ ኦንነ ባረና ክርስቶሳዎ ጊደ ቆፖፕ፣ ሄዎ ጉጅ ቆፖ፤ ክርስቶሳዎ እ ግዴዳዎዳን፣ ኦንካ ቃይ እዎ።

8 እያወ ሳፕ፣ ጎዳይ ኦወ እማዳ ኑ እዎተሳን ታን ሎይላ ኦቶረትያዎ ግደፕካ፣ ሄዎን ዬላትከ፤ ሄ ኦወ እማዳ እዎተሳይ ህንተና ኬጻናሳፕ እትን፣ ኮላናሳ ግደና።

9 ታን ታ ዳብዳቢያን ህንተና ያሽሳናወ ጸፎ አሳ ማላታደ ቤታናወ ኮይከ።

10 እያወ ሳፕ፣ እት እት አሳይ፣ “ጳውሎሳ ዳብዳቢ ዴጸን ዎልቃማ፤ ሽን ጸልያ ወደ እ ዳቡራንቻ፤ እ ሃሳያይካ ፓፍ” ያጌ።

11 ሄዎ ማላ አሳይ ኦን ሃኩዎን ደኢደ ጸፍያ ዳብዳቢያንነ ያን ህንተናና ደኢደ ኦልያ ኦሱዎን ዲማተል ባይናዎ እኩካና ኮሺ።

12 ኦን ባረና ናሽያ እት እት አሳቱዋና ኦና ፓይዳናወ ዎይ ልክሳናወ ኮዮኮ፤ ሽን ኡንቱንቱ ባረና እቱ እቱዋና ልክሲድን ቃይ ባረና እቱ እቱዋና ቃራዪደ፣ ኡባና ኤዬድኖ።

13 ሽን ኦን ጸሳይ ኦወ ኤሴዳ ዛዋ ግደን ጨቀትያዎፕ እትን፣ ሄ ዛዋፕ ፕኒደ ጨቀቶኮ፤ ሄ ዛዋይ ህንተኮካ ጋኪ።

14 ኦን ህንተኮ ጋክቤናዎ ማላቲደ፣ ዛዋ ፕናኮ፤ እያወ ሳፕ፣ ኦን ክርስቶሳ ሞሽራቹዎ ቃላ ኦዲደ፣ ህንተኮ ካሰ ጋኪደ።

15 ኦን ጸሳይ ኤሴዳ ዛዋ ፕኒደ፣ ሀራ አሳይ ኦልዳ ኦሱዎን ጨቀቶኮ፤ ሽን ህንተ እማኑ ድጭ ድጭ ብያ ዎደ፣ ኦን ህንተ ግደን ኦልያ ኦሱዎ ዛዋይ ካሰዎፕ ሎይል እክ እክ ባናዎ ጊደ ቆፕቶ።

16 ኦን ሞሽራቹዎ ቃላ ህንተ ደኢያሳፕ ህን ባጋን ኦዳና፤ ቃይ ሀራ ዛዋን ኦስት ድጌዳ ኦሱዎንካ ጨቀቶኮ።

17 ሽን ጸሳ ማጻፋይ፣

“ጨቀትያ ኡራይ ኦንነ  
ጎዳ ሎኦተሳሳን ጨቀቶ”

ያጌ።

18 እያወ ሳፕ፣ ጎዳይ ናሽያ ኡራፕ እትን፣ ባረና ናሽያ ኡራይ ጋላተተና።

# 11

ጳውሎስን ባረና የሱስ ኪቲዳ ግያ ዋርዳንቻቱዋ

- 1 ህንተ ታ ኤያተላ ጉላ ዳንዳይንቶ ሎአ። ሀያና ዳንዳይተ።
- 2 ጳሳይ ቃናትያዋዳን፣ ታንካ ህንተዉ ቃናታይ፤ እያዉ ጎጥ፣ ታን ህንተና እት እቲማዎ፣ ክርሰቶሳዉ እማና ጋደ፣ እቲማዎ ኤረና ጌሻ ዋድራቲዳን ጊግሳ ዋሳድ።
- 3 ሽን ሸሻይ ባረ ማካላን ሃዋኖ ባሌዳዋዳን፣ ክርሰቶሳዉ ህንተ እማዳ ህንተ ሱረ ቆፋይ ባይቤናዌ ዋራ ባንዴሻ ጋይ ህርጋይ።
- 4 እያዉ ጎጥ፣ እት ኡራይ ዪደ፣ ኩን ህንተንቶ ኦዴዳ የሱሳጥ ሀራ የሱሳ ህንተንቶ ኦደጥ፣ ዋይ ህንተ እኩዳ እያናጥን ዋንጋላጥ ዲማ እያናን ዋንጋላ ህንተ እኩጥ፣ ህንተ ኤና ጊደ እኩድታ ጉሳ።
- 5 የሱስ ኪቲዳ ሀ ዋናቱዋጥ ታን እያንካ ላፍያዋ ታዉ ማላተና።
- 6 ታን ሃሳይያ ሃሳያን ታማራቤና አሳ ግደጥካ፣ ኤራተላን ግድከ፤ ሽን ኩን ህንተንቶ ሀ የወዋ አሳ ኡባ ግደን ኡባ ባጋና ቆንጭሴድ።
- 7 ዋይ ታን ህንተና ሚሻ ኦቼናን፣ ጳሳ ሞሽራቹዋ ቃላ ህንተንቶ ጮ ኦዴዳዌን ህንተና ቶቁ ኦላናዉ ታ ሁጺያ ቶቹዳዌ ታዉ ናጋራ ግደንዴሻ?
- 8 ታን ህንተንቶ ኦላናዉ ሀራ እማንያ አሳጥ ሚሻ እኩዳዎ፣ ሄዋንታ ቦንቃድ።
- 9 ቃይ ታን ህንተናና ደእሸን፣ ታና ሙትና፣ ህንተጥ እት ኡራካ ዋይሳቢይክ። እያዉ ጎጥ፣ ማቅደንያጥ ዬዳ እሻቱ ታና ኮሺዳ ኡባባ ታዉ እማድና፤ ታን ህንተና ዋይሰና ማላ፣ ካሰ ቶኮ ግደቤናዋዳንካ ሰንላወካ ቶኮ ግድከ።
- 10 ክርሰቶሳ ቱማተላይ ታናን ደእሸን፣ ሀ ታ ጩቁ አካይያ ጋድያን ሀቃንካ አተና።
- 11 ታን ሀዋ እያዉ ጋይታ? ህንተና ሲቀና ድራሴ? ታን ህንተና ሲቃያዋ ጳሳይ ኤራ።
- 12 ሽን ሄ ባረንቱ ጩቀትያዋን ኩን ኦላያዋዳን ኦላናዉ ጋሶትያዋንቱ ጋሱዋ ድጋናዉ፣ ሀእ ታን ኦላያ ኦሱዋ ጉጃደ ኦላና።
- 13 እያዉ ጎጥ፣ ኡንቲንቱ የሱስ ኪትቤና ዋርደ አሳቱዋ፤ ሄዋንቱ ማላ አሳቱ ክርሰቶሰ ኪቲዳዋንታ ማላታጋዉ ባረንቱ ማላ ላመረላያ ኪትቤና ዋርደንቻቱዋን ላባንቻ ኦሳንቻቱዋ።
- 14 ሄዌ ማላልሰያዋ ግደና፤ እያዉ ጎጥ፣ ሴጻናይ ባረ ሁጻዉ ፖኤዋ ኪታንቻ ማላታናዉ ባረ ማላ ላሚ።
- 15 ሄዋ ድራዉ፣ ሴጻና ኦሳንቻቱ ጽሎተላ ኦሳንቻቱዋ ማላታናዉ ባረንቱ ማላ ላሞጥ፣ ሄዌ ዋልቃማባ ግደና፤ ኡንቲንቱ ዉርሰላን ባረንቱ ኦሱዋ ማላ አካና።

ጳውሎስ ጋኬዳ ሙቱዋ

- 16 ታን ላኢንሉዋካ ጋይ፤ ታና ኦንካ ኤያ ጊደ ቆፖፖ፤ ሽን ህንተ ታና፣ እ ኤያ ጎጥካ፣ ታን ጉላ ጩቀታናዳን፣ ታና ኤያ ጊጥ።
- 17 ታን ሀዋዳን ጳላደ ጩቀታደ ሃሳይያዎ፣ ኤያተላ ሃሳያጥ እትን፣ ታና ጎዳይ አዘዘና ግደና።
- 18 ዳር አሳይ ሀ ሳኣባን ጩቀትያ ድራዉ፣ ታንካ ጩቀታና።
- 19 ህንተ እኤዳ ኤራንቻ ግድያ ድራዉ፣ ኤያ አሳዋ ናሸቻን ዳንዳዪታ።
- 20 እያዉ ጎጥ፣ ኦንካ ህንተና አይለዮጥ፣ ዋይ ህንተዋ ሞጥ፣ ዋይ ህንተዋ ቦንቆጥ፣ ህንተ ቦላ ኦቶረቶጥ፣ ዋይ ህንተ ሻይያ ባቆጥ፣ ዳንዳዪታ።
- 21 ኩን ሄዋ ኦላናዉ ዳር ዳቡራንቻ ግደዳዋ ታን ዬላታደ ኦዳይ። ሽን ኦንካ እትባን ጳሊደ ጩቀቶጥ፣ ታንካ ጩቀታናዉ ጳላይ፤ ታን ኤያ አሳዳን ሃሳያይ።
- 22 ኡንቲንቱ አብራዌ? ታንካ አብራዌ። ኡንቲንቱ አሰራኤልያ አሴ? ታንካ አሰራኤልያ አሳ። ኡንቲንቱ አብራሃሙ ዛረ? ታንካ ቃይ አብራሃሙ ዛረ።
- 23 ኡንቲንቱ ክርሰቶሳ ቆማቲ? ታንካ ኡንቲንቱጥ እድያ ቆማ፤ ታን ጎይያ አሳዳን ሃሳያይ፤ ታን ዳር ኦላ ዳቡራድ፤ ዳር ዋድያ ቃሸታድን ለሱዋን ሸጩታድ፤ ቃይ ዳር ዋድያ ሀይቃደ አታድ።
- 24 እይሁዳቱ ታና አቼሱ ገደ፣ ሀታማን ኡዲፑኑዋ ለሱዋን ሸጩድና።
- 25 ገደ አሳይ ታና ሄዙ ገደ ጳሞኣን ሸጩዳ፤ እት ጋላሰ ሹቻን ጫድ ጫዲደ አኒዳ፤ ማርካቢ ሄዙ ገደ ሙአና፣ አባ ግደን እት ቃማን እት ጋላሰ አቃደ ፔሻድ።
- 26 ታን ዳር ኦግያ ሀመታድ፤ ታና ኩንሶ ሃላይን ቦንቃንቻቱ ቦንቁ ድጊደ አሺዳ፤ ቃይ ታ ቢታ አሳይን እይሁዳ ግድና አሳይ ቦንቁ ድጊደ አሺድና። ቃይካ ካታማይ፣ ባዘ፣ አሳይ፣ ታና ያሸሴዳ፤ ዋርዳዋ ዳባቱካ ታና ቦንቁ ድጊደ አሺድና።
- 27 ታን ዳቡራድን ሙቶታድ፣ ዳር ገደ ገሞአሹዋ ቆያድ፤ ኮሻታድ፤ ሳመታድ። ዳር ገደ ጳማድ፤ ቃይ ሚገታድን ካሎታድ።
- 28 ሀራባ ኡባጥካ ኡባ ጋላሰ ታዉ ቶኩዋ ግደዳባይ፣ ዋሳ ጎልያ ኡባዉ ህርግያዎ።
- 29 ዳቡርያዌ ኦኔ? ታን ዳቡርክታዌ? ናጋራን ገልያዌ ኦኔ? ታን ኡንኤታደ አዉ ቃረትክታዌ?

- 30 ታን ጨቀታናዉ ኮሸያዎ ግደፕ፡ ታን ዳቡራንቻ ግድያዎ ኤርሰያዎን ጨቀታና።
- 31 መድፍዉ እንጀቱዳ ጸሓይ፡ ኑ ጎዳ የሱሰ ክርሰቶሳ እዉ፡ ታን ዎርዶተናዎ ኤራ።
- 32 ዳማስቆ ካታማን እረታሳ ግያ ካትያፕ ጋርሳና ጋድያ ሞድያዌ፡ ታና ኦይላናዉ ዳማስቆ ካታማ ናግሱ።
- 33 ሸን ካታማ ግምቢያ ድርሳ ማሰኮትያና ታና ቁንእን ዱገ ዎልና፡ እፕ ከሳ አካድ።

# 12

## ጳውሎሳ ሳፃ

- 1 ጨቀትያዌ ታዉ እይነ ጎኤናዎ ግደፕካ፡ ታን ጨቀታናዉ በሴ። ሸን ታን ሳዳባነ ጎዳፕ ቆንጨዳዎ ሃሳያና።
- 2 ታማን ኦይዱ ላይላፕ ካሰ፡ ሄዘንሎ ሳሉዎ ዋደ ቤዳ እት ብታንያ፡ ክርሰቶሳ እማንያዎ፡ ታን ኤራይ፤ ሄ ብታኒ ባረ እሳተሳን ቤዳ ዎይ ሳዳን ቤደንቶ፡ ታን ኤርከ፤ ጸሓይ ኤራ።
- 3 ሄ ብታንያ፡ ሄዘንሎ ሳሉዎ ዋደ ቤዳዎ፡ ኤራይ፤ እ ባረ እሳተሳን ቤደንቶን ዎይ ሳዳን ቤደንቶ፡ ታን ኤርከ፤ ጸሓይ ኤራ።
- 4 ሄዎን ሄ ብታኒ እሳይ ሃሳያናዉ ዳንዳየናዎ፡ እሳ እንጸርሳይካ ሃሳያናዉ ዳንዳየናዎ ሰሴዳ።
- 5 ታን ሄ ብታንያባን ጨቀታና፤ ሸን ታን ዳቡራንቻ ግድያዎ ኤርሰያ ድራዉ፡ ታ ሁጲያን ጨቀትከ።
- 6 ታን ጨቀታናዉ ኮይያዎ ግደፕካ ኤያ ግድከ፤ እያዉ ጎፕ፡ ታን ቱሙዎ ሃሳያይ። ሸን እሳይ ታዎ ታናን በእያዎፕነ ታፕ ሰሰያዎፕ አሌደ ቆፕና ማላ ናገታይ።
- 7 ቃይ ጸሓይ ታዉ ዳሮ ቆንጨዳ ዎልቃማ የወዋፕ ደንዴዳዎን ኦቶረተናዳን ድጋናዉ ታና ጫድ ኦይቄያ፡ ሴጸና ኪታንቻይ፡ ታና ሙቶላናዉን ታን ኦቶረተና ማላ፡ ታና ናጋናዉ ታዉ እመቲዳ።
- 8 ሄዎ ታፕ ሻካና ማላ፡ ታን ጎዳ ሄዙ ገደ ዎሳድ።
- 9 ጎዳይ ታና፡ “ታ እጾ ከካተላይ ነዉ ግዳናዎ፤ እያዉ ጎፕ፡ ታ ዎልቃይ ነ ዳቡራን ፖላቲ” ያጌዳ፤ ሄዎ ድራዉ፡ ክርሰቶሳ ዎልቃይ ታናን ደእና ማላ፡ ታ ዳቡራን ጨቀታናዉ ታን ዳሮ ናሸታይ።
- 10 ታን ክርሰቶሳ ድራዉ ዳቡርያዎን፡ እሳን ቦረትያዎን፡ ዎየትያዎን፡ የደርሰትያዎን፡ ሙቶትያዎን ናሸታይ፤ እያዉ ጎፕ፡ ታን ዳቡርያ ዎደ፡ ሄ ዎደ ምናይ።

## ጳውሎስ ቆርንቶሳ አሳዉ ኤንኤቲደ ቆፔዳ

- 11 ታን ጨቀቲዳዎን ኤያድ፤ ሸን ሄዎ ህንተ ታና ዎልቃን ኦሰሴይታ፤ እያዉ ጎፕ፡ ህንተ ታና ጋላታናዉ በሴ፤ ታን እያንነ ኤረተናን ቆየፕካ፡ የሱሰ ከቲዳ ጶቃ ጌተቲዳ ኡባቱዋፕ ላፍከ።
- 12 ታና የሱሰ ከቲዳዌ ቱማ ግድያዎ ኤርሰያ ማላይ፡ ኦራላባይነ ዎልቃማ ኦሱ ህንተ ግደን ዳሮ ገንጫን ኦሰቲዳ።
- 13 ታን ታ ሁጲያን ህንተና ዎይሳቤናዎፕ አትን፡ ሀራ እማንያ አሳቱዋፕ ህንተ እያን ላፊቲ? ሀያና ታን ህንተና ናቁዳዎ ታዉ አቶ ጌተ።
- 14 ታን ህንተኮ ባናዉ ገሳደፕ፡ ሀዌ ታዉ ሄዘንሎ ዎደ፤ ታን ህንተና ዎይሰከ። ታን ህንተና ኮይያዎፕ አትን፡ ህንተ ሚሻ ኮይከ፤ እያዉ ጎፕ፡ እዉነ አታ ባረጎቲ ናናዉ ሚሻ ምንጅያዎፕ አትን፡ ናናይ ባረጎቲ አዎነ አትዉ ምንጅክና።
- 15 ታን ህንተ ሸምፖ ታዉ ደእያዎ ታናና ጋላደ ናሸቻን እማና፤ ያትና፡ ታን ህንተና ሎይላ ሲቅያ ድራዉ፡ ህንተ ታና ላፋ ሲቂቲ?
- 16 ግደፕካ፡ ታን ህንተና ዎይሳባይከ፤ ሸን ህንተ ታና፡ “ኔን ኑና ጭማደ ማካላን ኦይቃዳ” ያገታ።
- 17 ታን ሀራይ አቶ፡ ህንተኮ ከቲዳ እት አሳ ባጋናዉ ህንተፕ ጎኤታድታ?
- 18 ቲቶ ህንተኮ ባና ማላ፡ ታን ዎሳድ፤ ቃይ እማንያ አሻካ እናና የዳድ። ቲቶ ህንተፕ ጎኤቲዳ? ኦን ኑ ኦሱዎ እት ቆፋን ኦሰበይኮ? ቃይ ኑ ሁኑካ እቲዎ ግደኔይ?
- 19 ኦን ኡባ ዎደካ ህንተ ሰንላን ኑ ሁጲዉ ሞተትያዎ ህንተንቶ ማላቲ? ኦን ክርሰቶሳን ደእያዎንቲዳን፡ ጸሳ ሰንላን ሀእ ጋካናሰካ ሃሳይቶ፡ ኑ ሲቃቶ፡ ኦን ኦልያ ኡባባይካ ህንተና ማዳናሳ።
- 20 እያዉ ጎፕ፡ ታን ህንተኮ ብያ ዎደ፡ ኦን ኤር ታን ኮይያዎ ማላ ህንተ ግደናን አጋነንቶን፤ ቃይ ታንካ ህንተ ኮይያዎ ማላ ግደናን አጋነንቶን፡ ቃይ ኦን ኤር ሄዎን ፓሉሚ፡ ቃናቲ፡ ሀንቁ፡ የራይ፡ ዝግርሳይ፡ ሳርተላ ድጉሳይ፡ ኦቶሩ፡ ሙቲ ደእናን ዎዬ አጋና፤ ታና ያሸ።
- 21 ታን ህንተኮ ላእንሱዎ ብያ ዎደ፡ ታ ጸሓይ ህንተ ሰንላን ታና ካልሻካንቶን ያያይ፤ ታን ናጋራ ካሰ አሌደ፡ ባረጎቲ ኦሌዳ ቱናተሳፕ፡ ዎሹምያዎፕነ እሙዋፕ ሰምቤና ዳሮ አሳቶ ዬከናን አግከ ጋደ ያያይ።

# 13

## ወርሰላ ዞርያነ ሳሮጋ

- 1 ሀዌ ታዉ ህንተኮ የሳይ ሄዘንሉ ዎደ። እይ ሞቲካ ላኡ ዎይ ሄዙ ማርካይ ማርካትና ፕርይታናዉ ኮሺ።
- 2 ታን ለእንሉዋ ህንተናና ጋከቲዳ ዎደ። ህንተና ናገትተ ጋድ፤ ሀእካ ሃኩዋን ደኢፕካ። ህንተና ናገትተ ጋይ። ታን ቃይካ ህንተኮ ብያ ዎደ። ናጋራ ካሰ ኦፊዳዋንታካ ቃይ ሀራቲዋ ኡባቲዋካ ሙረናን አግከ።
- 3 እያዉ ጎፕ። ክርሰቶሰ ታ ባጋና ሃሳይያዋ ኤርሰያዋ ህንተ ኮዪታ። እ ህንተናና ሃሳይያ ዎደ እ ዎልቃፕ እትን ቤትያዌ እ ዳቡራ ግደና።
- 4 እያዉ ጎፕ። ክርሰቶሰ ማስቃልያ ቦላ ሞሰማርያን ፎሽቲደ፤ ዳቡራን ካቀቲዳ፤ ሸን ጸሳ ዎልቃን ፓጻ ደኤ። እያዉ ጎፕ። እ ዳቡራንቻ ግዴዳዎዳን፤ ኑካ ዳቡራንቻ፤ ሸን ህንተናና ሃሳይያዋን ኑን ጸሳ ዎልቃን አናና ደአና።
- 5 እማኑዋን ህንተ ሞን ደአንቶ እነ ህንተና ፓጭተ፤ ህንተና ብድተ። ክርሰቶሰ ህንተናን ደአያዋ ህንተ ኤርክቲ? ሄዌ ቆዮፕ ፓጭያን ኩንዴድታ ጉሳ።
- 6 ኑን ፓጭያን ኩንድቤናዋ ህንተ ኤርያዋ አማናይ።
- 7 ህንተ ኢታባ ሙለካ እ□ና ማላ። ኑን ጸሳ ዎሴቶ። ኑን ፓጭያ ዳንዳይያዋንታ ግዲደ ቤታናሳ ግደና፤ ሸን ኑን ፓጭያ ዳንዳየናዋንታ ማላቲደ ቤቶፕካ። ሎኦባ ህንተ ኦላናሳ።
- 8 እያዉ ጎፕ። ኑን ቱሙዋ ጸላላዉ ኦላናፕ እትን። ቱሙዋፕ ሀራ እይነ ኦላናዉ ዳንዳዮኮ፤
- 9 ኑን ዳቡራንቻ ሸን ህንተ ዎልቃማ ግደደ ናሸቲቶ። ህንተ ፖሎ ግደና ማላ ኑን ጸሳ ዎሴቶ።
- 10 ታን ህንተፕ ሃኩዋን ደአደ ጸፊዳዌ ሄዋ ድራሳ፤ ታን ህንተኮ ብያ ዎደ። ጎዳይ ታዉ እሜዳ ማታን ዘምፓደ። ህንተና ሙቶላናዉ ታና ዋዪ ኮሻና። ሄ ማታይ ታን ህንተና ኬጻናዉ ታዉ እመቲዳዋፕ እትን። ህንተና ኮላናዉ እመትቤና።
- 11 ወርሰላን ታናዳን ጸሳ ካልያዋንቶ። ሳር ደአተ፤ ባል ባይናን ደአተ፤ ታ ዞርያ ሰሰተ፤ እት ዎዳና ግዲደ ደአተ፤ ሳሮተላን ደአተ። ሲቁዋን ሳሮተላ ጸሳይ። ህንተናና እትፕ ደአና።
- 12 እቲ እቲዋና ጌሻ የረታ የረቲደ ሳሮተትተ።
- 13 ጸሳ እሳ ኡባቲ ህንተና ሳር ሳር ጊኖ።
- 14 ጎዳ የሱሰ ክርሰቶሳ እጾ ኬካተላይ፤ ጸሳ ሲቁ። ጌሻ እያና እትፕተላይ ህንተናና ኡባና ግደ። አመንእ።



# ጳውሎስ ገላትያ አሳው ጻፈዱ ኪታ ገሉዋ

የሱስ እሸያዋ ግድያዋ ኦድያ ሞሽራቸዋ ቃላይ፣ ዲማ ዲማ ሳእን ኦድትሺናን አይሁዳ ግድና አሳይካ አማኒደ እክ እክ ቢሸን፣ “አማንያ አሳ ግዳናዉ ሙሴ ህግያ ፖላናዉ ኮሸይ ኮሸኔ?” ግያ ዋላሳይ እትጥ ደንዴዳ። ሄ ዎደ ጳውሎስ፣ “አማንያ አሳ ግዳናዉ ሙሴ ህግያ ፖላናዉ ኮሸና፤ የሱሳን ኦራፋ ደኡዋ ደማናዉ እን አማኖ አሳይ፣ ጸሳ ሰንሳን ጽላናዉ ዳንዳይያዌ አማኖ ጸላላና” ያጊደ ታማርሱዋ ደሜዳ። ሸን ቄር ኢስያ ግደን፣ “አሳይ ጸሳ ሰንሳን ጽላናዉ የሱሳን አማንያዋ ጸላላ ግድናን፣ ሙሴ ህግያካ ፖላናዉን ቃጻረታናዉ ኮሸ” ያጊደ ጳውሎስ ትምርትያ ጸልቄያ አሳቱ ደእኖ።

ጳውሎስ ሀዋ ገላትያ ኪታ ጻፈዳዌ ሀ ባላ ትምርትያን ጭመቲዳ አሳ ሱሪ አማኖን አማኑዋ ደእ ዛሪደ ካለፋናሳ። ጳውሎስ ኮይር ደሜደ፣ እ ባረና፣ “ታን የሱስ ኪቲዳዋ” ያግ ኤርሲደ ደሜ። የሱስ ኪቲዳዋ ኦሲደ እ ጼሴዳዌ ጸሳጥ አትን፣ አሳ ግድናዋን ቃይ እ ኪተቲዳዌ እይሁዳ ግድና አሳቱዋሳ ግድያዋ ቆንጭሲደ ኦዴ። ሄዋናካ ኦይቀቲይ፣ አሳይ ጽላናዉ ዳንዳይያዌ አማኑዋ ጸላላና ግድያዋ ኦዴ። ወርሰላ ሸምፓቱዋን አማኑዋ ኤሻይ የሱሳ አማንያ አማኑዋጥጥ ከሰያ ሲቁዋጥ ፑልትያዋ ግድያዋ ኦዴ።

### ሸምፓቱዋ ኡባቶ እመቲዳ ቃንሳ ቆፋቲዋ

ገሉዋ 1:1-10

ጳውሎስ ጸሳጥ ኪተቲዳ ማታ 1:11—2:21

ጸሳ እጾ ኪካተሳ ሞሽራቸዋ ቃላ 3:1—4:31

ክርስትና ላእተሳን አማኑዋ 5:1—6:10

ወርሰላ ቀትያ 6:11-18

1 ታን ጳውሎስ፣ የሱስ ክርስቶስን ቃይ ሀይቁዋጥ እ ደንሌዳ ጸሳይ እዉ ኪቲዳዋጥ አትን፣ አሳጥ ዎይ አሳ ባጋና ኪተቲዳዋ ግድክ።

2 ሀ ታንካ ታናና ደእያ አማንያ እሻቲ ኡባይ፣ ገላትያ ጋድያን ደእያ አማንያ አሳ ኡባዉ ሳርታ ኪቲቶ።

3 ጸሳይ ኦ አዉን ኦ ጎዳይ የሱስ ክርስቶስ ህንተንቶ አጾ ኪካተሳን ሳርተሳ እዋ።

4 ኦ ጸሳ፣ ኦ እዉዋ ሸንያን ክርስቶስ ሀ ኢታ ኦሱ ኦስትያ ዎድያጥ ኦና አሻና ማላ፣ ኦ ናጋራ ድራዉ፣ ባረ ሁጲያ አሜዳ።

5 ጸሳዉ መጵጥ መጵና ጋካናዉ ቦንቹ ግደ። አመንእ።

### ሞሽራቸዋ ቃላ ቱሙ እቲዋ ጸላላ

6 ክርስቶሳ እጾ ኪካተሳን ህንተንታ ጼሴዳ ጸሳ አጊደ፣ ሀራ ዎንጋላኮ፣ ህንተ ኤሌሊደ፣ ዎት ሰሜድተንቶ ታዉ ኦራላባ ግደዳ።

7 ህንተንታ ቡልእክያዋንቲካ ክርስቶሳ ሞሽራቸዋ ቃላ ጌላያናዉ ኮይያ አማራዳ አሳቲ ደእኖጥ አትን፣ ቱሙጥ ሀራ ሞሽራቸዋ ቃላይ ባዋ።

8 ሸን ሀራይ አቶ ኦና ግድና፣ ዎይ ሳሉዋጥ ኪታንቻ ግድና፣ ኦን ህንተንቶ ካሰ ኦዴዳ ሞሽራቸዋ ቃላጥ ዲማትያዋ ህንተንቶ ኦድያዋ ግደጥ፣ እ መጵናዉ ሸቀቲዳዋ ግደ።

9 ካሰ ኦን ጌዳዋዳን፣ ሀእካ ላኢንሉዋ ታን ኦዳይ፤ ህንተ አኩዳ ሞሽራቸዋ ቃላጥ ዲማትያዋ ኦንካ ህንተንቶ ኦድጥ፣ ሄ ኡራይ መጵናዉ ሸቀቲዳዋ ግደ።

10 ሀዌ ታና አሳጥ ሳባ ኮይያዋ ማላትሲ? ማላትሲና! ታን ጸሳይ ሎእ ግያዋ ኮያይ። ዎይ ታን አሳ ናሸቻናዉ ኮያይታ? ታን ሀእካ አሳ ናሸቻናዉ ኮይያዋ ግደጥ፣ ክርስቶሳ እይላ ግድክ።

### ጳውሎስ የሱስ ኪቲዳዋ ግዴዳ ሁኑዋ

11 ታ እሻቶ፣ ታን ህንተንቶ ኦዴዳ ሞሽራቸዋ ቃላይ አሳጥ ግድናዋ ህንተንቶ ኦዴይ።

12 እያዉ ሳጥ፣ ታዉ የሱስ ክርስቶስ ቆንጭሴዳጥ አትን፣ ታን ሞሽራቸዋ ቃላ አሳጥ አካባይክ፤ አሳይ ታና ታማርሰቤና።

13 ካሰ ታን እይሁዳ አማኑዋን ደእያ ዎደ፣ ዋናደ ደእድታንቶ፣ ህንተ ሰሴድታ፤ ታን ክርስቶሳ አማንያዋንታ ቃረታይ ባይናን የደርሳድን ጳይሳናዉ ባጸታድ።

14 ታ ዎደ ደኤዳ አሳቱዋጥ ጮራቱዋ እይሁዳ አማኑዋ ህግያ ናጥዋን እጳይ፤ ኦ አዋቱዋ ዎጋ ኦጥን አጳእደ ሲቃድ።

15-16 ሸን ጸሳይ ባረ አቶ ከካተላን፣ ታን ብሮ ታ ዳይ ኡሉዋን ደእሸን፣ ባረጫ ኦላናግ ታና ጸሴዳ፤ አባ ኦድያ ሞሽራቸዋ ቃላ አይሁዳ ግደና አሳግ ታን ኦዳና ማላ፣ ጸሳይ ባረ ናአ ታግ ቆንጭሳናግ ኮዬዳ ዋይ፣ ዞረታናግ ኦኮን ባበይከ።

17 ዋፕ ታፕ ካሰ የሱስ ኪቲዳዋንቱና ጋከታናግ የሩሳላመ ባበይከ፤ ሸን ታን ኤላካ አራብያ ጌተትያ ጋድያ ባድ። ሄዋፕ ዳማስቆ ግያ ካታማ ሰማድ።

18 ሄዙ ላይሳፕ ጉይያን፣ ጸጽሮሳና \* ጋከታናግ የሩሳላመ ባይ፣ አናና ታማን እቼሹ ጋላሳ ኡታድ።

19 ሸን የሱስ ኪቲዳዋንቱ፣ ጎዳ እሻ ያቆሳፕ አትን፣ ሀራቱዋና ጋከታበይከ።

20 ታን ህንተንቶ ጸፍያዋን ዋሪ ባዋ፤ ታን ህንተንቶ ዋርዲዋ ኦድናዋ ጸሳይ ማርካ!

21 ሄዋፕ ጉይያን፣ ሶርያ ጌተትያ ጋድያን ክልቄያ ጌተትያ ጋድያ ባድ።

22 ይሁዳን ደእያ ክርስቶሳን አማንያዋንቱ ታናና ኤረታ ግድክና።

23 ሸን ሀራ አሳይ፣ “ኑና የደርሰ ዩይያ ብታኒ ሀዋፕ ካሰ እ ቆይሳናግ ኮይያ አማኑዋባ ሀአ ኦዳ” ግያዋ ኡንቱንቱ

24 ሰሲደ ታባን ጸሳ ጋላቴድና።

## 2

### ጳውሎስ ኪቲቶዋ ግድያዋ ሀራቱዋ ማታን ኤረቲዳ

1 ሄዋፕ ሰማደ ታን ታማን ኦይዱ ላይሳፕ ጉይያን፣ ባርናባሳና ላኤንሉዋ የሩሳላመ ባይ፣ ቲታካ ታናና አካይ ባድ።

2 ጸሳይ ታግ ሳጸን ቆንጭሴዳ ድራጫ ባይ ታን ሀአ ኦላያ ኦሱ ዋይ ካሰ ኦሌዳዌ መላ አተና ማላ፣ ክርስቶሳን አማንያዋንታ ካለሉያዋንታ ዲማ ሸሻይ፣ አይሁዳ ግደና አሳግ ታን ኦድያ ሞሽራቸዋ ቃላይ አይ ማለንቶ ኡንቱንቶ ኦዳድ።

3 ሸን ሀራይ አቶ ታናና ደእያ ቲታ እ ግሪክ ጋድያ አሳ ግድሸን፣ ቃጸረቶ ጊደ ጎደትበይክና።

4 ግደፕካ፣ ዋርዲዋን ኑግ አሻቱዋ ማላት ዩይ፣ ኑናና ዋሳከቲዳ ጮራ አሳቱ እ ቃጸራናግ ኮዬድና። ሄ አሳቱ ክርስቶሳን የሱሳን ኑግ ደእያ ኑን ኮዬዳዋን ሀናና ዳንዳይያ ላአተሳ ዋቺደ ጲሻናግ፣ ጫቲደ ኑ ግደ ገሊደ ኑና አይላ ኦላናግ ኮዬድና።

5 ሸን ሞሽራቸዋ ቃላ ቱማተላይ ህንተንቱና ሞን ደእና ማላ፣ ኑን ሀራይ አቶ ጉላ ዋድያካ ኡንቱንቶ ሞደትበይከ።

6 ሸን ካፓቱዋ ማላትያዋንቱ ታግ አይን ኦራላ ቆላ እምበይክና፤ ሀዋ አያግ ጋይታ ጎፕ፣ ሀዋፕ ካሰ ኡንቱንቱ ኑና ግድናካ ታና መትያባ ግደና፤ ጸሳይ አሳ ሰምእያ ጸሴደ ፕርደና።

7 ሸን ጉየፕ ጸሳይ ጸጽሮሳግ፣ አይሁዳቶ ሞሽራቸዋ ቃላ ኦድያ ሀዳራ እሜዳዋን፣ ታግካ አይሁዳ ግደና አሳግ ሞሽራቸዋ ቃላ ኦድያ ሀዳራ እሜዳዋ ኡንቱንቱ በኤድና።

8 አያግ ጎፕ፣ ጸጽሮሰ አይሁዳቶ የሱስ ኪቲዳዋ ግድዳዋን፣ ታንካ ጸሳ ዋልቃን አይሁዳ ግደና አሳግ የሱስ ኪቲዳዋ ግዳድ።

9 ቃይ ካለሉያዋንታ ማላቲደ ቤትያዋንቱ፣ ያቆብ፣ ጸጽሮሰን ዮሃንስ፣ ታግ እመቴዳ አቶ ከካተላ ኤሪደ፣ ታናን ባርናባሳ ኑ ኩሸያ ኦይቄይ ሳሮቴድና። ታንካ ባርናባሰ አይሁዳ ግደና አሳ ግደን ኦላናዳን፣ ቃይ ኡንቱንቱ አይሁዳቱዋ ግደን ኦላናዳን ቃቺደ ደንዴድ።

10 ኡንቱንቱ ኑና ካሰፕካ ታን ኦላናግ ቆፓደ ደእያ ሀይሳቱዋ ማዳናዋ ጸላላ ቆፍሴድና።

### ጳውሎስ እንጾክያን ጸጽሮሳ ትምርትያ ጳልቄዳ

11 ሸን ጸጽሮሰ እንጾክያ ግያ ካታማ ዬዳ ዋይ፣ እ ባይዜዳ ድራጫ፣ ቆንጭያን ታን አ፣ “ኔን ባይዛንቻ” ያጋድ።

12 አያግ ጎፕ፣ ያቆባ ማታፕ ኪተቲዳ እማራዳ አሳይ ያናፕ ካሰ አይሁዳ ግደና አሳቱዋና ቁማ ሜ፤ ሸን ኡንቱንቱ ዬዳዋፕ ጉይያን፣ አይሁዳ ግደናዋንቱ አማንያዋንታ ግድናግ ቃጸረታናግ ኮሸ ግያዋንቶ ያዬዳ ድራጫ፣ ሞያዋ ኤሲደ፣ አይሁዳ ግደናዋንቱ ሸክቲዳ።

13 ቃይ የኮ አማኔዳ አይሁዳቱ ጸጽሮሳና ያሻ ደሜድና፤ ሀራይ አቶ ባርናባሰካ ኡንቱንቱና ያሻንቻ ግዳዳ።

14 ሸን ኡንቱንቱ ሞሽራቸዋ ቃላ ቱማተላዳን፣ ሱረ ሀመተናዋ በእደ፣ ጸጽሮሳ ሄ ኡባ አሳ ሰንላን፣ “ኔን ጸሳ አሳ አይሁዳ ግደደ፣ ኡንቱንቱዳን ግደናን ጸሳ አሳ ግደና አይሁዳ ግደናዋንቱዳን ደእ፤ ሸን ያትና፣ ዋታደ አይሁዳ ግደናዋንታ፣ ላይሁዳቱዋዳን ደእኑ” ጋደ ግዳድ?” ያጋድ።

### አይሁዳቱካ አይሁዳ ግደናዋንቱካ እትያዌ አማኑዋና

15 ኑን የለታን አይሁዳ፤ “ናጋራንቻ ግዳዳ አይሁዳ ግደና አሳቱዋ” ግደኮ።

\* 1:18 ጸጽሮሳ- ግሪክ ማጻፋይ ከፋ ያ። ብለላይካ አራማይክ ቃላን “ዛላ” ግያዋ። 2:6 ዛረ. 10:17

16 ሄዎ ግደጥካ፣ አሳይ የሱስ ክርስቶስ አማኒደ ጸሳ ሰንገላን ጽላናጥ አትን፣ ሙሴ ህግያ ናጉዋን ጽላናዎ ኤሬደ፤ አሹዋ ማዬዳ አሳይ ኡባይ ሙሴ ህግያ ናጉዋን ጽላና ድራው፣ ኑን ኑ ሁጸወካ ሙሴ ህግያ ናጉዋን ግደናን፣ ክርስቶስን አማኒደ ጽላና ማላ፣ ክርስቶስ የሱሳን አማኒደ።

17 ሽን ኑወ ክርስቶስን ደኢያ እትጥጥጥ ጽላናወ ኮይያዋንታ ግዲደ፣ ኑ ሁጸወ ናጋራንቻ ግዲደ ቤቶ፣ ያትና ክርስቶስ ናጋራ ታማርሰያዊ? ሄዎ ሙላካ ዋርደ!

18 እያወ ጎጥ፣ አት ካሳካ አጋ ድጌዳዋ ታን ላኤንሉዋ አልያዎ ግደጥ፣ ታን ታ ሁጸወ ህግያ መንልያዎ ግድያዎ ኤርሳይ።

19 ታን ጸሳወ ገጽ ደኢና ማላ፣ ህግያ ባጋና ህገወ ሀይቃድ።

20 ታን ክርስቶስና አ ማሰቃልያ ቦላ ሞሰማርያን ድሸታደ ካቀታድ፤ ሰም፣ ሀእ ገጽ ደኢያዌ ታና ግድከ። ሽን ክርስቶስ ታ ግደን ደኢ፤ ታን ሀእ ደኢያ ደኢ፣ ታና ሲቁደ፣ ታ ድራው፣ ባረ ሁጸያ እማዳ ጸሳ ናኣን ደኢያ አማኑዋና።

21 ታን ጸሳ አጼ ኬካተላ አጽከ፤ አሳይ ህግያ ባጋና ጽሎተላ ደምያዎ ግደጥ፣ ክርስቶስ ጮ መላ ሀይቁዳ ጉሳ።

### 3

#### ጽሎተላይ አማኖ ጸላላን ቤቴ

1 እከካይ ባይና ጋላትያ አሳቶ፣ ታን ህንተና ክርስቶስ ማሰቃልያ ቦላን ሞሰማርያን ድሸታደ ካቀቱዳዎ ቆንጮሳደ ታማርሳድ። ያትና፣ ቱዋ ህንተ ኤና ጌና ማላ፣ ህንተንታ ብቴዳዊ ኦኔ?

2 እነ ኑወ ሀ እት የወዋ ጸላላ ኦድተ፡ ጸሳ አያና፣ ህገ ግያዎ ናገደ እከፎቱ ዋይ አማኑዋን ሰሲደ እከፎቱ?

3 ህንተንቱ ሄዎ ከና ኤይ? ጸሳ አያናን ደኡዋ ደሚደ፣ ሀእ ህንተ ዋልቃን ፖሊቱ?

4 ህንተንቱ ዳቡራ ኡባወ እይነ ማዲ ባዌ? ቱም ማዲ ደኢ።

5 ያትና፣ ጸሳይ ህንተንቱ ገሻ አያና እምያዌነ ህንተ ግደን ማላታ አልያዌ፣ ሙሴ ህግያ ህንተ ኦሌዳ ድራሴ? ዋይ ሞሽራቹዎ ቃላ ሰሲደ፣ ህንተ አማኒዳ ድራሴ?

6 ሀዋዳንካ፣ አብራሃም ጸሳ አማኒዳ ድራው፣ ጸሳይ አ ጽላዋዳን ጸሌዳ።

7 ሄዎ ድራው፣ አማንያዋንቱ አብራሃም ዛረ \* ግድያዎ ኤርተ።

8 ጸሳይ አይሁዳ ግደና አሳ አማኑዋን ጽልሳናዎ ጸሳ ማጻፋይ ካሰት በእደ፣ “ሀ አላምያን ደኢያ አሳይ ኡባይ ኔንን አንጀታና” ያገደ፣ ሞሽራቹዎ ቃላ አብራሃም ካሰቲደ ኦይዳ።

9 ሄዎ ድራው፣ አብራሃም አማኒደ አንጀቱዳዋዳን፣ አማንያዋንቱ አዋዳካ አንጀታና።

10 ህግያ ኦሉዋን አማኒቲደ ደኢያዋንቱ ኡባይ ሸቃ ግደን ደኢና፤ እያወ ጎጥ፣ ጸሳ ማጻፋይ፣ “ህግያ ማጻፋን ጸፈቲዳ ኡባባን ደኢናዌነ ፖሊናዌ ኦንነ ሸቀቲዳዎ” ያገ።

11 ጸሳ ማጻፋይ፣ “ጸሳ ሰንገላን ጽላቲ አን አማኒቲደ ደኡዋን ደኢና”፣ ግያ ድራው፣ ኦንነ ጸሳ ሰንገላን ህግያ ናግያዋን ጽላናዌ ኤርቲዳዎ።

12 ህገ አማኑዋን ባሰት ኤቁቤና፤ ሽን ጸሳ ማጻፋይ፣ “ህገ ግያዎ ፖልያዌ አን ደኡዋን ደኢና” ያገ።

13 ጸሳ ማጻፋን፣ “ሞላ ቦላ ካቀት ሀይቁያ ኦንነ ሸቀቲዳዎ” ጌተት ጸፈቲዳ ድራው፣ ክርስቶስ ኑ ድራው ሸቀቲዳዎ ግዲደ፣ ኑና ህግያ ሸቃጥ ዋዝ እከዳ።

14 ክርስቶስ ሄዎ እያወ ኦሌዳ ጎጥ፣ ጸሳይ አማኖ ጎጥ፣ ገሻ አያና ኑን አማኑዋን አካናዳንነ አብራሃም አንጂ ባረ ባጋና አይሁዳ ግደና አሳ ጋካና ማላ ገደ ኦሌዳ።

#### ህገ ሀይታ ቃላ ኮላና

15 ታናዳን አማንያዋንቶ፣ ታን አሳይ ግያዋዳን ህንተንቶ ጋይ፤ ሀራይ አቶ ላኡ አሳቱ እት የወዋ ሃሳዪደ፣ ጫቁዎ ዋሌዳዋጥ ህን ባጋን፣ ኦንነ ሄ ጫቁዎ ብላናወ ዋይ ሀራባ ሄ ጫቁዎ ቦላ ጉጃናወ ዳንዳየና።

16 አብራሃምን አ ዛረ ጸሳይ ሰንገላጥ አማኖ ገደ ሃሳዪዳዎ ሰሲድና። ጸሳ ማጻፋይ ጮራ አሳወ ሃሳይያዋዳን፣ “ነ ዘርሳቶ” ጌና፤ ዋጊ ጎጥ፣ “ነ ዛረወ” ያገ። ሄዋን፣ እት አሳ ጸላላ ጌ፤ እካ ክርስቶስ።

2:16 ማዝ. 143:2፤ ሮሙ 3:20፣ 22 \* 3:7 አማንያዋንቱ አብራሃም ዛረ- ጸሳይ አብራሃም ደራዳ፤ ሄ ድራው ኦንነካ አብራሃም ናኣ ጌተቲዳዌ፣ ጸሳ ናኣ ግድያዌ አማኑቲዳ። 3:29 ጸልተ። 3:7 ሮሙ 4:16 3:8 ደመላ 12:3 † 3:11 ጸሳ ሰንገላን ጽላቲ አን አማኒቲደ ደኡዋን ደኢና- ጸሳይ እከዳ አሳይ አማኑዋጥ ደንዳዳዋን ደኡዋን ደኢ። 3:12 ዋጋ 18:5 3:13 ዛረ. 21:23 3:16 ደመላ 12:7

17 ታን ግያዌ ሀዋ፤ ጸሳይ ኦብራሃሞ ጫቂደ፤ ሀ ጫቁዋ ታን ናጋና ያጌዳ። ኦይዱ ጴጥላን ሀገሙ ላይላጥ ጉይያን ዬዳ ሙሴ ሀገ ጸሳይ ዋጴዳ ሀ ጫቁዋ ቆይሳናውን ሰንሳጥ እማና ገደ ሃሳዬዳዋ ድጋናው ዳንዳየና።

18 እያው ጎጥ፤ ጸሳይ እምያ ላታይ ሀግያን ቤትያዋ ግደጥ፤ ያትና ጸሳይ ሰንሳጥ እማና ገደ፤ ቃላ ገሌዳዋና ግደና ግያዋ፤ ሽን ጸሳይ እማና ገደ ቃላ ገሌዳዋን ላታ ኦብራሃሞ እሚዳ።

19 ያትና፤ ሀገ እያው ደኢ? ሀገ ባይዘ ኦሱዋ ግደናባይ እየንቶ በሳናው ጸሳይ እማና ገደ ሃሳዬዳ ኦብራሃሞ ዛሪ ያና ጋካናው ጉጅቴዳ፤ ኪታንቻ ባጋና ሙሴ ጋናትያዋን እመቴዳ።

20 ጋናይ እት ኡራ ጸላላሳ ግደና፤ ሽን ጸሳይ እቱዋ።

**ሀግያ ቆፋ**

21 ያትና፤ ጸሳይ ሰንሳጥ እማና ገደ ሃሳዬዳዋ፤ እት ሀገ፤ “ሀነና” ያጌ? አእ! ሄዋ ጌና። እያው ጎጥ፤ ሀገ አሳው ደኡዋ እማናው ዳንዳይያሳ ግደጥ፤ ጸሎተላይካ ቱሙ ሀግያ አዛዘትያዋጥ ቤቴ ግያዋ።

22 ሽን የሱሰ ክርሰቶሳ እማና፤ ጸሳይ ሰንሳጥ እማና ገደ ቃላ ገሌዳ ላከተላይ፤ እማንያዋንቶ እመታና ማላ፤ አሳይ ኡባይ ናጋራው ሞደቲደ ደእያዋ፤ ጸሳ ማጸፋይ ኦዴ።

23 ሽን ካሰ ሀ እማኑ ያናው፤ ሰንሳጥ ቆንጫና እማና ሀገ ኑና ቃሽቴዳ አሳዳን ጎርድ ዋጴዳ።

24 ሄዋ ድራው፤ ኑን እማኑዋን ጸላና ማላ፤ ክርሰቶሰ ያና ጋካናው ሀገ ኑና ናግያዋ ግደዳ።

25 ሽን ሀእ ሰሞ እማኑ ዬዳ ድራው፤ ሀገ ሀዋጥ ሰንሳጥ ኑና ናግያዋ ግደና።

26 ሀንተንቱ ኡባይ እማኑዋ ባጋና ክርሰቶሳ የሱሳን እቱዋ ግደዳ ጸሳ ናና።

27 እያው ጎጥ፤ ሀንተ ክርሰቶሳና እቱዋ ግደና ማላ ጸማቀቴዳ ኡባቴ ክርሰቶሳ ማዬድታ።

28 ሄዋ ድራው፤ እይሁዳ አሳ ግደንን ግሪኮ አሳ ግደን ዲማተላይ ባዋ፤ እይልያ ዋይ ዋማኑዋ ግደን ዲማተላይ ባዋ፤ እቱማዋ ዋይ ማጫ አሳ ግደን ዲማተላይ ባዋ። እያው ጎጥ፤ ሀንተንቱ ኡባይካ ክርሰቶሳ የሱሳን እት አሳ።

29 ሀንተንቱ ክርሰቶሳዋ ግደጥ፤ ሰሞ ሀንተንቱ ኦብራሃሞ ዛሪ፤ ቃይ ጸሳይ ሰንሳጥ እማና ገደ ቃላ ገሌዳዋ ላትያዋንታ።

**4**

**ኑን ጸሳ ናና ግድያዋ**

1 ሽን እኩክተ፤ ባረ ኣሱዋ ላትያ ናኦይ ናከተላን ደኢደ፤ ደእያዋ ኡባው ጎዳ ግደጥካ፤ እይላቴዋጥ አው ዲማትያሳይ ባዋ።

2 ሽን ባረ እቡ ጌዳ ዋዲ ሠራና ጋካናው፤ እ ሀደራ እኩዳዋንቱ ኩሽያንነ እ ማሻ ናግያዋንቱ ኩሽያን ደኢ።

3 ሀዋዳን ኑንካ ቃይ ናከተላን ደእያ ዋደ፤ ሀ አሳምያ ሞድያ አያናቶ እይላቴድ።

4 ሽን ያናው በሰያ ዋዲ ጋኩዳ ዋደ፤ ጸሳይ ማጫውንጥ የሉቶዋ፤ ሙሴ ሀገው ሞደትያ አሳ ጋርሳን የለቴዳዋ፤ ባረ ናኦ ከቴዳ።

5 እያው ከቴድ ጎጥ፤ ሀግያን ሞደቲደ ደእያዋንታ ዋዛናውን ኑና ባረ ናና አሳናው ከቴዳ።

6 ጸሳይ ሀንተ እ ናና ግድያ ድራው፤ “አባቦ፤ ታ አቦ” ገደ ዋሰያ ባረ ናኦ አያና፤ ኑ ዋዛና ግደ ከቴዳ።

7 ሄዋ ድራው፤ ሀዋጥ ሰንሳጥ ኑን ጸሳ ናኦ ግድያዋጥ እትን፤ እይለ ግዳካ፤ ቃይ ኑን እ ናኦ ግደጥ፤ ክርሰቶሳ ባጋና ጸሳይ ቃላ ገሌዳባ ላትያዋ።

**ጳውሎስ ጋላትያ አሳባ ሀርጌዳ**

8 ሽን ሀንተ ሀዋጥ ካሰ ጸሳ ኡሪናን ደኢደ፤ ቱሞ ግደና ጸሳቶ እይለ ግዲደ ኤኖ ጌድታ።

9 ሽን ሀእ ጸሳ ኡሪደ፤ ኡባካ ጸሳን ኡሪቲደ፤ ላፋን ቃይ ካሻቴዳ ሀ አያናቴዋኮ ዋኒደ ሰሚቴ? ሽረት ሰም፤ እይለ ግዲደ፤ ላኡንሱዋ አንቴንቶ ኤኖ ጋናው ከዩቴ?

10 ዲማቴዳ ጋላሳቱዋ፤ አገናቴዋ፤ ዋደቱዋን ላይላቴዋ ሀንተ ሎይል ናጉዋን እይላቴድታ።

11 ታና ሀንተባይ ያሸ፤ ታን ሀንተንቶ ጮ ጋደ መላ ዳቡራድታሻ?

12 ታናዳን እማንያዋንቶ፤ ታን ሀንተንቱዳን ሀኔዳ ድራው፤ “ሀንተንቱካ ታናዳን ሀንተ” ጋደ፤ ሀንተንታ ዋሳይ፤ ሀንተ ታና አይነ ናቂባይክታ።

13 ታን ኮይሮ ሀንተንቶ ሞሽራቹዋ ቃላ ኦዴዳዌ ታና ሀርግሰሽና ግድያዋ ሀንተ ኤሪታ።

14 ታው ገጸተላይ ቆዩደ፤ ሀንተንቶ ገጠጫ ግድናካ፤ ታና ካድባይክታ፤ ሽንትካበይክታ። ሄዋ ድራ ኡባ ታና ጸሳ ኪታንቻ ሞክያዋዳን፤ ዋይ ክርሰቶሳ የሱሳ ሞክያዋዳን ሞኪድታ።

3:17 ከሳ 12:40 ቆ 3:29 ኦብራሃሞ ዛሪ። ሀእ ኑን ኦብራሃሞ ጎላ አሳ። ሄዋሳ ጳውሎስ ጋላትያ አሳው ኦዲደ፤ እት አሳይ የሱሳ እማኑዳ እማኑዋን ኦብራሃሞው ቱሙ ናኦ ያገቲደ ጸገቴ። ሄዋ ጉሳይ ጸሳ ናኦ ጉሳ። 3:7 ጸልጥ።

15 ያትና፡ ሄኮ ህንተ ናሽትያዎ ቤተና! ታና ግድገ፡ ህንተንቶ ዳንዳየትያባ ግድና፡ ታዉ ህንተ ህንተንቱ አይፍያ ዎጭ እምንቶን እጸናዎ ማርካታይ።

16 ያትና ታን ህንተንቶ ቱሙዎ ኦድያ ድራዉ፡ ህንተ ዋርከ ግዳይታ?

17 ሀራ አሳቱ ህንተንቶ ቃረትያዎ ማላቲና፤ ሽን ኡንቱንቱ ቆፋይ ሎኤና፤ እያዉ ጎጥ፡ ህንተ ኡንቱንቶ ቃረታና ማላ፡ ታጥ ህንተንታ ሻካናዉ ኮጺና።

18 ሽን ታን ህንተ ማጎታ ደእያ ዎደ ጸላላን ግደናን፡ ኡባ ዎደካ ሎኡባን ህንተ ኮየትያዎንታ ግደጥ ሎኡ።

19 ታ ሲቆ ናቶ፡ ክርስቶሳ መጠታይ ህንተንቱን ቤታና ጋካናዉ፡ ማጫዉና ኦይላይ ሳክያ ከና፡ ታን ህንተ ድራዉ ሳከታይ።

20 ሽን ታን ህንተንቶ ሀርግያ ድራዉ፡ ሀእ ህንተ ማጎ ባደ ህንተንቱና ድናን ሃሳያንቶ፡ ዳሪ ዳሳይ።

**አጋርነ ሳር ሊምሱዎ**

21 ሙሴ ህግያን ሞድቲደ ደአናዉ ኮይያዎንቶ፡ ህጊ ግያዎ ሰሰክቱ? አነ ታዉ ኦድተ።

22 እያዉ ጎጥ፡ ጸሳ ማጸፋይ፡ “አብራሃዎ ዳንጋጽራትጥን ጎዳትጥ የለቴዳ ላኡ ናናይ ደኢና” ያጌ።

23 ሽን ዳንጋጽራት ናአይ አሳይ ናአ የልያ ማራዳንካ የለቴዳ፤ ቃይ ጎዳት ናአይ፡ ጸሳይ ሰንገላጥ አማና ጊደ ቃላ ገሌዳዎን የለቴዳ።

24 ሀ ላኡ ማጫዎንቱ ላኡ ጫቆ ግድያ ሊምሱ፡ ኡንቱንቱጥ እትና፡ ሙሴዉ ህጊ እመቴዳ ሲና ደርያጥ ጫቁ ዬዳዉና፡ ባረ ናና አይለተላዉ የላዱ፤ እዛካ አጋር።

25 ሀ አጋራ አራብያ ጌተትያ ጋድያን ደእያ ሲና ደርያን ሊምሰታዉ፤ ቃይካ ሀእ ደእያ የሩሳላመን ሊምሰታዉ፤ እያዉ ጎጥ፡ የሩሳላመ ካታማይ ባረ ግድን ደእያ አሳ ኡባና ሙሴ ህግያ አይለተላን ደኡ።

26 ሽን ሳሉዎን ደእያ የሩሳላመ አይለተላን ደኡኩ፤ እዛ ኑዉ አቶ ግዴዳ ሳር።

27 እያዉ ጎጥ፡ ጸሳ ማጸፋይ፡

“ሀኔ፡ የላቤና ማንላቴ፡ ናሽታ፤  
የሉዎ ኦይላይ ኦይቁ ኡረናዉኔ፡  
ነ ኮሻ ጾቁ ኦላደ አልላ!  
እያዉ ጎጥ፡ ባረ አሰናና  
ደእያ ማጫዉንጥ፡  
ባረካ ደእያ ማጫዉንዉ  
ጮራ ናናይ ደአና”

ያጌ።

28 ታናዳን አማንያዎንቶ፡ ኑንካ ሳር ናአ ይሳቃዳን፡ ጸሳይ ሰንገላጥ አማና ጊደ ቃላ ገሌዳ ናና።

29 ሽን ሄ ዎደ አሳ ማራዳን የለቴዳዎ፡ ጸሳ እያናይ ጌዳዎዳን የለቴዳዎ የደርሰ ድንዎዳን፡ ሀእካ ሄዎ ማላ።

30 ሽን ጸሳ ማጸፋይ ዎጊ? “ዳንጋጽራት ናአይ ጎዳት ናአና እትጥ ላተና ድራዉ፡ ዳንጋጽራቶ እዝ ናአና እትጥ ከሳ የዳ” ያጌ።

31 ሄዎ ድራዉ፡ ታናዳን አማንያዎንቶ፡ ኑን ጎዳት ናና ግድያዎጥ እትን፡ ዳንጋጽራት ናና ግደኮ።

**5**

**ክርስቶሳን አይለተላጥ ከሱሳ**

1 ኑን አይለተላይ ባይናን፡ ደአና ማላ፡ ክርስቶሰ ኑና አይለተላጥ ከሱዳ፤ ሰም ምኒደ ኤቂተ፤ ላኡንሱዎ አይለተላ ዋርገ ምሳን ዎጸቶጥተ።

2 ሰሰተ፡ ታን ጳዉሎስ፡ ህንተንታ ያጋይ፤ ህንተ ቃጸረትያዎ ግድገ፡ ክርስቶሰ ህንተንታ እይነ ማደና።

3 ቃጸረትያ ኡባቱ ህጊ ግያዎ ኡባ ፖሊደ ናጋናዉ በሰያዎ ጉጃይ ቆሷላይ።

4 ህግያ ናጊደ ጽላናዉ ኮይያዎንቶ፡ ክርስቶሳጥ ሻከቴድታ፤ ጸሳ እጾ ከካተላጥካ ኩንዴድታ።

5 ኑና ግድገ፡ ኑን ጸሳ እያና ባጋና አማኑዎን ጽላናዉ ናሽቻን ናጌቶ።

6 እያዉ ጎጥ፡ ኑን ክርስቶሰ የሱሳና እትጥ ደአጥ፡ ሲቁዎን ኦልያ አማኑዎጥ እትን፡ ቃጸረትናካ፡ ቃጸረተናን እግናካ ኑና እይነ ማደና።

7 ካሰ ሎኦ ዎጸታ፤ ሽን ቱማተላዉ ህንተ ኤኖ ጌና ማላ፡ ኦኔ ህንተንታ ድጌዳዎ?

8 ሀ ጭሙ ህንተንታ ጸሴዳ ጸሳጥ ይቤና።

9 እሳይ ግያዋዳን፣ ጉላ እርሹ ሙናቃ ኡባ ደንሏ።

10 ህንተንቱ ሀራባ ቆጥርዋ ታን ጸሳን አማነታይ፤ ሽን ህንተንታ መትያ ኡራይ እና ግደጥ፤ ጸሳጥ ባረ ፕርዳ እካናቀ።

11 ሽን ታናዳን አማንያዋንቶ፣ ታን ሀዋ ጋካናዉ ቃጸራይ ከሸያዋ እድያዋ ግደጥ፣ ታና እያዉ የደርሲና? ሄዋ ቱማ ግደጥ፣ ታን ክርስቶሳ ማስቃልያባ ታማርሲና እይነ መትያባይ ባዋ።

12 ህንተንታ መቶልያዋንቱ ባረንታ ባረንቶካ ጎይሬርክኖሻ!

13 ህንተንታ ግደጥ፣ ታናዳን አማንያዋንቶ፣ እይለተላጥ ከሳናዉ ጸሴቲድታ። ግደጥካ እይለተላጥ ህንተ ከሴዳዋን፣ ህንተ አሳተላ አሙ ህንተንታ ሞዶ። ሄዋ ድራ ሲቁዋን እቱ እቶ ሞደትተ።

14 እያዉ ጎጥ፣ ህጊ ኡባይ እት ሃሳያን ቃሸቲዳ፤ እካ፣ “ነ ሾሩዋ ነ ሁጲያዳን ሲቃ” ያግያዋ።

15 ሽን ህንተ እቱ እቱዋና ሳኤትያዋን ሚተትያዋ ግደጥ፣ ህንተ ህንተ ግደን ዉረና ማላ ናገትተ።

**እያናነ አሹዋ**

16 ሽን ሰሰተ፤ ጸሳ እያናይ ህንተንታ ካለልያዋ ግደጥ፣ ህንተ አሹዋ አሙዋ ሙለካ ፖልክታ።

17 እያዉ ጎጥ፣ ኑ አሹ አሞትያዋ ጌሻ እያናይ እጹ፤ ቃይ ጌሻ እያናይ አሞትያዋ ኑ አሹ እጹ፤ ሀዋንቱ እቱ እቱዋና እጸቲና። ሄዋ ድራዉ፣ ህንተ ደሲያዋ ኦላናዉ ዳንዳይክታ።

18 ሽን ጸሳ እያናይ ህንተንታ ካለልያዋ ግደጥ፣ ሙሴ ህጊ ህንተንታ ሞደና።

19 አሹዋ ኦሱ ኤረቲዳዋ፤ እካ እይ ጎጥ፣ ዋሹምያዋ፣ ቱናተላ፣ እጴዳ ቱናተላ ኦሱዋ።

20 ኤቃዉ ጎይንያዋ፣ ብትያዋ፣ ሞርከተላ፣ ፓሉማ፣ ቃናትያዋ፣ ሀንቁዋ፣ ባረና ደሲያዋ፣ ዋላቀትያዋ፣ እቱ እቱዋጥ ሻከትያዋ።

21 አሳዋ አሞትያዋ፣ ማሶትያዋ፣ የላንቻ ግድያዋን ሀዋንታ ማላትያዋንታ። ካሰካ ታን ህንተንቶ ኡዴዳዋዳን፣ ሀዋንታ ማላትያዋንታ ኦልያዋንቶ ጸሳ ካዉተላን ገልያሳይ ባዋ።

22 ሽን ጌሻ እያና እይፊ፣ ሲቁዋ፣ ናሸቻ፣ ሳርተላ፣ ዳንዳያ፣ ኬካተላ፣ ሎኦተላ፣ አማነትያዋ።

23 አሸከተላ፣ ባረ ሁጲያ ናግያዋ። ሄዋንታ ማላትያዋንታ ድግያ ህጊ ባዋ።

24 ክርስቶሳ የሱሳባ ግድያዋንቱ ባረንቱ አሳተላ አ ኤታ ቆፋናነ አ አሙዋና እትጥ ማስቃልያ ቦላን ምስማርያን ድቪደ ካቄድና።

25 ኑዉ ጌሻ እያናይ ደኤዋ አሞዋጥ ጉይያን፣ ኑና ቃይ እ ካለሉ።

26 እነ ኦቶረትያዋ፣ ዋይ እቱ እቱዋ ሀንቁልያዋ፣ ዋይ እቱ እቱዋ ቃናትያዋ አጎይተ።

**6**

**እቱ እቱዋና ማደትያዋ**

1 ታናዳን አማንያዋንቶ፣ ህንተናን ጌሻ እያናን ደእያዋንቱ እት ኡራይ እይ ባይዘዋ ኦሊደ፣ ቤቶጥካ፣ አሸከተላ እያናን አ ሱርሰተ፤ ቃይ ህንተ ፓጨተና ማላ፣ ህንተ ሁጲያ ናግተ።

2 እቱ እቱዋ ቶኩዋ ቶከተ፤ ሄዋ ኦልያዋን ክርስቶሳ ሀገዉ አዛዘቲታ።

3 እያዉ ጎጥ፣ እት ኡራይ እይነ ሀነናን ደኤደ፣ እትባ እ ሀይዳዋ አዉ ማላቶጥ፣ ባረ ሁጲያ ጭሚ።

4 ሽን አሳይ ኡባይ ሁጲያን ሁጲያን ባረ ኦሱዋ ፓጮ፤ ሄዋጥ ጉይያን፣ ሀራ አሳዋና ልክናን፣ ባረ ሁጲ ኦሱዋ ጸላላን አማነትያዋ ደማና።

5 እያዉ ጎጥ፣ አሳይ ኡባይ ሁጲያን ሁጲያን ባረጥ ናገትያዋ ኦላና ባሲ።

6 ሽን ጸሳ ቃላ ታማርያዋ ባረዉ ደእያ ሎኦባ ኡባ ባረና ታማርሲያዋና ሻኩ።

7 ህንተንታ ህንተረካ ጭሞጥተ። ኦንነ ጸሳ ቦላ ቅለጫናዉ ዳንዳየና፤ እያዉ ጎጥ፣ አሳይ ባረ ዘርያዋ ዛረኤደ ቆይጫና።

8 ባረ አሹዋ አሙዋን ዘርያዋ ግደጥ፣ አሹዋ አሙዋጥ ሀይቁዋ ቆይጫና። ሽን ጸሳ እያናን ዘርያዋ ግደጥ፣ ጸሳ እያናጥ መድና ደኤዋ ቆይጫና።

9 እነ ሎኦ ኦሱዋ ኦላናዉ ምናይተ። እያዉ ጎጥ፣ ኑን ምን ኦላጥ፣ ቆይጫያ ዋደ ሰንላጥ ያናዋ።

10 ሄዋ ግደጥ ሀ ኦላናዉ ኦን ዳንዳይያዋን፣ አሳ ኡባዉ ሎኦባ ኦላይተ፤ ሽን ኡባጥ አሊደ፣ ኑናና አማኑዋን ደእያዋንቶ ሎኦባ ኦላይተ።

**ዉርስላ ዘርያን ሳርታ**

11 ታን ታ ኩሸያን፣ እይ ማላ ዋልቃማ ፕደላቱዋን፣ ሀዋ ህንተንቶ ጸፋድታንቶ በእተ።

12 አሳ ሰንላን ሎኤደ ቤታናዉ ኮይያ ኡባቱ፣ ህንተ ቃጸረታና ማላ ኮጲና፤ ሽን ሄዋ ኡንቲንቱ ኦልያዋ ባረንቶ ክርስቶሳ ማስቃልያ ድራዉ የደርሰተናን አታና ጸላላሳ።

13 እያዉ ጎጥ፣ ኡንቲንቱ ህንተ ቃጸረቲዳዋን ጨቀታናዉ ህንተንታ ቃጸረትኖ ጊኖጥ አትን፣ ሀራይ አቶ ቃጸረቲዳዋንቲካ ባረንቱ ሁጲዉ ሙሴ ህግያ ናግከና።

14 ሸን አላሚ ታዉ ካቀትና፥ ታንካ አላመዉ ካቀቲዳ የሱስ ክርስቶሳ ማስቃልያፕ አትን፥ ታን ጨቀትያባይ ሀራባይ ታፕ ሃኮ።

15 እያዉ ጎፕ፥ ክርስቶስ የሱሳን ኦራላ መታ ግድያዌ ማዴፕ አትን፥ ቃጸረትናካ ቃጸረተናን አግናካ እይነ ማደና።

16 ሀ ዎጋን ሀመትያ ኡባቱዋ ቦላንነ ጸሳ እሳ ኡባ ቦላ፥ ሳሮተላይነ ማሮተላይ ግድ።

17 ታን የሱሳዉ ማይቲዳ ማላ ታ ቦላን ቶኬዳ ድራዉ፥ ሀዋፕ ሰንሳዉ እት አሳይካ ታና መቶላፖ።

18 ታናዳን አማንያዋንቶ፥ ኑ ጎዳ የሱስ ክርስቶሳ እጾ ኬካተላይ ህንተንቴና ግድ። አመንእ።

**ጳውሎስ  
ኤፌሶና አሳጤ  
ጻፈዱ ኪታ  
ገሉጥ**

ጳውሎስ ኤፌሶናን ደለያ አሳጤ ጻፈዱ ኪታን ኡባባፕ አሲደ እ ጸሌዳዎ፣ “ጸሳ ቆፋ ኦሱዋን ፔሻናዎ ሳሉዋንን ሳኣን ደለያባይ ኡባይ እትፕ ሸቆደ፣ እት ክርሰቶሳ ማታ ጋርሳን እቅያ ዎዲ ጋካና” ያግያ ቆፋ (1:10)። ሃዎ ቦላንካ ጉጃይ የሱስ ክርሰቶሳና እትፕ ግዲደ፣ እሳ ዛርያ ኡባይ እቱዋ ግዳና ማላ፣ ሀ ዎልቃማ ቆፋ ኦሱዋን ፔሻናዳን ጸሳ እሳ ሀሳይሴ።

ኤፌሶና ኪታይ ኮይሮ ሳን ጻፊ እትፕተሳዋ ጸፋናጤ ደሜዳዋ አሲደ፣ ጸሳይ አጤ ባረ እሳ ዎት ዶሬይንቶ፣ ኤንቱንቱካ እ ናኣ፣ የሱስ ክርሰቶሳን ባረንቴ ናጋራፕ ማረቲደ፣ ዋን ላእ ከሴይንቶን ጸሳ ዎልቃማ ህደታ ቃላይ ጌሻ እያና ባጋና ዎት ኤረቲደንቶ ኦዴ። ላኤንሰያ ሻኩዋን ቃይ ጻፊ ሀ ኪታ ናባብያዋንቱ ባረንቴ እትፕተሳ ደኡዋን ክርሰቶሳን ኤንቱንቶ ደለያ እትፕተሳይ ቱማ ግዳና ማላ ኤንቱንቱ ዋኒደ ደአናጤ በሰንቶ ቆፍሴ።

አሳይ ክርሰቶሳን ደለያ እትፕተሳን ዋኒደ ደአናጤ ዳንዳይንቶ ዲማ ዲማ ሂላ ሃሳያን ቆንጩዳ። አማንያ አሳይ እት አሳተላ ለምሱዋ ግድያ ዎደ፣ ክርሰቶሰ ሂ አሳተላጤ ሁጲያ ግዴ። አማንያ አሳይ ግምቢያ ጎልያን ለምሰትያ ዎደ፣ ክርሰቶሰ ሂ ግምቢያ ጎለጤ ጎዳ ጸጸዋ ምንሰያ ዋና ሹቻ ግዴ። አማንያ አሳይ ማቻያዳን ለምሰትያ ዎደ፣ ክርሰቶሰ አሰናዳን ግዴ። ጸፍያዎ ክርሰቶሳ ባጋና ቆንጩዳ ጸሳ እቶ ኪካተላ ዳር ዶቁስ ናሽ ሃሳዪደ፣ ጩማቴዳ ቆፋ ሺሼ። እ ኡባባካ ክርሰቶሳ ሰቁዋን፣ እ ያርሸቶዋን፣ እ ማርተሳን፣ እ እቶ ኪካተላን እ ሳርተላ ባጋና ጸሌ።

**ሸምፓቲዋ ኡባቶ አሙቴዳ ቃንሳ ቆፋቲዋ**

ገሉጥ 1:1-2

ክርሰቶሳን አማንያ አሳ 1:3—3:21

ክርሰቶሳን ቤትያ ኦራላ ደኡዋ 4:1—6:20

ጤርሰላ ቁትያ 6:21-24

1 ታን ጸሳ ሸንያን ክርሰቶሰ የሱስ ኪቴዳ ጳውሎስ፣ ኤፌሶናን ደለያ ጸሳ ናናጤ ቃይ ክርሰቶሳ የሱሳጤ አማንቲደ ደለያዋንቶ ሀ ዳብዳቢያ ጸፋይ።

2 ጸሳ ኦ አጤዋፕን ጎዳ የሱስ ክርሰቶሳፕ እቶ ኪካተላይን ሳርተላይ ህንተንቶ ግዴ።

**ክርሰቶሳፕ ቤትያ እያና እንጃዋ**

3 እያና እንጃዋ ኡባን ክርሰቶሳ ባጋና ቦላ ሳሉዋን ኦና እንጃዳ ጸሳ፣ ኦ ጎዳ የሱስ ክርሰቶሳ አጤዋ፣ ኦን ጋሳቴቶ።

4 ኦን እ ሰንሳን ጌሻቲዋን ፖኩ ባይናዋንታ ግዳና ማላ፣ ጸሳይ ኦና ሳእይ ሙጋታናፕ ካስ፣ ክርሰቶሳ ባጋና ባረ ሰቁዋን ደሬዳ።

5 ጸሳይ ባረ ሸንያን ባረ ዶሴዳዋዳን፣ የሱስ ክርሰቶሳ ባጋና ኦና ባረ ናናቲዋ ኦላናጤ ካስቲደ ቆፕ ዎሌዳ።

6 ጸሳይ ባረ ሰቆያ ናኣ ባጋና ኦጤ ጮ አሜዳ እቶ ኪካተላ ቦንቼዋ ድራጤ፣ ኦፕ ጋላታ አካናጤ ሃዋ ኦሌዳ።

7 ኦን ጸሳ እቶ ኪካተላ ዳርዋዳን፣ ክርሰቶሳ ሱላን ዎዘቲደ፤ ሃዋን ጸሳይ ኦ ናጋራ ኦቶ ጌዳ።

8 ጸሳይ ባረ አሌዳ ኤራተላ ኡባንን ባረ ዎዛና ቆፋ ኡባን ባረ እቶ ኪካተላ ኦጤ ዳርሲደ አሜዳ።

9 እያጤ ሳፕ፣ ጸሳይ ባረ ቆፔዳዋ ኦሌዳ፤ ቃይ ክርሰቶሳ ባጋና ፖላናጤ ቆፕ ዎሌዳ ጸራ የጤዋ ኦና ኤርሴዳ።

10 ጸሳይ ዎድያ ጤርሰላይ ጋክያ ዎደ ፖላናጤ ቆፔዳ ቆፋይ ክርሰቶሳ ዋና ኦሌዳ፣ ሳሉዋንን ሳኣን ደለያ ሙጋታ ኡባ እትፕ እን ሸሻናዋ።

11 ኡባባይ ጸሳ ቆፋዳንን እ ጌዳዋዳን ሀኔዳ፤ ጸሳይ ካስቲደ ቆፕ ዎሌዳዋዳን፣ ክርሰቶሳ ባጋና ኦን አዋንታ ግዳናዳን፣ ኦና ደሬዳ።

12 ኦን ካስቲደ፣ ክርሰቶሳ ባጋና አካና ጊደ ናሽቻን ናግያዋንቱ፣ ጸሳ ቦንቼዋ ጋሳቴቶ።

13 ህንተጤካ ቃይ ሃዋዳን ሀኔዳ፤ ቱሙ ኪታ፣ ህንተንቶ አቶተላ እሂዳ ምሽራቹዋ ቃላ፣ ህንተ ሰሴዳ ዎደ ክርሰቶሳ አማኔድታ፣ ጸሳይ ህንተንቶ አማና ጌዳ ጌሻ እያና ባጋና፣ ህንተ አዋ ግድያዋ ኤርሲያ ማታፋ ህንተ ቦላ ዎሌዳ።

14 ጸሳይ ባረ አሳጤ አማና ጌዳዋ ኦን ላታና ጋካናጤ፣ ጌሻ እያና ዋሰተላ ኦይቄዳ። ሃዎ ቃይ እ ቦንቾ፣ ጋላታ ግዳናዋ።



ጳውሎስ ኤፌሶና አሳው ዋሴጳ

- 15 ሄዋ ድራው፡ ጎዳ የሱሳ ህንተ አማንያዋን ጌሻቱዋ ኡባ ህንተ ሰቅያዋ ታን ሰሶደፕ ደማደ፡
- 16 ህንተንቶ ጳሳ ጋላትያዋ አጋበይከ፤ ጳሳ ዋሳደ ህንተወካ ዋሳይ።
- 17 ቃይ ጎዳ የሱሰ ክርስቶሳ ጳሳይ፡ ቦንቹዋ እው፡ ጳሳ ህንተ ኤራናዳን፤ ህንተና አይዳ ኤራንቻ ኦላያ ቃይ ጳሳ ህንተንቶ ቆንጭሰያ ገሻ እያና ህንተንቶ አማናዳን፤ ታን ዋሳይ።
- 18 ጳሳይ ህንተ አካና ገደ፡ ናሽቻን ናግ ኡቴዳዋ ህንተና ጸሴዳዋን እ ባረ አሳው አማና ግያ እንጂ እይ ከና ጭረንቶ ህንተ ኤራናዳን፤ ጳሳይ ህንተ ዋዛና ደይና፡ አ ፖኤዋ ህንተ በአናዳን፤ ታን ጳሳ ዋሳይ።
- 19-20 ቃይ እ አማንያ ኑናን አ ዋልቃይ ሎይሳ ኦሌ። ሀ ኑናን ደእያ ዋልቃይን ሀይቁዋፕ ክርስቶሳ ደንሊደ፡ ሳሉዋ ሳእን ጳሳፕ ኡሸቻ ባጋና \* ኡትሴዳ ዋልቃማ ዋልቃይ እቱዋ።
- 21 ክርስቶስ ሳሉዋ ሰንሳቱዋፕ፡ ጎዳተሳይ ደእያዋንቱፕ፡ ዋልቃማቱዋፕን ጎዳቱዋ ኡባፕ ቦላ ግዲደ ሞዴ፤ እ ሀእ ደእያ የለታ ጳሳላን ግድናን፤ ሰንሳፕ ያና የለታንካ ሀራ ሰንሳተላ ኡባፕ ቶቁ።
- 22 ጳሳይ ኡባፕ ክርስቶሳ ገድያፕ ጋርሳን ሞድሲደ፡ ቃይ ጳሳይ እ ኡባባን ኡባፕ ቦላና ጎዳ ግዳናዳን፤ ዋሳ ጎሊወ አ እሜዳ።
- 23 ዋሳ ጎሊ ክርስቶሳ አሳተላ፤ ዋሳ ጎሊ ክርስቶስ ኡባ ሳን ኡባፕ ኩንሳያ አ ፖሉዋ።

## 2

ክርስቶሳን ሀይቁዋፕ ደእ ፕንያዋ

- 1 ህንተ አዛዘተናን እጼዳ ድራውን ህንተ ናጋራ ድራው፡ ካሰ ዋድያን እያና ሀይቁዋ ሀይቁድታ።
- 2 ሄ ዋደ ህንተ ሀ አላምያ የለታ ኢጎ ኦግያ ሀመቴድታ፤ ጫርኩዋ ግደን ደእያ ዋልቃማ እያናቱዋ ካፖ ቃይ ጳሳው አዛዘተና አሳ ሀእ ሞድያ እያናው አዛዘቴድታ።
- 3 ኑንካ ቃይ ኡባይ ሄ አሳ ማላ፤ ቃይ ኑን ኑ አሽዋ አሙዋዳን ደኤደ፤ ኑ አሽነ ኑ ዋዛናይ ኮፎዳዋ ኦሌደ። ኑንካ ሀራቱዋዳን፤ ኑ መፍታን ጳሳ ሀንቁዋ አካናው ደኤቶ።
- 4 ሽን ጳሳ ማርተሳይ ዳራ ግድያ ድራው፡ ባረ ሰቁዋ ዳናዋዳን፤
- 5 ኑን እው አዛዘተናን እጸደ፡ ሀራይ እቶ እያናን ሀይቁዳዋንታ ግድናካ፡ እ ክርስቶሳና ኑወ ደኡዋ እሜዳ። ጳሳ አይ ከካተላን ህንተ አቴድታ።
- 6 ኑን ክርስቶስ የሱሳና ሳሉዋን ሳእን ሞዳናዳን፤ ጳሳይ ኑና አናና እትፕ ሀይቁዋፕ ደንሊደ።
- 7 እ ሰንሳፕ ያና ዋድያን፤ ኑወ ክርስቶስ የሱሳን ደእያ ከካተላን፤ ኡባፕ እድያ ባረ እይ ከካተላ ቶቃተላ በሳናው ሄዋ ኦሌዳ።
- 8 እያው ጎፕ፡ ህንተ ጳሳ አይ ከካተላን፤ አማኑዋን እቴድታ፤ ሀዌ ጳሳ አሙዋፕ እትን፤ ህንተ ኦሱዋና ግድና።
- 9 ህንተ ዳቡራን ቤትቤና ድራው፡ ህንተ ጩቅትያባይ እያይን ባዋ።
- 10 እያው ጎፕ፡ ኑን ጳሳ መፍታ፤ እ ኑወ ካሰቲደ ጊግሰ ዋሌዳ ሎኦ ኦሱዋ ኑን ኦላናዳን፤ ክርስቶስ የሱሳ ባጋና ኑና መጴዳ።

ክርስቶሳን ቤትያ እትፕተላ

- 11 ሄዋ ድራው፡ ህንተና ዛርያን እይሁዳ ግድና አሳቶ፡ ባረንቱ አሳተላ ቦላ ከሸያን ኦስቴዳዋን፤ ባረና ቃጸረቴዳዋንታ ግያ እይሁዳቱ፤ ቃጸረትቤናዋንታ ገደ ጸሴያዋንቶ፤ ህንተ ካሰ ኦንንቶ እኪከተ።
- 12 ሄ ዋደ ህንተ ክርስቶሳፕ ሻከቴድታ፤ እማላ ግዲደ፡ አሰራኤልያ አሳፕ ሃኪደ ደኤድታ፤ ጳሳይ ባረ አሳው አማና ገደ ጫቁዋ ጫቁዋፕ እይን ደምበይክታ፤ ሀ ሳእ ቦላ ህንተ ደማና ገደ፤ ናሽቻን ናግ ኡቴዳዋ ደመናንን ቃይ ጳሳይ ባይናን ደኤድታ።
- 13 ሽን ህንተ ካሰ ሃኪደ ደእያዋንቱ ሀእ ክርስቶሳ የሱሳና ደኤደ፡ ክርስቶሳ ሀይቁዋን ማታ ሸቁድታ።
- 14 እያው ጎፕ፡ ክርስቶስ እይሁዳ አሳን እይሁዳ ግድና አሳ እቱዋ ኦሌደ፡ ኑወ ሳርተላ አሄዳ። ኡንቱንቱ ላኡዋ ሻኪደ፡ ሞርከ ኦሳ ዋሌዳ ሞርከተላ ጎዳ ባረ አሳተላን ኮል የጌዳ።
- 15 እ ባረ ሁጳው ሀ ላኡ ዛራቱዋፕ እት ኦራላ አሳ መጲደ ሳርተላ ዋላናው፡ እይሁዳ አሳቱዋ ሀግያ እ አዛዘቱዋን ዋጋቱዋና እትፕ ጳይሴዳ።
- 16 ክርስቶስ ማሰቃልያ ቦላ ምሰማርያን ድሸቲደ ሀይቁዳ ባረ ሀይቁዋን ሞርከተላ ጳይሴዳ፤ ቃይ ማሰቃልያ ባጋና ላኡ ዛራቱዋን እት አሳ ኦሳ ሰገሊደ፡ ጳሳኮ አሄዳ።
- 17 ክርስቶስ ዪደ፡ ጳሳፕ ሃኪደ ደእያ ህንተንቶ እይሁዳ ግድናዋንቶን፤ እ ማታን ደእያ እይሁዳቶ ኡባው፡ ሞሽራቹዋ ቃላ ሳርተላ ኦዴዳ።

\* 1:19-20 ኡሸቻ ባጋ- ዋልቃን ቦንቹዋ ሳእ። 1:19-20 ማዚ. 110:1 1:22 ማዚ. 8:6 1:22 ቆል. 1:18 2:17 ኢሳ. 57:19

- 18 እያው ጎጥ፣ ኑን ኡባይ፣ አይሁዳቲክ አይሁዳ ግደናዋንቴካ፣ እት ጌሻ አያናን ክርስቶስ ባጋና አወዋ ሰንሳ ሺቃናው ዳንዳዬቶ።
- 19 ስም ህንተ አይሁዳ ግደና አሳቱ ሀዋጥ ሰንሳው አላጋ ዎይ እማላ ግድክታ፤ ሀእ ህንተነ ጌሻቱ እት ቢታ አሳ፤ ቃይ ዳሳው ህንተ ሰይ አሳ።
- 20 የሱስ ኪቴዳዋንቴነ ትምቢትያ ኦድያዋንቴ ባሴዳ ባሱዋ ቦላ ህንተካ ኪዳቴድታ፤ ጎዳ ጸጸዋ ምንሰያ ዋና ሹቻይ ክርስቶስ የሱሳ።
- 21 እ ጎልያ ኡባ እትጥ ሺሽ ኦይቂድ፣ ዳሳ ባጋና ጌሻ፣ ዳሳ ጌሻ ጎላ ግዳና ማላ ድቼ።
- 22 ህንተ ቃይ ዳሳይ ባረ አያናን ደእያ ጎልያ ግዳናው፣ ሀራቱዋ ኡባና እትጥ ክርስቶስን ኪዳቲታ።

### 3

#### ጳውሎስ አማካኝ አሳው ኦሌዳ ኦሱዋ

- 1 ሄዋ ድራው፣ ህንተኖ አይሁዳ ግደና አሳቶ፣ ታን ጳውሎስ ህንተ ድራው ክርስቶስ የሱሳ ቃሾ አሳ ግዳዳዌ፣ ዳሳ ዋሳይ።
- 2 ዳሳይ ባረ እቶ ኪካተላን፣ ታን ህንተና ማዳናዳን፣ ሀ ኦሱዋ ታው እሜዳዋ ህንተ ሎይስ ስሴድታ።
- 3 ዳሳይ ባረ ጸራ ቆፋ ታው ቆንጭሲደ፣ ታና ኤርሴዳ፤ ታን ሄዋ ቃንላን ጸፋድ።
- 4 ቃይ ታን ጸፊዳዋ ህንተ ናባብያ ዋደ፣ ክርስቶስ ጸራ ታን ዎታ አኪካድታንቶነ ኤራናው ዳንዳዬታ።
- 5 በን ዎደ አሳይ ሄ ጸራ የወዋ ሰሰቤና፤ ሸን ዳሳይ ሄዋ የሱስ ኪቴዳ ዳሳ ናናቶነ ትምቢትያ ኦድያዋንቶ፣ ጌሻ አያናን ሀእ ቆንጭሴዳ።
- 6 ጸራ የው ሀዋ፤ አይሁዳ ግደና አሳይ ምንጋላ ባጋና፣ ዳሳ አንጀዋ አይሁዳቲዋና እትጥ ላቲኖ፤ አንቱንቱ እት አሳተላን ሻከተናን ደእኖ፤ ቃይ ክርስቶስ የሱሳ ባጋና ዳሳይ እማና ጌዳዋ አይሁዳቲዋና ሻኪኖ።
- 7 ዳሳይ ባረ ኦሱዋ ዋልቃ ባጋና ታው እሜዳ እቶ ኪካተላን ታን ሀ ምንጋላው ቆማ ግዳድ።
- 8 ታን ጌሻቱዋ ኡባ ግደን ላፍያዋ ግደጥካ፣ አይሁዳ ግደና አሳው ዛዋይ ባይና ክርስቶስ ዲረተላ ምሽራቹዋ ቃላ ኦድያ ሀ ካጫ ዳሳይ ታው እሜዳ።
- 9-10 ቃይ ታን ሄዋን ዳሳ ጸራ ቆፋ አሳ ኡባው ቆንጭሳ ኦዳና፤ ኡባ ማዴዳ ዳሳይ ባረ ጸራ የወዋ በን ዎደ ገንስ ዋሌዳ። ዳሳይ ሀእ ሄዋ ዋሳ ጎልያ ባጋና ሳሉዋ ሳእን ደእያ ካጋቶነ ጎዳተላይ ደእያዋንቶ ዛዋይ ባይና ባረ አዴዳ ኤራተላ ቆንጭሳናው ኦሌዳ።
- 11 ዳሳይ ሄዋ ኑ ጎዳ ክርስቶስ የሱሳ ባጋና እ ፖሌዳ ባረ ሙድና ቆፋዳን ኦሌዳ።
- 12 ኑን ክርስቶስ የሱሳና እትጥ ግዴደ፣ አ አማንያ አማኑዋን አማኑቲደ፣ አይነ ያየናን ዳሳ ሰንሳ ሸቃናው ዳንዳዬቶ።
- 13 ሄዋ ድራው፣ ታን ህንተዋን ሙቶትያዋን ህንተ ሀርገና ማላ፣ ህንተና ዋሳይ፤ እያው ጎጥ፣ ታን ህንተ ቦንቾ ሙቶታይ።

#### ክርስቶስ ሲቁዋ

- 14-15 ሄዋ ድራው፣ ታን ሳሉዋን ሳእን ደእያ አማንያ ጎልያ አሳይ ኡባይ አጥ ዬዳ \* ዳሳ ሰንሳን ጉልባታይ።
- 16-17 ዳሳይ ባረ ቦንቹዋ ዳረዋዳን፣ ባረ ጌሻ አያናን፣ ህንተንቶ ህንተ ጋርሳ አሳተላን ህንተ ምንያ ዋልቃ እማናዳን፣ ቃይ አማኑዋ ባጋና ክርስቶስ ህንተ ዋዛና ባረ ጎልያ ሙቆናዳን፣ ታን ዳሳ ዋሳይ፤ ቃይካ ህንተ ጸጸዋ የዲደ፣ ቶከቲደ ሲቁዋን ምናናዳን፣ ዳሳ ዋሳይ።
- 18 ቃይ ጌሻቱዋ ኡባና ክርስቶስ ሲቁ እይ ኬና አከንቶ፣ አዲሰንቶ፣ ቶቀንቶነ ጨመንቶ † ኤርያ ዋልቃ ህንተንቱ ደማናዳን፣ ታን ዳሳ ዋሳይ።
- 19 ኤራተላጥ አዴያ ክርስቶስ ሲቁዋ ህንተ ኤራናዳን ስቃይ ዳሳዋ ግድያ ኡባባን ህንተ ፖል ኩማናዳን፣ ታን ዳሳ ዋሳይ።
- 20-21 ስም ኑ ግደን ኦልያ ባረ ዋልቃ ባጋና ኑን ዋሰያዋ ዎይ ቆጥያዋ ኡባጥ ሎይስ ዳርሰ አሳናው ዳንዳይያ ዳሳው፣ ዋሳ ጎልያን ክርስቶስ የሱሳን ኡባ ዎደ ሙድናጥ ሙድና ጋካናው ቦንቹ ግዴ። አመንእ።

### 4

#### ቦላ እትጥተላ

\* 3:14-15 አጥ ዬዳ፦ አጥ ደንዳዋን፣ እቱዋ እቱዋ ሀጺያን ሀጺያን ኤርያዋ። † 3:18 አከንቶ፣ አዲሰንቶ፣ ቶቀንቶነ ጨመንቶ፦ ሀዌ በሰያዌ ሳሉዋን ደእያ የራሳላዋ ዎይ ዳሳ ሲቁዋ ዎይ ዳሳ እቶ ኤራ ዎይ የሱሳ ማስቃልያው ደእያ ብላላ።

1 ሃዋ ድራሬ፡ ታን ጎዳዉ ኦሎስ ድራሬ ቃሽቴዳዌ ጸሳይ ህንተና ጸሴዳ ጸሳዉ በሰያ ደኡዋ ህንተ ደእናዳን፤ ታን ህንተና ዋሳይ።

2 ኡባ ዋደ ህንተ ህንተ ሁጲያ ካወሽያዋንታ፡ እሽከቱዋን ዳንዳያንቻቱዋ ግድተ፤ እቱ እቱዋ ማድያዋን ህንተ ሲቁዋ በሰተ።

3 ህንተና እትጥ ጋላ ቃችያ ሳርተላን፡ ጌሻ እያናይ ህንተንቶ እምያ እትጥተላ ናጋናዉ ሞንተ።

4 ጸሳይ ህንተና ጸሴዳ ህደታይ፡ ህንተ ደማና ጊደ ናግ ኡቴዳዌ ሙጽ እቱዋ ግደዋዳን፤ እት እሳተላይን እት ጌሻ እያናይ ደኤ።

5 እት ጎዳይ፡ እት እማኑን እት ጽንቃታይ ደኤ።

6 ኡባ ጎዳይ፡ ኡባ ባጋና ኦሎስዋ፡ ኡባ ግድን ደእያዋ፡ እት ጸሳይ፡ ኡባ እዉ ደኤ።

7 ሽን ክርሰቶሰ እሜዳ እሙዋዳን፡ ኑን ሁጲያን ሁጲያን ዴማ እሙዋ እኬድ።

8 ሃዋ ድራሬ፡ ጸሳ ማጸጻይ፡

“እ ዩደ ጾቃሳ ከሴዳ ዋደ፤

እሞደቴዳዋንታ እፊዳ፤

እሳዉካ እሞታ እሜዳ።”

ያጌ።

9 ያትና፡ “ዩደ ከሴዳ” ግያዌ ዋግያዌ? እ ኮይሮ ዲገ ዋጴዳ፤ ሃዌ ሳእዉ ህርክ ዉርሰላሳ ዋጴዳ ግያዋ።

10 ህ ዲገ ዋጴዳዌ ባረ ሁጲዉ እ፤ ሄ እ ኡባባ ከማናዳን፡ ሳሉዋ ኡባጥ ጶቂያሳ ዩደ ከሴዳ።

11 እሳዉ እሞታ እሜዳዌ እ፤ እ እቱዋ እቱዋ የሱሰ ኪቴዳዋንታ፡ ሀራቱዋ ትምቢትያ ኦድያዋንታ፡ ቃይ ሀራቱዋ ሞሽራቹዋ ቃላ ኦድያዋንታ፡ ቃይካ ሀራቱዋ ዋሳ ጎልያ ካለላያዋንታን ታማርሰያዋንታን ኦሎ ሱንሴዳ።

12 እ ሃዋ ጌሻቱ ኡባይ እማንያ እሳ ኦሎዋ ኦላናዳንን ክርሰቶሳ ቦላን ኬጸታናዳን ጊገሳናዉ ኦሎዳ።

13 ቃይ ኑን ኡባይ ጸሳ ናእ እማንና ኤርና ቤትያ እትጥተላኩ ጋካና፤ ኑን ክርሰቶሳ ፖሎ ድቻ ኬና ድጨደ፡ ደንዛ እሳ ግዳናዳና።

14 ኑን ቤታን ያን ሃን ሸጨቲደ፡ ባረንቱ ጭምያ ሀናታን እሳ ባላ ኦግያ ካለላያ ገንያ እሳ ትምርትያ ጫርኩዋ ኡባን ሰገቲደ፡ ሀዋጥ ሰንሳዉ ናእ ግዳናዉ በሰና።

15 ሸን ኑን ሲቆተላን ቱሙዋ ሃሳዪደ፡ ሁጲ ግድያ ክርሰቶሳኩ ኡባባን ድጫናዉ በሴ።

16 ቦላ ግድን ደእያ ዴማ ዴማ ሻኮታይ እን እትጥ ኦይቀቴድና፤ ቃይ ኩሙንላ ቦላይ ባረዉ እሙቴዳሳ ኡባን እቱ እቱዋና ጋከቲደ፡ እትጥ ኦይቀት ኡቴዳ፤ ሄ ዴማ ዴማ ሻኮታይ ኦላናዉ በሰያዋ ኦሎ ዋደ፡ ኩሙንላ ቦላይ ሲቁዋን ድጨን ባረና ኬጵ።

**ክርሰቶሳን ቤትያ ኦራሳ ደኤዋ**

17 ሃዋ ድራሬ፡ ታን ሀዋ ህንተንቶ ጎዳ ሱንላን ኦዳይን ማርካታይ። ህንተ ጎእ ባይና ቆፋ ቆጥያ እይሁዳ ግደና እሳቱዋዳን ደኡተ።

18 ኡንቱንቱ ዋዛናይ ጴማን ደኤ፤ ኡንቱንቱ እይን ኤረናዋንታን ካዛዘተና ድራሬ፡ ጸሳይ እምያ ደኡዋጥ ሃኬድና።

19 ኡንቱንቱ ማታን ዬላ ግያዌ ባዋ፤ ኡንቱንቱ ዋሹማዉ ካጃላናዉ ባረንቱ ሁጲያ እላ እሚና፤ ቃይ ቱናባ ኡባ ፓጭ ባይናን ኦላናዉ ሎይላ የራትያዋንታ።

20 ሸን ህንተ ክርሰቶሳዋ ሃዋዳን ታማርበይክታ።

21 እባ ቱሙ ሰሴድታ፤ ቃይ ቱማተላይካ የሱሳን ደእያዋ፡ አጥ ታማራድታ።

22 ህንተ ካሰ ደእያ ደኡዋ አግተ፤ ቃይ ባረ ጭምያ እሙዋን ጳይያ ህንተ ኤጫ አሳተላ ጳይሰተ።

23 ህንተ ዋዛናይን ቆፋይ ኡባና ኦራሳናዉ በሴ።

24 ቱሙ ጽሎተላንን ጌሻተላን ጸሳ ለምሱዋን ሙጫቲዳ ኦራሳ አሳተላ ማይተ።

25 ስም ዋርዶቶጥተ። ኑን ኡባይ ክርሰቶሳ አሳተላን እት አሳ ግድያ ድራሬ፡ አሳይ ኡባይ ባረ እሻዉ ቱሙዋ ሃሳናዉ በሴ።

26 ህንቅትት፤ ሸን ህንተ ህንቁዋን ናጋራ ኦላጥተ። ህንተ ህንቁዋን ደእሸን፡ አዋይ ዉሎፖ።

27 ጸላሂዉ ጸእያ አሞጥተ።

28 ዉእያ ኡራይ ሀዋጥ ሰንሳዉ ዉእፖ፤ ሸን ሃዋ አጊደ፡ ህዬሳቱዋ ማዳናዉ፡ ባረ ኩሽያን ሎኦባ ኦሎ ደቡር።

29 ህንተ ሃሳያይ ሰሰያዋንታ ጎእና ማላ፡ ኩሽያዋዳን ሙጫጫ ሎኦ ቃላይ ህንተ ደናጥ ከሶጥ እትን፡ ኢታ ቃላይ ሙለካ ከሶፖ።

30 ጸሳይ ህንተና ዋዝያ ጋሳሳዉ ህንተ እታሙት ኡቴዳ ጸሳ ጌሻ እያና ካዮዮጥተ።

31 እጽያ ሀናታ፡ ይሉዋ፡ ህንቁዋ፡ ዋሱዋን ጫሻ ኡባ ኢታተላ ኡባና ህንተጥ ጳይሰተ።

32 እቺ እቶ ከክተነ ቃረትተ፤ ቃይ ጸሳይ ክርሰቶሳ ባገር ህንተነቶ እቶ ጌዳዋዳን፣ ህንተካ እቺ እቺዋ እቶ ገተ።

### 5

#### ፖኡዋን ደእተ

- 1 ሰም ጸሳይ ሲቅያ ናናቱዋዳን፣ እ ማላትተ።
- 2 ቃይ ክርሰቶሰ ኑና ሲቂደ፣ ባረ ሁጲያ ጸሳው ናሸችያ ያርሹዋዳንን እሞታ ኦሊደ እሚዳዋዳን፣ ህንተካ ሲቁዋን ደእናው በሴ።
- 3 ሸን ጸሳ ናናው በሰያዋዳን፣ ህንተ ግዶን ዋሹምያዌን ቱናተላ ኡባይ፣ ዋይ ሚሻ እሞትያዌ ሙላካ ሰሰቶ።
- 4 ዌላይያዌን ኤያ ሃሳይ ዋይ ፓፍ ቅጂ ህንተነቶ በሰናዋ ግድያ ድራው፣ ህንተ ማታን ኡባካ ደእፖ፤ ህንተ ሄዋ ኡባ እጊደ፣ ጸሳ ጋላታናው በሴ።
- 5 ሀዋ ኦርተ፤ ኦንን ዋሹምያዋ ዋይ ቱናባ ኦሳያዋ፣ ዋይ ሚሻ እሞትያዋ ግደ፣ ክርሰቶሳ ካውተላ ጸሳ ካውተላ ላታናው ዳንዳየና፤ ሚሻ እሞትያዋ ኤቃው ጎይንያዋ፣ ዳማተና።
- 6 ህንተና ኦንን ፓፍ ሃሳይን ጭዋፖ፤ እያው ጎ፣ ሀዋ ጋሱዋን ጸሳ ሀንቁ እዛዘተና እሳ ቦላ ያና።
- 7 ሰም ሄዋ ማላ እሳና ዘተቶ፣።
- 8 እያው ጎ፣ ካሰ ህንተ ጁማን ደኤድታ፤ ሸን ጎዳ ባገር ሀእ ፖኡዋን ደእታ፤ ፖኡዋን ደእያ አሳዳን ፖኡዋን ሀመትተ።
- 9 እያው ጎ፣ ፖኡ ሎኦተላ፣ ጸሎተላን ቱማተላ ኡባ እይፌ።
- 10 ጎዳ ናሸችያባይ እየንቶ ታማርተ።
- 11 ጎእ ባይና ጁማ ኦሱዋ ቆንጭሰ በሰተ፣ እናና ዋላክቶ፣።
- 12 ኡንቱንቱ ጌማን ኦሳያዋ ሀራይ እቶ ሃሳይያዌካ ፖኤ።
- 13 ሸን ኡባባይ ፖኡዋ ከሰያ ዋይ፣ ቆንጭንን ቤታና፤ እያው ጎ፣ ቆንጭንን ቤትያ ኡባባይ ፖኡዋ።
- 14 ሄዋ ድራው፣  
 “ገምእሸያዋ፣ ቤጎታ፤  
 ሀይቁዋ፣፣ ደንዳ፤  
 ክርሰቶሰ ነው ፖእሳናዋ”  
 ያጌ።\*
- 15 ሰም ህንተ ዋን ደእንቶ እኬክተ፤ እዴዳ ኤራተላና ደእያ አሳዳን ደእተ፣ ኦሳዳ ኤራተላይ ባይና አሳዳን ደእፕተ።
- 16 ዋዲ ኢታ ግድያ ድራው፣ ህንተ ዋድያ ህንተው ዳንዳየቶዋዳን ሎኦተላው ጎኤትተ።
- 17 ሄዋ ድራው፣ ጎዳይ ኮይያዌ እየንቶ እኬክተ፣ ኦሳዳ ግደ፣።
- 18 ቃይ ህንተናን ጌሻ እያናይ ቃንጸናን ኩሞ፣ ኦሳዳ ገደ፣፣ ህንተና ባይዘያ ዋይንያ ግያ ኡሳ ኡሺደ ማሶቶ፣።
- 19 ማዘሙርያ የላን፣ ጋላቲደ የጽያዋንን እያና የላን እቺ እቺዋና ሃሳይተ፤ ቃይ ጋላትያ የላንን ማዘሙርያ የጽያዋን ህንተ ዋዛናን ጎዳ ጋላቲደ የጽተ።
- 20 ኑ ጎዳ የሱሰ ክርሰቶሳ ሱንላን፣ አውዋ ጸሳ ኡባባው ኡባ ዋይ ጋላትተ።
- እሰናባን ማቻትባ
- 21 ክርሰቶሳው ያዪደ፣ እቺ እቶ ሞደትተ።
- 22 ማቻቶ፣ ጎዳው ሞደትያዋዳን፣ ህንተ እሰናው ሞደትተ።
- 23 እያው ጎ፣ ክርሰቶሰ ዋሳ ጎላው ሁጲ ግድያዋዳን፣ እሰናይካ ባረ ማቻትው ሁጲ፤ ቃይ ክርሰቶሰ ባረ ሁጲያን፣ ባረ ቦላ ግድያ ዋሳ ጎላው እሸያዋ።
- 24 ሸን ዋሳ ጎላ ክርሰቶሳው ሞደትያዋዳን፣ ማቻቱ ቃይ ባረንቱ እሰናው ኡባባን ሞደታናው በሴ።
- 25 እሰናቶ፣ ክርሰቶሰ ዋሳ ጎላይ ሲቂደ፣ ባረ ሁጲያ እዘው እሚዳዋዳን፣ ህንተካ ህንተ ማቻቱዋ ሲቅተ።
- 26 እ ዋሳ ጎላይ ባረ ቃላንን ሃላን ማጭ ጌሺደ፣ ጸሳው ዳማያናው ሀዋ ኦሊደ።
- 27 ክርሰቶሰ ዋሳ ጎላይ ቅታይ ዋይ ዳሙዋ ጭድሰያዌ ዋይ ሄዋ ማላትያዌ ባይናን፣ እ ኩሙንላ ቦንቹዋና ጌሻን ቦረተናዋ ኦሊደ፣ ባረ ሁጲው ሸሻናው ኮዌደ።
- 28 ሰም ቃይ እሰናይ ባረ ማቻቶ ባረ ቦላዳን ሲቃናው በሴ፤ ባረ ማቻቶ ሲቅያዌ ባረና ሲቅ።

5:2 ከሳ 29:18፤ ማዘ. 40:6 \* 5:14 ሀዌ ማዘሙርያ ግዲደ እማኤዳ እሳይ ጸማቀትያ ዋይ የጸትያዋ።

- 29 እያዉ ጎጥ፡ ባረ ቦላ እጽያ አሳይ ሙለካ ባዋ፤ ሸን ክርሰቶስ ዋሳ ጎልያ ሙዝያዋዳንን ናግያዋዳን ኦንን ባረ ቦላ ሙዚን ናጌ።
- 30 እያዉ ጎጥ፡ ኑን ኦ ቦላ ዳማ ዳማ አሳተላ።
- 31 ጸሳ ማጻፋይ፤ “ሄዋ ድራዉ፤ አቱማዋ ባረ እዉዋን ባረ ዳዮ አጊደ፡ ባረ ማቻትና እትጥ ደእና፤ ኡንቱንቱ ላኡካ እት አሹዋ ግዳና” ያጌ።
- 32 ሀ ጸራይ ዋልቃማ ቱማተላ፤ ሸን ታን ሀዌ ክርሰቶሳባን ዋሳ ጎልያባ ኦይ ያጋይ።
- 33 ግደጥካ፡ ቃይ አስናይ ሁጲያን ሁጲያን ማችያ ባረ ሁጲያዳን ሲቃናዉ በሴ፤ ማቻታካ ባረ አስና ቦንቻናዉ በሴ።

### 6

#### የሌዳዋንቱባን የለቲዳ ናናቱዋባ

- 1 ናቶ፡ ህንተና የሌዳዋንቶ ጎዳ ቦንቻያዋዳን አዛዘትተ፤ እያዉ ጎጥ፡ ሀዌ ኦላናዉ በሰያዋ።
- 2-3 “ጎዉ ኡባባይ ሎአናዳንን ሳኦን ነ ላይላይ ኦዲቃናዳን፡ ነ እዉዋን ነ ዳዮ ቦንቻ” ግያ አዛዘ ዳሳይ እማና ጌዳ ሀደታና ደእያ ኮይሮ አዛዘዋ።
- 4 አዋቶ፡ ህንተ ህንተ ናናቱዋ ጎዳ ሴራንን ዞርያን ድችተጥ አትን፡ ኡንቱንታ ሀንቀላጥተ።
- ጎዳቱዋባን አይላቱዋባ
- 5 አይላቶ፡ ክርሰቶሳዉ አልያዋዳን፡ ህንተ ጎዳቶ ያሻተላንን ኮኮርሳን ሱረ ዋዛናጥ አዛዘትተ።
- 6 ጸሳይ ጌዳዋ አልያዋንቱዳን፡ ክርሰቶሳ አይላቱዋዳን፡ ዋዛናጥ አላተጥ አትን፡ አሳ ናሽቻናዉ አልያዋዳን፡ አሳይ በኦ ጊደ አላጥተ።
- 7 አሳዉ ግደናን ጎዳዉ አልያዋዳን፡ ጵበናን ዋዛናጥ አላተ።
- 8 አይላ ግድና ዋይ ዋማኑዋ ግድና፡ እ አልያ ሎኦ ኦሶ ኡባዉ ጎዳይ ሁጲያን ሁጲያን ዋይታናዋ ኤሪታ።
- 9 ጎዳቶ፡ ህንተ አይላቱዋ ናሰያዋ አጊደ፡ ኡንቱንቶ ሄዋዳን አላተ፤ ህንተናን ኡንቱንታ ጋላ ዋድያ ጎዳይ፡ ኦናን ማድ ፕርደናዌ፡ ሳሉዋን ደእያዋ ኤሪታ።

#### ጸሳ ኦላ ሚሻቱዋባ

- 10 ዉርሰላን፡ ጎዳንን ኦ ዋልቃማ ዋልቃን ኡባ ዋይ ሞንተ።
- 11 ጸላህያ ኢታ ጭሙዋ ተአናዉ ህንተ ዳንዲያና ማላ፡ ጸሳይ ህንተንቶ እምያ ኦላ ማዌዋ ኡባ ማይተ።
- 12 እያዉ ጎጥ፡ ኑን ቦላ ሳሉዋ ደእያ ኢታ እያና ዋልቃቱዋና፡ ሞድያዋንቱና፡ ጎዳተላይ ደእያዋንቱናን ሀ ጱማ ቢታ ሞድያዋንቱና ኦለትያዋጥ አትን፡ አሳና ኦለቶኮ።
- 13 ሄዋ ድራዉ፡ ኢታ ጋላሳን \* ተአናዉን ቃይ ዉርሰላይ ጋካናዉ ዋቅቶዋጥ ጉይያን፡ ሞን ኤቃናዉ ህንተ ዳንዲያና ማላ፡ ጸሳ ኦላ ሚሻ ኡባ ኦይቂተ።
- 14-15 ሄዋ ድራዉ፡ ጸሳን ሳቂያ ዳንጭያዋዳን ቱማተላ ዳንጪደ፡ ትራን ዋልያ ኦላ ሚሻዳን ጽሎተላ ማዪደ፡ ህንተ ገድያን ጫማ ዋልያዋዳን ሳርተላ ሞሽራቹዋ ቃላ ኦዳናዉ ጊጊደ፡ ሞን ኤቂተ።
- 16 ሄ ኡባጥ አሊደ፡ ጸላሂ የድያ ዋንዳፍያ ታማ ኡባ ቶይሳናዉ፡ አማኑዋ ኡባ ዋይ ጎንዳልያዳን ኦይቂተ።
- 17 አቶተላ ሁጲያን ዋልያ ብራታ ቆብያዳን ዋላተ፤ ቃይ ጌሻ እያና ማሻ ግዴዳ ጸሳ ቃላ ኦይቂተ።
- 18 ጸሳ ዋሲደን ኦ ማዲዋ ኦቹደ፡ ኡባ ዋይ ጌሻ እያናን ጸሳ ዋሰተ። ሄዋ ድራዉ፡ ሞንተ፤ ሳለቶጥተ፤ ጌሻቱዋ ኡባዉ ጸሳ ኡባ ዋይ ዋሰተ።
- 19 ቃይ ታን ያየናን ዋንጋላ ጸራ ኦዳናዉ፡ ጸሳይ ታ ደና ዳዪደ፡ ሃሳይያዋ እማናዳን፡ ታዉካ ጸሳ ዋሰተ።
- 20 ታን ሀእ ቃሹዋን ደእጥካ፡ ሀ ዋንጋላ ድራዉ ታን ከተቲዳዋ፤ ታን አባ ታዉ በሰያዋዳን ያየናን ኦዳና ማላ፡ ታዉ ጸሳ ዋሰተ።

#### ዉርሰላ ሳርታ

- 21 ሸን ታን ዋና ደእንቶን እያ ኦላይታንቶ ህንተካ ኤራናዳን፡ ኑ ሲቆ እሻይ፡ ጎዳ ኦሱዋን እማንቲዳ ቆማይ ትክቆስ፡ ታዋ ኡባ ህንተንቶ ኦዳናዋ።
- 22 ኑን ኡባይ ዋን ደእንቶ ህንተንቶ ኦዲደ፡ ህንተና ሞንሳና ማላ፡ ታን ኦ ህንተኮ ከታድ።

---

5:31 ደመላ 2:24    6:1 ቆል. 3:20    6:2-3 ከሳ 20:12፤ ዛረ. 5:16    6:4 ቆል. 3:21    6:5 ቆል. 3:22-25  
 \* 6:13 ኢታ ጋላሳን፡- ሀእ ደእያ ዋድያ ዋይ ሀይቁዋ ጋላሳ ዋይ ዉርሰላ ፕርዳ ዋይ ሙራ ጋላሳ ግያዋ።    6:14-15 ኢሊ. 52:7    6:17 ኢሊ. 59:17    6:21 ከታ 20:4፤ 2 ጽዋ. 4:12    6:21 ቆል. 4:7-8

23 ጸሓፊዎችን ጎዳ የሱሰ ክርስቶስ ሳሮተላይነ ሲቆተላይ አማኝቱና እትጥ አሻቱዎ ኡባዉ ግደ፤

24 ደቼና ሲቆዎን ኑ ጎዳ የሱሰ ክርስቶስ ሲቅያ ኡባቱዎና ጸሓፊ ኤካተላይ ግደ። አመንጎ።

# ጳውሎስ ጥልጽሰኖሳ አሳው ጳፌዳ ኪታ ገሉጥ

ጳውሎስ ጥልጽሰኖሳ አሳው ጳፌዳ ኪታይ ጸፈቴዳዊ፣ ማቅደንያ ግዲዋን ደእያ ሮመን አሞድቴዳ ጥልጽሰኖሳ ጌተቱያ ጋድያን ደእያ አማንያዋንቱሳ። ሀዋንቱ ጳውሎስ ኮይሮ አማንሳይ ሸሼዳዋንታ። ኡንቱንቱ ሮመ ጋይ የለታ ግድ ድራውነ ቃይካ ካረ ጋይጥ ዬዳ ዋጋንን አማኑዋን ዳሮጥ አይደ። ጳውሎስ ቦላን ኡንቱንቱ ዳሮጥ ሀንቅቴዳ ጋሱካ ሀዋ (ኪታ 16:20)። ሀ ኪታይ ጸፈቴዳዊ፣ ሀራ አማንያ ኦሳንቻቱ ጳውሎስ ቆፋ ጸልቂ ጸልቂደ ዋይሰያ ዋድያናን ጥልጽሰኖሳ አማንያዋንቱ ግድን ደንዴዳ ዋርዶ ትምርትያ ጋሱዋን ኦ ዋዛናይ ዳሮ ካዮቲደ መኤዳ ዋይን ቃሾ ጎልያን ኦ ደእያ ዋድያና። ግድ ሸን። ጳውሎስ የሱስ ክርስቶስ ምንሲደ አማንያ አሳ ግዴዳ ድራው። ሀ ኪታ ቦላን ቆንጩይ ቤትያዌ ናሸቻን ኩመንሳ አማንትያዋ።

ጳውሎስ ሀ ኪታ ጳፌዳ ኮይሮ ጋሱ ኦ መቱዋ ዋይ ኦ ማዳናዉ ጥልጽሰኖሳ አማንያ አሳይ አሞታ አዉ ኪቱዳ ድራው። ኡንቱንታ ጋላታናሳ። ኦ ቦላንካ ኡንቱንቱ ቦላንካ ዲማ ዲማ መቱ ጋኬዳዋ ግድጥካ። ኡንቱንቱ ጸላና ማላን ኩመንሳ አማንቲደ ደእና ማላ። ሀ ጋከቲዳ እንጅያን ኡንቱንታ መንጩ። እዩዋን ኦቶራዋ ድገደ። የሱስ ክርስቶስ አሸከተላን ኡንቱንቱ ኩማና ማላ። ምንሲደ ኡንቱንታ ሀሳይሴዳ። የሱስ ክርስቶስና እትጥ ግዴዳዋን ኡንቱንቱ ደማዳ ደኡ ጸሳ አቶ ኬካተላጥ ፑልቴዳዋን ኡንቱንቱ አማኑዋን እኬዳዋ ግድያዋጥ ኦትን። አይሁዳቱዋ ዋጋቱዋ ፖልያዋን ቤቱዳዋ ግድናዋ ኡንቱንታ ሀሳይሴ። የሱስ ክርስቶስና እቱዋ ግዲደ ደእያ ኡባቶ ጸሳይ አሞያ ሳሮተላባን ናሸቻባ ኡንቱንቶ ጸፈ።

ሀ ኪታይ ኤረትያዌ ናሸቻ። አማንትያዋ፣ እትጥተላን ክርስትና አማኑዋንን ደኡዋን ምኒደ ደእያዋ ጌሺደ በሰያዋና። ሄዋ ቦላካ ጉጂደ። ጳውሎስ ጥልጽሰኖሳን ደእያ አማንያ አሳቱዋ ሲቅያ ዋልቃማ ሲቅያ ቆንጭሴ።

### ሸምጋቱዋ ኡባቶ እመቲዳ ቃንሳ ቆፋቱዋ

ገሉጥ 1:1-11

ጳውሎሳዉ ደኤዳ ደኡዋ ሀናታ 1:12-26

ክርስትና ደኡዋ ለምሱዋ 1:27—2:18

ጽሞቶሳዉን ኤጳፍሮዲቲሳዉ ደእያ ቆፋ 2:19-30

አማኑዋ ኤቅትያዋንቱጥ ናገታና ማላ ኦደቲዳዋ 3:1—4:9

ጳውሎስ ጥልጽሰኖሳ አማንያዋንቶ ሸሼዳ ጋላታን ማቁዋ 4:10-20

ዉርሰላ ቁትያ 4:21-23

### ሳሮታ

1 ኦን የሱስ ክርስቶስ ኦሳንቻቱ ጳውሎስን ጽሞቶስ። ክርስቶስ የሱሳን ደእያዋንቶ፣ ጥልጽሰኖሳ ግያ ካታማን ደእያ ጌሻቶ ኡባቶ፣ አማንያዋንታ ካለሰያዋንቶን ማድያዋንቶ ሀ ዳብዳቢያ ጸፊቶ።

2 ኦ አዉዋ ጸሳጥን ጎዳ የሱስ ክርስቶሳጥ አቶ ኬካተላይን ሳሮተላይ ህንተንቶ ግድ።

### ጳውሎስ ዋሴዳ ጋላታ ዋሳ

3 ታን ህንተና ሀሳይያ ዋይ ኡባን ታ ጸሳ ጋላታይ።

4-5 ህንተ ኮይሮ ጋላሳጥ ሀና ጋካናዉ። ምሽራቹዋ ቃላ ኦድያዋን ታና ማዴዳ ድራው። ታን ኡባ ዋይ ህንተንቶ ኡባዉ ናሸቻን ጸሳ ዋሳይ።

6 ቃይ ህንተንቱ ግድን ሎኦ ኦሱዋ ደማዳ ጸሳይ። ክርስቶስ የሱስ ሰምያ ጋላሳይ ጋካናዉ ፖላናዋ ኤራይ።

7 ታን ህንተንቶ ኡባዉ ሄዋዳን ቆገናዉ በሴ፤ አያዉ ጎጥ። ታን ህንተና ኡባ ዋይ ሀሳይ። ሀእ ታን ቃሾዋን ደእያዋንን ምንጋላዉ ሞተትያዋን፣ ቃይ ምንጋላ ምንሳ ኤሴያዋን፣ ጸሳይ ታዉ ካጩዳ ካጫ ህንተካ ታናና ግሽ እኬድታ።

8 አያዉ ጎጥ። ታን ህንተና ኡባቱዋ ክርስቶስ የሱሳጥ ይያ ሲቅዋን አይ ኬና ሲቅንቶ፣ ጸሳይ ታዉ ማርካ።

9-10 ቃይ ታን ህንተንቶ ጸሳ ዋሰያዌ ሀዋ፤ ሎኦባ አያኔካ ድራናዉ ህንተንቱ ዳንዳያናዳን፣ ቃይ ህንተንቱ ሲቅ ቱሙ ኤራተላናን እኬካ ኡባና እትጥ ጉጅ ጉጅ ድጫናዳን፣ ጸሳ ዋሳይ፤ ያቲደ ክርስቶስ ሰምያ ጋላሳን ህንተንቱ ሱረን ፖኩ ባይናዋንታ ግዳና።





- 8 እ ባረና ካወሸዳ፤  
   ሀይቆ፥ ኡባ ሀራይ እቶ፥  
   ማስቃልያ ቦላ ሀይቃናወካ እዛዘቲዳ።
- 9 ሄዋ ድራዉ፥ ጸሳይ እ ሎይሰ ጶቁ ጶቁ ኦሌዳ፤  
   ቃይ ሱንላ ኡባጥካ እድያ  
   ጶቃ ሱንላ እዉ እማዳ።
- 10 ሄዋ ድራዉ፥ ሳሉዋንን ሳኣን፥  
   ሳእጥ ጋርሳን ደእያ ኡባይ፥  
   የሱሳ ሱንላ ቦንቻናዉ ጉልባታና።
- 11 ቃይ እሳይ ኡባይ የሱሰ ክርሰቶሰ ጎዳ ያጊደ፥  
   ጸሳ እዉዋ ቦንቻ ማርካታና።

ሀ ሳኣን ደእያ እሳዉ ፖኦ ግድያዋ

- 12 ሄዋ ድራዉ፥ ታ ዳባቶ፥ ታን ሀንተናና ደእያ ዋደ ኡባን ሀንተንቲ ታዉ እዛዘቲዳዋዳን፥ ሀእ ታን ሀንተንቲ ማታን ደኤና ዋደካ፥ ሀንተንቲ ካሰዋጥ አሌደ ታዉ እዛዘታናዉ ቦሴ፤ ያሻተላንን ኮርሳን ሀንተንቲ እቶተላ ፖላናዉ አላተ።
- 13 እያዉ ሳጥ፥ ጸሳይ ሀንተና ባረዉ ኤኖ ጊሳናዳንን ቃይ እ ቆጥዳዋ ሀንተንቲ ኦላናዳን ሀንተንቲ ግደን ኡባ ዋደ አሌ።
- 14-15 ጌላን ናጋራንቻ እሳ ግደን ፖኩ ባይናዋንታ፥ ጌሻቱዋ፥ ጸሳ ናናቱዋዳንካ ፖኩ ባይናዋንታ ግድተ፤ ቃይ ዘተመናን ዋይ ኢታባ ቆጥናን ኡባ አላተ። ሄ እሳ ግደንካ ሳሉዋን ፖእያ ጸልንትያዳን ፖኢደ።
- 16 ደኡዋ ሞሽራቹዋ ቃላ እንቲንቶ ኦድተ፤ ሄ ዋደ ታ ዳቡራይን ታ ኦሱ መላ ጳይቤናዌ ኤረትያ ድራዉ፥ ክርሰቶሰ ሰምያ ጋላሰ ታን ሀንተናን ጨቋታና።
- 17 ሀራይ እቶ ሀንተንቲ አማኡ ጸሳዉ ያርሽያ ያርሹዋ ቦላ ታ ሱላይ ኡሻ ያርሹዋዳን ጉኮጥካ፥ ታን ናሽታይ፤ ሀንተናና ኡባና እትጥ ናሽታይ።
- 18 ሄዋዳን ሀንተካ ቃይ ናሽታናዉ ቦሴ፤ ታናና እትጥ ናሽታተ።

ጽዋቶስን ኤፓፍርድቶስ ኦሌዳ ኦሱዋ

- 19 ሸን ታን ሀንተንቲ ደኡዋባ ሰሳደ ናሽታናዳን፥ ጽዋቶሳ ሀንተኩ ኤለካ የዳናዋ ጎዳ የሱሳን አማንታይ።
- 20 እያዉ ሳጥ፥ ሀንተንቲ ደኡዋባዉ ዋዛናጥ ሀርግያ እ ማላ እሳይ ሀራይ ኦንን ታዉ ባዋ።
- 21 እያዉ ሳጥ፥ ሀራቲ ኡባቲ ባረንቲ ሁጸ ጎእ ኮዪና፤ የሱሰ ክርሰቶሳዋ ኮይክና።
- 22 ሸን ናአይ ባረ እቡ ኦሳያዋዳን፥ ጽዋቶሰ ታናና እትጥ ግዲደ፥ ዋንጋላ ኦሱዋ ኦሌዳዋን፥ አማንታይ እሳ ግድያዋ ኤርሴዳዋ ሀንተንቲ ኤሪታ።
- 23 ሄዋ ድራዉ፥ ታን የዉ ሀንያዋ ቦእደ፥ ኤለካ እ ሀንተኩ የዳና ጋደ ቆፓይ።
- 24 ታን ታ ሁጸዉ ማታ ዋድያን ሀንተኩ ባናዋ ጎዳን አማንታይ።
- 25 ሸን ታን ታ እሻ ኤፓፍርድቶሳ፥ ታናና እትጥ ታ ባጋ ግዲደ ኦሌዳዋ፥ ኦለቲዳዋን፥ ቃይ ታና ማድያዋን ሀንተንቶ ከተቲደ ኦሌዳዋ ሀንተኩ ከታናዉ ኮሽያዋ ቆፓድ።
- 26 እያዉ ሳጥ፥ እ ሀንተና ኡባ ቦእናዉ ላዋቲ፤ ቃይ እ ሳከቲዳዋ ሀንተንቲ ሰሴዳ ድራዉ፥ ባረ ዋዛናን ዳረ መቶቲ።
- 27 እ ቱሙ ሳከቲደ፥ ሀይቁ አቲዳ፤ ሸን ጸሳይ እዉ ቃረቲዳ፤ እ ጸላላዉ ግደናን ካዩ ካዩዋ ቦላ ጉጀተናዳን፥ ታዉካ ቃረቲዳ።
- 28 ሰም ሀንተንቲ ላኤንሱዋ እ ቦእደ ናሽታናዳን፥ ታዉካ ታ ዋዛና ካዩ እርጻናዳን፥ ታን ኤለካ እ ሀንተኩ የዳና።
- 29 ሄዋ ድራዉ፥ ጎዳን ደእያ እሻዳን፥ ኩመንላ ናሽቻን እ ሞክተ፤ ቃይ እ ማላትያ እሳ ኡባካ ቦንቻተ።
- 30 እያዉ ሳጥ፥ ሀንተንቲ ሀንተንቲ ሁጸዉ ታና ማዳና ዳንዳየን ማዲዋ ማዳናዉ፥ ክርሰቶሳ ኦሱዋ ድራዉ፥ ባረ ሸምጥዋ ሸነኮ ጊደ፥ ሀይቁ አቲዳ።

3

ቱሙ ጽሎተላ

- 1 ዉርሰሳን፥ ታናዳን ጸሳ ካልያዋንቶ፥ ጎዳይ ሀንተንቶ ናሽቻ እዋ። ታን ካሰ ጸፊዳዋ ዛረላደ ጻፍያዌ ታና ዋይሰና፤ ቃይ ሄ ጻፍያዌ ሀንተና ናጋና።
- 2 ኢታባ ኦሳያዋንቲ፥ ሄ ካናቲዋ ኡሻይ ደእያዋንቲ፥ ቃጸራይ ኮሼ ግያ ኦሳቲዋጥ ናገትተ።

3 እያው ጎጥ፣ ኑን ጸሳ ገሻ እያናን ጸሳው ጎይንያ ድራውን ኑ ደኡዋን ጎዳ ክርሰቶሳ የሱሳን ናሽትያ ድራው፣ ቱሙ ቃጸራ ቃጸረቲዳዋንታ፤ እሳተላ ሶላ ኦሰትያዋን እማና፡፡

4 ቃይ ታው ታ ሁጲያንካ ታ እሳተላን እማነትያዌ ደኡ። እይ እሳይን ባረ እሳተላን እማነትያዌ ባረው ደኤ ጊደ ቆገጥ፣ ታን እጥ ሎይላ አፋይ።

5 ታን የለቶደጥ ሆሰፑንላ ጋላሳን \* ቃጸረታድ። ታን የለታን እሰራኤልያ፤ ቢንያማ ዛረ፤ ዋላካይ ባይና እይሁዳ እሳ። እይሁዳ ህግያ ናግያዋን ግደጥ፣ ታን ፓርሳዌ፤

6 እይሁዳ እማኖ ሴላ ግደጥ፣ ታን እማንያዋንታ ዋይሳድ፤ እት ኡራይ ሙሴ ህገው እዛዘቲደ ጽልያዋ ባጋ ግደጥ፣ ታናን ፖከባይ ቤትቤና።

7 ሽን ታና ጎእያ ሄ ኡባባ ክርሰቶሳ ድራው ባይዳዋዳን ፓይዳይ።

8-9 ቱማካ፣ ሄዋንቱ ጸላላ ግደና፤ ታን ታ ጎዳ ክርሰቶሳ የሱሳ ኤርያዌ ኡባባጥ ሎይላ እድያ ድራው፣ ኡባባ ታና ሙላካ ጎኢናዋዳን ፓይዳይ፤ ታን አ ድራው ኡባባ የጋ ባሻድ። ክርሰቶሳ ደማናውን እናና ደእናው ኡባባ ዋራ ኦሌዳዋዳን ፓይዳይ፤ ታን ሙሴ ህገው እዛዘታደ ደምያ ታ ሁጲ ጽሎተላይ ታው ባዋ። ክርሰቶሳ እማንና፣ ጸሳይ እምያ ጽሎተላይ፣ እማኑዋን ጸሳ ማታጥ ይያ ጽሎተላይ ታው ሀእ ደኡ።

10-11 ታን ክርሰቶሳን አ ደንዳዋ ዋልቃ ኤራናው ኮያይ፤ ያታደ ታን ታ ሁጲው ሀይቁዋጥ ደንዳና ያግያዋን፣ አ ዋይያ እናና ዋየታናውን አ ሀይቁዋን አ ማላታናው አዋታይ።

**ጋክያሳ ጋካናው ዋጽያዋ**

12 ታን ሀእ ደማ ድጋድ ዋይ ታናን ባል ባዋ ጊከ። ሽን ክርሰቶሳ የሱሳ ታና ባረው ኦሌዳ ዋይታ ደማና ጋደ ኤሌላይ።

13 ታናዳን ጸሳ ካልያዋንቶ፣ ታን ሄዋ ደማ ድጋድ ጋደ ቆጥከ፤ ሽን ታን እትባ ኦላይ፤ ታጥ ጉየና ደእያዋ ድጋደ ሰንላን ደእያዋ እይቃናው ዋጋታይ።

14 ጸሳይ ክርሰቶሳ የሱሳ ባጋና ሶላ ደኡ ጸሰያ ዋይታ አካናው፣ ታ ጋካናው ዋጸይ።

15 ሰም ኑን እያናን ምኤዳዋንቱ ኡባቱ ሀዋ ቆጥናው በሰ፤ ቃይ ህንተጥ እማራዳዋንቶ እያንከ ዳማ ቆፋይ ደኡጥ፣ ሄዋካ ጸሳይ ህንተንቶ ቆንጭሳና።

16 ግደጥካ፣ ኑን ሀኖ ጋካናው ደኤዳ ማራዳን፣ አን ሰንላው ሄ ማራ ካሎይተ።

17 ታናዳን ጸሳ ካልያዋንቶ፣ ታን ህንያዋዳን ህንተ። ኑን ህንተንቶ ለምሱዋ ግዴዶ፤ ሄዋዳን ህንተካ ኑን ህንተንቶ ለምሱዋ ግዴዳ ማራ ካልያዋንታ እከከተ።

18 እያው ጎጥ፣ ታን ሄዋ ህንተንቶ ካሰ ጮራቶ ኦዳድ፤ ቃይ ሀእ ላኤንሎዋካ አፎጸደ ህንተንቶ ኦዳይ፤ ክርሰቶሳ ማሰቃልያ ሶላ ምሰማርያን ድሽቲደ ሀይቁዳዋ ባረንቱ ሸምፑ ባረና ሞርከ ኦሌዳ ዳር እሳቱ ደኡና።

19 ኡንቱንቱ ወርሰላይ ባሻ፤ ኡንቱንቱ ኡሎ ኡንቱንቶ ጸሳ፤ ዬላታናው በሰያዋን ኡንቱንቱ ኦቶረቲኖ፤ ቃይ ሀ ሳኣባ ጸላላ ቆጥና።

20 እያው ጎጥ፣ ኑ ቢታይ ሳሎዋና፤ ኑን ቃይ ሳሎዋጥ ያና ኑና እሽያ ጎዳ የሱሳ ክርሰቶሳ ናጌቶ።

21 ክርሰቶሳ ኡባባ ባረጥ ጋርሳን ዋላናው ዳንዲያይ ባረ ዋልቃን፣ ኑ ዳቡራንቻ እሳተላ ላሚደ፣ ባረ ቦንቾ እሳተላ ማላትሲደ እሳና።

**4**

**ወርሰላ ዞርያ**

1 ታናዳን ጸሳ ካልያዋንቶ፣ ታን ሲቅያዋንቶ፣ ለሞትያዋንቶ፣ ታና ናሽቶያዋንቶ፣ ታና ጶቁ ኦልያዋንቶ፣ ታ ዳባቶ፣ ሰም ጎዳን ህንተንቱ ምን ኤቃናው በሰ።

2 ኤዋደን ሰንጸኪ፣ ህንተንቱ ላኤካ ቆፋን እቱዋ ግዴደ፣ ጎዳን ደእናዳን፣ ታን ህንተና ዞራይ።

3 ቃይ ታናና ኦልያ እማነቱዳዋ፣ ኔን ሀ ማጫ እሳቱዋ ማዳናዳን፣ ታን ኔና ዋሳይ፤ እያው ጎጥ፣ ኡንቱንቱ ታናናን ኡንቱንቱ ሱንላይ ጸሳ ደኡዋ ማጸፋን \* ጸፈቲዳ ቃለምንጸሳና ቃይ ታናና እትጥ ኦልያ ሀራቱዋ ኡባና ዋንጋላ ኡባሳ ጋላናው ዳቡራድና።

4 ጎዳና ህንተንቱ ደእያ ደኡዋን ኡባ ዋደ ናሽትተ፤ ታን ሀዋ ጉጃደካ ጋይ፤ ናሽትተ።

5 እሳይ ኡባይ ህንተንቱ እሽከተላ ኤር፤ ጎዳይ ማታን ያና።

6 ጸሳ ህንተንቱ ዋሰያ ዋሳ ኡባን አ ሎይላ ጋላቲደ፣ ህንተና ኮሽያዋ ኡባው ዋሰተጥ አትን፣ እትባወካ ሀርጎጥተ።

7 ቃይ እሳ ኡራተላ ኡባጥ እድያ ጸሳ ሳርተላይ ህንተንቱ ዋዛናን ህንተንቱ ቆፋ ጎዳ የሱሳ ክርሰቶሳ ባጋና ናጋና።

\* 3:5 ታን የለቶደጥ ሆሰፑንላ ጋላሳን፡- ሀዋ እይሁድያ እቱማ ናናይ የለቶደጥ ሆሰፑንላ ጋላሳን ቃጸረትያዋ በሰ። \* 4:3 ጸሳ ደኡዋ ማጸፋን፡- ጸሳ እሳ ሱንላይ ጸፈትያ ማጸፋ።

8 ወርሰላን፣ ታናዳን ጸሳ ካልያዋንቶ፣ ህንተንቱ ዋዛናን ሎሎባን ጋላትሰያዋ ቆፕተ፤ ቱማ ግድያባ ኡባ፣ ቦንቾሰያዋ ኡባ፣ ባይዙዋ ግደናባ ኡባ፣ ገሻባ ኡባ፣ ሰቁዋ ኡባ፣ ሱረ ግድያባ ኡባ ቆፕተ።  
 9 ህንተንቱ ታፕ ታማራዳዋ፣ አኬዳዋ፣ ሰሴዳዋን በኤዳዋ ኡባ አላተ፤ ቃይ ኑወ ሳርተላ አምያ ጸሳይ ህንተናና እትፕ ግዳናዋ።

**ባረወ ኪተቴዳ እሞታወ ጳወሎስ ጋላቴዳዋ**

10 ሸን ዳር ዋድያፕ ጉይያን፣ ሀእ ህንተንቱ ታዋ ላኤንሉዋ ቆፓናወ ደሜዳ ድራወ፣ ታን ጎዳን ሎይላ ናሽታይ፤ ታወ ቆፓናወ ህንተንቶ እንጀተናን እጹዳዋፕ አትን፣ ታወ ቆፋ ቆፒታ።

11 ታን ሀዋ ታና መቴዳ ድራወ ጊከ፤ እያወ ጎፕ፣ ታወ ደእያባይ ታወ ግዳና ቶ ግያዋ ታን ታማራድ።

12 ታን መቶቲደ ዋት ደእንንቶ ኡራይ፤ ቃይ ዱረቲደ ደእያዋካ እየንቶ ኡራይ፤ ሀቃን ግድናካ አወደ ግድናካ፣ ታን ካሉዋን ኮሻ ቃይ ፓጫነ ፓላሃ ታማራድ።

13 ክርሰቶስ ታወ እሜዳ ዋልቃን፣ ኡባባ አላናወ ታን ዳንዳያይ።

14 ግደፕካ፣ ህንተንቱ ታ መቴዋ ታናና መቶቲደ ዳር ሎይሌድታ፤

15 ጥልጽሰዮሳ አሳወ፣ ዋንጋላ ሞሽራቹ ኮይር ህንተ ግደን አደቴዳ፤ ሸን ታን ማቅደንያፕ ከሴዳ ዋድ፣ ታና አማንያ ህንተንቱፕ አትን፣ ሀራይ ማድቤናዋ ህንተንቱ ህንተንቱ ሀጸወ ኤሪታ፤ ቃይ እምያባንካ እክያባንካ ህንተፕ አትን፣ ሀራይ ታና ማድቤና።

16 እያወ ጎፕ፣ ታና መቴ አይቄዳ ዋድ፣ ሀራይ አቶ ታን ተሰሎንቀን ደእሸንካ ታና ዛር ዛሪደ ማዳድታ።

17 ታን ህንተዋ ቦላ ሀራባይ ጉጀታናዋ ኮይያዋፕ አትን፣ ዋይታ ጸላላ አካናወ ኮይከ።

18 ሸን ታን ህንተንቱ እሜዳዋ ኡባ አካድ፤ ቃይ ታወ ፓላሂደ ግድያዌ ደኤ። ህንተ ኪቴዳ ኡባባ ኤፓፍርድቶሳፕ አካድ፤ ኮሸያ ኡባይ ታወ ደኤ። ህንተ ታወ ኪቴዳ እሙ ጸሳወ ሳወዋ ቶሸኩ ግያን እ ደሰያ፣ እ ናሽቾያ ያርሹዋ ማላ።

19 ቃይ ታ ጸሳይ ባረ ቦንቾ ዱረተላ ዳሩዋን ክርሰቶስ የሱሳ ባገና ህንተና ኮሸያዋ ኡባ ህንተንቶ እማና።

20 ኑ ጸሳወ፣ ኑ አዎ መድናፕ መድና ጋካናወ ቦንቾ ግድ። አመንእ።

**ወርሰላ ሳርታ**

21 ክርሰቶስ የሱሳዋ ግድያ ጸሳ እሳቱዋ ኡባቱዋ ሳር ጊተ። ታናና ሀዋን ደእያ እሻቱ ህንተና ሳር ጊና።

22 ሀዋን ደእያ ጸሳ እሳቱዋ ኡባቱ፣ ኡባፕካ አሊደ ካትያ ቄሳረ ጎልያን ደእያዋንቱ ህንተና ሳር ጊና።

23 ኑ ጎዳ የሱስ ክርሰቶሳ አቶ ኬካተላይ ህንተናና ግድ።

† 4:11 ታወ ደእያባይ ታወ ግዳና- ታወ ደእያባን ታን ሸምፓይ፣ ካላይ፣ ዋፑ ጋይ። 4:15 2 ቆር. 11:9 4:16 ኪታ 17:1 4:18 ከሳ 29:18



13 እ ኑና ጴጫ ዋልቃጥ አሺደ፡ ባረ ሲቅያ ናእ ካወተላኮ ፕገጤዳ።

14 ቃይ እ ባረ ናእን ኑና ዋዚደ፡ ኑ ናጋራ እቶ ጌዳ።

**ክርስቶስ ጸላተላን እ እሱዋ**

15 ክርስቶስ ቤተና ጸላ ቆንጭሰያዋ፤ እ መፀፀዳዋ ኡባጥ እድያ ባይራ ናእ።

16 እያወ ጎጥ፡ ኡባባይካ እን መፀፀዳ፤ ቤተናዋንቴ፡ ቤተናዋንቴ፡ እያናቱዋጥ ቤትያ ዋልቃይነ ጎዳተላይ፡ ጴቃተላይነ ማታይ፡ ሳሉዋንነ ሳእን ደእያ ኡባባይካ እን እወ መፀፀዳ።

17 እ ኡባጥ ካሰ ደኤዳ፤ ኡባባይካ እን ባረ ሳእ ሳእ እይቂደ ደኤ።

18 እ ባረ ሁጳው፡ ዋሳ ጎለወ ሁጳነ ደኤ፤ እ ኡባጥ ቦላ ግዳና ማላ፡ ካሰቲደ ሀይቁዋጥ ደንዴዳ ባይራ ናእ ግዴዳ።

19 እያወ ጎጥ፡ ጸላይ ኮዬዳዋዳን፡ እን ጸላተላ ኩመንላይ ደኤ።

20 ያትና ጸላይ ክርስቶስ ባጋና ኡባባ ባረናና ሰገላናወ የወዋ ቃቹዳ፤ ባረ ናእይ ማስቃልያ ቦላን ጉሴዳ ሱላን ሳሉዋንነ ሳእን ደእያ ኡባባ ባረናና ሰገሌዳ።

21 ሀዋጥ ካሰ፡ ህንተንቴ እታባ ቆፔዳ ድራወን እሌዳ ድራወ፡ ጸላጥ ቫኩቲደ፡ እናና ዋርከቲድታ።

22 ሸን ጸላይ ሀእ ህንተንታ ፖኮባይ ባይናዋንታን ቃይ ጌሻቱዋ እሊደ፡ ባረ ሰንላ ሸሻናወ፡ ባረ ናእ ሀይቁዳዋ እሳተላን ባረናና ህንተንታ ሰገሌዳ።

23 ሄዌ ህንተንቴ ቱሙ አማኑዋን ምን እቂደ፡ ምሽራቹዋ ቃላ ሰሲደ፡ ሰንላጥ እካና ጌዳዋጥ ቃዳናን ምኒደ ደኤጥ ሀናና፤ ሄ ዋንጋላ ምሽራቹ ሳእን ደእያ መፀፀታ ኡባ ማታን እደቲዳ። ታን ጳወሎስካ ምሽራቹዋ ቃላ ኡድያዋ ግዴዳ።

**ጳውሎስ የሱስ ኪቲዳዋ ግዲደ እሌዳ እሱዋ**

24 ታን ህንተንቶ ዋየቲዳ ድራወ፡ ሀእ ናሽታይ፤ ክርስቶስ ባረ ሁጳው፡ ሄዋ ግያዌ ዋሳ ጎለወ፡ ዋየትሸን ፓጩዳዋ ታን ታ ቦላ ሳኩዋን ኩንላይ።

25 ጸላይ ታና ህንተንታ ማድያዋን እ ቃላ ፖላደ ኡድያ ቆማተላ ኪታ ታወ እጫዳ።

26 ሀ ቃላይ ሀዋጥ ካሰ ባጋ ኡባን፡ አሳ ኡባወ ኤሪተናን ጌሚደ ደኤ፤ ሸን ባረና አማንያዋንቶ ጸላይ ሀእ ቆንጭሴዳ።

27 ጸላይ እይሁዳ ግዲና አሳወ ዋሌዳ ሀ አሳወ ቆንጭቤና ቦንቹዋን ዱረ የወ እየንቶ ጌሻቱዋ ኤርሳናወ ኮዬዳ፤ ሀ አሳወ ሀእ ቆንጩዳዌ እዬ ጎጥ፡ ክርስቶስ ህንተንቱን ደእያዋ፤ ሄዋ ግያዌ ጸላ ቦንቹዋ እናና ህንተንቴ እካናዋ።

28 ሄዋ ድራወ፡ ኑን አሳ ኡባወ ክርስቶስ ትዳቶ፤ አሳ ኡባ ክርስቶስ ኩመንላ አሳ እሊደ፡ ጸላኮ ሸሻና ማላ፡ ኑወ እዲዳ ኤሪተላ ኡባን ህንተንታ ሰሪቶን ታማርሴቶ።

29 ታን ሀዋ ፖላናወ፡ ታናን እላያ ክርስቶስ ታወ እምያ ዋልቃን ባጸታይነ ዳቡራይ።

**2**

1 ታን ህንተንቶን ሎደቅያ ግያ ካታማን ደእያ እሳቶን ቃይ ታና በእቤና አማንያዋንቶ ኡባቶ እይ ኬና ባጸታድታንቶ ህንተንቴ ኤራና ማላ ኮያይ።

2 ኤንቲንቴ ዋዛናይ ምናና ማላ፡ ሰቁዋን እትጥ ግዲደ፡ ቱሙ እከካን ቤትያ ድሪተላ ኡባ ኤንቲንቴ እካና ማላ፤ ቃይ ኤንቲንቴ ጸላይ አሳወ ቆንጭሰቤናዋ፡ ክርስቶስ እ ሁጳወ ኤራና ማላ፡ ታን ዳቡራይ።

3 ገማን ጸላይ ምንጃዳ ኤራይነ እዲዳ ኤሪተላይ ኡባይ እን ደኤ።

4 እንነ ህንተንታ ጭምያ ቃላን ባለፀና ማላ፡ ታን ህንተንታ ሀሳይሳይ።

5 እያወ ጎጥ፡ ታን ህንተንቴ ማታፕ ሃካደ ደኤጥካ፡ እያናን ህንተንቴና ደኤይ፤ ህንተንቴ ደእያ ማራነ ክርስቶስ ህንተንቴ ምኒደ አማንያዋ በእደ ናሽታይ።

**ክርስቶስን ቤትያ ኩመንላ ደኤዋ**

6 ሰም ህንተንቴ ጎዳ ክርስቶስ የሱሳ እኬዳዋዳን፡ እን ደኤተ።

7 እን ጸጸዋ የዲደ ድጭተ፤ ህንተንቴ ታማራዳዋዳን አማኑዋን ምንተ፤ ጸላ ኡባ ዋደ ጋላትተ።

8 ክርስቶስ ግደና ትምርትያን፡ ሀ ሳእ ሞድያ እያናቱዋ ትምርትያን፡ አሳጥ ዬዳ ኤሪተላን፡ ቃይ መላ ጭሙዋን ህንተንታ ኦንነ አዋደና ማላ ናገትተ።

9 እያወ ጎጥ፡ ክርስቶስ አሳተላ ቦላን ጸላተላ መፀፀታ ኩመንላይ ደኤ።

10 ቃይ ኡባ እያናቱዋ ካፖተላወን ጎዳተላወ ኡባወ ሁጳ ግድያ ክርስቶስ ኩመንላ ደኤዋ ደሜድታ።

11 ህንተንቴ ክርስቶስ እት አሳ ማላ ግዲደ፡ አሳ ቃዳራ ማላ ግድናን፡ ህንተንቴ ናጋራንቻ መፀፀታ ድግያ ቃዳራ፡ ሀዌካ እሹዋ ቃዳራ ግድናን ክርስቶስ እሌዳዋ።

12 ህንተንቴ ጸማቀቲዳ ዎደ፣ ክርስቶሳና ሞገቲደ፣ ክርስቶሳ ሀይቁዋጥ ደንጩዳ ጸሳ ዎልቃ ለማኔዳ ድራሬ፣ ኦራሳ ደኦ ጽንቃታን ክርስቶሳና እትጥ ደንጩድታ።

13 ህንተንቴ ህንተንቴ ናቁዋን ህንተንቴ ኤጫ አሳተላ ቃጸረተናን አጌዳዋን ሀይቁደ ደእያ ዎደ፣ ጸሳይ ህንተንቴ ናቁዋ አቶ ጊደ፣ ክርስቶሳና ህንተንጎጎ ፓጾ ዎጩድ።

14 ኦና እጽያ፣ አጩዋ ፓራማ ኦ ጫቁዋና እትጥ ጸሳይ ዳኬዳ፤ ማሰቃልያ ቦላን ድሺደ፣ ኦግያጥ ድጌድ።

15 ክርስቶስ ሄ ማሰቃልያን ካፓቱዋጥ ጎዳቱዋጥ ዎልቃ ዎል እኪደ፣ ባረ ጸኑዋን ኦሞደቲዳዋንጎ ቆንጭያን በሴዳ።

16 ሄዎ ድራሬ፣ ሙሳን ዎይ ኡሻን፣ ባላ ጋላሳ ዎይ አገናይ ጸርያ ዎድያ ቦንቶያዋን፣ ዎይ ሳሞባታ ቦንቶያዋን፣ ኦን ህንተንቴ ቦላ ፕርደፖ።

17 ሀዋንቴ ሰንሳጥ ያና የዋቶ ኤሹዋ፤ ሽን ቱማተሳይ ክርስቶሳዋ።

18 ዎርዲዋ አሽከ ማላታናው ኪታንቻው ጎይናናው ከይያዎ፣ በአቤናዎ ሳዳን በኦድ ጊደ ኦቶረትያዎ፣ አሳተላ ቆፋን ጮ አይያዎ፣ ኦን ህንተንቴ ቦላ ፕርደፖ።

19 ሄዎ ማላ አሳይ ሁጳ ግድያ ክርስቶሳ ምንሰ ኦይቁዳዋ ለፕሴ። ቦላ ኡባይ ሄ ሁጳያጥ ዎልቃ ደሚደ፣ ቦላን ደእያ ኩርያናን ጸጸዋና እትጥ ኦይቀቲደ፣ ጸሳይ ድቶያ ድሹዋዳን ድጩ።

**ሀይቁዋንካ ፓጻንካ ክርስቶሳና ደእያዎ**

20-21 ህንተንቴ ሀ ሳኦ ሞድያ እያናቱዋጥ ሃኪደ፣ ክርስቶሳና ሀይቁድታ፤ ያትና፣ እያዉ ሀ ሳኦ ዎጋን ደእያ አሳዳን ደእቲ፣ “ኦይቆፓ፤ ባራ በኦፓ፤ ቦቾፓ” ያግያ ህገቶ እያዉ አዛዘቲቴ?

22 ሀ ኡባባይካ አሳይ ሙጴዳ ህገን ትሞርተ ግድያ ድራሬ፣ ዎድያጥ ጉይያን ጳያና።

23 ኡንቴንቴ ኪታንቻው ጎይንያዋንካ ዎርዲዋ አሽከ ማላትያዋን ቃይ ባረንቴ አሳተላ ግልቁሰያዋን አጴዳ ኤራንቻ ማላቲና፤ ሽን አሹዋ አሙዋ ድጋናው ጎኦና።

**3**

1 ሰሞ ህንተንቴ ክርስቶሳና ሀይቁዋጥ ደንጩዳዎ ግደ፣ ጸሳጥ ኡሸቻ ባጋና ኡቴዳ ክርስቶሰ ደእያ ሳን ሳሉዋን ደእያዎ ምንሰ ኮይተ።

2 ሳሉዋን ደእያዎ ህንተንቴ ቆፓናጥ አትን፣ ሳኦን ደእያዎ ቆፖፕተ።

3 እያዉ ጎፕ፣ ህንተንቴ ሀይቁድታ፤ ቃይ ህንተንቴ ሸሞፕ ጸሳን ክርስቶሳና ጌማዳ።

4 ህንተው ደኦ ግዴዳ ክርስቶሰ ቆንጭያ ዎደ፣ ሄ ዎደ ህንተካ አናና ቦንቶዋን ቆንጫና።

**ኤጫን ኦራሳ ደእዎ**

5 ሄዎ ድራሬ፣ ህንተንቴን ደእያ ሀ ሳኦ አሞቱዎ ዎድተ፤ ሄዋንቴካ ዎሹሞያዎ፣ ቱናተላ፣ ዎሹሞዎ ከይያዎ፣ ኢታ አሙዎ፣ ሚሻ አሞትያዎ። የራንቻ ግዴሳይ ኤቃው ጎይንያዋጥ ዲማተና።

6 ሀዋንቴ ጋሱዋን፣ ጸሳይ አዛዘተና አሳቱዎ ሀንቀታናዎ።

7 ካሰ ህንተንቴ ሀ ኢታ ቆፋቱዋን ደእያ ዎደ ኡንቴንቴን ሞድቲድታ።

8 ሽን ሀኦ ህንተንቴ ቃይ ሀንቁዎ፣ ይሉዋ፣ እጸዋ፣ ህንተንቴ ዶናጥ ከሰያ ጫሻን ዬላይያ ሃሳያ ሀዋንታ ኡባ ህንተፕ ጳይሰተ።

9 እቲ አቶ ዎርደቶፕተ፤ እያዉ ጎፕ፣ ናጋራንቻ መ[ ]ታ ኦ እሱዋና ህንተፕ ጳይሰ ድጊደ፣

10 ጸሳይ፣ ኦ ሙጴዳዎ፣ ባረና ማላትሳናውን ባረው ደእያ ኤራተላ ኡባ አማናው፣ ኡባ ዎደ ኦራሳን ኦራሳ መ[ ]ታ ማዬድታ።

11 ሀ ኦራሳ መ[ ]ታን፣ ግሪክ አሳ ዎይ እይሁዳ አሳ፣ ቃጸረቲዳዎ ዎይ ቃጸረትቤናዎ፣ እማላቱዋን አይን ታማርቤናዎ፣ አይልያ ዎይ ዎማኑዋ ጊደ ሻክያባይ ባዋ፤ ሁጳ አላላ ክርስቶሳ፤ ኦ ኡባንካ ደኤ።

12 ሄዎ ድራሬ፣ ጸሳይ ደራዳዋንቴዳን፣ ጌሻን ሲቅያዋንታ ግዴደ፣ ማርተላ፣ ቃረታ፣ ኬካተላ፣ ህንተንቴ ሁጳያ ካዉሸያዎ፣ አሽከተላን ዳንዲያ ማይተ።

13 እቲ አቱዋዎ ዳንዲይተ፤ ኦን ባረ ላግያ ቦላ ሀንቀቲዳዎ ደእ፣ እቲ አቶ አቶ ያጎ። ክርስቶሰ ህንተንቶ አቶ ጌዳዎዳን፣ ህንተካ አቶ ጊተ።

14 ሄዎ ኡባ ቦላ፣ ኡባባ እትጥ ሸሽ ቃቶያ ሲቁዎ ማይተ።

15 ክርስቶሰ እምያ ሳርተሳይ ህንተንታ ሞደ፤ እያዉ ጎፕ፣ ጸሳይ ህንተንታ እት አሳ ኦሊደ፣ ሄ ሳርተሳዉ ጸሴዳ ጸሳ ጋላትተ።

16 ክርስቶሳ ቃላይ ህንተንቴ ዎዛናን ኩሚደ ደኤ፤ ህንተንቶ ደእያ አጴዳ ኤራተላ ኡባን እቲ አቱዎ ታማርቤተ፤ ዘርተ፤ ህንተንቴ ዎዛናን ጸሳ ጋላቲደ፣ ዎሳን ማዘሙርያ፣ ጸሳ ሰንሳ ዶቁ ኦልያ የላ የጽተ።

17 ህንተ አይ ሃሳይያዎ ዋይ አይ ኦሎዎ ግደጥካ፣ አወዋ ጸሳ የሱሳ ባጋና ጋላቲድ፣ ኦሎዎ ኡባ ጎዳ የሱሳ ሱንላን ኦሎተ።

አማንያ አሳቱዋ ጎሊን ደአናወ በሰያ ዋጋ

18 ማቼቶ፣ አማንያ አሳወ በሰያዋዳን፣ ህንተንቱ አሰናወ ሞደትተ።

19 አቱማ አሳቶ፣ ህንተንቱ ማጫ አሳ ሲቅተ፤ ኡንቱንቱና ዋፑ ጊደ ደአተ።

20 ናቶ፣ ህንተንታ የሌዳዋንቶ ኡባባን አዛዘትተ። እያወ ጎጥ፣ ህንተንቱ ኡንቱንቶ አዛዘትያዌ ጸሳ ዳር ናሸቼ።

21 አዋቶ፣ ህንተንቱ ናናይ ዋዛና ባየና ማላ፣ ኡንቱንታ ይሎዮጥተ።

22 አይለቶ፣ ሳኣን ህንተንቶ ጎዳ ግድያዋንቶ ኡባባን አዛዘትተ፤ ጎዳወ ያዪድ፣ ሱረ ዋዛናን ኦሎተጥ አትን፣ አሳ ናሸቻናወን አሳይ በኦ ግያዋን አዛዘትያዋንታ ግደጥተ።

23 ህንተ ኦሎዎ ኡሱ ኡባ አሳወ ግድናን ጎዳወ ኦሎዎዳን፣ ዋዛናጥ ኦሎተ።

24 ጎዳ ክርሰቶሳወ ህንተንቱ ኦሎዎ ድራወ፣ አ ባረዋንቶ አማናወ ጊገሰ ዋሌዳዋ ህንተንቱ ላታዋ አከክተ።

25 ባላባ ኦሎዳ ኡራይ ኦን፣ ባረ ኦሎዳ ባላዳን ዋይታ አካና፤ እያወ ጎጥ፣ ጸሳይ ፕርዲድ፣ ኦናን ማደና።

### 4

1 ጎዳቶ፣ ህንተወካ ሳሎዋን ጎዳይ ደአያዋ ኤሪድ፣ ህንተንቱ አይለቶ ጽሎተላን፤ ሱረተላን ኮሽያዋ ኦሎተ።

#### ዘርያ

2 ጸሳ አገናን ዋሰተ፤ ቃይ ዋሲደ አዛለናን፣ አ ጋላቲደ ዋሰተ።

3 ቃይ ህንተንቱ ዋሰያ ዋደ ኡባን፣ ካሴደጥ አሳወ ቆንጭቤናዋ፣ ክርሰቶሳዋ ኩን ኦዳና ማላ፣ ጸሳይ ኩወ አንጀያናዳን፣ ኩወካ ጸሳ ዋሰተ፤ እያወ ጎጥ፣ ሀእ ታን ቃሽ ጎሊያን ደአያዌ ሄዋሳ።

4 ቃይካ ታን በሰያዋ ከና ቆንጭሳደ ሀ የወዋ ኦዳና ማላ፣ ታወ ጸሳ ዋሰተ።

5 ህንተወ ደአያ ዋድያ ጎእ ባይናሳን ቆይሰናን፣ አማንናዋንቱ ማታን ጭንጫተላን ደአተ።

6 ህንተንቱ አሳ ኡባወ ዋት ዛራናወ በሰንቶ ኤራና ማላ፣ ህንተንቱ ሃሳይ ኡባ ዋደ፣ ሰሳናወ ሎሊያዋን ናሸቻያዋ ግዳናወ በሴ።

#### ወርሰላ ሳርታ

7 ኑ ሲቆ አሻይ ትክቆሰ፣ ታናና እትጥ ጎዳ ኡሱዋን ቆማ ግዳዳ አማንትያ ኦሳንቻይ፣ ታ ደአዋባ ህንተንታ ኤርሳና።

8 ታን አ ህንተኮ ኪትያዌ፣ ኩን ዋን ደአንቶ ህንተንቶ አ ኦዲድ፣ ህንተንታ መገጠላና ድራሳ።

9 አናሰዋሰ፣ አማንትያ ሲቆ አሻይ፣ ህንተንቱ ጋይዌ፣ አናና እትጥ ህንተኮ ቤ፤ ኡንቱንቱ ሀዋን ህንያ ኡባባ ህንተንታ ኤርሳና።

10 ታናና ቃሹዋን ደአያ አርሰጽርኮሰን ባርናባሳወ አወዋ ግዳዳ ማርቆስ ህንተንታ ሳርቲና፣ ታን ህንተንታ ካሰ አዛዘዳዋዳን፣ ማርቆስ ህንተኮ ቦጥ፣ ዋዛናጥ አ ሞክተ።

11 ዮሰጸሳ ግያ የሱሳካ ህንተንታ ሳር ሳር ጌ፤ አይሁዳ አሳቱዋጥ ታናና ጸሳ ካወተላወ ኦሎዎ፣ ሀ ሄዙ አሳቱዋጥ ሀራይ ባዋ፤ ሀዋንቱ ታና ዳር ማዳድና።

12 ኤፓርር፣ ህንተንቱ ጋይዌ፣ ክርሰቶሰ የሱሳ ቆማይ፣ ህንተንታ ሳር ሳር ጌ። አ ህንተንቱ ጸሳን ሞኒደ ኤቃናዳን፣ ጸሳይ ኮይያዌ ኡባይ አየንቶ ኤሪድ፣ ፖል አማናናዳን፣ ኡባ ዋደ ጸሳ ምንሰ ዋሴ።

13 እያወ ጎጥ፣ አ ህንተንቶ፣ ሎዶቅያ አሳወን ሀራፖሊሳ ግያ ካታማ አሳወ ዳር ዳቡርያዋ ታን ማርካታይ።

14 ኑ ሲቆ ደቶሪ ሉቃስን ዳማሰ ህንተንታ ሳር ደአቱ ያገና።

15 ሎዶቅያን ደአያ ኑ አሻቶን ንምጥወ ቃይ አዘ ጎሊያን ሽቅያ አማንያ አሳቶ ኑ ሳርታ ኦድተ።

16 ሀ ዳብዳቤያ ህንተንቱ ናባቤዳዋጥ ጉይያን፣ ሎዶቅያ አማንያዋንቶካ ናባብሰተ፤ ህንተካ ሎዶቅያ አማንያዋንቱካ ህንተንቶ የድያ ዳብዳቤያ ናባብተ።

17 ቃይ አርክፖሳወ፣ “ጎዳይ ነወ አሜዳ ኡሱዋ ፖሳናዋ ደጎፓ” ያገደ ኦድተ።

18 ታን ጳወሎስ፣ ታ ኩሽያን ሳርታ ጳጳዳዋ ሀዋ በአተ፤ ታን ቃሹዋን ደአያዋ ደጎጥተ።

ጸሳ አዶ ከካተላይ ህንተንቱና ግደ።

3:18 ኤ.ደ. 5:22፤ 1 ጳጳ. 3:1 3:19 ኤ.ደ. 5:25፤ 1 ጳጳ. 3:7 3:20 ኤ.ደ. 6:1 3:21 ኤ.ደ. 6:4 3:22 ኤ.ደ. 6:5-8 3:25 ዛረ. 10:17፤ ኤ.ደ. 6:9 4:9 ፕላ. 10-12 4:10 ኪታ 19:29፤ 27:2፤ ፕላ. 24፤ ኪታ 12:12፤ 25፤ 13:13፤ 15:37-39 4:12 ቆላ. 1:7፤ ፕላ. 23 4:17 ፕላ. 2

# ጳውሎስ ተሰሎንቆ አሳዉ ጻፈዳ ኮይሮ ኪታ ገሉዋ

ተሰሎንቆ ማቅደንያ ጌተትያ ሮማ ቢታዉ ዋና ካታማቶ። ጳውሎስ ተሰሎንቆን እማንያዋንቶ ሺሼዳዌ። ፕልጽሰዮሳ ቢታ የግ ቤዳዋፕ ጉይያና። ግደፕ አትሸን። እይሁዳቲዋ እማኑዋ አካናዉ ማቴዳ እይሁዳ ግደና አሳቱ ጳውሎስ ታማርሰያ። እማኑዋ ትምርትያ ደሴዳ ድራዉ (1:8-10)። እይሁዳቲ ጳውሎስ ቃናቲይ። ጳልቀሳ ደንጤድና። ሄዋ ድራዉ ጳውሎስ ተሰሎንቆ የዲይ። ቤርያ ጌተትያ ጋድያ ቤዳ። ታኪደ እ ቆርንቶሳ ጋኬዳ ዋይ። ማታን እ ማድያ ጽዋቶስ ተሰሎንቆ ቢደ ሰዋዋፕ ጉይያን እማንያ አሳ ሀናታ እዉ ቆንጭሲደ ኦዴዳ።

ጳውሎስ ኮይሮ ኪታ ተሰሎንቆ አሳዉ ጻፈዳዌ። እማንያዋንታ ምንሳናሳን መገጠላናሳ። እ ኡንቱንቱ እማኑዋባን ሲቆዋባ ሎኦ ዋርያ ሰሴዳ ድራዉ። ጸሳ ጋላቲ። ካሰ እ ኡንቱንቱ ግዳን ሄዙ ሳምንታ (ኪታ 17:1-9) ደኤዳ ዋይ። እይ ማላ ደኤዳንቶ ኡንቱንታ እኬክሴ። ሄዋፕ ጉየ ክርሰቶሳ ላኤንሉዋ ዩሳ ጼሌዳዋን ደንዴዳ ኦሻቶ ዛሩዋ እሜ። ሄ ኦሻቲዋፕካ እማሬዳዋንቲ። “ክርሰቶሰ ሀ እላምያ ሰማናፕ ካሰቲደ ሀይቄዳ እማንያ አሳይ። ክርሰቶሳ ሰማይ እምያ መጵና ደኤዋ ሻክ አካናዉ ዳንዳዪ? ክርሰቶሰ ሰማይ ያናዌ አዉዴ?” ያግያዋንታ። ጳውሎስካ ሄ ጋከቲዳ ዋድያ ነኢቲይ። “ክርሰቶሳ ላኤንሉዋ ዩሳ ትምርትያ ሀይታን ናጊደ እ ያና ጋካናዉ ዋፑ ጊደ ሀንተንቲ ኦሱዋ ኦሉላት” ያጊደ ኡንቱንታ ዞሬ።

## ሸምፓቲዋ ኡባቶ እመቴዳ ቃንሳ ቆፋቲዋ

- ገሉዋ 1:1
- ጳውሎስ ናሽቻን ጋላታ 1:2—3:13
- እማንያዋንቲ ደኤዋ ካለሰያ ኦግያ 4:1-12
- የሱሳ ላኤንሉዋ ዩሳ ትምርትያ 4:13—5:11
- ዉርሰላ ማቆዋ 5:12-22
- ቁትያ 5:23-28

1 ኡን ጳውሎስ። ሰላሲን ጽዋቶስ ተሰሎንቆን ደእያ እማንያ አሳቶ ሀ ዳብዳቢያ ጻፈቶ፤ ሄዋንቲ ጸሳ ኑ አቡዋንቶን ጎዳ የሱስ ክርሰቶሳዋንቶ። እቶ ኬካተላይነ ሳርተላይ ግደ።

- 2 ተሰሎንቆ አሳ ደኤዋን እማኑዋ
- 3 ኡን ዋሳን ጸሳ ጋላቲይ። ኡባ ዋደ ሀንተና ኡባቲዋ ሀሳዬቶ።
- 4 ኡን ኑ ጸሳ። ኑ አዉዋ ሰንሳን እማኑዋን ሀንተንቲ ኦሌዳ ኦሱዋን። ሲቆዋን ሀንተንቲ ዳቡሬዳ ዳቡሬ። ቃይ ኑ ጎዳ የሱስ ክርሰቶሳን ሀንተዉ ደእያ ሀይታን ገንጭያ ገንጨዋ ኡባ ዋደ ሀሳዬቶ።
- 5 ኡናዳን ጸሳ ካልያዋንቶ። ጸሳይ ሀንተና ሲቆያዋን ሀንተና ባረዉ ናና ኦሳናዉ ድሬዳዋ ኡን ኤሬቶ።
- 6 እያዉ ጎፕ። ኡን ዋንጋላ። ዋልቃን። ጌሻ እያናንነ ሄ ዋንገሊ ቱማ ግዴዳዋ ዉርስ እማንያዋን ሀንተንቶ እሄዳዋፕ አትን። አሳ ቃላ ጸላላን አሀበይኮ። ኡን ሀንተናና ደእያ ዋይ። ሀንተንቲ ድራዉ ዋን ደኤዳንቶ። ሀንተንቲ ኤሬታ።
- 7 ቃይ ሀንተንቲ ዳር ዋየቶፕካ። ጌሻ እያናይ እሜዳ ናሽቻን ኪታ እኬድታ፤ ሄዋን ኑ ሌምሱዋን ጎዳዋ ካሊድታ።
- 8 ሄዋ ድራዉ። ማቅደንያንነ አካይያ ግያ ጋድያን ደእያ እማንያ ኡባቶ ሌምሱዋ ግዴድታ።
- 9 እያዉ ጎፕ። ጎዳ ቃላይ ሀንተፕ ከሲደ። ማቅደንያንነ አካይያ ጸላላን ሰስትቤና፤ ሸን ጸሳ ሀንተንቲ እማንያዌ ኡባ ሳን ሰስቲዳ። ሰም ኡን ሃሳናዉ ከሸሸን አቶዌ እይነ ባዋ።
- 10 እያዉ ጎፕ። ኡን ሀንተኑ ቤዳ ዋይ። ሀንተንቲ ኑና ዋት ሞኬደንቶን ቃይ ሀንተንቲ ሀንተንቲ ኤቃዉ ኦሰያዋ አጊደ። ዋርዶተና ደኤዋ ጸሳዉ ኦሳናዉ ዋን ጸሳኑ ሰሜድተንቶ። ኡንቱንቲ ባረጎቲ ሀቋያን ሃሳዪና።
- 11 ቃይ ጸሳ ናኢይ የሱስ። ጸሳይ ሀይቆዋፕ ደንጤዳዌ። ኑና ሰንሳፕ ያና ጸሳ ሀንቆዋፕ አሸያዌ ሳሉዋፕ ያናዋ ሀንተንቲ ናጊያዋ ኡንቱንቲ ሃሳዪና።

## 2

ጳውሎስ ተሰሎንቆን ኦሌዳ ኦሱዋ



- 1 ኑሩዳን ጳላ ካልያዋንቶ፣ ኑን ህንተኮ ቤዳዌ መላ ግድናዋ ህንተንቱ ህንተንቱ ሁጳዉ ኤሪታ።
- 2 ሸን ኑን ህንተኮ ያናፕ ካሰ ፕልጵሰኖሳ ግያ ካታማን ዋየቱዳዋን ቦረቲዳዋ ህንተንቱ ኤሪታ፤ ዳር ጳልቀሳይ ደኑፕካ፣ ህንተንቶ እ ሞሽራቹዋ ቃላ ኑዳና ማላ፣ ጳላይ ኑዉ ሞናተላ እሜዳ።
- 3 ኑን ህንተና ዋሰያዌ ባለደ ዋይ ቱናተላን ዋይ ገንያን ግድና።
- 4 ሸን ጳላይ ዋንጋላ ሀዳራ እካናዉ ኑን አማነትያዋንታ ግድና፣ ኑዉ ሄ ሀዳራ እሜዳ፤ ሄ እሜዳዋዳንካ ኑን ሃሳዬቶ። ቃይ ኑን ኑ ዋዛና ጸሞሰያ ጳላ ናሽቻያዋዳን ሃሳዬቶፕ አትን፣ አሳ ናሽቻያዋዳን ሃሳዮኩ።
- 5 ኑን ህንተኮ ጭምያ ሃሳያና፣ ዋይ ኑን ኖራ ገንሳያ ሀናታን ይቤናዋ ህንተንቱ ሎይሳ ኤሪታ፤ ጳላይካ ኑዉ ማርካ።
- 6 ኑን አሳፕ፣ ዋይ ህንተፕ፣ ዋይ ሀራንቱ ኦፕካ ቦንቹዋ እካናዉ ኮይቢይኩ።
- 7 ኑን ክርሰቶሰ ኪቲዳዋንታ ግዳደ፣ ቦንቹዋ ህንተንቱፕ አቻናዉ ዳንዳዬቶ። ሸን አታ ባረ ናናቱዋ ሲቁዋን ድቻያዋዳን፣ ህንተንቱ ግዳን አሸከ ግዳደ።
- 8 ህንተንቱ ኑዉ ዳር አልኦ ግዳዳ ድራዉ፣ ጳላ ዋንጋላ ህንተንቶ አማናዋ ጸላላ ግድናን፣ ኑ ደኡዋካ ህንተንቶ አማናዉ ገግ ኡቲዳ፤ እያዉ ጎፕ፣ ህንተና ኑን ሎይሳ ሲቁደ።
- 9 ኑሩዳን ጳላ ካልያዋንቶ፣ ኑ ኡሱዋን ኑ ዳቡራ ህንተንቱ እኪቢታ፤ ህንተንቶ ጳላ ሞሽራቹዋ ቃላ ኡዳደ፣ ህንተና እይነ ዋይሰና ማላ፣ ቃማን ጋሳሰ ኑን ኡሌደ።
- 10 ኑ ደኡ ህንተንቱ ማታን፣ አማንያዋንቱ ማታን፣ ጌሻ፣ ጽሎነ ቦረተናዋ ግድያዋ ህንተን ጳላይ ማርካ።
- 11 ኑን ህንተንቶ ሀጲያን ሀጲያን አዉ ባረ ናናዉ ህንያዋዳን ሀኔዳዋ ኤሪታ።
- 12 ኑን ህንተና ዞራደ፤ መንግሥቱን ህንተንቶ ማርካቲደ። ሄዌኔካ ህንተና ጸሴዳ ጳላ ናሽቻያ ደኡዋ ህንተንቱ ደአናዳናን እ ካዉተላነ እ ቦንቹዋ ገላናዳና።
- 13 ህንተ ኑፕ ጳላ ቃላ ቱማ ግዳዳዋዳን እኪዳ ዋይ፣ ጳላ ኪታዳን እኪዳዋፕ አትን፣ አሳ ኪታዳን አክቢና ድራዉ፣ ጳላ ቃላይ አማንያ ህንተናን ኡሌ፤ ሄ ጋሱዋን ኑን ጳላ ኡባ ዋይ ጋላቲቶ።
- 14 እያዉ ጎፕ፣ ኑሩዳን ጳላ ካልያዋንቶ፣ ክርሰቶሰ የሱሳን እቱዋ ግዳዳ ይሁዳ ግያ ጋድያን ደአያ አማንያዋንታ፣ ህንተንቱ ለምሰቲታ፤ ሄዋንቱ ጳላ አማንያዋንታ። እይሁዳቲ ኡንቲንታ ዋይሴዳዋዳን፣ ህንተንቱ ቢታ አሳይካ ህንተና ዋይሴዳ።
- 15 ሄ እይሁዳቲ ጎዳ የሱሳን ናባቲዋ ዋዴድና፤ ቃይ ኑና የደርሴድና። ኡንቲንቱ ጳላ ናሽቻክና፤ አሳ ኡባካ አጲና።
- 16 እይሁዳ ግድና አሳይ አታና ማላ፣ ኑን ኡንቲንቶ ቃላ ኡድያዋ ድጊና። ቃይ ኡንቲንቱ ናጋራይካ ኡባ ዋይ ዳር ዳር ቤ። ሸን ዉርሰሳን ጳላ ሀንቁ ኡንቲንቱ ቦላ ዋዴዳ።

**ጳዉሎሰ ተሰሎንቆ አሳ ላኢንሉዋ ጸሞሳናዉ አሞቲዳ እመዋ**

- 17 ሸን ኑሩዳን ጳላ ካልያዋንቶ፣ ኑን ኑ ቆፋን ግድናዳን፣ አሳተላ ጸላላን ህንተፕ ጉላ ዋደዉ ሻከቲዳ ዋይ፣ ህንተና ዳር ላሞቲደ፣ እይፍያን በአናዉ ሎይሳ ኮዬደ።
  - 18 እያዉ ጎፕ፣ ኑን ህንተኮ ስሚደ ናናዉ ኮዬደ። ኡባ ታን ጳዉሎሰ ዛራ ዛራደ ህንተኮ ባናዉ ማላ በአድ፤ ሸን ሲጻናይ ኑና ድጊዳ።
  - 19 እያዉ ጎፕ፣ ኑ ጎዳ የሱሰ ክርሰቶሰ ይያ ዋይ፣ ኑን በአና ጊደ ናሽቻን ናግያዌ፣ ዋይ ኑ ናሽቻይ፣ ዋይ ኑን ጨቀትያ ካላቻይ ኦኔ? ህንተና ግድክቴዬ?
  - 20 እያዉ ጎፕ፣ ህንተንቱ ኑ ቦንቹዋን ኑ ናሽቻ።
- 3**
- 1 ሄዋ ድራዉ፣ ኑዉ ገንጫናዉ ዳንዳየተናን እጹዳ ዋይ፣ አቴና ግያ ካታማን ኑረካ አታናዉ ቆፋ ቃቹደ።
  - 2 ህንተና ዞራናዳንን ህንተንቱ አማኑዋን ህንተና ሞንሳናዳን፣ ጳላዉ ኦሳያ ኑ አሻ፣ ኑናና አትፕ ክርሰቶሳ ሞሽራቹዋ ቃላ ኡድያ ጽሞቶሳ ህንተኮ ኪቲደ።
  - 3 ሀ ዋይያ ጋሱዋን ህንተፕ ኦንነ ጉየ ሰመና ማላ፣ እ ኪቲደ። ኑን ሄዋ ድራቲዳዋ ህንተንቱ ህንተንቱ ሁጳዉ ኤሪታ።
  - 4 እያዉ ጎፕ፣ ኑን ህንተናና ደኢደ፣ ኑን ዋየታናዋ ካሰቲደ ህንተንቶ ኦዴደ፤ ቃይ ህንተንቱ ኤርያዋዳንካ ካሰ ሄዋዳን ሀኔዳ።
  - 5 ሄዋ ድራዉ፣ ቃይ ገንጫናዉ ታዉ ዳንዳየተናን እጹዳ ዋይ፣ “ኡን ኤር ጸላህያ ካፕ ህንተና ፓጩናን አገና። ኑ ዳቡራይካ መላ ግድናን አገና” ያገደ ህንተንቱ አማኑዋ ኤራናዉ ጸሞቶሳ ህንተኮ ኪታድ።
  - 6 ሸን ሀእ ጸሞቶሰ ህንተንቱ ማታፕ ኑን ዪደ፣ ህንተንቱ አማኑዋን ህንተንቱ ሲቁዋን ህንተንቶ ሞሽራቹ ጊደ ኑዉ ኡዳደ። ቃይ ኑን ህንተና በአናዉ ላሞትያዋዳን ህንተካ ኑና በአናዉ ላሞቲደ፣ ኡባ ዋይ ኑዉ ሎኮባ ቆፕያዋ እ ኡዳደ።

7 ሃዋ ድራሬ፡ ኑናዳን ጸሳ ካልያዋንቶ፡ ኑ ዋይያንነ ኑ ቱገን ኡባን ህንተንቱ አማኑዋ ባገና ህንተዋን ኑ ምነቴድ።

8 ጎዳን ምኒደ ህንተንቱ ደአ፡ ኑንካ ሀእ ደኤቶ።

9 እያወ ጎፕ፡ ኑን ህንተባዉ ጸሳ ጋላቴቶ። ኑን ኑ ጸሳ ሰንሳን ህንተንቱ ድራሬ ደእያ ናሸቻ ኡባዉ እ ዳር ጋላቴቶ።

10 ኑን ህንተና በእናዉን ህንተንቱ አማኖ ፓጩዳዋ ኩንሳናዉ፡ ቃማነ ጋለስ ኑ ኩሙንላ ዋዛናፕ ጸሳ ዋሴቶ።

11 ኑ አዉ፡ ኑ ጸሳይ ባረ ሁጳዉ፡ ቃይ ኑ ጎዳይ የሱሰ ክርሰቶስ ኑን ህንተኮ ብያ ኦግያ ኑዉ ገግሶ።

12 ኑን ህንተና ሎይሉ ሲቅያዋዳን፡ ጎዳይ ህንተንቱ እቱ እቱዋ ሲቅያ ሲቁዋን ቃይ አሳ ኡባ ሲቅያ ሲቁዋ ህንተንቶ ዳርሶን ጉጆ።

13 ኑ ጎዳይ የሱሰ ባረ ጌሻቱዋ ኡባና ይያ ዋደ፡ ኑ ጸሳ፡ ኑ አዉዋ ሰንሳን ህንተ ዋዛናይ ጌሻን ፖኩ ባይናዋ ኦሌደ፡ ህንተና እ ሙን፳ሉ።

### 4

#### ጸሳ ናሸቻያ ደኡዋ

1 ሰም ዉርሰላን፡ ኑናዳን ጸሳ ካልያዋንቶ፡ ጸሳ ናሸቻናዉ ህንተንቱ ዋን ደእናዉ በሰንቶ፡ ኑፕ ታማራድታ። ሃዌ ህንተንቱ ካሴደፕ ደእያ ማራ፤ ሸን ሀእ ህንተንቱ ካሰዋፕ ሎይሊደ ኦላናዳን፡ ጎዳ የሱሳ ሰንሳን ህንተና ዋሴቶን ዞራቶ።

2 እያወ ጎፕ፡ ኑን ጎዳ የሱሳ ማታ ባገና ህንተንቶ እማዳ አዛዙ ሀቃዌንቶ፡ ህንተንቱ ኤሪታ።

3 እያወ ጎፕ፡ ጸሳይ ህንተፕ ኮይያዌ አይ ጎፕ፡ ህንተንቱ ጌሻ ግዳናዋን ዋሹምያዋ ኡባና አጋናዋ ኮዬ።

4 ህንተንቱ ሁጲያን ሁጲያን ጌሻተላንነ ቦንቹዋን ህንተንቱ ማቻያና ዋት ደእነንቶ \* ኤራናዉ በሰፕ አትን።

5 ጸሳ ኤራና አማናና አሳቱዋዳን፡ ሎይሉ አዋትያዋን አካናዉ በሰና።

6 ኑን ቃይ ካሰ ህንተንቶ ኦዴዳዋዳንን ህንተና ምንስ ዞራዳዋዳን፡ ጎዳይ ሀዋ ማላባን ኡባን ሀሉዋ ከሰያዋ ግድያ ድራሬ፡ ኦንነ ሀ የዉዋን ባረ እሻ ናቃናዉን ጭማናዉ በሰና።

7 እያወ ጎፕ፡ ጸሳይ ኑና ጌሻተላን ደእናዉ ጸሴዳዋፕ አትን፡ ቱናተላን ደእናዉ ጸሰቤና።

8 ሃዋ ድራሬ፡ ሀ ትምርትያ እጵያ ኦንነ ህንተንቶ ባረ ጌሻ እያና እምያ ጸሳ እጸፕ አትን፡ አሳ አጸና።

9 ህንተ ህንተንቱ ሁጲያን እቱ እቱዋ ሲቃናዳን፡ ጸሳይ ህንተና ታማርሴዳ ድራሬ፡ ህንተንቱ ህንተንቱ እሻቱዋ ዋት ሲቃናዉ በሰንቶ፡ ኑን ጸፋናዉ ኮሸና።

10 ቃይ ማቅዶንያ ቢታ ኡባን ደእያ እሻቱዋ ኡባቱዋ ቱሙ ህንተንቱ ሲቁታ። ሸን ኑናዳን ጸሳ ካልያዋንቶ፡ ህንተንቱ ሃዋፕ ጉጅ ጉጂደ ኡንቱንታ ሲቃና ማላ፡ ህንተና ዋሴቶ።

11 ኑን ካሰ ህንተንቶ ኦዴዳዋዳን፡ ዋፑ ጌዳ ደኡዋ ደአተ። ቃይ ህንተና ኮሸያዋ ደማናዉ፡ ህንተ ኩሸያን አላተ።

12 ሃዋ ግደፕ፡ አማናናዋንቱ ማታን ህንተንቱ ቦንቹታናን ቃይ ህንተና ኮሸያባዉ ኦናን አዉዳሸክታ።

#### ጎዳይ ይያ ዋደ ሀይቁዳ አሳይነ ፓጻ ደእያ አሳይ ሀናናባ

13 ሸን ኑናዳን ጸሳ ካልያዋንቶ፡ ህንተንቱ ሀይታይ ባይና አሳቱዋዳን ካኖተና ማላ፡ ሀይቁዳ አሳቱዋ ህንተንቱ ኤራና ማላ ኮዬቶ።

14 ኑን የሱሰ ሀይቁዳዋን ቃይ ሀይቁዋፕ እ ደንዴዳዋ አማኔቶ፤ ሃዋዳንካ፡ ጸሳይ የሱሳ አማኒደ ሀይቁዳዋንታ የሱሳና አሀርዋ አማኔቶ።

15 እያወ ጎፕ፡ ኑን ህንተንቶ ኦድያ ጎዳ ቃላይ ሀዋ፤ ኑን፡ ጎዳ ላኤንሉዋ ዩሳ ጋላሳይ ጋካናዉ ሀዋን ፓጻ ደእያዋንቱ፡ ሀይቁዳዋንቱፕ ካሰቶኮ።

16 እያወ ጎፕ፡ ጎዳይ ባረ ሁጲያን አዛዙዋና፡ ኪታንቻቱዋ ካፑዋ ኮሻና፡ ጸሳ ማላካታ ገረላና ሳሉዋፕ ዋቆና። ክርሰቶሳ አማኒደ ሀይቁዳዋንቱ ካሰቲደ ሀይቁዋፕ ደንዳና።

17 ሃዋፕ ጉይያን፡ ኑን ሄ ዋደ ፓጻ ደእያዋንቱ፡ ጎዳና ጫርኩዋ ግደን ጋከታናዉ ኡንቱንቱና አትፕ ሻርያን ደንዳና። ሃዋ ድራሬ ኑን ጎዳና አትፕ ኡባ ዋደ ደእና።

18 ሃዋ፡ ሀ ቃላን እቱ እቱዋ ሙን፳ሉ።

\* 4:4 ጌሻተላን ቦንቹዋን ህንተንቱ ማቻያና ዋት ደእነንቶ- ጉሳይ ባረ አሳተላ ናጌደ ጌሻተላን ደእናዉ ኮሸያዋ በሰ።

# 5

## ጎዳ ጸሳ ጊዚደ ናግተ

- 1 ሽን ኑናዳን ጸሳ ካልያዋንቶ፡ ሀ የዋቱ እዉደ ሀናንቶ፡ ዎድያነ እገና ሀንተንቶ ጸፋናዉ ኮሸና።
- 2 እያዉ ጎጥ፡ ጎዳ ጋላሳይ ካይሱ ቃማ ይያዋዳን ያናዋ ሀንተንቱ ሎይህ ኤሪታ።
- 3 አሳይ፡ “ኡባባይ ሳራ፤ እያይካ ሀነና” ጊሸን፡ ማጫ አሳ የሉ ኦይደያዋዳን፡ ባሻይ ኡንቱንቱ ቆጥናን ኡንቱንቱ ቦላ ያና። ኡንቱንቱ ሙለካ ከሰ እክክኖ።
- 4 ሽን ኑናዳን ጸሳ ካልያዋንቶ፡ ሄ ጋላሳይ ሀንተንቶ ካይሱ ይያዋዳን ያናዉ ሀንተንቱ ጱማን ደእክታ።
- 5 ሀንተ ኡባይ ፖኡዋ እሳነ ጋላሳ አሳ፤ ኑን ቃማ አሳ ዎይ ጱማ አሳ ግደኮ።
- 6 ሄዎ ድራዉ፡ ኑን ሀራቱ ገምእሽያዋዳን ገምእሻናዉ በሰና። ኑን ቤንታናዉነ ዎጋን ደእናዉ በሴ።
- 7 እያዉ ጎጥ፡ ገምእሽያዋንቱ ቃማ ገምእሺኖ፤ ማሉትያዋንቱካ ቃማ ማሉቲኖ።
- 8 ሸን ኑን ጋላሳ አሳ ግድያዋንቱ ዎጋን ደእናዉ በሴ። ኑን አማኑዋነ ሲቁዋ ትራን ዎህያ ኦላ ማሻዳን ኦይቁደ፡ ኑን ሀደታን ናግያ አቶተላ፡ ብራታ ቆብያዳን፡ ሀጺያን ዎላናዉ በሴ።
- 9 እያዉ ጎጥ፡ ጸሳይ ኑና ኑ ጎዳ የሱሰ ክርሰቶሳ ባጋና አቶተላ ደማናዉ ደሬዳዋጥ እትን፡ አ ሀንቁዋ አካናዉ ደርቤና።
- 10 ኑን ፓጻ ግድና ዎይ ሀይቁዳዋንታ ግድና፡ ክርሰቶሳና እትጥ ደእና ማላ፡ ክርሰቶሰ ኑ ድራዉ ሀይቁዳ።
- 11 ሄዎ ድራዉ፡ ሀንተንቱ ቃይ ሀእ ኦህያዋዳን፡ ሀራቱዋ መንጃሳትነ እቱ እቱዋ ድቸተ።

## ዉርሰላ ዘርያነ ሳርታ

- 12 ኑናዳን ጸሳ ካልያዋንቶ፡ ሀንተንቱ ግደን ኦህያዋንታ፡ ሀንተና አማኑዋ ኦግያን ካለህያዋንታነ ዘርያዋንታ፡ ሀንተንቱ ቦንቻና ማላ፡ ሀንተና ዎሴቶ።
- 13 ኡንቱንቱ ኦህያ ኦሱዋ ድራዉ፡ ኡንቱንታ ሎይህ ቦንቸተነ ሲቅተ። እቱ እቱዋና ሳርተላን ደእተ።
- 14 ኑናዳን ጸሳ ካልያዋንቶ፡ ኑን ሀንተና ዘሬቶ፤ ማራይ ባይና ደኡዋ ደእያዋንታ ሴርተ። ያይያዋንታ መንጃሳተ። ዎልቁ ባይናዋንታ ማድተ። አሳ ኡባ ዳንዳይተ።
- 15 ኡንነ ኡታ ድራዉ ኡታ ዛረና ማላ ናገትተ፤ ሸን ኡባ ዎደ፡ እቱ እቶነ ቃይ አሳ ኡባዉ ሎኦባ አሳናዉ ምንተ።
- 16 ኡባ ዎደ ናሸትተ።
- 17 ኡባ ዎደ ቃንጸናን ጸሳ ዎሰተ።
- 18 ኡባባን ጋላትተ። እያዉ ጎጥ፡ ክርሰቶሳ የሱሳ ባጋና ጸሳይ ሀንተጥ ኮይያዌ ሄዎ።
- 19 ጌሻ እያና ታማ ቶይሶፕተ።
- 20 ትምቢትያ ቃላ ካቶፕተ።
- 21 ኡባባካ ፓጭተ። ሎኦባ ኦይቁተ።
- 22 ኡታ ኦሱዋ ኡባጥ ሃክተ።
- 23 ሳርተላ ጸሳይ ባረ ሁጸዉ ሀንተና ኡባባን ፖሎ ጌሸ፤ ቃይ ኑ ጎዳይ የሱሰ ክርሰቶሰ ይያ ዎደ፡ ጸሳይ ሀንተንቱ እያና፡ ሸምጥዋነ አሳተላ እትጥ ቦረተናዋነ ፖሎ ኦሊደ ናን።
- 24 ሀንተና ጼሰያዌ አማኑቲዳዎ፤ ቃይ ሄዎ እ ፖላና።
- 25 ኑናዳን ጸሳ ካልያዋንቶ፡ ኑዉ ጸሳ ዎሰተ።
- 26 እሻቱዋ ኡባ ጌሻ የሩዋ የሪደ ሳርተተ።
- 27 ሀንተ ሀ ዳብዳቢያ ጌሻ እሻቱዋ ኡባዉ ናባባናዳን፡ ጎዳ ሱንላን ሀንተና ዎሳይ።
- 28 ኑ ጎዳ የሱሰ ክርሰቶሳ አቶ ኬካተላይ ሀንተናና እትጥ ግደ።

# ጳውሎስ ተሰሎንቆ አሳጧ ጻፈዱ ላኤንሶ ኪታ ገሉዋ

ክርስቶስ ላኤንሶ ዩሳ ጾልያዎን ደንዴዳ እሻይ ዋሳሳ መጲደ ቤዳ ድራሬ። ተሰሎንቆን ደእያ አማንያ አሳ ግደን መቱ ዳሪደ ቤዳ። ጳውሎስ ተሰሎንቆ አሳጧ ጻፈዱ ላኤንሶ ኪታይ። “ጎዳይ ያና ጋላሳይ ማቴዳ” ያግያ አማኑዋ ምንሲደ ኦዴ። ጳውሎስ ኤንቱንቶ ኦዴደ። “ክርስቶስ ያናፕ ካስቲደ ክርስቶስ ትምርትያ ጻልቁያ እት። ማካላ አሳ” ጌተትያ ክርስቶስ እጽያዌ ካለልና አላምያ ቦላን ኢታተላይን ማካላይ ዳሪደ ባና” ያገደ ኤንቱንቱ አማኑዋ ሱርሳናጧ ማሌ።

የሱስ ከቴዳዌ ናባብያዎንቶ። “መቱን ዋዪ ዳርፕካ ኤንቱንቱ ባረንቱ አማኑዋን ምናናዳን። እካ አናና እትፕ ኦልያዎንቱካ ኦልያዎዳን። ኤንቱንቱ ባረንቱ ደኦ ኮሽያዎ ደማናጧ። ምኒደ ኦላናዳን። ሄዋዳንካ ቃይ ሎኦ ኦሱዋ ኦላናጧ ድብናዳን” ያግ ኤንቱንታ ምንሲደ ዞሬ።

## ሸምፓቱዋ ኡባቶ አመቴዳ ቃንሳ ቆፋቱዋ

ገሉዋ 1:1-2

ጋላታን ሀዳራ 1:3-12

የሱሳ ላኤንሶዋ ዩሳጧ አመቴዳ ትምርትያ 2:1-17

አማኑዋን ደኡዋባ ማቁዋ 3:1-15

ጠርሰሳ ቁትያ 3:16-18

1 ኑን ጳውሎስ። ስላስን ጽዋቶስ። ተሰሎንቆን ደእያ አማንያ አሳቶ ሀ ዳብዳቢያ ጻፈቶ። ሄዋንቱ ጸላ ኑ አቡዋንታን ጎዳ የሱስ ክርስቶስዋንታ።

2 ጸላ ኑ አጠዋፕን ጎዳ የሱስ ክርስቶሳፕ። እጾ ከካተላይን ሳርተላይ ህንተንቶ ግድ።

### ክርስቶስ ዩሳ ጋላስ ሀናና ፕርዳ

3 ኑናዳን ጸላ ካልያዎንቶ። ህንተንቱ አማኑ ሎይሎ ድጭያ ድራጫ። ህንተንቱ እቱ እቱዋ ሲቅያ ስቁ ዳርያ ድራጫ። ኑን ህንተንቶ በሰያዎዳን። ጸላ ኡባ ዋደ ጋላታናጧ በሲ።

4 ሄዋ ድራጫ። ህንተንታ የደሳይን ዋይያ ኡባይ ጋክናካ ህንተንቱ ገንጭያዋን አማንያዋ ኑን ኑ ሀጸጧ ጸላ አማንያዎንቶ ኦዴደ። ህንተንቱ ጨቅቱቶ።

5 ህንተንቱ ዋየትያ ጸላ ካጠተላጧ በሰያዎንታ ግዲደ ፓይደታና ማላ። ጸላይ ፕርድያ ጸሎ ፕርዳ በሰያ ማላ።

6-7 ጸላይ ቱሙ ፕርዳ ፕርዳና። ጎዳይ የሱስ ባረ ዋልቃማ ኪታንቻቱዋና ታማ ላጩዋ ግደን ሳሉዋፕ ይያ ዋደ። ጸላይ ህንተንታ ዋይሰያዎንቱ ቦላ ዋይያ አህና። ቃይ ዋየትያ ህንተናን ኑና ሸምፕሳና።

8 ቃይ ጸላይ ባረና ኤረናዎንታን ኑ ጎዳ የሱስ ክርስቶስ ዋንጋላ ምሽራቾ እዛዘተናዎንታ ሙራና።

9-10 ሄ ጋላስ እ ባረ ጌሻቱዋን ቦንቹታናጧን ቃይ ባረና አማንያ ኡባቱዋን ሳባታናጧ ይያ ዋደ። ኤንቱንቱ ጎዳ ሰንሳፕን ኦ ዋልቃ ቦንቹዋፕ ሻከቲደ። መጵና ባሻን ሙራታና። ጋሱካ። ኑን ህንተንቶ ኦዴዳ ኪታይ አማኑቱዳ።

11 ኑን ህንተንቶ ኡባ ዋደ ጸላ ዋሰያዌ ሄዋሳ። ኑ ጸላይ ጴሴዳ ደኦ ህንተንታ በሰያዎንታ ገደ ፓይዳናዳን። ኑን አ ዋሴቶ፤ ህንተንቱ ሎኦባ ኡባ አሞትያዎን ህንተንቱ አማኑዋ ኦሱዋ እ ባረ ዋልቃን ፖሎ።

12 ሄዋን ኑ ጸላ እጾ ከካተላንን ቃይ ኑ ጎዳ የሱስ ክርስቶስ እጾ ከካተላን። ጎዳ የሱሳ ሱንሳ ህንተንቱ ቦንቻና፤ ህንተናካ እ ቦንቻና።

## 2

### የሱሳ ላኤንሶ ዩሳጧ

1 ሀእ ኑናዳን ጸላ ካልያዎንቶ። ኑ ጎዳ የሱስ ክርስቶስ ዩሳጧን ኑን አናና ደእናጧ እኮ ሺቃናባጧ።

2 ትምቢትያ አሳይ ህንተንቶ ኦድያዎን ዋይ ሀራ አሳፕ ስሴዳ ቃላን። ዋይ እንን ኑፕ ዬዳ ኪታዳን ሃሳይያዎን። “ጎዳ ጋላሳይ ጋኬዳ” ገደ ህንተንቱ ኤለካ ዳጋመናዳንን ዋዛና ባየናዳን። ኑን ህንተንታ ዋሴቶ።

3 ህንተንታ እንን እይ ኦግያንን ባለሎፖ። እያጧ ጎፕ። ካስቲደ ማካልያዌን ቃይ ናጋራንቻይ። ባሻ ናእይ ቆንጨናን ደእሸን። ሄ ጋላሳይ ጋከና።

- 4 እሳይ ጎይንያ ኡባባነ እሳይ ጸሳ ግያ ኡባባ እ እጻና። እ ባረና ኡንቱንቱ ኡባጥ ጶቁ ኦላና። ቃይ ሀራይ አቶ ጸሳ ጌሻ ገልያ ገል ኡቲደካ። “ታን ጸሳ” ጋና።
- 5 ህንተንቱ ሀሳይክቱ? ታን ሄዋ ህንተንቶ ህንተናና ደኣደ ኦደድ።
- 6 እ ባረ ዋድያን ያናጥ አትን። ሀእ ያናዋ እያይ አ ተቁንቶ። ህንተንቱ ኤሪታ።
- 7 እያው ጎጥ። ጸራ ግዴዳ ማካላይ ሀእ ኦሌ፤ ሽን ሄ ተእያዋ ኦግያጥ ክቻና ጋካናው። እ ቆንጩና።
- 8 ሄዋጥ ጉይያን። ሄ ማካላንቻይ ቆንጭና። ጎዳይ የሱሰ ባረ ዶና ፔኑዋን አ ዋቆና። ቃይ የሱሰ ባረ ላኡገል ቦንቾ ዩሳን አ ሙላካ ጳይሳና።
- 9 ሄ ማካላንቻይ ሴጻና ኦሎዋን ዪደ። ዳሮ ዋልቃን ዋርዶ ማላታን ማላልሰያዋ ኦላና።
- 10 ሄዋዳንካ። ቃይ ጳይያ አሳቱዋ ዲማ ዲማ ኢታ ጭሙዋን ባለላና። ጳይያዋንቱ አታናው ቱማተላ ሲቁደ እክቤና ድራው ጳያና።
- 11-12 ሄዋ ድራው። ቱማተላ እማንቤና ኡባ አሳቱ። ናጋራ ኦልያዋን ናሽታዎዋንቱ ኡባይ ፕሮደታዳንነ ዋርዶ ግድያባ አማናዳን። ጸሳይ ዋልቃማ ባለ ኡንቱንቱ ግዶ የዳና።

**እቶተላዉ ደረቲዳ አሳቱዋ**

- 13 ሽን ጎዳይ ሲቆያ ኑናዳን ጸሳ ካልያዋንቶ። ኑን ጸሳ ህንተንቱ ድራው። ኡባ ዋይ ጋላታናው በሴ። እያው ጎጥ። ጌሻ እያና ዋልቃንነ ቱማተላ ህንተንቱ እማንያዋን ህንተንታ አሻናው። ጸሳይ ህንተና ባይራዳን ዶራዳ።
- 14 ጸሳይ ህንተንታ ኑን ህንተንቶ ኦዴዳ ኑ ሞሽራቹዋ ቃላ ባጋና ጴሴዳዌ። ህንተንቱ ኑ ጎዳ የሱሰ ክርስቶሳና አትጥ ቦንቻታናሳ።
- 15 ሰም ኑናዳን ጸሳ ካልያዋንቶ። ሞኒደ ኤቁተ፤ ኑን ህንተና ኑ ዶናን ግድና። ዋይ ኑ ዳብደቢያን ግድና። ታማርሴዳ ዋጋ ኦይቁተ።
- 16-17 ኑ ጎዳ የሱሰ ክርስቶሳ ባረ ሁጲያን ቃይ ጸሳይ። ኑ አው ኑና ሲቁደ። ባረ አቶ ኬካተላን ኑው ሙድና ዳንዳያን ሎኦ ህደታ አሜዳዌ። ቃይ ህንተንቱ ሎኦባ ኡባ ኦላናዳንነ ሃሳያናዳን። ህንተንቱ ዋዛና ሞንሶነ መንግጡ።

**3**

**ጳውሎስ፣ “ኑው ዋስተ” ያጌዳ**

- 1 ዉርሰላን ኑናዳን ጸሳ ካልያዋንቶ። ጎዳ ቃላይ ህንተንቱ ግድን። ኤላካ እካናዳንነ ቦንቻታናዳን። ኑው ጸሳ ዋስተ።
- 2 ቃይ እሳይ ኡባይ እማንና ድራው። ጸሳይ ኑና ናጋራንቻ አሳቱዋጥነ ኢታ አሳቱዋጥ አሻና ማላ። ኑው ዋስተ።
- 3 ሽን ጎዳይ እማንልያዋ፤ እ ህንተና መንግጡናና ቃይ ኢታጥካ ናጋና።
- 4 ኑን ህንተና እዛዝያዋ ህንተንቱ ሀእ ኦልያዋን ቃይ ሰንሳጥካ ኦላናዋ ጎዳይ ኑና ህንተዋን እማንሴ።
- 5 ጎዳይ ህንተንቱ ዋዛና ጸሳ ሲቁዋኮነ ክርስቶሳ እምያ ዳንዳያኮ ካለሉ።

**ኪታ ኪተት ደእናዌ ግደ**

- 6 ኑናዳን ጸሳ ካልያዋንቶ። ህንተንቱ ኑጥ እኬዳ ዋጋ ካለናን እዛላ ደኤዋ ደእያ እሻ ኡባጥ ህንተንቱ ሻከታናዳን። ኑ ጎዳ የሱሰ ክርስቶሳ ሰንሳጥ ህንተና እዛዜቶ።
- 7 እያው ጎጥ። ኑን ህንተናና ደእያ ዋይ እዛልቤና ድራው። ህንተንቱ ኑዋዳን ሀኒደ ደእናው በሰያዋ ህንተንቱ ህንተንቱ ሁጲያን ኤሪታ።
- 8 ኑን ህንተጥ ኦሰን ቶኩዋ ግድና ማላ። ቃማን ጋለሰ ዳቡሪደነ ጃሚደ ኦሊደ ደኤዳዋጥ አትን። አጥነ ቁማ ጮ ሞቦኮ።
- 9 ኑን ሄዋ ኦሊዳዌ ህንተንቱ ኑዋዳን ሀኒደ ደእናዳን። ኑን ህንተንቶ ለምሱዋ ግዳናዳጥ አትን። ሄዋ ህንተና ኦቻናው ኑው ማታይ ጳይና ግድና።
- 10 እያው ጎጥ። ኑን ሀራይ አቶ ህንተናና ደኢደካ። “ኦላናው ኮየና ኡራይ ኦንነ ሞፖ” ያጌደ ህንተና እዛዜቶ።
- 11 እያው ጎጥ። አሳ የዉዋን ገልያዋጥ አትን። አይነ አጋናዋንቱ። እዛላ ደኤዋ ደእያ እማሬዳ አሳቱ ህንተንቱ ግድን ደእያዋ ኑን ሰሴድ።
- 12 ኑን ሄዋንቱ ማላ አሳቱ ማራ ደኤዋ ደእናዳንነ ኦሊደ ቁማ ማናዳን። ጎዳ የሱሰ ክርስቶሳ ሱንሳጥ እዛዜቶነ ዞራቶ።
- 13 ሽን ህንተንቱ ኑናዳን ጸሳ ካልያዋንቶ። ሎኦ ኦሎዋ ኦላናው እዛሎጥተ።
- 14 ቃይ ኑን ሀ ዳብደቢያን ኪቲዳ ኪታዉ እዛዘተና ኡራይ ኦንነ ደኦጥ። ሄ ኡራ እኬክተ። እ ዬላታና ማላ። አጥ ሻከትተ።

15 ሸን እሻዳን ኦ ሴርተፕ አትን፥ ሞርክያዳን ጸሎፕተ።

**ወርሰላ ሳሮታ**

16 ሳሮተላ ጎዳይ ባረ ሁጲያን ህንተንቶ ኡባ ዎደነ ኡባ ባጋና ሳሮተላ እሞ። ጎዳይ ህንተናና ኡባና ግድ።

17 ታን ጳዉሎሰ፥ ሀ ሳሮታ ታ ኩሽያን ጳፋድ፤ ታ ዳብዳቢያ ኡባዉ ሀዌ ታ ፍርማ። ሀዌ ታን ጳፍያ ኦግያ።

18 ኑ ጎዳ የሱሰ ክርሰቶሳ አጾ ኬካተላይ ህንተናና ኡባና ግድ።

# ጳውሎስ ጽሞቶሳው ጳፌዳ ኮይር ኪታ ገሉጥ

ጽሞቶሳ ጌተትያ፡ አማንያ ያላጋይ፡ ቄር ኢስያ ጌተትያ ሳኣን የለቲዳ፡ እ ባረ ዳይ ባጋና እይሁደ እሳ፤ ባረ እሱ ባጋና ቃይ ግሪክ እሳ፡ እ ጳውሎሳና ኪታን እትጥ ዘጥትያ እሳ፤ ሞሽራቹዋ ቃላ ኪታካ እናና ማደቲደ ኦልያዎ፡ ጳውሎስ ጽሞቶሳው ጳፌዳ ኮይር ኪታይ ሄዙ እይፈ የዋቱዋን ሻከቲ፡፡

ኡባጥ ካስቲደ ሀ ኪታይ አማንያ እሳ ግደን ደንዴዳ ዋርደ ትምርትያባ ሞንሲደ ኦዴ፡ ሀ እማላ ግዴዳ ትምርቲ እይሁዳ እሳቱዋ ቆፋጥ ባጋነ ሀራ እሳቱዋ ቆፋጥ ባጋ እይቄዳዋ፤ “ሀዌ ቤትያ አላሚ ናጋራን ሀምባላቸት ድጌዳዋ ግድያ ድራው፡ እሳይ አቶተላ ደማናው ዴማ ግዴዳ ጸራ ኤራተላ ኤራናው፡ እት እት ቁማቱዋ ማናን አጋናውን ማቶያ አከናንን እስና ገለናን ደእናው ኮሼ” ያግያ ቆፋ ባሶ ኦሊደ ኦይቄዳዋ፡ ሄዋ ቦላካ ጉጂደ ኦ ኪታይ አማንያ እሳ እይሱዋባን ጎይቲዋ ዋጋባ ታማርሰያ ትምርትያ፤ ሄዋዳንካ ቃይ አማንያ እሳ ካለልያዋንቲክ ኤንቲንታ ማድያዋንቲ እይ ማላ ኤሻና ደልያዋንታ ግዳናው በሰንቶ ኦድያባ ኦይቄዳ፡ ወርሰሳን ጽሞቶስ የሱስ ክርሰቶሳው ኦልያ ሎኦ ኦሳንቻ ዋጊደ ግዳናው ዳንዳይንቶን ቃይ ዴማ ዴማ አማንያ እሳ ማባራ ሰንሳን እዉ ደእያ አዋተላው፡ ጳውሎስ ኦ ዘራዳ ዘርያ በኤቶ፡፡

## ሸምጉቱዋ ኡባቶ እመቴዳ ቃንላ ቆፋቱዋ

ገሉጥ 1:1-2

አማንያ እሳባነ ኤንቲንቲ ግደን ኦልያ ጸሳ ኦሳንቻቱዋባ 1:3—3:16

ጽሞቶሳው ኦ ኦሶ እመቴዳ ትምርትያ 4:1—6:21

1 ኑና እሸያ ጸሳይነ ኑን በእና ጊደ ናሽቻን ናግያ የሱስ ክርሰቶስ እዛዜዳ እዛዘዋዳን፡ የሱስ ክርሰቶስ ኪቲዳዋ ግዴዳ ታን ጳውሎስ፡

2 አማኑዋ ባጋና ታ ቱሙ ናእው፡ ጽሞቶሳው ሀ ዳብዳቢያ ጸፋይ፡፡

### ዋርደ ትምርትያጥ ናገቲሳ

ጸሳ ኑ እዉዋጥነ ኑ ጎዳ ክርሰቶሳ የሱሳጥ እጾ ኪካተላይ፡ ማርተላይነ ሳርተላይ ነዉ ግደ፡፡

3 ታን ማቅደንያ ባደ ነዉ ጌዳዋዳን፡ ኔን ኤፈሶንን ጋምእና ማላ ኮያድ፡፡ እት እት አሳቲ ዋርደዋ ትምርትያ ታማርሰና፤ ሄዋንቲ ታማርሰና ማላ፡ እግተ ጋደ ኦዳ፡፡

4 ኤንቲንቲ ቶሳ ኦድያዋን ባረንቲ ዛርያ ጋይርያዋ አጋናዳን ኦዳ፡፡ እያዉ ጎጥ፡ ሄዋ ማላባይ ፓሉማ ካለፎ፤ ቃይ ጸሳ ቆፋ አማኑዋን ኤረትያዋ ኦልክና፡፡

5 ሀ እዛዘ ዋና ቆፋይ ገሻ ዋዛናጥ፡ ሎኦ ሱረ ዋዛናጥ፡ እሳይ በኦ ግያባይ ባይና አማኑዋጥ ቤትያ ሲቁዋ ደንግሳናሳ፡፡

6 እት እት አሳቲ ሀዋ አጊደ፡ ማደና ሃሳያኮ ሰሚድና፡፡

7 ኤንቲንቲ እያ ሃሳይንቶን ዋይ ባረንቲን አማኑቲደ ኦድያባይ እየንቶ ኤርክና፤ ሽን ጸሳ ሀግያ ታማርሰያዋንታ ግዳናው ኮዪና፡፡

8 እሳይ በሰያዋዳን ሀግያን ጎኤቶጥ፡ ሀጊ ሎኦ ግድያዋ ኑን ኤራቶ፡፡

9 እትባ እኩካናው ኮሼ፡፡ ሀጊ ሎኦ እሳው መግቲቢና፡፡ ሽን ሀግያ መንሰያዋንቶ፡ እዛዘተናዋንቶ፡ ማካላንቻቶ፡ ናጋራንቻቶ፡ ጌሻተላይ ባይናዋንቶ፡ ቱናቶ፡ ባረንቲ ዳዮ ዋይ እባ ዋድያዋንቶ፡ ሸምጥዋ ዋድያዋንቶ፡፡

10 ዋሹማናው ካጃልያዋንቶ፡ አቲማ እሳይ አቲማ እሳና ዋሹምያዋንቶ፡ እሳ ዘልእያዋንቶ፡ ዋርዳንቻቶን ዋርዳዋን ጫቂያዋንቶ፡ ዋይ ቱሙ ትምርትያና ጋከተና እይ ኦሱዋ ግድናካ ኦልያዋንቶ ከሴዳ፡፡

11 ሄ ቱዋ ትምርቲ እንጀቲዳ ጸሳይ ታን አዋያና ማላ፡ ታዉ ሀደራ እሜዳ ቦንቻ ዋንጋላ ግዳዋን ደኤ፡፡

### ጳውሎስ ጸሳው ሸሼዳ ጋላታ

12 ታን ኦልያ ኪታን ታዉ ዋልቃ እሜዳ ኑ ጎዳ ክርሰቶሳ የሱሳ ጋላታይ፡፡ ታና ባረ ኦሳንቻ ሱንሎድ፡ ታና ሄ ኦሶ በሰያ አማኑቶዋ ጊደ ፓይዴዳ ድራውካ ኦ ጋላታይ፡፡

13 ታን ሀዋጥ ካስ ኦ ቦርያዋ፡ ኦ የደርሰያዋን ቲጋይያዋ ግደጥነ፡ ታዉ ሀዋ ኦ ኦልዳ፡፡ ሽን ታን ኤረናን ኦልዳ ድራውካ አማናቤና ድራው፡ ጸሳይ ታና ማራዳ፡፡

- 14 ቃይ ኑ ጎዳይ ዛዋይ ባይና ባረ እጾ ከካተሳ ታ ቦላን ጉሲደ፣ ክርሰቶሳ የሱሳ ባገና ኑባ ግዴዳ እማኑዋን ሲቁዋ ታዉ እሚዳ።
- 15 ክርሰቶሳ የሱሰ ናጋራንቻቱዋ እሻናዉ ሀ ሳእ ዬዳ ግያ ሃሳያይ እማነቴዳዋን እሳይ ኡባይ ቱማ ገደ እካናዉ በሰያዋ። ኡባፕ እጵያ ናጋራንቻይ ታና።
- 16 ሸን መጵና ደኡዋ እካናዉ እን እማናናዉ በሰያ አሳዉ ታን ሌምሱዋ ግዳናዳን፣ ኡባፕ እጵያ ናጋራንቻዉ ታዉ የሱሰ ክርሰቶሳ ዳር ዳንዳያዳን፣ ጳሳይ ታና ማሬዳ።
- 17 እይፍናን ቤተና መጵና ጳሳዉ እቶ፣ መጵና ካተዉ፣ መጵናፕ መጵና ጋካናዉ ጋላታይን ቦንቹ ግደ። እመንእ!
- 18 ታ ናእ ጽሞቶሳ፣ ካሰ ነባ ትምቢትያ ኦዴዳዋዳን፣ ሄ ኦዴዳዋዳን ሎኦ ኦላ ኔን ኦላታና ማላ፣ ሀ እዛዙዋ ነዉ ሀዳራ እማይ።
- 19 እማኑኑ ሎኦ ሱሪ ዋዛናይ ነዉ ደኡ። እቱ እቱ ባረንቱ ሱሪ ዋዛና የግ አገደ፣ ላግያዌ ባይና ማርካቢ ባይያዋዳን፣ ባረንቱ እማኑዋ ባይዘድኖ።
- 20 ጳሳ ቦርያዋ አገና ማላ፣ ሄዋ ታማራናዉ ታን ሴጻናዉ እሳ እሚዳ ሄመነዮሰን እሰክንድር ኡንቱንቱ ግደን ደእኖ።

## 2

### ዋሳ ጎልያ ዋሳ

- 1-2 ኑን ጳሳ ማላትያዋን፣ ጌሻተሳ ኡባን፣ ሳርተላንን እሸከተላን ደእና ማላ፣ እሳ ኡባዉ፣ ካተቶን ሱንላተላይ ደእያ ኡባቶ፣ ጳሳ ኦቻናዉ፣ ዋሳናዉ፣ ጋናታናዉን ጋላታናዉ በሰያዋ ኡባባፕ ካሰታይ ታን ኔና ኤርሳይ።
- 3-4 እሳይ ኡባይ አታናዳንን ቱማተሳ ኤራናዳን ኮይያ ኑና እሸያ ጳሳ ሰንላን ሀዌ ሎእያባን ናሸኝያዋ።
- 5 እያዉ ጎፕ፣ እት ጳሳይ ደኡ፤ ጳሳፕን አሳፕ ግዴዋን ግዴደ ጋናትያ እቱ ደኡ። ሄዌካ ክርሰቶሰ የሱሳ ግያ አሳ።
- 6 እ አሳ ኡባ ዋዛናዉ ባረና ኡባዉ እሚዳ። ጳሳይ ባረ ዋድያን አሳ ኡባ ዋዛናዉ ኮይያዋ በሰያ ማርካይ ሀዋ።
- 7 ታን ጳሳ ቃላ ኦድያዋ፣ የሱሰ ከቴዳዋን ቃይ እማኑዋንን ቱማተላን እይሁዳ ግደና አሳ ታማርሰያዋ ግዴደ ሱንቲዳዌ ሀዋሳ። ታን ዋርዶትከ፤ ቱሙዋ ሃሳያይ።
- 8 ሄዋ ድራዉ፣ ኡባ ሳን ደእያ እቱማ አሳይ ሀንቁን ፓሌሚ ባይናን፣ ባረ ጌሻ ኩሸያ ፑደ ደንሏድ፣ ጳሳ ዋሳናዳን፣ ታን ኮያይ።
- 9-10 ሄዋዳን ቃይ ማጫዋንቱካ በሰያ ማዩዋ ያሻተላንን ባረንታ ዋድያዋን ማይኖ። ጳሳዉ ያያይ ግያ ማጫ እሳ በሰያዋዳን፣ ሎኦባ ኦልያዋናፕ አትን፣ ሁጲያ ሹሩባ ዳድያዋን፣ ዋርቃን ዋይ እንቁዋን፣ ዋይ ዳር አልኦ እፍላን ባረና አሌቂሶፕኖ።
- 11 ማጫዉና ኡባባን ሞደታይ፣ ጮኡ ጋይ ታማሩ።
- 12 ታን ማጫዉና ጮኡ ጋይ ደኡ ጋይፕ አትን፣ እቱማ አሳ ታማርሰኑ ዋይ ኡንቱንቱ ቦላ አዎቱ ገከ።
- 13 እያዉ ጎፕ፣ አዳም ኮይሮ መቲዳ፤ ሄዋና ጉየፕ መቲዳ።
- 14 ሄዋና ጭመታይ ጳሳ ሀግያ መንላዳፕ አትን፣ አዳም ጭመትቤና።
- 15 ሸን ማጫዉና እማኑዋን፣ ሲቁዋን፣ ጌሻተላንን ባረና ሞዳደ ደኡፕ፣ ናና የልያዋን አታና። \*

## 3

### ዋሳ ጎልያ ካለልያዋንታ

- 1 ኔንን ዋሳ ጎልያ ካለልያዋ ግዳናዉ ኮዮፕ፣ ሎኦባ አሞቴዳ ግያ ሃሳያይ ቱማ።
- 2 ዋሳ ጎልያ ካለልያ ኡራይ ቦርሰናዋ፣ እት ማቻት ጸላላይ ደእያዋ፣ ባረና ሞድያዋ፣ ባረና ናግያዋ፣ ባረዉ በሰያዋ ኦልያዋ፣ እማሳ ሞክያዋ፣ ታማርሳናዉ ዳንዳይያዋ፣
- 3 ማላተናዋ፣ እሸከተላፕ አትን ዋላቀተናዋ፣ ፓሌመተናዋ፣ ሻሌዋ ሲቆናዋ፣
- 4 ናናይ አዉ እዛዙትያዋን ቦንቻያዋ፣ ቃይ ባረ ጎልያ እይሳናዉ ዳንዳይያዋ ግዳናዉ በሴ።
- 5 እያዉ ጎፕ፣ እት ኡራይ ባረ ጎልያ እይሳናዉ ዳንዳይናዋ ግደፕ፣ ጳሳ እማንያዋንታ ዎት እይሳናዉ ዳንዳይ?
- 6 ኦቶሩዋን ሰንቲድ፣ ጸላህያ ካፑ ጳሳ ፕርዳን ኩንዴዳዋዳን ኩንደና ማላ፣ ኡራላ እማኔዳ እሳ ግዳናዉ በሰና።

2:13 ደመሳ 2:7፣ 21-22      2:14 ደመሳ 3:1-6      \*      2:15 ናና የልያዋን አታና፣ ናና የልያዋን ናገታ ደእና ጉሳ።      3:2 ቲቶ 1:6-9



7 ጸላህያ ካቸዋ ቦርያንን ጰርያን ገለና ማላ። ሄ ኡራይ ዋሳ ጎልያፕ ካረና ደእያ አሳን ናሽትያዋ ግዳናዉ በሴ።

**ዋሳ ጎልን ማድያዋንቱባ**

8 ሄዋዳን ቃይ ዋሳ ጎልያ ማድያዋንቱ አሳይ ቦንቶያዋንታ። ላኡ ደና ሃሳየናዋንታ። ዳር ዋይንያ ኤሳ ኡሽናዋንታ። ሚሻዉ ያረተናዋንታ።

9 አማኑዋ ጸራ ጌሻ ዋዛና ቆፋን ናግያዋንታ ግዳናዉ በሴ።

10 ሄዋንቱ ካሰቲደ ፓጩታናዉ ኮሼ። ፓጭያ አጾዋፕ ጉይያን። ዋሳ ጎልን ኦልያዋንታ ግዲደ አልና።

11 ሄዋዳንካ ቃይ ኡንቱንቱ ማቻቱ አሳይ ቦንቶያዋንታ። ዝግረናዋንታ። ባረና ሞድያዋንታ። ኡባባን አማነትያዋንታ ግዳናዉ በሴ።

12 ዋሳ ጎልያ ማድያዋ እት ማቻት ጸላላይ ደእያዋን ቃይ ባረ ናናን ባረ ጎልያ ሎይል አይሰያዋ ግዳናዉ በሴ።

13 አያዉ ጎፕ። ዋሳ ጎልያ ማድያዋንታ ግዲደ። ሎኦ ኦሱዋ ኦልያዋንቱ ባረንቱ ሁጳዉ ዋልቃማ ቦንቶዋ ደሚና። ቃይ ክርሰቶሳ የሱሳን ባረንቶ ደእያ አማኑዋ ሎይል ጸሊደ ሃሳያናዉ ዳንዳዪና።

**ዋልቃማ ጸራ**

14 ታን ኔኮ ኤለካ ባና ጋይ ሀዋ ነዉ ጸፋይ።

15 ሸን ታን ቤናን ጋሞኦፕ። ጸሳ ጎልን ኔን ዋታ ደእናዉ በሰንቶ ኡራና ማላ ጸፋይ። ሄ ጎሊ ቱማተላዉ ቱሳን ባሶ ግድያ ደኡዋ ጸሳ ዋሳ ጎልያ።

16 ኑ አማኑዋ ጸራይ ዋልቃማ ግድያዋ ኦንነ ሰቆናዉ ዳንዳየና።

ክርሰቶሳ አሹዋን ቆንጩኦ፤

እ ጽሎዋ ግድያዋ ጌሻ እያናይ ማርካቲዳ።

ኪታንቻቱካ እ በኤድና፤

አይሁዳ ግደና አሳይ አባ ኦድና ሰሴዳ።

ሳእን ደእያ አሳይ እ አማኔዳ፤

ቦንቶዋን እ ሳሉዋ ቤዳ።

**4**

**ዋርዶ አስታማራቱዋ**

1 እት እት አሳይ ዉርሰሳ ዋድያን አማኑዋ አጋናዋ ጌሻ እያናይ ቆንጭያን ኦዴዳ። ኡንቱንቱ ዋርዶ እያናቶ አዛዘታና፤ ቃይ ጸላሁቱዋ ትምርትያ ካላና።

2 ሀዋ ማላ ትምርቲ። ትላ ዋዛና ታማን ቦንቄዳ ብራታን ጉዴዳዋዳን ደንጭሌዳ ዋርዶ አሳቱዋ ባገና ዬዳ።

3 ሀዋንቱ ማላ አሳቱ አክያዋን ገልያዋ ቃይ እት እት ቆሞ ካሳ ምያዋ ድጊና። ሸን አማንያዋንቱነ ቱማተላ ኤርያዋንቱ ጸሳ ጋላቲዳዋፕ ጉይያን ማና ማላ። ጸሳይ ካሳ መጴዳ።

4 አያዉ ጎፕ። ጸሳይ መጴዳባይ ኡባባይካ ሎእ። ጸሳ ጋላቲደ አኮፕ። ኦለትያዌ እያይነ ባዋ።

5 አያዉ ጎፕ። ሄ ኡባባይ ጸሳ ቃላንነ ዋሳን አንጀቲዳዋ።

**ክርሰቶሳዉ ሎኦ አሳንቻ ግድያዋ**

6 ሄዋ ድራዉ። ኔን አሻቱዋ ሄዋ ሀሳይሰያዋ ግድፕ። አማኑዋን ኔን ካሊዳ ሎኦ ትምርትያ ቃላን ኤቆፕ ኔን ክርሰቶሳ የሱሳዉ ሎኦ አሳንቻ ግዳናሳ።

7 ሸን አማንያ አሳዉ ሎኤና ሃሳያፕነ ቃይ ጭማ ማጫ አሳ ቶሳፕ ባቃታ። ቃይ ጸሳ ማላትያዋን ኔና ሎሀሳ።

8 አያዉ ጎፕ። አሳይ ባረ ቦላ ምንሰያዌ ላፋ ጎኤ። ሸን ጸሳ ማላትያዋን ሎሀሰያዌ ሀእካ ሰንሳፕካ ደኡዋ አማና ግያ ድራዉ። ኡባባዉካ ጎኤ።

9 ሀ ሃሳያይ አሳይ ኡባይ አካናዉ በሰያ ቱሙ ሃሳያ።

10 ኑን ሄዋ ደማናዉ ዳቡራቶን ሎይል ኦልቶ፤ ሄዋ ኑን ሀደታ ዋልዳዌ አሳ ኡባ። ኡባፕ አሊደ። አማንያዋንታ አሸያ ደኡዋ ጸሳ።

11 ሀዋ አዛዛነ ታማርሳ።

12 ኔን ያላጋ ግድያ ድራዉ። ኔና ኦንነ ካጾፖ። ሸን አማንያዋንቶ ነ ሃሳያን። ሀናተላን። ሲቁዋን። አማኑዋንነ ጌሻተላን ሊምሱዋ ግዳ።

13 ታን ያና ጋካናዉ አሳዉ ጸሳ ማጸፋ ናባብያዋን። ጸሳ ቃላ ኦድያዋንነ ታማርሰያዋን ምና።

14 ትምቢትያ ኦድያዋንቱ ሃሳይናን ጭማቱ ባረንቱ ኩሽያ ነ ቦላ ዋልና። ኔን አኬዳ። ኔናን ደእያ ጌሻ እያና አሙዋ ቶቾፓ።

15 ነ ድቻይ አሳ ኡባዉ ቆንጫና ማላ። ሄዋ ምንሳ ቆፓ። ሀዋ ኡባ ዋደ ኦላ።

16 ነ ሁጲያነ ነ ትምርትያ ናጋ። ኔን ሄዋ ኦልፕ። ኔናነ ኔን ግያዋ ሰሰያዋንታ ኦሽያ ድራሬ። ኦገናን ኦላ።

### 5

#### እምኤቱዋ ዞራዳ ዘርያ

- 1 ጭማ ኦሳ ነ ኦሳ ሰንቆያዋዳን ሰንቆፕ ኦትን። ቶቕፓ። ያላጋቱዋ ነ ኦሻዳን።
- 2 ቃይ ጭማ ማጫ ኦሳ ነ ኦቲዳን። ያላጋ ማጫ ኦሳ ነ ሞቕቲዳን። ኩሙሳ ጌሻተላን ሰንቆ።
- 3 ባረ ጸላላ ግዴዳ ቱሙ እምኤቱዋ ሰንቆ።
- 4 ሽን ኦምኦትሬ ናናይ ዋይ ናና ናናይ ደኦፕ። ሄ ናናይ ጸሳ ማሳትያዋ ባረንቱ ሶይ ኦሳ ሰሰያዋንነ ቃይ ሄዋ ኦልያዋን ባረንታ የሌዳዋንቱ ኩሽያ ዘርያዋ ታማርኖ። ኦያዉ ጎፕ። ሄዋ ጸሳ ናሽቆያዋ።
- 5 ኦያ ማዲካ ባይና ባረ ደኦያ ቱሙ እምኦታ ጸሳይ ኦማና ጋይ ናሽቆን ናጋ ኡታዲ። ቃይ ጋላሰነ ቃማ ጸሳይ ኦዞ ማዳና ማላ። ዋሳዉነ ኦቕ።
- 6 ሽን ባረና ኦሻልሰያ ኦምኦታ ፓጻ ደኦፕካ። ኦዞ ሀይቃድጋዲ።
- 7 ቃይ ኦንነ ኦንቱንታ ቦረና ማላ። ሀ ኦዞዞዋ ኦማ።
- 8 ሽን ባረንቱዋ ቃይ ኡባፕ ኦላደ። ባረ ሶይ ኦሳዉ ቆፕና ኡራይ ኦናነ ግደፕ። ሄዋ ባረ ኦማኑዋ ካዴዳዋ። ኦማናና ኦሳፕካ ኦቋይ ኦዉ ኦታ።
- 9 ኡሱፑን ታሙ ላይላይ ኩምቦና ኦምኦት ሱንላ ማዞንብያን ጸፎ። ሄዋ ቦላን ቃይ ኦዞ ኦት ኦሰናፕ ሀራ ገላቤናዉኖ ግዳናዉ ኮሹ።
- 10 ናና ድቆያዋን። ኦማላ ሞክያዋን። ጌሻቱዋ ገድያ ማጭያዋን። ዋየቲዳ ኦሳ ማድያዋን። ሎኦ ኦሱዋ ኡባ ካልያዋን። ሀ ሎኦ ኪታ ኪተትያዋን ኤረቲዳዉኖ ግዳናዉ ሰሴ።
- 11 ሽን ያላጋ ኦምኤቱዋ የኩንቱ ሱንላና ጋላ ጸፎ። ኦያዉ ጎፕ። ኡንቱንቱ ባረንታ። ኦሰና ገላ ገላ ግያ ዋይ። ክርሰቶሳ ኦጋናዋንታ።
- 12 ኮይሮ ኦማኑዋ ካቋዳ ድራሬ። ኡንቱንቱ ፕርደታና።
- 13 ሄዋ ባይናን ኦሱዋ ቆይደ ኦት ጎልያፕ ሀራ ጎልያ ዩዩደ። ሀመትያዋ ሳላላ ግደናን። ባረንቶ ሰሰናባ ሃሳዩደ። ዘግርሳነ የዉዋን ጮ ገልያዋ ታማሪኖ።
- 14 ሄዋ ድራሬ። ኑ ሞርከቱ ኑ ቦላ ሃሳይያ ኡታባ ደመና ማላ። ያላጋ ኦምኦቱ ኦሰና ገሊደ። ናኦ የሊደ። ባረንቱ ጎልያ ኦይሳና ማላ ዞራይ።
- 15 ኦያዉ ጎፕ። ሀዋፕ ካሰ ኦማራዳ ኦምኦቱ ሴጻና ካላናዉ ኦገደ ጉየ ሰማድኖ።
- 16 ኦማንያ ሞሽራትዉ ሀቃንካ ዳቦ ኦምኦቱ ደኦፕ። ኦዞ ኡንቱንታ ማዳናዉ ሰሴ። ኦማንያ ኦሳቱ ማዲ ሰሴን ሞሙ ኦምኤቱዋ ማዳና ማላ። ኡንቱንቱ ኦማንያዋንቶ ቶኮ ግደፕኖ።
- 17 ሎይላ ሄምያ ጭማቱ። ቃይ ኡባፕ ኦላደ። ቃላ ኦድያዋንነ ታማርሰያዋን የቡርያዋንቱ። ዳኮ ሰንቆዋ ኦካናዉ ሰሴኖ።
- 18 ኦያዉ ጎፕ። ጸሳ ማጻፋይ። “ኡዲማን ካላ የድያ ቦራ ደና ቃቕፓ” ቃይ። “ኦሳንቻይ ባረ ድርጉዋ ኦካናዉ ሰሴ” ያኑ።
- 19 ላኡ ዋይ ሄዞ ማርካይ ባይናን። ዋሳ ጎልያ ጭማ ሞትያዋ ሰሰ።
- 20 ሀራቱ ያያና ማላ። ናጋራ ኦልያ ኡባቱዋ ኦሳ ኡባ ሰንላን ሴራ።
- 21 ኔን ኦይነ ኦሳ ደሙዋ ጼላናን። ኦቱዋ ኦቱዋፕ ዲማየናን ሀ ኦዞዞዋ ናጋና ማላ። ጸሳንነ የሱሰ ክርሰቶሳን ደረቲዳ ኪታንቻቱዋ ሰንላን ኔና ታን ዞራይ።
- 22 ኦ ቦላን ኡሌላደ ነ ኩሽያ ዋል። ሀራቱዋ ናጋራን ገሎፓ። ኔና ጌሻተላን ናጋ።
- 23 ኔን ኡባ ዋይ ሳከትያ ድራሬነ ነ ኡሉዋ ድራሬ። ጉላ ዋይንያ ኡሳ ኡሻፕ ኦትን። ሃላ ጸላላ ኡሻፓ።
- 24 ኦት ኦት ኦሳቱዋ ናጋራይ ሰኦናዉ ቆንጨ፤ ኡንቱንቱ ናጋራይ ኡንቱንታ ፕርዳናዉ ኡንቱንቱፕ ሰንላዉ ኦቋ። ሽን ሀራቱ ናጋራይ ጉየፕ ቆንጨ።
- 25 ሄዋዳንካ። ሎኦ ኦሱካ ቆንጨ። ቆንጭቤናባ ግደፕ። ጌማናዉ ዳንዳየና።

### 6

#### ኦይላቶ ኦመቲዳ ዘርያ

- 1 ጸሳ ሰንላይነ ኑ ትምርት ቦረተና ማላ። ኦይላተላ ሞርገ ሞላ ግደን ደኦያዋንቱ ባረና ሞድያ ጎዳቶ ሰንቆ ሰሰያዋ ኡርኖ።
- 2 ኦማንያ ኦሳ ኦይልያ ግዴዳዋንቶ ኡንቱንቱ ጎዳቱ ኡንቱንቶ ኦሻ ግድያ ድራሬ። ኡንቱንታ ካቋፕኖ። ሽን ባረንቱ ኪታን ጎኤትያዋንቱ ኡንቱንቱ ሲቆያ ኦማንያዋንታ ግድያ ድራሬ። ኡንቱንቱ ካሰዋፕ ኦላደ ኦላናዉ ሰሴ።

**ዎርዶ ትምርትናን ቱሙ ዱረተላ**

ኔን ሀ የዋቱዋ ታማርሳናውን አዳናው በሴ።

3-4 ኦንን ዱማ ትምርትናን ታማርሰያዎ ግደፕ። ቃይ ኑ ጎዳ የሱሰ ክርሰቶሳ ቱሙ ቃላናን ኑ አማኑዋ ትምርትናን ጋከተና ኡራይ ዳሮ ኦቶረቱ፤ እይነ ኡረና። ቃይ ቃላ ቦላን ፓሉመታናውን ዋላቀታናው ኡንቱንቶ ገናና ቆፋይ ደኤ። ሄዌ ቃናትያ። ፓሉማ። ቦርያ። ኢታ ሰቋያ ካለሌ።

5 ቃይ ኡንቱንቱ ሁጺ እ።።። ቱማተላይ ባይና አሳቱዋናካ ፓሉማ ካለሌ። ኡንቱንቱ ጸሳ ማላትያዋን ዱረታና ጊደ ቆፒኖ። ኔን ሄ አሳቱዋፕ ሻከታ።

6 ሸን ታዉ ደእያባይ ታዉ ግዳና ግያ ኡራ ጸሳ ማላትያዌ ዱረይ።

7 እያዉ ጎፕ። ኔን ሀ አላምያ እይነ አሀበይኮ፤ ቃይ አፕ እይነ አፎኮ።

8 ሸን ምያባይነ ማይያባይ ደኡፕ። ሄዌ ኑዉ ግዳናዋ።

9 ሸን ዱረታናው ኮይያዋንቱ ፓጭያንነ ጸርያን ገሊኖ፤ ቃይ ዳሮ አሳ ባሻዉነ ጳዮ ጎቾ አፍያ ዳሮ ኤያነ ቆህያ አሙዋን ከንዳኖ።

10 እያዉ ጎፕ። ሻሉዋ ሰቆያዌ ኢታተላ ኡባዉ ፑልቱዋ። እቱ እቱ ሄዋ አሞቲደ። አማኑዋፕ ባለቲደ። ዳሮ መቱዋን ባረንታ ቆሄድኖ።

**ጳውሎስ ጽሞቶሳ ዞራዳ ዘርያን አዛዜዳ አዛዙዋ**

11 ሸን ኔኖ። ጸሳ አሳዉ። ሄዋፕ ባቃታ። ጽሎተላ። ጸሳ ማላትያዋ። አማኑዋ። ሲቁዋ። ዳንዳያን አሸከተላ ካላ።

12 አማኑዋ ባጽያ ሎይላ ባጸታ። ዳሮ አሳ ሰንላን ሎኦ ማርካ ማርካታይ። ኔና ጸሳይ ጴሴዳ መቋና ደኡዋ ኦይቃ።

13 ኡባባዉ ደኡዋ አምያ ጸሳ ሰንላን። ቃይ ጳንጸናውያ ጽላጸሳ ጌተትያ ጋድያ ሞድያዋ ሰንላን ሎኦ ማርካ ማርካቱዳ ክርሰቶሰ የሱሳ ሰንላን ታን ኔና ሀዋ አዛዘዋ።

14 ኑ ጎዳ የሱሰ ክርሰቶሰ ቆንጫና ጋካናዉ። ቅታይ ባይናን ቦሪ ባይናን ሄ አዛዘዋ ናጋ።

15 አ ቆንጫላ። እት ሱንላይ ደእያ አንጀቱዳ ጸሳይ። ካታቱዋ ካቲ። ጎዳቱዋ ጎዳይ። ባረ በሰያ ሞድያን በሳና።

16 ሀይቀናዌ እት አ ጸላላ። ኦንነ አኮ ሺቃናዉ ዳንዳየና ፖኡዋን ደኤ። ኦንነ አ በእቤና፤ ቃይ በእናዉካ ዳንዳየና። ቦንቹነ መቋና ዋልቃይ እዉ ግደ። አመንእ።

17 ሀእ ሀ ዋድያን ዱረ ግድያዋንቱ ኦቶረተናዳንነ ቃይ ኔን ናሽታናዳን። ኡባባ ፓላሀሲደ ኑዉ አምያ ደኡዋ ጸሳን አማኑታናዋፕ አትን። እቋያ ዱረተላን ኡንቱንቱ አማኑተናዳን። ኡንቱንታ አዛዛ።

18 ኡንቱንቱ ሎኦ ባላናዳን። ሎኦ ከታን ዱረታናዳን። ኬክያዋንታነ ሀራቱዋና ሻክ አክያዋንታ ግዳናዳን አዛዛ።

19 ሄዋ ያትያዋን ኡንቱንቱ ሰንላዉ ባረንቶ ምኖ ባሶ ግድያ ሻሉዋ ባረንቶ ሺሸኖ። ሄዋፕ ጉይያን። ኡንቱንቱ ቱሙ ደኡዋ አካና።

20 ጽሞቶሳ። እት እት አሳይ ባላን ኤራተላ ግያ ኤያ ፓሉምያፕነ መላ ሃሳያፕ ባቃታደ። ነዉ አመቱዳ ሀዳራ ናጋ።

21 እያዉ ጎፕ። እቱ እቱ ኑዉ ኤራተላይ ደኤ ያጊደ። አማኑዋ ባለድኖ።

ጸሳ አጼ ኬካተላይ ሀንተናና ኡባና ግደ።

**ጳውሎስ  
ጽሞቶሳው  
ጳፌዳ ላኤንሶ ኪታ  
ገሉዋ**

ሀዌ ጳውሎስ ጽሞቶሳው ጳፌዳ ላኤንሶ ኪታይ፡ ጳውሎስ ማታ ባረና ማድያን ኦሱዋ ባረናና አትጥ አልያ ዋዳላ፡ ጽሞቶሳ ዘሬዳ ዘርያ ኦይቄዳዋ። እ ዘርያጥ ዳርያ ባጋይ ዳንዳያን ገንጫና በሴ ግያዋ። ጽሞቶሳው ዘርያን መንገዱ ያላይ እመቲዳዊ፡ የሱስ ክርስቶሳባ እማትያዋ ግዲደ ማርካታናዳን፡ ምሽራቹዋ ቃላነ ኤጫ ቃላ ጫቁዋ ትምርትያ ምንሲደ ኦይቃናዳንን መትያባይነ ኤቀትያባይ ዳርጥካ ታማርሰያዋን ምሽራቹዋ ቃላ ኦድያዋን ምናናሳ።

ጽሞቶሳ ኤያተላን አስትያ ፓግግ መላ ፓሉማጥ ሃካና ማላ፡ ዲማ ምና ኦዲ እዉ ኦደቲዳ። አያዉ ጎጥ፡ ሄዋ ማላ ኦዲ ሰሰያዋንታ ባይዘያዋጥ አትን፡ ሀራ እ እምያ ጎእ ባዋ።

ሄዋን ኡባን ጽሞቶሳ ሀሳያናዉ በሰያባይ ጳውሎሳ ደኤዋነ እ ሀሮታ ሎኦ ቆፋ፡ ሄዋጥካ እ እማኑዋ፡ እ ገንጨዋ፡ እ ሲቁዋ እ ዳንዳያን የደሳን እ ጋኬዳ መቲዋ ለምሱዋን ካላናዳና።

**ሸምጥቲዋ ኡባቶ እመቲዳ ቃንሳ ቆፋቲዋ**

ገሉዋ 1:1-2

ጽሞቶሳው እመቲዳ ማቁዋ 1:3—2:13

አሳይ ካድያ ዋደ እማነት ቤቱሳ 2:14—4:5

ሄ ዋደ ደእያባቲዋነ ኮሽያ ካለልያ ኦጋቲዋ 4:6-18

ዉርሰሳ ቁትያ 4:19-22

1 ታን ጳውሎስ፡ ጳሳይ እማና ጌዳ ክርስቶስ የሱሳና ኑዉ ደእያ ደኤዋባ ኦዳናዉ፡ ጳሳይ ጌዳዋዳን፡ ክርስቶስ የሱስ ኪቲዳዊ፡

2 ታ ሲቆ ናኣ ጽሞቶሳው ሀ ዳብዳቢያ ጳፋይ።

**ጽሞቶሳው እመቲዳ ዘርያ**

ጳሳ እዉዋጥነ ኑ ጎዳ ክርስቶስ የሱሳጥ፡ እቶ ኪካተላይ፡ ማርተሳይነ ሳርተሳይ ነዉ ግድ።

3 ታ ዛራቲ ኦልዳዋዳን፡ ታንካ ታና ዘርያ ጌሻ ዋዛናጥ ኦልያ ጳሳ ቃማነ ጋለስ ዋሰያ ዋሳን ኡባ ዋደ ኔና ሀሳይያ ድራዉ፡ እ ጋላታይ።

4 ታን ነ አፎሳ ሀሳያ ሀሳያደ ናሽታና ማላ፡ ኔና በእናዉ ዳር ላሞታይ።

5 ኔናን ደእያ ዋርድ ባይና እማኑዋ ሀሳያይ። ሄ እማኑ በን ነ ዳይ ዳይ ሎይድን ነ ዳይ ኤዉነቅን ደእያ እማኑዋ ማላ፤ ቃይ ኔናንካ ሄዋ ደእያዋ ኤራድ።

6 ሄዋ ድራዉ፡ ታን ታ ኩሽያ ላኡዋ ነ ቦላ ዋልዳ ዋደ፡ \* ጳሳይ ነዉ እሜዳ እሙዋ ኔን ደሽሰና ማላ፡ ኔና ሀሳይሳይ።

7 እያዉ ጎጥ፡ ጳሳይ ኑዉ ዋልቃ፡ ሲቁዋነ ኑ ሁጲያ ናግያዋ እምያ ጌሻ እያና እሜዳጥ አትን፡ ያሻ እያና እምቤና።

8 ሰም፡ ኑ ጎዳዉ ማርካትያዋን ዋይ እ ድራዉ ቃሹዋን ደእያ ታዋንካ ዬላቶፓ። ሽን ጳሳይ ነዉ እምያ ዋልቃ ኬናን ታናና ምሽራቹዋ ቃላዉ ዋየታ።

9 ጳሳይ ባረ ቆፋንነ ባረ እቶ ኪካተላን ኑና አሽደ፡ ባረ አሳ ኦላናዉ ጴሶዋጥ አትን፡ ኑን ኦልዳ ኦሱዋ ድራዉ ግድና። እ ሀ እቶ ኪካተላ ክርስቶስ የሱሳ ባጋና ዋዲ ደመታናጥ ካሰ ኑዉ እሜዳ።

10 ሽን ሀእ ሀ እቶ ኪካተላይ ኑና አሽያ ክርስቶስ የሱሳ ዩሳን ኑዉ ቆንጨዳ። ቃይ ሀይቁዋ ዋልቃካ እ ቆይሴዳ። ዋንጋላ ምሽራቹዋ ባጋና ባየና ደኤዋ ኑዉ ቆንጭሴዳ።

11 ታን የሱስ ኪቲዳዋነ እይሁዳ ግድና አሳ ታማርሰያዋ ግዳይ፡ ዋንጋላ ምሽራቹዋ ኦዳና ማላ፡ ጳሳይ ታና ደሬዳ።

12 ቃይ ታን ሀ መቲዋ እክያዊ ሄዋ ድራሳ። ሽን ታን እማኔዳዋ ኤርያ ድራዉ፡ ዬላትከ። ቃይ እ ታዉ እሜዳ ሀዳራ ሄ ጋላሳይ ጋካናዉ፡ እ ናጋናዉ ዳንዳይያዋ ኤራይ።

13 ታን ኔና ታማርሴዳ ቱሙ ቃላ ለምሱዋ ኡዳ ኦይቃደ፡ ክርስቶስ የሱሳን ኑዉ ደእያ እማኑዋን ሲቁዋን ደእ።

14 ኑ ግደን ደእያ ጌሻ እያና ባጋና ነዉ ሀዳራ እሜዳ ሎኦባ ናጋ።

\* 1:6 ታን ታ ኩሽያ ላኡዋ ነ ቦላ ዋልዳ ዋደ፡ ሀዌ በሰያዊ፡ እማንያ አሳ ካላላናዳን ጌሻ እያናይ ኦሶ ዳርና ቱማተላን ካለልያዋንቲ ቃላ ኦዳናዉ ዋይ ታማርሳናዉ ጳሳይ ኮኤዳዋንቲ ቦላን ባረንቲ ኩሽያ ዋልደ ዋሰያዋ በሴ። 1 ጽም፡ 1:4 ይልቱ።

15 ኢሰያ ግያ ቢታን ደእያ ኡባቱ ታጥ ባቃቴዳዎ ኤራሳ፤ ኡንቱንቱ ግድን ፕገሉሰነ ሄርሞገጌሰ ደኢኖ።

16 ሄነሰፎሩ ታና ዳሮ ዎደ መንግሥቱ ድራው። ጎዳይ እ ሶይ አሳው ማርተላ እሞ። ቃይ ታን ቃሾ ጎለን ደእያዎ እ ዬላትቤና።

17 ሸን ሮመ ግያ ካታማ ጋኬዳሳና ታና ሎይሳ ኮዪደ ደሚዳ።

18 ሄ ጋለሰ ጎዳጥ ማርተላ ደማናዳን፣ ጎዳይ አው እሞ። ቃይ ኤፊሶና ግያ ካታማን እ ታና እይ ኬና ማዴደንቶን ኔን ሎይሳ ኤራሳ።

## 2

ክርሰቶሳው ሎኦ ዎታዳራ ግዲደ መቱዎ አክያዎ

1 ሰሞ ታ ናእው፣ ክርሰቶሰ የሱሳን ደእያ አጽ ኬካተላን ምና።

2 ቃይ ዳሮ ማርካቱ ደእያ ሳን ታጥ ኔን ሰሴዳ የዎቱዎ ሀራቱዎ ታማርሳናው ዳንዳይያ አማነቱዳ አሳቶ ሀዳራ አማ።

3 ክርሰቶሳ የሱሳው አማነቱዳ ዎታዳራዳን፣ ታናና ዋየታ።

4 ኦላ ብያ ዎታዳራይ ባረ ካፑዎ ናሸቻናው፣ ዎታዳራ ግድና አሳይ ኦልያ ኪታን ዋላከተና።

5 ቃይ ዎላን ኪሰትያ ኡራይካ ዎጋዳን ዎጻና ጻዮፕ፣ ዎይታ አከና።

6 ዳሮ ዳሱራደ ኦልዳ ቢታ ጎሸያ ብታኒ ሸቄዳ ካላጥ ባረና ጋክያዎ ኮይሮ አካናው በሴ።

7 ኔን ኡባባ አከካናዳን፣ ጎዳይ ኔና ዳንዳይሳና ድራው፣ ታን ግያዎ ቆፓ።

8 ታን ዎንጋላ ሞሽራቹዎ ኦድያዎዳን፣ ሀይቁዎጥ ደንዴዳ ዳዊተ ዛርያ የሱሰ ክርሰቶሳ ቆፓ።

9 ታን ዎንጋላ ሞሽራቹዎ ኦድያ ድራው፣ ኢታባ ኦልዳዎዳን፣ ሀራይ አቶ ቃሸታና ጋካናው ዋየታይ። ሸን ጸሳ ቃላይ ቃሸተና።

10 ሄዎ ድራው፣ ታን ጸሳይ ዶሬዳ አሳቱካ ክርሰቶሰ የሱሳን ደእያ አቶተላ መድና ቦንቹዎና ደማናዳን፣ ኡንቱንቱ ድራው፣ ታን ኡባባን ዋየታይ።

11 ሀዌ፣

“ኡን አናና አትጥ ሀይቁዳዎ ግደፕ፣

አናና አትጥ ደአና።

12 ኡን ገንጮፕ፣

አናና አትጥ ካተታና።

ኡን እ ካደፕ፣

እካ ኑና ካዳና።

13 ኡን አማነተናን አጎፕካ፣

እ አማነትያዎ ግዲደ ደአናዎ።

እያው ጎፕ፣ እ ባረና ባረ ሀጸው

ኤርከ ጋናው ዳንዳየና።

ግያዌ ቱሙ ሃሳያ።

ምኖ ኦሳንቻ

14 ኔን ነ አሳ ሀዎ ሀሳይሳ፤ ኡንቱንቱ ቃላን ፓሉመተና ማላ፣ ጸሳ ሰንላን ዙራ። ሄዌ ሰሰያ አሳ ባይዝያዎጥ አትን፣ እይነ ጎኤና።

15 ኔን ጸሳ ቱመጥላ ቃላ ሱረተላን ኦድያዎን ቃይ እ ኦሶ ዬላተና ኦሳንቻ ግዲደ፣ ጸሳይ ሳቢያ አሳዳን፣ ነ ሁጺያ ጸሳው እማናው ምና።

16 ሸን ሀ ሳእው አንጀትያ ማደና ሃሳያፕ ኔና ና። እያው ጎፕ፣ ሄዌ ጸሳፕ አሳ ሃሴ።

17 ቃይ ኡንቱንቱ ታማርሰያዌ ቦላ ጭቱዎዳን ኡባሳ ጋካናሳ። ሄ ታማርሰያዎንቱፕ ላለቱ ሄመነዮሳነ ፕሊጸሳ።

18 ኡንቱንቱ ቱሙዎ ኦግያ አጊደ፣ “ሀይቁዎፕ ደንድያዌ ካሰ አድድጌዳ” ያጊደ አማሬዳ አማንያ አሳቱዎ አማኑዎ ባይዚኖ።

19 ግደፕካ፣ ጸሳይ ኤሴዳ ምኖ ቱሳይ ቃጻና ዳንዳየና። ቃይ እ ቦላን፣ “ጎዳይ ባረዎንታ ኤሬ”፤ ቃይ “ጎዳዎ ግድያ ኦን ኢታ ኦሱዎ አጎ” ያግያ ቃላቱ ጸፈቴድና።

20 አት ዎልቃማ ጎለን ዎርቃፕን ብራፕ መፍቱዳ ሚሻ ጸላላ ግደናን፣ ምላፕን ኤርቃፕ መፍቱዳ ሚሻቱካ ደኢኖ። ሄዎንቱፕ ባጋቱ ቦንቾ ኦሱዎ ኡንቱንቱን ኦላናው፣ ቃይ ባጋቱ ቶሸትያባ ኡንቱንቱን ኦላናው መፍቱድና።

21 ሄዎ ድራው፣ ኡን ሀ ኢታባ ኡባፕ ባረና ጌሾፕ፣ እ ባረ ጎዳ ጎእያ ኦሱዎ ኦላናው ባረና አሜዳ ድራው፣ ቦንቾ ኦሱዎ ኦልያ ሚሻ ግዳናዎ። ቃይ ሎኦ ኦሱዎ ኡባ ኦላናው ገቢቱዳዎ ግዳናዎ።

22 ሽን ኔን ኢታ ዎዳላተላ እሙዋጥ ባቃታ። ባረንታ ማዳናዉ ጌሻ ዋዛናጥ ጎዳ ጸሰሰያዎንቱና እትጥ፡ ጽሎተላ፡ እማኑዋ፡ ሲቆተላነ ሳሮተላ ምንጎሳይ ካላ።

23 ሽን ኤያቱዋ ፓሉሚነ ኢይነ ኤሪናዋንቱ ፓሉሚ ዋላሳ ካለልያዎ ኤራደ እጥ ባቃታ።

24 ጎሳ ቆማይ ኡባዉ ኪክያዎ፡ ሎይል ታማርሰያዋን ዳንዲያንቻ ግዳናዉ በሴጥ እትን፡ ዋላቀታናዉ በሰና።

25 ቃይ እ ባረና እጽያዎንታ አሽከተላን ሴርያዎ ግዳናዉ በሴ። ኡንቱንቱ ባረንቱ ናጋራጥ ሰሚደ፡ ቱማተላ ኤራናዳን ጸሳይ ኦሳንቶ፡ ኦን ኤር።

26 ቃይ ኡንቱንቱ ባረንቱ ዋዛና ቆፋዉ ሰሚደ፡ ኡንቱንታ ባረ ኮዬዳባዉ አዛዘታና ማላ ኦይቄዳ ጸላህያ ካጥዋ ዳባጥ ከሰ እካና።

### 3

ዉርሰላ ጋላሳቱዋን ሀናናዉ ደእያ ኢታ የዋቱዋ

1 ሽን ዉርሰላ ጋላሰ ዋይሰያ ዎዲ ያናዋ እኪካ።

2 እያዉ ጎጥ፡ አሳይ ባረና ሲቆያዎንታ፡ ሻሉዋ ሲቆያዎንታ፡ ጨቀትያዎንታ፡ አይያዎንታ፡ ቦርያዎንታ፡ ባረና የሌዳዎንቶ አዛዘተናዎንታ፡ ጋላተናዎንታ፡ ጌሻተላይ ባይናዎንታ፡

3 ሲቆ ባይናዎንታ፡ ሰገተናዎንታ፡ ዝግርሳንቻቱዋ፡ ባረና ናገናዎንታ፡ ኬከናዎንታ፡ ሎኦባ ደሰናዎንታ፡

4 ኡባ ኤርከ ግያዎንታ፡ ድርቢያዎንታ፡ ኦቶሩዋን ሰገትያዎንታ፡ ቃይ ጸሳጥ አሊደ፡ አሻሉዋ ደሰያዎንታ ግዳና።

5 ኡንቱንቱ ጸሳዉ ጎይንያዎ ማላተኖ፤ ሽን አ ዎልቃ ካይድኖ። ሄዋንቱ ማላ አሳቱዋኮ ሺቆገ።

6-7 እያዉ ጎጥ፡ ኡንቱንቱጥ እቱ እቱ አሳ ጎልያ ገሊደ፡ ናጋራይ ዴዴዳዎንታ፡ ዲማ ዲማ እሙዋን ሰገትያዎንታ፡ ኡባ ዎደ ታማሪደ፡ ቱማተላ ኤራ አካናዉ ሙላ ዳንዲይቤና ዲቡራንቻ ማጫዎንታ ባለሊኖ።

8 ያኔሰነ ያምባራሰ \* ሙሴ የዉዋ ጳልቆዎዳን፡ ሄዎዳን ቃይ ሀዋንቱ፡ ሱሪ ቆፋይ ባይናዎንታ አማኑዋን ኩንዴዳዎንቱ፡ ቱማተላባ ጳልቁኖ።

9 ሽን ያኔሳ ኤያተላይነ ያምባራሰ ኤያተላይ ቃይ ቆንጨዳዎዳን፡ ኡንቱንቱ ኤያተላይካ አሳ ኡባዉ ቆንጨና ድራዉ፡ ኡንቱንቱ ካሰዋጥ አፂደ ድጭክና።

ዉርሰላ ዘርያ

10 ሽን ኔን ታ ትምርትያ፡ ታ ሀናታነ ታ ቆፋ፡ ታ አማኑዋን ታ ዳንዲያ፡ ታ ሲቆዋን ታ ገንጨዋ፡

11 ታ የደሳነ ታ ዎይያ በኣዳ። አንጸክያነ፡ እቆንዮነ ልሰጽራ ግያ ካታማቱዋን ታና ጋኬዳባነ ታን ዳንዲይዳ የደሳ ኤራሳ። ጎዳይ ታና ሄ ኡባጥ አሺዳ።

12 ቱማተላን ክርሰቶሰ የሱሳን ጸሳ ማላተደ ደአናዉ ደሰያ ኡባይ የደርሰታና።

13 ሽን ኢታ አሳቱነ ባለልያዎንቱ ሀራቱዋ ባለሊደነ ባረንቱ ሁጸዉ ባሊደ፡ ካሰጥ ኢት ኢት ቢኖ።

14 ሽን ኔን ሄ ቱማተላ እጥ ታማሪደንቶነ ኤራደ፡ ኔን ታማሪዳዋንነ ኤራዳዎን ምናደ ደእ።

15 ኔን ጉላ ናአተላጥ ደማደ ክርሰቶሰ የሱሳ አማናደ፡ አቶተላይ ቤትያ አይዳ ኤራ አማናዉ ዳንዲይያ ጌሻ ማጸፋቱዋ ኤራዳ።

16-17 ጸሳ ማጸፋ ኡባን ጸሳ አያናይ ደእ። ቃይ ሄ ማጸፋቱ ጸሳዉ ኦልያ አሳይ ኩሙንላነ ሎኦ ኦሱዋ ኡባዉ ጊጌዳዎ ግዳና ማላ፡ ቱማተላ ታማርሰናዉ፡ ባላ ሴራናዉ፡ ባይዙዋ ሱርሳናዉነ ጽሎተላ ደኦ ዘርያ አማናዉ ማዲኖ።

### 4

1 ታን ኔና ጸሳ ሰንላን፡ ደኡዋን ደእያ አሳነ ሀይቄዳ አሳ ፕርዳናዉ ደእያ ክርሰቶሰ የሱሳ ሰንላን፡ ቃይ አ ዩሳንነ አ ካዉተላን ኔና ዘራይ።

2 ቃላ ኦዳ። ዎዲ እንጀትና እንጀታና ጳይና፡ ምናደ ኦዳ። ዳሮ ዳንዲያን አሳ ታማርሳይ ሱርሳ፡ ሴራነ ዘራ።

3 እያዉ ጎጥ፡ አሳይ ቱሙ ትምርትያ ሰሰናን እጽያ ዎዲ ያናዋ። ሽን አሳይ ባረንቱ እሙዋ ካሊደ፡ ሰሳናዉ ናሽቶያዎ ኦድያ ታማርሰያዎንታ ጉጅ ጉጅ ሽሻና።

4 ኡንቱንቱ ቱሙ የዉዋ ሰሰያዎ አገደ፡ ቶሳ ሰሳናዉ ባረንቱ ሀይላ ዎራ ዛራና።

5 ሽን ኔን ኡባባን ነ ሁጲያ ናጋናዉ በሴ። ዋይያ ዳንዲያ። ዎንጋላ ምሽራቹዋ ኦድያዌ ኦልያ ኦሱዋ ኦላ። ጸሳ ቆማዳን፡ ነ ኦልያ ኦሱዋ ኡባ ፖላ።

\* 3:8 ያኔሰነ ያምባራሰ፡ ሀ ሰንላን ኤጫ ጫቁዋ ማጸፋን ባዎ። ሽን ሙራ አሳይ ግያ ቆፋይ፡ “ሀዋንቱ ሙሴ እስራኤልያ አሳ ግብጾጥ ከሲደ ካለላናዉ ቆጥዳ ዎደ፡ አናና ኤቀቱዳ ሙሩንያዎንታ” ያግኖዋና። ከሳ 7:11፤ 12 ጸልተ። 3:8 ከሳ 7:11

6 ታና ግደፕ፣ ታ ሱላይ ጉኪደ ያርሸትያ ዎዲነ ቃይ ሀ ደኡዎ አጋደ ብያ ዎዲ ጋኬዳ።

7 ታን ሎኦ ባጽያ ባጸታድ፤ ዎሳ ዎጸደ ዉርሳድ፤ አማኡዎካ ናጋድ።

8 ሰንሳፕ ታዉ ጽሎተላ ካላቻይ ገግ ኡቴዳ። ሄዎ ጽሎ ፕርዳ ፕርድያ ጎዳይ ሄ ጋላሰ ታዉ አማና። ቃይ ክርሰቶሰ ቆንጫናዎ ደሰስ ኡባ ሳፕ አትን፣ ታ ጸላላሳ ግደና።

አ ቡዞ አላላቱዋባ

9 ታኮ ኤለካ ያናዉ ዎና።

10 አያዉ ጎፕ፣ ዴማሰ ሀ አላምያ ደሲደ፣ ታና አገደ፣ ተሰሎንቀ ግያ ካታማ ቤዳ። ቀርቂሰ ጋላትያ ግያ ጋድያ ቢና፣ ቃይ ቲቶ ድልማጽያ ግያ ጋድያ ቤዳ።

11 ሉቃሳ ጸላላይ ታናና ደኤ። ማርቆስ ታና ኪታን ሎይሰ ማዳናዉ ዳንዳይያ ድራዉ፣ አ ደማደ ሄናና አካደ ያ።

12 ሸን ታን ትክቆሳ ኤፈሶና ግያ ካታማ ኪታድ።

13 ኔን ያደ፣ ጽሮአዳ ግያ ካታማን ካርፖሳዋን ታን የጋደ ዬዳ ታ ጋብያነ ቃይ ማጻፋቱዎ ታዉ አካደ ያ። ሸን ዲማያደ ጋልባን ጻፈቴዳ ማጻፋቱዎ አያ ግደፕ፣ አከናን የፓ።

14 ብራታ ቆጽያ አሰክንድር ታና ዳር ቆሄዳ፤ ጎዳይ እዉ አ ኦሱዋዳን ዛራና።

15 እ ኑን ኦድያዎ ሎይሰ ጻልቂያ ድራዉ፣ ኔን አፕ ኔና ናጋ።

16 ኮይሮ ታና ሞትያ ዎደ፣ ኡባይካ አኔዳዋፕ አትን፣ ታና ኦንነ ማድቤና። ጸሳይ ሄዎ ኡንቱንቶ ፓይደፖ።

17 ሸን ታን ኩመንላ ኪታ አይሁዳ ግደና አሳይ ኡባይ ሰሳናዉ ኦዳና ማላ፣ ጎዳይ ታ ማታን ኤቂደ፣ ታዉ ዎልቃ አማዳ። ቃይ ጋሙዎ ደናፕካ ታና አሸዳ።

18 ጎዳይ ታና ኢታባ ኡባፕ አሸደ፣ ባረ ሳሉዎ ካዉተላ ሳርተላን አፋና፤ አዉ መድ መድናዉ ቦንቹ ግደ። አመንአ።

ዉርሰላ ሳርታ

19 ጽርሰቂልዉ፣ አቁላሰነ ሄነሰፎሩ ሶይ አሳዉ ታ ሳርታ ኦዳ።

20 ኤራሰጸሰ ቆርንቶሳ ግያ ካታማን አቴዳ። ሸን ጽርፊሞሰ ሳከቴዳ ድራዉ፣ ሞሊጸ ግያ ካታማን አ ዎላድ።

21 ባልጉ ዎጳናፕ ካሰ ያናዉ ሞና።

ኤዉቡሉሰ፣ ጲዴሰ፣ ሊናሰነ ቅላዉደ ቃይ ሀራ እሻቱ ኡባይካ ኔና ሳር ሳር ገና።

22 ጎዳይ ነ አያናና ግደ። አጼ ኪካተላይ ህንተናና ኡባና ግደ። አመንአ።

# ጳውሎስ ቲቶ ጻፊዳ ኪታ ገሉጥ

ቲቶ እይሁዳ ግደና አሳ ግዲድ፡ ገየፕ ክርስትና አማኑዋን ላመቲደ ጳውሎስ ምሽራቹዋ ቃላ ኪታ ኦልያ ዋደ፡ ማታን ደእደ፡ ሄ ኦሱዋ ማዴዳ አሳ። ጳውሎስ ሀ ኪታ ጻፊዳዌ፡ ላይላን አፕ ጉጽያ ሀ ባረናና ኦልያ ቲቶ ግድሽን፡ ሄ ዋደ ቲቶ አማንያዋንታ ጸላናውን ናገናው፡ ቃርጾስ ግያ ሃላን ደደቱዳ ሳኣን አቱዳ። እ ኪታ ቆፋይ ሄዙ ሁጸ የዋቱዋ ቦላና።

ኮይሩ ዋሳ ጎልያ ካለልያዋንቱ ቃርጾስ አሳቱዋ ኢታ ኦሱዋ ጸልያዋን እይ ማላ ኤሻይ ደእያዋንታ ግዳናው ከሽንቶ ቲታ እኪክሳናሳ። ላኤንሱ አማንያዋንቱ ግደን ደእያ ዲማ ዲማ ጭታ፡ ጭማ አቱማዋንታን ማጫዋንታ፡ ያላጋ አቱማ አሳቱዋን ጎዳው ኦልያ ዲማ ዲማ አሳ ዋት ታማርሳናው በሰንቶ ቲታ ዞሬዳ። ወርሰሳይ ቃይ አማንያ አሳ ኤሻባ፡ ሳርተላንን ሲቁዋን ደእና ደኡዋባ፡ አማንያ አሳ ግደፕ ዋላሳ፡ ፓሉምያን ሻኮተላ ጳይሳናሳ ቲቶ ዞርያ እሚዳ።

## ሸምፓቱዋ ኡባቶ አመቴዳ ቃንሳ ቆፋቱዋ

ገሉጥ 1:1-4

አማንያ አሳቱዋ ካለልያዋንታ 1:5-16

አማንያ አሳቱዋ ዲማ ዲማ ኦሱዋ ጭታ 2:1-15

ማቁዋን ናገታና ማላ አመቴዳ ማራ 3:1-11

ወርሰሳ ቁትያ 3:12-15

1 የሱስ ክርስቶስ ከቲዳ ታን ጳውሎስ፡ ጸሳ እይል፡ ሀ ዳብዳቢያ ጸፋይ። ጸሳይ ዶሬዳ አሳው አማኑ ደእናዳንን ጸሳ ቱማተላ ኤራኮ ኤንቱንታ ካለላናዳን ታን ደረታይ ኪተታድ።

2 ዋርዶተና ጸሳይ ኑወ ሀ መጅና ደኡዋ ዳር ዋድያፕ ካስ አማና ጌዳ።

3 ጸሳይ ኑና አሽያዌ ልከ ዋድያን ባረ ቃላን ሀዋ ቆንጭሴዳ፤ እ ሀዳሪደ ታና አዛዜዳዋዳን፡ ታን እ ቃላ ኦዳይ።

4 አማኑዋ እትተላሳን ታ ቱሙ ናኣ ነወ ቲቶ፡ ጸሳ አወዋፕን ኑና አሽያ የሱስ ክርስቶሳት፡ እጹ ከካተላይ፡ ማርተላይን ሳርተላይ ግድ።

## ቲቶ ቃርጾሳን ኦልያ ኦሱዋ

5 ታን ኔና ቃርጾሳን አገደ ዬዳዌ፡ ኔን አቶዋ ጊግሳናሳ፡ ታን አዛዜዳዋዳን፡ ካታማ ኡባን ዋሳ ጎልያ ጭማቱዋ ድራናሳ።

6 ጭማይ ቦረተናዋን እት ማቻት ጸላላይ ደእያዋን አማንያ ናናይ ደእያዋ ግዳናው በሴ፤ እ ናናይ ሻሉዋ ባይዝያባንን ዋይ አዛዘተናን እጽያባን አሳይ አማሳለናዋንታ ግዳናው በሴ።

7 እያው ጎፕ፡ ሄ ጭማይ ጸሳ ኦሱዋ አዛዝያ ካቶዋ ግዲድ፡ ፖክሰናዋ፡ ኦትረተናዋን ኤላ ሀንቀተናዋ ግዳናው በሴ፤ ቃይ ማላተናዋ፡ ሱገናዋን የራተናዋ ግዳናው በሴ።

8 ሽን አማላ ሞክያዋን ሎኦባ ዳሰያዋ ግዳናው በሴ፤ ቃይ እኪካንቻ፡ ጽሉዋ፡ ጌሻን ባረና ናግያዋ ግዳናው በሴ።

9 አማንትያ ደኡ ቤትያ ትምርትያና ጊግያ ቃላ እ ሎይሳ ኦይቆ። ያቶፕ ሀራቱዋ ቱሙ አማኑዋ ታማርሳናዋን መንግሥታናውን ቃይ ሄዋ እጽያዋንታካ ዞራናው ዳንዳዳዋ።

10 እያው ጎፕ፡ አዛዘተናዋንቱ፡ ማደናዋ ሃሳይያዋንቱ፡ ሀራቱዋ ጭምያዋንቱን ቃጸረቱዳ እይሁዳ አማንያዋንቱ ባጋ ግዴዳ ዳር አሳቱ ደእና።

11 ኤንቱንቱ ታማርሳናው በሰና ፖክያ ኦግያን ሚሻ ደማው ታማርሰያዋን ጎልያ ኡባ ባይዝያ ድራው፡ ኤንቱንቱ ሃሳያ ተእና በሴ።

12 ኤንቱንቱ ግደፕ እቱ፡ ትምቢትያ ኦድያዌ ኤንቱንቶ፡ “ቃርጾስ አሳይ ኡባ ዋደ፡ ዋርዳቱዋ፡ ኢታ ዲኡቱዋን የራንቻ፤ ቃይ አዛላ አሳ” ያጌዳ።

13-14 እ ማርካቶዌ ቱማ፤ ሄዋ ድራው፡ ኔን ኤንቱንቶ ምሮ አማኑ ደእናዳንን ቃይ እይሁዳቱዋ ቶሳን ቱሙዋ እጾዳ አሳቱዋ አዛዘተ ኤንቱንቱ ሰሰናዳን፡ ኤንቱንታ ምንሳደ ሴራናው በሴ።

15 ባረንቱ ሁጸው ጌሻ ግዴዳዋንቶ ኡባባይካ ጌሻ፤ ሽን ቱናቶን አማንያዋንቱን ኤንቱንቱ ዋዛና ቆፋይን ኤንቱንታ ሱረ ዋዛናይ ቱይዳ ድራው፡ ኤንቱንቶ እያይን ጌሻ ግድና።

16 ኤንቱንቱ ባረንቱ ጸሳ ኤርያዋ ቆንጭያን ኦዲና፤ ሽን ኤንቱንቱ ሽንይያዋንታ፡ አዛዘተናዋንታን ኦሱዋ ኡባወካ ጊገናዋንታ ግድያ ድራው፡ ባረንቱ ኪታን እ ኤርኮ ጊና።



## 2

### ጌሻ ትምርትያባ

- 1 ሸን ኔን ደኡዋ ደማናዉ ጊግያ ትምርትያ ታማርሳናዉ በሴ።
- 2 ጭማ እቱማ እሳይ እማኑዋን፣ ሲቁዋንን ዳንዲያን ምኖ ግዳናዳን፣ ቃይ ማላተናዋ፣ ቦንቼትያዋን ባረናካ ናጊያዋ ግዳናዳን ዘራ።
- 3 ሄዋዳንካ ጭማ ማጫ እሳይ ጌሻ ደኡዋ ደእያዋንታ፣ ዝግረናዋንታ፣ ዎይንያ ኤሳዉ ሞደተናዋንታን ሎኡባ ታማርሰያዋንታ ግዳናዉ በሴ።
- 4-5 ኡንቱንቱ ጸሳ ቃላይ ቦረተና ማላ፣ ባረንቱ እስናቱዋን ባረንቱ ናና ሲቅያዋንታ፣ ባረንታካ ናጊያዋንታ፣ ጌሻቱዋ፣ ባረንቱ ጎለን ኡልያዋንታ፣ ኬካቱዋን ባረንቱ እስናቶካ እዛዘትያዋንታ ግዳና ማላ፣ ያላጋ ማጫዋንታ ታማርሳ።
- 6 ሄዋዳንካ ያላጋ እቱማ እሳቱ ባረንታ ናጋና ማላ ዘራ።
- 7 ኔን ነ ሁጸዉካ ሎኡ ኦሱዋ ኡባን ኡንቱንቶ ሊምሶ ግዳ፤ ኔን ታማርሰያዋንካ እማነትያዋን ቦንቼትያዋ ግዳ።
- 8 ነ ሞርከቱ ኑና ዝግርያባይ ኡንቱንቶ ጳይያ ዎደ ኡንቱንቱ ዬላታና ማላ፣ ኔን ቦረተና ሎኡ ሃሳያ ሃሳያ።
- 9 እይለቱ ባረንቱ ጎዳቶ እዛዘታና ማላ፣ ኡንቱንቱና ፓሉመተናን ኡባባን ኡንቱንታ ናሸቻና ማላ ዘራ።
- 10 ኡንቱንቱ ባረንቱ ጎዳቱዋጥ ዉኤና ማላ፣ ቃይ ኑና እሸያ ጸሳዋ ታማርሰያዋ ኡባባን ጋላትሳናዉ፣ ባረንቱ ኡልያ ከታን ኡባ ዎደ ሎኡከ እማነትያዋንታ ግድያዋ በሳና ማላ፣ ኡንቱንታ ዘራ።
- 11 እያዉ ጎጥ፣ ጸሳይ እሳ ኡባ እሸያ ባረ እጾ ኬካተላ ቆንጭሴዳ።
- 12 ሄ እጾ ኬካተላይ ናጋራ ኦሱዋን ሀ እሳምያ እሙዋ ኑን አጋናዳን ኑ ሁጲያ ናጊደ፣ ጸሳ ማላቲደ፣ ጸሎተላን ደእናዳን፣ ኑና ታማርሴ።
- 13 ኑን ኑ ዎልቃማ ጸሳይ፣ ኑና እሸያ የሱሰ ክርሰቶሰ ቤታና ጌዳ እንጀቱዳ ቦንቾ ጋላሳ ናጌቶ።
- 14 ኡታ ኦሱዋ ኡባጥ እ ኑና ዎዛናዉን ሎኡባ ኦላናዉ እሞትያ ባረ ጌሻ እሳ ከሳናዉ፣ ኑ ድራዉ፣ ባረ ሁጲያ እሜዳ።
- 15 ኔን ሀዋ ታማርሳ፣ ነ ኩመንላ ማታን ዘራን ሴራ፤ ኦንን ኔና ካጾ።

## 3

### ጸሳ እሳይ ኡልያ ኦሱዋ

- 1-2 ኡንቱንቱ ሞድያዋንቶን ማታይ ደእያዋንቶ ሞደታናዉ፣ እዛዘታናዉን ሎኡ ኦሱዋ ኡባ ኦላናዉ ገታናዳን ኡንቱንታ ሀሳይሳ፤ ቃይ ኡንቱንቱ ኑ ቦላንን ኡታ ቃላ ሃሳየና ማላ፣ ኦናናን ዋላቀተና ማላ፣ እሳ ኡባ እሸከተላን ሰጋተላ በሰያዋንታ ግዳናዳን ዘራ።
- 3 እያዉ ጎጥ፣ ኑን ካሰ ኑ ሁጸዉካ ኤያቱዋ፣ እዛዘተናዋንታ፣ ባልያዋንታን እሞን ዲማ ዲማ ናሸቻዉ እይልያዳን ሞደትያዋንታ፤ ቃይ ኡታተላንን ቃናትያን ደእያዋንታ፤ እሳን አጸትያዋንታን እቱ እቱዋካ እጾያዋንታ።
- 4 ሸን ኑና እሸያ ጸሳ ኬካተላይን እሳ እ ሲቅያ ሲቁ ቆንጭዳ ዎደ፣
- 5 እ ባረ ማርተላዳንካ፣ ኦራላ የለቲሳን ሀኔዳ ጌዳሳንን ጌሻ እያናን ኦራጾዳዋን ኑና እሸዳዋጥ እትን፣ ኑን ጸሎ ኦሱዋ ኡልዳዋና ግደና።
- 6-7 ጸሳይ ባረ እጾ ኬካተላን ኑን ጸላናዳንን፣ እ እማና ጌዳ መድና ደኡዋ ላታናዳን፣ ኑና እሸያ የሱሰ ክርሰቶሳ ባጋና ጌሻ እያና ኑ ቦላ ዳርሲደ ትጌዳ።
- 8 ሀ ሃሳያይ እማነቱዳዋ፤ ጸሳ እሳቱ ሎኡ ኦሱዋ ኦላናዉ ጊጋናዳን፣ ሀ የዉዋ ኡንቱንቶ ኔን ሞንሳይ ኡዳናዉ ኮያይ፤ ሀዋንቱ እሳዉ ሎኡከ ጎእያዋንታ።
- 9 ሸን ኤያተላ ፓሉማጥ፣ ዛርያ ፓይያዋጥ፣ ዋላሳጥን ሀጊያባን ዋላቀትያዋጥ ናገታ። እያዉ ጎጥ፣ ሄዋንቱ ጎኤናዋንታን ማደናዋንታ።
- 10-11 ሻኩተላ መድያ ኡራይ ጌላ እሳ ግድያዋን ባረ ሁጲያን ፕርዲደ ናጋራ ኡልያዋ ኤራደ፣ እት ገደ ዎይ ላኡ ገደ እ ሴራዳዋጥ ጉይያን፣ ሄዋ ማላትያ እሳጥ ሻከታ።

### ዉርሰላ ዘርያ

- 12 ታን እርጸማሳ ዎይ ትክቆሳ ኔኮ ከትያ ዎደ፣ ኔን ታኮ ንቆጸልዮና ያናዉ ምና። እያዉ ጎጥ፣ ታን ባልጉዋ \* ያን ሻጫናዉ ቆፋ ቃቻድ።
- 13 ሀጊያ ኤርያ ዜናሰን እጲሎሰ ኑጊያ ብያ ዎደ፣ ኡንቱንቶ እያይን ፓጩና ማላ፣ ኡንቱንታ ሎይላ ማዳ።

2:14 ማዘ. 130:8፤ ከሳ 19:5፤ ዛረ. 4:20፤ 7:6፤ 14:2፤ 1 ጳጾ. 2:9 \* 3:12 ባልጉዋ- ግሪክ ቃላንካ እራይ ቡክያ ዎድያ ግድያዋ ኦዳ። እንግልዘሉዋን ዋንተር ጊያዎ።

14 ኑ አሳይካ ማደና አሳ ግዲደ አተና ማላ፥ ባረንታ ሎይሐ ኮሽያዋ ደማናዉ፥ ሎኦ ኦሱዋ ሞኒደ ኦሕያዋ ታማርኖ።

15 ታናና ደአያ ኡባቱ ኔና ሳሮ ሳሮ ጌድኖ። ኑና አማኑዋን ሰቅያዋንታ ሳሮ ሳሮ ጋ። ጸሳ አቆ ኬካተላይ ሀንተናና ኡባና እትፕ ግደ። አመንአ።

# ጳውሎስ ፕልሞናው ጻፊዳ ኪታ ገሉጥ

ፕልሞን ኤሪቴዳ አማንያ አሳ፤ እ ቆላስያሳ ዋሳ ጎልያ አሳ ግደናን ዋዩ አጋና። ፕልሞናዉ አናስሞሳ ግያ እይሊ ደኤ። ሄ እይሊ ባረ ጎዳፕ በተደ ቤዳ ዋደ። ቃሾ ጎሊን ደእያ ጳውሎሳና ጋከቴዳ። አናስሞስ ጳውሎሳ ባጋና የሱሳ አማኔዳ። ጳውሎስ ፕልሞናዉ ጻፊዳ ኪታይ ፕልሞን ጉየ ስም ቢደ ደእያ ባረ ቆማና ሰገታናዳን፤ ሄዋ ሀሳይሰያዋ። ሄዋ ቦላካ ሀእ አናስሞስ አማንያ አሳ ግዴዳ ድራዉ። ሀዋፕ ሰንሳዉ አማንያ እሻዳን እ ሞክ አካናፕ አትን። ቆማዳን እ ጸሊናዳን አዉ ኦዴ።

## ሸምፓቱዋ ኡባቶ እመቴዳ ቃንሳ ቆፋቱዋ

ገሉጥ 1-3  
ፕልሞናዉ ጳውሎሳ ጋላታ 4-7  
ጳውሎስ አናስሞሳ ድራዉ ሺሼዳ ምኖ ኦሻ 8-22  
ዉርሰሳ ቁትያ 23-25

- 1 ታን ጳውሎስ፣ የሱስ ክርስቶሳ ድራዉ ቃሹዋን ደእያዌን ኑ እሻ ጽሞቶስ፣ ኑናና ኦልያ ኑን ሲቅያ ፕልሞናዉ።
- 2 ነ ጎሊን ሸቅያ አማንያዋንቶ፣ ኑ ምቻት እፍብስን ኑናና እትፕ ደእያ ክርስቶሳ ዋታዳራ እርክፖሳዉ ሀ ዳብዳቢያ ጻፊቶ።
- 3 ጸሳ ኑ አወዋፕን ኑ ጎዳ የሱስ ክርስቶሳፕ አቋ ኬካተላይነ ሳርተላይ ሀንተንቶ ግደ።

### ፕልሞና ሲቁዋን አማኑዋ

- 4-5 ኔን ጸሳ አሳቱዋ ሲቁዋን ጎዳ የሱሳ አማንያዋ ታን ሰስያ ድራዉ። ጸሳ ዋሳደ ኔና ሀሳይያ ዋደ ኡባን፣ ታ ጸሳ ጋላታይ።
- 6 ኔን ነ አማኑዋ ሀራቱዋና ሻክያዊ ኑዉ ክርስቶስ የሱሳ ባጋና ይያ ሎኮባ ኡባ ኤርሳና ማላ፣ ታን ጸሳ ዋሳይ።
- 7 እያዉ ጎፕ፣ ጸሳ አሳቱዋ ዋዛናይ ነ ኪታን ምኔዳ ድራዉ። ታ እሻዉ። ታን ነ ሲቁዋን ዳር ናሽቻን መንፍቀ ደማድ።

### አናስሞስ ፕልሞናኮ ስሜዳ ስሙዋ

- 8 ሄዋ ድራዉ፣ ኔን አሳናዉ በሰያዋ አሳና ማላ፣ ታን ኔና አዛዛናዉ ክርስቶሳ ባጋና ጸሎፕካ።
- 9 ታን ጳውሎስ ጭሚዳዌ፣ ክርስቶስ የሱሳዉ ሀእካ ቃሹዋን ደእያዌ፣ ሲቁዋ ድራዉ፣ ኔና ዋሳይ።
- 10 ታን ቃሹዋን ደእደ አዉ እወዋ ግዴዳ ታ ናእ አናስሞሳ \* ድራዉ፣ ኔና ዋሳይ።
- 11 እ ካስ ኔና ጎኤና፤ ሸን ሀእ ኔናካ ታናካ ቱሙ ጎኤ።
- 12-13 ታን ዋዛናፕ ዳሰያ አናስሞሳ ኔኮ የዶዌ ታ ዋዛና የዶዋ። ታን ዋንጋላ ድራዉ ቃሸታ ኡታ ደእሸን፣ ኔና ኮቺደ፣ ታና ማዳና ማላ፣ ታ ማታን እ አሻናዉ ኮያይ።
- 14 ሸን ኔን ነ ሸንያዳን ኦሳናዋ ኮያይፕ አትን፣ ኔናና ዘረተናን ዋልቃን አይነ ኦሳናዉ ኮይከ።
- 15 አናስሞስ ጉላ ዋድያ ኔፕ ሻከቴዳዌ፣ ኦን ኤር ሰሚደ፣ ኡባ ዋደካ ኔናና ደእአናንቶን።
- 16 ስም ሀዋፕ ሰንሳዉ አናስሞስ አይልያ ግደና፤ ሸን አይልያፕ እ ሎይላ አቋ፤ እ ታዉ እይ ኬና ሲቆ እሼ! ቃይ እ ነዉ አሳ ባጋናካ ጎዳ ባጋናካ አይ ኬና አቋዳ እሻ ግዳንዳሻ!
- 17 ስም ኔን ታና ነ ላገላ ግያዋ ግደፕ፣ ታና ሞክያዋዳን፣ እ ሞካ።
- 18 እ ነዉ ባይዜዳባይ ዋይ እ ቦላ ነዉ አጩ ደኡፕ፣ ታፕ ጭጋ እካ።
- 19 ሄ አጩዋ ታን ጭጋና ጋይ፣ ታን ጳውሎስ ታ ኩሸያን ጻፋይ። ኔን ታዉ ነ ሸምፑዋ አጮታ ኡቴዳዋ ታን ኔና ሀሳይሳናዉ ኮሸና።
- 20 ኤ፣ ታ እሻዉ፣ ጎዳ ባጋና ኔፕ ማዴዋ ደማናዉ ኮያይ። ክርስቶሳ ባጋና ታና መንፍቀ።
- 21 ታን ጌዳዋፕ ዳራዋ ኔን ኦሳናዋ ኤራደ፣ ቃይ ነ ታዉ እዛዘታናዋካ አማናደ፣ ሀዋ ነዉ ጻፋይ።
- 22 ቃይ ሀንተንቱ ኤላካ ታዉ አማላዉ ሸምፕያ ጎልያ ገግሰተ። እያዉ ጎፕ፣ ጸሳይ ሀንተንቱ ዋሳን ታና ሀንተንቶ ጉየ ዛሪደ አማና ጋይ ቆፓይ።

**ወርሰላ ሳሮታ**

- 23 ክርስቶስ የሱሳ ድራወ፥ ታናና ቃሹዋን ደእያ ኤፓፍር ኔና ሳሮ ሳሮ ጌ።
- 24 ቃይ ታናና እትፕ ኦሳያ ማርቆስ፥ አርሰጽሮኮስ፥ ዴማስኒ ሉቃስ ኔና ሳሮ ሳሮ ጌኖ።
- 25 ጎዳ የሱስ ክርስቶሳ እቶ ከካተላይ ህንተንቱ እያናና ግድ።

# አብራዌ አሳዉ ጻፈቴዳ ኪታ ገሉዋ

ሀዌ ጸዉሎስነ ጸጵሮስ ጸፊዳዋዳን ኪታ ግደናን ትምርተ ግዲደ ጻፈቴዳዋ፡ ዎልቃማ ቱገይ ጋክና፡ አማኑዋ አገናዉ ማቴዳ አማንያ አሳቱዋሳ (10:32-39)። ሀ ማጻፋ ጻፊዳዌ ኦንነቶ ኤረተና። ሀ ጻፍያ ሁጸ ቆፋይ ኮይሮቲደ ኦንቱንቱን ደእያ ሲቁዋኮ ሰማናዳን የሱሳ ጶቃተላ በሲደ ኦንቱንታ ዞራ። ሄ ጻፊ አብራዌ አማንያዋንቶ ምንሰ ኦድያዌ የሱሰ ክርሰቶስ ቱማነ፡ ጸሳ ፖሎ ቆንጨላ ግድያዋና። ሀ አማንያዋንቱ ባረንቱ አማኑዋን ምናና ማላ፡ ኦንቱንታ መንገድ። እ ሄዎ ኦሊደ ሄዙ ቱማቱዋ ቆንጨሲደ በሲ፡

1. እ እኩዳ መቱዋ ባገና ባረ አዎ ቱሙ አዛዘቱዳ የሱሰ ጸሳዉ መድና ናእ። እ ጸሳ ናእ ግዲዳ ድራዉ፡ ኤጫ ቃላ ጫቁዋ ዎድያን ትምቢትያ ኦድያዋንቱ፡ ኪታንቻቱዋ፡ ሀራይ አትን፡ ሙሴፕካ ሎይል አድያዋ።
2. የሱሰ ኤጫ ቃላ ጫቁዋ ቁሳቱዋ፡ ሎይል አድያ፡ መድና ቁሳ ግድያዋ ጸሳይ ባረ ሁጸዉ ኦዲዳ።
3. የሱሳ ባገና አማንያዌ ናጋራ፡ ያሻተላ፡ ሀይቁዋ፡ አቱ። የሱሰ ቁሳቱዋ ኡባቱዋ ካዋዋ ግድያ ድራዉ፡ ካሰ አብራዌቱዋ አማኑዋ ዎጋቱዋን መሄቱዋ ያርሹዋን ኩዋዳን ቤትያ አቶተላ ሀእ ቱማ ግዳናዳን ኦሊዳ።

ጻፊ አሰራኤልያ አሳ ታርክያን ዳር ኤረቱዳ አሳ አማኑዋ ሊምሱዋዳን ጎኤቲደ (ሸምፑዋ 11)፡ ሀ ማጻፋ ናባብያ አሳቱ ባረንቱ አማኑዋን ምናናዳን ቆፍሴ። ሄዎዳንካ (ሸምፑዋ 12) ናባብያዋንቱ ባረንቱ አይፍያ የሱሳ ቦላን ትሽ ኦል ዎሊዳ፡ ባረንቱ አማኑዋን ምናናዳን አይ ማላ መቱን ዋዪ ጋኮፕካ፡ ኦንቱንቱ ገንጫናዳን ዞራ። ዉርሰላን ቃይ ዞርያን እኬክሱዋ ቃላ አምያዋን ዉርሴ።

### ሸምፓቱዋ ኡባቶ አመቴዳ ቃንሳ ቆፋቱዋ

- ገሉዋ፡ ጸሳይ የሱሳን ቆንጨ፡ዳዋ 1:1-3
- ክርሰቶስ ኪታንቻቱዋ፡ ቦላ ግድያዋ 1:4—2:18
- ክርሰቶስ ሙሴፕካ ኢያሱፕ ቦላ ግድያዋ 3:1—4:13
- ክርሰቶሳ ቁሳተላ ጶቃተላ 4:14—7:28
- ክርሰቶሳ ቃላ ጫቁዋ ጶቃተላ 8:1—9:23
- ክርሰቶስ ያርሹቴዳዌ ኦዋፕካ ዳርያዋ 9:23—10:39
- አማኑዋ ዳርተላ 11:1—12:29
- ጸሳ ናሽቹሳ 13:1-19

### ጸሳይ ባረ ናእ ባገና ሃሳዬዳ

- 1 ጸሳይ በን ዎደ፡ ኑ አዎቱ ናባቱዋ ባገና ዲማ ዲማ ኦግያንነ ዳር ዎድያን ሃሳዬዳ።
- 2 ሸን ሀ ዉርሰላ ዎድያን፡ ኡባባ እ ላትሲደ፡ የለታ እ ባገና መጫዳ ባረ ናእ ባገና ኑዉ ሃሳዬዳ።
- 3 ናእይ ጸሳ ቦንቾ ፖኡዋ ጸሊ፤ ቃይ ኩመንላ ጸሳ ኤሻ አኪደ፡ ባረ ዎልቃማ ቃላን ሀ ሳእ ናጌ፤ ያቲደ እሳ ናጋራፕ ጌሺደ፡ ኡባፕ ቦላ ጸሳፕ ኡሸቻ ባገና \* ሳሉዋን ኡቴዳ።

### ጸሳ ናእይ ኪታንቻቱዋ፡ ቦላ

- 4 ጸሳይ እዉ አሜዳ ስጎሳተሳይ ኪታንቻቱዋ፡ ጶቃ ግድያዋዳንካ፡ ኦንቱንቱ፡ ኦ ሎይል ጶቁ ኦሊዳ።
- 5 እያዉ ጎፕ፡ ጸሳይ ባረ ኪታንቻቱዋ፡ ኦና፡ “ኔን ታ ናእ፤ ታን ሀቹ ነዉ አዉዋ ግዲድ”
- ጌዴ? ዎይ ቃይ ኦና፡ “ታን አዉ አዉዋ ግዲና፤ አካ ታዉ ናእ ግዲና”

- ጌዴ?
- 6 ቃይ ጸሳይ ባረ ባይራ ናእ ሀ ሳእ የዳና ሀኒደ፡ “ታ ኪታንቻቱዋ ኡባቱካ እዉ ጎይንና” ያጌዳ።

\* 1:3 ኡሸቻ ባገና- ቦንቹዋን ዎልቃሳ ግድያዋ በሲ። 1:5 ማዘ. 2:7፤ 2 ሳሜላ 7:14፤ 1 ኦዲዋ 17:13 1:6 ዛረ. 32:43

7 ጸሳይ ኪታንቻቱቀባ ሃሳዪደ፥  
“ታን ታ ኪታንቻቱቀ ጫርኩቀ ከሳይ፤  
ቃይ ታ ኦሳንቻቱቀካ ታማ ላጩቀ ከሳይ”

ያጌ።

8 ሸን ባረ ናኣቀ ሃሳዪደ፥  
“ጸሳዉ፥ ነ ካዉተሓ ኦይዲ፥  
መጵ መጵናዉ ደኤ።

ነ ካዉተሓ ጽሎተሓን ኦሃሳ።

9 ኔን ጽሎተሓ ሲቃደ፤  
ናቁቀ እጻዳ።

ጸሳይ፥ ነ ጸሳይ ኔና፥  
ነ ላገቱቀጥ አሊደ፥  
ናሸቻን አልልሲያ ዛይትያ ኦኬዳቄ ሀቀሳ”

ያጌ።

10 ጸሳይ ሀቀዳን ያጌ፤  
“ጎዳዉ፥ ኮይሮ ኔን ሳኣ መጻዳ፤  
ሳሎቀካ ነ ኩሸያን መጻዳ።

11 ሄቀንቱ ኡባይ ጻያና፤  
ሸን ኔን ደእና።

ኡንቱንቱ ኡባይካ አፍላዳን ዉራና።

12 ኔን ኡንቱንታ ጋብያዳን ዳኮያና፤  
ቃይ ኡንቱንቱ አፍላዳን ላመታናቀንታ።

ሸን ኔን ኔናካ፤  
ነ ላይላይ ኡባካ ዉረና”

ያጌ።

13 ሸን ጸሳይ ባረ ኪታንቻቱቀጥ እቱቀነ፥  
“ታን ነ ሞርከቱቀ ኔን  
ገድያን የድያቀ ኦላና ጋካናዉ፥  
ሀቀን ታጥ ኡሸቻ ባጋን ኡታ”

ግቤና።

14 ኪታንቻቱ ኡባይ ጸሳዉ ኦላናዉን አቶተሓ ደማና አሳቱቀ ማዳናዉ ጸሳይ ኪቲዳ እያናቱቀ ግድክኖዬ?

## 2

### ዎልቃማ እንጂቆ

1 ሄቀ ድራዉ፥ ኑን ሰሴዳ ቱሙ የዉቀጥ ሱገት ዎራ ቤና ማላ፥ ሄ የዉቀ ሎይሐ ኦይቃናዉ በሴ።  
2 እያዉ ጎጥ፥ ኪታንቻቱ ኦይዳ ቃላይ ቱማ ግድያ ድራዉ፥ ናቂያ ዎይ አዛዘተና አሳይ ኡባይ መራቲዳቀ ግደጥ።

3 ያቶና፥ ኑን ሀ ዎልቃማ አቶተሓ ሸነኮ ጎጥ፥ ዎኒደ አታኔ? ጎዳይ ኮይሮ ባረ ሁጳዉ ሀ አቶተሓ ኦይዳ፤ ቃይ እ ኦይዳቀ ሰሴዳቀንቱ ኑዉ ጌሺደ ኦይድና።

4 ሄ ሰሴዳቀንቱ ማርካቲዳቄ ቦላ ጸሳይካ ማላ፥ ኦራላባን ዳማ ዳማ ማላታ ኪተትያቀን ጉጅ ማርካቲዳ፤ ቃይ ጌሻ እያና እሙቀካ ባረ ኮይዳቀዳን፥ ግሽ ጋሌዳ።

### አቶተሓዉ ካለለያቀ

5 እያዉ ጎጥ፥ ጸሳይ ኑን ሃሳይያ ሰንላጥ ያና አላምያ፥ ኪታንቻቱቀ ሞድሰቤና።

6 ሸን ጸሳ ማጻፋይ እትሳን ሀቀዳን ያጌ፤  
“ጸሳዉ፥ ኔን አሳቀ ቆጋናዉ አሳይ እዬ?  
ዎይ ኔን አዉ ሀርጋናዉ እ እዬ?

7 ኔን ኪታንቻቱቀጥ፥  
አማራዳ ዎድያ እ ጉላዳ።

አ ሁጲያንካ ቦንቹቀነ፥  
ሳባ ካላቻ ዎላዳ።

8 ቃይ ኡባባ እ ገድያጥ ጋርሳና ዎላደ

ሞድሳዳ።

ያገ። እያወ ጎጥ፣ ጸሳይ ኡባባካ እ ሞድሴዳዋዳን እን ሞደትቤናዌ እያይነ ባዋ፤ ሸን ሀእ ኡባባይ እወ ሞደትያዌ ኑወ ቤተና።

9 ሸን ኑን የሱሳ በኢቶ፤ የሱሰ ጸሳ እጾ ኪካተላ ባጋና አሳ ኡባወ ሀይቃና ማላ፣ አማሬዳ ዋድያ ኪታንቻቱዋጥ ጋርሳ ግዴዳ። ቃይ ሀይቁዋ ዋይያ እ ዋየቲዳ ድራወ፣ ፖእያ ቦንቹዋን ሳባ ካላቻ ዋሴዳዋ ሀእ ኑን በኤቶ።

10 ጸሳይ ኡባባ መጴዳዌ፣ ኡባባካ ናግያዌ፣ የሱሰ ዳሮ ናና አሂደ፣ ባረናና ቦንቻሳና ማላ፣ ዋይያ ባጋና የሱሳ ባላይ ባይናዋ ኦሴዳዋ በሴ፤ እያወ ጎጥ፣ ሄ ናና አቶተላወ ካለለያዌ የሱሳ።

11 እያወ ጎጥ፣ አሳ ጌሸያ የሱሳወካ ቃይ ሄ ጌዬዳ አሳ ኡባወካ ኦወ እቲዋ። የሱሰ ኡንቲንታ፣ “ታ እሻቲዋ” ጊደ ዬላተናን ዴሰያዌ ሀዋሳ።

12 የሱሰ፣

“ታን ነ ሱንላ ታ እሻቶ አዋያና።

ማባራ ሸቆዋንካ ኔና ጋላታና”

ያገ።

13 ቃይ እ፣ “ታን ታ አማኑዋ ጸሳን ዋላና” ቃይካ፣ “ጸሳይ ታወ እማዳ ናናቲዋና ታን ሀዋን ደእይ” ያገ።

14 ናና ጊደ እ ዴሰያዋንቲ፣ እሹዋጥን ሱላጥ መፀቲዳ አሳቲዋ ግድያ ድራወ፣ የሱሰ ባረ ሁጸወ ኡንቲንታ ማላቲደ፣ ኡንቲንቲ መፀታ እኬዳ፤ ቃይ እ ሄዋ ኦሴዳዌ፣ ጸላህያ ካፍዋ ሀይቁዋ ቦላ ማታይ ደእያዋ ባረ ሀይቁዋን ጳይሳናሳ።

15 ቃይ ባረንቲ ደኡዋ ኡባን ሀይቆ ያዪደ፣ ሀይቆ አይለቲደ ደእያዋንታ ኡባቲዋ አይለተላጥ ከሴዳ።

16 እያወ ጎጥ፣ አብሬሃማ ዛርያ እ ማድያዋጥ እትን፣ ኪታንቻቱዋ ማደናዌ ኡረቲዳ።

17 ሄዋ ድራወ፣ አሳ ናጋራይ እቶ ጌተታና ማላ፣ ጸሳ ኪታን አማነቲዳ ማርያ ቄሳቲዋ ኡባቲዋ ካፍዋ ግዳና ማላ፣ ኡባባን እ ባረ እሻቲዋ ማላታናወ በሴ።

18 እያወ ጎጥ፣ እ ባረ ሁጸወ ፓጨቲዳ ድራወካ ዋየቲዳ ድራወ፣ ፓጨትያዋንታ ማዳናወ ዳንዳዬ።

### 3

የሱሰ ሙሴጥ ቦላ

1 ሄዋ ድራወ፣ ጸሳይ ዴሴዳ ጌሻ እሻቶ፣ ኑ ማርካተላ ጸሳይ ኪቲዳዋ ቄሳቲዋ ኡባቲዋ ካፍዋ፣ የሱሰ ክርሰቶሳ ቆፕተ።

2 ሙሴ ባረ ኪታን ጸሳ ጎልያ ኡባን አማነቲዳዋ ግዴዳዋዳን፣ የሱሰካ ባረና ዶሪደ፣ ሀ ኦሶ የዴዳ ጸሳወ አማነቲዳዋ።

3 እያወ ጎጥ፣ ኬጸትና ጎልያጥ ኬጸያ ብታኒ ቦንቹትያዋዳን፣ ሙሴዋጥ አጵያ ቦንቹዋ እ አካናወ በሰያዌ ኡረቲዳዋ።

4 እያወ ጎጥ፣ ጎልያ ኡባ ኪዬዳዌ እት አሳ፤ ሸን ኡባባ ኪዬዳዌ ጸሳ።

5 ሙሴ ጸሳ ጎልያ ኡባን አማነቲዳ ኦሳንቻ ግዲደ፣ ጸሳይ ሰንሳጥ ጋናዋ ማርካቲዳ።

6 ሸን ክርሰቶሰ ጸሳ ጎላን ናኣዳን አማነቲዳዋ፤ ኑን አካና ጊደ ናሸቻን ናግያዋ ጸላተላንን አማኑዋን ናጎጥ፣ ጸሳወ ጎልያ ግዴቶ።

ጸሳ አሳይ ሸምጥዋ ደማና

7 ሄዋ ድራወ፣ ጌሻ እያናይ ሀዋዳን ያገ፤

“ጸሳ ቃላ ህንተንቲ ሀቼ ሰሰያባ ግደጥ።

8-9 ህንተንቲ አዋቲ ታወ እጽ ማካሊደ፣

ኦይታሙ ላይላ ታ ኦሱዋ በኤዳ ባዙዋ ፓጭያ ጋላሳዳን፣

ህንተንቲካ ዘርያ እከናን እጽፕተ።

10 ሄዋ ድራወ፣ ታን፣

ሄ አሳ ሀንቀታደ፣

“ኡንቲንቲ ኡባ ዋደ ባረንቲ ዋዛናን ባሊኖ።

ታ ኦግያካ ኤርበይክኖ ያጋድ።

11 ሄዋዳንካ ቃይ፣

ታን ሀንቀታ ጫቃደ፣

“ታን ሸምፕያ ሳ ኡንቲንቲ፣

ኡባካ ገልክኖ ያጋድ”

ያጌ።

12 ታናዳን አማንያዋንቶ፣ ደኡዋ ደሳጥ ህንተንታ ሻክያ ኢታ አማነና ዋዛናይ ህንተናን ኦናንነ ደእና ማላ ናገትተ።

13 ሸን ደሳይ ህንተንታ ኡባ ጋላሰ ሀቼ ጊደ ዴሰሸን፣ ህንተጥ ኦና ናጋራይ ባለሌና፣ ዞርያ አከናን እጸና ማላ፣ እቱ እቱዋ ዞርተ።

14 እያዉ ጎጥ፣ ኑን ኮይሮ ኑዉ ደእያ አማኑዋ ዉርሰሳይ ጋካናዉ ሎይላ ናጎጥ፣ ክርሰቶሳና እትጥ ሻካና።

15 ደሳ ማጸፋይ፣

“ደሳ ቃላ ህንተንቱ፣

ሀቼ ሰሰያዋ ግደጥ፣

ሄ ዋደ ኡንቱንቱ እጽ ማካሌዳዋዳን፣

ዞርያ አከናን እጽጥተ”

ያጌዳ።

16 ደሳይ ግያዋ ሰሲደ፣ አዉ ማካሌዳ አሳቱ ኦኔ? ሙሴ ግብጾጥ ካለሌና ከሴዳ ኡባቱዋ ግደክኖይ?

17 ደሳይ ኦይታሙ ላይላ ኦናን ህንቀቴይ? እሃይ ዋራን እቴዳ አሳቱዋ፣ ናጋራ ኡልዳዋንታ ግደክኖይ?

18 ቃይ ደሳይ ባረዉ አዛዘተናን እጾዳዋንቱ እ ሸምጥያ ሳኣ ኡባካ ገለና ማላ፣ ኡንቱንቶ ጫቄዳዋጥ እትን፣ ኦሰ ጫቄዴ?

19 ኡንቱንቱ አማንቤና ድራዉ፣ ሸምጥያ ሳ ገላናዉ ዳንዳይቤናዋ ኑን በኤቶ።

### 4

1 ሰም ደሳይ ኑና ባረ ሸምጥያ ሳ፣ “ገልሳና” ጌዳዌ ብራ ግደጥ፣ ህንተጥ ኦናን ሄ ሸምጥያ ሳ ገለናን አተና ማላ ናገቶ።

2 እያዉ ጎጥ፣ ኡንቱንቱ ዋንጋላ ምሽራቹዋ ሰሴዳዋዳን፣ ኑንካ ሰሴዳ፣ ኡንቱንቱ ሰሴድና፣ ሸን አማኒደ እክቤና ድራዉ፣ እይነ ኡንቱንታ ጎእቤና።

3 ግደጥካ፣ ደሳ ኪታይ ሳእይ መጠቶደጥ ደምና ፖለቲዳዋ ግደጥ፣ ደሳይ፣

“ታን ህንቀታ ጫቃደ፣

ኡንቱንቱ ታን ሸምጥያ ሳ

ኡባካ ገልክና’ ያጋድ”

ጌዳዋዳን፣ ኑን አማኒዳዋንቱ እ ሸምጥያ ሳ ገላና።

4 እያዉ ጎጥ፣ ላፑንላ ጋላሳባ እትሳን ደሳ ማጸፋይ፣ “ደሳይ ላፑንላ ጋላሳን ባረ ኦሱዋ ኡባጥ ሸምጥዳ” ያጌዳ።

5 ቃይ ሄ ሳኣን፣ “ኡንቱንቱ ታን ሸምጥያ ሳ ኡባካ ገልክና” ያጌዳ።

6 ዋንጋላ ምሽራቹዋ ኮይሮ ሰሴዳዋንቱ አዛዘትቤና ድራዉ፣ ሸምጥዋ ሳኣ ገልበይክና፣ እት እት አሳቱ ያ ገላናዋንቱ ደእና።

7 ደሳይ ዳር ዋድያጥ ጉይያን፣ ዳቂታ ባጋና ላኡንሉዋ እት ጋላሳ፣ “ሀቼ” ግያ ቃላን ኬሪደ፣

“ደሳ ቃላ ህንተንቱ ሀቼ ሰሰያዋ ግደጥ፣

ዞርያ አከናን እጽጥተ”

ያጌዳ።

8 ደሳይ ሸምጥያ ሳ አሳ አፊደ ኢያሱ ሸምጥሴዳዋ ግድንቶ፣ ደሳይ ሀራ ጋላሳዋ ጉያ ኬረና።

9 ሄዋ ድራዉ፣ ደሳ አሳዉ ሳምባታ ሸምጥ ናገት ኡቴዳ።

10 እያዉ ጎጥ፣ ደሳይ ሸምጥያ ሳ ገልያ ኦንነ፣ ደሳይ ባረ ኦሱዋጥ ሸምጥዳዋዳን፣ እካ ባረ ኦሱዋጥ ሸምጥና።

11 ሰም አሰራኤልያ አሳይ አዛዘተናን እጺደ፣ ደሳና እትጥ ሸምጥያ ሳ ገለናን እቴዳዋዳን፣ ኑጥ ኦንነ ሄዋ ማላ ኤና ጌናን እጸዋን ያ ገለናን አተና ማላ ምናይተ።

12 እያዉ ጎጥ፣ ደሳ ቃላይ መድናዉ ደእያዋኔ ኦልያዋ፣ ላኡ ባጋና ሌፊቲዳ ማሻጥካ አጲደ ኩሴ። ሄ ቃላይ ሸምጥነ እያናይ፣ ኩሪን ኮልዚ እትጥ ጋከትያሳ ሻካና ጋካናዉ ጫይ። ቃይ አሳ ዋዛናን ደእያ ኮሻነ ቆፋ እ ሻኪ።

13 ኑን ኦልያዋ ዋቻያ ደሳ ሰንሳን ኡባባይካ ቤትያዋጥነ ቆንጭያን ደእያዋጥ እትን፣ አ እይፍያን ጌምያ መጠታይ እያይነ ባዋ።

### የሱሰ ቄሳቱዋ ኡባቶ ዋልቃማ ካጥዋ



14 ስም ሳሉዋ ቤዳ፣ ቁሳቱዋ ኡባቱዋ ዋልቃማ ካፑ፣ ጸሳ ናአይ የሱስ፣ ኑዉ ደእያ ድራው፣ ኑ አማኑዋ ሎይሳ ናጌቶ።

15 አያዉ ጎፕ፣ ኑ ቁሳቱዋ ኡባቱዋ ካፑ ኑን ዳቡርያ ዋደ ኑዉ ቃረታናዉ ዳንዳዬ፤ ናጋራ እ አላቤናዋፕ እትን፣ ኑናዳን ኡባባንካ ፓጩቲዳ።

16 ስም ኑና ኮሽያ ዋደ ማድያ ማርተላ አካናዉን እቶ ኬካተላ ደማናዉ፣ እቶ ኬካተላይ ደእያ ሳአ ጸሳ አራታኑ፣ ያየናን ሺቆይተ።

### 5

1 ቁሳቱዋ ኡባቱዋ ካፓቲ ሁጲያን ሁጲያን ባረ አሳ ግደፕ ደረቲደ፣ ሄ አሳ ግሻታዉ ጸሳዉ አሳናዉ፣ እሙዋ እማናዉን ናጋራ ያርሹዋ ያርሻናዉ ሱን፤ ተድና።

2 እ ባረ ሁጲዉ ዳቡራንቻ ግድያ ድራው፣ ታማርቤናዋንታን ባልያዋንቶ ቃረታናዉ ዳንዳዬ።

3 ሄዋ ድራው፣ ሄ ቁሳቱዋ ኡባቱዋ ካፑ አሳ ድራዉ ያርሹዋ ያርሸያዋዳን፣ ባረ ሁጲ ናጋራ ድራዉካ ያርሻናዉ በሲ።

4 ጸሳይ አርና ቁሳቱዋ ኡባቱዋ ካፑዋ ግዳና ማላ ጸሴዳዋዳን፣ ጸሳይ ጸሳናፕ እትን፣ እንነ ቁሳቱዋ ኡባቱዋ ካፑዋ ግድያ ቦንቹዋ ባረዉ አካናዉ ዳንዳየና።

5 ሄዋዳንካ፣ ክርስቶስ ቁሳቱዋ ኡባቱዋ ካፑዋ ግድያ ቦንቹዋ ባረዉ እክቤና፤ ሸን ጸሳይ እ፣ “ኔን ታ ናአ።

ታን ሀቼ ነዉ እዉዋ ግዳድ”

ያጌዳ።

6 ሄዋዳንካ ቃይ ሀራሳን፣

“ማልክ-ጸደቁ\* ቁሳ ግዴዳዋዳን፣

ኔንካ መድናዉ ቁሳ ግዳና”

ያጌዳ።

7 የሱስ ሳአን ደእያ ዋደ፣ ባረና ሀይቁዋፕ አሻናዉ ዳንዳይያ ጸሳ ሎይሳ ዩኪደን አርጲደ ዋሴዳን አቼዳ፤ ጸሳይ እ ዋሳ ሰሴዳዌ፣ እ ባረና ቶቹዳዋሳን አዉ ያዬዳዋሳ።

8 የሱስ ጸሳ ናአ ግደፕ፣ ባረ ዋየቲዳ ዋይያን አዛዘትያዋ ታማራዳ።

9 የሱስ ባረ ኦሱዋ ፖሊዳ ዋደ፣ ባረዉ አዛዘትያ ኡባዉ መድና አቶተላ ደማናዉ ጋሶ ግዳዳ።

10 ቃይ ጸሳይ ማልክ-ጸደቃ ሱንጎተላዳን፣ ቁሳቱዋ ኡባቱዋ ካፑዋ ግዳና ማላ፣ እ ሱንጴዳ።

አሳይ ባለናዳን ኦደቲዳ ምና ኦዲዋ

11 ኑን ሀ የዋዋን ሃሳያናባይ ዳርባይ ደእ፤ ሸን ሀንተንቲ እኪካናዉ አዛላ ግድያ ድራው፣ ሀንተንቲ ኦድ ገልሳናዉ ዋይሴ።

12 አያዉ ጎፕ፣ ሀንተንቲ ሀ ዋድያን ታማርሰያዋንታ ግዳናዉ በሶፕካ፣ ጸሳ ቃላ ኮይሮ ትምርትያ ሀንተንታ ዛር ታማርሰያ እት ኡራ ኮሼ፤ ሀንተንታ ኡሸያ ማላ ኮሺፕ እትን፣ ጮምያ ቁማ ኮሸና።

13 ማላ ፓከቲደ ደእያ ኦንነ ጋጭና ናአ ግድያ ድራው፣ ጽሎተላ ትምርትያዋ ኡሪና።

14 ሸን ምና ቁማይ ኢታን ኪካ ደእቆ ዳሩዋን ሻክ ኡራዳ ዋዛናማ አሳሳ።

### 6

1-2 ሄዋ ድራው፣ ክርስቶሳ ትምርትያ ብሮ ደምያዋ እጊደ፣ ዋዛናማ አሳ ትምርተዉ ሰንሳዉ ቦይተ፤ ኮይሮ ኑን ታማራናዉ ኮሽያ ትምርትያ ዋድ ኡቁይ ታማራናዉ ኑዉ በሰና፤ ሄ ትምርቲ እዬ ጎፕ፣ ማደና ኦሱዋፕ ሰምያዋ፣ ጸሳ አማንያዋ፣ ጽንቃታቱዋ፣ \* ኮሽያ ዋሉዋ፣ ሀይቁዋፕ ደንዳዋባን መድና ፕርዳባ።

3 ጸሳይ አላተ ጎፕ፣ ሄዋ ኑን ኦሳና።

4-5 አያዉ ጎፕ፣ አቶደካ ፖኡ ፖኡዳዋንታን ሳሉዋ እሙዋ ባር በኢዳዋንታ፣ ቃይ ጌሻ አያናካ ሻክ እኪዳዋንታን ጸሳ ቃላይ ሎኦ ግዴዳዋ ሰሰ ኡራዳዋንታ፣ ሰንሳፕ ያና ሳአ ዋልቃካ ቦቻ ጸሴዳዋንታ።

6 ሄዋፕ ጉየ ሰሚደ ካዴዳዋንታ ናጋራፕ ላኤንሱዋ ዛራናዉ ዳንዳየተና። አያዉ ጎፕ፣ ሄዋንቲ ጸሳ ናአ ማሰቃልያ ቦላ ምሰማርያን ድሸይ ካቂያዋንታን እሳ ሰንሳን ካዉሸያዋንቲ ማላ።

7 ኡባ ዋደ ቡክያ እራ ኡሸና፣ ጎሼዳ ኡራ ጎእያ ካላ ሞክያ ቢታ ጸሳይ አንጂ።

8 ሸን ቡሉዋን ቡዙዋ ሞኮፕ፣ እይነ ጎኤና፤ ሸቃዉ ሸቃ ኡቲዳ። ቃይ ዉርሰሳን ጉይታና።

5:3 ዋጋ 9:7    5:4 ከሳ 28:1    5:5 ማዝ. 2:7    \* 5:6 ማልክ-ጸደቁ፣ ሀ ሰንሳይ ኡጫ ጫቁን ጸሴቲዳዌ፣ እ ቁሳ እርነፕ ካሰና ደእዴዌ ኡሪተ ድራሳ። እ ጉየ ዛርያባዉን እ ሀይቁዋባዉ እይነ ጌተቶዌ ባዋ። 7:3፤ ደመሳ 14:17-20 ጸልተ።  
5:6 ማዝ. 110:4    \* 6:1-2 ጽንቃታቱዋ፣ ሜቻቱዋ ባገዋ ግዲደ ጌሻተላ ባገሪክ ዳማ ዳማ ዋጋ ግድያዋ በሴ።  
6:8 ደመሳ 3:17-18

9 ሸን ኑ ሲቃቶ፣ ኑን ሀዋዳን ሃሳይያዎ ግደጥነ፣ ህንተንጉኑ አቶተላዉ ግደያ ሎኦባይ ህንተንቶ ደእያዎ ኤሬቶ።

10 እያዉ ሳጥ፣ ህንተንጉኑ ኦሌዳ ኦሱዋን ቃይ አማንያዋንታ ማዴዳዋንን ሀኦካ ማድያዋን ጸሳ ሲቄዳ ሰቁዋ ጸሳይ ደጋናዉ ማካላ ግደና።

11 ህንተንጉኑ ሁጲያን ሁጲያን ደማና ጊደ፣ ህደታን ናግ ኡቴዳ ኩመንላ ቱማተላ ዉርሰላይ ጋካናዉ፣ ካሰዋዳን ምንሲደ ኦላና ማላ አዋቴቶ።

12 ጸሳይ አማና ጌዳዋ አማኑዋንን ገንጫን ላትያዋንጉ ማላ ህንተንጉ ግዳናዋ ኑን ኮይያዋጥ አትን፣ አዛላ ግዳናዋ ኮዮኩ።

**ጸሳይ እሜዳ ህደታይ ሰፎሰናዋ**

13 ጸሳይ አብራሃሞ አማና ጊደ ጫቄዳ ዋደ፣ ባረጥ አፎያ ዋልቃማይ ባይና ድራዉ፣ ባረ ሁጲያን ጫቄዳ።

14 ጸሳይ እ፣

“ታን ነና አንጃና፤

ነ ዘረላካ ጮርሳና”

ያጊደ ጫቄዳ።

15 ህዋዳንካ፣ አብራሃሞ ገንጫ ናጊደ፣ ጸሳይ አማና ጌዳዋ እኬዳ።

16 እያዉ ሳጥ፣ አሳይ ባረጥ ቶቄያ ኡራን ጫቄ፤ ቃይ ሄ ጫቄ ፓሌምያ ኡባካ ተኤ።

17 ሄዋ ድራዉ፣ ጸሳይ ባረ አማና ጌዳዋ ላታናዋንቶ ባረ ፅፋ ኡባካ ላመናዋ ጌሽ ኦዳናዉ ሎይላ ኮዩደ፣ ሄዌ ቱማ ግዳዳዋ ጫቄዳ።

18 ጸሳይ ዋርደታናዉ ዳንዳየና ሀ ላኡ ላመተና የዋቴዋን፣ እ አማና ጌዳ ኑ ሰንላን ደእያዋ ኦይቃናዉ እኮ ባቃቴዳ ኑዉ ዋልቃማ መንፍቱ ደኤ።

19 ሀ ኑን ደማና ጊደ ናሽቻን ናግ ኡቴዳዌ ኤረቴዳ ምና ግዲደ፣ ጋርዲዋ ተ ግደ ጌሻ ሳ ገሌ።

20 ቃይ የሱሰ ማልክ-ጸደቃ ሱንላተላዳን፣ መፎናዉ ቄሳቱዋ ኡባቴዋ ካጥዋ ግዲደ፣ ኑ ግሻታዉ ኑጥ ካሰቲደ፣ ሄ ሳእ ገሌዳ።

**7**

**ቄሳ ማልክ-ጸደቃ**

1 ሀ ማልክ-ጸደቁ፣ ሳሌማ ካቲ፣ ኡባጥ ቦላ ጸሳ ቄሳይ፣ አብራሃሞ ካተቱዋ ዋዲደ ኦላጥ ሰምሸን፣ አናና ጋከቲደ፣ እ አንጃዳ።

2 አብራሃሞ ባረ አዋዴዳ ኡጥጥ አሰራታ ከሲደ፣ አዉ እሜዳ፤ ማልክ-ጸደቃ ሱንላዉ ኮይሮ ብላላይ ጽሎተላ ካትያ ግያዋ፤ ቃይ ሳሌማ ካትያ እ ግድያ ድራዉ፣ ላኤንሎ ብላላይ ሳርተላ ካትያ ግያዋ።

3 ማልክ-ጸደቃዉ ዳያ ዋይ አዉ፣ ዋይ አዉ ዛርያ ፓይዱ ባዋ፤ ቃይ እ የለታዉ ደመላይ ዋይ እ ሀይቆ ዉርሰላይ ባዋ፤ ሸን ጸሳ ናእ ማላቲደ፣ መፎናዉ ቄሳ ግዴዳ።

4 ኑ አዋቴዋ ካጥ አብራሃሞ ኦላን አዋዲደ፣ አሄዳዋጥ አሰራታ እሜዳ ማልክ-ጸደቁ እይ ኬና ቶቄ ግያዌንቶ በአተ።

5 ቄሳ ግድያ ሌዊያ ዛራቲ አሰራኤልያ አሳጥ፣ ሄዌን ባረንጉቲ ጋደ አሳጥ ሀራይ አቶ ኡንጉንጉ አብራሃሞ ዛረ ግደጥነ፣ አሰራታ አካና ማላ፣ ሀግያን አዛዘቴድና።

6 ማልክ-ጸደቁ ሌዊያ ዛረ ግደና፤ ሸን አብራሃሞጥ አሰራታ አኪደ፣ ጸሳይ አማና ጌዳዋ ናግያ አብራሃማ አንጃዳ።

7 ቃይ አንጅያዌ አንጅትያዋጥ ቶቄ ግያዌ ፓሌንፍ።

8 አት ባጋና፣ ሀይቄያ አሳይ አሰራታ ከሴ፤ ሸን ሀራ ባጋና ቃይ፣ ሀይቀና ጊደ ማርካትያ ኡራይ አሰራታ ከሴ።

9 ሀዋዳን ሃሳያናዉ ሀራይ አቶ፣ አሰራታ ከሰያ ሌዊካ አብራሃሞ ባጋና አሰራታ እሜዳ።

10 እያዉ ሳጥ፣ ማልክ-ጸደቁ አብራሃሞና ጋከትያ ዋደ፣ ሌዌ ብር የለትሴና፤ ሸን ባረ ዛርያ አብራሃማ ጉልባታን ደኤ።

11 አሰራኤልያ አሳዉ ሀጊ ሌዊያ \* ዘረላቱዋ ቄሰተላ ባጋና አመቱዳ። ሄ ቄሰተላ ኪታይ ባላይ ባይናዋ ግደጥ፣ አርናዋ ማላ ግደናን ማልክ-ጸደቃ ማላ ሀራ ቄሳይ ሱንፍታናዉ እያዉ ኮሺ?

6:14 ደመላ 22:16-17 † 6:19 ጋርዲዋ- ሀዌ ዳንካንያ ግዳዋን ጎይናዉ ማድያዋ። ሄዌካ “ጌሻ ሳ” ጌተቲዳዋጥ “ጌሻጥ ጌሻ ሳ” ቫካናዉ ጎእያዉ ግዲደ ቄሳቱዋ ካጥ ጸላላይ ገላናዉ ዳንዳይያሳ። 6:19 ዋጋ 16:2 6:20 ማኪ.

110:4 7:1 ደመላ 14:17-20 7:5 ፓይ. 18:21 \* 7:11 ሌዊያ- ሀ ሱንላ ጸሰትያዋንጉ ቄሳቱዋጥን ኡንጉንታ ማድያዋንጉጥ ደረቴዳዋንታ።

- 12 እያዉ ጎጥ፡ ቄስተላይ ላመትያ ዎደ፡ ህጊካ ቃይ ላመታናዉ ኮሺ።
- 13 ሀ የዉ ሃሳየቲዳ ኡራይ ሀራ ዛሪ፤ እ ዛርያጥ ኦንነ ያርሽያሳን ቄሳዳን ኦሰቤና።
- 14 ኑ ጎዳይ ይሁዳ ዛርያጥ ዬዳዌ ኡራቲዳዎ ግድያ ድራዉ፡ ሙሴ ቄሳቲዋባ ሃሳዪደ፡ ሄ ዛርያባ እይነ ሃሳይቤና።

ክርስቶስ ማልክ-ጸደቃ ማላ ቄሳ

- 15 ማልክ-ጸደቃ ማላ ሀራ ቄሳይ ዬዳዎ ግድንቶ፡ ሀዌ አጲደ ኡራታናዎ።
- 16 እ አሳ ህግያንነ ዎጋን ቄሳ ግድቤና፤ ሽን ዉረና ደኡዎ ዎልቃን ቄሳ ግዳዳ።
- 17 እያዉ ጎጥ፡ ጸሳ ማጸፋይ፡
- “ማልክ-ጸደቁ ቄሳ ግዳዳዎዳን፡
- ኔንካ መድናዉ ቄሳ ግዳናዎ”
- ያጊደ ማርካቲ።
- 18 በን ደእያ ህጊ ላፋነ ማደናዎ ግድያ ድራዉ አቲዳ።
- 19 እያዉ ጎጥ፡ ሙሴ ህጊ እያነ ባላይ ባይናዎ ኦላናዉ ዳንዳየና፤ ቃይ ኑን እ ባጋና ጸሳኮ ሺቃና ጊደ ናሽቻን ናግ ኡቲዳ ኡባጥ አጲያዌ ዬዳ።
- 20 ሄዎ ቦላን ቃይ ጸሳ ጫቁካ ደኤ፤ ሀራቲ ቄሳ ግዳዳ ዎደ፡ ሄዎ ማላ ጫቁ ባዎ።
- 21 ሽን የሱስ ጫቁዎን ቄሳ ግዳዳ፤ ጸሳይ አ፡
- “ጎዳይ ጫቁዳ፤ እ ባረ ቆፋ ላመና።
- “ኔን መድናዉ ቄሳ ግዳና፡ ጌዳ”
- ያጊዳ።
- 22 ሄዎ ድራዉ፡ የሱስ ኡባጥ አጲያ ጫቆ ዋሰ ግዳዳ።
- 23 ካሰ ቄሳቲዎ ፓይዱ ጮራ፤ እያዉ ጎጥ፡ ኡንቲንቲ ኦላና ኡሱዎ ሀይቁ ድጌዳ።
- 24 ሽን የሱስ መድናዉ ደእያ ድራዉ፡ እ ቄስተላይ ላመተና።
- 25 ሄዎ ድራዉ፡ እ ኡንቲንቲ ግሻታዉ ጋናታናዉ መድናዉ ደእያ ድራዉ፡ ጸሳኮ ባረ ባጋና ይያዎንታ ኡባቲዎ አሻናዉ ዳንዳዬ።
- 26 ኑዉ ጊግያ ሀዎ ማላ፡ ቄሳቲዎ ኡባቲዎ ካቲ ደእናዉ ኮሺ፤ እ ጌሻ፤ እን ገኒነ ካ፳ያባይ ባዎ፤ ናጋራንቻቲዎና እ ጋከተና፤ ቃይ ጶቃ ሳሉዋንካ እ ቦንቹቲዳ።
- 27 ሀራ ቄሳቲዎ ኡባቲዎ ካጋቲዎዳን፡ እ ኮይሮ ባረ ሀጸ ናጋራዉ ያርሺደ፡ ቃይ ጉየጥ አሳ ናጋራዉ ሀቼ ሀቼ ያርሻናዉ ኮሸና፤ እ ባረና ያርሼዳ ዎደ፡ ላኡን፳ናን እት ገደ ያርሼዳ።
- 28 እያዉ ጎጥ፡ ሙሴ ህጊ ዳቡራንቻ አሳ ቄሳቲዎ ኡባቲዎ ካቲዎ ኦሊደ ሱንሌ፤ ሽን ጸሳይ እማና ጊደ ጫቁዳ ህግያጥ ጉየ ዬዳ ቃላይ መድናዉ ባላይ ባይናዎ፡ ጸሳ ናኦ ሱንሌ።

8

የሱስ ኦራላ ቃላ ጫቁዎ ቄሳቲዎ ኡባቲዎ ካቲዎ

- 1 ኑን ሃሳይያ ዎልቃማባይ ሀዎ፤ ሳሉዋን ኡባጥ ቦላ ጸሳይ ኡትያ ካዉተላ ኦይድያጥ ኡሸቻ ባጋና ኡቲዳ ቄሳቲዎ ኡባቲዎ ካቲ፡ ሀዎ ማላይ ኑዉ ደኤ።
- 2 ጊሻ ሳኦንነ ቱሙ ዳንካንያን እ ኦሌ፤ ሄ ዳንካኒ እሳይ ኤሴዳዎ ግደናን፡ ጸሳይ ኤሴዳዎ።
- 3 ቄሳቲዎ ኡባቲዎ ካቲ ኡባይ እሙዋነ ያርሹዎ ጸሳዉ እማናዉ ሱ፴ቲዳ ድራዉ፡ ሀ ቄሳቲዎ ኡባቲዎ ካጋካ ያርሻናዉ እትባይ ደእናዉ ኮሺ።
- 4 ሰዎ ሳኦን እ ደእያዎ ግድገ፡ ኡባካ ቄሳ ግደና፤ እያዉ ጎጥ፡ ህጊ እዛዝያዎዳን፡ እሙዎ እምያ ቄሳቲ ደእና።
- 5 ኡንቲንቲ ቄሳቲዎዳን ኦሊያ ከታይ ሳሉዋን ደእያ ኦሶ ቱሙ ለምሱዋነ ኤሹዋ፤ እያዉ ጎጥ፡ ሙሴ ዳንካንያ ኤሳና ሀንሸን፡ ጸሳይ አ፡ “ኦከካ፤ ኡባባካ ታን ኔና ደርያ ሀጲያን በሴዳ ለምሱዎ ካላይ ኦላ” ያጌዳ።
- 6 ሽን የሱስ ጋናትያ ጫቁ ካሰዋጥ አጲያዎዳንካ፡ እዉ እመቲዳ ኦሱካ ኡንቲንቲዋጥ አጴ፤ እያዉ ጎጥ፡ ሄ ጫቁ ጸሳይ እማና ጌዳ ኡባጥ አጲያ ከታን ኦሰቲዳ።
- 7 እያዉ ጎጥ፡ ኮይሮ ጫቁዎን ባላይ ባይናዎ ግድንቶ፡ ላኡንላ ጫቁዎ ኮሸና።
- 8 ሽን ኡንቲንታ ቦሪደ፡ ጎዳይ ሀዎዳን ያጌ፤
- “ታን እሰራኤልያ አሳናነ ይሁዳ አሳና፡
- ኦራላ ጫቁዎ ጫቀትያ ጋላሳቲ ያናዎ።
- 9 ሄ ጫቁ ታን ግብጹ ጋድያጥ፡
- ኡንቲንቲ አዎቲዎ ኩሽያ ኦይቃደ፡ ጎቻ ከሴዳ ዎደ፡
- ኡንቲንቲና ጫቁቲዳ ጫቁዎ ማላ ግደና።

አንቱንቱ ታ ጫቁዋን አማነትቤና ድራው።  
ታንካ አንቱንታ አጋድ።  
ታን፣ ጎዳይ፣ ሀዋ ኦዳይ።

10 እያው ጎጥ፣ ሄ ጋላሳቱዋጥ ጉይያን፣  
ታን እስራኤልያ አሳና ጫቀታና ጫቁ ሀዋ።

ታን ታ ሀግያ አንቱንቱ ቆፋን ዋሳና፤  
ቃይ አንቱንቱ ዋዛናንካ ጸፋና።  
ታን አንቱንቱ ጸሳ ግዳና፤ አንቱንቱካ ታ አሳ ግዳና።

11 አንቱንቱጥ ኦንካ ባረ ሾሩዋ፣  
ዋይ ባረ እሻ፣  
ኅዳ ኤራ፣ ያጊደ ታማርሰና።  
እያው ጎጥ፣ አንቱንቱ ናአጥ ጭማ ጋካናው ኡባይ ታና ኤሪና።

12 ታን አንቱንቱ ናቁዋ ማራና፤  
አንቱንቱ ናጋራካ ላኤንላ ሀሳይከ።

ያጌ።  
13 ጸሳይ ኦራላ ጫቁዋ ጊደ ሃሳይያዋን ኮይርዋ ኤጭሴዳ፤ ቃይ ኤጭያባይነ ዉርያባይ ኤለካ ላያና።

### 9

ሳራዋን ኦስትያ እያና ኦሱ ሳኣን ኦስትያ እያና ኦሱዋጥ እጴ

1 ኮይር ጫቆ ጸሳው ጎይንያ ዋጋይነ አሳይ ኦሌዳ ጌሻ ጎሊ ደኤ።  
2 እያው ጎጥ፣ ኮይር ዲንካኒ ኤቁዳ፤ እ ግዲዋን ሙቃዳ ዋሳያዌ፣ ጸራጴዛይነ ጎዳ ስንላን ዋሳያ ኡክላይ ደኤ፤ ሄ ሳእይ ጌሻ ሳ ጊደ ጸሴቱ።

3 ላኤንላ ጋርዲዋ ጉዮ ባጋና ኡባጥ አድያ ጌሻ ሳኣ ጌጥትያ ዲንካኒ ደኤ።  
4 እ ግዲዋን እጸና ጫቁያናው ዋርቃጥ ኦሌዳ ሳጽኒነ ኡባ ሳና ዋርቃን ሼሼዳ ቃላ ጫቁዋ ታቦታይ ደኤ። ሄ ቃላ ጫቁዋ ታቦታን ማናይ ደእያ ዋርቃ ጸሩ፣ አርና ጸምለይ አጨዳዌነ ቃይ ሙሴ ህጊ ጸፈቱዳ ላኡ ማሰቱዳ ሹቻቱ ደኤና።

5 ሄ ቃላ ጫቁዋ ታቦታጥ ሶላ ባጋና አቶ ግያ ሳኣ ቁምእያ ባረንቱ ቀፍን ገንሳያ ቦንቾ ክሩቡቱ ደኤና፤ ሸን ሀ ኡባባ ሀእ ዉርሰ ኦዳናው ዲንዳዮኩ።

6 ሄዋ ሄዋዳን ገግ ደእሸን፣ ቁሳቱ ኡባ ዋይ፣ ባረንቱ ኦሱዋ ኦላናው ኮይር ዲንካንያ ገሊና።  
7 ሸን ቁሳቱዋ ኡባቱዋ ካጥዋ ጸላላይ ላኤንላ ዲንካንያ ላይላጥ አት ገደ ገሊደ ባረ ድራውኒ ኤረናን አሳይ ኦሌዳ ናጋራ ድራው፣ ጸሳው ያርሸያ ሱላ አከደ ገሊ።

8 ኮይር ዲንካኒ ኤቁደእሸን፣ ኡባጥ አድያ ጌሻ ሳኣ አፍያ ኦጊ ብር ደየትቤናዋ ጌሻ እያናይ ሄዋን ኤርሴ።

9 ሄ ዲንካኒ ሀ ዋደው ለምሱዋ፤ ሄዋ ግያዋ ጸሳው እምያ እሙን ያርሹ ጎይንያዋ ሱረ ዋዛና ባላይ ባይናዋ ኦላናው ዲንዳይክኖ።

10 ሄዋንቱ ሙሳባ፣ ኤሻባነ ዲማ ዲማ ሜቻባ ኦድያ ካረ ባጋ ዋጋቱዋ፤ አንቱንቱ ኦራጽያ ዋዲ ጋካናው ኦስትያ ዋጋቱዋ።

11 ሸን ክርሰቶሰ ሀዋን ደእያ ሎኦባው ቁሳቱዋ ኡባቱዋ ካጥዋ ግዲደ ይ ድጌዳ። እ ገሊደ ኦሌዳ ዲንካኒ ኡባጥ አድያዋነ ባላይ ባይናዋ፤ ቃይ ሄ ዲንካንያ አሳይ ኦሌዳና፤ ሀ ሙግቱዳ ሳኣባካ ግደና።

12 ክርሰቶሰ ኡባጥ አድያ ጌሻ ሳኣ ገልያ ዋይ፣ ዳሻ ሱላነ ጋሎ ማራ ሱላ ኦይቁይ ገልቤና፤ ሸን ባረ ሱላ ኦይቁይ፣ ኦው ሙቅና አቶተላ እሚደ፣ ላኤግናን አት ገደ ገሊደ።

13 ቱኔዳ አሳ ሶላ ኮሩማ ሱላነ ዳሻ ሱላ ጫጫፊደ፣ ጉደቱዳ ኡሳት ብድንላ ቆልና፣ ሄ ኡራ ቱናተላጥ ጌሻናው ዲንዳዮጥ።

14 ሙቅና ጌሻ እያና ባጋና ባላይ ባይና ያርሹዋዳን፣ ጸሳው ባረና እሜዳ ክርሰቶሳ ሱላይ፣ ኦን ደኡዋ ጸሳው ኦላና ማላ፣ ካሰ ኦ ሀይቁዳ ኦሱዋጥ ኦ ሱረ ዋዛና ዋት ጌሻንዳሻ፤  
15 ሄዋ ድራው፣ ጸሳይ ጸሴዳዋንቱ እ እማና ጌዳ ሙቅና እንጂዋ ላታና ማላ፣ ክርሰቶሰ ኦራላ ጫቆ ጋናቱዳ፤ ሄዋ ሀናና ዲንዳይያዋ፣ አሳይ ኮይር ጫቁዋጥ ጋርሳን ደኤደ ኦሌዳ ባላ አይለተላጥ ከሰያ ሀይቁ ደእያ ድራው።

16 እያው ጎጥ፣ ሀይቁያ ኡራይ ዋይቱዳዋ ደኤጥ፣ ሄ ኡራይ ሀይቆዌ ኤረታናው ኮሺ።

9:2 ከሳ 26:1-30፤ 25:31-40፤ 25:23-30 9:3 ከሳ 26:31-33 9:4 ከሳ 30:1-6፤ 25:10-16፤ 16:33፤ ገይ. 17:8-10፤ ዛረ. 10:3-5 9:5 ከሳ 25:18-22 9:6 ገይ. 18:2-6 9:7 ዋጋ 16:2-34 9:13 ዋጋ 16:15-16፤ ገይ. 19:9፤ 17-19

17 እያዉ ጎጥ፣ ዎይቲዳ ኡራይ ሀይቁዳ ዎይ፣ እ ዎይቲዳዌ ገለቲዳ፤ ሄ ዎይቲዳዌ ገጽ ደእሽን፣ እይነ ገለተና።

18 ሀራይ እቶ፣ ኮይሮ ጫቁካ ሱላይ ባይናን እንጀትቤናዌ ሀዎሳ።

19-20 እያዉ ጎጥ፣ ሀግያን ደእያ እዛዙዋ ኡባ ሙሴ እሳ ኡባዉ ኦዴዳ፤ ሄዋጥ ጉይያን፣ ጋሎ ማራ ሱላን ዳሻ ሱላ፣ ሃላና፣ ዘኦ ድርሳ እስክያናን ሀሶጵያ ግያ ሞላ ቦንጫያና እትጥ እኪደ። “ሀዌ ሀንተጎታ ጸሳይ እዛዙዳ ጫቁዋ ሱላ” ያጊደ፣ ሀግያ ማጻፋ ቦላን እሳ ኡባ ቦላ ጫጫፊዳ።

21 ሄዎዳንካ፣ ዲንካንያ ቦላን ኦላያ ሚሻ ኡባ ቦላ ሱላ ሙሴ ጫጫፊዳ።

22 ሀገ ግያዎዳን፣ ቱሙካ አማራዳዋጥ እትን፣ ኡባባይካ ሱላን ጌይ፤ ሱላይ ጉካና ጳዮጥ፣ እቶተላይ ባዎ።

**ክርስቶስ ያርሽቴዳዌ ናጋራ ቁጭ ጳይሴ**

23 ሄዎ ድራዉ፣ ሳሉዋን ደእያዋንታ ማላትያዋንቱ ሄ ያርሹዋን ጌያናዉ ኮሼ፤ ሽን ሳሉዋን ደእያዋንቱካ ባረንቱ ሀጸዉ ጌያናዉ እድያ ያርሹዋ ኡንቱንታ ኮሼ።

24 እያዉ ጎጥ፣ ክርስቶስ ቱሙ ጌሻ ሳን ሊምስትያ አሳይ ኦሌዳ ጌሻ ሳ ገልቤና፤ ሽን እ ሀእ ኦ ግሻጎታ ጸሳ ሰንላን ቤታዉ ያ ሳሉዋ ገሌዳ።

25 ቁሳቱዋ ኡባቱዋ ካፑ ላይላን ላይላን ባረ ሱላ ግደናዋ ኦይቁደ፣ ጌሻ ሳእ ገልፀዋዳን፣ ክርስቶስ ባረና ኡባደ ያርሻናዉ ገልቤና።

26 ሄዎ ግድንቶ፣ ክርስቶስ ሳእይ ሙ፣ ቶደጥ ደሚደ ዳር ገደ ዎየታናዉ ኮሼ፤ ሽን ሀእ ዎድያ ዉርስላን ናጋራ ጳይሳናዉ ባረና ያርሺደ፣ ላኤናን እት ገደ ቤቲዳ።

27 አሳይ ኡባይ እት ገደ ሀይቃናዉ በሴ፤ ሄዋጥ ጉይያን ጸሳይ እሳ ፕርዳና።

28 ሄዎዳንካ፣ ቃይ ክርስቶስ ዳር እሳ ናጋራ ጳይሳናዉ እት ገደ ያርሹቴዳ፤ ቃይ እ ባረና ሎይላ ላግያዋንታ አሻናዉ ቤታናጥ እትን፣ ላኤንሶ ናጋራ ቶካናዉ ቤተና።

**10**

1 እያዉ ጎጥ፣ ሀገዉ ያና ሎኦባ ኤሹዋ ጸላላይ ደኤ፤ አዉ ቱሙ ሊምሱ ባዎ። ኡባ ዎደ ላይላን ላይላን እት ማላ ያርሹ ያርሹቴ፤ ሄዎ ድራዉ፣ ሀገ ጸሳኮ ሽቅያ እሳ ሄ ያርሹዋን ባላይ ባይና እሳ ኦላናዉ ኡባካ ዳንዳየና።

2 ጸሳዉ ጎይንያ አሳይ ባረ ናጋራጥ ኡባና ጌይዳባ ግድንቶ፣ ሱራ ዎዛናን ላኤንሱዋ ናጋራ ቆጥና፤ ቃይ ያርሽያዋካ አጋና።

3 ሽን አሳይ ላይላን ላይላን ሄ ያርሹዋን ባረ ናጋራ ሀሳይ።

4 እያዉ ጎጥ፣ ኮሩማ ሱላይነ ዳሻ ሱላይ ናጋራ ጳይሳናዉ ኡባካ ዳንዳየና።

5 ሄዎ ድራዉ፣ ክርስቶስ ሀ አላምያ ያና ሀኒደ፣ ሀዎዳን ያጌዳ፤

“ኔን ያርሹዋን እሙዋ ኮያበይካ፤

ሽን ታዉ ቦላ ገግሳዳ።

6 ኔን ጸግያ ያርሹዋን፤

ናጋራ ያርሹዋን ኡባካ ናሽታካ።

7 ታን ሄ ዎደ፣ “ጸላ ማጻፋን ታባይ ጸፈቴዳዋዳንካ፣

ጸሳዉ፣ ታን ኔን ኮይያዋ ኦላናዉ ያድ” ያጋድ”

ያጌዳ።

8 ያርሹ ያርሽታና ማላ፣ ሀገ እዛዝያዋ ግደጥ፤ ክርስቶስ ኮይሮ፣ “ኔን ያርሹዋ፣ እሞታ፣ ጸግያ ያርሹዋን ናጋራ ያርሹዋ ኡባካ ኮያበይካ፤ ሄዋንቱን ናሽታካ” ያጌዳ።

9 ሄዋጥ ጉይያን ክርስቶስ፣ “ጸሳዉ፣ ታን ኔን ኮይያዋ ኦላናዉ ያድ” ያጌዳ። ሄዎ ድራዉ፣ ክርስቶስ ላኤንሱዋ ኡሳናዉ ኮይሮዋ ጳይሴ።

10 የሱስ ክርስቶስ ጸሳይ ኮይዳዋ ኦሌዳ ድራዉ፣ ባረ እሹዋ ላኤንናን እት ገደ ያርሹዳዋን ኦን ኦ ናጋራጥ ጌይ አጌዳ።

11 ቁሳቱዋ ኡባቱ ሀቼ ሀቼ ኤቁደ፣ ባረ ኦሱዋ ኦሌና፤ ቃይ ናጋራ ጳይሳናዉ ኡባካ ዳንዳየና እት ማላ ያርሹዋ ዛር ዛሪደ ያርሺና።

12 ሽን ክርስቶስ ናጋራ ድራዉ፣ ኡባ ዎደዉ ግዴዳ እት ያርሹዋ ያርሺደ፣ ጸሳጥ ኤሽቻ ባጋና ኡት አጌዳ።

13 ጸሳይ ሰንላጥ ክርስቶሳ ሞርከቱዋ ክርስቶሳዉ ገድያን የድያዋ ኦላና ጋካናዉ፣ ያን ናጌ።

14 እያዉ ጎጥ፣ እ እት ገደ ያርሹዳዋን፣ ናጋራጥ ጌይዳዋንታ ሙድናዉ ባላይ ባይናዋንታ ኦሌዳ።

15 ቃይ ጌሻ እያናይ ኦዉ ማርካቲደ፣ ሀዎዳን ያጌ፤

16 “ታን ሄ ጋላሳቱዋጥ ጉይያን፣

ኢንቴንጅና ጫቀትያ ጫቁ ሀዋ፡  
ታን ታ ሀግያ ኢንቴንጅ ቆፋን ዋሳና፤  
ቃይ ኢንቴንጅ ዋዛናንካ ጸፋና”

ያጌ።

17 ቃይ ሄዋጥ ጉየና፡

“ታን ኢንቴንጅ ናጋራ፤  
ኢንቴንጅ ማካላ ኦሱዋ ላኤንሉ ሀሳይከ”

ያጌ።

18 ጸሳይ ሄ ናጋራ አቶ ጌዳ ዎደ፡ ናጋራ ጳይሳናዉ ሀዋጥ ሰንሳዉ ያርሹዋ ኮሸና።

ጸሳኮ ሸቃናዉ ኮሸ

19 ሰዎ ታናዳን አማንያዋንቶ፡ ኩን የሱሳ ሱላ ባጋና ኡባጥ አድያ ጌሻ ሳኣ ገላናዉ ኑዉ ጸላተላይ ደኤ።

20 ክርሰቶስ ኑዉ ኦራላ ኦግያን ደኡዋ ኦግያ ጋርዲዋ ባጋና፡ ሄዋ ጉሳይ ባረ ቦላ ባጋና ደዬዳ።

21 ኑዉ ጸሳ ጎላን ሱንጃቲዳ ዋልቃማ ቁሳይ ደእያ ድራዉ፡

22 ኩን ሱረ ዋዛናና፡ ቱሙ አማኑዋና፡ ኢታ ዋዛናጥ ጌዬዳ ዋዛናናን ቃይ ጽሎ ሃላን ሜጨቲዳ

ቦላና ጸሳኮ ሸቆይተ።

23 ኑዉ አማና ጌዳ ጸሳይ አማንሉያ ድራዉ፡ ኩን ደማና ጊደ ናሽቻን ናግ ኡቲዳዋ ሎይሰ አይቆይተ።

24 አቲ አቲዋና ዋን ሲቀታንንቶን ቃይ ሎኦ ኦሱዋ ዎት ኦላንንቶ፡ አቲ አቶ ቆፔቶ።

25 አቲ አቲ ሸቆዋ ደያ ኦሊደ ሸቆያዋዳን፡ ኩንካ አትጥ ሸቆያዋ አንኩ፤ ሸን ጎዳ ጋላሳይ ማታትያዋ ሀንተንጅ በእያ ድራዉ፡ አቲ አቲዋ መንጃቶ።

26 ኩን ቱማተላ ኤራ እክ ድጊደ፡ ኤራደ ናጋራ ኦሳያዋ ግደጥ፡ ሀዋጥ ሰንሳዉ ናጋራ ጳይሰያ ያርሹ አትባይን ባዋ።

27 ሸን ያሸያ ፕርዳ ናግያዌን ጸሳ እጽያ ኡባ ማናዉ ዋልቃማ ታማይ ደኤ።

28 ሙሴ ሀገዉ አዛዘተና ኡራይ፡ ላኡ ኡራይ ዎይ ሄዙ ኡራይ እ ቦላ ማርካቶጥ፡ ቃረት ባይናን ሀይቁ።

29 ጸሳ ናኣ ካዴዳ ኡራይ፡ ባረና ናጋራጥ ጌሼዳ ጸሳ ጫቁዋ ሱላ ቱናባዳን ቆፔዳ ኡራይ፡ ቃይ አቶ ከካተላ ጌሻ እያና ቦርያ ኡራይ፡ አይ ከና ኢታ ፕርዳ አካናዉ በሰንቶን እነ ቆፕተ።

30 አያዉ ጎጥ፡ “ታን ሀሉዋ ከሳናን ኩሸያ ዛራና” ጌዳዋ ኩን ኤራቶ፤ ቃይካ፡ “ጎዳይ ባረ አሳ ፕርዳና” ያጌዳ።

31 ደኡዋ ጸሳ ኩሸያን ኩንዳናዉ ዳር ያሸያዋ።

32 ሀንተንቶ ጸሳ ፖኡ ፖኤዳዋጥ ጉይያን፡ ሀንተንጅ ዳርባን ዋየቲደ፡ ዋልቃማ ዋጋታን ገንጨዳ በን ዎድያ ሀሳይተ።

33 አት አት ገደ ሀንተንታ አሳ ሰንሳን ቦራድናን ፓጻ ካኤድና፤ ቃይ ሀራ ዎደ ሄዋዳን አሉዳዋንጅናን አትጥ ደኤድታ።

34 አያዉ ጎጥ፡ ቃሹዋን ደእያ አሳቶ ሀንተንጅ ቃረቲድታ፤ ያቲደ ሀንተንቶ መድናዉ ዉረና ኡባጥ አድያ ሻሉ ሳሉዋን ደእያዋ ሀንተንጅ ሁጸዉ ኤራዳ ድራዉ፡ ሀንተባ ኡባ እክ ድጎጥ ሀይታን ገንጨድታ።

35 ሄዋ ድራዉ፡ ዋልቃማ ዎይታና ደእያ ሀንተንጅ ጸላተላ ኦሎጥተ።

36 ጸሳይ ኮይያዋ ኦሊደ፡ እ ሀንተንቶ አማና ጌዳዋ አካናዉ ገንጨና ኮሼ።

37 አያዉ ጎጥ፡ ጸሳ ማጻፋይ፡

“አማራዳ ዎዲ አቲዳ።

ይያዌ ያናዋ፤ ጋምኤና።

38 ታ ጽሉ አማንቲደ ደእናዋ።

ሸን ኦንነ ጉየ ሰዋጥ፡

ታና ናሽቼና”

ያጌ።

39 ኩን አማንቲደ አቲዳዋንቱ ባጋ ግድያዋጥ አትን፡ ጉየ ሰሚደ ጳይዳዋንቱ ባጋ ግደኩ።

# 11

## አማኑዋ

1 እማኑዋ ግያዌ፥ ደማና ጊደ ናሽቻን ናግ ኡቴዳባይ እማንሉያዎን በእናዉ ዳንዳየናባ ኤርሰያዎ።  
 2 ጸሳይ በን ጭማ አሳዉ ማርካታዌ፥ ኡንቱንቱ እማኔዳዋና።  
 3 ሳላ፤ ሳላይ፤ ጸሳ ቃላን መፀፀቴዳዋ እማኑዋን ኑን ኤሬቶ፤ ሄዋ ድራዉ፥ ቤትያባይ ቤተናባፀ መፀፀቴዳ።

4 አቤል ቃዬላዋፀ እድያ ያርሹዋ ጸሳዉ ያርሹዳዌ እማኑዋና። ጸሳይ እ እመዋባ ማርካቲደ፥ እ ጸሉዋ ግዴዳዋካ ማርካቲዳ፤ አቤል ሀራይ አቶ ሀይቄዳሽንካ፥ ባረ እማኑዋን ሀእ ጋካናዉ ሃሳዬ።

5 ሄኖክ ሀይቀናን ሳሉዋ ቤዳዌ እማኑዋና፤ ጸሳይ አሬዳ ድራዉ፥ ኦንን እ በእናዉ ዳንዳይቤና። ጸሳ ማጸፋይ፥ “ሄኖክ ሳሉዋ ባናፀ ካሰ ጸሳ ናሽቹዳ” ያጌ።

6 እማኑ ባይናን ኦንን ጸሳ ናሽቻናዉ ዳንዳየና፤ እያዉ ሳፀ። ጸሳኮ ይያ ኦንን ጸሳይ ደእያዎን ባረና ኮይያዋንቶ ዋይታ እምያዋ እማናናዉ ኮሺ።

7 ኖሄ በእናዉ ዳንዳየና ሰንሳፀ ሀናናባዉ ጸሳይ፥ “ሄና ናጋ” ጊና፥ ጸሳዉ ያዬደ፥ ባረናን ባረ ሰይ አሳ አሻናዉ ማርካብያ መዴዳዌ እማኑዋና፤ ያቲደ ሄዋን ሀ ሳኣ ቦላ ፕርዲደ፥ እማኑዋን ቤትያ ጸሎተላካ ጸሳፀ እኪዳ።

8 አብራሃም ላታናዳን፥ ጸሳይ ባረዉ እማና ጌዳ ጋድያ ጸሳ ማላ፥ ጸሳይ ባረና ጴዴዳ ዋይ፥ አዛዘቲዳዌ እማኑዋና፤ እ ባረ ጋድያፀ ከሲደ ብያ ዋይ፥ ሀቃ ብንቶን ኤርናን ከሴዳ።

9 አብራሃም ጸሳይ ባረዉ እማና ጌዳ ጋድያን ሀራ ቢታ አሳዳን ደኤዳዌ እማኑዋና፤ ጸሳይ ሄ እማና ጌዳዋ ባረናና እትፀ ላታና ይሳቃናን ያቆባና ዲንካንያን ደኤዳ።

10 እያዉ ሳፀ፥ አብራሃም ጸሳይ ሎኦ ባሱዋን ቆፒደ ኬጴዳ ካታማ ናጌ።

11 ሳራ ባረ ሀጸዉ ሀራይ አቶ ኤጫደካ፥ እማና ጌዳ ጸሳይ እማኑቴዳዋ ግዴዳዋ ኤሬዳ ድራዉ፥ ናኣ ሻሃራናዉ ዋልቃ ደሜዳዌ እማኑዋና።

12 ሄዋ ድራዉ፥ ሀይቄዳ አሳ ማላትያ እት ብታንያፀ ሳሉዋን ደእያ ጸልንትያ ከና፥ አባ ጋጸን ደእያ ፓይዱ ባይና ሻፍያ ከና ዛራቱ የለቲድኖ።

13 ሄ አሳቱ ኡባቱ እማኑዋን ሀይቄድኖ፤ ባረንቶ ጸሳይ እማና ጌዳዋካ እክበይክኖ፤ ሽን ሃኩዋን ሄዋ በኢደ፥ ሳርቴድኖ። ቃይ ኡንቱንቱ ሳኣን እማላን የደርሰቲደ ከሴዳ አሳቲዋ ግዴዳዋ ኤሬድኖ።

14 እያዉ ሳፀ፥ ሄዋዳን ግያ አሳቱ ባረንቱ ሀጸ ጋድያ ኮይያዋ ኤርሰኖ።

15 ኡንቱንቱ ሄ የጊደ ከሴዳ ጋድያ ሰማናዉ ቆፔዳዋ ግድንቶ፥ ጉየ ሰምያ ካጫ ደመናን አግክኖ፤ ሸን

16 ኡንቱንቱ ሄዋ እጊደ፥ ሎእያ ጋድያ ላሞቲኖ፤ ሄዋ ሳሉዋ ጋድያ። ሄዋ ድራዉ፥ ጸሳይ ኡንቱንቱ ጸሳ ጌተታናዉ ዬላተና። እያዉ ሳፀ፥ እ ኡንቱንቶ ካታማ ጊግሰ ዋሌዳ።

17-18 አብራሃም ይሳቃ ያርሻንቶ ዋይ ያርሽንቶ፥ ጸሳይ ኤራናዉ ጸሞሴዳ ዋይ፥ አብራሃም እማኑዋን እ ያርሹዳ። ጸሳይ አብራሃማ፥ “ኣ ዛሪ ይሳቃ ባጋና ጴሳታናዎ” ጌዳሽንካ፥ አብራሃም ባረ ናኣ ይሳቃ ያርሻናዉ ገጊደ።

19 አብራሃም ጸሳይ ይሳቃ ሀራይ አቶ፥ ሀይቄዋፀካ ፓላናዉ ዳንዳይያዋ ኤሬዳ፤ ሄዋ ድራዉ፥ ሀይቄዋፀ ጉየ እ ዛሪደ እኪዳ።

20 ይሳቅ ሰንሳፀ ሀናናባዉ ያቆባን ኤሳ እንጂዳዌ እማኑዋና።

21 ያቆብ ሀይቃና ሀኒደ፥ ዮሴፎ ናና ሀጺያን ሀጺያን እንጂዳዌን ጋትማን ጉፈቲደ፥ ጸሳዉ ሳይኔዳዌ እማኑዋና።

22 ዮሴፎ ሀይቃናዉ ማቲደ፥ እሰራኤልያ አሳይ ግብጾፀ ከሳናዋ ሃሳዬዳዌን ባረ መቀላ ኦሳናባ ኡንቱንታ እዛዜዳዌ እማኑዋና።

23 ሙሴ የለቴዳዋፀ ጉይያን፥ አዉን አታ ማላ ሎኦ ናኣ ግዴዳዋ በኢደ፥ ሄዙ አገና ቆሴዳዌ እማኑዋና፤ ኡንቱንቱ ካትያ አዋዮካ ያይበይክኖ።

24 ሙሴ ድጩዳዋፀ ጉይያን፥ ግብጾ ካትያ ናት ናኣ ጌተታናዋ እጴዳዌ እማኑዋና።

25 ናጋራን ሙሴ ጉላ ዋድያ ናሽታናዋፀ፥ ጸሳ አሳና ዋየታናዋ ደሬዴ።

26 ዋደፀ ደማና ዋይታ እ ትሽ ኦላደ ጴሎ ድራዉ፥ ግብጾ ጋድያ ሻሉዋ ኡባፀ ክርሰቶሳ ድራዉ ቦረትያዌ ዳሮ እድያ ዲረተላ ግዴዳዋ ቆፔዳ።

27 ካትያ ሀንቆ ሙሴ ያየናን፥ ግብጾ ጋድያፀ ከሴዳዌ እማኑዋና፤ እያዉ ሳፀ፥ ቤተና ጸሳ በኤዳዋዳን፥ ገንጨደ ሰንሳዉ ቤዳ።

---

11:3 ደመላ 1:1፤ ማዚ. 33:6፤ 9፤ ዮሃ. 1:3    11:4 ደመላ 4:3-10    11:5 ደመላ 5:21-24    11:7 ደመላ 6:13-22    11:8 ደመላ 12:1-5    11:9 ደመላ 35:27    11:11 ደመላ 18:11-14፤ 21:2    11:12 ደመላ 18:11-14፤ 21:2    11:13 ደመላ 23:4፤ 1 ኦዲዋ 29:15፤ ማዚ. 39:12    11:17-18 ደመላ 22:1-14    11:20 ደመላ 27:27-29፤ 39-40    11:21 ደመላ 47:31    11:22 ደመላ 50:24-25፤ ከሳ 13:19    11:23 ከሳ 2:2፤ 1:22    11:24 ከሳ 2:10-12

28 ሀይቁዋ ከታገቻይ እስራኤልያ አሳዉ ባይራ ናና ቦቹናዳን፣ ሙሴ ፓሰጋ ገባቸዳዌነ ጉባንያን ሱላ ጫጫፍሴዳዌ አማኑዋና።

29 እስራኤልያ አሳይ መላ ቢታገ ሀመትያዋዳን፣ ዞኦ አባ ፕኔዳዌ አማኑዋና፤ ሽን ግብጹ አሳቱ ፓጨዉ ገልሸን፣ ሃላይ ኤንቱንታ ሞት አጌዳ።

30 እስራኤልያ አሳይ እያርኮ ግያ ካታማ ሹቻ ድርሳ ላፑ ጋላሳ ዩይ ዩይ አጾዋፕ ጉይያን፣ ሄ ሹቻ ድርሳይ ኩንዴዳዌ አማኑዋና።

31 ጫራታ ራእባ የወዋ ቆርያዋንታ ሎይላ ሞኬዳ ድራዉ፣ ጸሳዉ አዛዘተናን እጹዳ አሳና ሀይቆናን አቴዳዌ አማኑዋና።

32 ሰሞ ሀራባ ጉጃይ እያ ኦዶ? ጌዶናባ፣ ባራቃባ፣ ሳሞሶናባ፣ ዮፍታሄባ፣ ዳዊተባነ ሳሜላባ፣ ቃይ ናባቱዋባ ኦዳናዉ ታዉ ዋዲ ግደና።

33 ኤንቱንቱ ካትያ ኡባና ኦላቲይ ጸኡዳዌነ ጸሎባ ኦጼዳዌ አማኑዋና፤ ያቲይ ጸሳይ አማና ጌዳዋ አኪድና፤ ጋሞቱዋ ዶናካ ጎርዴድና።

34 ዋልቃማ ታማ ቶይሴድና፤ ኩሳ ማሻፕ አቴድና፤ ኤንቱንቱ ዳቡራንቻ፤ ሽን ሞኔድና፤ ቃይ ኦላን ሞኒደ፣ ሀራ ጋድያ ኦላ አሳ የደርሴድና።

35 ማጫዋንቱ ባረንቱ ሀይቆዳዋንታ ሀይቆዋፕ ደንድና አኪድና።

ቃይ ሀራንቱ ቃሹዋፕ ብለታናዋ እጸደ፣ ኪክያ ደኦ ሀይቆዋፕ ደንዳናዉ፣ ኡጋቲይ ሀይቆድና።

36 ሀራቱዋ ቦላ አሳይ ቅሊጭ ካኤዳ፤ ልሱዋን ሾጨቴድናን ሳንላላታን ቃሽቲደ፣ ቃሹ ጎልያ ገሊድና።

37 ሹቻን ጫይቲድና፤ ማጋዝያን ላኡ ከሲይ ጳልቀቴድና፤ ፓጨቴድና፤ ማሻን ሀይቆድና፤ ኤንቱንቱ ኡባባይካ ጳይና፣ ዋየቲይ ቱጋቲደ፣ ድርሳ ጫላነ ዴሻ ጫላ ማዪይ የዬድና።

38 ኤንቱንቶ ሀ አላሚ ገገናን እጽና፣ ዋራን፣ ደርያን፣ ጎንጎሉዋ ግደንኪ ኦላ ግዲዋን የዬድና።

39 ጸሳይ ኤንቱንቱ አማኑዋ ማርካቶፕካ፣ ሄዋንቱ ኡባቱ እ፣ አማና ጌዳዋ አክበይክና።

40 ጸሳይ ኦዉ እት ሎኦ ቆፋ ቆፕ ዋጼዳ ድራዉ፣ ኤንቱንቱ ኮን ባይናን ባላይ ባይናዋንታ ግድክና።

# 12

## ጸሳይ ኦዉ አዉዋ

1 ሰሞ ኦዉ ሀዋ ኪና ዳር አሳይ፣ ሻርያዳን ኦ ማታን ዩይ እጂይ ማርካትያዌ ደአሸን፣ ኮና ጱቢያ ኡባባነ ባቂ ኦይቂያ ናጋራ ድጊይ ኦ ሰንሳን ደአያ ኮን ዋጸና ዋሳ ገንጨይ ዋጸይተ።

2 ኮን ኦ አማኖ ኦግያ ዶዬዳዋ፤ ፖልሰያዋ ግዲዳ የሱሳ ጸሎይተ። የሱሰ ዬላ ካጂደ፣ ሰንሳፕ አዉ ደአያ ናሽቻ ድራዉ፣ ማሰቃልያ ቦላ ሞሰማርያን ድሸቲይ ሀይቃናዋ ገንጨይ፣ ጸሳ ካዉተሳ ኦይድያፕ ኡሽቻ ባጋና ኡቴዳ።

3 ሀንተንቱ ሀንተንቱ ዋዛና ባይዚይ ዳቡራና ማላ፣ ናጋራንቻቱ ባረና ዳር እጽናካ ገንጨዳ የሱሳ ቆፕተ።

4 ናጋራና ሀንተንቱ ባጸቲደ፣ ሱላ ጉሳና ጋካናዉ ብር ኦላት ድግበይክታ።

5 ጸሳይ ባረ ናናዳን፣ ሀንተንታ ዞርያዋ ደጌድቴ? ጸሳይ ሀንተንታ።

“ታ ናአዉ፣ ጸሳይ ኔና ሙርያ ዋደ፣ ላፋባዳን ቆፖፓ።  
እ ኔና ሴርያ ዋደካ ያዮፓ።

6 አያዉ ጎፕ፣ እ ባረ ሲቅያ ኡራ ሙሬ፤  
ቃይ ባረ ናኣዳን አክያ ኡባካ ልሱዋን ሾጨ።”

ያጌዳ።

7 ጸሳይ ሀንተንታ ሙርያ ዋደ ገንጭተ። አያዉ ጎፕ፣ እ ሀንተንታ ናናዳን እጼ። አዉ ሴረና ናአይ ደአ?

8 ናና ኡባ ሴርያዋዳን፣ ሀንተንታ ሙረናን አጎፕ፣ ካረን የለቴዳዋንታ ግዲታፕ አትን፣ ቱሙ ናና ግድክታ።

9 ሄዋ ቦላን ቃይ፣ ኮና የሌዳ ኦ አዋቱ ኮና ሙሬዳ ዋደ፣ ኮን ኤንቱንታ ቦንቼደ። ያትና፣ ኮን ዋኒይ እያና አቦ ሎይላ ዳርሰ ዋደቲይ ደአኮ?

10 አያዉ ጎፕ፣ ኮና የሌዳ ኦ አዋቱ ባረንታ ሎኦዋዳን፣ አማሬዳ ዋደና ኮና ሙሬድና፤ ሽን ጸሳይ ኮን እ ጌሻተሳ አካና ማላ፣ ኮና ማዳናዉ ሙሬ።

11:28 ከሳ 12:21-30    11:30 ኢያሳ 2:1-21፤ 6:22-25    11:32 ዳኤላ 6:11—8:27፤ ዳና. 4:6—5:31፤ ዳና. 13:2—16:31፤ ዳና. 11:1—12:7፤ 1 ሳሜላ 16:1—1 ካታ. 2:11፤ 1 ሳሜላ 1:1—25:1    11:33 ዳኤላ 6:1-27

11:34 ዳኤላ 3:1-30    11:35 1 ካታ. 17:17-24፤ 2 ካታ. 4:25-37    11:36 1 ካታ. 22:26-27፤ 2 ኦዲዋ 18:25-26፤ ኤር. 20:2፤ 37:15፤ 38:6    11:37 2 ኦዲዋ 24:21    12:5 ኢዮባ 5:17፤ ሊሞ. 3:11-12



11 ኑን ሙረትያ ዋደ፣ ሀእዉ ይሎዬ፤ ናሽቼና። ሽን ሙራዳዋንቶ ጉየጥ ሄ ሙራይ ጽሎተላ ደኡዋ ሳርተላ ዋይታ አማና።

**ዘርያን ሴራ**

12 ሄዋ ድራዉ፣ ህንተንቱ አርጋጩዳ ኩሽያን ህንተንቱ ዳቡራዳ ጉልባታ ሙን።

13 ዋቢያ ገዲ ፓጻናጥ አትን፣ ቡርቀና ማላ፣ ሱረ ኦግያን ሀሙትተ።

14 አሳ ኡባና ሳር ደኡናዉ ሞንተ፤ ቃይ ጌሻ ደኡዋ ደአተ። አያዉ ጎጥ፣ ጌሻተላይ ባይናን ኡን ጎዳ በከናዉ ዳንዳየና።

15 ጸሳ አጾ ከካተላ ኡን አከናን አተና ማላ ናገትተ፤ ቃይ ዶላደ፣ ባረ ማርዝያን አሳ ዋይሰያ ጫዋ ሞላዳን ሀኒደ፣ ኡን ዳር አሳ ቱንሰና ማላ ናገትተ።

16 ዋሹማናዉ ካጆልያ አሳይ ኡን ደኡና ማላ፣ ዋይ ቃይ እት ገደ ምያባዉ ባረ ባይራተላ ዛልኤዳ፣ አያናባ ካዉሽሰያ ኤሳ ማላ አሳይካ ደኡና ማላ ናገትተ።

17 ሄዋጥ ጉይያን፣ ኤሳይ ባረ አቡ አንጆዋ አካናዉ ኮዬዳዋ ኤሪታ፤ ሽን አ አቡ አ አንጆናን እጾዳ፤ አያዉ ጎጥ፣ ናጋራጥ ሰምያ ኦግያ አ ሀራይ አቶ፣ አርጽ ኮዬደካ ደማናዉ ዳንዳይቤና።

18 ህንተንቱ ቦቻናዉ ዳንዳይያ ደርያኮን ኤጽያ ታማኮ፣ ጳማኮ፣ ሻርያኮን ጎቱዋኮ።

19 ቃይ ማላካታ ዋሱዋኮን ቃላ ኮሻኮ ይበይክታ። አሳይ ሄ ኮሻ ሰሴዳ ዋደ፣ ሀራ ጉጅ ሰሰና ማላ ዋሱዳ።

20 አያዉ ጎጥ፣ ጸሳይ ኡንቱንታ፣ “ሀራይ አቶ፣ ደኡይካ ሄ ደርያ ቦቻጥ፣ ሹቻን ጫደቲደ ሀይቆ” ያጌዳ አዛዙዋ ኡንቱንቱ ገንጫናዉ ዳንዳይቤይክና።

21 አይፍያን ቤትያዌ ዳር ዳጋንሐያዋ ግድያ ድራዉ ሙሴ፣ “ታን ያሻን ኮኮራይ” ያጌዳ።

22 ሽን ህንተንቱ ጽዮን ደርያ፣ ደኡ ጸሳይ ደኡያ ካታማ፣ እትጥ ሺቂደ ናሽትያ ዳር ሻአ ኪታንቻቱዋኮ ሳሉዋ የሩሳላሙ ዬድታ።

23 ጸሳ ባይራ ናናቱዋኮ፣ እትጥ ሺቂዳዋንቱኮ፣ ኡንቱንቱ ሱንላይ ሳሉዋን ጸፈቲዳዋንቱኮ ዬድታ፤ ቃይ አሳ ኡባ ፕርድያ ጸሳኮ፣ ባላይ ባይናዋንታ ኦሌዳ ጽሎ አሳቱዋ አያናቱዋኮ ዬድታ።

24 ኦራላ ጫቆ ጋናትያ የሱሳን አቤላ ሱላጥ አድያዋ ኦድያ ጉኬዳ ሱላኮ ዬድታ።

25 ህንተንቶ ኦድያ ኡራ የዉዋ ሰሰያዋ ህንተንቱ አጸና ማላ፣ ህንተንታ ናግተ። ጸሳ ኪታ ሳኡን ባረንቶ ኦድያዌ ኦድያዋ ሰሰና እጾዳዋንቱ አታና ጳዮጥ፣ ሳሉዋን፣ “ህንተና ናግተ” ግያ ጸሳጥ ኑን ዋኒደ አታኔ?

26 ሄ ዋደ አ ኮሻይ ሳኡ ቃሌዳ፤ ሽን አ ሀአ፣ “ታን ሳኡ ጸላላ ግድናን፣ እት ገደ ጉጃደ ሳሉዋካ ቃላና” ያጌዳ።

27 “እት ገደ ጉጃደ” ግያ ቃላይ ቃጸናባይ ሞኒደ ደኡና ማላ፣ ሙ።ቱዳባይ ቃጸናዋን ክቻናዋ ጌሺደ በሴ።

28 ኑን ቃጸናዉ ዳንዳየና ካዉተላ አክያ ድራዉ፣ አን ጸሳ ጋላቶይተን አ ናሽቾይተ፤ አዉ በሰያዋዳን ቦንቹዋን ስሻተላን አዉ ጎይሩይተ።

29 አያዉ ጎጥ፣ ኑ ጸሳይ ቱሙ ባይዝያ ታማ።

# 13

**ጸሳ ኑን ዋት ናሽቻናዉ በሰንቶ**

1 ህንተንቱ አሻቱዋ ሲቅያዋ አጎጥተ።

2 አማላ ሞክያዋካ ዳጎጥተ። አያዉ ጎጥ፣ ያትያዋን እት እት አሳይ ኤረናን ኪታንቻቱዋ ሞኬዳ።

3 ቃሾ ጎለን ደኡያዋንቱባ ህንተንቱካ ኡንቱንቱና እትጥ ቃሾ ጎለን ደኡያዋዳን ቆጥተ፤ ቃይ ህንተንቱ ህንተንቱ ሁጳዉ ዋየትያዋዳን፣ ዋየትያዋንቱባ ቆጥተ።

4 አክያዋን ገልያዋ አሳይ ኡባይ ቦንቻናዉ በሴ፤ ቃይ አሰናይን ማቻታ እቱ አቶ አማነታናዉ በሴ፤ አያዉ ጎጥ፣ ጸሳይ ዋሹማናዉ ካጆልያዋንታን ዋሹምያዋንታ ፕርዳና።

5 ሚሻ ሲቆዋጥ ህንተንታ ናግተ፤ ህንተንቶ ደኡያዌ ህንተንቶ ግድ። አያዉ ጎጥ፣ ጸሳይ ባረ ሁጳዉ።

“ታን ኔና ኡባካ የግከ  
ዋይ አግከ”

ያጌዳ።

12:12 አላ. 35:3    12:13 ሊዎ. 4:26    12:15 ዛረ. 29:18    12:16 ዶሙላ 25:29-34    12:17 ዶሙላ 27:30-40    12:18 ከሳ 19:16-22፤ 20:18-21፤ ዛረ. 4:11-12፤ 5:22-27    12:20 ከሳ 19:12-13    12:21 ዛረ. 9:19    12:24 ዶሙላ 4:10    12:25 ከሳ 20:22    12:26 ሃገ 2:6    12:29 ዛረ. 4:24    13:2 ዶሙላ 18:1-8፤ 19:1-3    13:5 ዛረ. 31:6፣ 8፤ እያሳ 1:5

6 ሄዋ ድራሬ፣ ኑን ጸሊደ፣  
 “ጎዳይ ታና ማድያዋ፤  
 ታን ያይከ።  
 እሳይ ታና እይ አሉ?”

ያጌቶ።

7 ጸላ ቃላ ህንተንቶ እይዳ ህንተንታ ካለፎዳዋንታ ሀሳይተ፤ ኡንቱንቱ ዋን ደኤድኖንቶ ሀሳይተ፤ ቃይ ኡንቱንቱዋዳን እማንተ።

8 የሱሰ ክርስቶስ ዝኖካ ሀቼካ መድኖወካ ላመተና።

9 ዲማ ዲማ ኦራላ ትምርትያን ዋራ ቦፕተ። ኑ ዋዛናይ ጸላ እጾ ከካተላን ሞናፕ ሎኦ ግድያዋፕ አትን፣ ቁማ ዋጋቶ እዛዘትያዋ ግደና፤ ሄዋ እዛዘቲዳዋንቱካ ማደትበይክኖ።

10 ከወ ያርሽያሳይ ደኤ፤ ዲንካንያ ግደን ኡልያዋንቱ ሄ ያርሽያ ሳፕ ማናወ ኡንቱንቶ ማታይ ባዋ።

11 ቁሳቱዋ ኡባቱዋ ካፑ ናጋራ ድራሬ፣ መሀያ ሱላ ያርሻናወ ኡባፕ እጅያ ጌሻ ሳእ አፊ፤ ሸን ሄ መሀያ እሹዋ ቃይ ድርሳፕ ካረና ጉዳ።

12 ሄዋ ድራሬ፣ የሱሰካ ቃይ ናጋራፕ አሳ ባረ ሱላን ጌሻናወ፣ ካታማ ፕንግያፕ ካረና ዋየቲዳ።

13 ሰም ኑን እ ቦረቲዳ ቦርያ እኪደ፣ ድርሳፕ ካረ እኮ ከሰይተ።

14 እያወ ጎፕ፣ ኑወ ሀዋን መድኖወ ደእያ ካታማይ ባዋ፤ ሸን ኑን ያና ካታማ ናጌቶ።

15 ሰም ጸሳወ የሱሳ ባጋና ኡባ ዋደ ጋላታ ያርሹዋ እዋይተ፤ ሄዋ ግያዌ መተርሻይ እ ሱንሳወ እምያ ጋላታ ግያዋ።

16 ሎኦባ ኡልያዋን እቲ እቲዋ ማድያዋ ደጎፕተ። እያወ ጎፕ፣ ጸሳ ናሽቶያዌ ሄዋ ማላ ያርሹዋ።

17 ህንተና ካለፈያዋንቶ እዛዘትተ፤ ቃይ ኡንቱንቱ እዛዘያዋካ እሰተ። ኡንቱንቱ ባረንቱ ኡልዳዋ ጸሳወ ኡዳና ድራሬ፣ ህንተንቱ ሸምፑዋ ሎይሰ ናጌኖ፤ ህንተንቱ ኡንቱንቶ እዛዘቶፕ፣ ባረንቱ ኦሱዋ ናሽቲደ ኦሳና፤ ሄዌ ጳዮፕ፣ ኡንቱንቱ ይሎቲደ ኦሳና፤ ሄዌ ህንተንታ እይን ማደና።

18 ኑወ ጸሳ ዋሰተ። ኑን ኡባ ዋደ ሎኦባ ኦሳናወ ኮይያ ድራሬ፣ ኑና ዘርያ ሎኦ ዋዛናይ ኑወ ደኤ።

19 ጸሳይ ታና ህንተንቱኮ ኤላካ ዛራና ማላ፣ ጸሳ ህንተንቱ ሎይሰ ዋሳናደን፣ ታን ህንተንታ ሎይላ ዋሳይ።

**ዋሳ**

20 ሳርተላ ጸሳይ፣ ኑ ጎዳ የሱሳ፣ ድርሳቱዋ ሄንላንቻ ዋልቃማ፣ መድና ጫቁዋ ሱላን ሀይቁዋፕ ደንፎዳ።

21 ጸሳይ የሱሰ ክርስቶሳ ባጋና ባረ ሰንላን ባረና ናሽቶያዋ ህንተንታ ኦሰሲደ፣ ህንተንቱካ እ ኮዌዳዋ ኦሳና ማላ፣ ሎኦ ኦሱዋ ኡባን ህንተንታ እ ጊገሶ፤ ጸሳይ መድ መድኖወ ቦንቼቶ። አመንእ።

**ቁተሳ ቃላ**

22 ታናዳን እማንያዋንቶ፣ ታን ሀ ዲብዲቢያ ህንተንቶ ቃንላን ጸፊዳ ድራሬ፣ ህንተንቱ ሀ ዘርያ ሳለተናን ሰሳና ማላ፣ ታን ህንተንታ ዋሳይ።

23 ኑ እሻይ፣ ጽዋቶሰ ቃሹዋፕ ብለቲዳዋ ኤርተ። ኤሌል እ ሃ ዮፕ፣ ታን አናና ባደ ህንተንታ በእና።

24 ህንተና ካለፈያ ኡባቱዋን ጸሳ አሳቱዋ ኡባ ሳር ሳር ጌተ። ጸልያፕ ዬዳ እማንያዋንቱ ህንተንታ ሳር ሳር ጌኖ።

25 እጾ ከካተላይ ህንተናና ኡባና እትፕ ግደ። አመንእ።

# ያቆብ ጻፊዳ ኪታ ገሉዋ

ሀ ኪታ ጻፊዳ ያቆብ ጎዳ የሱሳ እሻጥ እትን ታማነ ላኤ የሱሳ ካልያዋንቱፕ እቱዋ ግደና። እካ የሩሳላምን ደእያ አማንያ አሳ ካለለያ ጭማ (ጋል 2:9)። ሀ ኪታይ ጻፊቱዳዌ እት ዋሳ ጎላትው ግደናን ርመ ካወተሳ ግደን ላለቲዳ እይሁዳ አማንያዋንቱ ኡባቱዋሳ ግዴዳ፣ ኑናካ ሀቼ ሀቼ ደኡዋ ካለለያ ቆፋቱዋ ኦይቄዳ። ጻፊቱዳዌካ “አላምያ ኡባን ላለቲዳ ጸሳ አሳሳ”። ሀ ማጻፋ ጻፊዳዌ እዴዳ ኤራተሳ ኑን ኦሱዋን ፔሽያ ሂላነ አማንያ አሳ ኤሻነ ሀናታ ታማርሲያ ኦግያ ካለሱዋ እምያ የዋቱዋ ምስልያዳን ቆንጭያን በሲ።

ሀይሳተላባ፣ ዱረተላባ፣ ፓጭያባ፣ ሎኦ ኤሻባ፣ ቃናትያባ፣ አማኑዋባነ ሎኦ ኦሱዋባ፣ እንጻርሳ ማዲዋባነ ቆሁዋባ፣ እዴዳ ኤራተላባ፣ እቱ እቱዋና ዋላቀትያባ፣ ኦቶሩዋባነ አሸከተላባ፣ ሀራ አሳ ቦላ ፕርድያዋ፣ ጨቁዋባ ዎይ እየዋባ፣ ገንጫባነ ዋሳባ፣ አማንያ አሳይ ደእናው በሲያ ኦግያ ኡባ ጻፊዳ።

ኪታይካ ክርሰትና ደኡዋን አማኑ ኦሱዋን ፔሻና ሀናታባ ቆንጭሲደ በሲ።

## ሸምፓቱዋ ኡባቶ አመቴዳ ቃንሳ ቆፋቱዋ

ገሉዋ 1:1

አማኑዋን እዴዳ ኤራተላ 1:2-8

ሀይሳተላባነ ዱረተላ 1:9-11

ፓጭያ 1:12-18

ጸሳ ቃላ ስሱሳነ ኦሱዋ ቦላ ፔሹሳ 1:19-27

ሀነና ኦግያን እቱ ሀራው ማደና ማላ አመቴዳ ኦዲዋ 2:1-13

አማኑዋን ኦሱዋ 2:14-26

አማንያ አሳነ እንጻርሳፕ ከሲያ ሃሳያ 3:1-18

አማንያ አሳነ ሀ አላምያ 4:1—5:6

ዲማ ዲማ የዋ አመቴዳ ማቁዋ 5:7-20

1 ታን ያቆብ ጸሳ እይሊነ ጎዳ የሱሳ ክርሰትሳ እይሊ፣ ቢታ ኡባን ላለቲዳ ታማነ ላኤ ዘረላቶ\* ሳርታ ኪታይ።

ዳንዳያ፣ አማኑዋ፣ እዴዳ ኤራተላ

2-3 ታናዳን ጸሳ ካልያዋንቶ፣ ህንተ አማኑ ፓጩትያዌ ህንተንቶ ዳንዳያ አማናዋ ኤራይ፣ ዲማ ዲማ ፓጩ ህንተና ጋክያ ዎይ፣ ሄዋ ኩመንሳ ናሽቻዳን ፓይድተ።

4 ህንተ ዳንዳያይ እይነ ባል ባይናን ህንተና ምኔዳዋንታን ፓጭ ባይናዋንታ ኦሌደ፣ ባረ ኦሱዋ ፖሎ።

5 ሸን ህንተፕ ኦንነ ባረው እዴዳ ኤራተላይ ቆዮፕ፣ ካፍናን ኡባው ኬካተሳን እምያ ጸሳ ዎሶ። እ እው አማና።

6 ሸን እ እያንነ ሰፍናን አማኑዋን ጸሳ ዎሶ። እያው ጎፕ፣ ሰድያ ኡራይ ጫርኩ ሱግና ቃጽያ አባ ቤታ ማላ።

7-8 እያው ጎፕ፣ ላኤ ቆፋይ ደእያ ኡራይ፣ ባረ ኦግያ ኡባን ባረ ቆፋ ቃቼናዌ፣ ሄ ኡራይ ጎዳፕ እይነ ደማናው ቆፖፖ።

ሀይሳ አሳነ ዱረ አሳ ናሽቻ

9 ሸን ሀይሳ እሻይ ጸሳይ እ ቶቄ ኦሌዳ ዎደ ናሽቶ።

10 ቃይ ዱረ እሻይካ ጸሳይ እ ካወሸሴዳ ዎደ ናሽቶ። እያው ጎፕ፣ ዱረ ብታኒ ማታ ግደን ድጭያ ጨሻዳን ቆያና።

11 እያው ጎፕ፣ አዋይ ባረ ሲላና ከሲደ፣ ማታ መልሰና፣ ጨሻይ ቆይ፤ ቃይ እ ማላ ሎኦተላይካ ቆይ፤ ሄዋዳንካ ቃይ ዱረ ብታኒ ባረዋ ኦሌደ ቆያና።

አሳ ቦላ ጋክያ ፓጭያ

\* 1:1 ቢታ ኡባን ላለቲዳ ታማነ ላኤ ዘረላቶ- ያቆብ ገደ ደእያ ቆፋይ፣ ጎዳ ካልያ አማንያዋንታ ግዲደ ታማነ ላኤ እስራኤልያ ዘረላቱዋን ባረንቱ ዋርከቱዋን ቢታ ኡባ ላለት ጋኬዳዋንታ ጉሳ። 1:10 አሳ. 40:6-7

- 12 ዋይያን ገንጭያ ኡራይ እንጀቱዳዋ፤ እያዉ ጎጥ፤ ሄ ዋይያ ጸኔዳዋጥ ጉይያን፤ ጸሳይ ባረና ሲቅያዋንቶ እማና ጌዳ ደኤዋ ካላቻ † እ እካና።
- 13 እንነ ፓጨቲዳ ዋደ፤ “ታና ጸሳይ ፓጨ።” ጎጥ። እያዉ ጎጥ፤ ጸሳይ ኢታን ፓጨታናዉ ዳንዳየና፤ ቃይ እ ባረ ሁጸዉ ኦናን ፓጨና።
- 14 ሸን አሳይ ሁጸያን ሁጸያን ባረ ሁጸ ኢታ እሙዋን ጎሸትያ ዋደን ጭመትያ ዋይ ፓጨቲ።
- 15 ሄዋጥ ጉይያን፤ እሙ ሻሃሪደ፤ ናጋሪ የሌ፤ ቃይ ናጋሪይ ድጨደ፤ ሀይቁዋ የሌ።
- 16 ታናዳን ጸሳ ካልያዋንቶ፤ ጭመቶጥተ።
- 17 ሎኦ እሙዋ ኡባይነ ኩመንሳ ዋይታ ኡባይ ሳሉዋጥ ዬ። ሳሉዋ ፖኡዋ መጄዳ እዉዋጥ ዬ፤ ጸሳይ ባረ ሁጸዉ ዳማተናን ዋይ ባረ ኩዋ ላመና።
- 18 ኦን እ መጄዳ መ□ታቱዋ ግደን ጶቃሳ እካናዳን፤ ኦና ባረ ሸንያን ቱሙ ቃላን የሌዳ።

**ሰሴዳዋ ኦሱዋን ፔሽያዋ**

- 19 ታናዳን ጸሳ ካልያዋንቶ፤ ሀዋ ሀሳይተ፤ አሳይ ኡባይ ሰሳናዉ ኤሌሎ፤ ሸን ሃሳያናዉን ሀንቀታናዉ ኤሌሎጥ።
- 20 እያዉ ጎጥ፤ አሳ ሀንቁ ጸሳይ ኮይያ ጽሎተሳ እሄና።
- 21 ሄዋ ድራዉ፤ ቱና ሀናታ ኡባነ ኢታተሳ ኡባ ሀንተጥ ጻይሲደ፤ ጸሳይ ሀንተ ዋዛናን ቶኬዳ ሀንተ ሸዋዋዋ አሻናዉ ዳንዳይያ ቃላ አሸከተላን እክተ።
- 22 ሸን ጸሳ ቃላ ኦሱዋን ፔሽተጥ አትን፤ ሰሳ ጸላላን ሀንተ ሁጸያ ጭዋጥተ።
- 23 እያዉ ጎጥ፤ ቃላ ሰሲደ ኦ□ና ኡራይ ደኦጥ፤ እ ባረ ማላ ማሰቶትያ ጸልያ ኡራ ማላ።
- 24 እ ባረና ጸሊደ ቤ፤ ኤለካ እ አይ ማለንቶን ደግ አኑ።
- 25 ሸን ኦን እይለተላጥ ከሰያ ባል ባይና ሀግያ ጸሊደ፤ እን እቅያዌ ቃይ እ ናግያዌ፤ ሰሴዳዋካ ደገናዌ፤ ሄ ኡራይ ባረ እልያ ኦሱዋን እንጀታና።
- 26 ባረ እንጸርሳ ናገናን ባረና ጭሚደ፤ ባረዉ ጸሳ ጎይንያዋ ማላትያ ኡራይ ደኦጥ፤ እ ጎይናይ መላ።
- 27 ጸሳ እዉዋ ሰንሳን ፖኩ ባይና ጌሻ ጎይናይ ሀዋ፤ ሄዌ ሀቃዌ ጎጥ፤ አታ እዉ ባይና ናናቱዋን ዋየትያ አምኤቱዋ ማዳናዋን ሳእ ናጋሪ ቅታጥ ባረ ሁጸያ ናጋናዋ።

**2**

**ሀዬሳ ካፋናዉ በሰና**

- 1 ታናዳን ጸሳ ካልያዋንቶ፤ ሀንተ ኦ ቦንቾ ጎዳ የሱሰ ክርሰቶሳ እማን ደኢደ፤ ዳሙዋ ጸሊደ፤ አሳ ቦንቾጥተ።
- 2 እያዉ ጎጥ፤ ዋርቃ ሞግዲዋ ዋሊደ፤ ሎኦ ማዩዋ ማዬዳ እት አሳይ ሀንተ ሸቁዋ ዮጥ፤ ቃይ ጨርቃ ማዩዋ ማዬዳ ሀዬሳ አሰካ ዮጥ፤
- 3 ሎኦ ማዩዋ ማዬዳ ብታንያ ሀንተ እላ ቦንቾደ እ፤ “ኔን ሀዋን ኡባጥ ሎኦያ ኦይድያን ኡታ” ገደ ቃይ ሀዬሳ ብታንያ፤ “ኔን ሀንና ኤቃሻ፤ ዋይ ሀዋን ታ ገድያ ማታን ሳኦን ኡታ” ጎጥ፤
- 4 ያትና ሀንተ ሀንተ ግደን ሻኩተላ መጵያዋንታን ኢታ ቆፋና ደኢያ ዳናቱዋ ግድክቱዬ?
- 5 ታናዳን ጸሳ ካልያዋንቶ፤ ሰሰተ፤ ጸሳይ ሀ ሳኦን ደኢያ ሀዬሳ አሳይ እማኑዋን ዱረታናዉን ባረና ሲቅያዋንቶ እማና ጌዳ ሳሉዋ ካዉተሳ ላታናዉ ዶርቤነዬ?
- 6 ሸን ሀንተ ሀዬሳቱዋ ቶቼድታ። ዱረቱ ሀንተና ቱገይያዋንታ ግድክኖዬ? ኡንቱንቱ ሀንተና ዳናን ሞትያዋንታ ግድክኖዬ?
- 7 ሀንተዉ እመቲዳ ሎኦ ሱንሳ ቦርያዋንቱ ኡንቱንታ ግድክኖዬ?
- 8 ሸን ጸሳ ማጸፋን፤ “ኣ ሸሩዋ ነ ሁጸያዳን ሲቃ” ጌተቲደ ጸፈቲዳ ካትያ ሀግያ \* ሀንተ ፖሎጥ፤ ሎኦባ ኦሊታ።
- 9 ሸን ሀንተ አሳ ዳሙዋ ጸሊደ ቦንቾጥ፤ ናጋሪ ኦሊታ፤ ቃይ ሀጊ ሀንተ ቦላ፤ ሀግያ መንሌዳዋንቱዳን ፕርዳና።
- 10 እያዉ ጎጥ፤ ኦንነ ሀግያ ኡባ ናገደ፤ እትኖ መንሌያዋ ግደጥ፤ ሄ ኡራይ ሀግያ ኡባ መንሌ።
- 11 እያዉ ጎጥ፤ “ዋሹዋጥ” ጌዳዌ ቃይ “ዋጶጥ” ጌዳ፤ ሸን ኔን ዋሹማና ጳዮጥካ፤ ዋጶዳዋ ግደጥ፤ ሀግያ መንሌዳ።
- 12 አሳ እይለተላጥ ከሰያ ሀግያን፤ ፕርዳ እካና አሳቱዋዳን ሃሳይተነ ኡንቱንቱዋዳን ኦለተ።
- 13 እያዉ ጎጥ፤ አሳ ማርቤና ኡራ ጸሳይ ማረናን ፕርዳና፤ ማርተሳይ ፕርዳ ጸኔ።

**እማኑዋን ኦሱዋ**

---

† 1:12 ደኡዋ ካላቻ፦ ቦንቾቲዳ ደኡዋ ጉሳ። \* 2:8 ካትያ ሀግያ፦ ኡባጥ እፋዋን ጎኢያ ሀግያ፤ ሀዋ ብለላይ፤ ካትያጥ እመቲዳዋ ጉሳ። ካቲ ኦኔ ጎጥ ጸሳጥ እመቲዳ ሀግያ። 2:8 ዋጋ 19:18 2:11 ከሳ 20:13፤ 14፤ ዛረ. 5:17፤ 18

- 14 ታናዳን ጸሳ ካልያዋንቶ፣ እት ኡራይ ባረጠ እማኑ ደኤ ጎፕ፣ ቃይ እ አማኑዋ እ ኦሱ ኤርሳና ጳዮፕ፣ እ አይ ጎእኔ? እ አማኑ እ አሻናዉ ዳንዳዪ?
- 15 እት አሻይ፣ ዋይ እት ምቻታ ካሎቶፕ፣ ቃይ ኡንቱንቶ ኡባ ጋላሰ ምያባይ ጳዮፕ፣
- 16 ህንተፕ እት ኡራይ ኡንቱንታ፣ “ሳር ቢተ። ታማ ሆእተ። ካሊደ ሚተ” ጊደ፣ ኡንቱንቶ ኮሽያዋ እማና ጳዮፕ፣ ኡንቱንታ አይ ጎእኔ?
- 17 ሄዋ ድራዉ፣ አማኑ ኦሱ ባይናን ባረካ ደኡፕ ሀይቄዳዋ።
- 18 ሽን እት ኡራይ፣ “ነገ አማኑ ደኤ፤ ቃይ ታዉ ኦሱ ደኤ። ነን ነ አማኑዋ ነ ኦሱዋፕ ሻካደ ታና ባሳ፤ ታንካ ታ ኡራይ አማኑዋ ታ ኦሱዋን ኔና በሳና” ጋና።
- 19 ነን እት ጸሳይ ደእያዋ እማናሳ፤ ሄዋ ሎኡ። ጸላሄቱካ ቃይ እማኒና፤ ያሻን ኮኮሪና።
- 20 ነን ኤያይ! አማኑ ኦሱዋፕ ሻከቲደ ጎኤናዋ † ኤራናዉ ኮያይ?
- 21 ኑ አሱ አብራሃዋ ባረ ናእ ይሳቃ ያርሽያ ሳእ ቦላ ዋጴዳ ዋይ፣ ባረ ኦሱዋን ጽልቤኔ?
- 22 እ አማኑ ኦ ኦሱ እትፕ ኦጴዳዋን እ አማኑ ኦ ኦሱዋን ፖለቲዳዋ በእከ?
- 23 ጸሳ ማጻፋይ “አብራሃዋ ጸሳ እማኔዳ። ጸሳይካ ሄዋ አዉ ጽሎተሳን ፓይዳዳ” ጌዳዋ ፖለቲዳ፤ ቃይ ጸሳ ዳቦ ጌተቲደ እ ዴሰቲዳ።
- 24 አሳይ አማኖ ጸላላና ግደናን፣ ኦሱዋን ጽልያዋ ህንተ በኢታ።
- 25 ሄዋዳንካ ቃይ ጫራዋ ራእባ ከተቶዋንታ ሞካደ ሀራ ኦግያና ኡንቱንታ ሞይዜዳ ዋይ፣ ባረ ኦሱዋን ጽልቤኔኸ?
- 26 እያዉ ጎፕ፣ ሸምፕ ሻከቲዳ ቦላይ ሀይቄዳዋ ግድያዋዳን፣ ሄዋዳንካ ቃይ ኦሱ ሻከቲዳ እማኑ ሀይቄዳዋ።

### 3

#### እንጻርሳ ናግያዋ

- 1 ታናዳን ጸሳ ካልያዋንቶ፣ ኑን ሀራቱዋፕ እጅያ ፕርዳ አካናዋ ህንተ ኤርያ ድራዉ፣ ህንተፕ ጮራቱ ታማርሲያዋንታ ግደፕተ።
- 2 ኑን ኡባይካ ዳርባን ባሌቶ፤ እት ኡራይ ባረ ሃሳያን ሙለካ ባላና ጳዮፕ፣ እ ባረና ናጋናዉ ዳንዳይያ ባል ባይና አሳ።
- 3 ፓራቱ ኑዉ እዛዘታና ማላ፣ ብጻላ ባርሲደ፣ ኑን ኮይያሳ ኡባ ኡንቱንታ አፊቶ።
- 4 በእተ፣ ማርካባቱካ ቃይ ሄዋ ኬና ዋልቃማ ግዲደ፣ ጎቱዋ ጫርኩዋን ላገቶፕካ፣ ኡንቱንታ ላግያዋ ባረዋ ኮይያሳ ዛሬደ ላግያ ቄር ጉላ ሞላን ላገቲደ ቢና።
- 5 ሄዋዳን እንጻርሳይ ቦላ ግደን ጉላ አሳተላ ግደፕካ፣ ዳር ዋልቃማባን ጨቀቱ።
- ጉላ ታማይ ዋኒደ ዋልቃማ ዋራ ጉዲ! እኬከተ።
- 6 እንጻርሳይካ ታማ ማላ። እ ኑ አሳተላ ግደን ኢታባ ኡባ ኦሳና ዳንዳይ፤ አሳተላ ኡባ ቱንሴ። ቃይ ኑ ደኡዋ ዋሳካ ታማን ጉዲ፤ ጋናምያ ታማን እ ጉይታናዋ።
- 7 እያዉ ጎፕ፣ ደአቱዋ፣ ካፋቱዋ ዘርያ፣ ትራን ጎሽትያ ሸሻቱ ዘርያን አባን ደእያ ሙታቱዋ ዘርያ ኡባ አሳይ እድሴዳ፤ ቃይ ኡንቱንቱካ እዳድኖ።
- 8 ሽን ኦንን እንጻርሳ እድሳናዉ ዳንዳይቤና፤ እንጻርሳይ ዋጅያ ማርዚ ኩሜዳ ጮኡ ጌና ኢታ ሙታ።
- 9 ኑን እንጻርሳን ኑ ጎዳን እዉዋ ጋላቲቶ፤ ቃይ እንካ ጸሳ ማላቲደ ሙታቲዳ አሳ ሸቄቶ።
- 10 እት ደናፕ ጋላታይን ሸቃይ ከሴ። ታናዳን ጸሳ ካልያዋንቶ፣ ሄዋ ሄዋዳን ሀናናዉ በሰና።
- 11 ፑልቱ እት ኦላፕ ማልእያ ሃላን ጫምያ ሃላ ፑልታናዉ ዳንዳይ?
- 12 ታናዳን ጸሳ ካልያዋንቶ፣ ባላሲያ ግያ ሞላይ ዋጋራ አይፋናዉ ዳንዳይ? ዋይ ዋይንያ ቱራይ ባላሲያ ግያ ሞላ አይፋናዉ ዳንዳይ? ማጽነ ማጽነ ግያ ሃላፕካ ማልኦ ሃላይ ከሳና ዳንዳይና።
- ሳሎዋ አጴዳ ኤራን ሳእ አጴዳ ኤራ
- 13 ህንተ ግደን እጴዳ ኤራንቻይን እኬካንቻይ ኦኔ? ባረ ሎኦ ደኡዋን ኦሰቲዳ ባረ ኦሱዋ አጴዳ ኤራተላፕ ይያ እሽከተላን በሱ።
- 14 ሽን ህንተ ዋዛናን ጫምያ ቃናቲን ይርገ ደኡፕ። ቃይ ቱማተላ ቦላካ ዋርዶቶፕተን ኦቶሪቶፕተ።
- 15 ሄዋ ማላ አጴዳ ኤራተላይ ሳሎዋፕ ዋጅያዋ ግደና፤ ሽን ሄዋ ሳእካ፣ አሳዋ፣ ጸላሀቱዋ።
- 16 እያዉ ጎፕ፣ ቃናቲን ይርገ ደእያ ሳን ዋላሳይን ኢታ ኦሱ ኡባይ ደኤ።
- 17 ሽን ቦላፕ ይያ አጴዳ ኤራተላይ ኡባፕ ካሰ ጌሻ። ቃይ ሳርተላ ዶሲያዋ፣ እሽከ ኤኖ ግያዋ፤ ቃይ ማርተላይን ሎኦ አይፊ ኩሜዳዋ። ሰጂን ሎኦ ማላትያ ኢታተላይ ባይናዋ።
- 18 ጽሎተላ አይፊ ሳርተላ ኦሳዋንቱ ሳርተላን ዘራዳ ዘረሳፕ ቤቲዳ።

† 2:20 ጎኤናዋ- ሀዋ ጉሳይ ሀይቄዳዋ ጉሳ። 2:21 ደመላ 22:1-14 2:23 ደመላ 15:6፤ 2 ኦዲዋ 20:7፤ ኢላ. 41:8 2:25 ኢያሳ 2:1-21 3:9 ደመላ 1:26



11 በእተ፡ ዳንዳዪደ ገንጨዳዋንታ ኑን እንጀቴዳዋንታ ጌቶ። እዮባ ገንጫ ህንተ ሰሴድታ፤ ቃይ ጎዳይ እዉ ዉርሰላን እሜዳዋካ ቤድታ። እያዉ ጎጥ፡ ጎዳይ ማርታይነ ቃረታይ ኩሜዳዋ።

12 ሸን ኡባጥ ካሰ፡ ታናዳን ጸሳ ካልያዋንቶ፡ ሳሉዋን ግድና፡ ዎይ ሳኣን ግድና፡ ዎይ ሀራ ጫቁዋን ግድና፡ እያንካ ጫቆጥተ። ሸን ጸሳ ፕርዳን ህንተ ገለናዳን፡ ህንተ የዉ ኤ ግያዎ ግደጥ፡ “ኤ” ጌተ፤ ግደና ግያዎ ግደጥ፡ “ግደና” ጌተ።

13 ህንተ ግደን ዋየትያ ኡራይ ኦንነ ደኦጥ፡ ጸሳ ዎሶ፤ ናሸትያ ኡራይ ኦንነ ደኦጥ፡ የጸደ ጋላቶ።

14 ህንተጥ ሳከትያ ኡራይ ኦንነ ደኦጥ፡ አማንያ አሳ ካለልያ ጭማቱዋ ባረኮ ጴሶ፤ አንቱንቱ ጎዳ ሱንላን ዛይትያ እ ኦኪደ፡ እዉ ጸሳ ዎሶና።

15 እማኑዋን ጸሳ ዎሴዳ ዎሳይ ሀርጋንቻ ፓላና፤ ጎዳይካ እ ሀርግያጥ ደንላና፤ ቃይ ናጋራ እ ኡሌዳዎ ግደጥካ ጎዳይ እዉ አቶ ጋና።

16 ሄዎ ድራዉ፡ ህንተ ፓጸና ማላ፡ ህንተ ናጋራ እቱ እቶ ፓጽተነ እቱ እቶ ጸሳ ዎሰተ፤ ጽሎ አሳ ዎሳይ ዎልቃማ ኦሱዋ ኦሌ።

17 ኤላሰ ኑ ማላ አሳ። እራይ ሳኣን ቡከናዳን፡ እ ሞንሲደ፡ ጸሳ ዎሰና ሄዙ ላይላነ ኡሱፑን እገና ሳኣን እራይ ቡክቤና።

18 ላኤንሉዋ ጸሳ እ ዎሰና፡ ሳሉዋጥ እራይ ቡኩዳ፤ ሳኣይካ ባረ ካላ ሞኪዳ።

19 ታናዳን ጸሳ ካልያዋንቶ፡ ህንተጥ ኦንነ ቱሙዋጥ ዎራ ቦጥ፡ ቃይ እቱ እ ጉየ ሄ ቱሙዋኮ ዛርጥ።

20 ናጋራንቻ እ ባላ ኦግያጥ ዛርያ ኦንነ እ ሸምፑዋ ሀይቁዋጥ እሻናዋነ ዳሮ ናጋራ ካማናዋ ኤሮ።

# ጳጳሮስ ጻፌዳ ኮይሮ ኪታ ገሉቀ

የሱስ ኪቲዳ ጳጳሮስ ጻፌዳ ኮይሮ ኪታይ ጻፈቴዳዎ፣ ሄ ኪታ ግድን “ደረቴዳ ጸሳ አሳቱዋ” ጌተቲደ ጸሰትያን ቄር ኢሰያን ሁጸሳ ገጋ ሻኩዋን ላለቴዳ አማንያዋንቱሳ። ሀ ኪታ ዋና ቆፋይ፣ አማኑዋ ጋሱዋን መቲነ ዋዪ ጋኬዳዋንታ ምንሳናሳነ መገጋሳናሳ። ጻፊ ሀዋ ኦሳያዊ አ ሀይቁዋ፣ አ ደንዲዋ፣ አ ላኢንሳ የሳ ኦድያ የሱስ ክርስቶሳ ምሽራቹዋ ቃላ ናባ-ብያዋንታ ሀሳይሰያዋና። ኡንቲንቲ የሱስ ክርስቶሳ ደኡዋ ለምሱዋዳን አኪደ፣ መቲዋ ገንጨደ አቆናዳን ሀሳይሴ። ሀዋና አትጋ ጋሳያ ዋይ፣ መቲ ኡንቲንቲ አማኑዋ ጻልታተላ ፓጭያዋን የሱስ ክርስቶስ ቆንጭያ ጋላስ ኡንቲንቲ በሰያ ጋትያ አካናዉ ደእያዋ ኡንቲንታ ሀሳይሴ።

ጻፊ፣ ኡንቲንቲ መቲዋን ገንጫና ማላ መገጋሳያዋ ቦላካ፣ ክርስቶሳ ካልያዋንቲ ደእያዋዳን ኡንቲንቲ ደእናዳን ቆፍሴ።

## ሸምፓቲዋ ኡባቶ አመቴዳ ቃንሳ ቆፋቲዋ

ገሉቀ 1:1-2

ጻሳ አሽዋባ 1:3-12

ጌዬዳ ደኡዋ ደእናዳን አመቴዳ ማቁዋ 1:13—2:10

መቲዋ ዋይ አማንያ አሳይ ኦሳና በሰያ አዎተላ 2:11—4:19

አማንያ አሳ አሽከተላነ ኦሱዋ 5:1-11

ዉርሰላ ቁትያ 5:12-14

1 ታን፣ የሱስ ክርስቶስ ኪቲዳ ጳጳሮስ፣ ጻሳይ ደሬዳ አሳቶ ጳንጸሳ ጋድያን፣ ጋላትያ ጋድያን፣ ቃጳደቅያ ጋድያን፣ ኢሰያ ቢታንነ ቢታንያ ጋድያን በትያን ደእያዋንቶ ዳብዳቢያ ጻፋይ።

2 የሱስ ክርስቶሳዉ ህንተ አዛዘታና ማላነ አ ሱሳን ጌያና ማላ፣ ጻሳይ አዉ ደሬዳ ህንተንቶ ባር እያና ጌሼዳዋንቶ፣ አቶ ኬካተላይነ ሳሮተላይ ግድ።

ደኡዋ አማና ጌዳ ሀይታ

3 ኑን ጻሳ፣ ኑ ጎዳ የሱስ ክርስቶሳ አዉዋ፣ ባር ማሮተላ ዳረዋዳንካ ኑና ላኢንሱዋ የሌዳዋ፣ የሱስ ክርስቶሳ ሀይቁዋጥ ደንሱዳዋን ኑዉ ደኡዋ ሀይታ አሜዳዋ ጋላቲቶ።

4 ቃይ ጻሳይ ህንተንቶ አማና ዳሮ ላታይ ዎቁናዎ፣ ባየናዌን ቆየናዌ ሳሉዋን ናጌ።

5 ሄዌካ ህንተንቶ፣ ጻሳ ዎልቃን አማኑዋን ናገት ኡቲደ፣ አቶተላዉ ጊሼዳዋንቶ ዉርሰላ ዎድያን ቆንጫናዋ።

6 ሀእ ጉላ ዎደዉ ሀራይ አቶ ዳማ ዳማ ፓጭያን ህንተ ፓጫታናዉ ኮሾጥካ፣ ሀዋን ዳሮ ናሽትት።

7 ሄዌ ሀራይ አቶ፣ ታማን የግና ቆይያ ዎርቃጥካ ህንተ አማኑ ዳሮ አልኦነ ባል ባይናዋ ግድያዋ በሳናሳይ፣ ያቲደ የሱስ ክርስቶስ ቤትያ ዎደ፣ ጋላታ፣ ቦንቹዋን ሳባ ህንተ አካና።

8-9 ህንተ አ ኤራና ቆየጥካ፣ ሰቂታ፣ ህንተ ሀእ አ በአና ቆየጥካ፣ አማኒታ። ቃይ ህንተ ህንተ አማና ፖሎ ግድያ ህንተ ሸምጥዋ አቶተላ አክያ ድራዉ፣ ኦዳናዉ ዳንዳየተና ቦንቹ ኩሜዳ ናሽቻ ናሽትት።

10 ጻሳይ ህንተንቶ አማና አቶ ኬካተላባዉ ትምቢትያ ኦዳና ናባቲ ሎይሳ ብዱደ፣ ሀ አቶተላባ ኮዬድና።

11 ኡንቲንቲን ደእያ ክርስቶሳ አያናይ ክርስቶሳ ቲጋባነ ሄዎጥ ጉይያን ያና ቦንቹዋባ ካሰቲደ ማርካቲደ፣ አዉደ ዎይ ዎኔዳ ዎድያን ያንንቶነ አኬክሴዳዋዳን፣ ኡንቲንቲ ኮዬድና።

12 ሄ ትምቢትያ አዳያዋንቲ ኡሌዳ ኦሱ ህንተሳጥ አትን፣ ኡንቲንቲ ሁጸያሳ ግድናዋ ጻሳይ ኡንቲንቶ ቆንጭሴዳ፣ ሀእ ህንተ ሰሴዳ ምሽራቹዋ ቃላ ህንተንቶ ኦዳና አሳቲ፣ ባረዉ ሳሉዋጥ ኪተቴዳ ጌሻ አያና ዎልቃን ኦዳድና። ሄዎ ኪታንቻቲካ በአናዉ አዎቲና።

ጌሻተላን ደእያዋ

13 ሄዎ ድራዉ፣ ኦሱዋ ኦሳናዉ ህንተ ዎዛናን ቆፋ ገገሲደ ህንተ ሁጸያ ናግተ። የሱስ ክርስቶስ ቆንጭያ ዎይ አቶ ኬካተላ ህንተ አክያ ድራዉ፣ ኩመንሳ ሀይታን ናግተ።

14 ጻሳይ አዛዘትያ ናናዳን፣ ህንተ ካሰ ኤራናን አዎቴዳ አመጥ ካሎጥተ።

15-16 ሸን ህንተና ጸሴዳ ጻሳይ ጌሻ ግዴዳዋዳን፣ ህንተካ ህንተ ኦሱዋ ኡባን ጌሻ ግድተ። ጻሳ ማጻፋን፣ “ታን ጌሻ ግድያ ድራዉ፣ ህንተካ ጌሻ ግድተ” ጌተቲደ ጻፈቴዳ።



17 እሳ ሁጲያን ሁጲያን ዳሙዋ ጸሊናን እ ኦሱዋዳን ፕሮድያ ጸሳ ዋሲደ ህንተ። “ኑ ኦሎ” ጊደ እ ጸሲያዋ ግደፕ። ሀ አላምያን በተ ግዲደ ህንተ ደእያ ዋድያን ያሻተላን ደእተ።

18-19 ህንተ ህንተ አዋቱዋፕ ላቴዳ ፓፍ ደኡዋፕ ዋዘቴዳዋ። ጳይያ ብራ ዋይ ዋርቃ ማላና ግደናዋ ኤሪታ፤ ቦርሲያባይ ዋይ ቅታይ ባይና ዶርሳ ሱላዳን፤ አልኦ ክርሰቶሳ ሱላን ህንተ ዋዘቴድታ።

20 ጸሳይ ሳኦይ መፓታናፕ ካሰ ክርሰቶሳ ዶር ዋጴዳ፤ ሽን ህንተ ድራው። ሀ ዋድያ ወርሰላን እ ቤቴዳ።

21 ህንተ አማኑክ ህንተ እካና ጊደ ናሽቻን ናግ ኡቴዳባይ ጸሳን ደእና ማላ። ጸሳይ ሀይቁዋፕ እ ደንጸደ። አወ ቦንቹዋ እሜዳዋ እን እማኒታ።

22 ቱማተሳወ ህንተ እዛዘትያዋን፤ ሎኦ ማላትያ ኢታተሳይ ባይናን ህንተ እሻቱዋ ሲቃናወ ህንተ ሁጲያ ጌሺደ። አቱ አቱዋና ምንሲደ ዋዛናፕ ሲቀትተ።

23 ህንተ ሀይቂያ ዘርሳፕ ላኤንሱዋ የለትበይክታ፤ ሽን መጵናወ ደእያዋን ሰንሳወካ ደእና ጸሳ ቃላን ሀይቃና ዘርሳፕ የለቴድታ።

24 እያወ ጎፕ። ጸሳ ማጸፋይ። “አሳይ ኡባይ ማታ ማላ፤ እ ቦንቹ ኡባይካ ማታ ጨሻ ማላ። ማታይ መሌ፤ ጨሻይካ ቆቆፈቴ።

25 ሽን ጎዳ ቃላይ መጵናወ ደኤ” ያጌ። ሀዌ ህንተንቶ ጎዳይ ኦዴዳ ምሽራቹዋ ቃላ።

## 2

### ደኡዋ ሹቻን ጌሻ እሳ

1 ሄዋ ድራው። ህንተፕ ኢታተሳ ኡባ። ጭምያዋ ኡባ። ሎኦ ማላትያ ኢታተሳ። ቃናትያን ዝግርሳ ኡባ ድግተ።

2-3 ጎዳይ ከካ ግዴዳዋ ህንተ ደኡዋን በኤዳዋ ግደፕ። ሀእ የለቴዳ ጋጭና ናናቱዋዳን፤ ኡሺደ ድጫናወን አታናወ ጽሎ ግዴዳ እያና ማላ ላሞትተ።

4 ጎዳኮ ደኦ ሹቻኮ ሸቅተ። አሳይ እ እጾዳ፤ ሽን ጸሳ ማታን እ ዶረቴዳ አልኦ።

5 ህንተካ ቃይ ደኦ ሹቻዳን፤ ጌሻ ቄሳ ግዲደ። የሱሰ ክርሰቶሳ ባገና ጸሳ ናሽቹያ እያና ያርሹዋ ጸሳወ ያርሻናወ። ህንተ ህንተ ሁጲወ እያና ኬላዳን ኬጸትተ።

6 እያወ ጎፕ። ጸሳ ማጸፋይ። “በእተ። ታን ጽዮን ግያ ካታማን ጎልያ ጎዳ ጸጸዋ ምንሲያ። ዶረቴዳ። አልኦ ሹቻ ዋላይ፤ እን እማንያ ኦንክ ዬላተና” ያጌ።

7 ሄዋ ድራው። ሀ ሹቻይ ህንተንቶ አማንያዋንቶ ዳር አልኦ፤ ሽን አማንናዋንቶ። “ግምቢያዋንቱ ካጴዳ ሹቻይ ጎዳ ጸጸዋ ምንሲያ። ኡባፕ አጵያ ሹቻ ግዴዳ” ያጌ።

8 ቃይካ። “ሀ ሹቻይ እሳ ጴቢያ ሹቻን እሳ ከንድሲያ ዛላ” ያጌ፤ ኡንቴንቴ ጸሳ ቃላ አማንና ድራው። ኡንቴንቶ ካሰና ቆፈቴዳዋዳን ጴቢቴድና።

9 ሽን ጸሳይ ጴማፕ ማላልሲያ ባረ ፖኦ ህንተና ጴሴዳ፤ ህንተ እ ኦራላ ኦሱዋ ኦዳናወ ዶረቴዳ ዛረ፤ ህንተ ካትያ ቄሳቱዋ፤ ጌሻ እሳን ጸሳወ ቡዞ እሳ።

10 ህንተ ካሰ ጸሳ አሳ ግድክታ፤ ሽን ሀእ ህንተ እ አሳ፤ ህንተ ካሰ ማርተሳ አክበይክታ፤ ሽን ሀእ ማርተሳ እኬድታ።

### ጸሳ እይላቱዋ

11 ታ ዳባቶ። ህንተ ሀ ሳእን እማላን በተ ግዲደ ደእያዋንታ ግዴዳዋዳን፤ ኡባ ዋይ ህንተ ሸምቹዋና ኦለትያ አሳተሳ አሙዋፕ ህንተ ሃካና ማላ። ታን ህንተና ዋሳይ።

12 አማንና አሳይ ህንተና ኢታባ ኦልያዋንቱዳን ዝግርያ ዋይ። ክርሰቶሰ ይያ ጋላሰ ህንተ ሎኦ ኦሱዋ ኡንቴንቴ እኬኪደ። ጸሳ ጋላታና ማላ። ህንተ ደኡዋ ኡንቴንቴ ግደን ሎይላ ናግተ።

13 ጎዳ ድራው። አሳ ህግያ ኡባወ ሞደትተ፤ ካቲካ ኡባፕ ቦላ ግድያ ድራው። አወ ሞደትተ።

14 ቃይ ጋድያ ሞድያዋንቶካ ሞደትተ። እያወ ጎፕ። ኡንቴንቴ ኢታባ ኦልያዋንታ ሙራናወን ሎኦካ ኦልያዋንታ ጋላታናወ ካትያፕ ከተቴድና።

15 እያወ ጎፕ። ጸሳይ ህንተ ህንተ ሎኦ ኦሱዋን ካጵያ ኤያ አሳቱዋ ሃሳያ ጮኤ ኡዳናዋ ኮዬ።

16 አይለተሳፕ ከሲደ። ጸሳ አይልያዳን ደእተፕ አትን። ሄ አይለተሳፕ ከሴዳዋ ኢታተሳ ገንልያዋ ኦሎፕተ።

17 እሳ ኡባ ቦንቹተ። ህንተ እሻቱዋ ሲቅተ። ጸሳወ ያይተ። ካትያ ቦንቹተ።

### ክርሰቶሳ ጋኬዳ መቱዋ ሊምሱዋ

18 እይላቶ፡ ህንተ ሎኦ ጎዳቱዋ ጸላላውን እሸከ ጎዳቱዋ ጸላላው ግደናን፤ ኢታቶካ ዳር ያዪደ ሞደትተ።

19 እያው ጎጥ፡ አሳይ ናቁያ ዋደ ዋየትያ ኡራይ ጸሳ ቆጥደ፡ ኦገ ባይናን ናቀቶጥ ጸሳይ ኦ ኦገጃና።  
20 እያው ጎጥ፡ ህንተ ናጋራ ኦሐና፡ ህንተና ደቕያ ዋደ፡ ህንተ ዳንዳዮጥ፡ ህንተንቶ እይ ጋላታይ ደኢ? ሸን ሎኦባ ኦሊደ ዋይያ ህንተ ዳንዳዮጥ፡ ጸሳይ ህንተና ሄዎ ኦገጃና።

21 ጸሳይ ህንተና ጸሴዳዌ ሄዎ ድራሳ፤ እያው ጎጥ፡ ክርሰቶሰ ህንተንቶ ዋየቲ፤ ህንተ ኦ ቃታማ ካላና ማላ፡ ህንተንቶ ለምሱዋ ግደዳ።  
22 ናጋራ ኦ ኦሐቤና፤ ባረ ዳናጥ ዋርዲዋ ሃሳይቤና።

23 አሳይ ባረና ቦርያ ዋደ፡ ዛሪደ ቦርቤና፤ ዋየትያ ዋደካ ማንድቤና። ሸን ጽሉዋ ጥርድያ ጸሳው ባረና ኦሊደ እሚዳ።

24 ኦገ ናጋራው ሀይቂደ፡ ጽሎተላው ደኦና ማላ፡ ክርሰቶሰ ባረ ሁጳው ባረ ኦሹዋን ኦ ናጋራ ማሰቃልያን ቶኬዳ፤ ህንተ ኦ ማይላን ፓጼድታ።

25 እያው ጎጥ፡ ህንተ ኦጊ ባሌዳ ደርሳ ማላ፤ ሸን ሀኦ ህንተ ሸምጥዋ ሄምያዋኮን ናግያዋኮ ሰሜድታ።

### 3

#### እስናባን ማቕያባ

1-2 ሄዋዳንካ ማቕቶ፡ ህንተ እስናቱዋጥ ጸሳ ቃላው አዛዘተና እቲ እቲ ደኦጥካ፡ ህንተ ፓሌወተናን፤ ኦንቲንቲ ህንተ ያሻተላን ህንተ ጌሻ ደኡዋ በኢደ ጸነታና ማላ፡ ኦንቲንቲ ሞደትተ።

3 ህንተ ህንተ ሁጲያ አልኦባን ጊብሰያዋንካ ዋርቃ ዋሐያዋን ዋይ አልኦ ማዌዋ ማይያዋን ህንተንቲ ቦላ ባጋ ሎይሶጥተ።

4 ሸን ህንተ ጋርሳን ቆሰቲዳ አሳተላ ሎኦተላይ ጸሳ ሰንላን ህንተንቲ ዳር አልኦ ግዲደ፡ ጳየና አሸከከ ዋጥ ጌዳ እያና ግደ።

5 እያው ጎጥ፡ ሄዋዳን ጸሳን ሀይቲዳ ጌሻ ማጫ አሳቲ በን ዋደ ባረንቲ እስናው ሞደቲደ፡ ባረንታ ዳር ሎይሴድና።

6 ሄዋዳን ሳራ አብራሃም፡ “ታ ጎዳው” ያጋ ጸሳደ፡ አው አዛዘታዳ፤ ህንተካ እትባውን ያየናን ሎኦባ ኦሎጥ፡ ኦ ናናቲዋ።

7 ሄዋዳን እስናቶ፡ ህንተ ማጫ አሳቲዋና አከካን እትጥ ደኡ። ኦንቲንቲ ዳቡራንቻ አሳተላይ ደኡያ ድራው፡ ኦንቲንታ ቦንቶተ፤ ህንተ ዋሳይ ቆብተና ማላ፡ ጸሳይ እሚዳ ደኡዋ አቶ ከካተላ ኦንቲንቲ ህንተናና እትጥ ላትና።

#### ሎኦባ ኦሊደ መቱዋ አክያዋ

8 ወርሰላን፡ ኡባይ እት ቆፋን ደኡ። እቲ እቶ ቃረትተ፤ እሻቲዋዳን ሲቀትተ፤ ቃይ እቲ እቶ ከክያዋንታን ህንተ ሁጲያ ካውሸያዋንታ ግድተ።

9 ኢታ ድራው ኢታ ዋይ ሸቃ ድራው ሸቃ ዛርጥተ፤ ሄዋ አጊደ፡ ጸሳይ ህንተንቲ ኦገጃዋ ላታናዳን ህንተና ጸሴዳ ድራው፡ አገጅተ።

10 እያው ጎጥ፡ ጸሳ ማጸፋይ ሀዋዳን ያጌ፤ “ደኡዋ ደሰያዌን ሎኦ ጋላሳ በአናው ኮይያዌ ኦና ግደጥን ባረ አንጸርሳን ኢታባ ሃሳይያዋን ዋርዲዋ ኦድያዋ አጎ።

11 “ኢታባ ኦሐያዋ አጊደ፡ ሎኦባ ኦሎ፤ ሳርተላካ ሎይሶ ኮዮን ካላናው ባጸቶ።  
12 “አያው ጎጥ፡ ጎዳ እይራ ጽሎቲዋኮ ጸሌ፤ ቃይ ኦ ሀይላይ ኡባ ዋደ ኦንቲንቲ ዋሳው ደያ ደኡ። ሸን ጎዳይ ኢታባ ኦሐያዋንታ ባረ ሀንቁዋ ሰምእያን ጸሌ” ያጌ።

13 ህንተ ሎኦባ ኦላናው አዋቶጥ፡ ህንተና ቆሀናዌ ኦኒ?  
14 ሸን ሀራይ አቶ፡ ጽሎተላ ድራው ህንተ ዋየቶጥካ፡ አገጅቲዳዋንታ። አሳው ያዮጥተን ሀርሳጥተ።

15 ሸን ክርሰቶሳ ህንተ ዋዛናን ቦንቶተን ኦ ህንተ ጎዳ ኦሎ። ጸሳይ ህንተንቲ ሀይቲዳ ደኦ ጋሱዋ ኦቕያ ኦስን ዛራዋ እማናው ኡባ ዋደ ጊግ ኡትተ፤

16 ሸን ሄዋ አሸከተላንን ያሻተላን ኦሎ። ቃይ ክርሰቶሳን ህንተ ደኡያ ሎኦ ደኡዋ ኢታባ ኦሐያዋዳን፡ ህንተ ቦላን ኢታባ ሃሳይያ አሳይ ባረ ዝግርያዋን ዌላታና ማላ፡ ህንተ ዋዛናይ ጌሻ ግደ።

17 እያው ጎጥ፡ ጸሳይ ጌዳዋ ግደጥ፡ ኢታባ ኦሐዳ ድራው ዋየትያዋጥ፡ ሎኦባ ኦሐዳ ድራው ዋየትያዌ ከካ።

- 18 እያው ጎጥ፣ ክርስቶስ ኑና ጸሳኮ አፋናው፣ ባረጢ ጽሎ ግዲደ፣ ማካላንቻቱዋ ድራው፣ እት ገደ ኡባ ናጋራው ሀይቄዳ፤ እ ባረ አሳተላን ሀይቄዳ፤ ሽን እያናን ገጸዳ።
- 19 ቃይ ሄ እያናን፣ ቃሹዋን ደእያ አያናቱዋኮ ቢደ፣ ኡንቱንቶ ቃላ ኑዳዳ።
- 20 ሄ እያናቱ አማራዳ፣ ሆሰፑን አሳቱ ሃሳን አቴዳ ማርካብያ ሮሄ ኬጽሸን፣ ጸሳይ ዳንዳዪደ ጋምኤዳ ዋደ፣ ጸሳው አዛዘትቤና አሳ አያናቱዋ።
- 21 ሄዋ ጽንቃታው ሊምሱዋ ግዲደ፣ ህንተና ሀእ አሼ፤ ሱሪ ዋዛናጥ ጸሳ ዋሰያዋጥ አትን፣ ቦላ ቅታ ማጭያዋ ግደና፤ ሄዋ ህንተና የሱስ ክርስቶስ ሀይቄዋጥ ደንዳዳዋን አሼ።
- 22 ሳሎዋ ቢደ ጸሳጥ ኡሸቻ ባጋን እ ኡቲደ፣ ከታንቻ ኡባ፣ ማታና ደእያዋንታን ዋልቃማቱዋ ዋዳ።

### 4

#### ጌሻተላን ደእና ደእዋባ

- 1 ሄዋ ድራው፣ ክርስቶስ ባረ አሹዋን ኑው ዋየቱዳ ድራው፣ ህንተካ ሄ ቆፋን ዳንጨትተ። እያው ጎጥ፣ ባረ አሹዋን ዋየቱዳ ኡራይ ናጋራ አላያዋ አጌዳ።
- 2 ሀዋጥ ሰንሳን፣ ሀ ሳእን ሸምቱዋና ደእናው አቴዳ ዋድያን፣ ጸሳይ ኮይያዋዳን ደእናው በሰያዋጥ አትን፣ አሳ አሙዋዳን ደእናው በሰና።
- 3 እያው ጎጥ፣ አማና አሳይ አሳናው ደሰያዋ ህንተ አሊደ፣ ዋሹማናው ካጄልያዋን፣ አሙዋን፣ ማሉዋን፣ የሳን፣ ኡሻን፣ ፖክያ ኤቃው ጎይንያዋን፣ ደኤዳ ካስ አጄዳ ዋዲ ህንተንቶ ግዳናዋ።
- 4 አማና አሳና ህንተ ሸራይ ባይና ኡሱዋ አትጥ ኑና ድራው ማላለቲደ፣ ህንተና ቦሪና።
- 5 ሸን ኡንቱንቱ ገጸ ደእያ አሳ ቦላን ሀይቄዳ አሳ ቦላ ፕርዳናው ገግ ኡቴዳ ጸሳው ዛሩዋ አማና።
- 6 ሀይቄዳ አሳይ \* ባረ አሳተላን አሳይ ፕርደትያዋዳን ፕርደታናውን ቃይ እያናን ጸሳይ ደእያዋዳን ደእናው፣ ዋንጋላ ሞሽራቹ አንቱንቶ ሄዋ ኦደቲዳ።

#### ጸሳይ አሜዳ አዋታቱዋ ሎይላ አይሰያዋ

- 7 ኡባባውካ ዉርሰሳይ ማታቲዳ። ሄዋ ድራው፣ ጸሳ ዋሳናው ቆፋን ጌዪደ፣ ህንተና ናግተን ምንተ።
- 8 ሰቄ ዳር ናጋራ ካምያ ድራው፣ ኡባባጥ አሊደ አቱ አቱዋና ዋዛናጥ ሰቀትተ።
- 9 ዘዙመናን አቱ አቱዋ አማተላን ሞክተ።
- 10 ህንተ ሁጲያን ሁጲያን ጸሳጥ ዲማ ዲማ አጽ ኬካተላ አኬዳዋዳንካ፣ ጸሳ ዲማ አሙዋ ሀዳራ ሎይላ ከሰያዋንቱዳን፣ አቱ አቶ አላተ።
- 11 የሱስ ክርስቶሳ ባጋና ኡባባን ጸሳይ ጋላተታና ማላ፣ ኡን ኑድያዋ ግደጥ፣ ቃላ ጸሳጥ አኪደ ኡድያዋዳን ኦደ። ቃይ ኡን ማድያዋ ግደጥ፣ ጸሳይ አዉ አምያ ዋልቃን ማደ። ቦንቹን ጎዳተላይ ጸሳው መጅናጥ መጅናው ግደ። አመንእ።

#### መቱዋ ዋደ ምንያዋ

- 12 ታ ሲቃቶ፣ ህንተ ግደን ታማዳን ጉዲደ ገጭያ ዋዪ ይያዋ ኦራሳባይ ህንያዋዳን ማላለቶጥተ።
- 13 ሸን ክርስቶሳ ቦንቹ ቤትያ ዋደ ህንተ ናሸታና ማላ፣ አናና ዋየትያዋን ናሸትተ።
- 14 አሳይ ህንተና ክርስቶሳ ሱንላ ድራው ቦርያዋ ግደጥ፣ ህንተ እንጀቲዳዋንታ፤ እያው ጎጥ፣ ቦንቹ እያናይ፣ ጸሳ እያናይ፣ ህንተ ቦላ ሸምጋና።
- 15 ህንተጥ ኡን ሸምቱዋ ዋጄዳዋዳን፣ ዋይ ካይሱዋዳን፣ ዋይ ኢታባ ኡሉዳ አሳዳን፣ ዋይ ሀራ አሳ የዉዋ ገሊዳዋዳን ዋየቶ።
- 16 ሸን ኡን ክርስታንያ ግድያ ድራው ዋየቶ፣ ክርስቶሳ ሱንላ ድራው፣ ጸሳ ጋላተታጥ አትን፣ ዬላቶ።
- 17 እያው ጎጥ፣ ፕርዳይ ጸሳ ጎልያን ደመትያ ዋዲ ጋኬዳ። ቃይ ሄ ፕርዳይ ኮይር ኑ ቦላ ደመትያዋ ግደጥ፣ እ ዋንጋላው አዛዘተናዋንቱ ዉርሰሳይ እያ ግዳኔ?
- 18 ጽሎ አሳይ ቱጋን አትያዋ ግደጥ፣ ማካላንቻይን ናጋራንቻይ ያትና ዋናኔ?
- 19 ሄዋ ድራው ቃይ፣ ጸሳይ ጌዳዋዳን ዋየትያዋንቱ ሎኦባ አሊደ፣ ባረንቱ ሸምቱዋ ሀዳራ ባረና መጄዳ አማነትያ ጸሳው አምና።

### 5

#### ጸሳ አሳ አይሳናው አመቲዳ ዘርያ

3:20 ደመላ 6:1—7:24 \* 4:6 ሀይቄዳ አሳይ፡- የሱሳ አማናጥ ካሰና ሀይቄዳዋንታ ዋይ ሮሄ ዋደ አሳቱዋ። 3:19 ጴልተ። 4:8 ሊም. 10:12 4:18 ሊም. 11:31

1 ስም ታን ዋሳ ጎልያ ጭማቱዋና ጭማ ግድያዋ፤ ክርስቶስ ዋይያ ማርካትያዋ፤ ቃይ ቆንጫና ቦንቹዋ ሻካናዌ ህንተ ግደን ደእያ ጭማቱዋ ዘራይ።

2 ህንተ ግደን ደእያ ጸሳ ዉድያ ጸሳይ ኮይያዋዳን ሄሞተ። ደሱዋናፕ አትን፤ ዋልቃን ግደና። ቃይ ህንተ ጎአ ጸላላ ጸለናን፤ ሎኦ ቆላን ሄሞተ።

3 ዉደዉ ህንተ ሌምሱዋ ግድተፕ አትን፤ ህንተ ሄምያዋንታ ዋልቃን ሄሞፕተ።

4 ቃይ ሄምያዋንቱ ካፑ ቆንጭያ ዋደ፤ ባየና ቦንቾ ካላቻ ህንተ አካና።

5 ሄሞዳንካ ያላጋ አሳቶ፤ ጭማቶ ሞደትተ። ኡባይካ እቱ እቶ ኦላናዉ ህንተ ሁጲያ ካዉሽያዋ አፍላዳን ማይተ። እያዉ ጎፕ፤ ጸሳይ ኦቶረትያዋንታ እጾ፤ ሽን ባረና ካዉሽያዋንቶ አቶ ኬካተላ አሜ።

6 ጸሳይ ባረ ሎኦ ዋድያን ህንተና ቶቁ ኦላና ማላ፤ ዋልቃሙ ጸሳ ኩሽያፕ ጋርሳና ህንተና ቶቶተ።

7 እ ህንተንቶ ቆፕያ ድራዉ፤ ህንተና ህርግሰያ ኡባባ እ ቦላ ኦልተ።

8 ጸላህያ ካፑ፤ ህንተ ሞርኪ፤ ሞትያ ኡራ ኮዪደ፤ ጉድያ ጋሙዋዳን ህንተ ዩሹዋን ዩይያ ድራዉ ናገትተን ቤጎትተ።

9 ሳእን ደእያ ህንተ አሻቱ ሄሞዳን ዋየትያዋ ኤሪደ፤ አማኑዋን ሞኒደ፤ አናና ኤቀትተ።

10 አቶ ኬካተላ ኡባ ጸሳይ፤ ባረ መድና ቦንቾ ክርስቶስ የሱሳ ባጋና ህንተና ጴሴዳዋ፤ አማራዳ ዋድያ ህንተ ዋየቱዳዋፕ ጉይያን፤ እ ባረ ሁጲዉ ህንተና ሸር ኡራላናን ሞንሳና። ቃይ እ ህንተና ማዳናን ባስ ኤሳና።

11 ዋልቃይ መድናፕ መድና ጋካናዉ እዉ ግደ። አመንእ።

**ዉርሰላ ሳሮታ**

12 ሀዌ ጸሳ ቱሙ አቶ ኬካተላ ግድያዋ ታን ህንተንቶ ማርካታደን ህንተና ዘራደ፤ ህንተንቶ ቃንላን ጸፊዳ ዳብዳቢያ አማነትያ እሻ ጋደ ታን ቆፕያ ሰላሰ ቦላ ኪታድ፤ ሄ አቶ ኬካተላን ሞኒድታ።

13 ህንተናና አትፕ ደረቴዳ ባብሎን \* ደእያ ዋሳ ጎልያ አሳይን ታ ናእይ ማርቆስ ህንተና “ሳሮ ሳሮ” ገና።

14 ሲቁዋ የረታ የረቲደ፤ እቱ አቱዋ ሳሮትተ።

ህንተዉ፤ ክርስቶሳና እቱዋ ግዴዳዋንቶ ኡባቶ ሳሮተሳይ ግደ። አመንእ።

5:5 ሌሞ. 3:34 \* 5:13 ባብሎን፡- ሳፃ ማጻፋ ቆፋዳን፤ ሀ ሱጎላይ ሮሙ ጉሳ ግደናን እገና።

# ጳጳሮስ ጳፌዳ ላኤንላ ኪታ ገሌጥ

የሱስ ከቴዳ ጳጳሮስ ጳፌዳ ላኤንላ ኪታይ ጳፈቴዳዌ፣ ዲማ ዲማሳን ደእያ፣ በን አማንያ አሳቱዋሳ። ኪታዉ ሁጳ ፍፋይ ዋርዶ አስታማራቱዋ ኢታ ኦሱዋን ኢንቱንቱ ትምርትያ ጋሱዋን መጠቴዳ ፖኮ ደኡዋ ኤቀትያዋ። መጠቴዳ መታቱዋ ቃራናዉ ማዶ ግድያዌ የሱሳ ባረንቱ አይፍያን በኤዳን እ ታማርሲያ ዋደ ባረንቱ ሀይላን ሰሴዳ አሳቱ ታማርሴዳ ትምርትያ ባጋና ጸሳባን ጎዳ የሱስ ክርስቶሳዋ አማንልያ ኤራ ደምያዋ። ጳፌ ዲማ ናጊደ ኦዴዳባይ፣ “ክርስቶስ ላኤንላ ዬና” ያግያ ዋርዲዋ ትምርትያባ። ሄዋ ጸልያዋን ሃሳዪደ፣ “ክርስቶስ ሰሚደ ዬናን ጋምኤዳዌ፣ ጸሳይ፣ እሳይ ኡባይ ባረ ናጋራፕ ሰማናዋፕ አትን፣ ኦንን ጳያናዋ ኮየና ድራሳ” ያገ።

## ሸምፓቱዋ ኡባዳ እመቴዳ ቃንሳ ፍፋቱዋ

ገሌጥ 1:1-2  
አማንያ አሳ ጸሳ 1:3-21  
ዋርዶ አስታማራቱዋ 2:1-22  
የሱሳ ላኤንላ ዩሳ 3:1-18

1 ታን ሰዋን ጳጳሮስ፣ የሱስ ክርስቶሳ ጽሎተሳ ባጋና ኑዋ ማላ አማኑዋ አኬዳዋንቶ፣ ሀ ዳብዲቢያ ጸፋይ።

2 ጸሳን ኑ ጎዳ የሱሳ ህንጉ ኤርያዋን አጼ ኬካተሳይን ሳርተሳይ ህንጉንቶ ፓላሂደ ግደ።

ጸሳ ጸሳን እ ደሩዋ

3 ኑን ጸሳ ቦንቹዋን ሎኦተሳ ላታና ማላ፣ ኑና ጸሴዳዋ ኑን ኤርያዋን፣ ደኡዋስን ጸሳ ማላቱሳዉ ኑና ኮሽያዋ ኡባ ጸሳ ዋልቃይ ኑዉ እሚደ።

4 ህንጉ አ እሙዋ ባጋና ሳኢን ደእያ ባይዘያ እሙዋፕ ከሰ አካናዳንን ጸሳ ጸሳተሳ ላታናዳን፣ እ ባረ አማና ጌዳ ዳር ዋልቃማን አልኦ እሙዋ ኑዉ እሚደ።

5 ሄዋ ድራዉ፣ ህንተና በሰያዋ ኡባ ምን ኦሊደ፣ ህንጉ አማኑዋ ቦላ ሎኦተሳ፣ ሎኦተሳ ቦላ ኤራተሳ፣

6 ኤራተሳ ቦላ ህንተና ናግያዋ፣ ህንተና ናግያዋ ቦላ ገንጫ፣ ገንጫ ቦላ ጸሳ ማላትያዋ፣

7 ጸሳ ማላትያዋ ቦላ እሻተሳ ሲቁዋ፣ እሻተሳ ሲቁዋ ቦላ ሲቁዋ ጉጅተ።

8 እያዉ ሳፕ፣ ሀዋንቱ ህንጉንቶ ሎይሰ ዳርያዋ ግደፕ፣ ህንተና ጎዳ የሱስ ክርስቶሳ ኤራተሳን ትሻን አይፍያና ደእያዋንታ ኦሳና።

9 ሸን ሄዋንቱ ባይና ኡራይ ባረ ማታን ደእያዋ ጸላላ ደሜ፤ ቃይ እ ቆቃ፤ እ ካሰ ኦሌዳ ናጋራይ አቶ ጌተቴዳዋ ደጌደ።

10 ሄዋ ድራዉ፣ ታናዳን ጸሳ ካልያዋንቶ፣ ህንተና ጸሳይ ጸሴዳዋን ደራዳዋ ሎይሰ ኤርሳናዉ፣ ካሰዋፕ አጅ ምንተ፤ እያዉ ሳፕ፣ ህንተ ሄዋ ኦሳያዋ ግደፕ፣ ጱበትክታ።\*

11 ህዋዳን ቃይ ኑ ጎዳን ኑና እሸያ የሱስ ክርስቶሳ መድና ካዉተሳ ገልያ ኩመንሳ ማታይ ህንጉንቶ አመታና።

12 ሄዋ ድራዉ፣ ህንተ ሀ የዋቱዋ ኤርያዋ ግደፕ፣ ቃይ ህንተ አይቄዳ ቱሙዋን ምኤዳዋንታ ግደፕ፣ ታን ህንተና ሀ የዋቱዋ ኡባ ዋደ ሀሳይሰያዋ አገከ።

13 ታን ፓጸ ደኤዳ ከናን፣ ህንተና ሀሳይሳይ ቃሰሳናዉ ኮሽያዋ ታዉ ማላቱ።

14 ኑ ጎዳይ የሱስ ክርስቶስ ታዉ ቆንጭያን ኦዴዳዋዳን፣ ታን ሀ ሀይቂያ አሳተሳ ጋምኤናን ቃራ አላናዋ ኤራይ።

15 ታን ሀይቂዳዋፕ ጉይያን ግድናካ፣ ህንተ ሀ የዋቱዋ ኡባ ዋደ ቆፓናዉ ዳንዳናን ማላ፣ ታዉ ዳንዳየቴዳዋ ኡባ ኦሳና።

## ክርስቶሳ ቦንቹዋ ባረ አይፍያን በኤዳ ማርካቱዋ

16 ኑን አ ዋልቃማ ቦንቹዋ ኑ አይፍያን በኤደ ኦደቶፕ አትን፣ መድ አኬዳ ቶሳን ኑ ጎዳ ክርስቶሳ ዋልቃን ዩሳ ህንጉንቶ ኦድበይኩ።

17 እያዉ ሳፕ፣ ዳር ዋልቃማ ቦንቹዋፕ፣ “ታን እን ዳር ናሽጎታ ታ ሲቆ ናአይ ሀዋ” ያግያ ኮሻይ ዬዳ ዋደ፣ ጸሳ አዉዋፕ ቦንቹዋን ጋላታ እ አኬዳ።

18 ቃይ ኦንካ ጌሻ ደርያ ቦላን አናና ደኤደ፣ ሄ ኮሻይ ሳሉዋፕ ዬዳዋ ሰሴደ።

\* 1:10 ጱበትክታ- ናጋራን ከንድክታ።

19 እሳይ ሄዋፕ ሎይሎ አድያ ትምቢትያ ኦድያዎንቴ ሃሳዬዳ ኑና ሎይሎ አማንሎያ ቃላይ ኑወ ደኤ፤ ሀንተ ሄ ቃላ ናግያዋ ግደፕ ሎይሎድታ። እያወ ጎፕ፡ ሄዋ ሳኢይ ዋንታና ጋካናሰነ ዋንታ ጸልንትያ ፖኤ ሀንተ ዋዛናን ፖኤና ጋካናወ። ሓማን ፖኤና ፖኤዋ ማላ።

20 ኡባፕ ካሰቲደ፡ ሀዋ ኤርተ፤ ጸሳ ማጻፋን ጻፈቲዳ ትምቢትያ ኦዴዳዋ ኦንነ ባረካ ብላናወ ዳንዳየና።

21 እያወ ጎፕ፡ ትምቢትያ ኦዴዳዋ ኡባይ ጌሻ አሳቱ ጌሻ እያናይ ካለለና፡ ጸሳ ቃላ ሃሳዬድናፕ አትን፡ አሳ ሸንያን ሃሳየትቤና።

## 2

### ዋርዶ አስታማራቱዋ

1 ሸን ትምቢትያ ኦድያ ዋርዳቱ አሳ ግደን ካሰ ደእያዋዳን፡ ሀንተ ግደንካ ዋርዳዋ ታማርሰያዋንቴ ደእና። ኡንቱንቴ ባረና ዋዜዳ፡ ጎዳ ካዲደ፡ ባይዝያ ዋርዶ ትምርትያ አሀና፤ ቃይ ኡንቱንቴ እኪከና ባሻ ባረንቴ ቦላ አሀና።

2 ቃይ ዳር አሳይ ሴላይያ ኡንቱንቴ ኢታ ኦግያ ካላና፤ ኡንቱንቴ ጋሱዋን ቱሙዋ አጊ ቦረታና።

3 ዋርዳዋ ታማርሰያ ሄዋንቴ ሻሎ ያረትያዋን ባረንቴ መቼ እኪዳ ቶሳን ሀንተና ቦንቃና፤ በንፕ ደሚደ፡ ኡንቱንቴ ፕርዳይ ግገ ኡቲዳ፤ ኡንቱንታ ጳይሰያዌ ቤንቲደ ናጌ።

4 ናጋራ ኦሌዳ ኪታንቻቶ ጸሳይ ቃረተናን፡ ፕርዳ ጋላሳይ ጋካናወ ሓማ ኦላን ኡንቱንቴ ቃሸት ኡቲዳ ጋናምያን የጌዳ።

5 ጸሳይ ናጋራንቻቱዋ ቦላ ባሻ ሃላ የዴዳፕ አትን፡ በን አሳወ ኬክቤና፤ ሸን ጽሎተላባ ኦዴዳ ናሀነ ሀራ ላፑ አሳቱዋ አሸዱ።

6 ጸሳይ ሶዶማን ጋምራ ግያ ካታማቱዋ ቢታ ብድንላ ኦሌደ፡ ጉድ ጳይሲደ፡ ናጋራንቻ ግድያዋንታ ጋካናወ ለምሱዋ ቱዳደ።

7 ሀገወ አዛዘተና ቱናተላ ኦሌያ አሳቱዋ ግደን ቱጋቲደ ደእያ ጽሎዋ ሎጻ ጸሳይ አሸዱ።

8 ሄ ሎኦ ብታጌ ኡንቱንቴ ግደን ደኤደ፡ ኡንቱንቴ ኦሌያ ኢታ ኦሱዋ ጋላሰ በኤዳ ዋደነ ሰሴዳ ዋደ አ ሎኦ ዋዛናይ ኡንኤቲዳ።

9-10 ሄዋ ግደፕ፡ ጎዳይ ጸሳወ ጎይንያ አሳቱዋ ፓጭያፕ ዋት አሻንንቶ ኤሬ፤ ናጋራንቻቱዋ ቃይ ኡባፕ አሌደ፡ ቱና አሙዋን አሸዋ አሙዋ ካልያዋንታን ቃይ ጸሳ ዋልቃ ካድያዋንታ፡ ፕርዳ ጋላሳይ ጋካናወ ጎዳይ ሙራይ ዋፋናዋካ ኤሬ።

ዋርዳዋ ታማርሰያ ሄዋንቴ ጸላነ ኦቶራንቻ ግዴዳዋን፡ ቦላን ደእያ ቦንሾ መታታ ቦሪናፕ አትን፡ ቦንቻክና።

11 ሄ ዋርዳዋ ታማርሰያ አሳቱዋፕ ዳር ምናነ ዋልቃማ ግድያ ኪታንቻቱካ ኡንቱንታ ጎዳ ሰንላን ቦርያን ዋታናወ ኮይክና።

12 ሸን ሄ አሳቱ ኦይቀቲደ ጳያናወ የለቲዳ ባረንቴ መታታን ዋዛናይ ባይና ዋራ ደእቱዋዳን ሀኒና፤ ኡንቱንቴ ኤረናባ ቦሪና፤ ቃይ ባረንቴ ባይዙዋን፡ ኡንቱንቴ ሙ ጳያና።

13 ኡንቱንቴ ባረንቴ መጴዳ መቱዋን መቶታና፤ ጋላሰ የጸደ ዱርያዋ ናሸቾያባ ጊደ ቆፒና፤ ኡንቱንቴ ካወሸሰያዋንታን ቱናቱዋ ግድ ኡቲደ፡ ሀንተናና ምያ ቁማ ሙሳን ናሸቲና።

14 ጫራትያ ማጫ አሳ ጾልያዋ አገና እይሬ ኡንቱንቶ ደኤ፤ ቃይ ናጋራ ኦሌያዋካ አግክና። አማኡዋን ምንቢና አሳ ጭሚና። አሙዋ ዶዬዳ ዋዛናይ ኡንቱንቶ ደኤ፤ ኡንቱንቴ ሸቀቲዳዋንታ።

15 ሱሪ ኦግያ አጊደ ባሊድና። ብኡራ ናኣ ባላማ ኦግያና ቤድና፤ ባላም ማካላን ሚሻ አካናወ ኮዬዳ።

16 እ ትምቢትያ ኦድያዋ፤ ሸን አ ናጋራ ድራወ፡ አ ሀሪ አሳዳን ሃሳያን ሴሪደ፡ ጎሻ ማላ ሀቲዋፕ አ ተኤዳ።

17 ሄ አሳቱ መል ድጌዳ ፑልቱዋ ማላ፤ ቃይ ጎቱ ቶኪደ አፍያ ሻርያ ማላ፤ ጸሳይ ኡንቱንቶ ሳካና ሓማ ግገሰ ዋሌዳ።

18 እያወ ጎፕ፡ ኡንቱንቴ መላነ ኦቶር ሃሳያ ሃሳዬና፤ ባሊደ ደእያ አሳፕ ከሰ ዬዳዋንታ ዋልቃማ አሸዋ አሙዋን ጭሚና።

19 ኡንቱንቴ ባረካ ባሻ አሙዋና ደኤደ ኡንቱንታ፡ “ሀንተ እይለተላፕ ከሳና” ያጊና፤ እያወ ጎፕ፡ እት አሳይ ባረና ጸኔዳባወ እያወነ እይልያ።

20 ኡንቱንቴ ኑ ጎዳን ኑና አሸያ የሱሰ ክርሰቶሳ ኤራተላን ሀ ሳኣ ቱናተላፕ ከሰ እኪዳዋፕ ጉይያን፡ ጉየ ሰሚደ፡ እን ሓብቲደ ጸንትያዋ ግደፕ፡ ካሰ ደእያ ደኤዋፕ ጉየዌ ኡንቱንቶ ኢታና።

21 እያወ ጎፕ፡ ኡንቱንቶ አሙቲዳ ጌሻ አዛዙዋ ኤሪደ አግያዋፕ ኡንቱንቴ ጽሎተላ ኦግያ ኤረናን አግንቶ ሎኦ ሸን።

22 “ካናይ ባረ ጮሻኮ ጉዮ ሰሜ” ግያ ሊምሱነ ቃይ፣ “ሜጩቲዳ ጉዳገሳይ ጉዮ ሰሚድ፣ ኡርቃን ጎንድረቲ” ግያ ሊምሱ ቱማ ግድያዎ ኡንቱገታ ጋኬዳዌ በሴ።

### 3

ጎዳይ የሱሰ ያና ናሽቻ

1 ታ ሲቃቶ፣ ሀዌ ታን ህንተንቶ ጳፌዳ ላኤንሉ ዳብዳቢያ፤ ታን ሄ ላኡ ዳብዳቢቱዋካ ህንተ ሱረ ቆፋ ቆጋናዳን ደንባፋናዉ ህንተና ሀሳይሳናዳን ጸፋድ።

2 ገሻ ግዴዳ ናባቲ በን ኦዴዳ ቃላ ህንተ ሀሳያና ማላን ጎዳይ ህንተና አሸያዌ፣ ባረ ኪቲዳዋንቲ ባጋና ህንተና አዛዜዳ አዛዙዋ ህንተ ሀሳያና ማላ ኮያይ።

3 ዋድያ ዉርሰላን፣ አሳ ቶቶያ ባረንቲ አሙዋዳን ደእያዋንቲ አሳ ቶቺደ ደንዳናዎ ኡባጥ ካሰቲደ ኤርተ።

4 ኡንቲንቲ፣ “አ ሳና ያጌዳ። ግቤኔ? ያትና ሀቃን ደኢ? እያዉ ሳጥ፣ ኑ አዎቲ ሀይቂ ድጌድና፤ ሽን ኡባባይካ ሳኦይ መቶደጥ ደሚደ ደእያዋዳንካ ደኤ” ያጋና።

5 ዳር ዋድያጥ ካሰ ጸሳይ ሃሳይና፣ ሳሉነ ሳኦይ መቲዳዋ ኤሪደ፣ ኡንቲንቲ አኬከናን እጼድና። ሳኦይ ሃሳጥነ ሃሳን መቲዳ።

6 ቃይ ሄዋ ጋሱዋን፣ ሄ ዋደ ደእያ ሳኦይ ሄ ሃሳን ሞተት ጳዬዳ።

7 ሸን ሀኦ ደእያ ሳሉነ ሳኦይ፣ ጸሳዉ ጎይነና አሳቲ ፕርደትያ ጋሳሳይነ ጳይያ ጋሳሳይ ጋካናዉ ታኪደ፣ ሄ ቃላን ታማ ናገና።

8 ሸን ታ ሲቃቶ፣ ሀ እት የዋቶ ደጎጥተ፤ ጎዳ ማታን፣ እት ጋሳሳይ ሻኦ ላይላ ማላ ግድያዋን፣ ቃይ ሻኦ ላይሳይ እት ጋሳሳ ማላ ግድያዋ ደጎጥተ።

9 እቲ እቲ ቆጥያዋዳን፣ ጎዳይ ባረ ኦላና ጌዳዋ ኦላናዉ ታከና፤ ሸን ኦንነ ባረ ናጋራጥ ሰማናዳን ኮዌጥ እትን፣ ኦንነ ጳያና ማላ ኮየና ድራዉ፣ ህንተዉ ገደ ዳንዳያን ጋምኤ።

10 ሸን ጎዳ ጋሳሳይ ካይሱዋዳን ያና። ሄ ጋሳሰ ሳሎቲ ዋልቃማ ጉንላን ጳያና፤ ሳሎዋ መታቲ ዋልቃማ ሴላን ሲላና፤ ሳኦይነ አ ቦላን ደእያ ኡባባይ ጳያና።

11 ኡባባይካ ሄዋዳን ጳይያዋ ግደጥ፣ ህንተ አይ ማላ አሳ ግዳናዉ በሲ? ህንተ ደኤ ጌሻነ ጸሳ ማላትያዋ ግዳናዉ ኮሺ።

12 ህንተ ጸሳ ጋሳሳ ናግሸና፣ ሄ ጋሳሳይ ኤለካ ጋካናዳን፣ ህንተንቶ ዳንዳየትያዋ ኦላተ፤ ሄ ጋሳሰ ሳሎቲ ጉደቲደ ጳያናን ሳሎዋ መታቲካ ዋልቃማ ሴላን ሲላና።

13 ሸን ኑን ጸሳይ እማና ጌዳ ኦራላ ሳሎዋን ኦራላ ሳኦ ጸሎ ደእናሳ ናጌቶ።

14 ሄዋ ድራዉ፣ ታ ሲቃቶ፣ ሄ ጋሳሳ ናገደ፣ ፖኩነ ዬላይያባይ ባይናዋንታ ግዲደ፣ እናና ሳርተላን ደእና ማላ ሎኦባ ኡባ ኦላተ።

15 ጎዳ ዳንዳያይ አቶተላ ግድያዋ ህንተ ዋካናን ቆጥተ፤ ሄዋዳን ቃይ ኑ ሲቆ አሻይ ጳዉሎሰ፣ ጸሳይ ባረዉ እሜዳ አይዳ ኤራተላን ህንተንቶ ጳፌዳ።

16 ባረ ጳፍያ ዳብዳቢያን፣ ሄ የዉዋባ ጳፍያ ዋደ፣ ታማርቤና አሳቲነ ምንቤና አሳቲ ሀራ ጸሳ ማጸፋቲዋ ጌላይያዋዳንካ፣ ሄ ዳብዳቢያ ግድን ደእያ አከካናዉ ዋይሰያ የዉዋ ጌላዪና። ኡንቲንቲ ሄዋ ኦላያዋን ባረንቲ ቦላ ባሻ አሂና።

17 ሄዋ ድራዉ፣ ታ ሲቃቶ፣ ህንተ ሄዋ ኤርያ ድራዉ፣ ማካላንቻቲዋ ባላን ጭመቲደ፣ ዋራ ቤና ማላነ፣ ቃይ ምኒደ ደእያ ሳኦጥ ኩንደና ማላ ናገትተ።

18 ሸን ህንተ ኑ ጎዳ፣ ኑና አሸያ የሱሰ ክርሰቶሳ አቶ ኬካተላንነ ኤራተላን ድጭተ። አዉ ሀኦነ ሙድና ጋሳሳይ ጋካናዉ ጋላታይ ጋኩ። አመንአ።

# ዮሃንስ ጻፊዳ ኮይሮ ከታ ገሉዋ

የሱስ ከቲዳ ዮሃንስ ጻፊዳ ኮይሮ ከታይ፡ ላኢ ሁጸ ቆፋቱዋ ኦይቄዳ፤ ሄዋንቲካ፡ ናባብያዋንቶ ጸሓፍን እ ናኣ የሱስ ክርስቶስና እትተላይ ደእናዳን መንግሥትና ህ እትተላ ጳይሳናው ዳንዳይያ ዋርዶ ትምርትያ፡፡ እንቲቲካ ሃካና ማላ፡ ሞንሲደ እኬክሳናሳ፡ ሄ ዋይ ደንዴዳ ዋርዶ ትምርቲ “ኢታተላይ ፑልትያዌ ሀ ኑን ደእያ ዋልቃማ አላምያና ጋከትያ ጋከላና ግድያ ድራው፡ ጸሓ ናኣይ የሱስ ሙሊካ አሳ ግዳናው ዋይ፡ አሳተላ ኤቫይ አው ደእናው ዳንዳየና” ያግያዋ፡፡ ሄ እስታማራቲ፡ “እቶተላ ጉሳይ አላምያ ደኦ እንኤትያዋ፡ ላኦ ከሰያዋ” ያገኛ፡፡ ሄዋ ቦላካ ቃይ “ኢታካ ከካ ቫኪደ ኦይቄያዋ ዋይ፡ ሀራ አሳው ሲቁዋ በሰያዋ ግድግዳ፡ እቶተላና እንቲቲካ ጋልያባይ ባዋ” ያገኛ፡፡

ጸፊ ሀ ትምርትያ ኤቀቲደ፡ “የሱስ ክርስቶስ ፖሎ አሳ፤ የሱሳን አማንያዋንቲ፤ ጸሓ ሲቅያዋንቲ ኡባይ ባረንቲ ግድግዳ እቲ እቲዋና ሲቅታናው በሴ” ያገደ ኦይዳ፡፡

### ሸምጋቲቱዋ ኡባቶ አመቲዳ ቃንላ ቆፋቲቱዋ

- ገሉዋ 1:1-4
- ፖሎዋን ጴማ 1:5—2:29
- ጸሓ ናናን ጸላህያ ናና 3:1-24
- ቱሙዋን ባለሉዋ 4:1-6
- ሲቁዋ ኦሱዋ 4:7-21
- ጸንያ አማኑዋ 5:1-21

### ደኡዋ ቃላ

- 1 ኑን ኮይራዋ፡፡ ደሚደ ደእያ፡ ኑ አይፍያን በኢደ፡ ኑ ኩሸያን እ ቦቾ በኤዳ ደኡዋ ቃላባ ህንተንቶ ጸፊቶ፡፡ ኑን እ በኤደ፤ ኑ ኩሸካ እ ቦቾ በኤዳ፡፡
- 2 ሄ ደኡ ቆንጭና፡ ኑን እ በኢደ፡ አባ ህንተንቶ ማርካቲቶ፤ ቃይ ጸሓ አውዋ ማታን ደእያ ኑው ቆንጭዳ መፅና ደኡዋባ ህንተንቶ ኦይቶ፡፡
- 3 ቃይ ኑና ህንተንቶ እትተላይ ደእና ማላ፡ ኑን በኤዳዋን ሰሴዳዋ ህንተንቶ ኦይቶ፤ ኑው አውዋናን እ ናኣ የሱስ ክርስቶስና እትተላይ ደኡ፡፡
- 4 ኑን ኑ ናሸቻይ ፖለታና ማላ፡ ሀዋ ህንተንቶ ጸፊቶ፡፡

### ጸሓይ ፖሎዋ

- 5 ኑን ጸሓ ናኣ፡ ህንተንቶ ኦይያ ከታይ፡ “ጸሓይ ፖሎዋ፤ እን ጴማይ ሙሊካ ባዋ” ያግያዋ፡፡
- 6 ኑን ኑው እናና እትተላይ ደኡ ገደ ጴማን ደእ፡ ኑ ሃሳያንን ኑ ኦሱዋን ዋርዶቲቶ፡፡
- 7 ሸን ፖሎዋን እ ደእያዋዳን፡ ኑን ፖሎዋን ደእ፡ ኑው እቶ እቲዋና እትተላይ ደኡ፤ ቃይ እ ናኣ፡ የሱስ ክርስቶስ ሱላይ ናጋራ ኡባ፡ ኑና ጌሼ፡፡
- 8 ኑን ናጋራ ኦልበይኮ ጎ፡ ኑረካ ኑና ጭሜቶ፤ ኑናን ቱማተላይካ ባዋ፡፡
- 9 ሸን ኑን ጸሓው ኑ ናጋራ ፓጸ፡ እ ኑ ናጋራ እቶ ጋናውን ኑ ባይዘ ኦሱዋ ኡባ፡ ኑና ጌሻናው፡ አማንትያዋን ቱሙዋ ኦልያዋ፡፡
- 10 ኑን ናጋራ ኦልበይኮ ጎ፡ ጸሓ ዋርዶዋ ጌቶ፤ እ ቃላይካ ኑ ዋዛናን ደኡና፡፡

## 2

### ክርስቶስ ኑው ጋናትያዋ

- 1 ታ ናቶ፡ ናጋራ ህንተ ኡግዳዳን፡ ታን ሀዋ ህንተንቶ ጸፋይ፤ ሸን እንን ናጋራ ኡላ፡ አውዋ ማታን ኑው ጋናትያ የሱስ ክርስቶስ፡ ጽሉ፡ ደኡ፡፡
- 2 ቃይ ኑን ኑ ናጋራ እቶ ጌተቲሳ ክርስቶስ ባጋና ደሜቶ፤ ክርስቶስ ያርሸቲዳዊ እሳ ኡባ ናጋራ ድጋናጋ፡ እትን፡ ኑ ናጋራ ጸላላ ድጋና ግደና፡፡
- 3 ኑን ጸሓ አዛዙዋ ናጎ፡ ቱሙ፡ እ ኤርያዋ ሄዋን ቫካናው ዳንዳይቶ፡፡
- 4 እት ኡራይ፡ “ታን እ ኡራይ” ገደ፡ ቃይ እ አዛዙዋ ናጎን አጎ፡ ሄ ኡራይ ዋርዶዋ፤ ቱማተላይካ እን ባዋ፡፡



5 ሸን እ ቃላው አዛዘትና ኦና ግደጥነ፣ ሄ ኡራይ ዳሳ ሲቅያዊ ቱሙ ፖለቲዳ። ኑን ዳሳን ደእያዎ ሀዌ ኑና ኤርሱ። ሄዌካ፣  
 6 “ታጎ፣ ዳሳን ደእይ” ግያ ኦንነ ክርሰቶሰ ደኤዳዎዳን ደእናዉ በሴ።

**ኦራሳ አዛዘዎ**

7 ታ ሲቃቶ፣ ታን ሀንተንቶ ኮይሩዋጥ ደእያ ኤጫ አዛዘዎ ዳፋይጥ አትን፣ ኦራሳ አዛዘዎ ዳፍከ፤ ሄ ኤጫ አዛዘ ሀንተ ሰሴዳ ቃላ።

8 ግደጥካ፣ ታን ሀንተንቶ ላኢንሱዋ ኦራሳ አዛዘዎ ዳፋይ፤ ሄ አዛዘዎ ቱሙተላይካ ክርሰቶሳንን ሀንተናን ሴቱ። እያዉ ጎጥ፣ ፉማይ ጳዬ፤ ቱሙ ፖኤ ሀእ ፖኤ።

9 ፖኤዋን ደእይ ጊደ፣ ባረ እሻ እጽያ ኦንነ ሀና ጋካናዉካ ፉማን ደኤ።

10 ባረ እሻ ሲቅያ ኦንነ ፖኤዋን ደኤ፤ ሄ ኡራን ሀራ ኡራ ፉቢያባይ እያይነ ባዎ።

11 ሸን ባረ እሻ እጽያ ኦንነ ፉማን ደኤ፤ ፉማን ሀሙቲ። ፉማይ አ አይፍያ ቆቅሰ ዎሌዳ ድራዉ። ሀቃ ብንቶን ኤረና።

12 ታ ናቶ፣ ዳሳይ ክርሰቶሳ ሱንላ ድራዉ፣

ሀንተ ናጋራ አቶ ያጌዳ ድራዉ፣

ታን ሀንተንቶ ዳፋይ።

13 አዎቶ፣ ኮይሩዋጥ ደእያዎ ሀንተ ኤራዳ ድራዉ፣

ሀንተንቶ ዳፋይ።

ያላጋቶ፣

ጸላህያ ካፑዋ ሀንተ ጸኔዳ ድራዉ፣

ሀንተንቶ ዳፋይ።

ጉላ ናቶ፣ ዳሳ አዉዎ ሀንተ ኤራዳ ድራዉ፣

ሀንተንቶ ዳፋይ።

14 አዎቶ፣ ኮይሩዋጥ ደእያዎ ሀንተ ኤራዳ ድራዉ፣

ሀንተንቶ ዳፋይ።

ያላጋቶ፣

ሀንተ ምኖ ግድያ ድራዉነ

ዳሳ ቃላይ ሀንተናን ደእያ ድራዉ፣

ቃይ ጸላህያ ካፑዋ ሀንተ ጸኔዳ ድራዉ፣

ሀንተንቶ ዳፋይ።

15 ሀ አላምያ ዎይ አላምያን ደእያ እያነ ሲቆጥተ። ሀንተ ሀ አላምያ ሲቆጥ፣ ዳሳ ሲቁ ሀንተናን ባዎ።

16 እያዉ ጎጥ፣ ሀ አላምያን ደእያ ኡባባይ፣ ሄዌካ፣ አሳተላ አሙ፣ አይፍያን ጸሊደ ካጄልያዌነ ባረ ደእያዎን ጩቀትያዌ ሀ አላምያጥ ዬዳዋጥ አትን፣ ዳሳጥ ይሴና።

17 ሀ አላሚነ ሀ አላምያን አሳይ አሞትያ ኡባባይ አቆና። ሸን ዳሳይ ጌዳዎ ኦሳያ ኡራይ መድናዉ ደእና።

**ክርሰቶሳ ኤቀትያዋጥ ናገትያዎ**

18 ታ ናቶ፣ ዎድያ ዉርሰሳይ ማታቲዳ፤ ክርሰቶሳ ኤቀትያዌ ሰንሳጥ ያናዎ ሀንተ ሰሴዳዎዳን፣ ሀራይ አቶ ሀእካ እ ኤቀትያዎንቱ ጮራቱ ደንዴድና። ሄዎ ድራዉ፣ ዎድያ ዉርሰሳይ ማታቲዳዎ ኑን ሄዎን ኤራቲ።

19 ሀ ኤቀትያዎንቱ ኑ ባጋ ግደና ድራዉ፣ ኑ ግደጥ ከሴድና፤ እያዉ ጎጥ፣ ኡንቱንቱ ኑ ባጋ ግድያባ ግድንቶነ፣ ኑ ግደን ደእና፤ ሸን ኡንቱንቱጥ ኦንነ ኑ ባጋ ግደናዌ ኤረታና ማላ፣ ኑ ግደጥ ከሴድና።

20 ሸን ክርሰቶሰ ሀንተ ቦላ ጌሻ እያና ጉሴዳ፤ ቃይ ሀንተ ኡባይ ቱሙዎ ኤሪታ።

21 ቱሙዎ ሀንተ ኤርያ ድራዉነ ቃይ ቱሙዋን ዎርዱ እያይነ ባይናዎ ሀንተ ኤርያ ድራዉ፣ ታን ሀንተንቶ ዳፋይጥ አትን፣ ቱሙዎ ሀንተ ኤረና ድራዉ ዳፍከ።

22 የሱሰ ኦከቲዳ ክርሰቶሳ ግድያዎ ኤርከ ግያ ኡራጥ አትን፣ ዎርዱ ኦኔ? ሄዌ ዳሳ አዉዎነ ናኣ ኤርከ ግያዌ ክርሰቶሳ ኤቀትያዎ።

23 ዳሳ ናኣ ኤርከ ግያ ኦናን ዳሳ አዉካ ኤረና፤ ዳሳ ናኣ ኤራይ ግያ ኦናን ቃይ ዳሳ አዉካ ኤራ።

24 ሄዎ ድራዉ፣ ኮይሩዋጥ ሀንተ ሰሴዳዎ ሀንተ ዎዛናን ምንሲደ ናግተ። ኮይሩዋጥ ሰሴዳዎ ሀንተ ናጎጥ፣ ሀንተንቶ ቃይ ዳሳ ናኣናን ዳሳ አዉዎና አትጥተላይ ደእና።

25 ቃይ ክርሰቶሰ ባረ ሁጳዉ ኑዉ እማና ጌዳዌ መድና ደኤዎ።

26 ታን ሀዎ ሀንተንቶ ሄ ሀንተና ባለላያ አሳቱዎ ድራዉ ዳፋድ።

27 ሽን ክርሰቶስ ሀንተ ቦላ ባረ ጌሻ እያና ጉሴዳ። ጌሻ እያናይ ሀንተናን ደእያ ድራው። ኦንነ ሀንተና ታማርሳና ኮሸና፤ እያው ጎጥ። እ ጌሻ እያናይ ሀንተና ኡባባ ታማርሴ። እ ታማርሴያዌ ቱሙፍጥ እትን ዋርዲዋ ግድና። ሄዋ ድራው እያና ጌሻ ትምርተው እዛዘቲደ። ክርሰቶሳና እትጥተላን ደእተ።

28 ታ ናቶ፣ ቃይ እ ቆንጭያ ዎደ፣ ኦን ያሽ ባይናዋንታ ግዳናዳን፤ እ ዩሳ ጋላስ እ ሰንላን ኦን ዩላተናዳን፣ እናና እትጥተላን ደእተ።

29 ክርሰቶስ ጽሎ ግድያዋ ሀንተ ኤርፕ፣ ጽሎባ ኦልያ ኡባይ ጸሳ ናኣ ግድያዋ ኤራናው በሴ።

### 3

#### ጸሳ ናናቱዋ

1 ኦን ጸሳ ናናቱዋ ጌተቲደ ጸሴታና ማላ፣ ጸሳይ ኦና እይ ከና ሲቄደንቶን በእተ። ኦን ቱሙካ ኦ ናናቱዋ። ሀ ኦላሚ ጸሳ ኤሪና ድራው፣ ኦናካ ኤሪና።

2 ታ ሲቃቶ፣ ሀእ ኦን ጸሳ ናናቱዋ፤ ኦን እያ ሀናንቶ ብር ኤረትቤና፤ ሽን ክርሰቶስ ቆንጭያ ዎደ፣ ኦን እ ማላታናዋ ኤራቶ። እያው ጎጥ፣ እ ቱሙ እ ግድያዋ ኦን ኩሙንላን በእና።

3 ቃይ ክርሰቶሳ በእና ገደ ናሽቻን ናግያ ኦንነ ክርሰቶስ ጌሻ ግዴዳዋዳን፣ ባረና ጌሼ።

4 ናጋራ ኦልያ ኡባይ ጸሳ ሀግያ ሙንሌ፤ እያው ጎጥ፣ ናጋራይ ጸሳ ሀግያ ሙንሌ።

5 ክርሰቶስ እሳ ናጋራ ቆይሳናው ቆንጭዳዋ ሀንተ ኤሪታ፤ እን ናጋራይ ባዋ።

6 ክርሰቶሳን ደእያ ኦንነ ናጋራ ኦሊደ ደኤና፤ ቃይ ናጋራ ኦሊደ ደእያ ኦንነ እ በእቤና ዎይ ኤርቤና።

7 ታ ናቶ፣ ኦንነ ሀንተና ባለሌፖ። ክርሰቶስ ጽሎ ግድያዋዳን፣ ጽሎባ ኦልያ ኡራይ ጽሎዋ።

8 ጸላህያ ካፑ ኮይሩዋጥ ናጋራ ኦሊደ ድራው፣ ናጋራ ኡባ ዎደ ኦልያ ኡራይ ጸላህያ ካፑዋሳ፤ ሄዋ ድራው፣ ጸሳ ናኦይ ጸላህያ ካፑዋ ኦሱዋ ቆይሳናው ቆንጭዳ።

9 ጸሳ ናናቱዋ ግድያ ኡባይ ጸሳ ሙጋይ ኦንነቱንቱን ደእያ ድራው፣ ናጋራ ኡባ ዎደ ኦልያና፤ ቃይ ጸሳይ ኦንነቱንቱን እወዋ ግድያ ድራው፣ ናጋራ ኦላናው ዳንዳይክና።

10 ጸሳ ናናቱ ግዳዋን ጸላህያ ካፑዋ ናናቱዋ ግደን ደእያ ዱማተላይ ሀዋን ኤሪቲ፤ ጽሎባ ኦጋናዋንቱን ዎይ ባረ እሻ ሲቃናዋንቱ ኦንነ ጸሳ ናናቱዋ ግድክና።

#### እቱ እቱዋና ሲቃትያዋ

11 እያው ጎጥ፣ ኮይሩዋጥ ሀንተ ሰሴዳ ኪታይ፣ “እቱ እቱዋና ሲቃታናው በሴ” ያገያዎ።

12 ኦን ቃዬላ ማላ ግዳናው በሰና። ቃዬል ጸላህያ ካፑዋሳ፤ ሄዋ ግደ ድራው፣ ባረ እሻ ዎዴዳ። እ ባረ እሻ እያው ዎዴዳ? እ ኦሊደ ኦሱ ኤታ ግድና፣ እ እሻይ ኦሊደ ኦሱ ሎእ ግዴዳ ድራው ዎዴዳ።

13 ታናዳን ጸሳ ካልያዋንቶ፣ ሀ ሳኣ እሳይ ሀንተና እጸፕ፣ ኦራባ ጎጥተ።

14 ኦን እማንያዋንታ ሲቃያ ድራው፣ ሀይቁዋጥ ደኦ ፕኤዳዋ ኤራቶ፤ እማንያዋንታ ሲቃና ኡራይ ኦንነ ሀይቁዋ ግደን ደኤ።

15 እማንያዋንታ እጸያ ኦንነ ሸምፑዋ ዎዴዳዋ፤ ቃይ ሸምፑዋ ዎዴዳዋን ሙድና ደኤ ባይናዋ ሀንተ ኤሪታ።

16 ክርሰቶስ ባረ ሸምፑዋ ኦ ድራው እሊደ እሜዳዋን ሲቃ እየንቶ ኦን ኤራደ፤ ኦንካ እማንያዋንቱ ድራው፣ ኦ ሸምፑዋ እሊደ እማናው በሴ።

17 ሽን ዱረ እሳይ ኦንነ ባረ እሻይ ሙቶትያዋ በእደ፣ እወ ቃረተናን እጸፕ፣ ባረ ዎዛናን ጸሳ ሲቃይ ጋናው ዋን ዳንዳይ?

18 ታ ናቶ፣ ኦን ኦሱዋንነ ቱማተላን ሲቃቶይተጥ እትን፣ ጮ ሃሳያን ዎይ ቦላ ዶናን ሲቃታናው በሰና።

#### ጸሳ ሰንላን እማንቲደ ኤቂያዋ

19-20 ኦን ቱሙዋ ባጋን ደእያዋ ሄዋን ኤራና፤ ቃይ ኦ ዎዛናይ ኦ ቦላ ፕርድያ ዎደ ኡባን፣ ጸሳ ሰንላን ቱማተላ ኦና ሄዋን ኤርሴ። እያው ጎጥ፣ ጸሳይ ኦ ዎዛናፕ ዎልቃማ፤ ቃይ እ ኡባባ ኤራ።

21 ታ ሲቃቶ፣ ኦ ዎዛናይ ኦ ቦላ ፕርድናዋ ግደፕ፣ ኦን ጸሳ ሰንላን ያዮኩ።

22 ኦን እ እዛዙዋ ናግያ ድራውእ ኦ ናሽቻያባ ኦልያ ድራው፣ ዎሰን ኡባባ እፕ እኬቶ።

23 ጸሳ እዛዙ ሀዋ፣ ክርሰቶስ ኦና እዛዙዳዋዳንካ፣ ጸሳ ናኣ የሱስ ክርሰቶሳ ሰንላን ኦን እማናናዳን እቱ እቱዋና ሲቃታናዳን ጸሳይ ኦና እዛዙዳ።

24 ጸሳ እዛዙዋ ናግያ ኦንነ ጸሳ ግደን ደኤ፤ ጸሳይካ እ ግደን ደኤ፤ ጸሳይ ኦው እሜዳ እ እያና ባጋና እ ኦ ግደን ደእያዋ ኦን ኤራቶ።

# 4

## ቱማንቻ እያናነ ዋርዶ እያና

1 ታ ሲቆቶ፣ ጸሳ እያናይ ታናን ደኤ ግያ ኡባ አማናፕተ፤ ሸን ኡንቱንቱን ደእያ እያናይ ጸሳፕየ ዋይ ግደንቶ ፓጭተ። እያዉ ጎፕ፣ ጮራ ዋርዶ ናባቱ ኡባሳ ቤድና።

2 ጸሳ እያና ግድያዋ ህንተ ሀዋን ኡራና፤ “የሱሰ ክርሰቶስ አሳ ግዲደ ዬዳዋ አማናይ” ግያ ኡናንነ ደእያ እያናይ ኡባይ ጸሳፕ ዬ።

3 ቃይ ክርሰቶስ አሳ ግዲደ ዬዳዋ አማናይ ጌናዋ እያናይ ኡባይ ጸሳፕ ይቤና፤ እን ክርሰቶሳ ኡቅትያ እያናይ ደኤ። ህንተ ሄዌ ያናዋ ካሰ ሰሴድታ፤ እ ሀራይ እቶ ሀእካ ሀ አላምያን ደኤ።

4 ታ ናቶ፣ ህንተ ጸሳዋንታ፤ ህንተ ግድን ደእያ ጌሻ እያናይ ሀ አላምያን ደእያ እያናፕ ዳር ዋልቃምያ ድራዉ፣ ዋርዶ ናባቱዋ ህንተ ጸኔድታ።

5 ኡንቱንቱ ሀ አላምያ አሳ ግድያ ድራዉ፣ ሀ አላምያባ ሃሳዪና፤ ሀ አላምያ አሳይካ ኡንቱንቱ ሃሳያ ሰሴ።

6 ኑን ጸሳዋንታ፤ ጸሳ ኡርያ ኡንነ ኑን ግያዋ ሰሴ። ጸሳ ኡረና ኡንነ ኑን ግያዋ ሰሴ። ኑን ቱሙ እያናነ ዋርዶ እያና ሄዋን ሻኬቶ።

## ጸሳይ ሲቁዋ

7 ታ ሲቃቶ፣ ሲቁ ጸሳፕ ይያ ድራዉ፣ እነ እቱ እቱዋና ሲቁቶይተ። ሲቁትያ ኡንነ ጸሳ ናና፤ ጸሳካ ኡሪና።

8 ጸሳ ኡሻይ ሲቆ ግድያ ድራዉ፣ ሲቁና ኡራይ ኡንነ ጸሳ ኡሪና።

9 ጸሳይ ኑና ባረ ሲቁዋ ሀዋን በሴዳ፤ ኑን አ ባገና ደኤዋ ደማና ማላ፣ ባረ እት ናኣ ሀ አላምያ ኪቱዳ።

10 ሲቁዋ ግያዌ ሀዋ፤ ጸሳይ ኑና ሲቁደ፣ ኑን ኑ ናገራፕ ማርተላ ደሜዳ ባረ ናኣ ኑዉ ኪቱዳፕ እትን፣ ኑን አ ሲቁዳዋና ግደና።

11 ታ ሲቆቶ፣ ጸሳይ ኑና ሀዋዳን ሲቁዳዋ ግደፕ፣ ኑንካ እቱ እቱዋና ሲቁታናዉ በሴ።

12 ጸሳ ኡንነ ሙለካ በእቤና፤ ኑን እቱ እቱዋና ሲቁቶፕ፣ ጸሳይ ኑ ግድን ደኤ፤ አ ሲቁካ ኑ ግድን ፖለቱዳ።

13 ጸሳይ ባረ እያና ኑዉ አሜዳ ድራዉ፣ ኑን ጸሳ ግድን ደእያዋን እካ ኑ ግድን ደእያዋ ኡራቶ።

14 ጸሳ እዉ ባረ ናኣ ሀ አላምያ አሸያዋ ግዳናዉ ኪቱዳዋ ኑን በኢደ ማርካቱቶ።

15 የሱሰ ጸሳ ናኣ ግድያዋ ማርካትያ ኑ ግዲዋንነ ጸሳይ ደኤ፤ እካ ጸሳ ግድን ደኤ።

16 ጸሳይ ኑና ሲቅያዋ ኑን ኑ ሁጳዉ ኡራቶን አማኔቶ።

ጸሳይ ሲቁዋ፣ ሲቁዋን ደእያ ኡንነ ጸሳ ግድን ደኤ፤ ጸሳይካ አ ግድን ደኤ።

17 ኑ ደኤ ሀ አላምያን ክርሰቶስ ደኤዳዋ ማላ ግድያ ድራዉ፣ ፕርዳ ጋላሰ ኑን ያየና ማላ፣ ሲቁ ኑ ግድን ፖለቱዳ።

18 ሲቁዋን ያሸ ባዋ፤ ጋሱካ ቱሙ ሲቁ ያሻ ከሰ ኦሌ። ያሻይነ ሙራይ እትፕ ብያ ድራዉ፣ ያይያ ኡራ ሲቁ ኩሙንላ ግደና።

19 ጸሳይ ኮይር ኑና ሲቁዳ ድራዉ፣ ኑን አ ሲቁደ።

20 ኡንነ፣ “ታን ጸሳ ሲቃይ” ገደ ባረ እሻ እጾፕ፣ አ ዋርዲዋ። እያዉ ጎፕ፣ በኤዳ ባረ እሻ ሲቁናዌ በእቤና ጸሳ ሲቃናዉ ዋን ዳንዳዪ?

21 ቃይ ክርሰቶስ ኑዉ አሜዳ አዛዙ ሀዋ፤ ጸሳ ሲቅያ ኡራይ ባረ እሻካ ሲቃናዉ በሴ።

# 5

## ሀ አላምያ ጸንያዋ

1 ኦከቱዳ ክርሰቶሳ ያገደ፣ የሱሳ አማንያ ኡባይ ጸሳ ናና፤ ቃይ ጸሳ አዉዋ ሲቅያ ኡንነ አ ናናቱዋካ ሲቁ።

2 ኑን ጸሳ ሲቅያዋንነ አ አዛዙዋ ናግያዋን፣ ጸሳ ናናቱዋ ሲቅያዋ ኡራቶ።

3 እያዉ ጎፕ፣ ኑን ጸሳ ሲቅያዋ አ አዛዙዋ ናግያዋ፤ አ አዛዙካ ዴጾ ግደና።

4 እያዉ ጎፕ፣ ጸሳ ናኣ ግድያ ኡንነ ሀ አላምያ ጸናናዉ ዳንዳይ፤ ኑንካ ሀ አላምያ ጸናናዌ ኑ አማኑዋና።

5 ሀ አላምያ ጸናናዉ ዳንዳይያዌ ኦኔ? የሱሰ ጸሳ ናኣ ግድያዋ አማንያዋ ጸላላይ ጸናና።

## ክርሰቶሳዋ ማርካቱዳዋ

6 ጽንቃታ ሃላናን ሀይቁዋ ሱላና ዬዳዌ ሀዋ፤ እካ የሱሰ ክርሰቶሳ፤ ሃላናን ሱላና\* እ ዬዳዋፕ እትን፣ ሃላ ጸላላና ይቤና። ጌሻ እያናይ ቱማ ግድያ ድራው፣ ሄዌ ቱማ ግድያዋ እ ባረ ሁጸዉ ማርካቲ።

7 እያዉ ጎፕ፣ ሄዙ ማርካቲ ደእኖ።

8 ሄዋንቱ፣ ጸሳ እያና፣ ሃላን ሱላ፤ ሀ ሄዛቱ እቲ እቲዋዋ ጸልቁክና።

9 ኑን እሳይ ማርካትያዋ አማኖ፣ ጸሳይ ማርካትያዌ አሳዋፕ ሎይህ እጄ፤ እያዉ ጎፕ፣ ጸሳይ ባረ ናኣባ ማርካቲዳ ማርካተላይ ሀዋ።

10 ጸሳ ናኣ አማንያ ኡራ ዋዛናን ሀ ማርካተላይ ደኤ። ጸሳ አማንና ኡራይ ኦንን ጸሳይ ባረ ናኣዉ ማርካቲዳ ማርካተላ አማንቤና ድራው፣ ጸሳ ዋርዲዋ ጌ።

11 ሰዎ ማርካተላይ ሀዋ፤ ጸሳይ ኑዉ መድና ደኤዋ አሜዳ፤ ሄዌካ እ ናኣን ደኤ።

12 ጸሳ ናኣይ ደእያ ኦሰን ደኤ ደኤ፤ ጸሳ ናኣይ ባይና ኦሰን ደኤ ባዋ።

**መድና ደኤዋ**

13 ጸሳ ናኣ ሱንላን አማንያ ህንተንቶ መድና ደኤ ደእያዋ ህንተ ኤራና ማላ፣ ሀዋ ህንተንቶ ጸፋድ።

14 ጸሳይ ኮይያዋዳን፣ አይን ኑን አ ዋሶ፣ እ ሰሰያዋ ኑን ኤርያ ድራው፣ እ ሰንላን ያዮኮ።

15 ኑን ዋሰያ ኡባን እ ሰሰያዋ ኤርፕ፣ ኑን እ ዋሴዳዋ እ ዛሬዳዋ ኤሬቶ።

16 ኦንን ሀይቁ በሰና ናጋራ ባረ እሻይ ኦሳሽን በኦፕ፣ ጸሳ ዋሳናዉ በሴ፤ ሀይቁ በሰና ናጋራ ኦሳዳዋንቶ ጸሳይ ደኤዋ አማና። ሀይቁ በሰያ ናጋራይ ደኤ፤ ታን ህንተና ሄዋ ጸሳ ዋሶተ ጊከ።

17 ባይዞ ኦሱ ኡባይ ናጋራ፤ ሽን ሀይቁ በሰና ናጋራይ ደኤ።

18 ጸሳ ናናይ ኦንን ናጋራ ኡባ ዋደ ኦፍፍዋ ኑን ኤሬቶ። እያዉ ጎፕ፣ ጸሳ ናኣይ ኡንቱንታ ናጌ፤ ቃይ ጸላህያ ካፑካ ኡንቱንታ ቆህናዉ ዳንዳየና።

19 ኑን ጸሳዋንታ ግድያዋን ሀ አላሚ ኡባይ ጸላህያ ካፑዋን ሞደቲዳዌ ኤሬቶ።

20 ኑን ቱሙ፣ ጸሳ ኤራናዳን፣ ጸሳ ናኣይ ዬዳዋን ኑዉ አኩካ አሜዳዋ ኤሬቶ። ኑን ቱሙ፣ ጸሳ ግድን፣ እ ናኣ የሱሰ ክርሰቶሳ ግድን ደኤቶ፤ እ ቱሙ፣ ጸሳን መድና ደኤዋ።

21 ታ ናቶ፣ ኤቃቲዋፕ ህንተ ሁጲያ ናግተ።

\* 5:6 ሃላናን ሱላና- የሱሰ ሀ አላምያ ዬደ ጽንቃታ ሃላ ጸላላና ግድናን ባረ ሀይቁዋ ሱላን ዬዳ። ሄዋ ጉሳይ እ አሳ ኩሽያን ጸማቀቱሳ ጸላላ ግድናን፣ ሀ አላምያን ሀይቁዳ ጉሳ።

# የሃገሰ ጸፊዳ ሳኤንሳ ኪታ ገሉቆ

የሃገሳ ሳኤንሳ ኪታ፡ የሱስ ኪቴዳ አማንያዋንታ ካለልያ ጭማ የሃገሰ ጸፊዳ። ጸፊቴዳዊካ፡ ደረቴዳ ጌንወነ እዝ ርናቴዋሳ። እዛካ ሄ ዎደ ደእያ አማንያ አሳ ሸቆዋ በሳዉ። ሀ ቃንሳ ኪታይ ጸፊቴዳዊ ኤንቴንቴ እቴ እቴዋና ሲቀታናዳን ሀሳይሳናሳን ዎርዶ አስታማራቱዋፕን ኤንቴንቴ ትምርትያፕ ርገታናዳን ቆፍሳናሳ።

## ሸምፓቴዋ ኡባቶ እመቴዳ ቃንሳ ቆፋቴዋ

ገሉቆ 1-3

ሲቆ ኡባፕ ቦላ 4-6

ዎርዶ ትምርትያፕ ርገታናዳን ኦደቶዎ 7-11

ወርሰሳ ቆትያ 12-13

1-2 ታን አማንያዋንታ ካለልያ ጭማይ፡ ህንተንቶ፡ ደረቴዳ ገንወነ እዝ ርናዉ \* ሀ ዳብዳቢያ ጸፋይ፤ ኑ ግደን ደእያ ቃይ ኑናና መድናዉ ደእና ቱማተላ ድራዉ፡ ታን ህንተና ቱሙ ሲቃይ። ቃይ ታ ጸላላ ግደናን፡ ቱማተላ ኤርያ ኡባቴ ህንተና ሲቆና።

3 ጸሳ ኑ አዉዋን አ ርኣ የሱስ ክርሰቶሳ አጾ ከካተላይ፡ ማርተላይን ሳርተላይ ቱማተላንን ሲቆዋን ኑናና እትፕ ግደ።

### ቱሙዋባን ሲቆዋባ

4 ጸሳ አዉ ኑናና አዛዜዳዋዳን፡ ነ ርናቴዋፕ አማራዳዋንቴ፡ ቱማተላን ደእያዎ በእደ ታን ዳር ርሸታድ።

5 ሲቆ ገኔ፡ ሀእካ ኑን ኡባይ እቴ እቴዋና ሲቆታና ማላ፡ ታን ኔና ዎሳይ፤ ሀ እዛዙ ካሴደፕ ኑናና ደእያ እዛዙዋፕ አትን፡ ታን ነዉ ኦራላ እዛዙዋ ጸፍከ።

6 ሲቆዋ ግያዌ ኑን ጸሳ እዛዙዋ ርገደ ደእያዋ ግያዋ። ቃይ ኮይሩዋፕ ህንተ ሰሴዳዋዳንካ፡ አ እዛዙ አዬ ጎፕ፡ ህንተ ኡባይ ሲቆዋን ደእናዋ።

7 እያዉ ጎፕ፡ የሱስ ክርሰቶሳ አሳ ግዲደ ዬዳዋ አማኖኮ ግያዋንቴ፡ ባለልያ ዳር አሳቴ፡ ጋደ ግድ ገሊድና። ሄዎ ማላ ኡራይ ኦንነ አሳ ባለልያዋን ክርሰቶሳ ኤቀትያዋ።

8 ህንተ ኦፊዳዎ ኩመንሳ ዎይታ አካናፕ አትን፡ ኑን † ኦፊዳዎ ባይዘና ማላ፡ ህንተና ርግተ።

9 ክርሰቶሳ ትምርትያፕ ሃክያ ኡራዉን ቃይ አ ትምርትያን ደእና ኡራዉ ጸሳና አትፕተላይ ባዋ። ክርሰቶሳ ትምርትያን ደእያ ኡራዉ ጸሳ አዉዋናን አ ርኣና እትፕተላይ ደኤ።

10 ኦንነ ህንተኮ ዪደ፡ ሀ ትምርትያ አሄናን አጎፕ፡ ህንተ ጎለ አ ገልሶፕ፤ ሳርካ ጎፕተ።

11 እያዉ ጎፕ፡ አ ሳር ግያ ኡራይ አ ኢታ ኦሱዋ አናና ግሸቴ።

### ወርሰሳ ሳርታ

12 ታን ህንተንቶ ጸፋናዉ ኮዬዳ ዳርባይ ደኤ፤ ሸን ዋራቃታንነ ቃላምያን ጸፋናዉ ኮያበይከ፤ ሸን ኑ ርሸቻይ ፖለታና ማላ፡ ህንተናና ደናን ሃሳናዉ ህንተኮ ባና ጋደ ቆፓይ።

13 ሲቆ ገኔ፡ ጸሳይ ድራዳ ነ ምቻት ርናይ ኔና ሳር ሳር ያገደ።

\* 1:1-2 ደረቴዳ ገንወነ እዝ ርናዉ፡ ኦን ኤር ሀዌ ጸፊቴዳዊ፡ ዎሳ ጎለዉነ እዝን ደእያ ጎዳ ካልያ አማንያዋንቶ ግደናን አገና።  
13 ጸልተ። 1:5 የሃ. 13:34፤ 15:12፤ 17 † 1:8 ኑን፡ እት እት ገሻ ማጻፋ ብለላይ፡ “ህንተንቱ” ያገ።

# ዮሃንሳ ጻፊዳ ሄዘንሉ ኪታ ገሉዋ

ዮሃንሳ ሄዘንሉ ኪታ፡ የሱስ ኪቲዳ አማንያ አሳ ካለልያ ጭማ ዮሃንሳ ጻፊዳ። እ ጻፊዳዊካ ጋዮሳ ግያ እት ዋሳ ገልያ ካለልያዋሳ። ጻፊ፡ ጋዮስ ሀራ አማንያዋንታ ማዴዳ ድራሬ እ ጋላቲ፤ ሀራ ባገር ቃይ ድዮትራፍሳ ጌተትያ መቱዋ መቲያ ብታንያፕ ርገታና ማላ አክክሴ።

## ሸምፓቲዋ ኡባቶ አመቴዳ ቃንሳ ቆፋቲዋ

ገሉዋ 1-4

ጋዮስ ጋላተቶዋ 5-8

ድዮትራፍስ ርገታናዳን ኦይቶዋ 9-10

ድመጽሮስ ጋላተቶዋ 11-12

ወርሰላ ቁትያ 13-15

1 ታን አማንያዋንታ ካለልያ ጭማይ፡ ቱሙ ሰቅያ ታ ሲቁዋ ጋዮሳዉ ሀ ዳብዳቢያ ጻፋይ።

2 ታ ሲቆ፡ ኔን ጸሳና ደእያ ደኡ ሎእ ግድያዋ ታን ኤርያዋዳን፡ ኔና አያይነ ዋይሰና ማላነ ቃይ ነ አሳተላይ ፓጸ ግዳና ማላ፡ ጸሳ ዋሳይ።

3 አያዉ ጎፕ፡ አማሬዳ እሻቱ ዪደ፡ ኡባ ዋይ ኔን ቱማተላን ደእያዋነ ነ ቱማተላባ ማርካቲዳ ዋደ፡ ታን ዳሮ ርሸታድ።

4 ታ ናናይ \* ቱማተላን ደእያዋ ሰሰያዋፕ አጂደ፡ ታና ርሸችያባይ ባዋ።

ጋዮሳባ አሳይ ማርካቲ

5 ታ ሲቆ፡ ኑ አሻቱ አማላ ግድፕካ፡ ኔን ኡንቲንቶ ኦልያ ኦሱዋ ኡባን አማነቲዳ ኦሱዋ ኦላዳ።

6 ቃይ ኡንቲንቲ ነ ሲቁዋባ አማንያ አሳቶ ማርካቲድኖ፤ ኡንቲንቲ ቃንጸናን ባረ ኦግያ ባና ማላ ጸሳይ ደሰያዋዳን፡ ኔን ሎኦባ ኦላደ ኡንቲንታ ማዳርኪ።

7 አያዉ ጎፕ፡ ጸሳ አማነናዉንቲ አይነ አክናን፡ ክርሰቶሳ ሱንላ ድራሬ ከሴድኖ።

8 ሄዋ ድራሬ፡ ኑን ቱማተላ ኡንቲንቲና እትፕ ኦላና ማላ፡ ሀዋንቲ ማላ አሳቲዋ ማዳናዉ በሴ።

ድዮትራፍስ ሴሪቲዳ፤ ድመጽሮስ ሳበቲዳ

9 ታን አማንያዋንቶ፡ ዳብዳቢያ ጻፋድ፤ ሸን ኡንቲንቲ ካፑዋ ግዳናዉ ኮይያ ድዮትራፍስ ኑን ግያዋ አከና።

10 ሄዋ ድራሬ፡ ታን ያ ብያ ዋደ፡ እ ኑ ቦላን ሃሳይያ ኢታ ሃሳያነ እ ኡሌዳ ኦሱዋ ሀንተንቶ ኦዳና፤ ቃይ እ ሄዋ ጉጹዳ ገደ፡ ኑ አሻቱ ይያ ዋደ ሞከና፤ ሀራይ እቶ ኡንቲንታ ሞከናዉ ኮይያዋንታካ ድገደ፡ አማንያዋንቲ ግድፕ ከሴ።

11 ታ ሲቆ፡ ሎኦባፕ አትን፡ ኢታባ ማላቶፓ። ሎኦባ ኦልያ ኦንነ ጸሳ አሳ፤ ሸን ኢታባ ኦልያ ኦንነ ጸሳ ኤሪና።

12 ድመጽሮስ ሎእ ግድያዋ አሳይ ኡባይ ማርካቲ፤ ቱማተላይ ባረ ሁጲያንካ አባ ማርካቲ። ኑንካ ቃይ አባ ማርካቲቶ፤ ኑ ማርካተላይ ቱማ ግድያዋ ሀንተካ ኤሪታ።

ወርሰላ ሳርታ

13 ታን ነዉ ጸፋናዉ ኮዬዳ ዳርባይ ደኢ፤ ሸን ዋራቃታንነ ቃላምያን ጸፋናዉ ኮይከ።

14 ሸን ታን ማታን ኔናና ጋከታናዉ ቆፓይ፤ ሄ ዋደ ኑን ጋከቲደ ሃሳያና።

15 ሳርተላይ ኔናና ግድ።

ነ ዳባቲ ኔና ሳር ሳር ያገኛ። ኑ ዳባቲዋ ኡባ ኡንቲንቲ ሱንላ ሱንላ ጸሳይ፡ ታና ሳር ሳር ጌዳ ስፓ።

1:1 ኪታ 19:29፤ ሮሙ 16:23፤ 1 ቆሮ. 1:14 \* 1:4 ታ ናናይ- ጎዳ አማኒደ ካልያዋንታ ጉሳ።

# ይሁዳይ ጻፊዳ ኪታ ገሉቀ

ይሁዳ ኪታይ ጻፈቴዳዊ፡ አማናናን ደኢደ አማንያ አሳ ማላቲደ፡ ዋርዶ ትምርትያ ላልያ አሳቱዋጥ አማንያ አሳይ ናገታና ማላ፡ ኦዲናሳ። ሀ ቃንሳ ኪታይ ባረ ግደን ኦይቄዳዋን ላኤንላ ጸጽርሳ ማላቲ። ጻፊ ናባብያዋንቶ ኦዲደ፡ “ላኤ□ና ሀኖታን ጻሳይ ባረ ናናቶ እት ካላካ እሜዳ አማኖ ሞኒደ ባጸታናዳን” ምንሲደ ቆፍሲ።

## ሸምጋቱዋ ኡባቶ እመቴዳ ቃንሳ ቆፋቱዋ

ገሉቀ 1-2

ዋርዶ አስታማራቱዋ ትምርትያ ኤሻነ ኩንደላ 3-16

አማኑዋ ናጋናዳን እመቴዳ ዞርያ 17-23

ወርሰላ ኣንጂዋ 24-25

1 ታን የሱሰ ክርስቶሳ ቆማይ ይሁዳይ፡ ያቆባ እሻይ፡ ጻሳይ ጸሴዳዋንቶ፡ ጻሳይ እዉ ሲቅያዋንቶ፡ ቃይ የሱሰ ክርስቶሰ ናግያዋንቶ፡ ሀ ዳብዳቢያ ጻፋይ።

2 ማርተሳይ፡ ሳርተሳይን ሲቆተሳይ ሀንተናን ኩዋ።

### ዋርዶ አስታማራቱዋ

3 ታ ሲቃቶ፡ ኡን እትጥ ሻክ አካና እቶተሳባ ሀንተንቶ ጻፋናዉ ታን ዳሮ ዳቡርያ ዋይ፡ ጻሳይ ባረ ናናቶ ላኤ□ናን እት ገደ እሜዳ አማኖ ሀንተ ባጸታና ማላ፡ ሀንተና ዙራይ ጻፋናዉ ኮሽያዋ እኪካድ።

4 እያዉ ጎጥ፡ ጻሳ ኤርና እት እት አሳቱ ኦንነ በኤናን ሀንተ ግደ ገሌድና። ሄዋንቱ ኑ ጻሳ እጾ ከካተሳባ ኦድያ ኪታ ኢታ ቱናተሳዉ ገላይ ታማርሲኖ፤ ኡንቱንቱ ኑ እት ካትያ፡ ኑ ጎዳ የሱሰ ክርስቶሳ ኤርኮ ያገኘ፤ ቃይ ኡንቱንቱ ፕርዳ አካናዋ ጻሳ ማጻፋቱ ዳሮ ዋድያጥ ካሰ ኦድድና።

5 ሸን ሀንተ ሀ ኡባባ ኤርያዋ ግደጥካ፡ ጎዳይ እሰራኤልያ አሳ ግብጾ ጋድያጥ ዋት አሺደንቶነ ቃይ አማንቤናዋንታ ጉየጥ ዋት ጻይሴደንቶ፡ ታን ሀንተና ሀሳይሳናዉ ኮያይ።

6 ቃይ ባረንቱ ደኢያሳ አገደ፡ ባረንቱ እመቴዳ ካፖተሳ ናግቤና ኪታንቻቱ ፕርዳ እክያ ዋልቃማ ጋላሳይ ጋካናዉ ጻሳይ ኡንቱንታ ናግያሳን፡ ጳማጥ ጋርሳን መድናዉ ቃቕ ዋሌ።

7 ሄዋዳን ሰደማን ጋሞራ ግያ ካታማቱዋን ኡንቱንቱ ሄራን ደኢያ ካታማቱዋን ደኢያ አሳይ ሄ ኪታንቻቱዋዳን ዋሹሜድናን ዋሹማናዉ ሎይሳ ካጄሌድና፤ ሄዋንቱ መድና ታማን ኤጲደ፡ ሀራቶ ለምሱዋ ግደድና።

8 ሄዋዳን ቃይ ሄ እኩመትያ አሳቱ ባረንቱ አሳተሳ ቱንሲኖ፤ ጻሳ ጎዳተሳ ካጲና፤ ቦንቾ መ□ታቱዋካ ቦሪና።

9 ሸን ኪታንቻቱዋ ካፑ ምካኤል ሙሴ እሃባ \* ጸላህያና ፓሉመቴዳ ዋይ፡ “ጎዳይ ኔና ሴሮ” ጌዳዋጥ አትን፡ ቦርያ ቃላን አ ቦላ ፕርዳናዉ ኮይቤና።

10 ሸን ሄ አሳቱ ባረዉ እኪከናባ ኡባ ቦሪና፤ ቃይ ኡንቱንቱ የሽ ቆጥና ደኦቱዋዳን፡ መ□ታ ኤራተሳን ኤርያ የዋቱ ኡንቱንታ ጻይሴያዋንታ።

11 ኡንቱንቶ አይሮ! እያዉ ጎጥ፡ ኡንቱንቱ ቃይል ሀመቴዳ ኦግያ † ሀመቴድና። ሻሉዋ ድራዉ ገደ፡ ባላም ኦሌዳዋ፤ ማላ ባይዙዋ ኦሌድና። ቃይ ቆረ § ግያ ብታኒ ማካሊደ ጻይዳዋዳን፡ ኡንቱንቱካ ማካሊደ ጻይድና።

12 ሄዋንቱ ሲቆዋን ሾቢያ ሀንተ ምያሳን ሀንተናና ያሽ ባይናን ምያ ዋይ፡ ቆሰቴዳ ጳቡዋ ማላ። ኡንቱንቱ ባረንቱ ጸላላ ናገኛ። ኡንቱንቱ ጫርኩ አፍያ እሪይ ባይና ሻርያ ማላ፤ ቃይ ኡንቱንቱ ቦንያን አይፍያ አይፈና፡ ጸጸዋና ሾደቲደ፡ ሙለካ መሊዳ ምሳ ማላ።

13 ኡንቱንቱ ባረንቱ ፖኩዋ ገን□ና ሆሞትያ፡ ኢታ አባ ቤታ ማላ። ኡንቱንቱ፡ ጻሳይ፡ መድናዉ ሳካና ጳማን ሳኣ ገገሰ ዋሌዳ ዩይያ ጸልንታቱዋ ማላ።

1:5 ከሳ 12:51፤ ፓይ. 14:29-30 1:6 ደመላ 6:2 1:7 ደመላ 19:1 \* 1:9 ምካኤል ሙሴ እሃባ- ሀዌ በሰያዊ፡ በን ኮይርቲደ እይሁዳቱዋ ማጻፋን ሙሴባዉ ጻፈቴዳዋ። 1:9 ዳኤላ 10:13፤ 21፤ 12:1፤ ሳን 12:7፤ ዛረ. 34:6፤ ዛካ. 3:2 † 1:11 ቃይል ሀመቴዳ ኦግያ- ቃይል ባረ እሻ እቦላ ዋዴዳ። ደመላ 4:3-8 ጸልተ። ‡ 1:11 ባላም ኦሌዳዋ- ገሻ ታይ ዳይዳዋ ማራዳን፡ ቦላ ጉጃ ደማና ገደ እሰራኤልያ አሳ ሸቂከ ገደ እጾዳ ጋቡዋን ኡንቱንቱ ጻሳዉ እዛዘተናዳን ደኢና ኦግያ ታማርሴዳ። ፓይ። 22:18፤ 24:13፤ 25:1-3፤ 31:16 ጸልተ። § 1:11 ቆረ- ዳጋና እትጥ ግዳደ ሙሴዉን እርገዉ ማካሊዳዋዳን፡ ማካላ አሳ ታማርሴድና። ፓይ. 16:1-35፤ 26:9-10 ጸልተ። 1:11 ደመላ 4:3-8፤ ፓይ. 22:1-35፤ 16:1-35

14-15 ሄናክ እዳማፕ ደምር፣ ላፑንጎ ላለታ ግድያዌ፣ ዳሮ ዎድያፕ ካሰ ኡንቱንቱዋ ትምቢትያ አዲድ፣ ሀዋዳን ያጌዳ፤

“እኩክተ፤ ጸሳ ኤረና ናጋራንቻ አሳቱ ኦሌዳ፣

ኢታ ኦሱዋ ኡባወ፤

ቃይ ጸሳ ኤረና ሄ ኢታ አሳቱ፣

ጸሳ ቦላ ሃሳዬዳ ኢታ ሃሳያ ኡባወ፣

ጎዳይ ኡንቱንቱ ኡባ ቦላ ፕርዳናወ፣

ባረ ጮራ ሻእ ጌሻቱዋና እትፕ ያና”

ያጌዳ።

16 ሄ አሳቱ ኡባ ዎደ ዙዙሚኖን ሀራቱዋ አማሳሊኖ፤ ቃይ ባረንቱ ኢታ አሙዋ ካሊኖ፤ ባረንቱ ሁጳወ ጎእ ደማናወ ሀራቱዋ ሳቢኖን ባረንቱ ኮሻ ዎጋፕ አሌደ፣ ዶቁ ኦሐ ሃሳዪና።

**ምኖ እኩክሱዋን ዘርያ**

17 ሸን ታ ሲቃቶ፣ ኑ ጎዳ የሱሰ ክርሰቶሰ ኪቱዳዋንቱ ህንተንቶ በን ሃሳዬዳ ቃላ እኩክተ።

18 ኡንቱንቱ ህንተንቶ፣ “ወርሰላ ዎድያን፣ ባረንቶ ጸሳይ ባይናዋንቱ፣ ባረንቱ አሙዋ ካልያዋንቱ፣ ቃይ ህንተ ቦላ ቅሊጭያዋንቱ ያና” ያጌድኖ።

19 ሄዋንቱ አሳ ግደን ሻኮተላ መድያዋንታን፣ ባረንቱ ኢታ አዎ ሞደቱዳዋንታ፤ ቃይ ጌሻ እያናይ ባይናዋንታ።

20 ሸን ታ ሲቃቶ፣ ኡባፕ አድያ ጌሻ አማኑዋን ህንተ ሁጲያ ኬጽተ፤ ቃይ ጌሻ እያና ዎልቃን ጸሳ ዎሰተ።

21 ቃይ ኑ ጎዳይ የሱሰ ክርሰቶሰ ባረ ማሮተላን ህንተንቶ አማና መድና ደኡዋ ናጌደ፣ ህንተ ሁጲያ ጸሳ ሲቁዋን ዎሰተ።

22 እት እት ሰጂ ደእያ አሳቶ ቃረትተ።

23 እቱዋ እቱዋ ታማፕ ዳፍ ከሲደ አሸተ። ቃይ ሀራይ አቶ ኡንቱንቱ ኢታ አሙዋን ቱኔዳ ማዩዋ እጲደካ፣ አቶ አቶ ያሻተላን ቃረትተ።

**ጋላታ ዎሳ**

24-25 ህንተ ኩንደናዳን፣ ህንተና ናጋናወን ፖኩ ባይናዋንታ ኦሌደ፣ ባረ ቦንቹዋ ሰንላ ዎልቃማ ናሸቻን ሸሻናወ ዳንዳይያ ኑና አሸያ እት ጸሳወ፣ ኑ ጎዳ የሱሰ ክርሰቶሳ ባጋና ቦንቹ፣ ግታተላይ፣ ዎልቃይን ማታይ፣ አዲዳ ዎደ ኡባፕን ሀእን መድና ጋካናወ ግድ። አመንእ።



# ዮሃንሳው ዬዳ ሳፃ ገሉቆ

ዮሃንሳው ዬዳ ሳፃይ ጸፈቴዳዋ፡ እማንያ አሳቱ የሱስ ክርስቶሳ ባረንቱ ጎዳ ኦሊደ፡ ጌሻተላን ደኤዳ ድራው፡ ኡንቱንታ መቱነ ዋዪ ጋኬዳ ዎድያና፡ ጻፍያ ሁጳ ቆፋይ፡ ናባብያዋንቱ ህድታይ ኩመንላ ግዳናዳን፡ ኡንቱንታ መንግሳናሳን ባረንታ ጋኬዳ የደሳነ መቱዋ ግደን ባረንቱ እማኑዋን ዎናናዳን፡ ኡንቱንታ ምንሳናሳ።

ማጻፋ ግደን ዳርያ ባጋይ ዳራነ ካል ካሊደ ቆንጨዳ ሳጸቱዋ ኦይቄዳዋ፡ ሳጸቱ ሄ ላይላን ደእያ እማንያ አሳው ገልያዋንታ። ሸን ሀራቶ ጹራ ግዲደ ቆንጨና ሃሳያን ሸቄድና፡ ማዘመርያ አዝማቶ ዛረጋትያዋዳን፡ ሀ ማጻፋ ግደን ደእያ ሁጳ የዋቱዋ ዴማ ዴማ ሳጸቱ ባጋና ዴማ ዴማ ማላንን ዴማ ዴማ ምስልያ ፓይዳቱዋን ዛር ዛሪደ ሸቄድና፡ ሀ ማጻፋ ጸልያዋን ዴማ ዴማ ቆፋይ ደኡጉን እው ግደ ቆፋይ ቆንጨ። ሄዌነ፡ “ጸሳይ ጎዳ ግዴዳ ክርስቶሳ ባጋና ላኤግ ሀናታን፡ ባረ ሞርከቱዋ፡ ሴጻናናካ እትጉ፡ እት ገደ ወርሰላ ጸኑዋ ጸናና፡ ፖሌዳዋጥ ጉይያን ባረው እማነቲደ ደኤዳ፡ ባረ ባጋቱዋ ኦራላ ሳሉዋን ኦራላ ሳኦ እንጂዋ ላትሳና” ያግያዋ።

## ሸምፓቱዋ ኡባቶ እመቴዳ ቃንሳ ቆፋቱዋ

ገሉቆ 1:1-8

ሳፃ ደያነ ላቸ ዎሳ ጎለቶ ኪተቴዳ ኪታ 1:9—3:22

ማጻፋን ላቸ ማታፋቱዋ 4:1—8:1

ላቸ ማላካታቱዋ 8:2—11:19

ዳዋያን ላኡ መሃቱዋ 12:1—13:18

ዳማ ዳማ ሳጸቱዋ 14:1—15:8

ጸሳ ሀንቁዋ ላቸ ጸኦቱዋ 16:1-21

ባብሎን ባሻ፡ ዲኦ፡ ዎርዶ ናብያን ሴጻናይ ጸነትያዋ 17:1—20:10

ወርሰላ ፕርዳ 20:11-15

ኦራላ ሳሉዋ፡ ኦራላ ሳኦነ ኦራላ የሩሳላሞ 21:1—22:5

ወርሰላ ቁትያ 22:6-21

1 ኤሌል ሀናናው በሰያዋ ባረ ኦሳንቻቱዋ በሳና ማላ፡ ጸሳይ የሱስ ክርስቶሳው እሜዳ ሳጸይ ሀዋ፤ የሱስ ባረ ኪታንቻ ኪቲደ፡ ሀ ሳፃ ባረ ኦሳንቻ ዮሃንሳ ኤርሴዳ።

2 ዮሃንስ በኤደ ትማተላን ኦዴዳ ኡባባይ፡ ጸሳ ቃላን የሱስ ክርስቶሳ ማርካተላ።

3 ሀ ማጻፋ ናባብያ ኡራይ \* እንጀቱዳዋ፤ ቃይ ሀ ትምቢቻ ማጻፋ ሰሰያዋንቱን ሀ ማጻፋን ጸፈቴዳዋ ናግያዋንቱ እንጀቱዳዋንታ፤ እያው ጎጉ፡ ሀ የው ፖለታናው ዎዲ ማታቴዳ።

ኢሰያን ደእያ ላቸ ዎሳ ጎለቶ ኪተቴዳ ሳርታ

4 ታን ዮሃንስ፡ ኢሰያ ጋድያን † ደእያ ላቸ ዎሳ ጎለቶ ያጋይ፤

ካሰ ደእያ ጸሳጉ፡

ሀእካ ደእያ ጸሳጉ፡

ሰንሳጥካ ያና ጸሳጉ፡

ቃይ እ ካውተላ ኦይድያ ሰንሳን ደእያ ላቸ እያናቱዋጥ፡

እዶ ኬካተላይነ ሳርተላይ፡

ሀንተንቶ ግደ።

5 ቃይ እማነቴዳ ማርካ፡

ሀይቁዋጥ ኮይሮ ደንዴዳ ናእጉ፡

ሳኦ ካታቱዋ ሞድያ የሱስ ክርስቶሳጎጥ፡

እዶ ኬካተላይነ ሳርተላይ፡

ሀንተንቶ ግደ።

እ ኦና ሲቄነ፡

ቃይ ኦ ናጋራ ኤይለተላጥካ፡

ባረ ሱላን ኦና ከሴዳ።

\* 1:3 ናባብያ ኡራይ፡ ሀዋ ጉሳይ ኡባ አሳይ እትጥ ጸሳ ጎሽቻያ ዎደን ሄዋንቶ ቃላ ናባብያ ኡራይ እንጀቱዳዋ ጉሳ። † 1:4 ኢሰያ ጋድያ፡ 1:4—3:22 ደእያዋ ዳብዳቤያ ግዲደ ጸፈቴዳ፡ ኢሰያ ጋዲ እዋይፊ ዶልያ ባጋና ደእያ ርመ ካውተላ ግዲደ ሀእ ሀ ዎድያን ቱርክ ጋድያ ገደ ጸኦትያዋ። 1:4 ከሳ 3:14፤ ሳፃ 4:5 1:5 ኢሳ. 55:4፤ ማዘ. 89:27

6 ኑና ባረ ጸሳውን አዎ አላና ማላ፡  
 እ ኑና ካታቱዋን፡  
 ቁሳቱዋ አሌዳ፤  
 እው መድፍፍፍፍ ጋካናው፡ ቦንቸን  
 ሞድያ ዋልቃይ ግድ፡፡ አመንእ፡፡

7 በእተ፡  
 የሱሰ ሻርያን ዬ፡፡

አሳይ ኡባይ፡ ሀራይ አቶ፡  
 አ ጫዴዳዋንቱካ፡ አ በእና፤  
 ሳካን ደእያ አሳይ ኡባይ፡  
 አ ጋሱዋን ዬካናዋንታ፡፡

ሀዌ ቱሙፕ ሀናናዋ፡፡ አመንእ፡፡

8 ካሰ ደእያዌ፡ ሀእካ ደእያዌ፡ ሰንሳጥካ ያና ጎዳይ፡ ኡባፕ ዋልቃማ ጸሳይ፡ “ኡባባው አልፋይነ አሜጋይ፡ ኮይሩን ጠርሰላይ ታና” ያጌ፡፡

**ክርሰቶስ ሳጸን ቆንጩዳዋ**

9 ታን የሃንሰ፡ ሀንተንቱ እሻይ፡ ሀንተናና የሱሰ ክርሰቶሳ ዋይያነ አ ካወተላ ቃይ አ ዳንዳያ አትፕ ሻከትያዌ፡ ጸሳ ቃላ ኦዴዳ ድራውን የሱሳዋ ማርካቴዳ ድራው፡ ፒጽሞ ግያ ሃላይ ዶዶ ቢታን ደእድ፡፡

10 ጎዳ ጋላሳን ታን እያናን ደእይ፤ ታን ታፕ ጉየና ማላካታ ዋሱዋ ማላ ዋልቃማ ኮሻ ሰሳድ፡፡

11 ሄ ኮሻይ ታና፡ “ኔን በእያዋ ማጸፋን ጸፋ፤ እሱያን ደእያ ላፕ ዋሳ ጎለቶ፡ ኤፈሶና፡ ሳምርኔሳ፡ ጸርጋሞና፡ ትያጽርና፡ ሳርዴሳ፡ ፕላደልፍና፡ ሎዶቅያ ዋሳ ጎለቶ ዬዳ” ያጌዳ፡፡

12 ታን ታዉ ኦድያ ኮሻ በእናው ጉየ ሰማድ፤ ጸምፕያ ዋልያ ላፕ ዋርቃ ባላቱዋ በእድ፡፡

13 ሄ ባላቱዋ ግድን አሳ ናኦ ማላትያዋ በእድ፤ አዲሳ አፍላ ባረ ገድያ ጋል ማዶደ፡ ዋርቃ ዳንጩዋ ባረ ትራን የሽ አሌዳ፡፡

14 አ ሁጲን አ ሁጲያ ሰናናይ ቦላ ዶርሳ እስክያን ሄዋፕካ አጂደ ሻቻ ማላቲ፤ አ አይፊካ ታማ ላጩዋ ማላቲ፡፡

15 አ ገዳካ ጩጭያ ታማን ቴሪደ ጳልያ ናሃሰያ ግያ ብራታ ማላቲ፤ አ ኮሻይካ ዋልቃማ ሻፋ ጉንሳ ማላ፡፡

16 አ ባረ ኡሽቻ ኩሽያን ላፕ ጸልንታቱዋ ኦይቄዳ፡ አ ዶናፕ ላኡ ባጋና ቃረቴዳ ማሻይ ከሴዳ፡፡ አ ዳሙካ ሎይላ ፖእያ አዋይፍያ ማላቲ፡፡

17 ታን አ በኤዳ ዋይ ሀይቄዳዋዳን ሀናደ፡ አ ገድያ ማታን ኩንዳድ፡፡ ባረ ኡሽቻ ኩሽያ ታ ቦላ ዋሊደ፡ ታና ሀዋዳን ያጌዳ፤ “ያዮፓ፤ ኮይሩካ ጠርሰላይካ ታና፡፡

18 ታን ደኡዋን ደእያዋ፡ ታን ሀይቃድ፤ ሽን በእ፡ መድ፡ መድናውካ ደኡዋን ደእይ፡፡ ሀይቄዋ ቁልፕን ሰኦልያ ቁልፕ ታ ኩሽያን ደኡ፡፡

19 ሰም ኔን በኤዳባን ሀእ ደእያዋ፡ ቃይ ሰንሳፕ ሀናናባ ጸፋ፡፡

20 ኔን ታ ኡሽቻ ኩሽያን በኤዳ ላፕ ጸልንታቱዋ ብለላይነ ቃይ ጸምፕቱዋ ዋልያ ላፕ ዋርቃ ባላቱዋ ብለላይ ሀዋ፤ ላፕ ጸልንታቱ ላፕ ዋሳ ጎለቱዋ ኪታንቻቱዋ፤ § ዋሳ ጎልያ ላፕ ዋርቃ ባላቱ ላፕ ዋሳ ጎልያ፡፡”

**2**

**(1) የሱሰ ኤፈሶንን ደእያ ዋሳ ጎለው ጎዋ**

1 ኤፈሶንን ደእያ ዋሳ ጎለ ኪታንቻው ሀዋዳን ያጋደ ጸፋ፡፡

“ባረ ኡሽቻ ኩሽያን ላፕ ጸልንትያ ኦይቄዳዌ፡ ጸምፕቱዋ ዋልያ ላፕ ዋርቃ ባላቱዋ ግዲዋና ሀመትያዌ ሀዋዳን ያጌ፡፡

1:6 ከሳ 19:6፤ ሳፕ 5:10 1:7 ዳኤላ 7:13፤ ማፍሳ 24:30፤ ማር. 13:26፤ ሉቃሳ 21:27፤ 1 ተሰ. 4:17፤ ዛካ. 12:10፤ የሃ. 19:34፤ 37 † 1:8 አልፋይነ ኦሜጋይ- ሀዋ ጉሳይ ኦራሳ ጫቁ ኮይር ግሪክ ቃላን ጸፈቴዳ ድራው፡፡ ኮይሩን ጠርሰላይ ጋናው ኮዶዶ፡ አልፋ ግያ ግሪክ ኮይር ፕድልያ እኩደ ጠርሰላው ቃይ ኦሜጋ ግያ ጠርሰላን ደእያ ፕድልያ እኩድና፡፡ ሀዋንታ ጉሳይ ለምሱዋን ዳዉርሶዋ ፕድላቱዋ አክንቶ [አ - ዝ] ያግያዋ ማላ ጉሳ፡፡ 1:8 ሳፕ 22:13፤ ከሳ 3:14 1:13 ዳኤላ 7:13፤ 10:5 1:14 ዳኤላ 7:9፤ 10:6 1:15 ሀዘ. 1:24፤ 43:2 1:17 እሳ. 44:6፤ 48:12፤ ሳፕ 2:8፤ 22:13 § 1:20 ኪታንቻቱዋ- ሀዋንታ ጉሳይ ለማንያዋንታ ካለልያ ጭማቱዋ ዋይ ለማንያዋንታ ኪተቴዳዋንታ፡፡

2 ታን ነ ከታ፡ ነ ዳቡራን ነ ገንጨዋ ኤራይ። ቃይ ኔን ኢታ አሳቱዋ ገንጫናዉ ዳንዳያቤናዋካ ታን ኤራይ፤ የሱሰ ከቱዳዋንታ ግደናን ደኢደ ባረንታ፡ ሓን የሱሰ ከቱዳዋንታ ግያዋንታ ኔን ጸዋሳደ፡ ኢንቱንቱ ዋርዶ ግድያዋ ደጫዳዋካ ኤራይ።

3 ኔን ገንጫና፤ ቃይ ታ ሱንሳ ድራዉካ ሙቱዋ ዳንዳያዳ፤ ዳቡራቤይካ።

4 ሽን ታን ኔና ካጅያባይ ደኤ፤ እያዉ ጎፕ፡ ኔን ካሰ ነ ሲቁዋ አገዳ።

5 ሰም ኔን ሀቃፕ ከንዳድንቶ አከካ። ነ ናጋራፕ ሰማ፤ ኔን ካሰ አልያ ኦሱዋ አላ። ሄዌ ጳዮፕ፡ ታን ኔኮ ያረ፤ ያደ ኔን ነ ናጋራፕ ሰማና ጳዮፕ፡ ኔን ጸምፕያ ዋልያ ነ ባላ አ ሳኦፕ አካ ድጋና።

6 ሽን እትባ ሎይሳዳ፤ ኒቆላዋቱዋ አሱዋ፡ ታን እጽያዋ ኔንካ እጽዳ።

7 “ሰሳናዉ ሀይላይ ደእያ ኡራይ ገሻ እያናይ ዋሳ ጎለቶ ግያዋ ሰሶ፤ ታን ጸንያ ኡራዉ ጸሳ ገነትያን ሞክያ ደኡዋ ሞሳ አይፍያ ማናዉ እማና ያጌ” ያጋደ ጸፋ።

(2) የሱሰ ሳምርኤሳን ደእያ ዋሳ ጎለዉ ጎዋ

8 ሳምርኤሳን ደእያ ዋሳ ጎለ ከታንቻዉ ሀዋዳን ያጋደ ጸፋ።

“ሀይቁዳዌ፡ ሀይቁዋፕካ ደንዴዳዌ፡ ኮይሩን ዉርሰላይ ሀዋዳን ያጌ።

9 ታን ነ ዋይያን ነ ሀይሳተላ ኤራይ፤ ሽን ኔን ዱረ። አይሁዳ ግደናን ደኢደ ባረንታ፡ ኔን አይሁዳ ግያዋንቱ ቦርያዋ ታን ኤራይ፤ ሽን ኢንቱንቱ ሴጻና ማባራን ደኢኖ።

10 ኔን ዋየታና ዋየዉ ያዮፕ። በአ፡ ጸላሀያ ካፕ ሀንተፕ አማራዳዋንታ ጸምሳናዉ ቃሾ ጎለን የጋ፤ ታሙ ጋሳሳ ጋካናዉ ሀንተንቱ ዋየታና። ሀይቃና ጋካናሰካ አማኒቱዳዋ ግዳ፤ ታን ነዉ ደኡዋ ካሳቻ \* እማና።

11 “ሀይላይ ደእያ ኡራይ ገሻ እያናይ ዋሳ ጎለቶ ግያዋ ሰሶ!

“ጸንያ ኡራይ ላኢንሉዋ ሀይቁዋን † ቆሄተና ያጌ”

ያጋደ ጸፋ።

(3) የሱሰ ጳርጋሞናን ደእያ ዋሳ ጎለዉ ጎዋ

12 ጳርጋሞናን ደእያ ዋሳ ጎለ ከታንቻዉ ሀዋዳን ያጋደ ጸፋ።

“ላኡ ባጋና ሌፊቱዳ ማሻይ ደእያዌ ሀዋዳን ያጌ።

13 ጳን ኔን ደእያ ሳኦ ኤራይ። ኔን ሴጻና ካዉተላ ኦይዱ ደእያ ሳኦን ‡ ደኣሳ፤ ታ ሱንሳ ሞንሳ ናጋሳ። ሀራይ አቶ፡ ሴጻናይ ደእያ ሳኦን ሀንተንቱ ማታን አሳይ ዋጼዳ ታን አማንያ ማርካይ እንትጸሰ ደእያ ዋይካ ታና አማንያዋ አጋ ባይካ።

14 ሽን ታን ኔና ቦርያ ጉላባይ ደኤ፤ እሰራኤልያ አሳይ ኤቃዉ ያርሼዳ ቁማ ማናዳን፤ ዋሹማናዳን ኡንቱንታ ናጋራ ኦሰሴዳ ባላቃ ታማርሴዳ ባላማ ትምርትያ ታማርያ አማራዳ አሳቱ ኔናና ደኢኖ።

15 ሄዋዳንካ፡ ቃይ ኒቆላዋቱዋ ትምርትያ ታማርያ አሳቱ ኔናና ደኢኖ።

16 ሄዋ ድራዉ፡ ኔን ነ ናጋራፕ ሰማ፤ ሄዌ ጳዮፕ፡ ታን ኔኮ ኤላካ ያና፤ ሄ አሳቱዋና ታ ድናፕ ከሰያ ማሻን ኦለታና።

17 “ ሀይላይ ደእያ ኡራይ ገሻ እያናይ ዋሳ ጎለቶ ግያዋ ሰሶ። ጸንያ ኡራዉ ታን ጌማን ደእያ ማናፕ አማራዳዋ እማና። ቃይ ታን ቦላ ሹቻካ እዉ እማና፤ አክያ ኡራፕ አትን፡ ኦን ኤረና ኡራላ ሱንሳይ ሄ ሹቻ ቦላ ጸፊት ኡቱዳ” ያጌ”

ያጋደ ጸፋ።

(4) የሱሰ ትያጽርካን ደእያ ዋሳ ጎለዉ ጎዋ

18 ትያጽርካን ደእያ ዋሳ ጎለያ ከታንቻዉ ሀዋዳን ያጋደ ጸፋ።

“ጸሳ ናኦይ፡ ታማ ላጩዋ ማላትያ አይፊ ደእያዌ፡ ቃይ ጮጭያ ታማን ቴሪደ ጳልያ ናሃሰያ ጌተትያ ብራታ ማላትያ ገዳ ደእያዌ፡ ሀዋዳን ያጌ።

19 ታን ነ አሱዋ፡ ነ ሲቁዋ፡ ነ አማኑዋ፡ ነ ማዱዋን ነ ገንጨዋ ኤራይ፤ ኔን ኮይሮ ኦልያዋፕ ሀእ ዳርሳይ ኦልያዋ ታን ኤራይ።

20 ሽን ታን ኔና ካጅያባይ ደኤ፤ ባረና፡ ታን ናባቶ ያግያ ሞሽራቶ ኤልዛቤራ ሽከኮ ጋዳ፤ ሄ ሞሽራታ ታ ኦሳንቻቱ ዋሹማናዳን፤ ኤቃዉ ያርሼዳ ቁማ ማናዳን፤ ታማርሳዉን ባለላዉ።

2:7 ደግሞ 2:9፤ ሳፕ 22:2፤ ሀ.ከ. 28:13፤ 31:8      2:8 እሳ. 44:6፤ 48:12፤ ሳፕ 1:17፤ 22:13      \* 2:10 ደኡዋ ካላቻ- ቦንቼቲዳ ደኡዋ።      † 2:11 ላኢንሉዋ ሀይቁዋ- ኮይሮ ሀይቁ እሾ ሸምፕፕፕ ሻከትያዋ ግዳድ፡ ላኢንሉ ሀይቁ ሸምፕ ሙጅናዉ ሙቶቲደ ደእያ ሀይቁዋ።      ‡ 2:13 ሴጻና ካዉተላ ኦይዱ- ሀዋ ብላላይ ሎይላይ ቆንጫ ግደና፡ ሽን ሀዌ በሰያዌ ጸሳ ኤረናን እጽዳዋንቱ ጎይንያ ጎይና ሳኦ ጋና ዳንዳየቱ።      2:14 ፓይ. 25:5፤ 7፤ 31:16፤ ዛረ. 23:4፤ ፓይ. 25:1-3      2:17 ከሳ 16:14-15፤ 16:33-34፤ የሃ. 6:48-50፤ እሳ. 62:2፤ 65:15      2:20 1 ካታ. 16:31፤ 2 ካታ. 9:22፤ 30

- 21 እዛ ባረ ናጋራጥ ሰማና ማላ፣ ታን እዘው ዎድያ እማድ፤ ሸን ዎሹማናው ካጁልያዋጥ እዛ ሰማናው ኮያበይኩ።
  - 22 በእተ፣ ታን እዘ ግሱዋን ኩንድሰና፤ ሳኩዋን እዛ ዋየታና። እዘና ዎሹምያዋንቱ ሄ እዘና ኦልያ ናጋራጥ ሰማና ጳዮፕ፣ ኡንቱንታካ ዎልቃማ ዋይያን የገና።
  - 23 ታን እዘ ናናካ ዎጳና፤ ቃይ ዎሳ ጎልያ ኡባይካ ታን ኦሳ ቆፋን አሙዋ ኤርያዎ ግድያዎ ኤራና፤ ታን ህንተንቶ ህንተንቱ ኪታ ማላ እማና።
  - 24 “ትያጽርን፤ ደእያ ሀራቶ፣ ሀ ኢታ ትምርትያ ታማርቤናዋንቶ፣ ሀራቱ፣ ሴጻና ጨዋ የወዋ ግያዎ ህንተንቱ ታማርቤይክታ፤ ታን ህንተንታ ሀራ ዴጾዎ ቶሰከ ጋይ።
  - 25 ሸን ታን ያና ጋካናው ህንተንቶ ደእያዎ ሎይሶ ናግተ።
  - 26 “ጸኔዳዎን ወርሰሳይ ጋካናው፣ ታ ኪታ ናጌዳዎ፣ ኦሳ ዛርያ ኡባ ሞዳና ማላ፣ ታን ታ አወዋጥ አኬዳ ማታ ማላ አወ እማና፤
  - 27 “እ ኦሳ ዛርያ ኡባ ብራታ ጸምኣን ሞዳና፤ ኤርቃጥ መጋታ ሚሻ መንሳያዎዳን መንሳና።
  - 28 ቃይ ታን እወ ባካልያ ጸልንትያ እማና።
  - 29 ሰሳናው ሀይላይ ደእያ ኡራይ ጌሻ እያናይ ዎሳ ጎለቶ ግያዎ ሰሶ ያጌ”
- ያጋደ ጻፋ።

### 3

#### (5) የሱሰ ሳርዴሳን ደእያ ዎሳ ጎለው ጎዋ

1 ሳርዴሳን ደእያ ዎሳ ጎልያ ኪታንቻው ሀዋዳን ያጋደ ጻፋ።

- “ጸሳ እያና ላፑናቱ፤ ላፑ ጸልንታቱ ደእያዌ ሀዋዳን ያጌ። ታን ነ ኪታ ኤራይ፤ ኦሳይ ኔና ሸምቸዋና ደኣሳ ግንቶካ፣ ኔን ሀይቃዳ።
  - 2 ቤጎታ! አቲዳዎን ሀይቃናው ማቲዳዎ መንግሳ። እያው ጎፕ፣ ነ ኪታይ ታ ጸሳ ሰንሳን ፖሎ ግደናዎ ታን ደማድ።
  - 3 ሰም ኔን አኬዳዎን ሰሴዳዎ አኬካ፤ ናጋ፤ ነ ናጋራጥካ ሰማ። ኔን ቤጎተናዎ ግደፕ፣ ታን ኔኮ ካይሱዋዳን ያና፤ ታን ዎይሳደ ያንንቶ ኔን ኤራካ።
  - 4 ሸን ባረንቱ ማዌዎ ቅትሰቤና አማራዳ ኦሳቱ ሳርዴሳን ኔናና ደእና። ኡንቱንቱ ቦላ ማዌዎ ማዌደ ታናና ሀመታና፤ እያው ጎፕ፣ ኡንቱንቱ ቦላ ማዌዎ ማያናው በሰያዋንታ።
  - 5 ጸንያዌ ሄዋዳንካ ቦላ ማዌዎ ማያና። ታን አ ሱንሳ ደኡዎ ማጸፋፕ \* ቁጭከ፤ ታን ታ አኩ ሰንሳን፤ አ ኪታንቻቱዎ ሰንሳን አ ታዋ ግድያዎ ማርካታና።
  - 6 “ሰሳናው ሀይላይ ደእያ ኡራይ ጌሻ እያናይ ዎሳ ጎለቶ ግያዎ ሰሶ ያጌ”
- ያጋደ ጻፋ።

#### (6) የሱሰ ፕላደልፍያን ደእያ ዎሳ ጎለው ጎዋ

7 ፕላደልፍያን ደእያ ዎሳ ጎልያ ኪታንቻው ሀዋዳን ያጋደ ጻፋ።

- “ዳዊተ ቁልፕያ ተ ኦይቁዳዌ፣ ኦንጎ ጎርዳናው ዳንዳየናዳን ዶይያዌ፣ ቃይ ኦንጎ ዶያናው ዳንዳየናዳን ጎርድያዌ ጌሻይ፤ ቱማንቻይ ሀዋዳን ያጌ።
- 8 ታን ነ ኪታ ኤራይ። በእ፣ ታን ነ ሰንሳን ኦንጎ ጎርዳናው ዳንዳየና ፕንግያ ዎላድ፤ እያው ጎፕ፣ ነ ዎልቃይ ጉላ ግደፕ፣ ታ ቃላ ናጋዳ፤ ታ ሰንሳን ኤርከ ጋበይካ።
- 9 በእ፣ አይሁዳ ግድከኖ ሸን ባረና፣ ኡን አይሁዳ ጊደ ዎርድትያ ሴጻና አይሁዳ ዎሳ ጎልያ ታን እሃደ፣ ነ ሰንሳን ጎይንሳና፤ ኔና ሲቅያዎካ ኡንቱንታ ኤርሳና።
- 10 ኔን ገንጨዋ፤ ታ አዛዙዋ ናጌዳ ድራው፣ ሳኣን ደእያ ኦሳ ፓጫናው ኩመንላ ሳኣ ቦላ ይያ ዋይያ ዎድያፕ ታንካ ኔና ናጋና።
- 11 ታን ኤላካ ያና፤ ኦንጎ ነ ካላቻ እከና ማላ፣ ነወ ደእያዎ ሞንሳ ኦይቃ።
- 12 ታን ጸንያ ኡራ ታ አወዋ ጌሻ ጎልያን ቱሳ ኦሳና፤ አ ሄዋፕ ኡባካ ከሰና። ታን ታ ጸሳ ሱንሳ፣ ታ ጸሳ ካታማ ሱንሳ፤ ታ ጸሳ ማታፕ ዎጳና ኡራላ የሩሳላመ ሱንሳ አ ቦላ ጻፋና። ቃይ ታን ታ ኡራላ ሱንሳካ አ ቦላ ጻፋና።
- 13 ሰሳናው ሀይላይ ደእያ ኡራይ ጌሻ እያናይ ዎሳ ጎለቶ ግያዎ ሰሶ ያጌ”

---

2:23 ማዘ. 7:9፣ ኤር. 17:10፤ ማዘ. 6:21, 2:27 ማዘ. 2:8-9 \* 3:5 ደኡዎ ማጸፋፕ- ጸሳ ኦሳቱዎ ሱንሳይ ጸልትያ ማጸፋፕ 3:5 ከሳ 32:32-33፤ ማዘ. 69:28፤ ሳፕ 20:12፤ ማቶሳ 10:32፤ ሉቃሳ 12:8 † 3:7 ዳዊተ ቁልፕያ- ሀዋ ጉሳይ ዳዊተ ካወተላ አይሱዋ ማታ ኦድያዎ። 3:7 ኢሳ. 22:22፤ እዮባ 12:14 3:9 ኢሳ. 49:23፤ 60:14፤ 43:4

ያጋደ ዳፋ።

(7) የሱስ ሎዶቅያን ደእያ ዋሳ ጎለጧ ጎዋ

14 ሎዶቅያን ደእያ ዋሳ ጎለጧ ኪታንቻጧ ሀዋዲን ያጋደ ዳፋ።

“አማኑቴዳ ቱማንቻ ማርካይ፡ ዳሳይ መጫዳዋ ኮይሩ፡ አመንእ ግያዌ ሀዋዲን ያገ።

15 ታን ነ ኪታ ኤራይ። ኔን አርጻ ግዳካ፤ ዋይ ሴልያዋ ግዳካ፤ አርጻ ዋይ ሴልያዋ ግዳርኪ።

16 ኔን አርጻ ዋይ ሴልያዋ ግዳርካ፡ ደምቦሎላ ግድያ ድራጧ፡ ታን ኔና ታ ደናጥ ጩቻና ሀናይ።

17 እያጧ ጎጥ ኔን፡ ታን ዱረ፤ ሚሻና ደእይ፤ ታና እይነ ኮሸና፡ ያጋሳ። ሸን ኔን መቶትያ አሳ፡ ቃረሳያ አሳ፡ ሀዬሳ፡ ቆቃን ካሎቴዳ አሳ ግድያዋ ኤራካ።

18 ሄዋ ድራጧ፡ ኔን ዱረታና ማላ፡ ታማን ገዬዳ ዋርቃ፡ ኔና ዬላይያ ነ ካሉዋ ካማናጧ ቦላ ማዩዋን ቃይ ሎይላ ጸላናጧ ነ እይፍያ ኦክያ ፋልያ ታጥ ሻማናዳን፡ ታን ኔና ዞራይ።

19 ታን ሲቅያ ኡባ ሴራይነ ሙራይ፤ ሰም ሎይላ ሴላታ፤ ነ ናጋራጥካ ሰማ።

20 በአ፡ ታን ካረን ኤቃደ ጸሳይ። ኦንነ ታን ጸሰያዋ ሰሲደ፡ ካርያ ደዮጥ፡ ታን እኮ ገላደ አናና እትጥ ካጧዋ ማና፤ እካ ታናና እትጥ ማና።

21 ቃይ ታን ጸናደ ታ አጧዋና እ ካጧተላ ኦይድያን ኡቴዳዋዳን፡ ጸንያ ኡራጧ ታናና ታ ካጧተላ ኦይድያን ኡትያ ማታ እማና።

22 “ሰሳይ ሀይላይ ደእያ ኡራይ ጌሻ አያናይ ዋሳ ጎለቶ ግያዋ ሰሶ ያገ ያጋደ ዳፋ” ያጌዳ።

### 4

ዳሳይ የጥንቅቅ ባረ ካጧተላ ኦይድያ ሰንላ አሄዳ

1 ሄዋጥ ጉይያን፡ ታን ሳሉዋን ደያ ጥንግያ በአድ፤ ቃይ ታጧ ማላካታዳን እድሸን፡ ታን ሰሴዳ ኮይሮ ኮሻይ ታና፤ “ሀዋጥ ጉይያን፡ ሀናናጧ በሰያዋ ታን ኔና በሳና፤ ሃ ከሳ” ያጌዳ።

2 ኤላካ ታን ጌሻ አያና ሞዴዋ ግደ ገላ አጋድ። በአተ፡ ሳሉዋን ካጧተላ ኦይዲ ደእይ፤ ሄ ኦይድያን እቱ ኡቴዳ።

3 ሄ ኡቴዳዋ ማላይ አልኦ እያሰጸድያ ሹቻዳንነ አልኦ ሰርድና፤ ሹቻዳን ጸሌ። ካጧታ ኦይዲ ዙሉዋን ዩይ አጂደ ኡባ ባጋና አልኦ ማርግድያ ሹቻዳን ጸሌ።

4 ሃ ካጧተላ ኦይድያ ዩይ አጂደ፡ ሀራ ላታማነ ኦይዲ ካጧተላ ኦይደቱ ደእና፤ ኡንቴንቴን ቦላ ማዩዋ ማዩደ፡ ሀጺያን ዋርቃ ካላቻ ዋሴዳ ላታማነ ኦይዲ ጭማቱ ኡቴድና።

5 ካጧተላ ኦይድያጥ ዋልቃንላይ፡ ኮሹንቻይነ ጉጉንላ ጉንላይ ከሴዳ፤ ቃይ ካጧተላ ኦይድያ ሰንላን ላጥ ጸምጋቴ ፖአና። ሄዋንቴ ዳሳ ላጥ አያናቴዋ።

6 ካጧተላ ኦይድያ ሰንላን ብርልያ ማላትያ ቡርጩኩዋ አባይ ደእ።

ሄ ካጧተላ ኦይድያጥ ሰንላናን ጉዮና አ ማታን ዩይ አጂደ፡ አይፊ ኩሜዳ ኦይዲ ደእዋን ደእያ መጋታቴ ደእና።

7 ኮይሮ ደእዋን ደእያ መጋታይ ጋሙዋ ማላቴ፤ ላእንሉ ሚካ ማራ ማላቴ፤ ሄዘንሉዋ ሰምእ አሳ ዳሙዋ ማላቴ፤ ቃይ ኦይደንሉ ፓልያ አርጋንላ ማላቴ።

8 ኦይዲ ደእዋን ደእያ መጋታቶ ሀጺያን ሀጺያን ኡሱፑን ቀፊ ደእ፤ ኡንቴንቴ ቦላን ጋርሳንካ ኡባ ሳን አይፊ ኩሜዳ። ኡንቴንቴ ቃማነ ጋላሰ።

“ጌሻጧ፡ ጌሻጧ፡ ጌሻጧ፡

ካሰ ደእያዎ፡ ሀእካ ደእያዎ፡

ቃይ ሰንላጥ ያናዎ፡

ጎዳጧ፡ ኡባጥ ዋልቃማ ዳሳጧ”

ግያዋ አግክኖ።

9 ሄ መጋታቴ ካጧተላ ኦይድያን ኡቴዳ መጅ መጅናጧ ደእዋን ደእያዋ ማዘሙርያን ሳቤዳ ዋደ፡ ቦንቹዳ ዋደነ ጋላቴዳ ዋደ፡

10 ላታማነ ኦይዲ ጭማቱ ካጧተላ ኦይድያን ኡቴዳ መጅ መጅናጧ ደእያዋ ሰንላን ጉፋነደ፡ አጧ ጎይነና፤ ባረንቴ ካላቻ ካጧተላ ኦይድያ ሰንላን ዋሴደ ሀዋዲን ያገና።

11 “ኑ ጎዳጧ ዳሳጧ፡

ኔን ቦንቹዋ፡

ሳባን ዋልቃ እካናጧ በሳሳ።

እያጧ ጎጥ፡ ኡባባ ኔን መጳዳ፤

ቃይ ኡባባይካ፣ ኔን ኮዬዳዋዳን ሀኔዳን ደኤዳ”  
ያገሮ።

# 5

## ማጻፋን ደርሳ

1 እት ጸጸቶ ማጻፋይ \* ካውተላ ኦይድያን ኡቴዳዋ ኡሸቻ ኩሸያን ደእያዋ በእድ፤ ሄ ጸጸቶ ማጻፋይ ላኡ ባጋናካ ጸፈት ኡቴዳ፤ ቃይ ላፑ ማጋፋይ እ ቦላ ኢታመቲዳ።

2 ታን እት ዋልቃማ ኪታንቻይ ባረ ቃላ ቶቁ ኦሊደ፣ “ማጋፋ ዶዪደ፣ ጸጸቶ ማጻፋ ብላናው በሰያ ኡራይ ኦኔ?” ያገደ፣ አዋይያዋ በእድ።

3 ሳሉዋን ግድና ዋይ ሳእን ግድና፣ ዋይ ሳእጥ ጋርሳን † ግድና፣ ሄ ጸጸቶ ማጻፋ ብላናው ዋይ እ ግዱዋ ጸላናው ኦን በሰያዋ ባዋ።

4 ጸላ ማጻፋ ብላናው ዋይ እ ግዱዋ ጸላናው በሰያ ኡራይ ባይና ድራው፣ ታን ዳሮ ዬካድ።

5 ጭማቱዋጥ እቲ ታና፣ “ዬኮፓ፤ በእ፣ ይሁዳ ዛርያ ግዱዳ ጋሙ፣ ዳዊተ ዛሪ ጸኔዳ። እ ማጋፋ ዶያናውን ጸጸቶ ማጻፋ ብላናው በሴ” ያገደ።

6 ታን ካውተላ ኦይድያ፣ ደኡዋን ደእያ ኦይዱ መፍታቱዋጥን ቃይ ጭማቱዋጥ ግዱዋን፣ ሹከቲዳ ደርሳ ማላቲደ ኤቄዳዋ በእድ፤ እው ላፑ ካጨቲን ላፑ አይፈቲ ደእና። ሄዋንቲ አላዎያ ኡባ ከተቲዳ ጸሳ ላፑ አያናቱዋ።

7 ሄ ደርሳይ ቢደ፣ ካውተላ ኦይድያ ቦላ ኡቴዳዋ ኡሸቻ ኩሸያን ጸጸቶ ማጻፋ አኬዳ።

8 እ ሄ ጸጸቶ ማጻፋ አኬዳ ሆይ፣ ደኡዋን ደእያ ኦይዱ መፍታቲን ላታማን ኦይዱ ጭማቲ እ ሰንላን ኩንዴድና። ኡንቲንቲ ሁጲያን ሁጲያን ዲላን እጸናይ ኩሜዳ ዋርቃ ሚሻ ኦይቄድና። ሄ እጸናይ ጌሻቲ ጸሳ ዋሰያዋ።

9 ኡንቲንቲ፣

“ጸላ ማጻፋ አካናውን፣  
ማጋፋ ዶያደ፣  
ጸላናው ነው በሴ።  
አያው ጎፐ፣ ኔን ሹከታዳ።

ኔን ቆሙዋ ኡባ፣  
ዲማ ዲማ ጋድያ ቃላ ኡባ፣  
ያራ ኡባ፣ ዛርያ ኡባ፣  
ነ ሱላን፣ ጸሳው አሳ ዋዛዳ።

10 ኑ ጸሳው ኦላና ማላ፣  
ኡንቲንታ ኔን፣ ካታቱዋን፣  
ቄሳቱዋ ኦላዳ።  
ቃይ ኡንቲንቲ ሳእንካ ሞዳና”  
ያገደ ኦራላ ማዝሙርያ የጸና።

11 ሄዋጥ ጉይያን፣ ታን ጸላደ፣ ካውተላ ኦይድያ፣ ደኡዋን ደእያ ኦይዱ መፍታቲን ጭማቱዋ ዩይ አጲደ ኤቄዳ ዳሮ ኪታንቻቱዋ ኮሻ ሰሳድ፤ ኡንቲንቲ ሻእንን ሚሎንያን ፓይደቲድና።

12 ሄ ኪታንቻቲ ባረንቲ ቃላ ቶቁ ኦሊደ፣

“ሹከቲዳ ደርሳይ  
ዋልቃ፣ ዱረተላ፣  
አጲዳ ኡራ፣  
ሞኖተላ፣  
ቦንቹዋ፣ ሳባ፣  
ጋላታ አካናው በሴ!”

ያገድና።

13 ሄዋጥ ጉይያን፣ ሳእን፣ ሳሉዋን፣ ሳእጥ ጋርሳንን አባ ግዱዋን ደእያ መፍታ ኡባይን ቃይ ሄዋንቲን ደእያ መፍታ ኡባይ፣

“ካውተላ ኦይድያ ቦላ፣  
ኡቴዳዋን ደርሳው፣

\* 5:1 ጸጸቶ ማጻፋ- ሀዋ ጉሳይ ዋራቃን ዋይ ጋልባን ጸፈቲዳ ጸጸትያ ማጻፋ ግዱዳ፣ ዳሮ ካረ ባጋና እት ዋይ ላኡ ቦላ ባጋ ጋልባን ማጋፋይ ኢታመቲ። 5:1 ሆዚ. 2:9-10፣ አሊ. 29:11 † 5:3 ሳእጥ ጋርሳን- ሀይቄዳዋንታ ጉሳ። 5:5 ደሙላ 49:9፣ አሊ. 11:1፣ 10 5:6 አሊ. 53:7፣ ዛካ. 4:10 5:8 ማዚ. 141:2 5:9 ማዚ. 33:3፣ 98:1፣ አሊ. 42:10 5:10 ከሳ 19:6፣ ሳፍ 1:6 5:11 ዳኔላ 7:10

ጋላታይ፣ ቦንቹ፣  
ሳባይነ ዋለቃይ፣  
መፍ መፍናወ ግደ፤”

ያገደ የጽሕፈት ስሳድ።

14 ደኡዋን ደእያ ኦይዱ መጋታቱ፣ “እመንእ” ያግና፣ ጭማቱ ጉፋኒደ ጎይኔድና።

### 6

ሄ ጸጸሳ ማጸፋ ማታፋ ደያ

1 ደርሳይ ላፑ ማታፋቱዋፕ እቱዋ ደይሸን በእድ፤ ቃይ ሸምፑዋና ደእያ ኦይዱ መጋታቱዋፕ እቱ ጉጉንሳ ጉንሳ ማላትያ ኮሻን፣ “ሃያ!” ያግያዋ፣ ታን ስሳድ።

2 ታን እት ቦላ ፓራ በእድ። ሄ ፓራ ቶጌዳዌ ዋንዳፍያ ኦይቁዳ፤ ቃይ እወ ካላቻይ እመቲዳ። ኦላ እ ጸኒድን ቃይካ ጸናናወ ከሴዳ።

3 ደርሳይ ላእኒሳ ማታፋ ደይዳ ዋይ፣ ሸምፑዋና ደእያ መጋታቱዋ ላእኒሳ፣ “ሃያ!” ያግያዋ፣ ታን ስሳድ።

4 ቃይ ሀራ ዳማ ፓራይ ከሴዳ። እሳይ እቱ እቱዋና ሹከታና ማላ፣ ሄ ፓራ ቶጌዳዋ ሳኅን ሳርተላ ድግያ ዋለቃይ እመቲዳ። ዋጋ ማሻይ እወ እመቲዳ።

5 ደርሳይ ሄዘንሳ ማታፋ ደይዳ ዋይ፣ ደኡዋን ደእያ መጋታቱዋ ሄዘንሳ፣ “ሃያ!” ያግያዋ፣ ታን ስሳድ። ያታደ ካረላ ፓራይ ከሴዳዋ በእድ፤ ቃይ ሄ ፓራ ቶጌዳዌ ባረ ኩሸያን ሚዛንያ ኦይቁዳ።

6 ታን ደኡዋን ደእያ ኦይዱ መጋታቱዋ ግደፕ ኮሻ ማላትያባ ስሳድ። ሄ ኮሻይ፣ “እት ጋላሳ ኦሶ ድርጉ ባጋ ኪሉዋ ዛርጋ፤ ቃይ እት ጋላሳ ኦሶ ድርጉ እት ኪሉዋ ባጋ ባንጋ። ሸን ዛይትያን ዋይንያ ኤሳ ቆሆፓ” ያግያዋ ስሳድ።

7 ደርሳይ ኦይደንሳ ማታፋ ደይዳ ዋይ፣ ደኡዋን ደእያ መጋታቱዋ ኦይደንሳ፣ “ሃያ!” ያግያዋ፣ ታን ስሳድ።

8 ታን ግራጨ ፓራይ ከሴዳዋ በእድ። ሄ ፓራ ቶጌዳዋ ሱንሳይ ሀይቁዋ፤ እ ጌዱዋ ስእሊ ካሌዳ። ሀይቁን ስእሊ ሳእፕ ኦይደንሳ ኩሸያ ኦላን፣ ኮሻን፣ ሀርግያን፣ ዶኣን ዋፍሳና ማላ፣ ኤንቲንቶ ማታይ እመቲዳ።

9 ደርሳይ እቼሸንሳ ማታፋ ደይዳ ዋይ፣ ኤንቲንቲ ደሳ ቃላ ኦይዳ ድራወን ባረንቲ ማርካተሳን እማነቲዳ ድራወ። ሹኬዳ እሳ ሸምፑዋ ያርሹዋ ያርሸያ ሳፕ ጋርሳን በእድ።

10 ኤንቲንቲ ባረንቲ ቃላ ጶቁ ኦሊደ፣ “ኡባ ዋድያ ጎዳወ፣ ጌሻወ፣ ቲማንቻወ፣ ሳኅን ደእያ እሳ ቦላ እወደ ፕርዳይ? ቃይ ኦ ሱሳ እወደ ጭገታይ?” ያጌድና።

11 ኤንቲንቶ ሀጺያን ሀጺያን ቦላ ማዶ እመቲዳ። ኤንቲንቲዋዳን ሀይቃናወ በሰያ ኤንቲንቲ ላገላ ኦሳንቻቱዋ ፓይዱን ኤንቲንቲ እሻቱዋ ፓይዱ ኩማና ጋካናወ። ኤንቲንቲ ኦማራዳ ዋድያ ታክሻና ማላ፣ ኤንቲንቶ ኦይቲዳ።

12 ደርሳይ ኡሱፑንሳ ማታፋ ደይዳ ዋይ፣ ታን በእድ፤ ቢታይ ሎይሳ ቃጾዳ። አዋይፊ ካረላ ማዶዋን ካረጹዳ፤ አገናይካ ሙለ ሱሳ ማላቲዳ።

13 ባላሰያ ግያ ሞላት ጋምኤ እይፊ፣ ዋለቃማ ጫርኩ ቃላና፣ ሳኅን ቆቆፊትያዋዳን፣ ጸልንታቱ ሳሉዋፕ ሳኅን ቆቆፊቲድና።

14 ሳሉ ጸጸቶ ማጸፋይ ጸጸትያዋዳን፣ ጸጸቲደ ቆይ እጌዳ፤ ደር ኡባቲነ ሃላን ደይቲዳ ሳእይ ኡባይ ባረንቲ ደእያሳፕ ክቶ እጌድና።

15 ሄዋፕ ጉይያን፣ ሳኅ ካታቱ፣ ደርያ ሞድያዋንቲ፣ ሻላቃቲ፣ ዱራቲ፣ ዋለቃማቲ፣ ቃይ ሀራ እሳይ ኡባይ፣ እይለቲ፣ ዋማናቲ፣ ደርያ ከሴዳ፣ ጎንጎሉዋ ግደንን ደርያን ደእያ ዛላ ጉየ ባጋን ቆስቲድና።

16 ያቲደ ደረቲዋን ሹቻ፣ “ካወተላ ኦይድያን ኡቲዳዋ እይፍያፕን ደርሳ ሀንቁዋፕ ኦ ቦላ ኩንዲደ፣ ኦና ገንጫርክቲ፻!”

17 እያወ ሳፕ፣ ኤንቲንቶ ዋለቃማ ሀንቁዋ ጋላሳይ ጋክ ክቼዳ፤ ሄ ሀንቁዋ ዳንዲያናዌ ኦኔ?” ያጌድና።

### 7

እስራኤልያ እሳፕ 144,000 አሳቱዋ ሰምእያን ማታፋይ ዋዴዳ

1 ሃዋጥ ጉይያን፣ ታን ኦይዱ ኪታንቻቱ ኦይዱ ባጋ ሳኦ ጋጸን ኤቄዳዋንታ በኣድ። ሄ ኪታንቻቱ ሳኦ ቦላን፣ ዋይ ኣባ ቦላን፣ ዋይ ኣይ ዋሳ ቦላን፣ ጫርኩ ጫርከናዳን ተኤድኖ።

2 ቃይካ ደኡዋ ጸሳ ማታፋ ኦይቄደ ሀራ ኪታንቻይ ኣዋይ ዋክያሳጥ ከሰያዋ ታን በኣድ። ሄ ኪታንቻይ ባረ ኮሻ ጶቄ ኦሲደ፣ ሳኣን ኣባ ቆሀናዉ ዋልቃይ ኣመቲዳ ኦይዱ ኪታንቻቱዋ

3 ጴሲደ፣ “ኑ ጸሳ ኦሳንቻቱዋ ዴሙዋን ኑን ማታፋ ዋሳና ጋካናዉ፣ ሳኦ ግድና ዋይ ኣባ ግድና፣ ዋይ ዋሳ ግድናካ ቆሆፕተ” ያጌደ።

4 ታን ጸሳ ማታፋ ዴሙዋን ዋሴዳዋንቱ ፓይዲዋ ሰሳድ። ኣሰራኤልያ ዛርያ ኡባጥ ኣት ጴታን ኦይታማን ኦይዱ ሻኣ ኣሳቱዋ ዴሙዋን ማታፋይ ዋዴዳ።

5 ይሁዳ ዛርያፕ፣  
ታማን ላኡ ሻኣ ዴሙዋን ማታፋይ፣  
ዋዴዳ።

ርቤላ ዛርያፕ፣  
ታማን ላኡ ሻኣ።

ጋይ ዛርያፕ፣  
ታማን ላኡ ሻኣ።

6 ኣሴራ ዛርያፕ፣  
ታማን ላኡ ሻኣ።

ጎፍታሊመ ዛርያፕ፣  
ታማን ላኡ ሻኣ።

ዋናሰ ዛርያፕ፣  
ታማን ላኡ ሻኣ።

7 ሰዋና ዛርያፕ  
ታማን ላኡ ሻኣ።

ሌዋያ ዛርያፕ  
ታማን ላኡ ሻኣ።

ይሳኩራ ዛርያፕ  
ታማን ላኡ ሻኣ።

8 ዛብሎና ዛርያፕ፣  
ታማን ላኡ ሻኣ።

ዮሴፎ ዛርያፕ፣  
ታማን ላኡ ሻኣ።

ቢንያማ ዛርያፕ፣  
ታማን ላኡ ሻኣ

ዴሙዋን ማታፋይ፣  
ዋዴዳ።

ቦላ ማደዋ ማዴዳ ጮራ ኣሳቱዋ

9 ሃዋጥ ጉይያን፣ ዛርያ ኡባጥ፣ ቆሙዋ ኡባጥ፣ ያራ ኡባጥን ዴማ ዴማ ጋድያ ቃላ ኡባጥ ኦንነ ፓይዳናዉ ዳንዳየና ዛዋይ ባይና ጮራ ኣሳ ታን በኣድ። ሄ ኣሳይ ቦላ ማደዋ ማዴዳ፣ ዛምባ ሀይሳ ባረንቱ ኩሽያን ኦይቄደ፣ ካዉተላ ኦይድያ ሰንሳንነ ደርሳ ሰንሳን ኤቄዳ።

10 ኣንቱንቱ ባረንቱ ቃላ ጶቄ ኦሲደ፣

“ኑ ኣቶተሳይካ፣  
ካዉተላ ኦይድያን ኡቲዳ፣  
ኑ ጸሳጥነ ደርሳጥ ዬ”

ያጌድኖ።

11 ኪታንቻቱ ኡባይ ካዉተላ ኦይድያ፣ ጭማቱዋን ደኡዋን ደኣያ ኦይዱ መጠታ ዩይ ኣዲደ ኤቄድኖ። ኣንቱንቱ ካዉተላ ኦይድያ ሰንሳን ባረንቱ ዴሙዋን ጉፋኒደ ጸሳዉ ጎይኒደ፣

12 “ኣመንኣ!  
ኣንጂ፣ ቦንቹ፣  
ኣዴዳ ኤራተሳይ፣  
ጋላታይ፣ ሳባይ፣  
ዋልቃይ፣ ዋኖተሳይ፣  
መድናጥ መድና ጋካናዉ ኑ ጸሳዉ ግድ።

ኣመንኣ!”



ያጌድኖ።

13 ጭማቱዋጥ እቱ ታና። “ሀ ቦላ ማዩዋ ማዬዳ እሳቱ ኦኔ? ኦንቱንቱ ሀቃጥ ዬድኖ?” ያጌደ ኦቹዳ።

14 ታን። “ታ ጎዳዉ፣ ኔን ኤራሳ” ያጋድ። እ ታና ሀዋዳን ያጌዳ።

“ሀዋንቱ ዳሮ ዋይያ ዋየቲደ ዬዳዋንታ።  
ኦንቱንቱ ባረንቱ ማዩዋ ደርሳ ሱላን ሜጨደ፣  
ቦጺዳዋንታ።

15 ሄዋ ድራዉ፣  
ኦንቱንቱ ጸሳ ካዉተላ ኦይድያ ሰንላን ኤቂደ፣  
ቃማን ጋላስ፣ አ ጌሻ ጎልያን፣  
አዉ ኦሊኖ።

ቃይ እ ባረ ካዉተላ ኦይድያን ኡቴዳዌ፣  
ኦንቱንቱ ግዱዋን ደእና።

16 ሀዋጥ ሰንላናዉ ኡባካ፣  
ኦንቱንቱ ኮሻትክኖ፤  
ዋይ ሳመትክኖ።  
አዋይ ኦንቱንታ ማና፤  
ቃይ እይ ሴላይካ ኦንቱንታ ጉደና።

17 እያዉ ጎጥ፣ ካዉተላ ኦይደዉ፣  
ግዱዋን ኡቴዳ ደርሳይ፣  
ኦንቱንታ ሄማና።  
ደኡዋ ሃላ ፑልቱዋኮካ፣  
ኦንቱንታ ካለላና።  
ጸሳይካ ኦንቱንቱ አይፍያ አፎላ ኡባ ቁጭ ድጋና”

ያጌዳ።

### 8

#### ጸጸላ ማጸፋ ላፑንላ ማታፋይ ደየቲዳ

1 ደርሳይ ላፑንላ ማታፋ ደዬዳ ዋይ፣ ባካ ሳትያ ግድያዋ ከና ሳሉ ጮኡ ጌዳ።

2 ሄዋጥ ጉይያን፣ ታን ላፑ ኪታንቻቱዋ ጸሳ ሰንላን ኤቂያዋንታ በእድ፤ ኦንቱንቱ ላፑ ማላካታይ አመቲዳ።

3 እጻና ጨዋይያ ዋርቃ ሚሻ ኦይቄዳ ሀራ ኪታንቻይ ዪደ፣ ያርሽያ ሳ ማታን ኤቄዳ። ዋርቃጥ ሙጫቲዳ ያርሽያሳይ ካዉተላ ኦይድያ ሰንላን ደእኔ፤ ሄ ያርሽያ ሳ ቦላ ጌሻ ኡባቱዋ ዋሳ ጉጅና ማላ፣ ኪታንቻዉ ዳሮ እጻናይ አመቲዳ።

4 እጻና ጨዋይ ጌሻቱዋ ዋሳና እትጥ ሄ ኪታንቻ ኩሽያጥ ፑደ ጸሳኮ ቤዳ።

5 ሄዋጥ ጉይያን፣ ኪታንቻይ እጻና ጨዋይያዋ አኪደ፣ ያርሽያ ሳጥ ታማ ቦንቁዋ አኪደ፣ እን ኩንሌዳ። ሄ እጻና ጨዋይያዋ ዱገ ሳኣ ኦልና፣ ጉጉንላይ ጉማዳ። ዋልቃንላይ ዋልቃሜዳ፤ ቃይ ቢታይካ ቃጺዳ።

#### ማላካታቱ ፑንቲድኖ

6 ቃይ ላፑ ማላካታ ኦይቂደ ላፑ ኪታንቻቱ ማላካታ ፑናናዉ ጊጌድኖ።

7 ኮይሮ ኪታንቻይ ባረ ማላካታ ፑንና ሱላና ዋለከቲዳ ሻቻይን ታማይ ሳእን ቡኩዳ። ሳኣጥ ሄዘንላ ኩሽ ጉደቲዳ፤ ዋላጥካ ሄዘንላ ኩሽ ጉደቲዳ፤ ማታ ኡባይካ ጉደቲዳ።

8 ላኤንላ ኪታንቻይካ ባረ ማላካታ ፑኔዳ። ዋልቃሙ ደርያ ማላትያባይ ታማን ኤጺደ፣ አባን የገቲዳ፤ ያትና፣ አባጥ ሄዘንላ ኩሽ ሱላ ግዴዳ።

9 አባን ደኡዋን ደእያ ሙጫታቱዋ ሄዘንላ ኩሽ ሀይቄዳ፤ ማርካበቱዋጥካ ሄዘንላ ኩሽ ጻዬዳ።

10 ሄዘንላ ኪታንቻይ ባረ ማላካታ ፑንና ሻፋጥን ፑልቱዋ ሃላጥ ሄዘንላ ኩሽያ ቦላ ሳሉዋጥ ጸሞጥያዳን ኤጺያ ዋልቃሙ ጸልንቲ ዋዴዳ።

11 ሄ ጸልንትያ ሱንላይ ጫሙዋ ጌተቲ። ሃላጥ ሄዘንላ ኩሽ ጫሜዳ፤ ቃይ ሃላይ ጫሜዳ ድራዉ፣ ዳሮ አሳይ ሄ ሃላ ኡሺደ ሀይቄዳ።

7:14 ዳኦላ 12:1፤ ማቶሳ 24:21፤ ማር. 13:19      7:16 አሳ. 49:10      7:17 ማዝ. 23:1፤ 2፤ ሀዘ. 34:23፤ አሳ. 49:10፤ 25:8      8:3 እሞጾ 9:1፤ ከሳ 30:1፤ 3      8:5 ሳፍ 11:19፤ 16:18፤ ዋጋ 16:12፤ 18፤ ሀዘ. 10:2፤ ከሳ 19:16  
8:7 ከሳ 9:23-25፤ ሀዘ. 38:22      8:10 አሳ. 14:12      8:11 ኤር. 9:15

12 እይደገል ከታገቻይ ባረ ማላካታ ፑኔድ። አዋጥ፣ አገናጥነ ጸልጎትያጥ ሄዘገላ ኩሺ ደሸቱዳ፤ ኦጎቱንቱ ፖኦዋጥካ ሄዘገላ ኩሺ ጭሚዳ። ሄዋ ድራው፣ ጋላሳጥ ሄዘገላ ኩሺ፣ ቃማጥካ ሄዘገላ ኩሺ ጭሚዳ።

13 እት አርጋገሳይ ሳሉዋን ፓልያዋ ታጎ በኣድ። ሄ አርጋገሳይ ባረ ቃላ ጭቀ ኦሊድ፣ “ሄዘ ከታገቻቱ ፑናና በሰያ የኮ ማላካታይ ፑነትያ ዋደ፣ ሳኣን ደእያ አሳው አዬር! አዬር! አዬር!” ያግያዋ ሰሳድ።

### 9

1 ሄዋጥ ጉይያን፣ አቼሽገላ ከታገቻይ ባረ ማላካታ ፑናና ሳሉዋጥ ዱገ ሳኣ ኩንዴዳ ጸልጎትያ በኣድ። ሄ ጸልጎተው ጨዋ ኦላ \* ቁልጥ እመቲዳ።

2 ጸልጎቲ ጨዋ ኦላ ደዬዳ፤ እኮ ጮጭያጥ ከሰያ ጨዋ ማላ ጨዋይ ሄ ጨዋ ኦላጥ ከሴዳ። ቃይ አዋይነ ሳኣይ ሄ ጨዋ ኦላጥ ከሴዳ ጨዋን ጭሚዳና።

3 ጨዋጥ ቦሊ ዱገ ሳኣ ዬዳ። ሳኣን ደእያ ሶጋቶ ደእያ ዋልቃ ማላ ዋልቃይ ቦሊውካ እመቲዳ።

4 ጸሳ ማታፋይ ዳመዋን ባይና አሳ ጸላላ ቆሀናጥ አትን፣ ሳኣን ደእያ ማታ ዋይ አጭያ ሞላ ግድና ዋይ እይ ሞላ ግድናካ ቆሃና ማላ፣ ቦሊው ኦይቲዳ።

5 ቦሊ ሄ አሳ አቼሹ አገና ግድያዋ ፓጸ ካኣና ማላ፣ ማታይ እመቲዳዋጥ አትን፣ አው አሳ ዋቆናው ማታይ እመቲቤና። ሶጉ አሳ ዱኪደ ሴልሰያዋ ከና ቦሊ ሴልሴ።

6 ሄ ጋላሳቲዋን አሳይ ሀይቁዋ ኮያና፤ ሽን ደመና። ቃይ ሀይቃናውካ አዋታና፤ ሽን ሀይቁ አሳጥ ባቃታና።

7 ቦሊ አላው ገግ ኡቲዳ ፓራ ማላቲ። ቦልያ ሁጲያን ዋርቃ ማላትያ ካላቻይ ደኤ፤ አ ዳሙካ አሳ ዳሙዋ ማላቲ።

8 አ ብናናይካ ማጫ አሳ ብናናይዳ አዱቁ፤ አ አቻይካ ጋሙዋ አቻ ማላቲ።

9 አ ትራይ ብራታጎ ኦሌዳ ጎንዳልያ ማላትያዋን ጎዘት ኡቲዳ፤ ቃይ አ ቀፍና ኮሻይ ኦላ ባናው ፕሪጽያ ፓራቲ ጎቻያ ጋርያ ኮሻ ማላ።

10 አው ሶጉዋ ዱፍያ ማላትያ ዱፊ ደኤ፤ አ ዱፍያን ዱክያባይ ደኤ። ሄ ዱፍያን አቼሹ አገና ግድያዋ አሳ ቆሀናዳን፣ አው ማታይ እመቲዳ።

11 አ ዋድያ ካቲ ደኤ። ሄ ካቲ ጨዋ ኦላ ከታገቻ። አ ሱንሳይካ አብራይሰጸ ቃላን አብደና፤ ቃይ ግሪክ ቃላን አጸልዮና ጌተቲ። አጸልዮና ግያዋ ብለላይ፣ ቆይሰያዋ ግያዋ።

12 ኮይር አዬር ግያዋ አዬዳ፤ በኣ፣ ብር ሀራ ላኡ አዬር ግያዋ ያናዋ።

13 ኡሱፑንሳ ከታገቻይ ባረ ማላካታ ፑኔድ። ጸሳ ሰንሳን ኤቁዳ ዋርቃጥ ሙዴዳ ያርሽያሳን ደእያ ኦይዱ ጋጸ ካጨቱዋጥ እት ኮሻ ሰሳድ።

14 ሄ ኮሻይ ማላካታይ ደእያ ኡሱፑንሳ ከታገቻ፣ “ኤፍራጲሳ ግያ ዋጋ ሻፋን ቃሸቲዳ ኦይዱ ከታገቻቱዋ ብላ” ያጌዳ።

15 አሳ ዛርያጥ ሄዘገላ ኩሽያ ዋቆናው፣ ሀ ሳትያው፣ ጋላሳው፣ አገናውነ ላይላው ገግሰ ዋቆዳ፣ ኦይዱ ከታገቻቱ ብለቲድና።

16 አላ ፓራ ቶግያ አሳ ፓይዱ ላኡ ጸቲ ሚሎን ግድያዋ ታጎ ሰሳድ።

17 ቃይካ ታጎ ሳጸን ፓራቲዋን ሄ ፓራቲዋ ቶጌዳ አሳ በኣድ። አሳው ትራን ዋልያ ብራታ ጎንዳልያ ማላይ ደኤ። ሄ ትራን ዋልያ ብራታ ጎንዳልያ ማላይ ታማዳን ዘኣ፤ ሳማይያ፤ ቃይ ኤጽያ ዲንያ ማላ። ፓራቲዋ ሁጲ ጋሙዋ ሁጲያ ማላ። ኡንቲንቲ ዶናጥ ታማይ፣ ጨዋይነ አድላይ ጨሻ ማላትያ ኤጽያ ዲንያ ታማይ ከሴዳ።

18 ፓራቲዋ ዶናጥ ከሴዳ ታማን፣ ጨዋንነ ኤጽያ ዲንያን ሀ ሄዘ ባሻቲዋን አሳ ዛርያጥ ሄዘገላ ኩሺ ሀይቁዳ።

19 አያው ሳጥ፣ ፓራቶ ዋልቃይ ዶናንነ ዱፍያን ደኤ። ኡንቲንቲ ዱፊካ ሁጲያና ደእያ ሾሻ ማላቲ፤ ሄዋን ኡንቲንቲ አሳ ቆሃና።

20 ሀ ባሻቲዋን ሀይቁናን አቲዳ አሳይ ባረ ኩሽያን ኦልያዋ አግቤና። ቃይ ዋርቃጥ፣ ብራጥ፣ ናሃሰያ ጌተትያ ብራታጎ ሹቻጥነ ሞላጥ አሰቲዳ፣ ጸላናው ዋይ ሰሳናው ዋይ ሀመታናው ዳንዳየና ኤቃውነ ጸላህያው ጎይንያዋካ አግቤና።

21 አሳይ ኤሪድ ዋዴዳዋ፣ ዋይ ባረ ብቲዳዋ፣ ዋይ ባረ ዋሹሜዳዋ፣ ዋይ ባረ ዉኤዳዋ አገደ፣ ባረ ናጋራጥ ሰሞቤና።

8:12 እሳ. 13:10፤ ህዘ. 32:7፤ እዪ. 2:10፤ 31፤ 3:15 \* 9:1 ጨዋ ኦላ- ሀዋ ጉሳይ ጋርሳ ባጋ ቢታጎ ዳርሰ ጨዋቲደ ደእያ ኤታ እያናቲ ባረጎቲ ዉርሰሳ ሙራ ጋሳይ ጋካናው ቃሸቲደ ደኤያን። 9:2 ደመላ 19:28 9:3 ከሳ 10:12-15 9:4 ህዘ. 9:4 9:6 እዪ 9:32፤ ኤር. 8:3 9:7 እዪ. 2:4 9:8 እዪ. 1:6 9:9 እዪ. 2:5 9:13 ከሳ 30:1-3 9:20 ማዘ. 115:4-7፤ 135:15-17፤ ዳኤላ 5:23

# 10

## ኪታንቻነ ጉሳ ማጻፋ

- 1 ቃይካ ታን ሀራ ዋልቃማ ኪታንቻይ ሳሉዋጥ ከሲደ፣ ዱገ ዋድያዋ በእድ። ሻርያ እ ማይ ኡቴዳ፤ ቃይ ዙሉ እ ሀጺያ ዩይ አድ ኡቴዳ። እ ዳሙካ እዋ ማላ፤ እ ገዲካ ታማ ቱሳ ማላ።
- 2 ሄ ኪታንቻይ ዶያ ደእያ እት ጉሳ ጸጸቶ ማጻፋ ባረ ኩሽያን ኦይቄዳ። ባረ ኡሽቻ ገድያ አባ ቦላ ኤሲደ። ባረ ሀድርሳ ገድያ ቢታ ቦላ ኤሲደ።
- 3 ጉድያ ጋሙዋዳን፣ ዋልቃጥ ጉዳዳ። እ ጉዳዳዋጥ ጉይያን፣ ላፑ ጉጉንጎቱ አናና ጉንጎን ሃሳዬድኖ።
- 4 አንቴንቱ ጉሚዳ ዋይ ታን ጸፋናዉ ቆገድ። ሽን ሳሉዋጥ፣ “ላፑ ጉጉንጎቱ ሃሳዬዳዋ አሳዉ ቃቶገን ጸርገ” ያግያ ኮሻይ ታዉ ሰሰቴዳ።
- 5 ሄዋጥ ጉዮ፣ አባ ቦላንን ቢታ ቦላን ኤቄደእሽን ታን በኤዳ ኪታንቻይ፣ ባረ ኡሽቻ ኩሽያ ሳሉዋ ጉይ ሞጩኖዳ።
- 6 ሳሉዋን ሳሉዋን ደእያ ኡባባ፣ ሳእነ ሳእነ ደእያ ኡባባ፣ አባን አባን ደእያ ኡባባ፣ ሙዴዳ ሙድ ሙድናዉ ደእያ ጸሳ ሰንጎን ጫቄዳ። ያቴደ፣ “ዋዲ ዉራናዉ ጋምኤና።
- 7 ሽን ላፑንጎ ኪታንቻይ ባረ ማላካታ ፑንያ ዋይ፣ ጸሳይ ናባቱዋ ግዴዳ ባረ ቆማቶ ቃላ ኦድ ዋሌዳዋዳንካ፣ እ ጸራዳ ቆፋይ ገለታና” ያጌዳ።
- 8 ሄዋጥ ጉይያን፣ ሳሉዋጥ ሃሳይሽን ታን ስሴዳ ኮሻይ ላኤንጎዋ ዛሪይ ታና፣ “አባ ቦላንን ቢታ ቦላን ኡቄዳ ኪታንቻ ኩሽያን ዶያ ደእያ ጸጸቶ ማጻፋ ባይ አካ” ያግያዋ ሰሳድ።
- 9 ታን ሄ ኪታንቻኮ ባይ፣ ጉሳ ጸጸቶ ማጻፋ ታዉ እማና ማላ፣ እ ኦቻድ። እ ታና፣ “አካይ ማ፤ ማጻፋይ ነ ኡሉዋ ጫምሳናዋ፤ ሽን ነ ዶናን ኤሳዳን፣ እ ማልእናዋ” ያጌዳ።
- 10 ሄዋጥ ጉዮ፣ ታን ኪታንቻ ኩሽያጥ ሄ ጉሳ ጸጸቶ ማጻፋ አካይ ማድ፤ ታ ዶናን ማጻፋይ ኤሳዳን ማልኤዳ። ሽን ታን ሜዳዋጥ ጉይያን፣ ታ ኡሎ ግዳ ጫሜዳ።
- 11 ቃይካ ታና፣ “ያራ ኡባ፣ ዛርያ ኡባ፣ ዲማ ዲማ ቢታ ቃላነ ካታቱዋባ ኔን ትምቢትያ ቃንጸናን ሃሳናዉ በሴ” ያጌዳ።

# 11

## ላኡ ማርካቱዋ

- 1 ሄዋጥ ጉዮ፣ ማቃ ማላትያ ልክያ ጸምእይ ታዉ እመቴዳ፤ ታና ጌዳዌ ሀዋ፤ “ባይ ጸሳ ጌሻ ጎልያን ያርሽያ ሳ ልካ። ሄዋን ጎይንያዋንታካ ገይዳ።
- 2 ሽን ጌሻ ጎለዉ ካረ ባጋ አጋ ባሻ፤ ሄዋ ልኮገ። እያዉ ጎጥ፣ ሄ ሳእይ እይሁዳ ግደና አሳዉ እመቴዳ። እይሁዳ ግደና አሳይ ጌሻ ካታማ ኦይታማን ላኡ አገናዉ የቆና።
- 3 ታን ጋብያ ማዬዳ ታ ላኡ ማርካቱዋ ኪታና፤ ኡንቴንቱ እት ሻእነ ላኡ ጾታን ኡሱፑን ታሙ ጋላሳን ጸሳ ኪታ ኦዳና” ያጌዳ።
- 4 ሄ ላኡ ማርካቱ ሀ ሳኣ ጎዳ ሰንጎን ኤቄያ ጸምጥያ ዋልያ ላኡ ባላቱዋ።
- 5 ኡንነ ኡንቴንታ ቆሀናዉ ኮዮጥ፣ ኡንቴንቱ ዶናጥ ታማይ ከሲደ ኡንቴንቱ ሞርከቱዋካ ቆይሴ። ቃይ ኡንነ ኡንቴንታ ቆሀናዉ ኮዮጥ፣ ሄዋዳንካ ሀይቃና።
- 6 ኡንቴንቱ ጸሳ ኪታ ኦድያ ዋድያን አራይ ቡከናዳን፣ ሳሉዋ ጎርዳናዉ ኡንቴንቶ ማታይ ደኤ። ኡንቴንቶ ሃላ ሱሳ ከሰያ ማታይካ ደኤ፤ ቃይ ኡንቴንቱ ባረና ኮሽያ ዋይ፣ ሳኣ ዲማ ዲማ ቦሻን ሾጫናዉ ኡንቴንቶ ማታይ ደኤ።
- 7 ኡንቴንቱ ባረንቴ ማርካቱሳ ዉርሴዳዋጥ ጉይያን፣ ጨዋ ኦላጥ ጉይ ከሰያ ዶዳይ ኡንቴንቱና ኦላታና። ሄ ዶዳይ ኡንቴንታ ጸኒይ ዋቆና።
- 8 ኡንቴንቱ ጎደይ ማሰቃልያ ቦላን ምሰማርያን ድሽቲደ ሱሰቴዳ ካታማ ዋጋ ኦገያን ኡንቴንቱ እሃይ ጎሳናዋ። ሄ ካታማይ ለምሱዋን ሰዶማ ዋይ ግብጾ ጌተቲደ ጸሰቴ።
- 9 ቃይ ያራ ኡባጥ፣ ቆሙዋ ኡባጥ፣ ዲማ ዲማ ቢታ ቃላጥን ዛርያ ኡባጥ ዬዳ አሳይ ኡንቴንቱ እሃ ሄዙ ጋላሳን ባጋ በእና። እሃይ ሞገተና ማላ፣ ሄ አሳይ ድጋና።
- 10 ሳእን ደእያ አሳይ ሀ ትምቢትያ ኦድያ ላኡ አሳቱዋ ሀይቁዋን ናሽታና። አሳይ ኡንቴንቱ ሀይቁዋ እቴዋና እዋጥ ላሙቲደ ቦንቻናዋ፤ እያዉ ጎጥ፣ ሳእን ደእያ አሳ ኡንቴንቱ ዳርሰ ሙቶሌድኖ።
- 11 ሄዙ ጋላሳን ባጋጥ ጉይያን፣ ደኡዋ ሸምጥዋ ጸሳይ ኡንቴንቱን ሸምጥና፣ ኡንቴንቱ ደንድ ኤቄድኖ። ኡንቴንታ በኤዳ ኡባይ ኢታ ያሻ ያዬዳ።

10:5 ከሳ 20:11 ዛር. 32:40፤ ዳኤ 12:7፤ እዋጸ 3:7 10:8 ህዘ. 2:8—3:3 11:1 ህዘ. 40:3፤ ዛካ. 2:1-2  
 11:2 ሉቃሳ 21:24 11:4 ዛካ. 4:3፣ 11-14 11:6 1 ካታ. 17:1፤ ከሳ 7:17-19፤ 1 ሳሜላ 4:8 11:7 ዳኤላ  
 7:7፣ 21፤ ሳን 13:5-7፤ 17:8 11:8 እሳ. 1:9-10 11:11 ህዘ. 37:10

12 ሄዋጥ ጉይያን፣ ሄ ትምቢትያ ኦድያ ላኦ አሳቱ ሳሉዋጥ፣ “ሃ ፑይ ከሰተ” ግያ ዋልቃማ ኮሻ ሰሴድኖ። ባረንቴ ሞርከቱ ባረንታ ጾልሸን፣ ኡንቴንቴ ሻርያን ገሊደ፣ ፑይ ሳሉዋ ቤድኖ።

13 ሄ ሳትያን ቢታይ ሎይላ ቃጵና ካታማጥ ታሙንላ ኩሺ ጳዬዳ። ቃይ ቢታ ቃላን ላፑ ሻኦ አሳይ ሀይቄዳ። አቴዳ አሳይ ሎይላ ኮኮር ያዪደ፣ ሳሉዋ ጾሳ ግታተላ ሳቤዳ።

14 ላኦንላ አዬር ግያዌ አዲዳ። ሸን አኬክተ፤ ሄዘንላ አዬር ግያዌ ኤላካ ያናዋ።

**ላፑንላ ማላካታ**

15 ሄዋጥ ጉይያን፣ ላፑንላ ኪታንቻይካ ባረ ማላካታ ፑኔዳ። ሳሉዋን፣

“አላምያ ካወተላይ

ሀኦ ኑ ጎዳሳነ

ክርሰቶሳሳ፤

ቃይ መድናጥ መድና ጋካናዉ

አ ሞዳና”

ያግያ ዋልቃማ ኮሻይ ሰሰቴዳ።

16 ባረንቴ ኦይድያን ኡቴዳ ላታማነ ኦይዳ ጭማቱ ጾሳ ሰንላን ዲገ ጉፋኒደ፣ ጾሳዉ ጎይኒደ ሀዋዳን ያጌድኖ፤

17 “ሀኦ ደእያዎ፣

ካሰጥካ ደእያዎ፣ ጎዳዉ፣

ኡባጥ ዋልቃማ ጾሳዉ፣

ነዉ ዋልቃማ ዋልቃይ ደእያ ድራዉነ፣

ኔን ሞዳናዉ ደሚዳ ድራዉ፣

ኑን ኔና ጋላቴቶ።

18 አይሁዳ ግደና አሳይ ሀንቀቴዳ፤

ነ ሀንቁካ ዬዳ።

ሀይቄዳዋንቴ ፕርደትያ ዋዲ ሀኦ፤

ቃይ ኔን ነ ኦሳንቻቶ፣ ናባቶ፣

ገሻቶ፣ ነ ሱንሳዉ ያይያዋንቶ፣

ጵቃቶነ ላፋቶ ኡንቴንቴ ኦሱዋዳን፣

አምያ ዋዲካ ሀኦ።

ሳኦ ጳይሰያዋንታካ ኔን ጳይሰያ ዋዲ ሀኦ”

ያጌድኖ።

19 ሳሉዋን ደእያ ጾሳ ጌሻ ጎሊ ደየቴዳ፤ አ ጌሻ ጎልያን ጾሳ ቃላ ጫቁዋ ታቦታይ ቤቴዳ። ቃይ ዋልቃንላይ ዋልቃሚዳ፤ ጉንላይ ሰሰቴዳ፤ ጉንላይ ጉሚዳ፤ ቢታይ ቃጾዳ፤ ዋልቃማ ሻቻይካ ሻጩዳ።

# 12

**ታን ሞሽራቶ፣ ናኦነ ዳዊያ በኦድ**

1 ሄዋጥ ጉይያን፣ ሳሉዋን ዋልቃማ ማላይ ቤቴዳ። አዋ ማዬዳ እት ሞሽራታ፣ አገና ቦላ ኤቄዳዉና፣ ታማነ ላኦ ጾልንትያ ካላቻ ባረ ሁጺያን ዋጼዳዉና ሄዋን ደኦዉ።

2 ሄ ሞሽራታ ሻሃራ፤ አዘ የሉዋ ኦይላይ፣ ኡንኤሳና ዋሳዳ።

3 ሀራ እት ዋልቃማ ማላይ ሳሉዋን ቤቴዳ። ታሙ ካጭያና ደእያ ላፑ ሁጺያን ካላቻ ዋጼዳ እት ዋልቃማ ዘኦ ዳዊ ደኤ።

4 ሄ ዳዊ ባረ ዲፍያን ሄዘንላ ኩሽ ጾልንትያ ሳሉዋጥ ዳፊደ፣ ሳኦነ ኦሌዳ። ሄ ዳዊ የለት ዋጼሳናካ ናኦ ማናዉ የሳና ሀንያ ሞሽራት ሰንላን ኤቄዳ።

5 ሞሽራታ አቴማ ናኦ፣ አይሁዳ ግደና አሳ ኡባ ብራታ ጸምኦን ሞዳናዋ የላዳ። ሸን ናኦይ ጾሳኮነ አ አራታኮ፣ ፑይ ኤላካ አከቴዳ።

6 ሞሽራታ እት ሻኦነ ላኦ ጾታን ኡሱፑን ታሙ ጋላሳዉ ሞዚደነ ኡሺደ ዋሳናዉ ጾሳይ ጊግሰ ዋጼዳ ሳኦ ባዘዋ ባቃታዳ።

7 ሄዋጥ ጉይያን፣ ሳሉዋን ኦላይ ደንዴዳ። ሞካኤል ባረ ኪታንቻቴዋና እትጥ ዳዊያ ኦላቴዳ፤ ዳዊካ ባረ ኪታንቻቴዋና ግዲደ፣ ዛር ኦላቴዳ።

8 ሸን ዳዊ ጸነትና ዳዊያሰነ አ ኪታንቻቶ ሳሉዋን ሳኦይ ጳዬዳ።

9 ምልቃማ ዳዊ፡ ጸላህያ ካጥዎ ወይ ሴዳና ግያዌ፡ በን ሾሻይ፡ አለምያ ኡባ ባለልያዌ ኦለቲዳ፤  
እ ባረ ከታገቻቱዋና እትጥ ዲገ ሳኣዉ ኦለቲዳ።

10 ሄዋጥ ጉይያን፡ ታን ሳሉዋጥ ሀዋዳን ያግያ ኮሻ ሰሳድ፤

“ጸሳ አቶተላይ ሀእ ዬዳ።  
ጸሳይ ባረዉ ካተ ግድያዋዳንካ፡  
ባረ ምልቃ በሴዳ፤  
እ ክርስቶስ ባረ ማታ በሴዳ።

እያዉ ጎጥ፡  
ቃማን ጋላስ ጸሳ ሰንላን ኤቂደ፡  
ኑ እሻቱዋ ሞትያዌ፡  
ሳሉዋጥ ዲገ ኦለቲዳ።

11 ኑ እሻቱ ደርሳ ሱላን፡  
ባረንቱ ቱሙ ማርካተላን  
ዳዊያ ኦለቲደ ጸኔድ።  
ቃይ ኡንቱንቱ ባረንቱ ሸምጥዋ አል እምያዎ፡  
ቃረትበይክኖ።

12 ሄዋ ድራዉ፡  
ሳሉን ሳሉዋ ግድን ደእያዋንቱ፡  
ናሸትተ።  
ሸን ሳኣዉን አባዉ አዬር!

እያዉ ጎጥ፡  
ጸላህያ ካጥ፡  
ባረዉ ጉላ ምዲ አቲዳዋ ኤርያ ድራዉ፡  
ምልቃማ ሀንቁዋን፡  
ዲገ ሀንተንቱኮ ምዴዳ”

ያጌዳ።  
13 ቃይ ዳዊ ባረና ዲገ ሳኣ ኦሌዳዋ በኤዳዋጥ ጉይያን፡ ሄ አቲማ ናኣ የሌዳ ምሽራቶ የደርሱዋ ደሜዳ።

14 ምሽራቶ ሾሻይ ቆሄና ማላ፡ ሄዙ ላይላን ባጋ ማደን ኡሻደ እዛ ናገትያሳ ባዙዋ ፓላደ ባና ማላ፡ ላኡ ምልቃማ አርጋንሳ ቀፊ እዘዉ እመቲዳ።

15 ሄዋጥ ጉይያን፡ ምሽራቶ ድኡ ድኡደ አፋና ማላ፡ ሾሻይ ሻፋ ሃላ ኪና ሃላ ባረ ድናጥ ምሽራት ጌዴዋን ጉሴዳ።

16 ሸን ቢታይ ምሽራቶ ማዴዳ፤ ቢታይ ባረ ድና ደዬደ፡ ዳዊያ ድናጥ ከሴዳ ሃላ ሞት አጌዳ።

17 ዳዊ ምሽራትዉ ዳርሰ ሀንቀቲደ፡ እዝ ዘርላ ጸሳ አዛዙዋ ናግያ ኡባቲዋን የሱስ ቆንጭሴዳ ቱሙ አማነትያዋንታ ኦላናዉ።

18 ቢደ አባ ድናን ደእያ ሻፍያን ኤቁዳ።

### 13

ታን አባጥ ከሰያ ላኡ ደአቱዋ በአድ

1 ሄዋጥ ጉይያን፡ እት ደአይ አባጥ ከሰሸን፡ ታን በአድ። አዉ ታሙ ካጪን ላፑ ሁጺ ደኤ፤ አ ታሙ ካጭያ ቦላን ታሙ ካላቻይ ደኤ። አ ሁጺያንካ ቦርያ ሱንሳይ ጸፊት ኡቲዳ።

2 ታን በኤዳ ደአይ ማህያ ማላቲ፤ አ ገዲ ባባንሳ ጌትትያ ኢታ ዳኣ ገድያ ማላቲ፤ አ ድናይ ጋሙዋ ድና ማላቲ። ዳዊ ባረ ምልቃ፡ ባረ ካዉተላ ኦይድያን ባረ ምልቃማ ማታ ሄ ደአዉ አሜዳ።

3 ሄ ደአ ሁጸቱዋጥ አቲ ሀይቄዳዋ ማላትያዋ ታን በአድ፤ ሸን ምዴያ ማይላይ ፓዴዳ። ሳኣ አሳይ ኡባይ ማለለቲደ፡ ሄ ዳኣ ጌዴዋ ካሌዳ።

4 ዳዊ ባረ ማታ ደአዉ አሜዳ ድራዉ፡ አሳይ ኡባይ ዳዊያዉ ጎይኔዳ። ቃይ ሄ አሳይ፡ “ደአ ማላይ ኦኔ? አናና ኦለታናዉ ኦን ዳንዳዪ?” ያጊደ፡ ደአዉ ጎይኔዳ።

5 ሄ ደአዉ ፓላ የወዋን ቦርያ ሃሳይያ ድናይ እመቲዳ። ኦይታማን ላኡ አገናዉ ኦላና ማላ፡ አዉ ማታይ እመቲዳ።

6 ሄ ደአይ ጸሳ፡ እ ሱንሳ፡ እ ደኢያሳን ሳሉዋን ደእያ ኡባቲዋ ቦርያ ደሜዳ።

7 ሄ ደአይ ጸሳ አሳቲዋና ኦለቲደ፡ ኡንቱንታ ጸናና ማላ፡ አዉ ማታይ እመቲዳ። ቆሙዋ ኡባ፡ ያራ ኡባ፡ ዴማ ዴማ ቢታ ቃላ ኡባን ዘርያ ኡባ ሞድያ ማታይ አዉ እመቲዳ።

12:10 እዮባ 1:9-11፤ ዛካ. 3:1    12:14 ዳኤላ 7:25፤ 12:7    13:1 ዳኤላ 7:3፤ ሳፃ 17:3፤ 7-12    13:2 ዳኤላ 7:4-6    13:5 ዳኤላ 7:8፤ 25፤ 11:36    13:7 ዳኤላ 7:21

8 ሳኦይ መታናገጥ ካለ ሹከቲድ ደርሳ ደኡዋ ማጸፋን ሱገሳይ ጸፈትቤና አሳይ፣ ሳኦን ደኡዋ ኡባይ፣ ሄ ደኡዋ ጎይናና።  
 9 ሰሰያ ሀይሳይ ደኡያ ኡራይ ሰሶ።  
 10 ኡዋደታና አሳይ ደኡ፣  
 ኦንን ኡዋደታና።  
 ማሻን ሹከታና አሳይ ደኡ፣  
 ኦንን ማሻን ሹከታና።  
 ጌሻቱዋ ዳንዳያይ፣  
 ኦማኑ ሀዋን ኡሪታና።

**ታን ሳኦፕ ከሰያ ደኡ በኦድ**

11 ሄዋፕ ጉይያን፣ ሀራ ደኡይ ሳኦፕ ከሰያዋ ታን በኦድ። ደርሳ ካጭያ ማላትያ ላኡ ካጪ ኦጪ ደኡ፤ ሸን ሄ ደኡይ ዳዋያዳን ሃሳዬዳ።  
 12 ሄ ደኡይ ኮይሮ ደኡ ዋልቃማ ማታ ኡባ ኦ ሰንፋን ኡፌዳ። ሳኦይን ሳኦን ደኡያ አሳይ ኡባይ ኦ ዋድያ ማይሳይ ፓጼዳ ኮይሮ ደኡዋ ጎይናና ማላ፣ ሄ ደኡይ ጎዳቲዳ።  
 13 ሄ ላኡንሳ ደኡይ ዋልቃማ ማላታቱዋ ኡፌዳ፤ ሀራይ ኦቶ ታማ ሳሎዋፕ ኦሳ ኡባ ሰንፋ ሳኦ ዋላና ጋካናጋ ማላታቱዋ ኡፌዳ።  
 14 ኮይሮ ደኡ ሰንፋን ኡላናጋ፣ ኦጪ ኦጪዳ ማላታቱዋን ሳኦን ደኡያ ኦሳ ኡባ ኦ ባለፊዳ። ማሻን ማይሳቶፕን ፓጼ ደኡያ ኮይሮ ደኡ ቦንቾ ሞሰልያ ጊግሳናዳን፣ ሳኦ ኦሳ ኡባዉ ላኡንሳ ደኡይ ኦዳዳ።  
 15 ቃይ ኮይሮ ደኡ ሞሰሊ ሃሳያናዳንን ባረጋ ጎይናና ኡባ ዋላናዳን፣ ላኡንሳ ደኡይ ባረ ሸምፕዋ ኮይሮ ደኡ ሞሰልያን ሸምፕዋ ገልሳናጋ ኦዘዘቲዳ።  
 16 አሳይ ኡባይ ዋጋይን ቁራይ፣ ማንቁን ራራ፣ ዋማኑን ኦይሊ ባረ ኡሸቻ ኩሸያን ዋይ ባረ ዳሙዋን ማላ ዋላናዳን፣ ሄ ላኡንሳ ደኡይ ጎዳቲዳ።  
 17 ሄ ደኡ ሱገሳይ ዋይ ኦ ሱገሳ ፓይዱ ደኡያ ማላይ ባይና አሳይ ኦንን ዛልኦናጋን ሻማናጋ ዳንዳያና።  
 18 ኦጪዳ ኡራተሳይ ሀዋን ደኡ። ኡራይ ደኡያ ኦንን ሄ ደኡ ፓይዳዋ ብለላ ኡር፤ ኦያዉ ጎፕ፣ ሄ ፓይዳ ኦት ኦሳ ሱገሳ። ኦ ፓይዳ ኡሱፕን ጾታን ኡሱፕን ታማን ኡሱፕና።

**14**

**ታን ደርሳን 144,000 አሳቱዋ በኦድ**

1 ሄዋፕ ጉይያን፣ ታን በኦድ። በኦተ፣ ደርሳይ ጽዮን ደርያ ቦላ ኡቁዳ። ኦ ሱገሳይን ኦ ኦቡ ሱገሳይ ዳሙዋን ጸፈቲዳ፣ ኦት ጾታን ኦይታማን ኦይዱ ሻኦ አሳቱ ኦናና ኦትፕ ደኡና።  
 2 ሳሎዋፕ ኩንሳ ሃሳ ጉንፋን ዳዳ ጉንፋ ማላትያ ዋልቃማ ኮሻ ታን ሰሳድ። ቃይ ታን ሰሴዳ ኮሻይ ዳላ ዲጽያዋንቱ ባረንቱ ዳላ ዲጽና ሰሰትያ ኮሻ ማላ።  
 3 ኦት ጾታን ኦይታማን ኦይዱ ሻኦ አሳቱ ካጫተላ ኦይድያ ሰንፋን፣ ኦይዱ ፓጼ ደኡያ መታቱዋ ሰንፋንን ጭማቱዋ ሰንፋን ኡቁዳና። ሳኦፕ ዋዘቲዳ ኡንቱንቱፕ ኦትን፣ ሀራይ ኦንን ታማራናጋ ዳንዳያና ኦራላ ማዘሙርያ የጼድና።  
 4 ሀዋንቱ ጌሻ አሳቱዋ ግድያ ድራጋ፣ ማጫዋንቱና ጋከቲዳ ባረና ቱንሰቢይከና። ደርሳይ \* ብያሳ ኡባ ኡንቱንቱ ካለና። ኡንቱንቱ ጸሳጋን ደርሳይ ባይራ ግዳናጋ፣ ሳኦ ኦሳ ግደፕ ዋዘቲዳዋንታ።  
 5 ኡንቱንቱ ኡባካ ዋርደት ኡርከና፤ ኡንቱንቱን ባይዙ ባዋ።

**ታን ጸሳ ከታንቻ በኦድ**

6 ሳኦን ደኡያ ኦሳ ኡባ፣ ዛርያ ኡባ፣ ቆሙዋ ኡባ፣ ዳማ ዳማ ቢታ ቃላ ኡባጋን ያራ ኡባጋ መድና ዋንጋላ ሞሸራቹዋ አዋያና፣ ቦላ ሳሎዋን ፓልያ ሀራ ከታንቻ ታን በኦድ።  
 7 ሄ ከታንቻይ ባረ ቃላ ቶቁ ኡፊዳ፣ “ጸሳዉ ያይተ፤ ኦ ቦንቾተ። ኦያዉ ጎፕ፣ ሳኦ ኦሳ ኦ ፕርድያ ሳቲ ጋኬዳ። ሳሎ፣ ሳኦ፣ ኦሳ፣ ኦሳን ሃላ ፑልቱዋ መጪዳ ጸሳዉ ጎይንተ” ያጌዳ።  
 8 ሀራ ላኡንሳ ከታንቻይ፣ “ዋልቃማ ባብሎና ኩንዳዳ፤ ኦከ ኩንዳዳ ጋሱንካ ኦሳ ዛርያ ኡባ ኡታ ኡሱዋ ኦሰሰያ ድራሳ” ያጌዳ፣ ኮይሮ ከታንቻ ካሌዳ።  
 9 ሄዘንሳ ከታንቻይ ባረ ኮሻ ቶቁ ኡፊዳ፣ ሀዋዳን ያጌዳ፣ ኮይሮ ላኡ ከታንቻቱዋ ካሌዳ፤ “ደኡጋን ኦ ሞሰሊጋ ጎይንያ ኦንን ቃይ ኦ ማላ ባረ ዳሙዋን ዋይ ባረ ኩሸያን ዋላና ኦንን ደኡ፣

13:8 ማዘ. 69:28    13:10 ኡር. 15:2፤ 43:11    14:1 ህዘ. 9:4፤ ሳፕ 7:3    \* 14:4 ደርሳ- የሱሳዉ ኦመቲዳ ሱገሳ።    14:5 ሰር. 3:13    14:8 ኦሳ. 21:9፤ ኡር. 51:8፤ ሳፕ 18:2

10 ጸሳይ ባረ ዋልቃማ ሀንቁዋ ቡርጨኩዋን ኩንጤዳ ሀንቁዋ ዋይንያ ኤሳ እ ኡሻር። ሄዋ ኦጤዳ ኡባይ ጌሻ ከታንቻቱዋ ሰንሳንነ ደርሳ ሰንሳን፤ ታማንነ ኤጽያ ዲንያን ፓጸ ካኤታና።

11 ኡንቱንታ ፓጸ ካእያ ታማ ጩዋይ መቋ መቋና፤ ደእዉነ ሄ ደእ ሞሰለዉ ጎይንያ ኦሰነ ቃይ ሄ ደእ ሱንሳ ማላታና ደእያ ኦሰነ ቃማነ ጋላሰ ሸምፑ ባዋ” ያጌዳ።

12 ጸሳዉ እዛዘትያነ የሱሳዉ አማነትያ ጌሻቱ ዳንዳይያ ዳንዳይያ ሀዋና።

13 ሄዋፕ ጉይያን ሳሉዋፕ፡ “ሀዋ ጸፋ፤ ሀዋፕ ሰንሳዉ ጎዳን ሀይቂያዋንቴ እንጀቱዳዋንታ” ያግያ ኮሻ ታን ሰሳድ።

እያናይ፡ “ቴማ፤ ኡንቱንቱ ባረንቱ ዳቡራፕ ሸምፓና፤ እያዉ ጎፕ፡ ኡንቱንቱ ሎኦ ኪታዉ፡ ጸሳይ ሎኡዋን ዛራና” ያጌ።

**ታን ቆይቻ ዋድያ በእድ**

14 ቃይካ ታን በእድ። በእተ፡ ቦላ ሻሪ ደኤ። ሻርያ ቦላን አሳ ናእ ማላትያዌ ኡቱዳ፤ አ ሀጲያን ዋርቃ ካላቻይ፡ ቃይ አ ኩሸያን ቃራ ባጫይ ደኤ።

15 ሀራ ኪታንቻይ ጌሻ ጎልያፕ ከሲደ፡ ሻርያ ቦላን ኡቱዳዋ ባረ ቃላ ቆቁ ኦጤደ፡ “ቆይቻ ሳቲ ጋኬዳ ድራዉ፡ ነ ባጫ የዳደ ካላ ቆይጫ፤ እያዉ ጎፕ፡ ሳእ ካላይ መሌዳ” ያጌዳ።

16 ሻርያ ቦላን ኡቱዳዌ፡ ባረ ባጫ ሳእ የዲደ፡ ሳእ ካላ ጫኬዳ።

17 ቃይካ ሳሉዋን ደእያ ጌሻ ጎልያፕ ሀራ ኪታንቻይ ከሲዳ፤ እዉካ ኩሳ ባጫይ ደኤ።

18 ታማዉ ካፖ ግዴዳ ሀራ ኪታንቻይ ያርሸያ ሳፕ ከሲደ፡ ኩሳ ባጫይ ደእያ ኪታንቻዉ ባረ ቃላ ቆቁ ኦጤደ፡ “ዋይንያ እይፊ ቱራዳ ድራዉ፡ ነ ኩሳ ባጫ የዳደ፡ ሳእን ደእያ ዋይንያ ቱራፕ ሆንዶዳ እይፍያ ቃንጸ!” ያጌዳ።

19 ሄ ኪታንቻይ ባረ ባጫ ሳእ የዲደ፡ ሳእን ደእያ ዋይንያፕ ሆንዶዳ እይፍያ ቃንጸዳ፤ ጸሳ ዋልቃማ ሀንቁዋ ሄ ዋይንያ ጉምእያ ኦላን የጌዳ።

20 ካታማፕ ጋጸን ደእያ ዋይንያ እይፍያ ጉምእያ ኦላን ዋይንያ እይፊ ጉምእቴ። ሱሳይ ከሲደ፡ ሄ ዋይንያ ጉምእያ ኦላፕ ሄኩ ጸቱ ኪሎ ሚትርያ ኬና ሃኪደ፡ ፓራዉ ፑሉዋ ጋክያዋ ኬና ቆቁ ጊደ ኤሌዳ።

**15**

**ታን ቡርጨኩዋ አባ ቤእድ**

1 ታን ሳሉዋን ሀራ ዋልቃማነ ማላልሰያ ማላ በእድ። ጸሳ ሀንቁ ኡንቱንቱ ቦላን ፖለትያ ድራዉ፡ ዉርሰላ ላፑ ቦሻና ደእያ ላፑ ኪታንቻቱ ደኤ።

2 ቃይካ ታን ቡርጨኩዋ አባ ማላትያዋ ታማና ዋላከቱዳዋ በእድ። ቃይ ደኣ፡ አ ሞሰልያን አ ሱንሳ ፓይዳዋ ጸኔዳዋንታ በእድ። ጸሳይ ኡንቱንቶ እሜዳ ዲላቱዋ ኦይቂደ፡ ቡርጨኩዋ ማላትያ አባ ማታን ኡንቱንቱ ኤቂድና።

3 ኡንቱንቱ፡ ጸሳ ኡሳንቻ ሙሴ ማዝሙርያን ደርሳ ማዝሙርያ ሀዋዳን የጾድና። “ሳዳዉ፡ ኡባፕ ዋልቃማ ጸሳዉ፡

ነ ኪታይ ግታን ማላልሰያዋ።

አሳ ዛርያ ኡባ ካተዉ፡

ነ ኦጊ ጽሉዋን ቱሙዋ።

4 ጎዳዉ፡ ነዉ ያየናዌን

ነ ሱንሳ ቦንቼናዌ ኦኔ?

እያዉ ጎፕ፡ ጌሻይ ነ ጸላላ።

አሳ ዛርያ ኡባይ ዪደ፡

ነ ሰንሳን ጎይናና፤

እያዉ ጎፕ፡ ነ ጽሎ ኪታይ

ኡባዉ ቆንጨዳ”

ያጊደ የጸድ።

**ላፑ ቦሻና ደእያ ላፑ ኪታንቻቱዋ**

5 ሄዋፕ ጉይያን፡ ታን ሳሉዋን ደእያ ጌሻ ጎሊ ደየቶዋ ሄዌካ ማርካተላ ዲንካንያ በእድ።

6 ላፑ ቦሻና ደእያ ላፑ ኪታንቻቱ ጌሻ ጎልያፕ ከሲድና። ኡንቱንቱ ጸሊደ ቦጽያ ላይኑዋ ማዌዋ ማዌድና፤ ባረንቱ ትራ ዋርቃ ዳንጨዋን የሸ እሊደ ቃቹድና።

14:10 እሳ. 51:17፤ ዶሙላ 19:24፤ ህዝ. 38:22 14:11 እሳ. 34:10 14:14 ዳኤላ 7:13 14:15 እጾ. 3:13 14:20 እሳ. 63:3፤ ሴላ 1:15፤ ሳፍ 19:15 15:3 ከሳ 15:1 15:4 ኤር. 10:7፤ ማዝ. 86:9 15:5 ከሳ 38:21

7 ደራሚው ደላይ እይዱ መጠቃቱዋጥ እቱ፤ መድ መድፍጠ ጋካፍጠ ደላይ ጸሳ ሀንቁ ኩሜዳ ላፑ ዋርቃ ከረቱዋ ላፑ ከታንቻቶ እሜዳ።  
 8 ጸሳ ሀንቁዋጥን እ ዋልቃጥ ዬዳ ጨዋይ ጌሻ ጎልያ ኩሜዳ። ላፑ ከታንቻቱ እሄዳ ላፑ ሶሻቱ ፖለታና ጋካፍጠ። ጌሻ ጎልያ ኦንነ ገላናጠ ዳንዳይቤና።

# 16

## ጸሳ ሀንቁ ኩሜዳ ከረቱዋ

1 ሄዋጥ ጉይያን፣ ላፑ ከታንቻቶ፣ “ቢደ ጸሳ ሀንቁዋ ላፑ ከርያጥ ሳኣን ጉሰተ” ያጊደ፣ ጌሻ ጎልያጥ ሃሳይያ ዋልቃማ ኮሻ ታን ሰሳድ።  
 2 ኮይሮ ከታንቻይ ቢደ፣ ባረ ከርያን ደላያዋ ሳኣን ጉሰና፣ ዶኣ ማላይ ደላያዋንቱ ሶላነ ሄ ዶኣ ሞሰለጠ ጎይንያዋንቱ ሶላ ሎይሳ ሳክያ ማይላ ከሴዳ።  
 3 ላእንሳ ከታንቻይ ባረ ከርያን ደላያዋ አባን ጉሰና አባ ሃላይ ሀይቄዳ አሳ ሱላ ማላቴዳ። ቃይ አባን ደላያ መጠቃ ኡባይካ ሀይቄ አጌዳ።  
 4 ሄዘንሳ ከታንቻይ ባረ ከርያን ደላያዋ ሻፋቱዋንን ፑልታቱዋን ጉሰና ኡንቱንቱ ሱላ ግዴድና።

5 ሃላጠ አዋትያ ከታንቻይ ሀዋዳን ያግያዋ፣ ታን ሰሳድ፤

“ካሰካ ሀእካ ደላያ ጎዳጠ።  
 ጌሻጠ፣ ሀ ፕርዳ ፕርዳዳ ድራጠ።  
 ኔን ጽሉዋ።”

6 ኡንቱንቱ ጌሻቱዋ ሱላነ፣  
 ናባቱዋ ሱላ ጉሴዳ ድራጠ።  
 ኔን ኡንቱንታ ኡሻናጠ።  
 ሱላ ኡንቱንቶ እማዳ።

ኡንቱንቱ ባረንቶ፣  
 ሰሰያዋ አኬድና”

ያጌዳ።

7 ያርሹዋ ያርሸያ ሳጥ፣  
 “ጎዳጠ፣ ኡባጥ ዋልቃማ ጸሳጠ።  
 ነ ፕርዳይ ቱሙዋን ጽሉዋ!”

ያግያ ኮሻ ታን ሰሳድ።  
 8 ኦይደንሳ ከታንቻይ ባረ ከርያን ደላያዋ አዋይፍያ ሶላን ጉሰና ባረ ታማ ሴላን አሳ ጉዳናጠ። አዋይፈጠ ማታይ እመቲዳ።

9 አሳይ ዋልቃማ ሴላን ጉደቲደ ሀ ሶሻቱዋ ሶላን ማታይ ደላያ ጸሳ ሱንሳ ሶሬዳ። ሸን ባረ ናጋራጥ ሰምቤናን ጸሳ ግታተካካ ሶንቾቤና።

10 ኡቸሸንሳ ከታንቻይ ባረ ከርያን ደላያዋ ዶኣ ካጠተሳ ኦይድያ ሶላ ጉሰና፣ ሄ ዶኣ ካጠተሳይ ጱሜዳ። አሳይ ባረ ሴላ ድራጠ፣ ባረ እንጻርሳ ሳኤዳ።

11 ቃይ አሳይ ባረ ሴላ ድራጠነ ባረ ማይሳ ድራጠ ሳሉዋ ጸሳ ሸቄዳ። ሸን ባረ ኦልዳ ናጋራጥ ሰምቤና።

12 ኡሱፑንሳ ከታንቻይ ባረ ከርያን ደላያዋ ዋጋ ኡፍራጺሳ ጌተትያ ሻፋን ጉሰና አዋይ ዶልያ ባጋጥ ያና ካታቶ ኦጊ ጊጋናዳን፣ ሃላይ መሌዳ።

13 ሄዋጥ ጉይያን፣ ታን ሹድያ ማላትያ ሄዙ ቱና እያናቱ ዳዊያ ደናጥ፣ ዱኣ ደናጥነ ዋርዲዋ ትምቢትያ ኦድያዋ ደናጥ ከሰሸን በእድ።

14 ኡንቱንቱ ማላቱዋ ኦልያ ጸላሀቱዋ እያናቱዋ። ሄ ሄዙ ኢታ እያናቱ ኡባጥ ዋልቃማ ጸሳ ዋልቃማ ጋላሳን፣ ሳኣ ካታቱዋ ኡባ ኦላጠ ሸሻናጠ ባና።

15 “ሰእ፣ ታን ካይሱዋዳን ያና። አሳ ሰንሳን ካሎ ሀመቲደ ዬላተና ማላ፣ ገምእሸናን ባረ ማይዋ ማደደ ናግያ ኡራይ እንጀቲዳዋ!” ያጌዳ።

16 ሄ ኢታ እያናቱ ካተቱዋ አብራይሰጸ ቃላን አርማገደና \* ጌተትያ ሳኣ ሸሹድና።

17 ላፑንሳ ከታንቻይ ባረ ከርያን ደላያዋ ጫርኩዋን ጉሰና፣ ጌሻ ጎልያን ደላያ አራታጥ፣ “ፖለቲዳ” ያግያ ዋልቃማ ኮሻይ ዬዳ።

---

15:8 ከሳ 40:34፤ 1 ካታ. 8:10-11፤ 2 ኦዲዋ 5:13-14፤ ኢሳ. 6:4    16:2 ከሳ 9:10    16:4 ከሳ 7:17-21፤ ማዘ. 78:44    16:10 ከሳ 10:21    16:12 ኢሳ. 11:15    \* 16:16 አርማገደና፡ ሀ ቃላጠ ኮይርት ደላያ አብራይሰጸያ መጠቃይ፡ “ሀር.ማገደ” ያግያዋ ግዲዳ፣ “ሀር.ማገደ” ግያዋ ደላያ ብላላይ፣ “ሜገደ.ዘዘያ” ያግያዋ። ሀዋ ጉሳይ በን ዋርድን አሳይ ጮራ ኦላ ኦለቲዳ ሳኣ ጉሳ።    16:16 2 ካታ. 23:29፤ ዛካ. 12:11



18 ሄዋጥ ጉይያን፣ ዋልቃንሳይ ዋልቃሚዳ፤ ጉንሳይ ሰስቲዳ፤ ጉንንሳይካ ጉሜዳ። ቃይ ቢታይ ፓላ ቃላ ቃጾዳ። አሳይ ሳኣን መቐደጥካ ቢታይ ሄዋ ማላ ቃላ ቃጾ ኤረር፤ ሄዌ ኡባጥ እጴዳ ቃላ።

19 ዋልቃሚዳ ካታሚይ ሄዘ ከሲደ ዛኤዳ። ቢታ ኡባን ደእያ ካታሚቱ ጳዬድና። ጸሳይ ዋልቃሚዳ ባብሎኖ ቆጥደ። ባረ ኢታ ሀንቁዋ ዋይንያ ኤሳይ ኩሚዳ ቡርጨኩዋጥ ዋይንያ ኤሳ ባብሎኖ ኡሼዳ።

20 አባን ደደቲዳ ቢታይ ኡባይ ጳዬዳ፤ ደሪካ ቤትቤና።

21 አሳ ቦላ ኦይታሙ ኪሎ ኪና ዴጸያ ዋልቃሚዳ ሻቻይ ሳሉዋጥ ዋይዳ። አሳይ ሄ ሻቻ ቦሻ ድራው። ጸሳ ቦራዳ፤ እያው ጎጥ። ቦሻይ ዳር ዋልቃሚዳ።

# 17

## ባብሎኒ ቦላ ያና ሙራ

1 ሄዋጥ ጉይያን፣ ላፑ ከረቱ ደእያ ላፑ ኪታንቻቱዋጥ እቱ ታኮ ዪደ፣ ታና ሀዋዳን ያጌዳ፤ “ሃያ፤ ዳር ሻፋቱዋ ጋጸን ደእያ ዋሹምያ፣ ዋልቃሚዳ ካታሚታ፣ ዋና ሙረታንንቶ፣ ታን ኔና ቦሳና።

2 ሳኣን ደእያ ካታቱ እዘና ዋሹሚድና፤ ሳኣን ደእያ አሳይካ እዘ ዋይንያ ኤሳ ኡሽ ማጭቲዳ እዘና ዋሹሚዳ” ያጌዳ።

3 ሄ ኪታንቻይ ታና እያናን ባዙዋ አፊዳ። ሄዋን ታን እት ምሽራቶ ቦርያ ሱንሳይ ቦላ ኡባን ጸፈት ኡቲዳ ዞኦ ደኦ ቶጌዳውኖ ቦኦድ፤ ሄ ደኦው ላፑ ሀጺያን ታሙ ካጨ ደኤ።

4 ሄ ምሽራታ ቴራ ኦቻ ማላትያ ማዩዋን ዞኦ ማዩዋ ማያዲ፤ እዛ ቃይ ዋርቃ፣ ቦንቾ ሹቻንን እንቁዋ ጌተትያ አልኦ ሹቻን አሌቃዳ። እዛ ዋሹምያ ቱናባይን ሽንይያባይ ኩሚዳ ዋርቃ ቡርጨኩዋ ባረ ኩሽያን ኦይቃዳ።

5 እዘ ዴሙዋን ጸራ የወዋ ብለላይ ደእያ ሱንሳይ፣

“ዋልቃሚዳ ባብሎኖ፤  
ሳኣን ደእያ  
ዋሹምያዋንቶን  
ሳኣን ደእያ  
ሽንይያባይ አቶ”

ያግያዌ ጸፈት ኡቲዳ።

6 ቃይ ሄ ምሽራታ ገቫቱዋ ሱላን የሱሳው ማርካትሽን ዋይዳዋንቱ ሱላ ኡሻደ ማጭቲዳውና ታን ቦኦይ ማላለታድ።

7 ኪታንቻይ ታና፣ “ኔን እያው ሀዋዳን ማላለታዲ? ታን ነው ምሽራት ጸራ የወዋን እዛ ቶኬዳ ላፑ ሀጺያን ታሙ ካጨ ደእያ ዲኦ ጸራ የወዋ ኦዳና።

8 ኔን ቦኤዳ ደኦይ ካሰ ደኤ፤ ሽን ሀእ ባዋ። ሄ ደኦይ ጨዋ ኦላጥ ኤላ ከሲደ፣ ባሻው ባናዋ። አላሚ መቐደጥ ደሚደ፣ ደኤዋ ማጸፋን ኡንቱንቱ ሱንሳይ ጸፈትቤና ሳኣን ደእያ አሳይ ደኦ ቦኤደ ማላለታና። እያው ጎጥ፣ እ ካሰ ደኤ፤ ሀእ ባዋ፤ ሽን ሰንሳጥ ያናዋ።

9 “ሀዌ እጴዳ ኤራተላን እኪካ ኮዌ። ላፑ ሀጺ ምሽራታ ኡትያ ላፑ ደረቱዋ፤ ሄዋንቱ ቃይ ላፑ ካታቱዋ።

10 ኡንቱንቱጥ እቺሹ ካታቱ ኩንደድና። እቱ ሀእ ጋካናሰካ ሞዳ፤ የኮ ካቲ ይቤና። እ ዪደ፣ ጉላ ዋድያ ታካናው ቦሴ።

11 ካሰ ደኤዳ ደኦይ፣ ሀእ ባይናዌ፣ እ ባረ ሀጸው ሆሰፑንሳ ዲኦ። እ ላፑ ደኦቱዋጥ እቱዋ፤ እ ጳያናው ቤ።

12 “ኔን ቦኤዳ ታሙ ካጨቱ ሞዳናው ደምቤና ታሙ ካተቱዋ። ሽን ኡንቱንቱ ደኦና እትጥ እት ሳተው ካተቱዋዳን ሞዳናው ኡንቱንቶ ማታይ እመታና።

13 ኡንቱንቶ ኡባው እት ቆፋይ ደኤ፤ ኡንቱንቱ ባረንቱ ዋልቃክ ባረንቱ ማታ ደኦው እማና።

14 ኡንቱንቱ ደርሳና ኦለታና፤ ሽን ደርሳይን ደርሳና ደእያዋንቱ፣ እ ጸጌዳዋንቱን ደራዳዋንቱ፣ እ ካልያ እማንቱዳዋንቱ፣ ሄ ካተቱዋ ጸናና፤ እያው ጎጥ፣ እ ጎዳቱዋ ጎዳን ካተቱዋ ካትያ” ያጌዳ።

15 ኪታንቻይ ቃይካ ታና ሀዋዳን ያጌዳ። “ጫራታ ኡቲዳ ሄ ኔን ቦኤዳ ሃሳይ ያራቱዋ፣ ጮራ አሳ፣ አሳ ዛራቱዋን ዲማ ዲማ ቢታ ቃላ።

16 ቃይ ኔን ቦኤዳ ታሙ ካጨን ደኦይ ዋሹመውኖ እጸናዋንታ። ኡንቱንቱ እዘው ደእያ ኡባባ እዘ ድጋና። ቃይ እዘ ካሎ አሻናን እዘ አሹዋ ሞ ድጋና፤ ያቲደ ኡንቱንቱ እዘ ታማን ጉዳና።

17 እያዉ ሳፐ፡ ጸሳ ቃላይ ቱማታና ጋካናዉ፡ ኡንቱንቱ ቆፋይ እቱዋ ግዳናዳን፡ ኡንቱንቱ ባረንቱ ሞድያ ዋልቃ ደእዉ እማናዳንን ጸሳይ ቆፐዳዋ ኡንቱንቱ ኦሳናዳን፡ ኡንቱንቱ ዋዛናን ጸሳይ እሙዋ ሞሌዳ።

18 “ሄ ኔን በኤዳ ሞሽራታ ሳኣ ካተቱዋ ሞድያ ዋልቃማ ካታማቶ” ያጌዳ።

# 18

ባብሎን ኩንደሳ

1 ሄዋፐ ጉይያን፡ ዋልቃማ ማታይ ደእያ ሀራ ኪታንቻይ ሳሉዋፐ ዋድሽን፡ ታን በኣድ። ሄ ኪታንቻ ቦንቹ ሳኣ ፖእሴዳ።

2 ሄ ኪታንቻይ ባረ ኮሻ ጶቁ ኦሲደ፡ “እዛ ኩንዳዱ!

ዋልቃማ ባብሎና ኩንዳዱ!

ባብሎና ጸላሀቱ እቅያሳ ግዳዳ፤

ኢታ እያናቱ ኡባቱ፡

እጸትያ ኢታ ካፋቱ ኡባቱ እን ደእኖ።

3 እያዉ ሳፐ፡ እሳ ዛርያ ኡባ፡

ባረ ማሉይያ ዋይንያ ኤሳ ኡሽና፡

እዝና ዋሹሜድኖ።

ቃይካ ሳኣ ካታቱ፡

እዝና ዋሹሜድኖ።

እዝ እሻሎ ዋልቃ ጋሱዋን፡

ሳኣን ደእያ ዛልእንቻቱ ዲረቲድኖ”

ያጌዳ።

4 ሄዋፐ ጉይያን፡

ታን ሳሉዋፐ፡

ሀዋዳን ያግያ ሀራ ኮሻ ሰሳድ፤

“ታ አሳዉ፡ እፐ ከሰተ!

እዝ ናጋራ እዝና ኮጸፕተ!

እዝ ሙራ ግሸቶፕተ።

5 እያዉ ሳፐ፡ እዝ ናጋራይ፡

ሳሉዋ ጋካናዉ ደረት ኡቱዳ።

ጸሳይ እዝ ኢታ ባይዙዋ፡ ሀሳዬዳ።

6 እዛ እሜዳዋ ኬና ዛሪደ፡

እዝዉ እምተ። እዛ ኦሴዳዋ፡

ላኡ ኩሽያ እዝዉ ቃንጽተ።

እዛ ሀንተንቶ ገግሴዳ ኡሻፕ፡

ላኡ ኩሽያ ኡሻ፡

እዝ ቡርጨኩዋ ኩንሰተ።

7 እዛ ቦንቹቱዳዋን፡

እሻሊዳዋ ኬና፡

እዝ ቱጋይተነ ካዮይተ።

እዛ ባረ ዋዛናን፡

‘ታን ካታቱዳን ኡታይ፤

ታን አሰናይ ባይና ማጫዉኖ ግድክ፤

ቃይ ኡባካ ካዮትከ’ ያጋዉ።

8 ሄዋ ድራዉ፡ እዝ ቦሻ ኡባይ፡

ሀርጌ፡ ካዩነ ኮሻይ፡

እዝ እት ጋላሰ ኦይቃና።

ቃይ እዛ ታማን ጉደታና፤

እያዉ ሳፐ፡

እዝ ቦላ ፕርድያ ሳዳ ጸሳይ፡ ዋልቃማ”

ያጌድ።

9 ሳኣ ካታቱ፣ እዝና ዎሹሚደ እሻሌዳዎንቱ ሄ ካታማታ ጉደትና፣ ከሰያ ጨዋ በኤዳ ዎደ፣ ካታማትዉ ኤንቱንቱ ዋሳናን ዬካና።

10 ኤንቱንቱ ሄ ካታማት ኡጋዉ ያዬዳ ድራዉ፣ ሃክ ኤቂደ፣ “ሀ ዎልቃማ ካታማቲ! ዎልቃማ ካታማቲ! ባብሎኔ፣ ነዉ አዬር! ኔን አይ ማላ ቲጋታኒሻ። ኔን እት ሳትያ ግደን ነ ፕርዳ አካዳ” ያጋና።

11 ኤንቱንቱ ማርካብያ ጫና ሀዋጥ ሰንፋናዉ ሻምያባይ ባይና ድራዉ፣ ሳኣን ደእያ ዛልአንታቱ ሄ ካታማትዉ ዋሳናን ካዮታና።

12 ኤንቱንቱ ዎርቃ፣ ብራ፣ ቦንቾ ሹቻ፣ እንቁዋ ጌተትያ አልእ ሹቻ፣ ቲራ ኦቻ ማላትያ ማዩዋ፣ ሱፍያ ማላ ማዩዋ፣ ሀርያ ጌተትያ ማዩዋ፣ ዞኦ ማዩዋ፣ ኡባ ቆዎ ሳዊያ ሞላ፣ ኡባ ቆሙዋን ኦሌዳ ዳንጋርሳ አቻ፣ አልእ ሞላጥ መጋቲዳባ፣ ናሃሲያ፣ ብራታ፣ አብነበረድያ ጌተትያ ሹቻ።

13 ቃራፋ፣ ቅማምያ፣ አጻና፣ ሸቱዋ፣ ሳዊያ አጻና ጲልያ፣ ዎይንያ ኤሳ፣ ዎጋራ ዛይትያ፣ ሊቄዳ ጲልያ፣ ዛርጋ፣ ሚዛ፣ ዶርሳ፣ ፓራነ ፓራይ ጎቻያ ጋርያ፣ ኤንቱንቱ አይለቱዋን ሀራይ አቶ አሳ ሸምፑን ሻምያባይካ ባዋ።

14 ዛልአንታቱ ሞሽራትዉ፡

- “ኔን አሞቲዳ፣
- ሎኦባይ ኡባይ ኔፕ ሀል ድጌዳ።
- ነ ደኡነ፣
- አሌቀትያባይ ኡባይ ጳይድጌዳ።
- ኔን ሳኤንፊ ኤንቱንታ ኡባካ ደማካ”

ያጌድና።

15 ሄ ካታማትን ዛልአደ ዱረቴዳ ዛልአንታቱ እዝ ኡጋዉ ያዬደ፣ አፕ ሃኪደ ኤቃና። ኤንቱንቱ ዬካናን ካዮታና።

16 ቃይ፡

- “ሱፍያ ጌተትያ፡
- ክርያን ዳደቴዳ ማዩዋ፡
- ቲራ ኦቻ ማላትያ፡
- ማዩዋን ዞኦ ማዩዋ ማያደ፡
- ዎርቃ አሌቁዋን፡
- ቦንቾ ሹቻን፡
- እንቁዋ ጌተትያ አልእ ሹቻን አሌቁዳ፡
- ሄ ዎልቃማ ካታማትዉ አዬር!

17 ሀዋ ከና ዎልቃማ ማጶ ኡባይ፣ እት ሳትያ ግደን፣ ድፕ ግ ጳይ አጌዳ”

ያጌድና።

ማርካብያ ላግያ ኡባቱ፣ ማርካብያን ብያ ኡባቱ፣ ማርካብያን ኦልያ ኡባቱን አባን ኦል ጎኤትያ ኡባቱ ሃክ ኤቁድና።

18 ሄ ካታማታ ጉደትና ከሰያ ጨዋ በኤዳ ዎደ ባረንቱ ኮሻ ቆቁ ኦሌደ፣ “ሀ ዎልቃማ ካታማቶ ማላትያ ካታማይ ኡባካ ባዋ” ያጌድና።

19 ኤንቱንቱ ባረንቱ ሁጲያን ባና ቆሊደ፣ ዋሴድናን ካዮቴድና፤

- “አባን ማርካባቱ ደእያ ኡባ፡
- ባረ ማቁዋን ዱረዬዳ፡
- ዎልቃማ ካታማትዉ አዬር!
- ቃይ እዝዉ ደእያባይ ኡባይ
- እት ሳትያ ግደን ጳይ አጌዳ።

20 ሄ ካታማታ ጳዬዳ ድራዉ፣ ሳሎ፣ ናሽታ!

- ጌሻቶ፣ የሱሰ ኪቴዳዎንቶ፣
- ናባቶ፣ ናሽትተ!
- እያዉ ጎፕ፣
- እዛ ሀንተንታ ኦሌዳዎ ድራዉ፣

ጸሳይ እዞ ፕርዴዳ” ያጌዳ።  
 21 ሄዋፕ ጉይያን፣  
 ዋልቃማ ኪታንቻይ፣  
 ዋጸ ማላትያ ዋልቃማ ሹቻ፣  
 ደንሎ አባን ኦሊደ ሀዋዳን ያጌዳ፤  
 “ዋልቃማ ካታማታ፣  
 ባብሎና፣ ሱግና ሀዋዳን ኩንዳና፤  
 እዛ ሀቼፕ ሰንሳወ፣ ኡባካ ቤቴኩ።  
 22 ዲላ ዲጽያዋንቱ፣፣  
 ማዝሙርያ የጽያዋንቱ፣  
 ሱሱልያን ማላካታ ፑንያዋንቱ፣  
 ኮሻይ ሀዋፕ ህን ባጋን፣  
 ነ ግደን ኡባካ ሰሰተና።  
 ኩሽያ ሂላ ኤርያ ኦን፣  
 ላኤንሎ ኡባካ ደኤና።  
 ዋጸ ኮሻይካ  
 ሀዋፕ ሰንሳወ ነ ግደን ሰሰተና።  
 23 ጸምፕያ ፖኤካ ላኤንሎዋ ነ ግደን ፖኤና።  
 አክያዋ ኮሻይን ገለውን ኮሻይ፣  
 ሰንሳወ ነ ግደን ሰሰተና።  
 ነ ዛልአንቻቱ ሳኦ ኡባን፣  
 ኤረቴዳ ዋልቃማቱዋ።  
 ነ ብትያዋን አሳ ዛርያ ኡባይ ጭመቴዳ።  
 24 ናባቱዋ ሱላይ፣  
 ጌሻቱዋ ሱላይ፣  
 ሳኦን ሀይቄዳ ኡባቱዋ ሱላይ፣  
 እዘን ቤቴዳ ድራወ።  
 ባብሎና፣ ሙረታዳ”  
 ያጌዳ።

# 19

1 ሄዋፕ ጉይያን፣ ሳሎዋን ጮራ አሳ ኮሻዳን ኮሹምያ ዋልቃማ ኮሻይ ሀዋዳን ያግያዋ ታን ሰሳድ፤  
 “ጸሳ ጋላታይ ጋኩ።  
 አቶተሳይ፣ ቦንቹን ዋልቃይ፣  
 ኑ ጸሳሳ።  
 2 አ ፕርዳይ ቱሙዋን ጽሎዋ።  
 ጫራታይ ሳኦ ቱንሱዳ፣  
 ዋልቃማ ጫራቶ ጸሳይ ፕርዴዳ፤  
 ጸሳ ኦሳንቻቱዋ እዛ ዋጼዳ ድራወ።  
 ጸሳይ እዞ ሙራዳ”  
 ያጌዳ።  
 3 አሳይ ላኤንሎዋ ባረ ኮሻ ዶቁ ኦሊደ፣  
 “ጸሳ ጋላታይ ጋኩ።  
 ሄ ካታማታ ሙጵ ሙጵናወ ጨዋታና”  
 ያጌድና።  
 4 ላታማን ኦይዱ ጭማቱን ሸምፑዋና ደእያ ኦይዱ ሙታቱ ካወተላ ኦይድያን ኡቴዳ ጸሳወ ጉፋኒደ፣ “አመንእ። ጸሳ ጋላታይ ጋኩ” ያጌደ ሳይኔድና።  
 ደርሳ ቡላቻወ ጸሰያ ጸሳ  
 5 ሄዋፕ ጉይያን፣  
 “ጸሳ አይላቱ ኡባይ፣

18:20 ዛረ. 32:43፤ ኤር. 51:48    18:21 ኤር. 51:63-64፤ ህዘ. 26:21    18:22 ህዘ. 26:13፤ ኤሳ. 24:8  
 18:22 ኤር. 7:34፤ 25:10    18:24 ኤር. 51:49    19:2 ዛረ. 32:43፤ 2 ካታ. 9:7    19:3 ኤሳ. 34:10

ጸሳው ያይያ ጉላይ፡

ዳሩ ኡባይ ኑ ጸሳ ጋላት።”

ያግያ ኮሻይ ካውተላ ኦይድያፕ ከሴዳ።

6 ሄዋፕ ጉይያን፣ ጮራ እሳዳን ኮሹዎያ፣ ዎልቃማ ሻፋዳን ጉዎያ፣ ዎልቃማ ጉጉንሳዳን ጉጉዎያ ኮሻ ታን ሰሳድ። ሄ ኮሻይ፡

“ጸሳ ጋላታይ ጋኮ።

እያው ጎፕ፣ ኑ ጎዳይ፡

ኡባፕ ዎልቃማ ጸሳይ ካውቲዳ።

7 ዶርሳ ቡላቻ ጋላሳይ ጋኬዳ ድራው፤

ገለውናካ ቡላቻው ባረና ጊግሴዳ ድራው፤

ኑን ፓሽኮይትን ናሽቶይት፤

ቃይ ዶርሳ ቦንቾይት።

8 ገለውንዉ ማያናው፡

ሱፍያ ጌተትያ ክርያን ዳይቲዳ፡

ጸልያ ቦላ ማዩ እመቲዳ።

ሱፍያ ጌተትያ ክርያን ዳይቲዳ ማዩ፡

ጌሻቱዎ ጽሎ ኡሱዎ”

ያግያዎ፡ ታን ሰሳድ።

9 ሄዋፕ ጉይያን፣ ኪታንቻይ ታና፣ “ ዶርሳ ቡላቻው ጸሰቲዳዋንቴ አንጀቲዳዋንታ ያጋይ ጸፋ” ያገደ። ሄ ኪታንቻይ ቃይካ ታና፣ “ሀዌ ጸሳ ቱሙ ቃላ” ያገደ።

10 ሄዋፕ ጉዮ ታን እዉ ጎይናናው እ ገድያን ኩንዳድ። ሽን እ ታና፣ “ሄዎ አላፓ። ታን ነ ማላነ የሱሰ ኤንቲንቶ ቆንጭሴዳ ቱማተላ ኦይቄዳ ነ እሻቱዎ ኡባ ማላ ኦይልያ። ጸሳው ጎይና። እያው ጎፕ፣ የሱሰ ቆንጭሴዳ ቱማተላይ ትምቢትያ ኦይያዎ ደን።አያዎ” ያገደ።

**ቦላ ፓራ ቶጌዳዎ**

11 ያትና፣ ሳሉ ደየቲዳዎ ታን በአድ። ሄዋን ቦላ ፓራይ ደአ፤ ሄ ፓራ ቶጌዳዌ አማነትያዋን ቱማንቻ ገደ ጸሰቲ። ቶጌዳዌ ጽሎተላን ፕርዴን ባረ ኦላካ ኦላቲ።

12 እ እይይ ታማ ላጩዎ ማላቲ፤ ቃይ እ ባረ ሁጺያን ዳር ካላቻ ዎሌዳ። እ ቦላ ጸፈት ኡቲዳ ሱንሳይ ደአ፤ ሽን ሄ ሱንሳይ እየንቶን አፕ አትን፣ ኦንነ ኤረና።

13 እ ማዬዳ ማዩ ሱላን ናቄ ከሴዳዎ። እ ሱንሳይካ ጸሳ ቃላ።

14 ሳሉዎ ዎታዳራቱ ቦላ ጌሻ ሱፍያ ጌተትያ ክርያን ዳይቲዳ ማዩዎ ማዩደ፣ ቦላ ፓራቱዎ ቶጊደ፣ እ ጌዳዎ ካሊና።

15 አሳ ዘርሳ እ ጳይሰያ ኩሳ ማሻይ እ ዶናፕ ከሴ። ብራታ ጸዎአን አሳ እ ዎዳና። ኡባፕ ዎልቃማ ጸሳይ ባረ ሀንቁዎ ዎይያን ኤሳይ ጉምኤትያሳን፣ ጉምኤደ በሳና።

16 እ ማዩዎ ቦላን እ ዎድርያ ቦላ፣ “ካታቱዎ ካትያን ጎዳቱዎ ጎዳ” ያግያ ሱንሳይ ጸፈት ኡቲዳ።

17 ሄዋፕ ጉይያን፣ ታን አት ኪታንቻይ አዋን ኤቄዳዎ በአድ። ሄ ኪታንቻይ ሳሉዋን ቄቄደ ፓልያ ካፋዎ ኡባቶ ባረ ኮሻ ቄቄ ኦሊደ፣ “ሃ ዪተ። ጸሳ ካዎ አትሳ ሸቅተ።

18 ዪደ ካታቱዎ አሹዎ፣ ሻላቃቱዎ አሹዋካ ዎታዳራቱዎ አሹዎ ሚተ፤ ፓራቱዎ አሹዋካ ፓራቱዎ ቶጌዳዋንቴ አሹዋካ ሚተ፤ ቃይ አሳ ኡባ አሹዎ አይልያዋን ዎማኑዎ፣ ቄቃዋን ሆካዎ ሚተ” ያገደ።

19 ፓራ ቶጌዳዋናን እ ዎታዳራቱዎና ኦላታናው፣ ደአይነ ሳኣ ካታቱ ቃይ ኤንቲንቲ ዎታዳራቱ እት ሳኣ ሸቅ ኡቲዳዋንታ ታን በአድ።

20 ሄ ደአይ እ ሰንሳን ማላታ ኡሌዳ ዎርደ ናብያና እትፕ ኦይቀቲዳ። ደአ ማላይ ደአያዋንታን ደአ ምሰለዉ ጎይኔዳዋንታ እ ባለሌዳዌ ሄ ኡሳያ ማላታቱዎና። ደአይነ ዎርዳዎ ትምቢትያ ኦይያዌ ላኦቲካ ዳንያን ኤጽያ ታማ አባን ፓጸ የገቲድና።

21 ኤንቲንቲ ዎታዳራቱ ፓራ ቶጌዳዎ ዶናፕ ከሰያ ማሻን ሀይቄድና። ካፋቲ ኡባቲ ኤንቲንቲ አሹዎፕ ባረንቶ ዳንዳዬዳዎ ኬና ሜድና።

**20**

**ሻእ ላይላ ካውተላ**

1 ጨዋ ኦላ ቁልፕያን ዎልቃማ ሳንሳላታ ባረ ኩሽያን ኦይቄዳ እት ኪታንቻይ ሳሉዋፕ ይያዎ ታን በአድ።

19:5 ማዚ. 115:13 19:6 ሀዚ. 1:24፤ ማዚ. 93:1፤ 97:1፤ 99:1 19:11 ሀዚ. 1:1፤ ማዚ. 96:13፤ ኢሊ. 11:4 19:12 ዳኤላ 10:6 19:15 ማዚ. 2:9፤ ኢሊ. 63:3፤ እዪ. 3:13፤ ሳፍ 14:20 19:17 ሀዚ. 39:17-20

2 ከታገቻይ ዳዋያ፡ ሄ በን ሾሻ፣ ጸላህያ ካፑዋ ዋይ ሴጾና ግያዋ ኦይቄዳ፤ ያቲደ ሻእ ላይላዉ ቃቹዳ።

3 ከታገቻይ ጨዋ ኦላን አ የጊደ፣ ሻእ ላይላይ ዉራናው፣ አሳ ዘርላ ላእኤገሉዋ ባለተና ማላ፡ ሄ ጨዋ ኦላ ቁልፕ ጎርዲደ አታሜዳ። ሄዋፕ ጉይያን፣ ዳዋ አማሬዳ ዋድያ ብለታናዉ በሴ።

4 ሄዋፕ ጉይያን፣ ታን አራታቱዋን ኤንቱንቱን ኤቲዳዋንታ በእድ፤ ኤንቱንቱ ፕርድያ ማታይ እመቲዳ። የሱሰ ቆንጭሴዳ ቲሙዋን ጸሳ ቃላ አዋዬዳ ድራዉ፣ ባርንቱ ቆድያ ቃንጸቲዳ አሳ ሸምፑዋካ ታን በእድ። ኤንቱንቱ ዶእዉ ዋይ ዶእ ምሰለዉ ጎይንበይክና። ኤንቱንቱ ዶእ ማላ ባርንቱ ዳሙዋን ዋይ ባርንቱ ኩሽያን ዋልበይክና። ኤንቱንቱ ሀይቁዋፕ ደንዲደ፣ ክርሱቶሳና አትፕ ካተቱዋዳን ሻእ ላይላዉ ሞዴድና።

5 ሀይቁዳዋንቱፕ ጮራቱ ሻእ ላይላይ ዉራና ጋካናዉ፣ ሀይቁዋፕ ደንድበይክና። ሄዋ ኮይር ደንዲዳ።

6 ኮይር ደንዲዳዋን ደንዲዳዋንቱ እንጀቲዳዋንታን ጸሳ አሳቱዋ። ኤንቱንቱ ቦላ ላእኤገሉ ሀይቆ ዋልቃይ ባዋ። ኤንቱንቱ ጸሳዉን ክርሱቶሳዉ ቄሳቱዋ ግዳና፤ ኤንቱንቱ እናና አትፕ ሻእ ላይላዉ ሞዳና።

**ሴጻናይ ጸንቲዳ**

7 ሻእ ላይላይ ዉራዳዋፕ ጉይያን፣ ሴጻናይ ቃሹዋፕ ብለታና።

8 አ ሳእን ኡባ ሳን ደእያ አሳ ዘርላ ባለሳናዉ ከሳና፤ ሄዋ ጎጋን ማጎጎ ጌተትያዋ። ሴጻናይ አባ ሻፍያ ከና ዘርላ ኦላዉ ሸሻና።

9 ሄ ዛራቱ ቢታ ኡባ ማዪደ ገሻቱዋ ሄራን ጸሳይ ሲቅያ ካታማቶ ዩይ አፎ ኤቄድና። ሸን ታማይ ሳሉዋፕ ዋዲደ፣ ኤንቱንታ ሜዳ።

10 ዶእይን ዋርዶ ናቢ የገቲዳ ኤጽያ ዲንያ ታማ አባን ጸላህያ ካፑ፣ አሳ ዘርላ ባለሌዳዋ፣ የገቲዳ። ኤንቱንቱ ቃማን ጋላሰ መፎ መፎናዉ ፓጻ ካኤታና።

**ዉርሰሳ ፕርዳ**

11 ሄዋፕ ጉይያን፣ ታን ዋልቃማ ቦላ አራታን ሄ አራታን ኤቲዳዋ በእድ። ሳእይን ሳሉ አ ሰንሳፕ ባቃቲድና፤ ላእኤገሉ ቤትበይክና።

12 ሀይቁዳዋንቱ፣ ጶቁ ግያዋንቱን ጉላቱ አራታ ሰንሳን ኤቄዳዋንታ ታን በእድ። ማጻፋቱ ዶየቲድና፤ ሀራ ማጻፋቲ፣ ደእዋ ማጻፋቲካ ዶየቲዳ። ሀይቁዳዋንቱ ባርንቱ ኦሱዋዳን፣ ማጻፋቱዋን ጸፊት ኤቲዳዋዳንካ ፕርደቲድና።

13 አሳይ ባር ግዶን ደእያ ሀይቁዳዋንታ እሜዳ፤ ሀይቁን ሰእሊ ባርንቱ ግዶን ደእያ ሀይቁዳዋንታ አሜድና። ኡባይካ ባርንቱ ኦሱዋዳን ፕርደቲድና።

14 ሄዋፕ ጉይያን፣ ሀዩን ሰእሊ ታማ አባን የገቲድና። ሄ ታማ አባይ ላእኤገሉ ሀይቁዋ።

15 ደእዋ ማጻፋን ባር ሰንሳይ ጸፊትበና አሳይ ኦንን ታማ አባን የገቲዳ።

**21**

**ኦራሳ ሳሉዋን ኦራሳ ሳእ**

1 ሄዋፕ ጉይያን፣ ታን ኦራሳ ሳሉዋን ኦራሳ ሳእ በእድ። ኮይር ሳሉን ኮይር ሳእይ ቆዬዳ። አባይካ ቆዬዳ።

2 ጌሻ ካታማታ ኦራሳ የራሳላሙ፣ ባር አሰናዉ ማያደ ጊጌዳ ገልያ ዋዶር ናቲዳን፣ ጊጋ ኤቲዳዉና ሳሉዋፕ ጸሳ ማታፕ ዲገ ዋግዳና ታን በእድ።

3 ዋልቃማ ኮሻይ አራታፕ ሀዋዳን ያጊደ፣ ሃሳይሸን፣ ታን ሰሳድ፤ “ጸሳ ጎሊ አሳና ደኤ፤ ጸሳይ አሳና አትፕ ደእና። ኤንቱንቱ አ አሳ ግዳና፤ ጸሳይ ባር ሁጸዉ ኤንቱንቱና ደእና። አ ኤንቱንቱ ጸሳ ግዳና።

4 ጸሳይ ኤንቱንቱ እይፍያ እፎላ ኡባ ቁጫና። ሀዋፕ ሰንሳናዉ ሀይቁን ካዩ ዋይ ዋሱን ሳኩ ባዋ። አያዉ ሳፕ፣ ኤጫባይ ቆዬዳ” ያጌዳ።

5 አራታን ኤቲዳዋ፣ “ታን ኡባባ ኦራጽሳይ” ያጌዳ። ቃይካ ጉጁደ ታና፣ “ታን ሃሳይያዋ አማነትያዋን ቲማ ግድያ ድራዉ ጸፋ” ያጌዳ።

6 ቃይካ ታና ሀዋዳን ያጌዳ፤ “ፖለቲዳ። ታን አልፋን ኦሚጋ፤ ደመላን ፖሉዋ። ሳሙቲዳ ኦናን ታን ደእዋ ሃላ ፑልቲዋፕ ጮ ኤሻና።

7 ጸንያ ኡራይ ኦንን ሀዋ ኡባ ላታና። ታን እዉ ጸሳ ግዳና፤ እካ ታ ናኦ ግዳና።

20:2 ደመላ 3:1    20:4 ዳኤላ 7:9፣ 22    20:8 ሀዘ. 7:2፣ 38:2፣ 9፣ 15    20:11 ዳኤላ 7:9-10    21:1 ኢላ. 65:17፣ 66:22፣ 2 ጸጹ. 3:13    21:2 ኢላ. 52:1፣ 61:10፣ ሳፃ 3:12    21:3 ሀዘ. 37:27፣ ዋጋ 26:11፣ 12    21:4 ኢላ. 25:8፣ 35:10፣ 65:19    21:7 2 ሳሜላ 7:14፣ ማዘ. 89:26-27

8 ሸን ያይያዋንቱ፣ አማናዋንቱ፣ ቱናቱ፣ ሸምጥዋ ዋድያዋንቱ፣ ዋሹምያዋንቱ፣ ብትያዋንቱ፣ ኤቃው ገይንያዋንቱን ዋርዶትያዋንቱ ኡባይ ደእያ ሳእይ ታማይን ኤጽያ ዲኒ ኤጽያ አባ ግዳናዋ። ሄዋ ላኤንሎ ሀይቁዋ” ያጌዳ።

ኦራሳ የሩሳላዋ

9 ላፑ ዉርሰሳ ቦሻቱ ኩሚዳ ላፑ ከረቱዋ ኦይቁዳ ላፑ ከታንቻቱዋጥ እቱ ታኮ ዪደ ታና። “ሃያ። ታን ኔና ገለዉኖ ድርሳ ማቻቶ በሳና” ያጌዳ።

10 ከታንቻይ ታና ዳር ቶቃ ደርያ ሁጲያ አያናን ከሲደ ገሻ ካታማታ፣ የሩሳላማ ሳሉዋጥ ጸሳ ማታጥ ዲገ ዋግዉኖ ታና በሲዳ።

11 ሄ ካታማታ ጸሳ ቦንቹዋን ፖኦ። ሄ ካታማት ፖኦ ያሰጲድያ ጌተትያ አልኦ ሹቻ ማላ፤ ብርሊያዳን ጸላው።

12 ሄ ካታማትው ታማነ ላኤ ፐንገቱነ ሄ ፐንገቱዋን ታማነ ላኤ ከታንቻቱ ናግያ ዋልቃማ አዲሳ ድርሳይ ደኤ። ፐንገቱዋን ታማነ ላኤ አሰራኤልያ ዛራቱዋ ሱንሳይ ጸፈት ኡቱዳ።

13 አዋይ ዶልያ ባጋና ሄዙ ፐንገቱ ደኤና። ቃይ ሀርክ ባጋና ሄዙ ፐንገቱነ ሁጲሳ ባጋና ሄዙ ፐንገቱ ደኤና። አዋይ ዉልያ ባጋናካ ሄዙ ፐንገቱ ደኤና።

14 ካታማት ድርሳይ ድርሳይ ከቲዳ ታማነ ላኤቱዋ ሱንሳይ ጸፈቲዳ ታማነ ላኤ ሹቻቱዋ ቦላ ግምበቲዳ።

15 ታናና ሃሳዬዳ ከታንቻው ካታማቶ፣ አዝ ፐንገቱዋን አዝ ድርሳ ልክያ ዋርቃ ጋትማይ ደኤ።

16 ካታማትው አይዳ ጋጸይ ደኤ፤ ካታማት ጌሳይን ጎምፓይ እት ማላ። ከታንቻይ ካታማቶ ባረ ጋትማን ልኬዳ። ካታማታ ላኤ ሻእነ ላኤ ጼቱ ከሎ ሚትርያ ግዳዲ፤ ካታማት ጌሳይ፣ ጎምፓይነ ቶቃተሳይ እት ማላ።

17 ከታንቻይ ቃይ ድርሳካ ልኬዳ። አሳ ኩሸያን እት ጴታን ኦይታማነ ኦይዱ ዋቆ ግዳዳ። ሄዋ ኦን ልክያ ኦግያን ከታንቻይ ልክናዳ።

18 ካታማት ድርሳይ ያሰጲድያ ጌተትያ ሹቻን ድረቲዳ። ካታማታ ብርሊያዳን ጸልያ ጌሻ ዋርቃን ሙታዳ።

19 ካታማት ድርሳው ሂጸቲዳ ሹቻይ ቦንቹቲዳ ሹቻ ኡባን አሌቁቲዳ፤ ኮይሮ ሂጸቲዳ ሹቻይ ያሰጲድያ፤ ላኤንሎ ሳምፔርያ፤ ሄዘንሎ ከልቁዶንያ፤ ኦይደንሎ ባሉርያ፤

አቼሸንሎ ሳርድንካሳ፤ ኡሱፑንሎ ሳርድኖና፤ ላፑንሎ ክርስትሎባ፤ ሆሰፑንሎ ብራል፤ ኡዲፑንሎ ቶጳዝኖንያ፤ ታሙንሎ ክርሰጵራሲሳ፤ ታማነ እተንሎ ያክክትያ፤ ታማነ ላኤንሎ አሙተሰጵኖሰያ።

21 ታማነ ላኤ ፐንገቱ ታማነ ላኤ አንቁዋ ጌተትያ አልኦ ሹቻ፤ እት እት ፐንገ ኦት አንቁዋን ኦሰቲዳ። ካታማት ኦጊ ብርልያ ማላ ጌሻ ዋርቃ።

22 ጎዳይ፣ ኡባጥ ዋልቃማ ጸሳይን ድርሳይ ካታማት ጌሻ ጎልያ ግድያ ድራው፣ ታን ሄ ካታማትን ጌሻ ጎልያ በአበይከ።

23 ካታማትው ፖኦ አዋይ ዋይ አገናይ ኮሸና። አያው ጎጥ፣ ጸሳ ቦንቹ ሄ ካታማትን ፖኦ፤ ድርሳይካ ሄ ካታማትው ጸምፕያ።

24 አሳ ዘረሳይ ካታማት ፖኦቱን ሀሙታና። ሳኦ ካታቱካ ባረንቱ ቦንቹዋ ሄ ካታማትኮ አሀና።

25 ካታማት ፐንገቱ ኡባ ጋላሰካ ዶያ ደኤና፤ ኡባካ ጎርደትክና። አያው ጎጥ፣ ሄዋን ቃማይ ባዋ።

26 አሳ ዘረሳ ግታተሳይን ቦንቹ ሄ ካታማትኮ ሺቃና።

27 ሸን ቱናባይ ዋይ ካዉሻባ ኦልያዌ፣ ዋይ ዋርዶትያዌ ኦንነ ሄ ካታማቶ ገለና። ቃይ ድርሳ ደኡዋ ማጸፋን ሱንሳይ ጸፈቲዳዋንቱ ጸላላይ ሄ ካታማቶ ገለና።

22

1 ሄዋጥ ጉይያን፣ ከታንቻይ ታና ጸሳ ካዉተላ ኦይድያጥን ድርሳ ካዉተላ ኦይድያጥ ጎግያ ብርሊያዳን ጸልያ ደኡዋ ሃሳ ሻፋ በሲዳ።

2 ሄ ሻፋይ ካታማ ኦግያ ግዲዋና ዲገ ጎጌ። ሻፋጥ ሄናጎላ ባጋናን ሀናጎላ ባጋና አገናን እት ገደነ ሳይላን ታማነ ላኤ ገደ አይፍያ ደኡዋ ሞላይ ደኤ። ሄ ሞላ ቦንቹ ደኤያዌ፣ ዛርያ ኡባ ሀርግያጥ ፓላናሳ።

3 ሄ ካታማን ጸሳ ሸቃይ እይነ ባዋ። ጸሳ ካዉተላ ኦይዲን ድርሳ ካዉተላ ኦይዲ ሄ ካታማን ደኤና። ጸሳ ኦሳንቻቱ ያሳው ጎይናና።

4 አንቲንቱ ኦ ዴሙዋ በአና፤ ኦ ሱንሳይ አንቲንቱ ዴሙዋን ጸፈታና።

21:10 ህዘ. 40:2    21:12 ህዘ. 48:30-35    21:15 ህዘ. 40:3    21:18 ኢሳ. 54:11-12    21:23 ኢሳ. 60:19-20    21:24 ኢሳ. 60:3    21:27 ኢሳ. 52:1፤ ህዘ. 44:9    22:1 ህዘ. 47:1፤ ዛካ. 14:8    22:2 ዶዉላ 2:9፤ ህዘ. 47:12    22:3 ዛካ. 14:11

5 ሄዋጥ ሰንገላው ሀራ ቃማይ ባዋ። ኡንቱንቶ ጸምጥያ ወይ እዋ ፖኡዋ ኮሸና፤ እያው ጎጥ፣ ጎዳይ ጸሳይ ኡንቱንቶ ጸምጥያ ግዳናዋ። ኡንቱንቱ መጅ መጅናው ካተታና።

የሱሳ ዩሳ

6 ሄዋጥ ጉይያን፣ ኪታንቻይ ታና ሀዋዳን ያጌዳ፤ “ሀ ታን ሃሳይያዌ ቱሙዋን እማንትያዋ። ናባቶ ባረ ጌሻ እያና እምያ ጎዳይ ጸሳይ፣ ማታን ሀናናው በሰያዋ ባረ ኡሳንቻቱዋ በሳናው ባረ ኪታንቻ ኪቱዳ” ያጌዳ።

7 የሱሰ፣ “በእ! ታን ኤለካ ያና። ሀ ማጸፋን ደእያ ትምቢትያ ናግያዋንቱ እንጀቴዳዋንታ” ያጌዳ።

8 ታን የሃንሰ፣ ሀ ኡባባ ሰሳድን በእድ። ታን ሀዋ ሰሴዳ ወደነ በኤዳ ወደ፣ ሄዋ ታና በሴዳ ኪታንቻው ጎይናናው፣ እ ገድያን ከንዳድ።

9 ሸን ኪታንቻይ ታና፣ “ሄዋ ኦላፓ። ታን ኔናዳንነ ናቦ ግዴዳ ነ እሻቱዋዳን፣ ቃይ ማጸፋን ደእያባው እዛዘትያ ኡባቱዋዳን እይልያ። ጸሳው ጎይና” ያጌዳ።

10 ሄዋጥ ጉይያን፣ ኪታንቻይ ታና፣ “ሀናና ጌዳ ሀ ማጸፋ ቃላ ማታፋን ጎርዶፓ። እያው ጎጥ፣ ሀ ኡባባይ ፖለትያ ዋዲ ማታቱዳ።

11 ኢታባ ኦሳያዌ ጉጂደካ ኢታባ ኦላ፤ ቱናይ ጉጂደካ ቱና። ሎኦባ ኦሳያዌ ጉጂደካ ሎኦባ ኦላ፤ ጌሻይነ ጉጂደካ ጌሻ ግዶ” ያጌዳ።

12 የሱሰ፣ “በእ! ታን ኤለካ ያና። አሳ ኡባው እ ኦሱዋዳን እማናው፣ ታ ወይታ አካ ያና።

13 ታን አልፋን ኦሚጋ፤ ኮይሩዋን ወርሰሳ፤ ደመሳነ ፖሉዋ” ያጌዳ።

14 ባረንቱ ማዌዋ ጌሽ ሜጭያዋንቱ እንጀቴዳዋንታ። ደኡዋ ምሳ አይፍያ ማናውነ ካታማ ፐንግያና ገላናው ኡንቱንቶ ማታይ እመቱዳ።

15 ሸን ካናቱ፣ ብትያዋንቱ፣ ዋሹምያዋንቱ፣ ሸምጥዋ ዋጅያዋንቱ፣ ኤቃው ጎይንያዋንቱን ባረንቱ ሃሳያንነ ባረንቱ ኪታን ዋርዶትያዋንቱ ካረና ደእኖ።

16 “ታን የሱሰ፣ ሀ የወዋ ህንተንቶ ዋሳ ጎለቱዋን ማርካታና ማላ፣ ታ ኪታንቻ ኪታድ። ታን ዳዊታ ጎልያ የለታ። ታን ፖእሰያ ዋንታ ባካልያ” ያጌዳ።

17 ጌሻ እያናይነ ገለውና፣ “ሃያ” ያጌድ። ቃይ ሀዋ ሰሰያዌ ኦንነ፣ “ሃያ” ያገ። ሳመቱዳ አሳይ ኦንነ ሃ ዮ። ደኡዋ ሃሳ ኮይያ አሳይ ኦንነ ጮ አኮ።

18 ታን ሀ ማጸፋን ጸፈቴዳ ሀናና ጌዳ ቃላ ሰሰያ ኦናነ ዞራይ። ኦንነ ሀ ቃላ ቦላ እትባ ጉጀፕ፣ ጸሳይ ሀ ማጸፋን ጸፈቴዳ ቦሻ እ ቦላ ጉጀና።

19 ኦንነ ማጸፋን ደእያ ትምቢትያ ቃላጥ እያነ ፓጭሶፕ፣ ሀ ማጸፋ ግዶን ቆንጭሴዳ ደኡዋ ምሳ አይፍያፕነ ጌሻ ካታማፕ እ ጋክያ ግሹዋ ጸሳይ ፓጭሳና።

20 ሀ ኡባባው ማርካትያዌ፣ “ቱማ! ታን ኤለካ ያና” ያጌ።

እመንእ። ጎዳ የሱሰ፣ ኔን ሃያ።

21 ጎዳ የሱሰ ክርሰቶሳ አጅ ኪካተሳይ ህንተናና \* ኡባና ግዶ። እመንእ።

22:5 እሳ. 60:19፤ ዳኤላ 7:18    22:11 ዳኤላ 12:10    22:12 እሳ. 40:10፤ 62:11፤ ማዘ. 28:4፤ ኤር. 17:10  
22:13 ሳፍ 1:8፤ 17፤ 2:8፤ እሳ. 44:6፤ 48:12    22:14 ደመሳ 2:9፤ 3:22    22:16 እሳ. 11:1፤ 10    22:17  
እሳ. 55:1    22:19 ዛረ. 4:2፤ 12:32    \* 22:21 ህንተናና- ጮራ ሀራ ብለላቱዋን፣ ጸሳ አሳ ኡባና ያጌ።